



L 34. g. h. cl-

354

Alexander Cowie

8/6

1875

I. 55



~~From North & West~~ Society

1835

Alexander Gordon

1835

ALEXANDER GORDON



Alexander Gordon

Pelagoum

Black & P.



LEABHRAICHEAN

AN

# T-S E A N N T I O M N A I D H

AGUS AN

## TIOMNAIDH NUAIDH:

AIR AN TARRUING

O NA CEUD CHÀNUINIBH CHUM GAELIC ALBANAICH

*Air iarrtus na Cuideachd urramaich, a ta chum Eòlas Crìosdaidh a sgaoileadh  
air feadh Gàeltachd agus Eileana na h-Alba.*



LONDON:

PRINTED FOR THE BRITISH AND FOREIGN BIBLE SOCIETY,

*Instituted in the Year 1804;*

FROM THE LAST CORRECTED EDITION OF THE SOCIETY IN SCOTLAND FOR  
PROPAGATING CHRISTIAN KNOWLEDGE;

And sold to Subscribers only, at the Society's House,  
Earl Street, Blackfriars, London.

1821.



---

B. BENSLEY, Bolt Court, Fleet Street.



*Leabhraichean an T-Seann Tiomnaidh.*

	CAIB.		CAIB.
GENESIS; anns am bheil .....	50	Ecclesiastes .....	12
Ecsodus .....	40	Dan Sholaimh .....	8
Lebhiticus .....	27	Isaiah .....	66
Aireamh .....	36	Ieremiah .....	52
Deuteronomi .....	34	Tuireadh .....	5
Iosua .....	24	Eseciel .....	48
Breitheamhna .....	21	Daniel .....	12
Rut .....	4	Hosea .....	14
I. Samuel .....	31	Ioel .....	3
II. Samuel .....	24	Amos .....	9
I. Rìgh .....	22	Obadiah .....	1
II. Rìgh .....	25	Ionah .....	4
I. Eachdraidh .....	29	Micah .....	7
II. Eachdraidh .....	36	Nahum .....	3
Esra .....	10	Habacuc .....	3
Nehemiah .....	13	Sephaniah .....	3
Ester .....	10	Hagai .....	2
Iob .....	42	Sechariah .....	14
Sailm .....	150	Malachi .....	4
Gnath-Fhocail .....	31		



# CEUD LEABHAR MHAOIS,

D' AN AINM

## GENESIS.

### CAIB. I.

'S AN toiseach chruthaich Dia<sup>1</sup> na neamh-  
an agus an talamh.

2 Agus bha'n talamh gun dealbh<sup>2</sup> agus  
falamh; <sup>3</sup> agus bha dorchadas air<sup>4</sup> aghaidh  
na doimhne: <sup>5</sup> agus bha Spiorad Dé a'  
gluasad<sup>6</sup> air aghaidh nan uisgeacha.

3 Agus thubhairt<sup>7</sup> Dia, Biodh solus ann:  
agus bha solus ann.

4 Agus chunnaic<sup>8</sup> Dia an solus, gu'  
'n robh<sup>10</sup> e math: <sup>11</sup> agus chuir Dia deal-  
lachadh eadar an solus agus an dorchad-  
das.

5 Agus dh'ainmich Dia an solus Là,<sup>12</sup>  
agus an dorchadas dh'ainmich e Oidhche:  
agus b'iad am feasgar agus a'mhadainn an  
ceud là.

6 Agus thubhairt Dia, Biodh athar<sup>13</sup>  
'am meadhon nan uisgeacha, agus cuireadh  
e dealachadh eadar uisgeachan agus uis-  
geacha.

7 Agus rinn Dia an t-athar, agus chuir  
e dealachadh eadar na h-uisgeachan a bha  
fuidh'n athar, agus na h-uisgeachan a bha  
os cionn<sup>14</sup> an athair: agus bha e mar  
sin.

8 Agus dh'ainmich Dia an t-athar Nè-  
amh: agus b'iad am feasgar agus a'mha-  
dainn<sup>15</sup> an dara<sup>16</sup> là.

9 Agus thubhairt Dia, Cruinnichear na  
h-uisgeachan a ta fuidh nèamh a dh'aon  
àite, agus leigear ris am fearann tioram:<sup>17</sup>  
agus bha e mar sin.

10 Agus dh'ainmich Dia am fearann tior-  
am Talamh, agus cruinneachadh nan uis-  
geacha dh'ainmich e Fairgeachan:<sup>18</sup> agus  
chunnaic Dia gu' n robh e math.

11 Agus thubhairt Dia, Thugadh an ta-  
lamh amach fear luibh a ghineas siol,  
craobh-mheas a bheir amach meas<sup>19</sup> a  
réir a gnè,<sup>20</sup> aig am bheil a siol<sup>21</sup> innte  
féin air an talamh: agus bha e mar sin.

12 Agus thug an talamh amach fear,  
luibh a ghineas siol a réir a gnè, agus  
craobh a bheir amach meas, aig am bheil a  
siol innte féin a réira gnè: agus chunnaic  
Dia gu' n robh e math.

13 Agus b'iad am feasgar agus a' mha-  
dainn an treas là.

14 Agus thubhairt Dia, Biodh soluis<sup>22</sup>  
ann an speuraibh nèimh, a chur dealachaidh  
eadar an là agus an oidhche, agus bitheadh  
iad air son chomharan,<sup>23</sup> agus air son  
aimsirean, agus air son lài,<sup>24</sup> agus bhli-  
adhna.

15 Agus biodh iad mar sholusan<sup>25</sup>  
ann an speuraibh nèimh, a thoirt soluis air  
an talamh:<sup>26</sup> agus bha e mar sin.

16 Agus rinn Dia dà sholus mhòr, an  
solus a's mò a riaghladh an latha,<sup>27</sup> agus  
an solus a's lugha a riaghladh na h-oidhche;  
agus na reulta.<sup>28</sup>

17 Agus shuidhich Dia iad ann an speu-  
raibh nèimh, a thoirt<sup>29</sup> soluis air an ta-  
lamh,

18 Agus a riaghladh 'san là, agus 'san  
oidhche,<sup>30</sup> agus a chur dealachaidh eadar  
an solus agus an dorchadas: agus chunnaic  
Dia gu' n robh e math.

19 Agus b'iad am feasgar agus a mha-  
dainn an ceathramh là.

20 Agus thubhairt Dia, Thugadh na  
h-uisgeachan a mach gu pailt an creutair  
gluasadach, anns am bheil beatha,<sup>31</sup> agus  
biodh eunlaith ag itealach<sup>32</sup> os cionn na  
talmhainn air aghaidh speura nèimh,<sup>33</sup>

21 Agus chruthaich Dia muca-mara<sup>34</sup>  
mòra, agus gach uile chreutair beo a ghlu-  
aiseas, a thug<sup>35</sup> na h-uisgeachan amach  
gu pailt a réir an gnè, agus gach eun itea-  
gach<sup>36</sup> a reir a ghnè: agus chunnaic Dia  
gu' n robh e math.

22 Agus bheannaich Dia iad, ag ràdh,  
Siolaichibh, agus fàisibh lionmhor, agus

<sup>1</sup> an t-Uile-chumhachdach. <sup>2</sup> gun chumadh,  
gun dreach. <sup>3</sup> fàs; folamh. Eir. <sup>4</sup> er.  
<sup>5</sup> an aigein. <sup>6</sup> a' gur gu caomh. <sup>7</sup> thuir; a  
dubhairt. Eir. <sup>8</sup> chonnaire. Eir. <sup>9</sup> go.  
Eir. <sup>10</sup> ro; raibh. Eir. <sup>11</sup> mailh. <sup>12</sup> ghoir  
Dia do'n t-solus Latha. <sup>13</sup> aidhear, iormoilt,  
speuran. <sup>14</sup> os ceann. <sup>15</sup> do budh e an nòin  
agus an mhaidean. Eir. <sup>16</sup> darna. <sup>17</sup> an  
talamh tioram, an ùir thioram. <sup>18</sup> maranna,  
cuanta. <sup>19</sup> a thilgeas, air am fàs meas.

<sup>20</sup> cineil, seòrta. <sup>21</sup> fras, ros. <sup>22</sup> lochrain.  
<sup>23</sup> mar chomharthan. <sup>24</sup> laethe. <sup>25</sup> air son  
sholusan, 'nan lòchranaibh. <sup>26</sup> a shoill-  
seachadh nu talmhainn. <sup>27</sup> là, lo. <sup>28</sup> rean-  
naga, rionnagan. <sup>29</sup> a thubhairt. <sup>30</sup> a  
riaghladh an latha agus na h-oidhche. <sup>31</sup> anam  
beo. Eabl. <sup>32</sup> agus eunlaith a dh'itealaicheas.  
<sup>33</sup> ann an speu-raibh nèimh. <sup>34</sup> miola. Eir.  
<sup>35</sup> noch thugadar. Eir. <sup>36</sup> sgiathach,  
sgiathanach.

lìonaibh na h-uisgeachan anns na fairgibh, agus fasadh an eunlaith lionmhor air an talamh.

23 Agus b'iad am feasgar agus a mhadainn an cùigeadh là.

24 Agus thubhairt Dia, Thugadh an talamh amach an creutair beo a réir a ghné, spréidh, agus gach ní a shnáigeas,<sup>1</sup> agus beathaiche<sup>2</sup> na talmhainn a réir an ghné: agus bha e mar sin.

25 Agus rinn Dia beathaiche na talmhainn a réir an ghné, agus an spréidh a réir an ghné, agus gach ní a shnáigeas air an talamh a réir a ghné: agus chunnaic Dia gu'n robh e math.

26 Agus thubhairt Dia, Deanamaid duine 'nar dealbh féin,<sup>3</sup> a réir ar coslais féin, agus biodh uachdranachd aca os cionn éisg na mara, agus os cionn eunlaith nan speur<sup>4</sup> agus os cionn na spréidhe, agus os cionn na talmhainn uile, agus os cionn gach ní a shnáigeas ata snáigeadh air an talamh.

27 Agus chruthaich Dia an duine 'na dhealbh féin; ann an dealbh Dhé chruthaich se 'e: firionnach agus bainionach<sup>5</sup> chruthaich e iad.

28 Agus bheannaich Dia iad, agus thubhairt Dia riu, Siolaichibh agus fásaibh lionmhor, agus lìonaibh an talamh, agus ceannsaichibh e; agus biodh uachdranachd agaibh os cionn éisg na mara, agus os cionn eunlaith nan speur, agus os cionn gach ní beò a ghluaiseas air an talamh.

29 Agus thubhairt Dia, Feuch, thug mi dhuibh gach luibh a ghineas siol, a tu air aghaidh na talmhainn uile, agus gach craobh anns an bheil meas craoibh a ghineas siol; dhuibhse bithidh e mar bhiadh.<sup>6</sup>

30 Agus do uile bheathaichibh<sup>7</sup> na talmhainn, agus do uile eunlaith nan speur, agus do gach ní a shnáigeas air an talamh, anns an bheil beatha,<sup>8</sup> thug mi gach luibh ghorm<sup>9</sup> mar bhiadh: agus bha e mar sin.

31 Agus chunnaic Dia gach ní a rinn e, agus feuch, bha e ro mhath. Agus b'iad am feasgar agus a mhadainn an seathadh<sup>10</sup> là.

## CAIB. II.

**A** GUS chrìochnaichheadh na neamhan agus an talamh, agus an sluagh uile.

2 Agus chrìochnaich Dia air an t-seachdamh là obair a rinn e; agus ghabh e feis<sup>11</sup> air an t-seachdamh là o obair uile a rinn e.

3 Agus bheannaich Dia an seachdamh

là, agus naomhaich se e: do bhri' gur ann air a ghabh e fois o obair uile, a chruthaich Dia agus a rinn e.

4 'Siad so ginealach nan neamh agus na talmhainn, 'nuair a chruthaichheadh iad, 'san là 'n d' rinn an Tighearna<sup>12</sup> Dia an talamh agus na neamha.

5 Agus cha robh uile phreas na machrach fathast anns an talamh, agus cha d'fhàs fathast uile lus na machrach;<sup>13</sup> do bhri' nach d' thug an Tighearna Dia air uisge frasadh<sup>14</sup> air an talamh, agus cha robh duine ann a shaoithreachadh na talmhainn.

6 Ach chaidh ceò suas o'n talamh, agus dh'uisgich e aghaidh na talmhainn uile.

7 Agus dhealbh an Tighearna Dia an duine do dhuslach na talmhainn: agus shéid e ann an cuineinibh<sup>15</sup> a shroine anail na beatha; agus dh'fhàs an duine 'na anam beò.

8 Agus shuidhich<sup>16</sup> an Tighearna Dia gàradh<sup>17</sup> ann Eden 'san airde 'n ear, agus chuir e ann an sin an duine a dhealbh e.

9 Agus thug an Tighearna Dia air gach uile chraoibh fàs as an talamh ata taitneach do'n t-sealladh, agus math a chum bidh: craobh na beatha mar an ceudna, ann am meadhon a' ghàraidh, agus craobh an eòlais mhaith agus uile.

10 Agus chaidh abhainn<sup>18</sup> a mach a h-Eden a dh'uisgeachadh a' ghàraidh; agus as sin roinneadh i, agus dh'fhàs i 'na ceithir cheannaibh.<sup>19</sup>

11 'Se ainm na ceud aibhne Pison; so i ata cuartachadh tìre Chabhalaih uile, far am bheil òr.

12 Agus a tu òr na tìre sin math: 'an sin<sup>20</sup> a tu bdellium agus a' chlach onics.

13 Agus 'se ainm na daradh aibhne Gihon: 'si sin ata cuartachadh tìre Chuis<sup>21</sup> uile.

14 Agus 'se ainm na treas aibhne Hiddecel: 'si sin a tha dol do'n taoibh an ear do Assiria. Agus 'si 'n ceathramh abhainn Euphrates.

15 Agus ghabh an Tighearna Dia an duine, agus chuir se e ann an gàradh Edein, g'a shaoithreachadh<sup>22</sup> agus g'a ghleidheadh.

16 Agus dh'àithn an Tighearna Dia do'n duine, ag ràdh, Do gach uile chraoibh 'sa ghàradh feudaidh tu itheadh gu saor:

17 Ach do chraoibh an eòlais<sup>23</sup> mhaith agus uile, cha'n ith thu dh'i sin; oir anns an là dh'itheas tu dhith, gu cinnteach bàsaichidh tu.

<sup>1</sup> chrùbas; shnàigheas, shnàmhias. Eir.  
<sup>2</sup> fiadh bheuthaiche.

<sup>3</sup> òmhaigh, cruth.

<sup>4</sup> nheim, an athair.

<sup>5</sup> fear agus bean, firionn agus boireann.

<sup>6</sup> air son bith.

<sup>7</sup> gach uile bheuthach.

<sup>8</sup> anam beo. Eabh.

<sup>9</sup> ghlas.

<sup>10</sup> seiseadh. Eir.

<sup>11</sup> rinn e tamh.

<sup>12</sup> Jehobhah. Eabh.

<sup>13</sup> Agus gach uile phreas na machrach mu'n robh e anns an talamh,

agus gach uile lus na machrach mu'n d'fhàs e.

<sup>14</sup> sìleadh.

<sup>15</sup> pollaibh, pollaraibh, coir' lionaibh.

<sup>16</sup> phlanndaich, dheasaich.

<sup>17</sup> lios.

<sup>18</sup> amhainn.

<sup>19</sup> as sin sgaoil, agus dh'fhàs i 'na ceithir meuraibh.

<sup>20</sup> ann an sin.

<sup>21</sup> Arabia; Ethiopia, Sasg.

<sup>22</sup> dheasachadh,

<sup>23</sup> fhios.



18 Agus thubhairt an Tighearna Dia, Cha<sup>1</sup> 'n'eil e math gu'm biodh an duine 'na aonar: Ni mi dha còmhnaidh<sup>2</sup> d'a réir féin.<sup>3</sup>

19 Agus dhealbh an Tighearna Dia as an talamh uile bheathaiche na machrach, agus uile eunlaith nan speur, agus thug e iad a chum Adhaimh, a dh'fhaicsinn cionnas a dh'ainnicheadh e iad: agus ge b'e ainm a thug Adhamh air gach creutair beo,<sup>4</sup> b'e sin a b'ainm dha.

20 Agus thug Adhamh ainmeana do'n spréidh uile, agus do eunlaith nan speur, agus do uile bheathaichibh na machrach: ach do Adhamh cha d'fhuairadh còmhnaidh d'a réir féin.

21 Agus thug an Tighearna Dia air codal trom tuiteam air Adhamh, agus choidil e: agus ghabh e h-aon d'a ainsibh, agus dhuin e 'n fheoil suas 'na h-àite.

22 Agus thug<sup>5</sup> an Tighearna Dia an aisean a thug e o'n duine suas 'na mnaoi, agus thug e i chum an duine.

23 Agus thubhairt Adhamh, So a nis<sup>6</sup> cnàimh do m' chnàmhaidh, agus feoil do m' fheoil-sa: goirear bean<sup>7</sup> dith, do bhrì' gur ann as an duine<sup>8</sup> thugadh i.

24 Air an aobhar sin<sup>9</sup> fàgaidh fear athair agus a mhàthair, agus dlùleanaidh se r'a mhnai; agus bithidh iad 'nan aon fheoil.

25 Agus bha iad le chèile lomnochd, an duine agus a bhean; agus cha robh nàir' orra.

## CAIB. III.

**A**NIS bha 'n nathair<sup>10</sup> ni bu sheol-ta<sup>11</sup> na h-aon do bheathaichibh na machrach a rinn an Tighearna Dia; agus thubhairt i ris a' mhnai, Seadh, an dubhairt Dia, Cha 'n ith sibh do gach craoibh 'sa' ghàradh?

2 Agus thubhairt a' bhean ris an nathair, Do mheas craobhan a' ghàraidh feudaich sinn itheadh:

3 Ach do mheas na craoibh a ta ann am meadhon a' ghàraidh, thubhairt Dia, Cha'n ith sibh dheth, agus cha bhean sibh ris, a chum nach fuigh<sup>12</sup> sibh bas.

4 Agus thubhairt an nathair ris a' mhnai, Gu cinnteach cha 'n fhuigh sibh bas.

5 Oir ata fios aig Dia, 'san là a dh'itheas sibh dheth, gu'm fosgailear bhur<sup>13</sup> suilean, agus gu'm bi sibh mar dhée, fiosrach air math agus air olc.

6 Agus chunnaic a' bhean gu'n robh a' chraobh math a chum bidh, agus gu'n robh i taitneach do 'n t suil,<sup>14</sup> agus 'na craoibh r'a miannachadh a dheanamh neach glic; agus ghabh i d'a meas agus dh'ith i, agus

thug i mar an ceudna d'a fear maille ris, agus dh'ith e.

7 Agus dh'fhosgadh an sùile le chèile, agus dh'aithnich iad gu'n robh iad lomnochd; agus dh' fhuair iad duilleach croinn-fhigis r'a chèile, agus rinn iad dhoibh féin aprain.<sup>15</sup>

8 Agus chual' iad guth an Tighearna Dé ag imeachd<sup>16</sup> 's a' ghàradh am fionn-fhuairachd an là: agus dh'fholach Adhamh agus a bhean iad féin o ghnùis an Tighearna Dé am measg chraobh a' ghàraidh.

9 Agus dh'éigh<sup>17</sup> an Tighearna Dia air Adhamh, agus thubhairt e ris, C'ait an bheil thu?

10 Agus thubhairt e, Chuala mi do ghuth 'sa' ghàradh, agus bha eagal orm a chionn gu'n robh mi lomnochd,<sup>18</sup> agus dh'fholach mi mi féin.

11 Agus thubhairt e, Cò dh'innis dhuit gu'n robh thu lomnochd? An d'ith thu do'n chraoibh, a dh'aitn mise dhuit gun itheadh dhith?

12 Agus thubhairt an duine, A' bhean a thug thu gu bhi maille rium, thug ise dhamh do'n chraoibh, agus dh'ith mi.

13 Agus thubhairt an Tighearna Dia ris a' mhnai, Ciod e so a rinn thu? agus thubhairt a' bhean, Mheall an nathair mi, agus dh'ith mi.

14 Agus thubhairt an Tighearna Dia ris an nathair, A chionn gu'n d' rinn thu so, tha thu mallaichte thar gach ainmhidh,<sup>19</sup> agus thar uile bheathaiche na machrach: air do bhroinn imichidh tu, agus duslach<sup>20</sup> ithidh tu uile lài<sup>21</sup> do bheatha.

15 Agus cuiridh mi naimhdeas eadar thus' agus a bhean, agus eadar do shiols' agus a siol-sa: bruthaidh esan<sup>22</sup> do cheann, agus bruthaidh tusa a shàil-san.

16 Ris a' mhnai thubhairt e, Meud-daichidh mi gu mòr do dhoilgheas agus do thoirrcheas; am péin beiridh tu clann, agus re t'fhear bithidh do thogradh,<sup>23</sup> agus bithidh uachdranachd aige ort.<sup>24</sup>

17 Agus re h-Adhamh thubhairt e, Do bhrì' gu'n d'éisd thu re guth do mhnà, agus gu'n d'ith thu do'n chraoibh a dh'aitn mise dhuit, ag ràdh. Cha'n ith thu dhith, tha'n talamh, mallaicht' air do shon; ann an doilgheas ithidh tu dheth uile lài' do bheatha.

18 Agus droighionn agus cluairain<sup>25</sup> bheir e' mach dhuit, agus ithidh tu luibh na machrach.

19 Am fallus<sup>26</sup> do ghnùis ithidh tu aran, gus am pill thu dh' ionnsuidh na

<sup>1</sup> Cho. <sup>2</sup> cunghnamh. Eir. <sup>3</sup> a bhios iomchuidh dha, cosmhuil ris féin. <sup>4</sup> thug e iad a dh' ionnsuidh Adhaimh, a dh'fhaicsinn ciod a ghoireadh e dhiubh; agus ge b'e air bith a ghoir Adhamh do gach uile chreutair beo. <sup>5</sup> rinn. <sup>6</sup> a nois. Eir. <sup>7</sup> ish. Eabh. <sup>8</sup> àdhbar. <sup>9</sup> aithir. <sup>10</sup> innleachdaiche, raideile, shiteile, charaiche, chuillbheartaiche.

<sup>11</sup> an t-eagal gu'm fuigh. <sup>12</sup> ar. <sup>13</sup> na sùilb. <sup>14</sup> criosan. Eabh. <sup>15</sup> a' spaisdeireachd, a' sruid-meachd. <sup>16</sup> ghoir, ghairm, ghlaodh. <sup>17</sup> a chionn mi bhi ruisgte. <sup>18</sup> Go de so a rinn thu? <sup>19</sup> spréidh. <sup>20</sup> àir. <sup>21</sup> Ræthe, lathachan. <sup>22</sup> e-san, eisean. <sup>23</sup> iartus. <sup>24</sup> os do chionn. <sup>25</sup> oighionnach: foghannain. Eir. <sup>26</sup> follus.

talmhainn;<sup>1</sup> oir aisde thugadh thu: oir is duslach thu, agus gu duslach pillidh tu.

20 Agus thug Adhamh Eubha mar ainm air a mhnaoi, do bhri' gu'm bi màthair nan uile bheo i.

21 Agus rinn an Tighearna Dia do Adhamh agus d'a mhnaoi, còtaichean croicinn, agus chòmhaich e iad.<sup>2</sup>

22 Agus thubhairt an Tighearna Dia, Feuch, ata'n duine air fàs mar aon dhinn fèin, fiosrach air math agus ole. Agus a nis an t-eagal gu'n sìneadh, e mach a làmh, agus gu'n gabhadh e mar an ceudna do chraoibh na beatha, agus gu'n itheadh e, agus gu'm biodh e beo gu sìorruidh:

23 Air an aobhar sin chuir an Tighearna Dia a mach e a gàradh Edein a shaoithreachadh na talmhainn, as an d'thugadh e.

24 Agus d'fhògair e, mach an duine; agus shuidhich e 'san taobh an ear do ghàradh Edein Cherubim,<sup>3</sup> agus clòidheamh lasrach,<sup>4</sup> a bha tionndadh air gach làimh, a ghleidheadh<sup>5</sup> slighe craoibh na beatha.

#### C A I B. IV.

**A**GUS dh'aithnich Adhamh a bhean Eubha, agus dh'fhàs i torrach,<sup>6</sup> agus rug i Cain agus thubhairt i, Fhuair mi duine o'n Tighearna.

2 Agus a ris rug i a bhràthair Abel: agus bha Abel 'na bhuachaille chaorach, ach bha Cain 'na treabhaiche fearainn.<sup>7</sup>

3 Agus tharladh<sup>8</sup> an ceann lài' àraidh,<sup>9</sup> gu'n d' thug Cain do thoradh an fhearainn tabhartas<sup>10</sup> do'n Tighearna.

4 Agus thug Abel mar an ceudna do cheud-hinibh a thréid, agus d'an saill: agus bha meas aig an Tighearn air Abel agus air a thabhartas:

5 Ach air Cain, agus air a thabhartas, cha robh meas aige. Agus bha Cain fuidh throm fheirg,<sup>11</sup> agus thuit a ghnùis.<sup>12</sup>

6 Agus thubhairt an Tighearna re Cain, C'ar son a tha fearg ort? agus c'ar son a thuit do ghnùis?

7 Ma ni thu gu math, nach gabhar riut? agus mur dean thu gu math, aig an dorus tha peacadh 'na luidhe. Agus riutsa bithidh a tho-gradh, agus bithidh uachdranachd agad air.

8 Agus labhair Cain re h-Abel<sup>13</sup> a bhràthair: agus 'nuair a bha iad 'sa mha-chair,<sup>14</sup> dh'éirich Cain suas an aghaidh Abeil a bhràthar, agus mharbh se e.

9 Agus thubhairt an Tighearna re Cain, C'ait' am bheil Abel do bhràthair? Agus thubhairt esan, Cha'n 'eil fhios agam.<sup>15</sup> Am mise fear-gleidhidh mo bhràthar?

10 Agus thubhairt esan, Ciod a rinn

thu? Tha guth fola do bhràthar ag éigheach riumsa o'n talamh.

11 Agus a nis tha thu mallaichte o'n talamh, a dh'shosgail a bheul a ghabhail fola do bhràthar o d'làimh.

12 'Nuair a shaoithricheas tu 'n talamh, cha toir<sup>16</sup> e dhuit a so suas a neart. A't'fhògarach agus a' t'fhear-fuadain bi-thidh<sup>17</sup> tu air an talamh.

13 Agus thubhairt Cain ris an Tighearna, Is mò mo pheanas na gur urrainn mi ghiù-lan.<sup>18</sup>

14 Feuch, dh' fhògair thu mi mach an diugh bhàrr aghaidh na talmhainn: agus o d' ghnùis-sa folaichear mi, agus bithidh mi m'fhògarach agus a'm' fhear-fuadain air an talamh; agus tarlaidh gach neach a gheibh mi<sup>19</sup> gu marbh e mi.

15 Agus thubhairt an Tighearna ris, Uime sin ge b'e air bith a mharbhas Cain, nìthear a sheachd uiread do dhioghaltas air.<sup>20</sup> Agus chuir an Tighearna comhar' air Càin, a chum ge b'e neach a gheibheadh e, nach marbhadh se e.

16 Agus chaidh Cain amach a làthair an Tighearna, agus ghabh e còmhnuidh ann an tìr Nod an taobh an ear do Eden.<sup>21</sup>

17 Agus dh'aithnich Càin a bhean, agus dh'fhàs i torrach, agus rug i Enoch: agus thog e baile<sup>22</sup> agus ghoir e ainm a bhaile a réir ainme a mhic, Enoch.

18 Agus rugadh do Enoch Irad; agus ghin Irad Mehuiael; agus ghin Mehuiael Metusael; agus ghin Metusael Lamech.

19 Agus ghabh Lamech dha féin dà mhnaoi: b'e ainm a h-aon diubh Adah, agus ainm na mna eile Sillah.

20 Agus ghin Adah Iabal: b'esan athair na droinge<sup>23</sup> a ta gabhail comhnuidh 'am bùthaibh,<sup>24</sup> agus na droinge aig am bheil spréidh.

21 Agus b'e ainm a bhràthar Iubal: b' esan athair nan uile a laimhsicheas clàrsach agus organ.

22 Agus Sillah, rug ise mar an ceudna Tubal-cain, fear-teagaisg gach uile fir-ceird ann an ùmhadh<sup>25</sup> agus 'an iarun: agus b'i piuthar Thubal-cain, Naamah.

23 Agus thubhairt Lamech r'a mhnaibh, Adah agus Sillah, Cluinnibh mo ghuth, a mhnai Lamech, éisdibh rem' chainnt: oir mharbh mi duine chum mo lotaidh, agus òganach a chum mo chiurraidh.<sup>26</sup>

24 Ma dhiolar Càin a sheachd uiread, gu deimhin d'iolar Lamech a sheachd-deug agus a thri fichead uiread.

25 Agus dh'aithnich Adhamh a ris a

<sup>1</sup> àire. <sup>2</sup> dh'eudaich e iad, chuir e trusgan orra. <sup>3</sup> Cherubim. Eabhl. <sup>4</sup> la-sartha.

<sup>5</sup> choimhead. <sup>6</sup> thorraicheadh i, dh'fhàs i leatromach. <sup>7</sup> talmhainn. <sup>8</sup> thachair; bha e. Eabhl. <sup>9</sup> àraid. <sup>10</sup> tiodhlac.

<sup>11</sup> làn feirge. <sup>12</sup> luidh gruaim air. <sup>13</sup> bha focail eadar Cain agus Abel.

<sup>14</sup> 'san fhaiche, 'sa' mhaigh. <sup>15</sup> Cha'n

aithne dhamh, cha'n fhiosrach mi. <sup>16</sup> cha doir, cho tabhair. <sup>17</sup> biaidh. Eir. <sup>18</sup> Smò

mo chuire na gu'm feudar a laghadh dhamh. <sup>19</sup> dh'amaiseas orm. <sup>20</sup> nìthear dioghaltas sheachd-fhillte air. <sup>21</sup> 'san aird an ear o Eden.

<sup>22</sup> cathair. <sup>23</sup> muinntir, dream. <sup>24</sup> bothagaibh, pàillunaibh. <sup>25</sup> prais. <sup>26</sup> dhochair.



bhean, agus rug i mac, agus thug i Set<sup>1</sup> mar ainm air; oir dh'òrduich Dia, *thubhairt i*, dhomhsa, sliochd eile 'n àite Abeil, a mharbh Cain.

26 Agus do Shet fèin mar an ceudna rugadh mac, agus thug e Enos mar ainm air: 'an sin thòisich daoine re gairm air ainm an Tighearna.

## CAIB. V.

**S**E so leabhar ghinealach Adhaimh: 'san là'n do chruthaich Dia an duine, ann an coslas Dè rinn se e.

2 Firionnach agus bainionnach chruthaich e iad; agus bheannaich e iad, agus thug e Adhamh<sup>2</sup> mar ainm orra, 'san là'n do chruthaich eadhlaid.

3 Agus bha Adhamh beò ceud agus deich bliadhna fichead, agus ghin e mac<sup>3</sup> na choslas fèin, a réir ìomhaigh fèin: agus thug e Set mar ainm air.

4 Agus b'iad lài' Adhaimh 'an déigh dha Set a ghintinn, ochd ceud bliadhna: agus ghin e mic agus nigheana.

5 Agus b'iad uile lài' Adhaimh a bha e beo, naoi ceud agus deich bliadhna fichead; agus fhuair e bàs.

6 Agus bha Set beò ceud agus cùig bliadhna, agus ghin e Enos.

7 Agus bha Set beò, 'n déigh dha Enos a ghintinn, ochd ceud agus seachd bliadhna, agus ghin e mic agus nigheana.

8 Agus b'iad uile lài' Shet naoi ceud agus dà-bhliadhna-dheug; agus fhuair e bàs.

9 Agus bha Enos beò ceithir fichead bliadhna 's deich, agus ghin e Cainan.

10 Agus bha Enos beò, 'n déigh dha Cainan a ghintinn, ochd ceud agus cùig-bliadhna-deug, agus ghin e mic agus nigheana.

11 Agus b'iad uile lài' Enos naoi' ceud agus cùig bliadhna; agus fhuair e bàs.

12 Agus bha Cainan beò deich bliadhna 's trì fichead, agus ghin e Mahalaleel.

13 Agus bha Cainan beò, 'n déigh dha Mahalaleel a ghintinn, ochd ceud agus dà fhichead bliadhna, agus ghin e mic agus nigheana.

14 Agus b'iad uile lài' Chainain naoi' ceud agus deich bliadhna; agus fhuair e bàs.

15 Agus bha Mahalaleel beò cùig bliadhna 's trì fichead, agus ghin e Iared.

16 Agus bha Mahalaleel beò, 'n déigh dha Iared a ghintinn, ochd ceud agus deich bliadhna fichead, agus ghin e mic agus nigheana.

17 Agus b'iad uile lài' Mahalaleel ochd ceud, ceithir fichead, agus cùig-bliadhna-deug; agus fhuair e bàs.

18 Agus bha Iared beò ceud agus trì fichead agus dà bhliadhna, agus ghin e Enoch.

19 Agus bha Iared beò, 'n déigh dha

Enoch a ghintinn, ochd ceud bliadhna, agus ghin e mic agus nigheana.

20 Agus b'iad uile lài' Iareid naoi' ceud, trì fichead, agus dà bhliadhna, agus fhuair e bàs.

21 Agus bha Enoch beò trì fichead agus cùig bliadhna, agus ghin e Metuselah.

22 Agus ghluais Enoch maille re Dia, 'n déigh dha Metuselah a ghintinn, trì ceud bliadhna, agus ghin e mic agus nigheana.

23 Agus b'iad uile lài' Enoch trì ceud, agus trì fichead, agus cùig bliadhna.

24 Agus ghluais Enoch maille re Dia, agus cha robh e ann, oir thug Dia leis e.

25 Agus bha Metuselah beò ceud, agus ceithir fichead, agus seachd bliadhna, agus ghin e Lamech.

26 Agus bha Metuselah beò, 'n déigh dha Lamech a ghintinn, seachd ceud, ceithir fichead agus dà bhliadhna, agus ghin e mic agus nigheana.

27 Agus b'iad uile lài' Mhetuselah naoi' ceud agus trì fichead agus naoi' bliadhna; agus fhuair e bàs.

28 Agus bha Lamech beò ceud agus ceithir fichead agus dà bhliadhna, agus ghin e mac.

29 Agus thug e Noah mar ainm air, ag ràdh, Bheir an tì so fèin sòlas dhuinne thaobh ar n-oibre agus saothreachd ar làmh, a thaobh na talmhainn a mhallachd an Tighearn<sup>4</sup>.

30 Agus bha Lamech beò, 'n déigh dha Noah a ghintinn, cùig ceud, ceithir fichead, agus cùig-bliadhna-deug; agus ghin e mic agus nigheana.

31 Agus b'iad uile lài' Lamech, seachd ceud agus trì fichead agus seachd-bliadhna-deug; agus fhuair e bàs.

32 Agus bha Noah cùig ceud bliadhna dh'aois: agus ghin Noah Sem, Ham, agus Iaphet.

## CAIB VI.

**A**GUS 'nuair a thòisich daoine re fàs a lìonmhor air aghaidh na talmhainn, agus a rugadh nigheana dhoibh.

2 Agus a chunnaic mic Dhé nigheana dhaoine,<sup>5</sup> gu'n robh iad sgiamhach, ghabh iad dhoibh fèin mnàid do gach uile a ròghnaich iad.

3 Agus thubhairt an Tighearna, Cha bhi mo Spiorad a's tri'ris an duine a ghnà,<sup>6</sup> do bhri' gur feoil amhàin e:<sup>7</sup> gidheadh, bithidh a lathan ceud agus fichead bliadhna.

4 Bha famhairean<sup>8</sup> air an talamh 'sna laithibh sin; agus mar an ceudna 'na dhéigh sin, 'nuair a thàinig mic Dhé a steach a chum nigheana dhaoine, agus a rug iad clann dhoibh, dh'fhàs iad sin 'nan daoineibh treuna, a bha o shean 'nan daoineibh ainmeil.

<sup>1</sup> Seth. Eabh. <sup>2</sup> duine. <sup>3</sup> 'na dhealbha, 'na chruth fèin. <sup>4</sup> ghineanhnain Eir. <sup>5</sup> chunnaic mic <sup>6</sup> non daoine, cumhachdach nighéana

dhaoine' isle.

<sup>6</sup> ghnàth.

<sup>7</sup> gur feoil esan

mar an ceudna.

<sup>8</sup> fuamhairean, curaidhean,

athaich.

5 Agus chunnaic an Tighearna gu'm bu mhòr aingidheachd an duine air an talamh, agus gu'n robh uile bhreithneachadh smuaintean a chridhe a mhain olc gach aon là.<sup>1</sup>

6 Agus b' aithreach leis an Tighearna gu'n d' rinn e 'n duine air an talamh, agus thog e doilgheas<sup>2</sup> da 'na chridhe.

7 Agus thubhairt an Tighearna, Sgrìosaidd mi 'n duine, a chruthaich mi, bhàrr aghaidh na talmhainn, aràon duine agus ainmhidh, agus an creutair a shnaigeas, agus eunlaith nan speur; oir is aithreach leam gu'n d' rinn mi iad.

8 Ach fhuair Noah deagh-ghean<sup>3</sup> ann an suilbhan an Tighearna.

9 'S iad so ginealach Noah; Bha Noah 'na dhùine cothromach,<sup>4</sup> agus iomlan 'na linn;<sup>5</sup> agus ghluais Noah maille re<sup>6</sup> Dia.

10 Agus ghin Noah triuir mhac, Sem, Ham, agus Iaphet.

11 Agus bha 'n talamh truaillidh am fianais Dé, agus lionadh an talamh le foirneart.

12 Agus dh'amhairc Dia air an talamh, agus feuch, bha e truaillidh; oir thruaill gach uile fheoil a slighe air an talamh,

13 Agus thubhairt Dia re Noah, Thàinig crìoch gach uile fheòla a'm fhianuis; oir tha'n talamh air a lionadh le foirneart d'an trid-san:<sup>7</sup> agus feuch, sgrìosaidd mise iad maille ris an talamh.

14 Dean dhuit fèin àirc do fhiodh ghophar; seòmraichean ni thu 'san àirc,<sup>8</sup> agus còmhdaichidh tu i stigh agus a muigh le pic.

15 Agus so a' chumachd air an dean thu i: Tri cheud làmh-choille<sup>9</sup> fad na h-àirce, leth-cheud làmh-choille a leud, agus deich 'ar fhichead<sup>10</sup> làmh-choille a h-àirde.

16 Uinneag<sup>11</sup> ni thu do'n àirc, agus 'an làimh-choille crìochnaichidh tu i 'na mullach;<sup>12</sup> agus dorus na h-àirce cuiridh tu 'na taobh: le lobhtaibh ìochdrach, meadhonach,<sup>13</sup> agus uachdrach<sup>14</sup> ni thu i.

17 Agus feuch, bheir mise, eadhon mise, dìle uisgeachan air an talamh, a sgrìos gach uile fheòla, anns am bheil anail na beatha fuidh<sup>15</sup> nèamh: agus gheibh gach ni a tu air an talamh bàs.

18 Ach daingnichidh mi mo choi'-cheangal<sup>16</sup> riutsa: agus thèid thu a steach do'n àirc, thu fèin, agus do mhic, agus do bhean, agus mnai<sup>17</sup> do mhic maille riut.

19 Agus do gach uile ni beo do'n uile fheoil, dithis do gach seòrta<sup>18</sup> bheir thu

steach do'n àirc, gu'n gleidheadh beò maille riut: frionn agus bainionn<sup>19</sup> bithidh siad.

20 Do'n eunlaith a réir an gnè, agus do'n spreidh a réir an gnè, agus do gach ni a shnaigeas air an talamh a réir a ghnè: thèid dithis do gach seòrta steach a't' ionnsuidh, gu'n gleidheadh beo.

21 Agus gabh thusa dhuit do gach uile bhiaidh a dh'ithear, agus cruinnichidh tu a't' ionnsuidh e; agus bithidh e dhuitse agus dhoibhsan air son beathachaidh.<sup>20</sup>

22 Mar so rinn Noah; a réir gach ni a dh'àithn Dia dha, mar sin rinn e.

# CAIB. VII.

**A**GUS thubhairt an Tighearna re Noah, Rach thusa,<sup>21</sup> agus do thigh uile, a steach do'n àirc; oir thusa chunnaic mi cothromach a'm' fhianuis 'sa' ghinealach so.<sup>22</sup>

2 Do gach uile ainmhidh glan gabbaidh tu dhuit 'nan seachdaibh, am frionn agus a bhainionn; agus do ainmhidhibh nach 'eil glan, 'nan dithisibh,<sup>23</sup> am frionn agus a bhainionn.

3 Mar an ceudna do eunlaith nan speur 'nan seachdaibh, frionn agus bainionn, a ghlèidheadh sil beò air aghaidh na talmhainn uile:

4 Oir fathast seachd lathan, agus bheir mise air uisge teachd air an talamh dà fhichead là agus dà fhichead oidhche; agus sgrìosaidd mi<sup>24</sup> gach dùil bheo a rinnt mi, bhàrr aghaidh na talmhainn.

5 Agus rinn Noah a réir gach ni a dh'àithn an Tighearna dha.

6 Agus bha Noah sè ceud bliadhna dh'aois, 'nuair a bha 'n dìle<sup>25</sup> uisgeachan air an talamh.

7 Agus chaidh Noah steach, agus a mhic, agus a bhean, agus mnai a mhic maille ris, do'n àirc, air son uisgeacha na dìle.

8 Do ainmhidhibh glan, agus do ainmhidhibh nach 'eil glan, agus do eunlaith, agus do gach ni a shnaigeas air an talamh.

9 Chaidh d'ithis agus d'ithis<sup>26</sup> a steach a dh'ionnsuidh Noah do'n àirc, frionn agus bainionn, a réir mar a dh'àithn Dia do Noah.

10 Agus 'an déigh sheachd lài bha uisgeacha na dìle air an talamh.

11 Anns an t-seathadh ceud bliadhna dh'aois Noah, 'san dara mìos, 'san t-seachdamh latha deug do'n mhìos, 'san là sin fèin bhriseadh suas uile thobraiche na doimhne mòire, agus bha tuil dhorsa<sup>27</sup> nan neamh air am fosgladh.

<sup>1</sup> 'an còmhnuidd, daonan. <sup>2</sup> crìdh, mulad. <sup>3</sup> fubhor. <sup>4</sup> ceart, ionruic. <sup>5</sup> 'na ghinealach. <sup>6</sup> ri. <sup>7</sup> le h-urchoidh leo-san. <sup>8</sup> na seòmraicheibh beaga ni thu an àirc. <sup>9</sup> dann-lamh. <sup>10</sup> deich thar fhichead. <sup>11</sup> Fuinneog. Eir. <sup>12</sup> os cionn. <sup>13</sup> dara. <sup>14</sup> treas. <sup>15</sup> fa. <sup>16</sup> mo chunradh, mo

chunnnant. <sup>17</sup> mrathan. <sup>18</sup> seòrsa. <sup>19</sup> boirionn. <sup>20</sup> air son bith, mar lòn. <sup>21</sup> Theigr' thusa, gabh thusa. <sup>22</sup> 'san linn so. <sup>23</sup> 'nan càraidibh. <sup>24</sup> dubhaidd mi as. <sup>25</sup> dlinn, tuil. <sup>26</sup> a Don dithis agus dithis. <sup>27</sup> uinneag.



12 Agus bha'n t-uisge<sup>1</sup> air an talamh dà fhichead là agus dà fhichead oidhche.

13 'Sa' cheart là sin fèin<sup>1</sup> chaidh Noah, agus Sem, agus Ham, agus Iaphet, mic Noah, agus bean Noaih, agus triuir bhan a mhic maille riu, a steach do'n àirc;

14 Iad fèin, agus gach uile bheathach a réir a ghnè, agus an spréidh uile a réir an gnè, agus gach creutair a shnàigeas a ta snaigeadh air an talamh a réir a ghnè, agus an eunlaith uile a réir an gnè, gach eun do gach seòrta.

15 Agus chaidh<sup>2</sup> iad a steach a chum Noaih do'n àirc, a lion dithis agus dithis, do gach uile fheoil, anns am bheil anail na beatha.

16 Agus iadsan a chaidh a steach, fionn agus baimonn chaidh iad steach do gach uile fheoil, mar a dh'àithn Dia dha: agus dhruid an Tighearna stigh e.

17 Agus bha 'n dìle dà fhichead là air an talamh, agus mheudaicheadh na h-uisgeachan, agus ghiùlain iad an àirc, agus tho-gadh suas i os cionn na talmhainn.

18 Agus bhuadhaich na h-uisgeachan, agus mheudaicheadh iad gu h-anbarrach air an talamh; agus shiubhail<sup>3</sup> an àirc air aghaidh nan uisgeacha.

19 Agus bhuadhaich na h-uisgeacha gu ro-anbarrach air an talamh; agus chòmh-daicheadh na beanntan àrda uile, a bha fuidh na neamhaibh gu léir.

20 Cùig làmh-choille deug air àirde bhuadhaich na h-uisgeachan; agus chòmh-daicheadh na beannta.

21 Agus dh'eug<sup>4</sup> gach uile fheoil a bha gluasad air an talamh, araon do eunlaith, agus do spréidh, agus do bheathaichibh, agus do gach ni a shnàigeas a ta snaigeadh air an talamh, agus gach uile dhuine.

22 Gach ni aig an robh anail na beatha ann an cuineinibh a shròine, do na h-uile a bha air an talamh thioram, dh'eug iad.

23 Agus sgriosadh gach uile dhùil a bha air aghaidh na talmhainn, araon duine agus ainmhidh,<sup>5</sup> agus an creutair a shnàigeas, agus eunlaith nan speur; agus sgriosadh iad bhàrr na talmhainn, agus dh'fhàgadh amhàin Noah, agus na bha maille ris 'san àirc.

24 Agus bhuadhaich na h-uisgeachan os cionn na talmhainn ceud agus leth cheud là.

#### CAIB. VIII.

**A**GUS chuimhnich Dia air Noah, agus a gach ni beo, agus gach uile spréidh a bha maille ris 'san àirc, agus thug Dia air gaoith dol thairis air an talamh, agus thraogh na h-uisgeacha.

2 Agus dhruideadh suas tobraiche na

doimhne, agus tuil-dhorsa nan neamh; agus choisgeadh an t-uisge o na nèamhaibh.<sup>6</sup>

3 Agus phill na h-uisgeachan a ghnà<sup>7</sup> bhàrr na talmhainn; agus thraogh na h-uisgeachan 'an deigh ceud agus leth-cheud là.

4 Agus stad an airc anns an t-seachdamh mìos, air an t-seachdamh là deug do'n mhìos, air beanntaibh Ararait.

5 Agus thraogh na h-uisgeachan a ghnàgus an deicheamh mìos: Anns an deicheamh mìos, air a' cheud là do'n mhìos, chunnacas mullaiche nam beann.

6 Agus an ceann dhà fhichead là', dh'fhosgail Noah uinneag na h-àirce a rinn e.

7 Agus chuir e mach fitheach, a chaidh mach a' dol-air ais agus air aghaidh, agus an do thiormaicheadh na h-uisgeacha bhàrr na talmhainn.

8 Mar an ceudna chuir e mach columan uaithe, a dh'fhaicinn<sup>8</sup> an do thraogh na h-uisgeacha bhàrr aghaidh na talmhainn.

9 Ach cha d'fhuair an columan fois do bhonn a choise, agus phill e d'a ionnsuidh do'n àirc, do bhri' gu'n robh na h-uisgeachan air aghaidh na talmhainn uile. An sin chuir e mach a làmh, agus rug e air, agus thug e stigh e d'a ionnsuidh do'n àirc.

10 Agus dh'fhan e fathast seachd lathan<sup>9</sup> eile, agus a ris chuir e 'mach an columan o'n àirc.

11 Agus thàinig an columan d'a ionnsuidh 'san fhcasgar, agus feuch, 'duilieag craoibh-ola, a spionadh leis, aige 'na ghoba: agus dh'aithnich Noah gu'n do thraogh na h-uisgeacha bhàrr na talmhainn.

12 Agus dh'fhan e fathast seachd lathan eile, agus chuir e mach an columan: agus cha do phill e ris d'a ionnsuidh ni's mò.

13 Agus anns an t-seathadh ceud bliadhna agus a h-aon, anns a' cheud mhìos, anns a' cheud là do'n mhìos, thiormaicheadh na h-uisgeacha suas bhàrr na talmhainn: agus bhuin Noah air falbh còmh-dachadh na h-àirce, agus dh'amhairc e, agus feuch, bha aghaidh na talmhainn tioram.

14 Agus 'san dara mìos, 'san t-seachdamh là 'ar fhichead do'n mhìos, bha'n talamh air tiormachadh.

15 Agus labhair Dia re Noah, ag ràdh,

16 Rach amach as an àirc, thu fèin, agus do bhean, agus do mhic, agus innai do mhic maille riut.

17 Thoir amach leat gach ni beo a ta maille riut, do gach uile fheoil, do eunlaith, agus do spréidh, agus do gach uile ni a shnàigeas<sup>10</sup> a ta snaigeadh air an talamh, chum as gu'n sìolaich iad<sup>11</sup> air an talamh,

<sup>1</sup> Ann an corp an là sin fèin. Eabh.

<sup>2</sup> chaidh, Eir. <sup>3</sup> dh'fhalbh, dh'imich.

<sup>4</sup> bheathaich. <sup>5</sup> eadar dhuine agus ainmhidh.

<sup>6</sup> bha'n t-uisge o na nèamhaibh air a choisgeadh.

<sup>7</sup> gun stad, a' dol air ais agus air aghaidh. Eabh.

<sup>8</sup> dh'fhaicinn. <sup>9</sup> lài, lathachan. <sup>10</sup> shnàgas,

<sup>11</sup> gluais iad, snàig iad.

agus gu'm bi iad torrach, agus gu'm fàs iad lionmhor air an talamh.

18 Agus chaidh Noah 'mach, agus a mhic, agus a bhean, agus mnà a mhic maille ris :

19 Chaidh gach uile bheathach, gach ni a shnàigeas, agus gach eun, gach ni ghluaiseas air an talamh, a rèir an cineil,<sup>1</sup> a mach as an àire.

20 Agus thog Noah altair do'n Tighearna, agus ghabh e do gach ainmhidh glan, agus do gach eun glan, agus thug e suas<sup>2</sup> tabhartais loisgte air an altair.

21 Agus dh'fhairich an Tighearna faile cùbhraidh;<sup>3</sup> agus thubhairt an Tighearna 'na chridhe, Cha mhallaich mi ris an talamh ni's mo air son an duine; oir *ata* smuainte cridhe<sup>4</sup> an duine olc o òige; ni mò sgriosas mi tuille gach ni beo, mar a rinn mi.

22 Am feadh a mhaireas an talamh,<sup>5</sup> cha sguir àm an t-sil-chur agus foghar, agus fuachd agus teas, agus samhradh agus geamhradh, agus là agus oidhche.

C A I B. IX.

**A**GUS bheannaich Dia Noah agus a mhic, agus thubhairt e riu, Siolaichibh, agus fàsaibh lionmhor, agus lionaibh an talamh.

2 Agus bithidh bhur n-eagal agus bhur fiamh-sa air uile bheathaichibh na talmhainn, agus air uile eunlaith nan speur, air gach ni a ghluaiseas air an talamh, agus air uile iasgaibh na mara; d'ar làimh-sa tha iad air an tabhairt.

3 Bithidh gach ni gluasadach *a ta* beo dhuibh mar bhiadh;<sup>6</sup> amhuil mar an luibh ghorm thug mi dhuibh na h-uile nithe.

4 Ach feoil maille r'a h-anam,<sup>7</sup> *eadhon* a fuil, cha'n ith sibh.

5 Agus gu deimhin fuil bhur n-anma-sa iarraidh mise; air làimh gach beathaich iarraidh mi i, agus air làimh an duine; air làimh bràthar *gach* duine iarraidh mi anam an duine.

6 Ge b'e dhòirteas fuil duine, le duine dòirtear fhuil-san; oir ann an dealbh<sup>8</sup> Dhé rinn e an duine.

7 Agus bithibh-sa siolmhar, agus fàsaibh lionmhor, ginibh air an talamh, agus fàsaibh lionmhor ann.

8 Agus labhair Dia re Noah, agus r'a mhic maille ris, ag ràdh,

9 Agus mise, feuch, daingnichidh mi mo choi'-cheangal ribhse, agus r'ar sliochd 'nar déigh;

10 Agus ris gach uile chreutair beo *ata* maille ribh, do eunlaith, do spréidh, agus do uile bheathaichibh na talmhainn maille ribh, o gach uile *ata* dol amach as an àire, gu uile bheathaichibh na talmhainn.

11 Agus daingnichidh mi mo choi'-cheangal ribh, agus cha sgriosar gach uile fheoil tuille le h-uisgibh na dile: agus cha bhi dile ann ni's mò a sgrios na talmhainn.

12 Agus thubhairt Dia, So comhar' a' choi'-cheangail a *tha* mi toirt eadar mise agus sibhse, agus gach creutair beo *a ta* maille ribh, feadh ghinealachach siorruidh:<sup>9</sup>

13 Mo bhogha cuiridh mi<sup>10</sup> anns an neul, agus bithidh e 'na chomhara coi'-cheangail eadar mise agus an talamh.

14 Agus tarlaidh, 'nuair a bheir mi neul os cionn na talmhainn, gu'm faicear am bogha anns an neul.

15 Agus cuimhnichidh mi mo choi'-cheangal *a ta* eadar mise agus sibhse, agus gach creutair beo do'n uile fheoil; agus cha'n fhàs ni's mò na h-uisgeacha 'nan dile a sgrios gach uile fheòla.

16 Agus bithidh am bogha anns an neul, agus amhairidh mi air, chum as gu'n cuimhnich mi 'n coi'-cheangal siorruidh eadar Dia agus gach creutair beo do'n uile fheoil, *ata* air an talamh.

17 Agus thubhairt Dia re Noah, So comhar' a' choi'-cheangail, a dhaingnich mi eadar mi fein agus gach uile fheoil *ata* air an talamh.

18 Agus b'iad mic Noah a chaidh mach as an àire, Sem, agus Ham, agus Iaphet: agus 'se Ham athair Chanaain.

19 *Is iad* sin triuir mhic Noah; agus leo sin lionadh an talamh uile.

20 Agus thòisich Noah air a *bhi*'na fhear-saoithreach<sup>11</sup> na talmhainn, agus shuidhich e fion-gharadh.<sup>12</sup>

21 Agus dh'ol e do'n fhion, agus bha e air mhisg,<sup>13</sup> agus bha e lomnochd a stigh 'na bhùth.

22 Agus chunnaic Ham, athair Chanaain, lomnochd<sup>14</sup> athar, agus dh'innis e d'a dhà bhràthair a muigh.

23 Agus ghabh Sem agus Iaphet brat, agus chuir iad le chèile air an guailnibh e, agus chaidh iad 'n comhair an cùil, agus chòmhdach iad lomnochd an athar; agus *bha*'n aghaidhean air an ais, agus cha'n fhac iad lomnochd an athar.

24 Agus dhùisg Noah o fhion, agus thuig e ciod a rinn a mhac a b'òige air.

25 Agus thubhairt e, Mallaichte *gu'n robh* Canaan; 'na sheirbhiseach nan seirbhiseach bithidh se d'a bhràithribh.

26 Agus thubhairt e, Beannaichte *gu'n robh* Tighearna Dia Sheim; agus bithidh Canaan na sheirbhiseach dha.<sup>15</sup>

27 Ni Dia Iaphet farsaing,<sup>16</sup> agus còmhnuichidh se ann am bùthaibh Sheim; agus bithidh Canaan 'na' sheirbhiseach dha.<sup>17</sup>

<sup>1</sup> a réir an seòrtan. <sup>2</sup> dh'ofrail, thairg e. <sup>3</sup> bhol an Tighearna boladh cùbh-raidh. <sup>4</sup> croidhe. Eir. <sup>5</sup> Rè uile làr' na talmhainn. <sup>6</sup> chum bidh. <sup>7</sup> beatha. <sup>8</sup> iomh-

aigh, coslas. <sup>9</sup> o linn gu linn. <sup>10</sup> chuir mi. <sup>11</sup> threabhaiche. <sup>12</sup> fion-lios. <sup>13</sup> mheisg. <sup>14</sup> lomnochduigh. <sup>15</sup> dhoibh, Eabh. <sup>16</sup> leudaichidh. <sup>17</sup> dhoibh, Eabh.



28 Agus bha Noah beo 'n déigh na dile tri cheud agus leth-cheud bliadhna.

29 Agus b'iad lathacha Noaih uile naoi' ceud agus leth-cheud bliadhna : agus fhuair e bàs.

## CAIB. X.

**A**NIS is iad sin ginealaich mhic Noaih ; Sem, Ham, agus Iaphet : agus rugadh dhoibh mic 'an déigh na dile.

2 Mic Iapheit ; Gomer, agus Magog, agus Madai, agus Iabhan, agus Tubal, agus Mesech, agus Iras.

3 Agus mic Ghomeir ; Asccnas, agus Riphath, agus Togarmah.

4 Agus mic Iabhain ; Elisa, agus Tarsis, Cittim, agus Dodanim.

5 Leo sin roinneadh eileana nan cinneach 'nan tìrìbh féin, gach aon a réir a theangaidh, a réir an teaghlaichean, 'nan cinneachaibh.<sup>1</sup>

6 Agus mic Ham ; Cus, agus Misraim, agus Phut, agus Canaan.

7 Agus mic Chuis ; Seba, agus Habbilah, agus Sabtah, agus Raamah, agus Sabtecha : agus mic Raamah ; Seba, agus Dedan.

8 Agus ghin Cus Nimrod : thòisich esan air a bhì cumhachdach 'san talamh.

9 Bha e 'na shealgair cumhachdach 'an làthair an Tighearna : Uime sin sheirair, Amhuil mar Nimrod an sealgair cumhachdach 'an làthair an Tighearna.

10 Agus b'e toiscach a rìoghachd Babel, agus Erech, agus Acad, agus Calneh, ann an tìr Shinair.

11 As an tìr sin chaidh amach Asur ; agus thog e Ninebheh, agus baile Rehobot agus Calah.

12 Agus Resen eadar Ninebheh agus Calah : is baile mòr sin.

13 Agus ghin Misraim Ludim, agus Ananim, agus Lehabim, agus Naphtuhim,

14 Agus Patrusim, agus Casluhim, (o 'n d'fhàinig a mach Philistim) agus Caph-torim,

15 Agus ghin Canaan Sidon a cheud-ghin, agus Hct.

16 Agus an Iebusach, agus an t-Amorach, agus an Gargasach.

17 Agus an t-Ibheach, agus an t-Harcach, agus an Sìneach.

18 Agus an t-Arbhadach, agus an Semarach, agus an t-Hamatach : agus 'na dhéigh sin sgaoileadh amach teaghlaichean nan Canaanach.

19 Agus bha crìoch nan Canaanach a Shidon, mar a thig thu gu Gerar gu nuig Gadsa, mar a thèid thu gu Sodom agus Gomorrah, agus Admah, agus Seboim, gu nuig Lasa.

20 Is iad sin mic Ham, a réir an teaghlaichean, a réir an teanganna, 'nan tìrìbh, agus nan cinneachaibh.

21 Agus do Shem féin mar an ceudna, athair chloinn Ebeir uile, bràthair Iapheit bu shine, rugadh clann.

22 Clann Sheim ; Elam, agus Asur, agus Arphacsad, agus Lud, agus Aram.

23 Agus clann Aram ; Uds, agus Hul, agus Getur, agus Mas.

24 Agus ghin Arphacsad Salah, agus ghin Salah Eber.

25 Agus do h-Eber rugadh dithis mbac : b'e ainm a h-aon diubh Peleg, oir 'na laithibh-san roinneadh an talamh ; agus ainm a bhràthar, Ioctan.

26 Agus ghin Ioctan Almodad, agus Seleph, agus Hadsarmabhet, agus Ierah,

27 Agus Hadoram, agus Udsal, agus Diclah,

28 Agus Obal, agus Abimael, agus Seba,

29 Agus Ophir, agus Habbilah, agus Iobab : b'iad sin uile mic Ioctan.

30 Agus bha'n àite-còmhnuidh o Mhesa, mar a thèid thu gu Sephar, beinn 'san àird an ear.

31 Is iad sin mic Sheim, a réir an teaghlaichean, a réir an teanganna, 'nan tìrìbh, a réir an cinneacha.

32 Is iad sin teaghlaichean mhic Noaih, a réir an ginealach, 'nan cinneachaibh : agus leo sin roinneadh na cinnich anns an talamh 'an déigh na dile.

## CAIB. XI.

**A**GUS bha'n talamh uile dh'aon tean-gaidh, agus na h-aon fhocail<sup>2</sup> aig gach neach.

2 Agus 'nuair a bha iad air an turas o'n àird an ear, fhuair iad còmhnhard ann an talamh Shinair, agus ghabh iad comhnuidh an sin.

3 Agus thubhairt iad gach aon re chéile, Thigibh, deanamaid clacha creadha,<sup>3</sup> agus làn-loisgeamaid<sup>4</sup> iad : Agus bha chlach chreadha aca air son cloiche, agus bha làthach<sup>5</sup> aca air son moir-teir.<sup>6</sup>

4 Agus thubhairt iad, Thigibh, togamaid dhuinn féin baile, agus tur, aig am bi mhullach a' ruigheachd gu nèamh,<sup>7</sup> agus deanamaid dhuinn féin ainm, an t-eagal gu'n sgaoilear<sup>8</sup> o chéile sinn air aghaidh na talmhainn uile.

5 Agus thàinig an Tighearn' a nuas a dh'fhacinn a' bhaile, agus an tùir, a thog clann nan daoine.

6 Agus thubhairt an Tighearna, Fuch, is aon sluagh a t' ann, agus aon teanga achd uile ; agus thòisich iad air so a dheanamh : agus a nis cha bhacar dhiubh ni air bith, a snuainich<sup>9</sup> iad a dheanamh.

7 Thigibh, rachamaid sìos, agus cuireamaid an cainnt ann an sin thar a chéile,<sup>10</sup> chun as nach tuig iad cainnt a chéile.

<sup>1</sup> dùchannaibh. <sup>2</sup> chaint. <sup>3</sup> bricks. <sup>4</sup> deagh-loisgeamaid. <sup>5</sup> lathach. <sup>6</sup> ceangail. <sup>7</sup> aig am bi mhullach àrd anns 'n athar. <sup>8</sup> sga-par. <sup>9</sup> bheag chdaigh. <sup>10</sup> air amh-reidh.

8 Mar sin sgaoil an Tighearn' iad uaithe sin air aghaidh na talmhainn uile: agus sguir iad do thogail a' bhaile.

9 Uime sin thugadh Babel mar ainm air, do bhrìgh ann an sin gu'n do chuir an Tighearna-thar a' chéile cainnt na talmhainn uile: agus uaithe sin sgaoil an Tighearn' iad air aghaidh na talmhainn uile.

10 *Is iad sin ginealaich Sheim: Bha Sem ceud bliadhna dh'aois, agus ghin e Arphacsad da bhliadhna 'n déigh na dile.*

11 Agus bha Sem beo, an déigh dha Arphacsad a ghintinn, cùig ceud bliadhna; agus ghin e mic agus nigheana.

12 Agus bha Arphacsad beo, cùig bliadhna deug 'ar fhichead,<sup>1</sup> agus ghin e Salah.

13 Agus bha Arphacsad beo, 'an déigh dha Salah a ghintinn, ceithir cheud agus trì' bliadhna; agus ghin e mic agus nigheana.

14 Agus bha Salah beo deich bliadhna fichead, agus ghin e Eber.

15 Agus bha Salah beo 'an déigh dha Eber a ghintinn, ceithir cheud agus trì' bliadhna; agus ghin e mic agus nigheana.

16 Agus bha Eber beo ceithir bliadhna deug 'ar fhichead, agus ghin e Peleg.

17 Agus bha Eber beo, 'an déigh dha Peleg a ghintinn, ceithir cheud agus deich bliadhna fichead; agus ghin e mic agus nigheana.

18 Agus bha Peleg beo deich bliadhna fichead; agus ghin e Reu.

19 Agus bha Peleg beo an déigh dha Reu a ghintinn, dà cheud agus naoi' bliadhna; agus ghin e mic agus nigheana.

20 Agus bha Reu beo dà bhliadhna dheug 'ar fhichead; agus ghin e Serug.

21 Agus bha Reu beo an déigh dha Serug a ghintinn, dà cheud agus seachd bliadhna; agus ghin e mic agus nigheana.

22 Agus bha Serug beo deich bliadhna fichead; agus ghin e Nahor.

23 Agus bha Serug beo an déigh dha Nahor a ghintinn, dà cheud bliadhna; agus ghin e mic agus nigheana.

24 Agus bha Nahor beo naoi' bliadhna fichead; agus ghin e Terah.

25 Agus bha Nahor beo an déigh dha Terah a ghintinn, ceud agus naoi' bliadhna deug, agus ghin e mic agus nigheana.

26 Agus bha Terah beo deich is trì' fichead bliadhna; agus ghin e Abram, Nahor, agus Haran.

27 A nis *is iad sin ginealaich Theraih: ghin Terah Abram, Nahor, agus Haran; agus ghin Haran Lot.*

28 Agus fhuair Haran bàs roimh Therah athair, 'san tìr anns an d' rugadh e, ann an Ur nan Caldeanach.

29 Agus ghabh Abram agus Nahor mnàì dhoibh féin: B'e ainm mnà Abram, Sarai; agus ainm mnà Nahoir, Milcah, nighean Harain athar Mhilcaih, agus athar Iscaih.

30 Ach bha Sarai neo-thorrach<sup>2</sup>; cha robh duine cloinne aice.

31 Agus ghabh Terah Abram a mhac, agus Lot mac Harain mac a mhic, agus Sarai a bhanchliamhuinn, bean Abram a mhac; agus chaidh iad amach maille ri a h-Ur nan Caldeanach, gu dol do thìr Chanaain: agus thàinig iad gu Haran, agus ghabh iad còmhnuidh ann an sin.

32 Agus b'iad lathan Theraih dà cheud agus cùig bliadhna: agus fhuair Terah bàs ann an Haran.

## CAIB XII.

**A**GUS thubhairt an Tighearna re h-Abram, Rach<sup>3</sup> amach a d' dhùthaich, agus o d' dhislibh, agus a tigh t'athar, do'n tìr a nochdas<sup>4</sup> mise dhuit.

2 Agus nì mi thu a' d' chinneach mòr,<sup>5</sup> agus beannaichidh mi thu, agus nì mi t'ainm<sup>6</sup> mòr: agus bithidh tu a'd' bheannachadh.

3 Agus beannaichidh mi iadsan a bheannaicheas thu, agus iadsan a mhallicheas thu mallaichidh mi, agus annad-sa beannaichear uile theaghlacha na talmhainn.

4 Agus dh'imich Abram, mar a labhair an Tighearna ris, agus chaidh Lot maille ris: agus bha Abram cùig bliadhna deug is trì' fichead a dh'aois nuair a chaidh e mach a Haran.

5 Agus ghabh Abram Sarai a bhean, agus Lot mac a bhràthar, agus am maoin uile a chruinnich iad,<sup>6</sup> agus na h-anmanna fhuair iad ann an Haran, agus chaidh iad amach gu dol do thìr Chanaain, agus thàinig iad do thìr Chanaain.

6 Agus chaidh Abram air aghaidh 'san fhearann gu àite Shicheim, gu còmhnaidh<sup>7</sup> Mhoreih. Agus bha 'n Canaanach an sin 'san tìr.

7 Agus dh'fhoillsich an Tighearn' e féin<sup>8</sup> do Abram, agus thubhairt e, Do d' shliochd-sa bheir mise am fearann so: agus thog e'n sin altair do'n Tighearn', a dh'fhoillsicheadh dha.

8 Agus chaidh e as sin gu sliabh air an taobh an ear do Bhetel, agus shuidhich e bhùth, agus Betel aige air an taobh an iar, agus Hai air an taobh an ear: agus thog e 'n sin altair do'n Tighearn', agus ghairm e air ainm an Tighearna.

9 Agus dh'imich Abram, a' sìr-dhol air aghaidh mu dheas.<sup>9</sup>

10 Agus bha gorta 'san tìr: agus chaidh Abram sìos do'n Eiphit, gu bhi air chuairt ann an sin, do bhrìgh gu'n robh a' ghorta mòr 'san tìr.

<sup>1</sup> thar a fichead.

<sup>2</sup> seasg; ainmrid. Eir.

<sup>3</sup> Imich, falbh.

<sup>4</sup> dh'fheuchas.

<sup>5</sup> nì mise

fine mhòr dhuit.

<sup>6</sup> chomhaich iad.

<sup>7</sup> darag.

Eabh.

<sup>8</sup> thaisbean an Tighearn' e féin:

chunas an Tighearna. Eabh.

<sup>9</sup> fa dheas, 'san àird deas,



11 Agus 'nuair a bha e dlùth do dhol a stigh do'n Eiphit thubhairt e re Sarai a bhean, Feuch a nis, tha fios agam gur bean mhaiseach<sup>1</sup> thusa re amharc ort :

12 Uime sin, 'nuair a chù na h-Eiphitich thu, their iad, So a bhean : agus marbhaidh iad mise, ach gleidhidh iad thusa beo.

13 Abair, guidheam ort, gur tu mo phiuthar, chum gu'n éirich gu math dhomh air do sgàth-sa ; agus bithidh m' anam beo air do shon-sa.

14 Agus 'nuair a thàinig Abram do'n Eiphit, chunnaic na h-Eiphitich a bhean, gu'n robh i ro-mhaiseach.

15 Chunnaic mar an ceudna ceannardan<sup>2</sup> Pharaoh i, agus mhol iad i do Pharaoh : agus thugadh a steach a' bhean do thigh Pharaoh.

16 Agus bhuin e gu math re h-Abram air a sgàth-sa : agus bha aige caoraich, agus daimh, agus asail fhirionn, agus òglaich, agus ban-òglaich, agus asail bhamionn, agus camhail.

17 Agus bhuail an Tighearna Pharaoh agus a thigh le plàighibh mòra, air son Sharai mnà Abram.

18 Agus ghairm<sup>3</sup> Pharaoh air Abram agus thubhairt e, Ciod so a rinn thu orm ? c'ar son nach d'innis thu dhomh gu'm b'i so do bhean ?

19 C'ar son a thubhairt thu, 'Si mo phiuthar i ? Mar sin dh'fheadainn a gabhail a'm' ionnsuidh mar mhnaoi ; a nis ma ta feuch do bhean, gabh i, agus bi'g-meachd.<sup>4</sup>

20 Agus thug Pharaoh àithne d' a dhaoineibh m'a thimchioll ; agus chuir iad air falbh e féin, agus a bhean, agus gach ni a bh' aige.

## CAIB XIII.

**A**GUS chaidh Abram suas as an Eiphit, a féin, agus a bhean, agus gach ni a bh' aige, agus Lot maille ris, do'n taobh mu dheas.

2 Agus bha Abram ro-shaibhir<sup>5</sup> ann an spréidh, ann an airgiod, agus ann an òr.

3 Agus dh'imich e 'na thurusaibh o'n taobh mu dheas eadhon gu Betel, gu nuig an t-àite, anns an robh a bhùth an toiseach, eadar Betel agus Hai ;

4 Gu àite na h-altarach a rinn e'n sin air tùs : agus ghairm Abram ann an sin air ainm an Tighearna.

5 Agus bha mar an ceudna aig Lot, a dh'imich maille re h-Abram, caoraich, agus crobh, agus bùthan.<sup>6</sup>

6 Agus cha robh am fearann comasach air an giùlan<sup>7</sup> gu còmhnuidh a ghabhail cuideachd ; oir bha'ti maoin mòr, agus cha b'urrainn<sup>8</sup> iad còmhnuidh ghabhail cuideachd.<sup>9</sup>

7 Agus bha comh-stri eadar buachaillean<sup>10</sup> spréidh Abram, agus buachaillean spréidh Lot : agus bha 'n Canaanach agus am Periseach 'san àm sin a chòmhnuidh 'san tìr.

8 Agus thubhairt Abram re Lot, Na bitheadh, guidheam ort, comh-stri' eadar mise agus thusa, agus eadar mo bhau-chaillean agus do bhuchaillean-sa ; oir is, bràithre sinn.

9 Nach 'eil an tìr uile romhad ? Dealaich, guidheam ort, riumsa : ma ghabhas tu dh'ionnsuidh na làimhe cli, an sin théid mise dh'ionnsuidh na làimhe deise ; agus ma théid thu dh'ionnsuidh na làimhe deise, an sin gabhaidh mise dh'ionnsuidh na làimhe cli.

10 Agus thog Lot suas a shùilean, agus chunnaic e còmhnaid Iordain uile, gu'n robh e gu léir air uisgeachadh gu math, mu'n do sgrios an Tighearna Sodom agus Gomorrah, eadhon mar ghàradh an Tighearna, cosmhuil re talamh na h-Eiphit, mar a thig thu gu Soar.

11 Agus thagh Lot dha féin còmhnaid Iordain uile ; agus ghabh Lot a thurus o'n àird an ear, agus dhealaich na càrdean re chéile.<sup>11</sup>

12 Ghabh Abram còmhnuidh ann an tìr Chanaan, agus ghabh Lot còmhnuidh 'am bailtibh a chòmhnaid, agus shuidhich e bhùth aig Sodom.

13 Ach bha daoine Shodoim aingidh, agus 'nam peacaich am fianais an Tighearna gu ro-mhor.

14 Agus thubhairt an Tighearna re h-Abram, an deigh do Lot dealachadh ris, Tog a nis suas do shùilean, agus amhaire o'n ait' anns am bheil thu, gu tuath, agus gu deas, agus gus an aird an ear, agus an iar :

15 Oir am fcarann uile at a thu a' faicinn, dhuitse bheir mi e, agus do d' shliochd gu bràth.

16 Agus ni mise do shliochd-sa mar dhuslach na talmhainn ; ionnas ma bhios e'n comas do dhuine duslach na talmhainn àireamh, an sin gu'n àirmhear do shliochd-sa mar an ceudna.

17 Eirich, imich air feadh an fhearainn 'na fhad agus 'na leud, oir dhuitse bheir mi e.

18 Agus dh' atharaich Abram a bhùth, agus thàinig e, agus ghabh e còmhnuidh ann an còmhnaid Mhamre,<sup>12</sup> a tha ann an Hebron ; agus thog e'n sin altair do'n Tighearna.

## CAIB. XIV.

**A**GUS tharladh ann an laithibh Amraphel rìgh Shinair, Arioich rìgh

<sup>1</sup> sgiamhach. <sup>2</sup> maithean, prionnsuidh. <sup>3</sup> ghoir, ghluodh. <sup>4</sup> imich romhad. <sup>5</sup> ro-shaibhir, ru-bheartach. <sup>6</sup> bùithean. <sup>7</sup> an fionnar. <sup>8</sup> ionnas nach b'urradh. <sup>9</sup> an

don àite. <sup>10</sup> aodhairean. <sup>11</sup> dhealaicheadh iad gach fear o bhràthair. Eabh. <sup>12</sup> aig daragaibh Mhamre. Eabh.

Elasair, Chedorlaomeir rìgh Elaim, agus Thidail rìgh nan cinneach<sup>1</sup>;

2 *Gu'n d' rinn iad sin cogadh* re Bera rìgh Shodoim, agus re Bìrsa rìgh Ghomorraih, Sinab rìgh Admaih, agus Semeber rìgh Sheboim, agus rìgh Bhela eadhon Shoaìr.

3 Chaidh iad sin uil' ann an co'bhoinn re eòile ann an gleann Shidim a tha nis 'na fhaìrge shalainn.

4 Dà bhliadhna dh'cug rinn iad seirbhis do Chedorlaomer, agus anns an treas bliadhna deug rinn iad ceannairc.<sup>2</sup>

5 Agus anns a' cheathramh bliadhna deug thàinig Cedorlaomer, agus na rìghrean a bha maille ris, agus bhuail iad na Rephaimich ann an Asterot Carnain, agus na Susimich ann an Ham, agus na h-Emimich ann an Sabbeh Ciriataim,

6 Agus na Horich 'nan sliabh Seir, gu nuig El-paran,<sup>3</sup> a tha làimh ris an fhàsach.

7 Agus phill iad, agus thàinig iad gu Hen-mispat, eadhon Cades, agus bhuail iad dùthaich nan Amaleccach uile, agus mar an ceudna na h-Amoraich, a bha chòmh-nuidh ann an Haseson Tamar.

8 Agus chaidh rìgh Shodoim amach agus rìgh Ghomorraih agus rìgh Admaih, agus rìgh Sheboim, agus rìgh Bhela (eadhon Shoaìr, agus chuir iad cath<sup>4</sup> riu, ann an gleann Shidim:

9 Re Cedorlaomer rìgh Elaim, agus re Tidal rìgh nan cinneach, agus re h-Armaphel rìgh Shinair, agus re h-Arioch rìgh Elasair; ceithir rìghridh re cuig.

10 Agus bha glcann Shidim làn do shlochdaibh làthaich,<sup>5</sup> agus theich rìgh Shodoim, agus rìgh Ghomorraih, agus thuit iad an sin; agus iad san a mhair,<sup>6</sup> theich iad do'n t-sliabh.

11 Agus thug iad leo uile mhaoin Shodoim agus Ghomorraih, agus am biadh uile, agus dh'ìmich iad rompa.

12 Agus thug iad leo Lot, mac bràthar Abraim (a bha chòmh-nuidh ann an Sodom) agus a mhaoin, agus dh'ìmich iad.

13 Agus thàinig a h-aon a chaidh as, agus dh'innis e do Abram an t-Eabhruidh-each, a bha chòmh-nuidh ann an còmh-nard Mhamrean Amoirach, bràthar Escoil, agus bràthar Aheir: agus bha iad sin ann an co'bhoinn re h-Abram.

14 Agus 'nuair a chual' Abram gu'n dè ghhlacadh a bhràthair 'na phrìosanach, dh'armaich e sheirbhifich iunnsaichte,<sup>7</sup> a rugadh 'na thigh fein, trì cheud agus ochd-deug; agus lean e iad gu Dan.

15 Agus roinn se c féin 'nan aghaidh 'san

oidhche, e féin agus a sheirbhisich, agus bhuail e iad, agus lean e iad<sup>8</sup> gu Hoba, a ta air an làimh chli do Dhamascus.

16 Agus thug e air ais a mhaoin uile, agus mar an ceudna thug e air ais a bhràthair Lot, agus a mhaoin; agus mar an ceudna na mnàì' agus an sluagh.

17 Agus chaidh, rìgh Shodoim amach 'na choinnneamh, an dèigh dha pilltinn o mharbhadh Chedorlaomeir, agus nan rìgh a bha maille ris, aig gleann Shabhch, eadhon gleann an rìgh.

18 Agus thug Melchisedic rìgh Shaleim amach aran agus fion: agus b' esan sagart an Dè a's ro àirde.

19 Agus bheannaich se e, agus thubhairt e, Beannaichte gu'n robh Abram o'n Dia a's ro-àirde, sealbhadaìr nèimh agus na talmhainn.

20 Agus beannaichte gu'n robh an Dia a's ro-àirde, a thug thairis do naimhde do d'làimh. Agus thug e dha deachamh do gach ni.

21 Agus thubhairt rìgh Shodoim re h-Abram, Thoir dhomh-sa na daoine,<sup>9</sup> agus gabh amhaoin dhuit féin.

22 Agus thubhairt Abram re rìgh Shodoim, Thog mi mo làmh suas ris an Tighearn', an Dia a's ro-àirde, Sealbhadaìr nèimh agus na talmhainn.

23 Nach gabh mi o shnàthainn eadhon gu h'éill bròige, agus nach gabh mi bheag a dh'aon ni a's leatsa, chum as nach abair thu, Rinn mi Abram beartach?

24 Saor amhàin o na dh'ith<sup>10</sup> na h-òganaich, agus o chuibhrionn<sup>11</sup> nan daoin', a chaidh maille rium, Aner, Escol, agus Mamre; gabhadh iadsan an cuibhrionn.<sup>12</sup>

# CAIB. XV.

AN dèigh nan nithe sin thàinig focal an Tighearna gu h-Abram ann an taisbeanadh,<sup>13</sup> ag ràdh, Na biodh eagal ort Abram: Is mise do sgiath, agus do dhuais ro-mhor.

2 Agus thubhairt Abram, A Thighcarna Dhé, ciod a bheir thu dhomh, is mi 'g imeachd<sup>14</sup> gun chloinn, agus gur e Elieser so o Dhamascus fear-riaghlaidh<sup>15</sup> mo thighe?

3 Agus thubhairt Abram, Feuch, dhomh-sa cha d'thug thu sliochd<sup>16</sup> air bith: agus feuch, 's e neach a rugadh a'm' thigh a's oighre orn.

4 Agus feuch, thàinig focal an Tighearna d'a ionnsuidh, ag ràdh, Cha bhi e so 'na oighre ort; ach esan a thig amach a t'innibh<sup>17</sup> féin, bithidh se 'na oighre ort.

5 Agus thug e leis amach c, agus thubh-

<sup>1</sup> sineacha dùchanna.

<sup>2</sup> ar a mach.

<sup>3</sup> còmh-nard Pharaìn.

<sup>4</sup> blàr.

<sup>5</sup> thalmhainn.

<sup>6</sup> iadsan a dh'fhàgadh.

<sup>7</sup> shòghlumata.

<sup>8</sup> ruaig e, chaidh e'n tòir orra.

<sup>9</sup> na h-anmanna, Eabh.

<sup>10</sup> Ach

a mhàin na dh'ith.

<sup>11</sup> chuid.

<sup>12</sup> an roinn

fein.

<sup>13</sup> foil-seachadh, sealladh.

<sup>14</sup> sin-

bhal.

<sup>15</sup> stiùbhard,

<sup>16</sup> sìol, gineal,

<sup>17</sup> a d'leaspaich.



airt e, Amhairc a nis suas gu neamh, agus àireamh na reulta, ma's urrainn thu'n aireamh: Agus thubhairt e ris, Mar so bithidh do shliochd.

6 Agus chreid e anns an Tighearna; agus mheas e sin dha mar ionracras.<sup>1</sup>

7 Agus thubhairt e ris, *Is* mise an Tighearna a thug amach thusa a h-Ur nan Caldeanach, a thoirt dhuit an fhearainn so, chum a shealbhachadh mar oighre.

8 Agus thubhairt esan, A Thighearna Dhé, cia leis a bhios fios agam gu'n sealbh-aich mi e?

9 Agus thubhairt e ris, Gabh dhomh-sa agh thri' bliadhna dh'aois, agus gabhar<sup>2</sup> thri' bliadhna dh'aois, agus reithe thri' bliadhna dh'aois, agus turtuir, agus columan og.

10 Agus ghabh e dha féin iad sin uile, agus roinn e iad 'sa' mheadhon, agus chuir e gach aon do na mìribh fa chomhair a leth-bhreac, ach cha do roinn e na h-eoin.

11 Agus nuair a thainig na eunlaith a nuas air na cairbbibh,<sup>3</sup> dh'fhuadaich Abram air falbh iad.

12 Agus 'nuair a bha ghrian a' dol fuidh,<sup>4</sup> thuit codal trom air Abram; agus feuch, thuit uamhann dorchadais mhoir air.

13 Agus thubhairt e re h-Abram, Biodh fios gu cinnteach agad, gu'm bi do shliochd 'nan coigrich ann an dùthaich nach leo féin; agus ni iad seirbhis doibh, agus buinidh iad gu cruaidh<sup>5</sup> riu ceithir cheud bliadhna.

14 Agus mar an ceudna air a' chinneach sin d'an dean iad seirbhis, bheir mise breth: agus 'na dhéigh sin thig iad amach le maoin mhòir.

15 Agus théid thusa dh'ionnsuidh t'aithreachan<sup>6</sup> an sìth; adhlacair<sup>6</sup> thu 'n dcagh shean aois.

16 Ach anns a cheathramh linn thig iad an so air an ais, oir cha'n 'eil aingidheachd nan Amorach fathast iomlan.<sup>7</sup>

17 Agus 'nuair a bha ghrian air dol fuidh, bha dorchadas ann; agus feuch, àmhuinn<sup>8</sup> dheataich agus leus teine<sup>9</sup> a chaidh eadar na mìribh sin.

18 Air an là sin féin rinn an Tighearna coì-cheangal re h-Abram, ag ràdh, Do d' shliochd-sa thug mi am fearann so, o abhuinn na h-Eiphit, gu nuig an abhuinn mhòr, abhuinn Euphrates:

19 Na Cenic, agus na Cénidsich, agus na Cadmonaich.

20 Agus na Hitich, agus na Peridsich, agus na Rephaimich.

21 Agus na h-Amorich, agus na Canaanich, agus na Girsasach, agus na Iebusaich.

## CAIB. XVI.

**A** NIS cha d'rug Sarai bean Abraim clann da; agus bha ban-oglach Eiphiteach aice, d'am b'ainm Hagar.

2 Agus thubhairt Sarai re h-Abram, Feuch a nis, chum an Tighearna mi o chlann a bhreith: rach a steach, guidheam ort, a dh'ionnsuidh mo bhan-oglaich; theagamh<sup>10</sup> gu'm fuigh mi clann leatha-sa. Agus dh'éisd Abram re guth Sharai.

3 Agus ghabh Sarai bean Abraim, Hagar a' bhan-Eiphiteach, a ban-oglach féin, an déigh do Abram còmhnuidh ghabhail deich bliadhni' ann an tìr Chanaain, agus thug si i d'a fear Abram, gu bhi aige mar mhnaoi.

4 Agus chaidh esan a steach gu Hagar, agus dh'fhàs i torrach: agus 'nuair a chunnaic i gu'n d'fhàs i torrach, bha a ban-mhaighstir tàireil 'na sùilibh.

5 Agus thubhairt Sarai re h-Abram, Biodh m'ea-coir ortsa: thug mi mo bhan-oglach do d' uchd; <sup>11</sup> agus 'nuair a chunnaic i gu'n d'fhàs i torrach, bha mise tàireil 'na sùilibh: Gu'n d' thugadh an Tighearna breth eadar mis' agus thusa.

6 Ach thubhairt Abram re Sarai, Feuch, ata do bhan-oglach a' d' làimh féin, dean ria mar is àill leat.<sup>12</sup> Agus an uair a bhuin Sarai gu cruaidh ria, theich i o gnùis.

7 Agus fhuair aingeal an Tighearna' i làimh re tobar uisge'san fhàsach, làimh ris an tobar 'san t-slighe gu Sur.

8 Agus thubhairt e, A Hagair, a bhan-oglaich Sharai, cia as a thàinig thu, agus c'aite tha thu dol? Agus thubhairt ise, Tha mi teicheadh o ghnùis Sharai mo bhan-mhaighstir.

9 Agus thubhairt aingeal an Tighearna ria, Pìll a dh'ionnsuidh do bhan-mhaighstir, agus ùmhlaich thu féin f'a làimh.

10 Agus thubhairt aingeal an Tighearna ria, Meudaichidh mise gu mòr do shliochd, agus cha'n airmhear e thaobli lìonmh-oireachd.

11 Agus thubhairt aingeal an Tighearna ria, Feuch, tha thu torrach, agus beiridh tu mac, agus bheir thu Ismael mar ainm air, do bhrì' gu'n d'eisd an Tighearna re t'an-shocair.<sup>13</sup>

12 Agus bithidh e 'na dhuine fiadhaich; bithidh a làmh an aghaidh gach duine, agus làmh gach duine 'na aghaidhsan; agus am fianais a bhràithrean uile gabhaidh se còmh-nuidh.

13 Agus ghoir i ainm an Tighearna' a labhair ria, Thusa Dhe ata 'g am fhaicinn; oir thubhairt i, An c gu'n robh agams' ann an so mar an ceudna sùil ris an Tì sin a ta 'gam fhaicinn?

14 Uime sin ghoir i do'n tobar, Beer-la-

<sup>1</sup> fhìreantachd, <sup>2</sup> gabhar bhainionn. <sup>3</sup> closaichibh. <sup>4</sup> dol fodha. <sup>5</sup> buinidh iad gu h-òle, sàraichidh, pianaich. <sup>6</sup> trodh-laicear. <sup>7</sup> fathast lan, air teachd fathast

gu h-àird. <sup>8</sup> fuirnis. <sup>9</sup> lòchran loisgeach, no teinteach. <sup>10</sup> feudaich e bhì. <sup>11</sup> asgail. <sup>12</sup> mar is math leat, mar a chàthear dhuit, <sup>13</sup> re d' thriobloid.

hai-roi; feuch, *a ta* e eadar Cades agus Bered.

15 Agus rug Hagar mac do Abram: agus thug Abram Ismael mar ainm air a mhac, a rug Hagar.

16 Agus bha Abram ceithir fichead agus sè<sup>1</sup> bliadhna<sup>2</sup> dh'aois, 'nuair a rug Hagar Ismael do Abram.

CAIB. XVII.

**A**GUS 'nuair a bha Abram ceithir fichead agus naoi<sup>3</sup> bliadhna<sup>4</sup> deug a dh'aois; dh'fhoillsich an Tighearn e fèin da, agus thubhairt e ris, *Is mise'n Dia uile chumhachdach*; gluais thusa a'm<sup>5</sup> fhianais, agus bi<sup>6</sup> iomlan.<sup>7</sup>

2 Agus ni mi mo choi'-cheangal cadar mise agus thusa, agus meudaichidh mi thu gu h-anbarrach.

3 Agus thuit Abram air eudan;<sup>2</sup> agus labhair an Tighearna ris, ag radh,

4 Do m' thaobh-sa,<sup>3</sup> feuch, *a ta* mo choi'-cheangal riut-sa, agus bithidh tu a' t' athair mhòrain chinneach.<sup>4</sup>

5 Agus ni'n toircar a so amach Abram mar ainm oir, ach bithidh Abraham agad mar ainm; gur rinn mi thu a't' athair mhòrain chinneach.

6 Agus ni mi thu ro-shìolmhar, agus ni mi dhìot cinnich, agus thig rìghrean amach asad.

7 Agus daingnichidh mi mo choi'-cheangal eadar mis' agus thusa, agus do shliochd a'd' dhéigh, 'nan ginealachabh, mar choi'-cheangal sìorruidh gu bhi m' Dhia dhuitse, agus do d' shliochd a'd' dhéigh.

8 Agus bheir mi dhuitse, agus do d' shliochd a'd' dhéigh, am fearann anns am bheil thu a'd' choigreach<sup>5</sup> tìr Chanaain uile, mar sheilbh shìorruidh; agus bithidh mise a'm' Dhia dhoibh.

9 Agus thubhairt Dia re h-Abraham, Coimhididh tu uime sin mo choi'-cheangal, thu fèin, agus do shliochd a'd' dhéigh, 'nan ginealachabh.

10 So mo choi'-cheangal a choimheadas<sup>6</sup> sibh eadar mise agus sibhshe, agus do shliochd a'd' dhéigh; Gu'n thimchioll-ghearrar gach leanabh mic 'nar measg.

11 Agus timchioll-ghearraidh sibh feoil bhur roimh chroicinn,<sup>7</sup> agus bithidh e 'na chomhar' a' choi'-cheangail eadar mise agus sibhshe.

12 Agus am mac 'nar measg a bhios ochd lathan a dh' aois, timchioll-ghearrar e, gach leanabh mic'nar ginealachabh, esan a' bheir 'san tigh, no cheannchar le h-airgid o choigreach air bith, nach 'eil do d'shliochd-sa.

13 Timchioll-ghearrar gu cinnteach esan a bheir a'd' thigh, agus esan a cheannchar

le t'airgid: agus bithidh mo choi'-cheangal 'nar feoil-sa mar choi'-cheangal sìorruidh.

14 Agus an leanabh mic neothimchioll-ghearrta, aig nach timchioll-ghearrar feoil a roimh-chroicinn, gearrar an t-anam sin amach o shluagh: bhris e mo choi'-cheangal.

15 Agus thubhairt Dia re h-Abraham, A thaobh Sharai do mhnà, cha toir thu Sarai mar ainm oirre,<sup>8</sup> oir *is e Sarah* a h-ainm.

16 Agus beannaichidh mis' i, agus bheir mi dhuit mar an ceudna mac uaithe:<sup>9</sup> seadh, beannaichidh mi i, agus bithidh i 'na m'athair chinneach; thig<sup>10</sup> rìghrean phoib-leach<sup>11</sup> uaithe.

17 An sin thuit Abraham air aghaidh, agus rinna e gàire; agus thubhairt a 'na chridhe, Am beirear mac dha-san ata ceud bliadhna dh'aois? Agus am beir Sarah, ata deich agus ceithir fichead bliadhna<sup>12</sup> dh'aois, mac?

18 Agus thubhairt Abraham re Dia, O gu maireadh Ismael beo a't' fhianais!

19 Agus thubhairt Dia, Gu cinnteach beiridh do bhean Sarah mac dhuit; agus bheir thu Isaac mar ainm air: agus daingnichidh mise mo choi'-cheangal ris, mar choi'-cheangal sìorruidh, agus r'a shliochd 'na dhéigh.

20 Agus a thaobh Ismael chuala mi thu: Feuch, bheannaich mi e, agus ni mi sìolmhar, e, agus cuiridh mi 'n lìonmhoireachd e gu h-anbarrach. Dà cheannard deug ginidh se, agus ni mi e 'na chinneach mor.

21 Ach mo choi'-cheangal daingnichidh mi re h-Isaac, a bheireas Sarah dhuit 'san àm so anns an ath bhliadhna.

22 Agus sguir e bhi labhairt ris;<sup>12</sup> agus chaidh Dia suas o Abraham.

23 Agus ghabh Abraham Ismael a mhac, agus iadsan uile a rugadh 'na thigh, agus iadsan uile a cheannchadh le airgid san, gach fionnach a measg dhaoine tighe Abraham; agus thimchioll-ghearr e feoil an roimh-chroicinn anns a' cheart là sin fèin, mar a thubhairt Dia ris.

24 Agus bha Abraham ceithir fichead agus naoi<sup>3</sup> bliadhna<sup>4</sup> deug a dh' aois, 'nuair a thimchioll ghearradh dha feoil a roimh-chroicinn.

25 Agus bha Ismael a mhac trì<sup>3</sup> bliadhna<sup>4</sup> deug a dh'aois, 'nuair a thimchioll-ghearradh dha feoil a roimh-chroicinn.

26 Anns a' cheart là sin fèin thimchioll-ghearradh Abraham, agus Ismael a mhac.

27 Agus thimchioll-ghearradh maille ris uile dhaoine a' thighe, a rugadh 'na thigh, agus iadsan a cheannchadh le h-airgid o mhac coigrich.<sup>13</sup>

<sup>1</sup> foirfe, dìongmhaltas. aghaidh. <sup>3</sup> air mo shon-sa.

<sup>5</sup> fearann do chuairt.

<sup>7</sup> roi'-chraicinn.

<sup>2</sup> aodainn; <sup>4</sup> fhìneacha.

<sup>6</sup> ghleidheas.

<sup>8</sup> orra: uire. Eir.

<sup>9</sup> uaipe.

<sup>12</sup> bhi cainnt ris, còmhradh.

greach.

<sup>10</sup> bithidh.

<sup>11</sup> shlogh.

<sup>13</sup> o choi-



## CAIB. XVIII.

**A**GUS dh'fhoillsich an Tighearn' e fèin da ann an còmharnad Mhamre,<sup>1</sup> agus e 'na shuidhe an dorus a' bhùtha ann an teas an là.

2 Agus thog e suas a shùilean, agus dh'amhairc e, agus feuch, *bha* triuir dhaoin' a' seasamh làimh ris; agus 'nuair a chunnaic e *iad*, ruidh e 'nan coinneamh o dhorus a bhùtha, agus chrom se e fèin gu làr.

3 Agus thubhairt e, Mo thighearna, ma fhuair mi nis deagh-ghean a'd' shùilibh,<sup>2</sup> guidheam ort, na rach seachad air do sheirbhisich.

4 Thugar an so guidheam oirbh, beagan uisge, agus ionnailibh<sup>3</sup> bhur casan,<sup>4</sup> agus leigibh bhur n-anail fuidh 'n chraoibh.

5 Agus bheir mise 'n so greim arain, agus neartaichibh bhur cridhe; an dèigh sin imichidh sibh romhaidh, oir is ann uime sin a thàinig sibh a dh'ionnsuidh bhur seirbhisich. Agus thubhairt iadsan, Dean eadhon mar a thubhairt thu.

6 Agus ghreas Abraham<sup>5</sup> do'n bhùth a dh'ionnsuidh Sharaibh, agus thubhairt e, Dean cablag,<sup>6</sup> taoisinn<sup>7</sup> trì' mìosairean do mhìn phlùr, agus dean arain<sup>8</sup> air leachd an teinteinn.<sup>9</sup>

7 Agus ruidh Abraham a dh'ionnsuidh a chruidh,<sup>10</sup> agus ghabh e laogh maoth agus math, agus thug e dh'òganach e, agus rinn e deifir<sup>11</sup> g'a dheasachadh.

8 Agus ghabh e im agus bainne, agus an laogh a dheasaich e, agus chuir e air am beulaobh *iad*; agus sheas e làimh riu fuidh 'n chraoibh, agus dh'ith iad.

9 Agus thubhairt iad ris, C'ait' am bheil Sarah do bhean? Agus thubhairt esan, Feuch, anns a' bhùth.

10 Agus thubhairt e, Gu cinnteach pillidh mi t'ionnsuidh a réir àm<sup>12</sup> na beatha; agus feuch, *bithidh* mac aig Sarah do bhean. Agus chuala Sarah sin ann an dorus a' bhùtha, a *bha* air a chùl.

11 A nis *bha* Abraham agus Sarah sean, agus air dol air an aghaidh gu math ann an aois: agus sguir Sarah a bhi réir dòigh nam ban.

12 Uime sinn rinn Sàrah gàire innte fèin, ag ràdh, 'An dèigh dhomhsa fàs aosda, am bi subhachas<sup>13</sup> agam, agus gu bheil mo thighearna aosda mar an ceudna?

13 Agus thubhairt an Tighearna re h-Abraham, C'ar son a rinn Sarah gàire, ag ràdh, 'N e gu'm beir mise gu cinnteach *leanabh*, agus mi aosmhar?

14 Am bheil ni air bith do-dheanta<sup>14</sup> do 'n Tighearna? 'San am shuidhichte pillidh

mi a't' ionnsuidh, a réir àm na beatha, agus *bithidh* mac aig Sarah.

15 'An sin dh'aicheun<sup>15</sup> Sarah, ag ràdh, Cha d' rinn mi gàire: oir bha eagal oirre. Agus thubhairt esan, Ni h-eadh, oir rinn thu gàire.

16 Agus dh'éirich na daoine' as sin, agus dh'amhairc iad rathad Shodoim<sup>16</sup> agus chaidh Abraham maille riu g'an cur air an t-slighe.<sup>17</sup>

17 Agus thubhairt an Tighearna, An ceil mi air Abraham an ni sin ata mi gus a dheanamh;

18 Agus gu'm fàs Abraham gu cinnteach 'na chinneach mòr agus cumhachdach, agus gu'm beannaichear annsan uile chinnich na talmhainn?

19 Oir is aithne dhomh e, gu'n d'thoir e<sup>18</sup> aithne d'a chloinn, agus d'a theaghlach 'na dhèigh, agus gleidhidh iadsan slighe an Tighearna, a' deanamh<sup>19</sup> ceartais agus breitheanais; chum as gu'n d'thoir an Tighearn' air Abraham an ni sin a labhair e m'a thimchioll.

20 Agus thubhairt an Tighearna, Do bhrì' gu bheil glaoth Shodoim agus Ghomorrah mòr, agus do bhrì, gu bheil am peacadh air an-tromachadh gu h-anbarrach;<sup>20</sup>

21 Thèid mi sìos a nis, agus chi mi ma rinn iad gu léir<sup>21</sup> a réir a ghlaoidh, a thàinig a'm' ionnsuidh; agus mar do rinn, bithidh fios agam.

22 Agus thionndaidh na daoine' an aghaidh as sin, agus ghabh iad an t-slighe gu Sodom: ach sheas Abraham fathast an làthair an Tighearna.

23 Agus thàinig Abraham am fagus,<sup>22</sup> agus thubhairt e, An sgrios thusa mar an ceudna an t-ionracan<sup>23</sup> maille ris an aingidh.<sup>24</sup>

24 Ma's e's gu bheil leth-cheud ionracan an taobh a stigh do'n bhaile, an sgrios thu mar an ceudna, agus nach caomhain thu'n t-àit' air son an leth-cheud ionracan *ata* ann?

25 Gu ma fada robh e uats' a dheanamh air an dòigh so, an t-ionracan a mharbhadh maille ris an aingidh, ionnas gu'm bi 'n t-ionracan mar an t-aingidh: Gu ma fada robh sin uatsa. Nach dean Breitheamh na talmhainn uile ceartas?

26 Agus thubhairt an Tighearna, Ma gheibh mi ann an Sodom leth cheud ionracan 'an taobh a stigh do'n bhaile, 'an sin caomhnaidh mi 'n t-àit' uile air an sgàth-san.<sup>25</sup>

27 Agus fhreagair Abraham, agus thubhairt e, Feuch a nis, ghabh mi orm fèin labhairt re m' Tighearna,<sup>26</sup> agus gun an-nam ach duslach agus luathre.<sup>27</sup>

Sodom. <sup>17</sup> a thoirt coimhdeachd dhoibh.

<sup>18</sup> gu'n tair. <sup>19</sup> a'dheanamh. <sup>20</sup> gu mòr.

<sup>21</sup> d'a rìreadh. <sup>22</sup> am fogus. <sup>23</sup> am fìrean.

<sup>24</sup> maille ris a' chiontach. <sup>25</sup> air an son-san.

<sup>26</sup> ris an Tighearna. <sup>27</sup> luath.

<sup>1</sup> aig daragaibh Mhamre.

<sup>2</sup> a't' fhiainais.

<sup>3</sup> nigibh. <sup>4</sup> cosa. <sup>5</sup> rinn Abraham cablag.

<sup>6</sup> deifrich. <sup>7</sup> fain. <sup>8</sup> breacagan. <sup>9</sup> leachd

an teallaich. <sup>10</sup> do'n bhuar. <sup>11</sup> cablag.

<sup>12</sup> ainsir. <sup>13</sup> toil-intinn. <sup>14</sup> cruaidh.

<sup>15</sup> dh'aicheadh, dh'ob: sheun. Eir. <sup>16</sup> gu

28 Ma's e's gu'm bi cùigear<sup>1</sup> a dh'uirreasbhuidh air an leth-cheud ionracan, an sgrios thu'm baile uile air son *easbhuidh*<sup>2</sup> chùigir? Agus thubhairt e, Cha sgrios mi e, ma gheibh mi'n sin cùig<sup>3</sup> agus dà fhichead.

29 Agus labhair e ris a ris, agus thubhairt e, Ma's e's gu'm faighear<sup>4</sup> an sin dà fhichead? Agus thubhairt e, Cha dean mi e air sgàth dhà fhichead.

30 Agus thubhairt e ris, Oh! na biodh fearg air mo Thighearna, agus labhraidh mi: Ma's e's gu'm faighear ann an sin deich 'ar fhichead? Agus thubhairt e, Cha dean mi e, ma gheibh mi 'n sin deich 'ar fhichead.

31 Agus thubhairt e, Feuch a nis, ghabh mì orm fèin labhairt re m' Thighearna: Ma's e's gu'm faighear fichead 'an sin? Agus thubhairt e, Cha sgrios mi e air son fhichead.

32 Agus thubhairt e, Oh! na biodh fearg air mo Thighearna, agus labhraidh mi 'mhàin an aon uair so: Ma's e's gu'm faighear deichnean an sin? Agus thubhairt e, Cha sgrios mi e air sgàth dheichnean.

33 Agus dh'imich an Tighearna roimhe, 'nuair a sguir e do labhairt re h-Abraham: agus phill Abraham g'a àite fèin.

CAIB XIX.

**A**GUS thàinig dà aingel do Shodom 'san fheasgar, agus bha Lot 'na shuidhe ann an geata Shodoin: agus 'nuair a chunnaic Lot iad, dh'èirich e suas nan coinneamh, agus chrom se e fèin air aghaidh gu làr.<sup>5</sup>

2 Agus thubhairt e, Feuch a nis, mo thighearnan, tionndadhaibh a steach,<sup>6</sup> guidheam oirbh, do thigh bhur seirbhisich, agus fanaibh re na h-oidheche, agus ionnailibh bhur casan, agus éiridh sibh gu moch, agus théid sibh air bhur turus.<sup>7</sup> Agus thubhairt iad, Nì h-eadh, ach fanaidh sinn air an t-fraid ré na h-oidheche.

3 Agus choi'-éignich e iad, agus thionndaidh iad d'a ionnsuidh, agus chaidh iad a steach d'a thigh: agus rinn e cuirm<sup>8</sup> dhoibh, agus dheasaich e aran neo-ghoirtichte<sup>9</sup> agus dh'ith iad.

4 Ach mu'n deachaidh iad a luidhe, chnairtich<sup>10</sup> daoine a' bhaile an tigh, *eadhon* daoine Shodoin, aràon sean agus òg, an sluagh uile o gach cearna.

5 Agus ghairm iad air Lot, agus thubhairt iad ris, C'ait 'an bheil na daoine a thàinig a't ionnsuidh an nochd? Thoir amach iad d'ar n-ionnsuidh, chum as gu'n aithnich sinn iad.

6 Agus chaidh Lot amach d'an ionnsuidh air an dorus, agus dhruid e 'n dorus 'na dhèigh,

7 Agus thubhairt e, Na deanaibh, guidheam oirbh, mo bhràithre, gnìomh cho olc.

8 Feuch a nis, tha agam dithis nigheana do nach b'aithne fear; leigibh leam, guidheam oirbh, an toirt amach d'ar n-ionnsuidh, agus deanaibh riu mar is àill leibh: '1 amhàin air na daoinibh so na deanaibh a' bheag, oir is ann a chum na criche so a thàinig iad fuidh sgàile mo thighe-se.

9 Agus thubhairt iadsan, Seas air t'ais. Agus thubhairt iad a ris, Thàinig am fear so 'na aonar air chuairt, agus is àill leis a bhi 'na bhreitheamh: A nis buinidh sinne riutsa nì's miosa na riu-san. Agus rinn iad éigin<sup>12</sup> mhòir air an duine, *eadhon* air Lot, agus thàinig iad am fagus a bhriseadh an dorus.

10 Ach chuir na daoine a' mach an làmh, agus thug iad Lot a steach d'an ionnsuidh do'n tigh, agus dhùin<sup>13</sup> iad an dorus.

11 Agus bhuail iad na daoine a' bha aig dorus an tighe, le doille, eadar bheag agus mhòr:<sup>14</sup> ionnas<sup>15</sup> g'un do sgithich iad iad fèin ag iarraidh an dorus.

12 Agus thubhairt na daoine re Lot, Co tuilleadh a th'agad an so? Do chliamhuin, agus do mhic, agus do nigheana, agus ge b'e ni a ta agad 'sa' bhaile, thoir a mach iad as an àite so:

13 Oir tha sinne gus an t-àite so a sgrios, do bhrì' gu bheil an glaoth air fàs mòr 'an làthair an Tighearna; agus chuir an Tighearna sinne g'a sgrios.<sup>16</sup>

14 Agus chaidh Lot a mach, agus labhair c'ra chleamhnaibh, a phòs a nighcanan,<sup>17</sup> agus thubhairt e, Eiribh, rachaibh amach as an àite so, oir tha'n Tighearna gus am baile so a sgrios: Ach bha e mar neach a bha re fanoid ann an sùilbha a chleamhna.

15 Agus 'nuair a dh'èirich a mhadainn, ann an sin ghreas na h-aingil Lot, ag ràdh, Eirich, gabh do bhean, agus do dhithis nighean ata'n so, an t-eagal gu'n sgriosar thu ann an aingidheachd a bhaile.

16 Agus, 'nuair a bha e deanamh moille, 'an sin rug na daoine air làimh air, agus air làimh air a mhnai, agus air làimh air a dhithis nighean; air do'n Tighearna bhi tròcaireach dha: agus thug iad amach e, agus chuir iad e'n taobh a muigh do'n bhaile.

17 Agus 'nuair a thug iad amach iad, thubhairt e, Teich air son t'anma; na seall a'd dhèigh, agus na stad 'sa' chómhnard uile:<sup>18</sup> teich do'n t-slabh, an t-eagal gu millear thu.

18 Agus thubhairt Lot riu, Oh! nì h-ann mar sin, mo thighearna.

19 Feuch a nis, fhuair do sheirbhiseach deagh ghean a'd shùilbha, agus mheudaich thu do throcair, a nochd thu dhomsa le

<sup>1</sup> cùigear, còigear.

<sup>2</sup> dith.

<sup>3</sup> coig.

<sup>4</sup> fuighear.

<sup>5</sup> le aghaidh ris an làr.

<sup>6</sup> teannaibh a steach.

<sup>7</sup> slighe. Eabh.

<sup>8</sup> cuirm, fèis.

<sup>9</sup> neo-ghoirtichte, gun

bhèirn, gun laibhin.

<sup>10</sup> dh'iad.

<sup>11</sup> mar

is math lèbh.

<sup>12</sup> spairn.

<sup>13</sup> dhruid.

<sup>14</sup> d'n bheag gus a' mhòr. Eabh.

<sup>15</sup> air chor agus.

<sup>16</sup> g'an sgrios.

<sup>17</sup> a ghabh a nigh-

eana. <sup>18</sup> fan sa chòrnard idir.



m'anam a theasairginn: agus cha'n urrainn mise dol as do'n t-sliabh, an t-eagal gu'n d'thig<sup>1</sup> olc eigin orm, agus gu'm faigh mi bas.

20 Feuch a nis, *thu* 'm baile ud am fagus gu teicheadh d'a ionnsuidh, agus e beag; leigear dhomh a nis teicheadh 'an sud, (nach beag e?) agus bithidh m'anam beo.

21 Agus thubhairt e ris, Feuch, ghabh mi re 'athchuinge 'san ni so mar an ceudna, nach sgrios mi'm baile so, mu'n do labhair thu.

22 Greas ort, teich 'an sud, oir cha 'n urrainn mi ni air bith a dheanamh gus an d'théid thu'n sud; uime sin thugadh Soar mar ainm air a' bhaile.

23 Bha ghrian air éirigh air an talamh, 'nuair a chaidh Lot a steach do Shoar.

24 'An sin thug an Tighearn air pronnasc agus teinne frasadh air Sodom agus air Gomorrah a nuas o'n Tighearna as na néamhan.

25 Agus sgrios e na bailte sin, agus an còmhnaid uile, agus uile luchdaiteachaidh nam bailtean, agus na dh'fhàs air an talamh.

26 Ach sheall a bhean 'na déigh o chù-laobh, agus dh'fhàs i 'na carradh<sup>2</sup> sa-lainn.

27 Agus chaidh Abraham suas moch 'sa' mhadainn do'n àite, anns an do sheas e 'n làthair an Tighearna.

28 Agus sheall e air Sodom agus Gomorrah, agus air fearann a' chòmhnaid uile,<sup>3</sup> agus chunnaic e, agus fench, chaidh deatach na tìre suas mar dheatach àmh-ainn.<sup>4</sup>

29 Agus 'nuair a sgrios Dia bailtean a' chòmhnaid, 'an sin chuimhnich Dia air Abraham, agus chuir e mach Lot a meadhon an léir-sgrios, 'nuair a sgrios e na bailtean, anns an robh Lot 'na chòmhnaidh.

30 Agus chaidh Lot suas a Soar, agus ghabh e còmhnaidh 'san t-sliabh, agus a dhithis nighean maille ris; oir bha eagal air còmhnaidh ghabhail ann an Soar: agus ghabh e còmhnaidh ann an uaimli, e féin agus a dhithis nighean.

31 Agus thubhairt an té bu shine ris an té a b' òige, *Tha* ar n-athair sean, agus cha 'n eil fear air an talamh gu teachd a steach d' ar n-ionnsuidh, a rèir gnàtha<sup>5</sup> na talmhainn uile.

32 Thig, thugamaid air ar n-athair fion òl, agus luidheamaid maille ris, chum as gu'n gléidh sinn sliochd<sup>6</sup> o ar n-athair.

33 Agus thug iad air an athair fion òl air an oidhche sin: agus chaidh an té bu shine steach, agus luidh<sup>7</sup> i maille r'a h-athair; agus cha do mhothaich e 'nuair a luidh i sìos, no 'nuair a dh'éirich i.

34 Agus air an *la-maireach*<sup>8</sup> thubhairt an té bu shine ris an té a b' òige, Feuch, luidh mise 'n reidhr<sup>9</sup> maille re m' athair; thugamaid air fion ol an nochd mar an ceudna, agus rachsa steach, agus luidh maille ris, chum as gu'n gléidh sinn sliochd o ar n-athair.

35 Agus thug iad air an athair fion òl air an oidhche sin mar an ceudna: agus dh'éirich an té b' òige, agus luidh i maille ris, agus cha do mhothaich e 'nuair a luidh i sìos, no 'nuair a dh'éirich i.

36 Mar so bha dithis nighean Lot torrach aig an athair.

37 Agus rug an té bu shine mac, agus thug i Moab mar ainm air: 's esan athair nam Moabach gus an là'n diugh.

38 Agus an té b' òige, rug ise mar an ceudna mac, agus thug i Ben-ammì mar ainm air: 's esan athair chloinn Ammoin gus an là'n diugh.

## CAIB. XX.

**A** GUS dh'ìmich Abraham as sin do'n tìr mu dheas, agus ghabh e còmhnaid eadar Cades agus Sur; agus bha e air chuairt ann an Gerar.

2 Agus thubhairt Abraham mu 'Sarah a bhean, 'Si mo phiuthar i: Agus chuir Abimelech rìgh Gherair teachdaire uaithe, agus ghabh e Sarah.

3 Agus thàinig Dia gu Abimelech ann an aising<sup>10</sup> 'san oidhche, agus thubhairt e ris, Feuch, *is duine* marbh thu, air sòn na mnà a ghabh thu; oir *is bean* duin' eil' i.

4 Ach cha d'thàinig Abimelech am fagus d'i,<sup>11</sup> agus thubhairt e, A thighearna, am marbh thu mar an ceudna cinneach ionruic?

5 Nach d' thubhairt esan riumsa, 'Si mo phiuthar i? agus thubhairt ise, eadhon ise féin, 'Se mo bhràthair e: ann an treibh-dhìreas mo chridhe, agus ann an neo-chionta mo làmh rinn mi so.

6 Agus thubhairt Dia ris ann an aising, Seadh, tha fios agam gur ann an treibh-dhìreas do chridhe a rinn thu so, agus chum mise mar an ceudna thu o pheacachadh a'm' aghaidh: uime sin cha do leig mi leat beantainn ria.

7 A nis ma'ta thoir air a h-ais<sup>12</sup> do'n duine a bhean, *oir is fàidh* e, agus ni e ùrnuigh air do shon, agus bithidh tu beo: ach mur d'thoir thu air a h-ais i, biodh fios agad gu'm faigh thu bàs gu cinnteach, thu féin agus gach uile a's leat.

8 Uime sin dh'éirich Abimelech moch 'sa' mhadainn, agus ghairm e a sheirbhisich uile, agus dh'aithris<sup>13</sup> e na nithe sin uile 'nan èisdeachd; agus bha eagal mòr air an daoine.<sup>14</sup>

9 'An sin ghairm Abimelech air Abra-

<sup>1</sup> gu'm beir. <sup>2</sup> pillar. sasg. <sup>3</sup> aghaidh Shodoin agus Ghomorrah, agus air aghaidh fearain a' chònaid uile. <sup>4</sup> fuirnis. <sup>5</sup> cleachda, cor, modh. <sup>6</sup> sìol. <sup>7</sup> laidh. <sup>8</sup> air

a' mhàireach. <sup>9</sup> an reir, an raoir. <sup>10</sup> bruadar 'na còir. <sup>11</sup> aising. <sup>12</sup> dh'innis. <sup>13</sup> dh'oilltich na daoine.

ham, agus thubhairt e ris, Ciod so a rinn thu oirn? agus ciod an eucoir<sup>1</sup> a rinn mis' ort, gu'n d'thug thu ormsa, agus air mo rioghachd peacadh mòr? rinn thu gnìomharan ormsa, nach bu chòir a dheanamh.

10 Agus thubhairt Abimelech re h-Abraham, Ciod a chunnaic thu, gu'n d'rinn thu an ni so?

11 Agus thubhairt Abraham, A chionn gu'n d'thubhairt mi<sup>2</sup> *anum fèin*, Gu cinnteach cha 'n'eil eagal an 'lighearna 'san ionad so; agus marbhaidh iad mi air son mo mhnà.

12 Agus gidheadh 'si gu deimhin mo phiuthar i, nighean m'athar i, ach cha'n i nighean mo mhàthar: agus bha i agam mar mhnàoi.

13 Agus 'nuair a thug Dia orm dol air m'aineol<sup>3</sup> o thigh m'athar, 'an sin thubhairt mi ria,<sup>4</sup> 'Se so do chaoimhneas a nochdas tu dhomhsa; Anns gach àite d'an d'thig<sup>5</sup> sinn, abair mu m' thimchioll, 'Se mo bhràthair e.

14 Agus ghabh Abimelech caoraich, agus buar,<sup>6</sup> agus òglaich agus ban-òglaich,<sup>7</sup> agus thug e iad a dh'Abraham, agus thug e air a h-ais dha Sarah a bhean.

15 Agus thubhairt Abimelech, Feuch, tha m'fhearann fa d'chòmhair: gabh còmh-nuidh far an taitneach leat.

16 Agus re Sarah thubhairt e, Feuch, thug mi mìle *bonn* airgid do d' bhràthair: feuch, tha e dhuitse<sup>8</sup> 'na chòmhdachadh sùl do gach uile *ata* maille riut, agus maille ris gach uile: mar so fhuaire i achmhasan.<sup>9</sup>

17 Agus rinn Abraham ùrnuigh re Dia; agus leighis Dia Abimelech, agus a bhean, agus a bhan-òglaich, agus rug iad *clann*.

18 Oir dhruid<sup>10</sup> an Tighearna suas gach bolg ann an teaghlach Abimelech, air son Sharaib mnà Abraham.

# C A I B. XXI.

**A**GUS dh'amhairc an Tighearn' air Sarah<sup>11</sup> mar a thubhairt e; agus rinn an Tighearna do Sharah mar a labhair e.

2 Oir dh'fhàs Sarah torrach, agus rug i mac do Abraham 'na shean aois, 'san àm shuidhichte mu'n do labhair Dia ris.

3 Agus thug Abraham Isaac mar ainm air a mhac a rugadh dha, a rug Sarah dha.

4 Agus thimchioll-ghearr Abraham Isaac a mhac, 'nuair a bha e ochd lathan a dh'aois, mar a dh'àithn Dia dha.

5 Agus bha Abraham ceud bliadhna dh'aois, 'nuair a rugadh a mhac Isaac dha.

6 Agus thubhairt Sarah, Thug Dia orm gàire dheanamh: agus gach neach e chluinneas, ni e gàire maille rium.

7 Agus thubhairt i, Co a theireadh re h-Abraham, gu'n d'thugadh Sarah cìoch do

chloinn, oir rug mi mac dha 'na shean-aois?

8 Agus dh'fhàs an leanabh, agus chuir-eadh bhàrr na cìch e;<sup>12</sup> Agus rinn Abraham curm mhòr 'san là an do chuir-eadh Isaac bhàrr na cìche.

9 Agus chunnaic Sarah mac Hagair na ban-Eiphitich, a rug i dh'Abraham, re fannoid.

10 Uime sin thubhairt i re h-Abraham, Tilg amach, a' bhan-tràille<sup>13</sup> so, agus a mac; oir cha bhi mac na bantràille so 'na oighre maille re m' mhac-sa, eadhon re h-Isaac.

11 Agus bha'n ni ro-dhoilgheasach ann an sùilibh Abraham, air son a mhic.

12 Agus thubhairt Dia re h-Abraham, Na biodh e doilgheasach a'd' shuilibh air son an òganaich, agus air son do bhantraille; a thaobh gach ni a thubhairt Sarah riut, éisd r'a guth: oir is ann an Isaac a dh'ainmichear<sup>14</sup> dhuitse sliochd.

13 Agus mar an ceudna do mhac na ban-tràille ni nise cinneach, do brìgh gur e do shliochds' e.

14 Agus dh'éirich Abraham suas gu moch 'sa' mhadainn, agus ghabh e aran, agus searrag<sup>15</sup> uisge, agus thug e sin do Hagar, agus chuir e air a gualainn e, agus an leanabh; agus chuir e air falbh i: agus dh'imich i, agus chaidh i air seacharan, 'am fàsach Bheer-seba.

15 Agus chaitheadh<sup>16</sup> an t-uisge o'n t-searraig; agus thilg i'n leanabh fuidh h-aon do na preasaibh.<sup>17</sup>

16 Agus dh'fhalbh i, agus shuidh i sìos f'a chomhair, tamull math uaith, mu thimchioll urchuir saighde: oir thubhairt i, Na faiceam bàs an leinibh. Agus shuidh i f'a chomhair, agus thog i suas a guth, agus ghuil i.

17 Agus chuala Dia guth an òganaich: agus ghairm aingeal Dé air Hagar o nèamh, agus thubhairt e ria, Ciod a tha teachd riut, a Hagair? Na biodh eagal ort; oir chuala Dia guth an òganaich far am bheil e.

18 Eirich, tog suas an t-òganach, agus gabh greim<sup>18</sup> a'd' làimh dheth, oir ni mise 'na chinneach mòr e.

19 Agus dh'fhosgail Dia a sùilean, agus chunnaic i tobar uisge: agus chaidh i, agus lion i 'n t-searrag le h-uisge, agus thug i deoch do'n òganach.

20 Agus bha Dia leis an òganach, agus dh'fhàs e suas: agus gabh e còmhnuidh 'san fhàsach, agus bha e 'na fhear-bogha.

21 Agus ghabh e còmhnuidh 'am fàsach Pharaìn: agus ghabh a mhàthair bean da a talamh na h-Eiphit.

22 Agus 'san àm sin fèin labhair Abimelech, agus Phichól ard cheannard a shlu-

<sup>1</sup> a' choire, an cron. <sup>2</sup> gu'n do smuainich, gu'n do shòait mi. <sup>3</sup> air choigrich. <sup>4</sup> rithe. <sup>5</sup> d'au tig. <sup>6</sup> crodh, daimh. <sup>7</sup> seirbhisich. <sup>8</sup> bithidh so dhuitse. <sup>9</sup> chronaicheadh i. <sup>10</sup> dhruid gu aingean. <sup>11</sup> dh'fhiosraich,

chumhnic an Tighearn' air Sarah. <sup>12</sup> chuir-eadh-air d'ol e. <sup>13</sup> a' bhann-tràill, bhean dhaor. <sup>14</sup> ghoirear. <sup>15</sup> soirre, buideal. <sup>16</sup> theirig. <sup>17</sup> craobhaibh. <sup>18</sup> glac.



aigh, re h-Abraham, ag ràdh, *Tha Dia leat 'sgach ni ata thu deanamh.*

23 A nis uime sin mionnaich dhomsa air Dia, nach buin thu gù fealltach riamsa,<sup>1</sup> no re 'm mhac, no re mac mo mhic; *ach a réir a' chaoimhneis a rinn mi riut, ni thusa riamsa, agus ris an t-ir anns an robh thu air chuairt.*

24 Agus thubhairt Abraham, Bheir mi mo mhionnan.

25 Agus thug Abraham achmhasan do Abimelech air son tobair uisgé, a thug a seirbhisich Abimelech amach le h-ainneart.<sup>2</sup>

26 Agus thubhairt Abimelech, Cha b'fhisrach mise co rinn an gnìomh so: cha d'innis thu féin domh, agus cha mhò a chuala mi bheag *m'a thimchioll* ach an diugh.<sup>3</sup>

27 Agus ghabh Abraham caoraich agus crodh, agus thug e iad do Abimelech: agus rinn iad le chèile coì-cheangal.

28 Agus chuir Abraham seachd uain bhainiòn do'n treud air leth leo féin.

29 Agus thubhairt Abimelech re h-Abraham, Cìod iad na seachd uain bhainiòn sin, a chuir thu air leth leo féin?

30 Agus thubhairt e, Oir gabhaidh tu na seachd uain bhainiòn sin o m' làimh; chum gu'm bi iad 'nam fianais domhsa, gu'n do chladhaich mi 'n tobar so.

31 Uime sin thug e Beer-seba mar ainm air an àite sin, do bhrìgh ann an sin gu'n d'thug iad am mionnan le chèile.

32 Mar so rinn iad coì-cheangal aig Beer-seba: 'an sin dh'éirich Abimelech suas, agus Phichol, ard cheannard a shluaigh, agus phill iad do thìr nam Philistineach.

33 Agus shuidhich Abraham *doire*<sup>4</sup> chraobh aig Beer-seba, agus ghairm e 'n sin air ainm an Tighearna, an Dé shiorruidh.

34 Agus bha Abraham air chuairt ann an tìr nam Philistineach mòran do laithibh.

# CAIB. XXII.

**A**GUS 'an deigh nan nithe sin dhearbh<sup>5</sup> Dia Abraham, agus thubhairt e ris, Abraham. Agus thubhairt e, Feuch, *tha mi 'n so.*

2 Agus thubhairt esan, Gabh a nis do mhac, t'aon *mhac* Isaac, a's ionmhuinn leat, agus rach do thìr Mhoriaih,<sup>6</sup> agus thoir suas 'an sin e marthabhartas-loisgt<sup>7</sup>, air aon do na beanntaibh e dh'innseas mise dhuit.

3 Agus dh'éirich Abraham gu moch 'sa' mhadaoinn, agus dh'ughimich e asal,<sup>8</sup> agus ghabh e dithis d'a óganaich<sup>9</sup> maille ris, agus a mhac Isaac; agus sgoilt e fiodh air son an tabhartais-loisgte, agus dh'éirich e suas, agus chaidh e do 'n àit' a dh'innis Dia dha.

4 A nis air an treas là thog Abraham suas a shùilean, agus chunnaic e 'n t-àite fada uaithe.

5 Agus thubhairt Abraham r'a óganaich, Fanaibhs' ann an so maille ris an asal, agus théid mis' agus an gille<sup>10</sup> gu nuige<sup>11</sup> sud, agus ni sinn aoradh,<sup>12</sup> agus thig sinn aris<sup>13</sup> d'ar n-ionnsuidh.

6 Agus ghabh Abraham fiodh<sup>14</sup> an tabhartais-loisgte, agus chuir se e air muin a mhic Isaac; agus ghabh e 'na làimh an teine, agus an sgian: agus dh'imich iad cuideachd le chèile.

7 Agus labhair Isaac r'a athair Abraham, agus thubhairt e, Athair: agus thubhairt esan, Feuch, *tha mi 'n so*, a mhic. Agus thubhairt e, Feuch an teine, 's am fiodh; ach c'ait, *om bheil* an t-uan air son tabhartais-loisgte?

8 Agus thubhairt Abraham, Gheibh Dia, a mhic, uan dha féin<sup>15</sup> air son tabhartais-loisgte: Mar sin dh'imich iad cuideachd le chèile.

9 Agus thàinig iad do'n àit' a dh'innis Dia dha, agus thog Abraham altair 'an sin, agus chuir<sup>16</sup> e 'm fiodh 'an òrdugh; agus cheangail e mhac Isaac, agus chuir e air an altair e air uachdar an fhiodha.

10 Agus shìn Abraham amach a làmh, agus ghabh e 'n sgian a mharbhadh a mhic.

11 Agus ghlaodh<sup>17</sup> aingeal an Tighearna ris o neamh, agus thubhairt e, Abraham, Abraham. Agus thubhairt esan, Feuch, *tha mi 'n so.*

12 Agus thubhairt e, Na leag do làmh air a' ghille, agus na dean ni sam bith air: oir a nis tha mi fiosrach gu bheil eagal Dé ort, do bhrì, nach do chum thu do mhac, *eadhon* t'aon *mhac* uamsa.

13 Agus thog Abraham suas a shùilean, agus dh'amhairc e, agus feuch, reithe air a chùlaobh<sup>18</sup> 'an sàs ann am preas<sup>19</sup> air adhaircean: agus chaidh Abraham, agus ghabh e 'n reithe, agus thug e suas e mar thabhartas-loisgte 'n àit' a mhic.

14 Agus thug Abraham Iehobhab-Ireth mar ainm air an àite sin: mar a theirear *agus* an là'n diugh, Ann an sliabh an Tighearna chithear e.<sup>20</sup>

15 Agus ghlaodh aingeal an Tighearna re h-Abraham an dara uair o neamh.

16 Agus thubhairt e, Orm féin mhionnaich mi, ar's an Tighearna', a chionn gu'n d'rinn thu an ni so, agus nach do chum thu *uam* do mhac, *eadhon* t'aon *mhac*;

17 Gu'm beannaich mi thu gu mòr,<sup>21</sup> agus gn'n dean mi do shliochd ro lìonmhor *eadhon* mar reulta nèimh, agus mar an

<sup>1</sup> nach deau thu feall ormsa.

<sup>2</sup> leis an làimh lùdair.

<sup>3</sup> agus an diugh.

<sup>4</sup> badan coille.

<sup>5</sup> dh'fheuch.

<sup>6</sup> Mhoriaih.

<sup>7</sup> a'frazil loisgte.

<sup>8</sup> chuir e d'ollaid air asal.

<sup>9</sup> a dhà òganach.

<sup>10</sup> an leanabh-gille.

<sup>11</sup> gu ruig.

<sup>12</sup> àdhradh.

<sup>13</sup> pillidh.

<sup>14</sup> le foirneart.

<sup>15</sup> agus an diugh.

<sup>16</sup> thoir ort tìr

<sup>17</sup> chuir e d'ollaid

<sup>18</sup> air asal.

<sup>19</sup> a dhà òganach.

<sup>20</sup> an leanabh-gille.

<sup>21</sup> gu ruig.

<sup>22</sup> àdhradh.

<sup>23</sup> pillidh.

sinn.

<sup>14</sup> connadh.

<sup>15</sup> Chi Dia, a mhic, air son uain dha fein. Eabh.

<sup>16</sup> leag.

<sup>17</sup> ghaiream.

<sup>18</sup> a chùl-thaobh.

<sup>19</sup> 'an caoir-dhris.

<sup>20</sup> San t-sliabh chi an Tighearna.

<sup>21</sup> Le beannachadh gu'm beannaich mi thu. Eabh.

gaineamh,<sup>1</sup> *ata* air tràigh na fairge: agus sealbhaichidh do shliochd geatadh an naimhde;

18 Agus beannaichear ann ad' shliochd-sa uile chinnich na talmhainn, a chionn gu'n d' éisd thu re m' ghuth.

19 Mar sin phill Abraham dh'ionnsuidh òganacha; agus dh'éirich iad suas, agus chaidh iad cuideachd gu Beer-seba; agus ghabh Abraham còmhnuidh aig Beer-seba.

20 Agus 'an déigh nan nithe sin dh'innseadh do Abraham, ag ràdh, Feuch, rug Milcah mar an ceudna mic<sup>2</sup> do d' bhràthair Nahor:

21 Hus a cheud-ghin, agus Buds a bhràthair, agus Cemel athair Araim,

22 Agus Cheshed, agus Hadso, agus Pil-das, agus Idlaph, agus Betuel.

23 Agus ghin Betuel Rebecah: an ochd-nar sin rug Milcah do Nahor, bràthair Abraham.

24 Agus a leannan,<sup>3</sup> d'am b'ainm Reumah, rug ise mar an ceudna Tebah, agus Gaham: agus Tahas, agus Maachah.

C A I B. XXIII.

**A** GUS bha Sarah beo ceud agus seachd bliadhna fichead;<sup>4</sup> *b'iad so* bliadh-nacha beatha Sharaih.

2 Agus fhuair Sarah bàs ann an Ciriataiba; *se* sin Hebron ann an tìr Chanaain: Agus thàinig Abraham a dheanamh tuiridh<sup>5</sup> air son Sharaih, agus a chaoidh<sup>6</sup> air a son.

3 Agus dh'éirich Abraham suas ò lathair a mhairbh, agus labhair e re mic Het, ag ràdh, 4 *Is* coigreach agus fear-cuairt mise maille ribh: thugaibh dhomh sealbh àit-adhlaic<sup>7</sup> maille ribh, agus gu'n adhlaic mi mo mharbh as mò shealladh.<sup>8</sup>

5 Agus fhreagair mic Het Abraham, ag ràdh ris,

6 Éisd ruinne, mo thighearna: *is* uach-daran<sup>9</sup> cumhachdach thusa, 'nar measg-ne; ann an roghainn<sup>10</sup> ar n-àiteachan-adhlaic, adhlaic do mharbh: cha chum duine 'nar measg-ne àit' adhlaic uait, gu d' mharbh adhlac ann.<sup>11</sup>

7 Agus dh'éirich Abraham suas, agus chrom se e féin do mhuinntir na tìre, *eudhon* do mhic Het.

8 Agus labhair e riu, ag ràdh, Ma's àill leibh<sup>12</sup> gu'n adhlaicinn mo mharbh as mo shealladh, éisidh rium, agus labhraibh air mo shon<sup>13</sup> re h-Ephron mac Shohair;

9 Chum as gu'n d'thoir<sup>14</sup> e dhomh uaimh Mhachpelaih *ata* aige, *ata* ann an crìoch achaidh<sup>15</sup> air son uiread airgid 's is fu<sup>16</sup> i, thugadh e dhomh i mar sheilbh àit'-adhlaic 'nar measg-sa.

10 Agus bha Ephron 'na chòmhnuidh am measg chloinne Het. Agus fhreagair Ephron an t-Hiteach Abraham ann an éis-deachd cloinne Het, *eudhon* gach neach a chaidh steach air geatadh a bhaile-san, ag ràdh,

11 Na biodh e mar sin,<sup>17</sup> mo thighearna, éisd rium: an t-achadh bheir mi dhuit, agus an uaimh a ta ann, bheir mi dhuit i: adhlaic do mharbh.

12 Agus chrom Abraham e féin sìos 'an lathair muinntir na tìre.

13 Agus labhair e re h-Ephron, ann an éis-deachd muinntir na tìre, ag ràdh, Ach ma *bheir thu seachad i*, guidheam ort, éisd rium: bheir mi dhuit airgid air son an achaidh, gabh uam e, agus adhlaicidh mi mo mharbh 'an sin.

14 Agus fhreagair Ephron Abraham, ag ràdh ris,

15 Mo thighearna, éisd rium: *is fu* an t-achadh ceithir cheud secel airgid; ciod sin eadar mis' agus thusa? uime sin adhlaic do mharbh.

16 Agus dh'éisd Abraham re h-Ephron, agus thomhas Abraham do Ephron an t-airgid, a dh'ainmich e ann an éis-deachd mhac Het, ceithir cheud secel airgid, a ghabhas an ceannaiche.<sup>18</sup>

17 Agus rinneadh achadh Eproin, a *bha* ann am Machpelah, a *bha* fa chomhair Mhamre, an t-achadh, agus an uaimh a *bh' ann*, agus gach craobh *bha* 'san achadh, a *bha* na chrìch uile mu'n cuairt,

18 Daingean do Abraham mar sheilbh, ann an lathair cloinne Het, am fianuis gach neach a chaidh steach air geatadh a bhaile-san.

19 Agus 'an déigh sin dh'adhlaic Abraham Sarah a bhean, ann an uaimh achaidh Mhachpelaih, fa chomhair Mhamre: *is e* sin Hebron ann an tìr Chanaain.

20 Agus rinneadh an t-achadh, agus an uaimh *ata* ann, daingean do Abraham, mar sheilbh àit'-adhlaic, le mic Het.

C A I B. XXIV.

**A** GUS bha Abraham sean, agus air teachd gu h-aois mhòir,<sup>19</sup> agus bheannaich an Tighearn' Abraham 'sna h-uile nithibh.

2 Agus thubhairt Abraham r'a sheirbhiseach bu shine 'na thigh, aig an robh riaghladh gach ni bh'aige, Cuir, guidheam ort, do lànfh fui'm' shliasaid.

3 Agus bheir mi ort mionnachadh air an Tighearna, Dia nèimh, agus Dia na talmhainn,<sup>20</sup> nach gabh thu bean do m' mhac do nigheanaibh nan Canaanach, am measg am bheil mis a m' chòmhnuidh:

<sup>1</sup> d'ghaineamh, d'ghainmheach.

<sup>2</sup> clann.

<sup>3</sup> a choi<sup>2</sup>-leabach.

<sup>4</sup> bha Sarah ceud agus seachd bliadhna fichead a dh'aois.

<sup>5</sup> bròin.

<sup>6</sup> a ghal, a chaoineadh.

<sup>7</sup> tuama.

<sup>8</sup> a m' lùthair.

<sup>9</sup> prionnsadh.

<sup>10</sup> roghadh.

<sup>11</sup> cha bhac duine 'nar measg-ne dhiot do mharbh

adhlaic 'na aif'-adhlaic.

<sup>12</sup> ma's e ar toil.

<sup>13</sup> guidhibh, deanaibh maoidhean as mo leth.

<sup>14</sup> gu'n toir.

<sup>15</sup> fhearainn, a raoin.

<sup>16</sup> fiach.

<sup>17</sup> Ni h-eadh.

<sup>18</sup> marsanta.

<sup>19</sup> air dol

air aghaidh gu math am bliadhnaibh.

<sup>20</sup> an

talmhainn.



4 Ach théid thu do m' dhùthaich féin, agus a chum mo luchd-dàimh,<sup>1</sup> agus gabhaidh tu bean do m' mhac Isaac.

5 Agus thubhairt an seirbhiseach ris, Ma's e 's nach bi bhean toileach air mis' a leantuinn do'n tìr so, an éigin domh do mhac a thoirt air ais aris' do'n tìr as an d'fhàinig thu?

6 Agus thubhairt Abraham ris, Thoir an ro-aire<sup>2</sup> nach d'thoir thu mo mhac 'an sin aris'.<sup>3</sup>

7 An Tighearna, Dia néimh, a thug mise o thigh m'athar, agus o thigh mo dhilsean, agus a labhair rium, agus a mhionnaich dhomh, ag radh, Do d' shliochd bheir mi am fearann so; cuiridh esan aingeal féin romhad, agus gabhaidh tu bean do m' mhac as sin.

8 Agus mur bi bhean toileach air thus' a leantuinn, 'an sin bithidh tu saor o m' mhionnaibh so: amhàin na d'thoir mo mhac 'an sin aris'.

9 Agus chuir an seirbhiseach a làmh fuidh shliasaid Abraham a mhaighstir, agus mhionnaich e dha thaobh an nì sin.

10 Agus ghabh an seirbhiseach deich càmhail do chàmhalan a mhaighstir, agus dh'fhalbh e; oir bha maoin a mhaighstir uile aige f'a làimh:<sup>4</sup> Agus dh'éirich e, agus chaidh e gu Mesopotamia, gu baile Nahor.

11 Agus thug e air na càmhail an glùn a lùbadh an taobh a muigh<sup>5</sup> do'n bhaile, làimh re tobar uisge, mu thràth feasgair, eadhon mu'n àm an d'fhéid<sup>6</sup> mnà amach a tharruing uisge.

12 Agus thubhairt e, O Thighearna, Dhé mo mhaighstir Abraham, deònaich gu'n soirbhich leams' an diugh,<sup>7</sup> agus nochd caomhneas do m' mhaighstir Abraham.

13 Feuch, tha mi m' sheasamh 'an so làimh ris an tobar uisge, agus thig nigheana muinntir<sup>8</sup> a' bhaile, macl a tharuing uisge.

14 Agus tachairleadh e,<sup>9</sup> a'mhaighdean ris an abair mise, Leig sìos, guidheam ort, do shoitheach chum's gu'n òl mi; agus their ise, Ol, agus bheir mise deoch do d' chàmhail mar an ceudna: gu ma hì<sup>10</sup> sin féin a dh'òrduich thu do d' sheirbhiseach Isaac; agus le sin bithidh fios agam gu'n do nochd thu coimhneas do m' mhaighstir.

15 Agus mun do sguir e do labhairt, feuch, thàinig Rebekah amach, a rugadh do Bhetuel mac Mhilcah, mnà Nahor, bràthar Abraham; agus a soitheach air a gualainn.

16 Agus bha chailin ro mhaiseach re amharc oirre, òigh; agus cha b' aithne do fhear riamh i: agus chaidh i sìos do'n tobar, agus lìon i a soitheach, agus thàinig i nìos.

17 Agus ruidh an seirbhiseach na coinneamh,<sup>11</sup> agus thubhairt e, Leig dhomh, guidheam ort, beagan uisg' òl as do shoitheach.<sup>12</sup>

18 Agus thubhairt i, Ol, mo thighearna: agus ghreas i oirre,<sup>13</sup> agus leig i sìos a soitheach air a làimh, agus thug i dha deòch.

19 Agus 'an deigh dh'i deoch a thoirt da, thubhairt i, Tairngidh mi uisg' air son do chàmhail mar an ceudna, gus an sguir iad a dh'òl.

20 Agus ghreas i oirre, agus dh'fhalbh mhuich<sup>14</sup> i a soitheach 'san amar, agus ruidh i rìsd do'n tobar, a tharruing uisge: agus tharruing i air son a chàmhail uile.

21 Agus bha'n duin 'ag amharc le h-iongantais oirre, agus a' fantuinn 'na thosd,<sup>15</sup> a dh' feuchainn an d'thug no nach d'thug an Tighearn' air a thurus<sup>16</sup> soirbheachadh leis.

22 Agus 'nuair a -sguir na càmhail a dh'òl, 'an sin ghabh an duine cluas-fhainne òir, 'san robh leth seceil a chudthrom, agus dà lainh-fhail<sup>17</sup> air son a làmh, 'san robh deich seceil òir a chudthrom.

23 Agus thubhairt e, Co d'an nighean thu? innis dhomh, guidheam ort: am bheil ann an tigh t'athar àite dhuinn gu tàmh<sup>18</sup> a ghabhail ann?

24 Agus thubhairt i ris, 'S mise nighean Bhetueil, mhic Mhilcah, a rug i do Nahor.

25 Thubhairt i ris mar an ceudna, Tha againne araon connlach,<sup>19</sup> agus innlinn<sup>20</sup> gu leòr, agus àite gu tàmh a gabhail ann.

26 Agus chrom an duine e féin sìos, agus rinn e aoradh do'n Tighearna.

27 Agus thubhairt e, Beannaichte gu robh an Tighearna, Dia mo mhaighstir Abraham, nach do bhuin a thròcair agus fhirinn o m' mhaighstir,<sup>21</sup> air dhomhsa bhi 'san t-slighe, stiuir<sup>22</sup> an Tighearna mi gu tigh bhràithre mo mhaighstir.

28 Agus ruidh a' mhaighdean, agus dh'innis i na nithe-sa do mhuinntir tìghe a màthar.

29 Agus bha bràthair aig Rebekah, d'am b'ainm Laban: agus ruidh Laban a dh' ionn-suidh an duine amach chum an tobair.

30 Agus 'nuair a chunnaic e a' chluas-fhainne, agus na làmh-fhailean air làmhnan a pheathar, agus 'nuair a chual' e briathra

<sup>1</sup> mo dhilsean. <sup>2</sup> Bi air do ro-fhaicill. <sup>3</sup> a risl. <sup>4</sup> agus thug e leis cuid do uile maoin a mhaighstir 'na làimh. <sup>5</sup> a mach. <sup>6</sup> an téid. <sup>7</sup> cum, guidheam ort, coinneamh rium-sa 'n diugh. <sup>8</sup> dhaoine. <sup>9</sup> tarladh e, thigeadh e gu crìch; bithheadh e. Eabh. <sup>10</sup> gum bu h-ì. <sup>11</sup> 'na cò-dhail. <sup>12</sup> Caisg m' iotadh, guidheam ort le beagan uisg' as do

shoitheach. <sup>13</sup> rinn i deifir, no cabhag. <sup>14</sup> dh'fholamhuich. <sup>15</sup> bha'n duine 'na thosd, ag amharc oirre le h-iongantais. <sup>16</sup> a shlighe. <sup>17</sup> bracelets. Sagg. <sup>18</sup> aoidheachd. <sup>19</sup> fodar. <sup>20</sup> biadh spréidh. <sup>21</sup> nach d'fhàg mo mhaighstir as eugmhais a thròcairagus fhirinn. <sup>22</sup> thròraich.

Rebecah a pheathar, ag ràdh, Mar so labhair an duine rium; 'an sin thàinig e dh'ionnsuidh an duine, agus feuch, sheas e làimh ris na càmhail aig an tobar.

31 Agus thubhairt e, Thig a steach, thusa 'ta beannaichte o'n Tighearna; c'uinne sheasas tu a muigh? oir dh'ulluich<sup>1</sup> mis' an tigh, agus àite do na càmhail.

32 Agus thàinig an duine do'n tigh, agus dh'fhuasgail e na càmhail, agus thug e seachad conulach agus innlinn air son nan càmhail, agus uisg<sup>2</sup> a dh'ionnlad a chasan, agus casan nan daoine a bha nàille ris.

33 Agus chuireadh *biadh* air a bheulaobh gu itheadh: ach thubhairt e, Cha'n ith mi, agus an innis mi mo ghnothuch. Agus thubhairt esan, Labhair romhad.

34 Agus thubhairt e, Is mise seirbhiseach Abraham.

35 Agus bheannaich an Tighearna mo mhaighstir gu mòr, agus tha e air fàs cumhachdach: agus thug e dha caoraich, agus crodh, agus airgiod, agus òr, agus òglaich agus ban-òglaich, agus camhail agus asail.

36 Agus rug Sarah, bean mo mhaighstir, mac do m' mhaighstir 'na shean aois; agus thug e dha-san gach ni a bh' aige.<sup>2</sup>

37 Agus thug mo mhaighstir ormfa mo mhionnan a thoirt, ag ràdh, Cha ghabh thu bean do m' nìhad do nigheanaibh nan Canaanach, muinntir a thu mis 'a chòmhnuidh 'nam fearann.

38 Ach thèid thu dh'ionnsuidh tighe m'athar, agus a dh'ionnsuidh mo dhilsean, agus gabhaidh tu bean do m' mhac.

39 Agus thubhairt mi re m' mhaighstir, Theagamh nach lean a bhean mi:

40 Agus thubhairt esan rium, Cuiridh an Tighearna 'an làthair an do ghluais mise, aingeal fèin leat, agus soirbhichidh e do thurus: agus gabhaidh tu bean do m' mhac do m' dhilsibh, agus do thigh m'athar.

41 'An sin bithidh tu saor o m' mhionnaibh-sa, 'nuair a thig thu chum mo dhilse; agus mur d'hoir iad dhuit *bean*, 'an sin bithidh tu saor o m' mhionnaibh.

42 Agus thàinig mi'n diugh chum an tobair, agus thubhairt mi, O Thighearna, Dhé mo mhaighstir Abraham, ma shoibhlicheas tu nis mo thurus, air am bheil mi 'g imeachd;

43 Feuch, tha mi m'sheasamh làimh ris an tobar uisge; agus 'nuair a thig a' mhaighdean<sup>3</sup> amach a tharruing uisge, agus a their mi ria, Thoir dhomh, guidheam ort, beagan uisge re òl as do shoitheach;

44 Agus a their ise rium, Ol thu fèin, agus tairnidh mise mar an ceudna do d'chàmhail: *gu ma h-i* sin fèin a' bhean a dh'òrduich<sup>4</sup> an Tighearna do mhac mo mhaighstir.

45 Agus mun do sguir<sup>5</sup> mi labhairt a'm chridhe, feuch, thàinig Rebecah a mach, agus a soitheach air a gualainn; agus chaidh i sìos do'n tobar, agus tharruing i uisge; Agus thubhairt mi ria, Thoir dhomh deoch, guidheam ort:

46 Agus ghreas i oirre, agus leig i sìos a soitheach o *gualainn*, agus thubhairt i, Ol, agus bheir mi deoch do d' chàmhail mar an ceudna: agus dh'òl mi, agus thug i air na camhail ol mar an ceudna.

47 Agus dh'fhiosraich<sup>6</sup> mi dhith, agus thubhairt mi, Co d'an nighean thusa? Agus thubhairt ise, 'S mi nighean Bhetueil, mhic Nahoir, a rug Milcah dha: Agus chuir mi chluas-fhàinne air a h-aghaidh, agus na làmh-fhailean air a làmhnan.

48 Agus chron mi sìos mo cheann, agus rinn mi aoradh do'n Tighearna, agus bheannaich mi 'n Tighearna, Dia mo mhaighstir Abraham, a thèidraich mi 'san t-slighe cheart,<sup>7</sup> a ghabhail nighinn bràthar mo mhaighstir d'a mhac.

49 Agus a nis, ma bhuineas sibh gu caoimhnèil agus gu firinneach re m' mhaighstir, innsibh dhomh; agus mur *buin*, innsibh dhomh; chum as gu'n tionndaidh mi dh'ionnsuidh na làimh deise, no na làimh clì.

50 'An sin fhreagair Laban agus Betteil, agus thubhairt iad, 'S ann o 'n Tighearna thàinig an ni so: cha'n urrain sinnè olc no math a ràdh riut.

51 Feuch, *tha* Rebecah a'd làthair, gabh i, agus imich; agus biodh i 'na mnaoi aig mac do mhaighstir, mar a labhair an Tighearna.

52 Agus 'nuair a chuala seirbhiseach Abraham am briathra, chrom se e fèin<sup>8</sup> gu làr do'n Tighearna.

53 Agus thug an seirbhiseach a làthair seudan<sup>9</sup> airgid agus seudan òir, agus eudach, agus thug e iad do Rebecah: thug e mar an ceudna nithe luachmhor<sup>10</sup> d'a bràthair agus d'a màthair.

54 Agus dh'ith iad, agus dh'òl iad, e fèin agus na daoine *bha* maille ris, agus d'fhfan iad rè na h-oidhche: agus dh'éirich iad 'sa' mhadaoinn; agus thubhairt esan, Cuiribh air falbh mi dh'ionnsuidh mo mhaighstir.

55 Agus thubhairt a bràthair agus a màthair, Fanadh a' mhaighdean maille ruinne air a'chuid a's lugha deich lathan; 'na dhéigh sin falbhaidh i.

56 Agus thubhairt e riu, Na cuiribh moille orm, oir shoibhich an Tighearna mo thurus: cuiribh air falbh mi, 's gu'n d'thèid mi dh'ionnsuidh mo mhaighstir.

57 Agus thubhairt iad, Gairnidh sinn air a' mhaighdinn, agus fiosraichidh sinn d'a beul fèin.

58 Agus ghairm iad air Rebecah, agus

<sup>1</sup> dh'ullamhuich, dheasaich.

<sup>2</sup> gach ni ata

aige. <sup>3</sup> a' chaitin.

<sup>4</sup> a chomharaich amach.

<sup>5</sup> suil do sguir. Eir,

<sup>6</sup> dh'fhedraich, dh'fhaoi-

neachd, dh'fharraid.

Eabh.

<sup>7</sup> air slighe na firinn.

<sup>8</sup> rinn e aoradh.

<sup>9</sup> soitlichean.

<sup>10</sup> prìseil.



thubhairt iad ria, An d'theid thu leis an duine so? Agus thubhairt i, Théid.

59 Agus chuir iad air falbh Rebecah am piuthar, agus a banaltrum, agus seirbhiseach Abraham, agus a dhaoine.

60 Agus bheannaich iad Rebecah, agus thubhairt iad ria, 'S tu ar piuthar, bio-s a' d' *mhàthair* mhlte do mhuillionaibh; agus sealbhaicheadh do shliochd geata na muinntir sin le 'm fuathach iad.

61 Agus dh'éirich Rebecah, agus a maighdeanan, agus mharcaich iad air na camhail, agus lean iad an duine: agus ghabh an seirbhiseach Rebecah, agus dh'fhalbh e roimhe.

62 Agus bha Isaac a' teachd o shlighe an tobair Lahai-roì; oir bha e chomhnuidh 'san tìr fa dheas.

63 Agus chaidh Isaac amach a bheachd-smuaineachadh 'san fhaiche' air feasgar: agus thog e suas a shùilean, agus chunnaic e 'na feuch, *bha* na camhail a' tighinn.<sup>2</sup>

64 Agus thog Rebecah suas a shùilean, agus 'nuair a chuannaic i Isaac, theiring i 'bhàrr a' camhail.

65 Agus thubhairt i ris an t-seirbhiseach, Co e 'n duine so 'ta sràidimeachd 'san fhaiche g'ar coinneachadh? Agus thubhairt an seirbhiseach, 'S e mo mhaighstir a th'ann: 'an sin ghabh i gnùis-bhrat,<sup>4</sup> agus chomhdaich si i féin.

66 Agus dh'innis an seirbhiseach do Isaac na h-uile nìthe a rinn e.

67 Agus thug Isaac i do bhùth Sharaih a mhàthar, agus ghabh e Rebecah, agus bha i aige 'na mnaoi; agus ghràdhaich e i: agus fhuair Isaac sòlas 'an dèigh bàis a mhàthar.

CAIB. XXV.

**A**NN sin ghabh Abraham bean a risd, d'am b' ainm Ceturah.

2 Agus rug i dha Simran, agus Iocsan, agus Medan, agus Midian, agus Isbac, agus Suah.

3 Agus ghin Iocsan Seba, agus Dedan. Agus b' iad mic Dhedain Asurim, agus Letusim, agus Leumim.

4 Agus mic Mhidiain; Ephah, agus Ephraim, agus Hanoah, agus Abidah, agus El-daah: b' iad sin uile mic Cheturah.

5 Agus thug Abraham gach nì bh' aige do Isaac.

6 Ach do mhic nan leannan a bh' aig Abraham, thug Abraham tiodhlaca;<sup>5</sup> agus chuir e air falbh iad o mhac Isaac, 'nuair a bha e féin fathast beo, do'n taobh an ear,<sup>6</sup> do thìr na h-àirde 'n ear.

7 Agus 's iad so làthan bhliadhnaicha beatha Abraham a bha e beo; ceud agus trì fichead, agus cùig bliadhna deug.

8 'An sin thug Abraham suas an deo,<sup>7</sup> agus fhuair e bàs ann an deagh sheann aois, 'na sheann-duine, agus làn do *bhliadhnaich*: agus chruinnicheadh e chum a mhuinntir.

9 Agus dh'adhlac a mhic Isaac agus Ismael e ann an uaimh Mhachpelaibh, ann an achadh Ephroin, mac Shoair an Hiteich, ata fa chomhair Mhamre.

10 An t-achadh a cheannaich Abraham o mhic Het: ann an sin dh'adhlacheadh Abraham, agus Saràli a bhcan.

11 Agus 'an dèigh bàis Abraham, bheannaich Dia Isaac a mhaic: agus ghabh Isaac comhnuidh làimh re tobar Lahai-roì.

12 A nis *is* iad sin ginealaich Ismaeil, mac Abraham, a rug Hagar a' bhan-Eiphiteach, ban-oglach Sharaih do Abraham.

13 Agus *is* iad sin ainmeana mic Ismaeil 'nan ainmeanaibh, a réir an ginealach: ceud-ghin Ismaeil, Nebaiot; agus Cedar, agus Adbeel, agus Mibsam.

14 Agus Misma, agus Dumah, agus Masa,

15 Hadar, agus Tema, Ietur, Naphis, agus Cedeimah.

16 *Is* iad sin mic Ismaeil, agus *is* iad sin an ainmeana 'nam bailtibh, agus 'nan daingneachaibh; <sup>8</sup> dà cheannard deug a reir am fineacha.

17 Agus *is* iad sin bliadhnaicha beatha Ismaeil, ceud agus seachd bliadhna dcug 'ar fhichead: agus thug e suas an deo, agus dh'eug e, agus chruinnicheadh e chum a mhuinntir.

18 Agus ghabh iad comhnuidh o Habh-ilah gu nuig Sur, ata fa chomhair na h-Eiphit, mar a théid thu gu h-Asiria. An làthar a bhràthrean uile fhuair e bàs.

19 Agus *is* iad sin ginealaich Isaac mac Abraham: Ghin Abraham Isaac.

20 Agus bha Isaac dà fhichead bliadhna dh'aois 'nuair a ghabh e Rebecah, nighean Bhetueil, an t-Sirianaich o Phadan-aram, piuthar Labain an t-Sirianaich dha féin 'na mnaoi.

21 Agus ghuidh<sup>9</sup> Isaac an Tighearna air son a mhnà, chionn gu'n robh i neothorrach: agus dh'éisd an Tighearna ris, agus dh'fhàs Rebecah a bhean torrach.

22 Agus bha chlann a' coimhghleacadh<sup>10</sup> 'an taobh a stigh dh'i: agus thubhairt ise, Ma *tu chùis* mar sin, c'ar son a *tha* mi mar so? Agus chaidh i dh'fhiosrachadh<sup>11</sup> do'n Tighearna.

23 Agus thubhairt an Tighearna ria, *Tha* dà chinneach a'd bholg, agus bithidh dà shluagh air an sgaradh o 'innibh: agus bithidh aon sluagh *dhiubh* so nì's treise na 'n

<sup>1</sup> 'sa' mhaigh, 'sa' mhachair. <sup>2</sup> a' teachd. <sup>3</sup> thainig i nuas. <sup>4</sup> sgaile air son a h-eudaim. <sup>5</sup> ghabh e. <sup>6</sup> an oir. <sup>7</sup> an anail, <sup>8</sup> cais-

tealaibh. <sup>9</sup> dh'athcheuingich. <sup>10</sup> a' gleachdadh no strì re chèile. <sup>11</sup> dh'fheòrach.

sluagh eile; agus nì esan a's sine' seir-bhis dha san a's òige.<sup>2</sup>

24 Agus 'nuair a chòl' lionadh a lathan gu bì air a h-aisead,<sup>3</sup> feuch, bha leth-aona 'na bolg.

25 Agus thàinig an ceud-ghin amach dearg, is e uile mar fhalluinn nìholaich: agus thug iad Esau mar ainm air.

26 Agus 'na dhéigh sin thàinig a bhràthair amach, agus greim aig a làimh do shàil Esau; agus thugadh Iacob mar ainm air: agus bha Isaac tri fichead bliadhna dh'aois, 'nuair a rugadh iad.

27 Agus dh'fhàs na gilleàn;<sup>5</sup> agus bha Esau 'na shalgair scòlta, na fhear machrach; agus bha Iacob 'na dhuine coi'lionta,<sup>6</sup> a gabhail còmhnuidh 'am bù-thaibh.

28 Agus ghràdhaich Isaac Esau,<sup>7</sup> a chionn gu'n d'ith e d'a shithinn;<sup>8</sup> ach ghràdhaich Rebekah Iacob.

29 Agus bhrùich Iacob brochan; agus thàinig Esau o'n mhachair, agus e fann.<sup>9</sup>

30 Agus thubhairt Esau re Iacob, Leig dhomh itheadh, guidheam ort, do'n bhròchan dearg sin fèin; oir tha mi fann; uime sin thugadh Edom mar ainm air.

31 Agus thubhairt Iacob, Reic riun an diugh dò chòir-bhreith.<sup>10</sup>

32 Agus thubhairt Esau, Feuch, tha mi dlú<sup>11</sup> don bhàs; agus ciod an tairbh' a tha 'fa' chòir-bhreith so dhomhsa?

33 Agus thubhairt Iacob, Mionnaich dhomhsa 'n diugh; agus mbionnaich e dha: agus reic e chòir-bhreith re Iacob.

34 'An sin thug Iacob do Esau aran, agus brochan do ghail-pheasair;<sup>12</sup> agus dh'ith e agus dh'òl e, agus dh'èirich e, agus dh'fhalbh e roimhe: mar so rinn Esau di-meas air a chòir-bhreith.

# CAIB. XXVI.

**A**GUS bha gorta 'san tìr a bharrachd<sup>13</sup> air a'cheud ghorta bha ann an laithibh Abrahaim: agus chaidh Isaac gu Abimelech rìgh nam Philistineach, do Gherar.

2 Agus dh'fhoillsich an Tighearn' e fèin dha, agus thubhairt e, Na rach sìos do'n Eiphit: gabh còmhnuidh anns an tìr a dh'innseas mise dhuith.

3 Bì air chuairt 'san tìr so, agus bithidh mise maile riut, agus beannaichidh mi thu: oir dhuitse agus do d' shliochd bheir mise na dùthchanna sin uile: agus coi'-lionaidh mi na mionnan, a mbionnaich mi do t'athair Abraham.

4 Agus bheir mi air dò shliochd fàs lionmhor mar reulta nèimh, agus bheir mi do d' shliochd na dùthchanna sin uile: agus beannaichear ann ad' shliochd-sa uile chin-nich na talmhainn.

5 Do bhrìgh gu'n d'éisd Abraham re m'ghnith, agus gu'n do ghléidh e m'iartras,<sup>14</sup> n'aitheanta, m'orduighean, agus mo lagh-anna.<sup>15</sup>

6 Agus ghabh Isaac còmhnuidh ann an Gerar.

7 Agus dh'fhiosraich daòin' an aite dheth m'a mhnai; agus thubhairt e, 'Si mo phiuthar i: oir bha eagal air a ràdh, 'Si mo bhean i; an t-eagal, ars' esan, gu'm marbhadh daoine an àite mi air son Rebekah, do bhrìgh gu'n robh i maiseach re amharc oirre.

8 Agus 'nuair a bha e aimsir fhada 'n sin, sheall Abimelech rìgh nam Philistineach amach air uinneig, agus chunnaic e, agus feuch, bha Isaac a' sìogradh r'a mhnai Rebekah.

9 Agus ghairm Abimelech air Isaac, agus thubhairt e, Feuch, gu cinnteach s'i do bhean i: agus cionnas a thubhairt thu, 'Si mo phiuthar i? agus thubhairt Isaac ris, A chionn gu'n d' thubhairt mi, An t-eagal gu'm bàsaich mi air a son.

10 Agus thubhairt Abimelech, Ciod e so a rinn thu oirn? dh'fheudadh a h-aon do'n t'-sluagh luidhe le d' mhnai, agus bheireadh tu cionta oirre.

11 Agus thug Abimelech àithne d'a shluagh uile, ag ràdh, Esan a bheanas ris an duine so, no r'a mhnai, gu cinnteach cuir-rèar gu bàs e.

12 'An sin shìol-chuir Isaac 'san tìr sin, agus fhuair e 'sa' bhliadhna sin fèin a' cheud uiread 's a chuir e, agus bheannaich an Tighearn' e.

13 Agus dh'fhàs an duine mòr, agus chaidh e air aghaidh, agus dh'fhàs e, gus an robh e ro-mhòr:

14 Oir bha aige sealbh chaorach, agus sealbh cruidd, agus mòran sheirbhisich<sup>16</sup> agus ghabh na Philistinich farnad ris.

15 Agus dhùin na Philistinich suas na tobair uile a chladhaich seirbhisich athar, ann an laithibh Abrahaim athar, agus lìon iad le h-ùir iad.

16 Agus thubhairt Abimelech re h-Isaac, Imich uainne; oir is cumhachdaiche thu gu mòr na sinne.

17 Agus dh'imich Isaac as sin, agus shuidhich e bhùth ann an gleann Gherair, agus ghabh e còmhnuidh an sin.

18 Agus chladhaich Isaac a risd na tobair uisge, a chladhaicheadh ann an laithibh Abrahaim athar; oir dhùin na Philistinich suas iad 'an dèigh bàis Abrahaim: agus thug e ainmean orra a réir nan ainmeana thug athair orra.

19 Agus chladhaich seirbhisich Isaac 'sa ghleann, agus fhuair iad an sin tobair fìor-uisge.

<sup>1</sup> a's mo. <sup>2</sup> a's lugha. <sup>3</sup> lathan a tuisidh: ùethe a tuismidhe. Eir. <sup>4</sup> dithis naoidheana, <sup>5</sup> na h-òganaich. <sup>6</sup> dìreach, gu'n ùb. <sup>7</sup> bu tòigh le h-Isaac Esau, b'ann-ghluinn le h-Isaac Esau. <sup>8</sup> d'a sheilg. <sup>9</sup> agus

e air a chur, e fàilingeach. <sup>10</sup> do chòir ceud-bhreith. <sup>11</sup> dlùth. <sup>12</sup> lentiles. Sasg. <sup>13</sup> a thuille. <sup>14</sup> m'earail. <sup>15</sup> mo reachda. <sup>16</sup> mòr mhuinntir.



20 Agus rinn buachailleann Gherair consachadh<sup>1</sup> re buachailleann Isaac, ag radh, *Is leinne 'n t-uisge*: agus thug e Esec mar ainm air an tobar, a chionn gu'n d'rinn iad consachadh ris.

21 Agus chladhaich iad tobar eile, agus rinn iad consachadh uime sin cuideachd: agus thug e Situah mar ainm air.

22 Agus chaidh e iomraich as sin, agus chladhaich e tobar eile; agus cha d'rinn iad consachadh uime sin: agus thug e Rehobot mar ainm air; agus thubhairt e, Oir thug an Tighearna nis farsaingeachd dhuinn; agus fàsaidh sinn lionmhor<sup>2</sup> 'san tir.

23 Agus chaidh e suas as sin gu Beer-seba.

24 Agus dh'fhoillsich an Tighearna<sup>3</sup> e féin da 'san oidhche sin féin, agus thubhairt e, *Is mise Dia Abraham t-athar*; na biodh eagal ort, oir ata mise maille riut, agus beannaichidh mi thu, agus ni mi do shliochd lionmhor, air sgàth mo sheirbhisich Abraham.

25 Agus thog e altair 'an sin, agus ghairm e air ainm an Tighearna, agus shuidhich e 'n sin a bhùth: agus chladhaich seirbhisich Isaac tobar 'an sin.

26 'An sin chaidh Abimelech d'a ionnsuidh o Gherar, agus a charaid Ahuseat, agus Phichol ard cheannard a shluaigh.<sup>3</sup>

27 Agus thubhairt Isaac riu, C'ar son a thàinig sibh a m'ionnsuidh, agus gu bheil fuath agaibh dhomh, agus gu'n do chuir sibh uaibh mi?

28 Agus thubhairt iadsan, Chunnaic sinn gu cinnteach gu'n robh an Tighearna leat; agus thubhairt sinn, Biodh a nis mionnan eadarainn, eadbon eadar sinne agus thusa, agus deanamaid coi'-cheangal riut.

29 Nach dean thu oirne cron 'sam bith, mar nach do bhean sinne riutsa, agus mar nach do rinu sinn ni sam bith ortach math, agus a chuir sinn uainn thu 'n sìth: Tha thusa nis air do bheannachadh leis an Tighearna.

30 Agus rinn e dhoibh cuirm, agus dh'ith agus dh'òl iad.

31 Agus dh'éirich iad gu moch 'sa' mhadain, agus mhionnaich iad d'a chèile: agus chuir Isaac air falbh iad, agus dh'imich iad uaith 'an sìth.

32 Agus air an là sin féin thàinig seirbhisich Isaac, agus dh'innis iad dha m'a thimchioll an tobair a chladhaich iad, agus thubhairt iad ris, Fhuair sinn uisge.

33 Agus thug e Sebah mar ainm air: uime sin 'se Beer-sebah ainm a bhaile sin agus an an la'n diugh.

34 Agus bha Esau dà fhichead bliadhna dh'aois; agus ghabh e mar mhnaoi Iudit, nighean Bheeri an Hitich, agus Basemat nighean Eloin an Hitich.

35 Agus bha iad sin nam briseadh<sup>4</sup> cridhe do Isaac agus do Rebecah.

## CAIB. XXVII.

**A**GUS 'nuair a bha Isaac air fàs sean, agus a bha shùilean dall air chor as nach faicadh e, ghairm e air Esau a mhac bu shine, agus thubhairt e ris, A mhic: agus thubhairt esan ris. Feuch, *tha mi 'n so*.

2 Agus thubhairt esan, Feuch a nis, *tha mise sean*; cha 'n'eil fios agam air latha mo bhàis.

3. Agus a nis, guidheam ort, gabh t'airm do bholg-saighead agus do bhogha, agus falbh amach do'n mhachair, agus sealg dhomh sìthinn;

4 Agus dean dhomh biadh blasda, mar is ionnmuinn<sup>5</sup> leam, agus thoir a m' ionnsuidh e, agus gu'n ith mi; chun as gu'm beannaich m'anam thu mum faigh mi bàs.

5 Agus chuala Rebecah, nuair a labhair Isaac r'a mhac Esau: agus chaidh Esau do'n mhachair a shealg sìthinn, gu toirt d' a ionnsuidh.

6 Agus labhair Rebecah r'a mac Iacob, ag ràdh, Feuch, chuala mi t'athair, a' labhairt re h Esau do bhràthair, ag ràdh,

7 Thoir a m' ionnsuidh sìthinn, agus dean biadh blasda dhomh, agus gu'n ith mi, agus gu'm beannaich mi thu 'n làthair an Tighearna, roimh m' bhàs.

8 Nis uime sin, a mhic, éisd re m' ghuth, a réir an ni ata mi 'g àithneadh dhuit.

9 Falbh a nis a dh'ionnsuidh an treud, agus thoir a m'ionnsuidh o sin dà dheagh mbeann do na gabhraibh; agus ni mis' iad nam biadh blasda air son t' athar, mar is ionnmuinn leis.

10 Agus bheir thu dh'ionnsuidh t'-athar e, agus gu'n ith e, chum as gu'm beannaich e thu roimh bhas.

11 Agus thubhairt Iacob re Rebecah a mhàthair, Feuch, *tha Esau mo bhrathair 'na dhuine molach*, agus mis' a'm' dhuine lom.

12 Ma 's e's<sup>6</sup> gu'n laimhsich m'athair mi, 'an sin measar mi leis<sup>7</sup> mar neach leis an b'aill a mhealladh;<sup>8</sup> agus bheir mi mallachadh orm féin, agus cha bheannachadh.

13 Agus thubhairt a mhàthair ris, Ormsa *bitheadh* do mhallachadh, a mhic: amhàin éisd re m'ghuth, agus falbh, thoir a m' ionnsuidh iad.

14 Agus dh'fhalbh e, agus ghlac e iad, agus thug e iad a dh'ionnsuidh mhàthar: agus rinn a mhàthair biadh blasda, mar a b'ionnmuinn le athair.

15 Agus ghabh Rebecah eudach taitneach Esau a mac bu shine, a bh'aice 'san tigh; agus chuir i e air Iacob a mac a b'òige.

16 Agus chuir i croicinn mhean nan gabhar air a làmhnan, agus air luime a mhuineil

17 Agus thug i'm biadh blasda, agus an t-aran a dheasaich i, do laimh a mac Iacob.

<sup>1</sup> comhstri.  
<sup>4</sup> mulad-inntin.

<sup>2</sup> sìonmhor.  
<sup>5</sup> toigh.

<sup>3</sup> armaill.  
<sup>6</sup> Feudaidd

e bi.  
<sup>7</sup> bithidh mi 'na shùilb. Eabh,  
<sup>8</sup> mar mhealltair,



18 Agus thàinig e dh'ionnsuidh athar, agus thubhairt e, Athair; agus thubhairt esan, Feuch, *tha mi 'n so*; co thusa, a mhic?

19 Agus thubhairt Iacob r'a athair, *Is mise* Esau do cheud-ghin; rinn mi mar a dh'iarr thu orm: <sup>1</sup> éirich, gnidheam ort, suidh agus ith do m' shithinn, chum as gu'm beannaich t'anam mi.

20 Agus thubhairt Isaac r'a mhac, Cionnas a fhuair thu i cho luath, a mhic? agus thubhairt esan, A chionn gu'n do chuir an Tighearna do Dhia a'm' rathad i.

21 Agus thubhairt Isaac re Iacob, Thig am fagus anis, agus gu'n laimhsich mi thu, a mhic, an tusa féin mo mhac Esau, no nach tu.

22 Agus chaidh Iacob am fagus d'a athair Isaac, agus laimhsich se e; agus thubhairt e, 'Se 'n guth, guth Iacoib, ach 's *iad* na lámhan, lámhan Esau.

23 Agus cha d'aithnich se e, chionn gu'n robh a lámha molach, mar lámhan Esau a bhràthar: mar sin bheannaich se e.

24 Agus thubhairt e, An tusa féin mo mhac Esau? agus thubhairt esan, *Is mi*.

25 Agus thubhairt e, Thoir am fagus domh e, agus ithidh mi do shithinn mo mhic, chum as gu'm beannaich m'anam thu. Agus thug e'm fagus da e, agus dh'ith e; agus thug e d' a ionnsuidh fion, agus dh'òl e.

26 Agus thubhairt athair Isaac ris, Thig am fagus a nis, agus pog mi, a mhic.

27 Agus thàinig e'm fagus, agus phòg se e; agus dh'fhairich <sup>2</sup> e boladh eudaich; agus bheannaich se e, agus thubhairt e, Feuch, *tha* faile mo mhic mar fhàile fearainn, <sup>3</sup> a bheannaich an Tighearna.

28 Uime sin gu'n d'thugadh Dia dhuit do dhùrùchd <sup>4</sup> nèimh, agus do reamhrachd <sup>5</sup> na talmhainn, agus pailteas arbhair agus fìona.

29 Dèanadh slòigh seirbhis dhuit, agus strìochdadh cinnich <sup>6</sup> dhuit; bi d' uachdaran air do bhràithribh, agus cromadh mic do mhàthar sìos dhuit; mallachte *gu'n robh* gach neach a mhallaicheas thu, agus beannaichte *gu'n robh* gach neach a bheannaicheas thu.

30 Agus co luath agus a sguir Isaac do bheannachadh Iacoib, 'nuair bu ghann a bha Iacob air dol amach fàthast a lathair Isaac athar, thàinig a bhrathair Esau o sheilg.

31 Agus rinn esan mar an ceudna biadh blasda, agus thug e dh'ionnsuidh athar e; agus thubhairt e r'a athair, Eireadh m'athair, agus itheadh e do shithinn a mhic, chum gu'm beannaich t'anam mi.

32 Agus thubhairt Isaac athair ris, Co thusa? agus thubhairt esan, *Is mi* do mhac, do cheud-ghin, Esau.

33 Agus chrìochnaich Isaac le ballchrith an-barraich, agus thubhairt e, Co, c'àite <sup>7</sup> m' bheil esan a ghlac' sithionn, agus a thug i m'ionnsuidh, agus dh'ith mi do'n iomlan mun d' thàinig thusa? agus bheannaich mi e, seadh *agus* beannaichte bithidh se.

34 'Nuair a chual' Esau briathran athar, ghlaodh e le glaoth mòr, agus ro shearbh; agus thubhairt e r'a athair, Beannaich mise, *eudhon* mise mar an ceudna, O athair.

35 Agus thubhairt e, Thàinig do bhràthair le ceilg, agus thug e leis do bheannachadh.

36 Agus thubhairt esan, Nach ceart a thugadh Iacob mar ainm air? oir thàinig e fodham <sup>8</sup> an dà uair so: thug e leis mo chòir-bhreith; agus feuch, a nis thug e leis mo bheannachadh. Agus thubhairt e, Nach do ghleidh thu dhomhsa beannachadh?

37 Agus fhreagair Isaac, agus thubhairt e re h-Esau, Feuch, rinn mi e 'na uachdaran ort, agus a bhràithrean uile thug mi dha mar sheirbhisich; agus le h-arbhar agus le fìon chum mi suas e: agus dhuitse ciod a nis a ni mi, a mhic?

38 Agus thubhairt Esau r'a athair, Nach 'eil agad ach aon bheannachadh, athair? beannaich mise, *eudhon* mise mar an ceudna, O athair. Agus thog Esau suas a ghuth, agus ghuil e.

39 Agus fhreagair Isaac athair, agus thubhairt e ris, Feuch, ann an reamhrachd na talmhainn bithidh do chòmhnuidh, agus ann an drùchd nèimh o'n àirde.

40 Agus le d' chlaidheamh <sup>9</sup> thig thu beo, agus do d' bhràthair ni thu seirbhis: agus 'nuair a bhios an uachdranachd agad, 'an sin brisidh tu a chuing o d' mhuineal.

41 Agus dh'fhuathaich Esau Iacob air son a' bheannachaidh, leis an do bheannaich athair e: agus thubhairt Esau 'na chridhe, Tha lài' a bhròin air son m'athar am fagus, agus 'an sin marbhaidh mi mo bhrathair Iacob.

42 Agus dh'innseadh do Rebecah briathran Esau a mic bu shine, agus chuir i *teachdaire vaihte*, <sup>10</sup> agus ghairm i air Iacob a mac a b'òige, agus thubhairt i ris, Feuch thu do bhrathair Esau toirt co'-fhurtachd dha féin a d' thaobh-sa, a *cur roimhe* do mharbhadh.

43 A nis uime sin, a mhic, éisd re m' ghuth, agus éirich, teich-sa dh'ionnsuidh mo bhràthar Labain do Haran,

44 Agus fanaidh tu maille ris beagan do laithibh, gus an tionndaidh <sup>11</sup> fraoch feirge <sup>12</sup> do bhràthair,

45 Gus an tionndaidh corruich de bhràthair uait, agus gu'n di-chuimhnich e na rinn thu air: 'an sin cuiridh mise *fios*, agus bheir mi a sin thu. C'ar son a challin le chèile sibh ann an aon là?

<sup>1</sup> mar a thubhairt thu rium. Eabh. <sup>2</sup> bhol, bholtruich. <sup>3</sup> achaidh. <sup>4</sup> do dhealt. <sup>5</sup> da shaill, do shult. <sup>6</sup> fineachan. <sup>7</sup> shealg.

<sup>8</sup> sudham, fo m' làimh. <sup>9</sup> le. d' chloidheamh. <sup>10</sup> chuir i fios uaipe. <sup>11</sup> traogh. <sup>12</sup> lasan feirge.

46 Agus thubhairt Rebecah re h-Isaac, Tha mi sgith do m' bheatha air son nigheana Het : ma ghabhas Iacob bean do nigheanaibh Het, mar iadsan *ata* do nigheanaibh na dùthcha ciod am math a ni mo bheatha dhomhsa ?

## CAIB. XXVIII.

**A**GUS ghairm Isaac air Iacob, agus bheannaich se e, agus dh'àithn e dha, agus thubhairt e ris, Cha ghabh thu bean do nigheanaibh Chanaain.

2 Eirich, imich do Phadan-aram, do thigh Bhetuill<sup>1</sup> athar do mhàthar, agus gabh dhuit fèin as sin bean do nigheanaibh Labain, bràthar do mhàthar.

3 Agus gu beannaicheadh Dia uilechumhachdach thu, agus gu deanadh e siolmhor thu, agus gu d'thugadh e ort fàs lionmhor, air chor as gu'm bi thu a'd' cho'-chruinneachadh chinneach :<sup>1</sup>

4 Agus gu d'thugadh e dhuit beannachadh Abraham, dhuitse, agus do d' shliochd maille riut ; chum gu'n sealbhaich thu 'm fearann 'sam bheil thu a'd' choigreach, a thug Dia do Abraham.

5 Agus chuir Isaac air falbh Iacob, agus chaidh e do Phadan-aram, gu Laban, mac Bhetuill an t-Sirianaich, bràthair Rebecah, màthar Iacob agus Esau

6 'Nuair a chunnaic Esau gu'n do bheannaich Isaac Iacob, agus gu'n do chuir e air falbh e do Phadan-aram, a ghabhail mná dha fèin as sin ; agus 'nuair a bheannaich se e, gu'n d'thug e áithne dha, ag ràdh, Cha ghabh thu bean do nigheanaibh Chanaain ;

7 Agus gu'n d'éisd Iacob<sup>2</sup> r'a athair, agus r'a mhàthair, agus gu'n deachaidh e do Phadan-aram ;

8 Agus 'nuair a chunnaic Esau nach do thaitinn nigheana Chanaain r'a athair Isaac.

9 An sin chaidh Esau dh'ionnsuidh Ismaeil, agus ghabh e Mahalat nighean Ismaeil mhic Abraham, piuthar Nebaiot, dha fèin mar mhnaoi a thuill<sup>3</sup> air na mnaibh a bh'aige.

10 Agus chaidh Iacob amach o Bheer-seba, agus chaidh e gu Haran.

11 Agus thachair<sup>4</sup> e air àite araidh, agus dh'fhan e 'n sin an oidhche sin, a chionn gu'n robh a' ghrian air luidhe : agus ghabh e *h-am* do chlachaidh an àite sin, agus chuir e fuidh cheann<sup>5</sup> i, agus luidh e sìos 'san àite sin a chodal.

12 Agus blruadair e ; agus feuch, fàradh air a cliur suas air an talamh, agus a bhàrr<sup>6</sup> a' ruigheachd gu nèanh : agus feuch, aingil De a' dol suas, agus a' teachd a nuas air.

13 Agus feuch, shèas an Tighearna os a cheann, agus thubhairt e, 'Smis' an Ti-

ghearna Dia Abraham t'athar, agus Dia Isaac : am fearann air am bheil thu d' luidhe, bheir mise dhuit e, agus do d' shliochd.

14 Agus bithidh do shliochd mar dhuslach na talmhainn ; agus sgaoilidh tu 'mach a dh'ionnsuidh na h-àird' an iar, agus na h-àird' an ear, agus a dh'ionnsuidh na h-àirde tuath, agus na h-àirde deas : agus beannaichear annadsan uile theaghlaiche na talmhainn, agus ann ad shliochd-sa.

15 Agus feuch, *tha* mise maille riut, agus gleidhidh mi thu anns gach àit<sup>7</sup> an d'theid thu, agus bheir mi risd thu dh'ionnsuidh na tìre so ; oir cha tréig mi thu, gus an dean mi an *ni sin* a labhair mi riut.

16 Agus dhùisg Iacob as a chodal, agus thubhairt e, Gu cinnteach tha 'n Tighearna 'san àite so, agus cha robh fios agam air.

17 Agus bha eagal air, agus thubhairt e, Cia h-uathbhasach<sup>8</sup> an t-ionad<sup>9</sup> so ! cha 'n àit<sup>10</sup> air bith so ach tigh Dhe, agus 'se so geata nèimh.

18 Agus dh'éirich Iacob gu moch 'sa' mhadainn, agus ghabh e chlach a chuir e fuidh cheann, agus chuir e suas 'na carradh<sup>11</sup> i, agus dhòirt e oladh air a mulach.

19 Agus thug e Bet-el mar ainm air an àite sin : ach b' e Luds ainm a' bhaile sin air tús.

20 Agus mhòidich Iacob mòid,<sup>12</sup> ag ràdh, Ma bhios Dia leam, agus *ma* ghleidheas e mi air an t-slighe sin, air am bheil mi 'g imeachd,<sup>13</sup> agus *ma* bheir e dhomh aran r'a itheadh, agus eudach r'a chur umam ;

21 Agus gu'n d'thig mi 'risd' an sìth a dh'ionnsuidh tìghe m'athar : 'an sin bithidh 'n Tighearn' agam 'na Dhia.

22 Agus bithidh a' chlach<sup>14</sup> so, a chuir mi suas 'na carradh, 'na tigh aig Dia : agus do gach *ni* a bheir thu dhomh, bheir mi gu cinnteach an deachamh dhuit.

## CAIB. XXIX.

**A**N sin dh'imich Iacob air a thurus, agus chaidh e do dhùthaich dhaoine na h-àirde 'n ear.

23 Agus dh'amhairc e, agus feuch tobar 'sa' mhachair, agus feuch, *bha* 'n sin trì treuda chaorach 'nan luidhe làimh ris ; oir as an tobar sin thug iad uisge do na treudaibh : agus *bha* clach mhòr air beul an tobar.

3 Agus chruinnicheadh a dh'ionnsuidh sin na treudan uile ; agus charuich<sup>15</sup> iad a' chlach bhàrr beoil<sup>16</sup> an tobar, agus thug iad uisge do na caoraich, agus chuir iad a' chlach arisd air beul an tobar, 'na h-àite fèin.

4 Agus thubhairt Iacob riu, Mo bhàrr-thre, cia as a thàinig sibh ? Agus thubhairt iadsan, O Haran thàinig sinne.

<sup>1</sup> a'd' iomadaigh phoibleach.

<sup>2</sup> gu'n d'thug

Iacob géill.

<sup>3</sup> thàinig, theiring.

<sup>4</sup> 'na

cluasaig.

<sup>5</sup> cheann. Eabh.

<sup>6</sup> eagalach, oillteil.

7 àite.

Iacob bòid.

<sup>12</sup> choruich. Eir.

<sup>8</sup> post, prop. Sasg.

<sup>10</sup> triall.

<sup>13</sup> beil,

<sup>9</sup> bhòidich

<sup>11</sup> a chloch.



5 Agus thubhairt e riu, An aithne dhuibh Laban mac Naoir? Agus thubhairt iadsan, 'S aithne dhuinn.

6 Agus thubhairt e riu, Am bbeil e gu math? Agus thubhairt iadsan, *Tha e gu math*: agus feuch, *ata Rachel a nighean a' tighinn leis na caoraich*.

7 Agus thubhairt e, Feuch, 'se fathast àird'an latha *a t'ann, agus cha d' thàinig idir* an chruinneachadh na sprèidh: thugaibhs' uisge do na caoraich, agus rachaibh agus inealtraibh iad.

8 Agus thubhairt iad, Cha'n urradh sinn, gus an cruinnicear na treudan uile 'n ceann a chèile, agus *gus an caruichear a' chlach bhàrr beoil an tobair*; 'an sin bheir sinn uisge do na caoraich.

9 Agus am feadh a bha e fathast a' labhairt riu, thàinig Rachel le caoraich a h-athar; oir b'i *bha 'gan gleidheadh*.<sup>1</sup>

10 Agus 'nuair a chunnaic Iacob Rachel nighean Labain bràthair a mhàthar, agus caoraich Labain bràthar a mhàthar, 'an sin chaidh Iacob am fagus, agus charuich e chlach bhàrr beoil an tobair, agus thug e uisge do chaoraich Labain bràthar a mhàthar.

11 Agus phòg Iacob Rachel, agus thog e suas a ghuth, agus ghuil e.

12 Agus dh'innis Iacob do Rachel gu'm b'e bràthair a h-athar e, agus gu'm b'e mac Rebekah e: agus ruidh i, agus dh'innis i d'a h-athair.

13 Agus 'nuair a chuala Laban sgeula Iacob mac a pheathar, 'an sin ruidh e 'na choinneamh, agus ghabh e 'na ghlaicibh e, agus phòg se e, agus thug e d'a thigh e: agus dh'innis e do Laban na nithe sin uile.

14 Agus thubhairt Laban ris, Gu cinnteach 's tu mo chnàimh agus m' fheoil: agus dh'fhan e maille ris rè mìos.

15 Agus thubhairt Laban re Iacob, A chionn gur tu mo bhràthair, am buin e dhuit seirbhis a dheanamh dhomh a nasgaidh? innis domh cìe e do thuarasdal.<sup>2</sup>

16 Agus *bha aig* Laban dithis nigheana: b'e ainm na té bu shine Leah, agus ainm na té bu shine Leah, agus ainm na té a b'òige Rachel.

17 Agus *bha* sùilean Leah anfhann, ach bha Rachel maiseach 'na dealbh agus sgiamhach 'na gnùis.<sup>3</sup>

18 Agus bha gràdh aig Iacob air Rachel, agus thubhairt e, Nì mi seirbhis dhuit seachd bliadhnan air son Racheil do nighinn a's òige.

19 Agus thubhairt Laban, 'S fearr dhomh a toirt duitse na gu'n d'fhugainn i do dhuine 'sam bith eile: fan maille rium.

20 Agus rinn Iacob seirbhis air son Racheil feachd bliadhna: agus bha iad 'na

shùilb mar bheagan do laithibh,<sup>4</sup> a thaobh a ghràidh a bh'aige oirre.

21 Agus thubhairt Iacob re Laban, Thoir dhomh mo bhean (oir choi' lionadh mo lài,) a chum gu'n d'theid mi steach d'a h-ionnsuidh.

22 Agus chruinnich Laban cuideachd daoin' an àit' uile, agus rinn e cuirm.

23 Agus 'san theasgar ghabh e Leah a nighean, agus thug e d'a ionnsuidh i; agus chaidh e steach d'a h-ionnsuidh.

24 Agus thug Laban d'a nighinn Leah Silpah a bhan-oglach féin, mar bhan-oglach.

25 Agus 'sa mhadainn, feuch, b'i Leah bh'ann: agus thubhairt e re Laban, Cìod e so a rinn thu orm? Nach ann air son Racheil a rinn mi seirbhis dhuit? agus c'ar son a mheall thu mi?

26 Agus thubhairt Laban, Cha 'n fhead e bhi mar sin 'nar dùthaichne,<sup>5</sup> an té a's oige thoir seachad roimh 'n té a's sine.<sup>6</sup>

27 Coimh-lion a seachduinsa, agus bheir sinn dhuit ise mar an ceudna, air son na seirbhis a nì thu maille rium fathast ré sheachd bliadh' eile.

28 Agus rinn Iacob mar sin, agus choi' lion e a seachduin, agus thug e dha Rachel a nighean mar an ceudna 'na mnaoi.

29 Agus thug Laban de Rachel a nighean Bilbah a bhan-oglach féin, dh'ise mar bhan-oglach.

30 Agus chaidh e steach cuideachd a dh'ionnsuidh Racheil, agus gràdhaich e mar an ceudna Rachel nì's mò na Leah, agus rinn e seirbhis maille ris fathast seachd bliadh' eile.

31 Agus 'nuair a chunnaic an Tighearna gu'n d' thugadh fuath do Leah, dh'fhosgail e a bolg: ach *bha* Rachel gun chlaun.<sup>7</sup>

32 Agus dh'fhàs Leah torrach, agus rug i mac, agus thug i Reuben mar ainm air: oir thubhairt i, Gu deimhin dh'amhaire an Tighearn' air m' àmhghar;<sup>8</sup> a nis uime sin gràdhaichidh m'fhear mi.

33 Agus dh'fhàs i torrach arisd, agus rug i mac, agus thubhairt i, A chionn gu'n cuala 'n Tighearna gu'n robh mi air m'fhuathachadh, uime sin thug e domh *am mac* so cuideachd: agus thug i Simeon mar ainm air.

34 Agus dh'fhàs i torrach arisd, agus rug i mac; agus thubhairt i, A nis anns an uair so dlù' leanaidh m'fhear rium, do bhrì' gu'n d'rug mi dha triuir mhic: uime sin thug i Lebbi mar ainm air.

35 Agus dh'fhàs i torrach arisd agus rug i mac; agus thubhairt i, A nis-molaidh m' n Tighearna: uime sin thug i Iudah mar ainm air. Agus sguir i bhreith cloinne.

CAIB XXX.

**A**GUS 'nuair a chunnaic Rachel nach d'rug i clann do Iacob, bha farmad aig

<sup>1</sup> 'g am biadhach.

<sup>2</sup> cìod an tuarasdail a bhàis duit.

<sup>3</sup> maiseach re amharc orra.

<sup>4</sup> mar a' choi'-lion latha.

<sup>5</sup> 'nar n àite-ne.

<sup>6</sup> roimh'n cheud glùn.

<sup>7</sup> neo-thorrach.

<sup>8</sup> na

thrioblaid, m' an-shocair,



Rachel r'a piuthair, agus thubhairt i re Iacob, Thoir dhòmh clann, no gheibh mi bàs.

2 Agus las corruich Iacob re Rachel, agus thubhairt e, Am bheil mise 'n aite Dhé, a chum uait toradh na bronn?

3 Agus thubhairt i, Feuch, mo bhan-oglach Bilhah, theirig<sup>1</sup> a steach d'a h-ionnsuidh, agus beiridh si air mo ghlùinibh, agus bithidh agam-sa mar an ceudna clann d'a trid-sa.

4 Agus thug i dha Bilhah a ban-oglach mar mhnai; agus chaidh Iacob a steach d'a h-ionnsuidh.

5 Agus dh'fhàs Bilhah torrach, agus rug i mac do Iacob.

6 Agus thubhairt Rachel, Thug Dia breth orm, agus dh'éisd e mar an ceudna re m'ghuth, agus thug e dhomh mac: uime sin thug i Dan mar ainm air.

7 Agus dh'fhàs Bilhah ban-oglach Rachail torrach arisd, agus rug i do Iacob an dara mac.<sup>2</sup>

8 Agus thubhairt Rachel, Le mòr ghleachda ghleachd mi re m'phiuthair, agus thug mi buaidh: agus thug i Naphtali mar ainm air.

9 'Nuair a chunnaic Leah gu'n do sguir i bhreith *cloinne*, ghabh i Silpah a ban-oglach, agus thug i do Iacob mar mhnai i.

10 Agus rug Silpah ban-oglach Leah mac do Iacob.

11 Agus thubhairt Leah, Tha sonas,<sup>3</sup> air teachd: agus thug i Gad mar ainm air.

12 Agus rug Silpah, ban-oglach Leah, an dara mac do Iacob.

13 Agus thubhairt Leah, Is sona mi, oir goiridh na nigheana mise beannaichte: agus thug i Aser mar ainm air.

14 Agus chaidh Reuben *amach* ann an laithibh fogharaidh a'chruthneachd, agus fhuair e mandraga<sup>4</sup> 'sa' mhachair, agus thug e iad a chum a mhàthar Leah. 'An sin thubhairt Rachel re Leah, Thoir dhomh, guidheam ort *cuid* do mhandragaibh do mhac.

15 Agus thubhairt i ria, Am beag a'chùis gu'n d'thug thu m'fhear uam, agus am b'àill leat mandraga mo mhac a thoirt leat mar an ceudna? Agus thubhairt Rachel, Uime sin luidhidh e leats' an nochd air son mandraga do mhic.

16 Agus thàinig Iacob o'n mhachair 'san fheasgar, agus chaidh Leah' mach na choinneamh, agus thubhairt i, Thig thu steach a m'ionnsuidhs', oir gu deimhin cheannaich<sup>5</sup> mi thu le mandragaibh mo mhic: Agus luidh e leatha air an oidhe sin.

17 Agus dh'éisd Dia re Leah, agus dh'fhàs i torrach, agus rug i do Iacob an cùigeadh mac.

18 Agus thubhairt Leah, Thug Dia *dhomh* mo dhuais, a chionn gu'n d'thug mi mo bhan-oglach do m'fhear: agus thug i Isachar mar ainm air.

19 Agus dh'fhàs Leah torrach arisd, agus rug i do Iacob an seathadh mac.

20 Agus thubhairt Leah, Dheònaich Dia dhomh deagh chuibhrionn:<sup>6</sup> a nis gabhaidh m'fhear còmhnuidh maille rium, a chionn gu'n d'rug mi dha sèathnar mhac; agus thug i Sebulun mar ainm air.

21 Agus'na dhéigh sin rug i nighean, agus thug i Dinah mar ainm oirre.

22 Agus chuimhnich Dia air Rachel, agus dh'éisd Dia ria, agus dh'fhosgail e a bolg.

23 Agus dh'fhàs i torrach, agus rug i mac; agus thubhairt i, Thug Dia air falbh mo mhi-chliu.

24 Agus thug i Ioseph mar ainm air, ag radh, Bheir an Tighearna dhomh fathast mac eile.

25 Agus 'nuair a rug Rachel Ioseph, an sin thubhairt Iacob re Laban, Leig air falbh mi, chum gu'n théid mi do m'àite, agus do m'dhùthaich féin.

26 Thoir *dhomh* mo mhnai agus mo chlann, air son an d'rinn mi seirbhis duit, agus gu'm falbh mi: oir is aithne dhuit mo sheirbhis a rinn mi dhuit.

27 Agus thubhairt Laban ris, Guidheam ort, ma f'huair mi deagh-ghean a'd' shùilibh, *fuirich*: oir dh'fhòghluim mi o m'fhiosrachadh féin, gu'n do bheannaich an Tighearna mi air do sgath-sa.

28 Agus thubhairt e, Ainmich do thuairasdal dhomh, agus bheir mi dhuit e.

29 Agus thubhairt e ris, Tha fios agad cionnus a rinn mi seirbhis dhuit, agus cionnus a bha do spréidh agam:

30 Oir is beag a bh'agad mun d'*thàinig* mi, agus a nis tha e air fàs 'na mhòran; agus bheannaich Dia thu 'an lorg mo *theachdsa*: agus a nis c'uin a nì mi mar an ceudna air son mo thighe féin?

31 Agus thubhairt e, Ciod a bheir mi dhuit? Agus thubhairt Iacob, Cha d'thoir thu ni san bith dhomh: ma nì thu'n nì so rium, ionaltraidh mi ris, agus gleidhidh mi do threud.

32 Théid mise tre' do threud uile 'n diugh, ag atharrachadh as sin gach spréidh ata breac agus ballach, agus gach spréidh ata dubh-dhonn a' measg nan caorach, agus ballach, agus breac a measg nan gabhar: agus 'se so mo thuairasdal.

33 Agus freagraidh air mo shonsa m'ionracas' sau àn re teachd,<sup>7</sup> 'nuair a thig e mar mo thuairasdal<sup>8</sup> a'd' làthair-sa: gach aon uach bi breac agus ballach a' measg nan gabhar, agus dubh-dhonn a'

<sup>1</sup> rach, gabh. <sup>2</sup> mac eile. <sup>3</sup> buidheann, cuideachd. <sup>4</sup> ùbhla beaga cùbhraidh agus blasda, bha fàs ann an Siria agus Iudea. <sup>5</sup> thuair-

rasdhuich. <sup>6</sup> Dheònaich Dia dhomh asaid shona'. <sup>7</sup> air an là maireach, Eabh. <sup>8</sup> 'nuair a thig thu air mo thuairasdal.

measg nan caorach, measar e mar ni bradach agam-sa.

34 Agus thubhairt Laban, Feuch, b'fhearr leam gu'm bitheadh e rèir t'fhocail.

35 Agus dh'atharraich e air an là sin féin na gabhair fhirionn, a bha stiallach agus ballach, agus na gabhair bhainiann uile a bha breac agus ballach, agus gach aon air an robh gile, agus gach aon a bha dubh-dhonn<sup>1</sup> a' measg nan caorach, agus thug e iad do làmhnan a mhac.

36 Agus chuir e astar thri lathan eadar e féin agus Iacob: agus bheathaich<sup>2</sup> Iacob a'chuid cile do threudaibh Labain.

37 Agus ghabh Iacob dha féin slatan glasa do'n chritheach, agus do'n chaldainn, agus do chraoibh nan geamchnò; agus rùisg e anna stialla geala, agus leig e ris an geal a bha'sna slataibh.

38 Agus chuir e na slatan a rùisg e anns na claisibh, anns na h-amair uisge, far<sup>3</sup> an d'thànaig na treudan a dh'òl, fa chomhair nan treud, chum as gu'm fàsadh iad torrach, 'nuair a thigeadh iad a dh'òl.

39 Agus dh'fhàs na treudan torrach fa chomhair nan slat, agus rug iad spréidh stiallach, bhreac agus bhallach.

40 Agus thearbaidh Iacob na h-uain, agus chuir e aghaidh nan treud ruisan a bha stiallach, agus gach beathach a bha dubh-dhonn ann an treudaibh Labain, agus chuir e theudan féin air leth, agus cha do chuir e iad làimh re treudaibh Labain.

41 Agus ge b'e uair a dh'fhàs an spréidh bu treise torrach, chuir Iacob na slatan fa chomhair sùl na spréidh anns na claisibh, chum gu'm fàsadh iad torrach a réir nan slatan.

42 Ach 'nuair a bha'n spréidh anfhann, cha do chuir e ann iad: mar sin bu le Laban iadsan a b'anshainne, agus le Iacob iadsan bu treise.

43 Agus dh'fhàs an duine ro shaibhir agus bha mòran spréidh aige, agus bannoglaich, agus òglaich, agus càmhail, agus asail.

CAIB. XXXI.

**A** GUS chual e briathra mhac Labain, ag ràdh, Thug Iacob leis gach ni bh' aig ar n-athair, agus o'n ni sin bu le ar n-athair-ne, fhuair e dha féin a'mhòrachd so uile.

2 Agus chunnaic Iacob gnùis Labain, agus feuch, cha robh i leis, mar a bha i roimhe sin.<sup>5</sup>

3 Agus thubhairt an Tighearna re Iacob, Pill gu dùthaich t'athracha, agus a dh'ionnsuidh do dhìlsean, agus bithidh mise maille riut.

4 Agus chuir Iacob teachdaire uaith, agus ghairm e Rachel agus Leah do'n mhachair a dh'ionnsuidh a théud.

5 Agus thubhairt e riu, Tha mi faicinn

gnùis bhur n-athar, nach eil i leam mar a bha i roimhe: ach bha Dia m'athar maille rium-sa.

6 Agus tha fios agaibh féin le m'uile dhichioil, gu'n d'rinn mi seirbhis d'ar n-athair.

7 Gidheadh mheall bhur n-athair mi, agus mhùth<sup>6</sup> e mo thuarasdal deich uairean: ach cha d'leig Dia leis cron a dheanamh orm.

8 Ma thubhairt e mar so, Bithidh an spréidh bhreac 'nan tuarasdal agad, 'an sin rug an spréidh uile àl breac: agus ma thubhairt e mar so, Bithidh an spréidh stiallach 'nan tuarasdal agad, an sin rug an spréidh uile àl stiallach.

9 Mar so thug Dia air falbh spréidh bhur n-athar, agus thug e dhomhs' iad.

10 Agus 'nuair a dh'thàs an spréidh torrach, thog ni suas mo fhùilean, agus chunnaic mi ann an aisling, agus feuch, bha na reithean, a bha reitheadh na spréidhe,<sup>7</sup> stiallach, breac agus gris-fhionn.

11 Agus thubhairt aingeal an Tighearna rium ann an aisling, O Iacoib: agus thubhairt mise, Tha mi 'n so.

12 Agus thubhairt esan, Tog suas a nis do shùilean, agus faic na reithean uille, tha reitheadh na spréidhe gu bheil iad stiallach, breac agus gris-fhionn: oir chuinnic mise gach ni a rinn Laban ort.

13 'S mise Dia Bheteil, far an d'ung thu 'n carragh, far an do bhòidich thu dhomh-sa bòid: a nis éirich, imich amach as an tir so, agus pill gu tir do dhìlsean.

14 Agus fhreagair Rachel agus Leah, agus thubhairt iad ris. Am bheil fatlast cuibhrionn, no oighreachd air bith, againne ann an tigh ar n-athar?

15 Nach 'eil sinn air ar meas leis mar choigrich? oir reic e sinn, agus struidh e mar an ceudna gu tur ar n-airgid:

16 Oir an saibheas sin uile a thug Dia o'r n-athair 's leinn féin, agus le'r cloinn e: nis uime sin gach ni thubhairt Dia riutsa, dean e.

17 'An sin dh'éirich Iacob suas agus chuir e mhic, agus a mhnaid air càmhalaibh.

18 Agus thug e leis a spréidh uile, agus a mhaoin uile a fhuair e, spréidh a chosnaidh, a fhuair e'm Padan-aram, gu dol a dh'ionnsuidh Isaic athair gu tir Chanaain.

19 Agus chaidh Laban a lomain<sup>8</sup> a chaorach: agus ghoid Rachel na dealbhan<sup>9</sup> bu le h-athair.

20 Agus ghoid Iacob air falbh gun fhios do Laban an Sirianach, a chionn nach d'in-nis e dha gu' n robh e gu teicheadh.

21 Agus theich e leis gach ni bh'aige; agus dh'éirich e suas, agus chaidh e thar an abhainn, agus chuir e aghaidh re sliabh Ghi-lead.

<sup>1</sup> eiar. <sup>2</sup> dh'ionaltair. <sup>3</sup> 'nuair a thainig. <sup>4</sup> am measg nan slat. <sup>5</sup> 'n dé's air a bhò'n

dé. Eabh. <sup>6</sup> dh'atharaich. <sup>7</sup> leum air an spréidh. <sup>8</sup> a rùsgadh. <sup>9</sup> ionmhaighean.



22 Agus dh'innseadh do Laban, air an treas là, gu'n do theich Iacob.

23 Agus thug e bhràithre leis, agus lean se e astar sheachd làithean, agus rug e air ann an sliabh Ghilead.

24 Agus thàinig Dia gu Laban an Siria-nach ann an aisling 'san oidhche, agus thubhairt e ris, Thoir an aire nach labhair thu re Iacob aon chuid math no olc.

25 'An sin rug Laban air Iacob. A nis shuidhich Iacob a bhùth 'san t'sliabh, agus shuidhich Laban maille r'a bhràithribh ann an sliabh Ghilead.

26 Agus thubhairt Laban re Iacob, Ciod so rinn thu, gu'n d'g hoid thu air falbh gun fhios domh, agus gu'n d'thug thu leat mo nigheana, mar bhràighdean<sup>1</sup> a thugadh a mach leis a chloidheamh?

27 C'ar son a theich thu air falbh gu h-uaigneach, agus a goid thu uam, agus nach d'innis thu domh, agus gu'n cuirinn air falbh thu le subhachas, agus le h-òra-naibh, le tiompan, agus le clàrsaich?

28 Agus nach do leig leam mo mhic agus mo nigheana a phògadh: a nis is amaideach a fhuair tu le so a dheanamh.

29 Tha e 'n comas mo laimhsa cron a dheanamh ort: ach labhair Dia t'athar rium an reidhr, ag ràdh, Thoir an aire, nach labhair thu re Iacob aon chuid math no olc.

30 Agus a nis, ge do b'èigin duit fàlbh, a chionn gu'n robh thu gu ro mhòr 'an geall air tigh t'athar, gideadh c'ar son a goid thu mo dhée?

31 Agus fhreagair Iacob agus thubhairt e re Laban, A chionn gu'n robh eagail orm: oir thubhairt mi, Theagamh gu'n d'thugadh tu uam do nigheana le h-ainneart.

32 Ge b'e neach aig am faigh thu do dhée, na maireadh e beo: 'an làthair ar bràithre faic, ciod a th'agam a bhuineas duit agus gabh thugad<sup>2</sup> e: oir cha robh fios aig Iacob gu'n do goid Rachel iad.

33 Agus chaidh Laban a steach do bhùth Iacob, agus do bhùth Leah, agus do bhùth an dà bhan-oglaich; ach cha d'fhuair e iad. An sin chaidh e 'mach a bhith Leah, agus chaidh e steach do bhùth Rachel.

34 A nis goid Rachel na dealbhan, agus chuir i iad ann an acfuiunn<sup>3</sup> a' chàmhail, agus shuidh i orra: agus rannsaich Laban am bùth uile, ach cha d'fhuair e iad.

35 Agus thubhairt i r'a h-athair, Na cuirreadh e corruich air mo thighearna nach urradh mi éirigh suas a't' fhianais, oir tha orm a réir gnàth nam ban: agus rannsaich e, ach cha d'fhuair e na dealbhan.

36 Agus bha fearg air Iacob, agus throid e re Laban: agus fhreagair Iacob, agus thubhairt e re Laban, Ciod i mo choire, agus ciod e mo pheacadh, gu'n robh thu cho-dian air mo thoir.

37 'An déigh dhuit m'airneis uile a rann-

sachadh, ciod a fhuair thu dh'uile airneis do thighe? cuir 'an so e 'n làthair mo bhràithre-sa, agus do bhràithre féin, agus gu'n d'thoir iad breth eadaruinn 'nar dithis.

38 A nis fìchead bliadhna bha mi maille riut; cha do thilg do chaoraich an uain, no do ghabhair an minn, agus reitheachan do threud cha d'ith mi.

39 An ni sin a reubadh le fìadh-bheathachibh cha d'thug mi a't' ionnsuidh; ghiùlain mi féin a chall: o m' làimh-sa dh'iarr thu e, co ac<sup>4</sup> a ghoideadh e 'san latha, no ghoideadh e san oidhche.

40 Mar so bha mi, san là chlaoidh an teas mi, agus an reotha 'san oidhche; agus dhealach mo chodal re m'shùilb.

41 Mar so bha mi fìchead bliadhna a'd thigh: ceithir bliadhna deug rinn mi seirbhìs duit air son do dhithis nigheana, agus se bliadhna air son do spréidhe: agus mhùth thu mo thuarasdal deich uairean.

42 Mur bhìtheadh gu'n robh Dia m'athar, Dia Abraham, agus eagail Isaac maille ri um, gu cinnteach chuireadh tu nis air falbh mi fàlamh: chunnaic Dia m'àmhghar agus saothair mo làmh, agus chronaich e thu 'n reidhr.

43 Agus fhreagair Laban, agus thubhairt e re Iacob, Na h-ingleanan so 's iad mo nigheana-sa iad, agus a' chlann so mo chlann-sa, agus an spréidh so mo spréidh-sa, agus gach ni tha thu faicinn is leamsa e: agus ciod a dh'fheudas mi dheanamh an diugh re m'nigheanaibh so, no r'an cloinn a rug iad?

44 A nis uime sin thig-sa, deanamaid coi'-cheangal, mise agus thusa; agus bitheadh e mar fhianuis eadar mise agus thusa.

45 Agus ghabh Iacob clach, agus chuir e suas i mar charragh.

46 Agus thubhairt Iacob r'a bhràithribh, Cruinnichibh clachan: agus ghabh iad clachan, agus rinn iad carn, agus dh'ith iad an sin air a' charn.

47 Agus thug Laban mar ainm air Iegar-Sahaduta: ach thug Iacob mar ainm air Galeed.

48 Agus thubhairt Laban, Tha 'n carn so 'na fhianuis eadar mise agus thusa 'n diugh. Uime sin thugadh Galeed mar ainm air.

49 Agus Midpah: oir thubhairt e, Deannadh an Tighearna faire eadar mise agus thusa, 'nuair a bhitheas sinn as làthair a chèile.

50 Na bhuineas tu gu cruaidh re m' nigheanaibh, no ma ghabhas tu mnàil eile thuilleadh air mo nigheana-sa, cha'n 'eil duine sam bith maille rinn: feuch, tha Dia 'na fhianuis eadar mis' agus thusa.

51 Agus thubhairt Laban re Iacob, Faic an carn so, agus faic an carragh so, a shuidhich mi eadar mis' agus thusa.

52 Bitheadh an carn so 'na fhianuis, agus

<sup>1</sup> chiomach.

<sup>2</sup> chugad.

<sup>3</sup> fasair,

uigheam.



*biththeadh* an carragh so 'na fhianuis, nach d'théid mise a t'ionnsuidh-sa thar a'charn so, agus nach d'thig thus' a m' ionnsuidh-sa thar a' charn so, agus a charragh so, gu cron.

53 Gu'n d'thugadh Dia Abraham, agus Dia Nahoir, Dia an athar, breth cadaruinn. Agus mhionnaich Iacob air eagal athar Isaic.

54 An sin thug Iacob suas iobairtean 'sant-sliabh, agus ghairm e air a bhràithribh a dh'itheadh arain: agus dh'ith iad aran, agus dh'fhan iad rè na h-oidhche 'san t-sliabh.

55 Agus dh'éirich Laban suas moch 'sa' mhadaoinn agus phog e mhic agus a nigh-eanan, agus bheannaich e iad, agus dh'fhalbh e: agus phill Laban gu àite féin.

CAIB. XXXII.

**A**GUS dh'imich Iacob air a shlighe, agus choinnich aingil Dhé e.

2 Agus thubhairt Iacob, 'nuair a chunnaic e iad, *Se so feachd Dhé*: agus thug e Mahanaim mar ainm air an àite sin.

3 Agus chuir Iacob teachdairean roimhe gu h-Esau a bhràthair, gu fearann Sheir, dùthaich Edoim.

4 Agus dh'àithn e dhoibh, ag ràdh, Mar so their sibh re m' thighearn' Esau, Mar so thubhairt do sheirbhiseach Iacob, Bha mi air chuairt maille re Laban, agus dh'fhan mi *maille ris* gus a nis.

5 Agus tha agam buar, agus asail, treudan, agus ogaich, agus ban-oglaich: agus chuir mi dhinnseadh do m' thighearna, chum gu'm faighinn deagh-ghean a'd shùilbh.

6 Agus phill na teachdairean gu Iacob, ag ràdh, Thàinig sinn a dh'ionnsuidh do bhràthar Esau, agus mar an ceudna tha e teachd a'd' chòdhail, agus ceithir cheud fear maille ris.

7 Agus bha Iacob fu' eagal mòr, agus ann an airc; agus roinn e'n sluagh a *bha* maille ris, agus na treudan, agus an crodh, agus na càmhail 'nan dà bhuidhinn;

8 Agus thubhairt e, Ma thig Esau gu h-aon do na buidhneibh, agus gu'm buail e i, an sin théid a bhuidheann a dh'fhanas as *uaith*.

9 Agus thubhairt Iacob, O Dhé m'athar Abraham, agus a Dhé m'athar Isaic, a Thighearn a thubhairt rium, Pill gu d'dhùthaich, agus gu d' dhilsean, agus ni mi math dhuit:

10 Cha 'n airidh mi air a' chuid a's lugha do na trècairibh *sin* uile, no do'n fhirinn *sin* uile, a nochd thu do d'sheirbhiseach: oir le m' luirg thàinig mi thar an Iordan so, agus tha mi nis a'm' dhà bhuidhinn.

11 Saor mi, guidham ort, o làimh mo bhràthar, o làimh Esau: oir tha eagal orm roimhe, gu'n d'thig e, agus gu'm buail e mi, agus a' mhàthair maille ris a chloinn.

12 Agus thubhairt thu, Gu cinnteach ni mi math dhuit, agus ni mi do shliochd mar ghaincainh na fairge, nach feudar aireamh a thaobh lionmhoireachd.

13 Agus dh'fhan e 'n sin 'san oidhche sin féin, agus ghabh e do na thàinig g'a làimh tiodhlac air son Esau a bhràthar;

14 Dà cheud gabhar agus fichead boc, dà cheud caora agus fichead reithe;

15 Deich càmhail fhichead bhainne le 'n searraich, dà fhichead bò agus deich taibh, fichead asal bhainionn agus deich searraich.

16 Agus thug e *iad* do làimh a sheirbhiseach, gach iomain leatha féin; agus thubhairt e r'a sheirbhisich, Imichibh romham, agus cuiribh dealachadh eadar iomain agus iomain.

17 Agus dh'àithn e dha-san a bha air thoiseach, ag ràdh, 'Nuair a choinnicheas mo bhràthair Esau thu, agus a dh'fheoraicheas e dhìot, ag ràdh, Co leis thu, agus c'àitc tha thu dòl, agus co leis iad sin a *tha* romhad?

18 An sin their thusa, *Buinidh iad* do d'sheirbhiseach Iacob; *is* tiodhlac a th'ann, a chuireadh a dh'ionnsuidh mo thighearn' Esau: agus feuch, mar an ceudna *thae* féin 'nar deigh.

19 Agus dh'àithn e mar sin do'n dara *seirbhiseach*, agus do'n treas, agus dhoibhsan uile bha leantuinn nan iomaine, ag radh, Air an dòigh so labhraidh sibh re h-Esau, 'nuair a gheibh sibh e.

20 Agus their sibh cuideachd, Feuch, *Tha* do sheirbhiseach Iacob 'nar deigh-ne: oir thubhairt e, Ni mi réidh<sup>1</sup> e leis an tiodhlac a théid romham, agus 'an deigh sin chi mi ghnùis, theagamh gu'n gabh e rium.

21 Mar sin chaidh an tiodhlac thairis roimhe: agus dh'fhan e féin an oidhche sin 'sa' chuideachd.

22 Agus dh'éirich e suas 'san oidhche sin, agus ghabh c dhà mhnaoi, agus a dhà bhan-oglaich, agus aon mhac deug, agus chaidh e thairis air àth Iaboic.

23 Agus ghabh e iad, agus chuir é thairis air an t-sruth iad, agus chuir e thairis na *bh'aigc*.

24 Agus dh'fhan Iacob 'na aonar; agus ghléachd duine ris, gu nuig briscadh na fairc.

25 Agus 'nuair a chunnaic e nach do bhuadhaich e air, an sin bhcan e re lag a shléisc: agus chaidh lag sléide Iacob as an alt, 'nuair a bha e gleachdadh<sup>2</sup> ris.

26 Agus thubhairt e, Leig air falbh mi, oir tha'n fhàir a' briseadh: agus thubhairt esan, Cha leig mi air falbh thu, mur bean-naich thu mi.

27 Agus thubhairt e ris, Cìod a's ainm dhuit? agus thubhairt e, Iacob.

28 Agus thubhairt esan, Cha ghoirear<sup>3</sup> Iacob nì's mò riut mar ainm, ach Israel:

<sup>1</sup> ciuin.

<sup>2</sup> ag spairn.

<sup>3</sup> cha'n abrar.

oir bha cumhachd agad mar uachdaran re Dia, agus re daoine, agus thug thu buaidh.

29 Agus dh'fhiosraich Iacob *dheth*, agus thubhairt e, Innis *dhomh*, guidheam ort, fainn: agus thubhairt esau, C'ar son a tha thu farraid m'ainne. Agus bheannaich e 'n sin e.

30 Agus thug Iacob Peniel mar ainm air an àite: oir chunnaic mi Dia aghaidh re h-aghaidh, agus thearnadh m'anam.

31 Agus dh'èirich a' ghrian air, nuair a chaidh e seach Penuel, agus *bha* e bacach air a shliasaid.

32 Uime sin cha'n ith clann Israeil do'n fhéith a chrup, a ta air lag na sléide, gus an la'n diugh: a chionn gu'n do bhean e re lag sléide Iacob 'n fhéith a chrup.

## CAIB. XXXIII.

**A**GUS thog Iacob suas a shùilean, agus dh'amhairc e, agus feuch, *bha* Esau teachd, agus maille ris ceithir cheud fear. Agus roinn e a' chlann do Leah, agus do Rachel, agus do'n dà bhan-oglaich.

2 Agus chuir e na ban-oglaich agus an clann air thoiseach, agus Leah agus a clann 'nan déigh, agus Rachel agus Ioseph air dheircadh.

3 Agus chaidh e féin air aghaidh rompa, agus chrom se e féin gu lár seachd uaire, gus an d'thàinig e dlùth d'a bhràthair.

4 Agus ruith Esau 'na choinncamh, agus ghabh e 'na ghlacaibh c, agus thuit e air a mhuineal, agus phòg se e: agus ghuidh iad.

5 Agus thog e suas a shùilean, agus chunnaic e na mnà agus a' chlann; agus thubhairt e, Co iad sin a ta maille riut? agus thubhairt esan, A' chlann a thug Dia gu gràs-mhor do d'sheirbhiseach.

6 'An sin thàinig na ban-oglaich an fagus, iad féin agus an clann, agus chrom siad iad féin.

7 Agus thàinig Leah cuideachd am fagus maille r'a cloinn, agus chrom siad iad féin; agus 'an déigh sin thàinig Ioseph am fagus agus Rachel, agus chrom siad iad féin.

8 Agus thubhairt e, Ciod a's *cuill* duit leis an iomain so uile, a choinnich mi? Agus thubhairt esan, Gu deagh-ghean fhaghail ann an sùilbh mo thighearna.

9 Agus thubhairt Esau, Tha agamsa pailteas, a bhràthair; gléidh dhuit fein na bheil agad.

10 Agus thubhairt Iacob, Ni h-eadh, guidheam ort, ma fhuair mi nis deagh-ghean a'd' shùilbh, 'an sin gabh mo thiodhlac o m' làimh: oir uime sin chunnaic mi do ghnùis, mar gu'm faicinn gnùis Dé, agus thaitinn mi riut.

11 Gabh, guidheam ort, mo bheannachadh a thugadh a d' ionnsuidh, do bhrìgh gu'n do bhuin Dia gu toirbheartach rium, agus gu bheil agam mòr phailteas: agus rinn e ro-earail air, agus ghabh se e.

12 Agus thubhairt e, Gabhamaid ar turus, agus biomaid ag imeachd, agus théid mise maille riut.<sup>1</sup>

13 Agus thubhairt e ris, Tha fios aig mo thighearna gu *bheil* a' chlann maoth, agus na treudan agus an fheudail a ta maille rium, trom le h'àl; agus mu dh'iomainear iad gu dian aon latha, gheibh an treud uile bàs.

14 Rachadh, guidheam ort, mo thighearna seachad roimh a sheirbhiseach: agus gabhaidh mise an t-slighe gu socrach, a réir mar a bhios an spréidh a ta romham, agus a' chlann, comasach air fhulang, gus an d'thig mi dh'ionnsuidh mo thighearna gu Seir.

15 Agus thubhairt Esau, Leig leam a nis *cuid* do'n mhuinntir a ta maille rium f'hagail marriut.<sup>2</sup> Agus thubhairt esan, C'ar son sin? faigheam-sa deagh-ghean 'an sùilbh mo thighearna.

16 Mar sin phill Esau 'san là sin féin air a shlighe gu Seir.

17 Agus dh'imich Iacob gu Sucot, agus thog e dha féin tigh, agus rinn e bothain d'a spréidh: air an aobhar sin thugadh Sucot mar ainm air an àite.

18 Agus thàinig Iacob do Shalem, baile Shechem a ta ann an tìr Chanaain, nuair a thàinig e o Phadanaram; agus shuidhich e bhùth fa chomhair a' bhaile.

19 Agus cheannaich e mìr fcarainn, far an do shuidhich<sup>3</sup> e a bhùth, o làimh chloinne Hamoir athar Shechem, air cheud bonn airgid.<sup>4</sup>

20 Agus chuir e suas altair 'an sin, agus thug e El-Elohe-Israel mar ainm oirre.

## CAIB. XXXIV.

**A**GUS chaidh Dinah nighean Leah, a rug i do Iacob, a mach a dh'fhaicinn nigheana na tìre.

2 Agus nuair a chunnaic Sechem mac Hamoir an Ibhich, uachdaran na tìre i, ghabh e i, agus luidh e leatha, agus thruaill e i.<sup>5</sup>

3 Agus dhlù-lean anam re Dinah nighean Iacob, agus ghràdhaich e a' ghruagach,<sup>6</sup> agus labhair e gu caomh ris a' ghruagaich.

4 Agus labhair Sechem re Hamor athair, ag ràdh, Faigh dhomhs' a' ghruagach so mar mhnai.

5 Agus chuala Iacob gu'n do thruaill e Dinah a nighean, (Nis bha mhic maille r'a spréidh 'sa' mhachair) agus bha Iacob 'na thosd gus an d'thàinig iad.

6 Agus chaidh Hamor athair, Shechem a mach a dh'ionnsuidh Iacob, a labhairt ris.

7 Agus thàinig mic Iacob o'n mhachair nuair a chual<sup>7</sup> iad e, agus bha na daoine doilich, agus bha fearg mhòr orra; chionn gu'n d'rinne e amaidcachd ann an Israel, ann an luidhe le nighean Iacob, ni nach bu chòir a dheanamh.

8 Agus labhair Hamor riu, ag ràdh, Tha

<sup>1</sup> romhad.<sup>2</sup> maille riut, agad.<sup>3</sup> sgaoil.<sup>4</sup> cheud uan.<sup>5</sup> dh'èislich se i.<sup>6</sup> an nigheanag,



anam mo mhic Sheceim 'an ro-gheall air bhur nighinn: thugaibh i, guidheam oirbh, dha mar mhnaoi.

9 Agus deanaibh ceanglaiche-pòsaidh<sup>1</sup> ruinne; bhur nigheana-sa thugaibh dhuinne, agus ar nigheana- ne gabhaidh sibh dhuibhsa.

10 Agus maille ruinne gabhaidh sibh comhnuidh: agus bithidh an tìr romhaibh; gabhaidh comhnuidh, agus deanaibh reic agus ceannachd innte, agus faighibh sealbh innte.

11 Agus thubhairt Sechem r'a h-athair, agus r'a bràithribh, Faigheam deagh-ghean 'nar suilibh; agus ge b'e ni a their sibh rium, bleir mi dhuibh.

12 Air mhead 's gu'n dean sibh an dubh- araidh<sup>2</sup> orm, agus an tiodhlac, bheir mi dhuibh eadhon mar a their sibh rium: a mhàin thugaibh dhomh a' ghruagach mar mhnaoi.

13 Agus fhreagair mic Iacoib Sechem agus Hamor athair le ceilg, agus labhair iad (a chionn gu'n do thruaill e Dinah am piuthar.)

14 Agus thubhairt iad riu, Cha 'n fhead sinne an ni so dheanamh, ar piuthar a thoirt do dhuine neo thimchioll-gheart<sup>3</sup>: oir bhiodh sin 'na mhasladh dhuinne.

15 Ach 'an so aontaichidh sinn leibh; ma bhies sibhse mar a ta sinne, gu'n timchioll-ghearrar gach firionnach 'nar measg;

16 'An sin bheir sinne ar nigheana dhuibhsa, agus bhur nigheana-sa gabhaidh sinn dhuinne, agus gabhaidh sinn comhnuidh maille ribh, agus bithidh sinn 'nar naon sluagh.

17 Ach mur éisd sibh ruinne, sibh a bhi air bhur timchioll-ghearradh; 'an sin gabhaidh sinne ar nighean, agus falbhaidh sinn.

18 Agus thaitinn am briathra re Hamor, agus re Sechem mac Hamoir:

19 Agus cha do chuir an t-òganach dàil anns an ni a dheanamh, a chionn gu'n robh tlachd aige ann an nighinn Iacoib: agus bha e ni b'urramaiche na tigh athar uile.

20 Agus thainig Hamor, agus Sechem a mhac gu geatadh am baile, agus labhair iad re daoineibh am baile, ag ràdh,

21 Tha na daoine so stochail maille ruinn, air an aobhar sin gabhadh iad comhnuidh 'san tìr, agus deanadh iad reic agus ceannachd innte; thaobh an fhearain, feuch, tha e farsaing ni's leòr dhoibh: an nigheana-sa gabhaidh sinne dhuinne mar mhnà, agus ar nigheana-ne bheir sinne dhoibhsan.

22 A mhàin anns an ni so aontaichidh na daoine leinn, gu comhnuidh ghabhail maille ruinn, gu bhi 'nar naon sluagh, ma thimchioll-ghearrar gach firionnach againne, mar a ta iadsan air an timchioll-ghearradh.

23 Nach leinne an spréidh, agus am

maoin, agus an ainmhidhean uile? a mhàin aontaicheamaid leo, agus gabhaidh iad comhnuidh maille ruinn.

24 Agus dh'éisd gach neach a chaidh mach air geatadh a bhaile re Hamor, agus re Sechem a mhac: agus thimchioll-ghearradh gach firionnach, iadsan uil' a chaidh mach air geatadh a bhaile.

25 Agus air an treas là, 'nuair a bha iad air an cràdh, 'an sin ghabh dithis do mhic Iacoib, Simeon agus Lebhi, bràithre Dhinah, gach fear ac' a chloidheamh, agus thàinig iad air a' bhaile gu dàna; agus mharbh iad gach firionnach.

26 Agus mharbh iad Hamor agus Sechem a mhac le faobhar a' chloidhheimh, agus thug iad Dinah a tigh Shecheim, agus chaidh iad a mach.

27 Thàinig mic Iacoib air na mairbh, agus chreach iad am baile, a chionn gu'n do thruaill iad am piuthar.

28 An caoraich, agus am buar, agus an asail, agus na bha 'sa' bhaile, agus na bha 'san fhearann, thog iad.

29 Agus am maoin uile, agus an clann bheag uile, agus am mnà thug iad leo 'an daorsadh,<sup>4</sup> agus thog iad 'sa' chreich eadhon gach ni a bha stigh.

30 Agus thubhairt Iacob re Simeon agus re Lebhi, Chuir sibh trioblaid<sup>5</sup> orm le m' dheanamh gràineil<sup>6</sup> a' measg luchd-àiteachadh na tìre, a' measg nan Canaanach, agus nam Peridseach: agus air dhomhsa bhi gann<sup>7</sup> 'an àireamh, cruinnichidh siad iad fèin cuideachd a' m' aghaidh, agus marbhaidh iad mi; agus cuirear as domh, agus do m' thigh.

31 Agus thubhairt iad, Am bu chòir dha buntainn re 'r piuthair-ne mar re strìopaich?

CAIB. XXXV.

**A**GUS thubhairt Dia re Iacob, Eirich, imich suas gu Betel, agus ghabh comhnuidh 'an sin; agus dean 'an sin altair do Dhia, a dh'-fhoillsich e fèin duit 'nuair a theich thu o ghnùis Esau do bhràthar.

2 Agus thubhairt Iacob r'a theaghlach agus riu-san uile a bha maille ris, Cuiribh uaibh na dée coimheach a ta 'nar measg, agus bithibh glan, agus mùthaibh<sup>8</sup> bhur n-eudach:

3 Agus éireamaid, agus rachamaid suas gu Betel; agus ni mise 'n sin altair do Dhia, a dh'-éisd rium ann an là mo chruaidh-chais, agus a bha maille rium 'san t-slighe air an deachaidh mi.

4 Agus thug iad do Iacob na dée coimheach uile a bha 'nan làimh, agus an cluas fhàinnean, a bha 'nan clusaibh; agus dh'-fhòlach Iacob iad fuidh'n daraig a bha làimh re Sechem.

5 Agus dh'imich iad: agus bha eagal<sup>9</sup> Dhé air na bailtibh a bha m'an cuairt orra,

<sup>1</sup> cleamhnas. <sup>2</sup> dowry. Sasg. <sup>3</sup> am braigh-  
eadnas. <sup>4</sup> ainlisg. <sup>5</sup> fuathach. <sup>6</sup> tearc, beag.

<sup>7</sup> atharraichibh. <sup>8</sup> uamham, oilt.



agus cha d'rinn iad tòireachd air mic Iacoib.

6 Mar sin thàinig Iacob gu Luds a *ta* 'n tìr Chanaain, eadhon Betel, e fèin agus an sluagh uile a *bha* maille ris.

7 Agus thog 'e 'n sin altair, agus thug e El-betel mar ainm air an àite : do bhrìgh ann an sin gu'n d'fhoillsich Dia e fèin dha, 'nuair a theich e o ghnùis a bhràthar.

8 Ach fhuair Deborah banaltrum<sup>1</sup> Rebecah bàs, agus dh'adhlaicheadh i fuidh Bhetel, fuidh dharaig : agus thugadh Alon-bacut mar ainm air.

9 Agus dh'fhoillsich Dia e fèin do Iacob a ris, 'nuair a thàinig e a Padan-aram; agus bheannaich se e.

10 Agus thubhairt Dia ris, 'Se Iacob a's ainm dhuit: Cha'n ainmichear thu Iacob ni's mo, ach 'se Israel a bhios 'na ainm ort; agus thug e Israel mar ainm air.

11 Agus thubhairt Dia ris, 'S mise Dia uile-chumhachdach, bi sìolmhar agus fàs lìomhor; thig cinneach agus coi'-thional chinneach uait, agus thig rìghre mach a d'leasruidh.

12 Agus am fearann a thug mi dh' Abraham, agus a dh' Isaac, dhuitse bheir mi e; agus do d' shliochd a'd' dhéigh bheir mi am fearann.

13 Agus chaidh Dia suas uaith 'san àit' an do labhair e ris.

14 Agus chuir Iacob suas carragh<sup>2</sup> 'san àit' an do labhair e ris, carragh cloiche, agus dhòirt e tabhartas-dibhe air, agus dhòirt e oladh air.

15 Agus thug Iacob Betel mar ainm air an àite, far an do labhair Dia ris.

16 Agus dh'imich iad o Bhetel, agus cha robh ach astar beag aca re teachd gu h-Ephrat: agus thàinig tinneas cloinne air Rachel, agus bha saothair chruaidh oirre.

17 Agus 'nuair a bha i 'n cruaidh shaothair, 'an sin thubhairt a bheanghlùine ria, Na biodh eagal ort, oir *bithidh* am mac so agad cuideachd.

18 Agus 'nuair a bha h-anam a' dealachadh ria, oir fhuair i bàs, thug i Ben-oni mar ainm air: ach dh'ainmich athair e Benjamin.

19 Agus fhuair Rachel bàs, agus dh'adhlaicheadh i 'san t-slighe gu h-Ephrat, eadhon Betlehem.

20 Agus chuir Iacob suas carragh air a h-uaigh: 'se so carragh uaigh Racheil gus an lán diugh.

21 Agus ghabh Israel a thurus, agus shuidhich e a bhùth an taobh thall do thùr Edeir.

22 Agus 'nuair a bha Israel a chòmhnuidh 'san tìr sin, chaidh Reuben, agus luidh e le Bilhah leannan<sup>3</sup> athar: agus chual<sup>4</sup> Israel sin. A nis bha dà mhac deug ag Iacob.

23 Mic Leah; Reuben ceud-ghin Iacoib, agus Simeon, agus Lebbi, agus Iudah, agus Isachar, agus Sebulun.

24 Mic Racheil; Ioseph, agus Benjamin.

25 Agus mic Bhilhah, bhan-oglaich Racheil, Dan, agus Naphtali.

26 Agus mic Shilpah, bhan-oglaich Leah; Gad agus Aser. 'S iad sin mic Iacoib, a rugadh dha am Padan-aram.

27 Agus thàinig Iacob chum Isaac athar do Mhamre, gu baile Arbah, cadhonn Hebron, far an robh Abraham agus Isaac air chuaiirt.

28 Agus b'iad làithean Isaac ceud bliadhna 's ceithir fichead.

29 Agus thug Isaac suas an deò, agus dh'eug e, agus chruinnicheadh e chum a mhuinntir fèin, agus e 'na sheann-duine, agus làn do làithibh. Agus dh'adhlaic a mhic Esau agus Iacob e.

## CAIB. XXXVI.

**A** GUS is iad sin ginealaich Esau, eadhon Edoim.

2 Ghabh Esau a mhnà do nigheanaibh Chanaain; Adah nighean Eloin an Hitich, agus Aholibamah nighean Anah, nighinn Shibeoin an Hibhich:

3 Agus Basemat nighean Ismaeil, piuthar Nebaiot.

4 Agus rug Adah do Esau, Eliphads, agus rug Basemat Reuel.

5 Agus rug Aholibamah Ieus, agus Ialam, agus Corah: 'S iad sin mic Esau a rugadh dha ann an tìr Chanaain.

6 Agus gabh Esau a mhnà, agus a mhic agus a nigheana agus uile mhuinntir a thighe, agus a spréidh, agus ainmhidhean uile, agus a mhaoin uile, a fhuair e ann an tìr Chanaain; agus chaidh e do thùr *eile* o ghnùis a bhràthar Iacoib.

7 Oir bha 'n saibhreas ni bu mho na gu'm feudadh iad còmhnuidh ghabhail cuideachd; agus cha b'urradh an tìr anns an robh iad 'nan coigrich an giùlan air son an spréidhe.

8 Mar so ghabh Esau còmhnuidh ann an sliabh Sheir: 's e Esau Edom.

9 Agus 's iad sin ginealaich Esau athar nan Edomach ann an sliabh Sheir.

10 'S iad sin ainmeanna mhac Esau; Eliphads mac Adah mhnà Esau, Reuel mac Bhasemat mhnà Esau.

11 Agus b'iad mic Eliphads; Teman, Omar, Sepho, agus Gatam, agus Cenads.

12 Agus bha Timna 'na leannan aig Eliphads mac Esau; agus rug i do Eliphads Amalec: b'iad sin mic Adah mhnà Esau.

13 Agus 's iad sin mic Reueil; Nahat agus Serah, Samah agus Midsah: b'iad sin mic Bhasemait mhnà Esau.

14 Agus b' iad sin mic Aholibamah, nighinn Anah, nighinn Shibeoin mhnà Esau: agus rug i do Esau Ieus, agus Ialam, agus Corah.

15 B'iad sin cinn-fheadhna mhac Esau.

mic Eliphads ceud-ghin Esau, ceann-fheadhna Teman, ceann-fheadhna Omar, ceann-fheadhna Sepho, ceann-fheadhna Cenads.

16 Ceann-fheadhna Corah, ceann-fheadhna Gatam, agus ceann-fheadhna Amalec: 's iad sin na cinn-fheadhna a thàinig o Eliphads, ann an tìr Edoim: b'iad sin mic Adah.

17 Agus 's iad sin mic Reueil mhic Esau; ceann-fheadhna Nahat, ceann-fheadhna Serah, ceann-fheadhna Samah: ceann-fheadhna Mid-sah. 'S iad sin na cinn-fheadhna a thàinig o Reuel, ann an tìr Edoim: 's iad sin mic Bhasemait mhnà Esau.

18 Agus 's iad sin mic Aholibamah mhnà Esau; ceann-fheadhna Ieus, ceann-fheadhna Iaalam: ceann-fheadhna Corah: b' iad sin na cinn fheadhna a thàinig o Aholibamah nighinn Anah mhnà Esau.

19 'S iad sin mic Esau, eadhon Edoim; agus 's iad sin an cinn-fheadhna.

20 'S iad sin mic Sheir an Horich, luchd àiteachadh na tìre; Lotan, agus Sobal, agus Sibeon, agus Anah,

21 Agus Dison, agus Edfer, agus Disan: 's iad sin cinn fheadhna nan Horach, cloinne Sheir, ann an tìr Edoim.

22 Agus b' iad clann Lotain; Hori, agus Heman: agus b'i Timna piuthar Lotain.

23 Agus b' iad sin clann Shobail; Albhan, agus Manahat, agus Ebal, Sepho, agus Onam.

24 Agus b' iad sin clann Shibeoin; araon Aiah, agus Anah: b' e so an t-Anah, a fhuair a mach na muileidean 'san fhàsach, 'nuair a bha e 'g ionaltradh asal Shibeoin athar.

25 Agus b'iad sin clann Anah; Dison, agus Aholibamah nighean Anah.

26 Agus b'iad sin clann Dhisoin; Hemdan, agus Esban agus Itran, agus Cheran.

27 B' iad sin clann Eseir; Bilhan, agus Saabhan, agus Achan.

28 B' iad sin clann Dhisain; Uds, agus Aran.

29 B' iad sin cinn-fheadhna nan Horach; ceann-fheadhna Lotan, ceann-fheadhna Sobal, ceann-fheadhna Sibeon, ceann-fheadhna Anah,

30 Ceann-fheadhna Dison, ceann-fheadhna Eser, ceann-fheadhna Disan: 's iad sin na cinn-fheadhna a thàinig o Hori, am measg an ceann-fheadhnasan ann 'an tìr Sheir.

31 Agus 's iad sin na rìghrean a rìoghaich ann an tìr Edoim, mun do rìoghaich rìgh 'sam bith air cloinn Israeil.

32 Agus rìoghaich ann an Edom Belah mac Bheoir; agus b'e ainm a bhaile Dinhabah.

33 Agus dh'eug Belah, agus rìoghaich 'na àite Iobab mac Sherah o Bhosrah.

34 Agus dh'eug Iobab, agus rìoghaich 'na àite Husam o thalamh Themani.

35 Agus dh'eug Husam, agus rìoghaich 'na àite Hadad mac Bhedaid, a bhuail

Midian 'am fearann Mhoib: agus b'e ainm a bhaile Abhit.

36 Agus dh'eug Hadad, agus rìoghaich 'na àite Samlah o Mhasrecach.

37 Agus dh'eug Samlah, agus rìoghaich 'na àite Saul o Rehobot, làimh ris an abhainn.

38 Agus dh'eug Saul, agus rìoghaich 'na àite Baal-hanan mac Achboir.

39 Agus dh'eug Baal-hanan mac Achboir, agus rìoghaich 'na àite Hadar; agus b'e ainm a bhaile Pau; agus ainm a mhnà Mehetabel, nighean Mhatreid, nighinn Mhedsahaib.

40 Agus 's iad sin ainmeanna nan ceann-fheadhna a thàinig o Esau, a réir an teaghlachéan, a réir an àiteacha, 'nan ainmibh; ceann-fheadhna Timnah ceann-fheadhna Albhah, ceann-fheadhna Ietet,

41 Ceann-fheadhna Aholibamah, ceann-fheadhna Elah, ceann-fheadhna Pinon,

42 Ceann-fheadhna Cenads, ceann-fheadhna Teman, ceann-fheadhna Mibsar.

43 Ceann-fheadhna Magdiel, ceann-fheadhna Iram: 's iad sin cinn-fheadhna Edoim, a réir an àiteacha-còmhnuidh, ann an tìr an seilbh: 's esan Esau, athair nan Edomach.

CAIB. XXXVII.

**A**GUS ghabh Iacob còmhnuidh 'san tìr anns an robh athair 'na choigreach, ann an tìr Chanaain.

2 'S iad so ginealaich Iacoib: 'Nuair a bha Ioseph seachd bliadhna deug a dh'aois, bha e buachailleachd an treud maille r'a bhràithribh, agus bha 'n t-òganach maille re mic Bhihah, agus maille re mic Shilpah, mnà athar; agus thug Ioseph an droch thuairesgeul-sa a dh'ionnsuidh athar.

3 Agus bu docha le h-Israel Ioseph na mhic uile, chionn gu'm b'e mac a shean-aois e: agus rinn e dha còta dh'iomadh dath.<sup>2</sup>

4 Agus 'nuair a chunnaic a bhràithre gu'm bu docha le athair e na bhràithrean uile, dh'fhuathaich iad e, agus cha b'urradh iad labhairt ris gu sìochail.

5 Agus chunnaic Ioseph aisling,<sup>3</sup> agus dh'innis e d'a bhràithribh i, agus dh'fhuathaich iad e fathast ni's mò.

6 Agusthubhairt e ri u, Eisdibh, guidheam oirbh, ris an aisling so a chunnaic mi:

7 Oir feuch, bha sinn a' ceangal sguabh 'san achadh agus feuch, dh'éirich mo sguab-sa suas, agus sheas i gu dìreach; agus feuch, sheas bhur sguaba-sa m'an cuairt oirre, agus rinn iad ùmhlaichd do m' sguab-sa.

8 Agus thubhairt a bhràithre ris, Am bi thusa gun amharus a'd rìgh oirne? am bi agad d'a rìreadh tighearnas oirne? Agus dh'fhuathaich iad e fathast ni's mo air son aislingean, agus air son a bhriathra.

9 Agus chunnaic e fathast aisling eile, agus dh'innis e d'a bhràithribh i, agus thubh-



airt e, Feuch, chunnaic mi aisling eile; agus feuch, rinn a' ghrian agus a' ghealach, agus an aon reul deug, ùmlachd dhomsa.

10 Agus dh'innis e d'a athair i, agus d'a bhràithribh: agus thug athair achinhasan da, agus thubhairt e ris, Ciod i an aisling so a chunnaic thu? An e gu'n d'thig d'a rìreadh mise agus do mhàthair agus do bhràithre, chum sinn fèin a chromadh sìos duitse gu làr?

11 Agus bha farmad aig a bhràithribh ris: ach thug athair fa'near a' chainnt.

12 Agus chaidh a bhràithrean a dh'ional-tradh treud an athar do Shechem.

13 Agus thubhairt Israel re Ioseph, Nach 'eil do bhràithrean ag ionaltradh an treud ann an Sechem? Thig, agus cuiridh mi thu d'an ionnsuidh. Agus thubhairt e ris, *Tha* mise 'n so.

14 Agus thubhairt e ris, Imich, guidheam ort, faic am bheil do bhràithrean gu math, agus am bheil an treud gu math; agus thoir fios a m'ionnsuidhs<sup>1</sup> a ris. Mar sin chuir e mach e a gleann Hebroin, agus thàinig e gu Sechem.

15 Agus fhuair duin' àraidh e, agus feuch, *bha* e air seacharan 'sa' mhachair; agus dh'fheòraich an duine dheth, ag ràdh, Ciod a tha thu 'g iarraidh?

16 Agus thubhairt e, *Tha* mi 'g iarraidh mo bhràithre: innis dhomh, guidheam ort, c'ait' am bheil iad ag ionaltradh an treuda.

17 Agus thubhairt an duine, Dh'fhalbh iad a so: oir chuala mi iad ag ràdh Rachamaid gu Dotan. Agus chaidh Ioseph 'an dèigh a bhràithrean, agus fhuair e iad ann an Dotan.

18 Agus 'nuair a chunnaic iad e fada uatha, eadhon mun d'thàinig e 'm fagus doibh, chuir iad an comhairle re chèile 'na aghaidh, gus a mharbhadh.

19 Agus thubhairt iad r'a chèile, Feuch, tha 'n t-aislingiche so a' teachd.

20 Thigibh a nis ma ta, agus marbhamaid e, agus tilgeamaid e ann an slochd éigin; agus their sinn, Chuir droch bhéist éigin as da: agus chì sinn ciod gus an d'thig aislingean.

21 Agus chuala Reuben so, agus shaor e as an làimh e, agus thubhairt e, Na cuireamaid gu bàs e.

22 Agus thubhairt Reuben riu, Na dòirtibh<sup>2</sup> fuil: tilgibh e 'san t-slochd so, a ta 'san fhàsach, agus làmh na cuiribh ann: a chum 's gu'n saoradh e as an làimh e, agus gu'n aisigeadh e ris d'a athair e.

23 Agus 'nuair a thàinig Ioseph a dh'ionnsuidh a bhràithre, 'an sin bhuin iad do Ioseph a chòta, a chòta nan iomadh dath, a bha air.

24 Agus ghabh iad e, agus thilg iad e ann an slochd, agus bha 'n slochd falamh, gun uisge ann.

25 Agus shuidh iad sìos a dh'itheadh arain, agus thog iad suas an sùilean agus dh'amhairc iad, agus feuch, *bha* cuideachd do chloinn Ismaeil a' teachd o Ghilead le'n càmhalan a' giùlan spioraidh, agus ioc-shlaint,<sup>1</sup> agus mirr, a' dol gus an toirt sìos do'n Eiphit.

26 Agus thubhairt Iudah r'a bhràithribh, Ciod an tairbh a bhios dhuinn ann ma mharbhas sinn ar bràithair, agus ma cheilleas sinn fhuil.

27 Thigibh, agus reiceamaid e ris na h-Ismaelich, agus na cuireamaid làmh ann: oir is e ar dearbh-bhrathair e, agus ar feoil: agus dh'éisd a bhràithre ris.

28 'An sin chaidh Midianaich seachad, ceannaichean; agus tharruing iad agus thog iad suas Ioseph as an t-slochd: agus reic iad Ioseph ris na h-Ismaelich air fhichead bonn airgid. Agus thug iadsan Ioseph do'n Eiphit.

29 Agus phill Reuben a dh'ionnsuidh an t-sluichd; agus feuch, cha robh Ioseph 'san t-slochd; agus reub<sup>2</sup> e eudach.

30 Agus phill e dh'ionnsuidh a bhràithrean, agus thubhairt e, Cha'n 'eil an leanabh ann; agus mise, c'ait' an d' théid mi?

31 Agus ghabh iad còta Ioseph, agus mharbh iad meann do na gabhraibh, agus thum iad an còta 'san fhuil.

32 Agus chuir iad uatha còta nan iomadh dath, agus thug iad e dh'ionnsuidh an athar; agus thubhairt iad, Fhuair sinne so: aithnich a nis an e so còta do mhic, no nach e.

33 Agus dh'aithnich se e, agus thubhairt e, Còta mo mhic; chuir droch bhéisd as da: tha Ioseph gun teagamh air a reubadh as a chèile.

34 Agus reub Iacob eudach, agus chuir e eudach-saic air a leasruidh, agus rinn e bròn air son a mhic rè mòrain lài.

35 Agus dh'éirich a mhic uile, agus a nigheanan uile suas, a thòirt solais da; ach dhiùlt esan solas a ghabhail; agus thubhairt e, Oir théid mi sìos do 'n uaigh a chum mo mhic re bròn. Mar so rinn athair caoidh air a shon.

36 Agus reic na Midianaich e 'san Eiphit re Potiphar, oifigeach le Pharaoh, ceannard an fhreiceadain.<sup>3</sup>

CATB. XXXVIII.

**A**GUS 'san àm sin fèin chaidh Iudah sìos o bhràithribh, agus thionndaidh e steach a dh'ionnsuidh Adulamaich àraidh, d'am b'ainm Hirah.

2 Agus chunnaic Iudah 'n sin nighean Cananaich àraidh, d'am b'ainm Shuah: agus ghabh e i, agus chaidh e steach d'a h-ionnsuidh.

3 Agus dh'fhàs i torrach, agus rug i mac; agus thug e Er mar ainm air.

4 Agus dh'fhàs i torrach a rìs, agus rug i mac; agus thug i Onan mar ainm air.

<sup>1</sup> balm. Sarg.

<sup>2</sup> rùchd,

<sup>3</sup> ceannard

shaighdearan, captein a' gheard.



5 Agus dh'fhàs i torrach fathast, agus rug i mac; agus thug i Selah mar ainm air: agus bha esan ann an Chedsib 'nuair a rug i e.

6 Agus ghabh Iudah bean do Er a cheud-ghin, d' *am* b'ainm Tamar.

7 Agus bha Er, ceud-ghin Iudaih, aingidh ann an sealladh an Tighearna; agus mharbh an Tighearn e.

8 Agus thubhairt Iudah re h-Onan, Falbh a steach a dh'ionnsuidh mnà do bhràthar, agus pòs i, agus tog suas sliochd do d' bhràthair.

9 Agus bha fhios aig Onan nach b'ann leis fèin a bhiodh an sliochd; agus 'nuair a chaidh e steach a dh'ionnsuidh mnà a bhràthar, dhòirt e air a' bhlàr e, chum nach d'thugadh e sliochd d'a bhràthair.

10 Agus bha 'n ni a rinn e olc ann an sealladh an Tighearna: uime sin mharbh e esan mar an ceudna.

11 'An sin thubhairt Iudah re Tamar mnaoi a mhic, Fan a'd' bhantraich ann an tigh t'athar, gus am fàs mo mhac Selah suas: oir thubhairt e, An t-eagal gu'm faighheadh esan bàs mar an ceudna mar a fhuair a bhràithre. Agus dh'fhalbh Tamar, agus dh'fhan i 'n tigh a h-athair.

12 Agus ùine fhada 'n déigh sin fhuair nighean Shuaih bean Iudah bàs: agus thog Iudah a mhisneach, agus chaidh e suas a dh'ionnsuidh luchd-lomairt<sup>1</sup> a chaorach, e fèin agus a charaid Hirah an t-Adulamach, gu Timnat.

13 Agus dh'innseadh do Thamar, ag ràdh, Feuch, *tha* t'athair-céile a' dol suas gu Timnat a lomairt a chaorach.

14 Agus chuir i a culaidh-bantraich dhith, agus chòmdaich si i fèin le gnùis-bhrat, agus phaisg si i fèin, agus shuidh i ann an ionad follaiseach a *tu* làimh ris an t-slighe gu Timnat: oir chunnaic i gu'n d'fhàs Selah suas, agus nach d'thugadh i dha mar mhnai.

15 'Nuair a chunnaic Iudah i, shaoil e gu'm *bu* strìopach i, a chionn gu'n do chòmhdaich i h-eudan.

16 Agus thionndaidh e 'da h-ionnsuidh air an t-slighe, agus thubhairt e, Leig leam, guidheam ort, teachd a steach a't ionnsuidh; oir cha robh fhios aige gu'm *b'i* bean a mhic i: agus thubhairt i, Ciod a bheir thu dhomh a chum as gu'n d'thig thu steach a'm' ionnsuidh?

17 Agus thubhairt esan, Cuiridh mi meann<sup>2</sup> a't' ionnsuidh o'n treud: agus thubhairt ise, An d'thoir thu geall *domh* gus an cuir thu m' ionnsuidh e?

18 Agus thubhairt e, Ciod an geall a bheir mi dhuit? Agus thubhairt ise, Dho sheula, agus do làmh-fhailean, agus do lorg a *ta* ann ad làimh: agus thug e dh'i iad, agus chaidh e steach d'a h-ionnsuidh, agus rinneadh i torrach leis.

19 Agus dh'éirich i, agus dh'fhalbh i roimpe, agus chuir i seachad a gnùis-bhrat uaithe,<sup>3</sup> agus chuir i a culaidh bantraich oirre.

20 Agus chuir Iudah am meann le làimh a charaid an Adulamaich, chum as gu'm faighheadh e 'n geall o làimh na mnà: ach cha d'fhuair e i.

21 'An sin dh'fheoraich e do dhaoineibh an àite sin, ag ràdh, C'ait' *am* bheil an strìopach a *bha* gu follaiseach re taobh na slighe?<sup>4</sup> Agus thubhairt iadsan, Cha robh strìopach 'sam *bith* an so.

22 Agus phill e dh'ionnsuidh Iudaih, agus thubhairt e, Cha d'fhuair mi i: agus mar an ceudna thubhairt daoine an àite, Cha robh strìopach 'sam *bith* an so.

23 Agus thubhairt Iudah, Gabhadh i dh'i fèin e, an t-eagal gu maslaichear sinn: feuch, chuir mi am meann so d'a h-ionnsuidh, agus cha d'fhuair thu i.

24 Agus beul re trì mìosa 'n déigh sin, dh'innseadh do Iudah, ag ràdh, Rinn Tamar bean do mhic strìopachas; agus feuch cuideachd, *tha* i torrach le strìopachas. Agus thubhairt Iudah, Thugaibh a mach i, agus loisgear i.

25 'Nuair a thugadh a mach i, chuir i fìos a dh'ionnsuidh a h-athar céile, ag ràdh, Aig an fhear d'am buin iad sin *tha* mise lethromach: agus thubhairt i, Faic, guidheam ort, cia leis an seula, agus na làmh-fhailean, agus an lorg so.

26 Agus ghabh Iudah riu, agus thubhairt e, Bha i ni bu cheirte na mise, a chionn nach d'thug mi i do Shelah mo mhac; agus cba robh aithne aig oirre ni's mo.

27 Agus 'nuair a bha i re saothair *chloinne*, feuch, *bha* leth-aona 'na bolg.

28 Agus 'nuair a bha i re saothair, chuir a h-aon *diubh* mach a làmh: agus rug a bhean-ghlùin air a làmh, agus cheangail i snàthainn scarlaid oirre, ag ràdh, Thàinig e so a mach 'an toiseach.

29 Agus 'nuair a tharruing e a làmh air ais, feuch, thàinig a bhràthair a mach; agus thubhairt ise, Cionnus a bhris thu mach? *bitheadh* am briseadh so ortsa: Uime sin thugadh Phareds mar ainm air.

30 Agus 'an déigh sin thàinig a bhràthair a mach, aig an robh an snàthainn scarlaid air a làmh: agus thugadh Sarah mar ainm air.

CAIB. XXXIX.

**A**GUS thugadh Ioseph sìos do'n Eiphit: agus cheannaidh Potiphar oifigeach le Pharaoh, ceannard an fheiceadain, Eiphiteach, e o làimh nan Ismaelach, a thug sìos 'an sin e.

2 Agus bha 'n Tighearna maille re Ioseph, agus bha e 'na dhuine leis an do shoirbhich gach ni; agus bha e'n tigh a mhaighstir an Eiphitich.

<sup>1</sup> luchd-bearraich. <sup>2</sup> meann do na gabhraibh, 33

Eabh, <sup>3</sup> uaire, uaithe, <sup>4</sup> an rìod.

3 Agus chunnaic a mhaighstir gu 'n robh an Tighearna maille ris, agus gu'n d'thug an Tighearn air gach ni a rinn e soirbheachadh 'na làimh.

4 Agus fhuair Ioseph deagh-ghean 'na shealladh, agus rinn e seirbhis da: agus rinn se e 'na fhear-riaghlaidh air a thigh, agus gach ni a bh'aige chuir e fuidh làimh.

5 Agus o'n àm sin féin 'san d' rinn se e 'na fhear-riaghlaidh air a thigh, agus air gach ni a bh'aige, bheannaich an Tighearna tigh an Eiphitich air sgath Ioseph; agus bha beannachadh an Tighearn air gach ni bh'aige, anns an tigh, agus anns a mha-chair.

6 Agus dh'fhàg e gach ni a bh'aige an làimh Ioseph, agus cha b'fhios da aon ni bh'aige, saor o'n aran a bha e 'g itheadh: agus bha Ioseph 'na dhuine maiseach, agus sgiamhach 'san aghaidh.

7 Agus 'an déigh nan nithe sin leag bean a mhaighstir a sùilean air Ioseph, agus thubhairt i, Luidh leamsa.

8 Agus dhiùlt esan, agus thubhairt e re mnaoi a mhaighstir, Feuch, cha 'n 'eil fios aig mo mhaighstir ciod a tha maille rium san tigh, agus gach ni a th'aige chuir e fuidh m' làimhsa.

9 Cha 'n 'eil neach 'san tigh so a's mò na mise; agus cha do chum e uam ni 'sam bith ach thus', a chionn gur tu a bhean: cionnus uime sin a ni mise 'n t-olc mòr so, agus a pheacaicheas mi 'n aghaidh Dhé?

10 Agus thachair e, nuair a labhair i re Ioseph o là gu là, nach éisdeadh esan ria, gu luidhe leatha, no bhi maille ria.

11 Agus thachair e air latha àraidh, gu'n deachaidh esan a steach do'n tigh a dheanamh oibre féin, agus cha robh a h-aon do dhaoibh an tigh e 'an sin a stigh.

12 Agus rug i air air eudach-uachdair, 'ag ràdh, Luidh leam-sa: agus dh'fhàg e eudach-uachdair 'na làimh, agus theich e, agus thàr e mach.

13 Agus 'nuair a chunnaic ise gu 'n d'fhàg e eudach-uachdair 'na làimh, agus gu 'n do theich e mach,

14 'An sin ghairm i air daoibh a tigh e, agus labhair i riu, ag ràdh, Faicibh, thug e steach d'ar n-ionnsuidh Eabhruidheach g'ar maslachadh: ' thàinig e steach a m' ionnsuidhs' a luidhe leam, agus ghlaodh mise le guth ard:

15 Agus 'nuair a chual' e gu'n do thog mi suas mo ghuth, agus gu'n do ghlaodh mi, 'an sin dh'fhàg e eudach-uachdair maille rium, agus theich e, agus chaidh e mach.

16 Agus thaisg i eudach-uachdair làimh ri, agus an d'thàinig a thighearna dha-chaidh.

17 Agus labhair i ris a réir nam briathra so, ag ràdh, Thàinig an seirbhiseach Eabhruidheach a thug thu d'ar n-ionnsuidh a

steach a'm'ionnsuidhsa gu m' mhaslachadh:

18 Agus 'nuair a thog mise suas mo ghuth, agus a ghlaodh mi, 'an sin dh'fhàg e eudach-uachdair maille rium, agus theich e mach.

19 Agus 'nuair a chual' a mhaighstir briathran a mhnà, a labhair i ris, ag ràdh, Air an dòigh so rinn do sheirbhiseach orm; 'an sin las fhearg fuas.

20 Agus ghabh maighstir Ioseph e, agus chuir e 'sa' phrìosan e, far an robh prìosanaich an rìgh ceangailte: agus bha e 'n sin 'sa' phrìosan.

21 Ach bha 'n Tighearna maille re Ioseph, agus nochd e tròcair dha, agus thug e dha deagh-ghean ann an sùilbhi fhir-gleidhidh a' phrìosain.

22 Agus chuir fear-gleidhidh a' phrìosain fuidh làimh Ioseph na prìosanaich uile a bha 'sa' phrìosan; agus gach ni a rinn iad 'an sin, b' esan a rinn e.

23 Cha d'amhairc fear-gleidhidh a' phrìosain air ni 'sam bith a bha fuidh làimh, a chionn gu'n robh an Tighearna maille ris; agus an ni sin a rinn e, thug an Tighearn air soirbheachadh leis.

## CAIB. XL.

**A**GUS 'n déigh nan nithe sin chuir buidealair rìgh na h-Eiphit, agus fhuineadair, fearg air an tighearna, rìgh na h-Eiphit.

2 Agus bha corruich mhòr air Pharaoh re dithis d'a sheirbhisich, ris an àrd-bhuidealair, agus ris an ard-fhuineadair.

3 Agus chuir e 'n làimh<sup>3</sup> iad ann an tigh ceannaird an fhreiceadain 'sa' phrìosan, far an robh Ioseph ceangailte.

4 Agus chuir ceannaird an fhreiceadain an cùram air Ioseph, agus fhritheile dhoibh; agus dh'fhan iad tamull<sup>4</sup> ann an làimh.

5 Agus chunnaic iad aisling le chèile, gach fear ac' aisling féin 'san aon oidhche, gach fear an réir eadar-mhìneachaidh aislinge; an buidealair agus fuineadair rìgh na h-Eiphit, a bha ceangailte 'sa' phrìosan.

6 Agus thàinig Ioseph a steach d'an ionnsuidh 'sa' mhadainn, agus dh'amhairc e orra, agus feuch, bha iad dubhach.

7 Agus dh'fheòraich e do sheirbhisich Pharaoh, a bha 'n làimh maille ris ann an tigh a thighearna, ag ràdh, C'ar son a tha bhuir gnùis cho mholadach an diugh?

8 Agus thubhairt iad ris, Chunnaic 'n aisling, agus cha 'n 'eil neach againn a dh'eadar-mhìnicheas i. Agus thubhairt Ioseph riu, Nach ann o Dhia tha gach eadarmhìneachadh? innsibh dhomhs' iad, guidheam oirbh.

9 Agus dh'innis an t-ard-bhuidealair aisling do Ioseph, agus thubhairt e ris, A'm' aisling-sa feuch, bha fìneamhainn fa m' chomhair.

<sup>1</sup> shàbhaidh, a chèile.

<sup>2</sup> mhaighstir.

<sup>3</sup> ann an òrdaigh.

<sup>4</sup> seal.



10 Agus air an fhìneamhain *bha* tri meanglain;<sup>1</sup> agus *bha* i mar gu'm biodh i a' briseadh a mach, agus thàinig, i fuidh làn-bhlàth, agus thug a bagaidean dearc an abuiuch uatha.

11 Agus *bha* cupan Pharaohi a'm' làimh; agus ghabh mi na fion-dhearc, agus dh'fhàisg mi iad 'an cupan Pharaohi, agus thug mi 'n cupan ann an làimh Pharaohi.

12 Agus thubhairt Ioseph ris, 'Se so a h-eadar-mhìneachadh: Na tri meanglain, is tri lài iad.

13 Eadhon 'an ceann thri lài togaidh Pharaoh suas do cheann, agus bheir e ris gu t-àite fcin thu; agus bheir thu cupan Pharaohi 'na làimh, mar a b'abhuist duit roimhe 'nuair a bha thu d'bhuidealair aige.

14 Ach cuimhnich thusa ormsa 'nuair a dh'èreas gu math dhuit, agus dean, guidheam ort, caoimheas domh: agus thoir iomrabh orin re Pharaoh, agus thoir a mach mi as an tigh so:

15 Oir gu deimhin ghoideadh air falbh mi a tìr nan Eabhruideach, agus mar an ceudna 'n so cha d'rinn mi ni sam bith gu 'n cuirte 'san t-slochd mi.

16 'Nuair a chunnaic an t-àrd-fhuineadair gu'n d'eadair-mhìnich e gu math, thubhairt e re Ioseph, *Bha* mise mar an ceudna a'm' aisling agus feuch, *bha* tri bascaide geala air mo cheann:

17 Agus anns a' bhascaid a b'àirde *bha* do gach seòrta bìdh air son Pharaohi do dheasachadh an fhuineadair: agus dh'ith an eunlaith iad a mach as a' bhascaid air mo cheann.

18 Agus fhreagair Ioseph, agus thubhairt e, 'Se so a h-eadar-mhìneachadh:<sup>2</sup> Na tri bascaide, 's tri lài iad.

19 'An ceann thri lài togaidh Pharaoh suas do cheann dhìot, agus crochaidh e thu air crann, agus ithidh an eunlaith t-fheoil dhìot.

20 Agus air an treas là, co'-ainm lathabreithe Pharaohi, rinn e cuirm d'a sheirbhìsich uile: agus thog e suas ceann an àrd-bhuidealair, agus ceann an àrd-fhuineadair am measg a sheirbhìseach.

21 Agus thug e 'n t-àrd-bhuidealair a chum a bhuidealair eachd a ris; agus thug e 'n cupan 'an làimh Pharaohi.

22 Ach chroch e 'n t-àrd-fhuineadair, mar a dheadar-mhìnich Ioseph dhoibh.

23 Gidheadh cha do chuimhnich an t-àrd-bhuidealair air Ioseph, ach dhì-chuimhnich se e.

# CAIB. XLI.

**A**GUS 'an ceann dà bhliadhna iomlan, chunnaic Pharaoh aisling; Agus feuch, sheas e làimh ris an abhainn:

2 Agus feuch, thàinig a nìos as an abhainn seachd bà, sgiamhach r'am faicinn,

agus reamhar 'am feoil; agus bha iad ag ionaltradh ann am mìn-fheur.<sup>3</sup>

3 Agus feuch, thàinig seachd bà eile nìos 'nan dèigh as an abhainn, granda re 'm faicinn, agus caol 'nam feoil; agus sheas iad làimh ris na bà eile, air bruaich na h-aibhne.

4 Agus dh'ith na bà *bha* granda r'am faicinn agus caol 'nam feoil, suas na seachd bà sgiamhacha agus reamhra. Mar sin dhùisg Pharaoh.

5 Agus choidil agus chunnaic e aisling an dara uair: Agus feuch, dh'èirich suas seachd diasan air aon choinlin, reachdmhor agus math.

6 Agus feuch, dh'fhàs suas 'nan dèigh seachd diasa caola, agus air an seargadh leis a' ghaoith 'n ear.

7 Agus shluig na seachd diasa caola sìos na seachd diasa reachdmhor agus làn: agus dhùisg Pharaoh, agus feuch, b' aisling a bh' ann.

8 Agus 'sa' mhadainn bha a spiorad air a bhuaireadh;<sup>4</sup> agus chuir e *fios* uath agus ghairm e uile dhruidhean na h-Eiphit, agus a dhaoine glic uile: agus dh'innis Pharaoh aisling dhoibh; ach cha robh neach ann a dh'eadair-mhìnich iad do Pharaoh.

9 'An sin labhair an t-àrd-bhuidealair re Pharaoh, ag ràdh, An diugh tha mis' a' cuimhneachadh mo lochdan.<sup>5</sup>

10 Bha fearg air Pharaoh r'a sheirbhìsich, agus chuir e mise 'n làimh ann an tigh cheannaird an fhreiceadain, *araon* mise, agus an t-àrd-fhuineadair.

11 Agus chunnaic sin aisling 'san aon oidhche, mis' agus esan: chunnaic *gach fear againn* aisling a rèir eadar-mhìneachaidh aislinge.

12 Agus *bha* 'n sin maille ruinne òganach Eabhruidheach, seirbhìsach do cheannard an fhreiceadain; agus dh'innis sinn da, agus dh'eadair-mhìnich e dhuinn ar n-àislingean: do *gach fear againn* a' rèir aislinge dh'eadair-mhìnich e.

13 Agus mar a dh'eadair-mhìnich e dhuinn, mar sin bha e: mise chuir e ris ann am àite, agus esan chroch e.

14 Agus chuir Pharaoh *teachdoire* uath, agus ghairm e Ioseph, agus thug iad le cabhaig a mach as an t-slochd e: agus bhearr se e *fein*, agus mhùth e eudach, agus thàinig e teachd a dh'ionnsuidh Pharaohi.

15 Agus thubhairt Pharaoh re Ioseph, Chunnaic mi aisling, agus cha 'n'eil neach ann a dh'eadair-mhìnich eas i: agus chuala mi air a ràdh mu d'heimchiollsa, 'nuair a chluinneas tu aisling, gur aithne dhuit a h-eadar-mhìneachadh.

16 Agus fhreagair Ioseph Pharaoh, ag ràdh, Cha 'n'eil e annamsa: bheir Dia freagradh sìth do Pharaoh.

17 Agus thubhairt Pharaoh re Ioseph,

<sup>1</sup> geuga. <sup>2</sup> brigh, <sup>3</sup> bian, lòn, miadan.

<sup>4</sup> air a chlàdh, <sup>5</sup> mo choir.



A'm' aising, feuch, sheas mi air bruaich na h-aibhne:

18 Agus feuch, thàinig a nìos as an abhainn seachd bà, reamhar 'am feoil, agus sgiamhach ann an cruth; agus bha iad ag ionaltradh 'am mìn-fheur:

19 Agus feuch, thàinig seachd bà eile nìos 'nan dèigh, bochd agus ro-ghranda, agus caol 'am feoil: cha 'n fhaca mi 'n samhul *riamh* ann an uile thir na h-Eiphit air olcas.

20 Agus dh'ith na bà caol' agus granda suas na ceud seachd bà reamhra.

21 Agus 'nuair a dh'ith iad suas iad, cha'n aithnichte *orra* gu'n d'ith siad iad; ach *bha iad* granda r'am faicinn mar 'au toiseach. 'An sin dhùisg mi.

22 Agus chunnaic mi a'm' aising: agus feuch, thàinig a nìos seachd diasan air aon choinlin, làn agus math:

23 Agus feuch, dh'fhàs suas, 'nan dèigh seachd diasan, air an crìonadh, caol agus seargta leis a' ghaoith 'n ear.

24 Agus shluig na diasa caòla sìos na seachd diasa matha: agus dh'innis mi *so do* na druidhthibh; ach cha *robh* neach ann a b'urradh a *chùis* fhoillsachadh dhomh.

25 Agus thubhairt Ioseph re Pharaoh, Aising Pharaoh, *is aon i*: an ni sin a ta Dia gus a dheanamh, dh'fhoillsich e do Pharaoh.

26 Na seachd bà matha, *is seachd bliadhnan iad*; agus na seachd diasa matha, *is seachd bliadhnan iad*: is aon an aising.

27 Agus na seachd bà caol' agus grand' a thàinig a mos 'nan dèigh, *is seachd bliadhnan iad*; agus na seachd diasa fàs' seargta leis a' ghaoith 'n ear, bithidh iad 'nan seachd bliadhnan gortaidh.

28 So an ni a thubhairt mi re Pharaoh: An ni ta Dia gus a dheanamh, nochd e do Pharaoh.

29 Feuch, *tha seachd bliadhnan mòr-phailteis a'* teachd feadh thir na h-Eiphit uile:

30 Agus éiridh seachd bliadhnan gortaidh suas 'nan dèigh, agus dichuimhnichear am pailteas uile 'n tìr na h-Eiphit, agus claoidhidh a' ghorta 'n tìr.

31 Agus cha'n aithnichear am pailteas anns an tìr air son na gortaidh a leanas: oir bithidh i ro-throm.

32 Agus a thaobh gu'n do dhùblaicheadh an aising do Pharaoh dà uair, *tha sin a* chionn gu *bheil* an ni air a shuidheachadh le Dia; agus bheil Dia ann an aithghearradh gu crìch e.

33 A nis uime sin amlairceadh Pharaoh a mach air son duine thuigsich agus ghlic, agus cuireadh e os cionn tìr na h-Eiphit e.

34 Deanadh Pharaoh *so*, agus orduicheadh e luchd-riaghlaidh os cionn na tìre, agus togadh iad an cuigeadh cuid *do thoradh*

tìr na h-Eiphit 'sna seachd bliadhnaibh pailteis.

35 Agus cruinnicheadh iad uile bhiadh nam bliadhna matha *sin* re teachd, agus taisgeadh iad suas arbhar fuidh làimh Pharaoh, agus gleidheadh iad biadh 'sna bailtibh.

36 Agus bithidh am biadh *sin* 'na thaisgeach do'n tìr, fa chomhair nan seachd bliadhna gortaidh a bhitheas ann an tìr na h-Eiphit; chum as nach d'fhéid as don tìr leis a' ghorta.

37 Agus bha chomhairle math<sup>2</sup> ann an sùilb Pharaoh, agus ann an sùilb a sheirbhiseach uile.

38 Agus thubhairt Pharaoh r'a sheirbhisich, Am bheil e 'n comas duinn a leithid so do dhuine fhaotainn, anns *am bheil* spiorad Dhé?

39 Agus thubhairt Pharaoh re Ioseph, A thaobh gu'n d'fhoillsich Dia so uile dhuit, cha *n'eil* neach ann cho tuigseach agus cho ghlic riut féin.

40 Bithidh tu os cionn mo thigheasa, agus a réir t'fhocail bithidh mo shluagh uile air an riaghladh: a mhàin 'san righ-chathair bithidh mise ni's mò na thu.

41 Agus thubhairt Pharaoh re Ioseph, Faic, chuir mi thu os cionn uile thir na h-Eiphit.

42 Agus thug Pharaoh fhàinne bhàrr a làimh, agus chuir e air làimh Ioseph e; agus sgeadaich se e ann an trusgan do lion-eudach<sup>3</sup> grinn, agus chuir e slabhruidh air m'a mhuineal.

43 Agus thug e air marcachd 'san dara carbad a *bh'aige* féin; agus ghlaodh iad roimhe, Lùbaibh an glùn:<sup>4</sup> agus rinn se e 'na *uachdaran* air tìr na h-Eiphit uile.

44 Agus thubhairt Pharaoh re Ioseph, *Is mise* Pharaoh, agus as t'eugmhais-sa cha tog duine suas a làmh no a chos ann an tìr na h-Eiphit uile.

45 Agus thug Pharaoh Saphnatpaaneah mar ainm air Ioseph; agus thug e dha Asenat nighean Photipheraih shagairt Oin mar mhnaoi: agus chaidh Ioseph a mach air feadh *uile* thir na h-Eiphit.

46 Agus *bha* Ioseph deich bliadhna fichead a dh'aois an uair a sheas e 'm fianuis Pharaoh righ na h-Eiphit: agus chaidh Ioseph a mach o làthair Pharaoh, agus chaidh e troimh<sup>5</sup> thir na h-Eiphit uile.

47 Agus thug an talamh a mach anns na seachd bliadhnaibh pailteis 'na ghlacaidibh.

48 Agus chruinnich e r'a chéile uile bhiadh nan seachd bliadhna, a bha 'n tìr na h-Eiphit; agus thaisg e suas biadh 'sna bailtibh: biadh fearainn gach baile, a *bha* mu'n cuairt air, thaisg e suas ann.

49 Agus chuir Ioseph r'a chéile sìol mar ghaineamh na fairge, ro-mhòran, gus an do sguir e d'a àireamh; oir *bha* e gun àireamh,

<sup>1</sup> *salamh, caocha.* <sup>2</sup> *bha an ni math.* <sup>3</sup> *anart.*

<sup>4</sup> *Athair-chaoimh.* <sup>5</sup> *romh; trid, Eir.*

50 Agus do Ioseph rugadh dithis mhac mun d'fhàinig bliadhnaichean na gortaigh, a rug Ascnat dha, nighean Photipheraigh shagairt Oin.

51 Agus thug Ioseph Manaseh mar ainm air a' cheud-ghn; oir thug Dia orm, *ars' esan*, mo shaothair uile dhì-chuimhneachadh, agus tigh m'athar uile.

52 Agus air an dara mac thug e Ephraim mar ainm; oir thug Dia orm, *ars' esan*, a bhi sìolmhar ann an tìr m'àmghair.

53 Agus chrìochnuicheadh seachd bliadhnan a' phailteis, a bha ann an tìr na h-Eiphit.

54 Agus thòisich seachd bliadhnan na gortaigh re teachd, mar a thubhairt Ioseph; agus bha ghorta anns na dùthchannaibh uile: ach ann an uile thùr na h-Eiphit bha aran.

55 Agus an uair a bha tìr na h-Eiphit uile ann an uireasbhuidh, 'an sin ghlaodh an sluagh re Pharaoh air son arain: agus thubhairt Pharaoh ris na h-Eiphitich uile, Ruigibh Ioseph; *an nì sin* a their e ruibh deanaibh.

56 Agus bha ghorta air aghaidh na talmhain uile: agus dh'fhosgail Ioseph na taisgeachan<sup>1</sup> uile, agus reic e ris na h-Eiphitich: agus bhuadhaich a' ghort<sup>2</sup> ann an tìr na Eiphit.

57 Agus thàinig gach dùthaich do'n Eiphit a dh'ionnsuidh Ioseph a cheannach bith; oir bhuadhaich a' ghorta 'sgach dùthaich.

CAIB. XLII.

**A**NIS an uair a chunnaic Iacob gu'n robh siol<sup>3</sup> 'san Eiphit, thubhairt e r'a mhic, C'ar son a ta sibh ag amharc air a chèile?

2 Agus thubhairt e, Feuch, chuala mi gu bheil siol 'san Eiphit: rachaibh sìos 'an sin, agus ceannaichibh dhuinn as sin, chum as gu'm bi sinn beò, agus nach faigh sinn bàs.

3 Agus chaidh deichnear bhràithrean Ioseph sìos a cheannach sil 'san Eiphit.

4 Ach cha do chuir Iacob Beniamin bràthair Ioseph maille r'a bhràithribh: oir thubhairt e, An t-eagal gu'n éirich olc dha.<sup>4</sup>

5 Agus thàinig nìc Israel a cheannach sil 'am measg na muinntir a thàinig: oir bha ghort' ann an tìr Chanaain.

6 Agus bha Ioseph 'na uachdaran air an tìr: B' esan a bha a' reiceadh re sluagh na tìre uile. Agus thàinig bràithrean Ioseph, agus chrom siad iad fèin sìos da, le 'n aghaidh gu làr.

7 Agus chunnaic Ioseph a bhràithrean, agus dh'aithnich e iad, ach rinn se c fein 'na choigreach dhoibh, agus labhair e gu coimheach riu; agus thubhairt e riu, Cia as a thàinig sibhse? Agus thubhairt iadsan ris, A tìr Chanaain a cheannach bith,

8 Agus dh'aithnich Ioseph a bhràithrean, ach cha d'aithnich iadsan esan.

9 Agus chuimhnich Ioseph air na h-aislingean a chunnaic e mu'n timchioll, agus thubhairt e riu, *Is luchd-brathaidh*<sup>5</sup> sibh; a dh'fhaicinn lomnochdaidh na tìre thàinig sibh.

10 Agus thubhairt iad ris, Cha sinn, mo thighearna, ach is ann a thàinig do sheirbhisich a cheannach bith:

11 *Is mic aon duine sinne uile, is daoine fìrinneach sinn*; cha luchd-brathaidh do sheirbhisich.

12 Agus thubhairt esan riu, Ni h-eàdh, ach is ann a dh'fhaicinn lomnochdaidh na tìre thàinig sibh.

13 Agus thubhairt iad, *Is dà bràthair dheug do sheirbhisich, mic aon duinne ann an tìr Chanaain*; agus feuch, *tha'm fear a's òig'* an diugh maille r'ar n-athair, agus *tha h-aon nach maireann*.<sup>6</sup>

14 Agus thubhairt Ioseph riu, So an nì a thubhairt mi ribh, ag ràdh, *Is luchd-brathaidh sibh*.

15 Mar so dearbhar sibh; mar is beo Pharaoh, cha d'fhéid sibh a mach as so, mur d'thig bhur bràthair a's òige 'n so.

16 Cuiribh uaibh fear agaibh, agus thugadh e leis bhur bràthair, agus gleidhear sibhs' am prìosan,<sup>7</sup> chum as gu'n dearbhar bhur briathran, am bheil no nach 'eil fìrinn annaibh: no mar is beo Pharaoh, gu cinnteach is luchd-brathaidh sibh.

17 Agus chuir e 'm prìosan iad uile rè thri lài.

18 Agus thubhairt Ioseph riu air an treas là, Deanaibh so, agus bithibh beo: oir tha eagal Dé ormsa.

19 Ma 's daoine fìrinneach sibh, fàgar aon d'ar bràithribh ceangailte 'n tigh bhur prìosan: agus imichibhsa, thugaibh leibh siol air son gortaidh bhur teaghlaiche.

20 Ach thugaibh bhur bràthair a's òig' a m' ionnsuidh; mar sin dearbhar bhur briathran,<sup>8</sup> agus cha 'n fhaigh sibh bàs. Agus rinn iad mar sin.

21 Agus thubhairt iad r'a chèile, *Tha sinn gu deimhin ciontach a thaobh ar bràthar, do bhrìgh gu'm faca sinn cràdh anna*, 'nuair a ghuidh e oirn, agus nach d'éisd sinn ris: uime sin thàinig an airc<sup>9</sup> so oirn.

22 Agus fhreagair Reuben iad, ag ràdh, Nach do labhair misc ribh, ag ràdh, Na peacaichibh 'an aghaidh an leinibh? agus cha d'éisd sibh: Uime sin feuch mar 'an ceudna tha fhail air a h-iarraidh oirn.

23 Agus cha robh fhios aca-san gu'n robh Ioseph 'gan tuigsinn; oir bhu cadar-theangair eatorra.

24 Agus thionndaidh se e fèin uatha, agus ghuidh e; agus phill e ris d'an ionn-

<sup>1</sup> nighean-sìol, <sup>2</sup> dh'fhàs a' ghorta gear, <sup>3</sup> gran, arbhar, <sup>4</sup> dosguich, sgiarradh, tubaist, <sup>5</sup> luchd-brathaidh, <sup>6</sup> nach eil ann, <sup>7</sup> ceang-

lar sibhsa, Eabh,

<sup>8</sup> fìrinneach bhur briathra,

<sup>9</sup> a' cur a' chas,



suidh, agus labhair e riu, agus thug e Simeon uatha, agus cheangail se e fa chomhair an sùil.

25 'An sin dh'àithn Ioseph an saic a lionadh le sìol agus airgid gach duine chur air ais 'na shac, agus biadh a thoirt doibh air son na slighe: agus is ann mar so a rinn e riu.

26 Agus thog iad an sìol air an asalaibh, agus dh'imich iad a sin.

27 Agus an uair a dh'fhosgail fear ac' a shac, a thoirt bidh d'a asal 'san tigh-òsda, chunnaic e airgid; oir feuch bha e 'm beul a shaic.

28 Agus thubhairt e r'a bhràithribh, Thugadh air ais m'airgid-sa; agus feuch, *tha e eadhon a'm shac*. Agus dh'fhailingich an cridhe, agus bha eagal orra, ag ràdh gach fear r'a chèile, Ciod é so rinn Dia oirn?

29 Agus thàinig iad a chum Iacob an athar, do thoir Chanaain, agus dh'innis iad dha gach ni thachair dhoibh, ag ràdh,

30 Labhair an duine ra 'na uachdaran air an tìr ruinn gu coimheach, agus ghabh e sinn mar luchd-brathaidh air an dùthaich.

31 Agus thubhairt sinn ris, *Is daoine fìrinneach sinne*: cha luchd-brathaidh idir sinn:

32 Is dà bhràthair dheug sinn, mic ar n-athar; *tha aon mhac nach maireann*, agus tha 'm mac a's òige 'n diugh maille r'ar n-athair ann an tìr Chanaain.

33 Agus thubhairt an duine, uachdaran na tìre ruinn, Mar so aithnichidh mi gur daoine fìrinneach sibh; fàgaibh aon d'ar bràithribh maille riumsa, agus gabhaibh biadh air son gortaidh bhur teaghlaichean, agus bithibh ag imeachd:

34 Agus thugaibh bhur bràthair a's òige a m'ionnsuidh; 'an sin bithidh fios agam nach luchd-brathaidh sibh, *ach gur daoine fìrinneach sibh*: *mar sin bheir mise bhur bràthair dhuibh*, agus ni sibh ceannachd 'san tìr.

35 Agus an uair a thaomaich iad an saic, feuch, *bha ceanglachan airgid gach duine 'na shac fèin*, agus an uair a chunnaic iad fèin agus an athair na ceanglachain airgid, bha eagal orra.

36 Agus thubhairt Iacob an athair riu, Thug sibh uamsa mo chlann: Ioseph cha *mhàireann*, agus Simeon cha *mhàireann*, agus Benjamin bheir sibh air falbh: m'agaidh-sa tha na nithe sin uile.

37 Agus labhair Reuben r'a athair, ag ràdh, Cuir gu bàs mo dhithis mhac, mur d'thoir mi t'ionnsuidh e: thoir thairis do m' làimhs' e, agus bheir mis' a t'ionnsuidh a ris e.

38 Agus thubhairt e, Cha d'théid mo mhac sìos maille ribh; oir tha bhràthair marbh, agus dh'fhàgadh esan 'na aonar:

ma thachras olc dha 'san t-slighe air an d'théid sibh, 'an sin bheir sibh sìos m'fhalt liath le bròn do'n uaigh.

## CAIB. XLIII.

**A** GUS bha ghorta ro-mhòr 'san tìr.

2 Agus an uair a dh'ith iad suas an sìol a thug iad as an Eipht, thubhairt an athair riu, Rachaibh a ris, ceannaichibh dhuinn beagan bidh.

3 Agus labhair Iudah ris, ag ràdh, Thug an duine dearbh-chinntè dhuinn, ag ràdh, Cha'n fhaic sibh mo ghnùis-sa, mur bi bhur bràthair maille ribh.

4 Ma chuireas tu ar bràthair maille ruinn, théid sinn sìos agus agus ceannaichidh sinn biadh dhuith;

5 Ach mur cuir thu *leinn e*, cha d'théid sinn sìos: oir thubhairt an duine rinn, Cha'n fhaic sibh mo ghnùis mur bi bhur bràthair maille ribh.

6 Agus thubhairt Israel, C'ar son a bhuin sibh cho olc rium, agus gu'n d'innis sibh do'n duine gu'n robh bràthair tuilleadh agaibh?

7 Agus thubhairt iad, Dh'fhiosraich an duine dhinn gu teann m'ar timchioll fèin, agus mu thimchioll ar càirdean, ag ràdh, Am bheil bhur n-athair fathast beò? am bheil bràthair eile agaibh? Agus dh'innis sinne dha a réir bri' nam briathra sin: Am b'urradh sinne fios a bhi againn gu cinnteach gu'n abradh e, Thugaibh bhur bràthair a nuas?

8 Agus thubhairt Iudah re h-Israel a-thair, Cuir an t-òganach maille riumsa, agus éiridh sinn, agus imichidh sinn, a chum as gu'm bi sinn beò agus nach faigh sinn bàs, araon sinne, agus thu fèin, agus mar an ceudna ar clann bheag.

9 Bithidh mis' a'm<sup>1</sup> urras air a shon; o m' làimh-sa iarraidh tu e: mur d'thoir mis' a t'ionnsuidh, agus mur cuir mi a'd' làthair e, 'an sin biodh a' choire gu bràth orm.<sup>1</sup>

10 Oir mur bitheamaid air deanamh muille, gu cinnteach bha sinn a nis air pilltinn air ar n-ais an dara uair so.

11 Agus thubhairt Israel an athair riu, *Ma dh'fheumas a' chàis a bhi* mar sin a nis, deanaibh so; gabhaibh do'n toradh<sup>2</sup> a's fearr 'san tìr 'nar soithichibh,<sup>3</sup> agus thugaibh sìos tiodhlac do'n duine; beagan ioc-shlaint, agus beagan meala. spiosraidh, agus mirr, cnothan,<sup>4</sup> agus almoine:

12 Agus thugaibh leibh airgid dù-bailte<sup>5</sup> 'nar làimh, agus an t-airgid a thugadh air ais 'am beul bhur sac, thugaibh air ais e 'nar làimh; theagamh gur mear-chad a bh'ann.

13 Gabhaibh mar an ceudna bhur bràthair; agus éiribh, rachaibh a ris a dh'ionnsuidh an duine.

<sup>1</sup> bitheamsa fuaidh 'n choir-lomchar gu bràth.  
<sup>2</sup> do'n mhac. <sup>3</sup> coirneach. <sup>4</sup> eumha.

<sup>5</sup> da-fhillte.



14 Agus gu'n d'thugadh Dia uile-chumhachdach trocair dhuibh 'an lathair an duine, chum as gu'n leig e air falbh leibh bhur bràthair eile, agus Benjamin: ach ma chaill mise *mo chlamh*, chaill mi iad.

15 Agus ghabh na daoine 'an tiodhlac sin, agus thug iad leo airgid dùbailte 'nan làimh, agus Benjamin; agus dh'éirich iad, agus chaidh iad sìos do'n Eiphit, agus sheas iad 'an làthair Ioseph.

16 Agus an uair a chunnaic Ioseph Benjamin maille riu, thubhairt e re fear-riaghlaidh a thighe, Thoir na daoine sin dachaidh, agus marbh, agus deasaich; oir maille ri-umsa ithidh na daoine sin air mheadhon-là.

17 Agus rinn an duine mar a dh'iarr Ioseph; agus thug e na daoine do thigh Ioseph.

18 Agus bha eagal air na daoine, chionn gu'n d'thugadh iad do thigh Ioseph, agus thubhairt iad, 'S ann air son an airgid, a chuireadh air ais 'nar sacaibh a' cheud uair a thugadh a stigh sinn; chu'm gu faigh e cion-fath 'nar n-aghaidh, agus gu'n tuit e oirn,<sup>1</sup> agus gu'n gabh e sinn mar thràillean,<sup>2</sup> agus ar n-asail.

19 Agus thàinig iad am fagus do fhear-riaghlaidh tighe Ioseph. agus labhair iad ris aig dorus an tighe,

20 Agus thubhairt iad, O mo thighearna, thàinig sinn da rìreadh a nuas 'an toiseach a cheannach bidh.

21 Agus an uair a thàinig sinn do'n tigh-òsda, agus a dh'fhosgail sinn ar saic, feuch, bha airgid gach fir am beul a shaic, ar n-airgid 'na làn chothrom: agus thug sinn air ais leinn e 'nar làimh.

22 Agus airgid eile thug sinn a nuas leinn 'nar làimh a cheannach bidhe: cha 'n'eil fhios againn cò chuir ar n-airgid 'nar sacaibh.

23 Agus thubhairt e, Sith *gu robh* dhuibh, na biodh eagal oirbh: thug bhur Dia féin, agus Dia bhur n-athar ionmhas duihbh 'nar sacaibh: fhuair mise bhur n-airgid. Agus thug e Simeon a mach d'an ionnsuidh.

24 Agus thug an duine na daoine steach do thigh Ioseph, agus thug e uisge dhoibh, agus nigh iad an cosa,<sup>3</sup> agus thug e biadh d'an asalaibh.

25 Agus dh'ulluich iad an tiodhlac 'an coinneamh do Ioseph teachd aig meadhon-là; oir chual' iad gu'n robh iad gu aran itheadh 'an sin.

26 Agus an uair a thàinig Ioseph dhachaidh,<sup>4</sup> thug iad d'a ionnsuidh an tiodhlac, a bha 'nan làimh, do'n tigh; agus chrom siad iad féin dha ga làr.

27 Agus dh'fheòraich e 'n robh iad gu math, agus thubhairt e, Am bheil bhur n-athair, an seann duine mu'n do labhair sibh, gu math? Am bheil e fathast beo?

28 Agus thubhairt iadsan, *Tha* do sheirbhiseach ar n-athair-ne gu math; *tha* e fathast beo: agus chrom siad iad féin sìos, agus rinn iad ùmhlachd.

29 Agus thog e suas a shùilean, agus chunnaic e Benjamin a bhrathair, mac a mhàthar, agus thubhairt e, An e so bhur bràthair a's òige, mu'n do labhair sibh rium? Agus thubhairt e, Gu'n robh Dia gràsmhor dhuit, a mhic.

30 Agus rinn Ioseph cabhag, oir bha chridhe a' tiomachadh r'a bhràthair; agus dh'iarr e *àit'* anns an guileadh e: agus chaidh e stach d'a sheòmar, agus ghuil e 'n sin.

31 Agus nigh e eudan, agus chaidh e mach, agus chum e air féin, agus thubhairt e, Cuiribh sìos aran.

32 Agus chuir iad sìos dhasan leis féin, agus dhoibhsan leo féin, agus do na h-Eiphitich, a dh'ith maille ris, leo féin; a chionn nach feudadh na h Eiphitich aran itheadh maille ris na h-Eabhruidhich; oir is gràineileachd sin do na h-Eiphitich.

33 Agus shuidh iad sìos 'na làthair, an ceud-ghin a réir a chòir-breith,<sup>5</sup> agus am fear a b'òige a réir òige: agus ghabh na daoine iongantans *gach* fear r'a chàile.

34 Agus gabh esan *agus chuir* e cuibhri-onnan o làthair féin d'an ionnsuidh: ach rinn e cuibhrionn Bhenjamin cuig uaire ni bu mhò na cuid a h-aon aca-san. Agus dh'òl iad, agus bha iad subhach<sup>6</sup> maille ris.

CAIB. XLIV.

**A** GUS dh'àithn e do fhear-riaghlaidh<sup>7</sup> a thighe, ag ràdh, Lion saic nan daoine le siol 'a mheadh 's is urradh iad a ghiulan, agus cuir airgid *gach* duine 'am beul a shaic.

2 Agus cuir mo chupans<sup>8</sup>, an cupan airgid, 'am beul saic an fhir a's òige, agus airgid a shìl: agus rinn e réir an fhocail a labhair Ioseph.

3 Co luath 's a bha mhadainn soilleir, chuireadh na daoine air falbh, iad féin agus an asail.

4 *Agus* an uair a chaidh iad a mach as a' bhaile, agus gun iad *futhast* fad' o làimh, thubhairt Ioseph re fear-riaghlaidh a thighe Eirich, lean na daoine; agus an uair a bheireas tu orra, abair riu, C'ar son a dhòil sibh olc 'an éiric maith?<sup>9</sup>

5 Nach e so *an cupan* as am bheil mo thighearn ag òl? agus leis am bheil e da rìreadh a' deanamh fiosachd? is olc a fhuara sibh so a dheanamh.

6 Agus rug e orra, agus labhair e riu na briathra ceudna.

7 Agus thubhairt iad ris, C'ar son a labhras mo thighearna na briathra so? nar leigeadh Dia gu'n deanadh do sheirbhiseach a réir an nì so.

<sup>1</sup> gu'n leum, bhuail e oirn.

<sup>2</sup> mar dhaoine

daor. <sup>3</sup> casan.

<sup>4</sup> dhathigh.

<sup>5</sup> a cheirt-

beirthe. Eir.

<sup>6</sup> criodhail.

<sup>7</sup> stiùbhar.

<sup>8</sup> olc air son maith,

8 Feuch, an t-airgiod a fhuair sinn 'am beul ar sac, thug sinn a ris a t'ionnsuidh a tìr Chanaain; cionnas uime sin a ghoideamaid airgid no òr a tigh do thighearna?

9 Cia b'e air bith do d'sheirbhisich aig am faighear e, cuirear gu bàs esan, agus bithidh sinne mar an ceudna 'nar tràillean aig mo thighearna.

10 Agus thubhairt e, A nis ma ta *bitheadh* e réir bhuir briathra: bithidh esan aig am faighcar e 'na sheirbhiseach agamsa; agus bithidh sibhse neo-choireach.

11 'An sin thug iad a nuas gu grad *gach* duine a shac féin gu làr, agus dh'fhosgail *gach* dìne a shac.

12 Agus rannsaich esan, agus thòisich e aig an fhear bu shine, agus sguir e aig an fhear a b'òige: agus fhuaradh an cupan ann an sac Bheniamin.

13 'An sin rcub iad an eudach' agus chuir *gach* duine a shac air asail, agus phill iad d'òn bhaile.

14 Agus thàinig Iudah, agus a bhràithre do thigh Ioseph (oir bha e fathast 'an sin) agus thuit iad sìos 'na fhianuis air an làr.

15 Agus thubhairt Ioseph riu Ciod é 'n gnìomh so a rinn sibh? nach robh fhios agaibh gur aithne do m'leithidse do dhuine da rìreadh fiosaichd a dheanamh?

16 Agus thubhairt Iudah, Ciod a their sinn re m' thighearna? cionnas a labhras sinn? no cionnas a ghlanas sinn sin féin? fhuair Dia a mach aingidheachd do sheirbhiseach: feuch, tha sinne 'nar seirbhisich do m' thighearna, faraon sinne, agus esan mar an ceudna aig' an d'fhuaradh an cupan.

17 Agus thubhairt e, Nar leigeadh Dia gu'n deanainnse so: ach an duine aig an d'fhuaradh an cupan, bithidh esan 'na sheirbhiseach agamsa; agus d'ar taobhsa rachaibh suas 'an sìth a dh'ionnsuidh bhuir n-athair.

18 'An sin thàinig Iudah am fagus da, agus thubhairt e, Och mo thighearna, leig le d' sheirbhiseach, guidheam ort, focal a labhairt ann an clusaibh mo thighearna, agus na lasadh t'fhearg 'an aghaidh do sheirbhisich: oir is amhuil thusa agus Pharaoh.

19 Dh'fheòraich mo thighearna d'a sheirbhisich, ag ràdh, Am bheil athair agaibh, no bràthair?

20 Agus thubhairt sinn re 'm thighearna, Tha athair againn, seann duine, agus leanabh a shean aois, maothran: agus tha bhràthair marbh, agus dh'fhàgadh esan 'na aonar do chloinn a mhàthar, agus tha gràdh aig athair air.

21 Agus thubhairt thu re d'sheirbhisich, Thugaibh a nuas e do m' ionnsuidhs', a chum as gu'n socruich mi mo shùilean air.

22 Agus thubhairt sinne re m' thighearna, Cha'n fheud an leanabh athair fhàgail: oir nam fàgadh e athair, gheibheadh athair bàs.

23 Agus thubhairt thusa re d'sheirbhisich, Mur d'thig bhuir bràthair a's òige 'nuas maille ribh, cha'n fhaic sibh m'aghaidsa mi's mo.

24 Agus an uair a chaidh sinne suas a dh'ionnsuidh do sheirbhisich m'athar, dh'in-nis sinn da focail mo thighearna.

25 Agus thubhairt ar n-athair, Rachaibh a ris, ceannaichibh dhuinn beagan bidh.

26 Agus thubhairt sinne, Cha'n fheud sinn dol sìos: ma bhios ar bràthair as òige maille ruinn, 'an sin théid sinn sìos; oir cha'n fheud sinn aghaidh an duine fhaicinn, mar bi ar bràthair a's òige maille ruinn.

27 Agus thubhairt do sheirbhiseach m'athair ruinn, Tha fhios agaibh gu'n do rug mo bhean dithis *mhaic* dhomh.

28 Agus chaidh aon *diubh* a mach uam, agus thubhairt mi, Gu cinnteach reubadh 'na bhloighdibh e; agus cha'n fhaic mi o sin e.

29 Agus ma bheir sibh *am mac* so uam mar an ceudna, agus gu'n d'thig tubaist air, bheir sibh sìos m'fhalt liath le bron do'n uaigh.

30 A nis uime sin, an uair a thig mis' a dh'ionnsuidh do sheirbhisich m'athar, gun an leanabh maille ruinn; (do bhri' gu bheil anam-sa ceangailt' ann an anam an leinibh);

31 Tarlaidh, 'nuair a chi e nach 'eil an leanabh *maille ruinn*, gu'm faigh e bàs: agus bheir do sheirbhiseach sìos falt liath do sheirbhisich ar n-athar le bròn do'n uaigh.

32 Oir chaidh do sheirbhiseach 'an urras air son an leinibh do m'athair, ag ràdh, Mur d'thoir mi a't' ionnsuidh e, 'an sin bithidh mi fui' choire aig m'athair gu bràth.

33 A nis uime sin guidheam ort, leig le d' sheirbhiseach fantuinn 'an àit' an leinibh, a'm' thràill do m' thighearna; agus leig leis an leanabh dol suas maille r'a bhràithribh.

34 Oir cionnas a théid mise suas a dh'ionnsuidh m'athar, agus gun an leanabh maille rium? an t-eagal gu faic mi 'n t'òlc a thig air m'athair.

## CAIB. XLV.

**A**GUS cha b'urrainn Ioseph cumail air féin 'nan làthair-san uile a sheas làimh ris; agus ghlaodh e, Cuiribh *gach* duine mach uam: agus cha do sheas duine sam bith maille ris, an uair a rinn Ioseph e féin aithnichte d'a bhràithribh.

2 Agus ghul e gu h-àrd; agus chuala na h-Eiphitich, agus tigh Pharaoh e.

3 Agus thubhairt Ioseph r'a bhràithribh, Is mise Ioseph; am' bheil m'athair fathast beo? agus cha b'urrainn a bhràithrean a fhreagair; oir bha cagal orra roimh a làthair-san.

4 Agus thubhairt Ioseph r'a bhràithribh, Thigibh am fagus domh, guidheam oirbh; agus thàinig iad am fagus: Agus thubhairt esan, Is mise Ioseph bhuir bràthar, a reic sibhse do'n Eiphit.



5 Agus a nis na biodh doilgheas oirbh, no corruich agaibh ribh féin, a chionn gu'n do reic sibh mise 'n so;<sup>1</sup> oir chuir Dia romhaibh mi gu sibhs' a ghleidheadh beo:

6 Oir rè an dà bhliadhna-sa bha ghorta 'san tìr, agus tha fathast cùig bliadhna re teachd, anns nach bi aon chuid treabhadh no foghar.

7 Agus chuir Dia mise romhaibh, a ghleidheadh dhuibhse iarmaid<sup>1</sup> air thalamh, agus a thearnadh bhur beatha le fuasgladh mòr.

8 A nis uime sin cha sibhs' a chuir mis' 'an so, ach Dia; agus rinn e mi a'm' athair do Pharaoh, agus a'm' thighearna os cionn a thighe uile, agus a'm' uachdaran ann an tìr na h-Eiphit uile.

9 Deanaibh cabhag, agus rachaibh suas a chum m'athar, agus abraibh ris, Mar so thu-bhairt do mhac Ioseph, Rinn Dia mis' a'm' uachdaran air an Eiphit uile; thig a nuas a'm' ionnsuidh, na dean moille:

10 Agus gabhaidh tu còmhnuidh 'am fearann Ghosein, agus bithidh tu'm fagus dhomhsa, thu féin, agus do chlann, agus clann do chloinne, agus do threudan, agus do bhuar,<sup>2</sup> agus gach ni a ta agad.

11 Agus beathaichidh mise thu 'n sin (oir fathast bithidh cùig bliadhna gorta ann) an t-eagal gu'n d'thig thu féin, agus do theaghlach, agus gach ni a ta agad, gu bochdainn.

12 Agus feuch, tha bhur suilean a' faicinn, agus suilean mo bhràthar Bheniamin, gur e mo bheul féin a tha labhairt ribh.

13 Agus innsidh sibh do m'athair mo ghloir-sa uile 'san Eiphit, agus gach ni a chunnaic sibh; agus ni sibh cabhag, agus bheir sibh a nuas m'athair 'an so.

14 Agus thuit e air muineal<sup>3</sup> a bhràthar Benjamin, agus ghuil e; agus ghuil Benjamin air a mhuinealsan.

15 Phòg e mar an ceudna a bhràithrean uile, agus ghuil e os an ceann: agus 'na dheigh sin rinn a bhràithrean cainnt ris.

16 Agus chualas iomradh so ann an tigh Pharaoh, ag ràdh, Tha bràithrean Ioseph air teachd: agus thaitinn e gu math re Pharaoh, agus r'a sheirbhisich.

17 Agus thubhairt Pharaoh re Ioseph, Abair re d'bhàithribh, Deanaibh so, sacaichibh bhur n-ainmhidhean agus imichibh, rachaibh do thir Chanaain.

18 Agus thugaibh leibh bhur n-athair, agus bhur teaghlach, agus thigibh a m' ionnsuidhs,<sup>4</sup> agus bheir mise dhuibh math tìre na h-Eiphit; ithidh sibh reamhrachd na tìre.

19 A nis thugadh à'thne dhuit; deanaibhse mar so: thugaibh leibh a tìr na h-Eiphit carbadan air son bhur cloinne bige, agus bhur ban, agus thugaibh bhur n-athair leibh, agus thigibh.

20 Agus na biodh suim agaibh d'ar n-airneis-tighe; oir is leibhsa math tìre na h-Eiphit uile.

21 Agus rinn clann Israeil mar sin: agus thug Ioseph dhoibh carbadan a réir ordugh Pharaoh; agus thug e dhoibh lòn<sup>4</sup> air son na slighe.

22 Thug e dhoibh uile do gach aon diubh fa leth culaidhean eudaich;<sup>5</sup> ach do Bheniamin thug e trì cheud bonn airgid, agus cùig culaidhean eudaich.

23 Agus chuir e dh'ionnsuidh athar mar so: deich asail a' giùlan do nithibh matha na h-Eiphit, agus deich asail bhainionn a giùlan sìl, agus arain, agus loin d'an athair air son na slighe.

24 Mar sin chuir e bhràithrean air falbh, agus dh'imich iad: agus thubhairt e riu, Feuchaibh nach cuir sibh a mach air a' chéile air an t-slighe.

25 Agus chaidh iad suas as an Eiphit, agus thàinig iad gu tìr Chanaain a dh'ionnsuidh Iacob an athar.

26 Agus dh'innis iad da, ag ràdh, Tha Ioseph fathast beo, agus tha e na uachdaran air tìr na h-Eiphit uile. Agus dh'fhan-naich<sup>6</sup> cridhe Iacob, oir cha do chreid e iad.

27 Agus dh'innis iad da uile bhriathran Ioseph, a labhair e riu: Agus an uair a chunnaic e na carbadan a chuir Ioseph g'a ghiùlan, dh'ath-bheothaich spiorad Iacob an athar.

28 Agus thubhairt Israel, Is leòr e; tha Ioseph mo mhac fathast beo: thèid mi agus chi mi e mum faigh mi bàs.

# CAIB. XLVI.

A GUS dh'imich Israel maille ris gach ni a bh'aige, agus thàinig e gu Béer-seba, agus thug e suas iobairtean do Dhia athar Isaac.

2 Agus labhair Dia re h-Israel ann an taisbeanaibh<sup>7</sup> na h-oidhche, agus thubhairt e, A Iacob, a Iacob: Agus thubhairt esan, Tha mi 'n so.

3 Agus thubhairt e, Is mise Dia, Dia t'athar: na biodh eagal ort dol sìos do'n Eiphit; oir ni mis' a'd' chinneach mòr thu 'an sin.

4 Thèid mise maille riut sìos do'n Eiphit; agus bheir mi mar an ceudna gu cinnteach a nìos thu ris: agus cuiridh Ioseph a làmh air do shùilibh.

5 Agus dh'éirich Iacob suas o Bheer-seba; agus thug mic Israeil leo Iacob an athair, agus an clann bheag, agus am mnai, anns na carbadaibh a chuir Pharaoh g'a ghiùlan.

6 Agus ghabh iad an spréidh, agus am maoin, a fhair iad ann an tìr Chanaain, agus thàinig iad do'n Eiphit, Iacob, agus a shliochd uile maille ris;

7 A mhic, agus mic a mhac maille ris, a

<sup>1</sup> do'n dùthaich so. <sup>2</sup> chrodh. <sup>3</sup> leum e mu mhuineal. <sup>4</sup> biadh. <sup>5</sup> atharrachadh

culaidh. Eabh. <sup>6</sup> lagadh, lagaich. <sup>7</sup> seal-laibh, aislingibh.



nigheana, agus nigheanan a mhac, agus a shliochd uile thug e maille ris do'n Eiphit.

8 Agus is iad so ainmeanna chloinn Israel, a thàinig do'n Eiphit, Iacob agus a mhic: Reuben, ceud-ghin Iacoib.

9 Agus mic Reubein; Hanoch, agus Phallu, agus Hesron, agus Carmi.

10 Agus mic Shimeoin; Iemuel, agus Iamin, agus Ohad, agus Iachin, agus Sohar, agus Saul mac Ban-chanaanaich.

11 Agus mic Lebhi; Gerson, Cohat, agus Merari.

12 Agus mic Iudaih; Er, agus Onan, agus Selah, agus Phareds, agus Serah: ach fhuair Er agus Onan bàs ann an tìr Chanaain. Agus b'iad mic Phareds, Hesron, agus Hamul.

13 Agus mic Isachair; Tola, agus Phubhah, agus Iob, agus Simron.

14 Agus mic Shebuluin; Sered, agus Elon, agus Iahleel.

15 Is iad sin mic Leah, a rug i do Iacob 'am Padan-aram, maille r'a nighinn Dinah: b'iad uile anman a mhac agus a nigheana tri-deug 'ar fhichead.

16 Agus mic Ghaid; Siphion, agus Hagai, Suni, agus Esbon, Heri agus Arodi, agus Areli.

17 Agus mic Aseir; Imnah, agus Isuah, agus Isui, agus Beriah, agus Serah am piuthar. Agus mic Bheriah; Heber, agus Malchiel.

18 Is iad sin mic Shilpaih, a thug Laban d'a nighinn Leah; agus rug i iad sin do Iacob, eadhon se anmanna deug.

19 Mic Racheil mnà Iacoib; Ioseph, agus Benjamin.

20 Agus rugadh do Ioseph ann an tìr na h-Eiphit, Manaseh agus Ephraim, a rug Aseir naighean Photipheraih sagairt Oin dha.

21 Agus b'iad mic Bheniamin; Belah agus Becher, agus Asbel, Gera, agus Naa-man, Ehi agus Ros, Mupim, agus Hupim, agus Ard.

22 Is iad sin mic Racheil, a rugadh do Iacob: na h-anman uile, ceithir-deug.

23 Agus mic Dhain; Husim.

24 Agus mic Naphtali; Iahseel, agus Guni, agus Iedser, agus Sillem.

25 Is iad sin mic Bhilhah, a thug Laban d'a nighinn Rachel, a rug i do Iacob: na h-anman uile, seachdnar.

26 Na h-anman uile a thàinig le Iacob do'n Eiphit, a thàinig a mach as a leasruidh, a thuilleadh air mnaibh mhac Iacoib; b'iad na h-anmanna so uile tri fichead 's a se.

27 Agus mic Ioseph a rugadh dha 'san Eiphit, bu dhà anam iad: uile anmanna thighe Iacoib, a thàinig do'n Eiphit, bu tri fichead 's a deich iad.

28 Agus chuir e Iudah roimhe gu Ioseph,

chum as gu'n d'thugadh e fios dha teachd 'na làthair ann an Gosen;<sup>1</sup> agus thàinig iad gu fearann Ghosein.

29 Agus bheartaich Ioseph a charbad, agus chaidh e suas 'an coinneamh Israeil athar gu Gosen;<sup>1</sup> agus nochd se e féin da, agus thuit e air a mhuineal, agus ghuil e air a mhuineal rè tamuill.

30 Agus thubhairt Israel re Ioseph, Fai-gheams' a nis bàs, o chunnaic mi do ghnùis, do bhrìgh gu bheil thu fathast beo.

31 Agus thubhairt Ioseph r'a bhràithribh, agus re teaghlach athar, Théid mise suas, agus cuiridh mi 'n céill do Pharaoh, agus their mi ris, Tha mo bhràithrean, agus teaghlach, m' athar, a bha ann an tìr Chanaain, air teachd a'm' ionnsuidh:

32 Agus is buachaillean<sup>2</sup> na daoine, oir bu luchd-spréidhe<sup>3</sup> iad; agus thug iad leo an treudan, agus am feudail<sup>4</sup> agus gach ni bh' aca.

33 Agus tarlaidh 'nuair a ghairmeas Pharaoh oirbh, agus a their e, Ciod is ceird duibh?

34 Gu'n abair sibhse, Bu luchd-spréidhe do sheirbhisich o'r n òige eadhon gus a nis, sinn féin agus mar an cèd na n-aithreacha; chum as gu'n gabh sibh còmhnuidh ann am fearann Ghosein, oir is gràineileachd do na h-Eiphitich gach buachaille spréidhe.

## CAIB. XLVII.

**A**N sin thàinig Ioseph agus dh'innis e do Pharaoh, agus thubhairt e, Thàinig m'athair agus mo bhràithrean, agus an treudhan, agus am feudail, agus gach ni a bh' aca, a mach a tìr Chanaain; agus feuch, tha iad ann am fearann Ghosein.

2 Agus ghabh e cùgnear d'a bhràithribh, agus chuire 'n lathair Pharaoh iad.

3 Agus thubhairt Pharaoh r'a bhràithribh. Ciod is ceird duibh? Agus thubhairt iadsan re Pharaoh, Is buachaillean do sheirbhisich, sinn féin agus ar n-aithreacha.

4 Thubhairt iad mar an cèd na re Pharaoh, 'S ann gu bhi air chuart anns an tìr a thàinig sinn; oir cha 'n eil feur aig do sheirbhisich d'an spréidh, do bhrìgh gu bheil a' ghorta mòr ann an tìr Chanaain: a nis uime sin guidheamaid oir leig le d' sheirbhisich còmhnuidh ghabhail 'am fearann Ghosein.

5 Agus labhair Pharaoh re Ioseph, ag ràdh, Thàinig t'athair agus do bhràithrean a't' ionnsuidh:

6 Tha tìr na h-Eiphit romhad; anns a' chuid a's fearr do'n fhearann thoir air t'athair agus do bhràithribh còmhnuidh a ghabhail; gabhadh iad còmhnuidh 'am fearann Ghosein: agus ma's aithne dhuit gu bheil 'nam measg daoine comasach<sup>5</sup> ni thu iad 'nan ard-bhuachaillich air mo spréidh-sa.

<sup>1</sup> chum gu'n seòladh e air aghaidh e gu Gosen.  
<sup>2</sup> modhairean. <sup>3</sup> àirich. <sup>4</sup> am buar, an

lain. <sup>5</sup> tapaiddh.

7 Agus thug Ioseph Iacob athair a stigh, agus chuir e'n làthair Pharaoh e: agus bheannaich Iacob Pharaoh.

8 Agus thubhairt Pharaoh re Iacob, Ciod is aois dhuit?

9 Agus thubhairt Iacob re Pharaoh, 'S iad lài bliadhna mo chuairte<sup>1</sup> ceud agus deich bliadhna fichead: bu tearc agus olc lài bliadhna mo bheatha, agus cha d'ràinig iad lài bliadhna beatha m' aithreacha ann an laithibh an cuairte-san.

10 Agus bheannaich Iacob Pharaoh, agus chaidh e mach as làthair Pharaoh.

11 Agus shuidhich Ioseph athair, agus a bhràithrean, agus thug e dhoibh scalbh ann an tìr na h-Eiphit, anns a' chuid a's fearr do'n fhearann, ann am fearann Rameseis, mar a dh'àithn Pharaoh.

12 Agus bheathaich Ioseph athair, agus a bhràithrean, agus uile theaghlach àthar le h-aran, a réir an cloinne.

13 Agus cha robh aran anns an tìr uile; oir bha ghorta ro-mhòr, air chor as gu'n robh talamh na h-Eiphit, agus tìr Chanaain uile fann<sup>2</sup> leis a' ghorta.

14 Agus chruinnich Ioseph an t-airgiod uile a fhuaradh ann an tìr na h-Eiphit, agus ann an tìr Chanaain, air son a' bhìdh a cheannaich iad: agus thug Ioseph an t-airgiod do thigh Pharaoh.

15 Agus an uair a theirig airgiod ann an tìr na h-Eiphit, agus ann an tìr Chanaain, thàinig na h-Eiphitich uile gu Ioseph, ag ràdh, Thoir dhuinn aran; c'ar son a gheibh-eamaid bàs a'd' làthair? oir theirig ar n' airgiod.

16 Agus thubhairt Ioseph, Thugaibh seachad bhur spréidh, agus bheir mise dhuibh air son bhur spréidhe, ma theirig airgiod dhuibh.

17 Agus thug iad an spréidhe gu Ioseph: agus thug Ioseph dhoibh aran air son each, agus air son nan caorach, agus air son a' chruidh, agus air son nan asal; agus bheath-àich c iad le h-aran, air son an spréidh uile, air a bhliadhna sin.

18 'Nuair a chrìochnaich eadh a' bhliadhna sin, thàinig iad d'a ionnsuidh air an dara bliadhna, agus thubhairt iad ris, Cha cheil sinne air mo thighearna gu'n do chaitheadh ar n-airgiod; tha mar an ceudna ar treud-an spréidh aig mo thighearna: cha d'fhàgadh ann an sealladh mo thighearna ach ar cuirp agus ar fearann.

19 C'ar son a gheibh sinn bas fa chomh-air do shùil, araon sinne agus ar fearann? Ceannaich sinne agus ar fearann air son arain, agus bithidh sinne agus ar fearann 'nar seirbhìs do Pharaoh: agus thoir dhuinn sìol, chum as gu'm bi sinn heo, agus nach faigh sinn bàs, agus nach bi am fearann 'na fhàsach.

20 Agus cheannaich Ioseph fearann na h-Eiphit uile do Pharaoh; oir reic na h-Eiphitich gach duine fhearann féin, a chionn gu'n do bhuadhaich à' ghorta orra: mar sin bu le Pharaoh an talamh.

21 Agus a thaobh an t-sluaigh, chuir e imrich iad<sup>3</sup> do bhailtibh o aon cheann chrìocha na h-Eiphit, eadhon gu nuig an ceann eile dhith:

22 A nhlàn fearann nan sagart cha do cheannaich e; oir dh'orduicheadh cuibhrionn do na sagartaibh le Pharaoh, agus dh'ith iad an cuibhrionn a thug Pharaoh dhoibh; uime sin cha do reic iad an fearann.

23 Agus thubhairt Ioseph ris an t-sluaigh, Feuch, cheannaich mi sibh an diugh, agus bhur fearann do Pharaoh: feuch, so sìol duibh, agus cuiribh am fearann.

24 Agus tarlaidh,<sup>4</sup> do na chinneas gu'n d'thoir sibh an cùigeadh cuid do Pharaoh, agus bithidh agaibh féin ceithir earrannan,<sup>5</sup> air son sìl an fhearainn, agus air son bhur bìdh, agus air son muinntir bhur teaghlacha, agus air son bìdh d'ar cloinn bhig.

25 Agus thubhairt iadsan, Ghleidh thu beo sinn: faigheamaid deagh ghean ann an sealladh mo thighearna, agus bithidh sinn 'nar seirbhìs do Pharaoh.

26 Agus rinn Ioseph sin 'na lagh gus an là 'n diugh air feadh fhcarainn na h-Eiphit, gu'm bithheadh aig Pharaoh an cùigeadh cuid: saor a nhlàn o fhearann nan sagart, nach bu le Pharaoh.

27 Agus ghabh Israel comhnuidh ann an tìr na h-Eiphit, ann an talamh Ghosein; agus bha seallbh aca ann, agus shìolaich iad, agus dh'fhàs iad ro-lìonmhor.

28 Agus bha Iacoib beo ann an tìr na h-Eiphit seachd bliadhna deug: agus b'iad bliadhna beatha Iacoib uile ceud agus dà fhichead agus seachd bliadhna.

29 Agus dhlùthaich an t-àm anns am b'éigin do Israel bàs fhaghaill: agus ghairm e air a mhac Ioseph, agus thubhairt e 'ris, Ma fhuair mi nis deagh-ghean a' d' sheal-ladh, cuir, guidheam ort, do làmh fuidh m'leis,<sup>6</sup> agus buin gu caoimhneil agus gu firinneach rium; na h-adhlaic mi guidheam ort, 'san Eiphit.

30 Ach luidhidh mi maille re m'aithreachaibh: agus giùlainidh tu mi mach as an Eiphit, agus adhlaicidh tu mi 'nan àit'-adhlaic san. Agus thubhairt esan, Ni mi mar a thubhairt thu.

31 Agus thubhairt e, Mionnaich dhomh: agus mhlionnaich e dha. Agus chrom Israel e seòin air ceann-adhair na leapach.

CAIB. XLVIII.

**A**GUS 'an deigh nan nithe sin, dh'innis e do Ioseph, Feuch, tha t'athair tinn: agus thug e leis a dhà mhac, Manaseh agus Ephraim.

<sup>1</sup> m'eilthire.  
raich e iad.

<sup>2</sup> lag, anshann.  
<sup>4</sup> tachairidh.

<sup>3</sup> dh'athar-  
<sup>5</sup> codacha.

<sup>6</sup> shìasaid.



2 Agus dh'innis *neach* do Iacob, agus thubhairt e, Feuch, tha do mhac Ioseph a' teachd a' t' ionnsuidh : agus ncartaich Israel e féin, agus shuidh e air an leabaidh.

3 Agus thubhairt Iacob re Ioseph, Dh'fhoillsich Dia uile-chumbachdach e féin dhomhsa aig Luds ann an tìr Chanaain, agus bheannaich e mi,

4 Agus thubhairt e rium, Feuch, ni mise sìolmhar agus lìonmhor thu, agus ni mi thu a'd' choi'-thional chinneach,<sup>1</sup> agus bheir mi am fearann so do d'shliochd a'd' dheigh, mar sheilbh shiorruidh.

5 Agus a nis do dhithis mhac, Ephraim agus Manaseh, a rugadh dhuit ann an tìr na h-Eiphit, mun d'fhàinig mis' a't' ionnsuidh do'n Eiphit, is leamsa iad; mar Reuben agus Shimeon, bithidh iad leamsa.

6 Agus bithidh do shliochd, a ghineas tu 'nan deigh, leat féin: a reir ainm am bràithre goirear iad 'nan seilbh féin.

7 Agus air mo shon-sa dheth, 'nuair a thàinig mi o Phadan, fhuair Rachel bàs agam ann an tìr Chanaain, air an t-slighe, 'nuair nach *robh* fathast ach àstar goirid re teachd gu h-Ephrat: agus dh'adhlaic mi 'n sin i air an t-slighe gu h-Ephrat: 's e sin Betlehem.

8 Agus chunnaic Israel mic Ioseph, agus thubhairt e, Cò iad sin?

9 Agus thubhairt Ioseph r'a athair, 'S iad mo mhic-sà iad, a thug Dia dhomh 'an so: agus thubhairt e, Thoir a'm' ionnsuidh iad, guidheam ort, agus beannaichidh mi iad.

10 Agus bha sùilean Israeil trom le haois, air chor nach bu léir dha gu *math*: agus thug e 'm fagus da iad, agus phòg e iad, agus ghabh e 'na ghlacaibh iad.

11 Agus thubhairt Israel re Ioseph, Cha do shaoil mi gu'm faicinn do ghnùis: agus feuch, nochd Dia dhomh mar an ceudna do shliochd.

12 Agus thug Ioseph a mach iad o eadar a ghlùinean, agus chrom se e féin le aghaidh gu làr.

13 Agus ghabh Ioseph iad le chéile, Ephraim 'na làimh dheis o làimh chli Israeil, agus Manaseh 'na làimh chli o làimh dheis Israeil; agus thug e 'm fagus da iad.

14 Agus shìn Israel a mach a làmh dheas, agus chuir e i air ceann Ephraim, am *mac* a b'òige, agus a làmh chli air ceann Mhanaseih: stuiir e a làmh gu seolta; oir b'e Manaseh an ceud-ghin.

15 Agus bheannaich e Ioseph, agus thubhairt e, Gu'n deanadh Dia, 'an làthair an do ghluais m'aithreacha Abraham agus Isaac, an Dia a bheathaich mi rè mo bheatha uile gus an là'n diugh,

16 An t-aingeal a shaor mi o gach olc, na leinibh a bheannachadh; agus ainmichar

m'ainmsa orra, agus ainm m'aithreacha Abraham agus Isaac: agus mar iasg na mara fasadh iad lionmhor 'am meadhon na talmhainn.

17 Agus an uair a chunnaic Ioseph gu'n do chuir athair a làmh dheas air ceann Ephraim, cha do thaitinn e ris: agus chum e suas làmh athar, a chum a h-athar-rachadh o cheann Ephraim gu ceann Mhanaseih.

18 Agus thubhairt Ioseph r'a athair, Ni h-ann mar sin, athair: oir is e so an ceud-ghin; cuir do làmh dheas air a cheann.

19 Agus dhiùlt athair, agus thubhairt e, Ta fhios agam, a mhic, ta fhios agam; bithidh esan cuideachd 'na shluagh, agus fàsaidh e mar an ceudna mòr: ach gu deimhin bithidh a bhràthair a's òige n's mo na e, agus bithidh a shliochd 'nan iomadaidh<sup>2</sup> chinneach.

20 Agus bheannaich e iad air an là sin, ag radh, Ionndad-sa beannaichidh Israel, ag radh, Gu deanadh Dia thu mar Ephraim, agus mar Mhanaseh: agus chuir e Ephraim roimh Mhanaseh.

21 Agus thubhairt Israel re Ioseph, Feuch, a taims' a' faghail a' bhàis; ach bithidh Dia maille ribhse, agus bheir e ris sibh gu dùthaich bhur n-aithreacha.

22 Agus thug mise dhuit aon chuid-roinne thar do bhràithrean, a bhuin mi mach a làimh an Amoraich le m' chloidheamh agus le m' bhogha.

## CAIB XLIX.

**A**GUS ghairm Iacob air a mhic, agus thubhairt e, Cruinnichibh sibh féin 'an ceann a chéile, chum as gu'n innis mi dhuibh ciod a tharlas dhuibh 'sna laithibh deireannach

2 Cruinnichibh sibh féin 'an ceann a chéile, agus cluinnibh, a mhaca Iacob; agus éisdibh re Israel bhur n-athair.

3 A Reubein, is tu mo cheud-ghin, mo threise, agus toiseach mo neirt, òirdheirceas<sup>3</sup> àrd-inbhe, agus òirdheirceas cumhachd.

4 Neo-sheasmachd<sup>5</sup> mar uisge, cha d'thoir thu barrachd, do bhri' gu'n deachaidh tu suas do leabaidh t'athar: 'an sin thruaill thu i; chaidh e suas do m' uirigh.

5 Is bràithre Simeon agus Lebhi: tha innil aingidheachd 'nan àitibh-comhnuidh.<sup>6</sup>

6 'Nan dìomhaireachd<sup>7</sup> na d'thigeadh m'anamsa; r'an coithional na bitheadh m'onoirs' air a h-aonadh: oir 'nan corruich mharbh iad duine, agus 'nam féin-thoil leag iad sìos balla.

7 Mallaichte gu'n robh an corruich, oir bha i garg; agus am fearg, oir bha i ainiochdmhar: roinnidh mi iad ann an Iacob, agus sgaoilidh<sup>8</sup> mi iad ann an Israel.

8 A Iudaih, molaidh do bhràithrean

<sup>1</sup> sluaigh. <sup>2</sup> mòran. <sup>3</sup> barrachd. <sup>4</sup> mòr-rackd. <sup>5</sup> Atmhor, Eabh. <sup>6</sup> is innil foir-

neirt an comhairlean aingidh r'a chéile. <sup>7</sup> diubhras. <sup>8</sup> sgapaidd.



thusa; *bithidh* do làmh 'am muineal do naimhde: cromaidh clann t'athar iad féin sìos a'd' làthair.

9 *Is* cuilean leòmhain Iudah; o'n chobhartaich, <sup>1</sup> a mhic, chaidh tu suas: chrom se e féin sìos, chrùb e mar leòmhan, agus mar sheann leòmhain; co dhùisgeas suas e?

10 Cha dealaich an t-slat-rioghail re Iudah, no lagh-thabhartaich o eadar a chosa, gus an d'thig Siloh, agus dha-san géillfidh na slòigh: <sup>2</sup>

11 A' ceangal a shearraich ris an fhineamhain, agus loth asail ris an fhineamhain thaghta; nigh e eudach 'am fion, agus a thrusgan 'am fuil nam fion-dhearc.

12 Bithidh a shùilean ni's deirge na fion, agus fhiacla ni's gile na bainne: <sup>3</sup>

13 Gabhaidh Sebulun còmhnuidh aig caladh a' chuain, agus *bithidh* e air son calaidh long; agus *bithidh* eirthir <sup>4</sup> gu nuig Sidon.

14 *Is* asal làdair Isachar, a' crùbadh sìos Eadair dhà eallaich: <sup>5</sup>

15 Agus chunnaic e gu'm *bu mhath* an ni fois, agus gu'n *robh* am fearann taitneach; agus chrom e ghuala gu iomchar, agus rinneadh e 'na sheirbhiseach do chis.

16 Bheir Dan breth air a shluagh, mar aon do threubhaibh Israeil.

17 Bithidh Dan 'na nathair air an ròd, 'na nathair-nimhe air an t-slighe, a theumas sàiltean an eich, air chor as gu'n tuit a mharcach 'an coinneamh a chùil.

18 Re d' shlàinte dh'fheith mise, O Thighearna.

19 Gad, bheir buidheann buaidh air: ach bheir esan buaidh fa dheireadh.

20 A mach a h-Aser *bithidh* aransan reamhar, agus bheir e uaith sògh rioghail.

21 *Is* eilid air a leigeadh fuasgailte Naphtali; bheir e focail thaitneach uaith.

22 *Is* geug thorrach Ioseph, geug thorrach làmh re tobar, aig am bheil a meanglain a' sgaoileadh thar a bhalladh.

23 Chràidh na fìr-bhogha gu geur e, agus thilg iad air, agus dh'fhuathaich iad e.

24 Ach dh'fhan a bhogha 'n a neart, agus rinneadh-gairdeana <sup>6</sup> a làmh làdair le làmhaidh Dé chumhachdaich Iacob; (uaithe sin tha 'm buachaille, cloch Israeil.)

25 Eadhon le Dia t-athar, a ni còmhndadh leat, agus leis an Uile-chumhachdach, a bheannaicheas thu le beannachdaibh néimh o'n àirde, beannachdaibh na doimhne shìos, beannachdaibh nan cìoch, agus na bronn.

26 Thug beannachda t-athar barrachd air beannachdaibh mo shinnseara, gu nuig foir-iomall <sup>7</sup> nan sliabh sìorruidh; bithidh

iad air ceann Ioseph, agus air mullach a chinn-san a sgaradh o bhràithribh.

27 Ni Benjamin fiadhach mar mhadadh-alluidh: sa'-mhadaim ithidh e chobhartach, <sup>8</sup> agus 'san fheasgar roinnidh e chreach.

28 *Is* iad sin uile dà threubh dheug Israeil: agus 's e so an ni a labhair an athair riu, agus bheannaich e iad: gach aon ac' a réir a bheannachaidh, bheannaich e iad.

29 Agus dh'àithn e dhoimh, agus thubhairt e rin, Cruinnichear mise chum mo dhaoine: adhlaicibh mi maille re m'aithreachaibh 'san uaimh a *tu* ann an achadh Ephroin an Hitich,

30 'San uaimh a *tu* ann an achadh Mhachpelai, a *tu* fa chomhair Mhamre, ann an tìr Chanaain, a cheannaich Abraham maille ris an achadh o Ephron an t-Hiteach, mar sheilbh àit'-adhlaic.

31 ('An sin dh'adhlaic iad Abraham agus Sarah a bhean; 'an sin dh'adhlaic iad Isaac agus Rebekah a bhean; agus 'an sin dh'adhlaic mise Leah.)

32 Cheannaicheadh an t-achadh, agus an uaimh *tu* ann, o chloinn Het.

33 Agus an uair a chrìochnaich Iacob àitheanta thoirt d'a mhic, chruinnich e chosan suas do'n leabaidh, agus chaochail <sup>9</sup> e, agus chruinnicheadh e chum a dhaoine.

CAIB. L.

**A** GUS thuit Ioseph air aghaidh athar, agus ghuil e air, agus phòg se e.

2 Agus dh'àithn Ioseph d'a sehirbhisich na léighean <sup>10</sup> spìosraidh chur <sup>11</sup> air corp athar: agus chuir na léighean spìosraidh air Israel.

3 Agus choi'-lionadh air a shon dà-fhichead là (oir mar so coi'-lionar lài na muinntir sin air an cuirear spìosraidh;) agus rinn na h-Eiphitich bròn air a shon deich is trì fichead là.

4 Agus an uair a chaidh lài a bhàin thairis, labhair Ioseph re teaghlach Pharaoh, ag ràdh, A nis ma fhuair mi deagh-ghean 'nar sùilb, labhraibh, guidheam oirbh, ann an cluasaibh Pharaoh, ag ràdh,

5 Ghabh m'athair miannonn diom, ag ràdh, Feuch, a *tu* mis' a' faghail a' bhàis: <sup>12</sup> a'm' uaigh a chladhaich mi dhomh féin ann an tìr Chanaain, 'an sin adhlaicidh tu mi. A nis uime sin leig dhomh dol suas, guidheam ort, agus m'athair adhlac, agus thig mi ris.

6 Agus thubhairt Pharaoh, Falbh suas, agus adhlaic t-athair, a réir mar a ghabh e miannonn dìot.

7 Agus chaidh Ioseph suas a dh' adhlac athar: agus maille ris chaidh seirbhisich

<sup>1</sup> o'n chreich. <sup>2</sup> d'a ionnsuidh-san bithidh cruinneachadh nam pobul. <sup>3</sup> Bithidh a shùilean dearg le fion, agus fhiacla geal le bainne. <sup>4</sup> iomall. <sup>5</sup> uallach. <sup>6</sup> righeach. <sup>7</sup> miann,

deigh, Eabh. <sup>8</sup> am fiadhach. <sup>9</sup> dh' eug. <sup>10</sup> lighichean. <sup>11</sup> emham. Sag. <sup>12</sup> ta mise dù do'n bhàs.

Pharaoih suas uile, seanairean a thighe, agus uile sheanairean tìre na h-Eiphit,

8 Agus teaghlach Ioseph uile, agus a bhràithrean, agus teaghlach athar: a mhàin dh'fhàg iad an clann bheag, agus an caoraich, agus am buar, <sup>1</sup> 'am fearann Ghosein.

9 Agus chaidh suas maille ris, araon carbadan agus marc-shluadh: agus bha chuideachd ro-mhòr.

10 Agus thàinig iad gu h-urlar-bualaidh Ataid, a tha 'n taobh thall do Iordan; agus rinn iad bròn 'an sin le caoidh mhòir agus ro-chràitich: <sup>2</sup> agus rinn e bròn air son athar seachd lài.

11 Agus an uair a chunnaic luchd-àiteachaidh na tìre, na Canaanaich, am bròn ann an urlar Ataid, thubhairt iad, *Is doilgheasach am bròn so do na h-Eiphitich: uime sin thugadh Abel-misraim mar ainm air, a tha 'n taobh thall do Iordan.*

12 Agus rinn a mhic dha mar a dh' àithn e dhoibh.

13 Oir ghiùlain a mhic e do thùr Chanaain, agus dh' adhlaic iad e ann an uaimh achaidh Mhachpelaib, a cheannaich Abraham maille ris an achadh mar sheilbh àit'-adhlaic, o Ephron an t-Ìiteach, fa chomhair Mhamre.

14 Agus phill Ioseph do 'n Eiphit, e fèin agus a bhràithrean, agus iadsan uil' a chaidh suas maille ris a dh'adhlaic athar, 'an deigh dha athair adhlac.

15 Agus an uair a chunnaic bràithrean Ioseph gu'n d'fhuair an athair bàs, thubhairt iad, Theagamh gu 'n d' thoir Ioseph fuath dhuinn, agus gu 'n diòl e gu cinnteach oirnn an t-olc sin uile a rinn sinn air.

16 Agus chuir iad teachdairean gu Ioseph, ag ràdh, Dh' àithn t-athair mun d' fhuair e bàs, ag ràdh,

17 Màr so their sibh re Ioseph. Math,<sup>3</sup>

guidheam ort a nis, eucoir<sup>4</sup> do bhràithrean, agus am peacadh, do bhrìgh gu'n d' rinn iad olc ort: agus a nis, guidheam ort, math eucoir sheirbhiseach Dhé t-athar. Agus ghuil Ioseph an uair a labhair iad ris.

18 Agus chaidh à bhràithre mar an ceudna, agus thuit iad sìos 'na làthair, agus thubhairt iad, Feuch, *is seirbhiseach dhuil sinne.*

19 Agus thubhairt Ioseph riu', Na biodh eagal oirbh; oir *am bheil mise 'n àite Dhé?*

20 Agus d' ar taobh-sa, shunraich<sup>5</sup> sibh olc a'm' aghaidh; *ach shunraich Dia sin' a chum maith, a chum, mar air an là 'n diugh, gu'n tearnadh e mòr shluagh beo.*

21 A nis uime sin na biodh eagal oirbh: altrumaidd<sup>6</sup> mise sibh, agus bhur clann bheag. Agus thug e co'-fhurtachd dhoibh, agus labhair e gu caoimhneil riu.

22 Agus ghabh Ioseph còmhnuidh 'san Eiphit, e fèin agus teaghlach athar: agus bha Ioseph beo ceud agus deich bliadhna.

23 Agus chunnaic Ioseph clann Ephraim, do'n treas *ginealach*: thogadh suas mar an ceudna clann Mhachir mhic Mhanaseih air glùinibh Ioseph.

24 Agus thubhairt Ioseph r'a bhràithreibh, *A ta mis' a' faghail a' bhàis: ach amhaircidh Dia gu cinnteach oirbhse,*<sup>7</sup> agus bheir e mach sibh as an fhearann so do'n fhearann a mhionnaich e do Abraham, do Isaac, agus do Iacob.

25 Agus ghabh Ioseph mionnan do chloinn Israeil, ag ràdh, Amhaircidh Dia gu cinnteach oirbhse, agus giùlainidh sibh mo chnàmhan-sa suas as so.

26 Agus fhuair Ioseph bas, agus e ceud agus deich bliadhna dh' aois: agus chuir iad spìosraidh air, agus chuireadh ann an ciste-mhairbh e 'san Eiphit.

## E C S O D U S.

### CAIB. I.

**A**NIS is iad so ainmeanna chloinn Israeil, a thàinig do'n Eiphit; thàinig gach duine agus a theaghlach maille re Iacob.

2 Reuben, Simeon, Lebhi, agus Iudah,

3 Isachar, Sebulum, agus Benjamin,

4 Dan, agus Naphtali, Gad, agus Aser.

5 Agus na h-anman uile a thàinig a mach a leasraidh Iacoib, bu deich agus trì fichead anam iad; oir bha Ioseph 'san Eiphit a cheana.

6 Agus fhuair Ioseph bàs, agus a bhràithrean uile, agus an gincalach<sup>8</sup> fin uile.

7 Agus bha clann Israeil sìolmhar, agus

dh'fhàs iad gu mòr, agus rinneadh lìonmhor iad, agus chinn<sup>9</sup> iad ro-chumhachdach; agus lìonadh an tìr leo.

8 A nis dh'èirich rìgh ùr air an Eiphit, do nach b'athne Ioseph.

9 Agus thubhairt e r'a shluagh, Feuch, tha sluagh chloinn Israeil nì's lìonmhoire agus nì's cumhachdaiche, na sinne:

10 Thigibh, buineamaid gu seòlta:<sup>10</sup> an t-eagal gu'm fàs iad lìonmhor, agus gu'n tachair e, 'nuair a dh'èireas cogadh; gu'n gabh iadsan mar an ceudna le'r naimhdebhe, agus gu'n cog iad<sup>11</sup> nar n'aghaidh, agus gu'n d'theid iad a mach as an tìr.

11 Uime sin chuir iad maighstirean-

<sup>1</sup> crodh.

<sup>2</sup> ro-ghoir.

<sup>3</sup> Maith, lagh.

<sup>4</sup> eu-coir.

<sup>5</sup> aheulbh, smuainich.

<sup>6</sup> araichidh.

<sup>7</sup> fìosraichidh Dia gu cinnteach sibhse.

<sup>8</sup> dt.

<sup>9</sup> dh'fhàs.

<sup>10</sup> glie.

<sup>11</sup> gu'n dean iad cogadh.



oibre<sup>1</sup> orra, chum an sàrachadh le'n eal-lachaibh.<sup>2</sup> Agus thog iad bailteam-ion-mhais<sup>3</sup> do Pharaoh, Pitom agus Raames.

12 Ach mar is mò a shàraich siad iad, 's ann is mò a rinneadh iadsan lìonmhor agus a dh'fhàs iad. Agus bha iad fuidh dhoilgheas<sup>4</sup> air son chloinn Israeil.

13 Agus thug na h-Eiphitich air cloinn Israeil seirbhis a dheanamh le cruadhas.<sup>5</sup>

14 Agus rinn iad an beatha searbh dhoibh le daorsa chruaidh, ann am moir-tear, agus ann an clachaibh-creadha, agus anns gach gnè oibre 'sa' mhachair: bha an obair uile, anns an d-thug iad orra obair a dheanamh, le cruadhas.

15 Agus labhair rìgh na h-Eiphit re mnaibh-glùine nan Eabhuidheach (b'e ainm a h-aon diubh Siphrah, agus ainm na tè eile Puah;)

16 Agus thubhairt e, 'Nuair a ni sibh gnìomh mnà-glùine do na mnaibh Eabhuidheach, agus a chi sibh iad air na stò-laibh;<sup>6</sup> ma's mac a bhios ann, 'an sin marbh-aidh sibh e, ach ma's nighean a bhios ann, bithidh si beo.

17 Ach bha eagal Dé air na mnaibh-glùine, agus cha d'rinn iad mar adh'athn rìgh na h-Eiphit dhoibh, ach ghleidh iad a' chlann mhac beo.

18 Agus ghairm rìgh na h-Eiphit air na mnaibh-glùine, agus thubhairt e riu, C'ar son a rinn sibh an ni so, agus ghleidh sibh a' chlann mhac beo?

19 Agus thubhairt na mnai-ghlùine re Pharaoh, A chionn nach 'eil na mnai Eabhuidheach mar na mnai Eiphiteach: oir tha iad fèin beothail,<sup>7</sup> agus air an aisead mu'n d'thig na mnai-ghlùine a steach d'an ionnsuidh.

20 Uime sin bhuin Dia gu math ris na mnaibh-glùine: agus rinneadh an sluagh lìonmhor, agus dh'fhàs iad ro-chumhachdach.

21 Agus a chionn gu'n robh eagal Dé air na mnaibh-glùine, rinn e tighean dhoibh.

22 Agus thug Pharaoh àithne<sup>8</sup> d'a shluagh uile, ag ràdh, Gach mac a bheirear tilgidh sibh 'san abhainn, agus gach nighean gleidhidh sibh beo.

### CAIB. II.

**A**GUS chaidh duine do thigh Lebhi, agus ghabh e nighean do Lebhi 'na mnaoi.

2 Agus dh'fhàs a' bhean torrach, agus rug i mac: agus an uair a chunnaic i gu'n robh e 'na leanabh tlachdmhor, dh'fhòlaich i e rè thri miosa.

3 Agus an uair nach b'urrainn i fholach ni b'fhaide, ghabh i dha cobhan cuilce,<sup>9</sup> agus chuir i thairis<sup>10</sup> e le làthaich agus le pic,<sup>11</sup> agus chuir i 'n leanabh ann; agus chuir i e 'sa' chuile aig bruaich na h-aibhne.

4 Agus sheas a phiuthar am fad uaithe, a dh'fhaicinn ciod a dheanta ris.

5 Agus thàinig nighean Pharaoh a muas g'a nigheadh fèin 'san abhainn, agus bha a maighdeana 'g imeachd re taobh na h-aibhne: agus an uair a chunnaic i 'n cobhan 'am measg na cuilce, chuir i a ban-oglach g'a thoirt d'a h-ionnsuidh.

6 Agus an uair a dh'fhosgail i e, chunnaic i 'n leanabh: agus feuch, ghuil an naoidhean. Agus ghabh i truas ris, agus thubhairt i, Is aon so do chloinn nan Eabhuidheach.

7 'An sin thubhairt a phiuthar re nighean Pharaoh, An d'-théid mis', agus an gairm mi dhuit banaltrum do na' mnaibh Eabhuidheach, a chum as gu'n altrum i 'n leanabh dhuit?

8 Agus thubhairt nighean Pharaoh ria. Falbh. Agus chaidh a' mhaighdean, agus ghairm i màthair an leinibh.

9 Agus thubhairt nighean Pharaoh ria, Thoir an leanabh so leat, agus altrum dhomsa e, agus bheir mi dhuit do thuaras-dal. Agus ghabh a' bhean an leanabh, agus dh'altrum i e.

10 Agus dh'fhàs an leanabh, agus thug i e dh'ionnsuidh nighinn Pharaoh, agus bha e 'na mhac dh'i. Agus thug i Maois mar ainm air: agus thubhairt i, A chionn as an uisge gu'n do tharruing mi mach e.

11 Agus tharladh anns na laithibh sin, an uair a dh'fhàs Maois suas, gu 'n deachaidh e mach a dh'ionnsuidh a bhràithrean, agus gu'n d'amhairc e air an eallachaibh: agus chunnaic e Eiphiteach a' bualadh Eabhuidhich aon d'a bhràithribh.

12 Agus dh'amhairc e 'n taobh so agus an taobh ud, agus an uair a chunnaic e nach robh aon duine ann, mharbh e 'n t-Eiphiteach, agus dh'fhòlaich e 'sa' ghaineamh e.

13 Agus an uair a chaidh e mach an dara<sup>12</sup> là, feuch, bha dithis do na h-Eabhuidhich a' strì r'a chèile: agus thubhairt e ris-san a rinn an eucoir, C'ar son a bhuailas tu do choimhearsnach?<sup>13</sup>

14 Agus thubhairt e, Cò rinn thusa a' d' uachdaran agus a' d' bhreitheamh oirne? am miann leat mis' a mharbhadh, mar a mharbh thu 'n t-Eiphiteach? agus ghabh Maois eagal, agus thubhairt e, Gu cinnteach tha 'ni so aithmichte.

15 A nis an uair a chual Pharaoh an ni so, dh'arr e Maois a mharbhadh. Ach theich Maois o aghaidh Pharaoh, agus ghabh e comhnuidh ann an tìr Mhidiam; agus shuidh e sìos làmh re tobar.

16 A nis bha aig sagart Mhidiam seachdnar nighean: agus thainig iad agus thar-

<sup>1</sup> cinn-oibre. <sup>2</sup> uallachaibh, eiribh. <sup>3</sup> bailte-stoir. <sup>4</sup> im-ehist. <sup>5</sup> an-ìochd, peingil-deachd, <sup>6</sup> suidheachanaibh, cathraichibh.

<sup>7</sup> tèoma. <sup>8</sup> sparradh. <sup>9</sup> ciste luacharach. <sup>10</sup> comhdaich, shìob, spairt i. <sup>11</sup> bigh. <sup>12</sup> darna. <sup>13</sup> chompanach.



ruing iad *uisge*, agus lìon iad na h-amair a thoirt uisge do threud an athar.

17 Agus thàinig na buachaillean agus dh'fhuadaich iad air fàlhb iad: ach sheas Maois suas agus chuidich e leo, agus thug e uisge d'an treud.

18 Agus an uair a thàinig iad gu Reuel an athair, thubhairt e, Cionnna a thàinig sibh co luath an diugh?

19 Agus thubhairt iad, Shaor Eiphiteach sinn a làimh nam buachaillean, agus mar an ceudna tharruing e uisge gu leòr dhuinn, agus thug e uisge do'n treud.

20 Agus thubhairt esan r'a nigheanaibh, Agus c'ait am bheil e? C'ar son a dh'fhàg sibh an duine? Gairmibh air, a chum's gu'n ith e aran.

21 Agus bha Maois toileach còmhnuidh ghabhail maille ris an duine; agus thug e Siporah a nighean do Mhaois mar mhnaoi.

22 Agus rug i mac *dha*, agus thug e Gersom mar ainm air: oir thubhairt e, Bha mi 'm choigreach ann an tìr aineoil.

23 Agus tharladh 'n ceann mòrain laithean, gu'n d'fhuair rìgh na h-Eiphit bàs, agus bha clann Israeil ag osnaich air son na daorsa, agus ghlaodh iad; agus thàinig an glaoth suas gu Dia, air son na daorsa.

24 Agus chuala Dia an osnaich, agus chuimhnich Dia a choi'-cheangal re h-Abraham, re h-Isaac, agus re Iacob.

25 Agus dh'amhairc Dia air cloinn Israeil, agus dh'fhiosraich se iad.

## CAIB. III.

**A**NIS bha Maois a' gleidheadh treud lethro athar-cèile, sagairt Mhidiain: agus thug e 'n treud gu taobh cùil an fhàsaich, agus thàinig e gu sliabh Dhé, gu Horeb.

2 Agus dh'fhoillsicheadh aingeal an Tighearna dha ann an lasair theine a meadhon pris: agus dh'amhairc e, agus feuch, bha 'm preas a' lasadh le teine, ach cha robh am preas air a losgadh.

3 Agus thubhairt Maois, 'Tionndaidh' mi nis a leth-taobh, agus chì mi 'n sealladh nìor so, c'ar son nach 'eil am preas air a losgadh.

4 Agus an uair a chunnaic an Tighearna gu'n do thionndaidh e a leth-taobh a dh'fhaicinn sin, ghairm Dia air a meadhon a' phris, agus thubhairt e, A Mhaois, a Mhaois. Agus thubhairt esan, Tha mi 'n so.

5 Agus thubhairt e, Na d'thig am fagus 'an so; cuir dhìot do bhròga bharr do chos, oir an t-àit' am bheil thu d' sheasamh, is talamh naomh e.

6 Thubhairt e mar an ceudna, Is mise Dia t-athar, Dia Abraham, Dia Isaac, agus Dia Iacob. Agus dh'fholaic Maois aghaidh: oir bha eagal air amharc air Dia.

7 Agus thubhairt an Tighearna, Chunnaic mi gu cinnteach àmhghar mo shluaigh a ta 'san Eiphit, agus chuala mi 'n glaoth air

son am maighstirean-oibre: oir is àithne dhomh an doilgheas.

8 Agus thàinig mi nuas g'an saoradh a làimh nan Eiphiteach, agus g'an toirt suas a mach as an fhearann sin, gu fearann math agus farsuing, gu fearann a ta sruthadh le bainne agus mil; gu àite nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach.

9 A nis uime sin, feuch, tha glaoth chloinn Israeil air teachd a'm ionnsuidhsa: agus mar an ceudna chunnaic mi am fòireigin<sup>2</sup> leis am bheil na h-Eiphitich 'g am fòireigeadh.

10 Agus a nis thig, agus cuiridh mi thu dh'ionnsuidh Pharaioh, a chum as gu'n d'thoir thu mach mo shlugh clann Israeil as an Eiphit.

11 Agus thubhairt Maois re Dia, Cò mise, gu'n rachainn a dh'ionnsuidh Pharaioh, agus gu'n d'thugainn a mach clann Israeil as an Eiphit?

12 Agus thubhairt e, Bithidh mise gu cinnteach leat; agus bithidh so 'na chomh-ara dhuit, gu'n do chuir mise uam thu: 'nuair a bheir thu mach an sluagh as an Eiphit, ni sibh aoradh do Dhia air an t-sliabh so.

13 Agus thubhairt Maois re Dia, Feuch, an uair a thig mi dh'ionnsuidh cloinn Israeil, agus a their mi riu, Chuir Dia bhuir n-aithreacha mise d'ar n-ionnsuidh; agus a their iad rium, Ciod is ainm dha? Ciod a their mi riu.

14 Agus thubhairt Dia re Maois, **IS MI AN TI A'S MI**: Agus thubhairt e, Mar so their thu re cloinn Israeil, Chuir **IS MI** mise d'ar n-ionnsuidh.

15 Agus thubhairt Dia thuill' air so re Maois, Mar so their thu re cloinn Israeil, Chuir an Tighearna Dia bhuir n-aithreacha, Dia Abraham, Dia Isaac, agus Dia Iacob, mise d'ar n-ionnsuidh: 's e so m'ainm a chaidh, agus 's e so mo chuimhneachan do gach uile ghinealach.

16 Imich agus cruinnich r'a chèile seanairean Israeil; agus abair riu, Dh'fhoillsich an Tighearna Dia bhuir n-aithreacha e fèin dhoimhsa, Dia Abraham, Isaac, agus Iacob, ag ràdh, Gu-cinnteach dh'amhairc mi oirbh, agus chunnaic mi an ni a rinneadh oirbh 'san Eiphit.

17 Agus thubhairt mi, Bheir mi suas sibh a h-àmghar na Eiphit, gu fearann nan Canaanach, agus nan Hiteach, agus nan Amorach, agus nam Peridseach, agus nan Hibheach, agus nan Iebusach, gu fearann a ta sruthadh le bainne agus mil.

18 Agus éisdidh iadsan re d' ghuth: agus theid thu fèin agus seanairean Israeil, gu rìgh na h-Eiphit, agus their sibh ris. Choinnich an Tighearna Dia nan Eabhuidheach

<sup>1</sup> ann an dùthaich choimhich.

<sup>2</sup> fòirneart, ainneart.

sinne: agus a nis leig dhuinn, guidheamaid ort, dol astar thri làthan do'n fhàsach, chum as gu'n iobair sinn<sup>1</sup> do'n Tighearn ar Dia.

19 Agus is deimhin leam nach leig rìgh na h-Eiphit leibh imeachd, cha leig, *eadhon* le làimh làdair.<sup>2</sup>

20 Agus sinidh mis' a mach mo làmh, agus buailidh mi 'n Eiphit le m' iongantasan uile, a ni mi 'n a meadhon: agus 'an deigh sin leigidh e dhuibh imeachd.

21 Agus bheir mise do'n t-sluagh so deagh-ghean<sup>3</sup> ann an sealladh nan Eiphit-each: agus tarlaidh, 'nuair a dh'fhalbhas sibh, nach falbh sibh falamh;

22 Ach iarraidh gach bean 'o ban-choimhearsnaich, agus o'n mhnaoi a bhios air aoidheachd na tigh, seudan<sup>4</sup> airgid, agus seudan òir, agus eudach: agus cuiridh sibh iad air bhur mic, agus air bhur nigheanaibh; agus creachaidh sibh na h-Eiphitich.<sup>5</sup>

C A I B. IV.

**A**GUS fhreagair Maois, agus thubhairt e, Ach feuch, cha chreid iad mi, ni mò dh'èisdeas iad re m' ghuth: oir their iad. Cha do thaisbein<sup>7</sup> an Tighearn e fèin dhuit.

2 Agus thubhairt an Tighearna ris, Ciod sin ann do làmh? Agus thubhairt esan, Slat.

3 Agus thubhairt e, Tilg air an làr i; agus thilg e air an làr i, agus rinneadh i 'na nathair: agus theich Maois roimpe.

4 Agus thubhairt an Tighearna re Maois, Cuir a mach do làmh, agus glac air a h-earr<sup>8</sup> i. Agus chuir e mach a làmh, agus rug e oirre, agus rinneadh slat dh'i na làimh.

5 Chum as gu'n creid iad gu'n d'fhoillsich an Tighearna Dia an aithreacha, Dia Abraham, Dia Isaac, agus Dia Iacob, e fèin dhuit.

6 Agus thubhairt an Tighearn a thuill air so ris, Cuir a nis do làmh a'd'bhroilleach; agus chuir e a làmh 'na bhroilleach: agus an uair a thug e mach i, feuch, bha a làmh lobhrach mar shneachda.

7 Agus thubhairt e, Cuir do làmh a ris a'd' bhroilleach: agus chuir e làmh a ris 'na bhroilleach, agus thug e mach a bhroilleach i, agus feuch, dh'iompaicheadh<sup>9</sup> i mar a' chuid eile d' a fheoil.

8 Agus tarlaidh, mur creid iad thu, agus mur èisd iad re guth a' cheud chombaraidh, gu'n creid iad guth a' chombaraidh dheireannaich.

9 Agus tarlaidh, mur creid iad mar an ceudna an dà chombara sin, agus mur èisd iad re d' ghuth, gu'n gabh thu cuid a dh' uisge na h-aibhne, agus gu'n dòirt thu air an *talamh* thioram e: agus fàsaidh 'n t-

uisg' a bheir thu as an abhainn, 'na fhuil air an *talamh* thioram.

10 Agus thubhairt Maois ris an Tighearna, O mo Thighearna, cha duine deas-chainnteach mi aon chuid roimhe so,<sup>10</sup> no o'n àm 'san do labhair thusa re d' sheirbhis-each; do bhrì' gu'm bheil mi mall ann an cainnt, agus mall ann an teangaidh.

11 Agus thubhairt an Tighearna ris, Cò a rinn beul an duine? no cò a rinn am balbh, no'm bodhar, no'n ti a chi, no'n dall? Nach mise an Tighearna?

12 A nis uime sin imich, agus bithidh mise le d' bheul, agus teagaisgidh mi dhuit ciod a their thu.

13 Agus thubhairt e, O mo Thighearna, cuir, guidheam ort, le làimh an ti a chuireas tu.<sup>11</sup>

14 Agus las corruich an Tighearna 'n aghaidh Mhaois, agus thubhairt e, *Nach* e Aaron an Lebhitheach do bhràthair? tha fhios agam gu'n labhair esan gu math. Agus mar an ceudna, feuch, tha e teachd a mach a'd' choinneamh: agus an uair a chi e thu, bithidh e subhach 'na chridhe.

15 Agus labhraidh tusa ris, agus cuiridh tu focail 'na bheul: agus bithidh mise le d' bheul, agus le bheul-san, agus teagaisgidh mi dhuibh ciod a ni sibh.

16 Agus labhraidh esan air do shon-sa ris an t-sluagh: agus bithidh esan, bithidh *eadhon* esan dhuit 'an àite beoil, agus bithidh tusa dhasan 'an àite Dhé.

17 Agus gabhaidh tu 'n t-slat so ann do làimh, leis an dean thu comharan.

18 Agus dh'imich Maois agus phill e gu Ietro athair-céile, agus thubhairt e ris, Théid mi nis, agus pillidh mi chum mo bhràthrean a ta 'san Eiphit, agus chi mi 'm bheil iad fathast beo. Agus thubhairt Ietro re Maois, Imich 'an sìth.

19 Agus thubhairt an Tighearna re Maois ann am Midian, Imich, pill do'n Eiphit: oir tha na daoine *sin* uile marbh a bha 'g iarraidh t' anma.

20 Agus ghabh Maois a bhean, agus a mhic, agus chuir e iad air asal, agus phill e do thalamh na h-Eiphit. Agus ghabh Maois slat Dhé 'na làimh.

21 Agus thubhairt an Tighearna re Maois, An uair a dh'imicheas tu chum pilltinn do'n Eiphit, thoir an aire<sup>12</sup> gu'n dean thu na h-iongantais *sin* uile, a chuir mis' ann ad làimh, 'am fianuis Pharaoh: ach cruadh-aichidh mis' a chridhe, agus cha leig e leis an t-sluagh imeachd.

22 Agus their thu re Pharaoh, Mar so tha'n Tighearn ag ràdh, 'S e Israel mo mhac, mo cheud-ghin.

23 Agus tha mi 'g ràdh riut, Leig, le m' mhac imeachd, a chum as gu'n dean e

<sup>1</sup> gun d' thoir sinn iobairt. <sup>2</sup> ach le làimh làdair. <sup>3</sup> fahhor. <sup>4</sup> iarraidh gach bean 'n iasachd, no'n coimheal. <sup>5</sup> spithichean. Eabh.

<sup>6</sup> an Eiphit. <sup>7</sup> Cha d' shoillsich. <sup>8</sup> earrball. <sup>9</sup> thionndadh. <sup>10</sup> o'n dè no 'n là roimhe sin. <sup>11</sup> a chi thu iomchuidh a chur. <sup>12</sup> faic.



seirbhis dhomh: agus ma dhiùltas tu leigeadh<sup>1</sup> leis imeachd, feuch, marbhaidh mise do mhac-sa, *cadhò* do cheud-ghin.

24 Agus tharladh air an t-slighe 'san tigh-tàmh,<sup>2</sup> gu'n do choinnich an Tighearn e, agus gu'n d'iarr e mharbhadh.

25 'An sin ghabh Siporah clach *gheur*, agus thimchioll-ghearr i roimh-chroicinn a mic, agus thilg i aig a chasaibh e, agus thubhairt i, Gu cinnteach is fear-pòda fuil-eachdach dhomsa thu.

26 Agus leig e uaith e: an sin thubhairt i, Is fear-pòda fuileachdach *thu* air son an timchioll-ghearraidh.

27 Agus thubhairt an Tighearna re h-Aaron. Imich 'an coinneamh Mhaois do'n fhàsach. Agus dh'imich e, agus choinnich se e ann an sliabh Dhé, agus phòg se e.

28 Agus dh'innis Maois do Aaron uile bhriathran an Tighearn, a chuir uaith e, agus na comharan uile a dh'àithn e dha.

29 Agus chaidh Maois agus Aaron, agus chruinnich iad seanairean chloinn Israeil uile.

30 Agus labhair Aaron na briathran uile a labhair an Tighearna re Maois, agus rinn e na comharan ann an sealladh an t-sluaigh.

31 Agus chreid an sluagh: agus an uair a chual<sup>1</sup> iad gu'n d'ambhairc an Tighearn air cloinn Israeil, agus gu'm fac e an àmhghar, 'an sin chrom iad an cinn, agus rinn iad aoradh.

## CAIB. V.

**A** GUS 'na dheigh sin chaidh Maois agus Aaron a steach, agus thubhairt iad re Pharaoh, Mar so tha'n Tighearna Dia Israeil ag ràdh, Leig le m' shluagh imeachd, a chum as gu'n cum<sup>3</sup> iad fèisd dhomhsa 'san fhàsach.

2 Agus thubhairt Pharaoh, Cò e an Tighearna, gu'n èisdinn-sa r'a ghuth a leigeadh le h-Israel imeachd? Cha 'n aithne dhomhs' an Tighearn, agus mar an ceudna cha leig mi le h-Israel imeachd.

3 Agus thubhairt iad, Dh'fhoillsich Dia nan Eabhruidheach e féin dhuinne:<sup>5</sup> leig leinn, guidheamaid ort, dol astar thri lài do'n fhàsach, a chum as gu'n iòbramaid do'n Tighearn ar Dia, an t-eagal gu'm buail e sinn<sup>6</sup> le plàigh, no leis a' chlaidheamh.

4 Agus thubhairt rìgh na h-Eiphit riu, C'ar son a ta sibhs', a Mhaois agus Aaron, a' toirt air an t-sluagh sgur o'n oibrìbh? Rachaidh a chum bhur n-eallacha.

5 Agus thubhairt Pharaoh, Feuch, a ta sluagh na tìr' a nis lionmhor, agus tha sibhs' a' toirt orra bhi 'nan tàmh o'n eallachaibh.

6 Agus dh'àithn Pharaoh air an là sin féin do mhaighstiribh-òibre an t-sluaigh, agus d'an luchd-riaghlaidh,<sup>7</sup> ag ràdh,

7 Cha d'thoir sibh conlach tuille do'n t-sluagh a dheanamh chlacha-creadha mar roimhe so: rachadh iad agus cruinnicheadh iad conlach dhoibh féin.

8 Agus cuiribh sibh orra àireamh nan clacha-creadha a rinn iad roimhe: cha leig sibh sìos a' bheag dheth, oir tha iad dìomhanach; uime sin tha iad aig èigheach, ag ràdh, Rachamaid agus iobramaid d'ar Dia.

9 Cuirear an obair ni's trùime air na daoine, chum as gu'n saoraich iad innte; agus na h-earbadh iad a briathraibh dìomhan.

10 Agus chaidh maighstirean-oibre an t-sluaigh a mach, agus luchd-riaghlaidh, agus labhair iad ris an t-sluagh, ag ràdh, Mar so tha Pharaoh ag ràdh, Cha d'thoir mi dhuibh conlach.

11 Rachaidh, gabhaidh dhuibh féin conlach far am feud sibh a faghail: gidheadh cha leigear sìos a' bheag do'r n-obair.

12 Uime sin sgaoilcadh<sup>8</sup> an sluagh air feadh tìre na h-Eiphit uile, a chruinneachadh asbhuaire<sup>9</sup> 'an àite conlaich.

13 Agus chuir na maighstirean-oibre thuige<sup>10</sup> iad, ag ràdh, Coi'lionaibh bhur n-oibre chumta lathail,<sup>11</sup> mar an uair a thugadh conlach dhuibh.

14 Agus bhuaileadh<sup>12</sup> luchd-riaghlaidh chloinn Israeil a chuir maighstirean-oibre Pharaoh os an ceann, agus dh'fhiosraicheadh dhuibh, C'ar son nach do choi'lion sibh bhur n-obair chumta ann an deanamh chlacha-creadha araon an dé agus an diugh, mar a rinn sibh roimhe?

15 'An sin thàinig luchd-riaghlaidh chloinn Israeil, agus ghlaodh iad re Pharaoh, ag ràdh, C'ar son a bhuineas tu air an dòigh so re d' sheirbhisich?

16 Cha 'n'eil conlach air a toirt do d' sheirbhisich, agus 'se their iad ruinn, Deanaibh clacha-creadha: agus feuch, a ta do sheirbhisich air am bualadh; ach is ann aig do shluagh féin a ta choire.

17 Ach thubhairt esan, Tha sibh dìomhanach, tha sibh dìomhanach: uime sin their sibh, Rachamaid agus iobramaid do'n Tighearna.

18 Uime sin imichibh a nis, deanaibh obair; oir cha d' thoirear conlach dhuibh, agus bheir sibh uaibh làn àireamh nan clacha-creadha.

19 Agus chunnaic luchd-riaghlaidh chloinn Israeil gu'm bu chruaidh an càs anns an robh iad, agus e air a ràdh riu, Cha bheagàich sibh dad d'ar clachaibh-creadha, do'n obair dhligeach lathail.

20 Agus choinnich iad Maois agus Aaron, a sheas air an t-slighe,<sup>13</sup> 'nuair a thàinig iad a mach o Pharaoh:

<sup>1</sup> leigeil. <sup>2</sup> tigh-dsda. <sup>3</sup> gleidh, dean. <sup>4</sup> feadh, féill, cuir. <sup>5</sup> ghairm Dia nan Eabhruidheach oirne. Eabh. <sup>6</sup> tuit e oirnn; coin-nich e sin. <sup>7</sup> an luchd-stiùbhradh, an griobhan,

am maoir. <sup>8</sup> sgapadh. <sup>9</sup> bunain, stailenich. <sup>10</sup> chuire. <sup>11</sup> gnothuch an là 'na là. <sup>12</sup> ghabh-adh air. <sup>13</sup> 'nan coinneamh. Eabh.



21 Agus thubhairt iad riu, Gu'n amhair-  
ceadh Dia oirbh, agus gu'n d'thugadh e  
breth, do bhrìgh gu'n d' rinn sibh ar boladh  
gràineil 'an làthair Pharaoh,<sup>1</sup> agus 'an  
làthair a sheirbhiseach, a' cur claidheimh  
'nan làimh a chum sinne a mharbhadh.

22 Agus phill Maois a dh'ionnsuidh an  
Tighearna, agus thubhairt e, A Thighearna,  
c'ar son a bhuin thu cho olc ris an t-sluagh  
so? c'ar son a chuir thu uit mi?

23 Oir o'n àm a thàinig mi gu Pharaoh  
a labhairt ann ad ainm, rinn e olc do'n  
t-sluagh so; agus cha do shaor thu idir do  
shluagh.

## CAIB. VI.

1 AN sin thubhairt an Tighearna re Maois,  
A nis chi thu ciod a ni mi re Pharaoh:  
oir le làimh làdair leigidh e leo imeachd,  
agus le làimh làdair fuadaichidh e mach as  
a dhùthaich iad.

2 Agus labhair Dia re Maois, agus  
thubhairt e ris, Is mise an Tighearna.

3 Agus dh'fhoillsich mi mi féin do  
Abraham, do Isaac, agus do Iacob, le  
ainm an Dé uile-chumhachdaich, ach le  
m'ainm Iehobhah cha robh mi aithnichte  
dhoibh.

4 Agus mar an ceudna dhaingnich mi  
mo choi'-cheangal<sup>2</sup> riu, gu'n d'thugainn  
dhoibh talamh Chanaain, talamh an cuairte,  
anns an robh iad 'nan coigrich.

5 Agus mar an ceudna chuala mi osnaich  
chloinn Israeil, a ta na h-Eiphitich a' cu-  
mail ann an daorsa: agus chuimhnich mi  
mo choi'-cheangal.

6 Uime sin abair re cloinn Israeil, Is  
mise an Tighearna, agus bheir mi sibh a  
mach o bhi fuidh eallachaibh nan Eiphit-  
each: agus saoraidh mi sibh o'n daorsa:  
agus fuasglaidh mi sibh le gairdean sint'  
a mach, agus le breitheanasaihb mòra.

7 Agus gabhaidh mi sibh dhomh féin  
mar shluagh, agus bithidh mi dhuibh a'm'  
Dhia: agus bithidh fios agaibh gur mise  
an Tighearna bhur Dia, a ta 'gar toirt-sa<sup>3</sup>  
mach o bhi fuidh eallachaibh nan Eiphit-  
each.

8 Agus bheir mi steach sibh a dh'ionn-  
suidh an fhearainn a mhionnaich mi gu'n  
d'thugainn e do Abraham, do Isaac, agus  
do Iacob; agus bheir mi e dhuibhse mar  
oighreachd: Is mise an Tighearna.

9 Agus labhair Maois mar sin re cloinn  
Israeil: ach cha d'éisd iad re Maois, trc  
chràdh spioraid, agus tre dhaorsa chruaidh.

10 Agus labhair an Tighearna re Maois,  
ag radh,

11 Imich a steach, labhair re Pharaoh  
righ na h-Eiphit, e a leigeadh do chloinn  
Israeil dol a mach as a dhùthaich.

12 Agus labhair Maois 'an làthair an  
Tighearn, ag radh, Feuch, cha d' éisd clann

Israeil rium; cionnus ma ta dh'éisdeas Pha-  
raoh riumsa, aig am bheil mo bhilean neo-  
thimchioll-ghearrta?

13 Agus labhair an Tighearna re Maois,  
agus re h-Aaron, agus thug e dhoibh àithne<sup>4</sup>  
a chum cloinn Israeil, agus a chum Pha-  
raoih righ na h-Eiphit, clann Israeil a thoirt  
a mach a talamh na h-Eiphit.

14 'S iad sin ceannardan thighean an  
aithreacha: mic Reubein ceud-ghin Is-  
raeil; Hanoah, agus Pallu, Hesron, agus  
Carmi: 's iad sin teaghlaichean Reubein.

15 Agus mic Shimeoin; Gemuel, agus  
Iamin, agus Ohad, agus Iachin, agus Saul  
mac Ban-chanaanaich: 's iad sin teaghlaich-  
ean Shimeoin.

16 Agus 's iad sin ainmeanna mhac  
Lebhi, a réir an ginealach: Gerson, agus  
Cohat, agus Merari; agus b'iad bliadhna  
beatha Lebhi ceud agus seachd bliadhna  
deug 'ar fhichead.

17 Mic Ghersein; Libni, agus Simi, a  
réir an teaghlaichean.

18 Agus mic Chohait; Amram, agus  
Idshar, agus Hebron, agus Udsiel: agus  
b'iad bliadhna beatha Chohait ceud agus  
tri bliadhna deug 'ar fhichead.

19 Agus mic Mherari; Mahali agus Mu-  
si: 's iad sin teaghlaichean Lebhi, a réir an  
ginealach.

20 Agus ghabh Amram Iochbed piuth-  
ar-athar dha féin 'na mnaoi; agus rug i  
dha Aaron agus Maois: agus b'iad bliadh-  
nach beatha Amram ceud agus seachd  
bliadhna deug 'ar fhichead.

21 Agus mic Idshair; Corah, agus Ne-  
pheg, agus Sichri.

22 Agus mic Udsiel; Misael, agus El-  
saphan, agus Sitri.

23 Agus ghabh Aaron Eliseba nighean  
Aminadaib, piuthar Naasoin, dha féin 'na  
mnaoi; agus rug i dha Nadab agus Abihu,  
Eleasar agus Itamar.

24 Agus mic Chorah; Asir, agus Elca-  
nah, agus Abiasaph: 's iad sin teaghlaichean  
nan Corhach.

25 Agus ghabh Eleasar mac Aaroin aon  
do nigheanaibh Phutiel dha féin 'na mnaoi;  
agus rug i dha Phinehas: 's iad sin ceann-  
ardan aithreacha nan Lebhitheach, a réir an  
teaghlaichean.

26 'S iad so an t-Aaron agus am Maois  
ud, ris an d'thubhairt an Tighearna, Thu-  
gaibh a mach clann Israeil a talamh na  
h-Eiphit, a réir an slògh.<sup>5</sup>

27 'S iad so iadsan a labhair re Pharaoh  
righ na h-Eiphit, a chum clann Israeil a  
thoirt a mach as an Eiphit: 's iad so am  
Maois agus an t-Aaron ud.

28 Agus tharladh 'san là air an do labhair  
an Tighearna re Maois ann an tìr na h-  
Eiphit,

<sup>1</sup> ann an suilbh Pharaoh. Eabh.  
agmment.

<sup>3</sup> 'gar labhairt.

<sup>2</sup> mo-  
<sup>4</sup> ordugh.

<sup>5</sup> a réir an armaithean.

29 Gu'n do labhair an Tighearna re Maois ag ràdh, *Is mise an Tighearna: labhair thusa re Pharaoh rìgh na h-Eiphit gach ni a their mi riut.*

30 Agus thubhairt Maois, 'an làthair an Tighearna, Feuch, a ta mise neo-thimchioll-ghearrt' a'm' bhilibh, agus cionnus a dh'èisdeas Pharaoh rium?

## CAIB. VII.

**A** GUS thubhairt an Tighearna re Maois, *A Feuch, rinn mi thu a'd dhia do Pharaoh; agus bithidh do bhràthair Aaron 'na fhàidh agad.*

2 Làbhraidh tusa gach *ni* a dh'àithneas mise dhuit; agus làbhraidh Aaron do bhràthair re Pharaoh, esan a chur cloinn Israeil a mach as a thir.

3 Agus cruadhaichidh mise cridhe Pharaoh, agus ni mi mo chomharan agus m'iongantasan<sup>1</sup> lionmhor ann an tìr na h-Eiphit.

4 Ach cha 'n èisd Pharaoh ribh, agus leagaidh mise mo làmh air an Eiphit, agus bheir mi mach m'armailtean, agus mo shlugh clann Israeil, a tìr na h-Eiphit, le breitheanasaihb mòra.

5 Agus bithidh fios aig na h-Eiphitich gur mise an Tighearna, 'nuair a shineas mi mach mo làmh air an Eiphit, agus a bheir mi mach clann Israeil o *bhi* nam measg.

6 Agus rinn Maois agus Aaron mar a dh'àithn an Tighearna dhoibh, mar sin rinn iad.

7 Agus *bha* Maois ceithir fichead bliadhna dh'aois, agus Aaron ceithir fichead agus trì bliadhna dh'aois, an uair a labhair iad re Pharaoh.

8 Agus labhair an Tighearna re Maois, agus re h-Aaron, ag ràdh,

9 'Nuair a làbhras Pharaoh ribh, ag ràdh, Nochdaibh iongantas<sup>2</sup> air bhur son féin: 'an sin their thu re h-Aaron, Gabh do shlat, agus tilg sìos i 'an làthair Pharaoh, agus fàsaidh i 'na nathair.

10 Agus chaidh Maois agus Aaron, a steach a dh'ionnsuidh Pharaoh, agus rinn iad mar sin, mar a dh'àithn an Tighearna: agus thilg Aaron sìos a shlat 'an làthair Pharaoh, agus 'an làthair a sheirbhiseach, agus rinneadh i 'na nathair.

11 'An sin ghairm Pharaoh mar an ceudnà air na daoine glìce, agus air an luchd-fiosachd: agus rinn mar an ceudna druidhean<sup>3</sup> na h-Eiphit mar sin le'n druidheachdaibh:

12 Oir thilg iad sìos gach duine a shlat, agus rinneadh iad 'nan nathraichibh: ach shluig slat Aaron suas an slatan-sa.

13 Agus chruadhaicheadh cridhe Pharaoh, air chor as nach d'èisd e riu; mar a thubhairt an Tighearna.

14 Agus thubhairt an Tighearna re

Maois, Chruadhaicheadh cridhe Pharaoh, tha e diùltadh leigeadh leis an t-sluagh falbh.

15 Imich-sa dh'ionnsuidh Pharaoh 'sa' mhadainn, feuch, tha e dol a mach a dh'ionnsuidh an uisge, agus seasaidh tu 'na choinneamh air bruaich na h-aibhne;<sup>4</sup> agus an t-slat a thionndadhadh 'na nathair gabhaidh tu a'd' làimh.

16 Agus their thu ris, Chuir an Tighearna Dia nan Eabhruidheach mise a' t'ionnsuidh, ag ràdh, Leig le m'shlugh imeachd, a chum as gu'n dean iad seirbhis dhomhsa 'san fhàsach: agus feuch, gus a so cha b' àill leat èisdeachd.

17 Mar so tha'n Tighearn ag ràdh, Ann an so aithnichidh tu gur mise an Tighearna: feuch, buailidh mi leis an t-slait a *ta* m'làimh, na h-uisgeachan a *ta* 'san abhainn, agus tionndadh iad gu fuil.

18 Agus gheibh an t-iasg a *ta* 'san abhainn bàs, agus lohaidh an abhainn; agus bithidh gràin air na h-Eiphitich uisge òl as an abhainn.

19 Agus labhair an Tighearna re Maois, Abair re h-Aaron, Gabh do shlat, agus sin a mach do làmh air uisgibh na h-Eiphit, air an aibhnibh, air an sruthaibh, agus air an lochanaibh, agus air uile cho'-chruinneachadh an uisgeacha, chum as gu'm fàs iad 'nam fuil; agus bithidh fuil air feadh tìre na h-Eiphit uile, araon ann an *soithichibh* fiodha, agus ann an *soithichibh* cloiche.

20 Agus riun Maois agus Aaron mar sin, a réir mar a dh'àithn an Tighearn, agus thog e suas an t-slat, agus bhual e na h-uisgeachan a *bha* 'san abhainn, ann an sealladh Pharaoh, agus an ann an sealladh a sheirbhiseach: agus thionndadh na h-uisgeachan uile a *bha* 'san abhainn, gu fuil.

21 Agus fhuair an t-iasg, a *bha* 'san abhainn, bàs: agus lobh an abhainn, agus cha b' urradh na h-Eiphitich uisge òl as an abhainn: agus bha'n fhuil ann an tìr na h-Eiphit uile.

22 Agus rinn druidhean na h-Eiphit mar sin le'n druidheachdaibh: agus chruadhaicheadh cridhe Pharaoh, agus cha d'èisd e riu, mar a thubhairt an Tighearna.

23 Agus phill Pharaoh, agus chaidh e d'a thìr; agus cha do shocraich c chridhe air so cuideachd.

24 Agus chladhaich na h-Eiphitich uile timchioll na h-aibhne air son uisge r'a òl: oir cha b'urrainn<sup>5</sup> iad òl a dh'uisge na h-aibhne.

25 Agus choi'-lionadh seachd laithean 'an déigh do'n Tighearn an abhainn a bhualadh.

## CAIB. VIII.

**A** GUS thubhairt an Tighearna re Maois, Falbh a dh'ionnsuidh Pharaoh, agus

<sup>1</sup> mo mhtorbuilean.  
<sup>3</sup> druidhean.

<sup>2</sup> Taisbeinibh mior-  
<sup>4</sup> seasaidh tus' air

bruaich na h-aibhn, air cheann dha teachd. <sup>5</sup> cha b'urradh.



abair ris, Mar so tha 'n Tighearna, 'g ràdh Leig le m' shluagh imeachd, a chum as gu'n dean iad seirbhis dhomh.

2 Agus ma dhiùltas tu 'n leigeadh air falbh, feuch, buailidh mi do chriochan uile le losgannaibh:

3 Agus brùchdaidh an abhainn a mach losgann, agus théid iad suas, agus thig iad a steach do d' thigh, agus do d'sheòmar-leapach, agus air uachdar do leapach,<sup>1</sup> agus do thigh do sheirbhiseach, agus air do shluagh, agus do d' àmhuinnibh, agus do d' amaraibh-fuinidh:<sup>2</sup>

4 Agus théid na losgann suas ort féin, agus air do shluagh, agus air do sheirbhisich uile.

5 Agus thubhairt an Tighearna re Maois, Abair re h-Aaron, Sin a mach do làmh le d' shlait os cionn nan aibhnichean, os cionn nan allt, agus os cionn nan lochan; agus thoir air na losgannaibh dol suas air talamh na h-Eiphit.

6 Agus shìn Aaron a mach a làmh os cionn uisgeacha na h-Eiphit; agus chaidh na losgann suas, agus chòmhdaich<sup>3</sup> iad talamh na h-Eiphit.

7 Agus rinn na druidhean mar sin le 'n druidheachdaibh, agus thug iad suas losgann air talamh na h-Eiphit.

8 'An sin ghairm Pharaoh air Maois agus air Aaron, agus thubhairt e, Guidhibh air an Tighearna gu'n d' thoir e air falbh na losgann uam féin, agus o m' shluagh; agus leigidh mise leis an t-sluagh imeachd, a chum as gu'n iobair iad do'n Tighearna.

9 Agus thubhairt Maois re Pharaoh, Dean uail tharum: c'uin a ghuidheas mi air do shon, agus air son do sheirbhiseach, agus air son do shluaigh, gu'n cuirear as do na losgannaibh uait féin, agus o d' thighibh; air chor agus gu mair<sup>4</sup> iad a mhàin 'san abhainn?

10 Agus thubhairt esan, Am màireach. Agus thubhairt e, *Bithcadh e a réir t'fhocail*; a chum as gu'm bi fios agad nach 'eil neach ann cosmhail ris an Tighearn ar Dia.

11 Agus falbhaidh na losgann uait féin, agus o d' thighibh, agus o d' sheirbhisich, agus o d' shluagh; a mhàin 'san abhainn mairidh iad.

12 Agus chaidh Maois agus Aaron a mach o Pharaoh; agus dh'éigh<sup>5</sup> Maois ris an Tighearn a thaobh nan losgann, a thug e 'n aghaidh Pharaoh.

13 Agus rinn an Tighearn a réir focal Mhaois: agus bhàsaich na losgann as na thighibh, as na bailtibh, agus as na machraichibh.

14 Agus chruinnich iad r'a chéile 'nan dùnaibh iad; agus lobb an tìr.<sup>6</sup>

15 Ach an uair a chunnaic Pharaoh gu'n

robh fois ànn, chruadhaich e chridhe, agus cha d'éisd e riu, mar a thubhairt an Tighearna.

16 Agus thubhairt an Tighearna re Maois, Abair re h-Aaron, Sin a mach do shlat, agus buail duslach<sup>7</sup> na talmhainn, a chum gu'm fàs e 'na mhialaibh air feadh tìre na h-Eiphit eile.

17 Agus rinn iad mar sin; oir shìn Aaron a mach a làmh le shlait, agus bhuail e duslach na talmhainn, agus rinneadh e 'na mhialan air duin' agus air ainmhidh:<sup>8</sup> rinneadh uile dhuslach na talmhainn 'na mhialaibh air feadh tìre na h-Eiphit uile.

18 Agus rinn na druidhean mar sin le'n druidheachdaibh a thoirt a mach mhial, ach cha b'urrainn iad: agus bha mialan air duine agus air ainmhidh.

19 'An sin thubhairt na druidhean re Pharaoh, 'S e meur Dhé a th'ann: agus chruadhaicheadh cridhe Pharaoh, agus cha d' éisd e riu; mar a thubhairt an Tighearna.

20 Agus thubhairt an Tighearna re Maois, Eirich suas gu moch 'sa mhadainn, agus seas 'an làthair Pharaoh, (feuch, tha e teachd a mach a dh'ionnsuidh an uisge) agus abair ris, Mar so tha'n Tighearn ag ràdh, Leig le m' shluagh imeachd, a chum as gu'n dean iad seirbhis dhomh.

21 Ach mur leig thu le m' shluagh imeachd, feuch, cuiridh mi sgaoth chuileag<sup>9</sup> ort féin, agus air do sheirbhisich, agus air do shluagh, agus ann do thighibh; agus lionar tighean nan Eiphiteach leis an sgaoth chuileag; agus mar an ceudna 'n talamh air am bheil iad.

22 Agus cuiridh mi air leth air an là sin féin fearann Ghosein, anns am bheil mo shluagh a chòmhnuidh, air chor as nach bi cuileagan sam bith 'an sin; a chum as gu'm bi fios agad gur mise an Tighearn 'am meadhon na talmhainn.

23 Agus cuiridh mi dealachadh eadar mo shluagh-sa agus do shluagh-sa: air an là màireach bithidh an comhara so.

24 Agus rinn an Tighearna mar sin: agus thàinig sgaoth an-barrach<sup>10</sup> chuileag do thigh Pharaoh, agus do thighibh a sheirbhiseach, agus do thir na h-Eiphit uile: thruaillleadh an talamh a thaobh nan cuileag.

25 Agus ghairm Pharaoh air Maois agus air Aaron, agus thubhairt e, Rackaibh, iobraibh d'ar Dia 'san tìr.

26 Agus thubhairt Maois, Cha 'n'eil e ionchuidh<sup>11</sup> sinn a dheanamh mar sin; oir iobairidh sinn gràineileachd nan Eiphiteach do'n Tighearn ar Dia. Feuch, an iobair sinn gràineileachd nan Eiphiteach fa chomhair an sùl, agus nach gabh iad do chlachaibh oirnn?

<sup>1</sup> do leapa. <sup>2</sup> do d' scàlaibh fuinidh. <sup>3</sup> chuibhrig, dh'fholaich. <sup>4</sup> gu'm fun, gu'm fagar fad. <sup>5</sup> ghlaoth. <sup>6</sup> dh'fàs droch fhàile do'n

tìr. <sup>7</sup> luaithre. <sup>8</sup> ann an duine agus ann an ainmhidh. Eabh. <sup>9</sup> iomadh gnè chuileag, <sup>10</sup> dhòlasach. <sup>11</sup> iomchubhaidh.

27 Théid sinn astar thri laithean do'n fhásach, agus iobraidh sinn do'n Tighearn ar Dia, mar a dh'áithneas e dhuinn.

28 Agus thubhairt Pharaoh, Leigidh mi dhuibh imeachd, a chum as gu'n iobair sibh do'n Tighearna bhuir Dia 'san fhásach; ach na rachaibh ro-fhad' air astar: guidhibhair mo shonsa.

29 Agus thubhairt Maois, Feuch, théid mise mach uait, agus guidhidh mi air an Tighearna gu'm falbh na cuileagan o Pharaoh, o sheirbhisich, agus o shluagh, am màireach: ach na buineadh Pharaoh gu cealgach tuilleadh, ann an diùltadh leigeadh do'n t-sluagh dol a dh'ìobradh do'n Tighearna.

30 Agus chaidh Maois a mach o Pharaoh, agus ghuidh e air an Tighearna.

31 Agus rinn an Tighearn a réir focail Mhaois: agus chuir e air falbh na cuileagan o Pharaoh, o sheirbhisich, agus o shluagh: cha d'fhan a h-aon.

32 Agus chruadhaich Pharaoh a chridhe air an àm so mar an ceudna, agus cha do leig e leis an t-sluagh imeachd.

CAIB. IX.

**A**GUS thubhairt an Tighearna re Maois, Falbh a steach a dh'ionnsuidh Pharaoh, agus innis da, Mar so tha'n Tighearna Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh:

2 Oir ma dhiùltas tu leigeadh leo imeachd, agus gu'n cum thu iad fathast,

3 Feuch, bithidh làmh an Tighearn air do spréidh a ta 'sa' mhachair, air na h-eich, air na h-asail, air na càmhail, air a' chrodh, agus air na caoraich: bithidh plàigh<sup>1</sup> ro-mhòr ann.

4 Agus cuiridh an Tighearna dealachadh eadar spréidh Israeil, agus spreidh na h-Eiphit; agus cha'n fhaigh a' bheag bàs a dh'aon ni a's le cloinn Israeil.

5 Agus shuidhich an Tighearn àm, ag ràdh, Am màireach ni an Tighearn an ni so 'san tìr.

6 Agus rinn an Tighearn an ni sin air an là màireach, agus fhuair spréidh na h-Eiphit uile bàs: ach do spréidh chloinn Israeil cha d'fhuair a h-aon bàs.

7 Agus chuir Pharaoh teachdaire uaith agus feuch cha robh eadhon a h-aon do spréidh nan Israeleach marbh. Agus chruadhaicheadh cridhe Pharaoh, agus cha do leig e an sluagh air falbh.

8 Agus thubhairt an Tighearn re Maois, agus re h-Aaron, Gabhaibh dhuibh féin làn bhuir glac<sup>2</sup> do luaith teallaich,<sup>3</sup> agus crathadh Maois i re nèamh ann an sealladh Pharaoh: agus bithidh i 'na duslach mìn air feadh tìre na h-Eiphit uile, agus bithidh i 'na neasgaid a' briseadh a mach 'na bol-

gaibh air duine, agus air ainmhidh, air feadh tìre na h-Eiphit uile.

10 Agus ghabh iad luath na teallaich, agus sheas iad 'an làthair Pharaoh, agus chrath Maois i re nèamh; agus rinneadh i 'na neasgaid a' briseadh a mach 'na bol-gaibh air duine agus air ainmhidh.

11 Agus cha b'urradh na druidhean seasamh 'an làthair Mhaois air son na neasgaid; oir bha an neasgaid air na druidhibh, agus air na h-Eiphitich uile.

12 Agus chruadhaich an Tighearna cridhe Pharaoh, agus cha d'éisd e riu; mar a labhair an Tighearna re Maois.

13 Agus thubhairt an Tighearn re Maois, Eirich suas gu moch 'sa' mhadaoinn, agus seas 'an làthair Pharaoh, agus abair ris, Mar so tha'n Tighearna Dia nan Eabhruidheach ag ràdh, Leig le m' shluagh imeachd, a chum as gu'n dean iad seirbhis dhomh.

14 Oir air an àm so cuiridh mise mo phlàighean uile air do chridhe-sa, agus air do sheirbhisich, agus air do shluagh; a chum as gu'm bi fios agad nach 'eil neach ann cosmhuil riumsa 'san talamh uile.

15 Oir a nis sinidh mi mach mo làmh, agus buailidh mi thu féin agus do shluagh le plàigh; agus gearrar as thu o'n talamh.

16 Agus gu deimhin air son so thog mi suas thu, a chum as gu'n nochdainn annad mo chumhachd, agus gu'm biodh m'ainm iomraideach<sup>4</sup> 'san domhan uile.

17 Am bheil thu fathast 'gad ardachadh féin 'an aghaidh mo shluagh, air chor as nach leig thu leo imeachd?

18 Feuch, mu'n àm so màireach bheir mis' air cloich-mheallain ro-mhòir<sup>5</sup> frasadh a nuas, nach robh a samhail 'san Eiphit, o'n là 'san do leagadh a bunachur<sup>6</sup> eadhon agus a nis.

19 Uime sin a nis cuir fios uait, agus cruinnich do spréidh, agus gach ni a ta agad 'sa' mhachair: oir air gach duine agus ainmhidh a gheibhear 'sa' mhachair, agus nach cruinnichear dhachaidh, thig a' chlach-mheallain a nuas, agus gheibh iad bàs.

20 An ti a ghabh eagal ròi' fhocal an Tighearna measg sheirbhisich Pharaoh, thug e air a sheirbhisich agus a spréidh teicheadh do na tighibh:

21 Agus esan nach do ghabh suim do fhocal an Tighearna, dh'fhàg e a sheirbhisich agus a spréidh 'sa' mhachair.

22 Agus thubhairt an Tighearna re Maois, Sin a mach do làmh gu nèamh, chum as gu'm bi clach-mheallain ann an talamh na h-Eiphit uile, air duine, agus air ainmhidh, agus air uile luibh na machrach ann an tìr na h-Eiphit.

23 Agus shìn Maois a mach a shlat gu nèamh; agus rinn an Tighearna tairneanach agus clach-mheallain, agus ruith tein-aidh-

<sup>1</sup> eucaill. <sup>2</sup> bhuir dorn. <sup>3</sup> fuirneis, ùmhuinn. <sup>4</sup> air fhoillseachadh, air a chraobhsgeaileadh.

<sup>5</sup> ro-chràitich, ro-mhilltich. <sup>6</sup> bunadh, stéidh.



air air uachdar na talmhainn; agus fhras an Tighearna clach-mheallain air tìr na h-Eiphit.

24 Mar so bha clach-mheallain ann, agus teine measgta leis a' chloich-mheallain ro-mhòir, aig nach robh a samhuil ann an tìr na h-Eiphit uile, o rinneadh dùthaich dhith.

25 Agus bhuail a' chlach-mheallain air feadh tìre na h-Eiphit uile gach *ni a bha* 'sa' mhachair, araon duine agus ainmhidh: agus bhuail a' chlach-mheallain uile luibh na machrach, agus bhris i uile chraobha na machrach.

26 A mhàin ann an talamh Ghosein, far an robh clann Israeil, cha robh clach-mheallain.

27 Agus chuir Pharaoh *teachdaire* uaith, agus ghairm e air Maois agus air Aaron, agus thubhairt e riu, Pheacaich mi an uair so: *tha* 'n Tighearna ceart, agus mise agus mo shluagh aingidh.

28 Guidhibhs' air an Tighearn (oir is leòr e) nach bi tairneanach anbarrach<sup>1</sup> agus clach-mheallain ann *ni's mò*; agus leigidh mise leibh falbh, agus cha'n fhan sibh ni's faide.

29 Agus thubhairt Maois ris, Co luath 's a théid mise mach as a' bhaile, sinidh mi mo làmhnan a mach a chum an Tighearna; agus sguiridh an tairneanach, agus cha bhi a' chlach-mheallain ann ni's mò; chum as gu'm bi fios agad gur leis an Tighearn an talamh.

30 Ach air do shon-sa, agus air son do sheirbhiseach, a ta fhios agam nach bi eagal oirbh fàthast roimh an Tighearna Dia.

31 Agus bhuaileadh an lìon agus an t-eòrna; oir *bha* 'n t-eòrna fa dhéis, agus an lìon fa shras.<sup>2</sup>

32 Ach cha do bhuaileadh an cruithneachd agus an seagal; oir cha robh iad air fàs suas.

33 Agus chaidh Maois a mach o Pharaoh as a' bhaile, agus shìn e mach a làmhna chum an Tighearna; agus sguir an tairneanach agus a' chlach-mheallain, agus cha do dhòirteadh an t-uisge air an talamh.

34 Agus an uair a chunnaic Pharaoh gu'n do sguir an t-uisge, agus a' chlach-mheallain, agus an tairneanach, pheacaich e fàthast mar an ceudna, agus chruadhaich e chridhe, e féin agus a sheirbhiseach.

35 Agus chruadhaicheadh cridhe Pharaoh, agus cha do leig e clann Israeil air falbh, mar a labhair an Tighearna le Maois.

C A I B. X.

**A**GUS thubhairt an Tighearna re Maois, Imich a steach gu Pharaoh; oir chruadhaich mi a chridhe, agus cridhe a sheirbhiseach; a chum gu nochdainn iad sin mo chomharan 'na làthair:

2 Agus gu'n innseadh tú ann an cluasàibh

do mhic, agus mhic do mhic, na nithean a dh' oibrich mi 'san Eiphit, agus mo chomharan a rinn mi 'nam measg; agus gu'm bi fios agaibh gur mise an Tighearna.

3 Agus chaidh Maois agus Aaron a steach gu Pharaoh, agus thubhairt iad ris, Mar so tha'n Tighearna Dia nan Eabh-ruidheach ag ràdh, Cia fhada dhiùltas tu thu féin isleachadh a'm' làthair-sa? Leig le m' shluagh imeachd, agus gu'n dean iad seirbhis dhomh:

4 Ach ma dhiùltas tu leigeadh le m' shluagh imeachd, feuch, bheir mise a màireach na locuist a steach do d' chriochaibh:

5 Agus còmhdaichidh iad aghaidh na talmhainn, air chor as nach urradh neach an talamh fhaicinn: agus ithidh iad fuigheal an ni sin a théid as,<sup>3</sup> a dh'fhanas agaibh o'n chloich-mheallain, agus ithidh iad gach craobh a ta fàs dhuibh as a' mhachair.

6 Agus lìonaidh iad do thighean, agus tighean do sheirbhiseach uile, agus tighean nan Eiphiteach uile; ni nach fàc aon chuid t'aithreacha, no aithreacha t'aithreacha, o'n là a bha iad air an talamh gus an là'n diugh. Agus phill se e féin, agus chaidh e mach o Pharaoh.

7 Agus thubhairt seirbhisich Pharaoh ris, Cia fhada bhios an duine so 'na ribe dhuinne? Leig leis na daoine falbh, chum gu'n dean iad seirbhis do'n Tighearn an Dia: nach 'eil fhios agad fathast gu bheil an Eiphit air a milleadh?

8 Agus thugadh Maois agus Aaron, a ris gu Pharaoh: agus thubhairt e riu, Rachaidh, deanaibh, seirbhis, do'n Tighearna bhur Dia: *ach* cò iad a théid?

9 Agus thubhairt Maois, Le'r n-òigridh agus le'r daoine aosmhar théid sinne; le'r mic agus le'r nigheanaibh, le'r teudaibh agus le'r buar théid sinn; oir is *éigin* duinn féisd a chumail do'n Tighearna.

10 Agus thubhairt e riu, Gu robh an Tighearna mar sin maille ribh, mar a leigeas mise leibh féin agus le'r cloinn bhig imeachd: amhaircibh, oir *tha* olc romhaibh.

11 Ni h-ann mar sin: imichibh a nis, sibhs' a ta 'nar daoineibh, agus deanaibh seirbhis do'n Tighearna, oir is e so an ni a dh'iarr sibh: Agus dh'fhuadaicheadh a mach iad as làthair Pharaoh.

12 Agus thubhairt an Tighearna re Maois, Sin a mach do làmh thar talamh na h-Eiphit air son nan locust, a chum as gu'n d'thig iad suas air talamh na h Eiphit, agus gu'n ith iad uile luibh na talmhainn, *eadhon* gach ni a dh'fhàg a' chlach-mheallain.

13 Agus shìn Maois a mach a shlat thar talamh na h-Eiphit, agus thug an Tighearna gaoth an ear air an talamh re an là sin uile, agus rè na h-oidheche uile: agus 'sa' mhadainn thug à' ghaoth an ear a steach na locuist.

<sup>1</sup> guthanna Dhè. Eabh.

<sup>2</sup> ros.

<sup>3</sup> a thèarvineas.

14 Agus chaidh na locuist suas thar talamh na h-Eiphit uile, agus dh'fhan iad ann an crìochaibh na Eiphit uile, gu ro-dhùbhalach;<sup>1</sup> rompa cha robh riamh an leithide do locuist, agus 'nan déigh cha bhi an leithide:

15 Oir chòmhdaich iad aghaidh na talmhainn uile, air chor as gu'n do dhorchaidheadh an talamh; agus dh'ith iad uile luibh na talmhainn, agus uile mheas nan craobh a dh'fhàg a' chlach-mheallain: agus cha d'fhàgadh ni sam bith glas 'sna craobhaibh, no ann an luibh na machrach ann an tìr na h-Eipit uile.

16 'An sin ghairm Pharaoh air Maois agus air Aaron le cabhaig, agus thubhairt e, Pheacaich mi 'n aghaidh an Tighearna bhur Dé, agus 'nar n-aghaidhsa.

17 A nis uime sin math, guidheam ort, mo pheacadh a mhàin an uair so, agus guidhlibh air an Tighearna bhur Dia, gu'n d'thoir e air falbh uam a mhàin am bàs so.

18 Agus chaidh e mach o Pharaoh, agus ghuidh e air an Tighearna.

19 Agus thionndaidh an Tighearna ga-oth an iar ro-làdair, a thug air falbh na locuist, agus a thilg iad 'san fhairge ruaidh: cha d'fhan aon locust ann an crìochaibh na h-Eiphit uile.

20 Ach chruadhaich an Tighearna cridhe Pharaoh, agus cha do leig e air falbh clann Israeil.

21 Agus thubhairt an Tighearna re Maois, Sin a mach do làmh gu nèamh, agus bithidh dorchadas air feadh tìre na h-Eiphit, eadhon dorchadas a dh'fheadar a laimh-seachadh.

22 Agus shìn Maois a mach a làmh gu nèamh: agus bha tiugh-dhorchadas<sup>2</sup> ann an tìr na h-Eiphit uile rè thri laithean.

23 Cha'n fhaca h-aon diubh a chéile, ni mò a dh'éirich neach o àite rè thri laithean: ach bha aig cloinn Israeil uile solus 'nan àitibh-còmhnuidh.

24 Agus ghairm Pharaoh air Maois, agus thubhairt e, Rachaidhse, deanaibh seirbhis do'n Tighearna; a mhàin fanadh blur treudan agus bhur buar: rachadh bhur clann bheag mar an ceudna maille ribh.

25 Agus thubhairt Maois, Feumaidh tu mar an ceudna ìobairtean a thoirt duinn, agus tabhartais-loisgte, chum as gu'n ìobair sinn do'n Tighearn ar Dia.

26 Agus mar an ceudna théid ar spréidh maille ruinn; cha 'n fhàg aon iongar nar déigh,<sup>3</sup> oir is éigin duinn gabhail diubh gu seirbhis a dheanamh do 'n Tighearn ar Dia; agus cha 'n'eil fhios againn cia leis a ni sinn seirbhis do'n Tighearna gus an d' thig sinn 'an sin.

27 Ach chruadhaich an Tighearna cridhe

Pharaoh, agus cha leigeadh e leo imeachd.

28 Agus thubhairt Pharaoh ris, Imich a mach uam; thoir an aire dhuit féin, na faic m' aghaidh ni's mò: oir 'san là sin anns am faic thu m'aghaidh, gheibh thu bàs.

29 Agus thubhairt Maois, Labhair thu gu math; cha 'n fhaic mi t'aghaidh ni's mò.

#### CAIB. XI.

**A**GUS thubhairt an Tighearna re Maois, Bheir mi aon phlàigh fathast air Pharaoh, agus air an Eiphit; an déigh sin leigidh e leibh imeachd as so: an uair a leigas e leibh imeachd, gu cinnteach fuadaichidh e mach as so sibh gu h-ìomlan.

2 Labhair a nis ann an clusaibh an t-sluaigh, agus iarradh gach duine o choimhearsnach, agus gach bean o ban-choimhearsnach, seudan airgid, agus seudan òir.

3 Agus thug an Tighearna deagh-ghean do'n t-sluaigh ann an sùilb nan Eiphiteach: Mar an ceudna, bha 'n duine Maois ro-mhòr 'an tìr na h-Eiphit, ann an sùilb sheirbhisich Pharaoh, agus ann an sùilb an t-sluaigh.

4 Agus thubhairt Maois, Mar so tha'n Tighearn ag ràdh, Mu mheadhon-oidhche theid mi mach do mheadhon na h-Eiphit:

5 Agus gheibh gach ceud-ghin ann an tìr na h-Eiphit bàs, o cheud-ghin Pharaoh, à ta 'na shuidhe air a righ-chathair, eadhon gu ceud-ghin na bantraile<sup>4</sup> a ta air cùl a' mhuilinn, agus uile cheud-ghin nan ainmhidhean.

6 Agus bithidh éigheach<sup>5</sup> mhòr ann an tìr na h-Eiphit uile, nach robh riamh a leithid ann, ni mò bhitheas a leithid ann tuilleadh.

7 Ach 'an aghaidh a h-aon do chloinn Israeil cha charuich<sup>6</sup> madadh a theanga, aon chuid 'an aghaidh duine no ainmhidh; chum as gu'm bi fios agaibh cionnus a chuireas an Tighearna dealachadh eadar na h-Eiphitich agus Israeil.

8 Agus thig iad sin do sheirbhisich uile sìos a'm' ionnsuidhsa, agus cromaidh siad iad féin domh, ag ràdh, Imich a mach, agus an sluagh uile a ta 'gad leantuin; agus 'an déigh sin théid mi mach. Agus chaidh e mach o Pharaoh ann an corruich mhòir.

9 Agus thubhairt an Tighearna re Maois, Cha'n éisd Pharaoh ribh, a chum as gu meudaichear m'iongantais<sup>7</sup> ann an tìr na h-Eiphit.

10 Agus rinn Maois agus Aaron na h-iongantais sin uile 'am fianuis Pharaoh: agus chruadhaich an Tighearna cridhe Pharaoh, agus cha do leig e le cloinn Israeil imeachd as a dhùthaich.

#### CAIB. XII.

**A**GUS labhair an Tighearna re Maois agus re h-Aaron ann an talamh na h-Eiphit, ag ràdh,

<sup>1</sup> ro-mhillteach. <sup>2</sup> dall-dhorchadas. <sup>3</sup> cha'n fhàg aon speir 'nar déigh. <sup>4</sup> na ban-seirbhisich.

<sup>5</sup> éigh, cabha, glaothaich. <sup>7</sup> mo mhiorbhuilean.

<sup>6</sup> cha ghluais.



2 *Bithidh* am mhìos so dhuibh 'na thoiseach nam mhìos : *bithidh* e dhuibh 'na chud mhìos na bliadhna.

3 Labhraibh-sa re coi'-thional Israeil uile, ag ràdh, Air an deichèamh là do'n mhìos so gabhaidh iad dhoibh fèin gach duine uan, a réir tighe an aithreacha, uan air son tighe.

4 Agus ma bhios an teaghlach ro-bheag air son uain, 'an sin gabhaidh esan agus a choimhearsnach a's faigse d'a thigh e, a réir àireimh nan anmanna; gach duine, a réir itheannaich, àirmhear leibh air son an uain.

5 *Bithidh* bhur n-uan gun ghaoid,<sup>1</sup> firionn, bliadhna dh'aois;<sup>2</sup> as na caoiribh no as na gabhraibh gabhaidh sibh e.

6 Agus gleidhidh sibh a stigh e gu nuig an ceathramh là deug do'n mhìos so : agus marbhaidh co'-chruinneachadh iomlan chloinn Israeil e 'san fheasgar.<sup>3</sup>

7 Agus gabhaidh iad do'n fhuil, agus cuiridh iad i air an dà ursainn, agus air ard-dorus nan tighean, anns an ith iad e.

8 Agus ithidh iad an fheoil 'san oidhche sin fèin ròiste le teine, agus aran neo-ghoirtichte;<sup>4</sup> maille re *luibhibh* searbha ithidh iad e.

9 Na ithibh a' bheag dheth amh, no idir air a bhrucheadh<sup>5</sup> ann an uisge, ach ròiste le teine: a cheann maille r'a chasaibh, agus maille r'a ghrealaich.<sup>6</sup>

10 Agus cha'n fhàg sibh a' bheag dheth gu madainn: agus na dh'fhàgar dheth gu madainn, loisgidh sibh le teine.

11 Agus mar so ithidh sibh e; le'r leasraidh crìosraichte, bhur brògan air bhur casaibh, agus bhur lorg<sup>7</sup> 'nar làimh: agus ithidh sibh e le cabhaig; 'se càisg<sup>8</sup> an Tighearna a th'ann.

12 Oir théid mise troi'<sup>9</sup> thir na h-Eiphit air an oidhche so, agus buaidh mi gach ceud-ghin ann an tìr na h-Eiphit, araon duin' agus ainmhidh; agus 'an aghaidh dhéan nan Eiphiteach uile cuiridh mi breitheanas 'an gnìomh; is mise an Tighearna.

13 Agus bithidh an fhuil dhuibh mar chomhar air na tighibh anns am bheil sibh: agus an uair a chi mis' an fhuil, théid mi thairis oirbh, agus cha bhi phlàigh oirbh a chum *bhur* millidh, 'nuair a bhuailas mi tìr na h-Eiphit.<sup>10</sup>

14 Agus bithidh an là so dhuibh mar chuimhneachan; agus gleidhidh sibh e 'na là-fèill<sup>11</sup> do'n Tighearna air feadh bhur ginealach; le h-ordugh sìorruidh gleidhidh sibh e.

15 Seachd laithean ithidh sibh aran neo-ghoirtichte; air a' cheud là fèin cuiridh sibh a mach taois ghoirt as bhur tighibh: oir gach neach a dh'itheas aran goirtichte,

o'n cheud là gus an t-seachdamh là, gearrar an t-anam sin as o Israeil.

16 Agus air a' cheud là *bithidh agaibh* co'-ghairm naomha, agus air an t-seachdamh bithidh agaibh co'-ghairm naomha: obair 'sam bith cha deanar orra, saor o na dh'ithear leis gach neach; sin a mhàin nìthear leibh.

17 Agus cumaidh sibh *fèisd* an arain neo-ghoirtichte; oir air an là sin fèin<sup>12</sup> thug mise mach bhur slòigh<sup>13</sup> a tìr na h-Eiphit; uime sin coimhididh sibh an là so 'nar ginealachaidh, le h-ordugh sìorruidh.

18 'Sa' cheud mhìos, air a' cheathramh là deug do'n mhìos 'san fheasgar, ithidh sibh aran neo-ghoirtichte, gu nuig an ceud là 'ar fhichead do'n mhìos 'san fheasgar.

19 Rè sheachd laithean cha'n fhaighear taois ghoirt 'nar tighibh; oir ge b'e neach a dh'itheas aran goirtichte, gearrar an t-anam sin fèin as o cho'-thional Israeil, co dhiubh<sup>14</sup> is coigreach e, no neach a rugadh 'san tìr.

20 Nì air bith goirtichte cha'n ith sibh: 'nar n-àitibh-còmhnuidh uile ithidh sibh aran neo-ghoirtichte.

21 'An sin ghairm Maois air seanairean Israeil uile, agus thubhairt e riu, Tairngibh a mach, agus gabhaibh dhuibh fèin uan, a réir bhur teaghlaidhean, agus marbhaibh a' chàisg.

22 Agus gabhaidh sibh bad hòisoip, agus tumaidh sibh e 'san fhuil a ta 'san t-soitheach, agus beanaidh sibh do'n ard-dorus, agus do'n dà ursainn, leis an fhuil a ta 'san t-soitheach: agus cha d' théid a h-aon agaibh a mach air dorus a thighe gu nuig a' mhadainn.

23 Agus théid an Tighearna thairis a bhualadh nan Eiphiteach; agus an uair a chi e 'n fhuil air an ard-dorus, agus an dà ursainn, théid an Tighearna thairis air an dorus, agus cha leig e leis a' mhillteir teachd a steach d'ar tighibh gu'r bualadh.

24 Agus gleidhidh sibh an nì so mar ordugh dhuibh fèin, agus d'ar mic,<sup>15</sup> gu sìorruidh.

25 Agus tarlaidh 'nuair a théid sibh a steach do'n fhearann a bheir an Tighearna dhuibh, a réir mar a gheall e, gu'n gleidh sibh an t-seirbhis so.

26 Agus tarlaidh, 'nuair a their bhur clann ruibh, Ciod is ciall duibh leis an t-seirbhis so?

27 Gu'n abair sibh, So òbairt càisg an Tighearna, a chaidh thairis air tighibh cloinn Israeil 'san Eiphit, 'nuair a bhuail e na h-Eiphitich, agus a shaor e ar tighean-ne. Agus chrom an sluagh iad fèin, agus rinn iad aoradh.

28 Agus dh'fhalbh clann Israeil, agus

<sup>1</sup> gnn oineamh, fallain.

<sup>2</sup> bliadhnach.

<sup>3</sup> eadar an dà fheasgar. Eabh.

<sup>4</sup> gun luibhin.

<sup>5</sup> bhrùitheadh.

<sup>6</sup> innibh.

<sup>7</sup> buta.

<sup>8</sup> dol thairis. Eabh.

<sup>9</sup> air feadh; tre. Eir.

<sup>10</sup> 'nuair

a bhuailas mi ann an tìr na h-Eiphit. Eabh.

<sup>11</sup> là-fèisde. <sup>12</sup> ann an corp an là sin. Eabh.

<sup>13</sup> armaistean.

<sup>14</sup> co ac'.

<sup>15</sup> dhuit fèin agus do d' mhaic. Eabh.

rinn iad mar so; mar a dh'àithn an Tighearna do Mhaois agus do Aaron, mar sin rinn iad.

29 Agus air meadhon na h-oidhche sin fèin bhuail an Tighearna gach ceud-ghin ann an tìr na h-Eiphit, o cheud-ghin Pharaoh a' shuidh air a rìgh-chathair, gu ceud-ghin a' chiomaich<sup>1</sup> a bha ann an slochd a' phriosain;<sup>2</sup> agus gach ceud-ghin ainmhidh.

30 Agus dh'éirich Pharaoh 'san oidhche, e fèin agus a sheirbhisich uile, agus na h-Eiphitich uile; agus bha éigheach mhòr 'san Eiphit, oir cha robh tigh anns nach robh neach marbh.

31 Agus ghairm e air Maois agus air Aaron 'san oidhche, agus thubhairt e, Eiribh, rachaibh a mach a meadhon mo shluagh, araon sibhse agus clann Israeil: agus rachaibh, deanaibh seirbhis do'n Tighearna, mar a thubhairt sibh.

32 Thugaibh leibh mar an ceudna bhur treudaz, agus bhur buar, mar a thubhairt sibh, agus imichibh: agus beannaichibh mise mar an ceudna.

33 Agus thug na h-Eiphitich dian-spar-radh<sup>3</sup> do'n t-sluagh, a chum gu'n cuireadh iad le cabhaig a mach as an tìr iad: oir thubhairt iad, Is daoine marbha sinn gu léir.

34 Agus ghabh an sluagh an taois mun do ghoirticheadh i, an amaran-fuinidh ceangailte 'nan eudach air an guaillibh.

35 Agus rinn clann Israeil a réir focail Mhaois: agus dh'iarr iad o na h-Eiphitich seudan airgid, agus seudan òir, agus eudach.

36 Agus thug an Tighearna deagh-ghean do'n t-sluagh ann an sùilbhu nan Eiphiticheach, agus thug iad 'an coingheall<sup>4</sup> dhoibh: agus chreach iad na h-Eiphitich.

37 Agus dh'imich clann Israeil o Rameses gu Sucot, mu thimchioll sè ceud mìle fear d'an cois, a thuilleadh air cloinn.

38 Agus mar an ceudna chaidh iomadaidh do shluagh eile<sup>5</sup> suas maille riu, agus treudan, agus buar, ro-mhòran spréidhe.<sup>6</sup>

39 Agus dh'fhuin iad do'n taois a thugadh a mach as an Eiphit breacag neo-ghoirtichte, oir cha do ghoirticheadh i; do bhrìgh gu 'n d'fhuadaicheadh iad a mach as an Eiphit, agus nach b'urradh iad fuir-each, agus mar an ceudna nach do dheas-aidh iad biadh dhoibh fèin.

40 A nis b'i aimsir cuairte chloinn Israeil, a bha iad a chòmhnuidh 'san Eiphit, ceithir cheud agus deich bliadhna fichead.

41 Agus aig ceann nan ceithir cheud agus nan deich bliadhn<sup>7</sup> 'ar fhichead, air an là sin fèin, chaidh slòigh an Tighearna uile mach a tìr na h-Eiphit.

42 Is oidhche so gu bhi air a coimhead<sup>7</sup>

gu h-àraidh do'n Tighearna, air son an toirt-san a mach a tìr na h-Eiphit: so an oidhche sin gu bhi air a coimhead do'n Tighearna le cloinn Israeil uile 'nan ginealachaihbh.

43 Agus thubhairt an Tighearna re Maois agus re h-Aaron, So ordugh na càisge: cha'n ith coigreach<sup>8</sup> sam bith dhith.

44 Agus gach seirbhiseach duine, a cheannaicheadh le h-airgiod, an uair a thimchioll-ghearras tu e, 'an sin ithidh e dhith.

45 Cha'n ith coigreach no seirbhiseach tuarasdail dhith.

46 Ann an aon tigh ithear i: cha ghiùlain thu bheag do'n fheoil a mach as an tigh; ni mò a bhriseas sibh cnàimh dhith.

47 Ni coir-thional Israeil uile sin.

48 Agus an uair a bhios coigreach air chuairt maille riut, agus a chumas e chàisg do'n Tighearna, timchioll-ghearras gach firionnach aige, agus 'an sin thigeadh e am fagus g'a cumail, agus bithidh e mar neach a rugadh 'san tìr: ach cha'n ith neach sam bith neo-thimchioll-ghearrta dhith.

49 Bithidh an t-aon lagh aige-san a rugadh 'san tìr, agus aig a' choigreach a ta air chuairt 'nar measg.

50 Mar so rinn clann Israeil uile: mar a dh'àithn an Tighearna do Mhaois agus do Aaron, mar sin rinn iad.

51 Agus air an là sinn fèin thug an Tighearna mach clann Israeil a tìr na h-Eiphit a réir an slògh.<sup>9</sup>

## CAIB. XIII.

**A** GUS labhair an Tighearna re Maois, ag ràdh.

2 Naomhaich dhomhsa gach ceud-ghin, ge b'e air bith a dh'fhosgaileas a' bhrù<sup>10</sup> a' measg cloinn Israeil, eadar duine agus ainmhidh: is leamsa e.

3 Agus thubhairt Maois ris an t-sluagh, Cuimhnichibh an là so, air an d'thàinig sibh a mach as an Eiphit, a tigh na daorsa; oir le làimh thréin thug an Tighearna a mach sibh as sin: agus cha'n ithear<sup>11</sup> aran goirtichte.

4 Air an là 'n diugh thàinig sibh a mach 'am mìos Abib.

5 Agus an uair a bheir an Tighearna steach thu do thìr nan Canaanach, agus nan Hiteach, agus nan Amorach, agus nan Hibh-each, agus nan Iebusach, a mhionnaich e do d' aithreachaibh gu'n d' thugadh e dhuit, fearann a' sruthadh le bainne agus le mil, 'an sin coimhididh tu an t-seirbhis so anns a' mhìos so.

6 Seachd laithean ithidh tu aran neo-ghoirtichte, agus air an t-seachdamh là bithidh féisd do 'n Tighearna.

7 Ithear aran neo-ghoirtichte seachd

gleidheadh.

<sup>8</sup> mac coigrich. Eabh.

<sup>9</sup> an

armaithean.

<sup>10</sup> a mhachlag, womb. Sasg.

<sup>11</sup> cha'n ithear.

<sup>1</sup> a' bhraighde; the captive. Sasg.

<sup>2</sup> na

gain-tìre.

<sup>3</sup> geur-impidh.

<sup>4</sup> iasad.

<sup>5</sup> cumasg mòr sluaigh. <sup>6</sup> mhòran nì. <sup>7</sup> cumail,



laithéan; agus cha'n fhaicear aran goirtichte agad, agus ni mò a chithear taois ghoirt agad ann ad chrìochaibh uile.

8 Agus innsidh tu do d' mhac 'san là sin, ag ràdh, *Nithear* so air sgàth an ni sin a rinn an Tighearna dhomhsa, 'nuair a thàinig mi mach as an Eiphit.

9 Agus bithidh e dhuit mar comhar' air do làimh, agus mar chuimhneachan eadar do shùilb, a chum gu'm bi lagh an Tighearna ann do bheul; oir le làimh thréin thug an Tighearna mach thu as an Eiphit.

10 Air an aobhar sin coimhididh<sup>1</sup> tu an t-ordugh so 'na thrà<sup>2</sup> féin o bhliadhna gu bliadhna.

11 Agus an uair a bheir an Tighearna steach thu do thìr nan Canaanach, mar a mhìonnaich e dhuitse, agus do d' aithreachaibh, agus a bheir e dhuit e,

12 'An sin cuiridh tu air leth do'n Tighearna gach ni a dh'fhosgailas a' bhrù, agus gach ceud-ghin, a thig o ainmhidh a's leat-sa, *buinidh iadsan a ta frionn 'nam measg* do'n Tighearna.

13 Agus gach ceud-ghin asail fuasgailidh tu le h-uan; agus mur fuasgail thu e, 'an sin brisidh tu amhach: agus gach ceud-ghin duine a' measg do chloinne fuasgailidh tu.

14 Agus an uair a dh'fheòraicheas do mhac dhòt 'san aimsir re teachd, ag ràdh, Cìod e so? 'an sin their thu ris, Le làimh thréin thug an Tighearna mach sinn as an Eiphit, a tigh na daorsa:

15 Agus an uair a chruadhaich Pharaoh e féin, agus nach b'àill leis an leigeadh air falbh, 'an sin mharbh an Tighearna gach ceud-ghin ann an tìr na h-Eiphit, araon ceud-ghin duine, agus ceud-ghin ainmhidh; air an aobhar sin iolbraidh mi do'n Tighearna g ch ni a dh'fhosgailas a bhrù, *ma's* frìdnnaich iad, ach uile cheud-ghin mo chloinne fuasgailidh mi.

16 Agus bithidh e mar chomhar' air do làimh, agus mar eudanan eadar do shùilb; oir le làimh thréin thug an Tighearna mach sinn as an Eiphit.

17 Agus eadhon an uair a leig Pharaoh do'n t-sluagh imeachd, cha do threòraich<sup>3</sup> Dia iad air slighe tìre nam Philisteach, ge do bha sin aithghearr: oir thubhairt Dia, An t-eagal gu'm bi aithreachas air an t-sluagh an uair a chi iad cogadh, agus gu'm pill iad do'n Eiphit.

18 Ach threòraich Dia an sluagh m'an cuairt, air slighe fàsaich na mara ruaidhe: agus chaidh clann Israeil suas 'an ordugh catha a tìr na h-Eiphit.

19 Agus thug Maois cnàmhan Ioseiph leis; oir ghabh e mionnan teann do chloinn Israeil, ag ràdh, Gu cinnteach amhaireidh

Dia oirbhse, agus bheir sibh suas mo chnàmha leibh as so.

20 Agus dh'imich iad o Shucot, agus champaich iad ann an Etam, ann an iomall an fhasaich.

21 Agus chaidh an Tighearna rompa 'san là ann am meall<sup>4</sup> neoil, a chum an treòrachadh air an t-slighe, agus 'san oidhche ann am meall teine, a thoirt soluis doibh; gu imeachd a là agus a dh'oidhche.

22 Cha d' thug e air falbh am'meall neoil 'san là, no 'm meall teine 'san oidhche, as làthair an t-sluaigh.

#### C A I B. XIV.

**A** GUS labhair an Tighearna re Maois, ag ràdh,

2 Labhair re cloinn Israeil, gu 'm pill iad, agus gu 'n campaich iad fa chomhair Pihahiro, eadar Migdol agus an fhaire, fa chomhair Bhaal-sephoin: fa choinneamhsan campaichidh sibh làimh ris an fhaire.

3 Oir their Pharaoh mu chloinn Israeil, *Tha iad air seachran*<sup>5</sup> 'san tìr, dh'iadh am fàsach mu'n timchioll.

4 Agus cruadhaichidh mise cridhe Pharaoh, agus théid e air an tòir, agus gheibh mise glòir a thaobh Pharaoh agus a shlòigh uile; agus bithidh fios aig na h-Eiphitich gur mise an Tighearna. Agus rinn iad mar sin.

5 Agus dh'innseadh do rìgh na h-Eiphit gu'n do theich an sluagh: agus thionndaidh cridhe Pharaoh, agus a sheirbhiseach 'an aghaidh an t-sluaigh, agus thubhairt iad, Cìod e so a rinn sinn, gu'n do leig sinn le h-Israel imeachd as ar seirbhis?

6 Agus bhartaich<sup>6</sup> e a charbad, agus thug e a shluagh maille ris;

7 Agus thug e leis sè ceud carbad taghta, agus uile charbada na h-Eiphit, agus ceannardan orra uile.

8 Agus chruadhaich an Tighearna cridhe Pharaoh rìgh na h-Eiphit, agus lean e air tòir chloinn Israeil: agus chaidh clann Israeil a mach le làimh ard.

9 Ach chaidh na h-Eiphitich air an tòir (eich agus carbadan Pharaoh, agus a mharc-shluagh, agus armaillt uile) agus rug iad orra, agus iad a' campachadh làimh ris an fhaire, làimh re Pihahiro, fa chomhair Bhaal-sephoin.

10 Agus an uair a thàinig Pharaoh am fagus, thog clann Israeil suas an sùilean, agus feuch, bha na h-Eiphitich air an tòir, agus bha eagal mòr orra: agus dh'éigh clann Israeil ris an Tighearna.

11 Agus thubhairt iad re Maois, An ann a chionn nach robh uaighean 'san Eiphit a thug thu leat sinn gu bàs fhaghail 'san fhàsach? C'ar son a rinn thu so oirn, ar tabhairt a mach as an Eiphit?

<sup>1</sup> gleidhidh. <sup>2</sup> thràth, àm. <sup>3</sup> cha d' thug.  
<sup>4</sup> fàc, buaidel; pillar. Sæg. <sup>5</sup> an amaladh.

12 Nach e so am focal a labhair sinn riut 'san Eiphit, ag ràdh, Leig leinn seirbhis a dheanamh do na h-Eiphitich? Oir b'fhearr dhuinn seirbhis a dheanamh do na h-Eiphitich na bàs fhaghail 'san fhàsach.

13 Agus thubhairt Maois, ris an t-sluagh, Na biodh eagal oirbh, seasaibh, agus faicibh slàint' an Tighearn, a dh'oibrich eise dhuibh an diugh; oir na h-Eiphitich a chunnaic sibh an diugh, cha'n thaic sibh iad a chaidh' tuilleadh.

14 Cogaidh an Tighearn<sup>1</sup> air bhuir son, agus fanaidh sibhse 'nar tosd.

15 Agus thubhairt an Tighearn re Maois, C'ar son a ta thu 'g èigheach riumsa? Abair re cloinn Israeil dol air an aghaidh.

16 Ach togsa suas do shlat, agus sìn a mach do làmh os cionn na fairge, agus sgoilt i; agus theid clann Israeil a steach 'am meadhon na fairge air *talamh* tioram.

17 Agus cruadhaichidh mise, eadhon mise, cridhe nan Eiphiteach, agus theid iad a steach 'nan déigh: agus gheibh mise glòir a thaobh Pharaoh, agus a thaobh a shloigh uile, a thaobh a charbadan, agus a thaobh a mharc-shluaigh.

18 Agus bithidh fios aig na h-Eiphitich gur mise an Tighearn, 'nuair a gheibh mi glòir a thaobh Pharaoh, a thaobh a charbadan, agus a thaobh a mharc-shluaigh.

19 Agus dh'fhalbh aingeal an Tighearn, a chaidh roimh champa Israeil, agus dh'imich e 'nan déigh; agus dh'fhalbh am meall neoil o'm teulaobh, agus sheas e air an cùlaobh.

20 Agus thàinig e eadar campa nan Eiphiteach agus campa Israeil, agus bha e 'na neul, agus na dhorchadas *dhoibh sud*, ach shoillsich e 'n oidliche *dhoibh so*, air chor as nach d'thàinig a h-aon diubh am fagus d'a chèile rè na h-oidiche.

21 Agus shìn Maois a mach a làmh os cionn na fairge, agus thug an Tighearn air an fhairge dol air a *h-as* le gaoith làdair o 'n ear rè na h-oidiche sin, agus rinn e 'n fhairge 'na *talamh* tioram, agus roinneadh na h-uisgeacha.

22 Agus chaidh clann Israeil a steach 'am meadhon na fairge air *talamh* tioram, agus bha na h-uisgeacha 'nam balla dhoibh air an làmh dheis, agus air an làmh chli.

23 Agus lean na h-Eiphitich, agus chaidh iad a steach 'nan déigh gu meadhon na fairge, eadhon eich Pharaoh uile, a charbadan, agus a mharc-shluaigh.

24 Agus ann am faire na maidne dh'amhairc an Tighearn air sluagh nan Eiphiteach troimh<sup>2</sup> 'n mheall theine, agus neoil; agus chlaoidh e armait nan Eiphiteach.

25 Agus thug e air falbh rothan an carbad, air chor as gu'n do tharruingeadh iad gu trom. Agus thubhairt na h-Eiphitich,

Teicheamaid as làthair Israeil, oir tha 'n Tighearn a cogadh leosan 'an aghaidh nan Eiphiteach.

26 Agus thubhairt an Tighearn re Maois, Sìn a mach do làmh os cionn na fairge, chum gu'n d'thig na h-uisgeachan air an ais air na h-Eiphitich, air an carbadaibh, agus air am marc-shluaigh.

27 Agus shìn Maois a mach a làmh os cionn na fairge, agus phill an fhairge g'a neart an uair a shoillsich a' mhadainn; agus theich na h-Eiphitich 'na h-aghaidh: agus chuir an Tighearn na h-Eiphitich fodha<sup>3</sup> am meadhon na fairge.

28 Agus phill na h-uisgeachan, agus dh'fholaich iad na carbaid, agus am marc-shluaigh, agus armait Pharaoh<sup>4</sup> uile, a thàinig 'san fhairge 'nan déigh: cha d'fhàgadh uiread 's a h-aon diubh.

29 Ach dh'imich clann Israeil air *talamh* tioram 'am meadhon na fairge, agus bha na h-uisgeacha 'nam balla dhoibh air an làmh dheis, agus air an làmh chli.

30 Mar so shaor an Tighearn Israeil, air an là sin, a làmh nan Eiphiteach: agus chunnaic Israeil na h-Eiphitich marbh air tràigh na fairge.

31 Agus chunnaic Israeil an obair<sup>5</sup> mhor sin a rinn an Tighearn air na h-Eiphitich, agus bha eagal an Tighearn air an t-sluagh, agus chreid iad an Tighearn, agus Maois a sheirbhiseach.

## CAIB. XV.

**A**N sin chan<sup>6</sup> Maois agus clann Israeil an laoidh<sup>7</sup> so do'n Tighearn, agus labhair iad, ag ràdh, Canaidh mise do'n Tighearn, oir thug e buaidh gu glormhor; an t-each agus a mharcach thilg e 'san fhairge.

2 'S e 'n Tighearn mo neart, agus mo dhàn<sup>8</sup>, agus tha e 'na shlaointe dhonn: 's esan mo Dhiasa, agus nì mi àite comhnuidh dha; Dia m' athar, agus ardaichidh mi e.

3 Is fear cogaidh an Tighearn; 'se 'n Tighearn a's ainm dha.

4 Carbadan Pharaoh agus armait thilg e 'san fhairge; agus thar eigha a cheannardan air am bàthadh 'san fhairge ruaidh<sup>9</sup>.

5 Dh'fholaich na doimhneachdan iad; chaidh iad sìos do'n aigean mar chloich.

6 Rinneadh do dheas làmh, O Thighearn, glòrmhor ann an cumhachd: bhris do dheas làmh, O Thighearn, an nàmhaid 'na bhloighidibh.

7 Agus ann am meud t'òirdheirceis chlaoidh thu iadsan, a dh'éirich suas a'd' aghaidh; chuir thu t'fhearg a mach, iolsg i suas<sup>10</sup> iad mar asbhuan.

8 Agus le anail do shroine chruinnich eadh na h-uisgeacha; sheas na tuite suas mar thorr<sup>11</sup>, chruadhaich<sup>12</sup> na doimhneachdan 'am meadhon na fairge.

9 Thubhairt an nàmhaid, Leanaidh mi,

<sup>1</sup> Ni an Tighearn a cogadh. <sup>2</sup> trid Eir. <sup>3</sup> thilg e iad bun os cionn. <sup>4</sup> do armait Pharaoh. Eabh. <sup>5</sup> lamh. Eabh. <sup>6</sup> sheinn. <sup>7</sup> òran.

<sup>8</sup> m'dran, mo chliu. <sup>9</sup> san fhairge sheamuinich. <sup>10</sup> dh'ith i suas, chuir i as doibh. Eabh. <sup>11</sup> mar chruaich, mar mheall. <sup>12</sup> dhainguicheadh.



beiridh mi orra, roinnidh mi a' chreach: sàsuichear mo mhianh orra; rùisgidh mi mo chlàidheamh, sgriosaidh mo làmh iad<sup>1</sup>.

10 Shéid thu le d' ghaoith, chòmhdaich an fhaireg iad, chaidh iad fodha mar luaidh anns na h-uisgeachaibh làdair.

11 Co 's cosmhùil riut<sup>2</sup> am measg nan Dé<sup>2</sup>, a Tighearna? Co tha cosmhùil riut, glòrmhar ann an naomhachd, urrumach<sup>3</sup> ann an moladh<sup>4</sup> a' deanamh *nìthe* iongantach?

12 Shìn thu mach do dheas làmh; shluig an talamh suas iad.

13 Threòraich thu ann ad thròcair an sluagh so a shaor thu; thug thu iad ann ad neart a chum àite comhnuidh do naomhachd.

14 'Nuair a chluinneas na cinnich, bithidh eagail orra: thig doilgheas air luchd-àiteachaidh Phalestina.

15 'An sin bithidh uamhann air cinn-fheadhna<sup>5</sup> Edoim, thig geilt-chrith air daoine treuna Mhoib; leagaidh air falbh luchd-àiteachaidh Chanaaim uile.

16 Tuitidh uamhann agus eagail orra, le meud do ghairdein bithidh iad tosdach mar chloich gus an d'théid do shluagh thairis, a Tighearna, gus an d'théid an sluagh so thairis, a cheannaich thu.

17 Bheir thu steach iad, agus suidhichidh tu iad ann an sliabh<sup>6</sup> t' oighreachd-sa anns an àir a rinn thu dhuit féin a Thighearna, chum còmhnuidh a ghabhail ann 'san ionad-naomha, a Thighearna, a dhaingnich do làmh-sa.

18 Rioghaichidh an Tighearna gu saoghal nan saoghal.

19 Oir chaidh eich Pharaoh a steach le charbadaibh, agus le mharc-shluagh, 'san fhaireg, agus thug an Tighearna uisgeacha na fairge air an ais orra; ach dh'imich clann Israeil air *talamh* tioram 'am meadhan na fairge.

20 Agus ghlac Miriam a' bhan-fhàidh, piuthar Aaron, tiompan<sup>7</sup> na làmh: agus chaidh na mnà uile mach 'na déigh le tiompanaibh agus le danusa<sup>7</sup>.

21 Agus fhreagair Miriam iad, Canaibh do'n Tighearna, oir thug e buaidh gu glòrmhar; an t-each agus a mharcach thig e 'san fhaireg.

22 Mar sin thug Maois Israel o'n mhuir ruaidh, agus chaidh iad a mach gu fàsach Shuir, agus dh'imich iad trì lathèan 'san fhàsach, agus cha d'fhuair iad uisge.

23 Agus an uair a thàinig iad gu Marah, cha b' urradh iad uisgeacha Mharaih òl, oir bha iad scarth; uime sin thugadh Marah mar ainm air.

24 Agus rinn an sluagh gearan<sup>8</sup> an aghaidh Mhaois, ag ràdh, Ciod a dh'òlas sinn?

25 Agus dh'éigh esan ris an Tighearna agus nochd an Tighearna fiodh<sup>9</sup> dhia, agus thig e 'sna h-uisgeachaibh e, agus rinneadh na h-uisgeacha nìlis: ann an siun rinn e lagh agus ordugh dhoibh, agus ann an sin dhearb e iad;

26 Agus thubhairt e, Ma dh'éisdeas tu gu dùrachdach re guth an Tighearna do Dhé, agus ma nì thu an nì sin a ta eart 'na shealladh, agus ma bheir thu 'n aire d'a àitheantaibh, agus ma ghleidheas tu a reachdan<sup>10</sup> uile, h-aon do na h-cucaillibh<sup>11</sup>, a chuir mi air na h-Eiphitich, cha chuir mi orsa: oir is mise an Tighearna a shlànuicheas thu.

27 Agus thàinig iad gu h-Elim far an robh dà thobar dheug uisge, agus deich agus trì fichead crann<sup>12</sup> pailine; agus ehampaich iad<sup>13</sup> 'an sin làmh ris na h-uisgeachaibh.

## CAIB. XVI.

**A**GUS dh'fhalbh iad o Elim, agus thàinig coì-thional chloinn Israeil uile gu fàsach Shin. a ta eadar Elim agus Sinai, air a' chùigeadh la deug do'n dara mìos 'an déigh dhoibh teachd a mach a tìr na h-Eiphit.

2 Agus rinn coì-thional chloinn Israeil uile gearan 'an aghaidh Mhaois agus Aaron 'san fhàsach.

3 Agus thubhairt clann Israeil riu, B'fhearr gu'm faigheamaid bàs le làmh an Tighearna ann an tìr na h-Eiphit, an uair a bha sinn 'nar suidhe làmh ris na poitibh feòla, agus an uair a dh'ith sinn aran gu'r sàth; oir thug sibh a mach sinn do'n fhàsach so, a mharbhadh a' choì-thionail so uile le h-ecras.

4 'An sin thubhairt an Tighearna re Maois, Feuch, frasaidd mise dhuibh aran o nèamh, agus théid a'n sluagh a mach, agus cruinnichidh iad cuithrionn gach là air an là sin féin, a chum as gu'n dearbh mi iad, co ac a ghluaiseas iad ann am<sup>14</sup> lagh, no nach gluais.

5 Agus, air an t-seathadh là, ulluichidh iad an nì sin a bheir iad a steach, agus bithidh e dhà uibhir agus a chruinnicheas iad gach là eile.

6 Agus thubhairt Maois agus Aaron re cloinn Israeil uile, Mu fheasgar, 'an sin bithidh fios agaibh gu'n d'thug an Tighearna a mach sibh a tìr na h-Eiphit:

7 Agus 'sa' mhadainn, 'an sin chì sibh glòir an Tighearna; do bhrì' gu bheil e a' cluinntinn bhar gearain 'an aghaidh an Tighearna: Agus ciod sinne, gu bheil sibh a deanamh gearain 'nar n-aghaidh?

8 Agus thubhairt Maois Bithidh a' chùis mar so nuair a bheir an Tighearna dhuibh 'san fheasgar feoil r'a h-itheadh, agus aran 'sa' mhadainn gu'r sàth; do bhrì' gu bheil

<sup>1</sup> seallbaichidh mo làmh iad mar oighreachd, bithidh tighearnas aig mo làmh orra. Eabh.

<sup>2</sup> measg nan cumhachdach. <sup>3</sup> a'd' chùis eagail, urrumach. <sup>4</sup> am mollaibh. <sup>5</sup> ceannardan.

<sup>6</sup> ann am beinn. <sup>7</sup> le feadagaibh. <sup>8</sup> monmhor.

<sup>9</sup> cruobh. <sup>10</sup> orduighean, àitheantan.

<sup>11</sup> euslaintibh. <sup>12</sup> cruobh. <sup>13</sup> shuidhich iad am puibh, thiomh iad. <sup>14</sup> ann mo.

an Tighearn a' eluinntinn bhur gearain a ta sibh a' deanamh 'na aghaidh: Agus ciod sinne? cha'n ann 'nar n-aghaidh-ne tha bhur gearan. ach 'an aghaidh an Tighearna.

9 Agus thubhairt Maois re h-Aaron, Abair re coi-thional chloinn Israeil uile, Thigibh an fagus 'an làthair an Tighearn, oir chual' e bhur gearan.

10 Agus an uair a labhair Aaron re coi-thional chloinn Israeil uile, dh'amhaire iad a dh'ionnsuidh an fhàsaich, agus feuch, dh'fhoillsicheadh gloir an Tighearn ann an neul.

11 Agus labhair an Tighearna re Maois, ag ràdh,

12 Chuala mi gearan chloinn Israeil; labhair riu, ag ràdh, Mu fheasgar ithidh sibh feoil, agus 'sa' mhadainn sasuichear sibh le h-aran: agus bithidh fios agaibh gur mise an Tighearna bhur Dia.

13 Agus an uair a bha 'm feasgar ann, 'an sin thainig na gearra-goirt' a nios, agus chomhdaich iad an campa; agus anns a mhadainn bha 'n drùchd 'na luidhe na thimchioll a' champa.

14 Agus an uair a' dh'éirich an drùchd, a bha 'na luidhe, suas feuch, bha air aghaidh an fhàsaich ni beag cruinn, beag mar an liath-reodh air an taigh.

15 Agus an uair a chunnaic clann Israeil e, thubhairt iad gach aon r'a chèile, Mana<sup>2</sup>: oir cha robh fhios aca ciod e. Agus thubhairt Maois riu, So an t-aran a thug an Tighearna dhuibh r'a itheadh.

16 So an ni a dh'àithn an Tighearna; Cruinnichibh dheth gach duine a réir itheannaich, omer do gach neach a réir àireimh bhur n-anmanna, gabhadh gach duine agaibh air an son-san a tu 'na bhùth.

17 Agus rinn clann Israeil mar sin, agus chruinnich iad, cuid ni bu mhò, agus cuid ni bu lugha<sup>3</sup>.

18 Agus an uair a thomhais iad e le h-omer, cha robh a' bheag thairis aige-san a chruinnich ni bu mhò, agus air-san a chruinnich ni bu lugha, cha robh uireas-bhuidh: chruinnich gach duine a réir itheannaich.

19 Agus thubhairt Maois riu, Na fàgadh duine 'sam bith dheth gu madainn.

20 Gidheadh cha déisd iad re Maois, ach dh'fhàg cuid dheth gu madainn, agus ghn e cnuinnhean agus lobh e: Agus bha corruich air Maois riu.

21 Agus chruinnich iad e air gach madainn, gach duine a réir itheannaich: agus an uair a dh'fhàs a' ghrian teth, leaghadh e.

22 Agus air an t-seathadh là chruinnich iad a dhà uiread arain, dà omer air son gach aon: agus thainig uachdarain a' choi-thionail uile, agus dh'innis iad sin do Mhaois.

23 Agus thubhairt e riu. So an ni a

labhair an Tighearna, *Bithidh* fois na sabaide naomha d'on Tighearn ann màireach: a' mheud 's a tha sibh gu fhuineadh, fuinibh an diugh agus a' mheud 's a tha sibh gu bhruicheadh, bruichibh; agus gach ni a bhios thairis, tais-gibh suas dhuibh fèin gu madainn.

24 Agus thais-g iad suas e gu madainn, mar a dh'àithn Maois; agus cha do lobh e, ni mò a bha cnuimh 'sam bith ann.

25 Agus thubhairt Maois, Ithibh sin an diugh, oir tha sàbaid ann an diugh do'n Tighearna: an diugh cha'n fhaigh sibh e 'sa' mhachair.

26 Sè laithean cruinnichidh sibh e, ach air an t-seachdamh là *bithidh* an t-sàbaid; cha bhi e ann air an là sin.

27 Agus tharladh air an t-seachdamh là gu'n deachaidh cuid do'n t-sluagh a mach gu chruinneachadh, agus cha d'fhuair iad a' bheug.

28 Agus thubhairt an Tighearna re Maois, Cia fhad' a dhiùltas sibh n'àith-eanta-san a choimhead<sup>4</sup>, agus mo reachdan-

29 Faicibh, do bhrì' gu'n d'thug an Tigh. earna dhuibh an t-sàbaid, air an aobhar sin tha e a' tabhairt<sup>5</sup> dhuibh air an t-seathadh là aran dhà là: fanaibh, gach duine 'na àite fèin; na rachadh duine 'sam bith a mach as àite air an t-seachdamh là.

30 Mar sin ghabh an sluagh fois air an t-seachdamh là.

31 Agus thug tigh Israeil Mana mar ainm air: agus bha e mar fhras coriandeir, geal, agus a bhlas mar abhlain<sup>6</sup> air an deanamh le mil.

32 Agus thubhairt Maois, So an ni a dh'àithn an Tighearna, Lìon omer dheth gu bhi air a ghleidheadh air son bhur ginealach, chum gu faic iad an t-aran leis an do bheathaich mi sibh 'san fhàsach, an uair a thug mi mach sibh a tìr na h-Eiphit.

33 Agus thubhairt Maois re h-Aaron, Gabh soitheach<sup>7</sup>, agus cuir ann lan omeir do Mhana<sup>8</sup>, agus taisg e 'an làthair an Tighearna gu bhi air a ghleidheadh air son bhur ginealach.

34 Mar a dh'àithn an Tighearna do Mhaois, mar sin thaisg Aaron e 'an làthair na fianuis, gu bhi air a ghleidheadh.

35 Agus dh'ith clann Israeil am Mana dà fhichead bliadhna, gus an d'thainig iad gu tìr àitichte: dh'ith iad am Mana gus an d'thainig iad gu crìch tìre Chanaan.

36 A nis is e omer an deicheamh cuid do ephah.

#### CAIB. XVII.

**A** GUS dh'imich coi-thional chloinn Israeil uile o fhasach Shin, a réir an turusan, mar a dh'àithn an Tighearn, agus champaich iad ann an Rephidim; agus cha robh uisge ann do'n t-sluagh re òl.

<sup>1</sup> quails. Sasg. <sup>2</sup> Ciod e so? Eabh. <sup>3</sup> bu lagha. <sup>4</sup> a ghleidheadh. <sup>5</sup> a' toirt. <sup>6</sup> bhreucagan.



2 Uime sin, rinn an sluagh consachadh<sup>1</sup> re Maois, agus thubhairt iad, Thoir<sup>2</sup> dhuinn uisge chum as gu'n òl sinn. Agus thubhairt Maois riu, C'ar son a ta sibh a' consachadh rium-sa? C'ar son a bhrosnaicheas sibh<sup>3</sup> an Tighearna?

3 Agus mhiannaich an sluagh uisge<sup>4</sup> ann an sin: agus rinn an sluagh gearan<sup>5</sup> an aghaibh Mhaois, agus thubhairt iad, C'ar son so a thug thu nòs sinn as an Eiphit, a chum sinn fèin a mhorbhadh, agus ar clann, agus ar sprèidh le tart?

4 Agus dh'èigh Maois ris an Tighearn, ag ràdh, Ciod a ni mi ris an t-sluagh so? is beag nach 'eil iad 'g am chlochadh.

5 Agus thubhairt an Tighearna re Maois, Imich roimh 'n t-sluagh, agus thoir leat cuid do sheanairibh Israeil: agus do shlat, leis an do bhuail thu an abhainn, gabh a' d' làimh, agus bi 'g imeaclid:

6 Feuch, seasaidh mise romhad 'an sin air a' charraig ann an Horeb, agus buailidh tusa a' charraig, agus thig uisg<sup>6</sup> a mach aise, a chum gu'n òl an sluagh. Agus rinn Maois mar sin ann an sealladh sheanairian Israeil.

7 Agus thug e mar ainm air an àite Masah agus Meribah, air son consachaidh<sup>7</sup> chloinn Israeil, agus do bhrì' gu'n do bhrosnuich<sup>8</sup> iad an Tighearn, ag ràdh, Am bheil an Tighearna 'nar measg, no nach 'eil?

8 'An sin thàinig Amalec, agus chog e re h-Israel ann an Rephidim.

9 Agus thubhairt Maois re Iosua, Tagh a mach dhuinn daoine, agus falbh a mach, cog re h-Amalec: am màireach seasaidh mise air nullach an t-sléibh, agus slat Dhé a'm' làimh.

10 Agus rinn Iosua mar a thubhairt Maois ris, agus chog e re h-Amalec. Agus chaidh Maois, Aaron agus Iur, suas gu mullach an t-sléibh.

11 Agus an uair a thog Maois suas a làmh, 'an sin bhuadhaich Israeil, agus an uair a leag e sìos a làmh, bhuadhaich Amalec.

12 Ach bha làmhnan Mhaois trom, agus ghabh iad clach, agus chuir iad fuidhe<sup>9</sup> i, agus shuidh e oirre: agus chum Aaron agus Iur suas a làmhnan, fear dhiubh air aon taobh, agus fear air an taobh eile; agus bha a làmhnan seasmhach gu dol fuidhe<sup>7</sup> na grèine.

13 Agus chlaoidh Iosua Amalec agus a dhaoine le faobhar a' chlaidheimh.

14 Agus thubhairt an Tighearna re Maois, Sgrìobh so mar chuimhneachan ann an leabhar, agus aithris e ann an cluasaibh Iosua: oir dubhaidh mise as gu tur cuimhne Amaleic o bhi fuidh<sup>8</sup> nèamh.

15 Agus thog Maois altair, agus thug e Iehobhab-Nisi mar ainm oirre:

16 Oir thubhairt e, Do bhrì' gu'n do mhionnaich an Tighearna, gu'm bi cogadh aig<sup>9</sup> an Tighearna re h-Amalec o linn gu linn.

## CAIB. XVIII.

**N**UAIR a chuala Ietro, sagart Mhidian, athair-céile Mhaois, gach ni a rinn Dia air son Mhaois, agus air son Israeil a shluaigh, gu'n d'thug an Tighearna a mach Israel as an Eiphit;

2 'An sin thug Ietro, athair-céile Mhaois, leis Siporah bean Mhaois, 'an déigh dha a cur air a h-ais,

3 Agus a dithis mhac, d'am b' ainm do h-aon diubh Gerson, (oir thubhairt e, A'm' choigreach bha mi ann an tìr choimhich.)

4 Agus b'e ainm an fhir eile Elieser, (oir rinn Dia m'athar, thubhairt e, còmhnaidh rium, agus shaor e mi o chlaidheamh Pharaoh)

5 Agus thàinig Ietro, athair-céile Mhaois, agus a mhac, agus a bhean, a dh'ionnsuidh Mhaois do'n fhàsach, far an do champaich e aig sliabh Dhé.

6 Agus thubhairt e re Maois, Tha mise d'athair-céile Ietro, air teachd a'd' ionnsuidh, agus do bhean, agus a dithis mhaemaille ria.

7 Agus chaidh Maois a mach 'an coinn-eamh athar-céile, agus rinn e ùmhlachd<sup>10</sup> dha, agus phog se e, agus dh'altaich iad beatha a' chéile<sup>11</sup>, agus thàinig iad a steach do'n bhùth.

8 Agus dh'innis Maois d'a athair-céile gach ni a rinn an Tighearn air Pharaoh, agus air nah-Eiphitich air sgàth Israeil, gach saothair<sup>12</sup> a thàinig orra air an t-slighe, agus cionnus a shaor an Tighearn iad.

9 Agus rinn Ietro gairdeachas a leth a' mhaith sin uile, a rinn an Tighearna do Israeil, a shaor e a làimh nan Eiphiteach.

10 Agus thubhairt Ietro, Beannaichte gu robh an Tighearn, a shaor sibh a làimh nan Eiphiteach, agus a làimh Pharaoh, a shaor an sluagh o bhi fuidh làimh nan Eiphiteach.

11 A nis tha fiosagam gur mò an Tighearna nà na h-uile dhée; oir anns an ni sin anns an do rinn iad gu h-uabhbreach, bha esan os an ceann.

12 Agus ghabh Ietro, athair-céile Mhaois, tabhartas-loisgte agus iobairte do Dhia: Agus thàinig Aaron, agus uile sheanairian Israeil a dh'itheadh arain maille re athair-céile Mhaois 'an làthair Dhé.

13 A nis air an là màireach shuidh Mhaois gu breth a thoirt air an t-sluagh; agus sheas an sluagh làimh re Maois o mhadainn gu feasgar.

14 Agus an uair a chunnaic athair-céile

<sup>1</sup> throid an sluagh. <sup>2</sup> Tabhair. <sup>3</sup> dhearbhas sibh, bhuaireas sibh, chuireas sibh cathaichadh air. <sup>4</sup> bha tart uisge air an t-sluagh. <sup>5</sup> geur-shamnt, comh-strìbh. <sup>6</sup> gu'n d'fheuch, gu'n

do dhearbhas. Eabh. <sup>7</sup> dol fodha, luidhe. <sup>8</sup> fo. <sup>9</sup> gu'n cathaich. <sup>10</sup> eòrom se e fèin. Eabh. <sup>11</sup> dh'fheadraich iad mu teas a chéile, ghabh iad sgeula mu shlàine a chéile. <sup>12</sup> dragh.

Mhaois gach *ni* a rinn e ris an t-sluagh, thubhairt e, Ciod e an *ni* so a tha thu deanamh ris an t-sluagh? C'ar son a ta thusa a'd' shuidhe a'd' aonar, agus a ta 'n sluagh uile a' seasamh laimh riut o mhadainn gu feasgar?

15 Agus thubhairt Maois r'a athair-céile, Do bhrì' gu'n d'thig an sluagh a'm' ionnsuidh a dh'fhiosrachadh o Dia.

16 'Nuair a bhios cùis aca, thig iad a m' ionnsuidh, agus bheir mi breth eadar duine agus duine, agus nochdaidh mi dhoibh ordughcan Dhé, agus a laghanua.

17 Agus thubhairt athair-céile Mhaois ris, Cha m'ath an *ni* a tu thu deanamh.

18 Caithidh<sup>1</sup> tu as gu tur, araon thu féin, agus an sluagh so a ta maille riut, oir a ta e *ni* *so* ro-throm air do shon; cha'n 'eil e 'n comas duit a dheanamh a'd' aonar.

19 A nis ma ta éisd re m' ghuth, bheir mi comhairl' ort, agus bithidh Dia maille riut: bi-sa air son an t-sluaigh 'an làthair Dhé, agus bheir thu na cùisean a dh'ionnsuidh Dhé:

20 Agus teagaisgidh tu dhoibh na h-ordughcan agus na laghanua, agus nochdaidh tu dhoibh an t-slighe air an còir dhoibh imeachd, agus an obair a's còir dhoibh a dheanamh.

21 Agus taghaidh tu a mach as an t-sluagh uile, daoine foghainteach<sup>2</sup>, air an bi eagal Dé, daoine fìrinneach, a dh'fhuath-àicheas samnt; agus cuiridh tu iad os an cionn 'nan uachdaranaibh<sup>3</sup> mhilte, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

22 Agus l'heir iad breth air an t-sluagh anns gach àm; ach gach cùis mhòr bheir iad a' d' ionnsuidh-sa, agus air gach cùis bhig bheir iad féin breth: mar sin bithidh e *ni* s eutruime dhuitse, agus iomcharaidh iadsan an callach maille riut.

23 Ma ni thu an *ni* so, agus gu'n àithn Dia sin dhuit, 'an sin is urrainn thu seasamh ris, agus mar an ceudna théid an sluagh so uile d'an àite féin 'an sìth.

24 A nis dh'éisd Maois re guth athar-céile, agus rinn e gach *ni* a thubhairt e.

25 Agus thagh Maois daoine foghainteach a mach a h-Israel uile, agus rinn e iad 'nan ceannardaibh air an t-sluagh; 'nan uachdaranaibh mhilte, 'nan uachdaranaibh cheuda, 'nan uachdaranaibh leth-cheuda, agus 'nan uachdaranaibh dheichnear.

26 Agus thug iad breth air an t-sluagh anns gach àm: na cùisean cruaidh thug iad a dh'ionnsuidh Mhaois, ach air gach cùis bhig thug iad féin breth.

27 Agus leig Maois le athair-céile imeachd; agus dh'fhalbh e roimhe d'a thìr féin.

## CAIB. XIX.

**A** NNS an treas mìos 'an déigh do chloinn Israel teachd a mach a thìr na h-Eiphit, 'san là sin féin thàinig iad gu fàsach Shinai.

2 Oir dh'imich iad o Rephidim, agus thàinig iad gu fàsach Shinai, agus champaich iad 'san fàsach; agus champaich Israel aon an sin fa chomhair an t-sleibh<sup>1</sup>,

3 Agus chaidh Maois suas a dh'ionnsuidh Dhé, agus ghairm an Tighearn air as an t-sliabh, ag ràdh, Mar so their thu re tigh Iacoib, agus innsidh tu do chloinn Israel:

4 Chunnaic sibh na rinn mi ris na h-Eiphitich, agus cionnus a ghiùlain mi sibhse mar air sgiathaibh iolaircan, agus a thug mi a m' ionnsuidh féin sibh.

5 A nis ma ta, ma dh'éisdeas sibh da rìcadh re m' ghuth, agus ma ghleidheas sibh mo choi-cheangal, an sin bithidh sibh dhomhsa 'nar n-ionmhas sonraichte<sup>5</sup> os cionn nan uile shluaigh: oir is leams' an talamh uile.

6 Agus bithidh sibh dhomhsa 'nar ròghachd shagart, agus 'nar ciunneach naomha. Is iad sin na briathran, a labhras tu re cloinn Israel.

7 Agus thàinig Maois, agus ghairm e air seanaircan an t-sluagh, agus chuir e rompa na briathra sin uile, a dh'àithn an Tighearna dha.

8 Agus fhreagair an sluagh uile le h-aon ghuth, agus thubhairt iad, Gach *ni* a labhair an Tighearna, ni sinne. Agus thug Maois air ais briathran an t-sluaigh a dh'ionnsuidh an Tighearna.

9 Agus thubhairt an Tighearna re Maois, Feuch, thig mis' a'd' ionnsuidh ann an neul tiugh, à chum gu'n cluinn an sluagh an uair a labhras mi riut, agus mar an ceudna gu'n creid iad thu gu sìorruidh. Agus dh'innis Maois briathran an t-sluaigh do'n Tighearna.

10 Agus thubhairt an Tighearna re Maois, Imich a dh'ionnsuidh an t-sluaigh, agus naombaich iad an diugh, agus am màircach, agus nigheadh iad an eudach,

11 Agus bitheadh iad deas air cheann an treas là<sup>6</sup>: oir air an treas là thig an Tighearn a nuas ann an sealladh an t-sluaigh uile air sliabh Shinai.

12 Agus suidhichidh tu crìocha do'n t-sluagh m' an cuairt, ag ràdh, Thugaibh an aire dhuibh féin, nach d'théid sibh suas do'n t-sliabh agus nach bean sibh r'a iomall: gach neach a bheanas ris an t-sliabh, gu ciunnteach cuircar gu bàs e.

13 Cha bhean lamh ris; oir gu deimhin clochar e, no sàthar sleaghl troimhe<sup>7</sup>: ma's ainmhidh no duine e, cha mhair e beo. 'Nuair a shéideas an trompaid<sup>8</sup> rè ùin' fhada, thig iad an a mìos do'n t-sliabh.

<sup>1</sup> Seargaidh. <sup>2</sup> comasach. <sup>3</sup> 'nan riagh-ladoiribh. <sup>4</sup> fa chomhair na beinne.

<sup>5</sup> seallbh àraid. <sup>6</sup> 'an coinneamh an treas là. <sup>7</sup> trid. Eir. <sup>8</sup> an adharc; stoc. Eir.



14 Agus chaidh Maois sìos o'n t-sliabh a dh'ionnsuidh an t-sluaigh, agus naomhaich e 'n sluagh, agus nigh iad an eudach.

15 Agus thubhairt e ris an t-sluaigh, Bithibh deas air cheann an treas là: na d'thigibh am fagus d'ar mnaibh.

16 Agus an uair a thàinig an treas là, annas a' mhadainn bha tairneanaich agus dealanaich ann, agus neul tigh air an t-sliabh, agus fuaim na trompaid ro-ard: agus chrìochnaich an sluagh uile a bha 'sa champa.

17 Agus thug Maois an sluagh a mach as a' champa 'an coimneadh Dhé, agus sheas iad aig ìochdar an t-sléibh<sup>1</sup>.

18 Agus bha sliabh Shinaì uile fa dheataich, do bhrì' gu'n d'thàinig an Tighearn a nuas air ann an teine; agus dh'éirich a dheataich suas mar dheataich àmhuinn<sup>2</sup>, agus chrìochnaich an sliabh uile gu mòr.

19 Agus an uair a bha fuaim na trompaid a' dol a mach, agus a' fàs ro-ladair, 'an sin labhair Maois, agus fhreagair Dia e le guth.

20 Agus thàinig an Tighearn a nuas air sliabh Shinaì, air mullach an t-sléibh: agus ghairm an Tighearn Maois suas gu mullach an t-sléibh, agus chaidh Maois suas.

21 Agus thubhairt an Tighearn re Maois, Imich sìos, thoir aithne do'n t-sluaigh<sup>3</sup>, an t-eagal gu'm bris iad a steach a dh'ionnsuidh an Tighearn a dh'amharc, agus gu'n tuit mòran diubh.

22 Agus mar an ceudna na sagairt a thig am fagus do'n Tighearn, uaomhaich-eadh iad iad fèin, an t-eagal gu'm bris an Tighearn a mach orra<sup>4</sup>.

23 Agus thubhairt Maois ris an Tighearn, Cha 'n'eil e 'n comas do'n t-sluaigh teachd a nìos do sliabh Shinaì; oir thug thu àithne dhuinn, ag ràdh, Cuir crìocha mu'n t-sliabh, agus naomhaich e.

24 Agus thubhairt an Tighearn ris, Imich romhad, falbh sìos, agus thig a nìos thu fèin, agus Aaron maille riut; ach na bris cadh na sagartan agus an sluagh a steach, gu teachd a nìos a dh'ionnsuidh an Tighearn, an t-eagal gu'm bris e mach orra.

25 Agus chaidh Maois sìos a dh'ionnsuidh an t-sluaigh, agus labhair e riu.

#### C A I B. XX.

**A** GUS labhair Dia na briathra so uile, ag ràdh,

2 Is mis an Tighearn do Dhia, a thug a mach thu a tìr na h-Eiphit, a tigh na daorsa.

3 Na biodh dée 'sam bith eile agad a'm' làthair-sa.

4 Na dean dhuìt fèin dealbh snaidhte<sup>5</sup>, no coslas 'sam bith a dh' uon ni, a ta 'sna

nèamhaibh shuas, no air an talamh shìos<sup>6</sup>, no 'sna h-uisgeachaibh fuidh 'n talamh.

5 Na cron thu fèin sìos doibh, agus na dean seirbhis doibh: oir mis' an Tighearn do Dhia, is Dia eudmhor mi. a' leantuinn aingidheachd nan aithreacha air a' chloinn, air an treas<sup>7</sup>, agus air a' cheathramh *ginclach* dhiubhsan, a dh'fhuathaicheas mi;

6 Agus a' nochdadh tròcair do mhiltibh dhiubhsan, a ghràdhaicheas mi, agus a choimhideas m'aiheanta.

7 Na tabhair<sup>8</sup> ainm an Tighearn do Dhé 'an dìomhanas; oir cha mheas an Tighearn neo-chiontach *esan* a bheir ainm an dìomhanas.

8 Cuimhnic' là na sàbaid a naomhach-adh.

9 Sè laithean saothraichidh tu, agus nì thu t'obair uile.

10 Ach air an t-seachdamh là tha sàbaid an Tighearn<sup>9</sup> do Dhé; air an là sin na dean obair 'sam bith, thu fèin, no do mhac, no do nighean, d'òglach, no do bhan-oglach, no d'ainmhidh, no do choigreach, a ta 'n taobh a stigh do d' gheataibh<sup>10</sup>:

11 Oir ann an sè laithibh rinn an Tighearn na nèamhan agus an talamh, an fhainge, agus gach nì a ta anna; agus ghabh e fois air an t-seachdamh là: air an aobhar sin bheannaich an Tighearn là na sàbaid, agus naomhaich se e.

12 Tabhair onoir do t'athair, agus do d' mbàthair; a chum as gu'm bi do làithean buan air an fhearann, a tha 'n Tighearn do Dhia a' toirt dhuìt.

13 Na dean mortadh.

14 Na dean adhaltraanas.

15 Na dean gaduigheachd.

16 Na tabhair fianuis bhréige 'n aghaidh do choimhearsnaich.

17 Na sanntaich tigh do choimhearsnaich; na sanntaich bean do choimhearsnaich, no òglach, no bhan-oglach, no dhamh<sup>11</sup>, no asal, no aon nì a's le do choimhearsnach.

18 Agus mhothaich<sup>12</sup> an sluagh uile na tairneanaich, agus na dealanaich, agus fuaim na trompaid, agus an sliabh fa dheataich<sup>13</sup>: agus an uair a chunnaic an sluagh sin, ghluais iad, agus sheas iad fad' o làimh<sup>14</sup>.

19 Agus thubhairt iad re Maois, Labhair thusa ruinn, agus èisdidh sinn: ach na labhradh Dia ruinn, an t-eagal gu'm faigh sinn bàs.

20 Agus thubhairt Maois ris an t-sluaigh, Na biodh eagal oirbh, oir is ann a chum bhuir dearbhadh a thàinig Dia, agus a chum gu'm bi eagal-san oirbh<sup>15</sup>, air chor as nach peacaich sibh.

21 Agus sheas an sluagh fad' o làimh,

<sup>1</sup> aig bun na beinne. <sup>2</sup> fuirneis, teallaich. <sup>3</sup> earail do'n t-sluaigh. <sup>4</sup> gu'n sgrìos an Tighearn iad. <sup>5</sup> iomhaigh shoighte, ghràbhalla. <sup>6</sup> a bhos. <sup>7</sup> gus an treas. <sup>8</sup> Na d'thoir. <sup>9</sup> do'n

Tighearn. Eabh. <sup>10</sup> dhorsaibh. <sup>11</sup> tharbh. Eabh. <sup>12</sup> chunnaic. Eabh. <sup>13</sup> ug smùidrich. <sup>14</sup> fad' as, fad' air astar. <sup>15</sup> air bhuir gnùis. Eabh.

agus thainig Maois am fagus do'n dor-  
chadas, far an robh Dia.

22 Agus thubhairt an Tighearna re  
Maois, Mar so their thu re cloinn Israeil,  
Chunnaic sibh gu'n do labhair mi ribh o na  
nèamhaibh.

23 Cha dean sibh maille rimsa dée  
airgid, agus dée òir cha dean sibh dhuibh  
féin.

24 Altair do thalamh ni thu dhomhsa,  
agus iobraidh tu oirre do thabhartaibh-loisgte,  
agus do thabhartaibh-sith, do chaoraich, agus  
dò dhaimh<sup>1</sup>: anns gach àite 'san d'hoir  
mise fa'near gu'n cuimhnichear m'ainm,  
thig mi a d' ionnsuidh, agus beannaichidh  
mi thu.

25 Agus ma ni thu altair chloiche  
dhomh, cha tog thu i le cloich shnaidhte;  
oir ma thogas tu d'inneal-snaidhidh suas  
oirre, truaidhidh tu i.

26 Ni mò theid thu suas air ceumaibh a  
dh'ionnsuidh m' altarach, a chum nach  
leigear ris do lomnochduigh<sup>2</sup> oirre.

## CAIB. XXI.

**A**NIS is iad so na breitheanais, a chuir-  
eas tu rompa.

2 Ma cheannaicheas tu òglach<sup>3</sup> Fabh-  
ruidhach, sè bliadhna ni e seirbhis; agus  
'san t-seachdamh theid e mach saor a nas-  
guidh.

3 Ma's ann a mhàin leis féin a thainig e  
steach, leis féin theid e mach; ma bha  
bean aige, theid nìar an ceudna a bhean a  
mach maille ris.

4 Ma thug a mhaighstir dha bean, agus  
gu'n d'rug i dha mic, no nigheana; bithidh  
a' bhean agus a clann aig a mhaighstir, agus  
theid esan a mach leis féin.

5 Ach ma their an t-òglach gu cinnteach,  
Is toigh lean mo mhaighstir<sup>4</sup>, mo bhean,  
agus mo chlann, cha d'theid mi mach saor:

6 'An sin bheir a mhaighstir e chum  
nam breitheamhna: bheir e nìar an ceudna  
chum an doruis e, no chum ursainn an  
doruis, agus tollaidh a mhaighstir a chluas  
le minidh, agus ni e seirbhis dha gu bràth.

7 Agus ma reiceas<sup>5</sup> duine a nighean gu  
bhi 'na ban-òglach<sup>6</sup>, cha d'theid i mach  
mar a theid na h-òglach.

8 Mur taitinn i r'a mhaighstir, a rinn  
ceangal-pòsaidh rìa, 'an sin bheir e fa'near  
gu'm fuasgailear i: re cinneach coimheach  
cha bhi comas aige a reiceadh, do bhrì' gun  
do bhuin e gu cealgach rìa.

9 Agus na cheangail e r'a mhac i, a réir  
modh nan nighean ni e rìa

10 Ma ghabhas e bean eile dha féin, a  
biadh, a h-eudach, agus a dlighe-òsaidh<sup>7</sup>  
cha lughdaich e<sup>8</sup>.

<sup>1</sup> do bhuar <sup>2</sup> do dlùmhhaireachd. <sup>3</sup> seir-  
bhisach, tràill, doorsanach. <sup>4</sup> Thu gràdh agam  
air mo mhaighstir. <sup>5</sup> chreiceas. <sup>6</sup> ban-tràill.  
<sup>7</sup> dubharaidh; dowry. Sagg. <sup>8</sup> cha chuir e'n  
lughad. <sup>9</sup> mur robh duine a' feitheamh fath.

11 Agus mur dean e na trì nìthe sin rìa  
'an sin theid i mach saor gun airgid.

12 Esan a bhuail eas duine air chòr as  
gu'm bàsaich e, gu cinnteach cuirear gu  
bàs e.

13 Agus mur do luidh duine 'am plaid<sup>9</sup>,  
ach gu'n d'thug Dia thairis g'a làimh<sup>10</sup> e,  
'an sin sònruichidh<sup>11</sup> mis' àite dhuit d'an  
teich e.

14 Ach ma thig duine gu dàna air a  
choimhearsnach, gu nìfearbhadh le ceilg, o  
m' altair bheir thu e, a chum gu'm bàsaich e.

15 Agus esan a bhuileas athair, no a  
mhàthair, gu cinnteach cuirear gu bàs e.

16 Agus esan a ghoideas duine, agus a  
reiceas e, no ma gheibhear 'na làimh e, gu  
cinnteach cuirear gu bàs e.

17 Agus esan a mhallaicheas athair no  
mhàthair, gu cinnteach cuirear gu bàs e.

18 Agus ma ni daoine comhstri<sup>12</sup>, agus  
gu'm buail duine a choimhearsnach le cloich,  
no le dhorn, agus nach faigh e bàs, ach  
gu'n gabh e a leaba:

19 Ma dh'èireas e, agus gu'n siubhail e  
mach air a luirg, 'an sin saor esan a  
bhuaile e; a mhàin diolaidh e air son call  
ùine, agus bheir e fa'near a leigheas gu  
h-iomlan.

20 Agus ma bhuail eas duine òglach, no  
bhan-òglach le slair, agus gu'm bàsaich e fa  
làimh, diolar air gu deimhin:

21 Ach ma mhaireas e beo<sup>12</sup> là no dà là,  
cha diolar air; oir is e airgid e.

22 Agus ma ni daoine comhstri<sup>13</sup>, agus  
gu'm buail iad bean thorrach, agus gu'n  
dealaich i r'a cloinn, ach nach faigh i bàs<sup>13</sup>;  
cuirear gu cinnteach ùbhlà air, a réir mar  
a chuireas fear na nna air, agus bheir e  
seachad mar a dh'orduicheas na breitheamh-  
na<sup>14</sup>.

23 Ach ma gheibh i bàs, 'an sin bheir thu  
anam air fon anma.

24 Sùil air son sula, fiacail air son fiacla,  
làmh air son làimhe, cos air son coise.

25 Losgadh air son losgaidh, lot<sup>15</sup> air son  
lotaidh, buille air son buille.

26 Agus ma bhuail eas duine sùil òglach,  
no sùil a bhan òglach, agus gu'mill e i,  
leigidh se as saor e air son a shùla.

27 Agus ma chuireas e fiacail a òglach,  
no fiacail as a bhan-òglach, leigidh se as  
saor e air son fhiacla.

28 Agus ma reubas damh<sup>16</sup> duine no  
bean le adhairc, agus gu'm faigh e bàs, gu  
cinnteach clochar an damh, agus cha'n ith-  
ear fheoil; ach bithidh sealbhadair an  
daimh neo-chiontach.

29 Ach ma ghnàthaich an damh sàthadh<sup>17</sup>  
le adhaircibh 'san aimsir roimhe sin, agus  
gu'n do dhearbhadh sin d'a' shealbhadair,

<sup>10</sup> dh'ionnsuidh a làimh. <sup>11</sup> sònruichidh,  
suidhichidh, orduichidh. <sup>12</sup> m' shéans' e ris.  
<sup>13</sup> nach d'thig beud 'na lorg. <sup>14</sup> breitheachan.  
<sup>15</sup> cneadh. <sup>16</sup> tarbh. Eabh. <sup>17</sup> ma bha'n  
damh gnaideach, ma d'abhuist da purradh.



agus nach do ghleidh e stigh e, agus gu'n do mharbh e duine no bean, clochar an damh, agus cuirear mar an ceudna a shealbhadair gu bàs.

30 Ma chuirear *airgiod-réitich* air, 'an sin bheir e mar éiric anma gc b'e ni a chuirear air.

31 Ma's mac a reub e le adhairc, no ma's nighean a reub e, a réir a' bhreitheanais so nithear ris.

32 Ma reubas an damh òglach no banoglach, bheir e deich secel 'ar fhiehead airgid d'am maighstir, agus clochar an damh.

33 Agus ma dh'fhosglas duine slochd, no ma chladhaicheas duine slochd, agus nach còmhdaich se e, agus gu'n tuit damh no asal ann;

34 Ni esan d' am buin an slochd suas an calldach, bhicir e airgid d'an sealbhadair, agus is leis féin am *beathach* marbh.

35 Agus ma reubas damh neach air bith damh neach eile, agus gu'm faigh e bàs, 'an sin reicidh iad an damh beo, agus roinnidh iad an t-airgid a *fhuaradh* air a shon, agus roinnidh iad mar an ceudna an damh marbh.

36 No ma bha fhios gu'n do ghnàthaich an damh sàthadh le adhaircibh 'san aimsir roimhe sin, agus nach do ghleidh a shealbhadair a stigh e, gu cinnteach òcaidh e damh air son daimh, agus is leis féin am marbh.

#### C A I B. XXII.

**M**A ghoideas duine damh no caora, agus gu marbh se e, no gu'n reic se e, diolaidh e <sup>1</sup> cuig daimh air son an daimh, agus ceithir eoraich air son na caorach.

2 Ma gheibhear gaduiche a' briseadh a stigh, agus gu'm buailear e, agus gu'm faigh e bàs, cha *dòirtear* fuil air a shon:

3 Ma bhios a' ghrian air éirigh air, *dòirtear* fuil air a shon. Ni esan a ghoideas dioladh iomlan <sup>2</sup>: mur *bi* ni 'sam bith aige, 'n sin reicear e air son a ghaduigheachd.

4 Ma gheibhear gu cinnteach a' mheirle <sup>3</sup> 'na làimh beo, ma's damh e, no asal, no caora: diolaidh se dúbailt' <sup>4</sup> e.

5 Ma bheir duine fa'near gu'n ithear suas tearann no fion-lios <sup>5</sup>, agus gu'n cuire e ainmhidh ann, agus gu'm biadhar e ann am fearann duin' eile; do'n chuid a's fearr d'a fhearann féin, agus do'n chuid a's fearr d'a fion-lios féin, ni e dioladh <sup>6</sup>.

6 Ma bhriseas teine a mach, agus gu'n tachair e air droighinn <sup>7</sup>, agus gu'n loisgear na cruathan arbhair, no 'n t-arbhar 'na shea-anmh, no'n t-achadh <sup>8</sup>; ni esan a rinn an losgadh gu cinnteach dioladh.

7 Ma bheir duine d'a choimhearsnach airgid, no airneas, g'a ghleidheadh, agus

gu'n goidear a tigh an duine e; ma gheibhear an gaduiche, diolaidh se dúbailt' e.

8 Mur faighear an gaduiche, 'an sin theid maighstir an tigh a dh'ionnsuidh nam breitheamhna, a dh' *fheuchann* co ac' a shìn e mach a làmh gu euid a choimhearsnaich.

9 Air son gach gnè ehoire, air son daimh, air son asail, air son caorach, air son eudaich, air son gach ni a chaidh chall, a their *neach eile* gur leis féin; an lathair nam breitheamhna thig cùis gach aon diubh: esan a dhiteas na breitheamhna, diolaidh e dúbailte d'a choimhearsnach.

10 Ma bheir duine d'a choimhearsnach asal, no damh, no caora, no ainmhidh 'sam bith g'a ghleidheadh, agus gu'm faigh e bàs, no gu'n ciurrar e, no gu'n iomaneair air falbh e, gun neach air bith 'ga fhaicinn:

11 *An sin* bithidh mionnan an Tighearn eatorra le ehéile, nach do shìn e a làmh gu cuid a choimhearsnach: agus gabhaidh a shealbhadair sin uaith, agus cha dean esan dioladh.

12 Agus ma ghoideadh uaith e, diolaidh e d'a shealbhadair.

13 Ma reubadh as a chéile e, thugadh e leis mar fhianuis e; air son an ni sin a chaidh reubadh, cha diòl e.

14 Agus ma dh'farras <sup>9</sup> duine *ni* 'an coingheal <sup>10</sup> o choimhearsnach, agus gu'n ciurrar e, no gu'm faigh e bàs, gun a shealbhadair a *bhi* maille ris: gu cinnteach diolaidh e.

15 *Ach* ma bhios a shealbhadair maille ris, cha diòl e: ma's *ni* air son tuarasdail <sup>11</sup> e, thàinig e air son a thuarasdail.

16 Agus ma mheallas duine maighdean, nach 'eil fuilidh cheangal-pòsaidh, agus gu'n luidh e leatha, gu cinnteach gabhaidh se i dha féin mar mhaoin.

17 Ma dhiùltas a h-athair gu tur a tabhairt da, diolaidh e airgid a réir tochraidh nam maighdean <sup>12</sup>.

18 Cha leig thu le ban-fhiosaiche <sup>13</sup> bhi beo.

19 Gc b'e neach a luidheas le h-ainmhidh, gu cinnteach cuirear gu bàs e.

20 Esan a dh'òbras do dheibh 'sam bith, ach do'n Tighearna a mhàin, gearras e.

21 Air coigreach cha chuir thu doilgheas, ni mo a ni thu foirneart air; oir bha sibh féin 'nar coigrich ann an tìr na h-Eiphit.

22 Re bantraich <sup>14</sup> 'sam bith, no di-leachdan <sup>15</sup>, cha bhuin sibh gu cruaidh.

23 Ma bhuineas tu air chor sam bith gu cruaidh riu, agus gu'm glaoth iad idir riumsa, éisidh mise gu cinnteach r'an glaoth.

24 Agus lasaidh suas mo ehorruich, agus marbhadh mi sibh leis a' chladheamh;

<sup>1</sup> bheir e uaith, aisgidh e, cuilichidh e.

<sup>2</sup> oir bu chòir dha dioladh iomlan a dheanamh.

<sup>3</sup> an ni sin a ghoid e. <sup>4</sup> dà-shillte. <sup>5</sup> fion-

ghàradh. <sup>6</sup> coir-leasachadh. <sup>7</sup> gu'm faigh e

droighinn. Eabh.

<sup>10</sup> air iasachd.

<sup>11</sup> réir croth nan òigh.

<sup>14</sup> bain-treabhaich.

<sup>8</sup> an raon. <sup>9</sup> ma ghabhas.

<sup>12</sup> a luach-saoithreach.

<sup>13</sup> huidsich, ban-bhusdraighe.

<sup>15</sup> leanabh gun athair.

agus bithidh bhuir mnà 'nam bantraichibh, agus bhuir clann 'nan dileachdain.

25 Ma bheir thu airgid 'an coingheall do neach air bith do m' shluagha a tu bochd làimh riut, cha bhi thu dha mar neach a chuireas airgid air riadh<sup>1</sup>; cha chum thu riadh air.

26 Ma ghabhas tu idir eudach do choimhearsnach ann an geall, mu dhol fodha na gréine bheir thu air ais dha e:

27 Oir is e sin a chòmhach a mhàin, is e eudach d'a chroicinn e: ciod annas an coidil e? agus an uair a dh'éigheas e rium, éisdidh mise; oir a tu mi tròcaireach.

28 Air breitheamhnaibh<sup>2</sup> cha labhair thu ole, agus uachdaran do shluaigh cha chàin<sup>3</sup> thu.

29 Ceud thoradh d'fhearainn, agus d'fhion-lios, gun dàil bheir thu seachd: ceud-ghin do mhac bheir thu dhomh-a.

30 Mar sin ni thu re d' chrodh, agus re d' chaoraich: seachd laithean bithidh e maille r'a mhàthair, air an ochdaimh là bheir thu dhomhs' e.

31 Agus bithidh sibh 'nar daoine naomha dhomhsa, agus féoil 'sam bith a reubadh le fìadh-bheathaichibh 'sa' mhachair, cha'n ith sibh: chum nan con tilgidh sibh i.

### CAIB. XXIII.

CHA tog thu tuairesgeul<sup>4</sup> bréige: na cuir do làmh maille ris an aingidh gu bhith d'fhianuis air an eucoir.

2 Cha lean thu a' mhòr chuideachd a dh'ionnsuidh an uile, agus cha labhair<sup>5</sup> thu ann an cùis, gu clao-nadh 'an déigh a' mhòrain, chum breth fhiaradh.

3 Agus re duine bochd cha bhi thu bàigheil<sup>6</sup> 'na chùis.

4 Ma thachairas tu air damh do nàmhaid, no asal a' dol air seacharan<sup>7</sup>, bheir thu gu cinnteach air ais e d'a ionnsuidh.

5 Ma chi thu asal duine aig am bhèil fuath dhuit a luidhe fa h-eallaich, agus gu'n smuainich thu air fannuinn o chomhnadh dheanamh ria, ni thu gu cinnteach comhnadh ria.

6 Cha chlaon<sup>8</sup> thu breth do bhochd 'na chùis.

7 O chùis-bhréige cum thu féin am fad; agus an neo-chiontach agus an t-ionraic na marbh: oir cha 'n thireanaich mise an t-aingidh.

8 Agus tiodhlac<sup>9</sup> cha ghabh thu; oir dallaidh tiodhlac na daoine glise, agus clao-naidh e briathra nan daoine ionraic.

9 Agus air coigreach na dean foirneart: oir is aithne dhuibh inntinn<sup>10</sup> coigrich, do bhri' gu'n robh sibh féin 'nar coigrich ann an ùr na h-Eiphit.

10 Agus sè bliadhnan cuiridh tu t'fhear-

ann, agus cruinnichidh tu stigh a thoradh<sup>11</sup>.

11 Ach air an t-seachdamh fagaidh tu mach<sup>12</sup> e, agus leigidh tu leis luidhe 'na thámh, a chum gu'n ith bochdan do shluaigh, agus na dh'fhàgas iadsan, gu'n ith beathaiche na machrach e. Air a' mhòd cheudna ni thu re d'fhion-lios, agus re d' lios-olaidh.

12 Sè laithean ni thu t'obair, agus air an t-seachdamh là gabhaidh tu fois; a chum gu faigh do dhàmh agus d'asal fois, agus gu faigh mac do bhan-oglaich agus an coigreach anail.

13 Agus a thaobh nan uile nithe a labhair mi ribh, bithibh faicilleach; agus air ainm dée eile na luaidhibh<sup>13</sup>: na cluinnear as bhuir beul e.

14 Tri uaire cumaidh tu féisd dhomsa 'sa bhliadhna.

15 Féisd an arain neo-ghoirtichte cumaidh tu: seachd laithean ithidh tu aran neo-ghoirtichte, mar a dh'àithn mi dhuit, 'san àm shuidhichte do'n mhòs Abib; oir anns a' mhòs sin thàinig thu mach as an Eiphit: agus cha d'thig neach air bith a'm' làthair-sa' falainh:

16 Agus féisd an fhogharaidh, ceud-thoraidh do shaoithreach, a chuir thu 'san fhearann: agus féisd a' chruinneachaidh<sup>14</sup> aig deireadh na bliadhna, 'nuair a chruinnicheas tu stigh toradh do shaoithreach as an fhearann.

17 Tri uairean 'sa' bhliadhna nochdargach fìrionn agad 'an làthair an Tighearna Dé.

18 Cha d'thoir thu seachd<sup>15</sup> fuil m' iobairt-sa le h-aran goirtichte, ni mò dh'fhanas<sup>16</sup> saill m' iobairt gu madainn.

19 Toiseach ceud-thoraidh d'fhearainn bheir thu do thigh an Tighearna do Dhé. Cha bhruidh thu meann ann am bainne a mhàthar.

20 Feuch, cuiridh mis' aingeal romhad, gu d' choimhead 'san t-slighe, agus gu d' thabhairt a steach do'n àit a dh'ulluich mi.

21 Bi faicilleach<sup>17</sup> 'na làthair, agus éisd r'a ghuth; na cuir 'na aghaidh<sup>18</sup>: oir cha lagh e bhur-cionta; oir a tu m'ainm annsan.

22 Ach ma dh'èisdeas tu da rìreadh r'a ghuth, agus ma ni thu gach ni a labhras mise, 'an sin bithidh mi a'm' nàmhaid do d' nàmhaid-sa<sup>19</sup>, agus claoidhidh mi iadsan a chlaoidheas thu:

23 Oir théid m' aingeal romhad, agus bheir e steach thu chum nan Amorach, agus nan Iliteach, agus nam Pèrid-each, agus nan Canaanach, nan Hibheach agus nan Iebusach; agus gearraidh mi as iad.

24 Cha chrom thu thu féin sìos d'an déibh, agus cha dean thu seirbhìs doibh,

<sup>1</sup> ocar. <sup>2</sup> déibh. Eabh. <sup>3</sup> cha mhallaich. <sup>4</sup> iomradh. <sup>5</sup> fhreagair. Eabh. <sup>6</sup> cha nochd thu iochd, cha 'n uidh thu leis, cha ghabh thu leis. <sup>7</sup> air fuontradh. <sup>8</sup> Cha'n fhiar. <sup>9</sup> tiodhlacadh, gihit. <sup>10</sup> eridhe. <sup>11</sup> bhàrr. <sup>12</sup> fàs.

<sup>13</sup> na deanaibh iomradh. <sup>14</sup> an tarraigh, a' chrothaidh. <sup>15</sup> cha taing thu. <sup>16</sup> dh'fhàgar. <sup>17</sup> Thoir an aire dhuit féin. <sup>18</sup> na brosnuich e, na cuir corruich air. <sup>19</sup> bithidh mi m' eas-caraid do d' eas-cairdibh.



ni mò a ni thu a réir an oibre : ach sgriosaidh tu gu tur iad, agus brisidh tu an dealbhan 'nam bloighdibh.

25 Agus ní sibh seirbhis do'n Tighearna bhur Dia, agus beannaichidh esan t'aran, agus t'uige, agus cuiridh mi euslaint air falbh o'r measg.

26 Cha tilg ni 'sam bith àl, ni mò a bhios e seasg a'd' thir : àireamh do làithean coi'-lionaidh mise.

27 Cuiridh mi m' eagal romhad, agus sgriosaidh mi an sluagh uile dh'ionnsuidh an d'théid thu, agus bheir mi air do naimh-dibh gu léir an cul a thionndadh riut.

28 Agus cuiridh mise cearnabhain' romhad, agus fògraidh iad a mach an t-Hibheach, an Canaanach, agus an t-Hit-each, as do làthair.

29 Cha tilg mi mach iad as do làthair ann an aon bhliadhna, an t-eagal gu'm bi 'm fearann air fhàsachadh, agus gu'm fàs fiadh-bheathaiche na machrach lionmhòr a'd' aghaidh.

30 A lion beag is beag<sup>2</sup> tilgidh mi mach iad as do làthair, gus an sìolaich thu, agus gu'n sealbhaich thu am fearann.

31 Agus suidhichidh mi do chrìochan o'n mhuir ruaidh cadhon gu nuig fairge nam Philisteach<sup>3</sup>, agus o'n fhàsach gu nuig an abhainn<sup>4</sup>: oir bheir nì thairis 'nar làmh luchd-àiteachaidh na tìre; agus tilgidh tu mach iad as do làthair.

32 Cha dean thu riu-san, no r'an dèibh coi'-cheangal 'sam bith.

33 Cha ghabh iad comhnuidh a'd' thir, an t-eagal gu'n d'thoir iad ort peacachadh a'm' aghaidh-sa le seirbhis a dheanamh d'an dèibh; agus gu'm bi sin 'na rìbe dhuit.

#### C A I B. XXIV.

**A** GUS thubhairt e re Maois, Thig a nìos a dh'ionnsuidh an Tighearna, thu fein agus Aaron, Nadab agus Abihu, agus tri fichead 'sa deich do sheanairibh Israeil: agus nì sibh aoradh fad' o làimh<sup>5</sup>.

2 Agus thig Maois 'na aonar am fagus do'n Tighearn, ach cha d' thig iadsan am fagus, ni mò théid an sluagh suas maille ris.

3 Agus thàinig Maois agus dh'innis e do'n t-sluagh briathran an Tighearn uile, agus na breitheanais uile: agus fhreagair an sluagh gu léir le h-aon ghuth, agus thubhairt iad, Gach nì a labhair an Tighearna, nì sinne.

4 Agus sgriobh Maois 'briathran an Tighearna uile, agus dh'éirich e gu moch 'sa' mhadaoin, agus thog e altair fuidh 'n t-sliabh, agus dà charragh<sup>6</sup> dheug a réir dhà thréibh dheug Israeil.

5 Agus chuir e uath òganaich do chloinn

Israeil, agus thug iad suas tabhartais loisgte, agus dh'ìobair iad iobairte-sìth do dhainh do'n Tighearna.

6 Agus ghabh Maois leth na fola, agus chuir e ann an cuachaibh i; agus leth na fola chrath e air an altair.

7 Agus ghath e leabhar a' choi'-cheangail, agus leugh e ann an éisdeachd an t-sluaigh; agus thubhairt iadsan, Gach nì a labhair an Tighearna, nì sinne, agus bheir sinn géill.

8 Agus ghabh Maois an fhuil, agus chrath e i air an t-sluagh, agus thubhairt e, Feuch, fuil a' choi'-cheangail a rinn an Tighearna ribh a thaobh nam briathra sin uile.

9 Agus chaidh Maois suas agus Aaron, Nadab agus Abihu, agus tri fichead 's a deich do sheanairibh Israeil.

10 Agus chunnaic iad Dia Israeil: agus fuidh chosaibh bha mar gu'm biodh obair<sup>7</sup> do chloiche shaphir, agus mar na nèamha féin<sup>8</sup> ann an soille.

11 Agus air maithibh<sup>9</sup> chloinn Israeil cha do chuir e a làmh: agus chunnaic iad Dia, agus dh'ith iad agus dh'òl iad.

12 Agus thubhairt an Tighearna re Maois. Thig a nìos a m' ionnsuidhsa do'n t-sliabh, agus bi 'n sin: agus bheir mise dhuit clàir chloiche, agus lagh, agus na h-àitheantan a sgrìobh mi, chum iadsan a theagasg.

13 Agus dh'éirich Maois suas, agus Iosua òglach: agus chaidh Maois suas do shliabh Dhé.

14 Agus thubhairt e ris na seanairibh, Fanaibh-sa ruinn 'an so gus am pill sinn d'ar n-ionnsuidh: Agus feuch, a ta Aaron agus Hur maille ribh: esan aig am bi cùis 'sam bith, thigeadh e d'an ionnsuidhsan.

15 Agus chaidh Maois suas do'n t-sliabh, agus chomhdaich neul an sliabh.

16 Agus chomhinnich glòir an Tighearna<sup>10</sup> air sliabh Shinaì, agus chomhdaich an neul e sè laithean: Agus dh'éigh e re Maois air an t-seachdamh là a meadhon an neoil.

17 Agus bha foillsachadh<sup>11</sup> glòir an Tighearna mar theine dian-loisgeach air mullach an t-sléibh ann an sùilb chloinn Israeil.

18 Agus chaidh Maois a steach 'am meadhon an neoil; agus chaidh e suas do'n t-sliabh: agus bha Maois 'an t-sliabh dà fhichead là agus dà fhichead oidhche.

#### C A I B. XXV.

**A** GUS labhair an Tighearna re Maois, Ag ràdh,

2 Labhair re cloinn Israeil, gu'n d' thoir iad a'm' ionnsuidh tabhartas: o gach duine a bheir seachad gu toileach e le chridhe, gabhaidh sibh mo thabhartas.

<sup>1</sup> conuichean, beùchan-cach mòra: hornets. <sup>2</sup> A' chuid, a' chuid; a' bheagan, a' bheagan. <sup>3</sup> Philisteach. <sup>4</sup> Euphrates. <sup>5</sup> fad' as. <sup>6</sup> stac. <sup>7</sup> obair làir, obair shnaidhte.

<sup>8</sup> mar chorp nan nèamh. Eabh. <sup>9</sup> air uaislibh, daoine mòra. <sup>10</sup> ghabh glòir an Tighearna comhdaich. <sup>11</sup> sealladh, cosumhlachd.

5 Agus is e so an tabhartas a ghabhas sibh uatha : òr, agus airgiod, agus ùmha<sup>1</sup>,

4 Agus gorm, agus corcùr<sup>2</sup>, agus scarlaid, agus anart<sup>3</sup> grunn, agus *fiomadh* ghabhar,

5 Agus croicinne reithachan air an dath dearg, agus croicinne bhroc, agus fiodh sitim,

6 Ola chum soluis, spìosraidh chum ola-ungaidh, agus a chum tùise deadh-bholaidh,

7 Clachan onics, agus clachan re'n cur anns an ephod, agus 'san uchd-éididh.

8 Agus nì iad dhomh *ionad* naomha, agus gabhaidh mise còmhnuidh 'nam measg.

9 A réir gach nì a leigeas mise dhuit fhaicinn, a *reir* samhlaidh<sup>4</sup> a' phàilliuin, agus samhlaidh airneis uile, eadhon mar sin nì sibh.

10 Agus nì iad àire<sup>5</sup> do fhiodh sitim : dà làmh-choille gu leth<sup>6</sup> a fad, agus làmh-choille gu leth a leud, agus làmh-choille gu leth a h-àirde.

11 Agus còmhdaichidh tu thairis i le h-òr fìor ghlan, a stigh agus a muigh còmhdaichidh tu thairis i; agus nì thu oirre coron<sup>7</sup> òir m'an cuairt.

12 Agus nì<sup>8</sup> thu air a son ceithir failbheagan òir, agus cuiridh tu iad air a ceithir oisinnibh; agus *bithidh* dà thailbheig air aon taobh dh'i, agus dà fhaillbheig air an taobh eile dh'i.

13 Agus nì thu bataichean<sup>9</sup> do fhiodh sitim, agus còmhdaichidh tu thairis iad le h-òr.

14 Agus cuiridh tu na bataichean anns na failbheagaibh air taobhan na h-àirce, chum an àire a ghiùlan leo.

15 Ann am failbheagaibh na h-àirce bithidh na bataichean : cha ghluaisear uaithe<sup>10</sup> iad.

16 Agus cuiridh tu 'san àire an fhianuis<sup>11</sup>, a bheir mise dhuit.

17 Agus nì thu cathair-thròcair<sup>12</sup> a dh'òr fìor-ghlan; dà làmh-choille gu leth a fad, agus làmh-choille gu leth a leud.

18 Agus nì thu dà cherub òir : a dh'obair bhualte nì thu iad aig dà cheann na cathair-thròcair.

19 Agus nì thu aon cherub aig aon cheann, agus cerub eile aig a' cheann eile do'n chathair-thròcair : nì sibh na ceruban aig a dà cheann.

20 Agus bithidh na ceruban a' sìneadh a mach an sgiath gu h-àrd, a' còmhdachadh na cathair-thròcair le'n sgiathaibh, agus an aghaidhean<sup>13</sup> r'a chèile : re cathair-na-tròcair bithidh aghaidhean nan cerub.

21 Agus cuiridh tu a' chathair-thròcair suas air an àire, agus anns an àire cuiridh tu an fhianuis a bheir mise dhuit.

22 Agus coinnichidh mise thu 'n sin,

agus labhraidh mi riut o uachdar na cathair-thròcair, o eadar an dà cherub a ta air àire na fianuis, a thaobh gach nì a dh'àithneas mi dhuit do chloinn Israeil.

23 Agus nì thu bòrd do fhiodh sitim; dà làmh-choille fhad, agus làmh-choille a leud, agus làmh-choille gu leth àirde.

24 Agus còmhdaichidh tu thairis e le h-òr fìor-ghlan, agus nì thu dha coron òir m'an cuairt.

25 Agus nì thu dha iomall<sup>14</sup> do leud boise m'an cuairt, agus nì thu coron òir d'a iomall m'an cuairt.

26 Agus nì thu dha ceithir failbheagan òir, agus cuiridh tu na failbheagan air na ceithir oisinnibh a ta aig a cheithir chos-aibh.

27 Fa chomhair an iomail bithidh na failbheagan, chum àitean do na bataichibh, agus am bòrd a ghiùlan.

28 Agus nì thu na baitaichean do fhiodh sitim, agus còmhdaichidh tu thairis iad le h-òr, agus giùla near am bòrd leo.

29 Agus nì thu a mhiasan<sup>15</sup>, agus a thùiseirean<sup>16</sup>, agus a cluachan<sup>17</sup>, agus a chopain, leis an d'hoircar seachad<sup>18</sup> iobairt-dìbhe; a dh'òr fìor-ghlan nì thu iad.

30 Agus cuiridh tu air a' bhord aran taisbeanta romhams' an còmhnuidh :

31 Agus nì thu coinnleir a dh'òr fìor-ghlan; a dh'obair bhualte nìthcar an coinnleir. Bithidh a chos, agus a mheoir<sup>19</sup>, a chopain, a chnapan<sup>20</sup>, agus a bhàltha, do'n obair cheudna.

32 Agus thig se meoir a mach as a thaobhan; trì meoir a' choinnleir a h-aon taobh dheth, agus trì meoir a' choinnleir as an taobh eile dheth :

33 Tri copain air an deanamh cosmhuil re almonaibh ann an aon mheur, *maille re* cnap agus blàth; agus trì copain air an deanamh cosmhuil re almonaibh anns a' mheur eile, *maille re* cnap agus blàth : mar sin anns na sè meoir a thig a mach as a' choinnleir.

34 Agus anns a' choinnleir *bithidh* ceithir copain air an deanamh cosmhuil re almonaibh, *maille re* 'n cnapaibh agus am blàth-aibh.

35 Agus *bithidh* cnap fuidh dhà mheur dheth, agus cnap fuidh dhà mheur dheth, agus cnap fuidh dhà mheur dheth; *mar sin* do na sè meoir a thig a mach as a' choinnleir.

36 Bithidh an cnap agus am meoir do'n obair cheudna : *bithidh* e uile 'na aon obair bhualte do òr fìor-ghlan.

37 Agus nì thu dha seachd lòchrain : agus cuirear suas<sup>21</sup> a lòchrain, a chum gu'n d'hoir iad solus thall fa chomhair.

<sup>1</sup> unga, prais. <sup>2</sup> purpur. <sup>3</sup> lion-eudach. <sup>4</sup> deibh, cumaidh, saimpeir, coslais. <sup>5</sup> cobhan, ciste. <sup>6</sup> dà làmh-choille agus leth làmh-choille. <sup>7</sup> crùn, fleasg. <sup>8</sup> tilgidh, leagaidh. <sup>9</sup> lunnan, maidean. <sup>10</sup> uaipe. <sup>11</sup> an teistean. <sup>12</sup> uuch-

dar, còmhdach na h-àirce; snidhe trècair. <sup>13</sup> an eudan. <sup>14</sup> imeall, foir. <sup>15</sup> shoithichean. <sup>16</sup> lùghan, ladair, spàinean. <sup>17</sup> a sgà'an. <sup>18</sup> an tomar a mach; an còmhdaichear. <sup>19</sup> a mheanglain. <sup>20</sup> a mhill. <sup>21</sup> lussar.



38 Agus *bithidh* a chlobhachan, agus a smàl-shoithichean a dh'òr fìorghlan.

39 *Do* thalann a dh'òr fìor-ghlan nithear e, maille ris na soithichibh sin uile.

40 Agus feuch gu'n dean thu iad a réir an t-samhlaidh, a chaidh leigeadh dhuit fhacinn 'san t-sliabh.

## CAIB. XXVI.

**A**GUS ni thu 'm pàilliu le deich cùirt-einibh a *dh'* anart grinn toinnte, agus *do* ghorm, agus *do* chorcur, agus *do* scarlaid; *maille* re cerubaibh a *dh'* obair ealanta<sup>1</sup> ni thu iad:

2 Fad aon chùirtein<sup>2</sup> ochd làmh-choille thar fhichead, agus leud aon chùirtein, ceithir làmh-choille: an t-aon tomhas do na cùirteinibh uile.

3 Bithidh cùig cùirteinean air an ceangal gach aon r'a chéile; agus na cùig cùirteinean eile air an ceangal gach aon r'a chéile.

4 Agus ni thu lùban do ghorm air fòr aon chùirtein, o'n iomall anns a' choi-cheangal: agus air a' mhoda cheudna ni thu 'am fòir a' chùirtean a's fhaid<sup>3</sup> a mach, ann an coi-cheangal an dara *h-aon*.

5 Leth-cheud lùb ni thu ann an aon chùirtein, agus leth-cheud lùb ni thu 'am fòir a' chùirtein a *ta* ann an coi-cheangal an dara *h-aon*; a chium's gu'n gabh na lùban greim d'a chéile.

6 Agus ni thu leth-cheud cromag<sup>2</sup> òir, agus ceanglaidh tu na cùirteinean r'a chéile leis na cromagaibh: agus bithidh e 'na aon phàilliu.

7 Agus ni thu cùirteine *do fhionna* ghabhar *gu bhì* 'nan còmhdach air a' phàilliu: aon chùirtein deug ni thu dliubh.

8 Fad aon chùirtein deich làmh-choille thar fhichead, agus leud aon chùirtein ceithir làmh-choille: *bithidh* an t-aon chùirtein deug *uile* dh'aon tomhas.

9 Agus cuiridh tu re chéile cùig cùirteine leò fèin, agus sè cùirteine leò fèin, agus dùblaichidh tu'n seathadh cùirtein air taobh beoil a' bhùtha.

10 Agus ni thu leth-cheud lùb air fòir an aon chùirtein a's fhaid<sup>3</sup> a mach 'sa' choi-cheangal, agus leth-cheud lùb air fòir a' chùirtein, a tha coi-cheangal an dara *h-aon*.

11 Agus ni thu leth-cheud cromag a dh'ùmha, agus cuiridh tu na cromagan anns na lùbaibh, agus cuiridh tu 'm bùth re chéile, air chor as gu'm bi e 'na aon.

12 Agus am fuigheal a dh'fhàgar do chùirteinibh a' bhùtha, leth a' chùirtein a dh'fhàgar, crochar e thar taoibh cùil a' phàilliu.

13 Agus làmh-choille air an taobh so, agus làmh-choille air an taobh eile do na dh'fhàgadh air *am* fad do chùirteinibh a' bhùtha, crochar e thar taobhan a' phàilliu,

air an taobh so, agus air an taobh eile, g'a chòmhdachadh.

14 Agus ni thu còmhdach air son a' bhùtha *do* chroicnibh<sup>3</sup> reitheachan air an dath<sup>4</sup> dearg, agus còmhdach do chroicnibh bhroc os a cheann.

15 Agus ni thu buird air son a' phàilliuin *do fhiodh* sitim, 'nan seasamh:

16 Deich làmh-choille fad buird, agus làmh-choille gu leth leud aon bhuird.

17 *Bithidh* dà làimh aig aon bhord, air an cur 'an ordugh fa chonhair a' chéile; mar so ni thu do uile bhordaibh a' phàilliuin.

18 Agus ni thu na buird air son a' phàilliuin, fichead bord air an taobh deas, ris an airde deas.

19 Agus ni thu dà fhichead cas<sup>4</sup> airgid, fuidh 'n fhichead bord: da chois fuidh aon bhord a réir a dhà làimh, agus dà chois fuidh bhord eile a réir a dhà làimh.

20 Agus air son an dara taoith do'n phàilliuin air an taobh tuath, fichead bord;

21 Agus an dà fhichead cas a *dh'* airgid, dà chois fuidh aon bhord, agus dà chois fuidh bhord eile.

22 Agus air son thaoibh a' phàilliuin air an làimh an iar, ni thu sè buird.

23 Agus dà bhord ni thu air son oisinn-ean a' phàilliuin 'san dà thaoibh.

24 Agus bithidh iad air an coi-cheangal fuidhe, agus mar an ceudna bithidh iad air an coi-cheangal os a cheann re aon fhailbheig; mar so nithear dhoibh le chéile; bithidh iad air son an dà oisinn.

25 Agus bithidh ochd buird ann, agus an casan a *dh'* airgid, sè casa deug; dà chois fuidh aon bhord, agus dà chois fuidh bhord eile.

26 Agus ni thu croinn do fhiodh sitim; cùig air son nam bord air aon taobh do'n phàilliu.

27 Agus cùig croinn air son nam bord air an taobh eile do'n phàilliu, agus cùig croinn air son bhord taoith a phàilliuin air son an dà thaoibh an iar.

28 Agus ruigidh an crann meadhonach ann am meadhon nam bord o cheann gu ceann.

29 Agus còmhdachidh tu thairis<sup>5</sup> na buird le *h-òr*, agus ni thu 'm failbheagan a *dh'òr* mar àiteachan do na crannaibh: agus còmhdachidh tu thairis na croinn le *h-òr*.

30 Agus togaidh tu suas am pàilliu a réir a shamhlaidh<sup>6</sup>, a nochdadh dhuit 'san t-sliabh.

31 Agus ni thu brat *do* ghorm, agus *do* chorcur, agus *do* scarlaid, agus a *dh'* anart grinn<sup>7</sup> toinnte: a dh'obair ealanta nithear e, le cerubaibh.

32 Agus crochaidh tu e air ceithir post-aibh *do fhiodh* sitim, air an còmhdachadh

<sup>1</sup> innleachdaich. <sup>2</sup> clasp. <sup>3</sup> chruicnibh.

<sup>4</sup> bonn, pulg, socait. <sup>5</sup> cuiridh tu thairis.

<sup>6</sup> a chumachd. <sup>7</sup> caol, nùn, fìnealta.

thairis le h-òr : agus *bithidh* an cromagan a *dh'òr*, air na ceithir bonnaibh <sup>1</sup> airgid.

33 Agus crochaidh tu suas am brat fuidh na cromagaibh, agus bheir thu steach ann an sin àirc na fianuis, an taobh a stigh do'n bhrat : agus roinnidh am brat dhuibhsan eadar an *t-ionad* naomha agus an *t-ionad* ro-naomha.

34 Agus cuiridh tu cathair-na-tròcair air àirc na fianuis, 'san *ionad* ro-naomha.

35 Agus cuiridh tu 'm bord an leth muigh do'n bhrat, agus an coinnleir fa chomhair a' bhuird air taobh deas a' phàilliuin : agus cuiridh tu 'm bord air an taobh tuath.

36 Agus ni' thu còmh-dach <sup>2</sup> air son doruis a' bhùtha, do ghorm, agus do chorcur, agus do scarlaid, agus do anart grinn toinnte, oibrichte le h-obair gréis <sup>3</sup>.

37 Agus ni thu air son a' chòmhlaidh cùig postan <sup>4</sup> do fhiodh sitim, agus còmh-daichidh tu thairis iad le h-òr, agus *bithidh* an cromagan a *dh'òr*, agus tilgidh tu air an son cùig buinn ùmha <sup>5</sup>.

## CAIB. XXVII.

**A**GUS ni thu altair do fhiodh sitim ; cùig làmha-coille air fad, agus cùig làmha-coille air leud : *bithidh* an altair ceithir-chearnach, agus a h-airde tri làmha-coille.

2 Agus ni thu a h-adhaircean <sup>6</sup> air a ceithir oisinnibh : *bithidh* a h-adhaircean do'n ni cheudna : agus còmh-daichidh tu thairis i le h-ùmha.

3 Agus ni thu a h-aigheannan a ghabhail a luaithe, agus a slusaidean, agus a cuachan <sup>7</sup>, agus a greimichean, agus a h-aigheannan-teine : a soithichean uile ni thu a *dh'ùmha*.

4 Agus ni thu dh'i cliath do lìon-obair ùmha : agus ni thu air an lìon ceithir failbheagan ùmha air a cheithir oisinnibh.

5 Agus cuiridh tu e fuidh chuairt na h-altarach gu h-ìosal, agus *bithidh* an lìon gu nuig meadhon na h-altarach.

6 Agus ni thu bataichean <sup>8</sup> do'n altair, bataichean do fhiodh sitim, agus còmh-daichidh tu thairis iad le h-ùmha.

7 Agus cuirear na bataichean anns na failbheagaibh, agus *bithidh* na bataichean air dà thaobh na h-altarach g'a giùlan.

8 Fàs le bordaibh ni thu i : mar a nochdadh dhuith 'san t-sliabh, mar sin nith-eir i.

9 Agus ni thu cùirt a phàilliuin air an taobh deas, re deas : *bithidh* cùirteinean air son na cùirte do anart grinn toinnte ; ceud làmh-choille am fad, air aon taobh.

10 Agus *bithidh* a fhead post, agus am fhead bonn a *dh'ùmha* : *bithidh* cromagan nam post, agus an cuairteagan a *dh'airgiod*.

11 Agus mar an ceudna air an taobh

tuath air fad, *bithidh* cùirteine ceud làmh-choille air fad, agus a fhead post, agus am fhead bonn a *dh'ùmha* : cromagan nam post, agus an cuairteagan, a *dh'airgiod*.

12 Agus air leud na cùirte air an taobh an iar, *bithidh* cùirteine do leth-cheud làmh-choille : am puist deich, agus am buinn deich.

13 Agus *bithidh* leud na cùirte air an taobh an ear, ris an aird an ear, leth-cheud làmh-choille.

14 Agus *bithidh* na cùirteine air aon taobh cùig làmha-coille deug : am puist tri, agus am buinn tri.

15 Agus air an taobh eile *bithidh* a cùirteine cùig làmha-coille deug : am puist tri, agus am buinn tri.

16 Agus air son geataidh na cùirte *bithidh* brat a dh'fhichead làmh-choille, do ghorm, agus do chorcur, agus do scarlaid, agus a *dh'anart* grinn toinnte, oibrichte le h-obair snàthaide : am puist ceithir, agus am buinn ceithir.

17 *Bithidh* na puist uile timchioll na cùirte air an ceangal m'an cuairt <sup>9</sup> le h-airgiod : *bithidh* an cromagan a dh'airgiod, agus am buinn a *dh'ùmha* :

18 Fad na cùirte ceud làmh-choille, agus a leud leth-chend làmh-choille 'sgach àite, agus a h-airde cùig làmha-coille, a *dh'anart* grinn toinnte ; agus am buinn a *dh'ùmha*.

19 *Bithidh* uile shoithichean a' phàilliuin, 'na sheirbhis uile, agus a phlinneachan uile, agus pinneach na cùirte uile do ùmha.

20 Agus àithnidh tu do chloinn Israeil, gu'n d'hoir iad a t'ionnsuidh oladh fhiorghlan a' chroinn-olaidh, brùite air son an t-soluis, a thoirt air an lòchran <sup>10</sup> lasadh an còmhnuidh.

21 Ann am bùth a' choi-thionail an taobh a muigh do'n bhrat, a *ta* fa chomhair na fianuis, orduichidh Aaron e, agus a mhic, o fheasgar gu madainn 'an làthair an Tighearna : *bithidh* e 'na reachd sìorruidh d'an ginealachaidh, a leth chloinn Israeil.

## CAIB. XXVIII.

**A**GUS gabh a t' ionnsuidh Aaron do bhràthair, agus a mhic maille ris, o mheasg chloinn Israeil, a chum gu fritheil e dhomhsa ann an dreuchd an t-sagairt, eadhon Aaron, Nadab agus Abihu, Eleasar agus Itamar, mic Aaron.

2 Agus ni thu éididh <sup>11</sup> naomha do d' bhràthair Aaron, air son glòir, agus air son naise.

3 Agus labhraidh tu riu-san uile a *ta* glic' an cridhe, a lìon mise le spiorad a' ghliocais ; agus ni iad éididh Aaron, g'a choisrigeadh, a chum gu fritheil e dhomhs' ann an dreuchd an t-sagairt.

4 Agus so an éididh a ni iad : uchd-éididh, agus ephod, agus falluing, agus còta

<sup>1</sup> bunaitibh. <sup>2</sup> brat. <sup>3</sup> obair snàthaide.

<sup>4</sup> trostain. <sup>5</sup> praise. <sup>6</sup> goiricean.

<sup>7</sup> soithichean-crathaidh. <sup>8</sup> lunnan. <sup>9</sup> cuir-tichte. <sup>10</sup> lampa. <sup>11</sup> eudaichean.



iomadh-dathach<sup>1</sup>, crùn-sagairt, agus crios : agus nì iad éididh naomha air son Aaroin do bhràthar, agus air son a mhac, a chum gu fritheil e dhomhs' ann an drcuchd an t-sagairt.

5 Agus gabhaidh iad òr, agus gorm, agus corcur, agus scarlaid, agus anart grinn.

6 Agus nì iad an ephod do òr, do ghorm, agus do chorcur, agus do scarlaid, agus do anart grinn toinnte, le h-obair ealanta.

7 Bithidh an dà mhìr-guailne<sup>2</sup> aice ceangailte r'a chèile aig a dà fhoir; agus mar sin cuirear re chèile i.

8 Agus bithidh crios riomhach<sup>3</sup> na h-ephoid a ta air a h-uachdar, a réir a h-oibre féin, do'n nì cheudna<sup>4</sup>, eadhon do òr, do ghorm, agus do chorcur, agus do scarlaid, agus do anart grinn toinnte.

9 Agus gabhaidh tu dà chloich onics, agus gearraidh tu orra ainmeanna chloinn Israeil.

10 Se d'an ainmibh air aon chloich, agus sè ainmeanna chàich air a' chloich eile<sup>5</sup>, a réir an sinead<sup>6</sup>.

11 Le h-obair gearradair 'an cloich<sup>7</sup>, le gearradh seulaidh, gearraidh tu an dà chloich, le ainmibh chloinn Israeil: bheir thu fa'near an ceangal<sup>8</sup> ann am failibh òir<sup>9</sup>.

12 Agus cuiridh tu an dà chloich air guailnibh na h-ephoid, mar chlocha cuimhneachain do chloinn Israeil. Agus giùlainidh Aaron an ainmean ann an làthair an Tighearn air a dhà ghualainn, mar chuimhneachan.

13 Agus nì thu failean òir;

14 Agus dà shlabhruidh, a dh'òr fìorghlan aig na cinn: nì thu iad a dh'obair fhighte, agus ceanglaidh tu na slabhruidhean fichte ris na failean:

15 Agus nì thu uchd-éididh a' bhreitheanais le h-obair ealanta; a réir oibre na h-ephoid nì thu i: do òr, do ghorm, agus do chorcur, agus do scarlaid, agus do anart grinn toinnte nì thu i.

16 Ceithir-chearnach bithidh i, agus dà fhille<sup>10</sup>; réis a fad, agus réis a leud.

17 Agus cuiridh tu innte suidheachadh chlach<sup>11</sup>, eadhon ceithir sreathan<sup>12</sup> chlach; a' cheud sreath, sardius, topas, agus carbuncle: so a' cheud freath.

18 Agus an dara sreath; emerald, saphir, agus daoimein<sup>13</sup>.

19 Agus an treas sreath; ligur, agat, agus ametist.

20 Agus an ceathramh sreath; beril, agus onics, agus iasper: ceanglar iad le h-òr 'nan suidheachadh.

21 Agus bithidh na clochan le ainmibh chloinn Israeil, a dhà dheug, a réir an

ainmeanna: le gearradh seulaidh, bithidh gach aon aca le h-ainm féin a réir an dà thrèibh dheug.

22 Agus nì thu air an uchd-éididh slabhruidhean aig na cinn, a dh'obair fhighte<sup>14</sup> dh'òr fìorghlan.

23 Agus nì thu air an uchd-éididh dà fhàinne òir, agus cuiridh tu'n dà fhàinne air dà cheann na h-uchd-éididh.

24 Agus cuiridh tu 'n dà shlabhruidh fhighte òir 'san dà fhàinne, a ta air cinn na h-uchd-éididh.

25 Agus dà cheann eile na dà shlabhruidh fhighte daingnichidh tu anns an dà fhail, agus cuiridh tu iad air mìribh-guailne na h-ephoid air a beulaobh.

26 Agus nì thu dà fhàinne òir, agus cuiridh tu iad air dà cheann na h-uchd-éididh, 'san fhoir sin dith, a ta aig taobh na h-ephoid a stigh.

27 Agus nì thu dà fhàinne eile do òr, agus cuiridh tu iad air dà thaobh na h-ephoid, fuipe, làmh r'a cuid-toisich, fa chomhair a coi-cheangal eile, os cionn crios riomhach na h-ephoid.

28 Agus ceanglaidh iad an uchd-éididh leis a' fàinnibh, re fàinnibh na h-ephoid le h-éill<sup>15</sup> ghuirni, chum as gu'm bi i os cionn crios riomhach na h-ephoid, agus nach fuasglar an uchd-éididh o'n ephoid.

29 Agus giùlainidh Aaron ainmeanna chloinn Israeil ann an uchd-éididh a' bhreitheanais, air a chridhe, 'nuair a théid e steach do'n ionad naomha, mar chuimhneachan ann an làthair an Tighearn a ghnà.

30 Agus cuiridh tu ann an uchd-éididh a' bhreitheanais, an Urim agus an Tummin; agus bithidh iad air cridhe Aaroin, an uair a théid e steach 'an làthair an Tighearn: agus giùlainidh Aaron breitheanas chloinn Israeil air a chridhe ann an làthair an Tighearn 'an còmhnuidh.

31 Agus nì thu falluing na h-ephoid uile do ghorm.

32 Agus bithidh toll 'na mullach, 'na meadhon<sup>16</sup>: bithidh foir<sup>17</sup> aice timchioll a tuill a dh'obair fhighte, mar tholl lùiriche-màillich, a chum as nach reubar i.

33 Agus gu h-ìosal air a h-ìomall nì thu pomgranata do ghorm, agus do chorcur, agus do scarlaid, air a h-ìomall m'an cuairt; agus cluig òir eatorra m'an cuairt:

34 Clag òir agus pomgranat, clag òir agus pomgranat, air ìomall na falluinge m'an cuairt.

35 Agus bithidh i air Aaron gu frithealadh: agus cluinnear a fuaim, an uair a théid e steach do'n ionad naomh 'an làthair an Tighearn, agus an uair a thig e mach; a chum nach bàsaich e.

<sup>1</sup> do obair gréis, riomhach, ainmeanh. <sup>2</sup> dà ghuaillcachan, dà chlàr-guailne. <sup>3</sup> crios ainmeanh; obair ealanta, Eabh. <sup>4</sup> do'n stubh cheudna. <sup>5</sup> air an darnu cluich. <sup>6</sup> a réir an breith; a réir an ginealach, Eabh. <sup>7</sup> clach-

shnaidheadair. <sup>8</sup> an cur, an suidheachadh. <sup>9</sup> fuinnean, foirean òir. <sup>10</sup> air a dublachadh. <sup>11</sup> ùlch chloch. <sup>12</sup> sreudan. <sup>13</sup> diamant. Sasg. <sup>14</sup> thoinnte. <sup>15</sup> cordail; lace. Sasg. <sup>16</sup> toll a mullaich 'na meadhon. <sup>17</sup> òir.

36 Agus ni thu leachd <sup>1</sup> a dh' òr fìor-ghlan, agus gearraidh tu oirre *cosmhail re* gearradh seulaidh, NAOMHACHD DO'N TIGHEARNA.

37 Agus cuiridh tu i air éill ghuirn, agus bithidh i air a' chrùn-sagairt: air taobh beoil a' chrùn-sagairt bithidh i.

38 Agus bithidh i air clàr eudain Aaroin, agus giùlainidh Aaron cionta nan nithe naomha, a choisrigeas clann Israeil 'nan tiodhlacaibh naomha uile: agus bithidh i àir clàr eudain 'an còmhnuidh, a chum as gu'm bi iad taitneach 'an làthair an Tighearna.

39 Agus ni thu 'n còta le h-obair gréis a dh'anart grinn, agus ni thu 'n crùn-sagairt a dh'anart grinn, agus ni thu 'n crios a dh'obair snàthaide.

40 Agus do mhic Aaroin ni thu còtaichean, agus ni thu dhoibh criosan, agus boineidean ni thu dhoibh, air son glòir agus air son maise.

41 Agus cuiridh tu iad air Aaron do bhràthair, agus air a mhic maille ris; agus ungaidh tu iad, agus coisrigidh tu iad, agus naomhaichidh tu iad; agus frithealaidh iad dhomhs' ann an dreuchd an t-sagairt.

42 Agus ni thu dhoibh briogais anairt a dh'fholach' an nochd <sup>2</sup>: o'n leasruidh eadhon gus an sléisdean ruigidh iad.

43 Agus bithidh iad air Aaron, agus air a mhic, an uair a thig iad a stigh do phàilliun a' choi'-thionail, no 'nuair a thig iad am fagus do'n altair, a fhrithealadh <sup>3</sup>san ionad naomha; chum as nach giùlain iad aingidheachd, agus nach faigh iad bàs: *bithidh e* 'na reachd sìorruidh dha fèin, agus d'a shliochd 'na dhèigh.

## CAIB. XXIX.

**A**GUS so an ni a nì thu riu chum an coisrigeadh, gu frithealadh dhomhs' ann an dreuchd an t-sagairt: Gabh aon tarbh òg, agus dà reithe gun ghaoid <sup>4</sup>,

2 Agus aran neo-ghoirtichte, agus breacagan neo-ghoirtichte, coi'-measga le h-oladh, agus gearragan <sup>5</sup> neo-ghoirtichte, ungta le h-ola: do phlùr <sup>6</sup> a' chrùithneachd ni thu iad.

3 Agus cuiridh tu iad ann an aon bhascaid, agus bheir thu iad leat 'sa' bhascaid, maille ris an tarbh òg agus an dà reithe.

4 Agus bheir thu Aaron agus a mhic gu dorus pàilliun a' choi'-thionail, agus ionnailidh <sup>7</sup> tu iad le h-uisge.

5 Agus gabhaidh tu an éididh, agus cuiridh tu 'n còta air Aaron, agus falluing na h-ephod, agus an ephod, agus an uchd-éididh, agus criosraichidh tu e le crios rìomhach na h-ephod.

6 Agus cuiridh tu 'n crùn-sagairt air a cheann, agus an crùn naomh air a' chrùn-sagairt.

7 Agus gabhaidh tu 'n oladh-ungaidh,

agus dòirtidh tu air a cheann i, agus ungaidh tu e.

8 Agus bheir thu leat a mhic, agus cuiridh tu còtaichean orra.

9 Agus criosraichidh tu iad le criosaibh (Aaron agus a mhic) agus cuiridh tu na boineidean orra: agus is leosan dreuchd an t-sagairt le reachd bith-bhuan: agus coisrigidh tu Aaron agus a mhic.

10 Agus bheir thu fa'near an tarbh a thoirt gu beulaobh pàilliun a' choi'-thionail: agus cuiridh Aaron agus a mhic an làmhau air ceann an tairbh.

11 Agus marbhaidh tu 'n tarbh 'an làthair an Tighearna, làmh re dorus pàilliun a' choi'-thionail.

12 Agus gabhaidh tu do fhuil an tairbh, agus cuiridh tu i air adhaireibh na h-altarach le d'mheur, agus doirtidh tu 'u fhuil uile aig bun na h-altarach.

13 Agus gabhaidh tu 'n t-saill uile *ta* còmhdachadh a' mhìonaich, agus an scairt *a ta* os cionn nan àinean <sup>8</sup>, agus an dà àra <sup>9</sup>, agus an t-saill a *ta* orra, agus loisgidh tu iad air an altair.

14 Ach feoil an tairbh agus a sheiche <sup>10</sup>, agus aolach loisgidh tu le teine 'n taobh a muigh do'n champa: *is tabhartas*-peacaidh e.

15 Gabhaidh tu mar an ceudna aon reithe, agus cuiridh Aaron agus a mhic an làmhau air ceann an reithe.

16 Agus marbhaidh tu 'u reithe, agus gabhaidh tu fhuil, agus crathaidh tu i m'an cuairt air an altair.

17 Agus gearraidh tu 'n reithe 'na mhiribh, agus nighidh tu mhìonach, agus a chasan, agus cuiridh tu iad air a mhiribh, agus air a cheann.

18 Agus loisgidh tu 'n reithe uile air an altair; *is tabhartas-loisgte e* do'n Tighearna; faile cùbhraidh, tabhartas air a thoirt suas le teine do'n Tighearna.

19 Agus gabhaidh tu 'n reithe eile, agus cuiridh Aaron agus a mhic an làmhau air ceann an reithe.

20 'An sin marbhaidh tu 'n reithe, agus gabhaidh tu d'a fhuil, agus cuiridh tu i air bàrr cluaise deis Aaroin, agus air bàrr cluaise deis a mhac, agus air ordaig <sup>11</sup> an làimhe deise, agus air ordaig an coise deise; agus crathaidh tu 'n fhuil air an altair m'an cuairt.

21 Agus gabhaidh tu do'n fhuil a *ta* air an altair, agus do'n oladh-ungaidh, agus crathaidh tu iad air Aaron, agus air éididh, agus air a mhic, agus air éididh a mhac maille ris: agus coisrigear e fèin, agus éididh, agus a mhic, agus éididh a mhac maille ris.

22 Mar an ceudna gabhaidh tu do'n reithe an t-saill, agus bun an earbuill, agus an t-saill a *ta* còmhdachadh a' mhìonaich,

<sup>1</sup> cùr, born; blàth. Eabh. <sup>2</sup> an lannochduidh. <sup>3</sup> gun ghò, gun aineamh.

<sup>4</sup> abhlain; wafers. Sasg. <sup>5</sup> mhin. <sup>6</sup> nighidh. <sup>7</sup> àe, gruan. <sup>8</sup> àruinn. <sup>9</sup> a sheice. <sup>10</sup> ardaig.



agus scairt nan àinean, agus an dà àra, agus an t-saill a ta orra, agus an slinnean deas; oir is reithe coisrigidh e:

23 Agus aon bluillionn<sup>1</sup> arain, agus aon bhreacag arain le h-ola, agus aon ghearrag a bascaid an arain nco-ghoirtichte a ta 'n làthair an Tighearna.

24 Agus cuiridh tu iad uile ann an làmh-an Aaroin, agus ann an làmh-an a nìac: agus luaisgidh tu<sup>2</sup> iad mar thabhartas-luaisgte 'an làthair an Tighearna.

25 Agus gabhaidh tu iad bhàrr an làmh, agus loisgidh tu iad air an altair mar thabhartas-loisgte, chum faile cùbhraidh 'an làthair an Tighearna: is tabhartas e air a thoirt suas le teine do' n Tighearna.

26 Agus gabhaidh tu 'n t-uchd o reithe coisrigidh Aaroin, agus luaisgidh tu e mar thabhartas-luaisgte 'an làthair an Tighearna: agus bithidh sin agadsa mar chuibh-rionn.

27 Agus naomhaichidh tu uchd an tabhartais-luaisgte, agus slinnean an tabhartais-thogta, a chaidh luasgadh, agus a thogail suas do reithe a' choisrigidh, eadhon do' n ni sin a's le h-Aaron, agus do' n ni sin a bhuineas d'a mhic.

28 Agus bithidh e le h-Aaron<sup>3</sup> agus le mhic le reachd bithbhuan, o chloinn Israeil; oir is tabhartas-togta e: agus bithidh e 'na thabhartas-togta o chloinn Israeil do iobairtibh an tabhartasan-sith, eadhon an tabhartas-togta d'on Tighearna.

29 Agus is le mic Aaroin éididh naomhasan 'na dhéigh, gu bhi air an ungadh innte, agus gu bhi air an coisrigcadh innte.

30 Seachd laithcan cuiridh esan d'a mhic air i, a bhios 'na shagart 'na àite, a théid a stigh do phàilliuin a' choi'-thionail, a fhrith-ealadh 'san ionad naomha.

31 Agus gabhaidh tu reithe a' choisrigidh, agus bruidhidh tu fhcoil 'san ionad naomha.

32 Agus ithidh Aaron agus a mhic feoil an reithe, agus an t-aran a ta 'sa' bhascaid, aig dorus pàilliuin a' choi'-thionail.

33 Agus ithidh iad na nithe sin leis an d'rinneadh an réite<sup>4</sup>, chum an coisrigeadh agus an naomhachadh: ach cha 'n ith coisgreach dhiubh, do bhri' gu bheil iad naomha.

34 Agus ma dh'fhàgar a' bhacag a dh'fheoil a' choisrigidh, no bheag do' n aran, gu a' mhadainn; 'an sin loisgidh tu 'm fuigheall<sup>5</sup> le teine: cha 'n ithear e, do bhri, gu bheil e naomha.

35 Agus ni thu mar so re h-Aaron, agus r'a mhic, a réir nan uile nithe a dh'àithn mise dhuit: seachd laithean coisrigidh tu iad.

36 Agus bheir thu seachad gach là tarbh òg mar thabhartas-peacaidh, chum réite<sup>6</sup>:

agus glanaidh tu 'n altair an uair a ni thu réite air a son, agus ungaidh tu i chum a naomhachadh.

37 Seachd laithean ni thu réite air son na h-altarach, agus naomhaichidh tu i; agus bithidh i 'na h-altair ro-naomha: gach ni a bheanas ris an altair, naomhaichear e.

38 Agus so an ni a bheir thu seachad air an altair; dà uan a dh'aois bliadhna, o là gu là 'an còmhnuidh.

39 Aon uan bheir thu seachad 'sa' mhadainn; agus an t-uan eile bheir thu seachad mu fheasgar.

40 Agus maille ris an aon uan an deicheamh cuid do phlùr mìn<sup>7</sup> measgta leis a' cheathramh cuid do hin a dh'ola bhrùite; agus an ceathramh cuid do hin a dh'fhion, mar thabhartas-dìbhe.

41 Agus an t-uan eile bheir thu seachad mu fheasgar, agus ni thu ris a réir tabhartais-bidhe na maidne, agus a réir a tabhartais-dìbhe, mar fhàile cùbhraidh, tabhartas air a thoirt suas le teine do' n Tighearna.

42 Bithidh so 'na thabhartas-loisgte bithbhuan<sup>8</sup> air feadh blur ginealach, aig dorus pàilliuin a' choi'-thionail 'an làthair an Tighearna, far an coinnich mise sibh, a labhairt riut-sa 'n sin.

43 Agus 'an sin coinnichidh mise clann Israeil, agus naomhaichear am pàilliuin le m' ghlòir.

44 Agus naomhaichidh mi pàilliuin a' choi'-thionail, agus an altair: naomhaichidh mi mar an ceudna Aaron agus a mhic, gu fhrith-ealadh dhomh ann an dreuchd an t-sagairt.

45 Agus gabhaidh mi còmhnuidh 'am measg chloinn Israeil, agus bithidh mi'm Dhia aca.

46 Agus bithidh fios aca 'gur mise an Tighearn an Dia, a thug a mach iad a talamh na h-Eiphit, a chum 's gu'n gabh mi còmhnuidh 'nam measg: Is mise an Tighearn an Dia.

#### CAIB. XXX.

**A**GUS ni thu altair a losgadh tùis oirre; a do fhiodh sitini ni thu i:

2 Làmh-choille a fad, agus làmh-choille a leud (ceithir-chearnach bithidh i) agus dà làmh-choille a h-àirde: bithidh a h-adhaircean do' n ni cheudna.

3 Agus còmhdaichidh tu thairis i le h-òr fìor-ghlan, a mullach, agus e taobhan<sup>9</sup> m'an cuairt, agus a h-adhaircean: agus ni thu dh'i coron òir m'an cuairt.

4 Agus dà fhailbheig òir ni thu dh'i fuidh a coron; aig a dà oisinn ni thu iad, air a dà thaobh: agus bithidh iad air son àiteachan do na bataibh chum a giùlan leo.

5 Agus ni thu na bataichean do fhiodh

<sup>1</sup> mhuillionn. <sup>2</sup> crathaidh tu a munn agus a nall. <sup>3</sup> buinidh e dh' Aaron. <sup>4</sup> réidhte, sith. <sup>5</sup> fuigheach. <sup>6</sup> gu sìothachadh. <sup>7</sup> do mhin

mhin a' chruinneachd. <sup>8</sup> 'na gna-ofraill loisgte. <sup>9</sup> a h-uachdar agus a shiosan.

sinim, agus còmhdaichidh tu thairis iad le h-òr.

6 Agus cuiridh tu i fa chomhair an roinn-bhrat, a ta làimh re àire na fianuis, air beulaobh cathair-na-tròcair, a ta os cionn na fianuis, far an coinnich mise thu.

7 Agus loisgidh Aaron tùis chùbhraidh oirre gach madainn; an uair a dheasaicheas e na lòchrain, loisgidh e tùis oirre.

8 Agus an uair a lasas Aaron na lòchrain mu fheasgar, loisgidh e tùis oirre; tùis bhith-bhuan 'an làthair an Tighearn, air feadh bhur ginealach.

9 Cha loisg sibh tùis choimheach 'sam bith oirre, no ìobairt-loisgte, no tabhartas-dibhe; ni mò dhòirteas sibh tabhartas-dibhe oirre.

10 Agus ni Aaron réite air a h-adhair-cibh aon uair 'sa' bhliadhna le fuil ìobairt-phéacaidh na réite: 'aon uair 'sa' bhliadhna ni e réite oirre, air feadh bhur ginealach: tha i ro-naomha do'n Tighearna.

11 Agus labhair an Tighearna re Maois, ag ràdh,

12 'Nuair a ghabhas tu cunntas chloinn Israeil a réir an àireimh; 'an sin bheir gach duine dhiubh éiric air son anama do'n Tighearna, 'nuair a dh'àirmheas tu iad; a chum nach bi plàigh 'nam measg, an uair a dh'àirmheas tu iad.

13 So bheir iad uatha, gach aon a théid seachad nam measg-san a dh'àirmhear; leth seceil a réir seceil an *ionaid* naomha ('se seceil fheadh gerah) leth seceil mar thabhartas do'n Tighearna.

14 Bheir gach aon a théid seachad 'nam measg-san a dh'àirmhear, o fhichead bliadh' a dh'aois agus os a cheann, tabhartas do'n Tighearna.

15 Cha d'thoir an saibhir tuilleadh, agus clia d'thoir am bochd ni's lugha na leth seceil, an uair a bheir iad tabhartas do'n Tighearna, a dheanamh réite air son bhur n-anmanna:

16 Agus gabhaidh tu airgid na réite o chloinn Israeil, agus cuiridh tu air leth<sup>1</sup> e fa chomhair seirbhís pàilliuin a' choi'-thionail; agus bithidh e 'na chuimhneachan do chloinn Israeil 'an làthair an Tighearn, a dheanamh réite air son bhur n-anmanna.

17 Agus labhair an Tighearna re Maois, ag ràdh,

18 Ni thu mar an ceudna soitheach-ionnlaid a dh'ùmh, agus a chas a dh'ùmh. chum ionnlaid: agus cuiridh tu e eadar pàilliuin a' choi'-thionail agus an altair, agus cuiridh tu uisge ann.

19 Agus ionnailidh Aaron agus a mhic an làmhan as, agus an cosan.

20 'Nuair a théid iad a steach do phàilliuin a' choi'-thionail, ionnailidh siad iad féin le h-uisge, chum as nach bàsaich iad: no 'nuair a thig iad am fagus do'n altair a

fhrithealadh, a losgadh tabhartais a bheir-eas suas le teine do'n Tighearna.

21 Agus ionnailidh iad an làmhan agus an cosan, a chum nach bàsaich iad: agus bithidh e 'na ordugh bith-bhuan dhoibh *eadhon* dha féin agus d'a shliochd air feadh an ginealach.

22 Agus labhair an Tighearna re Maois, ag ràdh,

23 Gabh-sa dhuit féin mar an ceudna spiorsaidh thaghta do mhirr fìor-ghlan, cuig ceud *secel*, agus do chanal cùbhraidh a leth uiread, *eadhon* dà cheud agus leth-cheud *secel*, agus do chalamus cùbhraidh dà cheud agus leth-cheud *secel*.

24 Agus do chasia cuig ceud *secel* a réir seceil an *ionaid* naomha, agus hin do oladh a' chroinn-olaidh.

25 Agus ni thu dheth oladh-ungaidh naomha, oladh-ungaidh coi'-measgta réir ealadhain an léigh<sup>2</sup>: bithidh i 'na h-oladh-ungaidh naomha.

26 Agus ungaidh tu pàilliuin a' choi'-thionail leatha, agus àire na fianuis.

27 Agus am bord agus a shoitichean uile, agus an coinnleir agus a shoitichean, agus altair na tùise,

28 Agus altair na h-ìobairt-loisgte agus a soitichean uile, agus an soitheach-ionnlaid agus a chas.

29 Agus naomhaichidh tu iad, a chum as gu'm bi iad ro-naomha: ge b'e ni a bheanas riu, bithidh e naomha.

30 Agus ungaidh tu Aaron agus a mhic, agus coisrigidh tu iad, gu frithealadh dhomhs' ann an dreuchd an t-sagairt.

31 Agus labhraidh tu re cloinn Israeil, ag ràdh, Bithidh so 'na oladh-ungaidh naomha dhomhsa, air feadh bhur ginealach.

32 Air féoil duine cha dòirtear i, ni mò a ni sibh a leithid a réir a measgaidh: a ta i naomha, agus naomha bithidh i dhiubh.

33 Ge b'e neach a mheasgas ni cosmhuil ria, agus ge b'e neach a chuireas a' bheag dhith air coigreach, gu deimhin gearrar as e o shluagh.

34 Agus thubhairt an Tighearna ri Maois, Gabh dhuit spiorsaidh chùbhraidh, stacte, agus onicha, agus galbanum: spiorsaidh chùbhraidh maille ri tùis fhicr-ghloin: do gach aon diubh bithidh an t-aon tomhas.

35 Agus ni thu boltrachan deth, air a dheanamh suas a réir ealadhain an léigh, coimhmeasgta, fìor ghlan, naomha.

36 Agus bruthaidh tu *cuid* deth ro-mhin, agus cuiridh tu *cuid* deth fa chomhair na fianuis ann am pàilliuin a' choimhthionail, far an coinnich mise thu: ro naomha bithidh e dhiubh.

37 Agus am boltrachan a ni thu, cha dean sibh a leithid duibh féin a réir a mheasg-

<sup>1</sup> orduichidh tu, builichidh tu,

<sup>2</sup> seoltachd an lusragain,



aith: bithidh e dhuitse naomha do'n Tighearna.

38 Gc b'e neach a ni a choslas, a ghabhail faile uait, gearrar as e o shluagh.

## C A I B. XXXI.

**A**GUS labhair an Tighearna ri Maois, ag ràdh,

2 Feuch, ghairm mi air ainm, Besaleel mac Uri, mhic Ithur, do thrèibh Iudaih;

3 Agus lion mi e le spiorad Dhé, ann an gliocas, agus ann an tuigse, agus ann an eòlas, agus anns gach uile ghné oibre,

4 A dhealbhadh<sup>1</sup> oibre ealanta, a dh'oibreachadh ann an òr, agus ann an airgid, agus ann an ùmha,

5 Agus ann an gearradh chloch a chum an ceangal, agus ann an gearradh fiodha, a dh'oibreachadh anns gach uile ghné oibre.

6 Agus mise, feuch, thug mi seachad maille ris Aholiab mac Ahisamaieh do thrèibh Dhan; agus ann an cridhe gach neach a ta glic-chridheach chuir mi gliocas, agus ni iad gach ni a dh'àithn mi dhuit:

7 Pàillion a' choimhthionail, agus àire na fianuis, agus cathair na-trèclair a ta oirre, agus uile uidheam<sup>2</sup> a' phàilliuin,

8 Agus am bord agus uidheam, agus an coinnleir fìor-ghlan le uidheam uile, agus altair na tùise,

9 Agus altair na h-ìobairt-loisgtele h-uidheam uile, agus an soitheach-ionnlaid agus a chas,

10 Agus éididh<sup>3</sup> na seirbhis, agus éididh naomha air son Aroin an t-sagairt, agus éididh a chuid mac, gu frithealachd ann an dreuchd an t-sagairt,

11 Agus an oladh-ungaidh, agus tùis chùbhraidh air son an ionaid naomha; a réir nan uile nithe dh'àithn mi dhuit, ni iad.

12 Agus labhair an Tighearna ri Maois, ag ràdh,

13 Labhair thusa mar an eudna ri cloinn Israeil, ag ràdh, Gu deimhin coimhididh<sup>4</sup> sibh mo shàbaidean-sa: oir is comhara sin eadar mise agus sibhse, air feadh bhur ginealach; eum as gu'm bi fios agaibh gur mise an Tighearna, a naomhaicheas sibh.

14 Coimhididh sibh, uime sin, an t-sàbaid, oir a ta i naomha dhuibh. Esan a thruaileas<sup>5</sup> i, euirear gu cinnteach gu bàs e: oir gach neach a ni obair oirre, gearrar an t-anam sin as o mbeasg a shluagh.

15 Sè laithean feudar obair a dheanamh; ach san t-seachdamh ta sàbaid f'hois, naomha do'n Tighearna: gach neach a ni obair air là na sàbaid, euirear gu cinnteach gu bàs e.

16 Uime sin, coimhididh clann Israeil an t-àbaid, a ghleidheadh na sàbaid air feadh an ginealach, mar choimheangal<sup>6</sup> sìorruidh.

17 Eadar mise agus clann Israeil is comhar' i a chaoidh'; oir ann an sè laithibh rinn an Tighearna na neamhan agus an talamh, agus air an t-seachdamh là sguir e, agus ghabh e fois.

18 Agus thug e do Mhaois, an uair a sguir e do labhart ris air sliabh Shinai, dà chlàr na fianuis, elàir chloiche, sgrìobhta le meur Dhé.

## C A I B. XXXII.

**A**GUS an uair a chunnaic an sluagh gu'n d'rinn Maois moille ann an teachd a nuas as an t-sliabh, chruinnich iad iad fèin gu h-Aaron, agus thubhairt iad ris, Eirich suas, dean dhuinne dée a théid romhainn, oir a thuobh a' Mhaois so, an duine a thug a nìos sinn a talamh na h-Eiphit, cha n'eil fhios againn ciod a thàinig air<sup>7</sup>.

2 Agus thubhairt Aaron riu, Brisibh<sup>8</sup> d'bhìh na cluas-fhailean òir a ta ann an cluas-saibh bhur ban, bhur mac, agus bhur nigheana, agus thugaibh a n' ionnsuidhs<sup>9</sup> iad.

3 Agus bhris an sluagh uile dhiubh na cluas-fhailean òir a bha 'nan cluas-saibh, agus thug iad gu h-Aaron iad.

4 Agus ghabh e iad as an làmh; agus chum se e le inneal-gearraidh<sup>9</sup>, n déigh dha laogh leaghtadheanamh dheth, agus thubhairt iad, Sin do dhée, o Israeil, a thug a nìos thu a talamh na h-Eiphit.

5 Agus an uair a chunnaic Aaron e, thog e altair fa'chomhair, agus thug Aaron gairm, agus thubhairt e, Is là feisd<sup>10</sup> am maireach do'n Tighearna.

6 Agus dh'éirich iad suas gu moch air an là maireach<sup>11</sup>, agus thug iad suas tabhartais-loisgte, agus thug iad leo tabhartais-sih: agus shuidh an sluagh sìos a dh'itheadh agus a dh'òl, agus dh'éirich iad suas gu sugradh<sup>12</sup>.

7 Agus thubhairt an Tighearna ri Maois, Imich, falbh sìos; oir thruaill do shluagh, a thug thu mach a talamh na h-Eiphit, iad fèin.

8 Chlaon iad gu grado'n t-slighe a dh'àithn mise dhoibh: rinn iad dhoibh fèin laogh leaghta; agus rinn iad aoradh dha, agus thug iad suas iobairtean dha, agus thubhairt iad, Sin do dhée, o Israeil, a thug a nìos thu a talamh na h-Eiphit.

9 Agus thubhairt an Tighearna ri Maois, Chunnaic mis' an sluagh so, agus feuch, is sluagh rag-mhuinealach<sup>13</sup> iad.

10 A mis, uime sin, leig leam, agus lasaidh mo chorruih 'nan aghaidh, agus elaidhidh mi iad; agus ni mi dhìotsa cinneach mòr.

11 Agus ghuidh Maois air an Tighearna a Dhia, agus thubhairt e, C'ar son, a Thighearna, a ta do chorruih a' lasadh an aghaidh do shluagh, a thug thu mach a talamh na

<sup>1</sup> a thùr. <sup>2</sup> airneis. <sup>3</sup> eudach. <sup>4</sup> gleidhidh. <sup>5</sup> mhi-naomhaicheas. <sup>6</sup> chumradh, chumhnant. <sup>7</sup> ciod is cor dha. <sup>8</sup> Brisibh. <sup>9</sup> inneal-breac-

aith, inneal-dualaidh. <sup>10</sup> féill, cuirm. <sup>11</sup> an la' na màireach. <sup>12</sup> mireadh, cluiche, cleas-achd. <sup>13</sup> cruaidh-mhulnealach.

h-Eiphit, le cumhachd mòr, agus le làimh thrèin?

12 C'ar son a labhradh na h-Eiphitich, ag ràdh, Le droch rùn thug e mach iad, a chum am marbhadh sna beanntaibh, agus an claoidh bhàrr aghaidh na talmhainn? Pill o d' choirruich ghàirg, agus gabh aithreachas do'n olc so an aghaidh do shluaigh.

13 Cuimhnich air Abraham, Isaac, agus Israel, do sheirbhisich, d'an d'thug thu nìonnan ort fèin, agus r'an d'thubhairt thu, Ni mi bhur sliochd fionnbor mar reulta nèimh, agus am fearann so uile, m'an do labhair mi, bheir mi d'ar sliochd-sa, agus sealbhaichidh iad e gu sìorruidh.

14 Agus ghabh an Tighearn aithreachas do'n olc a thubhairt e gu'n deanadh e air a shluaigh.

15 Agus thionndaidh Maois, agus chaidh e sìos as an t-sliabh, agus dà chlàr na fianuis na làimh: *bha* na clàir sgrìobhta air an dà thaobh; air an taobh so, agus air an taobh ud eile *bha* iad sgrìobhta.

16 Agus b'iad na clàir obair Dhé, agus b'e 'n sgrìobhadh sgrìobhadh Dhé, gearrta air na clàraibh.

17 Agus chuala Iosua toirm an t-sluaigh an uair a rinn iad gair<sup>1</sup>, agus thubhairt e ri Maois, *Tha* toirm chogaidh sa' champ.

18 Agus thubhairt e, Cha 'n e guth *dhuoin*<sup>2</sup> a' deanamh gair air son na buadha, cha mhò *is e* guth *dhaoin*<sup>3</sup> ag éigheach a chionn gu'n d'thugadh buaidh orra, *ach* toirm luchd-gabhail ciuil a ta mi a' cluinntinn.

19 Agus co luath 'sa thàinig e 'm fagus do'n champ, chunnaic e'n laogh, agus an dannsa: agus las corruich Mhaois, agus thilg e na clàir as a làimh, agus bhris e iad aig bun an t-sléibh.

20 Agus ghabh e 'n laogh a rinn iad, agus loisg e san teine e, agus mheil e gu smur<sup>4</sup> e, agus chrath e air an uisge e, agus thug e air cloinn Israeil òl *d'heth*.

21 Agus thubhairt Maois ri h-Aaron, Ciod a rinn an sluagh so ort, gu'n d'thug thu peacadh co mòr orra?

22 Agus thubhairt Aaron, Na lasadh fearg mo thighearna: is aithne dhuit an sluagh, gu'm bheil iad *so-aomaidh* a dh'ionnsuidh an uile.

23 Oir thubhairt iad rium, Dean dhuinn dée, a théid romhainn; oir a thaobh a' Mhaois so, an duine a thug a mach sinn a talamh na h-Eiphit, cha 'n f'hiòs duinn ciod a thàinig air.

24 Agus thubhairt mi riu, Gach neach aig am bheil a' bheag a dh'òr, briseadh e dheth e: agus thug iad dhoimh e, agus thilg mi san teine e, agus thàinig a mach an laogh so.

25 Agus an uair a chunnaic Maois gu'n

*robh* an sluagh rùisgte<sup>5</sup>, (oir rùisg Aaron iad a chum an nàire am measg an naimhde,)

26 An sin sheas Maois ann an geatadh<sup>6</sup> a' chaimp, agus thubhairt e, Cò tha leis an Tighearna? *thigeadh* e m'ionnsuidhsa. Agus chruinnich mic Lebhi uile d'a ionnsuidh.

27 Agus thubhairt e riu, Mar so tha 'n Tighearna Dia Israeil ag ràdh, Cuireadh gach duine agaibh a chlàidheamh air a leis<sup>7</sup>, agus rachaibh a steach agus a mach o gheata gu geatadh air feadh a' chaimp, agus marbhadh gach duine agaibh a bhràthair, agus gach duine a chompanach, agus gach duine a chòimhearsnach.

28 Agus rinn clann Lebhi a réir focail Mhaois: agus thuit do'n t-sluagh san là sin mu thimchioll trì mìle fear.

29 Oir thubhairt Maois, Coisrigibh sibh fèin an diugh do'n Tighearna, eadhon gach duine air a mhac, agus air a bhràthair; a chum as gu'm builich<sup>8</sup> e oirbh beannachadh air an là 'n diugh.

30 Agus air an là màireach, thubhairt Maois ris an t-sluagh, Pheacaich sibh peacadh mòr: agus a nis théid mise suas a dh'ionnsuidh an Tighearna, a dh'fheuchainn an dean mi rèite air son bhur peacaidh.

31 Agus phill Maois a dh'ionnsuidh an Tighearna, agus thubhairt e, Och! pheacaich an sluagh so peacadh mòr, agus rinn iad dhoibh fèin dée òir!

32 Gidheadh a nis, ma's toil leat, math dhoibh am peacadh; ach mur *math*, dubh mise, guidheam ort, a mach as do leabhar a sgrìobh thu.

33 Agus thubhairt an Tighearna ri Maois, Ge b'e a pheacaich a'm' aghaidh, esan dubhaidh mi mach as mo leabhar.

34 Uime sin a nis imich, treoraich<sup>9</sup> an sluagh a chum an *ionaid* mu'n do labhair mi riut: feuch, théid m'aingeal romhad: gidheadh, san là am fiosaich mi, cànaidh mi am peacadh orra.

35 Agus chlaoidh<sup>10</sup> an Tighearn an sluagh, a chionn gu'n d'rinn iad an laogh<sup>11</sup>, a rinn Aaron.

## CAIB. XXXIII.

**A**GUS thubhairt an Tighearna ri Maois, Imich, falbh suas as so, thu fèin agus an sluagh, a thug thu mach a talamh na h-Eiphit, a dh'ionnsuidh na tìre a mhionnach mi do Abraham, do Isaac, agus do Iacob, ag ràdh, Do d' shliochd-sa bheir mi e:

2 Agus cuiridh mi aingeal romhad; agus fuadaichidh mi mach an Canaanach, an t-Amorach, agus an t-Hiteach, agus am Peridseach, agus an t-Hibheach, agus an Iebusach,

3 A dh'ionnsuidh fearainn a ta sruthadh le bainne agus mil: oir cha d' théid mi suas

<sup>1</sup> *iolach*. <sup>2</sup> *fudar*. <sup>3</sup> *lomnochd*. <sup>4</sup> *dorus*.  
<sup>5</sup> *a leth-bhall*. <sup>6</sup> *gu'm bàruig*. <sup>7</sup> *thoir leat*.

<sup>8</sup> *bhuail*. Eabh. <sup>9</sup> *air son an aoraidh, a rinn iad do'n laogh*.



a'd' mheasg<sup>1</sup>, oir is sluagh rag-mhuinealach thu; an t-eagal gu'n claoidh mi thu san t-slighe.

4 Agus an uair a chual' an sluagh an droch sgeul so, rinn iad bron; agus cha do chuir duine sam bith air a bhrèagbachd<sup>2</sup>.

5 Oir thubhairt an Tighearna ri Maois, Abair rìcloinn Israeil, *Is* sluagh rag-mhuinealach sibh: ann am platha<sup>3</sup> théid mi suas 'nar mcasg, agus clàidhidh mi sibh: a nis uime sin cuiribh dhìbh bhur brèagbachd, a chum as gu'm bi fios agam ciod a nì mi ribh.

6 Agus rùisg clann Israeil am brèagbachd dhiubh làimh ri sliabh Horeb.

7 Agus ghabh Maois am pàillium<sup>4</sup>, agus shuidhich e 'n taobh a mach do'n champ e, fad<sup>5</sup> o'n champ, agus thug e pàillium a' choimhthionail mar ainm air. Agus na lorg sin, chaidh gach neach a bha 'g iarraidh an Tighearna a mach do phàillium a' choimhthionail, a bha 'n taobh a muigh do'n champ.

8 Agus an uair a chaidh Maois a mach do'n phàillium, dh'éirich an sluagh gu léir suas, agus sheas gach duine aig dorus a bhùtha, agus dh'amaire iad an déigh Mhaois gus an deachaidh e stigh do'n phàillium.

9 Agus an uair a chaidh Maois a stigh do'n phàillium, thàinig am meall<sup>6</sup> neoil a nuas, agus sheas e aig dorus a' phàillium, agus labhair an Tighearna ri Maois.

10 Agus chunnaic an sluagh uile am meall neoil na sheasamh aig dorus a' phàillium: agus dh'éirich an sluagh uile suas, agus rinn iad aoradh, gach duine ann an dorus a bhùtha.

11 Agus labhair an Tighearna ri Maois aghaidh re h-aghaidh, mar a labhras duine r'a eharaid. Agus phill e ris do'n champ; ach cha deachaidh a sheirbhiseach Iosua, mac Nun, duine òg, a mach as a' phàillium.

12 Agus thubhairt Maois ris an Tighearna, Feuch, a ta thu 'g ràdh rium, Thoir suas an sluagh so: agus cha d'thug thu fios domh cò chuireas tu maille rium. Gidheadh thubhairt thu, 'S aithne dhomh thu air t'ainm, agus mar an ceudna fhuair thu deagh-ghean a'm' shùilb<sup>6</sup>.

13 A nis uime sin, guidheam ort, ma fhuair mi deagh-ghean a'd' shùilb, nochd dhomh do shlighe, a chum as gu'm bi aithne agam ort, agus gu'm faigh mi deagh-ghean a'd' shùilb, agus meas<sup>7</sup> gur e 'n cinneach so do shluagh-sa.

14 Agus thubhairt e, Théid mo làthaireachd<sup>8</sup> leat, agus bheir mi fois dhuit.

15 Agus thubhairt e ris, Mur d'thèid do làthaireachd maille ruinn, na d'thoir suas sinn a so:

16 Oir ciod e leis an aithnichear ann an so, gu'n d'fhuair mise agus do shluagh deagh-ghean a'd' shùilb? Nach ann le d' dhol maille ruinn? Mar so dealaichear sinn, mise agus do shluagh, o gach uile shluagh a ta air aghaidh na talmhainn.

17 Agus thubhairt an Tighearna ri Maois, An ni so mar an ceudna a thubhairt thu, nì mise; oir fhuair thu deagh-ghean a'm' shùilb, agus is aithne dhomh thu air t'ainm.

18 Agus thubhairt esan, Foillsich dhomh, guidheam ort, do ghlòir.

19 Agus thubhairt e, Bheir mi air mo mhaithreas uile dol seach a'd' làthair,<sup>9</sup> agus gairmidh mi ainm an TIGHEARN a'd' fhianuis; agus bithidh mi grasmhor dhasan d'am bi mi grasmhor, agus nochdaidh mi tròcair dha-san d'an nochd mi tròcair.

20 Agus thubhairt e, Cha'n fheud thu m'aghaidhs' fhaicinn; oir cha 'n fhaic duine air bith mise, agus e beo<sup>10</sup>.

21 Agus thubhairt an Tighearna, Feuch, tha àite làimh rium, agus seasaidh tusa air carraig<sup>11</sup>:

22 Agus an uair a bhios mo ghlòir a' dol seachad, an sin cuiridh mi thu ann an sgoltadh do'n charraig, agus còmhdaichidh mi le m' làimh thu gus an d'théid mi seachad.

23 Agus bheir mi air falbh mo làmh, agus chì thu mochùlaobh; ach cha'n fhaicear m'aghaidh.

#### C A I B. XXXIV.

**A** GUS thubhairt an Tighearna ri Maois, Snaidh dhuit féin dà chlàr choiche cosmhuil ris na ceud chlàir; agus sgrìobhaidh mis' air na clàir sin: na focail, a bha air na ceud chlàir a bhris thu.

2 Agus bi deas<sup>12</sup> sa' mhaduinn, agus thig a nìs sa' mhaduinn do shliabh Shinai, agus nochd thu féin an sin dhomhs' air mullach an t-sléibh.

3 Agus na d' thigeadh duine sam bith a nìs maille riut, agus na faicear duine san t-sliabh uile, agus na h-ionaltradh na treudan no'm buar<sup>13</sup> fa chomhair an t-sléibh sin.

4 Agus shnaidh e dà chlàr choiche cosmhuil ris na ceud chlàir; agus dh'éirich Maois suas, gu moch sa' mhaduinn, agus chaidh e suas do shliabh Shinai, mar a dh'aithn an Tighearna dha, agus thug e leis na làimh an dà chlàr choiche.

5 Agus thàinig an Tighearna nuas ann an neul, agus sheas e maille ris an sin; agus ghairm e air ainm an Tighearna.

6 Agus chaidh an Tighearna seachad<sup>14</sup> fa 'chomhair, agus ghairm e, AN TIGHEARNA, AN TIGHEARNA DIA, iochdmhor agus grasmhor, fad-fhulangach,

<sup>1</sup> a'd' mheadhon. <sup>2</sup> eudach romhach. <sup>3</sup> mionaid, tiota, athghaoraid. <sup>4</sup> bùth. Eabh. <sup>5</sup> column, pillar, Sasg. <sup>6</sup> teitneachd a'm' shealladh. <sup>7</sup> faic. Eabh. <sup>8</sup> m'aghaidh. Eabh. <sup>9</sup> gabhail

seach romhad. <sup>10</sup> cha'n urrain duin' air bith mise fhaicsinn, agus a bhi beo. <sup>11</sup> air a' chreig sin. <sup>12</sup> ullamh. <sup>13</sup> na caoraich no 'n crodh. <sup>14</sup> seach.

agus pailt' ann an caoimhneas<sup>1</sup> agus am firinn,

7 A' gleidheadh tròcair do mhìltibh, a' mathadh<sup>2</sup> aingidheachd agus eusaontais, agus peacaidh, agus nach saor air aon dòigh *au ciontach*; a' leantuin aingidheachd nan aithreachan air a' chloinn, agus air cloinn na cloinne, air an treas<sup>3</sup> agus air a' chathramh *ginealach*.

8 Agus rinn Maois deifir<sup>4</sup>, agus chrom e 'cheann ri lar, agus rinn e aoradh.

9 Agus thubhairt e, Ma fhuaire mi nis deagh-ghean a'd' shùilb, O Thighearna, rachadh mo Thighearna, guidheam ort, 'nar measg, (oir is sluagh rag-mhuinealach iad,) agus math dhùinn ar n-aingidheachd agus ar peacadh, agus gabh sinn mar t'òigh-reachd fèin.

10 Agus thubhairt e, Feuch, *ni* mise coimhcheangal: ann an làthair do shluaigh uile ni mi nithe iongantach, nithe nach d'rinneadh an leithid air an talamh uile, no ann an aon chinneach: agus chi an sluagh uile, am measg *am bheil* thu, obair an Tighearna: oir is ni uamhasach a ni mise riut.

11 Coimhid thusa an ni a *tha* mi 'g àithneadh dhuit an diugh: Feuch, fuadaichidh mi mach<sup>5</sup> romhad an t-Amorach, agus an Canaanach, agus an t-Iiteach, agus am Peridseach, agus an t-Hibheach, agus an Iebusach.

12 Thoir an aire dhuit fèin, an t-eagal gu'n dean thu coimhcheangal ri luchd-àiteachaidh na tìre, d'am bheil thu dol, an t-eagal gum bi e na ribeadh a'd' mheadhon.

13 Ach sgriosaidh sibh an altairean, agus brisidh sibh an dealbhan, agus gearraidh sibh sìos an doireachan<sup>6</sup>.

14 Oir cha dean thu aoradh do dhia sam bith eile: oir an Tighearna, d'an ainm Eudmhor, is Dia eudmhor e:

15 An t-eagal gu'n dean thu coimhcheangal ri luchd-àiteachadh na tìre, agus gu'n d' théid iad le striopachas an déigh an diathan, agus gu'n d' thoir iad iobairt d'an déibh, agus gu'n d' thoir *neach* cuireadh dhuit, agus gu'n ith thu d'a iobairt;

16 Agus gu'n gabh thu d'an nigheanaibh do d' mhic, agus gu'n d' théid an nigheana le striopachas an déigh an diathan<sup>7</sup>, agus gu'n d' thoir iad air do mhic dol le striopachas an déigh an diathanna.

17 Cha dean thu dhuit fèin dée leaghta.

18 Féisd<sup>8</sup> an arain neo-ghoirtichte cumaidh tu: seachd laithean ithidh tu aran neo-ghoirtichte, mar a dh'àithn mi dhuit, ann an àm a' mhìos Abib<sup>9</sup>; oir anns a' mhìos Abib thàinig thu mach as an Eiphit.

19 Gach *ni* a dh'fhosglas a' bhru<sup>10</sup> is leams' e; agus gach ceud-ghin am measg

do spréidhe, *m'as ann* do'n bhuar<sup>11</sup>, nò do na caoraich e a *bhios* firionn.

20 Ach ceud-ghin asail fuasglaidh tu le h-uain; agus mur fuasgail thu e, an sin brisidh tu 'amhach<sup>12</sup>. Uile ceud-ghin do mhac fuasglaidh tu: agus cha nochdar<sup>13</sup> a h-aon a'm' làthair-sa falamh.

21 Sè laithean ni thu obair, ach air an t-seachdamh là gabhaidh tu fois: ann an àm an treabhaidh, agus anns an fhoghar gabhaidh tu fois.

22 Agus cumaidh tu féisd nan seachduine, a' cheud toraidh do fhoghar a' chruithneachd, agus féisd a' chròdhaidh<sup>14</sup> ann an deireadh na bliadhna.

23 Tri uaire sa' bhliadhna nochdar do mhic uile an làthair an Tighearna Iehobhah, Dé Israeil.

24 Oir tilgidh mi mach na cinnich romhad, agus ni mi do chriocha ni's farsuinge; agus cha mhiannaich duine sam bith t'fhearann, an uair a théid thu suas g'àd nochdadh fèin am fianuis an Tighearna do Dhé, tri uaire sa' bhliadhna.

25 Cha 'n iobair thu fuil m'ìobairtsa le taois ghort, cha mhò a dh'fhàgar gu ma-duinn iobairt féisd na càisge.

26 Toiseach ceud thoraidh t'fhearainn bheil thu do thigh an Tighearna do Dhé. Cha bhruidh thu meann am bainne a mhàthar.

27 Agus thubhairt an Tighearna ri Maois, Sgrìobh thusa na fòcail so: oir a réir brìgh nam focal so rinn mise coimhcheangal riut fèin, agus ri h-Israel.

28 Agus bha e 'n sin maille ris an Tighearna dà fhichead là agus dà fhichead oidhche: cha d'ith e aran, ni mò dh'òl e uisge: agus sgrìobh e air na clàir fòcail a' choimhcheangail, na deich àitheanta.

29 Agus an uair a thàinig Maois a nuas o shliabh Shinai, (le dà chlàr na fianuis ann an làimh Mhaois, an uair a thàinig e 'nuas o'n t-sliabh) cha robh fios aig Maois gu'n do dhealraich croicinn 'aghaidh, am feadh 'sa bha e comhradh ris.

30 Agus dh'amhairc Aaron agus clann Israeil uile air Maois; agus feuch, dhealraich croicinn 'aghaidh, agus bha eagal orra teachd am fagus da.

31 Agus ghairm Maois orra, agus phill Aaron agus uachdarain a' choimhthionail uile d'a ionnsuidh: agus rinn Maois comhradh riu.

32 Agus na dhéigh sin thàinig clann Israeil uile am fagus da; agus dh'àithn e dhoibh na h-uile *nithe* a labhàir an Tighearna ris ann an sliabh Shinai.

33 Agus sguir Maois a labhairt riu; agus chuir e gnùis-bhrat<sup>15</sup> air aghaidh.

<sup>1</sup> tròcair. <sup>2</sup> a' maitheamh; a' toirt air falbh aingidheachd. Eabh. <sup>3</sup> gu nìg an treas. <sup>4</sup> cubhag. <sup>5</sup> tilgidh mi mach. <sup>6</sup> badan-coille. <sup>7</sup> dée. <sup>8</sup> féil, feadh, cuirim. <sup>9</sup> mìos a' cheud thoraidh.

<sup>10</sup> a' mhachlag. <sup>11</sup> chrodh. <sup>12</sup> mhuineal. <sup>13</sup> taisbeanar. <sup>14</sup> féisd a' chruinneachaidh, cuirim an deire-tharruing. <sup>15</sup> comhdach; vèil. Sasg.



34 Ach an uair a chaidh Maois a steach an làthair an Tighearna a labhairt ris, thug e 'n gnùis-bhrat deth, gus an d'thàinig e mach. Agus thàinig e mach, agus labhair e ri cloinn Israeil *an ni sin* a dh'àithneadh dha.

35 Agus chunnaic clann Israeil aghaidh Mhaois, gu'n do dhealraich croicinn aghaidh Mhaois : agus chuir Maois an gnùis-bhrat air 'aghaidh a ris gus an deachaidh e stigh a labhairt ris.

## CAIB. XXXV.

**A**GUS chruinnich Maois coimhthional chloinn Israeil uile r'a chùile, agus thubhairt e ri, Sin na nithe 'a dh'àithn an Tighearna, gu'n deanadh sibh iad.

2 Sè laithean nithear obair, ach bithidh an seachdamh là dhuibh na là naomha, na shàbaid thàmh do'n Tighearna : ge b'e neach a nì obair air, cuirear gu bàs e.

3 Cha'n fhadaidh sibh teine sam bith air feadh bhuir n-àiteacha-còmhnuidh air là na sàbaid.

4 Agus labhair Maois ri coimhthional chloinn Israeil uile, ag ràdh, So an ni a dh'àithn an Tighearna, ag ràdh,

5 Togaibh 'nar measg tabhartas do'n Tighearna : gach neach aig am bheil cridhe toileach, thugadh e leis e, tabhartas do'n Tighearna ; òr, agus airgid, agus ùmha,

6 Agus gorm, agus corcur, agus scarlaid, agus anart grinn, agus *fionna* ghabhar,

7 Agus croicne reitheachan air an dath' dearg, agus croicne bhroc, agus fiodh sitim,

8 Agus oladh air son soluis, agus spìosraidh air son oladh-ungaidh, agus air son tùis chùbhraidh,

9 Agus clachan onics, agus clachan a ehun an ceangal, air son na h-ephoid, agus air son na h-uchd-éididh.

10 Agus thigeadh gach duine glic-chridheach 'nar measg, agus deanadh e gach ni, a dh'àithn an Tighearna ;

11 Am pàillinn, a bhàth, agus a chòmhdach, a chrògan, agus a bhuid, a chroinn, a phostan, agus a bhùinn ;

12 An àir agus a bataichean, cathairna-trècar agus roinn-bhrat a' chòmhdach ;

13 Am bord agus a bhataichean, agus a shoithichean uile, agus an t-aran tais-beanta ;

14 Agus an coinnleir a chum an t-soluis, agus uidheam, agus a lòchrain, maille ri ola chum an t-soluis ;

15 Agus altair na tùis, agus a bataichean, agus an oladh ungaidh, agus an tùis chùbhraidh, agus an cùrtein air son doruis a' phàillinn ;

16 Altair na h-ìobairt-loisgte agus a cliath ùmha, a bataichean, agus a soithichean uile, an soitheach-iomlaid agus a chas ;

17 Cùrteinean na cùrte, a puist agus a buinn, agus cùrtein air son doruis na cùrte ;

18 Pinneachan a' phàillinn ; agus pinneachan na cùrte, agus an cuird ;

19 Eididh an fhrithealaidh, a fhrithealadh san *ionad* naomha ; an éididh naomha air son Aaron an t-sagairt, agus éididh air son a chuid mac, a fhrithealadh ann an dreuchd an t-sagairt.

20 Agus dh'fhalbh coimhthional chloinn Israeil uile a làthair Mhaois.

21 Agus thàinig iad, gach aon duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàillinn a' choimhthional, agus air son a sheirbhis an t-sagairt, agus air son na h-éididh naomha.

22 Agus thàinig iad, araon <sup>6</sup> fir agus mpan, a' nheud's aig an robh eridhe toileach, agus thug iad leo bràistean <sup>7</sup> agus cluas-fhailean, agus fainneachan, agus eriosa-muineil <sup>8</sup>, gach uidheam òir <sup>9</sup> : agus gach fear a thug seachad, thug a seachad tabhartas òir do'n Tighearna.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus *fionna* ghabhar, agus croicne dhearg reitheachan, agus ericne bhroc, thug iad leo iad.

24 Gach duine a thug seachad tabhartas airgid agus ùmha, thug e leis tabhartas an Tighearna : agus gach duine aig an d'fhuaradh fiodh sitim chum oibre sam bith do'n t-seirbhis thug e leis e.

25 Agus shnìomh na mnà uile, a bha glic-chridheach, le'n làmh, agus thug iad leo an ni a shnìomh iad, an gorm, agus an corcur, an scarlaid, agus an t-anart grinn.

26 Agus na mnà uile, a dhùisg an eridhe suas ann an gliocas, shnìomh iad *fionna* ghabhar.

27 Agus thug na h-yachdarain leo clachan onics, agus clacha chum an ceangal, air son na h-ephoid, agus air son na h-uchd-éididh ;

28 Agus spìosraidh, agus oladh air son an t-soluis, agus air son na h-oladh-ungaidh, agus air son na tùis chùbhraidh.

29 Thug clann Israeil tabhartas toileach a dh'ionnsuidh an Tighearna, gach fear agus bean a rinn an cridhe toileach a thoirt a chum gach gnè oibre, a dh'àithn an Tighearna dlicanamh le làmh Mhaois.

30 Agus thubhairt Maois ri cloinn Israeil, Faicibh, ghairm an Tighearna air ainm Besaleel mac Uri, mhic Hur, do thréibh ludail ;

31 Agus lion se e le spiorad Dhé, ann an gliocas, ann an tuigse, ann an eòlas, agus anns gach gnè oibre ;

<sup>1</sup> briathra. <sup>2</sup> aran na fianuis. <sup>3</sup> brat an doruis air son doruis a' phàillinn. Eabh. <sup>4</sup> criathar

praise. <sup>5</sup> lairngean, seannannan. <sup>6</sup> an dà chuid. <sup>7</sup> dealgan. <sup>8</sup> paideirein. <sup>9</sup> seudan òir gu léir.

32 Agus a dhealbhadh <sup>1</sup> oibre ealanta, a dh'oibreachadh ann an òr, agus ann an airgiod, agus ann an umha,

33 Agus ann an gearradh chlach chum an ceangal, agus ann an snaidheadh fiodha, a dheanamh gnè sam bith a dh'obair ealanta.

34 Agus chuir e na chridhe gu'n teagaisgeadh e, e féin, agus Aholiab, mac Ahisamaich do thréibh Dhan.

35 Lìon e iadsan le gliocas cridhe, a dh'oibreachadh gach gnè oibre, oibre a' ghearradair, agus an oibriche ealanta, agus an oibriche le snàthaid ann an gorm, agus ann an corcur, ann an scarlaid, agus ann an anart grinn, agus an fhigheadair, a ni obair sam-bith, agus a dhalbhas obair ealanta.

## CAIB. XXXVI.

**A**GUS dh'oibrich Besaleel agus Aholiab, agus gach duine glic-chridheach d'an d'thug an Tighearna gliocas agus tùr<sup>2</sup>, a thuigsinn cionnus a dheanadh iad gach gnè oibre air son seirbhis an *ionaid* naomha, réir gach ni a dh'àithn an Tighearna.

2 Agus ghairm Maois air Besaleel, agus air Aholiab, agus air gach duine glic-chridheach, d'an d'thug an Tighearna gliocas na chridhe, *cadhon* gach aon a dhùisg a chridhe suas, gu teachd a chum na h-oibre g'a deanamh.

3 Agus ghabh iad o Mhaois na tabhartasan uile, a thug clann Israeil leo chum oibre seirbhis an *ionaid* naomha, g'a deanamh. Agus thug iad fathast d'a ionnsuidh saor tabhartasan gach aon mhaduinn.

4 Agus thàinig na daoine glic uile, a rinn uil' obair an *ionaid* naomha, gach duine ac' o obair féin, a *bha* iad a' deanamh;

5 Agus labhair iad ri Maois, ag ràdh, Tha 'n sluagh a' toirt leo tuille mor na ni's leòr, a chum seirbhis na h-oibre dh'àithn an Tighearna a dheanamh.

6 Agus dh'àithn Maois, agus thugadh gairm air fcadh a' chaimp, ag ràdh, Na deanadh fear no bean sam bith tuillecadh oibre air son tabhartais an *ionaid* naomha. Mar sin thoirmisgeadh <sup>3</sup> do'n t-sluagh *ni sam bith* a thoirt leo.

7 Oir bu leòr an t-uidheam <sup>4</sup> a bh'aca air son na h-oibre uile, g'a deanamh, agus bu tuille 's ni bu leòr e.

8 Agus rinn gach duine glic-chridheach nam measg-san, a dh'oibrich obair a phàilliuin <sup>5</sup>, deich cùirteine do anart grinn toinnte, agus do ghorm, agus do chorcur, agus do scarlaid; le cerubaibh a dh'obair ealanta rinn e iad:

9 Fad aon chùirtein ochd làmhha-coille thar fhichead, agus leud aon chùirtein cèithir làmhha-coille: na cùirteinean uile dh'aon tomhas.

10 Agus cheangail e cùig cùirteine gach aon r'a chéile: agus na cùig cùirteinean *eile* cheangail e gach aon r'a chéile.

11 Agus rinn e lùban do ghorm air foir aon chùirtein o'n iomall sa' choimhcheangal: air a'mhodh cheudna rinn e ann an foir a' chùirtein *eile* 's faide mach, ann an coimhcheangal an dara *h-aon*.

12 Leth-cheud lùb rinn e ann an aon chùirtein, agus leth-cheud lùb rinn e ann an iomall a' chùirtein, a *bha* ann an coimhcheangal an dara *h-aon*: cheangail na lùban aon chùirtein ri cùirtein eile <sup>6</sup>.

13 Agus rinn e leth-cheud cromag òir, agus choimhcheangail e na cùirteinean aon ri h-aon leis na cromagaibh. Mar sin rinneadh e na aon phàilliuin.

14 Agus rinn e cùirteine do *fhionna* ghabharr, air son a' bhùtha os cionn a' phàilliuin <sup>7</sup>: aon chùirtein deug rinn e dhiubh:

15 *B'e* fad aon chùirtein deich làmhha-coille thar fhichead, agus cèithir làmhha-coille leud aon chùirtein: *bha* 'n t-aon chùirtein deug a dh'aon tomhas.

16 Agus choimhcheangail e cùig cùirteine leo féin, agus sè cùirteine leo féin.

17 Agus rinn e leth-cheud lùb air an fhoir a b'fhaide mach do'n chùirtein sa' choimhcheangal, agus leth-cheud lùb rinn e air foir a' chùirtein, a tha coimhcheangal an dara *h-aon*.

18 Agus rinn e leth-cheud cromag a dh'umha, a cheangal a' bhùtha r'a chéile, chum as gu'm biodh e na aon.

19 Agus rinn e còmhach do'n bhùth, do chroicnibh reitheachan air an dath' dcarg, agus còmhach do chroicnibh bhroc os a cheann.

20 Agus rinn e buird do'n phàilliuin do fhiodh sìtim, nan seasamh:

21 Deich làmhha-coille fad buird, agus làmh-choille gu leth leud aon bhuid.

22 *Bha* dà làimh <sup>8</sup> aig aon bhord, air an cur an ordugh aon fa chomhair a h-aon <sup>9</sup>: mar so rinn e ri buird a' phàilliuin uile.

23 Agus rinn e buird do'n phàilliuin: fhichead bord air son an taoibh dheas, ris an airde deas.

24 Agus dà fhichead cas <sup>10</sup> airgid rinn e fuidh 'n fhichead bord: dà chois fuidh aon bhord a réir <sup>11</sup> a dhà làimh, agus dà chois fuidh bhord eile a réir a dhà làimh.

25 Agus air son taoibh eile a' phàilliuin a ta ris an airde tuath, rinn e fhichead bord,

26 Agus an dà fhichead cas a dh'airgid: dà chois fuidh aon bhord, agus dà chois fuidh bhord eile.

27 Agus air son thaobh a' phàilliuin ris an aird' an iar, rinn e sè buid.

<sup>1</sup> a chumadh. <sup>2</sup> tuigse. <sup>3</sup> bhacadh. <sup>4</sup> stubh; obair. Eabh. <sup>5</sup> a' phubhuill. <sup>6</sup> bha na lùban fa chomhair a' chéile. Eabh. <sup>7</sup> gu bh' 'nan còmhach

air a' phàilliuin. <sup>8</sup> tarsannain; tenons. Sasg. <sup>9</sup> gach aon co fhad o chéile. <sup>10</sup> cos, putag. <sup>11</sup> air son.



28 Agus rinn e dà bhord air son oisinn an a' phàilliuin san dà thaobh.

29 Agus bha iad air an ecangal ri chéile fuidhe, agus mar an ceudna bha iad air an coimhcheangal aig a' cheann ri h-aon fhailbheig: mar so rinn e riu le chéile san dà oisinn.

30 Agus bha ochd buird ann, agus an casan a dh'airgiod, *cadhon* sè casa deug; dà chois fuidh gach bord.

31 Agus rinn e croinn do fhiodh sitim, cùig air son bhord aon taoibh do'n phàilliuin.

32 Agus cùig croinn air son bhord an taoibh eile do'n phàilliuin, agus cùig croinn air son bhord a' phàilliuin a chum nan taoibh a *ta ris* an aird an iar.

33 Agus thug e air a' ehhann mheadhonach dol troimh <sup>1</sup> na buird o' cheann gu ceann.

34 Agus chòmhdaich e thairis na buird le h-òr, agus rinn e'm failbheagan a dh'òr *gu bhì* nan àitibh do na croinn, agus chòmhdaich e thairis na croinn le h-òr.

35 Agus rinn e roinn-bhrat *do* ghorm, agus *do* choreur, agus *do* scarlaid, agus *do* anart grinn toinnte: a dh'obair ealanta rinn se e, *le* cerubaibh.

36 Agus rinn e dha ceithir puist *do fhiodh* as sitim, agus chòmhdaich e thairis iad le h-òr: *bha* 'n eromagan a dh'òr, agus thilg <sup>2</sup> e dhoibh ceithir buinn airgid.

37 Agus rinn e air son doruis a' bhùtha <sup>3</sup>, brat <sup>4</sup> *do* ghorm, agus *do* choreur, agus *do* scarlaid, agus *do* anart grinn toinnte, dh'obair snàthaide:

38 Agus a chùig postan le 'n cromagaibh: agus chòmhdaich e thairis an cinn, agus an cuairteagan le h-òr: ach *bha* 'n cùig buinn a dh'umha.

#### CAIB. XXXVII.

**A**GUS rinn Besaleel an àire *do* fhiodh sitim; dà làimh-choille gu leth a fad, agus làmh-choille gu leth a leud, agus làmh-choille gu leth a h-àirde:

2 Agus chòmhdaich e thairis i le h-òr fìor-ghlan a stigh agus a muigh; agus rinn e coron òir dh'i m'an cuairt.

3 Agus thilg e dh'i ceithir failbheagan òir, *gu bhì* air a ceithir oisinnibh; eadhon dà fhailbheig air aon taoibh dh'i, agus dà fhailbheig air an taoibh eile dh'i.

4 Agus rinn e bataichean *do* fhiodh sitim, agus chòmhdaich e thairis iad le h-òr.

5 Agus chuir e na bataichean sna failbheagaibh air taobhan na h-àirec, chum an àire a ghiùlan.

6 Agus rinn e cathair-na-tròcair a dh'òr, fìor-ghlan, dà làimh-choille gu leth a fad, agus làmh-choille gu leth a leud.

7 Agus rinn e dà cherub a dh'òr, buailte mach a h-aon mhir rinn e iad, aig dà cheann cathair-na-tròcair;

8 Aon cherub aig a' cheann air an taoibh so, agus cerub eile aig a' cheann air an taoibh ud: a mach a cathair-na-tròcair rinn e na ceruban aig a dà cheann.

9 Agus bha na ceruban a' sgaoileadh an sgiathan gu h-ard, a' còmhdachadh le 'n sgiathaibh os cionn cathair-na-tròcair, agus an aghaidhean <sup>5</sup> r'a chéile; ri eathair-na-tròcair bha aghaidhean nan cerub.

10 Agus rinn e 'm bord *do* fhiodh sitim: dà làimh-choille 'fhad, agus làmh-choille a leud, agus làmh-choille gu leth 'àirde.

11 Agus chòmhdaich e thairis e le h-òr fìor-ghlan, agus rinn e dha coron òir m'an cuairt.

12 Mar an ceudna rinn e dha iomall *do* leud 'boisc m'an éuairt: agus rinn e coron òir d'a iomall m'an cuairt.

13 Agus thilg e dh'a ceithir failbheagan òir, agus chuir e na failbheagan air na ceithir oisinnibh, a *bha* aig a ceithir chasaibh.

14 Thall fa chomhair an iomaill bha na failbheagan, na h-àiteachan *do* na bataicheibh, gus am bord a ghiùlan.

15 Agus rinn e na bataichean *do* fhiodh sitim, agus chòmhdaich e thairis iad le h-òr, gus am bord a ghiùlan.

16 Agus rinn e na soithichean, a *bha* air a' bhord, a mhiasan, agus a thàiseirean, agus a chopain, agus a chuachan leis an d' thoir car seachad tabhartas-dibhe, a dh'òr fìor-ghlan.

17 Agus rinn e 'n coinnleir a dh'òr fìor-ghlan; a dh'obair bhuaile rinn e 'n coinnleir: *bha* 'chais agus a mheur <sup>6</sup>, a chopain, a chnapan, agus a bhlàthan, do'n *ni* chudna.

18 Agus sè meoir a' dol a mach as a thaobhan: trì meoir a' choinnleir a h-aon taoibh dheth, agus trì meoir a' choinnleir às an taoibh eile dheth.

19 Trì copain air an deanamh cosmhuil ri almonaibh ann an aon mheur, *maille ri* cnap agus blàth; agus trì copain air an deanamh cosmhuil ri almonaibh, ann am meur eile, *maille ri* cnap agus blàth: mar sin anns na sè meoir a' dol a mach às a' choinnleir.

20 Agus anns a' choinnleir *bha* ceithir copain air an deanamh cosmhuil ri almonaibh, *maille ri* a' chnàp agus a bhlathan.

21 Agus cnap fuidh dhà mheur dheth, agus cnap fuidh dhà mheur dheth, a réir nan sè meur a' dol a mach as.

22 Bha 'n cnàp agus am meoir do'n *ni* chudna: b'aon obair bhuaile a dh'òr fìor-ghlan an t-iomall deth.

23 Agus rinn e a sheachd lòchrain, agus a smàladairean <sup>7</sup>, agus a smàl-shoithichean, a dh'òr fìor-ghlan.

24 *Do* thall an òir fìor-ghloin rinn se e, agus a shoithichean uile.

25 Agus rinn e altair na tùise *do* fhiodh

<sup>1</sup> roimh; tre, trid. Eir. <sup>2</sup> rinn. <sup>3</sup> a' phàilliuin, a' phubail. <sup>4</sup> còmhach cuirtein. <sup>5</sup> aghahean.

<sup>6</sup> mheanglan. <sup>7</sup> a chlobhachan.

sitim: làmh-choille a fad, agus làmh-choille a leud, (*bha i ceithir-chearnach*), agus dà làmh-choille a h-àirde; *bha a h-adhaircean do'n nì cheudna*.

26 Agus chòmhdaich e thairis i le h-òr fìor-ghlan, a mullach, agus a taobhan m'an cuairt, agus a h-adhaircean; agus rinn e coron òir dh'i m'an cuairt.

27 Agus rinn e dà fhailbheig òir dh'i fuidh a coron, aig<sup>1</sup> a dà oisinn, air a dà thaobh, *gu bhì nan àitibh do na bataichibh chum a giùlan leo*.

28 Agus rinn e na bataichean do fhiodh sitim, agus chòmhdaich e thairis iad le h-òr.

29 Agus rinn e an oladh-ungaidh naomha, agus an tùis fhìor ghlan do spìosraidh chùbhraidh, a réir oibre an léigh<sup>2</sup>.

## CAIB. XXXVIII.

**A**GUS rinn e altair na h-ìobairt-loisgte do fhiodh sitim: cùig làmha-coille a fad, agus cùig làmha-coille a leud, (*bha i ceithir-chearnach*), agus trì làmha-coille a h-àirde.

2 Agus rinn e a h-adhaircean air a ceithir oisinnibh: *bha a h-adhaircean do'n nì cheudna*; agus chòmhdaich e thairis i le h-umha.

3 Agus rinn e uile shoithichean na h-altarach, na h-aigheannan<sup>3</sup>, agus na sluasaiden, agus na cuachan, *agus na greimichean*, agus na h-aigheannan-teine: a soithichean uile rinn e a dh'umha.

4 Agus rinu e do'n altair cliath do lìon-obair umha, f'a cuairt gu h-ìosal, gu nuig a meadhan.

5 Agus thilg e ceithir failbheagan do cheithir oisinnibh<sup>4</sup> na cléith umha, *gu bhì nan àitibh do na bataichibh*.

6 Agus rinn e na bataichean do fhiodh sitim, agus chòmhdaich e thairis iad le h-umha.

7 Agus chuir e na bataichean sna failbheagaibh air taobhan na h-altarach, chum a giùlan leo; fàs le bordaibh rinn e i.

8 Agus rinn e an soitheach-ionnlaid a dh'umha, agus a chas a dh'umha, do sgàthanaibh *nam ban*, a chruinnich 'nam buidhnibh aig dorus pàilliuin a' choimh-thionail<sup>5</sup>.

9 Agus rinn e chùirt air an taobh mu dheas, ris an àirde deas: *bha cùirteinean na cùirte do anart grinn toinnte*, ceud làmh-choille *air fad*;

10 Am puist fhead, agus am buinn umha, fhead; *bha cromagan nam post agus an cuairteagan a dh'airgid*.

11 Agus air an taobh mu thuath, *bha na cùirteine do cheud làmh-choille*; am puist fhead, agus am buinn umha, fhead: *cromagan nam post, agus an cuairteagan<sup>6</sup> a dh'airgid*.

12 Agus air an taobh an iar *bha cùirteine do leth-cheud làmh-choille*; am puist deich, agus am buinn deich: *cromagan nam post agus an cuairteagan a dh'airgid*.

13 Agus air an taobh an ear ris an àird an ear, leth cheud làmh-choille.

14 *Bha cùirteinean aon taoibh do'n gheata cùig làmh-choille deug*; am puist trì, agus am buinn trì.

15 Agus air son an taoibh eile do gheata na cùirte, air an làimh so agus air an làimh ud, *bha cùirteine do chùig làmha-coille deug*; am puist trì, agus am buinn trì.

16 *Bha cùirteinean na cùirte uile m'an cuairt a dh'anart grinn toinnte*.

17 Agus *bha buinn nam post a dh'umha*; cromagan nam post, agus an cuairteagan a dh'airgid, agus còmhach an ceann a dh'airgid; agus *bha uile phuist na cùirte air an ceangal m'an cuairt<sup>7</sup> le h-airgid*.

18 Agus *bha m'brat air son geataidh na cùirte na obair shnathaid do ghorm*, agus do chorcur, agus do scarlaid, agus do anart grinn toinnte: agus *b'e fhead làmh-choille fhad*, agus *b'e àirde san leud cùig làmha-coille*, a' coimh-fhreagairt do chùirteinibh na cùirte:

19 Agus am puist ceithir, agus am buinn umha ceithir; an cromagan a dh'airgid, agus còmhach an ceann, agus an cuairteagan a dh'airgid.

20 Agus *bha uile phinneachan a' phàilliuin agus na cùirte m'an cuairt, a dh'umha*.

21 *Is e sin àireamh nìthe a' phàilliuin*, pàilliuin na fianuis, mar a dh' àirmheadh iad, a réir àithne Mhaois, *air son seirbhis nan Lebheach*, le làimh Itamair, mhic Aaroin an t-sagairt.

22 Agus rinn Besaleel mac Uri, mhic Shur, do thréibh Iudaih, gach nì a dh'àithn an Tighearna do Mhaois;

23 Agus maille ris Aholiab, mac Ahisamaich, do thréibh Dhan, gearradair, agus oibriche calanta, agus fear oibre gréis<sup>8</sup> ann an gorm, agus ann an corcur, agus ann an scarlaid, agus ann an anart grinn.

24 B'e 'n t-òr uile a chuireadh am feum<sup>9</sup> san obair, ann an uil' obair an ionaid naomha, eadhon òr an tabhartais, naoi tàlanna fhead, agus seachd ceud agus deich secel 'ar fhichead, a réir seceil an ionaid naomha.

25 Agus b'e airgid na muinntir a dh'-àirmheadh do'n choimhthional, ceud tàlann, agus mìle agus seachd ceud agus cùig secel deug agus trì fhead, a réir seceil an ionaid naomha:

26 Becah air son gach fir, 's e sin leth seceil, a réir seceil an ionaid naomha, air son gach aon a chaidh gu bhì air an àireamh, o fhichead bliadhna a dh'aois agus

<sup>1</sup> ag. <sup>2</sup> an ollaidh, un lusragain. <sup>3</sup> coireachan, poitean. <sup>4</sup> chin. <sup>5</sup> a bha cruimeachadh, a chruinnich aig dorus bùtha a' choimhthionail.

Eabh. <sup>6</sup> stòman. <sup>7</sup> cuairtiche, stòmaichte. <sup>8</sup> grèisear; embroiderer. Sagg. <sup>9</sup> a chaitheadh.



os a cheann, air son shè ceud milc agus thri mìle agus ehuig ceud agus leth-cheud fear.

27 Agus do'n cheud tàlann airgid thilg-eadh buinn an ionaid naomha, agus buinn an roinn-bhrait; ceud bonn do'n cheud tàlann, tàlann do gach bonn.

28 Agus do'n mhìle agus sheachid ceud agus a' chuiig secel deug agus tri fichcad, rinn e cromagan do na puist, agus chomh-daich e'n cinn, agus chuir e cuairteagan m'an timchioll<sup>1</sup>.

29 Agus b'e umha an tabhartais deich agus tri fichcad tàlann, agus dà mhìle agus ceithir cheud secel.

30 Agus rinn e le sin na buinn do dhorus pàilliuin a' choimhthionail, agus an altair umha, agus a' chliath umha aice, agus soithichean na h-altarach uile,

31 Agus buinn na cùirte m'an cuairt, agus buinn geataidh na cùirte, agus uile phinneagan a' phàilliuin, agus uile phinn-eacha na cùirte m'an cuairt.

## C A I B. XXXIX.

**A** GUS do'n ghorm, agus do'n chorcur, agus do'n scarlaid, rinn iad éididh<sup>2</sup> frithealaidh, gu frithealadh san ionaid naomha, agus rinn iad éididh naomha do Aaron; mar a dh'àithn an Tighearna do Mhaois.

2 Agus rinn e'n ephod do òr, do ghorm, agus do chorcur, agus do scarlaid, agus do anart grinn toinnte.

3 Agus bhuail iad a mach an t-òr na leachdaibh<sup>3</sup> tana, agus ghearr iad e na shnàinnibh<sup>4</sup>, a chum oibreachadh am measg a' ghuirm, agus am measg a' chorcur, agus am measg na scarlaid, agus am measg an anart ghrinn le h-obair ealanta.

4 Rinn iad mìrcan-guailne dh'i, ceangailte ri chèile<sup>5</sup> air a dà fhoir: mar sin chuireadh ri chèile i.

5 Agus bha erios riomhach na h-ephoid, a bha air a h-uachdar, do'n nì cheudna, a réir a h-oibre fein; cadhon do-òr, do ghorm, agus do chorcur, agus do scarlaid, agus do anart grinn toinnte; mar a dh'àithn an Tighearna do Mhaois.

6 Agus dh'oibrich iad clachan onics ceangailte ann am failibh òir, air an gearradh le gearradh seulaidh, le ainmibh chloinn Israeil orra.

7 Agus chuir e iad air guailnibh na h-ephoid, gu bhi nan clacha cuimhneachain do chloinn Israeil; mar a dh'àithn an Tighearna do Mhaois.

8 Agus rinn e 'n uchd-éididh le h-obair ealanta, a réir oibre<sup>6</sup> na h-ephoid, do òr, do ghorm, agus do chorcur, agus do scarlaid, agus do anart grinn toinnte.

9 Bha i ceithir-cheamach; rinn iad an uchd-éididh dà-fhillte: réir a fad agus réir a leud; bha i dà-fhillte.

10 Agus chuir iad innte ceithir sreathan chlach: a' cheud sreath, sardius, topas, agus carbuncal: so a' cheud sreath.

11 Agus an dara sreath, emerald, saplir, agus daoimein.

12 Agus an treas sreath, ligur, agat, agus ametist.

13 Agus an ceathramh sreath, beril, onics, agus iasper: bha iad air an ceangal ann am failibh òir 'nan suidheachadh<sup>7</sup>.

14 Agus bha na clachan a réir ainmeanna chloinn Israeil, a dhà-dheug a réir an ainm-eanna, le gearradh seulaidh, gach aon aca le h-ainm fein, a réir an dà thréibh dheug.

15 Agus rinn iad air an uchd-éididh slabhruidhean aig na cinn, a dh'obair shnìomhta dh'òr fìor-ghlan.

16 Agus rinn iad dà fhail òir, agus dà fhàinne òir: agus chuir iad na dà fhàinne air dà cheann na h-uchd-éididh.

17 Agus chuir iad an dà shlabhruidh shnìomhta san dà fhàinne air cinn na h-uchd-éididh.

18 Agus dhaingnich iad dà ehcann na dà shlabhruidh shnìomhta san dà fhail, agus chuir siad iad air mìribh-guailne na h-ephoid air a beulaobh.

19 Agus rinn iad dà fhàinne òir, agus chuir siad iad air dà cheann na h-uchd-éididh, air an iomall dith, a bha air taobh na h-ephoid a stigh.

20 Agus rinn iad dà fhàinne òir eile, agus chuir siad iad air dà thaobh na h-ephoid gu h-ìosal, leth ris a' chuid bheoil dith, fa chomhair a' coimhcheangail eile, os ceann crios riomhach na h-ephoid.

21 Agus dheangail iad an uchd-éididh leis a fàinnibh ri fàinnibh na h-ephoid le h-éill ghuir, a chum gu'm bitheadh i os ceann crios riomhach na h-ephoid, agus nach biodh an uchd-éididh air a fuasgladh o'n ephoid, mar a dh'àithn an Tighearna do Mhaois.

22 Agus rinn e falluing na h-ephoid a dh'obair fhighte, uile do ghorm.

23 Agus bha toll am meadhon na falluinge, mar tholl lùriche-màillich, agus foir<sup>8</sup> timchioll a tuill, a chum nach reubtadh i.

24 Agus rinn iad air iomall na falluinge pomgranata do ghorm, agus do chorcur, agus do scarlaid, agus do anart toinnte.

25 Agus rinn iad eluig a dh'òr fìor-ghlan, agus chuir iad na cluig cadar na pomgranatan, air iomall na falluinge m'an cuairt cadar na pomgranata:

26 Clag agus pomgranat, elag agus pomgranat, air iomall na falluinge m'an cuairt, a fhrithealadh innte, mar a dh'àithn an Tighearna do Mhaois.

27 Agus rinn iad còtaichean a dh'anart grinn, a dh'obair fhighte, air son Aaroin agus a chuid mac,

<sup>1</sup> stèimich e iad. <sup>2</sup> truscan, aodaichean.  
<sup>3</sup> lannaibh. <sup>4</sup> theudaibh. <sup>5</sup> g'a ceangal ri chèile.

<sup>6</sup> cosmhvil ri obair. <sup>7</sup> dùnadh, cur.  
<sup>8</sup> iomall, bann.

28 Agus crùn-sagairt a dh'anart grinn, agus bonaidean sgiamhach a dh'anart grinn, agus briogais anairt a dh'anart grinn toinnte.

29 Agus crios do anart grinn toinnte, agus do ghorm, agus do chorcur, agus do scarlaid, a dh'obair shnàthaide, mar a dh'àithn an Tighearna do Mhaois.

30 Agus rinn iad leachd<sup>1</sup> a chrùn naomha dh'òr fìor-gblan, agus sgrìobh iad oirre sgrìobhadh, *cosmhuil ri gearradh seulaidh*, NAOMHACHD DO'N TIGH-EARNA.

31 Agus cheangail iad rithe iall do ghorm g'a daingneachadh air a' chrùn gu h-ard, mar a dh'àithn an Tighearna do Mhaois.

32 Mar sh chrìochnaicheadh uil' obair pàilliuin bùtha a' choimh-thionail<sup>2</sup>: agus rinn clann Israeil a réir gach nì a dh'àithn an Tighearna do Mhaois; mar sin rinn iad.

33 Agus thug iad am pàilliuin gu Maois, am bùth, agus airneis uile, a chromagan, a bhuird, a chroinn, agus a phuist, agus a bhuinn;

34 Agus an còmhach do chroicnibh reitheachan air an dath' dearg, agus an còmhach do chroicnibh bhroc, agus brat a' chòmhdaich;

35 Airc na fianuis, agus a bataichean, agus cathair-na-tròcair;

36 Am bord agus a shoithichean uile, agus an t-aran taisbeanta;

37 An coinnleir fìor-ghlan agus a lòchrain, eadhon a lòchrain gu bhli air an cur ann an ordugh, agus a shoithichean uile, agus an oladh a chum soluis;

38 Agus an altair òir, agus an oladh-ungaidh, agus an tùis chùbhraidh, agus am brat air son doruis a' phàilliuin;

39 An altair umha, agus a cliath umha, a bataichean, agus a soithichean uile, an soitheach-ionnlaid agus a chas;

40 Cùirtean na cùirte, a puist, agus a buinn, agus am brat<sup>3</sup> air son geataidh na cùirte, a cuird, agus a pinneachan<sup>4</sup>, agus uile shoithiche seirbhis a' phàilliuin, air son bùtha a' choimhthionail;

41 Eudach an fhritheilidh<sup>5</sup> gu frithealadh san ionad naomha, an t-eudach naomha air son Aaron an t-sagairt, agus eudach a chuid mac, a fhrithealadh ann an dreuchd an t-sagairt.

42 A réir gach nì a dh'àithn an Tighearna do Mhaois, mar sin rinn clann Israeil an obair uile.

43 Agus dh'amhairc Maois air an obair uile, agus feuch, rinn iad i mar a dh'àithn an Tighearna, eadhon mar sin rinn iad i: agus bheannaich Maois iad.

# CAIB. XL.

**A**GUS labhair an Tighearna ri Maois, ag ràdh,

<sup>1</sup> fleasg, blàth. <sup>2</sup> uil' obair pàilliuin, eadhon bùtha a' choimhthionail. <sup>3</sup> croch-bhrat. <sup>4</sup> tairngeun. <sup>5</sup> Truscan na seirbhis.

2 Air a' cheud là do'n cheud mhìos cuiridh tu suas pàilliuin bùtha a' choimhthionail;

3 Agus cuiridh tu ann àirc na fianuis, agus folaichidh tu 'n àirc leis an roinn-bhrat.

4 Agus bheir thu stigh am bord, agus cuiridh tu 'n ordugh na nithe, a ta gu bhli air an cur an ordugh air; agus bheir thu stigh an coinnleir, agus lasaidh tu a lochrain.

5 Agus suidhichidh tu 'n altair òir, a ta chum na tùise, fa chomhair àirc na fianuis, agus cuiridh tu brat an doruis ris a' phàilliuin.

6 Agus suidhichidh tu altair na h-ìobairt-loisgte fa chomhair doruis pàilliuin bùtha a' choimhthionail.

7 Agus suidhichidh tu 'n soitheach-ionnlaid eadar bùtha a' choimhthionail agus an altair, agus cuiridh tu uisge ann.

8 Agus cuiridh tu suas a' chùirt m'an cuairt, agus crochaidh tu suas am brat aig geata na cùirte.

9 Agus gabhadh tu an oladh-ungaidh, agus ungaidh tu 'm pàilliuin, agus gach nì a ta ann, agus naomhaichidh tu e, agus a shoithichean uile: agus bithidh e naomha.

10 Agus ungaidh tu altair na h-ìobairt-loisgte, agus a soitheachan uile, agus naomhaichidh tu an altair: agus bithidh an altair ro-naomha.

11 Agus ungaidh tu an soitheach-ionnlaid agus a chas, agus naomhaichidh tu e.

12 Agus bheir thu Aaron agus a mhic gu dorus bùtha a' choimhthionail<sup>6</sup>, agus ionnailidh tu iad le h-uisge.

13 Agus cuiridh tu air Aaron an t-eudach naomha<sup>7</sup>, agus ungaidh tu e, agus naomhaichidh tu e; agus fritheilidh e dhomhsa ann an dreuchd an t-sagairt.

14 Agus bheir thu leat a mhic, agus cuiridh tu còtaichean orra,

15 Agus ungaidh tu iad, mar a dh'ung thu 'n altair, agus fritheilidh<sup>8</sup> iad dhomhsa ann an dreuchd an t-sagairt; oir bithidh gu deimhin an ungadh-sa dhoibh a chum sagartachd sìorruidh air feadh an ginealach.

16 Agus rinn Maois a réir gach nì a dh'àithn an Tighearna dha: mar sin rinn e.

17 Agus b'anns a' cheud mhìos, san dara bliadhna, air a cheud là do'n mhìos, a chuireadh suas am pàilliuin.

18 Agus chuir Maois suas am pàilliuin agus dhaingnich e 'bhuinn, agus chuir e suas a bhuird, agus chuir e stigh a chroinn, agus thog e suas a phuist.

19 Agus sgaoile mach am bùth os cionn a' phàilliuin, agus chuir e còmhach a' bhùtha air os a cheann, mar a dh'àithn an Tighearna do Mhaois.

<sup>6</sup> pàilliuin a' choimhthionail. <sup>7</sup> an truscan, a' chulaidh naomha. <sup>8</sup> chum gu fritheil. <sup>9</sup> an teistean.



20 Agus ghabh e agus chuir e an fhianuis<sup>1</sup> anns an àirc, agus chuir e na bataichean air an àirc, agus chuir e cathair-na-tròcair air an àirc os a ceann.

21 Agus thug e 'n àirc a stigh do'n phàilliuin, agus chuir e suas brat a' chòmhdach agus chòmhdach e àirc na fianuis, mar a dh'àithn an Tighearna do Mhaois.

22 Agus chuir e 'm bord ann am bùth a choimhthionail air taobh a' phàilliuin mu thuath, an taobh a muigh do'n roinn-bhrat.

23 Agus chuir e 'n t-aran ann an ordugh air, ann an làthair an Tighearna, mar a dh'àithn an Tighearna do Mhaois.

24 Agus chuir e 'n coinnleir ann am bùth a' choimhthionail thall fa chomhair a' bhuird, air taobh a phàilliuin ris an airde deas.

25 Agus las e na lòchrain ann an làthair an Tighearna, mar a dh'àithn an Tighearna do Mhaois.

26 Agus chuir e 'n altair òir ann am bùth a' choimhthionail air beulaobh an roinn-bhrat.

27 Agus loisg e tùis chùbhraidh oirre, mar a dh'àithn an Tighearna do Mhaois.

28 Agus chuir e suas am brat<sup>2</sup> aig dorus a' phàilliuin.

29 Agus chuir e altair na h-ìobairt-loisgte làmh ri dorus pàilliuin bùthla a' choimhthionail, agus thug e suas oirre an

ìobairt-loisgte, agus an tabhartas-bith, mar a dh'àithn an Tighearna do Mhaois.

30 Agus chuir e 'n soitheach-ionnlaid eadar bùth a' choimhthionail agus an altair, agus chuir e uisge ann, a dh'ionnlad leis.

31 Agus dh'ionnail Maois, agus Aaron, agus a mhic, an làmh agus an cosan aige.

32 An uair a bha iad gu dol a stigh do bhùth a' choimhthionail, agus gu teachd ann fagus do'n altair, dh'ionnail siad iad féin, mar a dh'àithn an Tighearna do Mhaois.

33 Agus chuir e suas a' chùirt timchioll a' phàilliuin agus na h-altarach, agus chuir e suas brat gcataidh na cùirte: mar sin chrìochnaich Maois an obair.

34 An sin chòmhdach neul bùth a' choimhthionail, agus lìon glòir an Tighearn ann am pàilliuin.

35 Agus cha b'urradh Maois dol a stigh do bhùth a' choimhthionail, a chionn gu'n do ghabh an neul còmhnuidh air, agus gu'n do lìon glòir an Tighearn ann am pàilliuin.

36 Agus an uair a dh'éirich an neul suas o mhullach a' phàilliuin, chaidh clann Israeil air an aghaidh nan uile thurusaibh.

37 Ach mar d'éirich an neul suas, an sin cha do thriall iad gus an là san d'éirich e suas:

38 Oir bha neul an Tighearn air a' phàilliuin san là, agus bha teine air san oidhche, ann an sealladh thighe Israeil uile, air feadh an uile thurusa.

## LEBHITICUS.

### C A I B. I.

**A**GUS ghairm an Tighearn air Maois, agus labhair e ris a pàilliuin a' choimhthionail<sup>3</sup>, ag ràdh,

2 Labhair ri cloinn Israeil, agus abair riu, Ma bheir duine sam bith agaibh tabhartas a dh'ionnsuidh an Tighearna, bheir sibh bhur tabhartas do'n spreidh, eadhon do'n bhuar agus d'on treud.

3 Ma bhios a thabhartas do'n bhuar na ìobart-loisgte<sup>4</sup>, thugadh e seachad beathach firionn gun ghaid: aig dorus pàilliuin a' choimhthionail bheir e seachad e d'a shaor thoil féin, an làthair an Tighearna.

4 Agus cuiridh e a làmh air ceann na h-ìobairt-loisgte: agus gabhar air a shon i, a dheanamh rèite air a shon.

5 Agus marbhaidh e 'n tarbh òg<sup>5</sup> an làthair an Tighearna: agus bheir na sagairt mic Aaron leò an fhuil, agus crathaidh iad an fhuil m'an cuairt air an altair, a ta aig dorus pàilliuin a' choimhthionail.

6 Agus fionnaidh e 'n ìobairt-loisgte, agus gearraidh e í na miribh<sup>6</sup>.

7 Agus cuiridh mic Aaron an t-sagairt teine air an altair, agus leagaidh iad fiodh<sup>7</sup> ann an ordugh air an teine.

8 Agus leagaidh na sagairt mic Aaron na mirean, an ceann, agus an t-saill, ann an ordugh air an fhiodh, a ta air an teine, a tha air an altair.

9 Ach a mhionach<sup>8</sup> agus a chasan nighidh e ann an uisge: agus loisgidh an sagart an t-iomlan<sup>9</sup> air an altair, mar ìobairt-loisgte, tabhartas a bheirear suas le teine, a dh'fhàile cùbhraidh<sup>10</sup> do'n Tighearna.

10 Agus ma's ann do na treudaibh a bhios a thabhartas, eadhon do na caoraich, no do na gabhraibh, chum ìobairt-loisgte; na bheathach firionn gun ghaid bheir e leis e.

11 Agus marbhaidh se e aig taobh na h-altarach mu thuath ann an làthair an Tighearna: agus crathaidh na sagairt mic Aaron 'fhuil air an altair m'an cuairt.

12 Agus gearraidh e na mhiribh e, maille r'a cheann agus r'a shaill; agus cuiridh an sagart iad ann an ordugh air an fhiodh, a ta air an teine, a tha air an altair.

<sup>1</sup> an teisteas. <sup>2</sup> an comhdach. <sup>3</sup> bùth a' choimhthionail. <sup>4</sup> chum ìobairt-loisgte.

<sup>5</sup> gamhuinn: mac bòtha. Eabh.

<sup>6</sup> na bloighdibh. <sup>7</sup> connadh. <sup>8</sup> a ghrealach. <sup>9</sup> na h-uile. <sup>10</sup> do bholadh cùbhraidh.

13 Ach nighidh e am mionach agus na casan le h-uisge; agus bheir an sagart leis an t-ìomlan, agus loisgidh e air an altair e, mar ìobairt-loisgte, tabhartas a bheirear suas le teine, a dh'fhàile cùbhraidh do'n Tighearna.

14 Agus ma's ann do eunaibh a bhios a thabhartas do'n Tighearna chum ìobairt-loisgte, an sin bheir e a thabhartas do thurturaibh, no do cholumanaibh òga.

15 Agus bheir an sagart e chum na h-altarach, agus snìomhaidh<sup>1</sup> e 'cheann deth, agus loisgidh e air an altair e; agus fàisgear a mach 'fhuil air taobh na h-altarach.

16 Agus spìonaidh<sup>2</sup> e 'gheuban as maille r'a chlàimh<sup>3</sup>, agus tilgidh e làimh ris an altair e, air an taobh an car, a dh'àite na luatha.

17 Agus sgoiltidh e maille r'a sgiathaibh e, ach cha roinn e o cheile e: agus loisgidh an sagart e air an altair, air an fhiodh a ta air an teine, mar ìobairt-loisgte, tabhartas a bheirear suas le teine, a dh'fhàile cùbhraidh do'n Tighearna.

## CAIB. II.

**A** GUS an uair a bheir neach air bith tabhartas-bidh do'n Tighearna, bithidh a thabhartas do phlùr mìn: agus doirtidh e oladh air, agus cuiridh e tùis air:

2 Agus bheir se e gu mic Aaroin na sagairt, agus gabhaidh e as làn a dhuirn d'a phlùr, agus d'a-ola, maille r'a thùis uile; agus loisgidh an sagart a chuimhneachan air an altair, gu bhì na thabhartas air a thoirt suas le teine, a dh'fhàile cùbhraidh do'n Tighearna.

3 Agus fuigheall an tabhartais-bhìdh, is le Aaron agus le 'mhic e: is nì ro naomha e do thabhartasaibh an Tighearna air an toirt suas le teine.

4 Agus ma bheir thu seachad tabhartas bidh air a dheasachadh<sup>4</sup> san àmhuinn, is breacagan neo-ghoirtichte do phlùr mìn measg le h-oladh a bhios ann, no dearnagan<sup>5</sup> neo-ghoirtichte ungta le h-ola.

5 Agus ma's tabhartas-bidh air a dheasachadh ann an aghann a bhios a'd' thabhartas, bithidh e do phlùr mìn neo-ghoirtichte, measg le h-ola.

6 Roinnidh tu e na mhìribh, agus dòirtidh tu oladh air: is tabhartas-bidh a t'ann.

7 Agus ma bhios do thabhartas na thabhartas bidh o'n aghann-ròstaidh, nìthear e do phlùr mìn le h-ola.

8 Agus bheir thu 'n tabhartas-bidh, a nìthear do na nithibh so, chum an Tighearna: agus an uair a thaisbeanar<sup>6</sup> do'n t-sagart e, bheir se e chum na h-altarach.

9 Agus gabhaidh an sagart as an tabhartas-bidh cuimhneachan dheth, agus loisgidh se e air an altair: is tabhartas a th'ann

air a thoirt suas le teine, a dh'fhàile cùbhraidh do'n Tighearna.

10 Agus an nì a dh'fhàgar do'n tabhartas-bidh, is le Aaron agus le 'mhic e: tha e na nì ro-naomha do thabhartais an Tighearna air an toirt suas le teine.

11 Cha deanar tabhartas-bidh sam bith, a bheir sibh a dh'ionnsuidh an Tighearna, le taois ghoirt; oir cha loisg sibh a' bheag do thaois ghoirt, no do mhill, ann an tabhartais an Tighearna, a bheirear suas le teine.

12 A thaobh tabhartais a' cheud tòraidh, bheir sibh seachad e do'n Tighearna: ach cha loisgear air an altair e chum faile cùbhraidh.

13 Agus gach tabhartas-bidh a bheir thu leat, nì thu blasda le salann: cha mhò a leigeas tu le salann coimh-cheangail do Dhé bhì dh'easbhuidh air do thabhartais-bidh: le d' thabhartais uile bheir thu seachad salann.

14 Agus ma bheir thu seachad tabhartas-bidh do d' cheud thoradh do'n Tighearna, bheir thu seachad mar an tabhartas-bidh do d' cheud thoradh, diasa glasa do arbhar cruaidhichte leis an teine, eadhon sìol buailte as na diasaidh ùra<sup>7</sup>.

15 Agus cuiridh tu oladh air, agus leagaidh tu tùis air: is tabhartas-bidh e.

16 Agus loisgidh an sagart a chuimhneachan, cuid d'a arbhar buailte, agus cuid d'a ola, maille r'a thùis uile: is tabhartas e a bheirear suas le teine do'n Tighearna.

## CAIB. III.

**A** GUS ma bhios a thabhartas, a chum ìobairt tabhartasan-sith, ma's ann do'n bhuar a bheir e seachad e, ma's frionn no bainionn e; bheir e seachad e gun ghaoid an làthair an Tighearna.

2 Agus cuiridh e a làmh air ceann a thabhartais, agus marbhaidh se e aig doras pàilliuin a' choimhthionail: agus crathaidh mic Aaroin na sagairt an fhuil air an altair m'an cuairt.

3 Agus bheir e seachad do ìobairt nan tabhartas-sith, tabhartas a bheirear suas le teine do'n Tighearna; an t-saill a ta comhdachadh a' mhìonaich, agus an t-saill uile, a th' air a' mhìonaich,

4 Agus an dà àra, agus an t-saill a ta orra, a ta air an lochléin, agus an sgairt a ta os cionn nan àinean; maille ris na h-aìribh, bheir e air falbh i.

5 Agus loisgidh mic Aaroin e air an altair, air an ìobairt-loisgte, a ta air an fhiodh, a th' air an teine: is tabhartas e a bheirar suas le teine, a dh'fhàile cùbhraidh do'n Tighearna.

6 Agus ma's ann do'n treud a bhios a thabhartas chum ìobairt tabhartasan-sith do'n Tighearna, frionn no bainionn; bheir e seachad e gun ghaoid.

<sup>1</sup> spìonaidh. <sup>2</sup> reubaidh. <sup>3</sup> iteagan.  
<sup>4</sup> bruichte. <sup>5</sup> gearragan; wafers. Sarg.

<sup>6</sup> nochdar.

<sup>7</sup> làna.



7 Ma bheir e seachad uan mar a thabhartas, bheir e seachad e an làthair an Tighearna.

8 Agus cuiridh e a làmh air ceann a thabhartais, agus marbhaidh se e fa chomhair pàilliuin a' choimhthionail : agus crathaidh mic Aaroin fhuil air an altair m'an cuairt.

9 Agus bheir e seachad *cuid* do ìobairt nan tabhartas-sìth, mar thabhartas a bheir ear suas le teine do'n Tighearna : a shaill agus an t-carball uile, teann air a' chnàimh-dhroma bheir e air falbh e : agus an t-saill a tha còmhachadh a' mhionaich, agus an t-saill uile a *ta* air a' mhionach.

10 Agus an dà àra, agus an t-saill a *ta* orra, a *ta* làmh ris an loch-léin, agus an sgairt os cionn nan àinean, maille ris na h-àrnibh, bheir e air falbh i ;

11 Agus loisgidh an sagart e air an altair ; *'se* biadh an tabhartais a bheirear suas le teine do'n Tighearna e.

12 Agus ma's gabhar a *bhios* na thabhartas, bheir e seachad i an làthair an Tighearna.

13 Agus cuiridh e a làmh air a ceann, agus marbhaidh e i fa chomhair pàilliuin a' choimhthionail : agus crathaidh mic Aaroin a fuil air an altair m'an cuairt.

14 Agus bheir e seachad dhith a thabhartas, *eadhon* tabhartas a bheir ear suas le teine do'n Tighearna ; an t-saill a tha còmhachadh a' mhionaich, agus an t-saill uile, a *ta* air a' mhionach.

15 Agus an dà àra, agus an t-saill a *ta* orra, a *tha* làmh ris an loch-léin, agus an sgairt os cionn nan àinean, maille ris na h-àrnibh, bheir e air falbh i ;

16 Agus loisgidh an sagart iad air an altair : *is iad* biadh an tabhartais a bheir ear suas le teine, chum fàile cùbhraidh. An t-saill uile *is* leis an Tighearna.

17 *Bithidh e* na reachd<sup>1</sup> bithbhuana do'r ginealachaihbh air feadh bhur n-àiteachacòmhnuidh uile, nach ith sibh saill no fuil sam bith.

#### CAIB. IV.

**A** GUS labhair an Tighearna ri Maois, ag ràdh,

2 Labhair ri cloinn Israeil, ag ràdh, Ma pheacaicheas anam tre aineolas<sup>2</sup> an aghaidh h-aon sam bith do àitheantaibh an Tighearna (thaobh nithe nach bu chòir a dheanamh) agus gu'n dean e *ni* an aghaidh a h-aon diubh ;

3 Ma pheacaicheas an sagart a chaidh ungadh, a réir peacaidh an t-sluaigh ; an sin thugadh c air son a pheacaidh a pheacaidh e, tarbh òg gun ghaoidh a dh'ionnsuidh an Tighearna chum ìobairt-pheacaidh.

4 Agus bheir e an tarbh gu dorus pàilliuin a' choimhthionail an làthair an Tighearna ; agus cuiridh e a làmh air ceann an tairbh,

agus marbhaidh e 'n tarbh an làthair an Tighearna.

5 Agus gabhaidh an sagart, a chaidh ungadh, *cuid* do fhuil an tairbh, agus bheir e i gu pàilliuin a' choimhthionail.

6 Agus tumaidh an sagart *cuid* do'n fhuil air adhaircibh altarach na tùis chùbhraidh am fianuis an Tighearna, a *ta* ann am pàilliuin a' choimhthionail ; agus dòrtidh e fuil an tairbh uile aig bun altarach na h-ìobairt-loisgte, a *ta* aig dorus pàilliuin a' choimhthionail.

7 Agus cuiridh an sagart *cuid* do'n fhuil air adhaircibh altarach na tùis chùbhraidh am fianuis an Tighearna, a *ta* ann am pàilliuin a' choimhthionail ; agus dòrtidh e fuil an tairbh uile aig bun altarach na h-ìobairt-loisgte, a *ta* aig dorus pàilliuin a' choimhthionail.

8 Agus uile shaill tairbh na h-ìobairt-pheacaidh bheir e air falbh uaith ; an t-saill a tha còmhachadh a' mhionaich, agus an t-saill uile a *ta* air a' mhionach,

9 Agus an dà àra, agus an t-saill a *ta* orra, a *tha* làmh ris an loch-léin<sup>3</sup>, agus an sgairt os cionn nan àinean, maille ris na h-àrnibh, bheir e air falbh i,

10 Mar a thugadh air falbh i o tharbh ìobairt nan tabhartas-sìth : agus loisgidh an sagart iad air altair na h-ìobairt loisgte.

11 Agus seiche<sup>4</sup> an tairbh, agus 'theoil uile, maille r'a cheann, agus maille r'a chasan, agus a mhionach, agus a ghaorr<sup>5</sup>,

12 Eadhon an tarbh gu h-ionlan giùlainidh e mach an taobh a muigh do'n champ gu h-ionad glan, far an doirtear<sup>6</sup> a mach an luath, agus loisgidh e air an fhiodh e le teine : far an doirtear a mach an luath, loisgear e.

13 Agus ma pheacaicheas coimhthional Israeil uile tre aineolas, agus gu bheil an nì folaichte o shùilibh a' choimhchrùinnich, agus gu'n d'rinn iad *ni-eigin<sup>7</sup>* an aghaidh a h-aon sam bith a dh'àitheantaibh an Tighearna, a *thaobh nithe* nach bu chòir a dheanamh, agus gu bheil iad ciontach :

14 An uair a bhios an peacadh a pheacaidh iad na aghaidh aithnichte, an sin bheir an coimhchrùinneach seachad tarbh òg air son a' pheacaidh, agus bheir iad e fa chomhair pàilliuin a' choimhthionail.

15 Agus cuiridh seanairean a' choimhthionail an làmh air ceann an tairbh an làthair an Tighearna : agus marbhar an tarbh an làthair an Tighearna.

16 Agus bheir an sagart, a chaidh ungadh, *cuid* do fhuil an tairbh gu pàilliuin a' choimhthionail.

17 Agus tumaidh an sagart a mheur *ann* an *cuid* do'n fhuil, agus crathaidh e i seachd uairean an làthair an Tighearna, fa chomhair an roinn-bhrait.

18 Agus cuiridh e *cuid* do'n fhuil air adhaircibh na h-altarach a *ta* am fianuis an Tighearna, a *ta* ann am pàilliuin a' choimhthionail, agus dòrtidh e mach an fhuil

<sup>1</sup> ordugh, lagh. <sup>2</sup> ann an aineolas. Eabh. <sup>3</sup> a' bhliana. <sup>4</sup> seice, graicinn. <sup>5</sup> aolach.

<sup>6</sup> tilgear.

<sup>7</sup> ui'-gin.

uile aig bun altarach na h-ìobairt-loisgte, a *ta aig* dorus pàilluin a' choimhthionail.

19 Agus bheir e air falbh a shàill uile uaithe, agus loisgidh e i air an altair.

20 Agus ni e ris an tarbh, mar a rinn e ri tarbh na h-ìobairt-pheacaidh, mar sin ni e ris: agus ni an sagart rèite air an son, agus bheirear maithneas dhoibh.

21 Agus bheir e mach an tarbh an taobh a muigh do'n champ, agus loisgidh se e mar a loisg e 'n ceud tarbh: is ìobairt-pheacaidh e air son a choimhchrùinnich.

22 'Nuair a pheacaicheas uachdarau, agus a ni e *ni-eigin* tre aineolas an aghaidh a h-aon sam bith a dh'àitheantaibh an Tighearna a Dhé, a *thaobh nìthe* nach bu chòir a dheanamh, agus gu bheil e ciontach:

23 Ma thig a pheacadh, a pheacaich e, g'a fhios; bheir e leis mar a thabhartas, meann do na gabhraibh, *beathach* frìonn gun ghaoid.

24 Agus cuiridh<sup>1</sup> e a làmh air ceann a' mhinn, agus marbhaidh se e san ionad anns am marbh iad an ìobairt-loisgte<sup>2</sup> ann an làthair an Tighearna: is ìobairt-pheacaidh e.

25 Agus gabhaidh an sagart *cuid* do fhuil na h-ìobairt-pheacaidh le 'mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil aig bun altarach na h-ìobairt-loisgte.

26 Agus loisgidh e a saill uile air an altair, mar a *loisgear* saill ìobairt nan tabhartas-sith: agus ni an sagart rèite air a shon a thaobh a pheacaidh, agus mathar dha e.

27 Agus ma pheacaicheas aon neach do shluagh na dùthaich<sup>3</sup> tre aineolas, an uair a ta e deanamh *ni-eigin* an aghaidh a h-aon sam bith a dh'àitheantaibh an Tighearna, a *thaobh nìthe* nach bu chòir a dheanamh, agus gu'm bheil e ciontach:

28 Ma thig a pheacadh, a pheacaich e, g'a fhios; an sin bheir e leis mar a thabhartas, meann do na gabhraibh, *beathach* bainionn gun ghaoid, air son a pheacaidh a pheacaich e.

29 Agus cuiridh e a làmh air ceann na h-ìobairt-pheacaidh, agus marbhaidh e 'n ìobairt-pheacaidh ann an ionad na h-ìobairt-loisgte.

30 Agus gabhaidh an sagart *cuid* d'a fuil le 'mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

31 Agus bheir e aise a saill uile, mar a bheirear an t-saill a h-ìobairt nan tabhartas-sith; agus loisgidh an sagart i air an altair, a chum faile cùbhraidh do'n Tighearna: agus ni an sagart rèite air a shon, agus bheirear maithneas dha.

32 Agus ma bheir e leis nan mar a thabh-

artas air son peacaidh, bheir e leis *uan* bainionn gun ghaoid.

33 Agus cuiridh e a làmh air ceann an tabhartas-pheacaidh<sup>4</sup>, agus marbhaidh se e mar ìobairt-pheacaidh san ionad anns am marbh iad an ìobairt-loisgte.

34 Agus gabhaidh an sagart *cuid* do fhuil na h-ìobairt-pheacaidh le 'mheur, agus cuiridh e i air adhaircibh altarach na h-ìobairt-loisgte, agus dòirtidh e mach a fuil uile aig bun na h-altarach.

35 Agus bheir e aise a saill uile, mar a bheirear air falbh saill an uain o ìobairt nan tabhartas-sith; agus loisgidh an sagart iad air an altair, a réir nan tabhartas a bheirear suas le teine do'n Tighearna: agus ni 'n sagart rèite air a shon a thaobh a pheacaidh a rinn e, agus mathar e dha.

### CAIB. V.

**A** GUS ma pheacaicheas anam, agus gu'n *cluinn* e guth mionnachaidh<sup>5</sup>, agus *gur* fianuis e, a chunnaic no is fiosrach air a' *chuis*, mur cuir e 'n céill i, an sin giùlainidh e a chionta:

2 No ma bheanas anam ri ni sam bith neo-ghlan, ma's cairbh<sup>6</sup> fiadh-bheathaich neo-ghloin e, no cairbh spréidh neo-ghloin, nò cairbh ni neo-ghloin a shnàigeas<sup>7</sup>, agus e an-fhiosrach air; bithidh esan mar an ceudna neo-ghlan, agus cionntach:

3 No ma bheanas e ri neo-ghloine duine, ge b'e air bith an neo-ghloine leis an sal-aichear duine, agus gu'm bheil e an-fhiosrach air; an uair is fios da e, an sin bithidh e ciontach:

4 No ma mhionnaicheas anam<sup>8</sup>, ag ràdh le 'bhilibh gu'n dean e olc, no gu'n dean e math, ge b'e air bith e a labhras duine le mionnaibh, agus gu bheil e an-fhiosrach air; an uair is fios da e, an sin bithidh e ciontach ann an aon diubh sin.

5 Agus tachairidh 'nuair a bhios e ciontach do aon do na *nithibh* sin, gu'n aidich<sup>9</sup> e gu'n do pheacaich e san *ni* sin.

6 Agus bheir e leis ìobairt-eusaontais a dh'ionnsuidh an Tighearna air son a pheacaidh a pheacaich e, *beathach* bainionn o'n treud, uan no meann o na gabhraibh, mar ìobairt-pheacaidh: agus ni an sagart rèite air a shon a thaobh a pheacaidh.

7 Agus mur urrain e uan a thoirt leis, an sin bheir e leis air son a choire a rinn e, dà thurtur, no dà choluman òga dh'ionnsuidh an Tighearna; fear a chum ìobairt-pheacaidh, agus am fear eile chum ìobairt-loisgte.

8 Agus bheir e iad a dh'ionnsuidh an t-sagairt, agus bheir esan seachad *am fear* a ta chum na h-ìobairt-pheacaidh air tùs, agus snìomhaidh e 'cheann o' amhaich<sup>10</sup>, ach cha sgar e o chéile iad.

9 Agus crathaidh e *cuid* do fhuil na h-ìob-

<sup>1</sup> leagaidh. <sup>2</sup> tabhartas-loisgte, ofrail-loisgte.

<sup>3</sup> do'n t-uachdatharn, do'n phobul chumanta.

<sup>4</sup> an tabhartais air son peacaidh, <sup>5</sup> guth

mionnan. <sup>6</sup> closach. <sup>7</sup> a shnàgas, a ehrùbas.

<sup>8</sup> ma bheir neach mionnan.

<sup>9</sup> aidmlich.

<sup>10</sup> mhuineal.



airt-pheacaidh air taobh na h-altarach, agus a' chuid eile do'n fhuil fàisgear a mach aig bun na h-altarach: *is* ìobairt-pheacaidh e.

10 Agus bheir e scachad an dara *cun* mar ìobairt-loisgte, a réir a' ghnàtha: agus nì an sagart réite air a shon a thaobh a pheacaidh, a pheacaidh e, agus mathar e dha.

11 Ach mur urrainn e dà thurtur, no dà choluman òga a thoirt leis; an sin bheir esan a pheacaich leis mar a thabhartas an deicheamh cuid do ephah do phlùr mìn, mar thabhartas-peacaidh: cha chuir e oladh air, nì mò a chuireas e tùis air, oir *is* tabhartas-peacaidh e.

12 An sin bheir e chum an t-sagairt e, agus gabhaidh an sagart làn a dhuirn deth, *eudhon* cuimhneachan deth, agus loisgidh e air an altair e, a réir nan tabhartas a bheirear suas le teine do'n Tighearna: *is* tabhartas-peacaidh e.

13 Agus nì an sagart réite air a shon a thaobh a pheacaidh, a pheacaich e ann an aon diubh sin, agus mathar e dha: agus bithidh *am fuigheall* leis an t-sagart, mar thabhartas-bidh.

14 Agus labhair an Tighearna ri Maois, ag ràdh,

15 Ma nì anam coire, agus gu'm peacaich e tre aineolas ann an nithibh naomha an Tighearna; an sin bheir e air son a choire dh'ionnsuidh an Tighearna, reithe gun ghaoid o na treudaibh, a réir do mheas le secelibh airgid, a réir séceil an *ionaid* naomha, chum ìobairt-eusaontais.

16 Agus air son an lochd, a rinn e san nì naomha, nì e coimhleasachadh, agus cuiridh e ris an cùigeadh cuid, agus bheir e do 'n t-sagart e: agus nì an sagart réite air a shon le reithe na h-ìobairt-eusaontais, agus mathar dha e.

17 Agus ma phcacaicheas anam, agus gu'n dean e h-aon do na nithibh sin a thoirmisgeadh le àitheantaibh an Tighearna bhi air an dcanamh; ge nach b'fhios da e, gidheadh a ta e ciontach, agus giùlainidh e 'aingidheachd<sup>1</sup>.

18 Agus bheir e leis reithe gun ghaoid o'n treud, a réir do mheas, chum ìobairt-eusaontais, a dh'ionnsuidh an t-sagairt: agus nì an sagart réite air a shon a thaobh aineolais, leis an deachaidh e air seacharan<sup>2</sup> agus gun fhios aig *air*; agus mathar dha e.

19 *Is* ìobairt-eusaontais a th'ann: chiontaich e gu deimhin an aghaidh an Tighearna.

#### C A I B. VI.

**A** GUS labhair an Tighearna ri Maois, ag ràdh,

2 Ma pheacaicheas anam, agus gu'n dean e cusaontas an aghaidh an Tighearna, agus gu'n dean e breug d'a choimhearsnach a thaobh an nì a thugadh dha r'a ghleidh-

cadh, no ann an companas, no thaobh an nì a thugadh air falbh le h-ainneart, no ma mhcall e choimhearsnach,

3 No ma fhuair e an nì sin a chailleadh, agus gu'n d'rinn e breug uime, agus gu'n d'thug e mionnan eithich<sup>3</sup>; ann an aon nì dhiubh sin uile a nì duine, a' peacachadh anna:

4 An sin tachairidh, a chionn gu'n do phcacaich e, agus gu bheil e ciontach, gu'n d'thoir e air ais<sup>4</sup> an nì sin, a thug e air falbh le h-ainneart, no an nì sin, a fhuair e gu mealltach, no an nì sin, a thugadh dha r'a ghleidheadh, no chailleadh agus a fhuair e,

5 No nì sam bith m'an d'thug e mionnan eithich; bheir e air ais e san iomlan, agus cuiridh e 'n cùigeadh cuid a thuille ris, agus bheir e dhasan e d'am buin e, ann an là ìobairt-eusaontais.

6 Agus bheir e leis ìobairt-eusaontais chum an Tighearna, reithe gun ghaoid o'n treud a réir do mheas, mar ìobairt-eusaontais, a dh'ionnsuidh an t-sagairt.

7 Agus nì an sagart réite air a shon an làthair an Tighearna: agus gheibh e maitheanas a thaobh gach nì dhiubh sin uile a rinn e, a' ciontachadh anna.

8 Agus labhair an Tighearna ri Maois, ag ràdh,

9 Thoir àithne do Aaron agus d'a mhic, ag ràdh, *Is* e so lagh na h-ìobairt-loisgte: (*Is* i 'n ìobairt-loisgte i, air son an losgaidh air an altair air feadh na h-oidhe uile gu maduinn, agus bithidh teine na h-altarach a' losgadh innte.)

10 Agus cuiridh an sagairt truscan<sup>6</sup> anairt uime, agus cuiridh e briogais anairt air 'fheoil, agus togaidh e suas an luath, a loisg an teine leis an ìobairt-loisgte air an altair, agus cuiridh e i laimh ris an altair.

11 Agus cuiridh e a thruscan dheth, agus cuiridh e truscan eile uime, agus giùlainidh e 'n luath a mach an taobh a muigh do'n champ, gu h-ionad glan.

12 Agus bithidh an teine air an altair a' losgadh innte, cha chuirear as e: agus loisgidh an sagart fiodh oirre gach maduinn, agus cuiridh e an ìobairt-loisgte ann an ordugh oirre, agus loisgidh e oirre saill nan ìobairt-sith.

13 Bithidh an teine a' lasadh air an altair an còmhnuidh: cha d' théid e idir as.

14 Agus *is* e so lagh an tabhartais-bhìdh: bheir mic Aaron e an làthair an Tighearna fa chomhair na h-altarach.

15 Agus gabhaidh e làn a dhuirn deth, do phlùr an tabhartais-bhìdh, agus d'a oladh, agus an tùis uile a ta air an tabhartais-bhìdh, agus loisgidh e air an altair e, chum fàile cubhraidh, *eudhon* cuimhneachan dheth do'n Tighearna.

16 Agus ithidh Aaron agus a mhic am

<sup>1</sup> a chionta, a choire. <sup>2</sup> am mearachd.

<sup>3</sup> mionnan gu breugach. <sup>4</sup> aisig e.

<sup>5</sup> air an d'fhuaradh ciontach e.

<sup>6</sup> éididh, eudach, culaidh.

fuigheall: maille ri aran neo-ghoirtichte ithear e san ionad naomha; ann an cùirt pàilliuin a' choimhthionail ithidh iad e.

17 Cha'n fhuinear e le taois ghoirt: thug mi *dhoibh e mar* an cuibhrionn do m' tabhartasaibh air an toirt suas le teine: tha e ro-naomha, mar an ìobairt-pheacaidh, agus mar an ìobairt-cusaontais.

18 Ithidh gach firionnach am measg chloinn Aaroin dheth: *bithidh e* na reachd sìorruidh air feadh bhur gincalacha thaobh tabhartasan an Tighearn air an toirt suas le teine: bithidh gach nacad a bheanas riu naomha.

19 Agus labhair an Tighearna ri Maois, ag ràdh,

20 *Is e* so tabhartas Aaroin, agus a chuid mac, a bheir iad seachad do'n Tighearna, san là a dh'ungar e; an deicheamh cuid do ephah do phlùr mìn mar tabhartas-bìdh an còmhnuidh<sup>1</sup>, a leth sa' mhaduinn, agus a leth san fheasgar.

21 Ann an aghann<sup>2</sup> nìthear e le h-oladh, agus an uair a bhios e fuinte, bheir thu stigh e: agus na mìrean fuinte do'n tabhartas-bìdh bheir thu seachad a chum faile cùbhraidh do'n Tighearna.

22 Agus bheir an sagart d'a mhic, a dh'ungadh na àite, seachad e: *is* reachd sìorruidh e do'n Tighearna: loisgear gu h-ìomlan e:

23 Oir loisgear gach tabhartas-bìdh air son an t-sagairt gu h-ìomlan: cha'n ithear e.

24 Agus labhair an Tighearna ri Maois, ag ràdh,

25 Labhair ri h-Aaron agus r'a mhic, ag ràdh, *Is e* so lagh na h-ìobairt-pheacaidh: san ionad anns am marbhar an ìobairt-loisgte, bithidh an ìobairt-pheacaidh air a marbhadh am fianuis an Tighearna: *tha i* ro-naomha.

26 Ithidh an sagart i, a bheir seachad i air son peacaidh: anns an ionad naomha ithear i, ann an cùirt pàilliuin a' choimhthionail.

27 Ge b'e ni a bheanas r'a feoil bithidh e naomha; agus an uair a chrathar a' bheag d'a fuil air eudach sam bith, nighidh tu an ni, air an do chrathadh i, anns an ionad naomha.

28 Agus bithidh an soitheach ercadha, anns an do bhrucheadh i, air a bhriseadh; ach ma bhrucheadh i ann an coireadh umha<sup>3</sup> glanar agus nighear<sup>4</sup> e ann an uisge.

29 Ithidh na firionnach uile am measg nan sagart dhith: *tha i* ro-naomha.

30 Ach cha'n ithear ìobairt pheacaidh sam bith, d'an d'thugadh a' bheag do'n fhuil a steach do phàilliuin a' choimhthionail a dheanamh rèite san ionad naomha: loisgear san teine i.

## CAIB. VII.

**A**GUS *is e* so lagh na h-ìobairt-eus-aontais: *tha i* ro-naomha.

2 Anns an ionad sam marbh iad an ìobairt-loisgte, marbhaidh iad an ìobairt-eusaontais: agus crathaidh e a fuil air an altair m'an cuairt.

3 Agus bheir c seachad dhith a saill uile; an t-eaiball<sup>5</sup> agus an t-saill, a ta còmhhdach-adh a' mhionaich,

4 Agus an dà àra, agus an t-saill a ta orra, a ta làimh ris an loch-léin, agus an scairt a ta os cionn nan àinean<sup>6</sup>; maille ris na h-airnibh, bheir e air falbh i.

5 Agus loisgidh an sagart iad air an altair; mar tabhartas a bheirear suas le teine do'n Tighearna: *is* ìobairt-eus-aontais i.

6 Ithidh gach firionnach am measg nan sagart dhith: san ionad naomha ithear i: *tha i* ro-naomha.

7 Mar an ìobairt-pheacaidh, *is* amhuil sin an ìobairt-eusaontais: *is* aon lagh dhoibh: leis an t-sagart a ni rèite leath, bithidh i.

8 Agus an sagart a bheir seachad ìobairt-loisgte duine sam bith, is leis an t-sagart so croicinn na h-ìobairt-loisgte, a thug e seachad.

9 Agus buinidh an tabhartas-bìdh uile, a dh'fhuinear ann an àmhuinn, agus gach ni a dheasaichcar ann an aigheann-ròstaidh, agus ann am mèis<sup>7</sup>, do'n t-sagart a bheir seachad e.

10 Agus bithidh gach tabhartas-bìdh measgta le h-oladh agus tioram, le mic Aaroin uile, leis gach aon *uichead* r'a chèile.

11 Agus *is e* so lagh ìobairt nan tabhartas-sith a bheir e seachad do'n Tighearna:

12 Ma's ann mar bhreith-buidheachais a bheir e seachad i, an sin bheir e seachad maille ris an ìobairt-bhuidheachais breacagan neo-ghoirtichte measgta le h-oladh, agus dearnagan neo-ghoirtichte ungta le h-oladh, agus breacagan measgta le h-oladh, do phlùr mìn, air a ròstadh.

13 A thuilleadh air na breacagaibh, bheir e seachad *mar* a tabhartas, aran goirtichte, maille ri ìobairt-buidheachais a tabhartas-an-sith.

14 Agus dh'i sin bheir e seachad aon as an tabhartas iomlan, *mar* tabhartas-togta do'n Tighearna, agus bithidh c leis an t-sagart a chrathas fuil nan tabhartas-sith.

15 Agus ithear feoil ìobairt a tabhartas-an-sith air son breith buidheachais, san là sin fèin anns ann d' thoirear seachad i: cha'n fhàg e bheag dhith gu maduinn.

16 Ach ma's bòid no tabhartas deònach ìobairt a thabhartais, san là sin fèin anns ann d' thoirear seachad ìobairt, ithear i: agus

<sup>1</sup> bith-bhuan, daonan. <sup>2</sup> aigheann. <sup>3</sup> pret<sup>8</sup> unga. <sup>4</sup> fearar agus glan-nighear.

<sup>5</sup> bun an carbaill. <sup>6</sup> os cionn a' ghrùthain. <sup>7</sup> aigheann.



air an là màireach, mar an ceudna, ihear a fuigheall.

17 Ach loisgear le teine fuigheall fèola na h-ìobairt air an treas là.

18 Agus ma dh'ithear idir a' bheag do fheoil ìobairt a thabhartasan-sìth air an treas là, cha ghabhar i, ni mò a mheasar i dha-san a bheir seachad i: bithidh i na gràinealachd, agus an t-anam a dh'itheas dbith giùlainidh e 'aingidheachd.

19 Agus an fheoil a bheanas ri ni sam bith neo-ghlan, cha'n ihear i, loisgear i le teine: agus a thaobh na fèola, gach neach a bhios glan, ithidh e dhith.

20 Ach an t-anam a dh'itheas do fheoil ìobairt nan tabhartas-sìth, a *bhuineas* do'n Tighearna, agus a neo-ghloine air, gearrar eadhon an t-anam sin as o 'shluagh.

21 Agus an t-anam a bheanas ri ni sam bith neo-ghlan, ri neo-ghloine duine, no ri ainmhidh neo-ghlan, no ri gràinealachd neo-ghloin sam bith, agus a dh'itheas do fheoil ìobairt nan tabhartas-sìth a *bhuineas* do'n Tighearna, sgathar eadhon an t-anam sin as o 'shluagh<sup>1</sup>.

22 Agus labhair an Tighearna ri Maois, ag ràdh,

23 Labhair ri cloinn Israeil, ag ràdh, Saill sam bith dainh, no caorach, no gaibhre, cha 'n ith sibh.

24 Agus feudar saill ainmhidh a gheibh bàs leis féin<sup>2</sup>, agus saill an ainmhidh sin, a reubar le fiadh-bh-cathaichibh, a ghnàthachadh gu feum sam bith eile; ach cha'n ith sibh idir dhith;

25 Oir ge b'e dh'itheas saill o'n ainmhidh sin d'an d' thoir daoine seachad ìobairt a loisgear le teine do'n Tighearna, gearrar eadhon an t-anam sin, a dh'itheas *dhith*, as o 'shluagh.

26 Agus cha'n ith sibh gnè sam bith fola, ma's ann do cunaibh no do ainmhidh, ann an aon air bith d'ar n-àiteachaibh-còmhnuidh.

27 Gach anam a dh'itheas gnè sam bith fola, gearrar eadhon an t-anam sin as o 'shluagh.

28 Agus labhair an Tighearna ri Maois, ag ràdh,

29 Labhair ri cloinn Israeil, ag ràdh, Esan a bheir seachad ìobairt a thabhartasan-sìth do'n Tighearna, bheir e leis a thabhartas a dh'ionnsuidh an Tighearna, do ìobairt a thabhartasan-sìth.

30 Bheir a làmhnan féin leo tabhartasan an Tighearna a bheirear suas le teine, an t-saill màille ris an uchd, so bheir e leis, a chum gu'n luaisgear an t-uchd *mar* thabhartas-luaisgte an làthair an Tighearna.

31 Agus loisgidh an sagart an t-saill air an altair: ach bithidh an t-uchd le Aaron agus le 'mhic.

32 Agus an slinnean deas bheir sibh do'n t-sagart *mar* thabhartas-togta, do ìobairtibh bhur tabhartasan-sìth.

33 Aige-san do mhic Aaron, a bheir suas fuil nan tabhartas-sìth, agus an t-saill, bithidh an slinnean deas *mar* a chuibhrionna.

34 Oir ghabh mi an t-uchd luaisgte agus an slinnean togta o chloinn Israeil, do ìobairtibh an tabhartasan-sìth, agus thug mi iad do Aaron an sagart, agus d'a mhic, le reachd sìorruidh o mheasg chloinn Israeil.

35 Is e so *cuibhrionn* ungaidh a chuid mac, do thabhartasaibh an Tighearna a bheirear suas le teine, san là anns an d'thug e a làthair iad a fhrithealadh do'n Tighearna ann an dreuchd an t-sagairt:

36 A dh'àithn an Tighearna a thoirt dhoibh o chloinn Israeil, san là anns an d'ung e iad, le reachd sìorruidh, air feadh an ginealach.

37 Is e so lagh na h-ìobairt-loisgte, an tabhartais-bhidh, agus na h-ìobairt-pheacaidh, agus na h-ìobairt-eusaontais, agus nan coisreagadh, agus ìobairte nantabhartas-sìth:

38 A dh'àithn an Tighearna do Mhaois ann an sliabh Shinai, san là anns an d'àithn e do chloinn Israeil an tabhartasan a thoirt seachad do'n Tighearna ann an fàsach Shinai.

#### CAIB. VIII.

**A**GUS labhair an Tighearna ri Maois, ag ràdh,

2 Thoir leat Aaron agus a mhic maille ris, agus an truscan<sup>3</sup> *naomha*, agus an oladh-ungaidh, agus tarbh mar an ìobairt-pheacaidh, agus dà reithe, agus bascaid do aran neo-ghoirtichte;

3 Agus cruinnich an coimhthional uile an ceann a' chéile gu dorus pàilluin a' choimhthionail.

4 Agus rinn Maois mar a dh'àithn an Tighearna dha, agus chruinnicheadh an coimhthional r'a chéile gu dorus pàilluin a' choimhthionail.

5 Agus thubhairt Maois ris a' choimhthional, *Is e* so an ni a dh'àithn an Tighearna a dheanamh.

6 Agus thug Maois Aaron agus a mhic leis, agus dh'ionnail e iad le h-uisge.

7 Agus chuir e air an còta, agus chrioslaich se e leis a' chrios, agus dh'eudaich se e leis an fhalluing, agus chuir e 'n ephod air, agus chrioslaich se e le crios rìomhach na h-ephoid, agus cheangail e ris i leis.

8 Agus chuir e 'n uchd-éididh air; agus chuir e anns an uchd-éididh an Urim agus an Tummim.

9 Agus chuir e 'n crùn-sagairt air a cheann: mar an ceudna air a' chrùn-sagairt, eadhon air a' chuid beoil déth chuir e 'n

<sup>1</sup> *bho nu phobul.*

<sup>2</sup> *cairbh.*

<sup>3</sup> *éididh.*

leachd òir, an crùn naomha, mar a dh'àithn an Tighearna do Mhaois.

10 Agus ghabh Maois an oladh-ungaidh, agus dh'ung e 'm pàilluin agus gach *ni a bha* ann, agus naomhaich e iad.

11 Agus chrath e *cuid* dhith air an altair seachd uairean, agus dh'ung e 'n altair, agus a soithichean uile, araon<sup>1</sup> an soith-each-ionnlaid agus a chas, a chum an naomhachadh.

12 Agus dhòirt e do'n oladh-ungaidh air ceann Aaron, agus dh'ung se e, chum a naomhachadh.

13 Agus thug Maois mic Aaron leis, agus chuir e còtaichean orra, agus chrìos-laich e iad le crìosaibh, agus chuir e boineidean orra, mar a dh'àithn an Tighearna do Mhaois.

14 Agus thug e leis an tarbh air son na h-ìobairt-pheacaidh, agus chuir Aaron agus a mhic an làmhan air ceann an tairbh air son na h-ìobairt-pheacaidh.

15 Agus mharbh se e; agus ghabh Maois an fhuil, agus chuir e i air adhaircibh na h-altarach m'an cuairt le 'mheur agus ghlan e 'n altair; agus dhòirt e 'n fhuil aig bun na h-altarach, agus naomhaich e i, a dhcanamh rèite òirre.

16 Agus ghabh e 'n ìgh uile, a *bha* air a' mhìonach, agus an scairt *os cionn* nan àinean, agus an dà àra, agus an ìgh: agus loisg Maois *iad* air an altair.

17 Ach an tarbh agus a sheiche, agus 'fheoil, agus 'aolach<sup>2</sup>, loisg e le teine an taobh a nuigh do'n champ, mar a dh'àithn an Tighearna do Mhaois.

18 Agus thug e leis an reithe *air son* na h-ìobairt-loisgte: agus chuir Aaron agus a mhic an làmhan air ceann an reithe.

19 Agus mharbh se e; agus chrath Maois an fhuil air an altair m'an cuairt.

20 Agus ghearr e 'n reithe na mhùiribh, agus loisg Maois an ceann, agus na mìrean, agus an t-saill.

21 Agus nìgh e am mìonach agus na casan ann an uisge; agus loisg Maois an reithe uile air an altair: b'ìobairt-loisgte e, chum faile cùbhraidh: tabhartas air a thoirt suas le teine do'n Tighearna, mar a dh'àithn an Tighearna do Mhaois.

22 Agus thug e leis an reithe eile, reithe a' choisreagaidh: agus chuir Aaron agus a mhic an làmhan air ceann an reithe.

23 Agus mharbh se e; agus ghabh Maois *cuid* d'a fhuil, agus chuir e i air bàrr cluaise deise Aaron, agus air ordaig a làimhe deise, agus air ordaig a choisre deise.

24 Agus thug e leis mic Aaron, agus chuir Maois *cuid* do'n fhuil air bàrr an cluaise deise, agus air ordaig an làimhe deise, agus air ordaig an coise deise<sup>3</sup>: agus

chrath Maois an fhuil air an altair m'an cuairt.

25 Agus ghabh e 'n t-saill, agus an t-earball, agus an ìgh uile, a *bha* air a' mhìonach, agus an scairt *os cionn* nan àinean, agus an dà àra<sup>4</sup> agus an ìgh, agus an slinnean deas.

26 Agus a bascaid an arain neo-ghoirtichte, a *bha* an làthair an Tighearna, ghabh e aon bhreacag neo-ghoirtichte, agus aon bhreacag do aran le h-oladh, agus aon dearnagan<sup>5</sup>, agus chuir e *iad* air an t-saill, agus air an t-slinnean deas:

27 Agus chuir e 'n t-iomlan air làmhan Aaron, agus air làmhan a chuid inac<sup>6</sup>, agus luaigs e iad mar thabhartas-luaisgte an làthair an Tighearna.

28 Agus ghabh Maois iad bhàrr an làmh, agus loisg e *iad* air an altair os cionn na h-ìobairt-loisgte; *bu* tabhartas-coisreagaidh iad a chum faile cùbhraidh: tabhartas air a thoirt suas le teine do'n Tighearna.

29 Agus ghabh Maois an t-uchd, agus luaigs se e mar thabhartas-luaisgte an làthair an Tighearna: b'e cuibhrionn Mhaois e do reithe a' choisreagaidh: mar a dh'àithn an Tighearna do Mhaois.

30 Agus ghabh Maois *cuid* do'n oladh-ungaidh, agus do'n fhuil, a *bha* air an altair, agus chrath e air Aaron i; air 'eudach, agus air a mhic, agus air eudach a mhic maille ris: agus naomhaich e Aaron, agus 'eudach, agus a mhic, agus eudach a mhac maille ris.

31 Agus thubhairt Maois ri h-Aaron, agus r'a mhic, Bruichibh an fheoil aig dorus pàilluin a 'choimhthionail: agus ann an sin ithibh i leis an aran a *ta* ann am bascaid a' choisreagaidh<sup>7</sup>, mar a dh'àithn mise, ag ràdh, Ithidh Aaron agus a mhic i.

32 Agus an ni sin, a dh'fhàgar do'n fheoil agus do'n aran, loisgidh sibh le teine.

33 Agus air dorus pàilluin a' choimhthionail cha d' théid sibh a mach rè sheachd laithean, gus am bi laithean bhur coisreagaidh air an crìochnachadh<sup>8</sup>: oir rè sheachd laithean coisrigidh e sibh.

34 Mar a rinn e 'n diugh, mar sin dh'àithn an Tighearna bhi deanta, dheanamh rèite air bhur son.

35 Uime sin, aig dorus pàilluin a choimhthionail fanaidh sibh a là agus a dh'oidhche, rè sheachd laithean, agus comhidh<sup>9</sup> sibh freasdal<sup>10</sup> an Tighearna, chum nach faigh sibh bàs: oir is ann mar sin a thugadh àithne dhomhsa.

36 Agus rinn Aaron agus a mhic na h-uile nithe dh'àithn an Tighearna le làimh Mhaois.

<sup>1</sup> an dà chuid. <sup>2</sup> inneir, a ghaorr. <sup>3</sup> air ordaigibh an làmh deasa, agus air ordaigibh an coise deasa. <sup>4</sup> an dà àrainn. <sup>5</sup> abhlán; wafer. Sasg. <sup>6</sup> air làmhan a mhac.

<sup>7</sup> nan nithic coisrigte. <sup>8</sup> gus an tà anns an crìochnach laithean bhur coisreagaidh. Eabh. <sup>9</sup> gleidhidh. <sup>10</sup> cùram, ordugh.



## CAIB. IX.

**A**GUS air an ochdamh là ghairm Maois air Aaron, agus air a mhic, agus air seanairean Israeil;

2 Agus thubhairt e ri h-Aaron, Gabh dhuit fèin laogh òg chum ìobairt-pheacaidh, agus reithe chum ìobairt-loisgte, gun ghaoid, agus thoir seachad iad an làthair an Tighearna.

3 Agus làbhraidh tu ri cloinn Israeil, ag ràdh, Gabhaibhsa meann do na gabhraibh chum ìobairt-pheacaidh; agus laogh, agus uan, le chéile do'n cheud bhliadhna<sup>1</sup>, gun ghaoid, a chum ìobairt-loisgte:

4 Mar an ceudna tarbh agus reithe, mar thabhartasan-sìth, a chum an ìobradh an làthair an Tighearna; agus tabhartas-bidh measgta le h-oladh: oir an diugh foillsichidh an Tighearna e fèin dhuibh.

5 Agus thug iad an *ni sin* a dh'àithn Maois gu beulaobh pàilliuin a' choimhthionail: agus thàinig an coimhthionail uile 'm fagus, agus sheas iad an làthair an Tighearna.

6 Agus thubhairt Maois, *Is e* so an *ni* a dh'àithn an Tighearna gu'n deanadh sibh: agus foillsichar glòir an Tighearna dhuibh.

7 Agus thubhairt Maois ri h-Aaron, Imich a dh'ionnsuidh na h-altarach, agus ìobairt t'ìobairt pheacaidh, agus t'ìobairt-loisgte, agus dean réite air do shon fèin, agus air son an t-sluaigh: agus thoir suas tabhartas an t-sluaigh, agus dean réite air an son, mar a dh'àithn an Tighearna.

8 Chaidh Aaron, uime sin, a dh'ionnsuidh na h-altarach, agus mharbh e laogh na h-ìobairt-pheacaidh, a *bha* air a shon fèin.

9 Agus thug mic Aaron an fhuil d'a ionnsuidh: agus thum<sup>2</sup> e 'mheur san fhuil, agus chuir e air adhaircibh na h-altarach *i*, agus dhoirt e mach an fhuil aig bun na h-altarach.

10 Ach an t-saill agus na h-airnean, agus an scairt os cionn àinean na h-ìobairt-pheacaidh, loisg e air an altair, mar a dh'àithn an Tighearna do Mhaois.

11 Agus an fhoil agus an t-seiche loisg e le teine, an taobh a muigh do'n champ.

12 Agus mharbh e 'n ìobairt-loisgte; agus thug mic Aaron an fhuil d'a ionnsuidh, agus chrath e i air an altair m'an cuairt.

13 Agus thug iad an ìobairt-loisgte d'a ionnsuidh, maille r'a mìribh, agus an ceann: agus loisg e iad air an altair.

14 Agus nigh e am mionach agus na easan, agus loisg e iad air an ìobairt-loisgte air an altair.

15 Agus thug e leis tabhartas an t-sluaigh, agus ghabh e meann na h-ìobairt-pheacaidh<sup>3</sup> a *bha* air son an t-sluaigh, agus mharbh se e, agus thug e suas e air son peacaidh, mar a' cheud ìobairt.

16 Agus thug e leis an ìobairt-loisgte, agus dh'ìobair e i do réir a' ghnàtha<sup>4</sup>.

17 Agus thug e leis an tabhartas-bidh, agus lion e 'dhorn as, agus loisg e air an altair *e*, a thuilleadh air ìobairt-loisgte na maidne.

18 Mharbh e mar an ceudna an tarbh, agus an reithe, mar ìobairt nan tabhartasan-sìth a *bha* air son an t-sluaigh; agus thug mic Aaron d'a ionnsuidh an fhuil, agus chrath e i air an altair m'an cuairt.

19 Agus saill an tairbh, agus earball an reithe, agus an *ni sin* a ta còmhachadh a *mhìonaich*, agus na h-airnean, agus an scairt os cionn nan àinean.

20 Agus chuir iad an t-saill air na h-uchdaibh, agus loisg e 'n t-saill air an altair:

21 Agus na h-uchdan agus an slinnean deas luaisg Aaron mar thabhartas-luaisgte an làthair an Tighearna, mar a dh'àithn Maois.

22 Agus thog Aaron suas a làmh chum an t-sluaigh, agus bheannaich e iad; agus thàinig e suas o ìobradh na h-ìobairt pheacaidh, agus na h-ìobairt-loisgte, agus nan ìobairtean-sìth.

23 Agus chaidh Maois agus Aaron a steach do pàilliuin a' choimhthionail, agus thàinig iad a mach, agus bheannaich iad an sluagh: agus dh'fhoillsicheadh glòir an Tighearna do'n t-sluaigh uile.

24 Agus thàinig teine a mach o làthair an Tighearna, agus loisg e air an altair an ìobairt-loisgte, agus an t-saill: agus ehunn-aic an sluagh uile *e*, agus rinn iad gàir, agus thuit iad air an aghaidh.

## CAIB. X.

**A**GUS ghabh Nadab agus Abihu, mic Aaron, gach fear diubh a thùiseir<sup>5</sup>, agus chuir iad teine ann, agus chuir iad tùis air, agus thug iad suas am fianuis an Tighearna teine coimheach, nach d'àithn e dhoibh.

2 Agus chaidh teine mach o làthair an Tighearna, agus loisg e suas<sup>6</sup> iad, agus fhuair iad bàs an làthair an Tighearna.

3 An sin thubhairt Maois ri h-Aaron, *Is e so an ni* a labhair an Tighearna, ag ràdh, Annta-san a thig am fagus dhomh naomhaichear mise, agus ann làthair an t-sluaigh uile glòraichear mi. Agus dh'fhan Aaron na thosd.

4 Agus ghairm Maois air Misael agus air Elsaphan, mic Udsiel bràthar athar Aaron, agus thubhairt e riu, Thigibh am fagus, giùlainibh bhuir braithre o fhianuis an *ionaid* naomha mach as a' champ.

5 Agus chaidh iad am fagus, agus giùlain iad nan cotaichibh iad a mach as a' champ, mar a thubhairt Maois.

6 Agus thubhairt Maois ri h-Aaron, agu

<sup>1</sup> bliadhna dh'aois.    <sup>2</sup> thom, bhog.    <sup>3</sup> a' ghabhar a bha 'na h-ìobairt-pheacaidh.

<sup>4</sup> a réir an orduigh, mar bu chòir.    <sup>5</sup> a shoitheach-tùis.    <sup>6</sup> dh'ith e suas. Eabl.

ri h-Eleasar, agus ri h-Itamar a mhic, Na rùisgibh bhur cinn, agus na reubaibh bhur 'n eudach, an t-eagal gu'm faigh sibh bàs, agus an t-eagal gu'n d' thig fearg air an t-sluagh uile; ach deanadh bhur bràithre, tigh Israeil uile, tuireadh<sup>1</sup> air son an losgaidh a las an Tighearna.

7 Agus cha d' theid sibh a mach air dorus pàilliuin a' choimhthionail, an t-eagal gu'm faigh sibh bàs: oir a ta oladh-ungaidh an Tighearn oirbh. Agus rinn iad a réir focail Mhaois.

8 Agus labhair an Tighearna ri h-Aaron, ag ràdh,

9 Na h-òl fion no deoch làidir<sup>2</sup>, thu féin, no do mhic maille riut, an uair a theid sibh a steach do phàilliuin a' choimhthionail, an t-eagal gu'm faigh sibh bàs: bithidh e na reachd bith-bhuan air feadh bhur ginealachach:

10 Agus a chum gu'n cuir sibh eadar-dhealachadh eadar naomha agus mi-naomha, agus eadar neo-ghlan agus glan:

11 Agus a chum gu'n teagaisg sibh do chloinn Israeil na h-orduighean<sup>3</sup> uile, a labhair an Tighearna ri uile làimh Mhaois.

12 Agus labhair Maois ri h-Aaron, agus ri h-Eleasar, agus ri b-Itamar, a mhic a dh'fhan beo, Gabhaibh an tabhartas-bidh a dh'fhàgadh do thabhartasaibh an Tighearn air an toirt suas le teine, agus ithibh e gun ghoirteachadh làimh ris an altair: oir a ta e ro-naomha.

13 Agus ithidh sibh e san ionad naomha, a chionn gur e do dhlighe<sup>4</sup>, agus dlighe do mhac, do thabhartasaibh an Tighearn air an toirt suas le teine: oir is ann mar sin a dh'àithneadh dhomhsa.

14 Agus an t-uchd luaisgte agus an slinnean togta ithidh sibh ann an ionad glan; thu féin, agus do mhic, agus do nigheana maille riut: oir is iad do dhlighe iad, agus dlighe do mhac, a thugadh dhoibh a iobartibh tabhartasan-sith chloinn Israeil.

15 An slinnean togta, agus an t-uchd-luaisgte, maille ris na tabhartasaibh air an toirt suas le teine do'n t-saill, bheir iad leo gus a luasgadh mar thabhartas-luaisgte ann làthair an Tighearna; agus is leats<sup>5</sup> e, agus le d' mhic maille riut, le reachd bith-bhuan, mar a dh'àithn an Tighearna.

16 Agus dh'iarr Maois gu dìchiollach meann na h-ìobairt-pheacaidh, agus feuch, loisgeadh e: agus bha fearg aige ri h-Eleasar agus ri h-Itamar, mic Aaron, a dh'fhàgadh beo, ag ràdh,

17 'Car son nach d'ith sibh an ìobairt-pheacaidh san ionad naomha, do bhrìgh gu bheil i ro-naomha, agus thug Dia dhuibh i a ghiùlan aingidheachd a' choimhthionail, a

dheanamh réite air an son am fianuis an Tighearna?

18 Feuch, cha d'thugadh a fuil a steach an taobh a stigh do'n ionad naomha: bu còir dhuibh gu deimhin a h-ithheadh san ionad naomha, mar a dh'àithn mise.

19 Agus thubhairt Aaron ri Maois, Feuch, an diugh thug iad suas an ìobairt-pheacaidh, agus an ìobairt-loisgte, ann làthair an Tighearna: agus thachair an leithidean sin do nithibh dhomhsa: agus nam bithinn air itheadh na h-ìobairt-pheacaidh an diugh, an gabhta rithe ann làthair an Tighearna?

20 Agus an uair a chuala Maois sin, bha e toilichte.

## CAIB. XI.

**A** GUS labhair an Tighearna ri Maois, agus ri h-Aaron, ag ràdh riu,

2 Labhraibh ri cloinn Israeil, ag ràdh, Is iad so na beathaichean, a dh'itheas sibh do na h-uile ainmhidhibh, a ta air an talamh.

3 Gach aon a roinneas an ionga<sup>6</sup>, agus a sgoilteas an ladhar<sup>6</sup>, agus a chuàmbas<sup>7</sup> a' chùir, am measg nan ainmhidhean, sin ithidh sibh.

4 Ach iad so cha'n ith sibh dhiubhsan a chnàmhas a' chùir, no dhiubhsan a roinneas an ionga: mar an càmhal, a chionn ge do chnàmh e a' chùir, nach roinn e an ionga<sup>8</sup>; neo-ghlan tha e dhuibh.

5 Agus an coinean, a chionn ge do chnàmh e a' chùir, nach roinn e an ionga: neo-ghlan tha e dhuibh.

6 Agus a mhaigheach<sup>9</sup>, a chionn ge do chnàmh i a' chùir, nach roinn i an ionga; neo-ghlan tha i dhuibh.

7 Agus a' mhuc, a chionn ge do roinn i an ionga, agus ge do sgoilt i an ladhar, gidheadh nach cnàmh i a' chùir; neo-ghlan tha i dhuibh.

8 D'am feoil cha'n ith sibh, agus r'an cairbh<sup>10</sup> cha bhean sibh; neo-ghlan tha iad dhuibh.

9 Iad so ithidh sibh, dhiubhsan uile a ta 'sna h-uisgeachaibh: gach ni air am bheil itean<sup>11</sup> agus lannan anns na h-uisgeachaibh, anns na cuantaibh<sup>12</sup>, agus anns na h-aibhnicheibh, iad sin ithidh sibh.

10 Agus gach ni air nach 'eil itean no lannan anns na cuantaibh, agus anns na h-aibhnicheibh, do gach ni a ghluaiseas 'sna h-uisgeachaibh, agus do gach ni beo<sup>13</sup>, a ta 'sna h-uisgeachaibh; nan gràineileachd bithidh iad dhuibh:

11 Eadhon nan gràineileachd bithidh iad dhuibh: d'am feoil cha'n ith sibh, agus d'an cairbh gabhaidh sibh gràin.

12 Gach ni air nach 'eil itean no lannan

<sup>1</sup> caoidh. <sup>2</sup> Iadair. <sup>3</sup> stàituis. <sup>4</sup> chùir.  
<sup>5</sup> crodhan. <sup>6</sup> a sgoilteas sgoiltadh nan-iongan.  
Eabh. <sup>7</sup> chagnas. Eir. <sup>8</sup> a chionn gu'n  
cnàmh e a' chùir, ach nach roinn e 'n ionga.

<sup>9</sup> a' mhoigheach, an gearr-fhiadh. <sup>10</sup> ebsach,  
conabhlach, corp marbh. <sup>11</sup> egiathan: eiteach.  
Eir. <sup>12</sup> fairsibh. <sup>13</sup> anam beo. Eabh.





anns na h-uisgeachaibh, na ghràineileachd bithidh sin duith.

13 Agus dhiubh so gabhaidh sibh gràin am measg nan eun<sup>1</sup>, cha'n ithear iad, nan gràineileachd *tha* iad: an iolair<sup>2</sup> agus an cnàimh-bhristeach<sup>3</sup>, agus an iolair-uisge<sup>4</sup>,

14 Agus am fang<sup>5</sup>, agus an clamhan<sup>6</sup> a réir a ghné,

15 Gach fitheach a réir a ghné;

16 Agus a' chailleach-oidhche<sup>7</sup>, agus an t-seabhag-oidhche<sup>8</sup>, agus a' chuach<sup>9</sup>, agus an t-scabhag<sup>10</sup> a réir a ghné,

17 Agus a' chailleach-oidhche bheag<sup>11</sup>, agus an scarbh<sup>12</sup>, agus a' chailleach-oidhche mhòr<sup>13</sup>,

18 Agus an eala<sup>14</sup>, agus am pelican, agus an iolair-fhionn<sup>15</sup>,

19 Agus a' chorra-bhàn, agus a' chorra-ghlas<sup>16</sup> a réir a ghné, agus an t-adharcan-luachrach<sup>17</sup>, agus an ialtag.

20 *Bithidh* gach ni snàigeach a dh'iteal-aicheas<sup>18</sup> agus a dh'innicheas air cheithir chasan, na ghràineileachd dhuibh.

21 Ach iad so feudaidh sibh itheadh, do gach ni snàigeach<sup>19</sup> a dh'iteal-aicheas, agus a dh'innicheas air cheithir chasan, aig am bheil luirgeannan os cionn a throidhean<sup>20</sup>, gu leum leo air an talamh.

22 *Eadhon* iad so dhiubh feudaidh sibh itheadh: an locust a réir a ghné, agus an locust maol a réir a ghné, agus an daol<sup>21</sup> a réir a ghné, agus an leumnach-uaine<sup>22</sup> a réir a ghné.

23 Ach *bithidh* gach ni eile snàigeach a dh'iteal-aicheas, aig am bheil ceithir chasan, na ghràineileachd dhuibh.

24 Agus air an son sin bithidh sibh neo-ghlan: gach neach a bheanas r'an cairbh, bithidh e neo-ghlan gu feasgar.

25 Agus ge b'e air bith a ghiùlaineas a' bheag d'an cairbh, nighidh e 'eudach, agus bithidh e neo-ghlan gu feasgar.

26 Bithidh *cairbh* gach ainmhidh, a roinn-eas an tìonga, agus nach sgoilt an ladhar, agus nach cnàmh a' chùr, neo-ghlan dhuibh: gach neach a bheanas riu, bithidh e neo-ghlan.

27 Agus ge b'e air bith a dh'innicheas air a mhàgaibh am measg nan uile bheathl-aichean, a dh'innicheas air cheithir chasan, *bithidh* e neo-ghlan dhuibh; gach neach a bheanas r'an cairbh, bithidh e neo-ghlan gu feasgar.

28 Agus esan a ghiùlaineas an cairbh, nighidh e 'eudach, agus bithidh e neo-

ghlan gu feasgar; neo-ghlan *tha* iad dhuibh.

29 Agus *bithidh* iad so neo-ghlan dhuibh am measg nan nithe snàigeach, a shnàigeas air an talamh: an eas<sup>23</sup>, agus an luch, agus an crocòcil<sup>24</sup> a réir a ghné.

30 Agus am siread<sup>25</sup>, agus an camelion<sup>26</sup>, agus an arc-luachrach<sup>27</sup>, agus an t-seil-cheag<sup>28</sup>, agus am famh<sup>29</sup>.

31 *Tha* iad sin neo-ghlan dhuibh nam measg-san uile a shnàigeas: gach neach a bheanas riu 'nuair a bhios iad marbh, bithidh e neo-ghlan gu feasgar.

32 Agus gach ni air an tuit a *h-aon* diubh, 'nuair a bhios e marbh, bithidh e neo-ghlan; co dhiubh is soitheach fiodha sam bith e, no eudach, no croicinn, no sac: feumaidh gach soitheach anns an deanar obair sam bith, a bhi air a chur ann an uisge, agus bithidh e neo-ghlan gu feasgar: an sin bithidh e glan.

33 Agus a *thaobh* gach soitheach creadha anns an tuit *h-aon* diubh, bithidh gach ni a *ta* ann neo-ghlan; agus brisidh sibh e.

34 Do gach uile bhiadh a dh'ithear, bithidh am *biodh* sin air an d' thig uisge, neo-ghlan; agus bithidh gach deoch a dh'òlar ann an soitheach sam bith, neo-ghlan.

35 Agus bithidh gach ni air an tuit a' bheag d'an cairbh, neo-ghlan; na's àmhuinn e, no coireacha<sup>30</sup> brisear sìos iad: neo-ghlan *tha* iad, agus neo-ghlan bithidh iad dhuibh.

36 Gidheadh bithidh fuaran no tobar<sup>31</sup>, anns am bi pailteas uisge, glan: ach bithidh an ni sin a bheanas r'an cairbh, neo-ghlan.

37 Agus ma thuitas a' bheag d'an cairbh air siol cuir sam bith, a bhios ri chur, *bithidh* e glan.

38 Ach ma chuir car uisge sam bith air an t-sìol, agus gu'n tuit a' bheag d'an cairbh air, neo-ghlan *bithidh* e dhuibh.

39 Agus ma bhàsaicheas ainmhidh sam bith d'am feud sibh itheadh, bithidh esan a bheanas r'a chairbh neo-ghlan gu feasgar.

40 Agus esan a dh'itheas d'a chairbh, nighidh e 'eudach, agus bithidh e neo-ghlan gu feasgar: esan mar an ceudna a ghiùlaineas a chairbh, nighidh e eudach, agus bithidh e neo-ghlan gu feasgar.

41 Agus *bithidh* gach ni snàigeach a shnàigeas air an talamh, na ghràineileachd: cha'n ithear e.

42 Gach ni a dh'innicheas air a' bhroinn, agus gach ni a dh'innicheas air cheithir chasan, no ge b'e air bith aig am bheil tuille

<sup>1</sup> eunlaith. <sup>2</sup> am fireun. <sup>3</sup> iolair mhòr na mara; ossifrage. Sasg. peres. Eabh. <sup>4</sup> an t-iad-gair cairneach; ghadsmah. Eabh. <sup>5</sup> preachan ingneach, preachan criosach. Eir. vulture. Sasg. doah. Eabh. <sup>6</sup> kite. Sasg. aiah. Eabh. <sup>7</sup> a' chomhachag. <sup>8</sup> tachmas. Eabh. <sup>9</sup> a chuthag; shachaph. Eabh. <sup>10</sup> an seobhag. <sup>11</sup> coos. Eabh. <sup>12</sup> shalach. Eabh. <sup>13</sup> ian-shaph. Eabh. <sup>14</sup> tin-shemeth. Eabh. <sup>15</sup> iolair-thimchiollach; gier-eagle. Sasg. racham. Eabh. <sup>16</sup> a churr; anupab.

Eabh. <sup>17</sup> upupa; ducipath. Eabh. <sup>18</sup> gach creutair sgiathach a ghluaiseas. <sup>19</sup> snàigeach. Eir. <sup>20</sup> thoirgean, spagan. <sup>21</sup> salcgham. Eabh. <sup>22</sup> am fionnan feòir; chagab. Eabh. <sup>23</sup> an nas, an easog; choled. Eabh. <sup>24</sup> uilebheist an fhàs-aich; land-crocòdile. Sasg. tzab. Eabh. <sup>25</sup> ferret. Sasg. anakah. Eabh. <sup>26</sup> coach. Eabh. <sup>27</sup> let-aah. Eabh. <sup>28</sup> chomet. Eabh. <sup>29</sup> tinshameth. Eabh. <sup>30</sup> àitean air son phòitean no phrèisean; <sup>31</sup> tobar; stòchd.

chasan am measg nan uile nithe snàigeach, a shnàigeas air an talamh; cha'n ith sibh iad, oir is gràineileachd iad.

43 Cha dean sibh sibh féin gràineil le ni snàigeach sam bith, a shnàigeas, cha mhò ni sibh sibh féin neo-ghlan leo, air chor is gu'n truaillear sibh leo.

44 Oir is mise an Tighearna bhur Dia: naomhaichidh sibh air an aobhar sin sibh féin, agus bithidh sibh naomha; oir a ta mise naomha: agus cha truail sibh sibh féin<sup>1</sup> le ni snàigeach sam bith, a shnàigeas air an talamh.

45 Oir is mise an Tighearna, a thug sibhse a mach a talamh na h-Eiphit, gu bhi am Dhia agaibh: bithidh sibhse, uime sin, naomha, oir a ta mise naomha.

46 Is e so lagh nan ainmhidhean, agus nan eun, agus gach dùil<sup>2</sup> bheo a ghluaiseas anns na h-uisgeachaidh, agus gach dùil a shnàigeas air an talamh:

47 A chur dealachaidh eadar an neo-ghlan agus an glan, agus eadar am beathach a dh'fheudar itheadh, agus am beathach nach feudar itheadh.

### CAIB. XII.

**A**GUS labhair an Tighearna ri Maois, ag ràdh,

2 Labhair ri cloinn Israeil, ag ràdh, Ma dh'fhàsas bean torrach, agus gu'm beir i mac; an sin bithidh i neo-ghlan seachd laithean: a réir laithean a dealachaidh air son a h-anfhainneachd<sup>3</sup> bithidh i neo-ghlan.

3 Agus air an ochdamh là, timchioll-ghearrar feoil a roimh-chroicinn.

4 Agus fanaidh i an sin trì laithe deug 'ar fhichead ann am fuil a glanaidh: cha bhean i ri ni naomha sam bith, agus cha d' thig i seach do'n ionad naomha, gus an coimhlionar laithean a glanaidh.

5 Ach ma bheireas i leanabh nighinn, an sin bithidh i neo-ghlan dà sheachdain, mar na dealachadh: agus fanaidh i ann am fuil a glanaidh trì fichead agus sè laithean.

6 Agus an uair a choimhlionar laithean a glanaidh air son mic, no air son nighinn; bheir i uan do'n cheud bhliadhna chum ìobairt-loisgte, agus columan òg, no eun turtuir chum ìobairt-pheacaidh, gu dorus pàilliuin a' choimhthionail, dh'ionnsuidh an t-sagairt:

7 Agus bheir e seachad e an làthair an Tighearna, agus ni e réite air a son, agus glanar i o ruidh<sup>4</sup> a fola. Is e so an lagh air a son-sa, a bheireas mac no nighean.

8 Agus mur urrainn i uan a thoirt leatha, an sin bheir i leatha dà thurtur, no dà choluman òga; fear dhiubh chum ìobairt-loisgte, agus am fear eile chum ìobairt-pheacaidh; agus ni an sagart réite air a son, agus bithidh i glan.

### CAIB. XIII.

**A**GUS labhair an Tighearna ri Maois, agus ri h-Aaron, ag ràdh,

2 'Nuair a bhios aig duine ann an croicinn 'fheòla, atadh, no guirein<sup>5</sup>, no ball<sup>6</sup> soilleir, agus gu'm bi e ann an croicinn 'fheòla cosmhail ri plàigh luibhre; an sin bheirear e gu h-Aaron an sagart, no gu h-aon d'a mhic nan sagartan.

3 Agus amhaircidh an sagart air a' phlàigh ann an croicinn 'fheòla: agus an uair a bhios am fionnadh sa' phlàigh air tionndadh<sup>7</sup> gu bàn, agus a bhios a' phlàigh r'a faicinn ni's doimhne na croicinn 'fheòla; is plàigh luibhre a th' ann: agus amhaircidh an sagart air, agus gairmidh e<sup>8</sup> neo-ghlan e.

4 Ach ma tha am ball soilleir ann an croicinn 'fheòla bàn, agus gun e lhi r'a fhaicinn ni's doimhne na 'n croicinn, agus gun 'fhiionnadh bhi air tionndadh gu bàn; an sin druididh an sagart a stigh esan air am bheil a' phlàigh seachd laithean.

5 Agus amhaircidh an sagart air, air an t-seachdamh là: agus feuch, ma tha phlàigh na shealladh air stad, agus gun a phlàigh bhi sgaoileadh sa' chroicinn; an sin druididh an sagart a stigh e seachd laithean eile.

6 Agus amhaircidh an sagart air a ris air an t-seachdamh là, agus feuch, ma bhios a' phlàigh càil-eigin<sup>9</sup> dorcha, agus nach 'eil a' phlàigh air sgaoileadh sa' chroicinn, gairmidh an sagart glan e: cha 'n 'eil ann ach guirein; agus nighidh e 'eudach, agus bithidh e glan.

7 Ach ma sgaoil an guirein gu mòr a mach sa' chroicinn, an dèigh dha bhi air 'fhaicinn leis an t-sagart a chum a ghlanaidh; chithear e ris leis an t-sagart.

8 Agus amhaircidh an sagart air, agus feuch, ma tha 'n guirein air sgaoileadh sa' chroicinn, an sin gairmidh an sagart e neo-ghlan: is luibhre a th' ann.

9 An uair a bhios plàigh luibhre air duine, an sin bheirear e chum an t-sagairt:

10 Agus amhaircidh an sagart air: agus feuch, ma tha atadh bàn sa' chroicinn, agus gu'n do thionndaidh e am fionnadh gu bàn, agus gu'm bheil feoil bheo dhearg san atadh;

11 Is seann luibhre a th'ann. ann an croicinn 'fheòla, agus gairmidh an sagart e neo-ghlan, agus cha druid e stigh e, oir tha e neo-ghlan.

12 Agus ma bhriseas luibhre gu mòr a mach sa' chroicinn, agus gu'n còmhdaich<sup>10</sup> an luibhre croicinn an neach air am bheil a' phlàigh uile o 'cheann gu 'throidh, ge b'e ball air an ainhaire an sagart;

13 An sin bheir an sagart fanear: agus feuch, ma chòmhdaich an luibhre 'fheoil

<sup>1</sup> bhur n-anmanna. Eabh. <sup>2</sup> creutair  
<sup>3</sup> laigse. <sup>4</sup> ruidh, dhòrtadh. <sup>5</sup> scab. <sup>6</sup> leus.  
<sup>7</sup> iompachadh, atharrachadh, caochladh.

<sup>8</sup> cuiridh e'n cèill. <sup>9</sup> ni-eigin, raod-eigin  
<sup>10</sup> cuibhrig, folaich.



uile, gairmidh e *esan* glan air am bheil a' phlàigh : thionndadhadh e uile gu bà : *tha* e glan.

14 Ach an uair a bhios feoil dhearg r'a faicinn air, bithidh e neo-ghlan.

15 Agus amhaircidh an sagart air an fheoil dhearg, agus gairmidh e neo-ghlan e; oir tha 'n fheoil dhearg neo-ghlan: is luibhre a th'ann.

16 Ach ma thig an fheoil dhearg air ais a ris, agus gu'n tionndadh gu bà i, thig e chum an t-sagairt;

17 Agus amhaircidh an sagart air : agus feuch, ma tha phlàigh air tionndadh gu bà, an sin gairmidh an sagart *esan* glan air am bheil a' phlàigh : *tha* e glan.

18 An fheoil mar an ceudna anns an robh, *eadon* na croicinn, neascaid, agus a leighiseadh,

19 Agus aig am bheil ann an àite na neascaid atadh bà, no ball soilleir bà, càil-eigin dearg, nochdar<sup>1</sup> do'n t-sagart e;

20 Agus ma 'se 'nuair a chi an sagart e, feuch, gu'm bheil e r'a fhaicinn ni's doimhne na'n croicinn, agus 'fhionnadh air a thionndadh gu bà; gairmidh an sagart neo-ghlan e: is plàigh luibhre a th'ann air briseadh a mach anns an neaseaid.

21 Ach ma dh'amhairceas an sagart air, agus feuch, nach 'eil fionnadh bà air bith ann, agus gun e ni's doimhne na'n croicinn, ach càil-eigin dorcha; an sin druididh an sagart stigh e seachd laithean.

22 Agus ma tha e air sgaoileadh a mach gu mòr sa' chroicinn, an sin gairmidh an sagart e neo-ghlan; is plàigh a th'ann.

23 Ach ma tha 'm ball soilleir air stad na 'àite, gun e air sgaoileadh, is neascaid loisgeadh a th'ann; agus gairmidh an sagart glan e.

24 No ma bhios feoil air bith ann, aig am bheil na croicinn losgadh teth, agus gu'n bi anns an fheoil bheo, a ta losgadh, ball bà soilleir, càil-eigin dearg, no bà;

25 An sin amhaircidh an sagart air; agus feuch, ma tha 'm fionnadh anns a' bhall shoilleir air tionndadh gu bà, agus e r'a fhaicinn ni's doimhne na'n croicinn; is luibhre a th'ann air briseadh a mach anns an losgadh: uinne sin, gairmidh an sagart neo-ghlan e; is plàigh luibhre a th'ann.

26 Ach ma dh'amhairceas an sagart air, agus feuch nach 'eil fionnadh bà air bith air a' bhall shoilleir, agus nach 'eil e ni's doimhne na'n croicinn eile, ach gu bheil e càil-eigin dorcha; an sin druididh an sagart a stigh e seachd laithean.

27 Agus amhaircidh an sagart air air an t-seachdamh là, agus ma tha e air sgaoileadh a mach gu mòr sa' chroicinn, an sin

gairmidh an sagart neo-ghlan e; is plàigh luibhre a th'ann.

28 Agus ma tha 'm ball soilleir air stad na 'àite, gun e air sgaoileadh sa' chroicinn, ach e càil-eigin dorcha; is atadh o'n losgadh a th'ann, agus gairmidh an sagart glan e; oir is leannachadh<sup>2</sup> a th'ann o'n losgadh.

29 Ma tha aig duine, no mnaoi plàigh air a' cheann, no air an fhcusaig;

30 An sin amhaircidh an sagart air a' phlàigh; agus feuch, ma tha i r'a faicinn ni's doimhne na 'n croicinn, agus fionnadh tana buidhe innte; an sin gairmidh an sagart neo-ghlan e: is càrr thioram a th'ann, *eadon* luibhre air a' cheann, no air an fhcusaig.

31 Agus ma dh'amhairceas an sagart air plàigh na earra, agus feuch, nach 'eil i r'a faicinn ni's doimhne na 'n croicinn, agus nach 'eil fionnadh dubh sam bith innte; an sin druididh an sagart a stigh *esan*, air am bheil plàigh na carra, seachd laithean.

32 Agus amhaircidh an sagart air a' phlàigh air an t-seachdamh là, agus feuch, mur 'eil a' chàrr air sgaoileadh, agus nach 'eil fionnadh buidhe sam bith innte, agus nach 'eil a' chàrr r'a faicinn ni's doimhne na'n croicinn;

33 An sin bearrar<sup>3</sup> e, ach a chàrr cha bhèarr e: agus druididh an sagart a stigh *esan*, air am bheil a' chàrr, seachd laithean eile.

34 Agus air an t-seachdamh là amhaircidh an sagart air a' chàrr: agus feuch, mur 'eil a' chàrr air sgaoileadh sa' chroicinn, no r'a faicinn ni's doimhne na'n croicinn; an sin gairmidh an sagart glan e: agus nighidh e eudach, agus bithidh e glan.

35 Ach ma tha chàrr air sgaoileadh gu mòr sa' chroicinn an déigh<sup>4</sup> a ghlanaidh;

36 An sin amhaircidh an sagart air, agus feuch, ma tha chàrr air sgaoileadh sa' chroicinn, cha 'n iarr an sagart fionnadh buidhe: *tha* e neo-ghlan.

37 Ach ma tha chàrr na shealladh àir stad, agus ma tha fionnadh dubh air fàs suas innte; leighiseadh<sup>5</sup> a' chàrr, *tha* e glan: agus gairmidh an sagart glan e.

38 Ma bhios mar an ceudna aig duine, no aig mnaoi ann an croicinn am feòla buill shoilleir, *cadhòn* buill bhàna shoilleir;

39 An sin amhaircidh an sagart: agus feuch, ma tha na buill shoilleir ann an croicinn nam feòla odhar-bhàn<sup>6</sup>, is leus<sup>7</sup> teas e air fàs sa' chroicinn: *tha* e glan.

40 Agus an duine aig am bheil a cheann air failleadh, *tha* e maol: *gidheadh* *tha* e glan.

41 Agus *esan* aig am bheil 'thalt air failleadh do'n chuid sin d'a cheann *tha* leth r'a eudan, *tha* e maol-bhathais each: *gidheadh* *tha* e glan.

<sup>1</sup> fearchar, taisbeanar. <sup>2</sup> feargachadh, lasadh, teas. <sup>3</sup> tomar. <sup>4</sup> an déis. <sup>5</sup> do leighiseadh.

42 Agus ma tha na cheann maol, no na bhathais mhaol creuchd bhàn càil-eigin dearg; *is* luibhre a th'ann air fàs suas na cheann maol, no na bhathais mhaol.

43 An sin amhaircidh an sagart air; agus feuch *ma tha* atadh no creuchda bann dearg na mhaol-cheann, no na mhaol-bhathais, mar a nochdar an luibhre ann an croicinn na feòla;

44 *Is* duine lobhrach e, *tha* e neo-ghlan: gairmidh an sagart e neo-ghlan gu h-iomlan; *tha* a' phlàigh na cheann.

45 Agus an lobhar air *am bheil* a' phlàigh, reubar eudach, agus bithidh a cheann lom-nochd, agus cuiridh e folach air a bheil uachdraich, agus gladhaidh e, Neo-ghlan, neo-ghlan.

46 Rè nan uile laithean a *bhios* a' phlàigh air, bithidh e salach; *tha* e neo-ghlan: gabhaidh e còmhnuidh na aonar; an taobh a muigh do'n champ *bithidh* 'ionad tàimh.

47 An t-eudach mar an ceudna anns am bheil plàigh na luibhre, ma's eudach olla e, no ma's eudach lìn e,

48 Ma's ann a *tha* i san dlùth, no san inneach<sup>2</sup>, do lìon, no dh'olainn, ma's ann an croicinn, no ann an ni sam bith deanta do chroicinn:

49 Agus ma tha phlàigh uaine no dearg<sup>3</sup> san eudach, no sa' chroicinn, aon chuid san dlùth no san inneach, no ann an ni sam bith deanta do chroicinn; *is* plàigh luibhre a th'ann, agus feuchar<sup>4</sup> i do'n t-sagart.

50 Agus amhaircidh an sagart air a' phlàigh, agus druididh e stigh an ni anns a' *bheil* a' phlàigh, seachd laithean.

51 Agus amhaircidh e air a' phlàigh air an t-seachdamh là: ma tha phlàigh air sgaoileadh san eudach, aon chuid san dlùth no san inneach, no ann an croicinn, no ann an obair sam bith deanta do chroicinn; *is* luibhre chnàmhanach a' phlàigh: *tha* e neo-ghlan.

52 Loisgidh e, uime sin, an t-eudach, ma's dlùth no inneach, ann an olainn, no ann an lìon, no ni air bith deanta do chroicinn, anns a' *bheil* a' phlàigh: oir *is* luibhre chnàmhanach a th'ann; loisgear e san teine.

53 Agus ma dh'amhairceas an sagart, agus feuch, nach 'eil a' phlàigh air sgaoileadh san eudach, aon chuid san dlùth, no san inneach, no ann an ni sam bith deanta do chroicinn;

54 An sin àithnidh an sagart dhoibh an ni anns a' *bheil* a' phlàigh a nigheadh, agus druididh e stigh e seachd laithean eile.

55 Agus amhaircidh an sagart air a' phlàigh an déigh a nigheadh: agus feuch, mur do mhlùth a' phlàigh a dat, agus mur do sgaoil a' phlàigh, *tha* e neo-ghlan; loisg-

idh tu san teine e: *is* cnàmhan an leth stigh e, ma's lom a stigh no muigh e.

56 Agus ma dh'amhairceas an sagart, agus feuch, *gu bheil* a' phlàigh càil-eigin dorch a deigh a nigheadh: an sin reubaidh e as an eudach i, no as a' chroicinn, no as an dlùth, no as an inneach.

57 Agus ma tha i r'a faicinn fathast san eudach, aon chuid san dlùth, no san inneach, no ann an ni air bith deanta do chroicinn; *is* plàigh sgaoilteach a th'ann: loisgidh tu le teine an ni anns a' *bheil* a' phlàigh.

58 Agus an t-eudach, ma's dlùth, no inneach e, no ni air bith deanta do chroicinn, a nigheas tu, ma chaidh a' phlàigh asda, an sin nighear e an dara uair, agus bithidh e glan.

59 *Is* e so lagh plàigh na luibhre ann an eudach olla no lìn, anns an dlùth, no anns an inneach, no ann an ni sam bith deanta do chroicinn, chum a ghairm glan, no 'ghairm neo-ghlan.

## CAIB. XIV.

**A**GUS labhair an Tighearna ri Maois, ag ràdh,

2 Bithidh so na lagh do'n lobhar, ann an là a ghlanaidh: Bhàirear e chum an t-sagart;

3 Agus théid an sagart a mach as a' champ; agus amhaircidh an sagart, agus feuch, *ma* leighiscadh plàigh na luibhre anns an lobhar;

4 An sin àithnidh an sagart gu'n gabhar air a shon-san, a tha gu bhi air a ghlanadh, dà eun bheo ghlan, agus fiodh seudair, agus scarlaid, agus hiosop.

5 Agus àithnidh an sagart gu marbhar aon do na h-eunaibh ann an soitheach creadh, os cionn uisge ruidh<sup>5</sup>.

6 A thaobh an coin bheo, gabhaidh se e, agus am fiodh seudair, agus an scarlaid, agus an hiosop, agus tumaidh e iad agus an t-eun beo, ann am fuil an coin a mharbhadh os cionn an uisge ruidh,

7 Agus crathaidh e air-san a ta gu bhi air a ghlanadh o'n luibhre, seachd uairean, agus gairmidh e glan e, agus leigidh e as an t-eun beo air aghaidh na machrach.

8 Agus nighidh esan, a ta gu bhi air a ghlanadh 'eudach, agus bearraidh e dheth 'fhionnadh uile, agus nighidh se e féin ann an uisge, chum gu'm bi e glan: agus na dhéigh sin thig e steach do'n champ, agus fanaidh e mach as a' bhùth seachd laithean.

9 Ach air an t-seachdamh là, bearraidh e falt a chinn uile agus 'theusag, agus mailghean a shlù, cadhion 'fhionnadh uile bearraidh e dheth: agus nighidh e 'eudach; nighidh e mar an ceudna 'theoil ann an uisge, agus bithidh e glan.

<sup>1</sup> lip. <sup>2</sup> sa' chur. <sup>3</sup> ro-uaine, no ro-dhearg. Eabh.

<sup>4</sup> nochdar.

<sup>5</sup> ruidh uisge, f'lor uisge; uisge beo. Eabh.



10 Agus air an ochdamh là gabhaidh e dà uan fhìrionn gun ghaoid, agus aon uan bainionn do'n eheud bhliadhna gun ghaoid, agus trì deich earannan<sup>1</sup> do phlùr min mar thabhartas-bidh, measgta le h-oladh, agus aon log<sup>2</sup> ola.

11 Agus nochdaidh<sup>3</sup> an sagart, a nì glan c, an duine a ta r'a ghlanadh, agus na nithe sin an làthair an Tighearna, atg dorus pàilluin a' choimhthionail:

12 Agus gabhaidh an sagart aon uan fìrionn, agus bheir e seachad e mar ìobairt-eusaontais, agus an log ola, agus luaisgidh e iad mar thabhartas luaisgte, an fianuis an Tighearna.

13 Agus marbhaidh e 'n t-uan anns an aite, sam marbh c 'n ìobairt-pheacaidh agus an ìobairt-loisgte, anns an ionad naomha: oir mar is leis an t-sagart an ìobairt-pheacaidh, is amhuil sin an ìobairt-eusaontais: tha i ro-naomha.

14 Agus gabhaidh an sagart cuid do fhuil na h-ìobairt-eusaontais, agus cuiridh an sagart i air bàrr cluaise deise an ueach a ta r'a ghlanadh, agus air ordaig a làimhe deise, agus air ordaig a chois deise.

15 Agus gabhaidh an sagart cuid do'n log ola, agus dòirtidh c i ann an glaic a làimhe clithe féin.

16 Agus tumaidh an sagart a mhèur deas san oladh a ta na làimh ehli, agus crathaidh c cuid do'n ola le 'mhèur, seachd uairean an làthair an Tighearna.

17 Agus do'n chuid eile do'n oladh a ta na làimh, cuiridh an sagart air bàrr cluaise deise an neach a ta r'a ghlanadh, agus air ordaig a làimhe deise, agus air ordaig a chois deise, air fuil na h-ìobairt-eusaontais.

18 Agus fuigheall na h-ola, a ta an làimh an t-sagairt, dòirtidh e air ceann an neach a ta r'a ghlanadh; agus nì an sagart réite air a shon am fianuis an Tighearna.

19 Agus iobraidh an sagart an ìobairt-pheacaidh, agus nì e réite air a shonsan, a ta r'a ghlanadh o 'neo-ghloine, agus na dhéigh sin marbhaidh e'n ìobairt-loisgte.

20 Agus bheir an sagart seachad an ìobairt-loisgte, agus an tabhartas-bidh air an altair: agus nì an sagart réite air a shon, agus bithidh e glan.

21 Agus ma tha e boehd, agus nach urrainn e na h-uiréad fhaghail<sup>4</sup>; an sin gabhaidh e aon uan chum ìobairt-eusaontais gu bhì air a luasgadh, a dheanamh réite air a shon, agus aon deieheamh carrann<sup>5</sup> do phlùr nùn measgta le h-ola, mar thabhartas-bidh, agus log ola:

22 Agus dà thurtur, no dà choluman òga, mar is urrainn e<sup>6</sup> fhaghail; agus bithidh fear dhiubh na ìobairt-pheacaidh, agus am fear eile na ìobairt-loisgte.

23 Agus bheir e iad air an ochdamh là, air son a ghlanaidh, chum an t-sagairt, gu dorus pàilluin a' choimhthionail, an làthair an Tighearna.

24 Agus gabhaidh an sagart uan na h-ìobairt-eusaontais, agus an log ola, agus luaisgidh an sagart iad mar thabhartas-luaisgte an làthair an Tighearna.

25 Agus marbhaidh e uan na h-ìobairt-eusaontais, agus gabhaidh an sagart cuid do fhuil na h-ìobairt-eusaontais, agus cuiridh e i air bàrr cluaise deise an fhir a ta r'a ghlanadh, agus air ordaig a làimhe deise, agus air ordaig a chois deise.

26 Agus dòirtidh an sagart cuid do'n oladh ann an glaic a làimhe clithe féin.

27 Agus crathaidh an sagart le 'mhèur deas cuid do'n oladh, a ta na làimh chli, seachd uairean am fianuis an Tighearna.

28 Agus cuiridh an sagart cuid do'n oladh a ta na làimh, air bàrr cluaise deise an fhir, a ta r'a ghlanadh, agus air ordaig a làimhe deise, agus air ordaig a chois deise, air ionad fola na h-ìobairt-eusaontais.

29 Agus a' chuid eile do'n oladh, a ta an làimh an t-sagairt, cuiridh e air ceann an fhir, a ta r'a ghlanadh, a dheanamh réite air a shon am fianuis an Tighearna.

30 Agus iobraidh e fear do na turtuir, no do na columain òga, mar is urrainn e fhaghail:

31 Eadhon an nì is urrainn e fhaghail, fear mar ìobairt-pheacaidh, agus am fear eile mar ìobairt-loisgte, maille ris an tabhartas-bhidh. Agus nì an sagart réite air a shon-san, a ta r'a ghlanadh, am fianuis an Tighearna.

32 So lagh an fhir anns a' bheil plaigh na luibhre, neach nach ruig a làmh air an nì sin a bhuineas d'a ghlanadh.

33 Agus blaith air Tighearna ri Maois, agus ri h-Aaron, ag ràdh,

34 An uair a thig sibh do thìr Chanaain, a bheir mise dhuibh mar sheilbh, agus a chuireas mi plaigh luibhre ann an tigh fearainn bhur seilbh;

35 Agus gu'n d' thig esan d'am buin an tigh agus gu'n innis e do'n t-sagart, ag ràdh, A réir mo bharail-sa, tha mar gu'm bu phlaigh luibhre san tigh:

36 An sin àithnidh an sagart dhoibh an tigh fhalmalachadh<sup>7</sup> mun d' théid an sagart a stigh ann a dh'fhaicinn na plaigh; chum naeh deanar gach nì a tha san tigh neoghlán; agus na dhéigh sin théid an sagart a steach a dh'fhaicinn an tigh.

37 Agus amhaircidh e air a' phlàigh, agus fuch, ma bhios a' phlàigh ann am ballaibh an tigh, le stiallaibh doimhne<sup>8</sup>, càil-eigin uaine no dearga, a tha r'am faicinn<sup>9</sup> nì's isle na 'nì balla;

<sup>1</sup> codacha. <sup>2</sup> tomhas trì cheithreannu prìnte shasgonaich. <sup>3</sup> taisbeancaidh <sup>4</sup> fhaigheilt, fhaotainn. <sup>5</sup> cuid. <sup>6</sup> mar a thig leis; nì air an

ruig a làmh. Eabh. <sup>7</sup> fhàgail salamh. <sup>8</sup> claisichte. <sup>9</sup> 'san amharc.

38 An sin théid an sagart a mach as an tigh gu dorus an tigh, agus bheir e fanear an tigh a dhúnadh suas seachd laithean.

39 Agus thig an sagart a ris air an t-seachdamh là, agus amhaircidh e: agus feuch, *ma bhios a' phlàigh air sgaoileadh ann am ballaibh an tigh;*

40 An sin àithnidh an sagart iad a thoirt air falbh nan clach, anns a' bheil a' phlàigh, agus tilgidh iad ann an àite neo-ghlan iad an taobh a mach do'n bhaile.

41 Agus bheir e fanear an tigh a sgrìobadh air an taobh a stigh m'an cuairt, agus tilgidh iad a mach an duslach a sgrìobas iad deth, an taobh a muigh do'n bhaile gu àite neo-ghlan.

42 Agus gabhaidh iad clachan eile, agus cuiridh iad ann an àite nan clach ud iad; agus gabhaidh e criadh<sup>2</sup> eile, agus còmhdaichidh e thairis<sup>3</sup> an tigh *leatha*.

43 Agus ma thig a' phlàigh a ris, agus ma bhriseas i mach san tigh, an déigh dha na clachan a thoirt air falbh, agus an déigh dha 'n tigh a sgrìobadh, agus an déigh dha a chòmhdachadh thairis *le criadh*;

44 An sin thig an sagart agus amhaircidh e, agus feuch, ma tha phlàigh air sgaoileadh san tigh, *is luibhre chuamhain i san tigh; tha e neo-ghlan.*

45 Agus brisidh e sìos an tigh, a chlachan, agus 'fhiodh, agus criadh an tigh uile: agus bheir e fanear an giùlan a mach as a' bhaile gu h-ionad neo-ghlan.

46 Agus bithidh esan, a théid a stigh do'n tigh rè ua h-ùine a dhruidear suas e, neo-ghlan gu feasgar.

47 Agus nighidh esan a luidheas anns an tigh 'eudach: agus nighidh esan, a dh'itheas san tigh, 'eudach.

48 Agus ma théid an sagart a stigh, agus gu'n amhairc e air, agus feuch, cha do sgaoil a' phlàigh san tigh, an déigh an tigh a chòmhdachadh thairis; an sin gairmidh an sagart an tigh glan, a chionn gu'n do leighiseadh a' phlàigh.

49 Agus gabhaidh e chum an tigh a ghlanadh dà eun, agus fiodh seudair, agus scarlaid, agus hiosop.

50 Agus marbhaidh e fear do na h-eunaibh ann an soitheach creadha, os cionn uisge ruidh.

51 Agus gabhaidh e am fiodh seudair, agus an hiosop, agus an scarlaid, agus an t-eun beo, agus tumaidh e iad ann an fuil an eoin, a chaidh mharbhadh, agus anns an uisge ruidh; agus crathaidh e air an tigh seachd uaire.

52 Agus glanaidh e an tigh le fuil an eoin, agus leis an uisge ruidh, agus leis an eun bheo, agus leis an fhiodh sheudair, agus leis an hiosop, agus leis an scarlaid.

53 Ach leigidh e as an t-eun beo an taobh a mach do'n bhaile, air aghaidh na

machrach, agus ni e réite air son an tigh: agus bithidh e glan.

54 So an lagh air son gach gnè do phlàigh luibhre, agus do chàrr,

55 Agus air son luibhre cudaich, agus air son tigh,

56 Agus air son ataidh, agus air son guirein, agus air son buill shoilleir:

57 A theagasg c'uin a bhios e neo-ghlan, agus c'uin a bhios e glan: *is e so lagh na luibhre.*

## CAIB. XV.

**A** GUS labhair an Tighearna ri Maois, agus ri h-Aaron, ag ràdh,

2 Labhraibh ri cloinn Israeil, agus abraibh riu, 'Nuair a bhios aig duine sam bith silteach o 'fheoil, air son a shiltich *bithidh e neo-ghlan.*

3 Agus is e so a neo-ghloine na shilteach: ma shileas 'fheoil a mach a sileadh, no ma dhùinear 'fheoil suas o shilteach, *is e so a neo-ghloine.*

4 Gach leabadh air an luidh esan air am bheil silteach, bithidh i neo-ghlan: agus gach ni air an suidh e, bithidh e neo-ghlan.

5 Agus gach neach a bheanas r'a leabaidh, nighidh e 'eudach, agus ionnailidh se e *fèin* ann an uisge, agus bithidh e neo-ghlan gu feasgar.

6 Agus esan a shuidheas air ni sam bith, air an do shuidh neach air am bheil silteach, nighidh e 'eudach, agus ionnailidh se e *fèin* ann an uisge, agus bithidh e neo-ghlan gu feasgar.

7 Agus esan a bheanas ri feoil neach air am bheil silteach, nighidh e 'eudach, agus ionnailidh se e *fèin* ann an uisge, agus bithidh e neo-ghlan gu feasgar.

8 Agus ma thilgeas esan, air an bheil silteach, smugaid aisan a ta glan, an sin nighidh e 'eudach agus ionnailidh se e *fèin* ann an uisge, agus bithidh e neo-ghlan gu feasgar.

9 Agus gach diollaid, air am marcaich esan air am bheil silteach, bithidh i neo-ghlan.

10 Agus gach neach a bheanas ri ni sam bith a bha fuidhe, bithidh e neo-ghlan gu feasgar: agus esan a ghiulaineas a h-aon air bith do na nithibh sin, nighidh e 'eudach, agus ionnailidh se e *fèin* ann an uisge, agus bithidh e neo-ghlan gu feasgar.

11 Agus gach neach ris am bean esan air am bheil silteach, agus nach d'ionnail a làmhnan ann an uisge, nighidh e 'eudach agus ionnailidh se e *fèin* ann an uisge, agus bithidh e neo-ghlan gu feasgar.

12 Agus an soitheach creadha, ris am bean esan air am bheil silteach, brisear e: agus gach soitheach fiodha, nighear ann an uisge e.

13 Agus an uair a ghlanar esan, air am bheil silteach, o 'shilteach; an sin airnmidh e dha *fèin* seachd laithean air son a ghlan-

<sup>1</sup> *dh'itidh. Eabh.*

<sup>2</sup> *lithach, creuch:*

*morter, Sarg. 3 spairtich: plaister, Sarg.*



aidh, agus nighidh e 'eudach, agus ionnailidh e 'fheoil ann an uisge ruidh, agus bithidh e glan.

14 Agus air an ochdamh là gabhaidh e dha féin dà thurtur, no dà choluman òga, agus thig e an làthair an Tighearna, gu dorus pailliuin a' choimhthionail, agus bheir e iad do'n t-sagart.

15 Agus ìobraidh<sup>1</sup> an sàgart iad, a h-aon diubh mar ìobairt-pheacaidh, agus an t-aon eile mar ìobairt-loisgte; agus ni an sagart réite air a shon an làthair an Tighearna a thaobh a shiltich.

16 Agus ma dh'fhalbhas a shìol-ginidh o dhuine air bith, an sin nighidh e 'fheoil uile ann an uisge, agus bithidh e neo-ghlan gu feasgar.

17 Agus gach eudach, agus gach croicinn air am bi an sìol-ginidh, nighear e ann an uisge, agus bithidh e neo-ghlan gu feasgar.

18 Mar an ceudna a' bhean leis an luidh fear le sìol-ginidh, nighidh iad *araon iad féin* ann an uisge, agus bithidh iad neo-ghlan gu feasgar.

19 Agus an uair a bhios silteach air mnaoi, agus gur fuil a bhios na silteach na feoil, seachd laithean cuirear air leth i: agus gach neach a bheanas rithe, bithidh e neo-ghlan gu feasgar.

20 Agus gach ni air an luidh i 'nuair a cuirear air leth i, bithidh e neo-ghlan: gach ni mar an ceudna air an suidh i, bithidh e neo-ghlan.

21 Agus gach neach a bheanas r'a leabaidh, nighidh e eudach, agus ionnailidh se e *féin* ann an uisge, agus bithidh e neo-ghlan gu feasgar.

22 Agus gach neach a bheanas ri ni sam bith air an do shuidh i, nighidh e eudach, agus ionnailidh se e *féin* ann an uisge, agus bithidh e neo-ghlan gu feasgar.

23 Agus ma bhios e air a leabaidh, no air ni sam bith air an suidh i, 'nuair a bheanas e ris, bithidh e neo-ghlan gu feasgar.

24 Agus ma luidheas fear sam bith maille rithe, agus gu'm bi a fuil-mìos air, bithidh e neo-ghlan scachd laithean, agus bithidh gach leabadh air an luidh e, neo-ghlan.

25 Agus an uair a bhios a silteach fola air mnaoi mòran do laithibh, cha 'n ann an àm a dealachaidh, no ma shileas e an deigh àm a dealachaidh, bithidh uile laithean silidh a neo-ghloine, mar laithean a dealachaidh: bithidh i neo-ghlan.

26 Gach leabadh air an luidh i rè uile laithean a siltich, bithidh i dh'i mar leabaidh a dealachaidh: agus gach ni air an suidh i, bithidh e neo-ghlan, a réir neo-ghloine a dealachaidh.

27 Agus gach neach a bheanas ris na

nithibh sin, bithidh e neo-ghlan; agus nighidh e eudach, agus ionnailidh se e *féin* ann an uisge, agus bithidh e neo-ghlan gu feasgar.

28 Ach ma ghlanar i o 'silteach, an sin àirmhidh i dh'i féin seachd laithean, agus an deigh sin bithidh i glan:

29 Agus air an ochdamh là gabhaidh i dh'i féin dà thurtur, no dà choluman òga, agus bheir i iad a dh'ionnsuidh an t-sagairt, gu dorus pailliuin a' choimhthionail:

30 Agus ìobraidh an sagart a h-aon diubh mar ìobairt-pheacaidh, agus an t-aon eile mar ìobairt-loisgte; agus ni an sagart réite air a shon an làthair an Tighearna, air son siltich a neo-ghloine.

31 Mar so dealachidh sibh clann Israeil o'n neo-ghloine, chum as nach bàsaich iad nan neo-ghloine, 'nuair a thruaillleas<sup>2</sup> iad mo phailliuin-sa, a ta nam mcasg.

32 Is e so lagh an *fhìr* air am bheil silteach, agus an *fhìr* sin aig an d' théid a shìol uath, agus a shalaichear leis;

33 Agus na mnà a bhios gu tinn ann an àm a dealachaidh, agus an neach sin air am bi silteach, an *fhìr*, agus na mnà, agus an duine *sin* a luidheas leatha-sa ta neo-ghlan.

#### C A I B. XVI.

**A** GUS labhair an Tighearna ri Maois an deigh bàis dhithis mhac Aaron, an uair a thug iad seachad tabhartas ann làthair an Tighearna, agus a bhàsaich iad:

2 Agus thubhairt an Tighearna ri Maois, Labhair ri h-Aaron do bhràthair, a chum nach d' théid e anns gach àm a steach do'n *ionad* naomha an taobh a stigh do'n roinn-bhrat, ann làthair cathair-na-tròcair, a ta air an àir; a chum nach bàsaich e: oir foillsichidh<sup>3</sup> mise mi féin ann an neul air cathair-na-tròcair.

3 Mar so théid Aaron a steach do'n *ionad* naomha: le tarbh òg chum ìobairt-pheacaidh, agus reithe eum ìobairt-loisgte.

4 An eòta anairt naomha cuiridh e air, agus bithidh na brìgisean anairt aige air 'fheoil, agus leis a' chrìos anairt crìosraichidh se e féin, agus an crùn-anairt cuiridh e air: is éididh naomha iad sin; air an aobhar sin ionnailidh e 'fheoil ann an uisge, agus cuiridh e air iad.

5 Agus o choimhthionail chloinn Israeil gabhaidh e dà bhoc<sup>4</sup> o na gabhraibh chum ìobairt-pheacaidh, agus aon reithe chum ìobairt-loisgte.

6 Agus bheir Aaron seachad tarbh na h-ìobairt-pheacaidh a bhios air a shon féin: agus ni e réite air a shon féin, agus air son a thighe.

7 Agus gabhaidh e an dà bhoc-gaibhre, agus nochdaidh e iad an làthair an Tighearna, aig dorus pailliuin a' choimhthionail.

<sup>1</sup> ni. Eabh.

<sup>2</sup> mhi-naomhaicheas.

<sup>3</sup> taisbeanaidh.

<sup>4</sup> dà mheann.

8 Agus tilgidh Aaron croinn<sup>1</sup> air an dà bhoc; aon chrann air son an Tighearna, agus crann eile air son a' bhuic, a théid as.

9 Agus bheir Aaron leis am boc, air an do thuit an crann air son an Tighearna, agus iobairidh se e mar iobairt-pheacaidh.

10 Ach am boc, air an do thuit an crann gu'n leigte as e, nochdar beo e an làthair an Tighearna, gu réite a dheanamh leis, chum a leigeadh as saor do'n fhàsach.

11 Agus bheir Aaron leis tarbh na h-iobairt-pheacaidh, a *bhios* air a shon féin, agus ni e réite air a shon féin, agus air son a thighe: agus marbhaidh e tarbh na h-iobairt-pheacaidh, a *bhios* air a shon féin.

12 Agus gabhaidh e tùiseir làn a dh'èibhligh teine o'n altair ann làthair an Tighearna, agus làn a ghlac do thùis dheagh-bholaidh pronnata gu min, agus bheir e'n taobh a stigh do'n roinn-bhrat e.

13 Agus cuiridh e an tùis air an teine ann làthair an Tighearna, chum gu'n comhdaich neul na tùise cathair-na-tròcair, a *ta* air an fhianuis, agus nach faigh e bàs.

14 Agus gabhaidh e do fhuil an tairbh, agus crathaidh e i le 'mheur air cathair-na-tròcair ohum na h-àird an ear: agus fa chomhair cathair-na-tròcair crathaidh e do'n fhuil seachd uairean le 'mheur.

15 An sin marbhaidh e boc-gaibhre na h-iobairt-pheacaidh, a *bhios* air son an t-sluaigh, agus bheir e 'fhuil an taobh a stigh do'n roinn-bhrat, agus ni e r'a fhuil-san mar a rinn e ri fuil an tairbh, agus crathaidh e i air cathair-na-tròcair, agus fa chomhair cathair-na-tròcair.

16 Agus ni e réite air son an *ionaid* naomha, thaobh neo-ghloine chloinn Israeil, agus a thaobh an seachrana<sup>2</sup> nam peacannaibh gu léir: agus mar so ni e air son pàilliuin a' choimhthionail, a tachòmhnuidh maille riu, ann am meadhon an neo-ghloine.

17 Agus duine sam bith cha bhi ann am pàilliuin a' choimhthionail, an uair a théid e dheanamh réite san *ionad* naomha, agus an d' thig e mach, agus gu bheil e air deanamh réite air a shon féin, agus air son a thighe<sup>3</sup>, agus air son uile choimhthionail Israeil.

18 Agus théid e mach a dh'ionnsuidh na h-altarach, a *ta* am fianuis an Tighearna, agus ni e réite air a son; agus gabhaidh e do fhuil an tairbh, agus do fhuil a' bhuic, agus cuiridh e i air adhaircibh na h-altarach m'an cuairt.

19 Agus crathaidh e oirre do'n fhuil le 'mheur seachd uairean, agus glanaidh e i, agus naomhaichidh e i o neo-ghloine chloinn Israeil.

20 Agus an uair a bhios e air deanamh réite<sup>4</sup> air son an *ionaid* naomha, agus air son pàilliuin a' choimhthionail, agus air son

na h-altarach, bheir e leis am boc-gaibhre beo:

21 Agus cuiridh Aaron a dhà làimh air ceann a' bhuic bheo, agus aidichidh e os a chionn uile lochda chloinn Israeil, agus an uile sheachrana<sup>5</sup> nam peacannaibh gu léir, agus cuiridh e iad air ceann a' bhuic, agus cuiridh e air falbh e le làimh duine iom-chuidh do'n fhàsach.

22 Agus giùlainibh am boc-gaibhre air féin an lochda gu léir gu fearann air leth<sup>6</sup>: agus leigidh e air falbh am boc san fhàsach.

23 Agus théid Aaron a steach do phàilliuin a' choimhthionail, agus cuiridh e dheth an éididh anairt, a chuir e air an uair a chaidh e steach do'n *ionad* naomha, agus fàgaidh e'n sin i.

24 Agus ionnailidh e 'fheoil ann an uisge san ionad naomha, agus cuiridh e air 'eididh, agus thig e mach, agus iobairidh e iobairt-loisgte féin, agus iobairt-loisgte an t-sluaigh; agus ni e réite air a shon féin agus air son an t-sluaigh.

25 Agus saill na h-iobairt-pheacaidh loisgidh e air an altair.

26 Agus esan a leig as am boc-gaibhre mar bhoc saor, nighidh e eudach, agus ionnailidh e 'fheoil ann an uisge; agus na dhéigh sin théid e do'n champ.

27 Agus an tarbh air son na h-iobairt-pheacaidh, agus am boc-gaibhre air son na h-iobairt-pheacaidh, d'an d'thugadh am fuil a steach a chum réite a dheanamh san *ionad* naomha, bheirear a mach iad an taobh a muigh do'n champ; agus loisgidh iad san teine an croicinn, agus am feoil, agus an aolach.

28 Agus csan a loisgeas iad, nighidh e 'eudach, agus ionnailidh e 'fheoil ann an uisge, agus na dhéigh sin théid e do'n champ.

29 Agus bithidh so dhuibh na ordugh gu sìorruidh: Anns an t-seachdamh mìos, air an deicheamh là do'n mhìos, irioslaichidh<sup>7</sup> sibh bhuir n-anaman, agus obair sam bith cha dean sibh, aon *chuid* esan, a tha do mhuinntir bhuir dùthcha féin, no 'n coigreach, a ta air chuart nar measg:

30 Oir air an là sin ni an *sagart* réite air bhuir son, chum bhuir glanadh o bhuir peacannaibh gu léir ann làthair an Tighearna glanar sibh.

31 *Bithidh* e na shàbaid tàimh dhuibh, agus irioslaichidh sibh bhuir n-anaman, le ordugh sìorruidh.

32 Agus ni an sagart, a dh'ungas e, agus a choisrigeas e gu frithealadh ann an àite athar, an réite: agus cuiridh e air an éididh anairt, *eudhon* an truscan naomha.

33 Agus ni e réite air son an *ionaid* ro-naomha, agus air son pàilliuin a' choimhthionail, agus air son na h-altarach ni e

<sup>1</sup> crannchur. <sup>2</sup> eusaontais. <sup>3</sup> a theaghlach.

<sup>4</sup> nuair a chuireas e crìoch air réite dheanamh.

Eabh. <sup>5</sup> eu-cearta. <sup>6</sup> gu fearann neo-àitichte.

<sup>7</sup> cràdhaidh. Eabh.



réite; mar an ceudna air son nan sagart, agus air son uile shluaigh a' choimhthionail nìe réite.

34 Agus bithidh so dhuibh na ordugh sìorruidh, chum réite a dheanamh air son chloinn Israeil, as leth am peacanna gu léir aon uair sa' bhliadhna. Agus rinu e mar a dh'aitn an Tighearna do Mhaois.

## CAIB. XVII.

**A** GUS labhair an Tighearna ri Maois, ag ràdh,

2 Labhair ri h-Aaron, agus r'a mhic, agus ri cloinn Israeil uile, agus abair riu, So an nì a dh'aitn an Tighearn, ag ràdh,

3 Ge b'e duine air bith do thigh Israeil, a mharbhas tarbh no uan, no gabhar anns a' champ, no mharbhas e mach as a' champ,

4 Agus nach d' thoir e gu dorus pàilliuin a' choimhthionail, gu tabhartas a thoirt seachad do'n Tighearn air beulaobh' pàilliuin an Tighearna, cuirear fuil as leth an duine sin, dhòirt e fuil; agus gearrar as an duine sin o mheasg a shluaigh:

5 Chum as gu'n d' thoir clann Israeil an ìobairtean, a dh'ìobras iad a muigh sa' mhachair<sup>2</sup>, eadhon gu'n d' thoir iad a chum an Tighearn iad, gu dorus pàilliuin a' choimhthionail a dh'ionnsuidh an t-sagairt, agus gu'n ìobair iad mar ìobairtean-sìth iad do'n Tighearna.

6 Agus crathaidh an sagart an fhuil air altair an Tighearna, aig dorus pàilliuin a' choimhthionail, agus loisgidh e 'n t-saill a chum fàile cùbhraidh do'n Tighearna.

7 Agus cha 'n ìobair iad nì's mo an ìobairtean do dhiabhloibh, as déigh an dcachaidh iad le strìopachas: Bithidh so na reachd dhòibh gu sìorruidh air feadh an ginealach.

8 Agus their thu riu, Ge b'e duine air bith do thigh Israeil, no do na coigrich, a bhios air chuairt 'nar measg, a bheir seachad tabhartas-loisgte no ìobairt,

9 Agus nach d' thoir e gu dorus pàilliuin a' choimhthionail, a chum 'ìobradh do'n Tighearna: gearrar cadhon an duine sin as o mheasg a shluaigh.

10 Agus ge b'e duine do thigh Israeil, no do na coigrich, a ta air chuairt 'nar measg, a dh'itheas gnè sam bith fola; cuiridh mise mo ghnùis an agaigh an anama sin a dh'itheas fuil, agus gearraidh mi as e o mheasg a shluaigh.

11 Oir tha beatha na feòla san fhuil, agus thug mi dhuibh i air an altair, a dheanamh réite air son bhuir n-anamanna: oir is i an fhuil a nì réite air son an anama.

12 Uime sin thubhairt mi ri cloinn Israeil, Cha 'n ith anam sam bith agaibh fuil, nì mò a dh'itheas an coigreach fuil, a bhios air chuairt 'nar measg.

13 Agus ge b'e duine air bith do chloinn Israeil, no do na coigrich, a bhios air

chuairt 'nar measg, a nì sealg agus a ghlasac beathach, no eun a dh'fleadar itheadh; dòirtidh e mach 'fhuil, agus còmhdaichidh<sup>3</sup> e le duslach i.

14 Oir is i beatha gach uile fheòla a fuil; tha i air son beatha dh'i: uime sin thubhairt mi ri cloinn Israeil, Cha 'n ith sibh fuil feòla sam bith: oir is i beatha gach feòla a fuil: gach neach a dh'itheas i, gearrar as e.

15 Agus gach anam a dh'itheas an nì a bhàsaicheas *dheth fèin*, no a reubadh *le fiadh-bheathaichibh*, (ma's neach e a rugadh 'nar tìr fèin, no coigreach) nighidh e eudach, agus ionnailidh se e *fèin* ann an uisge, agus bithidh e neo-ghlan gu feasgar: an sin bithidh e glan.

16 Ach mur nigh se e, agus mur ionnail e 'Theoil; an sin giùlainidh e 'aingidh-eachd.

## CAIB. XVIII.

**A** GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, Is mise an Tighearna bhuir Dia.

3 A réir gnìomhara tìr na h-Eiphit anns an robh sibh a chòmhnuidh, cha dean sibh: agus a réir gnìomhara tìr Chanaain *agus am bheil* mise 'gar tabhairt, cha dean sibh: nì mo a ghluaiseas sibh nan orduighibh.

4 Nì sibh mo bhreitheanais, agus gleidhidh sibh m'orduighean, gu gluasad annta: Is mise an Tighearna bhuir Dia.

5 Uime sin, gleidhidh sibh mo reachdan agus mo bhreitheanais; nìthe ma nì duine, bithidh e beo annta: Is mise an Tighearna.

6 Cha d' thig a h-aon agaibh am fagus a dh'aon neach a ta dlùth dha ann an dàimh, a chum a nàire a leigeadh ris: Is mise an Tighearna.

7 Nochd<sup>4</sup> t'athar, no nochd do mhàthar, cha leig thu ris: is i do mhàthair i, cha leig thu ris a nochd.

8 Nochd mnà t'athar, cha leig thu ris: is e nochd t'athar e.

9 Nochd do pheathar, nighinn t'athar, no nighinn do mhàthar, co dhiubh a rugadh i aig an tigh, no rugadh a mach i, eadhon an nochd-san, cha leig thu ris.

10 Nochd nighinn do mhic, no nighinn do nighinn, eadhon an nochd-san, cha leig thu ris: oir is e an nochd-san do nochd fèin.

11 Nochd nighinn mnà t'athar, a ghineadh le t'athair, (is i do phiuthar i) cha leig thu ris a nochd-sa.

12 Cha leig thu ris nochd peathar t'athar: is i ban-charaid ro-dhileas t'athar i.

13 Cha leig thu ris nochd peathar do mhàthar: oir is i ban-charaid ro-dhileas do mhàthar i.

14 Cha leig thu ris nochd bràthar t'athar, cha d' thig thu 'm fagus d'a mhnaoi: is i bean bhràthar t'athar i.

<sup>1</sup> fa chomhair.    <sup>2</sup> air aghaidh an fhearainn.

Eabh. <sup>3</sup> solaichaidh.    <sup>4</sup> lomnochduidh, nàire.

15 Cha leig thu ris nochd do bhan-chleamhna; *is i* bean do mhic i, cha leig thu ris a nochd.

16 Cha leig thu ris nochd mna do bhràthar: *is e* nochd do bhràthar e.

17 Cha leig thu ris nochd mna agus a h-ighinn<sup>1</sup>, ni mò a ghabhas tu nighean a mic, no nighean a h-ighinn, a chum a nochd a leigeadh ris; *oir is iad* a ban-chairde dilse iad: *is aingidheachd e*.

18 Ni mò a ghabhas tu bean maille r'a piuthair, a chum a buaireadh<sup>2</sup>, a leigeadh ris a nochd, a thuilleadh air an té eile, am feadh is beo i.

19 Mar an ceudna cha d' thig thu 'm fagus do mhnai a leigeadh ris a nochd, an uair a chuirear air leth i air son a neo-ghloine.

20 Agus cha luidh thu gu collaidh le mnaoi do choimhearsnaich, a chum thu féin a thruaillleadh leatha.

21 Agus cha leig thu le neach air bith do d' shliochd dol tre 'n teine do Mholech, ni mò a mhi-naomhaicheas tu ainm do Dhé: *Is mise an Tighearna*.

22 Cha luidh thu le firionnach mar le bainionnach: *is gràineileachd e*.

23 Ni mò a luidheas tu le h-ainmhidh sam bith gu d' thruaillleadh féin leis: ni mò a sheasas bean sam bith roimh ainmhidh gu luidhe sìos da: *is amhladh<sup>3</sup> e*.

24 Na truaillibh sibh féin ann an aon sam bith do na nithibh sin; oir anns na nithibh sin uile thruaill na cinnich sin iad féin, a thilgeas mise mach romhaibh.

25 Agus shalaicheadh am fearann: uime sin leanaidh mi aingidheachd air, agus sgeithidh am fearann féin a mach a luchd-àiteachaidh.

26 Uime sin, gleidhidh sibh mo reachdan agus mo bhreitheanaibh, agus cha dean sibh a h-aon air bith do na gràinealachdaibh sin; aon chuid neach sam bith d'ar cinneach féin, no coigreach a bhios air chuairt 'nar measg:

27 (Oir na gràinealachda sin uile rinn daoine na dùthcha, à bha romhaibh, agus tha 'm fearann air a thruaillleadh.)

28 Chum nach sgeith am fearann sibhse mach mar an ceudna, 'nuair a thruaillleas sibh e, mar a sgeith e mach na cinnich a bha romhaibh.

29 Oir ge b'e neach a ni h-aon air bith do na gràinealachdaibh ud, eadhon na h-anaman, a ni iad, gearras iad o mheasg an sluagh.

30 Uime sin, gleidhidh sibh m'ordughan, a chum nach dean sibh a h-aon air bith do na gnàthannaibh gràneil ud, a rinneadh romhaibh, agus nach truaill sibh sibh féin anna: *Is mise an Tighearna bhuir Dia*.

## CAIB. XIX.

**A** GUS labhair an Tighearna ri Maois, ag ràdh.

2 Labhair ri coimhthional chloinn Israeil uile, agus abair riu, Bitibh naomha: oir a ta mise an Tighearna bhuir Dia naomha.

3 Bitheadh eagal bhuir màthar agus bhuir n-athar air gach duine agaibh, agus gleidhibh mo shàbaidean: *Is mise an Tighearna bhuir Dia*.

4 Na rachaidh a thaobh gu h-iodholaibh, agus na deanaidh diathan<sup>4</sup> leaghta dhuibh féin: *Is mise an Tighearna bhuir Dia*.

5 Agus ma dh'ìobras sibh ìobairt-thabhartasan-sìth do'n Tighearna, ìobraidh sibh i d'ar toil féin.

6 San là sin féin, anns an ìobair sibh i, ihear i, agus air an là màireach: agus ma mhaireas a' bheag dh'i gus an treas là, loisgear san teine e.

7 Agus ma dh'ithear e idir air an treas là, *is gràneil e*; cha ghabhar e.

8 Uime sin, gach neach a dh'itheas e, giùlainidh e aingidheachd, a chionn gu'n do mhi-naomhaich e ni coisrigte an Tighearna: agus gearras an t-anam sin as o'shlugh.

9 Agus an uair a bhuaineas sibh foghar bhuir fearainn, cha bhuain thu gu buileach oisinn: an t-achaidh, ni mò a chruinnicheas tu dioghlum<sup>5</sup> t-fhogharaidh.

10 Agus cha tur-lom thu t'fhion-lios<sup>6</sup>, ni mò a chruinnicheas tu uile fhion-dhearca t'fhion-lios; do'n bhochd agus do'n choigreach fàgaidh tu iad: *Is mise an Tighearna bhuir Dia*.

11 Cha ghoid sibh, ni mò a ni sibh breug<sup>7</sup>, no mheallas aon agaibh a chéile.

12 Agus cha mhionnaich sibh air m'ainm-sa gu breugach, ni mò a mhi-naomhaicheas tu ainm do Dhé: *Is mise an Tighearna*.

13 Cha dean thu foirneart<sup>8</sup> air do choimhearsnach, ni mò a ni thu reubainn air: cha'n fhan duais an fhir-thuasdail maille riut rè na h-oidhche gu maduinn.

14 Cha mhallaich thu 'm bodhar, agus roimh 'n dall cha chuir thu ceap-tuislidh, ach bithidh eagal do Dhé ort; *Is mise an Tighearna*.

15 Cha dean sibh eucoir sam bith ann am breitheanas; cha bhi suim agad do ghnùis<sup>9</sup> an duine bhochd, ni mò a bheir thu onoir do ghnùis an duine chumhachdaich: ann an ceartas bheir thu breth air do choimhearsnach.

16 Cha d' théid thu m'an cuairt mar fhear tuailis<sup>10</sup> am measg do shlugaigh; ni mo a sheasas tu an aghaidh fola do choimhearsnaich: *Is mise an Tighearna*.

17 Cha bhi fuath agad do d' bhràthair

<sup>1</sup> inghinn. <sup>2</sup> brosnuchadh, cràdh. <sup>3</sup> aimlisg; confusion. Sagg. <sup>4</sup> dec. <sup>5</sup> seasgana. <sup>6</sup> lom thu gu buileach t'-fhion-ghràdh.

<sup>7</sup> a dh'ùicheadhas. Eabh. <sup>8</sup> eucoir, feall, cealg. <sup>9</sup> phearsa. <sup>10</sup> fhear cùl-chàineadh, fhear innseadh sgeoil.



ann ad chridhe: air gach aon chor cron-  
aiehidh tu do choimhearsnach, agus cha'n  
fhuiling thu peacadh air.

18 Cha dean thu dioghaltas, ni mò bhios  
falachd<sup>1</sup> agad ri cloinn do shluaigh, ach  
gràdhaichidh tu do choimhearsnach mar  
thu féin: *Is mise an Tighearna.*

19 Gleidhidh sibh mo reachda: Cha  
leig thu le d' spréidh siolachadh le gnè  
eile<sup>2</sup>: Cha chuir thu t'fhearrann le siol  
measgta: ni mò a chuirear umad eudach  
measgta do olainn agus do lìon.

20 Agus ge b'e neach a luidheas gu  
collaidh le mnaoi, a tu na ban-tràill fuidh  
cheangal-pòsaidh aig fear, agus nach  
d'fhuasgladh idir, ni mò a thugadh saorsa  
dh'i; sgiùrsar i: cha chuirear gu bas iad, a  
chionn nach robh i saor.

21 Agus bheir e ìobairt-eusaontais do'n  
Tighearna, gu dorus pàilluin a' choimh-  
thionail, *eadhon* reithe mar ìobairt-eusaont-  
ais.

22 Agus ni an sagart réite air a shon le  
reithe na h-ìobairt-eusaontais ann làthair an  
Tighearna, air son a pheacaidh a rinn e:  
agus mathar dha a pheacadh a rinn e.

23 Agus an uair a thig sibh do'n fhear-  
ann, agus a shuidhicheas sibh gach gnè  
chraobh air son bidh; an sin measaidh sibh  
an toradh mar ni neo-thimchioll-ghearrta:  
tri bliadhna bithidh e dhuibh mar ni neo-  
thimechioll-ghearrta: cha'n ithear dheth.

24 Ach air a' eathramh bliadhna  
bithidh a thoradh uile naomha eum eliù  
do'n Tighearna.

25 Agus air a' chùigeadh bliadhna ithidh  
sibh d'a thoradh, eum as gu'n d' thoir e a  
chinneas<sup>3</sup> duibh: *Is mise an Tighearna*  
bhur Dia.

26 Cha 'n ith sibh *ni sam bith* leis an  
fhuil: ni mò a ghnàthaicheas sibh druith-  
eachd<sup>4</sup>, no sheallas sibh air amannaibh<sup>5</sup>.

27 Cha bhearr sibh m'an cuairt oisinn-  
ean bhur ceann, ni mò a mhilleas tu oisinn-  
ean t'fheusaig.

28 Cha dean sibh gearradh sam bith  
'nar feoil air son nam marbh; ni mò a  
chuireas sibh comhara sam bith òirbh:  
*Is mise an Tighearna.*

29 Na truail do nighean a thoirt oirre  
bhi na striopach: a chum as nach d' thoir  
am fearann gu striopachas, agus nach lìonar  
an dùthaich le h-aingidheachd.

30 Gleidhidh sibh mo shàbaidean, agus  
bheir sibh urram do m'ionad naomha: *Is*  
*mise an Tighearna.*

31 Na biodh suim agaibh dhiubhsan aig  
am bheil leannain-sith<sup>6</sup>, agus na iarraibh a  
dh'ionnsuidh luchd-fiosachd, gu bhi air  
bhur truailleadh leo: *Is mise an Tigh-*  
*earna bhur Dia.*

32 An làthair a' chinn léith éiridh tu

suas, agus bheir thu urram do ghnùis an  
duine aosda, agus bithidh eagal do Dhé  
ort: *Is mise an Tighearna.*

33 Agus ma bhios coigreach air chuairt  
maille riut 'nar tìr, cha bhuin sibh gu  
cruaidh ris.

34 Mar neach a rugadh 'nar measg bith-  
idh dhuibhse an coigreach, a ta air chuairt  
maille ribh, agus gràdhaichidh tu e mar thu  
féin; oir bha sibh féin 'nar coigrich ann an  
tìr na h-Eiphit: *Is mise an Tighearna*  
bhur Dia.

35 Cha dean sibh eucoir sam bith ann  
am breitheanas, ann an slait-thomhais, ann  
an cudthrom, no ann an tomhas.

36 Meidheadn earta<sup>7</sup>, clacha-tomhais  
earta, ephah cheart, agus hin eheart bith-  
idh agaibh: *Is mise an Tighearna* bhur  
Dia a thug sibhse 'mach a tìr na h-Eiphit.

37 Uime sin, gleidhidh sibh mo reachdan  
uile, agus mo bhreitheanas uile, agus  
ni sibh iad: *Is mise an Tighearna.*

## C A I B. XX.

**A** GUS labhair an Tighearna ri Maois,  
ag ràdh,

2 A ris their thu ri eloinn Israeil, Ge b'e  
air bith e do chloinn Israeil, no do na coig-  
rich, a ta air chuairt ann an Isracl, a bheir  
a' bheag d'a shliochd do Mholech; cuirear  
gu cinnteach gu bàs e, clachaidh sluagh na  
dùthecha e le clachaibh.

3 Agus cuiridh mise mo ghnùis an  
aghaidh an duine sin, agus gearraidh mi as  
e o mheasg a shluaigh: a chionn gu'n  
d'thug e d'a shliochd do Mholech a shal-  
aeadh m'ionaid naomha-sa, agus a thruail-  
eadh m'ainn naomha.

4 Agus ma dh'fholaicheas sluagh na  
dùthecha air chor sam bith an sùilean o'n  
duine sin, an uair a bheir e d'a shliochd do  
Mholech, agus nach marbh iad e;

5 An sin cuiridh mise mo ghnùis an  
aghaidh an duine sin, agus an aghaidh a  
theaghlach, agus gearraidh mi as e, agus  
iadsan uile, a théid le striopachas na dhéigh,  
a dheanamh striopachais le Molech, o  
mheasg an sluaigh.

6 Agus an t-anam a théid a thaobh a  
dh'ionnsuidh muinntir aig am bheil leann-  
ain-sith, agus a dh'ionnsuidh luchd-fiosachd,  
gu dol le striopachas nan déigh, cuiridh  
mise mo ghnùis an aghaidh an anama sin,  
agus gearraidh mi as e o mheasg a  
shluaigh.

7 Naomhaichibh sibh féin uime sin, agus  
bithibh naomha: oir *is* mise an Tighearna  
bhur Dia.

8 Agus gleidhidh sibh mo reachdan,  
agus ni sibh iad: *Is* mise an Tighearna a  
naomhaicheas sibh.

9 Oir gach neach a mhallaicheas 'athair  
no 'mhàthair, cuirear gu cinnteach gu bàs

faistineachd.

<sup>7</sup> Toimhsean f'rinneach.

<sup>1</sup> mìo-run. <sup>2</sup> le seòrsaibh eugsamhuil. <sup>3</sup> f'hàs.  
4 f'iosachd. <sup>5</sup> manaibh. <sup>6</sup> spiorada

e: mhallaich e 'athair no 'mhàthair; *bithidh* 'fhuil air fèin.

10 Agus an duine a ni adhaltrannas re mnaoi fir *cile*, eadhon esan a ni adhaltrannas re mnaoi a choimhear-naich, cuirear an t-adhaltranach agus a' bhan-adhaltranach gu cinnteach gu bàs.

11 Agus an duine a luidheas le mnaoi 'athar, leig e ris nochd 'athar: cuirear gu cinnteach le chéile gu bàs iad; *bithidh* am fuil orra fèin.

12 Agus ma luidheas duine le mnaoi a mhic, cuirear gu deimhin le chéile gu bàs iad: dh'oibrich iad amhladh<sup>1</sup>: *bithidh* am fuil orra fèin.

13 Mar an ceudna ma luidheas duine le fear, mar a luidheas e le mnaoi, rinn iad le chéile gràinealachd: cuirear gu cinnteach gu bàs iad; *bithidh* am fuil orra fèin.

14 Agus ma ghabhas duine d'a ionnsuidh bean agus a màthair, is aingidheachd e: loisgear le teine iad, eadhon esan agus iadsan; a chum as nach bi aingidheachd 'nar measg.

15 Agus ma luidheas duine le h-ainmhidh, cuirear gu cinnteach gu bàs e: agus anarbhaidh sibh an t-ainmhidh.

16 Agus ma thig bean ann fagus a dh'ainmhidh sam bith, agus gu'n luidh i sìos da, marbhaidh tu a' bhean agus an t-ainmhidh: cuirear gu cinnteach gu bàs iad; *bithidh* am fuil orra fèin.

17 Agus ma ghabhas duine a phiuthar, nighean 'athar no nighean a mhàthar, agus gu'm faic e a nochd, agus gu'm faic ise a nochd-san; is ni maslach<sup>2</sup> e; agus gearrar as iad ann an sealladh an sluagh<sup>3</sup>: leig e ris nochd a pheathar, giùlainidh e 'aingidheachd.

18 Agus ma luidheas duine le mnaoi agus a tinnas oirre, agus gu'n leig e ris a nochd: leig e ris a tobar, agus leig ise ris tobar a fola; agus gearrar as le chéile iad o mheasg an sluagh.

19 Agus cha leig thu ris nochd peathar do mhàthar, no peathar t'athar: oir tha e rùsgadh fheòla fèin: giùlainidh iad an aingidheachd.

20 Agus ma luidheas duine le mnaoi bhràthar 'athar, leig e ris nochd bhràthar 'athar; giùlainidh iad am peacadh, gheibh iad bàs gun chloinn.

21 Agus ma ghabhas duine bean a bhràthar, is ni neo-ghlan e: leig e ris nochd a bhràthar, bithidh iad gun chloinn.

22 Uime sin, gleidhidh sibh mo reachdan uile, agus mo bheirtheanais uile, agus ni sibh iad; a chum as nach dean am fearann, g'am bheil mi 'gar tabhairt gu còmhnuidh a ghabhail ann, bhur sgcith a mach.

23 Agus cha ghluais sibh ann an gnàth-

annaibh<sup>4</sup> nan cinneach, a ta mise tilgeadh a mach romhaibh: oir rinn iadsan na nithe sin uile, agus, uime sin, ghabh mi gràin diubh.

24 Ach thubhairt mi ribhse, Sealbhaichidh sibh am fearann, agus bheir mi dhuibh e chum a shealbhadh, fearann a ta sruth-adh le bainne agus le mil: Is mise an Tighearna bhur Dia, a dhealaich sibhse o gach sluagh *cile*.

25 Cuiridh sibh, uime sin, eadar-dhealach-adh cadar bheathaichibh glana agus neo-ghlana, agus eadar eunlaith neo-ghlan agus ghlán; agus cha dean sibh bhur n-anmauna gràineil le beathach no le h-eun, no le gnè air bith do ni beo, a shùdaigheas air an talamh, a sgar mise uailh mar neo-ghlan.

26 Agus bithidh sibh naonha dhomhsa: oir a ta mise an Tighearna naomha, agus dhealaich mi sibhse o gach sluagh *cile*, chum as gu'm bu leam fèin sibh.

27 Bean no duine mar an ceudna, aig am bheil leannan-sìth, no blios re fiosachd, cuirear gu deimhin gu bàs iad: clachaidh iad le clachaibh iad; *bithidh* am fuil orra fèin.

## CAIB. XXI.

**A**GUS thubhairt an Tighearna ri Maois, Labhair ris na sagairt, mic Aaroin, agus abair riu, Air son nam marbh cha salaichear neach sam bith *dhibh* am measg a shluagh.

2 Ach air son a dhilsean<sup>5</sup>, a ta 'm fagus da, eadhon air son a mhàthar, agus air son 'athar, agus air son a mhic, agus air son a nighinn, agus air son a bhràthar,

3 Agus air son a pheathar, a ta 'na h-òigh, a ta 'm fagus da, aig nach robh fear-pòda; air a sonsa feudaidh e bhi air a shal-chadh.

4 Ach cha salaich se e fèin, air *bhi dha* 'na dhuine urramach<sup>6</sup> am measg a shluagh, gu thruaileadh fèin.

5 Cha dean iad maoile air an ceann<sup>7</sup>, agus oisinn am feusaig cha bhearr iad, ni mò a ni iad gearradh 'nam feoil;

6 Bithidh iad naomha d'an Dia, agus cha truail iad ainm an Dé: oir tha iad a' toirt seachad tabhartais an Tighearna, a bheirrear suas le teine, agus arain an Dé; uime sin, bithidh iad naomha.

7 Cha ghabh iad bean a ta na strìopaich, no mi-naomha<sup>8</sup>; ni mò a ghabhas iad bean a chuireadh air falbh o 'fear: oir tha e naomha d'a Dhia.

8 Uime sin, naomhaichidh tu e, oir tha e toirt seachad arain do Dhé, bithidh e naomha dhuit: oir tha mise an Tighearna naomha, a ta 'gar naomhachadh.

9 Agus ma thruaillas nighean sagairt air bith i fèin le strìopachas a dheanamh,

<sup>1</sup> ainlisg, easordugh. <sup>2</sup> aingidh. <sup>3</sup> ann an suilbhih m'ac an sluagh. Eabh. <sup>4</sup> reachd-qibh, orduighibh. Eabh. <sup>5</sup> fheòla fèin.

Eabh. <sup>6</sup> 'na ard dhuine. <sup>7</sup> Cha mhaolaich iad an ceann le spionadh an gruaige. <sup>8</sup> aig a thruaileadh.



tha i truaileadh a h-athar: loisgear le teine i.

10 Agus esan a tha 'na ardl shagart o mbeasg a bhràithrean, neach a dhoirteadh an ola naomha air a cheann, agus a choisrigeadh a chur na h-éididh<sup>1</sup> uime, cha ruisg e cheann, nì mò a reubas e 'eudach.

11 Nì mò théid e steach a dh'ionnsuidh cuirp mhairbh sam bith: air son 'athar no air son a mhàthar cha salaich se e fèin.

12 Agus as an ionad naomha cha d' théid e mach, nì mò a thruailleas e ionad naomh a Dhé; oir a ta crùn oladh-ungaidh a Dhé air: Is mise an Tighearna.

13 Agus gabhaidh e bean na maighdeanas.

14 Bantrach no bean a chuireadh air falbh o 'fear, no bean mhi-naomha, no strìopach; iad sin cha ghabh e: ach òigh d'a shluagh fèin gabhaidh e mar mhnaoi.

15 Agus cha truaill e a shliochd am measg a shluaigh: oir a ta mise an Tighearna ga naomhachadh.

16 Agus labhair an Tighearna ri Maois, ag ràdh,

17 Labhair ri h-Aaron, ag ràdh, Ge b'e air bith e do d' shliochd nan ginealachaidh, anns am bi gaoid<sup>2</sup> sam bith, na d' thigeadh e 'm fagus a thoirt seachad arain a Dhé:

18 Oir ge b'e air bith duine anns am bi gaoid, cha d' thig e 'm fagus: duine dall, no bacach, no aig am bheil sròn leachdach, no nì sam bith a thuilleadh air a' chòir.

19 No duine aig am bi cos bhriste no làmh bhriste,

20 No crotach, no na throich, no aig am bheil leus<sup>3</sup> air a shlùil, no air am bheil càrr<sup>4</sup>, no cloimh<sup>5</sup>, no aig am bheil a chloch-an brùite:

21 Cha d' thig duine sam bith do shliochd Aaron an t-sagairt, anns am bheil gaoid, am fagus a thoirt seachad tabhartasan an Tighearn, a bheirear suas le teine: tha gaoid ann, cha d' thig e 'm fagus a thoirt seachad arain a Dhé.

22 Ithidh e aran a Dhé, araon do'n aran ro-naomha, agus naomha.

23 Ach an taobh a steach do'n roinn-bhrat cha d' théid e, nì mò thig e 'm fagus do'n altair, a chionn gu bheil gaoid ann; a chum nach truaill e m' ionad naomha: oir a ta mise an Tighearna 'gan naomhachadh.

24 Agus dh'innis Maois so do Aaron agus d'a mhic, agus do chloinn Israeil uile.

#### C A I B. XXII.

**A** GUS labhair an Tighearna ri Maois, ag ràdh,

2 Labhair ri h-Aaron, agus r'a mhic, iad 'gan sgaradh fèin o nithibh naomha chloinn

Israeil, agus gun iad a thoirt easonoir do m'ainm naomhasa, anns na nithibh sin a naomhaicheas iad dhomh; Is mise an Tighearna.

3 Abair riu, Ge b'e air bith e d'ar sliochd uile am measg bhur ginealach, a théid a dh'ionnsuidh nan nithe naomha, a naomhaicheas clann Israeil do'n Tighearna, agus a neo-ghloine air, gearrar as an t-anam sin as mo làthair: Is mise an Tighearna.

4 Ge b'e air bith an duine do shliochd Aaron, a ta na lobhar, no air am bheil silteach<sup>7</sup>, cha 'n ith e do na nithibh naomha gus am bi e glan. Agus ge b'e bheanas ri nì air bith a ta neo-ghlan leis a' mharb, no duine aig am bheil a shìol a' dol uaith:

5 No ge b'e bheanas ri nì air bith a. shnàigeas, leis an deanar neo-ghlan e, no ri duine o'm faigh e neo-ghloine, ge b'e air bith neo-ghloine a bhios air.

6 An t-anam a bheanas ri h-aon air bith d'an leithidibh sin, bithidh e neo-ghlan gu feasgar, agus cha 'n ith e do na nithibh naomha, mur nigh e 'fheoil le h-uisge.

7 Agus an uair a théid a' ghrian sìos, bithidh e glan, agus an déigh sin ithidh e do na nithibh naomha, a chionn gur e a bhiadh e.

8 An nì sin a bhàsaicheas leis fèin, no a reubar le fiadh-bheathaichibh, cha 'n ith e 'ga shalachadh fèin leis: Is mise an Tighearna.

9 Gleidhidh iad uime sin m'ordugh<sup>8</sup>, an t-eagal gu'n giùlain iad peacadh air a shon, agus uime sin gu'm faigh iad bàs, ma thruailleas iad e: Tha mise an Tighearna 'gan naomhachadh.

10 Cha 'n ith coigreach sam bith do'n nì naomha: cha 'n ith fear-cuairt<sup>9</sup> an t-sagairt, no seirbhiseach tuarasdail do'n nì naomha.

11 Ach ma cheannaicheas an sagart duine le 'airgiod, ithidh e dheth, agus esan a rugadh na thigh: ithidh iad d'a bhiadh.

12 Agus ma bhios nighean an t-sagairt pòsda ri coigreach, cha 'n fheud i itheadh do thabhartas nan nithe naomha.

13 Ach ma bhios nighean an t-sagairt na bantraich, no dealaichte r'a fear, agus gun sliochd aice, agus i air pillinn gu tigh a h-athar, mar na h-òige, ithidh i do bhiadh a h-athar; ach cha 'n ith coigreach sam bith dheth.

14 Agus ma dh'itheas duine do'n nì naomha gun fhios da, an sin cuiridh e an cùigeadh cuid deth ris, agus bheir e do'n t-sagart e, maille ris an nì naomha.

15 Agus cha truaill iad nithe naomha chloinn Israeil, a bheir iad suas do'n Tighearna.

16 Nì mò a leigeas iad leo cionta an

<sup>1</sup> an truscain naomha. <sup>2</sup> ciurram, aineamh.  
<sup>3</sup> ball geal. <sup>4</sup> tuchas tioram: scurvey. Sasg.  
<sup>5</sup> sgrìobach; am fealan. <sup>6</sup> a thruaileadh.

<sup>7</sup> creuchd shilleach. <sup>8</sup> m'fhaire. <sup>9</sup> eil-thireach, aoidhe, aithnichinn.

eusaontais a ghiùlan an uair a dh'itheas iad an nithe naomha; oir a ta mise an Tighearna 'gan naomhachadh.

17 Agus labhair an Tighearna ri Maois, ag ràdh,

18 Labhair ri h-Aaron agus r'a mhic, agus ri cloinn Israeil uile, agus abair riu, Ge b'e air bith e do thigh Israeil, no do na coigreachaibh ann an Israel, a bheir seachd a thabhartas air son a bhòideau uile, no air son a shaor thabhartasan uile a bheir iad seachd do'n Tighearna chum iobairt-loisgte:

19 Bheir sibh seachd d'ar toil fèin beathach firionn gun ghaoid do'n bhuar, do na caoraich, no do na gabhraibh.

20 Ach ge b'e air bith ni anns am bi gaoid, sin cha d' thoir sibh seachd: oir cha ghabhar air bhuar son e.

21 Agus ge b'e air bith e a bheir seachd iobairt thabhartasan-sìth do'n Tighearna, a choimhlionadh a bhòid, mar thabhartas saor-thoil, do'n bhuar, no do na caoraich<sup>1</sup>, bithidh e iomlan, a chum as gu'n gabhar ris: cha bhi gaoid sam bith anu.

22 Dall, no briste, no ciurramach, no air am bi fiodh<sup>2</sup>, no càrr<sup>3</sup>, no cloimh, cha d' thoir sibh seachd iad sin do'n Tighearna, ni mò a bheir sibh tabhartas dhiubh a bheirear suas le teine air an altair do'n Tighearna.

23 Aon chuid tarbh, no uan aig am bi ni sam bith thar a' chòir, no dh'uireasbhuidh na bhallaibh: sin feudaidh tu thoirt seachd mar shaor thabhartas; ach air son bòide<sup>4</sup> cha ghabhar ris.

24 Ni sam bith a ta brùite, no pronnta, no reubta<sup>5</sup>, no gearrta, cha d' thoir sibh seachd do'n Tighearna; agus cha 'n iobair<sup>6</sup> sibh e 'nar tìr.

25 Agus o làimh coigrich cha d' thoir sibh seachd aran, bhuar Dé do h-aon diubh sin; a chionn gu'm bheil an truaillidh-eachd anna, agus gu'm bheil gaoidean anna: cha ghabhar riu air bhuar son.

26 Agus labhair an Tighearna ri Maois, ag ràdh,

27 Nuair a bheirear tarbh, no caora, no gabhar, an sin bithidh e seachd laithean fuidh nuathair, agus o'n ochdamh là agus a sin suas, gabhar ris mar thabhartas a bheirear suas le teine do'n Tighearna.

28 Agus ma's b'ò, no caora bhios ann, cha mharbh sibh i fèin agus a h-òg san aon là.

29 Agus an uair a dh'ìobras sibh iobairt-bhuidheachais do'n Tighearna, iobraidh sibh i d'ar toil fèin.

30 Air an là sin fèin ithear suas i, cha 'n fhàg sibh a' bheag dhith gu maduinn: Is mise an Tighearna.

31 Air an aobhar sin gleidhidh sibh

m'aitheanta, agus ni sibh iad: Is mise an Tighearna.

32 Agus cha truaill sibh m'ainm naomha-sa, agus bithidh mi air mo naomhachadh am measg chloinn Israeil. Is mise an Tighearna, a ta 'gar naomhachadh,

33 A thug a mach sibh a tìr na h-Eiphit gu bhi a'm' Dhia agaibh: Is mise an Tighearna.

## CAIB. XXIII.

A GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, A thaobh fèisdean<sup>7</sup> an Tighearna, a ghairmeas sibh a bhi nan coimhghairmibh naomha, is iad eadhon sin m'fèisdean-sa.

3 Sè laithean nithear obair, ach san t-seachdamh là bithidh sàbaid fois, coimhghairm naomha: obair sam bith cha dean sibh air: is e sàbaid an Tighearna e 'nar n-àitibh-còmhnuidh uile.

4 Is iad sin fèisdean an Tighearna, eadhon coimhghairmean naomha, a ghairmeas sibh nan amannaibh fèin:

5 Anns a' cheud mhìos, air a' cheathramh là deug do'n mhìos air feasgar, bithidh càisg an Tighearna.

6 Agus air a chùigeadh là deng do'n mhìos sin fèin bithidh fèisd an arain neo-ghoirtichte do'n Tighearna: seachd laithean ithidh sibh aran neo-ghoirtichte.

7 Air a' cheud là bithidh coimhghairm naomha agaibh: obair thràilleil<sup>8</sup> sam bith cha dean sibh air.

8 Ach bheir sibh seachd tabhartas a bheirear suas le teine do'n Tighearna seachd laithean: air an t-seachdamh là bithidh coimhghairm naomha: obair thràilleil sam bith cha dean sibh air.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair riu, Nuair a thig sibh a dh'ionnsuidh an fhearainn, a bheir mise dhuibh, agus a bhuaineas sibh 'fhoghar, an sin bheir sibh sguab do cheud thoradh bhuar fogbaraidh: dh'ionnsuidh an t-sagairt:

11 Agus luaisgidh e 'n sguab an làthair an Tighearna, chum gu'n gabhar rithe air bhuar son: air an là màireach an dèigh na sàbaid luaisgidh an sagart i.

12 Agus iobraidh sibh air an là sin an uair a luaisgeas sibh an sguab, uan firionn gun ghaoid, do'n cheud bhliadhna, mar iobairt-loisgte do'n Tighearna.

13 Agus is e a thabhartas-bidh dà dheicheamh earrann do phlùr mìn measgta le h-ola, tabhartas a bheirear suas le teine do'n Tighearna chum fàile cùbhraidh: agus bithidh a thabhartas-dibhe do fhìon, an ceathramh cuid do hin.

14 Agus cha 'n ith sibh aran, no gràn

<sup>1</sup> do'n mheanbh spreidh.

<sup>2</sup> wen. Sasg.

<sup>3</sup> seury. Sasg.

<sup>4</sup> mòide.

<sup>5</sup> briste.

<sup>6</sup> cha dean. Eabh.

<sup>7</sup> féille.

<sup>8</sup> shacithreachaibh.



cruadhaichte, no diasa glasa, gus an là sin fèin anns an d' thoir sibh tabhartas a chum bhur Dé: *bithidh e* na reachd bith-bhuan air feadh bhur ginealach, 'nar n-àitibh-còmhnuidh uile.

15 Agus àirmhidh sibh dhuibh fèin o'n là màireach an déigh na sàbaid, o'n là san d'thug sibh leibh sguab an tabhartais-luaisgte: bithidh seachd sàbaidean iomlan ann:

16 Eadhon gus an là màireach an déigh na seachdamh sàbaide, àirmhidh sibh leth-cheud là, agus bheir sibh seachad nuadh thabhartas-bidh do'n Tighearna.

17 Bheir sibh leibh as bhur n-àitibh-còmhnuidh dà bhuilinn<sup>1</sup> luaisgte, do dhà dheicheamh earrann; bithidh iad do phlùr mìn, fuinear iad le taois ghoirt, *bithidh iad* nan ceud thoradh do'n Tighearna.

18 Agus bheir sibh seachad maille ris an aran seachd uain gun ghaoid, do'n cheud bhliadhna, agus aon tarbh òg, agus dà reithe: bithidh iad nan ìobairt-loisgte do'n Tighearna, maille r'an tabhartas-bidh, agus an tabhartais-dìbhe, *eadhon* tabhartas a bheirear suas le teine dh'fhàile cùbhairidh do'n Tighearna.

19 An sin ìobraidh sibh aon mheann do na gabhraibh mar ìobairt-pheacaidh, agus dà uan do'n cheud bhliadhna mar ìobairt-thabhartasan-sìth.

20 Agus luaisgidh an sagart iad maille ri aran a' cheud toraidh, *mar* thabhartas-luaisgte an làthair an Tighearna, maille ris an dà nan: bithidh iad naomha do'n Tighearna chum an t-sagairt.

21 Agus gairmidh sibh air an là sin fèin, a *chum as gu'm* bi e na eòimhghairm naomha dhuibh: obair thràilleil sam bith cha dean sibh *air*: *Bithidh e* na reachd sìorruidh 'nar n-àitibh-còmhnuidh uile air feadh bhur ginealach.

22 Agus an uair a bhuaineas sibh foghar<sup>2</sup> bhur fearainn, cha ghearr thu gu buileach oisinnear t'achaidh, nuair a bhuaineas tu, ni mò a thionailas tu dioghlum t-fhogharaidh: fàgaidh tu iad do'n bhoebd agus do'n eòigreach: *Is* mise an Tighearna bhur Dia.

23 Agus labhair an Tighearna ri Maois, ag ràdh,

24 Labhair ri cloinn Israeil, ag ràdh, San t-seachdamh mìos, air a' cheud là do'n mhìos, bithidh sàbaid agaibh, cuimhneachan shéideadh thrompaidean<sup>3</sup>, coimhghairm naomha.

25 Obair thràilleil sam bith cha dean sibh *air*; ach bheir sibh seachad tabhartas, a bheirear suas le teine do'n Tighearna.

26 Agus labhair an Tighearna ri Maois, ag ràdh,

27 Mar an ceudna air an deicheamh là

do'n t-seachdamh mìos so, *bithidh* là réite; bithidh e na choimhghairm naomha dhuibh, agus cràdhaidh sibh bhur n-anmanna<sup>4</sup>, agus bheir sibh seachad tabhartas a bheirear suas le teine do'n Tighearna.

28 Agus obair sam bith cha dean sibh air an là cheudna; oir *is* là réite e dheanainh réite air bhur son an làthair an Tighearna bhur Dé.

29 Oir ge b'e anam nach bi sa chràdh san là sin fèin, gearrar as e o mheasg a shluaigh.

30 Agus gach anam a ni obair sam bith air an là cheudna, an t-anam sin fèin sgriosaidh mise o mheasg a shluaigh.

31 Obair sam bith cha dean sibh: *bithidh e na* reachd sìorruidh air feadh bhur ginealach 'nar n-àitibh-còmhnuidh uile.

32 *Bithidh e* dhuibh na shàbaid fois, agus cràdhaidh sibh bhur n-anmanna air an naothadh là do'n mhìos air feasgar: o fheasgar gu feasgar cumaidh sibh bhur sàbaid.

33 Agus labhair an Tighearna ri Maois, ag ràdh,

34 Labhair ri eloinn Israeil, ag ràdh, Air a' chùigeadh là deug do'n t-seachdamh mìos so *bithidh* fèisd nam pàllium<sup>5</sup> rè sheachd laithean do'n Tighearna.

35 Air a' cheud là *bithidh* coimhghairm naomha: obair thràilleil sam bith cha dean sibh *air*.

36 Seachd laithean bheir sibh seachad tabhartas, a bheirear suas le teine do'n Tighearna: air an oehdamh là bithidh coimhghairm naomha agaibh, agus bheir sibh seachad tabhartas a bheirear suas le teine do'n Tighearna; is ard choimhthional e; obair thràilleil sam bith cha dean sibh *air*.

37 *Is* iad sin fèisdean an Tighearna, a ghairmeas sibh *gu bhì* nan coimhghairmibh naomha, a thoirt seachad tabhartas a bheirear suas le teine do'n Tighearna tabhartas-loisgte, agus tabhartas-bidh, ìobairt, agus tabhartasan-dìbhe, gach ni air a là fèin;

38 A thuilleadh air sàbaidibh an Tighearna, agus a thuilleadh air bhur tiodhlacaibh, agus a thuilleadh air bhur bòidibh uile, agus a thuilleadh air bhur saor-thabhartais uile, a bheir sibh do'n Tighearna.

39 Mar an ceudna air a chùigeadh là deug do'n t-seachdamh mìos, an uair a chruinnicheas sibh a stigh toradh an fhearainn, cumaidh sibh fèisd do'n Tighearna seachd laithean: air a' cheud là *bithidh* sàbaid<sup>6</sup>, agus air an ochdamh là *bithidh* sàbaid.

40 Agus gabhaidh sibh dhuibh fèin, air a' cheud là, meas<sup>7</sup> chraobh àluinn, geugan chrann pailm, agus geugan chraobh tiugh, agus seileach an t-sruthain; agus ni sibh

<sup>1</sup> mhuilinn. <sup>2</sup> foghara. <sup>3</sup> stoc, adharc. <sup>4</sup> cuiridh sibh bhur n-anmanna fa àmhghar.

<sup>5</sup> féill nam bùth.

<sup>6</sup> fois, tàmh. Eabh.

<sup>7</sup> meanglain.

gairdeachas an làthair an Tighearna bhur Dé seachd laithean.

41 Agus cumaidh sibh e na fhéisd do'n Tighearna seachd laithean sa bhliadhna: *bithidh* e na reachd sìorruidh air feadh bhur ginealach; cumaidh sibh e san t-seachdamh mìos.

42 Ann am pàilliuinaibh<sup>1</sup> gabhaidh sibh còmhnuidh seachd laithean: gabhaidh gach aon, a rugadh na Israelach, còmhnuidh ann am pàilliuinaibh;

43 A chum as gu'm bi fios aig bhur ginealach gu'n d'thug mise air cloinn Israeil còmhnuidh ghabhail ann am pàilliuinaibh, 'nuair a thug mi mach iad a tìr na h-Eiphit: Is mise an Tighearna bhur Dia.

44 Agus chuir Maois an cèill do chloinn Israeil fèisdean an Tighearna.

## CAIB. XXIV.

**A** GUS labhair an Tighearna ri Maois, ag ràdh,

2 Aithn do chloinn Israeil iad a thoirt a' t'ionnsuidh oladh fìor-ghlan a' chroinn-olaidh, brùite air son an t-soluis, a thoirt air na lòchrain lasadh an còmhnuidh.

3 An taobh a muigh do bhrat na fianuis, ann am pàilliu a' choimhthionail, orduichidh Aaron e o fheasgar gu maduinn, an làthair an Tighearna an còmhnuidh: *bithidh* e na reachd sìorruidh air feadh bhur ginealach.

4 Orduichidh e na lòchrain air a' choinnleir fhìor-ghlan an làthair an Tighearna an còmhnuidh.

5 Agus gabhaidh tu plùr mìn, agus fuinidh tu dà bhreacaig dheug dheth: dà dhuicheamh earrann bithidh ann an aon bhreacaig.

6 Agus suidhichidh tu iad ann an dà shreath, se ann an sreath, air a' bhòrd fhìor-ghlan an làthair an Tighearna.

7 Agus cuiridh tu tùis fhìor-ghlan air gach sreath, a chum as gu'm bi i air an aran mar chuimhneachan, *eadhon* tabhartas a bheirar suas le teine do'n Tighearna.

8 Gach aon là sàbaid cuiridh e 'n ordugh e an làthair an Tighearna an còmhnuidh, *air a ghabhail* o chloinn Israeil le coimhcheangal sìorruidh.

9 Agus is le Aaron agus a mhic e, agus ithidh iad e san ionad naomha; oir a ta e ro-naomha dha, do thabhartasaibh an Tighearna a bheirar suas le teine, le reachd<sup>2</sup> bith-bhuann.

10 Agus chaidh mac ban-Israelich, aig an robh Eiphiteach na athair, a mach am measg chloinn Israeil: agus bha mac na ban-Israelich agus duine do Israel a comhstri' sa' champ.

11 Agus mhaslach<sup>3</sup> mac na ban-Israelich ainm an Tighearna, agus mhallach e:

agus thug iad gu Maois e, (agus b'e ainm a mhàthar Selomit, nighean Dhibri, do thrèibh Dhan;)

12 Agus chuir iad an làimh<sup>4</sup> e, chum gu'n nochdadh dhoibh inntinn an Tighearna.

13 Agus labhair an Tighearna ri Maois, ag ràdh,

14 Thoir a mach esan a mhallach an taobh a muigh do'n champ, agus cuiridh iadsan uile a chual' e an làmh an air a cheann, agus clachadh an coimhcheunn-each uile e.

15 Agus labbraidh tu ri cloinn Israeil, ag ràdh, Ge b'e neach a mhallachas a Dhia, giùlainidh e a pheacadh.

16 Agus esan a mhaslachas ainm an Tighearna, cuirear gu cinnteach gu bàs e: clachaidh gu deimhin an coimhcheunn-each uile e: an coigreach co math agus esan a rugadh san dùthaich, 'nuair a mhaslachas e ainm an Tighearna, cuirear gu bàs e.

17 Agus esan a mharbhas duine sam bith, cuirear gun teagamh gu bàs e.

18 Agus esan a mharbhas ainmhidh, ni e dioladh air a shon: ainmhidh air son ainmhidh.

19 Agus ma bheir duine ciurram air a choimhearsnach, mar a rinn e, mar sin nìthear air:

20 Briseadh<sup>5</sup> air son brisidh, sùil air son sùla, fiacail air son fiacla: mar a thug e ciurram air duine, mar sin nìthear air.

21 Agus esan a mharbhas ainmhidh, diolaidh se<sup>6</sup> e; agus an neach a mharbhas duine, cuirear gu bàs e.

22 Bithidh an t-aon ghnè lagha agaibh co math air son a' choigrich, agus air son neach do mhuinntir hbur dùthcha féin: oir is mise an Tighearna bhur Dia.

23 Agus labhair Maois ri cloinn Israeil, iad a thoirt leo esan a mhallach, an taobh a muigh do'n champ, agus a chlachadh le clachaibh<sup>7</sup>; agus rinn clann Israeil mar a dh'àithn an Tighearna do Mhaois.

## CAIB. XXV.

**A** GUS labhair an Tighearna ri Maois ann an sliabh Shinaì, ag ràdh,

2 Labhair ri cloinn Israeil, agus abair riu, 'Nuair a thig sibh chum na tìre a bheir mise dhuibh, an sin gleidhidh an tìr sàbaid do'n Tighearna.

3 Sè bliadhnan cuiridh tu t-fhearann<sup>8</sup>, agus sè bliadhnan bearraidh<sup>9</sup> tu t'fhionlios, agus cruinnichidh tu stigh a thoradh.

4 Ach anns an t-seachdamh bliadhna bithidh sàbaid fois do'n tìr, sàbaid do'n Tighearna: t'fhearann cha chuir thu, agus t'fhionlios cha bheir thu.

5 An nì sin a dh'fhàsas dheth féin do

<sup>1</sup> *bithidh*. Eabit.

<sup>5</sup> *Bristeadh*.

<sup>2</sup> *lagh, ordugh*.

<sup>4</sup> *ann an gaintir, 'am prìosun*.

<sup>6</sup> *bheir e air ais*. Eabit.

<sup>7</sup> *a*

*chlochadh le clachaibh*.

*l'achadh*.

<sup>9</sup> *deasachidh*.

<sup>8</sup> *siolchuiridh tu*



t-fhoghar, cha bhuain thu, agus fion-dhearca t'fhionain<sup>1</sup> neo-dheasaichte cha chruinnich thu: na bliadhna fois bithidh i do'n tìr.

6 Agus bithidh sàbaid na tìre<sup>2</sup> na biadh dhuibh: dhuit féin, agus do d' òglach agus do d' bhan-oglaich, agus do d' fhear tuar-asdail, agus do d' choigreach a ta air chuairt maille riut;

7 Agus do d' spréidh, agus do'n fhiadh-bheathach a ta ann ad fhearann; bithidh a cinneas uile chum bith.

8 Agus àirnhidh tu dhuit féin seachd sàbaidean do bhliadhnaibh, seachd uairean seachd bliadhna: agus bithidh ùine nan seachd sàbaidean do bhliadhnaibh dhuit na naoi bliadhnaibh 's dà fhichead.

9 An sin bheir thu fanear trompaid na Iubile a shéideadh san t-seachdamh mìos, air an deicheamh là do'n mhìos: ann an là na réite bheir sibh fanear an trompaid a shéideadh air feadh bhur tìre uile.

10 Agus naomhaichidh sibh an deicheamh bliadhna 's dà fhichead, agus gairmidh sibh saorsa air feadh na dùthcha, d'a luchd-àiteachaidh uile: bithidh i na Iubile dhuibh, agus pillidh sibh gach duine chum a sheilbhe féin, agus pillidh gach duine agaibh g'a theaghlach féin.

11 Bithidh an deicheamh bliadhna sin agus dà fhichead na Iubile dhuibh; cha chuir sibh sìol, ni mò a bhuaineas sibh an ni a dh'fhàs dheth féin innte, ni mò a thionailas sibh *dearcán-fìona* innte do d' fhionain neo-dheasaichte:

12 Oir is Iubile i, bithidh i naomha dhuibh; ithidh sibh a cinneas as an fhear-ann.

13 Ann am bliadhna na Iubile so, pillidh gach duine agaibh a dh'ionnsuidh a sheilbhe féin.

14 Agus ma reiceas tu bheag ri d' choimhearsnach, no ma cheannaicheas tu bheag o làmh do choimhearsnach: cha dean sibh eucoir<sup>3</sup> air a' chéile.

15 A réir àireimh nam bliadhna an déigh na Iubile ceannaichidh tu o d' choimhearsnach, agus a réir àireimh bhliadhna nan toraidh reicidh e riut.

16 A réir lìonmhoireachd nam bliadhna meudaichidh tu a luach, agus a réir teicid nam bliadhna beagaichidh tu a luach: oir a réir àireimh bhliadhna nan toraidh tha e a' reiceadh riut.

17 Agus cha dean sibh eucoir air a' chéile: ach bithidh eagal do Dhé ort; oir is mise an Tighearna bhur Dia.

18 Uime sin, ni sibh mo reachdan, agus gleidhidh sibh mo bhreitheanais, agus ni sibh iad; agus gabhaidh sibh còmhnuidh san tìr ann an tèaruinteachd<sup>4</sup>.

19 Agus bheir am fearann a mach a

thoradh, agus ithidh sibh bhur sàth, agus gabhaidh sibh còmhnuidh ann gu tèaruinte.

20 Agus ma their sibh, Ciod a dh'itheas sinn air an t-seachdamh bliadhna? feuch, eha chuir sinn sìol, ni mò a chruinnicheas sinn ar toradh:

21 An sin àithnidh mise mo bheannachadh oirbh san t-seathadh bliadhna, agus bheir i mach toradh air son thri bliadhna.

22 Agus cuiridh sibh air an ochdamh bliadhna, agus ithidh sibh *fathast* do'n t-seann toradh gus an naothadh bliadhna; gus an d' thig a toradh a stigh, ithidh sibh do'n t-seann toradh.

23 Cha reicear am fearann gu bràth; oir is leamsa am fearann: oir is coigrich agus luchd-cuairt sibhse maille riom.

24 Agus ann an fearann bhur seilbh uile, bheir sibh saorsa<sup>5</sup> do'n fhearann.

25 Ma dh'fhàs do bhràthair bochd, agus gu'n do reic e cuid d'a sheilbh, agus ma thig a h-aon air bith d'a dhillsibh g'a fhuasgladh, an sin fuasglaidh e an ni a reic a bhràthair.

26 Agus mur 'eil aig an duine neach g'a fhuasgladh, agus gur urrainn e féin fhuasgladh:

27 An sin àirmheadh e bliadhnan a reicidh, agus thugadh e air ais an ni a thàiris do'n duine, ris an do reic se e: a chum's gu'm pill<sup>6</sup> e dh'ionnsuidh a sheilbhe féin.

28 Agus mur urrain e sin a thoirt air ais da, an sin fanaidh an ni sin a reiceadh ann an làmh an neach, a cheannaich e, gu bliadhna na Iubile: agus anns an<sup>7</sup> Iubile théid e mach, agus pillidh e chum a sheilbhe.

29 Agus ma reiceas duine tigh-còmhnuidh ann am baile cuartaichte le balladh, an sin feudaidh e fhuasgladh an taobh a stigh do bhliadhna<sup>8</sup> iomlain an déigh a reiceadh: an taobh a stigh do bhliadhna iomlain feudaidh e fhuasgladh.

30 Agus mur fuasglar e gus an coimh-lionar bliadhna iomlan; an sin daingnichear an tigh a tha'n taobh a stigh do'n bhaile cuartaichte le balla, gu bràth dhasan a cheannaich e, air feadh a ghinealach: cha d' théid e mach san Iubile.

31 Ach measar tighean nam bailtean nach 'eil cuartaichte le balla, mar fhearann na tìre: feudar am fhuasgladh, agus théid iad a mach san Iubile.

32 Gidheadh, bailtean nan Lebhithach, agus tighean bhailtean an seilbh, feudaidh na Lebhithich am fhuasgladh uair sam bith.

33 Agus ma cheannaicheas duine o na Lebhithich, an sin théid an tigh a reiceadh, agus baile a sheilbh, a mach san Iubile: oir is iad tighean bhailtean nan Lebhithich an sealbh am measg chloinn Israeil.

<sup>1</sup> do chraoibh-fìona; t'fhìneamhain. Eir.  
<sup>2</sup> toradh sàbaid na tìre. <sup>3</sup> foirneart.

<sup>4</sup> tèaruinteachd.  
<sup>7</sup> ann san.

<sup>5</sup> fhuasgladh:

<sup>6</sup> till.

34 Ach cha'n fheudar am fearann a tha'n taobh a muigh d'am bailtibh a reiceadh, oir is e sin an sealbh mhairtheanach<sup>1</sup>.

35 Agus ma dh'fhàsas do bhràthair bochd, agus gu'n d' théid e dhéigh-làimh agad, an sin fuasglaidh<sup>2</sup> tu air: *seadh, ged* is coigreach no fear-cuairt e; agus bithidh e beo maille riut:

36 Na gabh riadh uath, no tuille 's a thug thu dha<sup>3</sup>: ach biodh eagal do Dhé ort, a chum's gu'm feud do bhràthair a bhì beo maille riut.

37 T'airgiod cha d'thoir thu dha air riadh, agus air son buannachd cha d'thoir thu dha do bhiadh.

38 Is mise an Tighearna bhur Dia, a thug a mach sibh a talamh na h-Eiphit, a thoirt dhuibh tìr Chanaain, agus a bhì 'm Dhia agaibh.

39 Agus ma dh'fhàs do bhràthair, a ta làimh, riut bochd, agus gu'n do reiceadh riut e: cha d'thoir thu air seirbhis a dheanamh dhuit mar thràill:

40 Mar sheirbhiseach tuarasdail, agus mar fhear-cuairt, bithidh e maille riut; gu bliadhna na Iubile nì e seirbhis dhuit.

41 Agus an sin imichidh e uait, e fèin agus a chlann maille ris, agus pillidh e chum a theaghlach fèin, agus a chum seilbh aithreacha pillidh e:

42 Oir is iadsan mo sheirbhisich, a thug mi mach a tìr na h-Eiphit: cha reiceair iad mar thràillibh.

43 Cha ghnàthaich thu uachdranachd<sup>4</sup> os a cheann le h-an-ìochd, ach bithidh eagal do Dhé ort.

44 Agus do thràilleas, agus do bhan-tràilleas, a bhios agad, do na cinnich, a ta m'ar timchioll bithidh iad; uatha-san ceannaichidh sibh tràilleas agus ban-tràilleas.

45 Agus a thuilleadh air so, o chloinn nan coigreach, a ta air chuairt 'nar measg, uathasan ceannaichidh sibh, agus o'n teaghlachibh a ta maille ruibh, a ghin iad 'nar fearann: agus bithidh iad nan seilbh dhuibh.

46 Agus gabhaidh sibh iad mar oigh-reachd d'ar cloinn 'nar dcìgh, a chum an sealbhachadh mar oighreachd, bithidh iad dhuibh nan tràillibh a chaidh: ach os cionn bhur bràithre cloinn Israeil, cadhon os cionn a chèile cha ghnàthaich sibh uachdranachd<sup>5</sup> le h-an-ìochd.

47 Agus ma dh'fhàsas fear-cuairt no coigreach saibhir<sup>6</sup> làimh riut, agus ma dh'fhàsas do bhràthair làimh ris bochd, agus gu'n reic se e fèin ris a' choigreach, ris an fhear-chuairt a tha maille riut, no ri gineal teaghlach a' choigrich:

48 An dcìgh a reiceadh, feudar fuasg-

ladh a ris; feudaiddh aon d'a bhràithribh<sup>7</sup> 'fhuasgladh:

49 Feudaiddh aon chuid bràthair 'athar, no mac bhràthar 'athar 'fhuasgladh, no feudaiddh aon neach, a tha dlù an dàimh dha d'a theaghlach fèin, 'fhuasgladh; no ma's urrainn e, feudaiddh se e fèin fuasgladh.

50 Agus nì e cunntas ris-san a cheannach e o'n bhliadhna anns an do reiceadh ris e, gu bliadhna na Iubile: agus bithidh luach a reicidh a réir àireimh nam bliadhna, a réir aimsir seirbhisich tuarasdail bithidh e dha.

51 Ma bhios fathast mòran bhliadhnacha ri teachd, d'an réir sin bheir e a ris<sup>8</sup> luach 'fhuasglaidh, as an airgiod air son an do cheannaicheadh e.

52 Agus mur 'eil ri teachd ach beagan bhliadhnacha gu bliadhna na Iubile, an sin nì e cunntas ris, agus a réir a bhliadhnacha bheir e dha a ris luach 'fhuasglaidh.

53 Mar sheirbhiseach a ta air tuarasdail o bhliadhna gu bliadhna bithidh e maille ris: cha ghnàthaichear uachdranachd os a cheann le h-an-ìochd ann do shealladh-sa.

54 Agus mur fuasglar e anns na bliadhnach sin, an sin théid e mach ann am bliadhna na Iubile, e fèin agus a chlann maille ris.

55 Oir dhomhsa tha clann Israeil nan seirbhisich; is iadsan mo sheirbhisich, a thug mi mach a tìr na h-Eiphit: Is mise an Tighearna bhur Dia.

## CAIB. XXVI.

CHIA dean sibh dhuibh fèin ìodholan<sup>9</sup> no coslas snaidhte, agus cha chuir sibh suas ìomhaigh<sup>9</sup> dhuibh fèin, nì mò shuidhicheas sibh clochdhealbh 'nar fearann, gu cromadh sìos d'i: oir is mise an Tighearna bhur Dia.

2 Gleidhidh sibh mo shàbaidean, agus bheir sibh urram do m'ionad naomha: Is mise an Tighearna.

3 Ma ghluaiseas sibh a'm' reachdaibh, agus ma ghleidheas sibh m'aitheanta; agus ma nì sibh iad;

4 An sin bheir mise dhuibh uisge<sup>10</sup> na àm fèin, agus bheir am fearann a mach a thoradh, agus bheir craobhan na machrach am meas uatha.

5 Agus ruigidh bhur bualadh am fion-fhoghar, agus ruigidh bhur fion-fhoghar àn an t-sil-chur, agus ithidh sibh bhur n-aran gu'r sàth, agus gabhaidh sibh còmh-nuidh gu tèaruinte nar tìr.

6 Agus bheir mise sìth san tìr, agus luidhidh sibh sìos, agus cha chuir neach san bith eagal oirbh: agus sgriosaidh<sup>11</sup> mi droch bheathaichean as an dùthaich agus

<sup>1</sup> *Uuan, shòrruidh.* <sup>2</sup> *cabhairidh, fòiridh.*  
<sup>3</sup> *teachd a mach, fàs.* <sup>4</sup> *Cha riaghlach thu.*  
<sup>5</sup> *riaghladh, tighearnas, maighstireuchd.*  
<sup>6</sup> *beartach.* <sup>7</sup> *aisigidh e.* <sup>8</sup> *dealbhan, cusp-*

*airean-aoraidh faoin.* <sup>9</sup> *standing image, statue.*  
<sup>10</sup> *Sasg.* <sup>10</sup> *frusachd.* <sup>11</sup> *fàsaichidh, àrthichidh, fuaichidh.*



cha d' théid an claidheamh tre bhur fearann.

7 Agus ruaigidh sibh bhur naimhdean, agus tuitidh iad romhaibh leis a' chlaidheamh.

8 Agus cuiridh cùigear dhibh an ruaig air ceud, agus cuiridh ceud dhibh an ruaig air deich uile: agus tuitidh bhur naimhdean romhaibh leis a' chlaidheamh.

9 Oir amhaircidh mise oirbh<sup>1</sup>, agus ni mi sìolmhor sibh, agus bheir mi oirbh fàs lionnhor, agus daingnichidh mi mo choimhcheangal ribh.

10 Agus ithidh sibh an seann òn, agus bheir sibh a mach an seann òn air son an òin nomha<sup>2</sup>.

11 Agus suidhichidh mi mo phàillium 'nar measg: agus cha bhì gràin aig m'anam dhibh.

12 Agus imichidh mi 'nar measg, agus bithidh mi a'm' Dhia dhuibh, agus bithidh sibhse 'nar sluagh dhomhsa.

13 Is mise an Tighearna bhur Dia, a thug sibhse a mach a tìr na h-Eiphit, a chum as nach bitheadh sibh 'nar tràillibh aca; agus bhris mi cùibhreach<sup>3</sup> bhur cuinge, agus thug mi oirbh imeachd dìreach.

14 Ach mur éisd sibh rium, agus mur dean sibh na h-àitheanta sin uile:

15 Agus ma ni sibh tàir air mo reachdaibh, no ma ghabhas bhur n-anam gràin do m'bhreitheanais, air chor as nach dean sibh m'àitheantan uile, ach gu'm bris sibh mo choimh-cheangal;

16 Ni mise mar an ceudna so ribhse, orduichidh mi oirbh uamhas, caitheamh, agus fiabhras loisgeach, a chaitheas na sùilean, agus a bheir cràdh do'n chridhe: agus cuiridh sibh bhur sìol ann an dìomhanas, oir ithidh bhur naimhdean e.

17 Agus cuiridh mise mo ghnùis 'nar n-aghaidh, agus marbhar sibh an làthair bhur naimhdean: agus rìoghaichidh a' mhuinntir, air am beag sibh, oirbh, agus teichidh sibh an uair nach bi neach an tòir oirbh.

18 Agus mur éisd sibh rium fathast air a shon so uile, an sin ni mi peanas oirbh seachd uaire ni's mò air son bhur peacanna.

19 Agus brisidh mi uabhar bhur cumhachd; agus ni mi bhur neamha mar iarunn, agus bhur talamh mar unga:

20 Agus caithcar bhur spionnadh ann an dìomhanas; oir cha d' thoir bhur fearann 'fhàs uaith, ni mò a bheir craobhan na tìre am meas uatha.

21 Agus ma théid sibh a'm' aghaidh, agus nach éisd sibh rium; bheir mi seachd uaire tuille phlàighean oirbh a réir bhur peacanna.

22 Cuiridh mi, mar an ceudna, fiadh-

bheathaichean na machrach 'nar measg, a bheir uaibh bhur clann, agus a chuireas as d'ar spréidh, agus a ni sibh tearc ann an àireamh, agus bithidh bhur ratlaide<sup>4</sup> mòra fàs.

23 Agus mur leasaichear lcamsa sibh leis na nithibh sin, ach gu'n d' théid sibh a'm' aghaidh:

24 An sin théid mise mar an ceudna 'nar n-aghaidh-sa, agus ni mi peanas oirbh seachd uairean fathast air son bhur peacanna.

25 Agus bheir mi claidheamh oirbh, a dhiolas cuir-ghearain mo choimh-cheangail; agus an uair a chruinnichear sibh an ceann a chéile an taobh a stigh d'ar bailtibh, cuiridh mi a' phlàigh 'nar measg: agus bheir ear thairis sibh do làimh naimhdean.

26 An uair a bhriseas mise lorg bhur n-arain, fuinidh deich mnàì bhur n-arain ann an aon àmhuinn, agus bheir iad air ais dhuibh bhur n-arain air a thomhas, agus ithidh sibh, agus cha bhì sibh sàthach.

27 Agus mur éisd sibh air son so uile rium, ach gu'n d' théid sibh a'm' aghaidh:

28 An sin theid mise 'nar n-aghaidh-sa mar an ceudna ann am fràoch feirge; agus sinachdaichidh mise, eadhon mise, seachd uaire sibh air son bhur peacanna.

29 Agus ithidh sibh feoil bhur mac, agus feoil bhur nigheana ithidh sibh.

30 Agus cuiridh mise as d'ar n-ionadaibh arda, agus gearraidh mi sìos bhur dealbhan, agus tilgidh mi bhur colannan<sup>5</sup> air colann-aibh bhur n-òdhol, agus gabhaidh m'anam gràin dhibh.

31 Agus cuiridh mi bhur bailtean fàs, agus bheir mi lom-sgrìob air<sup>6</sup> bhur n-ionada naomha, agus cha ghabh mi fàile bhur boltrach cùbhraidh<sup>7</sup>.

32 Agus bheir mi lom-sgrìob air an fhearann: agus bithidh iognadh<sup>8</sup> air bhur naimhdibh, a ghabhas còmhnuidh ann mu'n ni sin.

33 Agus sgapaidh mi sibh am measg nan cinneach, agus tairgidh<sup>9</sup> mi claidheamh 'nar deigh: agus bithidh bhur fearann creachta, agus bhur bailtean fàs.

34 An sin mealaidh am fearann a shàbaidean, am fad sa luidheas c fàs, agus a bhios sibhse ann am fearann bhur naimhdean; eadhon an sin gabhaidh am fearann fois, agus mealaidh e a shàbaidean.

35 Am fad 's a luidheas an fearann fàs, bithidh fois aige, do bhrìgh nach robh fois aige 'nar sàbaidibhsa 'nuair a ghabh sibh còmhnuidh ann<sup>10</sup>.

36 Agus orra-san, a dh'fhàgar beo dhibh, cuiridh mise laigse<sup>11</sup> nan cridheachaibh ann an dùthchaibh an naimhdean; agus cuiridh fuaim duilleig air chrith iad air theicheadh; agus teichidh iad mar gu'm biodh iad a'

<sup>1</sup> bithidh spéis agamsa dhuibh.  
<sup>3</sup> bannan.

<sup>4</sup> ròide, slighean.

<sup>2</sup> nuadha.  
<sup>5</sup> cuirp.

<sup>6</sup> sgrìosaidh mi, fasaichidh mi.

<sup>8</sup> uanikann.

<sup>9</sup> ruigidh.

<sup>7</sup> blasda:

<sup>10</sup> air. Eabh. <sup>11</sup> laigse-

teicheadh o'n chlaidheamh : agus tuitidh iad an uair nach bi neach an tòir orra.

37 Agus tuitidh iad air muin a chèile, mar gu'm b'ann roimh 'n chlaidheamh, 'nuair nach bi neach an tòir orra; agus cha bhi neart agaibh gu seasamh roimh bhur naimhdbh.

38 Agus thèid as duibh am measg nan cinneach, agus ithidh talamh bhur naimhdean suas sibh.

39 Agus seargaidh iadsan, a dh'fhàgar dhibh, as nan aingidheachd ann an dùthchaibh bhur naimhdean, agus mar an ceudna ann an eu-ceartaibh an aithreacha seargaidh iad as inaille riu.

40 Ma dh'aideicis iad an aingidheachd féin, agus aingidheachd an aithreacha, a réir an eusantais, a rinn iad a'm' aghaidh, agus mar an ceudna gu'n do ghluais iad a'm' aghaidh :

41 Agus gu'n do ghluais mise mar an ceudna na n aghaidhsan, agus gu'n d' thug mi iad do dhùthaich an naimhdean; na bhios an sin an cridhe neo-thimchiollgheartt' air irioslachadh<sup>1</sup>, *air chor as gu'n gabh iad ri peanas an aingidheachd* :

42 An sin cuimhnichidh mise mo choimhcheangal ri Iacob, agus mar an ceudna mo choimhcheangal ri h-Isaac, agus mar an ceudna mo choimhcheangal ri h-Abraham cuimhnichidh mi, agus cuimhnichidh mi am fearann.

43 Tréigear mar an ceudna am fearann leo, agus mealaidh e a shàbaidean, an feadh 's a ta e na luidhe fàs as an eugmhais; agus gabhaidh iad ri peanas an aingidheachd; a chionn, eadhon a chionn gu'n d'rinn iad tàir air mo bhreitheanais, agus a chionn gu'n do ghabh an anam gràin do m' reachdaibh.

44 Agus gidheadh air a shon so uile, 'nuair a bhios iad ann an tìr an naimhdean, cha tilg mi uam iad, ni mò a ghabhas mi gràin diubh, g'an sgrios gu tur, agus a bhriseadh mo choimhcheangail riu: oir is mise an Tighearn an Dia.

45 Aeh air an sgath-san cuimhnichidh mi coimhcheangal an sinnsirean, a thug mi mach a tìr na h-Eiphit, ann an sealladh nan cinneach, a chum as gu'n bithinn a'm' Dhia aca: *Is* mise an Tighearna.

46 *Is* iad sin na h-orduighean, agus na breitheanais, agus na reachdan, a rinn an Tighearna eadar e féin agus clann Israeil, ann an sliabh Shinaì, le làimh Mhaois.

## CAIB. XXVII.

**A** GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a bheir duine bòid àraidh<sup>2</sup>, buimdh na h-annian<sup>3</sup> do'n Tighearn, a réir do mheas :

3 Agus bithidh do mheas, air an fhirionn-

ach, o fhichead bliadhna dh'aois eadhon gu tri fichead bliadhna dh'aois; bithidh eadhon do mheas leth-cheud secel airgid, a réir seceil an ionaid naoniha.

4 Agus ma's bainionnach a bhios ann, an sin bithidh do mheas deich seceil 'ar fhichead.

5 Agus ma's gille o chùig bliadhna dh'aois, eadhon gu fichead bliadhna dh'aois, a bhios ann, an sin bithidh do mheas air son an fhirionnach fichead secel, agus air son na bainionnach deich seceil.

6 Agus ma's ann o mhios a dh'aois, eadhon gu eùig bliadhna dh'aois; an sin bithidh do mheas air son an fhirionnach cuig seceil airgid, agus air son na bainionnach bithidh do mheas tri seceil airgid.

7 Agus ma's ann a bhios e o thri fichead bliadhna dh'aois agus os a chionn, ma's firionnach e, an sin bithidh do mheas cuig seceil deug, agus air son bainionnach deich seceil.

8 Ach ma bhios e ni's bochda na domheas, an sin nochdaidh se e féin an làthair air an t-sagart, agus measaidh an sagart e: a réir a chomais-san a thug a' bhòid, measaidh an sagart e.

9 Agus ma's ainmhidh e d'an d' thoir daoine tabhartas a dh'ionnsuidh an Tighearna; bithidh gach ni, a bheir duine d'an leithidibh sin do'n Tighearna, naomha.

10 Cha mhùth<sup>4</sup> se e, ni mò mhalairticheas se e, math air son uile, no olc air son maith: ach na mhalairticheas e air chor sam bith ainmhidh air son ainmhidh; an sin bithidh e féin, agus an ni a fhuaradh na mhalairt, naomha.

11 Agus ma's ainmhidh neo-ghlan sam bith e, do nach d' thoir iad seachad tabhartas do'n Tighearna; an sin nochdaidh e 'n t-ainmhidh an làthair an t-sagart :

12 Agus measaidh an sagart e, ma's math no olc e; mar a mheasas tusa a bhios a'd' shagart e, mar sin bithidh e.

13 Ach ma dh'fhuasglas e air chor sam bith e, an sin cuiridh e an cùigeadh cuid deth ri d' mheas-sa.

14 Agus an uair a ehoisriges duine a thigh, gu bhi naoniha do'n Tighearna, an sin measaidh an sagart e ma's math no olc e: mar a mheasas an sagart e, mar sin seasaidh e.

15 Agus ma dh'fhuasglas esan, a choisrig e, a thigh, an sin cuiridh e an cùigeadh cuid a dh'airiod do mheas-sa ris, agus bithidh e leis.

16 Agus ma choisriges duine d'on Tighearna cuid do fhearann a sheilbh, an sin bithidh do mheas a réir a shil<sup>5</sup>: measar homer do shìol eorna aig leth-cheud secel airgid.

17 Ma choisriges e fhearann o bhliadhna na lubile, a réir do mheas seasaidh e.

18 Ach ma choisriges e 'fhearann an

<sup>1</sup> irisleachadh. <sup>2</sup> shènnraichte. <sup>3</sup> pearsanna.

<sup>4</sup> Cha'n atharraich, cha chaochail. <sup>5</sup> churachd.



déigh na Iubile, an sin àirmhidh<sup>1</sup> an sagart an t-airgiod da a réir nam bliadhn<sup>2</sup> a ta ri teachd<sup>3</sup>, eadhon gu bliadhna na Iubile, agus leigear sin sìos do d' mheas.

19 Agus ma dh'fhuasglas am fear a choisrig am fearann e air chor sam bith; an sin cuiridh e an cùigeadh *cuid* a dh'airgiod do mheas-sa ris, agus daingnichear dha e.

20 Agus mur fuasgail e 'm fearann, no mur reic e 'm fearann ri duin' eile, cha 'n fhuasglar ni's mò e.

21 Ach bithidh am fearann, an uair a théid e mach san Iubile, naomha do'n Tighearna, mar fhearann coisrigte<sup>3</sup>: buinidh a shealbh do'n t-sagart.

22 Ach ma choisrigeas duine do'n Tighearna fearann a cheannaich e, nach ann do fhearann a sheilbh;

23 An sin àirmhidh an sagart dha luach do mheas, eadhon gu bliadhna na Iubile, agus bheir e seachad do mheas féin san là sin, mar ni naomha do'n Tighearna.

24 Ann am bliadhna na Iubile pillidh am fearann d'a ionnsuidh-san o'n do cheannaicheadh e, eadhon d'a ionnsuidh-san, d'am buineadh sealbh an fhearainn.

25 Agus bithidh do mheas-sa uile a réir seceil an ionaid naomha; bithidh fichead gerah san t-seeil.

26 Ach ceud-ghin nan ainmhidhean, bu chòir a bhli na cheud-ghin do'n Tighearna, cha choisrig duine air bith sin, co dhiubh is tarbh, no caora e: is leis an Tighearn e.

27 Ach ma's ann do bheathach neo-ghlan e, an sin fuasglaidh se e a réir do mheas-sa, agus cuiridh e an cùigeadh *cuid* deth ris; no mar fuasglar e, an sin reicear e a réir do mheas.

28 Gidheadh cha reicear, agus cha 'n fhuasglar ni sam bith coisrigte a choisrigeas duine do'n Tighearna, do gach ni a ta aige, araon do dhuine agus do ainmhidh, agus do fhearann a sheilbh: tha gach ni coisrigte ro-naomha do'n Tighearna.

29 Cha 'n fhuasglar ni sam bith coisrigte, a choisrigear le daoineibh: *ach* cuirear gu cinnteach gu bàs e.

30 Agus uile dheachamh an fhearainn, ma's ann do shìol an fhearainn, no do mheas na craoibhe, is leis an Tighearn e; *tha e* naomha do'n Tighearna.

31 Agus ma dh'fhuasglas duine idir a' bheag d'a dheachamh, cuiridh e an cùigeadh *cuid* deth ris.

32 Agus a thaobh uile dheachaimh a' chruidh, no an treud, eadhon gach ni air bith a dh'imicheas fa'n t-slait; bithidh an deachamh dheth naomha do'n Tighearna.

33 Cha rannsaich e am bi e math no olc, ni mò a mhalairtiehas se e: agus ma mhalairtiehas e idir e, an sin bithidh an dà chuid e féin agus a mhalairt naomha; cha 'n fhuasglar e.

34 Is iad sin na h-àitheantan a dh'àithn an Tighearna do Mhaois air son chloinn Israeil, ann an sliabh Sinai.

## A I R E A M H.

### C A I B. I.

**A** GUS labhair an Tighearna ri Maois ann am fasach Sinai, ann am pàillion a' choimhthionail, air a' cheud là do'n dara mìos, san dara bliadhna, an déigh dhoibh teachd a mach a tìr na h-Eiphit, ag ràdh,

2 Gabhaibh àireamh<sup>4</sup> cheann coimh-chruinnich chloinn Israeil uile, a réir<sup>5</sup> an teaghlaichean, a réir tìge an aithreacha, maille ri àireamh an ainmeanna, gach fìrionnach a réir an ceann:

3 O fhichead bliadhna dh'aois, agus os a cheann, gach aon a's urrainn dol a mach gu cogadh ann an Israel: àirmhidh<sup>6</sup> tusa agus Aaron iad a réir am buidhnean<sup>6</sup>.

4 Agus maille ribhse bithidh duine do gach uile thréibh: gach aon diubh na cheann tìge aithreacha.

5 Agus is iad so ainmeanna nan daoine a sheasas maille ribh: Do thréibh Reubein; Elisur mac Shedeuir.

6 Do Shìneon; Selumiel mac Shurisdai.

7 Do Iudah; Nahson mac Aminadaib.

8 Do Isachar; Nataneel mac Shuair.

9 Do Shebulon; Eliab mac Heloin.

10 Do chloinn Ioseiph; do Ephraim, Elisama mac Amihuid; do Mhanaseh, Gamaliel mac Phadahsuir.

11 Do Bheniamin; Abidan mac Ghideon.

12 Do Dhan; Ahieser mac Amisadai.

13 Do Aser; Pagiel mac Ocrain.

14 Do Ghad; Elasaph mac Dheueil.

15 Do Naphtali; Ahira mac Enain.

16 B'iad sin daoine ainneil<sup>7</sup> a' choimh-chruinnich, cinn-fheadhna threubhan an aithreacha, ceannardan mhilte ann an Israel.

17 Agus ghabh Maois agus Aaron na daoine sin, a ghairmeadh air an ainneibh.

18 Agus thionail iad an coimh-chruinn-each uile an ceann a chéile air a' cheud là do'n dara mìos, agus chuir iad an céill an ginealach a réir an teaghlaichean, a réir tìge an aithreacha, a réir àireimh<sup>8</sup> nan ainmean, o fhichead bliadhna dh'aois agus thairis, a réir an ceann.

<sup>1</sup> cunntaidh. <sup>2</sup> a mhaireas, <sup>3</sup> air a chur air leth. <sup>4</sup> cunntas. <sup>5</sup> do réir.

<sup>6</sup> sìdigh, armaithean.

<sup>8</sup> ann an àireamh. Eabhl.

<sup>7</sup> daoine alloil.

19 Mar a dh'àithn an Tighearna do Mhaois, mar sin dh'àireamh e iad ann am fàsach Shinai.

20 Agus bha clann Reubein a' mhic bu shine bh'aig Israeil, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

21 Iadsan a dh'àirneadh dhiubh, *eadhon* do thrèibh Reubein, bha iad ann dà fhichead agus sè mìle agus cùig ceud.

22 Do chloinn Shimeoin, a *rèir* an ginealach, a *rèir* an teaghlaichean, a *rèir* tìghe an aithreacha, iadsan a chaidh àireamh dhiubh, a *rèir* àireimh nan ainmean, a *rèir* an ceann, gach firionnach o fhichead bliadhna dh'aois agus os a cheann, gach aon a b'urrainn dol a mach gu cogadh;

23 Iadsan a chaidh àireamh dhiubh, *eadhon* do thrèibh Shimeoin, b'iad leth-cheud agus naoi mìle agus trì cheud.

24 Do chloinn Ghad, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

25 Iadsan a chaidh àireamh dhiubh, *eadhon* do thrèibh Ghad, b'iad dà fhichead agus cùig mìle agus sè ceud agus leth-cheud.

26 Do chloinn Iudail a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

27 Iadsan a chaidh àireamh dhiubh, *eadhon* do thrèibh Iudail, b'iad trì fichead agus ceithir mìle deug agus sè ceud.

28 Do chloinn Isachair, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois, agus os a cheann, gach aon a b'urrainn dol a mach gu cogadh;

29 Iadsan a chaidh àireamh dhiubh, *eadhon* do thrèibh Isachair, b'iad leth-cheud agus ceithir mìle agus cèithir cheud.

30 Do chloinn Shebuluin, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

31 Iadsan a chaidh àireamh dhiubh, *eadhon* do thrèibh Shebuluin, b'iad leth-cheud agus seachd mìle agus cèithir cheud.

32 Do chloinn Ioseiph, *eadhon* do chloinn Ephraim, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead

bliadhna dh'aois agus os a cheann, gach aon a b'urrainn dol a mach gu cogadh;

33 Iadsan a chaidh àireamh dhiubh, *eadhon* do thrèibh Ephraim, b'iad dà fhichead mìle agus cùig ceud.

34 Do chloinn Mhanaseh, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

35 Iadsan a chaidh àireamh dhiubh, *eadhon* do thrèibh Mhanaseh, b'iad dà mhìle dheug 'ar fhichead agus dà cheud.

36 Do chloinn Bheniamin, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

37 Iadsan a chaidh àireamh dhiubh, *eadhon* do thrèibh Bheniamin, b'iad cùig mìle deug 'ar fhichead agus ceithir cheud.

38 Do chloinn Dhan, a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

39 Iadsan a chaidh àireamh dhiubh, *eadhon* do thrèibh Dhan, b'iad trì fichead agus dà mhìle agus seachd ceud.

40 Do chloinn Aseir a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

41 Iadsan a chaidh àireamh dhiubh, *eadhon* do thrèibh Aseir, b'iad aon mhìle agus dà fhichead agus cùig ceud.

42 Do chloinn Naphtali a *rèir* an ginealach, a *rèir* an teaghlaichean, a *rèir* tìghe an aithreacha, a *rèir* àireimh nan ainmean, o fhichead bliadhna dh'aois agus os a cheann, gach aon a b'urrainn dol a mach gu cogadh;

43 Iadsan a chaidh àireamh dhiubh, *eadhon* do thrèibh Naphtali, b'iad trì mìle deug agus dà fhichead agus ceithir cheud.

44 Sin iadsan a chaidh àireamh, a dh'àireamh Maois agus Aaron, agus ceannardan Israeil, *eadhon* dà fhear dheug: bha gach fear diubh air son tìghe aithreacha.

45 Mar sin bha iadsan uile a chaidh àireamh do chloinn Israeil, a *rèir* tìghe an aithreacha, o fhichead bliadhna dh'aois agus os a cheann, gach aon a b'urrainn dol a mach gu cogadh ann an Israeil;

46 Eadhon iadsan uile a chaidh àireamh, b'iad se ceud mìle agus trì mìle agus cùig ceud agus leth-cheud.

47 Ach cha deachaidh na Lebhithich, a *rèir* thrèibh an aithreacha, àireamh nam measg:



48 Oir labhair an Tighearna ri Maois, ag ràdh,

49 A mhàin treubh Lebhi cha 'n àireamh thu, ni mò a ghabhas tu an *cunntas* cheann am measg chloinn Israeil:

50 Ach ordichidh tu na Lebhithich os ceann pàilluin na fianuis, agus os ceann a shoithichean uile, agus os ceann nan uile nithe a *bhuineas* da: giùlainidh iad am pàillium, agus a shoithichean uile, agus frithealaidh iad da, agusampaichidh iad m'an cuairt air a' pàillium.

51 Agus an uair a bhios am pàillium gu dol air 'aghaidh, leagaidh na Lebhithich a nuas e: agus an uair a bhios am pàillium r'a shuidheachadh, togaidh na Lebhithich suas e: agus an coigreach a thig am fagus, cuirear gu bàs e.

52 Agus suidhichidh clann Israeil am bùthan gach duine làimh r'a chuideachd<sup>1</sup> fèin, agus gach duine làimh r'a bhrataich fèin, air feadh an armailtean<sup>2</sup>.

53 Ach suidhichidh na Lebhithich am bùthan m'an cuairt air pàillium na fianuis, a chum's nach bi corruich air coimhchruiinneach chloinn Israeil, agus gleidhidh<sup>3</sup> na Lebhithich cùram pàillium na fianuis.

54 Agus rinn clann Israeil a réir nan uile nithe a dh'àithn an Tighearna do Mhaois; mar sin rinn iad.

#### C A I B. II.

**A** GUS labhair an Tighearna ri Maois, agus ri h-Aaron, ag ràdh,

2 Suidhichidh gach duine do chloinn Israeil làimh r'a bhrataich fèin, maille ri suaichiontas<sup>4</sup> tìghe an aithreacha: fad as m'an cuairt air pàillium a' choimhthionail suidhichidh iad.

3 Agus air taobh na h-airde 'n ear leth ri èirigh na grèine, suidhichidh luchd-brataich chaimp Iudaih a réir an armailtean: agus *bithidh* Nahson mac Aminadaib na cheannard<sup>5</sup> air cloinn Iudaih.

4 Agus 'armailt-san, eadhon iadsan a chaidh àireamh dhiubh, b'iad trì fhichead agus ceithir mìle deug agus sè ceud.

5 Agus am fagus da suidhichidh treubh Isachair: agus *bithidh* Natancei mac Shuair na cheannard air cloinn Isachair.

6 Agus 'armailt-san, agus iadsan a chaidh àireamh dhith, b'iad leth-cheud agus ceithir mìle agus ceithir cheud.

7 An sin treubh Shebuluin: agus *bithidh* Eliab mac Heloin na cheannard air cloinn Shebuluin.

8 Agus 'armailt-san, agus iadsan a chaidh àireamh dhith, b'iad leth-cheud agus seachd mìle agus ceithir cheud.

9 Na h-uile chaidh àireamh ann an camp Iudaih, b'iad ceud mìle agus ceithir fichead mìle agus sè mìle agus ceithir cheud, a réir an armailtean: is iad so a thèid a mach air thùs.

10 Air taobh na h-airde deas *bithidh* bratach chaimp Reubein, a réir an armailtean: agus na cheannard air cloinn Reubein, *bithidh* Elisur mac Shedeuir.

11 Agus 'armailt-san agus iadsan a chaidh àireamh dhith, b'iad dà fhichead agus sè mìle agus cùig ceud.

12 Agus làimh ris suidhichidh treubh Shimeoin; agus *bithidh* Selumiel mac Shurisadai na cheannard air cloinn Shimeoin.

13 Agus 'armailt-san, agus iadsan a chaidh àireamh dhith, b'iad leth-cheud agus naoi mìle agus trì cheud.

14 An sin treubh Ghad: agus na cheannard air mic Ghad, *bithidh* Eliasaph mac Reueil.

15 Agus 'armailt-san, agus iadsan a chaidh àireamh dhiubh, b'iad dà fhichead agus cùig mìle agus sè ceud agus leth cheud.

16 Na h-uile a chaidh àireamh ann an camp Reubein, b'iad ceud mìle agus leth-cheud, agus aon mhìle agus ceithir cheud agus leth-cheud, a réir an armailtean: agus thèid iadsan a mach san dara ordugh<sup>6</sup>.

17 An sin thèid pàillium a' choimhthionail air 'aghaidh maille ri camp nan Lebhithich am meadhon a' chaimp: mar a champaicheas iad, mar sin thèid iad air an aghaidh, gach duine na àite fèin làimh r'am brataichibh.

18 Air taobh na h-airde 'n iar *bithidh* bratach chaimp Ephraim, a réir an armailtean; agus *bithidh* Elisama mac Amihuid, na cheannard air mic Ephraim.

19 Agus 'armailt-san, agus iadsan a chaidh àireamh dhiubh, b'iad dà fhichead mìle agus cùig ceud.

20 Agus làimh ris-san *bithidh* treubh Mhanaseh: agus *bithidh* Gamaliel mac Phedahsuir, na cheannard air cloinn Mhanaseh.

21 Agus 'armailt-san, agus iadsan a chaidh àireamh dhiubh, b'iad dà mhìle dheug 'ar fhichead agus dà cheud.

22 An sin treubh Bheniamin: agus *bithidh* Abidan mac Ghideoni, na cheannard air mic Bheniamin.

23 Agus 'armailt-san, agus iadsan a chaidh àireamh dhiubh, b'iad cùig mìle deug 'ar fhichead agus ceithir cheud.

24 Iadsan uile a dh'àirmheadh do champ Ephraim, b'iad ceud mìle agus ochd mìle agus ceud, a réir an armailtean: agus thèid iadsan air an aghaidh san treas ordugh.

25 *Bithidh* bratach chaimp Dhan air taobh na h-airde tuath a réir an armailtean: agus *bithidh* Ahieser mac Amisadai na cheannard air cloinn Dhan.

26 Agus 'armailt-san, agus iadsan a

<sup>1</sup> champ. Eabh. <sup>2</sup> s'loigh. <sup>3</sup> coimhididh.

<sup>4</sup> suaitheantas. <sup>5</sup> chaiptein. <sup>6</sup> san'dara h-aite.

chaidh àireamh dhiubh, *b'iad* tri fichead agus dà mhìle agus seachd ceud.

27 Agus làimh ris campaichidh treubh Aseir: agus *bithidh* Pagiel mac Ocrain, na cheannard air cloinn Aseir.

28 Agus 'armailt-san, agus iadsan a chaidh àireamh dhiubh, *b'iad* dà fhichead agus aon mhìle agus cùig ceud.

29 An sin treubh Naphtali: agus *bithidh* Ahira mac Enain na cheannard air cloinn Naphtali.

30 Agus 'armailt-san, agus iadsan a chaidh àireamh dhiubh, *b'iad* leth-cheud agus tri mìle agus ceithir-cheud.

31 Iadsan uile a chaidh àireamh ann an camp Dhan, *b'iad* ceud mìle agus leth-cheud agus seachd mìle agus sè ceud: Imichidh iadsan fa dheireadh le'm brataichibh.

32 Is iad sin iadsan a' dh'àirmheadh do chloinn Israeil, a réir tighe an aithreacha, iadsan uile a chaidh àireamh do na campaidh a réir an armailtean, *b'iad* se ceud mìle agus tri mìle agus cùig ceud agus leth cheud.

33 Ach cha d'àirmheadh na Lebhithich am measg chloinn Israeil, mar a dh'àithn an Tighearna do Mhaois.

34 Agus rinn clann Israeil, a réir gach nì a dh'àithn an Tighearna do Mhaois: mar sin chanpaich iad làimh r'am brataichibh, agus mar sin chaidh iad air an aghaidh, gach aon a réir an teaghlach, a réir tighe an aithreacha.

## CAIB. III.

**I**S iad so mar an ceudna ginealach Aaroin agus Mhaois, san là anns do labhair an Tighearna ri Maois ann an sliabh Shinai.

2 Agus is iad so ainmean mhac Aaroin; Nadab an ceud-ghin, agus Abihu, Eleasar, agus Itamar.

3 Is iad sin ainmeanna mhac Aaroin, na sagairt a dh'ungadh, a choisrig e gu frithealadh ann an dreuchd an t-sagairt.

4 Agus fhuair Nadab agus Abihu bàs an làthair an Tighearna, 'nuair a thug iad suas teine coimheach an làthair an Tighearna, ann am fàsach Shinai, agus cha robh clann aca: agus fhrithheil Eleasar agus Itamar ann an dreuchd an t-sagairt, ann an sealladh Aaroin an athar.

5 Agus labhair an Tighearna ri Maois, ag ràdh,

6 Thoir treubh Lebhi am fagus, agus taisbein iad an làthair Aaroin an t-sagairt, a chum's g'um frithheil iad dha.

7 Agus gleidhidh iad a chùramsan, agus cùram a' choimhthionail uile air beulaobh pàilliuin a' choimhthionail, a dheanamh seirbhis a' phàilliuin.

8 Agus gleidhidh iad uile shoithichean<sup>2</sup> pàilliuin a' choimhthionail, agus cùram

chloinn Israeil, a dheanamh seirbhis a phàilliuin.

9 Agus bheir thu na Lebhithich do Aaron agus d'a mhic: *tha* iad air an tabhairt da gu h-iomlan a mach a cloinn Israeil.

10 Agus orduichidh tu Aaron agus a mhic, agus feithidh iadsan air dreuchd an t-sagairt: agus an coigreach, a thig am fagus, cuirear gu bàs e.

11 Agus labhair an Tighearna ri Maois, ag ràdh,

12 Agus misc, feuch, ghabh mi na Lebhithich o mhcasg chloinn Israeil, an àite a' cheud-ghin uile a dh'fhosgailas a' bhrù am measg chloinn Israeil: agus is leamsa na Lebhithich;

13 A chionn gur leamsa gach uile cheud-ghin; *oir* air an là anns an do bhuail mi gach ceud-ghin ann an tìr na h-Eiphit, naomhaich mi dhomh féin gach ceud-ghin ann an Israeil, eadar dhuine agus ainmhidh; is leamsa iad: Is mise an Tighearna.

14 Agus labhair an Tighearna ri Maois ann am fàsach Shinai, ag ràdh,

15 Aireamh clann Lebhi a réir tighe an aithreacha, a réir an teaghlach: gach firionnach o mhìos a dh'aois agus os a cheann, àirmhidh tu iad.

16 Agus dh'àireamh Maois iad a réir focal an Tighearna, mar a thugadh àithne dha.

17 Agus *b'iad* so mic Lebhi a réir an ainmean; Gerson, agus Cohat, agus Merari.

18 Agus is iad so ainmean mhac Ghersein a réir an teaghlach: Libni agus Simeì.

19 Agus mic Chohait a réir an teaghlach: Aniram agus Idsar, Hebron agus Udsiel.

20 Agus mic Mherari a réir an teaghlach: Mahli, agus Musi: is iad sin teaghlach nan Lebhithich, a réir tighe an aithreacha.

21 O Gherson *bha* teaghlach Libni, agus teaghlach Shimeì: is iad sin teaghlach nan Gersonach.

22 Iadsan a chaidh àireamh dhiubh, a réir àireimh nam firionnach uile o mhìos a dh'aois agus os a cheann, *eadhon* iadsan a chaidh àireamh dhiubh, *b'iad* seachd mìle agus cùig ceud.

23 Suidhichidh teaghlach nan Gersonach air cùlaobh a' phàilliuin air taobh na h-àirde n' iar.

24 Agus *bithidh* Eliasaph mac Laeil, na cheann tighe athar nan Gersonach.

25 Agus air cùram<sup>3</sup> mhac Ghersein, ann am pàilliuin<sup>4</sup> a' choimhthionail, *bithidh* am pàilliuin<sup>4</sup> féin, agus am bùth, a chòmhdach, agus am brat air son doruis pàilliuin a' choimhthionail,

<sup>1</sup> frithealaidh. <sup>2</sup> airneis. <sup>3</sup> fa choimhead.

<sup>4</sup> bùth. Eabh.



26 Agus cùirteine na cùirte, agus am brat air son doruis na cùirte, a ta làimh ris a' phàilliuin, agus làimh ris an altair m'an cuairt, agus a cuird, air son a seirbhis uile.

27 Agus o Chohat bha teaghlach nan Amranach, agus teaghlach nan Idseharach, agus teaghlach nan Hebronach, agus teaghlach nan Udsielach: is iad sin teaghlaichean nan Cohatach.

28 Ann an àireamh nam firionnach uile o mhìos a dh'aois agus os a cheann, bha ochd mìle agus se ceud, a bha gleidheadh cùraim 'an ionaid naomha.

29 Suidhichidh teaghlaichean mhac Chohait air taobh a' phàilliuin mu dheas.

30 Agus bithidh Elisaphan mac Udsiel na cheann tighe athar teaghlaichean nan Cohatach.

31 Agus air an cùram-san bithidh an àirc, agus am bord, agus an coinnleir, agus na h-altairean, agus soithichean an ionaid naomha, leis am fritheil iad, agus am brat, agus a sheirbhis uile.

32 Agus bithidh Eleasar mac Aaroin an t-sagairt na cheannard air ceannardaibh<sup>2</sup> nan Lebhitheach, agus bithidh suil aig orrasan, a bhios a' gleidheadh cùraim an ionaid naomha.

33 O Mherari bha teaghlach nam Mahlach, agus teaghlach nam Musitheach: is iad sin teaghlaichean Mherari.

34 Agus iadsan a chaidh àireamh dhiubbh, a réir àireimh nam firionnach uile o mhìos a dh'aois agus os a cheann, b'iad sè mìle agus dà cheud.

35 Agus b'e Suriel mac Abihail ceann tighe athar theaghlaichean Mherari: suidhichidh iadsan air taobh a' phàilliuin mu thuath.

36 Agus fa choimhead agus chùram mhac Mherari bithidh buird a' phàilliuin, agus a chroinn, agus a phuist, agus a bhuinn, agus a shoithichean uile, agus gach nì a fhrithéalas da,

37 Agus puist na cùirte m'an cuairt, agus am buinn, agus am pinneachan, agus an cuird.

38 Ach iadsan a champaicheas air beulaobh a' phàilliuin air taobh na h-airde 'n ear, eadhon air beulaobh pàilliuin a' choimhthionail leth ri eirigh na gréine, is iad Maois agus Aaron, agus a mhic, a' gleidheadh curaim an ionaid naomha, air son cùraim chloinn Israeil; agus an coigreach, a thig am fagus, cuirear gu bàs e.

39 Iadsan uile a chaidh àireamh do na Lebhithich, a dh'àireamh Maois agus Aaron a réir àithne an Tighearna, a réir an teaghlaichean, na firionnach uile o mhìos a dh'aois agus os a cheann, b'iad dà mhìle thar fhichead.

40 Agus thubhairt an Tighearna ri

Maois, Aireamh gach ceud-ghin a ta na fhirionnach do chloinn Israeil o mhìos a dh'aois agus os a cheann, agus gabh àireamh an ainmean.

41 Agus gabhaidh tu na Lebhithich dhomhsa (Is mise an Tighearna) an àite nan ceud-ghin uile am measg chloinn Israeil; agus spréidh nan Lebhithcach an àite nan ceud-ghin uile, am measg spréidhe chloinn Israeil.

42 Agus dh'àireamh Maois, mar a dh'àithn an Tighearna dha, gach ceud-ghin am measg chloinn Israeil.

43 Agus gach ceud-ghin a bha na fhirionnach, a réir àireimh nan ainmean, o mhìos a dh'aois agus os a cheann, dhiubhsan a chaidh àireamh diubbh, b'iad dà mhìle thar fhichead dà cheud agus trì fichead agus tri-deug.

44 Agus labhair an Tighearna ri Maois, ag ràdh,

45 Gabh na Lebhithich an àite nan ceud-ghin uile am measg chloinn Israeil, agus spréidh nan Lebhithich an àite an spréidhe-san, agus bithidh na Lebhithich leanasa: Is mise an Tighearna.

46 Agus air an son-san a ta gu bhi air am fuasgladh do'n dà cheud agus an trì fichead agus an tri-deug, do cheud-ghin chloinn Israeil, a tha nì's lion-mhoire na na Lebhithich;

47 Gabhaidh tu eadhon cùig seceil am fear air an ceann; a réir seceil an ionaid naomha gabhaidh tu iad: is e 'n seceil fichead gerah.

48 Agus bheir thu an t-airgiod, leis am fuasglar an àireamh chòrr diubbh, do Aaron agus d'a mhic.

49 Agus ghabh Maois an t-airgiod fuasglaidh uatha-san a bha thuilleadh òrra-san, a dh'fhuasgladh leis na Lebhithich.

50 O cheud-ghin chloinn Israeil ghabh e an t-airgiod: mìle trì cheud agus trì fichead agus cùig seceil, a réir seceil an ionaid naomha.

51 Agus thug Maois airgiod na muinntir sin, a dh'fhuasgladh, do Aaron, agus d'a mhic, a réir focail an Tighearna, mar a dh'àithn an Tighearna do Mhaois.

#### C A I B. IV.

**A** GUS labhair an Tighearna ri Maois, agus ri h-Aaron, ag ràdh,

2 Gabh àireamh mhac Chohait o mheasg mac Lebbi, a réir an teaghlaichean, a réir tighe an aithreacha;

3 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach neach a théid a steach do'n armait, a dhcanamh na h-oibre ann am pàilliuin a' choimhthionail.

4 Sò an t-seirbhis a bhios aig mic Chohait ann am pàilliuin a' choimhthionail mu thimchioll nan nìthe ro-naomha.

<sup>1</sup> a' gleidheadh faire.

<sup>2</sup> uaislibh, daoine urramach.

5 Agus an uair a bhios an camp gu dol air 'aghaidh<sup>1</sup>, thig Aaron agus a mhic, agus bheir iad a nuas brat a' chòmhdach, agus còmhdachidh iad àire na fianuis leis.

6 Agus cuiridh iad oirre an còmhdachadh do chroicnibh bhroc, agus sgaoilidh iad os a ceann eudach uile do ghorm, agus cuiridh iad a bataichean innnte.

7 Agus air bord arain na fianuis sgaoilidh iad eudach do ghorm, agus cuiridh iad air na miasan<sup>2</sup>, agus na tuisceirean<sup>3</sup> agus na copain<sup>4</sup>, agus na cuachan leis an d' thoir-ea seachad tabhartas-dìbhe<sup>5</sup>: agus bithidh an t-aran an còmhnuidh air.

8 Agus sgaoilidh iad orra eudach scar-laid, agus còmhdachidh iad sin le còmhdachadh do chroicnibh bhroc, agus cuiridh iad a bhataichean ann.

9 Agus gabhaidh iad eudach do ghorm, agus còmhdachidh iad coinneir an t-soluis, agus a lòchrain, agus a chlobhachan<sup>6</sup>, agus a smàl-shoithichean, agus a shoithichean-olaidh uile, leis am fritheil iad da.

10 Agus cuiridh iad e fèin agus a shoithichean uile ann an còmhdachadh do chroicnibh bhroc, agus cuiridh iad air lunn e.

11 Agus air an altair òir sgaoilidh iad eudach do ghorm, agus còmhdachidh iad i le còmhdachadh do chroicnibh bhroc, agus cuiridh iad rithe a bataichean.

12 Agus gabhaidh iad na h-innill frith-ealaidh uile, leis am fritheil iad san ionad naomha, agus cuiridh iad ann an eudach do ghorm iad, agus còmhdachidh iad le còmhdachadh do chroicnibh bhroc iad, agus cuiridh iad air lunn iad.

13 Agus bheir iad air falbh an luath o'n altair, agus sgaoilidh iad eudach corcuir<sup>7</sup> oirre;

14 Agus cuiridh iad oirre a soithichean uile, leis am fritheil iad m'a timchioll, eadhon na tuisceiran<sup>8</sup>, na greimichean-fèda, agus na sluasaidean, agus na cuachan<sup>9</sup>, soithichean na h-altarach uile; agus sgaoilidh iad oirre còmhdachadh do chroicnibh bhroc, agus cuiridh iad rithe a bataichean.

15 Agus crìochnaichidh Aaron agus a mhic còmhdachadh na ionaid naomha, agus uile shoithichean an ionaid naomha, 'nuair a bhios an camp gu dol air 'aghaidh; agus an dèigh sin thig mic Chohait g'an giùlan: ach cha bhean iad ri ni naomha sam bith, an t-eagal gu'm bàsaich iad. Is iad na nithe sin eallach mhac Chohait ann am pàillion a' choimhthionail.

16 Agus do dhreuchd Eleasair mhic Aaron an t-sagairt, buinidh an oladh chum

an t-soluis, agus an tuis chùbhraidh, agus an tabhartas-bidh lathail, agus an oladh-ungaidh, agus cùram<sup>10</sup> a' phàilliuin uile, agus nan uile nithe a ta ann, san ionad naomha, agus na shoithichibh.

17 Agus labhair an Tighearna ri Maois, agus ri h-Aaron, ag ràdh,

18 Na gearraibh as treubh theaghlaichean nan Cohatach o mheasg nan Lebhitheach.

19 Ach so ni sibh riu, chum as gu'm bi iad beo agus nach bàsaich iad, an uair a thig iad am fagus do na nithibh ronaomha; thèid Aaron agus a mhic a steach, agus orduichidh siad iad gach aon d'a sheirbhis fèin, agus d'a eallaich.

20 Ach cha d' thèid iad a steach a dh'fhaicinn an uair a chòmhdachear na nithe naomha, an t-eagal gu'm faigh iad bàs.

21 Agus labhair an Tighearna ri Maois, ag ràdh,

22 Gabh mar an ceudna àireamh mhac Ghersonach, a réir tighe an aithreacha, a réir an teaghlaichean.

23 O dheich bliadhna fichead a dh'aois agus os a cheann, gu leth-cheud bliadhna dh'aois àirmhidh tu iad; gach neach a thèid a steach a dheanamh na seirbhis, a dheanamh na h-oibre ann am pàillion a' choimhthionail.

24 Is i so seirbhis theaghlaichean nan Gersonach, seirbhis a dheanamh, agus eallach a ghiùlan<sup>11</sup>.

25 Agus giùlainidh iad cùirteinean a' phàilliuin, agus pàillion a' choimhthionail, a chòmhdach, agus an còmhdach do chroicnibh bhroc, a ta shuas thairis air, agus brat doruis pàilliuin a' choimhthionail.

26 Agus cùirteine na cùirte, agus brat doruis geataidh na cùirte, a ta làimh ris a' phàilliuin, agus ris an altair m'an cuairt, agus an curid, agus innil am frith-ealaidh uile, agus gach ni a rinneadh air an son: mar so ni iad seirbhis.

27 A réir focail Aaron agus a mhac bithidh uile sheirbhis mhac nan Gersonach, nan eallachaibh uile, agus nan seirbhis uile: agus orduichidh sibh dhoibh mar an cùram an eallachan uile.

28 Is i so seirbhis theaghlaichean mhac Ghersonach, ann am pàillion a' choimhthionail; agus bithidh an cùram fuidh làimh Itamair mhic Aaron an t-sagairt.

29 A thaobh mhac Mherari, àirmhidh tu iad a réir an teaghlaichean, a réir tighe an aithreacha:

30 O dheich bliadhna fichead a dh'aois agus os a cheann, eadhon gu leth-cheud bliadhna dh'aois àirmhidh tu iad, gach aon a thèid a steach do'n t-seirbhis, a dheanamh oibre pàilliuin a' choimhthionail.

<sup>1</sup> re atharrachadh. <sup>2</sup> soithichean. <sup>3</sup> liaghan, spàinean. <sup>4</sup> a cupain. <sup>5</sup> na còmhdachan g'a chòmhdachadh. <sup>6</sup> a theanch-

airean. <sup>7</sup> purpuir. <sup>8</sup> tuis-shoithichean. <sup>9</sup> soithichean-craithidh. <sup>10</sup> suil-bheachd. <sup>11</sup> air son uallaich.



31 Agus is e so cùram an eallaich, a réir an seirbhis uile ann am pàillium a' choimhthionail; buird a' phàillium, agus a chroinn, agus a phuist, agus a bhuinn,

32 Agus puist na cùirte m'an cuairt, agus am buinn, agus am pinneacha<sup>1</sup>, agus an cuird, maille r'an innealaibh uile, agus maille r'an seirbhis uile; agus air an ainm àirmhidh sibh innil cùraim an eallaich.

33 Is i so seirbhis theaghlachean mhac Mherari, a réir an seirbhis uile ann am pàillium a' choimhthionail, fuidh làimh Itamair, mhic Aaroin an t-sagairt.

34 Agus dh'àireamh Maois agus Aaron agus ceannardan a' choimh-chruinnich mic nan Cohatach, a réir an teaghlachean, agus a réir tighe an aithreacha;

35 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, chum oibre ann am pàillium a' choimhthionail.

36 Agus iadsan a chaidh àireamh dhiubh a réir an teaghlachean, b'iad dà mhìle seachd ceud agus leth-cheud.

37 B'iad so iadsan a chaidh àireamh do theaghlachibh nan Cohatach, gach neach a dh'fheadadh seirbhis a dheanamh ann am pàillium a' choimhthionail; a dh'àireamh Maois agus Aaron, a réir àithne an Tighearna le làimh Mhaois.

38 Agus iadsan a chaidh àireamh do mhic Ghersein, a réir an teaghlachean, agus a réir tighe an aithreacha;

39 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a steach do'n t-seirbhis, a chum oibre ann am pàillium a' choimhthionail;

40 Eadhon iadsan a chaidh àireamh dhiubh, a réir an teaghlachean, a réir tighe an aithreacha, b'iad dà mhìle agus sè ceud agus deich 'ar fhichead.

41 So iadsan a chaidh àireamh do theaghlachibh mhac Ghersein, do gach neach a dh'fheadadh seirbhis a dheanamh ann am pàillium a' choimhthionail, a dh'àireamh Maois agus Aaron a réir àithne an Tighearna.

42 Agus iadsan a chaidh àireamh do theaghlachibh mhac Mherari, a réir an teaghlachean, a réir tighe an aithreacha;

43 O dheich bliadhna fichead a dh'aois agus os a cheann, eadhon gu leth-cheud bliadhna dh'aois, gach aon a théid a stigh do'n t-seirbhis, chum oibre ann am pàillium a' choimhthionail;

44 Eadhon iadsan a chaidh àireamh dhiubh a réir an teaghlachean, b'iad trì mìle agus dà cheud.

45 So iadsan a chaidh àireamh do theaghlachibh mhac Mherari, a dh'àireamh

Maois agus Aaron, a réir focail an Tighearna le làimh Mhaois.

46 Iadsan uile a chaidh àireamh do na Lebhithich, a dh'àircamh Maois agus Aaron agus ceannardan Israeil, a réir an teaghlachean, agus a réir tighe an aithreacha;

47 O dheich bliadhna 'ar fhichead agus os a cheann, eadhon gu leth-cheud bliadhna dh'aois, gach aon a thàinig a dheanamh seirbhis an fhrithéalaidh, agus seirbhis na h-callaich ann am pàillium a' choimhthionail;

48 Eadhon iadsan a chaidh àireamh dhiubh, b'iad ochd mìle agus cùig ceud agus ceithir fichead.

49 A réir àithne an Tighearna dh'àirmheadh iad le làimh Mhaois, gach aon a réir a sheirbhis, agus a réir 'eallaich: mar so dh'àirmheadh iad leis, mar a dh'àithn an Tighearna do Mhaois.

# CAIB. V.

**A** GUS labhair an Tighearna ri Maois, ag ràdh,

2 Aithn do chloinn Israeil, iad a chur a mach as a' champ gach lobhar, agus gach neach air am bheil silteach, agus gach neach a ta air a shalachadh leis a' mharbh.

3 Araon frionnach agus bainionnach cuiridh sibh a mach, an taobh a muigh do'n champ cuiridh sibh iad; a chum as nach truail iad an campan, anns am bheil mise gabhail còmhuidh.

4 Agus rinn clann Israeil mar so, agus chuir iad a mach iad an taobh a muigh do'n champ: mar a labhair an Tighearna ri Maois, mar sin rinn clann Israeil.

5 Agus labhair an Tighearna ri Maois, ag ràdh,

6 Abair ri cloinn Israeil, An uair a ni fear no bean peacadh air bith a ni daoine, a dheanamh eusaontais<sup>2</sup> an aghaidh an Tighearna, agus gu'm bheil an t-anam sin ciontach;

7 An sin aidichidh iad am peacadh, a rinn iad: agus ni e coimhleasachadh<sup>3</sup> air son 'eucorach<sup>4</sup> san ionlan agus cuiridh e an cùigeadh cuid deth ris, agus bheir e sin dhasan, air an d'rinn e 'n eucoir.

8 Ach mur bi aig an duine caraid sam bith<sup>5</sup> gu coimhleasachadh a thoirt da san eucoir, thugar an coimhleasachadh, a nithear do'n Tighearn air son na h-eucorach, do'n t-sagart; a thuilleadh air reithe na réite, leis an deanar an réite air a shon.

9 Agus gach tabhartas do nithibh naomha chloinn Israeil uile, a bheir iad chum an t-sagairt, is leis-san iad.

10 Agus nithe coisrigte gach duine, is leis-san iad; ge b'e ni a bheir duine sam bith do'n t-sagart, is leis e.

11 Agus labhair an Tighearna ri Maois, ag ràdh,

12 Labhair ri cloinn Israeil, agus abair

<sup>1</sup> tairngean. <sup>2</sup> euceirt. <sup>3</sup> dòladh, éiric

<sup>4</sup> chiontaidh.

<sup>5</sup> dieghaltair. Eabh.

riu, Ma théid bean fir sam bith a thaobh, agus gu'n ciontaich i na aghaidh,

13 Agus gu'n luidh fear gu collaidh leatha, agus gu'm bi sin folaichte o shùilbha a fir-pòda, agus gu'm bi e ceilte<sup>1</sup>, agus gu'm bi i air a thruailleadh, agus nach bi fianuis sam bith na h-aghaidh, agus gun i air a glacadh sa' chùis.

14 Agus gu'n d' thig spiorad eud air, agus gu'm bheil e 'g eudach air a mhnaoi, agus gu'n do thruailleadh i; no ma thàinig spiorad eud air, agus gu'm bheil e eudmhor m'a mhnaoi, agus nach do thruailleadh i:

15 An sin bheir an duine a bhean a dh'ionnsuidh an t-sagairt, agus bheir e leis a tabhartas air a son, an deicheamh cuid a dh'ephah do mhin eorna; cha dòirt e oladh air, ni mò o chuireas e tùis air, oir is tabhartas eudaich<sup>2</sup> a t'ann, tabhartas cuimhneachain, a' toirt aingidheachd ann an cuimhne.

16 Agus bheir an sagart am fagus i, agus cuiridh e i an làthair an Tighearna.

17 Agus gabhaidh an sagart uisge naomha ann an soitheach creadha, agus gabhaidh an sagart cuid do'n duslach<sup>3</sup>, a bhios air urlar a' phàilliuin, agus cuiridh e san uisge e.

18 Agus cuiridh an sagart a' bhean ann an làthair an Tighearna, agus rùisgidh e ceann na mnà, agus cuiridh e 'n tabhartas cuimhneachain na làmhaidh, eadhon an tabhartas eudaich; agus bithidh aig an t-sagart na làimh an t-uisge searbh, a mhallaicheas.

19 Agus gabhaidh an sagart mionnan dhith, agus their e ris a' mhnaoi. Mur do luidh fear sam bith leat, agus mur deachaidh tu thaobh gu neo-ghloine maille ri neach eile an àite t'fhir-pòda, bi-sa saor o 'n uisge shearbh so, a mhallaicheas:

20 Ach ma chaidh tu thaobh gu neach eile an àite t'fhir-pòda, agus gu'n do thruailleadh thu, agus gu'n do luidh fear eile leat a thuilleadh air t-fhear-pòda;

21 An sin gabhaidh an sagart do'n mhnaoi mionnan mallachaidh, agus their an sagart ris a' mhnaoi, Gu'n deanadh an Tighearna a'd' mhallachadh agus a'd' mhiannan thu am measg do shluaigh, 'nuair a bheir an Tighearna air do shliasaid<sup>4</sup> lobbhadh, agus air do bhroinn atadh:

22 Agus théid an t-uisge so a mhallaicheas a stigh a'd' innibh<sup>5</sup>, a thoirt air do bhroinn atadh, agus air do shliasaid lobbhadh: Agus their a' bhean, Amen, amen.

23 Agus sgrìobhaidh an sagart na mallachdan sin ann an leabhar, agus dubhaidh e mach iad leis an uisge shearbh;

24 Agus bheir e air a' mhnaoi an t-uisge

searbh, a bheir am mallachadh, òl: agus théid an t-uisge a mhallaicheas a steach innte, agus fàsaidh e searbh.

25 An sin gabhaidh an sagart an tabhartas eudaich a làimh na mnà, agus luaisgidh e 'n tabhartas an làthair an Tighearna, agus bheir e seachad e air an altair.

26 Agus gabhaidh an sagart làn glaice do'n tabhartas, eadhon a chuimhneachan, agus loisgidh e air an altair e, agus an dèigh sin bheir e air a' mhnaoi an t-uisge òl.

27 Agus an uair a bheir e oirre an t-uisge òl, an sin tarlaidh, ma thruilleadh i, agus ma rinn i coire an aghaidh a fir-pòda, gu'n d' théid an t-uisge a mhallaicheas a steach innte, agus fàsaidh e searbh, agus ataidh a brù, agus lobhaidh a shiasaid: agus bithidh a' bhean na mallachadh am measg a sluaigh.

28 Agus mur do thruailleadh a' bhean, ach gu'm bheil i glan; an sin bithidh i saor, agus fàsaidh i torrach.

29 Is e so lagh nan eud, an uair a théid bean a thaobh gu fear eile an àite a fir-pòda, agus a thruillear i;

30 No 'nuair a thig spiorad eud air fear, agus a tha e eud-mhor m'a mhnaoi, agus a chuireas e a' bhean an làthair an Tighearna, agus a chuireas an sagart an gnìomh oirre an lagh so nìle;

31 An sin bithidh an duine saor o'n chionta, agus giùlainidh a' bhean so a cionta.

## CAIB. VI.

**A**GUS labhair an Tighearna ri Maois, ag ràdh,

2 Labhair ri cloinn Israeil, agus abair riu, 'Nuair a dhealaicheas aon chuid bean no fear iad fèin a bhòideachadh bòid Nasa-raich a chum iad fèin a dhealachadh<sup>6</sup> do'n Tighearna;

3 O fhìon, agus o dhìbh làidir sgaraidh se e fèin; fìon-geur fìona, no fìon-geur dìbhe làidir cha'n òl e, ni mò a dh'òlas e bheag do shùgh nam fìon-dhearcan, ni mò a dh'itheas e fìon-dearcan ùr no tioram.

4 Uile laithean a dhealachaidh cha'n ith e bheag a nìthear do'n chraoibh-fhìona, o na h-eiteanaibh gus am plosg.

5 Uile laithean bòid a dhealachaidh, cha d' thig ealtainn air a cheann: gus an coimhlonar na laithean anns an dealaich se e fèin do'n Tighearna, bithidh e naomha; agus leigidh e le ciabhaibh gruaige a chinn fàs.

6 Sna laithibh sin uile anns an dealaich se e fèin do'n Tighearna, cha d' thig e 'm fagus do chorp<sup>7</sup> marbh sam bith.

7 Cha dean se e fèin neo-ghlan air son 'athar, no air son a mhàthar, air son a bhràthar, no air son a pheathar, an uair a

<sup>1</sup> am solach. <sup>2</sup> an offering of jealousy. <sup>3</sup> ssg.

<sup>4</sup> luathre. <sup>5</sup> leus. <sup>6</sup> mhionach. <sup>7</sup> sgaradh.



gheibh iad bàs; do bhrìgh gu bheil coisreagadh a Dhé air a cheann.

8 Uile laithean a dhealachaidh *tha* e naomha do'n Tighearna.

9 Ma agus na gheibh duine gu h-obann bàs làimh ris, agus gu'n do shalaich e ceann a choisreagaidh; an sin bearraidh<sup>1</sup> e 'cheann ann an là a ghlanaidh, air an t-seachdamh là bearraidh se e.

10 Agus air an ochdamh là bheir e dà thurtur<sup>2</sup>, no dà choluman òg, a dh'ionnsuidh an t-sagairt, gu dorus pàilluin a' choimhthionail.

11 Agus ìobraidh an sagart fear diubh mar ìobairt-pheacaidh, agus am fear eile mar ìobairt-loisgte, agus nì e rèite air a shon, do bhrìgh gu'n do pheacaich e thaobh a' mhairbh, agus naomhaichidh e 'cheann sàin là sin fèin.

12 Agus coisrigidh e do'n Tighearna laithean a dhealachaidh, agus bheir e leis uan do'u cheud bhliadhna chum ìobairt-eusmontais: ach bithidh na laithean a chaidh seachad cailte, do bhrìgh gu'n do shalaich eadha a dhealachadh.

13 Agus *is* e so lagh an Nasaraich: 'Nuair a chiomhlionar laithean a dhealachaidh, bheir e<sup>3</sup> gu dorus pàilluin a' choimhthionail:

14 Agus bheir e seachad a thabhartas do'n Tighearna, aon uan fìrionn do'n cheud bhliadhna gun ghaoid a chum ìobairt-loisgte, agus aon uan bainionn do'n cheud bhliadhna gun ghaoid a chum ìobairt-pheacaidh, agus aon reithe gun ghaoid a chum ìobairt-shith;

15 Agus bascaid do aran neo-ghoirtichte, breacagan do phlùr mìn measgta le h-oladh, agus deamagana do aran neo-ghoirtichte ungta le h-oladh, agus an tabhartas-bidh, agus an tabhartasan-dibhe;

16 Agus bheir an sagart *iad* an làthair an Tighearna, agus ìobraidh e 'ìobairt-pheacaidh, agus ìobairt-loisgte.

17 Agus ìobraidh e 'n reithe mar ìobairt thabhartasan-sith do'n Tighearna, maille ris a' bhascaid do aran neo-ghoirtichte: bheir an sagart seachad mar an ceudna a thabhartas-bidh, agus a thabhartas-dibhe.

18 Agus bearraidh an Nasarach ceann a dhealachaidh, aig dorus pàilluin a' choimhthionail; agus gabhaidh e gruag cinn a dhealachaidh, agus cuiridh e i san teine, a *ta* fuaidh ìobairt nan tabhartasan-sith.

19 Agus gabhaidh an sagart slinnein Bruich an reithe, agus aon bhreacag neo-ghoirtichte a' bhascaid, agus aon deamagan<sup>4</sup> neo-ghoirtichte; agus cuiridh e *iad* air làmhaidh an Nasaraich, an déigh do ghrùag a dhealachaidh bhi air a bearradh.

20 Agus luaisgidh an sagart *iad* mar thabhartas-luaisgte an làthair an Tigh-

earna; *tha* so naomha do'n t-sagart maille ris an uchd luaisgte, agus maille ris an t-slinnean thogta: agus an déigh sin feudaith an Nasarach fion òl.

21 *Is* e so lagh an Nasaraich, a thug bòid, agus lagh a thabhartais do'n Tighearna air son a dhealachaidh, a thuilleadh air na gheibh a làmh; a réir a bhòid a bhòidich e, mar sin is éigin dha dheanamh, a réir lagh a dhealachaidh.

22 Agus labhair an Tighearna ri Maois, ag ràdh,

23 Labhair ri h-Aaron agus r'a mliac, ag ràdh, Air a' mhodh so beannuichidh sibh clann Israeil, ag ràdh riu,

24 Gu'm beannuicheadh an Tighearn thu, agus gu'n gleidheadh e thu:

25 Gu'n d' thugadh an Tighearn air 'aghaidh dealrachadh ort, agus bitheadh e gràsinnhor dhuit:

26 Gu'n togadh an Tighearna suas a ghnùis ort, agus gu'n d' thugadh e sìth dhuit.

27 Agus cuiridh iad m'ainm air cloinn Israeil, agus beannuichidh mise iad.

#### C A I B. VII.

**A**GUS tharladh air an là anns an do chuir Maois suas am pàillium gu h-ìomlan, agus san d'ung se e, agus san do naomhaich se e, agus 'uidheam<sup>5</sup> uile, araan<sup>6</sup> an altair agus a soitheichean uile, agus san d'ung e iad, agus san do naomhaich e iad;

2 Gu'n d' thug ceannardan<sup>7</sup> Israeil, cionn tighe an aithreacha (eadhon ceannardan nan treubh, a bha os cionn na muinntir a chaidh àireamh) seachad tabhartas:

3 Agus thug iad an tabhartas an làthair an Tighearna, se feunan comhdaichte, agus dà dhamh dheug: feun<sup>8</sup> air son dithis do na ceannardaibh, agus damh air son gach fear dhiubh, agus thug iad air beulaobh a' pàilluin iad.

4 Agus labhair an Tighearna ri Maois, ag ràdh,

5 Gabh uatha *iad*, a chum as gu'm bi iad a dhéanamh seirbhis pàilluin a' choimhthionail; agus bheir thu iad do na Lebhitich, do gach fear a réir a sheirbhis.

6 Agus ghabh Maois na feunan agus na daimh, agus thug e do na Lebhitich iad.

7 Dà fheun agus ceithir daimh thug e do mhic Ghersoin, a réir an seirbhis<sup>9</sup>.

8 Agus ceithir feunan agus ochd daimh thug e do mhic Mherari, a réir an seirbhis, fuaidh làimh Itanair mhic Aaron an t-sagairt.

9 Ach do mhic Chohait cha d' thug e h-aon air bith; a chionn gu'm b'e seirbhis an ionaid naomha a bhuineadh dhoibhsan, gu'n giùlaineadh iad air an guallibh.

10 Agus thug na ceannardan seachad

<sup>1</sup> Emaidh. <sup>2</sup> fhearann. Eir. <sup>3</sup> bheir se e. <sup>4</sup> abhlam. <sup>5</sup> innil, a shoithichean.

<sup>6</sup> agus. Eabl. <sup>7</sup> cionn-feadhna, maithean. <sup>8</sup> feanaidh. <sup>9</sup> am frithealaidh, a' foghlaidh.

tabhartas a chum coisreagaidh na h-altarach, air an là anns an d'ungadh i; thug eadhon na ceannardan seachad an tabhartas air beulaobh na h-altarach.

11 Agus thubhairt an Tighearna ri Maois, Bheir gach ceannard seachad a tabhartas air a là fèin, chum coisreagaidh na h-altarach.

12 Agus esan a thug seachad a tabhartas air a' cheud là, b'è Nahson mac Amminadab do thréibh Iudaih.

13 Agus b'è a tabhartas aon mhias<sup>1</sup> airgid, d'am bu chudhthrom ceud agus deich *seceil* 'ar fhichead, aon chuach<sup>2</sup> airgid do dheich agus trì fichead secel, a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh:

14 Aon spàin do dheich *seceil* òir, làn do thùis:

15 Aon tarbh òg, aon reithe, aon uan do'n cheud bhliadhna, chum iobairt-loisgte:

16 Aon mheann do na gabhraibh chum iobairt pheacaidh:

17 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas Nahsoin mhic Amminadab.

18 Air an dara là thug Nataneel, mac Shuair ceannard Isachair, seachad tabhartas.

19 Thug e seachad mar a tabhartas aon mhias airgid, d'am bu chudhthrom ceud agus deich *seceil* 'ar fhichead, aon chuach airgid do dheich agus trì fichead secel, a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh:

20 Aon spàin òir do dheich *seceil*, làn do thùis:

21 Aon tarbh òg, aon reithe, aon uan do'n cheud bhliadhna, chum iobairt-loisgte:

22 Aon mheann do na gabhraibh chum iobairt pheacaidh:

23 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas Natanecil Mhic Shuair.

24 Air an treas là thug Eliab, mac Heloin ceannard chloinn Shebuluin, seachad tabhartas.

25 B'è a tabhartas-san aon mhias airgid, d'am bu chudhthrom ceud agus deich *seceil* 'ar fhichead, aon chuach airgid do dheich agus trì fichead secel a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh:

26 Aon spàin òir do dheich *seceil*, làn do thùis:

27 Aon tarbh òg, aon reithe, aon uan do'n cheud bhliadhna, chum iobairt-loisgte:

28 Aon mheann do na gabhraibh chum iobairt-pheacaidh:

29 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas Eliab mhic Heloin

30 Air a' cheathramh là thug Elisur mac Shedeuir, ceannard chloinn Reubein, seachad tabhartas.

31 B'è a tabhartas aon mhias airgid do cheud agus deich seceil 'ar fhichead, aon chuach airgid do dheich agus trì fichead secel a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh:

32 Aon spàin òir do dheich *seceil*, làn do thùis:

33 Aon tarbh òg, aon reithe, aon uan do'n cheud bhliadhna, chum iobairt-loisgte:

34 Aon mheann do na gabhraibh chum iobairt-pheacaidh:

35 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas Elisuir mhic Shedeuir.

36 Air a' chùigeadh là thug Selumiel mac Shurisadai, ceannard chloinn Shimeoin, seachad tabhartas.

37 B'è a tabhartas-san aon mhias airgid, d'am bu chudhthrom ceud agus deich *seceil* 'ar fhichead, aon chuach airgid do dheich agus trì fichead secel, a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh.

38 Aon spàin òir do dheich *seceil*, làn do thùis:

39 Aon tarbh òg, aon reithe, aon uan do'n cheud bhliadhna, chum iobairt-loisgte:

40 Aon mheann do na gabhraibh chum iobairt-pheacaidh:

41 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas Shelumiel mhic Shurisadai.

42 Air an t-seathadh là thug Eliasaph mac Dheueil, ceannard chloinn Ghad, seachad tabhartas.

43 B'è a tabhartas-san aon mhias airgid, d'am bu chudhthrom ceud agus deich *seceil* 'ar fhichead, aon chuach airgid do dheich agus trì fichead secel, a réir seceil an ionaid naomha, iad le chéile làn do phlùr mìn measgta le h-oladh, chum tabhartais-bidh:

44 Aon spàin òir do dheich *seceil*, làn do thùis:

45 Aon tarbh òg, aon reithe, aon uan do'n cheud bhliadhna, chum iobairt-loisgte:

46 Aon mheann do na gabhraibh chum iobairt-pheacaidh:

47 Agus a chum iobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. B'è so tabhartas as Eliasaph mhic Dheueil.



48 Air an t-seachdamh là *thug* Elisama mac Amihuid, ceannard chloinn Ephraim, *seachad tabhartas*.

49 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel, a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

50 Aon spàin òir do dheich *seceil*, làn do thùis:

51 Aon tarbh òg, aon reithe, aon uan do'n cheud bhliadhna, chum ìobairt-loisgte:

52 Aon mheann do na gabhraibh chum ìobairt-pheacaidh:

53 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Elisama mhic Amihuid.

54 Air an ochdamh là *thug* Gamaliel mac Phedahsuir, ceannard chloinn Mhanaseih, *seachad tabhartas*.

55 *B'e* a thabhartas-san aon mhias airgid do cheud agus deich *seceil* 'ar fhichead, aon chuach airgid do dheich agus tri fichead secel a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

56 Aon spàin òir do dheich *seceil*, làn do thùis:

57 Aon tarbh òg, aon reithe, aon uan do'n cheud bhliadhna, chum ìobairt-loisgte:

58 Aon mheann do na gabhraibh chum ìobairt-pheacaidh:

59 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Ghamaliel mhic Phedahsuir.

60 Air an naothadh là, *thug* Abidan mac Ghideoni, ceannard chloinn Bheniamin, *seachad tabhartas*.

61 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel, a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

62 Aon spàin òir do dheich *seceil*, làn do thùis:

63 Aon tarbh òg, aon reithe, aon uan do'n cheud bhliadhna, chum ìobairt-loisgte:

64 Aon mheann do na gabhraibh chum ìobairt-pheacaidh:

65 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Abidain mhic Ghideoni.

66 Air an deicheamh là *thug* Ahieser mac Amisadai, ceannard chloinn Dhan, *seachad tabhartas*.

67 *B'e* a thabhartas san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich

agus tri fichead secel, a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

68 Aon spàin òir do dheich *seceil*, làn do thùis:

69 Aon tarbh òg, aon reithe, aon uan do'n cheud bhliadhna, chum ìobairt-loisgte:

70 Aon-mheann do na gabhraibh chum ìobairt-pheacaidh:

71 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Ahieser mhic Amisadai.

72 Air an aon là deug *thug* Pagiel mac Ocrain, ceannard chloinn Ascir, *seachad tabhartas*.

73 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

74 Aon spàin òir do dheich *seceil*, làn do thùis:

75 Aon tarbh òg, aon reithe, aon uan do'n cheud bhliadhna, chum ìobairt-loisgte:

76 Aon mheann do na gabhraibh chum ìobairt-pheacaidh:

77 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Phagiel mhic Ocrain.

78 Air an dara là deug, *thug* Ahira mac Enain, ceannard chloinn Naphtali, *seachad tabhartas*.

79 *B'e* a thabhartas-san aon mhias airgid, d'am bu chudthrom ceud agus deich *seceil* 'ar fhichead, aon chuach airgid do dheich agus tri fichead secel, a réir seceil an ionaid naomha, iad le chéile làn do phlùr mín measgta le h-oladh, chum tabhartais-bidh:

80 Aon spàin òir do dheich *seceil*, làn do thùis:

81 Aon tarbh òg, aon reithe, aon uan do'n cheud bhliadhna, chum ìobairt-loisgte:

82 Aon mheann do na gabhraibh chum ìobairt-pheacaidh:

83 Agus a chum ìobairt nan tabhartas-sith, dà tharbh, cùig reitheachan, cùig buic-gaibhre, cùig uain do'n cheud bhliadhna. *B'e* so tabhartas Ahira mhic Enain.

84 *B'e* so coisreagadh na h-altarach (sàr là anns an d'ungadh i) le ceannardaibh Israeil: dà mhias dheug airgid, dà chuach dheug airgid, dà spàin dheug òir:

85 Bu chudthrom do gach meis airgid ceud agus deich *seceil* 'ar fhichead, agus do gach cuaich deich agus tri fichead: *B'e* cudthrom nan soithichean airgid uile, dà mhìle agus ceithir cheud *seceil*, a réir seceil an ionaid namha.

86 *Bha* dà spàin dheug òir ann, làn do

thùis, cudthrom gach aon fa leth deich seiceil a réir seiceil an ionaid naomha: *b'e* òr nan spàinean uile ceud agus fichead *seiceil*.

87 *B'iad* na tairbh uile chum ìobairt-loisgte dà tharbh dheug, na reitheachan a dhà-dheug, na h-uain do'n cheud bhliadhna dhà-dheug, maille r'an tabhartas-bidh: agus na minn do na gabhraibh chum ìobairt-pheacaidh dhà-dheug.

88 Agus *b'iad* na tairbh uile chum ìobairt nan tabhartas-sìth, ceithir tairbh 'ar fhichead, na reitheachan trì fichead, na buic-gaibhre trì fichead, na h-uain do'n cheud bhliadhna trì fichead. *B'e* so coisreagadh na h-altarach an déigh dh'i bhí air a h-ungadh.

89 Agus an uair a chaidh Maois a steach do phàillium a' choimhthionail, a labhair ris: 'an sin chual e guth *aon* a' labhairt ris o uachdar cathair-na-tròcair a *bha* os cionn àire na fianuis, o eadar an dà cherub: agus labhair e ris.

## CAIB. VIII.

**A** GUS labhair an Tighearna ri Maois, ag ràdh,

2 Labhair ri h-Aaron, agus abair ris, 'Nuair a lasas tu na lòchrain, bheir na seachd lòchrain solus uatha thall fa chomhair a' choinnleir.

3 Agus rinn Aaron mar sin; las e a lòchrain thall fa chomhair a' choinnleir; mar a dh'àithn an Tighearna do Mhaois.

4 Agus *b'e* so obair a' choinnleir: *bha e* dh'òr buailte gu nuig a chas, gu nuig a bhàthan *bha e* dh'obair bhualte: a réir an t-samhlaidh a nochd an Tighearna do Mhaois, mar sin rinn e 'n coinnleir.

5 Agus labhair an Tighearna ri Maois, ag ràdh,

6 Gabh na Lebhithich o mheasg chloinn Israeil, agus glan iad.

7 Agus mar so ni thu riu, chum an glanadh: crath uisge glanaidh orra, agus thugadh iad ealtainn thar<sup>2</sup> am feoil uile, agus nigheadh iad an eudach, agus *mar sin* deanadh iad glan iad féin.

8 An sin gabhadh iad tarbh òg maille r'a thabhartas-bidh, *eadhon* plùr min measgta le h-òladh, agus tarbh òg eile gabhadh tu chum ìobairt-pheacaidh.

9 Agus bheir thu na Lebhithich air beulaobh pàillium a' choimhthionail: agus crùinnichidh tu coimhthionail chloinn Israeil uile an ceann a' chéile:

10 Agus bheir thu na Lebhithich an làthair an Tighearna, agus cuiridh clann Israeil an làmh an air na Lebhithich:

11 Agus luaisgidh Aaron na Lebhithich ann an làthair an Tighearna, *mar* thabhartas luaisgte o chloinn Israeil; a chum as gu'n deau iad seirbhis an Tighearna.

12 Agus cuiridh na Lebhithich an làmh

an air cinn nan tarbh; agus ìobraidh tu li-aon *diubh mar* ìobairt-pheacaidh, agus am fear eile *mar* ìobairt-loisgte do'n Tighearna, a dheanamh réite air son nan Lebhithich.

13 Agus cuiridh tu na Lebhithich an làthair Aaron, agus an làthair a mhac, agus luaisgidh tu iad *mar* thabhartas-luaisgte do'n Tighearna.

14 Mar so sgaraidh tu na Lebhithich o mheasg chloinn Israeil; agus bithidh na Lebhithich leamsa.

15 Agus na dhéigh sin théid na Lebhithich a steach a dheanamh seirbhis pàillium a' choimhthionail; agus glanaidh tu iad, agus luaisgidh tu iad *mar* thabhartas-luaisgte:

16 Oir thugadh dhomhsa gu h-ìomlan iad o mheasg chloinn Israeil; an àite gach aon a dh'fhosglaas a' bhrù, *eadhon an àite* ceud-ghin chloinn Israeil uile, ghabh mi dhomh iad.

17 Oir is leamsa uile cheud-ghin chloinn Israeil, *arson* duine agus ainmhidh: san là air an do bhuail mi gach ceud-ghin ann an tìr na h-Eiphit, naoinhaich mi iad dhomh féin.

18 Agus ghabh mi na Lebhithich an àite uile cheud-ghin chloinn Israeil.

19 Agus thug mi na Lebhithich mar thiodhlac do Aaron, agus d'a mhic. o mheasg chloinn Israeil, a dheanamh seirbhis chloinn Israeil ann am pàillium a' choimhthionail, agus a dheanamh réite air son chloinn Israeil; a chum as nach bi plàigh sam bith ann measg chloinn Israeil, an uair a thig clann Israeil am fagus do'n ionad naomha.

20 Agus rinn Maois agus Aaron, agus coimhearchinneach chloinn Israeil uile ris na Lebhithich a réir gach nì a dh'àithn an Tighearna do Mhaois, a thaobh nan Lebhithich, mar sin rinn clann Israeil riu.

21 Agus ghlanadh na Lebhithich, agus nigh iad an eudach; agus thug Aaron suas<sup>3</sup> iad *mar* thabhartas an làthair an Tighearna; agus rinn Aaron réite air an son a chum an glanadh.

22 Agus an déigh sin chaidh na Lebhithich a steach a dheanamh an seirbhis ann am pàillium a' choimhthionail an làthair Aaron agus an làthair a mhac: mar a dh'àithn an Tighearna do Mhaois a thaobh nan Lebhithich, mar sin rinn iad rin.

23 Agus labhair an Tighearna ri Maois, ag ràdh,

24 *Is e so an nì a bhuineas* do na Lebhithich: o chùig bliadhna fichead a dh'aois, agus os a cheann, théid iad a steach a dh'fheitheamh air seirbhis pàillium a' choimhthionail.

25 Agus o aois leth-cheud bliadhna

<sup>1</sup> ri Dia.<sup>2</sup> bearradh iud.<sup>3</sup> d'ofrail Aaron.



sguiridh iad a dh'fheitheamh air a sheirbhis, agus cha dean iad seirbhis ni 's mo :

26 Ach frithcilidh iad maille r'am bràithribh ann am pàillium a' choimhthionail a ghleidheadh a chùraim, agus cha dean iad seirbhis sam bith eile. Mar 'sò ni thu ris na Lebhithich a thaobh an cùraim.

## CAIB. IX.

**A**GUS labhair an Tighearna ri Maois ann am fàsach Shinai, sa' cheud mhìos do'n dara bliadhna, an dèigh dhoibh teachd a mach a' tìr na h-Eiphit, ag ràdh,

2 Cumadh mar an ceudna clann Israeil a' chàisg na h-am suidhichte fèin.

3 Sa' cheathramh là deug do'n mhìos so air feasgar<sup>1</sup>, cumaidh sibh i na h-am suidhichte fèin, a réir a h-ordnighean uile, agus a réir a dcas-ghnàthan uile cumaidh sibh i.

4 Agus labhair Maois ri cloinn Israeil, iad a chumail na càisge.

5 Agus chum iad a' chàisg air a' cheathramh là deug do'n cheud mhìos air feasgar, ann am fàsach Shinai: a réir gach nì a dh'àithn an Tighearna do Mhaois, mar sin rinn clann Israeil.

6 Agus bha daoine àraidh a shalaichadh le corp duine mhairbh, air chor as nach b'urrainn iad a' chàisg a chumail air an là sin: agus thàinig iad an làthair Mhaois, agus an làthair Aaroin air an là sin.

7 Agus thubhairt na daoine sin ris, *Tha sinne air ar salachadh le corp duine mhairbh: e'ar son a chumar air ar n-ais sinn, a chuin as nach feud sinn tabhartas an Tighearna thoirt seachad na àm suidhichte fèin am measg ehlòinn Israeil?*

8 Agus thubhairt Maois riu, *Scasaibh an sin, agus cluinnidh mise ciod a dh'àithneas an Tighearna d'ar taobh.*

9 Agus labhair an Tighearna ri Maois, ag ràdh,

10 Labair ri cloinn Israeil, ag ràdh, Ma bhios duine sam bith dhihbh, no d'ar sliochd air a shalachadh le corp marbh, no *ma bhios e* air thurus fad air astar, gidheadh cumaidh e chàisg do'n Tighearna.

11 Sa' cheathramh là deug do'n dara mìos air feasgar cumaidh iad i: le h-aran neo-ghoirtichte, agus le *tusaibh* searbhathidh iad i.

12 Cha 'n fhàg iad a' bheag dhith gu maduinn, nì mò a bhriseas iad cnàimh dhith: a réir uile orduighcan na càisge cumaidh iad i.

13 Ach an duine a *ta glan*, agus nach 'eil air thurus, agus a dhearmadas a' chàisg a chumail; gearrar cadhlon an t-anam sin fèin as o' shluagh, a chionn nach d'thug e seachd tabhartas an Tighearna na àm suidhichte: giùlainidh an duine sin a pheacadh.

14 Agus ma bhios coigreach air chuairt 'nar measg, agus gu'n cum e chàisg do'n

Tighearna, a réir orduigh na càisge, agus a réir a gnàtha, mar sin nì e: bithidh aon orduigh agaibh araon air son a' choigrich, agus air a shon-sau, a rugadh san tìr.

15 Agus air an là anns an do thogadh suas am pàillium, chòmhdaich an neul am pàillium, *eadhon* bùth na fianuis; agus air feasgar bha air a' phàillium mar gu'm bu choslas<sup>2</sup> teine gus a' mhaduinn.

16 Mar sin bha e ghuàth: chòmhdaich an neul e *san là*, agus coslas teine san oidhche.

17 Agus an uair a thogadh an neul suas o'n phàillium, an sin gun dàil ghabh elann Israeil an turus: agus san ionad anns an do stad an neul, ann an sin champaich clann Israeil.

18 Air àithne an Tighearna ghabh clann Israeil an turus, agus air àithne an Tighearna champaich iad: am feadh 's a dh'fhan an neul air a' phàillium, dh'fhan iad nam bùthaibh.

19 Agus an uair a dh'fhan an neul air a' phàillium mòran do laithibh, an sin ghlcidh clann Israeil freasdal<sup>3</sup> an Tighearna, agus cha d'imich iad.

20 Agus an uair a bha an neul beagan do laithibh air a' phàillium, a réir àithne an Tighearna dh'fhan iad nam bùthaibh, agus a réir àithne an Tighearna ghabh iad an turus.

21 Agus an uair a dh'fhan an neul o' fheasgar gu maduinn, agus a thogadh an neul suas sa' mhaduinn, an sin ghabh iad an turus: ma b'ann san là no san oidhche<sup>4</sup> a thogadh an neul suas, ghabh iad an turus.

22 No co dhiubh a b'ann dà là, no mìos, no bliadhna dh'fhan an neul air a' phàillium, a' fuireach air, dh'fhan clann Israeil nam bùthaibh, agus eha d'imich iad: ach an uair a thogadh suas e, ghabh iad an turus<sup>4</sup>.

23 A réir àithne an Tighearna dh'fhan iad nam bùthaibh, agus a réir àithne an Tighearna ghabh iad an turus; ghlaidh iad freasdal an Tighearna a réir àithne an Tighearna le làimh Mhaois.

## CAIB. X.

**A**GUS labhair an Tighearna ri Maois, ag ràdh,

2 Dean dhuit fèin dà thrompaid airgid: a dh'aon nhir nì thu iad; agus gnàthaichidh tu iad a ghairm a' choimhthionail, agus a chum turuis<sup>5</sup> nan camp.

3 Agus an uair a shéideas iad leo, cruinnichidh an coimhthional uile iad fèin a't' ionnsuidh aig dorus pàillium a' choimhthional.

4 Agus mur séid iad *ach* le h-aon trompaid, an sin cruinnichidh na ccannardan, *ta* nan cinn-fheadhna air mhìtibh Israeil, iad fèin a't' ionnsuidh.

<sup>1</sup> eadar an dà fheasgar. Eabh. <sup>2</sup> chosamhlas.

<sup>3</sup> eùram, earbsadh. <sup>4</sup> thriall iad. <sup>5</sup> gluasad.

5 'Nuair a shéideas sibh caismeachd<sup>1</sup>, an sin théid na campan a ta nan luidh air taobh na h-airde 'n ear air an aghaidh.

6 'Nuair a shéideas sibh caismeachd an dara uair, an sin théid na campan a ta nan luidh air taobh na h-airde deas air an aghaidh: séididh iad caismeachd a chum an turusan.

7 Ach an uair a tha 'n coimhthional gu bhí air a chruinneachadh an ceann a chéile, séididh sibh, ach cha séid sibh caismeachd.

8 Agus séididh mic Aaroin na sagartan leis na trompaidibh; agus bithidh iad dhuibh<sup>2</sup> mar reachd sìorruidh air feadh bhur ginealach.

9 Agus ma théid sibh gu cogadh nar dùthaich an aghaidh an nàmhaid, a ta deanamh foirneart oirbh, an sin séididh sibh caismeachd leis na trompaidibh; agus cuimhnichear sibh an làthair an Tighearna bhur Dé, agus saorar sibh o bhur naimh-dibh.

10 Mar an ceudna ann an là bhur subhachais, agus nar n-ard laithibh féille, agus ann an toiseach bhur mìos, séididh sibh leis na trompaidibh os cionn bhur n-ìob-airte-loisgte, agus os cionn ìobairte bhur tabhartasan-sìth; agus bithidh iad dhuibh mar chuimhneachan an làthair bhur Dé: Is mise an Tighearna bhur Dia.

11 Agus tharladh air an fhicheadamh là do'n dara mìos, san dara bliadhna, gu'n do thogadh suas an neul o uachdar pàilliuin na fianuis.

12 Agus ghabh clann Israeil an turusan a fàsach Shìnai; agus stad an neul ann am fàsach Pharain.

13 Agus ghabh iad air tùs an turus, a réir àithne an Tighearna le làimh Mhaois.

14 Sa' cheud àite dh'imich bratach chaimp chloinn Iudaib, a réir an armailtean; agus air ceann a shlòigh bha Nahson mac Ammin-adaib.

15 Agus air ceann slòigh thréibh chloinn Isachair bha Natancel mac Shuair.

16 Agus air ceann slòigh thréibh chloinn Shebuluin bha Eliab mac Helom.

17 Agus thugadh a nuas am pàilliuin; agus chaidh mic Gheroin, agus mic Mherari air an aghaidh, a' giùlan a' phàilliuin.

18 Agus ghluais bratach chaimp Reubein air a h-aghaidh a réir an armailtean; agus air ceann a shlòigh bha Elisur mac She-deuir.

19 Agus air ceann slòigh thréibh chloinn Shimeoin bha Selumiel mac Shurisadai.

20 Agus air ceann slòigh thréibh chloinn Ghad, bha Eliasaph mac Dheuil.

21 Agus chaidh na Cohataich air an aghaidh, a' giùlan an ionaid naomha, agus

chuireadh suas am pàilliuin air cheann doibh teachd.

22 Agus ghluais bratach chaimp chloinn Ephraim air a h-aghaidh a réir an armailtean: agus air ceann a shlòigh bha Elisama mac Amihuid.

23 Agus air ceann slòigh thréibh chloinn Mhanaseh bha Gamaliel mac Phedahsuir.

24 Agus air ceann slòigh thréibh chloinn Bheniamin bha Abidan mac Ghideon.

25 Agus chaidh bratach thréibh chloinn Dhan air a h-aghaidh, a bha air deireadh nan campan uile air feadh an slòigh: agus air ceann a shlòigh bha Ahieser mac Amisadai.

26 Agus air ceann slòigh thréibh chloinn Aseir, bha Pagiel mac Ocrain.

27 Agus air ceann slòigh thréibh chloinn Naphtali, bha Ahira mac Enain.

28 B' iad sin turusan chloinn Israeil, a réir an armailtean, 'nuair a ghluais iad air an aghaidh.

29 Agus thubhairt Maois ri Hobab mac Raguel a' Mhidianaich, athar-céile Mhaois. Tha sinn air ar turus a chum an àite m'an dubhairt Dia, Bheir mi dhuibh e: thig-thusa maille ruinn, agus nì sinn math dhuit; oir labhair an Tighearna math a thaobh Israeil.

30 Agus thubhairt e ris, Cha d' théid mi maille ribh: ach imichidh mi chum mo dhùthcha féin, agus a chum mo dhilsean<sup>3</sup> féin.

31 Agus thubhairt e, Na fàg sinn, guidheam ort, oir tha fhios agad cionnas a champaicheas sinn anns an fhàsach, agus bithidh tu dhuinn an àite shùl<sup>4</sup>.

32 Agus tarlaidh, ma théid thu maille ruinn, seadh, tarlaidh, ge b'e math a nì Dia dhuinne, gu'n dean sinne an math ceudna dhuitse.

33 Agus dh'imich iad o shliabh<sup>5</sup> an Tighearna astar thri laithean: agus chaidh àire coimhcheangail an Tighearna rompa astar thri laithean, a rannsachadh a mach àite tàimh dhoibh.

34 Agus bha neul an Tighearna orra san là, 'nuair a chaidh iad a mach as a' champ.

35 Agus tharla 'nuair a bha 'n àire gu dol air a h-aghaidh, gu'n dubhairt Maois, Eirich suas, a Thighearna, agus biodh do naimhdean air an sgapadh, agus teicheadh a' mhuinntir leis an fuathach thu romhad.

36 Agus an uair a stad i, thubhairt e, Pill, a Thighearna, chum nam mìlte<sup>6</sup> do mhiltibh Israeil.

## CAIB. XI.

**A** GUS an uair a rinn an slagh gearan, a mhi-thaitin e ris an Tighearna: agus chual' an Tighearn e; agus las 'fhearg; agus loisg teine an Tighearna nam measg.

<sup>1</sup> cath-shuaim. <sup>2</sup> bithidh e dhuibh. <sup>3</sup> mo chinnich. <sup>4</sup> cionnus a champaich sinn anns an

fhàsach, agus bha thu dhuinne an àite shùl bheinn. <sup>6</sup> nan deich mìlte. Eabhl.



agus chuir e as doibhsan, a bha 'n iomall a' chainip.

2 Agus ghlaodh an sluagh ri Maois: agus an uair a rinn Maois ùrnuigh ris an Tighearna, choisgeadh<sup>1</sup> an teine

3 Agus thug e Taberah mar ainm air an àite sin; a chionn gu'n do loisg teine an Tighearna nam measg.

4 Agus ghlac ciocras<sup>2</sup> an cumasg shuaigh<sup>3</sup> a bha nam measg: agus ghuil mar an ceudna clann Israeil a ris, agus thubhairt iad, Cò bheir dhuinn feoil r'a h-ithedh?

5 Is cuimhne leinn an t-iasg a dh'ith sinn san Eiphit gu saor<sup>4</sup>; na cularain<sup>5</sup>, agus na meallbhucain<sup>6</sup>, agus na léicis, agus na h-uinneinean, agus an creamh<sup>7</sup>.

6 Ach a nis tha ar n-anam air tiorrachadh: cha 'n eil ni air bith againn ach am mana so nar sealladh.

7 Agus bha am mana cosmhuil ri fras coriandeir, agus a dhath mar dhath bdelium.

8 Chaidh an sluagh m'an cuairt, agus thionail iad e, agus mheil<sup>8</sup> iad e ann am muilnibh, no phronn iad e ann am mort-air<sup>9</sup>, agus bhruidh iad e ann an aighnibh, agus rinn iad breacagan deth: agus bha 'bhlas mar bhlas olaidh ùir.

9 Agus mar an uair a thuit an drùchd<sup>10</sup> air a' champ san oidhche, thuit am mana air.

10 An sin chuala Maois an sluagh a' gul tre 'n teaghlachibh, gach duine ann an dorus a bhùtha: agus lasadh fearg an Tighearna gu mòr; bha Maois mar an ceudna diomach<sup>11</sup>.

11 Agus thubhairt Maois ris an Tighearna, C'ar son a bhuin thu gu h-olc ri d' sheirbhiseach? agus c'ar son nach d'fhuair mi deagh-ghean<sup>12</sup> a'd' shealladh, gu'n do leag thu eireadh<sup>13</sup> an t-sluaigh so uile orm?

12 Am mise a ghin an sluagh so uile? an ann domh a rugadh iad, gu'n abradh tu rium, Giùlain a'd' uchd iad (mar a ghiùl-aineas oid'-altruim leanabh na cìche) chum an fhearainn a n'hionnaich thu d'an aithreachailh?

13 Cia as a gheibhinn-sa feoil gu tabhairt do'n t-sluaigh so uile? oir tha iad a' gul rium, ag ràdh, Thoir dhuinn feoil, a chum as gu'n ith sinn?

14 Cha'n urrainn mise cudthrom an t-sluaigh so uile a ghiùlan a'm aonar, a chionn gu bheil e ro throm air mo shon.

15 Agus na bhuineas tu rium mar so, marbh mi, guidheam ort, as an làimh, ma fhuair mi deagh-ghean a'd' shealladh; agus na faiceam mo thruaighe.

16 Agus thubhairt an Tighearna ri Maois, Cruinnich dhomhsa deich agus tri fichead fear do sheanairibh Israeil, muinntir

a's aithne dhuit a bhi nan seanairibh an t-sluaigh, agus nan luchd-riaghlaidh os an ceann; agus thoir iad gu pàilliuin a' choimhthionail, a chum as gu'n seas iad an sin maille riut.

17 Agus thig mise nuas agus labhraidh mi riut an sin: agus gabhaidh mi do'n spiorad a ta ortsa, agus cuiridh mi orra-san e: agus giùlainidh iad eallach an t-sluaigh maille riut, a chum as nach giùlain thu fèin e a'd' aonar.

18 Agus abair ris an t-sluaigh, Naomh-aichibh sibh fèin air cheann an là nàireach, agus ithidh sibh feoil; (oir ghuil sibh ann an èisdeachd<sup>14</sup> an Tighearna, ag ràdh, Cò bheir dhuinn feoil r'a h-ithedh? oir bu mha' ar cor san Eiphit) uime sin, bheir an Tighearna feoil dhuibh, agus ithidh sibh.

19 Cha'n ith sibh aon là, no dà là, no cùig laithean, no déich laithean, no fichead là;

20 Ach eadhon mìos iomlan, gus an d' thig i mach a cuinneinibh bhuir sìon, agus gu'm bi i gràineil duibh: a chionn gu'n d'rinn sibh tàir air an Tighearna, a ta nar measg, agus gu'n do ghuil sibh na lathair, ag ràdh, C'ar son a thàinig sinn a mach as an Eiphit?

21 Agus thubhairt Maois, Tha'n sluagh am measg am bheil mise, nan sè ce' d' nùle coisiche; agus thubhairt thu, Bheir mi dhoibh feoil, a chum as gu'n ith iad rè mìos iomlain.

22 Am marbhar na caoraich agus am buar dhoibh, chum an sàsachadh? no an cruinnichar iasg na mara uile r'a chéile dhoibh, chum an sàsachadh?

23 Agus thubhairt an Tighearna ri Maois, Am bheil làmh an Tighearna air fàs goirid? chi thus' a nis an d' thig no nach d' thig m'fhocal gu crìch dhuit.

24 Agus chaidh Maois a mach, agus dh'innis e do'n t-sluaigh focail an Tighearna, agus cruinnich e an deich agus an tri fichead do sheanairibh an t-sluaigh, agus thug e orra seasamh mu thimchioll a' phàilliuin.

25 Agus thàinig an Tighearna a nuas ann an neul, agus labhair e ris, agus ghabh e do'n spiorad a bha air, agus thug se e do'n deich agus an tri fichead seanair: agus tharla, nuair a ghabh an spiorad còmhnuidh orra, gu'n d'rinn iad fàidheadoir-eachd, agus nach do sguir iad<sup>15</sup>.

26 Ach dh'fhan dithis do na daoineibh sa' champ; b'e ainm a h-aon diubh Eldad, agus ainm an fhir eile Medad: agus ghabh an spiorad còmhnuidh orra, (agus bha iad dhiubhsan a chaidh sgrìobhadh, ach cha

<sup>1</sup> mhùchadh. <sup>2</sup> miann. <sup>3</sup> an sluagh measgta. <sup>4</sup> a nasgaidh. <sup>5</sup> cucumbers. Sàsg. <sup>6</sup> melons. Sàsg. <sup>7</sup> garlick. Sàsg. <sup>8</sup> bheileth. <sup>9</sup> bràth-spiorsaidh. <sup>10</sup> drùchd. <sup>11</sup> diom-buidh-

each. <sup>12</sup> fàbhor. <sup>13</sup> eallach, cudthrom. <sup>14</sup> ann an cluasaibh. Eabh. <sup>15</sup> nach d'rinn na b'fhaide.

deachaidh iad a mach do'n phàillium) agus rinn iad fàidheadoireachd sa' champ.

27 Agus ruidh òganach, agus dh'innis e do Mhaois, agus thubhairt e, *Tha Eldad agus Medad ri fàidheadoireachd sa' champ.*

28 Agus fhreagair Iosua mac Nun, seirbhiseach Mhaois, aon d'a òganachaidh, agus thubhairt e, Mo thighearn, a Mhaois, bac iad.

29 Agus thubhairt Maois ris, Am bheil fàrmad ort air mo shon-sa? Is e mo ghuidhe ri Dia gu'n biodh sluagh an Tighearn uile nam fàidhibh, agus gu'n cuireadh an Tighearn a spiorad orra.

30 Agus chaidh Maois do'n champ, e fèin agus seanairean Israeil.

31 Agus chaidh gaoth a mach o'n Tighearna, agus thug i gearra-goirt o'n fhainge, agus leig i leo tuiteam làimh ris a' champ, mar astar là air an taobh so, agus mar astar là air an taobh eile, m'an cuairt air a' champ, agus mar dhà làimh-choille *air àirde*, air aghaidh na talmhainn.

32 Agus shcas an sluagh suas air an là sin uile, agus air an oidhche sin uile, agus air an là a b'fhaigse uile, agus thionail iad na gearra-goirt: esan bu lugha a thionail, thionail e deich homeir, agus sgaoil iad gu farsaing doibh fèin iad mu thimchioll a' chaimp.

33 'Nuair a bha 'n fheoil fathast eadar am fiacra, mun do chagnadh i, lasadh fearg an Tighearn an aghaidh an t-sluaigh, agus bhuail an Tighearn an sluagh le plàigh-ro-mhòir.

34 Agus thug e Cibrot-hataabhah mar ainm air an àite sin; a chionn ann an sin gu'n d'adhlac iad an sluagh a mhiannaich.

35 Agus dh'imich an sluagh o Chibrot-hataabhah gu Haserot: agus dh'fhan iad ann an Haserot.

## CAIB. XII.

**A**GUS labhair Miriam agus Aaron an aghaidh Mhaois air son na mnà o Etiopia, a phòs e: oir bha e air pòsadh mnà o Etiopia.

2 Agus thubhairt iad, An do labhair an Tighearn da rircadh le Maois a mhàin? nach do labhair e mar an ceudna leinne? agus chual' an Tighearn e.

3 (A nis bha 'n duine Maois ro-chiuin<sup>2</sup>, thar nan uile dhaoine a bha air aghaidh na talmhainn)

4 Agus labhair an Tighearna gu grad ri Maois, agus ri h-Aaron, agus ri Miriam, Thigibh a mach sibhse nar triuir gu pàillium a' choinmhionail. Agus thàinig iad nan triuir a mach

5 Agus thàinig an Tighearna nuas ann am meall neoil, agus sheas e ann an doras a' phàillium, agus ghairm e air Aaron agus Miriam: agus thàinig iad le chèile a mach

6 Agus thubhairt e, Eisdibh a nis ri m' bhriathraibh-sa: Ma tha fàidh nar measg, ni mise an Tighearna mi fèin aithnichte dhia ann an taisbeanadh<sup>3</sup>, agus labhraidh mi ris ann am brúadar.

7 Cha 'n 'eil mo sheirbhiseach Maois mar sin, a tha firinnach<sup>4</sup> ann am thigh uile.

8 Beul ri beul labhraidh mi ris-san, eadhon gu soilleir, agus cha 'n ann am briathraibh dorch, agus coslas an Tighearna chi e: c'ar son ma ta nach robh eagal oirbh labhairt an aghaidh mo sheirbhisich Mhaois?

9 Agus las fearg an Tighearna nan aghaidh, agus dh'fhalbh e.

10 Agus dh'fhalbh an neul bhàrr a' phàillium, agus feuch, *rinn*eadh Miriam na lobhar, *geal* mar shneachda: agus dh'amhairc Aaron air Miriam, agus feuch, *bha i* na lobhar.

11 Agus thubhairt Aaron ri Maois, Och! mo Thighearna, guidheam ort, na cuir am peacadh as ar leth<sup>5</sup>, leis an d'rinn sinn gu h-amaidheach, agus leis an do pheacach sinn.

12 Na biodh i mar aon marbh, d'am bheil an fheoil air a leth-chaitheamh, 'nuair a thig e mach a broinn a mballhar.

13 Agus ghlaodh Maois ris an Tighearna, ag ràdh, Leighis i nis, O Dhé, guidheam ort.

14 Agus thubhairt an Tighearna ri Maois, Nan tilgeadh a h-athair ach smugaid na h-eudan, nach bu chòir dh'i bhi fa nàire seachd laithean? druidear a mach o'n champ i rè shìcachd laithean, agus na dhéigh sin gabhar a steach i ris.

15 Agus dhruideadh Miriam a mach o'n champ seachd laithean: agus cha do ghabh an sluagh an turas, agus an d'thugadh Miriam a steach a ris.

16 Agus na dhéigh sin dh'imich an sluagh o Haserot, agus champaich iad ann am fàsach Pharaìn.

## CAIB. XIII.

**A**GUS labhair an Tighearna ri Maois, ag ràdh,

2 Cuir daoine uait, a chum as gu'n rannsaich iad tìr Chanaain, a blicir mise do chloinn Israeil; as gach uile thréibh d'an aithreachaibh cuiridh sibh duine, gach aon *duibh* na cheannard nam measg.

3 Agus chuir Maois iad o fhàsach Pharaìn, a réir àithne an Tighearna: bu cheannardan na daoine sin uile air cloinn Israeil.

4 Agus is iad so an ainmeanna: Do thréibh Reubein, Samua mac Shacuir.

5 Do thréibh Shimeoin, Saphat mac Hori.

6 Do thréibh Iudaih, Caleb mac Iephuneh.

<sup>1</sup> quails. Sasg.<sup>2</sup> ro-shèimh.<sup>3</sup> foillseachadh, tuibhse.<sup>4</sup> tairis, dileas. peacadh oirnn.<sup>5</sup> na leig, na càirich am



7 Do thréibh Isachair, Igal mac Ioseph.

8 Do thréibh Ephraim, Osea mac Nun.

9 Do thréibh Bheniamin, Palti mac Raphu.

10 Do thréibh Shebuluin, Gadiel mac Shodi.

11 Do thréibh Ioseph, eadhon, do thréibh Mhanaseh, Gadi mac Shusi.

12 Do thréibh Dhan, Amiel mac Ghemali.

13 Do thréibh Aseir, Setur mac Mbichael.

14 Do thréibh Naphtali, Nahbi mac Uopsi.

15 Do thréibh Ghad, Geuel mac Mhachi.

16 Is iad sin ainmeanna nan daoine a chuir Maois a ghabhail beachd air an fhearann: Agus thug Maois Iehosua mar ainm air Osea mac Nun.

17 Agus chuir Maois iad a ghabhail beachd air talamh Chanaain, agus thubhairt e riu, Rachailh suas *san t-slighe* so mu dheas, agus gabhailh suas a chum na beinne:

18 Agus faicibh am fearann ciod e, agus an sluagh a ta nan còmhnuidh ann, am *bheil* iad làidir ne anfhann, tearc no lionmhor:

19 Agus ciod e am fearann anns am *bheil* iad a còmhnuidh, am *bheil* e math no olc: agus ciod iad na bailte anns am *bheil* iad nan còmhnuidh, an ann am bùthaibh, no ann an daingneachaibh<sup>1</sup> làidir;

20 Agus ciod e an talamh<sup>2</sup>, am *bheil* e reamhar no caol<sup>3</sup>, am *bheil* coille ann no nach 'eil. Agus biodh agaibh deagh mhisneach, agus thugaibh leibh do thoradh an fhearainn (a nis *b'c* 'n t-àm àm nan ceud dhearca-rìona abuibh.)

21 Mar sin chaidh iad suas, agus rannsaich iad am fearann o fhàsach Shin, gu Rehob, mar a théid daoine gu Hamat.

22 Agus chaidh iad suas mu dheas, agus thàinig iad gu Hebron, far an robh Ahiman, Sesai, agus Talmai, mic Anaic. (a nis thogadh Hebron seachd bliadhnan roimh Shoan san Eiphit.)

23 Agus thàinig iad gu sruth<sup>4</sup> Escoil, agus ghearr iad sìos as sin geug le àon bhagaide fhìon-dhearc, agus ghiùlain iad i eadar dhithis air luirg: agus thug iad leo do na pomgranadaibh, agus do na figisibh.

24 Thugadh sruth Escoil mar ainm air an àite sin, air son a' bhagaide fhìon-dhearc, a ghearr clann Israeil sìos as sin.

25 Agus phill iad o rannsachadh an fhearainn an déigh dhà fhichead là.

26 Agus dh'imich iad, agus thàinig iad gu Maois agus gu h-Aaron, agus gu còmh-

chruinneach chloinn Israeil uile, gu fàsach Pharaon, gu Cades; agus thug iad leo fios d'an ionnsuidh, agus a dh'ionnsuidh a' choimhchruinnich uile, agus dh'fheuch<sup>5</sup> iad dhòibh toradh na tìre.

27 Agus dh'innis iad dha, agus thubhairt iad, Thàinig sinne a dh'ionnsuidh an fhearainn gus an do chuir thu sinn, agus gu deimhin tha e sruthadh le bainne agus mil; agus is e so a thoradh.

28 Gidheadh *tha* 'n sluagh làidir a tha nan còmhnuidh san fhearann, agus *tha* na bailte air an cuartachadh le ballaibh, agus ro-mhòr: agus os bàrr chunnaic sinn clann Anaic an sin.

29 Tha na h-Amaleich nan còmhnuidh an fearann na h-àirde deas: agus *tha* na Hitic agus na Iebusaich, agus na h-Amoraich nan còmhnuidh sna beanntaibh: agus *tha* na Canaanich nan còmhnuidh làimh ris an fhaighe, agus ri taobh Iordain.

30 Agus chiùinich<sup>6</sup> Caleb an sluagh an làthair Mhaois, agus thubhairt e, Rachamaid suas a dh'aon fheadhd, agus sealbhaicheamaid e; oir is urrainn sinn gu cinnteach a cheannsachadh<sup>7</sup>.

31 Ach thubhairt na daoine, a chaidh suas maille ris, Cha 'n urrainn sinn dol suas an aghaidh an t-sluaigh, oir is treise iad na sinne.

32 Agus thug iad droch sgeul<sup>8</sup> air an fhearann a rannsaich iad gu cloim Israeil, ag ràdh, Am fearann tre 'n deachaidh sinne 'ga rannsachadh, is fearann e a tha 'g itheadh suas a luchd-àitich, agus an sluagh uile a chunnaic sinn ann, is daoine iad do mheudachd mhòir<sup>9</sup>.

33 Agus chunnaic sinn na famhairean<sup>10</sup> an sin, mic Anaic, a thàinig o na famhair-ean: agus bha sinne 'n ar sealladh fèin mar fhionnain-feoir<sup>11</sup>, agus bha sinn mar sin nan sealladh-san.

#### CAIB. XIV.

**A**GUS thog an coimhchruinneach uile suas an guth, agus ghlaodh iad; agus ghuil an sluagh air an oidhche sin.

2 Agus rinne clann Israeil uile gearan an aghaidh Mhaois, agus an aghaidh Aaroin: agus thubhairt an coimhchruinneach uile riu, Och nach d'fhuair sinn bàs ann an tìr na h-Eiphit, no nach d'fhuair sinn bàs anns an fhàsach so!

3 Agus c'ar son a thug an Tighearna sinn do'n fhearann so, a thuiteam leis a chlaidheamh, a chum gu'm biodh ar mnàir agus ar clann bheag nan cobhartaich<sup>12</sup>? nach b'fhearr dhuinn pillcadh do'n Eiphit?

4 Agus thubhairt iad gach fear ri chèile<sup>13</sup>, Deanaid dhuinn fèin ceannard, agus pilleamaid do'n Eiphit.

garbha, mòr nam pearsa. <sup>10</sup> athaich. <sup>11</sup> leumnaich uaine. <sup>12</sup> nan creich. <sup>13</sup> r'abhrath-air. Eabh.

<sup>1</sup> àitibh daingnichte.

<sup>2</sup> fonn, fearann.

<sup>3</sup> truagh, boc'd.

<sup>4</sup> srath, gleann.

<sup>5</sup> uchd.

<sup>6</sup> slàthich, chaisg.

<sup>7</sup> oir gu cinnteach buadh-

aichidh sinn air.

<sup>8</sup> tuairsegeul.

<sup>9</sup> daoine

5 An sinn thuit Maois agus Aaron air an aghaidh an làthair coimhthionail coimhchruinnich chloinn Isracil uile.

6 Agus reub Iosua mac Nun, agus Caleb mac Iephuneh, a bha dhiubhsan, a rannsaich am fearann, an eudach.

7 Agus labhair iad ri cuideachd chloinn Isracil uile, ag ràdh, Am fearann a chaidh sinne troimhe g'a rannsachadh, is fearann ro-mhath e.

8 Ma tha tlachd aig an Tighearn annainn, an sinn bheir e sinn a dh'ionnsuidh an fhearainn so, agus bheir e dhuinn e, fearann a tha sruthadh le mil agus bainne.

9 A mhàin na deanaibh ceannairc' an aghaidh an Tighearna, agus na biodh eagail sluaigh an fhearainn oirbh; oir is aran duinn iad: dh'fhalbh an dìon uatha, agus tha 'n Tighearna maille ruinne; na biodh eagail oirbh rompa.

10 Ach dh'iarr an coimhchruinneach uile an clachadh le clachaibh: agus dh'fhoillsicheadh glòir an Tighearna ann am pàill-lìon a' coimhthionail, an làthair chleinn Isracil uile.

11 Agus thubhairt an Tighearna ri Maois, Cia fhad a bhrosnaicheas an sluagh so mi? agus cia fhad a bhitheas e mun creid iad mi, air son nan comharan uile a nochd<sup>2</sup> mi nam measg?

12 Buailidh mi iad leis a' phlàigh, agus fograidh mi iad<sup>3</sup>, agus ni mi thusa a'd' chinneach a's mò, agus a's cumhachdaiche na iadsan.

13 Agus thubhairt Maois ris an Tighearna, An sin cluinidh na h-Eiphitich e, (oir thug thusa nìos an sluagh so le d'chumhachd o bhi nam measg)<sup>4</sup>.

14 Agus innsidh iad e do luchd-àiteachaidh an fhearainn so; oir chual' iad gu bheil thusa, a Thighearn, am measg an t-sluaigh so, gu bheil thusa, a Thighearn, air t'fhaicinn aghaidh ri h-aghaidh, agus gu bheil do neul a' seasamh os an ceann, agus gu bheil thu ag imeachd rompa ann am meall teine san oidheche.

15 A nis ma mharbhas tu an sluagh so uile mar aon duine, an sin labhraidh na cinnich a chual' iomradh ort, ag ràdh,

16 A chionn nach b'urrainn an Tighearn an sluagh so thoirt do'n fhearann, a mhionnaich e dhoibh, uime sin, mharbh e iad san fhàsach.

17 Agus a nis, guidheam ort, biodh cumhachd mo Thighearna mòr, a réir mar a labhair thu, ag ràdh,

18 Tha 'n Tighearna fad-fhulangach, agus mòr-thròcaireach, a' toirt maithheanas ann an aingidheachd, agus ann an eusaontas, agus air chor sam bith nach saor<sup>5</sup> an ciontach, a' leantuin aingidheachd nan

aithreacha air a' chloinn, air an treas agus air a' cheathramh ginealach.

19 Math, guidheam ort, aingidheachd an t-sluaigh so, a réir meud do thròcair, agus a réir mar a thug thu maithheanas do'n t-sluaigh so o'n Eiphit gus a nis.

20 Agus thubhairt an Tighearna, Mhath mi a réir t'fhocail:

21 Agus co fhìor 's a ta mi beo, lìonar an talamh uile le glòir an Tighearna.

22 Oir na daoine sin uile a chunnaic mo ghloir, agus mo chomharan<sup>6</sup> a rinn mi san Eiphit, agus anns an fhàsach, agus a bhuair mi nis na deich uairean so, agus nach d'éisd ri m' ghuth;

23 Gu cinnteach cha'n fhaic iadsan am fearann a mhionnaich mi d'an aithreachaibh, ni mò a chi neach air bith dhiubhsan, a bhrosnaich mi e:

24 Ach mo sheirbhiseach Caleb, a chionn gu'n robh aig-san spiorad eile-maille ris, agus gu'n do lean e mi gu h-iomlan; esan bheir mi do'n fhearann, d'an deachaidh e: agus sealbhaichidh a shliochd e.

25 (A nis bha na h-Amaleich, agus na Canaanaich nan còmhnuidh sa' ghleann) Am màireach pillibh, agus rachaibh do'n fhàsach, air slighe na mara ruaidhe,

26 Agus labhair an Tighearna ri Maois, agus ri h-Aaron, ag ràdh,

27 Cia fhad a ghluainear mi leis an droch choimhchruinneach so, a tha ri gearan a'm' aghaidh? chuala mi gearan chloinn Isracil, leis am bheil iad ri gearan a'm' aghaidh.

28 Abair riu, Co fhìor 's a ta mi beo, ars' an Tighearna, mar a labhair sibh a'm' eisd-eachd<sup>7</sup>, mar sin ni mi ribh.

29 San fhàsach so tuitidh bhur colanna: agus a' mheud's a chaidh àireamh dhiubh a réir bhur n-àireimh iomlain, o fhichead bliadhna dh'aois agus os a cheann, a rinn gearan a'm' aghaidh.

30 Gun anharus sam bith 'cha d' thig sibh a steach do'n fhearann a mhionnaich mise gu'n d' thugainn oirbh còmhnuidh a ghabhail ann, saor o Chaleb mac Iephuneh, agus Iosua mac Nun.

31 Ach bhur clann bheag, a thubhairt sibh a bhiodh nan cobhartaich, iadsan bheir mi steach, agus gabhaidh iad colas air an fhearann air an d'rinn sibhse tàir.

32 Agus air bhur son-sa dheth, tuitidh bhur colanna<sup>8</sup> anns an fhàsach so.

33 Agus bithidh bhur clann air seacharan san fhàsach dà fhichead bhliadhna, agus giulainidh iad bhur strìopachais, gus an caithear bhur colanna san fhàsach.

34 A réir àireimh nan laithean anns an do rannsaich sibh am fearann, cadhou dà

<sup>1</sup> ar'a mach. <sup>2</sup> rinn. Eabh. <sup>3</sup> orsun-taichidh mi iad, bheir mi an oigreachd dhiubh. Eabh. <sup>4</sup> as meadhan an d'thug thu nìos an

sluagh so le d' chumhachd. <sup>5</sup> glan. <sup>6</sup> mo mhòrbhuilean. <sup>7</sup> a'm chluasaibh. Eabh. <sup>8</sup> cuirp mhairbh, ciosaichean.



fhichead là (gach là air son bliadhna) giùl-  
ainidh sibh bbur n-eucearta, eadhon dà  
fhichead bhliadhna, agus bithidh fios  
agaibh air mo bhriseadh-geallaidh-sa.

35 Thubhairt mise an Tighearn *e*, agus  
gu cinnteach ni mi e do'n choimhchruinn-  
each ole so uile, a chruinnich a'm' aghaidh:  
anns an fhàsach so claidhear iad, agus an  
sin gheibh iad bàs.

36 Agus na daoine a chuir Maois a rann-  
sachadh air fhearrainn, a phill, agus a thug  
air a' choimhchruinneach uile gearan a  
dheanamh na aghaidh, le droch sgeul<sup>1</sup> a  
thoirt seachad air an fhearrann,

37 Fhuair eadhon na daoine sin, a thug  
seachad droch sgeul air an fhearrann, bàs  
leis a' phlaigh an làthair an Tighearna.

38 Ach inhair Iosua mac Nun, agus  
Caleb mac Iephuneh, beo do na daoineibh  
sin, a chaidh a rannsachadh an fhearr-  
ainn.

39 Agus dh'innis Maois na briathra sin  
do chloinn Israeil uile: agus rinn an sluagh  
caoidh mhòr.

40 Agus dh'éirich iad gu moch sa'  
mhaduinn, agus chaidh iad suas<sup>2</sup> gu mull-  
ach an t-sléibh, ag ràdh, Feuch, *tha sinne*  
*an so*, agus théid sinn suas do'n àit a gheall  
an Tighearna: oir phcacaich sinn.

41 Agus thubhairt Maois, C'ar son a nis  
a tha sibh a' briseadh àithne an Tighearna?  
ach cha soirbhich *an ni so leibh*.

42 Na rachaibh suas, oir *cha 'n eil* an  
Tighearna nar measg; a chum as nach  
buailear sibh an làthair bbur naimhde.

43 Oir *tha* na h-Amalecich agus na  
Canaanach an sin romhaibh, agus tuitidh  
sibh leis a' chlaidheamh, a chionn gu'n do  
chlaon sibh o'n Tighearna: uime sin, cha  
bhi 'n Tighearna maille ribh.

44 Ach ghabh iad do dhànadas orra dol  
suas gu mullach an t-sléibh: gidheadh cha  
deachaidh àire coimhcheangail an Tigh-  
earna, no Maois, a mach as a' champ.

45 An sin thàinig na h-Amalecich a  
nuas, agus na Canaanach, a bha nan còmh-  
nuidh san t-slabh sin, agus bhuail siad iad,  
agus chuir iad an ruaig orra, eadhon gu  
Hormah.

# CAIB XV.

**A**GUS labhair an Tighearna ri Maois,  
agràdh,

2 Labhair ri cloinn Israeil, agus abair  
riu, 'Nuair a thig sibh a chum fearainn  
bhur n-àiteacha-còmhnuidh, a *tha* mise a'  
tabhairt dhuibh,

3 Agus a bheir sibh suas tabhartas le  
teine do'n Tighearna, tabhartas-loisgte no  
ìobairt, gu boid a choimhlionadh, no mar  
thabhartas saor-thoile, no mar n-ard fhéill-  
ibh<sup>3</sup>, a dheanamh fàile cùbhraidh do'n  
Tighearna, do'n spréidh no do'n treud:

4 An sin bheir esan a bheir seachad a  
thabhartas do'n Tighearna, seachad tabh-  
artas-bidh do'n deicheamh cuid do phlùr  
measgta maille ris a' cheathramh cuid do  
hin oladh.

5 Agus bheir thu seachad<sup>4</sup> an ceath-  
ramh cuid do hin fìona mar thabhartas-  
dibhe, maille ris an tabhartas-loisgte no'n  
ìobairt, air son aon uain.

6 No air son reithe, bheir thu seachad  
mar thabhartas-bidh, dà dheicheamh cuid  
do phlùr measgta leis an treas cuid do hin  
oladh.

7 Agus a chum tabhartais dibhe, bheir  
thu seachad an treas cuid do hin fìona,  
*chum fàile cùbhraidh do'n Tighearna*.

8 Agus an uair a bheir thu seachad  
tarbh òg mar ìobairt loisgte, no mar ìobairt  
gu boid a choimhlionadh, no mar ìobairt  
shith do'n Tighearna,

9 An sin bheirear<sup>5</sup> maille ris an tarbh  
òg, tabhartas-bidh do thri deich codaichibh  
do phlùr measgta le leth hin oladh.

10 Agus bheir thu seachad a chum  
tabhartais-dibhe leth hin fìona, *chum tabh-*  
*artais a bhceir suas le teine dh'fhàile*  
*cùbhraidh do'n Tighearna*.

11 Mar so nìthcar air son aon tairbh,  
no air son aon reithe, no air son uain, no  
minn.

12 A réir an àireimh a bheir sibh seachad,  
mar sin ni sibh do gach aon, a réir an  
àireimh.

13 Gach neach a rugadh san dùthaich,  
ni e na nithe sin air a' mhodh so, ann an  
tabhartas a thoirt seachad a bheir suas  
le teine dh'fhàile cùbhraidh do'n Tigh-  
earna.

14 Agus ma bhios coigreach air chuairt  
maille ribh, no co air bith e *bhios* nar measg  
nar ginealachaidh, agus gu'n d' thoir e  
seachad tabhartas a bheir suas le teine  
dh'fhàile cùbhraidh do'n Tighearna: mar  
a ni sibhse, mar sin ni esan.

15 *Bithidh* aon reachd dhuibhse, a ta do'n  
choimhchruinneach, agus mar an ceudna  
do'n choigreach, a ta air chuairt *maille ribh*,  
reachd sìorruidh nar ginealachaidh: mar a  
ta sibhse, mar sin bithidh an coigreach an  
làthair an Tighearna.

16 Aon lagh, agus aon mhodh bithidh  
agaibhse, agus aig a' choigreach a ta air  
chuairt maille ribh.

17 Agus labhair an Tighearna ri Maois,  
agràdh,

18 Labhair ri cloinn Israeil, agus abair  
riu, 'Nuair a théid sibh a steach do'n fhear-  
ann d'am bheil mise 'gar tabhairt,

19 An sin tarlaidh, 'nuair a dh'itheas  
sibh a dh'aran an fhearrainn, gu'n d' thoir  
sibh suas tabhartas-togta do'n Tighearna.

20 Bheir sibh suas breacag do'n cheud

<sup>1</sup> *teuileas*. <sup>2</sup> *b'àill leo dol suas*. <sup>3</sup> *féidibh sonruichte*.

<sup>4</sup> *ulluichidh tu, ni thu*. Eabh. <sup>5</sup> *bheir e*. Eabh.

chuid d'ar taois, *mar* thabhartas-togta; *mar a thogas sibh* tabhartas-togta an urlair-bhualaidh, *mar sin* togaidh sibh i.

21 Do'n cheud chuid d'ar taois bheir sibh do'n Tighearna tabhartas-togta, *nar ginealach* aibh.

22 Agus ma rinn sibh mearachd, agus nach do ghleidh<sup>1</sup> sibh na h-àitheanta sin uile, a labhair an Tighearna ri Maois,

23 *Eadhon gach nì* a dh'àithn an Tighearna dhuibh le làimh Mhaois, o'n là sin anns an d'thug an Tighearna àithne do Mhaois, agus o sin suas air feadh bhur ginealach:

24 An sin tarlaidh, *ma rinneadh nì sam bith* ann an aineolas gun fhios do'n choimhchrinneach, gu'n d'thoir an coimhchrinneach uile seachad aon tarbh òg a chum ìobairt-loisgte, chum fàile cùbhraidh do'n Tighearna, maille r'a thabhartas-bidh agus a thabhartas-dìbhe, a réir a' ghnàtha, agus aon mheann do na gabhraibh chum ìobairt-pheacaidh.

25 Agus nì an sagart réite air son coimhchrinnich chloinn Israeil uile, agus mathar dhoibh e, oir is aineolas a t'ann: agus bheir iad leo an tabhartas, ìobairt a bheirreair suas le teine do'n Tighearna, agus an ìobairt-pheacaidh an làthair an Tighearna, air son an aineolais.

26 Agus mathar e do choimhehrinneach chloinn Israeil uile, agus do'n choigreach a ta air chuairt nam measg; do bhrìgh gu'n robh an sluagh uile ann an aineolas.

27 Agus ma pheacaicheas anam sam bith tre aineolas, an sin bheir e leis gabhar do'n cheud bhliadhna chum ìobairt pheacaidh.

28 Agus nì 'n sagart réite air son an anma a pheacaicheas gu h-aineolach, an uair a pheacaicheas e le h-aineolas an làthair an Tighearna, dheanamh réite air a shon; agus mathar dha e.

29 Bithidh aon lagh agaibh air a shonsan a pheacaicheas tre aineolas, *araon air* a shonsan a rugadh ann measg chloinn Israeil, agus air son a' choigrich, a ta air chuairt nam measg.

30 Ach an t-anam a nì bheag gu h-andàna<sup>2</sup>, (*co dhiubh* a rugadh e san tìr, no 's coigreach e) tha esan a' toirt eas-urraim do'n Tighearna; agus gearrar an t-anam sin as o mheasg a shluagh.

31 Do bhrìgh gu'n d'rinn e tàir air focal an Tighearna, agus gu'n do bhris e 'àithne; gearrar an t-anam sin as gu tur: *bithidh* 'aingidheachd air féin.

32 Agus an uair a bha clann Israel san fhàsach, fhuair iad duine a' tional mhaidean<sup>3</sup> air là na sàbaid.

33 Agus thug iadsan a fhuair e tional

mhaidean a dh'ionnsuidh Mhaois e, agus a dh'ionnsuidh Aaroin, agus a dh'ionnsuidh a' choimhchrinnich uile.

34 Agus chuir iad an làimh e, a chionn nach d'innseadh ciod bu chòir a dheanamh ris.

35 Agus thubhairt an Tighearna ri Maois, Cuirear an duine gu cinnteach gu bàs; clachaidh an coimhchrinneach uile e le clachaibh an taobh a muigh do'n champ.

36 Agus thug an coimhchrinneach uile mach e as a' champ, agus chlach iad e le clachaibh, agus fhuair e bàs; *mar a* dh'àithn an Tighearna do Mhaois.

37 Agus labhair an Tighearna ri Maois, ag ràdh,

38 Labhair ri eloinn Israeil, agus abair riu, iad a dheanamh fàbhradh<sup>4</sup> dhoibh féin air iomallaibh an eudaich air feadh an ginealach, agus iad a chur air fàbhradh nan iomall iall<sup>5</sup> do ghorm.

39 Agus bithidh e dhuibh mar fhàbhradh; agus amhaircidh sibh air, a chum gu'n cuimhnich sibh uile àitheanta an Tighearna, agus gu'n dean sibh iad; agus nach iarr sibh an déigh bhur cridhe agus blur sùl féin, nithe 's àbhaist duihb dol nan déigh le h-anmiann<sup>6</sup>:

40 A chum as gu'n cuimhnich, agus gu'n dean sibh n'aitheantan uile, agus gu'n bi sibh naomha d'ar Dia.

41 Is mise an Tighearna bhur Dia, a thug a mach sibh a tìr na h-Eiphit, gu bhi'm Dhia dhuibh: Is mise an Tighearna bhur Dia.

## CAIB. XVI.

**A** GUS ghabh Corah mac Idshair, mhic Cohait, mhic Lebbi, agus Datan agus Abiram mic Eliaib, agus On mac Pheleiti, mic Reuben, *duoine*.

2 Agus dh'éirich iad suas an làthair Mhaois<sup>7</sup>, maille ri daoin' àraidh do chloinn Israeil, dà cheud agus leth-cheud ceannard do'n choimhchrinnich, inbheach<sup>8</sup> fa' choimhchrinneach, daoin' iomraideach<sup>9</sup>.

3 Agus chruinnich siad iad féin an ceann a chéile an aghaidh Mhaois agus an aghaidh Aaroin, agus thubhairt iad riu, *Tha sibh a' gabhail* tuille 's a' chòir oirbh féin, do bhrìgh gu'm bheil an coimhchrinnich uile naomha gach aon diubh, agus *tha* 'n Tighearna nam measg: c'ar son uime sin, tha sibh 'gar togail féin suas os cionn coimhchrinnich an Tighearna?

4 Agus an uair a chuala Maois e, thuit e air 'aghaidh,

5 Agus labhair e ri Corah, agus r'a chuideachd uile, ag ràdh, Eadhon am mùireach nochdaidh an Tighearna cò iad a's leis, agus cò a ta naomha, agus bheir e air teachd am fagus da: bheir e eadh-

<sup>1</sup> rinn. Eabh.<sup>2</sup> fiodha, connaidh.<sup>3</sup> le làimh uird. Eabh.<sup>4</sup> frìnge. Sasg.<sup>5</sup> riobainn, snùthainn. <sup>6</sup> stròpachas. <sup>7</sup> an aghaidh Mhaois. <sup>8</sup> gairmte. Eabh. <sup>9</sup> ainmeil, alloil.



on air-san a rògluach e, teachd am fagus da.

6 Deanaibhse so ; gabhaidh dhuibh féin tùiseirean, Corah, agus a chuidcachd uile ;

7 Agus cuiribh teine annta, agus cuiribh tùis orra an làthair an Tighearna air an là màireach; agus an duine sin a rògh-naicheas an Tighearna, *bithidh* e an naomha; *tha sibh a' gabhail* tuille 's a chòir oirbh féin, sibhse a mhic Lebhi.

8 Agus thubhairt Maois ri Corah, Eisdibh, guidheam oirbh sibhse a mhic Lebhi:

9 An ni beag e nar *barail-sa*, gu'n do sgar Dia Israeil sibh o choimhchruinneach Israeil, gu'r toirt am fagus da féin, a dheanamh seirbhis pàilliuin an Tighearna, agus a sheasamh am fianuis a' choimhchruinnich, a fhrithealadh dhoibh?

10 Agus thug e thus' am fagus *du féin*, agus do bhràithrean uile, mic Lebhi maille riut: agus am bheil sibh ag iarraidh na sagartachd mar an ceudna?

11 Air an aobhar sin *tha* thusa, agus do chuideachd uile, air bhur cruinneachadh an ceann a chèile an aghaidh an Tighearna: agus a *thuobh* Aaron, ciod e, gu'm bheil sibh ri gearan na aghaidh-san?

12 Agus chuir Maois *teachdaire uith* a ghairm Dhatain agus Abiraim mhae Eliail, muinntir a thubhairt, Cha d' théid sinn suas.

13 An ni beag e gu'n d'thug thu nìos sinn a talamh a tha sruthadh le bainne agus mil, gu'r marbhadh san fhàsach, mur dean thu thu féin gu h-ionmhan a'd' uachdaran os ar ceann?

14 A thuilleadh air so, cha d'thug thu sinn gu fearann a ta sruthadh le mil agus le bainne, ni mò thug thu dhuinn oighreachd mhachrach agus fhion-liosan: an cuir thu mach sùilean nan daoine sin? cha d' théid sinne suas.

15 Agus bha Maois ro-dhiomach, agus thubhairt e ris an Tighearna, Na biodh meas agad d'an tabhartas; cha do ghabh mise aon asal uatha, ni mò rinn mi cron air a h-aon duibh.

16 Agus thubhairt Maois ri Corah, Bi thusa agus do chuideachd uile an làthair an Tighearna, thusa, agus iadsan, agus Aaron am màireach;

17 Agus gabhaidh gach duine a thùiseir, agus cuiribh tùis annta, agus thugaibh an làthair an Tighearna gach duine a thùiseir, dà cheud agus leth-cheud tùiseir; thusa mar an ceudna agus Aaron, gach aon *dhibh* a thùiseir.

18 Agus ghabh gach duine *dhuibh* a thùiseir, agus chuir iad teine annta, agus chuir iad tùis orra, agus sheas iad ann an dorus pàilliuin a' choimhthionail maille ri Maois agus ri h-Aaron.

19 Agus chruinnich Corah an coimhchruinneach uile nan aghaidh gu dorus pàilliuin a' choimhthionail: agus thaisbeineadh glòir an Tighearna do'n choimhchruinneach uile.

20 Agus labhair an Tighearna ri Maois, agus ri h-Aaron, ag ràdh,

21 Sgaraidh sibh féin o mheasga' choimhchruinnich so, agus sgriosaidh mi iad mar ann am prìobadh na sùla<sup>1</sup>.

22 Agus thuit iad air an aghaidh, agus thubhairt iad, O Dhé, Dia spiorad gach uile fheada, am peacach aon duine, agus am bi fearg agad ris a' choimhchruinneach uile?

23 Agus labhair an Tighearna ri Maois, ag ràdh,

24 Labhair ris a' choimhchruinneach, ag ràdh, Rachaidh suas o thimchioll pàilliuin Choraih, Dhatain, agus Abiraim.

25 Agus dh'éirich Maois suas, agus chaidh e dh'ionnsuidh Dhatain agus Abiraim; agus lean seanairean Israeil e.

26 Agus labhair e ris a' choimhchruinneach, ag ràdh, Sgaraidh sibh féin, guidheam oirbh, o bhùthaibh nan daoine aingidh ud, agus na beanaibh ri ni sam bith a 's leo, an t-eagal gu'n sgriosar sibh nam peacannaibh uile.

27 Mar sin chaidh iad suas o phàilliuin Choraih, Dhatain, agus Abiraim, air gach taobh: agus thàinig Datan agus Abiram a mach, agus sheas iad ann an dorus am bùthan, agus am mnà, agus am mic, agus an clann bheag.

28 Agus thubhairt Maois, Le so bithidh fios agaibh gu'n do chuir an Tighearna mise a dheanamh nan oibre sin uile; oir cha *d'rinn mi iad* as mo cheann féin<sup>2</sup>.

29 Ma gheibh na daoine sin bàs mar na h-uile dhaoine' eile, no ma dh'fhiosraichear iad a réir fiosrachaidh nan uile dhaoine; *an sin* cha do chuir an Tighearna mise *uith*.

30 Ach ma ni'n Tighearna gnìomh nuadh, agus gu'm fosgail an talamh a bheil, agus gu'n sluig e suas iad maille ris gach ni a's leo, agus gu'n d' théid iad sìos beò do'n t-slochd; an sin tuidh sibh gu'n do bhrosnaich na daoine sin an Tighearna.

31 Agus tharla 'nuair a sguir e do labhairt nani briathra sin uile, gu'n do sgoilt an talamh, a *bha* fodha<sup>3</sup>, o chèile:

32 Agus dh'fhosgail an talamh a bheil, agus shluig e suas iad, agus an tighèan, agus na daoine' uile, a *bhuin* do Chorah, agus am maoin uile.

33 Chaidh iad féin, agus gach ni a *bhuin* doibh, beò sìos do'n t-slochd, agus dhruid an talamh orra: agus chaidh as doibh o mheasga' choimhchruinnich.

<sup>1</sup> ann am platha.

<sup>2</sup> o m' chridhe féin. Eabh.

<sup>3</sup> fodhpa.

34 Agus theich Israel uile a *bha* m'an timchioll, r'an glaoth; oir thubhairt iad, An t-eagal gu'n sluig an talamh sinne suas mar an ceudna.

35 Agus thàinig teine a mach o'n Tighearna, agus loisg e'n dà chud agus an leth-cheud fear, a thug seachad tuis.

36 Agus labhair an Tighearna ri Maois, ag ràdh,

37 Labhair ri h-Eleasar mac Aaroin an sagart, e thogail suas nan tùiseirean a meadhon an losgaidh, agus sgap thusa an teine an sud; oir tha iad coisrigte.

38 Tùiseirean nam peacach ud an aghaidh an anma féin; agus deanadh iad dhiubh leachdan leathan mar chòmhdach do'n altair; oir thug iad seachad iad an làthair an Tighearna, air an aobhar sin tha iad coisrigte; agus bithidh iad nan comhara do chloinn Israeil.

39 Agus ghabh Eleasar an sagart na tùiseirean umha, leis an d'thug iadsan a chaidh losgadh seachad tabhartas; agus rinneadh iad nan leachdaibh leathan mar chòmhdach do'n altair:

40 Gu bhinn cuimhneachan do chloinn Israeil, air chor as nach d'thig coigreach, nach 'eil do shliochd Aaroin, am fagus a losgadh tùis an làthair an Tighearna; chum as nach bi e mar Chorah, agus mar a chuid-eachd: mar a thubhairt an Tighearna ris le làmh Mhaois.

41 Ach air an là màireach, rinn coimh-chruinneach chloinn Israeil uile gearan an aghaidh Mhaois agus an aghaidh Aaroin, ag ràdh, Mharbh sibh sluagh an Tighearna.

42 Agus tharla 'nuair a chruinnicheadh an coimhchruinneach an aghaidh Mhaois agus an aghaidh Aaroin, gu'n do sheall iad air pàilliuin a' choimhthionail: agus feuch, chòmhdach an neul e, agus dh'fhoillsich-eadh glòir an Tighearna.

43 Agus thàinig Maois agus Aaron gu beulaobh pàilliuin a' choimhthionail.

44 Agus labhair an Tighearna ri Maois, ag ràdh,

45 Rachaibh suas o mheasg a' choimh-chruinnich so, agus sgriosaidh mi iad mar ann am priobadh na sùla: agus thuit iad air an eudannaibh.

46 Agus thubhairt Maois ri h-Aaron, Glac tùiseir, agus cuir teine ann bhàrr na h-altarach, agus cuir tùis air, agus imich gu grad a dh'ionnsuidh a' choimhchruinnich, agus dean réite air an-son; oir chaidh fearg a mach o'n Tighearna<sup>1</sup>: thòisich a' phlàigh.

47 Agus ghlac Aaron e, mar a dh'aithn Maois, agus ruidh e gu meadhon a' choimhchruinnich; agus feuch, bha phlàigh air thoiseachadh am measg an t-sluaigh: agus chuir e tùis air, agus rinn e réite air son an t-sluaigh.

48 Agus sheas e eadar na mairbh agus na beotha, agus choisgeadh a' phlàigh.

49 Agus bhàsaich sa' phlàigh ceithir-mìle deug agus seachd ceud, a thuilleadh orra-san a bhàsaich an aobhar Choraih.

50 Agus phill Aaron a dh'ionnsuidh Mhaois, gu dorus pàilliuin a' choimhthionail: agus choisgeadh a' phlàigh.

CAIB. XVII.

**A**GUS labhair an Tighearna ri Maois, ag ràdh,

2 Labhair ri cloinn Israeil, agus gabh slat o gach aon aca, a réir tighe an aithreacha, o'n ceannardaibh uile, a réir tighe an aithreacha, dà shlait deug: sgrìobh ainm gach duine air a shlait féin.

3 Agus sgrìobhaidh tu ainm Aaroin air slait Lebhi: oir bithidh aon slat air son cinn tighe an aithreacha.

4 Agus cuiridh tu suas iad ann am pàilliuin a' choimhthionail, an làthair na fianuis, far an coinnich mis' thu.

5 Agus tarlaidh, gu'n d'thig slat an duine a thaghas mise fuidh bhlàth<sup>2</sup>; agus bheir mi air gearain chloinn Israeil sgur uam, leis am bheil iad ri gearan nar n-aghaidhsa.

6 Agus labhair Maois ri cloinn Israeil, agus thug gach aon d'an ceannardaibh dha slat am fear, aon air son gach ceannard, a réir tighe an aithreacha, cadhòn dà shlait deug: agus bha slat Aaroin am measg an slat.

7 Agus chuir Maois suas na slatan an làthair an Tighearna, ann am pàilliuin na fianuis.

8 Agus air an là màireach chaidh Maois a steach do phàilliuin na fianuis; agus feuch, bha slat Aaroin, air son tighe Lebhi, air briseadh a mach, agus air cur maoth dhuille aisde, agus air teachd fuidh bhlàth, agus air giùlan almona.

9 Agus thug Maois a mach na slatan uile o làthair an Tighearna gu cloinn Israeil uile; agus dh'amhairc iad orra, agus ghabh gach duine a shlat féin.

10 Agus thubhairt an Tighearna ri Maois, Thoir slat Aaroin a ris an làthair na fianuis, gu bhì air a gleidheadh mar chomhara an aghaidh nan ceannairceach; agus bheir thu air falbh gu tur an gearain uamsa, chum as nach bàsaich iad.

11 Agus rinn Maois mar sin: mar a dh'aithn an Tighearna dha, mar sin rinn e.

12 Agus labhair clann Israeil ri Maois, ag ràdh, Feuch, tha sinn a' bàsachadh, théid as duinn, théid as duinn uile.

13 Ge b'e air bith a thig am fagus do phàilliuin an Tighearna, gheibh e bàs; an claidhear sinn le basachadh?

CAIB. XVIII.

**A**GUS thubhairt an Tighearna ri h-Aaron, Giùlainidh tusa agus do mhic,

<sup>1</sup> o ghnuis an Tighearna. Eabh.

<sup>2</sup> gu'm bris slat an duine, a thaghas mise, a mach.



agus tigh d'athar maille riut, eu-ceart <sup>1</sup> an ionaid naomha; agus giùlainidh tusa agus do mhic maille riut eu-ceart bhur sagart-achd.

2 Agus do bhràithre mar an ceudna do thrèibh Lebhi, trèibh t'athar, bheir thu leat maille riut, a chum as gu'n ceanglar riut iad, agus gu'm fritheil iad d' huilt: ach *frithèilidh* tusa agus do mhic maille riut air beulaobh pàilliuin na fianuis.

3 Agus gleidhidh iad do chùramsa, agus cùram a' phàilliuin uile: a mha'n cha d' thig iad am fagus do shòithichibh an ionaid naomha agus do'n altair, a chum as nach faigh aon chuid iadsan no sibhse bàs.

4 Agus ceanglar riut iad, agus gleidhidh iad cùram pàilliuin a' choimhthionail, air son uile sheirbhìs a' phàilliuin: agus cha d' thig coigreach am fagus duibh.

5 Agus gleidhidh sibh cùram an ionaid naomha, agus cùram na h-altarach; a chum as nach bi fearg ni's mò air cloinn Israeil.

6 Agus mise, feuch thug mi bhur bràithre na Lebhitich o mheasg chloinn Israeil: dhuibhse thugadh iad *mar* tabhartas do'n Tighearna, a dheanamh seirbhìs pàilliuin a' choimhthionail.

7 Uime sin, gleidhidh tusa, agus do mhic maille riut, bhur sagartachd anns gach ni a *bhuineas* do'n altair, agus an taobh a stigh do'n roinn-bhrat, agus ni sibh seirbhìs; thug mi *dhuibh* bhur sagartachd, *mar* sheirbhìs tabhartais: agus an coigreach a thig am fagus, cuirear gu bàs e.

8 Agus labhair an Tighearna ri h-Aaron, Feuch, thug mi dhuit mar an ceudna cùram mo thabhartasan-togta, do uile nithibh coisrigte chloinn Israeil; dhuitse thug mi iad, air son an ungaidh, agus do d'mhic le reachd sìorruidh.

9 Bithidh sò leatsa do na nithibh ro-naomha, a *ghleidheadh* o'n teine: gach tabhartas leo-san, gach tabhartas-bidh leo, agus gach iobairt-pheacaidh leo, agus gach iobairt-eusaontais leo, a bheir iad dhomhsa, bithidh e ro-naomha dhuitse, agus do d' mhic.

10 San ionad ro-naomha ithidh tu e, ithidh gach firionnach e: bithidh e naomha dhuitse.

11 Agus is leat so: tabhartas-togta an tabhartais, maille ri uile thabhartasan-luaisgte chloinn Israeil: thug mi dhuitse iad, agus do d'mhic, agus do d' nighcan-aibh maille riut, le reachd sìorruidh: gach neach a tha glan a' d' thigh, ithidh e dheth.

12 A' chuid a's fearr <sup>2</sup> uile do'n oladh, agus a' chuid a's fearr uile do'n fhion, agus

do'n chruithncachd, an ceud thoradh leosan a bheir iad seachad do'n Tighearna, iad sin thug mi dhuit.

13 Gach ni a's luaithe bhios abuich nam fearann, a bheir iad chum an Tighearna, bithidh e leatsa: gach aon a ta glan a' d' thigh, ithidh e dheth.

14 Gach ni a choisrigear ann an Israel, bithidh e leatsa.

15 Gach ni a dh'fhosglaas a' bhrù do gach feoil, a bheir iad a dh'ionnsuidh an Tighearna *ma's ann* do dhuine, no dh'ainmhidh, bithidh e leatsa: gidheadh gu cinnteach fuasglaidh tu ceud-ghin duine, agus ceud-ghin an ainmhidh neo-ghloin fuasglaidh tu.

16 Agus iadsan a dh'fhuasglar, o mhios a dh'aois fuasglaidh tu iad a rèir do mheas, air son airgid chùig seceilean, a rèir seceile an ionaid naomha: is e 'n *secel* fichead gerah.

17 Ach ceud-ghin bòtha, no ceud-ghin caorach, no ceud-ghin gaibhre, cha'n fhuasgail thu; *tha* iad naomha: crathaidh tu 'm fuil air an altair, agus loisgidh tu 'n saill *mar* thabhartas a bheirar suas le teine chum fàile cùbhraidh do'n Tighearna.

18 Agus bithidh am feoil leatsa, mar a bhitheas an t-uchd luaisgte agus an slinnean deas leat.

19 Uile thabhartasan-togta nan nithè naomha, a bheir clann Israeil seachad do'n Tighearna, thug mi dhuitse, agus do d' mhic, agus do d' nighcan-aibh maille riut, le reachd sìorruidh: is coimhcheangal falainn e gu bràth an làthair an Tighearna, dhuitse agus do d' shliochd maille riut,

20 Agus labhair an Tighearna ri h-Aaron, Nam fearann cha bhì oighreachd agad, ni mò bhios roinn agad nam measg: is mise do roinn-sa agus t'oighreachd am measg chloinn Israeil.

21 Agus feuch, do chloinn Lebhi thug mi an deachamh uile ann an Israel *mar* oighreachd, air son an seirbhìs a ni iad *eudhon* seirbhìs pàilliuin a' choimhthionail.

22 Agus cha'n fheud clann Israeil o so suas teachd an fagus do phàilliuin a' choimhthionail, an t-eagal gu'n giùlain iad peacadh, agus gu'm faigh iad bàs.

23 Ach ni na Lebhitich seirbhìs pàilliuin a' choimhthionail, agus giùlainidh iad an cionta; *bithidh e* na reachd sìorruidh air feadh bhur ginealach, nach bi oighreachd sam bith aca am measg chloinn Israeil.

24 Ach deachamh chloinn Israeil a bheir iad seachad *mar* thabhartas-togta do'n Tighearna, thug mi do na Lebhitich *mar* oighreachd: uime sin thubhairt mi riut, Am measg chloinn Israeil cha bhì oighreachd aca.

<sup>1</sup> *geacanna.* <sup>2</sup> *smior, reamhrachd.* Eabhl.

25 Agus labhair an Tighearna ri Maois, ag ràdh,

26 Mar so labhair ris na Lebhithich, agus abair riu, 'Nuair a thogas sibh o chloinn Israeil an deachamh, a thug mise dhuibh uatha mar bhuir n-òighreachd, an sin bheir sibh suas tabhartas-togta dheth do'n Tighearna, *cadhon* an deiceamh *cuid* do'n deachamh.

27 Agus measar an tabhartas-togta so dhuibh, mar *gu'm b'e* arbhar an urlair-bhualaidh, agus mar làine amar-bruthaidh an fhìona.

28 Mar so mar an ceudna bheir sibh seachad tabhartas-togta do'n Tighearna, d'ar n-uile dheachamh, a thogas sibh o chloinn Israeil; agus bheir sibh dheth tabhartas-togta an Tighearna do Aaron an sagart.

29 As bhuir n-uile thliodhlacaibh, bheir sibh seachad uile thabhartas-togta an Tighearna do'n chuid a's fearr dheth uile, *cadhon* a' chuid sin deth, a tha coisrigte.

30 Uime sin, their thu riu, 'Nuair a thogas sibh suas uaith a' chuid a's fearr dheth, an sin measar e do na Lebhithich mar thoradh <sup>1</sup> an urlair-bhualaidh, agus mar thoradh amar-bruthaidh an fhìona.

31 Agus ithidh sibh e anns gach àite, sibh fèin agus bhuir teaghlaichean; oir *is e* bhuir duais air son bhuir seirbhìs ann am pàilliuin a' choimhthionail.

32 Agus cha ghiùlain sibh peacadh sam bith air a shon, an uair a thogas sibh suas as a' chuid a's fearr dheth: ni mò a thruaill eas sibh nithe naomha chloinn Israeil, an t-eagal gu'm faigh sibh bàs.

## CAIB. XIX.

**A** GUS labhair an Tighearna ri Maois, agus ri h-Aaron, ag ràdh,

2 *Is e* so ordugh an lagha, a dh'àithn an Tighearna, ag ràdh, Labhair ri cloinn Israeil, iad a thoirt a' d' ionnsuidh agh ruagh gun ghaoid <sup>2</sup>, air nach *'eil* smal, agus nach robh riamh fuidh chuing.

3 Agus bheir sibh i dh'ionnsuidh Eleasair an t-sagairt; agus bheirear i <sup>3</sup> n' taobh a muigh do'n champ, agus marbhar i na fhianuis.

4 Agus gabhaidh Eleasar an sagart *cuid* d'a fuil le mheur, agus crathaidh e cuid d'a fuil dìreach fa chomhair pàilliuin a' choimhthionail seachd uairean.

5 Agus loisgidh *neach* an t-agh na shealladh; a seiche, agus a feoil, agus a fuil, maille r'a h-aolach, loisgidh e.

6 Agus gabhaidh an sagart fiodh seudair, agus hiosop, agus scarlaid, agus tilgidh e sin am meadhon losgaidh an aighe.

7 An sin nighidh an sagart 'eudach, agus ionnailidh <sup>4</sup> e 'fheoil ann an uisge, agus

an dèigh sin thig e steach do'n champ, agus bithidh an sagart neo-ghlan gu feasgar.

8 Agus nighidh esan a loisg i 'eudach ann an uisge, agus ionnailidh e 'fheoil ann an uisge, agus bithidh e neo-ghlan gu feasgar.

9 Agus cruinnichidh duine, a ta glan, luath an aighe, agus taisgidh e i 'n taobh a muigh do'n champ ann an àite glan, agus gleidhear i air son coimhchrinnich chloinn Israeil, mar uisge dealachaidh; *is glanadh* air son peacaidh i.

10 Agus nighidh esan a thionailas luath an aighe 'eudach, agus bithidh e neo-ghlan gu feasgar: agus bithidh e do chloinn Israeil agus do'n choigreach a th'air chuairt nam measg, na reachd sìorruidh.

11 E san a bheanas ri corp duine mhairbh sam bith, bithidh e neo-ghlan seachd laithean.

12 Glanaidh se e fèin leis air an treas là, agus air an t-seachdamh là bithidh e glan: ach mur glan se e fèin air an treas là, an sin air an t-seachdamh là cha bhi e glan.

13 Ge b'e neach a bheanas ri corp duine sam bith a ta marbh, agus nach glan e fèin, tha e truailleadh pàilliuin an Tighearna; agus gearrar an t-anam sin as o Israeil; a chionn nach do chrathadh an t-uisge dealachaidh air, bithidh e neo-ghlan; *tha* a neo-ghloine fathast air.

14 *Is e* so an lagh, an uair a bhàsaicheas duine ann am bùth: Gach neach a thig a stigh do'n bhùth, agus gach neach a tha sa' bhùth, bithidh iad neo-ghlan seachd laithean.

15 Agus gach soitheach fosgailte aig nach 'eil còmhdaich ceangailte air, *tha e* neo-ghlan.

16 Agus ge b'e bheanas ri neach a mharbhadh le claidheamh sa' mhachair <sup>5</sup>, no ri corp marbh, no ri cnàimh duine, no ri h-uagh, bithidh e neo-ghlan seachd laithean.

17 Agus air son an *duine* neo-ghloin gabhaidh iad do luaith an aighe, a loisg-cadh air son glanaidh peacaidh, agus cuiridh iad uisge ruidh oirre ann an soitheach;

18 Agus gabhaidh duine glan hiosop, agus tumaidh e san uisge e, agus crathaidh e air a' bhùth e, agus air na soitheichibh uile, agus air a' mhuinntir, a bha 'n sin; agus a'rsan a bhean ri cnàimh, no ri neach a mharbhadh, no ri aon marbh, no ri h-uagh:

19 Agus crathaidh an *duine* glan air an neo-ghlan air an treas là, agus air an t-seachdamh là: agus glanaidh se e fèin air an t-seachdamh là, agus nighidh e 'eudach,

<sup>1</sup> *fhàs, phiseach.*  
Eabh.

<sup>2</sup> *fallain.*

<sup>4</sup> *ionnlaidh.*

<sup>3</sup> *bheir e i.*

<sup>5</sup> *air aghaidh na machrach.*



agus ionnailidh se e fèin ann an uisge, agus bithidh e glan air feasgar<sup>1</sup>.

20 Ach an duine a bhios neo-ghlan, agus nach glan e fèin, gearrar an t-anam sin as o mheasg a' choimhchrainneach, a chionn gu'n do thruaile ionad naomh an Tighearna : cha do chrathadh uisge dealachaidh air; *tha* e neo-ghlan.

21 Agus bithidh e na reachd sìorruidh dhoibh, gu'n nigh esau, a chrathas an t-uisge dealachaidh, 'eudach, agus bithidh esan, a bheanas ris an uisge dealachaidh, neo-ghlan gu feasgar.

22 Agus ge b'e ni ris am bean an duine neo-ghlan, bithidh e neo-ghlan : agus an t-anam a bheanas ris, bithidh e neo-ghlan gu feasgar.

## CAIB. XX. -

**A**N sin thàinig clann Israeil, *eadhon* an coimhchrainneach uile, gu fàsach Shin, anns a' cheud mhìos : agus dh'fhan<sup>2</sup> an sluagh ann an Cades; agus fhuair Miriam bàs an sin, agus dh'adhlacadh an sin i.

2 Agus cha robh uisge ann do'n choimhthional; agus chruinnich siad iad fèin an aghaidh Mhaois agus an aghaidh Aaron.

3 Agus throid an sluagh ri Maois, agus labhair iad, ag ràdh; B'fhearr gu'm bitheamaid air faghail bàis, an uair a bhàsaich ar bràithrean an làthair an Tighearna!

4 Agus c'ar son a thug sibh a mìos choimhchrainneach an Tighearna do'n fhàsach so, gu bàs fhagail an sin, sinn fèin agus ar sprèidh?

5 Agus c'ar son a thug sibh oirne teachd a mìos an Eiphit, g'ar toirt a steach do'n droch àite so? cha'n àite sil e, no fhigis, no chrann-fiona, no phomgranata, ni mò *ta* uisge ann r'a òl.

6 Agus chaidh Maois agus Aaron o làthair a' choimhchrainneach gu doras pàilliuin a' choimhthional, agus thuit iad air an aghaidh; agus dh'fhoillsicheadh glòir an Tighearna dhoibh.

7 Agus labhair an Tighearna ri Maois, ag ràdh,

8 Gabh an t-slat, agus cruinnich thus' an coimhthional an ceann a chèile, thu fèin agus Aaron do bhràthair, agus labhairibh ris a' charraig fa chomhair an sùl, agus bheir i seachad a h-uisge; agus bheir thusa mach uisge dhoibh as a' charraig, agus bheir thu deoch do'n choimhthional, agus d'an sprèidh.

9 Agus ghabh Maois an t-slat o làthair an Tighearna, mar a dh'àithn e dha.

10 Agus chruinnich Maois agus Aaron an coimhchrainneach an ceann a' chèile fa chomhair na carraige, agus thubhairt e riu, Eisdibh a nis, a luchd-ceannaire; as a'

charraig so am feum sinne uisge thoirt duibh?

11 Agus thog Maois suas a làmh, agus bhuail e charraig le 'shlait dà uair : agus thàinig an t-uisge mach gu pailt, agus dh'òl an coimhchrainneach, agus an sprèidh.

12 Agus labhair an Tighearna ri Maois agus ri h-Aaron, A chionn nach do chreid sibh mi, chum mo naomhachadh ann an sùilibh chloinn Israeil, uime sin cha d' thoir sibh a steach an coimhchrainneach so do'n fhearann a thug mise dhoibh.

13 Is e so uisge Mheribah, a chionn gu'n d'rinn clann Israeil strì<sup>3</sup> ris an Tighearna; agus naomhaicheadh e anna.

14 Agus chuir Maois teachdairean o Chades gu rìgh Edoim, Mar so tha do bhràthair Israel ag ràdh, Tha fios agad air an t-saothair sin uile a thàinig oirne;

15 Mar a chaidh ar n-aithreacha sìos do'n Eiphit, agus a ghabh sinn còmhnuidh san Eiphit aimsir fhada<sup>4</sup>; agus bhuin na h-Eiphitich gu h-olc ruinne, agus r'ar n-aithreachaibh.

16 Agus an uair a ghlaodh sinn ris an Tighearna, chual' e ar guth, agus chuir e aingeal uaidh, agus thug e mach sinn as an Eiphit: agus feuch, *tha* sinn ann an Cades, baile sa' chuid a's iomallaiche do d' chrìch.

17 Leig leinn, guidheam ort, dol tre d' dhùthaich: cha d' théid sinn tre achadh sam-bith, no tre fhion-lios, ni mò dh'òlas sinn uisge nan tobar: imichidh sinn air ratha<sup>5</sup> mòr an rìgh, cha tionndaidh sinn a dh'ionnsuidh na làimhe deise, no na làimhe clìthe, agus an d' théid sinn seach do chrìochan.

18 Agus thubhairt Edom ris, Cha d' théid thu seachad orm<sup>6</sup>, an t-eagal leis a' chlaidheamh gu'n d' thig mi mach a't' aghaidh.

19 Agus thubhairt clann Israeil ris, Imichidh sinn air an ratha<sup>5</sup> mhòr: agus ma dh'òlas mi fèin agus mo sprèidh do d' uisge, bheir mi luach air a shon: a nham gun tuille *dheanamh*, théid mi troimhe do'n chois.

20 Agus thubhairt e, Cha d' théid thu troimhe. Agus thàinig Edom a mach na aghaidh le mòr shluagh, agus le làmh threim.

21 Mar so dhiult Edom do Israel comas dol troimh a chrìch: uime sin thionndaidh Israel uaidh.

22 Agus ghabh clann Israeil, *eadhon* an coimhchrainneach uile, an turas o Chades, agus thàinig iad gu sliabh Hor.

23 Agus labhair an Tighearna ri Maois agus ri h-Aaron ann an sliabh Hor, làimh ri crìch fearainn Edoim, ag ràdh,

24 Cruinnich Aaron a chum<sup>7</sup> a shluagh: oir cha d' théid e seach do'n fhearann a thug mise do chloinn Israeil, a'

<sup>1</sup> san fheasgar.<sup>2</sup> còmhnuich.<sup>3</sup> iomadh là, Eabh.<sup>4</sup> troimh m' chrìch.

chionn gu'n robh sibh ceannairteach an aghaidh in'fhocail-sa aig uisge Mheribah.

25 Gabh Aaron agus Eleasar a mhac, agus thoir suas iad gu sliabh Hor:

26 Agus buin 'eudach do Aaron, agus cuir air a mhac Eleasar e: agus cruinnichear Aaron a chum a mhuinntir, agus gheibh e bàs an sin.

27 Agus rinn Maois mar a dh'àithn an Tighearna: agus chaidh iad suas gu sliabh Hor, ann an sealladh a' choimhchruinnich uile.

28 Agus bhuin Maois 'eudach do Aaron, agus chuir e air Eleasar a mhac e; agus fhuair Aaron bas an sin air mullach an t-sléilh; agus thàinig Maois agus Eleasar a nuas o'n t-sliabh.

29 Agus an uair a chunnaic an coimhchruinneach uile gu'n d'fhuair Aaron bàs, rinn iad bròn air son Aaron deich laithean 'ar fhichead, eadhon tigh Israel uile.

## CAIB. XXI.

**A**GUS an uair a chuala rìgh Arad an Canaanach, a bha chòmhnuidh san airde deas, gu'n d'fhàinig Israel air slighe an luchd-brathaidh; an sin chog e 'n aghaidh Israel, agus rinn e cuid diubh nan ciomaich<sup>1</sup>.

2 Agus bhòidich Israel bòid<sup>2</sup> do'n Tighearna, agus thubhairt iad, Ma bheir thu da rìreadh an sluagh so thairis d'ar làimh, an sin sgriosaidh sinn gu tur am bailtean<sup>3</sup>.

3 Agus dh'èisd an Tighearna ri guth Israel, agus thug e na Canaanach suas doibh: agus sgrios iad gu tur iad agus am bailtean: agus thug iad Horma mar ainm air an àite.

4 Agus ghabh iad an turas o shliabh Hor, air slighe na mara ruaidhe, a dhol m'an cuairt air tìr Edoim; agus bha anam an t-sluaigh fuidh mhi-mhisnich san t-slighe<sup>4</sup>.

5 Agus labhair an sluagh an aghaidh Dhé, agus an aghaidh Mhaois, C'ar son a thug sibh a nìos sinn as an Eiphit, gu bàs fhaghail san fhàsach? oir cha'n 'eil aran, no uisge ann, agus tha ar n-anam a' gabhail gràin do'n aran eutrom so.

6 Agus chuir an Tighearna nathraichean loisgeach<sup>5</sup> am measg an t-sluaigh; agus lot<sup>6</sup> iad an sluagh, agus fhuair mòr-shluagh de Israel bàs.

7 Uime sin, thàinig an sluagh a dh'ionnsuidh Mhaois, agus thubhairt iad, Pheacaich sinn, oir labhair sinn an aghaidh an Tighearna, agus a t'aghaidh-sa; guidh air an Tighearna gu'n d'thoir e air falbh uainn na nathraiche: agus ghuidh Maois air son an t-sluaigh.

8 Agus thubhairt an Tighearna ri Maois, Dean dhuit fèin nathair loisgeach, agus cuir i air crann: agus tarlaidh, gach neach

a lotar, an uair a dh'amhairceas e oirre, gu mair e beo.

9 Agus rinn Maois nathair umha, agus chuir e air crann i: agus tharladh, ma lot nathair duine sam bith, agus gu'n d'amhairc e air an nathair umha, gu'n d'fhan e beo.

10 Agus chaidh clann Israel air an aghaidh, agus champaich iad ann an Obot.

11 Agus ghabh iad an turas, o Obot, agus champaich iad aig Iie-abarim san fhàsach a ta fa chomhair Mhoibh, leth ri éirigh na gréine.

12 Uaith sin dh'imich iad, agus champaich iad ann an gleann Shareid.

13 O sin dh'imich iad, agus champaich iad air an taobh eile do Arnon, a ta san fhàsach, a tha teachd a mach a crìochaibh nan Amorach: oir is e Arnon crìoch Mhoibh, cadar Moab agus na h-Amoraich.

14 Uime sin innsear ann an leabhar coganna an Tighearna, Ciod a rinn e<sup>7</sup> sa' mhuir ruaidh, agus ann an sruthaibh Arnoin;

15 Agus aig ruidh nan sruth a tha dol sìos gu àite-còmhnuidh Ar, agus a' luidhe air crìch Mhoibh.

16 Agus o sin chaidh iad gu Beer: is e sin an tobar m'an do labhair an Tighearna ri Maois, Cruinnich an sluagh r'a chèile, agus bheir mise uisge dhoibh.

17 An sin chan<sup>8</sup> Israel an laoidh so, Sruth a nìos, o thobair, canaibhse dha:

18 Chladhaich na h-uchdaran an tobar, chladhaich uaislean an t-sluaigh e, le seòladh fhir-tabhairt-an-lagha, le'n lorgaibh. Agus o'n fhàsach chaidh iad gu Matana:

19 Agus o Mhatana gu Nahaliel: agus o Nahaliel gu Bamot:

20 Agus o Bhamot sa' ghleann a ta ann an dùthaich Mhoibh, gu mullach Phisgaibh, a ta 'g amharc ri Iesimon.

21 Agus chuir Israel teachdairean gu Sihon rìgh nan Amorach, ag ràdh,

22 Leig dhomh dol tre d'fhearann; cha tionndaidh sinn a dh'ionnsuidh raoin, no dh'ionnsuidh fion-lios sam bith<sup>9</sup>; cha'n òl sinn uisgeachan an tobair: rathad an rìgh gabhaidh sinn, gus an d' théid sinn seachad air do chrìch.

23 Agus cha leigcadh Sihon le Israel dol troimh a chrìch: agus chruinnich Sihon a shlugh uile r'a chèile, agus chaidh e mach an aghaidh Israel do'n fhàsach: agus thàinig e gu Iahas, agus chog e 'n aghaidh Israel.

24 Agus bhuail Israel e le faobhar a' chladheimh, agus ghabh e seadh air 'fhearann o Arnon gu Iaboc, eadhon gu cloinn Amoin: oir bha crìoch chloinn Amoin làidir.

25 Agus ghlac Israel na bailte mòra<sup>10</sup> sin uile: agus ghabh Israel còmhnuidh ann

<sup>1</sup> prìosanaich. <sup>2</sup> mòid. <sup>3</sup> an cathraichean.

<sup>4</sup> air son na slighe. <sup>5</sup> nathraiche teine.

<sup>6</sup> theum. <sup>7</sup> Vahab. Eabh. <sup>8</sup> sheinn. <sup>9</sup> eum

nam machaichean, no chum nam fion-ghàradh.

<sup>10</sup> cathraiche.



am bailtibh mòra nan Amorach uile ann an Hesbon, agus na bhailtibh beaga uile :

26 Oir b' e Hesbon baile mòr Shihoin rìgh nan Amorach, a chog an aghaidh rìgh Mhoab, a bh' ann roimhe sin, agus a bhuin 'fhearann uile as a làimh, eadhon gu h-Arnon.

27 Uime sin thair iadsan, a labhras ann an gnàth-fhoclaibh, Thigibh do Hesbon; biodh baile mòr Shihoin air a thogail agus air a dheasachadh :

28 Oir chaidh teine mach a Hesbon, lasair o bhaile mòr Shihoin; loisg e Ar Mhoab, agus tighearnan ionadan arda Arnoin.

29 Mo thruaigh thu, a Mhoab! thàinig sgrios ort, O shluagh Chemois! thug e 'mhic a chaidh as, agus a nigheanan am bairghdeanas<sup>1</sup> do Shihon rìgh nan Amorach.

30 Thig sinn saighdean orra; chaidh as do Hesbon eadhon gu Dibon, agus dh'fhàs- aich sinn iad eadhon gu Nopha, a tha ruigh- eachd gu Medeba.

31 Mar so ghabh Israel còmhnuidh ann am fearann nan Amorach.

32 Agus chuir Maois daoine uaith a ghabhail beachd air Iaser, agus ghlac iad a bhailte, agus dh'fhogair iad a mach na h-Amoraich a bha 'n sin.

33 Agus phill iad, agus chaidh iad suas air slighe Bhasain: agus chaidh Og rìgh Bhasain a mach nan aghaidh, e fèin, agus a shluagh uile, gu cath aig Edrei.

34 Agus thubhairt an Tighearna ri Maois, Na gabh eagal roimhe; oir do d' làimh-sa thug mi thairis e fèin, agus a shluagh uile agus 'fhearann: agus ni thu air mar a rinn thu air Sihon rìgh nan Amorach, a bha còmhnuidh aig Hesbon.

35 Marsin bhuail iad e fèin agus a mhic, agus a shluagh uile, gus nach d'fhàgadh aon beo aige: agus ghabh iad sealbh air 'fhearann.

#### C A I B. XXII.

**A**GUS chaidh clann Israeil air an agh- aidh, agus champaich iad ann an còmhnradaibh Mhoab, air an taobh so do Iordan làimh ri Iericho.

2 Agus chunnaic Balac mac Shipoir gach ni a rinn Israel air na h-Amoraich.

3 Agus bha eagal ro-mhòr air Moab roimh 'n t-sluagh, a chionn gu'n robh iad lìonmhòr: agus bha Moab ann an teinn a thaobh chloinn Israeil.

4 Agus thubhairt Moab ri seanairibh Mhidian, A nis imlichidh a' chuideachd<sup>2</sup> so suas gach ni a ta m'ar timchioll, mar a dh'imlichcas an damh suas feur na machrach. Agus bha Balac mac Shipoir na rìgh air na Moabaich san àm sin.

5 Chuir e teachdairean, uime sin, gu Ba-

laam mac Bheoir, gu Petor, a ta làimh ri abhainn dùthcha cloinne a shluaigh, g'a ghairm, ag ràdh, Feuch, tha sluagh air teachd a mach as an Eiphit: feuch, tha iad a' còmhachadh aghaidh<sup>3</sup> na talmhainn, agus tha iad nan còmhnuidh thall fa m' chomhair.

6 Thig a nis uime sin, guidheam ort, mallaich dhomhs' an sluagh so, oir tha iad tuille 's cumhachdach air mo shon: theag- amh gur urrainn mi am bualachd, agus gu'm fuadaich mi iad a mach as an dùthaich; oir tha fios agam gu'm bheil esan, a blicannaicheas tusa, beannaichte, agus esan, a mhallaicheas tu, mallaichte.

7 Agus dh'imich seanairean Mhoab agus seanairean Mhidian, le duais na druidheachd<sup>4</sup> nan làimh; agus thàinig iad gu Balaam, agus dh'innis iad dha briathra Bhalaic.

8 Agus thubhairt e riu, Eanaibh an so an nochd, agus bheir mise fios<sup>5</sup> duibh a ris a réir mar a labhras an Tighearna rium, agus dh'fhan ceannardan Mhoab maille ri Balaam.

9 Agus thàinig an Tighearna gu Balaam, agus thubhairt e, Cò iad na daoine so maille riut?

10 Agus thubhairt Balaam ri Dia, Chuir Balac mac Shipoir, rìgh Mhoab, teachdaire a'm' ionnsuidh, ag ràdh,

11 Feuch, tha sluagh air teachd a mach as an Eiphit, a ta còmhachadh aghaidh na talmhainn: Thig a nis, mallaich dhomh iad; theagamh gur urrainn mi buaidh thoirt orra, agus gu'm fuadaich mi mach iad.

12 Agus thubhairt Dia ri Balaam, Cha d' théid thu maille riu, cha mhallaich thu 'n sluagh; oir tha iad beannaichte.

13 Agus dh'éirich Balaam sa' mhaduinn, agus thubhairt e ri ceannardaibh Bhalaic, Imichibh d'ar dùthaich fèin; oir tha 'n Tighearna diùltadh cead a thoirt domhsa dol maille ribh.

14 Agus dh'éirich ceannardan Mhoab suas, agus chaidh iad a dh'ionnsuidh Bhalaic, agus thubhairt iad, Tha Balaam a diùltadh teachd maille ruinn.

15 Agus chuir Balac uaith a ris ceann- ardan bu lìonmhore<sup>6</sup>, agus a b'urramaiche na iadsan.

16 Agus thàinig iad gu Balaam, agus thubhairt iad ris, Mar so tha Balac, mac Shipoir, ag ràdh, Na bacadh ni sam bith thu, guidheam ort, o theachd a'm' ionn- suidh:

17 Oir ardaichidh mi thu gu h-inbhe ro- mhòir, agus ge b'e ni a thair thu rium, ni mi e: Thig uime sin, guidheam ort, mall- aich dhomh an sluagh so.

18 Agus fhreagair Balaam, agus thubh-

<sup>1</sup> ann an daorsadh, nan ciomaich. <sup>2</sup> an còimh- chruinneach. <sup>3</sup> suil. Eabh.

<sup>4</sup> fiosachd.

<sup>5</sup> freagradh.

<sup>6</sup> maithean bu liutha.

àirt e ri seirbhisich Bhalaic, Ge do bheireadh Balac dhomhsa làn a thighe dh'airgid, agus a dh'òr, cha 'n fheudainn dol thar focal an Tighearna mo Dhé, a dheanamh bheag no mhòr.

19 A nis uime sin, guidheam oirbh, fanaibhse mar an ceudna an so an nochd, a chum as gu'm bi fios agam ciod tuilleadh a their an Tighearna rium.

20 Agus thàinig Dia dh'ionnsuidh Bhalaim san oidhe, agus thubhairt e ris, Ma thig<sup>1</sup> na daoine ga d' ghairm, éirich suas, agus imich maille riu; gidheadh am focal a their mise riut, sin ni thu.

21 Agus dh'éirich Balaam suas sa' mhaduinn, agus chuir e diollaid air 'asal, agus chaidh e maille ri ceannardaibh Mhoaitb.

22 Agus las corruich Dhé, a chionn gu'n d'imich e: agus sheas aingeal an Tighearna san t-slighe mar eas-caraid<sup>2</sup> na aghaidh: a nis bha e marcachd air 'asal féin, agus a dhà òglach maille ris.

23 Agus chunnaic an asal aingeal an Tighearna na sheasamh san t-slighe, agus a chlaidheamh tairngte na làimh: agus thionndaidh an asal a leth-taobh as an t-slighe agus chaidh i air feadh an fhearainn: agus bhuail Balaam an asal g'a tionndadh dh'ionnsuidh na slighe.

24 Agus sheas aingeal an Tighearna ann an cos-cheum nam fion-lios: bha balladh àir an taobh so, agus balladh air an taobh ud.

25 Agus an uair a chunnaic an asal aingeal an Tighearna, theannaich si i féin ris a' bhalla, agus bhrùth i cos Bhalaim ris a' bhalla: agus bhuail e ris i.

26 Agus a ris chaidh aingeal an Tighearna seachad, agus sheas e ann an àite cumhann, far nach robh slighe gu tionndadh aon chuid a chum na làimhe deise no clithe.

27 Agus an uair a chunnaic an asal aingeal an Tighearna, luidh<sup>3</sup> i sìos fuidh Bhalaim: agus las corruich Bhalaim, agus bhuail e 'n asal le batadh.

28 Agus dh'fhosgail an Tighearna beul na h-asail, agus thubhairt i ri Balaam, Ciod a rinn mise ort, gu'n do bhuail thu mi na tri uairean so?

29 Agus thubhairt Balaam ris an asal, A chionn gu'n d'rinn thu fanaid orm; b'fhearr leam gu'm biodh claidheamh a'm' làimh, oir a nis mharbhainn thu.

30 Agus thubhairt an asal ri Balaam, Nach mise t'asal féin, air an do mharcaich thu riamh o bu leat mi, gus an dè 'n diugh? am b'abhaist domh riamh a dheanamh mar so ruit? Agus thubhairt e, Cha b'abhaist.

31 An sin dh'fhosgail an Tighearna sùilean Bhalaim, agus chunnaic e aingeal an Tighearna na sheasamh san t-slighe, agus a chlaidheamh tairngte na làimh:

agus chrom e sìos a cheann, agus thuit e sìos air 'aghaidh.

32 Agus thubhairt aingeal an Tighearna ris, C'ar son a bhuail thu t'asal na tri uairean so? Feuch, chaidh mi mach gu bhi m' eas-caraid duit, a chionn gu'm bheil do shlighe fiar a'm' fhianuis.

33 Agus chunnaic an asal mi, agus thionndaidh i uam na tri uairean so: mur bitheadh i air tionndadh uam, gu cinnteach bha mi nis eadhon air do mharbhadh-sa, agus air a gleidheadh-sa beo.

34 Agus thubhairt Balaam ri aingeal an Tighearna, Pheacaich mi; oir cha robh fios agam gu'n do sheas thu san t-slighe a'm' aghaidh: a nis uime sin ma's mithaitneach leat e<sup>4</sup>, pillidh mi air m'ais a ris.

35 Agus thubhairt aingeal an Tighearna ri Balaam, Imich leis na daoineibh: ach a mhàin am focal a labhras mise riut, sin labhraidh tusa: mar sin chaidh Balaam le ceannardaibh Bhalaic.

36 Agus an uair a chuala Balac gu'n d'thàinig Balaam, chaidh e mach na choinneamh gu baile do Mhoab, a tu làimh ri coimhchrìch Arnoin, a tha sa chrìch a's faide mach.

37 Agus thubhairt Balac ri Balaam, Nach do chuir mise gu cinnteach fios a t'ionnsuidh g'ad ghairm? C'ar son nach d'thàinig thu m'ionnsuidh? Nach 'eil mise gu deimhin comasach air d'ardachadh gu h-irbhe?

38 Agus thubhairt Balaam ri Balac, Feuch, tha mi air teachd a t'ionnsuidh: am bheil agam a nis cumhachd idir ni sam bith a ràdh? Am focal a chuireas Dia a'm' bheul, sin labhraidh mi.

39 Agus chaidh Balaam maille ri Balac, agus thàinig iad gu Cariat-husot.

40 Agus dh'ìobair Balac dainh agus caoraich, agus chuir e fios a dh'ionnsuidh Bhalaim, agus a dh'ionnsuidh nan ceannard, a bha maille ris.

41 Agus air an là màireach, ghabh Balac Balaam, agus thug e suas e gu àitibh arda Bhaail, a chum as gu faiceadh e o sin a' chuid a b'iomallaiche do'n t-sluagh.

#### CAIB. XXIII.

**A**GUS thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga agus seachd reitheachan.

2 Agus rinn Balac mar a thubhairt Balaam; agus dh'ìobair Balac agus Balaam air gach altair tarbh òg agus reithe.

3 Agus thubhairt Balaam ri Balac, Seas làimh ri d'ìobair-loisgte, agus imichidh mise: theagamh gu'n d'thig au Tighearna a'm' choinneamh: agus ge b'e ni a nochd-as<sup>5</sup> e dhomh, innsidh mi dhuit: Agus chaidh e gu h-ionad ard.

<sup>1</sup> O thàinig.

<sup>2</sup> gu cur na aghaidh.

<sup>3</sup> thuit.

<sup>4</sup> ma's ole ann do shùilibh e. Eabh.

<sup>5</sup> dh'fhoillsicheas.



4 Agus choinnich Dia Balaam, agus thubhairt *Balaam* ris, Dheasaich mi seachd altaircan, agus dh'ìobair mi air *gach* altair tarbh òg agus reithe.

5 Agus chuir an Tighearna focal ann am beul Bhalaam, agus thubhairt e, Pìll a dh'ionnsuidh Bhalaic, agus mar so labhraidh tu.

6 Agus phìll e d'a ionnsuidh agus feuch, sheas e làimh r'a iobairt-loisgte, e fèin, agus ceannardan Mhoib uile.

7 Agus thog e suas a chosamhlachd<sup>1</sup>, agus thubhairt e, Thug Balac rìgh Mhoib mise a h-Aram, o bheanntaibh na h-aird' an ear, *ag ràdh*, Thig, mallaich dhomhsa Jacob, agus thig, thoir dùbhlán do Israel<sup>2</sup>.

8 Cionnus a mhallaicheas mi esan, nach do mhallaich Dia? agus cionnus a bheir mi dùbhlán *dha-san*, do nach d'thug an Tighearna dùbhlán?

9 Oir o mhullach nan creag tha mi 'ga fhaicinn, agus o na sléibhtibh tha mi 'g amharc air: feuch gabhaidh an sluagh comhnuidh air leth, agus cha mheasar iad ann measg nan cinneach.

10 Cò dh'àirmheas duslach Iacoib, no àireamh na ceathramh *cuid* do Israel? Faigheam-sa bàs an ionracain<sup>3</sup>, agus bitheadh mo chrìoch dheireannach cosmhuil r'a *chrìch-san*!

11 Agus thubhairt Balac ri Balaam, Ciod e so a rinn thu orm? a mhallachadh mo naimhdean thug mi thu, agus feuch, da rìreadh bhcannaich thu iad<sup>4</sup>.

12 Agus fhreagair agus thubhairt e, An ni sin a chuir an Tighearna a'm' bheul, nach feum mis' an aire thoirt a labhairt?

13 Agus thubhairt Balac ris, Thig, guidheam ort, maille rium gu h-àit' eile, o'm faic thu iad: cha 'n fhaic thu ach a' chuid a's iomallaiche dhiubh, agus cha'n fhaic thu iad uile, agus mallaich dhomh a sin iad.

14 Agus thug e gu fearann Shophim e, gu mullach Phisgaih<sup>5</sup>, agus thog e seachd altairean, agus dh'ìobair e tarbh òg agus reithe air *gach* altair.

15 Agus thubhairt e ri Balac, Seas an so làimh ri d'ìobairt-loisgte, gus an coinnich mis' an Tighearna an sud.

16 Agus choinnich an Tighearna Balaam, agus chuir e focal na bheul, agus thubhairt e, Imich a ris a dh'ionnsuidh Bhalaic, agus abair mar so.

17 Agus an uair a thainig e d'a ionnsuidh, feuch, sheas e làimh r'a iobairt-loisgte, agus ceannardan Mhoib maille ris. Agus thubhairt Balac ris, Ciod a labhair an Tighearna?

18 Agus thog e suas a chosamhlachd, agus thubhairt e, Eirich suas, a Bhalaic,

agus cluinn; éisd riumsa, thus' a mhic Shipoir:

19 Cha duine Dia, gu'n deanadh e brecg, no mac duine, gu'n gabhadh e aithreachas: an dubhairt e, agus nach dean e? agus an do labhair e, agus nach coimhlon se e?

20 Feuch, fhuair mi *àithne* beannachadh; agus bheannaich esan, agus cha 'n urrainn mise 'atharrachadh.

21 Cha d'thug e fanear euceart ann an Iacob, agus cha 'n fhac' e cealg ann an Israel: *tha* 'n Tighearna a Dhia leis, agus càithream rìgh nam measg.

22 Thug Dia mach iad as an Eiphit; *tha* aige amhuil neart an aon-adharcaich<sup>6</sup>.

23 Gu cinnteach cha 'n 'eil druidheachd an aghaidh Iacoib, ni mò *ta* fiosachd an aghaidh Israel: a réir na h-aimsir so theairm mu Iacob, agus mu Israel, Ciod a dh'oibrich Dia?

24 Feuch, éiridh an sluagh suas mar leòmhán mòr, agus mar leòmhán òg, togaidh e suas e fèin: cha luidh e sìos gus an ith e chreach, agus gus an òl e fuil nam marbh.

25 Agus thubhairt Balac ri Balaam, Na dean aon chuid am mallachadh idir, no'm beannachadh idir.

26 Ach fhreagair Balaam agus thubhairt e ri Balac, Nach d'innis mi dhuit, ag ràdh, Gach ni a labhras an Tighearna, sin is éigin domhs' a dheanamh?

27 Agus thubhairt Balac ri Balaam, Thig, guidheam ort, bheir mi thu gu h-ionad eile; theagamh gur toil le Dia<sup>7</sup> thu 'g am mallachadh dhomh a sin.

28 Agus thug Balac Balaam gu mullach Pheoir, a tha 'g amharc ri Iesimon.

29 Agus thubhairt Balaam ri Balac, Tog dhomh an so seachd altairean, agus ulluich dhomh an so seachd tairbh òga, agus seachd reitheachan.

30 Agus rinn Balac mar a thubhairt Balaam, agus dh'ìobair e tarbh agus reithe air *gach* altair.

#### C A I B. XXIV.

**A** GUS an uair a chunnaic Balaam gu'm bu toil leis an Tighearna Israel a bheannachadh, cha deachaidh e mar air uairibh eile a dh'arraidh manaidhean<sup>8</sup>, ach chuir e 'aghaidh ris an fhàsach.

2 Agus thog Balaam suas a shùilean, agus chunnaic e Israel a' fantuinn *nam bitthaibh* a réir an treubhan, agus thainig spiorad Dhé air.

3 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùile duinte;

4 Thubhairt esan, a chuala briathra Dhé, a chunnaic taisbeanadh<sup>9</sup> an Uile-

<sup>1</sup> *parable*. Sasg. <sup>2</sup> *càin Israel*. <sup>3</sup> *nan ionracan*. Eabhl. <sup>4</sup> *le beannachadh bhcannaich thu iad*. Eabhl. <sup>5</sup> *beinne*. <sup>6</sup> *reem*. Eabhl. *unicorn*. Sasg.

<sup>7</sup> *gu'm bi e ceart ann an sùilibh Dhé*. Eabhl. <sup>8</sup> *chum fiosachd, druidheachd*. <sup>9</sup> *sealladh*.

chumhachdaich, a' tuiteam agus a shùilean air am fosgladh<sup>1</sup>.

5 Cia àluinn do bhùthan, O Iacob; do phàilliuana, O Israel!

6 Mar na gleannta tha iad sinnte mach, mar liosan<sup>2</sup> ri taobh aibhne, mar chraobha fiodh-alois<sup>3</sup> a shuidhich an Tighearna, mar chraobha seudair làimh ris na h-uisgeach-aibh.

7 Sruthaidh an t-uisge mach as a shoithichibh, agus *bithidh* a shliochd ann am mòran uisgeacha, agus bithidh a rìgh nì's airde na Agag, agus ardaichear a rìoghachd.

8 Thug Dia mach as an Eiphit e, tha aige amhuil neart an aon-adharcaich: ithidh e suas na cinnich a naimhdean, agus brisidh e 'n cnàmhan, agus le 'shaighdbibh troimhlotaidd se iad.

9 Chrùb e, luidh e sìos mar leòmhann, agus mar leòmhann inòr; cò dhùisgeas suas e? Is beannaichte gach neach a bheannaicheas thusa, agus is mallaichte gach neach a mhallaicheas thu.

10 Agus las corruich Bhalaic an aghaidh Bhalaaim, agus bhuail e 'bhasan air a chèile: agus thubhairt Balac ri Balaam, A mhallachadh mo naimhdean ghairm mi thu, agus feuch, da rìreadh bheannaich thu iad na trì uairean so.

11 Uime sin, teich a nise do d' àite fèin: shaoil mi t'ardachadh gu h-inbhe mhòir, ach feuch, chum an Tighearn air t'ais thu o inbhe.

12 Agus thubhairt Balaam ri Balac, Nach do labhair mi eadhon ri d' theachd-airibh, a chuir thu a'm ionnsuidh, ag ràdh,

13 Ge do bheireadh Balac dhomhsa làn a thighe dh'airgid, agus a dh'or, cha b'urrann mi dol thar àithne an Tighearna, a dheanamh maith no uile o m'inntinn fèin: ach ge b'e ni their an Tighearna, sin labhraidh mise?

14 Agus a nis feuch, tha mi dol a dh'ionnsuidh mo dhaoine fèin: thig *uime sin* bheir mi rabbadh<sup>4</sup> dhuit, ciod a ni 'n sluagh so air do shluagh-sa anns na laithibh deireannach.

15 Agus thog e suas a chosamhlachd, agus thubhairt e, Thubhairt Balaam mac Bheoir, agus thubhairt an duine aig an robh a shùilean duinte.

16 Thubhairt esan a chuala briathra Dhé, agus d'an aithne eolas an Ti 's ro-airde, a chunnaic taisbeanadh an Uile-chumhachdaich, a' tuiteam agus a shùilean air am fosgladh.

17 Chì mi e, ach nì h-ann a nis: amhaircidh mi air, ach nì h-ann am fagus: thig reul<sup>5</sup> a mach a Iacob, agus éiridh slat ròghail a h-Israel, agus buailidh i oisinnear Mhoib, agus cuiridh i as do chloinn Shet uile.

18 Agus bithidh Edom na sheilbh, bithidh Seir mar an ceudna na sheilbh aig a naimbaidh, agus nì Israel gaisge.

19 A mach a Iacob thig esan, a bhios na uachdaran, agus sgriosaidh e 'n ti a mhaireas do'n bhaile mhòr.

20 Agus an uair a dh'amhairc e air Amalec, thog e suas a chosamhlachd, agus thubhairt e, Tùs nan cinneach Amalec, ach is e 'dheirc bhi air a sgrios gu sìorruidh.

21 Agus dh'amhairc e air na Cenich: agus thog e suas a chosamhlachd, agus thubhairt e, Is làidir t'àite-còmhnuidh, agus tha thu cur do nid ann an carraig:

22 Gidheadh, fàsaichear na Cenich gus an d' thoir Asur leis thu ann am braighdeanas.

23 Agus thog e suas a chosamhlachd, agus thubhairt e, Mo thruaigh! cò bhios beo 'nuair a ni Dia so?

24 Agus *thig* longan o ionall<sup>6</sup> Chittim, agus nì iad olc air Asur, agus nì iad olc air Eber, agus sgriosar esan mar an ceudna gu bràth.

25 Agus dh'éirich Balaam suas, agus dh'fhalbh e, agus phill e d'a àite fèin; agus dh'fhalbh Balac mar an ceudna air a shlighe fèin.

## CAIB. XXV.

**A**GUS dh'fhan Israel ann an Sitim, agus thòisich an sluagh air striopachas a dheanamh le nigheanaibh Mhoib.

2 Agus ghairm iad an sluagh gu ìobairtibh an dèe: agus dh'ith an sluagh, agus chrom iad sìos d'an dèibh.

3 Agus cheangail Israeil e fèin ri Baal-peor: agus las corruich an Tighearna an aghaidh Israeil.

4 Agus thubhairt an Tighearna ri Maois, Glac cinn-theadhnà an t-sluaigh uile, agus croch suas iad an làthair an Tighearna fa chomhair na grèine, chum as gu'm pill corruich gharg an Tighearna O Israel.

5 Agus thubhairt Maois ri breitheamhnaibh Israeil, Marbhaibh gach aon agaibh a dhaoine, a cheangail iad fèin ri Baal-peor.

6 Agus feuch, thàinig fear do chloinn Israeil, agus thug e chum a bhràithre Bannibidianach ann an sealladh Mhaois, agus ann an sealladh coimhearchuinnich chloinn Israeil uile, agus iad a' gul aig dorus pàilluin a choimhthionail.

7 Agus an uair a chunnaic Phinehas mac Eleasair, mhic Aaroin an t-sagairt e, dh'éirich e suas o mheasg a' choimhearchuinnich, agus ghabh e sleagh na làimh:

8 Agus chaidh e 'n dèigh an duine do Israel a steach do'n bhùth, agus throimhlòt e iad<sup>7</sup> le chèile, an duine do Israel, agus a' bhean tre 'broinn: mar sin choisgeadh a' phlàigh o chloinn Israeil.

9 Agus bhàsaich sa' phlàigh ceithir mìle thar fhichead.

<sup>1</sup> a shùilean duinte.

<sup>2</sup> ghùraichean. <sup>3</sup> phàilliuana. <sup>4</sup> fios, sunas.

<sup>5</sup> reult. <sup>6</sup> làimh. Eabb. <sup>7</sup> shàth e trid iad.



10 Agus labhair an Tighearna ri Maois, ag ràdh,

11 Phìll Phinehas mac Eleasair, mhic Aaroin an t-sagairt, mo chorruch air falbh o chloinn Israeil, an uair a bha e eudmhor<sup>1</sup> as mo leth nam measg, air chor as nach do chuir nì as do chloinn Israeil a'm' eud.

12 Air an aobhar sin abair, Feuch, bheir mise dha mo choimhcheangal<sup>2</sup> sìth;

13 Agus bithidh e aige, agus aig a shliochd na dhéigh, *cadhon* coimhcheangal sagartachd shiorruidh; a chionn gu'n robh e eudmhor as leth a Dhé, agus gu'n d'rinn e réite air son chloinn Israeil.

14 A nis b'e ainm an Israelich, a mharbhadh, *cadhon* a mharbhadh maille ris a' Bhan-mhidianaich, Simri mac Shalu, ceannard prìonh<sup>3</sup> thighe am measg nan Simeonach.

15 Agus b'e ainm na Ban-mhidianaich, a mharbhadh, Cosbi nighcan Shur; *bucheann* cinnach e, agus do phrìonh thigh ann am Midian.

16 Agus labhair an Tighearna ri Maois, ag ràdh,

17 Bui gu naimhdeil ris<sup>4</sup> na Midianaich, agus buailibh iad:

18 Oir tha iadsan a' buntuinn gu naimhdeil ribhse le'n as-innleachdaibh, leis an do mheall iad sibh, ann an aobhar<sup>5</sup> Pheoir, agus ann an aobhar Chosbi, nighinn ceannaird do Mhidian am peàthar, a mharbhadh ann an là na plàigh, ann an aobhar Pheoir<sup>6</sup>.

## CAIB. XXVI.

**A**GUS tharladh an déigh na plàigh, gu'n do labhair an Tighearna ri Maois, agus ri Eleasar, mac Aaroin an t-sagairt, ag ràdh,

2 Gabhaibh àireamh coimhchruinnich chloinn Israeil uile, o fhichead bliadhna dh'aois agus os a chionn, tre thigh an aithreacha, iadsan uile a's *urrainn* dol a mach gu cogadh ann an Israeil.

3 Agus labhair Maois agus Elcasar an sagart riu an còmhnaidhaibh<sup>7</sup> Mhoib làimh ri Iordan *am fagus* do Iericho, ag ràdh,

4 Gabhaibh àireamh an t-sluaigh, o fhichead bliadhna dh'aois agus os a chionn; mar a dh'aithean an Tighearna do Mhaois agus do chloinn Israeil, a chaidh a mach a talamh na h-Eiphit:

5 Reuben am mac bu shine aig Israeil: clann Reubein; Hanoach, *o'm bheil* teaghlach nan Hanochach; o Phalu, teaghlach nan Paluthach:

6 O Hesron, teaghlach nan Hesronach: o Charim, teaghlach nan Carmach.

7 Is iad sin teaghlaichean nan Reubenach: agus iadsan a chaidh àireamh dhiubh, b'iad dà fhichead agus trì mìle

agus seachd ceud agus deich 'ar fhichead.

8 Agus mic Phalu, Eliab.

9 Agus nìc Eliaib; Nemuel, agus: Datan, agus Abiram. Is e so an Datan agus an t-Abiram, a bha ainmeil sa' choimhchruinnich, a rinn stri' an aghaidh Mhaois agus an aghaidh Aaroin ann an cuideachd Choraih, nuair a rinn iad stri' an aghaidh an Tighearna.

10 Agus dh'fhosgail an talamh a bheil, agus shluig e suas iad maille ri Corab, nuair a bhàsaich a' cuideachd sin, an uair a loisg an teine suas dà cheud agus leth-cheud fear: agus rinneadh iad nan comhara<sup>8</sup>.

11 Gidheadh cha do bhàsaich clann Choraih.

12 Mic Shimeoin a réir an teaghlaichean: o Nemuel, teaghlach nan Nemueach: o Iamin, teaghlach nan Iamineach: o Iachin, teaghlach nan Iachineach:

13 O Sherah, teaghlach nan Sarhach: o Shaul, teaghlach nan Saulach.

14 Is iad sin teaghlaichean nan Simeonach, fichead agus dà mhìle agus dà cheud.

15 Clann Ghad a réir an teaghlaichean: o Shephon, teaghlach nan Sephonach: o Hagi, teaghlach nan Hagitheach: o Shuni, teaghlach nan Sunitheach:

16 O Osni, teaghlach nan Osnitheach: o Eri, teaghlach nan Eritheach:

17 O Arod, teaghlach nan Arodach: o Areli, teaghlach nan Arelitheach.

18 Is iad sin teaghlaiche chloinn Ghad, a réir na dh'àirmheadh dhiubh, dà fhichead mìle agus cùig ceud.

19 B'iad mic Iudaibh Er agus Onan: agus fhuair Er agus Onan bàs ann an tìr Chanaain.

20 Agus b'iad mic Iudaibh a réir an teaghlaichean, o Shelah, teaghlach nan Selanach: o Pharets; teaghlach nan Pharetsach: o Sherah, teaghlach nan Sarhach:

21 Agus b'iad mic Pharets; o Hesron, teaghlach nan Hesronach: o Hamul, teaghlach nan Hamulach.

22 Is iad sin teaghlaichean Iudaibh a réir na dh'àirmheadh dhiubh, trì fichead agus sè mìle deug agus cùig ceud.

23 Do mhic Isachair a réir an teaghlaichean: o Tholah, teaghlach nan Tolahach: o Phua, teaghlach nam Punach:

24 O Iasub, teaghlach nan Iasubach: o Shimron, teaghlach nan Simronach.

25 Is iad sin teaghlaichean Isachair, a réir na chaidh àireamh dhiubh, trì fichead agus ceithir mìle agus trì cheud.

26 Do mhic Shebuluin a réir an teaghlaichean: o Shered, teaghlach nan Sardach: o Elon, teaghlach nan Elonach: o Iahleel, teaghlach nan Iahleelach.

<sup>1</sup> teas-ghràdhach. <sup>2</sup> chùmhnaht. <sup>3</sup> ceud, àrd. <sup>4</sup> Teannaich. Eabh.

<sup>5</sup> cùis. <sup>6</sup> air son Pheoir. <sup>7</sup> réilean- aibh. <sup>8</sup> ball-sampuill.

27 *Is iad sin teaghlaichean nan Sebulunch, a réir na chaidh àireamh dhiubh, tri fhichead mìle agus cùig ceud.*

28 *B'iad mic Iosciph a réir an teaghlaiche, Manaseh agus Ephraim.*

29 *Do mhic Mhanaseh: o Mhachir, teaghlach nam Machireach: agus ghin Machir Gilead; o Ghilead, thàinig teaghlach nan Gileadach.*

30 *Is iad so mic Ghilead: o Ieser, teaghlach nan Iesereach: o Helec, teaghlach nan Heleceach;*

31 *Agus o Asriel, teaghlach nan Asriereach: agus o Shechem, teaghlach nan Sechemeach:*

32 *Agus o Shemida, teaghlach nan Semideach; agus o Hephher, teaghlach nan Hephhereach:*

33 *Agus cha robh aig Selophehad mac Shephir mic sam bith, ach nigheanan: agus b'iad ainmean nigheana Shelophehaid, Mahla, agus Noah, Hoglah, Milcah, agus Tirsah.*

34 *Is iad sin teaghlaichean Mhanaseh, agus iadsan a chaidh àireamh dhiubh, leth-cheud agus dà mhìle agus seachd ceud.*

35 *Is iad so mic Ephraim, a réir an teaghlaichean: o Shutelah, teaghlach nan Sutealach: o Bhecher, teaghlach nan Bechereach: o Thahan, teaghlach nan Tahanach.*

36 *Agus is iad so mic Shutelah: o Eran, teaghlach nan Eranach.*

37 *Is iad sin teaghlaichean mhac Ephraim, a réir na chaidh àireamh dhiubh, dà mhìle dheug 'ar fhichead agus cùig ceud. Is iad sin mic Ioseiph a réir an teaghlaichean.*

38 *Mic Bheniamin a réir an teaghlaichean: o Bhelah, teaghlach nam Belahach: o Asbel, teaghlach nan Asbeleach: o Abiram, teaghlach nan Abiramach.*

39 *O Shupham, teaghlach nan Suphamach: o Hupham, teaghlach nan Huphamach.*

40 *Agus b'iad mic Bhelah Ard agus Naaman: o Ard, teaghlach nan Ardach; agus o Naaman, teaghlach nan Naamach.*

41 *Is iad siu mic Bheniamin a réir an teaghlaichean: agus iadsan a chaidh àireamh dhiubh, b'iad dà fhichead agus cùig mìle agus sè ceud.*

42 *Is iad so mic Dhan a réir an teaghlaichean: o Shuham, teaghlach nan Suh-amach. Is iad so teaghlaichean Dhan a réir an teaghlaichean.*

43 *B'iad teaghlaichean nan Subamach uile a réir na chaidh àireamh dhiubh, tri fhichead agus ceithir mìle agus ceithir cheud.*

44 *Do chloinn Aseir a réir an teaghlaichean: o Iimna, teaghlach nan Iimnathach: o Iesui, teaghlach nan Iesuiteach: o Bheriah, teaghlach nam Beritheach.*

45 *Do mhic Bheriah: o Heber, teagh-*

*lach nan Hebereach: o Mhalchiel, teaghlach nam Malchieleach.*

46 *Agus b'e ainm nighinn Aseir, Sarah.*

47 *Is iad sin teaghlaichean mhac Aseir, a réir na chaidh àireamh dhiubh; leth-cheud agus tri mìle agus ceithir cheud.*

48 *Do mhic Naphtali a réir an teaghlaichean: o Iahseel, teaghlach nan Iahseelach: o Ghuni, teaghlach nan Gunithach:*

49 *O Ieser, teaghlach nan Iesereach: o Shillem, teaghlach nan Sillemeach.*

50 *Is iad sin teaghlaichean Naphtali a réir an teaghlaichean: agus iadsan a dh'àirmheadh dhiubh, b'iad dà fhichead agus cùig mìle agus ceithir cheud.*

51 *B'iad sin iadsan a dh'àirmheadh do chloinn Israeil, sè ceud mìle agus mìle seachd ceud agus deich 'ar fhichead.*

52 *Agus labhair an Tighearna ri Maois, ag ràdh,*

53 *Dhoibh sin roinnear am fearann mar oighreachd, a réir àireimh nan ainmeanna.*

54 *Do mhòran bheir thu ni's mò dh'oighreachd, agus do bheagan bheir thu ni's lugha dh'oighreachd: bheirear 'oighreachd fèin do gach aon, a réir an àireimh.*

55 *Gidheadh roinnear am fearann le crannchur: a réir ainmeanna threubhan an aithreacha gheibh iad an oighreachd.*

56 *A réir a' chrannchuir roinnear a shealbh eadar mhòran agus bheagan.*

57 *Agus is iad so iadsan a dh'àirmheadh do na Lebhitich, a réir an teaghlaichean; o Gherson, teaghlach nan Gersonach: o Chohat, teaghlach nan Cohatach: o Mherari, teaghlach nam Meraritheach.*

58 *Is iad so teaghlaichean nan Lebhitheach; teaghlach nan Libnitheach, teaghlach nan Hebronach, teaghlach nam Mahlach, teaghlach nam Muisitheach, teaghlach nan Corahach: agus ghin Cohat Amram.*

59 *Agus b'e ainm mnà Amraim Iochbed, nighean Lebhi, a rug a màthair do Lebhis an Eiphit: agus rug i do Amram, Aaron, agus Maois, agus Miriam am piuthar.*

60 *Agus do Aaron rugadh Nadab agus Abihu, Eleasar agus Itamar.*

61 *Agus fhuair Nadab agus Abihu bàs, an uair a thug iad suas teine coimheach an làthair an Tighearna.*

62 *Agus b'iadsan, a chaidh àireamh dhiubh, fhichead agus tri mìle, frionnaich uile o mhìos a dh'aois agus os a chionn; oir cha d'àirmheadh iad am measg chloinn Israeil, a chionn nach d'thugadh oighreachd dhoibh am measg chloinn Israeil.*

63 *Is iad sin iadsan a chaidh àireamh le Maois agus Eleasar an sagart, a dh'àireamh clann Israeil ann an còmhnaidh Mhoab; làimh ri Iordan am fagus do Iericho.*

64 *Ach nam measg sin cha robh aon duine dhiubhsan a dh'àireamh Maois agus*



Aaron an sagart, an uair a dh'àireamh iad clann Israeil ann am fàsach Shinai:

65 Oir thubhairt an Tighearn umpasan, Gheibh iad gu deimhin bàs anns an fhàsach, agus cha d'fhàgadh duine dhiubh, saor o Chaleb mac Iephuneh, agus Iosua mac Nun.

## CAIB. XXVII.

**A**N sin thàinig nigheana Shelopheaid mhic Hephair, mhic Ghilead, mhic Mhachir, mhic Mhanaseh, do theaghlachibh Mhanaseh mhic Ioseiph: agus is iad so ainmean a nigheana, Mahlah agus Noah, agus Hoglah, agus Milcah, agus Tirsah.

2 Agus sheas iad an làthair Mhaois, agus an làthair Eleasair an t-sagairt, agus an làthair nan ceannard, agus a' choimhchrùinnich uile làimh ri dorus pàilliuin a' choimhthionail, ag ràdh,

3 Dh'eug ar n-athair anns an fhàsach, agus cha robh e ann an cuideachd na muinntir a chruinnich iad fèin r'a chèile an aghaidh an Tighearn ann an cuideachd Choraih, ach dh'eug e na pheacadh fèin; agus cha robh mic sam bith aige.

4 C'ar son a chaillear ainm ar n-athar o mheasg a theaghlach, a chionn nach 'eil mac aige? Thugaibh dhuinn uime sin sealbh ann measg bhràithrean ar n-athar.

5 Agus thug Maois an cùis an làthair an Tighearna.

6 Agus labhair an Tighearna ri Maois, ag ràdh,

7 Labhair nigheana Shelopheaid gu ceart: bheir thu dhoibh gu cinnteach scalbh oighreachd ann measg bhràithrean an athar: agus bheir thu fanear gu'n d'thig oighreachd an athar d'an ionnsuidh.

8 Agus labhraidh tu ri cloinn Israeil, ag ràdh, Ma gheibh duine bàs, agus gun mhac aige, an sin bheir sibh fanear gu'n d'thig 'oighreachd-san chum a nighinn.

9 Agus mur bi nighean aige, an sin bheir sibh 'oighreachd d'a bhràithribh.

10 Agus mur bi bràithrean aige, an sin bheir sibh 'oighreachd do bhràithribh 'athar.

11 Agus mur bi bràithrean aig 'athair, an sin bheir sibh 'oighreachd d'a fhear-dàimh<sup>1</sup> a's faigse da d'a theaghlach, agus sealbhaichidh e i: agus bitidh e do chloinn Israeil na reachd<sup>2</sup> bhrèitheanais, mar a dh'àithn an Tighearna do Mhaois.

12 Agus thubhairt an Tighearna ri Maois, Imich suas do'n t-sliabh so Abarim, agus gabh sealladh do'n fhearann a thug mise do chloinn Israeil.

13 Agus an uair a chi thu e, cruinnich-ear thusa mar an ceudna chum do dhaoine, mar a chruinnicheadh Aaron do bhràthair:

14 A chionn gu'n d'rinn sibh ceannairc an aghaidh mi àithne-sa ann am fàsach

Shin, ann an co'-stri' a' choimhchrùinnich, agus nach do naomhaich sibh mi<sup>3</sup> aig an uisge, ann an sealladh an sùl: is e sin uisge Mheribah ann an Cades, ann am fàsach Shin.

15 Agus labhair Maois, ris an Tighearn, ag ràdh,

16 Cuireadh an Tighearna<sup>4</sup>, Dia spiorad na h-uile fheòla, duine os cionn a' choimhchrùinnich,

17 A théid a mach rompa, agus a thig a steach rompa, agus a theòraicheas a muigh iad, agus a bheir a stigh iad; a chum nach bi coimhchrùinneach an Tighearna mar chaoraich aig nach 'eil buachaille.

18 Agus thubhairt an Tighearna ri Maois, Gabh a t'ionnsuidh Iosua mac Nun, duine anns a' bheil an spiorad, agus cuir do làmh air.

19 Agus cuir e an làthair Eleasair an t-sagairt, agus an làthair a' choimhchrùinnich uile: agus thoir àithne dha nam fianuis.

20 Agus cuiridh tu cuid do t'urram air, a chum as gu'm bi coimhchrùinneach chloinn Israeil uile ùmhal dha<sup>5</sup>.

21 Agus seasaidh e 'n làthair Eleasair an t-sagairt, a dh'iarra comhairl' air a shon, a réir bhrèitheanais na h-Urim an làthair an Tighearna: air 'fhocal-san théid iad a mach, agus air 'fhocal thig iad a steach, e fèin agus clann Israeil uile maille ris, eadhon an coimhchrùinneach uile.

22 Agus rinn Maois mar a dh'àithn an Tighearna dha: agus ghabh e Iosua agus chuir e 'n làthair Eleasair an t-sagairt e, agus an làthair a' choimhchrùinnich uile.

23 Agus chuir e a làmh an air, agus thug e àithne dha, mar a labhair an Tighearna le làimh Mhaois.

## CAIB. XXVIII.

**A**GUS labhair an Tighearna ri Maois, ag ràdh,

2 Aithn do chloinn Israeil, agus abair riu, Mo thabhartas, agus m'aran air son miobairtean a bheirear suas le teine chum fàile cùbhraidh dhomh, bheir sibh an aire gu'n d'thoir sibh seachad dhomhsa nan àm iomchuidh fèin.

3 Agus their thu riu, Is e so an tabhartas, a bheirear suas le teine, a bheir sibh seachad do'n Tighearna; dà uan do'n cheud bhliadhna gun ghaoid gach là, chum iobairt-loisgte ghnàthaichte.

4 Aon uan bheir thu seachad sa' mhad-uinn, agus an t-uan eile bheir thu seachad air feasgar;

5 Agus an deicheamh carrann do ephah phlùir mar thabhartas-bìdh, measgta leis a' cheathranh carrann do hin a dh'oladh bhrùite.

6 Is iobairt-loisgte ghnàthaichte a t'ann, a dh'orduicheadh ann an sliabh Shinai

<sup>1</sup> d'a fheoil. Eabh.

<sup>2</sup> lagh, ordugh.

<sup>3</sup> chum mo naomhachadh.

<sup>4</sup> Iehobhah. Eabh.

<sup>5</sup> cuiridh tu do t' onoir air, chum gu'n èisd coimhchrùinneach chloinn Israeil uile ris.

chum fàile cùbhraidh, ìobairt a bheirear suas le teine do'n Tighearna.

7 Agus is ia tabhartas-dìbhe an ceathramh earran do hin air son aon uain: anns an ionad naomha bheir thu fanear fìon làidir a dhòrtadh do'n Tighearna mar thabhartas-dìbhe.

8 Agus an t-uan eile bheir thu seachad air feasgar: mar thabhartas-bìdh na maidne, agus mar a tabhartas-dìbhe bheir thu seachad e, mar ìobairt a bheirear suas le teine dh'fhàile cùbhraidh do'n Tighearna.

9 Agus air là na sàbaid, dà uan do'n cheud bhliadhna gun ghaoid, agus dà dheicheamh earrann phlùir measgta le h-oladh mar thabhartas-bìdh, agus a tabhartas-dìbhe<sup>1</sup>.

10 Is e so ìobairt-loisgte gach sàbaid, a thuilleadh air an ìobairt-loisgte ghnàthaichte, agus a tabhartas-dìbhe.

11 Agus ann an toiseach bhur mìos bheir sibh seachad chum ìobairt-loisgte do'n Tighearna, dà tharbh òg, agus aon reithe, seachd uain do'n cheud bhliadhna gun ghaoid.

12 Agus trì deicheamh earranna phlùir measgta le h-oladh mar thabhartas-bìdh air son gach tairbh, agus dà dheicheamh earrann phlùir measgta le h-oladh mar thabhartas-bìdh air son gach reithe.

13 Agus aon deicheamh earrann phlùir air leth measgta le h-oladh mar thabhartas-bìdh air son gach uain, chum ìobairt-loisgte deagh bholaigh, ìobairt a bheirear suas le teine do'n Tighearna.

14 Agus mar an tabhartas-dìbhe bithidh leth hin do fhion air son tairbh, agus an treas earrann do hin air son reithe, agus an ceathramh earrann do hin air son uain: is i so ìobairt-loisgte gach mìos air feadh mhiosa na bliadhna.

15 Agus ìobrar aon mheann do na gabhraibh mar ìobairt-pheacaidh do'n Tighearna, a thuilleadh air an ìobairt-loisgte ghnàthaichte, agus a tabhartas-dìbhe.

16 Agus air a' cheathramh là deug do'n cheud mhios tha càisg<sup>2</sup> an Tighearna.

17 Agus air a' chùigeadh là deug do'n mhios so tha 'n fhéisd: seachd laithean ithear aran neo-ghoirtichte.

18 Air a' cheud là bithidh coimhghairm naomha; obair thràilleil<sup>3</sup> sam bith cha dean sibh air.

19 Ach bheir sibh seachad a chum ìobairt a bheirear suas le teine, mar ìobairt-loisgte do'n Tighearna, dà tharbh òg, agus aon reithe, agus seachd uain do'n cheud bhliadhna: gun ghaoid bithidh iad dwibh.

20 Agus bithidh an tabhartas-bìdh do phlùir measgta le h-oladh: trì deicheamh earranna bheir sibh seachad air son tairbh,

agus dà dheicheamh earrann air son reithe.

21 Deicheamh earrann air leth bheir thu seachad air son gach uain, air feadh nan seachd uain:

22 Agus aon bhoc-gaibhre chum ìobairt-pheacaidh, a dheanamh réite air bhur son.

23 Iobraidh sibh iad sin a thuilleadh air an ìobairt-loisgte sa' mhaduinn, a tha mar ìobairt-loisgte ghnàthaichte.

24 Mar so bheir sibh seachad<sup>4</sup> gach là air feadh nan seachd laithean, biadh na h-ìobairt a bheirear suas le teine, chum fàile cùbhraidh do'n Tighearna: bheirear seachad e thuilleadh air an ìobairt-loisgte ghnàthaichte, agus a tabhartas-dìbhe.

25 Agus air an t-seachdamh là bithidh coimhghairm naomha agaibh: obair thràilleil sam bith cha dean sibh air.

26 Mar an ceudna air là nan ceud thoradh, nuair a bheir sibh seachad tabhartas-bìdh nuadh<sup>5</sup> do'n Tighearna, aig ceann bhur seachduinean, bithidh coimhghairm naomh agaibh: obair thràilleil sam bith cha dean sibh.

27 Ach bheir sibh seachad mar ìobairt-loisgte, chum fàile cùbhraidh do'n Tighearna, dà tharbh òg, aon reithe, seachd uain do'n cheud bhliadhna;

28 Agus an tabhartas-bìdh do phlùir measgta le h-oladh, trì deicheamh earrann an air son gach tairbh, dà dheicheamh earrann air son gach reithe.

29 Deicheamh earrann air leth air son gach uain, air feadh nan seachd uain:

30 Agus aon mheann<sup>6</sup> do na gabhraibh, a dheanamh réite air bhur son.

31 Iobraidh sibh iad a thuilleadh air an ìobairt-loisgte ghnàthaichte, agus a tabhartas-bìdh (gun ghaoid bithidh iad dwibh) agus an tabhartasan-dìbhe.

#### CAIB. XXIX.

**A** GUS anns an t-seachdamh mìos, air a' cheud là do'n mhios, bithidh coimhghairm naomha agaibh; obair thràilleil sam bith cha dean sibh: is là shéideadh nan trompaid dhuibh e.

2 Agus bheir sibh seachad mar ìobairt-loisgte chum fàile cùbhraidh do'n Tighearna, aon tarbh òg, aon reithe, agus seachd uain do'n cheud bhliadhna gun ghaoid:

3 Agus bithidh an tabhartas-bìdh do phlùir measgta le h-oladh, trì deicheamh earrannan air son tairbh, agus dà dheicheamh earrann air son reithe,

4 Agus aon deicheamh earrann air son gach uain, air feadh nan seachd uain.

5 Agus aon mheann do na gabhraibh chum ìobairt-pheacaidh, a dheanamh réite air bhur son:

6 A thuilleadh air ìobairt-loisgte a' mhios, agus a tabhartas-bìdh agus an ìob-

<sup>1</sup> deoch ofrail. <sup>2</sup> gabhail-thairis. <sup>3</sup> shaoith-reachail.

<sup>4</sup> nì sibh. Eabh. <sup>5</sup> nomha.

<sup>6</sup> bhoc òg.



àirt-loisgte ghnàthaichte, agus a tabhartas-bìdh, agus an tabhartasan-dìbhe, a réir an gnàtha, chum faile cùbhraidh, ìobairt a bheirear suas le teine do'n Tighearna.

7 Agus bithidh agaibh air an deicheamh là do'n t-seachdamh mìos so coimhghairm naomha: agus cràdhaidh sibh bhur n-anaman: obair sam bith cha dean sibh air.

8 Ach bheir sibh seachad *chum* ìobairt-loisgte do'n Tighearna dh'fhàile cùbhraidh, aon tarbh òg, aon reithe, agus seachd uain do'n cheud bhliadhna; gun ghaoid bithidh iad duibh.

9 Agus *bithidh* an tabhartas-bìdh do phlùr measgta le h-oladh, tri deicheamh earrannan air son gach tairbh, agus dà dheicheamh earrann air son gach reithe;

10 Deicheamh earrann air leth air son gach uain, air feadh nan seachd uan:

11 Aon mheann do na gabhraibh *chum* ìobairt-pheacaidh, a thuilleadh air ìobairt-pheacaidh na réite, agus an ìobairt-loisgte ghnàthaichte, agus a tabhartas-bìdh, agus an tabhartasan-dìbhe.

12 Agus air a' chùigeadh là deug do'n t-seachdamh mìos, bithidh coimh-ghairm naomh agaibh; obair thràilleil, sam bith cha dean sibh; agus gleidhidh sibh féisd do'n Tighearna seachd laithean.

13 Agus bheir sibh seachad *chum* ìobairt-loisgte, ìobairt a bheirear suas le teine, dh'fhàile cùbhraidh do'n Tighearna, tri tairbh dheug òga, dà reithe, agus ceithir uain deug do'n cheud bhliadhna; gun ghaoid bithidh iad.

14 Agus *bithidh* an tabhartas-bìdh do phlùr measgta le h-oladh, tri deicheamh earrannan air son gach tairbh do na tri tairbh dheug, dà dheicheamh earrann air son gach reithe do'n dà reithe.

15 Agus deicheamh earrann air leth air son gach uain do na ceithir uain deug:

16 Agus aon mheann do na gabhraibh *chum* ìobairt-pheacaidh, a thuilleadh air an ìobairt-loisgte ghnàthaichte a tabhartas-bìdh, agus a tabhartas-dìbhe.

17 Agus air an dara là bheir sibh seachad dà tharbh dheug òg, dà reithe, ceithir uain deug do'n cheud bhliadhna gun ghaoid:

18 Agus *bithidh* an tabhartas-bìdh, agus an tabhartasan-dìbhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

19 Agus aon mheann do na gabhraibh *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bìdh, agus an tabhartasan-dìbhe.

20 Agus air an treas là aon tarbh deug, dà reithe, ceithir uain deug do'n cheud bhliadhna gun ghaoid:

21 Agus *bithidh* an tabhartas-bìdh, agus an tabhartasan-dìbhe, air son nan tarbh, air son nan reitheachan, agus air son

nan uan, a réir an àireimh, a réir a' ghnàtha:

22 Agus aon bhoc-gaibhre *chum* ìobairt-pheacaidh a thuilleadh air an ìobairt-loisgte ghnàthaichte, agus a tabhartas-bìdh, agus a tabhartas-dìbhe.

23 Agus air a cheathramh là deich tairbh, dà reithe, agus ceithir uain deug do'n cheud bhliadhna gun ghaoid:

24 *Bithidh* an tabhartas-bìdh, agus an tabhartasan-dìbhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

25 Agus aon mheann do na gabhraibh *chum* ìobairt-pheacaidh, a' thuilleadh air an ìobairt-loisgte ghnàthaichte, a tabhartas-bìdh, agus a tabhartas-dìbhe.

26 Agus air a' chùigeadh là naoi tairbh, dà reithe, agus ceithir uain deug do'n cheud bhliadhna gun ghaoid:

27 Agus *bithidh* an tabhartas-bìdh, agus an tabhartasan-dìbhe, air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

28 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, agus a tabhartas-bìdh, agus a tabhartas-dìbhe.

29 Agus air an t-seathadh là ochd tairbh, dà reithe, agus ceithir uain deug do'n cheud bhliadhna gun ghaoid:

30 Agus *bithidh* an tabhartas-bìdh agus an tabhartasan-dìbhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

31 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bìdh, agus a tabhartas-dìbhe.

32 Agus air an t-seachdamh là seachd tairbh, dà reithe, agus ceithir uain deug do'n cheud bhliadhna gun ghaoid:

33 Agus *bithidh* an tabhartas-bìdh, agus an tabhartasan-dìbhe air son nan tarbh, air son nan reitheachan, agus air son nan uan, a réir an àireimh, a réir a' ghnàtha:

34 Agus aon bhoc-gaibhre *chum* ìobairt-pheacaidh, a thuilleadh air an ìobairt-loisgte ghnàthaichte, a tabhartas-bìdh, agus a tabhartas-dìbhe.

35 Agus air an ochdamh là bithidh ard choimhghairm agaibh: obair thràilleil sam bith cha dean sibh air.

36 Ach bheir sibh seachad *chum* ìobairt-loisgte, ìobairt a bheirear suas le teine dh'fhàile cùbhraidh do'n Tighearna, aon tarbh, aon reithe, seachd uain do'n cheud bhliadhna gun ghaoid:

37 *Bithidh* an tabhartas-bìdh agus an tabhartasan-dìbhe, air son nan tairbh, air son nan reithe, agus air son nan uan, a réir an àireimh, a réir a' ghnàtha:

38 Agus aon bhoc-gaibhre *chum* ìobairt-pheacaidh, a thuilleadh air an ìobairt-

loisgte ghnàthaichte, agus a tabhartas-bidh, agus a tabhartas-dibhe.

39 Na *nithe* sin nì sibh do'n Tighearna 'nar fèisdibh suidhichte<sup>1</sup>, thuilleadh air bhuir bòidibh, agus bhuir tabhartasan-saor-thoile, air son bhuir n-ìohairtean-loisgte, agus air son bhuir tabhartasan-bidh, agus air son bhuir tabhartasan-dibhe, agus air son bhuir tabhartasan-sìth.

40 Agus dh'innis Maois do chloinn Israeil a réir gach nì a dh'àithn an Tighearna do Mhaois.

## CAIB. XXX.

**A**GUS labhair Maois ri ceannardan nan treubh a thaobh chloinn Israeil<sup>2</sup>, ag ràdh, *Is e so an nì a dh'àithn an Tighearna.*

2 Ma bhòidicheas duine bòid do'n Tighearna, no ma mhionnaicheas e mionnan a cheangal 'anma le ceangal<sup>3</sup>, cha bhris<sup>4</sup> e' fhocal: a réir gach nì, a thig a mach as a bheul, nì e.

3 Mar an ceudna ma bhòidicheas bean bòid do'n Tighearna, agus gu'n cheangail si i fein le ceangal, agus i ann an tigh a h-athar na h-òige;

4 Agus gu'n cluinn a h-athair a bòid, agus a ceangal leis an do cheangail i h-anam, agus gu'm fan a h-athair na thosd rithe, an sin seasaidh a bòidean uile, agus seasaidh gach ceangal leis an do cheangail i h-anam.

5 Ach ma chuireas a h-athair na h-aghaidh san là anns an cluinn e; cha seas aon d'a bòidibh, no d'a ceanglaichibh leis an do cheangail i h-anam; agus mathaidh an Tighearna dh'i, a chionn gu'n do chuir a h-athair na h-aghaidh<sup>5</sup>.

6 Agus ma bha idir fear-pòsda aice, 'nuair a bha bòidean oirre, no 'nuair a labhair i ni as a beul, leis an do cheangail i h-anam,

7 Agus gu'n cual' a fear e, agus gu'n d'fhan e na thosd rithe san là anns an cual' e i: an sin seasaidh a bòidean, agus seasaidh a ceanglaichean leis, an do cheangail i h-anam.

8 Ach ma chuireas a fear-pòsda na h-aghaidh san là anns an cluinn e i, an sin bheir e gu neo-brìgh a bòid, a bhòidich i, agus an nì a labhair i le 'bilibh, leis an do cheangail i h-anam: agus bheir an Tighearna maithneas dh'i.

9 Ach gach bòid bantraich, agus mnà dealaichte, leis an do cheangail i a h-anam, seasaidh i na h-aghaidh.

10 Agus ma bhòidich i ann an tigh a fir, no ma cheangail i h-anam le ceangal maille ri mionnaibh,

11 Agus gu'n cual' a fear e, agus gu'n d'fhan e na thosd rithe, agus nach do chuir e na h-aghaidh; an sin seasaidh a bòidean

uile, agus seasaidh gach ceangal leis an do cheangail i h-anam.

12 Ach ma chuir a fear gu tur air chùl iad<sup>6</sup> san là anns an cual' e iad, an sin ge b'e nì thàinig a mach as a beul a thaobh a bòidean, no thaobh ceangail a h-anma, cha seas e: chuir a fear air chùl iad, agus bheir an Tighearna maithneas d'i.

13 Na bòidean, agus na mionnan sin uile a cheanglas a chum an t-anam a chràdh, feudaidh a fear an daingneachadh, no feudaidh a fear an cur air chùl.

14 Ach ma dh'fhanas a fear gu tur na thosd rithe, o là gu là; an sin tha e daingneachadh a bòidean uile, no a ceanglaichean uile, a ta oirre: tha e g'an deanamh seas-mhach, a chionn gu'n d'fhan e na thosd rithe san là anns an cual' e iad.

15 Ach ma chuireas e, air chor sam bith, air chùl iad an déigh dha 'n cluinntin; an sin giùlainidh e a h-aingidheachd-san.

16 *Is iad sin na reachdan a dh'àithn an Tighearna do Mhaois eadar duine agus a bhean, eadar athair agus a nighean, agus i fathast na h-òige ann an tigh a h-athar.*

## CAIB. XXXI.

**A**GUS labhair an Tighearna ri Maois, ag ràdh,

2 Diol clann Israeil<sup>7</sup> air na Midianaich: na dhéigh sin cruinnichear chum do dhaoine thu.

3 Agus labhair Maois ris an t-sluagh, ag ràdh, Rachadh cuid d'ibh fo'n armaibh chum a' chogaidh, agus imicheadh iad a chogadh an aghaidh nam Midianach, agus dioladh iad an Tighearna air Midian.

4 Do gach tréibh mìle, air feadh uile threubhan Israeil, cuiridh sibh chum a' chogaidh.

5 Mar sin thugadh a mach a mìlthb Israeil, mìle do gach tréibh, dà mhìle dheug armaichte chum cogaidh.

6 Agus chuir Maois iad a chum a' chogaidh, mìle do gach tréibh, iadsan agus Phinehas mac Eleasair an t-sagairt, a chum a' chogaidh, leis na h-innealaibh naomha na làimh, agus na trompaidean gu séideadh.

7 Agus chog iad an aghaidh nam Midianach, mar a dh'àithn an Tighearna do Mhaois; agus mharbh iad na fionnaich uile.

8 Agus mharbh iad rìghrean Mhidiain, a thuilleadh air a' chuid eile dhiubh a mharbhadh; eadhon Ebhi, agus Recem, agus Sur, agus Hur, agus Reba, cùig rìghrean Mhidiain: Balzam mar an ceudna mac Bheoir mharbh iad leis a' chlaidheamh.

9 Agus thug clann Israeil leo mnà Mhidiain nam braighdibh, agus an clann bheag, agus thug iad leo creach an spréidh

<sup>1</sup> orduichte. <sup>2</sup> cinn-fheadhna threabh chloinn Israeil. <sup>3</sup> le cuibhreuch, boinn. <sup>4</sup> truail.

<sup>5</sup> gu'n d' thug a h-athair a bòid gu neo-bhrìgh.

<sup>6</sup> rinn a fear faoin iad, thug e gu neo-bhrìgh-iad.

<sup>7</sup> Thoir aicheabhail chloinn Israeil a mach.



uile, agus an treudan uile, agus am maoin uile.

10 Agus loisg iad am bailtean uile anns an robh iad a chòmhnuidh, agus an dùin<sup>1</sup> uile le teine.

11 Agus thug iad leo a' chreach uile, agus an cobhartach<sup>2</sup> uile eadar dhaoine agus ainmhidhean.

12 Agus thug iad na braighdean<sup>3</sup>, agus a' chreach, agus an cobhartach gu Maois agus Eleasar an sagart, agus gu coimh-chruinneach chloinn Israeil, a chum a' chaimp aig còmhnradaibh Mhaoib, a tu làimh ri Iordan *am fagus do Iericho*.

13 Agus chaidh Maois agus Eleasar an sagart, agus ceannardan a' choimhchruinnich uile mach nan coinneamh, an taobh a muigh do'n champ.

14 Agus bha corruich air Maois ri luchd-riaghluidh an t-sluaigh, *ris* na ceannardaibh air mhìltibh, agus na ceannardaibh air cheudaibh, a thàinig o'n chogadh.

15 Agus thubhairt Maois riu, An do ghlèidh sibh na mnà uile beo?

16 Feuch, thug iad sin air cloinn Israeil, le comhairle Bhalaaim, peacachadh an aghaidh an Tighearna ann an aobhar Pheoir; agus bha plaigh air feadh coimh-chruinnich an Tighearna.

17 A nis uime sin marbhaibh gach firionnach am measg na cloinne bige, agus marbhaibh gach bean, d'am b'aithne fear le luidheadh leis.

18 Ach a' chlann bhan uile do nach b'aithne fear le luidhe leis, gleidhibh beo dhuibh féin.

19 Agus fanaibhse an taobh a muigh do'n champ seachd laithean: ge b'e mharbhadh air bith, agus ge b'e bhean ri neach a mharbhadh, glanaibh sibh féin, agus bhuir braighdean air an treas là, agus air an t-seachdamh là;

20 Agus glanaibh *bhur* n-cudach uile, agus gach ni a rinneadh do chroicnibh, agus gach obair do *fhionnadh* ghabhar, agus gach ni a rinneadh do fhiodh.

21 Agus thubhairt Eleasar an sagart ris na fir-chogaidh, a chaidh a mach a dh'ionnsuidh a' cliatha, *Is e so ordugh an lagha a dh'àithn an Tighearna do Mhaois*:

22 A mhàin an t-òr, agus an t-airgid, an t-umha, an t-iarunn, an staoin, agus an luaidh,

23 Gach ni a dh'fhuilgeas an teine, bheir sibh fanear e dhol tre 'n teine, agus glanar e: gidheadh le uisge an sgaraidh glanar e: agus gach ni nach fulaing an teine, bheir sibh fanear e dhol tre 'n uisge.

24 Agus nìghidh sibh bhuir n-eudach air an t-seachdamh là, agus bithidh sibh glan, agus na dh'èigh sin thig sibh a stigh do'n champ.

25 Agus labhair an Tighearna ri Maois, ag ràdh,

26 Gabh àireamh na creich a thogadh, eadar dhuine agus ainmhidh, thu féin, agus Eleasar an sagart, agus prìomh-aithreacha a' choimhchruinnich:

27 Agus roinn a' chreach na dà earrainn; eadar a' mhuinntir a ghabh an cogadh orra féin, a chaidh mach do'n chath, agus eadar an coimh-chruinnich uile:

28 Agus tog cìs<sup>4</sup> do'n Tighearna o na fir-chogaidh, a chaidh mach do'n chath: aon anam a cùig ceud, *araon* do na daoineibh, agus do'n bhuir, agus do na h-asail, agus do na caoraich.

29 Gabh e as an leth-san, agus thoir e do Eleasar an sagart, *mar thabhartas-togta do'n Tighearna*.

30 Agus a leth chloinn Israeil, gabhaidh tu aon chuibhrionn a leth-cheud, do na daoineibh, do'n bhuir, do na h-asail, agus do na treudaibh, do gach ainmhidh, agus bheir thu iad do na Lebhithich, a tha gleidheadh cùraim pàilluin an Tighearna.

31 Agus rinn Maois agus Eleasar an sagart mar a dh'àithn an Tighearna do Mhaois.

32 Agus b'e an cobhartach, *eadhon* a' chuid eile do'n chreich a ghlac na fir-chogaidh, se ceud mìle agus deich is trì fichead mìle agus cùig mìle caora,

33 Agus trì fichead agus dà mhìle dheug bò,

34 Agus trì fichead agus aon mhìle asal,

35 Agus dà mhìle dheug 'ar fhichead anam san iomlan, do mhnaiibh do nach b'aithne fear le luidhe leis.

36 Agus bha 'n leth bu chuibhrionn doibhsan, a chaidh mach a chum a' chogaidh, ann an àircamh trì cheud mìle agus seachd mìle deug 'ar fhichead agus cùig ceud caora;

37 Agus b'i cìs an Tighearna do na caoraich sè ceud agus trì fichead agus cùig deug.

38 Agus *b'iad* am buar sè mìle deug 'ar fhichead: dhiubh so *b'i* cìs an Tighearna trì fichead 's a dhà-dheug.

39 Agus *b'iad* na h-asail deich mìle thar fhichead agus cùig ceud: dhiubh so *b'i* cìs an Tighearna trì fichead agus a h-aon.

40 Agus *b'iad* anaman nan daoine<sup>5</sup> sè mìle deug: dhiubh so *b'i* cìs an Tighearna dà anam dheug 'ar fhichead.

41 Agus thug Maois a' chis, *eadhon* tabhartas-togta an Tighearna, do Eleasar an sagart, mar a dh'àithn an Tighearna do Mhaois.

42 Agus do leth chloinn Israeil, a roinn Maois o'n luchd-cogaidh,

43 (A nis *b'i* 'n leth a bhuineadh do're choimhchruinneach, trì cheud mìle agus

<sup>1</sup> an caistealan, an daingineachan. <sup>2</sup> a' chobh-artach. <sup>3</sup> ciomaich, prìosanaich.

<sup>4</sup> cuibhrionn.

<sup>5</sup> nam pearsanna.

seachd mìle deug 'ar fhichead agus cùig ceud caora,

44 Agus sè mìle deug 'ar fhichead bò,

45 Agus deich mìle thar fhichead asal agus cùig ceud,

46 Agus sè mìle deug anam <sup>1)</sup>

47 Eadhon do'n leth a bhuineadh do chloinn Israeil, ghabh Maois aon chuibh-rionn a leth cheud eadar dhùine agus ainmhidh, agus thug e iad do na Lebhithich, a bha gleidheadh cùraim pàilliuin an Tighearna, mar a dh'àithn an Tighearna do Mhaois.

48 Agus thàinig an luchd-riaghluidh a bha os cionn mhiltean an t-sluaigh, na ceannardan air mhìlthibh, agus na ceannardan air cheudaibh, am fagus do Mhaois:

49 Agus thubhairt iad ri Maois, Ghabh do sheirbhisich àireamh nam fear-cogaidh, a tha fo'r làimh, agus cha 'n'eil duine dhinn air chall.

50 Uime sin thug sinn tabhartas a chum an Tighearna, gach fear na fhuair e do sheudaibh <sup>2</sup> òir, eadhon slabhraidhean, agus usgraicean <sup>3</sup>, fàinnean, chuas-fhailean, agus criosan, a dheanadh réite air son ar n-aman an làthair an Tighearna.

51 Agus ghabh Maois agus Eleasar an sagart an t-òr uatha, uile na sheudaibh oibrichte.

52 Agus b'e òr an tabhartais uile a thug iad seachad do'n Tighearna, o na ceannardaibh air mhìlthibh, agus o na ceannardaibh air cheudaibh, sè mìle deug, seachd ceud agus leth-cheud secel.

53 (Oir ghabh na fir-chogaidh cobhartach, gach duine dha fèin)

54 Agus ghabh Maois agus Elcasar an sagart an t-òr o na ceannardaibh air mhìlthibh, agus air cheudaibh, agus thug iad e gu pàilliuin a' choimhthionail, mar chuimhneachan do chloinn Israeil an làthair an Tighearna.

## CAIB. XXXII.

**A**NIS bha aig cloinn Reubein agus cloinn Ghad ro-mhòran spréidhe: agus an uair a chunnaic iad fearann Iaseir, agus fearann Ghilead, feuch, bha 'n t-àite na àite spréidhe:

2 Agus thàinig clann Ghad, agus clann Reubein, agus labhair iad ri Maois, agus ri Eleasar an sagart, agus ri uachdaranaibh a' choimhchrùnich, ag ràdh,

3 Ataroth, agus Dibon, agus Iaser, agus Nimrah, agus Hesbon, agus Elealeh, agus Sebam, agus Nebo, agus Beon;

4 Eadhon an dùthaich a bhuail an Tighearna roimh choimhchrùinneach Israeil, is fearann e air son spréidhe, agus tha spréidh aig do sheirbhisich.

5 Uime sin, ars' iadsan, ma fhuair sinn deagh-ghean <sup>4</sup> a'd' shealladh, thugar am

fearann so do d' sheirbhisich mar sheilbh, agus na d' thoir sinn a nunn thar Iordan.

6 Agus thubhairt Maois ri cloinn Ghad, agus ri cloinn Reubein, An d' théid bhur bràithre gu cogadh, agus an suidh sibhse an so?

7 Agus c'ar son a bheir sibh mi-mhisneach do chridhe chloinn Israeil, a dhol a nunn do'n fhearann a thug an Tighearna dhoibh?

8 Mar so rinn bhur n-aithreacha, 'nuair a chuir mi iad o Chades-barnea a dh'amharc na tìre:

9 'Nuair a chaidh iad fuas gu gleann Escoil, agus a chunnaic iad am fearann, thug iad mi-mhisneach do chridhe chloinn Israeil, a chum nach rachadh iad a steach do'n fhearann a thug an Tighearna dhoibh

10 Agus las corruich an Tighearna san àm sin fèin, agus mhionnaich e, ag ràdh,

11 Gu cinnteach cha 'n fhaic a h-aon do na daoineibh a thàinig a mhos as an Eiphit, o fhichead bliadhna dh'aois agus os a cheann, am fearann a mhionnaich mi do Abraham, do Isaac, agus do Iacob, a chionn nach do lean iad mi gu h-iomlan;

12 Saor o Chaleb mac Iephuneh an Ceniseach, agus Iosua mac Nun: oir lean iadsan an Tighearna gu h-iomlan.

13 Agus las corruich an Tighearna an aghaidh I-raeil, agus chuir e air seacharan <sup>5</sup> iad san fhàsach dà fhichead bhliadhna, gus an deachaidh as do'n ghinealach sin uile, a rinn olc an scaladh an Tighearna.

14 Agus feuch, tha sibhse air éirigh suas an àite bhur n-aithreacha, gineal' dhroch dhaoine, a mheudachadh fathast mòr chorruich an Tighearna ri h-Israel.

15 Oir ma thionndadh sibh air falbh o 'leantuinn-san, fàgaidh e fathast uair eile san fhàsach iad, agus sgriosaidh sibh an sluagh so uile.

16 Agus thàinig iad am fagus da, agus thubhairt iad, Togaidh sinn mainnneam chaorach an so d'ar spréidh, agus bailte <sup>6</sup> d'ar cloinn bhig.

17 Ach théid sinn fèin deas-armaichte roimh chloinn Israeil, gus an d' thoir sinn iad d'an àite: agus ni ar clann bheag còmh-nuidh sna bailtibh daingnichte air sgàth <sup>7</sup> luchd-àiteachaidh na tìre.

18 Cha phill sinn d'ar tighibh gus an sealbhaich clann Israeil, gach duine dhiubh, 'oighreachd fèin:

19 Oir cha sealbhaich sinne maille riusan an taobh eile do Iordan, na thall o sin; a chionn gu'n do thuit ar n' oighreachd dhuinne air an taobh so do Iordan a làimh na h-aid' an ear.

20 Agus thubhairt Maois riu, Ma ni sibh an ni so, ma théid sibh fo'r <sup>8</sup> n-armaibh roimh an Tighearna gu cogadh,

<sup>1</sup> annama dhaoine. Eabh. persons. Sasg. <sup>2</sup> innil, uidheam. <sup>3</sup> làmh-fhailean; bracelets.

Sasg. <sup>4</sup> fàthor. <sup>5</sup> iomroll, allaban. <sup>6</sup> caith-riche. <sup>7</sup> o aghaidh. Eabh. <sup>8</sup> suidh ur.



21 Agus gu'n d' théid sibh uile armaichte thar Iordan roimh an Tighearna, gus am fadaich e mach a naimhdean as a làthair,

22 Agus gu'n ceannsaichear<sup>1</sup> am fearann am fianuis an Tighearna; na dhéigh sin pillidh sibh, agus bithidh sibh neo-choireach an làthair an Tighearna, agus an làthair Israeil, agus bithidh am fearann so na sheilbh agaibh am fianuis an Tighearna.

23 Ach mur dean sibh mar so, feuch, pheacaich sibh an aghaidh an Tighearna: agus bithibh cinnteach gu'm faigh bhur peacadh a mach sibh.

24 Togaibh bailte d'ar cloinn bhig, agus mainnrean d'ar caoraich; agus deanaibh an ni a chaidh mach as bhur beul.

25 Agus labhair clann Ghad agus clann Reubein ri Maois, ag ràdh, Ni do sheirbhisich mi a ta mo thighearn ag àithneadh.

26 Bithidh ar clann bheag, ar mnà, ar treudan, agus ar spréidh uile, an sin ann am bailtibh Ghilead.

27 Ach théid do sheirbhisich thairis, gach fear dhiubh armaichte chum cogaidh, roimh an Tighearna gu cath, mar a tha mo thighearn ag ràdh.

28 Agus thug Maois àithne d'an taobh do Eleasar an sagart, agus do Iosua mac Nun, agus do phrìomh-àithreachaibh<sup>2</sup> threubha chloinn Israeil.

29 Agus thubhairt Maois riu, Ma théid clann Ghad, agus clann Reubein a nunn maille ribh thar Iordan, gach fear dhiubh armaichte chum cath an làthair an Tighearna, agus gu'n ceannsaichear an ùr romhaibh<sup>3</sup>, an sin bheir sibh dhoibh fearann Ghilead mar sheilbh:

30 Ach mur d' théid iad thairis maille ribh armaichte, bithidh seilbh aca 'nar measg fèin ann an ùr Chanaain.

31 Agus fhreagair clann Ghad agus clann Reubein, ag ràdh, Mar a thubhairt an Tighearna ri d' sheirbhisich, mar sin ni sinne.

32 Théid sinn a nunn armaichte roimh an Tighearna do thìr Chanaain, a chum as gu'm bi sealbh ar n-oighreachd againn air an taobh so do Iordan.

33 Agus thug Maois dhoibh, eadhon do chloinn Glad, agus do chloinn Reubein, agus do leth thréibh Mhanaseh, mhic Ioseiph, rioghachd Shihoin rìgh nan Amoraich, agus rioghachd Og rìgh Bhasain, an ùr maille r'a bailtibh, anns na crìochaibh, eadhon bailte na dùthcha m'an cuairt.

34 Agus thog clann Ghad Dibon, agus Atarot, agus Aroer,

35 Agus Atrot, Sophan, agus Iaaser, agus Iogbehah,

36 Agus Bet-nimrah, agus Bet-haran, bailte daingnichte: agus mainnrean air son chaorach:

37 Agus thog clann Reubein Hesbon, agus Elealeh, agus Ciriataim,

38 Agus Nebo, agus Baalneon, (air d'an ainme bhi air an atharrachadh,) agus Sibmah: agus thug iad ainmeanna eile do na bailtibh a thog iad.

39 Agus chaidh clann Mhachir, mhic Mhanaseh, do Ghilead, agus ghlac iad e, agus chuir iad a seilbh an t-Amorach a bha ann.

40 Agus thug Maois Gilead do Mhachir, mac Mhanaseh; agus ghabh e còmhnuidh ann.

41 Agus chaidh Iair, mac Mhanaseh, agus ghlac e a bhailte beaga, agus thug e Habhot-Iair mar ainm orra.

42 Agus chaidh Nobah agus ghlac e Cenat, agus a bhailte beaga, agus thug e Nobah mar ainm air, a réir 'ainme fèin.

### C A I B. XXXIII.

**I**S iad so turusan chloinn Israeil, a chaidh mach a tìr na h-Eiphit, a réir an armaithean<sup>4</sup>, fuidh làimh Mhaois agus Aaroin.

2 Agus sgriobh Maois an dol a mach a réir an turusan, air àithne an Tighearna: agus is iad so an turusan, a réir an dol a mach.

3 Agus dh'imich iad o Rameses anns a' cheud mhios, air a' chùigeadh là deug do'n cheud mhios: air an là màireach an déigh na càisge, chaidh clann Israeil a mach le làimh aird ann an sealladh nan Eiphiteach uile.

4 Oir dh'adhlaic na h-Eiphitich an ceudghin uile, a bhuail an Tighearna nam measg: air an déibh mar an ceudna chuir an Tighearna breitheanas an gnìomh.

5 Agus dh'imich clann Israeil<sup>5</sup> o Rameses, agus champaich iad ann an Sucot.

6 Agus dh'imich iad o Shucot, agus champaich iad ann an Etam, a tha ann an iomall an fhàsaich.

7 Agus dh'imich iad o Etam, agus phill iad a ris gu Pihahiroth, a ta fa chomhair Bhaal-sephoin: agus champaich iad fa chomhair Mhigdol.

8 Agus dh'imich iad o chomhair Phihahiroth, agus chaidh iad tre mheadhon na faire do'n fhàsach, agus dh'imich iad astar trì laithean ann am fàsach Etaim, agus champaich iad ann am Marah.

9 Agus dh'imich iad o Mharah, agus thàinig iad gu h-Elìm: agus ann an Elìm bha dà thobar<sup>6</sup> dheug uisge, agus deich agus trì fichead craobh pailm; agus champaich iad an sin.

10 Agus dh'imich iad o Elìm, agus champaich iad làimh ris a' mhuir ruaidh.

11 Agus dh'imich iad o'n mhuir ruaidh, agus champaich iad ann am fàsach Shin.

12 Agus dh'imich iad a fàsach Shin, agus champaich iad ann an Dophcah.

<sup>1</sup> ceannsaichear. <sup>2</sup> aithrichibh. <sup>3</sup> roimhibh. <sup>4</sup> le'n armaitibh.

<sup>5</sup> thriall, ghabh clann Israeil an turus. <sup>6</sup> shùil, Eabh.

13 Agus dh'imich iad o Dhophcah, agus champaich iad ann an Alus.

14 Agus dh'imich iad o Alus, agus champaich iad ann an Rephidim, far nach robh uisge aig an t-sluagh 'a òl.

15 Agus dh'imich iad o Rephidim, agus champaich iad ann am fàsach Shinaì.

16 Agus dh'imich iad o fhàsach Shinaì, agus champaich iad ann an Cibrot-ha-taabhah.

17 Agus dh'imich iad o Chibrot-ha-taabhah, agus champaich iad ann an Haserot.

18 Agus dh'imich iad o Haserot, agus champaich iad ann an Ritmah.

19 Agus dh'imich iad o Ritmah, agus champaich iad ann an Rimonpares.

20 Agus dh'imich iad o Rimonpares, agus champaich iad ann an Libnah.

21 Agus dh'imich iad o Libnah, agus champaich iad ann an Risah.

22 Agus dh'imich iad o Risah, agus champaich iad ann an Cehelatah.

23 Agus dh'imich iad o Cehelatah, agus champaich iad ann an sliabh Shapher.

24 Agus dh'imich iad o shliabh Shapher, agus champaich iad ann an Haradah.

25 Agus dh'imich iad o Haradah, agus champaich iad ann am Machelot.

26 Agus dh'imich iad o Mbachelot, agus champaich iad ann an Tahat.

27 Agus dh'imich iad o Thahat, agus champaich iad ann an Tarah.

28 Agus dh'imich iad o Tharah, agus champaich iad ann am Mitah.

29 Agus dh'imich iad o Mhitah, agus champaich iad ann an Hasmonah.

30 Agus dh'imich iad o Hasmonah, agus champaich iad ann am Moserot.

31 Agus dh'imich iad o Mhoserot, agus champaich iad ann am Beneiaacan.

32 Agus dh'imich iad o Bheneiaacan, agus champaich iad ann an Hor-hagidgad.

33 Agus dh'imich iad o Horhagidgad, agus champaich iad ann an Iot-batah.

34 Agus dh'imich iad o Iot-batah, agus champaich iad ann an Ebronah.

35 Agus dh'imich iad o Ebronah, agus champaich iad ann an Esion-gaber.

36 Agus dh'imich iad o Esion-gaber, agus champaich iad ann am fàsach Shin: <sup>1</sup>as e so Cades.

37 Agus dh'imich iad o Chades, agus champaich iad ann an sliabh Hor, ann an ìomall fearainn Edoim.

38 Agus chaidh Aaron an sagart suas gu sliabh Hor air àithne an Tighearna, agus fhuair e bàs an sin, anns an dà fhicheadamh bliadhna an déigh do chloinn Israeil teachd a mach a tìr na h-Eiphit, air a' cheud là do'n chùigeadh mìos.

39 Agus bha Aaron cèad agus fichead

agus trì bliadhna dh'aois, an uair a dh'eug e ann an sliabh Hor.

40 Agus chuala rìgh Arad an Canaan-ach (a bha chòmhnuidh san airde d'as ann an tìr Chanaan) mu theachd chloinn Israeil.

41 Agus dh'imich iad o shliabh Hor, agus champaich iad ann an Salmonah.

42 Agus dh'imich iad o Shalmonah, agus champaich iad ann am Punon.

43 Agus dh'imich iad o Phunon, agus champaich iad ann an Obot.

44 Agus dh'imich iad o Obot, agus champaich iad ann an Ieabarim, ann an crìch Mhoab.

45 Agus dh'imich iad o Iim, agus champaich iad ann an Dibongad.

46 Agus dh'imich iad o Dhibongad, agus champaich iad ann an Almon-diblataim.

47 Agus dh'imich iad o Almon-diblataim, agus champaich iad ann an sléibhtibh Abarim, fa chomhair Nebo.

48 Agus dh'imich iad o shléibhtibh Abarim, agus champaich iad ann an còmh-nardaibh Mhoab, làimh ri Iordan *am fagus do Iericha*.

49 Agus champaich iad làimh ri Iordan, o Bheth-iesimot *cadhon* gu Abel-sitim, ann an còmh-nardaibh Mhoab.

50 Agus labhair an Tighearna ri Maois ann am còmh-nardaibh Mhoab, làimh ri Iordan *am fagus do Iericha*, ag ràdh,

51 Labhair ri cloinn Israeil, agus abair riu, 'Nuair a thèid sibh a nunn thar Iordan, do tìr Chanaan;

52 An sin fògraidh sibh a mach uile luchd-àiteachaidh na tìre as bhur fianuis, agus cuiridh sibh as d'an dealbhan uile, agus sgriosaidh sibh an coslais<sup>1</sup> leaghta uile, agus fàsaichidh sibh<sup>2</sup> an ionadan arda uile.

53 Agus cuiridh sibh a seilbh *luchd-àiteachaidh* an fhearainn, agus nì sibh còmhnuidh ann: oir thug mise dhuibh am fearann r'a shealbhadh.

54 Agus roinnidh sibh am fearann le crannchur mar oighreachd am measg bhur teaghlaicean: dhoibhsan a's lion-mhoire bheir sibh an oighreachd a's mò, agus dhoibhsan a's teirce bheir sibh an oighreachd a's lugha: bithidh *oighreachd* gach duine san àite anns an tuit a chrannchur; a rèir treubha bhur n-aithreacha sealbhaichidh sibh.

55 Ach mur fògair sibh a mach luchd-àiteachaidh an fhearainn as bhur fianuis, an sin bithidh iadsan diubh, d'an leig sibh fuireach, nan scolbaibh<sup>3</sup> nar sùilean, agus nan bioraibh nar taobhan, agus cuiridh iad campar oirbh<sup>4</sup> san fhearann, anns am b' sibh a chòmhnuidh.

56 Os-bàrr tarlaidh, mar a smuainich mi a dheanamh riu-san, *gu'n* dcan mi ribhse.

<sup>1</sup> òmhaghean, dreachan, riochdan. <sup>2</sup> tilgidh sibh sìos. <sup>3</sup> deulgaibh, gathuibh.

<sup>4</sup> bithidh iad nan naimhdean duibh.



## CAIB. XXXIV.

**A**GUS labhair an Tighearna ri Maois, ag ràdh,

2 Aithn do chloinn Israeil, agus abair riu, 'Nuair a thig sibh do thalamh Chanaain, (is e so am fearann a thuiteas oirbh mar oighreachd, eadhon fearann Chanaain maille r'a chrìochaibh,)

3 An sin bithidh bhur cearn<sup>1</sup> deas o fhàsach Shin, leth ri crìch Edoim, agus is i bhur crìoch mu dheas fìor iomall na fairge sailte a làimh na h-aird' an ear.

4 Agus pillidh bhur crìoch o dheas gu dìreadh Acrabim, agus théid i air a h-aghaidh gu Sin: agus bithidh a dol a mach o'n taobh dheas gu Cadesbarnea, agus gabhaidh i roimpe gu Hasar-adar, agus théid i air a h-aghaidh gu h-Asmon.

5 Agus bheir a' chrìoch cuairt o Asmon gu abhuinn na h-Eiphit, agus bithidh a dol a mach aig an fhaige.

6 Agus a thaobh na crìch an iar, bithidh agaibh eadhon an fhaige mhòr mar chrìch: bithidh a' chrìoch so na crìch dhuibh air an làimh an iar.

7 Agus is i so bhur crìoch air an làimh mu thuath: o'n fhaige mhòir comharaichidh sibh dhuibh fèin gu sliabh Hor.

8 O shliabh Hor comharaichidh sibh bhur crìoch gu dol a stigh Hamat: agus bithidh dol a mach na crìche gu Sedad.

9 Agus gabhaidh bhur crìoch roimpe gu Siphron, agus bithidh a dol a mach aig Hasar-enan; is i so bhur crìoch mu thuath.

10 Agus comharaichidh sibh bhur crìoch air an taobh an ear o Hasar-enan gu Sepham.

11 Agus théid a' chrìoch sìos o Shepham gu Riblah, air an taobh an ear do Ain; agus théid a' chrìoch sìos, agus ruigidh i gu taobh fairge Chineret a làimh na h-aird' an ear.

12 Agus théid a' chrìoch sìos gu Iordan, agus bithidh a dol a mach aig a' mhuir shailte: is e so bhur fearann le' chrìochaibh m'an cuairt.

13 Agus dh'àithn Maois do chloinn Israeil, ag ràdh, Is e so am fearann a shealbhaicheas sibh le crannchur, a dh'àithn an Tighearna thoirt do na naoi treubhan agus do'n leth-thrèibh.

14 Oir fhuair treubh chloinn Reubein an oighreachd a rèir tìge an aithreacha, agus treubh chloinn Ghad a rèir tìge an aithreacha; agus fhuair leth thrèibh Mhanaseh an oighreachd.

15 Fhuair an dà threubh agus an leth thrèibh an oighreachd air an taobh so do Iordan an fagus do Iericho, a làimh na h-aird' an ear, leth ri éirigh na gréine.

16 Agus labhair an Tighearna ri Maois, ag ràdh,

17 Is iad so ainmeanna nan daoine, a

roinneas am fearann duibh: Eleasar an sagart, agus Iosua mac Nun.

18 Agus gabhaidh sibh aon cheannard do gach thrèibh, a roinn an fhearainn mar oighreachd.

19 Agus is iad so ainmeanna nan daoine: Do thrèibh Iudaih, Caleb mac Iephuneh:

20 Agus do thrèibh chloinn Shimeoin, Semuel mac Amihud.

21 Do thrèibh Bheniamin, Elidad mac Chisloin.

22 Agus ceannard thrèibh chloinn Dhan, Buci mac Iogli.

23 Ceannard chloinn Ioseiph, air son thrèibh chloinn Mhanaseh, Haniel mac Ephoid.

24 Agus ceannard thrèibh chloinn Ephraim, Cemucl mac Shiptain.

25 Agus ceannard thrèibh chloinn Shebuluin, Elisaphan mac Pharnaich.

26 Agus ceannard thrèibh chloinn Isachair, Paltiel mac Asain.

27 Agus ceannard thrèibh chloinn Aseir, Ahihud mac Shelomi.

28 Agus ceannard thrèibh chloinn Naph-tali, Pedahel mac Amihud.

29 Is iad sin iadsan d'an d'àithn an Tighearna an oighreachd a roinn do chloinn Israeil ann an tìr Chanaain.

## CAIB. XXXV.

**A**GUS labhair an Tighearna ri Maois, ann an comhnardaibh Mhoab, làimh ri Iordan an fagus do Iericho, ag ràdh,

2 Aithn do chloinn Israeil, iad a thabhairt do na Lebhithich do oighreachd an seilbh, bailte<sup>2</sup> gu comhnuidh ghabhail annta: agus bheir sibh mar an ceudna do na Lebhithich fearann comh-roinn<sup>3</sup> d'am bailtibh m'an cuairt orra.

3 Agus bithidh na bailtean aca gu comhnuidh ghabhail annta, agus bithidh am fearann comh-roinn air son an spréidhe, agus air son am maoin, agus air son an ainmhidhean uile.

4 Agus ruigidh fearann comhroinn nam bailtean, a bheir sibh do na Lebhithich, a mach o bhalladh a' bhaile, mìle làmh-choille m'an cuairt.

5 Agus tomhaisidh sibh o'n leth a muigh do'n bhaile air an taobh an ear dà mhìle, làmh-choille, agus air an taobh dheas dà mhìle làmh-choille, agus air an taobh an iar dà mhìle làmh-choille, agus air an taobh thuath dà mhìle làmh-choille: agus bithidh am baile sa'mheadhon: bithidh so dhoibh na fhearann coimh-roinn d'am bailtibh.

6 Agus am measg nam bailtean, a bheir sibh do na Lebhithich, bithidh sè bailte chum dèidein<sup>4</sup>, a dh'orduicheas sibh air a shon-san a mharbhas duine, chum as gu'n teich e 'n sin: agus riu-san cuiridh sibh dà bhaile 's dà fhichead.

<sup>1</sup> cearna, oisinn. <sup>2</sup> cathraiche. <sup>3</sup> iomallan  
162

fearainn, bailt'-chroibhtean. <sup>4</sup> comruich, girl.

7 Mar so is iad na bailte sin uile, a bheir sibh da na Lebhithich, ochd agus dà-fhichead baile : iad sin *bheir sibh seachad* agus am fearann comh-roinn.

8 Agus bithidh na bailtean a bheir sibh seachad do sheilbh chloinn Israeil ; uatha-san aig am bheil mòran, bheir sibh mòran ; ach uatha-san aig am bheil beagan, bheir sibh beagan : bheir gach aon d'a bhailtibh do na Lebhithich, a réir 'oighreachd a ta e sealbhachadh.

9 Agus labhair an Tighearna ri Maois, ag ràdh,

10 Labhair ri cloinn Israeil, agus abair riu, 'Nuair a bhios sibh air teachd thar Iordan do thìr Chanaain,

11 An sin orduichidh sibh dhuibh féin bailte, gu bhí nam bailtibh dèidin dhuibh, a chum gu'n teich am marbhaich an sin, a mharbhas neach an ain-fhios <sup>1</sup>.

12 Agus bithidh iad duibh nam bailtibh a chum dèidin o'n diòghaltair <sup>2</sup> ; a chum nach bàsaich esan, a mharbhas duine, gus an seas e an làthair a' choimhchruiunnich ann am breitheanas.

13 Agus do na bailtibh sin, a bheir sibh seachad, bithidh sè bailtean agaibh a chum dèidin.

14 Bheir sibh seachad trì bailtean air an taobh so do Iordan, agus trì bailte bheir sibh seachad ann an tìr Chanaain, a bhios nam bailtibh dèidin.

15 Bithidh na sè bailte sin nan dèidin, *arson* do chloinn Israeil, agus do'n choigreach, agus dha-san, a bhios air chuairt nam measg : a chum gu'n teich gach neach an sin, a mharbhas duine gun fhios.

16 Agus ma bhuaileas se e le h-inneal iaruinn (air chor as gu'm bàsaich e) is mortair e : cuirear gu cinnteach am mortair gu bàs.

17 Agus ma bhuaileas se e le clach a thilgeadh, (a dh'fheudas a bhàs a thoirt) agus gu'm bàsaich e, is mortair e : cuirear gu cinnteach am mortair gu bàs.

18 No ma bhuaileas se e la làmh-bhall <sup>3</sup> fiodha, (a dh'fheudas a bhàs a thoirt) agus gu'm faigh e bàs, is mortair e : cuirear gu cinnteach am mortair gu bàs.

19 Marbhaidh diòghaltair na fola e féin am mortair : an uair a choinnicheas se e <sup>4</sup>, marbhaidh se e.

20 Ach ma bheir e urchuir dha tre fhuath <sup>5</sup>, no ma thilgeas e *ni sam bith* air am plaid-luidhe <sup>6</sup>, air chor as gu'm faigh e bàs ;

21 No ma bhuaileas se e le a làimh ann an naimhdeas, air chor as gu'm faigh e bàs ; cuirear esan a bhuail e gun teagamh gu bàs ; oir is mortair e : marbhaidh diòghaltair na fola am mortair, an uair a choinnicheas se e.

22 Ach ma thug e urchuir dha gu h-obann gun naimhdeas, no ma thilg e *ni sam bith* air gun phlaid-luidhe ;

23 No le cloich sam bith a dh' fheudas bàs duine a thabhairt, gun e 'g a fhaicinn, agus gu'n do thilg e air i, air chor as gu'm faigh e bàs, agus gun a chion iarraidh :

24 An sin bheir an coimhchruiunneach breth eadar am marbhaich agus diòghaltair na fola, a réir nam breitheanas sin.

25 Agus saoraidh an coimhchruiunneach am marbhaiche a làimh diòghaltair na fola, agus cuiridh an coimhchruiunneach air 'ais <sup>7</sup> e do bhaile a dhèidin, gus an do theich e : agus fanaidh e ann gu bàs an ard-shagairt, a dh'ungadh leis an ola naomha.

26 Ach ma thig am marbhaiche uair air bith an taobh a mach do chrìch baile a dhèidin, gus an do theich e :

27 Agus gu'm faigh diòghaltair na fola e an taobh a mach do chrìochaibh baile a dhèidin, agus gu'm marbh diòghaltair na fola a'm marbhaiche : cha bhí e ciontach do fhuil :

28 A chionn gu'm bu chòir dha fuireach ann am baile a dhèidin gu bàs an ard-shagairt : ach an déigh bàis an ard-shagairt, pillidh am marbhaiche gu fearann a sheilbhe féin.

29 Agus bithidh na *nithe* sin nan reachd breitheanais dhuibh, air feadh bhur ginealach a nar n-àitibh-còmhnuidh uile.

30 Ge b'e mharbhas neach sam bith, cuirear am mortair gu bàs le beul <sup>8</sup> fhianuisean : ach cha d'thoir aon fhianuis teistean an aghaidh neach sam bith *a chum a chur* gu bàs.

31 Agus cha ghabh sibh éiric sam bith air son anma mortair, a tha ciontach do bhàs ; ach cuirear gu cinnteach gu bàs e.

32 Agus cha ghabh sibh éiric sam bith air a shon-san, a theich do bhaile a dhèidin, a chum as gu'n d'thigeadh e ris a ghabhail còmhnuidh san fhearann, gu bàs an t-sagairt.

33 Mar sin cha truail sibh am fearann anns am bheil sibh : oir truailidh fuil am fearann, agus cha 'n'eil e 'n comas am fearann a ghlanadh do'n fhuil a dhoirteadh ann, ach le fuil an tì a dhòirt i.

34 Na salaichibh, uime sin, am fearann anns am bi sibh a chòmhnuidh, anns am bheil mise a'm' chòmhnuidh : a chionn gu bheil mise an Tighearn a'm' chòmhnuidh am meadhon chloinn Israeil.

## CAIB. XXXVI.

**A** GUS thàinig prìomh aithreacha theaghlaiche chloinn Ghilead, mhic Mhachir, mhic Mhanaseh, do theaghlaichibh mhac Ioseph, am fagus, agus labhair iad an làthair Mhaois, agus an làthair nan

<sup>1</sup> am mearaohd. <sup>2</sup> o fhear na foluchd. <sup>3</sup> làmh-arm. <sup>4</sup> thachaireas a air. <sup>5</sup> oghalltanas. <sup>6</sup> le

fàth-sheitheamh, le rùn mealltach. <sup>7</sup> aisiocaidh an coimhchruiunneach. <sup>8</sup> o bhriathraibh.



ceannard, *eadhon* phrìomh aithreachachloinn Israeil :

2 Agus thubhairt iad, Dh'àithn an Tighearna do m' thighearn ann fearann a thoirt mar oighreachd le crannchur do chloinn Israeil, agus dh'àithneadh do m' thighearna leis an Tighearn, oighreachd ar bràthar Shelopheaid a thoirt d'a nigheanaibh.

3 Agus ma phòsar iad ri h-aon do mhic nan treubh *cile* do chloinn Israeil, an sin bheirear an oighreachd-san o oighreachd ar n-aithreacha, agus cuirear i ri oighreachd na tréibh d'an gabhar iad : mar sin bheirear i o chrannchur ar n-oighreachd-ne.

4 Agus an uair a bhios an iubile<sup>1</sup> ann do chloinn Israeil, an sin cuirear an oighreachd ri oighreachd na tréibh gus an do ghabhadh iad : mar sin bheirear an oighreachd-san air falbh o oighreachd tréibh ar n-aithreacha.

5 Agus dh'àithn Maois do chloinn Israeil, a réir fòcail an Tighearna, ag ràdh, Is ceart a labhair treubh mhac Ioseph.

6 Is e so an ni a dh'àithn an Tighearna thaobh nigheana Shelopheaid, ag ràdh, Pòsadh iad an ncach a's àill leo ; a mhàin ri teaghlach tréibh an aithreacha pòsaidh iad :

7 Mar sin cha'n atharraich oighreachd

chloinn Israeil o thréibh gu tréibh : oir dlùth-leanaidh gach duine do chloinn Israeil ri oighreachd tréibh 'aithreacha.

8 Agus bithidh gach nighean, a shealbhaicheas oighreachd ann an tréibh sam bith do chloinn Israeil, na mnaoi aig aon do theaghlach tréibh a h-athar, a chum gu meal clann Israeil gach duine dhiubh oighreachd 'aithreacha.

9 Ni mò dh'atharraicheas an oighreachd o aon tréibh gu tréibh *cile* ; ach dlùth-leanaidh gach duine do theubhaibh chloinn Israeil r'a oighreachd féin.

10 Eadhon mar a dh'àithn an Tighearna do Mhaois, mar sin rinn nigheana Shelopheaid :

11 Oir phòsadh Mahlah, Tirsah, agus Hoglah, agus Milcah, agus Noah, nigheana Shelopheaid, ri mic bhràthar an athar.

12 Phòsadh iad *ri fìr* do theaghlachibh mhac Mhanaseh mhic Ioseph, agus dh'fhan an oighreachd ann an treubh teaghlach an athar.

13 Is iad sin na h-àitheantan, agus na breitheanais, a dh'àithn an Tighearna, le làimh Mhaois, do chloinn Israeil ann an còmhnradaibh Mhaoib, làimh ri Iordan *am fagus* do Iericho.

## DEUTERONOMI.

### CAIB. I.

**I**S iad so na briathran a labhair Maois ri Israel uile, air an taobh so do Iordan san fhàsach, anns a' chòmhnradh fa chomhair na mara *ruaidhe*, eadar Paran, agus Tophel, agus Laban, agus Haserot, agus Disahab.

2 (*Tha asdar* aon là deug o Horeb rathad sléibh Sheir, gu Cades-barnea.)

3 Agus anns an dà fhicheadamh bliadhna, anns an aon mhìos dcug, air a' cheud là do'n mhìos, labhair Maois ri cloinn Israeil, a reir nan uile *nithe* a dh'àithn an Tighearna dha d'an taobh ;

4 An déigh dha Sihon rìgh nan Amorach a mharbhadh, a bha chòmhnuidh ann an Hesbon, agus Og rìgh Bhasain, a bha chòmhnuidh aig Astarot ann an Edrei,

5 Air an taobh so do Iordan, ann an tìr Mhaoib, thòisich Maois air an lagh so chur an cèill, ag ràdh,

6 Labhair an Tighearn ar Dia ruinn ann an Horeb, ag ràdh, Ghabh sibh còmhnuidh fada gu lèor san t-sliabh so :

7 Pillibh agus gabhaibh bhur turus, agus rachaibh a chum sléibh nan Amorach, agus a chum nan *ionadan* uile am fagus da anns a' chòmhnradh<sup>2</sup>, anns a' mhonadh, agus anns an t-srath, agus mu dheas, agus ri taobh na fairge, gu fearann nan Canaanach,

agus gu Lebanon, a dh'ionnsuidh na h-aibhne mòir, aibhne Euphrates.

8 Feuch, chuir mi 'n tìr romhaibh ; rachaibh a steach, agus sealbhaichibh am fearann, a mhionnaich an Tighearna d'ar n-aithreachaibh, Abraham, Isaac, agus Jacob, gu'n d' thugadli e dhoibh *e*, agus d'an sliochd nan déigh.

9 Agus labhair mi ribh san àm sin, ag ràdh, Cha 'n urrainn mise bhur giùlan a'm' aonar :

10 Rinn an Tighearna bhur Dia lìonmhor sibh, agus feuch, *tha* sibh an diugh mar reulta nèimh a thaobh lìonmhoireachd.

11 (Gu deanadh an Tighearna, Dia bhur n-aithreacha, sibh mìle uair ni's lìonmhoire na *tha* sibh, agus gu'm beannaicheadh e sibh mar a gheall e dhuibh.)

12 Cionnus is urrainn mise leam féin bhur dragh a ghiùlan, agus bhur n-eallach, agus bhur comh-stri.

13 Gabhaibhse dhuibh féin daoine glic agus tuigseach<sup>3</sup>, agus aithnichte 'nar treubhaibh, agus ni mise iad nan ceannardan oirbh.

14 Agus fhreagair sibh mi, agus thubhairt sibh, *Tha* an ni a labhair thu math dhuinne r'a dheanamh.

15 Agus ghabh mi cinn bhur treubh,

<sup>1</sup> bliadhna mhaitheanais. <sup>2</sup> anns an fhàsach.

<sup>3</sup> maithean, ard dhaoine.

daoine glic, agus aithnichte, agus rinn mi iad nan ceannardaibh oirbh, nan uachdaranaihbh mhillte, agus nan uachdaranaihbh cheuda, agus nan uachdaranaihbh leth-cheuda, agus nan uachdaranaihbh dheichnear, agus nan luchd-riaghlaidh am measg bhur treubhan.

16 Agus dh'àithn mi d'ar breitheamh-naibh san àm sin, ag ràdh, Eisidibh ris na càisean a bhios cadar bhur bràithre, agus thugaibh breth cheart eadar gach duine agus a bhràthair, agus an coigreach *ata* maille ris.

17 Cha bhi suim agaibh do neach seach a' chéile ann am breitheanas; ris a' bheag éisidh sibh co mhath is ris a' mhòr: cha bhi athadh<sup>1</sup> oirbh roimh ghnùis duine, oir is le Dia<sup>2</sup> a' bhreth: agus a' chùis a bhios ro-chruaidh oirbh, bheir sibh a'm<sup>3</sup> ionnsuidhs<sup>4</sup>, agus éisidh mise rithe.

18 Agus dh'àithn mi dhuibh san àm sin na h-uile nithe bu chòir dhuibh a dheanamh.

19 Agus an uair a dh'fhaibh sinn o Horeb, chaidh sinn tre 'n fhàsach mhòr agus uamhasach sin uile, a chunnaic sibh air slighe sléibh nan Amorach, a réir mar a dh'àithn an Tighearn ar Dia dhuinn; agus thàinig sinn gu Cades-barnea.

20 Agus thubhairt mi ribh, Tha sibh air teachd gu sliabh nan Amorach, a tha 'n Tighearn ar Dia a' toirt duinn.

21 Feuch, chuir an Tighearna do Dhia am fearann romhad, imich suas, sealbhaich e, a réir mar a thubhairt an Tighearna Dia t-aithreacha riut; na biodh eagal ort, agus na biodh faitheas<sup>2</sup> ort.

22 Agus thàinig sibh am fagus domhsa gach aon agaibh, agus thubhairt sibh, Cuireamaid daoine romhainn, agus rannsachaidh iad a mach dhuinn am fearann, agus thugadh iad fios d'ar n-ionnsuidh a ris ciod an t-slighe air an d' théid sinn suas, agus ciod na bailte gus an d' thig sinn.

23 Agus thaitinn a' chainnt rium gu math; agus ghabh mi dà fhear dheug dlùbh, aon fhear as gach tréibh.

24 Agus thionndaidh iad agus chaidh iad suas do'n t-sliabh, agus thàinig iad gu gleann Escoil, agus ransaich iad a mach e.

25 Agus ghabh iad nan làimh do thoradh an fhearainn, agus thug iad a nuas e d'ar n-ionnsuidhne, agus thug iad fios duinn a ris, agus thubhairt iad, Is math am fearann a tha 'n Tighearn ar Dia a' tabhairt dhuinn.

26 Gidheadh, cha b'àill leibh<sup>3</sup> dol suas, ach chuir sibh<sup>4</sup> an aghaidh àithne an Tighearna bhur Dé.

27 Agus rinn sibh gearan 'nar bùthaibh, agus thubhairt sibh, A chionn gu'm b' fhuathach leis an Tighearna sinn, thug e mach siun a tìr na h-Eiphit, gu'r toirt thairis an làimh nan Amorach, a chur as duinn.

28 C'àit' an d' théid sinn suas? Chuir ar bràithrean ar cridhe fuidh mhi-mhisnich, ag ràdh, Tha 'n sluagh nì's mò agus nì's airde na sinne, tha na bailtean mòra, agus daingnichte suas gu nèamh, agus os-barr<sup>5</sup>, chunnaic sinn mic nan Anacim an sin.

29 An sin thubhairt mi ribh, Na biodh geilt oirbh, no eagal rompa.

30 An Tighearna bhur Dia a tha dol romhaibh, cogaidh esan air bhur son, a réir nan uile nithe a rinn e air bhur son san Eiphit fa chomhàir bhur sùl,

31 Agus anns an fhàsach, far am faca tu cionnus a ghiùlain an Tighearna do Dhia thu, mar a ghiùlaineas duine a mhac, san t-slighe sin uile air an deachaidh sibh, gus an d' thàinig sibh do'n àite so.

32 Gidheadh san nì so cha do chreid sibh an Tighearna bhur Dia,

33 A dh'imich romhaibh san t-slighe, a rannsachadh a mach àite dlùbh gus ar bùthan a shuidheadhadh ann, ann an teine an oidhche a nochdadh dhuibh ciod an t-slighe air an imicheadh sibh, agus ann an neul san là.

34 Agus chual' an Tighearna fuaim bhur briathra, agus bha corruich air, agus mhionnaich e, ag ràdh,

35 Gu cinnteach cha'n fhaic a h-aon do dhaoineibh<sup>6</sup> a' ghinealach uile so am fearann math sin, a mhionnaich mise gu'n d' thugainn d'ar n aithreachaibh;

36 Saor o Chaleb mac Iephuneh; chì esan e, agus dhasan bheir mi am fearann air an do shaltair e, agus d'a chloinn, a chionn gu'n do lean e 'n Tighearna gu h-ionnailan.

37 Mar an ceudna bha fearg aig an Tighearna riunsa air bhur sgàth, ag ràdh, Cha d' théid thusa féin a steach an sin.

38 Ach Iosua mac Nun, a tha na sheasamh a'd làthair, théid esan a steach an sin. Thoir miseach dha: oir bheir e air Israel a shealbhachadh.

39 Agus bhur leanbana<sup>7</sup>, a thubhairt sibh gu'm biodh iad nan creich, agus bhur clann<sup>8</sup> aig nach robh san là ud eòlas air math seach olc, théid iadsan a steach an sin, agus dhoibhsan bheir mi e, agus sealbhaichidh iad e.

40 Ach air bhur sonsa, pillibh, agus gabhaibh bhur turas do'n fhàsach, air slighe na mara ruaidhe.

41 An sin fhreagair sibh agus thubhairt sibh rium, Pheacaich sinn an aghaidh an Tighearna, théid sinn suas agus cogaidh sinn a réir nan uile nithe a dh'àithn an Tighearn ar Dia dhuinn. Agus chriosraich sibh oirbh gach fear agaibh a'aim chogaidh, agus bha sibh ullamh gu dol suas do'n t-sliabh.

42 Agus thubhairt an Tighearna rium,

<sup>1</sup> eagal. <sup>2</sup> mi-mhisneach. <sup>3</sup> cha ba toil leibh. <sup>4</sup> sheas sibh a mach, rinn sibh ar' a mach.

<sup>5</sup> ubharr air sin. <sup>6</sup> do dhaoineibh sin. Eabhl. <sup>7</sup> clann bhug. <sup>8</sup> mic. Eabhl.



Abair riu, Na rachaibh suas, agus na cog-aibh, oir cha 'n'eil mise 'nar measg; an t-eagal gu'n buailear<sup>1</sup> sibh an làthair bhuir naimhdean.

43 Mar so labhair mi ribh, agus cha'n éisdeadh sibh, ach rinn sibh ceannairc an aghaidh àithne an Tighearna, agus chaidh sibh gu h-an-dàna suas do 'n t-sliabh.

44 Agus thàinig na h-Amoraich, a bha chòmhnuidh san t-sliabh sin, a niach 'nar n-aghaidh, agus ruag iad sibh mar a ni beachan, agus chuir iad as duibh ann an Seir, eadhon gu Hormah.

45 Agus phill sibh, agus ghuil sibh an làthair an Tighearna; ach cha 'n éisdeadh an Tighearna r'ar guth, agus cha d' thugadh e cluas duibh.

46 Mar sin dh'fhan sibh ann an Cades mòran laithean, a réir nan laithean a dh'fhan sibh an sin.

CAIB. II.

**A**N sin phill sinn, agus ghabh sinn ar turus do'n fhàsach, air slighe na mara ruaidhe, mar a labhair an Tighearna riumsa; agus chuairtich sinn sliabh Sheir mòran laithean.

2 Agus labhair an Tighearna rium, ag ràdh,

3 Chuairtich sibh an sliabh so fada gu leòr: pillibh ri tuath.

4 Agus àithn thusa do 'n t-sluagh, ag ràdh, Tha sibh gu dol tre chrìch bhuir bràithre cloinn Esau, a ta chòmhnuidh ann an Seir, agus bithidh eagal orra romh-aibh: ach thugaibh aire mhath dhuibh féin:

5 Na beanaibh riu<sup>2</sup>: oir cha d' thoir mi bheag d'am fearann dhuibh, cha d' thoir uiread leud troidhe, a chionn gu'n d' thug mi sliabh Sheir a dh'Esau mar sheilbh.

6 Ceannachaidh sibh biadh uatha le h-airgiod, a chum gu'n ith sibh; agus mar an ceudna ceannachaidh sibh uisge uatha le h-airgiod, a chum gu'n òl sibh.

7 Oir bheannaich an Tighearna do Dhia thu ann an uile oibribh do làimh: is aithne dha do thriall tre 'n fhàsach mhòr so: ré an dà-fhichead bhliadhna so bha 'n Tighearna do Dhia maille riut, cha robh uir-easbhuidh ni sam bith ort.

8 Agus an uair a chaidh sinn seachad o'r bràithribh cloinn Esau, a bha chòmhnuidh ann an Seir tre shlighe a' chòmh-naird o' Elat, agus o' Esiongaber, phill sinn agus chaidh sinn seachad air slighe fasaich Mhoab.

9 Agus thubhairt an Tighearna rium, Na buin gu naimhdeil ris na Moabaich<sup>3</sup>, agus na dean strì' riu ann an cath: oir cha d' thoir mi dhuit a' bheag d'am fearann mar sheilbh, a chionn gu'n d' thug mi Ar do chloinn Lot mar sheilbh.

10 Bha na h-Emich roimhe a chòmh-nuidh ann, sluagh mòr, agus lìonmhor, agus ard mar na h-Anacim;

11 A mheasadh mar an ceudna nam fahairean<sup>4</sup> mar na h-Anacim, ach thug na Moabaich Emich mar ainm orra.

12 Bha mar an ceudna na Horaich a chòmhnuidh roimhe sin ann an Seir, ach thàinig clann Esau nan dèigh, agus chuir iad as doibh as an sealladh, agus ghabh iad còmhnuidh nan àite, mar a rinn Israel ri fearann a sheilbh-san, a thug an Tighearna dhoibh.

13 A nis éiribh suas, thubhairt mise, agus rachaibh thar sruth Shered; agus chaidh sinu thar sruth Shered.

14 Agus b'i 'n ùin anns an d' thàinig sinn o Chades-barnea, gus an deachaidh sinn thar sruth Shered, o'chd bliadhna deug thar fhichead; gus an robh ginealach an t-sluaigh-chogaidh uile air an caitheamh a mach o mheasg an t-slòigh<sup>5</sup>, mar a mhionnaich an Tighearna dhoibh.

15 Oir da rìreadh bha làmh an Tighearna nan aghaidh, gu'n sgrios o mheasg an t-slòigh, gus an do chlaoidheadh iad.

16 Agus tharla, 'nuair a bha na fir-chogaidh uile air an claidh agus air bàs-achadh o mheasg an t-sluaigh.

17 Gu'n do labhair an Tighearna rium, ag ràdh,

18 Tha thu gu dol thairis an diugh tre Ar, crìoch Mhoab.

19 Agus an uair a thig thu 'm fagus thall fa chomhair chloinn Amoin, na buin gu naimhdeil riu, ni mò a bheanas tu riu: oir cha d' thoir mi dhuit sealbh sam bith do fhearann chloinn Amoin, a chionn gu'n d' thug mi e do chloinn Lot mar sheilbh.

20 (Mheasadh sin mar an ceudna na fhearran fahairean; ghabh fahairean còmhnuidh ann san t-sean aimsir, agus thug na h-Amonaich Samsumaich mar ainm orra;

21 Sluagh mòr agus lìonmhor, agus ard mar na h-Anacim; ach sgrios an Tighearna iad rompa, agus thàinig iad nan dèigh, agus ghabh iad còmhnuidh nan àite:

22 Mar a rinn e ri cloinn Esau a bha chòmhnuidh ann an Seir, an uair a sgrios e na Horaich rompa; agus thàinig iad nan dèigh, agus ghabh iad còmhnuidh nan àite, eadhon gus an là 'n diugh:

23 Agus na Habhaich a bha chòmhnuidh ann an Haserim, eadhon gu Hadsah, sgrios na Caphtoraich a thàinig a mach a Caphtor iad, agus ghabh iad còmhnuidh nan àite.)

24 Eiribh suas, gabhaibh bhuir turus, agus rachaibh thar sruth<sup>6</sup> Arnoin: feuch, thug mi do d' làimh Sihon an t-Amorach

<sup>1</sup> gu'n leagar. <sup>2</sup> Na cogaibh riu. <sup>3</sup> Na dean tuair-eigneadh air na Moabaich.

<sup>4</sup> athaich, curaidhean. <sup>5</sup> a' chaimp. Eabh. <sup>6</sup> abhuinn.

rìgh Hesboin, agus 'fhearann: tòisich air a shealbhachadh, agus dean strì<sup>1</sup> ris an cath.

25 Air an là 'n diugh tòisichidh mi air t'uanhann-sa agus t'eagal a chur air na cinnich, a *ta* fuidh nèamh uile, a chluinn-eas iomradh ort; agus crìothnaichidh iad, agus bithidh cràdh<sup>1</sup> orra a' d' làthair.

26 Agus chuir mi teachdairean a fàsach Chedemot gu Sihon rìgh Hesboin, le briathraibh sì h, ag ràdh,

27 Leig dhomh gabhail tròimh t'fhearann: imichidh mi romham air an rathad mhòr, cha tionndaidh mi aon chuid a chum na làimhe deise, no chum na làimhe clithe.

28 Biadh air son airgid reicidh tu rium, a chum as gu'n ith mi, agus uisge air son airgid bheir thu dhomh, a chum as gu'n òl mi; a mhàin imichidh mi romham do m' chois:

29 (Mar a rinn clann Esau rium, a tha chòmhnuidh ann an Seir, agus na Moabaich a tha chòmhnuidh ann an Ar) gus an d' théid mi thar Iordan, do'n fhearann a *tha* 'n Tighearn ar Dia toirt duinn.

30 Ach cha leigeadh Sihon rìgh Hesboin leinn dol troimh 'fhearann: oir chruadaich an Tighearna do Dhia a spiorad, agus rinn e 'chridhe rag<sup>2</sup>, a chum gu'n d' thugadh e thairis e do d'làimh, mar a *chùthear* air an là 'n diugh.

31 Agus thubhairt an Tighearna rium, Feuch, thòisich mi air Sihon agus 'fhearann a thoirt thairis a'd' fhianuis: gabh sealbh<sup>3</sup>, a chum as gu'm bi fhearann agad mar oighreachd.

32 An sin thàinig Sihon a mach 'nar n-aghaidh, e fèin, agus a shluagh uile, a chogadh aig Iahas.

33 Agus thug an Tighearna ar Dia thairis e romhainn, agus bhuail sinn e fèin, agus a mhic, agus a shluagh uile.

34 Agus ghlac sinn a bhailtean<sup>4</sup> uile san àm sin, agus sgrios sinn gu tur fir, agus mnà, agus clann bheag gach baile; cha d'fhag sinn a h-aon a làthair<sup>5</sup>:

35 A mhàin ghabh sinn duinn fèin an spréidh mar chobhartach, agus creach nam bailtean a ghlac sinn.

36 O Aroer, a *ta* air bruaich shruth Arnoin, agus o'n bhaile a *ta* làimh ris an t-sruth, eadhon gu Gilead, cha robh aon bhaile tuille 's làidir air ar son: thug an Tighearn ar Dia iad uile thairis duinn.

37 A mhàin gu fearann chloinn Amoin cha d' thàinig thu, no gu àite sam bith *am fagus* do shruth<sup>6</sup> Iaboic, no gus na bailtibh *am measg* nam beann, no gu àite sam bith a thoirmisg an Tighearn ar Dia dhuinn.

### CAIB. III.

**A**N sin phill sinn, agus chaidh sinn suas air an t-slighe gu Basan: agus

<sup>1</sup> *amhghar, iomghuin.* <sup>2</sup> *reasgach, do-tùbaidh.* <sup>3</sup> *tòisich sealbhaich.* Eabh.

thàinig Og rìgh Bhasain a mach nar n-aghaidh, e fèin agus a shluagh uile, gu cath aig Edrei.

2 Agus thubhairt an Tighearna riumsa, Na biodh eagal ort roimhe: oir do d'làimh-sa bheir mise thairis e fèin, agus a shluagh uile, agus 'fhearann, agus nì thu ris mar a rinn thu ri Sihon rìgh nan Amorach, a bha chòmhnuidh aig Hesbon.

3 Mar sin thug an Tighearn ar Dia thairis d'ar làimh-ne mar an ceudna Og rìgh Bhasain, agus a shluagh uile: agus bhuail sinn e gus nach d' fhagadh a h-aon beo aige.

4 Agus ghlac sinn a bhailtean uile san àm sin, cha robh baile nach d' thug sinn uatha, tri fichead baile, dùthaich Argoib uile, rioghachd Og ann am Basan.

5 Bha na bailte sin uile air an daingneachadh le balladh ard, le geataibh agus le crannaibh, a thuilleadh air bailtibh gun bhalla, ro-mhòran.

6 Agus sgrios sinn gu tur iad, mar a rinn sin air Sihon rìgh Hesboin, a léir-sgrios fhear, bhan, agus cloinne gach baile.

7 Ach ghabh sinn an spréidh uile, agus creach nam bailte mar chobhartach dhuinn fèin.

8 Agus thug sinn san àm sin a làimh dà rìgh nan Amorach, am fearann a *ta* air an taobh so do Iordan, o shruth Arnoin gu sliaib Hermoin:

9 (Thug na Sidonaich Sirion mar ainm air Hermon: agus thug na h-Amoraich Senir mar ainm air.)

10 Bailtean a' chòmhnuidh<sup>7</sup> uile, agus Gilead uile, agus Basan uile, gu Salcha agus Edrei, bailtibh rioghachd Og ann am Basan:

11 Oir bha Og rìgh Bhasain a mhàin a làthair do fhuigheall nam faithairean; feuch, a leaba, bu leabhadh iaruinn i: nach 'eil i ann an Rabat chloinn Amoin? b'iad naoi làmh-choille a fad, agus ceithir làmh-choille a leud, a réir làimh-choille duine.

12 Agus am fearann sò a shealbhaich sinn san àm sin, o Aroer a *ta* làimh ri sruth Arnoin, agus leth sléibh Ghilead, agus a bhailte thug mi do na Reubenich, agus do ra Gadaich.

13 Agus a' chuid eile do Ghilead, agus Basan uile, eadhon rioghachd Og, thug mi do leth-thréibh Mhanaseh; dùthaich Argoib uile, maille ri Basan uile, d'an ainm<sup>8</sup> fearann nam faithairean.

14 Ghabh fair mac Mhanaseh dùthaich Argoib uile gu crìochaibh Ghcsuri, agus Mhaachati; agus thug e Basan-Habhot-lair mar ainm oirre a réir ainme fèin, gus an là 'n diugh.

15 Agus thug mi Gilead do Mhachir.

16 Agus do na Reubenich, agus do na Gadaich, thug mi o Ghilead eadhon gu

<sup>4</sup> a mhòr-bhailtean, a chaithrichrean. <sup>5</sup> beo. <sup>6</sup> abhuinn. <sup>7</sup> a' chònuid. <sup>8</sup> d'an goirear.



sruth Arnoin, leth a' ghlinne, agus an t-ìomall, eadhon gus an sruth Iaboc, crìoch chloinn Amoin :

17 An còmhnaid mar an ceudna, agus Iordan, agus a chrìocha, o Chineret eadhon gu nuir a' còmhnaid, a' nuir shailte, fuidh Asdot-pisgah a làimh na h-aird' an ear

18 Agus dh'athn mi dhuibh san àm sin, ag ràdh, Thug an Tighearna bhur Dia dhuibh am fearann so r'a shealbhadh: thèid sibh a nunn fo'r n-armaibh roimh bhràithre clann Israeil, gach neach a ta foghainneach a chum cogaidh.

19 Ach fanaidh bhur mnà, agus bhur clann bheag, agus bhur sprèidh, (oir is aithne dhomh gu 'm bheil mòran sprèidh agaibh,) 'nar bailibh a thug mi dhuibh,

20 Gus an d' thoir an Tighearna fois d'ar bràithribh co mhath agus dhuibhse, agus gus an sealbhaich iadsan mar an ceudna am fearann, a thug an Tighearna bhur Dia dhuibh an taobh thall do Iordan: agus an sin pillidh gach duine agaibh g'a sheilbh a thug mi dhuibh.

21 Agus dh'athn mi do Iosua san àm sin, ag ràdh, Chunnaic do shùile na h-uile nithe a rian an Tighearna bhur Dia ris an dà rìgh sin: mar sin ni an Tighearna ris nariogachdaibh uile gus am bheil thu dol.

22 Cha bhi eagal oirbh rompa: oir cogaidh an Tighearna bhur Dia e fèin air bhur son.

23 Agus ghuidh mi air an Tighearna san àm sin, ag ràdh,

24 O 'Thighearna Dhé, thòisich thu air do mhòrachd, agus do làmh chumbachdach a nochdadh do d'òglach: cir cò an Dia air nèamh no air talamh, a's urrainn a dheanamh a réir t'òibre-sa, agus a réir du chumbachd-sa?

25 Guidheam ort, leig dhomh dol thairis, agus am fearann math sin fhaicinn a tha 'n taobh thall do Iordan, an sliabh math sin, agus Lebanon.

26 Ach bha fearg air an Tighearna rium air bhur son-sa, agus cha d'éisd e rium: agus thubhairt an Tighearna rium, Gu ma leòr leat e, na labhair ni's mò rium mu'n chùis so.

27 Faibh suas gu mullach Phisgaih, agus tog suas do shùile ris an aird' an iar agus ris an airde tuath, agus ris an airde deas, agus ris an aird' an ear, agus ambaire le d' shùilibh<sup>1</sup>; oir cha d' thèid thu thar Iordan so.

28 Ach thoir àithne do Iosua, agus thoir misneach dha, agus neartaich e: oir thèid esau thairis roimh an t-sluagh so, agus bheir e orra am fearann sin, a chi thusa, a shealbhadh mar oighreachd.

29 Mar sin ghabh sinn còmhnuidh fa' ghleann thall fa chomhair Bhetpeoir.

C A I B. IV.

**A** NIS uime sin éisd, O I-raeil, ris na reachdaibh, agus ris na hreitheanais a tha mise a' teagasg dhuibh a dheanamh, a chum as gu'm bi sibh beo, agus gu'n d' thèid sibh a steach agus gu'n sealbhaich sibh am fearann, a bheir an Tighearna Dia bhur n-aithreacha dhuibh.

2 Cha chuir sibh a' bheag ris an fhocal a tha misc ag àithneadh dhuibh, ni mò a bheir sibh ni sam bith uaith, a chum as gu'n glèidh sibh àitheantan an Tighearna bhur Dé, a tha mise ag àithneadh dhuibh.

3 Chunnaic bhur suile cìod a rinn an Tighearna thaobh Bhaal-peoir: oir na daoine sin uile a lean Baal-peor, sgrios an Tighearna bhur Dia iad as bhur measg.

4 Ach tha sibhse, a lean ris an Tighearna bhur Dia, beo gach aon agaibh air an là'n diugh.

5 Feuch, theagaisg mi dhuibh reachdan agus breitheanais, eadhon mar a dh'athn an Tighearna mo Dhia dhomh a chum as gu'n deanadh sibhse mar sin anns an fhearann gus am bheil sibh a' dol g'a shealbhadh.

6 Uime sin gleidhibh agus deanaibh iad, oir is e so bhur gliocas agus bhur tuigse ann an sealladh nan cinneach, a chluinneas na reachda sin uile, agus a their, Gu cinnteach is sluagh glic agus tuigseach an cinneach inòr so.

7 Oir cia e an cinneach co mhòr, aig am bheil Dia am fagus doibh, mar a ta 'n Tighearna ar Dia-ne sna h-uile nithibh air son am bheil sinne a' gairm air?

8 Agus cia an cinneach co mhòr, aig am bheil reachdan agus breitheanais co cheart ris an lagh so uile, a tha mise a' cur romh-aibh air an là'n diugh.

9 A mhàin thoir an aire dhuith fèin, agus glèidh t'anam gu dìchiollach, air eagal<sup>2</sup> gu'n di-chuimhnich thu na nithe sin a chunnaic do shùilean, agus air eagal gu'n dealaich iad ri d' chridhe uile laithean do bheatha: ach teagasg iad do d'mhic, agus do mhic do mhac:

10 Gu h-àraidh an là a sheas thu an làthair an Tighearna do Dhé ann an Horeb, an uair a thubhairt an Tighearna riumsa, Tionail thugam<sup>3</sup> an sluagh r'a chéile, agus bheir mi orra mo bhriathran a chluinntinn, a chum gu foghlum iad eagal a ghabhail romham rè nan uile laithean, a bhios iad beo air an talamh, agus gu'n teagasg iad an clann.

11 Agus thàinig sibh am fagus, agus sheas sibh fuidh 'n t-sliabh<sup>4</sup>; agus bha 'n sliabh a' losgadh le teine gu meadhon nèimh, maille ri duibhre, neoil, agus dubh dhorchadas.

12 Agus labhair an Tighearna ribh a meadhon an teine: chuala sibh guth nam

<sup>1</sup> seall, beachdaich air. <sup>2</sup> an t-eagal. <sup>3</sup> chugam.

<sup>4</sup> fuaid' 'n bheinn.

briathra, ach coslas sam bith cha 'n fhaca sibh, a mhàin *chuala sibh* guth.

13 Agus chuir e 'n cèill duibh a choimh-cheangal, a dh'àithn e dhuibh a choimh-lionadh, *eadhon* deich àitheanta, agus sgrìobh e iad air dà chlàr chloiche.

14 Agus dh'àithn an Tighearna dhomhsa san àm sin, reachdan agus breitheanais a theagasg dhuibh, a chum gu 'n deanadh sibh iad anns an fhearann a théid sibh a nunn g'a shealbhachadh.

15 Thugaibh, uinne sin, an aire mhath dhuibh féin; (oir cha 'n fhaca sibh gnè coslais sam bith anns an là *air* an do labhair an Tighearna ribh ann an Horeb, a meadhon an teine:)

16 Air eagal gu'n truaill sibh sibh féin, agus gu'n dean sibh dhuibh féin dealbh snaidhte, coslas riochd air bith, coslas fir no mnà,

17 Coslas ainmhidh sam bith a *tha* air an talamh, coslas eoin sgiathaich air bith, a dh'itealaicheas san athar,

18 Coslas ni sam bith a shàigeas air an làr, coslas éisg air bith, a *tha* sna h-uisgibh fuidh'n talamh;

19 Agus air eagal gu'n tog thu suas do shùile ri nèamh, agus an uair a chì thu ghrian, agus a' ghealach, agus na reulta, *eadhon* slòigh nèimh uile, gu'n tairngear thu gu cromadh sìos dhoibh, agus gu aoradh a dhèanamh dhoibh, a roinn<sup>1</sup> an Tighearna do Dhia ris gach cinneach, a ta fuidh nèamh uile.

20 Ach ghabh an Tighearna sibhse, agus thug e mach sibh as an àmhuinn iaruin, as an Eiphit, gu bli 'nar sluagh air son oighreachd dha féin, mar air an là 'n diugh.

21 Agus bha fearg aig an Tighearna riumsa air bhur sonsa<sup>2</sup>, agus mhionnaich e nach rachainn thar Iordan, agus nach rachainn a steach do'n fhearann mhath sin, a *tha* 'n Tighearna do Dhia a' toirt duit mar oighreachd.

22 Ach is éigin domh bàs fhaghail san fhearann so, cha d' théid mi thar Iordan; ach théid sibhse nunn, agus sealbhaichidh sibh an fhearann math sin.

23 Thugaibh an aire dhuibh féin, air eagal gu'n di-chuimhnich sibh coimh-cheangal an Tighearna bhur Dé, a rinn e ribh, agus gu'n dean sibh dhuibh féin dealbh snaidhte, coslas *ni* air bith a thoirmisg an Tighearna do Dhia dhuit:

24 Oir is teine dian-loisgeach an Tighearna do Dhia; is Dia eudmhor e.

25 'Nuair a ghineas tu clann, agus clann cloinne, agus a dh'fhanas sibh fada san fhearann, agus a thruailleas sibh *sibh féin*, agus a ni sibh dealbh snaidhte, coslas *ni* sam bith, agus a ni sibh olc ann an seall-

adh an Tighearna do Dhé, agus a bhros-naicheas sibh e gu feirg:

26 Gairmeam nèamh agus talamh mar fhianuis 'nar n-aghaidh air an là 'n diugh, gu'n d' thig léir-sgrìos oirbh gu h-aithghearr; as an fhearann a chum am bheil sibh dol thar Iordan g' a shealbhachadh: cha bhuan-aich sibh bhur làithean air, ach sgrìosar sibh gu tur.

27 Agus sgapaidh an Tighearna sibh ar measg nan cinneach, agus fàgar sibh tearc an àireamh am measg nan cinneach, far an d' thoir an Tighearna sibh.

28 Agus an sin ni sibh seirbhis do dhéibh, obair làmh dhaoine, fiodh agus clach, nach faic, agus nach cluinn, agus nach ith, agus nach gabh fàile.

29 Ach ma dh'iarraas tu 'n Tighearna do Dhia as sin, amaisidh tu air, ma dh'iarraas tu e le d' uile chridhe agus le d'uile anam.

30 'Nuair a bhios tu ann an àmhghar, agus a thig na nithe sin uile ort sna làithibh deireannach, ma philleas tu chum an Tighearna do Dhé, agus na bhios tu ùmhal d'a ghuth;

31 (Oir is Dia tròcaireach an Tighearna do Dhia-sa) cha tréig e thu, ni mò a sgrìosas e thu, no dhi-chuimhnicheas e coimh-cheangal r'aithreacha, a mhionnaich e dhoibh.

32 Oir fiosraich a nis do na làithibh a chaidh seachad, a bha romhad, o'n là air an do chruthaich Dia an duine air an talamh, agus *fiosraich* o aon ionnall do nèamh agus an t-ionnall eile, an robh riamh *ni sam bith* ann mar an ni mòr so, no'n cualas *ni* cosmhuil ris?

33 An cuala sluagh *sam bith* guth Dhé a' labhairt a meadhon an teine, mar a chuala tusa, agus an do mhair iad beo?

34 No 'n d'fheuch Dia<sup>3</sup> ri dol gu cinneach a ghabhail da féin o mhacasg cinnich *eile*, le deuchainnibh<sup>4</sup>, le comh-araibh, agus le h-iongantasaibh, agus le cogadh, agus le làimh chumhachdaich, agus le gairdean sìnte mach, agus le h-uamhasaibh mòra, à réir nan uile nithe a rinn an Tighearna bhur Dia air bhur son san Eiphit fa chomhair bhur sùl?

35 Dhuitse nochdadh e, clum gu'm biodh fios agad gur e 'n Tighearn a's Dia ann; cha *neil* annach e.

36 A nèamh thug e ort a ghuth a chluinntinn, a chum gu'n teagaisgeadh e thu: agus air talamh nochd e dhuit a theine mòr, agus chuala tu a bhriathran a meadhon an teine.

37 Agus a chiomn gu'n do ghràdhaich e t'aithreacha, uime sin thagh e an sliochd nan déigh, agus thug e thusa mach na shcailadh, le 'chumbachd mòr, as an Eiphit:

<sup>1</sup> a phàirtich, a thug. *briathrasa*. Eabh.

<sup>2</sup> air son bhur

<sup>3</sup> Dia sam bith.

<sup>4</sup> buairibh.



38 A dh'fhudachadh a mach chinneach roimhadh, a's mò agus a's cumhachdaiche na thusa, g'ad thoirta stigh a thabhairt dhuit an fearainn na oighreachd, mar air an là 'n diugh.

39 Biodh agad fios uime sin an diugh, agus thoir fa'near ann dò chridhe, gur e 'u Tighearn a's Dia ann air nèamh shuas, agus air an talamh a bhos<sup>1</sup>: cha 'n'eil ann ach e.

40 Gleidhidh tu uime sin a reachdan, agus àitheantan, a tha mise ag àithneadh dhuit an diugh, a chum gu'n éirich gu math dhuit, agus do d' chloinn a'd' dhéigh, agus a chum gu 'm buanaich thu do laith-ean air an fhearann, a bheir an Tighearna do Dhia dhuit gu bràth.

41 An sin chuir Maois air leth trì bailtean air an taobh so do Iordan, leth ri éirigh na gréine:

42 A chum as gu'n teicheadh am marbhaiche an sin, a nìharbh a choimhearsnach gun fhios da, agus gun fhuath aige dha san aimsir a chaidh seachad; agus gu'n teicheadh e gu h-aon do na bailtibh sin, agus gu maireadh e beo;

43 Eadhon Beser san fhàsach, ann an dùthaich a' chòmhnaid<sup>2</sup>, do na Reubenich; agus Ramot ann an Gilead, do na Gad-aich; agus Golan ann am Basan, do na Manasaich.

44 Agus is e so an lagh a chuir Maois roimh chloinn Israeil.

45 Is iad so na teisteis<sup>3</sup>, agus na reachdan, agus na breitheanais, a labhair Maois ri cloinn Israeil, an uair a thàinig iad a mach as an Eiphit,

46 Air an taobh so do Iordan sa' ghleann thall fa chomhair Bheth-peoir, ann am fearann Shioin rìgh nan Amorach, a bha chòmhnuidh ann an Hesbon, a bhuail Maois agus clann Israeil, an déigh dhoibh teachd a mach as an Eiphit:

47 Agus shealbhaich iad fhearann, agus fearann Og rìgh Bhasain, dà rìgh nan Amorach, a bha air an taobh so do Iordan, leth ri éirigh na gréine;

48 O Aroer, a ta làimh ri bruaich sruth Arnoin, eadhon gu sliabh Shihoin, a's e Hermon,

49 Agus an còmhnaid uile air an taobh so do Iordan a làimh na h-aird' an ear, eadhon gu muir a' chòmhnaid, fuidh thob-raichibh Phisgaibh.

C A I B. V.

**A**GUS ghairm Maois air Israel uile, agus thubhairt e riu, Eisd, O Israel, ris na reachdaibh, agus na breitheanais, a labhras mi 'nar cluasaibh air an là 'n diugh, a chum gu fòghlum<sup>4</sup> sibh iad, agus gu'n gleidh agus gu'n dean sibh iad.

2 Rinn an Tighearna ar Dia coimh-cheangal<sup>5</sup> ruinn ann an Horeb.

3 Cha d'rinn an Tighearn an coimh-cheangal so r'ar n-aithreachaibh, ach ruinne, eadhon ruinne, a tha uile beo an so air an là 'n diugh.

4 Aghaidh ri h-aghaidh labhair an Tighearna ribh san t-sliabh, a meadhon an teine,

5 (Sheas mise eadar an Tighearn agus sibhse san àm sin, a nochdadh dhuibh focail an Tighearna: oir bha egal oirbh roimh an teine, agus cha deachaidh sibh suas do'n t-sliabh), ag ràdh,

6 Is mise an Tighearna do Dhia, a thug a mach thusa a tìr na h-Eiphit, a tigh na daorsa<sup>6</sup>.

7 Na biodh dée sam bith eile agad a'm' fhianuis.

8 Na dean dhuit féin dealbh snaidhte<sup>7</sup> no coslas air bith *ni sam bith*, a ta shuas air nèamh, no a ta shìos air an talamh, no a ta sna h-uisgeachaibh fuidh 'n talamh.

9 Na crom thu féin sìos doibh, agus na dean seirbhis<sup>8</sup> doibh: oir mise an Tighearna do Dhia, is Dia eudmhor mi, a' lean-tuinn aingidheachd nan aithreacha air a' chloinn, agus air an treas agus air a' cheathramh ginealach dhiubhsan, a dh'fhuathaicheas mi,

10 Agus a' deanamh<sup>9</sup> tròcair air mhil-tibh dhiubhsan, a ghràdhaicheas mi, agus a ghlaidheas m'aitheanta.

11 Na tabhair ainm an Tighearna do Dhé an diomhanas: oir cha mheas an Tighearna neo-chiontach esan a bheir 'ainm an diomhanas.

12 Thoir an aire là na sàbaid a naomhachadh<sup>10</sup>, mar a dh'àithn an Tighearna do Dhia dhuit.

13 Sè làithean saothraichidh tu, agus nì thu t'obair uile:

14 Ach air an t-seachdamh là tha sàbaid an Tighearna do Dhé: air an là so cha dean thu obair sam bith, thu féin no do mhac, no do nighean, no t'òglach, no do bhan-oglach, no do dhamh, no t'asal, no aon air bith do d' spréidh, no do choigreach a tha 'n taobh a stigh do d' gheataibh; a chum as gu'n gabh t'òglach agus do bhan-oglach fois co nìath riut féin.

15 Agus cuimhnich gu'n robh thu féin a'd' sheirbhisach ann an tìr na h-Eiphit, agus gu'n d'thug an Tighearna do Dhia mach as sin thu, le làimh chumhachdaich agus le gairdean sìnte mach: uime sin, dh'àithn an Tighearna do Dhia dhuit an t-sàbaid a choimhead<sup>11</sup>.

16 Tabhair onoir<sup>12</sup> do t'athair agus do d' mhàthair, mar a dh'àithn an Tighearna do Dhia dhuit; a chum gu'm buanaichear

<sup>1</sup> shìos. <sup>2</sup> anns an tìr réidh. <sup>3</sup> fianuiscan. <sup>4</sup> gu'n ionnsuich. <sup>5</sup> cumradh, cumhnant. <sup>6</sup> tigh nan tràillean. <sup>7</sup> gearrta, gràbhalla. <sup>8</sup> aoradh.

<sup>9</sup> a' nochdadh. <sup>10</sup> Coimhid là na sàbaid chum a naomhachadh. <sup>11</sup> a dheanamh. Eabh. <sup>12</sup> urram.

do làithean, agus gu'n éirich gu math dhuit san fhearann, a bheir an Tighearna do Dhia dhuit.

17 Na dean mortadh.

18 Nì mò a nì thu adhaltrannas.

19 Nì mò a ghoideas tu.

20 Nì mò a bheir thu fianuis bhrèige an aghaidh do choimhearsnaich.

21 Nì mò a mliannaicheas tu bean do choimhearsnaich, nì mò a shanntaicheas tu tigh do choimhearsnaich, 'fhearann, no 'oglach no 'bhan-oglach, no 'dhamb, no 'asal, no *nì* air bith a's le do choimhearsnach.

22 Na briathra sin labhair an Tighearna r'ar coinmhtional uile san t-sliabh, a meadhon an teine, an neoil agus an dubh dorchadais, *le* guth mòr; agus cha do chuir e tuille ris : agus sgrìobh e iad air dà chlàr chloiche, agus thug e dhomhs' iad.

23 Agus an uair a chuala sibh an guth a meadhon an dorchadais, agus an t-sleibh a' losgadh le teine<sup>1</sup>, an sin thàinig sibh am fagus domhsa, *eadhon* uile cheannardan bhur treubha, agus bhur seanaircan,

24 Agus thubhairt sibh, Feuch, dh' fhoillsich an Tighearn ar Dia dhuinn a ghlòir, agus a mhòrachd, agus chuala sinn a ghuth a meadhon an teine: chunnaic sinn an diugh gu'n labhair Dia ri duine, agus gu mair e beo.

25 A nis uime sin c'ar son a gheibh-eamaid bàs? oir loisgidh an teine mòr so sinn. Ma 'chluinneas sinn guth an Tighearn ar Dia tuileadh, an sin bàsaichidh sinn.

26 Oir cò do'n uile fheoil a chuala guth an Dé bheo a' labhairt a meadhon an teine (mar a rinn sinne) agus a mhair beo?

27 Theirigs a m fagus, agus éisd ris na h-uile nithibh a their an Tighearn ar Dia; agus labhair thusa ruinne gach *nì* a their an Tighearn ar Dia riut, agus éisdidh sinne *ris* agus nì sinn e.

28 Agus chual' an Tighearna guth bhur briathra, 'nuair a labhair sibh rium: agus thubhairt an Tighearna rium, Chuala mi guth briathran an t-sluaigh so, a labhair iad riut: *is* math a thubhairt iad gach nì a labhair iad.

29 O gu'm biodh an gnè cridhe so anna, gu'm biodh m'eagals' orra, agus gu'n gleidheadh iad m'aitheantan uile a ghnath, a chum gu'n éireadh gu math dhoibh agus d'an cloinn gu bràth!

30 Imich, abair riu, Rachaibh d'ar bùth-aibh a ris.

31 Ach do d' thaobhsa, seas an so làimh riumsa, agus labhraidh mi riut na h-aitheantan uile, agus na reachdan, agus na breitheanaïs a theagaisgeas tu dhoibh; a chum as gu'n dean siad *iad* anns an fhearann, a *tha* mise a' tabhairt dhoibh r'a shealbhachadh.

32 Bheir sibh an aire uime sin gu'n dean sibh mar a dh'aithn an Tighearna bhur Dia dhoibh: cha chlaon sibh a thaobh a chum na làimhe deise no clithe.

33 Anns gach slighe, a dh'aithn an Tighearna bhur Dia dhoibh, gluaisidh sibh, a chum gu'm b' sibh beo, agus *gu'n éirich* gu math dhoibh, agus *gu'm* buanaich sibh *bhur* làithean anns an fhearann a shealbhacheas sibh.

## CAIB. VI.

**A**NIS *is* iad so na h-aitheantan, na reachdan, agus na breitheanaïs, a dh'aithn an Tighearna bhur Dia a theagasg dhoibh, a chum gu'n deanadh sibh *iad* san fhearann d'am bheil sibh a' dol g'a shealbhachadh:

2 A chum gu'm biodh eagal an Tighearna do Dhé ort, gu'n gleidheadh tu a reachdan uile, agus 'aitheantan a *tha* mise ag àithneadh dhuit, thu féin, agus do mhaic, agus mac do mhic, uile làithean do bheatha, agus a chum gu'm buanaichear do làithean.

3 Eisd uime sin, O Israel, agus thoir an aire gu'n dean thu *so*, a chum gu'n éirich gu math dhuit, agus gu'm fàs sibh ro-lionmhor, mar a gheall an Tighearna Dia t'aitheatha dhuit, ann am fearann, a tha sruthadh le bainne agus mil.

4 Eisd, O Israel, An Tighearn ar Dia-ne, *is* aon Tighearn e.

5 Agus gràdhachidh tu an Tighearna do Dhia le d'uile chridhe, *agus* le d' uileanam, agus le d' uile neart.

6 Agus bithidh na briathra so, a *tha* mi 'g àithneadh dhuit an diugh, ann do chridhe:

7 Agus teagaisgidh tu iad<sup>2</sup> do d' chloinn, agus labhraidh tu orra 'nuair a shuidheas tu a d' thigh, agus an uair a dh'innicheas tu air an t-slighe, agus an uair a luidheas tu sìos, agus an uair a dh'éireas tu suas.

8 Agus ceanglaidh tu iad mar chumhar air do làimh, agus bithidh iad mar eudanain eadar do shùilb.

9 Agus sgrìobhaidh tu iad air ursainnibh do thighe, agus air do gheataibh.

10 Agus an uair a bheir an Tighearna do Dhia thu do'n fhearann a mhionnaich e do d' aithreachaibh, do Abraham, do Isaac, agus do Iacob, gu'n d' thugadh e dhuit bailtean mòra agus matha, nach do thog thu féin,

11 Agus tighean làn do gach nì math, nach do lìon thu, agus tobraiche cladhaichte nach do chladhaich thu, fion-liosan agus liosan-olaidh, nach do shuidhich<sup>3</sup> thu, 'nuair a dh'itheas tu agus a bhios tu air do shàsachadh;

12 An sin thoir an aire air eagal gu'n di-chuimhnich thu an Tighearn a thug a mach thu a tìr na h-Eiphit, a tigh na daorsa.

13 Bithidh eagal an Tighearna do Dhé

<sup>1</sup> oir bha bheinn a' losgadh le teine.

<sup>2</sup> cuiridh tu 'n cèill iad gu minic. <sup>3</sup> ohlandaich.



ort, agus ni thu seirbhis dha, agus mionn-  
aichidh tu air 'ainm.

14 Cha d' théid sibh an déigh dhiathan<sup>1</sup>  
eile, do dhéibh an t-sluaigh a *tha* m'an  
cuairt oirbh:

15 (Oir *tha'n* Tighearna do Dhia na Dhia  
eudmhor 'nar measg) an t-eagal gu'n las  
fearg an Tighearna do Dhé a'd' aghaidh,  
agus gu'n sgrios e thu o aghaidh na tal-  
mhainn.

16 Cha bhrosnaich<sup>2</sup> sibh an Tighearna  
bhur Dia, mar a bhrosnaich sibh e ann am  
Masah.

17 Gleidhidh sibh gu dicheallach àith-  
eantan an Tighearna bhur Dé, agus a thcis-  
teis, agus a reachdan, a dh'àithn e dhuit.

18 Agus ni thu *an ni sin a ta* ceart agus  
math ann an sealladh an Tighearna; a  
chum as gu'n éirich gu math dhuit, agus  
gu'n d' théid thu steach, agus gu'n scalbh-  
aich thu an fearann math, a mhionnaich an  
Tighearna do t'aithreachaibh;

19 A thilgcadh a mach do naimhdean  
uile romhad, mar a labhair an Tighearna.

20 'Nuair a dh'fhiosraicheas do mhac dhiot  
san aimsir ri teachd, ag ràdh, Ciod *is e* *ciall*  
do na teistcasaibh, agus do na reachdaibh,  
agus do na breitheanasaibh, a dh'àithn an  
Tighearna ar Dia dhuibh?

21 An sin their thu ri d' mhac, Bha sinn  
'nar tràillibh aig Pharaoh san Eiphit, agus  
thug an Tighearn air Pharaoh, agus air a theagh-  
lach uile, fa chomhair ar sùl.

22 Agus nochd an Tighearna comharan  
agus iongantasan mòra agus doilgheasach  
san Eiphit air Pharaoh, agus air a theagh-  
lach uile, fa chomhair ar sùl;

23 Agus thug e mach sinn as sin, a chum  
gu'n d' thugadh e sinn a stigh, a thoirt  
dhuinn an fhearainn, a mhionnaich e d' ar  
n-aithreachaibh.

24 Agus dh'àithn an Tighearna dhuinn  
na reachda sin uile a dhcanamh, eagal an  
Tighearn ar Dé bhi oirnn a chum ar maith  
a ghnàth, a chum gu'n gleidheadh e beo  
sinn, mar air an là'n diugh.

25 Agus bithidh e na fhìrcantachd  
dhuinn, ma bhéir sinn fanear na h-àith-  
eanta so uile dheanamh, an làthair an  
Tighearn ar Dé, mar a dh'àithn e dhuinn.

### CAIB. VII.

**N**UAIR a bheir an Tighearna do Dhia  
thu stigh do'n fhearann a chum an  
bheil thu dol g'a shealbhachadh, agus a  
thilgeas e mach romhad mòran chinncach, na  
Hitich, agus na Girsasaich, agus na h-Amo-  
raich, agus na Canaanaich, agus na Perid-  
sich, agus na Hibhich, agus na Iebusaich,  
seachd cinnich a's mò agus a's cumbach-  
daiche na thusa;

2 Agus *an uair* a bheir an Tighearna do

Dhia iad thairis a'd' làthair, buailidh tu  
iad, agus cairidh tu gu tur as doibh; cha  
dean thu coimh-cheangal sam bith riu, ni  
mò a nochdas tu tròcair dhoibh:

3 Ni mò a ni thu clcamhnas<sup>3</sup> riu; do  
nighean cha d' thoirt thu d'a mhacsan, ni  
mò a ghabhas tu a nighean san do d'  
mhacsa.

4 Oir tionndaidh iad do mhac o mise a  
leantuinn, a chum gu'n dean iad seirbhis  
do dhéibh eile: mar sin lasaidh fearg an  
Tighearna 'nar n-aghaidh, agus sgriosaidh  
e thu gu h-obann.

5 Ach mar so buinidh sibh riu: sgrios-  
aidh sibh an altairean, agus brisidh sibh an  
dealbhan, agus gearraidh sibh sìos an doir-  
eachan, agus loisgidh sibh an coslais  
shnaidhte le teine.

6 Oir is sluagh naomha do'n Tighearna  
do Dhia thusa: thagh an Tighearna do  
Dhia thu gu bhi d' shluagh àraidh<sup>4</sup> dha  
féin, os cionn gach sluaigh a *ta* air aghaidh  
na talmhainn.

7 Cha do ghràdhaich an Tighearna sibh,  
ni mò a thagh e sibh a chionn gu'n robh  
sibh ni bu lionmhoire na sluagh sam bith  
eile; (oir is sibh bu teirce do gach uile  
shluagh);

8 Ach a chionn gu'n do ghràdhaich an  
Tighearna sibh, agus a chum gu'n gleidh-  
eadh e na mionnan a mhionnaich e d' ar  
n-aithreachaibh, thug an Tighearna mach  
sibh le làimh chumhachdaich, agus shaor e  
thu a tigh nan tràilleann, a làimh Pharaoh  
righ na h-Eiphit.

9 Biodh fios agad uime sin an Tighearna  
do Dhia, gur esan Dia, an Dia fìrinneach,  
a chumas coimh-cheangal agus tròcair riu-  
san a ghràdhaicheas e, agus a ghleidheas  
àithleanta, gu mìle ginealach;

10 Agus a dhiolas orra-san<sup>5</sup> a dh' fhu-  
athaicheas e, r'an eudan, a chum an sgrios:  
cha dean e moille d'a thaobh-san aig an  
bheil fuath dha; diòlaidh e air r'a eudain.

11 Gleidhidh tu uime sin na h-àith-  
eantan, agus na reachdan, agus na breith-  
eanaid, a tha mi 'g àithneadh dhuit an  
diugh a dheanamh.

12 Uime sin, ma dh'éisdeas sibh ris na  
breitheanais sin, agus ma choimhideas  
agus ma ni sibh iad; cunaidh an Tigh-  
earna do Dhia riutsa an coimhcheangal  
agus an tròcair a mhionnaich e do d' aith-  
reachaibh.

13 Agus gràdhaichidh e thu, agus beann-  
aichidh e thu, agus ni e lionmhor thu: mar  
an ceudna beannaichidh e toradh do  
bhronn, agus toradh t'fhearainn, t'arbhair,  
agus t'fhion, agus t'oladh, fàs do chruidh,  
agus treuda do chaorach, san fhearann a  
mhionnaich e do d' aithreachaibh a thabh-  
airt duit.

<sup>1</sup> dhé. <sup>2</sup> bhuaire. <sup>3</sup> ccanglaiche-pòsaidh.  
<sup>4</sup> sòruichte.

<sup>5</sup> a chu' ticheas, a dh'ais-iocas dhoibhsan.

14 Bithidh tu beannaichte os cionn gach sluagh; cha bhi fionnach no bainionnach neo-thorrach 'nar measg, no measg bhur spréidhe.

15 Agus bheir an Tighearna uait gach eucail, agus cha chuir e ort a h-aon air bith do dhroch ghalaraihb na h-Fiphit (a's aithne dhuit) ach cuiridh e iad orra-san uile, le'm fuathach thu.

16 Agus sgriosaidh tu an sluagh sin uile, a bheir an Tighearna do Dhia *thairis* dhuit; cha ghabh do shùil truas riu: ni mò a ni thu seirbhis d'an déibh, oir *bithidh* sin na ribe dhuit.

17 Ma their thu ann ad chridhe, *Is* mò na cinnich sin na mise, cionnas is urtainn mise an cur a seilbh?

18 Cha bhi eagal ort rompa: *ach* cuimhnichidh tu gu math ciod a rinn an Tighearna do Dhia ri Pharaoh agus ris na h-Eiphitich uile;

19 Na deuchainnean mòra a chunnaic do shùilean, agus na comharan, agus na h-iongantais, agus an làmh clumhachdach, agus an gàirdean sìnte mach, leis an d'thug an Tighearna do Dhia mach thu: mar sin ni an Tighearna do Dhia ris an t-sluagh uile roimh am bheil eagal ort.

20 Os-bàrr, cuiridh an Tighearna Do Dhia an consbeach<sup>1</sup> nam measg, gus am bi iadsan a dh'fhàgar, agus a dh'fhòlaicheas iad fèin o d' ghnùis, air an sgrios.

21 Cha bhi uamhann ort rompa; oir *thu* 'n Tighearna do Dhia 'nar measg, Dia mòr, agus uamhasach.

22 Agus cuiridh an Tighearna do Dhia a mach na cinnich sin roimh a lion beagan is beagan: cha 'n fheud thu an sgrios a dh'aon bheum, air eagal gu'm fàs fiadh-bheathaiche na machrach lionmhor ort.

23 Ach bheir an Tighearna do Dhia iad *thairis* duit, agus sgriosaidh e iad le sgrios mòr, gus an cuirear as doibh.

24 Agus bheir e an rìghre *thairis* do d' làimh, agus sgriosaidh tu an ainm o bhi fuidh nèamh: cha seas duine sam bith a' d' aghaidh, gus an cuir thu as doibh.

25 Dealbhan snaidhte an dee loisgidh sibh le teine: cha mhiannaich thu 'n t-airgid no 'n t-òr a ta orra<sup>2</sup>, ni mò ghabhas tu e dhuit fèin, an t-eagal gu'n ribear thu leis: oir is gràineileachd e do'n Tighearna do Dhia.

26 Ni mò bheir thu gràinealachd do d' thigh, an t-eagal gu'm bi thu a' d' ni mall-achte cosmhuil ris: *ach* bheir thu fuath iomlan da, agus gabhaidh tu gràin deth gu tur, oir is ni mallachte e.

## CAIB. VIII.

**N**A h-àitheantan uile a tha mi ag àithneadh dhuit an diugh, bheir sibh an

aire gu'n dean sibh *iad*, a chum gu'm bi sibh beo, agus gu'm fàs sibh lionmhor, agus gu'n d' theid sibh a stigh, agus gu'n seallbhaich sibh am fearann, a mhionnaich an Tighearna d'ar n-aithreachaibh.

2 Agus cuimhnichidh tu an t-slighe sin uile, air an do threòraich an Tighearna do Dhia thu rè an dà fhichead bhliadhna so anns an fhàsach, gu d' irioslachadh, gu d' dhearbhadh, a chum gu'm biodh fios<sup>3</sup> ciod a bh' ann ad chridhe, an gleidheadh tu 'àitheanta no nach gleidheadh.

3 Agus dh'irioslaich e thu, agus thug e ort ocras fhulang, agus bheathaich e thu le mana (ni nach b'aithne dhuit fèin, ni mò a b'aithne do d' aithreachaibh e) a chum gu'n d' thugadh e ort fios a bhi agad nach ann le h-aran a mhàin a bheathaichear duine, ach leis gach *focal* a thig a mach a beul an Tighearna bithidh duine beo.

4 Cha do chaitheadh t'eudach dhìot le h-aois<sup>4</sup>, ni mò a dh'at do chos rè an dà fhichead bhliadhna-sa.

5 Bheir thu mar an ceudna fanear ann ad chridhe, mar a smachdaicheas duine a mhac, gur ann *mar sin* a tha 'n Tighearna do Dhia 'g ad smachdachadh-sa.

6 Uime sin gleidhidh tu àitheantan an Tighearna do Dhé, a chum gu'n gluais thu na shligheibh, agus gu'm bi 'eagalsan ort.

7 Oir tha 'n Tighearna do Dhia 'g ad thabhairt gu fearann math, fearann shruth-an uisgeacha, thobraichean, agus dhoimhneachdan, a tha 'g éirigh suas air feadh ghleann agus air feadh bhèann.

8 Fearann cruithneachd, agus eorna, agus fhionainean, agus chraobhan figis, agus phomgranat<sup>5</sup>, fearann oladh na craoibh-claidh agus meala,

9 Fearann anns an ith thu aran gun ghoinne, cha bhi uireasbhuidh ni sam bith ort ann, fearann aig *am bheil* a chlachan nan iarunn<sup>6</sup>, agus as a bheanntaibh cladh-aichear uniha.

10 'Nuair a dh'itheas tu, agus a shàsuichear thu, an sin beannaichidh tu 'n Tighearna do Dhia air son an fhearainn mhaith a thug e dhuit.

11 Thoir an aire nach di-chuimhnich thu 'n Tighearna do Dhia, air chor as nach gleidh thu 'àitheantan, agus a bhreitheanaid, agus a reachdan, a tha mise ag àithneadh dhuit an diugh:

12 Air eagal *an uair* a dh'itheas tu, agus a shàsuichear thu, agus a thogas tu tighean matha, agus a chòmhnuaicheas tu *annta*;

13 Agus a dh'fhàsas do bhuar<sup>7</sup> agus do chaoraich, agus a mheudaichear t'airgid agus t'òr, agus a mheudaichear gach ni a ta agad;

14 Gu'm bi an sin do chridhe air a thog-

<sup>1</sup> cearnabhan, eirc-bheach; hornet. Sasg.  
<sup>2</sup> anna. <sup>3</sup> a dheanamh aithnichte, a leigeadh ris. <sup>4</sup> cha d'fhàs t'eudach sean ort.

<sup>5</sup> ghran-abhal. <sup>6</sup> aig an tairngear iarunn a 'chlachaibh. <sup>7</sup> chrodh.



ail suas, agus gu'n di-chuimhnich thu 'n Tighearna do Dhia a thug a mach thu a tìr na h-Eiphit, agus a tigh na daorsa;

15 A threòraich thu tre 'n fhàsach mhòr agus uamhasach sin, far an robh naithreacha loisgeach agus scorpiona, agus ionada tartmhor, far nach robh uisge; a thug a mach dhuit uisge as a' charraig aillbhinn;

16 A bheathaich thu san fhàsach le mana, nach b'aithne do t'aithreachaibh, a chum gu'n irioslaicheadh e thu, agus gu'n dearbhadh e thu, a dheanamh maith dhuit ann ad laithibh deireannach;

17 Agus gu'n abair thu ann ad chridhe, Fhuair mo chumhachd agus neart mo làimhe an saibhreas so dhomh.

18 Ach cuimhnichidh tu 'n Tighearna do Dhia: oir is esan a bheir comas dhuit beartas fhaghail, a chum as gu'n daingnich e a choimheangal a mhionnaich e do t-aithreachaibh, mar air an là'n diugh.

19 Agus tarlaidh, ma dhi-chuimhnicheas tu air chor sam bith an Tighearna do Dhia, agus gu'n gluais thu an deigh dhiathan eile, agus gu'n dean thu seirbhis doibh, agus gu'n dean thu aoradh dhoibh, tha mi toirt fianuis 'nar n-aghaidh an diugh, gu'n sgriosar gu tur sibh.

20 Mar na cinnich a tha 'n Tighearna a' sgrios roimh bhur gnùis, is amhuil sin a theid as duibhse; a chionn nach b'ail leibh bhi ùmhail do ghuth an Tighearna bhur Dé.

CAIB. IX.

**E**ISD, O Israel: tha thu gu gabhail thar Iordan an diugh, gu dol a steach a shealbhachadh chinneach a's mò agus a's treise na thu féin, bailtean mòra agus daingnichte suas gu nèamh,

2 Sluagh mòr agus ard<sup>1</sup>, clann nan Anacim, a's aithne dhuit, agus m'an cual' thu air a ràdh, Cò is urrainn seasamh roimh chloinn Anaic?

3 Uime sin, tuig thusa an diugh, gur e 'n Tighearna do Dhia an ti a theid thairis romhad na theine caiteach<sup>2</sup>: cuiridh esan as doibh, agus cuiridh e sìos iad a'd'fhiannuis: mar sin fògraidh tu mach iad, agus sgriosaidh tu iad gu grad, mar a thubhairt an Tighearna riut.

4 Na labhair ann do chridhe, an deigh do'n Tighearna do Dhia an tilgeadh a mach romhad, ag ràdh, Air son m'fhìreantachd féin thug an Tighearna steach mi a shealbhachadh an fhearainn so: ach air son aingidheachd nan cinneach sin tha 'n Tighearna 'g am fògradh a mach o'd làthair.

5 Cha 'n ann air son t'fhìreantachd, no air son ionracais do chridhe tha thu dol a shealbhachadh an fhearainn; ach air son aingidheachd nan cinneach sin tha 'n Tighearna do Dhia 'g am fògradh a mach o'd làthair-sa, agus a chum gu'n coimhlion e

m focal a mhionnaich an Tighearna do t'aithreachaibh, Abraham, Isaac, agus Jacob.

6 Tuig, uime sin, nach ann air son t'fhìreantachd-sa a tha 'n Tighearna do Dhia a' toirt duit an fhearainn mhaith so r'a shealbhachadh; oir is sluagh rag mhuinealach thu.

7 Cuimhnich, na di-chuimhnich cionnus a bhrosnaich thu 'n Tighearna do Dhia gu feirg san fhàsach: o'n là san deachaidh tu mach a tìr na h-Eiphit, gus an d'fhàinig sibh do'n àite so, bha sibh ceannairceach an aghaidh an Tighearna.

8 Mar an ceudna ann an Horeb bhrosnaich sibh an Tighearna gu feirg, air chor as gu'n robh corruich air an Tighearna ribh a chum bhur sgrios.

9 'Nuair a chaidh mise suas do'n t-sliabh a ghabhail nan clàr chloiche, eadhon chlàr a' choimheangail a rinn an Tighearna ribh, an sin dh'fhan mi san t-sliabh dà fhichead là agus dà fhichead oidhche; cha d'ith mi aran, ni mò a dh'òl mi uisge:

10 Agus thug an Tighearna dhomh dà chlàr chloiche sgrìobhta le meur Dhé; agus orra bha sgrìobhta réir nan uile bhriathran a labhair an Tighearna ribh san t-sliabh, a meadhon an teine, ann an là a' choimhchrùinnich.

11 Agus tharladh an ceann dhà fhichead là agus dhà fhichead oidhche, gu'n d'thug an Tighearna dhomhs' an dà chlàr chloiche, eadhon clàr a' choimheangail.

12 Agus thubhairt an Tighearna rium, Eirich, imich sìos gu luath as so; oir thruaill do shluagh a thug thu mach as an Eiphit iad féin: chlaon iad gu grad o'n t-slighe a dh'àithn mise dhoibh; rinn iad dhoibh féin dealbh leaghta.

13 A bhàrr air so, labhair an Tighearna rium, ag ràdh, Chunnac mi an sluagh so, agus feuch, is sluagh rag-mhuinealach iad.

14 Leig dhomh, a chum as gu'n sgrios mi iad, agus gu'n dubh mi mach an àinm o bhi fuidh nèamh: agus ni mi dhiotsa cinneach a's cumhachdaiche agus a's mò na iadsan.

15 Mar sin phill mi, agus thàinig mi nuas o'n t-sliabh, agus bha'n sliabh a' losgadh le teine: agus bha dà chlàr a' choimheangail a'm dhà làimh.

16 Agus dh'amhairc mi, agus feuch, bha sibh air peacachadh<sup>3</sup> an aghaidh an Tighearna bhur Dé, rinn sibh laogh leaghta dhuibh féin: bha sibh air tionndadh a thaobh gu grad as an t-slighe a dh'àithn an Tighearna dhuibh.

17 Agus ghlac mi an dà chlàr agus thilg mi as mo dhà làimh iad, agus bhris mi iad fa chomhair bhur sùl.

18 Agus thuit mi sìos<sup>4</sup> am fianuis an Tighearna, mar air tus, dà fhichead là agus

<sup>1</sup> barrahdail. <sup>2</sup> dian-loisgeach. <sup>3</sup> bha sibh 'an deigh peacachaidh.

<sup>4</sup> dh'òslach mi mi féin, rinn mi aoradh.

dà fhichead oidhche; cha d'ith mi aran, ni mò dh'òl mi uisge, air son bhur peacannan uile a pheacaich sibh le olc a dheanamh ann an sealladh an Tighearna, 'ga bhrosnachadh gu feirg.

19 (Oir bha eagal na feirg orm, agus na ro-chorruich leis an robh an Tighearna feargach 'nar n-aghaidh-sa chum bhur sgrios.) Ach dh'éisd an Tighearna rium san àm sin mar an ceudna.

20 Agus bha ro-fhearg air an Tighearna ri h-Aaron a chum a sgrios: agus rinn mi urnuigh mar an ceudna air son Aaron san àm sin féin.

21 Agus ghabh mi bhur peacadh, an laogh a rinn sibh, agus loisg mi e le teine, agus phronn mi e, agus mheil mi gu min e, eadhon gus an d'rinneadh min e mar dhùslach: agus thilg mi a dhùslach<sup>1</sup> san t-sruth a thàinig a nuas o'n t-sliabh.

22 Agus aig Taberah, agus aig Masah, agus aig Cibrot-Hataabhah, bhrosnaich sibh an Tighearna gu feirg.

23 Mar an ceudna 'nuair a chuir an Tighearna sibh o Chades-barnea, ag ràdh, Rachaidh suas, agus sealbhaichibh am fearann a thug mise dhuibh; an sin rinn sibh ceannairc an aghaidh àithne an Tighearna bhur Dé, agus cha do chreid sibh e, ni mò a dh'éisd sibh r'a ghuth.

24 Bha sibh ceannairceach an aghaidh an Tighearna, o'n là a b'àithne dhomhsa sibh.

25 Mar so thuit mi sìos am fianuis an Tighearna dà fhichead là agus dà fhichead oidhche, mar a thuit mi sìos air tùs<sup>2</sup>; a chionn gu'n dubhairt an Tighearna gu'n sgriosadh e sibh.

26 Uime sin, rinn mi urnuigh ris an Tighearna, agus thubhairt mi, O Thighearna Dhé, na sgrios do shluagh féin, agus t'oghreachd, a shaor thu tre do mhòrachd, a thug thu mach as an Eiphit le làimh chumhachdaich.

27 Cuimhnich do sheirbhisich, Abraham, Isaac, agus Iacob; na h-amhairc air reasgachd an t-sluaigh so, no air an aingidheachd, no air am peacadh:

28 Air eagal gu'n abair am fearann as an d'thug thu mach sinn, A chionn nach b'urrainn an Tighearn an toirt a steach do'n fhearann a gheall e dhoibh, agus a chionn gu'n robh fuath aige dhoibh, thug e mach iad g'am marbhadh san fhàsach.

29 Gidheadh is iad do shluagh iad, agus t'oghreachd, a thug thu mach le d' thréin neart, agus le d' ghairdean sìnte mach.

# CAIB. X.

**S**AN àm sin thubhairt an Tighearna rium, Snaidh dhuit féin dà chlàr chloiche cosmhuil ris na ceud chlàir, agus thig a

nìos a'm' ionnsuidh-sa do'n t-sliabh<sup>3</sup>, agus dean dhuit àirc fhiodha.

2 Agus sgrìobhaidh mise air na clàir na focail a bh'air na ceud chlàir, a bhris thu, agus cuiridh tu iad san àirc.

3 Agus rinn mi àirc do fhiodh sitim, agus shnaidh mi dà chlàr chloiche cosmhuil ris na ceud chlàir, agus chaidh mi suas do'n t-sliabh, agus an dà chlàr a'm' làimh.

4 Agus sgrìobh e air na clàir a réir a' cheud sgrìobhaidh, na deich àitheantan, a labhair an Tighearna ribh san t-sliabh, a meadhon an teine, ann an là a' choimh-chruinnich: agus thug an Tighearn iad dhomhsa.

5 Agus phill mise, agus thainig mi nuas o'n t-sliabh, agus chuir mi na clàir san àirc a rinn mi, agus an sin tha iad, mar a dh'àithn an Tighearna dhomh.

6 Agus dh'imich clann Israeil o Bherot chloinn laacain gu Mosera: an sin fhuair Aaron bàs, agus dh' adhlacaidh e 'n sin; agus fhrithheil Eleasar a mhac ann an dreuchd an t-sagairt na àite.

7 As sin dh'imich iad gu Gudgodah, agus o Ghudgodah gu Iotbat, fearann shruthan<sup>4</sup> uisge.

8 San àm sin chuir an Tighearna air leth treubh Lebhi, a ghiulan àirc coimh-cheangail<sup>5</sup> an Tighearna a sheasamh an làthair an Tighearna gu frithealadh dha, agus a bheannachadh na ainm, gus an là'n dugh.

9 Uime sin, cha 'n'eil aig Lebhi roinn no oighreachd maille r'a bhràithribh: is e 'n Tighearn a's oighreachd dha, a réir mar a gheall an Tighearna do Dhia dha.

10 Agus dh'fhan mi san t-sliabh, a réir na ceud ùine<sup>6</sup>, dà fhichead là agus dà fhichead oidhche, agus dh'éisd an Tighearna rium mar an ceudna san àm sin, agus cha bu toil leis an Tighearn thusa a sgrios.

11 Agus thubhairt an Tighearna rium, Eirich, imich roimh 'n t-sluaigh, a chum gu'n d' théid iad a steach, agus gu'n sealbhaich iad am fearann, a mhionnaich mi d'an aithreachaibh gu'n d' thugainn doibh.

12 Agus a nis, Israeil, ciod a tha 'n Tighearna do Dhia ag iarraidh ort, ach eagal an Tighearna do Dhé a bhi ort, gluasad na uile shligibh, agus a ghràdhachadh, agus seirbhis a dheanamh do'n Tighearna do Dhia le d' uile chridhe agus le d' uile anam;

13 Àitheantan an Tighearn a ghleidheadh, agus a reachdan a tha mise ag àithneadh dhuit an diugh air son do leas?

14 Feuch, is leis an Tighearna do Dhia nèamh, agus nèamh nan nèamh, an talamh mar an ceudna, agus gach nì a ta ann.

15 A mhàin bha tlachd aig<sup>7</sup> an Tighearn a' t' aithreachaibh g'an gràdhachadh, agus

<sup>1</sup> amùr. <sup>2</sup> anns an d'slìch mi mi féin. <sup>3</sup> do'n bheinn. <sup>4</sup> aibhnichean. <sup>5</sup> cunraidh.

<sup>6</sup> laithean. Eabh. <sup>7</sup> ròghnuich.



thagh e 'n sliochd nan déigh, *eadhon* sibhse os cionn gach sluagh, mar air an là'n diugh.

16 Timchioll-ghearraibh uime sin roimh chroicinn bhur cridhe, agus na bithidh rag-mhuinealach ni's mò.

17 Oir an Tighearna bhur Dia, *is* esan Dia nan Dia, agus Tighearna nan Tighearna, Dia mòr, cumhachdach, agus uamhasach, aig nach 'eil bàigh ri neach *seach a chèile* agus nach gabh duais<sup>1</sup>.

18 Tha e cur an gnìomh breitheanais an dilleachdain agus na bantraich, agus is toigh leis an coigreach, a toirt dha bidh agus eudaich.

19 Uime sin gràdhaichidh sibh an coigreach; oir bha sibh fèin 'nar coigrich ann an tìr na h-Eiphit.

20 Bithidh eagal an Tighearna do Dhé ort; dhasan ni thu seirbhis, agus ris-san dlùth-leanaidh tu, agus air 'ainm nìonn-aichidh tu.

21 *Is* esan do chliu, agus *is* esan do Dhia, a rinn air do shon na nithe mòr agus uamhasach ud a chunnaic do shuilcan.

22 Le tri fichead agus deich anmanna<sup>2</sup> chaidh t'aithearcha sìos do'n Eiphit: agus a nis rinn an Tighearna do Dhia thu mar reulta nèimh a thaobh lionmhoireachd.

# CAIB. XI.

**A**IR an aobhar sin gràdhaichidh tu 'n Tighearna do Dhia, agus gleidhidh tu a chùram<sup>3</sup>, agus a reachdan, agus a bhreitheanais, agus 'aitheantan a ghnàth.

2 Agus biodh fios agaibhse an diugh: oir ni 'n *labbhran* 'ar cloinn do nach b'aithne, agus nach faca smachdachadh an Tighearna bhur Dé, a nìdhòrachd, a làmh chumhachdach, agus a ghàirdean sinte mach,

3 Agus a chomharan, agus a ghnìomharan, a rinn e ann am meadhon na h-Eiphit, ri Pharaoh rìgh na h-Eiphit, agus r'a fhearann uile;

4 Agus cìod a rinn e ri armailt nan Eiphiteach, r'an eich, agus r'an carbadaibh; cionnus a thug e air uisge na mara ruaidhe dol tharta 'nuair a bha iad an tòir oirbh, agus cionnus a sgrios an Tighearna iad gus an là'n diugh;

5 Agus cìod a rinn e dhuibhse san fhàsch, gus an d'fhàinig sibh do'n àite so;

6 Agus cìod a rinn e ri Datan agus Abiram mic Eliab, mhic Reubein; cionnus a dh'fhosgail an talamh a bheul, agus a shluig e sìos iad, agus an teaghlachan, agus am bùthan, agus a' mhaoin uile a bha nan seilbh, am meadhon Israeil uile.

7 Ach chunnaic bhur sùileansa gnìomhara mòra an Tighearna uile, a rinn e.

8 Uime sin, gleidhidh sibh na h-aitheanta sin uile a tha mi ag àithneadh dhuibh air an là'n diugh, a chum gu'm bi sibh

làidir, agus gu'n d' théid sibh a tigh agus gu'n sealbhaich sibh am fearann gus am bheil sibh a' dol g'a shealbhachadh;

9 Agus gu'm buanaich sibh *bhur* làithean anns an fhearann a mhìonnaich an Tighearna d'ar n-aithearchaibh gu'n d' thugadh e dhoibh e, agus d'an sliochd, fearann a tha fruthadh le bainne agus mil.

10 Oir cha 'n eil am fearann d'am bheil thu dol a stigh g'a shealbhachadh, mar fhearann na h-Eiphit o'n d'fhàinig sibh a mach, far an robh thu cur do shìl, agus g'a uisgeachadh le d' chois, mar lios lusan<sup>4</sup>:

11 Ach am fearann gus am bheil sibh a' dol g'a shealbhachadh, *is* fearann bheann agus ghlcann e: do fhrasachd<sup>5</sup> nèimh olaidh e uisge:

12 Fearann d'am bheil an Tighearna do Dhia a' gabhail cùraim: *tha* sùilean an Tighearna do Dhé air a ghnàth, o thoiseach na bliadhna eadhon gu deire<sup>6</sup> na bliadhna.

13 Agus tarlaidh, ma dh'éisdeas sibh gu dùrachdach ri m' aitheantaibh<sup>7</sup> a tha mi ag àithneadh dhuibh air an là'n diugh, an Tighearna bhur Dia a ghràdhachadh, agus seirbhis a dheanamh dha le'r n-uile chridhe, agus le'r n-uile anam;

14 Gu'n d' thoir mise *dhuibh* uisge; bhur fearainn na àm fèin, an ceud uisge agus an t-uisge deireannach, agus cruinnichidh tu stigh t'arbarh, agus t'fhion, agus t'oladh.

15 Agus cuiridh mi feur a'd' mhachair do d' spreidh, agus ithidh tu, agus sàsaichear thu.

16 Thugaibh an aire dhuibh fèin, air eagal gu meallar bhur cridhe, agus gu'n clao'n sibh a leth-taobh, agus gu'n dean sibh seirbhis do dhéibh eile, agus gu'n dean sibh aoradh dhoibh.

17 Agus gu'n las fearg an Tighearna 'nar n-aghaidh, agus gu'n druid e suas ncamh air chor as nach bi uisge sam bith ann, agus nach d' thoir am fearann a thoradh uath, agus gu'n sgriosar gu grad sibh as an fhearann mhath, a tha 'n Tighearna a' tabhairt dhuibh.

18 Uime sin, taisgidh sibh suas iad so mo bhriathra 'nar cridhe agus 'nar n-anam, agus ceanglaidh sibh iad mar chomhar air bhur làimh; agus bithidh iad mar eudanain eadar bhur sìlibh.

19 Agus teagaisgidh sibh iad d'ar cloinn, a labhairt orra 'nuair a shuidheas tu a'd' thigh, agus an uair a dh' imicheas tu air an t-slighe, agus an uair a luidheas tu sìos, agus an uair a dh'éireas tu suas.

20 Agus sgrìobhaidh tu iad air ursainneann doruis do thighe, agus air do gheataibh:

21 A chum as gu'm bi bhur làithean lìonmhor, agus làithean bhur cloinne, san fhearann a mhìonnaich an Tighearna d'ar

<sup>1</sup> ceannach. <sup>2</sup> pearsanna. <sup>3</sup> a thaisgeach, na dh'earb e riut.

<sup>4</sup> mur ghàradh lus. <sup>6</sup> deireadh.

<sup>5</sup> fheurthuing.

n-aithreachaibh a thoirt doibh, mar laithean nheimh air an talamh.

22 Oir ma ghleidheas sibh gu dùrachadh na h-àitheanta so uile, a *tha* mise ag àithneadh dhuibh a dheanamh, an Tighearna bhur Dia a ghràdhachadh, gluasad na uile shligheibh, agus dlùth-leantuinn ris;

23 An sin tilgidh an Tighearn a mach na cinnich sin uile romhaibh, agus sealbhaichidh sibh cinnich a's mo, agus a's cumhachdaiche na sibh féin.

24 Gach àit air an saltair buinn bhur cos, is libhse: o'n fhàsach, agus Lebanon, o'n abhuinn, an abhuinn Euphrates, eadhon agus an fhaire a's faide mach, bithidh bhur crìoch.

25 Cha seas duine 'nar n-aghaidh: eagal agus geilt-chrith romhaibh cuiridh an Tighearna bhur Dia air gach fearann air an saltair sibh, a réir mar a thubhairt e ribh.

26 Feuch, tha mise a' cur fa'r comhair air an là'n diugh beannachadh agus mallachadh:

27 Beannachadh, ma bheir sibh géill<sup>1</sup> a dh'àitheantaibh an Tighearna bhur Dé, a *tha* mi ag àithneadh dhuibh air an là'n diugh;

28 Agus mallachadh, mur d' thoir sibh géill<sup>2</sup> a dh'àitheantaibh an Tighearna bhur Dé, ach gu'n clao sibh o'n t-slighe, a *tha* mi ag àithneadh dhuibh an diugh, a dhol an deigh dhiathan eile, nach b' àithne dhuibh.

29 Agus tarlaidh, 'nuair a bheir an Tighearna do Dhia thu stigh do'n fhearann d'am bheil thu dol g'a shealbhadh, gu'n cuir thu am beannachadh air sliabh Gherid-sim, agus am mallachadh air sliabh Ebail.

30 Nach 'eil iad air an taobh eile do Iordan, leth ri slighe dol fuidhe na gréine, ann an tìr nan Canaanach, a tha 'g àiteachailh a' còmhnaidh fa chomhair Ghilgail làimh ri còmhnaidh<sup>3</sup> Mhoreh?

31 Oir théid sibh thar Iordan a dhol a stigh a shealbhadh an fhearann a tha 'n Tighearna bhur Dia a' toirt dhuibh, agus sealbhaichidh sibh e, agus gabhaidh sibh còmhnuidh ann.

32 Agus bheir sibh an aire gu'n dean sibh na reachdan uile, agus na breitheanaidh, a tha mi cur romhaibh air an là 'n diugh.

# CALB. XII.

**I**S iad so na reachdan agus na breitheanaidh a bheir sibhse fanear gu'n dean sibh san fhearann a tha 'n Tighearna, Dia t'àithreacha, a' toirt duit g'a shealbhadh, uile laithean bhur beatha air an talamh.

2 Léir-sgrìosaiddh sibh na h-àiteachan uile, anns an d'rinn na cinnich a shealbhaicheas sibh seirbhìs d'an déibh, air

na beanntaibh arda, agus air na cnocaibh, agus fuidh gach craoibh ghhlais.

3 Agus leagaidh sibh sìos an altairean, agus brisidh sibh an caraighean<sup>4</sup>, agus loisgidh sibh an doireachan le tcine, agus gearraidh sibh sìos dealbhan snàidhte an dée, agus sgrìosaiddh sibh an ainm a mach as an àite sin.

4 Cha dean sibh mar sin ris an Tighearna bhur Dia.

5 Ach a dh'ionnsuidh an àite a ròghnaicheas an Tighearna bhur Dia as bhur treubhaibh uile, chum 'ainm a chur an sin, eadhon a dh'ionnsuidh àite-còmhnuidh-san iarraidh sibh, agus gu sin thig thu:

6 Agus bheir sibh gu sin bhur tabhartais-loisgte<sup>5</sup>, agus bhur n-ìobairtean, agus bhur deachamh, agus tabhartais-thogta bhur làimh, agus bhur bòidean, agus bhur saor-thabhartais, agus ceud-ghin bhur cruith agus bhur caorach.

7 Agus ithidh sibh an sin an làthair an Tighearna bhur Dé, agus ni sibh gairdeachas anns gach ni ris an cuir sibh bhur làmh, sibh féin agus bhur teaghlachan, anns an do bheannaich an Tighearna do Dhia thu.

8 Cha dean sibh a réir nan uile *nithe* a tha sinn a' deanamh an so an diugh, gach duine an ni a *tha* ceart na shùilibh féin.

9 Oir cha d'thàinig sibh fathast a dh'ionnsuidh na fois, agus a dh'ionnsuidh na h-oighreachd a *tha* 'n Tighearna bhur Dia a' tabhairt dhuibh.

10 Ach an uair a théid sibh thar Iordan, agus a ghabhas sibh còmhnuidh san fhearann, a bheir an Tighearna bhur Dia dhuibh r'a shealbhadh, agus an uair a bheir e fois dhuibh o'r naimhidibh uile mu'n cuairt, agus a ghabhas sibh còmhnuidh gu tèarunte,

11 An sin bithidh àit ann a thaghas an Tighearna bhur Dia, a thoirt air 'ainm còmhnuidh a ghabhail ann; gu sin bheir sibh na h-uile nithe, a *tha* mise ag àithneadh dhuibh; bhur tabhartais-loisgte, agus bhur n-ìobairte, bhur deachamh, agus tabhartais-thogta bhur làimh, agus taghadh bhur bòidean uile a bhòidicheas sibh do'n Tighearna.

12 Agus ni sibh gairdeachas an làthair an Tighearna bhur Dé, sibh féin, agus bhur mic, agus bhur nigheana, agus bhur n-òglaich, agus bhur ban-òglaich, agus an Lebhitheach, a *tha* 'n taobh a stigh d'ar geataibh; do bhrìgh nach 'eil roinn no oighreachd aige maille ribh.

13 Thoir an aire dhuit féin nach ìobair<sup>6</sup> thu t'ìobairtean loisgte anns gach àit a chi sibh,

14 Ach anns an àit a thaghas an Tighearna as aon do d'treubhaibh, an sin ìob-

<sup>1</sup> bhiòs sibh umhal.

<sup>2</sup> éisd sibh ri. Eabh.

<sup>3</sup> réidh-leumaidh; daragaibh. <sup>4</sup> dealbhan-cloiche.

<sup>5</sup> ofrailean-loisgte.

<sup>6</sup> ofrail, tiodhlaic, tairg.



raidh tu t'ìobairtean-loisgte, agus an sin ni thu na h-uile nithe, a *tha* mise ag àithneadh dhuit.

15 Gidheadh, feudaidd tu feoil a mharbhadh agus itheadh a' d' gheataibh uile, ge b'e ni air am bheil miann aig t'anam, a réir beannachaidh an Tighearna do Dhé a thug e' dhuit: feudaidd an neo-ghlan agus an glan itheadh dheth; mar do'n bhoc carba, agus do'n fhiadh.

16 A mhàin cha 'n ith sibh an fhuil; air an talamh dòirtidh sibh i mar uisge:

17 Cha 'n fheud thu deachamh t'ar-bhair itheadh an taobh a stigh do d' gheataibh, no t'fhìona, no t'olaidh, no ceud-ghin do chruidh, no do chaorach, no h-aon air bith do d' bhòidibh a bhòidicheas tu, no do shaor-thabhartais, no tabhartais-thogta do làmh:

18 Ach an làthair an Tighearna do Dhé ithidh tu iad ann san àit, a thaghas an Tighearna do Dhia, thu fèin, agus do mhaic, agus do nighean, agus t'oglach, agus do bhan-oglach, agus an Lebhitheach, a *tha* 'n taobh a stigh do d' gheataibh: agus ni thu gairdeachas 'an làthair an Tighearna do Dhé anns gach ni ris an cuir thu do làmh.

19 Thoir an aire dhuit fèin, nach tréig thu an Lebhitheach, am feadh is beo thu air t'fhearann'.

20 'Nuair a leudaicheas an Tighearna do Dhia do chrìoch, mar a gheall e dhuit, agus a their thu, ithidh mi feoil, (a chionn gu bheil t'anam a' miannachadh feoil itheadh) a réir uile mhiann t'anma feudaidd tu feoil itheadh.

21 Ma bhios an t-àit a thagh an Tighearna do Dhia a chur 'ainme an sin, ro-fhada uait; an sin marbhaidh tu do d'bhuar, agus do d' threud, a thug an Tighearna dhuit, mar a dh'aitm mise dhuit, agus ithidh tu an taobh a stigh do d' gheataibh gach ni is miannach le t'anam.

22 Eadhon mar a dh'ithear an ruadh-bhoc, agus am fiadh, mar sin ithidh tu e: ithidh an neo ghlan agus an glan deth air an aon dòigh:

23 A mhàin thoir an ro-aire nach ith thu 'n fhuil: oir is 'n fhuil a' bheatha, agus cha 'n fheud thu a' bheatha itheadh maille ris an fheoil.

24 Cha 'n ith thu i; air an talamh dòirtidh tu i mar uisge.

25 Cha 'n ith thu i, chum gu'n éirich gu math dhuit, agus do d' chloinn a'd' dhéigh, 'nuair a ni thu an *ni a ta* ceart ann an sùilbh an Tighearna.

26 A mliàn gabhaidh tu do nithe naomha a tha agad, agus do bhòidean, agus theid thu do'n àit, a thaghas an Tighearna:

27 Agus ìobraidh tu t'ìobairtean-loisgte,

an fheoil agus an fhuil, air altair an Tighearna do Dhé; agus dòirtear a mach fuil t'ìobairtean air altair an Tighearna do Dhé, agus ithidh tu 'n fheoil.

28 Thoir an aire<sup>2</sup>, agus éisd ris na briathraibh sin uile, a *tha* mi ag àithneadh dhuit, a chum gu'n éirich gu math dhuit fèin, agus do d' chloinn a'd' dhéigh gu bràth, an uair a ni thu an *ni a tha* math agus ceart ann an sùilbh an Tighearna do Dhé.

29 'Nuair a ghearras an Tighearna do Dhia as na cinnich romhad, a *tha* thu dol a steach an sud a chum an seallbhachadh, agus a thig thu nan àite, agus a ghabhas tu còmhnuidh nam fearann:

30 Thoir an aire dhuit fèin nach ribear thu le'n leantuinn, an déigh dhoibh bhi air an sgrios as do làthair, agus nach fiosraich thu mu thimchioll an dèe, ag ràdh, Cionnus a rinn na cinnich sin seirbhis d'an dèibh? ni mise mar sin mar an ceudna.

31 Cha dean thusa mar sin ris an Tighearna do Dhia: oir gach gràinealachd do'n Tighearna a's fuathach leis, rinn iadsan d'an dèibh; oir eadhon am mic agus an nigh-cana loisg iad san teine d'an dèibh.

32 Gach ni, a *tha* mise ag àithneadh dhuibh, thugaibh an aire gu'n dean sibh e: cha chuir thu ris, ni mò bheir thu ni sam bith uath.

CAIB. XIII.

**M**A dh'éireas suas 'nar measg fàidh, no fear a chi aising<sup>3</sup>, agus, gu'n d' thoir e dhuit comhara<sup>4</sup> no iongantas,

2 Agus gu'n d' thig an comhara no'n t-iongantas gu crìch, air an do labhair e riut, ag ràdh, Rachamaid an déigh dhiathan eile (nach b'aithean dhuit) agus deanamaid seirbhis doibh:

3 Cha 'n éisd thu ri briathraibh an fhàidh sin, no ris an fhear sin a chi aising: oir tha 'n Tighearna bhuir Dia 'gar dearbhadh, a dh'fheuchainn am bheil sibh a' gràdhachadh an Tighearna bhuir Dé le'r n-uile chridhe, agus le'r n-uile anam.

4 An déigh an Tighearna bhuir Dé gluaisidh sibh, agus bithidh 'eagalsan oirbh, agus gleidhidh sibh 'aithceanntan, agus éisdidh sibh r'a ghuth, agus ni sibh seirbhis da, agus dlùth-leanaidh sibh ris.

5 Agus cuirear am fàidh sin, no am fear sin a chi aising, gu lùs, (a chionn gu'n do labhair e chum sibhse chur air seacharan o'n Tighearna bhuir Dia, a thug a mach sibh a tìr na h-Eiphit, agus a dh'fhuasgail sibh a tigh na daorsa, chum t'iomain a mach<sup>5</sup> as an t-slighe anns an d'aithean an Tighearna do Dhia dhuit imeachd,) mar sin cuiridh tu air falbh an t-olc as do mheadhon<sup>6</sup>.

6 Ma chuiras do bhràthair, niac do mhathar, no do mhaic fèin, nach do nighean,

<sup>1</sup> rè do làithean uile air an talamh. <sup>2</sup> Gleibh. <sup>3</sup> a bhrudaireas brudair. <sup>4</sup> sain-fhios.

<sup>5</sup> do chur air seacharan. <sup>6</sup> as bhuir measg.

no bean-phòsda t'ùchd, no do charaid, a *tha* dhuit mar t'anam, impidh ort ann an uaigneas, ag ràdh, Rachamaid agus deanamaid seirbhis do dh'èibh eile, (nach b'athne dhuit féin, no do t'athreachaibh;

7 Eadhon do dh'èibh nan cinneach, a *tha* mu'n cuairt oirbh, am fagus duit, no fada wait, o'n *dara* ceann do'n talamh eadhon gus an ceann *eile* do'n talamh.)

8 Cha 'n aontaich thu leis, ni mò a dh'èisdeas tu ris; ni mò a ghabhas do shùil truas ris, ni mò a chaomhnas no cheileas tu e.

9 Ach cuiridh tu gu cinnteach gu bàs e; bithidh do làmh féin an tús air g'a mharbhadh, agus an déigh sin làmh an t-sluaigh uile.

10 Agus clachaidh tu e le clachaibh, a chum gu'n bàsaich e: a chionn gu'n d'iarr e do tharruing<sup>1</sup> o'n Tighearna do Dhia, a thug a mach thu a tìr na h-Eiphit, a tigh na daorsa.

11 Agus cluinidh Israel uile, agus bithidh eagail orra, agus cha dean iad ni's mò a leithid so do ghniomh aingidh 'nar measg.

12 Ma chluinneas tu ann an aon do d' bhailtibh, a thug an Tighearna do Dhia dhuit gu còmhnuidh a ghabhail ann, *neach air bith* ag ràdh,

13 Chaidh daoine àraidh, clann Bheilial, a mach as bhur measg, agus bhuaire<sup>2</sup> iad luchd-aiteachaidh am baile, ag ràdh, Rachamaid agus deanamaid seirbhis do dh'èibh eile, (nach b'athne dhuibh.)

14 An sin fiosraichidh tu agus rannsachidh tu, agus feòraichidh tu gu dùrachdach: agus feuch, *ma's* firinn e, agus gu'm bheil a' chùis deirbhte, *gu'n* do rinneadh a' ghràineileachd sin 'nar measg;

15 Gu cinnteach buailidh tu luchd-aiteachaidh a' bhaile sin le faobhar a' chlaidheimh, 'ga sgrios gu tur, agus gach ni a *ta* ann, agus a spréidh le faobhar a' chlaidheimh.

16 Agus cruinnichidh tu a' chreach<sup>3</sup> uile gu meadhan a shràide, agus loisgidh tu le teine am baile, agus a chreach uile gu h-ìomlan, air son an Tighearna do Dhé: agus bithidh e na thorra<sup>4</sup> a' chaoidh; cha togar suas e ni's mò.

17 Agus cha lean ri d' làimhsa a' bheag do'n ni mhallaichte; a chum gu'm pill an Tighearn o lasair f'heirge, agus gu nochd e trocair dhuit, agus gu'n dean e iochd riut, agus gu'n d' thoir eort fàs lionmhor, mar a mhuonnaich e do t'athreachaibh;

18 'Nuair a dh'èisdeas tu ri guth an Tighearna do Dhé, a ghleidheadh 'ath-eant-an uile, a *tha* mi ag àithneadh dhuit an diugh, a dheanamh an ni a *ta* ceart ann an suilibh an Tighearna do Dhé.

IS sibhse clann an Tighearna bhur De: cha ghearr sibh sibh féin, ni mò a ni sibh lomadh *air bith* eadar bhur sùilean air son mairbh:

2 Oir is sluagh naomha thu do'n Tighearna do Dhia, agus thagh an Tighearn thu gu bhì a'd' shluagh sònraichte dha féin, thar gach uile chinneach a *tha* air aghaidh na talmhainn.

3 Cha 'n ith thu ni gràineil sam bith.

4 Is iad so na beathaichean a dh'itheas sibh: an damh, a' chaora, agus a' ghabhar,

5 Am fiadh, agus an ruadh-bhoc, agus an dathais<sup>5</sup> agus a' ghabhar fhiadhaich, agus an t-earr-gheal<sup>6</sup>, agus an damh fiadhaich agus an somer<sup>7</sup>.

6 Agus gach beathach, a roinneas an ionga, agus a sgoilteas sgoltadh an dà ionga, agus a chnàmhas a' chùir am measg nan ainmhidhean, sin ithidh sibh.

7 Gidheadh, iad so cha'n ith sibh, dhiubhsan a chnàmhas a' chùir, no dhiubhsan a roinneas an ionga sgoilte, mar an camhal, agus a' mhaigheach, agus an coinnean; oir cnàmhaidh iad a' chùir, ach cha roinn iad an ionga: neo-ghlan *tha* iad dhiubh.

8 Agus a' mhuc, a chionn ge do roinn i 'n ionga, nach cnàmh i a' chùir, *tha* i neo-ghlan dhiubh: d'am feoil cha 'n ith sibh, agus r'an cairbh cha bhean sibh.

9 Iad so ithidh dhiubhsan uile a *ta* sna h-uisgibh: gach ni air am bheil itean agus lannan, ithidh sibh;

10 Agus gach ni air nach 'eil itean agus lannan, cha'n ith sibh: *tha* e neo-ghlan dhiubh.

11 Gach eun glan ithidh sibh.

12 Ach is iad so *iadsan* do nach ith sibh: an iolair, agus an cnaimh-bhristeach, agus an iolar-uisge,

13 Agus an croman-gabhlach<sup>8</sup>, agus an clamhan, agus am fang<sup>9</sup> a réir a ghné,

14 Agus gach fiteach a réir a ghné,

15 Agus a' chailleach-oidhche, agus an t-seabhag-oidhche, agus a' chuach, agus an t-seabhag a réir a ghné,

16 Agus a' chailleach-oidhche fheag, agus a' chailleach-oidhche mhòr, agus an eala,

17 Agus am pelican, agus an iolair fhionn, agus an sgarbh,

18 Agus a' chorra-bhàn, agus a' chorra-ghlas a réir a ghné, agus an t-adharcan-luachrach, agus an iatag.

19 Agus *tha* gach ni snaigeach, a dh'iteal-aicheas, neo-ghlan dhiubh: cha'n ithear iad.

20 Gach eun glan ithidh sibh.

21 Cha'n ith sibh ni sam bith a bhàsaicheas dheth féin<sup>10</sup>: bheir thu e do'n

<sup>1</sup> do sgaradh, t'fhuadach.

<sup>3</sup> spùinneadh.

<sup>5</sup> buabhal; iachmur. Eabh.

<sup>2</sup> tharruing.

<sup>4</sup> na charn.

<sup>6</sup> pig'org, dishow.

Eabh. <sup>7</sup> Ierassa; chamois. Sasg. <sup>8</sup> raa  
Eabh. <sup>9</sup> daiah. Eabh. <sup>10</sup> cairbh sam  
bith.



choigreach, a *tha* 'n taobh a stigh do d' gheataibh<sup>1</sup>, chum gu'n ith se e, no reic e ris an eilthreach<sup>2</sup>: oir is sluagh naomha thu do'n Tighearna do Dhia. Cha bhuich thu meann ann am bainne a mhàthar.

22 Bheir thu seachad gu ceart deachamh uile chinnis do shìl, a bheir am fearann uaithe o bhliadhna gu bliadhna.

23 Agus ithidh tu 'm fianuis an Tighearna do Dhé, san àit a thaghas e chum 'ainm a chur an sin, deachamh t'arbhair, t'fhiona, agus t'olaidh, agus ceud-ghin do chruidh, agus do chaorach; a chum gu fòghlum thu eagal an Tighearna do Dhé a bhi ort a ghnàth.

24 Agus ma bhios an t-slighe ro-fhada dhuit, air ehor as nach urrainn thu a ghiùlan, a chionn an t-àite bhi fada uait, a thaghas an Tighearna do Dhia a chur 'ainne an sin, an uair a bheannaicheas an Tighearna do Dhia thu:

25 An sin nì thu airgiod *deth*, agus ceanglaidh tu suas an t-airgiod a'd làimh, agus theid thu chum an àit a thaghas an Tighearna do Dhia.

26 Agus bheir thu an t-airgiod sin air son gach nì a mhiannaicheas t'anam, air son buair<sup>3</sup>, no air son chaorach, no air son fiona, no air son dibhe làidir, no air son gach nì a mhiannaicheas t'anam: agus ithidh tu an sin an làthair an Tighearna do Dhé, agus nì thu gairdeachas, thu féin, agus do theaghlach.

27 Agus an Lebhithcach a *tha* 'n taobh a stigh do d' gheataibh, cha tréig thu e: oir cha 'n 'eil roinn, no oighreachd aige maille riut.

28 Aig crìoch thri bliadhna bheir thu mach uile dheachamh do chinnis air a' bhliadhna sin féin, agus taisgidh tu suas e an taobh a stigh do d' gheataibh.

29 Agus thig an Lebhithcach, (a chionn nach 'eil roinn, no oighreachd aige maille riut), agus an coigreach, agus an dilleadhan, agus a' bhantrach, a *tha* 'n taobh a stigh do d' gheataibh, agus ithidh iad, agus sàsuichear iad; a chum gu'm beannaich an Tighearna do Dhia thu ann an uile oibribh do làmh a nì thu.

C A I B. XV.

**A**N ceann *gach* seachd bliadhna nì thu fuasgladh.

2 Agus is e so modh an fuasglaidh: Gach fear fada a bheir *nì sam bith* air iasachd<sup>1</sup> d'a choimhearsnach, fuasglaidh<sup>2</sup> se e, cha 'n iarr e air 'ais e o choimhearsnach, no o' bhràthair, a chionn gu'n goirear fuasgladh an Tighearna dheth<sup>3</sup>.

3 O eilthreach feudaidh tu 'iarraidh air 'ais; ach an nì a's leat féin, a ta aig do bhràthair, fuasglaidh do làmh e.

4 Ach a mhàin an uair nach bi<sup>4</sup> uir-easbhuidheach sam bith 'nar measg: oir beannaichidh an Tighearna gu mòr thu san fhearann; a tha 'n Tighearna do Dhia a' toirt dhuit *mar* oighreachd, r'a shealbhachadh:

5 A mhàin ma dh'éisdeas tu gu dùrachdach ri guth an Tighearna do Dhé, a thoirt an aire gu'n dean thu na h-àitheanta so uile, a *tha* nì 'g àithneadh dhuit air an làrn duigh.

6 Oir beannaichidh an Tighearna do Dhia thu, mar a gheall e dhuit; agus bheir thu air iasachd do mhòran cinneach, ach cha ghabh thu air iasachd; agus bithidh uachdranachd agad air mòran chinneach, ach cha bhi uachdranachd aca-san ort-sa.

7 Ma bhios 'nar measg duine bochd, aon do d' bhràithribh, an taobh a stigh aon do d' gheataibh, ann ad fhearann a *tha* 'n Tighearna do Dhia a' toirt duit, cha chruadhaich thu do chridhe, nì mò a dhruideas tu do làmh o d' bràthair bochd:

8 Ach fosglaidh tu do làmh gu farsaing dha, agus gu cinnteach bheir thu air iasachd dha nì's leòr air son 'fheum, do'n nì a tha dh'ea-bhuidh air.

9 Thoir an aire nach bi smuain a'd' chridhe aingidh, ag ràdh, Tha 'n t-seachdamh bliadhna, bliadhna an fhuasglaidh, am fagus: agus gu'm bi do shùil oile an aghaidh do bhràthar bochd, agus nach d' thoir thu bheag dha, agus gu'n glaoth e ris an Tighearna a't' aghaidh, agus gu'm bi e na pheacadh dhuit.

10 Bheir thu dha gu deimhin, agus cha bhi doilgeas air do chridhe 'nuair a bheir thu dha: a chionn air son an nì so gu'm beannaich an Tighearna do Dhia thu a' t' oibribh uile, agus anns gach nì ris an cuir thu do làmh.

11 Oir cha bhi 'n tìr a chaoidh gun bhochd<sup>5</sup>: uime sin tha nì 'g àithneadh dhuit, ag ràdh, Fosglaidh tu do làmh gu farsaing do d' bhràthair, do d' bhochd, agus do d' uir-easbhuidheach a'd' dhùtnaich.

12 Ma reicear riut do bhràthair Eabhruidh ach, no Ban-eabhruidheach, agus gu'n dean e seirbhis duit sè bliadhan; an sin anns an t-seachdamh bliadhna leigidh tu leis dol saor uait.

13 Agus an uair a chuireas tu e mach saor uait, cha chuir thu air falbh e fa-lamh:

14 Bheir thu dha gu pailt as do threud, agus a t'urrlar, agus a t-fhion-amar: os na nùilbhin sin leis an do bheannaich an Tighearna do Dhia thu, bheir thu dha.

15 Agus cuimhnichidh tu gu'n robh thu féin a'd' thràill ann an tìr na h-Eiphit; agus shaor an Tighearna do Dhia thu:

<sup>1</sup> a tha ann do gheataibh. <sup>2</sup> fear dùthcha eile, allmharach, atharrach. <sup>3</sup> cruidh. <sup>4</sup> an eòigheall. <sup>5</sup> mathaidh, saoraidh. <sup>6</sup> chionn

gu'n abrar fuasgladh an Tighearna ris chum nach bi. <sup>7</sup> A cha teirig, cha'n fhàilingich am bochd a chaoidh as an tìr.

àinne sin *tha* mi ag àithneadh so dhuit an diugh.

16 Ach ma their e riut, Cha'n fhalbh mi-uait; (a chionn gur toigh leis thu agus do thigh, do bhrìgh gu bheil e gu math agad;)

17 An sin gabhaidh tu minidh, agus cuiridh tu tre 'chluais e anns an dorus, agus bithidh e na sheirbhiseach dhuit gu bràth: agus mar an ceudna ri d' bhan-oglaich ni thu mar sin.

18 Na measar e cruaidh leat, an uair a chuireas tu uait saor e; oir bha e dà uair co-math *dhuitse* ri seirbhiseach tuarasdail, le seirbhis a dheanamh dhuit sè bliadhna: agus agus beannaichidh an Tighearna do Dhia thu anns gach ni a ni thu.

19 Gach ceud-ghin fìrionn a bheirear am measg do chruidh<sup>1</sup>, agus am measg do threud, naomhaichidh tu do'n Tighearna do Dhia: cha dean thu obair sam bith le ceud-ghin do bhòtha<sup>2</sup>, ni mò a lomas tu ceud-ghin do chaorach.

20 Am fianuis an Tighearna do Dhé ithidh tu e o bhliadhna gu bliadhna, san ionad a thaghas an Tighearna, thu féin agus do theaghlach.

21 Agus ma bhios gaoid sam bith ann, cruàiche, no doille, no droch ghaid sam bith, cha 'n icair thu e do'n Tighearna do Dhia.

22 An taobh a stigh do d' gheataibh ithidh tu e; *ithidh* an glan agus an neo-ghlan comh-ionann *deth*, mar do'n ruadh-bhoc, agus mar do'n fhiadh.

23 A mhàin fhuil cha 'n ith thu: air an talamh dòirtidh tu i mar uisge.

## CAIB. XVI.

**C**OIMHID mìos Abib, agus cumaidh tu a' chàisg do'n Tighearna do Dhia: oir sa' mhìos Abib thug an Tighearna do Dhia thu mach as an Eiphit san oidhe.

2 Uime sin, iobraidh tu chàisg do'n Tighearna do Dhia, do'n treud agus do'n bheir, san ionad a thaghas an Tighearna chum 'ainm a chur an sin.

3 Cha'n ith thu aran goirtichte<sup>3</sup> sam bith leatha: seachd laithean ithidh tu aran neo-ghoirtichte leatha, *cadhon* aran àmhghair, (oir le cabhaig thàinig thu mach a tìr na h-Eiphit,) a chum gu cumhnich thu 'n là, air an d'fhàinig thu mach a tìr na h-Eiphit, uile laithean do bheatha.

4 Agus cha 'n fhaicear agad *aran* goirtichte a'd' chrìochaibh uile re sheachd laithean: ni mò a mhaireas a' bheag do'n fheoil, a dh'ìobras tu air fèasgar sa' cheud là, rè na h-oidhe gu maduinn.

5 Cha 'n fheud thu chàisg iobradh an taobh a stigh aon air bith do d' gheataibh, a bheir an Tighearna do Dhia dhuit.

6 Ach aig an àit a thaghas an Tighearna

do Dhia a chur 'ainme ann, an sin iobraidh tu chàisg air fèasgar, aig dol fuidhe na gréine, san àm an d'fhàinig thu mach as an Eiphit.

7 Agus ròistidh agus ithidh tu i san àit a thaghas an Tighearna do Dhia: agus pillidh tu sa' mhaduinn, agus théid thu do d' bhùthailh.

8 Sè laithean ithidh tu *aran* gun ghoirt-eachadh; agus air an t-seachdamh la bithidh ard choimhchrinneach do'n Tighearna do Dhia: cha dean thu obair sam bith air.

9 Seachd seachduinean àirmhidh tu dhuit féin: o'n *am san* tòisich thu air a' chorrán a chur san arbhar, tòisichidh tu air na seachd seachduinean àireamh.

10 Agus cumaidh tu féisd<sup>4</sup> nan seachduine do'n Tighearna do Dhia, le tiodhlac saor-thoil thabhartaids do làmh, a bheir thu *seachd* a réir mar a bheannaich an Tighearna do Dhia thu.

11 Agus ni thu gairdeachas an làthair an Tighearna do Dhé, thu féin, agus do mhaic, agus do nighean, agus t'òglach, agus do bhan-oglach, agus an Lebhitheach a *tha* 'n taobh a stigh do d' gheataibh, agus an coigreach, agus an dilleachdan, agus a' bhantrach, a *tha* 'nar measg, san ionad a thaghas an Tighearna do Dhia a chur 'ainme ann.

12 Agus cuimhnichidh tu gu'n robh thu féin a'd' thràill san Eiphit: agus coinhidh tu, agus ni thu na reachda so.

13 Cumaidh tu féisd<sup>5</sup> nam pàilliuna seachd laithean an déigh dhuit t'arbhar a chruinneachadh a stigh, agus t'fhion.

14 Agus ni thu gairdeachas a'd' fhéisd, thu féin, agus do mhaic, agus do nighean, agus t'òglach, agus do bhan-oglach, agus an Lebhitheach, agus an coigreach, agus an dilleachdan, agus a' bhantrach, a *tha* 'n taobh a stigh do d' gheataibh.

15 Seachd laithean cumaidh tu féisd àraidh<sup>6</sup> do'n Tighearna do Dhia, san ionad a thaghas an Tighearna: a chionn gu'm beannaich an Tighearna do Dhia thu a't' chinneas uile, agus ann an oibrigh do làmh uile, uime sin ni thu gu deimhin gairdeachas.

16 Tri uaire sa' bhliadhna tai-beinear<sup>7</sup> t'fhirionnaich uile an làthair an Tighearna do Dhé, san ionad a thaghas e; ann am féisd an arain neo-ghoirtichte, agus ann am féisd nan seachduine, agus ann am féisd nam pàilliuna: agus cha taisbeinear iad an làthair an Tighearna falamh.

17 Bheir gach duine seachd mar is urrainn e, a réir beannachaidh an Tighearna do Dhé, a thug e dhuit.

18 Breithcamhnar, agus uachdarain ni thu dhuit féin an taobh a stigh do d' gheat-

<sup>1</sup> a thig a'd' chrobh. <sup>2</sup> mhairt. <sup>3</sup> laibhinte. <sup>4</sup> féill, cuirm.

<sup>5</sup> féill. <sup>6</sup> ard, shònruichte. <sup>7</sup> nochdar.



aibh uile, a bheir an Tighearna do Dhia dhuit air feadh do threubh: agus bheir iad breth air an t-sluagh le ceart breitheanas.

19 Cha dean thu breitheanas fhiaradh; cha bhi bàigh agad ri neach seach a chéile, ni mò a ghabhas tu tiodhlac<sup>1</sup>: oir dallaidh an tiodhlac suile nan daoine glic, agus fiaraidh<sup>2</sup> e briathra nan ionracan.

20 An ni sin a ta uile cheart leanaidh tu, a chum gu'n bi thu beo, agus gu'n sealbhaich thu 'm fearann a tha an Tighearna do Dhia a' tabhairt dhuit.

21 Cha suidhich thu dhuit féin doire<sup>3</sup> chraobhan sam bith làimh ri altair an Tighearna do Dhé, a ni thu dhuit féin.

22 Ni mò a chuireas tu suas dhuit féin dealbh<sup>4</sup> sam bith, ni a's fuathach leis an Tighearna do Dhia.

CAIB. XVII.

**C**HA 'n iobair thu do'n Tighearna do Dhia taibh, no caora, anns am bheil gaoid, no mi-mhaise sam bith: oir is gràineileachd sin do'n Tighearna do Dhia.

2 Ma gheibhear 'nar measg, an taobh a stigh aon do d' gheataibh a bheir an Tighearna do Dhia dhuit, fear no bean, a rinn aingidheachd ann an suilibh an Tighearna do Dhé, le 'choimhcheangal a bhriseadh,

3 Agus gu'n deachaidh e, agus gu'n d'rinn e seirbhis do dhéibh eile, agus gu'n d'rinn e aoradh dhoibh, aon chuid do'n ghréin, no do'n ghealaich, no do uile armuailt néimh<sup>5</sup> nach d'áithn mise;

4 Agus gu'n d'innseadh dhuit e, agus gu'n cuala tu e, agus gu'n do rannsaich thu gu math, agus feuch gur fíor e, agus gu bheil a' chuis deirbhte, gu'n do rinneadh a' ghràineileachd sin ann an Israel;

5 An sin bheir thu mach am fear sin, no a' bhean sin (a rinn an ni aingidh sin) chum do gheatacha, eadhon am fear sin, no a' bhean sin, agus clachaidh tu iad le clachaidh gus am bàsaich iad.

6 Aig beul dà fhianuis, no thri fianuisean, cuirear gu bàs esan, a tha toillteanach air bàs; cha chuirear gu bàs e aig beul aon fhianuis.

7 Bithidh làmhla nam fianuisean air an toiseach, g'a chur gu bàs; agus na dheigh sin làmhan an t-sluaigh uile; mar sin cuiridh tu 'n t-olc air falbh o bhur measg.

8 Ma dh'éireas cùis a bhios ro-chruaidh ort ann am breitheanas eadar fuil agus fuil, cadar breth<sup>6</sup> agus breth, agus eadar buille agus buille, eadhon cùiscan conspoid an taobh a stigh do d' gheataibh; an sin éiridh tu, agus théid thu suas do'n ionad a thaghas an Tighearna do Dhia.

9 Agus thig thu chum nan sagart nan Lebhiteach, agus a chum a' bhreitheimh a

bhios anns na làithibh sin, agus fiosraichidh tu; agus nochdaidh iad dhuit focal<sup>7</sup> a' bhreitheanas.

10 Agus ni thu a réir na breithe a nochdas muinntir an àite sin (a thaghas an Tighearna) dhuit, agus bheir thu 'n aire gu'n dean thu a réir gach ni a theagaisgeas iad duit:

11 A réir breth an lagha a theagaisgeas iad dhuit, agus a réir a bhreitheanas a dh'innseas iad duit, ni thu: cha chlaon thu o'n bhreth, a nochdas iad duit, a chum na làimhe deise no na làimhe clìthe.

12 Agus an duine a ni<sup>8</sup> gu h-an-dàna<sup>9</sup>, agus nach éisd ris an t-sagart, (a sheasas gu frithealadh an sin an làthair an Tighearna do Dhé), no ris a' bhreitheanas, bàsaichidh eadhon an duine sin, agus cuiridh tu 'n t-olc air falbh o Israel.

13 Agus cluinidh an sluagh uile, agus bithidh eagall orra, agus cha dean iad gu h-an-dàna ni's mò.

14 'Nuair a thig thu chum an fhearainn a bheir an Tighearna do Dhia dhuit, agus a shealbhaicheas tu e, agus a ghabhas tu còmhnuidh ann, agus a their thu, Cuiridh mi rìgh os mo cheann, mar na cinnich uile ta m'an cuairt orm:

15 Cuiridh tu air gach aon chor esan na rìgh os do cheann, a thaghas an Tighearna do Dhia: aon o mheasg do bhràithre cuiridh tu na rìgh os do cheann: cha 'n fheud thu coigreach a chur os do cheann, nach 'eil na bhràithair dhuit.

16 Ach cha chuir e eich an lìonmhoireachd dha féin, ni mò a bheir e air an t-sluagh pilleadh do'n Eiphit, a chum as gu'n cuir e eich an lìonmhoireachd: do bhrìgh gu'n dubhairt an Tighearna ribh, Cha phill sibh a so a mach ni's mò air an t-slighe sin.

17 Ni mò chuiras e mnàin an lìonmhoireachd dha féin, a chum nach claoon a chridhe air falbh: ni mò a mheudaicheas e gu mòrdha féin airgid agus òr.

18 Agus an uair a shuidheas e air rìgh-chaitheir a rìghachd, an sin ath-sgrìobhaidh e dha féin an lagh so<sup>10</sup> ann an leabhar, as an leabhar sin a tha 'n làthair nan sagart nan Lebhiteach.

19 Agus bithidh e aige, agus leughaidh e ann, uile làithean a bheatha; chum gu foghlum e eagall an Tighearna a Dhé a bhàir air, uile bhriathran an lagha so a ghleidheadh, agus na reachda so, chum an deanamh:

20 A chum nach bi 'chridhe air a thogail suas os ceann a bhràithre, agus nach claoon e o'n àithne chum na làimhe deise no na làimhe clìthe: air chor as gu'm buanaich e a làithean na rìghachd, e féin agus a chlann ann meadhon Israel.

<sup>1</sup> gihht. <sup>2</sup> truailidh. <sup>3</sup> bad. <sup>4</sup> ionmhaigh, eoslus. <sup>5</sup> do haon do shlògh néimh. <sup>6</sup> tagartas, cùis-logha. <sup>7</sup> binn. <sup>8</sup> ghiùlaineas e féin.

<sup>9</sup> dalma. <sup>10</sup> sgrìobhaidh e dha féin dùblachadh an lagha so.

## CAIB. XVIII.

**C**HA bhi aig na sagartaibh na Lebhithich, *eadhon* uile thréibh Lebhi, roinn sam bith no oighreachd maille ri h-Israel: ithidh iad tabhartais an Tighearna bhicrear suas le teine, agus 'oighreachd-san.

2 Uime sin, cha bhi oighreachd sam bith aca am measg am bráithre: *is* e 'n Tighearna féin an oighreachd, mar a thubhairt e riu.

3 Agus *is* e so dlíge nan sagart o'n t-sluagh, uatha-san a dh'íobras íobairt, ma's tarbh no caora e; agus bheir iad do'n t-sagart an slinnean, agus na gíalan, agus a' mhaodal.

4 Ceud thoradh *mar an ceudna* t'arbhair, t'fhìona, agus t'olaidh, agus ceud lomradh<sup>1</sup> do chaorach bheir thu dha:

5 Oir thagh an Tighearna do Dhia e mach as do threubhaibh uile, gu seasamh chum frithealaidh ann an ainm an Tighearna, e féin agus a mhic gu bràth.

6 Agus ma thig Lebhithreach o h-aon do d' gheataibh a mach a h-Israel uile, far an bheil e air chuairt, agus ma thig e le uile thogradh 'inntinn do'n ionad, a thaghas an Tighearna;

7 An sin frithealaidh e ann an ainm an Tighearna a Dhé, mar a bhráithrean uile na Lebhithich, a tha nan seasamh an 'sin an làthair an Tighearna.

8 Bithidh ac' uiread ri chéile r'a itheadh, a bhàrr air na thig air o reiceadh a chuid duine-cloinne.

9 'Nuair a thig thu do'n fhearann a tha 'n Tighearna do Dhia a' toirt duit, cha 'n fhòghluim thu dheanamh a réir gràinealachd nan cinneach sin.

10 Cha'n fhaighear 'nar measg *neach air bith* a bheir air a mhac, no air a nighinn dol tre'n teine, no ghnàthaicheas fiosachd, no speuradair<sup>2</sup>, no fear-fàistneachd, no ghnàthaicheas droch innleachda<sup>3</sup>.

11 No seunadair<sup>4</sup>, no neach a dh'fhiosraicheas do leannan-sith<sup>5</sup>, no druidh, no neach a dh'íarras eòlas o na mairbh.

12 Oir *is* gràinealachd do'n Tighearna iadsan uile a ni na nithe sin; agus air son nan gràinealachd sin, tha'n Tighearna do Dhia 'gam fuadachadh a mach romhad.

13 Bithidh tu coimhlionta maille ris an Tighearna do Dhia.

14 Oir dh'éisd na cinnich sin a shealbhaicheas tusa ri speuradairean, agus ri fios-aichibh: ach air do shonsa, cha do leig an Tighearna do Dhia leat mar sin a dheanamh.

15 Togaidh an Tighearna do Dhia suas fàidh dhuit o d' mheadhon féin, o d' bhráithribh, cosmhuil riumsa; ris-san éisdidh sibh.

16 A réir nan uile nithe a dh'íarr thu o'n Tighearna do Dhia ann an Horeb, ann an

là a' choimhchruinnich, ag ràdh, Na cluineamsa ris guth an Tighearna mo Dhé, agus na faicem an teine mòr so ni's mò, a chum nach bàsaich mi.

17 Agus thubhairt an Tighearna riumsa, Is math a labhair iad an nì a labhair iad.

18 Togaidh mise suas fàidh dhoibh o mheasg am bráithre, cosmhuil riutsa, agus cuiridh mi mo briathra na bheul, agus labhraidh e riu gach nì a dh'aitheanas mi dha.

19 Agus tarlaidh, an duine nach éisd ri m' bhráithraibhse a labhras e a'm' ainm, iarraidh mi vaith e:

20 Ach am fàidh aig am bi dhànadas focal a labhairt a'm' ainm, nach d'aithean mise dha a labhairt, no labhras ann an ainm dhiathan-eile, gu cinnteach bàsaichidh am fàidh sin.

21 Agus ma their thu ann do chridhe, Cionnus a dh'aitheanicheas sinn am focal nach do labhair an Tighearna?

22 'Nuair a labhras fàidh ann an ainm an Tighearna, mur tachair an nì, agus mur d' thig e gu crìch, *is* e sin an nì nach do labhair an Tighearna; gu h-an-dàna labhair am fàidh e: cha bhi eagal ort roimhe.

## CAIB. XIX.

**N**UAIR a ghearras an Tighearna do Dhia as na cinnich, aig an robh am fearann a tha 'n Tighearna do Dhia a' tabhairt duit, agus a thig thu nan àite, agus a ghabhas tu còmhnuidh nam bailtibh<sup>6</sup>, agus nan tighibh;

2 Cuiridh tu air leth dhuit féin trì bailtean am meadhon t'fhearainn, a bheir an Tighearna do Dhia dhuit r'a shealbhadh.

3 Deasaichidh tu dhuit féin slighe, agus roinnidh tu crìocha<sup>7</sup> t'fhearainn (a bheir an Tighearna do Dhia dhuit r'a shealbhadh) nan trì earrannailb, a chum gu feud gach marbhaiche teicheadh an sin.

4 Agus *is* e so cor<sup>8</sup> a' mharbhaiche, a theicheas an sin, a chum gu'm bi e beò: Ge b'e a mharbhas a choimhearsnach gun fhios da, do nach robh fuath aige roimhe<sup>9</sup>:

5 Mar a ta 'nuair a théid duine maille r'a choimhearsnach do'n choille ghearradh fiodha, agus a bheir a làmh buille leis an tuaidh a ghearradh sìos na craoibh, agus a leumas an ceann bhàrr na coise<sup>10</sup>, agus a thuiteas e air a choimhearsnach, air chor as gu'm bàsaich e; teichidh e chum aon do na bailtibh sin, agus bithidh e beo:

6 Air eagal gu'n lean dioghaltair na fola am marbhaiche, am feadh 's a ta 'chridhe teth, agus gu'm beir e air, a chionn gu bheil an t-slighe fada, agus gu marbh se e, ge d' nach robh e toillteanach air bàs, do bhrìgh nach robh fuath aige dha san àm a chaidh seachad.

<sup>1</sup> rùsgadh. <sup>2</sup> mheasas oimsire nì's amharthanaiche na chéile. <sup>3</sup> buitsceas. <sup>4</sup> charmer. Sasg. <sup>5</sup> spiorad fiosachd. <sup>6</sup> saithreachaibh.

<sup>7</sup> iomall. <sup>8</sup> cùis. <sup>9</sup> an dé, no air a' bhònde. Eabh. <sup>10</sup> samhacha.



7 Uime sin, tha mi ag àithneadh dhuit, *thèid* anam air son anma, sùil air son sùla, fiacail air son fiacla, làmh air son làimhe, cos air son coise.

8 Agus ma leudaicheas an Tighearna do Dhia do chrìoch, (mar a mhionnaich e do t'aithreachaibh,) agus ma bheir e dhuit am fearann uile a gheall e thoirt do t'aithreachaibh;

9 (Ma bheir thu an aire na h-àithcanta sin uile a dheanamh, a tha misc ag àithneadh dhuit an diugh, an Tighearna do Dhia a ghràdhachadh, agus gluasad a ghnàth na shlighibh,) an sin cuiridh tu air leth dhuit fèin tri bailtean eile thuilleadh air an tri sin:

10 A chum nach dòirtear fuil neo-chiontach a't'fhearann, a bheir an Tighearna do Dhia dhuit mar oighreachd, agus nach bi mar sin fuil ort.

11 Ach ma tha aig duine sam bith fuath d'a choimhearsnach, agus gu'n luidh e 'm plaid air a shon<sup>1</sup>, agus gu'n éirich e suas na aghaidh, agus gu'm buail e gu marbhtach e, air chor as gu'm fàigh e bàs, agus gu'n teich e gu h-aon do na bailtibh sin;

12 An sin cuiridh seanaircan a bhaile fèin *fios* uatha, agus bheir iad as sin e, agus bheir iad thairis e do làimh dioghaltair na fola, a chum gu'm bàsaich e.

13 Cha ghabh do shùil truas ris, ach cuiridh tu air falbh *cionta* fola neo-chiontaich o Israel, a chum as gu'n éirich gu math dhuit.

14 Cha n' atharraich thu crìoch *fearaim* do choimhearsnaich, a shuidhich na sinnsir a't' oighreachd a shealbhaicheas tu, anns an fhearann a bheir an Tighearna do Dhia dhuit r'a shealbhachadh.

15 Cha 'n éirich aon fhianuis a *mhàin* suas an aghaidh duine air son eucorach sam bith, no air son peacaidh sam bith, ann am peacadh sam bith a pheacaicheas e: aig beul d' fhianuis, no aig beul tri fianuiscean daingnichear a' chùis.

16 Ma dh'èireas fianuis bhréige suas an aghaidh duine sam bith, a thoirt fianuis na aghaidh air an euceart;

17 An sin seasaidh an dithis dhaoine, aig an bheil an connsachadh, an fianuis an Tighearn, an làthair nan sagart, agus nan breitheamhna, a bhios anns na laithibh sin.

18 Agus ni na breitheamhna rannsachadh geur; agus feuch, *ma's* fianuis bhréige an fhianuis, agus gu'n d'thug e fianuis bhréige an aghaidh a bràthar,

19 An sin ni sibh ris, mar a shaoil esan a dheanamh r'a bhràthair: mar sin cuiridh tu air falbh an t-olc as bhuir measg.

20 Agus cluinnidh iadsan a mhaircas, agus bitheadh eagal orra, agus cha dean iad o sin a mach a shamhuil so do olc 'nar measg.

21 Agus cha ghabh do shùil truas; *ach*

*thèid* anam air son anma, sùil air son sùla, fiacail air son fiacla, làmh air son làimhe, cos air son coise.

C A I B. XX.

**N**UAIR a théid thu mach gu cath<sup>2</sup> an aghaidh do naimhdean, agus a chi thu eich agus carbaid, agus sluagh a's lìon-mhoire na thu fèin, na biodh eagal ort rompa: oir *tha* 'n Tighearna do Dhia maille riut, a thug a mach thu a tìr na h-Eiphit.

2 Agus an uair a dhlùthaicheas sibh ris a' chath, an sin thig an sagart am fagus, agus labhraidh e ris an t-sluagh,

3 Agus their e riu, Eisd, O Israel, tha sibh an diugh a dol gu cath an aghaidh bhuir naimhde: na biodh bhuir cridhe fann, na biodh eagal oirbh, agus na crioth-naichibh, agus na biodh uamhann oirbh air an son;

4 Oir *tha* 'n Tighearna bhuir Dia a' dol maille ribh, a chogadh air bhuir son an aghaidh bhuir naimhde, a chum bhuir tearnadh.

5 Agus labhraidh an luchd-riaghlaidh ris an t-sluagh, ag ràdh, Cia am fear a thog tigh nonha<sup>3</sup>, agus nach do choisrig e? rachadh e agus pilleadh e chum a thighe, an t-eagal gu'm bàsaich e sa' chath, agus gu'n coisrig fear eile e.

6 Agus cia an duine a shuidhich fionlios, agus nach d'ith *fathast* dheth? rachadh esan *mar an ceudna*, agus pilleadh e g'a thigh, air eagal gu'm bàsaich e sa' chath, agus gu'n ith neach eile dheth.

7 Agus cia an duine a rinn ceangal-pòsaidh ri mnaoi, agus nach do ghabh d'a *ionnsuidh* i? rachadh e agus pilleadh e d'a thigh, air eagal gu'm bàsaich e sa' chath, agus gu'n gabh neach eile i d'a *ionnsuidh*.

8 Agus labhraidh an luchd-riaghlaidh a bhàrr air sin ris an t-sluagh, agus their iad, Cia an duine a ta gealtach, agus lag chridheach? rachadh e agus pilleadh e d'a thigh, a chum nach dean e cridhe a bhràithre lag mar a chridhe fèin.

9 Agus tarlaidh 'nuair a chuireas an luchd-riaghlaidh crìoch air labhairt ris an t-sluagh, gu'n cuir iad ceannardan air na h-armailtibh gus an sluagh a thoirt air an aghaidh<sup>4</sup>.

10 'Nuair a thig thu 'm fagus do bhaile<sup>5</sup> gu cogadh na aghaidh, an sin gairmidh tu sìth dha.

11 Agus tarlaidh, ma bheir e freagradh na sìth dhuit, agus ma dh'fhosgla e dhuit, an sin tarlaidh gu'm bi 'n sluagh uile a gheibhear ann fuidh chis dhuit, agus gu'n dean iad seirbhis dhuit.

12 Agus mur dean e sìth riut, ach gu'n cog e riut, an sin cuiridh tu gu cruaidh na aghaidh<sup>6</sup>.

<sup>1</sup> gu cath e feall air. <sup>2</sup> cogadh. <sup>3</sup> nuadh  
<sup>4</sup> gu'n àireamh ceannardan nan armailtean an

sluagh fa leth. <sup>5</sup> chathair. <sup>6</sup> cuiridh tu séisde ris, dabhaidh is teannaidh tu e.

13 Agus an uair a bheir an Tighearna do Dhia thairis do d'làimh e, buailidh tu gach firionnach ann le faobhar a' chlaidh-eimh.

14 Ach na mnà, agus a' chlann bheag, agus an spréidh, agus na h-uile nithe a tha sa' bhaile, eadhon a' chreach uile, gabhaidh tu dhuit féin : agus ithidh tu creach do naimhdean, a thug an Tighearna do Dhia dhuit.

15 Mar so ní thu ris na bailtibh sin uile, a tha ro-fhada uait, nach 'eil do bhailtibh nan cinneach sin.

16 Ach do bhailtibh an t-sluaigh sin a tha 'n Tighearna do Dhia a' toirt duit mar oighreachd, cha ghleidh thu ní sam bith beò anns am bheil anail:

17 Ach sgriosaidh tu gu tur iad, eadhon na Hìtich, agus na h-Amoraich, na Canaan-ach, agus na Peridsich, na Hìbhich, agus na Iebusaich, a réir mar a dh'àithn an Tighearna do Dhia dhuit:

18 A chum nach teagaisg iad duit a dheanamh a réir an uile ghrainealachd, a rinn iad d'an déibh; mar sin pheacaicheadh sibh an aghaidh an Tighearna bhur Dé.

19 'Nuair a chuireas tu gu cruaidh an aghaidh<sup>1</sup> baile rè uine fhada, a' deanamh cogaidh na aghaidh chum a ghilacadh, cha chuir thu as d'a chraobhaibh le tuadhl a blualadh orra: oir feudaidh tu itheadh dhiubh, agus cha ghearr thu sìos iad, (oir is i craobh na machrach beatha duine,) chum an gnàthachadh amman cur an aghaidh a' bhaile.

20 A mhàin na craobhan a's aithne dhuit féin nach craobhan bidh iad, sgriosaidh agus gearraidh tu sìos iad; agus togaidh tu daingnichcan<sup>2</sup> an aghaidh a' bhaile a chogas riut gus an ceannsaich thu e<sup>3</sup>.

## CAIB. XXI

**M**A gheibhear neach air a mharbhadh san fhearann a bheir an Tighearna do Dhia dhuit r'a sheallachadh, na luidhe sa' mhachair, agus gun fhios cò mharbh e;

2 An sin thig do sheanairean agus do bhreithemhnan a mach, agus toinhsaidh iad a chum nam bailtean a tha mu'n cuairt airsan a mharbhadh.

3 Agus tarlaidh gu'n gabh am baile a's faisge do'n duine a mharbhadh, eadhon seanairean a' bhaile sin agh, leis nach d'rinneadh obair, nach do tharruing riamh ann an cuing;

4 Agus bheir seanairean a' bhaile sin an t-agh sìos do ghleann garbh nach do threabhadh agus nach do shìol-chuireadh, agus gearraidh iad an sin amhach<sup>4</sup> an aighe dheth sa' ghilcan;

5 Agus thig na sagairt mic. Lebbi am fagus, (oir iadsan thagh an Tighearna do Dhia gu frithcaladh dha féin, agus gu

beannachadh ann an ainm an Tighearna), agus a réir am focail-san crìochnaichear<sup>5</sup> gach uile chonnasachadh, agus gach uile bluaille.

6 Agus nighidh uile sheanairean a' bhaile sin a's faisge do'n daire a mharbhadh, an làmh an os ceann an aighe d'an do ghearradh an amhach sa' ghleann:

7 Agus freagraidh iad agus their iad, Cha do dhòirt ar làmh an fhuil so, ní mò a chunnaic ar sùilean i.

8 Bì tròcaireach, O Thighearna, do d' shluagh Israel, a shaor thu, agus na cuir fuil neo-chiontacl a leth do shluagh Israeil. Agus mathar an fhuil dhoibh.

9 Mar sin cuiridh tu air falbh cionta na fola neo-chiontaich o bbur measg, do bhrì' gu'n dean thu an ni a ta ceart ann an sùilbha an Tighearna.

10 'Nuair a théid thu mach gu cogadh an aghaidh do naimhdean, agus gu'n d' thoir an Tighearna do Dhia thairis iad do d'làimh, agus gu'n dean thu braighde dhiubh,

11 Agus gu'm faic thu measg nam braighde beaun sgiamhach, agus gu bheil déigh agad oirre, agus gu'm bu mhath leat agad i na mnaoi;

12 An sin bheir thu dhachaidh i do d' thigh, agus bearraidh i a ceann, agus bheir i dhith a h-èinean.

13 Agus cuiridh i dhith a h-eudach braighdeana, agus fanaidh i a d' thigh, agus ní i caoidh<sup>6</sup> air son a h-athar agus a mathar mìos iomlan: agus an déigh sin théid thu steach d'a h-ionnsuidh, agus bithidh tu a' fhear-pòsda<sup>7</sup> aice, agus bithidh ise na mnaoi agad.

14 Ach mur bi tlachd agad innte, an sin leigidh tu leatha dol far an àill leatha, ach cha reic thu idir air airgid i, ní mò a ní thu ain-tighearnas oirre<sup>8</sup>, a chionn gu'n d'islich thu i.

15 Ma bhios aig duine dà mhuaoi, aon diubh gràdhaichte, agus an aon eile fuathaichte, agus ma rug iad clann da, arsan a' bhean ghràdhaichte agus a' bhean fhuathaichte; agus ma's leis a' mhuaoi fhuathaichte an ceud-ghin mic,

16 An sin tarlaidh, 'nuair a bheir e sealbh d'a mhic air an ni a ta aige, nach theud e ceud-ghin a dheanamh do mhac na mnà gràdhaichte roimh mhac na mnà fuathaichte, a's e da rìrcadh an ceud-ghin:

17 Ach gabhaidh e ri<sup>9</sup> mac na mnà fuathaichte mar an ceud-ghin le roinn dhùbailte a thoirt da do gach ní a ta aige: oir is esan toiseach a nciut, is leis còir a' cheud-ghin.

18 Ma bhios aig duine mac reasgach<sup>10</sup> agus ceannairceach, nach géill do ghuth 'athar, no do ghuth a mhàthar, agus an uair a smachdaicheas iad e, nach éis d' riu:

19 An sin beiridh 'athair agus a mhàthair

<sup>1</sup> séisde ri. <sup>2</sup> duin-chatha. <sup>3</sup> gus an glacar e. <sup>4</sup> muineal. <sup>5</sup> bithidh. Eabh. <sup>6</sup> caoinidh i.

<sup>7</sup> na t' fhear-pòsda. <sup>8</sup> marsantachd leatha. <sup>9</sup> aùdmhichidh e gur e. <sup>10</sup> eas-ùmhail.



air, agus bheir iad a mach e gu seanairean a bhaile, agus gu geatadh àite féin ;

20 Agus their iad ri seanaireibh a' bhaile, *Tha* ar mac so reasgach agus ceannairceach, cha d' thoir e geill d'ar guth ; *tha e* na gheòcàir agus na mhisgeir.

21 Agus clachaidh uile dhaoine a bhaile e le clàchaibh a chum as gu'm bàsaich e : mar sin cuiridh tu olc air falbh as bhur measg, agus cluinidh Israel uile, agus bithidh eagal orra.

22 Agus ma rinn duine peacadh a tha toillteanach air bàs, agus gu'm bi e r'a chur gu bàs, agus gu'n croch thu ri craoibh e :

23 Cha 'n fhan a chorp rè na h-oidhche air a' chraoibh, ach air gach aon chor adhlaidh tu e air an là sin féin, (oir mall- aichte le Dia *tha* esan a chrochadh :) agus cha salaich thu t'fhearann, a *tha 'n* Tigh- earna do Dhia a' toirt duit mar oighreachd.

CAIB. XXII.

**N**UAIR a chi thu damh do bhràthar, no a chaora dol air seacharan, cha'n fholaich thu thu féin uatha : bheir thu air gach aon chor air an ais iad a ris a dh'ionn- suidh do bhràthar.

2 Agus mur bi do bhràthair làimh riut, no mur aithne dhuìt e, an sin bheir thu e dh'ionnsuidh do thighe féin, agus bithidh e maille riut gus an iarr do bhràthair e, agus bheir thu air 'ais dha e.

3 Air a' mhodh cheudna ni thu r'a asal, agus mar so ni thu r'a eudach, agus mar so ni thu ris na h-uile nithibh caillte le d' bhràthair, a chaill e, agus a fhuair thusa : cha 'n fheud thu thu féin fholaich.

4 'Nuair a chi thu asal do bhràthar, no a dhanh a' tuiteam sìos air an t-slighe, cha'n fholaich thu thu féin uatha : gu cinnteach togaidh tu suas iad maille ris a ris.

5 Cha chaith bean an ni sin a's le fear, ni mò a chuireas fear uime eudach mnà : oir is gràinealachd do'n Tighearna do Dhia iadsan uile a ni so.

6 Ma tharlas do nead eoin a bhi romhad san t-slighe ann an craoibh sam bith, no air làr, *ma's* eoin òg iad, no uibhean, agus a' mhàthair na suidheadh air an àlach<sup>1</sup>, no air na h-uibhibh, cha ghlac thu a' mhàthair maille ris an àlach :

7 Air gach aon chor leigidh tu leis a' mhàthair dol as, agus an t-àlach gabhaidh tu dhuìt féin ; a chum gu'n éirich gu math dhuìt, agus gu'm buanaich thu do làithean.

8 'Nuair a thogas tu tigh nomha, an sin togaidh tu barr-bhalla d'a mhullach, a chum nach d' thoir thu fuil air do thigh, ma thuiteas duine sam bith o sin.

9 Cha chuir thu t'fhion-lios le h-ìomadh gnè sìl, an t-eagal gu'n truaillear toradh do shìl a chuir thu, agus meas t'fhion-lios.

10 Cha dean thu ar<sup>2</sup> le damh, agus le h-asal maille ri chèile.

11 Cha chuir thu umad eudach measgta, mar do olann agus do lion le chèile.

12 Ni thu dhuìt féin fàbhran<sup>3</sup> air ceithir cheithreanaibh t'eudaich leis an còmhdaich thu *thu féin*.

13 Ma ghabhas duine bean, agus gu'n d' théid e steach d'a h-ionnsuidh, agus gu'm fuathaich e i.

14 Agus gu'n d' thoir e aobhar cainnte na h-aghaidh, agus gu'n tog e suas droch ainm oirre, agus gu'n abair e, Ghabh mi a' bhean so, agus an uair a thàinig mi d'a h-ionn- suidh, cha d'fhuair mi na maighdinn i :

15 An sin gabhaidh athair na h-ighinn<sup>4</sup>, agus a màthair, agus bheir iad a mach *comharan* maighdeanais na h-ighinn gu seanaireibh a' bhaile anns a' ghcata.

16 Agus their athair na h-ighinn ris na seanaireibh, Thug mi mo nighean do'n duine so na mnaoi, agus tha fuath aige oirre :

17 Agus feuch, thug e aobhar cainntè na h-aghaidh, ag ràdh, Cha d'fhuair mi do nighean na mai-hdinn ; agus gidheadh is iad sin *comharan* maighdeanais no nighinn : agus sgaoilidh iad an t-eudach an làthair sheanairean a' bhaile.

18 Agus gabhaidh seanairean a' bhaile sin an duine, agus smachdaichidh iad e :

19 Agus cuiridh iad ùbhla cheud *secel* airgid air, agus bheir iad do athair na h-ighinn iad, a chionn gu'n do thog e droch ainm air ògh do *chloinn* Israeil ; agus bithidh i na mnaoi aige, cha 'n fheud e a cur uaith r'a bheò.

20 Ach ma tha an ni so fìor, agus nach 'eil *comharan* maighdeanais r'am faghail do'n nighinn ;

21 An sin bheir iad a mach an nighean gu dorus tighe a h-athar, agus clachaidh daoine a baile i le clachaibh gus am bàsaich i ; a chionn gu'n d'oibrich i amaideachd ann an Israel le striopachas a dheanamh ann an tigh a h-athar : mar sin cuiridh tu air falbh olc as bhur measg.

22 Ma gheibhear duine a' luidhe le mnaoi a tha pòda ri fear, an sin cuirear gu bàs iad le chèile, an duine a luidh leis a' mhnai, agus a' bhean : mar sin cuiridh tu olc air falbh o Israeil.

23 Ma tha nighean, agus i na h-ògh, fuidh cheangal-pòsaidh aig fear, agus gu'n faigh duine i sa' bhaile, agus gu'n luidh e leatha :

24 An sin bheir sibh a mach iad le chèile gu geatadh a' bhaile sin, agus clachaidh sibh iad le clachaibh gus am bàsaich iad : an nighean, a chionn nach do ghlaodh i, agus i bhi sa' bhaile ; agus am fear, a chionn gu'n d'isich e bean a choimhearsnaich :

<sup>1</sup> na h-eunaibh òga, iseanaibh. <sup>2</sup> treabhadh.  
<sup>3</sup> fàimean, oir ean.

<sup>4</sup> na nighinn ; na h-ighinn. Eir.

mar sin cuiridh tu air falbh ocl as bhuir measg.

25 Ach ma gheibh fear sa' mhachair nighean a tha fuaidh cheangal-pòsaidh, agus gu'n éignich an duine i, agus gu'n luidh e leatha. an sin cuirear a mhàin an duine a luidh leatha gu bàs.

26 Ach air an nighinn cha dean thu bheag sam bith, cha 'n'eil san nighinn coire bàis; oir mar an uair a dh'èireas duine suas an aghaidh a chomhearsnaich, agus a mharbhas se e, mar sin a ta chùis so:

27 Oir fhuaire e sa' mhachair i, agus dh'èigh an nighean a bha fuaidh cheangal-pòsaidh, agus cha robh neach ann g'a teasairinn.

28 Ma gheibh duine nighean a tha na h-òigh. nach 'eil fuaidh cheangal-pòsaidh, agus gu'n dean e greim oirre, agus gu'n luidh e leatha, agus gu'm faighear iad;

29 An sin bheir am fear a luidh leatha do athair na h-ighinn leth-cheud secl airgid, agus bithidh i na mnaoi aige, a chionn gu'n d'fìlich e i, cha 'n'fheud e a cur uath r'a theò.

30 Cha ghabh duine d'a ionnsuidh bean 'athar, ni mò a leigeas e ris còmhachadh 'athar.

## CAIB. XXIII.

**C**HA d'théid esan, aig am bheil a chlochan air am bruthadh<sup>1</sup>, no 'bhall diombair air a ghearradh dheith, a steach do choimhchrinneach an Tighearna.

3 Cha d'théid fear diolain a steach do choimhchrinneach an Tighearna: eadhon gu'n uig an deicheamh ginealach cha d'théid e steach do choimhchrinneach an Tighearna.

5 Cha d'théid Amonach no Moabach a steach do choimhchrinneach an Tighearna: eadhon gus an deicheamh ginealach cha dhéid iad a steach do choimhchrinneach an Tighearna a chaidh.

4 A chionn nach do choinnich iad sibh le h-aran agus le h-uisge air an t-slighe, 'nuair a thàinig sibh a mach as an Eiphit, agus a chionn gu'n do thuarasdalaich iad a' d' aghaidh Balaam mac Bheoir, o Phetor na Mesopotamia, chum do mhallachadh.

5 Gidheadh, cha 'n'èisdeadh an Tighearna do Dhia ri Balaam: ach thionndaidh an Tighearna do Dhia dhuit am mallachadh gu beannachadh, a chionn gu'm bu toigh leis an Tighearna do Dhia thu.

6 Cha 'n' iarr thu an sìth, no an sonas rè t'uile làithean gu bràth.

7 Cha ghabh thu gràin do Edomach, oir is e do bhràthair e: cha ghabh thu gràin do Eiphiteach, a chionn gu'n robh thu a' d' choigreach na fhearann.

8 Théid a' chlann a ghinear leo-san, a

steach do choimhchrinneach an Tighearna, nan treas ginealach.

9 'Nuair a théid f'fheachd<sup>2</sup> a mach an aghaidh do naimhdean, an sin gleidh thu féin o gach droch ni.

10 Ma bhios 'nar measg duine sam bith nach 'eil glan, a thaobh neo-ghloine a tharlas da san oidhche. an sin théid e mach as a' champ, cha d' thig e steach do mheadhon a' chaimp.

11 Ach an uair a bhios e dlùth do'n fheasgar, an sin nighidh se e fèin le h-uisge, agus an uair a théid a' ghrian fudha<sup>3</sup>, thig e steach do mheadhon a' chaimp.

12 Bithidh agad àite mar an ceudna an taobh a muigh do'n champ, far an d'théid thu mach.

13 Agus bithidh pleadhag<sup>4</sup> agad air do chrìos<sup>5</sup>, agus an uair a shuidheas tu a muigh, cladhaichidh tu leatha, agus tionndaidh tu air t'ais, agus folaichidh tu an ni a thig uait.

14 Oir tha 'n Tighearna do Dhia ag imeachd am meadhon do chaimp, chum do sheoradh, agus a chum do naimhdean a thoirt thairis romhad: uime sin bithidh do champ naomha, chum nach faic e ni sam bith neo-ghlan annad, agus nach fìll e air falbh uait.

15 Cha d' thoirt thu suas d'a mhaighdir an seirbhiseach, a chaidh as<sup>6</sup> a t' ionnsuidh o' mhaighdir.

16 Maille riut gabhaidh e còmhnuidh 'nar measg, anns an àit a thachas e, an taobh a sìgh aon do d' gheataibh far an taitniche leis: cha dean thu foirneart air.

17 Cha bhi striopach air bith do nighean-aibh Israeil, ni mò bhios Sodomach do mhacaibh Israeil.

18 Cha d' thoirt thu tuarasdal striopaich, no luach coin do thigh an Tighearna do Dhé air son bòid sam bith: oir tha iad sin eadhon le chèile nan grùnealachd do'n Tighearna do Dhia.

19 Cha d' thoirt thu ni sam bith an coingheall<sup>7</sup> do d' bhràthair air riadh<sup>8</sup> riadh airgid, riadh bìdh, riadh ni sam bith, a bheir an coingheall air riadh.

20 Do choigreach feudaidh tu ni a thoirt an coingheall air riadh, ach do d' bhràthair cha d' thoirt thu ni sam bith an coingheall air riadh: a chum gu'm beannaich an Tighearna do Dhia thu anns gach ni ris an cuir thu do làmh, san fhearann d'am bheil thu dol g'a shealbhadh.

21 'Nuair a bheir thu bòid do'n Tighearna do Dhia, cha dean thu moille na h-òcadh: oir gu cinnteach iarraidh an Tighearna do Dhia uait i; agus bhiodh e na pheacadh dhuit.

22 Ach ma dh'fhanas tu gun bhòid a thoirt, cha bhi e na pheacadh dhuit<sup>9</sup>.

<sup>1</sup> air an lotadh. <sup>2</sup> t'armailt. do champa. <sup>3</sup> fuidhe. <sup>4</sup> slusaid. <sup>5</sup> air do 'bhall-airm.

<sup>6</sup> fìlich. <sup>7</sup> iasachd. <sup>8</sup> ann-riadh. ucar. <sup>9</sup> annad. Eadh.



23 An nì sin a chaidh mach as do bhilbhb, coimhididh agus coimhlionaidh tu ; a réir mar a bhòidich thu do'n Tigh-earna do Dhia, *eadhon* tabhartas saor-thoile, a gheall thu le d' bheul.

24 'Nuair a théid thu steach do fhion-lios do choimhearsnaich, an sin feudaidh tu fion-dhearcan itheadh mar is miann leat, *eadhon* do shàth ; ach cha chuir thu bheag a'd' shoitheach.

25 'Nuair a théid thu steach a dh'arbhar do choimhearsnaich, an sin feudaidh tu na diasan a spionadh le d' làimh, ach corran cha chuir thu ann an arbhar do choimhearsnaich.

C A I B. XXIV.

'NUAIR a ghabhas fear bean, agus a phòsas e i, agus gu'n tachair nach faigh i deagh-ghcan na shùilbhb, a chionn gu'n d'fhuair e neo-ghloine éigia innte ; an sin sgrìobhadh e litir-dhealachaidh<sup>1</sup> dh'i, agus thugadh e na làimh i, agus cuireadh e mach as a thigh i.

2 Agus an uair a dh'fhalbhas i mach as a thigh, feudaidh i dol agus a bhi na mnaoi aig fear eile.

3 Agus ma dh'fhuathaicheas am fear-pòsda ma dheireadh so i, agus gu'n sgrìobh e litir-dhealachaidh dh'i, agus gu'n d' thoir e na làimh i, agus gu'n cuir e mach as a thigh i ; no ma gheibh am fear ma dheireadh bàs, a ghabh i na mnaoi dha féin ;

4 Cha 'n fhead a ceud fhear-pòsda, a chuir uaith i, a gabhail a ris gu bi na mnaoi dha, an deigh dh'i bhi air a truailleadh : oir is gràinealachd sin an làthair an Tigh-earna, agus cha d' thoir thu air an fhearann<sup>2</sup> peacachadh, a tha'n Tighearna do Dhia a' toirt duit mar oighreachd.

5 'Nuair a ghabhas duine bean nuadh, cha d' thèid e mach gu cogadh, ni mò a chuirear cùram gnothuich sam bhi air : fanaidh e saor aig a thigh féin aon bhliadhna, agus bheir e subhachas d'a mhuaioia ghabh e.

6 Cha ghabh duine sam bith a' chlach-mhuilinn iochdrach, no uachdrach mar gheall : oir tha e gabhail anna duine mar gheall.

7 Ma gheibhear duine a' goideadh aon neach d'a bhràithribh do chloinn Israeil, agus ma ni e ain-tighearnas air<sup>3</sup>, no ma reiceas se e : an sin cuirear gu bàs an gaduiche sin, agus cuiridh tu olc air faibh as bhuir measg.

8 Thoir an aire, ann am plàigh na laibhre, gu'n d' thoir thu fanear gu dùrachdach, agus gu'n dean thu a réir nan uile nithe a theagaisgeas na sagarta na Le-bhithich dhuibh : a réir mar a dh'àitlin mi dhoibh, bheir sibh fanear gu'n dean sibh.

9 Cuimhnich ciod a rinn an Tighearna

do Dhia ri Miriam air an t-slighe, an deigh dhuibh teachd a mach as an Eiphit.

10 'Nuair a bheir thu do d' choimhearsnach ni sam bith an coingheall, cha d' thèid thu steach d'a thigh a ghabhail a ghill.

11 A mach seasaidh tu, agus bheir an duine d'am bheil thu toirt an coingheall, an geall a mach dhuit.

12 Agus ma bhios an duine bochd, cha choidil thu le 'gheall.

13 Air gach aon chor bheir thu air ais<sup>4</sup> dha 'n geall a ris, 'nuair a thèid a' ghrian fodha, chum gu'n coidil e na eudach féin, agus gu'm beannaich e thu : agus bi hidh so na ionracas dhuit an làthair an Tigh-earna do Dhé.

14 Cha dean thu foirneart air seirbhiseach tuarsdail, a tha bochd agus uireasbhuidh-each, *co dhuibh a tha* e do d' bhràithribh, no do d' choigrich, a tha ann a' t'fhearan an taobh a stigh do d' gheataibh.

15 Air a là bheir thu dha a thuarsadal, agus cha d' thèid a' ghrian sìos air, oir tha e bochd, agus a' suidheachadh a chridhe air : air eagal gu'n glaoth e a't' aghaidh ris an Tighearna, agus gu'm bi e na pheacadh dhuit.

16 Cha chuirear na h-aithreacha gu bàs air sonna cloinne, ni mò a chuirear a' chlann gu bàs air son nan aithreacha : cuirear gach duine gu bàs air son a pheacaidh féin.

17 Cha chlaon<sup>5</sup> thu breitheanas a' choigrich, no an dilleadhain, ni mò a ghabhas tu eudach bantraich mar gheall.

18 Ach cuimhnichidh tu gu'n robh thu féin a'd' thràill san Eiphit, agus gu'n do shaor an Tighearna do Dhia thu as sin : uime sin tha mi ag àithneadh dhuit an ni so a dheanamh.

19 'Nuair a bhuaineas tu<sup>6</sup> t'fhoghar a'd' achadh, agus a dhi-chuinnuicheas tu sguab san achadh, cha phili thu g'a togail ; air son a' choigrich, air son an dilleadhain, agus air son na bantraich, bitidh i : a chum gu'm beannaich an Tighearna do Dhia thu ann an uile oibribh do làmh.

20 'Nuair a chrathas tu do chroinn-oladh, cha d' thèid thu thairis air na gcugaibh a ris : air son a' choigrich, air son an dilleadhain, air son na bantraich, bitidh e.

21 'Nuair a chruinnicheas tu fion-dhearcan t'fhòn-lios, cha ghlan thu gu buileach a'd' dhéigh e : air son a' choigrich, air son an dilleadhain, agus air son na bantraich, bitidh e.

22 Agus cuimhnichidh tu gu'n robh thu a'd' thràill<sup>7</sup> ann an tìr na h-Eiphit : uime sin tha mi ag àithneadh dhuit an ni so a dheanamh.

C A I B. XXV.

MA bhios connsachadh eadar dhaoine, agus gu'n d' thig iad gu breitheanas,

<sup>2</sup> litir-dhealach. <sup>2</sup> sluagh an fhearainn.

<sup>3</sup> ma ni e marsantachd leis. <sup>4</sup> ais-iocaidh tu.

<sup>5</sup> Cha'n fhiar.

<sup>6</sup> ghearras tu sìos.

<sup>7</sup> a'd'

dhuine daor.

a chum as gu'n d' thoir na breitheamhna breth<sup>1</sup>, an sin saoraidh iad an t-ionracan, agus dìtidh iad<sup>2</sup> an ciontach.

2 Agus tarlaidh, ma 's airidh an duine aingidh bhi air a bhuailadh, gu'n d' thoir am breitheamh air luidhe sìos, agus a bhi air a bhuailadh na làthair, a réir a choire, ann an àireamh àraidh do bhuillibh.

3 Dà fhichead buille bheir e dha: cha d' théid e thairis, air eagal nan rachadh e thairis, agus gu'm buailleadh se e os an ceann sin le moran bhuillibh, an sin gu'm biodh do bhràthair tàireil a'd' shùilibh.

4 Cha chuir thu ceangal air beul an daimh an uair a tha e saltairt<sup>3</sup> an arbhuir.

5 'Nuair a ghabhas bràithrean còmh-nuidh maille ri chèile, agus gu'm faigh aon diubh bàs, agus gu'n duine cloinne aige, cha phòs bean a' mhairbh a mach ri coigreach: théid a bràthair-céile steach d'a h-ionnsuidh, agus gabhaidh e dha féin i na mnaoi, agus ni e dlìghe<sup>4</sup> bràthar-céile rithe<sup>5</sup>.

6 Agus éiridh an ceud-ghin mic, a bheireas i, suas ann an ainm a bhràthar a tu marbh, a chum nach dubhar a mach 'ainm a h-Israel.

7 Agus mur toil leis an duine bean a bhràthar a ghabhail, an sin théid bean a bhràthar suas do'n gheata chum nan seanairean, agus their i, Tha mo bhràthair-céile a' diùltadh ainm a thogail suas d'a bhràthair ann an Israel cha 'n àill leis dlìghe bràthar-céile dheanamh rium.

8 An sin gairmich seanairean a bhaile air, agus labhraidh iad ris: agus ma sheasas e mach, agus gu'n abair e, Cha 'n àill leam a gabhail;

9 An sin thig bean a bhràthar d'a ionnsuidh, an làthair nan seanairean, agus fuasglaidh i a bhròg bhàrr a choise, agus tilgidh i smugaid na eudain, agus freagraidh agus their i, Mar so nithear ris an duine nach tog suas tigh a bhràthar.

10 Agus guirear 'ainm ann an Israel, Tigh an thir aig am theil a bhròg fuasgailte.

11 'Nuair a bhios daoine ri comhstri cuideachd, neach ri neach eile, agus gu'n d' thig bean a h-aon diubh am fagus a dh'fhuasgladh a fir-pòsda a làimh an thir, a tha 'ga bhuailadh, agus gu'n sin i mach a làmh, agus gu'n gabh i greim air a bhuill diomhair:

12 An sin gearraidh tu dhith a làmh; cha ghabh do shùil truas dith.

13 Cha bhi agad ann ad mhàla<sup>6</sup> aon cothrom<sup>7</sup> agus cothrom eile; cothrom mòr agus beag.

14 Cha bhi agad ann ad thigh aon soitheach<sup>8</sup>, agus soitheach eile tomhais; soitheach mòr agus beag.

15 Cothrom iomlan agus ceart bithidh agad: soitheach-tomhais iomlan agus ceart bithidh agad: a chum gu'n buanaichear do làithean anns an fhearann, a tha 'n Tighearna do Dhia a' tabhairt duit.

16 Oir tha iadsan uile, a ni na nithe sin, iadsan uile, a ni gu h-eucorach, nan gràin-eileachd do'n Tighearna do Dhia.

17 Cuimhnich ciod a rinn Amalec ort san t-slighe, 'nuair a thàinig sibh a mach as an Eiphit:

18 Cionnus a choinnich e thu san t-slighe, agus a bhuail e chuid bu deireanaiche dhiot, eadhon iadsan uile a bha lag a'd' dhéigh, an uair a bha thu fann agus sgìth, agus nach robh eagal Dé air.

19 Uime sin, an uair a bheir an Tighearna do Dhia fois duit o d' naimhdibh uile mu'n cuairt, anns an fhearann a bheir an Tighearna do Dhia dhuit mar oighreachd r'a shealbhadh, dubhaidh tu as cuimhne Amaleic o bhi fuidh nèamh; cha di-chuimhnich thu e.

## CAIB. XXVI

**A**GUS an uair a théid thu stigh do'n fhearann a tha 'n Tighearna do Dhia, a' toirt dhuit mar oighreachd agus a shealbhaicheas tu e, agus a ghabhas tu còmhnuidh ann;

2 An sin gabhaidh tu do'n cheud chuid do uile thoradh na talmhainn, a bheir thu leat do t'fhearann, a tha 'n Tighearna do Dhia a' tabhairt duit, agus cuiridh tu ann an bascaid e, agus théid thu chum an àite a thaghas an Tighearna do Dhia, a chur-ainne an sin.

3 Agus théid thu dh'ionnsuidh an t-sagairt a bhios anns na làithibh sin, agus their thu ris, Tha mi ag aideachadh air an là 'n diugh do'n Tighearna do Dhia, gu'n d' thàinig mi do'n dùthaich a mhionnaich an Tighearna d'ar n-aithreachaibh gu'n d' thugadh e dhuinn.

4 Agus gabhaidh an sagart a' bhascaid as do làimh, agus cuiridh e sìos i air beulaobh altarach an Tighearna do Dhé.

5 Agus freagraidh tu agus their thu an làthair an Tighearna do Dhé, Bu Shiriaich air-sheòl a bhi cailte m' athair, agus chaidh e sìos do'n Eiphit, agus bha e air chuairt an sin le beagan cuideachd, agus dh'fhàs e 'n sin na chinneach mòr, cumhadhach agus lìonmhor.

6 Agus bhuin na h-Eiphitich gu h-olc ruinn<sup>9</sup>, agus shàraich iad sinn, agus chuir iad daorsa chruaidh oirnn.

7 Agus ghlaodh sinn ris an Tighearna, Dia ar n-aithreacha; agus dh'èis an Tighearna r'ar guth, agus dh'anihair e air ar n-àmhghar agus ar saothair, agus ar foirneart.

8 Agus thug an Tighearna mach sinn.

<sup>1</sup> eatorra. <sup>2</sup> fàgaidh iad sìos. <sup>3</sup> buailadh. <sup>4</sup> dleasdanas. <sup>5</sup> riu. <sup>6</sup> bhulg. <sup>7</sup> chlach. Eabhl.

<sup>8</sup> eathar-tomhais; ephah. Eabhl. <sup>9</sup> reinn.



as an Eiphit le làimh chumhachdaich, agus le gairdean sìnte mach, agus le h-uamhann mòr, agus le comharaibh, agus le h-ìong-antasaibh.

9 Agus thug e sinn do'n àite so, agus thug e dhuinn am fearaun so, fearann a tha sruthadh le bainne agus mil.

10 Agus a nis feuch, thug mi leam cùd thoradh an fhearainn, a' thug thusa, a Tighearna dhomh: agus cuiridh tu e an fianuis an Tighearna do Dhé, agus ni thu aoradh 'am fianuis an Tighearna do Dhé.

11 Agus ni thu gairdeachas anns gaeh mi math, a thug an Tighearna do Dhia dhuit, agus do d' thigh, thu féin, agus an Lebhithiach, agus an coigreach, a *bhios* 'nar measg.

12 Nuair a chuireas tu crìoch air deachamh a thoirt seachd, *cadhòn* uile dheachamh do chinneis<sup>2</sup> air an treas bliadhna, bliadhna an deachaimh, agus a bheir thu e do'n Lebhithiach, do'n choigreach, do'n dilleachdan, agus do'n bhantraich, a chum gu'n ith iad an taobh a stigh do d' gheataibh, agus gu'n sàsuichear iad;

13 An sin their thu am fianuis an Tighearna do Dhé, Thug mi leam na nithe naomha as mo thigh, agus mar an cùda thug mi iad do'n Lebhithiach, agus do'n choigreach, do'n dilleachdan, agus do'n bhantraich, a réir t' àitheantan uile, a dh'àithn thu dhomh: cha do bhris mi h-aon do t' àitheantaibh, ni mò a dhi-chuimhnich mi iad.

14 Cha d'ith mi *bheag* dhiubh a'm bhròn, ni mò a ghabh mi *bheag* dhiubh gu *feum* neo-ghlan sam bith, ni mò a thug mi *bheag* dhiubh air son a' mhairbh: dh'éisd mi ri guth an Tighearna mo Dhé: rinn mi a réir nan uile nithe, a dh'àithn thu dhomh.

15 Amhairc a nuas o ionad-còmhnuidh do naomhachd, o nèamh, agus beannaich do shluagh Israel, agus am fearann a thug thu dhuinn, mar a mbionnaich thu d'ar n-aithreachaibh, fearann a tha sruthadh le bainne agus mil.

16 Air an là'n diugh dh'àithn an Tighearna do Dhia dhuit na reachdan agus na breitheanas sin a dheanadh: uime sin coimhididh agus ni thu iad le d' uile chridhe, agus le d' uile anam.

17 Rinn thu roghainn<sup>3</sup> an diugh do'n Tighearna gu bhi na Dhia dhuit, agus gu gluasad na shligheibh, agus gu reachdan a ghleidheadh, agus àitheanta, agus a bhrcitheanais, agus gu éisdeachd r'a ghuth.

18 Agus thagh<sup>4</sup> an Tighearna thusa an diugh gu bhi a'd' shluagh sònraichte dha féin, mar a gheall<sup>5</sup> e dhuit, agus a chum gu'n gleidheadh tu 'àitheantan uile;

19 Agus a chum gu'n deanadh e ard thu os cionn nan uile chinneach a rinn e, ann an cliu, agus ann an ainm, agus ann an urram, agus a chum gu'm bitheadh tu a'd' shluagh naomha do'n Tighearna do Dhia, mar a labhair e.

C A I B. XXVII.

**A** GUS dh'àithn Maois agus seanairean Israel do'n t-sluagh, ag ràdh, Gleidhibh na h-àitheantan uile a tha mi ag àithneadh dhuibh an diugh.

2 Agus tarlaidh air an là anns an d' théid sibh thar Iordan do'n fhearann a bheir an Tighearna do Dhia dhuit, gu'n cuir thu suas dhuit féin clacha mòra, agus comhdaichidh tu thairis le h-aol iad.

3 Agus sgrìobhaidh tu orra uile bhriathran an lagha so, nuair a théid thu thairis, a chum as gu'n d' théid thu steach do'n fhearann a bheir an Tighearna do Dhia dhuit, fearann a tha sruthadh le bainne agus le mil; mar a gheall an Tighearna Dia t'aithreacha dhuit.

4 Uime sin, an uair a théid sibh thar Iordan, cuiridh sibh suas na clachan sin, a tha mi ag àithneadh dhuibh air an là'n diugh, ann an sliabh Ebail, agus comhdaichidh tu thairis le h-aol iad.

5 Agus an sin togaidh tu suas altair do'n Tighearna do Dhia, altair do chlachaidh: cha tog thu suas inneal iaruin sam bith orra.

6 Do chlachaidh slàna togaidh tu altair an Tighearna do Dhé, agus bheir thu suas cirre iobairte-loisgte do'n Tighearna do Dhia.

7 Agus iobraidh tu iobairte-sith, agus ithidh tu 'n sin, agus ni thu gairdeachas an làthair an Tighearna do Dhé.

8 Agus sgrìobhaidh tu air na clachaidh uile bhriathran an lagha so gu ro shoilleir.

9 Agus labhair Maois, agus na sagairt nan Lebhithich, ri h-Israel uile, ag ràdh, Thoir an aire, agus éisd, O Israel; air an là'n diugh rinneadh thu a'd' shluagh<sup>6</sup> do'n Tighearna do Dhia,

10 Uime sin éisdidh tu ri guth an Tighearna do Dhé, agus ni thu 'àitheanta, agus a reachdan, a tha mi ag àithneadh dhuit air an là'n diugh.

11 Agus dh'àithn Maois do'n t-sluagh air an là sin féin, ag ràdh,

12 Seasaidh iad so air sliabh Cheridsim a bheannachadh an t-sluaigh, nuair a théid sibh thar Iordan; Simeon, agus Lebhi, agus Iudah, agus Isachar, agus Ioseph, agus Benjamin.

13 Agus seasaidh iad so air sliabh Ebail a mhallachadh; Reuben, Gad, agus Aser, agus Sebulun, Dan, agus Naphtali.

14 Agus labhraidh na Lebhithich, agus their iad ri daoimibh Israel uile le guth ard;

<sup>1</sup> àdhradh. <sup>2</sup> phisich, fhàs. <sup>3</sup> dh'aidich thu. 190

<sup>4</sup> roghnuich. <sup>5</sup> labhair. Eabh. <sup>6</sup> nad phobull.

15 Mallaichte *gu robh* an duine a ni dealbh snaidhte<sup>1</sup>, no leaghta, gràineileachd do'n Tighearna, obair làmh an fhir-cheird, agus a chuireas e ann an *ionad* dìomhair: agus freagraidh an sluagh uile, agus their iad, Amen.

16 Mallaichte *gu robh* esan a ni tàir air 'athair, no air a mhàthair: agus their an sluagh uile, Amen.

17 Mallaichte *gu robh* esan, a dh'atharraicheas crìoch<sup>2</sup> *feurainn* a choinhears-naich<sup>3</sup>: agus their an sluagh uile, Amen.

18 Mallaichte *gu robh* esan a chuireas an dall air seacharan san t-slighe: agus their an sluagh uile, Amen.

19 Mallaichte *gu robh* esan, a chlaonas breitheanas a' choigrich, an dilleachdain, agus na bantraich: agus their an sluagh uile, Amen.

20 Mallaichte *gu robh* esan, a luidheas le mnaoi 'athar, a chionn gu bheil e leigeadh ris còmhach 'athar: agus their an sluagh uile, Amen.

21 Mallaichte *gu robh* esan, a luidheas le h-ainmhidh sam bith: agus their an sluagh uile, Amen.

22 Mallaichte *gu robh* esan, a luidheas le 'phiuthair, nighean 'athar, no nighean a mhàthar: agus their an sluagh uile, Amen.

23 Mallaichte *gu robh* esan, a luidheas le 'mhàthair-chéile: agus their an sluagh uile, Amen.

24 Mallaichte *gu robh* esan, a bhuaileas a choinhearsnach gu h-uaigneach<sup>4</sup>: agus their an sluagh uile, Amen.

25 Mallaichte *gu robh* esan, a ghabhas duais<sup>5</sup> air son duine neo-chiontach a mharbhadh<sup>6</sup>: agus their an sluagh uile, Amen.

26 Mallaichte *gu robh* esan, nach daingnich uile bhriathran an lagha so chum an deanamh: agus their an sluagh uile, Amen.

## CAIB. XXVIII.

**A**GUS tarlaidh, ma dh'éisdeas tu gu dùrachdach ri guth an Tighearna do Dhé, a choinhead agus a dheanamh àitheantan uile, a *tha* mi ag àithneadh dhuit air an làn diugh, gu'n cuir an Tighearna do Dhia suas thu os cionn uile chinneacha na talmhainn.

2 Agus thig na beannachda so uile ort, agus beiridh iad ort, ma dh'éisdeas tu ri guth an Tighearna do Dhé.

3 Beannaichte *bithidh* tu sa' bhaile, agus beannaichte *bithidh* tu sa' mhachair.

4 Beannaichte *bithidh* toradh do chuirp, agus toradh t'fhearainn, agus toradh do spréidhe, fàs do chruidh<sup>7</sup>, agus treuda do chaorach.

5 Beannaichte *bithidh* do bhascaid agus do chuibhrionn<sup>8</sup>.

6 Beannaichte *bithidh* tu 'nuair a thig thu stigh, agus beannaichte *bithidh* tu 'nuair a théid thu muigh.

7 Bheir an Tighearna *fanear* gu'm bi do naimhdean, a dh'éireas suas a't' aghaidh, air am bualadh roimh do ghnùis: thig iad a mach a't' aghaidh air aon slighe, agus teichidh iad romhad air seachd shligheibh.

8 Aithnidh an Tighearn an beannachd ort a'd' thighibh-tasgaidh<sup>9</sup>, agus anns gach ni ris an cuir thu do làmh: agus beannaichidh e thu san fhearann, a bheir an Tighearna do Dhia dhuit.

9 Daingnichidh an Tighearn thu a'd' shluagh naomha dha féin, mar a mhionnaich e dhuit, ma ghleidheas tu àitheantan an Tighearna do Dhé, agus ma ghluaiseas tu na shligheibh.

10 Agus chi uile chinnich na talmhainn gu'n gearr ainn an Tighearn ort, agus bithidh eagal orra romhad.

11 Agus ni an Tighearna saibhir<sup>10</sup> thu ann am maoin, ann an toradh do chuirp, agus ann an toradh do spréidhe, agus ann an toradh do thalmhainn anns an talamh a mhionnach an Tighearna do t' aithreachaibh a thabhairt duit.

12 Fosglaidh an Tighearna dhuit a dheagh ionnlas<sup>11</sup>, na nàmhnan a thoirt uisge do t'fhearann na àm, agus a bheannachadh uile oibre do làimh; agus bheir thu 'n iasachd<sup>12</sup> do mhòran chinneach, agus cha ghabh thu 'n iasachd.

13 Agus ni an Tighearn an ceann dhìot, agus ni h-e an t-earball<sup>13</sup>; agus bithidh tu nàimh an uachdar, agus cha bhi thu 'n iochdar: ma dh'éisdeas tu ri aitheantaibh an Tighearna do Dhé, a *tha* mi ag àithneadh dhuit air an là 'n diugh gu'n coimhead agus gu'n dean *thu* iad.

14 Agus cha d' théid thu thaolh o aon air bith do na briathraibh a *tha* mi ag àithneadh dhuit an diugh, a chum na làimhe deise no chum na làimhe clithe, a dhol an déigh dhiathan eile dheanamh seirbhis doibh.

15 Ach tarlaidh, mur éisd thu ri guth an Tighearna do Dhé, a thoirt fanear gu'n dean<sup>14</sup> thu àitheantan agus a reachdan uile, a *tha* mi ag àithneadh dhuit an diugh, gu'n d' thig na mallachda so uile ort, agus gu'm beir iad ort.

16 Mallaichte *bithidh* tu sa' bhaile, agus mallaichte *bithidh* tu sa' mhachair.

17 Mallaichte *bithidh* do bhascaid agus do chuibhrionn.

18 Mallaichte *bithidh* toradh do chuirp, agus toradh t'fhearainn, fas do chruidh<sup>15</sup>, agus treudan do chaorach.

<sup>1</sup> òmhaghaigh ghrùbhalta. <sup>2</sup> comhara; teòran. Eir. <sup>3</sup> a nàbhuidh. <sup>4</sup> am féill. <sup>5</sup> ceannach. <sup>6</sup> air sgo. <sup>7</sup> fuil neo-chiontach a dhòrtadh. <sup>8</sup> do bhò.

<sup>9</sup> stòr. <sup>10</sup> thighibh stòir, shaibhlhibh. <sup>11</sup> thaisgeach. <sup>12</sup> coingheall. <sup>13</sup> iorball. <sup>14</sup> gu'n coimhlion. <sup>15</sup> a' do bhò.



19 Mallaichte *bithidh* tu 'nuair a thig thu stigh, agus mallaichte *bithidh* tu 'nuair a thèid thu mach.

20 Cuiridh an Tighearn ort mallachadh, mi-shuainibneas <sup>1</sup>, agus achmhasan, anns gach nì ris an cuir thu do làmh gu 'dheanamh, gus an sgriosar thu, agus gus an d' thèid as duit gu h-obann, air son aingidheachd do ghnìomhara leis an do thréig thu mise.

21 Bheir an Tighearn air a' plàigh lean-tuinn riut gus an claidh e thu bhàrr an fhearainn, d'am bheil thu dol a steach g'a sheallbhadh.

22 Buailidh an Tighearn thu le caith-eamh <sup>2</sup>, agus le fiabhras <sup>3</sup>, agus le h-aintas, agus le h-ard-logadh, agus leis a' chlaidheamh, agus le seargadh <sup>4</sup>, agus le fuar-dhealt <sup>5</sup>; agus leanaidh iad thu gus an d' thèid as duit.

23 Agus bithidh do speuran a *ta* os do cheann nan umba <sup>6</sup>, agus an talamh a *ta* fodhad na iarunn.

24 Nì an Tighearn uisge t'fhearainn na luathre agus na dhùslach: o nèamh thig e nuas ort, gus an sgriosar thu.

25 Bheir an Tighearna fànear gu'n buailtear thu air beulaith do naimhdean: thèid thu mach air aon slighe <sup>7</sup> nan aghaidh, agus teichidh tu rompa air seachd slighibh; agus atharraichèar thu chum uile rioghachda na talmhainn.

26 Agus bithidh do chlosach <sup>8</sup> na biadh aig uile eunlaith an athair, agus aig beathaichibh na talmhainn, agus cha 'n fhuadaich duine sam bith air falbh iad.

27 Buailidh an Tighearn thu le neasgaid na h-Eiphit, agus le ruidh òla <sup>9</sup>, agus le càrr, agus le cloimh <sup>10</sup>, do nach bi e'n comas do leigheas.

28 Buailidh an Tighearn thu le cuthach, agus le doille, agus le h'uamhann cridhe.

29 Agus smeuraichidh tu <sup>11</sup> mu mheadhon-là, mar a smeuraicheas an dall san dorchadas, agus cha seirbhich leat a'd shlighibh; agus bithidh tu mhàin fuadh fhoirneart, agus air do chreachadh a ghnàth, agus cha teasairg duine sam bith thu.

30 Nì thu ceangal-pòsaidh <sup>12</sup> ri mnaoi, agus luidhidh fear èile leatha: togaidh tu tigh, agus cha ghabh thu còmhnuidh ann: suidhichidh tu fion-lios, agus cha tionail thu 'fhion-dhearcan.

31 Marbhar do dhamh fà chomhair do shùl, agus cha 'n ith thu dheth; bheirear air falbh t'asal a dh'indeoin as do làthair, agus cha d' thoir ear air a h-ais <sup>13</sup> dhuit i: bheirear do chaoraich do d' naimhidibh,

agus cha bhi neach agad, a bheir uatha iad.

32 Bheirear do mhic agus do nigheana do shluagh èile, agus chì do shùilean, agus fàilnichidh iad le *fadal* air an son <sup>14</sup> rè an là: agus cha bhi neart sam bith a'd' làimh.

33 Toradh t-fhearainn, agus do shaothair uile, ithidh cinneach suas, nach b'aithne dhuit; agus bithidh tu mhàin fuadh fhoirneart, agus air do bhruthadh an comhnuidh:

34 Air chor as gu'm bi thu air mhi-chéill, air son seallaidh do shùl a chì thu.

35 Buailidh an Tighearn thu sna glùinibh, agus anns na casaibh, le neasgaid chràitich nach gabh leigheas, o bhonn do chois gu mullach do chinn.

36 Bheir an Tighearn thu *fèin*, agus do rìgh a chuireas tu os do cheann, gu cinneach nach b'aithne aon chuid duit féin no do t'athreachaibh; agus an sin nì thu seirbh-is do dhéibh èile, do fhiodh agus do chloich.

37 Agus bithidh tu a't'uamhas <sup>15</sup>, a'd' shamhladh <sup>16</sup>, agus a'd' leth-fhocal <sup>17</sup> am measg nan uile chinneach gus an treòraich an Tighearn thu.

38 Bheir thu mòran sil a mach do'n fhearann, ach is beag a chruinnicheas tu stigh: oir ithidh an locust suas e.

39 Suidhichidh tu fion-lios an deas-aidh tu iad; ach cha'n òl thu do'n fhion, no mò a chruinnicheas tu na *dearcan*: oir ithidh a' chnuimh iad.

40 Bithidh croinn cladh agad air feadh do chrìochan uile, ach cha 'n ung thu thu *ein* leis an cladh: oir tilgidh do chrann-cladh a *thoradh*.

41 Ginidh tu naic agus nigheana, ach cha mheal thu iad; oir thèid iad am braighdeanas.

42 Do chraobhan uile agus toradh t'fhearainn millidh <sup>18</sup> an locust.

43 Eiridh an coigreach a tha 'nar measg suas gu ro ard os do cheann; agus thig husa nuas gu ro ìosal.

44 Bheir e 'n iasachd dhuit, agus cha d' thoir thusa an iasachd dha: bithidh esan na cheann, agus bithidh tu a a'd' caball.

45 Agus thig na mallachda sin uile ort, agus leanaidh <sup>19</sup> iad thu, gus beiridh iad ort, gus an sgriosar thu; a chionn nach d'èisid thu ri guth an Tighearna do Dhé, a ghleidheadh àitheantan agus a reachdan, a dh'àithn e dhuit.

46 Agus bithidh iad ort mar chomhar agus mar iongantais, agus air do sbliochd a chaoidh.

47 A chionn nach d'rinn thu seirbh-is do'n Tighearna do Dhia le gairdeachas, agus

<sup>1</sup> cairaid. <sup>2</sup> étich. <sup>3</sup> teasach, cuartaich. <sup>4</sup> gaisceadh, losgadh-dèanadach. <sup>5</sup> crithreudh. <sup>6</sup> prais. <sup>7</sup> ròd, rathad. <sup>8</sup> do chairbh. <sup>9</sup> do chorp marbh. <sup>10</sup> hemmorrhoids. Sasg. <sup>11</sup> claimh. Eir. <sup>12</sup> iarraidh tu fu-làimh.

<sup>13</sup> cha 'n ais-iocar. <sup>14</sup> le dèigh orra. <sup>15</sup> uamhann. <sup>16</sup> ghnàth-fhocal. <sup>17</sup> fhear-fhocal, ath-dhàn, fhrith-ainm. <sup>18</sup> seallbhaichidh. <sup>19</sup> ruagaidh.

le sabhachas cridhe, 'air son pailteis nan uile *nithe*;

48 Uinne sin, nì thu seirbhis do d' naimh-dibh, a chuireas an Tighearn a't' aghaidh, ann an ocras, agus ann an tart, agus ann an lomnochdaidh, agus ann an uireasbhuidh nan uile *nithe*: agus cuiridh e cuing iaruin air do mhuineal, gus an cuir e as duit.

49 Bheir an Tighearn cinneach a't' aghaidh o ionad fad o làimh, o iomall an talmhainn, mar an iolair air iteig; cinneach nach tuig thu 'n cainnt:

50 Cinneach aig ain bheil aghaidh bhorb<sup>1</sup>, nach d' thoir urram do ghnùis an aosmhoir, agus nach dean iochd ris an òg.

51 Agus ithidh e toradh do spréidhe, agus toradh t'fhearainn, gus an sgriosar thu: neach nach fàg agad arbhar, fion, no oladh, fas do chruidh, no treudan do chaorach, gus an cuir e as duit.

52 Agus teannaichidh e thu<sup>2</sup> ann ad gheataibh uile, gus am brisear sìos<sup>3</sup> do bhallachan arda agus daingnichte, anns an robh do dhòigh, air feadh t'fhearainn uile: agus teannaichidh e thu ann ad gheataibh air feadh t'fhearainn uile, a thug an Tighearna do Dhia dhuit.

53 Agus ithidh tu toradh do chuirp féin, feoil do mhad agus do nigheana, (a thug an Tighearna do Dhia dhuit,) anns a' chogadh, agus anns an teinn<sup>4</sup> leis an teannaich do naimhdean thu:

54 *Air chor as an duine a to maoth 'nar measg*, agus ro-shòghar<sup>5</sup>, gu'm bi a shùil olc a thaobh a bhi a' har, agus a thaobh mna 'uchd féin, agus a thaobh iarmaid<sup>6</sup> a chloinne a dh'fhàgas e:

55 *Air chor as nach d' thoir e do h-aon diubh a' bheag* do fheoil a chloinne a dh'itheas e: a chionn nach fàgar a' bheag aige sa' chogadh<sup>7</sup>, agus anns an teinn leis an teannaich do naimhdean thu a'd' gheataibh uile.

56 A' bhean mhaoth agus shòghar 'nar measg, nach dùraigeadh bonn a coise a chur air an talamh a thaobh muirn<sup>8</sup> agus maothermalach<sup>9</sup>, bithidh a sùil olc a thaobh fir-pòda a h-uchd, agus a thaobh a mic, agus a thaobh a h-ighinn,

57 Agus a thaobh a maothrain a thig a mach o eadar a cosaibh, agus a thaobh a chloinne a bheireas i: oir ithidh i iad a dh'uireasbhuidh nan uile *nithe* an diomhaireachd anns a' chogadh, agus anns an teinn leis an teannaich do naimhdean thu a'd' gheataibh.

58 Mur d' thoir thu an aire uile bbriatharan an lagha so a dheanamh a tha sgriobhta san leabhar so, a chum gu'm bi eagal an

ainm ghlòrmhoir agus uamhasaich so ort, AN TIGHEARN DO DHIA:

59 An sin nì an Tighearna do phlàigh-ean iongantach, agus plàighean do shliochd, eadhon plàighean mòra agus maireannach, agus eucailleann cràiteach agus fadalach.

60 A bhàrr air so bheir e ort uile ghalaran na h-Eiphit, roimh an robh eagal ort; agus leanaidh iad riut.

61 Mar an ceudna gach tinneas, agus gach plaigh, nach 'eil sgriobhta ann an leabhar an lagha so, iad sin bheir an Tighearn ort, gus an sgriosar thu.

62 Agus fàgar sibh tearc ann an àir-eamh, an àite gu'n robh sibh mar reulta nèimh an lion-mhoireachd; a chionn nach d'èid thu ri guth an Tighearna do Dhé.

63 Agus tarlaidh, mar a rinn an Tighearna gairdeachas os bbur ceann a dheanamh maith dhuibh, agus gu'r deanamh lionmhor, mar sin gu'n dean an Tighearna gairdeachas os bbur ceann gu'r sgrios, agus gu'r toirt gu neo-ni; agus spionar sibh as an fhearann d'am bheil sibh a' dol g'a shealbhadh.

64 Agus sgapaiddh an Tighearn thu am measg nan uile chinneach, o'n dara ceann do'n talamh eadhon gus an ceann eile do'n talamh; agus an sin nì thu seirbhis do dhéibh eile, nach b'aithe uon chuid duit féin no do t'aitheachaibh, eadhon do fhiodh agus do chloich.

65 Agus am measg nan cinneach sin cha'n fhaigh thu suaimhneas sam bith, nì mò bhois fois aig bonn do chois: ach bheir an Tighearna dhuit an sin cridhe gealtach, agus failneachadh shùil, agus doilgheas<sup>10</sup> inntinn.

66 Agus bithidh do bheatha crochta ann an amharus<sup>11</sup> fa d' chomhair; agus bithidh eagal ort a là sa dh'oidhche, agus cha bhi cinnte air bith agad do d' bheatha.

67 Sa' mhaduinn their thu, Och! nach b'e'm feasgar e; agus san fheasgar their thu, Och! nach b'i mhaduinn e; air son eagal do chridhe le'm bi eagal ort, agus air son seallaidh do shùl a chi thu.

68 Agus bheir an Tighearna ris thu do'n Eiphit ann an longaibh, air an t-slighe mu'n dubhairt mi riut, Cha 'n fhaic ihu ris i tuilleadh: agus an sin reicear sibh ri'r naimhdebh mar tràilleann, agus mar bhan-tràilleann, agus cha bhi neach ann gu'r ceannach.

## CAIB. XXIX.

IS iad sin briatbran a choimhcheangail a dh'aitan an Tighearna do Mhaois a dheanamh ri cloinn Israeil, ann an tìr Mhoib, a thuilleadh air a' choimhcheangal a rinn e riu ann an Horeb.

<sup>1</sup> ghorg. <sup>2</sup> cuiridh e séisd riut, suidhidh e rimod, cuirtichidh e thu. <sup>3</sup> an tuit sìos. <sup>4</sup> teannachd, chumhainge. <sup>5</sup> delicate, lux-

urious. Sasg. <sup>6</sup> fuigheoll. <sup>7</sup> san t-séisd. <sup>8</sup> grinneis, sògh. <sup>9</sup> maothachd, <sup>10</sup> bròn, dubhochas. <sup>11</sup> an teagamh.



2 Agus thug Maois gairm do Israeil uile, agus thubhairt e riu, Chunnaic sibh gach nì a rinn an Tighearna fa chomhair bhur sùl ann an tìr na h-Eiphit, ri Pharaoh, agus r'a sheirbbhisich uile, agus r'a fhearran uile;

3 Na deuchainnean <sup>1</sup> mòra a chunnaic do shùilean, na comharan agus na h-iongantasan mòra sin:.

4 Gidheadh cha d'thug an Tighearna dhuibh cridhe a thuigsinn <sup>2</sup>, agus suilean a dh'fhaicinn, agus cluasan a chluinntinn, agus an là 'n diugh.

5 Agus threòraich mise sibh dà fhichead bhliadhna san fhàsach: cha do chaitheadh bhur n-eudach dhibh le h-aois <sup>3</sup>, agus cha do chaitheadh do bhròg le h-aois bhàrr do chois.

6 Cha d'ith sibh aran, ni mò dh'òl sibh fion, no deoch làidir; a chum gu'm biodh fios agaibh gur mise an Tighearna bhur Dia.

7 Agus an uair a thàinig sibh do'n àite so, thàinig Sihon rìgh Hesboin, agus Og rìgh Bhasain, a mach 'nar n-aghaidh chum catha, agus bhuail sin iad;

8 Agus ghlac sinn am fearann, agus thug sinn e mar oighreachd do na Reubenich, agus do na Gadaich, agus do leth thréibh Mhanaseh.

9 Glcidhibh, uime sin, briathran a' choimhcheangail so, agus deanaibh iad, a chum gu soirbhich leibh anns gach nì a ni sibh.

10 Tha sibh uile 'nar seasamh an diugh an làthair an Tighearna bhur Dé; ceannardan bhur treubha <sup>4</sup>, bhur seanairean, agus bhur luchd-riaghlaidh, fir Israeil uile,

11 Bhur clann bheag, bhur mnà, agus do choigreach a tha ann ad champ, o fheargearraidh t'fhiodha gu fear tarruing tuisge:

12 A chum gu'n rachadh tu ann an coimhcheangal ris an Tighearna do Dhia, agus na mhionnaibh-san, a tha'n Tighearna do Dhia a' deanamh riut air an là'n diugh:

13 A chum gu'n daingnich e thu an diugh mar shluagh dha féin, agus gu'm bi esan dhuitse na Dhia, mar a thubhairt e riut, agus mar a mhionnaich e do t'aithreachaibh, do Abhraham, do Isaac, agus do Jacob.

14 Agus cha'n ann ribhise mhàin a tha mise a' deanamh a' choimhcheangail so, agus nam mionna so,

15 Ach ris-san a tha 'n so maille ruinn na sheasamh an diugh an làthair an Tighearna ar Dé, agus mar an ceudna ris-san nach 'eil an so maille ruinn an diugh:

16 (Oir is aithne dhuibh cionnus a

bha sinn a chòmhnuidh ann an tìr na h-Eiphit, agus cionnus a thàinig sinn tre mhheadhon nan cinncach air an deachaidh sibh seachad;

17 Agus chunnaic sibh an gràinealachdan, agus an iòdholan <sup>5</sup>, fiodh agus clach, airgid agus òr, a bha nam measg)

18 Air eagal gu'm biodh 'nar measg fear, no bean, no teaghlach, no treubh, a chlaonas a chridhe air falbh an diugh o'n Tighearna ar Dia, a dhol a dheanamh seirbbhis do dhéibh nan cinneach sin; air eagal gu'm biodh 'nar measg freumh a bheir uaithe mar thoradh nime <sup>6</sup> agus searbbhas <sup>7</sup>.

19 Agus an uair a chluinneas e briathran a' mhallachaidh so, an sin gu'm beannaich se e féin na chridhe, ag ràdh, Bithidh sìth agam, ge do ghluais mi ann an an-miann <sup>8</sup> mo chridhe féin, a chur mise ri pathadh:

20 Cha chaomhain an Tighearna e, ach an sin cuiridh fearg an Tighearna, agus 'eud, smùid duibh an aghaidh an duine sin, agus luidhidh eadh mallachadh air a tha sgrìobhta san leabhar so, agus dubhaidh an Tighearna mach 'ainm o bhi fuidh nèamh.

21 Agus sgaraidh an Tighearna e chum uile, a mach a treubhaibh Israeil uile, a réir uile mhallachdan a' choimhcheangail, a tha sgrìobhta ann an leabhar an lagha so.

22 Air chor as gu'n abair an ginealach ri teachd, bhur clann a dh'éireas suas 'nar déigh, agus an coigreach a thig o thir fad o làimh, 'nuair a chi iad plaighean an fhearainn sin, agus 'eucailleann a leag an Tighearna air;

23 Agus gu bheil a thalamh uile na phronnasg, agus na shalann, agus na losgadh; nach 'eil e air a chur, no toirt toraidh <sup>9</sup> uaithe, agus nach 'eil fear sam bith a' fàs ann, cosmhuil ri sgrios Shodoim agus Ghomorrah, Admaibh agus Sheboim, a sgrios an Tighearna na fheirg agus na chorruich:

24 Their eadhon na h-uile chinnich, C'ar son a bhuin an Tighearna mar so ris an fhearann so? Ciod is ciall do theas na corruiche mòire so?

25 An sin their daoine, A chionn gu'n do thréig iad coimhcheangal an Tighearna Dé an aithreacha, a rinn e riu 'nuair a thug e mach iad a tìr na h-Eiphit.

26 Oir chaidh iad agus rinn iad seirbbhis do dhéibh eile, agus rinn iad aoradh <sup>10</sup> dhoibh, dée nach b'aithne dhoibh, agus nach d'thug esan doibh <sup>11</sup>.

27 Agus las corruich an Tighearna an aghaidh an fhearainn so, a thoirt nam mallachdan sin uile air, a tha sgrìobhta san leabhar so.

<sup>1</sup> dearbhan, buaireanna. <sup>2</sup> a mhothachadh. <sup>3</sup> cha d'fhàs bhur n-eudach sean uaimh. <sup>4</sup> bhur cinn-fheadhna agus bhur treubha. <sup>5</sup> diathan-bréige. <sup>6</sup> naimh, puinsion, dombhas.

<sup>7</sup> burmaid. <sup>8</sup> aingidheachd, smuaintibh. <sup>9</sup> cinneis. <sup>10</sup> shleuchd iad. <sup>11</sup> nach do bhuilich a' bheag orra.

28 Agus spìon an Tighearna a mach iad as am fearann ann am feirg, agus ann an corruich, agus ann an lasan<sup>1</sup> ro-mhòr, agus thilg e iad do dhùthaich eile mar air an là'n diugh.

29 *Buinidh na nithe dìomhair do'n Tighearna ar Dia, ach na nithe a tu foillsichte dhuinne, agus d'ar cloinn a chaidh, a chum as gu'n dean sinn uile bhriathran an lagha so.*

## CAIB. XXX.

**A**GUS an uair a thig na nithe so uile ort, am beannachadh agus am mallachadh, a chuir mise romhad, agus a chuinnichias tu orra ann am mcasg nan cinneach uile chum an d'fhògair an Tighearna do Dhia thu,

2 Agus a philleas tu dh'ionnsuidh an Tighearna do Dhé, agus a bheir thu géill d'a ghuth a réir nan uile nithe *a tha* mise ag àithneadh dhuit air an là'n diugh, thu féin agus do chlann, le t'uile chridhe, agus le t'uile anam :

3 An sin bheir an Tighearna do Dhia air ais do bhraighdeanas, agus ni e iochd riut, agus pillidh e agus cruinnichidh e thu as na h-uile chinnich, a chum an do sgap an Tighearna do Dhia thu.

4 Ma dh'fhògradh *neuch* agad gus a' chuid a's iomallaiche do nèamh, as sin cruinnichidh an Tighearna do Dhia thu, agus as sin bheir e thu :

5 Agus bheir an Tighearna do Dhia thu do'n fhearann a shealbhaich t'aithreacha, agus sealbhaichidh tu e : agus ni e math dhuit, agus bheir e ort fàs lionmhor os cionn t'aithreacha.

6 Agus timchioll-ghcarraidh an Tighearna do Dhia do chridhe, agus cridhe do shliochd, a ghràdhachadh an Tighearna do Dhé le t'uile chridhe, agus le t'uile anam, a chum gu'm bi thu beo.

7 Agus cuiridh an Tighearna do Dhia na mallachdan sin uile air do naimhaidh, agus orra-san aig am bheil fuath dhuit, a rinn geur-leannmhuinn ort.

8 Agus pillidh tu agus bheir thu géill do ghuth an Tighearna, agus ni thu 'àitheantan uile, a tha mise ag àithneadh dhuit an diugh.

9 Agus ni an Tighearna do Dhia pailt thu ann an uile obair do làimhe, ann an toradh do chuirp, agus ann an toradh do spréidhe, agus ann an toradh t'fhearainn, a chum maith : oir ni an Tighearna ris gairdeachas os do cheann chum maith, mar a rinn e gairdeachas os cionn t'aithreacha :

10 Ma dh'éisdeas tu ri guth an Tighearna do Dhé, a ghleidheadh 'àitheantan, agus a reachdan, a tha sgrìobhta ann an leabhar an lagha so, agus ma philleas tu

chum an Tighearna do Dhé le t'uile chridhe, agus le t'uile anam.

11 Oir an àithne so a tha mise ag àithneadh dhuit an diugh, cha 'n'eil i 'm folach ort, ni mò a tu i fada uait.

12 Cha 'n'eil i sna nèamhaibh, air chor as gu'n abradh tu, Cò théid suas air ar son do na nèamhaibh, agus a bheir i d'ar n-ionnsuidh, a chum as gu'n cluinn sinn i, agus gu'n dean sinn i ?

13 Ni mò a tha i 'n taobh thall do'n fhairge, air chor as gu'n abradh tu, Cò théid a nunn air ar son thar an fhairge, agus a bheir i d'ar n-ionnsuidh a ehum gu'n cluinn sinn i, agus gu'n dean sinn i ?

14 Ach *tha* 'm focal ro-fhagus duit, ann do bheil, agus ann do chridhe, ehum gu'n dean thu e.

15 Feuch, chuir mi romhad an diugh beatha agus math, agus bàs agus olc :

16 A mhend gu bheil mi ag àithneadh dhuit an diugh an Tighearna do Dhia a ghràdhachadh, ghluasad na shligibh, agus àitheantan a ghleidheadh, agus a reachdan, agus a bhreitheanais, a chum gu'm bi thu beo, agus gu'm fàs thu lionmhor, agus gu'm beannaich an Tighearna do Dhia thu san fhearann d'am bheil thu dol g'a shealbhadh.

17 Ach na thionndadhas do chridhe air falbh, agus nach éisd thu, ach gu'n tairngear air falbh thu, agus gu'n dean thu aoradh do dhéibh eile, agus gu'n dean thu seirbhís d'hoibh ;

18 Tha mi ag innseadh dhuibh ajr an là'n diugh, gu'n sgriosar gu cinnteach sibh, agus nach buanaich sibh bhur làithean air an fhearann, d'am bheil thu dol thar Iordan, gu gabhail a steach g'a shealbhadh.

19 Tha mi gairm nan nèamha agus na talmhainn mar fhianuisen 'nar n-aghaidh air an là'n diugh, gu'n do chuir mi beatha agus bàs f'ar comhair, beannachadh agus mallachadh ; uinne sin, roghnuich beatha, chum gu'm bi thu féin agus do shliochd beo :

20 A chum gu'n gràdhaich thu 'n Tighearna do Dhia, agus gu'n d' thoir thu géill d'a ghuth, agus gu'n lean thu ris, (oir is csaan do bhacath, agus fad do làithean,) a chum gu'n gabh thu còmhnuidh san fhearann a mbionnach an Tighearna do t'aithreachaibh, do Abraham, do Isaac, agus do Iacob, gu'n d' thugadh e d'hoibh.

## CAIB. XXXI.

**A**GUS chaidh Maois agus labhair e na briathra so ri h-Israel uile.

2 Agus thubhairt e ri, *Tha* mise ceud agus fichead bliadhna dh'aois air an là'n diugh ; cha 'n urrainn mi tuilleadh dol a mach agus teachd a steach : agus thubhairt an Tighearna ri mi, Cha d' théid thu thar an Iordan so.

<sup>1</sup> *fraoch feirge.*



3 Théid an Tighearna do Dhia e féin a nunn roimhad; sgriosaidh esan na cinnich sin o' d' lathair, agus sealbhaichidh tu iad: agus théid Iosua nunn roimhad, mar a thubhairt an Tighearna.

4 Agus n' an Tighearna riu mar a rinn e ri Sihon, agus ri h-Og, righre nan Amorach, agus ri fearann na muinntir sin a sgrios e.

5 Agus bheir an Tighearna thairis iad roimh bhur gnùis, a chum gu'n dean sibh riu a réir-gach àithne, a dh'àithn mise dhuibh.

6 Bithidh làidir agus biodh deagh mhisneach agaibh; na biodh eagal oirbh, agus na gabhaibh geilt rompa, oir is e 'n Tighearna do Dhia e féin a théid leat; cha d'ibir e thu, ni mò a thréigear e thu.

7 Agus ghairm Maois air Iosua, agus thubhairt e ris ann an sealladh Israel uile, Bi làidir, agus biodh deagh mhisneach agad: oir is tusa a théid a stigh leis an t-sluagh so do'n fhearann, a mhionnaich an Tighearna d'an aithreachaibh gu'n d' thugadh e dhoibh: agus bheir thu orra 'shealbhachadh mar oighreachd.

8 Agus théid an Tighearna e féin roimhad, bithidh esan maille riut, cha d'ibir e thu, ni mò a thréigear e thu: na gabh eagal, agus na biodh geilt ort.

9 Agus sgrìobh Maois an lagh so, agus thug se e do na sagartaibh mic Lebhí, a tha giùlan àirc coimhcheangail an Tighearna, agus do sheanairibh Israel uile.

10 Agus dh'àithn Maois doibh, ag ràdh, Aig ceann gach seachd bliadhna, ann an àm orduichte bliadhna an fhuasglaidh, aig féisd nam pàillium,

11 Nuair a thig Israel uile g'an taisbeanadh féin an lathair an Tighearna do Dhé, san ionad a thaghas e; leughaidh tu 'n lagh so an lathair Israel uile, nan éis-deachd.

12 Cruinnich an sluagh r'a chéile, fir, agus mnà, agus clann, agus do choigreach, a tha 'n taobh stigh do d' gheataibh; a chum gu'n cluinn iad, agus gu'm foghlum iad, agus gu'm bi eagal an Tighearna bhur Dé orra, agus gu'n d' thoir iad fanear uile bhriathran an lagha so a dheanamh:

13 Agus gu'n cluinn an clann do nach b'aithne bheag, agus gu foghlum iad eagal an Tighearna bhur Dé a bhi orra am fad's is beo dhuibh san fhearann, d'am bheil thu dol thar Iordan g'a shealbhachadh.

14 Agus thubhairt an Tighearna ri Maois, Feuch, tha do làithean a' dlùthachadh anns am feum thu bàs fhagail: gairm air Iosua, agus nochdaibh sibh féin ann am pàillium a' choimhthionail, a chum as gu'n d' thoir mise àithne dha. Agus chaidh Maois agus Iosua, agus nochd siad iad féin ann am pàillium a' choimhthionail.

15 Agus dh'fhoillsich an Tighearna e féin sa' phàillium ann am meall<sup>1</sup> neoil:

agus sheas am meall neoil os cionn dorui 'a phàillium.

16 Agus thubhairt an Tighearna ri Maois, Feuch, còidlidh tusa maille ri t'aithreachaibh; agus éiridh an sluagh so suas, agus théid iad le striopachas an déigh dhiathan na tire coimhich sin, d'am bheil iad a' dol a steach gu *fantuinn* na meadhon, agus tréigidh iad mise, agus brisidh iad mo choimhcheangal a rinn mi riu.

17 Agus lasaidh mo chorruih nan aghaidh san là sin, agus tréigidh mi iad, agus folaicidh mi mo ghnùis uatha, agus ithear suas iad, agus thig mòran ole agus àn-hghar<sup>2</sup> orra, air chor as gu'n abair iad san là sin, Nach ann a chionn nach 'eil ar Dia 'nar measg a thàinig na h-uile so oirnn?

18 Agus gu cinnteach folaicidh mise mo ghnùis san là sin, air son gach ole a dh'oibrich iad, a chionn gu'n do thionndaidh iad an déigh dhiathan eile.

19 A nis, uime sin, sgrìobhaibhse dhuibh féin an laoidh<sup>3</sup> so, agus teagagibh i do chloinn Israel: cuir i nam beul, a chum gu'm bi 'n laoidh so mar fhianuis dhomhsa an aghaidh chloinn I-raeil.

20 Oir an uair a bheir mi stigh iad do'n fhearann a mhionnaich mi d'an aithreachaibh, a tha sruthadh le bainne agus mil, agus a dh'iheas iad agus a shasuichear iad, agus a dh'fhàsas iad reamhar; an sin tionndaidh iad gu déibh eile, agus ni iad seirbhais doibh, agus brosnuidh iad mi, agus brisidh iad mo choimhcheangal.

21 Agus tarlaidh an uair a thig mòran ole agus àn-hghar orra, gu'n labhair<sup>4</sup> an laoidh so mar fhianuis nan aghaidh; oir cha di-chuimhnichear i as beul an sliochd: oir is aithne dhomh an smuaintean, a tha iad a' dealbh an diugh *féin*, mun d'thug mi steach iad do'n fhearann a mhionnaich mi.

22 Sgrìobh, uime sin, Maois an laoidh so air an là sin féin, agus theagaisg e i do chloinn Israel.

23 Agus dh'àithn e do Iosua mac Nun, agus thubhairt e, Bi làidir, agus biodh deagh mhisneach agad: oir bheir thu clann Israel do'n fhearann a mhionnaich mi dhoibh; agus bithidh mise maille riut.

24 Agus an uair a chuir Maois crìoch air sgrìobhadh bhriathran an lagha so ann an leabhar gus an do chrìochnaich iad;

25 An sin dh'àithn Maois do na Lebhithich, a tha giùlan àirc coimhcheangail an Tighearna, ag ràdh,

26 Gabhaibh leabhar an lagha so, agus cuiribh e aig taobh àirc coimhcheangail an Tighearna bhur De, chum gu'm bi e 'n sin mar fhianuis a't' aghaidh.

27 Oir is aithne dhomh do cheannairc, agus do mhuineal rag: feuch, am feadh 'sa ta mi fathast beo maille ribh an

diugh, bha sibh ceannairceach an aghaidh an Tighearna; agus cia's mò na sin a *bhithas sibh* an deigh mo bhàis?

28 Cruinnichibh a'm' ionnsuidh sean-aire bhur treubhan uile, agus bhur luchd-riaghlaidh, a chum as gu'n labhair mi nan cluasaibh na briathra so, agus gu'n gairm mi na nèamhan agus an talamh mar fhianuisean nan aghaidh.

29 Oir tha fhios agam, an déigh mo bhàis gu'n truaill sibh *sibh fèin* gu tur, agus gu'n d' théid sibh a thaobh o'n t-slighe a dh'àithn mi dhuibh: agus thig olc oirbh anns na laithibh deircannach, a chionn gu'n dean sibh olc ann an sealladh an Tighearna, 'ga bhrosnachadh gu fèirg le h-obair bhur làmh.

30 Agus labhair Maois ann an cluasaibh uile choimhchruinnich Israeil briathra na laoidhe so, gus an do chrìochnaicheadh iad.

## CAIB. XXXII.

**C**LUINNIBH, O nèamha, agus labhairaidh mi; agus èisdeadh an talamh ri briathraibh<sup>1</sup> mo bheoil.

2 Silidh, mar an t-uisge, mo theagasg, tuitidh, mar an drùdch, mo chainnt; mar mhin-uisge air an lus mhaoth, agus mar fhrasan air an fheur.

3 A chionn gu'm foillsich mi<sup>2</sup> ainm an Tighearna: thugaibh se morachd d'ar Dia-ne.

4 *Is ean* a' charraig, tha 'obair ionlan: oir is breitheanas a shlighean uile: Dia na firinn, agus gun eucor, cothromach agus ceart tha ean.

5 Thruaill siad iad fèin, cha 'n e an smal *smal* a chl' inne-san: is ginealach coirbte<sup>3</sup> agus fiar iad.

6 An ann mar so a dh'òcas sibh<sup>4</sup> an Tighearna, O shluagh amaideach agus gun chèill! nach ean t'athair a cheannaich thu? nach d'rinn e thu, agus nach do dhaingnich e thu?

7 Cuimhnich na làithean o chian, thoir fànear bliadhnacha nan ionmadh ginealach: fiosraich do t'athair, agus nochdaidh<sup>5</sup> e dhuit; do d' sheanairibh, agus innsidh iad dhuit.

8 'Nuair a roinn an Ti a's ro-airde do na cinnich an oighreachd, an uair a sgar e mic Adhaimh o *chèile*, shuidhich e crìochan nan sluagh, a réir aireimh chloinn Israeil.

9 Oir is e 'shluagh cuibhrionn an Tighearna, is e Iacob crannchur 'oighreachd-san.

10 Fhuair e ann am fearann fàs e, eadhon ann am fàsach falamh *làn* ulfhar-taich<sup>6</sup>: thèoraich e mu'n cuairt e, theagaisg se e, ghlèidh e mar ubhal a shùla e.

11 Mar a charaicheas<sup>7</sup> iolar suas a nعاد, a dh'itealaicheas i os cionn<sup>8</sup> a h-àil, a sgaolais i mach a sgiathan, a ghabhas i iad, a ghiùlaineas i iad air a sgiathaibh;

12 Mar sin thèoraich an Tighearna na aonar esan, agus cha robh Dia coigreach maille ris.

13 Thug e air marcachd air àitibh arda na talmhainn, a chum gu'n itheadh e toradh an fhèarainn, agus thug e air mil a dheothal<sup>9</sup> as a' charraig, agus oladh as a' charraig ailbhinn;

14 Im cruiddh, agus bainne chaorach, maille ri saill uan agus reitheachan do shìol<sup>10</sup> Bhasain, agus ghabhar, maille ri reamhrachd airnean a' chruinn' achd; agus dh'òl thu fuil fhìor-ghlan nam fion-dhearc.

15 Ach dh'fhàs Iesurun reamhar, agus bhreab e: tha thu air cinntinn reamhar, tha thu air fàs tìgh, tha thu còmhdaichte le saill: an sin thréig e an Dia, a rinn e, agus rinn e dìmeas air carraig a shlàinte.

16 Bhrosnaich iad e gu h-end le *dèibh* eile<sup>11</sup>, le gràineilcachdaibh chuir iad corruich air.

17 Dh'òbair iad do dheanhanabhaibh, cha 'n ann do Dhia; do dh'èibh nach b'athne dhoibh, do dh'èibh nuadh a dh'ùr-irich suas, roinn nach robh eagal air bhur n-àithreachaibh.

18 Air a' charraig a ghin thu tha thu mi-chuimhneachail, agus tha thu dearmadach air an Dia a dhealbha thu.

19 Agus an uair a chunnaic an Tigh-carn, ghabh e gràin diubh<sup>12</sup>, air son brosnachaidh a mhac agus a nigheana.

20 Agus thubhairt e. Folaichidh mi mo ghnùis uatha, chi mi cìod is crìoch dhoibh: oir is ginealach ro choirbte<sup>13</sup> iad, clann anns nach 'eil creidimh.

21 Rinn iad eudmhor mise<sup>14</sup> leis an nì nach Dia, bhrosnaich<sup>15</sup> iad mi gu fèirg le 'n diomhanais: agus ni mise eudmhor iadsan, *leo-san* nach 'eil nan sluagh, brosnachidh mi iad gu fèirg ri cinneach amaidh ach.

22 Oir tha teine air 'fhadadh a'm' fheirg, agus loisgidh e gu h-ifrinn ìochdrach<sup>16</sup>, agus cuiridh e as do<sup>17</sup> 'n talamh la 'thoradh, agus cuiridh e ri theine bunaithe nam beann.

23 Carnaidh mi suas uile<sup>18</sup> orra, mo shaighdean caithidh mi orra.

24 Claidhear<sup>19</sup> iad le h-ocras<sup>20</sup>, agus cuirre as doibh le teas loisgeach, agus le sgrios searbh: fiadlan fhiadh-bheathaiche mar an ceudna cuiridh mi orra, maille ri nimh nathraichean an-duslaich.

25 O'n leth a muigh sgriosaidh an claidhean, agus o'n leth a stigh uamhann, araon

<sup>1</sup> Èisid, O thalaimh, ri briathraibh. <sup>2</sup> cuir mi an cèill, gairm mi air. <sup>3</sup> aingidh. <sup>4</sup> An e so an Èirig a bheir sibh do? <sup>5</sup> loisbeanaidh. <sup>6</sup> fàsach uamhara gun àiteach. <sup>7</sup> ghlèidheas, ghabhas iolar cùram d'a nead. <sup>8</sup> a luidheas i gn

caomh air. <sup>9</sup> shùghadh. <sup>10</sup> shìochd. <sup>11</sup> coimheach. <sup>12</sup> rinn e làir orra. <sup>13</sup> ro chrosta. <sup>14</sup> Dhùisg iad gu h-rud mise. <sup>15</sup> phrosnaich. <sup>16</sup> gus an deimhne a's ìochdraiche. <sup>17</sup> ithidh e suas. <sup>18</sup> dòrainnean. <sup>19</sup> Loisgear. <sup>20</sup> gortadh.



an t-òig-fhear agus an òigh, an cìochran agus fear na gruaige léithe.

26 Thubhairt mi, Sgapaidh nì iad gu cùilthibh, bheir mi air an cuimhne sgar o mheasg dhaoine:

27 Mur bhitheadh gu'n robh cagal orm roimh chiorruich an nàmhaid, air cagal gu'n giùlainheadh an eascairdean iad fèin gu mi-chubhaidh, air eagal gu'n abradh iad, *Is i ar làmh airdne*<sup>1</sup>, agus cha 'ne an Tighearn a rinn so uile.

28 Oir *is* cinncach gun chomhairle iad, nì mòd tha tuigse ann.

29 O gu'm biodh iad glic, *gu'n* tuigeadh iad so, *gu'n* d' thugadh iad fanear an crìoch dheireannach!

30 Cionnus a chuireadh a h-aon ruaig air mìle, agus a chuireadh dithis deich mìle air theicheadh, mur biodh an carraig air an reiceadh, agus mur biodh an Tighearna air an druideadh suas?

31 Oir mar ar carraig-ne cha 'n eil an carraig-san, air bhi d'ar naimhdbibh fèin nam breitheamhnaibh.

32 Oir do fhìonain Shodoim *tha'm* fìon-ainsan, agus do mhachairibh Ghomorrai: *is* fìon-dhearcan marbhtach<sup>2</sup> am fìon-dhearcan, *tha 'm* bagaidean searbh:

33 *Is* e nimh nan dràgon am fìon, agus puinsion<sup>3</sup> a ìochdar nan nathraichean<sup>4</sup> nimhe.

34 Nach 'eil so air a thasgaidh suas agam, air a sheulachadh a'm' ionnbasaidh?

35 Dhomhsa buinidh dìoghaltas, agus luaigheadh; ri h-uine sleamhnaichidh an cos: oir *tha* là an sgrios am fagus, agus *tha* na nithe a thig orra a' dcanamh deifir.

36 Oir bheir an Tighearna breth air a shluagh, agus gabhaidh e aithreachas a thaobh a sheirbhiseacha; 'nuair a chi e gu'n d'fhalbh an neart, agus nach 'eil neach dhiubh air a dhruideadh suas, no air 'fhàgail<sup>5</sup>.

37 Agus their e, C'ait am bheil an diathan, a' charraig as an d'earb iad,

38 A dh'ith saill an iobairtean, a dh'òl fìon an tabhartais-dibhe? éireadh iad suas, agus cuidicheadh iad leibh; bitheadh iad dhuibh nan dèidean.

39 Faicibh a nis gur mise, *eadhon* mise e, agus nach 'eil Dia sam bith maille rium: marbhaidh mi, agus beothaichidh mi; lotaidh mi, agus leighisidh mi; agus cha 'n eil neach ann a shaoras as mò làimh.

40 Oir togaidh mi suas mo làmh gu nèamh, agus their mi; *Is* beò mise gu sìorruidh.

41 Ma gheuraicheas mi mo chlàidheamh lasrach<sup>6</sup>, agus ma nì mo làmh greim air breitheanas; iocaidh mi dìoghaltas do m' naimhdbibh, agus bheir mi luaigheadh dhoibhsan, aig am bheil fuath orm.

42 Cuiridh mi air mhisg mo shaighdean le fuil, (agus ithidh mo chlàidheamh suas feoil) *eadhon* le fuil nam marbh, agus nam braighdean, o thoiseach nan dìoghaltas air an nàmhaid.

43 Deanaibh gairdeachas, O chinneacha, maille r'a shluagh-san: oir diolaidh e fuil a sheirbhiseach, agus nì e dìoghaltas air 'eas-cairdibh, agus bitidh e tròcaireach d'a thìr agus d'a shluagh fèin.

44 Agus thàinig Maois, agus labhair e uile bhriathra na laoidh so ann an éisd-eachd an t-sluaigh, e fèin agus Hosea mac Nun.

45 Agus chuir Maois crìoch air na briathra sin uile a labhairt ri h-Israel uile.

46 Agus thubhairt e riu, Socraichibh bhur cridhe air na fòail uile air am bheil mise a' toirt fianuis 'nar measg air an là'r diugh, a dh'aitheanas sibh d'ar cloinn a choinnheadh, a chum gu'n dean iad uile bhriathran an lagha so.

47 Oir cha nì dìomhain e dhuibh, a chionn gur e bhur bcatha e; agus leis an nì so buanaichidh sibh *bhur* làithean san fhearann, a tha sibh a' dol a nunn thar Iordan g'a shealbhachadh.

48 Agus labhair an Tighearna ri Maois san la sin fèin, ag ràdh,

49 Imich suas do'n bheinn so Abarim, do shliabh Nebo, a *tha* ann an tìr Mhoib, a *tha* fa chomhair Iericho, agus gabh sealladh do thìr Chanaain, a *tha* mi a' toirt do chloinn Israeil mar sheillbh:

50 Agus gheibh thu bàs san t-sliabh d'an d' théid thu suas, agus cruinnichear thu chum do dhaoine; mar a fhuair Aaron do bhràthair bàs ann an sliabh Hor, agus a chruinnicheadh e chum a dhaoine:

51 A chionn gu'n do chiontaich sibh a'm' aghaidh-sa am measg chloinn Israeil, aig uisgeachaibh Mheribah-Cades, ann am fàsach Shin; do bhrìgh nach do naomhaich sibh mi am meadhon chloinn Israeil.

52 Gidheadh chi thu am fearann a'd' chomhair, ach cha d' théid thu steach do'n fhearann a *tha* mi tabhairt do chloinn Israeil.

CAIB. XXXIII.

**A** GUS *is* e so am beannachadh leis an do bheannaich Maois òglach<sup>7</sup> Dhé clann Israeil roimh a bhàs.

2 Agus thubhairt e, Thàinig an Tighearn o Shinai, agus dh'éirich e suas dhoibh o Sheir; dhealraich e mach o shliabh Pharaon, agus thàinig e le deich mìle do naomhaich: o' dhcas làimh *chaidh* lagh teine mach dhoibh.

3 Seadh, ghràdhaich e 'n sluagh: *tha* 'naomhin uile a'd' làimh: agus shuidh iad sìos aig do chosaibh; gheibh *gach* neach do d' briathraibh.

<sup>1</sup> Tha ar dìomh ard. <sup>2</sup> nimhe, domblais. <sup>3</sup> nimh, gath. <sup>4</sup> asp.

<sup>5</sup> a tìthair. <sup>6</sup> dealrach, òbhta. <sup>7</sup> duine. Eabh.

4 Dh'àithn Maois lagh dhuinn, *mar oigh-reachd* do choimhchrinneach Iacobib.

5 Agus bha e na rìgh ann an Iesurun, an uair a-chruinnich ceannardan<sup>1</sup> ant-sluaigh, agus treubhan Israeil an ceann a chèile.

6 Biodh Reuben bed, agus na faigheadh e bàs; agus bitheadh a dhaoine *tionmhor* an aireamh.

7 Agus *is e* so beannachadh Iudaih: agus thubhairt e, Ei-d, a Thighearna, guth Iudaih, agus thoir e chum a shluaigh: biodh a làmhnan foghainteach dha, agus bi-sa a'd' chòmhndadh<sup>2</sup> *aige* o'naimhdbh.

8 Agus mu Lebhi thubhairt e, *Biodh* do Thumim agus t'Urim aig taon naomha, a dhearbhu thu aig Masah, ris an d'rinn thu strì aig uisgeachaibh Mheribah;

9 A thubhairt r'a athair agus r'a mhàthair, Cha'n fhaca mi e; agus cha do ghabh e<sup>3</sup> r'a bhràithribh, agus cha d'aithnich e a chlann fèin: oir choimhid iad t'fhocail, agus ghleidh iad do choimhcheangal.

10 Teagaisgidh iad do bhreitheanais do Iacob, agus do lagh do Isra-ìl: cuiridh iad tùis fa d' chomhair, agus làn ìobairt-loisgte air t'altair.

11 Beannaich, O Thighearna, a mhaoin<sup>4</sup>, agus gabh ri obair a làmh: buail tre leasraidh na muinntir a dh'éireas na aghaidh, agus na muinntir le'm fuathach e, chum nach éirich iad a ris.

12 Mu Bheniamin thubhairt e, Gabhaidh aon gradhach an Tighearna còmhnuidh ann an tèaruinteachd làmh ris; agus còmhdaichidh an Tighearna e rè an là uile, agus gabhaidh e còmhnuidh eadara ghuailibh.

13 Agus mu Ioseph thubhairt e, Beannaichte o'n Tighearna *gu robh* 'fhearann, a thaobh nithe luachmhor nèimh, a thaobh an drùchd, agus a thaobh na doimhne, tha na luidhe shìos,

14 Agus a thaobh nan teradh luachmhor, a bheirear a mach leis a' ghrèin, agus a thachb nan nithe luachmhor, a chuirear a mach leis gach mìos<sup>5</sup>,

15 Agus a thachb prìomh<sup>6</sup> nithe nam beann sean<sup>7</sup>, agus a thaobh nithe luachmhor nan slabh sìorruidh,

16 Agus a thachb nithe luachmhor na talmhainn, agus a làn, agus deagh-ghean an Ti sin, a bha chòmhnuidh sa' phreas: thigeadh *am beannachd* air ceann Ioseph, agus air mullach a chinnsan, a sgaradh o' bhràithribh.

17 Mar cheud-ghin a thairbh *tha* a sgèimh<sup>8</sup>, agus mar adhaircean an aon-adharcaich<sup>9</sup> *tha* 'adhaircean-sa: leo so purraidh<sup>10</sup> e 'n sluagh le chèile, gu h-

iomallaibh na talmhainn: agus *is* iad so deich mìlte Ephraim, agus *is* iad so mìlte Mhanaseh.

18 Agus mu Shebulun thubhairt e, Dean gairdeachas, a Shebuluin, a'd' dhol a mach; agus Isachair, a'd' bhùthaibh.

19 Gairmidh iad an sluagh a chum na beinne, an sin ìobraidh iad ìobairtean ionraicais: oir pailteas nan cuan sùgaidh<sup>11</sup> iad suas, agus ionmhais fholaichte na gain-eimh.

20 Agus mu Ghad thubhairt e, Beannaichte *gu robh* esan a leudaicheas<sup>12</sup> Gad: mar leòmhnan tha e gabhail còmhnuidh, agus reubaidh e 'n gairdean maille ri mullach a' chinn.

21 Agus dheasaich e cheud chuid dha fèin, a chienn an sin, *ann an* cuibhrionn an lagh-thabhartair, gu'n do shuidhicheadh e; agus thàinig e *maille ri* ceannardaibh an t-sluaigh; ceartas an Tighearna chuir e 'n gnìomh, agus a bhreitheanais ri h-Israel.

22 Agus mu Dhan thubhairt e, *Is* cuilean leòmhain Dan: leumaidh e o Bhasan.

23 Agus mu Naphtali thubhairt e, O Naphtali, sàsaichte le deagh-ghean, agus làu do bheannachadh an Tighearna, sealbhaich thusa an aird' an iar, agus an airde deas.

24 Agus mu Aser thubhairt e, *Biodh* Aser beannaichte le cloinn; biodh e taitneach d'a bhràithribh, agus tumadh<sup>13</sup> e a chos ann an oladh.

25 *Bithidh* do bhrògan nan iarunn agus nan umha<sup>14</sup>; agus mar do laithean *is amhluidh* *bhios* do neart<sup>15</sup>.

26 Cha 'n'eil neach cosmhuil ri Dia Iesurui, a tha marcachd air nèamh a'd' chòmhndadh, agus na mhòrachd<sup>16</sup> air na speuraidh.

27 *Is e* 'n Dia bith-bhuan do thearmann, agus fuidh *tha* na gairdeana sìorruidh: agus fuadaichidh e mach an nàmhaid romhad, agus thoir e, Cuir as da.

28 An sin gabhaidh Israel còmhnuidh gu tèaruinte na aonar: *bithidh* tobar Iacoib air fearann arbhair agus fìona; mar an ceudna silidh a nèamha nuas drùchd.

29 *Is* sonadh thu, O Israel; cò *tha* cosmhuil riut, O shluagh a shaoradh leis an Tighearna, sgiath do chòmhndadh, agus neach is e claidheamh do mhòrachd? agus gheibhear do naimhde nam breugairibh dhuìt, agus saltraidh tu air an àitbha arda.

## CAIB. XXXIV.

**A**GUS chaidh Maois suas o chòmhndard-aibh Mhoib gu sliabh Nebo, gu mullach Phisgaih<sup>17</sup>, a tha thall fa chomhair Ieri-

<sup>1</sup> ciann. Eabl. <sup>2</sup> chongnuibh. Eir. <sup>3</sup> cha d'aidich e' bhràithrean. <sup>4</sup> a neart, a shluagh. <sup>5</sup> leis a' gheulach. <sup>6</sup> ceud, urd. <sup>7</sup> bheunntan an uirde'n ear. Eabl. <sup>8</sup> a ghloir, a nùitise. <sup>9</sup> an t-sròn-adharcaich; Rhinoceros. <sup>10</sup> sùthaidh. <sup>11</sup> sùghuidh, deothalaidh. <sup>12</sup> dh'fhar-

saingicheas. <sup>13</sup> tomadh, bogadh. <sup>14</sup> Bithidh iarunn agus umha fo d' chosaidh; bithidh do chroinn 'no do ghlasan a dh'iarunn agus a dh'umha. <sup>15</sup> do slàth. <sup>16</sup> oirdheirceas.

<sup>17</sup> na beinne. Eabl.



cho: agus nochd an Tighearna dha fearann Ghilead uile gu Dan,

2 Agus Naphtali uile, agus tìr Ephraim, agus Mhanaseh, agus tìr Iudaih uile, gu nuig an fhaige a's faide mach,

3 Agus an taobh deas, agus còmhnaidh glinne Iericho, baile nan craobh palm, gu nuig Soar.

4 Agus thubhairt an Tighearna ris, *Is e so am fearann, a mhionnaich mi do Abraham, do Isaac, agus do Jacob, ag ràdh, Do d' shliochd-sa bheir mi e: thug mi orsa 'fhaicinn le d' shùilibh, ach d'a ionnsuidh cha d' théid thu thairis.*

5 Agus fhuair Maois òglach an Tighearna bàs an sin, ann am fearann Mhoibh, a réir focail an Tighearna.

6 Agus dh'adhlac e ann an gleann e, ann am fearann Mhoibh, thall fa chomhair Bhet-peoir: ach cha 'n aithne do dhuine sam bith 'uaigh gus an là'n diugh.

7 Agus *bhu* Maois ceud agus fichead bliadhna dh'aois an uair a fhuair e bàs:

cha d'fhàilnich a shùil<sup>1</sup>, ni mò a thréig a neart e<sup>2</sup>.

8 Agus ghuil clann Israeil air son Mhaois ann an còmhnaidh Mhoib deich laithean air fhichead: mar so chrìochnaich-eadh laithean a' ghuil, agus a' bhòin air son Mhaois.

9 Agus bha Iosua mac Nuin làn do-spiorad a' ghliocais; oir chuir Maois a làmh an air: agus dh'éisid clann Israeil ris, agus rinn iad mar a dh'àithn an Tighearna do Mhaois.

10 Agus cha d'éirich fàidh o sin ann air Israel cosmhail ri Maois, neach a b'aithne do'n Tighearna aghaidh ri h-aghaidh.

11 Ann an h-uile chomharaibh, agus iongantasaibh a chuir an Tighearna e dhean-amh ann an tìr na h-Eiphit, air Pharaoh<sup>3</sup> agus air a sheirbhisich uile, agus air 'fhearann uile.

12 Agus anns an làimh chumhachdaich sin uile, agus anns an uamhas mhòr uile, a dh'oibrich Maois ann an sealladh Israeil uile.

## I O S U A.

### C A I B. I.

**A**NIS an déigh bàis Mhaois, òglaich an Tighearna, labhair an Tighearna ri Iosua, mac Nuin, fear-frithealaidh Mhaois, ag ràdh,

2 Tha m'òglach Maois marbh: a nis uime sin éirich, gabh thairis air Iordan so, thu féin, agus an sluagh so uile, dh'ionnsuidh na tìre a tha mise a' tabhairt dhoibh, eadhon do chloinn Israeil.

3 Gach ionad air an saltair bonn bhur coise, sin thug mi dhuibh, mar a thubhairt mi ri Maois.

4 O'n fhàsach, agus Lebanon so, eadhon gus an abhainn mhòir, abhainn Euphrates, tìr nan Hiteach uile, agus gus an fhaige mhòir, leth ri dol fuidhe na gréine, bithidh na chùid dhuibh.

5 Cha'n urrainn duine sam bith seasamh a'd' aghaidh uile laithean do bheatha: mar a bha mi le Maois, *mar sin* bithidh mi leatsa: cha d'èir mi thu, agus cha tréig mi thu.

6 Bi làidir, agus ro-mhisneachail: oir do'n t-sluagh so roinnidh tu mar oighreachd an tìr, a mhionnaich mi d'an aithrichibh<sup>4</sup> a thubhairt dhoibh.

7 A mhàin bi-sa làidir agus ro-mhisneachail, a chum as gu'n d' thoir thu 'n aire gu'n dean thu a réir an lagha uile a dh'àithn m'òglach Maois dhuit: na tionndaidh naith dh'ionnsuidh na làimhe deise no dh'ionnsuidh na làimhe clithe, a chum gu'n soirbhich leat anns gach àite d'an d' théid thu.

8 Cha d' théid leabhar an lagha so as do bheul, ach beachd-smaoin-chidh tu air a là agus a dh'oidhche, chum as gu'n d' thoir thu 'n aire gu'n dean thu a réir gach *ni, a tu* scribhte ann: oir an sin bheir thu air do shlighe soirbheachadh leat, agus an sin ni thu gu glic<sup>5</sup>.

9 Nach d'àithn mise dhuit? Bi làidir agus ro-mhi-neachail, na bi fa eagal, agus na biodh faitheas ort: oir *tha 'n* Tighearna do Dhia leat anns gach ionad d'an d' théid thu.

10 An sin dh'àithn Iosua do luchd-riaghlaidh an t-sluaigh, ag ràdh,

11 Rachaidh tre'n champ, agus àithnibh do'n t-sluagh, ag ràdh, Deasaichibh dhuibh féin lòn; oir an ceann thrì laithean théid sibh thar Iordan so, a dhol a stigh a shealbhadh na tìre a *tha 'n* Tighearna bhuir Dia a' toirt dhuibh r'a sealbhadh.

12 Agus ris na Reubenich, agus ris na Gadaich, agus ri leth thréibh Mhanaseh, labhair Iosua, ag ràdh,

13 Cuimhnichibh am focal a dh'àithn Maois òglach an Tighearna dhuibh, ag ràdh, Thug an Tighearna bhuir Dia fois dhuibh, agus thug e dhuibh an tìr so:

14 Fanaidh bhuir mnà, bhuir clann bheag, agus bhuir spréidh, san tìr a thug Maois dhuibh air an taobh so do Iordan; ach théid sibh féin thairis fo'r n-armaibh roimh bhuir bràithrean, sibhse uile tha treun ann an neart, agus cuidichidh sibh leo;

15 Gus an d' thoir an Tighearna fois d'ar

<sup>1</sup> robh a shùil dall. <sup>2</sup> tighdaicheadh a chùil.  
<sup>3</sup> an aghaidh Pharaoh. <sup>4</sup> aithreachaibh.

<sup>5</sup> éiridh gu maith dhuit.

bràithribh, mar a thug e dhuibhse, agus gu'n sealbhaich iadsan mar an ceudna an t-ir a tha 'n Tighearna bhur Dia a' tabhairt doibh: an sin pillidh sibh gu tìr bhur seilbhe, agus sealbhaichidh sibh i, eadhon an t-ir a thug Maois òglach an Tighearna dhuibh air an taobh so do Iordan, leth ri éinigh na gréine.

10 Agus fhreagair iad Iosua, ag ràdh, Na h-uile nithe a dh'àithn thu dhuinne, ni sinn; agus ge b'e taobh a chuireas tu sinn, théid sinn.

17 A réir mar a dh'éisd sinn ri Maois anns na h-uile nithibh, mar sin éisdidh sinn riutsa: a mhàin biodh an Tighearna do Dhia maille riut, mar a bha e maille ri Maois.

18 Gach duine a chuireas an aghaidh t'àithne, agus nach éisd ri d' bhriathraibh, anns na h-uile nithibh, a dh'àithneas tu dha, cuirear gu bàs e: a mhàin bi làidir, agus ro-mhi-neachail.

## CAIB. II.

**A**GUS chuir Iosua, mac Nuin, a mach a Sitim dithis dhaoine a rannsachadh a mach gu h-uaigneach, ag ràdh, Imichibh, rannsaichibh a mach an tìr, agus Iericho: agus dh'imich iad, agus chaidh iad a steach do thigh strìopaiche, d'am b'ainm Rahab agus luidh iad an sin.

2 Agus dh'innseadh do rìgh Iericho, ag ràdh, Feuch, thàinig daoine an so an nochd, do chloinn Israeil, a rannsachadh a mach na tìre.

3 Agus chuir rìgh Iericho teachdaire gu Rahab, ag ràdh, Thoir a mach na daoine a thàinig a t'ionnsuidh, a chaidh steach do d' thigh: oir is ann a rannsachadh a mach na tìre nìle a thàinig iad.

4 Agus ghabh a' bhean an dithis dhaoine, agus dh'fho'aich i iad, agus thubhairt i mar so, Thàinig, gun amharus, daoine do m' ionnsuidh; ach cha robh fhios agam cia as a thàinig iad:

5 Agus thachair mu àm druididh a' gheataidh, nuair a bha e dorcha, gu'n deachaidh na daoine mach: c'àit a ghabh na daoine, cha'n fhios domh: leanailh gu luath air an tòir, oir beiridh sibh orra.

6 Ach bha i air an toirt suas gu mullach an tìghe, agus air am folach le cuiseagaibh an lìn, a leag i an ordugh air mullach an tìghe.

7 Agus lean na daoine air an tòir san t-slighe gu Iordan, gu ruig<sup>1</sup> na h-àthanna: agus co luath as a chaidh<sup>2</sup> a' mhuinntir a bh'air an tòir a mach, dhruid iad an geatadh.

8 Agus mun robh iad air luidhe sìos, chaidh i suas d'an ionnsuidh air mullach an tìghe;

9 Agus thubhairt i ris na daoineibh, Tha fios agam gu bheil an Tighearna air toirt

duibh na tìre, agus gu bheil bhur n-uamhas air tuiteam oirne, agus gu'm bheil luchd-àiteachaidh na tìre uile air leaghadh as le h-eagal<sup>2</sup> roimhibh:

10 Oir chuala sinne cionnus a thiomhaich an Tighearna suas uisge na mara ruaidhe roimhibh, nuair a thàinig sibh a mach as an Eiphit; agus ciod a rinn sibh air dà rìgh nan Amorach, a bh'air an taobh eile do Iordan, Sibon agus Og, a sgrios sibh gu tur.

11 Agus co luath as a chuala sinne na nithe sin, leagh ar cridheacha, agus chaidh fhan tuilleadh a' bheag do mhi-nich ann an duine sam-bith air bhur sonsa: oir an Tighearna bhur Dia is e san Dia anns na n-eamhaibh shuas, agus air an talamh bhios<sup>3</sup>.

12 A nis uime sin guidheam oirbh, mionnaichibh dhomh air an Tighearna, a chionn gu'n do nochd mi caoimhneas dhuibh, gu'n nochd sibhse mar an ceudna caoimhneas do thigh m'atharsa, agus gu'n d' thoir sibh dhomh comhara cinn each<sup>4</sup>:

13 Agus gu'n gleidh sibh beo m'athair, agus mo mhàthair, agus mo bhràithrean, agus mo pheathraichean, agus na h-uile a ta aca, agus gu'n saor sibh ar n-anmanna<sup>5</sup> o'n bhàs.

14 Agus fhreagair na daoine i, Ar n-anam-ne air bhur son-sa gu bàs, mur foillsich sibh an gnothuch so againne. Agus tarlaidh nuair a bheir an Tighearna dhuinn an tìr, gu'm buin sinn gu caoimhneil, agus gu fìrinneach riutsa.

15 An sin leig i sìos iad air cord tré<sup>6</sup> 'n uinneig; oir bha a tigh air balladh a' bhaile<sup>7</sup>, agus bha i dhòmhnuidh air a' bhalladh.

16 Agus thubhairt i riu, Thugaibh am monadh<sup>8</sup> oirbh, air eagal gu'n coinnich an luchd-tòrachd sibh; agus folaichibh sibh fèin an sin trì laithean, agus am bi'n luchd-tòrachd air pilleadh, agus an dèigh sin feudaibh sibh imeachd air bhur slighe.

17 Agus thubhairt na daoine rithe<sup>9</sup> Bithidh sinne neo-chiontach a thaobh iad so do mhinnean, a thug thu cionn a mhinneachadh.

18 Feuch, nuair a thig sinn do'n tìr, ceanglaidh tu an stòm<sup>10</sup> so do shnàth scarlaist anns an uinneig, tre'n do leig thu sìos sinn: agus bheir thu t'athair, agus do mhàthair, agus do bhràithrean, agus teaghlach t'athar uile dhachaidh a t' ionnsuidh.

19 Agus tarlaidh, ge b'e neach a thèid a mach air dorsaibh do thighe do'n t-sràid, gu'm bi' 'thuil air a cheann fèin, agus bithidh sinne neo-chiontach: agus ge b'e neach a bhios maille riut anns an tigh, bithidh 'thuil air ar ceann-ne, ma bheanas làmh ris.

20 Agus ma dh'fhoillsicheas tu an gnothuch so againn, an sin bithidh sinne saor

<sup>1</sup> gu ruig. <sup>2</sup> air fannachadh. <sup>3</sup> sìos. <sup>4</sup> fìrinneach. <sup>5</sup> beatha. <sup>6</sup> trid, troimh.

<sup>7</sup> na cathrach.

<sup>8</sup> a' bheinn.

<sup>9</sup> rìra.

<sup>10</sup> cordan.



o d' mbionnaibh, a thug thu oirn a mhinnochadh.

21 Agus thubhairt ise, A réir bhuir briathra, mar sin *bithcadh* e. Agus chuir i air falbh iad, agus dh'imich iad: agus cheangail i an stiom scarlait anns an uinneig.

22 Agus dh'fhalbh iad, agus thàinig iad do'n mhonadh, agus dh'fhan iad an sin trì làithean, gus an do phill an luchd-tòrachd. Agus dh'farr an luchd-tòrachd *iad* air feadh na slighe uile, ach cha d'fhuir iad *iad*.

23 Mar sin phill an dithis dhaoine, agus chaidh iad sìos o'n mhonadh, agus chaidh iad thairis, agus thàinig iad gu Iosua, mac Nuin, agus dh'innis iad da gach *ni* a thach-air dhoibh.

24 Agus thubhairt iad ri Iosua, Gu firinncach thug an Tighearna thairis d'ar làimh an fearann uile; oir tha eadhon luchd-àiteachaidh na tìre uile air leaghadh as fa' r comhair.

### CAIB. III.

**A** GUS dh'èirich Iosua gu moch sa' mhaduinn, agus dh'imich iad o Shitim, agus thàinig iad gu Iordan, e fèin agus clann Israeil uile, agus ghabh iad tàmh an sin mun deachaidh iad thairis.

2 Agus an ceann trì làithean chaidh an luchd-riaghlaidh tre'n champ;

3 Agus dh'àithn iad do'n t-sluagh, ag ràdh, 'Nuair a chì sibh àire coimh-cheangail an Tighearna bhuir Dé, agus na sagairt na Lebbhithich 'ga giùlan, an sin gluaisidh sibh o'r n-àite, agus théid sibh na déigh.

4 Gidheadh bithidh astar eadar sibh agus i, mu thimchioll dà mhìle làmh-choille do thombas: na d' thigibh am fagus di, a chum gu'm bi fios na slighe agaibh air am feum sibh imeachd; oir cha do ghabh sibh riamh roimhe an rathad so.

5 Agus thubhairt Iosua ris an t-sluagh, Naomhaichibh sibh fèin; oir am màireach ni n' Tighearna *nithe* iongantach 'nar measg.

6 Agus labhair Iosua ris na sagartaibh, ag ràdh, Togaidh suas àire a' choimh-cheangail, agus rachaidh thairis roimh 'n t-sluagh. Agus thog iad suas àire a' choimh-cheangail, agus chaidh iad roimh 'n t-sluagh.

7 Agus thubhairt an Tighearna ri Iosua, An diugh tòisichidh mi air thusa dheanamh mòr ann an sealladh Israeil uile, a chum as gu'm bi fios aca, mar a bha mi le Maois, gu'm bi mi leatsa.

8 Agus bheir thu àithne do na sagartaibh, a tha giùlan àire a' choimh-cheangail, ag ràdh, 'Nuair a bhios sibh air teachd gu oir aisege-Iordain, ann an Iordan seasaidh sibh.

9 Agus thubhairt Iosua ri cloinn Israeil, Thigibh an so, agus èisdibh ri briathraibh an Tighearna bhuir Dé.

10 Agus thubhairt Iosua, Le so bithidh fios agaibh gu'm bheil an Dia beo 'nar

measg, agus gu'm fuadaich e gun teagamh a mach roimhibh na Canaanaich, agus na Hitich, agus na Hibhich, agus na Peridsich, agus na Girsasach, agus na h-Amoraich, agus na Iebusaich.

11 Feuch, tha àire coimh-cheangail Tighearna na talmhainn uile a' dol thairis roimhibh do Iordan.

12 A nis uime sin gabhaibh dà fhear dheug a treubhaibh Israeil, fear as gach tréibh.

13 Agus co luath sa shocraicheas na sagairt a ta giùlan àire an Tighearna, Tighearna na talmhainn uile, buinn an cos ann an uisgeachaibh Iordain, bithidh uisgeacha Iordain air an sgaradh o na h-uisgeachaibh a thig a nuas o'n airde: agus seasaidh iad nan torr.

14 Agus an uair a dh'fhalbh an sluagh o'm bùthaibh, gu dol thar Iordan, agus na sagairt a' giùlan àire a' choimh-cheangail roimh 'n t-sluagh;

15 Agus an uair a bha iadsan a ghiùlain an àire air teachd gu Iordan, agus a bha cosa nan sagart, a ghiùlain an àire, air an tumadh ann an oir an uisge; (oir tha Iordan a' sruthadh thar 'uile bhruacha rè an fhogharaidh uile.)

16 An sin sheas na h-uisgeachan a thàinig a nuas o'n airde, agus dh'èirich iad suas nan torr ro-fhad o'n bhaile Adam, a ta làmh ri Saretan: agus theirig iadsan a chaidh sìos rathad mara a' chòmhnaidh, eadhon na mara salainn, agus ghearradh as iad: agus chaidh an sluagh thairis dìreach fa chomhair Iericho.

17 Agus sheas na sagairt, a ghiùlain àire coimh-cheangail an Tighearna, gu dangean<sup>2</sup> air talamh tioram ann meadhon Iordain, agus chaidh na h-Israelich uile thairis air talamh tioram, gus an robh an sluagh uile air dol thar Iordan<sup>3</sup>.

### CAIB. IV.

**A** GUS an uair a bha 'n sluagh uile air dol thar Iordan, an sin labhair an Tighearna ri Iosua, ag ràdh,

2 Gabhaibh dhuibh fèin dà fhear dheug as an t-sluagh, duine as gach tréibh,

3 Agus àithnibh dhoibh, ag ràdh, Thugaidh leibh o so a meadhon Iordain, as an àite anns an do sheas cosa nan sagart gu dangean, dà chloich dheug, agus bheir sibh iad thairis leibh, agus cuiridh sibh iad anns an àite-tàmh anns an gabh sibh fois an nochd.

4 An sin ghairm Iosua air an dà fhear dheug, a dheasaich e a cloinn Israeil, fear as gach tréibh.

5 Agus thubhairt Iosua riu, Rachaidh thairis roimh àire an Tighearna bhuir Dé gu meadhon Iordain, agus togadh gach fear dhibh clach air a ghualainn, a réir àireimh threubha chloinn Israeil:

<sup>1</sup> tre'n fheachd. <sup>2</sup> deas. <sup>3</sup> gus an do chuir

6 A chum as gu'm bi so na chomhara 'nar meas, a chum 'nuair a dh'fhiosraicheas bhur clann san àm ri teachd<sup>1</sup>, ag ràdh, Ciod is ciall duibh leis na elachaibh so?

7 An sin gu'm freagair sibh iad, Gu'n robh uisgeacha Iordain air an sgaradh o chéile roimh àire coimhcheangail an Tighearna, 'nuair a chaidh i thar Iordan, gu'n robh uisgeacha Iordain air an sgaradh o chéile: agus bithidh na clachan so nan cumhneachan do ehloinn Israeil gu brath.

8 Agus rinn clann Israeil amhuil mar a dh'àithn Iosua, agus thog iad suas dà chloich dheug a meadhon Iordain, mar a labhair an Tighearna ri Iosua, a reir àireimh threubha ehloinn Israeil, agus ghiùlain iad leo thairis iad do'n àit, anns an do ghabh iad tàmh, agus ehuir iad sìos an sin iad.

9 Agus chuir Iosua suas dà chloich dheug am meadhon Iordain, san ionad anns an do sheas cosa nan sagart a ghiùlain àire a' choimhcheangail: agus tha iad an sin gus an la'n diugh.

10 Oir sheas na sagart a ghiùlain an àire an meadhon Iordain, gus an do chrìochnaichheadh gach ni a dh'àithn an Tighearna do Iosua a labhairt ris an t-sluagh, a réir nan uile nithe a dh'àithn Maois do Iosua: agus rinn an sluagh cabhag, agus chaidh iad thairis.

11 Agus an uair a bha 'n sluagh uile air dol thairis, an sin chaidh àire an Tighearna thairis, agus na sagart an làthair an t-sluagh.

12 Agus chaidh clann Reubein, agus clann Ghad, agus leth thréibh Mhanaseh, thairis fo'n armaibh roimh chloinn Israeil, mar a labhair Maois riu:

13 Chaidh thairis mu thimchioll dà fhichead mìle, deas air son cogaidh, an làthair an Tighearna gu cath do chòmh-mardaibh Iericho.

14 Air an là sin dh'ardaich an Tighearna Iosua ann an sealladh Israeil uile, agus bha eagal orra roimhe, mar a bha eagal orra roimh Mhaois, uile làithean a bheatha.

15 Agus labhair an Tighearna ri Iosua, ag ràdh,

16 Aithn do na sagartaibh a tha giùlain àire na fianuis, iad a theachd a nìos a Iordan.

17 Agus dh'àithn Iosua do na sagartaibh, ag ràdh, Thigibh a nìos a Iordan.

18 Agus an uair a bha na sagart, a ghiùlain àire coimhcheangail an Tighearna, air teachd a nìos a meadhon Iordain, agus a bha buinn chos nan sagart air an togail suas air an talamh thioram, an sin phill uisgeacha Iordain d'an àite féin, agus chaidh iad thar a bhruachan uile, mar a rinn iad roimhe.

19 Agus thàinig an sluagh a nìos a Iordan air an deicheamh là do'n cheud mhìos, agus champaich iad ann an Gilgal, san iomall a làimh na h-àirde 'n ear do Iericho.

20 Agus an dà chloich dheug sin, a thug iad a mach a Iordan, chuir Iosua suas ann an Gilgal.

21 Agus labhair e ri cloinn Israeil, ag ràdh, 'Nuair a dh'fhiosraicheas bhur clann d'an aithrichibh san àm ri teachd, ag ràdh, Ciod is ciall do na clachaibh so?

22 An sin bheir sibh fios d'ar cloinn, ag ràdh, Thàinig Israel thar Iordan so air talamh thioram

23 Oir thiormaich an Tighearna bhur Dia suas uisgeacha Iordain roimhibhse, gus an deachaidh sibh thairis, mar a rinn an Tighearna bhur Dia air a' mhuir ruaidh, a thiormaich e suas roimhainn, gus an robh sinn air dol thairis:

24 A chum as gu'n aithnich sluagh na talmhainn uile làmh an Tighearna, gu bheil i cumhachdach: a chum gu'm bi eagal an Tighearna bhur Dé oirbh am feasd<sup>2</sup>.

## CAIB. V.

**A** GUS an uair a chual' uile rìghre nan Amorach, a bh'air an taobh thall do Iordan a làimh na h-àirde 'n iar, agus uile rìghre nan Canaanach, a bha làimh ris an fhaerge, gu'n do thiormach an Tighearna suas uisgeacha Iordain roimh chloinn Israeil, gus an deachaidh sinn thairis, leagh an cridhe, agus cha robh spiorad tuilleadh anna, air son chloinn Israeil.

2 Anns an àm sin thubhairt an Tighearna ri Iosua, Dean duit féin sgeanan geura<sup>3</sup>, agus timchioll-ghearr clann Israeil a ris an daradh uair.

3 Agus rinn Iosua dha féin sgeanan geura, agus timchioll ghearr e clann Israeil aig cnoc nan roimh-chraicinn.

4 Agus is e an t-aobhar mu'n do thimchioll-ghearr Iosua: Thuair an sluagh uile, a thàinig a mach as an Eiphit a bha nam firionnach, eadhon na fir-chogaidh uile, bàs anns an fhàsach air an t-slighe, an déigh dhoibh teachd a mach as an Eiphit.

5 A nis bha 'n sluagh uile, a thàinig a mach, air an timchioll-ghearradh; ach an sluagh uile a rugadh san fhàsach air an t-slighe, 'nuair a thàinig iad a mach as an Eiphit, iadsan cha do thimchioll ghearr iad.

6 Oir dh'ùnich clann Israeil anns an fhàsach dà fhichead bliadhna, gus an deachaidh as<sup>4</sup> do'n luchd-cogaidh uile, a thàinig a mach as an Eiphit, a chionn nach d'thug iad géill do ghuth an Tighearna: d'an do mhionnaich an Tighearna nach nochdadh e dhoibh am fearann, a mhionnaich an Tighearna d'an aithrichibh gu'n d'thugadh e dhuinn, fcarann a tha sruthadh le bainne agus mil.

<sup>1</sup> am màireach. Eabh.

<sup>2</sup> gach la. Eabh.

<sup>3</sup> sgeanan do chlochaibh cruaidh. Eabh.

<sup>4</sup> do chaitheadh, do bhàsaich.



7 Agus an clann-san a thog e suas nan àite, iadsan thimchioll-ghearr Iosua: oir bha iad neo-thimchioll-ghearrta, a chionn nach do thimchioli-ghearradh iad air an t-slighe.

8 Agus an uair a bha 'n sluagh uile air an timchioll-ghearradh, dh'fhan iad nan àitibh anns a' champ, gus an robh iad slàn.

9 Agus thubhairt an Tighearna ri Iosua, Air an la 'n diugh bhuin mi air falbh uaibh masladh na h-Eiphit: uime sin, thugadh Gilgal mar aium air an àite sin gus an la 'n diugh.

10 Agus champaich clann Israeil ann an Gilgal, agus chum iad a' chàisg, air a' cheathramh la deug do'n mhìos anns an fheasgar, ann an còmhnaidibh Iericho.

11 Agus dh'ith iad do shean bhàrr<sup>1</sup> an fhearainn air an la màireach an deigh na càise, breacagan neo-ghoirtiche, agus sìol cruaidhichte air an la sin féin.

12 Agus sguir am mana air an la màireach an deigh dhoibh itheadh do shean bhàrr an fhearainn, ni mò a bha mana tuilleadh aig cloinn Israeil, ach dh'ith iad do thoradh fearainn Chanaain air a' bhliadhna sin.

13 Agus an uair a bha Iosua làimh ri Iericho, thog e suas a shùilean agus dh'ambairc e, agus feuch, sheas duine thall fa chomhair, agus a chlaidheamh rùisgte na làimh: agus chaidh Iosua d'a ionnsuidh, agus thubhairt e ris, An ann leinne a tha thu, no le'r n-eascairdibh?

14 Agus thubhairt e, Cha 'n ann: ach mar cheannard slòigh an Tighearna tha mi a nis air teachd. Agus thuit Iosua air 'aghaidh air an talamh, agus rinn e zoradh, agus thubhairt e ris, Ciod a tha mo thighearn ag ràdh r'a sheibhiseach?

15 Agus thubhairt ceannard slòigh an Tighearna ri Iosua, Fuasgail do bhròg bharr do choise, oir tha 'n t-ionad, air am bheil thu a'd' sheasamh, naomha. Agus rinn Iosua mar sin.

#### CAIB. VI.

**A**NIS bha Iericho air a dhruideadh suas gu teann, roimh chloinn Israeil: cha deachaidh neach air bith a mach, agus cha dh'èinig neach air bith a stigh.

2 Agus thubhairt an Tighearna ri Iosua, Feuch, thug mi do d' làimh Iericho, agus a rìgh, agus na daoine treun aon an neart.

3 Agus cuairtichidh sibh am baile, sibhse fheara-cogaidh uile, agus théid sibh mu thimchioll a' bhaile aon uair: mar so ni thu air sè laithibh.

4 Agus giùlainidh seachd sagairt roimh an àirc seachd trompaidean a dh'adhaircibh reitheachan: agus air an t-seachdamh la théid sibh mu thimchioll a' bhaile seachd uairean, agus séididh na sagairt leis na trompaidibh.

5 Agus an uair a ni iad fuaim fhada le adhaircibh nan reitheachan, agus an uair a chluinneas sibh fuaim na trompaide, an sin éighidh an sluagh uile le h-iolaich mhòir, agus tuitidh balladh a' bhaile sìos o' bhunadh, agus théid an sluagh suas gach duine dìreach roimhe.

6 Agus ghairm Iosua, mac Nuin, air na sagartaibh, agus thubhairt e riu, Togaibh suas àirc a' choimhcheangail, agus giùlainidh seachd sagairt seachd trompaidean a dh'adhaircibh reitheachan roimh àirc an Tighearna.

7 Agus thubhairt e ris an t-sluagh, Gabhaibh air bhur n-aghaidh, agus cuairtichibh am baile, agus gabhadh ean a tha fo armaibh air 'aghaidh roimh àirc an Tighearna.

8 Agus an uair a labhair Iosua ris an t-sluagh, ghabh na seachd sagairt a' giùlan sheachd trompaidean a dh'adhaircibh reitheachan air an aghaidh roimh 'n Tighearna, agus shéid iad leis na trompaidibh: agus lean àirc coimhcheangail an Tighearn iad.

9 Agus chaidh na daoine armaichte roimh na sagartaibh a shéid leis na trompaidibh: agus thàinig a' chuid eile do'n t-sluagh<sup>2</sup> an deigh na h-àirce, na sagartan a' gabhail air an aghaidh, agus a' séideadh leis na trompaidibh.

10 Agus dh'èithn Iosua do'n t-sluagh, ag ràdh, Cha dean sibh iolach, agus cha dean sibh fuaim sam bith le'r guth, ni mò théid focal sam bith a mach as bhur beul, gus an là anns an abair nise ribh, Dean-aibh iolach; an sin ni sibh iolach.

11 Mar sin chuairtich àirc an Tighearn am baile, a' dol m' a thimchioll aon uair: agus thàinig iad do'n champ, agus ghabh iad tàmh anns a' champ.

12 Agus dh'éirich Iosua gu móch sa' mhaduinn, agus thog na sagairt suas àirc an Tighearna.

13 Agus dh'imich air an aghaidh a ghnàth seachd sagairt a' giùlan sheachd trompaidean a dh'adhaircibh reitheachan roimh àirc an Tighearna, agus shéid iad leis na trompaidibh: agus dh'imich an sluagh armaichte rompa, ach thàinig a' chuid eile do'n t-sluagh an deigh àirc an Tighearna, na sagairt a' gabhail air an aghaidh, agus a' séideadh leis na trompaidibh.

14 Agus air an dàra là chuairtich iad am baile aon uair, agus phill iad do'n champ: mar so rinn iad air sè laithibh.

15 Agus air an t-seachdamh là dh'éirich iad gu moch mu bhriseadh na faire<sup>3</sup>, agus chuairtich iad am baile air an dòigh cheudna, seachd uairean: a mhàin air an là sin chuairtich iad am baile seachd uairean.

16 Agus air an t-seachdamh uair, shéid na sagairt leis na trompaidibh, agus thubh-

<sup>1</sup> arbhar, sìol, toradh.  
204

<sup>2</sup> iadsan a bh'air

dheireadh. <sup>3</sup> chamhanaich, searbhanaich an là.

airt Iosua ris an t-sluagh, Deanaibh iolach, oir thug an Tighearna dhuibh am baile.

17 Agus bithidh am baile mallaichte, e féin, agus gach *ni* a *th'*ann, do'n Tighearna: a mhàin bithidh Rahab an strìopach beo, i féin agus iadsan uile a *tha* maille rithe san tigh, a chionn gu'n d'fholaich i na teachdairean a chuir sinn *uaim*.

18 Agus sibhse, air gach aon chor gleidhibh *sibh féin* o'n ni mhallaichte, air eagal gu'n dean sibh *sibh féin* mallaichte, 'nuair a ghabhas sibh do'n ni mhallaichte, agus gu'n dean sibh camp Israeil na mhallaich-adh, agus gu'n cuir sibh e fuidh bhuaireas<sup>1</sup>.

19 Ach *tha* 'n t-àirgid uile, agus an t-òr, agus na soithichean umha agus iaruin, coisrigte do'n Tighearna: thig iad a steach do ionmhas<sup>2</sup> an Tighearna.

20 Agus rinn an sluagh iolach an uair a shéid na *sagairt* leis na trompaidibh: agus an uair a chual' an sluagh fuaim na trompaide, agus a dh'éigh an sluagh le h-iolaich mhòir, an sin thuit am balladh sìos gu làr; agus chaidh an sluagh suas do'n bhaile, gach duine dìreach roimhe, agus ghlac iad am baile.

21 Agus léir-sgrìos iad gach *ni* a *bha* sa' bhaile, eadar fhear agus bhean, òg agus shean, agus dhamh, agus chaora, agus asal, le faobhar a' chlaidheimh.

22 Ach ris an dithis fhear, a rannsaich a mach an tìr thubhairt Iosua, Rachaidh a steach do thigh na strìopaiche, agus thugaidh a mach as sin a' bhcan, agus gach *ni* a *th'*aice, mar a mhionnaich sibh dhi.

23 Agus chaidh na h-òganaich, a bha nan luchd-rannsaichaidh<sup>3</sup>, a stigh, agus thug iad a mach Rahab, agus a h-athair, agus a màthair, agus a bràithre, agus gach *ni* a bh'aice: agus thug iad a mach a dilsean uile, agus chuir iad an taobh a muigh do champ Israeil iad.

24 Agus loisg iad am baile le teine, agus gach *ni* a bh'ann: a mhàin an t-àirgid, agus an t-òr, agus na soithichean umha agus iaruin, chuir iad ann an ionmhas tìghe an Tighearna.

25 Agus ghléidh Iosua Rahab an strìopach beo, agus teaghlach a h-athar, agus gach *ni* a bh'aice; agus tha i na comhnuidh ann an Israel gus an la'n diugh, a chionn gu'n d'fholaich i na teachdairean, a chuir Iosua a rannsaichadh a mach Iericho.

26 Agus chuir Iosua fuidh mhionnaibh ead san am sin, ag ràdh, Mallaichte *gu robh* an duine an làthair an Tighearna, a dh'éir-eas agus a thogas am baile so Iericho: na cheud-ghin leagaidh e a bhunait, agus na mhac a's òige cuiridh e suas a gheatacha.

27 Mar so bha'n Tighearna maille ri Iosua, agus sgaoileadh iomradh-san air feadh na tìre uile.

## CAIB. VII.

**A**CH rinn clann Israeil cionta san ni mhallaichte: oir ghabh Achan mac Charmi, mhic Shabdi, mhic Sherah, do thréibh Iudah, *cuid* do'n ni mhallaichte: agus las fearg an Tighearn an aghaidh chloinn Israeil.

2 Agus chuir Iosua daoine o Iericho gu h-Ai, a *tha* làimh ri Bet-abhen, air an taobh an ear do Bhetel, agus labhair e riu, ag ràdh, Rachaidh suas, agus rannsaichibh a mach an tìr. Agus chaidh na daoine suas, agus rannsaich iad a mach Ai.

3 Agus phill iad gu Iosua, agus thubhairt iad ris, Na rachadh an sluagh uile suas; ach rachadh mu thimchioll dà mhìle no trì mìle fear suas, agus buaileadh iad Ai: na d' thoir air an t-sluagh uile saoitreachadh an sin: oir *cha 'nèil ann* diubh *ach* beagan.

4 Agus chaidh suas an sin do'n t-sluagh mu thimchioll trì mìle fear, agus theich iad roimh fheara Ai.

5 Agus bhuail fir Ai dhiubh mu thimchioll sè fir dheug thar fhichead: oir chuir iad an ruaig orra o chomhair a' gheataidh eadhon gu Sebarim, agus bhuail iad san dol sìos iad: uime sin leagh cridhe an t-sluaigh, agus dh'fhàs e mar uisge.

6 Agus reub Iosua eudach, agus thuit e gu làr air 'aghaidh roimh àire an Tighearna, gu tràth feasgair, e féin agus seanairean Israeil, agus chuir iad duslach air an cinn.

7 Agus thubhairt Iosua, Och! a Thighearna Dhé, c'ar son a thug thu idir an sluagh so thar Iordan, g'ar toirt thairis do làmh nan Amorach, a chum ar sgrìos? O b'fhearr gu'm biomaid toilichte, agus gu'm biomaid air gabhail còmhnuidh air an taobh eile do Iordan!

8 O Thighearna, ciod a their mi 'nuair a thionndaidheas Israel an cùl r'an naimhdeb?

9 Oir cluinnidh na Canaanaich, agus uile luchd-àiteachaidh na tìre, agus iadhaidh iad mu'n cuairt oirnn, agus gearraidh iad as ar n-ainm o'n talamh: agus ciod a ni thu ri d'ainm mòr?

10 Agus thubhairt an Tighearna ri Iosua, Eirich suas; c'arson a luidheas tu mar so air t'aghaidh?

11 Pheacaich Israel, agus bhris iad mar an ceudna mo choimhcheangal a dh'àithn mi dhoibh; oir ghabh iad eadhon do'n ni mhallaichte, agus mar an ceudna ghoid iad, agus mar an ceudna cheil<sup>4</sup> iad, agus chuir iad eadhon am measg an airneis féin e.

12 Uime sin, cha b'urrainn clann Israeil seasamh roimh an naimhdean, *ach* thionndaidh iad an cùl r'an naimhdeb, a chionn

<sup>1</sup> mhi-shuaimhneas. <sup>2</sup> thaisgeach. <sup>3</sup> luchd-brathaidh.

<sup>4</sup> dh'àicheadh iad.



gu'n robh iad mallaichte. Cha bhi mise maille ribh tuille, mur sgrios sibh an tì mhallaichte as bhur measg.

13 Eirich suas, naomhaich an sluagh, agus abair, Naomhaichibh sibh féin air son an la màireach : oir mar so tha'n Tighearna Dia Israeil ag ràdh, *Tha* ni mallaichte a'd' mheadhon, O Israel : cha'n urrainn thu seasamh roimh do naimhdibh, gus an cuir sibh air falbh an ni mallaichte as bhur measg.

14 Anns a' mhaduinn uime sin bheirar cuideachd sibh a réir bhur treubha : agus an treubh a ghabhas an Tighearna, thig i a réir a teaghlachan ; agus thig an teaghlach a ghabhas an Tighearna, a réir a thighean : agus thig an tigh a ghabhas an Tighearna, a lìon fear is fear.

15 Agus esan a ghlacar leis an ni nthalliche, loisgear le teine e féin, agus gach *ni* a *th'aige* ; a chionn gu'n do bhris e coimhcheangal an Tighearna, agus gu'n d'ruinn e amadeachd<sup>1</sup> ann an Israeil.

16 Uime sin, dh'éirich Iosua gu moch sa' mhaduinn, agus thug e leis Israel a réir an treubha, agus ghabhadh treubh Iudah.

17 Agus thug e leis teaghlach Iudah, agus ghabh e teaghlach nan Sarhitheach : agus thug e leis teaghlach nan Sarhitheach a lìon fear is fear ; agus ghabhadh Sabdi.

18 Agus thug e leis a thigh, a lìon fear agus fear ; agus ghabhadh Achan mac Charmi, mhic Shabdi, mhic Sherah, do thréibh Iudah.

19 Agus thubhairt Iosua ri Achan, A mhic, thoir, guidhean ort, glòir do'n Tighearna Dia Israeil, agus dean aidmheil da ; agus innis domh a nis ciod a rinn thu, na folaich uam e.

20 Agus fhreagair Achan Iosua, agus thubhairt e, Gu deimhin, pheacaich mi an aghaidh an Tighearna Dé Israeil, agus mar so agus mar so rinn mi.

21 Nuair a chunnaic mi am measg na creiche earradh<sup>2</sup> bhréagha Bhabilonach, agus dà cheud secl airgid, agus geinn òir, anns an robhlach cheud secl do chudthrom, an sin shanntaich mi iad, agus ghabh mi iad ; agus feuch, *tha* iad folaichte san talamh am meadhon mo bhùtha, agus an t-airgid fuidhe.

22 Mar sin chuir Iosua teachdairean uaith, agus ruith iad do'n bhùth, agus feuch *bha* e folaichte na bhùth, agus an t-airgid fuidhe.

23 Agus thug iad *leo* iad a mheadhon a' bhùtha, agus thug iad gu Iosua iad, agus gu clann Israeil uile, agus sgaoil<sup>3</sup> iad a mach iad am fianuis an Tighearna.

24 Agus ghabh Iosua agus Israel uile maille ris, Achan mac Sherah, agus an t-airgid, agus an earradh, agus an geinn òir, agus a mhic, agus a nigheana, agus a

dhaimh, agus 'asail, agus a chaoraich, agus a bhùth, agus gach *ni* a *bh'aige* ; agus thug iad do ghleann Achoir iad.

25 Agus thubhairt Iosua, C'ar son a chuir thu dragh oirnn ? cuiridh an Tighearna dragh ortsa an diugh. Agus chlach clann Israeil uile e le clachaibh, agus loisg iad le teine iad, an déigh dhoibh an clachadh le clachaibh.

26 Agus thog iad suas carn mòr chlach air a mhuin gus an la'n diugh ; agus phill an Tighearna o ghairge a chorruich. Uime sin, thugadh gleann Achoir mar ainm air an àite sin gus an la'n diugh.

# CAIB. VIII.

**A**GUS thubhairt an Tighearna ri Iosua, Na gabh eagal, agus na bi fa gheilt : gabh an sluagh cogaidh uile maille riut, agus éirich, imich suas gu h-Ai ; feuch, thug mi thairis do d' làimh rìgh Ai, agus a shluagh, agus a bhaile, agus 'fhearann.

2 Agus ni thu ri h-Ai agus r'a rìgh, mar a rinn thu ri Iericho, agus r'a rìgh : a mhàin a chreach, agus a spréidh, gabhaidh sibh mar chobhartach dhuibh féin : cuir *duine* ann am feall-fholach<sup>4</sup> an aghaidh a' bhaile air a chùlaobh.

3 Agus dh'éirich Iosua agus an sluagh cogaidh uile, a dhol suas an aghaidh Ai : agus thagh Iosua mach deich mìle fichead a dh'fhearaidh trean ann an neart, agus chuir e air falbh iad san oidhche.

4 Agus dh'àithn e dhoibh, ag ràdh, Feuch, ni sibh feall-fholach an aghaidh a' bhaile, *cadh*on air cùl a bhaile : na rachaibh ro-fhad o'n bhaile, ach bithibh uile deas :

5 Agus théid mise, agus an sluagh uile, a *tha* maille rium, dlùth do'n bhaile : agus an uair a thig iad a mach 'nar coinneamh, mar air tùs, teichidh sinne rompa.

6 (Oir thig iad a mach 'nar deigh) gus an tarruing sinn iad o'n bhaile ; oir their iad, *Tha* iad a' teicheadh romhainn, mar air tùs ; uime sin teichidh sinne rompa.

7 An sin éiridh sibhse o'n fheall-fholach, agus glacaidh sibh am baile : oir bheir an Tighearna bhur Dia 'nar làimh c.

8 Agus an uair a ghlacas sibh am baile, cuiridh sibh am baile ri theine : a réir àithne an Tighearna ni sibh. Feuch, dh'àithn mise dhuibh.

9 Uime sin chuir Iosua mach iad : agus dh'fhalbh iad a dheanamh feall-fholach, agus dh'fhan iad eadar Betel agus Ai, air an taobh an iar a dh'Ai : ach dh'fhan Iosua an oidhche sin am measg an t-sluaigh.

10 Agus dh'éirich Iosua gu moch sa' mhaduinn, agus dh'àireamh e'n sluagh<sup>5</sup>, agus chaidh e suas, e féin agus seanairean Israeil, roimh 'n t-sluaigh gu h-Ai.

11 Agus chaidh an sluagh cogaidh uile suas, a *bha* maille ris, agus chaidh iad am

<sup>1</sup> lochd. <sup>2</sup> truscan, culaidh falluing. <sup>3</sup> chuir.

<sup>4</sup> plaid-luidhe. <sup>5</sup> ghabh e beachd do'n t-sluaigh.

fagus, agus thàinig iad fa chomhair a' bhaile, agus champaich iad air an taobh mu thuath do Ai: a nis *bha* gleann cadar iad agus Ai.

12 Agus ghabh e mu thimchioll chùig mìle fear, agus chuir e iad a dheanamh feall-fholach cadar Betel agus Ai, air an taobh an iar do'n bhaile.

13 Agus an uair a shuidhich iad an sluagh, *cadhonn* am feachd uile a *bh'*air an taobh mu thuath do'n bhaile, agus an luchd-feall-fholach air an taobh an iar do'n bhaile, chaidh Iosua san oidheche sin do mheadhon a' ghlinne.

14 Agus an uair a chunnaic rìgh Ai sin, rinn iad cabhag, agus dh'éirich iad gu moch, agus chaidh fir a' bhaile a mach gu cath an aghaidh Israeil, e fèin agus a shluagh uile, ann an àm suidhichte, fa chomhair a' chòmhairid; ach cha robh fhios aige gu'n robh luchd-feall-fholach na aghaidh air cùl a' bhaile.

15 Agus rinn Iosua agus Israel uile mar gu'm buailte iad rompa, agus theich iad rathad an fhàisich.

16 Agus ghairmeadh an sluagh uile a *bha* ann an Ai<sup>1</sup> an ceann a' chéile gu dol air an tòir, agus chaidh iad air tòir Iosua, agus thairngeadh o'n bhaile iad.

17 Agus cha d'fhàgadh duine ann an Ai, no ann am Betel, nach deachaidh a mach an déigh Israeil: agus dh'fhàg iad am baile fosgailte, agus chaidh iad air tòir Israeil.

18 Agus thubhairt an Tighearna ri Iosua, Sin a mach an t-sleagh, a *tha* d'làimh rathad Ai; oir bheir mise a'd<sup>2</sup> làimh c. Agus shìn Iosua mach an t-sleagh, a *bh'aige* na làimh, a dh'ionnsuidh a' bhaile.

19 Agus dh'éirich na daoine a bha ris an fheall-fholach gu grad as an àite, agus ruith iad co luath 'sa shìn e mach a làmh: agus chaidh iad a stigh do'n bhaile, agus ghlac iad e, agus rinn iad cabhag, agus chuir iad am baile ri theine.

20 Agus an uair a sheall fir Ai nan déigh, chunnaic iad, agus feuch, chaidh deatach a' bhaile suas gu nèamh, agus cha robh comas aca teicheadh an taobh so no'n taobh ud: agus thionndaidh an sluagh, a theich do'n fhàsach, air an ais air an luchd-tòrachd.

21 Agus an uair a chunnaic Iosua agus Israel uile gu'n do ghlac luchd na feall-fholach am baile, agus gu'n deachaidh deatach a' bhaile suas, an sin phill iad, agus bhuail iad fir Ai.

22 Agus chaidh iadsan a mach as a' bhaile nan aghaidh; mar sin bha iad am meadhon Israeil, cuid air an taobh so, agus cuid air an taobh ud: agus bhuail siad iad, gus nach d'fhàgadh aon diubh beo, no aon gu dol as.

23 Agus ghlac iad rìgh Ai beo, agus thug iad e gu Iosua.

24 Agus an uair a chuir Israel crìoch air uile luchd-àiteachaidh<sup>3</sup> Ai a mharbhadh, anns a' mhachair, anns an fhàsach d'an do chuir iad an ruaig orra, agus an uair a thuit iad uile air faobhar a' chlàidheimh, gus an do chuircadh as doibh, an sin phill na h-Israelich uile gu h-Ai agus bhuail iad e le faobhar a' chlàidheimh.

25 Agus bha ann dhiubhsan uile, a thuit air an là sin, cadar fheara agus mhnà, dà mhìle dheug, *cadhonn* muinntir Ai uile:

26 Oir cha do tharruing Iosua a làmh air a h-ais, a shìn e mach leis an t-sleagh, gus an do léir-sgrìos e luchd-àiteachaidh Ai uile.

27 A mliàn spréidh agus creach a' bhaile sin, ghabh Israel mar chobhartach dhoibh fèin, a réir focail an Tighearna a dh'àithn e do Iosua.

28 Agus loisg Iosua Ai, agus rinn e na charrn e gu brath, na fhàsach gus an là 'n diugh.

29 Agus rìgh Ai chroch e air crann gu àm an fheasgair; agus mu dhol fuidhe na gréine dh'àithn Iosua, agus thug iad a nuas a chorp o'n chrann, agus thilg iad e aig dol a stigh geataidh a bhaile, agus thog iad air can mòr chlach, a *tha làthair* gus an là 'n diugh.

30 An sin thog Iosua altair do'n Tighearna, Dia Israeil, air sliabh Ebal,

31 Mar a dh'àithn Maois òglach an Tighearna do chloinn Israeil, a réir mar a ta e scrìobhta ann an Icabhar lagha Mhaois, altair do chlachaidh slàna, air nach do thog duine sam bith suas iarunn; agus thug iad suas oirre iobairtean-loisgte do'n Tighearna, agus dh'ìobair iad tabhartais-sith.

32 Agus scrìobh e 'n sin air na clachaidh dublachadh lagha Mhaois, a scrìobh e an làthair chloinn Israeil.

33 Agus sheas Israel uile, agus an seanair, agus an luchd-riaghlaidh, agus am breithcainnna, air an taobh so do'n àir, agus air an taobh ud, an làthair nan sagart nan Lebhithreach, a ghiùlain àir-coimheangail an Tighearna, an coigreach co maith ris-san a rugadh nam measg; leth dhiubh thall fa chomhair sléibh Gherisim, agus leth dhiubh thall fa chomhair sléibh Ebal: mar a dh'àithn Maois òglach an Tighearna, chum sluagh Israeil a bheannachadh air tús<sup>4</sup>.

34 Agus an déigh sin leugh<sup>5</sup> e uile bhriathran an lagha, na beannachdan agus na mallachdan, a réir nan uile *nithe ta* scrìobhta ann an Icabhar an lagha.

35 Cha robh focal do na h-uile *nithibh* a dh'àithn Maois, nach do leugh Iosua an làthair coimhechrinnich Israeil uile, agus

<sup>1</sup> anns a' bhaile. <sup>2</sup> nad. <sup>3</sup> luchd-còmhluaidh. <sup>4</sup> mar a dh'àithn Maois roimhe, a chum gu'm

bheannaicheadh iad sluagh Israeil.



nam ban, agus na cloinne bige, agus nan coigreach, a bha fantuinn nam measg.

CAIB. IX.

**A**GUS an uair a chuala na righrean uile a bh'air an taobh so do Iordan, anns na beanntaibh, agus anns a' chòmh-nard, agus ann an uile oirthir<sup>1</sup> na fàige mòire thall fa chomhair Lebanoin, an Hiteach, agus an t-Amorach, an Canaan-ach, am Periseach, an Ilibheach, agus an Iebusach so;

2 Chruinnich iad an ceann a chèile a chogadh ri Iosua, agus ri h-Israel, le aon rùn.

3 Agus an uair a chuala luchd-àiteach-aithd Ghubeoin ciod a rinn Iosua ri Iericho, agus ri h-Ai;

4 Rinn iadsan mar an ceudna gu seòlta, agus chaidh iad, agus leig iad orra gu'm bu teachdairean iad, agus ghabh iad seann saic air an asalaibh, agus fion-shearragan<sup>2</sup> a bha sean agus reubta, agus ceangailte suas.

5 Agus brògan a bha sean agus càirichte air an cosaibh, agus sean eudach orra, agus bha aran an lòn uile tioram agus liath.

6 Agus chaidh iad a dh'ionnsuidh Iosua do'n champ gu Gilgal, agus thubhairt iad ris, agus ri fir Israeil, Thàinig sinne o dhùthaich fad as: a nis uime sin deanaibh coimhcheangal ruinn.

7 Agus thubhairt fir Israeil ris na Hibhich, Theaganh gu bheil sibh a chòmhnuidh nar measg, agus cionnus a dh'fheudas sinne coimhcheangal a dhean-amh rioh?

8 Agus thubhairt iad ri Iosua, Is sinne do sheirbhisich. Agus thubhairt Iosua riu, Cò sibh? agus cia as a thàinig sibh?

9 Agus thubhairt iad ris, O dhùthaich ro-fhad air astar thàinig do sheirbhisich air sgàth ainm an Tighearna do Dhé: oir chuala sinn 'iomradh-san, agus gach ni a rinn e san Eiphit.

10 Agus gach ni a rinn e ri dà righ nan Amorach, a bha 'n taobh thall do Iordan, ri Sihon righ Hesboin, agus ri h-Og righ Bhasain, a bha aig Astarot;

11 Uime sin labhair ar seanairean agus uile luchd-àiteachaidh ar dùthcha ruinn, ag ràdh, Gabhaibh lòn 'nar làimh air son an turuis, agus rachaibh nan coinneamh, agus abraidh riu, Is sinne bhuir seirbhisich; agus a nis deanaibh coimhcheangal ruinn.

12 An t-aran so againn ghabh sinn teth air son ar lòn a mach as ar tighibh, san là anns an d'thàinig sinn a mach gu dol d'ar n-ionnsuidh-sa; ach a nis feuch, tha e tioram, agus liath:

13 Agus na searragan fiona so a lòn sinn, bha iad nuadh<sup>3</sup>, agus feuch, tha iad reubta: agus tha ar n-eudach so agus ar thubhairt air fàs sean, le ro-fhad na slighe.

14 Agus ghabh na daoine d'am biadh,

agus cha d'iarr iad comhairle o bheul an Tighearna.

15 Agus rinn Iosua sìth riu, agus rinn e coimhcheangal riu, a leigeil leo bhi beo: agus mhionnaich uachdarain a' choimh-chruinnich dhoibh.

16 Agus thachair an ceann thri laithean, an déigh dhoibh coimhcheangal a dhean-amh riu, gu'n cual' iad gu'm b'iad an coimhearsnaich iad, agus gu'n robh iad a chòmhnuidh nam measg.

17 Agus chaidh clann Israeil air an aghaidh, agus thàinig iad a dh'ionnsuidh am bailtean<sup>4</sup> air an treas là: a nis b'iad am bailte Gibeon, agus Chephirah, agus Becrot, agus Ciriati-icarim.

18 Agus cha do bhuail clann Israeil iad, a chionn gu'n do mhiornaich uachdarain a' choimhebrunnich dhoibh air an Tighearna Dia Israeil: Agus rinn an coimh-chruinneach uile gearan<sup>5</sup> an aghaidh nan uachdaran.

19 Ach thubhairt na h-uachdarain uile ris a' ehomhchruinneach uile, Mhionnaich sinn dhoibh air an Tighearna Dia Israeil; agus uime sin cha 'n fheud sinn beantuinn riu.

20 So ni sinn riu; leigidh sinn eadhon leo a bhi beo, a chum as nach bi fearg Dhé 'nar n-aghaidh, air son nam miannan a mhionnaich sinn dhoibh.

21 Agus thubhairt na h-uachdarain riu, Leigibh leo bhi beo, ach biodh iad nan luchd-gearraidh fiodha, agus nan luchd-tarruing uisge do'n choimhchruinneach uile, mar a gheal' na h-uachdarain dhoibh.

22 Agus ghairm Iosua orra, agus labhair e riu, ag ràdh, C'ar son a mheall sibh sinn, ag ràdh, Tha sinn ro-fhada uaibh, an uair a tha sibh a chòmhnuidh 'nar measg?

23 A nis uime sin tha sibh mallachite, agus cha saorar neach air bith dhibh o bhi 'nar tràillibh, agus 'nar luchd-gearraidh fiodha, agus 'nar luchd-tarruing uisge air son tighe mo Dhé.

24 Agus fhreagair iad Iosua, agus thubhairt iad, Do bhrìgh gu'n d'innseadh gu cinnteach do d' sheirbhisich cionnus a dh'àithn an Tighearna do Dhia d'a òglach Maois an fearann uile a thoirt duibh, agus luchd-àiteachaidh na tìre uile a sgrios roimhibh, uime sin bha eagal mòr an n-anma oirnn roimhibh, agus rinn sinn an ni so.

25 Agus a nis feuch, tha sinn a' d'làimh: mar a mheasar maith agus ceart leatsa a dheanamh ruinn, dean.

26 Agus mar so rinn e riu, agus shaor e iad as làimh chloinn Israeil; agus cha do mharbh siad iad.

27 Agus riun Iosua iad san là sin fèin nan luchd-gearraidh fiodha, agus nan luchd-

<sup>1</sup> shlios. <sup>2</sup> fion-bhuideil. <sup>3</sup> nomha.

<sup>4</sup> caithrichean, bailte cuairtiche le balladh.

<sup>5</sup> duarman, monnher; murmur. Sasg.

tarruing uisge do'n choimhchruiinneach, agus do altair an Tighearna, eadhon gus an là 'n diugh, anns an ionad a ròghnaich-eadh e.

## CAIB. X.

**A**GUS an uair a chual' Adonisedec rìgh Ierusalem gu'n do ghlac Iosua Ai, agus gu'n do léir-sgrìos se e (mar a rinn e ri Iericho agus r'a rìgh, mar sin gu'n d'rinn e ri h-Ai agus r'a rìgh) agus gu'n d'rinn luchd-àireachaidh Ghibeoin sìth ri h-Israel, agus gu'n robh iad nam measg

2 Ghabh iad eagal mòr, do bhrìgh gu'm bu bhaile mòr Gibeon, mar aon do na bailtibh rìghail, agus do bhrìgh gu'm bu mhò e na Ai, agus gu'n robh a dhaoine uile treun.

3 Uime sin, chuir Adonisedec rìgh Ierusalem, *sios* gu Hoham rìgh Hebroin, agus gu Pìram rìgh Iarmuit, agus gu Debir rìgh Eglòin, ag ràdh,

4 Thigibh a nìs a m'ionnsuidh-sa, agus cuidichibh leam, a chum as gu'm buail sinn Gibeon: oir rinn e sìth ri Iosua, agus ri cloinn Israel.

5 Uime sin, chruinnich cùig rìghre nan Amorach, rìgh Ierusalem, rìgh Hebroin, rìgh Iarmuit, rìgh Lachis, rìgh Eglòin, iad fèin an ceann a chèile, agus chaidh iad suas, iad fèin agus an sloigh uile, agus champaich iad fa chomhair Ghibeoin, agus chog iad na aghaidh.

6 Agus chuir fir Ghibeoin *fios* gu Iosua, do'n champ gu Gilgal, ag ràdh, Na deanadh do làmh moille o d' sheirbhisich; thig a nìs d'ar n-ionnsuidh gu grad, agus saor sinn, agus cuidich leinn: oir tha rìghre nan Amorach uile, a tha nan còmhnuidh sna beanntaibh, air cruinneachadh ri chèile 'nar n-aghaidh.

7 Agus chaidh Iosua suas o Ghilgal, e fèin agus an sluagh cogaidh uile maille ris, agus na fir threuna uile.

8 Agus thubhairt an Tighearna ri Iosua, Na gabh eagal rompa; oir thug mise thairis do d' làimh iad: cha seas duine dhiubh romhad.

9 Uime sin, thàinig Iosua orra gu h-obann: rè na h-oidhche chaidh e suas o Ghilgal.

10 Agus chlaoidh an Tighearna iad roimh Israel, agus mharbh<sup>1</sup> e iad le h-àr<sup>2</sup> mòr aig Gibeon, agus chuir e'n ruaig orra rathad uchdaich Bhethoroin, agus bhuail e iad gu Hasecah, agus gu Macedah.

11 Agus an uair a bha iad a' teicheadh roimh Israel, agus iad air leathad Bhethoroin, thilg an Tighearna clacha mòra orra nuas o nèamh gu Hasecah, agus fhuair iad bàs: bu lionmhoire iadsan a bhàsaich leis na clacha-meallainn, na iadsan a mharbh clann Israel leis a' chlaidheamh.

12 An sin labhair Iosua ris an Tigh-

earba san là anns an d'thug an Tighearna suas na h-Amoraich roimh chloinn Israel, agus thubhairt e 'm fianuis Israel, A ghrian, air Gibeon stad, agus thusa a ghealach, air gleann Aialoin.

13 Agus stad a' ghrian, agus sheas a' ghealach, gus an do dh'òl an sluagh iad fèin air an naimhdbh. Nach 'eil so scrìobhta ann an leabhar Iaseir? Agus stad a' ghrian am meadhon nèimh, agus cha d'rinn i cabhag gu dol fuidhe mu thimchioll la iomlain.

14 Agus cha robh *la sam bith* cosmhuil ris an la sin, roimhe no na dhéigh, anns an d'eisid an Tighearna ri guth duine: oir chog an Tighearna air son Israel.

[15 Agus phill Iosua, agus Israel uile maille ris, do'n champ gu Gilgal.]

16 Agus theich na cùig rìghrean ud, agus dh'fholaich siad iad fèin ann an uaimh ann am Macedah.

17 Agus dh'innseadh do Iosua, ag ràdh, Fhuaradh na cùig rìghre folaichte ann an uaimh ann am Macedah.

18 Agus thubhairt Iosua, Caruichibh clacha mòra air beul na h-uamha, agus cuiribh daoine làimh rithe g'an gleidheadh.

19 Agus na stadaibhe, *ach* rachaibh air tòir bhur naimhde, agus buailibh iadsan a's deireannaiche dhiubh, na leigibh leo dol a stigh d'am bailtibh; oir thug an Tighearna bhur Dia iad thairis d'ar làimh.

20 Agus an uair a chuir Iosua agus clann Israel crìoch air am marbhadh le h-àr romhòr gus an do chuireadh as doibh, chaidh a' chuid a n'air dhiubh a steach do na bailtibh daingnichte.

21 Agus phill an sluagh uile do'n champ gu Iosua aig Macedah ann an sìth: cha do ghluais neach a theanga an aghaidh duine sam bith do chloinn Israel.

22 An sin thubhairt Iosua, Fosglaihb beul na h-uamha, agus thugaibh a mach a m' ionnsuidh na cùig rìghrean ud as an uaimh.

23 Agus rinn iad mar sin, agus thug iad a mach na cùig rìghrean ud d'a ionnsuidh as an uaimh, rìgh Ierusalem, rìgh Hebroin, rìgh Iarmuit, rìgh Lachis, agus rìgh Eglòin.

24 Agus an nair a thug iad a mach na rìghre sin gu Iosua, ghairm Iosua air fearaibh Israel uile, agus thubhairt e ri ceannardaibh nam fear-cogaidh, a chaidh maille ris, Thigibh am fagus, cuiribh bhur cosan air muinealaibh nan rìgh sin. Agus thàinig iad am fagus, agus chuir iad an cosan air am muinealaibh.

25 Agus thubhairt Iosua riu, Na biodh eagal oirbh agus na bithibh fuidh gheilt; bithidh làidir agus biodh deagh mhisneach agaibh; oir mar so nì 'n Tighearna r'ar naimhdbh uile ris am bheil sibh a' cogadh.

26 Agus an déigh sin bhuail Iosua iad, agus mharbh e iad, agus chroch e iad air

<sup>1</sup> bhuail.

<sup>2</sup> marbhadh.



cùig crannaibh : agus bha iad an crochadh air na crannaibh gu feasgar.

27 Agus an àm dol fuidhe<sup>1</sup> na gréine dh'àithn Iosua, agus thug iad a nuas iad o na crannaibh, agus thilg siad iad san uaimh anns an d'fholaich siad iad féin, agus chuir iad clacha mòra an beul na h-uamha, *atha làthair* gus a' cheart la so.

28 Agus air an là sin féin ghlac Iosua Macedah, agus bhuail se e le faobhar a' chhlaidheimh, agus a rìgh sgrios e gu tur, iadsan agus gach anam a bh' ann; cha d'fhàg e neach air bith beo: agus rinn e ri rìgh Mhacedah mar a rinn e rìgh Iericho.

29 An sin chaidh Iosua, agus Israel uile maille ris, thairis o Mhacedah gu Libnah, agus chog e 'n aghaidh Libnah.

30 Agus thug an Tighearna thairis e mar an ceudna, agus a rìgh, do làimh Israeil, agus bhuail se e le faobhar a' chhlaidheimh, agus na h-anman uile a bha ann: cha d'fhàg e neach air bith beo ann, ach rinn e r'a rìgh, mar a rinn e ri rìgh Iericho.

31 Agus chaidh Iosua, agus Israel uile maille ris, thairis o Libnah gu Lachis, agus champaich e na aghaidh, agus chog e na aghaidh.

32 Agus thug an Tighearna thairis Lachis do làimh Israeil, agus ghlac se e air an dara là, agus bhuail se e le faobhar a' chhlaidheimh, agus gach anam a bha ann, a réir nan uile *nìthe* a rinn e air Libnah.

33 An sin thàinig Horam rìgh Gheseir a nìos a chuideachadh Lachis; agus bhuail Iosua e agus a shluagh, gus nach d'fhàg e h-aon air bith beo aige.

34 Agus chaidh Iosua agus Israel uile maille ris, o Lachis gu h-Eglon, agus champaich iad na aghaidh, agus chog iad na aghaidh.

35 Agus ghlac iad e air an là sin féin, agus bhuail iad e le faobhar a' chhlaidheimh, agus gach anam a bha ann sgrios e gu tur san là sin, a réir nan uile *nìthe* a rinn e ri Lachis.

36 Agus chaidh Iosua, agus Israel uile maille ris, suas o Eglon gu Hebron, agus chog iad na aghaidh.

37 Agus ghlac iad e, agus bhuail iad e le faobhar a' chhlaidheimh, agus a rìgh, agus a bhailtean uile, agus gach anam a bha ann: cha d'fhàg e h-aon air bith beo, (a réir nan uile *nìthe* a rinn e ri h-Eglon) ach sgrios e gu tur e, agus gach aтам a bha ann.

38 Agus phill Iosua, agus Israel uile maille ris, gu Debir, agus chog e na aghaidh.

39 Agus ghlac se e, agus a rìgh, agus a bhailtean uile, agus bhuail siad iad le faobhar a' chhlaidheimh, agus léir sgrios iad gach anam a bha ann; cha d'fhàg e h-aon air bith beo: mar a rinn e ri Hebron, mar

sinn rinn e ri Debir, agus r'a rìgh; agus mar a rinn e ri Libnah, agus r'a rìgh.

40 Agus bhuail Iosua tìr nam beann uile, agus na h-àirde deas, agus a' chòmhnaid, agus nan tobar, agus an rìghrean uile: cha d'fhàg e h-aon air bith beo, ach léir-sgrios e gach neach anns an robh anail, mar a dh'àithn an Tighearna Dia Israeil.

41 Agus bhuail Iosua iad o Chadesbarnea gu ruig Gasa, agus tìr Ghosein uile gu ruig Gibeon.

42 Agus na rìghre sin uile, agus am fearann ghlac Iosua dh'aon tarruing<sup>2</sup>, do fhriugh gu'n do chog an Tighearna Dia Israeil air son Israeil.

43 Agus phill Iosua, agus Israel uile maille ris, do'n champ gu Gilgal.

# CAIB. XI.

**A** GUS an uair a chuala Iabin rìgh A Hasoir *na nìthe sin*, chuir e *fios* gu Iobah rìgh Mhadoin, agus gu rìgh Shimroin, agus gu rìgh Achsaiph,

2 Agus a dh'ionnsuidh nan rìgh, a bha mu thuath anns na beanntaibh, agus anns a' chomhnaid mu dheas do Chinerot, agus anns a' ghleann, agus ann an crìochaibh Dhoir, air an làmh an iar;

3 Agus a dh'ionnsuidh a' Chanaanaich air an làmh an ear agus an làmh an iar, agus a dh'ionnsuidh an Amoraich, agus an Hitich, agus a' Pheridsich, agus an Iebusaich anns na beanntaibh, agus a dh'ionnsuidh an Hibhich fuidh Hermon, ann an tìr Mhispeh.

4 Agus chaidh iad a mach, iad féin agus am feachd uile maille riu, sluagh lìonmhor, eadhon mar an gaineanmh, a ta air tràigh na fairge thaobh lìonmhòireachd, le h-èach-aibh agus carbadaibh ro-lìonmhor.

5 Agus an uair a bha na rìghre sin uile air coinneachadh a chèile, thàinig iad agus champaich iad cuideachd aig uisgeachaibh Mheroim, a chogadh an aghaidh Israeil.

6 Agus thubhairt an Tighearna ri Iosua: Na biodh eagal ort rompa: oir am màireach mu'n àm so bheir mise suas iad uile marbha am fianuis Israeil: gearraidh tu iosgaidean<sup>3</sup> an each, agus loisgidh tu an carbadaan le teine.

7 Agus thàinig Iosua, agus an sluagh-cogaidh uile maille ris, orra aig uisgeachaibh Mheroim gu h-obann, agus bhuail iad orra.

8 Agus thug an Tighearna thairis iad do làimh Israeil, a bhuail iad, agus a chuir an ruaig orra gu Sidon mòr, agus gu Misrephot-maim, agus gu còmhnaid Mhispeh air an làmh an ear, agus bhuail siad iad, gus nach d'fhàg iad aon diubh beo.

9 Agus rinn Iosua riu mar a dh'iarr an Tighearna air: ghcarr e iosgaidean an each, agus loisg e 'n carbadaan le teine.

10 Agus phill Iosua san àm sin air ais,

<sup>1</sup> fodha.

<sup>2</sup> san aon ùm.

<sup>3</sup> easgaidean.

agus ghlac e Hasor, agus bhuail e a rìgh leis a' chlàidheamh: oir b'c Hasor roimhe sin ceann nan rìoghachda sin uile.

11 Agus bhuail iad na h-anman uile, a bha ann, le faobhar a' chlàidheimh, 'g an léir-sgrìos: cha d'fhàgadh aon anns an robh anail; agus loisg e Hasor le teine.

12 Agus uile bhailte nan rìgh sin, agus an rìghrean uile ghlac Iosua, agus bhuail e iad le faobhar a' chlàidheimh, agus sgrìos e gu tur iad, mar a dh'àithn Maois òglach an Tighearna.

13 Ach a thaobh nam bailte sin uile a sheas a ghnàth nan neart<sup>1</sup>, cha do loisg Israel aon diubh sin, saor o Hasor a mhàin; sin loisg Iosua.

14 Agus uile chrcach nam bailte sin, agus an spréidh, ghabh clainn Israel mar chobhartach dhoibh féin: ach bhuail iad gach duine le faobhar a' chlàidheimh, gus an do chuir iad as dhoibh; cha d'fhàg iad neach air bith anns an robh anail.

15 Mar a dh'àithn an Tighearna d'a òglach Maois, mar sin dh'àithn Maois do Iosua, agus mar sin rinn Iosua: cha d'fhàg e ni gun deanamh do na h-uile a dh'àithn an Tighearna do Mhaois.

16 Mar sin ghlac Iosua am fearann sin uile, na sléibhte, agus an tìr mu dheas uile, agus fearann Ghosein uile, agus an gleann, agus an còmhnaidh, agus sliabh Israel, agus a ghleann:

17 O shliabh Halaic, a tha dol suas gu Seir, eadhon gu Baal-gad ann an gleann Lebanoin, fuidh shliabh Hermoin; agus an rìghrean uile ghlac e, agus bhuail e iad, agus bharbh e iad.

18 Rè ùine fhada<sup>2</sup> rinn Iosua cogadh ris na rìghribh sin uile.

19 Cha robh baile mòr<sup>3</sup> air bith a rinn sìth ri cloinn Israel, saor o na Hibhich luchd-àiteachaidh Ghibeoin; càch uile ghlac iad ann an cath.

20 Oir b'ann o'n Tighearna a bha e an crìdhachan a chruadhachadh, chum gu'n d'fhigeadh iad an aghaidh Israel ann an cath, a chum gu'n sgrìosadh e iad gu tur, agus nach biodh iochd sam bith air a nochdadh dhoibh, ach gu'n cuireadh e as dhoibh, mar a dh'àithn an Tighearna do Mhaois.

21 Agus anns an àm sin thàinig Iosua, agus ghearr e as na h-Anacaich<sup>4</sup> o na sléibhtibh, o Hebron, o Dhebir, o Anab, agus o bheanntaibh Iudah uile, agus o bheanntaibh Israel uile: sgrìos Iosua gu tur iad le'm bailtibh.

22 Cha d'fhàgadh aon do na h-Anacaich ann am fearann chloinn Israel: a mhàin ann an Gasah, ann an Gat, agus ann an Asdod, dh'fhàgadh iad.

23 Mar sin ghlac Iosua an tìr uile, a réir nan uile a thubhairt an Tighearna ri

Maois, agus thug Iosua i mar oighreachd do chloinn Israel, ann an carrauaibh a réir an treubha. Agus fhua r an tìr fòis o chogadh.

## CAIB. XII.

**A**NIS is iad so rìghrean an fhearainn, a bhuail clann Israel; agus shealbhaich iad am fearann air taobh cile Iordain leth ri éirigh na gréine, o shruth<sup>5</sup> Arnoin gu sliabh Hermoin, agus an còmhnaidh uile air an làimh an ear.

2 Sihon rìgh nan Amorach, a bha chòmhnuidh ann an Hesbon, agus a riaghlach o Aroer, a tha air bruaich sruth Arnoin, agus o mheadhon an t-srutha, agus leth Ghilead eadhon gus an sruth Iaboc, crìoch chloinn Amoin:

3 Agus an còmhnaidh gu muir Chinerot a làimh na h-airde 'n ear, agus gu muir a' chòmhnaidh, eadhon a' mhuir shalainn a làimh na h-airde 'n ear, an t-slighe gu Betie-imot; agus o'n airde deas, fuidh Asdot-pisgah.

4 Agus crìoch Og rìgh Bhasain, a bha dh' iarnad nam fómhairean<sup>6</sup>, a bha chòmhnuidh ann an Astarot, agus ann an Edrei,

5 Agus a rìghaich ann an sliabh Hermoin, agus ann an Salcah, agus ann an Basan uile, gu crìch nan Gcsurach agus nam Maachatach, agus leth Ghilead, crìoch Shihoin rìgh Hesboin.

6 Iadsan bhuail Maois òglach an Tighearna agus clann Israel, agus thug Maois òglach an Tighearna e mar sheilbh do na Reubenich, agus do na Gadaich, agus do leth thréibh Mhanaseh.

7 Agus is iad so rìghre na tìre a bhuail Iosua agus clann Israel air an taobh so do Iordan air an làimh an iar, o Bhaal-gad ann an gleann Lebanoin, eadhon gu sliabh Halaic, a tha dol suas gu Seir, a thug Iosua do threubhaibh Israel mar sheilbh, a réir an roinnean:

8 Anns na beanntaibh, agus anns na gleanntaibh, agus anns na còmhnaidhaibh, agus anns na tobraichibh, agus anns an fhàsach, agus anns an tìr mu dheas: na Hitich, na h-Amoraich, agus na Canaan-ach, na Perisich, na Hibhich, agus na Iebusaich.

9 Rìgh Iericho, aon: rìgh Ai, a tha làimh ri Betel, aon:

10 Rìgh Ierusalem, aon: rìgh Hebroin, aon:

11 Rìgh Iarmuit, aon: rìgh Lachis, aon:

12 Rìgh Egloin, aon: rìgh Gheseir, aon:

13 Rìgh Dhebir, aon: rìgh Ghedeir, aon:

14 Rìgh Hormah, aon: rìgh Araid, aon:

15 Rìgh Libnah, aon: rìgh Adulain, aon:

<sup>1</sup> a sheas air an dùn, air an cnoc. Eabh.

<sup>2</sup> iomadh là. Eabh. <sup>3</sup> cathair, baile cuairtiche

le balladh.

<sup>4</sup> clann Anaic.<sup>5</sup> abhuinn.<sup>6</sup> fomhairean, athach.



- 16 Rìgh Mhacedah, aon : rìgh Bhet-eil, aon :  
 17 Rìgh Thapuah, aon : rìgh Hephèir, aon :  
 18 Rìgh Apheic, aon : rìgh Lasaroin, aon :  
 19 Rìgh Mhadoin, aon : rìgh Hasoir, aon :  
 20 Rìgh Shimron-meroin, aon : rìgh Achsaiph, aon :  
 21 Rìgh Thaanaich, aon : rìgh Mhegido, aon :  
 22 Rìgh Chedcis, aon : rìgh Iocneaim o Charmel, aon :  
 23 Rìgh Dhoir ann an crìch Dhoir, aon : rìgh chinneacha Ghilgail, aon :  
 24 Rìgh Thirshah, aon : na rìghrean uile, deich thar fhichead agus aon.

CAIB. XIII.

**A** NIS bha Iosua sean agus air teachd air eghaidh ann am bliadhnaibh<sup>1</sup>; agus thubhairt an Tighearna ris, Tha thusa sean agus air teachd air t'aghaidh ann am bliadhnaibh, agus tha fathast ro-mhòran fearainn r'a shealbhadh.

2 Is e so am fearainn a tha fathast a làthair: uile chrìocha nam Philisteach, agus Gesuri uile,

3 O Shihor, a ta fa chomhair na h-Eiphit, eadhon gu crìch Ecroin mu thuath, a mheasar do'n Chanaanach: cùig tigh-earnan nam Philisteach; na Gasataich, agus na h-Asdodaich, na h-Escalonaich, na Gitch, agus na h-Ecronaich, agus na Habbh-aidh.

4 O'n taobh mu dheas, uile fhearann nan Canaanach, agus Mearah a ta làimh ris na Sidonaich, gu Aphec, gu crìch nan Amorach:

5 Agus fearann nan Gibleach, agus Lebanon uile leth ri éirigh na gréine, o Bhaal-gad fuidh shliabh Hermoin, gu ruig an dol a stigh do Hamat.

6 Uile luchd-àiteachaidh nam beann o Lebanon gu Misrephot-maim, agus na Sidonaich uile, iadsan fògraidh mi mach roimh chloinn Israeil: a mhàin roinn e le crannchur do na h-Israelich mar oighreachd, mar a dh'àithn mise dhuit.

7 A nis uime sin, roinn am fearann so mar oighreachd do na naoi treubhan, agus do leth-thrèibh Mhanaseh.

8 Maille ris an leth-thrèibh eile fhuair na Reubenich agus na Gadaich an oighreachd-san a thug Maois doibh, an taobh thall do Iordan a làimh na h-iarde 'n car, eadhon mar a thug Maois òglach an Tighearna dhoibh:

9 O Aroer a ta air bruaich sruth<sup>2</sup> Arnoin, agus am baile<sup>3</sup> a tha ann am meadhon an t-srutha, agus còmhnhard Mhedebah uile gu Dibon:

10 Agus uile bhailte Shihoin, rìgh nan Amorach, a rìghaich ann an Hesbon, gu crìch chloinn Amoin:

11 Agus Gilcad, agus crìoch nan Gesurach, agus nam Maachatach, agus sliabh Hermoin uile, agus Basan uile gu Salcah:

12 Uile rìoghachd Og ann am Basan, a rìghaich ann an Astarot agus ann an Edrei, a mhair do iarmad<sup>4</sup> nam fahhair-ean: oir iad sin bhuail Maois, agus dh'fhògair e mach iad.

13 Gidheadh, cha d'fhògair clann Israeil a mach na Gesuraich, no na Maachataich: ach tha na Gesurich agus na Maachataich nam còmhnuidh am measg nan Israeileach agus an la'n diugh.

14 A mhàin do thrèibh Lebhi cha d'thug e oighreachd sam bith; is iad iobairtean an Tighearna Dé Israeil a bheirar suas le teine, an oighreachd-san, mar a thubhairt e riu.

15 Agus thug Maois do thrèibh chloinn Reubein oighreachd a réir an teaghlachan:

16 Agus bha 'n crìoch o Aroer a ta air bruaich sruth Arnoin, agus am baile a tha ann am meadhon an t-srutha, agus an còmhndar uile gu<sup>5</sup> Medebah:

17 Hesbon agus a bhailtean uile a tha sa' chòmhnhard: Dibon, agus Bamot-baal, agus Bet-baalmeon,

18 Agus Iahasa, agus Cedemot, agus Mephaat,

19 Agus Ciriataim, agus Sibmah, agus Saret-sahar ann an sliabh a ghlinne,

20 Agus Bet-peor, agus Asdod-pisgah, agus Bet-iesimot,

21 Agus uile bhailtean a' chòmhnaidh, agus uile rìoghachd Shihoin rìgh nan Amorach, a rìghaich ann an Hesbon, a bhuail Maois maille ri ceannardaibh Mhidiain, Ebhi, agus Recem, agus Sur, agus Hur, agus Rebah, cinn-fheadhna Shihoin, a bha còmhnuidh san tìr.

22 Balaam mar an ceudna, mac Bheoir, am fiosaiche<sup>6</sup> mharbh clann Israeil leis a chlàidheamh nam measgan a mharbhadh leo.

23 Agus b'i crìoch chloinn Rheubein, Iordan agus a crìochsan. B'i sin oighreachd chloinn Reubein a réir an teaghlachan, na bailte mòra<sup>7</sup>, agus am baile beaga<sup>8</sup>.

24 Agus thug Maois oighreachd do thrèibh Ghad, eadhon do chloinn Ghad a réir an teaghlachan.

25 Agus b'i an crìoch Iaser, agus uile bhailte Ghilead, agus leth fearainn chloinn Amoin, gu Aroer a ta fa chomhair Rahab:

26 Agus o Hesbon gu Ramat-mispeh, agus Betonim: agus o Mhahanaim gu crìch Dhebir:

27 Agus anns a' ghlcann, Betaram, agus Bet-nimrah, agus Sucot, agus Saphon, a'

<sup>1</sup> laithibh. Eabh. <sup>2</sup> aibhne. <sup>3</sup> a' chathair. <sup>4</sup> fhuighheadh.

<sup>5</sup> làimh ri. <sup>6</sup> fear-fàistineachd. <sup>7</sup> caitk-riche, bailte daingnichtie. <sup>8</sup> frith-bhailte.

chuid eile do rìoghachd Shihoin rìgh Hesboin, Iordan agus a crìoch, *eadhon* gu oir<sup>1</sup> fàirge Chineret, air taobh eile Iordain a làimh na h-àirde 'n ear.

28 B'ì sin oighreachd chloinn Ghad a réir an teaghlaichean, na bailte mòra, agus am bailte beaga.

29 Agus thug Maois *oighreachd* do leth thréibh Mhanasch: agus b'ì so *sealbh* leth-thréibh chloinn Mhanasch, a réir an teaghlaichean:

30 Agus bha 'n crìoch o Mhahanaim; Basan uile, nìle rìoghachd Og rìgh Bhasan, agus uile bhailte Iair, a tu ann am Basan, trì fichead baile mòr:

31 Agus leth Ghilead, agus Astarot, agus Edrei, bailte rìoghachd Og ann am Basan, *bhuin iad* do chloinn Mhachir mhic Mhanasch, *eadhon* do leth chloinn Mhachir, a réir an teaghlaichean.

32 Is iad sin na dùchanna, a roinn Maois mar oighreachd ann an còmhnradaibh Mhoais, air an taobh eile do Iordan làimh ri Iericho, air an taobh an ear.

33 Ach do thréibh Lebhi cha d'thug Maois oighreachd: b'e 'n Tighearna Dia Israeil e féin an oighreachd-san, mar a thubhairt e riu.

## CAIB. XIV.

**A** GUS is iad so na dùchanna, a fhuair clann Israeil mar oighreachd ann an tìr Chanaain, a roinn Eleasar an sagart, agus Iosua mac Nuin, agus cinn-fheadhna aithriche threubha chloinn Israeil mar oighreachd dhoibh.

2 Le crannchur bha an oighreachd, mar a dh'aitn an Tighearna le làimh Mhaois, dona naoi trenbhaibh, agus an leth-thréibh.

3 Oir bha Maois air tabhairt oighreachd do dhà thréibh, agus do leth-thréibh, air an taobh eile do Iordan: ach do na Lebhitich cha d'thug e oighreachd sam bith nam measg.

4 Oir bha clann Ioseph nan dà thréibh, Manasch agus Ephraim: uime sin cha d'thug iad roinn sam bith do na Lebhitich san fhearann, saor o bhailtibh gu còmh-nuidh ghabhail *annta*, maille r'am fearann comh-roinn d'an spréidh, agus d'an maoin.

5 Mar a dh'aitn an Tighearna do Mhaois, mar sin rinn clann Israeil, agus roinn iad am fearann.

6 An sin thàinig clann Iudah gu Iosua ann an Gilgal; agus thubhairt Caleb mac Iephuneh, an Ceniseach ris, Tha fios agad air an nì a thubhairt an Tighearna ri Maois òglach Dhé, a m' thaobhs' agus a d' thaobh féin, ann an Cades-barnea.

7 Dà fhlichead bliadhna dh'aois bha mise nuair a chuir Maois, òglach Dhé, mi o Chade-barnea, a rannsachadh a mach an fhearann; agus thug mi air ais fios d'a ionnsuidh, mar a bha e ann am chridhe.

8 Gidheadh, thug mo bhràithrean, a chaidh suas maille rium, air cridhe an t-sluaigh leaghadh: ach lean mise gu h-ìomlan an Tighearna mo Dhia.

9 Agus mhionnaich Maois air an là sin, ag ràdh, Gu cinnteach bithidh am fearann, air an do shaltair do chos, agad féin mar oighreachd, agus aig do chloinn gu bràth; a cheann gu'n do lean thu gu h-ìomlan an Tighearna mo Dhia.

10 Agus a nis feuch, ghléidh an Tighearna mi beo, mar a thubhairt e, na cuig agus an dà fhichead bliadhna so, eadhon o labhair an Tighearna ara focal so ri Maois, am fcaidh a dh'imich *clann* Israeil anns an fhàsach: agus a nis feuch, tha mi 'n diugh ceithir fichead agus cuig bliadhna dh'aois.

11 Fathast tha mi co làidir an diugh as a bha mi san là, anns an do chuir Maois uaidh mi: mar a bha mo neart an sin, mar sin tha mo neart a nis, chum cogaidh, agus a dhol a mach, agus a theachd a stach.

12 A nis uime sin thoir dhomh a' bheinn so, mu'n do labhair an Tighearna san là ud, (oir chuala tu san là ud cionnus a bha na Hanacaich an sin, agus gu'n robh na bailte mòr agus daingnichte) ma tharlas gu'n bi 'n Tighearna lean, an sin fograidh mi mach iad, mar a thubhairt an Tighearna.

13 Agus bheannaich Iosua e, agus thug e do Chaleb mac Iephuneh, Hebron mar oighreachd.

14 Rinneadh uime sin Hebron na oighreachd do Chaleb, mac Iephuneh, an Ceniseach, gu an la 'n diugh; a cheann gu'n do lean e gu h-ìomlan an Tighearna Dia Israeil.

15 Agus b'e ainm Hebroin roimhe Ciriatarba: bha'n t-Arba so na dhùine mòr ann measg nan Anacach. Agus bha fois aig an tìr o chogadh.

## CAIB. XV.

**B'E** souime sin crannchur tréibhe chloinn Iudah a réir an teaghlaichean, *eadhon* gu crìch Edoim, gu fàsach Shin ri deas o'n chuid a's fhaide mach do'n ìomall dheas.

2 Agus bha 'n crìoch mu dheas o thràigh na mara salainn, o 'n chamus<sup>2</sup> a tha 'g amhare ri deas.

3 Agus chaidh i mach a dh'ionnsuidh an taoibh mu dheas gu h-uchdach<sup>3</sup> Acra-bim, agus ghabh i air a h-aghaidh gu Sin, agus chaidh i suas air an taobh mu dheas gu Cades-barnea, agus chaidh i air a h-aghaidh gu Hesron, agus chaidh i suas gu h-Adar, agus ghabh i mu'n cuairt gu Carcaa.

4 Uaidh sin ghabh i dh'ionnsuidh Asmoim, ag s chaidh i mach gu abhainn na h-Eiphit, agus bha dol a mach na crìche sin aig a' mhuir: bithidh so aghaibh na crìch<sup>4</sup> mu dheas.

5 Agus b'ì a' chrìoch an ear a' mhuir

<sup>1</sup> foir. <sup>2</sup> teanga. Eabh. <sup>3</sup> d'eadh; Maaleh. Eabh. 213

<sup>4</sup> b'ì so bu chrìoch dhoibh.



shalainn, *eadhon* gu ceann Iordain: agus *bha* 'n crìoch air an taobh mu thuath o chamus na mara, aig a' chuid a b'fhaide mach do Iordan.

6 Agus chaidh a' chrìoch suas gu Beth-hogla, agus ghabh i air a h-aghaidh air an taobh mu thuath do Bhetarabah, agus chaidh a' chrìoch suas gu cloich Bhohain mhic Reubein.

7 Agus chaidh a' chrìoch suas gu Debir o ghleann Achoir, agus ri tuath ag anharic ri Gilgal, a *tu* fa chomhair uchdaich Adumim, a *ta* air taobh deas na h-aibhne. agus chaidh a' chrìoch thairis gu uisgeachaidh En-smeis, agus bha a dol a mach aig En-rogel:

8 Agus chaidh a' chrìoch suas gu gleann mhic Hinoim, gu taobh deas an Iebusaich; (*is e sin Ierusalem*;) agus chaidh a' chrìoch suas gu mullach na beinne, a *tha* roimh ghleann Hinoim; air an làimh an iar, a *ta* aig ccann gliune nam fàmhairan ri tuath.

9 Agus thairngeadh<sup>1</sup> a' chrìoch o mhullach an t-slàibh gu tobar uisge Nephtoa, agus chaidh i mach gu bailtibh sléibh Ephroin, agus thairngeadh a' chrìoch gu Baalah; (*is e sin Ciriath-earim*;)

10 Agus chaidh a' chrìoch mu 'n cuairt o Bhaalah air an làimh an iar gu sliabh Sheir, agus ghabh i thairis gu taobh sléibh Iearim (*is e sin Chesalon*) air an taobh mu thuath, agus chaidh i sìos gu Bet-semes, agus ghabh i air a h-aghaidh gu Tinnah:

11 Agus chaidh a' chrìoch a mach gu taobh Ecroin ri tuath; agus thairngeadh a' chrìoch gu Sicron, agus ghabh i thairis air sliabh Bhaalah, agus chaidh i mach gu Tabneel: agus bha dòl a mach na crìche aig a' mhuir

12 Agus *bha* a' chrìoch an iar gus an fhairge mhòir, agus a h-oiridh<sup>2</sup>: *b'i* sin crìoch chloinn Iudah mu'n cuairt, a réir an teaghlachain.

13 Agus do Chaleb, mac Iephunch, thug e roinn am measg chloinn Iudah, a réir àithne an Tighearua do Iosua, *eadhon* baile Arbah athar Anaic: (*is e sin Hebron*.)

14 Agus dh'fhògair Caleb a mach as sin triùr mhac Anaic, Sesai, agus Ahiman, agus Talmi, clann Anaic.

15 Agus chaidh e suas o sin gu luchd-àiteachaidh Dhebir: agus *b'e* ainm Dhebir roimhe Ciriath-sepher.

16 Agus thubhairt Caleb, Esan a bhu-aileas Ciriath-sepher, agus a ghlasac e, dhasan bheir mi Achsah, mo nighean na mnaoi.

17 Agus ghlac Otniel, mac Chenais, bràthar Chaleb e; agus thug e dha Achsah, a nighean na mnaoi.

18 Agus tharladh, 'nuair a thàinig i d'a ionnsuidh, gu 'n do bhrosnuich i e gu achadh iarraidh air a h-athair: agus theirinn

i bhàrr a h-asail; agus thubhairt Caleb rithe, Ciod a b'àill leat?

19 Agus fhreagair ise, Thoir dhomh beannachadh; oir thug thu dhomh fearann mu dheas, thoir dhomh mar an ceudna tobair uisge: agus thug e dhi na tobair uachdarach, agus na tobair ìochdarach.

20 *B'i* sin oigbreachd tréibhe chloinn Iudah, a réir an teaghlachain.

21 Agus b'iad na bailtean a b'fhaide mach le tréibh chloinn Iudah, leth ri crìch Edoim mu dheas, Cabseel, agus Eder, agus Iagur,

22 Agus Cinah, agus Dimonah, agus Adadah,

23 Agus Cedec, agus Hasor, agus Itnan,

24 Siph, agus Teleni, agus Bealot,

25 Agus Hasor, Hadatah, agus Ccriot, agus Hesron, (*is e sin Hasor*)

26 Amam, agus Sema, agus Moladah,

27 Agus Hasar-gadah, agus Hesmon, agus Bet-palet.

28 Agus Hasar-sual, agus Beersaba, agus Bis-iotiah,

29 Baalah, agus Iim, agus Asem,

30 Agus Eliolad, agus Chesil, agus Hormah,

31 Agus Siclag, agus Madmanah, agus Sansanah,

32 Agus Lebaot, agus Silhim, agus Ain, agus Rimon: *b'iad* na mor-bhailtean<sup>3</sup> uile naoi thar fhichead, maille r'am bailtibh beaga.

33 Agus anns a' chòmhnard, Estaol, agus Soreah, agus Asuah,

34 Agus Sanoah, agus Enganim, Tapuah, agus Enam,

35 Iamut, agus Adulam, Sochoh, agus Asecah,

36 Agus Saraim, agus Aditaim, agus Gederah, agus Gederotaim; ceithir mor-bhailte deug le'm bailtibh beaga.

37 Senan, agus Hadasah, agus Migdal-gad,

38 Agus Dilean, agus Mispheh, agus Iocteel,

39 Lachis, agus Boscat, agus Eglon,

40 Agus Cabon, agus Lanmas, agus Citlis,

41 Agus Gederot, Bet-dagon, agus Naamah, agus Macedah; sè mor-bhailte deug le'm bailtibh beaga.

42 Libnah, agus Eter, agus Asan,

43 Agus Iiphtah, agus Asnah, agus Nesib,

44 Agus Ceilah, agus Achsib, agus Maresah; naoi bailte mòra le'm bailtibh beaga.

45 Ecron le 'bhailtibh a's mo<sup>4</sup>, agus a 'bhailtibh beaga.

46 O Ecron, *eadhon* gus an fhairge, iad-san uile a bha làimh ri Asdod, le'm bailtibh beaga.

47 Asdod le 'bhailtibh a's mò, agus a

<sup>1</sup> chomharachadh. <sup>2</sup> eirthir. <sup>3</sup> caithriche, <sup>4</sup> a nigheana. Eabh.

bhailtibh beaga, Gasah le 'bhailtibh a's mo, agus-a bhailtibh beaga, gu abhainn na h-Eiphit, agus an fhairge mhòir, eadhon a crìoch.

48 Agus anns na beanntaibh, Samir, agus Iair, agus Socoh,

49 Agus Danah, agus Ciriatsanah, (cadhon Debir)

50 Agus Anab, agus Estemoh, agus Anim,

51 Agus Gosen, agus Holon, agus Giloh; aon mhòr-bhaile deug, le'm bailtibh beaga.

52 Arab, agus Dumah, agus Eshean,

53 Agus Ianum, agus Bet-tapuah, agus Aphecah,

54 Agus Humtah, agus Ciriàt-arbah, (is e sin Hebron) agus Sior; naoi bailte mòra le'm bailtibh beaga.

55 Maon, Carmel, agus Siph, agus Iutah,

56 Agus Iesreel, agus Iocdeam, agus Sanoah,

57 Cain, Gibcah, agus Timnah; deich bailte mòra le'm bailtibh beaga.

58 Halhul, Bet-sur, agus Gedor,

59 Agus Maarat, agus Betanot, agus Eltecon; sè bailte mòra le'm bailtibh beaga.

60 Ciriàt-baal (is e sin Ciriàt-icarim) agus Rabah; dà bhaile mòr le'm bailtibh beaga.

61 San fhàsach, Bet-arabah, Midin, agus Secacah,

62 Agus Nibsan, agus baile an t-salaìm<sup>1</sup>, agus t-n-gedi; sè bailte mòra le'm bailtibh beaga.

63 A thaobh nan Iebusach luchd-àiteachaidh Ierusa-leim, cha b'urrainn clann Iudah am fògradh a mach: ach tha na Iebu-aich nan còmhnuidh maille ri cloinn Iudah ann an Ierusalem gus an la 'n diugh.

## CAIB. XVI.

**A**GUS chaidh<sup>2</sup> crannchur chloinn Ioseph a mach o Iordan làimh ri Iericho gu aisgeachaibh Iericho air an làimh an ear, dh'ionnsuidh an fhàsaich a' dol suas o Iericho gu sliabh Bheteil.

2 Agus tha e dol a mach o Bhetel gu Lus, agus a' gabhail seachad gu crìochaibh Archi gu Atarot,

3 Agus a' gabhail sìos a làimh na h-airde 'n iar gu crìch Iaphleti, gu crìch Bhet-horoin luchdaraich, agus gu Geser: agus tha a dhol a mach aig an fhairge.

4 Mar sin ghabh clann Ioseph, Manaseh agus Ephraim, an oighreachd.

5 Agus bha crìoch chloinn Ephraim, a rèir an teaghlachan, mar so: b'i eadhon crìoch an oighreachd air an làimh an ear Atarot-adar, gu Bethoron uachdarach.

6 Agus chaidh a' chrìoch a mach a dh'ionnsuidh na fairge, gu Michmetah air an taobh mu thuath, agus chaidh a' chrìoch mu 'n cuairt a làimh na h-airde 'n ear gu Taanot-siloh, agus ghabh i seachad air an taobh an ear gu Ianohah:

7 Agus chaidh i sìos o Ianohah gu Atarot, agus gu Naarat, agus thàinig i gu Iericho, agus chaidh i mach aig Iordan.

8 Chaidh a' chrìoch a mach o Thapuah a làimh na h-airde 'n iar gu sruth<sup>3</sup> Chanah: agus bha a dol a mach aig a fhairge. B'i sin oighreachd trèibhe chloinn Ephraim, a rèir an teaghlachan.

9 Agus bha na bailtean mòra a chuireadh air leth do chloinn Ephraim, am measg oighreachd chloinn Mhanaseh, na bailtean mòra uile le'm bailtibh beaga.

10 Agus cha d'fhògair iad a mach na Canaanach a bha còmhnuidh ann an Geser: ach tha na Canaanach nan còmhnuidh am measg nan Ephraimeach gus an la 'n diugh, agus tha iad a' deanamh seirbhis dhoibh fuidh chis.

## CAIB. XVII.

**B**HA mar an ceudna crannchur aig trèibh Mhanaseh, (oir b'esan ceudghin Ioseph) eadhon aig Machir ceudghin Mhanaseh, athair Ghilead; a chionn gu'm b'fhear cogaidh e: uime sin bha Gilead agus Basan aige.

2 Bha mar an ceudna crannchur aig a' chuid eile do chloinn Mhanaseh a rèir an teaghlachan; aig cloinn Abieser, agus aig cloinn Heleic, agus aig cloinn Asriel, agus aig cloinn Shechem, agus aig cloinn Hepheir, agus aig cloinn Shemida: b'iad sin clann mhac Mhanaseh, mhic Ioseph, a rèir an teaghlachan.

3 Ach aig Selophehad mac Hepheir, mhic Ghilead, mhic Mhachir, mhic Mhanaseh, cha robh mic, ach nigheana: agus is iad so ainmeanna a nigheana, Mahlah, agus Noah, Hoglah, Milcah, agus Tirzah.

4 Agus thàinig iad am fagus an làthair Eleasar an t-sagairt, agus an làthair Iosua mhic Nuin, agus an làthair nan uachdaran, ag ràdh, Dh'fàin an Tighearna do Mhaois oighreachd a thoirt duinne am measg ar bràithrean: uime sin a rèir àithne an Tighearna, thug e dhoibh oighreachd am measg bhràithrean an athar.

5 Agus thuit air Manaseh deich cuibh-rionna, thuilleadh air fearann Ghilead, agus Bhasan, a bh'air an taobh eile do Iordan;

6 A chionn gu'n robh aig nigheana Mhanaseh oighreachd am measg a chuid mac; agus bha fearann Ghilead aig a' chuid eile do mhacaibh Mhanaseh.

7 Agus bha crìoch Mhanaseh o Aser gu Michmetah, a tha fa chomhair Shechem, agus chaidh a' chrìoch air a h-aghaidh air an làimh dheis gu luchd-àiteachaidh En-tapuah.

8 A nis bha aig Manaseh fearann Thapuah: ach Tapuah air crìch Mhanaseh bha le cloinn Ephraim.



9 Agus chaidh a' chrìoch sìos gu sruth<sup>1</sup> Chanah mu dheas do'n t-sruth: bha bailte sin Ephraim an measg bhailte Mhanaseh: bha mar an ceudna crìoch Mhanasch air an taobh mu thnath do'n t-sruth, agus bha a dol a mach aig an fhairege.

10 An taobh mu dheas bu le Ephraim, agus an taobh mu thuath bu le Manaseh, agus b'i an fhairege a chrìoch, agus choinnich iad a chèile ann an Aser air an taobh mu thuath, agus ann an Isachar air an taobh an ear.

11 Agus bha aig Manaseh ann an Isachar, agus ann an Aser, Bet-sean agus a bhailtean, agus luchd-àiteachaidh Dhoir agus a bhailtean, agus Ibleam agus a bhailtean, agus luchd-àiteachaidh Dhoir agus a bhailtean, agus luchd-àiteachaidh Endoir agus a bhailtean, agus luchd-àiteachaidh Thaanaich agus a bhailtean, agus luchd-àiteachaidh Mhegido agus a bhailtean; eadhon tri dùchanna.

12 Gidheadh cha b'urrainn clann Mhanaseh luchd-àiteachaidh nam bailte sin fhògradh a mach, ach b'ail leis na Canaanaich còmhnuidh ghabhail san tìr sin.

13 Gidheadh tharladh 'nuair a dh'fhàs clann Israeil làidir, gu'n do chuir iad na Canaanaich fuidh chis; ach cha d'fhògair iad gu tur a mach iad.

14 Agus labhair clann Ioseph ri Iosua, ag ràdh, C'ar son nach d'thug thu dhomhsa ach aon chrannchur agus aon chuithrionn r'an sealbhachadh, agus gur sluagh mòr mi, agus gu'n do bheannaich an Tighearna mi gus a so.

15 Agus fhreagair Iosua iad, Ma's sluagh mòr thu, imich suas do'n choilltich, agus gearr sìos<sup>2</sup> dhuit fèin àit an sin ann am fearann nam Periseach, agus nam fahmairean, ma tha sliabh Ephraim ro-chumhaing duit.

16 Agus thubhairt clann Ioseph, Cha leòr an sliabh dhuinne: agus tha aig na Canaanaich uile, a tha chòmhnuidh ann am fearann a' ghlinne, carbadan iarunn, an dà chuid aca-san, a tha ann am Bet-sean agus na bhailtibh, agus aca-san, a tha ann an gleann Iesreeil.

17 Agus labhair Iosua ri tigh Ioseph, ri h-Ephraim, agus ri Manasch, ag ràdh, Is sluagh mòr thu, agus tha cunhachd mòr agad; cha bhi agad aon chrannchur a mhaìnn.

18 Ach bithidh an sliabh agadsa, oir is coille e; agus gearraidh tu sìos i: agus bithidh a dhol a mach agad: oir fògradh tu mach na Canaanaich, ge do tha carbadan iarunn aca, agus ge do tha iad làidir.

CAIB. XVIII.

**A**GUS chruinnich coimhthional chloinn Israeil uile an ceann a chèile aig Siloh, agus chuir iad snas pàillion a'

choimhthionail an sin, agus cheannsaich eadh an tìr rompa.

2 Agus bha fathast am measg chloinn Israeil seachd treubha, nach d'fhuair an oighreachd.

3 Agus thubhairt Iosua ri cloinn Israeil, Cia fhad a tha sibh mall a dhol a shealbhadh an fhearainn, a thug an Tighearna Dia bhuir n-aithriche dhuibh?

4 Thugaibh a mach dhomhsa as bhuir measg triùr dhaoine as gach tréibh: agus cuiridh mi uam iad, agus éiridh iad, agus théid iad tre'n fhearann, agus tairngidh iad e 'a réir an oighreachd-san, agus thig iad a m' ionnsuidhs<sup>3</sup> a ris.

5 Agus roinnidh iad e na sheachd earrannaibh: fanaidh Iudah na chrìch fèin air an taobh mu dheas, agus fanaidh tigh Ioseph na chrìch fèin air an taobh mu thuath.

6 Uime sin tairngidh sibh am fearann na sheachd earrannaibh, agus bheir sibh an tarruing<sup>4</sup> an so a m' ionnsuidhse, chum gu'n tilg mi croinn air bhuir son an so an làthair an Tighearna ar Dé.

7 Ach cha 'n'eil aig na Lebhitich roinn sam bith 'nar measg, oir is i sagartachd an Tighearna an oighreachd-san: agus fhuair Gad, agus Reuben, agus leth thréibh Mhanaseh, an oighreachd-san an taobh thall do Iordan air an làimh an ear, a thug Ma'ois òrlach an Tighearna dhoibh.

8 Agus dh'éirich na daoine, agus dh'fhalbh iad: agus dh'àithn Iosua dhoibhsan, a chaidh a tharruing an fhearainn, ag ràdh, Imichibh, agus rachaidh tre'n fhearann, agus tairngibh e, agus thigibh a ris a m' ionnsuidhse, chum gu'n tilg mi an so croinn air bhuir son an làthair an Tighearna ann an Siloh.

9 Agus dh'imich na daoine, agus chaidh iad tre'n fhearann, agus tharruing iad e a réir a bhailte, na sheachd earrannaibh, ann an Icabhar, agus thàinig iad gu Iosua do'n champ aig Siloh.

10 Agus thig Iosua croinn air an son ann an Siloh, an làthair an Tighearna: agus an sin roinn Iosua am fearann do chloinn Israeil a réir an roinnean.

11 Agus thàinig crannchur tréibhe chloinn Bheniamin a mach a réir an teaghlach: agus chaidh crìoch an crannchuir a mach eadar clann Iudah agus clann Ioseph.

12 Agus bha 'n crìoch air an taobh mu thuath o Iordan, agus chaidh a' chrìoch suas gu taobh Iericho air an taobh mu thuath, agus chaidh i suas tre'n nìhoaidh a làimh na h-àirde 'n iar, agus bha a dol a mach aig fasach Bhet-abhen.

13 Agus chaidh a' chrìoch thairis o sin gu Lus, gu taobh Luis (is e sin Betel) ri deas, agus chaidh a' chrìoch sìos gu Atarot-

<sup>1</sup> a' bhaìnn. <sup>2</sup> réitich. <sup>3</sup> scriobhaidh, no

comharaichidh iad sìos. <sup>4</sup> an samhlaidh, an coslas.

adar, am fagus do'n t-sliabh a *tha* air an taobh dheas do Bhet-horon iochdarach.

14 Agus thairngeadh a' chrìoch o *sin*, agus chuairtich i oisinn na mara ri deas, o'n t-sliabh a *tha* fa chomhair Bhet-horoin ri deas: agus bha a dol a mach aig Ciriabbaal (*is e sin* Ciriati-earain) bailc le cloinn Iudah: *b'i sin* a' chearna an iar.

15 Agus *bha a'* chearna mu dheas o cheann Chiriat-icarin, agus chaidh a' chrìoch a mach air an làimh an iar, agus ghabh i mach gu tobar uisgeacha Nephtoah.

16 Agus chaidh a' chrìoch sìos gu ceann na beinne, a *tha* fa chomhair glinne mhic Hinoim, a *tha* ann an gleann nam famh-airean air an taobh mu thuath, agus chaidh i sìos gu gleann Hinoim, gu taobh Iebusi air an làimh dheis, agus ghabh i sìos gu En-rogel.

17 Agus thairngeadh i o'n taobh mu thuath, agus ghabh i air a h-aghaidh gu En-emes, agus chaidh i mach a dh'ionnsuidh Ghehilot, a *ta* thall fa chomhair uchdaich Adumim, agus ghabh i sìos gu cloich Bhobain mhic Reubein.

18 Agus ghabh i air a h-aghaidh chum na taoibh thall fa chomhair Arabah mu thuath, agus chaidh i sìos gu Arabah.

19 Agus ghabh a' chrìoch thairis gu taobh Bhet-hoglah mu thuath: agus bha dol a mach na crìche aig a' chamus mu thuath do'n mhuir shalainn, aig ceann Iordain mu dheas: *b'i sin* a' chrìoch mu dheas.

20 Agus b'e Iordan a chrìoch air an làimh an ear. *B'i sin* oighreachd chloinn Bheniamin, le a' crìochaibh mu'n cuairt, a réir an teaghlaichean.

21 A nis b'iad bailtean mòra<sup>1</sup> tréibhe chloinn Bheniamin a réir an teaghlaichean, Iericho, agus Bet-hoglah, agus glcann Ches-is,

22 Agus Bet-arabah, agus Semaraim, agus Betel,

23 Agus Abhim, agus Parah, agus Ophrah,

24 Agus Chephar-haamonai, agus Ophni, agus Gabah; dà mhòr-bhaile dheug le'm bailtibh beaga.

25 Gibeon, agus Ramah, agus Beerot,

26 Agus Mispah, agus Chephirah, agus Mosah,

27 Agus Rechem, agus Irpecl, agus Taralah,

28 Agus Selah, Eleph, agus Iebus, (*is e sin* Ierusalem :) Gibeat, agus Ciriati; ceithir mòr-bhaile deug le'm bailtibh beaga. *B'i sin* oighreachd chloinn Bheniamin a réir an teaghlaichean.

## CAIB. XIX.

**A** GUS thàinig an dara crannchur a mach do Shimeon, *cadh*on do thréibh chloinn Shimeoin, a réir an teaghlaichean: agus bha 'n oighreachd-san am meadhon oighreachd chl'inn Iudah.

2 Agus bha aca nan oighreachd, Beersebah, agus Sebah, agus Moladah,

3 Agus Hasar-sual, agus Balah, agus Asem,

4 Agus Eltolad, agus Bctul, agus Hormah,

5 Agus Siclag, agus Betmarcabot, agus Hasar-susah,

6 Agus Bet-lebaot, agus Saruhen; trì mòr-bhaile deug agus am bailte beaga.

7 Ain, Remon, agus Eter, agus Asan; ceithir bailte mora le'm bailtibh beaga.

8 Agus na bailtean beaga uile a *bha* mu thimchioll nam bailte mòra sin, gu Balatbeer, Ramat mu dheas. *B'i sin* oighreachd tréibhe chloinn Shimeoin a réir an teaghlaichean.

9 A mach a crannchur chloinn Iudah *bha* oighreachd chloinn Shimeoin: oir bha cuibhrionn chloinn Iudah ro-mhòr dhoibh: uime sin bha aig cloinn Shimeoin an oighreachd ann am meadhon an oighreachd-san.

10 Agus thàinig an treas crannchur a mach air son chloinn Shebuluin, a réir an teaghlaichean: agus bha crìoch an oighreachd-san gu Sarid.

11 Agus chaidh an crìoch suas a dh'ionnsuidh na fairge, agus Maralah, agus ràinig i gu Dabaset, agus ràinig i gu ruig an sruth a tha fa chomhair Iocneaim,

12 Agus phill i o Shared a làimh na h-airde 'n ear, leth ri éirigh na gréine, gu crìch Chislot-taboir: agus an sin tha i dol a mach gu Dabarat, agus a' dol suas gu Iaphia,

13 Agus o *sin a'* gabhail thairis air an làimh an ear gu Gitah-hepher, gu Itahcasin, agus a' dol a mach gu Remon-metear gu Neah.

14 Agus tha a' chrìoch a' dol mu'n cuairt mu thuath gu Hanaton: agus tha a dol a mach ann an gleann Iiphtah-el,

15 Agus Catat, agus Nabalal, agus Simron, agus Idalah, agus Bet-lehem; dà mhòr-bhaile dheug le'm bailtibh beaga.

16 *B'i sin* oighreachd chloinn Shebuluin, a réir an teaghlaichean, na bailte mòra sin le'm bailtibh beaga.

17 Thàinig an ceathramh crannchur a mach do Isachar, air son chloinn Isachair, a réir an teaghlaichean.

18 Agus b'i an crìoch Iesreel, agus Chesulot, agus Sunem,

19 Agus Hapharaim, agus Sihon, agus Anaharat,

20 Agus Rabit, agus Cision, agus Abes.

21 Agus Remet, agus Enganim, agus En-hadah, agus Bet-pases;

22 Agus tha a' chrìoch a' ruigheachd gu Tabor, agus Sahasimah, agus Bet-emes, agus bha dol a mach an crìche aig Iordan; sè mòr-bhaile deug le'm bailtibh beaga.

23 *B'i sin* oighreachd tréibhe chloinn

<sup>1</sup> caithriche.



Isachair a réir an teaghlaiche, na bailte mòra agus am bailte beaga.

24 Agus thàinig an cùigeamh crannchur a mach do thréibh chloinn Aseir, a réir an teaghlaiche.

25 Agus b'i an crìoch Helcat, agus Hali, agus Beten, agus Achsaph,

26 Agus Alamelech, agus Amad, agus Miseal; agus tha i a' ruigheachd gu Carmel air an làimh an iar, agus gu Sihor-libnat,

27 Agus a' pilltinn leth ri éirigh na gréine gu Bet-dagon, agus a' ruigheachd gu Sebulun, agus gu gleann Iiphiuah-el, leth ris an taobh mu thuath do Bhetemec, agus Neiel, agus a' dol a mach gu Cabul air an làimh chli,

28 Agus Heb'ron, agus Rehob, agus Hamon, agus Canah, *eadhon* gu Siden mòr:

29 Agus an sin tha chrìoch a' pilltinn gu Ramah, agus gus am mòr-bhaile daing-nichte 'Tirus, agus tha a' chrìoch a' pilltinn gu Hosah: agus tha a dol a mach aig an fhaireg o'n oirthir<sup>2</sup> gu Achsib.

30 Umah mar an crudna, agus Aphec, agus Rehob; dà mhòr-bhaile thar fluichead le'm bailtibh beaga.

31 Is i sin oighreachd tréibhe chloinn Aseir, a réir an teaghlaiche, na bailte mòra sin le 'm bailtibh beaga.

32 Thàinig an seathadh crannchur a mach do chloinn Naphtali, *eadhon* do chloinn Naphtali, a réir an teaghlaiche.

33 Agus bha 'n crìoch o Heleph, o Alon gu Sabananim, agus Adami, Neceb, agus Iahneel, gu Lacum: agus bha a dol a mach gu Iordan.

34 Agus an sin tha a' chrìoch a' pilltinn an iar gu Asnot-tabor, agus a' dol a mach o sin gu Ilucoc, agus tha i a' ruigheachd gu Sebulun air an taobh mu dheas, agus a' ruigheachd gu Aser air an taobh an iar, agus gu bruachaibh Iordain<sup>3</sup> leth ri éirigh na gréine.

35 Agus is iad na mòr-bhailte daing-nichte Sidim, Ser, agus Hamat, Racat, agus Cineret,

36 Agus Adamah, agus Ramah, agus Hasor,

37 Agus Cedec, agus Edrei, agus En-hasor,

38 Agus Iron, agus Migdalel, Horem, agus Bet-hanat, agus Bet-semes; naoi mòr-bhailte deug le'm bailtibh beaga.

39 Is i sin oighreachd tréibhe chloinn Naphtali a réir an teaghlaichean, na bailte mòra agus am bailte beaga.

40 Agus thàinig an seachdamh crannchur a mach do thréibh chloinn Dhain, a réir an teaghlaichean.

41 Agus b'i crìoch an oighreachd Sorah, agus Estaol, agus Ir-semes,

42 Agus Saalabin, agus Aialon, agus Ietlah,

43 Agus Elon, agus Timnatah, agus Ecron,

44 Agus Elteceh, agus Gibeton, agus Baalat,

45 Agus Iehud, agus Bencberac, agus Gat-rimon.

46 Agus Me-iarcon, agus Racon, maille ris a' chrìch fa chomhair Iapho.

47 Agus chaidh crìoch chloinn Dhain a mach ro ghann doibh: uime sin chaidh clann Dhain suas agus chog iad an aghaidh Leseim, agus ghlac iad e, agus bhuail iad e le faobhar a' chlaidheimh, agus shealbhaich iad e, agus ghabh iad còmhnuidh ann, agus thug iad Dan a dh'ainm air Lesem, a réir ainme an athar Dan.

48 Is i sin oighreachd tréibhe chloinn Dhain a réir an teaghlaichean, na bailte mòra sin le'm bailtibh beaga.

49 'Nuair a chuir iad crìoch air an fhearann a roinn mar oighreachd a réir an crìocha, thug clann Israeil oighreachd do Iosua mac Nuin, nam measg:

50 A réir focal an Tighearna, thug iad da am baile a dh'iarr e, *eadhon* Timnat-serah ann an sliabh Ephraim, agus thog e am baile, agus ghabh e còmhnuidh ann.

51 Is iad sin na h-oighreachdan a roinn Eleasar an sagart, agus Iosua mac Nuin, agus cinn aithriche threubha chloinn Israeil, mar oighreachd le crannchur, ann an Siloh an làthair an Tighearna, aig dorus pàilluin a' choimhthionail: mar sin chuir iad crìoch air an fhearann a roinn.

CAIB. XX.

**A** GUS labhair an Tighearna ri Iosua, ag ràdh,

2 Labhair ri cloinn Israeil, ag ràdh, Sònraichibh dhuibh féin bailte didein, mu'n do labhair mi ribh le làimh Mhaois:

3 A chum as gu'n teich am marbhaiche, a marbhas neach ann an ain-eolas agus gun fhios da, an sin: agus bithidh iad nan didein duibh o dhioghaltair na fola.

4 Agus an uair a shecasas esan a theich-eas a dh'ionnsuidh aoin do na bailtibh sin, aig dol a stigh geataidh a' bhaile, agus a chuireas e a chùis an céill ann an clusaibh sheanairean a' bhaile sin; gabhaidh iad a steach e do'n bhaile d'an ionnsuidh, agus bheir iad àite dha, chum gu'n gabh e còmhnuidh nam measg.

5 Agus an uair a théid dioghaltair na fola an tòir air, an sin cha d' thoir iad suas am marbhaiche d'a làimh; a cheann gu'n do bhuail e choimhearsnach gun fhios da, agus gun fhuath aige dha san aimsir roimhe sin.

6 Agus gabhaidh e còmhnuidh sa' bhaile sin, gus an seas e an làthair a' choimh-chruinnich chum breitheanaid, agus gu bàs an ard-shagairt, a bhios anns na laithibh sin: an sin pillidh am marbhaiche, agus

<sup>1</sup> a' chathair làidir.

<sup>2</sup> eirthir.

<sup>3</sup> gu Iudah air Iordan.

thig e d'a bhaile féin, agus d'a thigh fein, do'n bhaile, o'n do theich e.

7 Agus chuir iad air leth Cedès ann an Galilee ann an sliabh Naphtali, agus Sechem ann an sliabh Ephraim, agus Ciriatarba (eadhon Hebron) ann an sliabh Iudah.

8 Agus air taobh eile Iordain làimh ri Iericho air an làmh an ear, shònruich iad Beser anns an fhàsach air a' chòmhnaró a tréibh Reubein, agus Ramot ann an Gilead a tréibh Ghad, agus Golan ann am Basan a tréibh Mhanasch.

9 B'iad sin na bailtean a shònraicheadh air son chloinn Israeil uile, agus air son a' choigrich a tha air chuairt nam measg, a chum as ge b'e mharbhadh neach ann an ain-eolas, gu'n teicheadh e an sin, agus, nach bàsaicheadh e le làimh dìoghaltair na fola, agus an seasadh e an làthair a' choinh-chruinnich.

### CAIB. XXI.

**A**N sin thàinig ciun aithriche nan Lebhitheach ann fagus do Eleasar an sagart, agus do Iosua mac Nuin, agus do cheannbhall àithreacha threubha chloinn Israeil.

2 Agus labhair iad riu aig Siloh ann an tìr Chanaain, ag ràdh, Dh'àithn an Tighearna le làmh Mhaois, bailtean a thoirt duinn gu còmhnuidh ghabhail anna, le'm fearann comh-roinn d'ar spréidh.

3 Agus thug clann Israeil do na Lebhitich as an oighreachd air àithne an Tighearna, na bailte so agus am fearann comh-roinn.

4 Agus thàinig an crannchur a mach air son teaghlaichean nan Cohatach; agus bha aig cloinn Aaroin an t-sagairt, a bha do na Lebhitich, le crannchur a tréibh Iudah, agus a tréibh Shimeoin, agus a tréibh Bheniamin, tri bailte deug.

5 Agus bha aig a' chuid eile do chloinn Chohait le crannchur, a teaghlaichibh thréibh Ephraim, agus a tréibh Dhain, agus a leth-thréibh Mhanaseh, deich bailte.

6 Agus bha aig cloinn Ghersein le crannchur a teaghlaichibh thréibh Isachair, agus a tréibh Aseir, agus a tréibh Naphtali, agus a leth-thréibh Mhanaseh ann am Basan, tri bailte deug.

7 Bha aig cloinn Mherari a réir an teaghlaichean, a tréibh Reubein, agus a tréibh Ghad, agus a tréibh Shebuluin, dà bhaile dheug.

8 Agus thug clann Israeil le crannchur do na Lebhitich na bailte sin le'm fearann comh-roinn, mar a dh'àithn an Tighearna le làmh Mhaois.

9 Agus thug iad a mach a tréibh chloinn Iudah, agus a tréibh chloinn Shimeoin, na bailte so, a tha air an ainmeachadh,

10 A bha aig cloinn Aaroin do theaghlaichibh nan Cohatach, muinntir a bha do chloinn Lebhi: (oir bu leo-san an ceud chrannchur.)

11 Agus thug iad dhoibh mòr-bhaile Arba, athar Anaic, (eadhon Hebron) ann an sliabh Iudah, maille r'a fhearann comh-roinn mu'n cuairt air.

12 Ach fearann a' mhòr-bhaile, agus a bhailte beaga, thug iad do Chaleb mac Iephunch mar a sheilbh.

13 Mar so thug iad do chloinn Aaroin an t-sagairt, Hebron maille r'a fhearann comh-roinn, *gu bhi* na bhaile didein do'n mharbhaiche, agus Libnah le 'fhearann comh-roinn,

14 Agus Iatir le 'fhearann comh-roinn, agus Estemoah le 'fhearann comh-roinn,

15 Agus Holon le 'fhearann comh-roinn, agus Debir le 'fhearann comh-roinn,

16 Agus Ain le 'fhearann comh-roinn, agus Iutah le 'fhearann comh-roinn, agus Betsemes le 'fhearann comh-roinn: naoi bailte as an dà thréibh sin.

17 Agus a tréibh Bheniamin, Gibeon le 'fhearann comh-roinn, Gebah le 'fhearann comh-roinn,

18 Anatot le 'fhearann comh-roinn, agus Almon le 'fhearann comh-roinn; ceithir bailte.

19 B'iad uile bhailte chloinn Aaroin nan sagart, tri bailte deug le'm fearann comh-roinn.

20 Agus bha aig teaghlaichibh chloinn Chohait, na Lebhitich, a mhair do chloinn Chohait, eadhon acasan, bailtean an crannchur a tréibh Ephraim.

21 Oir thug iad dhoibh Sechem le 'fhearann comh-roinn ann an sliabh Ephraim, *gu bhi* na bhaile didein do'n mharbhaiche; agus Geser le 'fhearann comh-roinn,

22 Agus Cibsaim le 'fhearann comh-roinn, agus Bet-horon le 'fhearann comh-roinn: ceithir bailte.

23 Agus a tréibh Dhain, Elteceh le 'fhearann comh-roinn, Gibeton le 'fhearann comh-roinn,

24 Aialon le 'fhearann comh-roinn, Gat-rimon le 'fhearann comh-roinn: ceithir bailte.

25 Agus a leth-thréibh Mhanaseh, Taanach le 'fhearann comh-roinn, agus Gat-rimon le 'fhearann comh-roinn: dà bhaile.

26 B'iad na bailtean uile le'm fearann comh-roinn deich, air son teaghlaichean chloinn Chohait a mhair *gun an oighreachd fhaghail*<sup>1</sup>.

27 Agus do chloinn Ghersein do theaghlaichibh nan Lebhitheach, a leth eile thréibh Mhanaseh, *thug iad* Golan ann am Basan le 'fhearann comh-roinn, *gu bhi* na bhaile didein do'n mharbhaiche, agus Bees-terah le 'fhearann comh-roinn: dà bhaile.

28 Agus a tréibh Isachair, Cison le 'fhearann comh-roinn, Dabareh le 'fhearann comh-roinn,

<sup>1</sup> fhaotainn.



29 Iarmut le 'fhearann comh-roinn, En-ganin le 'fhearann comh-roinn: ceithir bailte.

30 Agus a tréibh Aseir, Misal le 'fhearann comh-roinn, Abdon le 'fhearann comh-roinn,

31 Helcat le 'fhearann comh-roinn, agus Rehob le 'fhearann comh-roinn: ceithir bailte.

32 Agus a tréibh Naphtali, Cedes ann an Galilee le 'fhearann comh-roinn, *gu bhi* na bhaile didein do'n mharbhaiche: agus Hamot-dor le 'fhearann comh-roinn, agus Cartan le 'fhearann comh-roinn: tri bailte.

33 *B'iad* uile bhailte nan Gersonach, a réir an teaghlaichean, tri bailte deug le'm fearann comh-roinn.

34 Agus do theaghlaichibh chloinn Mherari a' chuid eile do na Lebhithich, a tréibh Shebulcan, Iocneam le 'fhearann comh-roinn, agus Cartali le 'fhearann comh-roinn,

35 Dimnah le 'fhearann comh-roinn, Nahalal le 'fhearann comh-roinn: ceithir bailte.

36 Agus a tréibh Reubcin, Bescr le 'fhearann comh-roinn, agus Iahasah le 'fhearann comh-roinn,

37 Cedemot le 'fhearann comh-roinn, agus Mepbaat le 'fhearann comh-roinn: ceithir bailte.

38 Agus a tréibh Ghad, Ramot ann an Gilead le 'fhearann comh-roinn, *gu bhi* na bhaile didein do'n mharbhaiche: agus Mahanaim le 'fhearann comh-roinn,

39 Hesboin le 'fhearann comh-roinn, Iaser le 'fhearann comh-roinn: ceithir bailte san iomlan.

40 Mar sin *b'iad* na bailtean uile air son chloinn Mherari, a réir an teaghlaichean, a mhair do theaghlaichibh, nan Lebhitheach, a réir an crannchoir dà bhaile dheng.

41 *B'iad* uile bhailtean nan Lebhitheach, an taobh a stigh do sheilbh ehloinn Israeil, ochd bailte agus dà fhichead le'm fearann comh-roinn.

42 Bha na bailte sin gach aon le'm fearann comh-roinn mu'n tìmhchioll: mar so *bha* na bailte sin uile.

43 Agus thug an Tighearna do Israel am fearann uile a mhionnaich e thoirt d'an aithrieibh: agus shealbhaich iad e, agus ghabh iad eòmhnuidh ann.

44 Agus thug an Tighearna dhoibh fois mu'n cuairt, a réir nan uile *nithe* a mhionnaich e d'an aithrieibh: agus cha do sheas duine d'an naimhidh uile rompa: an naimhdean uile thug an Tighearna thairis d'an làimh.

45 Cha d'fhàillnich<sup>1</sup> a' bheag do gach ni maith a labhair an Tighearna ri tigh Israeil: thàinig an t-iomlan gu crìch.

**A**N sin ghairm Iosua na Reubenich, agus na Gadaich, agus leth-thréibh Mhanaseh,

2 Agus thubhairt e riu, Ghléidh sibh na h-uile *nithe* a dh'àithn Maois òglach an Tighearna dhuibh, agus thug sibh géill do m'ghuth-sa anns nah-uile *nithibh* a dh'àithn mi dhuibh,

3 Cha d'fhàg sibh bhur bràithre rè mhòran do làithibh gus an la'n diugh, ach ghléidh sibh cùram àithne an Tighearna bhur Dé.

4 Agus a nis thug an Tighearna bhur Dia fois d'ar bràithribh, mar a gheall e dhoibh: a nis uime sin pillidh, agus rach-aibh d'ar pàillunaibh, agus gu fearann bhur seilbhe, a thug Maois, òglach an Tighearna, dhuibh air an taobh thall do Iordan.

5 Aeh thugaibh ro-aire gu'n coimhlion<sup>2</sup> sibh an àithne agus an lagh, a dh'àithn Maois, òglach an Tighearna, dhuibh, gràdh a thoirt do'n Tighearna bhur Dia, agus gluasad ua uile shligheibh, agus àitheantan a ghleidheadh, agus dlùth-leantuinn ris, agus seirbhis a dheanamh dha le'r n-uile crìdhe, agus le'r n-uile anam.

6 Mar sin bheannaich Iosua *iad*, agus chuir e air falbh iad: agus chaidh iad d'am pàillunaibh.

7 A nis do aon leth-thréibh Mhanaseh thug Maois *scalbh* ann am Basan: ach do'n leth-thréibh eile dhuibh thug Iosua *scalbh* am measg am bràithrean air an taobh so do Iordan air an làimh an iar. Agus cuideachd, an uair a chuir Iosua air falbh iad d'am pàillunaibh, an sin bheannaich e iad,

8 Agus labhair e riu, ag ràdh, Le mòr shaibreas pillidh d'ar pàillunaibh, agus le ro-mhòran spréidhe, le h-airgid, agus le h-òr, agus le h-uinna, agus le h-iarann, agus le ro-mhòran eudaich; roinnibh creach bhur naimhde r'ar bràithribh.

9 Agus phill clann Reubein, agus clann Ghad, agus leth-thréibh Mhanaseh, agus dh'fhalbh iad o chloinn Israeil a Siloh, a tha ann an tìr Chanaain, gu dol do thìr Ghilead, gu fearann an seilbhe, a shealbhaich iad, a réir focail an Tighearna le làimh Mhaois.

10 Agus an uair a thàinig iad gu crìocheaibh Iordain, a tha ann an tìr Chanaain, thog clann Reubein, agus clann Ghad, agus leth-thréibh Mhanaseh altair an sin làimh ri Iordan, altair uhor ri amhare oirre.

11 Agus chuala clann Israeil air a ràdh, Feuch, thog clann Reubein, agus clann Ghad, agus leth-thréibh Mhanaseh, altair thail fa chomhair tìre Chanaain, ann an crìochaibh Iordain, far an d'fhàinig clann Israeil thairis.

<sup>1</sup> do thoit. Eabh.

<sup>2</sup> dean. Eabh.

12 Agus an uair a chuala clann Israeil so, chrunnich coimhthional chloinn Israeil uile iad féin an ceann a chéile aig Siloh, gu dol suas a chogadh nan aghaidh.

13 Agus chuir clann Israeil a dh'ionnsuidh cloinn Reubein, agus a dh'ionnsuidh cloinn Ghad, agus gu leth-thréibh Mhanasch, do thíir Ghilead, Phinehas mac Eleasair an t-sagairt,

14 Agus deichi ceannardan<sup>1</sup> maille ris, ceannard do gach príomh thigh<sup>2</sup>, air feadh uile threubhan Israeil, agus b'c gach fear dhuibh ceann tige an aithriche, air feadh mhiltean Israeil.

15 Agus tháinig iad gu cloinn Reubein, agus gu cloinn Ghad, agus gu leth-thréibh Mhanasch, gu tír Ghilead, agus labhair iad riu, ag ràdh,

16 Mar so tha coimhchruinneach an Tighearn uile ag ràdh, Ciod e an cionta so a rinn sibh an aghaidh Dé Israeil, pilleadh air falbh an diugh o leantuinn an Tighearna, le altair a thogail dhuibh féin, chuinn ceannaire a dheanamh an diugh an aghaidh an Tighearna?

17 An ro-bheag dhuinn cionta Pheoir, o nach eil sinn air ar glanadh gus an la'n diugh, (agus air son an robh plaigh ann an coimhchruinneach an Tighearna)

18 Ach gu'm pilleadh sibh air falbh an diugh o'n Tighearn a leantuinn? agus tarlaidh, do bhrìgh gu bheil sibh a' deanamh ceannaire an diugh an aghaidh an Tighearna, am màireach gu'n las 'fhearg an aghaidh uile choimhchruinnich Israeil.

19 Gidheadh ma tha fearann bhur seilbhe neo-glhan, rachaibh thairis a dh'fhearnan seilbhe an Tighearna, far am bheil pàilliu an Tighearn a chòmhnuidh, agus gabhaibh seilbh nar measg-ne: ach na deanaibh ceannaire an aghaidh an Tighearna, no ceannaire nar n-aghaidh-ne, le altair a thogail duibh féin, a thuilleadh air altair an Tighearn ar Dé.

20 Nach d'rinn Achan mac Sherah cionta san nì mhallaichte, agus thuit fearg air uile choimhchruinneach Israeil? agus cha b'e 'n duine sin na aonar a' bhàsaich na chionta.

21 An sin fhreagair clann Reubein, agus clann Ghad, agus leth-thréibh Mhanasch, agus thubhairt iad ri ceannardaibh mhiltean Israeil,

22 Aig an Tighearna Dia nan dèe, aig an Tighearna Dia nan dèc e féin a ta fios, agus aig Israel bithidh fios, ma's ann an ceannaire, no ann an eusaontas an aghaidh an Tighearna, (ma's ann, na saor sinn an diugh)

23 A thog sinne dhuinn féin altair, gu pilleadh air falbh o'n Tighearn a leantuinn, no ma's ann a thoirt suas oirre ìobairt-loisgte, no tabhartais-bidh, no mà's ann a

thoirt suas oirre ìobairte thabhartasa-sith an sin agradh an Tighearna féin e:

24 Agus mur ann air eagal an nì so a rinn sinn e, ag ràdh, Anns an àm ri teachd dh'fheadadh bhur clannsa labhairt ri 'r cloinn-ne, ag ràdh, Ciod bhur gnothuch-sa ris an Tighearna Dia Israeil?

25 Oir rinn an Tighearna Iordan na crìch eadar sinne agus sibhse; a chlann Reubein, agus a chlann Ghad, cha'n 'eil agaibhse cuibhrionn air bith san Tighearna: mar so bheir bhur clann-sa air ar cloinn-ne sgu o cagal an Tighearn a bhi orra.

26 Uime sin thubhairt sinn, Gabhamaid a nis mu altair a thogail dhuinn féin, cha'n ann air son tabhartais-loisgte no air son ìobairt;

27 Ach a chum gu'm bi i na fianuis eadar sinne agus sibhse, agus ar sliochd nar déigh, a chum as gu'n dean sinn seirbhis an Tighearna na làthair le'r tabhartais-loisgte, agus le'r n-ìobairtibh, agus le'r tabhartais-sith, a chum as nach abair bhur clann-sa r'ar cloinn-ne san àm ri teachd, Cha'n'eil cuibhrionn agaibh san Tighearna.

28 Uime sin thubhairt sinn, gu'n tachair c, 'nuair a their iad so ruinne, no r'ar sliochd san àm ri teachd, gu'm bi againn ri ràdh a rìs, Faicibh samhladh altair an Tighearna, a rinn ar n-aithriche, cha'n ann air son thabhartasa-loisgte, no air son ìobairtean, ach<sup>3</sup> is fianuis i cadar sinne agus sibhse.

29 Gu ma fàda robh e uainne ceannaire a dheanamh an aghaidh an Tighearna, agus pilltinn an diugh o leantuinn an Tighearna, le altair a thogail air son thabhartasa-loisgte, air son thabhartasabidh, na air son ìobairtean, seach altair an Tighearn ar Dé a tha air beulaobh a phàilliuin.

30 Agus an uair a chuala Phinehas an sagart, agus ceannardan a' choimhchruinnich, agus cinn mhiltean Israeil a bha maille ris, na briathran a labhair clann Reubein, agus clann Ghad, agus clann Mhanasch, thaitinn e riu.

31 Agus thubhairt Phinehas mac Eleasair an t-sagairt ri cloinn Reubein, agus ri cloinn Ghad, agus ri cloinn Mhanasch, An diugh tha fios againn gu'm bheil an Tighearna nar measg, a cheann nach d'rinn sibh an cionta so an aghaidh an Tighearna: a nis shaor sibh clann Israeil a làimh an Tighearna.

32 Agus phill Phinehas mac Eleasair an t-sagairt, agus na ceannardan o chloinn Reubein, agus o chloinn Ghad, a tír Ghilead gu tír Chanana, gu cloinn Israeil, agus thug iad fios d'an ionnsuidh a rìs.

33 Agus thaitinn a' chùis ri cloinn

<sup>1</sup> uachdarain.

<sup>2</sup> as guch thigh ard athar.

<sup>3</sup> oir.



Israeil, agus bheannaich clann Israeil Dia, agus cha robh rùn aca dol<sup>1</sup> suas nan aghaidh gu cath, a sgrios na tìre anns an robh clann Reubein agus Ghad nan comh-nuidh.

34 Agus thug clann Reubein, agus clann Ghad *Ed* mar ainm air an altair: oir *bithidh* na fianuis eadaruin, gur e'n Tighearna a's Dia ann.

C A I B. XXIII.

**A**GUS ann ceann ùine fhada, an déigh do'n Tighearna fois a thoirt do Israeil o'n naimhaidh uile mu'n cuairt, dh'fhàs Iosua scan, agus thàinig e air 'aghaidh ann am bliadhnaibh.

2 Agus ghairm Iosua *d'a ionnsuidh* Israel uile, an seanairan, agus an ceannardan, agus am breitheamhna, agus an luchd-riaghluidh, agus thubhairt e riu, Tha mise sean, agus air teachd air m'aghaidh ann am bliadhnaibh.

3 Agus chunnaic sibh gach *ni* a rinn an Tighearna bhur Dia ris na cinnich sin uile air bhur sonsa; oir *is* e'n Tighearna bhur Dia e fèin, a chog air bhur son.

4 Faicibh, roinn mi dhuibh le crannchur na cinnich sin a mhaireas, *gu bhi* nan oighreachd d'ar treubhaibh, o Iordan, maille ris na cinnich uile a ghearr mi as, eadhon gus an fhairge mhòir air an taobh an iar.

5 Agus an Tighearna bhur Dia, fuad- aichidh esan iad as bhur fianuis, agus iomainidh e iad a mach as bhur sealladh, agus seallbaichidh sibh am fearann, mar a gheall an Tighearna bhur Dia dhuibh.

6 Bithibhse uime sin ro-mhisneachail a ghleidheadh agus a dheanamh nan uile nithe, a ta scriobhta ann an leabhar lagha Mhaois, a chum nach pill sibh a leth-taobh uàith, a dh'ionnsuidh na làimhe deise no dh'ionnsuidh na làimhe clithe;

7 A chum nach d' thig sibh air feadh nan cinneach sin, nan cinneach sin a mhaireas nar measg, agus nach luadh sibh ainm an dée, agus nach mionnaich sibh *orra*, agus nach dean sibh seirbhis dhoibh, agus nach crom sibh sibh fèin doibh:

8 Ach dlùth-leanaibh ris an Tighearna bhur Dia, mar a rinn sibh gus an la'n diugh.

9 Oir dh'fhuadaich an Tighearna bhur Dia a mach as bhur fianuis cinnich mhòr agus threun: ach d'ar taobhsa, cha b'urrainn duine sam bith seasamh roimhibh gus an la'n diugh.

10 Cuiridh aon fhear dhibh an teicheadh air mìle; oir *is* e'n Tighearna bhur Dia e fèin, a chogas air bhur son, mar a gheall e dhuibh.

11 Thugaibh uime sin aire mhaith dhuibh fèin, gu'n gràdhaich sibh an Tigh-earna bhur Dia.

12 No ma théid sibh air chor sam bith air bhur n-ais, agus ma leanas sibh ri fuigheall nan cinneach sin, eadhon nan cinneach sin a mhaireas nar measg, agus ma ni sibh cleamhnas riu, agus ma théid sibh a steach d'an ionnsuidh, agus iadsan d'ar n-ionnsuidh-sa:

13 Biodh fios cinnteach agaibh, nach fuadaich an Tighearna bhur Dia tuilleadh a h-aon oir *bith* do na cinnich sin a mach roimhibh: ach bithidh iad dhuibh nan ribe, agus nan ceap-tuislidh, agus nan sgiurs- adh nar taobhaibh, agus nam bioraibh nar sùilibh, gus an d' théid as duibh bhàrr an fhearainn mhaith so, a thug an Tigh-earna bhur Dia dhuibh.

14 Agus feuch, a ta mise an diugh a' dol air slighe na talmhainn uile, agus tha fios agaibh fèin nar n-uile chridhe agus nar n-uile anam, nach d'fhàilnich aon ni do na nitheibh maithe sin uile a labhair an Tigh-earna bhur Dia d'ar taobh; thàinig iad gu léir gu crìch dhuibhse, cha d'fhàilnich aon ni dhuibh.

15 Uime sin tarlaidh, mar a thàinig na h-uile nithe maithe oirbh, a gheall an Tighearna bhur Dia dhuibh, mar sin gu'n d' thoir an Tighearna oirbh na h-uile nithe olc, gus an sgrios e sibh bhàrr an fhearainn mhaith so a thug an Tighearna bhur Dia dhuibh.

16 'Nuair a bhriseas sibh coimhcheangal an Tighearna bhur Dé, a dh'aithn e dhuibh, agus a théid sibh, agus a ni sibh seirbhis do dhéibh eile, agus a chromas sibh sibh fèin doibh; an sin lasaidh fearg an Tigh-earna nar n-aghaidh, agus théid as duibh gu grad bhàrr an fhearainn mhaith a thug e dhuibh.

C A I B. XXIV.

**A**GUS chruinnich Iosua treubhan Is- rael uile gu Sechem, agus ghairm e air seanairibh Israeil, agus air an ceannardaibh, agus air am breitheamhnaibh, agus air an luchd-driaghlaidh, agus nochd siad iad fèin am fianuis Dé.

2 Agus thubhairt Iosua ris an t-sluagh uile, Mar so tha 'n Tighearna Dia Israeil ag ràdh, Air taobh thall an t-srutha<sup>2</sup>, anns an t-sean aimsir, chòmhnuich bhur n-aith-riche, eadhon Terah athair Abraham, agus athair Nachoir: agus rinn iad seirbhis do dhéibh cile.

3 Agus thug mi bhur n-athair Abraham o thaobh thall an t-srutha, agus threòraich mi e tre thìr Chanaain uile, agus rinn mi a shliochd lìonmhor, agus thug mi dha Isaac.

4 Agus thug mi do Isaac Iacob agus Esau: agus thug mi do Esau sliabh Sheir r'a shealbhadh; ach chaidh Iacob agus a chlann sìos do'n Eiphit.

5 Chuir mi Maois mar an ceudna agus

<sup>1</sup> cha dubhairt iad gu'n rachadh iad. Eabh.  
222

<sup>2</sup> na h-aibhne.

Aaron a mach, agus bhuail mi an Eiphit a rèir an nì sin a rinn mi na meadhan: agus an déigh sin thug mi sibhse mach.

6 Agus thug mi bhuir n-aithriche as an Eiphit: agus thàinig sibh a dh'ionn-uidh na fuirge, agus lean na h-Eiphitich bhuir n-aithriche le carbadaibh agus marc-shluagh gus a' mhuir ruaidh.

7 Agus an uair a ghlaodh iad ris an Tighearna, chuir e dorchadas eadar sibhse agus na h-Eiphitich, agus thug e a' mhuir orra-san, agus dh'fholaich e iad; agus chunnaic bhuir sùile ciod a rinn mi san Eiphit: agus ghabh sibh còmhnuidh san fhasach uime fhada.

8 Agus thug mi sibh do fhearann nan Amorach, a bha chòmhnuidh air an taobh thall do Iordan: agus chog iad ribh: agus thug mi thairis iad d'ar làimh, agus shealbhaich sibh ann fearann: oir sgrios mise iad as bhuir fianuis.

9 An sin dh'éirich Balac mac Shipoir, rìgh Mhoab, agus chog e'n aghaidh Isracil, agus chuir e *fios*, agus ghairm e Balaam mac Bheoir chum sibhse a mhallachadh:

10 Ach cha 'n éisdinn-sa ri Balaam; uime sin da rìreadh bheannaich e sibh: mar sin shaor mi sibh as a làimh.

11 Agus chaidh sibh thar Iordan, agus thàinig sibh gu Ierico: agus chog fir Iericho nar n-aghaidh, na h-Amoraich, agus na Perisich, agus na Canaanaich, agus na Hìtich, agus na Girsasach, na Hìbhich, agus na Iebusaich; agus thug mi thairis iad d'ar làimh.

12 Agus chuir mi a' chonnas beach<sup>1</sup> roimh sibh, a dh'fhuadaich iad a mach as bhuir fianuis, *eadhon* dà rìgh nan Amorach; *ach* cha'n ann le d' chlaidheamh, no le d' bhogha.

13 Agus thug mi dhuibh fearann anns nach do shaothraich sibh, agus bailte nach do thog sibh, agus ghabh sibh còmhnuidh anna: do fhion-lìosaibh agus do lìosaibh-olaidh nach do shuidhich sibh, tha sibh ag itheadh.

14 A nis uime sin biodh cagal an Tighearn oirbh; agus deanaibh seirbhis dha ann an treibhdhìreas agus am firinn, agus cuiribh uaibh na dèe d'an d'rinn bhuir n-aithriche seirbhis air taobh thall an t-srutha, agus anns an Eiphit; agus deanaibh seirbhis do'n Tighearna.

15 Agus ma mheasar e olc leibh seirbhis a dheanamh do'n Tighearna, roghnaichibh an diugh cò d'an dean sibh seirbhis, an ann do na dèibh, d'an d'rinn bhuir n-aithriche seirbhis, a bh'air taobh thall an t-srutha, no do dhèibh nan Amorach, muinntir a tha sibh a chòmhnuidh nan tìr: ach air mo shon-sa, agus air son mo thighe, nì sinne seirbhis do'n Tighearna.

16 Agus fhreagair an sluagh, agus thubhairt iad, Gu ma fada robh e uainne an Tighearna a thrèigsinn, gu seirbhis a dheanamh do dhèibh cìte.

17 Oir an Tighearna ar Dia, *is* esan a thug a mìos sinne, agus ar n-aithrichean a tìr na h-Eiphit, a tìgh na daorsa, agus a rinn na comharan mòra sin nar sealladh, agus a ghléidh sinu anns an uile shlighe air an d'imich sinn, agus am measg nan uile shlògh tre'n deachaidh sinn.

18 Agus dh'fhogair an Tighearna a mach romhainu na slòigh uile, eadhon na h-Anioraich, a bha chòmhnuidh san tìr: *uime sin* nì sinne mar an ceudna seirbhis do'n Tighearna, oir *is* esan ar Dia.

19 Agus thubhairt Iosua ris an t-sluagh, Cha'n urrainn sibh seirbhis a dheanamh do'n Tighearna; oir *is* Dia ro-naomh e: *is* Dia eudhor e; cha lagh e bhuir n-eus-aontais, no bhuir pràcanna.

20 Ma thrèigeas sibh an Tighearna, agus ma nì sibh seirbhis do dhèibh coimheach<sup>2</sup>, an sin pillidh e agus nì e olc oirbh, agus claidhidh e sibh, an déigh dha maith a dheanamh dhuibh.

21 Agus thubhairt an sluagh ri Iosua, Nì h-eadh, ach nì sinne seirbhis do'n Tighearna.

22 Agus thubhairt Iosua ris an t-sluagh, *Is* fianuisean sibh nar n-aghaidh féin, gu'n do thagh sibh dhuibh féin an Tighearna, gu seirbhis a dheanamh dha. Agus thubhairt iad, *Is* fianuisean sinn.

23 A nis uime sin cuiribh air falbh (*ars' esan*) na diathan coimheach a *ta* nar measg, agus aomaibh bhuir cridhe ris an Tighearna Dia Isracil.

24 Agus thubhairt an sluagh ri Iosua, Do'n Tighearna ar Dia nì sinn seirbhis, agus r'a ghuthsan éisdidh sinn.

25 Mar sin rinn Iosua coimheangal ris an t-sluagh air an la sin; agus shuidhich e dhoibh reachd, agus riaghailt ann an Sechem.

26 Agus sgrìobh Iosua na briathra so ann an leabhar lagha Dhé, agus ghabh e clach mhòr, agus chuir e suas i an sin fuaidh dharaig, a bha làimh ri ionad naomha an Tighearna.

27 Agus thubhairt Iosua ris an t-sluagh uile, Feuch, bithidh a' chlach so na fianuis duinn; oir chual' i uile bhriathran an Tighearn a labhair e ruinn: bithidh i uime sin na fianuis nar n-aghaidh-sa, air eagal gu'n àicheadh sibh bhuir Dia.

28 Agus leig Iosua leis an t-sluagh imeachd, gach duine d'a oighreachd féin.

29 Agus an déigh nan nìthe sin, fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

30 Agus dh'adhaic iad e ann an crìch

<sup>1</sup> an cearnabhan; hornet, Sasg. <sup>2</sup> do dhiathaibh



'oighreachd féin ann an Timnat-serah, a tha ann an sliabh Ephraim, air an taobh mu thuath do shliabh Ghaais.

31 Agus rinn Israeil seirbhis do'n Tighearna uile laithean Iosua, agus uile laithean nan seanair a mhair bco an déigh Iosua, agus d'am b'aithne uile oibre an Tighearna, & rinn e air son Israeil.

32 Agus cnàmhann Ioseiph, a thug clann

Israeil a nìos as an Eiphit, dh'adhlac iad ann an Sechem, ann am mìr fearainn a cheannaich Iacob o mhacaibh Hamoir athar Shechem, air son cend bonn airgid; agus bha e na oighreachd aig cloinn Ioseiph.

33 Agus fhuair Eleasar mac Aaroin bàs, agus dh'adhlac iad e ann an sliabh le Phinehas a mhac, a thugadh dha ann an sliabh Ephraim.

## BREITHEAMHNA.

### CAIB. I.

**A**NIS an déigh bàis Iosua, dh'fhiosraich<sup>1</sup> clann Israeil do'n Tighearna, ag ràdh, Cò a théid suas air ar son an aghaidh nan Canaanach air tùs, a chogadh nan aghaidh?

2 Agus thubhairt an Tighearna, Théid Iudah suas: feuch thug mi'n ùr thairis d'a làimh.

3 Agus thubhairt Iudah ri Simeon a bhràthair, Thig a nìos maille riumsa do m' chrannchur, a chum as gu'n cog sinn an aghaidh nan Canaanach, agus théid mise mar an ceudna maille riutsa do d' chrannchur-sa. Agus chaidh Simeon maille ris.

4 Agus chaidh Iudah suas, agus thug an Tighearna na Canaanach, agus na Perisich, thairis d'an làimh: agus inharbh iad duibh ann am Besc: deich mìle fear.

5 Agus fhuair iad Adoni-besc ann am Besc; agus chog iad na aghaidh, agus bhuail iad na Canaanach agus na Perisich.

6 Ach theich Adoni-besc, agus lean iad e, agus ghlac iad e, agus ghearr iad dheth ordagan a làmh agus a chos.

7 Agus thubhairt Adoni-besc, Thionail tri fichead agus deich rìghrean, aig an robh ordagan an làmh agus an cos air an gearradh dhiubh, *am biadh* fuidh m' bhor-dsa: mar a rinn mi, mar sin dhiol Dia orm. Agus thug iad e gu h-Ierusalem, agus fhuair e bàs an sin.

8 (A nis chog clann Iudah an aghaidh Ierusalem, agus ghlac iad e, agus bhuail iad e le faobhar a' chladheimh, agus chuir iad am baile ri theine.)

9 Agus an déigh sin chaidh clann Iudah sìos a chogadh an aghaidh nan Canaanach, a bha còmhnuidh sa' mhonadh, agus anns an airde dcas, agus anns a' chòmhnard.

10 Agus chaidh Iudah an aghaidh nan Canaanach, a bha còmhnuidh ann an Hebron; (a nis b'e ainm Hebroin roimhe Cariat-arba:) agus mharbh iad Scsai, agus Ahiman, agus Talmai.

11 Agus a sin chaidh e an aghaidh luchd-àitcachaidh Dhebir: (agus b'e ainm Dhebir roimhe Cariat-sepher.)

12 Agus thubhairt Caleb, Esan a bhuaileas Cariat-sepher, agus a ghlacas e, dha-san bheir mi Achsah mo nighean na mnai.

13 Agus ghlac Otniel mac Chenaïs bràthar a b'òige Chaleib e: agus thug e dha Achsah a nighean na mnai.

14 Agus an uair a thàinig i d'a ionnsuidh, bhrosnaich i e gu achadh iarraidh o h-athair: agus theirinn i bhàrr a h-asail; agus thubhairt Caleb rithe, Ciod is àill leat?

15 Agus thubhairt i ris, Thoir dhomh beannachadh, oir thug thu dhomh fearann ri deas<sup>2</sup>, thoir dhomh mar an ceudna tobair uisge. Agus thug Caleb dh'i na tobair nachdarach, agus na tobair ìochdarach.

16 Agus chaidh clann a' Chenich, athar-céile Mhaois, suas a baile nan craobh-pailuc, maille ri cloinn Iudah, do fhàsach Iudah, a tha air an taobh mu dheas do Arad; agus chaidh iad agus ghabh iad còmhnuidh am measg an t-sluaigh.

17 Agus chaidh Iudah maille ri Simeon a bhràthair, agus bhuail iad na Canaanach a bha nan còmhnuidh ann an Sephat, agus sgrios iad gu tur e: (agus thugadh Hormah mar ainm air a' bhaile.)

18 Agus ghlac Iudah Gasa agus a chrìochan, agus Ascelon agus a chrìochan, agus Ecron agus a chrìochan.

19 Agus bha'n Tighearna maille ri Iudah, agus ghabh e sealbh air a' mhonadh, ach cha b'urrainn e luchd-àiteachaidh an t-sratha fhògradh a mach, a chionn gu'n robh carbaid iarunn aca.

20 Agus thug iad Hebron do Chaleb, mar a thubhairt Mhaois: agus dh'fhuadaich e as a sin triuir<sup>3</sup> mhac Anaic.

21 Agus cha do chuir clann Bheniamin a mach na Ieusaich, a bha nan còmhnuidh ann an Ierusalem: ach tha na Ieusaich nan còmhnuidh maille ri cloinn Bheniamin, ann an Ierusalem gu an la'n diugh.

22 Agus tigh Ioseiph, chaidh iadsan mar an ceudna suas an aghaidh Bheteil: agus bha'n Tighearna maille ri.

23 Agus chuir tigh Ioseiph daoine a

<sup>1</sup> dh'fhedraich.

<sup>2</sup> fearann tioram, teth.

<sup>3</sup> triur.

rannsachadh a mach Bheteil : (a nis b'e ainm a' bhaile roimhe Lus.)

24 Agus chunnaic an luchd-brathlaidh duine a' teachd a mach as a' bhaile, agus thubhairt iad ris, Feuch dhuinn, guidheamaid ort, an rathad a stigh do'n bhaile, agus nochdaidh sinn trècair dhuit.

25 Agus an uair a dh'fheuch e dhoibh an rathad a stigh do'n bhaile, bhuail iad am baile le faobhar a' chlaidheimh; ach leig iad air falbh an duine agus a theaghlach uile.

26 Agus chaidh an duine do fhearann nan Hiteach, agus thog e baile, agus thug e Lus mar ainm air : is e so 'ainm gus an latha'n diugh.

27 Cha mhò a dh'fhògair Manaseh a mach luchd-àiteachaidh Bhet-seain agus a bhailte, no Thanaaich agus a bhailte, no luchd-àiteachaidh Dhoir agus a bhailte, no luchd-àiteachaidh Ibleaim agus a bhailte, no luchd-àiteachaidh Mhegido agus a bhailte : ach b'àill leis na Canaanaich còmhnuidh a ghabhail san fhearann sin.

28 Agus tharladh an uair a dh'fhàs Israel làidir, gu'n do chuir iad na Canaanaich fuidh chis : ach cha d'fhuadaich iad gu buileach a mach iad.

29 Cha mhò a dh'fhuadaich Ephraim a mach na Canaanaich, a bha còmhnuidh ann an Geser : ach ghabh na Canaanaich còmhnuidh nam measg ann an Geser.

30 Cha mhò a dh'fhuadaich Sebulun a mach luchd-àiteachaidh Chitroin, no luchd-àiteachaidh Nahaloil : ach ghabh na Canaanaich còmhnuidh nam measg, agus bha iad fuidh chis doibh.

31 Cha mhò a dh'fhuadaich Aser a mach luchd-àiteachaidh Acho, no luchd-àiteachaidh Shidoin, no Achlaib, no Achsib, no Helbah, no Aphic, no Rehob :

32 Ach ghabh na h-Aserich còmhnuidh nam measg nan Canaanach, luchd-àiteachaidh na tìre ; oir cha d'fhuadaich iad a mach iad.

33 Cha mhò a dh'fhuadaich Naphtali, a mach luchd-àiteachaidh Bhet-semeis, no luchd-àiteachaidh Bhet-anait ; ach ghabh e còmhnuidh am measg nan Canaanach, luchd-àiteachaidh na tìre : gidheadh bha luchd-àiteachaidh Bhet-semeis, agus Bhet-anait fuidh chis doibh.

34 Agus dh'èignich na h-Amoraich clann Dhain do'n t-sliabh : oir cha leigeadh iad leo teachd a nuas do'n ghleann.

35 Ach b'àill leis na h-Amoraich còmhnuidh a ghabhail ann an sliabh Hereis ann an Aialon, agus ann an Saalbin : gidheadh bhuadaich làmh tighe Ioseiph, agus bha iad fuidh chis doibh.

36 Agus bha crìoch nan Amorach o uchdaich Acrabim, o'n charraig, agus suas o sin.

## C A I B. II.

AGUS thàinig aingeal an Tighearna nìos o Ghilgal gu Bochim, agus

thubhairt e, Thug mi nìos sibh as an Eiphit, agus thug mi steach sibh do'n fhearann a mhionnaich mi d'ar n-aithrichibh ; agus thubhairt mi, Cha bhris mi mo choimhcheangal ribh gu bràth.

2 Agus cha dean sibh coimhcheangal sam bith ri luchd-àiteachaidh na tìre so, tilgidh sibh sìos an altairean : ach cha d'fhuag sibh gèil do m' ghuth ; c'ar son a rinn sibh so ?

3 Uime sin, mar an ceudna thubhairt mi, Cha'n fhuadaich mi mach iad roimhibh ; ach bithidh iad mar bhiora nar taobhaibh, agus bithidh an dèe nan ribe dhuibh.

4 Agus an uair a labhair aingeal an Tighearna na briathra sin ri cloinn Israeil uile, thog an sluagh suas an guth, agus ghuil iad.

5 Agus ghairm iad ainm an àite sin Bochim : agus dh'òbair iad an sin do'n Tighearna.

6 Agus an uair a leig Iosua leis an t-sluagh imeachd, chaidh clann Israeil gach duine d'a oighreachd a ghabhail seilbh air an fhearann.

7 Agus rinn an sluagh seirbhis do'n Tighearna rè uile làithean Iosua, agus uile làithean nan seanaircan, a mhair beo an déigh Iosua, a chunnaic uile oibre mòra an Tighearna, a rinn e air son Israeil.

8 Agus fhuair Iosua mac Nuin, òglach an Tighearna, bàs, agus e ceud agus deich bliadhna dh'aois.

9 Agus dh'adhlaic iad e ann an crìch 'oighreachd féin ann an Timnatheres, ann an sliabh Ephraim, air an taobh mu thuath do shliabh Ghaais.

10 Agus chruinnicheadh mar an ceudna an gincalach sin uile chum an aithriche : agus dh'èirich ginealach eile suas nan déigh, do nach b'aithneadh an Tighearna, no na h-oibre a rinn e air son Israeil.

11 Agus rinn clann Israeil olc ann an sealladh an Tighearna, agus rinn iad seirbhis do Bhaalim :

12 Agus thréig iad an Tighearna Dia an aithriche, a thug a mach iad a tìr na h-Eiphit, agus lean iad diathan eile, do dh'éibh an t-sluaigh, a bha mu'n cuairt orra, agus chrom siad iad féin sìos doibh, agus bhrònaich iad an Tighearna gu corruih.

13 Agus thréig iad an Tighearna, agus rinn iad seirbhis do Bhaal agus do Astarot.

14 Agus las corruih an Tighearna an aghaidh Israeil, agus thug e thairis iad do làimh chreachadairean a chreach iad, agus reic e iad do làimh an naimhdean mu'n cuairt, air chor as nach b'urrainn iad ni b'fhaide seasamh an làthair an naimhde.

15 Ge b'e taobh a chaidh iad a mach, bha làmh an Tighearna nan aghaidh chum uile, mar a thubhairt an Tighearna, agus mar a mhionnaich an Tighearna dhoibh : agus bha iad ann an teinn ro-mhòir.

16 Gidheadh thog an Tighearna suas



breitheamhna, a shaor iad a làimh na muinntir sin a chreach iad.

17 Gidheadh cha'n éisdcadh iad r'am breitheamhnaibh, ach chaidh iad le strìopachas an dèigh dhiathan eile, agus chrom siad iad féin doibh: phill iad gu grad as an t-slighe anns an d'imich an aithriche, a toirt géill a dh'àitheantaibh an Tighearna: cha d'rinn iadsan mar sin.

18 Agus an uair a thog an Tighearna suas doibh breitheamhna, an sin bha'n Tighearna leis a' bhreitheamh, agus shaor e iad a làimh an naimhde, rè uile laithean a' bhreitheamh: (oir ghabh an Tighearna truas diubh air son an osnaich o làthair ' na muinntir sin a rinn ainneart orra, agus a shàraich iad<sup>2</sup>.)

19 Agus an uair a bha'm breitheamh marbh, phill iad agus thruaill siad iad féin ni's mò na'n aithriche, ann an leantuinn dhiathan eile, gu seirbhis a dheanamh dhoibh, agus gu cromadh sìos doibh: cha do sguir iad o'n gnomharaibh féin, no o'n slighe eas-ùmhail.

20 Agus las fearg an Tighearna an aghaidh Israeil, agus thubhairt e, A chionn gu'n do bhris an sluagh so mo choimhchcangal a dh'àithn mi d'an aithrichibh, agus nach d'éisd iad ri m'ghuth:

21 Cha chuir mise mar an ceudna a so suas duine sam bith a mach rompa, do na cinnich, a dh'fhàg Iosua 'nuair a fhuair e **bas**

22 Chum lco-san gu'n dearbh mi Israel, an gléidh iad slighe an Tighearna a dh'imeachd innte, mar a ghléidh an aithrichean i, no nach gléidh.

23 Uime sin, dh'fhàg an Tighearna na cinnich sin, gun am fuadachadh a mach gu grad; agus cha d'thug e thairis iad do làimh Iosua.

### C A I B. III.

**A**NIS is iad<sup>1</sup> so na cinnich a dh'fhàg an Tighearna a dhearbhadh Israeil Ieo, (eadhon a' mheud do Israel do nach b'aithne cogaidh Chanaain uile;

2 A mhàin a chum gu'm b'aithne do ghinealaich chloinn Israeil cogadh iunn-sachadh dhoibh, air bheag sam bith dhoibh-san do nach b'aithne a' bheag dheth roimhe:)

3 Eadhon cùig tighearnan nam, Philisteach, agus na Canaanaich uile, agus na Sidonaich, agus na Hìbhich, a bha chòmh-nuidh ann an sliabh Lebanon; o shliabh Bhaal-hermoin, gu dol a stigh Hamait.

4 Agus bha iad gu Israel a dhearbhadh Ieo, a dh'aithneachadh an éisdcadh iad ri àitheantaibh an Tighearna, a dh'àithn e d'an aithrichibh le làimh Mhaois.

5 Agus ghabh clann Isracil còmhnuidh am measg nan Canaanach, nan Hiteach,

agus nan Amorach, agus nam Periseach, agus nan Hìbheach, agus nan Iebusach:

6 Agus ghabh iad an nigheana gu bhi nam mnaibh aca, agus thug iad an nigheana féin d'am inacaibh-san; agus rinn iad seirbhis d'an dèibh.

7 Agus rinn clann Israeil olc ann an sùilbhan an Tighearna, agus dhi-chuimhnich iad an Tighearna an Dia, agus rinn iad seirbhis do Bhaalim, agus do Astarot<sup>3</sup>,

8 Uime sin, las fearg an Tighearna an aghaidh Isracil, agus reic e iad do làimh Chusan-risataim rìgh Mhesopotamia: agus rinn clann Israeil seirbhis do Chusan-risataim ochd bliadhna.

9 Agus an uair a ghlaodh clann Israeil ris an Tighearna, thog an Tighearna suas fear-saoraidh do chloinn Israeil, a shaor iad, eadhon Otniel mac Chenais, bràthar a b'òige Chaleib.

10 Agus bha spiorad an Tighearna air, agus thug e breth air Israel, agus chaidh e mach a chogadh; agus thug an Tighearna thairis d'a làimh Cusan-risataim rìgh Mhesopotamia: agus bhuadhaich a làimh an aghaidh Chusan-risataim.

11 Agus bha fois aig an tìr rè dhà fhichead bliadhna: agus fhuair Otniel mac Chenais bàs.

12 Agus rinn clann Israeil olc a rìs ann an sùilbhan an Tighearna: agus neartaich an Tighearna Eglon, rìgh Mhaoib, an aghaidh Israeil, a chionn gu'n d'rinn iad olc ann an sùilbhan an Tighearna.

13 Agus chruinnich e d'a ionnsuidh clann Amoin, agus Amalec, agus chaidh e agus bhuail e Israel, agus shealbhaich iad baile<sup>4</sup> nan craobha-pailmè.

14 Agus rinn clann Israeil seirbhis do Eglon, rìgh Mhaoib, ochd bliadhna deug.

15 Ach an uair a ghlaodh clann Israeil ris an Tighearna, thog an Tighearna suas doibh fear-saoraidh, Ehud mac Ghera, Beniamineach, duine ciotach<sup>5</sup>: agus leis-san chuir clann Israeil tiodhlacadh gu h-Eglon rìgh Mhaoib.

16 Ach rinn Ehud dha féin claidhcamh, aig an robh dà fhaobhar, làmh-choille air fad; agus cheangail se e fuidh 'eudach, air a shliasaid dheis.

17 Agus thug e'n tiodhlacadh gu h-Eglon rìgh Mhaoib: agus bha Eglon na dhuine ro-reamhar.

18 Agus an uair a chuir e crìoch air an tiodhlacadh a thóirt seachad, chuir e air falbh an sluagh, a ghiùlain an tiodhlacadh.

19 Ach phill e féin a rìs o na clach-shlocaibh<sup>6</sup> a bha làimh ri Gilgal, agus thubhairt e, Tha gnothuch uaigneach agam riut, O a rìgh. Agus thubhairt esan, Bì d'thosd. Agus chaidh iadsan uile, a sheas làimh ris, a mach uaith.

<sup>1</sup> air son. <sup>2</sup> a theannaich iad. Eabh. <sup>3</sup> do na deirceachaidh. <sup>4</sup> cathair.

<sup>5</sup> shli-làmhach.

<sup>6</sup> quarries. Sasg.

20 Agus chaidh Ehud a steach d'a ionnsuidh, agus bha e na shuidhe ann an seòmar-sàmhraidh<sup>1</sup>, a *bh'aige* dha fèin a mhàin : agus thubhairt Ehud, *Tha teachd-àireachd agam o Dhia a'd' ionnsuidh.* Agus dh'èirich e suas as a chathair.

21 Agus chuir Ehud a mach a làmh chli, agus thug e 'n claidheamh o 'shliasaid dheis, agus shàth e na bhroinn e.

22 Agus chaidh an dornchur a stigh an deigh na loinne, agus dhùin an t-saill air an loinn; oir cha do tharruing e'n claidheamh<sup>2</sup> as a bhroinn; agus thàinig an salchar a mach.

23 An sin chaidh Ehud a mach tre'n fhor-dhorus<sup>3</sup>, agus dhùin e dorsan an t-seòmair air, agus ghlais e iad.

24 'Nuair a chaidh e mach, thàinig a sheirbhisich; agus an uair a chunnaic iad, feuch, gu'n robh dorsan an t-seòmair glaiste, thubhairt iad, Gu cinnteach *tha* e còmh-dachadh a chos na sheòmar-sàmhraidh.

25 Agus dh'fheith iad gus an robh nàire orra : agus feuch, cha d'fhosgail e dorsan an t-seòmair; uime sin ghabh iad iuchair, agus dh'fhosgail siad *iad*: agus feuch, *bha'n* tighearna air tuiteam sìos marbh air an talamh.

26 Agus chaidh Ehud as an uair a bha iadsan fuidh ambluadh<sup>4</sup>: agus chaidh e seachad air na clach-shlocaibh, agus chaidh e as gu Seirat.

27 Agus an uair a bha e air teachd, shéid e trompaid ann an sliabh Ephraim, agus chaidh clann Israeil sìos maille ris o'n t-sliabh, agus esan rompa.

28 Agus thubhairt e riu, Leanaibh mise; oir thug an Tighearna bhuir naimhde na Moabaich thairis d'ar làimh. Agus chaidh iad sìos na dhéigh, agus ghlac iad àthanna Iordain leth ri Moab, agus cha do leig iad duine thairis.

29 Agus mharbh iad do Mhoab san àm sin mu thimchioll deich mìle fear, sultmhor<sup>5</sup> uile, agus nan daoineibh gaisgeil uile; agus cha deachaidh duine air bith as.

30 Mar sin cheannsaicheadh Moab air an la sin fuidh làimh Israeil: agus bha fois aig an tìr ceithir fichead bliadhna.

31 Agus na dhéigh-san bha Samgar mac, Anait, a mharbh do na Philistich sè ceud fear le luirg-iomain<sup>6</sup> dhanh, agus shaor esan Israel mar an ceudna.

## CAIB. IV.

**A**GUS rinn clann Iraeil olc a ris ann an sùilibh an Tighearna, 'nuair a bha Ehud marbh.

2 Agus reic an Tighearna iad do làimh Iabin righ Chanaain, a rioghaich ann an Hasor; agus b'e ceannard a shluagh Sisera,

a bha chòmhnuidh ann an Haroset nan cinneach.

3 Agus ghlaodh clann Israeil ris an Tighearna: oir bha naoi ceud carbad iarunn aige; agus rinn e ainneart air cloinn Israeil gu ro-mhòr rè fhichead bliadhna.

4 Agus Deborah ban-fhàidh, bean Laidoit, thug ise breth air Israel san àm sin.

5 Agus *bhai* chòmhnuidh fuidh chraoibh-phailme Dheborah, eadar Ramah agus Betel, ann an sliabh Ephraim; agus chaidh clann Israeil suas d'a h-ionnsuidh air son breitheanais.

6 Agus chuir i *fios*, agus ghairm i Barac, mac Abinoaim, a mach a Cedès-naphtali, agus thubhairt i ris, Nach d'àithn an Tighearna Dia Israeil, *ag radh*, Imich, agus tarruing gu sliabh Thaboir, agus thoir leat deich mìle fear do chloinn Naphtali, agus do chloinn Shebuluin?

7 Agus tairngidh mis a t'ionnsuidh gu sruth Chisoin, Sisera ceannard armaite Iabin, le 'charbadaibh, agus a mhòr shluagh; agus bheir mi thairis e do d'làimh.

8 Agus thubhairt Barac rithe, Ma théid thu-a leam, an sin théid mi: ach mur d' théid thu leam, cha d' théid.

9 Agus thubhairt i, Gu cinnteach théid mi leat; gidheadh cha bh'i'n turas a ghabhas tu chum do chliù; oir do làmh mnà reicidh an Tighearna Sisera. Agus dh'èirich Deborah, agus chaidh i maille ri Barac gu Cedès.

10 Agus gharb Barac Sebulun agus Naphtali gu Cedès, agus chaidh e suas d'a chois le deich mìle fear<sup>7</sup>: agus chaidh Deborah suas maille ris.

11 A nis sgar Heber an Ceneach, a *bha* do chloinn Hobaib, athar-céile Mhaois, e fèin o na Cénich, agus shuidhich<sup>8</sup> e a bhùth gu ruig còmhnard Shanaim, a *tha* làimh ri Cedès.

12 Agus dh'innis iad do Shisera gu'n deachaidh Barac, mac Abinoaim, suas gu sliabh Thaboir.

13 Agus chruinnich Sisera r'a chéile a charbaid uile, *cudhon* naoi ceud carbad iarunn, agus an sluagh uile a *bha* maille ris, o Haroset nan cinneach, gu fruth Chisoin.

14 Agus thubhairt Deborah ri Barac, Eirich; oir *is e so* an là san d' thug an Tighearna Sisera thairis do d' làimh: nach 'eil an Tighearna air dol a mach romhad? Agus chaidh Barac sìos o sliabh Thaboir, agus deich mìle fear na dhéigh.

15 Agus sgrios an Tighearna Sisera, agus a charbadan uile, agus a shluagh uile

<sup>1</sup> *ionnsuidh-àireachd.* <sup>2</sup> *air chor as nach b'urraim e'n claidheamh a tharruing.* <sup>3</sup> *porch.* Sasg.

<sup>4</sup> *a fuireach.* <sup>5</sup> *sàibhir.* <sup>6</sup> *slait-iomain,*

*bior-greasaidh.* <sup>7</sup> *chaidh e suas le deich mìle fear aig a chois.*

<sup>8</sup> *shùin, sgaoil, Eabh.*



le faobhar a' chlaidheimh roimh Bharac: agus theiriun Sisera sìos o 'chàrbad, agus theich e as d'a chois.

16 Ach lean Barac an dèigh nan carbad, agus an dèigh an t-sluaigh gu Haroset nan cinneach: agus thuit sluagh Shisera uile le faobhar a' chlaidheimh: cha d'fhàgadh uiread as a h-aon *diubh*.

17 Gidheadh theich Sisera d'a chois gu bùth Iaeil, mnà Hebeir a' Chenich; oir *bha* sìth eadar Iabin rìgh Hasoir, agus tigh Hebeir a' Chenich.

18 Agus chaidh Iael a mach an coinn-eamh Shisera, agus thubhairt i ris, Tionndaidh a steach, mo thighearna, tionndaidh a steach a m'ionnsuidhsa, na biodh eagal ort: agus an uair a thionndaidh e steach d'a h-ionnsuidh do'n bhùth, chòmhdaich i e le brat<sup>1</sup>.

19 Agus thubhairt e rithe, Thoir dhomh, guidheam ort, bcagan uisge r'a òl, oir tha tart<sup>2</sup> orm: agus dh'fhosgail i searrag bhainne, agus thug i deoch dha, agus chòmhdaich i e.

20 A rìs thubhairt e rithe. Seas ann an dorus a' bhùtha, agus ma thig duine agus gu'm feòraich e dh'òt, agus gu'n abair e, Am bheil duine sam bith an so? an sin their thusa, Cha 'n'eil.

21 An sin ghabh Iael, bean Hebeir, tarrang<sup>3</sup> do'n phàillion, agus ghlac i ord na làimh, agus chaidh i gu sàmhach a steach d'a ionnsuidh, agus bhuail i'n tarrang na leth-cheann, agus shàth i san talamh i; (oir bha e trom na chodal agus sgìth:) agus fhuaire bàs.

22 Agus feuch, an uair a bha Barac an tòir air Sisera, thàinig Iael a mach na choinneamh, agus thubhairt i ris, Thig, agus feuchaidh mi dhuit am fear a *tha* thu 'g iarraidh. Agus an uair a chaidh e steach d'a bùth, feuch, *bha* Sisera na luidhe marbh, agus an tarrang na leth-cheann.

23 Mar sin cheannaich Dia air an là sin Iabin rìgh Chanaain am fianuis chloinn Israeil.

24 Agus shoirbhich le làimh chloinn Israeil, agus bha i trom<sup>4</sup> air Iabin rìgh Chanaain, gus an do chuir iad as do Iabin rìgh Chanaain.

#### CAIB. V.

**A** GUS chan Deborah, agus Barac mac Abinoaim, air an là sin, ag ràdh;

2 A chionn gu'n do ghabh Israel dioghaltas, a chionn gu'n do thairg an sluagh iad fèin gu toileach, molaibhse an Tighearna.

3 Eisidibh, a rìghre; thugaibh aire, a cheannarda; canaidh mise, mise fèin; do'n Tighearna, canaidh mi do'n Tighearna Dia Israeil.

4 A Thighearna, 'nuair a chaidh thu

mach a Seir, 'nuair a shiubhail thu mach a tìr Edoim, chrìochnaich an talamh, agus shìl na nèamha; shìl na neoil mar an ceudna uisge.

5 Leagh na sléibhtean o làthair an Tighearna, Sinai sin fèin o làthair an Tighearna Dé Israeil.

6 Ann an laithibh Shamgair mhic Anait, ann an laithibh Iael, bha na rathaide mòra gun tathuich, agus dh'ìmhich an luchd-turuis air rathaidibh seachranach.

7 Sguir *luchd-àiteachaidh* nam bailtean ann an Israel, sguir iad gus an d'èirich mise Deborah, gus an d'èirich mise a'm' mhàthair ann an Israel.

8 Thagh iad dèe nuadha; an sin *bha* cogadh anns na geataibh: an robh sgiath no sleagh ri'm faicinn am measg dhà fhichead mhile ann an Israel?

9 *Tha* mo chridhe le uachdaranaibh Israeil, a thairg iad fèin gu toileach am measg an t-sluaigh. Beannaichibh an Tighearna.

10 Sibhse, a ta marcachd air asalaibh geala, sibhse, a ta 'nar suidhe am breitheanas, agus a siubhal an ròid, labhraibh.

11 *Iadsan a tha air an saoradh* o fhuaim nam fear-bogha ann an ionadaibh tarruing an uisge, an sin airisidh iad gnìomhara cothromach an Tighearna, *eadhon* na gnìomhara cothromach a *thaobh luchd-àiteachaidh* a bhailtean ann an Israel: an sin théid sluagh an Tighearna sìos a dh'ionnsuidh nan geatacha.

12 Dùisg, dùisg, a Dheborah: dùisg, dùisg, can òran: èirich, a Bharaic, agus thoir do bhruid<sup>5</sup> am braighdeanas, thusa a mhic Abinoaim.

13 An sin thug e air-san a mhaireas tighearnas a bhi aige air na h-uaislibh am measg an t-sluaigh: thug an Tighearna ormsa tighearnas a bhi agam os cionn nan cumhachdach.

14 A h-Ephraim *bha* freumh dhiubh an aghaidh Amaleic; 'a'd dhéigh-sa Benjamin ann measg do shluaigh; a Machir thàinig a nuas lagh-thabhartairean, agus a Sebulun iadsan a laimhsicheas peann an scriobhair.

15 Agus *bha* ceannardan Isachair le Deborah, eadhon Isachair, agus mar an ceudna Barac: do'n ghleann chuireadh esan sìos d'a chois: air son roinnean Reubein *bha* smuaintean mòra cridhe.

16 C'ar son a dh'fhuirich thu am measg chrò nan caorach, a chluinntinn mèilich nan treud? air son roinnean Reubein *bha* smuaintean<sup>6</sup> mòra cridhe.

17 Dh'fhan Gilead an taobh thall do Iordan; agus c'ar son a dh'fhuirich Dan ann an longaibh? dh'fhan Aser air tràigh<sup>7</sup> na fairge, agus na bhearnaibh ghabh e còmhnuidh.

<sup>1</sup> falluing. <sup>2</sup> puthadh. <sup>3</sup> tarrann. <sup>4</sup> bha i cruaidh. Eabh. <sup>5</sup> do bhaighdeanas.

18 Bu shluagh Sebulun agus Naphtali, a chuir an anma ann an cunart gu bàs, ann an àitibh ard an fhearainn.

19 Thàinig na rìghrean agus chog iad, an sin chog rìghre Chanaan ann an Taanach làimh ri uisgibh Mhegido; cha do ghabh iad buannachd air bith airgid.

20 O nèamh chog na reulta; o'n sligh-eannaibh arda chog iad an aghaidh Shisera.

21 Sguab sruth Chisoin air falbh iad, an seann sruth sin, sruth Chisoin: O m'anam! shaltair thu sìos neart.

22 An sin bhruthadh iongana nan each-leumnaich, leumnaich an aona cumhachdach.

23 Mallaichibhse Meros, (thubhairt ain-eal an Tighearna,) mallaichibh gu mòr a luchd-àiteachaidh: a chionn nach d'thàinig iad gu còmhnaidh<sup>1</sup> an Tighearna, gu còmhnaidh an Tighearna an aghaidh nan cumhachdach.

24 Beannaicht' os cionn bhan bithidh Iael bean Hebeir a' Chenich, beannaichte bithidh i os cionn bhan anns a' bhuth.

25 Dh'iarr e uisge, thug i dha bainne; ann an soitheach uasal thug i làthair im.

26 Chuir i a làmh<sup>2</sup> ris an tarruing, a làmh dheas ri ord nan oibrichean: agus leis an ord bhuail<sup>3</sup> i Sisera; bhuail i a cheann, agus lot i, agus slàth i troimh a leth-cheann.

27 Aig a cosaibh chrom e, thuit e, luidh e sìos: aig a cosaibh chrom e, thuit e; far an do chrom e, an sin thuit e sìos marbh.

28 A mach air uinneig dh'amhaire mathair Shisera, agus ghlaodh i tre'n clèith<sup>4</sup>, C'ar son a ta 'charbad co 'fhad a' teachd? c'ar son a ta rothan a charbaid a' deanamh moille?

29 Fhreagair a bain-tighearnan glic i, seadh, thug i freagradh dhi féin.

30 Nach d'fhuair iad, nach 'eil iad a' roinn na creiche? maighdean no dhà do gach fear? creach iomadh-dathach do Shisera, creach iomadh-dathach a dh'obair-snàthaide, iomadh dathach a dh'obair snàthaide air gach taobh, air son mhuinealan na muinntir sin a ghlacas a' chreach?

31 Mar sin rachadh as do d' nàimhdeb uile, a Thighearna: ach biodh iadsan leis an ionmhuinn e mar a' ghrian an uair a thèid i mach 'na neart. Agus bha fois aig an tìr rè dhà fhichead bliadhna.

#### CAIB. VI.

**A**GUS rinn clann Israeil olc ann an suilibh an Tighearna: agus thug an Tighearna thairis iad do làimh Mhidiaim rè sheachd bliadhna.

2 Agus bhuaidhach làmh Mhidiaim an aghaidh Israeil: agus air sgàth nam Midianach rinn clann Israeil dhoibh féin na sluic, a tha sna beanntaibh, agus na h-uamhan, agus na daingnichean làidir.

3 Agus thachair, an uair a chuir clann Israeil sìol, gu'n d'thàinig na Midianaich a nìos, agus na h-Amaleich, agus clann na h-aird an ear; thàinig eadhon iadsan a nìos nan aghaidh:

4 Agus champaich iad nan aghaidh, agus mhill iad toradh na talmhainn, gus an d' thig thu gu Gasa, agus cha d'fhàg iad teachd-an-tìr sam bith do Israel, aon chuid caora, no bò, no asal.

5 Oir thàinig iad a nìos le'n spréidh, agus am bùthaibh, agus thàinig iad mar na locuist air lionmhoireachd; oir bha 'n dà chuid iad féin agus an càmhail gun àireamh: agus chaidh iad a steach do'n tìr a chum a milleadh.

6 Agus thugadh Israel gu bochdainn ro-mhòir leis na Midianaich; agus ghlaodh clann Israeil ris an Tighearna.

7 Agus an uair a ghlaodh clann Israeil ris an Tighearna air son nam Midianach,

8 Chuir an Tighearna faidh dh'ionn-suidh chloinn Israeil, agus thubhairt e riu, Mar so tha'n Tighearna Dia Israeil ag ràdh, Thug mi nìos sibh o'n Eiphit, agus thug mi mach sibh a tigh na daorsa;

9 Agus shaor mi sibh a làimh nan Eiphiteach, agus a làimh nan uile a rinn foirneart oirbh; agus dh'fhuadaich mi mach iad roimhibh, agus thug mi dhuibh am fearann.

10 Agus thubhairt mi ribh, Is mise an Tighearna bhuir Dia, na biodh eagall dhé na Amorach oirbh, muinntir a tha sibh a chòmhnuidh 'nam fearann: ach cha d'éisid sibh ri m' ghuth.

11 Agus thàinig aingeal an Tighearna, agus shuidh e fuidh dharaig, a bha ann an Ophrah, a bhuir do Ioas an t-Abiesrach: agus bha a mhac Gideon a' bualadh arbhair ann an<sup>5</sup> amar bruthaidh an fhìona, gu 'fholach o na Midianaich.

12 Agus dh'fhoillsich aingeal an Tighearna e féin da, agus thubhairt e ris, Tha'n Tighearna maille riut, a dhuine thréin ann an neart.

13 Agus thubhairt Gideon ris, Och mo thighearna, ma tha 'n Tighearna maille ruinn, c'ar son a thàinig so uile oirn? agus c'ait am bheil a mhiorbhuilean uile a dh'innis ar n-aithriche dhuinn, ag ràdh, Nach d'thug an Tighearna sinn a nìos o'n Eiphit? ach anis thréig an Tighearna sinn, agus thug e thairis sinn do làimh nam Midianach.

14 Agus dh'amhaire an Tighearna air, agus thubhairt e, Imich ann do neart so, agus saoraidh tu Israel o làimh nam Midianach: nach do chuir mise uam thu?

15 Agus thubhairt e ris, Och mo Thighearna, cia leis a shaoras mise Israel? feuch, tha mo theaghlach bochd ann am Manaseh, agus is mise a's lugha ann an tigh m'athar.

<sup>1</sup> congnamh. Eir. <sup>2</sup> a làmh chli. <sup>3</sup> bhrùth.



16 Agus thubhairt an Tighearna ris, Gu cinnteach bithidh mise maille riut, agus buailidh tu na Midianaich mar aon duine.

17 Agus thubhairt e ris, Ma fhuair mi nis deagh-ghean a'd' shùilibh, an sin nochd comhara dhomh gur tusa a tu labhairt rium.

18 Na falbh a so, guidheam ort gus an d' thig mi a'd' ionnsuidh, agus gun d' thoir mi mach mo thiodhlacadh, agus gu'n cuir mi a'd' làthair e. Agus thubhairt e, Fanaidh mi gus an d' thig thu a ris.

19 Agus chaidh Gideon a stigh, agus dheasaich e meann do na gabhraibh, agus ephah phlùir<sup>1</sup> na bhreacagaibh neo-ghoirtichte: an fheoil chuir e ann am bascaid, agus an sùgh chuir e ann am poit, agus thug e mach iad d'a ionnsuidh fuidh 'n daraig, agus chuir e na làthair iad<sup>2</sup>.

20 Agus thubhairt aingeal Dé ris, Gabh an fheoil, agus na breacaga neo-ghoirtichte, agus cuir iad air a' charraig so, agus taom a mach an sùgh. Agus rinn e mar sin.

21 An sin chuir aingeal an Tighearna mach bàrr a' bhataidh a bha na làimh, agus bhean e ris an fheoil, agus ris na breacagaibh neo-ghoirtichte: agus dh' éirich teime suas as a' charraig, agus loisg e 'n fheoil, agus na breacagan neo-ghoirtichte: an sin chaidh aingeal an Tighearna as a shealladh.

22 Agus an uair a thuig Gideon gu'm b'e aingeal an Tighearna a bh'ann, thubhairt Gideon, Och, a Tighearna Dhè! a chionn gu'm faca mi aingeal an Tighearna aglaidh ri h-aghaidh.

23 Agus thubhairt an Tighearna ris, Sìth dhuit; na biodh eagal ort, cha 'n fhaigh thu bàs.

24 Agus thog Gideon altair an sin do'n Tighearna, agus thug e Iehobhab-salom mar ainm oirre: gus an la'n diugh tha i fathast ann an Ophrah nan Abiesrach.

25 Agus air an oidheche sin fèin thubhairt an Tighearna ris, Gabh an tarbh òg aig t'athair, agus an dara tarbh a tha seachd bliadhna dh'aois, agus tilg sìos altair Bhaail a th'aig t'athair, agus gearr sìos an doire a tha làimh rithè;

26 Agus tog altair do'n Tighearna do Dhia air mullach na carraige so, ann an ordugh<sup>3</sup>, agus gabh an dara tarbh, agus thoir suas iobairt-loisgte le fiodh an doire a ghearras tu sìos.

27 An sin ghabh Gideon deichnear dhaoine d'a sheirbhisich, agus rinn e mar a thubhairt an Tighearna ris: agus tharladh, a chionn gu'n robh eagal teaghlaiche 'athar air, agus dhaoine a' bhaile, air chor as nach b'urraim e 'd'heanamh san là, gu'n d'rinn e san oidheche e.

28 Agus an uair a dh' éirich daoine a' bhaile gu moch anns a' mhaduinn, feuch, bha altair Bhaail air a tilgeadh sìos, agus

bha'n doire a bha làimh rithè air a ghearradh sìos, agus bha'n dara tarbh air 'iobaidh air an altair a thogadh.

29 Agus thubhairt iad gach aon r'a chéile, Co a rinn an nì so? agus an uair a dh'fhiosraich iad, thubhairt iad, Is e Gideon mac Ioais a rinn an nì so.

30 An sin thubhairt daoine a' bhaile ri Ioas, Thoir a mach do mhaic, a chum as gu'm bàsaich e; a chionn gu'n do thilg e sìos altair Bhaail, agus gu'n do ghearr e sìos an doire, a bha làimh rithè.

31 Agus thubhairt Ioas rusan uile a sheas na aghaidh, An tagair sibh air son Bhaail? an saor sibh e? esan a thagras air a shon, cuirear gu bàs e, am feadh is i mhaduinn a tha fathast ann? ma's dia e, tagradh e air a shon fèin, a chionn gu'n do thilgeadh sìos altair.

32 Uime sin, air an là sin fèin thug e Ierubaal mar ainm air, ag ràdh, Tagradh Baal na aghaidh, a chionn gu'n do thilg e sìos 'altair.

33 An sin bha na Midianaich uile, agus na h-Amaleich, agus clann na h-airde 'n ear air cuinneachadh r'a chéile, agus chaidh iad a nunn, agus champaich iad ann an gleann Iesreeil.

34 Ach thàinig spiorad an Tighearna air Gideon agus shéid e trompaid, agus ghairm e Abieser na dhéigh.

35 Agus chuir e teachdairean air feadh Mhanashe uile, a chruinnicheadh mar an ceudna na dhéigh: agus chuir e teachdair-ean gu h-Aser, agus gu Sebulun, agus gu Naphtali, agus thàinig iad a nìs nan coinneamh.

36 Agus thubhairt Gideon ri Dia, Ma shaoras tu Israel le m' làimh-sa, mar a thubhairt thu,

37 Feuch, cuiridh mi lomradh olla air an urlar-bhualaidh, agus ma bhios an drùchd air an lomradh a mhàin, agus tiormachd air an talamh uile, an sin bithidh fios agam gu'n saor thu Israel le'm làimh, mar a thubhairt thu.

38 Agus bha e mar sin: oir dh' éirich e gu moch air an la màireach, agus theann e 'n lomradh cuideachd, agus dh'fhàisg e 'n drùchd as an lomradh, làn cuaich a dh'uisge.

39 Agus thubhairt Gideon ri Dia, Na biodh do chorroich teth a'm' aghaidh, agus labhairidh mi a mhàin an aon uair so: leig dhomh dearbhadh, guidheam ort, an uair so a mhàin leis an lomradh; bithheadh a nis tiormachd air an lomradh a mhàin, agus air an talamh uile bithheadh drùchd.

40 Agus rinn Dia mar sin air an oidheche sin: agus bha tiormachd air an lomradh a mhàin, agus air an talamh uile bha drùchd.

C A I B. VII.

A N sin dh' éirich Ierubaal, (eadhon Gideon) agus an sluagh uile a bha maille

<sup>1</sup> mine.  
230

<sup>2</sup> thairg e dha iad.

<sup>3</sup> anns an ionad sìdnraichte,

ris, suas gu moch, agus champaich iad làimh ri tobar Haroid: agus bha feachd nam Midianach air an taobh nu thuath dhiubh, làimh ri sliabh Mhoreh anns a' ghleann.

2 Agus thubhairt an Tighearna ri Gideon, *Tha'n sluagh a tha maille riut tuille's lionmhor* gu mise a thoirt nam Midianach nan làimh, air eagal gu'n deanadh Israel uaille a'm' aghaidh, ag ràdh, Shaor mo làmh fèin mi.

3 Agus a nis, uime sin, gairm ann an clasaibh an t-sluaigh, ag ràdh, Ge b'e neach air am bheil eagal agus geilt, pilleadh e: agus imicheadh e gu moch o shliabh Ghilead: agus phill do'n t-sluagh dà mhìle thar fhichead, agus dh'fhan deich mìle.

4 Agus thubhairt an Tighearna ri Gideon, *Tha'n sluagh fathast tuille's lionmhor*; thoir sìos iad a dh'ionnsuidh an uisge, agus dearbhaidh mise dhuit iad an sin: agus tarlaidh, ge b'e *fear* mu'n abair mise riut, Théid am *fear* so maille riut, gu'n d' théid esan maille riut; agus ge b'e *fear* mu'n abair mi riut, Cha d' théid am *fear* so maille riut, nach d' théid esan ann.

5 Marsin thug e sìos an sluagh a dh'ionnsuidh an uisge: agus thubhairt an Tighearna ri Gideon, Gach aon a dh'imlicheas <sup>1</sup> an t-uisge le 'theangaidh, mar a dh'imlicheas cù, cuiridh tu esan air leth; mar an ceudna gach aon a chromas sìos air a ghluinibh a' dh'òl.

6 Agus b'e àireamh na muinntir a dh'imlich, a' cur an làimhe r'am beul, tri cheud fear: ach chrom a' chuid eile uile do'n t-sluagh sìos air an gluinibh a dh'òl uisge.

7 Agus thubhairt an Tighearna ri Gideon, Leis an tri cheud fear so a dh'imlich, saoraidh mise sibh, agus bheir mi na Midianaich thairis do d' làimh: agus rachadh am mòr shluagh uile, gach duine d'a àite fèin.

8 Agus ghabh an sluagh lòn nan làimh, agus an trompaidean: agus gach fear eile do Israel chuir e air falbh, gach aon d'a bhùth, agus ghléidh e an tri cheud fear so: agus bha sluagh Mhidiain fuidhe anns a' ghleann.

9 Agus air an oidhche sin fèin thubhairt an Tighearna ris, Eirich, falbh sìos a dh'ionnsuidh an fheachd, oir thug mise thairis e do d' làimh.

10 Ach ma ta eagal ort dol sìos, falbhasa agus Phurah t'òglach sìos a dh'ionnsuidh an fheachd:

11 Agus cluinnidh tu ciod a their iad, agus na dh'éigh sin neartaichear do làmhan, agus théid thu sìos a dh'ionnsuidh an fheachd. An sin chaidh e sìos maille ri Phurah 'òglach, gu taobh a muigh nan daoine armaichte a bha san fheachd.

12 Agus bha na Midianaich, agus na h-Amaleich, agus clann na h-àird an ear

uile nan luidhe sa' ghleann mar na locuist air lionmhoireachd; agus bha an càmhail gun àireamh, mar an gaineamh a tha air tràigh na fairge air lionmhoireachd.

13 Agus an uair a thàinig Gideon, feuch, bha duine ag innseadh aisinge d'a chompanach, agus thubhairt e, Feuch, Chunnai mi aisinge, agus feuch, thàinig breacag a dh'aran eorna car air char a stigh do champ Mhidiain, agus thàinig i gu bùth; agus bhuaill i e, agus thuit e, agus thilg i bun os ceann e, agus thuit am bùth sìos.

14 Agus fhreagair a chompanach, agus thubhairt e, Cha ni sam bith so ach claidheamh Ghideoin mhic Ioais, duine do Israel: thug Dia thairis d'a làimh-san Midian, agus an sluagh uile.

15 Agus an uair a chuala Gideon aithris na h-aislinge, agus a h-eadar-mhineachadh, rinn e aoradh: agus phill e gu feachd Israeil, agus thubhairt e, Eiribh, oir thug an Tighearna thairis d'ar làimh feachd Mhidiain.

16 Agus roinn e 'n tri cheud fear nan tri chuideachdaibh, agus chuir e trompaid ann an làimh gach aoin diubh, maille ri soithichibh falaamh, agus lochranaibh anns na soithichibh.

17 Agus thubhairt e riu, Amhaircibh ormsa, agus deanaibhse mar an ceudna: agus feuch, an uair a thig mi gu taobh a mach a' chainp, tarlaidh mar a ni mise, mar sin gu'n dean sibhse.

18 'Nuair a shéideas mise le trompaid, mi fèin agus iadsan uile a tha maille rium, an sin séidibhse na troupaidean mar an ceudna mu thimchioll a' chainp uile, agus abraibh, *Claidheamh* an Tighearna, agus Ghideoin.

19 Mar sin thàinig Gideon agus an ceud fear a bha maille ris, gu taobh a mach a' chainp, ann an toiseach na faire meadhonaich; agus cha robh iad ach air ùrshuidheachadh na faire; agus bhris iad na soithichean a bha nan làimh.

20 Agus shéid na tri chuideachdan na troupaidean, agus bhris iad na soithichean, agus chum iad na lòchrain nan làimh chli, agus na troupaidean nan làimh dheis gu séideadh leo: agus ghlaodh iad, Claidheamh an Tighearna, agus Ghideoin.

21 Agus sheas iad gach duine na àite fèin mu thimchioll a' chainp: agus bhriseadh<sup>2</sup> am feachd uile, agus ghlaodh iad, agus theich iad.

22 Agus shéid an tri cheud na troupaidean, agus chuir an Tighearna claidheamh gach duine an aghaidh a chompanaich, eadhon air feadh an fheachd uile: agus theich an sluagh gu Bet-sitah ann an Sererat, agus gu cich Abail-mheholah, làimh ri Tabat.

23 Agus chruinnicheadh fir Israeil r'a

<sup>1</sup> ligheas. Eir.

<sup>2</sup> ruith.



chéile a Naphtali, agus a h-Aser, agus a Manaseh uile, agus chaidh iad air tòir nam Midianach.

24 Agus chuir Gideon teachdairean air feadh sléibh Ephraim uile, ag ràdh, Thigibh a nuas an aghaidh nam Midianach, agus glacaibh rompa na h-uisgeacha gu Bet-barah agus Iordan. An sin chruinnicheadh fir Ephraim uile rc chéile, agus ghlac iad na h-uisgeacha gu Bet-barah agus Iordan.

25 Agus ghlac iad dà cheannard nam Midianach, Oreb agus Seeb; agus mharbh iad Orch air carraig Oreib, agus Seeb mharbh iad aig amar-bruthaidh fiona Sheeib, agus chaidh iad air tòir Mhidiaim, agus thug iad cinn Oreib agus Sheeib gu Gideon air an taobh eile do Iordan.

## C A I B. VIII.

**A**GUS thubhairt fir Ephraim ris, Ciod e an ni so a rinn thu oirnn, nach do ghairm thu oirnn an uair a chaidh thu a chogadh an aghaidh nam Midianach? agus throid iad ris gu geur.

2 Agus thubhairt e riu, Ciod a nis a rinn mise mar a rinn sibhsé? Nach fearr dioghluin' fhion-dhearcan Ephraim na fion-fhoghara Abieseir?

3 Thug Dia thairis d'ar làimh ceannardan Mhidiaim, Oreb agus Seeb: agus ciod a b'urrainn mis' a dheanamh mar a rinn sibhsé? An sin thraogh am fearg ris, an uair a thubhairt e sin.

4 Agus thàinig Gideon gu Iordan, agus chaidh e thairis, e féin, agus an tri cheud fear a bha maille ris, sgith, gidheadh air an tòir.

5 Agus thubhairt e ri fir Shucoit, Thugaibh, guidheam oirbh, builinnean arain do'n t-sluagh a tha'gam leantuinn<sup>2</sup> oir tha iad sgith, agus tha mi air tòir Seba agus Shalmuna, rìghre Mhidiaim.

6 Agus thubhairt ceannardan Shucoit, Am bheil làmhnan Sheba agus Shalmuna nis ann a'd' làimh, gu'n d' thugamaid aran do d' armait?

7 Agus thubhairt Gideon, Uime sin an uair a b'èir an Tighearna Seba agus Salmuna thairis do m' làimh, an sin reubaidh mi bhuir feoil le sgiothach an fhàsaich, agus le drisibh.

8 Agus chaidh e suas a sin gu Penueil, agus labhair e rianan air a' mhodh cheudna: agus fhreagair daoine Phenueil e, mar a fhreagair daoine Shucoit.

9 Agus labhair e cuideachd ri daoine Phenueil, ag ràdh, 'Nuair a thig mi a ris ann an sìth, brisidh mi sìos an tùr so.

10 A nis bha Seba agus Salmuna ann an Carcor, agus an slòigh maille riu, mu thim-chioll cùig mìle deug fear, an t-iomlan a dh'fhàgadh do shloigh cloinne na h-àird' an ear uile: oir thuit ceud agus fichead mìle fear a tharruing claidheamh.

11 Agus chaidh Gideon suas air slighe na muinntir a tha nan còmhnuidh ann am bùthaibh, air an làimh an ear do Nòbah, agus do Iogbhah, agus bhuail e 'n sluagh; oir bha 'n sluagh gun umhail.

12 Agus an uair a theich Seba agus Salmuna, chaidh e air an tòir, agus ghlac e dà rìgh Mhidiaim, Seba agus Salmuna, agus chuir e geilt air an t-sluagh uile.

13 Agus phill Gideon, mac Ioais, o'n chath roimh ùirigh na grèine<sup>3</sup>,

14 Agus ghlac e òig-fhear do dhaoinebhr Shucoit, agus dh'fhiosraich e dheth: agus scrìobh e dha ainmean<sup>4</sup> cheannardan Shucoit, agus a sheanaircan, tri fichead agus seachd fir dheug.

15 Agus thàinig e gu fir Shucoit, agus thubhairt e, Feuchaibh, Seba agus Salmuna a thilg sibh suas orm, ag ràdh, Am bheil làmhnan Sheba agus Shalmuna nis a' d' làimh, gu'n d' thugamaid aran do d' dhaoineibh a tha sgith?

16 Agus ghlac e seanaircan a' bhaile, agus ghabh e sgiothach an fhàsaich, agus drisean, agus lco so reub' e fir Shucoit.

17 Agus leag e sìos tùr Phenueil, agus mharbh e fir a' bhaile.

18 An sin thubhairt e ri Seba agus ri Salmuna, Ciod a' ghnè dhaoine a mharbh sibh ann an Tabor? Agus fhreagair iad, Mar a ta thusa, is amhuil a bha iadsan, gach aon cosmhuil ri cloinn rìgh.

19 Agus thubhairt e, B'iad sin mo bhràithrean-sa, mic mo mhàthar: mar is beo an Tighearna, nan gleidheadh sibh beo iadsan, cha mharbhainn sibhsé.

20 Agus thubhairt e ri Ieter a cheudghin, Eirich, marbh iad: ach cha do tharruing an t-òganach a chlaidheamh; oir bha eagal air, a chionn gu'n robh e fathast na òganach.

21 An sin thubhairt Seba agus Salmuna, Eirich féin agus buail oirnn: oir mar an duine, tha a neart. Agus dh'éirich Gideon, agus mharbh e Seba agus Salmuna, agus thug e leis na h-usgraichean a bh'air ainh-aichibh an càmhalan.

22 An sin thubhairt fir Israeil ri Gideon, Bi-sa a'd' uachdaran oirnn, thu féin, agus do mhac, agus mac do mhic mar an ceudna; oir shaoir thu sinn a làimh Mhidiaim.

23 Agus thubhairt Gideon riu, Cha bhi mis' a'm uachdaran oirbh, ni mò a bhios mo mhac na uachdaran oirbh: bithidh an Tighearna na uachdaran oirbh.

24 Agus thubhairt Gideon riu, Dh'iarruinn aon atcheuinge oirbh, gu'n d' thugadh gach duine dhibh cluas-fhainnean a chreiche-dhomh; (oir bha cluas-fhainnean oir aca, a chionn gu'n b' Ismaelich iad.)

25 Agus fhreagair iad, Bheir sinne gu toileach dhuit iad. Agus sgaoil iad eudach, agus thilg iad an sin, gach duine cluas-fhainnean a chreiche.

<sup>1</sup> gleanig. Sasg. <sup>2</sup> aig mo chois. Eabh.

<sup>3</sup> Haros. Eabh. <sup>4</sup> smachdaich, theagaisg.

26 Agus b'e cothrom nan cluas-fhàinn-  
can òir a dh'iarr e mìle agus seachd ceud  
secl òir, a thuilleadh air usgrachibh, agus  
cluigeinibh, agus eudach corcuir a bh'air  
righribh Mhidiain, agus a thuilleadh air  
na slabhraidhibh a bh' air amhaichibh an  
càmhalan.

27 Agus rinn Gideon ephod dheth, agus  
chuir e i na bhaile fèin, *eadhon* ann an Oph-  
rah; agus chaidh Israel uile an sin le  
striopachas na dèigh; agus rinneadh *sin* na  
ribe do Ghideon agus d'a thigh.

28 Mar so chìosnaicheadh Midian roimh  
chloinn Israeil, agus cha do thog iad an  
ceann tuilleadh: agus bha fois aig an tìr rè  
dhà fhichead bliadhna ann an laithibh  
Ghideoin.

29 Agus chaidh Ierubaal mac Ioais,  
agus ghabh e còmhnuidh na thigh fèin.

30 Agus bha aig Gideon deichnear agus  
tri fichead mac a thàinig o 'leasraidh fèin;  
oir bha mòran bhan aige.

31 Agus a choinn-leabach<sup>1</sup> a bha ann  
an Sechem, rug ise mar an ceudna nìac  
dha, air an d' thug e Abimelech mar ainm.

32 Agus fhuair Gideon nìac Ioais bàs  
ann an deagh shean aois, agus dh'adhlaic-  
eadh e ann an uaigh Ioais 'athar, ann an  
Ophrah nan Abiesrach.

33 Agus co-luath 'sa fhuair Gideon bàs,  
phill clann Israeil a ris, agus chaidh iad le  
striopachas an dèigh Bhaalim, agus rinn  
iad Baal-berit na dhia dhoibh fèin.

34 Agus cha do chuimhnich clann Is-  
rael an Tighearn an Dia, a shaor iad a  
làimh an naimhdean uile air gach taobh:

35 Nì mò a nochd iad caoimhneas do  
thigh Ierubail, *eadhon* Ghideoin, a réir a'  
mhaitheis *sin* uile a nochd e do Israeil.

## CAIB. IX.

**A**GUS chaidh Abimelech mac Ierubail  
do Shechem, gu bràithribh a mhàthar,  
agus labhair e riu, agus ri teaghlach tighe  
'athar a mhàthar uile, ag ràdh,

1 Labhraibh, guidheam oirbh, ann an  
cluasaibh mhaithean<sup>2</sup> Shechem uile, Cia  
dhiubh is fearr dhuibh trì fichead agus  
deichnear fhear (*eadhon* mic Ierubail uile)  
a bhi nan uachdaran oirbh, no aon fhear  
a bhi na uachdaran oirbh? cuimhnichibh  
mar an ceudna gur mise bhuir cnàimh agus  
bhuir feoil.

3 Agus labhair bràithrean a mhàthar  
uime ann an cluasaibh mhaithean Shech-  
eim uile na briathra sin uile: agus dh'aom  
an cridheachan an dèigh Abimelech; oir  
thubhairt iad, Is e ar bràthair e.

4 Agus thug iad da trì fichead agus  
deich *buinn* airgid, a tigh Bhaal-berit;  
leis an do thuarasdalaich Abimelech daoine  
faoim<sup>3</sup> agus eutrom, a lean e.

5 Agus chaidh e gu tigh 'athar ann an  
Ophrah, agus mharb e a bhràithre mic  
Ierubail, *eadhon* deichnear agus trì fichead  
fear, air aon chloich: gidheadh, dh'fhàg-  
adh Iotam am nìac a b'òige aig Ierubail;  
oir dh'fholaich se e fèin.

6 Agus chruinnich maithean Shechem  
uile r'a chèile, agus tigh Mhilo uile, agus  
chaidh iad agus rinn iad Abimelech na rìgh  
làimh ri còmhnaidh<sup>4</sup> a' charraigh<sup>5</sup> a bha  
ann an Sechem.

7 Agus an uair a dh'innis iad so do  
Iotam, chaidh e agus sheas e air mullach  
sléibh Gherisim, agus thog e suas a ghuth,  
agus ghlaodh e, agus thubhairt e riu, Eis-  
dibh riumsa, sibhse a mhaithean Shechem,  
a chum as gu'n èisd Dia ribhse.

8 Chaidh na craobhan a mach air àm  
àraidh a dh'ungadh rìgh os an cionn fèin,  
agus thubhairt iad ris a' chrann-olaidh, Bi-  
sa a'd' rìgh oirnn.

9 Ach thubhairt an crann-olaidh riu, Am-  
fàgainnse mo reamhrachd, leis am bheil iad  
leam-sa toirt urraim do Dhia agus do  
dhuine, agus an rachainn gu bhi air m'ard-  
achadh<sup>6</sup> os cionn nan craobh?

10 Agus thubhairt na craobhan ris a'  
chrann-fhige, Thig-sa' agus bi d' rìgh oirnn.

11 Ach thubhairt an crann-fige riu, Am-  
fàgainnse mo mhillseachd, agus mo dheagh  
mheas, agus an rachainn gu bhi air m'ard-  
achadh os cionn nan craobh?

12 Agus thubhairt na craobhan ris an  
fhionain<sup>7</sup>, Thig-sa, agus bi d' rìgh oirnn.

13 Agus thubhairt an fhionain riu, Am-  
fàgainnse m'fhion, a tha toirt subhachais  
do Dhia agus do dhuine, agus an rachainn  
gu bhi air m'ardachadh os cionn nan  
craobh?

14 An sin thubhairt na craobhan uile ris  
an dris<sup>8</sup>, Thig-sa, agus bi d' rìgh oirnn.

15 Agus thubhairt an dris ris na craobh-  
an, Ma's e is da rìcadh gu'n ung sibh mise-  
am' rìgh oirbh, thigibh, cuiribh bhuir  
dòchas<sup>9</sup> a'm' sgàile-sa: agus mur *dean sibh*  
*sin*, thigeadh teine mach as an dris, agus  
loisgeadh e seudair<sup>10</sup> Lebanoin.

16 A nis uime sin, ma rinn sibh gu fir-  
inneach agus gu trèibh-dhireach an uair a  
rinn sibh Abimelech na rìgh, agus ma  
bhuin sibh gu maith ri Ierubail agus r'a  
thigh, agus ma rinn sibh ris a réir toilltean-  
ais a làmh.

17 (Oir chog m'athair-sa air bhuir son,  
agus chuir e 'anam ann an cunart mòr,  
agus shaor e sibh a làimh Mhidiain:

13 Agus tha sibh air éirigh suas an agh-  
aidh tighe m'atharsa an diugh, agus mharbh  
sibh a mhic, trì fichead agus deichnear  
fhear, air aon chloich, agus rinn sibh Abi-  
melech, mac a bhan-oglaich, na rìgh os

<sup>1</sup> leannan. <sup>2</sup> dhaoine, luchd-àiteachaidh.  
<sup>3</sup> folamh. Eabh. <sup>4</sup> daraig, doire. <sup>5</sup> an shreic-  
eagain. <sup>6</sup> gu mì fèin a chrathadh. Eabh.

<sup>7</sup> ris a' chrann-fhìona. <sup>8</sup> droighinn; atad.  
Eabh. <sup>9</sup> earbsadh, muinghia. <sup>10</sup> ceudair.



cionn mhaithean Shechem, a chionn gur e bhuir bràthair e.)

19 Uime sin ma bhuin sibh gu frinneach agus gu trèibhdhireach ri Ierubaal agus r'a thigh an diugh, deanaibh gairdeachas ann an Abimelech, agus deanadh esan mar an ceudna gairdeachas annaibhse:

20 Ach mur do rinn sibh mar sin, thigeadh teine a mach o Abimelech, agus loisgeadh e maithean Shechem agus tigh Mhilo: agus thigeadh teine a mach o mhaithibh Shechem, agus o thigh Mhilo, agus loisgeadh e Abimelech.

21 Agus ruith Iotam air falbh, agus theich e, agus chaidh e gu Becr, agus ghabh e còmhnuidh an sin, air cagal Abimelech a bhràthar.

22 Agus rìoghaich Abimelech trì bliadhna air Israel.

23 Agus chuir Dia droch spiorad eadar Abimelech agus maithean Shechem; agus bhuin maithean Shechem gu fealltach ri Abimelech:

24 A chum gu'n d' thigeadh an ainneart<sup>1</sup>, a rinneadh air deichneach agus trì fichead mac Ierubaail, agus gu'n luidheadh am fuil air. Abimelech am bràthair a mharbh iad, agus air maitheibh Shechem, a ncartaich a làmhnan ann am marbhadh a bhràithrean.

25 Agus chuir maithean Shechem luchd-feall-fholach air a shon air mullaichibh nam beann, agus rinn iad reubainn air gach neach, a chaidh seachad orra san t-slighe sin: agus dh'innseadh sin do Abimelech.

26 Agus thàinig Gaal mac Ebeid agus a bhràithrean, agus chaidh iad thairis gu Sechem: agus chuir maithean Shechem an dòchas ann.

27 Agus chaidh iad a mach do'n fhearann, agus chruinnich iad toradh am fionliosann, agus hhrùth iad na fion-dhearcan, agus rinn iad gairdeachas<sup>2</sup>, agus chaidh iad a steach do thigh an dé, agus dh'ith agus dh'òl iad, agus mhallach iad Abimelech.

28 Agus thubhairt Gaal mac Ebeid, Cò e Abimelech, agus, cò e Sechem, gu'n dcanamaidne seirbhis da? nach e mac Ierubaail e, agus Sebul ceannard a shloigh? deanaibh seirbhis do dhaoineibh Hamoir athar Shechem: oir c'arson a dheanamaid seirbhis dhasan?

29 Agus b'e mo ghuidhe gu'n d' thugta an sluagh so do m' làimh sa, an sin dh'atharraichinn Abimelech. Agus thubhairt e ri Abimelech, Meudaich t'armailt, agus thig a mach.

30 Agus an uair a chuala Sebul, uachdaran a' bhaile, briathra Ghaail mhic Ebeid, lās a chorruich.

31 Agus chuir e teachdairean gu Abimelech os iosal, ag ràdh, Feuch thàinig Gaal

mac Ebeid, agus a bhràithre do Shechem; agus feuch, *tha* iad a' teannachadh a' bhaile a'd' aghaidh.

32 A nis uime sin éirich suas san oidhche, thu féin agus an sluagh a *ta* maille riut, agus dean feall-fholach anns an fhearann.

33 Agus auns a' mhaduinn, nu eirigh na gréine, éiridh tu gu moch, agus bheir thu ionnsuidh air a' bhaile: agus feuch, *'nuair* a thig e féin agus an sluagh a *tha* maille ris a mach a'd' aghaidh, an sin ni thu orra mar a bhios a'd'a chomas<sup>3</sup>.

34 Agus dh'éirich Abimelech suas, agus an sluagh uile a *bha* maille ris, san oidhche, agus rinn iad feall-fholach an aghaidh Shechem, nan ceithir chuideachdaibh

35 Agus chaidh Gaal mac Ebeid a mach, agus sheas e ann an dol a stigh geataidh a' bhaile. Agus dh'éirich Abimelech, agus an sluagh, a *bha* maille ris, o'n fheall-fholach.

36 Agus an uair a chunnaic Gaal an sluagh, thubhairt e ri Sebul, Feuch, *tha* sluagh a' teachd a nuas o mhullach nam beann. Agus thubhairt Sebul ris, *Tha* thu faicinn sgàile nam beann mar dhaoine.

37 Agus labhair Gaal a ris, agus thubhairt e, Feuch, *tha* sluagh a' teachd a nuas o mheadhon na tìre, agus *tha* cuideachd cile a' teachd air an aghaidh rathad còmhnaid<sup>4</sup> Mhehonenin.

38 An sin thubhairt Sebul ris, C'àite nis am bheil do bhicul, leis an dubhairt thu, Cò e Abimelech, gu'n deanamaid seirbhis da? nach e so an sluagh, air an d'rinn thu tàir? falbh a mach, guidheam ort a nis, agus cog riu.

39 Agus chaidh Gaal a mach roimh mhaithrean Shechem, agus chog e ri Abimelech.

40 Agus chuir Abimelech an ruaig air, agus theich e roimhe, agus thuit mòran, a chaidh leònadh, *cadh*on gu ruig dol a stigh a' gheataidh.

41 Agus ghabh Abimelech còmhnuidh ann an Arumah; agus dh'fhuadaich Sebul a mach Gaal agus a bhràithrean, a chum nach gabhadh iad còmhnuidh ann an Sechem.

42 Agus air an là màireach chaidh an sluagh a mach do'n mhachair, agus dh'innis iad sin do Abimelech.

43 Agus ghabh e'n sluagh, agus roinn e iad nan trì chuideachdaibh, agus rinn e feall-fholach sa' mhachair, agus dh'annhair e, agus feuch, *bha'n* sluagh air dol a mach as a' bhaile, agus dh'éirich e nan aghaidh, agus bhuail e iad.

44 Agus thug Abimelech agus a' chuidcachd, a *bha* maille ris, ionnsuidh, agus sheas iad ann an dol a stigh geataidh a' bhaile: agus thug an dà chuideachd *eile*

<sup>1</sup> an t-ain-ìochd. <sup>2</sup> cantuireachd; elulim. Eabh. <sup>3</sup> mar a gheibh do làmh. Eabh.

ionnsuidh orra-san uile, a *bha* sa' mhachair, agus bhuail siad iad.

45 Agus chog Abimelech an aghaidh a' bhaile rè an là sin, agus ghlac e 'm baile, agus mharbh e 'n sluagh a *bh'* ann, agus leag e sìos am baile, agus chuir e le salann e.

46 Agus an uair a chual' uile mhuinntir' tùir Shechein *sin*, chaidh iad a steach do dhaingneach tighe an dé Bherit.

47 Agus dh'innseadh do Abimelech, gu'n robh uile mhuinntir tùir Shechein air cruinneachadh r'a chéile.

48 Agus chaidh Abimelech, suas gu sliabh Shalmoir, e féin agus an sluagh uile, a *bha* maille ris; agus ghlac Abimelech tuagh 'na làimh, agus ghearr e sìos geug o na craobhan, agus ghabh e i, agus chuir e air a ghualainn i, agus thubhairt e ris an t-sluagh a *bha* maille ris, An nì a chunnaic sibh mise a' deanamh greasaibh, deanaibh mar a *rinn* mise.

49 Agus ghearr mar an ceudna an sluagh uile sìos gach duine a gheug, agus lean iad Abimelech, agus chuir iad ris an daingneach *iad*, agus chuir iad an daingneach ri theine orra: mar sin fhuair daoine tùir Shechein bàs uile mar an ceudna, mu thimchioll mìle fear agus bean.

50 An sin chaidh Abimelech gu Tebes, agus champaich e 'n aghaidh Thebeis, agus ghlac se e.

51 Ach bha tùr làidir ann am meadhon a' bhaile, agus gu sin theich na fir agus na mnà uile, agus muinntir a' bhaile uile, agus dhùin iad orra féin e, agus chaidh iad suas air mullach an tùir.

52 Agus thàinig Abimelech gu ruig an tùr, agus chog e na aghaidh, agus dhlùthaich e ri dorus an tùir a chum a losgadh le teine.

53 Agus thilg bean àraidh mìr do chloich-mhuilinn air ceann Abimeleich, agus bhris i a chlaiginn.

54 An sin ghairm e gu luath air an òganach a bha 'g iomchar 'arm, agus thubhairt e ris, Tarruing do chlaidheamh, agus marbh mi, air eagal gu'n abair iad umam, Mharbh bean e. Agus shàth an t-òganach aige troimhe e, agus fhuair e bàs.

55 Agus an uair a chunnaic fir Israeil gu'n d'fhuair Abimelech bàs, dh'imich iad *gach* fear d'a àite féin.

56 Agus dhiol Dia òle Abimeleich, a rinn e air 'athair, le 'thri fichead agus a dheichnear bhràithrean a mharbhadh.

57 Agus uile òle dhaoine Shechein dhiol Dia air an ceann féin: agus thàinig orra mallachadh Iotaim mhic Ierubaail.

#### CAIB. X.

**A**GUS dh'éirich an déigh Abimeleich, a shaoradh Israeil, Tola mac Phuah, mhic Dhodo, duine do Isachar; agus *bha* e

chòmhnuidh ann an Samir, ann an sliabh Ephraim.

2 Agus thug e breth air Israeil trì bliadhna fichead: agus fhuair e bàs, agus dh'adhlaicheadh e ann an Samir.

3 Agus dh'éirich na dhreighsan Iair, Gileadach, agus thug e breth air Israeil dà bhliadhna thar fhichead.

4 Agus bha deich thar fhichead mac aige, a mharcaich air deich thar fhichead asal òg; agus *bha* deich thar fhichead baile aca, air an d'thugadh Habbot-iair mar ainm gu ruig an là'n diugh, a *tha* ann an tìr Ghilead.

5 Agus fhuair Iair bàs, agus dh'adhlaicheadh e ann an Camon.

6 Agus rinn clann Israeil a rìs òlc ann an sùilbh an Tighearna, agus rinn iad seirbhis do Bhaalim, agus do Astarot, agus do dhéibh Shiria, agus do dhéibh Shidon, agus do dhéibh Mhoab, agus do dhéibh chloinn Amoin, agus do dhéibh nam Philisteach: agus thréig iad an Tighearna, agus cha d'riun iad seirbhis dha.

7 Agus las fearg an Tighearn an aghaidh Israeil, agus thug e thairis<sup>2</sup> iad do làimh nam Philisteach, agus do làimh chloinn Amoin.

8 Agus chlaoidh agus rinn iad foirmeart air cloinn Israeil anns an àm sin rè ochd bliadhna deug, air cloinn Israeil uile a *bh'* air an taobh eile do Iordan, ann an tìr nan Amoraich, a *tha* ann an Gilead.

9 Agus chaidh clann Amoin thar Iordan a chogadh mar an ceudna 'n aghaidh Iudah, agus an aghaidh Bheniamin, agus an aghaidh tighe Ephraim: agus bha Israeil ann an teanudachd ro-mhòir.

10 Agus ghlaodh clann Israeil ris an Tighearna, ag ràdh, Pheacaich sinn a't' aghaidh, an dà chuid a chionn gu'n do thréig sinn ar Dia, agus gu'n d'rinn sinn seirbhis do Bhaalim.

11 Agus thubhairt an Tighearna ri cloinn Israeil. Nach *do shaor mise sibh* o na h-Eiphitich, agus o na h-Amoraich, o chloinn Amoin, agus o na Philistich?

12 Rinn mar an ceudna na Sidonaich, agus na h-Amaleich, agus na Maonaich<sup>4</sup> foirmeart oirbh, agus ghlaodh sibh riumsa, agus shaor mi sibh as an làimh.

13 Gidheadh thréig sibh mi, agus rinn sibh seirbhis do dhéibh eile: uime sin cha saor mi sibh ni's mò.

14 Rachaidh agus gairmibh air na déibh a ròghnuich sibh: saoradh iad sibh ann an àm ùr teanndachd.

15 Agus thubhairt clann Israeil ris an Tighearna, Pheacaich sinn; deansa ruinn a réir gach *nì* a *ta* maith a'd' shùilbh: a mbàin saor sinn, guidheamaid ort, air an là'n diugh.

16 Agus chuir iad air falbh na diathan

<sup>1</sup> dhaoine. <sup>2</sup> reic e. Eabh.

<sup>3</sup> clann Amoin.

<sup>4</sup> Canaanaich.



còimheach as am measg, agus rinn iad seirbhis do'n Tighearna: agus bha doilgheas air 'anam air son truaighe Israeil.

17 An sin ghairmeadh clann Amoin cuideachd, agus champaich iad ann an Gilead: agus chruinnich clann Israeil iad fein an ceann a chèile, agus champaich iad ann am Mispeh.

18 Agus thubhairt an coimhechruinn-each<sup>1</sup>, uachdarain Ghilead, gach aon ri chèile, Cia am fear sin a thòisicheas ri cogadh an aghaidh chloinn Amoin? bithidh esan na cheann air uile luchd-àiteachaidh Ghilead.

## CAIB. XI.

**A**NIS bha Iephtah an Gileadach treun ann an neart, agus bu mhaic strìop-aiche e: agus ghin Gilead Iephtah.

2 Agus rug bean Ghilead mic dha; agus dh'fhàs mic a mhnà suas, agus thilg iad a mach Iephtah, agus thubhairt iad ris, Cha'n fhaigh thu oighreachd ann an tigh ar n-atharne, oir is mac mnà coimhich<sup>2</sup> thu.

3 An sin theich Iephtah o 'bhràithribh<sup>3</sup>, agus ghabh e còmhnuidh ann an tìr Thoib: agus chruinnicheadh daoine faoin gu Iephtah, agus chaidh iad a mach maille ris.

4 Agus an ceann laithean àraidh, chog clann Amoin ri h-Israel.

5 Agus an uair a chog clann Amoin ri h-Israel, chaidh seanairean Ghilead a thoirt Iephtah a tìr Thoib.

6 Agus thubhairt iad ri Iephtah, Thig agus bi a'd cheannard oirnn, agus cogaidh sinn an aghaidh chloinn Amoin.

7 Agus thubhairt Iephtah ri seanaireibh Ghilead, Nach d'fhuathaich sibh mi, agus nach do thilg sibh a mach mi a tigh m'athar? agus c'ar son a thàinig sibh a'm' ionnsuidh a nis, an uair a tha sibh ann an teanntachd?

8 Agus thubhairt seannairean Ghilead ri Iephtah, Uime sin phill sinn a nis a'd' ionnsuidh, a chum as gu'n d' théid thu maille ruinn, agus gu'n cog thu 'n aghaidh chloinn Amoin, agus gu'm bi thu a'd cheann oirnn, cadhonn air uile luchd-àiteachaidh Ghilead.

9 Agus thubhairt Iephtah ri seanaireibh Ghilead, Ma bheir sibh air m'ais mi a chogadh an aghaidh chloinn Amoin, agus gu'n d' thoir an Tighearna thairis iad a'm' fhianuis, am bi mise a'm' cheann oirbh?

10 Agus thubhairt seanairean Ghilead ri Iephtah, Bitheadh an Tighearna na fhianuis eadarunn, gu'n dean sinne mar sin, a réir t-fhocail.

11 Agus chaidh Iephtah maille ri seanaireibh Ghilead, agus rinn an sluagh<sup>4</sup> e na cheann orra, agus na cheannard. Agus labhair Iephtah a bhriathran uile an lathair an Tighearna ann am Mispeh.

12 Agus chuir Iephtah teachdairean a

dh'ionnsuidh rìgh chloinn Amoin, ag ràdh, Ciod e do gnothuch-sa riumsa, gu'n d' thàinig thu a'm' aghaidh a chogadh ann am thir?

13 Agus thubhairt rìgh chloinn Amoin ri teachdairibh Iephtah, A chionn gu'n do ghlac Israeil n'fhearann an uair a thàinig iad a nìos as an Eiphit, o Arnoa gu ruig Iaboc, agus gu ruig Iordan; a nis uime sin their thusa air ais e<sup>5</sup> ann an sith.

14 Agus chuir Iephtah a rìs teachdair-ean a dh'ionnsuidh rìgh chloinn Amoin;

15 Agus thubhairt e ris, Mar so tha Iephtah ag ràdh, Cha do ghlac Israel fearann Mhoib, no fearann chloinn Amoin:

16 Ach an uair a thàinig Israel a nìos as an Eiphit, agus a ghluais iad troimh 'n fhàsach gu ruig a' mhuir ruadh, agus a thàinig iad gu Cades;

17 An sin chuir Israel teachdairean gu rìgh Edoim, ag ràdh, Leig dhuinn, guidheamaid ort, dol troimh t'fhearann: ach cha'n éisdeadh rìgh Edoim. Agus mar an ceudna chuir iad teachdairean gu rìgh Mhoib; ach cha d'aontaich e: agus dh'fhan Israel ann an Cades.

18 An sin ghluais iad troimh 'n fhàsach, agus chuairtich iad tìr Edoim, agus tìr Mhoib, agus thàinig iad o thaobh na h-airde 'n ear do thìr Mhoib, agus champ-aich iad air an taobh eile do Arnon, ach cha d'fhàinig iad an taobh a stigh do chrìch Mhoib: oir b'e Arnon crìoch Mhoib.

19 Agus chuir Israel teachdairean gu Sihon rìgh nan Amorach, rìgh Hesboin; agus thubhairt Israel ris, Leig dhuinn, guidheamaid ort, gabhail troimh t'fhearann do'r n-àite fein.

20 Ach cha d'earb Sihon ri h-Israel gabhail tre 'chrìch: ach chruinnich Sihon a shluagh uile cuideachd, agus champaich iad ann an Iahas; agus chog e ri h-Israel.

21 Agus thug an Tighearna Dia Israeil Sihon agus a shluagh uile thairis do làimh Israeil, agus bhuail siad iad: agus shealbhaich Israel uile fhearann nan Amorach, luchd-àiteachaidh na tìre sin.

22 Agus shealbhaich iad uile chrìocha nan Amorach, o Arnon gu ruig Iaboc, agus o'n fhàsach gu ruig Iordan.

23 Agus a nis thilg an Tighearna Dia Israel a mach na h-Amorach a fianuis a shluaigh Israeil, agus am bu chòir dhuitse dol nan seilbh-san?

24 An nì sin a bheir do dhia Chemos dhuit r'a shealbhadh, nach sealbhaich thusa e? agus ge b'e neach a thilg an Tighearna ar Dia-ne mach romhainn, na sheilbh-san théid sinne.

25 Agus a nis am bheil thusa nìs fearr na Balac, mac Shipoir, rìgh Mhoib? an

<sup>1</sup> sluagh. Eabh.

<sup>2</sup> mac màthar eile.

<sup>3</sup> o ghnuis a bhràithre. Eabh.

<sup>4</sup> an co'chruinneach.

<sup>5</sup> iad. Eabh.

do rinn esan riamh strì ri h-Israel, agus an do chog e riamh nan aghaidh?

26 'Nuair a ghabh Israel còmhnuidh ann an Hesbon agus na bhailtibh, agus ann an Aroer agus na bhailtibh, agus anns na bhailtibh uile a tha làimh ri Arnon, rè thri ceud bliadhna; c'ar son nach do bhuin sibh air an ais iad anns àm sin.

27 Uime sin, cha do phcacaich mise a'd' aghaidh, ach tha thusa a deanamh eucoir ormsa<sup>1</sup> le cogadh a'm' aghaidh: thugadh an Tighearn am Breitheamh breth an diugh eadar clann Israel agus clann Amoin.

28 Gidheadh cha d'cisd rìgh chloinn Amoin ri briathraibh Iephtah, a chuir e d'a ionnsuidh.

29 Agus thàinig spiorad an Tighearna air Iephtah, agus chaidh e thairis gu Gilead agus Manaseh, agus a sin chaidh e thairis gu Misphe Ghilead, agus o Mhispeh Ghilead chaidh e thairis gu cloinn Amoin.

30 Agus bhòidich Iephtah bòid<sup>2</sup> do'n Tighearna, agus thubhairt, Ma bheir thu gu cinnteach clann Amoin thairis do m' làimh.

31 An sin tarlaidd, ge b'c ni a thig a mach a dorsaibh mo thighe a'm' choinneamh, 'nuair a philleas mi ann an sìth o chloinn Amoin, gu cinnteach gur leis an Tighearn e, agus<sup>3</sup> ìobraidh mi dha ìobairt-loisgte<sup>4</sup>.

32 Agus chaidh Iephtah thairis gu cloinn Amoin a chogadh nan aghaidh, agus thug an Tighearna thairis iad d' a làimh.

33 Agus bhuail e iad o Aroer, eadhon agus an d' thig thu gu Minit, fichead baile<sup>5</sup>, agus gu còmhnaid nam fion-lios, le àr<sup>6</sup> ro-mhòr. Mar so dh'ìrioslaicheadh clann Amoin am fianuis chloinn Israel.

34 Ach thàinig Iephtah gu Misphe d'a thigh, agus feuch, thàinig a nighean a mach na choinneamh le tiompanaibh agus le dannsaibh, agus b' i 'aon leanabh cloinne i: cha robh aige mac no nighean ach i.

35 Agus an uair a chunnaic e i, reub e 'eudach, agus thubhairt e, Och, mo nighean! is ro-ìosal a leag thu mi, agus is aon thu dhiubhsan a ta 'gam chlaoidh; oir dh'fhosgail mi mo bheul do'n Tighearna, agus cha'n fhead mi dol air m'ais.

36 Agus thubhairt ise ris, Athair, ma dh'fhosgail thu do bheul do'n Tighearna, dean riumsa a réir an ni a thàinig a mach as do bheul, o rinn an Tighearna dìoghaltas air do shonsa air do naimhaidibh, air cloinn Amoin.

37 Agus thubhairt i r'a h-athair, Deanar an ni so air mo shonsa, Leigear leam dà mhìos, a chum gu'n imich mi suas agus sìos air na beanntaibh, agus gu'n dean mi caoidh air son m'òigheachd, mi fein agus mo bhan-chompanacha.

38 Agus thubhairt e, Imich. Agus leig e air falbh i rè dà mhìos: agus chaidh i maille r'a ban-chompanachaibh, agus rinn i caoidh air son a h-òigheachd air na beanntaibh.

39 Agus an ceann dà mhìos, phill i dh'ionnsuidh a h-athar, agus rinn e rithe a réir a bhòid a bhòidich e: agus cha robh aithne aice air fear. Agus bha e na ghnàth ann an Israel,

40 Gu'n rachadh nigheana Israel o bhliadhna gu bliadhna a thoirt co'fhurtachd do' nighinn Iephtah a' Ghileadaich, ceithir laithean sa' bhliadhna.

## CAIB. XII.

**A**GUS chruinnicheadh fir Ephraim an a ceann a chèile, agus chaidh iad tharis mu thuath<sup>8</sup>, agus thubhairt iad ri Iephtah. C'ar son a chaidh thu thairis a chogadh an aghaidh chloinn Amoin, agus nach do ghairm thu oirne gu dol maille riut? loisgidh sinn do thigh ort le teine.

2 Agus thubhairt Iephtah riu, Bha agamsa, agus aig mo shluagh comh-stri mhòr ri cloinn Amoin; agus an uair a ghairm mi oirbh, cha do shaor sibh mi as an làimh.

3 Agus an uair a chunnaic mi naeh do shaor sibh<sup>9</sup> mi, chuir mi m'anam a'm' làimh, agus chaidh mi a nunn<sup>10</sup> an aghaidh chloinn Amoin, agus thug an Tighearna thairis iad do m' làimh: c'ar son ma ta a tha sibh air teachd a nìos a m' ionnsuidhs' an diugh a chogadh a'm' aghaidh?

4 An sin chruinnich Iephtah cuideachd fir Ghilead uile, agus chog e ri h-Ephraim: agus bhuail fir Ghilead Ephraim a chionn gu'n dubhairt iad, Is luchd-fuadain do Ephraim, sibhse a Ghileadacha, am measg Ephraim, agus am measg Mhanaseh.

5 Agus ghlac na Gileadaich àthanna Iordain air na h-Ephraimich: agus an uair a thubhairt na h-Ephraimich sin a chaidh as, Leig dhomh dol thairis, thubhairt fir Ghilead ris, An Ephraimeach thu? Ma thubhairt esan, Cha 'n eadh;

6 An sin thubhairt iadsan ris, Abair a nis Schiboleth; agus thubhairt esan Siboleth: oir cha b'urrainn e a ràdh mar sin<sup>11</sup>. An sin ghabh iad e, agus mharbh iad e aig àthannaibh Iordain: agus thuit anns an àm sin do na h-Ephraimich a dhà agus dà fhichead mìle.

7 Agus thug Iephtah breth air Israel sè bliadhna: an sin fhuair Iephtah an Gileadach bàs, agus dh'adhlaicheadh e ann an aon do bhailtibh<sup>12</sup> Ghilead.

8 Agus na dhéigh-san thug Ibsan o Bhethlehem breth air Israel.

9 Agus bha deich thar fhichead mac aige, agus deich thar fhichead nighean, a chuir e mach uaith, agus ghabh e deich

<sup>1</sup> a'buntainn gu h-ole riumsa. Eabh. <sup>2</sup> mòid. <sup>3</sup> no. <sup>4</sup> bheir mi suas e mar ìobairt-loisgte. <sup>5</sup> cathair, baile cuartichte le balladh.

<sup>6</sup> marbhadh. <sup>7</sup> dheanamh cuoidh air son. <sup>8</sup> gu Sephon. <sup>9</sup> thu. Eabh. <sup>10</sup> a null; a nonn. Eir. <sup>11</sup> gu ceart. <sup>12</sup> ann am baile.



thar fhichead nighean a stigh d'a ionnsuidh air son a mhac. Agus thug e breth air Israel seachd bliadhna.

10 Agus fhuair Ibsan bàs, agus dh'adh-laiheadh e ann am Betlehem.

11 Agus na dhéigh-san thug Elon an Sebulonach breth air Israel deich bliadhna.

12 Agus fhuair Elon an Sebulonach bàs, agus dh'adhlaicheadh e ann an Aialon ann an tìr Shebuloìn.

13 Agus na dhéigh-san thug Abdon mac Hileil, Piratonach, breth air Israel.

14 Agus bha dà fhichead niac aige, agus deich thar fhichead mac a mhac, a mharcaich air deich agus trì fichead asal òg : agus thug e breth air Israel ochd bliadhna.

15 Agus fhuair Abdon mac Hileil am Piratonach bàs, agus dh'adhlaicheadh e ann an tìr Piraton, ann an tìr Ephraim, ann an sliabh nan Amaleceach.

### CATB. XIII.

**A**GUS rinn clann Israeil olc a ris ann an an sùilbh an Tighearna, agus thug an Tighearna thairis iad do làmh nam Philisteach dà fhichead bliadhna.

2 Agus bha duine àraidh do Shorah, do theaghlach nam Danach, d'am b'ainm Manoah, agus bha a bhean neo-thorach, agus cha d'rug i clann.

3 Agus dh'fhoillsich aingeal an Tighearna e fèin do'n mhnaoi<sup>1</sup>, agus thubhairt e rithe, Feuch a nis, *tha* thu neo-thorach, agus cha d'rug thu *fathast clann*; ach ginidh tu agus beiridh tu mac.

4 A nis ma ta thoir an aire, guidheam ort, agus na h-òl fion no deoch làidir, agus na h-ith *ni* air bith neo-ghlan;

5 Oir feuch, ginidh tu agus beiridh tu mac, agus cha d' thig ealtainn sam bith air a cheann; oir bithidh an leanabh na Nasarach do Dhia o'n bhroinn: agus tòisichidh e air Israel a shaoradh a làmh nam Philisteach.

6 Agus thàinig a' bhean agus dh'innis i d'a fear, ag ràdh, Thàinig òglach<sup>2</sup> Dhé a m'ionnsuidh, agus a ghnùis mar ghnùis aingil Dé, ro-uamhasach: ach cha d'fheadh aich mi dheth cia as a bha e, agus cha d'innis e dhomh 'ainm.

7 Ach thubhairt e rium, Feuch ginidh tu, agus beiridh tu mac: agus a nis na h-òl fion no deoch làidir, agus na h-ith *ni* air bith neo-ghlan: oir bithidh an leanabh na Nasarach do Dhia o'n bhroinn gu là a bhàis.

8 An sin ghuidh Manoah air an Tighearna, agus thubhairt e, O mo Tighearna, thigeadh, guidheam ort, òglach Dhé a chuir thu uait a ris d'ar n-ionnsuidh, agus teagaisgeadh e dhuinn ciod a ni sinn ris an leanabh a bheir.

9 Agus dh'éisd Dia ri guth Mhanoah,

agus thàinig aingeal Dhé a ris a dh'ionnsuidh na nà, agus i na suidhe anns an achadh: ach cha robh Manoah a fear maille rithe.

10 Agus rion a' bhean cabhag, agus ruith i, agus dh'innis i d'a fear, agus thubhairt i ris, Feuch, chunnaic mi an duine a thàinig a m' ionnsuidh air an là *roimhe*.

11 Agus dh'éirich Manoah, agus claidh e n déigh a mhnà, agus thàinig e dh'ionnsuidh an duine, agus thubhairt e ris, An tusa an duine a labhair ris a' mhnaoi? Agus thubhairt esan, *Is mi*.

12 Agus thubhairt Manoah, A nis thigeadh do bhriathra gu crìch: cionnus a dh'orduicheas sinn mu'n leanabh, agus ciod a ni sinn ris?

13 Agus thubhairt aingeal an Tighearna ri Manoah, O gach *ni* a thubhairt mise ris a' mhnaoi coinheadadh<sup>3</sup> si i fèin.

14 Do *ni* sam bith a thig o'n chrann-fhiona na h-itheadh i, agus fion no deoch làidir na h-òladh i, agus *ni* sam bith neo-ghlan na h-itheadh i: gach *ni* a dh'àithn mise dh'i coimheadadh i.

15 Agus thubhairt Manoah ri aingeal an Tighearna, Leig dhuinn, guidheamaid ort, do ghleidheadh, agus deasaichidh sinn fa d' chomhair meann do na gabhraibh.

16 Agus thubhairt aingeal an Tighearna ri Manoah, Ge do ghléidh thu mi, cha'n ith mi do t'aran: agus ma bheir thu suas ìobairt-loisgte, do'n Tighearna bheir thu suas i: oir cha robh fios aig Manoah gu'm b'e aingeal an Tighearna e.

17 Agus thubhairt Manoah ri aingeal an Tighearna, Ciod is ainm dhuìt; a chum as, 'nuair a thig do bhriathra, gu crìch, gu'n d' thoir sinn urram dhuìt?

18 Agus thubhairt aingeal an Tighearna ris, C'ar son a tha thu mar so a' fiosrachadh a thaobh m'ainme-sa, agus gu bheil e diomhair<sup>4</sup>?

19 Agus ghabh Manoah meann do na gabhraibh, inaille ri tabhartas-bidh, agus dh'ìobair se e air carraig do'n Tighearna: agus b'iongantach an ni a rinn an t-aingeal, agus Manoah, agus a bhean ag amharcar;

20 Oir an uair a dh'éirich an lasair bhàrr na h-altarach suas gu nèamh, chaidh aingeal an Tighearna suas ann an lasair na h-altarach; agus an uair a chunnaic Manoah agus a bhean *sin*, thuit iad air an aghaidh a dh'ionnsuidh na talmhainn.

21 (Ach cha d'fhoillsich aingeal an Tighearna e fèin tuilleadh do Mhanoah agus d'a mhnaoi.) An sin bha fios aig Manoah gu'm b'e aingeal an Tighearna e.

22 Agus thubhairt Manoah r'a mhnaoi, Gu cinnteach gheibh sinn bàs, oir chunnaic sinn Dia.

<sup>1</sup> chunncas aingeal an Tighearna leis a' mhnaoi. Eabh.

<sup>2</sup> duine. Eabh. <sup>3</sup> gleidheadh. <sup>4</sup> iongantach. Eabh.

23 Ach thubhairt a bhean ris, Nam bu toil leis an Tighearn ar marbhadh, cha ghabhadh e o'r làimh iobairt-loisgte agus tabhartas-bidh, agus cha nochdadh e dhuinn na *nìthe* so uile, agus mar air an àm so cha chuireadh e 'n cèill duinn a leithid so do *nìthibh*.

24 Agus rug a' bhean leanabh, agus thug i Samson mar ainm air: agus dh'fhàs an leanabh, agus bheannaich an Tighearn e.

25 Agus thòisich spiorad an Tighearna r'a bhrosnachadh air uairibh ann an camp Dhain, eadar Sorah agus Estaol.

## C I A B. XIV.

**A** GUS chaidh Samson sìos gu Timnat: agus chunnaic e bean ann an Timnat do nigheanaibh nam Philisteach.

2 Agus thàinig e nìos, agus dh'innis e d'a athair agus d'a mhàthair, agus thubhairt e, Chunnaic mi bean ann an Timnat do nigheanaibh nam Philisteach: agus a nis faighibh i dhomhsa mar mhnaoi.

3 An sin thubhairt 'athair agus a mhàthair ris, Nach 'eil bean air bith am measg nigheana do bhraithre, no am measg mo shluaigh uile, gu'n rachadh tu a ghabhail mnà do na Philistich neo-thimchioll-ghearrta? Agus thubhairt Samson r'a athair, Faigh dhomh i, oir tha i taitneach<sup>1</sup> a'm shùilibh.

4 Ach cha robh fhios aig 'athair agus a mhàthair gu'm b'ann o'n Tighearna bha e, gu'n d'iarr e fàth an aghaidh nam Philisteach: oir anns an àm sin bha uachdranachd aig na Philistich os cionn Israeil.

5 Uime sin chaidh Samson sìos, agus 'athair agus a mhàthair, gu Timnat, agus thàinig iad gu fion-liosaibh Thimnait; agus feuch, bha leòmhain òg a' beuchdaich na aghaidh;

6 Agus thàinig spiorad an Tighearn air gu treun, agus reub se e mar a reubadh e meann, agus cha robh ni air bith na làimh: ach cha d'innis e d'a athair no d'a mhàthair ciod a rinn e.

7 Agus chaidh e sìos, agus labhair e ris a' mhnaoi; agus bha i taitneach an sùilb Shamsain.

8 Agus an déigh laithean àraidh, phill e chum a gabhail, agus chaidh e a leth-taobh a dh'fhaicinn ciosaich an leòmhain, agus feuch, bha sgaoth bheach ann an ciosaich an leòmhain, agus mil.

9 Agus ghabh e dhith na làmhaidh, agus chaidh e air aghaidh ag itheadh, agus thàinig e dh'ionnsuidh 'athar agus a mhàthar, agus thug e dhoibh, agus dh'ith iad: ach cha d'innis e dhoibh gu'm b'ann a ciosaich an leòmhain a thug e a' mhill.

10 Agus chaidh 'athair sìos a dh'ionn-

suidh na mnà, agus rinn Samson an sin cuirme<sup>2</sup>: oir mar sin bu ghnàth leis na daoineibh òga a dheanamh.

11 Agus an uair a chunnaic iad e, thug iad deich thar fhichead companach gu bhàille ris.

12 Agus thubhairt Samson riu, Cuiridh mi nis toimhseachan a mach dhuibh: ma chuireas sibh gu cinnteach an cèill domh e an taobh a stigh do sheachd laithibh na cuirme, agus gu'n faigh sibh a mach e, an sin bhicir mise dhuibh deich thar fhichead brat-lìn<sup>3</sup>, agus deich thar fhichead culaidh eudaich.

13 Ach mur urrainn sibh a chur an cèill domh, an sin bheir sibhse dhomh-sa deich thar fhichead brat-lìn, agus deich thar fhichead culaidh eudaich. Agus thubhairt iad ris, Cuir a mach do thoimhseachan, agus gu'n cluinn sinn e.

14 Agus thubhairt esan riu, As an fhear a dh'itheas thàinig a mach biadh, agus as an fhear gharg<sup>4</sup> thàinig a mach millsead. Agus cha b'urrainn iad an toimhseachan fhuasgladh ann an trì laithibh.

15 Agus air an t-seachdamh là thubhairt iad ri mnaoi Shamsoin, Meall t'fhear, a chum as gu'n innis e dhuinn<sup>5</sup> an toimhseachan, air eagal gu'n loisg sinn thu fèin agus tigh t'athar le teine: an ann gu seallbh a ghabhail anns na bheil againn a ghairm thu oirnn? nach ann?

16 Agus ghuil bean Shamsoin na fhianuis, agus thubhairt i, Tha mhàin fuath agad orm, agus cha 'n eil gràdh agad domh: chuir thu mach toimhseachan do chloinn mo shluaigh<sup>6</sup>, agus cha d'innis thu dhomhsa e. Agus thubhairt esan rithe, Feuch, cha d'innis mi e do m' athair no do m' mhàthair, agus an innis mi dhuitse e?

17 Agus ghuil i na làthair rè nan seachd laithean a bha chuirme aca: agus air an t-seachdamh là dh'innis e dh'i, a chionn gu'n do chuir i gu teann ris: agus dh'innis ise an toimhseachan do chloinn a sluaigh.

18 Agus thubhairt daoine a' bhaile ris air an t-seachdamh là, roimh luidhe na gréine, Ciod is milse na mil, agus ciod is gairge<sup>7</sup> na leòmhain? Agus thubhairt esan riu, Mur bitheadh sibh air treabhadh<sup>8</sup> le m' aghsa<sup>9</sup>, cha'n fhaigheadh sibh a mach mo thoimhseachan.

19 Agus thàinig spiorad an Tighearn air gu treun, agus chaidh e sìos gu Ascelon, agus mharbh e dhuibh deich thar fhichead fear, agus ghabh e am faobh<sup>10</sup>, agus thug e culaidhean eudaich dhoibhsan a dh'fhuasgail an toimhseachan: agus las 'fhearg, agus chaidh e suas gu tigh 'athar.

20 Ach thugadh<sup>11</sup> bean Shamsoin d'a chompanach, a bha mar charaid aige.

<sup>1</sup> dìreach ceart. Eabh. <sup>2</sup> rè sheachd laith-eun. <sup>3</sup> léine-lìn, earradh-lìn. <sup>4</sup> làidir. <sup>5</sup> dhuil.

<sup>6</sup> mo dhaoine. <sup>7</sup> làidire. <sup>8</sup> air ar. <sup>9</sup> le m' cholpaich-sa. <sup>10</sup> an éidigh, an creach. <sup>11</sup> bha. Eabh.



**A**GUS an dèigh laithean àraidh, ann an àm fogharaidh a' chruithneachd, chaidh Samson a dh'fhaicinn a' mhà le meann do na gabhraibh, agus thubhairt e, Thèid mi stigh a dh'ionnsuidh mo mhà do'n t-seòmar. Ach cha leigeadh a h-athair leis dol a stigh.

2 Agus thubhairt a h-athair, Gu deimhin shaoil mi gu'n d'fhuathaich thu gu tur i, agus thug mi i do d' chompanach: nach 'eil a piuthar a's òige nì's maisiche na i? bitheadh i nis agad na h-àite.

3 Agus thubhairt Samson mu'n timchioll, A nis bithidh mi nì's neo-chiontaiche na na Philistich, ge do ni mi olc orra.

4 Agus chaidh Samson, agus ghlac e tri cheud sionnach, agus ghabh c leusan-teine, agus thionndaidh c earball ri h-earball, agus chuir e leus-teine anns a'mheadhon eadar dà earball.

5 Agus an uair a chuir e na leusan ri theine, leig e air falbh iad am measg ar-bhair nam Philisteach, agus loisg e 'n dà chuid na h-adagan agus mar an ceudna an t-arbhar, a bha na sheasamh, maille ris na fion-liosaibh, agus ris na liosaibh-olaidh.

6 An sin thubhairt na Philistich, Cò rinn so? Agus dh'innsadh dhoibh, Samson cliamhuinn an Tinnataich, a chionn gu'n do ghabh esan a bhean, agus gu'n d'thug e i d'a chompanach. Agus chaidh na Philistich suas, agus loisg iad i féin agus a h-athair le teine.

7 Agus thubhairt Samson riu, Ge do rinn sibh mar so, gidheadh dìolaidh mise mi féin oirbh, agus na dhéigh sin sguiridli mi.

8 Agus bhuail e iad cos gu leis<sup>1</sup> le h-àr mòr; agus chaidh e sìos agus ghabh e còmhnuidh ann an uaimh<sup>2</sup> carraige Etain.

9 Agus chaidh na Philistich suas, agus champaich iad ann an Iudah, agus sgaoil siad iad féin ann an Lehi.

10 Agus thubhairt fir Iudah, C'ar son a thàinig sibh a nìos 'nar n-aghaidh-ne? Agus thubhairt iadsan, A cheangal Shamson thàinig sinn a nìos, a dheanamh air mar a rinn esan oirne.

11 Uime sin, chaidh tri mìle fear do Iudah sìos gu uaimh carraige Etain, agus thubhairt iad ri Samson, Nach 'eil fhios agad gu bheil na Philistich nan uachd-arain oirne? agus ciod é so a rinn thu oirnn? agus thubhairt esan riu, Mar a rinn iadsan ormsa, mar sin rinn mise orra-san.

12 Agus thubhairt iad ris, A chum thusa a cheangal tha sinn air teachd a nuas, a chum as gu'n d' thoir sinn thairis thu do làimh nam Philisteach. Agus

thubhairt Samson riu, Thugaibh bhur mionnan dhomh, nach buail sibh féin orm.

13 Agus fhreagair iad e, ag ràdh, Cha bhuail: ach ceanglaidh sinn thu gu teann, agus bheir sinn thairis thu d'an làimh, ach gu cinnteach cha mharbh sin thu. Agus cheangail iad e le dà chord nomha, agus thug iad a nìos e o'n charraig.

14 Agus an uair a thàinig e gu Lehi, rinn na Philistich iolach a' dol na choinneamh: agus thàinig spiorad an Tighearn air gu treun, agus dh'fhàs na cuird a bha air a ghairdcanaibh mar lìon a loisgeadh le teine, agus dh'fhuasgladh a cheanglaichean bhàrr a làmha.

15 Agus fhuaire e cnàimh-peircill<sup>3</sup> ùr asail, agus chuir e mach a làmh, agus ghlac se c, agus bhuail e leis mìle fear.

16 Agus thubhairt Samson, Le cnàimh-peircill asail dùn air dhùn<sup>4</sup>, le cnàimh-peircill asail mharbh mi mìle fear.

17 Agus an uair a sguir e do labhairt, thilg e 'n cnàimh-peircill as a làimh, agus dh'ainmich e 'n t-àite sin Ramat-lehi.

18 Agus bha tart mòr air, agus ghairm e air an Tighearna, agus thubhairt e, Thug thu an t-saorsa mhòr so do làimh do sheirbhisich: agus a nis am faigh mi bàs le tart, agus an tuit mi ann an làimh nan neo-thimchioll-ghearrta?

19 Agus sgoilt Dia lag<sup>5</sup> a bha ann an Lehi<sup>6</sup>, agus thàinig uisge as; agus dh'òl e, agus thàinig a spiorad a ris, agus dh'ath-bheothaich e: uime sin thug e En-hacore mar ainm air, a tha ann an Lehi gu ruig an la'n diugh.

20 Agus thug e breth air Isracl ann an laithibh nam Philisteach fichead bliadhna.

## CAIB. XVI.

**A**GUS chaidh Samson gu Gasa, agus chunnaic e an sin striopach, agus chaidh e stigh d'a h-ionnsuidh.

2 Agus dh'innsadh do na Gasaich, ag ràdh, Thàinig Samson an so. Agus chuairtich iad e, agus rinn iad feall-fholach air a shon rè na h-oidhche ann an gcatadh a' bhaile, agus bha iad tosdach<sup>7</sup> rè na h-oidhche, ag ràdh, 'Nuair a thig solus na maidne, marbhaidh sinn e.

3 Agus luidh Samson gu meadhon-oidhche, agus dh'éirich e mu mheadhon-oidhche, agus ghabh c comhlaichean geataidh a' bhaile, agus an dà phost, agus thug e leis iad maille ris na crannaibh, agus chuir e air a ghuailibh iad, agus thug e suas iad gu mullach sléibhe a tha fa chomhair Hebroin.

4 Agus na dhéigh sin ghràdhach e bean ann an gleann Shoreic, d'am b'ainm Delilah.

<sup>1</sup> cos air leis. <sup>2</sup> air mullach. <sup>3</sup> cnàimh-géil. <sup>4</sup> le cnàimh-peircill asail chluaidh mi iad.

<sup>5</sup> àite folamh. <sup>6</sup> anns a' ghiall. <sup>7</sup> sùmbach.

5 Agus chaidh tighearnan nam Philisteach suas d'a h-ionnsuidh, agus thubhairt iad rithe, Meall e, agus feuch c'ait *am bheil* a neart mòr a' *luidhe*, agus cionnus a bhuadh-aicheas sinn air, air chor as gu'n ceangail sinn e chum a cheannsachadh <sup>1</sup>: agus bheir sinn dhuit gach aon againn mìle agus ceud *bonn* airgid.

6 Agus thubhairt Delilah ri Samson, Innis dhomh, guidheam ort, c'ait *am bheil* do neart mòr a' *luidhe*, agus cionnus a dh'fheudhas tu bhì air do cheangal chum do cheannsachadh.

7 Agus thubhairt Samson rithe, Ma cheanglas iad mi le seachd goid ùra, nach do thiormaicheadh, an sin bithidh mi annhunn, agus bithidh mi mar dhuine eile.

8 An sin thug tighearnan nam Philisteach suas d'a h-ionnsuidh seachd goid ùra nach do thiormaicheadh, agus cheangail i e leo.

9 (A nis *bha* daoine ri feall-fholach, a' fantuinn maille rithe anns an t-seòmar.) Agus thubhairt i ris, Na Philistich ort, a Shamsoin. Agus bhris e na goid, mar a bhrisear snàthainn ascaird <sup>2</sup> an uair a bheanas e ri teine <sup>3</sup>: agus cha d'fhuaras fios a neart.

10 Agus thubhairt Delilah ri Samson, Feuch, mheall thu mi, agus dh'innis thu dhomh breugan: a nis innis dhomh, guidheam, ort, cionnus a dh'fheudas tu bhì air do cheangal.

11 Agus thubhairt esan rithe, Ma cheanglas iad mi gu teann le cordaibh ùra nach do ghnàthaicheadh riamh, an sin bithidh mi annhunn, agus bithidh mi mar dhuine eile.

12 Agus ghabh Delilah cuird ùra, agus cheangail i e leo, agus thubhairt i ris, Na Philistich ort, a Shamsoin. (Agus *bha* luchd-feall-fholach a' fantuinn anns an t-seòmar.) Agus bhris e iad bhàrr a ghairdeana mar shnàthainn.

13 Agus thubhairt Delilah ri Samson, Gu ruige so mheall thu mi, agus dh'innis thu dhomh breugan: innis dhomh cionnus a dh'fheudhas tu bhì air do cheangal. Agus thubhairt esan rithe, Ma dh'fheudas tu seachd duail <sup>4</sup> mo chinn maille ris an eige.

14 Agus dhaingnich i iad leis a' phinne <sup>5</sup>, agus thubhairt i ris, Na Philistich ort, a Shamsoin. Agus mhosgail e as a chodal, agus thug e air falbh leis pinne na garmainn agus an eige.

15 Agus thubhairt ise ris, Cionnus is urrainn thu a ràdh, Tha gràdh agam dhuit, an uair nach 'eil do chridhe leam? na tri uaire so mheall thu mi, agus cha d'innis thu dhomh c'ait *am bheil* do neart mòr a' *luidhe*.

16 Agus an uair a chuir i gu teann ris gach aon là le a briathraibh, agus a choi-éignich i e, bha 'anam air a chràdh-gu bàs.

17 An sin dh'innis e dh'i chridhe uile, agus thubhairt erithe, Ealtainn cha d'thàinig riamh air mo cheann; oir *bu* Nàsarach do Dhia mi o bhroinn mo mhàthar: ma bhearrar mi, ann sin falbhaidh mo neart uam, agus fasaidh mi annhunn, agus bithidh mi mar gach duine eile.

18 Agus an uair a chunnaic Delilah gu'n d'innis e dh'i a chridhe uile, chuir i fios, agus ghairm i air tighearnaibh nam Philisteach, ag ràdh, Thigibh a nios an aon uair so, o'r dh'innis e dhomh a chridhe uile. An sin thàinig tighearnan nam Philisteach a nios d'a h-ionnsuidh, agus thug iad airgid a nios nan làimh.

19 Agus thug i air codal air a glùimibh, agus ghairm i air fear, agus thug i air seachd duail a chinn a bhearradh dheth, agus thoisich i air a cheannsachadh, agus dh'fhalbh a neart uaithe.

20 Agus thubhairt i, Na Philistich ort, a Shamsoin. Agus mhosgail e as a chodal, agus thubhairt e, Théid mi mach, mar air uairibh eile, agus crathaidh mi mi féin: oir cha robh fhios aige gu'n d'imich an Tighearn uaithe.

21 Ach ghlac na Philistich e, agus chuir iad a mach a shùilean: agus thug iad sìos e gu Gasa, agus cheangail iad e le geimhlìbh umha, agus bha e a' bleth ann an tigh a' phrìosain <sup>6</sup>.

22 Gidheadh thòisich folt a chinn air fàs a ris, an déigh dha bhì air a bhearradh.

23 Agus chruinnich tighearnan nam Philisteach iad féin an ceann a chéile a dh'ìobradh ìobairte mòire d'an dia Dagon, agus a dheanamh gairdeachais: oir thubhairt iad, Thug ar dia thairis Samson ar nàmhaid d'ar làimh.

24 Agus an uair a chunnaic an sluagh e, mhol iad an dia: oir thubhairt iad, Thug ar dia thairis d'ar làimh ar nàmhaid, agus fear-millidh ar dùcha, a mharbh mòran dhinn.

25 Agus an uair a bha'n cridheacha subhach, thubhairt iad, Gairmibh air Samson, a chum as gu'n dean e fearas-chuideachd <sup>7</sup> dhuinn. Agus ghairm iad air Samson a tigh a' phrìosain, agus rinn e fearas-chuideachd nan làthair: agus chuir iad e eadar na puist.

26 Agus thubhairt Samson ris an òganach, a ghabh greim d' a làimh, Leig dhomh na puist a laimhseachadh air am bheil an tigh na sheasamh, a chum as gu'n leig mi mo thaic riu.

27 A nis bha 'n tigh làn dhaoine agus

<sup>1</sup> phianadh, a chlaoidh. <sup>2</sup> barraiche. <sup>3</sup> a ghabhas e faile an teine. Eabh. <sup>4</sup> ciadban.

<sup>5</sup> tarraing. <sup>6</sup> ann an tigh nan daoine cean-gailte. Eabh. <sup>7</sup> spòrs, sùgradh.



bhan: agus *bha* uile thighearnan nam Philisteach an sin, agus *bha* air mullach an tighe mu thimchioll trì mìle fear agus bean, a *bha* 'g amharc an uair a rinn Samson fcaras-chuideachd.

28 Agus ghairm Samson air an Tigh-earn, agus thubhairt e, O Thighearna Dhé, cuimhnich orm, guidheam ort, agus neartaich mi, guidheam ort, a mhàin an aon uair so, O Dhé, a chum as gu'm bi mi dìolta dh'aon tarraing air na Philistich air son mo dhà shùil.

29 Agus ghabh Samson greim do'n dà phost mhcadhonnach, air an robh an tigh na sheasamh, agus ris an robh e 'n taic, do h-aon *dìubh* le a làimh dheis, agus do'n *fhear* eile le a làimh chli.

30 Agus thubhairt Samson, Faigheam bàs<sup>1</sup> maille ris na Philistich: agus chrom se e féin<sup>2</sup> le 'uile neart: agus thuit an tigh air na tighearnaibh, agus air an t-sluagh uile a *bha* ann: agus *bha* na mairbh a mharbh e aig a bhàs ni bu lionmhoire na *iadsan* a mharbh e na bheatha.

31 Agus chaidh a bhràithrean agus tigh 'athar uile sìos, agus ghabh iad e, agus thug iad suas e, agus dh'adhlaic iad e cadar Sorah agus Estaol, ann an àit-adhlaic Mhanoah 'athar, agus thug e breth air Israel fichead bliadhna

## CAIB. XVII.

**A** GUS *bha* duine do shliabh Ephraim, d'am b'ainm Micah.

2 Agus thubhairt e r'a mhàthair, Am mìle agus an ceud *secel* airgid, a thugadh air falbh uait, mu'n do mhallaich thu, agus mu'n do labhair thu cuideachd ann am chluasaibh-sa: feuch, *tha* 'n t-airgid agamsa, ghabh mise e. Agus thubhairt a mhàthair, Gu ma beannaichte thusa o'n Tighearna, a mhic.

3 Agus an uair a thug e air ais am mìle agus an ceud *secel* airgid d'a mhàthair, thubhairt a mhàthair, Naomhaich mi gu h-ìomlan<sup>3</sup> an t-airgid do'n Tighearna o m' làimh, air son mo mhic, a dheanamh deilbh snaidhte, agus deilbh leaghta: a nis ma ta bheir mi air ais dhuit e.

4 Agus thug e air ais an t-airgid d'a mhàthair, agus ghabh a mhàthair dà cheud *secel* airgid, agus thug i iad do'n òr-cheard, agus riun esan dhiubh dealbh snaidhte agus dealbh leaghta: agus *bha* iad ann an tigh Mhichah.

5 Agus *bha* aig an duine Micah tigh dhiathan<sup>4</sup>, agus rinn e ephod, agus teraphim, agus choisrig<sup>5</sup> e aon d'a mhic, agus *bha* e aige na shagart.

6 Anns na laithibh sin cha *robh* rìgh air bith ann an Israeil: rinn *gach* fear an *ni sin* a *bha* ceart na shùilbh féin.

<sup>1</sup> Bàsaicheadh m'anam. Eabh. <sup>2</sup> tharruing e sìos na puist. <sup>3</sup> Le naomhachadh naomhaich mi. Eabh. <sup>4</sup> tigh do Dhia.

7 Agus *bha* òganach o Bhetlehem Iudah, do theaghlach Iudah, a *bha* 'na Lebhitheach, agus *bha* e air chuairt an sin.

8 Agus dh'imich an duine as a' bhaile o Bhetlehem Iudah, a dbol air chuairt far am faigheadh e *àit*; agus thàinig e gu sliabh Ephraim, gu tigh Mhichah, a' dol air aghaidh air a thurus.

9 Agus thubhairt Micah ris, Cia as a tha thu air teachd? Agus thubhairt esan ris, Is Lebhitheach mise o Bhetlehem Iudah, agus *tha* mi a' triall air chuairt far am faigh mi *àite*.

10 Agus thubhairt Micah ris, Fan maille riumsa, agus bi dhomhsa a'd' athair agus a'd' shagart, agus bheir mi dhuit deich *secel* airgid sa' bhliadhna<sup>6</sup>, agus culaidh eudaich, agus do bhiaidh. Agus chaidh an Lebhitheach a stigh.

11 Agus bha'n Lebhitheach toilichte còmhnuidh ghabhail maille ris an duine, agus bha 'n t-òganach dha mar aon d'a mhacaibh.

12 Agus choisrig Micah an Lebhitheach, agus *bha* 'n t-òganach aige na shagart; agus *bha* e ann an tigh Mhichah.

13 Agus thubhairt Micah, A nis tha fios agam gu'n dean an Tighearna maith dhomh, a chionn gu bheil Lebhitheach agum na shagart.

## CAIB. XVIII.

**A** NNS na laithibh sin cha *robh* rìgh air bith ann an Israel: agus anns na laithibh sin dh'iarr treubh<sup>7</sup> nan Danach dhoibh féin oighreachd anns an gabhadh iad còmhnuidh: oir gu ruig an là sin cha do thuit an oighreachd uile orra am measg threubhan Israeil.

2 Agus chuir clann Dhain cùigear d' an teaghlach o 'n crìochaibh, daoine treun o Shorah agus o Estaol, a ghabhail beachd air an tìr, agus g'a rannsachadh a mach; agus thubhairt iad riu, Imichibh, rannsaichibh a mach an tìr. Agus thàinig iad gu sliabh Ephraim, gu tigh Mhichah, agus dh'fhan iad an sin rè na h-oidhche.

3 An uair a *bha* iad aig tigh Mhichah, dh'aithnich iad guh an òganach, an Lebhithich, agus thionndaidh iad a stigh an sin, agus thubhairt iad ris, Cò thug an so thu? agus ciod a *tha* thu deanamh an so? agus ciod a *th'*agad an so?

4 Agus thubhairt esan riu, Mar so agus mar so rinn Micah rium, agus thuarasdalaich e mi, agus *tha* mi aige a'm' shagart.

5 Agus thubhairt iad ris, Iarr comhairle, guidheamaid ort, air Dia, chum as gu'm bi fios againn an soirbhich leinn 'n ar slighe air am bheil sinn ag imeachd.

6 Agus thubhairt an sagart riu, Imi-

<sup>5</sup> Non e lamh. Eabh. <sup>7</sup> fine.

<sup>6</sup> an ceann laithean.

chibh an sìth: an làthair an Tighearna *tha* bhuir slighe, air am bheil sibh ag imeachd.

7 Agus dh'imich an cùigear fhear, agus thàinig iad gu Lais, agus chunnaic iad an sluagh a *bha* ann, a' gabhail còmhnuidh gun umhailh, a rèir gnàth nan Sidonach, sàmhach agus neo-umhailleach<sup>1</sup>; agus cha robh uachdaran air bith anns an tìr, a chuir eadh gu nàire *iad* ann an nì air bith: agus *bha* iad fada o na Sidonaich, agus cha robh gnothuch aca ri duine air bith.

8 Agus thàinig iad a dh'ionnsuidh am bràithrean gu Sorah agus Estaol: agus thubhairt am bràithre riu, Ciod a *tha* sibh ag ràdh?

9 Agus thubhairt iad, Eiribh agus rachamaid suas nan aghaidh; oir chunnaic sinne an tìr, agus feuch, *tha* i ro-mhàith: agus am bheil sibhsenar tàmh<sup>2</sup>? na bitibh leasg gu imeachd agus gu dol a steach a shealbhadh na tìre.

10 'Nuair a thig sibh, théid sibh a steach a dh'ionnsuidh sluaigh neo-umhaillich, agus do thìr ro-fharsaing: oir thug Dia thairis d'ar làimh i; àit anns nach 'eil uireasbhuidh nì air bith a *th'*air an talamh.

11 Agus chaidh as sin do theaghlach nan Danach, a Sorah agus a Estaol, sè ceud fear, crìoslaichte le innealaibh cogaidh.

12 Agus chaidh iad suas, agus champ-aich iad ann an Ciriati-earim, ann an Iudah: uime sin thugadh Mahaneh-dan mar ainm air an àite sin gu ruig an là'n diugh; feuch, *tha* e air cùlaobh Chiriati-earim.

13 Agus chaidh iad seachad o sin gu sliabh Ephraim, agus thàinig iad gu tigh Mhicah.

14 An sin fhreagair an cùigear fhear, a chaidh a ghabhail beachd air tìr Lais, agus thubhairt iad r'am bràithribh, Am bheil fhios agaibh gu bheil anns na tighibh sin ephod, agus teraphim, agus dealbh snaidhte, agus dealbh leaghta? a nis ma ta smuainichibh ciod a nì sibh.

15 Agus thionndaidh iad gus a sin, agus thàinig iad gu tigh an òganaich, an Lebhitich, eadhon gu tigh Mhicah, agus chuir iad fàilte air.

16 Agus sheas an sè ceud fear crìoslaichte le innealaibh cogaidh, a *bha* do chloinn Dhain, aig dol a steach a' gheafaidh.

17 Agus chaidh an cùigear fhear suas a chaidh ghabhail beachd air an tìr, agus thàinig iad a stigh an sin, agus ghabh iad an dealbh snaidhte, agus an ephod, agus an teraphim, agus an dealbh leaghta: (agus sheas an sagart aig dol a stigh a' gheataidh, agus an sè ceud fear a *bha* crìoslaichte le innealaibh cogaidh.)

18 Agus an uair a chaidh iad sin a steach do thigh Mhicah, agus a ghabh iad an dealbh snaidhte, an ephod, agus an teraphim, agus an dealbh leaghta, an sin thubhairt an sagart riu, Ciod a *tha* sibh a deanamh?

19 Agus thubhairt iadsan ris, Bi d' thosd, cuir do làmh air do bheul, agus fàlbh maille ruinne, agus bi dhuinne a' athair agus a' d' shagart: am fear dhuith a bhi d' shagart do thigh aon duine, na thu bhi d' shagart do thrèibh agus do theaghlach ann an Israel?

20 Agus bha cridhe an t-sagairt subhach, agus ghabh e'n ephod, agus an teraphim, agus an dealbh snaidhte, agus chaidh e ann am meadhon an t-sluaigh.

21 Agus thionndaidh iad, agus dh'imich iad, agus chuir iad a' chlànn bhacg, agus an sprèidh, agus gach nì trom<sup>3</sup> rompa.

22 Agus an uair a bha iad astar fada o thigh Mhicah, chruinnich na fir, a bh'anns na tighibh, a *bha* làimh ri tigh Mhicah, iad fèin an ceann a' chèile, agus chaidh iad air tòir<sup>4</sup> chloinn Dhain.

23 Agus ghlaodh iad ri cloinn Dhain: agus thionndaidh iadsan an aghaidh, agus thubhairt iad ri Micah, Ciod a *tha* teachd riut, gu bheil thu teachd le leithid so do chuideachd<sup>5</sup>?

24 Agus thubhairt esan, Mo dhiathan a rinn mi thug sibh leibh, agus an sagart, agus dh'fhalbh sibh roimhibh: agus ciod a th'agamsa tuilleadh? agus ciod e so a *tha* sibh ag ràdh rium, Ciod a *tha* teachd riut?

25 Agus thubhairt clann Dhain ris, Na cluinncar do ghuth 'nar measg, an eagal gu'm buail daoine feargach nan spiorad ort, agus gu'n caill thu t'anam fèin, agus anama do theaghlach.

26 Agus dh'imich clann Dhain air an slighe: agus an uair a chunnaic Micah gu'n robh iad tuilleadh 's làidir air a shon, thionndaidh e, agus phill e d'a thigh.

27 Agus ghabh iad na nithe a rinn Micah, agus an sagart a bh'aige, agus thàinig iad gu Lais, a dh'ionnsuidh sluaigh a *bha* sàmhach agus neo-umhaillich: agus bhuail siad iad le faobhar a' chladhaimb, agus loisg iad am baile le teine.

28 Agus cha robh fear-saoraidh ann, a chionn gu'n robh e fada o Shidon, agus nach robh gnothuch aca ri duine sam bith; agus *bha* e anns a' ghlcann a *tha* làimh ri Bet-rehob: agus thog iad baile, agus ghabh iad còmhnuidh ann;

29 Agus thug iad Dan mar ainm air a' bhaile, a rèir ainme Dhain an athar, a

<sup>1</sup> an sluagh a *bha* ann, baile a *bha* fantuinn neo-umhaillich a rèir gnàth nan Sidonach, sàmhach agus neo-umhaillich. <sup>2</sup> nartosd, Eabh.

<sup>3</sup> luachmhor. <sup>4</sup> rug iad air. <sup>5</sup> gu bheil thu air do chruinneachadh. Eabh.



rugadh do Israel; gidheadh *b'e* Lais ainm a' bhaile an teiseach.

30 Agus chuir clann Dhain suas dhoibh féin an dealbh snaidhte: agus bha Ionaran mac Iersaim, mhic Mhanaseh, e féin agus a mhic, nan sagartaibh do thréibh Dhain, gu ruig la braigheanais an tíre.

31 Agus chuir iad suas dhoibh féin dealbh snaidhte Mhicah a rinn e, rè na h-ùine a bha tigh Dhé ann an Siloh.

### C A I B. XIX.

**A** GUS anns na laithibh sin, an uair nach robh rìgh air bith ann an Israel, bha Lebbitheach àraidh air chuairt air taobh sléibh Ephraim, a ghabh d'a ionnsuidh coimh-leabach o Bhethlehem Iudah.

2 Agus rinn a choimh-leabach siùrtachd na aghaidh, agus dh'fhalbh i uaith gu tigh a h-athar gu Bethlehem Iudah, agus bha i 'n sin ceithir mìosan iomlan.

3 Agus dh'éirich a fear, agus chaidh e na deigh, a chum gu'n làbhradh e r'a cridhe, agus gu'n d'thugadh e air a h-ais i, agus 'òganach<sup>1</sup> maille ris, agus dà asal: agus thug i steach e do thigh a h-athar, agus an uair a chunnaic athair na h-ighinn<sup>2</sup> e, chaidh e le gairdeachas<sup>3</sup> na choimheamh.

4 Agus ghléidh 'athair-céile, athair na h-ighinn e, agus dh'fhan e maille ris trì laithean: agus dh'ith agus dh'òl iad, agus dh'fhan iad rè na h-oidhche an sin.

5 Agus air a' cheathramh là, 'nuair a dh'éirich iad gu moch anns a' mhaduinn, dh'éirich esansuas gu imeachd: agus thubhairt athair na h-ighinn r'a chliamhuin, Neartaich do chridhe le greim arain, agus na deigh sin imichidh sibh.

6 Agus shuidh iad sìos le chéile, agus dh'ith iad cuideachd, agus dh'òl iad: oir thubhairt athair na h-ighinn ris an duine, Bi toilichte, guidheam ort, agus fan rè na h-oidhche, agus bitheadh do chridhe subhach.

7 Agus an uair a dh'éirich an duine suas gu imeachd, rinn 'athair-céile dian earail air: uime sin dh'fhan e 'n sin an oidhche sin a ris.

8 Agus dh'éirich e gu moch anns a' mhaduinn air a' chùigeadh là gu imeachd: agus thubhairt athair na h-ighinn, Neartaich do chridhe, guidheam ort. Agus dh'fhan iad gu deigh mheadhon-là<sup>4</sup>, agus dh'ith iad le chéile.

9 Agus an uair a dh'éirich an duine suas gu imeachd, e féin agus a choimh-leabach, agus 'òganach, thubhairt 'athair-céile, athair na h-ighinn ris, Feuch, a nis tha'n là a' tarruing gu feasgar, fanaibh, guidheam ort, rè na h-oidhche: feuch, tha 'n là a' dlùthachadh r'a chrìch, fan an so rè

na h-oidhche, agus bitheadh do chridhe subhach, agus am màireach éiridh sibh gu moch a chum bhuir turuis<sup>5</sup>, agus thèid thu dhachaidh.

10 Ach cha b'àill leis an duine fantuinn an oidhche sin, ach dh'éirich e suas agus dh'imich e, agus thàinig e air aghaidh fa chomhair, Iebuis, (*is e sin Ierusalem*) agus bha maille ris dà asal le'n diallaidibh; bha mar an ceudna a choimh-leabach maille ris.

11 Agus an uair a bha iad làimh ri Iebus, chaitheadh an là gu mòr, agus thubhairt an t-òganach r'a mhaighstir, Thig, guidheam ort, agus tionndaidhmid a stigh do bhaile so nan Iebusach, agus fanamaid rè na h-oidhche ann.

12 Agus thubhairt a mhaighstir ris, Cha tionndaidh sinn a stigh an so gu baile coigrich, nach 'eil do chloinn Israeil, ach gabhaidh sinn thairis gu Gibeah.

13 Agus thubhairt a' r'a òganach, Thig, agus tairngeamaid am fagus do aon do na h-aitibh sin gu fantuinn rè na h-oidhche, ann an Gibeah, no ann an Ramah.

14 Agus ghabh iad thairis agus dh'imich iad: agus chaidh a' ghrian sìos orra làimh ri Gibeah, a *bhuineas* do Bheniamin.

15 Agus thionndaidh iad a leth-taobh an sin, gu dol a stigh a dh'fantuinn rè na h-oidhche ann an Gibeah: agus an uair a chaidh e stigh, shuidh e sìos ann an sràid a' bhaile: oir cha robh duine sam bith a ghabh iad d'a thigh gu fantuinn rè na h-oidhche.

16 Agus feuch, thàinig seann duine o 'obair a mach as an fhearann mu fheasgar, a bha mar an ceudna o shliabh Ephraim, agus bha e air chuairt ann an Gibeah, ach bu Bheniaminich daoine an àite.

17 Agus an uair a thog e suas a shùilean, chunnaic e duine a bha air thurus ann an sràid a' bhaile: agus thubhairt an seann duine, C'ait a tha thu dol? agus cia as a tha thu air teachd?

18 Agus thubhairt e ris, *Tha* sinn a' gabhail thairis o Bhethlehem Iudah dh'ionnsuidh taoibh sléibh Ephraim, as *am bheil* mise: agus chaidh mi do Bhethlehem Iudah, ach *tha mi nis* a' dol gu tigh an Tighearna, agus cha 'n'eil duine air bith ann a ghabhas mi d'a thigh.

19 Gidheadh tha 'n dà chuid fodar, agus innlinn ann air son ar n-asal, agus tha mar an ceudna aran agus fion ann air mo shon-sa, agus air son do bhan-oglaich, agus air son an òganaich, a *tha* maille ri d' sheirbhìsich: cha 'n'eil easbhuidh<sup>6</sup> ni air bith oirn.

20 Agus thubhairt an seann duine, Sìth gu robh maille riut: gidheadh, *biodh* t'easbhuidh gu léir ormsa, a mhàin na fan anns an t-sràid rè na h-oidhche.

<sup>1</sup> a òganach. <sup>2</sup> h-ighinn, cailin. <sup>3</sup> rian e gairdeachas. Eabh. <sup>4</sup> gus an do thionndaidh

an là. Eabh. <sup>5</sup> slighe. <sup>6</sup> uireasbhuidh, d'ith.

21 Agus thug e steach e d'a thigh, agus thug e innlunn do na h-asalaibh; agus nìgh iad an cosan, agus dh'ith agus dh'òl iad.

22 Ach an uair a bha iad a' deanamh an cridhe subhach, feuch, chuairtich daoine a' bhaile, daoine bu mhic do Bhelial, an tigh mu'n cuairt, agus bhuail iad aig an dorus, agus labhair iad ri maighstir an tìghe, an seann duine, ag ràdh, Thoir a mach an duine a thàinig a dh'ionnsuidh do thighe, a chum as gu'n aithnich sinn e.

23 Agus chaidh an duine, maighstir an tìghe, mach d'an ionnsuidh, agus thubhairt e riu, Na deanaibh, mo bhràithre, na deanaibh, guidheam oirbh, cho olc; an deigh do'n duine so teachd a dh'ionnsuidh mo thighe-sa, na deanaibh an ni gràineil<sup>1</sup> so.

24 Feuch, mo nighcan, maighdean, agus a choimh-leabach, iadsan bheir mi mach a nis, agus islichibhse iad, agus deanaibh riu an ni sin a ta maith 'nar suilbh: ach air an duine so na deanaibh ni cho gràineil.

25 Ach cha'n èisdeadh na daoine ris: agus rug an duine air choimh-leabach, agus thug e mach i d'an ionnsuidh: agus dh'aithnich iad i, agus mhi-ghnàthaich iad i rè na h-oidheche gu maduinn: agus aig briseadh na làire leig iad air falbh i.

26 Agus thàinig a' bhean ann an scar-thanaich<sup>2</sup> an là, agus thuit i sìos aig dorus tìghe an duine, far an robh a tighearna, gus an robh solus ann.

27 Agus dh'èirich a tighearna anns a' mhaduinn, agus dh'fhosgail e dorus an tìghe, agus chaidh e mach gu imeachd air a shlighe: agus feuch, bha a' bhean a choimh-leabach air tuiteam sìos aig dorus an tìghe, agus a lùmhan air an stairs-nich.

28 Agus thubhairt e rithe, Eirich, agus imichcamaid: ach cha d'thug i freagradh air bith. Agus ghabh e i air asail, agus dh'èirich an duine suas, agus chaidh e d'a àite fèin.

29 Agus an uair a thàinig e d'a thigh, ghabh e sgian, agus rug e air a choimh-leabach, agus roinn e i maille r'a cnaimhibh na dà mhir dheug, agus chuir e i gu uile chrìochaibh Israeil.

30 Agus thubhairt gach neach a chum-naic e, Cha d'rinneadh agus cha'n fhacas ni air bith cosmhuil ri so o'n là anns an d'thàinig clann Israeil a mòs a tìr na h-Eiphit gus an la'n diugh: beachdaichibh<sup>3</sup> air, gabhaibh comhairle, agus labhairbh.

## CAIB. XX.

**A**N SIN chaidh clann Israeil uile mach, agus chruinnicheadh an coimhthional

ri chéile, mar aon duine, o Dhan gu Beer-seba, agus o thìr Ghilead, a dh'ionnsuidh an Tighearna gu Mispel.

2 Agus nochd prìomh-dhaoine<sup>4</sup> an t-sluaighe uile, cadhan threubhan Israeil uile, iad fèin ann an coimhthional sluaigh Dhé, ceithir cheud mìle coisiche a tharruing claidheamh.

3 (A nis chuala clann Bheniamin gu'n deachaidh clann Israeil suas gu Mispch.) Agus thubhairt clann Israeil, Innsibh cionnus a bha 'n t-olc so.

4 Agus fhreagair an Lebhitheach, fear na mnà a mharbhadh, agus thubhairt e, Gu Gibeah a bhuineas do Bheniamin thàinig mise agus mo choimh-leabach gu fantuinn ann rè na h-oidheche.

5 Agus dh'èirich fir Gibeah a'm' aghaidh agus chuairtich iad an' tigh m'an cuairt orm anns an oidheche: mi fèin b'àill leo a mharbhadh, agus air mo choimh-leabach rinn iad éigin, agus tha i marbh.

6 Agus rug mi air mo choimh-leabach, agus ghearr mi i na mìribh, agus chuir mi i air feadh uile fhearainn oighreachd Israeil: oir rinn iad cionta agus gràineilcachd ann an Israel.

7 Feuch, is clann Israeil sibh uile: thugaibh seachad an so bhur focal agus bhur comhairle.

8 Agus dh'èirich an sluagh uile mar aon duine, ag ràdh, Cha d'thèid neach air bith dhinn d'a bhùth, agus cha tionndaidh neach air bith dhinn a steach d'a thigh;

9 Ach a nis so an ni a ni sinn ri Gibeah: thèid sinn suas le crannchur na aghaidh.

10 Agus gabhaidh sinn deich fir as a' cheud air feadh uile threubhan Israeil, agus ceud as a' mhìle, agus mìle as na deich mìle, a thoirt lòn a dh'ionnsuidh an t-sluaigh; a chum as gu'n dean iad, an uair a thig iad gu Gibeah Bheniamin, a rèir na gràineileachd uile a rinn iad ann an Israel.

11 Mar sin chruinnicheadh fir Israeil uile an aghaidh a bhaile, ceangailte ri chéile mar aon duine.

12 Agus chuir treubhan Israeil daoine air feadh uile thrìibh Bheniamin, ag ràdh, Ciod e an t-olc so a rinneadh 'nar measg?

13 A nis na ta thugaibh thairis dh'ann na daoine, clann Bhelial, a tha ann an Gibeah, a chum as gu'n cuir sinn gu bàs iad, agus gu'n cuir sinn air falbh olc o Israeil. Ach cha 'n èisdeadh clann Bheniamin ri guth an bràithre cloinn Israeil.

14 Ach chruinnich clann Bheniamin iad fèin an ceann a chéile as na bailtibh gu Gibeah, chum dol a mach gu cath an aghaidh chloinn Israeil.

15 Agus dh'àirmheadh clann Bheniamin anns an àm<sup>5</sup> sin as na bailtibh, se mìle

<sup>1</sup> aingidh, amaideach. <sup>2</sup> cantanaich; dawn. Sasg. <sup>3</sup> cuiribh bhur cridhe air.

<sup>4</sup> maithean; uaislean. <sup>5</sup> là. Eabh.



fichead fear a tharruing claidheamh, a bhàrr air luehd-àiteachaidh Ghibeah.

16 Dh'àirmheadh seachd ceud fear taghta am measg an t-sluaigh so uile, seachd ceud fear taghta cli-làmhach<sup>1</sup>; thilgcadh gach aon diubh so clach a crann tabhuill air leud ròimeige, agus cha mhearachdaich-cadh e.

17 Agus dh'àirmheadh clann Israeil air leth o Bheniamin, ceithir cheud mìle fear a tharruing claidheamh; b'fhir chogaidh iad so uile.

18 Agus dh'éirich clann Israeil, agus chaidh iad suas gu tigh Dhe<sup>2</sup>, agus dh'fhiosraich iad do<sup>3</sup> Dhia, agus thubhairt iad, Cò dhinn a théid suas air tùs gu cath an aghaidh chloinn Bheniamin? agus thubhairt an Tighearna, *Théid Iudah suas* air tùs.

19 Agus dh'éirich clann Israeil anns a' mhaduinn, agus champaich iad an aghaidh Ghibeah.

20 Agus chaidh fir Israeil a mach gu cath an aghaidh Bheniamin, agus chuir fir Israeil iad féin ann ordugh catha nan aghaidh aig Gibeah.

21 Agus thàinig clann Bheniamin a mach a Gibeah, agus sgrios iad sìos gu làr do chloinn Israeil air an là sin, dà mhìle thar fhichead fear.

22 Agus ghabh an sluagh, fir Israeil, misneach dhoibh féin, agus chuir iad a ris an cath ann an ordugh, far an do chuir siad iad féin an ordugh air a' cheud là.

23 (Agus chaidh clann Israeil suas, agus ghuil iad am fianuis an Tighearna gu feasgar, agus dh'fhiosraich iad do'n Tighearna, ag ràdh, An d' théid mi suas a ris gu cath an aghaidh chloinn Bheniamin mo bhràthar? Agus thubhairt an Tighearna, Rachaidh suas na aghaidh.)

24 Agus thàinig clann Israeil am fagus an aghaidh chloinn Bheniamin an dara là.

25 Agus chaidh Benjamin a mach nan aghaidh a Gibeah an dara là, agus sgrios iad do chloinn Israeil a ris ochd mìle deug fear sìos gu làr: tharruing iad so uile claidheamh.

26 Agus chaidh clann Israeil uile agus an sluagh uile suas, agus thàinig iad gu tigh Dhe, agus ghuil iad, agus shuidh iad an sin am fianuis an Tighearna, agus throisg iad air an là sin gu feasgar agus dh'ìobair iad iobairte-loisgte agus iobairte-sìth<sup>4</sup> am fianuis an Tighearna.

27 Agus dh'fhiosraich clann Israeil do'n Tighearna, (oir bha àire coimhcheangail De an sin anns na laithibh sin:

28 Agus sheas Phinchas, mac Eleasair, mhic Aaroin, na làthair anns na laithibh sin) ag ràdh, An d' théid mi fathast a ris a mach gu cath an aghaidh chloinn Bhen-

iamin mo bhràthar, no an sguir mi? Agus thubhairt an Tighearna, Rachaidh suas: oir am màireach bheir mise thairis iad do d' làimh.

29 Agus chuir Israel luchd feall-fholach mu'n cuairt air Gibeah.

30 Agus chaidh clann Israeil suas an aghaidh chloinn Bheniamin air an treas là, agus chuir siad iad féin ann an ordugh catha an aghaidh Ghibeah, mar air uairibh eile.

31 Agus chaidh clann Bheniamin a mach an aghaidh an t-sluaigh, agus thairngeadh air falbh iad o'n bhaile, agus thòisich iad air *cuid* do 'n t-sluagh a bhualadh agus a mharbhadh, mar air uairibh eile, anns na rathaidibh mòra, d'am bheil aon a' dol suas gu tigh Dhé, agus aon gu Gibeah anns an fhearann, mu thimchioll deich fir fhichead do Israel.

32 Agus thubhairt clann Bheniamin, Tha iad air an bualadh sìos romhainn, mar air tùs. Ach thubhairt clann Israeil, Teicheamaid, agus tairngeamaid iad o'n bhaile gu ruig na rathaidibh mòra.

33 Agus dh'éirich clann Israeil uile suas as an àite, agus chuir siad iad féin ann an ordugh catha ann am Baal-tamar; agus thàinig an luchd feall-fholach do Israel a mach as an àitibh, eadhon o uchdaich<sup>5</sup> Ghibeah.

34 Agus thàinig an aghaidh Ghibeah deich mìle fear taghta mach a h-Israel uile, agus bha'n cath cruaidh: ach cha robh fhios aca gu'n robh òle am fagus doibh.

35 Agus bhual an Tighearna Benjamin am fianuis Israeil: agus sgrios clann Israeil do Bheniamin air an là sin, cùig mìle fichead agus ceud fear: tharruing iad so uile claidheamh.

36 Agus chunnaic clann Bheniamin gu'n do bhualadh iad: oir thug fir Israeil àite do na Benjaminich, a chionn gu'n d'earb iad ris an luchd feall-fholach, a shuidhich iad làimh ri Gibeah.

37 Agus rinn an luchd-feall-fholach cabhag, agus ruith iad a stigh air Gibeah, agus tharruing an luchd feall-fholach air an aghaidh, agus bhual iad am baile uile le faobhar a' chladheimh.

38 A nis bha comhartha<sup>6</sup> suidhichte cadar fir Israeil agus an luchd-feall-fholach, gu'n d' thugadh iad air lasair mhòir le deataich éirigh suas as a' bhaile.

39 Agus an uair a chaidh fir Israeil air an ais anns a' chath, thòisich Benjamin air fir Israeil a bhualadh, agus mharbh iad diubh mu thimchioll deich thar fhichead fear: oir thubhairt iad, Gu cinnteach tha iad air am bualadh sìos romhainn, mar anns a' cheud chath.

40 Agus an uair a thòisich an lasair air

<sup>1</sup> cearr-làmhach. <sup>2</sup> Bet-el. Eabh. <sup>3</sup> dh'iarr iad comhairle air, <sup>4</sup> tabhartasa-sìth.

<sup>5</sup> a tòintibh; maaleh no maareh, Eabh. <sup>6</sup> àm.

éirigh suas as a' bhaile, maille ri meall<sup>1</sup> deataich, dh'amhaire na Beniaminich air an cùlaobh, agus feuch, dh'éirich deatach a' bhaile suas gu nèamh.

41 Agus an uair a phill fir Israeil a rìs, bha uamhas air fir Bheniamin; oir chunnaic iad gu'n robh olc air teachd orra.

42 Uime sin, thionndaidh iad an aghaidh am fiauuis chloinn Israeil ri slighe an fhàsaich; ach rug an cath orra: agus iadsan a thàinig a nìach as na bailtibh sgrios iad nam meadhon.

43 Chuairtich iad na Beniaminich air gach taobh, ruaig siad iad, shaltair iad orra gun sbairn thall fa chonhair Ghibeah, leth ri éirigh na gréine.

44 Agus thuit do Bheniamin ochd mìle deug fear; iad uile nan daoineibh treuna.

45 Agus phill iad agus theich iad a dh'ionnsuidh an fhàsaich gu carraig Rimoin: agus dhioghlaim iad diubh air na rathaidibh mòra cùig mìle fear; agus lean iad gu cruaidh iad gu ruig Gidom, agus mharbhadh iad dhiubh da mhìle fear.

46 Agus b'iadsan uile a thuit do Bheniamin air an là sin, cùig mìle fichead fear a thàrruing claidheamh; iad uile nan daoineibh treuna.

47 Ach phill sè ceud fear, agus theich iad do'n fhàsach gu carraig Rimoin, agus dh'fhan iad ann an carraig Rimoin ceithir mìosan.

48 Agus phill clann Israeil air an ais air cloinn Bheniamin, agus bhual siad iad le faobhar a' chlaidheimh, araon daoine gach baile, agus an spréidh, agus gach ni air bith a fhuaradh ann: mar an ceudna chuir iad ri theine na bailtean uile d'an d'thàinig iad.

## CAIB. XXI.

**A**NIS mhionnaich fir Israeil ann am Mispheh, ag ràdh, Cha d' thoir fear air bith againn a nighean do Bheniamin na mnaoi.

2 Agus thàinig an sluagh gu tigh Dhé, agus dh'fhan iad an sin gu feasgar am fianuis Dhé, agus thog iad suas an guth, agus ghuil iad gu goirt;

3 Agus thubhairt iad, C'ar son, O Tighearna Dhé Israeil, a thàinig an nì so gu crìch ann an Israel, gu'm biodh an diugh aon treubh a dh'easbhuidh air Israel?

4 Agus air an là màireach dh'èirich an sluagh gu moch, agus thog iad an sin altair, agus dh'ìobair iad ìobairte-loisgte agus ìobairte-sith.

5 Agus thubhairt clann Israeil, Cò am measg uile threubhan Israeil, nach d'thàinig a nìos maille ris a' choimhthional a dh'ionnsuidh an Tighearna? oir rinn iad mionnan mòra mu 'thimchioll-san nach d' thigeadh a nìos a dh'ionnsuidh an Tighearna gu Mispheh, ag ràdh, Cuirear gu cinnteach gu bàs e.

6 Agus ghabh clann Israeil aithreachas a thaobh Bheniamin am bràthar, agus thubhairt iad, Ghearradh air falbh an diugh aon treubh o Israel.

7 Cionnus a nì sinn air son bhan dhoibhsan a mhair, agus gu'n do mhionnaich sinn air an Tighearna, nach d' thoir sinn dhoibh d'ar nigheanaibh mar mhnaibh?

8 Agus thubhairt iad, Cia an aon do threubhaibh Israeil, nach d'thàinig a nìos a dh'ionnsuidh an Tighearna gu Mispheh? agus feuch, cha d'thàinig duine do'n champ o Iabes-gilead a dh'ionnsuidh a' choimhthionail.

9 Oir dh'àirmheadh an sluagh, agus feuch, cha robh neach air bith an sin do luchd-àiteachaidh Iabes-gilead.

10 Agus chuir an coimhthional an sin dà mhìle dheug fear dhiubhsan bu tréine, agus dh'àithn iad dhoibh, ag ràdh, Falbhaibh agus buailibh luchd-àiteachaidh Iabes-gilead le faobhar a' chlaidheimh, maille ris na mnaibh agus ris a' chloinn.

11 Agus so an nì a nì sibh, Sgriosaidh sibh gu tur gach firionnach, agus gach bean a luidh le firionnach.

12 Agus 'fhuair iad am measg luchd-àiteachaidh Iabes-gilead ceithir cheud maighdean òg aig nach robh aithne air fear le luidhe le firionnach sam bith: agus thug iad do'n champ iad gu Siloh, a tha ann an tìr Chanaain.

13 Agus chuir an coimhthional uile daoine uatha, agus labhair iad ri cloinn Bheniamin, a bha ann an carraig Rimoin, agus ghairm iad orra ann an sìth.

14 Agus thàinig Beniamin a rìs anns an àm sin; agus thug iad dhoibh mnà a ghléidh iad beo do mhnaibh Iabes-gilead: gideadh cha d'fhuair iad na bu leòr mar sin.

15 Agus ghabh an sluagh aithreachas a thaobh Bheniamin, a chionn gu'n d'rinn an Tighearna briseadh ann an treubhaibh Israeil.

16 Agus thubhairt seanairean a' choimhthionail, Cionnus a nì sinn air son bhan dhoibhsan a mhair, oir sgriosadh na mnà mach a Beniamin?

17 Agus thubhairt iad, Tha oighreachd ann air an son-san a chaidh as do Bheniamin: agus cha sgriosar treubh a h-Israel.

18 Gidheadh, cha'n fheud sinn mnà a thoirt doibh d'ar nigheanaibh féin; oir mhionnaich clann Israeil, ag ràdh, Mall-aichte gu robh esan a bheir bean do Bheniamin.

19 An sin thubhairt iad, Feuch, tha feill<sup>2</sup> an Tighearna ann an Siloh gach bliadhna, anns an àit a tha air an taobh mu thuath do Bhetel, air an taobh an ear do'n rathad mhòr a tha dol suas o Bhetel gu Sechem, agus air an taobh mu dheas do Lebanon.

20 Uime sin dh'àithn iad do chloinn

<sup>1</sup> pillar, Sasg.<sup>2</sup> féisd.



Bheniamin, ag ràdh, Falbhaibh, agus dean-  
aibh feall-fholach anns na fion-liosaibh;

21 Agus seallaibh, agus feuch, ma thig  
nigheana Shiloh a mach a dhannsaadh ann  
an dannaibh, an sin thigibhsa mach as na  
fion-liosaibh, agus glacaibh gach fear dhibh  
a bhean do nigheanaibh Shiloh, agus rach-  
aibh gu tìr Bheniamin.

22 Agus tarlaidh, 'nuair a thig an  
aithriche, no am bràithre d'ar n-ionnsuidh-  
ne a dheanamh gearain, gu'n abair sinne  
riu, Bithibh bàigheil riu air ar soin-ne, a  
chionn nach do ghléidh 'sinn do gach fear  
a bhean anns a' chogadh; oir cha d'thug  
sibhs dhoibh anns an àm so, air chor as  
gu'm biodh sibh ciontach.

23 Agus rinn clann Bheniamin mar sin,  
agus ghabh iad mnàì dhoibh féin a réir an  
àireimh dhiubhsan, a bha dannsaadh, a ghilac  
iad, agus chaidh iad agus phill iad a  
dh'ionnsuidh an oighreachd, agus thog iad  
suas na bailte, agus ghabh iad còmhnuidh  
annta.

24 Agus dh'imich clann Israeil as sin san  
àm sin, gach duine a dh'ionnsuidh a thréibh,  
agus a dh'ionnsuidh a theaghlach, agus  
chaidh iad a mach as sin gach duine a  
dh'ionnsuidh 'oighreachd féin.

25 Anns na laithibh sin cha robh rìgh air  
bith ann an Israel: rinn gach duine an *nì*  
sin a bha ceart na shùilbh féin.

## R U T.

### CAIB. I.

**A**NIS ri linn nam breitheamhna<sup>2</sup>, bha  
gorta san tìr: agus chaidh duine  
àraidh do Bhetlehem Iudah gu bhì air  
chuairt ann am fearann Mhoab, e féin  
agus a bhean, agus a dhithis mhac.

2 Agus b'e ainm an duine Elimelech,  
agus ainm a mhnà Naomi, agus ainm a  
dhithis mhac Mahlon agus Chilion, Ephrat-  
aich do Bhetlehem Iudah: agus thàinig  
iad gu fearann Mhoab, agus dh'fhan<sup>3</sup> iad  
an sin.

3 Agus fhuair Elimelech fear Naomi  
bàs, agus dh'fhàgadh ise, agus a dithis  
mhac.

4 Agus ghabh iad dhoibh féin mnàì do  
na Ban-mhoabaich: b'e ainm aoin *diubh*  
Orpah, agus ainm na mnà eile Rut: agus  
ghabh iad còmhnuidh an sin mu thimchioll  
deich bliadhna.

5 Agus fhuair mar an ceudna Mahlon  
agus Chilion le chèile bàs; agus dh'fhàgadh  
a' bhean as eugmhais a dithis mhac, agus  
as eugmhais a fir.

6 Agus dh'éirich i suas maille r'a ban-  
chliamhuinibh<sup>4</sup>, a chum gu'm pilleadh i o  
fhearann Mhoab: oir chual' i ann am  
fearann Mhoab, gu'n d'amhaire an Tighearna  
air a shluagh le aran a thabhairt  
doibh.

7 Uime sin chaidh i mach as an àite san  
robh i, agus a dà bhan-chliamhuin maille  
rithe; agus dh'imich iad air an t-slighe gu  
dol air an ais do thìr Iudah.

8 Agus thubhairt Naomi r'a dà bhan-  
chliamhuin, Falbhaibh, pillcadh gach aon  
agaibh do thigh a màthar: gu'm buineadh  
an Tighearna gu caoimhneil ribh, mar a  
bhuin sibhs riutha-san nach maireann<sup>5</sup>,  
agus riumsa.

9 Gu'n d'thugadh an Tighearna dhuibh  
gu'm faigh sibh fois, gach aon dhibh ann

an tigh a fir. An sin phòg i iad: agus thog  
iad suas an guth, agus ghuil iad.

10 Agus thubhairt iad rithe, Gu cinnteach  
maille riutsa pillidh sinn dh'ionnsuidh do  
shluagh.

11 Agus thubhairt Naomi, Pillibh mo  
nigheana; c'ar son a théid sibh maille  
riumsa? am bheil fathast mic agamsa a'm'  
innibh<sup>6</sup>, gu bhì agaibh nam fir?

12 Pillibh, mo nigheana, imichibh, oir  
tha mise tuille's sean gu fear a bhì agam:  
nan abrainn, Tha dòchas agam, nam biodh  
fear agam eadhon an nochd, agus mar an  
ceudna gu'm beirinn mic,

13 Am feitheadh sibh riu gus an cinneadh  
iad? am fanadh sibh air an son gun fhìr a  
bhì agaibh? na *deanaibh sin*, mo nigheana;  
oir tha mi ro-dhoilich air bhur sonsa, gu'n  
deachaidh làmh an Tighearna a mach a'm'  
aghaidh-sa.

14 Agus thog iad suas an guth, agus  
ghuil iad a rìs: agus phòg Orpah a màthair-  
chéile, ach dhlùth-lean Rut rithe.

15 Agus thubhairt i, Feuch, tha do  
phiuthar-chéile air pilltinn a dh'ionnsuidh a  
shluagh, agus a dh'ionnsuidh a diathan<sup>7</sup>;  
pill thusa 'n déigh do pheathar-chéile.

16 Agus thubhairt Rut, Na h-iarr orm  
t'fhàgail, no pilltinn o bhì 'gad leantuinn:  
oir ge b'e taobh a théid thusa, théid mise;  
agus far an gabh thusa tàmh, gabhaidh  
mise tàmh: *is e do shluagh-sa mo shluagh-*  
*sa*, agus do Dhia-sa mo Dhia-sa.

17 Far am faigh thusa bàs, gheibh misc  
bàs, agus an sin adhlacair mi. Gu'n  
deanadh an Tighearna mar sin ormsa, agus  
tuille mar an ceudna *ma* chuireas ach am  
bàs dealachadh eadar misc agus thusa.

18 'Nuair a chunnaic i gu'n robh i suidh-  
ichte<sup>8</sup> air dol maille rithe, an sin sguir i do  
labhairt rithe.

19 Agus dh'imich iad le chèile gus an

<sup>1</sup> ghabh. Eabh. <sup>2</sup> anns na laithibh anns an  
d'thug na breitheamhna breth. Eabh.

<sup>3</sup> bha. Eabh. <sup>4</sup> mnàì a dù mhac. <sup>5</sup> ris na mairbh.  
Eabh. <sup>6</sup> a'm' bh'oinn. <sup>7</sup> dée. <sup>8</sup> leagta.

d'thàinig iad gu Betlehem. Agus an uair a bha iad air teachd gu Betchem, ghluais-eadh am baile uile m'an timchioll, agus thubhairt iad, An i so Naomi?

20 Agus thubhairt ise riu, Na h-abraibh Naomi rium: abraibh Mara rium; oir bhuin an t-Uile-chumhachdach gu ro-gheur rium.

21 Chuidh mi mach làn, agus thug an Tighearn air m'ais mi folamh. C'arson mata their sibh Naomi rium, agus gu'n d'thug an Tighearna fianuis a'm' aghaidh, agus gu'n do chuir an t-Uile-chumhachdach fa àmhghar mi?

22 Mar sin phill Naomi, agus Rut a' Bhan-mhoabach, bean a mic, maille rithe a phill a fearann Mhoab: agus thàinig iad gu Betlehem ann an toiseach na buain corna<sup>1</sup>.

## CAIB. II.

**A**GUS bha aig Naomi caraid a thaobh a fir, duine cumhachdach aig an robh mòr bheartas, do theaghlach Elimelech, agus b'e 'ainm Boas.

2 Agus thubhairt Rut a' Bhan-mhoabach ri Naomi, Leig dhomh a nis dol do'n achadh, agus d'iasan arbhair a dhìoghlum<sup>2</sup> an dèigh an ti sin, aig am faigh mi deagh-ghean<sup>3</sup> na shùilb. Agus thubhairt i rithe, Falbh, mo nighean.

3 Agus dh'fhalbh i, agus thàinig i, agus dhìoghlum i san achadh an dèigh nam buanaichean, agus thachair dhi dol air earrann do'n achadh bu le Boas, a bha do theaghlach Elimelech.

4 Agus feuch, thàinig Boas o Bhctlehem, agus thubhairt e ris na buanaichibh, Gu robh an Tighearna maille ribh: agus thubhairt iadsan ris, Gu'm beannaicheadh an Tigh-earn thusa.

5 An sin thubhairt Boas r'a òglach, a chuireadh os cionn nam buanaichean, Co leis an òg-bhean<sup>4</sup> so?

6 Agus fhreagair an t-òglach, a chuireadh os cionn nam buanaichean, agus thubhairt e, Is i so an òg-bhean Mhoabach, a thàinig air a h-ais maille ri Naomi a fearann Mhoab:

7 Agus thubhairt ise, Guidheam ort, leig dhomh dìoghlum, agus tional am measg nan sguaib an dèigh nam buanaichean: agus thàinig i, agus dh'fhuirich i eadhon o'n mhaduinn gus a nis, gu'n d'fhan i tamull beag a stigh.

8 An sin thubhairt Boas ri Rut, Nach cluinn thu, mo nighean? Na gabh a dhìoghlum ann an achadh eile, agus na falbh a so, ach san an so làimh ri m'ghruagaichibh-sa.

9 Bitheadh do shùilean air an achadh a bhuaineas iad, agus falbh thusa nan dèigh. Nach d'àithn mise do na h-òganaich gun

bheantuinn riut? agus an uair a bhios iotadh<sup>5</sup> ort, falbh a dh'ionnsuidh nan soithichean, agus òl do'n uisge a tharruing na h-òganaich.

10 An sin thuit i air a h-aghaidh, agus chrom si i fèin gu làr, agus thubhairt i ris, C'ar son a fhuair mi deagh-ghean a'd' shùilb, gu'n cuireadh tu eòlas orm, agus mi a'm' choigreach?

11 Agus fhreagair Boas, agus thubhairt e rithe, Dh'innseadh gu h-iomlan dhomhsa gach ni a rinn thu do d' mhàthair-chéile an dèigh bàis t'fhir, agus mar a dh'fhàg thu t'athair agus do mhàthair, agus an tìr anns an d'rugadh tu, agus a tha thu air teachd a dh'ionnsuidh sluaigh nach b'aithne dluit roimhe so.

12 Gu'n dioladh an Tighearna do shaothair, agus gu robh do dhuais iomlan o'n Tighearna Dia Israeil, fuidh a sgiathaibh an d'thàinig thu a chur do dhochais<sup>6</sup>.

13 Agus thubhairt ise, Faigheam deagh-ghean a'd' shùilb, mo Thighcarna, do bhrìgh gu'n d'thug thu sòlas dhomh, agus gu'n do labhair thu gu caoimhneil ri d' bhanoglaich<sup>7</sup>, ge nach 'eil mi cosmhuil ri h-aon do d' ghruagaichibh-sa.

14 Agus thubhairt Boas rithe, Aig àm bìdh thig thusa an so, agus ith do'n aran, agus tum do ghreim anns an fhion-gheur. Agus shuidh i ri taobh nam buanaichean: agus shin e dh'i siol cruaidhichte, agus dh'ith i, agus shàsuicheadh i, agus dh'fhàg i fuigheall.

15 Agus an uair a dh'éirich i suas gu dìoghlum, dh'àithn Boas d'a òganachaibh, ag ràdh, Eadhon am measg nan sguaib dìoghlumcadh i, agus na cuiribh nàire oirre<sup>8</sup>.

16 Agus cuideachd leigibh d'ar deoin le cuid do na dlaghaibh<sup>9</sup> tuiteam air a son, agus fàgaibh iad a chum gu'n dìoghlum i iad, agus na d'thugaibh aclimhasan dhi.

17 Mar sin dhìoghlum i san achadh gu feasgar, agus bhuail i as na dhìoghlum i; agus bha ann mu thimchioll ephah corna.

18 Agus thog i suas e, agus chaidh i do'n bhaile, agus chunnaic a màthair-chéile na dhìoghlum i: agus chuir i a làthair, agus thug i dhi na dh'fhàg i, an dèigh dhi bhi sàsuichte.

19 Agus thubhairt a màthair-chéile rithe, C'àit an do dhìoghlum thu 'n diugh? agus c'àit an do shaothraich thu? beannaichte gu robh an ti a chuir eòlas ort. Agus dh'innis i d'a màthair-chéile cia aig a shaothraich i, agus thubhairt i, Is e ann an duine aig an do shaothraich mi 'n diugh, Boas.

20 Agus thubhairt Naomi r'a ban-chliamhuin, Beannaichte gu robh esan o'n Tighearna, nach do leig dheth a

<sup>1</sup> fogharaidh an corna. <sup>2</sup> a thional. <sup>3</sup> caoimhneas. <sup>4</sup> cailin. <sup>5</sup> tart, pathadh. <sup>6</sup> t'carsaidh.

<sup>7</sup> gu'n do labhair thu ri cridhe do bhanoglaich. Eabh. <sup>8</sup> na maslaichibh i. <sup>9</sup> glacaidibh.



chaoimhneas do na beothaibh, agus do na marbhaibh. Agus thubhairt Naomi rithe, *Tha 'n duine dlùth an dàimh dhuinn; is aon e d'ar dilsibh a's faigse*<sup>1</sup>.

21 Agus thubhairt Rut a' Bhan-nhoabach, Mar an ceudna thubhairt e riumsa, Làimh ri m'òganaich-sa fanaidh tu, agus an crìochnaich iad m'fhoghara uile.

22 Agus thubhairt Naomi ri Rut a banchliankuin, *Is fear dhuit, mo nighean, dol a mach maille r'a ghruagaichibh, a chum as nach coinnich iad thu ann an achadh sam bith eile.*

23 Dh'fhan i uime sin làimh ri grua-aichibh Bhoais a dhìoghlum, gus an do chrìochnuicheadh foghara<sup>2</sup> an eorna, agus foghara a' chruthineachd: agus ghabh i còmhnuidh maille r'a màthair-chéile.

### CAIB. III.

**A**N SIN thubhairt Naomi a màthair-chéile rithe, Mo nighean, nach iarr mise suaimhneas dhuitse, chum gu'n éirich gu maith dhuit?

2 Agus a nis nach 'eil Boas d'ar dilsibh, maille r'a ghruagaichibh an robh thu? Feuch, *bithidh e a' fasnadh eorna an nochd air an urlar-bhualaidh.*

3 Uime sin nigh thu féin, agus ung thu féin, agus cuir do thrusgan ort, agus gabh sìos do'n urlar-bhualaidh: *ach na dean thu féin aithnichte*<sup>3</sup> do'n duine, gus an sguir e dh'itheadh agus a dh'òl.

4 Agus an uair a luidheas e sìos, bheir thu fanear an t-àit anns an luidh e, agus théid thu agus rùisgidh tu a chosan, agus luidhidh tu sìos; agus innsidh e dhuit ciod a ni thu.

5 Agus thubhairt i rithe, Gach *ni* a tha thu ag ràdh rium, ni mise.

6 Agus chaidh i sìos do'n urlar-bhualaidh, agus rinn i a réir gach *ni* a dh'àithn a màthair-chéile dhi.

7 Agus an uair a dh'ith agus a dh'òl Boas, agus a bha a chridhe subhach, chaidh e a luidhe sìos aig ceann an duin arbhair: agus thàinig i gu sàmhach, agus rùisg i a chosan, agus luidh i sìos.

8 Agus an uair a bha e mu mheadhonoidhe, bha eagal air an duine, agus thionndaidh se e féin; agus feuch, bean na luidhe aig a chosaibh.

9 Agus thubhairt e, Cò thusa? Agus fhreagair i, *Is mise Rut do bhanoglach: sgaol uime sin iomall t'cudaich air do bhanoglaich, oir is fear-dàimh*<sup>4</sup> thu.

10 Agus thubhairt e, Beannaichte gu robh thusa o'n Tighearna, mo nighean; nochd thu tuille caoimheis mu dheireadh na an toiseach, do bhrìgh nach deachaidh tu 'n deigh d'igheara, bochd no beartach.

11 Agus a nis, mo nighean, na biodh

eagal ort; gach *ni* a tha thu ag iarraidh, ni mi dhuit: oir tha fios aig uile bhaile mo shluaigh gur bean shubhailceach<sup>5</sup> thu.

12 Agus a nis tha e fìor gur fear-dàimh dhuit mise, gidheadh tha fear-dàimh a's faigse dhuit na mi.

13 Fan an nochd, agus anns a' mhaduinn ma ni e riut dlighe fir-dàimh<sup>6</sup>, *tha sin* gu maith, deanadh e dlighe fir-dàimh; ach mur bi e toileach dlighe fir-dàimh a dheanadh riut, an sin ni mise dlighe fir-dàimh riut, *mar is beo an Tighearna*: luidh sìos gu maduinn.

14 Agus luidh i sìos aig a chosaibh gu maduinn: agus dh'éirich i mu'n robh e'n comas do dhuine duin' eile aithneachadh. Agus thubhairt e, Na biodh fios aig neach air bith gu'n d'thàinig bean a steach do'n urlar-bhualaidh.

15 Mar an ceuda thubhairt e, Thoir an so an brat a tha agad umad, agus cum e. Agus chum i e, agus thomhais e sè toimhsean eorna, agus chuir e oirre iad; agus chaidh i a steach do'n bhaile.

16 Agus an uair a thàinig i dh'ionnsuidh a màthar-chéile, thubhairt i, Co thusa, mo nighean? agus dh'innis i dhi gach *ni* a rinn an duine dhi.

17 Agus thubhairt i, Na sè toimhsean eorna so thug e dhomh; oir thubhairt e rium, Na imich falainn a dh'ionnsuidh do mhàthar-chéile.

18 Agus thubhairt ise, Fuirich, mo nighean, gus am bi fios agad cionnus a dh'éireas do'n chuis: oir cha bhi an duine aig fois gus an crìochnuich e 'n gnothuch an diugh.

### CAIB. IV.

**A**N SIN chaidh Boas suas a dh'ionnsuidh a' gheataidh, agus shuidh e sìos an sin: agus feuch, bha 'm fear-dàimh a' dol seachad mu'n do labhair Boas, agus thubhairt e ris, Ho, a leithid so a dh'fhear, chaidh a leth-taobh, suidh sìos an so. Agus thàinig e a leth-taobh, agus shuidh e sìos.

2 Agus ghabh e deichnear dhaoine do sheanairibh a' bhaile, agus thubhairt e, Suidhibh sìos an so. Agus shuidh iad sìos.

3 Agus thubhairt e ris an fhear-dàimh, Tha Naomi, a thàinig air a h-ais a fearann Mhoib, gu earrann do'n achadh bu le ar bràthair Elimelech, a reiceadh.

4 Agus smuainich mi air fios a thoirt duit, ag ràdh, Ceannuich e 'm fianuis an luchd-àiteachaidh, agus am fianuis shean-airean mo shluaigh: ma dh'fhuasgaileas tu e, fuasgail e; ach mur fuasgail thu e, innis dhomh, a chum as gu'm bi fios agam: oir cha 'n'eil neach air bith ann gu 'fhuasgladh ach thusa, agus mise a'd' dheigh-sa. Agus thubhairt esan, Fuasgailidh mise e.

<sup>1</sup> d'ar luchd-fuasglaidh. Eabh.

<sup>2</sup> foghmar. Eir. <sup>3</sup> na nochd, na feuch, na leig ris thu féin.

<sup>4</sup> aon d'ar dilsibh; fear-fuasglaidh. Eabh. <sup>5</sup> aig am bheil deagh bheusan. <sup>6</sup> ma dh'fhuasgaileas e thu. Eabh.

5 An sin thubhairt Boas, San là anns an ceannach thu 'n t-achadh o làimh Naomi, feumaidh tu cuideachd a cheannach o Rut a' Bhan-mhoabach, bean a' mhairbh, a thogail suas ainme a' mhairbh air 'oighreachd-san.

6 Agus thubhairt am fear-dàimh, Cha 'n fheud mi 'fhuasgladh dhomh fein, air eagal gu mill mi m'òighreachd fein: fuasgail thusa mo chòir dhuit fein, oir cha 'n fheud mise a fuasgladh.

7 A nis b'e so o shean <sup>1</sup> an gnàth ann an Israel a thaobh fuasglaidh, agus a thaobh iomlaid<sup>2</sup>, a dhaingneachadh gach ni: chuit-cadh duine dheth a bhròg, agus bheircadh e d'a choimhearsnach <sup>3</sup>: agus bha so mar fhianuis ann an Israel.

8 Uime sin, thubhairt am fear-dàimh ri Boas, Ceannuich air do shon fein e: agus chuir e dheth a bhròg.

9 Agus thubhairt Boas ris na seanairibh, agus ris an t-sluagh uile, Is fianuisean sibhse an diugh, gu'n do cheannuich mise gach ni bu le Elimelech, agus gach ni bu le Chilion, agus le Mahlon, o làimh Naomi.

10 Agus mar an ceudna Rut a Bhan-mhoabach, bean Mhahloin, cheannuich mi dhomh fein gu bhi na mnaoi agam, a thogail suas ainme a' mhairbh air 'oighreachd, a chum nach gearrar as ainm a' mhairbh a meadhon a bhràithrean, agus o gheatadh àite fein: is fianuisean sibhse an diugh.

11 Agus thubhairt an sluagh uile a bha sa' gheatadh, agus na seanairean, Is fianuisean siun: gu'n deanadh an Tighearna a' bhean a tha teachd a dh'ionnsuidh do thighe, mar Rachel agus mar Leah, a thog

suas le chéile tigh Isracil: agus dean thusa gu cubhaidh<sup>4</sup> ann an Ephratah, agus bi cliuiteach ann am Betlehem.

12 Agus bitheadh do thigh mar thigh Phareis, (a rug Tamar do Iudah) do'n t-sliochd a bheir an Tighearna dhuit o'n mhnaoi òig so.

13 Agus ghabh Boas Rut, agus bha i aige na mnaoi: agus chaidh e stigh d'a h-ionnsuidh, agus thug an Tighearna toiricheas dhi, agus rug i mac.

14 Agus thubhairt na mnà ri Naomi, Beannuichte gu robh an Tighearna nach d'fhàg thusa 'n diugh gun fhear-dàimh, a chum gu'm bi 'ainm cliuiteach<sup>4</sup> ann an Israel.

15 Agus bithidh e dhuit na fhear athnuadhachaidh do bheatha<sup>5</sup>, agus na fhear-altruim do shean aois: oir is i do bhan-chliamhuin aig am bheil gràdh dhuit a's fearr dhuit na seachd mic, a rug e.

16 Agus ghabh Naomi an leanabh, agus chuir i na h-uchd e, agus bha i na ban-altrum aige.

17 Agus thug na mnà ri Naomi nachd ainm air, ag ràdh, Rugadh mac do Naomi, agus thug iad Obed mar ainm air: Is esan athair Iese, athar Dhaibhidh.

18 A nis is iad so ginealaich Phareis: Ghin Phares Hesron,

19 Agus ghin Hesron Ram, agus ghin Ram Aminadab.

20 Agus ghin Aminadab Nahson, agus ghin Nahson Salmon,

21 Agus ghin Salmon Boas, agus ghin Boas Obed,

22 Agus ghin Obed Iese, agus ghin Iese Daibhidh.

## CEUD LEABHAR SHAMUEIL,

D'AN AINM AIR MHODH EILE,

## CEUD LEABHAR NAN RIGH.

CAIB. I.

**A**NIS bha duine àraidh o Ramataim-sophim, o shliabh Ephraim, agus b'e 'ainm Elcanah, mac Ierohaim, mhic Elihu, mhic Thohu, mhic Shuph, Ephrataich.

2 Agus bha dithis bhan aige: ainm mnà dhiubh Hanah, agus ainm na mnà eile Peninah. Agus aig Peninah bha clann, ach aig Hanah cha robh clann.

3 Agus thàinig an duine so nìs as a' bhaile gach bliadhna<sup>6</sup>, a dheanamh aoraidh agus a dh'ìobradh do Thighearna nan sluagh ann an Siloh; agus bha dà mhac Eli, Hoph-

ni agus Phinehas, sagartan an Tighearna, an sin.

4 Agus an uair a thàinig an t-àm anns an d'ìobair Elcanah, thug e d'a mhnaoi Peninah, agus d'a mic uile agus d'a nigh-eanaibh, cuibhriunnan.

5 Ach do Hanah thug e cuibhriunn dhùbhailte<sup>7</sup>; oir ghràdhaich e Hanah, ach dhruid an Tighearna a brù.

6 Agus bhrosnaich a h-cascairaid i mar an ceudna gu feirg, a thoirt oirre gearan a dheanamh<sup>8</sup>, a chionn gu'n do dhruid an Tighearna a brù.

<sup>1</sup> roimhe. <sup>2</sup> malairt. <sup>3</sup> feartail, buadhar. <sup>4</sup> gu'n goirear 'ainm, Eabh. <sup>5</sup> na fhear-uig

<sup>6</sup> o laithibh gu laithibh, Eabh. <sup>7</sup> thaitneach. <sup>8</sup> ga cur fu champar.



7 Agus mar sin rinn e gach bliadhna, 'nuair a thàinig i nìos do thigh an Tighearna: mar sin bhrosnach si i. Uime sin ghuil i, agus cha 'n itheadh i.

8 An sin thubhairt Elcanah, a fear, rithe, *A Hanah*, c'ar son a tha thu a' gul<sup>1</sup>? agus c'ar son nach 'eil thu ag itheadh? agus c'ar son a tha do chridhe air a cràdh? nach fearr mise dhuit na deich mic?

9 Agus dh'éirich Hanah suas an dèigh dhoibh itheadh ann an Siloh, agus an dèigh dhoibh òl: (a nis bha Eli an sagart na shuidhe air cathair làimh ri ursainn ann an teampull an Tighearna.)

10 Agus bha i air a cràdh na h-anam, agus rinn i urnuigh ris an Tighearna, agus ghuil i gu goirt.

11 Agus bhòidich i bòid, agus thubhairt i, O Thighearna nan sluagh, ma dh'amhairceas tu da rìreadh air àmhghar do bhan-oglaich, agus gu'n cuimhnich thu orm, agus nach di-chuimhnich thu do bhan-oglaich, ach gu'n d'thoir thu do d' bhan-oglaich leanabh gille, an sin bheir mi e do'n Tighearna rè uile làithean a bheatha, agus cha d' théid ealtainn air a cheann.

12 Agus an uair a bhuanach i ri h-urnuigh an làthair an Tighearna, thug Eli fianear a beul.

13 A nis bha Hanah a' labhairt na cridhe; bha a bilean a mhàin a' gluasad, ach cha chualas a guth: uime sin shaoil Eli gu'n robh i air mhìsg.

14 Agus thubhairt Eli rithe, Cia fad a bhios tu air mhìsg? cuir air falbh t'fhòn uait.

15 Agus fhreagair Hanah agus thubhairt i, Nì h-eadh, mo thighearna: is bean mise a tha tuirseach a'm spiorad: aon chuid fion no deoch làidir cha d'òl mi, ach dhòit mi mach m'anam an làthair an Tighearna.

16 Na meas do bhan-oglaich mar nighean do Bheilial: oir is ann a ro-mheud mo ghearain, agus mo dhoilgheis a labhair mi gu a nis.

17 An sin fhreagair Eli agus thubhairt e, Imich an sìth: agus gu'n d' thugadh Dia Israel dhuit t'iarrtus a dh'iarr thu air.

18 Agus thubhairt ise, Faigheadh do bhan-oglaich deagh-glean a'd' shùilbhi. Agus dh'imich a' bhean roimpe, agus dh'ith i, agus cha robh a gnùis nì b'fhaide dubhach.

19 Agus dh'éirich iad gu moch anns a' mhaduinn, agus rinn iad aoradh an làthair an Tighearna, agus phill iad, agus thàinig iad a dh'ionnsuidh an tighe gu Ramah: agus dh'aithnich Elcanah a bhean Hanah, agus chuimhnich an Tighearna oirre.

20 Uime sin tharladh, an uair a thàinig an t-àm m'an cuairt, an dèigh do Hanah

fàs torrach, gu'n d'rug i mac; agus thug i Samuel mar ainm air, *ag ràdh*, Do bhrìgh gu'n d'iarr mi e air an Tighearna.

21 Agus chaidh an duine Elcanah agus a thigh uile, suas a dh'ìobradh do'n Tighearna na h-ìobairt bliadhnail, agus a choinh-lìonadh a bhòide.

22 Agus cha deachaidh Hanah suas: oir thubhairt i 'r a fear, *Cha d' théid mise suas* gu's an cuirear an leanabh bhàrr na cìche, agus an sin bheir mi leam e, chum gu'n taisbeanar e am fianuis an Tighearna, agus gu'm fan e 'n sin gu bràth.

23 Agus thubhairt Elcanah a fear rithe, Dean mar is maith leat; fan gus an cuir thu bhàrr na cìche e; a mhain daingnich-eadh an Tighearna 'fhocal. Agus dh'fhan a' bhean, agus thug i cìoch d'a leanabh gus an do chuir i bhàrr na cìche e.

24 Agus an uair a chuir i bhàrr na cìche e, thug i suas leatha e, maille ri trì-bliadh-nach tairbh<sup>2</sup>, agus aon cphah do mhin mhin<sup>3</sup>, agus searrag fhìona, agus thug i e do thigh an Tighearna ann an Siloh: agus bha 'n leanabh òg.

25 Agus mharbh iad an tarbh, agus thug iad an leanabh a dh'ionnsuidh Eli.

26 Agus thubhairt i, Mo thighearna, mar is beo t'anam, mo thighearna, is mis' a' bhean a sheas làimh riut an so, a deanamh urnuigh ris an Tighearna.

27 Air son an lèinibh so rinn mi urnuigh; agus thug an Tighearna dhomh m'iarrtus a dh'iarr mi air.

28 Agus uime sin thug mi seachad gu saor e<sup>4</sup> do'n Tighearna: rè uile làithean a bheatha thugadh seachad e<sup>5</sup> do'n Tighearna. Agus rinn e aoradh do'n Tighearna an sin.

# CAIB. II.

**A**GUS rinn Hanah urnuigh, agus thubhairt i, Tha mo chridhe a' deanamh gàirdeachais anns an Tighearna, dh'ard-aicheadh m'adharc anns an Tighearna, rinneadh mo bheul farsaing os cionn mo naimhde, do bhrìgh gu bheil mi aoibhneach ann do shlàinte-sa.

2 Cha 'n'eil neach air bith naomha mar an Tighearna; oir cha 'n'eil neach ann ach thu, agus cha 'n'eil carraig ann mar ar Dia-ne.

3 Na labhraibh nì's mò cho ro-uaihbreach, na d' thigeadh ardan<sup>6</sup> a mach as bhur beul; oir is Dia eòlais an Tighearna, agus leisean tha gnìomharan air an cothromachadh<sup>7</sup>.

4 Tha boghanna nan daoine treun air am briseadh, agus tha iadsan a thusich air an crìoslachadh le neart.

5 Iadsan a bha làn, air son arain thuaras-dalaich siad iad fèin; agus iadsan a bha ocrach, sguir iad do bhi mar sin: ise a bha

<sup>1</sup> a' gal. <sup>2</sup> maille ri trì tairbh òga. <sup>3</sup> do phlur, do mhin chruithneachd. <sup>4</sup> thug mi 'n coingheall e. <sup>5</sup> dh'iarradh e, bheirear an

coingheall e. <sup>6</sup> seann nithe. <sup>7</sup> cha stiùrar gnìomhara as 'eugmhais-san.

roimhe neo-thorrach, rug i seachdnar; agus ise aig an robh mòran cloinne, dh'fhàs i fann.

6 'Se 'n Tighearn a mharbhas agus a bheòthaicheas: bheir e sìos a dh'ionnsuidh na h-uaigne, agus bheir e nìos.

7 'Se 'n Tighearn a nì bochd, agus a nì beartach: leagaidh e sìos, agus togaidh e suas.

8 Togaidh e 'm bochd o'n duslach; o'n òtrach togaidh e suas am feumach, g'an cur nan sùidhe maille ri uachdranaihb<sup>1</sup>, agus a thoirt orra cathair glòire a shealbhadh: oir is leis an Tighearna bunaite na talmhainn, agus shuidhich e an domhan orra.

9 Cosan a naomh gleidhidh e, agus bithidh na h-aiugidh tosdach ann an dorchadas; oir le neart cha bhuadhaich duine sam bith.

10 Brisear nam bloighdibh eascairdean an Tighearna: as na nèamhaibh nì e tairn-eanach orra: bheir an Tighearna breth air crìochaibh na talmhainn, agus bheir e neart d'a rìgh, agus ardaichidh e adharc 'Aoin ungta fèin.

11 Agus dh'imich Elcanah gu Ramah d'a thigh; agus fhritheil an leanabh do'n Tighearn am fianuis Eli, an t-sagairt.

12 A nis *tu* mhic do Bhelial mic Eli; cha b'aithe dhoibh an Tighearna.

13 Agus b'e gnàth nan sagart leis an t-sluagh, an uair a dh'ìobradh duine sam bith ìobairt, gu'n d' thigeadh òglach an t-sagairt, an uair a bha'n fheoil 'ga bruich-eadh, agus greimiche-feòla thri meur na làimh:

14 Agus bhuaileadh e san aigheann e, no sa' choire bheag, no sa' choire mhòr, no sa' phoit; gach nì a bheireadh an greimiche-feòla suas, ghabhadh an sagart air a shon fèin: mar sin rinn iad ann an Siloh, ris na h-Israelich uile a thàinig an sin.

15 Mar an ceudna mun loisgeadh iad an t-saill, thigeadh òglach an t-sagairt, agus theireadh e ris an duine a dh'ìobairt, Thoir feoil g'a ròstadh do'n t-sagart; oir cha ghabh e uait feoil bhrùich, ach amh.

16 Agus *nan* abradh duine sam bith ris, Na dearmadadh iad an t-saill a losgadh air ball, agus *an sin* gabh dhuit fèin mar is miann le t'anam: an sin fhreagradh e, Nì h-eadh, ach bheir thu *dhomh* a nis; agus mur tabhair, gabhaidh mi a dh'aindeoin.

17 Uime sin bha peacadh nan òganach ro-mhòr am fianuis an Tighearna; oir rinn daoine tarcuis air ìobairt an Tighearna.

18 Ach fhritheil Samuel an làthair an Tighearna, agus e na leanabh, air a chrioslachadh le ephod do lìon-eudach.

19 Agus rinn a mhàthair dha còta beag, agus thug i d'a ionnsuidh e o bhliadhna gu bliadhna, 'nuair a chaidh i suas maille r'a fear a dh'ìobradh na h-ìobairt bhliadhnail.

20 Agus bheannuich Eli Elcanah, agus a bhean, agus thubhairt e, Gu'n d' thugadh an Tighearna dhuit sliochd o'n mhnaoi so, air son an tiodhlaic a thug i seachad<sup>2</sup> do'n Tighearna. Agus chaidh iad d'an àite fèin.

21 Agus dh'amhairc an Tighearn air Hanah, agus dh'fhàs i torrach, agus rug i trì mic, agus dà nighinn: agus dh'fhàs an leanabh Samuel suas am fianuis an Tighearna.

22 A nis bha Eli ro-shean, agus chual' e gach nì a rinn a mhic ri h-Israel uile, agus cionnus a luidh iad leis na mnaibh a chruinnich aig dorus pàilluin a' choimhthionail.

23 Agus thubhairt e riu, C'ar son a tha sibh a' deanamh a leithid so do nithibh? oir tha mi chuinntinn a thaobh bhur droch ghnìomhara o'n t-sluagh so uile.

24 Na *deanaibh mar so*, mo mhic: oir cha sgeul maith a tha mi a' cluinntinn, gu bheil sibh a' toirt air sluagh an Tighearna dol air seacharan<sup>3</sup>.

25 Ma pheacaicheas duine an aghaidh duin' eile, bheir am breitheamh<sup>4</sup> breth air<sup>5</sup>: ach ma pheacaicheas duine an aghaidh an Tighearna, cò a ghuidheas air a shon? gidheadh cha d'èisd iadsan ri guth an athar, do bhrìgh gu'm bu toil leis an Tighearn am marbhadh.

26 (Agus dh'fhàs an leanabh Samuel suas, agus bha e taitneach araon do'n Tighearna, agus do dhaoibh.)

27 Agus thàinig duine<sup>6</sup> le Dia dh'ionnsuidh Eli, agus thubhairt e ris, Mar so tha 'n Tighearn ag ràdh, An d'fhoillsich mise gu soilleir mi fèin do thigh t'athar, an uair a bha iad san Eiphit, ann an tigh Pharaioh?

28 Agus an do thagh mi e a treubhaibh Israeil uile *gu bhì* na shagart agam, a dh'ìobradh<sup>7</sup> air m'altair, a losgadh uis, a dh'iomchar ephoid a'm'fhanuis? agus an d'thug mi do thigh t'athar na tabhartasan uile, a bhciaras suas le teine le cloinn Israeil?

29 C'ar son a tha sibh a deanamh tàir air<sup>8</sup> m'ìobairt, agus air mo thabhartas a dh'àithn mi *ann am* àite-còmhnuidh, agus a tha thu a' toirt urraim do d' mhic os mo chionn-sa, gu sibh fèin a dheanamh reamhar le roghadh<sup>9</sup> uile thabhartasa mo shluaigh Israeil?

30 Uime sin tha 'n Tighearna Dia Israeil

<sup>1</sup> uaislibh. <sup>2</sup> air son an iartuis a dh'iarr i, air son a' choinghill a thugadh no thug thu. <sup>3</sup> caonadh, dol a leth-taobh, peacuchadh. <sup>4</sup> Dia; Elohim. Eabh. <sup>5</sup> guidhidh daoine ri Dia as

a leth. <sup>6</sup> òglach. <sup>7</sup> gu dol suas. <sup>8</sup> a' brenbadh an aghaidh. Eabh. <sup>9</sup> toiseach. Eabh.



ag ràdh, Thubhairt mi gu deimhin, *gu'n* gluaisceadh do thigh-sa agus tigh t'athar a'm' fhianuis gu bràth: ach a nis tha 'n Tighearn ag ràdh, Gu ma fada sin uamsa; oir dhoibhsan a bheir urram dhomhsa bheir mise urram, agus iadsan a ni tàir ormsa, is beag am measa bhitheas dhiubh.

31 Feuch, *tha* na lùthcan a' teachd anns an gearr mi dhòt do ghàirdean, agus gairdean tìghe t'athair, air chior as nach bi seann duine a'd' thigh.

32 Agus chì thu nàmhaid<sup>1</sup> ann am àite-còmhnuidh-sa anns an uile shàibhreas a bheir *Dia* do Israel: agus cha bhi seann duine a'd' thigh-sa gu bràth.

33 Agus an duine sin agad nach gearr mi as o m' altair, *bithidh e* a chlaoidh do shùil, agus a chràdh do chridhe: agus bàsaichidh uile ghineal<sup>2</sup> do thighe ann an tréin' an neirt<sup>3</sup>.

34 Agus *bithidh* so na chomhara dhuit, a thig air do dhithis mar, air Hophni agus Phinehas: ann an aon là bàsaichidh iad le chèile.

35 Agus togaidh mi suas dhomh féin sagart dileas, a ni mar a *tha e* ann am chridhe, agus ann am inntinn; agus togaidh mi dha tigh seasmhach<sup>4</sup>, agus imichidh e am fianuis m' Aoine ungta gu bràth.

36 Agus tarlaidh gu'n d' thigh gach neach a dh'fhàg a'd' thigh a chromadh sìos da air son mìr airgid, agus greim arain; agus their e, Cuir mi, guidheam ort, ann an aon do dhreuchdaibh nan sagart, a chum as gu'n ith mi greim arain.

### C A I B. III.

**A** GUS fhrithail an leanabh Samuel do'n Tighearna am fianuis Eli: agus bha focal an Tighearna luachmhor anns na laithibh sin; cha robh taisbeanadh follaiseach ann.

2 Agus tharladh anns an àm sin, an uair a bha Eli na luidhe na àite; (agus thòisich a shùilean air fàilneachadh<sup>5</sup>: cha b'urrainn e faicinn gu maith.)

3 Agus mun deachaidh lèchran Dhé as, an uair a bha Samuel na luidhe ann an teampull an Tighearna, far an robh àire Dhé;

4 Gu'n do ghairm an Tighearna air Samuel, agus fhreagair esan, *Tha mi 'n so*.

5 Agus ruith e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thubhairt esan, Cha do ghairm mise ort; pill, luidh sìos. Agus dh'fhalbh e agus luidh e sìos.

6 Agus ghairm an Tighearn a ris air Samuel. Agus dh'éirich Samuel, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm.

Agus fhreagair esan, Cha do ghairm mise ort, a mhic; pill, luidh sìos.

7 A nis cha b'aithne do Shamuel fathast an Tighearna, agus cha d'fhoillsicheadh focal an Tighearna fathast da.

8 Agus ghairm an Tighearna fathast air Samuel an tneas uair. Agus dh'éirich e, agus chaidh e dh'ionnsuidh Eli, agus thubhairt e, *Tha mi 'n so*, oir ghairm thu orm. Agus thuig Eli gu'm b'e 'n Tighearn a ghairm air an leanabh.

9 Uime sin thubhairt Eli ri Samuel, Falbh, luidh sìos: agus ma ghairmeas e ort, an sin their thu, Labhair, a Thighearna, oir *tha* do sheirbhiseach a' cluinntinn. Agus dh'fhalbh Samuel, agus luidh e sìos na àite féin.

10 Agus thàinig an Tighearna, agus sheas e, agus ghairm e mar air na h-uairibh eile, A Shamueil, a Shamueil, An sin fhreagair Samuel, Labhair, oir *tha* do sheirbhiseach a' cluinntinn.

11 Agus thubhairt an Tighearna ri Samuel, Feuch, ni mi ni ann an Israel, a ni gaioir<sup>6</sup> ann an dà chluais gach neach a chluinneas e.

12 Anns an là sin coimhlionaidh<sup>7</sup> mi an aghaidh Eli na nithe sin uile a labhair mi mu thimcheall a thighe: tòisichidh mi agus crìochnaichidh mi.

13 Oir dh'innis mi dha gu'n d' thoir mi breth air a thigh gu bràth, air son na h-aingidheachd air am bheil e fiosrach; a chionn gu 'n d'thug a mhic masladh dhomhsa<sup>8</sup>, agus nach do chaisg<sup>9</sup> esan iad.

14 Agus uime sin mhionnaich mi do thigh Eli, nach glanar as aingidheachd tìghe Eli le h-iobairt, no le tabhartas gu bràth.

15 Agus luidh Samuel gu maduinn, agus dh'fhosgail e dorsan tìghe an Tighearna: agus bha eagal air Samuel an taisbeanadh iniseadh do Eli.

16 An sin ghairm Eli air Samuel, agus thubhairt e, A Shamueil a mhic. Agus thubhairt esan, *Tha mi 'n so*.

17 Agus thubhairt e, Ciod an ni a chaidh ràdh<sup>10</sup> riut? na ceil ormsa e, guidheam ort: gu'n deanadh Dia mar sin riut, agus tuilleadh mar an ceudna, ma chileas tu ni air bith orm, do gach ni a chaidh ràdh riut.

18 Agus dh'innis Samuel dha na h-uile nithe, agus cha do cheil e *ni sam bith* air. Agus thubhairt esan, Is e 'n Tighearn a th'ann: an ni sin a ta maith na shùilbhi mi e.

19 Agus dh'fhàs Samuel suas agus bha 'n Tighearna maille ris, agus cha do leig e do h-aon air bith d'a fhoclaibh tuiteam a dh'ionnsuidh an làir.

<sup>1</sup> chì thu le doilgheas agus farnad neach eile.  
<sup>2</sup> shliochd, fhàs. <sup>3</sup> nan daoineibh. <sup>4</sup> cinnteach.  
<sup>5</sup> chaidh air a léirsinn. <sup>6</sup> fuaim. <sup>7</sup> dùisgidh.

<sup>8</sup> gu'n d'riinn a mhic iad féin mallachte.  
<sup>9</sup> chaisg, thoirmsig. <sup>10</sup> a thubhairt an Tighearna.

20 Agus bha fios aig Israel uile o Dhan gu ruig Beer-seba gu'n d'orduicheadh<sup>1</sup> Samuel na fhàidh do'n Tighearna.

21 Agus thaisbeineadh an Tighearna a rìs ann an Siloh; oir dh'fhoillsich an Tighearna e fèin do Shamuel ann an Siloh, le focal an Tighearna.

## CAIB. IV.

**A**GUS thàinig focal Shamueil a dh'ionnsuidh Israèil uile. A nis chaidh Israel a mach an aghaidh nam Philisteach gu cath, agus champaich iad làimh ri Ebenezer agus champaich na Philistich ann an Aphec.

2 Agus tharruing na Philistich iad fèin suas an ordugh blàir an aghaidh Israèil: agus chuireadh an cath, agus bhuailcadh Israel roimh na Philistich: agus mharbh iad anns a' chath sa' mhachair mu thimchioll ceithir mìle fear.

3 Agus an uair a thàinig an sluagh do'n camp, thubhairt seanairean Israèil, C'ar son a bhuail an Tighearna sinn an diugh an làthair nam Philisteach? Thugamaid d'ar n-ionnsuidh a Siloh àirc coimhcheangail an Tighearna, chum 'nuair a thig i 'nar measg gu'n saor i sinn a làimh ar naimhde.

4 Agus chuir an sluagh *duine* gu Siloh, a chum gu'n d' thugadh iad as sin àirc coimhcheangail Tighearna nan sluagh, a tha chòmhnuidh *eador* na Cheruban: agus bha dithis mhac Eli, Hophni agus Phinehas, an sin maille ri àirc coimhcheangail Dé.

5 Agus an uair a thàinig àirc coimhcheangail an Tighearna do'n camp, dh'éigh Israel uile le h-iolaich<sup>2</sup> mhòir agus fhreagair an talamh do'n fhuaim.

6 Agus chuala na Philistich fuaim na h-iolaich, agus thubhairt iad, Ciod is *ciall* do fhuaim na h-iolaiche mòire so ann an camp nan Eabhruideach? Agus thuig iad gu'n robh àirc an Tighearna air teachd do'n camp.

7 Agus bha eagal air na Philistich, oir thubhairt iad, Tha diathan<sup>3</sup> air teachd do'n camp: agus thubhairt iad, Mo thruaighe sinne; oir cha robh a leithid so do ni riamh roimhe ann:

8 Mo thruaighe sinne! cò a shaoras sinn a làimh nan diatha cumhachdacha sin? is iad sin na diathan, a bhuail na h-Eiphitich leis gach plàigh, agus a rinn *nithe iongantach* anns an fhàsach.

9 Bithibh làidir, agus bithibh fearail, O sibhse Philisteacha, a chum nach bi sibh 'nar tràillibh aig na h-Eabhruidhich, mar a bha iadsan nan tràillean agaibhse: bithibh ma ta fearail, agus cogaibh.

10 Agus chog na Philistich; agus bhuailcadh Israel, agus theich gach duine dhiubh a dh'ionnsuidh a bhùtha: agus bha àr ro-

mhòr ann; oir thuit do Israel deich mìle fichead coisiche.

11 Agus ghlacadh àirc Dhé, agus fhuair dithis mhac Eli, Hophni agus Phinehas, bàs.

12 Agus ruith duine do Bheniamin a mach as an armailt<sup>4</sup>, agus thàinig e gu Siloh air an là sin fèin, agus 'eudach air a reubadh<sup>5</sup>, agus duslach air a cheann.

13 Agus an uair a thàinig e, feuch, bha Eli na shuidhe air cathair làimh ris an t-slighe, a' coimhead<sup>6</sup>: oir bha a chridhe air chrith air son àirc Dhé. Agus an uair a thàinig an duine do'n bhaile, agus a dh'innis se e, dh'éigh am baile uile.

14 Agus an uair a chual' Eli fuaim na h-éighich, thubhairt e, Ciod is *ciall* do fhuaim na conghàir so? agus rinn an duine cabhag, agus thàinig e, agus dh'innis e do Eli.

15 A nis bha Eli ochd bliadhna deug agus ceithir fichead a dh'aois: agus bha a shùilean mall<sup>7</sup>, air chor as nach faicheadh e gu maith.

16 Agus thubhairt an duine ri Eli, Is mise esan a thàinig a mach as an armailt, agus theich mise 'n diugh as an armailt. Agus thubhairt esan, Ciod a thachair, a mhic?

17 Agus fhreagair an teachdaire agus thubhairt e, Theich Israel roimh na Philistich, agus mar an ceudna bha àr mòr am measg an t-sluaigh, agus mar an ceudna tha do dhithis mhac Hophni agus Phinehas marbh, agus ghlacadh àirc Dhé.

18 Agus an uair a dh'ainmich e àirc Dhé, thuit e bhàrr na cathrach an comhair a chùil làimh ris a' gheatadh, agus bhriscadh 'amhach, agus fhuair e bàs; oir bha e na sheann duine, agus trom. Agus thug e breth air Israel dà fhichead bliadhna.

19 Agus bha a bhan-chliamhuin, bean Phinehas, torrach, *dlùth* do bhi air a h-ais-ead<sup>8</sup>: agus an uair a chual' i 'n sgeul gu'n do ghlacadh àirc Dhé, agus gu'n robh a h-athair-céile marbh, agus a fear, chrom si i fèin, agus rug i *mac*; oir thàinig a saothair-chloinne oirre.

20 Agus mu àm a bàis, thubhairt na mnà a bha seasamh làimh rithe, Na biodh cagal ort, oir rug thu mac. Ach cha do fhreagair ise, ni mo a thug i fanear e.

21 Agus thug i Ichabod mar ainm air an leanabh, ag ràdh, Dh'fhalbh a' ghlòir o Israel: (do bhrìgh gu'n do ghlacadh àirc Dhé, agus air son a h-athair-céile agus a fir.)

22 Agus thubhairt i, Dh'fhalbh a' ghlòir o Israel; oir ghlacadh àirc Dhé.

## CAIB. V.

**A**GUS ghabh na Philistich àirc Dhé, agus thug iad leo i o Ebenezer gu Asdod.

<sup>1</sup> do dhaingnicheadh. <sup>2</sup> gàir. <sup>3</sup> Dia. <sup>4</sup> as a' chath. <sup>5</sup> shrachdadh. <sup>6</sup> a' faire.

<sup>7</sup> rag, trom; sheas a shùilean. Eabh. <sup>8</sup> asaid.



2 An sin ghabh na Philistich àirc Dhé, agus thug iad i do thigh Dhagoin, agus shuidhich iad i làimh ri Dagon.

3 Agus an uair a dh'éirich muinntir Asdoid gu moch air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearna: agus ghabh iad Dagon, agus chuir iad a ris e na àite féin.

4 Agus an uair a dh'éirich iad gu moch sa' mhaduinn air an là màireach, feuch, *bha* Dagon air tuiteam air 'aghaidh dh'ionnsuidh an làir fa chomhair àirc an Tighearna: agus *bha* ceann Dhagoin, agus dà bhois a làmh air an gearradh dhethl aig an stairsnich: dh'fhàgadh a mhàin *com* Dhagoin aige.

5 Uime sin cha saltair sagairt Dhagoin, no neach air bith a théid a steach do thigh Dhagoin, air stairsnich Dhagoin ann an Asdod, gus an la 'n diugh.

6 Ach *bha* làmh an Tighearna trom air muinntir Asdoid, agus sgrios<sup>1</sup> e iad, agus bhuail e iad le neasgaidean fola<sup>2</sup>, eadhon Asdod agus a chrìocha.

7 Agus an uair a chunnaic daoine Asdoid gu'n robh e mar sin, thubhairt iad, Cha 'n fhan àirc Dhé Israeil maille ruinne; oir *tha* a làmh trom<sup>3</sup> oirnn, agus air Dagon ar Dia.

8 Uime sin chuir iad *fios* uatha, agus chruinnich iad uile thighearnan<sup>4</sup> nam Philisteach d'an ionnsuidh, agus thubhairt iad, Ciod a ni sinn ri àirc Dhé Israeil? Agus fhreagair iadsan, Thugar àirc Dhé Israeil m'an cuairt gu Gat. Agus thug iad m'an cuairt àirc Dhé Israeil *gu Gat*.

9 Agus an uair a thug iad m'an cuairt i, *bha* làmh an Tighearna an aghaidh a' bhaile le sgrios ro-inhòr, agus bhuail e daoine a' bhaile eadar bheag agus mhòr; agus *bha* neasgaidean fola aca nan àitibh diomhair.

10 Uime sin chuir iad air falbh àirc Dhé gu Hecon; agus an uair a *bha* àirc Dhé air teachd gu Hecon, dh'éigh na Hecon-aich, ag ràdh, Thug iad m'an cuairt d'ar n-ionnsuidh-ne àirc Dhé Israeil, gu sinn féin a mharbhadh, agus ar sluagh.

11 Uime sin chuir iad *fios* uatha, agus chruinnich iad uile thighearnan nam Philisteach, agus thubhairt iad, Cuiribh air falbh àirc Dhé Israeil, agus rachadh i air a h-ais d'a h-àite féin, a chum as nach marbh i sinn féin agus ar sluagh: oir *bha* sgrios bàis anns a' bhaile uile; *bha* làmh Dhé ro throm an sin.

12 Agus na daoine nach do bhàsaich, bhuailleadh iad le neasgaidean fola; agus chaidh eigheach<sup>5</sup> a' bhaile suas gu neamh.

C A I B. VI.

**A** GUS *bha* àirc an Tighearn ann am fearann nam Philisteach seachd mìosan.

2 Agus ghairm na Philistich air na sagartaibh, agus air na fiosaichibh, ag ràdh, Ciod a ni sinn ri àirc an Tighearna? thug-aibh fios duinn cionnus a chuireas sinn air falbh i d'a h-àite féin.

3 Agus thubhairt iadsan, Ma chuireas sibh air falbh àirc Dhé Israeil, na cuiribh uaibh falamh i; ach air gach uile chor iocaibh<sup>6</sup> dha tabhartas-eusaontais: an sin slànuchear sibh, agus bithidh fios agaidh e'ar son nach do phill a làmh uaibh.

4 An sin thubhairt iad, Ciod an tabhartas-eusaontais a dh'ìocas sinn da? Agus fhreagair iadsan, Cùig neasgaidean òir, agus cuig luchaidh òir, a *réir* àireimh thighearnan nam Philisteach; oir *bha* aon phlàigh oirbh uile, agus air bhur tighearnaibh.

5 Uime sin ni sibh dealbhan bhur neasgaidean, agus dealbhan bhur luchaidh, a tha milleadh na tìre; agus bheir sibh glòir do Dhia Israeil: theagamh gu'n eutromaich e a làmh dhibh, agus do bhur déibh, agus do bhur tìr.

6 C'ar son uime sin a chruaidhicheas sibh bhur cridhe, mar a chruaidhich na h-Eiphitich agus Pharaoh an cridhe? an uair a rinn e gu h-iongantach nam measg, nach do leig iad an sluagh air falbh, agus dh'imich iad?

7 A nis uime sin deanaibh feun nomha<sup>7</sup>, agus gabhaidh dà mhart-bhainne, air nach deachaidh cuing; agus ceanglaidh sibh 'na mairt ris an fheun, agus bheir sibh an laogh dhachaidh uatha.

8 Agus gabhaidh sibh àirc an Tighearna, agus cuiridh sibh i air an fheun; agus cuiridh sibh na seudan òir, a dh'ìocas sibh dha mar tabhartas-eusaontais, ann an cobhan<sup>8</sup> r'a taobh, agus cuiridh sibh air falbh i, a chum as gu'n imich i.

9 Agus chi sibh, ma théid i suas rathad a crìche féin gu Betseme, an sin rinn e an t-òle mòr so oirnn: ach mur d' théid, an sin bithidh fios againn nach i a làmh-san a bhuail sinn; is tuiteamas a thàinig oirnn.

10 Agus rinn na daoine mar sin: agus ghabh iad dà mhart-bhainne, agus cheangail iad ris an fheun iad, agus dhruid<sup>9</sup> iad an laogh a stigh.

11 Agus chuir iad àirc an Tighearna air an fheun, agus an cobhan leis na luchaidh òir, agus dealbhan an neasgaidean fola.

12 Agus ghabh na mairt an rathad dìreach gu slighe Bhetsemeis; air an rathad mhòr dh'imich iad, a' geumnaich mar a dh'imich iad, agus cha do thionndaidh iad a leth-taobh a dh'ionnsuidh na làimhe deise no na làimhe clìthe; agus chaidh tighearnan nam Philisteach nan déigh gu crìch Bhetsemeis.

13 Agus *bha* muinntir Bhet-semeis a buain an cruithneachd anns a' ghleann;

<sup>1</sup> dh'fhàsaich, <sup>2</sup> hemorrhoids. Sasg. <sup>3</sup> cruaidh. <sup>4</sup> uachdarana, <sup>5</sup> glaoth.

<sup>6</sup> thugaibh air ais, <sup>7</sup> cairt nuadh, <sup>8</sup> ciste, <sup>9</sup> ghléidh.

agus thog iad suas an sùilean, agus chunn-  
aic iad an àirc, agus rinn iad gairdeachas  
'nuair a chunnaic iad i.

14 Agus thàinig am feun gu achadh  
Iosua a' Bhet-emesich, agus sheas e 'n  
sin, far an robh clach mhòr; agus sgoilt iad  
fiodh an fheuna, agus thug iad suas na  
mairt nan ìobairt-loisgte do'n Tighearna.

15 Agus thug na Lebhithich sìos àirc an  
Tighearna, agus an cobhan a bha inail-  
le rithe, anns an robh na seudan òir, agus  
chuir iad air a' chloich mhòir iad: agus  
thug daoine Bhet-emesich suas tabhartais-  
loisgte, agus dh'ìobair iad ìobairte san la-  
sin fèin do'n Tighearna.

16 Agus an uair a chunnaic cùig tigh-  
earnan nam Philisteach e, phill iad gu  
Hecron san là sin fèin.

17 Agus is iad so na neasgaidean òir, a  
dh'òc na Philistich mar thabhartas eusaon-  
tais do'n Tighearna; air son Asdoir aon,  
air son Ghasa aon, air son Asceloin aon,  
air son Ghat aon, air son Hecroin aon:

18 Agus na luchaidh òir, a réir àireimh  
uile bhailte nam Philisteach, a bhuineadh  
do na cùig tighearnan, araon bhailte  
daingnichte agus bhailte gun bhalladh,  
eadhon gu ruig a' chlach mhòr, air an do  
chuir iad sìos àirc an Tighearna, clach a  
tha làthair gus an la 'n diugh ann an ach-  
adh Iosua a' Bhet-emesich.

19 Ach bhuail e daoine Bhet-emesich, a  
chionn gu'n do sheall iad air àirc an Tigh-  
earna; bhuail e eadhon do'n t-sluagh tri-  
fichead agus deichnear fhear<sup>1</sup>: agus rinn  
an sluagh caoidh, do bhrìgh gu'n do bhuail  
an Tighearna cuid do'n t-sluagh le plaigh<sup>2</sup>  
mhòir.

20 Agus thubhairt daoine Bhet-emesich,  
'Cò is urrainn seasamh an làthair an Tigh-  
earna Dé naomha so; agus cia dh'ionn-  
suidh a theid i<sup>3</sup> suas uainne?

21 Agus chuir iad teachdairean a dh'ionn-  
suidh luchd-àiteachaidh Chiriat-earim, ag  
ràdh, Thug na Philistich air a h-ais àirc an  
Tighearna; thigibh a nuas, thugaibh suas i  
d'ar n-ionnsuidh.

## CAIB. VII.

**A** GUS thàinig daoine Chiriat-earim,  
agus thug iad suas àirc an Tighearna,  
agus thug iad a steach i do thigh Abinad-  
aib ann an Gibeah<sup>4</sup>, agus naomhaich iad  
a mhac Eliasar, a ghleidheadh àirc an Tigh-  
earna.

2 Agus tharladh, o'n là a dh'fhan an àirc  
ann an Chiriat-earim, gu'n robh an aimsir  
fàd, (oir bha fichead bliadhna ann) agus  
rinn tigh Israel uile caoidh an deigh an  
Tighearna.

3 Agus labhair Samuel ri uile thigh Is-  
raeil, ag ràdh, Ma philleas sibh a dh'ionn-

suidh an Tighearna le'r n-uile chridhe, an  
sin cuiribh air falbh na diathan coimheach  
as bhur measg, Baalim agus Astarot; agus  
ulluichibh bhur cridhe a chum an Tigh-  
earna, agus deanaibh seirbhis dhasan a  
mhàin, agus saoraidh e sibh a làimh nam  
Philisteach.

4 An sin chuir clann Israel air falbh  
Baalim agus Astarot, agus rinn iad seirbhis  
do'n Tighearna a mhàin.

5 Agus thubhairt Samuel, Cruinnichibh  
Israel uile gu Mispheh, agus ni mise urn-  
uigh air bhur son ris an Tighearna.

6 Agus chruinnich iad an ceann a chèile  
gu Mispheh, agus tharuing iad uisge, agus  
dhòirt iad a mach e an làthair an Tighearna,  
agus throisg iad air an la sin, agus thubh-  
airt iad an sin, Pheacaich sinn an aghaidh  
an Tighearna. Agus thug Samuel breth  
air cloinn Israeil ann am Mispheh.

7 Agus chuala na Philistich gu'n robh  
clann Israeil air cruinneachadh an ceann a  
chèile gu Mispheh, agus chaidh tighearnan  
nam Philisteach suas an aghaidh Israeil:  
agus an uair a chuala clann Israeil e, bha  
eagal orra roimh na Philistich.

8 Agus thubhairt clann Israeil ri Samuel,  
Na sguir do ghlaodhaich ris an Tighearna  
ar Dia air ar son, a chum as gu'n saor e  
sinn a làimh nam Philisteach.

9 Agus ghabh Samuel uan deothail<sup>5</sup>,  
agus thug e suas e uile mar ìobairt-loisgte  
do'n Tighearna; agus ghlaodh Samuel ris  
an Tighearna air son Israeil, agus chual' an  
Tighearna e.

10 Agus an uair a bha Samuel a' toirt  
suas na h-ìobairt-loisgte, tharuing na Phi-  
listich am fagus gu cath an aghaidh Israeil:  
ach rinn an Tighearna tairneanach le fuaim<sup>6</sup>  
mhòir san là sin air na Philistich, agus  
chlaoidh e iad, agus bhuailleadh iad roimh  
Israel.

11 Agus chaidh fir Israeil a mach a  
Mispheh, agus ruaig<sup>7</sup> iad na Philistich, agus  
bhuail siad iad, gus an d'thàinig iad fuidh  
Bhet-car.

12 An sin ghabh Samuel clach, agus  
shuidh e i eadar Mispheh agus Sen; agus  
thug e Ebeneser<sup>8</sup> mar ainm oirre, agus  
thubhairt e, Gu ruige so chuidich an Tigh-  
earna leinn.

13 Agus dh'irioslaicheadh<sup>9</sup> na Philistich,  
agus cha d'thàinig iad tuille gu crìch Israeil:  
agus bha làmh an Tighearna an aghaidh  
nam Philisteach uile làithean Shamuell.

14 Agus thugadh na bailtean a ghlaic na  
Philistich o Israel, air an ais do Israel, o  
Hecron eadhon gu Gat; agus shaor Israel  
an crìochan a làimh nam Philisteach;  
agus bha sìth eadar Israel agus na h-Amor-  
aich.

<sup>1</sup> tri fichead agus deichnear fhear, agus leth-  
cheud mìle fear. <sup>2</sup> ar, sgrìos. <sup>3</sup> i.e. an àirc.  
<sup>4</sup> anns a' chnoe. <sup>5</sup> bainne. Eabh. <sup>6</sup> torainn.

7 lean.

<sup>8</sup> i.e. clach a' chuideachaidh.

<sup>9</sup> cheannsaicheadh.



15 Agus thug Samuel breth air Israel rè uile làithean a bheatha.

16 Agus chaidh e o bhliadhna gu bliadhna m'an cuairt gu Betel, agus Gilgal, agus Misphe, agus thug e breth air Israel anns na h-àitibh sin uile.

17 Agus bha 'theachd air ais gu Ramah; oir an sin bha a thigh: agus an sin thug e breth air Israel, agus an sin thog e altair do'n Tighearna.

CAIB. VIII.

**A**NIS an uair a bha Samuel aosda, chuir e a mhic nam breitheamhnaibh os cionn Israeil.

2 Agus b' ainm a cheud-ghin mic Ioel, agus ainm a dhara mic Abiah: bha iad nam breitheamhnaibh ann am Beer-seba.

3 Agus cha do ghluais a mhic na shlighibh-san, ach chlaon iad an déigh tairbhe<sup>1</sup>, agus ghabh iad duais<sup>2</sup>, agus dh'fhiar iad breitheanas.

4 An sin chruinnich uile sheanairean Israeil iad féin an ceann a chéile, agus thàinig iad a dh'ionnsuidh Shamueil gu Ramah.

5 Agus thubhairt iad ris, Feuch, tha thusa air fàs aosda, agus cha 'n eil do mhic a' gluasad ann do shlighibh: a nis ma ta dean dhuinne righ gu breth a thoirt-oirnn, mar na cinnich uile.

6 Ach mhi-thaitinn an nì ri Samuel<sup>3</sup>, an uair a thubhairt iad, Thoir dluinn righ gu breth a thoirt oirnn: agus rinn Samuel urn-aigh ris an Tighearna.

7 Agus thubhairt an Tighearna ri Samuel, Eisd ri guth an t-sluaigh anns gach nì a their iad riut: oir riutsa cha do chuir iad cùl, ach riumsa chuir iad cùl, a chum nach rioghaichinn os an ceann.

8 A réir nan uile oibre a rinn iad o'n là anns an d'thug mi nìos iad as an Eiphit, gu ruig an la 'n diugh, leis an do thréig iad mi, agus an d'rinn iad scribhis do dhiathaibh eile, mar so tha iad a' deanamh mar an ceudna riutsa.

9 A nis uime sin éisd r'an guth: gidheadh bheir thu gu ciunteach fianuis nan aghaidh, agus cuiridh tu 'n céill dhoibh lagh<sup>4</sup> an righ a rioghaicheas os an cionn.

10 Agus dh'innis Samuel uile bhriathran an Tighearna do'n t-sluaigh, a bha 'g iarraidh righ air.

11 Agus thubhairt e, So mar a bhitheas lagh an righ a rioghaicheas os bhur cionn: Gabhaidh e bhur mic, agus orduichidh e dha féin iad a chum a charbadan, agus gu bhi nam marcaich aige, agus gu ruith roimh a charbadaibh:

12 Agus gu'n cur nan ceannardaibh dha féin air mhiltibh, agus nan ceannardaibh air leth-cheudaibh, agus a dh'ar 'fhearainn<sup>5</sup>, agus a bhuain 'fhogharaidh, agus a dhean-

amh innil cogaidh air a shon, agus innil air son a charbada.

13 Agus gabhaidh e bhur nigheana a dheanamh oladh ungaidh cùbhraidh, agus gu bhi nam ban-chòcairibh, agus nam ban-fhuineadairibh.

14 Agus gabhaidh e bhur n-achaidh, agus bhur fion-liosan, agus bhur liosan-olaidh, eadhon a' chuid a's fearr dhiubh, agus bheir e iad d'a òglachaibh.

15 Agus gabhaidh e an deachamh d'ar siol, agus d'ar fion-liosaibh, agus bheir e d'a luchd-dreuchd e, agus d'a òglachaibh.

16 Agus gabhaidh e bhur n-òglaich-sa agus bhur ban-òglaich, agus na h-òganaich a's fearr agaibh, agus bhur n-asail, agus cuiridh e chum 'oibre féin iad.

17 Gabhaidh e an deachamh d'ar caor-ach: agus bithidh sibh 'nar seirbhisich aige.

18 Agus glaothaidh sibh a mach san là sin o làthair bhur righ a thagh sibh dhuibh féin; agus cha'n éisd an Tighearna ribh san là sin.

19 Gidheadh dhiùlt an sluagh éisdeachd ri guth Shamueil, agus thubhairt iad, Nì h-eadh; ach bithidh righ againne os ar cionn:

20 Agus bithidh sinne mar an ceudna mar na cinnich uile, agus bheir ar righ breth oirnn, agus théid e mach romhainn, agus cuiridh<sup>6</sup> e ar cathan.

21 Agus chuala Samuel uile bhriathran an t-sluaigh, agus dh'aithris e iad ann an clusaibh an Tighearna.

22 Agus thubhairt an Tighearna ri Samuel, Eisd r'an guth, agus dean righ dhoibh. Agus thubhairt Samuel ri fir Israeil, Rach-aibh gach duine dhibh d'a bhaile féin.

CAIB. IX.

**A**NIS bha duine do Bheniamin, d'am b'ainm Cis, mac Abieil, mhic Sheroir, mhic Bhechorait, mhic Aphiah, Beniaminich, duine treun ann an neart.

2 Agus bha mac aige, d'an b'ainm Saul, roghadh òig-fhir, agus e tlachd-mhor<sup>7</sup>; agus cha robh am measg chloinn Israeil fear bu tlachd-mhoire na e: o 'ghuaillibh agus o sin suas b'airde e 'n sluagh uile.

3 Agus chaillleadh asail Chis, athar Shaul; agus thubhairt Cis r'a mhac Saul, Thoir leat a nis aon do na h-òganaich, agus éirich, fallbh, iarr na h-asail.

4 Agus chaidh e troimh mhonadh Ephraim, agus chaidh e troimh thir Shalisa, ach cha d'fhuair siad iad: an sin chaidh e troimh thir Shalim, agus cha robh iad an sin: agus chaidh e troimh thir nam Beniamin-each, ach cha d'fhuair siad iad.

5 Agus an uair a thàinig iad gu tìr Shuph, thubhairt Saul r'a òganach, a bha maille ris, Thig agus pilleamaid, air eagal gu'n leig

<sup>1</sup> sannt. <sup>2</sup> tiodhlacan. <sup>3</sup> bha an nì ole ann an suilibh Shamueil. <sup>4</sup> riaghailt, seòl.

<sup>5</sup> chum a threabheachd a threabhadh. <sup>6</sup> cogaidh. <sup>7</sup> maith, dluinn. <sup>8</sup> iad.

m'athair dheth a chùram mu na h-asail, agus gu'm bi smuaircan air m'ar timchioll-ne.

6 Agus thubhairt esan ris, Feuch a nis, *tha* duine le Dia anns a' bhaile so, agus is duine urramach e; thig gach ni a theire e gu cinnteach gu crìch: a nis ma ta rachamaid an sin; theagamh, gu'n iunis e dhuinn ar slighe, air an coir dhuinn gluasad.

7 An sin thubhairt Saul r'a òganach, Ach feuch, *ma* théid sinn, ciod a bheir sinn a dh'ionnsuidh òglaich<sup>1</sup> Dhé? oir chaitheadh an t-aran 'nar soithichibh, agus cha 'n'eil tiodhlac ann ri thoirt a dh'ionnsuidh òglaich Dhé: ciod ma ta a ni sinn?

8 Agus fhreagair an t-òganach Saul a ris, agus thubhairt e, Feuch, *tha* agam an so 'a'n' làimh an ceathramh cuid do sheecl airgid: *sin* bheir mi do òglach Dhé, agus innsidh e dhuinn ar slighe.

9 (O shean<sup>2</sup> ann an Israel, an uair a rachadh duine a dh'fhiosrachadh do Dhia, mar so labhradh c, Thigibh, agus rachamaid a dh'ionnsuidh an fhir-sheallaidh<sup>3</sup>: oir esan *ris an abrar* a nis fàidh, o shean theirte fear-seallaidh ris.)

10 An sin thubhairt Saul r'a òganach, Is maith a labhair thu, t'ig, imicheamaid: agus dh'imich iad do'n bhaile, far an robh òglach Dhé.

11 Agus an uair a chaidh iad suas uchdach a' bhaile, fhuair iad gruagaichean a' dol a mach a tharruing uisge, agus thubhairt iad riu, Am bheil am fear-seallaidh an so?

12 Agus fhreagair iadsan iad, agus thubhairt iad, Tha; feuch *tha e* roimlibh<sup>4</sup>: deanaibh cabhag<sup>5</sup> a nis, oir an diugh *tha e* air teachd do'n bhaile; oir *tha* iobairt aig an t-sluagh an diugh anns an ionad ard.

13 An uair a théid sibh a steach do'n bhaile, air ball gheibh sibh e, mun d' théid e suas do'n ionad ard a dh'itheadh: oir cha 'n'ith an sluagh gus an d'thig e, a chionn gu'm beannaich e an iobairt, agus an dèigh sin ithidh iadsan a chuircadh. A nis uime sin rachaidh suas, oir mu'n àm so gheibh sibh e.

14 Agus chaidh iad suas do'n bhaile: agus an uair a bha iad a' dol a steach gu meadhon a' bhaile, feuch, thàinig Samuel a mach nan coinneamh, gu dol suas do'n ionad ard.

15 A nis dh'innis<sup>6</sup> an Tighearn ann an cluais Shamucil, la mun d'thàinig Saul, ag ràdh,

16 Mu'n àm so am màireach cuiridh mi a'd' ionnsuidh duine a tìr Bheniamin, agus ungaidh tu e na cheannard air mo shluagh Israel, agus saoraidh e mo shluagh a làimh nam Philisteach; oir dh'amhaire mi air mo shluagh, a chionn gu'n d'thàinig an glaoth a m' ionnsuidh.

17 Agus an uair a chunnaic Samuel Saul, thubhairt an Tighearna ris, Feuch an duine mu'n do labhair mi riut: rìoghaichidh esan os cionn mo shluagh.

18 An sin thàinig Saul am fagus do Shamuel ams a' gheatadh<sup>7</sup>, agus thubhairt e, Innis dhomh, guidheam ort, c'ait am bheil tigh an fhir-sheallaidh?

19 Agus fhreagair Samuel Saul, agus thubhairt e, Is mise am fear-seallaidh: gabh suas romham do'n ionad ard, agus ithidh sibh<sup>8</sup> maille riumsa an diugh; agus leigidh mi leat faibh sa' mhaduinn, agus gach ni a ta ann do chridhe innsidh mi dhuit.

20 Agus a thaobh nan asal agad a chaill-eadh o cheann tri laithcan, na suidhich t'inntinn orra, oir fhuaradh iad: agus cò air am bheil uile dhèigh Israeil<sup>9</sup>? nach ann ortsa, agus air uile thigh t'athar?

21 Agus fhreagair Saul agus thubhairt e, Nach Beniamineach mise do'n treubh a's lugha ann an Israel? agus nach e mo theaghlach a's lugha do uile theaghlachibh tréibhe Bheniamin? c'ar son uime sin a tha thu labhairt riumsa air an dòigh so?

22 Agus ghabh Samuel Saul agus òganach, agus thug e steach iad do'n t-seòmarchuirm, agus thug e àite-suidhe dhoibh aig ceann-toi-ich nan daoine a chaidh chuireadh, agus iad mu thimchioll deich fir fhichead.

23 Agus thubhairt Samuel ris a' chòcaire, Thoir dhomh a' chuibhrionn a thug mi dhuit, mu'n dubhairt mi riut, Cuir làimh riut i.

24 Agus thog an còcaire an slinnein, agus an ni a bha air, agus chuir e fa chomhair Shaul e, agus thubhairt Samuel, Feuch, cuir an ni sin a dh'fhàgadh air do bheul-aobh, agus ith; oir dh'ionnsuidh an àm so ghlcidheadh dhuit e, o thubhairt mi, Thug mi cuireadh do'n t-sluagh. Agus dh'ith Saul maille ri Samuel air an là sin.

25 Agus an uair a thàinig iad a nuas o'n ionad ard do'n bhaile, labhair Samuel ri Saul air mullach an tighe.

26 Agus dh'éirich iad gu moch: agus mu bhriseadh na faire, ghairm Samuel air Saul gu mullach an tighe, ag ràdh, Eirich, a chum gu'n leig mi air falbh thu. Agus dh'éirich Saul, agus chaidh iad a mach le chèile, e fein agus Samuel.

27 Agus an uair a bha iad a' dol sìos gu iomall a' bhaile, thubhairt Samuel ri Saul, Abair ris an òganach dol air aghaidh romhainn, (agus chaidh e air aghaidh:) ach seas thus, namall, agus cuiridh mi 'n céill dhuit focal Dé.

## CAIB. X.

**A**N SIN ghabh Samuel corn<sup>10</sup> ola, agus dhoirt e air a cheann e, agus phòg

<sup>1</sup> duine. Eabh. <sup>2</sup> Roimhe. <sup>3</sup> an fhruchadoir. <sup>4</sup> romhad. Eabh. <sup>5</sup> deàn cabhag. Eabh. <sup>6</sup> thaisbein, dh'fhoillsich. Eabh. <sup>7</sup> am meadhon

a' bhaile. <sup>8</sup> tu. <sup>9</sup> d'am buine uile nithe taitneach Israeil. <sup>10</sup> gloin.



se e, agus thubhairt e, Nach ann a chionn gu'n d'ung an Tighearn thu *gu bhi d'cheannard* air 'oighreachd fèin?

2 'Nuair a dh'innicheadas tu 'n diugh uamsa, an sin gheibh thu dìthis dhaoine làimh ri uaigh Racheil, ann an crìch Bheniamin ann an Selsah: agus their iad riut, Fhuaradh na h-asail, a chaidh thu a dh'iarraidh; agus feuch, leig t'athair dheth cùram nan asal, agus tha smuairin air m'ar timchioll-sa, ag ràdh, Ciod a ni mi air son mo mhic?

3 An sin théid thu air t'aghaidh as sin, agus thig thu dh'ionnsuidh còmhnaidh<sup>1</sup> Thaboir, agus coinnichidh thu 'n sin triuir dhaoine a' dol suas a dh'ionnsuidh Dhé gu Betel, aon *diubh* a' giùlan thri meann, agus aon *eile* a' giùlan thri builinnean arain, agus aon *eile* a' giùlan searraig fhìona.

4 Agus cuiridh iad fàilte ort, agus bheir iad dhuit dà *bhuilinn* arain, agus gabhaidh tu as an làmh iad.

5 Na dhéigh sin thig thu gu cnoc Dhé, far am bheil freiceadan nam Philisteach: agus tarlaidh 'nuair a thig thu an sin do'n bhaile, gu'n coinnich thu cuideachd fhàidhean a' teachd a nuas o'n ionad ard, le saltair, agus tiompan, agus pìob, agus clàrsach rompa, agus iad ri fàidheadoireachd.

6 Agus tuirlingidh<sup>2</sup> spiorad an Tighearn ort, agus ni thu fàidheadoireachd maille riu-san, agus tionndaidhear<sup>3</sup> thu a' d' dhuine eile.

7 Agus an uair a thig na comharan sin ort, ni thu mar a fhreagras a' chùis duit<sup>4</sup>, oir *bithidh* Dia maille riut.

8 Agus théid thu sìos romham-sa gu Gilgal, agus feuch, théid mise sìos a' d' ionnsuidh a thoirt suas thabhartasa-loisgte, agus a dh'ìobradh ìobairtean thabhartasaidh; seachd laithean fanaidh tu, gus an d'thig mise a' d' ionnsuidh, agus gu'n d'thoir mi fios dhuit ciod a ni thu.

9 Agus an uair a thionndaidh e a chùl gu falbh o Shamuel, thug Dia dha cridhe eile; agus thàinig na comharan sin uile gu crìch air an là sin fèin.

10 Agus thàinig e o sin<sup>5</sup> do'n chnoc; agus feuch, choinnich cuideachd fhàidhean e, agus thuirling spiorad Dhé air, agus rinn e fàidheadoireachd nan measg.

11 A nis an uair a chunnaic iadsan uile a ghabh eòlas air roimhe, feuch, gu'n d'rinn e fàidheadoireachd maille ris na fàidhidh, an sin thubhairt an sluagh gach aon ri chèile, Ciod e so thàinig air mac Chis? An *bheil* Saul cuideachd am measg nam fàidhean?

12 Agus fhreagair duine as an àite sin, agus thubhairt e, Ach cò e an athair<sup>6</sup>? Uime sin bha e na ghnàth-fhocal, Am

*bheil* Saul cuideachd am measg nam fàidhean?

13 Agus an uair a chuir e crìoch air fàidheadoireachd a dheanamb, thàinig e do'n ionad ard.

14 Agus thubhairt bràthair-athar Shauil ris, agus r'a òganach, C'àite chaidh<sup>7</sup> sibh? agus thubhairt esan<sup>7</sup>, A dh'iarraidh nan asal: agus an uair a chunnaic sinn nach robh iad *r'am fughail*, thàinig sinn gu Samuel.

15 Agus thubhairt bràthair-athar Shauil, Innis dhomh, guidheam ort, ciod a thubhairt Samuel ribh.

16 Agus thubhairt Saul ri bràthair-athar, Dh'innis e dhuinn gu cinnteach gu'n d'fhuaradh na h-asail; ach a thaobh na rìoghachd, cha d'innis e dha ciod a thubhairt Samuel.

17 Agus ghairm Samuel an sluagh r'a chèile a dh'ionnsuidh an Tighearna gu Misphe;

18 Agus thubhairt e ri cloinn Israeil, Mar so tha'n Tighearna Dia Israeil ag ràdh, Thug mi nìos Israel as an Eiphit, agus shaor mi sibh as làimh nan Eiphiteach, agus as làimh nan rìoghachdan uile, a bha deanaibh ainneart oirbh.

19 Gidheadh choir sibhse an diugh cùl ri'r Dia, esan a shaor sibh o bhuir uile agus bhuir teanntachdaibh gu léir: agus thubhairt sibh, Ni h-eadh, ach cuiridh tu rìgh os ar cionn. A nis uime sin nochdaibh sibh fèin am fianuis an Tighearn a réir bhuir treubhan, agus a réir bhuir mìlte.

20 Agus an uair a thug Samuel air uile treubhan Israeil teachd am fagus, ghabhadh<sup>8</sup> treubh Bheniamin.

21 Agus an uair a thug e air tréibh Bheniamin teachd am fagus a réir an teaghlach, ghabhadh teaghlach Mhatri: agus an uair a thug e air teaghlach Mhatri teachd am fagus a lion<sup>9</sup> fear agus fear, ghabhadh Saul mac Chis: agus an uair a dh'arr iad e, cha d'fhuaradh e.

22 Uime sin dh'fhiosraich iad fathast do'n Tighearna, an d'thigeadh an duine fathast an sin; agus fhreagair an Tighearna, Feuch, dh'fhòlaich se e fèin am measg na h-airneis.

23 Agus ruith iad, agus thug iad as sin e: agus an uair a sheas e am meadhon an t-sluaigh, bha e ni b'airde na'n sluagh uile, o' ghuailibh agus o sin suas.

24 Agus thubhairt Samuel ris an t-sluagh uile, Am faic sibh esan a thig an Tighearna, nach 'eil *neuch* cosmhuil ris am measg an t-sluaigh uile? agus rinu an sluagh uile iolach<sup>9</sup>, agus thubhairt iad, Gu ma fada beo an rìgh.

25 An sin dh'innis Samuel do'n t-sluagh

<sup>1</sup> doire. <sup>2</sup> thig. <sup>3</sup> iompoichear. <sup>4</sup> an ni sin a gheibh do làmh. Eabh. <sup>5</sup> iad an sin.

<sup>6</sup> cò e'athair? <sup>7</sup> iadsan. <sup>8</sup> i. e. le crann-chur. <sup>9</sup> gair.

lagh <sup>1</sup> na rìoghachd, agus scrìobh e ann an Icabhar e, agus thaisg e suas am fianuis an Tighearn e: agus leig Samuel an sluagh uile air falbh, gach duine d'a thigh.

26 Agus chaidh Saul mar an ceudna dhachaidh gu Gibeah, agus chaidh maille ris daoine treun, aig an do bhean Dia r'an cridhe.

27 Ach thubhairt mic Bhelial, Cionnus a shaoras am fear so sinn? agus rinn iad dìmeas air, agus cha d'thug iad tiodhlac sam bith d'a ionnsuidh: ach dh'fhan esan na thosd.

## CAIB. XI.

**A**N SIN chaidh Nahas an t-Amonach suas agus champaich e an aghaidh Iabeis-ghilead: agus thubhairt uile dhaoine Iabeis ri Nahas, Dean coimhcheangal ruinn, agus nì sinn seirbhis dhuit.

2 Agus fhreagair Nahas an t-Amonach iad, Air a' chumha so nì mi coimhcheangal ribh, gu'n spòn mi mach gach sùil dhcas agaibh, agus gu'n cuir mi am masladh <sup>2</sup> so air Israel uile.

3 Agus thubhairt scanairean Iabeis ris, Thoir dhuinn dàil sheachd laithean, a chum as gu'n cuir sinn teachdairean gu uile chrìccaibh Israel; agus mur bi neach sam bith gu'r saoradh, an sin théid sinn a mach a'd' ionnsuidh.

4 An sin thàinig na teachdairean gu Gibeah Shaul, agus dh'innis iad an sgeul ann an clusaibh an t-sluaigh: agus thog an sluagh uile suas an guth, agus ghuil iad.

5 Agus feuch, thàinig Saul an déigh a' bhuair as a' mhachair, agus thubhairt Saul, Ciod a thàinig air an t-sluagh, gu'm bheil iad a' gull? agus dh'innis iad da sgeul dhaoine Iabeis.

6 Agus thuirling spiorad Dhé air Saul an uair a chual' e an sgeul sin, agus lasadh 'fhearg gu mòr.

7 Agus ghabh e cuing dhamh, agus ghearr e sìos nam nìribh iad, agus chuir e iad air feadh uile chrìochan Israel le làimh theachdairean, ag radh, Ge b'e nach d'thig a mach an déigh Shaul, agus an déigh Shamueil, mar so nithear r'a dhaimh: agus thuit eagal an Tighearn air an t-sluagh, agus thàinig iad a mach mar aon duine <sup>3</sup>.

8 Agus an uair a dh'àireamh e iad ann am Besec, bha ann do chloinn Israel trì cheud mìle, agus do fhir Iudah deich mìle fichead.

9 Agus thubhairt iad ris na teachdairibh a thàinig, Mar so their sibh ri Iabeis-ghilead, Am màireach, an uair a dh'fhàsas a' ghrian teth, bithidh cabhair <sup>4</sup> agaibh.

Agus thàinig na teachdairean, agus dh'innis iad sin do fhir Iabeis; agus bha aoibhneas-orra.

10 Uime sin, thubhairt fir Iabeis <sup>5</sup>, Am màireach théid sinn a mach d'ar n-ionnsuidh, agus nì sibh ruinn a réir gach nì a's àill leibh <sup>6</sup>.

11 Agus air an la màireach chuir Saul an sluagh nan trì buidhnibh, agus thàinig iad gu meadhon an fheachd ann am faire na maidne, agus bhuail iad na h-Amonaich gus an d'fhàs an latha teth: agus sgapadh iadsan a mhair, air chor as nach d'fhagadh dìthis duibh cuideachd.

12 Agus thubhairt an sluagh ri Samuel, Cò a thubhairt, Cha <sup>7</sup> rìoghaich Saul os ar ceann? thugaibh an so na daoine a chum as gu'n cuir sinn gu bàs iad.

13 Agus thubhairt Saul, Cha chuirear duine gu bàs air an là so: oir an diugh dh'oibrich an Tighearna saorsa ann an Israel.

14 An sin thubhairt Samuel ris an t-sluagh, Thighibh, agus rachamaid do Ghilgal, agus ath-nuadhaicheadaid an sin an rìoghachd.

15 Agus chaidh an sluagh uile gu Gilgal, agus rinn iad Saul an sin na rìgh am fianuis an Tighearn ann an Gilgal; agus dh'ìobair iad an sin ìobairtean thabhartasa-sìth am fianuis an Tighearna: agus rinn Saul an sin agus fir Israel uile gairdeachas mòr.

## CAIB. XII.

**A**GUS thubhairt Samuel ri h-Israel uile, Feuch, dh'éisd mi ri'r guth anns gach nì a thubhairt sibh rium, agus rinn mi rìgh osblur cionn.

2 Agus a nis feuch, tha'n rìgh ag imeachd roimhibh <sup>8</sup>: agus tha mise aosmhor agus ceann-liath, agus feuch, tha mo mhic maille ribh: agus ghluais mise <sup>9</sup> 'nar fianuis o m'òige gus an la 'n diugh.

3 Feuch, tha mi 'n so; thugaibh fianuis a'm' aghaidh an làthair an Tighearna, agus an làthair 'Aoin ungta: cò esan o'n d'thug mi a dhamh? agus cò esan o'n d'thug mi 'asal? agus co esan air an d'rinn mi feall? cò esan air an d'rinn mi ainncart? agus cò esan o a làimh an do ghabh mi duais a chuim mo shùilean a dhalladh leatha? agus aisgidh mi <sup>10</sup> dhuibh.

4 Agus thubhairt iadsan, Cha d'rinn thu feall oirne, nì mò a rinn thu ainncart oirn, nì mò a ghabh thu nì air bith o làimh aon duine.

5 Agus thubhairt e riu, Tha 'n Tighearna na fhianuis 'nar n-aghaidh, agus tha 'Aon ungta na fhianuis an diugh, nach d'fhuair sibh a'm' làimh-sa nì sam bith. Agus fhreagair iadsan, Tha e na fhianuis.

<sup>1</sup> rìoghailt, seòl. <sup>2</sup> spìd. <sup>3</sup> le aon rùn.  
<sup>4</sup> còmhnaidh, saorsa, <sup>5</sup> fir Iabeis ri Nahas,  
rìgh nan Amonach. <sup>6</sup> a bhios mailh nar sùilibh.

<sup>7</sup> An. <sup>8</sup> na cheannard oirbh. <sup>9</sup> chaithe  
mi mo bheatha. <sup>10</sup> bheir mi air uis.



6 Agus thubhairt Samuel ris an t-sluagh, *Is e 'n Tighearn a rinn* <sup>1</sup> Maois agus Aaron, agus a thug bhur n-aithriche nìs a ùr na h-Eiphit.

7 A nis, uime sin, seasuibh, a chum as gu'n d' thoir mi breth oirbh <sup>2</sup> an làthair an Tighearn, a thaobh uile ghniomhara ceart an Tighearn, a rinn e dhuibhse agus do bhur n-aithrichibh.

8 An uair a thàinig Iacob a steach do'n Eiphit, agus a ghlaodh bhur n-aithriche ris an Tighearna, an sin chuir an Tighearna *d'an ionnsuidh* Maois agus Aaron, a thug bhur n-aithriche mach as an Eiphit, agus a thug orra còmhnuidh ghabhail anns an àite so.

9 Agus an uair a dhi-chuimhnich iad an Tighearn an Dia, thug e thairis iad do làimh Shisera, ceannaird armailte Haisoir, agus do làimh nam Philisteach, agus do làimh rìgh Mhoah, agus chog iad nan aghaidh.

10 Agus ghlaodh iad ris an Tighearna, agus thubhairt iad, Pheacaich sinn, do bhrìgh gu'n do thréig sinn an Tighearn, agus gu'n d'rinn sinn seirbhis do Bhaalim agus Astarot; ach a nis saor sinn as làimh ar naimhde, agus nì sinn seirbhis dhuith.

11 Agus chuir an Tighearn uaith Icrubaal, agus Barac <sup>3</sup>, agus Iephtah, agus Samuel <sup>4</sup>, agus shaor c sibh as làimh bhur naimhdean air gach taobh, agus ghabh sibh còmhnuidh gu tèaruine.

12 Agus an uair, a chunnaic sibh gu'n d' thàinig Nahas rìgh chloinn Amoin 'nar n-aghaidh, thubhairt sibh riumsa, Nì h-eadh, ach rìghaichidh rìgh os ar cionn: an uair a b'e an Tighearna bhur Dia bhur rìgh.

13 A nis uime sin feuch an rìgh a thagh sibh, agus a dh'iarr sibh: agus feuch, chuir an Tighearna rìgh os bhur cionn.

14 Ma 'bhios eagal an Tighearn oirbh, agus ma nì sibh seirbhis dha, agus ma dh'èisdas sibh r'a ghuth, agus nach dean sibh ceannaire an aghaidh àithne an Tighearna <sup>5</sup>, an sin bithidh sibh féin tèaruinte <sup>6</sup>, agus mar an ceudna an rìgh e rìghaicheas os bhur cionn an déigh an Tighearna bhur Dé <sup>7</sup>.

15 Ach mur éisd sibh ri guth an Tighearna, agus gu'n dean sibh ceannaire an aghaidh àithne an Tighearna, an sin bithidh làmh an Tighearna 'nar n-aghaidh-sa, mar a bha i'n aghaidh bhur n-aithriche.

16 A nis uime sin seasuibh, agus faicibh an nì mòrso a nì an Tighearna fa chomhair bhur sùil.

17 Nach 'eil foghara a chruithneachd ann an diugh? gairmidh mise air an Tighearna,

agus cuiridh e *nuas* tairneanach agus uisge; a chum as gu'n tuig agus gu'm faic sibh gu'm bheil bhur n-òlc mòr, a rinn sibh ann an sealladh an Tighearna, le rìgh iarraidh dhuibh féin.

18 Agus ghairm Samuel air an Tighearna, agus chuir an Tighearn a nuas tairneanach agus uisge air an là sin, agus ghabh an sluagh uile cagal mòr roimh 'n Tighearna, agus roimh Shamuel.

19 Agus thubhairt an sluagh uile ri Samuel, Dean urnuigh air son do sheirbhis-eacha ris an Tighearna do Dhia, a chum as nach bàsaich sinn: oir chuir sinu r'ar peacannaibh uile an t-òlc so, rìgh iarraidh dhuinn féin.

20 Agus thubhairt Samuel ris an t-sluagh, Na biodh eagal oirbh: (rinn sibh an t-òlc so uile: gdhcadh na tionndaidhibh a thaobh o'n Tighearn a leantuinn, ach dean-aibh seirbhis do'n Tighearn le'r n-uile chridhe;

21 Agus na tionndaidhibh a thaobh an déigh *nìthe* faoin <sup>8</sup>, nach bi chum tairbhe dhuibh, agus nach saor sibh; oir is faoineas <sup>9</sup> iad.)

22 Oir cha tréig an Tighearn a shluagh, air sgàth a mhòr ainme féin; do bhrìgh gu'm bu toil leis an Tighearna bhur dean-amh 'nar sluagh dha féin.

23 Ach air mo shon-sa, nar leigeadh Dia gu'm peacaichinn an aghaidh an Tighearna, le sgur do urnuigh a dheanainn air bhur son: ach teagaisgidh mi dhuibh an t-slighe mhaith agus cheart.

24 A mhàin biodh cagal an Tighearn oirbh, agus deanaibh seirbhis dha ann am firinn le bhur n-uile chridhe: oir faicibh cia mòr na nìthe a rinn e air bhur son.

25 Ach ma bhuanachas sibh ann an droch dheanadas, sgriosar araon sibh féin agus bhur rìgh.

## C A I B. XIII.

**B**HA Saul deich bliadhna fichead a dh'aois, an uair a thòisich e air rìghachadh; agus rìghaich e dà bhliadhna os cionn Israel.

2 An sin thagh Saul dha féin trì mìle fear do Israel; d'an robh dà mhìle maille ri Saul ann an Michmas, agus ann an shlabh Bhcteil, agus bha mìle maille ri Ionatan ann an Gibeah Bheniamin: agus a' chuid eile do'n t-sluagh chuir c gach duine dhiubh dh'ionnsuidh a bhùtha.

3 Agus bhuail Ionatan freiceadan nam Philisteach, a bha ann an Geba <sup>10</sup>, agus chuala na Philistich sin: agus shéid Saul an trompaid air feadh na tìre uile, ag ràdh, Chuinneadh na h-Eabhruidhich.

4 Agus chual' Israel uile iomradh gu'n do bhuail Saul freiceadan nam Philisteach,

<sup>1</sup> a chruithnich, a thog suas. <sup>2</sup> gu'n tagair, gu'n reusnachd mi ribh. <sup>3</sup> Bedan. <sup>4</sup> Samson. <sup>5</sup> nach brusnaich sibh an Tighearna gu feirg.

<sup>6</sup> beo. Eabh. <sup>7</sup> an déigh do'n Tighearna bhur Dia bhi na rìgh aguibh. <sup>8</sup> dhiathan brèige. <sup>9</sup> neo-nì. <sup>10</sup> Gibeah.

agus mar an ceudna *gu'n* robh Israel air am meas gràineil leis na Philistich: agus ghairmeadh an sluagh an ceann a chèile an dèigh Shaul gu Gilgal.

5 Agus chruinnicheadh na Philistich an ceann a chèile gu cogadh ri h-Israel, deich mìle fiched carbad <sup>1</sup>, agus sè mìle marcach, agus sluagh mar an gainneamh a *tu* air tràigh na fairge thaobh lìonmhoireachd; agus thàinig iad a nìos, agus champaich iad ann am Michmas, a làmh na h-airde 'n ear o Bhet-abhen.

6 An uair a chunnaic fir Israel *gu'n* robh iad ann an teanntachd, a chionn *gu'n* do dhùlthaich an armailte <sup>2</sup> riu, an sin dh'fhòlaich an sluagh iad fèin ann an uamhaibh agus ann an droighnich <sup>3</sup>, agus ann an creagaibh, agus ann an daingneach-aibh <sup>4</sup>, agus ann slòchdaibh.

7 Agus chaidh *cuid* *da* na h-Eabhruidhich thar <sup>5</sup> Iordan gu tìr Ghad, agus Ghilead: ach *bha* Saul iathast ann an Gilgal, agus *bha'n* sluagh na dh'èigh uile air chrith.

8 Agus dh'fheith e seachd làithean, gu ruig an t-àm àraidh a shuidhich <sup>6</sup> Samuel: ach cha d'fhàinig Samuel gu Gilgal, agus sgapadh an sluagh uath.

9 Agus thubhairt Saul, Thugaibh a'm' ionnsuidh an so iobairt-loisgte, agus tabhartasan-sith. Agus thug e suas an iobairt-loisgte.

10 Agus co luath as a chuir e crìoch air an iobairt-loisgte a thoirt suas, feuch, thàinig Samuel, agus chaidh Saul a mach nachoinneamh a chum *gu'm* beannaicheadh e dha.

11 Agus thubhairt Samuel, Ciod a rinn thu? Agus threagair Saul, A chionn *gu'm* faca mi *gu'n* robh an sluagh air an sgapadh uam, agus nach d'fhàinig thu 'n taobh a stigh d'èin àm shuidhichte, agus *gu'n* do chruinnich na Philistich iad fèin an ceann a chèile gu Michmas;

12 Uime sin thubhairt mi, A nis thig na Philistich a nuas orm gu Gilgal, agus cha do chuir mi athchuinge dh'ionnsuidh an Tighearna: rinn mi eigin uime sin orm fèin <sup>7</sup>, agus thug mi suas an iobairt-loisgte.

13 Agus thubhairt Samuel ri Saul, Rinn thu gu h-amaideach; cha do ghleidh thu àithne an Tighearna do Dhé, a dh'àithn e dhuit: oir a nis dhaingnicheadh an Tighearna do rìoghachd air Israel gu bràth.

14 Ach a nis cha seas do rìoghachd: dh'iarr an Tighearna dha fèin duine a réir a chridhe fèin, agus dh'àithn an Tighearna dha *bhi* na cheannard air a shluagh, a chionn nach do ghleidh thusa an nì a dh'àithn an Tighearna dhuit.

15 Agus dh'èirich Samuel <sup>8</sup>, agus chaidh e suas o Ghilgal gu Gibeah Bheniamin: agus dh'àireamh Saul an sluagh a *bha* làthair <sup>9</sup> maille ris, mu thimchioll sè ceud fear.

16 Agus dh'fhan Saul, agus a mhac Ionatan, agus an sluagh, a *bha* làthair maille riu, ann an Gibeah Bheniamin; ach champaich na Philistich ann am Michmas.

17 Agus thàinig an luchd-millidh <sup>10</sup> a mach a camp nam Philisteach nan trì chuideachdaibh: thionndaidh aon chuideachd *dhiubh* do 'n t-slighe dh'ionnsuidh. Ophrah, gu tìr Shaul:

18 Agus thionndaidh cuideachd eile do 'n t-slighe dh'ionnsuidh Bhethoroin: agus thionndaidh cuideachd eile do shlighe na crìche, a tha 'g amharc ri gleann Sheboim a dh'ionnsuidh an fhàsaich.

19 A nis cha d'fhuairadh gobha ann an tìr Israel uile: (oir thubhairt na Philistich, Air eagal *gu'n* dean na h-Eabhruidhich *dhoibh fèin* cloidhean no sleaghan:)

20 Uime sin, chaidh na h-Israelich uile sìos a dh'ionnsuidh nam Philisteach, gach duine a gheurachadh a shuic, agus a chaibe, agus a thuaiqe, agus a phicoid.

21 Gidheadh *bha* eithe <sup>11</sup> aca air son nam picoidean, agus air son nan sòc, agus air son nan trì-mheurach <sup>12</sup>, agus air son nan tuaghan, agus a gheurachadh nam bior.

22 Mar sin thachair e ann an la a' chatha, nach d'fhuairadh aon chuid claidheamh, no sleagh ann an làmh neach sam bith d'èin t-sluagh, a *bha* maille ri Saul agus Ionatan: ach fhuairadh aig Saul agus aig a mhac Ionatan.

23 Agus chaidh freiceadan nam Philisteach a mach gu bealach <sup>13</sup> Michmais.

## CAIB. XIV.

**A** NIS air la àraidh thubhairt Ionatan **A** mac Shaul ris an òganach a dh'iomchair <sup>14</sup> airin, Thig, agus rachamaid thairis gu freiceadan nam Philisteach, a tha air an taobh thall: ach cha d'innis e d'a athair.

2 Agus dh'fhan Saul anns a' chuid a b'fhaide mach do Gibeah, fuidh chràobh ponigranait, a tha ann am Migron: agus *bha'n* sluagh a *bha* maille ris mu thimchioll sè ceud fear.

3 Agus *bha* Ahiah mac Ahituib, bhràthar Ichaboid, mhic Phinehais, mhic Eli, sagairt an Tighearna ann an Siloh, ag iomchar ephoid. Ach cha robh fios aig an t-sluagh *gu'n* d'fhalbh Ionatan.

4 Agus eadar na bealaichean, air an an d'iarr Ionatan dol thairis a dh'ionnsuidh freiceadain nam Philisteach, *bha* creag gheur <sup>15</sup> air aon taobh, agus creag gheur

<sup>1</sup> trì mìle carbad. <sup>2</sup> sluagh an uaimhdean.  
<sup>3</sup> dùslainnibh. <sup>4</sup> tìraibh, ionadaibh arda.  
<sup>5</sup> thair, thairis air. <sup>6</sup> thubhairt. Eabh. <sup>7</sup> ghabh aig miasach. <sup>8</sup> Saul. <sup>9</sup> a fhuairadh. Eabh.

<sup>10</sup> luchd-creiche. <sup>11</sup> robhan; file. Sarg.  
<sup>12</sup> nan gabhal; forks, tridents. Sarg. <sup>13</sup> slighe chumhaing; dol thairis. Eabh. <sup>14</sup> ghiùlain.  
<sup>15</sup> seor chreige.; faicail chreige. Eabh.



air an taobh eile : agus *b'e* ainm creige dhiubh Boses, agus ainm na creige eile Seneh.

5 Bha suidheachadh creige dhiubh o thuath <sup>1</sup> fa chomhair Mhichmais, agus suidheachadh na creige eile o dheas fa chomhair Ghibeah.

6 Agus thubhairt Ionatan ris an òganach, a dh'iomchair 'airm, Thig, agus rachamaid thairis a dh'ionnsuidh freiceadain nan daoine neo-thimchioll-ghearta ud : theagamh gu'n oibrich an Tighearn air ar son; oir cha 'n<sup>eil</sup> bacadh air an Tighearna saoradh le mòran, no le beagan.

7 Agus thubhairt fear iomchair 'arm ris, Dean gach *ni* a th'ann ad chridhe: tionndaidh thu fèin <sup>2</sup>; feuch, *tha* mise maille riut a réir do chridhe.

8 An sin thubhairt Ionatan, Feuch, théid sinn thairis a dh'ionnsuidh nan daoine ud, agus nochdaidh sinn sinn fèin doibh.

9 Ma their iad mar so ruinn, Fanaibh agus an d'thig sinn d'ar n-ionnsuidh; an sin seasaidh sinne 'nar n-àite, agus cha d' théid sinn suas d'an ionnsuidh.

10 Agus ma their iad mar so, Thigibh a nìos d'ar n-ionnsuidh-ne; an sin théid sinn suas, oir thug an Tighearna thairis iad d'ar làimh : agus *bithidh* so na chomhara dhuinn.

11 Agus nochd iad le chéile iad fèin do fhreiceadan nam Philisteach : agus thubhairt na Philistich, Feuch, *tha* na h-Eabhruidhich a' teachd a mach as na tollaibh <sup>3</sup>, anns an d'fholaich siad iad fèin.

12 Agus fhreagair fir an fhreiceadain Ionatan agus fear iomchair 'arm, agus thubhairt iad, Thigibh a nìos d'ar n-ionnsuidh-nè, agus nochdaidh sinne dhuibh ni. Agus thubhairt Ionatan ri fear iomchair 'arm, Thig a nìos a'm dhéigh : oir thug an Tighearna thairis iad do làimh Israeil.

13 Agus chaidh <sup>4</sup> Ionatan suas air a làmh agus air a chosan, agus fear iomchair 'arm na dhéigh : agus thuit iad roimh Ionatan; agus mharbh fear iomchair 'arm na dhéigh.

14 Agus bha an ceud àr sin, a rinn Ionatan agus fear iomchair 'arm, mu thimchioll fichead fear, an taobh a stigh mar gu'm b'ann do leth-acair fhearrainn, a dh'fheudadh cuing *dhan* ar ann an là.

15 Agus bha ball-chrith anns an fheachd sa' mhachair, agus am measg an t-sluaigh uile : bha crith mar an ceudna air fhreiceadan, agus air an luehd-millidh fèin, agus chrìochnaich an talamh; agus bha i na crith ro-mhóir <sup>5</sup>.

16 Agus dh'amhairc luehd-faire Shaul ann an Gibeah Bheniamin; agus feuch,

leagh am mòr shluagh as, agus dh'fhalbh iad a' bualadh sìos <sup>6</sup> a chéile.

17 An sin thubhairt Saul ris an t-sluagh a bha maille ris, Gabhaibh àircamh a nis, agus faicibh cò a dh'fhalbh uainn. Agus an uair a dh'àireamh iad, feuch, cha robh Ionatan agus fear iomchair 'arm an sin.

18 Agus thubhairt Saul ri Abiah, Thoir an so àirc Dhé; oir bha àirc Dhé san àm sin maille ri cloinn Israeil.

19 Agus an uair a bha Saul a' labhairt ris an t-sagart, chaidh a' chonghair a bha ann am feachd nam Philisteach air a h-aghaidh, agus mheudaich i : Agus thubhairt Saul ris an t-sagart, Tarruing air a h-ais do làmh.

20 Agus chruinnich Saul agus an sluagh uile a bha maille ris iad fèin an ceann a chéile, agus thàinig iad a dh'ionnsuidh <sup>7</sup> a chatha; agus feuch, bha claidheamh gach fir an aghaidh a choimhearsnaich, agus bha amhladh <sup>8</sup> ro-mhor ann.

21 Agus na h-Eabhruidhich a bha maille ris na Philistich roimhe sin, a chaidh suas maille riut do'n champ o'n tìr ma'n cuairt, thionndaidh iadsan mar an ceudna gu bhì leis na h-Israelich, a bha maille ri Saul agus Ionatan.

22 Agus an uair a chuala na fir sin uile do Israel, a dh'fholaich iad fèin ann an sliabh Ephraim, gu'n do theich na Philistich, dlùth-leam iadsan mar an ceudna nan déigh anns a' chath.

23 Mar sin shaoir an Tighearn Israel air an là sin : agus chaidh an cath thairis gu Bet-abhen.

24 Agus thàinig fir Israeil am fagus <sup>9</sup> air an là sin, agus chuir Saul an sluagh fa mhionnaibh, ag ràdh, Mallaichte gu robh am fear a dh'itheas biadh <sup>10</sup> gu feasgar, a chum gu'n diolar mi air mo naimhdeibh : agus cha do bhlais neach air bith do'n t-sluagh biadh.

25 Agus thàinig an sluagh uile <sup>11</sup> gu coille, agus bha mil air aghaidh na mach-rach.

26 Agus an uair a thàinig an sluagh do'n choille, feuch shìl a' mhil sìos, acli eha do chuir duine sam bith a làmh a dh'ionnsuidh a bheoil; oir bha eagal nam mionnan air an t-sluagh.

27 Ach cha chuala Ionatan an uair a chuir 'athair an sluagh fuidh na mionnaibh : uime sin shìl e mach bàrr na slait a bha na làimh, agus thum e i ann an cìr mheala, agus chuir <sup>12</sup> e a làmh gu 'bheul, agus shoillsicheadh <sup>13</sup> a shùilean.

28 An sin fhreagair fear do'n t-sluagh, agus thubhairt e, Chuir t'athair an sluagh fuidh mhionnaibh teann, ag ràdh, Mallaichte gu robh an duine a dh'itheas biadh

<sup>1</sup> bha aghaidh uon charraige ri tuath. <sup>2</sup> imich ge b'e taobh is miann leat. <sup>3</sup> còsaibh, frègaibh. <sup>4</sup> streap, dìr. <sup>5</sup> na crith Dhé. Eabhl. <sup>6</sup> an so

agus an sin. <sup>7</sup> dioghbhail, sgrios. <sup>8</sup> bha fir Israeil ann an àirc. <sup>9</sup> aran. Eabhl. <sup>10</sup> uile shluagh na tìre. <sup>11</sup> phill, thionndaidh. Eabhl. <sup>12</sup> chunnac.

an diugh. Agus bha 'n sluagh air fannachadh.

29 An sin thubhairt Ionatan, Chuir m'athair an tìr fa bhuaircas : faicibh, guidheam oirbh, cionnus a ta mo shùilean air an soillseachadh, do bhrìgh gu'n do bhlais mi beagan do 'n mhil so.

30 Cia mò gu mòr, nam biodh an sluagh air itheadh gu saor an diugh do chreich an naimhdean, a fhuair iad? oir nach bitheadh a nis àr ni bu mhò am measg nam Philisteach?

31 Agus bhuail iad air an là sin na Philistich o Mhichmas gu Aialon : agus bha 'n sluagh air fannachadh gu mòr.

32 Agus leum an sluagh air a' chreich, agus ghabh iad caoraich agus buar, agus laigh, agus nharbh iad air an talamh iad : agus dh'ith an sluagh iad leis an fhuil.

33 Agus dh'innis iad do Shaul, ag ràdh, Feuch, tha 'n sluagh a' peacachadh an aghaidh an Tighearna, le itheadh maille ris an fhuil<sup>1</sup>. Agus thubhairt esan, Peacaich sibh : caruicibh a'm' ionnsuidh an diugh clach mhòr<sup>2</sup>.

34 Agus thubhairt Saul, Sgaoilibh sibh fèin am measg an t-sluaigh, agus abraibh riu, Thugaibh a'm' ionnsuidh an so gach duine a mhart<sup>3</sup>, agus gach duine a chaora, agus marbhaibh iad an so agus ithibh; agus na peacaichibh an aghaidh an Tighearna le itheadh maille ris an fhuil. Agus thug an sluagh uile gach duine a mhart leis<sup>4</sup> air an oidhche sin, agus nharbh iad an sin iad.

35 Agus thog Saul altair do'n Tighearna, B'i sin a' cheud altair a thog e<sup>5</sup> do'n Tighearna.

36 Agus thubhairt Saul, Rachamaid sìos an déigh nam Philisteach san oidhche, agus creachamaid iad gu solus na maidne, agus na fàgamaid fear dhiubh. Agus thubhairt iadsan, Dean gach ni a's maith leat<sup>6</sup>. An sin thubhairt an sàrart, Thigeamaid am fagus an so dh'ionnsuidh Dhé.

37 Agus dh'iarr Saul comhairle air Dia, An d'theid mi sìos an déigh nam Philisteach? an d'thoir thu thairis iad do làimh Israeil? ach cha do fhreagair se e air an là sin.

38 Agus thubhairt Saul, Thigibh am fagus an so, sibhse uile mhaithlean<sup>7</sup> an t-sluaigh, agus biodh fios agaibh, agus faicibh, c'ait an robh am peacadh so an diugh.

39 Oir mar is beo an Tighearna, a shaor Israici, ge do robh e ann mo mhac Ionatan, gu cinnteach gheibh e bàs. Ach cha do fhreagair duine e do'n t-sluaigh uile.

40 An sin thubhairt e ri h-Israel uile, Bithibhse air aon taobh, agus bithidh mise

agus mo mhac Ionatan air taobh eile. Agus thubhairt an sluagh ri Saul, Dean an ni a's maith leat.

41 Uime sin, thubhairt Saul ris an Tighearna Dia Israeil, Thoir seachlad crannchur cothromach<sup>8</sup>. Agus ghabhadh Saul agus Ionatan; ach chaidh an sluagh as.

42 Agus thubhairt Saul, Tilgibh crannchur eadar mise agus mo mhac Ionatan. Agus ghabhadh Ionatan.

43 An sin thubhairt Saul ri Ionatan, Innis dhomh ciod a rinn thu. Agus dh'innis Ionatan da, agus thubhairt e, Gu deimhin le bàrr na slait a bha a'm' làimh, bhlais mi beagan meala; agus feuch, am faigh mi bàs?

44 Agus thubhairt Saul, Gu'n deanadh Dia mar sin, agus tuille mar an ceudna : oir gu cinnteach gheibh thu bàs, a Ionatan<sup>9</sup>.

45 Agus thubhairt an sluagh ri Saul, Am faigh Ionatan bàs, a dh'oibrich an t-saorsa mhòr so ann an Israel? Nar leigeadh Dia mar is beo an Tighearna, cha tuit aon ròineag<sup>10</sup> do fholt a chinn gu làr; oir maille ri Dia dh'oibrich e an diugh. Uime sin shaor an sluagh Ionatan, agus cha d'fhuair e bàs.

46 An sin chaidh Saul suas o leantuinneam nam Philisteach : agus dh'fhalbh na Philistich d'an àite fèin.

47 Agus ghabh Saul an ròghachd os cionn Israeil, agus chog e air gach làimh an aghaidh a naimhde gu léir, an aghaidh Mhoab, agus an aghaidh chloinn Amoin, agus an aghaidh Edoim, agus an aghaidh rìghre Shobah, agus an aghaidh nam Philisteach : agus ge b'e taobh a thionndaidh e, chlaoidh e iad<sup>11</sup>.

48 Agus thog e sluagh, agus bhuail e na h-Amaleich, agus shaor e Israel as làimh na muinntir a bha 'gan milleadh<sup>12</sup>.

49 A nis b'iad mic Shaul Ionatan, agus Isui, agus Melchisua : agus b'iad so ainmean a dbithis nighean; ainm na ceudghin Merab, agus ainm na h-ighinn a b'òige Michal.

50 Agus b'e ainm mnà Shaul Abinoam, nighean Ahimahais : agus b'e ainm ceannaird a shluaigh Abner mac Ner, bràthair-athar Shaul.

51 Agus b'e Cis athair Shaul : agus b'e Ner athair Abner, mac Abicil.

52 Agus bha cogadh dian an aghaidh nam Philisteach rè uile laithean Shaul : agus an uair a chithcadh Saul fear làidir sam bith, no fear treun sam bith, ghabhadh<sup>13</sup> e d'a ionnsuidh e.

#### CAIB. XV.

**A** GUS thubhairt Samuel ri Saul, Chuir an Tighearna mi gu thusa ungadh a'd' rìgh os cionn a shluaigh, os cionn Israeil :

<sup>1</sup> air an fhuil. Eabh. <sup>2</sup> i. e. chum altarach. <sup>3</sup> a thairbh. <sup>4</sup> na làimh. Eabh. <sup>5</sup> I sin thòisich e 'a togail mur altair. Eabh. <sup>6</sup> a'd' a'huil. Eabh. <sup>7</sup> oisinn. <sup>8</sup> Tumim.

Eabh. <sup>9</sup> bàsaichidh Ionatan. <sup>10</sup> fhuiltean. <sup>11</sup> bhuin e rin mur dhaoine ciontach. <sup>12</sup> 'gan fàsachadh, 'gan d'itheachadh. <sup>13</sup> chruinnich eadh. Eabh.



a nis uime sin éisd ri briathraibh <sup>1</sup> an Tighearna.

2 Mar so tha Tighearna nan sluagh ag ràdh, Is cuimhne leam <sup>2</sup> ciod a rinn na h-Amalecigh air na h-Israelich, cionnus a chuir iad nan aghaidh san t-slighe, 'nuair a thàinig iad a nìos as an Eiphit.

3 A nis falbh, agus buail na h-Amalecigh, agus sgrios <sup>3</sup> gu tur gach *ni* a *th*'aca, agus na caomhain iad; ach marbh araon fear agus bean, leanabh agus cìochran <sup>4</sup>, damh agus caora, càmhal agus asal.

4 Agus chruinnich Saul an sluagh an ceann a chéile, agus dh'àireamh e iad ann an Telaim, dà cheud mìle coisiche, agus deich mìle fear do Iudah.

5 Agus thàinig Saul gu baile le Amalec, agus rinn e feall-fholach auns a' ghleann <sup>5</sup>.

6 Agus thubhairt Saul ris na Cenich, Falbhaibh, imichibh as so, rachaidh sìos o mheasg nan Amaleceach, air eagal gu'n sgrios mi sibh maille riu; oir nochd sibhse coimheas do chloinn Israeil uile 'nuair a thàinig iad a nìos as an Eiphit. Uime sin dh'imich na Cenich o mheasg nan Amaleceach.

7 Agus bhuail Saul na h-Amalecigh o Habbilah, *agus* an d'thug thu gu Sur, a *tha* fa chomhair na h-Eiphit.

8 Agus ghlac e Agag, rìgh nan Amaleceach, beo, agus sgrios e 'n sluagh uile le faobhar a' chlàidheimh.

9 Ach chaomhain Saul agus an sluagh Agag, agus a' chuid a b'fhearr do na caoraich, agus do'n bhuar, agus do na beuthaichibh reamhra, agus do na h-uanaibh, agus do gach *ni* a *bha* maith, agus cha b'àill leo an sgrios gu tur; ach gach *ni* a bha tairil agus suarrach <sup>6</sup>, sin sgrios iad gu tur.

10 An sin thàinig focal an Tighearna dh'ionnsuidh Shamucil, ag ràdh,

11 Is aithreach leam gu'n d'rinn mi Saul na rìgh, air thionndaidh e air ais o m' leantuin, agus cha do choimhlion e m'aitheanta <sup>7</sup>. Agus chuir sin doilghcas air Samuel, agus ghlaodh e ris an Tighearna rè na h-oidheche.

12 Agus an uair a dh'éirich Samuel gu moch a choinneachadh Shaul sa' mhad-uinn, dh'innseadh do Shamuel, ag ràdh, Thàinig Saul gu Carmel, agus feuch, chuir e suas dha fein clach chuimhneachain <sup>8</sup>, agus dh'imich e m'an cuairt, agus ghabh e air aghaidh, agus chaidh e sìos gu Gilgal.

13 Agus thàinig Samuel gu Saul: agus thubhairt Saul ris, Beannaichte gu'n robh thu a o'n Tighearna; choimhlion mis' àithne an Tighearna.

14 Agus thubhairt Samuel, Ciod is *ciall* na ta do mhèidhlìch nan caorach so ann

a'm' chluasaibh, agus do gheumnaich a' chruidh, a tha mi a' cluinntinn?

15 Agus thubhairt Saul, o na h-Amalecigh thug siad iad; oir chaomhain an sluagh a' chuid a b'fhearr do na caoraich, agus do'n bhuar, a chum an iobradh do'n Tighearna do Dhia; agus a' chuid eile sgrios sinn gu tur.

16 An sin thubhairt Samuel ri Saul, Fuirich <sup>9</sup>, agus innsidh mi dhuit ciod a thubhairt an Tighearna rium<sup>8</sup> an nochd. Agus thubhairt e ris, Abair romhad.

17 Agus thubhairt Samuel, An uair a *bha* thu beag a'd' shùilibh fein nach d'rinneadh thu a'd' cheann air treubhaibh Israeil? agus dh'ung an Tighearn thu a'd' rìgh os cionn Israeil.

18 Agus chuir an Tighearn thu air thurus, agus thubhairt e, Falbh, agus sgrios gu tur na peacaich na h-Amalecigh, agus cog nan aghaidh gus an cuir thu <sup>10</sup> as doibh.

19 C'ar son na ta nach d'éisd thu ri guth an Tighearna, ach a leum thu air a' chreich <sup>11</sup>, agus a rinn thu olc ann an sùilibh an Tighearna?

20 Agus thubhairt Saul ri Samuel, Seadh, dh'éisd mi ri guth an Tighearna, agus dh'imich mi air an t-slighe air an do chuir an Tighearna mi, agus thug mi leam Agag rìgh Amaleic, agus sgrios mi gu tur na h-Amalecigh.

21 Ach ghabh an sluagh do'n chreich, caoraich agus buar, toiseach <sup>12</sup> nan nithe bu chòir a bhì air an sgrios gu tur, a chum an iobradh do'n Tighearna do Dhia ann an Gilgal.

22 Agus thubhairt Samuel, Am bheil tlachd aig an Tighearn ann an tabhartas-aibh-loisgte agus an iobairtibh, mar ann an ùmhlachd do ghuth an Tighearna: Feuch, is fearr ùmhlachd na iobairt, agus aire a thabhairt na saill reithcacha.

23 Oir mar pheacadh na druidheachd *tha* ceannairc, agus mar aingidheachd ìodhol-aoraidh <sup>13</sup> *tha* rag-mhuineileachd <sup>14</sup> a chionn gu'n do chuir thusa cùl ri <sup>15</sup> focal an Tighearna, chuir esan mar an ceudna cùl riutsa o bhi d' rìgh.

24 Agus thubhairt Saul ri Samuel, Pheac-aich mi, oir bhris mi àithne an Tighearna, agus do bhriathra-sa; a chionn gu'n robh eagal orm roimh 'n t-sluagh, agus gu'n d'éisd mi r'an guth.

25 A nis uime sin, guidheam ort, lagh mo pheacadh, agus pill maille rium, a chum as gu'n dean mi aoradh do'n Tighearna.

26 Agus thubhairt Samuel ri Saul, Cha phill mi maille riut; oir chuir thu cùl ri focal an Tighearna, agus chuir an Tighearna cùl riutsa o bhi d'rìgh air Israeil.

<sup>1</sup> guth bhriathra. Eabh. <sup>2</sup> Tha e ann am bheachd. <sup>3</sup> sgriosaidh. Eabh. <sup>4</sup> naoidhean na cìche. <sup>5</sup> agus chaidh e sìos do'n ghleann.

<sup>6</sup> seargta. <sup>7</sup> mo bhriathra. Eabh. <sup>8</sup> àite; fàmh. Eabh. <sup>9</sup> Leig dhomh. <sup>10</sup> sibh.

<sup>11</sup> a thionndaidh thu dh'ionnsuidh na creicke. <sup>12</sup> roghadh. <sup>13</sup> aingidheachd agus ìodhol-aoradh. <sup>14</sup> reasgachd, dùiread. <sup>15</sup> gu'n d'rinn thu dàimeas air.

27 Agus an uair a thionndaidh Samuel m'an cuairt gu falbh, rug e air oir 'fhalluinne, agus reubadh i.

28 Agus thubhairt Samuel ris, Reub an Tighearna rìoghachd Israeil dhìot-sa an diugh, agus thug e i do d' choimhearsnach, a's fearr na thùsa.

29 Agus mar an ceudna cha dean Neart<sup>1</sup> Israeil brèig, agus cha ghabh e aithreachas; oir cha duine e gu'n gabhadh e aithreachas.

30 An sin thubhairt e, Pheacaich mi; gidheadh a nis thoir urram dhomh, guidheam ort, am fianuis sheanairean mo shluaigh, agus am fianuis Israeil, agus pill maille rium, a chum as gu'n dean mi aoradh do'n Tighearna do Dhia.

31 Agus phill Samuel an déigh Shaul, agus rinn Saul aoradh do'n Tighearna.

32 An sin thubhairt Samuel, Thugaibh an so a'n ionnsuidh-sa Agag, rìgh nan Amaleccach: agus thàinig Agag d'a ionnsuidh gu suilbhir<sup>2</sup>. Agus thubhairt Agag, Gu cinnteach chaidh searbas<sup>3</sup> a' bhais seachad.

33 Agus thubhairt Samuel, Mar a rinn do chlaidheamh-sa muàil gu'n chlann<sup>4</sup>, mar sin bìthidh do mhàthair gun chlann am measg bhan. Agus thug Samuel fànear Agag a ghearradh sìos na mhiribh am fianuis an Tighearna ann an Gilgal.

34 An sin dh'ìmhich Samuel gu Ramah, agus chaidh Saul suas d'a thigh gu Gibeath Shaul.

35 Agus cha d'fhàinig Samuel tuilleadh a dh'fhàicinn Shaul gu latha a bhàis; gidheadh, rinn Samuel bròn air son Shaul: agus b'aithreach leis an Tighearna gu'n d'rinu e Saul na rìgh air Israeil.

## CAIB. XVI.

**A**GUS thubhairt an Tighearna ri Samuel, Cia fhada a ni thu bròn air son Shaul, agus gu'n do chuir mise cùl ris o rìoghachd os cionn Israeil? lìon do chorn<sup>5</sup> le h-oladh, agus falbh, cuiridh mise thu gu Iese an Betlehemach; oir fhuair mi mach<sup>6</sup> am measg a chuid mac rìgh dhomh féin.

2 Agus thubhairt Samuel, Cionnus a dh'fhalbhas mi? oir cluinidh Saul, agus mharbhadh idh e mi. Agus thubhairt an Tighearna, Thoir a'gh leat, agus abair, A dh'ìobradh do'n Tighearna thàinig mi.

3 Agus gairm air Iese dh'ionnsuidh na h-ìobairt, agus bheir mise fios dhuit ciod a ni thu: agus ungaidh tu dhomhsa esan a dh'ainmicheas mi dhuit.

4 Agus rinn Samuel an ni sin a labhair an Tighearna, agus thàinig e gu Betlehem: agus chrìochnuich seannairean a' bhaile r'a theachd, agus thubhairt iad, An ann an sìth a tha thu teachd?

5 Agus thubhairt esan, Ann an sìth: a dh'ìobradh do'n Tighearna thàinig mi: naomhaichibh sibh féin, agus thigibh maille rium a dh'ionnsuidh na h-ìobairte. Agus naomhaich e Iese agus a mhic, agus ghairm e iad a dh'ionnsuidh na h-ìobairte.

6 Agus an uair a thàinig iad, dh'amhairc e air Eliab, agus thubhairt e, Gu cinnteach am fianuis an Tighearna tha 'aon ungta-san.

7 Ach thubhairt an Tighearna ri Samuel, Na h-anhaire air a ghnùis, no air airde a phearsa, a chionn gu'n do chuir mise cùl ris; oir cha'n n'fhaic an Tighearna<sup>7</sup> mar a chi duine: oir amhaircidh an duine air coslas an taobh a muigh<sup>8</sup>, ach amhaircidh an Tighearna steach air a' chridhe.

8 An sin ghairm Iese air Abinadab, agus thug e air gabhail seachad fa chomhair Shamueil: agus thubhairt e, Ni mò a thagh an Tighearna e so.

9 An sin thug Iese air Samah dol seachad: agus thubhairt e, Ni mò a thagh an Tighearna e so.

10 An sin thug Iese air seachdnar d'a nihic dol seachad fa chomhair Shamueil: agus thubhairt Samuel ri Iese, Cha do thagh an Tighearna iad so.

11 Agus thubhairt Samuel ri Iese, Am bheil do mhic uile an so? Agus thubhairt esan, Dh'fhàgadh fathast am mac a's òige, agus feuch, tha e ag ionaltradh<sup>9</sup> nan caorach. Agus thubhairt Samuel ri Iese, Cuir fios air, agus thoir an so e; oir cha suidh sinn sìos<sup>10</sup> agus an d' thig e 'n so.

12 Agus chuir e fios air, agus thug e steach e: a nis bha e ruiteach, agus sgiamhach na ghnùis<sup>11</sup> agus maiseach ri amharc air. Agus thubhairt an Tighearna, Eirich, ung e; oir is e so esan.

13 Agus ghabh Samuel an corn oladh, agus dh'ung se e am measg a bhràithrean: agus thuirling spiorad an Tighearna air Dailhidh, o'n ta sin a mach. Agus dh'èirich Samuel, agus chaidh e gu Ramah.

14 Ach dh'fhalbh spiorad an Tighearna o Shaul, agus chuir droch spiorad o'n Tighearna buaireas<sup>12</sup> air.

15 Agus thubhairt seirbhiseich Shaul ris, Feuch a nis, tha droch spiorad o Dhia a' cur buaireis ort.

16 Thugadh a nis ar tighearn àithne do d' sheirbhiseich a tha ann ad' fhianuis, gu'n iarr iad a mach duine a' chluicheas<sup>13</sup> gu h-ealanta air clàrsaich: agus an uair a bhios an droch spiorad o Dhia ort, an sin chluichidh esan le a làimh, agus bìthidh tusa gu maith.

17 Agus thubhairt Saul r'a sheirbhiseich, Faighibh a nis dhomh duine a chluicheas gu maith, agus thugaibh a m' ionnsuidh e.

<sup>1</sup> Buidh, Aon sìruidh. <sup>2</sup> o gheimhlibh. <sup>3</sup> searbhadas, seirbhe. <sup>4</sup> chloinn. <sup>5</sup> t'adharc. <sup>6</sup> chuanaic mi. Eabh. <sup>7</sup> oir cha'n fhaic mise. <sup>8</sup> air a ghnùis; air na suilbhir. Eabh.

<sup>9</sup> a' biadhadh, a' gleidheadh. <sup>10</sup> i. e. mu'n cuairt air a' bhord. <sup>11</sup> suilean duinn aige. Eabh. <sup>12</sup> dragh, uamhann. <sup>13</sup> sheinneus.



18 An sin fhreagair aon do na h-òglaich, agus thubhairt e, Feuch, chunnaic mi mac le Iese am Betlehemeach, a chluicheas gu h-ealanta<sup>1</sup>, agus a tha treun ann an neart, agus na fhear cogaidh, agus glic ann an gnothuichibh<sup>2</sup>, agus na dhuine maiseach; agus tha 'n Tighearna maille ris.

19 Uime sin chuir Saul teachdairean a dh'ionnsuidh Iese, agus thubhairt e, Cuir a'm' ionnsuidh Daibhidh do mhac, a tha maille ris na caoraich.

20 Agus ghabh Iese asal luchdaichte le h-aran<sup>3</sup>, agus searrag fhìona, agus nieann do na gabhraibh, agus chuir e iad, le làimh Daibhidh a nihic, a dh'ionnsuidh Shaul.

21 Agus thàinig Daibhidh a dh'ionnsuidh Shaul, agus sheas e' na fhianuis; agus ghràdaich e gu mòr e, agus bha e aige na fhear iomchair arm.

22 Agus chuir Saul teachdaire dh'ionnsuidh Iese, ag ràdh, Seasadh, guidheam ort, Daibhidh a'm' fhianuis; oir fhuair e deagh-ghèan a'm' shùilb<sup>4</sup>.

23 Agus an uair a bha'n droch spiorad o Dhia air Saul, an sin ghabh Daibhidh clàrsach, agus chluich e le a làimh: agus bha fois<sup>5</sup> aig Saul, agus bha e gu maith; oir dh'fhalbh an droch spiorad uath.

## C A I B. XVII.

**A**NIS chruinnich na Philistich an slòigh an ceann a chèile gu cath, agus chruinnicheadh iad aig Sochoh, a bhuineas do Iudah; agus champaich iad eadar Sochoh agus Asceh, ann an Ephesdamim<sup>6</sup>.

2 Agus chruinnicheadh Saul agus fir Israeil an ceann a chèile, agus champaich iad ann an gleann Elah<sup>7</sup> agus chuir iad an cath an ordugh<sup>8</sup>, an aghaidh nam Philisteach.

3 Agus sheas na Philistich air sliabh air aon taobh, agus sheas Israel air sliabh air an taobh eile: agus bha gleann eatorra.

4 Agus thàinig curaidh<sup>9</sup> a mach a camp nam Philisteach, d'am b'ainm Goliath o Ghat, ann an robh sé<sup>10</sup> làmhnan-coille agus réis air airde.

5 Agus bha clogaid<sup>11</sup> umha air a cheann, agus bha e air 'éideadh le lùirich mhàilich<sup>12</sup>: agus b'e cothrom na lùiriche cùig mìle secel umha.

6 Agus bha coisbheirt<sup>13</sup> umha air a cho-saibh, agus targaid<sup>14</sup> umha eadar a ghuailibh.

7 Agus bha crann a shleagha mar gharm-ain<sup>15</sup> figheadair, agus bha ann an ceann a shleagha sè ceud secel iarunn: agus bha fear a' giùlan sgéithe ag imeachd romhe.

8 Agus sheas e, agus ghlaodh e ri slòigh<sup>16</sup> Israeil, agus thubhairt e riu, C'ar son a tha sibh a' teachd a mach gu'r cath a chur an

ordugh? Nach Philisteach mise, agus nach seirbhisich sibhse do Shaul? taghaibh dhuibh féin fear, agus thigeadh e nuas a'm' ionnsuidh-sa.

9 Ma's urrainn e còmhrag riumsa, agus ma mharbhas e mi, an sin bithidh sinne 'nar seirbhisich agaibhse; ach ma bheir mise buaidh air-san, agus gu marbh mi e, an sin bithidh sibhse 'nar seirbhisich againne, agus ni sibh seirbhis dhuinn.

10 Agus thubhairt am Philisteach, Tha mi toirt dùbhlain do shlòigh Israeil an diugh; faighibh dhomhsa fear, a chum gu'n dean sinn còmhrag ri chèile.

11 An uair a chuala Saul agus Israeil uile briathra sin an Philistich, bha iad fa uamhas, agus fa eagal mòr.

12 A nis b'e Daibhidh mac an Ephra-taich sin o Bhethlehem Iudah, d'am b'ainm Iese; agus bha ochdnar mhac aige: agus bha an duine ann an làithibh Shaul na sheann duine, air teachd air aghaidh ann an aois<sup>17</sup>.

13 Agus dh'imich an triuir mhac bu shine aig Iese, agus chaidh iad an déigh Shaul a chum a' chogaidh; agus b'iad ainmean a thriuir mhac a chaidh dh'ionnsuidh a' chogaidh, Eliab an ceud-ghin, agus na dhéighsan Abinadab, agus an treas mac Samah.

14 Agus b'e Daibhidh am mac a b'òige: agus chaidh an triuir bu shine an déigh Shaul.

15 Ach dh'fhalbh Daibhidh agus phill e o Shaul, a dh'ionaltradh chaorach 'athar ann am Betlehem.

16 Agus tharruing am Philisteach am fagus sa' mhaduinn agus mu fheasgar, agus nochd se e féin dà fhichead là.

17 Agus thubhairt Iese ri Daibhidh a mhac, Gabh a nis air son do bhràithrean ephah do'n t-sìol chruaidhichte so, agus na deich buillinean so, agus ruith do'n champ a dh'ionnsuidh do bhràithre;

18 Agus giùlain na deich mulchagan càise so dh'ionnsuidh ceannaird am rùlesan, agus seall cionnus a tha do bhràithrean, agus gabh an geall.

19 A nis bha Saul, agus iadsan, agus fir Israeil uile ann an gleann Elah, a cogadh ris na Philistich.

20 Agus dh'éirich Daibhidh gu moch sa' mhaduinn, agus dh'fhàg e na caoraich aig fear-gleidhidh, agus thug e leis, agus dh'imich e, mar a dh'àithn Iese dha; agus thàinig e do'n chlais-bhlàir<sup>18</sup> an uair a bha 'n armailt a' dol a mach a dh'ionnsuidh a' chatha, agus a rinn iad iolach a chum a' chatha:

21 Oir chuir Israel agus na Philistich

<sup>1</sup> a tha èdlach air cluicheadh. <sup>2</sup> am focal, an comhairle. <sup>3</sup> homer arain. <sup>4</sup> is tait-neach lean e. <sup>5</sup> fèith, anail, lusachadh. <sup>6</sup> ann an èrìch Dhamin. <sup>7</sup> gleann an daraich. <sup>8</sup> eagar. <sup>9</sup> fear-còmhraig. <sup>10</sup> ceithir.

<sup>11</sup> ceann-bheirt. <sup>12</sup> lùirich lonnachie. Eabh. <sup>13</sup> eudanain. <sup>14</sup> sgiath. <sup>15</sup> shail. <sup>16</sup> arm-ailibh; sreuthaibh. Eabh. <sup>17</sup> am meag dhaoine. <sup>18</sup> chlais-dhìonaidd, duingneuch; trench. Sasg.

iad fèin an ordugh eatha, armailt an aghaidh armailt.

22 Agus dh't hagh Daibhidh an t-uidheam <sup>1</sup>, a *chuir* e dheth, ann an làimh fir gleidhidh an uidheam, agus ruidh e dh'ionnsuidh na h-armailt, agus thàinig e, agus chuir e fàilt air a bhràithribh.

23 Agus an uair a bha e a' labhairt riu, feuch, thàinig an curaidh d'am l'ainm Goliath, am Philisteach o Ghat, a nìos a armailt <sup>2</sup> nam Philisteach, agus labhair e a réir nam briathra ceudna: agus chuala Daibhidh iad.

24 Agus an uair a chunnaic fir Israeil uile an duine, theich iad roimhe, agus bha eagal mòr erra.

25 Agus thubhairt fir Israeil <sup>3</sup>, Am faca sibh am fear so a tha air teachd a nìos? gu cinnreach *is ann* a thoirt dùbhlain do Israeil <sup>4</sup> a tha e air teachd a nìos: agus ge b'e fear a mharbhas e, nì an rìgh saibhir e le mòr shaibhreas, agus bheir e dha a nighean, agus nì e tigh 'athar saor ann an Israeil.

26 Agus thubhairt Daibhidh ris na daoineibh a sheas làimh ris, ag ràdh, Ciod a nìthear do'n duine a mharbhas am Philisteach so, agus a bheir air falbh am masladh o Israeil? oir cò e am Philisteach neo-thimchioll-ghearrta so, gu'n d'thugadh e dùbhlain do armailtibh an De bheò?

27 Agus fhreagair an sluagh e air an dòigh so, ag ràdh, Mar so nìthear do'n duine a mharbhas e.

28 Agus chuala Eliab a bhrathair bu shine, 'nuair a labhair e ris na daoineibh; agus las fearg Eliab an aghaidh Daibhidh, agus thubhairt e, C'ar son a thàinig thu nuas an so: agus cò aig a dh'fhag thu am beagan chaorach sin anns an fhàsach? tha mi fiosrach air t-uabhar, agus olcas do chridhe, oir is ann a dh'fhaicinn a' chatha a thàinig thu nuas.

29 Agus thubhairt Daibhidh, Ciod a rinn mi a nis? nach briathran iad <sup>5</sup>?

30 Agus thionndaidh e uaithsan a dh'ionnsuidh fir eile, agus labhair e air an dòigh cheudna: agus fhreagair an sluagh e a ris a réir na ceud dòigh.

31 Agus an uair a chualas na briathran a labhair Daibhidh, dh'aithris iad am fianuis Shaul iad; agus chuir e fios air <sup>6</sup>.

32 Agus thubhairt Daibhidh ri Saul, Na fannaicheadh cridhe duine sam bith air a shon-san: theid do sheirbhiseach agus cogaidh e ris an Philisteach so.

33 Agus thubhairt Saul ri Daibhidh, Cha'n urrainn thusa dol an aghaidh an Philistich so a chogadh ris: oir *cha n'eil* annadsa ach òganach, agus *tha* esan na fhèar cogaidh o' oige.

34 Agus thubhairt Daibhidh ri Saul,

Bha do sheirbhiseach ag ionaltradh chaorach 'athar agus thàinig leòmhann, agus math-ghamhuin, agus thug e uan as an treud:

35 Agus chaidh mi mach na dhéigh, agus bhuail mi e, agus shaor mi as a bheul e. Agus an uair a dh'éirich e a'm' aghaidh, rug mi air fheusaig *air*, agus bhuail mi e, agus mharbh mi e.

36 Araon an leòmhann agus am math-ghamhuin mharbh do sheirbhiseach: agus bithidh am Philisteach neo-thimchioll-ghearrta so mar aon diubhsan, do bhrìgh gu'n d'thug e dùbhlain do armailtibh an De bheo.

37 Mar an ceudna thubhairt Daibhidh, An Tighearn a shaor mise a màg <sup>7</sup> an leòmhann, agus a màg a' mhathghamhuin, saoraidh esan mi a làimh an Philistich so. Agus thubhairt Saul ri Daibhidh, Falbh, agus gu robh an Tighearna maille riut.

38 Agus chuir Saul 'eididh fèin air Daibhidh, agus chuir e clogaid umha air a cheann; mar an ceudna chuir e lùireach air.

39 Agus chrìoslaich Daibhidh a chlaidheamh air uachdar 'eididh, agus b'aill leis <sup>8</sup> imeachd, oir cha do chleachd e iad: agus thubhairt Daibhidh ri Saul, Cha'n urrainn mi imeachd leo so, oir cha do chleachd mi iad. Agus chuir Daibhidh dheth iad.

40 Agus ghabh e a bhata na làimh, agus thagh e dha fèin cùig clacha mìne o'n t-sruth, agus chuir e iad ann am màla buachaille <sup>9</sup> a bha aige, eadhon ann an sporran, agus *bha* a chrann tàbhuill na làimh: agus tharruing e 'm fagus do'n Philisteach.

41 Agus thàinig am Philisteach air aghaidh, agus tharruing e 'm fagus do Dhaibhidh; agus fear iomchair a sgéithe roinne.

42 Agus an uair a dh'amhairc am Philisteach agus a chunnaic e Daibhidh, rinn e dimeas air, a chionn gu'n robh e na òganach, agus ruiteach, agus sgiamhach na ghnùis.

43 Agus thubhairt am Philisteach ri Daibhidh, An eù mise, gu'n d' thigeadh tu a 'm ionnsuidh le bataibh? agus nìhallaich am Philisteach Daibhidh ann an ainm a dhé <sup>10</sup>.

44 Agus thubhairt am Philisteach ri Daibhidh, Thig a m' ionnsuidh-sa, agus bheir mi t'fheoil do eunlaith an athair, agus do bheathaichibh na maeharach.

45 An sin thubhairt Daibhidh ris an Philisteach, *Tha* thusa a' teachd a m' ionnsuidh-sa le claidheamh, agus le sleagh, agus le sgéith; ach *tha* mise a' teachd a'd' ionnsuidh-sa ann an ainm Thighearna nam sluagh, Dhé armailtean Israeil, d'an d'thug thusa dùbhlain.

46 Air an la 'n diugh bheir an Tighearna

<sup>1</sup> na thug e leis. <sup>2</sup> sloigh. <sup>3</sup> duine do Israeil. <sup>4</sup> a mhaslachadh Israeil. <sup>5</sup> nach 'eil uobhar ann?

<sup>6</sup> ghabh se e. Eabh. <sup>7</sup> crodh; làimh. Eabh. <sup>8</sup> dh'fheuch e ri. <sup>9</sup> uodhaire. <sup>10</sup> le dhéibh.



thairis thu do m' làimh-sa, agus buailidh mi thu, agus buinidh mi dhìot do cheann, agus bheir mi ciosaichean fheachd nam Philisteach air an là 'n diugh do eunlaith an athair, agus do fhiadh-bheathaichibh na talmhuinn; a chum gu'm bi fios aig an talmh uile gu bheil Dia ann an Israeil <sup>1</sup>.

47 Agus bithidh fios aig a' choimh-thional so uile, nach ann le claidheamh no le sleagh a shaoras an Tighearna: oir is leis an Tighearna an cath, agus bheir e sibhshe d'ar làimh-ne.

48 Agus an uair a dh'éirich am Philisteach, agus a thàinig e agus a tharruing e 'm fagus an coinneamh Dhaibhidh, an sin rinn Daibhidh cabhag, agus ruith e dh'ionnsuidh na h-armailt an coinneamh an Philistich.

49 Agus chuir Daibhidh a làmh na mhàla, agus ghabh e as sin clach, agus thilg e as a chrann-thàhuill, agus bhuail e 'm Philisteach an clàr 'eudain: agus chaidh a' chlach a stigh<sup>2</sup> ann an clàr 'eudain, agus thuit e air 'aghaidh dh'ionnsuidh an làir.

50 Mar sin thug Daibhidh buaidh air an Philisteach le crann-thàhuill agus le cloich; agus bhuail e 'm Philisteach, agus mharbh se e: ach cha robh claidheamh ann an làimh Dhaibhidh.

51 Uime sin ruith Daibhidh agus sheas e air an Philisteach, agus ghlac e a chladheamh, agus tharruing e as a thruaill e, agus mharbh se e, agus ghearr e dheth a cheann leis. Agus an uair a chunnaic na Philistich gu'n robh an gaisgeach marbh, theich iad.

52 Agus dh'éirich fir Israeil agus Iudah, agus rinn iad iolach, agus chaidh iad air tòir nam Philisteach, gu an d' thig thu gu gleann, agus gu geataichibh Ecrim: agus thuit iadsan, a bha leònta do na Philistich air an t-slighe gu Saraim, eadhon gu ruig Gat, agus gu ruig Ecron.

53 Agus phill clann Israeil o ruagadh nam Philisteach, agus chreach iad an camp <sup>3</sup>.

54 Agus ghabh Daibhidh ceann an Philistich agus thug e leis e gu h-Ierusalem: ach chuir e 'armachd na bhùth.

55 Agus an uair a chunnaic Saul Daibhidh a' dol a mach an aghaidh an Philistich, thubhairt, e ri Abner ceannard an t-sluaigh, Abneir, cò d'am mac an t-òganach so? Agus thubhairt Abner, Mar is beo t'anam, O a rìgh, cha 'n eil fhios agam.

56 Agus thubhairt an rìgh, Feòraich<sup>4</sup> thusa cò d'am mac an t-òganach so.

57 Agus an uair a phill Daibhidh o mharbhadh an Philistich, ghabh Abner e, agus thug e 'm fianuis Shaul e, le ceann an Philistich na làimh.

58 Agus thubhairt Saul ris, Cò d'am mac thu, òganaich? Agus fhreagair Daibhidh,

is mi mac do sheirbhisich Iese, a' Bhet-lehemich.

## CAIB. XVIII.

**A** GUS tharladh an uair a chuir e crìoch air labhairt ri Saul, gu'n do chean-gladh anam Ionatan ri anam Dhaibhidh, agus ghràdhaich Ionatan e mar 'anam fèin.

2 Agus ghabh Saul d'a ionnsuidh e air an là sin, agus cha do leig e leis pilltinn nì's mò gu tigh 'athar.

3 An sin rinn Ionatan agus Daibhidh coimhcheangal, do bhrìgh gu'n do ghràdhaich se e mar 'anam fèin.

4 Agus chuir Ionatan dheth fèin an fhalluinn<sup>5</sup> a bh'air, agus thug e do Dhaibhidh i, agus 'éididh eadhon gu 'chladheamh, agus gu 'bhogha, agus gu 'chrìos.

5 Agus chaidh Daibhidh mach gach taobh a chuir Saul e, agus ghiùlain se e fèin gu glic: agus chuir Saul e os cionn nam fear-cogaidh; agus bha e taitneach ann an sùilbh an t-sluaigh uile, agus mar an ceudna ann an sùilbh sheirbhiseach Shuail.

6 Agus an uair a bha iad a' teachd, an déigh do Dhaibhidh pilltinn o mharbhadh an Philistich, thàinig na mnà a mach a uile bhailtibh Israeil, a' seinn agus a' dawnsadh an coinneamh rìgh Shaul, le tiomp-anaibh, le gairdeachas, agus le h-inn-ealaibh ciuil tri-theudach.

7 Agus fhreagair na mnà a chòile air uair a bha iad a' seinn, agus thubhairt iad, Mharbh Saul a mhlèan, agus Daibhidh a dheich mìltean.

8 Agus bha Saul ro-fheargach, agus mhi-thàin ann an ràdh sin ris<sup>6</sup>, agus thubhairt e, Thug iad do Dhaibhidh deich mìlte, agus dhomhsa cha d'thug iad ach mìlte: agus ciod tuille dh'fheadas bhi aige ach an rìoghachd?

9 Agus chum Saul sùil<sup>7</sup> air Daibhidh o'n là sin, agus o sin a mach.

10 Agus air an là màireach thàinig an droch spiorad o Dhia air Saul, agus rinn e fàidheadoireachd<sup>8</sup> ann am meadhon an tìghe: agus chluich<sup>9</sup> Daibhidh le a làimh, mar air uairibh<sup>10</sup> eile; agus bhas sleagh ann an làimh Shaul.

11 Agus thilg Saul an t-sleagh, agus thubhairt e, Buailidh mi Daibhidh leatha gu ruig am balla: ach tharruing Daibhidh as a làthair dà uair.

12 Agus bha eagal air Saul roimh Dhaibhidh<sup>11</sup>, do bhrìgh gu'n robh an Tighearna maille ris, agus gu'n d'imich e o Shaul.

13 Uime sin chuir Saul air falbh uaith e, agus rinn e na cheannard dha fèin os cionn mìle e; agus chaidh e mach, agus thàinig e stigh roimh 'n t'sluaigh<sup>12</sup>.

14 Agus ghiùlain Daibhidh e fèin gu

<sup>1</sup> aig Israel. <sup>2</sup> an sàs. <sup>3</sup> am bùthan. <sup>4</sup> Fiosraich. <sup>5</sup> truscan. <sup>6</sup> bha 'n ràdh sin olc na shùilbh. Eabh. <sup>7</sup> sheall Saul gu mì-runach.

<sup>8</sup> bha e air boile. <sup>9</sup> bhual. <sup>10</sup> laithibh. <sup>11</sup> roimh ghnàis Dhaibhidh. Eabh. <sup>12</sup> air ceann an t-sluaigh.

glic na shlighibh uile; agus bha 'n Tigh-earna maille ris.

15 Agus an uair a chunnaic Saul gu'n do ghiùlain se e féin gu ro-ghlic, bha eagail air roimhe.

16 Ach ghràdhaich Israel uile agus Iudah Daibhidh, do bhrìgh gu'n deachaidh e mach agus gu'n d'fhàinig e sìgh rompa.

17 Agus thubhairt Saul ri Daibhidh, Feuch, mo nighean a's sine Merab, isè bheir mi dhuit na mnaoi: a mhàin bi thusa gaisgeil air mo shon-sa, agus cuir ca'han an Tighearna: oir thubhairt Saul, Na biodh mo làmh-sa air, ach biodh làmh nam Philisteach air.

18 Agus thubhairt Daibhidh ri Saul, Cò mise? agus ciod i mo bheatha, no teaghlach m'athar<sup>1</sup> ann an Israel, gu'm bithinn a'm' chliamhuin aig an rìgh?

19 Ach anns an àm sam bu chòir do Mherab nighean Shaul a bhi air a tabhairt do Dhaibhidh, thugadh i do Adriel, am Mehoolatach, na mnaoi.

20 Agus ghràdhaich Michal, nighean Shaul, Daibhidh; agus dh'innis iad sin do Shaul, agus thaitinn an ni ris<sup>2</sup>.

21 Agus thubhairt Saul, Bheir mi dha i, a chum gu'm bi i dha na ribeadh, agus gu'm bi làmh nam Philisteach na aghaidh, Uime sin thubhairt Saul ri Daibhidh, Le aon do'n dithis bithidh tu a'd chliamhuin agams' an diugh.

22 Agus dh'aitn Saul d'a sheirbhisich, ag ràdh, Labhraibh ri Daibhidh an uaigneas, ag ràdh, Feuch, tha tlachd aig an rìgh annad, agus tha gràdh aig a sheirbhisich uile dhuit: a nis uime sin bi-sa a'd' chliamhuin aig an rìgh.

23 Agus labhair seirbhisich Shaul na briathra so ann an cluasaibh Dhaibhidh: agus thubhairt Daibhidh, An ni faoin 'nar suilbh-sa bhi ann an cleamhnas ri rìgh, agus nach 'eil annamsa ach duine bochd, agus fa dhìmeas?

24 Agus dh'innis seirbhisich Shaul dha, ag ràdh, Air an dòigh so labhair Daibhidh.

25 Agus thubhairt Saul, Mar so their sibh ri Daibhidh, Cha 'n'eil an rìgh ag iarraidh dubharaidh<sup>3</sup> sam bith, ach ceud roimh-chroicinn do na Philistich, gu bhi dìolta air naimhdeb an rìgh. Ach shaoil Saul gu'n d'fhugadh e air Daibhidh tuiteam le làmh nam Philisteach.

26 Agus an uair a dh'innis a sheirbhisich do Dhaibhidh na briathra sin, thaitinn e ri Daibhidh a bhi na chliamhuin aig an rìgh: agus cha do chrìochnaich eadh<sup>4</sup> na laithean.

27 Uime sin dh'èirich Daibhidh, agus dh'imich e féin agus a dhaoine, agus mharbh e do na Philistich dà cheud fear, agus thug Daibhidh leis an roimh-chroicinn, agus

thug iad nan làn àireamh iad do'n rìgh, a chum gu'm biodh e na chliamhuin aig an rìgh: agus thug Saul dha Michal a nighean na mnaoi.

28 Agus chunnaic Saul, agus bha fios aige gu'n robh an Tighearna maille ri Daibhidh, agus gu'n do ghràdhaich Michal nighean Shaul e.

29 Agus bha fathast an tuilleadh eagail air Saul roimh Dhaibhidh; agus bha Saul na nàmhaid do Dhaibhidh an còmhnuidh.

30 An sin chaidh ceannardan nam Philisteach a mach: agus an déigh dhoibh dol a mach ghiùlain Daibhidh e féin ni bu ghlice na uile sheirbhisich Shaul: agus bha 'ainm ro-urramach.

## CAIB. XIX.

**A** GUS labhair Saul r'a mhac Ionatan, agus r'a sheirbhisich uile, iad a mharbhadh Dhaibhidh.

2 Ach bha tlachd mòr aig Ionatan mac Shaul ann an Daibhidh; agus dh'innis Ionatan do Dhaibhidh, ag ràdh, Tha m'athair Saul ag iarraidh do mharbhadh; a nis uime sin, guidheam ort, thoir an aire dhuit féin sa' mhaduinn, agus fan ann an àite dìomhair, agus folaich thu féin.

3 Agus theid mise mach, agus seasaidh mi làmh ri m'athair sa' mhachair anns am bi thu, agus labhraidh mi mu d' thimchioll ri m'athair; agus an ni a chi mi, sin innsidh mi dhuit<sup>5</sup>.

4 Agus labhair Ionatan maith mu Dhaibhidh r'a athair Saul, agus thubhairt e ris, Na peacaicheadh an rìgh an aghaidh a sheirbhisich, an aghaidh Dhaibhidh; do bhrìgh nach do pheacaich esan a'd' aghaidh-sa, agus do bhrìgh gu'n robh 'oibre do d' thaobh-sa ro-mhaith;

5 Oir chuir e 'anam<sup>6</sup> na làmh, agus mharbh e am Philisteach; agus dh'oibrich an Tighearna saorsa mhòr air son Israel uile: chunnaic thu e agus rinn thu gairdeachas: c'ar son ma ta a pheacaicheas tu an aghaidh fola neo-chiontaich, le Daibhidh a mharbhadh gun aobhar?

6 Agus dh'èisd Saul ri guth Ionatan; agus mhionnaich Saul, Mar is beo an Tighearna, cha mharbhar e.

7 Agus ghairm Ionatan air Daibhidh, agus chuir Ionatan an cèill dha na briathra sin uile: agus thug Ionatan Daibhidh a dh'ionnsuidh Shaul, agus bha e na fhianuis mar a bha e roimhe.

8 Agus bha cogadh a ris ann: agus chaidh Daibhidh a mach, agus chog e ris na Philistich, agus bhuail e iad le h-àr mòr: agus theich iad roimhe.

9 Agus bha'n droch spiorad o'n Tighearna air Saul, an uair a shuidh e na thigh, agus

<sup>1</sup> ciod i beatha teaghlach m'athar. <sup>2</sup> bha an ni ceart na shuilibh. Eabh. <sup>3</sup> crodh. <sup>4</sup> choimh-ionadh. <sup>5</sup> chi mi ciod a tha na chridhe, no



a shleagh na làimh : agus chluich Daibhidh le a làimh.

10 Agus dh'ìarr Saul Daibhidh a bhualadh gu ruig am balladh leis an t sleagh; ach tharuing e air falbh a làthair Shaul, agus bhuail e 'n t-sleagh a stigh sa' bhalladh : agus theich Daibhidh, agus chaidh e as air an oidhche sin.

11 Agus chuir Saul teachdairean<sup>1</sup> a dh'ionnsuidh tighe Dhaibhidh, g'a choimhead<sup>2</sup>, agus g'a mharbhadh sa' mhaduinn : agus dh'innis Michal a bhean do Dhaibhidh e, ag ràdh, Mur teasairg thu t'anam an nochd, am màireach cuirear gu bàs thu.

12 Agus leig Michal sìos Daibhidh tre ainneig : agus dh'fhalbh e, agus theich e, agus chaidh e as.

13 Agus ghabh Michal dealbh, agus chuir i san leabaidh e, agus chuir i adhartan<sup>3</sup> do fhionnadh ghabhar f'a cheann, agus chòmhdaich i le eudach e.

14 Agus an uair a chuir Saul teachdairean a ghlacadh Dhaibhidh, thubhairt i, Tha e tinn.

15 Agus chuir Saul na teachdairean a ris a dh'fhaicinn Dhaibhidh, ag ràdh, Thugaibh a nìos san leabaidh a'm' ionnsuidhs' e, chum gu marbh mi e.

16 Agus an uair a thàinig na teachdairean a stigh, feuch, bha dealbh anns an leabaidh, agus adhartan do fhionnadh ghabhar f'a cheann.

17 Agus thubhairt Saul ri Michal, C'ar son a mheall thu mi mar so, agus a chuir thu air falbh mo nàmhaid, air chor as gu'n deachaidh e as? Agus fhreagair Michal Saul, Thubhairt e rium, Leig dhomh ìmeachd; c'ar son a mharbhainn thu?

18 Agus theich Daibhidh, agus chaidh e as, agus thàinig e dh'ionnsuidh Shamueil gu Ramah, agus dh'innis e dha gach ni a rinn Saul ris : agus dh'imich esan agus Samuel, agus ghabh iad còmhnuidh ann an Naiot.

19 Agus dh'innseadh do Shaul, ag ràdh, Feuch, tha Daibhidh aig Naiot ann an Ramah.

20 Agus chuir Saul teachdairean a ghlacadh Dhaibhidh : agus an uair a chunnaic iad cuideachd<sup>4</sup> nam fàidhean ri fàidheadoireachd, agus Samuel na sheasamh mar air a shuidheachadh os an cionn, bha spiorad Dhé air teachdairibh Shaul, agus rinn iadsan fàidheadoireachd mar an ceudna.

21 Agus an uair a dh'innseadh sin do Shaul, chuir e uaith mar an ceudna teachdairean eile ; agus rinn iadsan cuideachd<sup>5</sup> fàidheadoireachd. Agus chuir Saul teachdairean a ris an treas uair, agus rinn iadsan cuideachd fàidheadoireachd.

22 An sin chaidh e fèin mar an ceudna gu Ramah, agus thàinig e gu tobar mòr, a tha ann an Sechu, agus dh'fheòraich e, agus thubhairt e, C'ait an bheil Samuel agus Daibhidh? agus thubhairt aon, Feuch, tha iad aig Naiot ann an Ramah.

23 Agus chaidh e 'n sin gu Naiot ann an Ramah : agus bha spiorad Dhé air-san mar an ceudna, agus chaidh e air aghaidh agus rinn e fàidheadoireachd, gus an d'thàinig e gu Naiot ann an Ramah.

24 Agus chuir esan cuideachd 'eudach dheth, agus rinn e fàidheadoireachd am fianuis Shamueil air an dòigh cheudna : agus luidh<sup>6</sup> e sìos lomnochd rè an là sin agus rè na h-oidhche. Uime sin their iad, Am bheil Saul mar an ceudna an measg nam fàidhean?

## CAIB. XX.

**A** GUS theich Daibhidh o Naiot ann an Ramah, agus thàinig e, agus thubhairt e am fianuis Ionatain, Ciod a rinn mi? ciod i m'eu-ceart<sup>7</sup>, agus ciod e mo pheacadh am fianuis t'athair, gu bheil e 'g iarraidh m'anma?

2 Agus thubhairt esan ris, Nar leigeadh Dia, cha'n fhaigh thu bàs ; feuch, cha dean m'athair ni air bith mòr no beag, nach foillsich e dhomhsa : agus c'ar son a dh'fhòlaicheadh m'athair uamsa an ni so? cha bli e mar sin.

3 Agus mhionnaich Daibhidh cuideachd, agus thubhairt e, Tha gu cinnteach fios aig t'athair gu'n d'fhuair mise deagh-ghean a'd' shùilibh, agus their e, Na biodh fios aig Ionatan air so, air eagal gu'm bi doilgheas air : ach gu deimhin mar is beò an Tighearna, agus mar is beò t-anam, cha 'n eil ach ceum eadar mise agus am bàs.

4 An sin thubhairt Ionatan ri Daibhidh, Ge b'e ni a dh'ìarras t'anam, eadhon sin ni mise dhuit.

5 Agus thubhairt Daibhidh ri Ionatan, Feuch, tha a' ghealach nuadh ann am màireach, agus bu chòir dhomhsa suidhe maille ris an rìgh gu biadh ; ach leig air falbh mi, a chum as gu'm folaich mi mi fèin anns a' mhaclair gu feasgar an treas là.

6 Ma dh'ionndrainas t'athair idir mi<sup>8</sup>, an sin their thu, Dh'ìarr Daibhidh gu dùrachdach cead ormsa gu ruith do Bhet-lehem a bhaile fèin ; oir tha ìobairt bhliadhnail<sup>9</sup> an sin air son an teaghlach uile.

7 Ma their e mar so, Ro-mhaith, bithidh sìth aig do sheirbhiseach : ach ma bhios fearg ro-mhòr air, an sin bi cinnteach gu bheil olc air a shonrachadh leis<sup>10</sup>.

8 Uime sin buinidh tu gu caoimhneil ri d' sheirbhiseach ; oir thug thu air do sheirbhiseach coimhcheangal an Tighearna dheanamh riut : gidheadh, ma ta olc

<sup>1</sup> maoir. <sup>2</sup> fhaireadh. <sup>3</sup> cluasag; cebir. Eabh.

<sup>4</sup> coimhchrinneachadh.

<sup>5</sup> mar an ceudna.

<sup>6</sup> thuit. Eabh.

<sup>7</sup> tochd.

<sup>8</sup> Ma mhothaicheadh

t'athair mi air falbh. <sup>9</sup> laithean. Eabh. <sup>10</sup> gus bheil e cur roimhe an uile; gu bheil olc air a choimhleanadh leis. Eabh.

annamsa, marbh féin mi; oir c'ar son a bbeireadh tu mi dh'ionnsuidh t'athar?

9 Agus thubhairt Ionatan, Gu 'ma fada sin uait; oir ma bhitheas fios gu cinnteach agamsa gu bheil olc air a shonrachadh le m'athair gu teachd ortsa, an sin nach innis mise dhuit e?

10 An sin thubhairt Daibhidh ri Ionatan, Cò dh'innseas dhomh, ma fhreagras t'athair thu gu garg?

11 Agus thubhairt Ionatan ri Daibhidh, Thig, agus rachamaid a mach do'n mhachair. Agus chaidh iad a mach le chèile do'n mhachair.

12 Agus thubhairt Ionatan ri Daibhidh, Gu'n deanadh an Tighearna Dia Israeil<sup>1</sup>, an uair a dh'fhidireas mi m'athair<sup>2</sup> mu'n àm so am màireach, no air an treas là, agus feuch, ma bhios maith ann a thaobh Dhaibhidh, agus nach cuir mi an sin fios a'd' ionnsuidh-sa, agus nach foillsich mi dhuit e.

13 Gu'n deanadh an Tighearna mar sin, agus ni's ro-mhò ri Ionatan: ach ma's toil le n'athair olc a dheanamh ort, an sin foillsichidh mi dhuit e, agus cuiridh mi air falbh thu, agus imichidh tu an sìth; agus gu robh an Tighearna maille riut, mar a bha e maille ri m'athair-sa.

14 Agus cha'n e mhàin, ma bhios<sup>3</sup> mi fathast beo, gu'n nochd thu dhomh caomhneas an Tighearna, chum as nach faigh mi bàs:

15 Ach cuideachd cha ghearr thu as do chaoimhneas o'm' thigh gu bràth: cha ghearr, eadhon an uair a ghearras an Tighearna as naimhdean Dhaibhidh, gach aon diubh bhàrr aghaidh na talmhainn.

16 Mar sin rinn Ionatan coimhcheangal ri tigh Dhaibhidh, ag ràdh, Gu'n agradh an Tighearna e eadhon o làimh naimhde Dhaibhidh.

17 Agus thug Ionatan air Daibhidh mionnachadh a ris, a chionn gu'n do ghràdhaich se e: oir ghràdhaich se e mar a ghràdhaich e 'anam féin.

18 An sin thubhairt Ionatan ris, Am màireach tha ghealach nuadh ann; agus ionndrainear thu, a chionn gu'm bi d'àite-suidhe falamh.

19 Agus an uair a dh'fhanas tu gus an treas là, théid thu sìos gu grad, agus thig thu dh'ionnsuidh an àite anns an d'fholaich thu thu féin, an uair a bha'n gnothuch<sup>4</sup> an làimh, agus fanaidh tu aig a' chloich Eisel.

20 Agus tilgidh mise trì saighdean r'a taobh, mar gu'n tilginn air comhara.

21 Agus feuch, cuiridh mi òganach uam, ag ràdh, Falbh, faigh a mach na saighdean. Ma their mi gu cinnteach ris an òganach, Feuch, tha na saighdean air an taobh so dhìot, gabh iad<sup>5</sup>; an sin thig thusa; oir

tha sìth ann dhuit, agus cha n'eil otc sam bith, mar is beo an Tighearna.

22 Ach ma their mi mar so ris an òganach, Feuch, tha na saighdean air an taobh thall dìot; imich thusa, oir chuir an Tighearna air falbh thu.

23 Agus a thaobh a' ghnòthuich mu'n do labhair mise agus thusa, feuch, gu robh an Tighearna eadar mise agus thusa gu bràth.

24 Uime sin, dh'fholaich Daibhidh e féin anns a' mhachair; agus an uair a thàinig a' ghealach nuadh, shuidh an rìgh sìos gu biadh itheadh.

25 Agus shuidh an rìgh air a chathair féin, mar air uairibh eile, eadhon air cathair làimh ris a' bhalladh: agus dh'èirich Ionatan, agus shuidh Abner ri taobh Shaul: agus bha àite Dhaibhidh falamh.

26 Gidheadh, cha do labhair Saul a' bheag sam bith air an là sin: oir thubhairt e leis féin<sup>6</sup>, Thàinig ni-eigin air, cha n'eil e glan; gu cinnteach cha n'eil e glan.

27 Agus thachair air an là màireach, an dara là do 'n mhìos, gu'n robh àite Dhaibhidh falamh: agus thubhairt Saul r'a mhac Ionatan, C'ar son nach d'thàinig mac Iese gu biadh, aon chuid an dé no'n diugh?

28 Agus fhreagair Ionatan Saul, Dh'iarr Daibhidh gu dùrachdach cead ormsa dol do Bheilehem:

29 Agus thubhairt e, Leig air falbh mi, guidheam ort, oir tha iobairt aig ar teaghlach anns a' bhaile, agus dh'àithn mo bhràthair dhomh a bhì 'n sin: agus a nis ma fhuair mi deagh ghean a'd' shùilbh, leig dhomh imeachd, guidheam ort, agus mo bhràithrean fhaicinn. Uime sin, cha d'thàinig e gu bord an rìgh.

30 An sin las fearg Shaul an aghaidh Ionatan, agus thubhairt e ris, A mhic na mnà crosta ceannairich<sup>7</sup>, nach 'eil fhios agamsa gu'n do thagh thu mac Iese chum do mhaslaidh<sup>8</sup> féin, agus a chum maslaidh lomnochduigh do mhàthar?

31 Oir co fhad 'sa bhios mac Iese beo air an talamh, cha daingnichear thusa, no do rioghachd: uime sin a nis cuir fios air, agus: thoir a'm' ionnsuidh e, oir gu cinnteach gheibh e bàs<sup>9</sup>.

32 Agus fhreagair Ionatan 'athair Saul, agus thubhairt e, C'ar son a chuirear gu bàs c' ciod a rinn e?

33 Agus thilg Saul sleagh air, chum a bhualadh: le sin bha fios aig Ionatan gu'n robh e suidhichte le 'athair Daibhidh a chur gu bàs.

34 Uime sin, dh'èirich Ionatan o'n bhord ann am feirg ro-mhòir, agus cha d'ith e biadh sam bith air an dara là do'n mhìos: oir bha e fa dhoilgheas air son Dhaibhidh, a chionn gu'n d'thug 'athair maslaidh dha.

<sup>1</sup> O Thighearna Dhé Israeil! Tha'n Tighearna Dia Israeil na fhianuis. <sup>2</sup> rannsaicheas mi m'athair, nì mi dìchioll air inntinn m'athair shaotainn a mach. <sup>3</sup> an feadh a ta. <sup>4</sup> ann

an la a' ghnòthuich. Eabh. <sup>5</sup> gabh e, Eabh. <sup>6</sup> shaoil e. <sup>7</sup> A mhic chrosta na ceannairce. <sup>8</sup> t'annluadh. <sup>9</sup> is mac do'n bhàs e. Eabh.



35 Agus anns a' mhaduinn chaidh Ionatan a mach do'n mhachair aig an àm a shuidhicheadh ri Daibhidh, agus òganach beag maille ris.

36 Agus thubhairt e r'a òganach, Ruith, faigh a nis a mach na saighdean a thilg mi. Agus an uair a ruith an t-òganach, thilg e saighid thairis air.

37 Agus an uair a thàinig an t-òganach gu àite na saighde, a thilg Ionatan, ghlaodh Ionatan an deigh an òganaich, agus thubhairt e, Nach 'eil an t-saighid air do thaobh thall?

38 Ghlaodh Ionatan mar an ceudna an deigh an òganaich, Luathaich, dean cabhag, na stad. Agus thionail òganach Ionatan suas na saighdean, agus thàinig e dh'ionnsuidh a mhaighstir.

39 Ach cha robh fios aig an òganach air ni sàmh bith; bha fios a mhaighstir aig Daibhidh agus Ionatan air a' chùis.

40 Agus thug Ionatan 'armachd d'a òganach, agus thubhairt e ris, Faibh, thoir do'n bhaile iad.

41 Agus co-luath 'sa dh'fhalbh an t-òganach, dh'éirich Daibhidh a àite mu dheas, agus thuit e air 'aghaidh dh'ionnsuidh na talmhainn, agus chrom se e féin tri uairean: agus phòg iad a chéile, agus ghuil iad le chéile; ach ghuil Daibhidh ni bu mhò.

42 Agus thubhairt Ionatan ri Daibhidh, Imich an sith, do bhrìgh gu'n do mhiònnaich sinu le chéile ann an ainm an Tighearn, ag ràdh, Gu robh an Tighearn eadar mise agus thusa, agus eadar mo shliochd-sa agus do shliochd-sa gu bràth. Agus dh'éirich e agus dh'imich e: agus chaidh Ionatan do'n bhaile.

#### CAIB. XXI.

**A**N SIN thàinig Daibhidh gu Nob, a dh'ionnsuidh Ahimelech an t-sagairt: agus bha eagal air Ahimelech ag coimneachadh Dhaibhidh, agus thubhairt e ris, C'ar son a tha thu a'd' aonar, agus nach 'eil duine sam bith maille riut?

2 Agus thubhairt Daibhidh ri Ahimelech an sagart, Dh'àithn an rìgh gnothuch dhomhsa, agus thubhairt e rium, Na biodh fios aig duine sam bith a thaobh a' ghnòthuich mu'm bheil mise 'gad chur uam, agus a dh'àithn mi dhuit: agus dh'orduich mi do m' òganachaibh dol a dh'ionnsuidh a leithid so agus a leithid sud a dh'àite.

3 A nis uime sin ciod a tha fa d' làimh? thoir dhomh cuig builinnean arain a'm làimh, no ge b'e ni a tha làthair.

4 Agus fhreagair an sagart Daibhidh, agus thubhairt e, Cha 'n'eil aran coitcheann<sup>3</sup> sam bith fa m' làimh, ach tha aran

coisrigte<sup>4</sup> ann; ma ghléidh na h-òganaich iad féin air bheag sam bith o mhaibh.

5 Agus fhreagair Daibhidh an sagart, agus thubhairt e ris, Gu deimhin chumadh mnà uainne na tri laithe so, o thàinig mise mach, agus tha<sup>5</sup> soithiche nan òganach naomha; agus tha 'n t-aran coitcheann air chor, eadhon ge do naomhaicheadh e an diugh anns an t-soithcach<sup>6</sup>.

6 Uime sin thug an sagart dha aran naomha; oir cha robh aran sam bith an sin ach aran na fianuis<sup>7</sup> a thugadh a fianuis an Tighearna, gu aran tèth a chur sìos anns an là san d'thugadh air falbh e.

7 A nis bha duine àraidh do sheirbhisich Shaul an sin air a là sin, air a chumail an làthair an Tighearna; agus b'e 'ainm Doeg, Edomach, am fear a b'airde do na buachailibh a bhuineadh do Shaul.

8 Agus thubhairt Daibhidh ri Ahimelech, Agus nach 'eil an so fa d' làimh sleagh no claidheamh? oir cha d'thug mi aon chuid mo chlaidheamh no m'airm eile leam, a chionn gu'n robh gnothuch an rìgh cabhagach.

9 Agus thubhairt an sagart, Claidheamh Gholiath an Phìlìstich, a mharbh thu ann an gleann Elah, feuch, tha e 'n so paisgte ann an eudach air cùlaobh na h-Ephoid: ma ghabhas tu sin dhuit féin, gabh e; oir cha 'n'eil claidheamh sam bith eile ach e an so. Agus thubhairt Daibhidh, Cha 'n'eil a leithid eile ann, thoir dhomh e.

10 Agus dh'éirich Daibhidh, agus theich e air an là sin a fianuis Shaul, agus chaidh e gu Aclis rìgh Ghat.

11 Agus thubhairt seirbhisich Achis ris, Nach e so Daibhidh rìgh na tìre? nach ann m'a thimchioll-san a chan iad le chéile<sup>8</sup> ann an dannsaibh, ag ràdh, Mharbh Saul a mhlte, agus Daibhidh a dheich mlte?

12 Agus thaisg Daibhidh suas na briathra sin na chridhe, agus bha eagal mòr air roimh Achis rìgh Ghat.

13 Agus dh'atharraich e a ghiùlan nam fianuis, agus leig e air féin a bhi air a' chuthach nan làmhaibh, agus scriob e air comhlaichibh<sup>9</sup> a' gheataidh, agus leig e le 'shileadh tuiteam sìos air 'Theusaig.

14 An sin thubhairt Achis r'a sheirbhisich, Feuch, chì sibh gu bheil an duine air a' chuthach: c'ar son ma ta thug sibh a'm' ionnsuidhs' e?

15 Am bheil feum agamsa air daoineibh air a' chuthach, gu'n d'thugadh sibh am fear so gu bhi air a' chuthach a'm' làthair? an d'thig am fear so a steach do m' thighsa?

#### CAIB. XXII.

**D**H'IMICH Daibhidh air an aobhar sin as sin, agus chaidh e as gu uaimh

<sup>1</sup> gas an do ghuil. Eabh. <sup>2</sup> thug mi fios. Eabh. <sup>3</sup> cumanta. <sup>4</sup> naomhaichte. <sup>5</sup> bha. <sup>6</sup> agus ma ona neo-ghloine sam bith air an t-slighe, gidheadh

gu cinnteach an diugh bithidh na soithichean glan. <sup>7</sup> aran taisbeanta. <sup>8</sup> fhreagair iad a chéile. <sup>9</sup> dorsaibh.

Adulaim : agus an uair a chual' a bhràthrean agus tigh 'athar uile e, chaidh iad sìos an sin d'a ionnsuidh.

2 Agus chruinnich d'a ionnsuidh gach duine a bha'n teanntachd, agus gach duine a bha fa fhiachaibh, agus gach duine a bha fuidh smuairin<sup>1</sup> na inntinn; agus bha e na cheannard orra : agus bha maille ris mu thimchioll ceithir cheud fear.

3 Agus chaidh Daibhidh as sin gu Mispheh Mhoaid, agus thubhairt e ri rìgh Mhoaid, Thigeadh, guidheam ort, m'athair agus mo mhàthair a mach, agus *bithheadh iad* maille ribh, gus am bi fios agam cìod a ni Dia air mo shon.

4 Agus thug e iad am fianuis rìgh Mhoaid; agus dh'fhan iad maille ris rè nan làithean uile, a bha Daibhidh anns an daingneach.

5 Agus thubhairt am fàidh Gad ri Daibhidh, Na fan anns an daingneach; falbh, agus imich romhad gu tìr Iudah. An sin dh'fhalbh Daibhidh, agus thàinig e gu còillteach Hareit.

6 Agus chuala Saul gu'm facas<sup>2</sup> Daibhidh, agus na daoine a bha maille ris: (a nis dh'fhan Saul ann an Gibeah fuidh chràobh ann an Ramah, agus a shleagh na làmh, agus a sheirbhiseach uile nan seasamh làmh ris.)

7 Agus thubhairt Saul r'a sheirbhiseach, a sheas làmh ris, Eisdibh a nis, a Bheniamineacha: eadhon dhuibhse uile an d'thoir mac Iese achanna agus fion-liosan agus an dean e sibh uile nar ceannardaibh air mhìltibh, agus nar ceannardaibh air cheudaibh;

8 Gu'n deachaidh sibh uile ann an comh-bhoinn<sup>3</sup> a'm' aghaidh-sa, agus nach 'eil neach ann a chuireas an cèill domh gu bheil mo mhac air deanamh comhcheangail ri mac Iese, agus nach 'eil noach agaibh a tha doilich air mo shon, no chuireas an cèill domh gu'n do dhùisg mo mhac mo sheirbhiseach a'm' aghaidh, a dheanamh feall-fholach, mar air an la 'n diugh?

9 An sin fhreagair Doeg an t-Edomach (a bha na sheasamh maille ri seirbhiseach Shaul<sup>4</sup>) agus thubhairt e, Chumnaic mi mac Iese a' teachd gu Nob, a dh'ionnsuidh Ahimelech mhic Ahituib.

10 Agus dh'fhiosraich e air a shon do'n Tighearna, agus thug e biadh dha, agus thug e dha claidheamh Gholiath an Philistich.

11 An sin chuir an rìgh fios air Ahimelech an sagart, mac Ahituib, agus tigh 'athar uile, na sagairt a bha ann an Nob: agus thàinig iad uile dh'ionnsuidh an rìgh.

12 Agus thubhairt Saul, Eisd a nis, a mhic Ahituib. Agus fhreagair esan, Tha mi 'n so, mo thighearna.

13 Agus thubhairt Saul ris, C'ar son a

chaidh sibh ann an comh-bhoinn a'm' aghaidh-sa, thusa agus mac Iese, do bhrìgh gu'n d'thug thu dha aran agus claidheamh, agus gu'n d'fhiosraich thu do Dhia air a shon, a chum gu'n éireadh e suas a'm' aghaidh, a dheanamh feall-fholach, mar air an la 'n diugh?

14 An sin fhreagair Ahimelech an rìgh, agus thubhairt e, Agus cò am measg do sheirbhiseach uile a tha co firinneach ri Daibhidh, a tha na chliamhuin aig an rìgh, agus a dh'imicheas air t'iarrrtas, agus a tha urramach ann ad thigh?

15 An do thòisich mi air an là sin<sup>5</sup> air Dia fhiosrachadh air a shon? gu 'na fada sin uam: na cuireadh an rìgh ni sam bith as leth a sheirbhiseach, no as leth tighe m'athar uile; oir cha robh fios aig do sheirbhiseach air ni sam bith dheth so uile, beag no mòr.

16 Agus thubhairt an rìgh, Gu cinnteach gheibh thu bàs, Ahimelech, thu fèin agus uile thigh t'athar.

17 Agus thubhairt an rìgh ris na gillibhruith a sheas làmh ris, Tionndaidhibh agus marbhaibh sagartan an Tighearna; a chionn gubheil mar an ceudna an làmh-san maille ri Daibhidh, agus a chionn gu'n robh fios aca gu'n do theich e, agus nach do chuir iad an cèill dhomsa e. Ach cha b'ail le seirbhiseach an rìgh an làmh a shìneadh a mach gu bualadh air sagartaibh an Tighearna.

18 Agus thubhairt an rìgh ri Doeg, Tionndaidh thusa, agus buail air na sagartaibh. Agus thionndaidh Doeg an t-Edomach, agus bluail e air na sagartaibh; agus mharbh e air an là sin ceithir fichead agus cùig fir a dh'iomchair ephod do lìon-eudach<sup>6</sup>.

19 Agus bluail e Nob baile nan sagart le faobhar a' chlaidheimh, eadar fhear agus bhean, leanabh agus chiochran, agus dhambh, agus asal, agus chaora, le faobhar a' chlaidheimh.

20 Agus chaidh aon do mhic Ahimelech, mhic Ahituib, as, d'am b'ainm Abiatar, agus thèich e 'n deigh Dhaibhidh.

21 Agus dh'innis Abiatar do Dhaibhidh gu'n do mharbh Saul sagartan an Tighearna.

22 Agus thubhairt Daibhidh ri Abiatar, Bha fios agam air an là anns an robh Doeg an t-Edomach an sin, gu cinnteach gu'n innseadh e do Shaul: is mise b'aobhar bàis gach neach do thigh t'athar.

23 Fan thusa maille riumsa: na biodh eagal ort; oir esan a dh'iarraas m'anam-sa, iarraidh e t'anam-sa: ach maille riumsa bithidh tu fuidh dhìdean.

## CAIB. XXIII.

A N SIN dh'innis iad do Dhaibhidh, ag ràdh, Feuch, tha na Philistich a' cog-

<sup>1</sup> nòd-thoilichte; searbh. Eabhl.

<sup>2</sup> gu'n d' aithnichteadh. Eabhl. <sup>3</sup> Gu'n d' rinn sibh uile ceannaire, chuir sibh uile bhar comhairle ri

chèile.

<sup>4</sup> a chuireadh os cionn sheirbhiseacha Shaul.

<sup>5</sup> an diugh.

<sup>6</sup> anart.



adh an aghaidh Cheilah, agus tha iad a' creachadh nan urlar-bualaidh.

2 Uime sin dh'fhiosraich Daibhidh do'n Tighearna, ag ràdh, An d'théid mise, agus am buail mi na Philistich sin? Agus thubhairt an Tighearna ri Daibhidh, Falbh, agus buail na Philistich, agus saor Ceilah.

3 Agus thubhairt daoine Dhaibhidh ris, Feuch, *tha* eagal oirne an so ann an Iudah: cia mò gu mòr ma ta ma théid sinn gu Ceilah an aghaidh armailtean nam Philisteach?

4 An sin dh'fhiosraich Daibhidh a ris do'n Tighearna. Agus fhreagair an Tighearna c, agus thubhairt e, Eirich, falbh sìos gu Ceilah; oir bheir mise na Philistich thairis do d' làimh.

5 Agus chaidh Daibhidh agus a dhaoine gu Ceilah, agus chog e 'n aghaidh nam Philisteach, agus thug e leis an spréidh, agus bhuail e iad le h-àr mor; mar sin shaor Daibhidh luchd-àiteachaidh Cheilah.

6 (A nis an uair a thèich Abiatar, mac Ahimelech, a dh'ionnsuidh Dhaibhidh gu Ceilah, chaidh c sìos le ephod na làimh.)

7 Agus dh'innseadh do Shaul gu'n d' thàinig Daibhidh gu Ceilah, agus thubhairt Saul, Thug Dia thairis do m' làimh e: oir dhruideadh a stigh e le dol a steach do bhaile gheatachan agus chrann.

8 Agus ghairm Saul an slagh uile chum cogaidh, a dhòl sìos gu Ceilah a chuartaich-adh<sup>1</sup> Dhaibhidh agus a dhaoine.

9 Agus bha fios aig Daibhidh gu robh Saul gu diomhair a' dealbhachd uile na aghaidh; agus thubhairt c ri Abiatar an sagart, Thoir an so an ephod.

10 Agus thubhairt Daibhidh, A Thighearna Dhé Israeil, chuala do sheirbhiseach gu cinnteach gu bheil Saul ag iarraidh teachd gu Ceilah, a sgrios a' bhaile air mo shon-sa.

11 An d'thoir luchd-àiteachaidh<sup>2</sup> Cheilah mise thairis d'a làimh? an d'thig Saul a nuas mar a chuala do sheirbhiseach? A Thighearna Dhé Israeil, guidheam ort, innis do d' sheirbhiseach. Agus thubhairt an Tighearna, Thig e nuas.

12 An sin thubhairt Daibhidh, An d'thoir luchd-àiteachaidh Cheilah mise agus mo dhaoine thairis do làimh Shaul? Agus thubhairt an Tighearna, Bheir iad thairis thu.

13 An sin dh'éirich Daibhidh agus a dhaoine, a bha mu thimchioll sè ceud, agus chaidh iad a mach a Ceilah, agus dh'imich iad an taobh a dh'fheadh iad imeachd<sup>3</sup>. Agus dh'ianseadh do Shaul gu'n deachaidh Daibhidh as a Ceilah, agus leig e dheth dol a mach.

14 Agus dh'fhan Daibhidh anns an fhàsach ann an daingneachaibh làidir, agus

dh'fhan e ann an sliabh am fàsach Shiph<sup>4</sup> agus dh'iarr Saul e gach aon là, ach cha d'thug Dia thairis d'a làimh e.

15 Agus chunnaic Daibhidh gu robh Saul air dol a mach a dh'iarraidh 'anma; agus bha Daibhidh ann am fàsach Shiph ann an coille.

16 Agus dh'éirich Ionatan mac Shaul, agus chaidh e dh'ionnsuidh Dhaibhidh do'n choille, agus neartaich e a làmh ann an Dia.

17 Agus thubhairt e ris, Na biodh eagal ort: oir cha'n fhaigh làmh Shaul m'athar-sa thu, agus rioghaichidh tu os cionn Israeil, agus is mise a's faigse bhios dhuit; agus cuideachd tha fios aig m'athair Saul air sin.

18 Agus rinn iadsan nan dithis coimheangal am fianuis an Tighearna: agus dh'fhan Daibhidh anns a' choille, agus dh'imich Ionatan d'a thigh féin.

19 An sin chaidh na Siphich suas a dh'ionnsuidh Shaul gu Gibeah, ag ràdh, Nach 'eil Daibhidh 'ga fhoiach féin maille-rinne ann an daingneachaibh sa' choille, ann an cnoc Hachilah, a tha air an taobh deas do Iesimon?

20 A nis uime sin, a réir uile mhiann t'anma, O a rìgh, thig da rìreadh a nuas, agus is i ar cuid-ne a thoirt thairis do làimh an rìgh.

21 Agus thubhairt Saul, Beannaichte gu robh sibhse o'n Tighearna, oir ghabh sibh truas rium.

22 Imichibh, guidheam oirbh, ulluichibh fathast, agus biodh fios agaibh, agus faicibh 'air anns an gnàth leis a bhi<sup>4</sup>, agus cò a chunnaic an sin e: oir dh'innseadh dhomh gu bheil e deanamh gu ro-sheòlta.

23 Faicibh ma ta, agus biodh fios agaibh air gach àite-folaich anns am bheil e 'ga fhelach féin, agus thigibh a m' ionnsuidh a ris le fios cinnteach, agus théid mise maille ribh: agus an sin, ma bhitheas e anns an tìr, rannsaichidh mise mach e air feadh uile mhilltean Iudah.

24 Agus dh'éirich iad, agus chaidh iad gu Siph roimh Shaul: ach bha Daibhidh agus a dhaoine ann am fàsach Mhoin, anns a' chòmhnard air an taobh deas do Iesimon.

25 Agus chaidh Saul agus a dhaoine g'a iarraidh, agus dh'innis iad sin do Dhaibhidh: uime sin thàinig c nuas gu carraig, agus dh'fhan e ann am fàsach Mhoin. Agus an uair a chuala Saul sin, chaidh e air tòir Dhaibhidh ann am fàsach Mhoin.

26 Agus chaidh Saul air an taobh so do'n t-sliabh, agus Daibhidh agus a dhaoine air an taobh eile do'n t-sliabh: agus rinn Daibhidh cabhag gu imeachd air falbh roimhe Saul<sup>4</sup>; oir chuairtich Saul agus a

<sup>1</sup> a theannachadh. Eabh.

<sup>2</sup> daoine.

<sup>3</sup> dh'imich iad an taobh a dh'imich iad, Eabh.

<sup>4</sup> anns am bheil a chos. Eabh.

<sup>5</sup> air eagal

Shaul.

dhaoine Daibhidh agus a dhaoine, chum an glacadh.

27 Ach thàinig teachdaire dh'ionnsuidh Shaul, ag ràdh, Dean cabhag agus thig: oir bhris na Philistich a stigh air an tìr.

28 Uime sin phill Saul o dhol air tòir Daibhidh, agus chaidh e 'n aghaidh nam Philisteach: air an aobhar sin thug iad Selah-hamah-lecot<sup>1</sup> mar ainm air an àite sin.

29 Agus chaidh Daibhidh suas as sin, agus ghabh e còmhnuidh ann an daingneachaibh Ìidir Engedi.

## CAIB. XXIV.

**A**GUS an uair a bha Saul air pilltinn o leantuinn nam Philisteach, dh'innseadh dha, ag ràdh, Feuch, tha Daibhidh ann am fasach Engedi.

2 An sin ghabh Saul trì mìle fear taghra a h-Israel uile, agus chaidh e dh'iarraidh Daibhidh agus a dhaoine air aghaidh chreag nam fiadh-ghabhair.

3 Agus thàinig e dh'ionnsuidh mainnir-ean<sup>2</sup> nan caorach làimh ris an t-slighe, far an robh uaimh; agus chaidh Saul a steach a chòmhdachadh a chos: agus dh'fhan Daibhidh agus a dhaoine ann an taobhaibh na h-uamha.

4 Agus thubhairt daoine Daibhidh ris, Feuch an là, mu'n d'thubhairt an Tighearna triut, Feuch, bheil mi thairis do nàmhaid do d' làimh, a chum a' gu'n dean thu ris mar is àill leat. An sin dh'éirich Daibhidh, agus ghearr e air falbh iomall falluinne Shaul os ìosal.

5 Agus na dhéigh sin bhuail cridhe Daibhidh e, a chionn gu'n do ghearr e air falbh iomall falluinne Shaul.

6 Agus thubhairt e r'a dhaoineibh, Nar leigeadh Dia gu'n deanainnse an' ni so ri m' thighearna, aon ungta an Tighearna, mo làmh a shineadh a mach na aghaidh, o's e aon ungta an Tighearn e.

7 Agus choisg Daibhidh a dhaoine leis na briathraibh sin, agus cha do leig e leas éirigh an aghaidh Shaul. Ach dh'éirich Saul as an uaimh, agus dh'imich e air a shlighe.

8 Agus dh'éirich Daibhidh suas an déigh sin, agus chaidh e mach as an uaimh, agus ghlaodh e 'n déigh Shaul, ag ràdh, Mo thighearn, a rìgh. Agus an uair a dh'ambairc Saul na dhéigh, chrom Daibhidh e féin air aghaidh dh'ionnsuidh na talmhainn, agus rinn e ùmhlaichd<sup>3</sup>.

9 Agus thubhairt Daibhidh ri Saul, C'ar son a tha thu ag éisdeachd ri briathraibh dhaoine, ag ràdh, Feuch, tha Daibhidh ag iarraidh do chron.

10 Feuch, air an là 'n diugh chunnaic do shùilean cionnus a thug an Tighearna thairis thu an diugh do m' làimh anns an

uaimh: agus dh'iarr cuid orm do mharbhadh, ach chaomhain mo slùil thu, agus thubhairt mi, Cha chuir mi mo làmh a mach an aghaidh mo thighearna; oir is e aon ungta an Tighearn e.

11 Agus faic, O athair, eadhon faic iomall t'fhalluine a'm' làimh: do bhrìgh an uair a ghearr mi air falbh iomall t'fhalluine, nach do mharbh mi thu, biodh fios agad agus faic nach 'eil aon chuid olc no eusaontas<sup>4</sup> a'm' làimh, agus nach do pheac-aich mi a't' aghaidh; gidheadh tha thu a' sealg air m'anam, a chum a ghlacadh.

12 Gu'n d'thugadh an Tighearna breth eadar mise agus thusa, agus gu'n dioladh an Tighearna mise ort: ach cha bhi mo làmh-sa ort.

13 Mar a their gnàth-fnocal nan sean-fhear, O na h-aingidh thig aingidheachd: ach cha bhi mo làmh-sa ort.

14 Cò an déigh an d'thàinig rìgh Israel a mach? co air am bheil thu 'n tòir? an déigh coin mhairbh, an déigh deargainne.

15 Uime sin bitheadh an Tighearna na bhreitheanbh, agus thugadh e breth eadar mise agus thusa, agus faiceadh e, agus tagradh e mo chùis, agus saoradh e mi as do làimh.

16 Agus an uair a chuir Daibhidh crìoch air na briathra sin a labhairt ri Saul, an sin thubhairt Saul, An e so do ghuth, a mhic, a Daibhidh? Agus thog Saul suas a ghùth, agus ghuil e.

17 Agus thubhairt e ri Daibhidh, Is tusa a's firinniche na mise: oir dhìol thusa maith dhomhsa, ach dhìol mise olc dhuitse.

18 Agus nochd thu an diugh cionnus a bhuin thu gu maith rium; do bhrìgh, an uair a thug an Tighearna thairis mi do d' làimh, nach do mharbh thu mi.

19 Oir an uair a gheibh duine a nàmhaid, an leir e as gu maith<sup>5</sup> e? uime sin gu'n dioladh an Tighearna maith dhuitse air son na rinn thu dhomhsa an diugh.

20 Agus a nis feuch, tha fios agam gu'm bi thu gu cinnteach a'd' rìgh, agus gu'n daingnichear rìoghachd Israel a'd' làimh.

21 Uime sin mionnachd dhomhsa air an Tighearna, nach gearr thu as mo shliochd a'n' dhéigh, agus nach sgrios thu m'ainm a tigh m'athar.

22 Agus mbonnachd Daibhidh do Shaul: agus chaidh Saul dhachaidh; ach chaidh Daibhidh agus a dhaoine suas do'n daingneach.

## CAIB. XXV.

**A**GUS fhuair Samuèl bàs; agus chruinn-ich na h-Israelich uile an ceann a chèile, agus rinn iad caoidh air a shon, agus dh'adhlac iad e na thigh ann an Ramah. Agus dh'éirich Daibhidh, agus chaidh e sìos gu fàsach Pharaon.

<sup>1</sup> i. e. creag nan sgaradh. <sup>2</sup> chrò. <sup>3</sup> chrom se e féin.

<sup>4</sup> eu-ceart, aingidheachd. <sup>5</sup> air slighe mhaith. Eabh.



2 Agus *bha* duine ann am Maon, aig *an robh* a shealbh<sup>1</sup> ann an Carmel, agus *bha* 'n duine ro-mhòr, agus *bha* trì mìle caora aige, agus mìle gabhar : agus *bha* e a' lomar-airt<sup>2</sup> a chaorach ann an Carmel.

3 A nis b'e ainm an duine Nabal, agus ainm a mhnà Abigail: agus *bha* i na mnaoi aig *an robh* deagh thuigse, agus maiseach na dealbh; ach *bha* 'n duine iargalta<sup>3</sup>, agus olc na ghnìomh-araibh, agus *bha* e do thigh Chaleib<sup>4</sup>.

4 Agus chuala Daibhidh sin fhàsach gu'n *robh* Nabal a' lomarirt a chaorach.

5 Agus chuir Daibhidh uaith deichnear òganach, agus thubhairt Daibhidh ris na h-òganaich, Gabhaibh suas gu Carmel, agus rachaibh a dh'ionnsuidh Nabail, agus cuiribh fàilte air a'm' ainm-sa.

6 Agus mar so their sibh, Slàn gu *robh thu*<sup>5</sup>; agus sìth gu *robh* dhuit féin, agus sìth do d' thigh, agus sìth do gach ni a th' agad.

7 Agus a nis chuala mi gu bheil luchd-lomarirt chaorach agad: a nis do bhuach-ailean-sa, a bha maille ruinn, cha d'rinn sinn cron orra, ni mò a dh'ionndraineadh<sup>6</sup> ni sam bith leo rè na h-aimsir a bha iad ann an Carmel.

8 Feòraich do d' òganachaibh, agus inn-sidh iad dhuit: faigheadh ma ta na h-òganaich deagh-ghean a'd' shùilb, oir air la maith<sup>7</sup> thàinig sinn: thoir, guidheam ort, do d' sheirbhisich, agus do d' mhac Daibhidh, ge b'e ni a thig a dh'ionnsuidh do làimhe<sup>8</sup>.

9 Agus an uair a thàinig òganaich Dhaibhidh, labhair iad ri Nabal a rèir nam briathra sin uile ann an ainm Dhaibhidh, agus *bha* iad nan tosd<sup>9</sup>.

10 Agus fhreagair Nabal seirbhisich Dhaibhidh, agus thubhairt e, Cò e Daibhidh, agus cò e mac Iese? is lionmhor seirbhisich sna laithibh so, a tha briseadh air falbh gach duine dhiubh o' mhaighstir.

11 An gabh mise ma ta m'aran, agus m'uisge, agus m'fheoil, a mharbh mi air son mo luchd-lomarirt, agus an tabhair mi e do dhaoineibh nach aithne dhomh cia as a tha iad?

12 Uime sin thionndaidh òganaich Dhaibhidh air an slighe, agus phill iad, agus thàinig iad agus dh'innis iad dha do rèir nam briathra sin uile.

13 Agus thubhairt Daibhidh r'a dhaoineibh, Cuiribh gach duine a chlaidheamh air. Agus chuir gach duine dhiubh a chlaidheamh air, agus chuir Daibhidh mar an ceudna a chlaidheamh air: agus chaidh suas an déigh Dhaibhidh mu thimchioll ceithir cheud fear, agus dh'fhan dà cheud maille ris an airneis.

14 Ach dh'innis fear do na h-oganachaibh do Abigail bean Nabail, ag ràdh, Feuch, chuir Daibhidh teachdairean as an fhàsach a chur fàilte air ar maighstir, agus thug e ana-cainnt dhoibh.

15 Ach *bha* na daoine ro-mhaith ruinn, agus cha d'rinneadh cron oirnn, ni mo a dh'ionndrain<sup>10</sup> sinn ni sam bith rè na h-aimsir a bha<sup>11</sup> sinn maille riu, 'nuair a bha sin san fhearann.

16 Bha iad nam balladh dhuinn araon a dh'oidhche agus a là, rè na h-aimsir, a bha sinn maille riu ag ionaltradh nan caorach.

17 A nis air an aobhar sin biodh fios agad agus smuainich ciod a ni thu; oir shonruicheadh olc an aghaidh ar maighstir, agus an aghaidh a thighe uile: agus is mac do Bhelial esan, air chor as nach feud *neach* labhairt ris.

18 An sin rinn Abigail cabhag, agus ghabh i dà cheud *buillionn* arain, agus dà shearrag fhìona, agus cùig caoraich air an deasachadh, agus cùig toimhean do shìol cruaidhichte<sup>12</sup>, agus ceud bagaide<sup>13</sup> do fhion-dhearcaibh tiormaichte, agus dà cheud meall do fhigibh; agus chuir i air asalaibh iad.

19 Agus thubhairt i r'a h-òganachaibh, Rachaibh air bhur n-aghaidh romham: feuch, *tha* mi teachd 'nar déigh: ach cha d'innis i sin d'a fear Nabal.

20 Agus an uair a bha i a' marcachd air an asail, agus a' teachd a nuas ann am fàsagath an t-sléibh, feuch thàinig Daibhidh agus a dhaoine a nuas na còdhail, agus-choinnich i iad.

21 A nis thubhairt Daibhidh, Gu cinnteach is ann gu dìomhasin a ghléidh mise-gach ni a bh'aig an fhear so san 'hàsach, air chor as nach d'ionndraineadh<sup>14</sup> ni air bith do gach ni a bhuineadh dha; oir dh'iol esan olc dhomhsa an éiric maith.

22 Gu'n deanadh Dia mar sin ri naimhdeibh Daibhidh, agus tuille mar an ceudna, ma dh'fhàgas mise dhiubhsan uile, a *tha* aige gu ruig a' mhaduinn, aon air bith a ni uisge ri balladh.

23 Agus an uair a chunnaic Abigail Daibhidh, rinn i cabhag agus theirinn i bhàrr na h-asail, agus thuit i sìos air a h-aghaidh am fianuis Dhaibhidh, agus chrom si i féin gu làr,

24 Agus thuit i aig a chosaibh, agus thubhairt i, Ormsa, *cadhon* ormsa; mo thigh-earna, *bitheadh* an cionta so, agus labhradh, guidheam ort, do bhan-oglach ann ad éisdeachd, agus cluinn briathra do bhan-oglaich.

25 Na d'thugadh mo thighcarna, guidheam ort, fanear an duine so<sup>15</sup> le Belial, eadhon Nabal; oir a rèir 'ainme, mar sin *tha e*: is e Nabal<sup>16</sup> ainm, agus *tha* amaid-

<sup>1</sup> ani, a spréidh; 'obair. Eabh.

<sup>2</sup> rusgadh.

<sup>3</sup> ainmeineach; cruaidh. Eabh.

<sup>4</sup> bu Chaleb-each e. Eabh.

<sup>5</sup> mar so their sibh ris-san, a tha beò ann an saibhreas.

<sup>6</sup> chailleadh.

<sup>7</sup> subhach.

<sup>8</sup> gheibh do làmh. Eabh.

<sup>9</sup> sguir

iad, stad iad.

<sup>10</sup> chail.

<sup>11</sup> a ghluais. Eabh.

<sup>12</sup> do ghràn gradain.

<sup>13</sup> badan; triopall. Eir.

clusters. Sagg.

<sup>14</sup> Na cuireadh mo thighearn a chrìthe air an duine so. Eabh.

<sup>15</sup> i. e.

amadan.

cachd maille ris: ach cha'n fhaca mise, do bhan-oglach, òganaich mo thighearna, a chuir thu uait.

26 A nis uime sin, mo thighearna, *mar* is beò an Tighearna, agus *mar* is beo t'anam, a chionn gu'n do chum an Tighearna thusa o theachd a dhòrtadh fola, agus o thu fèin a dhioladh le d' làimh fèin; a nis uime sin mar Nabal bitheadh do naimhdean, agus iadsan a dh'iarraas olc do m' thighearna:

27 Agus a nis am beannachadh<sup>1</sup> so, a thug do bhan-oglach a dh'ionnsuidh mo thighearna, thugar e eadhon do na h-òganaich, a tha siubhal an cois<sup>2</sup> mo thighearna.

28 Maith, guidheam ort, cionta do bhan-oglaich; oir ni an Tighearna gu cinnteach tigh seasmhach do m' thighearna do bhrìgh gu bheil mo thighearna a' cur cathan an Tighearna, agus nach d'fhuaradh olc annad o *thùs* do làithean.

29 Gidheadh dh'èirich duine gu dol air do thòir, agus a dh'iarraidh t'anma: ach bithidh anam mo thighearna air a cheangal suas ann an ceanglachan na beatha aig an Tighearna do Dhia; agus annamna do naimhdean, iadsan tilgidh e mach, *mar* a meadhon croinn-tàbhuill<sup>3</sup>.

30 Agus an uair a ni an Tighearna do m' thighearna a rèir gach maith a labhair e mu d' thimchioll, agus a dh'orduichas e thu a'd uachdaran os cionn Israeil;

31 Cha bhi so chum doilgheis<sup>4</sup> dhuìt, no chum oibbheim cridhe do m' thighearna, gu'n do dhòirt thu fuil gun aobhar, agus gu'n do dhiol mo thighearna e fèin: ach an uair a bhuineas an Tighearna gu maith ri m' thighearna, an sin cuimhnich air do bhan-oglaich.

32 Agus thubhairt Daibhidh ri Abigail, Beannaichte *gu robh* an Tighearna Dia Israeil, a chuir thusa an diugh a'm' choinneamhsa;

33 Agus beannaichte *gu robh* do chomhairle, agus beannaichte *gu robh* thu fèin, a chum mise an diugh o theachd a dhòrtadh fola, agus o mi fèin a dhioladh le m' làimh fèin.

34 Oir gu deimhin, *mar* is beo an Tighearna, Dia Israeil, a chum mis' o chron a dheanamh ort, mur bitheadh tu air deanamh cabhaig, agus air teachd a'm' choinneamh, gu cinnteach cha'n fhàgta do Nabal gu solus na maidne neach sam bith, a ni uisge ri balladh.

35 Uime sin ghabh Daibhidh as a làimh na thug i d'a ionnsuidh, agus thubhairt e rithe, Gabh suas ann an sìth a dh'ionnsuidh do thighe; faic, dh'èisd mi ri d' ghuth, agus ghabh mi ri d' ghnùis.

36 Agus thàinig Abigail a dh'ionnsuidh Nabail, agus feuch, *bha* cuirm aige na thigh mar chuirm rìgh; agus *bha* cridhe

Nabail subhach an taobh a stigh dheth, oir *bha* e gu mòr air mhìsg: uime sin cha d'innis i dha a bheag no mhòr, gu solus na maidne.

37 Ach anns a' mhaduinn, an uair a chaidh am fion a Nabal<sup>5</sup>, agus a dh'innis a bhean dha na nithe sin, bhàsaich a cridhe an taobh a stigh dheth, agus *bha* e mar chloich.

38 Agus mu thimchioll deich làithean na dhéigh sin bhuail an Tighearna Nabal, agus fhuair e bàs.

39 Agus an uair a chuala Daibhidh gu'n d'fhuair Nabal bàs, thubhairt e, Beannaichte *gu robh* an Tighearna, a thagair cùis mo mhaslaidh o làimh Nabail, agus a chum a sheirbhiseach o olc: oir thionndaidh an Tighearna aingidheachd Nabail air a cheann fèin. Agus chuir Daibhidh teachdaire uaithe, agus labhair e ri Abigail, a chum a gabhail dha fèin na mnaoi.

40 Agus an uair a thàinig seirbhisich Daibhidh a dh'ionnsuidh Abigail gu Carmel, labhair iad rithe, ag ràdh, Chuir Daibhidh sinn a'd' ionnsuidh a chum do gabhail thuige<sup>6</sup> a'd' mhnai.

41 Agus dh'èirich i agus chrom si i fèin air a h-aghaidh dh'ionnsuidh na talmhainn, agus thubhairt i, Feuch, bitheadh do bhan-oglach na h-innilt<sup>7</sup> a nigheadh chos sheirbhiseach mo thighearna.

42 Agus rinn Abigail cabhag, agus dh'èirich i, agus mharcaich i air asail, agus cùigear ghruagach aice ag imeachd nadéigh; agus lean i teachdairean Daibhidh, agus bha i na mnaoi aige.

43 Ghabh Daibhidh cuideachd Ahinoam o Iesrael, agus bha iad mar an ceudna le chéile nam mnaibh aige.

44 Oir thug Saul a nighean Michal, bean Daibhidh, do Phalti mac Lais, a *bha* do Ghalim.

## CAIB. XXVI.

**A**GUS thàinig na Siphich a dh'ionnsuidh A Shaul gu Gibeath, ag ràdh, Nach 'eil Daibhidh 'ga fholach fèin ann an sliabh Hachilah fa chomhair Iesimoin?

2 An sin dh'èirich Saul, agus chaidh e sìos gu fàsach Shiph, agus maille ris trì mìle fear taghta do Israel, a dh'iarraidh Daibhidh ann am fàsach Shiph.

3 Agus champaich Saul ann an sliabh Hachilah, a *tha* fa chomhair Iesimoin air an t-slighe: ach dh'fhan Daibhidh anns an fhàsach, agus chunnaic e gu'n d'thàinig Saul na dheigh do'n fhasach.

4 Uime sin chuir Daibhidh mach luchd-rannsachaidh, agus thuig e gu'n d'thàinig Saul da rìreadh.

5 Agus dh'èirich Daibhidh, agus thàinig e dh'ionnsuidh an àite anns an do champaich Saul: agus chunnaic Daibhidh an t-àit anns an robh Saul na luidhe, agus Abner

<sup>1</sup> an tiòdhlaic. <sup>2</sup> a' leantuinne. <sup>3</sup> meadhon glaise croinn-tàbhuill. Eabh. <sup>4</sup> tuistidh.

<sup>5</sup> an uair a thàinig Nabal gu 'chéill. <sup>6</sup> chuige. Eir. <sup>7</sup> na seirbhisich.



mac Ner, ceannard 'armailte: agus luidh Saul an taobh a stigh do'n chlais-bhlàir<sup>1</sup>, agus chanpaich an sluagh m'a thimchioll.

6 An sin fhreagair Daibhidh, agus thubhairt e ri Ahimelech an Hiteach, agus ri Abisai, mac Sheruah, bràthair Ioaib, ag ràdh, Co théid sìos maille riumsa dh'ionnsuidh Shaul do'n champ? Agus thubhairt Abisai, Théid mise sìos maille riut.

7 Uime sin thàinig Daibhidh agus Abisai dh'ionnsuidh an t-sluaigh san oidhche; agus feuch, luidh Saul na chodal an taobh a stigh do'n chlais-bhlàir, agus a shleagh sàthta san talamh aig a cheann-adhairt; ach luidh Abner agus an sluagh mu'n cuairt air.

8 An sin thubhairt Abisai ri Daibhidh, Thug Dia thairis do nàmhaid an diugh do d' làimh: a nis uime sin, leig leam a bhualadh, guidheam ort, leis an t-sleagh a dh'ionnsuidh na talmhainn aon uair, agus cha *bhuail* mi e an dara uair.

9 Agus thubhairt Daibhidh ri Abisai, Na maibhe; oir cò a shìneas a mach a làmh an aghaidh aoin ungta an Tighearna, agus a bhios neo-chiontach?

10 Thubhairt Daibhidh mar an ceudna, Mar is beo an Tighearna, buailidh an Tighearna e, no thig a là anns am faigh e bàs, no théid e sìos do'n chath agus tuitidh e.

11 Nar leigeadh an Tighearna gu'n sìnnse mach mo làmh an aghaidh aoin ungta an Tighearna: ach a nis gabh, guidheam ort, an t-sleagh a *tha* aig a cheann-adhairt, agus an soitheach uisge, agus biomaid ag imeachd.

12 Agus ghabh Daibhidh an t-sleagh agus an soitheach uisge o cheann-adhairt Shaul, agus dh'imich iad rompa, agus cha robh neach ann a chunnaic sin, no aig an robh fios air, no a mhosgail; oir *bha* iad uile nan codal, do bhrìgh gu'n do thuit còdal trom o'n Tighearna orra.

13 An sin chaidh Daibhidh thairis do'n taobh eile, agus sheas e air mullach sléibhe fad as, *le astar mòr eatorra*.

14 Agus ghlaodh Daibhidh ris an t-sluagh, agus ri Abner, mac Ner, ag ràdh, Nach freagair thu, Abner? Agus fhreagair Abner, agus thubhairt e, Cò thusa, a *tha* glaothaich ris an rìgh?

15 Agus thubhairt Daibhidh ri Abner, Nach fear *treun* thusa? agus cò a's còmhail riut ann an Israel? e'arson ma ta nach do choinnidh thu do thighearna an rìgh? oir thàinig aon do'n t-sluagh a steach a mhaibhadh an rìgh do thighearna.

16 Cha 'n'eil an ni so maith a rinn thu: mar is heo an Tighearna, *tha* sibh a' toillinn a' bhàis<sup>2</sup>, do bhrìgh nach do ghléidh

sibh bhuir maighstir, aon ungta an Tigh-earna: agus a nis faic c'àit *am bheil* sleagh an rìgh, agus an soitheach uisge, a *bha* aig a cheann-adhairt?

17 Agus dh'aithnich Saul guth Dhaibhidh, agus thubhairt e, An e so do ghuth-sa, a mhic, a Dhaibhidh? agus thubhairt Daibhidh, *Is e mo ghuth-sa a th'ann*, mo thighearna, a rìgh.

18 Agus thubhairt e, C'ar son a *tha* mo thighearna air tòir a sheirbhisich? oir ciod a rinn mi? no ciod an t-olc a th'ann am làimh?

19 A nis uime sin, guidheam ort, éisdeadh mo thighearna, an rìgh, ri briathraibh a sheirbhisich: ma's e an Tighearna a bhrosnuich thu a'm' aghaidh, gabhaidh e tabhartas<sup>3</sup>: ach ma's iad clann nan daoine, mal aichte *tha* iad am fianuis an Tighearna, oir dh'fhuadaich iad mise mach an diugh o fhanuim ann an oighreachd an Tighearna, ag ràdh, Falbh, dean seirbhis do dhiathaibh eile.

20 A nis ma ta, na tuiteadh m' fhuil a dh'ionnsuidh na talmhainn ann am fianuis an Tighearna; oir thàinig rìgh Israel a mach a dh'iarraidh deargaine, mar a ruigeas fear ceare choille<sup>4</sup> anns na beannaibh.

21 An sin thubhairt Saul, Pheacaich mi: pill, a mhic, a Dhaibhidh, oir cha dean mi cròn ort tuilleadh, a chionn gu'n robh m'anam luachmhor a'd' shùilibh an diugh: feuch, rinn mi gu h-amaideach, agus chaidh mi air seacharan gu ro-mhòr.

22 Agus fhreagair Daibhidh agus thubhairt e, Feuch sleagh an rìgh; agus thigeadh aon do na h-òganaich a nall, agus gabhadh e i.

23 Agus iocadh an Tighearna do gach neach a réir 'ionracais, agus 'fhireantachd: oir thug an Tighearna thairis thu an diugh do m' làimh-sa, ach cha b'àill leam mo làmh a shìneadh a mach an aghaidh aoin ungta an Tighearna.

24 Agus feuch, mar a mheasadh t'anam-sa gu mòr leamais an diugh, mar sin bith-eadh m'anam-sa air a mheas gu mòr leis an Tighearna, agus saoradh e mi as gach gabhadh.

25 Agus thubhairt Saul ri Daibhidh, Beannaichte gu robh thusa, a mhic, a Dhaibhidh: an dà chuid ni thu *nithe* mòra, agus mar an ceudna bheir thu gu cinnteach buaidh. Agus dh'imich Daibhidh air a shlighe, agus phill Saul do 'àite féin.

# CAIB. XXVII.

**A**GUS thubhairt Daibhidh na chridhe, A nis tuitidh mi la éigin an làimh Shaul<sup>5</sup>; cha 'n'eil ni air lùth a's fearr dhomh na mi dhol as gu luath do dhùth-

<sup>1</sup> an taobh a stigh do chuairt nan carbad.

<sup>2</sup> is mic do'n bhàis sibh. Eabh.

<sup>3</sup> gabhaidh e

àite tabhartais. Eabh.

<sup>4</sup> ceare-thomann;

core. Eabh.

làimh Shaul.

<sup>5</sup> cuirear gu bàs mi la éigin

aich nam Philisteach, a chum gu'n leig Saul dheth<sup>1</sup> mise iarraidh nì's mò ann an crìch air bith do Israel, agus gu'n d'fhéid mi as o 'làimh.

2 Agus dh'éirich Daibhidh, agus chaidh e thairis, agus an sè ceud fear, a bha maille ris, a dh'ionnsuidh Achis mhic Mhaoich, rìgh Ghat.

3 Agus ghabh Daibhidh còmhnuidh maille ri Achis ann an Gat, e féin agus a dhaoine, gach fear le 'theaghlach, Daibhidh agus a dhà mhnaoi, Ahinoam a' Bhan-iesreeleach, agus Abigail a' Bhan-charmel-each, bean Nabail.

4 Agus dh'innseadh do Shaul gu'n do theich Daibhidh gu Gat, agus cha d'iarr e nì's mò air a shon.

5 Agus thubhairt Daibhidh ri Achis, Ma fhuair mi nis deagh-ghean a'd' shùil-ibh, thugar dhomh àit ann am baile éigin san dùthaich, a chum as gu'n gabh mi còmhnuidh an sin: oir c'ar son a ghabhadh do sheirbhiseach còmhnuidh anns a' bhaile rìoghail maille riutsa?

6 An sin thug Achis dha Siclag air an là sin: uime sin buinidh Siclag do rìghribh Iudah gus an là 'n diugh.

7 Agus b'e fad na h-aimsir<sup>2</sup> a dh'fhan Daibhidh ann an dùthaich nam Philisteach, bliadhna iomlan<sup>3</sup> agus ceithir mìosan.

8 Agus chaidh Daibhidh agus a dhaoine suas, agus bhris iad a stigh air na Gesuraich<sup>4</sup>, agus na Gesirich, agus na h-Amaleich; oir b'iadsan o shean luchd-àiteachaidh na tìre, mar a théid thu gu Sur, cadhon gu tìr na h-Eiphit.

9 Agus bhuail Daibhidh an tìr, agus cha d'fhàg e fear no bean beo: agus thug e leis na caoraich, agus am buar, agus na h-asail, agus na càmhail, agus an t-eudach; agus phill e, agus thàinig e gu Achis.

10 Agus thubhairt Achis, C'ait an do bhris sibh a stigh an diugh? Agus thubhairt Daibhidh, Air an taobh deas do Iudah, agus air an taobh deas do na Ierahmeelich, agus air an taobh deas do na Cenich.

11 Agus fear no bean cha do leig Daibhidh as beo, a thoirt *sgeula* gu Gat, ag ràdh, Air eagal gu'n innseadh iad cìrnn, ag ràdh, Mar so rinn Daibhidh. Agus mar so bha a sheòl rè na h-aimsir a dh'fhan e ann an dùthaich nam Philisteach.

12 Agus chruid Achis Daibhidh, ag ràdh, Thug e air a shluagh Israel gràin mhòr a ghabhail deth: uime sin bithidh e na sheirbhiseach agamsa gu bràth.

#### CAIB. XXVIII.

**A**GUS anns na laithibh sin chruinnich na Philistich an armaitean an ceann a chèile chum cogaidh, a chur catha ri h-Israel: agus thubhairt Achis ri Daibhidh, Biodh fios gu cinnteach agad gu'n d'fhéid

thu mach maille riumsa chum catha, thu féin agus do dhaoine.

2 Agus thubhairt Daibhidh ri Achis, Gu deimhin bithidh fios agad ciod a ni do sheirbhiseach. Agus thubhairt Achis ri Daibhidh, Uime sin ni mi fear-gleiddidh mo chinne diot gu bràth.

3 A nis fhuair Samuel bàs, agus rinn Israel uile caoidh air a shon, agus dh'adh-laic iad e ann an Ramah na bhaile féin: agus chuir Saul air faibh iadsan aig an robh leannain-sìth, agus na fiosaichean, as an tìr.

4 Agus chruinnicheadh na Philistich an ceann a chèile, agus thàinig iad agus champaich iad ann an Sunem: agus chruinnich Saul Israel uile an ceann a chèile, agus champaich iad ann an Gilboa.

5 Agus an uair a chunnaic Saul feachd nan Philisteach, bha eagal air, agus chrìochnuich a chridhe gu mòr.

6 Agus an uair a dh'fhiosraich Saul do'n Tighearna, cha do fhreagair an Tighearn e, aon chuid le aisingibh, no le Urin, no le fàdhbhb.

7 An sin thubhairt Saul r'a sheirbhishich, Iarraibh dhomhsa bean aig am bheil leannan-sìth, agus théid mi d'a h-ionnsuidh, agus fiosaichidh mi dhith. Agus thubhairt a sheirbhishich ris, Feuch, *tha* bean aig am bheil leannan-sìth ann an Endor.

8 Agus chuir Saul e féin ann an riochd eile, agus chuir e air eudach cile, agus dh'imich e, agus dithis dhaoine maille ris, agus thàinig iad a dh'ionnsuidh na mnà anns an oidheche, agus thubhairt e, Dean fiosachd<sup>5</sup> dhomhsa, guidheam ort, leis an leannan-sìth, agus tog suas dhomh esan a dh'ainmicheas mi dhuit.

9 Agus thubhairt a' bhean ris, Feuch, tha fios agad ciod a rinn Saul, cionnusa ghearr e as iadsan aig an robh leannan-sìth, agus na fiosaichean, as an tìr: c'ar son ma ta a tha thu a' leagadh ribidh air son m'anna, chum mo chur gu bàs?

10 Agus mhionnaich Saul dh'i air an Tighearn, ag ràdh, *Mar* is beo an Tighearna, cha tachair ole sam bith dhuit air son an ni so.

11 An sin thubhairt a' bhean, Cò thogas mi nìos dhuit? Agus thubhairt esan, Tog a mìos dhomh Samuel.

12 Agus an uair a chunnaic a' bhean Samuel, ghlaodh i le guth ard, agus labhair a' bhean ri Saul, ag ràdh, C'ar son a inheall thu mi? oir is tu Saul?

13 Agus thubhairt an rìgh rithe, Na biodh eagal ort: oir ciod a chunnaic thu? Agus thubhairt a' bhean ri Saul, Chunnaic mi diathan a' teachd a mìos as an talamh.

14 Agus thubhairt e rithe, Ciod e a choslas? Agus thubhairt ise, *Tha* seann

<sup>1</sup> gu'n caill Saul a dhòchas a'm thuobh-sa.  
<sup>2</sup> àireamh nan laithean. Eabh.

<sup>3</sup> laithean. Eabh.  
<sup>4</sup> adh nan Gesurach.

<sup>5</sup> chaidh iad a chreach-  
<sup>6</sup> fàistineuchd.



duine air teachd a nìos, agus e còmhdaichte le falluinn<sup>1</sup>. Agus dh'aithnich Saul gu'm b'e Samuel a bh'ann, agus chrom se e fèin air aghaidh dh'ionnsuidh na talmhainn, agus rinn e ùmhlaichd dha.

15 Agus thubhairt Samuel ri Saul, C'ar son a chuir thu dragh orm, le m' thoirt a nìos? Agus fhreagair Saul, Tha mi ann an teanntachd mhòir: oir tha na Philistich a' cogadh a'm' aghaidh, agus dhealaich Dia rium, agus cha 'n'eil e toirt freagraidh dhomh ni's mò, aon chuid le fàidhibh na le aislingibh: uime sin ghairm mi ortsa gu fìos a thoirt domh cìod a ni mi.

16 An sin thubhairt Samuel, C'ar son ma ta a tha thu a' fiosrachadh dhìomsa, agus gu'n do dhealaich an Tighearna riut, agus gu bheil e nis air fas na nàmhaid duit<sup>2</sup>?

17 Agus rinn an Tighearna dha, mar a labhair e trómhamsa<sup>3</sup>; oir reub an Tighearna an rìoghachd as do làimh, agus thug e i do d' choinhearsnach, do Dhaibhidh.

18 Do bhrìgh nach d'éisd thu ri guth an Tighearna, agus nach do chuir thu an gnìomh a chorruih gharb an aghaidh Amaleic; uime sin rinn an Tighearna an nì so riut air an la 'n diugh.

19 Agus bheir an Tighearna mar an ceudna Israel maille riutsa thairis do làimh nam Philisteach: agus am màireach bithidh tusa agus do mhic maille riumsa: bheir an Tighearna mar an ceudna feachd Israeil thairis do làimh nam Philisteach.

20 An sin air ball thuit Saul sìnte air an talamh, agus bha e fa eagal ro-mhòr air son bhriathra Shamuel, agus cha robh neart air bith ann; oir cha d'ith e aran rè an latha, no rè na h-oidhche sin.

21 Agus thàinig a' bhean a dh'ionnsuidh Shaul, agus chunnaic i gu'n robh e fa uamhann mòr, agus thubhairt i ris, Feuch, thug do bhan-oglach géill<sup>4</sup> do d' ghuth, agus chuir mi m'anam a'm' làimh, agus dh'éisd mi ri d' bhriathraibh a labhair thu rium.

22 A nis uime sin, guidheam ort, éisd thusa mar an ceudna ri guth do bhan-oglaich, agus cuiream greim arain fa d' chomhair, agus ith e, agus bithidh neart agad, an uair a dh'imicheas tu air do shlighe.

23 Ach dhiùlt esan, agus thubhairt e, Cha'n ith mi: ach choimh-éignich a sheirbhisich, agus mar an ceudna a' bhean, e, agus dh'éisd e r'an guth: agus dh'éirich e o'n talamh, agus shuidh e air an leabaidh.

24 Agus bha aig a' mhnaoi laogh biadhta san tigh, agus rinn i cabhag, agus mharbh i e; agus ghabh i min mhin<sup>5</sup>, agus dh'fhuin si i, agus rinn i aran neo-ghoirtichte dhith.

25 Agus chuir i iad fa chomhair Shaul, agus fa chomhair a sheirbhisich, agus dh'ith iad: an sin dh'éirich iad suas, agus dh'imich iad air an oidhche sin fèin.

C A I B. XXIX.

**A** NIS chruinnich na Philistich ann feachd uile gu Aphec: agus champaich na h-Israelich làimh ri tobar, a th'ann an Iesreel.

2 Agus chaidh tighearnan nam Philisteach air an aghaidh nan ceudaibh agus nam mìtibh: ach chaidh Daibhidh agus a dhaoine air an aghaidh nan deireadh maille ri Achis.

3 An sin thubhairt ceannardan nam Philisteach, Cìod a tha na h-Eabhruidhich sin a deanamh an so? Agus thubhairt Achis ri ceannardaibh nam Philisteach, Nach e so Daibhidh seirbhisich Shaul rìgh Israeil, a bha maille riumsa na laithean so, no na bliadhnan so, agus cha d'fhuair mi cron sam bith ann o'n là anns an d'thàinig e a m' ionnsuidh gus an la 'n diugh?

4 Agus bha fearg air ceannardaibh nam Philisteach ris, agus thubhairt ceannardan nam Philisteach ris, Thoir air an fhear so pillinn, a chum as gu'n d'théid e ris d'a àit a dh'orduich thu dha, agus na rachadh e sìos maille ruinne do'n chath, air eagal gu'm bi e na nàmhaid againn sa' chath; oir cia leis a dheanadh e a réite r'a mhaighstir? nach ann le cinn nan daoine sin?

5 Nach e so Daibhidh, mu'n do chan iad le chéile<sup>6</sup> ann an dannsaibh, ag ràdh, Mharbh Saul a mhilltean, agus Daibhidh a dheich mìltean?

6 An sin ghairm Achis air Daibhidh, agus thubhairt e ris, Gu deimhin, mar is beo an Tighearna, bha thu dìreach, agus is taitneach a'm' shùilbhe do dhol a mach agus do theachd a steach maille rium anns a' champ; oir cha d'fhuair mi cle annad, o'n là anns an d'thàinig thu a'm' ionnsuidh gus an la 'n diugh: gidheadh, ann an suilibh nan tighearnan cha'n 'eil thu taitneach.

7 A nis ma ta pill, agus imich ann an sìth, a chum as nach dean thu nì a tu ole ann an suilibh thighearnan nam Philisteach.

8 Agus thubhairt Daibhidh ri Achis, Ach cìod a rinn mi, agus cìod a fhuair thu ann do sheirbhisich o'n cheud là a bha mi maille riut gu ruig an la 'n diugh, nach feud mi dol a chogadh an aghaidh namhdean mo thighearnan an rìgh?

9 Agus fhreagair Achis agus thubhairt e ri Daibhidh, Tha fìos agam bu bheil thu naith; ann am shùilbhe-sa tha thu mar aingeal Dé; gidheadh, thubhairt tighearnan

<sup>1</sup> agus falluinn uime. <sup>2</sup> gu bheil e nis maille ri d' choinhearsnach. <sup>3</sup> le m' làimh-sa. Eabh.

<sup>4</sup> dh'éisd do bhan-oglach ri. Eabh. <sup>5</sup> plùr; flour. Sasg. <sup>6</sup> fhreagair iad a chéile.

nam Philisteach, Cha d'théid e suas maille ruinne do'n chath.

10 A nis ma ta éirich gu moch sa' mhaduinn maille ri seirbhisich do mhaighstir, a thàinig maille riut; agus co luath sa dh'éireas sibh sa' mhaduinn, agus a bhios solus agaibh, imichibh.

11 Uime sin, rinn Daibhidh agus a dhaoine moch-eirigh chum gu'm falbhadh iad anns a' mhaduinn, agus gu'm pilleadh iad gu tìr nam Philisteach; agus chaidh na Philistich suas gu Iesreel.

## CAIB. XXX.

**A**GUS an uair a bha Daibhidh agus a dhaoine air teachd gu Siclag air an treas là bhris na h-Amalecich a stigh air an taobh deas, agus air Siclag; agus bhuail iad Siclag, agus loisg iad e le teine.

2 Agus thug iad leo nam braighdibh na mnà, a bha ann; cha do mharbh iad neach air bith, aon chuid beag no mòr, ach thug iad leo iad, agus dh'imich iad air an slighe.

3 Agus thàinig Daibhidh agus a dhaoine do'n bhaile, agus feuch, bha e loisgte le teine; agus thugadh am mnà, agus am mic, agus an nigheana air falbh ann am braighdeanas.

4 An sin thog Daibhidh agus an sluagh, a bha maille ris, an guth, agus ghuil iad, agus nach robh neart anna gu gul ni b'fhaide.

5 Agus thugadh dà mhnaoi Dhaibhidh air falbh nam braighdibh, Ahinoam a' Bhan-iesreleach, agus Abigail bean Nabail a' Charmelich.

6 Agus bha Daibhidh annan teanntachd mhòir; oir labhair an sluagh mu a chlachadh, do bhrìgh gu'n robh anam an t-sluaigh uile air a chràdh, gach duine air son a chuid mac, agus air son a nigheana: ach ghabh Daibhidh nìsneach dha féin anns an Tighearn a Dhia.

7 Agus thubhairt Daibhidh ri Abiatar an sagart, mac Ahimelech, Thoir a'm' ionnsuidh an so, guidheam ort, an ephod: agus thug Abiatar an ephod an sin a dh'ionnsuidh Dhaibhidh.

8 Agus dh'fhiosraich Daibhidh do'n Tighearn, ag ràdh, An d'théid mi air tòir na buidhne so? am beir mi orra? Agus fhreagair esan e, Falbh air an tòir; oir gu cinnteach beiridh tu orra, agus saoraidh tu an t-ìomlan.

9 Agus dh'imich Daibhidh, e féin agus an sè ceud fear a bha maille ris, agus thàinig iad gu ruig an sruth Besor, far an d'fhan iadsan a dh'fhàgadh nan dèigh.

10 Agus chaidh Daibhidh air an tòir, e féin agus ceithir ceud fear: ach dh'fhan dà cheud fear nan dèigh, a bha cho sgith

as nach b'urrainn iad dol thar an t-sruth Besor.

11 Agus fhuair iad Eiphiteach anns a' mhachair, agus thug iad e dh'ionnsuidh Dhaibhidh, agus thug iad dha aran, agus dh'ith e; agus thug iad air uisge òl.

12 Agus thug iad dha mìr do mheall<sup>1</sup> fhigean, agus dà bhagaide do fhion-dhearcaibh tiormaichte; agus an uair a dh'ith e, thàinig a spiorad a rìs d'a ionnsuidh: oir cha d'ith e aran, agus cha d'òl e uisge rè thrì laithean agus thrì oidhchean.

13 Agus thubhairt Daibhidh ris, Co leis thu, agus cia as a thàinig thu? Agus thubhairt esan, Is òganach Eiphiteach mi, seirbhiseach do Amaleceach, agus dh'fhàg mo mhaighstir mi, do bhrìgh gu'n robh mi tinn o cheann trì laithean.

14 Bhris sinn a steach air taobh deas nan Cereteach, agus air a' chrìch a bhuineas do Iudah, agus air taobh deas Chaleib, agus loisg sinn Siclag le teine.

15 Agus thubhairt Daibhidh ris, An d'thoir thu sìos mi dh'ionnsuidh na buidhne sin? Agus thubhairt esan, Mionnaich dhomh air Dia, nach marbh thu mi, agus nach d'thoir thu thairis mi do laimh mo mhaighstir, agus bheir mi sìos thu dh'ionnsuidh na buidhne sin. Agus mhionnaich Daibhidh dha.

16 Agus an uair a thug e sìos e, feuch, sgaoileadh iad air aghaidh na tire uile, ag itheadh agus ag òl, agus a' dannsadh, air son na creiche mòire uile a thug iad leo a tìr nam Philisteach, agus a tìr Iudah.

17 Agus bhuail Daibhidh iad o bhriseadh na faire gu ruig feasgar an la màireach<sup>2</sup>; agus cha deachaidh duine dhiubh as, ach ceithir cheud òganach, a mharcaich air càmhalaibh, agus a theich.

18 Agus shaor Daibhidh gach nì a thug na h-Amalecich leo: agus shaor Daibhidh a dhà mhnaoi.

19 Agus cha robh nì air bith a dh'ith orra<sup>3</sup>, aon chuid beag no mòr, mic no nigheana, no creach, no nì air bith a thug iad leo: bhuin Daibhidh gach nì air ais.

20 Agus ghabh Daibhidh an treud uile, agus an buar: agus dh'imich iad<sup>4</sup> roimh an sprèidh so, agus thubhairt iad, Is i so creach Dhaibhidh.

21 Agus thàinig Daibhidh a dh'ionnsuidh an dà cheud fear, a bha cho sgith as nach b'urrainn iad Daibhidh a leantuinn, agus air an d'thug iad fannuinn aig an t-sruth Besor: agus chaidh iad a mach an coinneamh Dhaibhidh, agus an coinneamh an t-sluaigh, a bha maille ris: agus an uair a thàinig Daibhidh an fagus do'n t-sluaigh, chuir e failt' orra<sup>5</sup>.

22 An sin fhreagair na droch dhaoine

<sup>1</sup> bhreacaig. <sup>2</sup> an la' r na mhàireach. <sup>3</sup> cha d'ionndraineadh nì air bith leo. <sup>4</sup> an treud uile

agus an buar, a dh'iomain iad. <sup>5</sup> ghuidh e sìth dhoibh. Eabh.



uile, agus daoine Bhelial, dhiubhsan a chaidh maille ri Daibhidh, agus thubhairt iad, Do bhrìgh nach deachaidh iad maille ruinne, cha d'thoir sinn dhoibh a' bheag do'n chreich a shaoir sinn, ach a mhàin do gach duine a bhean, agus a chlann, a chum gu'n d'thoir iad leo iad, agus gu'n imich iad.

23 An sin thubhairt Daibhidh, Cha dean sibh mar sin, mo bhràithre, ris na thug an Tighearna dhuinn, a ghléidh<sup>1</sup> sinn, agus a thug a' bhuidheann, a thàinig 'nar n-aghaidh, thairis d'ar làimh.

24 Agus cò a dh'éisdeas ribh sa' chùis so? ach mar chuibhrionn an tì a théid sìos do'n chath, mar sin bithidh cuibhrionn an tì a dh'fhanas maille ris an aineis : roinnidh iad air an aon dòigh.

25 Agus bha e mar sin o'n là sin a mach gu'n d'inn e na làr e agus na riaghailt aig Israel gus an là 'n diugh.

26 Agus an uair a thàinig Daibhidh gu Siclag, chuir e cuid do'n chreich a dh'ionnsuidh sheanairean Iudah, eadhon a dh'ionnsuidh a chairdean, ag ràdh, Feuch, tiodhlac<sup>2</sup> dhuibh do chreich naimhdean an Tighearna :

27 Dhoibhsan a bh'ann am Betel, agus dhoibhsan a bh'ann an Ramot ru dheas, agus dhoibhsan a bh'ann an Iater,

28 Agus dhoibhsan a bh'ann an Aroer, agus dhoibhsan a bh'ann an Siphmot, agus dhoibhsan a bh'ann an Estemoa,

29 Agus dhoibhsan a bh'ann an Rachal, agus dhoibhsan a bh'ann am bailtibh nan Ierahmeelach, agus dhoibhsan a bh'ann am bailtibh nan Ceneach,

30 Agus dhoibhsan a bh'ann an Hormah, agus dhoibhsan a bh'ann an Cor-asan, agus dhoibhsan a bh'ann an Atach,

31 Agus dhoibhsan a bh'ann an Hebron, agus do na h-àitibh sin uile anns am bu ghnàth le Daibhidh agus a dhaoine ta-thuich<sup>3</sup>.

### CAIB. XXXI.

**A**NIS chog na Philistich an aghaidh Israel, agus theich fir Israel o fhianuis nam Philisteach, agus thuit iad sìos marbh ann an sliabh Ghilboa.

2 Agus lean na Philistich Saul agus a mhic gu teann; agus bhuail<sup>4</sup> na Philistich

Ionatan, agus Abinadab, agus Malchisua, mic Shaul.

3 Agus dh'fhàs an cath crnaidh an aghaidh Shaul, agus bhuail na fir-bhogha air<sup>5</sup>, agus lotadh gu mòr e leis na fir-bhogha.

4 An sin thubhairt Saul ri fear-ion-chair 'arm, Rùisg do chlaidheamh, agus sàth tromham e, air eagal gu'n d'thig na daoine neo-thimchioli-ghearrta sin, agus gu'n sàth iad tromham, agus gu'n d'thoir iad masladh dhomh<sup>6</sup>. Ach cha b'ail le fear-ion-chair 'arm sin a dheanamh, oir bha eagal mòr air : uime sin ghabh Saul claidheamh, agus thuit e air.

5 Agus an uair a chunnaic fear-ion-chair 'arm gu'n robh Saul marbh, thuit esan mar an ceudna air a chlaidheamh, agus fhuair e bàs maille ris.

6 Mar sin fhuair Saul bàs, agus a thriuir mac, agus fear-ion-chair 'arm, agus a dhaoine uile air an là sin fèin maille ri chèile.

7 Agus an uair a chunnaic fir Israel, a bhuair taobh a' ghlinne, agus iadsan a bh'air an taobh so do Iordan, gu'n do theich fir Israel, agus gu'n robh Saul agus a mhic marbh, thrèig iad na bailtean, agus theich iad; agus thàinig na Philistich, agus ghabh iad còmhnuidh anna.

8 Agus air an là maireach, an uair a thàinig na Philistich, a dh'fhaobhachadh nam marbh, fhuair iad Saul agus a thriuir mac air tuiteam ann an sliabh Ghilboa.

9 Agus ghearr iad dheth a eheann, agus rùisg iad 'armachd dheth, agus chuir iad fios gu tìr nam Philisteach n'an cuairt, g'a chur an céill ann an tigh an diathan-brèige, agus am meas an t-sluaigh.

10 Agus chuir iad 'armachd ann an tigh Astaroit: agus sparr iad a chorp ri balladh Bhetsain.

11 Agus an uair a chuala luchd-àiteachaidh labeis-ghilead an nì sin a rinn na Philistich ri Saul,

12 Dh'éirich na daoine treun uile, agus dh'imich iad rè na h-oidhche, agus thug iad corp Shaul, agus cuirp a chuid mac, o bhalladh Bhetsain, agus thàinig iad gu Iabes, agus loisg iad an sin iad.

13 Agus ghabh iad an cnaimhean, agus dh'adhlac iad iad fuidh chraoibh ann an Iabes, agus throisg iad seachd laithean.

<sup>1</sup> dh'ion, dh'ion. <sup>2</sup> tiodhlacadh; beann-chad. Eabh, <sup>3</sup> tuothall. <sup>4</sup> mharbh.

<sup>5</sup> fhuair na fir-bhogha e. Eabh. <sup>6</sup> gu'n dean iad fanoit orm.

# DARA LEABHAR SHAMUEIL,

D'AN AINM AIR MHODH EILE,

## DARA LEABHAR NAN RIGH.

### CAIB. I.

**A**NIS an dèigh bàis Shaul, phill Daibhidh o àr nan Amaleceach, agus dh'fhan Daibhidh ann an Siciag dà latha.

2 Agus air an treas là, feuch, thàinig duine as a' champ o Shaul, agus 'eudach reubta, agus ùir air a chcann: agus an uair a thàinig e dh'ionnsuidh Daibhidh, thuit e air an talamh, agus rinn e ùmhlachd.

3 Agus thubhairt Daibhidh ris, Cia as a tha thu air teachd? Agus thubhairt esan ris, A camp Israeil theich mi.

4 Agus thubhairt Daibhidh ris, Ciod a thachair? innis dhomh, guidheam ort. Agus fhreagair e, Theich an sluagh o'n chath, agus cuideachd tha moran do'n t-sluagh air tuiteam agus marbh; agus mar an ceudna tha Saul agus a mhac Ionatan marbh.

5 Agus thubhairt Daibhidh ris an òganach a dh'innis dha, Cionnus a th fìos agad gu bheil Saul agus a mhac Ionatan marbh?

6 Agus thubhairt an t-òganach a dh'innis dha, Thachair dhomhsa bhì air sliabh Ghilboa, agus feuch, bha Saul a' leigeil a thaice r'a shleagh, agus feuch, lean na carbadan agus am marc-shluagh gu dian na dhèigh.

7 Agus an uair a dh'amaire e na dhèigh, chunnaic e mise, agus ghairm e orm: agus fhreagair mi, *Tha mi 'n so*.

8 Agus thubhairt e rium, Cò thusa? Agus fhreagair mise e, *Is Amaleceach mi*.

9 Thubhairt e rium a rìs, Seas orm, guidheam ort, agus marbh mi; oir ghlac teanntachd mi, do bhrìgh gu bheil mo bheatha fathast gu h-iomlan annam.

10 Agus sheas mi air, agus inharbh mi e, a chionn gu'n robh fìos agam nach biodh e beo an dèigh dha tuiteam; agus ghabh mi 'n crùn a bha air a cheann, agus an làmh-fhail, a bha air a ghairdean, agus thug mi 'n so iad a dh'ionnsuidh mo thighearna.

11 An sin rug Daibhidh air 'eudach, agus reub se e, agus mar an ceudna na daoine uile a bha maille ris.

12 Agus rinn iad caoidh, agus ghuil iad, agus throisg iad gu feasgar, air son Shaul agus air son a mhic Ionatain, agus air son sluaigh an Tighearna, agus air son tìge

Israeil, do bhrìgh gu'n do thuit iad leis a' chlaidheamh.

13 Agus thubhairt Daibhidh ris an òganach a dh'innis dha, Cia as duitse? Agus fhreagair esan, *Is mac coigreach Amalecigh mi*.

14 Agus thubhairt Daibhidh ris, Cionnus nach robh eagal ort do làmh a shìneadh a mach a mharbhadh a' aoin ungta an Tighearna?

15 Agus ghairm Daibhidh air aon do na h-òganaich, agus thubhairt e, Thig am fagus, agus leum air. Agus bhuail se e, agus fhuair e bàs.

16 Agus thubhairt Daibhidh ris, *Biodh t'fhuil air do cheann fèin, oir thug do bheul fianuis a'd' aghaidh, ag ràdh, Mharbha mi aon ungta an Tighearna*.

17 Agus rinn Daibhidh caoidh leis a' chumhadh<sup>2</sup> so os cionn Shaul, agus os cionn a mhic Ionatain;

18 (Agus dh'àithn e gu'n fìonnsaicheadh iad do chloinn Iudah *tilgeadh le bogha*<sup>3</sup> e feuch, *thu e sriobhta ann an leabhar Isair*);

19 O mhaise Israeil, air do lotadh air t'aitibh arda! cionnus a thuit na cumhachdaich?

20 Na h-innsibh e ann an Gat, na cuiribh an cèill e ann an sràidibh Asceloin; air eagal gu'm bi nigheana nam Philisteach aobhneach, air eagal gu'n dean nigheana nan neo-thimchioll-ghearrta luathghaire.

21 A shlèibhte Ghilboa, na biodh drùchd no uisge oirbh; no oirbhe, achanna tarbharta<sup>4</sup>: oir an sin thilgeadh gu tàireil air falbh sgiath nan cumhachdach, sgiath Shaul, mar nach bitheadh e ungta le h-oladh.

22 O fhuil nam marbh, o shail nam cumhachdach, cha do thionndaidh bogha Ionatain air ais; agus cha do phill claidheamh Shaul gu faoin<sup>5</sup>.

23 Bha Saul agus Ionatan gràdhach agus taitneach nam beatha, agus nam bàs cha do sgaradh iad: bu luaithe iad no iolairan, bu trise iad na leòmhain.

24 A nigheana Israeil, guilibh air son Shaul, a dh'èudaich sibh ann an scarlaid le aobhneas<sup>6</sup>, a chuir òir-ghreus air bhurn-cudach.

25 Cionnus a thuit na cumhachdaich am meadhon a' chatha! O a Ionatain, air t'aitibh arda inharbhadh *thu*!

<sup>1</sup> a mhillendh, a sgrìos. <sup>2</sup> tuireadh. <sup>3</sup> gu'n teagaisgeadh iad do chloinn Iudah an cumhadh

so d'an ainm am bogha. <sup>4</sup> achanna tarbhach. <sup>5</sup> solamh. <sup>6</sup> maille ri nithibh taitneach.



26 *Tha cràdh orm air do shon, mo bhràthair a Ionatain: ro-thaitneach bhà thu dhomhsa: b'iongantach do ghràdh dhomhsa: a' toirt barrachd air gràdh nam ban.*

27 Cionnus a thuit na cùmhaichdaich, agus a chaidh as do airm a' chogaidh?

C A I B. II.

**A**GUS na dhéigh so dh'fhiosraich Daibhidh do'n Tighearn, ag ràdh, An d'fhéid mi suas gu aon do bhailibh Iudah? Agus thubhairt an Tighearna ris, Falbh suas. Agus thubhairt Daibhidh, C'ait a théid mi suas? Agus thubhairt esan, Gu Hebron.

2 Agus chaidh Daibhidh suas an sin, agus mar ar ceudna a dhà mhnaoi, Ahinoam a' Bhan-iesreleach, agus Abigail bean Nabail a' Charmelich.

3 Agus a dhaoine a bha maille ris thug Daibhidh suas leis, gach fear le 'theaghlach; agus ghabh iad còmhnuidh ann am bailtibh Hebron.

4 Agus thàinig daoine Iudah, agus dh'ung iad an sin Daibhidh na rìgh os cionn tìghe Iudah: agus dh'innis iad do Dhaibhidh, ag ràdh, *B' iad daoine Iabeis-ghilead a dh'adhlac Saul.*

5 Agus chuir Daibhidh teachdairean a dh'ionnsuidh dhaoine Iabeis-ghilead, agus thubhairt e riu, Beannaichte gu robh sibh o'n Tighearna, a thaobh gu'n do nochd sibh an caoimhneas so do'r tìghearna, do Shaul, agus gu'n d'adhlac sibh e.

6 Agus a nis gu nochdadh an Tighcarna caoimhneas dhuibhe, agus firinn: agus dìolaidh mise mar an ceudna am maithreas so dhuibh, do bhrìgh gu'n d'rinn sibh an ni so.

7 A nis uime sin biodh bhuir lànhan air an neartachadh, agus bithibh gaisgeal; oir tha bhuir tìghearna Saul marbh, agus mar an ceudna dh'ung tìgh Iudah mise a'm rìgh os a cionn.

8 Ach ghabh Abner, mac Ner, ceannard armailte Shaul, Isboset mac Shaul, agus thug e thairis e gu Mahanaim.

9 Agus rinn se e na rìgh air Gilead, agus air na h-Asuraich, agus air Iesreel, agus air Ephraim, agus air Benjamin, agus air Israel uile.

10 Dà fhichead bliadhna dh'aois bha Isboset, mac Shaul, an uair a thòisich e air rìoghachadh os cionn Israeil, agus rìoghach e dà bhliadhna: ach lean tìgh Iudah Daibhidh.

11 Agus b'e àircamh nan laithean a bha Daibhidh na rìgh ann an Hebron air tìgh Iudah, seachd bliadhna agus sè mìosa.

12 Agus chaidh Abner mac Ner, agus seirbhiseich Isboset mhic Shaul, a mach o Mahanaim gu Gibeon.

13 Agus chaidh Ioab mac Sheruah, agus seirbhiseich Dhaibhidh a mach, agus choinnich iad a chèile aig lochan Ghibeoin:

agus shuidh iad sìos, iad so air aon taobh do'n lochan, agus iad sud air an taobh eile do'n lochan.

14 Agus thubhairt Abner ri Ioab, Eireadh na h-òganaich a nis, agus deanadh iad lù-chleas<sup>1</sup> 'nar fianuis. Agus thubhairt Ioab, Eircadh iad.

15 An sin dh'éirich suas agus chaidh thairis dà fhear dheug an àireamh do Bheniamin a bhuireadh do Isboset mac Shaul, agus dà fhear dheug do sheirbhiseich Dhaibhidh.

16 Agus rug gach fear dhiubh air ceann a chompanaich<sup>2</sup>, agus shàth e a chlaidheamh ann an leth-taobh a chompanaich, agus thuit iad sìos cuideachd: uime sin thugadh mar ainm air an àite sin Helcat-hasurim, a tha ann an Gibeon.

17 Agus bha cath ro-chruaidh ann air an là sin: agus bhuailleadh Abner agus fir Israeil fa chomhair sheirbhiseacha Dhaibhidh.

18 Agus bha trì mic Sheruah an sin, Ioab, agus Abisai, agus Asahel: agus bha Asahel co luath d'a chois ri boc-earba na machrach.

19 Agus chaidh Asahel air tòir Abner, agus cha do chlaon e na sliubhal a dh'ionnsuidh na laimhe deise no na laimhe clìthe, o dhol an dèigh Abner.

20 An sin dh'amhairc Abner na dhéigh, agus thubhairt e, An tusa Asahel? Agus fhreagair esan, Is mi.

21 Agus thubhairt Abner ris, Tionndaidh a dh'ionnsuidh do laimhe deise, no dh'ionnsuidh do laimhe clìthe, agus glac aon do na h-òganachaibh, agus gabh a dh'ionnsuidh 'fhaobh<sup>3</sup>. Ach cha b'àill le Asahel tionndadh o esan a leantuinn.

22 Agus thubhairt Abner a ris ri Asahel, Tionndaidh o mise a leantuinn: c'ar son a bhuailinn thu gu làr? cionnus an sin a thogainn suas m'aghaidh ri Ioab do bhràthair?

23 Gidheadh dhiùlt esan tionndadh: uime sin bhuail Abner e le earr na sleagha fuidh 'n' chùigeadh aise, agus thàinig an t-sleagh a mach air a chùlaobh; agus thuit e 'n sin, agus fhuair e bàs san àite sin féin: agus iadsan uile a thàinig a dh'ionnsuidh an àite anns an do thuit Asahel sìos, agus anns an d'fhuair e bàs, dh'fhan iad nan seasamh.

24 Chaidh Ioab mar an ceudna agus Abisai air tòir Abner: agus luidh a' ghrian an uair a thàinig iad gu sliabh Amah, a tha fa chomhair Ghiah, air sliغه fàsaich Ghibeoin.

25 Agus chruinnich clann Bheniamin iad féin an ceann a chèile gu dol an dèigh Abner, agus bha iad nan aon bhuidhinn, agus sheas iad air mullach cnoic.

26 An sin ghlaodh Abner ri Ioab, agus

<sup>1</sup> cluicheadh iad.    <sup>2</sup> choimh-ghleacair.

<sup>3</sup> Eideadh, 'armachd.

thubhairt e, An sgrios an claidheamh gu bràth? nach 'eil fios agad gu'm bi searbh as ann fa dheireadh? cia fad a bhitheas e ma ta mu'n abair thu ris an t-sluagh pilltinn o leantuinn am bràithre?

27 Agus thubhairt Iobab, *Mar is beo Dia*, mur<sup>1</sup> bitheadh tu air labhairt, gu deimhin an sin anns a' mhaduinn<sup>2</sup> rachadh an sluagh suas, gach fear o leantuinn a bhrathair.

28 Uime sin shéid Iobab trompaid, agus stad an sluagh uile, agus cha deachaidh iad ni's mò air tòir Israeil, agus cha do chog iad ni's mò.

29 Agus dh'imich Abner agus a dhaoine air feadh a' chòmhnaidh rè na h-oidhche sin, agus chaidh iad thar Iordan, agus chaidh iad troimh Bhitron uile, agus thàinig iad gu Mahanaim.

30 Agus phill Iobab o *dhol* an déigh Abnair, agus an uair a chruinnich e'n sluagh uile an ceann a chèile, dh'ionndraineadh do sheirbhisich Dhaibhidh naoi fir dheug agus Asahel:

31 Ach bhuail seirbhisich Dhaibhidh do Bheniamin, agus do dhaoineibh Abneir, tri cheud agus tri fichead fear, a fhuair bàs.

32 Agus thog iad leo Asahel, agus dh'adhlaic iad e ann an àit-adhlacaidh<sup>3</sup> athar, a bha ann am Betlehem: agus dh'imich Iobab agus a dhaoine rè na h-oidhche, agus thàinig iad gu Hebron mu bhriseadh na faire.

### CAIB. III.

**A**NIS bha cogadh fada eadar tigh Shauil agus tigh Dhaibhidh: ach *bha* Daithidh a' sir-dhol air aghaidh ann an neart, agus tigh Shauil a' sir-dhol an laighe.

2 Agus rugadh do Dhaibhidh mic ann an Hebron: agus b'e a cheud-ghin Amnon, ri Ahinoam a' Bhan-icreeleach:

3 Agus a dhara *mac* Chiliah, ri Abigail, bean Nabail a' Charmelich: agus an treas *mac* Absalom, mac Mhaacah, nighinn Thalmal, righ Ghesuir:

4 Agus an ceathramh *mac* Adoniah, mac Hagit: agus an cùigeadh *mac* Sephatiah, mac Abitail:

5 Agus an seathadh *mac* Itream, ri Eglah bean Dhaibhidh: Rugadh iad sin do Daibhidh ann an Hebron.

6 A nis an uair a bha cogadh eadar tigh Shauil agus tigh Dhaibhidh, rinn Abner e féin làidir ann an tigh Shauil.

7 Agus *bha* coimh-leabach aig Saul, d'am b'ainm Rispah, nìghean Ahiah: agus thubhairt Isboset ri Abner, C'ar son a chaidh thu stigh a dh'ionnsuidh coimh-leabaich m'athar?

8 An sin bha fearg mhòr air Abner air son bhriathran Isboset, agus thubhairt e, An ceann coin mise, a *bhuineas* do Iudah?

tha mi a' nochdadh caoimhneis an diugh<sup>4</sup> do thigh Shauil t'athar, d'a bhràithribh, agus d'a chaidribh, agus cha d'thug mi thairis thusa do làimh Dhaibhidh; gidheadh tha thusa a' cur coire as mo leth an diugh a thaobh na mnà so?

9 Mar sin gu'n deanadh Dia ri Abner, agus tuille mar an ceudna, mar a mhionnaich an Tighearna do Dhaibhidh, mur dean mise eadhon mar sin ris-san,

10 An rìoghachd atharrachadh o thigh Shauil, agus rìgh-chathair Dhaibhidh, a chur suas os cionn Israeil, agus os cionn Iudah, o Dhan eadhon gu Beerseba.

11 Agus cha b'urrainn e Abner a fhreagairt aon fhocal a ris, a chionn gu'n robh eagal air roimhe.

12 Agus chuir Abner teachdairean a dh'ionnsuidh Dhaibhidh na àite féin<sup>1</sup>, ag ràdh, Cia leis an tìr? ag ràdh mar an ceudna, Dean do choimheangal riumsa, agus feuch, *bithidh* mo làmh leat, gu Israel uile a thionndadh a t' ionnsuidh.

13 Agus thubhairt esan, *Ro-mhaith*, ni mise coimheangal riut: ach aon ni *tha* mi ag iarraidh ort, eadhon, Nach faic thu mo ghnùis, mur d'thoir thu leat air tùs Michal nighean Shauil, an uair a thig thu g'am fhaicinn.

14 Agus chuir Daibhidh teachdairean gu Isboset mac Shauil, ag ràdh, Tabhair *dhomh* mo bhcan Michal, a cheangail mi rium féin ann pòsadh air son ceud roimh-chroicinn do na Philistich.

15 Agus chuir Isboset *fios oirre*, agus thug e o a fear i, *cadh*on o Phaltiel mac Lais.

16 Agus dh'imich a fear maille rithe, a' gul na déigh gu Bahurim: an sin thubhairt Abner ris, Falbh, pill. Agus phill e.

17 Agus rinn Abner còmlradh ri sean-airibh Israeil, ag ràdh, Anns an aimsir roimhe so dh'iarr sibh Daibhidh a *bhi* na rìgh os bhur cionn.

18 A nis ma ta deanaibh e; oir labhair an Tighearna mu Dhaibhidh, ag ràdh, Le làimh mo sheirbhisich Dhaibhidh sàoraidh mi mo shluagh Israel a làimh nam Philisteach, agus a làimh an naimhdean uile.

19 Agus labhair Abner mar an ceudna ann an clusaibh Bheniamin: agus chaidh Abner mar an ceudna a labhairt ann an clusaibh Dhaibhidh ann an Hebron, gach ni a *bha* taitneach ann an sùilibh Israeil, agus ann an sùilibh tighe Bheniamin uile.

20 Agus thàinig Abner a dh'ionnsuidh Dhaibhidh gu Hebron, agus fichead fear maille ris: agus rinn Daibhidh cuirm do Abner agus do na daoineibh a *bha* maille ris.

21 Agus thubhairt Abner ri Daibhidh, Eiridh mi, agus falbhaidh mi, agus cruinnichidh mi Israel uile dh'ionnsuidh:

<sup>1</sup> nam. <sup>2</sup> o'n mhaduinn. Eabh. <sup>3</sup> a nochdas caoimhneas an diugh an aghaidh Iudah.

<sup>4</sup> as a leth féin, air ball.



mo thighearn an rìgh, a chum as gu'n dean iad coimhcheangal riut, agus gu'n rìoghaich thu os cionn gach nì a's miann le 'anam: agus chuir Daibhidh Abner air falbh, agus dh'innich e ann an sìth.

22 Agus feuch, thàinig seirbhisich Dhaibhidh agus Ioab o *ruagadh* buidhne, agus thug iad creach mhòr leo: (ach cha robh Abner maille ri Daibhidh ann an Hebron, oir chuir e air falbh e, agus dh'innich e ann an sìth.)

23 Agus an uair a thàinig Ioab agus an armailt uile, a *bha* maille ris, dh'innis iad do Ioab, ag ràdh, Thàinig Abner mac Ner a dh'ionnsuidh an rìgh, agus chuir e air falbh e, agus dh'innich e ann an sìth.

24 An sin thàinig Ioab a dh'ionnsuidh an rìgh, agus thubhairt e, Cìod e a rinntu? feuch, thàinig Abner a t'ionnsuidh; c'arson so a chuir thu air falbh e, agus gu'n amharus dh'innich e?

25 Is aithne dhuit Abner mac Ner, gur ann gu d' mhealladh a thàinig e, agus gu fios fhagbail air do dhol a mach agus do theachd a steach, agus gu fios fhagbail air gach nì a *thu* thu a' Jeanamh.

26 Agus an uair a thàinig Ioab a mach o Dhaibhidh, chuir e teachdairean an dèigh Abner, a thug air ais c o thobar Shirah; ach cha robh fios aig Daibhidh air.

27 Agus an uair a phill Abner gu Hebron, thug Ioab e a leth-taobh anns a' gheatadh a labhairt ris ann an sìth<sup>1</sup>, agus bhuail e 'n sin e fuidh 'n chùigeadh *aisne*, agus fhuair e bàs air son fola a bhràthar Asahel.

28 Agus na dhéigh sin an uair a chuala Daibhidh e, thubhairt e, *Tha* mise agus mo rìoghachd neo-chiontach an làthair an Tighearna gu bràth o fhuil Abner, mhic Ner.

29 Fanadh i air ceann Ioaib, agus air tigh 'athar uile, agus na bitheadh a dhìth air tigh Ioaib neach air am bi sìlteach, no *bhios* na lobhar, no d'an éigin siubhal le bataidh, no thuiteas air claidheamh, no air am bi easbhuidh arain.

30 Mar sin mharbh Ioab agus a bràthair Abisai Abner, a chionn gu'n do chuir esan gu bàs an bràthair Asahel aig Gibeon anns a' chath.

31 Agus thubhairt Daibhidh ri Ioab, agus ris an t-sluagh uile a *bha* maille ris, Reubaibh bhuir n-eudach, agus cuiribh saic-eudach umuibh, agus deanaibh caoidh roimh Abner. Agus lean rìgh Daibhidh *fèin* an giùlan.

32 Agus dh' adhlaic iad Abner ann an Hebron: agus thog an rìgh suas a ghuth, agus ghuil e aig uaigh Abner; agus ghùil an sluagh uile.

33 Agus rinn an rìgh caoidh os cionn Abner, agus thubhairt e, An ann mar a bhàsaicheas amadan<sup>2</sup>, a bhàsaich Abner?

34 Cha do cheangladh do làmhnan, agus cha do chuireadh do chosan ann an geimhlìbh: mar a thuiteas duine roimh dhaoine aingidh, *mar sin* thuit thusa. Agus ghuil an sluagh uile a ris os a chionn.

35 Agus an uair a thàinig an sluagh uile a thoirt air Daibhidh biadh itheadh, am feadh 'sa b'e 'n là fathast a bh'ann, mhionnaich Daibhidh, ag ràdh, Mar sin gu deanadh Dia riumsa, agus tuille mar an ceudna, ma bhlaiseas mi aran, no nì air bith eile, gus an d'théid a' ghrian fuidhe.

36 Agus thug an sluagh uile fiancar e, agus bha e taitneach nan sùilbh; mar a bha gach nì a rinn an rìgh taitneach ann an sùilbh an t-sluaigh uile:

37 Oir thug an sluagh uile agus Israel uile air an là sin, nach ann o'n rìgh a bha Abner mac Ner air a chur gu bàs.

38 Agus thubhairt an rìgh r'a sheirbhisich, Nach 'eil fhios agaibh gu'n do thuit uachdaran agus *duine* mòr an diugh ann an Israel?

39 Agus tha mise an diugh anmhunn<sup>3</sup>, ge<sup>4</sup> do *tha* mi ungta a'm' rìgh; agus tha na daoine sin mic Sheruah ro-chruaidh air mo shon: dìolaidd an Tighearna do fhear deanamh an uile, a réir 'aingidhcachd.

#### CAIB. IV.

**A** GUS an nair a chuala mac Shaul gu'n d'fhuair Abner bàs ann an Hebron, dh'fhàs a làmhnan fann, agus bha Israel uile fa bhuairesas.

2 Agus bha aig mac Shaul dithis fhear a *bha* nan ceannardaibh air buidhnibh; b'e ainm aoin diubh Baanah, agus ainm an fhuir-eile Rechab, mic Rimoin a' Bheerotaich, do chloinn Bheniamin: (oir mheasadh Beerot mar an ceudna do Bheniamin:

3 Agus theich na Berotaich gu Gitaime, agus tha iad nan luchd-cuairt an sin gu ruig an là 'n diugh.)

4 Agus bha aig Ionatan mac Shaul mac a *bha* bacach<sup>5</sup>, agus a bha cuig bliadhna dh'aois an uair a thàinig an sgeul mu Shaul agus Ionatan a Iesreel; agus thog a bhan-altrum leatha e, agus theich i: agus an uair a rinn i cabhag gu teicheadh, thuit esan, agus rinneadh bacach e; agus b'e ainm Mephiboset.

5 Agus dh'innich mic Rimoin a Bheerotaich, Rechab agus Baanah, agus thàinig iad mu theas an là gu tigh Isbosit, a bha na luidhe air leabaidh mu mheadhon-là.

6 Agus feuch, thàinig iad air an aghaidh gu meadhan an tìge *mar gu'm biodh iad* gu cruithneachd a thoirt leo, agus bhuail iad e fuidh 'n chùigeadh *aisne*: agus chaidh Rechab agus a bhràthair Baanah as:

7 Oir an uair a thàinig iad a steach do'n tigh, bha esan na luidhe air a leabaidh na sheòmar-codail, agus bhuail iad e, agus

<sup>1</sup> gu h-uoignidheach.

<sup>3</sup> maoth. Eabh.

<sup>2</sup> duine aingidh.

<sup>4</sup> agus. Eabh.

<sup>5</sup> ciurramach na chosaibh. Eabh.

chuir iad an ceann deth, agus thug iad leo a cheann, agus dh'imich iad rompa air slighe an fhàsaich 'rè na h-oidhehe.

8 Agus thug iad ceann Isboseit a dh'ionnsuidh Dhaibhidh gu Hebron, agus thubhairt iad ris an rìgh, Feuch, ceann Isboseit mhic Shauil do nàmhaid, a dh'iarr t'anam: agus thug an Tighearna do m' thighearn, an rìgh, dòghaltas air an la 'n diugh air Saul agus air a shliochd.

9 Agus fhreagair Daibhidh Rechab agus Baanah a bhràthair, mic Rimoin a' Bheerotaich, agus thubhairt e riu, *Mar* is beo an Tighearn, a shaor m'anam as gach uile airc;

10 An uair a dh'innis neach dhomh, ag ràdh, Feuch, tha Saul marbh (agus e a' meas gu'n robh e toirt deagh sgcoil leis) rug mi air, agus mharbh mi e ann an Siclag, an uair a shauil e gu'n d'thugainn luigheachd dha air son a sgcoil:

11 Nach mò gu mòr, an uair a mharbhl daoine aingidh guine ionraic na thigh féin air a leabaidh? agus a nis nach iarr mi 'fhuil-san air bhur làimh-sa, agus nach d'thoir mi bhàrr na talmhainn sibh?

12 Agus dh'àithn Daibhidh d'a òganaich, agus mharbh siad iad, agus ghearr iad dhiubh an làmhnan agus an cosan, agus chroch iad suas iad os cionn an tobair ann an Hebron: ach ghabh iad ceann Isboseit, agus dh'adhlac iad e ann an àit-adhlacaidh Abneir, ann an Hebron.

## CAIB. V.

**A**N SIN thàinig uile threubhan Israeil a dh'ionnsuidh Dhaibhidh gu Hebron, agus labhair iad, ag ràdh, Feuch, is sinne do chlàimh agus t'fheoil.

2 Mar an ceudna roimhe so, 'nuair a bhla Saul na rìgh os ar cionn, bu tusa an ti a thredraich a mach agus a thug a steach Israel: agus thubhairt an Tighearna riut, Beathaichidh tu mo shluagh Israel, agus bithidh tu a'd' cheannard air Israel.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn rìgh Daibhidh coimhcheangal riu ann an Hebron am fianuis an Tighearna: agus dh'ung iad Daibhidh na rìgh air Israel.

4 *Bha* Daibhidh deich bliadhna fichead a dh'aois an uair a thòisich e air rìoghachadh; agus rìoghaich e dà fhichead bliadhna.

5 Ann an Hebron rìoghaich e os cionn Iudah seachd bliadhna agus sè mìosan; agus ann an Ierusalem rìoghaich e trì bliadhna deug thar fhichead os cionn Israeil uile, agus Iudah.

6 Agus dh'imich an rìgh agus a dhaoine gu h-Ierusalem, a dh'ionnsuidh nan Iebusach, luchd-àiteachaidh na tìre; a labhair ri Daibhidh, ag ràdh, Cha d'thig thu a steach an so mur d'thoir thu air falbh

na doill, agus na bacaich, ag ràdh; Cha d'thig Daibhidh a steach an so.

7 Gidheadh, ghlac Daibhidh daingneach Shioin: is e sin baile Dhaibhidh.

8 Agus thubhairt Daibhidh air an là sin, Ge b'e neach a ruigeas a ehlais-uisge<sup>2</sup>, agus a bhuailas na Iebusaich, agus na bacaich, agus na doill, aig am bheil fuath air anam Dhaibhidh, *bithidh esan na cheannard*: uime sin thubhairt iad, Cha d'thig an dall agus am bacach a steach do'n tigh.

9 Agus ghabh Daibhidh còmhnuidh anns an daingneach, agus dh'ainmich se e, Baile Dhaibhidh; agus thog Daibhidh *aitreabh* mu'n cuairt, o Mhìlo agus air an taobh a stigh.

10 Agus chaidh Daibhidh air aghaidh a' fàs mòr; agus *bha* 'n Tighearna Dia nan sluagh maille ris.

11 Agus chuir Hiram rìgh Thiruis teachdairean a dh'ionnsuidh Dhaibhidh, agus fiodh seudair, agus saoir, agus clachairean: agus thog iad tigh do Dhaibhidh.

12 Agus thuig Daibhidh gu'n do dhaingnich an Tighearn e na rìgh air Israel, agus gu'n d'ardaich e a rìoghachd air son a shluaigh Israeil.

13 Agus ghabh Daibhidh *dha fèin* tuille choimh-leabach agus bhan a h-Ierusalem, an deigh dha teachd a Hebron: agus rugadh fathast mic agus nigheana do Dhaibhidh.

14 Agus is iad so an ainmean-san, a rugadh dha ann an Ierusalem; Samuah, agus Sobab, agus Natan, agus Solamh,

15 Agus Ibhar, agus Elisua, agus Nepheg, agus Iaphia,

16 Agus Elisama, agus Eliada, agus Eliphalet.

17 Ach an uair a chuala na Philistich gu'n d'ung iad Daibhidh na rìgh air Israel, thàinig na Philistich uile nìos a dh'iarraidh Dhaibhidh; agus chuala Daibhidh sin, agus chaidh e sìos do'n daingneach.

18 Agus thàinig na Philistich, agus sgaol siad iad féin ann an gleann Rephaim.

19 Agus dh'fhiosraich Daibhidh do'n Tighearn, ag ràdh, An d'théid mi suas a dh'ionnsuidh nam Philisteach? an d'thoir thu thairis iad a m' làimh? Agus thubhairt an Tighearna ri Daibhidh, Gabh suas; oir gu cinnteach bheir mi thairis na Philistich a d' làimh.

20 Agus thàinig Daibhidh gu Baal-perasim, agus bhuail Daibhidh iad an sin, agus thubhairt e, Bhreis an Tighearn o chéile mo naimhdean a'm' fhianuis, mar bhriseadh uisgeacha. Uime sin thug e Baal-perasim inar ainm air an àite sin.

21 Agus dh'fhàg iad an sin an dealbhan<sup>3</sup>, agus loisg<sup>4</sup> Daibhidh agus a dhaoine iad.

22 Agus thàinig na Philistich a nìos a ris, agus sgaol siad iad féin ann an gleann Rephaim.

<sup>1</sup> a' còmhnaid.<sup>2</sup> am feadan uisge.<sup>3</sup> an iodholan.<sup>4</sup> ghabh.



23 Agus an uair a dh'fhiosraich Daibhidh do'n Tighearna, thubhairt e, Cha d'théid thu suas: ach gabh in'an cuairt air an cùlaobh, agus thig orra fa chomhair chraobh nan smeur<sup>1</sup>.

24 Agus an uair a chluinneas tu fuaim sibhail ann am mullach<sup>2</sup> chraobh nan smeur, an sin gluaisidh tu thu féin; oir an sin théid an Tighearna mach rombad, a bhuailadh feachd nam Philisteach.

25 Agus rinn Daibhidh mar sin, mar a dh'èithn an Tighearna dha; agus bhuail e na Philistich o Gheba, gus an d'thig thu gu Gaser.

C A I B. VI.

**A**GUS chruinnich Daibhidh fathast an ceann a chéile *sir* thaghta Israeil uile, deich mìle fichead.

2 Agus dh'éirich Daibhidh, agus chaidh e, agus an sluagh uile a bha maille ris, o Bhaal Iudah, a thabhairt suas a sin àire Dhé, air an gairmear ainm Thighearna nan sluagh, a ghabhas còmhnuidh eadar na Cheruban.

3 Agus chuir iad àire Dhé air feun<sup>3</sup> nomha, agus thug iad i a tigh Abinadaib a bha ann an Gibeah: agus dh'iomain Usah agus Ahio, mic Abinadaib, am feun nomha maille ri àire Dhé.

4 Agus dh'imich Ahio roimh 'n àire.

5 Agus chluich Daibhidh agus tigh Israeil uile am fianuis an Tighearn air gach inneal-ciuil do fhiodh giumbaib, eadhon air clàrsaichibh, agus air saltairibh, agus air nabalaidh<sup>4</sup>, agus air tiompanaibh, agus air ciombalaibh.

6 Agus an uair a thàinig iad gu urlar-bualaidh Nachoin, chuir Usa a mach a lām<sup>5</sup> a dh'ionnsuidh àire Dhé, agus ghabh e greim dhith; oir chuir na daimh air chrith i.

7 Agus las corruich an Tighearn an aghaidh Usa, agus bhuail Dia an sin e air son a dhànadais<sup>6</sup>; agus fhuair e bàs an sin daimh ri àire Dhé.

8 Agus bha doilgheas air Daibhidh<sup>7</sup>, do bhrìgh gu'n d'rinn an Tighearna briseadh air Usa: agus dh'ainmich e an t-àite sin Pères-usah gu ruig an la 'n diugh.

9 Agus bha eagal air Daibhidh roimh 'n Tighearna air an là sin, agus thubhairt e, Cionnus a thig àire an Tighearn a m'ionnsuidh-sa?

10 Agus cha b'ail le Daibhidh àire an Tighearn a thionndadh d'a ionnsuidh féin gu baile Dhaibhidh: ach thug Daibhidh a feth-taobh i gu tigh Obed-edom a' Ghuthich.

11 Agus dh'fhan àire an Tighearn ann an tigh Obed-edom a' Glàitich trì mìosan: agus bheannaich an Tighearn Obed-edom, agus a thigh uile.

12 Agus dh'innseadh do rìgh Daibhidh,

ag ràdh, Bheannaich an Tighearna tigh Obed-edom, agus gach ni a bhuineas da, air son àire Dhé. Uime sin dh'fhalbh Daibhidh, agus thug e nìos àire Dhé a tigh Obed-edom gu baile Dhaibhidh, le gairdeachas.

13 Agus an uair a dh'imich iadsan, a ghiùlain àire an Tighearna, sè ceuman, dh'ìobair e tairbh agus beathaichean reamhra.

14 Agus dhannas Daibhidh le 'uile neart am fianuis an Tighearna, agus bha Daibhidh crioslaichte le ephod lin-eudaich.

15 Agus thug Daibhidh agus uile thigh Israeil a nìos àire an Tighearna le h-iolaich, agus le fuaim trompaide.

16 Agus an uair a bha àire an Tighearn a teachd a steach gu baile Dhaibhidh, dh'amhairc Michal nighean Shauil tre uinneig, agus chunnaic i rìgh Daibhidh a' leumnaich agus a' dannsadh am fianuis an Tighearna, agus rinn i tàir air na cridhe.

17 Agus thug iad a steach àire an Tighearna, agus chuir iad suas i na h-àit ann am meadhon a' phàilliuin, a shuidhich Daibhidh air a son: agus thug Daibhidh suas ìobairtean-loisgte am fianuis an Tighearna, agus ìobairtean-sith.

18 Agus an uair a chuir Daibhidh cìoch air ìobairtean-loisgte a thoirt suas, agus ìobairtean-sith, bheannaich e an sluagh ann an ainm Thighearna nan sluagh.

19 Agus roinn e air an t-sluagh uile, eadhon air uile choimhchruinneachadh Israeil, eadar fhèara agus mìnà, do gach neach breacag arain, agus mìr maith fèola, agus copan<sup>7</sup> fiona: agus dh'fhalbh an sluagh uile, gach neach d'a thigh féin.

20 Agus phill Daibhidh a bheannachadh a theaghlach: agus thàinig Michal nighean Shauil a mach an coimeamh Dhaibhidh, agus thubhairt i, Cia urramach<sup>8</sup> a bha rìgh Israeil an diugh, a rùisg e féin an diugh ann an sùilibh bhan-oglach a sheirbhiseach, mar a rùisgeas aon do na daoineib eutrom e féin<sup>9</sup>!

21 Agus thubhairt Daibhidh ri Michal, Is ann a bha e am fianuis an Tighearna, a thagh mise roimh t'athair, agus roimh a thigh uile, chum m'orduchadh, a'm' cheannard air sluagh an Tighearna, air Israel: uime sin chluich mise<sup>10</sup> am fianuis an Tighearna.

22 Agus bithidh mi fathast mi's tàireile na so, agus bithidh mi ìosal a'm' shùilibh féin; agus aig na ban-oglaich mu'n do labhair thu, aca-san gheibh mi urram.

23 Agus cha robh duine-cloinne aig Michal, nighean Shauil gu là a bàis.

C A I B. VII.

**A**GUS an uair a shuidh an rìgh na thigh, agus a thug an Tighearna fois dha o a naimhidh uile m'an cuairt,

2 Thubhairt an rìgh ri Natan am fàidh,

<sup>1</sup> chraobh nam peur; bacaim. Eabh. <sup>2</sup> ann an doiseach. <sup>3</sup> cuirt, earbad. <sup>4</sup> nebalim. Eabh. dimbrel. Sagg. <sup>5</sup> a chionn gu'n do chuir e mach

a lām. <sup>6</sup> bha Daibhidh diombach. <sup>7</sup> soitheach. <sup>8</sup> glòrhor. <sup>9</sup> e féin gu beag-narach. <sup>10</sup> rinn mi aobhneas.

Feuch a nis, tha mise a'm' chòmhnuidh ann an tigh seudair, ach tha àirc Dhé na còmhnuidh an taobh a stigh do chùirteinibh.

3 Agus thubhairt Natan ris an rìgh, Falbh, dean gach nì a ta ann ad chridhe; oir tha'n Tighearna maille riut.

4 Agus air an oidhche sin fèin thàinig focal an Tighearna gu Natan, ag ràdh,

5 Falbh agus innis do m' òglach Daibhidh, Mar so tha'n Tighearna ag ràdh, An tog thusa tigh dhomhsa, a chum gu'n gabhainn còmhnuidh ann?

6 Oir cha do ghabh mise còmhnuidh ann an tigh o'n là anns an d'thug mi nìos clann Israeil as an Eiphit, eadhon gus an là'n diugh, ach bha mi ag imichead ann am bùth agus ann am pàillinn.

7 Anns gach àit d'an d'imich mi maille ri cloinn Israeil uile, an do labhair mi focal ri h-aon air bith do bhreitheamhnaibh<sup>1</sup> Israeil, d'an d'àithn mi mo shluagh Israeil a bheathachadh, ag ràdh, C'ar son nach tog sibh dhomhsa tigh seudair?

8 A nis uime sin mar so their thu ri m' sheirbhiseach Daibhidh, Mar so tha Tighearna nan sluagh ag ràdh, Thug mise thu o mhaunnir uan caorach, o bhi leantuinn nan caorach, gu bhi d'cheannard airmo shluagh, air Israel.

9 Agus bha mi maille riut anns gach àite d'an deachaidh tu, agus ghearr mi as do naimhdean uile o t'fhiannuis, agus rinn mi dhuit ainm mòr, mar ainm nan daoine mòra, a tha air an talamh.

10 (Agus orduichidh<sup>2</sup> mi àit air son mo shluagh Israeil, agus suidhichidh mi iad, agus gabhaidh iad còmhnuidh nan àite fèin, agus cha ghluaisear iad nì's mò: agus cha sàraich clann na h-aingidheachd iad tuille mar air tus<sup>3</sup>,

11 Agus o'n àm anns an d'àithn mi bhreitheamhna bhi os cionn mo shluagh Israeil: agus bheir mi dhuit fois o d' naimhdeibh gu léir.) Mar an ceudna tha'n Tighearna ag innseadh dhuit, gu'n dean an Tighearna tigh dhuit.

12 Agus an uair a choimhlìonar do làithean, agus a choidilcas tu maille ri t'aithrichibh, togaidh mi suas do shliochd a'd' dhéigh, a thig a mach a t'innibh; agus daingnichidh mi a rìoghachd.

13 Togaidh esan tigh do m'ainmsa, agus daingnichidh mise rìgh-chathair a rìoghachd gu bràth.

14 Bithidh mi a'm' athair aige-san, agus bithidh esan na mhac agamsa: ma nì e aingidheachd, smachdaichidh mi e le slait dhaoine, agus le buillibh chloinn nan daoine:

15 Ach cha 'n imich mo thròcair air falbh uait, mar a thug mi air falbh i o Shaul, a chuir mi air falbh o t'fhiannuis-sa.

16 Agus bithidh do thigh seasmhach,

agus do rìoghachd gu brath a'm' fhiannuis-sa<sup>4</sup>: bithidh do rìgh chathair daingean gu bràth.

17 A réir nam briathra so uile, agus a réir an taisbeanaidh<sup>5</sup> so uile, mar sin labhair Natan ri Daibhidh.

18 An sin chaidh rìgh Daibhidh a stigh, agus shuidh e am fianuis an Tighearna, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

19 Agus bu bheag an nì so fathast a'd' shùilibh-sa, a Thighearna Dhé; ach labhair thu mar an ceudna thaobh tighe do sheirbhiseach rè aimsir fhada ri teachd: agus an e so gnàth duine, a Thighearna Dhé?

20 Agus ciod tuilleadh a dh'fheadas Daibhidh a ràdh riut? oir is aithne dhuit do sheirbhiseach, a Thighearna Dhé.

21 Air son t'fhocail, agus a réir do chridhe fèin, rinn thu na nìthe mòra so uile, a thoirt air do sheirbhiseach eòlas a ghabhail orra.

22 Uime sin a ta thu mòr, a Thighearna Dhé: oir cha 'n eil neach ann cosmhuil riut, agus cha 'n eil Dia ann ach thusa, a réir gach nì a chuala sinn le'r clusaibh.

23 Agus cia an cinneach air thalamh cosmhuil ri d' shluagh-sa, cosmhuil ri h-Israel, a chaidh Dia a shaoradh mar shluagh dha fèin, agus a dheanamh ainme dha fèin, agus a dheanamh air an<sup>6</sup> son nìthe mòra, agus uamhasach, air son do thìre, am fianuis do shluagh a shaor thu dhuit fèin as an Eiphit, o na cinneachaibh agus o'n deibh?

24 Oir dhaingnich thu dhuit fèin do shluagh Israel gu bhi nan sluagh dhuit gu bràth; agus tha thusa, a Thighearna, a'd' Dhià aca.

25 Agus a nis, a Thighearna Dhé, am focal a labhair thu a thaobh do sheirbhiseach, agus a thaobh a thigh, dean seasmhach e gu bràth; agus dean mar a thubhairt thu.

26 Agus ardaichear<sup>7</sup> t'ainm gu bràth, ag ràdh, Is e Tighearna nan sluagh a's Dia os cionn Israeil: agus bithidh tigh do sheirbhiseach Dhaidhidh daingean a'd' fhiannuis:

27 Oir dh'fhoillsich thusa, a Thighearna nan sluagh, a Dhé Israeil, do d' sheirbhiseach ag ràdh, Togaidh mi tigh dhuit: uime sin fhuair do sheirbhiseach na chridhe an urnuigh so a dheanamh riut.

28 Agus a nis, a Thighearna Dhé, is tu fèin Dia<sup>8</sup>, agus is iad do bhriathran an fhìrinn: agus gheall thu am maithreas do d' sheirbhiseach.

29 A nis, uime sin, gu ma toil leat tigh do sheirbhiseach a bheannachadh, a chum gu mair e gu bràth a'd' fhiannuis: oir labhair thusa e, a Thighearna Dhé, agus le d' bheannachadh beannaichear tigh do sheirbhiseach gu bràth.

<sup>1</sup> threubhaibh. <sup>2</sup> dh'orduich. <sup>3</sup> mar a rinn iad roimhe. <sup>4</sup> a't' fhiannuis. <sup>5</sup> an t-seallaidh,

an fhuillseachaidh. <sup>6</sup> bhur. <sup>7</sup> mdràichear, deunar mòr. Eabh. <sup>8</sup> Is tusa an Dia sin.



CAIB. VIII.

**A**GUS an dèigh so bhuail Daibhidh na Philisteach, agus cheannsaich <sup>1</sup> e iad: agus ghlac Daibhidh Meteg-amah <sup>2</sup> a làimh nam Philisteach.

2 Agus bhuail e na Moabaich, agus thomhais e iad le cord <sup>3</sup>, 'gan tilgeadh sìos gu làr: eadhon le dà chord thomhais e a thabhairt bàis, agus le aon chord iomlan a ghlèidheadh beo. Agus bha na Moabaich nan seirbhisich aig Daibhidh, agus thug iad tiodhlaca leo.

3 Bhuail Daibhidh mar an ceudna Hadadeser, mac Rehoib, rìgh Shobah, 'nuair a chaidh e a chosnadh a chrìche air a h-ais <sup>4</sup> aig abhuinn Euphrateis.

4 Agus thug Daibhidh uaith mìle carbad, agus seachd ceud <sup>5</sup> marcach, agus fichead mìle coisiche: agus ghearr Daibhidh speireacha *each* nan carbad uile, ach dh'fhàg e dhiubh *dìol* cheud carbad.

5 Agus an uair a thàinig Sirianaich Dhamascuis a chuid eachadh le Hadadeser rìgh Shobah, bhuail Daibhidh do na Sirianaich dà mhìle thar fhichead fear.

6 An sin chuir Daibhidh freiceadain ann an Siria Dhamascuis: agus bha na Sirianaich nan seirbhisich aig Daibhidh, agus thug iad leo tiodhlacan: agus ghlèidh an Tighearna Daibhidh gach taobh a chaidh e.

7 Agus ghabh Daibhidh na sgiathan <sup>6</sup> òir, a bh'aig seirbhisich Hadadeser, agus thug e iad gu h-Ierusalem.

8 Agus o Bhetah, agus o Bherotai, bailtibh Hadadeser, thug rìgh Daibhidh romhòran umha.

9 An uair a chuala Toi, rìgh Hamait, gu'n do bhuail Daibhidh sluagh Hadadeser uile,

10 An sin chuir Toi a mhac Ioram gu rìgh Daibhidh, a chur fàilte air, agus g'a bheannachadh, a chionn gu'n do chog e ri Hadadeser, agus gu'n do bhuail se e, (oir bha cogadh aig Hadadeser ri Toi <sup>7</sup>): agus na làimh bha soithichean airgid, agus soithichean òir, agus soithichean umha.

11 Iad sin mar an ceudna choisrig <sup>8</sup> rìgh Daibhidh do na Tighearna, maille ris an airgid agus ris an òr a choisrig e o na h-uile chinneachail, a cheannsaich e:

12 O Shiria, agus o Mhoab, agus o chloinn Amoin, agus o na Philistich, agus o Amalec, agus o chreich Hadadeser, mhic Rehoib, rìgh Shobah.

13 Agus fhuair <sup>9</sup> Daibhidh ainm *dha fèin*, an nair a phill e o bhualadh nan Edomach <sup>10</sup> ann an gleann an t-salainn, ochd mìle deug fear.

14 Agus chuir e freiceadain ann an Edom: air feadh Edoim uile chuir e freiceadain; agus bha na h-Edomaich uile nan

seirbhisich aig Daibhidh: agus ghlèidh an Tighearna Daibhidh gach taobh a chaidh e.

15 Agus rìoghaich Daibhidh air Israel uile, agus rinn Daibhidh breitheamhnas agus ceartas d'a shluagh uile.

16 Agus bha Ioab mac Sheruah os cionn na h-armailte; agus bha Iehosaphat mac Ahiluid na sheanachaidh <sup>11</sup>;

17 Agus bha Sadoc mac Ahituib, agus Ahimelech mac Abiatair nan sagartaibh, agus Seraiah na sriobhuiche; agus

18 Agus bha Benaiah mac Iehoiada os cionn nan Cereteach agus nam Peleteach; agus bha mic Dhaibhidh nan ard uachdaranaibh.

CAIB. IX.

**A**GUS thubhairt Daibhidh, Am bheil fathast neach air bith a dh'fhàgadh do thigh Shaul, a chum gu nochd mi dha caoimhneas air son Ionatain?

2 Agus bha aig thigh Shaul seirbhiseach, d'am b'ainm Siba: agus an uair a ghairm iad e chun Dhaibhidh, thubhairt an rìgh ris, An tusa Siba? Agus thubhairt esan, Is e do sheirbhiseach a th'ann.

3 Agus thubhairt an rìgh, Nach 'eil fathast neach air bith do thigh Shaul, a chum gu nochd mi dha caoimhneas Dhé? Agus thubhairt Siba ris an rìgh, Tha fathast mac aig Ionatan, a tha bacach <sup>12</sup>.

4 Agus thubhairt an rìgh ris, C'ait am bheil e? Agus thubhairt Siba ris an rìgh, Feuch, tha e ann an tigh Mhachir, mhic Amieil, ann an Lodebar.

5 Agus chuir rìgh Daibhidh fios air, agus thug se e a tigh Mhachir, mhic Amieil, o Lodebar.

6 A nis an uair a thàinig Mephiboset <sup>13</sup>, mac Ionatain, mhic Shaul, a dh'ionnsuidh Dhaibhidh, thuit e air aghaidh, agus rinn e ùmhlachd. Agus thubhairt Daibhidh, A Mephiboset. Agus fhreagair esan, Feuch, do sheirbhiseach.

7 Agus thubhairt Daibhidh ris, Na biodh eagal ort; oir gu cinnteach nochdadh mise dhuit caoimhneas air son t'athar Ionatain, agus aigsidh mi dhuit uile fhearann t'athar Shaul, agus ithidh tu aran aig mo bhòrd-sa an còmhnuidh.

8 Agus chrom se e fèin, agus thubhairt e, Cò e do sheirbhiseach, gu'n amhairceadh tusa air cù marbh, cosmhuil riunsas?

9 An sin ghairm an rìgh air Siba òglach Shaul, agus thubhairt e ris, Gach nì a bhuineadh do Shan, agus d'a thigh uile, thug mi do mhac do mhaighistir.

10 Agus treabhaidh tusa am fearann air a shon, thu fèin, agus do mhic, agus do sheirbhisich, agus bheir thu a stigh an t-*adha*, a chum gu'm bi biadh aig mac do

<sup>1</sup> dh'islich. <sup>2</sup> Gat agus a bhailte beaga. <sup>3</sup> snàithne-tomhais. <sup>4</sup> a shuidheachadh a làimhe. Eabh. <sup>5</sup> mìle. <sup>6</sup> targaidean. <sup>7</sup> b'fhear cogaidh Hadadeser an aghaidh Thoi. Eabh.

<sup>8</sup> naomhaich. <sup>9</sup> rinn. Eabh. <sup>10</sup> nan Sirianach. <sup>11</sup> eachdraiche <sup>12</sup> cuirramach na chosaibh. Eabh. <sup>13</sup> Merib-baal.

mhaighstùr a dh'itheas e: ach ithidh Mephiboset, mac do mhaighstùr, aran an còmhnuidh aig mo bhòrd-sa. A nis bha aig Siba cùig mìc dheug agus fichead seirbhisich each.

11 An sin thubhairt Siba ris an rìgh, A rèir gach nì a dh'àithn mo thighearn an rìgh d'a sheirbhisich, mar sin nì do sheirbhisich: a thaobh Mephiboset, ithidh esan aig a' bhòrd-san, mar aon do mhic an rìgh.

12 Agus bha aig Mephiboset mac òg, d'am b'ainm Micha: agus bha iadsan uile a ghabh còmhnuidh ann an tìgh Shiba nan seirbhisich do Mephiboset.

13 Agus chòmhnuich Mephiboset ann an Ierusalem: oir dh'ith e an còmhnuidh aig bòrd an rìgh: agus bha e bacach air a dhà chois.

## CAIB. X.

**A**GUS na dh'èigh so fhuair rìgh chloinn Amoin bàs, agus rìoghaich a mhac Hanun na àit.

2 An sin thubhairt Daibhidh, Nochdaidh mi caoinhneas do Hanun mac Nahais, mar a nochd 'athair-san caoinhneas dhomhsa. Agus chuir Daibhidh uaith a sheirbhisich, a thoirt sòlais da air son 'athair. Agus thàinig seirbhisich Dhaibhidh a steach do thìr chloinn Amoin.

3 Agus thubhairt ceannardan chloinn Amoin ri Hanun an tighearna, An saoil thu gur ann a clum urram a thubhairt do 'athair, a chuir Daibhidh a't' ionnsuidh luchd-sòlais? nach ann a rannsachadh a' bhaile, agus a ghabhail beachd air, agus g'a sgrios, a chuir Daibhidh a sheirbhisich a't' ionnsuidh?

4 Uime sin ghlac Hanun seirbhisich Dhaibhidh, agus bhearr e dhiubh leth am feusaig, agus ghearr e an eudach sa' mheadhon, gu ruig am màsan; agus chuir e air falbh iad.

5 Agus an uair a dh'innseadh sin do Dhaibhidh, chuir e daoine nan coinneamh, a chionn gu'n robh nàire mhòr air na daoineibh: agus thubhairt an rìgh, Fanaibh ann an Iericho gus am fàs bhuir feusag, agus an sin pillibh.

6 Agus an uair a chunnaic clann Amoin gu'n robh iad gràineil<sup>2</sup> am fianuis Dhaibhidh, chuir clann Amoin teachduiream uatha, agus thuarasdalaich iad Sirianaich Bhet-rehoib, agus Sirianaich Shoba, fichead mìle coisiche<sup>3</sup>, agus o rìgh Mhaacah mìle fear, agus o Istob dà mhìle dheug fear.

7 Agus an uair a chuala Daibhidh sin, chuir e mach Ioab, agus uile shluagh nan daoine treuna.

8 Agus thàinig clann Amoin a mach, agus chuir iad an cath an ordugh aig dol a sùgh a' gheata<sup>4</sup>: agus bha Sirianaich Shoba,

agus Rehoib, agus Istoib, agus Maacah, leo fèin anns a' mhachair.

9 Agus an uair a chunnaic Ioab gu'n robh aghaidh a' chatha ris air a bheulaobh agus air a chùlaobh, thagh e mach cuid do uile dhaoinibh taghta Isracil, agus chuir e ann an ordugh catha iad an aghaidh nan Sirianach.

10 Agus a' chuid eile do'n t-sluagh thug e thairis do làimh a bhràthar Abisai, a chuni gu'n cuireadh e an ordugh iad an aghaidh chloinn Amoin.

11 Agus thubhairt e, Ma bhios na Sirianaich nì's treise na mise, an sin nì thusa còmhnaidh riumsa: ach ma bhios clann Amoin nì's treise na thusa, an sin thig mise a dheanamh còmhnaidh riutsa.

12 Bi misneachail, agus biomaid gaisgeil air son ar sluagh, agus air son bhailtean ar Dé: agus deanadh an Tighearn an nì a ta maith na shùilibh.

13 Agus thàinig Ioab am fagus, agus an sluagh, a bha maille ris, gu cath an aghaidh nan Sirianach: agus theich iad roimhe.

14 Agus an uair a chunnaic clann Amoin gu'n do theich na Sirianaich, an sin theich iadsan mar an ceudna roimh Abisai, agus chaidh iad a steach do'n bhaile: agus phill Ioab o chloinn Amoin, agus thàinig e gu h-Ierusalem.

15 Agus an uair a chunnaic na Sirianaich gu'n do bhuaileadh iad roimh Israel, chruinnich siad iad fèin an ceann a chèile.

16 Agus chuir Hadadeser<sup>5</sup> fios uaith, agus thug e mach na Sirianaich a bh'air an taobh thall do'n abhuinn, agus thàinig iad gu Helam; agus chaidh Sobach ceannard armailte Hadareser rompa.

17 Agus an uair a dh'innseadh sin do Dhaibhidh, chruinnich e Israel uile an ceann a chèile, agus chaidh e thar Iordan, agus thàinig e gu Helam; agus chuir na Sirianaich iad fèin an ordugh eatha an aghaidh Dhaibhidh, agus chog iad ris.

18 Agus theich na Sirianaich roimh Israel, agus mharbh Daibhidh do na Sirianaich fir sheachd ceud carbad, agus dà fhichead mìle marcach; agus bhual e Sobach ceannard an armailte, a fhuair bàs an sin.

19 Agus an uair a chunnaic na rìghrean uile, a bha nan seirbhisich aig Hadadeser, gu'n do bhuaileadh iad roimh Isracil, rinn iad sìth ri h-Israel, agus rinn iad seirbhis dhoibh. Agus bha eagail air na Sirianaich còmhnaidh a dheanamh tuille ri cloinn Amoin.

## CAIB. XI.

**A**GUS aig teachd mu'n cuairt<sup>6</sup> na bliadhna, mu'n àm anns an d'fhéid rìghrean a mach gu cath, chuir Daibhidh uaith Ioab, agus a sheirbhisich maille ris,

<sup>1</sup> mo. <sup>2</sup> breun. <sup>3</sup> fear-coise.<sup>4</sup> geata Mhedeaba. <sup>5</sup> Hadareser. <sup>6</sup> ath-philleadh.



agus Israel ùile, agus sgrìos iad clann Amoin, agus theannaich iad<sup>1</sup> Rabah: ach dh'fhan Daibhidh ann an Ierusalem.

2 Agus thachair e mu fheasgar, gu'n d'éirich Daibhidh bhàrr a leapach, agus gu'n robh e a' spaisdearachd air mullach tìgte an rìgh: agus o'n mhullach chunnaic e bean 'ga nigheadh fèin, agus bha a' bhean ro-mhaiseach ri sealltuinn oirre.

3 Agus chuir Daibhidh *fios*, agus dh'fheòraich e mu thimchioll na mnà: agus thubhairt *neach*, Nach i so Batscha, nighean Eliam, bean Uriah an Hiteach?

4 Agus chuir Daibhidh uaith teachdair-ean, agus ghabh e i; agus thàinig i stigh d'a ionnsuidh, agus luidh e leatha, (oir bha i air a glanadh o a neo-ghloine;) agus phill i d'a tigh fèin.

5 Agus dh'fhàs a' bhean torrach, agus chuir i *fios* uaithe<sup>2</sup>, agus dh'innis i do Dhaibhidh, agus thubhairt i, *Tha mi torrach*.

6 Agus chuir Daibhidh *fios* uaith gu Ioab, ag ràdh, Cuir a m' ionnsuidh Uriah an Hiteach. Agus chuir Ioab Uriah a dh'ionnsuidh Dhaibhidh.

7 Agus an uair a thàinig Uriah d'a ionnsuidh, dh'fheòraich Daibhidh *dheth* cionnus a bha Ioab, agus cionnus a bha 'n sluagh, agus cionnus a chaidh an cogadh air aghaidh.

8 Agus thubhairt Daibhidh ri Uriah, Imich sìos do d' thigh, agus nìg do chosan. Agus chaidh Uriah a mach a tigh an rìgh, agus chuireadh na dhéigh lòn *béidh* o'n rìgh.

9 Ach luidh<sup>3</sup> Uriah aig dorus tigh an rìgh, maille ri uile sheirbhiseachaibh a thighearna, agus cha deachaidh e sìos d'a thigh.

10 Agus an uair a dh'innis iad do Dhaibhidh, ag ràdh, Cha deachaidh Uriah sìos d'a thigh, thubhairt Daibhidh ri Uriah, Nach ann o d' thurus a thàinig thu? c'ar son ma ta nach deachaidh tu sìos do d' thigh?

11 Agus thubhairt Uriah ri Daibhidh, *Tha'n àire*, agus Israel, agus Iudah a' fannuinn am pàilliuinaibh, agus *tha* mo thighearna Ioab, agus seirbhiseich mo thighearna air campachadh air aghaidh na macharach; an d'théid mise ma ta a stigh do m' thigh, a dh'itheadh, agus a dh'òl, agus a luidhe le m' mhnaoi? *mar* is beo thusa, agus *mar* is beo t'anam, cha dean mi an ni so.

12 Agus thubhairt Daibhidh ri Uriah, Fan an so mar an ceudna an diugh, agus am màireach leigidh mi leat imeachd. Agus dh'fhan Uriah ann an Ierusalem an là sin, agus an là màireach.

13 Agus ghairn Daibhidh air, agus dh'ith agus dh'òl e na fhianuis, agus chuir e air

mhisg e: ach chaidh e mach mu fheasgar a luidhe na leabaidh maille ri seirbhiseich a thighearna, agus d'a thigh fèin cha deachaidh e sìos.

14 Agus anns a' mhaduinn sgrìobh Daibhidh litir a dh'ionnsuidh Ioab, agus chuir e i le làimh Uriah.

15 Agus sgrìobh e anns an litir, ag ràdh, Cuiribh Uriah mu choinneanibh a' chatha a's déine, agus pillibh fèin o' chùlaobh, a chum gu'm buailear e, agus gu'm faigh e bàs.

16 Agus an uair a ghabh Ioab beachd air a' bhaile, dh'orduich e Uriah a dh'ionnsuidh àite anns an robh fios aige gu'n robh daoine gaisgeil.

17 Agus chaidh fir a' bhaile a mach, agus chog iad ri Ioab; agus thuit *cuid* do'n t-sluagh, do sheirbhiseich Dhaibhidh, agus fhuair Uriah an Hiteach bàs mar an ceudna.

18 An sin chuir Ioab *fios* uaith, agus dh'innis e do Dhaibhidh gach ni a' thachair sa' chath<sup>4</sup>:

19 Agus dh'àithn e do'n teachdaire, ag ràdh, An uair a chuireas tu crìoch air gach ni a thachair sa' chath innseadh do'n rìgh,

20 Agus ma thachaireas gu'n éirich fearg an rìgh, agus gu'n abair e riut, C'ar son a chaidh sibh teann air a' bhaile a chathachadh? nach robh fios agaibh gu'n tilgeadh iad o'n bhalladh?

21 Cò a bhuail Abimelech mac Ierubescit<sup>5</sup>? nach do thìlg bean mìr do chloich-mhuilinn air o'n bhalladh, air chor as gu'n d'fhuair e bàs ann an Tebes? c'ar son a chaidh sibh teann air a' bhalladh? an sin their thusa, Tha do sheirbhiseach Uriah an Hiteach marbh mar an ceudna.

22 Agus dh'imich an teachdaire, agus thàinig agus d'innis e do Dhaibhidh gach ni mu'n do chuir Ioab air falbh e.

23 Agus thubhairt an teachdaire ri Daibhidh, Gu deàrshin bhuadhaich na daoine oirn, agus thàinig iad a mach d'ar n-ionnsuidh sa' mhachair, agus chuir sinn an ruag orra<sup>6</sup> eadhon gu dol a stigh a' gheataidh.

24 Agus thìlg na fir-bhogha air do sheirbhiseich o'n bhalladh, agus tha *cuid* do sheirbhiseich an rìgh marbh, agus tha do sheirbhiseach Uriah an Hiteach marbh mar an ceudna.

25 An sin thubhairt Daibhidh ris an teachdaire, Mar so their thu ri Ioab, Na biodh an ni so olc a'd' shùilb: oir cuiridh an claidheamh as do aon duine co maith as do dhuin' eile: dean do chath ni's treise an aghaidh a' bhaile, agus sgrìos e; agus their misneach dha.

26 Agus an uair a chuala bean Uriah gu'n d'fhuair a fear Uriah bàs, rinn i caoidh air son a fir.

<sup>1</sup> chog iad an aghaidh. <sup>2</sup> uaipe. <sup>3</sup> choidil. <sup>4</sup> uile bhriathra, no uile nithe a' chatha. Eabh.

<sup>5</sup> Ierubail. <sup>6</sup> chuir sinn nan aghaidh; bha sinn orra. Eabh.

27 Agus an uair a bha 'm bròn thairis, chuir Daibhidh fios oirre, agus thug e i dh'ionnsuidh a thighe, agus bha i na mnaoi aige, agus rug i mac dha: ach bha an nì a rinn Daibhidh olc ann an sùilibh an Tighearna.

## CAIB. XII.

**A** GUS chuir an Tighearna Natan a dh'ionnsuidh Dhaibhidh; agus an uair a thàinig e d'a ionnsuidh, thubhairt e ris, Bha dithis fhear ann an aon bhaile, fear dhiubh beartach, agus am fear eile bochd.

2 Aig an duine bheartach bha ro-mhòran chaorach agus cruith:

3 Ach aig an duine bhochd cha robh nì sam bith ach aon uan beag bainiunn, a cheannaich e, agus a bheathaich e: agus dh'fhàs e suas maille ris féin, agus maille r'a chloinn; dh'ith e d'a ghreim<sup>1</sup> féin, agus dh'òl e as a chopan féin, agus luidh e na uchd, agus bha e dha nìar nighinn.

4 Agus thàinig fear-turuis<sup>2</sup> a dh'ionnsuidh an duine bheartaich, agus chaomhain e gabhail d'a chaoraich féin, agus d'a chrodh féin, a dheasachadh air son an fhir-turuis a thàinig d'a ionnsuidh, ach ghabh e uan an duine bhochd, agus dheasaich se e do'n fhear a thàinig d'a ionnsuidh.

5 Agus las fearg Dhaibhidh an aghaidh an duine gu mòr; agus thubhairt e ri Natan, Mar is beo an Tighearna, gu cinnteach cuirear gu bàs<sup>3</sup> am fear a rinn an nì so.

6 Agus diolaidh e<sup>4</sup> 'n t-uan ceithir uairean<sup>5</sup>, do bhrìgh gu'n d'rinn e an nì so, agus a chionn nach do chaomhain e<sup>6</sup>.

7 Agus thubhairt Natan ri Daibhidh, Is tusa an duine. Mar so tha 'n Tighearna Dia Israeil ag ràdh, Dh'ung mise thu a'd' rìgh os cionn Israeil, agus shaor mi thu a làimh Shaul:

8 Agus thug mi dhuit tigh do mhaighstir, agus mnàid do mhaighstir ann ad uchd, agus thug mi dhuit tigh Israeil agus Iudah; agus nam bu bheag sin, bheirinn dhuit cuideachd an leithide so, agus an leithide sud do nithibh.

9 C'ar son a rinn thu tàir air àithne an Tighearna, le olc a dheanamh na flianus? Uair an Hiteach bhuail thu leis a' chlaidheamh, agus a bhean ghabh thu na mnaoi dhuit féin, agus esan mharbh thu le claidheamh chloinn Amoin.

10 A nì uime sin cha dealaich an claidheamh ri d'thìgh gu bràth, do bhrìgh gu'n d'rinn thu tàir oru, agus gu'n do ghabh thu bean Uriah an Hitich gu bi na mnaoi dhuit féin.

11 Mar so tha 'n Tighearna ag ràdh, Feuch togaidh mise suas olc ann ad aghaidh as do

thìgh féin, agus gabhaidh mi do mnàid fa chomhair do shùil, agus bheir mi iad do d' choimhearsnach, agus luidhidh e le d' mhnàibh ann an sealladh na gréine so:

12 Oir rinn thusa e gu dìomhair; ach nì mise an nì so am fianuis Isracil uile, agus am fianuis na gréine.

13 Agus thubhairt Daibhidh ri Natan, Pheacaich mi an aghaidh an Tighearna. Agus thubhairt Natan ri Daibhidh, Mar an ceudna chuir an Tighearna air falbh do pheacadh<sup>7</sup>; cha'n fhaigh thu bàs.

14 Gidheadh, a chionn leis a' ghnìomh so gu'n d'thug thu air naimhdbh an Tighearna mòr thàir a dhcanamh air, gheibh mar an ceudna am mac, a rugadh dhuit, gu cinnteach bàs.

15 Agus dh'fhalbh Natan d'a thigh féin: agus bhuail an Tighearna an leanabh, a rug bean Uriah do Dhaibhidh, agus bha e ro-thinn.

16 Uime sin ghuidh Daibhidh air Dia air son an leinibh, agus throisg Daibhidh, agus chaidh e stigh, agus luidh e rè na h-oidheche air an talamh.

17 Agus thàinig<sup>8</sup> seanairean a thighe d'a ionnsuidh, g'a thogail suas o'n talamh ach cha b'aill leis, nì mò a dh'ith e aran maille riu.

18 Agus air an t-seachdamh là fhuaire an leanabh bàs; agus bha eagal air seirbhishich Daibhidh innseadh dha gu'n robh an leanabh marbh: oir thubhairt iad, Feuch, an uair a bha 'n leanabh fàthast beo, labh air sinn ris, agus cha'n éisdeadh e r'a' guth: cionnus ma ta, ma dh'innseas sinn dha gu bheil an leanabh marbh, a chràidheas se e féin<sup>9</sup>?

19 Ach an uair a chunnaic Daibhidh gu'n robh a sheirbhishich ri cogarsaich, thaig Daibhidh gu'n robh an leanabh marbh; uime sin thubhairt Daibhidh r'a sheirbhishich, Am bheil an leanabh marbh? Agus thubhairt iadsan, Tha e marbh.

20 An sin dh'éirich Daibhidh o'n talamh, agus dh'ionnail agus dh'ung se e féin, agus m'ùth<sup>10</sup> e 'eudach, agus chaidh e steach do thigh an Tighearna, agus rinn e aoradh: an sin thàinig e d'a thigh féin, agus an uair a dh'iarr e, chuir iad aran fa chomhair, agus dh'ith e.

21 An sin thubhairt a sheirbhishich ris, Cìod e an nì so a rinn thu? air son an leinibh, an uair a bha e beo, throisg thu agus ghuil thu; ach an uair a dh'eug an leanabh, dh'éirich thu agus dh'ith thu aran.

22 Agus thubhairt esan, An uair a bha 'n leanabh fàthast beo, throisg mi agus ghuil mi: oir thubhairt mi, Cò aig am bheil fios nach gabh Dia truas riinn, agus nach mara an leanabh beo?

<sup>1</sup> aran, bhiadh. <sup>2</sup> aoidhe. <sup>3</sup> tha e toilltinn a' bhàis; is mac do'n bhàis e. Eabh. <sup>4</sup> aigaidh e, bheir e air ais. <sup>5</sup> ceithir-fille. <sup>6</sup> nach robh

iochd aige. <sup>7</sup> thug an Tighearna air do pheacadh dol thairis. Eabh. <sup>8</sup> dh'éirich. Eabh. <sup>9</sup> a nì e olc. Eabh. <sup>10</sup> dh'atharraich.



23 Ach a nis o fhuair e bàs, c'ar son a throisginn? an urrainn mi a thabhairt air ais tuilleadh? théid mise d'a ionnsuidh-san, ach cha phill esan a m' ionnsuidh-sa.

24 Agus thug Daibhidh sòlas d'a mhnaoi Batsèba, agus chaidh e steach d'a h-ionnsuidh, agus luidh e leatha: agus rug i mac, agus thug e Solamh mar ainm air; agus ghràdhaich an Tighearn e.

25 Agus chuir e *fios* le làimh an fhàidh Nàtain, agus thug e Iedidiah mar ainm air, air son an Tighearna.

26 Agus chog Ioaib an aghaidh Rabah chloinn Amoin, agus ghlac e am baile rioghail.

27 Agus chuir Ioaib teachdairean a dh'ionnsuidh Dhaibhidh, agus thubhairt e, Chog mi an aghaidh Rabah, agus ghlac mi baile nan uisgeach.

28 A nis uime sin cruinnich a' chuid eile do'n t-sluagh, agus campaich an aghaidh a' bhaile, agus glac e, air eagal gu'n glac mise am baile, agus gu'n d'hoirear m'ainm fèin air.

29 Agus chrùinnich Daibhidh an sluagh uile cuideachd, agus chaidh e gu Rabah, agus chog e na aghaidh, agus ghlac se e.

30 Agus thug e crùn an rìgh bhàrr a chinn, (agus b'e a chothrom<sup>1</sup> talann òir, maille ris na clachaibh luachmhor<sup>2</sup>) agus chuireadh e air ceann Dhaibhidh: agus thug e mach creach a' bhaile ann am mòr phailteas.

31 Agus thug e mach an sluagh a *bha* ann, agus chuir e *iad* fuidh shàbhan, agus fuidh innealan-bualaidh<sup>3</sup> iaruin, agus fuidh thuaghan iaruin, agus thug e orra dol tre àth nan clacha-creadha; agus mar so rinn e ri uile bhaitibh chloinn Amoin. Agus phill Daibhidh agus an sluagh uile gu h-Ierusalem.

### C A I B. XIII.

**A** GUS thachair an dèigh so, gu'n robh aig Absalom mac Dhaibhidh piuthar mhaiseach, d'am b'ainm Tamar; agus ghràdhaich Amnon mac Dhaibhidh i.

2 Agus bha Amnon ann an airc co mhòr, as gu'n d'fhàs e tinn air son a pheathar Tamair; oir b'òigh i, agus bha e cruaidh ann an sùilibh Amnoin ni sam bith a dheanamh oirre.

3 Ach bha aig Amnon caraid, d'am b'ainm Ionadab, mac Shimeab, bràthar Dhaibhidh: agus *bha* Ionadab na dhuine ro-sheòlta<sup>4</sup>.

4 Agus thubhairt e ris, C'ar son a *ta* thusa, agus gur mac do'n rìgh thu, tana<sup>5</sup> mar so, o là gu là? nach innis thu dhomhsa? Agus thubhairt Amnon ris, Tha gràdhagam air Tamar, piuthar mo bhràthar Absalaim.

5 Agus thubhairt Ionadab ris, Luidh

sìos air do leabaidh, agus leig ort a bhì tinn; agus an uair a thig t'athair g'ad fhaicinn, their thu ris, Thigeadh, guidheam ort, mo phiuthar Tamar, agus thugadh i biadh dhomh, agus deasaicheadh i am biadh a'm' fhianuis, a chum gu'm faic mi e, agus gu'n ith mi as a làimh e.

6 Agus luidh Amnon sìos, agus leig e air a bhì tinn; agus an uair a thàinig an rìgh g'a fhaicinn, thubhairt Amnon ris an rìgh, Thigeadh, guidheam ort, mo phiuthar Tamar, agus deanadh i dà bhreacaig a'm' fhianuis, a chum gu'n ith mi as a làimh.

7 An sin chuir Daibhidh *fios* dhachaidh a dh'ionnsuidh Thamair, ag ràdh, Imich a nis gu tigh do bhràthar Amnoin, agus deasaich dha biadh.

8 Agus chaidh Tamar do thigh a bràthar Amnoin, (agus *bha* esan na luidhe) agus ghabh i min mhìn, agus thaoisinn<sup>6</sup> si i, agus rinn i breacagan na fhianuis, agus bhruidh i na breacagan.

9 Agus ghabh i aghann, agus thaom i mach *iad* na fhianuis, ach dhiùlt esan itheadh. Agus thubhairt Amnon, Thugaibh a mach gach duine uam, agus thug<sup>7</sup> iad a mach gach duine uailh.

10 Agus thubhairt Amnon ri Tamar, Thoir am biadh a steach do'n t-seòmar, a chum gu'n ith mi as do làimh. Agus ghabh Tamar na breacagan a rinn i, agus thug i *iad* do'n t-seòmar a dh'ionnsuidh a bràthar Amnoin.

11 Agus an uair a thug i *iad* d'a ionnsuidh chum an itheadh, rug e oirre, agus thubhairt e rithe, Thig, luidh leam, a phiuthar.

12 Agus fhreagar i e, Ni h-eadh, a bhràthair, na h-èignich mi; oir cha chòir a leithid so a bhì air a dheanamh ann an Israel: na dean-sa an amaideachd so.

13 Agus mise, c'àit an cuir mi air falbh mo mhàsladh? agus air do shonsa, bithidh tu mar aon do na h-amadanaibh<sup>8</sup> ann an Israel: a nis uime sin labhair, guidheam ort, ris an rìgh; oir cha chum e uait mi.

14 Gidheadh, cha'n èisdeadh esan r'a guth; ach a chionn gu'm bu làidire e na ise, dh'èignich e i, agus luidh e leatha.

15 An sin dh'fhuathaich Amnon i le fuath ro-mhòr, air chor as gu'm bu mhò am fuath leis an d'fhuathaich e i, na'n gràdh leis an do ghràdhaich e i: agus thubhairt Amnon rithe, Eirich, bi'g imeachd.

16 Agus thubhairt ise ris, Na *bitheadh e mar sin*, a bhràthair; oir is mò an t-òlc so 'nam chur air falbh, na'n t-òlc eile a rinn thu orm: ach cha'n èiscadh esan rithe.

17 An sin ghairn e air 'òglach a fhrith-eil dha, agus thubhairt e, Cuir a nis a' bhean

<sup>1</sup> a luach, 'fhiach. <sup>2</sup> prèisil. <sup>3</sup> chliathan. <sup>4</sup> ro-ghlic. <sup>5</sup> a' dol as an t-sealladh. <sup>6</sup> dh'fhuin.

<sup>7</sup> chaidh. <sup>8</sup> do na daoineibh aingidh.

so a mach uam, agus cuir an crann air an dorus na dèigh.

18 Agus *bha* truscan<sup>1</sup> iomadh-dathach oirre; oir le leithid so do dheise *bha* nigh-eanan an rìgh, a *bha* nan òghibh, air an sgeadachadh. An sin thug a sheir-bhiseach a mach i, agus chrann e an dorus na dèigh.

19 Agus chuir Tamar luath air a ccann, agus reub i an truscan iomadh-dathach a *bha* oirre, agus chuir i a làmh air a ccann, agus ehaidh i air falbh a' glaothaich.

20 Agus thubhairt a bràthair Absalom rithe, An robh do bhràthair Amnon maille riut? ach a nis, a phiuthar, bi d' thosd; is e do bhràthair e; na cuireadh an ni so smuainean ort<sup>2</sup>. Agus dh'fhan Tamar gu h-aonaranach<sup>3</sup> ann an tigh a bràthar Absalom.

21 Ach an uair a chuala rìgh Daibhidh na nithe so uile, *bha* fearg ro mhòr air.

22 Agus cha do labhair Absalom ri Amnon aon chuid ole no maith; oir dh'fhuathaich Absalom Amnon, a chionn gu'n d'èignich e a phiuthar Tamar.

23 Agus thachair an dèigh dà bhliadhna iomlan, gu'n robh aig Absalom luchd-lomairt chaorach ann am Baal-hasor, a *tha* làmh ri Ephraim: agus thug Absalom cuireadh do mhic an rìgh uile.

24 Agus thàinig Absalom a dh'ionnsuidh an rìgh, agus thubhairt e, Feuch a nis, *tha* luchd-lomairt chaorach aig do sheir-bhiseach; thigeadh, guidheam ort, an rìgh agus a sheirbhiseach maille ri d' sheir-bhiseach.

25 Agus thubhairt an rìgh ri Absalom, Ni h-cadh, a mhic, na rachamaid uile a nis, a chum nach bi sinn trom ort<sup>4</sup>. Agus chuir e impidh air: gidheadh cha b'ail leis imeachd, ach bheannaich se e.

26 An sin thubhairt Absalom, Mur d'thig thu fèin, thigeadh, guidheam ort, mo bhràthair Amnon maille ruinn. Agus thubhairt an rìgh, C'ar son a rachadh e maille riut?

27 Ach chuir Absalom impidh air; agus leig e le Amnon, agus mic an rìgh uile, dol maille ris.

28 A nis dh'àithn Absalom d'a òglach-aibh, ag ràdh, Thugaibh fanear a nis an uair a bhios cridhe Amnoin subhaich le fion, agus an uair a their mise ribh, Buailibh Amnon, an sin marbhaibh e. Na biodh eagail oirbh: nach d'àithn mise dhuibh? bithibh misneachail, agus bithibh treun.

29 Agus rinn òglach Absalom ri h-Amnon, mar a dh'àithn Absalom: an sin dh'èirich mic an rìgh uile, agus chaidh gach fear dhiubh air a mhuileid, agus theich iad.

30 Agus an uair a *bha* iad air an t-slighe, thàinig sgeul a dh'ionnsuidh Dhaibhidh, ag ràdh, Bhuail Absalom mic an rìgh uile, agus cha d'fhàgadh aon duine *beo*.

31 An sin dh'èirich an rìgh, agus reub e eudaich, agus luidh e air an talamh; agus shcas a sheirbhiseach uile làmh ris le'n eudach reubta.

32 Agus fhreagair Ionadab mac Shimeah, brathar Dhaibhidh, agus thubhairt e, Na smuainicheadh<sup>5</sup> mo thighearna gu'n do mharbh iad na h-òganaich uile, mic an rìgh: oir *tha* Amnon a mhàin marbh, oir le Absalom<sup>6</sup> shuidhicheadh an ni so, o'n là anns an d'èignich e a phiuthar Tamar.

33 Agus a nis na gabhadh mo thighearn an rìgh an ni thuige d'a chridhe, a' smuainicheadh gu bheil mic an rìgh uile marbh; oir *tha* Amnon a mhàin marbh.

34 Ach theich Absalom, agus thog an t-òganach a *bha* gleidheadh na faire a shùilean, agus dh'amhairc e, agus feuch, *bha* mòran sluaigh a' teachd air an t-slighe air a chùlaobh o thaobh an t-sléibh.

35 Agus thubhairt Ionadab ris an rìgh, Feuch, *tha* mic an rìgh a' teachd: a réir focail do sheirbhiseach, mar sin *tha* e.

36 Agus co luath a's a sguir e do labhairt, feuch, thàinig mic an rìgh, agus thog iad suas an guh agus ghuil iad: agus ghuil mar an ceudna an rìgh, agus a sheirbhiseach uile, le gul ro-mhòr.

37 Ach theich Absalom, agus chaidh e dh'ionnsuidh Thalmai, mhic Amihud, rìgh Ghesuir: agus ehuala Daibhidh sin, agus rinn e caoidh air son a mhic gaeh aon là.

38 Mar sin theich Absalom, agus chaidh e do Ghesur, agus *bha* e 'n sin trì bliadhna.

39 Agus mhiannaich *anam* rìgh Dhaibhidh dol a mach a dh'ionnsuidh Absalom<sup>7</sup>: oir fhuair e comhlifhurtachd a thaobh bàis Amnoin.

#### C A I B. XIV.

**A**GUS thuig Ioab, mac Sheruah, gu'n robh cridhe an rìgh air<sup>8</sup> Absalom.

2 Agus chuir Ioab *fios* gu Tecoa, agus thug e as sin bean ghlic, agus thubhairt e rithe, Leig ort a bhi ri bròn, guidheam ort, agus cuir ort a nis eudach bròn, agus na h-ung thu fèin le h-oladh, ach bi mar mhnai, a *tha* nis fada ri bròn air son mairbh:

3 Agus théid thu a dh'ionnsuidh an rìgh, agus labhairidh tu ris air an dòigh so. Agus chuir Ioab na focail na beul.

4 Agus thàinig a' bhean o Thecoa a dh'ionnsuidh an rìgh, agus thuit i air a h-aghaidh gu làr, agus rinn i ùmhleadh, agus thubhairt i, Cabhair orm, a rìgh.

<sup>1</sup> còta. <sup>2</sup> na cuir do chridhe air an ni so. Eabh. <sup>3</sup> gu h-uaigneach, dubhach. <sup>4</sup> costail dhuit. <sup>5</sup> Na h-abradh. Eabh.

<sup>6</sup> le beut Absalom. Eabh. <sup>7</sup> sguir rìgh Daibhidh do dhol air tòir Absalom. <sup>8</sup> an aghaidh.



5 Agus thubhairt an rìgh rithe, Cìod a tha teachd riut? Agus fhreagair ise, Gu deimhin is bantrach<sup>1</sup> mi; oir fhuair m'fhear bàs.

6 Agus bha aig do bhan-oglaich dithis mhac, agus chuir iad a mach air a chèile san achadh, agus cha robh neach ann a chuireadh eatorra: agus bhuail fear dhiubh am fear eile, agus mharbh se e.

7 Agus feuch, dh'éirich an teaghlach uile anaghaidh do bhan-oglaich, agus thubhairt iad, Thoir seachd esan a bhuail a bhràthair, a chum as gu marbh sinn e air son anma a bhràthar a mharbh e, agus gu'm marbh sinn an t-oighre mar an ceudna: agus mar sin mùchaidh iad m'èibhleag a dh'fhàgadh, air chor as nach fàg iad aig m'fhear aon chuid ainm; no iarmad air aghaidh na talmhainn.

8 Agus thubhairt an rìgh ris a' mhnaoi, Imich a dh'ionnsuidh do thighe, agus bheir mise àithne mu d' thimchioll.

9 Agus thubhairt a' bhean o Thecoah ris an rìgh, Ormsa, a thighearn, a rìgh, bitheadh am peacadh, agus air tigh m'athair; agus bitheadh an rìgh, agus a rìgh-chathair neo-chiontach.

10 Agus thubhairt an rìgh, Ge b'e neach a their *ni sam bith* riut, thoir a'm' ionnsuidhs' e, agus cha bhean e riut nì's mò.

11 An sin thubhairt ise, Cuimhniceadh, guidheam ort, an rìgh an Tighearna do Dhia, a chum as nach bi dioghaltairean na fola lìonmhòr gu sgrios, agus nach marbh iad mo mhac. Agus thubhairt esan, Mar is beo an Tighearna, cha tuit aon ròinneag<sup>2</sup> do fholt do mhic gu làr.

12 An sin thubhairt a' bhean, Labhradh, guidheam ort, do bhan-oglach aon fhocal ri m' thighearn an rìgh. Agus thubhairt esan, Abair romhad.

13 Agus thubhairt a' bhean, C'ar son ma ta a smuainich thu a leithid so do nì an aghaidh sluaigh Dhé? oir tha'n rìgh a' labhairt an nì so mar neach a tha ciontach, a chionn nach 'eil an rìgh a' toirt fhògarach air ais.

14 Oir bàsaichidh sinn gu deimhin, agus tha sinn mar uisge a dhòirteadh air an talamh, agus nach cruinnichear a ris: gidheadh cha'n àill le Dia beatha<sup>3</sup> a thoirt air falbh, ach smuainichidh e air meadhon-aibh a chum nach fògair e' fhògarach gu tur uaith.

15 Agus a nis gu bheil mi air teachd a labhairt ri m' thighearn an rìgh mu'n nì so, is ann a chionn gu'n do chuir an sluagh eagal orm: agus thubhairt do bhan-oglach, Labhraidh mi nis ris an rìgh; theagamh gu'n deàn an rìgh iartus a bhan-oglaich.

16 Oir éisdidh an rìgh, a shaoradh a bhan-oglaich a làimh an duine, leis am b'àill mi fèin agus mo mhac a sgrios le chèile a mach a oighreachd Dhé.

17 An sin thubhairt do bhan-oglach, Bithidh focal mo thighearn an rìgh a nis sòlasach: oir mar aingeal Dé, mar sin tha mo thighearn an rìgh, a thuigsinn maith agus uile: agus bithidh an Tighearna do Dhia maille riut.

18 Agus fhreagair an rìgh, agus thubhairt e ris a' mhnaoi, Na cèil orm, guidheam ort, an nì a dh'fheòraicheas mi dhìot. Agus thubhairt a' bhean, Labhradh a nis mo thighearn an rìgh.

19 Agus thubhairt an rìgh, Nach 'eil, làmh Ioab maille riut anns an nì so uile? Agus fhreagair a' bhean agus thubhairt i, Mar is beo t'anam, a thighearn, a rìgh, cha'n 'eil claonadh sam bith a dh'ionnsuidh na làimhe deise, no dh'ionnsuidh na làimhe clìthe, ann an nì air bith<sup>4</sup> a labhair mo thighearn an rìgh; oir do sheirbhiseach Ioab, is esan a dh'iarr ormsa, agus is esan a chuir ann am beul do bhan-oglaich na briathra so uile;

20 A thoirt m'an cuairt a leithid so do chainnt, rinn do sheirbhiseach Ioab an nì so: agus tha mo thighearna glic, a réir gliocas aingil Dé, a thuigsinn gach nì a ta air an talamh.

21 Agus thubhairt an rìgh ri Ioab, Feuch a nis, rinn mi an nì so: imich ma ta, thoir air ais an t-òganach Absalom.

22 Agus thuit Ioab air aghaidh gu làr, agus chrom se e fèin, agus bheannaich e do'n rìgh: agus thubhairt Ioab, an diugh tha fios aig do sheirbhiseach gu'n d'fhuair mi deagh-ghean a'd' shùilibh, mo thighearn, a rìgh; oir rinn an rìgh iartus a sheirbhisich.

23 Agus dh'éirich Ioab agus chaicb e gu Gesur, agus thug e Absalom gu h-Ierusalem.

24 Agus thubhairt an rìgh, Pilleadh e dh'ionnsuidh a thighe fèin, agus na faiceadh e mo ghnùis-sa. Agus phill Absalom a dh'ionnsuidh a thighe fèin, agus cha'n fhac' e gnùis an rìgh.

25 Ach ann an Israel uile cha robh duine cho mhaiseach ri Absalom: bha e ri mholadh gu mòr; o bhonn a' choise gu ruig muilach a chinn cha robh smal air bith air.

26 Agus an uair a bhearr e folt a chinn, (oir b'ann aig ceann gach bliadhna<sup>6</sup> a bhearr se e; a chionn gu'n robh e trom air, uime sin bhearr se e) chothronaich e folt a chinn aig dà cheud secel, a réir tombais<sup>7</sup> an rìgh.

27 Agus rugadh do Absalom trì mic,

<sup>1</sup> bain-treabhach. <sup>2</sup> fhuiltean. <sup>3</sup> anam. <sup>4</sup> cha'n'fheud duine sam bith tionndadh a dh'ionnsuidh na làimhe deise, no na làimhe clìthe, o

nì air-bith. <sup>5</sup> thug e buidheachas. <sup>6</sup> o cheann laithean gu laithibh. Eabh. <sup>7</sup> cloich. Eabh.

agus aon nighean, d'am b'ainn Tamar: bha i na mnaoi sgiamhaich na gnùis.

28 Agus ghabh Absalom còmhnuidh ann an Ierusalem dà bhliadhna iomlan, agus cha'n fhac e gnùis an rìgh.

29 Uime sin chuir Absalom *fios* air Ioab, a chum a chur a dh'ionnsuidh an rìgh; ach cha b'ail leis teachd d'a ionnsuidh: agus an uair a chuir e *fios* a ris an daradh uair, cha b'ail leis teachd.

30 Uime sin thubhairt e r'a sheirbhisich, Faicibh achadh Ioab làmh ri m'achadh-sa<sup>1</sup> agus corna aig an sin; rachaibh, agus cuiribh ri theine e. Agus chuir seirbhisich Absalom an t-achadh ri theine.

31 An sin dh'éirich Ioab, agus thàinig e dh'ionnsuidh Absalom d'a thigh, agus thubhairt e ris, C'ar son a chuir do sheirbhisich m'achadh ri theine?

32 Agus fhreagair Absalom Ioab, Feuch, chuir mi *fios* a t'ionnsuidh, ag ràdh, Thig an so, agus cuiridh mi thu dh'ionnsuidh an rìgh, a ràdh, C'ar son a thàinig mi o Ghesur? bu mhaith dhomhsa gu'm bithinn fathast an sin: a nis ma ta faiceam gnùis an rìgh; agus ma tha eu-ceart sam bith annam, thugadh e faneam mo mharbhadh.

33 Uime sin thàinig Ioab a dh'ionnsuidh an rìgh, agus dh'innis e sin da: agus ghairm e air Absalom, agus thàinig e dh'ionnsuidh an rìgh, agus chrom se e fèin air 'aghaidh gu làr am fianuis an rìgh; agus phòg an rìgh Absalom.

## CAIB. XV.

**A**GUS an déigh so dh'ulluich<sup>2</sup> Absalom a dha fèin carbadan, agus eich, agus lethcheud fear gu ruith roimhe.

2 Agus dh'éirich Absalom gu moch, agus sheas e làimh ri slighe a' gheataidh: agus an uair a thigeadh neach air bith aig an robh comh-stri<sup>3</sup> a dh'ionnsuidh an rìgh chum breitheanaïs, an sin ghairmeadh Absalom air, agus theireadh e, Ciod am baile as am bheil thu? Agus theireadh esan, O aon do threubhaibh Israeil, tha do sheirbhisich.

3 Agus theireadh Absalom ris, Feuch, tha t'fhocail maith agus ceart, ach cha'n eil neach air bith ann air orduchadh leis an rìgh gu éisdeachd riut:

4 Theireadh Absalom cuideachd, O nach robh mise air mo shuidheachadh a'm'bhreitheamh anns an tìr, a chum a m'ionnsuidh-sa gu'n d'thigeadh gach duine aig am bheil comh-stri no cùis-lagha, agus dheanainn ceartas dha!

5 Agus an uair a thigeadh duine sam bith am fagus da a dheanamh ùmhachd dha, chuireadh e mach a làmh, agus bheireadh e air, agus phògadh se e.

6 Agus air an dòigh so rinn Absalom ri

Israel uile, a thàinig a chum breitheanaïs a dh'ionnsuidh an rìgh: agus ghoid Absalom cridheacha dhaoine Israeil.

7 Agus an ceann cheithir<sup>4</sup> bliadhna thubhairt Absalom ris an rìgh, Leig dhomh imeachd, guidheam ort, agus mo bhòid a dhìoladh, a bhòidich mi do'n Tighearn ann an Hebron.

8 Oir bhòidich do sheirbhisich bòid, an uair a bha mi a'm' chòmhnuidh ann an Gesur ann an Siria, ag ràdh, Ma bheir an Tighearna mi gu dearbh a ris gu h-Ierusalem, an sin ni mi seirbhis do'n Tighearna.

9 Agus thubhairt an rìgh ris, Imich ann an sìth. Agus dh'éirich e, agus chaidh e gu Hebron.

10 Ach chuir Absalom luchd-bratha air feadh uile threubhan Israeil, ag ràdh, Cho luath as a chluinneas sibh fuaim na trompaide, an sin their sibh, Tha Absalom na rìgh ann an Hebron.

11 Agus maille ri Absalom chaidh dà cheud fear a mach a h-Ierusalem, a ghairmeadh, agus dh'imich iad ann an treibhdhìreas an cridhe, agus cha robh fios ni sam bith aca.

12 Agus chuir Absalom *fios* air Ahitophel an Gilonach, comhairliche Dhaibhidh, o a bhaile, eadhon o Ghiloh, an uair a bha e ag òbradh òbairtean: agus bha a' cheann-airc làidir; oir bha 'n sluagh a' sìr dhol an lìonmhoireachd maille ri Absalom.

13 Agus thàinig teachdaire dh'ionnsuidh Dhaibhidh, ag ràdh, Tha cridheacha fhear Israeil an déigh Absalom.

14 Agus thubhairt Daibhidh r'a sheirbhisich uile, a bha maille ris ann an Ierusalem, Eiribh, agus teichead; oir mur-dean sinn sin, cha bhi dol as againn o aghaidh Absalom; luathaichibh agus imichibh, air eagal gu'n dean e cabhag, agus gu'm beir e oirnn, agus gu'n tarruing e olc oirnn, agus gu'm buail e 'm baile le faobhar a' chlaidheimh.

15 Agus thubhairt seirbhisich an rìgh ris an rìgh, A réir gach ni a's àill le m' thighearn<sup>5</sup> an rìgh, feuch, ni do sheirbhisich.

16 Agus chaidh an rìgh a mach, agus a theaghlach uile na dhéigh<sup>6</sup>: a mhàin dh'fhàg an rìgh deichnear bhan, a bha nan coimh-leabachaibh aige, a ghleidheadh an tìge.

17 Agus chaidh an rìgh a mach, agus an sluagh uile na dhéigh: agus dh'fhan iad ann an àit a bha fad as<sup>7</sup>.

18 Agus chaidh a sheirbhisich uile thairis làimh ris; agus chaidh na Ceretich uile, agus na Peletich uile, agus na Gitich uile, se ceud fear a thàinig na dhéigh o Ghat, thairis roimh an rìgh.

<sup>1</sup> Faicibh cuibhrionn Ioab aig mo làimh-sa. Eabh. <sup>2</sup> rinn. Eabh. <sup>3</sup> connasachadh, cùis-lagha. <sup>4</sup> dhà fhichead bliadhna, dhà

fhichead là. <sup>5</sup> a rìghnaicheas, a dh'orduicheas mo thighearn. <sup>6</sup> d'an cois. <sup>7</sup> Bet-merec. Eabh.



19 Agus thubhairt an rìgh ri Itai an Giteach, C'ar son a tha thusa mar an ceudna dol maille ruinne; pill gu d'ait, agus fan maille ris an rìgh; oir is coigreach thu, agus mar an ceudna fògarach o d'àite fèin<sup>1</sup>.

20 An dé a mhàin thàinig thu, agus an diugh an d'hoir mise ort dol air faontradh<sup>2</sup> maille ruinne? oir thèid mise an taobh a tha mi gu dol: pill thusa, agus thoir air an ais do bhràithrean leat; agus gu nochdadh an Tighearna dhuit trocair agus firinn.

21 Agus fhreagair Itai an rìgh, agus thubhairt e, Mar is beo an Tighearna, agus mar is beo mo thighearn an rìgh, gu cinnteach ge b'e àit anns am bi mo thighearn an rìgh, ma's ann a chum bàis, no chum beatha, eadhon an sin bithidh do sheirbhiseach.

22 An sin thubhairt Daibhidh ri Itai, Imich, agus gabh thairis. Agus chaidh Itai an Giteach thairis, agus a dhaoine uile, agus a' chlann bheag uile a bha maille ris.

23 Agus ghul an tìr uile le guth ard, agus chaidh an sluagh uile thairis; chaidh an rìgh cuideachd thairis air sruth Chidroin, agus chaidh an sluagh uile thairis a làimh na slighe do'n fhàsach.

24 Agus feuch, bha Sadoc mar an ceudna, agus na Lebhithich uile maille ris, a' giùlan àirc coimh-cheangail Dé, agus shuidhich iad<sup>3</sup> àirc Dhé; agus chaidh Abiatar suas agus an do sguir an sluagh uile do dhol a mach as a' bhaile.

25 Agus thubhairt an rìgh ri Sadoc, Thoir air a h-ais àirc Dhé do'n bhaile: ma gheibh mi deagh-ghean ann an suilbhan an Tighearna, bheir e air m'ais mi, agus nochdaidh e dhomh e fèin, agus 'aite còmhnuidh.

26 Ach ma their e mar so, Cha 'n 'eil tlachd agam annad; feuch, tha mise an so, deanadh e rium mar is maith leis.

27 Thubhairt an rìgh mar an ceudna ri Sadoc an sagart, Nach fear-seallaidh thusa<sup>4</sup>? pill do'n bhaile ann an sìth, agus Ahimaas do mhac fèin, agus Ionatan mac Abiatair, bhuir dithis mac maille ribh.

28 Faicibh, fanaidh mise ann an còmh-ardaibh<sup>5</sup> an fhàsaich, gus an d'thig focal uaibhe a thoirt fios domh.

29 Uime sin thug Sadoc agus Abiatar àirc Dhe a ris gu h-Ierusalem; agus dh'fhan iad an sin.

30 Agus chaidh Daibhidh suas ri uchd-  
aich<sup>6</sup> sléibh nan oladh, a' dol suas agus a' gul, agus a cheann còmhdaichte, agus e 'g imeachd cosruisgte: agus còmhdaich an sluagh uile a bha maille ris, gach fear dhiubh a' cheann, agus chaidh iad suas, ag imeachd agus a' gul.

31 Agus dh'innis neach do Dhaibhidh, ag ràdh, Tha Ahitophel am measg an luchd-ceannaire maille ri Absalom. Agus thubhairt Daibhidh, Tionndaidh, a Thighearna, guidheam ort, comhairle Ahitophel gu h-amaideachd.

32 Agus an uair a thàinig Daibhidh gu mullach an t-sléibh, far an d'rinn e aoradh do Dhia, feuch, thàinig Husai an t-Arcach na choinneamh, le 'chòta reubta, agus ùir air a cheann.

33 Agus thubhairt Daibhidh ris, Ma thèid thu thairis maille riumsa, an sin bithidh tu a'd' eallaich orm.

34 Ach ma philleas tu do'n bhaile, agus ma their thu ri Absalom, Bithidh mise a'm' sheirbhiseach dhuit, a rìgh; bu sheirbhiseach do t'athair mi gu ruige so<sup>7</sup>, agus a nis bithidh mi mar an ceudna a'm' sheirbhiseach dhuitse; an sin bheir thu air mo shonsa comhairle Ahitophel gu neo-ni:

35 Agus nach 'eil maille riut an sin Sadoc agus Abiatar na sagairt? agus gach focal a chluinneas tu a tigh an rìgh, innsidh tu e do Shadoc agus do Abiatar na sagairt.

36 Feuch, tha 'n sin maille riu an dithis mac, Ahimaas mac Shadoic, agus Ionatan mac Abiatair: agus le'n làimh-san cuiridh sibh a'm' ionnsuidh-sa gach focal a chluinn-eas sibh.

37 Uime sin thàinig Husai, caraid Dhaibhidh, do'n bhaile; agus thàinig Absalom gu h-Ierusalem.

C A I B. XVI.

**A**GUS an uair a chaidh Daibhidh beagan a' dol mullach an t-sléibh, feuch, thàinig Siba, òglach Mephiboset, na choinneamh le dà asail air an diollaideachadh<sup>8</sup>, agus dà cheud builinn arain orra, agus ceud bagaide do fhion-dhearcaibh tiormaichte, agus ceud do mheas samhraidh, agus searrag fhìona.

2 Agus thubhairt an rìgh ri Siba, Ciod is ciall duit leo sin? Agus thubhairt Siba, Tha na h-asail air sou teaghlach an rìgh chum marcachd; agus an t-aran agus am meas samhraidh air son nan òganach chum an itheadh; agus am fìon, a chum as gu'n òl esan a bhios sgith<sup>9</sup> anns an fhàsach.

3 Agus thubhairt an rìgh, Agus c'ait am bheil mac do mhaighstir? Agus thubhairt Siba ris an rìgh, Feuch, tha e fantuinn ann an Ierusalem; oir thubhairt e, An diugh aigidh tigh Israeil dhomhsa rioghachd m'athar.

4 An sin thubhairt an rìgh ri Siba, Feuch, is leatsa gach ni a bha aig Mephiboset. Agus thubhairt Siba, Tha mi le mòr-ùmhlachd a' guidhe ort gu'm faigh mi deagh-ghean a'd' shùilbhan, a thighearn, a rìgh.

5 Agus an uair a thàinig rìgh Daibhidh gu Bahurim, feuch, a sin thàinig a mach

<sup>1</sup> agus pillidh tu do d' àite fèin. <sup>2</sup> dol sìos agus suas. <sup>3</sup> leig iad sìos. <sup>4</sup> Nach 'eil thu a' faicinn? <sup>5</sup> ann am bealaichibh. <sup>6</sup> bruthach,

d'eadh. <sup>7</sup> cheann fuda. <sup>8</sup> le'n acfuinn, orra. <sup>9</sup> lag, fann.

duine do theaghlach tighe Shaul, d'am b'ainm Simeì, mac Gheara: thàinig e mach, a teachd air aghaidh agus a' mallachadh.

6 Agus thig e clachan air Daibhidh, agus air scribhisich rìgh Daibhidh uile; agus bha 'n sluagh uile, agus na daoine treuna uile, air a làimh dheis agus air a làimh chli.

7 Agus mar so thubhairt Simeì an uair a mhallaich se e, Thig a mach, thig a mach, thus a' dhuine fhuileachdaich, agus a' dhuine le Belial.

8 Dhùil an Tighearn ortsa uile fhuil tighe Shaul, an àit an do rìoghaich thu; agus thug an Tighearn an rìoghachd do làimh do mhic Absalom: agus feuch, ghlacadh thu ann ad olc féin, a chionn gur duine fuileachdach thu.

9 An sin thubhairt Abisai mac Sheruah ris an rìgh, C'ar son a' mhallaicheadh an cù marbh so mo thighearn an rìgh? leig dhomh dol a nunn, guidheam ort, agus a cheann a thoirt deth.

10 Agus thubhairt an rìgh, Cìod e mo ghnòthuch-sa ribhse<sup>1</sup>, a mhaca Sheruah? leigibh leis mallachadh, a chionn gu'n d'thubhairt an Tighearna ris, Mallaich Daibhidh: agus cò a their, C'ar son a rinn thu mar so?

11 Agus thubhairt Daibhidh ri Abisai, agus r'a sheirbisich uile, Feuch, mo mhac, a thàinig a mach a m'innibh, ag iarraidh m'anma; agus cia mòr is mò a nis a dh'fheudas am Beniamineach so? Leigibh leis, agus mallaicheadh e, oir dh'iarr an Tighearn air.

12 Theagamh gu'n amhairc an Tighearn air m'amhghar, agus gu'n diol an Tighearna dhomh maith airson a mhallachaidh air an la 'n diugh.

13 Agus an uair a dh'imich Daibhidh agus a dhaoine air an t-slighe, dh'imich Simeì air slìos<sup>2</sup> an t-sléibh làimh ris<sup>3</sup>, a' dol air aghaidh agus a' mallachadh, agus thig e clachan agus ùir air.

14 Agus thàinig an rìgh agus an sluagh uile, a bha maille ris, sgith; agus leig iad an anail an sin.

15 Agus thàinig Absalom agus uile shluagh f'hear Israeil, gu h-Ierusalem, agus Ahitophel maille ris.

16 Agus an uair a thàinig Husai an t-Arcach, caraid Dhàibhidh, a dh'ionnsuidh Absalom, thubhairt Husai ri Absalom, Gu ma fada beo an rìgh, gu ma fada beo an rìgh.

17 Agus thubhairt Absalom ri Husai, An e so do choimlineas ri d' charaid? c'ar son nach deachaidh tu maille ri d' charaid?

18 Agus thubhairt Husai ri Absalom, Nì h-eadh; ach ge b'e neach a thaghas an Tighearna, agus an sluagh so, agus fir

Israeil uile, leis-san bithidh mise, agus maille ris fanaidh mi,

19 Agus san daradh àite, cia dha a dheanainn seirbhis? nach ann an làthair a mhic? mar a rinn mi seirbhis ann an làthair t'athar, mar sin bithidh mi a'd' làthair-sa.

20 An sin thubhairt Absalom ri Ahitophel, Thugaibh comhairle 'nar measg ciod a nì sinn.

21 Agus thubhairt Ahitophel ri Absalom, Gabh a stigh a dh'ionnsuidh choimhleabach t'athar, a dh'fhàg e a ghleidheadh an tighe; agus cluinidh Israeil uile gu bheil thu air fàs gràineil do t-athair, agus neartaichear làmhnan gach neach a tha maille riut.

22 Agus sgacil iad bùth do Absalom air-mullach an tighe; agus chaidh Absalom a-steach a dh'ionnsuidh choimhleabach t'athar ann an sealladh Israeil uile.

23 Agus bha comhairle Ahitophel a thug e seachad anns na làithibh sin, mar gu'm fiosraicheadh duine do fhocal Dhé: mar sin bha uile chomhairle Ahitophel, araon aig Daibhidh agus aig Absalom.

## CAIB. XVII.

A GUS thubhairt Ahitophel ri Absalom, Leig dhomh a nis dà mhìle dheug fear a thaghadh a mach, agus éiridh mi, agus theid mi air tòir Dhàibhidh an nochd.

2 Agus thig mi air an uair a tha e sgith agus lag-làmhach, agus cuiridh mi eagal air: agus teichidh an sluagh uile, a tha maille ris, agus buailidh mi an rìgh a mhàin.

3 Agus bheir mi air an ais an sluagh uile a t'ionnsuidh-sa: tha 'n duine a tha thu ag iarraidh mar gu'm pilleadh an t-ionlan: agus bithidh an sluagh uile ann an sìth.

4 Agus thaitinn a' chainnt ri Absalom<sup>4</sup>, agus ri seanairibh Israeil uile.

5 Agus thubhairt Absalom, Gairm a nis mar an ceudna air Husai an Arcach, agus cluinneamaid mar an ceudna ciod a theireas an<sup>5</sup>.

6 Agus thàinig Husai a dh'ionnsuidh Absalom, agus labhair Absalom ris, ag ràdh, Air an dòigh so labhair Ahitophel: an dean sinn a rèir 'fhocail, no nach dean<sup>6</sup> labhair thusa.

7 Agus thubhairt Husai ri Absalom, Cha 'n eil a' chomhairle, a thug Ahitophel, maith air an uair so.

8 Oir, arsa Husai, is aithne dhuit t'athair agus a dhaoine, gur daoine treun iad agus air am feargachadh nan spiorad<sup>6</sup>, mar mhath-ghamhuin o'n d'thughadh a cuileana anns a' mhachair: agus is fear-cogaidh<sup>7</sup> t'athair, agus cha ghabh e tàmh maille ris an t-sluagh.

<sup>1</sup> Cìod e dhomhsa agus dhuibhse. Eabh.  
<sup>2</sup> tuobh. <sup>3</sup> fa chomhair. <sup>4</sup> bha am focal ceart ann an sìthibh Absalom. Eabh. <sup>5</sup> cìod

a tha na bheul-san. Eabh. <sup>6</sup> gurg, nan inntinn.  
<sup>7</sup> fear deanta ri cogadh.



9 Feuch, tha e nis am folach ann an slochd éigin, no ann an àit éigin eile: agus tachairidh, an uair a thuiteas cuid diubh an toiseach, ge b'e neach a chluinneas e, gu'n abair e, Tha àr am measg an t-sluaigh, a tha leantuinn Absalom.

10 Agus esan mar an ceudna a tha na dhuine treun, aig am bheil a chridhe mar chridhe leòmhain, fleaghaidh e gu tur: oir tha fios aig Israel uile gur duine treun t'athair, agus gur daoine treun iadsan a tha maille ris.

11 Air an aobhar sin is i mo chomhairle-sa, Gu'n cruinnichear Israel uile a t'ionnsuidh, o Dhan eadhon gu Beer-seba, mar an gaineamh a tha làimh ris an fhairge air lìonmhoireachd, agus gu'n d'theid thu féin<sup>1</sup> maille riu do'n chath.

12 Agus thig sinn air ge b'e àit am faigh-ear e, agus tuitidh sinn air mar a thuiteas an drùchd air an talamh: agus cha'n fhàgar dheth féin, agus do na fir uile a tha maille ris, eadhon aon.

13 Agus ma théid e a steach do bhaile, an sin bheir fir Israeil uile cuird leo a dh'ionnsuidh a' bhaile sin, agus tairngidh sinn e do'n abhuinn<sup>2</sup>, gus nach fàgar an sin aon chlach bheag.

14 Agus thubhairt Absalom agus fir Israeil uile, Is fearr comhairle Husai an Araich na comhairle Ahitophel: oir dh'orduich an Tighearna comhairle mhaith Ahitophel a thoirt gu neo-ni, a chum gu'n d'thugadh an Tighearn olc air Absalom.

15 An sin thubhairt Husai ri Sadoc agus ri Abiatar na sagairt, Mar so agus mar so chomhairlich Ahitophel Absalom, agus seanairean Israeil: agus mar so agus mar so chomhairlich mise.

16 A nis uime sin cuiribh fios gu grad, agus innsibh do Dhaibhidh, ag ràdh, Na fan an nochd ann an còmhnradaibh an fhàsaich, ach gabh thairis gu luath, air eagal gu'n sluigear suas an rìgh, agus an sluagh uile a tha maille ris.

17 Agus dh'fhan Ionatan agus Ahimaas làimh ri En-rogel, (oir cha'n i feudadh iad a bhli air am faicinn a' dol a stigh do'n bhaile,) agus chaidh cailin agus dh'innis i dhoibh; agus chaidh iadsan agus dh'innis iad do rìgh Daibhidh.

18 Gidheadh chunnaic òganach iad, agus dh'innis e do Absalom: ach dh'imich iadsan le chèile gu luath, agus thàinig iad gu tigh duine ann am Bahurim, aig an robh tobar na chùirt<sup>3</sup>, agus chaidh iad sìos an sin.

19 Agus ghabh a' bhean còmhndach agus sgaoil i e air beul an tobar agus chuir i gràn meilte<sup>4</sup> air; agus cha d'aithnicheadh an ni.

20 Agus an uair a thàinig seirbhisich Absalom a dh'ionnsuidh na mnà do'n tigh,

thubhairt iad, C'ait am bheil Ahimaas agus Ionatan? Agus thubhairt a' bhean riu, Chaidh iad thairis air an t-sruthan uisge. Agus an uair a dh'iarr iad, agus nach d'fhuair iad, phill iad gu h-Ierusalem.

21 Agus an uair a dh'fhalbh iad, thàinig iadsan a nìs as an tobar, agus chaidh iad agus dh'innis iad do rìgh Daibhidh, agus thubhairt iad ri Daibhidh, Eiribh, agus rachaibh gu grad thar an uisge; oir mar so chomhairlich Ahitophel nar n-aghaidhsa.

22 Agus dh'èirich Daibhidh, agus an sluagh uile a bha maille ris, agus chaidh iad thar Iordan gu solus na maidne, gus nach robh aon diubh nach deachaidh thar Iordan.

23 Agus an uair a chunnaic Ahitophel nach do ghabhadh a chomhairle, chuir e diollaid air 'asail, agus dh'èirich e, agus dh'imich e dh'ionnsuidh a thighe, d'a bhaile féin, agus thug e àitheanta d'a theaghlach<sup>5</sup>, agus chroch se e féin, agus fhuair e bàs, agus dh'adhlacaidh e ann an àit-adhlacaidh a' athar.

24 An sin thàinig Daibhidh gu Mahanaim: agus chaidh Absalom thar Iordan, e féin agus fir Israeil uile maille ris.

25 Agus rinn Absalom Amasa na cheannard air an t-sluagh an àit Ioaib: agus b'e Amasa mac duine, d'am b'ainm Itra Israileach<sup>6</sup>, a chaidh a steach gu Abigail nigh-ean Nahais, piuthar Sheruah, màthar Ioaib.

26 Agus champaich Israel agus Absalom ann am fearann Ghilead.

27 Agus an uair a thàinig Daibhidh gu Mahanaim, thug Sobi mac Nahais o Rabah chloinn Amoin, agus Machir mac Amieil o Lodebar, agus Barsillai an Gileadach o Rogelim,

28 Leapaichean, agus cuachan, agus soithichean creadha, agus cruithneachd, agus corna, agus min mhìn, agus gràn cruaidhichte, agus pènaire<sup>7</sup>, agus gail-pheas-air, agus peusair chruaidhichte,

29 Agus mil, agus im, agus caoraich, agus càise cruith air son Dhaibhidh, agus air son an t-sluaigh a bha maille ris, a chum an itheadh; òir thubhairt iad, Tha'n sluagh ocrach, agus sgìth, agus iotmhor<sup>8</sup> anns an fhàsach.

# CAIB. XVIII.

**A** GUS dh'àireamh Daibhidh an sluagh a bha maille ris, agus chuir e ceannardan mhlitean, agus ceannardan cheudan os an cionn.

2 Agus chuir Daibhidh a mach trian do'n t-sluagh fuidh làimh Ioaib, agus trian fuidh làimh Abisai, mhic Sheruah, bràthar Ioaib; agus trian fuidh làimh Itai a' Ghithich; agus thubhairt an rìgh ris an t-sluagh,

<sup>1</sup> do ghàis féin. Eabhl. <sup>2</sup> do'n t-sruth. <sup>3</sup> loinn; court. Sasg. <sup>4</sup> blethte. <sup>5</sup> chuir e

a theaghlach an ordugh. <sup>6</sup> Iesraeleach. <sup>7</sup> pènaire. <sup>8</sup> paitteach.

Gu deimhin theid mi féin mar an ceudna mach maille ribh.

3 Ach fhreagair an sluagh, Cha d'théid thu mach: oir ma theicheas sinne, cha ghabh iad suim dhinn<sup>1</sup>; agus ma bhásaicheas ar leth, cha ghabh iad suim dhinn; ach a nis a ta thusa mar dheich míle dhinne: uime sin a nis is fearr gu'n deanadh tusa còmhladh<sup>2</sup> ruinn a mach as a' bhaile.

4 Agus thubhairt an rìgh riu, *An ni sin a tha ceart nar sùilibh, ni misc.* Agus sheas an rìgh làimh ris a' gheatadh, agus thàinig an sluagh uile a mach nan ceudaibh agus nam multibh.

5 Agus dh'àithn an rìgh do Ioab, agus do Abisai, agus do Itai, ag ràdh, *Buinnibh gu ninn air mo sgàthsa ris an òganach, ri Absalom.* Agus chual' an sluagh uile 'nuair a dh'àithn an rìgh do na ceannardaibh uile a thaobh Absalom.

6 Agus chaidh an sluagh a mach do'n mhachair an aghaidh Israeil: agus bha'n cath ann an coille Ephraim.

7 Agus mharbhadh an sin sluagh Israeil roimh sheirbhishich Dhaibhidh, agus bha 'n sin air an là sin àr mòr fhichead míle fear:

8 Oir bha'n cath an sin air sgaoileadh air aghaidh na tìre uile: agus chuir a' choille as do thuilleadh sluagh air an là sin na chuir an claidheamh.

9 Agus thachair Absalom air seirbhishich Dhaibhidh; agus bha Absalom a' marcachd air muileid, agus chaidh a' mhuileid a steach fuidh gheuga tiugha craoibhe mòire daraich, agus ghlacadh a cheann anns a' chraoibh dharaich, agus chrochadh e eadar nèamh agus talamh; agus dh'imich a' mhuileid a bha fuidhe roimpe.

10 Agus chunnaic duine àraidh so, agus dh'innis e do Ioab, agus thubhairt e, Feuch, chunnaic mi Absalom crochta ann an craoibh dharaich.

11 Agus thubhairt Ioab ris an duine a dh'innis dha, Agus feuch, chunnaic thu e, agus c'ar son nach do bhuail thu e 'n sin gu làr<sup>3</sup>, agus bheirinnse dhuit deich seceil airgid<sup>4</sup>, agus crios?

12 Agus thubhairt an duine ri Ioab, Ge do gheibhinne m' seceil airgid ann mo làimh, cha chuirinn mo làmh a mach an aghaidh mic an rìgh: oir 'nàr n-éisdeachd dh'àithn an rìgh dhuitse, agus do Abisai, agus do Itai, ag ràdh, Gleidhibh dhomh an t-òganach Absalom.

13 No dheanainn eucoir<sup>5</sup> an aghaidh m'anma<sup>6</sup> féin; oir cha 'n'eil ni air bith am fòlach air an rìgh, agus sheasadh tusa féin a'm' aghaidh.

14 An sin thubhairt Ioab, Cha'n fhead

mise fuireach mar so maille riut. Agus ghabh e trì gathan na làimh, agus shàth e iad an cridhe Absalom, an uair a bha e fathast beo ann am meadhon<sup>7</sup> na craoibhe daraich.

15 Agus chuairtich deichnear òganach a bha 'g iomchar arm loab, agus bhuail iad Absalom, agus mharbh iad e.

16 Agus shéid Ioab an trompaid, agus phill an sluagh o ruagadh Israeil; oir chum Ioab air an ais an sluagh.

17 Agus ghabh iad Absalom, agus thilg iad e ann an slochd mòr anns a' choille, agus chuir iad carn ro-mhòr chlach air: agus theich Israel uile, gach fear a dh'ionnsuidh a bhùtha.

18 A nis ghabh Absalom, an uair bu bheo e, agus chuir e suas dha féin carragh, a tha ann an gleann an rìgh; oir thubhairt e, Cha 'n'eil mac agam a chumail m'ainme air chuimhne: agus thug e 'ainm féin air a' charragh, agus theirear ris gu ruig an là 'n diugh, Clach-chuimhneachain Absalom<sup>8</sup>.

19 An sin thubhairt Ahimaas mac Shadoic, Leig dhomh ruith a nis, agus sgeul<sup>9</sup> a thoirt a dh'ionnsuidh an rìgh, gu'n do shaor an Tighearn e a làimh a naimhde<sup>10</sup>.

20 Agus thubhairt Ioab ris, Cha d'hoir thu sgeul leat an diugh, ach bheir thu sgeul leat là eile: ach an diugh cha d'hoir thu sgeul leat, a chionn gu bheil mac an rìgh marbh.

21 Agus thubhairt Ioab ri Cusi, Falbh, innis do'n rìgh ciod a chunnaic thu. Agus chrom Cusi e féin do Ioab, agus ruith e.

22 An sin thubhairt Ahimaas mac Shadoic a ris ri Ioab, Ach gidheadh<sup>11</sup>, leig dhomhsa, guidheam ort, ruith mar an ceudna an déigh Chusi. Agus thubhairt Ioab, C'ar son a ruitheadh tusa, a mhic, agus nach d'fhuaradh sgeul sam bith dhuit<sup>12</sup>.

23 Ach gidheadh, *ars' esan*, leig dhomh ruith. Agus thubhairt e ris, Ruith. Agus ruith Ahimaas rathad a' chòmhnaidh, agus chaidh e seachad air Cusi.

24 Agus shuidh Daibhidh eadar an dà gheatadh, agus chaidh am fear-faire suas gu mullach a' gheataidh, air a' bhalladh; agus thog e suas a shùilean, agus dh'amhairc e, agus feuch, duine a' ruith na aonar.

25 Agus ghlaodh am fear-faire, agus dh'innis e do'n rìgh. Agus thubhairt an rìgh, Ma tha e na aonar, tha sgeul aige na bheul. Agus dh'imich e air aghaidh, agus thàinig e am fagus.

26 Agus chunnaic am fear-faire duine eile a' ruith, agus ghlaodh am fear-faire ris an dorsair, agus thubhairt e, Feuch, tha

<sup>1</sup> cha chuir iad an cridhe oirm. Eabh. <sup>2</sup> congnamh. Eir. <sup>3</sup> c'ar son nach do bhuail thu e, agus nach do thilg thu e shos gu làr. <sup>4</sup> agus

bhioda e mar fhiacha ormsa deich seceil airgid a thoirt duit. Eabh. <sup>5</sup> breug, cealg. <sup>6</sup> mo

bheatha. <sup>7</sup> ann an cridhe. Eabh. <sup>8</sup> Aite: làmh. Eabh. <sup>9</sup> deagh sgeula, teachdaireachd mhaith. <sup>10</sup> gu'n do dhòil an Tighearn e air a naimhdeibh. <sup>11</sup> ciod air bith a thachaireas.

<sup>12</sup> agus gun sgeul sam bith deas agad.



duine eile a' ruith na aonar. Agus thubhairt an rìgh, Tha esan mar an ceudna a' toirt sgèil.

27 Agus thubhairt am fear-faire, Tha mi a' faicinn ruith a' cheud duine mar ruith Ahimaais, mhic Shadoic. Agus thubhairt an rìgh, Is duine maith esan, agus is ann le sgeul maith a tha e a' teachd.

28 Agus ghlaodh Ahimaais, agus thubhairt e ris an rìgh, Tha gach nì gu maith<sup>1</sup>. Agus chrom se e fèin sìos do'n rìgh air 'aghaidh dh'ionnsuidh na talmhainn, agus thubhairt e, Gu ma beannuichte an Tighearna do Dhia, a thug thairis na daoine a thog an làmhnan suas an aghaidh nìo thighearn an rìgh.

29 Agus thubhairt an rìgh, Am bheil an t-òganach Absalom tèaruinte? Agus fhreagair Ahimaais, An uair a chuir Ioab air falbh seirbhiseach an rìgh, agus mise do sheirbhiseach<sup>2</sup>, chunnaic mi buaireas mòr, ach cha robh fios agam ciod e.

30 Agus thubhairt an rìgh ris, Tionndaidh a leth-taobh, agus seas an so. Agus thionndaidh e a leth-taobh, agus sheas e.

31 Agus feuch, thàinig Cusi, agus thubhairt Cusi, Bheirear sgeul do m' thighearn, an rìgh, gu'n do shaor an Tighearna thusa an diugh a làimh nan uile<sup>3</sup>, a dh'èirich suas a'd' aghaidh.

32 Agus thubhairt an rìgh ri Cusi, Am bheil an t-òganach Absalom tèaruinte? Agus fhreagair Cusi, Gu robh naimhdean mo thighearn an rìgh, agus iadsan uile a dh'èirich suas a' t' aghaidh a dheanamh do chroin, mar a tha an t-òganach sin.

33 Agus ghluaisedh an rìgh gu mòr<sup>4</sup>, agus chaidh e suas do'n t-seòmar os cionn a' gheataidh, agus ghul e: agus ag imeachd dha, thubhairt e mar so, A mhic Absaloim, a mhic, a mhic Absaloim! O nach nuise fèin a fhuair bàs air do shon, Absaloim, a mhic, a mhic!

C A I B. XIX.

**A** GUS dh'innsedh do Ioab, Feuch, tha'n rìgh a' gul agus a' caoidh air son Absaloim.

2 Agus bha a' bhuidhe air an là sin air a tionndadh gu caoidh do'n t-sluagh uile; oir chual' an sluagh 'ga ràdh air an là sin, Tha 'n rìgh fa thuirse air son a mhic.

3 Agus ghoid an sluagh air an là sin a steach do'n bhaile, mar a ghoideas sluagh air falbh agus iad fa nàire, an uair a theich-eas iad ann an cath.

4 Ach dh'fholaidh an rìgh 'aghaidh, agus ghlaodh an rìgh le guth ard, A mhic Absaloim, Absaloim, a mhic, a mhic!

5 Agus thàinig Ioab a steach a dh'ionnsuidh an rìgh do'n tigh, agus thubhairt e, Chuir thu nàire an diugh air aghaidh bh do

sheirbhiseach uile, a shaor t'anam an diugh, agus anmanna do mhac, agus do nighéan, agus anmanna do bhan, agus anmanna do choimh-leabach:

6 A chionn gu bheil gràdh agad dhoibhsan aig am bheil fuath dhuit, agus gu bheil fuath agad dhoibhsan aig am bheil gràdh dhuit: oir nochd thu an diugh nach 'eil suim agad do cheannardaibh, no do sheirbhiseach; oir tha mi tuigsinn an diugh, nam biodh Absalom beò, agus nam bitheam-aidne uile marbh an diugh, an sin gu'm bitheadh e ceart a'd' shùilbh.

7 A nis uime sin éirich, falbh a mach, agus labhair gu caomhneil ri d' sheirbhiseach<sup>5</sup>: oir bheireamsa mo mhionnan air an Tighearna, mur d'théid thu mach, nach fan duine maill riut an nochd: agus bithidh sin nì's miosa dhuit na gach olc a thàinig ort o t'òige gus a nis.

8 An sin dh'èirich an rìgh, agus shuidh e anns a' gheataidh. Agus dh'innis iad do'n t-sluagh uile, ag ràdh, Feuch, tha'n rìgh na shuidhe anns a' gheataidh: agus thàinig an sluagh uile am fianuis an rìgh. Agus theich Israel, gach fear a dh'ionnsuidh a bhùtha.

9 Agus bha'n sluagh uile ri connsachadh air feadh uile threubhan Israeil, ag ràdh, Theasaig an rìgh sinn a làimh ar naimhde, agus shaor e sinn a làimh nam Philisteach, agus a nis tha e air teicheadh as an tìr roimh Absalom.

10 Agus fhuair Absalom, a dh'ung sinn os ar cionn, bàs anns a' chath: a nis ma ta c'ar son a tha sibh tosdach mu'n rìgh a thoirt air ais?

11 Agus chuir rìgh Daibhidh fios gu Sadoc agus gu Abiatar na sagairt, ag ràdh, Labhraibh ri seanairibh Iudah, ag ràdh, C'ar son a tha sibhse air dheireadh a thoirt an rìgh air ais d'a thigh? (agus gu'n d'thàinig cainnt Israeil uile dh'ionnsuidh an rìgh d'a thigh)

12 Is sibhse mo bhràithre, is sibh mo chnàmhan agus m'fheoil: c'ar son nia ta a tha sibh air dheireadh a thoirt an rìgh air ais?

13 Agus ri h-Amasa their sibh, Nach tusa mo chnàimh, agus m'fheoil? Mar sin gu'n deanadh Dia riumsa, agus tuilleadh mar an ceudna, mur bi thusa a'd' cheannard air an t-sluagh a'm' làthairs' an còmhnuidh an àit Ioab.

14 Agus dh'aom e cridheacha fheara Iudah uile, mar chridhe aon duine, air chor as gu'n do chuir iad am fios so dh'ionnsuidh an rìgh, Pill fèin agus do sheirbhiseach uile.

15 Uime sin phill an rìgh, agus thàinig e gu Iordan, agus thàinig Iudah gu Gilgal, a

<sup>1</sup> sìth. Eabh. <sup>2</sup> An uair a chuir seirbhiseach an rìgh Ioab air falbh do sheirbhiseach. <sup>3</sup> oir dh'oil an Tighearna thusa an diugh orra-san

uile. <sup>4</sup> bha'n rìgh fa thuirse mhòir. <sup>5</sup> labhair ri cridhe da sheirbhiseach. Eabh.

dhol an coinneamh an rìgh, gus an rìgh a thoirt thar Iordan.

16 Agus luathaich Simeì, mac Ghera, Beniamineach, a bha o Bhaburim, agus thàinig e nuas maille ri fearaibh Iudah an coinneamh rìgh Daibhidh.

17 Agus bha mìle fear do Bhcniamin maille ris, agus Siba òglach tighe Shauil, agus a chùig mic dheug, agus 'thichead seirbhiseach maille ris: agus chaidh iad thar ordan Iroimh an rìgh.

18 Agus chaidh bàt-aisig a nunn<sup>1</sup> a thoirt teaghlach an rìgh thairis, agus a dheanamh an *ni* bu maith leis: agus thuit 'Simeì, mac Ghera, sìos am fianuis an rìgh, nuair a thàinig e thar Iordan;

19 Agus thubhairt e ris an rìgh, Na cuir-eadh mo thighearn eu-cart as mo leth, agus na cuimhnich an *ni* a rinn do shìr-bhiseach gu h-an-dligheach air an là anns an deachaidh mo thighearn, an rìgh, a mach a h-Ierusalem, air chor as gu'n gabhadh an rìgh e g'a chridhe.

20 Oir tha fios aig do sheirbhiseach gu'n do pheacaich mi: uime sin, feuch, thàinig mi an diugh an ceud duine do thigh Ioseph uile, a dhol sìos an coinneamh mo thighearn an rìgh.

21 Ach fhreagair Abisai, mac Sheruiah, agus thubhairt e, Nach cuirear air a shon so Simeì gu bàs, a chionn gu'n do mhallaidh e aon<sup>2</sup> ungta an Tighearna?

22 Agus thubhairt Daibhidh, Ciod e mo ghnòthuch-sa ribhse, a mhaca Sheruiah, gu'm bitheadh sibh an diugh 'nar n-eascair-dibh dhomh? an cuirear an diugh duine sam bith gu bàs ann an Israel? oir nach 'eil fhios agam gu bheil mi an diugh a'm<sup>3</sup> rìgh os cionn Israeil?

23 Agus thubhairt an rìgh ri Simeì, Cha'n fhaigh thu bàs: agus mhionnaich an rìgh dha.

24 Agus thàinig Mephiboset, mac Shauil<sup>2</sup>, a nuas an coinneamh an rìgh, agus cha do dheasaich<sup>3</sup> e a chosan, agus cha do chuire e nas air<sup>4</sup> 'fheusaig, agus cha do nigh e 'eudach o'n là, anns an do thriall an rìgh, agus an là anns an do thàinig e ris ann an sìth.

25 Agus an uair a thàinig e gu h-Ierusalem an coinneamh an rìgh, an sin thubhairt an rìgh ris, C'ar son nach deachaidh tu maille riumsa, a Mephiboset?

26 Agus fhreagair ean, A thighearn, a rìgh, mheall mo sheirbhiseach mi; oir thubhairt do sheirbhiseach, Cuiridh mi diollaid dhomh fèin air asail<sup>5</sup>, agus marc-aichidh mi oirre, agus théid mi dh'ionnsuidh an rìgh, a chionn gu bheil do sheirbhiseach bacach.

27 Agus chùl-chàin ean do sheirbhiseach

each ri m' thighearn an rìgh; ach *tha* mo thighearn an rìgh mar aingeal Dé: dean uime sin an *ni* sin a ta maith a'd' shùil-bh.

28 Oir cha robh teaghlach m'athar uile ach nan daoineibh marbh<sup>6</sup> am fianuis mo thighearn an rìgh; gidheadh chuir thu do sheirbhiseach nam measgan a dh' ith aig do lhort fèin: ciod ma ta a' chòir a th'agamsa tuilleadh air glaoibhach ni's mò ris an rìgh?

29 Agus thubhairt an rìgh ris, C'ar son a labhras tu ni's mò mu d' ghnòthuicheibh? thubhairt mise, Roinnidh tusa agus Siba am fearann.

30 Agus thubhairt Mephiboset ris an rìgh, Seadh, gabhadh e an t-ìomlan, o thàinig mo thighearn an rìgh a ris ann an sìth d'a thigh fèin.

31 Agus thàinig Barsillai an Gileadach a nuas o Rogelim, agus chaidh e thar Iordan maille ris an rìgh, chum a chur thar Iordan.

32 A nis bha Barsillai na dhuine ro-shean, ceithir fichead bliadhna dh'aois, agus thug e san lòn do'n rìgh<sup>8</sup> an uair a dh'fhan e ann am Mahanaim; oir bu duine romhòr e.

33 Agus thubhairt an rìgh ri Barsillai, Thig-sa thairis maille rium, agus beathaichidh mi thu maille rium fèin ann an Ierusalem.

34 Agus thubhairt Barsillai ris an rìgh, Cia fad a th'agamsa ri bhi beo<sup>9</sup>, gu'n rachainn suas maille ris an rìgh gu h-Ierusalem?

35 *Tha* mi an diugh ceithir fichead bliadhna dh'aois: an urrainn mise aithneachadh eadar maith agus olc? an urrainn do sheirbhiseach na dh'itheas no na dh'òlas mi a bhlasadh? an urrainn mise tuilleadh guth fhear agus bhan a sheinneas a chluinntinn? c'ar son ma ta a bhiodh do sheirbhiseach fathast na eire<sup>10</sup> air mo thighearn an rìgh?

36 Théid do sheirbhiseach rè ùine bhig thar Iordan maille ris an rìgh: agus c'ar son a dhioladh an rìgh sin dhomhsa le leithid so do luaigheach?

37 Leig le d' sheirbhiseach, guidheam ort, pilltinn air ais, a chum gu'm faigh mi bàs ann mo bhaile fèin, laimh ri uaigh m'athar, agus mo mhàthar: ach feuch, rachadh do sheirbhiseach Chimham thairis maille ri m' thighearn an rìgh, agus dean ris na bhios maith a'd' shùil-bh.

38 Agus fhreagair an rìgh, Théid Chimham thairis maille rium, agus ni mi dha na bhios maith a'd' shùil-bh; agus ge b'e ni a dh'iarras tusa orm, ni mi e dhuit.

<sup>1</sup> rinn iad gach ni deas.

<sup>2</sup> mac Ionatain,

mhic Shauil.

<sup>3</sup> cha do nigh.

<sup>4</sup> dheasaich e.

<sup>5</sup> Cuir diollaid dhomh air asail.

<sup>6</sup> buailteach do'n bhàs.

<sup>7</sup> a labhras tu ni's

mo do bhriathra?

<sup>8</sup> bheathaich ean an rìgh.

<sup>9</sup> Cia tion iad laithean bhliadhmacha mo bheathas. Eabh.

<sup>10</sup> eullaich.



39 Agus chaidh an sluagh uile thar Iordan, agus chaidh an rìgh thairis: agus phòg an rìgh Barsillai, agus bheannaich se e, agus phill e d'a àite fèin.

40 An sin chaidh an rìgh air aghaidh gu Gilgal, agus chaidh Chimham air aghaidh maille ris: agus thug sluagh Iudah uile thairis an rìgh, agus mar an ceudna leth sluagh Israeil.

41 Agus feuch, thàinig fir Israeil uile dh'ionnsuidh an rìgh, agus thubhairt iad ris an rìgh, C'ar son a ghoid ar bràithrean fir Iudah thu air falbh, agus a thug iad an rìgh agus a theaghlach, agus daoine Dhaibhidh uile maille ris thar Iordan?

42 Agus fhreagair fir Iudah uile fir Israeil, A chionn gu bheil an rìgh fagus an dàimh dhuinne; c'ar son ma ta a tha fearg oirbhe air son an nì so? an d'ith sinn a' bheag o'n rìgh? no'n d'thug e tiodhlac sam bith dhuinn?

43 Agus fhreagair fir Israeil fir Iudah, agus thubhairt iad, Tha deich earrannan<sup>1</sup> againne anns an rìgh, agus tha mar an ceudna tuilleadh còir againn ann an Daibhidh na th'agaibhe: c'ar son ma ta a rinn sibh tàir oirme? agus nach b'e ar gnothuch-ne an toiseach ar rìgh a thabhairt air ais?? Agus bu ghairge briathran fhear Iudah na briathran fhear Israeil.

CAIB. XX.

**A**GUS thachair gu'n robh duine an sin le Belial, do 'm b'ainm Seba, mac Bhichri, Beniamineach; agus shéid e trompaid, agus thubhairt e, Cha 'n'eil againne cuibhrionn sam bith ann an Daibhidh, agus cha 'n'eil oighreachd sam bith againn ann am mac Iese: gach fear a dh'ionnsuidh a bhùtha, O Israeil.

2 Agus chaidh gach duine do Israel suas o bhi 'n déigh Dhaibhidh, agus lean iad Seba mac Bhichri: ach dhlùth-lean daoine Iudah r'an rìgh, o Iordan eadhon gu h-Ierusalem.

3 Agus thàinig Daibhidh d'a thigh ann an Ierusalem, agus ghabh an rìgh an deichnear bhan, a choimh-Icabacha, a dh'fhàg e a ghleidheadh an tighe, agus chuir e ann an gaintir<sup>3</sup> iad, agus bheathaich e iad, ach cha deachaidh e stigh d'an ionnsuidh; agus bha iad air an druidealh suas gu là am bàis, a' caitheamh am beatha ann am bantachas.

4 An sin thubhairt an rìgh ri Amasa, Cruinnich dhomhsa fir Iudah an ceann thri laithean, agus seas fèin an so.

5 Agus dh'fhalbh Amasa a chruinneachadh fhear Iudah; ach dh'fhan e ni b'fhaide na'n t-am suidhichte, a shònraich esan dha.

6 Agus thubhairt Daibhidh ri Abisai, A nis ni Seba, mac Bhichri, tuille croin duinn na rinn Absalom: gabh thusa seirbhisich

do thighearna, agus falbh air a thòir, air eagall gu'm faigh e dha fèin bailte daing-nichte, agus gu'n d'théid e as uainn.

7 Agus chaidh a mach na dhéigh fir Ioaib, agus na Ceretich, agus na Peletich, agus na fir threuna uile: agus chaidh iad a mach a h-Ierusalem, a dhol air tòir Sheba, mhic Bhichri.

8 An uair a bha iad aig a' chloich mhòir, a tha ann an Gibeon, thàinig Amasa rompa, Agus bha Ioaib crioslaichte le falluinn a chuir e uime, agus oirre sin crios le claidheamh ccangailte air a leis na thruaill, agus an uair a chaidh e air aghaidh, thuit e aiste.

9 Agus thubhairt Ioaib ri Amasa, Am bheil thu slà, a bhràthair? agus ghlac Ioaib le 'dheas làimh Amasa air fheusaig, a thabhairt pòige dha.

10 Ach cha d'thug Amasa fanear an claidheamh, a bha ann an làimh Ioaib: agus bhuail e leis e fuidh'n chùigeadh aise, agus leig e mach a mhionach a dh'ionnsuidh an làir, agus cha do bhuail e ris e, agus fhuair e bàs. Agus chaidh Ioaib, agus a bhràthair Abisai, air tòir Sheba, mhic Bhichri.

11 Agus sheas fear do òganachaibh Ioaib làimh ris, agus thubhairt e, Esan leis an ionmhuinn Ioaib, agus esan a tha le Daibhidh, leanadh e Ioaib.

12 Agus bha Amasa 'ga aonair<sup>4</sup> am fuil am meadhon an rathaid mhòir. Agus an uair a chunnaic an duine gu'n d'fhan an sluagh uile nan seasamh, dh'atharraich e Amasa o'n rathad mhòr do'n achadh, agus thilg e eudach air, an uair a chunnaic e gu'n d'fhan gach neach a thàinig làimh ris nan seasamh.

13 An uair a dh'atharraicheadh e o'n rathad mhòr, chaidh an sluagh uile air an aghaidh an déigh Ioaib, a dhol air tòir Sheba, mhic Bhichri.

14 Agus chaidh e air feadh uile threubhan Israeil gu h-Abel Bhetnaacah, agus na Berich uile: agus chruinnicheadh iad an ceann a chèile, agus chaidh iad mar an ceudna na dhéigh.

15 Agus thàinig iad, agus theannaich<sup>5</sup> iad e ann an Abel Bhetnaacah, agus chuir iad suas torr<sup>6</sup> an aghaidh a' bhaile, agus sheas e làimh ris a' bhalladh<sup>7</sup>: agus rinn an sluagh uile a bha maille ri Ioaib an dèicholl air a' bhalladh a leagadh sìos.

16 An sin ghlaodh bean ghlic a mach as a' bhaile, Eisdibh, eisdibh; abraibh, guidheam oirbh, ri Ioaib, Thig am fagus an so, agus labhraidh mi riut.

17 Agus an uair a thàinig e 'm fagus d'i, thubhairt a' bhean, an tu Ioaib? Agus fhreagair esan, Is mi. An sin thubhairt i ris, Eisd ri briathraibh do bhan-oglaich. Agus fhreagair esan, Tha mi ag éisdeachd.

<sup>1</sup> cuibhrionnan. <sup>2</sup> nach d'iarradh ar comhairle air tús a thabhairt ar rìgh air ais.

<sup>3</sup> pridsun. <sup>4</sup> aoineagran. <sup>5</sup> besieged. Sasg. <sup>6</sup> dùn. <sup>7</sup> anns a' chlais.

18 An sin labhair i, ag ràdh, Gu cinn-teach labhair iad an toiseach, ag ràdh, Gu deimhin iarraidh iad *sìth* air Abel: agus mar sin crìochnaichidh iad an *gnothuch*<sup>1</sup>.

19 *Is aon* mise dhiubhsan, *a tha* sìoth-chail agus firinneach<sup>2</sup> ann an Israel: ach tha thusa ag iarraidh baile a sgrios, agus màthair ann an Israel. C'ar son a shluig-eas tu suas oighreachd an Tighearna?

20 Agus fhreagair Ioab agus thubhairt e, Gu ma fada, fada sin uanisa, gu'n sluig-inn suas, no gu'n sgriosainn.

21 Cha 'n ann mar sin a tha an gnothuch: ach thog duine do shliabh Ephraim, d'an aium Seba mac Bhichri, a làmh suas an aghaidh an rìgh, an aghaidh Dhaibhidh: thugaibh esan a mhàin thairis, agus imichidh mi o'n bhaile. Agus thubhairt a' bhean ri Ioab, Feuch, tilgear a cheann a d' ionnsuidh thar a' bhalladh.

22 An sin chaidh a' bhean a dh' ionnsuidh an t-sluaigh uile na gliocas<sup>3</sup>, agus ghear iad ceann Sheba, mhic Bhichri, dheth, agus thilg iad a mach e dh'ionnsuidh Ioab: agus sheid e trompaid, agus chaidh iad air falbh o'n bhaile, gach fear a dh'ionnsuidh a bhùtha. Agus phill Ioab do Ierusalem a dh'ionnsuidh an rìgh.

23 A nis bha Ioab os cionn armailte Israeil uile: agus bha Benaiah, mac Iehoiadah, os cionn nan Cereteach, agus os cionn nam Peleteach:

24 Agus bha Adoram os cionn na cise: agus bha Iehosaphat, mac Ahiluid, na shean-achaidh:

25 Agus bha Sebha na scrìobhuiche: agus b'iad Sadoc agus Abiatar na sagairt:

26 Agus mar an ceudna bha fra an Iair-each na ard riaghlair<sup>4</sup> aig Daibhidh.

### CAIB. XXI.

**A**GUS bha gorta ann an laithibh Dhaibhidh, rè trì bliadhna, bliadhna 'n deigh bliadhna. Agus dh'fhiosraich Daibhidh do'n lighearna<sup>5</sup>, agus fhreagair an Tighearna, *Is ann* air son Shauil, agus air son a thighe fhuileachdaich *a tha i*, a chionn gu'n do mharbh e na Gibeonaich.

2 Agus ghairm an rìgh air na Gibeonaich, agus thubhairt e ri u: (a nis cha robh na Gibeonaich do chloinn Israeil, ach do iarmad<sup>6</sup> nan Amorach, agus thug clann Israeil mionnan doibh: agus dh'iarr Saul am marbhadh, na eud<sup>7</sup> air son chloinn Israeil agus Iudah:)

3 Uime sin thubhairt Daibhidh ris na Gibeonaich, Ciod a ni mi air bhur son? agus cia leis a ni mi an rèite, a chum gu'm beannaich sibh oighreachd an Tighearna?

4 Agus thubhairt na Gibeonaich ris, Cha

bhi againne airgid no òr o Shaul, no o a thigh<sup>8</sup>, agus air ar soinne cha mharbh thu duine sam bith ann an Israel. Agus thubhairt esan, *An nì* a their sibh, ni mise dhuibh<sup>9</sup>.

5 Agus fhreagair iad an rìgh, An duine a chuir as duinn, agus a smuainich 'nar n-aghaidh sinn a bhi air ar sgrios, air chor as nach fanamaid ann an crìch air bith do Israel;

6 Thugar dhuinn seachdnar d'a mhic-san, agus crochaidh sinn suas iad do'n Tighearna ann an Gibeah Shauil, a thagh an Tighearna. Agus thubhairt an rìgh, Bheir mi dhuibh iad.

7 Ach chaomhain an rìgh Mephiboset, mac Ionatain, mhic Shauil, air son mhionnan an Tighearna a bha eatorra, eadar Daibhidh agus Ionatan, mac Shauil.

8 Ach ghabh an rìgh dà mhac Rispah nighinn Aiah, a rug i do Shaul, Armoni agus Mephiboset, agus cùigear mhac Mhe-roib<sup>10</sup> nighinn Shauil, a rug i do Adriel mac Bharsillai a' Mheholataich,

9 Agus thug e thairis iad do làimh nan Gibeonach, agus chroch siad iad anns an t-sliabh am nanuis an Tighearna, agus thuit an t-seachdnar sin cundeachd, agus chuireadh gu bàs iad ann an ceud laithibh an fhogharaidh, ann an toiseach fogharaidh an eorana.

10 Agus ghabh Rispah nighean Aiah saic-eudach, agus sgaoil i dhi féin e air a' charraig, o thoiseach an fhogharaidh gus an do shìl uisge orra o nèamh: agus cha do leig i le eunlaith an athair fois a ghabhail orra san la, no do fhiadh-bheathaichibh na macharach san oidheche.

11 Agus dh'ionnsaidh do Dhaibhidh ciod a rinn Rispah, nighean Aiah, coimh-leabach Shauil.

12 Agus dh'fhaigh Daibhidh, agus thug e o dhaoineibh Iabais-gùilead cnàmhan Shauil, agus cnàmhan a mhic Ionatain, a ghoid iad o shràid Bhetsain, far an do chroch na Philistich iad, anns an là air an do mharbh na Philistich Saul ann an Gilboa.

13 Agus thug e nìos as sin cnàmhan Shauil, agus cnàmhan Ionatain, a mhic: agus chruinnich iad cnàmhan na muinntir a chrochadh.

14 Agus dh'adhlàic iad cnàmhan Shauil, agus a mhic Ionatain, ann an tìr Bheniamin ann an Selah, ann an àit adhlacaidh Chis 'athar. Agus rinn iad gach nì a dh'aithe an rìgh: agus na dhéigh sin bha Dia réidh ris an tìr<sup>11</sup>.

15 Agus bha cogadh aig na Philistich

<sup>1</sup> labhair i, ag ràdh, Bu ghnàth leo labhairt san t-sean aimsir, ag ràdh, Gu deimhin iarraidh iad comhairle ann an Abel: agus mar sin crìochnaich iad a' chùis. <sup>2</sup> dìleas. <sup>3</sup> agus labhair i na gliocas. <sup>4</sup> na arda-chadaran. <sup>5</sup> dh'iarr Daibhidh gràis Iehovah. Eabh.

<sup>6</sup> fhuigheall: iarsma. Eir. <sup>7</sup> na theas ghràdh. <sup>8</sup> maille ri Saul, no maille ri a thigh. Eabh. <sup>9</sup> Ciod ma ta a b'ùill leibh gu'n deanaibh-sa dhuibh? <sup>10</sup> Mhicheail. <sup>11</sup> dh'éis Dia ri athcheuinge muinntir na tìre.



fathast ri Israel, agus chaidh Daibhidh sìos agus a sheirbhisich maille ris, agus chog iadri na Philistich; agus dh'fhàs Daibhidh sgìth.

16 Agus thubhairt Isbi-benob<sup>1</sup>, a bha do shliochd an fhàmhair, (agus aig am b'è cothrom cinn a shleagha tri cheud secl umha, agus e crioslaichte le crios<sup>2</sup> nomha,) gu'm marbhadh e Daibhidh.

17 Ach rinn Abisai, mac Sheruah, còmh-nadh ris, agus bhuail e am Philisteach, agus mharbh se e. An sin mhionnach fir Dhaibhidh dha, ag ràdh, Cha d'théid thu mach nì's mò maille ruinne gu cath, chum nach cuir thu as lòchran Israel.

18 Agus na dhéigh so bha cath a ris ann an Gob<sup>3</sup> ris na Philistich: an sin bhuail Sibechai, an Husatach, Saph<sup>4</sup>, a bha do shliochd an fhàmhair.

19 Agus bha ris cath ann an Gob ris na Philistich: agus bhuail Elhanan mac Iare-oregim Lahmi<sup>5</sup>, bràthair Gholiath a' Ghitich; agus bha crann a shleagha mar gharm-ain figh-eadair.

20 Agus bha fathast cath ann an Gat, far an robh fear do mheud mhòir, agus sè meoir aige air gach làimh, agus sè meoir air gach cois, ceithir thar fhichead an àir-eamh; agus rugadh esan mar an ceudna do'n fhàmhair.

21 Agus an uair a thug e dùbhlán<sup>6</sup> do Israel, mharbh Ionatan, mac Shimeah, bràthar Dhaibhidh, e.

22 Rugadh a' cheathrar sin do'n fhàmh-air ann an Gat, agus thuit iad le làimh Dhaibhidh, agus le làmh a sheirbhiseach.

C A I B. XXII.

**A**GUS labhair Daibhidh ris an Tighearna briathra na laoidhe so, anns an là air an do shaor an Tighearna e a' làimh a naimhdean uile, agus a làimh Shaul.

mo charraig, agus mo dhaingneach, agus mo shlanuighear.

3 Is e Dia mo charraig; earbaidh mi as: mo sgiath agus adharc mo shlainte, mo thùr ard agus mo dhìdean: m'fhear-saoraidh; o ain-neart saoraidh tusa mi.

4 Gairmidh mi air an Tighearna, a's airdh air chiu; agus o m' naimh-dibh saorar mi.

5 Oir chuairtich tonnan a' bhàis mi: chuir tuilte dhroch dhaoine eagail oru.

6 Dh'iadh cuird<sup>8</sup> ifrinn mu m' thim-chioll: ghabh lìontan<sup>9</sup> a' bhàis romham.

7 A'm<sup>10</sup> airc ghairm mi air an Tighearna, agus ri m' Dhia ghlaodh mi, agus chual' e, o' theampull, mo ghuth, agus ràinig mo ghlaodh a chluasa.

8 Agus chrathadh agus chrìochnaich an talamh: ghluaiseadh bunaite nan nèan<sup>11</sup> agus chrathadh iad, a chionn gu'n robh fearg air.

9 Chaidh deatach suas o 'shròin, agus loisg teine as a bheul: lasadh eibhlean leis.

10 Agus lùb e a nèamha, agus thàinig e nuas; agus dorchadas fa 'chosaihbh.

11 Agus mharcaich e air cherub, agus chaidh e air iteig: agus dh'itealaich<sup>12</sup> e air sgiathaibh na gaoithe.

12 Agus rinn e dorchadas na phàillion-aibh m'a thimchioll, còmh-chruinneachadh nan uisgeacha<sup>13</sup>, neoil thiugha nan speur.

13 Leis an dealradh a bha fa 'chomhair, lasadh eibhlean teine.

14 Rinn an Tighearna tairneanach o na nèamhaibh, agus leig an Tì a's aird' a ghuth a mach.

15 Agus chuir e mach saighdean, agus sgap e iad; dealanach, agus chlaoidh e iad<sup>14</sup>.

16 Agus leigeadh ris aigean na fairge, nochdadh bunaite an domhain, le achmhasan an Tighearna, le séideadh anaile a shròine.

17 Chuir e nuas o'n aird, ghlac e mi: tharruing e mi a mòran uisgeacha.

18 Shaor e mi o m' nàmhaid làidir, uatha-san a dh'fhuathaich mi; oir bu treise iad na mise.

19 Ghabh iad romham ann an là m' àmhghair: ach b'e 'n Tighearna mo chùl-taice.

20 Agus thug e mach mi gu ionad far-saing: shaor e mi, a chionn gu'n do ghabh e tlachd annam.

21 Thug an Tighearna luaidheachd dhomh a réir m'ionracais: a réir gloine mo làmh dhiol e dhomh.

22 Oir ghléidh mi slighean an Tighearna, agus o m' Dhia cha do chlaon mi gu h-aingidh.

23 Oir bha a bhreitheanais uile a'm' fhiannuis: agus a reachda cha do chuir mi uam<sup>15</sup>.

24 Agus bha mi ionraic na fhiannuis, agus ghléidh mi mi féin o m' aingidheachd<sup>16</sup>.

25 Uime sin dhiol an Tighearna dhomh a réir m'ionracais, a réir mo ghloine ann an sealladh a shùil.

26 Do'n duine thròcaireach nochdaidh tu thu féin thròcaireach, agus do'n duine ionraic nochdaidh tu thu féin ionraic.

27 Do'n duine ghlan nochdaidh tu thu féin glan, agus do'n duine reasgach nochdaidh tu thu féin reasgach.

28 Agus an sluagh, a ta fa àmhghar, saoraidh tu: ach a ta do shùilean an aghaidh nan uaibhreach; bheir thu nuas iad<sup>17</sup>.

29 Oir lasaidh tusa mo lòchran<sup>18</sup>, a

<sup>1</sup> shauil Isbi-benob, chuir e roimhe. <sup>2</sup> claidheamh. <sup>3</sup> Gesar. <sup>4</sup> Sipot. <sup>5</sup> mac Iare-oregim Bettehemeach. <sup>6</sup> Faic I. Eachdr. Caib. XX. r. 5. <sup>7</sup> nasladh. <sup>8</sup> as. <sup>9</sup> pianta. <sup>10</sup> ribeacha. <sup>11</sup> nam beann. <sup>12</sup> chuuncas. <sup>13</sup> uisgeacha

dorcha. <sup>14</sup> chuir e gu h-amhladh iad. <sup>15</sup> cha do dhealach mi riu. <sup>16</sup> o m' pheacannaibh. <sup>17</sup> ach na sùilean arda bheir thu nuas. <sup>18</sup> is tu mo lòchran.

Thighearna : agus soillsichidh an Tighearna mo dhorchadas.

30 Oir leatsa ruith mi troimh bhuidhinn : le m' Dhia leum mi thu balladh.

31 *A thaobh Dhé, tha a shlighe iomlan, tha fòcal an Tighearna air a dhearbhadh : is sgiath e dhoibhsan uile, a chuireas an dòchas ann<sup>1</sup>.*

32 Oir cò a's Dia ann, ach an Tighearna ? agus cò a's carraig ann, ach ar Dia-ne ?

33 Is e Dia mo neart agus mo chumhachd<sup>2</sup>, agus tha e deanamh mo shlighe iomlan.

34 *Tha e deanamh mo chos mar chosan eilde : agus air m'aitibh arda socraichidh e mi.*

35 *Tha e 'g iunnsachadh mo làmh gu cath, air chor as gu'n brisear bogha umha le m' ghairdeinibh.*

36 Agus thug thu dhomh sgiath do shlàinte : agus rinn do chaoimhneas mor mi.

37 Rinn thu mo cheum farsaing fodham, air chor as nach do shleamhnaich mo chosa.

38 Lean mi mo naimhde, agus rug mi orra<sup>3</sup>; agus cha do phill mi air m'ais gus an do ehuir mi as doibh.

39 Agus lot mi iad<sup>4</sup>, agus cha 'n'éirich iad; agus thuit iad fa m' chosaibh.

40 Oir chrìoslaich thu mi le neart chum catha: leag thu iadsan, a dh'éirich suas a'm' aghaidh, sìos fodham.

41 Agus mo naimhde thug thu dhomh air mhuineal; iadsan a dh'fhuathaich mi, agus ghearr mi as iad.

42 Sheall iad, agus cha robh fear-saoraidh ann; eadhon a dh'ionnsuidh an Tighearna, ach cha do fhreagair e iad.

43 An sin mhìn-phronn mi iad mar dhuslach na talmhainn; mar chlàbar na sràide bhrùth mi iad, leudaich mi a mach iad.

44 Agus shaoir thu mi o chomh-strì<sup>5</sup> mo shluaigh: ghléidh thu mi gu bhì'm cheann<sup>6</sup> air na cinnich: nì sluagh, nach b'aithe dhomh, seirbhis dhomh.

45 Strìochdaidh coigrich sìos dhomh<sup>7</sup>: co luath 'sa chluinneas iad, géillidh iad dhomh.

46 Seargaidh coigrich as, agus bithidh eagal orra a mach as an àitibh daingne.

47 Is beo an Tighearna, agus gu ma beannaichte mo charraig-sa: agus air 'ardachadh gu robh Dia, carraig mo shlàinte.

48 Is e Dia a nì dioghaltais air mo shonsa, agus a chuireas sìos an sluagh fodham,

49 Agus a bheir a mach mi o m' naimh-dibh: agus os an cionn-san, a dh'éirich suas a'm' aghaidh, thog thu suas mi, o fhear an an-neart shaor thu mi.

50 Uime sin clùthaichidh mi thu<sup>8</sup> Thighearna, an measg nan cinneacn, agus do t'amn seinnidh m..

51 Bheir esan saorsa mòr d'a rìgh<sup>9</sup>, agus nochdaidh e tròcair d'a aon ungta féin, do Dhaibhidh, agus d'a shliochd gu bràth.

CAIB. XXIII.

**A** NIS is iad so briathra deireannach Dhaibhidh. Thubhairt Daibhidh mac Iese, agus thubhairt an duine a chuireadh suas gu h-ard, aon ungta Dhé Iacoib, agus salmadair binn Israeil;

2 Labhair spiorad an Tighearna tromhansa, agus 'fhocal air mo theangaidh.

3 Thubhairt Dia Israeil, labhair carraig Israeil riumsa: *Bithidh* esan, a riaghlas os cionn dhaoine, ceart, a' riaghladh ann an eagal Dé:

4 Agus mar sholus na maidne 'nuair a dh'éireas a' ghrian<sup>10</sup>, maidne gun neoil; mar am fear a' fàs as an talamh le dealradh an deigh nìsge.

5 Ge nach 'eil mo thigh mar sin aig Dia, gidheadh rinn e coimhcheangal sìoruidh riumsa, air a shuidheachadh anns gach nì, agus a choimhdear<sup>11</sup>: oir is e so mo shlàinte uile, agus mo nìhiann uile, ge nach 'eil e toirt air fàs.

6 Ach *bithidh mic* Bhelial uile mar dhroighionn a thilgear air falbh, a chionn nach glacar le làmh iad.

7 Ach am fear a bheanas riu, dìonar<sup>12</sup> e le h-iarunn, agus le cranm sleagha; agus le teine loisgear gu tur iad far am fàs iad<sup>13</sup>.

8 Is iad so ainmeanna nan daoine treun a bha aig Daibhidh: Iasobeam, mac Hachmoni, na cheann air triuir: thog esan a shleagh an aghaidh thri ceud, a mharbhadh leis san aon àm<sup>14</sup>.

9 Agus na dhéigh san bha Eleasar mac Dhodo, an t-Ahohach, aon do'n triuir dhaoine treun a bha maille ri Daibhidh, an uair a thug iad dùbhlán<sup>15</sup> do na Philistich<sup>16</sup> a chruinnicheadh an sin gu cath, agus a dh'imich fir Israeil rompa.

10 Dh'éirich esan agus bhuail e na Philistich gus an robh a làmh sgìth, agus gu'n do lean a làmh ris a' chlaideamh. Agus dh'oibhrich an Tighearna saorsa mhòr air an là sin; agus phill an sluagh na dhéigh a mhaìn a dh'fhaobhachadh<sup>17</sup>.

11 Agus na dhéigh-san bha Samah, mac

<sup>1</sup> a dh'earbas as. <sup>2</sup> a tha 'gam chrìoslachadh le neart. <sup>3</sup> sgrios mi iad. <sup>4</sup> chuir mi as doibh, agus lot mi iad. <sup>5</sup> strìbh. <sup>6</sup> nì thu mi a'm' cheann. <sup>7</sup> nì coigrich breug dhomh. Eabh. <sup>8</sup> aithichidh mi dhuibh, bheir mi bùidheachas dhuibh. <sup>9</sup> Is esan tùr slàinte a rìgh. <sup>10</sup> Agus mar sholus na maidne éiridh Iehobhah a' ghrian. <sup>11</sup> cùmteach. <sup>12</sup> òmar. Eabh. <sup>13</sup> anns an àite chendna; na àite-tàimh. Eabh. <sup>14</sup> 18

iad so ainmeanna nan daoine treun a bha aig Daibhidh: An Tachmanach a shuidhe anns a' chathair, ceann nan ceannard; (b'e so Adino an t-Esueach) thog e suas a shleagh an aghaidh ochd ceud, a mharbh e san aon àm. Faic. I. Eachdr. Caib. XI. r. 11. <sup>15</sup> mastladh. <sup>16</sup> ann am Pas-damin. I. Eachdr. Caib. XI. r. 13. <sup>17</sup> chreacchadh.



Agee, an Hararach; agus chruinnicheadh na Philistich nam buidhinn, far an robh mìr fearainn làn do ghall-phcasair: agus theich an sluagh roimh na Philistich.

12 Ach sheas esan am meadhon an fhearainn, agus dhion se e, agus bhuail e na Philistich: agus dh'oibrich an Tighearna saorsa mhòr.

13 Agus chaidh triuir do na deich ceannarda fhichead sìos, agus thàinig iad an àm an fhogharaidh a dh'ionnsuidh Dhaibhidh, do uaimh Adullaim: agus champaich buidheann nam Philisteach ann an gleann Rephaim.

14 Agus bha Daibhidh an sin ann an daingneach, agus bha freiceadan nam Philisteach an sin ann am Bethelem.

15 Agus mhiannaich Daibhidh, agus thubhairt e, O gu'n d'thugadh fear-eigin dhomh deoch uisge o tobar Bhetlehem, a tha làimh ris a' gheata!

16 Agus bhris an triuir dhaoine treuna stigh troimh fheachd nam Philisteach, agus tharruing iad uisge a tobar Bhetlehem, a bha làimh ris a' gheata, agus ghabh iad e, agus thug iad leo e dh'ionnsuidh Dhaibhidh: gidheadh cha b' àill leis òl deth, ach thaom e mach e do'n Tighearna.

17 Agus thubhairt e, Gu ma fada uamsa, a Thighearna, so a dheanamh: an òlainnse fuil nan daoine a chaidh ann an cunnart<sup>1</sup> an anma? uime sin cha b' àill leis òl deth. Na nithe sin rinn an triuir dhaoine treuna.

18 Agus bha Abisai, bràthair Ioaib, mac Sheruah, na cheann air triuir: agus thog e suas a shleagh an aghaidh tri cheud, a mharbh e; agus fhuair e ainm am measg triuir.

19 Do'n triuir nach b'e a b'urramaiche? uime sin bha e na cheannard orra: gidheadh, cha do ràinig e gu ruig a' cheud triuir.

20 Agus mharbh Benaiah, mac Iehoiada, mhic duine ghaisgeil, o Chabseel, a rinn mòran ghnìomhara, mharbh esan dìthis fhear leomhanta<sup>2</sup> do Mhoab: chaidh e sìos mar an ceudna, agus mharbh e leòmhann ann am meadhon sluichd an àm sneachdaidh.

21 Agus mharbh e Eiphiteach, duine comharichte<sup>3</sup>: agus ann an làimh an Eiphitich bha sleagh; ach chaidh esan sìos a' ionnsuidh le luirg, agus spion e 'n t-sleagh a làimh an Eiphitich, agus mharbh e le' shleagh féin e.

22 Na nithe sin rinn Benaiah mac Iehoiada; agus bha ainm aige am measg triuir dhaoine treuna.

23 Do'n triuir<sup>4</sup> b'e a b'urramaiche, ach cha d'ràinig e gu ruig a' cheud triuir: agus chuir Daibhidh e os cionn a fhreiceadain.

24 Bha Asahel bràthair Ioaib am measg

an deich thar fhichead, Elhanan mac Dhodo o Bhetlehem,

25 Samah an Harodach, Elica an Harodach,

26 Heles an Paltach, Ita mac Iceis an Tecoch,

27 Abieser an t-Anetotach, Mebunai an Husatarch,

28 Salmon an t-Ahohach, Maharai an Netophatach,

29 Heleb mac Bhaanah, an Netophatach, Itai mac Ribai o Ghibeah chloinn Bheniamin,

30 Benaiah an Piratonach, Hidai o shruthaibh Ghaais,

31 Abialbon t-Arbatach, Asmabhet an Barhumach,

32 Eliabha an Saalbonach: do mhacaibh Iasein, Ionatan,

33 Samah an Hararach, Ahiam mac Sharai an Hararach,

34 Eliphelet mac Ahasbai, mhic a' Mhaachataich, Eliam mac Ahitopheil, an Gilonach,

35 Hesrai an Carmeleach, Paarai an t-Arbach,

36 Igal mac Natani o Shobah, Bani an Gadach,

37 Seleu an t-Amionach, Naharai an Beerotach, fear iomchar arm Ioaib, mhic Sheruah,

38 Ira an t-Itreach, Gareb an t-Itreach,

39 Uriah an Hiteach: seachd deug thar fhichead uile.

C A I B. XXIV.

**A** GUS a ris las fearg an Tighearn an aghaidh Israeil, agus bhrosnaich e<sup>5</sup> Daibhidh nan aghaidh, a ràdh, Falbh, gabh àireamh Israeil agus Iudah.

2 Oir thubhairt an rìgh ri Ioaib ceannard an t-sloigh, a bha maille ris, Imich a nis air feadh uile threubhan Israeil. o Dhan eadhon gu Beer-seba, agus gabh<sup>6</sup> àireamh an t-sluaigh, a chum gu'm bi fios àireimh an t-sluaigh agam.

3 Agus thubhairt Ioaib ris an rìgh, A nis gu'n cuireadh an Tighearna do Dhia ris an t-sluaigh (ge b'e cìod an t-àireamh a th'ann diubh) fathast a' cheud uibhir, agus gu'm faiceadh suilean mo thighearn an rìgh e: ach c'ar son a tha mo thighearn an rìgh a' gabhail tlachd anns an nì so?

4 Gidheadh, bhuaidhaich focal an rìgh an aghaidh Ioaib, agus anaghaidh cheannardan an t-sloigh: agus chaidh Ioaib agus ceannardan an t-sloigh a mach a fianuis an rìgh, a ghabhail àireimh sluaigh Israeil.

5 Agus chaidh iad a nunn thar Iordan, agus champaich iad ann an Aroer, air taobh mu dheas a' bhaile, a tha an am meadhon aibhne<sup>7</sup> Ghad, agus leth ri Gaser.

<sup>1</sup> cunnart. <sup>2</sup> treun mar leòmhain. <sup>3</sup> mòr, tlachdmhor. <sup>4</sup> Do'n deich thar fhichead.

<sup>5</sup> agus sheas Salan an aghaidh Israeil agus

bhrosnaich e. 1. Eachdr. Caib. XXI. r., 1, gabhaibh. 7 srutha, glinne.

6 An sin thàinig iad gu Gilead, agus gu fearann ìochdarach<sup>1</sup> Hodsi: agus thàinig iad gu Dan-iaan, agus mu'n cuairt gu Sidon.

7 Agus thàinig iad gu daingneach Thiruis, agus gu uile bhàithibh nan Hibh-each, agus nan Canaanach: agus chaidh iad a mach do'n taobh mu dheas do Iudah, Beer-seba.

8 Agus an uair a chaidh iad air feadh na tìre uile, thàinig iad gu h-Ierusalem an ceann naoi mìos agus fhichead là.

9 Agus thug Iob suas làn àireamh<sup>2</sup> an t-sluaigh do'n rìgh: agus bha ann do Israel ochd ceud mìle fear gaisgeal a tharruing claidheamh, agus do fhearaibh Iudah cùig ceud mìle fear.

10 Agus bhuail cridhe Dhaibhidh e, an dèigh dha'n sluagh àireamh: agus thubhairt Daibhidh ris an Tighearna, Pheacaich mi gu mòr anns an nì a rinn mi: agus a nis, a Thighearna, guidheam ort, thoir air cionta do sheirbhisich dol seachad, oir rinn mi gu ro-amaideach.

11 Agus dh'èirich Daibhidh anns a' mhaduinn, agus thàinig focal an Tighearna dh'ionnsuidh an fhàidh Ghad, fir-seallaidh Daibhidh, ag ràdh,

12 Falbh agus abair ri Daibhidh, Mar so tha'n Tighearn ag ràdh, Tha mi cur trì nìthe fa d' chomhair: ròghnaich dhuit fèin aon diubh, a chum gu'n dean mi dhuit e.

13 Agus thàinig Gad a dh'ionnsuidh Dhaibhidh, agus dh'innis e dha, agus thubhairt e ris, An d'thig trì<sup>3</sup> bliadhna gòrtaidh ort ann ad thir? no an teich thu trì mìosan roimh do naimhdeibh, agus iad an tòir ort? no am bi trì laithean plàigh ann ad thir? A nis smuainich, agus faic ciod a fhreagairas mi dhasan, a chuir uaith mi.

14 Agus thubhairt Daibhidh ri Gad, Tha mi ann an teinn<sup>4</sup> mhòir: tuiteamaid a nis ann an làmh an Tighearna, oir is lìonmhor a thròcairean, ach ann an làmh duine na tuiteam.

15 Agus chuir an Tighearn plàigh air Israel, o'n mhaduinn eadhon gu ruig an t-àm suidhichte<sup>5</sup>: agus bhàsaich do'n t-sluagh o Dhan gu Beerseba, deich agus trì fhichead mìle fear.

16 Agus an uair a chuir an t-aingeal a mach a làmh gu h-Ierusalem g'a sgrios,

ghabh an Tighearn aithreachas a thaobh an uile, agus thubhairt e ris an aingeal a sgrios an sluagh, Is leòr e: cum a nis air do làmh. Agus bha aingeal an Tighearna làmh ri urlar-bualaidh Araunah, an Iebusaich.

17 Agus labhair Daibhidh ris an Tighearna 'nuair a chunnaic e 'n t-aingeal a bhuail an sluagh, agus thubhairt e, Feuch, is mise a pheacaich, agus is mise rinn gu h-aingidh: ach na caoraich sin, ciod a rinn iad? bitheadh do làmh, guidheam ort, a'm' aghaidh-sa, agus an aghaidh tighe m'athar.

18 Agus thàinig Gad a dh'ionnsuidh Dhaibhidh air an là sin, agus thubhairt e ris, Gabh<sup>6</sup> suas, tog altair do'n Tighearn ann an urlar-bualaidh Araunah, an Iebusaich.

19 Agus chaidh Daibhidh suas a réir focail Ghad, mar a dh'àithn an Tighearna.

20 Agus dh'amhairc Araunah, agus chunnaic e'n rìgh agus a sheirbhisich a' teachd air an aghaidh d'a ionnsuidh: agus chaidh Araunah a mach, agus chrom se e fèin do'n rìgh air 'aghaidh gu làr.

21 Agus thubhairt Araunah, C'ar son a thàinig mo thighearn an rìgh a dh'ionnsuidh a sheirbhisich? Agus thubhairt Daibhidh, a cheannach uait an urlair-bualaidh, a thoguil altarach do'n Tighearna, a chum gu'n caisgear a' phlàigh o'n t-sluagh.

22 Agus thubhairt Araunah ri Daibhidh, Gabhadh, agus ìobradh<sup>7</sup> mo thighearn an rìgh an nì sin a bhios maith na shùilbh: feuch, tha buar an so chum ìobairt-loisgte, agus innealan-bualaidh, agus acfuinn eile a bhuineas do'n bhuar air son connaidh.

23 Iad sin uile thug Araunah do'n rìgh<sup>8</sup>. Agus thubhairt Araunah ris an rìgh, Gu'n gabhadh an Tighearna do Dhia riut.

24 Agus thubhairt an rìgh ri Araunah, Ni h-eadh; ach gu deimhin ceannaichidh mi uait iad air luach, agus cha'n ìobair mi ìobairtean loisgte do'n Tighearna mo Dhia do'n nì sin a gheibh mi a nasgaidh. Agus cheannaich Daibhidh an t-urlar-bualaidh, agus am buar, air leth-cheud secel airgid.

25 Agus thog Daibhidh an sin altair do'n Tighearna, agus dh'ìobair e ìobairte-loisgte, agus ìobairte-sith: agus choisgeadh a' phlàigh o Israel.

eachaidh. <sup>6</sup> Rach. <sup>7</sup> ofraileadh. <sup>8</sup> thug Araunah mar rìgh do'n rìgh.

<sup>1</sup> Tochtim. Eabh.

<sup>2</sup> uibhir àireimh.

<sup>3</sup> seachd. Faic. I. Fachdr. Caib. XXI. r. 12.

<sup>4</sup> teanntachd airc.

<sup>5</sup> àm a' choimhechruinn-



# CEUD LEABHAR NAN RIGH,

D'AN AINM GU COITCHEANN,

## TREAS LEABHAR NAN RIGH.

### CAIB. I.

**A**NIS bha rìgh Daibhidh sean, agus air teachnd air aghaidh ann am bliadhnaibh: agus chòmhdaich iad e le h-eudach, gidheadh cha do ghabh e blàthas

2 Uime sin thubhairt a sheirbhisich<sup>1</sup> ris, Iarradh iad do 'm thighearn an rìgh gruagach a ta na h-òigh, agus seasadh i am fianuis an rìgh agus eiridheadh i e, agus luidheadh i ann ad uchd, a chum gu'n gabh an tighearna mo rìgh blàthas.

3 Uime sin, dh'iarr iad gruagach mhaiseach air feadh uile chrìoch Israeil, agus fhuair iad Abisag, Ban-sunamach, agus thug iad i a dh'ionnsuidh an rìgh.

4 Agus bha a' ghruagach ro-mhaiseach, agus dh'eiridinn i an rìgh, agus fhrithheil i dha; ach cha d'aithnich an rìgh i.

5 An sin dh'ardaich Adoniah mac Hagit e féin, ag ràdh, Rìghaichidh mise: agus dh'ulluigh e dha féin carbaid, agus marcshluagh, agus leth-cheud fear a ruith roimhe.

6 Agus cha do chuir 'athair doilgheas<sup>2</sup> air uair sam bith<sup>3</sup>, ag ràdh, Carson a rinn thu mar so? Agus bha e-an mar an ceudna ro-mhaiseach na dhealb, agus rugadh e an déigh Absaloim.

7 Agus bha comhludar<sup>4</sup> aige ri Ioab mac Sheruah, agus ri Abiatar an sagart: agus a' leantuinn Adoniah, rinn iad comhnadh ris.

8 Ach cha robh Sadoc an sagart, agus Benaiah mac Iehoiada, agus Natan am fàidh, agus Simci, agus Rei, agus na fir threuna, a bhuineadh do Dhaibhidh, maille ri Adoniah.

9 Agus dh'ìobair Adoniah caoraich agus buar, agus spréidh reamhar làimh ri cloich Shohelet, a tha làimh ri Enrogel: agus thug e cuireadh d'a bhràithribh uile, mic an rìgh, agus do fhearaidh Iudah uile, scirbhisich an rìgh.

10 Ach do Natan am fàidh, agus do Benaiah, agus do na fir threuna, agus do Sholamh a bhràthair, cha d'thug e cuireadh.

11 Uime sin labhair Natan ri Batseba màthair Sholaimh, ag ràdh, Nach cuala tu gu bheil Adoniah, mac Hagit, a' rìoghachadh, agus cha 'n'eil fhios aig ar tighearna Daibhidh air?

12 A nis ma ta, leig dhomhsa, guidheam ort, conhairle a thabhairt ort, a chum as gu'n saor thu t'anam féin, agus anam Sholaimh do mhic.

13 Imich, agus gabh a'steach gu rìgh Daibhidh, agus abair ris, Nach d'thug

thusa, mo thighearn, a rìgh, mionnan do d'bhàt a' b'ich, ag ràdh, Gu deimhin rìghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa? Carson ma seadh a tha Adoniah a rìghachadh?

14 Feuch, am feadh a bhios tusa fathast a' labhairt an sin ris an rìgh, thig mise mar an ceudna steach a'd' dhéigh<sup>5</sup>, agus daingnichidh<sup>6</sup> mi do bhriathra.

15 Agus chaidh Batseba a steach a dh'ionnsuidh an rìgh, do'n t-scòmar; agus bha'n rìgh ro-shean, agus fhrithheil Abisag a' Bhan-sunamach do'n rìgh.

16 Agus chrom Batseba sìos<sup>7</sup>, agus rinn i ùmhlachd do'n rìgh. Agus thubhairt an rìgh, Ciod a's àill leat?

17 Agus thubhairt ise ris, Mo thighearna, mhionnaich thu air an Tighearna do Dha: do d'ghan-oglaich, ag ràdh, Gu cinnteach rìghaichidh Solamh do mhac a'm' dhéigh-sa, agus suidhidh e air mo rìgh-chaitheir-sa:

18 Agus a nis feuch, tha Adoniah a' rìoghachadh, agus agad-sa, mo thighearn, a rìgh, cha 'n'eil fios air.

19 Agus dh'ìobair e buar, agus spréidh reamhar, agus caoraich gu lionmhor, agus thug e cuireadh do mhic an rìgh uile, agus do Abiatar an sagart, agus do Ioab ceannard an t-sloigh; ach do t'òglach Solamh cha d'thug e cuireadh.

20 Agus a nis mo thighearn, a rìgh, tha sùilean Israeil uile ort, a chum gu'n innseadh tu dhoibh cò a shuidheas air rìgh-chaitheir mo thighearn an rìgh na dhéigh féin.

21 Oir, mur innis, tarlaidh 'nuair a choidleas mo thighearn an rìgh maille r'a aithrichibh, gu'm measar mise agus mo mhac Solamh 'nar ciontaich

22 Agus feuch, am feadh a bha i fathast a' labhairt ris an rìgh, thàinig Natan am fàidh mar an ceudna a steach.

23 Agus dh'innis iad do'n rìgh, ag ràdh, Feuch, Natan am fàidh. Agus an uair a thàinig e steach an fianuis an rìgh, chrom se e féin do'n rìgh le 'aghaidh gu làr.

24 Agus thubhairt Natan, Mo thighearn, a rìgh, an d'thubhairt thusa, Rìghaichidh Adoniah a'm' dhéigh-sa, agus suidhidh esan air mo rìgh-chaitheir?

25 Oir chaidh e sìos an diugh, agus dh'ìobair e buar, agus spréidh reamhar, agus caoraich gu lionmhor; agus thug e cuireadh do mhic an rìgh uile, agus do cheannard-aibh an t-sloigh, agus do Abiatar an sagart; agus feuch, tha iad ag itheadh agus ag òl

<sup>1</sup> a mhuinntir.  
lathibh. Eabh.

<sup>2</sup> mìothlachd.

<sup>3</sup> o a  
<sup>4</sup> comhradh; focail. Eabh.

<sup>5</sup> a'd' dhàigh.

<sup>6</sup> coimhlionaidh.

<sup>7</sup> dh'aom

Batsbea a ceann.

na làthair, agus their iad, Gu ma fada beo an rìgh Adoniah.

26 Ach dhomhsa, *eadhon* dhomhsa do sheirbhiseach, agus do Shadoc an sagart, agus do Bheanaiah, mac Iehoiada, agus do rìoglach Solamh cha d'thug e cuireadh.

27 An ann le m' thighearn an rìgh a rinneadh an ni so, agus nach d'thug thu fios do d' sheirbhiseach cò a shuidheas air rìgh-chaitheir mo thighearn an rìgh na dhéigh féin?

28 Agus fhreagair rìgh Daibhidh, agus thubhairt e, Gairmibh a'm ionnsuidh Batseba. Agus thàinig i an làthair an rìgh, agus sheas i am fianuis an rìgh.

29 Agus mhionnaich an rìgh, agus thubhairt e, Mar is beo an Tighearna, a shaor m'anam as gach airc<sup>1</sup>.

30 Amhuil mar a mhionnaich mi dhuit air an Tighearna Dia Israeil, ag radh, Gu deimhin rìoghaichidh do mhac Solamh a'm dhéigh-sa, agus suidhidh e air mo rìgh-chaitheir a'm àite : gu cinnteach is ann mar sin a ni mi an diugh.

31 An sin chrom Batseba sìos le h-aghaidh gu làr, agus rinn i umhlachd do'n rìgh, agus thubhairt i, Maireadh mo thighearna rìgh Daibhidh gu bràth.

32 Agus thubhairt rìgh Daibhidh, Gairmibh am' ionnsuidh Sadoc an sagart, agus Natan am fàidh, agus Benaiah mac Iehoiada. Agus thàinig iad am fianuis an rìgh.

33 Agus thubhairt an rìgh riu, Thugaibh leibh seirbhisich bhur tighearna, agus thugaibh air Solamh mo mhac mareachd air mo mhuileid féin, agus thugaibh sìos e gu Gihon.

34 Agus ungadh Sadoc an sagart, agus Natan am fàidh, an sin e na rìgh air Israel: agus séidibhse an trompaid<sup>2</sup>, agus abraibh, Gu ma fada beo rìgh Solamh.

35 An sin thig sibh a nìos na dhéigh, agus thig esan, agus suidhidh e air mo rìgh-chaitheir-sa, agus rìoghaichidh e a'm àite: agus dh'àithn mise e bhi na cheannard air Israel agus air Iudah.

36 Agus fhreagair Benaiah, mac Iehoiada, an rìgh, agus thubhairt e, Amen<sup>3</sup>: gu'n abradh an Tighearna Dia mo thighearn an rìgh mar sin *cuideachd*.

37 Mar a bha'n Tighearna maille ri m' thighearn an rìgh, gu ma h-amhluidh bhios e le Solamh, agus gu'n ardaicheadh<sup>4</sup> e a rìgh-chaitheir thar rìgh-chaitheir mo thighearna rìgh Daibhidh.

38 Agus chaidh Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich sìos, agus thug iad air Solamh mareachd air muileid rìgh Daibhidh; agus thug iad e gu Gihon.

39 Agus thug Sadoc an sagart corn<sup>5</sup> oladli as a' phàillirun, agus dh'ung e Solamh, agus sheid iad an trompaid, agus thubhairt an sluagh uile, Gu ma fada beò rìgh Solamh.

40 Agus thàinig an sluagh uile a nìos na dhéigh, agus bha'n sluagh a' piobaireachd le piobaibh, agus a' deanamh gairdeachais le mor ghairdeachas, air chor as gu'n do reubadh an talamh le'm fuaim.

41 Agus chual' Adoniah, agus na h-aoidhean<sup>6</sup> uile, a bha maille ris, e, 'nuair a sguir iad a dh'itheadh: agus an uair a chual' Iobab fuaim na trompaid, thubhairt e, C'ar son a tha fuaim so a bhaile, agus e làn coimh-ghàir<sup>7</sup>?

42 Agus am feadh a bha esan fathast a' labhairt, feuch thàinig Ionatan mac Abiatair an t-sagairt, agus thubhairt Adoniah ris, Thig a steach, oir is duine trean<sup>8</sup> thu, agus bheir thu sgeul maith leat.

43 Agus fhreagair Ionatan, agus thubhairt e ri Adoniah, Gu deimhin rinn ar tighearna rìgh Daibhidh Solamh na rìgh.

44 Agus chuir an rìgh leis Sadoc an sagart, agus Natan am fàidh, agus Benaiah mac Iehoiada, agus na Ceretich, agus na Peletich: agus thug iad air mareachd air muileid an rìgh.

45 Agus dh'ung Sadoc an sagart, agus Natan am fàidh e na rìgh ann an Gihon: agus thàinig iad a nìos as sin a deanamh gairdeachais, air chor as gu bheil am baile ri coimh-ghàir<sup>9</sup>: is i so an fhuaim a chuala sibh.

46 Agus mar an ceudna tha Solamh na shuidhe air caitheir na rìoghachd.

47 Agus os barr, thàinig seirbhisich an rìgh a bheannachadh air tighearna rìgh Daibhidh, ag radh, Gu'n deanadh Dia ainm Sholaimh nì's fearr na t'ainnise, agus gu'n ardaicheadh e a rìgh-chaitheir os cionn do rìgh-chaitheir-sa: agus chrom an rìgh e féin air an leabaidh.

48 Agus cuirleachd mar so thubhairt an rìgh, Gu ma beannaicht' an Tighearna Dia Israeil, a thug an diugh *daine* a shuidhe air mo rìgh-chaitheir, agus mo shùilean féin 'ga fhaicinn.

49 Agus ghlac namhas<sup>10</sup> na h-aoidhean uile, a bha maille ri Adoniah, agus dh'éirich iad, agus dh'imich iad gach fear air a shlighe féin.

50 Agus bha eagal air Adoniah roimh Sholamh, agus dh'éirich e, agus chaidh e, agus ghabh e greim do adharcaibh na h-altarach.

51 Agus dh'innscadh do Sholamh, ag radh, Feuch, tha eagal air Adoniah roimh rìgh Solamh, agus feuch, ghabh e greim a dh'adharcaibh, na h-altarach, ag radh, Thugadh rìgh Solamh a mhionnan domhsa.

<sup>1</sup> Leantaidh. <sup>2</sup> adharc, stoc. <sup>3</sup> Bitheadh e mar sin. <sup>4</sup> gu'n meudaicheadh. <sup>5</sup> adharc. <sup>6</sup> an luchd-cuiridh. <sup>7</sup> conghair. <sup>8</sup> guisgeil,

foghainteach. <sup>9</sup> air a' t-uaidh le fuaim. <sup>10</sup> uamhann.



an diugh, nach marbh e a sheirbhiseach leis a' chlàidheamh.

52 Agus thubhairt Solamh, Ma bhios e na dhùine maith<sup>1</sup>, cha tuit *ròineag* d'a fholt gu làr : ach ma gheibhear olc ann, cuirear gu bàs e.

53 Agus chuir rìgh Solamh *fios air*, agus thug iad air teachd a nuas o'n altair, agus thàinig e, agus chrom se e fèin do rìgh Solamh. Agus thubhairt Solamh ris, Imich do d' thigh.

C A I B. II.

**A**NIS thàinig laithean Dhaibhidh am fagus anns am faigheadh e bàs, agus dh'àithn e do Sholamh a mhac, ag ràdh,

2 Tha mise a' dol air slighe na talmhainn uile : bi thusa uime sin làidir, agus dean gu fearail :

3 Agus coimhid cùram an Tighearna do Dhé, a dh'imeachd na shligheibh, a ghleidheadh a reachdan, agus àitheantan, agus a bhreitheanaidh, agus a theisteis mar a tha e scriobhta ann an lagh Mhaois, a chum gu'n soirbhich leat<sup>2</sup> anns gach *ni* a ni thu, agus anns gach *àite* d'an tionndaidh thu thu fèin.

4 Chum gu'n daingnich an Tighearn fhocal fèin, a labhair e a m' thaobh-sa, ag ràdh, Ma choimhideas do chlann an slighe, gu imeachd a'm' fhianuis-sa ann an fìrinn, le'n uile chridhe, agus le'n uile anam, cha bhi (ars esan) duine dh'easbhuidh ort<sup>3</sup> air rìgh-chaitheir Israeil.

5 Os barr, tha fhios agad ciod a rinn Ioab mac Sheruiah ormsa, agus ciod a rinn e air dà cheannard slòigh Israeil, air Abner mac Ner, agus air Amasa mac-Ieteir; oir mharbh e iad, agus dhòirt e fuil a' chogaidh anns an t-sith, agus chuir e fuil a' chogaidh air a chrìos, a *bha* m'a leasraidh, agus air a bhrògaibh a *bh'* air a chosaibh.

6 Dean thusa ma ta a réir do ghliocaibh, agus na leig le 'cheann liath dol sìos do'n uaigh ann an sith.

7 Ach nochd caoimhneas dò mhacaibh Bharsillai a' Ghileadaich, agus bitheadh iad am measg an dream a dh'itheas aig do bhord; oir is ann mar so a thàinig iad a m' ionnsuidh-sa 'nuair a theich mi roimh Absalom do bhràthair.

8 Agus feuch, maille riut *tha* Simeì, mac Ghera, Beniamineach o Bhahurim, a mhallach mise le mallachadh geur, anns an là san deachaidh mi do Mhahanaim: acli thàinig e a nuas a'm' choinneamh gu Iordan, agus mhionnaich mi dha air an Tighearna, ag ràdh, Cha chuir mi gu bàs leis a' chlàidheamh thu.

9 A nis ma ta na meas neo-chiontach e<sup>4</sup>: oir is duine glic thu, agus tha fhios agad ciod is còir dhuit a dheanamh ris; ach

thoir a cheann liath sìos do'n uaigh le fuil.

10 An sin choidil Daibhidh maille r'a aithrieibh, agus dh'adhlacaidh e ann am baile Dhaibhidh.

11 Agus b'iad na laithean a rìoghaich Daibhidh os cionn Israeil dà fhichead bliadhna: ann an Hebron rìoghaich e seachd bliadhna, agus ann an Ierusalem rìoghaich e trì bliadhna deug thar fhichead.

12 An sin shuidh Solamh air rìgh-chaitheir Dhaibhidh 'athar, agus dhaingnicheadh a rìoghachd gu mòr.

13 Agus thàinig Adoniah mac Hagit gu Batseba, màthair Sholaimh, agus thubhairt i, An ann sìth a tha thu teachd? agus thubhairt esan, Ann an sìth.

14 Thubhairt e os barr, Tha ni agam ri ràdh riut. Agus thubhairt ise, Abair romhad.

15 Agus thubhairt esan, Tha fhios agad gu'm bi leamsa an rìoghachd, agus *gu'n* do chuir Israeil uile an aghaidh orin, chum gu'n rìoghaichinn: gidheadh, thionndadh an rìoghachd mu'n cuairt, agus fhuair mo bhràthair i; oir bu leis-san o'n Tighearna i.

16 Agus a nis, aon athchuinge *tha* mi 'g iarraidh ort, na diùlt mi<sup>5</sup>. Agus thubhairt ise ris, Abair romhad.

17 Agus thubhairt esan, Labhair, guidheam ort, ri Solamh an rìgh (oir cha diùlt e thusa) gu'n d'thugadh e dhomh Abisag a' Bhan-sunamach na mnaoi.

18 Agus thubhairt Batseba, Ro-mhaith, labhradh mise air do shon ris an rìgh.

19 Chaidh Batseba uime sin a dh'ionnsuidh rìgh Solamh, a labhairt ris air son Adoniah. Agus dh'éirich an rìgh suas na coinneamh, agus chrom se e fèin d'i, agus shuidh e air a rìgh-chaitheir, agus thug e fànear caithir<sup>6</sup> a chuir sìos do mhàthair an rìgh; agus shuidh i air a làimh dheis.

20 An sin thubhairt i, *Tha* mi 'g iarraidh aon athchuinge bige ort, na diùlt mi, *guidheam* ort. Agus thubhairt an rìgh rithe, Iarr, a mhàthair, oir cha diùlt mi thu.

21 Agus thubhairt ise, Thugar Abisag a' Bhan-sunamach do Adoniah, do bhràthair, na mnaoi.

22 Agus fhreagair rìgh Solamh, agus thubhairt e r'a mhàthair, Agus c'ar son a dh'iarraas tu Abisag a' Bhan-sunamach do Adoniah? iarr dha an rìoghachd mar an cèidna, (oir is e mo bhràthair a's sine e) eadhon dha-san, agus do Abiatar an sagart, agus do Ioab mac Sheruiah.

23 An sin mhionnaich rìgh Solamh air an Tighearna, ag ràdh, Gu'n deanadh Dia

<sup>1</sup> subhailceach, deagh-bheusach. <sup>2</sup> gu'n dean thu gu glic. <sup>3</sup> cha ghearrar as uait duine. Eabh. <sup>4</sup> na leig as gu'n dioghaltas e.

<sup>5</sup> na tabhair orm m'oghaidh thionndadh uait. Eabh. <sup>6</sup> rìgh-chaitheir.

mar sin riumsa agus tuilleadh mar an ceudna, mur ann an aghaidh 'anma' <sup>1</sup> féin a labhair Adoniah am focal so.

24 A nis uime sin, *mar* is beo an Tigh-earna, a dhaingnich mise, agus a chuir a'm' shuidhe mi air righ-chaithir Dhaibhidh m'athar, agus a rinn tigh dhomh, mar e labhair e<sup>2</sup>, cuirear Adoniah gu bàs an diugh.

25 Agus chuir righ Solamh le làimh Bhenaiah, mhic Iehoiada, agus bhuail <sup>3</sup> e air, air chor as gu'n d'fhuair e bàs.

26 Agus ri Abiatar an sagart thubhairt an righ, Imich gu Anatot, a dh'ionnsuidh t'fhearainn féin, oir *tha* thu tòilltinn a' bhàis <sup>4</sup>: ach an diugh cha mharbh mi thu, a chionn gu'n do ghiùlain thu airc an Tighearna Iehobhah am fianuis Dhaibhidh m'athar, agus a chionn gu'n d'fhuiling thu àmhghar anns gach *ni* san d'fhuiling m'athair àmhghar.

27 Mar so thilg Solamh a mach Abiatar o bhi na shagart do'n Tighearna, a choimhleadh focail an Tighearna, a labhair e do thaobh tìge Eli ann an Siloh.

28 An sin thàinig tuairesgeul gu Ioab, (oir thionndaidh Ioab an dèigh Adoniah, ge <sup>5</sup> nach do thionndaidh e 'n dèigh Absalom) agus theich Ioab gu pàillion an Tighearna, agus ehabh e greim a dh'adharcaibh na h-altarach.

29 Agus dh'innseadh do righ Solamh gu'n do theich Ioab gu pàillion an Tighearna, agus gu'n robh e làimh ris an altair <sup>6</sup>, An sin chuir Solamh uaith Benaiah mac Iehoiada, ag ràdh, Falbh, buail air.

30 Agus thàinig Benaiah gu pàillion an Tighearna, agus thubhairt e ris, Mar so tha'n righ ag ràdh, Thig a mach. Agus thubhairt esan, Cha d'thèid, ach gheibh mi bàs an so. Agus thug Benaiah sgeul air ais a dh'ionnsuidh an righ, ag ràdh, mar so labhair Ioab, agus mar so fhreagair e mi.

31 Agus thubhairt an righ ris, Dean mar a labhair e, agus buail air, agus adhlac e, a chum as gu'n d'fhoir thu air falbh an fhuil neo-chiontach, a dhòirt Ioab, uamsa agus o thigh m'athar.

32 Agus pillidh <sup>7</sup> an Tighearna 'fhuil air a cheann féin, do bhrìgh gu'n do bhuail e air dithis dhaoine a b'ionraice agus a b'fhear na e féin, agus gu'n do mharbh e leis a' chlaidheamh iad, gun fhios do m'athair Daibhidh, *eadhon* Abner mac Ner, ceannard slòigh Israeil, agus Amasa mac Ieter, ceannard slòigh Iudah.

33 Pillidh, uime sin, am fuilsan air ceann Ioab, agus air ceann a shliochd gu bràth: ach aig Daibhidh, agus aig a shliochd, agus aig a thigh, agus aig a righ-chaithir, bithidh sìth gu bràth o'n Tighearna.

34 Agus chaidh Benaiah mac Iehoiada suas, agus bhuail e air, agus mharbh se e: agus dh'adhlac e na thigh féin anns an fhàsach.

35 Agus chuir an righ Benaiah mac Iehoiada na àit os cionn an t-slòigh: agus Sadoc an sagart chuir an righ an àit Abiatar.

36 Agus chuir an righ *fios*, agus ghairm e air Simeì, agus thubhairt e ris, Tog dhuit féin tigh ann an Ierusalem, agus gabh còmhnuidh an sin, agus na falbh a mach as sin taobh sam bith <sup>8</sup>.

37 Oir tachairidh air an là anns an d'thèid thu mach, agus an gabh thu thar sruth Chidroin, gu'm bi fios gu cinnteach agad gu'm faigh thu gu deimhin bàs: bithidh t'fhuil air do cheann féin.

38 Agus thubhairt Simeì ris an righ, *Is* maith an ràdh <sup>9</sup>: mar a labhair mo thigh-eann an righ, is amhluidh a ni do sheirbhis-each. Agus ghabh Simeì còmhnuidh ann an Ierusalem mòran do laithibh.

39 Agus thachair an ceann thri bliadhna, gu'n do theich dà sheirbhis-each le Simeì dh'ionnsuidh Achis, mhic Mhaachah, righ Ghat: agus dh'innis iad do Shimeì, ag ràdh, Feuch, *tha* do sheirbhisich ann an Gat.

40 Agus dh'èirich Simeì, agus chuir e diollaid air 'asail <sup>10</sup>, agus chaidh e do Ghat a dh'ionnsuidh Achis, a dh'iarraidh a sheirbhis-eacha: agus dh'fhalbh Simeì, agus thug e leis a sheirbhisich o Ghat.

41 Agus dh'innseadh do Sholamh gu'n deaclaidh Simeì o Ierusalem gu Gat, agus gu'n d'thàinig e air ais.

42 Agus chuir an righ *fios*, agus ghairm e air Simeì, agus thubhairt e ris, Nach d'thug mise orts mionnachadh air an Tigh-earna, agus nach d'thug mi fianuis a'd' aghaidh, ag ràdh, Air an là anns an d'thèid thu mach, agus am falbh thu taobh sam bith, biodh fios gu cinnteach agad gu'm faigh thu gu deimhin bàs? agus thubhairt thu rium, *Is* maith am focal a chuala mi.

43 C'ar son ma ta nach do ghlèidh thu mionnan an Tighearna, agus an àithne a dh'àithn mise dhuit?

44 Thubhairt an righ cuideachd ri Simeì, *Is* aithne dhuit féin gach uile olc, air am fiosrach do chridhe, a rinn thu air Daibhidh m'athair-sa: uime sin phill <sup>11</sup> an Tighearna t-olc air do cheann féin.

45 Ach *bithidh* righ Solamh beannaichte, agus bithidh righ-chaithir Dhaibhidh daingean am fianuis an Tighearna gu bràth.

46 An sin dh'àithn an righ do Bhenaiah mac Iehoiada; agus chaidh e mach agus

<sup>1</sup> a bheatha. <sup>2</sup> gheall e. <sup>3</sup> leum. <sup>4</sup> is duine buailteach do'n bhàs thu. <sup>5</sup> giodh. Eir. <sup>6</sup> agus feuch, e làimh ris an altair. Eabh.

<sup>7</sup> diollaidh. <sup>8</sup> a nunn no 'a nall. Eabh. <sup>9</sup> am focal. <sup>10</sup> a asail. <sup>11</sup> pillidh.



bhuail e air, agus fhuaireadh ann. Agus dhaingnicheadh an rìoghachd ann an làimh Sholaimh.

CAIB. III.

**A** GUS rinn Solamh cleamhnas ri Pharaoh rìgh na h-Eiphit, agus ghabh e nighean Pharaoh, agus thug e i do bhaile Dhaibhidh, agus an do chuir e crìoch air a thigh fèin a thogail, agus tigh an Tighearna, agus balladh Ierusalem n'an cuairt.

2 Ach <sup>1</sup> dh'ìobair an sluagh air àitibh arda <sup>2</sup>; do bhrìgh nach do thogadh tìghe do ainm an Tighearna gus na làithibh sin.

3 Agus ghràdhaich Solamh an Tighearna, ag imeachd ann an orduighibh Dhaibhidh 'athar: ach <sup>3</sup> ann an àitibh arda dh'ìobair e agus loisge e tùis.

4 Agus chaidh an rìgh do Ghibeon a dh'ìobradh an sin, oir b'e sin am mòr àit ard: mìle iobairt-loisgte thug Solamh suas air an altair sin.

5 Ann an Gibeon thaisbein an Tighearna e fèin do Sholamh <sup>4</sup> ann an aisling na h-oidheche, agus thubhairt Dia, Iarr cìod is àill leat mi thabhairt duit.

6 Agus thubhairt Solamh, Nochd <sup>5</sup> thu do t'òglach Daibhidh m'athair caoimheas mòr, a réir mar a dh'imich e a't' fhianuis ann am frinn, agus ann an ionracas, agus ann an treibhdhìreas cridhe maille riut; agus ghléidh thu dha an caoimheas mòr so, gu'n d'thug thu dha mac a shuidhe air a rìgh-chaitheir, mar a tha e 'n diugh.

7 Agus a nis a Thighearna mo Dhia, rinn thu t'òglach na rìgh an àite Dhaibhidh m'athar; agus mise a'm leanabh <sup>6</sup> beag, do nach aithne dol a mach, no teachd a steach.

8 Agus tha t'òglach am meadhon do shluagh, a thagh thu, sluagh lionmhor, nach 'eil e'n comas àireamh, no mheas aig an lionuhoireachd.

9 Thoir uime sin do t'òglach cridhe tuigseach a thoirt breth air do shluagh, gu dealachadh chur <sup>7</sup> eadar am maith agus an t-olc; oir cò a's urrainn breth a thabhairt air do shluagh so a tha co mòr?

10 Agus bha e na nì taitneach leis an Tighearna, gu'n d'iarr Solamh an nì so.

11 Agus thubhairt Dia ris, A chionn gu'n d'iarr thu an nì so, agus nach d'iarr thu dhuit fèin saoghal fada <sup>8</sup>, agus nach d'iarr thu dhuit fèin saibhreas, agus nach d'iarr thu anam do naimhdean, ach gu'n d'iarr thu dhuit fèin tuigse a dheanamh breitheanais.

12 Feuch, rinn mise a réir do bhriathra: feuch, thug mi dhuit cridhe glic agus tuigseach, air chor as nach robh neach air bith

romhad cosmhuil riut, agus nach mò a dh'éireas a'd' dhéigh neach air bith cosmhuil riut.

13 Agus mar an ceudna thug mi dhuit an nì nach d'iarr thu, araon <sup>9</sup> saibhreas agus cliù, air chor as nach bi duine cosmhuil riut am measg nan rìgh rè do làithean uile.

14 Agus ma dh'imicheas tu ann mo shlighibh-sa, a ghleidheadh mo reachdan, agus m'aitheanta, mar a dh'imich Daibhidh 'athair, an sin nì mi do làithean fada.

15 Agus mhosgail Solamh, agus feuch, b'aisling a bh'ann: agus thàinig e gu h-Ierusalem, agus sheas e am fianuis àire coimhcheangail an Tighearna, agus thug e suas iobairtean-loisgte, agus dh'ìobair e iobairtean-sith, agus rinn e cuirm d'a sheirbhisich uile.

16 An sin thàinig dithis bhan, a bha nan striopachaibh, a dh'ionnsuidh an rìgh, agus sheas iad na làthair.

17 Agus thubhairt bean diubh, O mo thighearna, tha mise agus a' bhean so a gabhail còmhnuidh ann an aon tigh, agus dh'aiseadadh mise <sup>10</sup> maille rithe san tigh.

18 Agus air an treas la 'n déigh dhomh-sa bhì air m'aisead, dh'aiseadadh a' bhean so mar an ceudna, agus bha sinn cuideachd; cha robh coigreach sam bith maille ruinn san tigh, ach sinn fèin 'nar dithis anns an tigh.

19 Agus dh'eug mac na mnà so san oidheche, a chionn gu'n do luidh i air.

20 Agus dh'éirich i mu mheadhon-oidheche, agus thug i mo mhac-sa o'm' thaobh, am feadh a bha do bhan-oglach na codal, agus chuir i na luidhe e na h-uchd fèin, agus chuir i a mac marbh fèin na luidhe ann am uchd-sa.

21 Agus dh'éirich mi annsa' mhaduinn a thoirt cìche do m' mhac, agus feuch, bha e marbh. Ach an uair a thug mi an aire dha sa' mhaduinn, feuch, cha b'e mo mhac-sa bh'ann, a rug mi.

22 Agus thubhairt a' bhean eile, Nì h-eadh; ach is e mo mhac-sa tha beo, agus is e do mhac-sa tha marbh: agus thubhairt ise <sup>11</sup>, Nì h-eadh; ach is e do mhac-sa tha marbh, agus is e mo mhac-sa tha beo. Mar so labhair iad <sup>12</sup> am fianuis an rìgh.

23 An sin thubhairt an rìgh, Tha i so ag ràdh, Is e so mo mhac-sa tha beo, agus is e do mhac-sa tha marbh: agus tha i sud ag ràdh, Nì h-eadh; ach is e do mhac-sa tha marbh, agus is e mo mhac-sa tha beo.

24 Agus thubhairt an rìgh, Thugaibh dhomh claidheamh. Agus thug iad claidheamh am fianuis an rìgh.

<sup>1</sup> A mhàin. <sup>2</sup> air ardaibh, tulaichibh. <sup>3</sup> a mhàin. <sup>4</sup> chunnaic an Tighearna le Solamh. Eabh. <sup>5</sup> Rinn. Eabh. <sup>6</sup> òganach. <sup>7</sup> a chor as gu'n

taig, gu mothaich e. <sup>8</sup> mòran làithean. Eabh. <sup>9</sup> an dà chuid. <sup>10</sup> dh'aiseadadh, rag mi leanabh. <sup>11</sup> i so. Eabh. <sup>12</sup> rinn iad connasachadh.

25 Agus thubhairt an rìgh, Roinnibh am mac beo na dhà leth<sup>1</sup>, agus thugaibh leth dh'aon mhnaoi, agus leth do'n mhnaoi eile.

26 An sin labhair a' bhean, le'm bu leis am mac beo, ris an rìgh (oir theòdh a cridhe<sup>2</sup> r'a mac) agus thubhairt i, O mo thighearna, thugaibh dh'ise an leanabh beo, agus na marbhaibh idir e: ach thubhairt a' bhean eile, Na biodh e agam-sa no agad-sa, ach roinnibh e.

27 An sin fhreagair an rìgh, agus thubhairt e, Thugaibh dh'ise an leanabh beo, agus na marbhaibh idir e: is ise a mhàthair.

28 Agus chual' Israel uile a' bhreth a thug an rìgh, agus bha eagal orra roimh an rìgh; oir chunnaic iad gu'n robh gliocas Dhé ann<sup>3</sup>, a dheanamh breitheanais.

#### CAIB. IV.

**A**GUS bha rìgh Solamh na rìgh air Israel uile.

2 Agus is iad so na h-uachdarain<sup>4</sup> a bh'aige: Asariah mac Shadoic an t-sagairt:

3 Elihoreph agus Ahiah mic Shisa, scriobhuichean: Iehosaphat mac Ahiluid, an seanachaidh<sup>5</sup>:

4 Agus Benaiah mac Iehoiada air ceann an t-slòigh: agus Sadoc agus Abiatar, na sagairt:

5 Agus Asariah mac Natain os cionn an luchd-dreuchd<sup>6</sup>: agus Sabud mac Natain, an t-ard fhear-dreuchd, na charaid<sup>7</sup> aig an rìgh:

6 Agus Ahisar os cionn an teaghlach, agus Adoniram mac Abda os cionn na cise.

7 Agus bha aig Solamh dà fhear dheug dreuchd os cionn Israeil uile, a bheathaich an rìgh agus a theaghlach: rè a mhìos féin sa' bhliadhna bha e mar fhiachaibh air gach fear dhiubh a bheathachaidh.

8 Agus is iad so an ainneanna: mac Huir ann an sliabh Ephraim:

9 Mac Dhecair ann am Macas, agus ann an Saalbim, agus ann am Betsemeis, agus ann an Elon, agus ann am Bet-hanan:

10 Mac Heseid ann an Arubot; aige-san bha Sochoh, agus uile thir Hepheir:

11 Mac Abinadaib, aig an robh uile thir Dhoir: bha Taphat nighean Sholaimh aige na mnaoi:

12 Baanah mac Ahiluid: aige-san bha Taanach agus Megido, agus Betsean uile, a tha laimh ri Sartaanah sìos o Iesreel, o Bhet-sean gu Abelmeholah, gu ruig an taobh thall do Iocneam:

13 Mac Ghebeir ann an Ramot-gilead: dhasan bhuineadh bailtean Iair mhic Mhanaseh, a tha ann an Gilead: dhasan mar

an ceudna bhuineadh tir Argoib, a tha ann am Basan, tri fichead baile mòrle ballachaibh agus le crannaibh umha:

14 Ahinadab, mac Ido, ann am Mahanaim:

15 Ahimaas ann an Naphtali: ghabh esan mar an ceudna Basmat nighean Sholaimh na mnaoi:

16 Baanah, mac Husai, ann an Aser, agus ann am Balot:

17 Iehosaphat, mac Pharuah, ann an Isachar:

18 Simeì, mac Elah, ann am Benjamin:

19 Geher mac Uri ann an tir Ghilead, ann an tir Shihoin rìgh nan Amorach, agus Og rìgh Bhasain; agus b'esan an t-aon fhear-dreuchd a bha sa'n tìr.

20 Bha Iudah agus Israel lionmhor, mar an gainneamh a tha ri taobh na fairge air lìonmhoireachd, ag itheadh, agus ag òl, agus a' deanamh subhachais.

21 Agus rìoghaich Solamh os cionn nan rìoghachdan uile, o'n abhuinn gu tìr nam Philisteach, agus gu ruig crìoch na h-Eiphit: thug iad leo tiodhlacan, agus rinn iad seirbhis do Sholamh rè uile làithean a bheatha.

22 Agus b'e lòn<sup>8</sup> Sholaimh air son aon là, deich tomhais<sup>9</sup> fhichead do mhin mhìn<sup>10</sup> chruithneachd, agus tri fichead tòmhas mine eile,

23 Deich daimh bhiadhtha, agus fichead damh bhàrr an fheoir, agus ceud caora, a thuilleadh air féidh, agus ruadh-bhuic, agus dathais, agus eoin bhiadhtha.

24 Oir bha uachdranachd aige os cionn na tìre uile air an taobh so do'n abhuinn, o Thiphсах eadhon gu Asah, os cionn nan rìgh uile air an taobh so do'n abhuinn: agus bha sìth aige o gach taobh mu'n cuairt da.

25 Agus ghabh Iudah agus Israel còmh-nuidh gu tèaruinte, gach fear fa chrann-fiona, agus fa chrann-fige féin, o Dhan eadhon gu Beer-seba, rè uile làithean Sholaimh.

26 Agus bha aig Solamh ceithir mìle<sup>11</sup> prasaich each air son a charbad, agus dà mbile dheug marcach.

27 Agus bheathaich an luchd-dreuchd sin rìgh Solamh, agus gach neach a thàinig gu bord rìgh Solamh, gach duine na mhìos féin: cha d'fhuiling iad ni air bith a bhi dh'easbhuidh.

28 Eorna mar an ceudna agus conlach do na h-eachaibh, agus do na dromedairibh, thug iad a dh'ionnsuidh an àit anns an robh an luchd-dreuchd, gach fear a réir 'orduigh féin.

29 Agus thug Dia gliocas do Sholamh, agus tuigse ro-mhor, agus farsaingeachd

<sup>1</sup> earrann. <sup>2</sup> a h-innidh, a truas. <sup>3</sup> na chridhe. <sup>4</sup> ceannardan, prionnsaidh. <sup>5</sup> cuimhnicheair. <sup>6</sup> os ceann nan daoine a fhrithicil do'n rìgh.

<sup>7</sup> na fhear-rùn. <sup>8</sup> aran. Eabh. <sup>9</sup> cor. Fabh. measures. Sagg. <sup>10</sup> phlur. <sup>11</sup> dà fhichead mìle. Faic. II. Eachdr. Caib. IX. r. 23.



crìdhe, mar an gaineamh a tha air tràigh na mara.

30 Agus bu mhlò gliocas Sholaimh na gliocas uile chloinne na h-àird an ear, agus na uile ghliocas na h-Eiphit.

31 Agus bha e glic thar gach duine, thar Etan an t-Esrahach<sup>1</sup>, thar Heman, agus Chalcol, agus Darda, mic Mhahoil<sup>2</sup>: agus bha a chliù<sup>3</sup> anns gach dùthaich mu'n cuairt.

32 Agus labhair e trì mìle gnàth-fhocail: agus b'e àireamh a dhàn mìle agus cuig.

33 Agus labhair e air craobhan, o'n chrann-seudair a tha ann an Lebanon, eadhon gu ruig an hisop, a dh'fhàsas a mach as a' bhalladh: labhair e mar an ceudna air ainmhidhibh, agus air eunlaith, agus air nithibh a shnàigeas, agus air iasgaibh.

34 Agus thàinig cuid do na h-uile chinneachaibh a dh'èisdeachd ri gliocas Sholaimh, o uile rìghibh na talmhainn, a chual' iomradh a ghliocais.

#### CAIB. V.

**A**GUS chuir Hiram rìgh Thuiris<sup>4</sup> a sheirbhisich a dh'ionnsuidh Sholaimh, an uair a chual' e gu'n d'ungadh e na rìgh an àit 'athar; oir bha spéis aig Hiram do Dhaibhidh rè 'uile làithean.

2 Agus chuir Solamh *fios* gu Hiram, ag ràdh,

3 Tha fhios agad cionnus nach b'urrainn m'athair Daibhidh tigh a thogail do ainm an Tighearn a Dhé, air son a' chogaidh leis an do chuairtich a naimhdean e, gus an do chuir an Tighearn iad fuidh bhonaibh a chos.

4 Ach a nis thug an Tighearna mo Dhia fois domhsa air gach taobh: cha 'n'eil nàmhaid air bith ann, no droch thuit eamas.

5 Agus feuch, tha mi a cur romham tigh a thogail do ainm an Tighearna mo Dhé, mar a labhair an Tighearn ri m'athair Daibhidh, ag ràdh, Do mhaic a chuireas mise a'd' àit air do rìgh-chaitir, togaidh ean tigh do m'ainm-sa.

6 A nis uime sin àithn thusa gu'n gearr iad dhomhsa craobhan seudair<sup>5</sup> a Lebanon, agus bithidh mo sheirbhisich-sa maille ri d' sheirbhisich-sa: agus tuarasdail do sheirbhisicheach bheir mise dhuit, a réir gach ni a dh'ainmicheas<sup>6</sup> tu: oir tha fhios agad nach 'eil 'nar measgne duine d'an aithne fiodh a ghearradh, mar na Sidonaich.

7 Agus an uair a chuala Hiram briathra Sholaimh, bha aoibhneas mòr air, agus thubhairt e, Gu ma beannaicht' an Tighearn an diugh, a thug do Dhaibhidh

mac glic os cionn an t-sluaigh lìonmhoir so.

8 Agus chuir Hiram *fios* gu Solamh, ag ràdh, Chuala mi<sup>7</sup> na nìthe mu'n do chuir thu *fios* do m'ionnsuidh: ni mi d'uile thoil a thaobh nan craobh seudair, agus a thaobh nan craobh giuthais.

9 Bheir mo sheirbhisich sios *iad* o Lebanon a dh'ionnsuidh na mara: agus cuiridh mi air falbh iad nan ràthaibh<sup>8</sup> air muir, gu ruig an t-àit a shònruicheas tu dhomh, agus cuiridh mi air tìr<sup>9</sup> iad an sin, agus bheir thusa leat *iad*; agus ni thu mo riarann am biadh a thabhairt do m' theaghlach.

10 Mar sin thug Hiram do Sholamh fiodh seudair, agus fiodh giuthais, a réir 'uile thoil.

11 Agus thug Solamh do Hiram fichead mìle tomhas<sup>10</sup> cruithneachd mar lòn d'a theaghlach, agus fichead tomhas do oladh fhìor-ghlòin: mar so thug Solamh do Hiram o bhliadhna gu bliadhna.

12 Agus thug an Tighearna gliocas do Sholamh, mar a gheall e dha<sup>11</sup>: agus bha sìth eadar Hiram agus Solamh, agus rinn iad coimhcheangal ri chéile.

13 Agus rinn rìgh Solamh togail *dhaoine* a h-Israel uile; agus b'i an togail deich mìle fichead fear.

14 Agus chuir e iad do Lebanon, deich mìle sa' mhìos mu'n seach: mìos bha iad ann an Lebanon, agus dà mhìos nan tighibh féin<sup>12</sup>: agus bha Adoniram air ceann na togail.

15 Agus bha aig Solamh deich agus trì fichead mìle fear-iomchar callaich agus ceithir fichead mìle fear-gearraidh anns a' bheinn:

16 A thuilleadh air ard luchd-dreuchd Sholaimh, a bha os cionn na h-oibre, trì mìle agus trì cheud<sup>13</sup>, aig an robh uachdranachd air an t-sluaigh a bha deanamh na h-oibre.

17 Agus dh'àithn an rìgh, agus thug iad leo clacha mòra, clacha luachmhor, a shuidheachadh bunait an tighe, clacha snaidhte.

18 Agus shnaidh clachairean Sholaimh, agus clachairean Hiram, agus na gearr-adairean-chlach<sup>14</sup> *iad*: mar sin rè *thri bliadhna* dheasaich iad fiodh agus clachan a thogail an tighe.

#### CAIB. VI.

**A**GUS anns a' cheathramh ceud agus an ceathramh fichead bliadhna o theachd chloinn Israeil a mach a tìr na h-Eiphit, anns a' cheathramh bliadhna do rìoghachadh Sholaimh os cionn Israeil, anns a' mhìos Siph (*is* e sin an dara

<sup>1</sup> mac Shorah. Faic. I. Eachdr. Caib. II. r. 6.

<sup>2</sup> luchd dàin. <sup>3</sup> ainm. Eabh. <sup>4</sup> Thìor.

<sup>5</sup> ceudair. <sup>6</sup> their. Eabh. <sup>7</sup> Smuainich

mì air. <sup>8</sup> nan snàmhachain.

<sup>9</sup> cuiridh mi o chéile. Eabh. <sup>10</sup> cor. Eabh.

<sup>11</sup> mar a labhair e ris. Eabh. <sup>12</sup> gach fear

na thigh féin. Eabh. <sup>13</sup> se ceud. II. Eachdr.

Caib. II. r. 18. <sup>14</sup> gibelim. Eabh.

míos) thòisich e air tigh a thogail do'n Tighearna.

2 Agus an tigh a thog rìgh Solamh do'n Tighearna, *b'iad* tri fhichead làmh-choille 'fhad, agus fhichead làmh-choille a leud, agus deich thar fhichead làmh-choille 'airde.

3 Agus an sgàth-thigh<sup>1</sup> air beulaobh teampull an tìghe, *b'iad* fhichead làmh-choille 'fhad, a rèir<sup>2</sup> leoid an tìghe; agus deich làmhan-coille a leud, air beulaobh an tìghe.

4 Agus rinn e do'n tigh uinneagan soluis air an tarruing cumhaing.

5 Agus thog e ri<sup>3</sup> balladh an tìghe seòmraiche mu'n cuairt, ri ballachaibh an tìghe mu'n cuairt, *araon* an teampull agus a ghuth-àit<sup>4</sup> agus rinn e frith-sheòmraiche mu'n cuairt.

6 *Bha'n* seomar ìochdrach cùig làmhan-coille-air leud, agus an seòmair meadhonach se làmhan-coille air leud, agus an treas seòmair seachd làmhan-coille air leud; oir thug e steach balladh an tìghe<sup>5</sup> mu'n cuairt o'n taobh a muigh, air chor as nach rachadh na sailthean angreim ann am balladh an tìghe.

7 Agus an uair a bha'n tigh 'ga thogail, thogadh e do chlachairibh air an cumadh mun d'thugadh d'a ionnsuidh iad<sup>6</sup>: agus cha chualas ord no tuagh, no inneal iarunn sam bith, anns an tigh, an uair a bha e 'ga thogail.

8 *Bha* dorus an t-seòmair mheadhonaich air taobh deas an tìghe: agus air staidh-richibh snìomhain chaidh iad suas do'n t-seòmair meadhonach, agus as an t-seòmair mheadhonaich do'n treas seòmair.

9 Mar so thog e an tigh, agus chrìochnaich se e: agus chòmhdhaich e<sup>7</sup> an tigh le sailthibh agus le clàraibh seudair.

10 Agus thog e seòmraiche ris an tigh uile, cùig làmhan-coille air airde: agus leig iad an cudthrom air an tigh le fiodh seudair.

11 Agus thàinig focal an Tighearna gu Solamh, ag ràdh,

12 *A thaobh* an tìghe so a *tha* thu a' togail, ma ghluaisas tu ann am reachdaibh-sa, agus ma chuireas tu mo bheith-eanaibh an gnìomh, agus ma ghleidheas tu m'aitheantan uile le gluasad anna; an sin coimhleanadh<sup>8</sup> mise m'fhocal duit, a labhair mi ri Daibhidh t'athair.

13 Agus gabhaidh mi còmhnuidh am meadhon chloinn Israeil, agus cha tréig mi mo shluagh Israel.

14 Mar sin thog Solamh an tigh agus chrìochnaich se e.

15 Agus thog e ballachan an tìghe air an taobh a stigh le clàraibh seudair, o urlar an tìghe gu ruig mullach nam ballacha<sup>9</sup>

chòmhdhaich e iad le fiodh a stigh: agus chòmhdhaich e urlar an tìghe le clàraibh<sup>10</sup> giuthais.

16 Agus thog e fhichead làmh-choille ri taobhan an tìghe, le clàraibh seudair, o'n urlar gu ruig mullach nam ballacha: agus thog e dha iad air an taobh a stigh, *eadhor* do'n ghuth-àit, do'n ionad ro-naomha.

17 Agus bha'n tigh, sin ri ràdh, an teampull air a bheulaobh, dà fhichead làmh-choille air fad.

18 Agus bha seudair an tìghe air an taobh a stigh gearra<sup>11</sup> le cnapaibh, agus blàthaibh fosgailte: bu sheudair an t-ionnlan, cha robh clach r'a faicinn.

19 Agus dh'ulluich e an guth-àit anns an tigh a steach, a chur an sin àirc coimh-cheangail an Tighearna.

20 Agus ann an taobh-beoil a' ghuth-àit<sup>12</sup> bha fhichead làmh-choille air fad, agus fhichead làmh-choille air leud, agus fhichead làmh-choille air airde: agus chòmhdhaich se e le h-òr fìor-ghlan: chòmhdhaich e cuid-eachd an altair le seudair.

21 Agus chòmhdhaich Solamh an tigh a steach le h-òr fìor-ghlan: agus rinn e balladh-dealachaidh<sup>13</sup> le slabhraidhìbh òir air beulaobh a' ghuth-àit, agus chòmhdhaich e le h-òr e.

22 Agus chomhdhaich e an tigh uile le h-òr, gus an do chrìochnaich eadh an tigh uile: mar an ceudna an altair uile, a bha làimh ris a' ghuth-àit, chòmhdhaich e le h-òr.

23 Agus rinn e anns a' ghuth-àit dà cherub do chrann-olaidh, gach aon diubh deich làmhan-coille air airde.

24 Agus bha cùig làmhan-coille ann an aon sgèith a' cheruib, agus cùig làmhan-coille ann an sgèith eile a' cheruib: bha deich làmhan-coille o bharr aon sgèith aige gu bàrr a' sgèith eile.

25 Agus bha deich làmhan-coille anns a' cherub eile: bha'n t-aon tomhas agus an aon mheud anns an dà cherub.

26 B'e airde aon cheruib deich làmh-an-coille, agus mar sin bha airde a' cheruib eile.

27 Agus chuir e na cheruban anns an tigh a b'fhaide a steach; agus shìn na cheruban an sgiathan a mach, air chor as gu'n do bhean sgiath aon cheruib ri aon bhalladh, agus sgiath a' cheruib eile ris a' bhalladh eile; agus bhean an sgiathan ri chéile ann am meadhon an tìghe.

28 Agus chòmhdhaich e na cheruban le h-òr.

29 Agus bhreac e ballachan an tìghe uile mu'n cuairt le dealthaibh gearra cheruban, agus chraobhan-pailme, agus bhlàth fosgailte<sup>14</sup>, a stigh agus a muigh.

<sup>1</sup> àilear, for-dhorus; porch. Sasg. <sup>2</sup> air beulaobh. Eabh. <sup>3</sup> air. <sup>4</sup> àit an Dé-shreag-raibh; dabir. Eabh. oracle. Sasg. <sup>5</sup> rinn e socairean cumhaing ann am balladh an tìghe. <sup>6</sup> do chloich ionlain, do chloich deasaichte roimh

làimh. <sup>7</sup> chuir e ceann air. <sup>8</sup> daingnichidh. <sup>9</sup> gu ruig ballacha cinn an tìghe. <sup>10</sup> bordaibh. <sup>11</sup> breacta, air a ghrùthaladh. <sup>12</sup> anns a' chuid-thoisich do'n oracul. <sup>13</sup> lantaoir. Eir. partition. Sasg. <sup>14</sup> fosgladh bhàthhan. Eabh.



30 Agus urlar an tighe chòmhdach c le h-òr, a stigh agus a muigh.

31 Agus do dhorus a' ghuth-àit rinn e còmhlaacha do chrann-olaidh: *bha'n t-ard-dhorus agus na h-ursainnean cùig-oisneach.*

32 *Bha'n dà chòmhlach mar an ceudna do chrann-olaidh; agus ghearr e orra deal-bhan<sup>1</sup> cherub, agus chraobh-pailme, agus bhàth fosgailte, agus chòmhdach e le h-òr iad: agus sgaoil e òr air na cheruban, agus air na craobhan pailme.*

33 Agus air an dòigh cheudna rinn e do dhorus an teampull, ursainnean do chrann-olaidh, ceithir-chearnach.

34 Agus *bha'n dà chòmhlach do fhiodh giuthais: bha dà dhuilleag aon chòmhlaidh a' filleadh, agus dà dhuilleag a' chòmhlaidh eile a filleadh.*

35 Agus ghearr e orra cheruban, agus craobhan pailme, agus blàthan-fosgailte: agus chòmhdach e iad le h-òr, cumta ris an obair ghearrta.

36 Agus thog e a' chùirt a stigh le tri sreathan<sup>2</sup> do chlachaihbh snaidhte, agus sreath do shailthibh seudair.

37 Anns a' cheathramh bliadhna shuidh-àcheadh bunait tighe an Tighearna, anns a' mhios Siph.

38 Agus anns an aon bhliadhna dcug, anns a' mhios Bul (*is e sin an t-ochdamh mìos*), chrìochnaich eadh an tigh ann a cearraibh uile, agus a réir a chumaidh uile. Agus bha e seachd bliadhna ga thogail.

#### - C A I B. VII.

**A**CH hha Solamh tri bliadhna deug a' togail a thighe féin, agus chrìochnaich e a thigh uile.

2 Thog e mar an ceudna tigh frithe<sup>3</sup> Lebanoìn; ceud làmh-choille<sup>4</sup> fhad, agus leth-cheud làmh-choille a lcud, agus deich thar fhichead làmh-choille<sup>5</sup> airde; air ceithir<sup>6</sup> sreathaibh do phostaibh seudair, agus sailthean seudair air na postaibh.

3 Agus chòmhdach eadh e le seudar os a chionn air na sailthibh, a bha air dà fhichead agus cùig puist, cùig-dcug anns gach sreath.

4 Agus *bha tri sreathan uinneag<sup>7</sup> ann, agus solus fa chomhair soluis tri uairean.*

5 Agus *bha na dorsan uile agus na h-ursainnean ceithir-chearnach, maille ris na h-uinneagaibh: agus bha solus fa chomhair soluis tri uairean.*

6 Agus rinn e sgath-thigh do phostaibh; leth-cheud làmh-choille<sup>8</sup> fhad, agus deich làmh-choille thar fhichead a lcud: agus *bha'n sgath-thigh rompa sin, agus bha na puist eile agus na sailthean garbha rompa.*

7 Rinn e mar an ceudna sgath-thigh na righ-chathrach, far am biodh e a' tabhairt breth, *eadhon sgath-thigh a' bhreitheanaidh: agus chòmhdach eadh e le seudar o aon taobh do'n urlar gu ruig an taobh eile.*

8 Agus aig a thigh féin, anns an do chòmhnuidh e, *bha cùirt<sup>9</sup> eile an taobh a stigh do'n sgath-thigh, a bha do'n obair cheudna. Rinn e cuideachd tigh do nigh-inn Pharaoidh, a ghabh Solamh dha féin na mnaoi, cosmbuil ris an sgath-thigh so.*

9 *Bha iad sin uile do chlachaihbh luachmhora, a réir tomhais chlach snaidhte, air an sàbhadh<sup>10</sup> le sàibh a stigh agus a muigh, eadhon o'n bhunait gu ruig na clacha-mullaich<sup>11</sup>, agus mar sin air an taobh a mach gu ruig a' chùirt mhòr.*

10 Agus *bha a' bhunait do chlachaihbh luachmhora, do chlachaihbh mòra; clacha san robh deich làmh-choille, agus clacha san robh ochd làmh-choille.*

11 Agus gu h-ard *bha clacha luachmhora, (a réir tomhais chlach snaidhte) agus seudair.*

12 Agus aig a' chùirt mhòir mu'n cuairt *bha tri sreathan do chlachaihbh snaidhte, agus sreth do shailthibh seudair: air an dòigh cheudna aig cùirt a steach tighe an Tighearna, agus aig sgath-thigh an tigh.*

13 Agus chuir righ Solamh *fios*, agus thug e Hiram o Thirus.

14 *Bu mhac bantraich e do thréibh<sup>12</sup> Naphtali, agus b'fhear o Thirus 'athair, ceard umha: agus bha e làn do ghliocas, agus do thuigse, agus do eòlas a dheanamh gach oibre ann an umha: agus thàinig e dh'ionnsuidh righ Solamh, agus rinn e 'obair uile.*

15 Oir dhcalbh e dà phost umha: ochd làmh-choille deug airde gach puist dhiubh, agus chaidh snathainn anns an robh dà làmh-choille dheug mu'n cuairt air gach<sup>13</sup> post dhiubh.

16 Agus rinn e dà cheann do umha leaghta, chum an cur air mullach nan post: cùig làmh-choille airde aon chinn, agus cùig làmh-choille airde a' chinn eile.

17 Lìonta do lìon-obair<sup>14</sup>, stioman do obair shlabhraidh, do na cinn a bha air mullach nan post: seachd do aon cheann, agus seachd do'n cheann eile.

18 Agus rinn e pomgranatan, dà shreath<sup>15</sup> mu'n cuairt air aon lìon-obair a chòmhdachadh nan ceann, a bha air mullach nan post<sup>16</sup>: agus mar sin rinn e ris a' cheann eile.

19 Agus *bha na cinn a bh'air mullach nan post, do obair lili anns an sgath-thigh, ceithir làmh-choille.*

20 Agus *bha cinn<sup>17</sup> air an dà phost mar*

<sup>1</sup> gearradh. <sup>2</sup> breathan. <sup>3</sup> coille. <sup>4</sup> tri.

<sup>5</sup> leusan, sholusan. <sup>6</sup> lann, lìos. <sup>7</sup> gearradh.

<sup>8</sup> clachan-ìomchair. <sup>9</sup> do fhineadh, chloinn.

<sup>10</sup> an dura. Eabh. <sup>11</sup> do obair tharsuinn.

<sup>12</sup> na puist, agus dà shreath.

<sup>13</sup> air a' mhullach, maille ri pomgranataibh.

<sup>14</sup> Bha pom-

granatan aig na cinn.

an ceudna gu h-ard, làmh ris a' bhalg, a *bha* air an taobh thall do'n lion-obair: agus *bha* dà cheud pomgranat ann, nan sreathaibh mu'n cuairt air a' cheann eile.

21 Agus chuir e suas na puist ann an sgàth-thigh an teampuill: agus chuir e suas am post deas, agus thug e Iachin mar ainm air; agus chuir e suas am post clì, agus thug e Boas mar ainm air.

22 Agus air mullach nam post *bha* obair lìli: mar so chrìochnaicheadh obair nam post.

23 Agus rinn e muir leaghta, deich làmhhan-coilleo bhile<sup>1</sup> gu bile; cruinn mu'n cuairt, agus cùig làmhhan-coille a h-àirde: agus chuairtich snàthainn dhèich làmhha-coille thar fhichead i air gach taobh.

24 Agus *bha* mill fuidh a bile 'ga cuairt-eachadh mu'n cuairt, deich anns an làmh-choille, a' dol mu thimchioll na mara: thilgeadh dà shreath mheall an uair a thilgeadh i féin.

25 Sheas i air dà dhamh dheug, trì ag amharc gu tuath, agus trì ag amharc an iar<sup>2</sup>, agus trì ag amharc gu deas, agus trì ag amharc an ear<sup>3</sup>: agus *chuireadh* a' mhuir orra gu h-ard, agus *bha* a' chuid dheiridh dhiubh uile a stigh.

26 Agus *bha* leud boise air tiughaid innte, agus *bha* a bile air a dheanamh mar bhile copain, le blàthaibh lìli: chum i dà mhìle bat.

27 Agus rinn e deich buinn<sup>4</sup> umha: ceithir-làmhha coille fad gach<sup>5</sup> buinn, agus ceithir làmhha-coille a leud, agus trì làmhha-coille 'àirde.

28 Agus *bha* obair nam bonn air an dòigh so: *bha* iomaill<sup>6</sup> aca, agus *bha* na h-iomaill eadar na tàdhacha<sup>7</sup>.

29 Agus air na h-iomaill a *bha* eadar na tàdhacha *bha* leòmhainn, daimh, agus cheruban: agus air na tàdhachaibh *bha* snar sin<sup>8</sup> gu h-ard: agus fuidh na leòmhainn agus na daimh *bha* ath-leasachadh a dh'obair thana<sup>9</sup>.

30 Agus *bha* ceithir rothan umha aig gach bonn, agus clàir<sup>10</sup> umha, agus aig a' cheithir oisnibh *bha* guailne<sup>11</sup>: fuidh'n t-soitheach-ionnlaid *bha* guailne leaghta, aig taobh gach ath-leasachaidh.

31 Agus *bha* a bheul an taobh a stigh do'n cheann, agus shuas, làmh-choille air leud: ach *bha* a bheul cruinn a réir oibre a' bhuinn, làmh-choille gu leth: agus mar an ceudna air a bheul *bha* gearraidhean<sup>12</sup>, agus an iomaill ceithir-charnach, cha'n ann cruinn.

32 Agus *bha* ceithir rothan fuidh na h-iomallaibh: agus *bha* mulan<sup>13</sup> nan roth an greim anns a' bhonn: agus b'e àirde gach rotha làmh-choille gu leth.

33 Agus *bha* obair nan roth cosmhuil ri obair rotha carbaid: *bha* am mulan, agus an cìochan, agus an cuairsgeinean, agus an tarsanain uile leaghta.

34 Agus *bha* ceithir guailne ri ceithir oisnibh gach buinn; na guailne do'n bhonn féin.

35 Agus ann am nullach a' bhuinn, lethlàmh-choille air àirde, *bha* cuairt mu thimchioll: agus air mullach a' bhuinn *bha* a làmhhan<sup>14</sup> agus 'iomaill dheth féin.

36 Agus air clàraibh a làmh, agus air 'iomallaibh, ghearr e cheruban, leòmhainn, agus craobha pailme, a réir riochd gach aon diubh, agus ath-leasachadh mu'n cuairt.

37 Mar so rinn e na deich buinn: an t-aon tilgeadh, an t-aon tomhas, an t-aon ghearradh<sup>15</sup> aca uile.

38 Agus rinn e deich soithichean-ionnlaid umha: chumadh<sup>16</sup> gach soitheach-ionnlaid dhiubh dà fhichead bat: *bha* ceithir làmhhan coille anns gach soitheach-ionnlaid: *chuireadh* aon soitheach ionnlaid air gach aon do na deich buinn.

39 Agus chuir e cùig buinn air taobh<sup>17</sup> na làimhe deise do'n tigh, agus cùig air taobh na làimhe clì dheth: agus chuir e a' mhuir air taobh na làimhe deise do'n tigh, a làmh na h-àirde 'n ear, fa chomhair na h-àirde deas.

40 Agus rinn Hiram na soithichean-ionnlaid, agus na sluasaidean, agus na cuachan: agus chuir Hiram crìoch air deanamh na h-oibre uile a rinn e do rìgh Solamh air son tìghe an Tighearna:

41 An dà phost, agus dà chuairt<sup>18</sup> nan ceann, a bh'air mullach an dà phuist: agus an dà lion-obair, a chòmhdachadh dà chuairt nan ceann, a bh'air mullach nam post:

42 Agus ceithir cheud pomgranat do'n dà lion-obair: dà shreath phongranat do gach lion-obair, a chòmhdachadh dà chuairt nan ceann a bh'air na puist:

43 Agus na deich buinn, agus na deich soithichean-ionnlaid air na buinn:

44 Agus aon mhuir, agus dà dhamh dheug fuidh'n mhuir:

45 Agus na h-aigheannan<sup>19</sup>, agus na sluasaidean, agus na cuachan: agus na soithiche sin uile a rinn Hiram do rìgh Solamh air son tìghe an Tighearna, *bha* iad do umha lìobhta<sup>20</sup>.

46 Ann an còmhnard Iordain thilg an rìgh iad anns an talamh chreadha, eadar Sucot agus Sartan.

47 Agus dh'fhàg Solamh na soithichean<sup>21</sup> uile gun chothromachadh, air son an lion-mhoireachd anbarraich: cha d'fhuaradh a mach<sup>22</sup> cothrom an umha.

<sup>1</sup> oir. <sup>2</sup> siar. <sup>3</sup> soir. <sup>4</sup> bunaite. <sup>5</sup> aon. Eabh. <sup>6</sup> oirean. <sup>7</sup> ceumaibh. <sup>8</sup> bonn. <sup>9</sup> obair shìnte. <sup>10</sup> lannan. <sup>11</sup> prùip; casan, buill-ìomchair. <sup>12</sup> gravings. Sàs. <sup>13</sup> aisilean;

làmhhan. Eabh. <sup>14</sup> tharsanain. <sup>15</sup> mheud. <sup>16</sup> ghabhadh. <sup>17</sup> guailne. Eabh. <sup>18</sup> soitheach cruinn. <sup>19</sup> poitean. <sup>20</sup> dealrach, fìor-ghlan. <sup>21</sup> an t-uidheam. <sup>22</sup> cha do rannsaicheadh.



48 Agus rinn Solamh an t-uideheam <sup>1</sup> uile, a *bhuineadh* do thigh an Tighearna: an altair do òr, agus am bord, air an *robh* aran na fianuis, do òr:

49 Agus na coinneirean, cùig air an làimh dheis, agus cùig air an làimh chli, air beulaobh a' ghuth-àite, do òr fìor-ghlan; agus na blàthan, agus na lèchraimn, agus na clobhachan <sup>2</sup>, do òr.

50 Agus na cuachan, agus na smàlad-airean, agus na copain, agus na spàinean, agus na tùiseirean, do òr fìor-ghlan: agus na lùthdagan do òr, an dà chuid do dhorsaibh an tighe a steach, *eadhon* an *ionaid* ro-naomha, agus do dhorsaibh an tighe, *eadhon* an teampuill.

51 Agus chrìochnaichcadh an obair uile, a rinn rìgh Solamh air son tighe <sup>3</sup> an Tighearna: agus thug Solamh a stigh nìthe naomhaichte <sup>4</sup> Dhaibhidh 'athar; *eadhon* an t-airgiod, agus an t-òr, agus an t-uidheam <sup>5</sup>, chuir e am measg ionmhais tighe an Tighearna.

## C A I B. VIII.

**A**N SIN chruinnich Solamh seanairéan Israeil, agus cinn nan treubh uile, ceannardan aithriche chloinn Israeil, gu rìgh Solamh ann an Ierusalem, chum gu'n d'thugadh iad a nìos àirc coimhcheangail an Tighearna, a baile Dhaibhidh: is e sin Sion.

2 Agus chruinnich fir Israeil uile iad fèin a dh'ionnsuidh rìgh Solaimh, air an fhéill <sup>6</sup> ann am mìos Etanim; is e sin an seachdamh mìos.

3 Agus thàinig uile sheanairean Israeil, agus thog na sagairt an àire.

4 Agus thug iad suas àir an Tighearna, agus paillun a 'choimhthionail, agus an t-uidheam naomh uile, a *bha* sa' phaillun; *eadhon* iad sin thug na sagairt agus na Lebhithich suas.

5 Agus *bha* rìgh Solamh, agus coimhthional Israeil uile, a thionail d'a ionnsuidh, maille ris roimh an àire, ag ìobradh chaorach, agus cruidh, nach robh e'n comas àir-eamh, no mheas, a thaobh lìonmhoireachd.

6 Agus thug na sagairt a steach àire coimhcheangail an Tighearna d'a h-àite fèin, do ghuth-àit an tighe, do'n *ionad* a's ro-naomha, *eadhon* fuidh sgiathaibh nan cherub

7 Oir sgaoil na cheruban a mach an sgiathan os cionn àite na h-àirce, agus chomhdaich na cheruban an àire, agus a lunnan <sup>7</sup> gu h-ard.

8 Agus tharruing iad a mach na lunnan, air chor as gu'm faicte cinn nan lunn as an *ionad* naomh fa chomhair a' ghuth-àite, ach cha'n faicte a mach iad: agus tha iad an sin agus an la'n diugh.

9 Cha *robh* nì air bith anns an àire ach an dà chlàr chloiche, a chuir Maois an sin ann an Horeb, an uair a rinn an Tighearna *coimhcheangal* ri cloinn Israeil, ag teachd a mach dhoibh a tìr na h-Eiphit.

10 Agus an uair a thàinig na sagairt a mach as an *ionad* naomha, lion an neul tigh an Tighearna;

11 Air chor as nach b'urrainn na sagairt seasamh a fhrithealadh leis an neul: oir lion glòir an Tighearna tigh an Tighearna.

12 An sin thubhairt Solamh, Thubhairt an Tighearna gu'n gabhabh e còmhnuidh ann an dorchaas tiugh.

13 Gu dearbh thog mise tigh-còmhnuidh dhuit, àite deas <sup>8</sup> chum thu dh'fhan-tuinn ann gu bràth.

14 Agus thionndaidh an rìgh 'aghaidh, agus bheannaich e uile choimhthional Israeil, (agus uile choimhthional Israeil nan seasamh);

15 Agus thubhairt e, Gu ma béannaichte an Tighearna Dia Israeil, a labhair le 'bheul fèin ri m'athair Daibhidh, agus a choimhlion e le 'làimh <sup>9</sup>, ag ràdh,

16 O'n là air an d'thug mi mo shluagh Israel a mach as an Eiphit, cha do thagh mi baile sam bith a uile treubhaibh <sup>10</sup> Israeil, a thogail tighe, chum gu'm biodh m'ainm an sin: ach thagh mi Daibhidh gu bhi os cionn mo shlugaigh Israeil.

17 Agus bha e ann an cridhe Dhaibhidh m'athar, tigh a thogail do ainm an Tighearna Dé Israeil.

18 Agus thubhairt an Tighearna ri Daibhidh m'athair, A chionn gu'n robh e ann do chridhe tigh a thogail do m'ainmsa, is maith a rinn thu gu'n robh e ann do chridhe.

19 Gheadh, cha tog thusa an tigh, ach do mhad, a thig a mach as do leasraidh, togaidh esan an tigh do m'ainm-sa.

20 Agus choimhlion <sup>11</sup> an Tighearna 'fhocal a labhair e, agus dh'éirich mise suas an àite Dhaibhidh m'athar, agus tha mi a'm' shuidhe air rìgh-chaitir Israeil, mar a labhair <sup>12</sup> an Tighearna, agus thog mi tigh do ainm an Tighearna Dé Israeil.

21 Agus shuidhich mi'n sin àite do'n àire, anns am *bheil* coimhcheangal an Tighearna, a rinn e r'ar n-aithrichibh, an uair a thug e mach iad a tìr na h-Eiphit.

22 Agus sheas Solamh air beulaobh altair an Tighearna, ann an làthair uile choimhthional Israeil, agus sgaoil e mach a làmhan gu nèamh:

23 Agus thubhairt e, A Thighearna Dhé Israeil, cha 'n'eil Dia ann cosmhuil riutsa, anns na nèamhaibh shuas, no air an talamh a bhos <sup>13</sup>, a chumas coimhcheangal agus

<sup>1</sup> an airneis, na soithiche. <sup>2</sup> teanchairean.  
<sup>3</sup> ann an tigh. <sup>4</sup> nìthe coisrigte. <sup>5</sup> na soithiche.  
<sup>6</sup> fhéisd. <sup>7</sup> bataichcan. <sup>8</sup> suidhichte. <sup>9</sup> lé

<sup>10</sup> chumhachd. <sup>11</sup> theaghlachibh, fhineachaibh.  
<sup>12</sup> dhaingnich. Eabh. <sup>13</sup> gheall. <sup>14</sup> shìos.

tròcair ri d' sheirbhisich, a ghluaiseas a'd' fhianuis le'n uile chridhe :

24 A chum ri t'òglach Daibhidh m'athair an ni a labhair thu ris; oir labhair thu le d' bheul, agus le d' làimh choimhlion thu, mar air an la'n diugh.

25 A nis uime sin, a Thighearna Dhé Israeil, cum ri t'òglach Daibhidh m'athair an ni a labhair thu ris, ag ràdh, Cha bhi duine dhith ort a'm' fhianuis-sa, a shuidheas air righ-chaithir Israeil; ma bheir a mhàin do chlann an aire d'an slighe, le gluasad a'm' fhianuis-sa, mar a ghluais thusa a'm' fhianuis.

26 Agus a nis, a Dhé Israeil daingnich-ea'r' guidheam ort, t'fhocal, a labhair thu ri t'òglach Daibhidh m'athair.

27 Ach an gabh Dia da rìreadh còmhnuidh air an talamh? feuch, cha chum na nèamha agus nèamha nan nèamh thusa; cia gu mòr as lugha na sin an tigh so a thog mise?

28 Gidheadh amhaire air<sup>2</sup> urnuigh do sheirbhisich, agus air<sup>3</sup> àthchuinge<sup>3</sup>, a Thighearna mo Dhia, a dh'éisdeachd ris a' ghlaodh, agus ris an urnuigh, a tha do sheirbhisich a' deanamh a't' fhianuis an diugh:

29 A chum as gu'm bi do shùilean fosgaillte ris an tigh so a dh'oidhche agus do là; eadhon ris an àite mu'n dubhairt thu, Bithidh m'ainm an sin: a chum as gu'n éisd thu ris an urnuigh a ni do sheirbhisich dh'ionnsuidh an àite so<sup>4</sup>.

30 Agus éisd thusa ri athchuinge do sheirbhisich, agus do shluaigh Israeil, an uair a ni iad urnuigh a dh'ionnsuidh an àite so: agus éisd thusa o d' àite-còmhnuidh, o na nèamhaibh<sup>5</sup>, agus an uair a dh'éisdeas tu, maith<sup>6</sup> dhoibh.

31 Ma pheacaicheas duine an aghaidh a choinmhearsnaich, agus ma dh'iarras e mionnan air, a' toirt air mionnachadh, agus gu'n d'fhig na mionnan air beulaobh t'altarach anns an tigh so;

32 An sin éisd thusa o na nèamhaibh, agus dean, agus thoir breth air do sheirbhisich, a' dìteadh an aingidh, gu'shlighe a thabhairt air a cheann féin, agus a' fìreanachadh<sup>7</sup> an fhìrean, a thabhairt da a réir fhìreantachd<sup>8</sup>.

33 An uair a bhuailear do shluaigh Israel an làthair an nàmhaid, a chionn gu'n do pheacaich iad a't' aghaidh, agus a philleas iad riut, agus a dh'aicheadh iad t'ainm, agus a ni iad urnuigh, agus a ghuidheas iad ort anns an tigh so;

34 An sin éisd thusa o na nèamhaibh, agus maith peacadh do shluaigh Israeil, agus thoir a ris iad do'n fhearann, a thug thu d'an aithrichibh.

<sup>1</sup> fìrinnichear.

<sup>2</sup> biodh suim agad do.

<sup>3</sup> a'slach. <sup>4</sup> a làimh an àite so, anns an àite so.

<sup>5</sup> ann ad àite-còmhnuidh, ann am fàith-eanas.

<sup>6</sup> lagh.

<sup>7</sup> a' saoradh, glanadh.

<sup>8</sup> fìoracais.

<sup>9</sup> crith-reobh, mill-cheo, eare-

35 An uair a dhruidear na nèamha, agus nach bi uisge ann, a chionn gu'n do pheacaich iad a't' aghaidh-sa, agus a ni iad urnuigh a dh'ionnsuidh an àite so, agus a dh'aicheadh iad t'ainm, agus a dh'iompoichear iad o'm peacadh, an uair a chuireas tu fuidh àmhghar iad;

36 An sin éisd thusa o na nèamhaibh, agus maith peacadh do sheirbhisich, agus do shluaigh Israeil, a chum as gu'n teagaisg thu dhoibh an t-slighe mhaith anns an còir dhoibh gluasad, agus gu'n cuir thu uisge air t-fhearann, a thug thu do d' shluaigh mar oighreachd.

37 Ma bhios gortadh anns an tìr, ma bhios plàigh ann, seargadh, fuar-dhealt<sup>9</sup>, locuist, ma bhios burruis<sup>10</sup> ann; ma theann-aicheas<sup>11</sup> a nàmhaid e ann an tìr a bhailte, ciod air bith plàigh, ciod air bith euslaint a bhios ann:

38 Ge b'e urnuigh, ge b'e athchuinge a chuirear suas le duine sam bith, no le d' shluaigh Israel uile, ma bhios fios aig gach aon air plàigh a chridhe féin, agus ma sgaoileas e mach a làmh an dh'ionnsuidh an tighe so;

39 An sin éisd thusa o na nèamhaibh t'àite-còmhnuidh, agus maith, agus dean, agus thoir do gach duine a réir a shlighean uile, a tha fios agad air a chridhe; (oir is ann agadsa, agadsa mhàin a tha fios air cridheachailh uile chloinn nan daoine:)

40 A chum gu'm bi eagal orra romhad-sa rè nan uile laithean a bhios iad bco anns an fhearann<sup>12</sup>, a thug thu d'ar n-aithrichibh.

41 Os bàrr<sup>13</sup>, a thaobh coigriche nach 'eil do d' shluaigh Israel, ach a thug a tìr chéin<sup>14</sup> air sgàth t-ainm-sa,

42 (Oir chùnnidh iad mu t'ainm mòr-sa, agus mu d' làimh làidir, agus do ghairdean sìnte mach:) an uair a thig e agus a ni e urnuigh a dh'ionnsuidh an tighe so;

43 Éisd thusa o na nèamhaibh, t'àite-còmhnuidh, agus dean a réir nan uile-nithe mu'n glaoth an coigreach riut: a chor as gu'm bi eòlas aig uile shlòigh na talmhainn air t'ainm-sa, chum gu'm bi eagal orra romhad, mar a tu air do shluaigh Israeil, agus gu'm bi fios aca gu bheil an tigh so, a thog mise, air 'ainmreachadh ort.

44 Ma théid do shluaigh a mach a chogadh an aghaidh an naimhde, ge b'e rathad a chuireas tu iad, agus gu'n dean iad urnuigh ris an Tighearna a làimh<sup>15</sup> a' bhaile a ròghnaich thusa, agus an tighe a chuir mise suas do t'ainm;

45 An sin éisd thusa o na nèamhaibh r'an urnuigh, agus r'an ath-chuinge, agus seas<sup>16</sup> an còir.

46 Ma pheacaicheas iad a't' aghaidh, dhruichd.

<sup>10</sup> lusluach: caterpillar. Sasg.

basil. Eabhl.

<sup>11</sup> chumhaingicheas, chuart-icheas.

<sup>12</sup> air aghaidh an fhearainn. Eabhl.

<sup>13</sup> A thuill' air sin.

<sup>14</sup> fad as.

<sup>15</sup> cum suas; dean, Eabhl.



(oir cha 'n'eil duine ann nach peacaich,) agus gu'n las t'fhearg nan aghaidh, agus gu'n d'thoir thu thairis iad d'an naimhdibh, agus gu'n d'thoir iad leo nam braighdibh iad do thir an naimhde, am fad no'm fagus;

47 *Gidheadh*, ma nì iad aithreachas nan eridhe<sup>1</sup> anns an tìr d'an d'thugadh nam braighdibh iad, agus ma dh'ionpoichear iad, agus ma ghuidheas iad ort ann an tìr na muinntir a thug leo nam braighdibh iad, ag ràdh, Pheacaich sinn, rinn<sup>2</sup> sinn gu h-eucorach, riun sinn gu h-aingidh;

48 Agus mar so ma philleas iad a't' ionnsuidh-sa le'n<sup>3</sup> uile chridhe, agus le'n uile anam, ann an tìr an naimhde, a thug leo nam braighdibh iad, agus ma nì iad urnuigh riutsa rathad an tìre féin, a thug thu d'an aithrichibh, *rathad* a' bhaile a' ròghnuich thu, agus an tìghe, a thog mi do t'aum;

49 An sin éisd thusa o na nèamhaibh, t'áite-còmlnuidh, r'an urnuigh agus r'an athchuinge, agus seas an còir,

50 Agus maith do d' shluagh a pheacaich a't' aghaidh, agus an eusaontais uile a rinn iad a't' aghaidh, agus faigh truas dhoibh an làthair na muinntir a thug leo nam braighdibh iad, a chum as gu'n gabh iad truas riu:

51 Oir is iad do shluagh-sa agus t'oighreachd iad, a thug thu mach as an Eiphit, a meadhon na h-àmhwinne iaruin:

52 A chum as gu'm bi do shùile fosgailte ri athchuinge do sheirbhisich, agus ri athchuinge do shluaigh Israeil, a dh'éisdeachd riu anns gach nì mu'n gairm iad ort.

53 Oir dhealaich thu iad, chum oighreachd dhuìt féin, o uile shluagh na talmhainn, mar a labhair thu le làimh Mhaois t'òglaich féin, an uair a thug thu ar n-aithriche mach as an Eiphit, a Tighearna Dhé.

54 Agus an uair a chuir Solamh crìoch air an urnuigh so uile a dheanamh ris an Tighearn, agus an athchuinge so, dh'éirich e o bheulaobh altarach an Tighearna, o e féin a lùbadh air a ghlùinibh, agus a làmh-an sgaoilte dh'ionnsuidh nan nèamh:

55 Agus sheas e, agus bheannaich e uile choimhthional Israeil, le guth mòr, ag ràdh,

56 Gu ma beannaicht' an Tighearn a thug suaimhneas<sup>4</sup> d'a shluagh Israeil, a réir nan uile *nìthe* a labhair<sup>5</sup> e: cha do thuit<sup>6</sup> aon fhocal gu lár d'a bhriathraibh maithc uile, a labhair e le làimh Mhaois, 'òglaich féin.

57 Gu'n robh an Tighearn ar Dia maille ruine, mar a bha e maille ri'r n-aithrichibh: na fàgadh e sinn, agus na tréigeadh e sinn:

58 A chu'm as gu'n aom e ar cridhe thuige<sup>7</sup> féin, a ghluasad na shligibh uile,

agus a ghleidheadh 'àitheanta, agus a reachdan, agus a bhreitheanasa, a dh'aithn e d'ar n-aithrichibh.

59 Agus gu'n robh na briathra so agam-sa, leis an do chuir mi suas athchuinge am fianuis an Tighearna, am fagus do'n Tighearn ar Dia a là agus a dh'oidhche, a chum as gu'n seas e còir a sheirbhisich, agus còir a shluaigh Israeil, anns gach àm, mar a dh'iarraas a' chùis<sup>8</sup>:

60 A chum gu'm bi fios aig uile shluagh na talmhainn gur e'n Tighearn a's Dia ann, agus nach 'eil ann ach e.

61 Bitheadh bhur cridhe, uime sin, iomlan leis an Tighearn ar Dia, a ghluasad na reachdaibh, agus a ghleidheadh 'àitheanta, mar air an là'n diugh.

62 Agus dh'ìobair an rìgh, agus Israeil uile maille ris, ìobairt ain fianuis an Tighearna.

63 Agus dh'ìobair Solamh ìobairt thabhartasa-sìth, a dh'ìobair e do'n Tighearna, dà mhìle thar fhichead bò, agus ceud agus fichead mìle caora: mar sin choisrig<sup>9</sup> an rìgh, agus clann Israeil uile, tigh an Tighearna.

64 Air an là sin féin naomhaich an rìgh meadhon na cùirte, a bh'air beulaobh tìghe an Tighearna: oir thug e suas an sin ìobairte loisgte, agus tabhartasa-bidh, agus saill nan tabhartas-sìth; a chionn gu'n robh an altair umha, a bha'm fianuis an Tighearna, ro-bheag a ghabhail nan ìobairt-loisgte, agus nan tabhartas-bidh, agus saill nan tabhartas-sìth.

65 Agus chum Solamh anns an àm sin féill<sup>10</sup>, agus Israeil uile maille ris, coimhthional mòr, o dhol a stigh Hamait gu ruig abhuinn na h-Eiphit, am fianuis an Tighearn ar Dé, seachd làithean agus seachd làithean, *cadh*on ceithir là deug.

66 Air an ochdamh là leig e air falbh an sluagh: agus bheannaich iad an rìgh, agus chaidh iad a dh'ionnsuidh am bàth, subhach, agus aoibhinn nan cridhe, air son a' mhaith uile a rinn an Tighearna do Dhaibhidh, a sheirbhisich, agus d'a shluagh Israeil.

#### C A I B. IX.

**A** GUS an uair a chuir Solamh crìoch air tigh an Tighearn, agus tigh an rìgh a thogail, agus uile mhian Sholaimh bu taitmeach leis a dheanamh,

2 Dh'fhoillsich an Tighearn e féin do Sholamh an dara h-uair, mar a dh'fhoillsich se e féin da ann an Gibeon.

3 Agus thubhairt an Tighearna ris, Chuala mi t'urnuigh agus t'athchuinge, a chuir thu suas a'm' fhianuis: naomhaich mi an tigh so a thog thu, a chur m'ainme an sin gu bràth; agus bithidh mo shùilean agus mo chridhe an sin gach là<sup>11</sup>.

<sup>1</sup> ma philleas iad d' an cridhe. Eabh. <sup>2</sup> agus rinn. <sup>3</sup> nan. Eabh. <sup>4</sup> fois, tàmh. <sup>5</sup> gheall. <sup>6</sup> cha d'fhàilligh. <sup>7</sup> chuinge. <sup>8</sup> gnothuch

gach là na latha féin. Eabh. <sup>9</sup> naomhaich. <sup>10</sup> cuirm, féisd. <sup>11</sup> an còmhnuidh.

4 Agus ma ghluaiseas tusa ann am fhianuis, mar a ghluais Daibhidh t'athair, ann an ionlainne cridhe, agus ann an ionracas, a dheanamh a réir nan uile *nithe* a dh'aithe mise dhuith, agus gu'n gléidh thu mo reachdan agus mo bhreitheanaidh,

5 An sin daingnichidh mise caithir do rìoghachd air Israel gu bràth, mar a labhair mi ri Daibhidh t'athair, ag ràdh, Cha bhi duine dhùth ort air rìgh-chaitheir Israel.

6 Ach ma thionndaidheas sibh da rìradh o'm leantuinnse, *sibh fein* agus bhur clann, agus nach gléidh sibh m'aitheantann, agus mo reachdan a chuir mi roimh-sibh, ach gu'm falbh sibh agus gu'n dean sibh seirbhis do dhéibh eile, agus gu'n sleuchd sibh <sup>1</sup> dhoibh:

7 An sin gearraidh mise Israel as bhàrr aghaidh an fhearainn, a thug mi dhoibh: agus an tigh so a naomhaich mi do m'ainm fein, tilgidh mi as mo shealladh; agus bithidh Israel na ghnàth-fhocal, agus na leth-fhocal <sup>2</sup> am measg nan uile shluaigh:

8 Agus an tigh so a bha <sup>3</sup> co ard, gach neach a ghabhas seachad air, bithidh iongnadh air, agus ni e <sup>4</sup> seig; agus their iad, C'ar son a rinn an Tighearna mar so ris an tìr so, agus ris an tigh so!

9 Agus freagraidh <sup>5</sup> iad, A chionn gu'n do thréig iad an Tighearna an Dia, a thug a mach an aithriche a tìr na h-Eiphit, agus gu'n do ghabh iad d'an ionnsuidh <sup>6</sup> diathan eile, agus gu'n do shleuchd iad dhoibh, agus gu'n do rinn iad seirbhis dhoibh: uime sin thug an Tighearna orra an t-olc so uile.

10 Agus an ceann fhichead bliadhna, anns an do thog Solamh an dà thigh, tigh an Tighearna, agus tigh an rìgh,

11 *A chionn gu'n d'thug Hiram*, rìgh Thùruis, seachad do Sholamh fiodh seudair, agus fiodh giuthais, agus òr, gu 'uile thoil, an sin thug rìgh Solamh do Hiram fichead baile ann an tìr na Galile.

12 Agus thàinig Hiram a mach a Tìrus a dh'fhacinn nam bailtean a thug Solamh dha; ach cha do thaitinn iad ris.

13 Agus thubhairt e, Ciod iad na bailte sin a thug thu dhomh, a bhràthair? Agus thugadh fearann Chabuil mar ainm orra agus an la'n diugh.

14 Agus chuir Hiram a dh'ionnsuidh an rìgh se fichead tàlann òir.

15 Agus *is e* so aobhar na cìse, a thog rìgh Solamh a thogail tìghe an Tighearna, agus a thighe fein, agus Mhìlo, agus ballaidh Ierusalem, agus Hasoir, agus Mhegido, agus Gheseir.

16 Chaidh Pharaoh rìgh na h-Eiphit suas, agus ghlac e Geser, agus loisg se e le teine, agus mharbh e na Canaanaich, a bha

chòmhnuidh sa' bhaile, agus thug se e *mar* thiodhlac d'a nighinn, mnaoi Sholaimh.

17 Agus thog Solamh Geser, agus Bethoron ìochdarach,

18 Agus Baalat, agus Tadmor san fhàsach, anns an tìr,

19 Agus na h-uile bhailte ionnhais a bh'aig Solamh, agus bailtean a charbad, agus bailtean a mharc-shluaigh, agus miann Sholaimh a mhiannaich e thogail ann an Ierusalem, agus ann an Lebanon, agus ann an tìr a thighearnaich <sup>7</sup> uile.

20 Agus an sluaigh uile a dh'fhàgadh beo do na h-Amoraich, do na Hitich, do na Perisich, do na Hibich, agus do na Iebusaich, nach robh do chloinn Israel,

21 An clann a dh'fhàgadh nan déigh san tìr, nach b'urrainn clann Israeil a sgrìos gu tur, dhiubhsan thog Solamh daor-chis gus an la'n diugh.

22 Ach do chloinn Israeil cha d'rinn Solamh tràill sam bith: ach *bha* iad nam fir-chogaidh, agus nan seirbhisich aige, agus nan uachdaranaihb, agus nan ceannardaibh, agus nan riaghlairibh a charbad, agus a mharc-shluaigh.

23 *B'iad* so uachdaran an luchd-dreuchd, a *bha* os cionn oibre Sholaimh, cùig ceud agus leth cheud, a riaghal os cionn an t-sluaigh a dh'oibrich san obair.

24 Ach chaidh nighean Pharaoh suas a baile Dhaibhidh d'a tigh fein, a thog Solamh dh'i: an sin thog e Mìlo.

25 Agus dh'ìobair Solamh trì uaire sa' bhliadhna ìobairte-loisgte, agus ìobairte-sith air an altair, a thog e do'n Tighearna, agus loisg e tùis air an altair, a *bha* <sup>8</sup> m'fianuis an Tighearna: agus chrìochnaich e 'n tigh.

26 Agus rinn rìgh Solamh loingeas <sup>9</sup> ann an Esion-geber, a *tha* làmh ri Elot, air tràigh na mara ruaidhe, ann an tìr Edoim.

27 Agus chuir Hiram anns an loingeas 'òglaich fein, maraichean <sup>10</sup> aig an robh eòlas na fairge, maille ri 'òglaich Sholaimh.

28 Agus thàinig iad gu h-Ophir, agus thug iad as sin òr, ceithir cheud agus fichead tàlann, agus thug iad gu rìgh Solamh e.

## CAIB. X.

**A** GUS an nair a chuala ban-rìghinn <sup>11</sup> Sheba cliu Sholaimh ann an ainm <sup>12</sup> an Tighearna, thàinig i g'a dhearbhadh le ceisidh cruaidhe <sup>13</sup>.

2 Agus thàinig i do h-Ierusalem le cuideachd ro-mhòir, le càmhalaibh a' giùlan spìosraidh <sup>14</sup>, agus ro-mhòran òir agus chlach a luachmhor <sup>15</sup>; agus thàinig i dh'ionnsuidh Sholaimh, agus labhair i ris gach ni, a bha na cridhe.

3 Agus mhinich Solamh dh'i a briathran <sup>16</sup>

<sup>1</sup> crom sibh sìos. Eabh. <sup>2</sup> fhocal-fochaid.  
<sup>3</sup> tha. <sup>4</sup> feadaidh e: he will hiss. Sasg.  
<sup>5</sup> their. Eabh. <sup>6</sup> rinn iad greim oir.  
<sup>7</sup> uachdaranachd. <sup>8</sup> oirre san a bha. Eabh.

<sup>9</sup> long. <sup>10</sup> sciopairean. <sup>11</sup> ban-rìgh.  
<sup>12</sup> agus ainm. <sup>13</sup> toimhseachanaibh. <sup>14</sup> nithe  
cùthraidh. <sup>15</sup> leug. <sup>16</sup> cèisdean.



uile: cha robh ni air bith am folach air an rìgh nach do mhinich e dh'i.

4 Agus an uair a chunnaic ban-rìghinn Sheba uile ghliocas Sholaimh, agus an tigh a thog e,

5 Agus biadh a bhuird, agus fuidhe<sup>1</sup> a sheirbhisich, agus feitheamh a luchd-frithealaidh, agus an truscan<sup>2</sup>, agus a ghilleam-cupain, agus a dhol suas, air an deachaidh e suas gu<sup>3</sup> tigh an Tighearna, cha robh spiorad innte ni's mò,

6 Agus thubhairt i ris an rìgh, B'fhior an t-iomradh<sup>4</sup> a chuala mise ann am thìr fein air do ghnìomharaibh<sup>5</sup>, agus air do ghliocas.

7 Gidhcadh, cha do chreid mi na briathra, gus an d'fhàinig mi, agus gu'n faca mo shùilean fein e; agus feuch, cha d'innseadh a leth dhomb: chaidh do ghliocas agus do shoirbheachadh thar<sup>6</sup> an iomradh a chuala mi.

8 Is sona do dhaoine, is sona iad so do sheirbhisich a sheasas a't' fhiannuis an còmhnuidh, ag èisdeachd ri d' ghliocas.

9 Gu ma beannaichte an Tighearna do Dhia, a ghabh tlachd annad gu d' chur air rìgh-chaitheir Israeil: a chionn gu bheil gradh aig an Tighearna do Israel gu bràth, uime sin rinn e thusa a'd' rìgh, a dheanamh breitheanais agus ceartais.

10 Agus thug i do'n rìgh sè ficead tàlann òir, agus ro-mhòran do spìosraidh, agus clachan luachmhor: (cha d'fhàinig riamh tuilleadh a leithid so do phailteas spìosraidh, as a thug ban-rìghinn Sheba do rìgh Solamh.

11 Agus mar an ceudna loingear<sup>7</sup> Hiram a ghiùlain òr o Ophir, thug i o Ophir ro-mhòran do fhiodh<sup>8</sup> almuig, agus clacha luachmhor.

12 Agus rinn an rìgh do'n fhiodh almuig puist do thigh an Tighearna, agus do thigh an rìgh, clàrsaichean mar an ceudna agus saltairian do'n luchd-ciùil: cha d'fhàinig a leithid so do fhiodh almuig, agus chan fhacas a leithid gus an la'n diugh.)

13 Agus thug rìgh Solamh do bhan-rìghinn Sheba a h-uile mhiann a dh'iarr i, a thuilleadh air na thug e dh'i a réir fhialaidheachd rìoghail fein<sup>9</sup>: agus phill i, agus dh'fhalbh i d'a tìr, i fein agus a seirbhisich.

14 A nis b'e cothrom<sup>10</sup> an òir a thàinig gu Solamh ann an aon bhliadhna, sè ceud, trì fichead, agus sè tàlannan òir:

15 A thuilleadh air na fhuair e o na ceannuicibh, agus o mhalair<sup>11</sup> an luchd-spìosraidh, agus o uile rìghibh Arabia, agus o uachdaranabh na tìre.

16 Agus rinn rìgh Solamh dà cheud

sgiaith do òr buailte<sup>12</sup>: sè ceud secel òir chuir e chum gach sgèithe.

17 Agus rinn e trì cheud targaid do òr buailte: trì puind òir chuir e chum gach targaide: agus chuir an rìgh iad ann an tigh frithe Lebanoin.

18 Rinn an rìgh mar an ceudna rìgh-chaitheir mhòr do fhiaclaibh elephant, agus chòmhdach e i' leis an òr bu ghloine.

19 Bha sè ceuman aig an rìgh-chaitheir, agus bha mullach na rìgh-chaitheir cruinn o cùl; agus bha làmh an rìgh taobh do'n àite-shuidhe, agus dà lcòmhann a' seasamh làmh ris na làmhnan.

20 Agus sheas dà lcòmhann dheug an sin air na sè ceumaibh, air an taobh so agus air an taobh ud: cha d'rinneadh a leithid ann an rìoghachd air bith eile.

21 Agus bha uile shoithichean òil rìgh Solaimh do òr, agus uile shoithiche tìghe frithe Lebanoin do òr fìor ghlan: cha robh aon diubh do airgiod; cha robh meas air bith dheth ann an làithibh Sholaimh.

22 Oir bha loingear Tharsis aig an rìgh air muir maille ri loingear Hiram: aon uair anns na trì bliadhnaibh thàinig loingear Tharsis, a' giùlan òir agus airgid, fhiacal elephant, agus apa, agus pheucag<sup>13</sup>.

23 Mar so thug rìgh Solamh barrachd air uile rìghibh an domhain ann an saibheas, agus ann an gliocas.

24 Agus dh'iarr an talamh uile teachd an làthair<sup>14</sup> Sholaimh, a dh'èisdeachd r'a ghliocas, a chuir Dia na chridhe.

25 Agus thug iad leo gach fear a thiodhlacadh; soithichean airgid agus soithichean òir, agus truscan, agus airm, agus spìosraidh, eich agus muileidean; cuibhrionn<sup>15</sup> bliadhna anns gach bliadhna.

26 Agus chruinnich Solamh carbaid agus marc-shluagh: agus bha mìle agus ceithir cheud carbad aige, agus dà mhìle dheug marcach; a chuir e ann am bailtibh nan carbad<sup>16</sup>, agus maille ris an rìgh ann an Ierusalem.

27 Agus thug an rìgh air airgid a bhi ann an Ierusalem mar chlachan, agus air na crannaibh seudair thug e bhi mar na croinn shicomoir, a tha anns an t-srath, air lìonmhoireachd.

28 Agus thugadh eich do Sholamh a mach as an Eiphit, agus snàth-lìn: ghabh ceannaichean an rìgh an snàth-lìn air luach.

29 Agus thàinig carbad a nìos agus chaidh e mach as an Eiphit air shè ceud secel airgid, agus each air cheud gu leth: agus mar sin do uile rìghibh nan Hiteach, agus do rìghibh Shiria, thug iadsan a mach iad le'n làmh.

<sup>1</sup> còmhnuidh. <sup>2</sup> earradh, eudach. <sup>3</sup> na h-òbairte-loisgte a dh'òbair e ann. <sup>4</sup> B'fhìrinn am focal. <sup>5</sup> do bhriathraibh, do rùdhaibh. <sup>6</sup> chuir thu-gliocas agus maith ris. Eabh. <sup>7</sup> long. <sup>8</sup> chrannaibh. <sup>9</sup> a réir làimhe rìgh

Solaimh. Eabh. <sup>10</sup> cudthrom. <sup>11</sup> cheann-aigheachd, ghnòthuichibh. <sup>12</sup> fìor-ghlan. <sup>13</sup> pheabh-eun. <sup>14</sup> dh'iarr an talamh uile gnùis. Eabh. <sup>15</sup> nì. Eabh. <sup>16</sup> air son churbad.

## CAIB. XI.

**A** GUS *bha* gaol aig rìgh Solamh air mòran do mhnaibh coimheach<sup>1</sup>, a thuilleadh air nighinn Pharaoh, Ban-mhoabaich, Ban-amonaich, Ban-edomaich, Ban-shidonaich, agus Ban-hitich;

2 Do na cinneachaibh mu'n d'thubhairt an Tighearna ri cloinn Israeil, Cha d'théid sibhse a steach d'an iounsuidh-san, cha mhò a thig iadsan a steach d'ar n-ionnsuidh-sa; oir gu deimhin bheir iad air bhur cridhe claoonadh an déigh an dèe: riu so dhlùthlean Solamh ann an gaol.

3 Agus bha seachd ceud bean aige, mar bhan-righinnean, agus tri cheud coimheach: agus thug a mhnà air a chridhe claoonadh.

4 Oir thachair, ann an àm sean aois Sholaimh, gu'n do chlaon a mhnà air a chridhe an déigh dhiathan cile; agus cha robh a chridhe iomlan leis an Tighearna a Dhia, mar a *bha* cridhe Dhaibhidh 'athar.

5 Oir chaidh Solamh an déigh Astaroit ban-dé nau Sidonach, agus an déigh Mhil-coim gràineileachd nan Amonach.

6 Agus rinn Solamh olc ann an sùilbhan Tighearna: agus cha do lean e gu coimhlionta an Tighearna, mar a rinn Daibhidh 'athair.

7 An sin thog Solamh ionad ard do Chemos, gràineileachd Mhoab, anns an t-sliabh a tha nnu choinneamh Ierusalem; agus do Mholech, gràineileachd chloinn Amon.

8 Agus air an dòigh cheudna rinn e d'a mhnaibh coimheach uile, a loisg tuis agus a thug suas iobairt d'an déibh.

9 Agus bha fearg air an Tighearna ri Solamh, a chionn gu'n do chlaon a chridhe an Tighearna Dia Israeil, a dh'fhoillisich e féin dha dà uair.

10 Agus a dh'àithn dha a thaobh an ni so, nach rachadh e'n déigh dhiathan eile: ach cha do ghléidh esan an ni, a dh'àithn an Tighearna.

11 Uime sin thubhairt an Tighearna ri Solamh, A chionn gu'n d'rinneadh so leat<sup>2</sup>, agus nach do ghléidh thu mo choimheangal-sa, agus mo reachdan, a dh'àithn mi dhuit, gu deimhin reubaidh mise an rìoghachd uait, agus bheir mi do d'sheirbhiseach i.

12 Gidheadh ann ad laithibh-sa cha dean mi so, air sgàth Dhaibhidh t'athar: as làimh do mhic reubaidh mi i,

13 Ach cha reub mi an rìoghachd uile: bheir mi aon treubh<sup>3</sup> do d' mhac air sgàth Dhaibhidh m'òglaich, agus air sgàth Ierusalem a thagh mi.

14 Agus dhùisg an Tighearna nàmhaid suas do Sholamh, Hadad an t-Edomach: *bha* e do'n t-sluachd rìoghail ann an Edom.

15 Oir an uair a bha Daibhidh ann an Edom, agus a chaidh Ioab ceannard an t-sloigh suas a dh'adhlacadh nam marbh, an déigh dha gach firionnach ann an Edom a bhuailadh,

16 (Oir dh'fhan Ioab sè mìosan an sin, agus Israeil uile, gus an do ghearr e as gach firionnach ann an Edom;)

17 Theich Adad, e féin agus Edomaich àraidh do sheirbhisich 'athar maille ris, gu dol a stigh do'n Eiphit; agus Hadad fathast na leanaban òg.

18 Agus dh'èirich iad a Midian, agus thàinig iad gu Paran, agus thug iad daoine leo a Paran, agus thàinig iad do'n Eiphit, gu Pharaoh rìgh na h-Eiphit, agus thug esan dha tigh, agus dh'òrduich e lòn dha, agus thug e fearann dha.

19 Agus fhuair Hadad deagh-ghean<sup>4</sup> mòr ann an sùilbhan Pharaoh, air chor as gu'n d'thug e dha na mnaoi piuthar a mha fèin, piuthar Thahpeneis na ban-righinn.

20 Agus rug piuthar Thahpeneis dlà Genubat a mhac, a chuir Tahpeneis bhàrr na cìche ann an tigh Pharaoh: agus bha Genubat ann an teaghlach Pharaoh am meas mhac Pharaoh.

21 Agus an uair a chuala Hadad san Eiphit gu'n do choidil<sup>5</sup> Daibhidh maille r'a aithrichibh, agus gu'n robh Ioab ceannard an t-sloigh marbh, thubhairt Hadad ri Pharaoh, Leig dhomh imeachd, a chum gu'n d'théid mi do m' thìr féin.

22 Agus thubhairt Pharaoh ris, Ach ciod a tha dh'easbhuidh ort maille riumsa, gu'n iarradh tu, feuch, dol do d' thìr féin? Agus fhreagair esan, Cha 'n eil nì air bith, gidheadh leig dhomh falbh air gach aon chor.

23 Agus dhùisg Dia suas nàmhaid cile dha, Reson mac Eliadah, a theich o Hadarser<sup>6</sup>, rìgh Shobah, a thighearna.

24 Agus chruinnich e daoine thuige<sup>7</sup>, agus bha e na cheannard air buidhinn, an uair a mharbh Daibhidh iadsan o Shobah: agus chaidh iad do Dhamascus, agus chòmhnuich iad ann, agus rinn iad e na rìgh<sup>8</sup> ann an Damascus.

25 Agus bha e na nàmhaid do Israel rè uile làithean Sholaimh, a thuilleadh air an olc a rinn Hadad: agus dh'fhuathach e Israel, agus rìogaich e os cionn Edoim<sup>9</sup>.

26 Agus Ieroboam mac Nebait, Ephratich o Shereda, seirbhiseach do Sholamh, (agus b'e ainm a mhàthar Seruah, bantrach) thog eadhon esan a làmh an aghaidh an rìgh.

27 Agus b'e so an t-aobhar mu'n do thog e a làmh an aghaidh an rìgh: Thog Sholamh Milo, agus chàirich e bearnan<sup>10</sup> bhaile Dhaibhidh 'athar.

<sup>1</sup> a bha nan coigrich. <sup>2</sup> gu'n robh so maille riut. Eabh. <sup>3</sup> shineadh. <sup>4</sup> dàigh. <sup>5</sup> luidh.

<sup>6</sup> Hadadeser. <sup>7</sup> chuige. <sup>8</sup> rìngaich iad. <sup>9</sup> Shiria. <sup>10</sup> dhùin e suas briseadh.



28 Agus *bha'n* duine Ieroboam treun ann an neart: agus an uair a chunnaic Solamh gu'n robh an t-òganach deanadach, chuir se e os cionn uile luchd-giùlain uallach<sup>1</sup> tìghe Ioseph.

29 Agus thachair anns an àm sin, air dol do Ieroboam a mach a h-Ierusalem, gu'n d'fhuair am fàidh Ahiah, an Silonach, e san t-slighe, agus e sgeadaichte le truscan<sup>2</sup> ùr: agus *bha* iad nan dìthis leo féin anns a' mhachair.

30 Agus rug Ahiah air an truscan ùr, a *bha* air, agus reub e na dhà mhìr dheuge e.

31 Agus thubhairt e ri Ieroboam, Gabh dhuit féin deich mìrean; oir mar so tha'n Tighearna Dia Israeil ag ràdh, Feuch, reubaidh mise an rìoghachd as làimh Sholaimh, agus bheir mi deich treubhan dhuitse.

32 (Ach bithidh aon treubh aigesan air sgàth Dhaibhidh m'òglaich, agus air sgàth Ierusalem, am baile, a thagh mi as uile threubhan Israeil)

33 A chionn gu'n do thréig iad mise, agus gu'n do sìleuchd iad<sup>3</sup> do Astarot, bain-dia nan Sidonach, do Chemos, dia nam Moabach, agus do Mhilcom, dia chloinn Amoin, agus nach do ghluais iad ann am shligheibh, a dheanadh an *ni a ta* ceart a'm<sup>4</sup> shùilb, agus a *ghleidheadh* mo reachd-an agus mo bhreitheanas, mar a *ruinn* Daibhidh 'athair.

34 Gidheadh, cha d'thoir mi'n rìoghachd uile as a làimh, ach ni mi c na uachdaran<sup>4</sup> rè uile làithean a bheatha, air sgàth Dhaibhidh m'òglaich, a thagh mi, a chionn gu'n do ghléidh e m'aitheanta<sup>5</sup> agus mo reachda.

35 Ach bheir mi'n rìoghachd as làimh a mhic, agus bheir mi dhuitse i, *eadhon* deich treubhan.

36 Agus d'a mhac-san bheir mi aon treubh, a chum gu'm bi lòchran aig Daibhidh m'òglach an còmhnuidh a'm fhianuis ann an Ierusalem, am baile a thagh mi dhomh féin, a chur m'ainne an sin.

37 Agus gabhaidh mi thusa, agus rìoghaichidh tu a rèir nan uile *nithe* a mhaunaicheas t'anam, agus bithidh tu a'd' rìgh air Israel.

38 Agus ma dh'éisdeas tu ris na h-uile *nithibh*, a dh'aitheas mise dhuit, agus gu'n gluais thu ann am shligheibh, agus gu'n dean thu an *ni a ta* ceart a'm<sup>4</sup> shùilb, a ghléidheadh mo reachdan agus m'aitheanta mar a rinn Daibhidh m'òglach; an sin bithidh mise maille riut, agus togaidh mi dhuit tigh daingean, mar a thog mi do Dhaibhidh, agus bheir mi Israel dhuit.

39 Agus cràdhaidh mi<sup>5</sup> sliochd Dhaibhidh air a shon so, ach cha'n ànn gu bràth.

40 Uime sin dh'iarr Solamh Ieroboam a mharbhadh. Ach dh'éirich Ieroboam, agus theich e do'n Eiphit, a dh'ionnsuidh Shisaic rìgh na h-Eiphit, agus *bha* e san Eiphit gu bàs Sholaimh.

41 Agus a' chuid eile do glùinmbaraibh<sup>6</sup> Sholaimh, eadhon<sup>7</sup> na h-uile *nithe* a rinn e, agus a ghliocas, nach 'eil iad scrìobhta ann an leabhar ghnìomhara Sholaimh?

42 Agus *b'è* an ùine<sup>8</sup>, a rìoghaich Solamh ann an Ierusalem os cionn Israeil uile, dà fhichead bliadhna.

43 Agus choidil<sup>9</sup>, Solamh maille r'a aithrichibh, agus dh'adhlacaidh e ann am baile Dhaibhidh 'athar: agus rìoghaich Rehoboam, a mhac, na àite.

## C AIB. XII.

**A** GUS chaidh Rehoboam do Shechem: oir thàinig Israel uile gu Sechem gu d'heanamh na rìgh.

2 Agus an uair a chuala Ieroboam, mac Nebait, a bhla fathast anns an Eiphit, *sir* (far an do theich e o ghnùis rìgh Solaimh), phill Ieroboam as an Eiphit<sup>10</sup>.

3 Agus chuir iad *fios* agus ghairm iad air: agus thàinig Ieroboam, agus còmh-chruinneachadh Israeil uile, agus labhair iad ri Rehoboam, ag ràdh,

4 Dh'antromaich t'athair ar cuingneach eutromaich thus? a nis seirbhis<sup>11</sup> chruaidh t'athar, agus a chuing throm, a chuir e oirnn, agus ni sinn seirbhis dhuit.

5 Agus thubhairt e riu, Fallhaibh fathast *gu ceann* thri làithean, an sin thigibh a ris a'm ionnsuidh. Agus dh'fhalbh an sluagh.

6 Agus chuir rìgh Rehoboam a chomhairle ris na scann daoinibh, a sheas an làthair Sholaimh 'athar, an uair bu bheo e, ag ràdh, Cionnus a tha sibh a' comhairleachadh dhomh freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tusa an diugh a'd' sheirbhis each aig an t-sluagh so, agus gu'n dean thu seirbhis dhoibh, agus gu'm freagair thu iad, agus gu'n labhair thu focail mhaithes riu, an sin bithidh iadsan agadsa nan seirbhisich gu bràth<sup>12</sup>.

8 Ach thréig esan comhairle nan seann daoine, a thug iad air; agus chuir e 'chomhairle ris na daoinibh òga, a dh'fhàs suas maille ris *féin*, agus a sheas na làthair.

9 Agus thubhairt e riu, Ciod a tha sibhse a' comhairleachadh, a chum as gu'n d'thoir sinn freagradh do'n t-sluagh so, a labhair rium, ag ràdh, Eutromaich a' chuing a chuir t'athair oirnn?

10 Agus labhair na daoine òga, a dh'fhàs suas maille ris *féin*, ris, ag ràdh, Mar so

<sup>1</sup> uile chùraim. <sup>2</sup> eudoch-uachdair, fuluing. <sup>3</sup> chrom siad iad féin. Eabhl. <sup>4</sup> na cheannard, na phrionnsadh. <sup>5</sup> cuiridh mi fa anghar. <sup>6</sup> bhriathraibh. <sup>7</sup> agus. <sup>8</sup> b'iad na làithean. Eabhl.

<sup>9</sup> luidh. <sup>10</sup> agus chomhnuich Ieroboam anns an Eiphit. Faic. II. Eachdr. Caib. X. r. 2. <sup>11</sup> tràilidheachd. <sup>12</sup> gach uile là. Eabhl.

their thu ris an t-sluagh so, a labhair riut, ag ràdh, Dh'antromaich t'athair ar cuingne, ach eutromaich thusa dhuinn i; mar so labhraidh tu riu, *Thu am meur a's lugha agamsa ni's gairbhe na leasraidh m'athar.*

11 Agus a nis chuir m'athair gun amharus oirbh cuing throm, ach cuiridh mise ri bhur cuing: smachdaich m'athair sibh le slataibh <sup>1</sup>, ach smachdaichidh mise sibh le scorpionaibh <sup>2</sup>.

12 Uime sin, thàinig Ieroboam agus an sluagh uile gu Rehoboam air an treas là, mar a dh'àithn an rìgh, ag ràdh, Thigibh a'm' ionnsuidh a ris air an treas là.

13 Agus fhreagair an rìgh an sluagh gu garbh: agus thréig e comhairle nan seann daoine, a thug iad dha.

14 Agus labhair e riu a réir comhairle nan daoine òga, ag ràdh, Dh'antromaich m'athair bhur cuing, agus cuiridh mise ri bhur cuing; smachdaich m'athair sibh le slataibh, ach smachdaichidh mise sibh le scorpionaibh.

15 Mar so cha d'éisd an rìgh ris an t-sluagh: oir bha'n t-aobhar o'n Tighearna, chum gu'n coimhlionadh e 'fhocal féin, a labhair an Tighearna le làimh Ahiah, an t-Silonaich, ri Ieroboam mac Ncbait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Cìod a' chuibhrionn a th'againne ann an Daibhidh? agus cha 'n'eil oighreachd againne ann am mac Iese: do d' bhùthaibh, O Israel; a nis amhaire air do thigh féin, a lhaibhidh. Agus dh'fhalbh Israel d'am bùthaibh.

17 Ach a thuobh chloinn Israeil, a bha chòmhnuidh ann am bailtibh Iudah, rioghachd Rehoboam os an cionn.

18 An sin chuir rìgh Rehoboam Adoram d'an ionnsuidh a bha os cionn na cise; agus chlach Israel uile e le clachaibh, agus fhuair e bàs: uime sin rinn rìgh Rehoboam cabhag gu dol suas <sup>3</sup> d'a charbad, chum as gu'n teicheadh e do h-Ierusalem.

19 Agus rinn Israel ceannairc an aghaidh tighe Dhaibhidh <sup>4</sup> gus an la'n diugh.

20 Agus an uair a chual Israel uile gu'n d'thàinig Ieroboam a ris, chuir iad fìos, agus ghairm iad air do'n choimh-chruinneachadh, agus rinn iad e na rìgh air Israel uile: cha do lean aon tigh Dhaibhidh, ach treubh Iudah a mhàin.

21 Agus an uair a thàinig Rehoboam gu h-Ierusalem, chruinnich e tigh Iudah uile, agus treubh Bheniamin, ceud agus ceithir fichead mìle fear taghta, a bha dcanta ri cogadh, a chogadh ri tigh Israeil, a thoirt

na rioghachd air a h-ais gu Rehoboam mac Sholaimh.

22 Ach thàinig focal, Dé gu Semaiah, duine le Dia, ag ràdh,

23 Labhair ri Rehoboam mac Sholaimh, rìgh Iudah, agus ri tigh Iudah agus Bheniamin uile, agus ri fuigheall an t-sluaigh, ag ràdh,

24 Mar so tha'n Tighearn ag ràdh, Na rachaibh suas, agus na cogaibh ri'r braithribh cloinn Israeil: pillibh gach duine d'a thigh féin, oir is-ann leamsa a rinneadh an nì so. Agus dh'éisd iad ri focal an Tighearna, agus phill iad gu imeachd a réir focail an Tighearna.

25 Agus thog Ieroboam Sechem ann an sliabh Ephraim, agus chòmhnuich e ann: agus chaidh e mach as sin, agus thog e Penuel.

26 Agus thubhairt Ieroboam na chridhe, A nis pillidh an rioghachd gu tigh Dhaibhidh.

27 Ma théid an sluagh so suas a dheanamh iobairtean ann an tigh an Tighearn ann an Ierusalem, an sin pillidh cridhe an t-sluaigh so r'an tighearna, ri Rehoboam, rìgh Iudah: agus marbhaidh ad mise, agus pillidh iad gu Rehoboam, rìgh Iudah.

28 Uime sin, ghabh an rìgh comhairle, agus rinn e dà laogh òir, agus thubhairt e riu, Is mòr oirbh dol suas gu h-Ierusalem: feuch do dhé, O Israel, a thug a mìos thu a tìr na h-Eiphit.

29 Agus shuidhich e aon diubh ann am Betel, agus an laogh eile chuir e ann an Dan.

30 Agus rinneadh an nì so na pheacadh: oir chaidh an sluagh a shleuchdadh an làthair aon diubh, gu ruig Dan.

31 Agus rinn e tigh àitean arda, agus rinn e sagairt do'n chuid a b'is le do'n t-sluagh <sup>5</sup>, nach iobh do chloinn Lebhì.

32 Agus rinn Ieroboam féisd <sup>6</sup> anns an ochdamh mìos, air a' chùigeachd la deug do'n mhìos, cosmhuil ris an fhéisd, a bha ann an Iudah, agus dh'ìobair e <sup>7</sup> air an altair: mar sin rinn e ann am Betel, ag iobradh do na laoghaibh, a rinn e: agus shuidhich e ann am Betel sagarta nan àitean ard a rinn e.

33 Agus dh'ìobair e air an altair, a rinn e ann am Betel, air a chùigeachd la deug do'n ochdamh mìos, anns a' mhìos air an do smuainich e na chridhe féin: agus rinn e féisd do chloinn Israeil, agus dh'ìobair e air an altair, agus loisg e tuis <sup>8</sup>.

#### CAIB. XIII.

AGUS feuch, thàinig duine le Dia a Iudah le focal an Tighearna gu Betel:

<sup>1</sup> scùirsuibh. <sup>2</sup> le slataibh calgach cosmhuil ri scorpionaibh. <sup>3</sup> chaidh rìgh Rehoboam le uile neart suas. <sup>4</sup> thréig, dhealaich Israel ri

tigh Dhaibhidh. <sup>5</sup> do dheireadh an t-sluaigh. <sup>6</sup> féill. <sup>7</sup> chaidh e suas. <sup>8</sup> chaidh e suas air an altair, a loisgadh tuis.



agus *bha* Ieroboam na sheasamh làimh ris an altair, a losgadh tùise.

2 Agus dh'èigh e an aghaidh na h-altarach ann am focal an Tighearna, agus thubhairt e, O altair, altair, mar so thubhairt an Tighearna, Feuch, beirear mac do thigh Dhaibhidh, d'an ainm Iosiah, agus Ìobraidh e ortsa sagarta nan àitean ard a loisgeas tùis ort, agus loisgear cnàmha dhaoine ort.

3 Agus thug e air an là sin féin comhara seachad, ag ràdh, *Is e* so an comhara a labhair an Tighearna: Feuch, reubar an altair, agus dòirtear a mach an luath a *tha* oirre.

4 Agus an uair a chuala rìgh Ieroboam focal an duine le Dia, a dh'èigh e an aghaidh na h-altarach ann am Betel, shìn e a làmh a mach o'n altair, ag ràdh, Beiribh air: agus shearg<sup>1</sup> a làmh a shìn e mach na aghaidh, air chor as nach b'urrainn e a tabhairt air a h-ais thuige<sup>2</sup>.

5 Agus reubadh an altair, agus dhòirt-eadh an luath a mach o'n altair, a réir a' chomharaidh, a thug an duine le Dia le focal an Tighearna.

6 Agus fhreagair an rìgh, agus thubhairt e ris an duine le Dia, Aslaich a nis gnùis an Tighearna do Dhé, agus dean urnuigh air mo shon, a chum gu'n aisgear mo làmh dhomh a ris. Agus dh'aslaich an duine le Dia gnùis an Tighearna, agus dh'aisgeadh làmh an rìgh dha a ris, agus *bha* i mar air tùs.

7 Agus thubhairt an rìgh ris an duine le Dia, Thig maille riumsa do m' thigh, agus neartaich thu féin; agus bheir mi tiodhlacadh dhuit.

8 Agus thubhairt an duine le Dia ris an rìgh, Ge do bheireadh tu dhomhsa leth do thighe, cha rachainn a stigh maille riut, cha mhò a dh'ithinn aran, no dh'òlainn uisge anns an àite so:

9 Oir mar so dh'àithneadh dhomhsa le focal an Tighearna, ag ràdh, Na h-ith aran, agus na h-òl uisge, agus na pillair an t-slighe air an d'thàinig thu.

10 Agus dh'fhalbh e air slighe eile, agus chad do phill e air an t-slighe, air an d'thàinig e do Bhetel.

11 A nis *bha* sean fhàidh na chòmhnuidh ann am Betel, agus thàinig a mhic, agus dh'innis iad da na h-òibre uile a rinn an duine le Dia air an là sin ann am Betel: na briathran a labhair e ris an rìgh, iad so dh'innis iad mar an ceudna d'an athair.

12 Agus thubhairt an athair riu, Cia i an t-slighe air an d'fhalbh e? agus dh'fheuch<sup>3</sup> a mhic *dha* an t-slighe, air an d'fhalbh an duine le Dia, a thàinig a Iudah.

13 Agus thubhairt e r'a mhic, Cuiribh

diollaid dhomh air an asail. Agus chuir iad diollaid dha air an asail, agus mharcaich e oirre.

14 Agus chaidh e'n déigh an duine le Dia, agus fhuair e na shuidhe e fuaidh dharraig, agus thubhairt e ris, An tusa an duine le Dia, a thàinig a Iudah? Agns thubhairt esan, *Is* mi.

15 An sin thubhairt e ris, Thig maille riumsa do m' thigh, agus ith aran.

16 Agus thubhairt esan, Cha'n fheud mi pilltinn maille riut, no dol a steach maille riut: cha mhò a dh'itheas mi aran, no dh'òlas mi uisge maille riut anns an àite so:

17 Oir chaidh a ràdh rium le focal an Tighearna, Cha'n ith thu aran, agus cha'n òl thu uisge an sin; cha mhò philleas tu gu imeachd air an t-slighe, air an d'thàinig thu.

18 Agus thubhairt e ris, *Is* fàidh mise mar an ceudna mar thu féin, agus labhair aingeal rium le focal an Tighearna, ag ràdh, Thoir air ais leat e do d' thigh, a chum as gu'n ith e aran, agus gu'n òl e uisge. Ach rinn e breug dha.

19 Agus phill e maille ris, agus dh'ith e aran na thigh, agus dh'òl e uisge.

20 Agus an uair a *bha* iad nan suidhe aig a' bhord, thàinig focal an Tighearna a dh'ionnsuidh an fhàidh, a thug air ais e.

21 Agus ghiaodh e ris an duine le Dia, a thàinig a Iudah, ag ràdh, Mar so tha'n Tighearna ag ràdh, A chionn gu'n robh thu eas-ùmhail do fhocal<sup>4</sup> an Tighearna, agus nach do ghleidh thu an àithne, a dh'àithn an Tighearna do Dhia dhuit,

22 Ach gu'n do phill thu, agus gu'n d'ith thu aran, agus gu'n d'òl thu uisge anns an àite mu'n d'thubhairt e riut, Na h-ith aran, agus na h-òl uisge; cha d'fhéid do chorp<sup>5</sup> a steach do uaigh t'àithriche.

23 Agus an déigh dha aran itheadh, agus an déigh dha òl, chuir e diollaid dha air an asail, *eadhon* do'n fhàidh, a thug e air ais.

24 Agus an uair a dh'fhalbh e, thachair leòmhann air san t-slighe, agus mharbh se e: agus thilgeadh a chorp air an t-slighe, agus sheas an asal làimh ris: sheas an leòmhann mar an ceudna làimh ris a' chorp.

25 Agus feuch, *bha* daoine a' gabhail seachad, agus chunnaic iad an corp tilgte air an t-slighe, agus an leòmhann na sheasamh làimh ris a' chorp: agus thàinig iad, agus dh'innis iad e anns a' bhaile, anns an robh an sean fhàidh na chòmhnuidh.

26 Agus an uair a chual am fàidh, a thug air ais e o'n t-slighe, sin, thubhairt e, *Is* esan

<sup>1</sup> thiormaich.    <sup>2</sup> chuige.    <sup>3</sup> oir chunnaic.

<sup>4</sup> bheul.

<sup>5</sup> chlosach, mharbhan.

an duine le Dia, a bha eas-umhal do fhocal an Tighearna : uime sin thug an Tighearna thairis e do'n leòmhain, a reub e, agus a sùbarbh e, a réir fòcail an Tighearna, a labhair e ris.

27 Agus labhair e r'a mhic, ag ràdh, Cuiribh diollaid dhomh air an asail. Agus chuir air diollaid oirre.

28 Agus dh'fhalbh e, agus fhuair e a chorp tilgte air an t-slighe, agus an asal agus an leòmhain nan seasamh làimh ris a' chorp : cha d'ith an leomhan an corp, cha mhò a reub e an asal.

29 Agus thog am fàidh corp an duine le Dia, agus chuir e àir an asail e, agus thug e air ais e : agus thàinig an sean fhàidh do'n bhaile<sup>1</sup>, gu caoidh a dheanamh, agus gu 'adhlacadh<sup>2</sup>.

30 Agus chuir e a chorp na uaigh fèin, agus rinn iad caoidh os a cheann, ag ràdh, Mo thruaighe mo bhràthair !

31 Agus an deigh dha esan adhlacadh, labhair e r'a mhic, ag ràdh, 'Nuair a gheibh mise bàs, an sin adhlaicibh mi anns an uaigh anns am bheil an duine le Dia adhlaicte ; làimh r'a chnàmhaibh-san cuiribh mo chnàmha-sa :

32 Oir gu deimhin thig e gu crìch an ni, a dh'éigh e le focal an Tighearna an aghaidh na h-altarach ann am Betel, agus an aghaidh thighean nan àit arda, a tha ann am bailtibh Shamaria.

33 An deigh an ni so, cha do phill Ieroboam o 'dhroch shlighe, ach rinn e a ris<sup>3</sup> do'n chuid a b'isle do'n t-sluagh sagartan do na h-àitibh arda : ge b'e leis am b'àill, choisrig se e, agus bha e na aon do shagart-aibh nan àitean arda.

34 Agus bha an ni so na pheacadh do thigh Ieroboaim, agus a chum a ghearradh as, agus a chum a sgrios bhàrr aghaidh na talmhainn.

## CAIB. XIV.

**A**NNS an àm sin bha Abiah, mac Ieroboaim, gu tinn.

2 Agus thubhairt Ieroboam r'a mhnaoi, Eirich a nis, agus cuir thu fèin ann an coslas eile<sup>4</sup>, a chor as nach aithnich iad gur tu bean Ieroboaim ; agus imich do Shiloh : feuch, an sin tha Abiah am fàidh, a dh'innis dhomhsa gu'm bithinn a'm' rìgh air an t-sluagh so.

3 Agus thoir<sup>5</sup> leat a'd' làimh deich buil-innean, agus breacagan, agus soitheach meala, agus falbh d'a ionnsuidh : innsidh esan duit ciod a dh'éireas do'n leanabh.

4 Agus rinn bean Ieroboaim mar sin, agus dh'éirich i, agus chaidh i do Shiloh, agus thàinig i gu tigh Abiah : ach cha b'urrainn Abiah ni fhaicinn, oir dliorch-aicheadh<sup>6</sup> a shùilean le aois.

5 Agus thubhairt an Tighearna ri Abiah, Feuch, tha bean Ieroboaim a' teachd a dh'iarraidh ni ort a thaobh a mic, oir tha e gu tinn : mar so agus mar so labhradh tu rìa<sup>7</sup> ; oir tarlaidh<sup>8</sup> nuair a thig i a steach, gu'n gabh i oirre fèin gur bean eile i.

6 Agus tharladh, an uair a chual Abiah fuaim a cos<sup>9</sup>, agus i a' teachd a steach air an dorus, gu'n dubhairt e, Thig a steach, a bhean Ieroboaim : c'ar son a tha thu a' gabhail ort gur bean eile thu ? ach chuireadh mise a'd' ionnsuidh le teachdaireachd chruaidh.

7 Falbh, innis do Ieroboam, Mar so tha'n Tighearna Dia Israeil ag ràdh, A chionn gu'n d'ardaich mise thu a meadhon an t-sluaigh, agus gu'n do chuir mi thu a'd' cheannard air mo shluagh Israel :

8 Agus gu'n do reub mi an rìoghachd o thigh Dhaibhidh, agus gu'n d'thug mi dhuist e ; agus gidheadh nach robh thu mar m'òglach Daibhidh, a ghléidh m'àith-eanta, agus a lean mi le uile chridhe, a dheanamh an ni sin a mhàin a bha ceart ann mo shùilibh-sa ;

9 Ach gu'n d'rinn thu olc os cionn nan uile a bha romhad, agus gu'n deachaidh tu agus gu'n d'rinn thu dhuit fèin diathan eile<sup>10</sup>, agus dealbhan leaghta, gu fearg a chur ormsa ; agus gu'n do thilg thu mi air do chùlaobh :

10 Uime sin feuch, bheir mise olc air tigh Ieroboaim, agus gearraidh mi as o Ieroboam esan, a ni uisge ri balladh, esan a dhruideadh a steach agus a dh'fhàgadh ann an Israel ; agus bheir mi air falbh fuigheall tìghe Ieroboaim, mar a bheir neach air falbh aolach gus an teirig e.

11 Esan a gheibh bàs do Ieroboam anns a' bhaile, ithidh na madraidh e ; agus esan a gheibh bàs anns a' mhachair, ithidh eun-laith an athair e : oir labhair an Tighearna e.

12 Uime sin éirich thusa, imich do d' thigh fèin : an uair a théid do chòsan<sup>11</sup> a steach do'n bhaile, gheibh an leanabh bàs.

13 Agus ni Israel uile caoidh air a shon, agus adhlaicidh iad e : oir théid esan a mhàin o Ieroboam a dh'ionnsuidh na h-uaighe ; a chionn gu'n d'fhuaradh ann ni maith a thaobh an Tighearna Dé Israeil, ann an tigh Ieroboaim.

14 Os bàrr, toigaidh an Tighearna suas dha fèin rìgh air Israel, a ghearras as tigh Ieroboaim air an là sin : ach ciod ? a nis fèin.

15 Agus buailidh an Tighearna Israel, mar a ghluaisear cuile anns an uisge, agus spionaidh e Israel as an fhearann mhaith so, a thug e d'an aithrichibh, agus sgapaidh se iad air an taobh thall do'n abhuinn ; a

<sup>1</sup> thàinig e do bhaile an t-sean fhàidh.  
<sup>2</sup> adhlac. <sup>3</sup> phill e agus rinn e. Eabh. <sup>4</sup> atharraich thu fèin. Eabh. <sup>5</sup> beir. <sup>6</sup> sheas. Eabh.

<sup>7</sup> r'i, rithe. <sup>8</sup> bithidh e. Eabh. <sup>9</sup> cas.  
<sup>10</sup> coimheadh. <sup>11</sup> do chos.



chionn gu'n d'rinn iad an doireachan, a' cur feirg air an Tighearna.

16 Agus bheir e thairis Israel, air son pheacanna Ieroboaim, a pheacaich, agus a thug air Israel pèacachadh.

17 Agus dh'èirich bean Ieroboaim, agus dh'imich i, agus thàinig i gu Tirsah: agus an uair a chaidh i steach air stairsnich an tighe, fhuair an leanabh bàs.

18 Agus dh'adhlaic iad e, agus rinn Israel uile caoidh air a shon, a rèir focail an Tighearna, a labhair e le làimh 'òglaich féin, Ahiah an fhàidh.

19 Agus a' chuid eile do ghnìomharaibh Ieroboaim, mar a chog, agus mar a rioghaich e, feuch, *tha* iad sgrìobhta ann an leabhar eachdraidh<sup>1</sup> rìghre Israeil.

20 Agus *b'iad* na làithean, a rioghaich Ieroboaim, dà bhliadhna thar fhichead: agus choidil e maille r'a aithrichibh, agus rioghaich Nadab, a mhac, na àit.

21 Agus rioghaich Rehoboam, mac Sholaimh, ann an Iudah. *Bha* Rehoboam bliadhna agus dà fhichead a dh'aois an uair a thoisich e air rioghachadh, agus rioghaich e seachd bliadhna deug ann an Ierusalem, am baile 'a thagh an Tighearn a uile thruabhaibh Israeil, a chur 'ainme an sin: agus *b'e* ainm a mhàthar Naamah, Banamonach.

22 Agus rinn Iudah olc ann an sùilbh an Tighearna, agus bhrosnaich iad e gu h-eud le'm peacannaibh, a rinn iad os cionn nan uile, a rinn an aithriche:

23 Oir thog iadsan mar an ceudna àitean arda dhoibh féin, agus dealbhan, agus doireachan, air gach cnoc ard, agus fuidh gach craoibh uaine.

24 Agus bha mar an ceudna Sodomaich anns an tìr: rinn iadsan a rèir uile ghràine-eileachda nan cinneach, a thilg an Tighearn a mach roimh chloinn Israeil.

25 Agus anns a' chùigeadh bliadhna do rìgh<sup>2</sup> Rehoboam, thàinig Sisac rìgh na h-Eiphit a nìos an aghaidh Ierusalem:

26 Agus thug e leis ionmhais tighe an Tighearna, agus ionmhais tighe an rìgh; bhuin e leis eadhon an t-ionlan: agus thug e leis na sgiathan òir uile, a rinn Solamh.

27 Agus rinn rìgh Rehoboam sgiathan umha nan àit, agus thug e thairis iad gu làimh cheannard an fhreiceadain<sup>3</sup> a ghlèidh dorus tighe an rìgh.

28 Agus an uair a chaidh 'n rìgh a steach do thigh an Tighearna, dh'iomchair am freiceadan iad, agus thug iad air an ais iad gu seòmar an fhreiceadain.

29 Agus a' chuid eile do ghnìomharaibh<sup>4</sup> Rehoboaim, agus na h-uile nithe a rinn e, nach 'eil iad sgrìobhta ann an leabhar eachdraidh rìghre Iudah?

30 Agus bha cogadh eadar Rehoboam, agus Ieroboam rè an làithean uile.

31 Agus choidil Rehoboam maille r'a aithrichibh, agus dh'adhlaic e maille r'a aithrichibh ann am baile Dhaibhidh: agus *b'e* ainm a mhàthar Naamah, Banamonach. Agus rioghaich Abiam a mhac na àit.

## CAIB. XV.

**A**NIS anns an ochdamh bliadhna deug do rìgh Ieroboam mac Nebait, rioghaich Abiam os cionn Iudah.

2 Tri bliadhna rioghaich e ann an Ierusalem: agus *b'e* ainm a mhàthar Maachah, nighean Abisaloim.

3 Agus ghluais e ann an uile pheacaibh 'athar, a rinn e roimhe: agus cha robh a chridhe iomlan leis an Tighearn a Dhia; mar a *bha* cridhe Dhaibhidh 'athar.

4 Gidheadh, air sgàth Dhaibhidh thug an Tighearn a Dhia lòchran dha ann an Ierusalem, a chur a mhic suas na dhéigh, agus a dhaingneachadh Ierusalem:

5 A chionn gu'n d'rinn Daibhidh an *nì* a *bha* ceart ann an sùilbh an Tighearna, agus nach do chlaon e o na h-uile *nithibh* a dh'aithn e dha rè uile làithean a bheatha, ach a mhàin an cùis Uriah an Hitich.

6 Agus bha cogadh eadar Rehoboam, agus Ieroboam rè uile làithean a bheatha.

7 A nis a' chuid eile do ghnìomharaibh<sup>5</sup> Abiam, agus na h-uile *nithcan* a rinn e, nach 'eil iad sgrìobhta ann an leabhar eachdraidh rìghre Iudah? agus bha cogadh eadar Abiam agus Ieroboam.

8 Agus choidil Abiam maille r'a aithrichibh, agus dh'adhlaic iad e ann am baile Dhaibhidh: agus rioghaich Asa a mhac na àit.

9 Agus anns an fhicheadamh bliadhna do Ieroboam rìgh Israeil, rioghaich Asa os cionn Iudah.

10 Agus bliadhna agus dà fhichead rioghaich e ann an Ierusalem: agus *b'e* ainm a mhàthar Maachah, nighean Abisaloim.

11 Agus rinn Asa an *nì*, a *bha* ceart ann an sùilbh an Tighearna, mar a rinn Daibhidh 'athar.

12 Agus dh'fhuadaich e na Sodomaich as an tìr, agus chuir e air falbh na dealbhan uile, a rinn 'aithriche.

13 Agus mar an ceudna Maachah a mhàthair, chuir e eadhon ise o *bhi* na ban-rìghinn, a chionn gu'n d'rinn i dealbh uamhasach ann an dòire: agus sgrìos Asa a dealbh uamhasach, agus loisg se e aig sruth Chidrom.

14 Ach cha do chuireadh as do<sup>6</sup> na h-àitibh arda: gidheadh, bha cridhe Asa iomlan leis an Tighearna rè a làithean uile.

<sup>1</sup> leabhar thrùth-eachdraidh; leabhar fhocla làithean. Eabh. chronicles. Sasg. <sup>2</sup> rioghachadh. <sup>3</sup> nan gilean-ruith. <sup>4</sup> bhriathraibh, sgeul.

<sup>5</sup> bhriathraibh. <sup>6</sup> cha do chuireadh air falbh, cha d'atharraicheadh.

15 Agus thug e steach na nithean a naomhaich 'athair, agus na nithean a naomhaich e féin, do thigh an Tighearna, airgid, agus òr, agus soithichean.

16 Agus bha cogadh cadar Asa, agus Baasa, rìgh Israeil, rè an làithean uile.

17 Agus chaidh Baasa, rìgh Israeil, suas an aghaidh Iudah, agus thog e Ramah, a chum nach leigeadh e le neach air bith dol a mach, no teachd a steach gu Asa, rìgh Iudah.

18 Agus ghabh Asa an t-airgid agus an t-òr uile, a dh'fhàgadh ann an ionmhaisibh tìghe an Tighearna, agus ann an ionmhaisibh tìghe an rìgh, agus thug e iad an làimh a sheirbhiseach: agus chuir rìgh Asa iad gu Ben-hadad mac Thabrimoin, mhic Hesiain, rìgh Shiria, a bha chòmh-nuidh ann an Damascus, ag ràdh,

19 *Tha coimh-cheangal eadar mise agus thusa, agus eadar m'athair-sa agus t'athair-sa: feuch, chuir mi a t'ionnsuidh tiodhlacadh airgid agus òir; thig agus bris do choimh-cheangal ri Baasa, rìgh Israeil, a chum gu'm falbh e uam!.*

20 Agus dh'éisd Ben-hadad ri rìgh Asa, agus chuir e ceannarda nan armaistean a bha aige, an aghaidh bhaistean Israeil, agus bhuail e Iion, agus Dan, agus Abel-bet-maachah, agus Cinerot uile, maille ri rìgh Naphtali uile.

21 Agus an uair a chuala Baasa sin, sguir e do thogail Ramah, agus ghabh e còmhnuidh ann an Tirsah.

22 An sin thug rìgh Asa gairm air feadh Iudah uile, (cha robh neach air bith saor) agus thug iad leo clacha Ramah, agus fhiodh, leis an do thog Baasa e; agus thog rìgh Asa leo Gebah Bheniamin, agus Mispah.

23 Agus a' chuid eile do uile ghnìomharaibh<sup>2</sup> Asa, agus a ncart uile, agus gach ni a rinn e, agus na bailtean a thog e, nach 'eil iad scribedhta ann an leabhar eachdraidh rìghre Iudah? Gidheadh, an àm a shean aois bha cuicail na chosaidh.

24 Agus choidil Asa maille r'a aithrichibh, agus dh'adhlacaidh e maille r'a aithrichibh ann am baile Dhaibhidh 'athair: Agus rìghaich a mhac Iehosaphat na àit.

25 Agus thoisich Nadab, mac Ieroboaim, air rìghachadh os cionn Israeil anns an dara bliadhna do Asa rìgh Iudah; agus rìghaich e os cionn Israeil dà bhliadhna.

26 Agus rinn e olc ann an sùilbhan an Tighearna, agus ghluais e ann an slighe 'athair, agus na pheacadh, leis an d'thug e air Israel peacadhadh.

27 Agus rinn Baasa mac Abiah, do thigh Isachair, ceannairc<sup>3</sup> na aghaidh; agus bhuail Baasa e làimh ri Gibeton, a bhuineas do na Philistich, an uair a bha Nadab agus Israeil uile a' teannachadh<sup>4</sup> Ghibetoin.

28 Mar so mharbhadh Baasa e anns an treas bliadhna do Asa, rìgh Iudah, agus rìghaich e na àit.

29 Agus an uair a rìghaich e, bhuail e tìgh Ieroboaim uile; cha d'fhàg e neach air bith anns an robh anail aig Ieroboaim, agus an do sgrios se e, a réir focail an Tighearna, a labhair e le làimh a sheirbhiseich Abiah an t-Silonaich:

30 Air son pheacanna Ieroboaim, a pheacaidh e, agus leis an d'thug e air Israel peacadhadh: air son a' bhrosnachaidh leis an do bhrosnachadh e'n Tighearna Dia Israeil gu feirg.

31 Agus a' chuid eile do ghnìomharaibh Nadab, agus na li-uile nithe a rinn e, nach 'eil iad scribedhta ann an leabhar eachdraidh rìghre Israeil?

32 Agus bha cogadh cadar Asa, agus Baasa, rìgh Israeil, rè an làithean uile.

33 Anns an treas bliadhna do Asa rìgh Iudah, thòisich Baasa mac Abiah air rìghachadh os cionn Israeil uile ann an Tirsah; agus rìghaich e ceithir bliadhna fichead.

34 Agus rinn e olc ann an sùilbhan an Tighearna, agus ghluais e ann an slighe Ieroboaim, agus na pheacadh, leis an d'thug e air Israel peacadhadh.

## CAIB. XVI.

**U**IME sin thàinig focal an Tighearna gu Iehu, mac Hanani, an aghaidh Bhaasa, ag ràdh,

2 A chionn gu'n d'ardaich mise thu o'n duslach, agus gu'n d'rinn mi thu a'd' cheannard air mo shluagh Israel, ach gu'n do ghluais thusa ann an slighe Ieroboaim, agus gu'n d'thug thu air mo shluagh Israel peacadhadh, 'g am bhrosnachadh gu feirg le'm peacaidh:

3 Feuch, gearraidh mi as slìochd Bhaasa, agus slìochd a thighe, agus ni mi do thighsa mar thigh Ieroboaim, mhic Nebait.

4 Esan a dh'eugas do Bhaasa anns a' bhaile, ithidh na madraidh e; agus esan a dh'eugas leis anns an fhearann, ithidh eunlath an athair<sup>5</sup> e.

5 Agus a' chuid eile do ghnìomharaibh Bhaasa, agus na nithe a rinn e, agus a ncart, nach 'eil iad scribedhta ann an leabhar eachdraidh rìghre Israeil?

6 Agus choidil Baasa maille r'a aithrichibh, agus dh'adhlacaidh e ann an Tirsah: agus rìghaich Elah a mhac na àit.

7 Agus mar an ceudna le làimh an fhàidh Iehu mhic Hanani, thàinig focal an Tighearna an aghaidh Bhaasa, agus an aghaidh a thighe, air son an uile uile a rinn e ann an sùilbhan an Tighearna, 'ga bhrosnachadh gu feirg le obair a làimh, gu bhith mar thigh Ieroboaim, agus a chionn gu'n do mharbhadh se e.

8 Anns an t-seathadh bliadhna fichead

<sup>1</sup> gu'n tog e dhìom. <sup>2</sup> bhriathraibh.  
<sup>3</sup> coimhchealg. <sup>4</sup> cuairteachadh, luidhe nu.

<sup>5</sup> an aidheir.



do Asa rìgh Iudah, thòisich Elah, mac Bhaasa, air rìoghachadh os cionn Israeil ann an Tirsah; agus rìoghaich e dà bhliadhna.

9 Agus rinn a sheirbhiseach Simri, ceannard leth a charbad, ceannairc na aghaidh 'nuair a bha e ann an Tirsah, ag òl agus an robh e air mhìsg ann an tigh Arsah, a bha os cionn a thighe ann an Tirsah.

10 Agus chaidh Simri steach, agus bhual se e, agus nìharbh se e, anns an t-seachdamh bliadhna fichead do Asa rìgh Iudah; agus rìoghaich e na àit.

11 Agus an uair a thòisich e air rìoghachadh, co luath as a shuidh e air a rìgh-chaitheir, bhual e tigh Bhaasa uile: cha d'fhàg e neach air bith aige, a dheanadh uisge ri balladh, d'a luchd-dàimh, no d'a chairidibh.

12 Mar so sgrios Simri tigh Bhaasa uile, a réir focail an Tighearna, a labhair e an aghaidh Bhaasa le làimh Iehu an fhàidh;

13 Air son uile pheacanna Bhaasa, agus pheacanna Elah a mhic, leis an do pheacaidh iad, agus leis an d'thug iad air Israel peacachadh, a' brosnachadh an Tighearna Dé Israeil gu feirg le'n dìomhanasaibh.

14 Agus a' chuid eile do ghnìomharaibh Elah, agus na h-uile *nìthe* a rinn e, nach 'eil iad scribedhta ann an leabhar eachdraidh rìghre Israeil?

15 Anns an t-seachdamh bliadhna fichead do Asa rìgh Iudah, rìoghaich Simri seachd laithean ann an Tirsah: agus bha'n sluagh air campachadh<sup>1</sup> an aghaidh Ghibeton, a bhuineadh do na Philistich.

16 Agus chual an sluagh, a bha air campachadh, 'ga ràdh, Rinn Simri ceannairc, agus mar an ceudna bhual e'n rìgh: uime sin rinn Israel uile Omri ceannard an t-slòigh na rìgh air Israel an là sin fèin anns a' champ.

17 Agus chaidh Omri, agus Israel uile maille ris, suas o Ghibeton, agus theannaidh iad<sup>2</sup> Tirsah.

18 Agus an uair a chunnaic Simri gu'n do ghlacadh am baile, chaidh e steach do luchairt tighe an rìgh, agus loisg e tigh an rìgh os a chionn fèin le teine, agus dh'èug e.

19 Air son a pheacanna leis an do pheacaidh e, a deanamh uile ann an sùilibh an Tighearna, a' gluasad ann an slighe Ieroboaim, agus na pheacadh, a rinn e, ann an tabhairt air Israel peacachadh.

20 Agus a' chuid eile do ghnìomharaibh Shimri, agus a cheannairc a rinn e, nach 'eil iad scribedhta ann an leabhar eachdraidh rìghre Israeil?

21 An sin roinneadh sluagh Israeil nan dà leth; lean leth an t-sluaigh Tibni, mac Ghinait, gu 'dheanamh na rìgh; agus lean an leth eile Omri.

22 Ach bhuadhaich an sluagh a lean Omri air an t-sluagh, a lean Tibni mac Ghinait: agus fhuair Tibni bàs, agus rìoghaich Omri.

23 Anns an aon bhliadhna deng thar fhichead do Asa rìgh Iudah, thòisich Omri air rìoghachadh os cionn Israeil<sup>3</sup>; agus rìoghaich e dà bhliadhna dheug: ann an Tirsah rìoghaich e sè bliadhna.

24 Agus cheannaidh e sliabh Shamaria<sup>4</sup> o Shemer air dhà thàlann airgid, agus thog e *aitteabh* air an t-sliabh, agus ghoir e ainm a' bhaile a thog e, a réir ainme Shemeir, sealbhadair sliabh Shamaria.

25 Ach rinn Omri ole ann an sùilibh an Tighearna, agus rinn e nì's measa na iad-san uile, a bha roimhe:

26 Oir ghluais e ann an uile shlighe Ieroboaim mhic Nebait, agus na pheacadh, leis an d'thug e air Israel peacachadh, a' brosnachadh an Tighearna Dé Israeil gu feirg le'n dìomhanasaibh.

27 Agus a' chuid eile do ghnìomharaibh Omri, a rinn e, agus a neart, a dh'fheuch e, nach 'eil iad scribedhta ann an leabhar eachdraidh rìghre Israeil?

28 Agus choidil Omri maille r'a aithrichibh, agus dh'adhlacaidh e ann an Samaria: agus rìoghaich Ahab a mhac na àit.

29 Agus thòisich Ahab mac Omri air rìoghachadh os cionn Israeil anns an ochdamh bliadhna deng thar fhichead do Asa rìgh Iudah: agus rìoghaich Ahab mac Omri os cionn Israeil ann an Samaria, dà bhliadhna thar fhichead.

30 Agus rinn Ahab mac Omri ole ann an sùilibh an Tighearna, os cionn nan uile, a bha roimhe.

31 Agus mar gu'm bu ni faoin<sup>5</sup> dhasan gluasad ann am peacaibh Ieroboaim, mhic Nebait, ghabh e na mnaoi Iesebel, nighean Etbail, rìgh nan Sidonach, agus chaidh e agus rinn e seirbhis do Bhaal, agus shleuchd e dha.

32 Agus chuir e suas altair do Bhaal ann an tigh Bhaail, a thog e ann an Samaria.

33 Agus rinn Ahab doire; agus rinn Ahab nì's mò a bhrosnachadh an Tighearna Dé Israeil gu feirg na uile rìghrean Israel, a bha roimhe.

34 Na laithibh-san thog Hiel am Betel each Iericho: ann an Abiram<sup>6</sup>, a cheudghin, shuidhich e a bhunait, agus ann an Segub, a mhac a b'òige, chuir e suas a gheataidh, a réir focail an Tighearna, a labhair e le làimh Iosua mhic Nuin.

CAIB. XVII.

**A**GUS thubhairt Eliah, an Tisbitheach, a bha do luchd àiteachaidh Ghilead<sup>7</sup>, ri Ahab, Mar is beo an Tighearna Dia

<sup>1</sup> nan suidhe. <sup>2</sup> shuidh iad mu'n cuairt air. <sup>3</sup> os cionn Israeil uile. <sup>4</sup> Someron, Eabhl.

<sup>5</sup> eutrom, suarach. <sup>6</sup> ann an bàs Abiram. <sup>7</sup> a bha a Thishi Ghilead.

Israeil, an làthair am bheil mise a'm' sheasamh, cha blii 'sna' bliadhnaibh so drùchd no uisge ann, ach a réir m'fhocail-sa.

2 Agus thàinig focal an Tighearna d'a ionnsuidh, ag ràdh,

3 Imich as so, agus-tionndaidh thu fein a làimh na h-àirde 'n ear, agus folaich thu fein aig sruth Cherit, a tha fa chomhair Iordain.

4 Agus òlaidh tu do'n t-sruth, agus dh'aitn mise do na fithreachaibh do bheathachadh an sin.

5 Agus dh'imich e, agus rinn e a réir focail an Tighearna: oir chaidh e, agus ghabh e còmhnuidh aig sruth Cherit, a tha fa chomhair Iordain.

6 Agus thug na fithich d'a ionnsuidh aran agus feoil sa' mhaduinn, agus aran agus feoil san fheasgar; agus dh'òle as an t-sruth.

7 Ach an ceann tamuill<sup>1</sup> thiormaich an sruth, a chionn nach robh uisge anns an tìr.

8 Agus thàinig focal an Tighearna d'a ionnsuidh, ag ràdh,

9 Eirich, imich gu Sarephat, a's le Sidon, agus gabh còmhnuidh an sin: feuch, dh'aitn mise do mhnaoi, a ta na-bantraich an sin, do bheathachadh.

10 Agus dh'éirich e, agus chaidh e do Sharephat: agus an uair a thàinig e gu geatadh a' bhaile, feuch bha a' bhantrach an sin a' tional bhioran<sup>2</sup>, agus ghairm e oirre, agus thubhairt e, Thoir a'm' ionnsuidh, guidheam ort, beagan uisge ann an soitheach, a chum gu'n òl mi.

11 Agus an uair a bha i a' dol g'a thoirt leatha, ghlaodh e ria, agus thubhairt e, Thoir a'm' ionnsuidh, guidheam ort, greim arain a'd' làimh.

12 Agus thubhairt ise, Mar is beo an Tighearna do Dhia, cha 'n-eil breacag agam, ach làn an duirn do mhin ann an soitheach<sup>3</sup>, agus beagan olaidh ann an corn<sup>4</sup>; agus feuch, tha mi a' tional biorain no dhà, a chum gu'n d'fhéid mi steach, agus gu'n deasaich mi e dhomh féin agus do m' mhac, agus gu'n ith sinn e, agus gu'm faigh sinn bas.

13 Agus thubhairt Eliah ria, Na biodh eagal ort; falbh, dean a réir t'fhocail: ach dean dhomhsa dhiubh sin breacag bheag an toiseach, agus thoir a' n' ionnsuidh i, agus dhuit féin agus do d' mhac deasaich<sup>5</sup> na dhéigh sin.

14 Oir mar so tha'n Tighearna Dia Israeil ag ràdh, Cha chaithear an soitheach mine, agus cha teirig an corn olaidh, gus an là san cuir an Tighearn uisge air aghaidh na talmhainn.

15 Agus dh'fhalbh i, agus rinn i a réir

focail Eliah, agus dh'ith ise, agus esan, agus a tigh rè mòrain do laithibh.

16 Cha do chaitheadh an soitheach mine, agus cha do theirig an corn olaidh, a réir focail an Tighearna, a labhair e le làimh Eliah.

17 Agus thachair an déigh nan nithe sin gu'n d'fhàs mac na mnà, eadhon mnà an tìghe, gu tinn; agus bha a thinneas chotrom, as nach d'fhàgadh anail ann.

18 Agus thubhairt i ri Eliah, Ciod e mo ghnothluch-sa riut<sup>6</sup>, a dhuine le Dia? an d'thàinig thu a'm' ionnsuidh a chur mo pheacaidh an cuimhne, agus a mharbhadh mo mhic?

19 Agus thubhairt esan ria, Thoir dhomhsa do mhac. Agus ghlac e as a h-uchd e, agus thug e suas e do sheòmar uachdarach<sup>7</sup>, anns an robh e fein a' fantuinn, agus chuir e na luidhe air a leabaidh fein e.

20 Agus dh'éigh e ris an Tighearna, agus thubhairt e, A Tighearna mo Dhia, an d'thug thu mar an ceudna olc air a' bhantraich, aig am bheil mi air aoidheachd<sup>8</sup>, le a mac a mharbhadh?

21 Agus shìn se e fein air an leanabh trì uairean, agus dh'éigh e ris an Tighearna, agus thubhairt e, A Thighearna mo Dhia, thigcadh, guidheam ort, anam an leinibh so a steach ann a ris.

22 Agus dh'éisd an Tighearna ri guth Eliah; agus thàinig anam an leinibh a steach ann a ris, agus dh'ath-bheothaich eadh e.

23 Agus ghlac Eliah an leanabh, agus thug e sìos e as an t-seòmar uachdarach do'n tigh, agus thug e d'a mhàthair e: agus thubhairt Eliah, Feuch, tha do nì hac beo.

24 Agus thubhairt a' bhean ri Eliah, A nis le so tha fios agam gur duine le Dia thu, agus gur firinn focal an Tighearn ann do bheul.

#### CAIB. XVIII.

**A** GUS an dèigh mòrain do laithibh, thàinig focal an Tighearna gu Eliah anns an treas bliadhna, ag ràdh, Falbh, nochd<sup>9</sup> thu fein do Ahab, agus bheir mise uisge air aghaidh na talmhainn.

2 Agus dh'fhalbh Eliah g'a nochdadh fein do Ahab: agus bha gorta mhòr ann an Samaria.

3 Agus ghairm Ahab air Obadiah, a bha os cionn a thìghe, (a nis bha eagal an Tighearna gu mòr air Obadiah:

4 Oir an uair a thug Isebel fa'near fàidhean an Tighearn a ghearradh as, ghabh Obadiah ceud fàidh, agus dh'fholaich e iad nan leth-cheudaibh<sup>10</sup> ann an uainibh, agus bheathaich e iad le h-aran agus uisge)

5 Agus thubhairt Ahab ri h-Obadiah,

<sup>1</sup> an ceann bliadhna; an ceann laithean. Eabh.

<sup>2</sup> mhaidean, comnaidh.

<sup>4</sup> cruiseim.

<sup>3</sup> baraill, cuir-meig.

<sup>6</sup> Ciod dhomhsa agus

dhuitse. Eabh. <sup>7</sup> lobhta. <sup>8</sup> maille ris am bheil

mi air chuairt. <sup>9</sup> taisbein, feuch.

<sup>10</sup> a fion

leth-cheud agus leth-cheud.



Imich do'n tìr, a dh'ionnsuidh nan tobar uisge uile, agus a dh'ionnsuidh nan sruth uile, a dh'fheuchainn ain faigh sinn fear, a chum as gu'n gléidh sinn ar n-eich agus ar muileidean beo, agus nach caill sinn an spréidh uile.

6 Agus roinn iad an tìr eatorra gu dol troimpe : chaidh Ahab air aon slighe leis féin, agus chaidh Obadiah air slighe eile leis féin.

7 Agus an uair a bha Obadiah san t-slighe, feuch, thachair Eliah air: agus dh'aithnich se e, agus thuit e air 'aghaidh, agus thubhairt e, An tusa *tha'n so*, mo thighearn Eliah?

8 Agus thubhairt esan ris, *Is mi* : imich, innis do d' thighearna, Feuch *tha Eliah an so*.

9 Agus thubhairt esan, Ciod am peacadh a rinn mi, gu'n d'thugadh tu do sheirbhis-each an làimh Ahaib, g'am mharbhadh?

10 *Mar* is beo an Tighearna do Dhia, cha 'n 'eil cinneach, no rìoghachd, do nach do chuir mo thighearna g'ad iarraidh: agus an uair a thubhairt iad, Cha 'n'eil *e'n so*; ghabh e mionnan do'n rìoghachd, agus do'n chinneach, nach d'fhuair e<sup>1</sup> thu.

11 Agus a nis *tha thu* ag ràdh, Imich, innis do d' thighearna, Feuch, *tha Eliah an so*.

12 Agus tachraidh, an uair a dh'imicheas mise uait, gu'n tog spiorad an Tighearna leis thusa far nach 'eil fhios agamsa, agus an uair a thig mise a dh'innseadh do Ahab, agus nach faigh e thu, gu'm marbh e mise: gidheadh *tha eagal* an Tighearn ormsa do sheirbhis-each o m'òige.

13 Nach d'innseadh do m' thighearna ciod a rinn mi, 'nuair a mharbh Iesebel fàidhean an Tighearna, mar a dh'fhòlaich mi ceud fear a dh'fhàidhibh an Tighearna, nan leth-cheudaibh ann an uaimh, agus a bheathaich mi iad le h-aran agus le h-uisge?

14 Agus a nis *tha thu* ag ràdh, Imich, innis do d' thighearna, Feuch, *tha Eliah an so*; agus marbhaidh e mi.

15 Agus thubhairt Eliah, *Mar* is beo Tighearna nan slògh, an làthair am bheil mi a'm<sup>2</sup> sheasainn, gu deimhin nochdaidh mi mi féin da an diugh.

16 Uime sin, chaidh Obadiah an coinn-eamh Ahaib, agus dh'innis e dha. Agus chaidh Ahab an coinneamh Eliah.

17 Agus an uair a chunnaic Ahab Eliah, thubhairt Ahab ris, An tusa esan a tha cur Israeil fa bhuaireas<sup>2</sup>?

18 Agus thubhairt esan, Cha mliise a chuir Israel fa bhuaireas, ach thusa agus rìgh t'athar, a thaobh gu'n do thréig sibh àitheantan an Tighearna, agus gu'n do lean sibh<sup>3</sup> Baalim.

19 A nis uime sin cuir *fios*, cruinnich a'm<sup>4</sup> ionnsuidh-sa Israel uile gu sliabh Charmeil, agus fàidhean Bhaail, ceithir

cheud agus leth-cheud, agus fàidhean nan doire, ceithir cheud, a tha 'g itheadh aig bord Iesebeil.

20 Agus chuir Ahab *fios* a dh'ionnsuidh chloinn Israeil uile, agus chruinnich e na fàidhean an ccann a chéile gu sliabh Charmeil.

21 Agus thàinig Eliah dh'ionnsuidh an t-sluaigh uile, agus thubhairt e, Cia fhad a bhitheas sibh san iomchomhairl' eadar dhà bharail? Ma's e'n Tighearn a's Dia ann, leanaibh e: aeh ma's e Baal, leanaibh esan. Ach cha do fhreagair an sluagh e aon fhocal.

22 An sin thubhairt Eliah ris an t-sluagh, Dh'fhàgadh mise, cadhon mise, a mhàin a'm<sup>5</sup> fhaidh leis an Tighearna: ach tha fàidhean Bhaail ceithir cheud agus leth-cheud fear an àireamh.

23 Thugadh iad dhuinne ma ta, dà tharbh òg, agus taghadh iadsan dhoibh féin aon tarbh òg, agus gearradh iad na mhiribh e, agus cuireadh iad air connadh e; ach na cuireadh iad teine fuidhe: agus deasaichidh mise an tarbh òg eile, agus cuiridh mi air connadh e, ach cha chuir mi teine fuidhe.

24 An sin gairmibh-sa air ainm bhur dée féin, agus gairmidh mise air ainm an Tighearna<sup>6</sup>: agus an Dia a fhreagras le teine, bithidh esan na Dhia. Agus fhreagair an sluagh uile agus thubhairt iad, *Is maith a labhair thu*.

25 Agus thubhairt Eliah ri fàidhibh Bhaail, Taghaibh-sa dhuibh féin aon tarbh òg, agus deasaichibh an toiseach e, oir *tha* sibh lìonmhor; agus gairmibh air ainm bhur dée, ach na cuiribh teine fuidhe.

26 Agus ghabh iad an tarbh òg a thugadh dhoibh, agus dheasaich iad e, agus ghairm iad air ainm Bhaail, o mhaduinn cadhon gu meadhon-là, ag ràdh, A Bhaail éisd ruinne. Ach cha robh guth, no neach air bith a fhreagradh ann: agus leum iad air an altair a rinn iad<sup>7</sup>.

27 Agus an uair a bha e mu mheadhon-là, rinn Eliah fanoid orra, agus thubhairt e, Eighibh le guth ard; oir *is* dia e: an dara cuid *tha* e a' beachd-smuaineachadh<sup>6</sup>, no *tha* e air tòir, no *tha* e air thurus, no theagamh gu'm bheil e na chodal, agus gu'm feumar a dhùsgadh.

28 Agus dh'éigh iadsan le guth ard, agus ghearr siad iad féin a réir an gnàtha le cloidhibh<sup>7</sup> agus le lannaibh, gus an do thaom an fhuil a mach orra.

29 Agus an uair a chaidh meadhon-là thairis, agus a rinn iad fàidheadoireachd gu àm toirt suas na h-iobairt *fheasgair*, cha robh guth ann, no aon air bith a fhreagradh, no bheireadh fa'near iad.

30 Agus thubhairt Eliah ris an t-sluagh nìle, Thigibh am fagus domh-sa. Agus

<sup>1</sup> iad. <sup>2</sup> a'tuairgneadh Israeil. <sup>3</sup> thusa. <sup>4</sup> Iehobah. Eabhl. <sup>5</sup> rinneadh. <sup>6</sup> ri bruidhinn.

<sup>7</sup> sgeanaibh.

thàinig an sluagh uile am fagus da; agus chàirich e altair an Tighearn, a *bha* air a breiseadh sìos.

31 Agus ghabh Eliah dà chloich dheug, a rèir àireimh thruabh mhac Iacoib, chum an d'thàinig focal an Tighearn, ag ràdh, Bithidh Israel mar ainm ort.

32 Agus thog e leis na clachaibh altair ann an ainm an Tighearna; agus rinn e clais co mòr as gu'n cumadh i dà thomhas sìl, mu'n cuairt air an altair.

33 Agus shuidhich e'n connadh, agus ghearr e'n tarbh òg na mhiribh, agus chuir e air a' chonnadh e.

34 An sin thubhairt e, Lìonaibh ceithir soithichean le h-uisge, agus dòrtibh e air an ìobairt-loisgte, agus air a' chonnadh. Agus thubhairt e, Deanaibh an dara h-uair e, agus rinn iad an dara h-uair e: agus thubhairt e, Deanaibh an treas uair e, agus rinn iad an treas uair e.

35 Agus chaidh an t-uisge mu'n cuairt air an altair, agus lìon e mar an ceudna a' chlais le h-uisge.

36 Agus an àm toirt suas na h-ìobairt *fhcasgair*, thàinig Eliah am fàidh am fagus, agus thubhairt e, A Thighearna Dhia Abraham, Isaac, agus Israel, biodh fhios an diugh gur tusa a's Dia ann an Israel, agus *gur* mise t-òglach, agus *gur* ann air t-fhocal-sa rinn mi na nithe so uile.

37 Eisd rium, A Thighearna, eisd rium; agus biodh fios aig an t-sluagh so gur tusa 'n Tighearna Dia, agus gu'n do phill thu an cridhe air ais a ris.

38 An sin thuit teine an Tighearna agus chaith e' an ìobairt-loisgte, agus an connadh, agus na clachan, agus an luathre; agus an t-uisge *bha* sa' chlais dh'imlich e suas.

39 Agus an uair a chunnaic an sluagh uile e, thuit iad air an aghaidh, agus thubhairt iad, Is e'n Tighearna fèin a's Dia ann, is e'n Tighearna fèin a's Dia ann.

40 Agus thubhairt Eliah riu, Glacaibh fàidhean Bhaail; na rachadh duine dhiubh as. Agus ghlac siad iad; agus thug Eliah sìos iad gu sruth Chisoin, agus mharbh e iad an sin.

41 Agus thubhairt Eliah ri Ahab, Eirich suas, ith agus òl; oir *tha* fuaim pailteis uisge ann.

42 Agus chaidh Ahab suas a dh'itheadh agus a dh'òl: agus chaidh Eliah suas gu mullach Charmeil, agus thilg se e fèin sìos air an talamh, agus chuir e 'aghaidh eadar a ghlùnibh.

43 Agus thubhairt e r'a òglach, Falbh suas a nis, ambaire a dh'ionnsuidh na fairge. Agus chaidh esan suas, agus dh'ambaire e, agus thubhairt e, Cha 'n eil

ni air bith ann. Agus thubhairt e, Falbh a ris seachd uairean.

44 Agus air an t-seachdamh uair thubhairt e, Feuch, *tha* neul beag cosmhuil ri bois<sup>2</sup> duine ag éirigh as an thairge. Agus thubhairt e, Falbh suas, abair ri Ahab, Uluich do charbad, agus gabh sìos, a chum nach bac an t-uisge thu.

45 Agus anns a' cheart àm sin, dhorch-aicheadh na speuran le neulaibh agus le gaith: agus bha uisge mòr ann. Agus mharcaich Ahab, agus chaidh e do Iesreel.

46 Agus bha lāmh an Tighearn air Eliah; agus chrìoslaich e a leasraidh, agus ruith e roimh Ahab, agus an d'thàinig e do Iesreel<sup>3</sup>.

## CAIB. XIX.

**A** GUS dh'innis Ahab do Iesebel na h-uile *nithe* a rinn Eliah, agus cionnus a mharbh e na fàidhean uile leis a' chhlaidheamh.

2 Agus chuir Iesebel teachdaire dh'ionnsuidh Eliah, ag ràdh, Mar sin deanadh na *dée riumsa*, agus tuilleadh mar an ceudna, mur dean<sup>4</sup> mise mu'n àm so am màireach t'anam-sa<sup>5</sup> mar anam aoin diubhsan.

3 Agus bha eagal air, agus<sup>6</sup> dh'éirich e, agus dh'fhalbh e air sgàth 'anna, agus thàinig e gu Beer-seba, a *bhuineas* do Iudah, agus dh'fhàg e 'òglach an sin.

4 Ach chaidh e fèin astar latha<sup>7</sup> do'n fhàsach, agus thàinig e agus shuidh e fuidh chraoibh-aiteil, agus dh'iarr e dha fèin<sup>8</sup> bàs fhaghail<sup>9</sup>, agus thubhairt e, Is leòr e; a nis a Thighearna, thoir leat m'anam; oir cha'n fhèrr mise na m'aitriche.

5 Agus an uair a luidh e agus a choidil e fuidh chraoibh-aiteil, feuch an sin bhean aingeal ris, agus thubhairt e ris, Eirich, ith.

6 Agus dh'amhaire e, agus feuch, *bha* aig a cheann breacag a bhrùicheadh air a ghriosaich, agus soitheach uisge: agus dh'ith agus dh'òl e, agus luidh e sìos a ris.

7 Agus thàinig aingeal an Tighearn air ais an dara h-uair, agus bhean e ris, agus thubhairt e, Eirich, ith; oir tha'n turus mòr air do shon.

8 Agus dh'éirich esan, agus dh'ith agus dh'òl e, agus dh'imich e ann an neart a' bhìdh sin dà fhichead là, agus dà fhichead oidhche, gu ruig Horeb slabh Dhé.

9 Agus chaidh e steach an sin do uaimh, agus ghabh e tàmh innte; agus feuch, thàinig focal an Tighearna d'a ionnsuidh, agus thubhairt e ris, Ciod e do ghnothuch an so, Eliah?

10 Agus thubhairt esan, Bha mi ro-eudmhor air son an Tighearna Dé nan slògh: oir thréig clann Israel do choimhcheangal, thilg iad sìos t'altairean, agus

<sup>1</sup> dh'ith e suas, loisg e. <sup>2</sup> lāmh. <sup>3</sup> gu dol a steach Iesreel. <sup>4</sup> cuir. <sup>5</sup> do bheatha-sa.

<sup>6</sup> Agus an uair a chunnaic e sin. <sup>7</sup> là. <sup>8</sup> d'a anum. Eabh. <sup>9</sup> fhuatann.



mharbh iad t'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anma, chum a thoirt air falbh.

11 Agus thubhairt e, Falbh a mach, agus seas air an t-slabh an làthair an Tighearna. Agus feuch, ghabh an Tighearna seachad, agus reub gaoth mhòr agus làidir na beanntan, agus bhris i na creaga nam bloighdibh roinsh an Tighearna, *ach* cha robh an Tighearna anns a' ghaoith: agus an déigh na gaoithe crith-thalmhainn, *ach* cha robh an Tighearna anns a' chrith-thalmhainn;

12 Agus an déigh na crith-thalmhainn teine, *ach* cha robh an Tighearna anns an teine; agus an déigh an teine guth ciuin caol.

13 Agus an uair a chual Eliah e, chòmhdaich e' aghaidh le 'fhalluing, agus chaidh e mach, agus sheas e am beul na h-uamha: agus feuch, *thàinig* guth d'a ionnsuidh, agus thubhairt e, Cìod e do ghnòthuch an so, Eliah?

14 Agus thubhairt esan, Bha mi ro-eudmhor air son an Tighearna Dé nan slògh: oir thréig clann Israeil do choinh-cheangal, thilg iad sìos t'altairean, agus mharbh iad t'fhàidhean leis a' chlàidheamh; agus dh'fhàgadh mise a mhàin, agus tha iad ag iarraidh m'anma chum a thoirt air falbh.

15 Agus thubhairt an Tighearna ris, Falbh, pill air do shlighe gu fàsach Dhamascuis: agus an uair a thig thu, ung Hasael na rìgh air Sìria.

16 Agus Iehu mac Nimsi<sup>1</sup> ungaidh tu na rìgh air Israel: agus Elisa mac Shaphait o Abelmeholah ungaidh tu na fhàidh a'd' àite féin.

17 Agus tacharaidh, esan a théid as o chlàidheamh Hasaeil, gu marbh Iehu e: agus esan a theid as o chlàidheamh Iehu: gu marbh Elisa e.

18 Gidheadh dh'fhàg mi *dhomh* féin ann an Israel seachd mìle, na glùinean uile nach do lùb iad féin do Bhaal, agus gach uile bheul nach d'thug pòg dha.

19 Agus dh'fhalbh e as sin, agus fhuair e Elisa mac Shaphait, agus e ag àr le dà chuing dheug *dhamh* roimhe, agus e féin leis an dara *cuing* deug: agus chaidh Eliah thairis d'a ionnsuidh<sup>2</sup>, agus thilg e 'fhalluing air.

20 Agus dh'fhàg esan na daimh, agus ruith e 'n déigh Eliah, agus thubhairt e, Leig dhomh, guidheam ort, m'athair agus mo mhàthair a phògadh, agus an sin leanaidh mi thu. Agus thubhairt esan ris, Falbh, pill; oir cìod a rinn mise ort?

21 Agus phill e uaith, agus ghabh e *cuing* dhamh, agus mharbh e iad, agus le

acfuinn nan damh bhruich e am feoil, agus thug e do'n t-sluagh i, agus dh'ith iad. An sin dh'éirich e, agus chaidh e'n déigh Eliah, agus fhritheil e dha.

CAIB. XX.

**A**GUS chruinnich Ben-hadad, rìgh Shiria, a shluagh uile an ceann a chèile; agus *bha* dà rìgh dheug thar fhichead maille ris, agus eich, agus carbaid: agus chaidh e suas agus theannaich e Samaria, agus chog e na aghaidh.

2 Agus chuir e teachdairean gu Ahab rìgh Israeil do'n bhaile, agus thubhairt e ris, Mar so tha Ben-hadad ag ràdh,

3 T'airgiod agus t'òr is leamsa; do mhnàì mar an ceudna agus do chlann, *eudhon a' chuid* a's fearr dhiubh, is leamsa iad.

4 Agus fhreagair rìgh Israeil. agus thubhairt e, A réir t'fhocail, mo thighearna a rìgh, is leat mise, agus gach *ni a ta* agam.

5 Agus phill na teachdairean, agus thubhairt iad, Mar so labhair Ben-hadad, ag ràdh, Ge do chuir mi fios a r' ionnsuidh, ag ràdh, T'airgiod, agus t'òr, agus do mhnàì, agus do chlann bheir thu dhomhsa;

6 Gidheadh mu'n tràth so am maireach cuiridh mi mo sheirbhisich a r' ionnsuidh, agus rannsachidh iad do thigh, agus tighean do sheirbhiseach: agus tachraidh e, gach *ni a ta* taitneach do d' shùilibh, *gu'n* cuir iad nan làimh, agus *gu'n* d'thoir iad leo e.

7 Agus ghairm rìgh Israeil air uile sheanairith na tìre, agus thubhairt e, Thugaibh fa'near<sup>3</sup>, guidheam oirbh, agus faicibh cionnus a *tham fear* so ag iarraidh uile; oir chuir e *fios* a'm' ionnsuidh, air mo mhnàibh, agus air mo chloinn, agus air m'airgiod, agus air m'òr, agus cha do dhiùlt mi e.

8 Agus thubhairt na seanairean uile, agus an sluagh uile, ris, Na h-éisd ris, agus na h-aontaich leis.

9 Uime sin thubhairt e ri teachdairibh Ben-hadad, Innsibh do m' thighearna an rìgh, Gach *ni* air an do chuir thu *fios* gu t'òglach an toiseach, *ni mi*; ach an *ni* so cha'n urrainn mi dheanamh. Agus dh'fhalbh na teachdairean, agus thug iad freagradh air ais d'a ionnsuidh.

10 Agus chuir Ben-hadad *fios* d'a ionnsuidh, agus thubhairt e, Mar sin deanadh na dée riumsa, agus tuilleadh mar an ceudna, ma's leòr duslach Shamaria gu làn an dorn do'n t-sluagh uile, a *tha* 'gam leantuinn-sa.

11 Agus fhreagair rìgh Israeil, agus thubhairt e, Abraibh ris, Na deanadh an tì sin uaill, a ta crioslachadh *'armachd* uime, mar an tì a chuir dheth i.

12 Agus an uair a chuala Ben-hadad an teachdaireachd so, agus e féin agus na

<sup>1</sup> Iehu mac Iehosaphait, mhic Nimsi. II. Rìgh. Caib. IX. r. 2.

<sup>2</sup> ghabh Eliah seachad air.

rìghrean ag òl anns na pàillionaibh, thubhairt e r'a sheirbhisich, Cuiribh sibh fèin an ordugh<sup>1</sup>. Agus chuir iad-san iad fèin an ordugh an aghaidh a' bhaile.

13 Gus feuch, thàinig fàidh àraidh gu Ahab rìgh Israeil, agus thubhairt e, Mar so tha'n Tighearn ag ràdh, Am fàca tusa an sluagh mòr so uile? feuch, bheir mise a'd làimh iad an dugh, agus bithidh fios agad gur mise an Tighearna.

14 Agus thubhairt Ahab, Co leis? Agus thubhairt esan, Mar so tha'n Tighearna ag ràdh, Le òganachaibh uachdarana nan dùchanna<sup>2</sup>. An sin thubhairt e, Cò chuireas an cath an ordugh? Agus thubhairt esan, Thusa.

15 An sin dh'àireamh e òganaich uachdarana nan dùchanna. agus bha ann diubh dà cheud, agus a dhà dheug thar fhichead: agus nan deigh-san dh'àireamh e an sluagh uile, eadhon uile shluagh chloinn Israeil, seachd mìle.

16 Agus chaidh iad a mach mu mheadhon-là: ach bha Ben-hadad ag òl gus an robh e air mhìsg anns na pàillionaibh, e fèin agus na rìgre, eadhon an dà rìgh dheug thar fhichead, a bha 'a chòmhnadh.

17 Agus chaidh òganaich uachdarana nan dùchanna mach an toiseach, agus chuir Ben-hadad daoine a mach, agus dh'innis iad da, ràdh, Thàinig daoine a mach a Samaria.

18 Agus thubhairt esan, Ma's ann gu sìth a thàinig iad a mach, glacaibh beo iad, no m'as ann gu cogadh a thàinig iad a mach, glacaibh beo iad.

19 Agus thàinig iad a mach as a' bhaile, òganaich uachdarana nan dùchanna, agus an armailt a lean iad.

20 Agus mharbh gach fear diubh 'fhear: agus theich na Sirianaich, agus ruag Israel iad; agus chaidh Ben-hadad, rìgh Shìria, as air muin eich, maille ris a' mharc-shluagh.

21 Agus chaidh rìgh Israeil a mach, agus bhual e na h-eich, agus na carbad, agus mharbh e na Sirianaich le h-àr mòr.

22 Agus thàinig am fàidh gu rìgh Israeil, agus thubhairt e ris, Falbh, neartaich thu fèin, agus thoir fa'near, agus faic ciod a ni thu; oir aig teachd mu'n cuairt<sup>3</sup> na bliadhna thig rìgh Shìria nìos a'd' aghaidh.

23 Agus thubhairt seirbhisich rìgh Shìria ris. Is dée bheann an dée-san; uime sin bhuaidhaich iad oirnn: ach cogamaid riu anns a' chòmhnard, agus gun teagamh buadhaichidh sinne orrasan.

24 Agus dean an nì so, Thoir na rìghrean air falbh, gach fear as 'àit, agus cuir ceannardan nan àit.

25 Agus àireamh dhuit fèin armailt, mar an armailt a thuit agad<sup>4</sup>, each air an each, agus carbad air a' charbad; agus cogaidh sinn riu anns a' chòmhnard, agus gu

cinnteach buadhaichidh sinn orra<sup>5</sup>. Agus dh'èisd e r'an guth, agus rion e mar sin.

26 Agus aig teachd mu'n cuairt na bliadhna dh'àireamh Ben-hadad na Sirianaich, agus chaidh e suas gu h-Aphec a chogadh ri h-Iraeil.

27 Agus dh'àirmheadh clann Israeil, agus bha iad uile a làthair, agus chaidh iad nan coinneamh: agus champaich clann Israeil fa'n comhair, mar dhà threud bheaga ghabhar: ach lion na Sirianaich an tìr.

28 Agus thàinig duine le Dia, agus labhair e ri rìgh Israeil, agus thubhairt e, Mar so tha'n Tighearn ag ràdh, A chionn gu'n dubhairt na Sirianaich, Is Dia bheann an Tighearna. ach cha 'n e Dia nan gleann e: air an aobhar sin bheir mise an sluagh lìonmhor so uile ann ad làimh-sa, agus bithidh fios agaibh gur mise an Tighearna.

29 Agus champaich iad mo choinneamh a chèile seachd lathèan: agus air an t-seachdamh là chuireadh an cath: agus mharbh clann Israeil do na Sirianaich ceud mìle coisiche ann an aon là.

30 Ach theich a' chuid eile gu h-Aphec, do'n bhaile: agus an sin thuit balladh air seachd mìle fichead fear do na dh'fhàgadh. Agus theich Ben-hadad, agus thàinig e do'n bhaile, do sheòmar cùil<sup>6</sup>.

31 Agus thubhairt a sheirbhisich ris, Feuch a nis, chuala sinn mu rìghre tighe Israeil, gur rìghrean iochdmhor iad: cuir-eamaid ma ta saic-eudach air ar lea-raidh, agus cuir<sup>7</sup> air ar ceann, agus rachamaid a mach gu rìgh Israeil; theagamh gu'n saor e t'anam.

32 Agus cheangail iad saic-eudach air an leasraidh, agus chuir iad cuirid air an cinn, agus thàinig iad gu rìgh Israeil, agus thubhairt iad, Tha do sheirbhiseach Ben-hadad ag ràdh, Leig dhomh, guidham ort, a bhi beo. Agus thubhairt esan, Am bheil e fathast beo? is e mo bhràthair e.

33 Agus thug na daoine an aire gu furachar a dh'fheuchainn an d'fhigeadh nì air bith uath, agus ghràd-ghlac iad e: agus thubhairt iad, Do bhràthair Ben-hadad. An sin thubhairt esan, Rachaidh, thugaibh leibh e. Agus thàinig Ben-hadad a mach d'a ionnsuidh; agus thug e air dol suas do'n charbad.

34 Agus thubhairt Ben-hadad ris, Na bailtean a thug m'athair-sa o t'athair-sa bheir mise air an ais, agus nì thusa sràide dhuit fèin ann an Damascus, mar a rinn m'athair-sa ann an Samaria. An sin thubhairt Ahab, Leigidh mise air falbh thu leis a choimhcheangal so, Mar so rinn e coimhcheangal ris, agus leig e air falbh e.

35 Agus thubhairt duine àraidh do mhacaibh nam fàidh r'a choimhearsnach ann am focal an Tighearna, Buail mi,

<sup>1</sup> Suidhichibh na h-inneala-cogaidh. <sup>2</sup> tìr. <sup>3</sup> ath-philleadh. <sup>4</sup> a chaidh thu. <sup>5</sup> bithidh



guidheam ort. Agus dhiùlt an duine a bhuailadh

36 An sin thubhairt esan ris, A chionn nach d'éisd thu ri guth an Tighearna, feuch, co luath as a dh'fhalbhas tu uam-sa, marbhaidh leòmhán thu. Agus co luath as a dh'fhalbh e uaidh, fhuair leòmhán e, agus mharbh se e.

37 Na dhéigh sin fhuair e duine eile, agus thubhairt e, Buail mi, guidheam ort. Agus bhuail gu deimhin an duine<sup>1</sup> e, agus lot se e.

38 Agus dh'fhalbh am fàidh, agus dh'fheith e air an rìgh làimh ris an t-slighe. agus chuir se e fèin ann an coslas<sup>2</sup> eile le luath<sup>3</sup> air 'aghaidh<sup>4</sup>.

39 Agus an uair a bha'n rìgh a' gabhail seachad, dh'éigh e ris an rìgh, agus thubhairt e, Chaidh t'òglach a steach gu meadhon a' chatha, agus feuch, thionndaidh duine a leth-taobh, agus thug e duine a'm<sup>5</sup> ionnsuidh-sa, agus thubhairt e, Gléidh am fear so: mur bi e r'a fhaotainn<sup>6</sup> air chor sam bith, bithidh t'anam-sa air son 'anmasan, no diolaidh<sup>7</sup> tu tàlann airgid.

40 Agus am feadh a bha t'òglach a' bith-dheanamh an so agus an sud, cha robh esan r'a f'ghaidh<sup>8</sup>. Agus thubhairt rìgh Israeil ris, Is ann mar so a bhuilheas do bhreith-eanas-sa, dh'orduich thu fèin e.

41 Agus rinn e cabbag, agus chuir e'n luath air falbh o 'aghaidh; agus dh'aithnich rìgh Israeil e, gu'm b'ann do na fàidh-bh e.

42 Agus thubhairt e ris, Mar so tha'n Tighearn ag ràdh, A chionn gu'n do leig thu as do làimh duine a dh'orduich mise gu léir-sgrìos, uime sin bithidh t'anam-sa air son 'anmasan, agus do shluagh-sa air son a shluaigh-san.

43 Agus dh'fhalbh rìgh Israila dh'ionnsuidh a thighe dubhach<sup>9</sup> agus feargach<sup>10</sup>, agus thàinig e gu Samaria.

#### CAIB. XXI.

**A** GUS thachair an déigh nan nithe sin gu'n robh fion-lios aig Nabot an t-Iesreeleach, a bha ann an Iesreel, làimh ri lùchairt Ahab, rìgh Shamaria.

2 Agus labhair Ahab ri Nabot, ag ràdh, Thoir dhomhsa t'fhion-lios, gu bhì agam na lios<sup>10</sup> luibhean, a chionn gu bheil e fagus do m' thigh, agus bheir mise dhuitse air a shon fion-lios a's fearr na e; no ma's e a's taitmiche leat<sup>11</sup>, bheir mi dhuit a luach an airgid.

3 Agus thubhairt Nabot ri Ahab, Nar leigeadh Dia dhomhsa, gu'n d'thugainn oighreachd m'athriche dhuitse.

4 Agus thàinig Ahab d'a thigh dubhach agus feargach, air son an fhocail, a labhairt Nabot, an t-Iesreeleach, ris: oir thubhairt e,

Cha d'thoir mi dhuit oighreachd m'athriche: agus luidh e sìos air a leabaidh, agus thionndaidh e 'aghaidh air falbh, agus cha'n itheadh e aran.

5 Ach hàinig Iesebel, a bhean, d'a ionnsuidh, agus thubhairt i ris, C'ar son a tha do spiorad cho dubhach, agus nach ith thu aran?

6 Agus thubhairt esan ria, Air son gu'n do labhair mi ri Nabot an t-Iesreeleach, agus gu'n dubhairt mi ris, Thoir dhomhsa t'fhion-lios air airgid; no, ma's àill leat, bheir mi dhuit fion-lios eile air a shon: agus thubhairt esan, Cha d'thoir mi dhuit m'fhion-lios.

7 Agus thubhairt Iesebel, a bhean, ris, Tha thus' a nis a' stiùradh rioghachd Israeil! Eirich, ith aran, agus biodh do chridhe subhach: bheir mise dhuit fion-lios Nabot an Iesreeleach.

8 Agus sgrìobh i litrichean ann an ainm Ahab, agus sheulaich i iad le 'sheula; agus chuir i na litriche dh'ionnsuidh nan seanair, agus a dh'ionnsuidh nan uaislean, a bha chòmhnuidh maille ri Nabot na bhaile.

9 Agus sgrìobh i anns na litricibh, ag ràdh, Gairmibh trosgadh, agus thugaibh air Nabot suidhe an toiseach an t-sluaigh.

10 Agus cuiribh dithis dhaoine, mic Bhelial, mu 'choinneamh, a thoirt fianuis na aghaidh, ag ràdh, Mhaslaich thu<sup>12</sup> Dia agus an rìgh: agus an sin thugaibh a mach e, agus clachaibh e, a chum gu'm faigh e bàs.

11 Agus rinn daoine a bhaile, eadhon na seanaircan, agus na h-uaislean a chòmhnuich na bhaile, a réir an fhios a chuir Iesebel d'an ionnsuidh, a réir an nì a bha sgrìobhta anns na litricibh, a chuir i d'an ionnsuidh.

12 Ghairm iad trosgadh, agus thug iad air Nabot suidhe an toiseach an t-sluaigh.

13 Agus thàinig dithis dhaoine, mic Bhelial, agus shuidh iad mu 'choinneamh: agus rinn fir Bhelial fianuis na aghaidh, eadhon an aghaidh Nabot, an làthair an t-sluaigh, ag ràdh, Mhaslaich Nabot Dia agus an rìgh. An sin thug iad a mach as a' bhaile e, agus ehlach iad e le clachaibh, agus fhuair e bàs.

14 Na dhéigh sin chuir iad teachdaire gu Iesebel, ag ràdh, Chlachadh Nabot, agus tha e marbh.

15 Agus an uair a chuala Iesebel gu'n do chlachadh Nabot, agus gu'n robh e marbh, thubhairt Iesebel ri Ahab, Eirich, gabh sealbh ann am fion-lios Nabot an Iesreeleach, a dhiùlt e thoirt duit air airgid; oir cha n'eil Nabot beo, aeh marbh.

16 Agus an uair a chual Ahab gu'n robh Nabot marbh, dh'éich Ahab a dhol sìos gu

<sup>1</sup> bhuail an duine e le bhuailadh. Eabh.  
<sup>2</sup> duaineachd. <sup>3</sup> gnùis-bhrat. <sup>4</sup> a shùilbith. Eabh. <sup>5</sup> mu dh'ionndruinear e. <sup>6</sup> cudthrom-  
aichidh. Eabh. <sup>7</sup> fhaotainn. <sup>8</sup> tuirseach.

<sup>9</sup> fa mhi-ghean. <sup>10</sup> ghàradh. <sup>11</sup> fearr a'd  
shùilbith. Eabh. <sup>12</sup> Mhallaich thu; thug thu  
toibheum do.

fion-lios Naboit. an Iesreelich, a ghabhail seilbh ann.

17 Agus thàinig focal an Tighearna dh'ionnsuidh Eliah, an Tisbidheach, ag ràdh,

18 Eirich, falbh sìos a choinneachadh Ahaib rìgh Israeil, a *tha* ann an Samaria: feuch, *tha* e ann an fion-lios Naboit, d'an deachaidh e sìos a ghabhail seilbh ann.

19 Agus labhraidh tu ris, ag ràdh, Mar so tha'n Tighearn ag ràdh, An do mharbh thu, agus mar an ceudna an do ghabh thu seilbh? Agus labhraidh tu ris, ag ràdh, Mar so tha'n Tighearn ag ràdh, Anns an àit anns an d'imlich na madraidh fuil Naboit, imlichidh na madraidh t'fhuil, eadhon t'fhuil-sa.

20 Agus thubhairt Ahab ri h-Elijah, An d'fhuair thu mi, O mo nàmhaid? Agus thubhairt esan, Fhuair mi *tha*; a chionn gu'n do reic thu thu fèin a dheanamh uile ann an sùilbh an Tighearna.

21 Feuch, bheir mise ole ort, agus cuiridh mi as do d' shliochd, agus gearraidh mi air falbh o Ahab esan, a ni uisge ri balladh, agus esan a dhruidcar a stigh, agus a dh'fhàgar ann an Israel.

22 Agus ni mi do thigh-sa, mar thigh Ieroboam mhic Nebait, agus mar thigh Bhaasa mhic Ahiah, air son a' bhro-nachaidh leis an do bhrosnaich thu mi gu feirg, agus leis an d'thug thu air Israel peacachadh.

23 Agus mar an ceudna mu Iesebel labhair an Tighearna, ag ràdh, Ithidh na madraidh Iesebel aig balladh<sup>1</sup> Iesreil.

24 Esan a gheibh bàs do Ahab anns a' bhaile ithidh na madraidh, agus esan, a gheibh bàs anns a' mbachair<sup>2</sup>, ithidh eunlaith an athair.

25 Ach cha robh *neach* ann cosmbuil ri Ahab, a reic e fèin a dheanamh uile ann an sùilbh an Tighearna, do bhrìgh gu'n do tharruing a bhean Iesebel thuige<sup>3</sup> e.

26 Agus rinn e nithe ro-ghràineil ann an leantuin dhèe bréige<sup>4</sup>, a réir nan uile *nithe* a rinn na h-Amoraich, a thig an Tighearn a mach roimh<sup>5</sup> chloinn Israeil.

27 Agus an uair a chual Ahab na briathra sin, reub e 'eudach, agus chuir e saic-eudach air 'fheoil, agus throisg e, agus luidh e ann an saic-eudach, agus ghluais e gu mall<sup>6</sup>.

28 Agus thàinig focal an Tighearna, gu Eliah an Tisbidheach, ag ràdh,

29 Am faic thusa mar a tha Ahab 'ga ùmhlachadh fèin a'm' fhianuis-sa? a chionn gu bheil e 'ga ùmhlachadh fèin a'm' fhianuis, cha d'thoir mi an t-ole na laithibh-san: ach ann an laithibh a mhic bheir mi an t-ole air a thigh.

## CAIB XXII.

**A**GUS dh'fhan iad trì bliadhna gun chogadh eadar Siria agus Israel.

2 Agus anns an treas bliadhna thàinig Iehosaphat, rìgh Iudah, a nuas gu rìgh Israeil.

3 (Agus thubhairt rìgh Israeil r'a sheir-bhisich, Nach 'eil fhios agaibh gur leinne Ramot ann an Gilead? agus *gudheadh* *tha* sinn gun ghuth againn air a ghlacadh<sup>7</sup> a làimh rìgh Shiria.)

4 Agus thubhairt e ri Iehosaphat, An d'théid thu maille riumsa gu cath do Ramot-gilead? Agus thubhairt Iehosaphat ri rìgh Israeil, *Tha* mise mar a *ta* thusa, mo shluagh-sa mar do shluagh-sa, m'eich-sa mar t'eich-sa.

5 Agus thubhairt Iehosaphat ri rìgh Israeil, Fiosraich<sup>8</sup>, guidheam ort, an diugh do fhocal an Tighearna.

6 Uime sin chruinnich rìgh Israeil na fàidhean an cionn a chéile, mu thimchioll ceithir cheud fear, agus thubhairt e riu, An d'théid mi an aghaidh Ramot-gilead gu cath, no'n leig mi leis? Agus thubhairt iadsan, Falbh suas, oir bheir an Tighearn an làimh an rìgh e.

7 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'n fiosraich sinn dheth?

8 Agus thubhairt rìgh Israeil ri Iehosaphat, *Tha* fathast aon fhear ann, Micaiah mac Imlah, leis an feud sinn fiosrachadh do'n Tighearna; ach *tha* fuath againn dha, oir cha n'haith a chuireas e air mo mhanach-sa<sup>9</sup>, ach ole. Agus thubhairt Iehosaphat, Na h-abradh an ri h mar sin.

9 Agus ghairm rìgh Israeil air maor<sup>10</sup>, agus thubhairt e, Greas an so Micaiah mac Imlah.

10 Agus shuidh rìgh Israeil, agus Iehosaphat rìgh Iudah, gach fear air a rìgh-chaitheir fèin, le'n earradh *rioghail* orra, ann an àite réidh, ann an dol a steach geataidh Shamaria, agus na fàidhean uile ri fàidheadaireachd nam fianuis.

11 Agus rinn Sedeciah mac Chenaanah adhaircean iaruinn dha fèin, agus thubhairt e, Mar so tha'n Tighearn ag ràdh, Leo so buailidh tu na Siriaich, agus an cuir thu as doibh.

12 Agus rinn na fàidhean uile fàidheadaireachd<sup>11</sup> mar so, ag ràdh, Falbh suas gu Ramot-gilead, agus sùibhich; oir bheir an Tighearn an làimh an rìgh e.

13 Agus an teachdair<sup>12</sup> a chaidh a ghairm Micaiah, labhair e ris, ag ràdh, Feuch a nis, *tha* briathra nam fàidh le h-aon bheir a' foillsachadh maith do'n rìgh: bitheadh t'fhocal-sa, guidheam ort, mar t'hocal aon diubhsan, agus labhair an ni a *ta* maith.

<sup>1</sup> ann an dàineach. <sup>2</sup> anns an fhearann.

<sup>3</sup> chuige. <sup>4</sup> dhealbh, iodhola. <sup>5</sup> aghaidh. Eabh.

<sup>6</sup> gu foil. <sup>7</sup> nar tosd o a ghlacadh. Eabh.

<sup>8</sup> Fedraich.

<sup>9</sup> cha tairg e maith mi m' thimchioll-sa.

<sup>10</sup> cailltineach; eunuch. Sasg.

<sup>11</sup> fàistineachd, manadairachd.



14 Agus thubhairt Micaiah, *Mar is beo an Tighearna, an nì a their an Tighearna riom, sin labhraidh mise.*

15 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an d'thèid sinn do Ramot-gilead gu cath, no'n leig sinn leis? Agus thubhairt esan ris, Falbh suas, agus soirbhich; oir bheir an Tighearna an làmh an rìgh e.

16 Agus thubhairt an rìgh ris, Cia lìon uair a mbionnaichas mi thu, nach innis thu dhomh ach an fhìrinn ann an ainm an Tighearna?

17 Agus thubhairt esan, Chunnaic mi Israel uile sgapta air na sléibhtibh, mar chaoraich aig nach 'eil aodhaire<sup>1</sup>: agus thubhairt an Tighearna, Cha 'neil maighstir orra so: pillleadh gach fear dhiubh d'a thigh fèin ann an sìth.

18 Agus thubhairt rìgh Israeil ri Iehosaphat, Nach d'innis mi dhuit, nach cuireadh e maith sam bith air mo mhanadh-sa<sup>2</sup>, ach olc?

19 Agus thubhairt esan, Uime sin éisd thusa<sup>3</sup> ri focal an Tighearna: Chunnaic mise an Tighearna na shuidhe air a rìgh-chaitheir, agus uile shlòigh nan nàmh nan seasamh làmh ris, air a làmh dheis agus air a làmh chli.

20 Agus thubhairt an Tighearna, Cò a chuireas impidh<sup>4</sup> air Ahab, a chum as gu'n d'thèid e suas, agus gu'n tuit e ann an Ramot-gilead? Agus thubhairt aon mar so, agus aon eile mar sud.

21 Agus thàinig spiorad a mach, agus sheas e am fianuis an Tighearna, agus thubhairt e, Cuiridh mise impidh air.

22 Agus thubhairt an Tighearna ris, Co leis? Agus thubhairt esan, Thèid mi mach, agus bithidh mi a'm' spiorad bréige ann am beul 'fhàidhean uile. Agus thubhairt e, Cuiridh tu impidh air, agus mar an ceudna buadhaichidh tu: falbh a mach, agus dean mar sin.

23 A nis uime sin, feuch, chuir an Tighearna spiorad bréige ann am beul nam fàidh sin agad uile, agus labhair an Tighearna olc mu d' thimchioll.

24 Agus chaidh Sedeciah mac Chenaanah am fagus, agus bhuail e Micaiah air a' ghiall, agus thubhairt e, Cia'n taobh a chaidh spiorad an Tighearna uamsa a labhair riutsa?

25 Agus thubhairt Micaiah, Feuch, chi thu san là air an d'thèid thu steach do sheòmar-cùil<sup>5</sup> gu t'fholachadh fèin.

26 Agus thubhairt rìgh Israeil, Glacaihb<sup>6</sup> Micaiah, agus thugaibh air ais e gu Amon uachdaran a' bhaile, agus gu Ioas mac an rìgh:

27 Agus abraibh, Mar so thubhairt an

rìgh, Cuiribh am fear so anns a' phrìosan<sup>7</sup>, agus beathaichibh e le aran airce<sup>8</sup>, agus le uisge airce, gus an d'thig mise ann an sìth.

28 Agus thubhairt Micaiah, Ma philleas tusa idir ann an sìth, cha do labhair an Tighearna leamsa. Agus thubhairt e, Eisdibh, a shlòigh uile.

29 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

30 Agus thubhairt rìgh Israeil ri Iehosaphat, Cuiridh mise mi fèin ann an coslas eile, agus thèid mi a steach do'n chath; ach cuir thusa t'earradh rìoghail ort. Agus chuir rìgh Israeil e fèin ann an coslas eile, agus chaidh e steach do'n chath.

31 Ach dh'athn rìgh Shiria do'n dà cheannard deug thar fhichead, a bha os cionn a charbad, ag ràdh, Na cogaibh ris a' bheag no ris a' mhòr, ach ri rìgh Israeil na aonar.

32 Agus an uair a chunnaic ceannardan nan carbad Iehosaphat, thubhairt iad, Gu cinnteach is e so rìgh Israeil. Agus thionndaidh iad a leth-taobh a chogadh na aghaidh: agus ghlaodh Iehosaphat a mach.

33 Agus an uair a chunnaic ceannardan nan carbad nach b'e rìgh Israeil a bh'ann, phill iad o a leantuinn.

34 Agus tharruing fear a bhogha a thaobh tuairmeis<sup>9</sup>, agus bhnaic e rìgh Israeil eadar altaibh na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd mi; oir tha mi air mo loaidh.

35 Agus mheudaich<sup>10</sup> an cath air an là sin: agus chumadh an rìgh suas na charbad an aghaidh nan Sirianach, agus fhuair e bàs mu fheasgar; agus ruith an fhuil a mach as an lot gu meadhon a' charbaid.

36 Agus chaidh gairm air feadh an t-slòigh mu luidhe na grèine, ag ràdh, Gach fear d'a bhaile, agus gach fear d'a thir fèin.

37 Agus dh'eug an rìgh, agus thugadh do Shamaria e: agus dh'adhlaic iad an rìgh ann an Samaria.

38 Agus nìgh neach an carbad ann an lochan Shamaria, agus dh'imlich na madraidh 'fhuil, agus nìgh iad 'annachd, a réir focail an Tighearna, a labhair e.

39 Agus a' chuid eile do ghlèombaraibh Ahaib, agus na h-uile nìthe a rinn e, agus an tìgh do fhiacalbh elephant a thog e, agus na bailtean uile a thog e, nach 'eil iad scriobhta ann an leabhar eachdraidh rìghrean I-raeil?

40 Agus choidil Ahab maille r'a aithrichibh, agus nìghlaich Ahasiah a mhac na àit.

41 Agus thòisich Iehosaphat mac Asa air rìoghachadh os cionn Iudah anns a' cheathramh bliadhna do Ahab rìgh Israeil.

<sup>1</sup> treudaiche, bunchuile. <sup>2</sup> nach roimh-innsaidh e maith sam bith mu m' thimchioll-sa. <sup>3</sup> éisdibh. <sup>4</sup> a dh'aomas, a mheallas. <sup>5</sup> do sheòmar ann an seòmar. Eabh. <sup>6</sup> Glac.

<sup>7</sup> ghainntir; tigh a' phrìosan. Eabh. <sup>8</sup> àmhghair, gainne. <sup>9</sup> tuairim, teagmhuis. <sup>10</sup> dh'èir ch. Eabh.

42 Bha Iehosaphat cùig bliadhna deug thar fhichead a dh'aois an uair a thòisich e air rìoghachadh, agus rìoghaich e cùig bliadhna fichead ann an Ierusalem: agus b'è ainm a mhàthar Asubah, nighean Shilhi.

43 Agus ghluais e ann an uile shlighe Asa 'athar, cha do chlaon e uaihe, a' deanamh an *ni a bha* ceart ann an sùilbh an Tighearna: gidheadh, cha d'thugadh air falbh na h-àitean arda, oir fathast dh'ìobair an sluagh, agus loisg iad tùis anns na h-àitibh arda.

44 Agus rinn Iehosaphat sìth ri rìgh Israeil.

45 Agus a' chuid eile do ghnìomharaibh Iehosaphat, agus a thréine<sup>1</sup> a dh'fheuch e, agus cionnus a chog e, nach 'eil iad scrìobhta ann an leabhar eachdraidh rìghrean Iudah?

46 Agus fuigheall nan Sodomach, a dh'fhan ann an laithibh Asa 'athar, chuir e as an tìr.

47 San àm sin cha robh rìgh ann an Edom: b'fhear-riaghlaidh a bha na rìgh<sup>2</sup>.

48 Rinn Iehosaphat longa do Tharsis

zu dol do Ophir air son oir: (ach cha leachaidh iad ann; oir bhriseadh na longa ann an Esion-geber)

49 Agus thubhairt Ahasiah, mac Ahaib, ri Iehosaphat, Rachadh mo sheirbhisich-sa maille ri d' sheirbhisich-sa anns na longaibh: ach cha b'àill le Iehosaphat sin.

50 Agus choidil Iehosaphat maille r'a aithrichibh, agus dh'adhlacaidh e maille r'a aithrichibh ann an baile Dhaibhidh 'athar: agus rìoghaich Iehoram a mhac na àit.

51 Thòisich Ahasiah, mac Ahaib, air rìoghachadh os cionn Israeil ann an Samaria san t-seachdamh bliadhna deug do Iehosaphat rìgh Iudah, agus rìoghaich e os cionn Israeil dà bhliadhna.

52 Agus rinn e ole ann an sùilbh an Tighearna, agus ghluais e ann an slighe 'athar, agus ann an slihe a mhàthar, agus ann an slighe Ieroboaim mhic Nebait, a thug air Israel peacachadh.

53 Oir riun e seirbhis do Bhaal, agus shleuchd e dha, agus bhrosnaich e 'n Tighearna Dia Israeil gu feirg, a réir nan uile *nithe* a rinn 'athair.

## DARA LEABHAR NAN RIGH,

D'AN GOIREAR GU COITCHEANN,

### CEATHRAMH LEABHAR NAN RIGH.

CAIB. I.

**A** GUS rinn Moab ceannairc an aghaidh Israeil an déigh bàis Ahaib

2 Agus thuit Ahasiah sìos troimh chliath-ninneig na sheòmar uachdarach, a bha ann an Samaria, agus bha e tinn: agus chuir e teachdairean uath, agus thubhairt e riu, Rachaidh, fiosraichibh do Bhaal-sebub, dia Ecroin, an d'thig mi beo o'n tinneas so.

3 Ach thubhairt aingeal an Tighearn, ri Eliah an Tisbidheach, Eirich, falbh suas an coinneamh teachdairean rìgh Shamaria, agus abair riu, An ann a chionn nach 'eil Dia ann an Israel, a tha sibh a' dol a dh'fhiosrachadh do Bhaal-sebub, dia Ecroin?

4 A nis uime sin mar so tha'n Tighearn ag ràdh, O'n leabaidh sin air an deachaidh tu suas, cha d'thig thu a nuas, ach gu cinn-teach gheibh thu bàs. Agus dh'fhalbh Eliah.

5 Agus an uair a phill na teachdairean d'a ionnsuidh, thubhairt e riu, C'ar son a tha sibh air pillinn?

6 Agus thubhairt iadsan ris, Thàinig duine a nìs 'nar coinneamh, agus thubhairt e ruinn, Rachaidh, pillibh a dh'ionnsuidh an rìgh, a chuir uath sibh, agus

abraibh ris, Mar so tha'n Tighearn ag ràdh, An ann a chionn nach 'eil Dia ann an Israel, a tha thu a' cur *teachdairean* a dh'fhiosrachadh do Bhaal-sebub, dia Ecroin? Uime sin o'n leabaidh sin air an deachaidh tu suas, cha d'thig thu a nuas, ach gu cinn-teach gheibh thu bàs.

7 Agus thubhairt e riu, Ciod e eugas<sup>4</sup> an duine a thàinig a nìs 'nar coinneamh, agus a labhair ribh na briathra sin?

8 Agus thubhairt iad-an ris, Duine molach, agus e crioslaichte le crios leathair m'a leasaidh. Agus thubhairt esan, Is e Eliah an Tisbidheach a bh'ann.

9 Agus chuir an rìgh d'a ionnsuidh ceannard leth-cheud, maille r'a leth-cheud: agus chaidh e suas d'a ionnuidh, (agus feuch, *bha* c na shuidhe air mullach sléibh) agus labhair e ris, A dhuine le Dia, thubhairt an rìgh, Thig a nuas.

10 Agus fhicgair Eliah, agus thubhairt e ri ceannard an leth-cheud, Agus ma's duine le Dia mise, thigeadh teine a nuas o na nàmhaidh, agus loisgeadh e suas thusa agus do leth-cheud. Agus thàinig teine a nuas o na nàmhaidh, agus loisg e suas esan agus a leth-cheud.

11 Agus a ris chuir e d'a ionnsuidh ceannard eile leth-cheud, maille r'a leth-

<sup>1</sup> neart.  
343

<sup>2</sup> bha'n àite rìgh

<sup>3</sup> longa fairge.

<sup>4</sup> aogas, coslas.



cheud: agus labhair e, agus thubhairt e ris, A dhuine le Dia, mar so thubhairt an rìgh, Thig a nuas gu grad<sup>1</sup>.

12 Agus fhreagair Eliah, agus thubhairt e riu, Ma's duine le Dia mise, thigeadh teine a nuas o na nèamhaibh, agus loisgeadh e suas thusa, agus do leth-cheud. Agus thàinig teine Dhé a nuas o na nèamhaibh, agus loisg e suas esan, agus a leth-cheud.

13 Agus a ris chuir e uaith ceannard an treas leth-cheud, maille r'a leth-cheud; agus chaidh an treas ceannard leth-cheud suas, agus thàinig e, agus leig se e fèin air a ghluinibh fa chomhair Eliah, agus dh'aslaich e air, agus thubhairt e ris, A dhuine le Dia, bitheadh, guidheam ort, m'anamsa, agus anam an leth-cheud òglach so agad, luachmhor a'd' shùilbhbh.

14 Feuch, thàinig teine a nuas o na nèamhaibh, agus loisg e suas an dà cheud cheannard leth-cheud, maille r'an leth-cheudaibh; ach a nis bitheadh m'anam-sa luachmhor a'd' shùilbhbh.

15 Agus thubhairt aingeal an Tighearna ri Eliah, Falbh sìos maille ris, na biodh eagal ort roimhe. Agus dh'éirich e, agus chaidh e sìos maille ris a dh'ionnsuidh an rìgh.

16 Agus thubhairt e ris, Mar so tha'n Tighearn ag ràdh, A chionn gu'n do chuir thu teachdairean a dh'fhiosrachadh do Bhaal-sebub, dia Ecroin, mar nach biodh Dia ann au Israel a dh'fhiosrachadh d'a fhocal<sup>2</sup>, uime sin o'n leabhaidh sin air an deachaidh tu suas, cha d'fhig thu nuas, ach gu cinnteach gheibh thu bàs.

17 Agus fhuaire e bàs a réir focail an Tighearna, a labhair Eliah: agus rioghaich Iehoram na àit<sup>3</sup>, anns an dara bliadhna do Iehoram, mac Iehosaphat rìgh Iudah, a chionn nach robh mac aige.

18 Agus a' chuid eile do ghnìomharaibh Ahasiah a rinn e, nach 'eil iad scrìobhta ann an leabhar eachdraidh rìghrean Israeil?

## CAIB. II.

**A**GUS thachair an uair a bha'n Tighearna gu Eliah a thogail suas le h-ìom-ghaoith do na nèamhaibh, gu'n deachaidh Eliah maille ri Elisa o Ghilgal.

2 Agus thubhairt Eliah ri Elisa, Fan an so, guidheam ort; oir chuir an Tighearna mise gu Betel. Agus thubhairt Elisa ris, Mar is beo an Tighearna, agus mar is beo t'anam, cha'n fhàg mi thu. Agus chaidh iad sìos gu Betel.

3 Agus thàinig mic nam fàidh, a bha ann am Betel, a mach gu Elisa, agus thubhairt iad ris, Am bheil fhios agad gu'n d'thoir an Tighearna an diugh do mhaighstir air falbh o'd' cheann? Agus thubhairt esan,

Seadh, tha fhios agam air; bithibhse 'nar tosd

4 Agus thubhairt Eliah ris, Elisa, fan an so, guidheam ort; oir chuir an Tighearna mise gu Iericho. Agus thubhairt esan, Mar is beo an Tighearna, agus mar is beo t'anam, cha dealaich mi riut. Agus thàinig iad gu Iericho.

5 Agus thàinig mic nam fàidh, a bha ann an Iericho, gu Elisa, agus thubhairt iad ris, Nach 'eil fhios agad sa gu'n d'thoir an Tighearn an diugh do mhaighstir air falbh o'd' cheann? Agus fhreagair esan, Seadh, tha fhios agam air, bithibhse 'nar tosd.

6 Agus thubhairt Eliah ris, Fan, guidheam ort, an so; oir chuir an Tighearna mise gu Iordan. Agus thubhairt esan, Mar is beo an Tighearna, agus mar is beo t'anam, cha'n fhàg mi thu. Agus chaidh iad nan dithis air an aghaidh.

7 Agus chaidh leth-cheud fear do mhac-aibh nam fàidh, agus sheas iad fa'n comhair iad as: agus sheas iadsan nan dithis làimh ri Iordan.

8 Agus ghabh Eliah 'fhalluing, agus dh'fhill e cuideachd i, agus bhuail e na h-uisgeacha, agus roinneadh iad a null agus a nall: agus chaidh iadsan nan dithis thairis air *talunn* tioram.

9 Agus an uair a bha iad dol thairis, thubhairt Eliah ri Elisa, iarr cìod is àill leat mise a dheanainn air do shon, mun d'thoirear mi air falbh uait. Agus thubhairt Elisa, Bitheadh, guidheam ort, cuibh-rionn dhùbailte do d' spiorad orm.

10 Agus thubhairt esan, Is cruaidh an ni a dh'iarr thu: *gidheadh*, ma chi thu mise. 'nuair a bheirear air falbh uait mi, bithidh e dhuit mar sin; ach mur *fuc*, cha bhi e mar sin.

11 Agus an uair a bha iad a gabhail air an aghaidh, agus a' còmhradh, feuch, carbad teine, agus eich theine, agus dhealaich iad o chéile iad: agus chaidh Eliah suas le h-ìom-ghaoith do na nèamhaibh.

12 Agus chunnaic Elisa sin, agus ghlaodh e. M'athair, m'athair, carbad Israeil, agus a mharc-shluagh. Agus cha'n fhac' e ni's mo e: agus rug e air 'eudach fèin, agus reub e na dhà mhir<sup>4</sup> c.

13 Agus thog e suas falluing Eliah, a thuit uaith, agus phill e, agus sheas e làimh ri bruaich Iordain;

14 Agus ghabh e falluing Eliah, a thuit uaith, agus bhuail e na h-uisgeacha, agus thubhairt e, C'àit a nis am bheil an Tighearna Dia Eliah? Agus an uair a bhuail e na h-uisgeacha, roinneadh iad a null agus a nall, agus chaidh Elisa thairis.

15 Agus an uair a chunnaic mic nam fàidh e, a bha ann an Iericho fa comhair,

<sup>1</sup> *Greas ort, thig a nuas.* Eabh. <sup>2</sup> ann an a chionn nach 'eil Dia ann an Israel a dh'fheòrach d'a fhocal?

<sup>3</sup> *rioghaich Iehoram, a bhràthair, na àit.* <sup>4</sup> *reubadh.* Eabh.

thubhairt iad, Dh'fhan spiorad Eliah air Elisa. Agus thàinig iad na choinneamh, agus chròin fiad iad fèin dha<sup>1</sup> gu làr.

16 Agus thubhairt iad ris, Feuch a nis, tha maille ri d' sheirbhisich leth-cheud tear treun<sup>2</sup>; rachadh iad, guidheamaid ort, agus iarradh iad do mhaighstir, air eagal gu'n do thog spiorad an Tighearna suas e, agus gu'n do thilg se e air beinn éigin, no ann an gleann éigin. Agus thubhairt esan, Cha chuir sibh uaibh iad.

17 Agus an uair a chuir iad impidh air agus an robh nàire air, thubhairt e, Cuiribh uaibh iad. Agus chuir iad uatha leth-cheud fear, agus dhiarr iad e rè thri laithean, ach cha d'fhuair iad e.

18 Agus an uair a thàinig iad a rìs d'a ionnsuidh, agus e a chòmhnuidh ann an Iericho, thubhairt e riu, Nach dubhairt mise ribh, Na rachaibh?

19 Agus thubhairt fir a' bhaile ri Elisa, Feuch a nis, tha suidheachadh a' bhaile so taitneach mar a tha mo thighearn a' faicinn, ach tha'n t-uisge olc, agus an talamh neo-thorach.

20 Agus thubhairt esan, Thugaibh a'm' ionnsuidh soitheach<sup>3</sup> nomha, agus cuiribh salann ann. Agus thug iad d'a ionnsuidh e.

21 Agus chaidh e mach a dh'ionnsuidh tobair<sup>4</sup> nan uisgeacha, agus thilg e salann an sin, agus thubhairt e, Mar so tha'n Tighearn ag ràdh, Shlànuich mi na h-uisgeacha sin: cha bhi o sin ni's mò bàs, no talmh neo-thorach.

22 Agus shlànuicheadh na h-uisgeacha agus an là'n diugh, a réir focail Elisa a labhair e.

23 Agus chaidh e suas as sin gu Betel: agus an uair a bha e a' dol suas air an t-slighe, thàinig clann bheag<sup>5</sup> a mach as a' bhaile, agus rinn iad fanoid air, agus thubhairt iad ris, Gabh suas, fhir mhaoil; gabh suas, fhir mhaoil.

24 Agus sheall e na dhéigh, agus ehuinaic e iad, agus mhallach e iad ann an ainm an Tighearna: agus thàinig dà mhath-ghamhuin bhanionn a mach as a' chioille, agus reub iad a dhà agus dà fhlichead duine cloinne dhiubh.

25 Agus chaidh e as sin gu sliabh Char-meil: agus as sin phill e gu Samaria.

## CAIB. III.

**A** NIS thòisich Iehoram, mac Ahaib, air rìoghachadh os cionn Israeil ann an Samaria, anns an oehdamh bliadhna deug do Iehosaphat rìgh Iudah, agus rìghaich e dà bhliadhna dheug.

2 Agus rinn e olc ann an sùilbh an Tighearna, ach cha b'ann cosmhuil r'a athair, agus cosmhuil r'a mhàthair; oir

chuir e air falbh dealbh Bhaail a rinn a'athair.

3 Gidheadh, ri peacaibh Ieroboaim mhic Nebair, a thug air Israel peacachadh, dhlùthlean e: cha do dhealaich e riu sin.

4 Agus bha Mesa, rìgh Mhoib, na shealbhadair chaorach, agus dh'òc e do rìgh Israeil ceud mìle uan, agus ceud mìle reithe le'n olainn.

5 Agus an uair a dh'eug Ahab, rinn rìgh Mhoib ceannairc an aghaidh rìgh Israeil.

6 Agus chaidh rìgh Iehoram a mach air an là sin a Samaria, agus dh'aircamh e Israel uile.

7 Agus chaidh e, agus chuir e teachdaircan gu Iehosaphat rìgh Iudah, ag ràdh, Rinn rìgh Mhoib ceannairc a'm' aghaidh: an d'thèid thu maille rium an aghaidh Mhoib gu cath? Agus thubhairt esan, Thèid mi suas: tha mise, mar a tu thusa, mo shluagh-sa mar do shluagh-sa, m'eich-sa mar t'eich-sa.

8 Agus thubhairt e, Cia an rathad a thèid sinn suas? Agus fhreagair esan, Rathad fàsaich Edoim.

9 Agus dh'imich rìgh Israeil, agus rìgh Iudah, agus rìgh Edoim, agus chaidh iad mu'n cuairt astar sheachd là; agus cha robh uisge aca do'n t-sluagh, agus do'n sprèidh, a lean iad.

10 Agus thubhairt rìgh Israeil, Mo thruaighe, gu'n do ghairm an Tighearna na tri rìghre so cuid eachd, chum an toirt thairis do làimh Mhoib.

11 Agus thubhairt Iehosaphat, Nach 'eid an so fàidh leis an Tighearna, a chum gu'm fiosraich sinn do'n Tighearn leis? Agus fhreagair aon do sheirbhisich rìgh Israeil, agus thubhairt e, Tha'n so Elisa mac Shaphait, a thaom uisge air làmh an Eliah.

12 Agus thubhairt Iehosaphat, Tha focal an Tighearna maille ris. Agus chaidh rìgh Israeil, agus Iehosaphat, agus rìgh Edoim, sìos d'a ionnsuidh.

13 Agus thubhairt Elisa ri rìgh Israeil, Ciod e mo ghnòthuch-sa riut-a? imich a dh'ionnsuidh fhàidhean t'athar, agus a dh'ionnsuidh fhàidhean do mhàthar. Agus thubhairt rìgh Israeil ris, Ni-h-eadh: oir ghairm an Tighearna na tri rìghre so cuid eachd, chum an toirt thairis do làimh Mhoib.

14 Agus thubhairt Elisa, Mar is beo Tighearna nan slògh, an làthair an bheil mi a'm sheasamh, gu cinnteach mur biodh meas agamsa do làthaireachd<sup>6</sup> Iehosaphait rìgh Iudah, cha seallainn ortsa, ni mò a chithinn thu.

15 Ach a nis thugaibh a'm' ionnsuidh fear-ciùil. Agus an uair a bha m' fear-

<sup>1</sup> na làthair. <sup>2</sup> mic neart. Eabh. <sup>3</sup> corn, gloin.

<sup>4</sup> teachd a mach, mùthar. <sup>5</sup> giullain bheaga. <sup>6</sup> do ghnùis.



ciuil a' cluicheadh, bha làmh an Tighearn air.

16 Agus thubhairt e, Mar so tha'n Tighearn ag ràdh, Dean an gleann so làn do chlaisibh<sup>1</sup>:

17 Oir mar so tha'n Tighearn ag ràdh, Cha'n fhaic sibh gaoth, ni mo a chi sibh uisge; gidheadh lionar an gleann so le h-uisge, agus dlaidh sibh, sibh féin agus bhuir spréidh, agus bhuir n-ainmhidhean.

18 Agus is beag<sup>2</sup> so ann an sùilibh an Tighearna: bheir e mar an ceudna na Moabaich thairis d'ar làimh.

19 Agus buailidh sibh gach baile dàing-nichte, agus gach baile taghta, agus leagaidh sibh sìos gach craobh mhaith, agus dùinidh sibh suas na tobair uisge uile, agus mìlaidh sibh gach mìr maith *feurainn* le clachaibh.

20 Agus anns a' mhaduinn, mu àm toirt suas an tabhartais-bhìdh, feuch, thàinig uisge rathad Edoim, agus lìonadh an tìr le h-uisge.

21 Agus an uair a chuala na Moabaich uile gu'n d'thàinig na rìghrean a nìos a chogadh nan aghaidh, ghairneadh cuid-eachd iadsan uile a thàinig gu aois airm ionchar<sup>3</sup>, agus os a chionn sin, agus sheas iad aig a' chrìch.

22 Agus dh'éirich iad gu moch anns a' mhaduinn, agus dhealraich a' ghrian air na h-uisgeachaibh, agus chunnaic na Moabaich thall fa'n comhair na h-uisgeacha dearg mar fhuil:

23 Agus thubhairt iad, Is fuil so: sgrìosadh gun teagamh na rìghre, agus bhuail iad a chèile: a nis ma ta, dh'ionnsuidh na creiche, a Mhoab.

24 Agus an uair a thàinig iad gu camp Israeil, dh'éirich na h-Israelich, agus bhuail iad na Moabaich, agus thei h iad rompa: ach chaidh iadsan air an aghaidh a' bualadh nam Moabach, cadhon nan tìr féin.

25 Agus leag iad sìos na bailte, agus air gach mìr maith fearainn thilg gach fear a chlach, agus lìon iad e, agus dhùin iad suas gach tobar uisge, agus leag iad sìos gach craobh mhaith: a mhàin ann an Cìr-haraset dh'fhàg iad a chlàcha: ach chuart-ich luchd nan crann-tàbhuill e, agus bhuail iad e.

26 Agus an uair a chunnaic rìgh Mhoab gu'n do bhuadhaich an cath air, thug e leis seachd ceud fear a tharruing claidheamh, a chum bri-eadh a steach gu rìgh Edoim, ach cha b'urrainn iad.

27 An sin ghabh e a chud-ghin mic, a bha gu dòhachadh na àit, agus dh'tobair se e mar iobairt-loisgte air a' bhalladh: agus bha corruich mhòran aghaidh Israeil: agus dh'inich iad uaith, agus phill iad d'an tìr féin.

C A I B. IV.

**A**NIS ghlaodh bean àraidh do mhnaibh mhac nam fàidh ri Elisa, ag ràdh, Fhuair t'òglach m'fhear bàs; agus tha fios agad gu'n robh eagal an Tighearn air t'òglach: agus tha fear nam fiach air teachd a thoirt mo dhithis mac leis gu bhì nan tràillibh aige.

2 Agus thubhairt Elisa ria, Ciod a nì mise air do shon? innis dhomh ciod a th'agad san tigh? Agus thubhairt ise, Cha 'n'eil aig do bhan-oglaich nì air bith san tigh, ach soitheach olaidh.

3 An sin thubhairt esan, Falbh, iarr dhuit féin soitheiche an coingheall a muigh o d' choimhearsnachaidh uile, *eudhon* soitheiche falamh: na dean le beagan.

4 Agus an uair a theid thu a steach, druididh tu an dorus ort féin, agus air do mharaidh, agus taomaidh tu anns na soitheichibh sin uile, agus cuiridh tu'n soitheach làn a leth-taobh.

5 Agus dh'fhalbh i uaith, agus dhruid i an dorus oirre féin, agus air a macaibh; agus thug iadsan na soitheiche d'a h-ionnsuidh, agus thaom ise a mach.

6 Agus an uair a bha na soitheiche làn, thubhairt i r'a mac, Thoir a'm' ionnsuidh fathast soitheach. Agus thubhairt esan ria, Cha 'n'eil soitheach ann tuilleadh. Agus stad an oladh.

7 An sin thàinig i agus dh'innis i sin do'n duine le Dia: agus thubhairt esan, Falbh, reic an oladh, agus diol<sup>4</sup> t'fhiacha; agus thig féin agus do mhic, beo air a' chuid eile.

8 Agus thachair air la àraidh gu'n deachaidh Elisa thairis gu Sunam, far an robh bean mhòr; agus chuir i impidh air<sup>5</sup> aran itheadh. Agus ge b'e uair a rachadh e seachad, thionndadh e stigh an sin a dh'itheadh arain.

9 Agus thubhairt ise r'a fear, Feuch a nis, tha fhios agam gur duine naomba le Dia e so, a tha gabhail seachad oirnn co tric<sup>6</sup>.

10 Deanamaid, guidheam ort, seòmar beag ballaidh<sup>7</sup>, agus cuireamaid da an sin leabadh, agus bord, agus cathair, agus coinnleir: agus an uair a thig e d'ar n-ionnsuidh, tionndaidhidh e stigh an sin.

11 Agus tharladh<sup>8</sup> air la àraidh gu'n d'thàinig e 'n sin, agus thionndaidh e seach do'n t-seòmar, agus luidh e 'n sin.

12 Agus thubhairt e ri Gehasi 'òglach, Gairm air a' bhan-sunamaich so. Agus ghairm esan oirre, agus sheas i na fhianais.

13 Agus thubhairt e ris, Abair a nis ria, Feuch, ghabh thu cùram d'ar taobh-ne leis a' chùram so uile; ciod a tha ri dheanamh air do shon? an àill leat labhairt air do shon ris an rìgh, no ri ceannard an t-sloigh?

<sup>1</sup> na chlaisibh, chlaisibh. Eabh. <sup>2</sup> eutrom, gearach. <sup>3</sup> gach neach a chrìostaidh e féin le

crìos. Eabh. <sup>4</sup> pàigh. <sup>5</sup> choimh-èignich i e. <sup>6</sup> an còmhuidh. <sup>7</sup> le balladh. <sup>8</sup> thachair.

Agus fhreagair ise, Am measg mo shluagh fèin *tha* mi a'm' chòmhnuidh.

14 Agus thubhairt esan, Ciod ma ta a *thari* dheanamh air do shon? Agus thubhairt Gehasi, Gu deimhin cha 'n'eil mac aice, agus *tha* a fear sean.

15 Agus thubhairt esan, Gairm oirre. Agus an uair a ghairm e oirre, sheas i anns an dorus.

16 Agus thubhairt e, Aig an àm shuidhichte so, a réir àm na beatha, *bithidh* mac agad a'd' ghlacaibh. Agus thubhairt ise, Na dean, mo thighearn, a dhuine le Dia, na dean breug do d' bhan-oglaich.

17 Agus dh'fhàs a' bhean torrach, agus rug i mac aig an àm shuidhichte sin, mu'n do labhair Elisa ria, a réir àm na beatha.

18 Agus dh'fhàs an leanabh suas: agus thachair air là *àraidh* gu'n deachaidh e mach a chum athar, a dh'ionusuidh nam bunaichean.

19 Agus thubhairt e r'a athair, Mo cheann, mo cheann. Agus thubhairt esan ri òglach, Tog leat e dh'ionnsuidh a mhàthar.

20 Agus thog esan leis e, agus thug e dh'ionnsuidh a mhàthar e: agus shuidh e air a glùinibh gu meadhon-là, agus *an sin* dh'eug e.

21 Agus chaidh i suas, agus chuir i na luidhe e air leabaidh an duine le Dia, agus dhruid i *an dorus* air, agus chaidh i mach.

22 Agus ghairm i air a fear, agus thubhairt i, Cuir a'm' ionnsuidh, guidheam ort, aon do na h-òglachaibh, agus aon do na h-asalaibh, a chum as gu'n ruith mi a dh'ionnsuidh an duine le Dia, agus gu'n d'thig mi a rìs.

23 Agus thubhairt esan, C'ar son a théid thu d'a ionnsuidh? an diugh cha 'n'eil gealach nomha, no sàbaid ann. Agus thubhairt ise, *Bithidh gach* ni gu maith<sup>1</sup>.

24 An sin chuir i diollaid air asail. agus thubhairt i r'a h òglach, Tarruing, agus bi 'g imeachd: na cuir moille orm a' marcachd<sup>2</sup>, mur iarr mi ort.

25 Agus dh'imich i, agus thàinig i dh'ionnsuidh an duine le Dia gu siabh Charuail: agus an tair a chunnaic an duine le Dia i fa chomhair<sup>3</sup>, thubhairt e ri Gehasi òglach, Feuch, *is* i sud a' Bhan-sunamach

26 Ruith a nis, guidheam ort, na coimneamh, agus abair ria, Am bheil thu fèin gu maith? am bheil t'fhear gu maith? am bheil an leanabh gu maith? Agus fhreagair ise, *Tha* gu maith.

27 Agus an uair a thàinig i a dh'ionnsuidh an duine le Dia chum an t-sleibh, rug i air a chosaibh; ach thàinig Gehasi am fagus gus a cur air falbh. Agus thubhairt

airt an duine le Dia, Leig dh'i, oir *tha* a h-anam air a chràdh i nte; agus cheil an Tighearn ormsa e, agus cha d'innis e dhoinh.

28 Agus thubhairt ise, An d'iarr mise mac o'm' thighearna? nach dubhairt mi, Na meall mi?

29 An sin thubhairt e ri Gehasi, Crioslaich do leasraidh, agus glac mo bhata-sa<sup>4</sup> ann dò làimh, agus bi 'g imeachd: ma thachaireas tu air duine sam bith, na beannaich dha; agus ma bheannaicheas duine sam bith dhuit, na freagair e a rìs: agus cuir mo bhatadh air aghaidh an leinid<sup>5</sup> h.

30 Agus thubhairt màthair an leinibh, *Mar* is beo an Tighearna, agus *mar* is beo t'anamsa, cha 'n fhàg mi thu. Agus dh'èirich e, agus lean e i.

31 Agus chaidh Gehasi air aghaidh rompa, agus chuir e 'm batadh air aghaidh an leinibh, ach cha robh cannt no clàisteachd aige: uime sin phill e na choinneamh, agus dh'innis e dha, ag ràdh, Cha 'n'eil an leanabh air dùsgadh.

32 Agus an uair a thàinig Elisa a steach do'n tigh, feuch, bhà'n leanabh marbh, agus na luidhe air a leabaidh-san.

33 Uime sin chaidh e stigh, agus dhùin e'n dorus orra nan dithis, agus rinn e urnuigh ris an Tighearna.

34 Agus chaidh e suas agus luidh e air an leanabh, agus chuir e a bheul air a bheul, agus a shùilean air a shùilibh, agus a làmhnan air a làmbhaibh, agus shìn se e fèin sìos air, agus dh'fhàs feoil an leinibh blàth.

35 Agus a rìs, dh'imich e<sup>6</sup> anns an tigh a null agus a nall<sup>6</sup>, agus chaidh e suas, agus shìn se e fèin sìos air; agus rinn an leanabh sreothartaich seachd uairean, agus dh'fhosgail an leanabh a shùilean

36 Agus ghairm e air Gehasi, agus thubhairt e, Gairm air a' Bhan-sunamach so. Agus ghairm esan oirre; agus an uair a thàinig i stigh d'a ionnsuidh, thubhairt esan, Tog leat do mhac.

37 Agus thàinig i agus thuit i aig a chosaibh, agus chroim si i fèin sìos gu làr, agus thog i leatha a mac, agus chaidh i mach.

38 Agus phill Elisa gu Gilgal, agus bha gorta san tìr, agus bha mic nam fàidh nam suidhe fa chomhair: agus thubhairt e r'a òglach, Cuir air a' phoit mhòr, agus bruich brochan do mhacailh nam fàidh.

39 Agus chaidh aon a mach do'n achadh a thionailuibhean, agus fhuair e fionain<sup>7</sup> fhìadhaich, agus thionail e dhith dearcana<sup>8</sup> fìadhaich, làn fhalluinge, agus thàinig e agus ghearr e sìos iad anns a' phoit bhrochan; oir cha b'athne dhoibh iad

<sup>1</sup> *Sith*. Eabh. <sup>2</sup> *na dean air mo shon-sa moille ann am marcachd*. <sup>3</sup> *fad naith*. <sup>4</sup> *mo fòrg-sa*. <sup>5</sup> *Agus phill e, agus dh'imich e*.

Eabh.<sup>6</sup> *aon uair an so, agus aon uair an sud*. Eabh. <sup>7</sup> *fincaimhain, crann-fiona*. <sup>8</sup> *meallain chruinne; gourds*. Sasg.



40 Agus thaom iad a mach do na daoibh gu ithcadh; agus an uair a bha iad ag itheadh do'n bhrochan, ghlaodh iad, agus thubhairt iad, Bäs anns a' phoit, a' dhuine le Dia. Agus cha b'urrainn iad itheadh *dheth*.

41 Agus thubhairt esan, Thugaibh ma ta min a'm' ionnsuidh Agus thilg e anns a' phoit i, agus thubhairt e, Taom a mach air son an t-sluaigh, a chum as gu'n ith iad: agus cha robh ni air bith olc anns a' phoit.

42 Agus thàinig duine o Bhaalsaisa, agus thug e dh'ionnsuidh an duine le Dia aran do'n cheud toradh, fichead builinn eorna, agus làn dhiasan arbhair nan caith-leach<sup>1</sup>; agus thubhairt e, Thoir do'n t-sluagh, a chum as gu'n ith iad.

43 Agus thubhairt 'fhear-fithealaidh<sup>2</sup> ris, C'ar son a chuirinn so an làthair cheud fear? Agus thubhairt esan a' ris, Thoir do'n t-sluagh, a chum as gu'n ith iad: oir mar so tha'n Tighearn ag ràdh, Ithidh iad, agus bithidh fuigheall ann.

44 Uime sin chuir e nan làthair e, agus dh'ith iad, agus bha fuigheall aca, a réir focail an Tighearna.

C A I B. V.

**A** NIS bha Naaman, ceannard slòigh a rìgh Shìria, na dhuine mòr aig a thighearna, agus urraimich; a chionn leis-san<sup>3</sup> gu'n d'thug an Tighearna saorsadh do Shìria: bha e mar an ceudna treun ann an neart, *ach bu lobhar e*.

2 Agus chaidh na Sirianaich a mach nam buidhnibh, agus thug iad leo am braighdeanas a tìr Israeil caileag bheag; agus bha i a' feitheamh air mnaoi Naaman.

3 Agus thubhairt i r'a ban-mhaighstir, B'fhearr leam gu'm biodh mo thighearna maille ris an fhaidh, a tha ann an Samaria; an sin leighiseadh e o 'luibhre e.

4 Agus chaidh esan<sup>4</sup> a stigh, agus dh'innis e d'a thighearna, ag ràdh, Mar so agus mar so thubhairt a' chaileag a tha o thìr Israeil.

5 Agus thubhairt rìgh Shìria, Imich romhadh, agus cuiridh mise litir a dh'ionnsuidh rìgh Israeil. Agus dh'innis e, agus thug e leis<sup>5</sup> deich talannan airgid, agus se mìle *boun* òir, agus deich culaidhean eudaich.

6 Agus thug e 'n litir a dh'ionnsuidh rìgh Israeil, ag ràdh, A nis an uair a thig an litir so a't' ionnsuidh, feuch, chuir mi a't' ionnsuidh *leatha* Naaman, mo sheirbhiseach, a chum as gu'n leighis thu e o 'luibhre<sup>6</sup>.

7 Agus an uair a leugh rìgh Israeil an litir, reub e 'eudadh, agus thubhairt e, An Dia mise, a mharbhadh agus a dheanamh

beo, gu'n cuireadh am fear so *fios* a'm' ionn-uidh duine a leigheas o 'luibhre? uime sin thugaibh fa'near, guidheam oirbh, agus faicibh cionnus a tha e 'g iarraidh aobhair a'm' aghaidh<sup>7</sup>.

8 Agus an uair a chual Elisa, an duine le Dia, gu'n do rcub rìgh Israeil 'eudach, chuir e *fios* a dh'ionnsuidh an rìgh, ag ràdh, C'ar son a reub thu t'eudach? thigeadh e nis a'm' ionnsuidh<sup>8</sup>, agus bithidh fios aige gu bheil fàidh ann an Israeil.

9 Agus thàinig Naaman le 'eachaibh agus le 'charbad, agus sheas e aig dorus tìghe Elisa.

10 Agus chuir Elisa teachdaire d'a ionnsuidh, ag ràdh, Imich, agus nigh thu fèin seachd uairean ann an Iordan, agus thig t'fheoil a ris a t'ionnsuidh, agus bithidh tu ghlàn.

11 Ach bha fearg air Naaman, agus dh'fhalbh e roimhe, agus thubhairt e, Feuch, shaoil mi<sup>9</sup>, gu cinnteach gu'n d'thigeadh e mach a'm' ionn-uidh, agus gu'n seasadh e, agus gu'n gairmeadh e air ainm an Tighearna a Dhé, agus gu'n cuir-eadh e làn air an àit, agus gu'n leighis-eadh e an lobhar.

12 Nach 'eil Abana agus Pharpar, aibh-nichean Dhamascuis, nìs fearn na uile uisgeacha Israeil? nach feud mi mi-fèin a nigheadh anna-san, agus a bhiglan? Agus thionndaidh e, agus dh'fhalbh e roimhe ann an corruich.

13 Agus thàinig a sheirbhisich am fagus, agus labhair iad ris, agus thubhairt iad, O athair, nam biodh an fàidh air iarraidh ort ni mòr a dheanamh, nach deanadh tu e? nach ro-mhò na sin ma ta, 'nuair a tha e 'g ràdh rint, Nigh agus bhiglan?

14 An sin chaidh e sìos, agus thum se e fèin ann an Iordan seachd uairean, a réir focail an duine le Dia; agus thàinig 'fheoil a ris mar 'fheoil leinibh bhig, agus ghlànadh e.

15 Agus phill e a dh'ionnsuidh an duine le Dia, e fèin agus a chuideachd uile, agus thàinig e, agus sheas e na làthair, agus thubhairt e, Feuch, a nis tha fios agam nach 'eil Dia anns an talamh uile, ach ann an Israel: a nis ma ta, guidheam ort, gabh tiodhlacadh<sup>10</sup> o d' sheirbhiseach.

16 Ach thubhairt esan, Mar is beo an Tighearna, an làthair am bheil mi a'm' sheasamh, cha ghabh mi e. Agus chuir e impidh air a ghabhail, ach dhiùlt esan e.

17 Agus thubhairt Naaman, Nach d'thoir ma ta, guidheam ort, do d' sheirbhiseach eire<sup>11</sup> dhà mhuileid do thalamh<sup>11</sup>? oir cha d'thoir do sheirbhiseach suas a so a mach tabhartas-loisgte, no

<sup>1</sup> nan coithleanaibh, nan cogall; na mhàla.  
<sup>2</sup> a sheirbhiseach. <sup>3</sup> le a làimh-san. <sup>4</sup> i. e. Naaman. <sup>5</sup> na làimh, Eabh. <sup>6</sup> o a luibhre.

<sup>7</sup> ag iarraidh aobhair cur a mach orm. <sup>8</sup> thubhairt mi. Eabh. <sup>9</sup> beannachadh. Eabh. <sup>10</sup> eallach, luchd, sac. <sup>11</sup> ùir.

robairt do dhéibh air bith eile, ach do'n Tighearna.

18 Anns an nì so gu'n d'thugadh an Tighearna maithneas do d' sheirbhiseach, an uair a théid mo thighearn a steach do thigh Rimoin a dheanamh aoraidh<sup>1</sup> an sin, agus a leigeas e a thaic<sup>2</sup> air mo làimh-sa, agus a chromas mise mi féin sìos ann an tigh Rimoin: an uair a chromas mise mi féin sìos ann an tigh Rimoin, gu'n d'thugadh an Tighearna maithneas do d' sheirbhiseach anns an nì so.

19 Agus thubhairt esan ris, Imich ann an sìth. Agus dh'imich e uaith beagan astair.

20 Ach thubhairt Gehasi òglach Elisa an duine le Dia, Feuch, chaomhain mo mhaighstir Naaman an Sirianach so, a thaobh nach do ghabh e as a làimh an nì sin, a thug e leis: ach mar is beo an Tighearna, ruithidh mise na dhéigh, agus gabhaidh mi nì éigin uaith.

21 Agus lean Gehasi Naaman: agus an uair a chunnaic Naaman e a' ruith na dhéigh, leum e nuas as a charbad na choinneamh, agus thubhairt e, Am bheil gach nì gu maith?

22 Agus thubhairt esan, *Tha gach nì gu maith*: chuir mo mhaighstir uaith mi, ag ràdh, Feuch, a nis thàinig a'm' ionnsuidh dà òganach o shliabh Ephraim do mhac-aibh nam fàidh: thoir dhoibh, guidheam ort, tàlann airgid, agus dà chulaidh eudaich.

23 Agus thubhairt Naaman, *Ma's* toil leat, gabh dà thàlann. Agus choimh-éignich se e, agus cheangail e dà thàlann airgid ann an dà mhàla, agus dà chulaidh eudaich, agus chuir e iad air dithis d'a òglachaibh, agus ghiùlain iadsan roimhe iad.

24 Agus an uair a thàinig e do'n dùn<sup>3</sup>, ghabh e as an làimh iad: agus thaisg e anns an tigh iad: agus leig e na daoine air falbh, agus dh'fhalbh iad.

25 Agus chaidh esan a steach, agus sheas e an làthair a mhaighstir, agus thubhairt Elisa ris, Cia as a thàinig thusa, a Ghehasi? Agus thubhairt esan, Cha deachaidh do sheirbhiseach taobh air bith.

26 Agus thubhairt esan ris, Nach deachaidh mo chridhe-sa, maille riut, an uair a phill an duine o 'charbad a'd' choinneamh? an àm so a ghabhail airgid, agus a ghabhail eudaich, agus liosan-olaidh, agus fhion-fiosan, agus chaorach, agus buair<sup>4</sup>, agus òglach, agus bhan-oglach?

27 Uime sin dlùth-leanaidh luibhre Naamain riutsa, agus ri d' shliochd gu bràth. Agus chaidh e mach a 'thianuis, na lobhar, geal mar shneachda.

## CAIB. VI.

**A**GUS thubhairt mic nam fàidh ri Elisa, Feuch a nis, *tha'n* t-àit, anns am bheil sinn a chòmhnuidh maille riut, ro-chumhaing air ar son.

2 Leig dhuinn dol, guidheamaid ort, gu Iordan, agus bheir gach fear againn sail as sin, agus nì sinn dhuinn féin an sìn àite gu còmhnuidh a ghabhail ann. Agus fhreagair esan, Rachaidh.

3 Agus thubhairt aon *diubh*, Ma's i do thoil a nis, falbh féin maille ri d' sheirbhiseach. Agus fhreagair esan, Théid mi.

4 Agus chaidh e maille ri u: agus an uair a thàinig iad gu Iordan, ghearr-iad sìos sìodh.

5 Ach an uair a bha aon *diubh* a' leagadh sailthe, thuit iarunn na tuaighe anns an uisge: agus dh'éigh e agus thubhairt e, Mo thruaigh, a mhaighstir, agus gur ann an coingheall a bha e.

6 Agus thubhairt an duine le Dia, C'àit an do thuit e? Agus dh'fheuch esan da an t-àit. Agus ghearr e sìos maide, agus thilg e 'n sin e, agus thug e air an iarunn snàmh.

7 Agus thubhairt e, Tog leat e. Agus shìn esan a mach a làmh, agus ghabh se e.

8 Agus bha rìgh Shiria a' cogadh ri h-Israel; agus chuir e a chomhairle r'a sheirbhiseich, ag ràdh, Ann an leithid so dh'àite *bithidh* mo champ.

9 Agus chuir an duine le Dia *fios* a dh'ionnsuidh rìgh Israeil, ag ràdh, Feuch nach d'thèid thu thairis a dh'ionnsuidh<sup>5</sup> a leithid so dh'àite; oir an sin tha na Sirian-aich air teachd a nuas.

10 Agus chuir rìgh Israeil daoine a dh'ionnsuidh an àite, mu'n d'innis an duine le Dia dha, agus mu'n d'thug e rabhadh dha, agus dh'ionn se e féin an sin, cha b'ann aon uair no dà uair.

11 Agus bha cridhe rìgh Shiria fa bhuair-eas mòr air son an nì so, agus ghairm e air a sheirbhiseich, agus thubhairt e ri u, Nach innis sibh dhomh cò nar measg-ne tha le rìgh Israeil?

12 Agus thubhairt aon d'a sheirbhiseich, Cha 'n'eil neach air bith, a thighear, a rìgh: ach Elisa am fàidh, a tha ann an Israel, innsidh esan do rìgh Israeil na briathran, a labhras tu ann do sheòmar-leapach.

13 Agus thubhairt esan, Rachaidh agus scallaibh c'àit am bheil e, a chum as gu'n cuir mi daoine uam, agus gu'n glac mi e<sup>6</sup>. Agus dh'innseadh dha, ag ràdh, Feuch, *tha* e ann an Dotan.

14 Uime sin chuir e eich an sin, agus carbaid, agus sluagh mòr: agus thàinig iad san oidheche, agus chuairtich iad am baile.

<sup>1</sup> a shleuchdadh. <sup>2</sup> a chudthrom. <sup>3</sup> tùr, àit ard; ophel. Eabh. <sup>4</sup> cruaidh.

<sup>5</sup> seachad air. <sup>6</sup> gu'n d'thoir mi 'n so e.



15 Agus dh'éirich seirbhiseach an duine le Dia gu moch sa mhaduim, agus chaidh e mach, feuch, *bha* armailt a' cuairt-eachadh a' bhaile, maille ri eachaibh agus ri carbadaibh; agus thubhairt 'òglach ris, Mo thruaigh, a mhaighstir, cionnus a ni sinn?

16 Agus fhreagair esan, Na biodh eagal ort; oir is lionnhoire iad a tha leinne na iadsan a tha leo-san.

17 Agus rinn Elisa urnuigh, agus thubhairt e, A Thighearna, fosgail, guidheam ort, a shùilean, a chum as gu'm faic e. Agus dh'fhosgail an Tighearna sùilean an òganaich, agus chunnaic e; agus feuch, *bha'n* sliabh làn do eachaibh, agus do charbadaibh teine mu'n cuairt air Elisa.

18 Agus an uair a thàinig iad a nuas d'a ionnsuidh, rinn Elisa urnuigh ris an Tighearna, agus thubhairt e, Buail, guidheam ort, an sluagh so le doille. Agus bhuail e iad le doille, a réir focail Elisa.

19 Agus thubhairt Elisa riu, Cha'n i so an t-slighe, agus cha'n e so am baile; lean-aibh mise, agus bheir mi sibh a dh'ionnsuidh an duine, a tha sibh ag iarraidh. Ach thug e iad gu Samaria.

20 Agus an uair a thàinig iad a steach do Shamaria, thubhairt Elisa, A Thighearna, fosgail sùilean nan daoine so, chum as gu'm faic iad. Agus dh'fhosgail an Tighearna an sùilean, agus chunnaic iad, agus feuch, *bha iad* am meadhon Samaria.

21 Agus thubhairt righ Israeil ri Elisa 'n uair a chunnaic e iad, Am buail, am buail mi iad<sup>1</sup>, athair?

22 Agus fhreagair esan, Cha bhuail thu iad: am buailleadh tu iadsan, a ghlac thu nam braighdibh le d' chlaidheamh, agus le d' bhogha<sup>2</sup>? cuir aran agus uisge ta'n comhair, a chum gu'n ith agus gu'n òl iad, agus gun d'fhéid iad a dh'ionnsuidh an tighearna féin.

23 Agus rinn e deasachadh mòr air an son: agus an uair a dh'ith agus a dh'òl iad, leig e air falbh iad, agus chaidh iad a dh'ionnsuidh an tighearna. Agus cha d'fhàinig buidhne Shiria ni's mò do thìr Israeil.

24 Agus na dhéigh so chruinnich Benhadad, righ Shiria, 'armailt uile, agus chaidh e suas agus theannaich e Samaria.

25 Agus bha gorta mhòr ann an Samaria; agus feuch, theannaich iad e, gus an robh ceann asail air a reiceadh air cheithir fichead *bonn* airgid, agus an ceathramh cuid do chab do aolach choluman<sup>3</sup> air chùig *bonnaibh* airgid.

26 Agus an uair a bha righ Israeil a' gabhail seachad air a' bhalladh, ghlaodh

bean ris, ag ràdh, Dean cabhair orm, mo thighearna a righ.

27 Agus thubhairt esan, Mur dean an Tighearna cabhair ort, cionnus a ni mise cabhair ort? an ann as urlar an t-sabhail, no as an fhion-amar?

28 Agus thubhairt an righ ria, Ciod a tha teachd riut? Agus fhreagair ise, Thubhairt a' bhean so rium, Thoir seachad do mhac-sa, chum as gu'n ith sinn an diugh e, agus mo mhac-sa ithidh sinn am màireach.

29 Agus bhruidh sinn mo mhac-sa, agus dh'ith sinn e: agus thubhairt mise ria-sa, air an ath là, Thoir seachad do mhac-sa chum as gu'n ith sinn e: ach dh'fhoiaich ise a mac.

30 Agus an uair a chual an righ briathra na mna, reub e 'eudach, agus ghabh e seachad air a' bhalladh, agus dh'amahair an sluagh, agus feuch, *bha* saic-eudach air 'theoil air an taobh a stigh.

31 An sin thubhairt e, Gu'n deanadh Dia mar sin riumsa, agus tuilleadh mar an ceudna, na sheasas ceann Elisa, mhic Shaphait, air an diugh.

32 Ach *bha* Elisa na shuidhe na thigh, agus na seanairean nan suidhe maille ris: agus chuir an righ duine uath as a fathair-eachd féin<sup>4</sup>: ach mu'n d'fhàinig an teachdaire d'a ionnsuidh, thubhairt e ris na seanaibh, Am faic sibhse mar a chuir mac so a' mhòrtair duine a thoirt mo chinn diomsa? thugaibh an aire<sup>5</sup> 'n uair a thig an teachdaire, druidibh an dorus, agus cumaidh gu dàingeann e aig an dorus: nach 'eil fuaim chos a thighearna na dhéigh?

33 An uair a bha e fathast a' labhairt riu, feuch, thàinig an teachdaire nuas d'a ionnsuidh: agus thubhairt e, Feuch, tha'n t-olc so o'n Tighearna; c'ar son a dh'fheithinnse air an Tighearna ni's faide?

# CAIB. VII.

**A**N SIN thubhairt Elisa, Eisdibh ri focal an Tighearna: Mar so tha'n Tighearna ag ràdh, Mu'n tràth so am màireach reicear tomhas do mhìn mhìn air shecel, agus dà thomhas eorna air shecel, ann an geatadh Shamaria.

2 Agus fhreagair ceannard<sup>6</sup>, a leig an righ a thaic air a làimh, an duine le Dia, agus thubhairt e, Feuch, ge do dheanadh an Tighearna tuil-dhorsan<sup>7</sup> anns na nèamhaibh, am feudadh an ri so bhi? agus thubhairt esan, Feuch, chi thusa le d' shùilibh e, ach cha'n ith thu dheth.

3 Agus bha ceathrar do dhaoineibh, air an robh an luibhre, aig dol a steach a' gheataidh; agus thubhairt iad gach fear r'a

<sup>1</sup> Le buailleadh am buail mi iad. Eabh. <sup>2</sup> An ann a chionn gu'n do ghlac thu iad le d' chlaidheamh, agus le d' bhogha, a mharbhadh tu iad? <sup>3</sup> do ghallpheasair.

<sup>4</sup> dhuibhsan a bha feitheamh air. <sup>5</sup> seallaidh. <sup>6</sup> mòir-fhear, duine san treas àite fuidh 'n righ. <sup>7</sup> uinneagan.

chéile, C'ar son a dh'fhanas sinn an so gus am bàsaich sinn?

4 Ma their sinn, Rachamaid a steach do'n bhaile, *tha a' ghortadh ams a' bhaile*, agus bà-aichidh sinn an sin: agus ma dh'fhanas sinn an so, bà-aichidh sinn mar an ceudna. A nis ma ta thigibh, agus teicheamaid gu camp<sup>1</sup> nan Sirianach: ma chaomhnas iad beo sinn, bithidh sinn beo; ach ma mharbhas iad sinn, cha 'n fhaigh sinn ach an bàs.

5 Agus dh'éirich iad anns an dù-thra<sup>2</sup> gu dol a dh'ionnsuidh camp<sup>3</sup> nan Sirianach: agus an uair a thàinig iad gus a' chuid a b'fhaide mach do champ nan Sirianach, feuch, cha robh duin' air bith an sin:

6 Oir thug an Tighearn air feachd nan Sirianach fuaim charbad a chlunninn, agus fuaim each, *eadhon* fuaim slòigh mhòir: agus thubhairt iad gach fear r'a chéile, Feuch, thuarasdalaich rìgh Israeil nar n-aghaidh rìghre nan Hiteach, agus rìghre nan Eiphiteach, gu teachd ornn.

7 Uime sin dh'éirich iad, agus theich iad anns an dù-thra, agus dh'fhàg iad am bùthan, agus an eich, agus an asail, *eadhon* an camp mar a bha e, agus theich iad air son an anna.

8 Agus an uair a thàinig na labhair sin gus a' chuid a b'fhaide mach do'n champ, chaidh iad a steach do aon bhùth, agus dh'ith iad, agus dh'òl iad, agus thug iad leo as sin airgid, agus òr, agus eudach, agus chaidh iad, agus dh'fhòlaich siad iad: agus thàinig iad air an ais, agus chaidh iad a steach do bhùth eile, agus thug iad leo as sin mar an ceudna, agus chaidh iad, agus dh'fhòlaich siad iad.

9 Agus thubhairt iad gach fear r'a chéile, Cha 'n eil sinn a' deanamh gu ceart: is là deagh sgéil an là so, agus *tha* sinne nar tosd: ma dh'fhanas sinn gu solus na maidne, thig olc éigin ornn: a nis ma ta thigibh, agus rachamaid, agus innseamaid do theaghlach an rìgh.

10 Agus thàinig iad agus ghlaodh iad ri dorsairibh<sup>4</sup> a' bhaile, agus dh'innis iad dhòibh, ag ràdh, Chaidh sinne gu camp nan Sirianach, agus feuch, cha robh duine air bith an sin, no guth duine, ach eich ceangailte, agus asail ceangailte, agus na bùtha mar a bha iad.

11 Agus ghlaodh na dorsairean<sup>5</sup>, agus dh'innis iadsan do theaghlach an rìgh a stigh.

12 Agus dh'éirich an rìgh anns an oidhche, agus thubhairt e r'a sheirbhisich, Innsidh mi dhuibh a nis ciod a rinn na Sirianaich ornn: tha fios aca gu bheil sinne oerach, agus chaidh iad a mach as a' champ

gu'm folach féin anns a' mhachair, ag ràdh, An uair a thig iad a mach as a' bhaile, glacadh sinn beo iad, agus theid sinn a steach do'n bhaile.

13 Agus fhreagair aon d'a shierbhi-ich, agus thubhairt e, Gabhar a nis cùig do na h-eachaibh, a tha air am fàgail, a dh'fhan anns a' bhaile, (feuch, *tha* iad mar uile shluagh Israeil<sup>6</sup> d'an do chuireadh as), agus cuireamaid teachdairean uainn agus taiceamaid.

14 Ghabhadh uime sin dà each carbaid<sup>7</sup>, agus, chuir an rìgh teachdairean an dèigh feachd nan Sirianach, ag ràdh, Rachaidh agus faicibh.

15 Agus chaidh iad nan dèigh gu ruig Iordan, agus feuch, bha'n t-slighe uile làn do eudach, agus do shoithichibh, a thilg na Sirianaich uatha nan cabhaig: agus phill na teachdairean, agus dh'innis iad do'n rìgh.

16 Agus chaidh an sluagh a mach, agus chreach iad camp<sup>8</sup> nan Sirianach: agus reicadh tomhas do mhìn mhìn air shecel, agus dà thomhas eorna air shecel, a réir focail an Tighearna.

17 Agus chuir an rìgh cùram a' gheataidh air a' cheannard, a leig e a thaic air a làmh: agus shaltair an sluagh air anns a' gheatadh, agus dh'eug e; mar a thubhairt an duine le Dia, a labhair an uair a thàinig an rìgh a nuas d'a ionnsuidh.

18 Agus thachair e, mar a labhair an duine le Dia ris an rìgh, ag ràdh, Bithidh dà thonhas eorna air shecel, agus tomhas do mhìn mhìn air shecel, mu'n tràth so am màireach ann an geatadh Shamaria:

19 Agus fhreagair an ceannard sin an duine le Dia, agus thubhairt e, Feuch a nis, ge do dheanadh an Tighearna tuil-dhòrsan anns na nèamhaibh, am feudadh a' leithid so do ni a bhi? agus thubhairt esan, Feuch, chì thu le d' shùilibh e, ach cha'n ith thu dheth.

20 Eadhon mar sin thachair e dha: oir shaltair an sluagh air anns a' gheatadh, agus dh'eug e.

## CAIB. VIII.

**A**N SIN labhair Elisa ris a' mhnai, d'an d'ath-bheothaich e a mac, ag ràdh, Eirich, agus imich thusa agus do theaghlach, agus falbh air chuairt ge b'e àit am feud thu bhi air chuairt: oir ghairm an Tighearn air gorta, agus mar an ceudna thig i air an tìr rè sheachd bliadhna.

2 Agus dh'éirich a' bhean, agus rinn i a réir focail an duine le Dia: agus dh'fhalbh i féin agus a teaghlach, agus bha i air chuairt ann an tìr nam Philisteach rè sheachd bliadhna.

<sup>1</sup> feachd. <sup>2</sup> an-moch, duibhre. <sup>3</sup> campu.

<sup>4</sup> dorsair. <sup>5</sup> ghlaodh e ris na dorsairibh. <sup>6</sup> mar uile shluagh Israeil a dh'fhàgadh ann; feuch,

tha mi 'g ràdh, *tha* iad mar uile shluagh Israeil.

<sup>7</sup> da charbad le'n eachaibh.

<sup>8</sup> bùthan.



3 Agus aig ceann nan seachd bliadhna, phill a' bhean a tìr nam Philisteach: agus chaidh i mach a ghairm air an rìgh air son a tighe, agus air son a fearainn.

4 Agus labhair an rìgh ri Gehasi òglach an duine le Dia, ag ràdh, Innis dhomh, guidheam ort, na nithe mòra uile a rinn Elisa.

5 Agus an uair a bha e ag innseadh do'n rìgh mar a dh'ath-bheothaich e *neach* a bha mharbh, feuch, ghlaodh a' bhean, d'an d'ath-bheothaich e a mac, ris an rìgh air son a tighe, agus air son a fearainn. Agus thubhairt Gehasi, Mo thighearn, a rìgh, so a' bhean, agus so a mac, a dh'ath-bheothaich Elisa.

6 Agus an uair a dh'fheòraich an rìgh do'n mhnaoi, dh'innis i dha. Agus dh'òrduich an rìgh dh'i maor àraidh, ag ràdh, Thoir air ais gach *ni* bu leatha, agus uile thoradh an fhearainn, o'n là a dh'fhàg i an tìr, eadhon gus an is.

7 Agus thàinig Elisa gu Damascus, agus bha Ben-hadad rìgh Shiria riun, agus dh'innseadh dha, ag ràdh, Thàinig an duine le Dia an so.

8 Agus thubhairt an rìgh ri Hasael, Gabh ann ad làimh tiodhlacadh, agus falbh an coinneamh an duine le Dia, agus fiosraich do'n Tighearna leis, ag ràdh, An d'thig mi beo o'n tinneas so?

9 Agus dh'fhalbh Hasael na choinneamh, agus ghabh e tiodhlacadh na làimh, eadhon *do gach ni* maith a' bha'n Damascus, eire<sup>1</sup> dhà fhichead chàmhla: agus thàinig e, agus sheas e na làthair, agus thubhairt e, Chuir do mhac Ben-hadad, rìgh Shiria, mise a t'ionnsuidh, ag ràdh, An d'thig mi beo o'n tinneas so?

10 Agus thubhairt Elisa ris, Falbh, abair ris, Feudaidh tu gun teagamh teachd uath: gidheadh, nochd an Tighearna dhomhsa gu'm faigh e gu cinnteach bàs.

11 Agus shocraich e a ghnùis gu seas-mhach, gus an robh nàire air: agus ghuil an duine le Dia.

12 Agus thubhairt Hasael, C'ar son a tha mo thighearn a' gùl? Agus fhreagair esan, A chionn gu bheil fios agam air an olc a ni thusa do chloinn Israeil: an daingneacha làidir cuiridh tu ri theine, agus an daoine òga marbhaidh tu leis a' chlaidheamh, agus an clann bheag bruthaidh tu<sup>2</sup>, agus am mnathan<sup>3</sup> torrach reubaidh tu suas.

13 Agus thubhairt Hasael, Ach ciod, an cu do sheirbhliseach, gu'n deanadh e an ni mòr so? Agus fhreagair Elisa, Nochd an Tighearna dhomhsa *gu'm bi* thu a'd' rìgh air Siria.

14 Agus dh'fhalbh e o Elisa, agus thàinig

e dh'ionnsuidh a thighearna, a thubhairt ris, Ciod a thubhairt Elisa riut? Agus fhreagair esan, Dh'innis e dhomh *gu'n d'thig* thu gu cinnteach *o'n tinneas* so.

15 Agus air an là màireach ghabh e eudach tugh, agus thum e ann an uisge e, agus sgaoil e air 'aghaidh e, air chor as gu'n d'fhuair e bàs: agus rìoghaich Hasael na àit:

16 Agus anns a chùigeadh bliadhna do Ioram mac Ahaib, rìgh Israeil<sup>4</sup>, thòisich Iehoram, mac Iehosaphat rìgh Iudah, air rìoghachadh.

17 Dà bhliadhna dheug thar fhichead a dh'aois bha e nuair a thòisich e air rìoghachadh, agus rìoghaich e oehd bliadhna ann an Ierusalem.

18 Agus ghluais e ann an slighe rìgh-rean Israeil, mar a rinn tigh Ahaib; oir bha nighean Ahaib na mnaoi aige: agus rinn e olc ann an sùilibh an Tigh-earna.

19 Gidheadh cha b'àill leis an Tigh-earn Iudah a sgrios, air sgàth Dhaibhidh òglaich, mar a gheall e dha solus<sup>4</sup> a thabhairt da fèin, agus d'a mhacaibh an còmh-nuidh.

20 Na laithibh-san dh'éirich Edom<sup>5</sup> o bhi fuidh làimh Iudah, agus rinn iad rìgh os an cionn fèin

21 Agus chaidh Ioram thairis gu Sair, agus na carbadan uile maille ris; agus dh'éirich e san oidliche, agus bhuail e na h-Edomaich, a bha mu'n cuairt air, agus ceannarda nan carbad: agus theich an sluagh d'am bùthaibh.

22 Gidheadh dh'éirich Edom o bhi fuidh làimh Iudah gus an la'n<sup>6</sup> diugh: agus dh'éirich Libnah san àm cheudna.

23 Agus a' chuid eile do ghnìomharaibh Ioram, agus gach *ni* a rinn e, nach 'eil iad sgrìobhta ann an leabhar eachdraidh rìgh-rean Iudah?

24 Agus chòidil Ioram maille r'a aithrichibh, agus dh'adhlacaidh e maille r'a aithrichibh ann am baile Dhaibhidh: agus rìoghaich Ahasiah a mhac na àit.

25 Anns an dara bliadhna deug do Ioram mac Ahaib, rìgh Israeil, thòisich Ahasiah mac Iehoram, rìgh Iudah, air rìoghachadh.

26 Dà bhliadhna thar fhichead a dh'aois bha Ahasiah, an uair a thòisich e air rìoghachadh, agus rìoghaich e aon bhliadhna ann an Ierusalem: agus b'e ainm a mbàthar Ataliah, nighean Omri<sup>6</sup> rìgh Israeil.

27 Agus ghluais e ann an slighe tighe Ahaib, agus rinn e olc ann an sùilibh an Tighearna, mar a rinn tigh Ahaib: oir bu chliamhuin do thigh Ahaib e.

<sup>1</sup> eallach, luchd.

<sup>2</sup> buailidh tu ris an làr.

<sup>3</sup> rìgh Israeil, nuair a bha Iehosaphat na rìgh air Iudah. <sup>4</sup> dochran. <sup>5</sup> rinn Edom ar' a mach.

<sup>6</sup> nighean Ahaib, mhic Omri, Faic I. Rìgh. c. XVI. r. 28.

28 Agus chaidh e maille ri Ioram, mac Ahaib, gu cogadh an aghaidh Hasaeil righ Shiria ann an Ramot-gilead, agus lot na Sirianaich Ioram.

29 Agus chaidh righ Ioram air ais gu bhì air a leigheas ann an Iesreel o na lotaibh a thug na Sirianaich dha ann an Ramot, an uair a chog e an aghaidh Hasaeil righ Shiria: agus chaidh Ahasiah mac Iehoraim, righ Iudah, sìos a dh'fhaicinn Ioraim mhic Ahaib ann an Iesreel, a chionn gu'n robh e tinn.

CAIB. IX.

**A**GUS ghairm Elisa am fàidh air aon do mhacaibh nam fàidh, agus thubhairt e ris, Crioslaich do leasraidh, agus gabh an corn olaidh so ann do làimh, agus imich gu Ramot-gilead.

2 Agus an uair a thig thu n' sin, seallaidh tu an sin air son Iehu mhic Iehosaphait, mhic Nimsi; agus thèid thu a stigh, agus bheir thu air èirigh suas o mheasg a bhràithre, agus bhicir thu e do sheòmar-cuill:

3 Agus gabhaidh tu an corn olaidh, agus taomaidh tu air a cheann e, agus thèir thu, Mar so tha'n Tighearn ag ràdh, Dh'ung mi thu a'd' righ air Israel: an sin fosgailidh tu an dorus, agus teichidh tu, agus cha'n fhan thu.

4 Agus dh'imich an t'oganach<sup>1</sup>, am fàidh, gu Ramot-gilead.

5 Agus an uair a thàinig e, feuch, bha ceannardan an t-slàigh nan suidhe, agus thubhairt e, Tha ni agam ri ràdh riut<sup>2</sup>, a cheannard. Agus thubhairt Iehu, Cia ris dhinn uile? Agus thubhairt esan, Riut-sa, a cheannard.

6 Agus dh'èirich e, agus chaidh e steach do'n tigh, agus thaom e an oladh air a cheann, agus thubhairt e ris, Mar so tha'n Tighearna Dia Israeil ag ràdh, Dh'ung mi thusa a'd' righ air sluagh an Tighearna, eadhon air Israel.

7 Agus buailidh tu tigh Ahaib, do thighearna, agus dìolaidh mise fuil mo sheirbhiseacha nam fàidh, agus fuil uile sheirbhiseacha an Tighearna, air làimh Isebeil.

8 Agus sgrìosar tigh Ahaib uile, agus gearraidh mi as o Ahab esan, a ni uisge ri balladh, agus esan a dhruidear suas agus a dh'fhàgar ann an Israel.

9 Agus ni mi tigh Ahaib mar thigh Ieroboaim, mhic Nebait, agus mar thigh Bhaasa, mhic Ahiah.

10 Agus ithidh na madraidh Iesebel ann an cuibhrionn Iesreil, agus cha bhi neach air bith ann a dh'adhlacais i. Agus dh'fhosgail e 'n dorus, agus theich e.

11 An sin thàinig Iehu a mach a dh'ionnsuidh sheirbhiseacha a Thighearna, agus thubhairt iad<sup>3</sup> ris, Am bheil gach ni gu maith? c'ar son a thàinig am fear cuthaich

so a t'ionnsuidh? Agus thubhairt esan riu, Is aithne dhuibh an duine, agus a chainnt.

12 Agus thubhairt iadsan, Is breug e; innis dhuinn a nis. Agus thubhairt esan, Mar so agus mar so labhair e rium, ag ràdh, Mar so tha'n Tighearn ag ràdh, Dh'ung mi thu a'd' righ air Israel.

13 An sin rinn iad cabhag, agus ghabh iad gach fear dhiubh 'fhalluing<sup>4</sup>, agus chuir iad fuidhe i air mullach na staidhre<sup>5</sup>, agus shéid iad le trompaid, agus thubhairt iad, Is e Iehu an righ.

14 Uime sin rinn Iehu mac Iehosaphait, mhic Nimsi, ceannair<sup>6</sup> an aghaidh Ioraim; (a nis bha Ioram a' gleidheadh Ramot-gilead, e féin agus Israel uile, an aghaidh Hasaeil righ Shiria.

15 Ach phill righ Ioram gu bhì air a leigheas ann an Iesreel o na lotaibh, a thug na Sirianaich dha, 'nuair a chog e ri Hasaeil righ Shiria.) Agus thubhairt Iehu, Ma's e bhur toil e, na rachadh neach air bith a mach, agus na teichadh e as a' bhaile, gu dol g'a innseadh ann an Iesreel.

16 Agus mharcaich Iehu ann an carbad, agus chaidh e gu Iesreel; oir bha Ioram na luidhe an sin: agus thàinig Ahasiah righ Iudah a nuas a dh'fhaicinn Ioraim.

17 Agus sheas fear-faire air an tùr ann an Iesreel, agus chunnaic e buidheann<sup>7</sup> Iehu 'nuair a bha e a' teachd, agus thubhairt e, Tha mi faicinn buidhne. Agus thubhairt Ioram, Gabh marcach, agus cuir nan coinneamh e, agus abradh e, An sìth a th'ann?

18 Agus chaidh fear a' marcachd air each na coinneamh, agus thubhairt e, Mar so tha'n righ ag ràdh, An sìth a th'ann? Agus thubhairt Iehu, Ciod do ghnòthuch-sa ri sìth? tionndaidh air mo chùlaobh. Agus dh'innis am fear-faire, ag ràdh, Thàinig an teachdaire d'an ionnsuidh, ach cha 'n'eil e teachd air ais.

19 Agus chuir e uaith fear eile a' marcachd air each, agus thàinig e d'an ionnsuidh, agus thubhairt e, Mar so tha'n righ ag ràdh, An sìth a th'ann? Agus fhreagair Iehu, Ciod do ghnòthuch-sa ri sìth? tionndaidh air mo chùlaobh.

20 Agus dh'innis am fear-faire, ag ràdh, Thàinig e eadhon d'an ionnsuidh, agus cha 'n'eil e teachd air ais: agus tha'n siubhal cosmhuil ri siubhal Iehu mhic Nimsi<sup>8</sup>; oir tha e a' siubhal gu dian.

21 Agus thubhairt Ioram, Ulluich<sup>9</sup>. Agus dh'ulluich e a charbad. Agus chaidh Ioram righ Israeil, agus Ahasiah righ Iudah, a mach gach fear dhiubh na charbad, agus chaidh iad a mach an coinneamh<sup>10</sup> Iehu, agus thachair iad air ann an cuibhrionn Naboit an Iesreilich.

22 Agus an uair a chunnaic Ioram Iehu, thubhairt e, An sìth a th'ann, a Iehu? Agus

<sup>1</sup> an t-oganach, eadhon an t-oganach. <sup>2</sup> Tha gnothuch agam riut. <sup>3</sup> thubhairt neach. <sup>4</sup> a bhrat. <sup>5</sup> nan ceum. <sup>6</sup> coimh-chealg.

<sup>7</sup> cuideachd. <sup>8</sup> Iehu mhic Iehosaphait, mhic Nimsi. Faic r. 2. <sup>9</sup> Beartaich. <sup>10</sup> an aghaidh.



thubhairt esan, Ciod an t-sìth, fhad 's a bhios striopachas Iesebeil do mhàthar, agus a druidheachda co lionmhor?

23 An sin thionndaidh Ioram a làmh an agus thich e, agus thubhairt e ri Ahasiah, *Tha* feall ann, O Ahasiah.

24 Agus tharruing Iehu bogha le 'uile neart, agus bhuail e Iehoram eadar a ghaideana, agus chaidh an t-saighead a mach troimh a chridhe, agus chrom e sìos na charbad.

25 An sin thubhairt Iehu ri Bidcar a cheannard, Tog agus tilg e ann an cuibhrionn fearainn Naboit an Iesreelich: oir is cuimhne leam<sup>1</sup>, an uair a bha mise agus thusa a' marcachd cuideachd an dèigh Ahaib 'athar, gu'n do chuir an Tighearn an eallach so air<sup>2</sup>.

26 Gu cinnteach chunnaic mi an dé fuil Naboit, agus fuil a mhac, ars' an Tigh-earna, agus dìolaidh mi ort anns a' cuibhrionn<sup>3</sup> so, ars' an Tighearn. A nis ma ta tog agus tilg e anns a' cuibhrionn fhearainn, a réir focal an Tighearna.

27 Agus an uair a chunnaic Ahasiah, rìgh Iudah, so, theich e rathad tighe an lios<sup>4</sup>: agus lean Iehu na dhéigh, agus thubhairt e, Buailibh esan mar an ceudna na charbad. Agus bhuail iad e aig uchdaich Ghuir, a tha làimh ri Ibleam: agus theich e gu Megido, agus fhuair e bàs an sin.

28 Agus thug a sheirbhisich leo e ann an carbad gu h-Ierusalem, agus dh'adhlaic iad e na àit-adhlacaidh, maille r'a aithrichibh ann am baile Dhaibhidh.

29 Agus anns an son bhliadhna deug do Ioram mac Ahaib, thòisich Ahasiah air rìoghachadh os cionn Iudah.

30 Agus an uair a thàinig Iehu gu Iesreel, chual Iesebel e, agus chuir i dath mu a sùilb<sup>5</sup>, agus sgeadaich i a ceann, agus dh'amhairc i mach air uinneig.

31 Agus an uair a bha Iehu a' teachd a stigh air a' gheatadh, thubhairt i, An robh sìth aig Simri, a mharbh a thighearna?

32 Agus thog esan 'aghaidh suas a dh'ionnsuidh na h-uinneige, agus thubhairt e, Cò a ta leanisa, cò? agus dh'amhairc a mach air dithis no triuir do chaillteanachaibh.

33 Agus thubhairt e, Tilgibh a nuas i. Agus thilg iadsan sìos i; agus chrathadh cuid d'a fuil air a' bhalladh, agus air na h-eachaibh, agus shaltair iad<sup>6</sup> fa'n cosaibh i.

34 Agus chaidh e stigh, agus dh'ith agus dh'òl e, agus thubhairt e, Rachaidh a nis a dh'fhaicinn na mnà mallaichte sin, agus adhlacibh i; oir is nighean rìgh i.

35 Agus chaidh iad g'a h-adhlacadh, ach cha d'fhuair iad dith ach an cloigeann, agus na cosan, agus basan a làmh.

36 Agus phill iad, agus dh'innis iad da:

agus thubhairt esan, Is e so focal an Tigh-earna, a labhair e le làimh 'òglaich Elisha an Tisbitheach, ag ràdh, Ann an cuibhrionn Iesreil, ithidh na madraidh feoil Iesebeil:

37 Agus bithidh closach Iesebeil mar aolach air aghaidh an fhearainn ann an cuibhrionn Iesreil, air chor as nach abair iad, Is i so Iesebel.

# CAIB. X.

**A**GUS bha aig Ahab deich agus tri fich-ead mac ann an Samaria. Agus scriobh Iehu litrichean, agus chuir e do Samaria iad, a dh'ionnsuidh uachdrana Iesreil<sup>7</sup>, a dh'ionnsuidh nan seanair, agus d'an ionnsuidh-san a thog clann Ahaib, ag ràdh,

2 A nis an uair a thig an litir so d'ar ionnsuidh, o tha mic bhur tighearna maille ribh, agus carbaid agaibh, agus eich, agus baile damgnichte, agus airm:

3 Amhaircibh a mach eadhon air a shon-san a's fearr agus a's iomchuidh do mhacaibh bhur tighearna, agus cuiribh e air rìgh-chaithir 'athar, agus cogaibh air son tighe bhur tighearna.

4 Ach bha eagal ro-mhòr orra-san, agus thubhairt iad, Feuch, cha do sheas dà rìgh roimhe, agus cionnus a sheasas sinne?

5 Agus chuir esan a bha os cionn an tighe, agus esan a bha os cionn a' bhaile, agus na seanairean, agus iadsan a thog a' chlann, teachdairean gu Iehu, ag ràdh, Is sinne do sheirbhisich, agus ni sinn gach ni a dh'iarraas tu oirnn; cha dean sinn rìgh air bith: an ni a ta taitneach a'd' shùilb<sup>8</sup>-sa, dean e.

6 Agus scriobh e d'an ionnsuidh litir an daradh uair, ag ràdh, Ma's leamsa sibh, agus ma dh'éisdeas sibh ri m' ghuth, gabhaibh cinn mhac<sup>9</sup> bhur tighearna, agus thigibh a'm' ionnsuidh-sa mu'n tràth so am màireach gu Iesreil: (a nis bha mic an rìgh, deich agus trì fichead fear, maille ri daoineibh mòra a' bbaile a thog iad.)

7 Agus an uair a thàinig an litir d'an ionnsuidh, ghabh iad mic an rìgh, agus mharbh iad deich agus trì fichead fear, agus chuir iad an cinn ann am bascaidibh, agus chuir iad d'a ionnsuidh iad gu Iesreil.

8 Agus thàinig teachdaire, agus dh'innis e dha, ag ràdh, Thug iad leo cinn mhac an rìgh. Agus thubhairt esan, Cuiribh iad nan dà dhùn aig dol a stigh a' gheataidh gu maduinn.

9 Agus anns a' mhaduinn chaidh e mach agus sheas e, agus thubhairt e ris an t-sluagh uile, Tha sibhse ionraic: feuch, rinn mise ceannairc an aghaidh mo thighearna, agus mharbh mi e; ach cò a bhuail iad so uile?

10 Biodh fios agaibh a nis, nach tuit lide do fhocal an Tighearna gu làr, a labhair an Tighearna mu thigh Ahaib; oir rinn an

<sup>1</sup> cuimhneach. <sup>2</sup> gu'n do chuir an Tighearn an eall an fhàisneachd so na aghaidh. <sup>3</sup> ball. <sup>4</sup> dìte, achadh. <sup>5</sup> a' ghàraidh. <sup>6</sup> chuir i lath air

a h-aghaidh; chuir i a sùilean ann an dath. Eabh. <sup>7</sup> uachdrana Shamaria. <sup>8</sup> nan daoine eadhon mhac. Eabh.

Tighearn an *ni sin* a labhair e le làimh a sheirbhisich Eliah.

11 Mar sin bhuail Iehu iadsan uile a mhair do thigh Ahaib ann an Iesreel, agus a dhaoine mòra uile, agus a luchd-dàimh, agus a shagairt, gus nach d'fhàg e duine bco<sup>1</sup> aige.

12 Agus dh'éirich e, agus dh'imich e, agus chaidh e do Shamaria. Agus an uair a bha e aig tigh-bearraidh nam buachaill-ean<sup>2</sup> air an t-slighe,

13 Thachair Iehu air bràithribh Ahasiah rìgh Iudah, agus thubhairt e, Cò sibhsè? Agus thubhairt iadsan, Is sinne bràithrean Ahasiah, agus tha sinn a' dol sìos a chur fàilte air cloinn an rìgh, agus air cloinn na ban-rìghinn<sup>3</sup>.

14 Agus thubhairt esan, Glacaibh beo iad. Agus ghlac iad beo iad, agus mharbh siad iad aig slochd an tigh-bhearraidh, dà fhichead agus dithis fear; agus cha d'fhàg e duine bco dhiubh.

15 Agus an uair a dh'fhalbh e as sin, thachair e air Iehonadab mac Rehaib a' teachd na choinneamh, agus chuir e fàilte air, agus thubhairt e ris, Am bheil do chridhe-sa dìreach<sup>4</sup>, mar a tha mo chridhe-sa le d' chridhe-sa? Agus thubhairt Iehonadab, Tha. Ma tha, *ars' esan*, thoir dhomh do làmh. Agus thug e dha a làmh, agus thog e suas e d'a ionnsuidh do'n charbad.

16 Agus thubhairt e, Thig maille riumsa, agus faic m'eud air son an Tighearna. Agus thug e<sup>5</sup> air marcachd na charbad.

17 Agus thàinig e do Shamaria, agus bhuail e iadsan uile a mhair do Ahab ann an Samaria, gus an do sgrios se e, a réir focail an Tighearna, a labhair e ri Eliah.

18 Agus chruinnich Iehu an sluagh uile, agus thubhairt e riu, Rinn Ahab beagan seirbhis do Bhaal, ach ni Iehu mòran seirbhis dha.

19 A nis ma ta gairmibh a'm ionnsuidh-sa fàidhean Bhaail uile, a sheirbhisich uile, agus a shagairt uile; na biodh duine dhiubh air chall<sup>6</sup>; oir tha iobairt mhòr agam r'a dheanamh do Bhaal: ge b'e neach a bhios air chall, cha mhair e beo. Ach rinn Iehu so ann an seòltachd, a chum gu'n sgriosadh e luchd-aoraidh Bhaail.

20 Agus thubhairt Iehu, Gairmibh feill<sup>7</sup> naomha do Bhaal. Agus ghairm iad i.

21 Agus chuir Iehu *fios* air feadh Israeil uile, agus thàinig uile luchd-aoraidh Bhaail; cha d'fhàgadh duine dhiubh nach d'fhàinig; agus chaidh iad a steach do thigh Bhaail, agus lìonadh tigh Bhaail o cheann gu ceann.

22 Agus thubhairt e ris-san a bha os cionn seòmair nan culaidh, Thoir a mach culaidhean do uile luchd-aoraidh Bhaail. Agus thug e mach dhoibh culaidhean.

23 Agus chaidh Iehu agus Iehonadab mac Rehaib a steach do thigh Bhaail, agus thubhairt e ri luchd-aoraidh Bhaail, Rannsaichibh agus faicibh nach bi an so maille ribh *neach air bith* do sheirbhisich an Tighearna, ach luchd-aoraidh Bhaail a mhàin.

24 Agus an uair a chaidh iad a steach a thoirt suas iobairtean agus thabhartas-loisgte, shuidhich Iehu ceithir fichead fear leis a muigh, agus thubhairt e, Ma théid fear air bith as do na daoineibh a thug mise thairis d'ar làimh, théid anam an neach a *leigeas as e* air son 'anma-san.

25 Agus co-luath agus a chuir e crìoch air an iobairt-loisgte iobradh, thubhairt Iehu ris an fhreiceadan, agus ris na ceannardaidh, Rachaibh a steach, buailibh iad, na d'thigeadh duine dhiubh mach. Agus bhuail siad iad le faobhar a' chlaidheimh, agus thilg am freiceadan agus na ceannardan a mach iad; agus chaidh iad gu baile tìghe Bhaail.

26 Agus thug iad a mach na dealbhan a tigh Bhaail, agus loisg siad iad.

27 Agus bhris iad sìos dealbh Bhaail, agus bhris iad sìos tigh Bhaail, agus rinn iad e na thigh-salachair gus an la'n diugh.

28 Mar so sgrios Iehu Baal a mach a h-Israel.

29 Gidheadh ri peacaibh Ieroboaim mhic Nebait, a thug air Israel peacachadh, cha do dhealaich Iehu, *eadhon ris* na laoghaibh òir a bha ann am Betel, agus a bha ann an Dan.

30 Agus thubhairt an Tighearna ri Iehu, A chionn gu'n do rinn thu gu maith *anns an ni sin* a dheanamh a tha ceart ann mo shùil-ibh-sa, agus gu'n d'rinn thu ri tigh Ahaib a réir gach *ni* a bha ann am chridhe-sa, suidhidh do mhic do'n cheathramh *ginealach* air rìgh-chaithir Israeil.

31 Ach cha d'thug Iehu an aire air imeachd ann an lagh an Tighearna Dé Israeil le 'uile chridhe; oir cha do dhealaich e ri peacaibh Ieroboaim, a thug air Israel peacachadh.

32 Anns na laithibh sin thòisich an Tighearn air Israel a ghearradh goirid: agus bhuail Hasael iad ann an uile chrìoch-ibh Israeil;

33 O Iordan a làimh na h-airde 'n car, fearann Ghilcad uile, na Gadaich, agus na Reubenich, agus na Manasaich o Aroer (a tha làimh ri sruth<sup>8</sup> Arnoin) eadhon Gilead agus Basan.

34 Agus a' chuid eile do ghnìomharaibh Iehu, agus gach *ni* a rinn e, agus a thréine uile, nach *eil* iad scrìobhta ann an leabhar eachdraidh rìghrean Israeil?

35 Agus chaidil Iehu maille r'a aithrichibh, agus dh'adhlaic iad e ann an Samaria: agus rìoghaich Iehoahas a mhac na àit.

<sup>1</sup> a mhair. <sup>2</sup> nan aodhair. <sup>3</sup> ban-rìgh. <sup>4</sup> Am bheil do chridhe-sa dìreach le m' chridhe-sa.

<sup>5</sup> iad. <sup>6</sup> air ionndruin. <sup>7</sup> fèisd, conth-chruinneachadh. <sup>8</sup> abhainn.



36 Agus *b'i 'n ùin'* a rìoghaich Iehu os cionn Israeil ann an Samaria, ochd bliadhna fichead.

CAIB. XI.

**A** GUS an uair a chunnaic Ataliah màth-air Ahasiah gu'n robh a mac marbh, dh'èirich i, agus sgrìos i an sliochd rìoghail uile.

2 Ach ghabh Iehoseba nighean rìgh Ioraim, piuthar Ahasiah, Ioas mac Ahasiah, agus ghoid i c a measg mhac an rìgh a mharbhadh, agus chuir i e fèin agus a bhan-altrum ann an scomar nan lcapaiche<sup>1</sup>: agus dh'fholaich iad e o Ataliah<sup>2</sup> air chor as nach do mharbhadh e.

3 Agus bha e maille ria am folach ann an tigh an Tighearna rè shè bliadhna: agus rìoghaich Ataliah os cionn na tìre.

4 Agus air an t-seachdamh bliadhna chuir Iehoiada *fios* uaith, agus ghabh e iadsan a bha os cionn cheudan<sup>3</sup>, agus na ceannardan, agus am friceadan, agus thug e steach d'a ionnsuidh iad do thigh an Tighearna, agus riui c coimhcheangal riu, agus ghabh e mionnan diubh ann an tigh an Tighearna, agus dh'fheuch e dhoibh mac an rìgh.

5 Agus dh'àithn e dhoibh, ag ràdh, So an ni a ni sibh: *Bithidh* an treas cuid dhìbhse a thèid a steach air an t-sàbaid, a' gleidheadh faire tighe an rìgh:

6 Agus *bithidh* trian aig geatadh Shuir, agus trian aig a' gheatadh air cùlaobh an fhreiceadain: mar so gleidhidh sibh faire an tìge, a chum nach brisear a steach air<sup>4</sup>.

7 Agus *gleidhidh* dà chuid dhìbhse uile a thèid a mach air an t-sàbaid, gleidhidh eadhon iadsan faire tighe an Tighearna mu'n cuairt air an rìgh.

8 Agus cuairtichidh sibh an rìgh air gach taobh, gach fear le 'airm na làimh: agus esan a thig an taobh a stigh do na sreathaibh<sup>5</sup>, marbhar c; agus bithibhse maille ris an rìgh 'nuair a thèid e mach, agus an uair a thig e steach.

9 Agus rinn na ceannarda-cheud a réir gach *ni* a dh'àithn Iehoiada an sagart, agus ghabh iad gach fear dhiubh a dhaoine a bha dol a steach air an t-sàbaid, maille riutha-san a bha dol a mach air an t-sàbaid, agus thàinig iad a dh'ionnsuidh Iehoiada an t-sagairt.

10 Agus thug an sagart do na ceannardaibh-cheud slaghanna agus sgiathan rìgh Daibhidh, a bha ann an tìgh<sup>6</sup> an Tighearna.

11 Agus sheas am friceadan, gach fear le 'airm na làimh, mu'n cuairt air an rìgh, o thaobh<sup>7</sup> deas an tìge gu ruig taobh clì an tìge, làimh ris an altair agus an tìgh.

12 Agus thug e mach mac an rìgh, agus

chuir c 'n crùn air, agus thug e dha an flianus, agus rinn iad na rìgh e, agus dh'ung iad e, agus bhuail iad am basa, agus thubhairt iad, Gu ma fada beo an rìgh.

13 Agus an uair a chual Ataliah fuaim an t-sluaigh a' ruith cuideachd<sup>8</sup>, thàinig i dh'ionnsuidh an t-sluaigh, a steach do thigh an Tighearna.

14 Agus an uair a dh'amhairc i, feuch, sheas an rìgh làimh ri post, mar bu ghnàth, agus na h-uachdarain, agus na trompaidaircan làimh ris an rìgh, agus rinn sluagh na tìre uile gairdeachas, agus shéid iad le trompaidibh: agus reub Ataliah a li-eudach, agus dh'èigh i, Feall, feall.

15 Ach dh'àithn Iehoiada an sagart do na ceannardaibh-cheud, a chuireadh os cionn an t-slòigh, agus thubhairt c riu, Thugaibh a mach i an taobh a muigh do na sreathaibh; agus ge b'e neach a lcanas i, marbhar leis a' chlaidheamh e: oir thubhairt an sagart, Na cuirear gu bàs i ann an tigh an Tighearna.

16 Agus thug iad comas d'i<sup>9</sup>, agus dh'imich i air an t-slighe air an d'thig na h-eich gu tìgh an rìgh; agus mharbhadh an sin i.

17 Agus rinn Iehoiada coimhcheangal cadar an Tighearna agus an rìgh agus an sluagh, gu'm biodh iad nan sluagh aig an Tighearna; mar an ceudna cadar an rìgh agus an sluagh.

18 Agus chaidh sluagh na tìre uile a steach do thigh Bhaail, agus leag iad sìos c; 'altairean agus a dhealbhan bhris iad gu tur; agus mharbh iad Matan, sagart Bhaail, fa chomhair nan altair: agus chuir an sagart luchd-riaghlaidh<sup>10</sup> os cionn tìge an Tighearna.

19 Agus ghabh e iadsan a bha os cionn cheudan; agus na ceannardan, agus am friceadan, agus sluagh na tìre uile, agus thug iad a nuas an rìgh o thigh an Tighearna, agus thàinig iad rathad geataidh an fhreiceadain gu tìgh an rìgh: agus shuidh e air cailthir nan rìgh.

20 Agus rinn sluagh na tìre uile gairdeachas, agus bla 'm baile samhach: agus mharbh iad Ataliah leis a' chlaidheamh làimh ri tìgh an rìgh.

21 Seachd bliadhna dh'aois bha Iehoas an uair a thòisich e air rìoghachadh.

CAIB. XII.

**A** NNS an t-seachdamh bliadhna do Iehu thòisich Iehoas air rìoghachadh, agus rìoghaich e dà fhichead bliadhna ann an Ierusalem: agus b'e ainm a mhàthar Sibiah o Bheerseba.

2 Agus rinn Iehoas an *ni* a bha ceart ann an sùilibh an Tighearna rè a làithcan uile, anns an do theagaisg Iehoiada an sagart e.

<sup>1</sup> Faic II. Eachdr. Caib. XXII. r. 11. <sup>2</sup> o ghnùis Ataliah. Eabh. <sup>3</sup> na ceannardan-cheud. <sup>4</sup> a chum nach brisear sìos e. <sup>5</sup> rangaibh.

<sup>6</sup> teampull. <sup>7</sup> oisian, ghualainn. <sup>8</sup> fuaim an fhreiceadain, agus an t-sluaigh. <sup>9</sup> chuir iad làmh innte. <sup>10</sup> luchd-frithealaidh.

5 Ach cha d'thugadh air falbh na h-àitean arda: *bha* 'n sluagh fathast ag ìobradh, agus a' losgadh tùis anns na h-àitibh arda.

4 Agus thubhairt Iehoas ris na sagartaibh, Uile airgid nan nithe coisrigte a bheirear a steach do thigh an Tighearna, airgid gach duin' a theid seachad *san àireamh*, airgid meas<sup>1</sup> gach duine, an t-airgid uile a thig e ann an cridhe duine sam bith a thoirt a steach do thigh an Tighearna.

5 Gabhadh na sagairt d'an ìonnuidh e, gach duine o 'fhear-eòlais, agus càireadh iad briseadh an tighe, eadhon gach briseadh a gheibhear ann.

6 Gidheadh, anns an treas bliadhna fichead do rìgh Iehoas, cha do chàirich na sagairt briseadh an tighe.

7 An sin ghairm rìgh Iehoas air Ichoiada an sagart, agus air na sagartaibh eile, agus thubhairt e riu, C'ar son nach 'eil sibh a' càradh brisidh an tighe? a nis ma ta na gabhaibh airgid *tuilleadh* o luchd bhuir n-eòlais, ach thugaibh air son brisidh an tighe e.

8 Agus dh'aontaich na sagairt gun airgid a ghabhail *tuilleadh* o'n t-sluagh, agus gun bhriseadh an tighe a chàradh.

9 Ach ghabh Ichoiada an sagart ciste, agus rinn e toll na h-uachdar<sup>2</sup>, agus chuir e i ri taobh na h-altarach air an làimh dheis, mar a thig duine a steach do thigh an Tighearna: agus ann an sin chuir na sagairt a bha gleidheadh an doruis, an t-airgid uile a thugadh a steach do thigh an Tighearna.

10 Agus an uair a chunnaic iad gu'n robh mòran airgid anns a' chiste, chaidh scriobhuich an rìgh suas, agus an t-ard shagart, agus cheangail iad suas, agus dh'àireamh iad<sup>3</sup> an t-airgid a fhuaradh ann an tigh an Tighearna.

11 Agus thug iad an t-airgid an uair a dh'àirmheadh e ann an làimh nan daoine a rinn an obair, a chuireadh os cionn tighe an Tighearna: agus thug iadsan a mach e do na saoraibh, agus do'n luchd-togail, a rinn obair air tigh an Tighearna,

12 Agus do chlacharaibh, agus do luchd-snaidhidh chlach, agus a cheannach fiodha agus chlach a snaidhte, a chàradh brisidh tighe an Tighearna, agus air son gach ni a chuireadh a mach air an tigh g'a chàradh.

13 Gidheadh, cha d'rinneadh do thigh an Tighearna copain airgid, snàladairean, cuachan, trompaidean, soithichean òir air bith, no soithichean airgid air bith, do'n airgid a thugadh a steach do thigh an Tighearna.

14 Ach thug iad e do'n luchd-oibre, agus chàraich iad leis tigh an Tighearna.

15 Os-bàrr, cha d'thug iad air na daoine-

ibh, an làimh an d'thug iad an t-airgid chum a thoirt do'n luchd-oibre, cunntas a thoirt seachad: oir rinn iadsan gu firinn-each.

16 Cha d'thugadh an t-airgid eusaonta, agus an t-airgid peacaidh a steach do thigh an Tighearna: bu leis na sagartaibh e.

17 An sin chaidh Hasael rìgh Shiria suas, agus chog e an aghaidh Ghat, agus ghlac se e: agus chuir Hasael aghaidh ri dol suas gu h-Ierusalem.

18 Agus ghabh Iehoas rìgh Iudah na nithe coisrigte uile, a choisrig Iehosaphat agus Iehoram agus Ahasiah 'aithriche, rìghrean Iudah, agus a nithe coisrigte féin, agus an t-òr uile a fhuaradh ann an ìomhasaibh tighe an Tighearna, agus tighe an rìgh, agus chuir e dh'ionnsuidh Hasael rìgh Shiria e, agus dh'imich e o h-Ierusalem.

19 Agus a' chuid eile do ghnìomharaibh Ioais, agus gach ni a rinn e, nach 'eil iad scriobhta ann an leabhar eachdraidh rìghrean Iudah?

20 Agus dh'éirich a sheirbhisich, agus rinn iad ceannairc, agus bhuail<sup>4</sup> iad Ioas ann an tigh Mhilo, a tha san dol sìos gu<sup>5</sup> Sila:

21 Oir bhuail Iosachar mac Shimeat, agus Iehosabad mac Shomair a sheirbhisich e, agus fhuair e bàs: agus dh'adhlac iad e maille r'a aithrichibh ann am baile Dhaibhidh: agus rìghaich Amasiah a mhac na àit.

## CAIB. XIII.

**A**NNS an treas bliadhna fichead do Ioas, mac Ahasiah, rìgh Iudah, thòisich Iehoahas, mac Iehu, air rìoghachadh os cionn Israeil ann an Samaria; agus rìghaich e seachd bliadhna deug.

2 Agus rinn e olc ann an sùilbh an Tighearna, agus lean e peacanna Ieroboaim mhic Nebait, a thug air Israeil peacachadh: cha do dhealaich e riu.

3 Agus las fearg an Tighearn an aghaidh Israeil, agus thug e thairis iad do làimh Hasael, rìgh Shiria, agus do làimh Bhenhadaid, mhic Hasael, rè<sup>6</sup> làithean uile.

4 Agus ghuidh Iehoahas air an Tighearna, agus dh'éisd an Tighearna ris; oir chunnaic e foirneart<sup>7</sup> Israeil, oir rinn rìgh Shiria foirneart orra.

5 (Agus thug an Tighearna fear-saoraidh do Israeil, agus chaidh iad a mach o bhi fuidh làimh nan Sirianach: agus ghabh clann Israeil còmhnuidh nam bùthaibh mar a rinn iad roimhe.)

6 Gidheadh, cha do dhealaich iad ri peacaibh tighe Ieroboaim, a thug air Israeil peacachadh, ach ghluais iad annta: agus dh'fhan an doire cuideachd ann an Samaria.)

7 Agus cha d'fhàgadh<sup>8</sup> aig Iehoahas

<sup>1</sup> airgid meas anma. Eabh. <sup>2</sup> na clàr-beoil.

<sup>3</sup> chuir iad ann am mùladh, agus dh'àireamh iad.

<sup>4</sup> mharbh.

<sup>5</sup> a theid sìos gu.

<sup>6</sup> an.

<sup>7</sup> sàruchadh, àmhghar.

<sup>8</sup> cha d'fhàg e.



do'n t-sluagh ach leth-cheud marcach agus deich carbaid agus deich mìle coisiche; oir sgrios rìgh Shiria iad, agus rinn e iad mar an duslach<sup>1</sup> le bualadh.

8 Agus a' chuid eile do ghnìomharaibh Iehoahais, agus gach *ni* a rinn e, agus a thréine<sup>2</sup>, nach *'eil* iad sriobhta ann an leabhar eachdraidh rìghrean Israeil?

9 Agus choidil Iehoahas maille r'a aithrichibh, agus dh'adhlaid iad e ann an Samaria, agus rìoghaich Iehoas<sup>3</sup> a mhac na àit.

10 Anns an t-scachdamh bliadhna deng thar fhichead do Ioad rìgh Iudah, thòisich Iehoas, mac Iehoahais, air rìoghachadh os cionn Israeil ann an Samaria; agus rìoghach e sè bliadhna deug.

11 Agus rinn e olc ann an sùilbh an Tighearna: cha do dhealaich e ri uile pheacaibh Ieroboaim, mhic Nebait, a thug air Israel peacachadh, *ach* ghluais e anna.

12 Agus a' chuid eile do ghnìomharaibh Ioad, agus gach *ni* a rinn e, agus a thréine, leis an do chog e an aghaidh Amasiah rìgh Iudah, nach *'eil* iad sriobhta ann an leabhar eachdraidh rìghrean Israeil?

13 Agus choidil Ioad maille r'a aithrichibh, agus shuidh Ieroboam air a rìgh-chathair: agus dh'adlaiceadh Ioad ann an Samaria maille ri rìghribh Israeil.

14 A nis bha Elisa tinn d'a thinneas d'an d'fhuair e bàs, agus thàinig Ioad rìgh Israeil a nuas d'a ionnsuidh, agus ghuil e os a chionn<sup>4</sup>, agus thubhairt e, O athair, athair, carbad Israeil agus a mharc shluagh.

15 Agus thubhairt Elisa ris, Gabh bogha agus saighdean: agus ghabh e d'a ionnsuidh bogha agus saighdean.

16 Agus thubhairt e ri rìgh Israeil, Cuir do làmh air a' bhogha. Agus chuir e a làmh air; agus chuir Elisa a làmh air làmh an rìgh.

17 Agus thubhairt e, Fosgail an uinneag a làmh na h-àirde 'n car: agus dh'fhosgail e i. An sin thubhairt Elisa, Tilg a thilg esan. Agus thubhairt e, Saighdean shaoraidh an Tighearna, agus saighdean shaoraidh o<sup>5</sup> Shiria: oir bualidh tu na Sirianaich ann an Aphec, gus an cuir thu às doibh.

18 Agus thubhairt e, Gabh na saighdean: agus ghabh esan iad. Agus thubhairt e ri rìgh Israeil, Buail air an talamh: agus bhuail e tri uairean, agus stad e.

19 Agus bha fearg air an duine le Dia ris, agus thubhairt e, Bu chòir dhuit bualadh cùig no sè uairean, an sin bhuail eadh tu Siria gus an cuireadh tu às dith: ach a nis buailidh tu Siria a mhàin tri uairean.

20 Agus fhuair Elisa bàs, agus dh'ad-

hlaid iad e: agus thàinig buidhnean nam Moabach a stigh do'n t-ur<sup>6</sup> aig teachd a steach na bliadhna.

21 Agus an uair a bha iad ag adhlacadh duine, feuch, chunnaic iad buidheann *dhaoine*, agus thilg iad sìos an duine do àit-adhlacaidh Elisa, agus an uair a leigeadh an duine sìos, agus a bhean e ri cnàmhan Elisa, dh'ath-bheothaicheadh e, agus dh'èirich e air a chosaibh.

22 A nis rinn Hasael, rìgh Shiria, fòirneart air Israel rè uile làithean Iehoahais.

23 Ach bha'n Tighearna bàigheil riu, agus ghabh c' truas ri, agus dh'amhairc e orra air sgàth a choimheangail ri Abraham, Isaac, agus Jacob, agus cha b' àill leis an sgrios, cha mhò a thilg e as a làthair iad gus a nis.

24 Agus fhuair Hasael, rìgh Shiria, bàs agus rìoghaich Benhadad a mhac na àit.

25 Agus thug Iehoas mac Iehoahais air an ais a làimh Benhadad mhic Hasael, na bailtean a thug esan as làimh Iehoahais 'athar anns a' chogadh: tri uairean bhuail Iehoas<sup>7</sup> e, agus thug e air an ais bailtean Israeil.

#### C A I B. XIV.

**A** NNS an dara bliadhna do Iehoas<sup>8</sup> mac Iehoahais rìgh Israeil, rìoghaich Amasiah mac Ioads rìgh Iudah.

2 Cùig bliadhna fichead a dh'aois bha e 'n uair a thòisich e air rìoghachadh, agus rìoghaich e naoi bliadhna fichead ann an Ierusalem: agus b'e ainm a mhàthar Iehodan o Ierusalem.

3 Agus rinn e an *ni* a bha ccart ann an sùilbh an Tighearna; ach cha b'ann cosmhuil ri Daibhidh 'athair: a réir gach *ni* a rinn Ioad 'athair, rinn esan.

4 Ach cha d'thugadh air falbh na h-àitean arda: fathast bha'n sluagh ag ìobradh, agus a' losgadh tuis air na h-àitibh arda.

5 A ris an uair a dhaingnicheadh an rìoghachd na làimh, mharbhadh e a sheirbhisich, a mharbh an rìgh 'athair.

6 Ach mic nam mortair<sup>9</sup> cha do mharbh e; mar a tha e sriobhta ann an leabhar lagha Mhaois, anns an d'àithn an Tighearna, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche; ach cuirear gach duine gu bàs air son a pheacaidh féin<sup>10</sup>.

7 Bhuail e do Edom ann an gleann an t-salainn deich mìle, agus ghlac e Selah anns a' chogadh, agus thug e Iocteel mar ainm air gus an la'n diugh.

8 An sin chuir Amasiah teachdairean a dh'ionnsuidh Iehoais mhic Iehoahais, mic Iehu rìgh Israeil, ag ràdh, Thig, seallamaid air a chéile san aghaidh.

<sup>1</sup> luathre. <sup>2</sup> a ghaisge, a neart. <sup>3</sup> Ioads. <sup>4</sup> air 'a ghaidh. Eabhl. <sup>5</sup> an aghaidh. <sup>6</sup> thug buidhnean nam Moabach ionnsuidh air an t-ur.

<sup>7</sup> Ioads. <sup>8</sup> Ioads. <sup>9</sup> nan daoine marbhta. <sup>10</sup> na pheacadh féin. Eabhl.

9 Agus chuir Iehoas, rìgh Israeil, *teachdairean* a dh'ionnsuidh Amasiah rìgh Iudah, ag ràdh, Chuir am foghannan<sup>1</sup> a bha ann an Lebanon fios a dh'ionnsuidh an t-seudair a bha ann an Lebanon, ag ràdh, Thoir do nighean do m' mhac-sa na mnaoi: agus chaidh fadh-bheathach seachad, a bha ann an Lebanon, agus shaltair e sìos am foghannan.

10 Bhual thu gun amharus EDOM, agus thog do cridhe suas thu: dean uaill a so, agus fan aig do thigh: oir c'ar son a bhiodh lām agad ann an nì chum t-aimhleis, air chor as gu'n tuiteadh tu fèin agus Iudah maille riut?

11 Ach cha d'èisd Amasiah ris: uime sin chaidh Iehoas rìgh Israeil suas, agus dh'adhairc e fèin agus Amasiah rìgh Iudah air aghaidh a chèile aig Betsemes, a bhuineas do Iudah.

12 Agus bhuailleadh Iudah roimh Israel, agus theich iad gach fear a dh'ionnsuidh am bùthan.

13 Agus ghlac Iehoas rìgh Israeil Amasiah, rìgh Iudah, mac Iehoais, mhic Amasiah, aig Betsemes, agus thàinig e gu h-Ierusalem, agus bhris e sìos balladh Ierusalem, o gheatadh Ephraim gu geatadh na h-òisne, ceithir cheud lām-choille.

14 Agus ghabh e an t'òr agus an t-airgid uile, agus na soithichean<sup>2</sup> uile, a fhuaradh ann an tigh an Tighearna, agus ann an ionmhasaibh tighe an rìgh, agus braighdean-gill<sup>3</sup>, agus phill e gu Samaria.

15 Agus a' chuid eile do ghnìomharaibh Iehoais a rinn e, agus a thrèine, agus mar a chog e ri Amasiah rìgh Iudah, nach 'eil iad scribedh ann an leabhar eachdraidh rìghrean Israeil?

16 Agus choidil Iehoas maille r'a aithrichibh, agus dh'adhlacaidh e ann an Samaria maille ri rìghribh Israeil, agus rioghaich Ieroboam a mhac na àit.

17 Agus bha Amasiah, mac Ioa rìgh Iudah, beo an dèigh bàis Iehoais, mhic Iehoahais rìgh Israeil, cùig bliadhna deug.

18 Agus a' chuid eile do ghnìomharaibh Amasiah, nach 'eil iad scribedh ann an leabhar eachdraidh rìghrean Iudah?

19 Agus rinn iad ceannairc na aghaidh ann an Ierusalem, agus theich e gu Lachis: ach chuir iad dnoine na dhèigh gu Lachis, agus mharbh iad e an sin.

20 Agus thug iad leo air eachaibh e: agus dh'adhlacaidh e ann an Ierusalem maille r'a aithrichibh, ann am baile Dhaibhidh.

21 Agus ghabh sluagh Iudah uile Asariah<sup>4</sup>, agus e sè bliadhna deug a dh'aois, agus rinn iad na rìgh e an àit athar Amasiah.

22 Thog esan Elat, agus dh'aisig se<sup>5</sup> e

do Iudah, an dèigh do'n rìgh codal maille r'a aithrichibh.

23 Anns a' chùigeadh bliadhna deug do Amasiah mac Ioa, rìgh Iudah, thòisich Ieroboam mac Ioa rìgh Israeil, air rioghachadh ann an Samaria, agus rioghaich e bliadhna agus dà fhichead.

24 Agus rinn e oile ann an sùilbhan Tighearna: cha do dhealaich e ri uile pheacaibh Ieroboaim mhic Nebait, a thug air Israel peacachadh.

25 Dh'aisig e crìoch Israeil o dhol a steach Hamait gu ruig muir a chòmhnaird, a réir focail an Tighearna Dé Israeil, a labhair e le lām a sheirbhisich Ionah, mhic Amitai an fhàidh, a bha o Gath-hepher.

26 Oir chunnaic an Tighearna àmhghar Israeil, gu'n robh e ro-shearbh: oir cha robh neach air bith air a dhruideadh suas, agus cha d'fhàgadh neach air bith, agus cha robh fear-còmhnaidh<sup>6</sup> ann aig Israel.

27 Agus cha dubhairt an Tighearna gu'n dubhadh e mach ainm Israeil o bhi fuidh nèamh: ach shaor e iad le lām Ieroboaim mhic Ioa.

28 Agus a' chuid eile do ghnìomharaibh Ieroboaim, agus gach nì a rinn e, agus a thrèine, mar a chog e, agus mar a dh'aisig e Damascus, agus Hamat, [bu le Iudah,] do Israeil, nach 'eil iad scribedh ann an leabhar eachdraidh rìghrean Israeil?

29 Agus choidil Ieroboam maille r'a aithrichibh maille ri rìghribh Israeil; agus rioghaich Sacharia a mhac na àit.

## CAIB. XV.

**A**NNS an t-seachdamh bliadhna fichead do Ieroboam rìgh Israeil, thòisich Asariah<sup>8</sup>, mac Amasiah, rìgh Iudah, air rioghachadh.

2 Sè bliadhna deug a dh'aois bha e 'nuair a thòisich e air rioghachadh, agus rioghaich e dà bhliadhna dheug agus dà fhichead ann an Ierusalem: agus b'e ainm a mhàthar Iecholia o Ierusalem.

3 Agus rinn e an nì a bha ceart ann an sùilbhan Tighearna, a réir gach nì a rinn Amasiah 'athair.

4 Gidheadh, cha d'thugadh air falbh na h-àitean arda: fathast bha 'n sluagh ag iobradh, agus a' losgadh tuis anns na h-àitibh arda.

5 Agus bhuail an Tighearna an rìgh, agus bha e na lobhar gu là a bhàis, agus ghabh e còmhnuidh ann an tigh air leth, agus bha Iotam, mac an rìgh, os cionn an tighe, a' toirt breth air sluagh na tìre.

6 Agus a' chuid eile do ghnìomharaibh Asariah, agus gach nì a rinn e, nach 'eil iad scribedh ann an leabhar eachdraidh rìghrean Iudah?

7 Agus choidil Asariah maille r'a aith-

<sup>1</sup> cluarán.  
<sup>3</sup> hostages. Sasg.

<sup>2</sup> na h-innill, an t-aidheam.  
<sup>4</sup> Udsiah.

<sup>5</sup> thug e

air ais.  
<sup>8</sup> Udsiah.

<sup>6</sup> fear-cuidich.

<sup>7</sup> gu'n sgriosadh e.



ichibh, agus dh'adhlaic iad e maille r'a aithrichibh ann am baile Dhaibhidh: agus rìoghaich Iotam a nì hac na àit.

8 Anns an ochdamh bliadhna deng thar fhichead do Asariah, rìgh Iudah, rìoghaich Sachariah mac Icroboaim os cionn Israeil ann an Samaria sè mìosan.

9 Agus rinn e olc ann an sùilbha an Tighearna, mar a rinn 'aithriche: cha do dhealaich e ri peacaibh Ieroboaim, mhic Nebait, a thug air Israel peacachadh.

10 Agus rinn Salum mac Iabeis ceannairc na aghaidh, agus bhuail se e am fianuis an t-sluaigh, agus mharbh se e, agus rìoghaich e na àit.

11 Agus a' chuid eile do ghnìomharaibh Shachariah, feuch, *tha* iad sgrìobhta ann an leabhar eachdraidh rìghrean Israeil:

12 *B'e* so focal an Tighearna, a labhair e ri Iehu, ag ràdh, Suidhidh do mhic air rìgh-chaithir Israeil, gu ruig an ceathramh ginealach. Agus bha e mar sin.

13 Thòisich Salum mac Iabeis air rìoghachadh anns an naothadh bliadhna deug thar fhichead do Udsiah<sup>1</sup> rìgh Iudah, agus rìoghaich e mìos iomlan<sup>2</sup> ann an Samaria:

14 Oir chaidh Menabem, mac Ghadi, suas o Thirsah, agus thàinig e gu Samaria, agus bhuail e Salum mac Iabeis ann an Samaria, agus mharbh se e, agus rìoghaich e na àit.

15 Agus a' chuid eile do ghnìomharaibh Shalumi, agus a cheannairc a rinn e, feuch, *tha* iad sgrìobhta ann an leabhar eachdraidh rìghrean Israeil.

16 An sin bhuail Menahem Tiphseh, agus iadsan uile a bha ann, agus a chriochar o Thirsah; a chionn nach d'fhosgail iad *dha*, uime sin bhuail se e: a mhuathan torrach uile reub e suas.

17 Anns an naothadh bliadhna deug thar fhichead do Asariah rìgh Iudah, thòisich Menahem mac Ghadi air rìoghachadh os cionn Israeil, agus rìoghaich e deich bliadhna ann an Samaria.

18 Agus rinn e olc ann an sùilbha an Tighearna: cha do dhealaich e rè 'uile làithean ri peacaibh Ieroboaim, mhic Nebait, a thug air Israel peacachadh.

19 Agus thàinig Pul rìgh Asiria an aghaidh na tìre: agus thug Menahem do Phul mìle tàlann airgid, a chum as gu'm biodh a làmh leis, a dhaingneachadh na rìoghachd na làimh.

20 Agus thog Menahem an t-airgiod o Israel, *cadhon* uathasan uile a bha comasach ann an saibhreas, leth-cheud secl airgid o gach duine, chum a thabhairt do rìgh Asiria: agus phill rìgh Asiria air ais, agus cha d'fhan e 'n sin anns an tìr.

21 Agus a' chuid eile do ghnìomharaibh Mhenahem, agus gach *ni* a rinn e, nach *'eil* iad sgrìobhta ann an leabhar eachdraidh rìghrean Israeil?

22 Agus choidil Menahem maille r'a aithrichibh; agus rìoghaich Pecahiah a mhac na àit.

23 Anns an deicheamh bliadhna agus dà fhichead do Asariah rìgh Iudah, thòisich Pecahiah mac Mhenahem air rìoghachadh os cionn Israeil ann an Samaria: agus rìoghaich e dà bhliadhna.

24 Agus rinn e olc ann an sùilbha an Tighearna: cha do dhealaich e ri peacaibh Ieroboaim, mhic Nebait, a thug air Israel peacachadh.

25 Ach rinn Pecah, mac Remaliah, ceannard leis fèin, ceannairc na aghaidh, agus bhuail se e ann an Samaria, ann an luchairt tìghe an rìgh, maille ri Argob, agus ri Arieih, agus maille ris leth-cheud fear do na Gileadaich; agus mharbh se e, agus rìoghaich e na àit.

26 Agus a' chuid eile do ghnìomharaibh Phecahiah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

27 Anns an dara bliadhna deug agus dà fhichead do Asariah rìgh Iudah, thòisich Pecah mac Remaliah air rìoghachadh os cionn Israeil ann an Samaria: agus rìoghaich e fichead bliadhna.

28 Agus rinn e olc ann an sùilbha an Tighearna; cha do dhealaich e ri peacaibh Ieroboaim mhic Nebait, a thug air Israel peacachadh.

29 Ann an laithibh Phecah rìgh Israeil, thàinig Tiglat-pileser rìgh Asiria, agus ghlac e lion, agus Abel-betmaachah, agus Ianoah, agus Cedes, agus Hasor, agus Gilcad, agus Galile, uile thìr Naphtali, agus thug c nam braighdibh iad gu Asiria.

30 Agus rinn Hosca mac Elah ceannairc an aghaidh Phècah, mhic Remaliah, agus bhuail se e, agus mharbh se e, agus rìoghaich e na àit, anns an fhicheadamh bliadhna do Iotam mac Udsiah<sup>1</sup>.

31 Agus a' chuid eile do ghnìomharaibh Phècah, agus gach *ni* a rinn e, feuch, *tha* iad sgrìobhta ann an leabhar eachdraidh rìghrean Israeil.

32 Anns an dara bliadhna do Phècah mac Remaliah rìgh Israeil, thòisich Iotam, mac Udsiah rìgh Iudah, air rìoghachadh.

33 Cùig bliadhna fichead a dh'aois bha e 'nuair a thòisich e air rìoghachadh, agus rìoghaich e sè bliadhna deug ann an Ierusalem: agus *b'e* ainm a mhàthar Ierusa, nighean Shadoic.

34 Agus rinn e an *ni* a bha ceart ann an sùilbha an Tighearna: a réir nan uile *nithe* a rinn Udsiah<sup>1</sup> athair, rinn esan.

35 Gidheadh cha d'thugadh air falbh na h-àitean arda: fàstast *bha* 'n sluagh ag iòbradh agus a' losgadh tùis anns na h-àitibh ard. Chuir e suas an geatadh a b'airde do thigh an Tighearna.

<sup>1</sup> Asariah. <sup>2</sup> mìos do laithibh. Eabh.

36 Agus a' chuid eile do ghnìomharaibh Iotaim, agus gach *ni* a rinn e, nach *'eil* iad scrìobhta ann an leabhar eachdraidh rìghrean Iudah?

37 (Anns na laithibh sin thòisich an Tighearn air Resin-rìgh Shiria, agus Pecah mac Remaliah, a chur an aghaidh Iudah.)

38 Agus choidil Iotaim maille r'a aith-rìchibh, agus dh'adhlaicheadh e maille r'a aithrìchibh ann am baile Dhaibhidh 'athar; agus rìoghaich Ahas a mhac na àit.

## CAIB. XVI.

**S**AN t-seachdamh bliadhna deug do Phecah mac Remaliah, thòisich Ahas, mac Iotaim rìgh Iudah, air rìoghachadh.

2 Ficead bliadhna dh'aois *bha* Ahas an uair a thòisich e air rìoghachadh, agus rìoghaich e sè bliadhna deug ann an Ierusalem; agus cha do rinn e an *ni* a *bha* ceart ann an suilibh an Tighearn a Dhé, mar a rinn Daibhidh 'athair.

3 Ach dh'imich e ann an slighe rìghrean Israeil, agus mar an ceudna thug e air a mhac dol troimh 'n teine, a réir ghràineil-eachd nan cinncach, a thig an Tighearn a mach roimh chloinn Israeil.

4 Agus dh'ìobair e, agus loisg e tùis anns na h-àitibh arda, agus air na cuic, agus fuidh gach craoibh uaine.

5 An sin thàinig Resin rìgh Shiria, agus Pecah mac Remaliah rìgh Israeil, a nìos gu h-Ierusalem a chogadh, agus theannaich iad Ahas, ach cha b'urrainn iad buaidh a thoirt air.

6 San àm sin choisinn Resin, rìgh Shiria, Elat air ais do Shiria, agus dh'fhògair e na h-Iudhaich a h-Elat: agus thàinig na Sirianaich do Elat, agus ghabh iad còmh-nuidh ann gus an la 'n diugh.

7 Agus chuir Ahas teachdairean gu Tiglat-pileser, rìgh Asiria, ag ràdh, *Is mise t'òglach agus do mhac; thig a nìos agus saor mi a làimh rìgh Shiria, agus a làimh rìgh Israeil, a dh'éirich a'm' aghaidh.*

8 Agus ghabh Ahas an t-airgid agus an t-òr a fhuair ann an tigh an Tighearna, agus ann an ionmhasaibh tighe an rìgh, agus chuir se e mar thiodhlacadh gu rìgh Asiria.

9 Agus dh'éisd rìgh Asiria ris; oir chaidh rìgh Asiria suas an aghaidh Dhamascuis, agus ghlac se e, agus thug e *shluagh* leis am braighdeanas gu Cir, agus mharbh e Resin.

10 Agus chaidh rìgh Ahas an coinneamh Thiglat-pileseir, rìgh Asiria, gu Damascus, agus chunnaic e altair a *bha* ann an Damascus: agus chuir rìgh Ahas gu h-Uriah an sagart sainhladh na h-altarach, agus a cumadh, a réir a h-uile oibre.

11 Agus thog Uriah, an sagart, altair a réir gach *ni* a chuir Ahas an rìgh o Dhamascus: mar sin rinn Uriah an sagart i air cheann do rìgh Ahas teachd o Dhamascus.

12 Agus an uair a thàinig an rìgh o

Dhamascus, chunnaic an rìgh an altair: agus thàinig an rìgh am fagus agus dh'ìobair e oirre.

13 Agus loisg e a thabhartas-loisgte<sup>1</sup>, agus a thabhartas-bidh, agus thaom e a thabhartas-dibhe, agus chrath e fuil a thabhartasan-sith air an altair.

14 Agus thug e mar an ceudna an altair umha, a *bha* 'm fianuis an Tighearna, o bheulaobh an tighe, o eadar an altair agus tigh an Tighearna, agus chuir e i air taobh tuath na h-altarach.

15 Agus dh'àithn rìgh Ahas do Uriah, an sagart, ag ràdh, Air an altair mhòir loisg tabhartas-loisgte na maidne, agus tabhartas-bidh an fheasgair, agus tabhartas-loisgte an rìgh, agus a thabhartas-bidh, agus tabhartas-loisgte uile shluagh na tìre, agus an tabhartas-bidh, agus an tabhartas-dibhe, agus crath oirre uile fhuil an tabhartais-loisgte, agus uile fhuil na h-ìobairte: agus bitheadh an altair umha agamsa gu fìosrachadh *leatha*.

16 Mar so rinn Uriah an sagart, a réir gach *ni* a dh'àithn rìgh Ahas.

17 Agus ghearr rìgh Ahas iomail nam bonn diubh, agus dh'atharraich e dhiubh an soitheach-ionnlaid, agus thug e nuas an fhaireg bhàrr nan damh umha a *bha* foipe<sup>2</sup>, agus chuir e i air urlar chlach.

18 Agus an còmhdachadh<sup>3</sup> abaid a thog iad sin tigh, agus slighe an rìgh a steach o'n leth muigh, thionndaidh e o thigh an Tighearna air son<sup>4</sup> rìgh Asiria.

19 A nis a' chuid eile do ghnìomharaibh Ahais, a rinn e, nach 'eil iad scrìobhta ann an leabhar eachdraidh rìghrean Iudah?

20 Agus choidil Ahas maille r'a aithrìchibh, agus dh'adhlaicheadh e maille r'a aithrìchibh, ann am baile Dhaibhidh; agus rìoghaich Hecetiah a mhac na àit.

## CAIB. XVII.

**A**NNS an dara bliadhna deug do Ahas rìgh Iudah, thòisich Hoseah, mac Elah, air rìoghachadh ann an Samaria air Israeil; agus rìoghaich e naoi bliadhna.

2 Agus rinn e olc ann an sealladh an Tighearna, ach cha b'ann mar rìghrìbh Israeil, a *bha* roimhe.

3 Na aghaidh-san thàinig a nìos Salma-neser, rìgh Asiria, agus *bha* Hoseah na sheirbhiseach aige, agus thug e tiodhlacadh<sup>5</sup> dha.

4 Agus fhuair rìgh Asiria ceannairc ann an Hoseah; oir chuir e teachdairean gu So rìgh na h-Eiphit, agus cha d'thug e tiodhlacadh air bith gu rìgh Asiria, mar a *chleachd* e o bhliadhna gu bliadhna: uime sin dhruid rìgh Asiria suas e, agus cheangail e ann am prìosun e.

5 An sin thàinig rìgh Asiria nìos troimh 'n fhearann uile, agus chaidh e suas gu Samaria, agus theannaich se e tri bliadhna.

<sup>1</sup> ìobairt-loisgte. <sup>2</sup> fuidhe. <sup>3</sup> pàillion. <sup>4</sup> air eagal. <sup>5</sup> cìs. <sup>6</sup> feall.



6 Anns an naothadh bliadhna do Hoseah, ghlac rìgh Asiria Samaria, agus thug e leis Israel do Asiria, agus shuidhich e iad ann an Halah, agus ann an Habor *làmh ri abhainn Ghosain*, agus ann am bailtibh nam Medeach.

7 Oir tharladh gu'n do pheacaich clann Israeil an aghaidh an Tighearn an Dé, a thug a mìos iad a tìr na h-Eiphit, o bhi fuidh làimh Pharaioih, rìgh na h-Eiphit, agus bha cagal dhiathan eile orra.

8 Agus dh'imich iad ann an reachdaibh nan cinneach, (a thilg an Tighearn a mach roimh chloinn Israeil,) agus ann an *reachdaibh* rìghrean Israeil a rinn iad.

9 Agus rinn clann Israeil gu diomhair nithe nach robh ceart an aghaidh an Tighearn an Dé, agus thog iad dhoibh féin àitean arda nam mòr-bhailtibh uile, o thùrait an luchd-faire, gus a' bhaile dhaing-nichte.

10 Agus chuir iad suas dhoibh féin dealbhan agus doireachan<sup>1</sup> air gach uile chnoc ard, agus fuidh gach uile chraoibh uaine.

11 Agus an sin loisg iad tùis anns na h-àitibh ard uile, mar na cinnich, a thug Dia air falbh rompa: agus rinn iad nithe olc a bhrosnachadh an Tighearna gu corruich:

12 Oir rinn iad seirbhis do ìodholaibh, mu'n d'thubhairt an Tighearna riu, Cha dean sibh an ni so.

13 Gidheadh thug an Tighearna fianais an aghaidh Israeil, agus an aghaidh Iudah, leis na fàidhibh uile, agus leis an luchd-seallaidh uile ag ràdh, Pillibh o bhur droch shligibh, agus gleidhibh m'aitheanta agus mo reachdan, a réir an lagha uile e dh'aithn mi d'ar n-aithrichibh, agus a chuir mi d'ar n-ionnsuidh le 'm sheirbhisich<sup>2</sup> na fàidhean.

14 Gidheadh cha b'àill leo éisdeachd, ach chruadaich iad am mùineal, cosmhuil ri muineal an aithriche, nach do chreid anns an Tighearn an Dia.

15 Agus rinn iad tàir air a reachdaibh, agus air a choimhcheangal, a rinn e 'an aithrichibh, agus air a theisteis, leis an d'thug e fianuis nan aghaidh, agus lean iad diomhanas, agus dh'fhàs iad diomhain, agus chaidh iad an déigh nan cinneach, a bha mu'n cuairt orra, mu'n d'thug an Tighearna sparradh dhoibh, nach deanadh iad cosmhuil riu.

16 Agus thréig iad uile àitheantan an Tighearn an Dé, agus rinn iad dhoibh féin dealbhan leaghta, eadhon dà laogh, agus rinn iad doire, agus rinn iad aoradh do uile armaid nèimh, agus rinn iad seirbhis do Bhaal.

17 Agus thug iad air am macaibh, agus air an nigheanaibh, dol troimh 'n teine,

agus ghnàthaich iad fiosachd agus druidheachd, agus reic siad iad féin a dheanamh uile ann an sealladh an Tighearna, chum a bhrosnachadh gu feirg.

18 Uime sin, bha fearg ro mhòr aig an Tighearn ri h-Israel, agus dh'atharraich e iad as a shealladh: cha d'fhàgadh aon ach treubh Iudah a mhàin.

19 (Mar an ceudna cha do ghléidh Iudah àitheantan an Tighearn an Dé, ach dh'imich iad ann an reachdaibh Israeil a rinn iad.)

20 Agus chuir an Tighearna cùl ri uile shliochd Israeil, agus chuir e fuidh àmhghar iad, agus thug e thairis iad do làimh chreachadairean, gus an do thilg e as a shealladh iad.

21 Oir scar Israel e féin o thigh Dhaibhidh<sup>3</sup>, agus rinn iad Ieroboam mac Nebait na rìgh, agus dh'fhuadaich Ieroboam Israel o'n Tighearn a leantuinn, agus thug e orra peacadh mòr a pheacachadh.

22 Agus dh'imich clann Israeil ann an uile pheacaibh Ieroboaim a rinn e: cha do dhealaich iad riu:

23 Gus an d'atharraich an Tighearn Israel as a shealladh, mar a thubhairt e le 'sheirbhisich uile na fàidhean. Agus thugadh Israel air falbh as an tìr féin do Asiria, gus an la 'n diugh.

24 Agus thug rìgh Asiria daoine o Babilon, agus o Chutah, agus o Abha, agus o Hamat, agus o Sheph-arbhaim, agus shuidhich e iad ann am bailtibh Shamaria, an àite chloinn Israeil; agus shealbhaich iad Samaria, agus ghabh iad còmhnuidh na bhailtibh.

25 Agus tharladh, 'nuair a ghabh iad an toiseach còmhnuidh an sin, nach robh eagal an Tighearn orra; uime sin chuir an Tighearna leòmhainn nam measg, a mharbh cuid diubh.

26 Air an aobhar sin labhair iad ri rìgh Asiria, ag ràdh, Na cinnich a dh'atharraich thu, agus a shuidhich thu ann am bailtibh Shamaria, cha 'n aithne dhoibh gnàth Dhé na tìre: uime sin chuir e leòmhainn nam measg, agus feuch, tha iad 'gam marbhadh, a chionn nach aithne dhoibh gnàth Dhé na tìre.

27 An sin dh'aithn rìgh Asiria, ag ràdh, Thugaibh leibh an sin aon do na sagartaibh, a thug sibh as sin, agus rachadh e<sup>4</sup> agus gabhadh e<sup>5</sup> còmhnuidh an sin, agus teagaisgeadh e dhoibh gnàth Dhé na tìre.

28 An sin thàinig aon do na sagartaibh, a thug iad leo a Samaria, agus ghabh e còmhnuidh ann am Betel, agus theagaisg e dhoibh cionnus bu chòir dhoibh eagal an Tighearn a bhì orra.

29 Gidheadh, rinn gach cinneach dée dhoibh féin, agus chuir siad iad ann an tighibh nan àitean ard, a rinn na Samarit-

<sup>1</sup> Ìodholan; asherim. Eabh, mo sheirbhisich. Eabh.

<sup>2</sup> le làmh

<sup>3</sup> reub e Israel o thigh Dhaibhidh.

<sup>4</sup> iad.

<sup>5</sup> iad.

ich, gach cinneach nam bailtibh féin anns an do ghabh iad còmhnuidh.

30 Agus rinn daoine Bhabiloin Sucot-Benot, agus rinn daoine Chuit Nergal, agus rinn daoine Hamait Asima,

31 Agus rinn na h-Abhaich Nibhas agus Tartac, agus loisg na Sepharbhaich an clann san teine do Adramelech agus Anamelech, dée Shepharbhaim.

32 Agus bha eagal an Tighearn orra, agus rinn iad doibh féin do'n chuid a b'isle dhiubh sagairt nan àit arda, agus thug iad suas òbairtean air an son ann an tighibh nan àit arda.

33 Bha eagal an Tighearn orra, agus rinn iad seirbhis d'an déibh féin, a réir gnàtha nan cinneach a thug iad leo as sin.

34 Gus an la 'n diugh tha iad a deanamh a réir nan ceud ghnàth: cha 'n'eil eagal an Tighearn orra, cha mhò tha iad a' deanamh a réir an reachda, no do réir an orduighean, no do réir an lagha, no do réir na h-àithne a dh'àithn an Tighearn do chloinn Iacoib, air an d'thug e Israel mar ainm:

35 Ris an d'rinn an Tighearn coimh-cheangal, agus d'an d'thug e sparradh<sup>1</sup>, ag ràdh, Cha bhi eagal dhiathan eile oirbh, agus cha chrom sibh sibh féin doibh, agus cha dean sibh seirbhis doibh, agus cha 'n òbair sibh doibh:

36 Ach an Tighearn a thug a nìos sibh a tìr na h-Eiphit le mòr chuinnachd, agus le gairdean sint<sup>2</sup> a mach, 'eagal san bithidh oirbh, agus dha-san lùbaidh sibh an glùn, agus dha-san-ìobraidh sibh.

37 Agus na reachdan, agus na h-orduighean, agus an lagh, agus an àithne a scriobh e dhuibh, bheir sibh an aire gu'n dean sibh iad gu bràth; agus cha bhi eagal dhiathan eile oirbh.

38 Agus an coimhcheangal a rinn mise ribh cha di-chuimhnich sibh; agus cha bhi eagal dhiathan eile oirbh.

39 Ach bithidh eagal an Tighearna bhur Dé oirbh, agus saoraidh esan sibh a làimh bhur naimhdean uile.

40 Gidheadh cha d'éisd iad, ach rinn iad a réir an ceud ghnàtha.

41 Agus bha eagal an Tighearn air na cinnich sin, gidheadh rinn iad seirbhis d'an dealbhaibh snaidhte féin, araon an clann agus clann an cloinne: mar a rinn an aithriche, is amhuil a ta iadsan a' deanamh agus an la 'n diugh.

#### CAIB. XVIII.

**A**GUS anns an treas bliadhna do Hosca mac Elah rìgh Israeil, thòisich Hesechia mac Ahais, rìgh Iudah, air rìoghachadh.

2 Cùig bliadhna fichead a dh'aois bha e 'nuair a thòisich e air rìoghachadh, agus rìoghaich e naoi bliadhna fichead ann an

Ierusalem: agus b'e ainm a mhàthar Abi, nighean Shechariah.

3 Agus rinn e an *ni a bha* ceart ann an sùilibh an Tighearna, a réir nan uile nithe a rinn Daibhùdh 'athair.

4 Chuir e air falbh na h-àitean arda, agus bhris e na dealbhan, agus ghearr e sìos na dòireacha, agus mhìn-phronn e an nathair umha a rinn Maois; oir gus na laithibh sin bha clann Israeil a' losgadh tùis dh'i: agus thugadh<sup>2</sup> Nehustan mar ainm oirre.

5 As an Tighearna Dia Israeil bha earbsadh; agus na dhéigh cha robh neach sam bith cosmhail ris am measg uile rìghrean Iudah, no *aon* a bha roimhe.

6 Oir dhlùth-lean e ris an Tighearna, cha do chlaon e o a leantuinn; ach ghléidh e 'àitheantan, a dh'àithn an Tighearn do Mhaois.

7 Agus bha 'n Tighearna maille ris: anns gach àite d'an deachaidh e, shoirbhich e. Agus dh'éirich e 'n aghaidh rìgh Asiria, agus cha d'rinn e seirbhis dha.

8 Bhuail e na Philistich gu ruig Gasa, agus a chrìocha, o thùr an fhreiceadain gu ruig am baile daingnichte.

9 Agus anns a' cheathramh bliadhna do rìgh Hesechia, agus san t-seachdamh bliadhna<sup>3</sup> do Hoseah, mac Elah, rìgh Israeil, thàinig Salmaneser, rìgh Asiria, a nìos an aghaidh Shamaria, agus theannaich se e.

10 Agus ghlac iad e an ceann trì bliadhna: anns an t-seathadh bliadhna do Hesechia, agus san naothadh bliadhna do Hoseah rìgh Israeil, ghlacadh Samaria.

11 Agus thug rìgh Asiria leis Israel do Asiria, agus chuir e iad ann an Halah agus ann an Habor *làimh ri* abhainn Ghosain, agus ann am bailtibh nam Medeach;

12 A chionn nach d'éisd iad ri guth an Tighearn an Dé, ach gu'n do bhris iad a choimhcheangal, na h-uile *nithe* a dh'àithn Maois òglach an Tighearna; nach d'éisd iad *riu*, agus nach mò a rinn siad iad.

13 Agus anns a' cheathramh bliadhna deug do rìgh Hesechia thàinig Senacherib, rìgh Asiria a nìos an aghaidh uile bhailte daingnichte Iudah, agus ghlac e iad.

14 Agus chuir Hesechia rìgh Iudah *teachdairean* gu rìgh Asiria do Lachis, ag ràdh, Chiontaich mi, pill uam: *an ni a* chuireas tu orm, giùlainidh mi. Agus chuir rìgh Asiria air Hesechia rìgh Iudah trì cheud tàlann airgid, agus deich tàlanna fichead òir.

15 Agus thug Hesechia *dha* an t-airgid uile a fhuaradh ann an tigh an Tighearna, agus ann an ionmhasaibh tìghe an rìgh.

16 Anns an àm sin ghearr Hesechia air falbh còmhlaidh teampuill an Tighearna, agus na h-ursainnean a chòmhaich Hese-

<sup>1</sup> ordugh teann.

<sup>2</sup> thug e. <sup>3</sup> b'i sin an seachdamh bliadhna. Eabh.



ciah righ Iudah, agus thug e iad<sup>1</sup> do righ Asiria.

17 Agus chuir righ Asiria Tartan, agus Rabsaris, agus Rabsaceh o Lachis, gu righ Hesechia lc sluagh mòr an aghaidh Ierusalem : agus air teachd a nìos doibh<sup>2</sup>, thàinig iad agus sheas iad aig sruth-chlais na linne a's airde, a *tha* air slighe achaidh an luadh-adair:

18 Agus an uair a dh'èigh iad ris an righ, thàinig a mach d'an ionnsuidh Eliacim mac Hilciah, a *bha* os cionn an teaghlaich, agus Sebna an scriobhuich, agus Ioas, mac Asaiph, an seanachaidh.

19 Agus thubhairt Rabsaceh riu, Abraibh a nis ri Hesechia; Mar so tha 'n righ mòr, righ Asiria, ag ràdh, Ciod an t-carbsadh<sup>3</sup> mòr so a th'agad?

20 Tha thu ag ràdh, (ach is briathra faoin iad) *Tha* comhairle agus neart *agam* chum a' chogaidh: a nis ma ta cò as am bheil thu 'g earbsadh, gu'n deanadh tu cogadh a'm' aghaidhsa?

21 A nis, feuch, tha thu 'g carbsadh as an luirg bhriste chuilce sin, as an Eiphit, a théid, ma leigeas duine a chudthrom oirre, a steach na làimh, agus a thollas troinne<sup>4</sup> i. *Is ann* mar so a *tha* Pharaoh righ na h-Eiphit dhoibhsan uile a dh'earbas as.

22 Ach ma their sibh rium, As an Tighearn ar Dia tha ar n-earbsadh: nach e so, esan, a chuir Hesechia air falbh 'àitean arda, agus 'altairean, agus a thubhairt ri Iudah agus ri Ierusalem, Fa chomhair na h-altarach so sleuchdaidh sibh ann an Ierusalem?

23 A nis uime sin, guidheam ort, thoir gill do m' thighearna righ Asiria, agus bheir misc dhuit dà mhìle each, ma's urrainn thusa air do thaobh fèin marcaich a chur orra.

24 Cionnus ma ta bheir thu air aon cheannard, do na seirbhisich a's lugha a tha aig mo thighearna-sa, 'aghaidh a thionndadh uait, agus a dh'earbas tu as an Eiphit air son charbad agus marchesluaigh?

25 Ach a nis, an ann as eugmhais an Tighearn a thàinig uis a nìos an aghaidh an àite so, g'a sgrios? Is e 'n Tighearn a thubhairt riumsa, Falbh suas an aghaidh na tìre so, agus sgrios i.

26 An sin thubhairt Eliacim mac Hilciah, agus Sebna, agus Ioah, ri Rabsaceh, Labhair, guidheam ort, ri d' sheirbhisich anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, an clusaibh an t-sluaigh a *tha* air a' bhalladh.

27 Ach thubhairt Rabsaceh riu, An ann a dh'ionnsuidh do thighearna-sa, agus a't

ionnsuidh-sa, a chuir mo thighearna mise a labhairt nam briathra so? nach ann a dh'ionnsuidh nam daoin' a tha nan suidhe air a' bhalladh, a chum gu'n ith iad an salchar fèin, agus gu'n òl iad an uisge fèin maille ribhse?

28 An sin sheas Rabsaceh, agus dh'èigh e le guth ard anns a' chainnt Iudhaich, agus labhair e, ag ràdh, Eisidibh ri focal an righ mhòir, righ Asiria.

29 Mar so tha'n righ ag ràdh, Na mealladh Hesechia sibh, oir cha 'n urrainn e bhur saoradh a'm' làimhsa<sup>5</sup>.

30 Agus na d'thugadh Hesechia oirbh blur dòchas a chur san Tighearn, ag ràdh, Gu deimhin saoraidh an Tighearna sinne, agus cha d'thoirear thairis am baile so do làimh righ Asiria.

31 Na h-éisdibh ri Hesechia: oir mar so tha righ Asiria 'g ràdh, Deanaibh suas cairdeas riumsa<sup>6</sup>, agus thigibh a mach a'm' ionnsuidh, agus ithibh gach fear d'a chrann-fìona, agus gach fear d'a chrann-fìge fèin, agus olaibh gach fear uisge a thobair fèin;

32 Gus an d'thig mise, agus gu'n d'thoir mi air falbh sibh do thir cosmhuil r'ar tìr fèin, tìr arbhair agus fìona, tìr arain agus fhìon-lìos, tìr olaidh a' chroin-olaidh agus meala, a chum gu'n bi sibh beo, agus nach faigh sibh bàs: agus na h-éisdibh ri Hesechia, an uair a chuireas c'impidh oirbh, ag ràdh, Saoraidh an Tighearna sinn.

33 An do shaor riamh dée nan cinneach, gach aon a thìr fèin, as làimh righ Asiria?

34 C'àit *am bheil* dée Hamait, agus Arphaid? c'àit *am bheil* dée Shepharbhaim, Hena, agus Ibhalh? an do shaor iad Samaria as mo làimh-sa?

35 Cò an measg uile dhée nan dùth-channa, a shaor an tìr fèin as mo làimh-sa, gu'n saoradh an Tighearn Ierusalem as mo làimh?

36 Ach bha 'n sluagh nan tosd, agus cha do fhicagair iad aon fhocal da: oir b'i àithne an righ dhoibh, Na d'thugaibh freagradh air.

37 An sin thàinig Eliacim, mac Hilciah, a *bha* os cionn an teaghlaich, agus Sebna an scriobhuich, agus Ioah, mac Asaiph, an seanachaidh, gu Hesechia le'n eudach reubta, agus dh'innis iad da briathra Rabsaceh.

# CAIB. XIX.

**A**GUS an uair a chuala Hesechia an righ e, reub c' eudach, agus chòmhdaich se e fèin le saic-eudach, agus chaidh e do thigh an Tighearna.

2 Agus chuir e Eliacim, a *bha* os cionn an tighe, agus Sebna an scriobhuich, agus seanaire nan sagart, còmhdaichte le saic-eudach, gu Isaiah am fàidh, mac Amais.

<sup>1</sup> an t-òr a bha orra. <sup>2</sup> agus chaidh iad suas, thàinig iad gu h-Ierusalem; agus an uair a thàinig iad a nìos. <sup>3</sup> an dòchas. <sup>4</sup> tìrd.

<sup>5</sup> as a làimh-san. <sup>6</sup> Deanaibh coimheangail riumsa le tiodhlacadh.

3 Agus thubhairt iad ris, Mar so tha Heseciah ag ràdh. Is là teinn, agus ach-mhasain agus maslaidh an là so: oir tha clann air teachd gu inbhc breith, agus neart gu'm breith cha 'n'èil ann.

4 Theagamh gu'n cluinn<sup>1</sup> an Tighearna do Dhia uile bhriathra Rabsaceh, a chuir a thighearna, rìgh Asiria, a mhaslachadh an Dé bheo; agus gu'n cronaich c na briathran a chual an Tighearna do Dhia: tog suas t'urnuigh ma ta air son an fhuighill a dh'fhàgadh.

5 Uime sin an uair a thàinig seirbhisich rìgh Heseciah gu h-Isaiah,

6 Thubhairt Isaiah riu, Mar so their sibh r'ar tighearn, Mar so tha'n Tighearna ag ràdh, Na biodh eagal ort roimh na briathraibh a chuala thu, Ic is an d'thug seirbhisich rìgh Asiria masladh dhomhsa.

7 Feuch, cuiridh mise spiorad ann<sup>2</sup>, agus cluinidh e tuairesgeul, agus pillidh e d'a thìr fèin, agus bheir mise air tuiteam Ic is a' chlàidheam na thìr fèin.

8 Agus phill Rabsaceh, agus fhuair e rìgh Asiria a' cogadh an aghaidh Libnah: oir chual e gu'n d'fhalbh e o Lachis.

9 Agus an uair a chual e 'ga ràdh mu Thirhacah rìgh Etiopia<sup>3</sup>, Feuch, thàinig e mach a chogadh riut: chuir e teachdairean a ris gu Heseciah, ag ràdh,

10 Mar so labhraidh sibh ri Heseciah rìgh Iudah, ag ràdh, Na mealladh do Dhia thu, as am bheil thu 'g earbsadh, ag ràdh, Cha d'thoir ear Ierusalem thairis do làimh rìgh.

11 Feuch, chuala tu ciod a rinn rìgh-rean Asiria ris gach uile thìr, 'g an sgrios gu tur: agus an saorar thusa?

12 An do shaor dée nan cinneach iadsan a sgrios m'aithriche-sa, eadhon Gosan, agus Haran, agus Rcseph, agus clann Edcin, a bha ann an Telasar?

13 C'àit am bheil rìgh Hamait, agus rìgh Arpaìd, agus rìgh mòr-bhaile<sup>4</sup> Sheph-arbhaim, Hcnz, agus Ibha?

14 Agus ghabh Heseciah an litir a làimh nan teachdaire, agus leugh se i: agus chaidh Heseciah suas do thigh an Tighearna, agus sgaol e i am fianuis an Tighearna.

15 Agus rinn Heseciah urnuigh an làthair an Tighearna, agus thubhairt c, O Thighearna Dhé Israeil, a tha d' chòmhnuidh eadar na cheruban, is tu fèin Dia, thusa a'd' aonar, Dia uile rìoghachda na talmhainn; is tu a rinn na neamha agus an talmhainn.

16 Crom, a Thighearna, a nuas do chluas, agus éisd; fosgail, a Thighearna, do shùilean, agus faic: seadh cluinn briathra Shen-acherib, a chuir e a mhaslachadh an Dé bheo.

17 Gu deimhin, a Thighearna, sgrios rìgh-rean Asiria na cinnich agus an tìre,

18 Agus thilg iad an dée san teine: oir cha bu dée iad, ach oibre làmha dhaoine, fiodh agus clach: uime sin sgrios siad iad.

19 A nis ma ta, O Thighearna ar Dia, saor sinn, guidheam ort, as a làimh, chum as gu'm bi fios aig uile rìoghachdaibh na talmhainn gur tusa an Tighearna Dia, thu fèin a't' aonar.

20 An sin chuir Isaiah, mac Amois, teachdaire gu Heseciah, ag ràdh, Mar so tha'n Tighearna Dia Israeil ag ràdh, An urnuigh a rinn thu riumsa mu thimchioll Shenacherib rìgh Asiria, chuala mi.

21 So am focal a labhair an Tighearna mu thimchioll: Rinn òigh nighean Shioin tàir ort; rinn i gàire fanoid riut; chrath nighean Ierusalem a ceann air do chù-laobh.

22 Cò d'an d'thug thu masladh agus toibheum? agus cò a dh'ardaich thu do ghuth na aghaidh, agus a thog thu do shùilean gu h-ard? an aghaidh Tì naomha Israeil.

23 Le làimh do theachdairean mhallaich thu 'n Tighearna, agus thubhairt thu, Le lionn-mhoireachd mo charbad dhìrich mi airdc nam beann, slìosan Lebanoin; agus gearraidh mi sìos a chraobhan scudair a's airde<sup>5</sup>, agus roghadh a chraobhan giuthais, agus theid mi stigh a dh'àitibh-taimh a chrìche, frith a Charmcil.

24 Chladhaich mi agus dh'òl mi uisgeacha còmhreach, agus le bonn mo chos thiormaich mi suas uile aibhniche nan daingneach.

25 Nach cuala tu o cheann fada cionnus a rinn mi e, agus o'n aimsir chéin gu'n do dhealbh mi e? a nis thug mi gu crìch e, gu'm bitheadh tusa chuui bailtean daingnichte fhàsachadh nan carnaibh sgrios.

26 Uime sin bha 'n luchd-àiteachaidh air bheag seir: bha crithe-eagal orra agus amhladh; bha iad mar fheur na mach-rach, agus mar an luibh ghlas<sup>6</sup>, mar fheur mullaich nan tighean, agus mar arbarh seargta mu'm fàs e suas.

27 Ach is aithne dhomh t'àite-còmhnuidh, agus do dhol amach, agus do theachd a steach, agus fraoch t'fheirge a'm' aghaidh.

28 A chionn gu'm bheil fraoch t'fheirge a'm' aghaidh, agus t'oufhadh air teachd, a nìos gu m' chluasaibh, uime sin cuiridh mi mo dhubhan a'd' shròin, agus mo shrian a'd' bheul<sup>7</sup>, agus pillidh mi air t'ais thu san t-slighe air an d'thàinig thu.

29 Agus bithidh so na chomhara dhuit: Ithidh tu air a' bhliadhna so na nithe a dh'fhàsas leo fèin, agus anns an dara

<sup>1</sup> O gu'n cluinneadh. <sup>2</sup> osag air. <sup>3</sup> Chuis. Eabh.

<sup>4</sup> caithreach. <sup>5</sup> airde a chraobha seudair. Eabh. <sup>6</sup> uaine. <sup>7</sup> a'd' bhilb.



bliadhna na nithe a chinneas asda sin; agus anns an treas bliadhna cuiridh agus buainidh sibh, agus suidhichidh sibh fion-liosann, agus ithidh sibh d'an toradh.

30 Agus gabhaidh am fuigheall a théid as do thigh Iudah, fathast freumh sìos, agus cuiridh e toradh suas.

31 Oir a Ierusalem théid fuigheall <sup>1</sup> a mach, agus iadsan a théid as o shliabh Shioin: ni eud Thighearna nan sluagh so <sup>2</sup>.

32 Uime sin mar so tha'n Tighearn ag ràdh mu thimchioll rìgh Asiria, Cha d'thig e do'n bhaile so, agus cha tilg e saigh-ead ann, agus cha d'thig e fa chomhair le sgéith, agus cha chuir e suas tòrr <sup>3</sup> na aghaidh.

33 Air an t-slighe air an d'thàinig e, air an t-slighe cheudna pillidh e, agus cha d'thig e steach do'n bhaile so, ars' an Tighearna:

34 Oir dìonaidd mise am baile so chum a shaoradh, air mo shon féin, agus air son Dhaibhidh m'òglaich.

35 Agus air an oidhche sin féin chaidh aingeal an Tighearna mach, agus bhuail e ann an camp nan Asirianach ceud agus ceithir fichead agus cùig mìle: agus an uair a dh'èirich iad gu moch anns a' mhaduinn, feuch, *bha* iad uile nan corpaibh marbha.

36 Agus dh'imich Senacherib rìgh Asiria, agus chaidh e agus phill e, agus ghabh e còmhnuidh ann an Ninebheh.

37 Agus an uair a bha e ri aoradh ann an tigh Nisroich a dhé, bhuail Adramelech agus Sareser, a mhic e, leis a' chladheamh; agus theich iad do thir Armenia: agus rioghaich Esarhadon a mhac na àit.

CAIB. XX.

**A**NNS na laithibh sin bha Hesechia tinn gu bàs: agus thàinig am fàidh Isaiah, mac Amois, d'a ionnsuidh, agus thubhairt e ris, Mar so tha'n Tighearn ag ràdh, cuir do thigh an ordugh, oir gheibh thu bàs, agus cha bhi thu beo.

2 An sin thionndaidh e 'aghaidh ris a' bhalladh, agus rinn e urnuigh ris an Tighearn, ag ràdh,

3 Guidheam ort, O Thighearna, cuimh-nich a nis cionnus a ghluais mi a'd' làthair ann am firinn, agus le cridhe iomlan, agus a rinn mi an *ni a ta* maith a'd' shùilibh. Agus ghuil Hesechia gu goirt.

4 Agus mu'n deachaidh Isaiah mach do'n chùirt mheadhonaich, thàinig focal an Tighearna d'a ionnsuidh, ag ràdh,

5 Pill, agus abair ri Hesechia ceannard mo shluagh, Mar so tha'n Tighearna, Dia Dhaibhidh t'athar, ag ràdh, Chuala mise t'urnuigh, chunnaic mi do dheoir: feuch,

slànuichidh mi thu; air an treas là théid thu suas do thigh an Tighearna.

6 Agus cuiridh mi ri d' laithibh cùig bliadhna deug, agus saoraidh mi thusa, agus am baile so, a làmh rìgh Asiria, agus dìonaidd mi am baile so air mo shon féin, agus air son Dhaibhidh m'òglaich.

7 Agus thubhairt Isaiah, Gabhaibh meall fhige. Agus ghabh agus chuir iad e air an neascaid, agus shlànuicheadh e <sup>4</sup>.

8 Agus thubhairt Hesechia ri Isaiah, Ciod an comhara gu'n leighis an Tighearna mi, agus gu'n d'théid mi suas air an treas là do thigh an Tighearna?

9 Agus. thubhairt Isaiah, *Bithidh* so na chomhara dhuit o'n Tighearna, gu'n dean an Tighearn an ni a labhair e: an d'théid an dubhar air aghaidh deich ceumanna, no'n d'théid e air ais deich ceumanna?

10 Agus fhreagair Hesechia, Is suarach an ni do'n dubhar dol sìos <sup>5</sup> deich ceumanna; ni h-eadh, ach pilleadh an dubhar air ais deich ceumanna.

11 Agus ghlaodh Isaiah am fàidh ris an Tighearna, agus thug e air ais an dubhar deich ceumanna, a chaidh e sìos <sup>6</sup> air ceumannaibh Ahais <sup>7</sup>.

12 San àm sin chuir Berodachbaladan <sup>8</sup> mac Bhaladain, rìgh Bhabiloin, *teachd-aircan* le litricheibh agus tiodhlacadh gu Hesechia: oir chual e gu'n robh Hesechia tinn.

13 Agus rinn Hesechia gairdeachas os an cionn <sup>9</sup>, agus dh'fheuch e dhoibh uile thigh-tasgaidh a nithe luachmhor, an t-airgiod, agus an t-òr, agus na spìosraidh, agus an ola luachmhor, agus a thigh armachd, agus na nithean uile a fhuaradh na ionmhasaibh: cha robh ni na thigh, no na rioghachd uile, nach d'fheuch Hesechia dhoibh.

14 An sin thàinig Isaiah am fàidh gu rìgh Hesechia, agus thubhairt e ris, Ciod a thubhairt na daoine so? agus cia as a thàinig iad a't' ionnsuidh? agus thubhairt Hesechia, Thàinig iad o thir chéin, o Bhabilon.

15 Agus thubhairt e, Ciod a chunnaic iad a'd' thigh? Agus fhreagair Hesechia, Na h-uile *nithe a ta m'* thigh chunnaic iad: cha 'n'eil ni ann am ionmhasaibh nach d'fheuch mi dhoibh.

16 Agus thubhairt Isaiah ri Hesechia, Eisd ri focal an Tighearna.

17 Feuch, tha na laithean a' teachd, anns am bi na h-uile *nithe a tha* ann ad thigh, agus na h-ionmhasan a thaisg t'aithriche suas gus an là'n diugh, air an giùlan gu Babilon: cha'n fhàgar ni air bith, ars' an Tighearna.

<sup>1</sup> iarmad. <sup>2</sup> ni eud an Tighearna so. <sup>3</sup> dùn talmhainn, daingneach. <sup>4</sup> Faic Isaiah. Caib. XXXVIII. r. 21. <sup>5</sup> air aghaidh. <sup>6</sup> air aghaidh.

<sup>7</sup> uaireadair-greine Ahais. <sup>8</sup> Merodach-baladan. Isaiah. Caib. XXXIX. r. 1. <sup>9</sup> dh'eisd Hesechia riu. Faic Isaiah. Caib. XXXIX. r. 2.

18 Agus *cuid* do d' mhacaibh a thig uait, a ghineas tu, bheir iad leo, agus bithidh iad nan caillteanaich, ann an lùclhairt rìgh Bhabiloìn.

19 An sin thubhairt Heseciah ri Isaiah, *Is* maith focal an Tighearn a labhair thu : thubhairt e mar an ceudna, Nach *maith*, ma bhios sìth agus firinn a'm' laithibh-sa ?

20 Agus a' chuid eile do ghnìomharaibh Heseciah, agus a thréine uile, agus mar a rinn e lochan<sup>1</sup>, agus sruth-chlais, agus a thug e uisge steach do'n bhaile, nach '*eil* iad scrìobhta ann an leabhar eachdraidh rìghrean Iudah ?

21 Agus choidil Heseciah maille r'a aithrichibh : agus rìoghaich Manaseh a mhac na àit.

## CAIB. XXI.

**D**A bhliadhna dheug a dh'aois bha Manaseh 'nuair a thòisich e air rìoghachadh, agus rìoghaich e cùig bliadhna deug agus dà fhichead ann an Ierusalem : agus *b'e* ainm a mhàthar Heph-sibah.

2 Agus rinn e olc ann an sùilibh an Tighearna, a réir gràinealachd nan cinn-each a thig an Tighearna mach roimh chloinn Israeil.

3 Oir thog e suas a rìs na h-àitean arda a sgrios Heseciah 'athair, agus chuir e suas altairean do Bhaal, agus rinn e doire, mar a rinn Ahab rìgh Isracil, agus shleuchd e do uile armailt nèimh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearna, Ann an Ierusalem cuiridh mi m'ainm.

5 Agus thog e altairean do uile armailt nèimh, ann an dà chùirt tighe an Tighearna.

6 Agus thug e air a mhac dol troimh 'n teine, agus thug e fa'near amanna, agus ghnàthaich e druidheachd, agus chuir e air chois leannain-shìth, agus luchd-fiosachd : dh'oibrich e mòr aingidheachd ann an sùilibh an Tighearna, g'a bhrosnachadh gu fèirg.

7 Agus chuir e dealbh snaidhte an doire a rinn e, anns an tigh mu'n dubhairt an Tighearna ri Daibhidh, agus ri Solamh a mhac, Anns an tigh so, agus ann an Ierusalem, a thagh mi a uile threubhaibh Israeil, cuiridh mi m'ainm gu bràth.

8 Cha mhò a bheir mi air cosaibh Israeil caruchadh<sup>2</sup> tuilleadh a mach as an fhear-ann, a thug mi d'an aithrichibh ; a mhàin ma bheir iad an aire gu'n dean iad a rèir na uile *nìthe* a dh'àithn mise dhoibh, agus a réir an lagha uile a dh'àithn m'òghlach Maois dhoibh.

9 Ach cha d'éisd iad : agus tharruing Manaseh iad gu tuilleadh uile a dheanamh

na rinn na cinnich, a sgrios an Tighearna roimh chloinn Israeil.

10 Agus labhair an Tighearna le 'sheirbhisich<sup>3</sup> na fàidhean, ag ràdh,

11 A chionn gu'n d'rinn Manaseh rìgh Iudah na gràinealachda so, agus gu'n d'rinn e nì's measa na na h-uile *nìthe* a rinn na h-Amoraich a bha roimhe, agus gu'n d'thug e air Iudah mar an ceudna peacachadh le ìodholaibh :

12 Uime sin mar so tha'n Tighearna Dia Israeil ag ràdh, Feuch, *tha* mi tabhairt uile air Ierusalem agus Iudah, a bheir air gach neach a chluinneas e, gu'm bi gaor<sup>4</sup> na dhà chluais.

13 Agus sinidh mi mach os cionn Ierusalem sreang-thomhais Shamaria, agus sreang-riaghailt<sup>5</sup> tighe Ahaib : agus glanaidh mi as Ierusalem mar a ghlanas *neach* soitheach, g'a ghlanadh, agus a' tionndadh a bheoil fuidh<sup>6</sup>.

14 Agus tréigidh mi fuigheall m'òighreachd, agus bheir mi iad do làimh an naimhdean, agus bithidh iad nan creich agus nan cobhartach d'an naimhdeibh uile ;

15 A chionn gu'n d'rinn iad olc a'm' shùilibh, agus gu'n do bhrosnach iad m' gu fèirg o'n là san d'fhàinig an aithriche mach as an Eiphit, eadhon gus an la'n diugh.

16 Os bàrr, dhòirt Manaseh fuil neo-chlontach gu ro-mhòr, gus an do lìon e Ierusalem o cheann gu ceann, a thuilleadh air a pheacadh fèin leis an d'thug e air Iudah peacachadh, le olc a dheanamh ann an sùilibh an Tighearna.

17 Agus a' chuid eile do ghnìomharaibh Mhanaseh, agus na h-uile *nìthe* a rinn e, agus a pheacadh a rinn<sup>7</sup> e, nach '*eil* iad scrìobhta ann an leabhar eachdraidh rìghrean Iudah ?

18 Agus choidil Manaseh maille r'a aithrichibh, agus dh'adhlaicadh e ann lios a thighe fèin, ann an lios Udsa : agus rìoghaich Amon a mhac na àit.

19 Dà bhliadhna thar fhichead a dh'aois bha Amon, an uair a thòisich e air rìoghachadh, agus rìoghaich e dà bhliadhna ann an Ierusalem : agus *b'e* ainm a mhàthar Mesulemet, nighean Haruis o Iotbah.

20 Agus rinn e olc ann an sùilibh an Tighearna, mar a rinn Manaseh 'athair.

21 Agus dh'imich e anns an uile shlighe san d'imich 'athair, agus rinn e seirbhis do na h-ìodholaibh d'an d'rinn 'athair seirbhis, agus rinn e aoradh dhoibh :

22 Agus thréig e 'n Tighearna Dia 'aithriche, agus cha do ghluais e ann an slighe an Tighearna.

23 Agus rinn seirbhisich Amoin ceann-airc na aghaidh, agus mharbh iad an rìgh na thighe fèin.

<sup>1</sup> poll-éisg. <sup>2</sup> corrochadh. Eir. <sup>3</sup> le làimhe  
<sup>4</sup> sheirbhiseach, Eabh. <sup>5</sup> glaoim. <sup>6</sup> cudthrom.  
 367

Eabh. <sup>6</sup> foidh. <sup>7</sup> pheacaich, Eabh.



24 Agus mharbh<sup>1</sup> sluagh na tìre iadsan uile a rinn ceannairc an aghaidh rìgh Amoin, agus rinn sluagh na tìre Iosiah a mhac na rìgh na àit.

25 Agus a' chuid eile do ghnòimharaibh Amoin a rinn e, nach eil iad sgrìobhta ann an leabhar eachdraidh rìghrean Iudah?

26 Agus dh'adhlac iad e na uaigh fèin ann an lìos Udsa : rìghaich Iosiah a mhac na àit.

## C A I B. XXII.

**O**CHD bliadhna dh'aois bha Iosiah 'nuair a thòisich e air rìoghachadh, agus rìghaich e aon bhliadhna deug thar fhichead ann an Ierusalem : agus b'e ainm a mhàthar Iedidah, nighean Adaiah o Bhoscat.

2 Agus rinn e an *ni a bha* ceart ann an sùilbh an Tighearna, agus dh'imich e ann an uile shlighe Dhaibhidh<sup>2</sup> athar, agus cha do chlaon e dh'ionnsuidh na làimhe deise, no na làimhe clithe.

3 Agus anns an ochdamh bliadhna deug do rìgh Iosiah, chuir an rìgh Saphan, mac Asaliah, mhic Mhesulaim, an sgrìobhuiche, do thigh an Tighearna, ag ràdh,

4 Falbh suas gu Hilciah an t-ard shagart, chum gu'n àireamh e an t-airgid a thugadh do thigh an Tighearna, a chruinnich luchd-gleidhidh an doruis o'n t-sluagh :

5 Agus thugadh iad e do làmh luchd-deanami na h-oibre, dhoibhsan a tha os cionn tìghe<sup>3</sup> an Tighearna : agus thugadh iadsan e do luchd-deanami na h-oibre, a tha ann an tìgh an Tighearna, a chàradh brisidh an tìghe ;

6 Do shaoraibh, agus do luchd-togail, agus do chlachairibh, agus a cheannach fiodha, agus chlach-snaidhte, a chàradh an tìghe.

7 Gidheadh, cha d'rinneadh cunntas riutha oibh an airgid a thugadh d'an làmh, a chionn gu'n d'rinnt iad gu h ionraic.

8 Agus thubhairt Hilciah, an t-ard shagart, ri Saphan an sgrìobhuiche, Fhuair mi leabhar an lagha ann an tìgh an Tighearna : agus thug Hilciah an leabhar do Shaphan, agus leugh se e.

9 Agus thàinig Saphan an sgrìobhuiche dh'ionnsuidh an rìgh, agus dh'aithris e 'n gnothuch do'n rìgh, agus thubhairt e, Chruinnich do sheirbhisich an t-airgid a fhuaradh anns an tìgh, agus thug iad e do làmh luchd-deanami na h-oibre, a bha os cionn tìghe an Tighearna.

10 Agus dh'innis Saphan, an sgrìobhuiche, do'n rìgh, ag ràdh, Thug Hilciah an sagart leabhar dhomh : agus leugh Saphan e an làthair an rìgh.

11 Agus an uair a chual an rìgh briathra leabhair an lagha, reub e 'eudach.

12 Agus dh'àithn an rìgh do Hilciah an sagart, agus do Ahicam mac Shaphain, agus do Achbor mac Mhicaiah, agus do Shaphan an sgrìobhuiche, agus do Asahiah seirbhiseach an rìgh, ag ràdh,

13 Rachaibh, fiosraichibh do'n Tighearna air mo shon-sa, agus air son an t-sluaigh, agus air son Iudah uile, thaobh bhriathran an leabhair so, a fhuaradh : oir is mòr fearg an Tighearna a tha air lasadh 'nar n-aghaidh, a chionn nach d'éisid ar n-aithriche ri briathraibh an leabhair so, a dheanami a réir *gach ni* a ta sgrìobhta d'ar taobh.

14 Uime sin chaidh Hilciah an sagart, agus Ahicam, agus Achbor, agus Saphan, agus Asahiah, dh'ionnsuidh Iudah a' bhlan-fhàidh, mnà Shalum mhic Thicbhah, mhic Harhais fir-gleidhidh an eudaich, (a nis bha i chòmhnuidh ann an Ierusalem anns an oil-thigh<sup>4</sup>) agus labhair iad rìa.

15 Agus thubhairt i riu, Mar so tha'n Tighearna Dia Israeil ag ràdh, Innsibh do'n duine a chuir a'm<sup>5</sup> ionnsuidh-sa sibh,

16 Mar so tha'n Tighearna ag ràdh, Feuch bheir mise olc air an àite so, agus air a luchd-àiteachaidh, eadhon uile bhriathran an leabhair a leugh rìgh Iudah.

17 A chionn gu'n do thréig iad mise, agus gu'n do loisg iad tùis do dhéibh eile, chum mo bhosnachadh gu corruich le uile oibribh an làmh : uime sin lasaidh m'fhcarg an aghaidh an àite so, agus cha mhùchar i.

18 Ach ri rìgh Iudah a chuir sibh a dh'fhiosrachadh do'n Tighearna, mar so their sibh ris, Mar so tha'n Tighearna Dia Israeil ag ràdh, A thaobh nam briathran a chual thu.

19 A chionn gu'n robh do chridhe tiom<sup>6</sup>, agus gu'n d'irislich thu thu fèin an làthair an Tighearna, 'nuair a chual thu ciod a labhair mise 'n aghaidh an àite so, agus an aghaidh a luchd-àiteachaidh, gu'm biodh iad nam fàsach, agus nam mallachadh, agus gu'n do reub thu t'eudach, agus gu'n do ghuil thu a'm<sup>7</sup> fhianuis ; chuala mise mar an ceudna *thusa*, ars<sup>8</sup> an Tighearna.

20 Feuch uime sin, cruinnichidh mise thu chum t'aithriche, agus cruinnichear thu do d' uaigh an sìth, agus cha 'n fhaic do shùilean an t-olc sin uile, a bheir mise air an àite so. Agus thug iad fios a ris a dh'ionnsuidh an rìgh.

## C A I B. XXIII.

**A**GUS chuir an rìgh teachdairean uaith, agus chruinnich d'a ionnsuidh uile sheanairean Iudah, agus Ierusalem.

2 Agus chaidh an rìgh suas do thigh an Tighearna, agus daoine Iudah uile, agus uile luchd-àiteachaidh Ierusalem maille ris, agus na sagartan, agus na fàidhean,

<sup>1</sup> bhuail. <sup>2</sup> os cionn na h-oibre ann an tìgh.

<sup>3</sup> tìgh an fhòghluim ; misena. Eabh. <sup>4</sup> maoth,

agus an sluagh uile eadar bheag agus mhòr<sup>1</sup>: agus leugh e nan éisdeachd<sup>2</sup> uile bhriathra leabhair a' choimhcheangail, a fhuaradh ann an tigh an Tighearna.

3 Agus shcas an rìgh làimh ri post, agus rinn e coimhcheangal am fianuis an Tighearna, gu'n gluaiseadh iad an dèigh an Tighearna, agus gu'n gleidhcadh iad àith-eantann agus a theisteis, agus a reachdan le'n uile chridhe, agus le'n uile anam, a choimhlionadh bhriathra a' choimhcheangail so, a tu sgrìobhta san leabhar so: agus sheas an sluagh uile ris a' choimhcheangal.

4 Agus dh'àithn an rìgh do Hileiah an t-ard shagart, agus do shagartaibh an dara orduigh, agus do luchd-gleidhidh an doruis, na soithichean uile a rinneadh do Bhaal, agus do'n doire<sup>3</sup>, agus do uile armait nèimh, a thoirt a mach a teampull an Tighearna: agus loisg e iad an taobh a muigh do Ierusalem ann am machairibh Chidroin, agus ghiulan e'n luath gu Betel.

5 Agus chuir e as do shagartaibh an ìodhol-aoraidh, a dh'orduich rìghrean Iudah a losgadh tùis anns na h-àitibh arda, ann am mòr-bhailtibh Iudah, agus anns na h-àitibh mu thimchioll Ierusalem; iadsan mar an ceudna a loisg tùis do Bhaal, do'n ghréin, agus do'n ghealaich, agus do na reultaibh seachranach, agus do uile armait nèimh.

6 Agus thug e 'n doire<sup>4</sup> o thigh an Tighearna, an taobh a mach do Ierusalem, gu sruth Chidroin, agus loisg se e aig sruth Chidroin, agus mhin-phronn e gu luathre e, agus thilg e a luathre air uaighibh cloinne an t-sluaigh.

7 Agus bhris e sìos tighean nan Sodomach, a bha làimh ri tigh an Tighearna, far an robh na mnà a' figheadh chùirteine<sup>5</sup> do'n doire.

8 Agus thug e mach na sagairt uile a bailtibh Iudah, agus thruaill<sup>6</sup> e na h-àitean ard far an do loisg na sagairt tùis, o Gheba gu Beer-seba, agus bhris e sìos àitean arda nan geata, a bha ann an dol a stigh geataidh Iosua uachdarain a' bhaile, a bha air làimh chli duine ann an geatadh a' bhaile.

9 Gidheadh, cha deachaidh sagairt nan àit arda suas gu altair an Tighearna ann an Ierusalem, ach dh'ith iad aran neo-ghoirichte ann am measg am bràithre.

10 Agus thruaill e Tophet a tha ann an gleann mhic<sup>7</sup> Hinnoin, a chum as nach feudadh duine air bith toirt air a mhac no air a nighium dol troimh 'n teine do Mholèch.

11 Agus thug e air falbh na h-eich, a thug rìghrean Iudah do'n ghréin, o dhol a steach tighe an Tighearna, làimh ri seòmair<sup>8</sup> Natan-meleich a' chailteanaich, a bha sa' mhach-bhaile<sup>9</sup>, agus loisg e carbada na gréine le teine.

12 Agus na h-altairean a bha air mullach seòmair uachdaraich Ahais, a rinn rìghrean Iudah, agus na h-altairean a rinn Manaseh ann an dà chùirt tighe an Tighearna, thilg an rìgh sìos, agus bhris e o sin iad<sup>10</sup>, agus thilg e 'n luathre ann an sruth Chidroin.

13 Agus na h-àitean arda, a bha fa chomhair Ierusalem, a bh'air an làimh dheis do shliabh na truaillidheachd<sup>11</sup> a thog Solamh rìgh Israeil do Astarot gràinealachd nan Sidonach, agus do Chemos gràinealachd nam Moabach, agus do Mhilcom gràinealachd chloinn Amoin, thruaill an rìgh.

14 Agus bhris e nam bloighdibh na dealbhan, agus ghearr e sìos na doireachan, agus lion e 'n àitean le cnàmhaibh dhaoine.

15 Os-bàrr, an altair a bh'aig Betel, agus an t-àit ard a rinn Ieroboam mac Nebait, a thug air Israel peacachadh, araon an altair agus an t-àit ard bhris e sìos, agus loisg e 'n t-àit ard; agus mhin-phronn e gu luathre e, agus loisg e 'n doire.

16 Agus an uair a thionndaidh Iosiah mu'n cuairt, chunnaic e na h-uaighean, a bha 'n sin san t-sliabh, agus chuir e daoine uaith, agus thug e na cnàmhan as na h-uaighibh, agus loisg e iad air an altair, agus thruaill e i, a réir focail an Tighearna, a labhair òglach Dhé<sup>12</sup>, a chuir an céill na briathra so.

17 An sin thubhairt e, Ciod e an carragh<sup>13</sup> so a tha mi faicinn? Agus thubhairt daoine a' bhaile ris, Is i uaigh òglach Dhé a th'ann, a thàinig o Iudah, agus a chuir an céill<sup>14</sup> na nithe sin a rinn thusa an aghaidh altarach Bheteil.

18 Agus thubhairt e, Leigibh leis, na gluaiseadh duine sam bith a chnàmha-san: agus leig iad tàmh d'a chnàmhaibh maille ri cnàmhaibh an fhaidh a thàinig a Samaria.

19 Agus mar an ceudna uile thighean nan àitean ard, a bha ann am bailtibh Shamaria, a rinn rìghrean Israeil a bhrosnachadh an Tighearna gu feirg, thug Iosiah air falbh, agus rinn e riu a réir nan uile ghnòmh, a rinn e ann am Betel.

20 Agus mharbhadh e uile shagairt nan àitean ard a bha 'n sin air na h-altairibh,

<sup>1</sup> o'n bheag agus a' mhòr. Eabh. <sup>2</sup> cluasaibh. Eabh. <sup>3</sup> do ìodhol an doire; asherah. Eabh. <sup>4</sup> dealbh suaidhte an doire; asherah. Eabh. Faic. Caib. XXI. r. 7. <sup>5</sup> bhàthau. <sup>6</sup> shlaich. <sup>7</sup> chloinn. <sup>8</sup> tigh, àite-còmhuidh. <sup>9</sup> Pharurim. Eabh. <sup>10</sup> sruth e lco as sin. <sup>11</sup> shliabh nan olaidh.

<sup>12</sup> a labhair òglach Dhé, [nuair a sheas Ieroboam air tù na seill air an altair. Agus an uair a thionndaidh mu'n cuairt, thog e suas a shùilean air uaigh] òglach Dhé. <sup>13</sup> comhara, sgrìobhadh. <sup>14</sup> a ghairm.



agus loisg e cnàmhnan dhaoine orra, agus phill e gu h-Ierusalem.

21 Agus dh'àithn an rìgh do'n t-sluagh uile, ag ràdh, Cumaibh a' chàisg do'n Tighearna bhur Dia, mar a *ta e* scribedhta ann an leabhar a' choimhcheangail so.

22 Gu cinnteach cha do chumadh a leithid so do chàisg, o laithibh nam breitheamh, a thug breth air Israel, no ann an uile laithibh rìghrean Israeil, no rìghrean Iudah :

23 Ach anns an ochdamh bliadhna deug do rìgh Iosiah, chumadh a' chàisg so do'n Tighearn, ann an Ierusalem.

24 Os-bàrr, na leannain-shìth, agus an luchd-fiosachd, agus na dealbhan, agus na h-ìodholan, agus gach uile ghràinealachd, a chunneas ann an tìr Iudah, agus ann an Ierusalem, chuir Iosiah air falbh, a chum gu'n coimhlionadh e briathran an lagha, a bha scribedhta san leabhar, a fhuair Hilciah an sagart ann an tigh an Tighearna.

25 Agus cosmhuil ris-san cha robh rìgh air bith roimhe, a phill a dh'ionnsuidh an Tighearna le 'uile chridhe, agus le uile anam, agus le 'uile neart, a réir lagha Mhaois uile ; agus na dhéigh cha d'éirich a shamhuil.

26 Gidheadh, cha do phill an Tighearn o theas 'fheirge mòire, leis an do las 'fhearg an aghaidh Iudah, air son nan uile bhrosnachadh<sup>1</sup>, leis an do bhrosnaich Manaseh e.

27 Agus thubhairt an Tighearna, Atharr-aichidh mi Iudah mar an ceudna as mo shealladh, mar a dh'atharraich mi Israel, agus cuiridh mi cùl gu tur ris a' mhòr-bhaile so Ierusalem, a thagh mi, agus ris an tigh mu'n dubhairt mi, Bithidh m'ainm an sin.

28 Agus a' chuid eile do ghnìomharaibh Iosiah, agus na h-uile *nithe* a rinn e, nach *'eil* iad scribedhta ann an leabhar eachdraidh rìghrean Iudah ?

29 Na laithibh-san chaidh Pharaoh-necho, rìgh na h-Eiphit, suas an aghaidh rìgh Asiria gu abhuinn Euphrates : agus chaidh rìgh Iosiah na aghaidh, agus mharbh esan e aig Megido nuair a chunnaic se e.

30 Agus ghiùlain a sheirbhisich e marbh<sup>2</sup> ann an carbad o Mhegido, agus thug iad e gu h-Ierusalem, agus dh'adhlaic iad e na uaigh féin : agus ghabh sluagh na tìre Iehoahas mac Iosiah, agus dh'ung iad e, agus rinn iad na rìgh e an àit 'athar.

31 Tri bliadhna fichead a dh'aois bha Iehoahas an uair a thòisich e air rìoghachadh, agus rìoghaich e trì mìosan ann an Ierusalem : agus *b'e* ainm a mhàthar Hamutal, nighean Ieremiah o Libnah.

32 Agus rinn e oic ann an sùilbhan Tighearna, a réir nan uile *nithe* a rinn 'aithriche.

33 Agus chuir Pharaoh-necho e ann an cuibhreachaibh aig Riblah, ann an tìr

Hamait, a chum nach rìoghaicheadh e ann an Ierusalem, agus chuir e ceud tàlann airgid, agus tàlann òir, mar chis air an tìr.

34 Agus rinn Pharaoh-necho Eliacim mac Iosiah na rìgh an àit Iosiah 'athar, agus thionndaidh e 'ainm gu Iehoiacim, agus thug e air falbh Iehoahas, agus thàinig e do'n Eiphit, agus dh'eug e an sin.

35 Agus thug Iehoiacim an t-airgid<sup>3</sup> agus an t-òr do Pharaoh : ach thug e fa'near an tìr a mheas a chum gu'n ìocadh iad an t-airgid a réir àithne Pharaoh ; dh'iarr e 'n t-airgid agus an t-òr o shluagh na tìre, o gach neach a réir a mheas, gus a thabhairt do Pharaoh-necho.

36 Cùig bliadhna fichead a dh'aois bha Iehoiacim an uair a thòisich e air rìoghachadh, agus rìoghaich e aon bhliadhna deug ann an Ierusalem ; agus *b'e* ainm a mhàthar Sebudah, nighean Phedaiah a Rumah.

37 Agus rinn e oic ann an sùilbhan Tighearna, a réir nan uile *nithe* a rinn 'aithriche.

#### C A I B. XXIV.

**N**A laithibh-san thàinig Nebuchadnesar, rìgh Bhabiloin, a mìos, agus bha Iehoiacim na sheirbhiseach aige trì bliadhna : an sin phill e agus rinn e ceannaire na aghaidh.

2 Agus chuir an Tighearna na aghaidh buidhnean do na Caldeanaich, agus buidhnean do na Sirianaich, agus buidhnean do na Moabaich, agus buidhnean do chloinn Amoin, agus chuir e iad an aghaidh Iudah g'a sgrìos, a réir focal an Tighearn, a labhair a le 'sheirbhisich<sup>3</sup> na fàidhean.

3 Gu cinnteach air àithne an Tighearna thàinig so air Iudah, chum an atharrachadh as a shealladh air son pheacanna Mhanaseh, a réir nan uile *nithe* a rinn e :

4 Agus mar an ceudna air son na fola neo-chiontaich a dhòirt e ; oir lìon e Ierusalem le fuil neo-chionntaich, nach maitheadh an Tighearna.

5 Agus a' chuid eile do ghnìomharaibh Iehoiacim, agus na h-uile *nithe* a rinn e, nach *'eil* iad scribedhta ann an leabhar eachdraidh rìghrean Iudah ?

6 Agus choidil Iehoiacim maille r'a aithricheibh : agus rìoghaich Iehoiachin a mhac an àit.

7 Agus cha d'thàinig rìgh na h-Eiphit ni's mò as a thìr féin : oir ghlac rìgh Bhabiloin, o abhuinn na h-Eiphit gus an abhuinn Euphrates, gach ni bu le rìgh na h-Eiphit.

8 Ochd bliadhna deug a dh'aois bha Iehoiachin an uair a thòisich e air rìoghachadh, agus rìoghaich e ann an Ierusalem trì mìosan : agus *b'e* ainm a mhàthar Nehusta, nighean Elnatain o Ierusalem.

<sup>1</sup> phrosnachadh. <sup>2</sup> nuair a bha e faghail a' bhàis.

<sup>3</sup> le tàimh a sheirbhiseacha. Eabh.

9 Agus rinn e ole ann an sùilbħ an Tighearna, a réir nan uile *nithe* a rinn <sup>7</sup>athair.

10 Anns an àm sin thàinig seirbħisich Nebuchadnesair, righ Bhabiloin, a nìos an aghaidh Ierusalem, agus theannaicheadh am baile.

11 Agus thàinig Nebuchadnesar righ Bhabiloin an aghaidh a' bhaile, agus theannaich a sheirbħisich e.

12 Agus chaidh Iehoiachin righ Iudah a mach a dh'ionnsuidh righ Bhabiloin, e fèin, agus a mhàthair, agus a sheirbħisich agus a cheannardan<sup>1</sup>, agus a chaillteanaich<sup>2</sup>: agus ghlac righ Bhabiloin e san ochdamh bliadhna d'a rioghachadh.

13 Agus thug e mach as sin uile ionmhais tìghe an Tighearna, agus ionmhais tìghe an righ, agus ghearr e nam bloighdibh na soithichean òir uile, a rinn Solamh righ Israell ann an teampull an Tighearna, mar a labhair an Tighearna.

14 Agus thug e leis Ierusalem uile, agus na ceannardan uile, agus na daoine treun uile, deich mìle do bhraighdibh, agus an luchd-ceirde uile, agus na goibhna<sup>3</sup>: cha d'fhan a h-aon ach bochdan sluaigh na tìre.

15 Agus thug e leis Iehoiachin do Bhabiloin, agus màthair an righ, agus mnàin an righ, agus a chaillteanaich, agus daoine cumhachdach na tìre, *iad sin* thug e leis am braighdeanas, o Ierusalem do Bhabiloin:

16 Agus na daoine gaisgeil uile, seachd mìle, agus an luchd-ceirde agus na goibhnean, mìle, iad-an uile a bha comasach agus a dheanadh cogadh, eadhon iadsan thug righ Bhabiloin am braighdeanas leis do Bhabiloin.

17 Agus rinn righ Bhabiloin Mataniah bràthair athar na righ na àit, agus thionndaidh e ainm gu Sedeciah.

18 Bliadhna thar fhichead a dh'aois *bha* Sedeciah 'nuair a thòisich e air rioghachadh, agus rioghaich e aon bhliadhna deug ann an Ierusalem: agus *b'e* ainm a mhàthar Hamutal, nighean Ieremiah o Libnah.

19 Agus rinn e ole ann an sùilbħ an Tighearna, a réir nan uile *nithe* a rinn Iehoiachim.

20 Oir tre<sup>4</sup> chorruidh an Tighearna *bha e mar sin* ann an Ierusalem agus ann an Iudah, gus an do thilg e as a làthair iad: agus rinn Sedeciah ceannairc an aghaidh righ Bhabiloin.

## CAIB. XXV.

**A**GUS anns an naothadh bliadhna d'a rioghachadh, san deicheamh mìos, air an deicheamh là do'n mhìos, thàinig Nebuchadnesar righ Bhabiloin, e fèin agus armailt uile, an aghaidh Ierusalem, agus

champaich e na h-aghaidh, agus thog iad dainguichean<sup>5</sup> na h-aghaidh mu'n cuairt.

2 Agus bha am baile air a theannachadh gus an aon bhliadhna deug do righ Sedeciah.

3 Agus air an naothadh là do'n *cheathramh* mìos, bhuaidhaich a' ghorta sa' bhaile, agus cha robh aran ann do shluagh na tìre.

4 Agus bhriseadh sìos am baile, agus theich na fir chogaidh uile san oidheche, air slighe a' gheataidh, eadar an dà bhalladh, a tha làimh ri lios an righ, (a nis *bha* na Caldeanich an aghaidh a' bhaile mu'n cuairt) agus dh'imich iad<sup>6</sup> air an t-slighe dh'ionnsuidh a' chòmhnaird.

5 Agus lean armailt nan Caldeanach an righ, agus rug iad air ann an còmhnardaibh Iericho: agus sgapadh armailt uile uaith.

6 Mar sin ghlac iad an righ, agus thug iad suas e dh'ionnsuidh righ Bhabiloin, gu Riblah: agus thug esan<sup>7</sup> breth air.

7 Agus mharbh e<sup>8</sup> mic Sedeciah fa chomhair a shùl, agus chuir e a shùilean e Sedeciah, agus cheangail se e le geimhlìbh<sup>9</sup> umha, agus thug e leis e do Bhabiloin<sup>10</sup>.

8 Agus anns a' chùigeamh mìos, air an t-seachdamh là do'n mhìos (b'i sin an naothadh bliadhna deug do righ Nebuchadnesar, righ Bhabiloin,) thàinig Nebusar-adan ceannard an fhreiceadain, seirbhiseach righ Bhabiloin, gu h-Ierusalem:

9 Agus loisg e tigh an Tighearna, agus tigh an righ, agus tìghean Ierusalem uile; agus gach uile thìgh mòr loisg e le teine.

10 Agus leag uile armailt nan Caldeanach, a *bha* maille ri ceannard an fhreiceadain, sìos ballacha Ierusalem mu'n cuairt.

11 Agus a' chuid eile do'n t-sluaigh, a dh'fhàgadh sa' bhaile, agus an luchd-teichidh a chaidh thairis gu righ Bhabiloin, maille ri fuigheall an t-sluaigh, thug Nebusar-adan ceannard an fhreiceadain air falbh leis.

12 Ach dh'fhàg ceannard an fhreiceadain cuid do bhochdaibh na tìre, *gu bhì* nan luchd-deasachaidh fhìonainean agus nan treabhaichibh<sup>11</sup>.

13 Agus na puist umha, a *bha* ann an tigh an Tighearna, agus na buinn, agus an fhaire umha a *bha* ann an tigh an Tighearna, bhris na Caldeanaich nam bloighdibh, agus thug iad leo an umha do Bhabiloin.

14 Agus na poitean, agus na sluasaidean, agus na smèladairean, agus na spàinean, agus na soithichean umha uile, leis an d'rinn iad frithealadh, thug iad leo.

15 Agus na h-aighnean teine<sup>12</sup>, agus na cuachan, na *nithe a bha* do òr na òr, agus a *bha* do airgiod na airgiod, thug ceannard an fhreiceadain air falbh.

<sup>1</sup> uachdarain, a mhaithean, a dhaoine mòra.

<sup>2</sup> luchd-dreuchd. <sup>3</sup> gaibhne. <sup>4</sup> troimh, trid.

<sup>5</sup> tìr. <sup>6</sup> dh'imich an rìgh. <sup>7</sup> iad. <sup>8</sup> iad.

<sup>9</sup> slabhraidhlìbh.

XXXIX. r. 6. 7.

<sup>12</sup> tuisèirean.

<sup>10</sup> Faic Ieremiah. Caib.

<sup>11</sup> tuathannaich.



16 Dà phost, aon fhaire, agus na buinn a rinn Solamh air son tighe an Tighearna, bha umha nan soithiche sin uile gun tomhas:

17 Ochd làmhha-coille deug airde aon phuist, agus an ceann-mullaich a bh'air do umha, agus airde a chinn-mhullaich trì làmhha-coille: agus an lìon-obair, ag na pomgranatan air a' cheann-mhullaich mu'n cuairt, iad sin uile do umha: agus an leithide sin bha aig an dara post, maille ri lìon-obair.

18 Agus ghlac ceannard an fhreiceadain Seraiah an t-ard shagart, agus Sephaniah an dara sagart, agus na trì dorsairean.

19 Agus as a' bhaile thug e aon chaillt-eanach, a bha os cionn nam fear cogaidh, agus cùigear<sup>1</sup> fhear dhiubhsan a bha 'n làthair an rìgh, a fhuaradh sa' bhaile, agus ard sgrìobhuiche na h-armailt, a bha 'g iunnsachadh cogaidh do shluagh na tìre<sup>2</sup>, agus trì fichead fear do shluagh na tìre a fhuaradh sa' bhaile.

20 Agus ghlac Nebusar-adan ceannard an fhreiceadain iad sin, agus thug e iad gu rìgh Bhabiloin do Riblah.

21 Agus bluaill rìgh Bhabiloin iad, agus mharbh e iad aig Riblah ann an tìr Hamait. Agus thugadh Iudah air falbh as an tìr fèin.

22 Agus os cionn an t-sluaigh a dh'fhàgadh ann an tìr Iudah, a dh'fhàg Nebuchadnesar rìgh Bhabiloin, eadhon os an cionn-saun chuir e Gedaliah mac Ahicaim, mhic Shaphain.

23 Agus an uair a chual uile cheannarda nan armailt, iad fèin agus an daoine, gu'n do rinn rìgh Bhabiloin Gedaliah na uachdaran, thàinig gu Gedaliah do Mhisphah, eadhon Ismael mac Netaniah, agus Iohan an

mac Chareah, agus Seraiah mac Than-humeit an Nctophatach, agus Jaasaniah mac Mhaachataich, iad fèin agus an daoine.

24 Agus mhionnaich Gedaliah dhoibh, agus d'an daoineibh, agus thubhairt e riutha, Na biodh eagal oirbh a bhì 'nar seirbhisich do na Caldeanaich: gabhaibh còmhuidh san tìr, agus deanaibh seirbhis do rìgh Bhabiloin, agus éiridh gu maith dhuibh.

25 Ach anns an t-seachdamh mìos, thàinig Ismael mac Netaniah, mhic Elisamah do'n t-sliochd rìoghail, agus deichnear fhear maille ris, agus bhuail iad Gedaliah air chor as gu'n d'eug e, agus na h-Iudhaich agus na Caldeanaich a bha maille ris aig Mispah.

26 Agus dh'éirich an sluagh uile eadar bheag agus mhòr, agus ceannarda nan armailt, agus thàinig iad do'n Eiphit: oir bha eagal nan Caldeanach orra.

27 Ach anns an t-seachdamh bliadhna deug thar fhichead do bhraighdeanas Ichoiachin rìgh Iudah, anns an dara mìos deug, air an t-seachdamh la fichead do'n mhìos, thog Ebhimerodach rìgh Bhabiloin, air a' bhliadhna anns an do thòisich e air rìoghachadh, suas ceann Ichoiachin rìgh Iudah a prìosun<sup>3</sup>.

28 Agus labhair e gu caoimhncil ris, agus chuir e suas a rìgh-chaithir os cionn rìgh-chaithir nan rìgh, a bha maille ris ann am Babilon.

29 Agus mhùth c' eudach-prìosuin, agus dh'ith e aran a ghnàth na làthair rè uile làithean a bhacatha.

30 Agus bu chuibhrionn ghnàthaichte a chuibhrionn a thugadh dha o'n rìgh, cuid laitheil fa chomhair gach là, rè uile làithean a bheatha.

## CEUD LEABHAR NAN EACHDRAIDH.

### C A I B. I.

**A** DHAMH, Set, Enos,

2 Cenán, Mahaleel, Iered,

3 Henoch, Metuselah, Lamech,

4 Noah, Sem, Ham agus Iaphet.

5 Mic Iaphet; Gomer, agus Magog, agus Madai, agus Iabhan, agus Tubal, agus Mesech, agus Tiras.

6 Agus mic Ghomeir; Aschenas, agus Riphath, agus Togarmah.

7 Agus mic Iabhan; Elisah, agus Tarsis, Citim, agus Dodanin.

8 Mic Ham; Cus, agus Misraim, agus Phut, agus Canaan.

9 Agus mic Chuis; Seba, agus Habbilah, agus Sabta, agus Raamah, agus Sabtecha: agus mic Raamah; Seba agus Dedan.

10 Agus ghin Cus Nimrod: thòisich esan air a bhì cumhachdach air an talamh.

11 Agus ghin Misraim na Ludaich<sup>4</sup> agus na h-Anamaich, agus na Lehabaich, agus na Naphtuhaich,

12 Agus na Patrusaich, agus na Casluhaich, (o'n d'fhàinig na Philistich) agus na Caphtoraich,

13 Agus ghin Canaan Sidon a cheud-ghin, agus Hec.

<sup>1</sup> cùigear. <sup>2</sup> a thairngedh suas, a ghabhadh a' ceann shluaigh na tìre.

<sup>3</sup> a tigh a' phrìosuin, Eabh. <sup>4</sup> Ludim. Eabh.

14 Agus an Iebusach, agus an t-Amorach, agus an Gargasach,

15 Agus an t-Ibhcach, agus an t-Archach, agus an Sineach,

16 Agus an t-Arbhadach, agus an Semarach, agus an t-Hamatach.

17 Mic Sheim; Elam, agus Asur, agus Arphacsad, agus Lud, agus Aram; agus mic Aram Ús<sup>1</sup>, agus Hul, agus Geter, agus Mesech.

18 Agus ghin Arphacsad Selah, agus ghin Selah Eber.

19 Agus do Eber rugadh dithis mhac: *b'e ainm* aoin diubh Peleg, a chionn na laithibh-san gu'n do roinneadh an talamh; agus ainm a bhráthar Ioctan.

20 Agus ghin Ioctan Almodad, agus Seleph, agus Hasarnabhet, agus Ierah,

21 Agus Hadoram, agus Usal, agus Diclach,

22 Agus Ebal<sup>2</sup>, agus Abimael, agus Seba,

23 Agus Ophir, agus Habhilah, agus Iobab. *B'iad sin uile mic Ioctain.*

24 Sem, Arphacsad, Selah,

25 Eber, Peleg, Reu,

26 Serug, Nahor, Terah,

27 Abram, *is e sin Abraham.*

28 Mic Abraham; Isaac agus Ismael.

29 *Is iad so an ginealaichean:* Ceudghin Ismaeil, Nebaiot; an sin Cedar, agus Adbeel, agus Mibsam,

30 Misma, agus Demah, Masa, Hadad, agus Tema,

31 Ietur, Naphis, agus Cedemah, *Is iad sin mic Ismaeil.*

32 Agus mic Cheturah, coimhleabaich<sup>3</sup> Abraham: rug ise Simran, agus Iocsan, agus Medan, agus Midian, agus Isbae, agus Suah. Agus mic Iocsain: Seba, agus Dedan.

33 Agus mic Mhidiain; Ephah, agus Ephraim, agus Henoch, agus Abida, agus Eldaah. *Is iad sin uile mic Cheturah.*

34 Agus ghin Abraham Isaac. Mic Isaac; Esau agus Israel.

35 Mic Esau; Eliphaz, Reuel, agus Ieus, agus Iaalain, agus Corah.

36 Mic Eliphais; Teman, agus Omar, Sephi, agus Gatam, agus Cenas: agus rug Timna, coimhleabach Eliphais, dha Amalec<sup>4</sup>.

37 Mic Reueil; Nahat, Serah, Sama, agus Midsah.

38 Agus mic Sheir; Lotan, agus Sobal, agus Sibeon, agus Anah, agus Dison, agus Eser, agus Disan.

39 Agus mic Lotain; Hori, agus Homam: agus *b'i* Timna piuthar Lotain.

40 Mic Shobail; Alian, agus Manahat, agus Ebal, Sephi, agus Onam. Agus mic Shibcoin; Aiah, agus Anah.

41 Mic Anah; Dison; Agus mic Dhisoin; Amram, agus Esban, agus Itran, agus Cheran.

42 Mic Eseir; Bilhan, agus Sabhan, agus Iacan. Mic Dhisain; Ús, agus Aran.

43 *A nis is iad so na righrean a rìogh-aich ann an tìr Edoim, mun do rìoghaich rìgh air bith os cionn chloinn Israeil; Bela mac Bheoir: agus b'e ainm a bhaile<sup>5</sup> Dinhabah.*

44 Agus dh'eug Bela: agus rìoghaich Iobab, mac Sherah o Bhosrah, na àit.

45 Agus dh'eug Iobab; agus rìoghaich na àite Husam o thìr nan Temanach.

46 Agus dh'eug Husam; agus rìogh-aich Hadad mac Bhedaid (a bhuail Midian ann am machair Mhoib) na àit: agus *b'e* ainm a bhaile Abhit.

47 Agus dh'eug Hadad; agus rìoghaich Samlah o Mhasrecah na àit.

48 Agus dh'eug Samlah; agus rìoghaich Saul o Rchobot làimh ris an abhuinn na àit.

49 Agus dh'eug Saul; agus rìoghaich Baal-hanan mac Achboir na àit.

50 Agus dh'eug Baal-hanan; agus rìogh-aich Hadad na àite: agus *b'e* ainm a bhaile Pau<sup>6</sup>; agus *b'e* ainm a mhuà Mehetabel, nighean Mhatreid, nighinn Mhesahaib.

51 Dh'eug Hadad mar an ceudna. Agus *b'iad cinn-fheadhna<sup>7</sup>* Edoim; ceann-fheadhna Timna, ceann-fheadhna Aluah<sup>8</sup> ceann-fheadhna Ietet,

52 Ceann-fheadhna Aholibamah, ceann-fheadhna Elah, ceann-fheadhna Pinon,

53 Ceann-fheadhna Cenas, ceann-fheadhna Teman, ceann-fheadhna Mibsar,

54 Ceann-fheadhna Magdiel, ceann-fheadhna Iram. *Is iad sin cinn-fheadhna Edoim.*

## CAIB. II.

*Is iad so mic Israeil; Reuben, Simeon, Lebhi, agus Iudah, Isachar, agus Sebulun,*

2 Dan, Ioseph, agus Benjamin, Naphtali, Gad, agus Aser.

3 Mic Iudah; Er, agus Onan, agus Selah: an triuir so rugadh dha le nighinn Shuah a' Bhan-chanaanaich. Agus bha Er ceud-ghin Iudah olc ann an sìùilbh an Tighearna, agus mharbh se e.

4 Agus rug Tamar a bhan-chliamhuin dha Phares agus Serah. *B'iad uile mhic Iudah cùgnear.*

5 Mic Phareis; Hesron agus Hamul.

6 Agus mic Sherah; Simri, agus Etan, agus Heman, agus Calcol, agus Dara: cùgnear diubh uile.

7 Agus mic Charmi; Achaz, fear-buaires<sup>9</sup> Israeil, a chiontaich anns an nì mhallaichte.

<sup>1</sup> Faic Gen. Caib. X. r. 23.

<sup>2</sup> Obal.

<sup>3</sup> Iannain.

<sup>4</sup> Cenas, agus Timna, agus

Amalec. Faic Gen. Caib. XXXVI.

<sup>5</sup> a chaitheach, a bhaile mhòir.

<sup>6</sup> Pai.

<sup>7</sup> ceannarda.

<sup>8</sup> Aliah.

<sup>9</sup> fear-tuairgneadh.



Agus mic Etain ; Asariah.

9 Agus mic Hesroin, a rugadh dha ; Ierahmeel, agus Ram, agus Chelubai.

10 Agus ghin Ram Aminadab, agus ghin Aminadab Nahson, ceannard chloinn Iudah.

11 Agus ghin Nahson Salma, agus ghin Salma Boas,

12 Agus ghin Boas Obed, agus ghin Obed Iese,

13 Agus ghin Iese a cheud-ghin Eliab, agus Abinadab an dara mac, agus Sima an treas,

14 Netaneel an ceathramh, Radai an cùigeadh,

15 Osem an seathadh, Daibhidh an seachdamh<sup>1</sup> :

16 Agus b'iad am peathraiche-san Seruiah agus Abigail. Agus mic Sheruiah ; Abisai, agus Ioab, agus Asahel, triuir.

17 Agus rug Abigail Amasa : agus b'e athair Amasa, Ieter an t-Ismeeleach.

18 Agus ghin Caleb mac Hesroin ri Asubah a mhnai, Ieriot<sup>2</sup> : b'iad so mar an ceudna a mic, Ieser, agus Sobab, agus Ardon.

19 Agus an nair a bha Asubah marbh, ghabh Caleb d'a ionnsuidh Ephrat, a rug Hur dha.

20 Agus ghin Hur Uri, agus ghin Uri Besaleel.

21 Agus na dhéigh sin chaidh Hesron a steach a dh'ionnsuidh nighinn Mhachir, athar Ghilead, agus ghabh e i 'nuair a bha e trì fichhead bliadhna dh'aois, agus rug i dha Segub.

22 Agus ghin Segub Iair, aig an robh trì thar fhichead do bhailtibh mora<sup>3</sup> ann an tìr Ghilead.

23 Agus thug e Gesur agus Aram le bailtibh Iair uatha, maille ri Cenat agus a bhailtibh, eadhon trì fichhead baile mòr : bhuin iad sin uile do mhacaibh Mhachir, athar Ghilead.

24 Agus an déigh do Hesron bàs fhaghail ann an Caleb-ephatah, an sin rug Abiah bean Hesroin Asur athair Thecoah dha.

25 Agus b'iad mic Ierahmeil ceud-ghin Hesroin, Ram an ceud-ghin, agus Bunah, agus Oren, agus Osem, agus Ahiah.

26 Bha mar an ceudna bean eile aig Ierahmeel d'am b'ainm Atarah : b'ise màthair Onaim.

27 Agus b'iad mic Ram ceud-ghin Ierahmeil, Maas, agus Iamin, agus Ecer.

28 Agus b'iad mic Onaim, Samai, agus Iuda. Agus mic Shamai ; Nadab agus Abisur.

29 Agus b'e ainm mnà Abisuir, Abihail, agus rug i dha Ahban agus Molid.

30 Agus mic Nadaib ; Seled agus Apaim : ach fhuair Seled bàs gun chlann.

31 Agus mic Apaim ; Isi. Agus mic Isi ; Sesan. Agus mic Shesain ; Ahlai.

32 Agus mic Iada bràthar Shamai ; Ieter, agus Ionatan ; agus fhuair Ieter bàs gun chlann.

33 Agus mic Ionatan ; Pelet, agus Sasa. B'iad sin mic Ierahmeil.

34 A nis cha robh aig Sesan mic ach nigheana : agus bha aig Sesan òglach, Elphiteach, d'am b'ainm Iarha.

35 Agus thug Sesan a nighean d'a òglach Iarha na mnaoi : agus rug i dha Atai.

36 Agus ghin Atai Natan, agus ghin Natan Sabad,

37 Agus ghin Sabad Ephlal, agus ghin Ephlal Obed,

38 Agus ghin Obed Iehu, agus ghin Iehu Asariah,

39 Agus ghin Asariah Heles, agus ghin Heles Eleasah,

40 Agus ghin Eleasah Sisamai, agus ghin Sisamai Salum,

41 Agus ghin Salum Iecamiah, agus ghin Iecamiah Elisama.

42 A nis b'iad mic Chaleib bràthar Ierahmeil, Mesa a cheud-ghin ; b'esan athair Shiph ; agus mic Mharesah athar Hebroin<sup>4</sup>.

43 Agus mic Hebroin ; Corah, agus Tapuah, agus Recem, agus Sema.

44 Agus ghin Sema Raham, athair Iorcoaim ; agus ghin Recem Samai.

45 Agus b'e mac Shamai Maon : agus b'e Maon athair Bhet-suir.

46 Agus rug Ephah, coimhleabach Chaleib, Haran, agus Mosa, agus Gases ; agus ghin Haran Gases.

47 Agus mic Iahdai ; Regem, agus Iotam, agus Gesan, agus Pelet, agus Ephah, agus Saaph.

48 Rug Maachah, coimhleabach Chaleib, Seber agus Tirhanah.

49 Rug i mar an ceudna Saaph athair Mhadmanah, Sebhah athair Mhachbenah, agus athair Ghibeah : agus b'i nighean Chaleib Achsa.

50 B'iad so mic Chaleib mhic Huir, ceud-ghin Ephratah ; Sobal athair Chiriati-earim,

51 Salma athair Bhetlehem, Hareph athair Bhetgadeir.

52 Agus bha aig Sobal athair Chiriati-earim mic ; Haroeh, Hatsi ; Hameniot<sup>5</sup>.

53 Agus teaghlache Chiriati-earim ; na h-Itrich, agus na Puthich, agus na Sumataich, agus na Misraich : uathasan thàinig na Sareataich, agus na h-Estaulaich.

54 Mic Shalma ; Betlehem, agus na

<sup>1</sup> Elihu an seachdamh, Daibhidh an t-òchdamh.  
<sup>2</sup> agus Ieriot. <sup>3</sup> chaitheachibh, bhailtibh

daingnicht. <sup>4</sup> agus mic Shiph ; Maresah  
athair Hebroin. <sup>5</sup> agus leth nam Manaheteach.

Netophataich, Atarot, tigh Ioab, agus leth nam Manaheteach, na Soraich.

55 Agus teaghlaichean nan scriobhuich a bha chòmhnuidh aig Iabes; na Tirataich, na Simeataich, agus na Suchataich, *Is iad* sin na Cenich a thàinig o Hemat, athair tìghe Rechaib.

## CAIB. III.

**A**NIS b'iad so mic Dhaibhidh, a rugadh dha ann an Hebron: an ceud-ghin Amnon o Ahinoam a' Bhan-iesreeleach: an dara mac, Daniel o Abigail a' Bhan-charmeleach:

2 An treas mac, Absalom mac Mhaachah, nighinn Thalmal, rìgh Ghesuir: an ceathramh, Adoniah mac Hagit:

3 An cùigeadh, Sephatiah o Abital: an sèathbadh, Itream le Eglah a mhnai.

4 Rugadh an t-sèathnar sin dha ann an Hebron, agus ann an sin rioghaich e seachd bliadhna agus sè mìosan: agus ann an Ierusalem rioghaich e trì bliadhna deug thar fhichead.

5 Agus rugadh iad so dha ann an Ierusalem; Simea, agus Sobab, agus Natan, agus Solomon, ceathrar, o Bhatseba<sup>1</sup> nighinn Amieil:

6 Ibhar mar an ceudna, agus Elisama<sup>2</sup>, agus Eliphelet,

7 Agus Nogah, agus Nepheg, agus Iaphia, 8 Agus Elisama, agus Eliada, agus Eliphelet<sup>3</sup>, naonar.

9 B'iad sin mic Dhaibhidh uile, a bhàrr air macaibh nan coimh-leabach, agus Tamar am piuthar.

10 Agus b'e mac Sholomoin Rehoboam, Abia a mhac-san, Asa a mhac-san, Iehosaphat a mhac-san,

11 Ioram a mhac-san, Ahasiah a mhac-san, Ioas a mhac-san,

12 Amasiah a mhac-san, Asariah<sup>4</sup> a mhac-san, Iotam a mhac-san,

13 Ahas a mhac-san, Hesechiah a mhac-san, Manaseh a mhac-san,

14 Amon a mhac-san, Iosiah a mhac-san.

15 Agus b'iad mic Iosiah; an ceud-ghin Iohanan, an dara mac Iehoiacim, an treas mac Sedeciah, an ceathramh Salum.

16 Agus mic Iehoiacim; Ieconiah a mhac, Sedeciah a mhac.

17 Agus mic Ieconiah; Asir, Salatiel a mhac,

18 Agus Malchiram, agus Pedaiach, agus Senasar, Iecamiah, Hosama, agus Nedabiah.

19 Agus b'iad mic Phedaiach Serubabel, agus Simei: agus mic Sherubabel, Mesulam, agus Hananiah, agus Selomit am piuthar:

20 Agus Hasubah, agus Ohel, agus Berechiah, agus Hasadiah, Iusabhesed, cùig-near.

21 Agus mic Hananiah; Pelatiah, agus

Iesaiah a mhac-san, Rephaiah a mhac-san, Arnan a mhac-san, Obadiah a mhac-san, Sechaniah a mhac-san<sup>5</sup>.

22 Agus mic Shechaniah; Semaiah: agus mic Shemaiah; Hatus agus Igeal, agus Bariah, agus Neariah, agus Saphat, seath-nar.

23 Agus mic Neariah: Elioenai, agus Hesechiah, agus Asricam, triuir.

24 Agus b'iad mic Elioenai, Hodaiah, agus Eliasib, agus Pelaiah, agus Acub, agus Iohanan, agus Dalaiah, agus Anani, seachdnar.

## CAIB. IV.

**M**IC Iudah; Phares, Hesron, agus Carmi, agus Hur, agus Sobal.

2 Agus ghin Reaiah mac Shobal Iahat, agus ghin Iahat Ahumai, agus Lahad. *Is iad* sin teaghlaiche nan Soratach.

3 Agus thàinig iad so o athair Etain; Iesreel, agus Isma, agus Idbas: agus b'e ainm am peathar Haseleponi.

4 Agus Penuel athair Ghedoir, agus Eser athair Husah. *Is iad* sin mic Huir, ceud ghin Ephratah, athar Bhetlehem.

5 Agus bha aig Asur athair Thecoah dà mhnai, Helah agus Naarah.

6 Agus rug Naarah dha Ahusam, agus Hephher, agus Temeni, agus Haahastari. B'iad sin mic Naarah.

7 Agus b'iadh mic Helah, Seret, agus Iesoar, agus Etnan.

8 Agus ghin Cos Anub, agus Sobebah, agus teaghlaichean Aharheil, mhic Haruim.

9 Agus bha Iabes ni b'urramaiche na a bhràithrean: agus thug a mhàthair Iabes a dh'ainm air, a' ràdh, A chionn gu'n d'rug mi e le doilgheas.

10 Agus ghairm Iabes air Dia Israeil, a' ràdh, O gu'm beannaicheadh tu mi da rìreadh, agus gu'n cuireadh tu mo chrìoch-an am farsaingeachd, agus gu'm biodh do làmh leam, agus gu'n gleidheadh tu mi o olc, a chum nach cràidh e mi! Agus dheònaich Dia dha an ni sin, a ghluidh e.

11 Agus ghin Chelub bràthair Shuah Mehir: b'esan athair Estoin.

12 Agus ghin Eston Betrapha, agus Paseah, agus Tehinah athair Imnahais. *Is iad* sin fir Rechah.

13 Agus mic Chenais; Otniel, agus Seraiah: agus mic Otniel; Hatat.

14 Agus ghin Meonotai Ophrah: agus ghin Seraiah Ioab, athair muinntir glinne Charasaim; oir bu luchd-ceirde iad.

15 Agus mic Chaleib mhic Iephuneh; Iru, Elah, agus Naam: agus mic Elah; Cenas.

16 Agus mic Iehaleleil; Siph, agus Siphah, Tiria, agus Asareel.

17 Agus b'iad mic Esra, Ieter, agus

Arnain, mic Obudiah, mic Shechaniah.

<sup>1</sup> Bhetsua. <sup>2</sup> Elisua. <sup>3</sup> Eliphala. <sup>4</sup> Udsiah  
<sup>5</sup> Pelutiah, agus Iesaiah: mic Rephaiah, mic



Mered, agus Ephraim, agus Ialon: agus rug i Miriam, agus Samai, agus Isbah athair Estemoa.

18 Agus rug a bhean Iehudiah Iered athair Ghedoir, agus Heber athair Shoch, agus Iecutiel athair Shanoah. Agus is iad sin mic Bhithiaigh nighinn Pharaoh, a ghabh Meredith na muaoi.

19 Agus mic a mhnà Hodiah, peathar Nahaim, athar Cheilah a' Gharmaich, agus Estemoa a Mhaachataich.

20 Agus b'iad mic Shimoim, Amnon, agus Rinah, Ben-hanan, agus Tilon. Agus b'iad mic Isi, Sohet, agus Bensohet.

21 B'iad mic Shelah mhic Iudah, Er athair Lecah, agus Laadah athair Mharsah. agus teaghlaichean tìghe na nuinntir, a dh'oilbrich anart grunn do thigh Asbea.

22 Agus locim, agus daoine Choseba; agus Iosa, agus Saraph, aig an robh an uchdaranachd ann am Moab, agus Iasubilchem. Agus is seann nith iad sin.

23 B'iad sin na criadhadairean, agus iadsan a chòmhnuich am measg lusan agus ghàraichean: maille ris an rìgh na obair dh'Fhan iad an sin.

24 B'iad mic Shimeoin, Nemuel, agus Iamin, Iario, Scrah, agus Saul:

25 Salum a mhac-san, Mibsam a mhac-san, Misma a mhac-san.

26 Agus mic Mhisma; Hamuel a mhac, Sachur a mhac-san, Simeì a mhac-san.

27 Agus bha aig Simeì se mic deug agus seathnar<sup>1</sup> nighean; ach aig a bhràithribh cha robh mòran cloinne, agus cha deachaidh an teaghlaichean uile an lionmhoir-eachd, cosmhuil ri cloinn Iudah.

28 Agus chòmhnuich iad ann am Beerseba, agus Moladah, agus Hasarsual,

29 Agus ann am Bilhah, agus ann am Esch, agus ann am Tolad,

30 Agus ann am Betuel; agus ann am Hormah, agus ann am Siclag,

31 Agus ann am Bet-marcabot, agus ann am Hasar-susim, agus ann am Bet-birci, agus ann am Saaram: B'iad sin am bailte mòra, gus an do rioghaich Daibhidh, maille ri'm bailtibh beaga.

32 Etam mar an ceudna, agus Ain, Rimon, agus Tochen, agus Asan, cùig bailte mòra;

33 Agus am frith-bhailtean uile a bha mu'n cuairt air na mòr-bhailtibh sin gu ruig Baal. B'iad sin an ionaid-tàimh, agus an sloinnteachd.

34 Agus Mesobab, agus Iamlech, agus Iosah mac Amasiah,

35 Agus Ioel, agus Iehu mac Iosibiah, mhic Sheraiah, mhic Asieil,

36 Agus Elieonai, agus Iacobah, agus Iesoliah, agus Asaiah, agus Adiel, agus Iesimiel, agus Benaiah,

37 Agus Sisa mac Shippi, mhic Aloin,

mhic Iedaiah, mhic Shimri, mhic She-maiah.

38 Bha iad sin a tha air an aithris air an ainmibh nan ceannardaibh nan teaghlaicheibh fèin: agus ann an tigh an aithriche mheudaich iad gu mòr<sup>2</sup>.

39 Agus chaidh iad gu ruig dol a steach Ghedoir, eadhon gu ruig taobh an ear a' ghlinne, a dh'iarraidh ionaltraidh d'an treudaibh.

40 Agus fhuair iad ionaltradh reamhar agus maith, agus bha an tìr farsaing, agus samhach, agus sìochail; oir bha sìochd Harza a chòmhnuich an sin roimhe.

41 Agus thàinig iadsan a tha scrìobhta air an ainm, ann an laithibh Heseciah rìgh Iudah, agus bhuail iad am bùthan agus na h-ionada-còmhnuidh<sup>3</sup> a fhuaradh<sup>4</sup> an sin, agus chuir iad as doibh gu tur gus an la'n diugh, agus ghabh iad còmhnuidh, nan àite; a chionn gu'n robh ionaltradh an sin d'an treudaibh.

42 Agus chaidh cuid diubh, eadhon do mhacaibh Shimeoin, cùig ceud fear, gu sliabh Sheir; agus Pelaniah, agus Neariah, agus Rephaiah, agus Udsiel, mic Isi, air an ceann.

43 Agus bhuail iad am fuigheall a chaidh as do Amalec, agus chòmhnuich iad an sin gus an la'n diugh.

#### CAIB. V.

**A**NIS b'iad mic Reubein, ceud-ghin Israeil (oir b'esan an ceud-ghin, ach a chionn gu'n do thruaill e leabaidh 'athar, thugadh a chòir-bhreith do mhacaibh Ioseiph mhic Israeil: agus cha 'n'eil na ginnealacha gu bhì air an àireamh a réir na còir-bhreithe.

2 Oir bhuadhaich Iudah air a bhràithribh, agus uaith-san thàinig an t-ard riaghladair, ach bu lc Ioseph a' chòir-bhreithe.)

3 Mic Reubein, ceud-ghin Israeil; Har-och, agus Palu, Hesron, agus Carmi.

4 Mic Ioel; Semaiah a mhac, Gog a mhac-san, Simeì a mhac-san,

5 Micah a mhac-san, Reaia a mhac-san, Baal a mhac-san,

6 Beerah a mhac-san, a thug Tiglat-pilneser, rìgh Asiria, air falbh leis<sup>5</sup>: b'esan uachdaran nan Reubeneach.

7 Agus bha 'bhràithrean a réir an teaghlaiche ('nuair a dh'airmheadh an sloinntea a réir an ginealacha) nan cinn-fheadhna, Ieiel, agus Sechariah,

8 Agus Bela mac Asais, mhic Shema, mhic Ioel, aig an robh a chòmhnuidh ann an Aroer, eadhon gu ruig Nebo, agus Baal-meon.

9 Agus a làimh na h-àirde 'n car chòmhnuich e gu ruig dol a steach an fhàsaich o'n abhunn Euphrates; a chionn gu'n d'Fhas an spréidh ro-lìon-mhor ann am fear-ann Ghilead.

<sup>1</sup> seisear. <sup>2</sup> mheudaich tigh an aithriche gu mòr. <sup>3</sup> meunim. Eabh. <sup>4</sup> fhuaras.

<sup>5</sup> air falbh leis ann am braighdeanas.

10 Agus ann an laithibh Shaul rinn iad cogadh ris na Hagaraich, a thuit le'n làimh: agus chòmhnuich iad nam bùthaibh-san air feadh uile aghaidh na h-aird<sup>1</sup> an ear do Ghilead.

11 Agus chòmhnuich clann Ghad thall fa'n comhair, ann an tìr Bhasain, gu ruig Salchah:

12 Iael an ceann<sup>1</sup>, agus Saphan a b'fhaigse<sup>2</sup>, agus Iaanai, agus Saphat ann am Basan.

13 Agus b'iad am bràithre do thigh an aithriche, Michael, agus Mesuiam, agus Seba, agus Iorai, agus Iachan, agus Sia, agus Heber, seachdnar.

14 Is iad sin clann Abihail mhic Huri, mhic Ieroah, mhic Ghilead, mhic Mhichaeil, mhic Iesais, mhic Iahdo, mhic Bhuis:

15 Ahi mac Abdiel, mhic Ghuni, ceann tìghe an aithriche.

16 Agus ghabh iad còmhnuidh ann an Gilead, ann am Basan, agus na thailtibh, agus ann an uile fhearann chomhroinn<sup>3</sup> Sharoin, air an crìochaibh.

17 Dh'àirinnheadh iad sin uile le sloinne-teireachd ann an laithibh Iotaim rìgh Iudah, agus ann an laithibh Ieroboaim rìgh Israeil.

18 Bha mic Reubein, agus na Gadaich, agus leth thréibh Mhanaseh, do fhearaibh treuna<sup>4</sup>, fir chomasach gu sgìath agus claidheamh iomchar, agus gu tilgeadh le bogha, agus teòma air cogadh, ceithir agus dà fhichead mìle, agus seachd ceud agus trì fichead an àireamh, a chaidh a mach gu cogadh.

19 Agus rinn iad cogadh ris na Hagaraich, agus ri Ietur, agus Nephis, agus Nodab;

20 Agus chuidicheadh leo nan aghaidh, agus thugadh thairis nan làimh na Hagaraich, agus iadsan uile a bha maille riu: oir dh'éigh iad ri Dia anns a' chath, agus dh'aontaich esan le'n guidhe, a chionn gu'n d'earb iad as.

21 Agus thug iad leo am feudail; d'an càmhalaibh deich agus dà fhichead mìle, agus do chaoiribh dà cheud agus leth-cheud mìle, agus do asalaibh dà mhìle, agus do dhaoineibh<sup>5</sup> ceud mìle:

22 Oir thuit mòran sìos air am marbhadh<sup>6</sup>, a chionn gu'n robh an cogadh o Dhia. Agus ghabh iad còmhnuidh nan àite gu ruig am braigheanas.

23 Agus chòmhnuich clann leth thréibh Mhanaseh anns an tìr, o Bhàsan gu Baalhermon, agus Senir, agus gu sliabh Hermon; agus dh'fhàs iad lionmhor.

24 Agus b'iad so cinn tìghe an aithriche, eadhon Ephraim, agus Isi, agus Eliel, agus Asriel, agus Ieremiah, agus Hodabiah, agus Iahdiel, daoine treunmhor, daoine allail<sup>7</sup>, cinn tìghe an aithriche.

25 Ach chiontaich iad an aghaidh Dhé an aithriche, agus chaidh iad le striopachas an déigh dhée muinntir na tìre, a sgrios Dia rompa.

26 Agus dhùisg Dia Israeil suas spiorad Phul rìgh Asiria, agus spiorad Thilgat-pilneseir rìgh Asiria, agus thug e leis iad, (cadhon na Reubenich, agus na Gadaich, agus leth thréibh Mhanaseh) agus thug e iad gu Halah, agus Habor, agus Hara, agus gu abhuinn Ghosain, gus an la'n diugh.

## CAIB. VI.

MIC Lebhi; Gerson, Cohat, agus Merari.

2 Agus mic Chohait; Amram, Ishar, agus Hebron, agus Udsiel.

3 Agus mic Amram; Aaron, agus Maois, agus Miriam. Agus mic Aaron: Nadab, agus Abihu, Eleasar, agus Itamar.

4 Ghin Eleasar Phinehas, agus ghin Phinehas Abisua,

5 Agus ghin Abisua Buci, agus ghin Buci Udsi,

6 Agus ghin Udsi Serahiah, agus ghin Serahiah Meraiot,

7 Ghin Meraiot Amariah, agus ghin Amariah Ahitub,

8 Agus ghin Ahitub Sadoc, agus ghin Sadoc Ahimaas,

9 Agus ghin Ahimaas Asariah, agus ghin Asariah Iohanan,

10 Agus ghin Iohanan Asariah (esan a bha frithealadh ann an dreuchd an t-sagairt anns an tigh, a thog Solamh ann an Ierusalem)

11 Agus ghin Asariah Amariah, agus ghin Amariah Ahitub,

12 Agus ghin Ahitub Sadoc, agus ghin Sadoc Salum,

13 Agus ghin Salum Hiciah, agus ghin Hiciah Asariah,

14 Agus ghin Asariah Seraiah, agus ghin Seraiah Iehosadac.

15 Agus chaidh Iehosadac am braigheanas, an uair a thug an Tighearn air falbh Iudah agus Ierusalem le làimh Nebuchadne-sair.

16 Mic Lebhi; Gerson, Cohat, agus Merari.

17 Agus is iad so ainmeanna mhac Gherosim; Libni, agus Simeì.

18 Agus b'iad mic Chohait Amram agus Ishar, agus Hebron, agus Udsiel.

19 Mic Mherari; Mahli, agus Musi. Agus is iad so teaghlachan nan Lebhi-theach, a réir an aithriche:

20 O Gherosim; Libni a mhac, Iahat a mhac-san, Sinah a mhac-san,

21 Ioah a mhac-san, Ido a mhac-san, Serah a mhac-san, Icaterei a mhac-san.

22 Mic Chohait; Aminadab a mhac, Corah a mhac-san, Asir a mhac-san,

iomall-bhaillibh. 4 do mhic gaisge. Eabh. 5 an-amaibh dhaoine. 6 a chaidh lednadh. 7 ainmeil.

<sup>1</sup> ceann-feadhna, ceannard, prìomh-fhear.

<sup>2</sup> an t-ath-fhear. <sup>3</sup> ann an uile mhach-bhaillibh,



23 Elcanah a mhac-san, agus Ebiasaph a mhac-san, agus Asir a mhac-san,

24 Tahat a mhac-san, Uriel a mhac-san, Udsiah a mhac-san, agus Saul a mhac-san.

25 Agus mic Elcanah; Amasai, agus Ahimot:

26 Elcanah a mhac-san<sup>1</sup>, Sophai a mhac-san, agus Nahat a mhac-san,

27 Eliab a mhac-san, Ieroham a mhac-san, Elcanah a mhac-san.

28 Agus mic Shamueil; an ceud-ghin Ioeil, agus an dara Abiah<sup>2</sup>.

29 Mic Mherari; Mahli, Libni a mhac-san, Simeì a mhac-san, Udsa a mhac-san,

30 Simea a mhac-san, Hagiah a mhac-san, Asaiah a mhac-san.

31 Agus is iad sin iadsan a chuir Daibhidh os cionn seirbhis a' chiuil<sup>3</sup> ann an tigh an Tighearna, an dèigh do'n àire fois fhaghail.

32 Agus bha iad a' frithealadh fa chonih-air pàilliuin bùtha a' choimh-thionail le ceòl<sup>4</sup> agus an do thog Solamh tigh an Tigh-earn ann an Ierusalem; agus an sin dh'fheith iad air an dreuchd a réir an ordugh.

33 Agus is iad so iadsan a bha feitheamh, le'n cloinn: do mhacaibh nan Cohatach; Heman am fear-ciuil<sup>5</sup>, mac Ioeil, mhic Shemueil,

34 Mhic Elcanah, mhic Ierohaim, mhic Elieil, mhic Thoah,

35 Mhic Shuph, mhic Elcanah, mhic Mhahait mhic Amasai,

36 Mhic Elcanah, mhic Ioeil, mhic Asariah, mhic Shephaniah,

37 Mhic Thahait, mhic Asir, mhic Ebiasaph, mhic Chorah,

38 Mhic Ishair, mhic Chohait, mhic Lebhi, mhic Israeil.

39 Agus a bhràthair Asaph (a sheas air a làimh dheis) eadhon Asaph mac Bherachiah, mhic Shimea,

40 Mhic Mhichaeil, mhic Bhaaseiah, mhic Mhalchiah,

41 Mhic Etni, mhic Sherah, mhic Adaiah,

42 Mhic Etain, mhic Shimah, mhic Shimei,

43 Mhic Iahait, mhic Ghersein, mhic Lebhi.

44 Agus am bràithre mic Mherari air an làimh chli; Etan mac Chisi, mhic Abdi, mhic Mhaluich,

45 Mhic Hasabiah, mhic Amasiah, mhic Hilciah,

46 Mhic Amsi, mhic Bhani, mhic Shamair,

47 Mhic Mhahli, mhic Mlusi, mhic Mherari, mhic Lebhi.

48 Dh'orduichcadh mar an ceudna am bràithre na Lebhithich chum gach uile ghnè sheirbhis pàilliuin tighe Dhè.

49 Ach thug Aaron agus a mhic suas tabhartais air altair na h-iobairt-loisgte, agus air altair na tùise; agus dh'orduicheadh iad chum uile oibre an ionaid ro-naomha, agus a chum réite a dheanamh air son Israeil, a réir gach ni a dh'àithn Maois òglach Dhè.

50 Agus is iad so mic Aaroin, Eleasar a mhac, Phinehas a mhac-san, Abisua a mhac-san,

51 Buci a mhac-san, Udsi a mhac-san, Serahiah a mhac-san,

52 Meraiot a mhac-san, Amariah a mhac-san, Ahitub a mhac-san,

53 Sadoc a mhac-san, Ahimaas a mhac-san.

54 Agus is iad so an àiteacha-còmh-nuidh, air feadh an lùchairte<sup>6</sup> nan crìoch-aibh, do mhacaibh Aaroin, do theaghlachibh nan Cohatach: oir bu leo-san an crannchur.

55 Agus thug iad dhoibh Hebron ann an tìr Iudah, agus 'fhearann comh-roinn<sup>7</sup> mu'n cuairt air.

56 Ach achamua a' bhaile, agus a fhrith-bhailte<sup>8</sup> thug iad do Chaleb mac Iephuneh.

57 Agus do mhacaibh Aaroin thug iad bailte; Hebron am baile didein<sup>9</sup>, agus Libnah le 'fhearann comh-roinn, agus Iatir, agus Estemoa le 'fhearann comh-roinn,

58 Agus Hilen le 'fhearann comh-roinn, Debir le 'fhearann comh-roinn,

59 Agus Asan le 'fhearann comh-roinn, agus Betsemes le 'fhearann comh-roinn.

60 Agus o thrèibh Bheniamin; Geba le 'fhearann comh-roinn, agus Alemet le 'fhearann comh-roinn, agus Anatot le 'fhearann comh-roinn. B'iad am bailtean<sup>10</sup> uile air feadh an teaghlachan, tri bailte deug.

61 Agus do mhacaibh Chohait, a dh'fhàgadh do theaghlach an thrèibh sin, thugadh o'n leth thrèibh, eadhon leth thrèibh Mhanaseh, le crannchur, deich bailte.

62 Agus do mhacaibh Ghersein air feadh an teaghlach, thugadh o thrèibh Isachair, agus o thrèibh Aseir, agus o thrèibh Mhanasèh ann am Basan, tri bailte deug.

63 Do mhacaibh Mherari air feadh an teaghlach, o thrèibh Reubein, agus o thrèibh Ghad, agus o thrèibh Shebuluin, thugadh le crannchur dà bhaile deug.

64 Agus thug clann Israeil do na Lebhithich na bailte sin le'm fearann comh-roinn.

65 Agus thug iad le crannchur o thrèibh

<sup>1</sup> Elcanah: mic Elcanah. <sup>2</sup> mic Shamueil; an ceud-ghin Bhasai, agus Abiah. <sup>3</sup> na cantair-eachd. <sup>4</sup> le seinn. <sup>5</sup> an t-dranaich, am fear-seinn. <sup>6</sup> caistealan. <sup>7</sup> iomall-bhailte, a dlùth-

bhailte, 'fho-bhailte; suburbs. Sàsg. <sup>8</sup> a bhailte beaga. <sup>9</sup> thug iad bailte Iudah, eadhon Hebron am baile didein. <sup>10</sup> an caithriche, am mòr-bhailte.

chloinn Iudah, agus o thréibh chloinn Shimeoin, agus o thréibh chloinn Bheniamin, na bailte sin a ghairmear air an ainmibh.

66 Agus bha aig a' chuid eile do theaghlachibh mhac Chohait bailte an crìch o thréibh Ephraim.

67 Agus thug iad dhoibh do na bailtibh didein, Sechem ann an sliabh Ephraim, le 'fhearann comh-roinn: Geser mar an ceudna le 'fhearann comh-roinn,

68 Agus Iocmeam le 'fhearann comh-roinn, agus Bethoron le 'fhearann comh-roinn,

69 Agus Aialon le 'fhearann comh-roinn, agus Gat-rimon le 'fhearann comh-roinn;

70 Agus o leth thréibh Mhanaseh, Aner le 'fhearann comh-roinn, agus Bileam le 'fhearann comh-roinn, air son teaghlach chloinn Chohait a dh'fhàgadh.

71 Do mhacaibh Ghersoim thugadh o theaghlach leth-thréibh Mhanaseh, Golan ann an Basan le 'fhearann comh-roinn, agus Astarot le 'fhearann comh-roinn:

72 Agus o thréibh Isachair; Cedes le 'fhearann comh-roinn, Daberat le 'fhearann comh-roinn,

73 Agus Ramot le 'fhearann comh-roinn, agus Anem le 'fhearann comh-roinn:

74 Agus o thréibh Aseir; Masal le 'fhearann comh-roinn, agus Abdon le 'fhearann comh-roinn,

75 Agus Hucoc le 'fhearann comh-roinn, agus Rehob le 'fhearann comh-roinn:

76 Agus o thréibh Naphtali; Cedes ann an Galile le 'fhearann comh-roinn, agus Hamon le 'fhearann comh-roinn, agus Ciriataim le 'fhearann comh-roinn.

77 Do'n chuid eile do chloinn Mherari thugadh o thréibh Shebuluin, Rimon le 'fhearann comh-roinn, Taber le 'fhearann comh-roinn:

78 Agus air taobh thall Iordain làimh ri<sup>2</sup> Iericho, air an taobh an ear do Iordan, thugadh dhoibh o thréibh Reubein, Beser ann an fhàsach le 'fhearann comh-roinn, agus Iahsah le 'fhearann comh-roinn,

79 Agus Cedemot le 'fhearann comh-roinn, agus Mephaat le 'fhearann comh-roinn:

80 Agus o thréibh Ghad; Ramot ann an Gilead le 'fhearann comh-roinn, agus Mahanaim le 'fhearann comh-roinn,

81 Agus Hesbon le 'fhearann comh-roinn, agus Iaser le 'fhearann comh-roinn.

## CAIB. VII.

**A** NIS b'iad mic Isachair, Tola, agus Puah, Iasub, agus Simron, ceathrar.

2 Agus mic Thola; Udsi, agus Rephaiah, agus Ieriel, agus Iahmai, agus Ibsam, agus Semuel, cinn tighe an aithriche, eadhon

Thola: daoine treun nan ginealachaibh, d'am b'àireamh ann an laithibh Dhaibhidh dà mhìle thar fhichead agus sè ceud.

3 Agus mic Udsi; Israhiah: agus mic Israhiah; Michael, agus Obadiah, agus Ioel, agus Isiah, cùignear, iad uile nan ceannaibh tìghe:

4 Agus aca-san, a réir an ginealacha, a réir tighe an aithriche, bha buidhnean shaighdeir<sup>3</sup> gu cogadh, sè mìle deug thar fhichead fear: oir bha iomadh bean agus mac aca.

5 Agus bha am bràithrean am measg uile theaghlachan Isachair nan daoinibh treun<sup>4</sup>, air an àireamh san ionlan a réir an ginealacha nan seachd agus ceithir fichead mìle.

6 Mic Bheniamin; Besa, agus Becher, agus Iediael, triuir.

7 Agus mic Bhela; Esbou, agus Udsi, agus Udsiel, agus Ierimot, agus Iri, cùignear, cinn tighe an aithriche, daoine treun, agus dh'àirmheadh iad a réir an ginealacha nan dà mhìle thar fhichead, agus ceithir deug thar fhichead.

8 Agus mic Bhecheir; Semira, agus Ioas, agus Elieser, agus Elioenai, agus Omri, agus Ierimot, agus Abiah, agus Anatot, agus Alamet. Is iad sin uile mic Bhecheir.

9 Agus b'e an àireamh a réir an sloinnte, a réir an ginealacha, cinn tighe an aithriche, daoine treun, fichead mìle agus dà cheud.

10 Agus mic Iediaeil; Billian: agus mic Bhilhain; Ieus agus Benjamin, agus Ehud, agus Cenaanah, agus Setan, agus Tarsis, agus Ahisahar.

11 Bha iad sin uile mic Iediaeil, a réir cheann an aithriche, daoine treun, nan seachd mìle deug agus dà cheud fear, iomchuidh gu dol a mach chum cogaidh agus catha.

12 Supim mar an ceudna agus Hupim mic Ir, agus Husim mic Aheir.

13 Mic Naphtali; Iahsiel, agus Guni, agus Ieser, agus Salum, mic Bhilhah.

14 Mic Mhanaseh; Asriel, a rug i: (ach rug a choimh-leabhach, a' Bhan-aramach, Machir athair Ghilead.

15 Agus ghabh Machir mar mhnaoi puithar Chupim agus Shupim, agus b'e ainm a peathar Maachah) agus b'e ainm an dara mic Selphehad: agus bha aig Selphehad nigheana.

16 Agus rug Maachah, bean Mhachir, mac, agus thug i Peres mar ainm air; agus b'e ainm a bhràthar Seres; agus b'iad a mhic-san Ulam agus Racem.

17 Agus mic Ulaim; Bedan. B'iad sin mic Ghilead, mhic Mhachir, mhic Mhanaseh.

<sup>1</sup> Hamot. Iosua. Caib. XXI. r. 32.

<sup>2</sup> fa

<sup>3</sup> shaighd-fhear. comasach, gaisgeil.

<sup>4</sup> treun an neart,



# I. EACHDRAIDH.

18 Agus rug a phiutlar Hamolecet Isod, agus Abieser, agus Mahalah.

19 Agus b'iad mic Shemida, Ahian, agus Sechem, agus Lichi, agus Aniam.

20 Agus mic Ephraim; Sutelah, agus Bered a mhac-san, agus Tahat a mhac-san, agus Eladah a mhac-san, Tahat a mhac-san,

21 Agus Sabad a mhac-san, agus Sutelah a mhac-san, agus Eser, agus Elead, a mharbh fir Ghat a rugadh san tìr *sin*, a chionn gu'n d'fhàinig iad a nuas a thogail an creich<sup>1</sup>.

22 Agus rinn an athair Ephraim bròn rè iomadh là, agus thàinig a bhràithre gu comh-fhurtachd a thoirt da.

23 Agus chaidh e stigh a dh'ionnsuidh a mhnà, agus dh'fhàs i torrach, agus rug i mac, agus thug e Beriah mar ainm air, a chionn gu'n d'èirich gu h-olc le 'thigh.

24 (Agus b'i a nighean Serah, ise a thog Bet-horon iochdarach, agus uachdarach, agus Udsen-serah)

25 Agus b'c Rephah a mhac, mar an ceudna Reseph, agus Tela a mhac-san, agus Tahan a mhac-san,

26 Laadan a mhac-san, Amihud a mhac-san, Elisama a mhac-san,

27 Non a mhac-san, Iehosua a mhac-san.

28 Agus b'iad an seilbh agus an àiteach-còmhnuidh Betel agus a bhailtean, agus a làimh na h-àirde 'n ear Naaran, agus a làimh na h-àirde 'n iar Geser le 'bhailtibh, Sechem mar an ceudna agus a bhailte, gu ruig Gasa agus a bhailte.

29 Agus làimh ri cloinn Mhanasch, Bet-sean agus a bhailte, Taanach agus a bhailte, Megido agus a bhailte, Dor agus a bhailte. Annta sin ghabh clann Ioseiph, mhic Israel, còmhnuidh.

30 Mic Aseir; Imnah, agus Isuah, agus Isui, agus Beriah, agus Serah an piuthar.

31 Agus mic Bheriah; Heber, agus Malchiel: b'esan athair Bhirsabhit.

32 Agus ghin Heber Iaphlet, agus Somer, agus Hotam, agus Suah an piuthar.

33 Agus mic Iaphleit; Pasach, agus Bimhal, agus Asbhat: is iad sin mic Iaphleit.

34 Agus mic Shameir; Ahi, agus Rohgah, Iehubah, agus Aram.

35 Agus mic Heleim a bhràthar; Sophah, Imna, agus Seles, agus Amal.

36 Mic Shophah; Suah, agus Harnepher, agus Saul, agus Beri, agus Imrah,

37 Beser, agus Hod, agus Sama, agus Silsah, agus Itran, agus Beera.

38 Agus mic Ieteir; Iephuneh, agus Pispah, agus Ara.

39 Agus mic Ula; Ara, agus Haniel, agus Resia.

40 B'iad sin uile mic Aseir, cinn tighe

an aithriche, daoine taghta, treun an neart, roghadh<sup>2</sup> nan uachdaran. Agus an uair a dh'airmheadh iad a reir an ginealachachum cogaidh agus catha, b'e an àireamh se mìle fichead fear.

## C A I B. VIII.

**A** NIS ghin Beniamin Bela a cheudghin, Asbel an dara, agus Ahara an treas,

2 Nohah an ceathramh, agus Rapha an cùigeadh.

3 Agus b'iad mic Bhela, Adar, agus Gera, agus Abihud,

4 Agus Abisua, agus Naaman, agus Ahoah,

5 Agus Gera, agus Scephuphan, agus Hura.

6 Agus is iad so mic Ehtid: is iad so cinn aithriche<sup>3</sup> luchd-àiteachaidh Ghcba, agus dh'atharraich siad iad gu Manahet:

7 Agus Naaman, agus Ahiah, agus Gera, dh'atharraich e iad, agus ghin e Udsa, agus Abihud.

8 Agus ghin Saharaim clann ann an tìr Mhoah, an deigh dha Husim agus Baara a mhnà a chur air falbh<sup>4</sup>.

9 Agus ghin e ri Hodas a mhnàoi, Iobab, agus Sibia, agus Mesa, agus Malcham,

10 Agus Ieus, agus Sachia, agus Mirmas. B'iad sin a mhic, cinn nan aithriche.

11 Agus ri Husim glùn e Abitub agus Elpaal.

12 Mic Elphaail; Eber, agus Misan, agus Samed, a thog Ono, agus Lod le 'bhailtibh.

13 Agus Beriah agus Sema: b'iadsan cinn aithriche luchd-àiteachaidh Aialoin, a ruag luchd àiteachaidh Ghat:

14 Agus Abio, Sasac, agus Ierimot,

15 Agus Sebadiah, agus Arad, agus Adar,

16 Agus Michael, agus Ispah, agus Ioha,

mic Bheriah;

17 Agus Sebadiah, agus Mesulam, agus Heseci, agus Heber,

18 Agus Ismra, agus Iesiah, agus Iobab, mic Elphaail;

19 Agus Iacim, agus Sichri, agus Sabdi,

20 Agus Elioenai, agus Siltai, agus Eliel,

21 Agus Adaiah, agus Beraiah, agus Simrat, mic Shimhi;

22 Agus Ispan, agus Heber, agus Eliel,

23 Agus Abdon, agus Sichri, agus Hanan.

24 Agus Hananiah, agus Elam, agus Antotiah,

25 Agus Iphedciah, agus Penuel, mic Shasaic;

26 Agus Samsrai, agus Sehariah, agus Ataliah,

27 Agus Iarcsiah, agus Eliah, agus Sichri, mic Ierohaim.

<sup>1</sup> a thoirt leo an feudalach.

<sup>2</sup> cinn. Eabh.

<sup>3</sup> theughlach.

<sup>4</sup> an deigh an cur air falbh, Husim agus Baara a mhnà. Eabh.

28 Sin cinn nan aithriche, a réir an ginealach, cinn fheadhna. Bha iad sin a chomhnuidh ann an Ierusalem.

29 Agus ann an Gibeon bha *Iechil*, athair Ghibeoin, a chomhnuidh; agus *b'e* ainm a mhnà Maachah :

30 Agus a cheud-ghin-mic Abdon, agus Sur, agus Cis, agus Baal, agus Ner, agus Nadab,

31 Agus Gedor, agus Ahio, agus Sacher, agus Miclot <sup>1</sup>.

32 Agus ghin Miclot Simeah. Agus chomhnuidh iad sin mar an ceudna fa chomhair am bràithrean ann an Ierusalem maille r'am bràithribh.

33 Agus ghin Ner Cis, agus ghin Cis Saul, agus ghin Saul Ionatan, agus Malchisua, agus Abinadab, agus Esbaal.

34 Agus *b'e* mac Ionatan Merib-baal; agus ghin Merib-baal Micah.

35 Agus *b'iad* mic Mhicah, Piton, agus Melech, agus Tarca, agus Ahas.

36 Agus ghin Ahas Iehoada, agus ghin Iehoada Alemet, agus Asmabbet, agus Simri; agus ghin Simri Mosa,

37 Agus ghin Mosa Binea : *b'e* Rapha a mhac-san, Eleasah a mhac-san, Asel a mhac-san.

38 Agus bha aig Asel sèathnar mhac; agus *is* iad so an ainmeanna, Asricam, Bochera, agus Ismael, agus Scariah, agus Obadiah, agus Hanan. *B'iad* sin uile mic Aseil.

39 Agus *b'iad* mic Eseic a bhràthar, Ulam a cheud-ghin, Iehus an dara, agus Eliphelet an treas.

40 Agus bha mic Ulaim nan daoineibh treun, nam fir-bhogha <sup>2</sup>; agus bha mòran mhac aca, agus mhac am mac, ceud agus leth-cheud: iad sin uile do mhacaibh Bheniamin.

### C A I B. IX.

**A** GUS dh'àirmheadh Israel uile a réir an ginealach, agus feuch, bha iad scriobhta ann an leabhar rìghrean Israeil. Ach thugadh Iudah <sup>3</sup> air falbh do Bhabylon air son an eusaontais.

2 Agus *b'iad* an ceud luchd-àiteachaidh a ghabh comhnuidh nan sealbh nam bailtibh, na h-Israelich, na sagairt, na Lebhitich, agus na Netinich.

3 Agus ann an Ierusalem ghabh comhnuidh do chloinn Iudah, agus do chloinn Bheniamin, agus do chloinn Ephraim, agus Mhanaseh:

4 Utai mac Amihuid, mhic Omri, mhic Imri, mhic Bhani, do chloinn Pharcis mhic Iudah.

5 Agus do na Silonaich; Asaiah an ceud-ghin, agus a mhic.

6 Agus do mhacaibh Sherah; Ieuel,

agus am bràithre, sè ceud agus ceithir fheadh agus a deich.

7 Agus do mhacaibh Bheniamin; Salu mac Mhesulaim, mhic Hodabbiah, mhic Hasenuah:

8 Agus Ibneiah mac Ierohaim, agus Elah mac Udsi, mhic Mhichri, agus Mesullam mac Shephatiah, mhic Reueil, mhic Ibriah;

9 Agus am bràithrean, a réir an ginealach, naoi ceud agus sè deug agus dà fhichead. *Bu* chinn aithriche na daoine sin uile ann an tigh an aithriche.

10 Agus do na sagartaibh; Iedaiah, agus Iehoiarib, agus Iachin;

11 Agus Asariah mac Hilciah, mhic Mhesulaim, mhic Shadoic, mhic Mheraiot, mhic Abituib, riaghladair tighe Dhé;

12 Agus Adaiah mac Ierohaim, mhic Phasuir, mhic Mhalchiah; agus Maasai mac Adicil, mhic Iahserah, mhic Mhesulaim, mhic Mhesulemit, mhic Imeir;

13 Agus am bràithre, cinn tighe an aithriche, mìle agus seachd ceud agus trì fheadh, daoine ro-fhoghainteach fa chomhair oibre seirbhis tighe Dhé.

14 Agus do na Leibhithich; Semaiah mac Hasuib, mhic Asricam, mhic Hasabiah, do mhacaibh Mherari;

15 Agus Bacbacar, Herès, agus Galal, agus Mataniah mac Mhicah, mhic Shichri, mhic Asaiph;

16 Agus Obadiah mac Shemaiah, mhic Ghalail, mhic Iedutuin, agus Bercchiah mac Asa, mhic Elcanah, a bha chomhnuidh ann am frith-bhailtibh <sup>4</sup> nan Netophatach.

17 Agus *b'iad* na dorsairean Salum, agus Acub, agus Talmon, agus Ahiman, agus am bràithre: *b'e* Salum an ceannard;

18 A bha gus an àm so aig geatadh an rìgh air an taobh an ear, nan dorsairibh ann an cuideachdaibh chloinn Lebhi.

19 Agus bha Salum mac Chore, mhic Ebiasaiph, mhic Chorah, agus a bhràithre (do thigh 'athar) na Corahaich os cionn oibre na seirbhis, nan luchd-gleidhidh gheatacha a' phàilliun; agus an aithriche os cionn slòigh an Tighearna, nan luchd-gleidhidh air dol a stigh a' phàilliun.

20 Agus b'e Phinehas mac Eleasair bu cheann-riaghlaidh orra o shean am fianuis an Tighearna <sup>5</sup>.

21 Maille ris bha Scchariah, mac Mhesulemiah, na dorsair doruis pàilliun a' choimhthionail.

22 Iad sin uile a thaghadh gu bhi nan dorsairibh anns na geataibh, bu dà cheud agus dà fhear dheug iad. Dh'àirmheadh iad sin a réir an ginealach <sup>6</sup> nam frith-bhailtibh, a shuidhich Daibhidh agus

<sup>1</sup> Faic Caib. IX. r. 36. 37. <sup>2</sup> a thairngeadh bogh, a thilgeadh gu maith le bogha. <sup>3</sup> leabhar rìghrean Israeil agus Iudah, a thugadh.

<sup>4</sup> bailtibh beoga. <sup>5</sup> an Tighearna, a bha maille ris. <sup>6</sup> an sloinne.



Samuel am fear-seallaidh nan dreuchd suidhichte.

23 Mar sin bha iadsan, agus am mic, os cionn gheatacha tighe an Tighearna, agus tighe a' phàilliuin chum an gleidheadh<sup>1</sup>.

24 Ann an ceithir chearnaibh bha na dorsairean, a làimh na h-àirde 'n ear, na h-àirde 'n iar, na h-àirde tuath, agus na h-àirde deas.

25 Agus am bràithre nam frith-bhailtibh, gu teachd an dèigh sheachd laithean o am gu h-am maille riu.

26 Oir bha na Lebhithich sin, na ceithir ard dhorsairean, 'nan dreuchd suidhichte, agus bha iad os cionn sheòmhraiche, agus os cionn ionmhasan tighe Dhé.

27 Agus bha iad a' gabhail tàimh mu'n cuairt air tigh Dhé, a chionn gu'm b'ann orra-san a bha a chùram, agus gu'm buineadh dhoibh 'fhosgladh gach madainn.

28 Agus bha cuid diubh os cionn nan soithiche<sup>2</sup> frithealaidh, chum an toirt a stigh agus a mach air àireamh.

29 Chuireadh cuid diubh mar an ceudna os cionn nan soithiche, agus os cionn uile innealan an ionaid naomha, agus os cionn na mine mine, agus an fhiona, agus na h-ola, agus na tuise, agus nan spòsraidh<sup>3</sup>.

30 Agus bha cuid do mhacaibh nan sagart a' deanamh na h-oladh-ungaidh do na spòsraidh.

31 Agus b'ann aig Matitiah aon do na Lebhithich, eadhon ceud-ghin Shaluin a' Chorahaich, a bha dreuchd suidhichte os cionn<sup>4</sup> nan nithe a rinneadh ann an aighnibh.

32 Agus bha cuid eile d'am bràithribh, do mhacaibh nan Cohatach, os cionn arain na fianuis<sup>5</sup> gu 'dheasachadh gach sàbaid.

33 Agus is iad sin an luchd-ciùil<sup>6</sup>, cinn aithrich nan Lebhithich, a bha anns na seòmraichibh, saor o gach cùram eile; oir a là agus a dh'oidheche bha orra bhi r'an obair-san.

34 Bha cinn aithriche sin nan Lebhithich nan cinn a réir an ginealach. Bha iad a chòmhnuidh ann an Ierusalem.

35 Agus ann an Gibeon chòmhnuidh athair Ghibeoin, Iehiel; agus b'e ainm a mhna Maachah:

36 Agus a cheud ghin mic Abdon, an sin Sur, agus Cis, agus Baal, agus Ner; agus Nadab,

37 Agus Gedor, agus Ahio, agus Sechariah, agus Miclot.

38 Agus ghin Miclot Simeam: agus ghabh iadsan mar an ceudna còmhnuidh fa comhair am bràithrean ann an Ierusalem maille r'am bràithribh.

39 Agus ghin Ner Cis, agus ghin Cis

Saul, agus ghin Saul Ionatan, agus Malchisua, agus Abinadab, agus Esbaal.

40 Agus b'e mac Ionatain Merib-baal: agus ghin Merib-baal Micah.

41 Agus b'iad mic Mhicah, Piton, agus Melech, agus Tahrea, agus Ahas.

42 Agus ghin Ahas Iehoadah<sup>7</sup>, agus ghin Iehoadah Alemet, agus Asmabhet, agus Simri; agus ghin Sinri Mosa;

43 Agus ghin Mosa Binea: agus b'e Rephaiah a mhac-san, Eleasah a mhac-san, Asel a mhac-san.

44 Agus bha aig Asel seathnar mhac, agus is iad so an ainmeanna: Asricam, Bocheru, agus Ismael, agus Seariah, agus Obadiah, agus Hanan. B'iad sin mic Aseil.

# CAIB X.

**A**NIS chog na Philistich an aghaidh Israeil, agus theich fir Israeil o fhianuis nam Philisteach, agus thuit iad sìos marbhta ann an sliabh Ghilboa.

2 Agus lean na Philistich gu teann an dèigh Shaul, agus an dèigh a chuid mac; agus bhuail na Philistich Ionatan, agus Abinadab, agus Malchisua, mic Shaul.

3 Agus dh'fhàs an cath cruaidh an aghaidh Shaul, agus chuimsich<sup>8</sup> na fir-bhogha e, agus lotadh e leis na fir-bhogha.

4 An sin thubhairt Saul ri fear-iomchair 'arm, Rùisg do chlaidheamh agus sàth tromham e, air eagal gu'n d'thig na daoine neo thimchioll-ghearrta sin, agus gu'n gnàthaich iad gu maslach mi. Ach cha deanadh fear-iomchair 'arm sin, oir bha eagal mòr air. Uime sin ghlac Saul claidheamh, agus thuit e air.

5 Agus an uair a chunnaic fear-iomchair 'arm gu'n robh Saul marbh, thuit esan mar an ceudna air a chlaidheamh, agus fhuair e bàs.

6 Mar sin fhuair Saul bàs, agus a thriuir mac, agus dh'eug a thigh uile san aon àm.

7 Agus an uair a chunnaic uile fhir Israeil, a bha sa' ghleann, gu'n do theich iad, agus gu'n robh Saul agus a mhic marbh, an sin thréig iad am bailtean, agus theich iad; agus thàinig na Philistich, agus chòmhnuidh iad anna.

8 Agus air an la màireach, an uair a thàinig na Philistich a dh'fhaobachadh nam marbh, fhuair iad Saul agus a mhic air tuiteam ann an sliabh Ghilboa.

9 Agus an uair a dh'fhaobhaich iad e, ghlac iad a cheann, agus 'airm, agus chuir iad fios do thir nam Philisteach mu'n cuairt, gu sgeul a thoirt do thigh an diathan brèige<sup>9</sup> agus do'n t-sluagh.

10 Agus chuir iad 'airm ann an tigh an dèe, agus dhaingnich iad a cheann ann an teampull Dhagoin.

<sup>1</sup> seal m'an seach.

<sup>2</sup> air cuid diubh bha cùram nan soithiche.

<sup>3</sup> nithe cùbhraidh.

<sup>4</sup> ri Matutiah bha 'n earbsadh bli os cionn.

<sup>5</sup> an arain thaisbeanta.

<sup>6</sup> luchd-seinn.

<sup>7</sup> Iarah. Faic Caib. VIII. r. 36.

<sup>8</sup> fhuair. Eabh.

<sup>9</sup> gu sgeul a thoirt d' an òdholaidh.

11 Agus an uair a chual uile *luchd-àiteachaidh* Iabeis-ghilead na h-uile *nithe* a rinn na Philistich ri Saul,

12 Dh'éirich na fir threuna uile, agus thug iad leo corp Shaul, agus cuirp a chuid mac, agus thug iad gu Iabes iad, agus dh'adhlaic iad an cnàimhean fuidh 'n daraig ahn an Iabes, agus throisg iad seachd laithean.

13 Mar so dh'eug Saul air son a chiontaidh, a rinn e 'n aghaidh an Tighearna, an aghaidh focail an Tighearna nach do ghléidh e, agus mar an ceudna a chionn gu'n d'iarr e *bean* aig an robh leannan-sìth, a dh'fhiosrachadh *dhith*.

14 Agus nach d'fhiosraich e do'n Tighearna : uime sin mharbh se e, agus thionndaidh e 'n rìoghachd a dh'ionnsuidh Dhaibhidh mhic Iese.

## CAIB. XI.

**A**N SIN chruinnich Israeil uile iad féin a dh'ionnsuidh Dhaibhidh gu Hebron, ag ràdh, Feuch, is sinne do chnàimh agus t'fheoil.

2 Agus a bhàrr air so, san uine chaidh seachad, eadhon an uair a bha Saul na rìgh, *bu* tusa a threoraich a mach, agus a thug a steach Israel; agus thubhairt an Tighearna do Dhia riut, Beathaichidh tusa mo shluagh Israel, agus bithidh tu a'd' cheannard air mo shluagh Israel.

3 Agus thàinig uile sheanairean Israeil a dh'ionnsuidh an rìgh gu Hebron, agus rinn Daibhidh coimhcheangal riu ann an Hebron am fianuis an Tighearna, agus dh'ung iad Daibhidh na rìgh air Israel, a réir focail an Tighearna, le làimh Shamuel.

4 Agus chaidh Daibhidh agus Israel uile gu h-Ierusalem, (is e sin Iebus) far an robh na Iebusaich, luchd-àiteachaidh an fhearainn.

5 Agus thubhairt luchd-àiteachaidh Iebu is ri Daibhidh, Cha d'thig thu 'n so. Gidheadh, ghlac Daibhidh tùr Shioin; is e sin baile<sup>1</sup> Dhaibhidh.

6 Agus thubhairt Daibhidh, Ge b'e bhuaileas na Iebusaich an toiseach, bithidh esan na cheannard agus na uachdaran. Agus chaidh Ioab mac Sheruah suas an toiseach, agus bha e na cheannard.

7 Agus ghabh Daibhidh còmhnuidh san tùr: uime sin thug iad baile Dhaibhidh mar ainm air.

8 Agus thog e am baile mu'n cuairt, eadhon o Mhilo mu'n cuairt, agus chuir Ioab suas a ris a' chuid eile do'n bhailc.

9 Agus dh'fhàs Daibhidh ni bu mhò, agus ni bu mho; oir bha Tighearna nan sluagh leis.

10 Agus is iad so roghadh nan daoine treun a bha aig Daibhidh, a neartaich iad

féin leis na rìoghachd, agus le h-Israel uile, gu rìgh a dheanamh dheth, a réir focail an Tighearna mu thi mchioll Israeil.

11 Agus is e so àireamh nan daoine treun a bha aig Daibhidh: Iasobeam, mac Hachmoni, na cheann air triuir<sup>2</sup>: thog esan a shìl-cagh an aghaidh thri ceud, a mharbhadh leis san aon àm.

12 Agus na dhéigh-san bha Eleasar, mac Dhodo, an t-Ahohach: b'aon esan do na tri gaisgich.

13 Bha esau maille ri Daibhidh ann am Pas-daniam, agus an sin bha na Philistich air cruinneachadh an cionn a chéile gu cath<sup>3</sup>, far an robh dail<sup>4</sup> fhearainn lan eorna<sup>5</sup>, agus theich an sluagh roimh na Philistich.

14 Agus shuidhich iadsan iad féin am meadhon na dalach sin, agus dhòin iad i, agus mharbh iad na Philistich; agus shaor an Tighearna iad le saorsadh mhòir.

15 A nis chaidh triuir do na deich ceannaird fhichead sìos do'n charraig a dh'ionnsuidh Dhaibhidh, gu uaimh Adullaim: agus champaich feachd nam Philisteach ann an gleann Rephaim.

16 Agus bha Daibhidh an sin san daingneach: agus bha freiceadan nam Philisteach an sin ann am Bethchem.

17 Agus mhiannaich Daibhidh, agus thubhairt e, O nach d'thugadh neach dhomh deoch uisge o thobar Bhetlehem, a tha aig a' gheatadh!

18 Agus bhris an triuir troimh fheachd nam Philisteach, agus tharruing iad uisge a tobar Bhetlehem a bha aig a' gheatadh, agus ghabh iad e, agus thug iad e gu Daibhidh: ach cha 'n oladh Daibhidh e, ach thaom e mach e do'n Tighearna.

19 Agus thubhairt e, Na leigeadh mo Dhia dhomh gu'n deanainn an ni so: an elainnse fuil nan daoine so a chuir an anmanna ann an cunnart? oir le cunnart an anmanna thug iad leo e: uime sin cha 'n oladh e dheth. Na nithe sin rinn an triuir dhaoine treuna.

20 Agus bha Abisai, bràthair Ioab, na cheann air triuir: agus thog e a shleaghan aghaidh tri cheud, a mharbh e; agus bha ainm aige am measg thriuir.

21 Do'n triuir b'e a b'urramaiche na an dithis, agus bha e na cheannard orra: gidheadh, cha d'ràinig e gu ruig a' cheud triuir.

22 Mharbh Benaiah, mac Iehoiada, mhic duine ghaigeil o Chabseel, a rinn mòran ghnìomhara, mharbh esan dithis fhear leomhanta do Mhoab: chaidh e sìos mar an ceudna, agus mharbh e leòmhann ann am meadhon sluichd air latha sncachd-aidh.

23 Agus mharbh e Eiphitcach, duine

<sup>1</sup> cathair. <sup>2</sup> ceann nan ceannard. <sup>3</sup> II. Sam. I. Caib. XXIII. r. 9. 10. 11. <sup>4</sup> mìr.

<sup>5</sup> làn do ghall-pheasair. II. Sam. Caib. XXIII. r. 11.



do mheudachd *mhòir*, cùig làmhha-coille air airde, agus ann an làimh an Eiphitich *bha* sleagh cosmbuil ri garmain <sup>1</sup> figh-eacadair; ach chaidh esan sìos d'a ionnsuidh le luirg, agus spion e 'n t-sleagh a làimh an Eiphitich, agus mharbh e le 'shleagh féin e.

24 Na *nithe* sin rinn Benaiah mac Iehoia-da, agus *bha* ainm aige am measg triuir dhaoine treuna.

25 Feuch, do'n triuir <sup>2</sup> b'e a b'urram-aiche, ach cha d'ràinig e gu ruig a' *cheud* triuir: agus chuir Daibhidh e os cionn a fhreiceadain.

26 Mar an ceudna b'iad daoine treuna nan armait, Asahel bràthair Ioaib, Elhan-an mac Dhodo o Bhetlehem,

27 Samot an 't-Harorach, Heles am Pelonach,

28 Ira mac Iccis an Tecoach, Abieser, an t-Anatotach,

29 Sibecai an t-Husatach, Ilai an t-Ahohach,

30 Maharai an Netophatach, Heled mac Bhaanah an Netophatach,

31 Itai mac Ribai o Glibeah chloinn Bheniamin, Benaiah am Piratonach,

32 Hurai o shruthaibh <sup>3</sup> Ghaais, Abiel an t-Arbatach,

33 Asmabhet am Baharumach, Eliabha an Saalbionach.

34 Mic Haseim a' Ghisonaich; Ionatan mac Shage an t-Hararach,

35 Ahiam mac Shacair an t-Hararach, Eliphal mac Uir,

36 Iepher am Mecheratach, Ahiah am Pelonach,

37 Hesro an Carmelcach, Naarai mac Esbai,

38 Ioel bràthair Naitin, Mibchar mac Hageri,

39 Selec an t-Amonach, Naharai am Berotach, fear-iomchair arm Ioaib mhic Sheruah,

40 Ira an t-Itreach, Gareb an t-Itreach,

41 Uriah an t-Ititach, Sabad mac Ahali,

42 Adina mac Shisa Reubencach, ceann-eard do na Reubenich, agus deich thar fhichead maille ris,

43 Hanan mac Mhaachah, agus Iosaphat am Mitneach,

44 Udsia an t-Asteratach, Sama agus Ieheil mic Hotaim an Aroerich,

45 Iediel mac Shimri, agus Ioha a bhràthair an Tidscach,

46 Eliel am Mahabhach, agus Ieribai agus Iosabbiah mic Elnaaim, agus Itmah am Moabach,

47 Eliel, agus Obed, agus Iasicl o Mhesobia.

CAIB. XII.

**A** NIS is iad so iadsan a thàinig a dh'ionn-suidh Dhaibhidh gu Siclag, 'nuair a bha e fathast 'ga chumail féin a stigh air eagal Shaul mhic Chis: agus *bha* iad am measg nam fear treuna, nan luchd-cuideachaidh sa' chogadh.

2 *Bha* iad armaichte le boghannaibh, agus tòma leis an làimh dheis agus chli air clachan a *thilgeadh*, agus saighdean a bogha, *eadhon* do bhraithribh Shaul do Bheniamin.

3 B'e Ahieser bu hharraichte <sup>4</sup> *dhiubh*, an sin loas, mic Shemaah a' Ghibeataich, agus Iesicl agus Pelet mic Asmableit, agus Beracha, agus Ichu an t-Anatotach,

4 Agus Ismaiah an Gibeonach, duine treun measg an deich thar fhichead, agus os cionn an deich thar fhichead; agus Ieremiah, agus Ichasiel, agus Iohanan, agus Iosabad an Gederatach,

5 Elusai, agus Ierimot, agus Bealiah, agus Semariah, agus Sephatiah an t-Haruphach,

6 Elcanah, agus Iesia, agus Asareel, agus Iocser, agus Iasobeam, na Corhaich,

7 Agus Ioelah agus Sebadiah, mic Ierohaim o Ghedor.

8 Agus do na Gadaich chaidh thairis <sup>5</sup> a dh'ionnsuidh Dhaibhidh, do'n daingneach anns an fhàsach, daoine treun, fir chogaidh *iomchuidh* chum catha, d'am b'aithne sgiath agus targaid a laimhseachadh, aig an robh an gnù-ean mar ghnuisibh leomhan, agus iad co luath ris na h-cildibh air na beanntaibh.

9 Eser an ceud fhear, Obadiah an dara, Eliab an treas,

10 Mismanah an céathramh, Ieremiah an cùigeadh,

11 (Atai an sèthadh, Eliel an scachd-anh,

12 Iohanan an t-ochdamh, Elsabad an naothadh,

13 Icremiah an deicheamh, Machbanai an t-aon fhear deug.

14 *Bha* iad sin do mhacaibh Ghad nan ceannardaibh an t-slàigh: an t-aon bu lugha dhiubh os cionn cheud, agus an t-aon bu mhò os cionn mhìle.

15 Sin iadsan a chaidh thairis air Iordan sa' cheud mhios, an uair a bha shruth cur thairis air a bhruachaibh uile, agus chuir iad an ruaig air *muinntir* nan gleann uile, a laimh na h-airde 'n ear, agus na h-airde 'n iar.

16 Thàinig mar an ceudna *cuid* dochloinn Bheniamin agus Iudah do'n daingneach a dh'ionnsuidh Dhaibhidh.

17 Agus chaidh Daibhidh a mach nan coinneamh, agus fhreagair e, agus thubhairt e riu, Ma thàinig sibh gu sìochail a'm'

<sup>1</sup> sail. <sup>2</sup> do'n deich thar fhichead. <sup>3</sup> aibh-nichibh. <sup>4</sup> an ceann. Eabh.

<sup>5</sup> chuir air leth, dhealaich, theurbaidh iad féin.

ionnsuidh-sa a chuideachadh leam, bithidh mo chridhe leibh le aon rùn: ach ma thàinig sibh a chum mo bhrath do m' naimh-dibh, 'nuair nach 'eil eucoir air bith a'm' làmhaidh, gu'n amhaicheadh Dia ar n-aithriche air sin, agus gu'n cronaicheadh se e.

18 An sin thàinig an spiorad air Amasai, am fear a' b'innbiche do na ceannardaibh, agus thubhairt e, Leatsa tha sinne, a Dhaibhidh, agus air do thaobh, a mhic Iese: sìth, sìth dhuit, agus sìth do d' luchd cuid-eachaidh; oir tha do Dhia a' còmh-nadh<sup>1</sup> leat. Agus ghabh Daibhidh iad, agus rinn e iad nan ceannardaibh na buidhne.

19 Agus chaidh cuid do Mhanaseh thairis<sup>2</sup> a dh'ionnsuidh Dhaibhidh, 'nuair a thàinig e leis na Philistich an aghaidh Shaul gu cath, ach cha do chuidich iad<sup>3</sup> leo; oir, le comhairle, chuir tighearnan nam Philisteach air falbh e, ag ràdh, Le cunnart ar ceann-ne theid e thairis a dh'ionnsuidh Shaul a thighearna.

20 'Nuair a bha e dol gu Siclag, chaidh thairis d'a ionnsuidh do Mhanaseh, Adnah, agus Iosabad, agus Iedael, agus Michael, agus Iosabad, agus Elihu, agus Siltai, cinn-fheadhna nam mìltean, a bha do Mhanaseh.

21 Agus chuidich iad le Daibhidh an aghaidh buidhne nan creachadairean: o' bu daoine treun iad uile, agus bha iad nan ceannardaibh san fheadh.

22 Oir mu'n àm sin là 'n déigh là thàinig iad a dh'ionnsuidh Dhaibhidh a chòmh-nadh<sup>4</sup> leis, agus an robh feachd mòr ann, mar fheadh Dhé.

23 Agus is e so àireamh<sup>5</sup> nan daoine armaichte chum cogaidh, a thàinig a dh'ionnsuidh Dhaibhidh gu Hebron, a thionn-dadh rìoghachd Shaul d'a ionnsuidh-san, a rèir focail an Tighearna:

24 Mic Iudah, a ghiùlain sgiath agus sleagh, sè mìle agus ochd ceud, armaichte chum cogaidh.

25 Do mhacaibh Shimeoin, fir threuna gu cogadh, seachd mìle agus ceud.

26 Do mhacaibh Lebhi, ceithir mìle agus sè ceud.

27 Agus Ichoiada ceannard nan Aaronach, agus maille ris trì mìle agus seachd ceud.

28 Agus Sadoc òganach ro-threun, agus do thigh 'athar dà cheannard thar fhichead.

29 Agus do mhacaibh Bheniamin luchd-daimh Shaul, trì mìle; oir fathast bha chuid bu mhò dhiubh nam friceadan air thigh Shaul.

30 Agus do mhacaibh Ephraim, fichead mìle agus ochd ceud, fir threuna, ainneil ann an tigh an aithriche.

31 Agus do leth-thréibh Mhanaseh, ochd mìle deug, a dh'ainnicheadh air an ainmibh, gu teachd a dheanamh Dhaibhidh na rìgh.

32 Agus do mhacaibh Isachair, aig an robh aithne<sup>6</sup> air na h-aimsiribh, a thuig-sinn ciod bu chòir do Israel a dheanamh, bu dà cheud an ceannardan; agus am bràithrean uile aig an ordugh-sa.

33 Do Shebulun a' mheud 'sa chaidh mach gu cath, daoine teòma ann an cogadh, le uil' innealaibh cogaidh, deich agus dà fhichead mìle, a chuideachadh Dhaibhidh<sup>7</sup> gun cheilg nan cridhe.

34 Agus do Naphtali mìle ccannard, agus maille riu-san le sgéith agus sleagh, seachd mìle deug thar fhichead.

35 Agus do na Danaich, teòma ann an cogadh, ochd mìle fichead agus sè ceud.

36 Agus do Aser, a' mheud 'sa rachadh a mach gu cath, teòma ann an cogadh, dà fhichead mìle.

37 Agus air an taobh eile do Iordan, do na Reubenich, agus do na Gadaich, agus do leth-thréibh Mhanaseh, le uil' innealaibh cogaidh chum catha, ceud agus fichead mìle.

38 Na fir chogaidh sin uile, d'am b'aithne dol an ordugh blàir, le cridhe iomlan thàinig iad gu Hebron a dheanamh Dhaibhidh na rìgh os cionn Israeil uile: agus mar an ceudna bha chuid eile do Israel gu léir do aon chridhe chum Daibhidh dheanamh na rìgh.

39 Agus bha iad an sin maille ri Daibhidh trì laithean, ag itheadh agus ag ol: oir dh'ulluich am bràithrean air an son.

40 A bhàrr air sin, thug iadsan, a bha fagus doibh, gu ruig Isachar, agus Sebulun, agus Naphtali, aran leo air asalaibh, agus air chàmhalaibh, agus air mhuileidibh, agus air dhamhaibh, biadh, min, mill fhige, agus bagaidean do-fhion-dhearcaibh tiorm-aichte, agus fion, agus oladh, agus daimh, agus caoraich ann am pailteas; oir bha aoibhncas ann an Israel.

### CAIB. XIII.

**A** GUS chuir Daibhidh a chomhairle riu-san a bha os cionn mhìlte, agus cheud, ris gach uile cheannard.

2 Agus thubhairt Daibhidh ri uile choimhchruinneachadh Israeil, Ma chithear iomchuidh dhiubh, agus gur ann o'n Tigh-earn ar Dia a tha chuis, cuireamaid fios a mach a dh'ionnsuidh ar bràithrean anns gach àit, a dh'fhàgadh ann an uile thir Israeil, agus maille riu-san a dh'ionnsuidh nan sagart agus nan Lebhitheach, a tha nam bailtibh le'm fearann comhroinn<sup>8</sup>, iad g'an cruinneachadh féin thugainn<sup>9</sup>.

3 Agus thugamaid a rìs àire ar Dé d'ar

<sup>1</sup> cunnamh. Eir. <sup>2</sup> thuit do Mhanaseh. Eabh. <sup>3</sup> e. <sup>4</sup> a chuideachadh, <sup>5</sup> cunnas cheann. Eabh.

<sup>6</sup> eòlas. <sup>7</sup> a rachadh an ordugh blàir. <sup>8</sup> nam bailtibh, agus nam mach-bhailtibh. <sup>9</sup> chugainn.



n'ionnsuidh : oir cha d'fhiosraich sinn dheth ann an laithibh Shauil.

4 Agus thubhairt an coimhchrúinneach-adh gu léir, gu'm bu chòir sin a dheanamh<sup>1</sup>; oir bha an nì ceart ann an sùilibh an t-sluaigh uile.

5 Uime sin chruinnich Daibhidh Israel uile an ceann a chèile, o Shihor na h-Eiphit gu dol a steach Hamait, chum àirc Dhé a thaoirt o Chiriat-íearim.

6 Agus chaidh Daibhidh suas, agus Israel uile do Bhaalat, eadhon gu Ciriati-íearim a bhuineadh do Iudah, a thabhairt leo as sin àirc Dhé an Tighearna, a tha chòmhnuidh eadar na ceruban, air an gearmear ainm.

7 Agus ghiùlan iad àirc Dhé air feun<sup>2</sup> nomha o thigh Abinadaib: agus dh'iomain Usa agus Ahio am feun.

8 Agus chluich Daibhidh agus Israel uile am fianuis Dhé le 'n uile neart, eadhon le laoidhibh<sup>3</sup>, agus le clàrsaichibh, agus le saltàiribh, agus le tiompanaibh, agus le ciombalaibh, agus le trompaidibh.

9 Agus an uair a thàinig iad gu h-urlar-bualaidh Chidoin, chuir Usa a mach a làmh, a ghabhail greim do'n àirc, oir chuir na daimh air chrith i.

10 Agus las fearg an Tighearna an aghaidh Usa, agus bhuail se e, a chionn gu'n do chuir e a làmh ris an àirc: agus dh'eug e 'n sin an làthair Dhé.

11 Agus bha doilgheas air Daibhidh<sup>4</sup> a chionn gu'n d'rinn an Tighearna briseadh air Usa: agus dh'ainmich e 'n t-àite sin Peres-usa gu ruig an la 'n diugh.

12 Agus bha eagal air Daibhidh<sup>5</sup> roimh Dhia air an là sin, agus thubhairt e, Cionnus a bheir mise àirc Dhé dhachaidh a'm' ionnsuidh?

13 Uime sin cha d'thug Daibhidh an àirc d'a ionnsuidh féin gu baile Dhaibhidh: ach thug e a leth-taobh i gu tigh Obed-edoim a' Ghithich.

14 Agus dh'fhan àirc Dhé maille ri teaghlach Obed-edoim na thigh tri mìosan. Agus bheannaich an Tighearna tigh Obed-edoim, agus gach nì a bh'aige.

CAIB. XIV.

**A**NIS chuir Hiram righ Thiruis teachd-aircan a dh'ionnsuidh Dhaibhidh, agus fiodh seudair, agus clachairean, agus saoir, a thogail tighe dha.

2 Agus dh'aithnich Daibhidh gu'n do dhaingnich an Tighearna e na righ air Israel, agus gu'n d'ardaicheadh gu mòr a rìoghachd air son a shluaigh Israel.

3 Agus ghabh Daibhidh tuille bhan ann an Ierusalem, agus ghin Daibhidh fathast mic agus nigheana.

4 Agus is iad so ainmean a chloinne, a

bha aige ann an Ierusalem; Samua, agus Sobab, Natan, agus Solaimh,

5 Agus Ibhar, agus Elisua, agus Elphalel,

6 Agus Nogah, agus Nepheg, agus Iaphia.

7 Agus Elisama, agus Bceliada, agus Eliphalet.

8 Agus an uair a chuala na Philistich gu'n d'ungadh Daibhidh na righ air Israel uile, thàinig na Philistich gu léir a nìos a dh'iarraidh Dhaibhidh: agus chuala Daibhidh sin, agus chaidh e mach nan aghaidh.

9 Agus thàinig na Philistich, agus sgaoil siad iad féin ann an gleann Rephaim.

10 Agus dh'fhiosraich Daibhidh do Dhia, ag ràdh, An d'théid mi suas an aghaidh nam Philisteach, agus an d'thoir thu thairis iad a'm' làimh? Agus thubhairt an Tighearna ris, Gabh suas, agus bheir nìs thairis iad a d' làimh.

11 Agus thàinig iad gu Baal-perasim, agus bhuail Daibhidh an sin iad. Agus thubhairt Daibhidh, bhris Dia mo naimh-dean o chèile le m' làimh-sa, mar bhriseadh uisgeacha. Uime sin thug iad Baal-perasim mar ainm air an àite sin.

12 Agus dh'fhàg iad an diathan an sin, agus thug Daibhidh àithne, agus loisgeadh iad le teine.

13 Agus thàinig na Philistich a ris, agus sgaoil siad iad féin anns a' ghleann.

14 Uime sin dh'fhiosraich Daibhidh a ris do Dhia, agus thubhairt Dia ris, Na gabh suas nan déigh, tionndaidh air falbh uatha, agus thig orra fa chomhair chraobh nan smeur.

15 Agus an uair a chluinneas tu fuaim siubhail ann am barraibh chraobh nan smeur, an sin théid thu mach chum catha; oir théid Dia a mach romhad, a bhuail iad feachd nam Philisteach.

16 Agus rinn Daibhidh mar a dh'àithn Dia dha: bhuail iad<sup>6</sup> feachd nam Philisteach o Ghibeon eadhon gu Gaser.

17 Agus chaidh ainm<sup>6</sup> Dhaibhidh a mach do gach tìr, agus thug an Tighearna eagal-san air na h-uile chinneachaidh.

CAIB. XV.

**A**GUS rinn Daibhidh dha féin tighean ann am baile Dhaibhidh, agus dh'ulluich e àite do àirc Dhé, agus stuidhich e bùth dh'i.

2 An sin thubhairt Daibhidh; Cha chòir do neach air bith àirc Dhé iomchar, ach do na Lebhithich: oir iadsan ròghnaich an Tighearna gu àirc Dhé iomchar, agus gu frithealadh dha gu bráth.

3 Agus chruinnich Daibhidh Israel uile an ceann a chèile gu h-Ierusalem, gu àirc

<sup>1</sup> gu'n deanadh iad mar sin.

<sup>2</sup> feana, cairt.

<sup>3</sup> uir gach inneal-ciùil do fhiodh grumhais, II.

Sam. Caib. VI. r. 5. <sup>4</sup> bha Daibhidh fa mhà ghean. <sup>5</sup> e. <sup>6</sup> alladh, cliù.

an Tighearn a thoirt suas a dh'ionnsuidh a h-àite, a dh'ulluich e air a son.

4 Agus chrùinnich Daibhidh mic Aaroin, agus na Lebhitich.

5 Do mhacaibh Chohait; Uriel an ceann, agus a bhràithre ceud agus fich-ead.

6 Do mhacaibh Mherari; Asaiah an ceann, agus a bhràithre dà cheud agus fich-ead.

7 Do mhacaibh Ghersoim; Ioel an ceann, agus a bhràithre ceud agus deich thar fhichead.

8 Do mhacaibh Elisaphain; Semaiah an ceann, agus a bhràithre dà cheud.

9 Do mhacaibh Hebroin; Eliel an ceann, agus a bhràithre ceithir fich-ead.

10 Do mhacaibh Udsieil; Aminadab an ceann, agus a bhràithre ceud agus dà fhear-dheug.

11 Agus ghairm Daibhidh air Sadoc agus Abiatar na sagairt, agus air na Lebhitich, air Uriel, Asaiah, agus Ioel, Semaiah, agus Eliel, agus Aminadab.

12 Agus thubhairt e riu, *Is sibhse cinn aithriche nan Lebhitheach*: naomhaichibh sibh féin, sibhse agus bhuir bràithre, chum gu'n d'thoir sibh suas àirc an Tighearna Dé Israeil, a dh'ionnsuidh an àit a dh'ulluich mise dh'i:

13 Oir a chionn nach robh sibh a làthair roimhe, rinn an Tighearn ar Dia briseadh oirne, do bhrìgh nach d'iarr sinn e air mhodh dligeach.

14 Uime sin naomhaich na sagairt agus na Lebhitich iad féin, a thabhairt suas àirc an Tighearna Dé Israeil.

15 Agus ghiùlain mic nan Lebhitheach àirc Dhé air an guailnibh, leis na lunnaibh<sup>1</sup> orra, mar a dh'àithn Maois a réir focail an Tighearna.

16 Agus labhair Daibhidh ri h-uachdaran<sup>2</sup> nan Lebhitheach, am bràithrean òrduchadh bhi nan luchd-ciuil le h-inneal-aibh ciuil, saltairibh, agus clàrsaichibh, agus ciombalaibh, a' deanamh fuaim, a' togail suas a' ghutha le h-aobhneas.

17 Uime sin dh'orduich na Lebhitich Heman mac Ioel: agus d'a bhràithribh, Asaph mac Bherecliah; agus do mhacaibh Mherari am bràithribh, Etan mac Chusaiah:

18 Agus maille riu am bràithrean do'n dara ceum,<sup>3</sup> Sechariah, Ben, agus Iaasiel, agus Semiramot, agus Iehiel, agus Uni, Eliab, agus Benaiah, agus Maaseiah, agus Matitiah, agus Elipheleh, agus Micneiah, agus Obededom, agus Ieiel, na dorsairean.

19 Agus bha'n luchd-ciuil, Heman, Asaph, agus Etan, gu fuaim a dheanamh le ciombalaibh umha;

20 Agus Sechariah, agus Asiel, agus

Semiramot, agus Iehiel, agus Uni, agus Eliab, agus Maaseiah, agus Benaiah, le saltairibh air Alamot;

21 Agus Matitiah, agus Elipheleh, agus Micneiah, agus Obed-edom, agus Iehiel, agus Asaiah, le clàrsaichibh air Seminit a thoirt barrachd.

22 Agus bha Cenaniah uachdaran do na Lebhitich fa chomhair na laoidh: sheol e mu thimchioll na laoidh, a chionn gu'n robh e eòlach.

23 Agus bha Berechiah agus Elcanah nan dorsairibh do'n àirc.

24 Agus bha Sebaniah agus Iehosaphat, agus Netaneel, agus Amasai, agus Sechariah, agus Benaiah, agus Elieser na sagairt, a' sèideadh leis na trompaidibh roimh àirc Dhé: agus bha Obed-edom agus Iehiah nan luchd-gleidhidh doruis na h-àirce.

25 Mar sin chaidh Daibhidh agus sean-airean Israeil, agus na ceannardan mhiltean, a thoirt suas àirce coimhcheangail an Tighearn a tigh Obed-edom le h-aobhneas.

26 Agus an uair a chuidich Dia leis na Lebhitich a ghiùlain àirc coimhcheangail an Tighearna, dh'fobair iad seachd tairbh òga, agus seachd reitheacha.

27 Agus bha Daibhidh sgeadaichte le falluing do anart grinn, agus na Lebhitich uile a bha giùlan na h-àirce, agus an luchd-ciuil, agus Chenaniah an t-ard fhear-seinn am measg an luchd-ciuil: air Daibhidh mar an ceudna bha ephod anairt.

28 Mar sò thug Israel uile suas àirc coimhcheangail an Tighearna le h-iolaich, agus le fuaim a' bhuabhuill<sup>3</sup>, agus le trompaidibh, agus le ciombalaibh a' deanamh coimh-sheirm le saltairibh agus clàrsaichibh.

29 Agus an uair a thàinig àirc coimhcheangail an Tighearna steach do bhaile Dhaibhidh, bha Michal nighean Shaul ag amharc a mach air uinneig, agus chunnaic i rìgh Daibhidh a' dannsadh agus a' cluich-eadh; agus rinn i tàir air na cridhe.

## CAIB. XVI.

**A**GUS thug iad a steach àirc Dhé, agus a chuir iad i ann am meadhon a' bhùtha, a shuidhich Daibhidh air a son: agus thug iad seachd iobairtean-loisgte agus iobairtean-sith am fianuis Dhé.

2 Agus an uair a chuir Daibhidh crìoch air na h-iobairtean-loisgte thoirt suas, agus na h-iobairtean-sith, bheannaich e'n sluagh an ainm an Tighearna.

3 Agus roinn e air gach aon do Israel, eadar fhear agus bhean, do gach aon buil-ionn arain, agus mìr maith feòla, agus copan fionna.

4 Agus dh'orduich e cuid do na Lebhitich a fhrithealadh roimh àirc an Tighearna,

<sup>1</sup> bataichibh. <sup>2</sup> prìomh-shearaibh.



agus a chur air chuimhne, agus a thoirt buidheachais<sup>1</sup> agus cliu do'n Tighearna Dia Israeil:

5 Asaph an ceann<sup>2</sup>, agus na dhéigh-san Sechariah, an sin Ieiel, agus Semiramot, agus Iehiel, agus Matitiah, agus Eliab, agus Benaiah, agus Obededom: agus Ieiel le saltairibh agus clàrsaichibh, agus Asaph le cìombalaibh a' deanamh fuaim:

6 Benaiah mar an ceudna agus Iahasiel na sagairt, le trompaidibh a ghlànath roimh àire coimcheangail Dhé.

7 An sin air an là sin, thug Daibhidh seachad a' cheud uair an laoidh mholaidh so do'n Tighearna, ann an làimh Asaph agus a bhràithre:

8 Molaibh an Tighearna<sup>3</sup>, gairmibh air a'ainm, deanaibh a ghnìomharan aithnichte am measg nan sluagh.

9 Seinnibh dha-san, seinnibh sailm dha, labhraibh air 'uil' oiribh iongantach-sa.

10 Deanaibhse uail na ainm naomha, deanadh cridhe na muinntir, a tha 'g iarraidh an Tighearna, gairdeachas:

11 Iarraibh an Tighearna agus a neart, iarraibh a ghnùis a ghnàth.

12 Cuimhnichibh 'oibrean iongantach a rinn e, a chomharan<sup>4</sup> agus breitheanais a bhéil.

13 O sibhse a shliochd Israeil 'òglaich-san, sibhse a chlànn Iacoib a dhaoine taghta-san.

14 Is esan an Tighearna ar Dia-ne; air feadh nà talmhainn uile tha a bhreitheanais-san.

15 Cuimhnichibh an còmhnuidh<sup>5</sup> a choimhcheangal, am focal a dh'àithn e do mhìle ginealach;

16 A rinn e ri h-Abraham, agus a mhionnan do Isaac:

17 Agus dhaingnich e sin do Iacob mar lagh, do Israel mar choimh-cheangal bith-bhuan,

18 Ag ràdh, Dhuitse bheir mi fearann Chanaan, crannchur bhur n-oighreachd.

19 An uair nach robh iad<sup>6</sup> ach ro-thearc an àireamh, agus nan coigrich ann.

20 Agus a chaidh iad o chinncach gu cinncach, agus o rìoghachd gu sluagh eile;

21 Cha do leig e le duine sam bith eucoir<sup>7</sup> a dheanamh orra, agus smachdaich e rìghrean air an son-sa:

22 Ag ràdh, Na beanaibh ri m' dhaoineibh ungta, agus air m'fhàidibh na deanaibh cron sam bith.

23 Seinnibh do'n Tighearna, gach uile thir<sup>8</sup>; foillsichibh o là gu là a shlàinte.

24 Cuiribh a ghlòir an céill am measg nan cinnreach; 'oibre iongantach am measg nan uile shluagh:

25 Oir is mòr an Tighearna, agus ro-airidh air cliu; agus is aobhar eagail esan os cionn nan uile dhée:

26 Oir is ìodhoil<sup>9</sup> uile dhée nan cinnreach<sup>10</sup>; ach is e'n Tighearna a rinn na nèamha.

27 Tha glòir agus mòralachd na làthair; neart agus subhachas na ionad-san.

28 Thugaibh do'n Tighearna, sibhse fhineacha nan sluagh; thugaibh do'n Tighearna urram agus neart.

29 Thugaibh do'n Tighearna an t-urram a's cubhaidh d'a ainm: thugaibh tabhartas leibh, agus thigibh na làthair; sluchdaibh do'n Tighearna ann am maise na naomhachd.

30 Biodh eagal oirbh na fhianuis-sangach uile thir: daingnichear an domhan leis, air chor as nach gluaisear e<sup>11</sup>.

31 Biodh na nèamhan ait, agus deanadh an talamh gairdeachas; agus abradh iad am measg nan cinneach, Tha'n Tighearna a' rìoghachadh.

32 Beucadh an fhairge, agus a làn; deanadh a' mhachair gairdeachas, agus gach nì a ta innte.

33 An sin seinnidh craobhan na coille gu h-ard-ghuthach an làthair an Tighearna, a chionn gu bheil e teachd a thoirt breith air an talamh.

34 Molaibh an Tighearna<sup>12</sup>, oir tha e maith; oir gu bràth mairidh a thròcair.

35 Agus abraibhse, Tèarunn sinn, O Dhé ar slàinte, agus cruinnich r'a chéile sinn, agus saor sinn o na cinnich, a chum gun d'thoir sinn moladh do t'ainm naomhasa, agus gu'n dean sinn uail ann ad chliu.

36 Bcannuichte gu robh an Tighearna Dia Israeil gu saoghal nan saoghal. Agus thubhairt an sluagh uile, Amen, agus chliùthaich iad an Tighearna.

37 Agus dh'fhàg e an sin fa chomhair àirce coimhcheangail an Tighearna, Asaph agus a bhràithre, a fhrìthealadh air beul-aobh na h-àire an còmhnuidh, mar a dh'ìarradh obair gach là:

38 Agus Obed-edom, agus am bràithrean, ochd agus trì fichead: Obed-edom mar an ceudna, mac Iedutuin, agus Hosah nan dorsairibh:

39 Agus Sadoc an sagart, agus a bhràithre na sagairt, fa chomhair paillhuin an Tighearna, anns an àit ard, a bh'ann an Gibeon:

40 A dh'ìobradh ìobairt-loisgte do'n Tighearna air altair na h-iobairt-loisgte a ghnàth, sa' mhaduinn agus san fheasgar, agus a dheanamh a réir gach nì a ta scribedhta ann an lagh an Tighearna, a dh'àithn e do Israel:

41 Agus màille riu-san Heman agus Iedutun, agus a' chuid eile a thaghadh, a ghairmeadh<sup>13</sup> air an ainmibh, a thoirt cliu<sup>14</sup>

<sup>1</sup> molaidd. <sup>2</sup> am prìomh-shear. <sup>3</sup> Thugaibh buidheachas, aidichibh do'n Tighearna. <sup>4</sup> iongantasan. <sup>5</sup> gu bràth. Eabh. <sup>6</sup> sibh. <sup>7</sup> foirneart. <sup>8</sup> a thalainh uile. <sup>9</sup> fuoin.

<sup>10</sup> nan sluagh. <sup>11</sup> Faic Salm XCVI. r. 9. 10. <sup>12</sup> Thugaibh buidheachas do'n Tighearna. <sup>13</sup> a dh'ainmicheadh, a shonraicheadh. <sup>14</sup> buidheachais.

do'n Tighearn, a chionn gu *bheil* a thròc-  
air bith-bhuan:

42 Eadhon maille riu-san Heman agus Iedutun le trompaidibh agus le ciombalaibh a' dcanamh fuaim<sup>1</sup>, agus le h-innealaibh ciuil Dé: agus *bha* mic Iedutuin nan dors-airibh.

43 Agus dh'fhalbh an sluagh uile, gach duine d'a thigh féin: agus phill Daibhidh a bheannachadh a thighe féin.

## CAIB. XVII.

**A**NIS an uair a bha Daibhidh na shuidhe na thigh, thubhairt Daibhidh ri Natan am fàidh, Feuch, *tha* mise a'm' chòmhnuidh ann an tigh seudair<sup>2</sup>, ach *tha* airc còmhcheangail an Tighearna fuidh chuirteinibh.

2 Agus thubhairt Natan ri Daibhidh, Dean gach ni a *tha* ann ad chridhe; oir *tha* Dia leat.

3 Agus air an oidhche sin féin thàinig focal Dhé gu Natan, ag ràdh,

4 Falbh agus innis do m'òglach Daibhidh, Mar so tha'n Tighearn ag ràdh, Cha tog thusa dhomhsa tigh gu còmhnuidh ghabhail ann:

5 Oir cha do ghabh mise còmhnuidh ann an tigh o'n là air an d'thug mi nìos Israel as an Eiphit<sup>3</sup> gus an la'n diugh, ach bha mi o bhùth gu bùth, agus o phailliuin gu pailliuin.

6 Ge b'e taobh a chaidh mi le h-Israel uile, an do labhair mi focal ri h-aon do bhreitheamhnaibh Israeil (d'an d'àithn mi mo shluagh a bheathachadh,) ag ràdh, C'ar son nach do thog sibh dhomh tigh seud-air?

7 A nis uime sin mar so their thu ri m' sheirbhiseach Daibhidh, Mar so tha Tighearna nan sluagh ag ràdh, thug mi thu o chrò nan caorach, o leantuinn nan caorach, gu bhi d'cheannard air mo shluagh Israel:

8 Agus bha mi leat gach taobh a chaidh tu, agus ghearr mi as do naimhdean uile romhad, agus rinn mi dhuìt ainm cosmhuil ri ainm nan *duine* mòra, a *tha* air an talamh.

9 Agus dh'orduich<sup>4</sup> mi àite do m' shluagh Israel, agus shuidhich mi iad, agus gabhaidh iad còmhnuidh nan àit, agus cha ghluaisear iad tuilleadh; cha mhò a chlaoidheas clann na h-aingidheachd iad tuilleadh, mar an toiseach.

10 Agus o'n àm san d'àithn mi do bhreitheamhnaibh *bhi* os cionn mo shluagh Israeil: agus ceannaichidh mi do naimhdean uile. Mar an ceudna tha mi 'g inn-eachd dhuit gu'n tog an Tighearna tigh dhuit.

11 Agus an uair a choimhlionar do làithean, agus gur éigin dhuit triall maille ri t'aithricibh, togaidh mise suas do shliochd

a'd' dhéigh, a bhios do d' mhacaibh, agus daingnichidh mi a rioghachd-san.

12 Togaidh esan tigh dhómh, agus daingnichidh mi a righ-chaithir gu bràth.

13 Bithidh mi a'm' athair dha, agus bithidh esan na mhac dhomhsa; agus cha d'thoir ni mo thròcair air falbh uaith, mar a thug mi uaith-san, a bha romhad-sa.

14 Agus suidhichidh mi e ann am thigh agus ann am rioghachd gu bràth; agus bithidh a righ-chaithir daingean gu bràth.

15 A reir nam briathra so uile, agus a réir an taisbeanaidh so uile, mar sin labhair Natan ri Daibhidh.

16 An sin chaidh righ Daibhidh a stigh, agus shuidh e an fìanuis an Tighearna, agus thubhairt e, Cò mise, O Thighearna Dhé, agus ciod e mo thigh, gu'n d'thug thu mi gu ruige so?

17 Agus bu bheag so a'd' shùilbha-sa, O Dhé, oir labhair thu *mar an ceudna* mu thigh do sheirbhiseach ré aimsir fhada ri teachd, agus thug thu meas<sup>5</sup> orm a réir staid duine ard-inbich, a Thighearna Dhé.

18 Ciod tuilleadh is urrainn Daibhidh a ràdh<sup>6</sup> riut, air son urrainn do sheirbhiseach? ach is aithne dhuit do sheirbhiseach.

19 A Thighearn, is ann air son do sheirbhiseach<sup>7</sup>, agus a réir do chridhe féin a rinn thu na nithe mòra so uile, a chum gu'n deanadh tu na nithe mòra so gu léir aithnichte.

20 O Thighearna, cha 'n'eil neach ann cosmhuil riutsa, agus cha 'n'eil Dia ann ach thusa, a réir gach ni a chuala sinn le'r clusaibh.

21 Agus cia an cinneach air thalamh cosmhuil ri d' shluagh Israel, a chaidh Dia a shaoradh mar shluagh dha féin, a dheanamh ainme dhuit féin, a dheanamh nithe mòra agus uamhasach le cinnich fhògradh roimh do shluagh, a shaor thu as an Eiphit<sup>8</sup>?

22 Oir rinn thu do shluagh Israel nan sluagh dhuit féin gu bràth; agus tha thusa, a Thighearn, a'd' Dhia aca.

23 A nis ma ta, a Thighearna, am focal a labhair thu mu thimchioll do sheirbhiseach, agus mu thimchioll a thighe, daingnichear e gu bràth, agus dean mar a thubhairt thu.

24 Biodh e eadhon air a dhaingneachadh, agus ardaichear t'ainm-sa gu bràth, ag ràdh, *Is e* Tighearna nan sluagh Dia Israeil, is Dia do Israel: agus biodh tigh Dhaibhidh do sheirbhiseach air a dhaingneachadh a'd' fhianuis.

25 Oir dh'fhoillsich<sup>9</sup> thusa, O mo Dhia, do d' sheirbhiseach, gu'n togadh tu tigh dha: uime sin fhuair do sheirbhiseach na chridhe urnuigh a dheanamh a'd' làthair.

<sup>1</sup> *fa'n comhair-san d'am buineadh fuaim a dheanamh.* <sup>2</sup> *ceudair.* <sup>3</sup> II. Samuel. Caib. VII. r. 6. <sup>4</sup> *orduichidh.* <sup>5</sup> *dh'amhaire thu.* Eabh.

<sup>6</sup> Falc II. Sam. Caib. VII. r. 20.

<sup>7</sup> *fhocail* II. Sam. Caib. VII. r. 21.

Caib. VII. r. 23. <sup>9</sup> *dh'innis.*

<sup>7</sup> *air son*

<sup>8</sup> II. Sam.



26 Agus a nis, a Tighearn, is tu fèin Dia, agus gheall thu do d' sheirbhiseach ann maithreas so.

27 A nis uime sin gu ma toil leat tigh do sheirbhisich a bheannachadh, a chum gu'm bi e gu bràth-a'd' fhianuis: oir an uair a bhcannuicheas tusa, a Tighearna, beannuichte *bithidh e* gu bràth.

## CAIB. XVIII.

**A**GUS an dèigh so bhuail Daibhidh na Philistich, agus cheannsaich e iad; agus ghlac e Gat agus a bhailte beaga as làimh nam Philisteach.

2 Agus bhuail e Moab: agus bha na Moabaich nan seirbhisich aig Daibhidh, agus thug iad tabhartais leo<sup>1</sup>.

3 Agus bhuail Daibhidh Hadareser<sup>2</sup> righ Shobah gu ruig Hamat, an uair a chaidh e a dhaigneachadh a thighearnais<sup>3</sup> aig abhuinn Euphrateis.

4 Agus thug Daibhidh uaith mìle carbad, agus seachd mìle marcach, agus fichead mìle coisiche; agus ghearr Daibhidh speir-eacha *each* nan carbad uile, ach dh'fhag e dhiubh *dìol* cheud carbad.

5 Agus an uair a thàinig Sirianaich Dhamascuis a chuideachadh le Hadareser righ Shobah, mharbh Daibhidh do na Sirianaich dà mhìle fichead fear.

6 An sin chuir Daibhidh freiceadain<sup>4</sup> ann an Siria Dhamascuis; agus bha na Sirianaich nan seirbhisich aig Daibhidh, agus thug iad tabhartais leo, Agus ghléidh an Tighearna Daibhidh gach taobh a chaidh e.

7 Agus ghabh Daibhidh na sgiathan òir a bh'air seirbhisich Hadareseir, agus thug e iad gu h-Ierusalem.

8 Agus o Thibat agus o Chun, bailtibh Hadarseir, thug Daibhidh ro-mhòran umha, leis an d'rinn Solamh an fhainge umha, agus na puist, agus na soithichean umha.

9 Agus an uair a chuala Tou<sup>5</sup> righ Hamait gu'n do bhuail Daibhidh uile shluagh Hadareseir righ Shobah,

10 Chuir e Hadoram a mhac gu righ Daibhidh, a chur fàilte air, agus g'a bheannachadh, a chionn gu'n do chog e 'n aghaidh Hadareseir, agus gu'n do bhuail se e; (oir bha Hadareser a' cogadh ri Tou); agus leis-san gach uile ghne shoithichean òir, agus airgid, agus umha.

11 Iad sin mar an ceudna choisrig righ Daibhidh do'n Tighearna, maille ris an airgid agus an òr a thug e o na cinneachaibh so uile; o Edom, agus o Mhoab, agus o chloinn Amoin, agus o na Philistich, agus o Amalec.

12 Os-bàrr, mharbh Abisai mac Sheruiah do na h-Edomaich, ann an gleann an t-salainn; ochd mìle deug.

13 Agus chuir e freiceadain ann an Edom, agus bha na h-Edomaich uile nan seirbhisich aig Daibhidh. Agus ghléidh an Tighearna Daibhidh gach taobh a chaidh e.

14 Agus rìoghaich Daibhidh air Israel uile; agus bha e a' cur an gnìomh breith-eanais agus ceartais d'a shluagh uile.

15 Agus bha Ioab mac Sheruiah os cionn na h-armailte, agus Iehosaphat mac Ahiluid na sheanachaidh;

16 Agus Sadoe mac Ahituib, agus Ahimelech<sup>6</sup> mac Abiatair, nan sagartaibh; agus Sabhsa na sriobhuiche;

17 Agus Benaiah mac Iehoiada os cionn nan Cereteach, agus nam Peleteach. Agus b'iad mic Dhaibhidh bu mhò inbhe mu thimchioll an righ.

## CAIB. XIX.

**A**GUS an dèigh so fhuair Nahas righ chloinn Amoin bàs, agus rìoghaich a mhac na àit.

2 Agus thubhairt Daibhidh, Nochdaidh<sup>7</sup> mi caoinhnas do Hanun mac Nahais, a chionn gu'n do nochd 'athair-san caoinhnas dhomhsa. Uime sin chuir Daibhidh teachdairean gu comhfhurtachd<sup>8</sup> a thoirt da mu thimchioll 'athar: agus thàinig seirbhisich Dhaibhidh do fhearann chloinn Amoin gu Hanun, chum comhfhurtachd a thabhairt da.

3 Ach thubhairt ceannardan chloinn Amoin ri Hanun, An saoil thusa gur ann a chum urram a thabhairt do t'athair a chuir Daibhidh a't' ionnsuidh luchd-comhfhurtachd? nach ann a rannsachadh, agus a ghabhail beachd air an fhearann, agus g'a sgrios<sup>9</sup>, a thàinig a sheirbhisich a't' ionnsuidh?

4 Uime sin ghlac Hanun seirbhisich Dhaibhidh, agus bhearr e iad, agus ghearr e an eudach sa' mheadhon, gu ruig am mäsan; agus chuir e air falbh iad.

5 Agus chaidh daoine, agus dh'innis iad do Dhaibhidh mar a bhuineadh ris na fearaibh, agus chuir esan teachdairean nan coinneamh, a chionn gu'n robh nàire mhòr air na daoineibh: agus thubhairt an righ, Fanaibh ann an Iericho gus am fàs bhur feusag, agus an sin pillibh.

6 Agus an uair a chunnaic clann Amoin gu'n d'rinn siad iad fèin gràineil<sup>10</sup> do Dhaibhidh, chuir Hanun agus clann Amoin mìle talann airgid a thuarasdalachadh charbad agus marc-shluaigh dhoibh a Mesopotamia, agus a Siria-maachah, agus a-Sobah.

7 Agus thuarasdalaich iad dà mhìle deug thar fhichead fear, agus carbadan<sup>11</sup>, agus righ Mhaachah agus a shluagh; agus thàinig iadsan agus champaich iad fa chomhair Mhedeba. Agus chruinnich clann Amoin iad fèin an ceann a chèile as am bailtibh, agus thàinig iad chum catha.

<sup>1</sup> dh'òc iad cìs dha. <sup>2</sup> Hadadeser. <sup>3</sup> a làimhe. Eabh. <sup>4</sup> II. Sam. Caib. VIII. r. 6. <sup>5</sup> Toi. <sup>6</sup> Abimelech. <sup>7</sup> Feuchaidh. <sup>8</sup> solas.

<sup>9</sup> g'a chur bun os cionn. Faic. II. Sam. Caib. X. r. 3. <sup>10</sup> fuathach. <sup>11</sup> dà mhìle dheug thar fhichead carbad.

8 Agus an uair a chuala Daibhidh sin, chuir e mach Ioab, agus uile fheachd<sup>1</sup> nan daoine treuna.

9 Agus thàinig clann Amoin a mach, agus chuir iad an cath an ordugh fa chomhair geataidh a' bhaile: agus bha na righ-rean, a thàinig, leo fèin anns a' mhachair.

10 Agus an uair a chunnaic Ioab gu'n robh aghaidh a' chatha ris air a bheulaoth, agus air a chùlaobh, thagh e mach cuid do uile dhaoibh taghta Israel, agus chuir e ann an ordugh catha iad an aghaidh nan Sirianach.

11 Agus a' chuid eile do'n t-sluagh thug e thairis do làimh Abisai a bhràthar, agus chuir iadsan iad fèin an ordugh an aghaidh chloinn Amoin.

12 Agus thubhairt e, Ma bhios na Sirianaich ni's treise na mise, an sin cuidichidh tusa leamsa: ach ma bhios clann Amoin ni's treise na thusa, an sin cuidichidh mise leatsa.

13 Bi misneachail, agus biomaid gaisgeil air son ar sluaigh, agus air son bhailtean ar Dé: agus deanadh an Tighearn an *ni a ta* maith na shùilibh.

14 Agus thàinig Ioab am fagus, agus an sluaigh, a bha maille ris, an aghaidh nan Sirianaich gu cath: agus theich iad roimhe.

15 Agus an uair a chunnaic clann Amoin gu'n do theich na Sirianaich, theich iadsan mar an ceudna roimh Abisai a bhràthair, agus chaidh iad a steach do'n bhaile. An sin thàinig Ioab gu h-Ierusalem.

16 Agus an uair a chunnaic na Sirianaich gu'n do bhuailleadh iad roimh Israel, chuir iad teachdairean uatha, agus thug iad a mach na Sirianaich a bh'air an taobh thall do'n abhuinn; agus chaidh Sophach ceannard armailte Hadereser, rompa.

17 Agus an uair a dh'innsadh sin do Dhaibhidh, chruinnich e Israel uile, agus chaidh c thar Iordan, agus thàinig e orra, agus chuir e'n cath an ordugh nan aghaidh. Agus an uair a chuir Daibhidh an cath an ordugh an aghaidh nan Sirianach, chog iad ris.

18 Agus theich na Sirianaich roimh Israel, agus mharbh Daibhidh do na Sirianaich *fir* sheachd mìle carbad, agus dà fhichead mìle coisiche, agus mharbh e Sophach ceannard na h-armailte.

19 Agus an uair a chunnaic seirbhisich Hadereser gu'n do bhuailleadh iad roimh Israel, rinn iad sìth ri Daibhidh, agus rinn iad seirbhis da: agus cha chuidicheadh na Sirianaich le cloinn Amoin tuille.

## CAIB. XX.

**A**GUS aig teachd mu'n cuairt na bliadhna, mu'n àm anns an d'théid rìghrean a mach *gu cogadh*, tharruing Ioab a mach neart an airm, agus chuir e fàs dùthaich chloinn Amoin, agus thàinig e

agus theannaich e Rabah; (ach dh'fhan Daibhidh ann an Ierusalem;) agus bhuail Ioab Rabah, agus sgrios se e.

2 Agus thug Daibhidh crùn an rìgh bhàrr a chinn, agus fhuir e cudthrom tàlann òir ann, agus bha clacha luachmhor ann; agus chuireadh e air ceann Daibhidh; agus thug e mach ro-mhòran creiche as a' bhaile.

3 Agus thug e mach an sluaigh a bha ann, agus ghearr e iad le sàbhan, agus le h-innealaibh-bualaidh<sup>2</sup> iaruin, agus le tuaghaibh: agus mar so bhuin Daibhidh ri uile bhailtibh chloinn Amoin. Agus phill Daibhidh agus an sluaigh uile gu h-Ierusalem.

4 Agus na dh'éigh so dh'èirich cogadh ann an Geser ris na Philistich: an sin bhuail Sibechei an t-Husatach Sipai, a bha do shliochd an fhamhair, agus cheannsaicheadh iad.

5 Agus bha ris cogadh ris na Philistich: agus bhuail Elhanan mac Iair Lahmi bràthair Gholiath a' Ghithich, aig an robh crann a shleagha mar gharmain<sup>3</sup> figheadair.

6 Agus bha fathast cogadh ann an Gat, far an robh fear do mheudachd mhòir, agus sè meoir aige air *gach làimh*, agus sè air *gach cois*, ceithir thar fhichead an àireamh; agus rugadh esan mar an ceudna do'n fhamhair.

7 Ach an uair a thug e dùbhlán do Israel, mharbh Ionatan mac Shimea, bràthair Dhaibhidh, e.

8 Rugadh iad sin do'n fhamhair ann an Gat; agus thuit iad le làimh Dhaibhidh, agus le làimh a sheirbhisich.

## CAIB. XXI.

**A**GUS sheas Satan suas an aghaidh Israel, agus bhrosnuich e Daibhidh gu Israel àireamh.

2 Agus thubhairt Daibhidh ri Ioab, agus ri uachdaranaibh an t-sluaigh, Rachaidh, àirmhibh Israel o Bheer-seba eadhon gu Dan; agus thugaibh an àireamh a'm' ionnsuidh-sa, chum gu'm bi fios agam air.

3 Agus fhreagair Ioab, Gu'n deanadh an Tighearn a shluagh fèin ceud uair ni's lionmhoire na tha iad. Ach, mo thighearn a rìgh, nach iad seirbhisich mo thighearn iad uile? C'ar son ma seadh a tha mo thighearn ag iarraidh an ni so? C'ar son a bhios e na aobhar ciontaidh do Israel?

4 Gidheadh, bhudhaich focal an rìgh an aghaidh Ioab: uime sin dh'imich Ioab, agus chaidh e air feadh Israel uile, agus thàinig e gu h-Ierusalem.

5 Agus thug Ioab uibhir àircin an t-sluaigh do Dhaibhidh: agus bha ann do Israel uile, mìle do mhillibh agus ceud mìle fear a tharruing claidheamh; agus do Iudah, ceithir cheud agus deich agus trì fichead mìle fear a tharruing claidheamh.

6 Ach Lebhi agus Benjamin cha d'àireamh e nam measg: oir bha focal an rìgh gràineil do Ioab.

<sup>1</sup> armailte, shluagh.<sup>2</sup> cliathaidh.<sup>3</sup> skail.



7 Agus mhi-thaitinn an ni so ri Dia : uime sin bhuail e Israel.

8 Agus thubhairt Daibhidh ri Dia, Pheacaich mi gu mòr, a chionn gu'n d'inn mi an ni so; ach a nis, guidheam ort, thoir air falbh cionta do sheirbhisich; oir rinn mi gu ro-amaidcach.

9 Agus labhair an Tighearna ri Gad, fear-seallaidh Dhaibhidh, ag ràdh,

10 Falbh agus labhair ri Daibhidh, ag ràdh, Mar so tha'n Tighearn ag ràdh, Tri nithe tha mi cur fa d' chomhair; rògnaich dhuit féin aon diubh, chun gu'n dean mi dhuit e.

11 Agus thàinig Gad a dh'ionnsuidh Dhaibhidh, agus thubhairt e ris, Mar so tha'n Tighearn ag ràdh, Gabh do rogh-ainn :

12 Aon ehuid tri bliadhna gortaidh; no bhi tri mìosan a' teicheadh<sup>1</sup> roimh do naimhdeibh, agus claidheamh do naimhdean a' breith ort; no tri laithean do chlaidheamh an Tighearn, cadhon do'n phlàigh anns an fhearann, agus aingeal an Tighearn a' sgrios air feadh uile chrìochan Israeil: a nis uime sin faic ciod a fhreagaireas mi dha-san, a' chuir uaith mi.

13 Agus thubhairt Daibhidh ri Gad, Tha mi ann an teinn mhòir: tuiteam a nis ann an làimh an Tighearna, oir is ro-lionmhor a thròcairean, ach ann an làimh duine na tuiteam.

14 Agus chuir an Tighearna plàigh air Israeil: agus thuit do Israel deich agus tri fichead mìle fear.

15 Agus chuir Dia aingeal gu h-Ierusalem, chum a sgrios: agus an uair a bha e a' sgrios, dh'amhairc an Tighearn, agus ghabh e aithreachas a thaobh an uile, agus thubhairt e ris an aingeal, a bha ri sgrios, Is leòr e; cum a nis air do làimh. Agus sheas aingeal an Tighearna làimh ri urlar-bualaidh Ornain<sup>2</sup> an Iebusaich.

16 Agus thog Daibhidh suas a shùilean, agus chunnaic e aingeal an Tighearn na sheasamh eadar talamh agus nèamh, agus a chlaidheamh rùisgte na làimh. sìnte mach os cionn Ierusalem: agus thuit Daibhidh agus seanairean Israeil, còmhdaichte le saic-eudach, sìos air an aghaidh.

17 Agus thubhairt Daibhidh ri Dia, Nach mise a dh'àithn an sluagh àireamh? Is mise féin a pheacaich, agus a rinn gu ro olc; ach na caoraich so, ciod a rinn iadsan? Bitheadh do làmh, guidheam ort, a Thighearna mo Dhia, a'm aghaidh-sa, agus an aghaidh tighe m'athar; ach an aghaidh do shluagh na bitheadh i, gu plàigh a chur orra.

18 An sin dh'àithn aingeal an Tighearna do Ghad a ràdh ri Daibhidh, gu'n rachadh Daibhidh suas a thogail altarach do'n

Tighearna, ann an urlar-bualaidh Ornain an Iebusaich.

19 Agus chaidh Daibhidh suas air focal Ghaid, a labhair e ann an ainm an Tigh-earna.

20 Agus thionndaidh Ornan air ais, agus chunnaic e an t-aingeal<sup>3</sup>; agus dh'fholaich a cheathrar mac, a bha maille ris, iad féin. A nis bha Ornan a' bualadh cruithneachd.

21 Agus an uair a thàinig Daibhidh a dh'ionnsuidh Ornain, dh'amhairc Ornan agus chunnaic e Daibhidh, agus chaidh e mach as an urlar-bhualaidh, agus ehrom se e féin do Dhaibhidh, le 'aghaidh gu làr.

22 An sin thubhairt Daibhidh ri Ornan, Thoir dhomhsa àit an urlar-bhualaidh so, a chum gu'n tog mi altair ann do'n Tigh-earna: air a làn luach<sup>4</sup> bheir thu dhomh e, a chum gu'n eaisgear a' phlàigh o'n t-sluagh.

23 Agus thubhairt Ornan ri Daibhidh, Gabh thugad<sup>5</sup> e, agus deanadh mo thighearn an rìgh an *ni a ta* maith na shùilibh: feuch, tha mi toirt a' bhuair dhuit ehum iobairtcan-loisgte, agus nan inneala-bualaidh chum connaidh, agus a' chruithneachd chum tabhartais-bidh: sin uile tha mi toirt duit.

24 Agus thubhairt rìgh Daibhidh ri Ornan, Nì h-eadh, ach gu deimhin ceann-aichidh mi iad air an làn luach; oir cha ghabh mi an *ni* a's leatsa gu thoirt do'n Tighearna, agus cha d'hoir mi suas iobairtcan-loisgte gun chostus.

25 Uime sin thug Daibhidh do Ornan air an àite, se ceud secel òir air thomhas.

26 Agus thog Dhaibhidh an sin altair do'n Tighearna, agus dh'ìobair e iobairte-loisgte agus iobairte-sìth, agus ghairm e air an Tighearn; agus fhreagair se e le teine o nèamh air altair na h-iobairt-loisgte.

27 Agus dh'àithn an Tighearna do'n aingeal, agus chuir e suas a chlaidheamh a ris na thruaill.

28 San àm sin, an uair a chunnaic Daibhidh gu'n do fhreagair an Tighearn e ann an urlar-bualaidh Ornain an Iebusaich, dh'ìobair e an sin:

29 Oir bha pàillion an Tighearn a rinn Maois san fhàsach, agus altair na h-iobairt-loisgte san àm sin anns an àit ard ann an Gibeon.

30 Ach cha b'urrainn Daibhidh dol na làthair, a dh'fhiosrachadh do Dhia; oir bha e fuidh eagal air son claidheimh aingil an Tighearna.

#### C A I B. XXII.

**A** GUS thubhairt Daibhidh, Is e so<sup>6</sup>, tigh an Tighearna Dé; agus is i so altair na h-iobairte-loisgte do Israeil.

2 Agus dh'àithn Daibhidh na coigrich, a bha ann am fearann Israeil, a chruinnachadh an ceann a chéile; agus chuir e clach-

<sup>1</sup> air do chluaidh. Faic. II. Sam. Caib. XXIV. r. 13. <sup>2</sup> Araunah. II. Sam. Caib. XXIV. r. 16.

<sup>3</sup> an rìgh. <sup>4</sup> làn airgid. Eabh. <sup>5</sup> chugad. <sup>6</sup> an so bithidh.

airean a ghearradh chlach snaidhte a thogail tighe Dhé.

3 Agus sholair Daibhidh iarunn ann am pailteas chum tairngean do chomhlachibh<sup>1</sup> nan geata, agus a chum nan dlùthadh; agus umha ann am pailteas, gun tomhas;

4 Agus fiodh<sup>2</sup> seudair gun àireamh, oir thug na Sidonaich, agus muinntir Thiruis, fiodh seudair am pailteas a dh'ionnsuidh Dhaibhidh.

5 Agus thubhairt Daibhidh, Tha Solamh mo mhac òg agus maoth; agus an tigh a *tha* ri thogail do'n Tighearn, *is coir* a dheanamh mòr agus ard<sup>3</sup>, a chum gu'm bi e ainmeil agus na aobhar uail air feadh gach uile thir: uime sin ulluichidh mise fa chomhair. Agus dh'ulluich Daibhidh gu pailt roimh a bhàs.

6 Agus ghairm e air Solamh a mhae, agus dh'àithn e dha tigh a thogail do'n Tighearna Dia Israeil.

7 Agus thubhairt Daibhidh ri Solamh, A mhic, air mo shòrsa dheth, bha ann am aire tigh a thogail do ainm an Tighearna mo Dhé:

8 Ach thàinig focal an Tighearn a'm' ionnsuidh, ag ràdh, Dhòirt thu mòran fola, agus rinn thu coganna mòra: cha tog thu tigh do m'ainmsa, chionn gu'n do dhòirt thu mòran fola air an talamh a'm' fhianuis.

9 Fench, beirear mac dhuit: bithidh esan na dhuine foistinncach, agus bheir mise fois dha o 'naimhdeibh uile m'an cuairt: oir bithidh Solamh mar ainm air, agus sìth agus suaimhneas bheir mise do Israel r'a linn-san.

10 Togaidh esan tigh do m'ainmsa, agus bithidh e na mhac dhomh, agus *bithidh* mise a'm' athair dha-san; agus daingnidh mi righ-chaitir a rioghachd os cionn Israeil gu bràth.

11 A nis uime sin a mhic gu'n robh an Tighearna maille riut, chum gu'n soirbhich thu, agus gu'n tog thu tigh an Tighearna do Dhé, mar a labhair e mu d' thimehioll.

12 A mhàin gu'n d'thugadh an Tighearna dhuit gliocas agus tuigse, agus gu'n d'thugadh e dhuit àithne a thaobh Israeil, chum gu'n gléidh thu lagh an Tighearna do Dhé.

13 An sin soirbhichidh tu, ma bheir thu 'n aire gu'n coimhlion thu na reachdan, agus na breitheanaid, a dh'àithn an Tighearna do Mhaois a thaobh Israeil: bi làidir agus biodh deagh mhisneach agad, na gabh eagal agus na bi fa uamhann.

14 A nis feuch, ann am theanntachd<sup>3</sup> dh'ulluich mise fa chomhair tighe an Tighearna ceud mìle tálann òir, agus mìle do mhiltibh tálann airgid, agus do umha agus do iarunn gun tomhas (oir a ta ro-phailteas ann:) fiodh mar an ceudna, agus

clachan dh'ulluich mi; ach feudaidh tusa cur riut.

15 Mar an ceudna *tha* luchd-oibre ann pailteas agad, snaidheadairean agus luchd-saoithreach cloiche agus fiodha, agus gach uile ghnè dhaoine tùrail<sup>4</sup> fa chomhair gach gnè oibre.

16 Air an òr, an airgiod, agus an umha, agus an iarunn, cha 'n eil àireamh, Eirich agus dean romhad, agus gu robh an Tighearna maille riut.

17 Dh'àithn Daibhidh mar an ceudna do uachdaranaibh Israeil gu léir, iad a chuidcachadh le Solamh a mhac, *ag ràdh*,

18 Nach 'eil an Tighearna bhur Dia maille ribh, agus nach d'thug e dhuibh suaimhneas<sup>5</sup> air gach taobh? oir thug e luchd-àitcachaidh na tìre a'm' làimh-sa, agus tha'n tìr air a cìosnachadh roimh an Tighearn, agus roimh a shlugh.

19 A nis uime sin socraichibh bhur cridhe agus bhur n-anam a dh'iarraidh an Tighearna bhur Dé: éiribhse agus togaibh ionad naomh an Tighearna Dé, chum gu'n d'thoir sibh steach airc coimhcheangail an Tighearna, agus soithichean naomha Dhé, do'n tigh a tha r'a thogail do ainm an Tighearna.

## CAIB. XXIII.

**A** NIS an uair a bha Daibhidh sean agus làn do laithibh, rinn e Solamh, a mhac, na righ air Israel.

2 Agus chruinnich e 'n ceann a chéile ccannardan<sup>6</sup> Israeil uile, agus na sagairt agus na Leibhithich.

3 Agus dh'àirmheadh na Lebhitich o aois dheich bliadhna fichead agus os a chionn: agus b'e an àireamh air an cinn, duinn<sup>7</sup> air dhuine, ochd mìle deug thar fhichead.

4 Dhiubh sin *bha* ceithir mìle fichead gu obair tighe an Tighearn a chur air a h-aghaidh, agus sè mìle nan luchd-riaghlaidh agus nam britheamhnaibh;

5 Agus ceithir mìle nan dorsairibh; agus ceithir mìle a' cliùthachadh an Tighearna leis na h-innealaibh a rinn *Daibhidh*<sup>8</sup> gu cliùthachadh.

6 Agus' roinn Daibhidh iad nan roinnibh<sup>9</sup> eadar mhacaibh Lebhi, *eudhon* Gher-soin, Chohait agus Mherari.

7 Do na Gersonaich; Laadan agus Simeì.

8 Mic Laadain; Ichiel an ccann, agus Setam, agus Ioel, triuir.

9 Mic Shimeì; Sclomit, agus Hasiel, agus Haran, triuir. B'iad sin cinn aithriche Laadain.

10 Agus mic Shimeì; Iahat, Sidsa<sup>9</sup>, agus Ieus, agus Beriah. B'iad sin mic Shimeì, ceathrar.

11 Agus b'e Iahat an ccann, agus Sidsa

<sup>1</sup> dhorsairibh.<sup>2</sup> a dheanamh ro-mhòr.<sup>3</sup> bhochdainn, àmhghar. <sup>4</sup> glic, seòlta. <sup>5</sup> fois.<sup>6</sup> uachdarain. <sup>7</sup> a rinn mise (arsa Daibhidh.)<sup>8</sup> nam buidhnibh mu'n seach: <sup>9</sup> Sina.



an dara fear: ach cha robh mòran mhac aig leus agus Beriah; uime sin bha iad ann an aon àireamh, a réir tighe an aithriche.

12 Mic Chohait; Amram, Itsar, Hebron, agus Udsiel, ceathrar.

13 Mic Amraim; Aaron agus Maois: agus dhealaicheadh Aaron chum gu'n naomhaicheadh e na nithe ro-naomha, e féin agus a mhic gu bráth, gu'n loisgeadh e tùis an làthair an Tighearna, gu'm frith-eileadh e dha, agus gu'm beannaicheadh e a'ainn gu bráth.

14 A nis *mu thimchioll* Mhaois òglaich Dhé, bha a mhic air an ainmeachadh do thréibh Lebhi.

15 Mic Mhaois; Gersom agus Elieser.

16 Mic Ghersoim; Sebul an ceann.

17 Agus b'iad mic Elieseir; Rehabiah an ceann, Agus cha robh aig Elieser mic sam bith eile; ach bha mic Rehabiah ro-lionmhor.

18 Mic Itsair: Selomit an ceann.

19 Mic Hebroin; Ieriah an ceud *fhear*<sup>1</sup>, Amariah an dara, Iahasiel an treas, agus Iecameam an ceathramh.

20 Mic Udsiel; Micah an ceud *fhear*, agus Iesiah an dara.

21 Mic Mherari; Machli agus Musi: mic Mhachli: Eleasair agus Cis.

22 Agus fhuair Eleasair bàs, agus cha robh mic aige, ach a mhàin nigheana: agus ghabh am bràithre mic Chis iad.

23 Mic Mhusi; Machli, agus Eder, agus Icremot, triuir.

24 B'iad sin mic Lebhi, a réir tighe an aithriche, cinn nan aithriche, mar a dh'àirmheadh iad le àireamh an ainmeanna air an cinn, a riun obair seirbhis tighe an Tighearna, o aois fhichead bliadhna agus os a chionn.

25 Oir thubhairt Daibhidh, Tha'n Tighearna Dia Israeil air toirt fois d'a shluagh, agus gabhaidh iad còmhuidh ann an Ierusalem gu bráth.

26 Agus mar an ceudna a thaobh nan Lebhitheach, cha bhi'm pàillium aca *ni's mò* r'a iomchar, agus uile shoithichean a sheirbhis.

27 Oir le briathraibh deireannach Dhaibhidh dh'àirmheadh na Lebhitich o aois fhichead bliadhna agus os a chionn:

28 A chionn gu'm *b'e* an druchd-san bhi fuidh làimh mhac Aaroin fa chomhair seirbhis tighe an Tighearna, anns na cùirtibh, agus anns na seòmraichibh, agus ann an glanadh nan uile nithe naomha, agus ann an obair seirbhis tighe Dhé;

29 Araon fa chomhair an arain thais-beanta, agus fa chomhair na mine mine chum tabhartais-bidh, agus fa chomhair nam breacagan neo-ghoirtichte, agus fa

chomhair nan nithe, a dheasaichear san aghann agus a ròistear, agus fa chomhair gach uile ghnè tomhais agus meud;

30 Agus a chum seasamh gach maduinn, a thoirt buidheachais agus cliu do'n Tighearna, agus mar an ceudna mu fheasgair;

31 Agus a chum gach ìobairt-loisgte thoirt suas do'n Tighearna, air na sàbaidibh, agus air na gealaichibh nuadh<sup>2</sup> agus air na feillibh suidhichte, ann an àireamh, a réir na riaghailt a dh'àithneadh dhoibh a ghnàth an làthair an Tighearna.

32 Agus a chum gu'n gleidheadh iad cùram pàillium a' choimhthionail, agus cùram an ionaid haoimh, agus cùram mhac Aaroin am bràithre, ann an seirbhis tighe an Tighearna.

#### C A I B. XXIV.

**A**GUS is iad so roinnean mhac Aaroin. Mic Aaroin; Nadab, agus Abihu, Eleasair agus Itamar.

2 Ach fhuair Nadab agus Abihu bàs ròimh an athair, agus cha robh clann aca: uime sin fhrithheil Eleasair agus Itamar ann an dreuchd an t-sagairt.

3 Agus roinn Daibhidh iad, araon Sadoc do mhacaibh Eleasair, agus Ahimelech do mhacaibh Itamar; a réir an àireimh 'nan seirbhis.

4 Agus fhuaradh<sup>3</sup> mic Eleasair ni's lionmhoire 'nam prìomh dhaoineibh<sup>4</sup> na mic Itamar; agus mar so roinneadh iad: Do mhacaibh Eleasair bha sè prìomh dhaoine<sup>5</sup> deug, a réir tighe an aithriche; agus do mhacaibh Itamar ochdnar, a réir tighe an aithriche.

5 Agus roinneadh iad le crannchur, iad so leo sin; oir bha uachdarain an ionaid naomha, agus uachdarain nam breitheamh-na<sup>6</sup>, do mhacaibh Eleasair agus do mhacaibh Itamar.

6 Agus sgrìobh Semaiach mac Nctaneeil an sgrìobhuiche, *duine* do na Lebhitich, iad am fianuis an rìgh agus nan uachdaran, agus Shadoic an t-sagairt, agus Ahimelech mhic Abiatair, agus cheann aithriche nan sagart agus nan Lebhitheach; aon phrìomh thigh<sup>7</sup> air a ghabhail air son Eleasair, agus aon air a ghabhail air son Itamar.

7 Agus thàinig a' cheud chrann a mach do Iehoiarib, an dara do Iedaiah.

8 An treas do Iarim, an ceathramh do Sheorim,

9 An cùigeadh do Mhalchiah, an seathadhdh do Mhiamin;

10 An seachdamh do Hacots, an t-ochdamh do Abiah,

11 An naothadhdh do Iesua, an deicheamhdh do Shechaniah,

12 An t-aon-deug do Eliasib, an dara crann deug do Iacim,

<sup>1</sup> an ceann. Eabh. <sup>2</sup> nomha. <sup>3</sup> fhuaras. <sup>4</sup> 'nan ceannaibh dhaoine. Eabh.

<sup>5</sup> ceanna. <sup>6</sup> uachdarain Dhé. Eabh. <sup>7</sup> thigh athar. Eabh.

13 An treas deug do Chupah, an ceathramh deug do Iesebeab,

14 An cuigeadh deug do Bhilgah, an seathadh deug do Imer,

15 An seachdamh deug do Hedsir, an t-ochdamh deug do Aphses,

16 An naothadh deug do Phetahiah, am ficheadamh de Iehesecel,

17 An t-aon thar fhichead do Iachin, an dara thar fhichead do Ghamul,

18 An treas thar fhichead do Dhelaiah, an ceathramh thar fhichead do Mhaasiah.

19 B'e sin an àireamh a réir an seirbhhis chum teachd a steach do thigh an Tighearn, a réir an gnátha, fuidh làimh Aaroin an athar, mar a dh'àithn an Tighearna Dia Israeil dha.

20 Agus a thaobh a' chuid eile do mhacaibh Lebhi: do mhacaibh Amraim; Sabaël<sup>1</sup>: do mhacaibh Shubaeil; Iehdeiah.

21 A thaobh Rahabiah: do mhacaibh Rehabiah, an ceud fhear<sup>2</sup> Isiah.

22 Do na h-Itsaraich: Selomot: do mhacaibh Shelomoit; Iahat.

23 Agus mic Hebroin; Ieriah an ceud fhear, Amariah an dara, Iahasiel an treas, Iecameani an ceathramh.

24 Do mhacaibh Udsiel; Michah: do mhacaibh Mhichah; Samir.

25 B'e bràthair Mhichah Isiah: do mhacaibh Isiah: Sechariah.

26 B'iad mic Mherari, Machli agus Musi: [mic Iaasiah; Beno.

27 Mic Mherari le Iaasiah; Beno, agus Soham, agus Sachur, agus Ibrì.]

28 O Mhachli thàinig Eleasar, aig nach robh mic sam bith.

29 A thaobh Chis: mic Chis; Ierah-meel.

30 Agus mic Mhusi; Machli, agus Eder, agus Ierimot. B'iad sin mic nan Lebhitheach, a réir tighe an aithriche.

31 Agus chuir iad sin mar an ceudna crannchur fa chomhair am bràithre mhac Aaroin, am fianuis Dhaibhidh an rìgh, agus Shadoic, agus Ahimelech, agus cheann aithriche nan sagart agus nan Lebhitheach, eadhon cinn nan aithriche fa chomhair am bràithrean a b'òige.

## CAIB. XXV.

**O**S-làrr, chuir Daibhidh agus ceannardan an t-sluaigh air leth fa chomhair na seirbhhis do mhacaibh Asaiph, agus Heman, agus Iedutuin, daoine a dheanadh fàidheadaireachd<sup>3</sup>, le clàrsaichibh, le saltairibh, agus le ciombalaibh. Agus b'e àireamh an luchd-frithealaidh, a réir an seirbhhis:

2 Do mhacaibh Asaiph; Sachur, agus Ioseph, agus Netaniah, agus Asarelah, mic

Asaiph, fuidh làimh Asaiph a bha re fàidheadaireachd a réir àithne an rìgh.

3 O Iedutun: mic Iedutuin; Gedaliah, agus Seri, agus Iesaiah, agus Simeì, agus Hasabiah, agus Matithah, seathnar fuidh làimh an athar Iedutuin, a bha re fàidheadaireachd le clàrsaich a thoirt buidheachais agus cliù do'n Tighearna.

4 O Heman: mic Heman; Buciah, Mataniah, Udsiel, Subuel, agus Ierimot, Romaniah, Hanani, Eliatah, Gidalti, agus Romamtieser, Iosbecasah, Maloti, Hotir, Mahasiot.

5 B'iad sin uile mic Heman, fhir-seallaidh an rìgh, ann am briathraibh Dhé chum an adharc a thogail suas. Agus thug Dia do Heman ceithir mic dheug agus trì nigheana.

6 Bha iad so uile fuidh làimh an athar, fa chomhair laoidhean tighe Dhé, le ciombalaibh, saltairibh agus clàrsaichibh chum seirbhhis tighe Dhé, fuidh làimh an rìgh, Asaiph, Heman agus Iedutuin<sup>4</sup>.

7 Agus b'e an àireamh maille r'am bràithribh, a fhuair iunnsachadh air laoidhibh an Tighearna, eadhon iad-san uile a bha tùrail, dà cheud ceithir fichead agus ochd-nar.

8 Agus chuir iad crannchur, buidheann an aghaidh buidhne, am beag co maith ris a' mhòr, an t-oid'-iunnsaich co maith ris an fhòghlumach.

9 Agus thàinig an ceud crannchur a mach air Asaph, do Ioseph: an dara do Ghedaliah, dha féin agus d'a bhràithribh agus d'a mhacaibh, dà fhear dheug:

10 An treas do Shachur, d'a mhacaibh agus d'a bhràithribh, dà fhear dheug:

11 An ceathramh do Isri<sup>5</sup>, d'a mhacaibh agus d'a bhràithribh, dà fhear dheug:

12 An cuigeadh do Netaniah, d'a mhacaibh agus d'a bhràithribh, dà fhear dheug:

13 An seathadh do Bhuciah, d'a mhacaibh agus d'a bhràithribh, dà fhear dheug.

14 An seachdamh do Iesarelah<sup>6</sup>, d'a mhacaibh agus d'a bhràithribh, dà fhear dheug.

15 An t-ochdamh do Iesaiah, d'a mhacaibh agus d'a bhràithribh, dà fhear dheug:

16 An naothadh do Mhataniah, d'a mhacaibh agus d'a bhràithribh, dà fhear dheug:

17 An deicheamh do Shimeì, d'a mhacaibh agus d'a bhràithribh, dà fhear dheug:

18 An t-aon deug do Asareel<sup>7</sup>, d'a mhacaibh agus d'a bhràithribh, dà fhear dheug:

19 An dara crannchur deug do Hasabiah, d'a mhacaibh agus d'a bhràithribh, dà fhear dheug:

20 An treas deug do Shubael, d'a mhac-

<sup>1</sup> Sebuel. Caib. XXIII. r. 16. <sup>2</sup> an ceann. Eabh. <sup>3</sup> a sheinneadh laoidhean fàistineachd.

<sup>4</sup> a réir àithne an rìgh do Asaph, Iedutun agus

Heman.

<sup>7</sup> Udsiel. r. 4.

<sup>5</sup> Seri. r. 3.

<sup>6</sup> Asarelah. r. 2.



aibh agus d'a bhràithribh, dà fhear dheug :

21 An ceathramh deug do Mhatitiah, d'a mhacaibh agus d'a bhràithribh, dà fhear dheug :

22 An cùigeadh deug do Ierimot, d'a mhacaibh agus d'a bhràithribh, dà fhear dheug :

23 An seathadh deug do Hananiah, d'a mhacaibh agus d'a bhràithribh, dà fhear dheug :

24 An seachdamh deug do Iosbecasah, d'a mhacaibh agus d'a bhràithribh, dà fhear dheug :

25 An t-ochdamh deug do Hanani, d'a mhacaibh agus d'a bhràithribh, dà fhear dheug :

26 An naothadh deug do Mhaloti, d'a mhacaibh agus d'a bhràithribh, dà fhear dheug :

27 An ficheadamh do Eliatah, d'a mhacaibh agus d'a bhràithribh, dà fhear dheug :

28 An t-aon thar fhichead do Hotir, d'a mhacaibh agus d'a bhràithribh, dà fhear dheug :

29 An dara thar fhichead do Ghidalti, d'a mhacaibh agus d'a bhràithribh, dà fhear dheug :

30 An treas thar fhichead do Mhahasiot, d'a mhacaibh agus d'a bhràithribh, dà fhear dheug :

31 An ceathramh thar fhichead do Romantieser, d'a mhacaibh agus d'a bhràithribh, dà fhear dheug.

### C A I B. XXVI.

**A** THAOBH roinnean nan dorsair: do na Corhaich, Meseleemiah nac Chore, do mhacaibh Asaiph.

2 Agus mic Mheseleemiah; Secbariah an ceud-ghin, Iediel an dara, Sebadiach an treas, Iatniel an ceathramh.

3 Elam an cùigeadh, Iehohanan an seathadh, Elioenai an seachdamh.

4 Agus mic Obed-edoim; Semaiah an ceud-ghin, Iehosabad an dara, Ioah an treas, agus Sacar an ceathramh, agus Netaneel an cùigeadh,

5 Amiel an seathadh, Isachar an seachdamh, Peultai an t-ochdamh; oir bheannaich Dia e.

6 Agus do Shemaiah, a mhac, rugadh mic, a bha riaghladh tighe an athar; oir bu daoine treun iad.

7 Mic Shemaiah; Otni, agus Rephael, agus Obed, Elsabad: agus b'iad am bràithre, daoine gaisgeil<sup>1</sup>, Elihu agus Semachiah.

8 Iad sin uile do mhacaibh Obed-edoim: iad fèin agus am mic agus am bràithrean, daoine comasach an neart fa chomhair na seirbhis, nan tri fichead agus a dhà, o Obed-edom.

9 Agus bha aig Meseleemiah mic agus bràithre, daoine gaisgeil, ochd fir dheug.

10 Agus bha aig Hosah do chloinn Mherari, mic; Simri an ceann: (oir ge nach b'e an ceud-ghin, gidheadh rinn athair e 'na cheann:)

11 Hilciah an dara fear, Tcbaliah an treas, Secbariah an ceathramh: uile mhic agus bhràithrean Hosah tri deug.

12 Dliubh sin bha roinnean nan dorsair, eadhon do na prìomh dhaoineibh a bha re faire fa chomhair am bràithrean, gu frith-ealadh ann an tigh an Tighearna.

13 Agus thilg iad croinn, am beag co maith ris a' mhòr, a réir tighe an aithriche, air son gach geataidh.

14 Agus thuit an crannchur a làimh na h-aid' an ear air Seleemiah: agus thilg iad croinn air son a mhic Secbariah, (comhairliche glic,) agus thàinig a chrannchur-san a mach mu thuath.

15 Do Obed-edom mu dheas, agus d'a mhacaibh tigh Asupim<sup>2</sup>.

16 Do Shupim agus do Hosah a làimh na h-aid' an iar, maille ris a' gheatadh Salechet, làimh re cruaidh-rathad<sup>3</sup> na h-uchdaich, faire fa chomhair faire.

17 Air an taobh an ear bha seathnar Lebhitheach, air an taobh mu thuath ceathrar gach là, air an taobh mu dheas ceathrar gach là, agus air taobh Asupim dithis agus dithis.

18 Aig Parbar a làimh na h-aid' an iar, ceathrar aig a' chruaidh-rathad, agus dithis aig Parbar.

19 Is iad sin roinnean nan dorsair do mhacaibh Chore, agus do mhacaibh Mherari.

20 Agus do na Lebhitich, bha Ahiah os cionn ionmhasan tighe Dhé, agus os cionn ionmhasan nan nithe naomha.

21 A thaobh mhac Laadain: mic a' Ghersonaich Laadain, prìomh aithriche, eadhon o Laadan an Gersonach bha Icheli.

22 Mic Icheli; Setam, agus Ioel a bhràithir, a bha os cionn ionmhasan tighe an Tighearna.

23 Do na Hamramaich, do na h-Iadsaraich, do na Hebronaich, agus do na h-Udsielich.

24 Agus bha Sebucl mac Ghersoim, mhic Mhaois, 'na ard riaghlair air na h-ionmhasaibh.

25 Agus a bhràithre Ic Elieser; Rehabiah a mhac, agus Iesaiach a mhac-san, agus Ioram a mhac-san, agus Sichri a mhac-san, agus Selomit a mhac-san.

26 B'e Selomit so agus a bhràithrean, a bha os cionn uile ionmhasa nan nithe cois-rigte, a choisrig Daibhidh an rìgh, agus cinn nan aithriche, agus an ceannarda mhilte agus cheud, agus ceannardan an t-sloigh.

27 As na cathaibh, agus as na creachaibh,

<sup>1</sup> mic gaisge. Eabh.

<sup>2</sup> tigh an tionail.

<sup>3</sup> causey. Sasg.

choisrig iad *tabhartais* a chàramh tighe an Tighearna.

28 Agus gach uile *ni* a choisrig Samuel an fear-seallaidh, agus Saul mac Chis, agus Abner mac Ner, agus Ioab mac Sheruiah, agus ge b'e neach a choisrig *ni air bith*, *bha sin* fo làimh Shelomit agus a bhràithrean.

29 Do na h-Idsaraich, *bha* Chenaniah agus a mhic fa chomhair nan gnothuichean o'n leth muigh, os cionn Israeil 'nan luchd-riaghlaidh ' agus 'nam breithearnhnaibh.

30 Do na Hebronaich, *bha* Hasabiah agus a bhràithre, daoine gaisgil, mìle agus seachd ceud fear, 'nan luchd-riaghlaidh air Israel air an taobh so do Iordan a làimh na h-àirde 'n iar, ann an uile gnothuichibh an Tighearna, agus ann an seirbhis an rìgh.

31 Do na Hebronaich, *b'e* Ieriah 'ceann nan Hebronach a réir ginealach aithriche. Anns an dà fhicheadamh bliadhna do rìoghachadh Dhaibhidh, dh'iarradh iad, agus fhuaradh 'nam measg daoine treun ann an Iaser Ghilead.

32 Agus a bhràithre, daoine gaisgil, dà mhìle agus seachd ceud, cinn nan teaghlach: agus rinn Daibhidh iad 'nan riaghlad-airibh os cionn nan Reubeneach, agus nan Gadach, agus leth-thréibh Mhanaseh, auns gach *ni* a bhuineadh do Dhia agus ann an gnothuichibh an rìgh.

## CAIB. XXVII.

**A** NIS *bha* clann Israeil, a réir an àireimh, eadhon cinn nan aithriche<sup>2</sup>, agus na ceannarda mhilte agus cheud, agus an luchd-riaghlaidh, a' fìithealadh do'n rìgh anns gach cùis a bhuineadh do na roinnibh, a bha teachd a steach agus a' dol a mach mìos air mhìos, air feadh uile mhìos na bliadhna: anns gach roinn *bha* ceithir mìle fichead fear.

2 Os cionn na ceud roinne fa chomhair a' cheud mhìos *bha* Iasobeam mac Shab-deil: agus 'na roinn-san *bha* ceithir mìle fichead.

3 Do chloinn Pheres *bha* ceann uile cheannardan an t-slàigh fa chomhair a' cheud mhìos.

4 Agus os cionn roinn an dara mìos *bha* Dodai an t-Aholach, agus air a roinn-san *b'e* Miclot an fear-riaghlaidh: agus 'na roinn-san mar an ceudna *bha* ceithir mìle fichead.

5 *B'e* treas ceannard an t-slàigh fa chomhair an treas mìos Benaiah, mac Iehoiada, ard shagairt: agus 'na roinn-san *bha* ceithir mìle fichead.

6 So am Benaiah ud a bha treun am measg an deich thar fhichcad, agus os cionn an deich thar fhichcad: agus 'na roinn-san *bha* Amisabad a mhac.

7 *B'e'n* ceathramh ceannard, fa chomhair

a' cheathramh mìos Asabel, bràthair Ioab, agus Sebadiah a mhac 'na dhéigh: agus 'na roinn-san *bha* ceithir mìle fichead.

8 *B'e'n* cùigeadh ceannard, fa chomhair a' chùigeadh mìos, Samhut an t-Israhach: agus 'na roinn-san *bha* ceithir mìle fichead.

9 *B'en* seathadh ceannard, fa chomhair an t-seathadh mìos, Ira, mac Ieais, an Tecothach: agus 'na roinn-san *bha* ceithir mìle fichead.

10 *B'e'n* seachdamh ceannard, fa chomhair an t-seachdamh mìos Heles, am Pelonach do chloinn Ephraim: agus 'na roinn-san *bha* ceithir mìle fichead.

11 *B'e'n* t-ochdamh ceannard, fa chomhair an ochdamh mìos, Sibecai an t-Husatach do na Sarhaich: agus na roinn-san *bha* ceithir mìle fichead.

12 *B'e'n* naothadh ceannard, fa chomhair an naothadh mìos, Abieser an t-Anetotach do chloinn Iamin: agus na roinn-san *bha* ceithir mìle fichead.

13 *B'e'n* deicheamh ceannard, fa chomhair an deicheamh mìos, Maharai an Netophatach do na Sarhaich: agus na roinn-san *bha* ceithir mìle fichead.

14 *B'e'n* t-aon cheannard deug, fa chomhair an aon mhìos deug, Benaiah am Piratonach do chloinn Ephraim: agus na roinn-san *bha* ceithir mìle fichead.

15 *B'e'n* dara ceannard deug, fa chomhair an dara mìos deug, Heldai an Netophatach o Otniel: agus na roinn-san *bha* ceithir mìle fichead.

16 Os-bàrr, os cionn thruabh Israeil: *b'e* ceannard nan Reubeneach, Elieser mac Shichri: nan Simeonach, Sephatiah mac Mhaachah:

17 Nan Lebhitheach, Hasabiah mac Chemuel: nan Aaronach, Sadoc:

18 Ceannard Iudah, Elihu<sup>3</sup> aon do bhràithribh Dhaibhidh: ceannard Isachair, Omri mac Mhichaeil:

19 Shebuluin, Ismaiah mac Obadiah: ceannard Naphtali, Ierimot mac Asriel:

20 Ceannard chloinn Ephraim, Hosea mac Asasiah: leth-thréibh Mhanaseh, Ioel mac Phedaiah.

21 Ceannard leth-thréibh Mhanaseh ann an Gilead, Ido mac Shechariah: Bheniamin, Iaasiel mac Abneir:

22 Dhain, Asarel mac Ierohaim. *B'iad* sin ceannarda thruabh Israeil.

23 Ach cha do ghabh Daibhidh an àircamh o aois fhichead bliadhna agus fuidh: a chionn gu'n dubhairt an Tighearna, gu'n deanadh e Israel lionmhor mar reulta nan nèamh.

24 Thòisich Ioab mac Sheruiah air àircamh, ach cha do chrìochnaich e, a chionn gu'n robh air a shon so fearg an aghaidh Israeil: cha mhò chuireadh sìos an uibhir<sup>4</sup>

<sup>1</sup> luchd-dreuchd.  
na prìomh aithriche.

<sup>2</sup> cinn nan teaghlach,

<sup>3</sup> Eliab.

<sup>4</sup> àireamh.



ann an àireamh<sup>1</sup> eachdraidh rìgh Daibhidh.

25 Agus os cionn ionmhasan an rìgh *bha* Asmabhet mac Adieil : agus os cionn nan tigh-tasgaidh anns na machairibh, anns na mòr-bhailtibh, agus anns na frith-bhailtibh, agus anns na turaibh<sup>2</sup>, *bha* Iehonatan mac Udsiah.

26 Agus os an cionn-san a rinn obair na macharach ann an treabhadh an fhearainn *bha* Esri mac Cheluibh.

27 Agus os cionn nam fìon-lios *bha* Simeil an Ramatach : os cionn toraidh nam fìon-lios fa chomhair nam fìon-thaisgeach *bha* Saldi an Siphmitheach.

28 Agus os cionn nan craobh ola agus nan craobh sicamoir a *bha* sna comhwardaibh iosal *bha* Baal-hanan an Gedereach : agus os cionn nan taisgeach-ola *bha* Ioas.

29 Agus os cionn a' chruidh a *bha* air feurach ann an Saron *bha* Sitrai an Saronach : agus os cionn a' chruidh anns na gleanntaibh *bha* Saphat mac Adlai.

30 Os cionn nan càmhal mar an ceudna *bha* Obil an t-Ismaeleach : agus os cionn nan asal *bha* lehdeiah am Meronotach.

31 Agus os cionn nan treud *bha* Iasis an t-Hagereach. B'iad sin nìle luchd-riaghlaidh na maoin bu le rìgh Daibhidh.

32 Mar an ceudna *bha* Ionatan, bràthair-athar Dhaibhidh na chomhairleach, na dhuine glic, agus na scrìobhuiche : agus *bha* Iehiel mac Hachmoni maille ri mic an rìgh.

33 Agus *b'e* Ahitophel comhairleach an rìgh, agus Husai an t-Architheach compannach<sup>3</sup> an rìgh.

34 Agus an déigh Ahitopheil *bha* Iehoiada mac Bhenajah, agus Abiatar. Agus *b'e* Ioab ceannard armait an rìgh.

CAIB. XXVIII.

**A**GUS chruinnich Daibhidh gu h-Ierusalem uile cheannardan Israeil, ceannarda nan treubh, agus ceannarda nan roinn<sup>4</sup> a *bha* frithealadh do'n rìgh, agus na ceannarda mhltean agus na ceannarda cheud, agus an luchd-riaghlaidh os cionn uile mhaoin agus spréidh an rìgh agus a mhae, leis an luchd-dreuchd, agus na daoineibh cumhachdach agus na daoineibh gaisgheil uile.

2 An sin sheas Daibhidh an rìgh suas air a chosaibh, agus thubhairt e, Eisdibh riunsa, mo bhràithre, agus mo shluagh : *Bha* e agamsa a'm' chridhe tigh-còmhnuidh a thogail do àirc coimheangail an Tighearna, agus do stòl-chos ar Dé-ne, agus dh'ulluich mi fa chomhair na h-oibre :

3 Ach thubhairt Dia rium, Cha tog thu tigh do n'ainm-sa, a chionn gu'n robh thu a't' fhear-cogaich, agus gu'n do dhòirt thu fuil.

4 Gidheadh roghnaich an Tighearna Dia Israeil mi roimh uile thigh m'athar, gu bhi m' rìgh air Israel gu bràth : oir roghnaich e Iudah mar riaghlair, agus a tigh Iudah tigh m'athar-sa, agus am measg mhac m'athar bu toil leis mise a dheanamh a'm' rìgh os cionn Israeil uile.

5 Agus do m' mhacaibh uile (oir thug an Tighearna mòran mhac dhomh) roghnaich e Solamh mo mhac gu suidhe air rìgh-chathair rìoghachd an Tighearna os cionn Israeil.

6 Agus thubhairt e rium, Togaidh Solamh do mhac mo thigh-sa agus mo luch-airte ; oir thagh mi e gu bhi na mhac agam, agus bithidh mise a'm' athair aigesan.

7 Os-bàrr, daingnichidh mi a rìoghachd gu bràth, na bhios esan seasmhach a choimhlionadh m' àitheantan agus mo bhreitheanais, mar air an la'n diugh.

8 A nis uime sin *guidheam oirbh* ann an sealladh Israeil uile, coimhchrinneachaidh an Tighearna, agus ann an éisdeachd ar Dé-ne, gleidhibh agus iarraidh uile àitheantan an Tighearna bhur Dé : chum gu sealbhaich sibh am fearann maith so, agus gu fàg sibh e mar oighreachd d'ar cloinn nar déigh gu bràth.

9 Agus thusa a Sholamh, a mhlìc, biodh aithne agad air Dia t'athar, agus dean seirbhis da le cridhe iomlan, agus le inntinn thoilich : oir tha'n Tighearna a' rannasachadh nan uile chridhe, agus a' tuigsinn uile dhealbhadh nan smuain : ma dh'iarra tus' esan, gheibhear e leat ; ach ma thréigas tu e, tilgidh e uaith thu gu bràth.

10 Thoir an aire a nis, oir thagh an Tighearna thu gu tigh a thogail do'n ionad naomh ; bi làidir agus dean e.

11 An sin thug Daibhidh do Sholamh a mhac, sàmhladh an sgàth-thigh, agus a thighean, agus ionadan-ionmhais, agus a sheòmraichean uachdarach, agus a sheòmraichean an leth stigh, agus àite na caithir-thròcair.

12 Agus sàmhladh nan uile nithe a bhà aige na inntinn<sup>5</sup>, a thaobh luchairtean tìghe an Tighearna, agus a thaobh nan uile sheòmraiche mu'n cuairt, a thaobh ionadan ionmhais tìghe Dhé, agus a thaobh ionadatasgaidh nan nithe coisrigte.

13 Mar an ceudna thaobh roinnean nan sagart agus nan Lebhitheach, agus a thaobh uile oibre seirbhis tìghe an Tighearna, agus a thaobh nan uile shoithiche seirbhis ann an tigh an Tighearna.

14 A thaobh òir air chudthrom chum nithe òir, chum uile inneala gach uile ghnè sheirbhis ; a thaobh airgid chum uile innealan airgid, air chudthrom chum uile inneala gach uile ghnè sheirbhis :

<sup>1</sup> a reir àireimh. <sup>2</sup> caistealaibh. <sup>3</sup> caid-reach, caraid.

<sup>4</sup> nam buidheann. <sup>5</sup> o'n Spiorad.

15 Eadhon an cudthrom chum nan coinnleir òir, agus a chum an lòchrana òir, air chudthrom chum gach coinnleir agus a lòchrana: agus a chum nan coinnleir airgid air chudthrom, chum a' choinnleir agus a lòchrana, a réir feuma gach coinnleir.

16 Agus òr air chudthrom chum bhord an arain thaisbeanta, chum gach buird, agus airgid chum nam bord airgid;

17 Mar an ceudna òr glan chum nan greimichean feòla, agus nan cuach, agus nan copan: agus a chum nan soitheach-ionnlaid òir, òr air chudthrom fa chomhair gach soithich-ionnlaid; agus airgid air chudthrom fa chomhair gach soithich-ionnlaid airgid:

18 Agus a chum altair na tùise òr fìor-ghlan air chudthrom, agus òr fa chomhair samhlaidh carbaid nan cherub, a sgaol a mach an sgiathan, agus a chòmhdach air coimhcheangail an Tighearna.

19 So uile, *arsa Daibhidh*, thug an Tighearna orm a thuigsinn ann an sgrìobhadh le a làimh orm, *eadhon* uile oibre an t-samhlaidh so.

20 Agus thubhairt Daibhidh ri Solamh a mhac, Bi làidir agus gabh misneach, agus dean e: na biodh eagall ort, agus na bi fo uamhas, oir bithidh an Tighearna Dia, mo Dhia-sa, leat; cha 'n fhàilnich e thu, cha mhò a thréigas e thu, agus an crìochnaich thu 'n obair uile fa chomhair seirbhhis tighe an Tighearna.

21 Agus feuch, roinnean nan sagart agus nan Lebhithreach maille riut chum uile sheirbhhis tighe Dhé, agus maille riut a chum gach uile ghnè oibre, gach duine toileach tùrail fa chomhair gach uile-ghnè sheirbhhis; agus na ceannardan agus an sluagh gu h-iomlan freagarrach do t'àith-eantaibh uile.

## CAIB. XXIX.

**A**GUS thubhairt Daibhidh an rìgh ris a' choimhchruinneach uile, Tha Solamh mo mhac, d'an d'rinn Dia a mhàin roghainn, dg agus maoth, agus *tha* 'n obair mòr: oir cha'n ann air son duine, ach air son an Tighearna Dé, *tha* an lùchairt.

2 A nis le m'uile neart dh'ulluich mise fa chomhair tighe mo Dhé, an t-òr chum *nithe* do òr, agus an t-airgid chum *nithe* do airgid, agus an umha chum *nithe* do umha, agus an t-iarunn chum *nithe* do iarunn, agus am fiodh chum *nithe* do fhiodh; clachan onics, agus clachan r'an cur, clachan lonrach agus do iomadh dath, agus gach uile ghnè chlach luachmhor, agus clacha marmoir am pailteas.

3 Os-bàrr, a chionn gu'n do shocrach mi m'aigne air tigh mo Dhé, tha agam do m' sheilbh àraidh féin, do òr agus do airgid a thug mi seachad do thigh mo Dhé, a bhàrr air na dh'ulluich mi uile fa chomhair an tighe naomha,

4 Tri mìle tàlann òir, do òr na h-Ophir,

agus seachd mìle tàlann do airgid fìor-ghlan, a chòmhdachadh bhallachan an tighe.<sup>1</sup>

5 An t-òr fa chomhair *nithe* do òr, agus an t-airgid fa chomhair *nithe* do airgid, agus fa chomhair gach uile ghnè oibre a *nithear* le làimhaibh luchd-cirde. Agus cò a tha toileach air a sheirbhhis a choisreagadh an diugh do'n Tighearna?

6 An sin thug cinn nan aithrich<sup>2</sup> agus uachdarain threubh Israeil, agus na ceannarda mheiltean agus cheud, maille ris an luchd-riaghlaidh os cionn oibre an rìgh, tabhartais uatha gu toileach.

7 Agus thug iad seachad fa chomhair seirbhhis tighe Dhé, do òr cùig mìle tàlann, agus deich mìle darcon, agus do airgid deich mìle tàlann, agus do umha ochd mìle deug tàlann, agus ceud mìle tàlann iarunn.

8 Agus ge b'e aig an d'fhuaradh clacha luachmhora, thug iad seachad iad do ionmhas tighe an Tighearna, le làimh Iehieil a' Ghersonaich.

9 Agus rinn an sluagh gairdeachas, a chionn gu'n d'thug iad uatha gu toileach, a chionn le cridhe iomlan gu'n thug iad tabhartas uatha gu toileach do'n Tighearna: agus rinn Daibhidh an rìgh mar an ceudna gairdeachas le aoibhneas mòr.

10 Air an aobhar sin bheannaich Daibhidh an Tighearn ann am fianuis a' choimhchruinnich uile, agus thubhairt Daibhidh, Gu ma beannaicht' thu, a Thighearna Dhia Israeil, ar n-athar gu saoghal nan saoghal.

11 Is icatsa, O Thighearn, a' mhòrachd, agus an cumhachd, agus a' ghlòir, agus a' bhuaidh, agus a' mhòralachd; oir is leat na h-uile ata air nèamh agus air talamh: is leat an rìoghachd, O Thighearna, agus tha thu air t-ardachadh mar cheann thar na h-uile.

12 Uaitse *tha teachd* araon saibhreas agus urram, agus *tha* thu rìoghachadh os cionn gach uile, agus ann ad làimh *tha* cumhachd agus neart; agus ann ad làimh *tha e neach* a dheanamh mòr, agus neart a thoirt do gach uile.

13 A nis uime sin, ar-Dia-ne, tha sinn a' toirt buidheachais duit, agus a' cliùthachadh t'ainn urramaich.

14 Ach cò mise, agus ciod iad mo shlugh, gu'm biodh e 'nar comas tabhartais a thoirt seachad co toileach air an dòigh so? oir is ann uaitse *tha* na h-uile *nithe*, agus is ann do d' chuid féin a thug sinn duit:

15 Oir is coigrich sinne a'd' fhianuis agus luchd-cuairt, mar ar n-aithrichean uile; mar fhaileus *tha* ar laithean air thalamh, agus cha 'n eil buanas<sup>3</sup> ann.

16 O Thighearn ar Dia, *tha* 'm pailteas

<sup>1</sup> nan tighean. <sup>2</sup> nan teaghlach. <sup>3</sup> faireach.



so uile a dh'ulluich sinne a thogail tighe dhuit fa chomhair t'ainm naomha a' *teachd* o d' làimh féin, agus is leat féin e gu léir.

17 Tha fios agam mar an ceudna, mo Dhia, gu'n dearbh thusa an cridhe, agus gu bheil tlachd agad ann an treibhdhìreas. Do m' thaobh-sa, ann an treibhdhìreas mo chridhe thug mi gu toileach uam mar thabhartas na nithe so uile: agus a nis chunnaic mi le h-aobhneas do shluagh a tha 'n so a làthair a' toirt seachad gu toileach an tabhartais dhuitse.

18 O Thighearna Dhia Abraham, Isaac agus Israeil ar n-aithriche, gléidh so gu bràth ann am breithneachadh smuaintc cridhe do shluagh, agus ulluich an cridhe dhuit féin;

19 Agus thoir do Sholamh mo mhac cridhe iomlan, a ghleidheadh t'àitheanta, do theisteis agus do reachda, agus a dheanamh nan *nithe* so uile, agus a thogail na lùchairt fa chomhair an d'ulluich mise.

20 Agus thubhairt Daibhidh ris a' choimhchrinneachadh uile, A nis beannaichibh an Tighearna bhur Dia. Agus bheannaich an coimhchrinneachadh gu léir an Tighearna Dia an aithriche, agus chrom iad sìos an cinn, agus thug iad urram do'n Tighearn agus do'n rìgh.

21 Agus dh'ìobair iad ìobairtean do'n Tighearna, agus thug iad scachad ìobairte-loisgte do'n Tighearn air an là màireach an deigh an là sin, eadhon mìle tarbh, mìle reithe, agus mìle uan, le'n tabhartais-dìbhe, agus ìobairtean am pailteas air son Israeil uile.

22 Agus dh'ith agus dh'òl iad an làthair an Tighearn air an là sin le mòr shubhach-

as, agus rinn iad Solamh mac Dhaibhidh na rìgh an daradh uair, agus dh'ung iad e do'n Tighearna na ard uachdaran, agus Sadoc na shagart.

23 Agus shuidh Solamh ann an caithir rìoghail an Tighearna mar rìgh an àite Dhaibhidh 'athar, agus shoirbhich leis, agus bha Israel uile ùmhal dha.

24 Agus strìochd na h-uachdarain uile agus na daoine cumhachdach, agus mar an ceudna uile mhic rìgh Daibhidh, iad féin do Sholamh an rìgh.

25 Agus dh'ardaich an Tighearna Solamh gu ro-mhòr an sealladh Israeil uile, agus thug e mòralachd rìoghail dha nach robh aig rìgh sam bith roimhe ann an Israel.

26 Mar so rìoghaich Daibhidh mac Iese os cionn Israeil uile.

27 Agus b'i 'n ùine a rìoghaich e os cionn Israeil dà fhichead bliadhna: ann an Hebron rìoghaich e seachd bliadhna, agus ann an Ierusalem rìoghaich e trì bliadhna deug thar fhichead.

28 Agus fhuair e bàs ann an deagh shean aois, làn do laithilbh, do shaibhreas, agus do urram: agus rìoghaich Solamh a mhac na àite.

29 A nis gnìomhara Sholaimh an rìgh, eadar thoiseach agus dheireadh, feuch, *tha* iad scrìobhta ann an leabhar Shamueil an fhir-seallaidh, agus ann an leabhar Natan an fhàidh, agus ann an leabhar Ghad an fhir-seallaidh.

30 Maille r'a rìoghachadh gu léir, agus a chumhachd, agus na h-aimsircan a chaidh thairis air, agus thar Israel, agus thar uile rìoghachda nan dùchanna.

## DARA LEABHAR NAN EACHDRAIDH.

### CAIB. I.

**A** GUS dhaingnicheadh Solamh mac Dhaibhidh na rìoghachd, agus bha'n Tighearna a Dhia maille ris, agus dh'ard- aich se e gu mòr.

2 Agus dh'àithn Solamh do<sup>1</sup> Israel uile, do na ceannardaibh mhilltean agus cheud, agus do na breitheamhnaibh, agus do gach uachdaran air Israel uile, cinn nan aithriche<sup>2</sup>.

3 Agus chaidh Solamh agus an coimhthional uile maille ris do'n àit ard a bha ann an Gibeon; oir an sin bha pàilliuin coimhthional Dé, a rinn Maois, òglach an Tighearna, anns an fhàsach.

4 Ach àire Dhé thug Daibhidh a nìos

o Chiriat-iearim, do'n àit a dh'ulluich Daibhidh dh'i; oir shuidhich e pàilliuin air a son ann an Ierusalem.

5 Mar an ceudna, bha'n altair umba, a rinn Besaleel mac Uri, mhic Huir, an sin fa chomhair pàilliuin an Tighearna: agus dh'iarr Solamh agus an coimhthional e<sup>3</sup>.

6 Agus chaidh Solamh suas an sin a dh'ionnsuidh na h-altair umba am fianuis an Tighearna, a bha aig pàilliuin a' choimhthional, agus dh'ìobair e oirre<sup>4</sup> mìle ìobairt-loisgte.

7 Air an oidhche sin dh'fhoillsich Dia e féin do Sholamh, agus thubhairt e ris, Iarr ciod a bheir mi dhuit.

<sup>1</sup> labhair Solamh ri. <sup>2</sup> cinn nan teaghlach, 400

na h-ard aithriche. <sup>3</sup> d'a h-ionnsuidh. <sup>4</sup> uirre.

8 Agus thubhairt Solamh ri Dia, Nochd thu do Dhaibhidh, m'athair, caoimhneas mòr, agus rinn thu mise a'm' rìgh na àit <sup>1</sup>.

9 A nis, a Thighearna Dhé, coimhlionar <sup>2</sup> do ghealladh <sup>3</sup> do Dhaibhidh m'athair: oir rinn thu mise a'm' rìgh air sluagh, lionmhor mar dhuslaeh na talmhainn.

10 Thoir <sup>4</sup> dhomh a nis gliocas agus eòlas, a chum as gu'n d'théid mi maeh agus gu'n d'thig mi steach roimh an t-sluagh so: oir cò a's urrainn breth a thabhairt air do shluagh so, a tha co mòr?

11 Agus thubhairt Dia ri Solamh, A chionn gu'n robh so a'd' chridhe, agus nach d'iarr thu beartas, maoin, no cliu, no anam do naimhdean, agus mar an ceudna nach d'iarr thu saoghal fada; ach gu'n d'iarr thu dhuit féin gliocas agus eòlas, leis an d'thugadh tu breth air mo shluagh-sa, air an d'rinn mi thu a'd' rìgh;

12 Tha gliocas agus eòlas air an tabhairt duit, agus bheir mise dhuit beartas, agus maoin, agus cliu, air chor as nach robh a leithid aig na rìghrean a bha romhad, agus a'd' dheigh nach bi a leithid.

13 Agus thàinig Solamh o'n àit ard <sup>5</sup>, a bha ann an Gibeon, gu h-Ierusalem, o làth-air pàilliuin a' choimhthionail, agus rìgh-aich e os eionn Israeil.

14 Agus chruinnich Solamh carbaid agus marc-shluagh: agus bha mìle agus ceithir cheud carbaid aige, agus dà mhìle dheug mareach; agus chuir e iad ann am bailtibh nan carbaid, agus maille ris an rìgh ann an Ierusalem <sup>6</sup>.

15 Agus thug an rìgh air airgid agus air òr a bhi ann an Ierusalem mar na clachan, agus air na crannaibh seudair <sup>7</sup> thug e bhi mar na croinn shicomoir, a tha anns an t-sràth, air lìonmhoireachd.

16 Agus thugadh eich do Sholamh a mach as an Eiphit, agus snàth-lìn: ghabh ceannaichean an rìgh an snàth-lìn air luach.

17 Agus thàinig iad a nìos, agus thug iad a mach as an Eiphit carbaid air she ceud secel airgid, agus each air cheud agus leth-cheud: agus mar sin do uile rìghibh nan Hiteach, agus do rìghibh Shiria, le'n lèimh-san thugadh a mach iad.

## CAIB. II.

**A**GUS shonraich Solamh <sup>8</sup> tigh a thogail do ainm an Tighearna, agus tigh d'a rìoghachd.

2 Agus dh'àireamh Solamh a mach deieh agus trì fichead mìle fear-ionmhair callaich, agus ceithir fichead mìle fear-gearraidh anns a' bheinn, agus trì mìle agus sè ceud a shealltuinn thairis orra.

3 Agus chuir Solamh teachdaire gu Hur-

am <sup>9</sup> rìgh Thirnis, ag ràdh, Mar a rinn thu ri Daibhidh m'athair, agus a chuir thu d'a ionnsuidh craobhan seudair a thogail tighe dha gu còmhnuidh ghabhail ann, dean riumsa.

4 Feuch, tha mi gu tigh a thogail do ainm an Tighearna mo Dhé, chum a chois-reagadh <sup>10</sup> dha, gu tuis chùbhraidh a losgadh na thianuis, agus air son an arain thais-beanta bhith-bhuain <sup>11</sup>, agus air son iobairtean-loisgte air maduinn agus air feasgar, air na sàbaidibh, agus air na gealaichibh nomha, agus air ard fhéilibh an Tighearna ar Dé: gu bràth tha so ceangailte air Israel.

5 Agus bithidh an tigh a thogas mise mòr: oir is mòr ar Dia-ne os cionn nan uile dhé.

6 Ach cò a's urrainn tigh a thogail dha, 'nuair nach cum na nèamha, no nèamha nan nèamh e? Agus cò mise gu'n togainn dha tigh, ach a mhàin a losgadh iobairtean na thianuis?

7 A nis ma ta cuir a m'ionnsuidh duine, teòma <sup>12</sup> air oibreachadh ann an òr, agus ann an airgid, agus ann an umha, agus ann an iarunn, agus ann an corcur, agus ann an dearg, agus ann an gorm, agus a tha eòlach air gearradh gu grinn maille ris na daoineibh ealanta <sup>13</sup> a tha maille riumsa ann an Iudah, agus ann an Ierusalem, a sholair Daibhidh m'athair.

8 Cuir a m'ionnsuidh mar an ceudna craobhan seudair, craobhan giuthais, agus craobhan aluim o Lebanon: oir tha fhios agam gu bheil do sheirbhisich eòlach air nòdh a ghearradh ann an Lebanon: agus feuch, bithidh mo sheirbhisich-sa maille ri d' sheirbhisich-sa,

9 Eadhon a dheasachadh dhomh fiodha ann am pailteas; oir bithidh an tigh a tha mise gu a thogail mòragus iongantach.

10 Agus feuch, bheir mi do d' sheirbhisich, na gearraidhean a ghearas fiodh, fichead mìle tomhas do chrùithneachd buailte, agus fichead mìle tomhas eorna, agus fichead mìle bat fiona, agus fichead mìle bat oladh.

11 Agus fhreagair Hiram rìgh Thiruish ann an scriobhadh, a chuir e dh'ionnsuidh Sholaimh, A chionn gu bheil gràdh aig an Tighearna d'a shluagh, rinn e thusa a'd' rìgh os an cionn.

12 Thubhairt Hiram mar an ceudna, Beannuichte gu robh an Tighearna Dia Israeil, a rinn nèamh agus talamh, a thug do Dhaibhidh an rìgh mac glic, aig am bheil eòlas agus tuigse, a thogadh tigh do'n Tighearna, agus tigh d'a rìoghachd!

13 Agus a nis chuir mi a d' ionnsuidh duine eòlach, aig am bheil tuigse, a bha aig Hiram m'athair <sup>14</sup>,

<sup>1</sup> Faic. I. Rìgh. Caib. III. r. 6. <sup>2</sup> daingnichear, fìrinnichear. <sup>3</sup> t'fhocal. Eabh. <sup>4</sup> Tabhairt. <sup>5</sup> o thurus do'n àit ard. <sup>6</sup> I. Rìgh. Caib. X. r. 26. <sup>7</sup> ceudair. <sup>8</sup> chuir Solamh roimhe. <sup>9</sup> Hiram.

I. Rìgh. Caib. V. r. I. <sup>10</sup> naomhachadh. <sup>11</sup> lathail. <sup>12</sup> eòlach, glic. <sup>13</sup> glìce. <sup>14</sup> duine. eòlach aig am bheil tuigse, eadhon Hiram m'athair.



14 Mac mnà do nigheanaibh Dhain, agus 'athair na dhuine o Thirus, tèdha<sup>1</sup> air oibreachadh ann an òr, agus ann an airgid, ann an umha, ann an iarunn, ann an cloich, agus ann am fiodh, ann an corcur, ann an gorm, agus ann an anart grinn, agus ann an dearg; agus air gearradh gach gnè gearraidh, agus air dealbhadh gach nì innleachdaich a chuirear fa chomhair, maille ri d' dhaoineibh ealanta-sa, agus daoineibh ealanta mo thighearna Dhaibhidh 'athair.

15 A nis air an aobhar sin an cruithneachd, agus an t-eorna, an oladh, agus am fion air an do labhair mo thighearna, cuireadh e iad a dh'ionnsuidh a sheirbhis-each:

16 Agus gearraidh sinne fiodh a Lebanon, a réir gach feum a bhios agad, agus bheir sinn a t'ionnsuidh e na ràthaibh air muir gu Iopa, agus bheir thusa suas e gu Ierusalem.

17 Agus dh'àireamh Solamh na coigrich uile a bha ann an tìr Israeil, an deigh an àireimh leis an d'àireamh Daibhidh 'athair iad; agus fhuaradh ann diubh ceud agus leth-cheud mìle, agus trì mìle agus sè ceud.

18 Agus rinn e trì fichead agus deich mìle dhiubh. nan luchd-iomchair eallach, agus ceithir fichead mìle nan gearradairibh anns an t-sliabh, agus trì mìle agus sè ceud nan luchd-anhaire thairis a thoirt air an t-sluagh obair a dheanamh.

### C A I B. III.

**A**GUS thòisich Solamh air togail tighe an Tighearna ann an Ierusalem air sliabh Mhoriah, far an d'fhoillsicheadh an Tighearna do Dhaibhidh 'athair, anns an àit a dh'ulluich Daibhidh ann an urlar-bualaidh Ornain an Iebusaich.

2 Agus thòisich e air togail air an dara mìos<sup>2</sup>, anns a' cheathramh bliadhna d'a rìoghachadh.

3 Agus is iad so na nithe a shuighicheadh le Solamh<sup>2</sup> chum tigh Dhé a thogail: am fad ann an làmh-choille a réir a' cheud tomhais, trì fichead làmh-choille, agus an leud fichead làmh-choille.

4 Agus an sgàth-thigh a bha air beulaobh an tìghe, fichead làmh-choille 'fhad, a réir leoid an tìghe, agus ceud agus fichead làmh-choille. airde: agus chòmhdach e thairis e air an taobh a stigh le h-òr fìor-ghlan.

5 Agus an tigh mòr chòmhdach e le fiodh giuthais, agus chòmhdach e thairis e le h-òr fìor-ghlan, agus thug e air craobhan-pailme éirigh suas air, agus slabhradhean.

6 Agus sgeadaich<sup>4</sup> e an tigh le clach-

aibh uaisle air sgàth sgéimhe; agus b'e an t-òr òr Pharbhaime.

7 Agus chòmhdach e thairis an tigh, na sailithean, na puist, agus a bhallachan, agus a dhorsan, le h-òr; agus ghearr e cheruban air na ballaibh.

8 Agus rinn e 'n tigh ro-naomha: 'fhad a réir leoid an tìghe, fichead làmh-choille, agus a leud fichead làmh-choille: agus chòmhdach e thairis e le h-òr fìor-ghlan, a thàinig gu sè ceud tàlann.

9 Agus b'e cothrom nan tairngean leth-cheud seel òir: agus chòmhdach e thairis na seomraichean uachdarach le h-òr.

10 Agus anns an tigh ro-naomha rinn e dà cherub do obair sho-ghluaishte, agus chòmhdach e thairis le h-òr iad.

11 Agus bha sgiathan nan cherub fichead làmh-choille air fad: aon sgiath cùig làmh-choille, a' ruigheachd gu balladh an tìghe; agus an sgiath eile cùig làmh-choille, a' ruigheachd gu sgiath a' cheruib eile:

12 Agus sgiath a' cheruib eile cùig làmh-choille, a' ruigheachd gu balladh an tìghe; agus an sgiath eile cùig làmh-choille, tàhta ri sgiath a' cheruib eile.

13 Sgaoil sgiathan nan cherub sin iad fcin a mach fichead làmh-choille: agus sheas iad air an cosaibh, agus an aghaidhean ris an taobh a stigh.

14 Agus rinn e am brat<sup>5</sup> do ghorm, agus do chorcur, agus do dhearg, agus do anart grinn, agus dh'oibrich e cheruban air.

15 Agus rinn e air beulaobh an tìghe dà phost cùig làmh-choille deug thar fhichead<sup>6</sup> air airde, agus an ceann a bha air mullach gach aon diubh cùig làmh-choille.

16 Agus rinn e slabhradhean, mar anns a' ghuth-àit, agus chuir e iad air mullach nam post, agus rinn e ceud pomgranat, agus chuir e iad air na slabhradhibh.

17 Agus chuir e suas na puist air beulaobh an teampuill, aon air an làimh dheis, agus aon air an làimh chli. Agus thug e Iachin mar ainm air a' phost air an làimh dheis, agus Boas mar ainm air a' phost air an làimh chli.

### C A I B. IV.

**A**GUS rinn e altair umha: fichead làmh-choille a fad, agus fichead làmh-choille a leud, agus deich làmh-choille a h-airde.

2 Agus rinn e muir leaghta, deich làmh-choille o bhile gu bile, cruinn mu'n cuairt, agus cùig làmh-choille a h-airde; agus chuairtich snàthainn dheich làmh-choille thar fhichead i mu'n cuairt.

3 Agus fuidhe<sup>7</sup> bha coslas dhamh<sup>8</sup>, a chuairtich i mu'n cuairt, deich anns an làmh-choille a' dol mu thinnicholl na mara

<sup>1</sup> seòlta. <sup>2</sup> air an dara la do'n dara mìos. <sup>3</sup> na nithe anns an do sheòladh Solamh. <sup>4</sup> chòmhdach. <sup>5</sup> an roim-bhrat. <sup>6</sup> o chd làmh-choille

deug, I. Rìgh. Caib. VII. r. 15. <sup>7</sup> fuidhe, foipe. <sup>8</sup> mheall. I. Rìgh. Caib. VII. r. 24.

mu'n cuairt. Thilgeadh dà shreath dhamh an uair a thilgeadh i fèin.

4 Sheas i air dà dhamh dheug, trì ag amharc gu tuath, agus trì ag amharc an iar, agus trì ag amharc gu deas, agus trì ag amharc an ear: agus *chuireadh* a' mhuir orra gu h-ard, agus *bha* a' chuid-dheiridh dhiubh uile a stigh.

5 Agus *bha* leud boise air tiuighead innte, agus *bha* a bile air a dheanamh mar bhile copain, le blàthaibh lili: ghabh i agus chum i trì mìle<sup>1</sup> bat.

6 Agus rinn e deich soithichean-ionnlaid, agus chuir e cùig dhiubh air an làimh dheis, agus cùig air an làimh chli, a dh'ionnlad annta: nithe na h-òbairt-loisgte nigh iad annta; ach *bha* a' mhuir air son nan sagart, a dh'ionnlad innte.

7 Agus rinn e deich coinnleirean òir a rèir an cumaidh, agus chuir e *iad* anns an teampull, cùig air an làimh dheis, agus cùig air an làimh chli.

8 Agus rinn e deich buird, agus chuir e *iad* anns an teampull, cùig air an làimh chli: agus rinn e cend cuach òir.

9 Agus rinn e cùirt nan sagart, agus a' chùirt mhòr, agus dorsan air son na cùirte, agus chòmhdach e an dorsan thairis le h-umha.

10 Agus chuir e a' mhuir air an taobh deas do'n cheann an ear, fa chomhair na h-àirde deas.

11 Agus rinn Hiram na h-aighnean<sup>2</sup>, agus na sluasaidean, agus na cuachan, agus chuir Hiram crìoch air deananh na h-oibre a rinn e do rìgh Solamh ann an tigh Dhé;

12 *Eadhon* an dà phost, agus na cuairtean, agus na cinn, a *bh'* air mullach an dà phuist, agus an dà lìon-obair a chòmhdachadh dà chuairt nan ceann, a *bh'* air mullach nam post.

13 Agus ceithir cheud pomgranat do'n dà lìon-obair; dà shreath phomgranat do gach lìon-obair, a chòmhdachadh dà chuairt nan ceann, a *bh'* air na phuist.

14 Agus rinn e buinn, agus rinn e soithichean-ionnlaid air na buinn:

15 Aon mhuir, agus dà dhamh dheug fuidhe<sup>3</sup>:

16 Agus na h-aighnean, agus na sluasaidean, agus na greimichean<sup>4</sup> feòla, agus an uidheam<sup>5</sup> uile rinn Hiram<sup>6</sup> do rìgh Solamh ann an tigh an Tighearna do umha lìobhta.

17 Ann an còmhnaidh Iordain thilg an rìgh iad, anns an talamh chreadha<sup>7</sup>, eadar Sucot agus Seredatah.

18 Agus rinn Solamh an t-uidheam so uile ann am mòr-phailteas; oir cha robh e comasach cothrom an umha fhaghail a mach.

19 Agus rinn Solamh an t-uidheam uile

a *bhuineadh* do thigh Dhé, agus an altair òir, agus na buird air an robh aran na fianuis;

20 Agus na coinnlearan maille r'an lòchranabha, chum gu'n loisgeadh iad a rèir a ghnàtha air beulaobh a' ghuth-àite, do òr fìor-ghlan;

21 Agus na blàthan, agus na lòchrain, agus na clobhachan do òr, eadhon do'n òr bu ghloine;

22 Agus na smàladairean, agus na cuachan, agus na spàinean, agus na tùisearain, do òr fìor-ghlan;

23 Agus dol a steach an tighe, a dhorsan a' bhfaide a stigh aig an ionad ro-naomha, agus dorsan tighe an teampull, do òr.

#### CAIB. V.

**A** GUS chrìochnaich eadhon an obair uile, a rinn Solamh air son tighe an Tighearna: agus thug Solamh a stigh nithe naomhaichte Dhaibhidh 'athar: an t-airgid, agus an t-òr, agus na h-innealan uile, chuir e am measg ionmhasan tighe Dhé.

2 An sin chruinnich Solamh seanairean Israeil, agus cinn nan treubh uile, ceannardan aithriche chloinn Israeil, gu h-Ierusalem, chum gu'n d'thugadh iad a mìos àirc coimhcheangail an Tighearna a baile Dhaibhidh, a's e Sion.

3 Agus chruinnich fir Israeil uile iad fèin a dh'ionnsuidh an rìgh air an fhéill [ann am mìos Etanim] is e sin<sup>8</sup> an séachdamh mìos.

4 Agus thàinig uile sheanairean Israeil, agus thog na Lebhithich an àirc.

5 Agus thug iad suas an àirc, agus pàillian a' choimhthionail, agus na soithichean<sup>9</sup> naomh uile, a *bha* sa' phàillian: thug na sagairt agus na Lebhithich iad sin suas.

6 Agus dh'òbair rìgh Solamh, agus coimhthional Israeil uile, a chruinnich d'a ionnsuidh roimh an àirc, caoraich agus crodh, nach robh e'n comas àircamh no mheas, a thaobh lìonmhoireachd.

7 Agus thug na sagairt a steach àirc coimhcheangail an Tighearna d'a h-àite fèin, do ghuth-àit an tighe, do'n ionad a's ro-naomha, eadhon fuidh sgiathaibh nan cherub:

8 Oir sgaoil na cheruban a mach an sgiathan os cionn àite na h-àirde, chòmhdach na cheruban an àirc agus a lunnan gu h-ard.

9 Agus tharruing iad a mach na lunnan, air chor as gu'm faicte cinn nan lunn o'n àirc fa chomhair a' ghuth-àite, ach cha 'n fhaicte a mach iad: agus tha iad<sup>10</sup> an sin gu an la'n diugh.

10 Cha robh nith air bith anns an àirc, ach an dà chlàr a chuir Maois an sin ann an Horeb an uair a rinn an Tighearna

<sup>1</sup> dà mhìle. I. Rìgh. Caib. VII. r. 26. <sup>2</sup> poitean.

<sup>3</sup> fuidhe, foipe. <sup>4</sup> gramuichean. <sup>5</sup> innealan.

<sup>6</sup> Hiram athair; Hiram-ahiu. Eabhl.

<sup>7</sup> chreudhaich. <sup>8</sup> Faic. I. Rìgh: Caib. VIII. r. 2.

<sup>9</sup> na h-innealan, an t-uidheam. <sup>10</sup> i.



*coimhcheangal* ri cloinn Israeil, ag teachd a mach dhoibh as an Eiphit.

11 Agus an uair a thàinig na sagairt a mach as an *ionad* naomha; (oir naomhaicheadh na sagairt uile a *bha* làthair: cha robh iad a' feitheamh *san àm sin* a réir an roinnean<sup>1</sup>;

12 An sin *bha* na Lebhitich, an luchd-seinn, agus iad uile do Asaph, do Heman, do Iedutun, maille r'am macaibh agus am bràithribh, air dhoibh bhi air an sgeadachadh ann an lion-eudach geal, le ciombalaibh, agus le saltairibh, agus le clàrsaichibh, nan seasamh aig a' cheann an ear do'n altair, agus maille ri' ceud agus fichead sagart a' deanamh fuaim le trompaidibh:)

13 Agus *bha* iad mar aon a' deanamh fuaim le trompaidibh, agus a' seinn, a thoirt air aon ghuth a bhi air a chluinntinn a mholadh agus a thoirt buidheachais do'n Tighearna. Ach an uair a thog iad suas an guth leis na trompaidibh, agus na ciombalaibh, agus na h-innealaibh ciuil, agus a *bha* iad a' moladh an Tighearna, a chionn gu *bheil* e maith, a chionn gu *mair* a thròcair gu bràth; an sin lionadh an tigh le neul, tigh an Tighearna.

14 Agus cha b'urrainn na sagairt seasamh a fhrithealadh air sgàth an neoil: oir lion glòir an Tighearna tigh Dhé.

## C A I B VI.

**A**N sin thubhairt Solamh, Thubhairt an Tighearna gu'n gabhadh e còmhnuidh ann an dorchadas tigh.

2 Ach thog mise tigh-còmhnuidh dhuit, agus àite chum thu dh'fhantuinn ann gu bràth.

3 Agus thionndaidh an rìgh 'aghaidh, agus bheannaich e uile choimhthional Israeil, (agus uile choimhthional Israeil nan seasamh.)

4 Agus thubhairt e, Gu ma beannuichte an Tighearna Dia Israeil, a choimhlon le a làmh na labhair e le 'bheul ri m'athair Daibhidh, ag ràdh,

5 O'n là air an d'thug mi mo shluagh a mach a tìr na h-Eiphit, cha do thagh mi baile sam bith a uile threubhaith Israeil a thogail tìghe, chum gu'm biodh m'ainm an sin, agus cha do thagh mi duine sam bith gu bhi na uachdaran os cionn mo shluaigh Israeil.

6 Ach a nis thagh mi Ierusalem, a chum gu'm biodh m'ainm an sin, agus thagh mi Daibhidh gu bhi os cionn mo shluaigh Israeil.

7 Agus *bha* e ann an cridhe Dhaibhidh m'athar tigh a thogail do ainm an Tighearna Dé Israeil.

8 Agus thubhairt an Tighearna ri Daibhidh m'athair, A chionn gu'n robh e ann an ad cridhe tigh a thogail do m' ainm-sa, is maith a rinn thu gu'n robh e ann do chridhe:

9 Gidheadh, cha tog thusa an tigh, ach do mhac a thig a mach as do leasraibh, togaidh esan an tigh do m'ainmsa.

10 Agus choimhlon an Tighearna 'fhocal a labhair e, agus dh'éirich mise suas an àite Dhaibhidh m'athar, agus tha mi a'm' shuidhe air rìgh-chathair Israeil, mar a labhair an Tighearna, agus thog mi an tigh do ainm an Tighearna Dé Israeil.

11 Agus shuidhich mi an sin an àire, anns am bheil coimhcheangal an Tighearna, a rìna e ri cloinn Israeil.

12 Agus sheas e roimh altair an Tighearna, an làthair uile choimhthional Israeil, agus sgaoil e mach a làmh an,

13 (Oir rinn Solamh bonn umha, agus chuir se e ann am meadhan na cùirte, cùig làmbha-coille air fad, agus cùig làmbha-coille air leud, agus trì làmbha-coille air airde; agus sheas e air, agus leag se e fèin air a ghluinibh an làthair choimhthional Israeil uile, agus sgaoil e mach a làmh an gu nèamh.)

14 Agus thubhairt e, A Thighearna Dhé Israeil, cha 'n'eil Dia ann cosmhuil riutsa anns na nèamhaibh, no air an talamh, a chumas coimhcheangal agus tròcair ri d' sheirbhisich, a ghluaiseas a' d'fhianuis le'n uile cridhe:

15 A chum ri t'òglach Daibhidh m'athair an nì a labhair thu ris; oir labhair thu le d' bheul, agus le d' làmh choimhlon thu, mar air an là'n diugh.

16 A nis nìme sin, a Thighearna Dhé Israeil, cum ri t'òglach Daibhidh m'athair an nì a labhair thu ris, ag ràdh, Cha bhi duine dhith ort a'm' fhianuis-sa, a shuidheas air rìgh-chathair Israeil, ma choimhideas a mhàin do chlann an slighe, a ghluasad ann am lagh, mar a ghluais thusa a'm' fhianuis.

17 Agus a nis, a Thighearna Dhé Israeil, daingnichear t'fhocal, a labhair thu ri t'òglach Daibhidh.

18 Ach an gabh Dia d'a rìreadh còmhnuidh maille ri daoineibh air an talamh? feuch, cha chum na nèamha, agus nèamha nan nèamh, thusa; cia is ro lugha na sin an tigh so a thog mise?

19 Gidheadh, amhairc air urnuigh do sheirbhisich, agus air 'athchuinge, a Thighearna mo Dhia, a dh'éisdeachd ris a' ghlaodh agus ris an urnuigh, a tha do sheirbhiseach a' deanamh a'fhianuis;

20 A chum gu'm bi do shùilean fosgailte ris an tigh so a dh'oidhe agus do là, eadhon ris an àite mu'n dubhairt thu gu'n cuireadh tu t'ainm an sin, a dh'éisdeachd ris an urnuigh a nì do sheirbhiseach a dh'ionnsuidh an àite so.

21 Eisd air an aobhar sin ri athchuinge do sheirbhisich, agus do shluaigh Israeil, an uair a nì iad urnuigh a dh'ionnsuidh an àite so; agus éisd thusa o t'àite còmhnuidh, o na nèamhaibh; agus an uair a dh'éisdeas tu, maith dhoibh.

<sup>1</sup> a réir an seil.

22 Ma pheacaicheas duine an aghaidh a choimhearsnaich, agus ma dh'iarraas e mionnan air, a' toirt air mionnachadh, agus gu'n d'thig na mionnan an làthair t-altarach anns an tigh so;

23 An sin éisd thusa o na nèamhaibh, agus dean, agus thoir breth air do sheirbhiseachaibh, ag iocadh do'n aingidh, a' toirt a shlighe air a cheann fèin, agus a' fireanachadh an fhrein, a' tabhairt da a réir 'fhreantachd.

24 Agus ma bhuailear do shluagh Israel an làthair an nàmhaid, a chionn gu'n do pheacaich iad a't' aghaidh, agus ma philleas iad agus gu'n aicidh iad t'ainm, agus gu'n dean iad urnuigh, agus gu'n guidh iad a'd' làthair anns an tigh so;

25 An sin éisd thusa o na nèamhaibh, agus maith peacadh do shluaigh Israeil, agus thoir a ris iad do'n fhearann a thug thu dhoibh fèin agus d'an aithrichibh.

26 An uair a dhruidear na nèamha, agus nach bi uisge ann, a chionn gu'n do pheacaich iad a't' aghaidh-sa, agus a ni iad urnuigh a dh'ionnsuidh an àite so, agus a dh'aidicheas iad t'ainm, agus a dh'iompoichear iad o'm peacadh, an uair a chuireas tu fuidh àmhghar iad;

27 An sin éisd thusa o na nèamhaibh, agus maith peacadh do sheirbhiseach, agus do shluaigh Israeil, a chum as gu'n teagaisg thu dhoibh an t-slighe mhaith air an còir dhoibh gluasad, agus gu'n cuir thu uisge air an fhearann, a thug thu do d' shluagh, mar oighreachd.

28 An uair a bhios gortadh anns an tìr, an uair a bhios plàigh ann, an uair a bhios sèargadh ann, no fuar-dhealt, locust, no burruis; an uair a theannaicheas a nàmhaid e ann an tìr a bhailte, ciod air bith plàigh, agus ciod air bith euslaint a bhios ann;

29 Ge b'e urnuigh, ge b'e atchuinge a chuirear suas le duine sam bith, no le d' shluagh Israel uile, an uair a bhios fios aig gach aon air a phlàigh fèin, agus a dhoilgeas fèin, agus a sgaoileas e mach a làmhnan a dh'ionnsuidh an tìghe so;

30 An sin éisd thusa o na nèamhaibh, o t'àite còmhnuidh, agus maith, agus thoir do gach duine a réir a shlighean uile, a tha fios agad air a chridhe (oir is ann agadsa, agadsa mhàin a tha fios air cridheachaibh chloinn nan daoine);

31 A chum gu'm bi eagal orra romhadsa, a ghluasad ann ad shligheibh rè an laithcan uile bhios iad beo anns an tìr, a thug thu d'ar n-aithrichibh.

32 Os-bàrr, a thaobh a' choigrich, nach 'eil do d' shluagh Israel, ach a thig a tìr chéin air sgàth do mhòr ainme-sa, agus do làimhe laidir, agus do ghairdein sìnte mach, agus a thig agus a ni urnuigh anns an tigh so;

33 An sin éisd thusa o na nèamhaibh, o t'àite-còmhnuidh, agus dean a réir nan uile nithe mu'n glaoth an coigreach riut: a chum gu'm bi eòlas aig uile shlàigh na talmhainn air t'ainm, agus gu'm bi eagal orra romhad, mar *ata air* do shluagh Israel, agus gu'm bi fios aca gu'n goirear t'ainm-sa air<sup>1</sup> an tigh so a thog mise.

34 An uair a théid do shluagh a mach a chogadh an aghaidh an naimhdean air an t-slighe air an cuir thu iad, agus a ni iad urnuigh riut a làimh<sup>2</sup> a' bhaile<sup>3</sup> so, a ròghnaich thusa, agus an tigh a thog mise do t'ainm;

35 An sin éisd thusa o na nèamhaibh r'an urnuigh agus r'an athchuinge, agus cum ceartas riu.

36 An uair a pheacaicheas iad a't' aghaidh (oir cha 'n'eil duine ann nach peacaich,) agus a lasas t'fhearg nan aghaidh, agus a bheir thu thairis iad d'an naimhdeibh, agus a bheir iad leo nam braighdibh iad do thìr am fad no am fagus;

37 Gidheadh ma thig iad gu imtinn cheart anns an tìr d'an d'thugadh nam braighdibh iad, agus ma dh'iompoichear iad, agus ma ni iad urnuigh riut ann an tìr am braighdeanais, ag ràdh, Pheacaich sinn, rinn sinn gu h-eucorach, agus rinn sinn gu h-aingidh;

38 Ma philleas iad a't' ionnsuidh-sa le'n uile chridhe agus le'n uile anam, ann an tìr am braighdeanais, d'an d'thugadh iad nam braighdibh, agus ma ni iad urnuigh a làimh an tìre fèin a thug thu d'an aithrichibh, agus a làimh a' bhaile, a ròghnaich thu, agus a làimh an tìghe, a thog mise do t'ainm;

39 An sin éisd thusa o na nèamhaibh, o t'àite-còmhnuidh, r'an urnuigh agus r'an athchuinge, agus cum ceartas riu, agus maith do d' shluagh a pheacaich a't' aghaidh.

40 A nis, mo Dhia, bitheadh, guidheam ort, do shùilean fosgailte, agus thugadh do chluasan an aire do urnuigh an àite so.

41 Ach a nis éirich thusa, a Thighearna Dhé, do d' àite suaimhneis, thu fèin agus àire do neirt. Bitheadh do shagairt, a Thighearna Dhé, air an sgeadachadh le slàinte, agus deanadh do naoimh gairdeachas ann am maithreas.

42 A Thighearna Dhé, na tionndaidh air falbh gnùis t'aoin ungta: cuimhnich tròcairean Dhaibhidh do sheirbhishich.

## CAIB. VII.

**A**GUS an uair a chuir Solamh crìoch air urnuigh a dheanamh, thàinig an teine a nuas o nèamh, agus loisg e suas an tabhartas-loisgte agus na h-iobairtean; agus lìon glòir an Tighearna an tigh.

2 Agus cha b'urrainn na sagairt dol a steach do thigh an Tighearna, a chionn

<sup>2</sup> gu'n ainmichear ortsa. <sup>2</sup> rathad. Eabh. <sup>3</sup> na 405

cathrach. <sup>4</sup> ma philleas iad d'an cridhe. Eabh.



## II. EACHDRAIDH.

gu'n do lìon glòir an Tighearna tigh an Tighearna.

3 Agus an uair a chunnaic clann Israeil uile mar a thàinig an teine nuas, agus glòir an Tighearna air an tigh, chrom siad iad féin le'n aghaidh sibh chum na talmhainn air an urlar, agus rinn iad aoradh, agus mhol iad an Tighearna, a chionn *gu bheil* e maith, *gu mair* a thròcair gu bràth.

4 An sin dh'ìobair an rìgh agus an sluagh uile ìobairtean an fìanuis an Tighearna.

5 Agus dh'ìobair rìgh Solamh mar ìobairt dà mhìle fichead bò, agus ceud agus fichead mìle caora : agus choisrig an rìgh agus an sluagh uile tigh Dhé.

6 Agus dh'fheith na sagairt air an drcuchd ; na Lebhithich mar an ceudna le innealaibh-ciuil an Tighearna, a rinn Daibhidh an rìgh a mholadh an Tighearna, a chionn *gu mair* a thròcair gu bràth, an uair a bha Daibhidh a' cliùthachadh le'n làimh-san : agus shéid na sagairt trompaidean rompa, agus sheas Israel uile.

7 Agus naomhaich Solamh meadhon na cùirte, a *bha* fa chomhair tìghe an Tighearna : oir thug e suas an sin ìobairte-loisgte, agus sail nan tabhartas-sìth, a chionn nach b'urrainn an altair umha a rinn Solamh na h-ìobairtean-loisgte, agus na tabhartasa-bidh, agus an t-saill, a ghabhail.

8 Agus chum Solamh anns an àm sin an fheill seachd laithean, agus Israel uile maille ris, coimhchrinneachadh ro-mhòr, o dhol a stigh Hamait gu ruig abhuinn na h-Eiphit.

9 Agus air an ochdamh là chum iad ard choimhthional ; oir chum iad coisreagadh na h-altarach seachd laithean, agus an fhéill seachd laithean.

10 Agus air an treas la fichead do'n t-seachdamh mìos leig e an slùagh air falbh d'am bùthaibh, aoibhinn agus subhach nan cridhe air son a' mhaithéis, a nochd an Tighearna do Dhaibhidh, agus do Sholamh, agus do Israel a shluagh.

11 Agus chrìochnaich Solamh tigh an Tighearna, agus tigh an rìgh ; agus gach nì a thàinig ann an cridhe Sholaimh a dheanamh ann an tigh an Tighearna, agus na thigh féin, shoirbhich leis na dheanamh.

12 Agus dh'fhoillich an Tighearna e féin do Sholamh san oidhche, agus thubhairt e ris, Chuala mi t'urnuigh, agus thagh mi 'n t-àite so dhomh féin air son tìghe ìobairte,

13 Ma dhruideas mi na nèamha, agus nach bi uisge ann, no ma dh'àithneas mi do na locuist am fearann itheadh suas, no ma chuireas mi plàigh am measg mo shluaigh ;

14 Ma dh'ìroslaicheas mo shluagh air an goirear<sup>1</sup> m'ainm iad féin, agus gu'n dean iad urnuigh, agus gu'n iarr iad mo ghnùis, agus gu'm pill iad o'n droch shlighibh, an sin chuinnidh mise o na nèamhaibh, agus maithidh mi am peacadh, agus leighisidh mi am fearann.

15 A nis bithidh mo shùilean fosgailte, agus bheir mo chluasan an aire do urnuigh an àite so :

16 Oir a nis thagh mi agus naomhaich mi an tigh so, chum gu'm bi m'ainm an sin gu bràth ; agus bithidh mo shùilean agus mo chridhe an sin gach là.

17 Agus ma ghluaiseas tusa ann am fìanuis, mar a ghluais Daibhidh t'athair, agus ma ri thu a rèir gach nì a dh'àithn mi dhuit, agus gu'n gléidh thu mo reachdan agus mo bhreitheanas ;

18 An sin daingnichidh mise rìgh-chathair do rìghachd, mar a rinn mi coimhcheangal ri Daibhidh t'athair, ag ràdh, Cha bhì duine dhèith ort gu bhì na uachdaran ann an Israel.

19 Ach ma thionndaidheas sibh uam, agus gu'n tréig sibh mo reachdan agus m'aitheantan a chuir mi roimh sibh, agus gu'n d'théid sibh agus gu'n dean sibh seirbhis do dhéibh eile, agus gu'n sleuchd sibh dhoibh ;

20 An sin spìonadh mise sibh<sup>2</sup> as m'fhearann a thug mi dhuibh<sup>3</sup> ; agus an tigh so a naomhaich mi do m'ainm, tilgidh mi as mo shealladh, agus nì mi e na shamhladh<sup>4</sup> agus na leth-fhocal<sup>5</sup> am measg nan uile chinneach.

21 Agus an tigh so a bha co ard, bithidh iongantais air gach neach a théid seachad air, agus thèir e, C'ar son a rinn an Tighearna mar so ris an tìr so, agus ris an tigh so ?

22 Agus freagar<sup>6</sup>, A chionn gu'n do thréig iad an Tighearna Dia an aithriche, a thug a mach iad a tìr na h-Eiphit, agus gu'n do ghabh iad d'an ionnsuidh<sup>7</sup> diathan eile, agus gu'n do shleuchd iad dhoibh, agus gu'n do rinn iad seirbhis dhoibh ; uime sin thug e an t-òlc so uile orra.

### C A I B. VIII.

**A** GUS tharladh an ceann fhichead bliadhna, anns an do thog Solamh tigh an Tighearna, agus a thigh féin,

2 Na bailtean a thug Hiram do Sholamh, gu'n do thog Solamh iad, agus thug e air cloinn Israeil còmhnuidh a ghabhail an sin.

3 Agus chaidh Solamh gu Hamat-sobah, agus thug e buaidh air.

4 Agus thog e Tadmor anns an fhàsach, agus na bailtean ionmhais uile, a thog e ann an Hamat.

5 Mar an ceudna thog e Bethoron uachdarach, agus Bethoron iochdarach, bailte

<sup>1</sup> gairmear. <sup>2</sup> iad. <sup>3</sup> dhoibh. <sup>4</sup> ghnàth-fhocal. <sup>5</sup> bhall-mogaidh. <sup>6</sup> their iad. Eabh.

daingnichte, le ballaibh, geataibh agus crannaibh:

6 Agus Baalat, agus na h-uile bhailtean ionmhais a bha aig Solamh, agus uile bhailte nan carbad, agus bailtean a' mharcshluaigh, agus uile mhian Sholaimh a mhiannaich e thogail ann an Ierusalem, agus ann an Lebanon, agus ann an uile thìr a thighearnais.

7 A thaobh an t-sluaigh uile a dh'fhàgadh do na Hìtich, agus do na h-Amoraich, agus do na Perisich, agus do na Hìbhich, agus do na Icbusaich, nach robh do Israel.

8 D'an cloinn a dh'fhàgadh nan déigh anns an tìr, nach do sgrios clann Israeil, dhiubhsan thog Solamh cìs gus an là'n diugh.

9 Ach do chloinn Israeil cha d'rinn Solamh tràill sam bith air son 'oibre; oir bha iad nam fir-chogaidh, agus nan uachdarainibh, agus nan ceannardaibh<sup>1</sup> aige, agus nan riaghlairibh a charbad agus a mharcshluaigh.

10 Agus b' iad so uachdarain an luchd-dreuchd a bha aig rìgh Solamh, dà cheud agus leth-cheud<sup>2</sup> a riaghail os cionn an t-sluaigh.

11 Agus thug Solamh suas nighean Pharaoin a baile Dhaibhidh a dh'ionnsuidh an tighe a thog e dh'i: oir thubhairt e, Cha ghabh mo bhean-sa còmhnuidh ann an tìgh Dhaibhidh rìgh Israeil; oir is naomha na h-àitean, d'an d'fhàinig àire an Tighearna steach.

12 An sin dh'ìobair Solamh ìobairte-loisgte do'n Tighearna, air altair an Tigh-earna, a thog e fa chomhair an sgàth-thighe;

13 A dhlìghe fèin air gach là, ag ìobradh a réir àithne Mhaois air na sàbaidibh, agus air na gealachibh nomha, agus air na fèillibh<sup>3</sup> sònraichte, tri uairean sa' bhliadhna, air fèill an arain neo-ghoirtichte, agus air fèill nan seachduin, agus air fèill nam pàillìun.

14 Agus shuidhich e, a réir riaghailt Dhaibhidh 'athar, roinnean nan sagart chum an seirbhis, agus na Leblithich chum an cùrain, a mholadh agus a fhrith-ealadh am fianuis nan sagart, a réir dlìghe gach là, agus na dorsairean a réir an roinnean aig gach geatadh: oir mar sin dh'àithn Daibhidh òglach Dhé.

15 Agus cha do chlaon iad o àithne an rìgh mu na sagairt agus na Leblithich, a thaobh ni air bith, no thaobh nan ionmhas.

16 Agus dheasaicheadh obair Sholaimh uile gu ruig an là anns an do leagadh bunait<sup>4</sup> tìghe an Tighearna, agus gus an do chrìochnaicheadh e. Mar sin rinneadh tìgh an Tighearna gu h-iomlan.

17 An sin chaidh Solamh gu h-Esiongeber, agus gu h-Elot, air taobh na mara ann an tìr Edoim.

18 Agus chuir Huram d'a ionnsuidh le làimh a sheirbhisich longa, agus seirbhisich aig an robh eòlas na fàirge, agus chaidh iad maille ri seirbhisich Sholaimh gu h-Ophir, agus thug iad as sin ceithir cheud agus leth-cheud tàlann òir, agus thug iad gu rìgh Solamh iad.

## CAIB. IX.

A GUS an uair a chuala ban-rìghinn A Sheba cliù Sholaimh, thàinig i a dhearbhadh Sholaimh le ceisibh cruaidhe gu h-Ierusalem, le cuideachd ro-mhòir, agus le càmhalaibh a' giùlan spioraidh agus òir ann am pailteas, agus chlach luachmhor: agus an uair a thàinig i dh'ionnsuidh Sholaimh, labhair i ris gach nì a bha na cridhe.

2 Agus fhrèagair<sup>5</sup> Solamh dh'i a ceis-dean<sup>6</sup> uile; agus cha robh nì air bith am folach air Solamh nach d'innis e dh'i.

3 Agus an uair a chunnaic ban-rìghinn Sheba gliocas Sholaimh, agus an tìgh a thog e,

4 Agus biadh a bhuird, agus suidhe a sheirbhisich, agus feitheamh a luchd-frithealaidh agus an truscan, agus a ghillean-cupain agus an truscan, agus a dhol-suas air an deachaidh e suas gu' tìgh an Tighearna; cha robh spiorad innte nì's mò.

5 Agus thubhairt i ris an rìgh, B'fhìor an t-iomradh a chuala mi ann am thìr fèin, air do ghuìomharaibh, agus air do ghliocas.

6 Gidheadh cha do chreid mi am briathra, gus an d'fhàinig mi, agus gu'm faca mo shùilean; agus fèuch, cha d'innseadh dhomh leth meud do ghliocas: chaidh thu thar an iomradh a chuala mi.

7 Is sona do dbaoine, agus is sona iad so do sheirbhisich, a sheasas a't'-fhianuis an còmhnuidh, agus a chluinneas do ghliocas.

8 Gu ma beannuichte an Tighearna do Dhia, a ghabh tlachd annad gu d' chur air a rìgh-chathair, gu bhì d' rìgh air son an Tighearna do Dhé: a chionn gu'n do ghràdhach do Dhia Israel, chum an daingneachadh gu bràth, uime sin rinn e thusa a'd' rìgh os an ceann, a dheanamh breithceanais agus ceartais.

9 Agus thug i do'n rìgh ceud agus fich-eud tàlann òir, agus ro-mhòran do spìosraidh, agus clacha luachmhor: Agus cha robh riamh a leithid so do spìosraidh, as a thug ban-rìghinn Sheba do rìgh Solamh.

10 Agus mar an ceudna thug seirbhisich Huraim, agus seirbhisich Sholaimh, a thug

<sup>1</sup> I. Rìgh. Caib. IX. r. 22. <sup>2</sup> cùig ceud agus leth-cheud. I. Rìgh. Caib. IX. r. 23. <sup>3</sup> fèisidibh. <sup>4</sup> stéidh. <sup>5</sup> dh'fhuaigail, mìlìnich.

<sup>6</sup> briathran. Eabh.

<sup>7</sup> na h-ìobairte-loisgte a



òr o Ophir, fiodh alguim<sup>1</sup> leo, agus clacha luachmhor.

11 Agus rinn an rìgh do'n fhiodh alguim staidhrichean<sup>2</sup> do thigh an Tighearna, agus do thigh an rìgh, agus clàrsaichean agus saltairean do'n luchd-ciùil: agus cha 'n fhacas an leithid roimhe ann an tìr Iudah.

12 Agus thug rìgh Solamh do bhan-rìghinn Sheba a h-uile mhìann a dh'iarr i, ⁊ thuilleadh air na thug i dh'ionnsuidh an rìgh<sup>3</sup>: agus thionndaidh i agus dh'innich i d'a tìr, i fèin agus a seirbhisich.

13 A nis b'e cothrom an òir a thàinig a dh'ionnsuidh Sholaimh ann an aon bhliadhna, sè ceud agus trì fichead agus sè tàlannan òir:

14 A thuilleadh air na thug na ceannaichean agus an luchd-malairt, agus uile rìghrean Arabia, agus uachdarain na tìre; ⁊ thug òr agus airgid a dh'ionnsuidh Sholaimh<sup>4</sup>.

15 Agus rinn rìgh Solamh dà cheud sgiath do òr buailte: chaidh sè ceud *secel* do òr buailte chum gach sgèithe.

16 Agus rinn e trì cheud targaid do òr buailte: chaidh trì cheud *secel* òir chum gach targaide: agus chuir an rìgh iad ann an tigh frithe Lebanoin.

17 Rinn an rìgh mar an ceudna rìgh-chathair mhòr do fhiacailbh *elephant*, agus chòmhdach e i leis an òr bu ghloine.

18 Agus bha sè ceuman aig an rìgh-chathair agus cos-stòl òir, air an tàthadh ris an rìgh-chathair, agus lannan air gach taobh do'n àite-shuidhe, agus dà leòmhan, ⁊' seasamh làimh ris na lannan.

19 Agus sheas dà leòmhan dheug an sin air na sè ceumaibh, air an taobh so agus air an taobh ud. Cha d'rinneadh a leithid ann an rìoghachd air bith eile.

20 Agus bha uile shoithichean òil rìgh Solaimh do òr, agus uile shoithiche tighe frithe Lebanoin do òr fìor-ghlan: cha robh meas do airgid ann an làithibh Sholaimh chum nì sam bith.

21 Oir chaidh luingeas an rìgh gu Tarsis maille ri seirbhisich Huraim: aon uair anns na trì bliadhnaibh thàinig loingcas Tarsis ⁊' giùlan òir agus airgid, fhiacal elephant, agus apa, agus pheucag.

22 Agus thug rìgh Solamh barrachd air uile rìghibh an domhain ann an saibhreas agus gliocas.

23 Agus dh'iarr uile rìghre na talmhainn teachd an làthair Sholaimh, a chluinntinn ⁊' ghliocais a chuir Dia na chridhe.

24 Agus thug iad leo gach fear a thiodh-lacadh, soithichean airgid, agus soithichean òir, agus truscana, agus airm, agus spioraidh, agus eich, agus muileidean, cuibh-rionn bliadhna anns gach bliadhna.

25 Agus bha aig Solamh ceithir mìle

prasach each air son a charbad<sup>5</sup>, agus dà mhìle dheug marcach, a chuir e mach ann am bailtibh nan carbad, agus maille ris an rìgh ann an Ierusalem.

26 Agus rìoghaich e os cionn nan rìgh uile, o'n abhuinn gu ruig tìr nam Philisteach agus gu ruig crìoch na h-Eiphit.

27 Agus thug an rìgh air airgid a bhi ann an Ierusalem mar chlachan, agus air na crannaibh seudair thug e bhi mar na croinn shicomoir, a tha anns an t-srath, air lèumhoireachd.

28 Agus thugadh eich a dh'ionnsuidh Sholaimh as an Eiphit, agus as gach uile tìr.

29 Agus a' chuid eile do ghnìomharaibh Sholaimh, an toiseach agus mu dheireadh<sup>6</sup>, nach 'eil iad sgrìobhta ann an leabhar Natàin an fhàidh, agus ann am fàidheadoir-cachd Ahiah an t-Silonaich, agus ann an seallannaibh Ido, an fhir-sheallaidh an aghaidh Ieroboaim mhic Nebait?

30 Agus rìoghaich Solamh ann an Ierusalem os cionn Israeil uile, dà fhichead bliadhna.

31 Agus choidil Solamh maille r'a aithrichibh, agus dh'adhlacadh e ann am baile Dhaibhidh 'athar: agus rìoghaich Rehoboam a mhac na àite.

C A I B. X.

**A** GUS chaidh Rehoboam do Shechem: a' tighinn Israeil uile do Shechem g'a dheanamh na rìgh.

2 Agus an uair a chuala Ieroboam mac Nebait sin, a bha anns an Eiphit, far an do theich e o ghnùis rìgh Solaimh, phill Ieroboam as an Eiphit.

3 Agus chuir iad *fios*, agus ghairm iad e: agus thàinig Ieroboam agus Israel uile, agus labhair iad ri Rehoboam, ag ràdh,

4 Dh'antromaich t'athair ar cuingne, ach eutromaich thus a nis seirbhis chruaidh t'athar, agus a chuing throm a chuir e oirnn, agus nì sinn seirbhis dhuit.

5 Agus thubhairt e riu, An ceann thri làithean thigibh a ris a m'ionnsuidh. Agus dh'fhaibh an sluagh.

6 Agus chuir rìgh Rehoboam a chomhairle ris na seann daoineibh, a sheas an làthair Sholaimh 'athar, an uair bu bheò e, ag ràdh, Cionnus a chomhairlicheas sibh dhomh freagradh a thabhairt do'n t-sluagh so?

7 Agus labhair iadsan ris, ag ràdh, Ma bhios tusa caomhneil ris an t-sluagh so, agus gu'n toilich thu iad, agus gu'n labhair thu riu briathra maithe, bitindh iadsan agadsa nan seirbhisich gu bràth.

8 Ach thréig esan comhairle nan seann daoine, a thug iad air; agus chuir e 'chomhairle ris na daoineibh òga, a dh'fhàs suas maille ris fèin, agus a sheas na làthair.

<sup>1</sup> almuig. I. Rìgh. Caib. X. r. 11. <sup>2</sup> ard-sluagh. <sup>3</sup> a thuilleadh air na thug an rìgh dhi d'a fhiallaidheachd fèin. I Rìgh. Caib. X.

r. 13. <sup>4</sup> Faic. I. Rìgh. Caib. X. r. 15. <sup>5</sup> I. Rìgh. Caib. IV, r. 26. <sup>6</sup> o thoiseach gu deireadh.

9 Agus thubhairt e riu, Ciod a tha sibhse a' comhairleachadh, a eum as gu'n d'fhoir sinn freagradh do'n t-sluagh so, a labhair rium, ag ràdh, Eutromaich a' chuing a chuir t'athair oirn?

10 Agus labhair na daoine òga, a dh'fhàs suas maille ris *fèin*, ris, ag ràdh, Mar so their thu ris an t-sluagh a labhair riut, ag ràdh, Dh'antramaich t'athair air euingne, aeh eutromaich thusa dhuinn i; mar so their thu riu, Is gairbhe mo lùghdagsa na fèasraidh m'athar.

11 Agus a nis chuir m'athair gun amharus oirbh cuing thom, aeh cuiridh mise ri bhuir euing; smachdaidh m'athair sibh le slataibh, aeh smachdaichidh mise sibh le scorpionaidh.

12 Gu thàinig Ieroboam agus an sluagh nile gu Rehoboam air an treas là, mar a dh'aithn an rìgh, ag ràdh, Thigibh a ris a m' ionnsuidh air an treas là.

13 Agus fhreagair an rìgh iad gu garbh, agus thréig rìgh Rehoboam comhairle nan seann daoine.

14 Agus labhair e riu a réir comhairle nan daoine òga, ag ràdh, Dh'antramaich m'athair bhuir cuing, aeh cuiridh mise rithe; smachdaidh m'athair sibh le slataibh, aeh smachdaichidh mise sibh le scorpionaidh.

15 Mar so eha d'éisd an rìgh ris an t-sluagh; oir bha'n t-aobhar o Dhia, chum gu'n coimhlionadh an Tighearn 'fhocal fèin, a labhair e le làimh Ahiah an t-Silonaidh ri Ieroboam mac Nebait.

16 Agus an uair a chunnaic Israel uile nach d'éisd an rìgh riu, fhreagair an sluagh an rìgh, ag ràdh, Ciod a' ehuibhrionn a th'againne ann an<sup>1</sup> Daibhidh? agus eha 'n eil oighreachd againn ann am mac Iese: gach fear do b' dhùthaibh, O Israeil; a nis, thoir an aire<sup>2</sup> air do thigh fèin, a Dhaibhidh. Agus dh'fhalbh Israel uile d'am bùthaibh.

17 Ach a thaobh ehloinn Israeil, a bha chòmhnuidh ann am bailtibh Iudah, rioghaidh Rehoboam os an eionn.

18 An sin chuir rìgh Rehoboam Adoram a bha os cionn na eise d'an ionnsuidh; agus chlaeh elann Israeil e le clachaibh, agus fhuair e bàs: agus rinn Rehoboam eabhag gu dol suas d'a eharbad, eum as gu'n teicheadh e do h-Ierusalem.

19 Agus rinn Israel ecannarc an aghaidh tighe Dhaibhidh gus an là'n diugh.

## CAIB. XI.

**A**GUS an uair a thàinig Rehoboam gu h-Ierusalem, ehruinnich e do thigh Iudah agus Bheniamin, ceud agus ceithir fichead mìle *fhcar* taghta, deanta ri eogadh, a chogadh an aghaidh Israeil, a chum an rìoghachd a thoirt a ris gu Rehoboam.

2 Ach thàinig focal an Tighearna gu Semaiah òglaeh<sup>3</sup> Dhé, ag ràdh,

3 Labhair ri Rehoboam, mac Sholaimh, rìgh Iudah, agus ri h-Israel uile ann an Iudah agus ann am Beniamin, ag ràdh,

4 Mar so tha'n Tighearn ag ràdh, Cha d'fhéid sibh suas, agus eha chog<sup>4</sup> sibh ri'r bràithribh: pillibh, gach fear a dh'ionnsuidh a thighe; oir leamsa rinneadh an nì so. Agus dh'éisd iad ri briathraibh an Tighearna, agus phill iad o dhìol an aghaidh Ieroboaim.

5 Agus ghabh Rehoboam còmhnuidh ann an Ierusalem, agus thog e bailte daing-nichte ann an Iudah:

6 Thog e eadhon Bet-lehem, agus Etam, agus Teeoa,

7 Agus Bet-sur, agus Socho, agus Adullam,

8 Agus Gat, agus Maresah, agus Siph,

9 Agus Adoram, agus Lachis, agus Aseelah,

10 Agus Sorah, agus Aialon, agus Hebron; a tha ann an Iudah, agus ann am Beniamin, nam bailtibh daing-nichte.

11 Agus neartaich e na daingnìchean, agus eluir e ceannardan anna, agus taisgeacha bidh, agus olaidh, agus fìona.

12 Agus anns gach baile<sup>5</sup> fa leth chuir e sgiathan agus sleaghan, agus rinn e ro-làidir iad; oir bha Iudah agus Beniamin aige air a thaobh.

13 Agus thàinig na sagairt agus na Lebhithich, a bha ann an Israel uile, d'a ionnsuidh as an eriochaibh uile:

14 (Oir dh'fhàg na Lebhithich am fo-bhailtean<sup>6</sup>, agus an sealbh, agus thàinig iad gu Iudah agus gu h-Ierusalem; a ehionn gu'n do chuir Ieroboam agus a mhic iad o fhrithealadh ann an dreuchd nan sagart do'n Tighearna.

15 Agus rinn e dha fèin sagairt air son nan àit ard, agus air son dhiabhol, agus air son nan laogh a rinn e.)

16 Agus nan déigh-san thàinig a mach as uile threubhailh Israeil iadsan a shocraich an cridhe a dh'iarraidh an Tighearna Dé Israeil, gu h-Ierusalem a dh'ìobradh do'n Tighearna, Dia an aithriehe.

17 Agus dhaingnich iad rìoghachd Iudah, agus rinn iad Rehoboam mac Sholaimh làidir rè thri bliadhna, oir rè thri bliadhna ghluais iad ann an slighe Dhaibhidh agus Sholaimh.

18 Agus ghabh Rehoboam Mahalat nighean Ierimoit, mhie Dhaibhidh, dha fèin mar mhnai; Abihail mar an ceudna, nighean Eliaib, mhie Iese:

19 Agus rug ise dha elann; Ieus, agus Samariah, agus Salan.

20 Agus na déigh-san ghabh e Maachah,

<sup>1</sup> maille ri. <sup>2</sup> seall. <sup>3</sup> duin Fabh. <sup>4</sup> chòmhrag. <sup>5</sup> cathair. 409

<sup>6</sup> dù-bhailtean, fearann comh-roinn; suburbs. Sasg.



## II. EACHDRAIDH.

nighean Absaloim, a rug dha Abiah, agus Atai, agus Sisa, agus Selomit.

21 Agus ghràdhaich Rehoboam Maachah, nighean Absaloim, os cionn a bhan agus a choinh-leabaichean uile; (oir ghabh e dha fèin ochd mnàid dheug, agus trì fich-ead coimh-leabach, agus ghin e ochd mic fhichead, agus trì fich-ead nighean:)

22 Agus rinn Rehoboam na cheannard Abiah, mac Mhaachah, gu bhi na riaghlair am measg a bhràithre; oir smuainich e air a dheanamh na rìgh.

23 Agus rinn e gu glic, agus sgaoil e a' *chuid cile* d'a mhacaibh uile air feadh uile thìre Iudah agus Benjamin, anns na bailtibh daingnichte uile, agus thug e dhoibh pailteas bidh: agus dh'ìarr e mòran bhan.

### C A I B. XII.

**A** GUS an uair a dhaingnicheadh rìoghachd Rehoboam, agus a dh'fhàs e cumhachdach<sup>1</sup>, thréig e lagh an Tighearna, agus Israel uile maille ris.

2 Agus anns a' chùigeadh bliadhna do rìgh Rehoboam, thàinig Sisac rìgh na h-Eiphit a nìos an aghaidh Ierusalem, (a chionn, gu'n do pheacaich iad an aghaidh an Tighearna,)

3 Le mìle agus da cheud carbad, agus le trì fich-ead mìle marcach: agus bha 'n sluagh gun àireamh a thàinig maille ris as an Eiphit; na Lùbaich, na Sucaich, agus na h-Etiopaich.

4 Agus ghlac e na bailte daingnichte a *bhuineadh* do Iudah, agus thàinig e gu h-Ierusalem.

5 An sin thàinig Semaiah am fàidh gu Rehoboam agus gu h-uachdaranaibh Iudah, a bha air cruinneachadh gu h-Ierusalem air eagal Shisaic, agus thubhairt e riu, Mar so tha'n Tighearna ag ràdh, Dh'fhàg<sup>2</sup> sibhse mise, agus air an aobhar sin dh'fhàg miise sibhse ann an làimh Shisaic.

6 An sin dh'ìroslaich uachdarain Israeil agus an rìgh iad fèin, agus thubhairt iad, Tha'n Tighearna ceart.

7 Agus an uair a chunnaic an Tighearna gu'n d'ìroslaich siad iad fèin, thàinig focal an Tighearna gu Semaiah, ag ràdh, Dh'ìroslaich siad iad fèin; cha sgrios mi iad, ach bheir mi dhoibh càil-eigin do shaorsadh, agus cha taomar mo chorruih a mach air Ierusalem le làimh Shisaic.

8 Gidheadh, bithidh iad nan seirbhisich aige, agus bithidh aithne aca air mo sheirbhis-sa, agus air seirbhis rioghachda nan dùchanna.

9 Uime sin thàinig Sisac rìgh na h-Eiphit a nìos an aghaidh Ierusalem, agus thug e leis ionmhais tighe an Tighearna, agus ionmhais tighe an rìgh; bhuin e leis an t-ionmhan: thug e leis mar an ceudna na targaidcan oir, a rinn Solamh.

10 Agus rinn rìgh Rehoboam targaidean umha nan àit, agus thug e thairis iad do làimh cheannard an fhreiceadain, a ghléidh dorus tighe an rìgh.

11 Agus an uair a chaidh an rìgh a steach do thigh an Tighearna, thàinig am freiceadan agus thog siad iad, agus thug iad air an àis iad gu seòmar an fhreiceadain.

12 Agus an uair a dh'ìroslaich se e fèin, thionndaidh corruich an Tighearna uaith, chum nach sgriosadh se e gu tur. Agus mar an ceudna ann an Iudah bha nithe gu maith.

13 Agus dhaingnich rìgh Rehoboam e fèin ann an Ierusalem, agus rìoghaich e. A nis bha Rehoboam aon agus dà fhichead bliadhna dh'aois an uair a thòisich e air rìoghachadh, agus rìoghaich e seachd bliadhna deug ann an Ierusalem, am baile a thagh an Tighearna a mach as uile thruibhaibh Israeil a chur ainme an sin: agus b'e ainm a mhàthar Naamah, Banamonach.

14 Agus rinn e olc, a chionn nach d'ulluich e a chridhe a dh'iarraidh an Tighearna.

15 A nis gnìomhara Rehoboam, an toiseach agus mu dheireadh, nach 'eil iad scriobhta ann an leabhar Shemaiah an fhàidh, agus Ido, an fhir-sheallaidh, mu thimchioll ghinealach? Agus bha cogadh eadar Rehoboam agus Ieroboam rè an laithean uile.

16 Agus choidil Rehoboam maille r'a aithrichibh, agus dh'adhlaiceadh e ann am baile Dhaibhidh. Agus rìoghaich Abiah a mhac na àit.

### C A I B. XIII.

**A** NIS anns an ochdamh bliadhna deug do rìgh Ieroboam, thòisich Abiah<sup>3</sup> air rìoghachadh os cionn Iudah.

2 Tri bliadhna rìoghaich e ann an Ierusalem: agus b'e ainm a mhàthar Maachah, nighean [Abisaloim, mhic] Uriel o Ghi-beah<sup>4</sup>. Agus bha cogadh eadar Abiah agus Ieroboam.

3 Agus chuir Abiah an cath an ordugh le armailt do dhaoineibh treun ann an cogadh, ceithir cheud mìle fear taghta: agus chuir Ieroboam an cath an ordugh na aghaidh le ochd ceud mìle fear taghta, daoine treun gaisgeil.

4 Agus sheas Abiah suas air sliabh She-maraim, a tha ann an sliabh Ephraim, agus thubhairt e, Eisdibh rium, a Ieroboam, agus Israel uile.

5 Nach bu chòir dhuibhse fios a bhi agaibh gu'n d'thug an Tighearna Dia Israeil an rìoghachd os cionn Israeil thairis do Dhaibhidh gu bràth, eadhon dha-san agus d'a mhacaibh le coimh-cheangall falainn?

6 Gidheadh, dh'èirich Ieroboam, mac Ne-

<sup>1</sup> neartaich se e fèin. <sup>2</sup> Thréig. <sup>3</sup> Abiam. I. Rìgh. Caib. XV. r. 1.

<sup>4</sup> Faic. I. Rìgh. Caib. XV. r. 2.

bait, seirbhiseach Sholaimh mhic Dhaibhidh suas, agus rinn e ceannairc an aghaidh a thighearna;

7 Agus chruinnich d'a ionnsuidh daoine faoine, nuic Bheliail, agus neartaich siad iad féin an aghaidh Rehoboam, mhic Sholaimh, nuair a bha Rehoboam òg agus tais-chridheach<sup>1</sup>, agus nach b'urraim e cur nan aghaidh.

8 Agus a nis *tha* sibh a' smuaineachadh air cur an aghaidh rioghachd an Tighearna ann an làimh mhac Dhaibhidh, agus *tha* sibh nar<sup>2</sup> sluagh mòr, agus *tha* agaibh laòigh òir, a rinn Ieroboam dhuibh mar dhèe.

9 Nach do thilg sibh a mach sagartan an Tighearna, mic Aaroin, agus na Lebhithich, agus nach d'rinn sibh dhuibh féin sagarta mar chinnich eile an domhain? Gach neach a thig g'a choisreagadh féin le tarbh òg agus le seachd reitheachaibh, bithidh esan air ball na shagart dhoibhsan nach 'eil nan deibh.

10 Ach d'ar taobh-ne, is e'n Tighearna ar Dia, agus cha do thréig sinn e: agus is iad mic Aaroin na sagairt a tha frithealadh do'n Tighearna, agus *tha* na Lebhithich a' feitheamh air an obair féin.

11 Agus *tha* iad a losgadh do'n Tighearna iobairte-loisgte air gach maduinn agus air gach feasgar, agus tùis chùbhraidh; agus *tha* aran na fianuis air a' bhord fhior-ghlan, agus an coinneil òir maille r'a lòchranuibh a lasadh air gach feasgar: oir *tha* sinne a' gleidheadh curaim an Tighearna ar Dé; ach thréig sibhse e.

12 Agus feuch, maille ruinne *tha* Dia féin na cheannard oirne, agus a shagairt le trompaidibh fuaimneach a thoir caismeachd nar n-aghaidh-sa. A chlann Israeil, na cogaibhse an aghaidh an Tighearna Dé bhuir n-aithriche; oir cha soirbhich sibh.

13 Ach thug Ieroboam air luchd-feall-fholaich<sup>3</sup> teachd mu'n cuairt air an cùlaobh, air chor as gu robh iad féin fa chomhair Iudah, agus an luchd-feall-fholaich air an cùlaobh.

14 Agus an uair a sheall Iudah nan deigh, feuch, bha'n cath air am beulaobh agus air an cùlaobh: agus ghlaodh iad ris an Tighearna, agus rinn na sagairt fuaim le trompaidibh.

15 Agus rinn fir Iudah gàir: agus an uair a rinn fir Iudah gàir, air ball bhuail Dia Ieroboam agus Israel uile roimh Abiah agus Iudah.

16 Agus theich clann Israeil roimh Iudah; agus thug Dia thairis iad nan làimh.

17 Agus mharb Abiah agus a shluagh iad le h-àr mòr; oir thuit sìos marbhta do Israel, cùig ceud mìle fear taghta.

18 Agus dh'ìrosiaicheadh clann Israeil air an àm sin, agus neartaicheadh<sup>4</sup> clann Iudah, a chionn gu'n d'earb iad as an Tigh-earna Dia an aithriche.

19 Agus lean Abiah an ruaig air Ieroboam, agus ghlac e uath mòr-bhailte<sup>5</sup>; Bet-el le bhailtibh beaga, agus Iesanah le bhailtibh beaga, agus Ehpron le bhailtibh beaga.

20 Agus cha d'fhuair Ieroboam neart ni's mò ann an laithibh Abiah: agus bhuail an Tighearna e, agus fhuair e bàs.

21 Ach dh'fhàs Abiah cumhachdach, agus phòs e<sup>6</sup> ceithir mnàì dheug, agus ghin e dà mhac thar fhichead, agus sè nigheana deug.

22 Agus a' chuid eile do ghnìomharaibh Abiah, agus a shlighean, agus a bhriathra, *tha* iad scrìobhta ann an eachdraidh an fhàidh Ido.

## CAIB. XIV.

**A**GUS choidil Abiah maille r'a aithricheibh, agus dh'adhlac iad e ann am baile Dhaibhidh; agus rioghaich Asa a mhac na ait. Na laithibhsan bha'n tìr sàmhach<sup>7</sup> deich bliadhna.

2 Agus rinn Asa an nì a bha maith agus ceart ann an sùilibh an Tighearna a Dhè:

3 Oir chuir e air falbh altairean nan dèe coimheach, agus na h-àitean arda, agus bhris e sìos na dealbhan, agus ghearr e sìos na doireachan;

4 Agus dh'àithn e do Iudah an Tigh-earna Dia an aithriche iarraidh, agus an lagh a ghleidheadh<sup>8</sup>, agus an àithne.

5 Chuir e air falbh mar an ceudna as uile bhailtibh Iuda, na h-àitean arda agus na dealbhan<sup>9</sup>. Agus bha 'n rioghachd sàmhach na làthair.

6 Agus thog e bailte daingnichte ann an Iudah: oir bha'n tìr sìochail, agus cha robh cogadh aige anns na bliadhnaibh sin; oir thug an Tighearna fois da.

7 Uime sin thubhairt e ri Iudah, Togamaid na bailte so, agus deanamaid mu'n cuairt orra ballachan, le tùraibh, geatachaibh agus crannaibh, an uair a tha'n tìr fathast romhainn: oir dh'iarr sinne an Tighearna ar Dia; dh'iarr sinn e, agus thug e fois dhuinn air gach taobh. Uime sin thog iad, agus shoirbhich leo.

8 Agus bha aig Asa armailt do dhaoineibh a dh'iomchair sgiath agus sleagh, as Iudah trì cheud mìle, agus a Benjamin, a dh'iomchair targaid agus a tharruing bogha, dà cheud agus ceithir fichead mìle: iad sin uile nan daoineibh treum guisgeil.

9 Agus thàinig a mach nan aghaidh Serah an t-Etiopach le armailt mìle do mhilitibh, agus trì cheud carbad, agus thàinig e gu Maresah.

10 Agus chaidh Asa mach na aghaidh,

<sup>1</sup> maoth-chridheach. <sup>2</sup> ann bhuir. <sup>3</sup> plaid-luidhe. <sup>4</sup> bhuadhaich. <sup>5</sup> caithriche.

<sup>6</sup> ghabh e d'a ionnsuidh. Eabh. <sup>7</sup> aig fois, <sup>8</sup> dheanamh. Eabh. <sup>9</sup> grian-riochdan.



agus chuir iad an cath an ordugh ann an gleann Shephatha aig Maresah.

11 Agus ghlaodh Asa ris an Tighearna a Dhia, agus thubhairt e, A Thighearna, cha *neil* ann ach an aon chuid duitse cuideachadh le mòran, no leo-san a *ta* gun neart: cuidich leinne, a Thighearna ar Dia; oir asadsa earbaidh sinn, agus ann ad ainm-sa theid sinn an aghaidh na mòr-chuideachd so: a Thighearna, is tusa ar Dia; na buaidh-àicheadh duine a't' aghaidh.

12 Agus bhuail an Tighearna na h-Etiopaich roimh Asa, agus roimh Iudah; agus theich na h-Etiopaich.

13 Agus lean Asa, agus an sluagh a *bha* maille ris, iad gu Gerar: agus thuit do na h-Etiopaich uiread<sup>1</sup> as nach robh tuilleadh neirt aca<sup>2</sup>; oir sgriosadh iad roimh an Tighearna agus roimh 'fheachd: agus thug iad leo ro-mhòran creiche.

14 Agus bhuail iad na bailtean uile mu'n cuairt air Gerar, oir bha eagal an Tighearna orra: agus chreic iad na bailtean uile, oir bha mòran creiche ann.

15 Agus bhuail iad mar an ceudna bràthan na spréidh, agus thug iad leo caoraich ann am pailteas, agus camhail; agus fhuill iad gu h-Ierusalem.

## C A I B. XV.

**A**GUS thàinig spiorad Dhé air Asariah mac Odeid.

2 Agus chaidh e suas an coinneamh Asa, agus thubhairt e ris, Eisidibh riumsa, Asa, agus Iudah uile, agus a Bheniamin; *Tha'n* Tighearna maille ribh, am feadh a tha sibhse maille ris-san: agus ma dh'iarras sibh e, gheibhear leibh e; ach ma thréigear sibhse esan, tréigidh esan sibhse.

3 A nis rè iomadh la *bithidh* Israel as eugmhais Dhé na firinn, agus as eugmhais sagairt a theagaisgeas, agus as eugmhais lagha.

4 Ach an uair a phillcas iad nan airc a dh'ionnsuidh an Tighearna Dé Israeil, agus a dh'iarras iad e, gheibhear leo e.

5 Ach anns na h-amannaibh sin cha *bhi* sìth ann dha-san a theid a mach, no dha-san a thig a steach, ach buaireas<sup>3</sup> mòr air uile luchd-àiteachaidh nan dùchanna.

6 Agus sgriosar cinneach le cinneach, agus baile le baile; oir claidhidh Dia iad leis gach airc.

7 Ach bithibhse làidir, agus na hiodh bhur làmh lag; oir tha duais ann air son bhur n-òibre.

8 Agus an uair a chual Asa na briathra sin, agus fàidheadaireachd [Asariah mhic] Odeid an fhàidh, ghahh e misneach, agus chuir e air fualbh na *h-iodhola* gràineil a tir Iudah agus Bheniamin nile, agus as na bailtibh a ghlac e do shliabh Ephraim, agus dh'athnuadhaich e altair an Tighearna,

a *bha* air beulaobh sgàth-thighe an Tigh-earna.

9 Agus chruinnich e Iudah uile agus Benjamin, agus na coigrich maille ri u a h-Ephraim, agus a Manaseh, agus a Simeon; oir thàinig iad thairis d'a ionnsuidh a h-Israel ann am pailteas, an uair a chunnaic iad gu'n robh an Tighearna a Dhia maille ris.

10 Agus chruinnich iad an cionn a chéile aig Ierusalem anns an treas mìos, anns a' chuigeadh bliadhna deug do rìoghachadh Asa.

11 Agus dh'ìobair iad do'n Tighearna san àm sin do'n chreich a thug iad leo, seachd ceud bò, agus seachd mìle caora.

12 Agus rinn iad coimhcheangal gu'n iarradh iad an Tighearna Dia an aithriche le'n uile chridhe, agus le'n uile anam:

13 Agus gu'n rachadh gach neach nach iarradh an Tighearna Dia Israeil, a ehur gu bàs, co dhiubh bu bheag no mòr, fear no bean e.

14 Agus mhionnaich iad do'n Tighearna le guth ard, agus le gair, agus le trompaid-ibh, agus le buabhullaibh.

15 Agus rinn Iudah uile gairdeachas a thaobh nam mionna sin: oir mhionnaich iad le'n uile chridhe, agus dh'iarr iad e le'n uile rùn; agus fhuaradh e leo. Agus thug an Tighearna fois dhoibh air gach taobh.

16 Agus mar an ceudna *thaobh* Mhaachah màthar rìgh Asa, chuir e i o *bhi* na ban-rìghinn, a chionn gu'n d'rinn i dealbh uamhasach ann an doire: agus ghearr Asa sìos a dealbh uamhasach, agus mhin-phronn se e, agus loisg se e aig sruth Chid-roin.

17 Ach cha do chuireadh na h-àitean arda air falbh a h-Israel: gidheadh, bha cridhe Asa ionnlan rè a laithean uile.

18 Agus thug e steach na nithean a naomhaich 'athair, agus na nithean a naomhaich e fèin, do thigh an Tighearna, airgid agus òr, agus soithichean.

19 Agus cha robh cogadh tuilleadh ann gu ruig an cùigeadh bliadhna deug thar fhichead do rìoghachadh Asa.

## C A I B. XVI.

**A**NNS an t-seathadh bliadhna deug thar fhichead do rìoghachadh Asa, thàinig Baasa rìgh Israeil a mìos an aghaidh Iudah, agus thog e Ramah, chum nach leigeadh e le neach àir hith dol a mach no teachd a stigh gu Asa rìgh Iudah.

2 An sin thug Asa mach airgid agus òr as ionmhasaibh tighe an Tighearna agus tighe an rìgh, agus chuir e *teachdairean* gu Benhadad rìgh Shiria a bha chomhnuidh aig Damascus, ag ràdh,

3 Biodh coimhcheangal cadar mise agus thusa, mar a *bha* cadar m'athair-sa agus t'athair-sa: feuch, chuir mi a t'ionnsuidh airgid agus òr; falbh, bris do choimh-

<sup>1</sup> oiread. Eir. <sup>2</sup> nach robh a' bheag beò dìubh. <sup>3</sup> tuairgne, cràdh-shtla.

cheangal ri Baasa righ Isracil, a chum gu'n imich e uam.

4 Agus dh'èisd Benhadad ri righ Asa, agus chuir e ceannardan nan armait a bha aige, an aghaidh bhailtean Isracil; agus bhuail iad Ion, agus Dan, agus Abel-maim, agus uile bhailtean ionmhais Naphtali.

5 Agus an uair a chuala Baasa sin, léig e dheth Ramah a thogail, agus sguir e d'a obair.

6 An sin thug Asa an righ leis Iudah uile, agus thug iad leo clacha Ramah, agus fhiodh, leis an robh Baasa a' togail; agus thog e leo Geba, agus Mispah.

7 Agus anns an àm sin thàinig Hanani am fear-seallaidh gu h-Asah righ Iudah, agus thubhairt e ris, A chionn gu'n d'earb thu a righ Shiria, agus nach d'earb thu as an Tighearna do Dhia, uime sin tha armait righ Shiria air dol as o d' làimh.

8 Nach robh na h-Etiopaich agus na Lubaich nan sluagh ionmhòr, le ro-mhòran charbad agus marc-shluaigh? gidheadh, a chionn gu'n d'earb thu as an Tighearn, thug e thairis do d' làimh iad.

9 Oir tha sùilean an Tighearn ag amharc a null agus a nall air feadh na talmhainn uile, a chum e féin a nochdadh làidir as an leth-san, aig am bheil cridhe iomlan d'a thaobh. Rinn thu gu h-amaideach an so; air an aubhar sin o so a mach bithidh cogadh a'd' aghaidh.

10 An sin bha fearg air Asa ris an fhear-sheallaidh, agus chuir e ann an tigh pròisain e, a chionn gu'n robh e ann an corruich ris a thaobh an nì so. Agus rinn Asa ainneart air cuid do'n t-sluagh san àm sin.

11 Agus feuch, gnìomharan Asa, an toiseach agus mu dheireadh, feuch, tha iad scrìobhta ann an leabhar righrean Iudah agus Isracil.

12 Agus dh'fhàs eucail air Asa na cho-saibh anns an naothadh bliadhna deug thar fhichead d'a rìoghachadh, gus an d'fhàinig 'eucail gu h-àirde mhòir: gidheadh, na eucail cha d'iarr e an Tighearn, ach na lighichean.

13 Agus choidil Asa maille r'a aithrichibh, agus dh'eug e anns a' cheud bliadhna agus dà fhichead d'a rìoghachadh.

14 Agus dh'adhlac iad e na uaigh féin, a rinn e air a shou féin ann am baile Dhaibhidh, agus chuir iad na luidhe e ann an leabaidh, a lìonadh le nithibh cùbhairaidh<sup>1</sup>, agus le h-iomadh gnè olaidh<sup>2</sup> air an deasachadh le h-ealadhain an léigh: agus rinn iad dha losgadh ro-mhòr.

CAIB. XVII.

**A** GUS rìoghaich Iehosaphat a nì hac na àit, agus neartaich se e féin an aghaidh Isracil.

2 Agus chuir e feachd ann an uile bhail-

tibh daingnichte Iudah, agus chuir e freiceadain ann an tìr Iudah, agus ann an bailtibh Ephraim, a ghlac Asa<sup>3</sup> athair.

3 Agus bha 'n Tighearna maille ri Iehosaphat, a chionn gu'n do ghluais e ann an ceud shligheibh Dhaibhidh<sup>4</sup> athar, agus nach d'iarr e dh'ionnsuidh Bhaalim<sup>5</sup>,

4 Ach gu'n d'iarr e dh'ionnsuidh [an Tighearna] Dé<sup>6</sup> athar, agus gu'n do ghluais e na àitheantaibh, agus cha b'ann a réir deanadais Isracil:

5 Uime sin dhaingnich an Tighearn an rìoghachd na làimh, agus thug Iudah uile tiodlacan gu Iehosaphat; agus bha aige beartas agus urram ann am pailteas.

6 Agus dh'ardaicheadh a chridhe ann an slighibh an Tighearna; agus mar an ceudna chuir e air falbh na h-aitean arda agus na doireachan as Iudah.

7 Agus anns an treas bliadhna d'a rìoghachadh chuir e cuid da uachdaranaibh<sup>7</sup>, Benhail, agus Obadiah, agus Sechariah, agus Netaneel, agus Micaiah, a theagasg ann am bailtibh Iudah:

8 Agus maille riu-san na Lebhitich, Semaiah, agus Netaniah, agus Sebadiah, agus Asahel, agus Semiramot, agus Iehonatan, agus Adoniah, agus Tobiah, agus Tob-adoniah, Lebhitich uile; agus maille riu-san Elisama, agus Iehoram, na sagairt.

9 Agus theagasg iad ann an Iudah, agus leabhar lagha an Tighearna aca, agus chaidh iad mu'n cuairt air feadh uile bhailtean Iudah, agus theagasg iad an sluagh.

10 Agus bha eagal an Tighearna air uile: rìoghachdaibh nan tìr a bha mu'n cuairt air Iudah, agus cha do chog iad ri Iehosaphat.

11 Agus thug cuid do na Philistich tiodlacan do Iehosaphat, agus airgiod cise: mar an ceudna thug na h-Arabaich d'a ionnsuidh spréidh, seachd mìle agus seachd ceud còithe, agus seachd mìle agus seachd ceud boc-gaibhre.

12 Agus dh'fhàs Iehosaphat gu h-anbarrach mòr; agus thog e ann an Iudah caistealan<sup>8</sup> agus bailtean ionmhais.

13 Agus bha mòran oibre aige ann am bailtibh Iudah, agus fir-chogaidh, daoine comasach gaisgeil ann an Ierusalem.

14 Agus so an àireamh, a réir tìge an aithriche: Do Iudah, ceannarda mhiltean; Adnah an ceannard, agus maille ris daoine comasach gaisgeil, trì cheud mìle.

15 Agus na dhéigh-san Iehohanan an ceannard, agus maille ris dà cheud agus ceithir fichead mìle.

16 Agus na dhéigh-san Amasiah mac Shichri, a thug e féin suas do'n Tighearn, agus maille ris dà cheud mìle fear comasach gaisgeil.

17 Agus do Bheniamin; Eliada fear comasach gaisgeil, agus maille ris daoine

<sup>1</sup> spòsraidh deagh-bholaidh.  
<sup>2</sup> dkiathan bréige.

<sup>3</sup> oinemeid.

<sup>4</sup> chuir e fios a dh'ionnsuidh uachdaran.  
<sup>5</sup> tìir.



armaichte lc bogha<sup>1</sup> agus le targaid, dà cheud mìle.

18 Agus na dhèigh-san Iehosabad, agus maille ris ceud agus ceithir fichead mìle, deas gu cogadh.

19 Bha iad sin a' feitheamh air an rìgh, a bhàrr orra-san a chuir an rìgh anns na bailtibh daingnichte air feadh Iudah uile.

C A I B. XVIII.

**A**GUS bha aig Iehosaphat beartas agus cliu ann am pailteas; agus rinn e cleambnas ri Ahab.

2 Agus an ceann bliadhnan àraidh chaidh e sìos a dh'ionnsuidh Ahaib do Shamaria: agus mharbh Ahab caoraich agus crodh ann am pailteas air a shon, agus air son an t-sluaigh a bha maille ris, agus chuir e ìmpidh air dol suas gu Ramot-gilead.

3 Agus thubhairt Ahab rìgh Israeil ri Iehosaphat rìgh Iudah, An d'fhéid thu maille riumsa do Ramot-gilcad? Agus fhreagair esan e, Tha mise mar a ta thusa, agus mo shluagh mar do shluagh-sa, agus bithibh sinn leat anns a' chogadh.

4 Agus thubhairt Iehosaphat ri rìgh Israeil, Fiosraich<sup>1</sup>, guidheam ort, an diugh do fhocal an Tighearna.

5 Uime sin chruinnich rìgh Israeil na fàidhean an ceann a chèile, ceithir cheud fear, agus thubhairt e ri u, An d'fhéid sinn do Ramot-gilead gu cath, no 'n leig mi leis? agus thubhairt iadsan, Falbh suas; oir bheir Dia an làimh an rìgh iad.

6 Agus thubhairt Iehosaphat, Nach 'eil an so fàidh tuilleadh leis an Tighearna, chum gu'm fiosraich sinn dheth?

7 Agus thubhairt rìgh Israeil ri Iehosaphat, Tha fathast aon fhear ann, leis am feud sinn fiosrachadh do'n Tighearna; ach tha fuath agam dha, oir cha 'n'eil e deanamh fàistineachd mu m' thimchioll àidir air maith, ach an còmhnuidh air olc: is e so Micaiah, mac Imla. Agus thubhairt Iehosaphat, Na h-abradh an rìgh mar sin.

8 Agus ghairm rìgh Israeil aon d'a mhaoraibh, agus thubhairt e, Gras an so Micaiah mac Imla.

9 Agus shuidh rìgh Israeil, agus Iehosaphat rìgh Iudah, gach fear air a rìgh-chathair fein, le'n earradh rìoghail orra, agus shuidh iad ann an àite rèidh, aig dol a steach geataidh Shamaria, agus bha na fàidhean uile ri fàidheadaireachd nan làthair.

10 Agus rinn Sedeciah, mac Che-naanah, adhaircean iaruin dha fein, agus thubhairt e, Mar so tha'n Tighearna ag ràdh, Leo so buailidh tu na Sirianaich<sup>2</sup>, gus an cuirear as doibh.

11 Agus rinn na fàidhean uile fàidheadaireachd mar sin, ag ràdh, Falbh suas

gu Ramot-gilead, agus soirbhich; oir bheir an Tighearna an làimh an rìgh iad.

12 Agus an teachdair<sup>3</sup> a chaidh a ghairm Mhicaiah, labhair e ris, ag ràdh, Feuch, tha briathra nam fàidh le h-aon bheul a' foillseachadh maith do'n rìgh: bithheadh t'fhocal-sa, guidheam ort, mar fhocal aoin diubhsan, agus labhair maith.

13 Agus thubhairt Micaiah, Mar is beo an Tighearna, eadhon an nì a their mo Dhia, sin labhraidh mise.

14 Agus thàinig e dh'ionnsuidh an rìgh, agus thubhairt an rìgh ris, A Mhicaiah, an d'fhéid sinn do Ramot-gilead gu cath, no'n leig mi leis? agus thubhairt esan, Rach-aibh suas, agus soirbhichibh; oir bheirear ann bhur làimh iad.

15 Agus thubhairt an rìgh ris, Cia lìon uair a m'ionnaicheas mi thu, nach innis thu dliomh ach an fhìrinn ann an ainm an Tighearna?

16 Agus thubhairt esan, Chunnaic mi Israel uile sgapta air ua sléibhtibh, mar chaoraich aig nach 'eil aodhaire: agus thubhairt an Tighearna, Cha 'n'eil maighstir<sup>4</sup> orra so; pilleadh gach fear d'a thigh fein ann an sìth.

17 (Agus thubhairt rìgh Israeil ri Iehosaphat, Nach d'innis mi dhuit, nach deanadh e fàistineachd mu m' thimchioll-sa air maith, ach air olc?)

18 A ris thubhairt e, Uime sin éisdibh ri focal an Tighearna: Chunnaic mise an Tighearna na shuidhe air a rìgh-chathair, agus uile shlòigh nan nèamh nan seasamh air a làimh dheis agus air a làimh chlì.

19 Agus thubhairt an Tighearna, Cò a chuireas ìmpidh air<sup>4</sup> Ahab rìgh Israeil, a chum as gu'n d'fhéid e suas, agus gu'n tuit e ann an Ramot-gilead? Agus labhair aon, ag ràdh mar so, agus aon eile ag ràdh mar sud.

20 Agus thàinig spiorad a mach, agus sheas e am fianuis an Tighearna, agus thubhairt e, Cuiridh mise ìmpidh air. Agus thubhairt an Tighearna ris, Cia leis?

21 Agus thubhairt esan, Théid mi mach, agus bithidh mi a'm' spiorad bréige ann am beul 'fhàidhean uile. Agus thubhairt an Tighearna, Cuiridh tu ìmpidh air, agus mar an ceudna buaidhichidh tu: imich, agus dean mar sin.

22 A nis uime sin, feuch, chuir an Tighearna spiorad bréige ann am beul nam fàidh sin agad, agus labhair an Tighearna olc mu d' thimchioll.

23 An sin chaidh Sedeciah mac Che-naanah am fagus, agus bhuail e Micaiah air a' ghiall, agus thubhairt e, Cia an taobh a chaidh spiorad an Tighearna uamsa a labhairt riutsa?

24 Agus thubhairt Micaiah; Feuch, chi

<sup>1</sup> Fèdraidh. <sup>2</sup> purraidh tu Siria.

<sup>3</sup> tighearna.

<sup>4</sup> a dh'aomas, a mheallas.

thu san là sin air an d'fhéid thu steach do sheòmar-cùil gu t'fhòlachadh fèin.

25 An sin thubhairt rìgh Israeil, Glacaihbh Micaiah, agus thugaibh air ais e gu h-Amon, uachdaran a' bhaile, agus gu Ioas mac an rìgh:

26 Agus abraibh, Mar so thubhairt an rìgh, Cuiribh am fear so anns a' phrìosan, agus beathaichibh e le aran airce<sup>1</sup>, agus le uisge airce, gus am pill mise ann an sìth.

27 Agus thubhairt Micaiah, Ma philleas tusa idir ann an sìth, cha do labhair an Tighearna leamsa. Agus thubhairt e, Eisdibh, a shlàigh uile<sup>2</sup>.

28 Uime sin chaidh rìgh Israeil, agus Iehosaphat rìgh Iudah, suas gu Ramot-gilead.

29 Agus thubhairt rìgh Israeil ri Iehosaphat, Cuiridh mise mi fèin ann an coslas eile, agus théid mi steach do'n chath; ach cuir thusa t'earradh rìoghail ort. Agus chuir rìgh Israeil e fèin ann an coslas eile, agus chaidh e<sup>3</sup> steach do'n chath.

30 A nis dh'àithn rìgh Shiria do cheannardaibh nan carbad a bha aige, ag ràdh, Na cogaibh ris a' bheag, no ris a' mhòr, ach ri rìgh Israeil a mhaìn.

31 Agus an uair a chunnaic ceannardan nan carbad Iehosaphat, thubhairt iad, Is e so rìgh Israeil: uime sin thàinig iad mu'n cuairt air a chogadh. Ach ghlaodh Iehosaphat a mach, agus chuidich an Tighearna leis, agus dh'aom Dia iad gu falbh uaiti.

32 Oir an uair a chunnaic ceannardan nan carbad nach b'e rìgh Israeil a bha ann, phill iad o a leantuinn.

33 Agus tharruing fear a bhogha a thaobh tuairmse<sup>4</sup>, agus bhuail e rìgh Israeil eadar alta na lùirich: uime sin thubhairt e r'a charbadair, Tionndaidh do làmh, agus thoir a mach as an fheachd<sup>5</sup> mi; oir tha mi leointe.

34 Ach mheudaich an cath air an là sin: uime sin dh'fhan rìgh Israeil shuas nan charbad an aghaidh nan Sirianach gu ruig am feasgar; agus fhuair e bàs mu àm dol fodha<sup>6</sup> na grèine.

## CAIB. XIX.

**A**GUS phill Iehosaphat rìgh Iudah a dh'ionnsuidh a thighe ann an sìth gu h-Ierusalem.

2 Agus chaidh Iehu mac Hanani am fear-seallaidh a mach na choinneamh, agus thubhairt e ri rìgh Iehosaphat, Am buineadh dhuitse an t-àinigidh a chuideachadh, agus iadsan a ghràdhachach a dh'fhuathaicheas an Tighearna? uime sin tha fearg riut o làthair an Tighearna.

3 Ach fhuaradh nithe maithe annad, a thaobh gu'n do chuir thu air falbh na

doireachan as an tìr, agus gu'n d'ulluicf thu do chridhe a dh'iarraidh Dhé.

4 Agus ghabh Iehosaphat còmhnuidh ann an Ierusalem: agus chaidh e mach a ris air feadh an t-sluaigh, o Bheer-seba gu sliabh Ephraim, agus thug e air an ais iad a dh'ionnsuidh an Tighearna Dé an aithriche.

5 Agus shuidhich e breitheamhna anns an tìr, air feadh uile bhailte daingnichte Iudah, anns gach baile fa leth.

6 Agus thubhairt e ris na breitheamhnaibh, Thugaibh an aire ciod a ni sibh, oir cha 'n ann air son duine a tha sibh a' tabhairt breth, ach air son an Tighearna; agus tha e fèin maille ribh anns a bhreith-eanas<sup>7</sup>.

7 A nis ma ta bitheadh eagal an Tighearna oirbh: thugaibh an aire agus bithibh a' deanamh; oir maille ris an Tighearn ar Dia cha 'n eil euceart, no bàigh ri neach seach a' chéile, na gabhail duaise.

8 Agus mar an ceudna ann an Ierusalem shuidhich Iehosaphat cuid do na Lebhith-eachaibh, agus do na sagartaibh, agus do cheannaibh theaglach<sup>8</sup> Israeil, air son breitheanais an Tighearna, agus gu conn-sachadh a chrìochnachadh an uair a phill iad gu h-Ierusalem.

9 Agus thug e sparradh dhoibh, ag ràdh, Mar so ni sibh ann an eagal an Tighearna, ann an ionracas<sup>9</sup>, agus le cridhe iomlan.

10 Agus ge b'e cuis a thig d'ar n-ionnsuidh o bhur bràithribh a tha còmhnuidh nam bailtibh, eadar fuil agus fuil, eadar lagh agus àithne, reachdan agus breitheanais, bheir sibh rabhadh dhoibh nach dean iad eusaontas an aghaidh an Tighearna, agus gu'n d'thig fearg oirbhse agus air bhur bràithribh: deanaibh mar so, agus cha chointaich sibh.

11 Agus feuch, tha Amariah an t-ard shagart os bhur cionn ann an uile ghnoth-uichibh an Tighearna, agus Sebadiah mac Ismaeil na cheannard air tigh Iudah ann an uile ghnoth-uichibh an rìgh, agus na Lebhithich nan luchd-riaghlaidh nar<sup>10</sup> fianuis. Bithibh misneachail, agus deanaibh; agus bithidh an Tighearna maille ris a' mhaith.

## CAIB. XX.

**A**GUS an déigh nan nìle so thàinig clann Mhoib, agus clann Amoin, agus maille riu cuid do na h-Edomaich<sup>11</sup>, an aghaidh Iehosaphat gu cath.

2 Agus thàinig teachdairean, agus dh'innis iad do Iehosaphat, ag ràdh, Tha sluaigh mòr a' teachd ort a nall thar fairge, agus o Edom<sup>12</sup>; agus feuch, tha iad ann an Ilas-ason-tamar; is e sin En-gedi.

3 Agus bha eagal air Iehosaphat, agus

<sup>1</sup> teanntachd. <sup>2</sup> Eiseadh gach uile shluagh. <sup>3</sup> iad. <sup>4</sup> tuairmeis, teagmhuais, tuitimeis. <sup>5</sup> as an t-sluaigh. <sup>6</sup> fuidh. <sup>7</sup> ann am focal no gnothach a' bhreitheanais, Eabh.

<sup>8</sup> aithrichean. Eabh. <sup>9</sup> fùrin. <sup>10</sup> ann bhur. <sup>11</sup> agus maille riu daoin' eile thuilleadh air na h-Amonaich. <sup>12</sup> air an taobh so do Shiria.



chuir e 'aghaidh a dh'iarraidh an Tighearna, agus ghairm e trosgadh air feadh Iudah uile.

4 Agus chruinnicheadh Iudah an cionn a chèile a dh'iarraidh còghnaidh<sup>1</sup> o'n Tighearna: eadhon as uile bhailtibh Iudah thàinig iad a dh'iarraidh an Tighearna.

5 Agus sheas Iehosaphat ann an coimh-thional Iudah agus Ierusalem, ann an tigh an Tighearna, fa chomhair na cùirte nomha.

6 Agus thubhairt e, a Thighearna Dhé ar n-aithriche, nach tusa Dia anns na nèamhaibh? agus nach 'eil thu a' riaghladh os cionn uile rìoghachda nan cinneach? agus ann ad làimh-sa nach 'eil neart agus cumhachd, air chor as nach 'eil neach air bith comasach air seasamh a' t' aghaidh;

7 Nach tusa ar Dia-ne, a dh'fhogair a mach luchd-àiteachaidh na tire so roimh do shluagh Israel, agus a thug i do shliochd<sup>2</sup> Abraham do charaid gu bràth?

8 Agus ghabh iad còmhnuidh innte, agus thog iad air do shonsa innte ionad naomha, air son t'ainme-sa, ag ràdh,

9 Ma thig olc air bith oirn, claidheamh, breitheanas<sup>3</sup>, no plàigh, no gortadh, seasaidh sinn fa chomhair an tìghe-so, agus ann ad fhianuis-sa, (oir tha t'ainm anns an tigh so) agus gladhaidh sinn riut nar teinn<sup>4</sup>, agus éisdidh tusa, agus saoraidh tu sinn.

10 Agus a nis, feuch, tha clann Amoin, agus Mhoaih, agus sléibh Sheir, aig nach do leig thu le h-Israel dol troimh an crìocha, 'nuair a thàinig iad a tìr na h-Eiphit, ach thionndaidh iad uatha, agus cha do sgrios siad iad:

11 Feuch, a nis, mar a ta iad a' toirt luigheachd dhuinn, le teachd gus ar tilgeadh a mach as t'òigheachd, a thug thu dhuinn r'a sealbhachadh.

12 O ar Dia, nach d'thoir thu breth orra? oir cha 'n'eil neart againne an aghaidh an t-sluaigh mhòir so, a tha teachd oirn: agus cha 'n'eil fhios againn ciod a ni sinn; ach ortsa tha ar suilean.

13 Agus sheas Iudah uile am fianuis an Tighearna; mar an ceudna an òigridh, ann mnai agus an clann.

14 Agus air Iahasiel, mac Shechariah, mhic Bhenaiah, mhic Iehieil, mhic Mhataniah, Lebhithiach do mhacaibh Asaiph, bha spiorad an Tighearna ann am meadhon a' choimhthionail;

15 Agus thubhairt e, Eisdibh riumsa, a Iudah uile, agus a luchd-àiteachaidh Ierusalem, agus thusa a rìgh Iehosaphat: Mar so tha'n Tighearn ag ràdh ribh, Na biodh eagal no faichteas oirbh air son an t-sluaigh mhòir so; oir cha leiblise an cath, ach le Dia.

16 Am màireach rachaibh sìos nan aghaidh; feuch, tha iad a' teachd a mios-rathad uchdaich Shids, agus gheibh sibh iad aig ceann an t-srutha, fa chomhair fàsaich Ierueil.

17 Cha bhi cath agaibh r'a chur an so; a nìhain thigibh a làthair, seasaidh, agus faicibh saorsadh an Tighearna maille ribh, a Iudah, agus a Ierusalem: na biodh eagal no faichteas oirbh; am màireach rachaibh a mach nan aghaidh, agus bithidh an Tighearna maille ribh.

18 Agus chlom Iehosaphat a cheann, le 'aghaidh gu làr; agus thuit Iudah uile, agus luchd-àiteachaidh Ierusalem, sìos am fianuis an Tighearna, a' deanamh aoraidh do'n Tighearna.

19 Agus dh'éirich na Lebhithich do chloinn nan Cohatach, agus do chloinn nan Corbach, suas a mholadh an Tighearna Dé Israeil le' guth mòr, gu h-ard.

20 Agus dh'éirich iad gu moch anns a' mhaduinn, agus chaidh iad a mach gu fàsach Thecoa: agus an uair a bha iad a' dol a mach, sheas Iehosaphat agus thubhairt e, Eisdibh riumsa, a Iudah, agus a luchd-àiteachaidh Ierusalem; Creidibh anns an Tighearna bhur Dia, agus daingnichear sibh; creidibh fhàidhean, agus soirbhichidh sibh.

21 Agus an uair a thug e comhairle do'n t-sluagh<sup>5</sup>, dh'orduich e luchd-seinn do'n Tighearn, agus daoine a mholadh maise na naomhachd<sup>6</sup>, an uair a thigheadh iad a mach roimh 'n armaid, agus a theireadh<sup>7</sup>. Thugaibh buidheachas do'n Tighearn, oir gu bràth mairidh a thròcair.

22 Agus an uair a thòisich iad air seinn agus air moladh, chuir an Tighearna luchd-feall-fholaich an aghaidh chloinn Amoin, agus Mhoaih, agus sléibh Sheir, a thàinig an aghaidh Iudah, agus bhuailleadh iad:

23 Oir sheas clann Amoin agus Mhoaih suas an aghaidh luchd-àiteachaidh sléibh Sheir, chum am marbhadh agus an sgrios gu tur; agus an uair a chuir iad as do luchd-àiteachaidh Sheir, chuidich iad gach aon diubh gus a chèile a sgrios.

24 Agus an uair a thàinig Iudah làimh ri tìr na faire anns an fhàsach, dh'amhairc iad air an t-sluagh mhòr, agus feuch, bha iad nan corpaibh marbha air tuiteam gu talamh, agus cha deachaidh duine as diubh.

25 Agus thàinig Iehosaphat agus a shluagh a thoirt leo an creiche; agus fhuair iad nam measg, ann am pailteas, araon beartas maille ris na corpaibh marbha, agus seudan luachmhor<sup>8</sup> a thug iad dhiubh air an son féin, tuilleadh as a b'urrainn iad iomchar leo: agus bha iad

<sup>1</sup> congnaimh Eir. <sup>2</sup> shìol. <sup>3</sup> claidheamh a' bhreitheanas. <sup>4</sup> 'nar n-àirc. <sup>5</sup> chuir e 'chomhairle ris an t-sluagh. <sup>6</sup> chum maise na

naomhachd, ann am maise an ionaid naomha. <sup>7</sup> deireadh. Eir. <sup>8</sup> taitneach.

tri laithean ann an cruinneachadh na creiche; oir bha i mòr.

26 Agus air a cheathramh là chruinnicheadh iad an cionn a chèile ann an gleann Bherachah, oir an sin bheannaich iad an Tighearn: uime sin thugadh mar ainm air an àite sin gleann Bherachah, gus an la'n diugh.

27 An sin phill fir Iudah agus Ierusalem uile, agus Iehosaphat air an ceann, a dhol air an ais gu h-Ierusalem le gairdeachas; oir thug an Tighearn orra gairdeachas a dheanamh os cionn an naimhde.

28 Agus thàinig iad gu h-Ierusalem le saltairibh, agus le clàrsaichibh, agus le trompaidibh, a dh'ionnsuidh tighe an Tighearna.

29 Agus bhia eagal Dé air uile rìoghachdaibh nan dùchanna sin, an uair a chual iad gu'n do chog an Tighearna an aghaidh naimhdean Israeil.

30 Agus bha rìoghachd Iehosaphat sàmhach; oir thug a Dhia fois dha air gach taobh.

31 Agus rìoghaich Iehosaphat os cionn Iudah: cùig bliadhna deug thar fhichead do aois bha e nuair a thòisich e air rìoghachadh, agus rìoghaich e cùig bliadhna fichead ann an Ierusalem: agus b'e ainm a mhàthar Asubah, nighean Shilhi.

32 Agus ghluais e ann an slighe Asa athar, agus cha do dhealaich e rithe, a' deanamh an ni a bha ceart ann an sùilbhan Tighearna.

33 Ach cha d'thugadh air falbh na h-àitean arda; oir fathast cha d'ulluich an sluagh an cridhe air son Dhè an aithriche.

34 A nis a' chuid eile do ghnìomharaibh Iehosaphait, an toiseach agus mu dheireadh, feuch, tha iad sgrìobhta ann am briathraibh Iehu mhic Hanani, a chuir e sìos ann an leabhar rìghrean Israeil<sup>1</sup>.

35 Agus na dhèigh so rinn Iehosaphat rìgh Iudah coimhcheangal<sup>2</sup> ri Ahasiah rìgh Israeil, a bha olc na dheanadas.

36 Agus rinn e coimhcheangal ris longan a dheanamh a rachadh gu Tarsis: agus rinn iad na longan ann an Esion-geber.

37 Ach rinn Elieser, mac Dhodabhah o Mharesah, fàisteachd an aghaidh Iehosaphait, ag ràdh, A chionn gu'n d'rinn thu coimhcheangal ri Ahasiah, bhris an Tighearna t'òibre. Agus bhriseadh na longa, agus cha b'urrainn iad dol gu Tarsis.

#### CAIB. XXI.

**A**GUS choidil Iehosaphat maille r'a aithrichibh, agus dh'adhlaicheadh e maille r'a aithrichibh ann am baile Dhaibhidh: agus rìoghaich Iehoram a mhac na àit.

2 Agus bha bràithrean aige-san, mic Iehosaphait, Asariah, agus Ichiel, agus

Sechariah, agus Asariah, agus Michael, agus Sephatiah: b'ad sin uile mic Iehosaphait, rìgh Iudah<sup>3</sup>.

3 Agus thug an athair dhoibh iomadh tiodhlacadh airgid agus òir, agus nithe luachmhor, maille ri bailtibh daingnichte ann an Iudah; ach thug e an rìoghachd do Iehoram, a chionn gu'm b'e 'n ceudghin e.

4 Agus an uair a dh'éirich Iehoram suas gu rìoghachd athar, agus a dhaingnich se e fèin, mharbh e a bhràithrean uile leis a' chlaidheamh, agus mar an ceudna cuid do uachdaranaihbh Israeil.

5 Dà bhliadhna dheug thar fhichead a dh'aois bha Iehoram, an uair a thòisich e air rìoghachadh, agus rìoghaich e ochd bliadhna ann an Ierusalem.

6 Agus ghluais e ann an slighe rìghrean Israeil, mar a rinn tìgh Ahaib; oir bha nighean Ahaib na mnaoi aige: agus rinn e olc ann an sùilbhan Tighearna.

7 Gidheadh, cha b'àill leis an Tighearna tìgh Dhaibhidh a sgrìos, air sgàth a' choimhcheangail a rinn e ri Daibhidh, agus gu'n do gheall e solus a thabhairt da fèin agus d'à mhacaihbh gu bràth<sup>4</sup>.

8 Na laithibh-san dh'éirich na h-Edomaich o bhi fuidh làimh Iudah<sup>5</sup>, agus rinn iad rìgh os an cionn fèin.

9 Agus chaidh Iehoram a mach le 'cheannardaibh, agus a charbadan uile maille ris: agus dh'éirich e san oidheche, agus bhuail e na h-Edomaich, a thàinig mu'n cuairt air, agus ceannardan nan carbad.

10 Gidheadh, dh'éirich na h-Edomaich o bhi fuidh làimh Iudah gus an là'n diugh. Agus dh'éirich Libnah san àm chudna o bhi fuidh a làimh, a chionn gu'n do thrèig e 'n Tighearna Dia aithriche.

11 Mar an ceudna rinn e àitean arda ann an sléibhtibh Iudah, agus thug e air luchd-àiteachaidh Ierusalem strìopachas a dheanamh, agus tharruing<sup>6</sup> e Iudah a dh'ionnsuidh sin.

12 Agus thàinig sgrìobhadh d'a ionnsuidh o Eliah am fàidh, ag ràdh, Mar so tha'n Tighearna, Dia Dhaibhidh t'athar, ag ràdh, A chionn nach do ghluais thu ann an sligheibh Iehosaphait t'athar, no ann an sligheibh Asa rìgh Iudah.

13 Ach gu'n do ghluais thu ann an slighe rìghrean Israeil, agus gu'n d'thug thu air Iudah agus luchd-àiteachaidh Ierusalem strìopachas a dheanamh, cosmhail ri strìopachas tighe Ahaib, agus mar an ceudna gu'n do mharbh thu do bhràithrean do thìgh t'athar, a b'fhearr na thu fèin:

14 Feuch, buailidh an Tighearna le plàigh<sup>7</sup> mhòir do shluagh, agus do chlànn, agus do mhnà, agus do mhaoin uile.

<sup>1</sup> air am bheil iomradh ann an leabhar rìghrean Israeil.

<sup>2</sup> chaidh Iehosaphat rìgh Iudah ann an comh-chuideachd.

<sup>3</sup> Israeil.

<sup>4</sup> an còmhnuidh; gach là. Eabh.

<sup>5</sup> rinn Edom

aradh a mach an aghaidh Iudah.

<sup>6</sup> choimh-

èignich. <sup>7</sup> buille.



## II. EACHDRAIDH.

15 Agus *bithidh* tu ann an tinneas mòr le eucail do mhionach, gus an tuit do mhionach a mach leis an eucail, o la gu la.

16 Uime sin bhròsnaich an Tighearn an aghaidh Iehoraim spiorad nam Philisteach, agus nan Arabach, a bha làimh ris na h-Etiopaich.

17 Agus thàinig iad a nìos gu Iudah, agus bhris iad a steach innte, agus thug iad leo a' mhaoin uile a fhuair ann an tigh an rìgh, agus mar an ceudna a mhic agus a mhnai; air chor as nach d'fhàgadh mac aige ach Ahasiah<sup>1</sup> a mhac a b'òige.

18 Agus na dhéigh so uile bhuaill an Tighearn e na mhionach le h-eucail nach gabhadh leigheas.

19 Agus an déigh laithean àraidh, an ceann da bhliadhna, thuit a mhionach a mach le 'eucail, agus fhuair e bàs le droch ghalaraibh; agus cha d'rinn a shlugh losgadh air a shon cosmhuil ri losgaidh 'aithriche.

20 Da bhliadhna dheug thar fhichead a dh'aois bha e 'nuair a thòisich e air rìoghachadh, agus rìoghaich e ochd bliadhna ann an Ierusalem, agus shiubhail e gu'n déidh sam bith air; agus dh'adhlac iad e ann am baile Dhaibhidh, ach cha b'ann an àitibh-adhlac nan rìgh.

### C A I B. XXII.

**A**GUS rinn luchd-àiteachaidh Ierusalem Ahasiah, a mhac a b'òige, na rìgh na àit: oir mharbh a' bhuidheann a thàinig maille ris na h-Arabaich do'n champ no mic bu shine uile. Agus rìoghaich Ahasiah mac Iehoraim, rìgh Iudah.

2 Da bhliadhna thar fhichead<sup>2</sup> a dh'aois bha Ahasiah 'nuair a thòisich e air rìoghachadh, agus rìoghaich e aon bhliadhna ann an Ierusalem: agu b'e ainm a mhàthar Ataliah nighean Omri.

3 Ghluais esan mar an ceudna ann an slighibh tigh Ahaib; oir b'i 'mhàthair a chomhairliche<sup>3</sup> a dheanamh uile.

4 Air an aobhar sin rinn e olc ann an sùilbh an Tighearna, cosmhuil ri tigh Ahaib: oir b'iad sin a chomhairlichean an déigh bàis 'athar, chum a sgrios.

5 Ghluais e mar an ceudna a réir an comhairle, agus chaidh e maille ri Iehoram, mac Ahaib rìgh Isracil, a chogadh an aghaidh Hasaeil rìgh Shiria ann an Ramot-gilead: agus lot<sup>4</sup> na Sirianaich Ioram<sup>5</sup>.

6 Agus phill e gu bhi air a leigheas ann an Iesreel o na lotaibh<sup>6</sup> a thug iad dha ann an Ramah<sup>7</sup>, an uair a chòmhraig e<sup>8</sup> 'n aghaidh Hasaeil rìgh Shiria. Agus chaidh Ahasiah<sup>9</sup> mac Iehoraim, rìgh Iudah, sìos a dh'fhaicinn Ioraim mhic Ahaib ann an Iesreel, a chionn gu'n robh e tinn.

7 Agus b'ann o Dhia bhasgrios Ahasiah, le 'theachd gu Ioraim: oir an uair a thàinig e, chaidh e mach maille ri Iehoram an aghaidh Ichu mhic Nimsi, a dh'ung an Tighearn a ghearradh as tìghe Ahaib.

8 Agus an uair a bha Iebu a' deanamh brictheneais air tigh Ahaib, agus a fhuair e uachdarain Iudah, agus mic bhràithrean Ahasiah, a fhritheil do Ahasiah, mharbth e iad.

9 Agus dh'iarr e Ahasiah, agus ghlac iad e, agus e am folach ann an Samaria: agus thug iad e dh'ionnsuidh Ichu, agus mharbth iad e, agus dh'adhlac iad e, a chionn, thubhairt iad, gur e mac Iehosaphat e, a dh'iarr an Tighearna le 'uile chridhe. Agus cha robh e 'n comas do thigh Ahasiah an rìoghachd a ghlèidheadh ni b'fhaide.

10 Agus an uair a chunnaic Ataliah, màthair Ahasiah, gu'n robh a mac mharbh, dh'éirich i, agus sgrios i uile shliochd rìgh-aill tìghe Iudah.

11 Ach ghabh Iehosabet<sup>10</sup>, nighean an rìgh, Ios mac Ahasiah, agus ghoid i e a measg mhac an rìgh a mharbhadh, agus chuir i e féin agus a bhan-altrum ann an seòmar nan leapaiche. Mar sin dh'fhòlaich Iehosabet, nighean rìgh Iehoraim, bean Iehoiada an t-sagairt e (oir b'i piuthar Ahasiah i) o Ataliah, air chor as nach do mharbh i e.

12 Agus bha e maille riu am folach ann an tigh Dhé rè shè bliadhna; agus Ataliah a' rìoghachadh os cionn na tìre.

### C A I B. XXIII.

**A**GUS anns an t-seachdamh bliadhna neartaich Iehoiada e féin, agus ghabh e na ceannardan cheud, Asariah mac Iehoraim, agus Ismael mac Iehohanain, agus Asariah mac Obaid, agus Maasiah mac Adaiah, agus Elisaphat mac Shichri, a steach ann an coimheangal ris.

2 Agus chaidh iad mu'n cuairt ann an Iudah, agus chruinnich iad na Lebhithich a mach as uile bhailtibh Iudah, agus cinn aithrichean<sup>11</sup> Isracil, agus thàinig iad gu h-Ierusalem.

3 Agus rinn an coimhthional uile coimheangal ris an rìgh ann an tigh Dhé: agus thubhairt e riu, Feuch, rìoghaichidh mac an rìgh, mar a thubhairt an Tighearna mu mhacaibh Dhaibhidh.

4 So an ni a ni sibh: *Bithidh* an treas cuid dhiubhe, a thèid a steach air an t-sàbaid, do na sagairt agus do na Lebhithich, nan luchd-gleiddhidh nan dorus.

5 Agus *bithidh* trian aig tigh an rìgh; agus trian aig geatadh na bunaite: agus *bithidh* an sluagh uile ann an cùirtibh tìghe an Tighearna.

6 Ach na d'thigeadh a steach do thigh

<sup>1</sup> Iehoahas. <sup>2</sup> Da bhliadhna agus dà fhichead. Faic. II. Rìgh. Caib. VIII. r. 26. <sup>3</sup> chomhairlicheach. <sup>4</sup> bhuaill. <sup>5</sup> Iehoram. <sup>6</sup> a thaobh nan lot.

<sup>7</sup> Ramot. I Rìgh. Caib. VIII. r. 29. <sup>8</sup> chuir e cath. <sup>9</sup> Asariah. <sup>10</sup> Iehoseba. II. Rìgh. Caib. XI. r. 2. <sup>11</sup> theaghlachian.

an Tighearna ach na sagairt, agus iadsan do na Lebhithich a fhrithheileas; théid iadsan a steach, oir *tha* iad naomha: ach coimheadaidh <sup>1</sup> an sluagh uile faire an Tighearna.

7 Agus cuairtichibh na Lebhithich an rìgh air gach taobh, gach fear le 'airm na làimh; agus ge b'e neach a thig a steach do'n tigh, cuirear gu bàs e: ach bithibhse maille ris an rìgh, 'nuair a thig e steach, agus an uair a thèid e mach.

8 Agus rinn na Lebhithich, agus Iudah uile, a réir nan uile *nithe* a dh'àithn Iehoiada an sagart, agus ghabh iad gach fear a dhaoine féin, a bha gu teachd a steach air an t-sàbaid, maille ri u-san a bha gu dol a mach air an t-sàbaid; oir cha do leig Iehoiada an sagart air falbh na roinn-ean.

9 Agus thug Iehoiada an sagart do na ceannardaibh-cheud sleaghan, agus sgiathan, agus targaidean, a *bha* aig rìgh Daibhidh, a *bha* ann an tigh Dhé.

10 Agus chuir e an sluagh uile, gach fear le 'ghath' na làimh, o thaobh deas an tighe gu ruig taobh clì an tighe, làimh ris an altair agus an tigh, mu'n cuairt air an rìgh.

11 Agus thug iad a mach mac an rìgh, agus chuir iad an crùn air, agus *thug iad dha* an fhianuis, agus rinn iad na rìgh e: agus dh'ung Iehoiada agus a mhic e, agus thubhairt iad, Gu ma fada beo an rìgh.

12 Agus an uair a chual Ataliah fuaim an t-sluaigh a' ruith cuideachd, agus a' moladh an rìgh, thàinig i dh'ionnsuidh an t-sluaigh, a steach do thigh an Tighearna.

13 Agus dh'amhaire i, anns feuch, sheas an rìgh làimh r'a phost aig an dol a steach, agus na h-uachdarain agus na trompaidean làimh ris an rìgh, agus rinn uile shluagh na tìre gairdeachas, agus rinn iad fuaim le trompaidibh, agus an luchd-seinn le h-innealaibh-ciùil, agus iadsan a bha eòlach air moladh: agus reub Ataliah a h-eudach, agus thubhairt i, Feall, feall.

14 An sin dh'àithn Iehoiada an sagart do na ceannardaibh-chend <sup>3</sup>, a chuireadh os cionn an t-slàigh, agus thubhairt e riu, Thugaibh a mach i an taobh a muigh do na sreathaibh; agus ge b'e neach a leanas i, marbhar leis a' chlàidheamh e: oir thubhairt an sagart, Na cuiribh gu bàs i ann an Tigh an Tighearna.

15 Agus thug iad comas d'i <sup>4</sup>, agus an uair a thàinig i gu dol a stigh geataidh nan each aig tigh an rìgh, mharbh iad an sin i.

16 Agus rinn Iehoiada coimhcheangal eadar e féin agus an sluagh gu léir agus an rìgh, gu'm biodh iad nan sluagh aig an Tighearna.

17 Agus chaidh 'n sluagh uile a stigh do thigh Bhaail, agus leig iad sìos e, agus bhris iad 'altairean agus a dhealbhan gu tur, agus mharbh iad Matan sagart Bhaail fa chomhair nan altair.

18 Agus shuidhich Iehoiada luchd-riaghlaidh tighe an Tighearna le làimh nan sagart agus nan Lebhithich, a roinn Daibhidh ann an tigh an Tighearna, chum iobairtean-loisgte an Tighearna iobradh, mar a *ta e* sgrìobhta ann an lagh Mhaois, le gairdeachas agus le seinn, a réir orduigh <sup>5</sup> Dhaibhidh.

19 Agus shuidhich e na dorsairean aig geataibh tighe an Tighearna, chum nach rachadh neach air bith a stigh, a *bha* neo-ghlan ann an nì air bith.

20 Agus ghabh e na ceannardan-cheud, agus na h-ard uaislean, agus uachdarain an t-sluaigh, agus uile shluagh na tìre, agus thug iad a nuas an rìgh o thigh an Tighearna; agus thàinig iad troimh 'n gheatadh ard a' steach do thigh an rìgh, agus chuir iad an rìgh na shuidhe air rìgh-chathair na rìoghachd.

21 Agus rinn uile shluagh na tìre gairdeachas: agus bha'm baile sàmhach, an déigh dhoibh Ataliah a mharbhadh leis a' chlàidheamh.

## CAIB. XXIV.

**S**EACHD bliadhna dh'aois *bha* Ioa <sup>6</sup> an uair a' thòisich e air rìoghachadh, agus rìoghaich e dà fhichead bliadhna ann an Ierusalem: agus *b'e* ainm a mhàthar Sibia o Bheerseba.

2 Agus rinn Ioa an *nì a bha* ceart ann an sùilbh an Tighearna rè uile laithean Iehoiada an t-sagart.

3 Agus ghabh Iehoiada air a shon dà mhnaoi, agus ghin e mic agus nigh-eana.

4 Agus na dhéigh so bha e ann an inntinn <sup>7</sup> Ioaigh tigh an Tighearna a chàradh <sup>8</sup>.

5 Agus chruinnich e ri chéile na sagart agus na Lebhithich, agus thubhairt e riu, Rachaibh a mach do bhailtibh Iudah, agus cruinnichibh o Israel uile airgid a chàradh tighe bhur Dé o bbladhna gu bliadhna, agus faicibh gu'n dean sibh cabhag <sup>9</sup> sa' ghnòthuch, Gidheadh cha d'rinn na Lebhithich cabhag.

6 Agus ghairm an rìgh Iehoiada an t-ard *shagart*, agus thubhairt e ris, C'ar son nach d'iarr thu air na Lebhithich cìs Mhaois <sup>10</sup>, oglach an Tighearna, a thoirt a

<sup>1</sup> gleidhidh. <sup>2</sup> le 'bhall-airm, le 'chlàidheamh. <sup>3</sup> thug Iehoiada an sagart a mach na ceannardan-cheud. Faic. II. Rìgh. Caib. XI. r. 15. <sup>4</sup> chuir iad làimh imte. <sup>5</sup> làimhe. Eabh.

<sup>6</sup> Iehoa. II. Rìgh. Caib. XII. r. I. <sup>7</sup> cridhe. Eabh. <sup>8</sup> a leasuchadh, ath-nuadhachadh. <sup>9</sup> deifir. <sup>10</sup> a' chis a dh'àithn Mhaois bhì air a togail.



## II. EACHDRAIDH.

steach o Iudah, agus o Ierusalem, agus <sup>1</sup> o choimhthional Israeil, air son pàilluin na fianuis?

7 Oir bhris mic na droch mhnà Ataliah sìos tigh Dhé, agus mar an ceudna uile nithe coisrigte <sup>2</sup> tìghe an Tighearna thug iad seachad <sup>3</sup> do Bhaalim.

8 An sin air àithne an rìgh rinn iad ciste, agus chuir iad i aig ge-tadh tìghe an Tighearna air an taobh a nuigh.

9 Agus thug iad gairm air feadh Iudah agus Ierusalem, cìs Mhaois, òglaich Dhé, a chuir e air Israeil anns an fhàsach, a thoirt a steach do'n Tighearna.

10 Agus rinn na h-uachdarain uile agus an sluagh uile gairdeachas, agus thug iad leo, agus thilg iad anns a' cliste, gus an do lìonadh i <sup>4</sup>.

11 Agus an uair a thugadh a' chiste steach a dh'ionnsuidh luchd-riaghlaidh <sup>5</sup> an rìgh le làimh nan Lebhitheach, agus a chunnaic iad gu'n robh mòran airgid innte, an sin thàinig scriobhuich an rìgh agus fear-riaghlaidh an ard-shagairt, agus dh' fhalamhuich iad a' chiste, agus ghabh iad i, agus thug iad air a h-ais i d'a h-àite féin. Mar sin rinn iad o la gu la, agus chruinnich iad airgid ann am pailteas.

12 Agus thug an rìgh agus Iehoiada e dhoibhsan, a rinn obair <sup>6</sup> seirbhis tìghe an Tighearna, agus thuarasdalaich iad luchd-snaithidh *chlach* agus saoir a chàradh tìghe an Tighearna, agus mar an ceudna luchd-oibre ann an iarunn agus an umha a dheanamh suas <sup>7</sup> tìghe an Tighearna.

13 Agus dh'oibrich an luchd-oibre, agus choimhlionadh an obair le'n làimh; agus rinn iad suas tigh an Tighearna co cheart as a bha e roimhe, agus dhaingnich iad e.

14 Agus an uair a chrìochnaich iad an obair, thug iad na dh'fhàgadh do'n airgid an làthair an rìgh agus Iehoiada, agus rinn iad soithichean deth do thigh an Tighearna, soithichean-frithealaidh nan ìobairt-loisgte, agus spàinean, agus soithichean òir agus airgid: agus dh'ìobair iad ìobairtean-loisgte a ghnàth ann an tigh an Tighearna, rè uile làithean Iehoiada.

15 Ach dh'fhàs Iehoiada sean, agus bha e làn do làithibh, agus fhuair e bàs: ceud agus deich bliadhna fichead a dh'aois bha e nuair a fhuair e bàs.

16 Agus dh'adhlac iad e ann am baile Dhaibhidh maille ris na rìghribh, a chionn gu'n d'rinn e maith an Israeil, araon <sup>8</sup> a thaobh Dhé agus a thaobh a thìghe.

17 Agus an dèigh bàis Iehoiada, thàinig

uachdarain Iudah, agus rinn iad ùmhlachd do'n rìgh. An sin dh'èisd an rìgh riu.

18 Agus thréig iad tigh an Tighearna Dé an aithriche, agus rinn iad seirbhis do dhoireachaibh agus do dhealbhaibh <sup>9</sup>: agus thàinig fearg air Iudah agus Ierusalem air son an ciontaidh.

19 Gidheadh chuir e fàidhean d'an ionnsuidh, gu'n toirt air an ais a dh'ionnsuidh an Tighearna, agus rinn iad fianuis nan aghaidh, ach cha d'èisd iadsan riu.

20 Agus thàinig spiorad an Tighearna air Sechariah, mac Iehoiada, an t-sagairt, agus shcas e os cionn an t-sluaigh, agus thubhairt e riu, Mar so tha Dia ag ràdh, Car son a tha sibh a' briseadh àitheantan an Tighearna? uime sin cha soirbhich sibh. A chionn gu'n do thréig sibhse an Tighearna, tréigidh esan sibhse.

21 Agus chaidh iad ann an comh-bhoinn na aghaidh, agus chlach iad le clachaibh e air àithne an rìgh, ann an cùirt tìghe an Tighearna:

22 Oir cha do chuimhnich Ioads an rìgh an caoimheas a rinn Iehoiada a' thair ris, ach mharbh e a mhac: agus an uair a bhàsan a' faghail a' bhàis, thubhairt e, Chì an Tighearna, agus aghaidh <sup>10</sup> se.

23 Agus aig ceann <sup>11</sup> na bliadhna, thàinig armailt Shiria nìos na aghaidh; agus thàinig iad gu Iudah agus gu h-Ierusalem, agus sgrios iad uile uachdarain an t-sluaigh o mheasg an t-sluaigh, agus chuir iad an creach uile dh'ionnsuidh rìgh Dhamascuis.

24 Oir le beagan dhaoine thàinig armailt Shiria, agus thug an Tighearna thairis nan làimh sluagh ro-mhòr, a chionn gu'n do thréig iad an Tighearna Dia an aithriche: uime sin rinn iad breitheanas an aghaidh Ioads.

25 Agus an uair a dh'imich iad uaith, a chionn gu'n d'fhàg iad e ann an eucailibh mòra, rinn a sheirbhisich féin ceannaire na aghaidh air son fola mhic <sup>12</sup> Iehoiada an t-sagairt, agus mharbh iad e air a leabaidh, agus an uair a fhuair e bàs, dh'adhlac iad e ann am baile Dhaibhidh, ach cha d'adhlac iad e ann an àitibh-adhlac nan rìgh.

26 Agus is iad so iadsan a rinn ceannaire na aghaidh: Sabad mac Shimeait na Banamonaich, agus Ichosabad mac Shimrit na Bana-mhoabaich, agus a mhic.

27 A nis a thaobh meud na cìs a thog e <sup>13</sup>, agus mar a rinn e suas tigh Dhé, feuch, tha iad scriobhta ann an eachdraidh leabhar nan rìgh. Agus rìghaich Amasiah a mhac na àit.

<sup>1</sup> eadhon. <sup>3</sup> naomha. <sup>8</sup> rinn iad. Eabh. <sup>4</sup> gus an do chuir iad crìoch air a' ghnòth-uch. <sup>5</sup> luchd-amhaire thairis. *luchd-ghnòth-uchean*; *seòmair-ghnòth-uchean*. <sup>6</sup> air an robh cùram oibre. Faic. II. Rìgh. Caib. XII. r. 11.

<sup>7</sup> a chùradh. <sup>8</sup> an dà chuid. <sup>9</sup> òdholaibh. <sup>10</sup> iarraidh, d'òlaidh. <sup>11</sup> teachd mu'n cuairt. Eabh. <sup>12</sup> mhac. <sup>13</sup> meud na h-eallaich a chuireadh air.

## CAIB. XXV.

**C**UIG bliadhna fichead a dh'aois bha Amasiah 'nuair a thòisich e air rìoghachadh, agus rìoghaich e naoi bliadhna fichead ann an Ierusalem: agus *b'e* ainm a mhàthar Iehoodan o Ierusalem.

2 Agus rinn e an *ni a bha* ceart ann an sìbilibh an Tighearna, ach cha b'ann le cridhe Ìomlan.

3 A nis an uair a dhaingnicheadh an rìoghachd dha, mharbh e a sheirbhisich, a mharbh an rìgh 'athair.

4 Ach an clann cha do mharbh e, a réir mar a ta e sgrìobhta anns an lagh ann an Ieabhar Mhaois, far an d'àithn an Tighearn, ag ràdh, Cha chuirear na h-aithriche gu bàs air son nam mac, agus cha chuirear na mic gu bàs air son nan aithriche; ach cuirear gach duine gu bàs air son a pheacaidh féin.

5 Agus chruinnich Amasiah Iudah r'a chèile, agus rinn e iad, a réir tighe an aithriche, nan ceannardaibh mhilltean agus nan ceannardaibh cheud, ann an Iudah agus ann am Benjamin uile: agus dh'àir-eamh e iad o fhichead bliadhna dh'aois agus os a chionn, agus fhuair e ann diubh trì cheud mìle *fear*-taghta, a rachadh a mach gu cath, a laimhsicheadh sleagh agus sgiath.

6 Thuarasdalaich e mar an ceudna a h-Israel ceud mìle fear comasach gaisgeil<sup>1</sup> air cheud tàlan airgid.

7 Ach thàinig duine le Dia d'a ionnsuidh, ag ràdh, A rìgh, na rachadh armailt Israeil maille riut; oir cha 'n 'eil an Tighearna maille ri h-Israel, eadhon maille ri cloinn Ephraim uile.

8 Ach ma's àill leat imeachd, dean, bi làidir air son a' chatha: bheir Dia ort tuit-eam roimh an nàmhaid; oir tha Dia comasach air còghnadh a dheanamh, agus air tilgeadh sìos.

9 Agus thubhairt Amasiah ris an duine le Dia, Ach ciod a ni sinn mu'n cheud tàlan a thug mi do armailt Israeil? Agus fhreagair an duine le Dia, Tha'n Tighearna comasach air mòran tuilleadh as sin a thabhairt duitse.

10 Agus sin sgaoil Amasiah iadsan do'n armailt, a thàinig d'a ionnsuidh a h-Ephraim, a chum gu'n rachadh iad d'an àite féin. Agus las am fearg gu mòr an aghaidh Iudah, agus phill iad d'an àite féin ann an corruich mhòir.

11 Agus neartaich Amasiah e féin, agus thug e mach a shluagh, agus chaidh e gu gleann an t-salainn, agus bhuail e do chloinn Shleir deich mìle.

12 Agus deich mìle *dhiubh* ghlac clann Iudah beo, agus thug iad leo iad gu mullach carraige, agus thilg iad sìos iad o

mhullach na carraige, agus bhriseadh iad gu tur.

13 Ach bhris fir<sup>2</sup> na h-armailte, a chuir Amasiah air an ais, a chum nach rachadh iad maille ris gu cath, a stigh air bailtibh Iudah, o Shamaria eadhon gu ruig Bethoron, agus bhuail iad trì mìle dhiubh, agus thug iad leo creach mhòr.

14 A nis an déigh do Amasiah teachd o àr nan Edomach, thug e leis dèe chloinn Shleir, agus chuir e suas iad dha féin ma-dhéibh, agus chrom se e féin sìos rompa, agus loisg e tùis dhoibh.

15 Uime sin las fearg an Tighearna an aghaidh Amasiah, agus chuir e d'a ionnsuidh fàidh, a thubhairt ris, C'ar son a dh'iarr thu'n déigh dhiathan an t-sluaigh, nach b'urrainn an sluagh féin a shaoradh as do làimh-sa?

16 Agus an uair a bha e a' labhairt ris, fhreagair esan e, An d'rinneadh thusa a'd' chomhairliche<sup>3</sup> do'n rìgh? leig dhiot<sup>4</sup>; c'ar son a bhiodh tu air do bhualadh? Agus leig am fàidh dheth, agus thubhairt e, Tha fios agam gu'n do shonraich<sup>5</sup> Dia air do sgrios, a chionn gu'n d'rinn thu so, agus nach d'éisd thu ri m' chomhairle-sa.

17 An sin ghabh Amasiah rìgh Iudah comhairle, agus chuir e *teachdairean* a dh'ionnsuidh Ioais, mhic Iehoahais, mhic Iehu rìgh Israeil, ag ràdh, Thig, faiceamaid aghaidh a chèile.

18 Agus chuir Ioas rìgh Israeil *teachdairean* gu Amasiah rìgh Iudah, ag ràdh, Chuir an foghannan, a *bha* ann an Lebanon, *teachdaire* dh'ionnsuidh an t-seudair<sup>6</sup>, a *bha* ann an Lebanon, ag ràdh, Thair do nighean do m' mhac-sa, na mnaoi: agus chaidh fiadh-bheathach scachad, a *bha* ann an Lebanon, agus shaltair e sìos am foghannan.

19 Thubhairt thu, Feuch, bhuail mi 7 Edom, agus thog do chridhe suas thu chum uail a dheanamh: fan a nis aig do thigh: c'ar son a bhiodh làmh agad ann an ni chum t'aimhleis, air chor as gu'n tuiteadh tu féin agus Iudah maille riut?

20 Ach cha d'éisd Amasiah ris; oir *bha* e o Dhia an toirt thairis na làimh, a chionn gu'n d'iarr iad an déigh dhiathan Edoim.

21 Uime sin chaidh Ioas rìgh Israeil suas, agus chunnaic e féin agus Amasiah rìgh Iudah aghaidh a chèile aig Bet-semes, a *bhuineas* do Iudah.

22 Agus bhuailleadh Iudah roimh Israel, agus theich iad gach fear a dh'ionnsuidh a bhùtha.

23 Agus ghlac Ioas rìgh Israeil Amasiah rìgh Iudah, mac Ioais, mhic Ahasiah<sup>8</sup>, aig Bet-semes, agus thug se e gu h-Ierusalem, agus bhris e sìos balladh Ierusalem, o gheat-

<sup>1</sup> gaisgeuch làidir. <sup>2</sup> mic. Eabh. <sup>3</sup> chomhairliche. <sup>4</sup> bi d' thosa. <sup>5</sup> shuidhich.

<sup>6</sup> a' cheudair. <sup>7</sup> thu. <sup>8</sup> Iehoahais.



adh Ephraim gu geatadh na h-oisne, ceithir cheud làmh-choille.

24 Agus [ghabh e] an t-òr agus an t-airgid uile, agus na soithichean uile, a fhuaradh ann an tigh Dhé aig Obed-edom, agus ionmhasan tighé an rìgh, agus braighde-gill, agus phill e gu Samaria.

25 Agus mhair Amasiah mac Ioais, rìgh Iudah, beò an déigh bàis Ioais mhic Iehoahais rìgh Israeil, cuig bliadhna deug.

26 Agus a' chuid cile do ghnìomharaibh Amasiah an toiseach agus mu dheireadh, feuch, nach 'eil iad scribedhta ann an leabhar rìglirean Iudah agus Israeil?

27 Ach o'n àm anns an do thionndaidh Amasiah o leantuinu an Tighearna, rinn iad ceannairc<sup>1</sup> na aghaidh ann an Ierusalem, agus theich e gu Lachis: ach chuir iad daoine na dhéigh gu Lachis, agus mharbh iad e an sin.

28 Agus thug iad leo air eachaibh e, agus dh'adhlac iad e maille r'a aithrichibh ann am baile Dhaibhidh<sup>2</sup>.

CAIB. XXVI.

**A**GUS ghabh slaugh Iudah uile Udsiah<sup>3</sup>, agus e sè bliadhna deug a dh'aois, agus rinn iad e na rìgh an àit 'athar Amasiah.

2 Thog esan Elat<sup>4</sup>, agus dh'aisig se e do Iudah, an déigh do'n rìgh codal maille r'a aithrichibh.

3 Sè bliadhna deug a dh'aois bha Udsiah nuair a thòisich e air rioghachadh, agus rioghaich e dà bhliadhna dheug agus dà fhichead ann an Ierusalem: agus b'e ainm a mhàthar Iecoliah o h-Ierusalem.

4 Agus rinn e an *ni a bha ceart* ann an sùilbh an Tighearna, a réir gach *ni a rinn Amasiah* 'athair.

5 Agus dh'iarr e Dia ann an laithibh Shechariah, a theagaisg e ann an eagail<sup>5</sup> Dé: agus fhad sa dh'iarr e an Tighearna, thug Dia air soirbheachadh.

6 Agus chaidh e mach, agus chog e 'n aghaidh nam Philisteach, agus bhris e sìos balladh Ghait, agus balladh Iabneth, agus balladh Asdoid: agus thog e bailtean ann an Asdod<sup>6</sup>, agus am measg nam Philisteach.

7 Agus chuidich Dia leis an aghaidh nam Philisteach, agus an aghaidh nan Arabach, a bha nan còmhnuidh ann an Garbaal, agus nan Amonach<sup>7</sup>.

8 Agus thug na h-Amonaich tiodhlacan do Udsiah, agus chaidh 'ainm a mach gu ruig dol a steach na h-Eiphit, oir dh'fhàs e ro chumhachdach.

9 Agus thog Udsiah tùir ann an Ierusalem aig geatadh na h-oisne, agus aig geatadh a' ghlinne, agus aig an oisinn<sup>8</sup>, agus dhaingnich e iad.

10 Agus thog e tùir anns an fhàsach agus chlaghaich e mòran thobar; oir bha mòran spreidh aige, agus anns an *tìr* iosail, agus anns a' chòmhnard treubhaichean, agus fion-liosadairean<sup>9</sup> anns na sléibhtibh agus ann an Carmel, a chionn gu'm bu toigh leis tuathanachd.

11 Bha aig Udsiah mar an ceudna armailt do dhaoinibh a dheanadh cogadh, a rachadh a mach gu cath nam buidhnibh, a réir ubhair an àireimh<sup>10</sup> le làimh Ieicil an scriobhuiche, agus Mhaaseiah an fhir-riaghlaidh, fuidh làimh Hananiah aon do uachdaranaibh an rìgh.

12 B'e àireamh iomlan phrìomh<sup>11</sup> aithriche nan daoine comasach gaisgeil, dà mhìle agus sè ceud.

13 Agus fuidh 'n làimh-san bha armailt, tri cheud mìle agus seachd mìle agus cuig ceud, a dheanadh cogadh le treun neart, a chuideachadh leis an rìgh an aghaidh an nàmhaid.

14 Agus dheasaich Udsiah air an son, eadhon do'n fheachd uile, targaidean, agus sleaghan, agus clogaidean, agus lùirichean, agus boghanna, agus cranna-tabhuill a thilgeadh chlach.

15 Agus rinn e ann an Ierusalem innil-chogaidh, a dhealbhadh le daoinibh ealanta<sup>12</sup>, gu bhì air na tùraibh agus air oisnibh nam ballacha, a thilgeadh shaighead agus chlach mòr leo: agus chaidh 'ainm a mach an cèin, oir b'iongantach an dòigh air an do chuideicheadh leis gus an d'fhàs e cumhachdach.

16 Ach an uair a dh'fhàs e cumhachdach, thogadh a chridhe suas a chum aimhleis, agus pheacaich e an aghaidh an Tighearna a Dhé: oir chaidh e steach do theampull an Tighearna, a losgadh tùise air altair na tùise.

17 Agus chaidh Asariah an sagart a steach na dhéigh, agus maille ris ceithir fichead sagart leis an Tighearna, fir threuna.

18 Agus sheas iad an aghaidh Udsiah an rìgh, agus thubhairt iad ris, Cha bhuin e dhuitse, Udsiah, tùis a losgadh do'n Tighearna, ach do na sagartaibh, mic Aaron, a tha air an naomhachadh a losgadh tùise: imich a mach as an ionad-naomha, oir pheacaich thu, agus cha bhi e dhuit a chum urraim o'n Tighearna Dia.

19 Agus bha fearg air Udsiah, agus tùiseir aige na làimh a losgadh tùise: agus an uair a bha fearg air ris na sagartaibh, air ball dh'éirich luibhre suas ann an clàr 'eudain am fianuis nan sagart ann an tigh an Tighearna os cionn<sup>13</sup> altaire na tùise.

20 Agus dh'amhairc Asariah an t-ard

<sup>1</sup> coimhchealg. <sup>2</sup> Iudah. <sup>3</sup> Asariah. II. Rìgh. Caib. XIV. r. 21. <sup>4</sup> Elot. <sup>5</sup> a bha tuisgeach ann an seallanaibh. <sup>6</sup> mu thimchioll Asdoid.

<sup>7</sup> nam Mehunach. <sup>8</sup> tionndadh a' bhallaidh. <sup>9</sup> fion-ghràdadairean. <sup>10</sup> an cumtais, 'am meas. <sup>11</sup> cheann. Eabh. <sup>12</sup> innleachdacha. <sup>13</sup> o thuobh,

shagart, agus na sagartan uile air, agus feuch, *bha* luibhre air ann an clàr 'eudain, agus ghreas iad a mach as sin e; agus rinn e fèin mar an ceudna cabhag gu dol a mach, a chionn gu'n do bhuail an Tighearn e.

21 Agus *bha* Udsiah an rìgh na lobhar gu là a bhàis, agus ghabh e còmhnuidh ann an tigh air leth, mar fhear a *bha* na lobhar, an uair a dhruideadh a mach e a tigh<sup>1</sup> an Tighearna: agus *bha* Iotam a mhac os cionn tìghe an rìgh, a' toirt breth air sluagh na tìre.

22 Agus a' chuid eile do ghnìomharaibh Udsiah, an toiseach agus mu dheireadh; scriobh Isaiah am fàidh, mac Amois.

23 Agus choidil Udsiah maille r'a aithrichibh, agus dh'adhlaic iad e maille r'a aithrichibh ann am magh àit-adhlacaidh nan rìgh: oir thubhairt iad, *Tha* e na lobhar. Agus rìghaich Iotam a mhac na àit.

## CAIB. XXVII.

**C**UIG bliadhna fichead a dh'aois *bha* Iotam an uair a thòisich e air rìghachadh, agus rìghaich e sè bliadhna deug ann an Ierusalem: agus *b'e* ainm a mhàthar Ierusa, nighean Shadoic.

2 Agus rinn e an *ni a bha* ceart ann an sùilbh an Tighearna a réir nan uile *nìthe* a rinn Udsiah 'athair; gidheadh cha dcachaidh e steach do theampull an Tighearna, agus *bha'n* sluagh fathast truaillidh.

3 Thòg e geatadh ard tìghe an Tighearna, agus air balladh Opheil thog e mòran.

4 Agus thog e bailtean ann an sléibhtibh Iudah, agus anns na coilltibh thog e caistealan agus tùir.

5 Agus chog e ri rìgh chloinn Amoin, agus thug e buaidh orra. Agus thug clann Amoin dha air a' bhliadhna sin fèin ceud tìlann airgid, agus deich mìle tomhas<sup>2</sup> cruithneachd, agus deich mìle *tomhas* eorna. So thug clann Amoin seachad da, aràon air an dara bliadhna, agus *air* an treas.

6 Agus dh'fhàs Iotam cumhachdach, a chionn gu'n do dheasaich e a shlighean am fianuis an Tighearna a Dhé.

7 Agus a' chuid eile do ghnìomharaibh Iotam, agus a choganna uile, agus a shlighean, feuch, *tha* iad scriobhta ann an leabhar rìghrean Israeil agus Iudah.

8 Cùig bliadhna fichead a dh'aois *bha* e 'nuair a thòisich e air rìghachadh, agus rìghaich e sè bliadhna deug ann an Ierusalem.

9 Agus choidil Iotam maille r'a aithrichibh, agus dh'adhlaic iad e ann am baile Dhaibhidh: agus rìghaich Ahas a mhac na àit.

## CAIB. XXVIII.

**F**ICHEAD bliadhna<sup>3</sup> dh'aois *bha* Ahas, an uair a thòisich e air rìghachadh, agus rìghaich e sè bliadhna deug ann an Ierusalem: agus cha d'rinn e an *ni a bha* ceart ann an sùilbh an Tighearna, mar *a rinn* Daibhidh 'athair.

2 Ach dh'imich e ann an slighibh rìghrean Israeil, agus mar an ceudna rinn e dealbhan leaghta do Bhaalim.

3 Agus loisg e tùis ann an gleann Bhenhinoim<sup>4</sup>, agus loisg e a chlànn anns an teine a réir ghràineileachd nan cinneach, a thilg an Tighearna mach roimh chloinn Israeil.

4 Agus dh'òbair e agus loisg e tùis anns na h-àitibh arda, agus air na cnoic, agus fuidh gach craobh uaine.

5 Uime sin thug an Tighearna a Dhia thairis e an làimh rìgh nan Sirianach<sup>5</sup>, agus bhuail iad e, agus thug iad leo mòran diubb nam braighdibh, agus thug siad iad gu Damascus: agus thugadh mar an ceudna thairis e an làimh rìgh Israeil, a bhuail e le h-àr mòr.

6 Agus mharbh Pecah, mac Remaliah, ann an Iudah ceud agus fichead mìle ann an aon là, fir threuna<sup>6</sup> uile; a chionn gu'n do thréig iad an Tighearna Dia an aithriche.

7 Agus mharbh Sichri, duine treun do Ephraim, Maaseiah mac an rìgh, agus Asricam uachdaran an tìghe, agus Elcanah, a b'fhaigse do'n rìgh.

8 Agus thug clann Israeil leo nam braighdibh d'am bràithribh dà cheud mìle bean, mac agus nighean, agus thog iad mar an ceudna creach mhòr uatha, agus thug iad a' chreach gu Samaria.

9 Ach *bha* fàidh leis an Tighearna an sin d'am b'ainm Oded, agus chaidh e mach am fianuis an t-slòigh a thàinig gu Samaria, agus thubhairt e riu, Feuch, a chionn gu robh fearg air an Tighearna Dia bhur n-aithriche ri Iudah, thug e thairis iad ann bhur làimh-sa, agus mharbh sibh iad le huirbe, a ràinig suas gu nèamh.

10 Agus a nis *tha* sibh a' cur roimhlibh clann Iudah agus Ierusalem a chur fuidhibh mar thràillibh agus mar bhan-tràillibh agaibh. Nach 'eil idir agaibhse, *cadhon* agaibhse, peacanna an aghaidh an Tighearna bhur Dé?

11 A nis ma ta éisdibh riumsa, agus thugaibh air an ais na braighdean, a thug sibh leibh ann am braighdeanas o bhur bràithribh; oir tha fearg laiste an Tighearna ribh.

12 An sin dh'éirich daoine àraidh do cheannaibh<sup>7</sup> chloinn Ephraim, Asariah mac Iohanain, Berechiah mac Mhesilemoit, agus Ieheschiah mac Shaluim, agus Amasa mac

<sup>1</sup> oir ghearradh as e o thigh. <sup>2</sup> cor. Eabh.

<sup>3</sup> Cùig bliadhna fichead. <sup>4</sup> gleann mhic Hinoim.

<sup>5</sup> rìgh Shiria. <sup>6</sup> mic neirt. <sup>7</sup> do phàrtaidh dhaoineibh, arda uaislibh.



Hadlai, suas nan aghaidh-san, a thàinig o'n chogadh,

13 Agus thubhairt iad riu, Cha d'hoir sibh na braighdean a steach an so: oir *bhiodh sin* na chionta an aghaidh an Tighearna oirnne. *Tha* sibhse a' cuir roimhibh tuilleadh a chur r'ar peacannaibh, agus r'ar cionta, 'nuair a ta ar cionta *cheana* mòr agus fearg laiste ri h-Israel.

14 An sin dh'fhàg na daoine, a bha fo 'n armaibh<sup>1</sup>, na braighdean agus a' chreach am fianuis nan uachdaran, agus a' choimh-chruinnich uile.

15 Agus dh'èirich na daoine, a ghairmeadh air an ainm, agus ghabh iad na braighdean, agus dh'eudaich iad leis a' chreich iadsan uile a bha lomnochd dhiubh, agus an uair a chuir iad eudaich agus brògan orra, thug iad orra itheadh agus òl, agus dh'ung siad iad, agus chuir iad air asalaibh iadsan uile a bha annhunn diubh, agus thug siad iad gu Iericho, baile nan craobh pailme, a dh'ionnsuidh am bràithrean; agus phill iad gu Samaria.

16 San àm sin chuir rìgh Ahas *fios* a dh'ionnsuidh rìgh<sup>2</sup> Asiria, e chuideachadh leis.

17 Oir thàinig na h-Edomaich a ris, agus bhuaill iad Iudah, agus thug iad leo braighdean.

18 Thug na Philistich mar an ceudna ionnsuidh<sup>3</sup> air bailtibh a' chòmhnaidh, agus air an taobh deas do Iudah, agus ghlac iad Bet-semes, agus Aialon, agus Gederot, agus Socho le 'bhailtibh beaga, agus Timnah le 'bhailtibh beaga, agus Gimsa le 'bhailtibh beaga; agus ghabh iad còmhnuidh an sin.

19 Oir rinn an Tighearn Iudah ìosal air son Ahais rìgh Iudah<sup>4</sup>, a chionn gu'n d'rinn e Iudah lomnochd, agus gu'n d'rinn e cionta mòr an aghaidh an Tighearna.

20 Uime sin thàinig Tilgat-pilneser, rìgh Asiria, d'a ionnsuidh, agus shàraich<sup>5</sup>, ach cha do neartaich se e.

21 Oir ghabh Ahas cuibhrionn a tigh an Tighearna, agus a tigh an rìgh, agus o na h-uachdaranuibh, agus thug e *sin* do rìgh Asiria; ach cha do chuidich e leis.

22 Agus an àn a theanntachd rinn e fathast tuilleadh ciontaidh an aghaidh an Tighearn, an rìgh so féin Ahas.

23 Oir dh'ìobair e do dhéibh Dhamascuis, a bhuaill e, agus thubhairt e, A chionn gu'n cuidich déc rìghrean Shiria leo, ìobraidh mise dhoibh a chum gu'n cuidich iad leamsa: ach is ann a bha iad nan aobhar sgrios dha féin, agus do Israel uile.

24 Agus chrunnich Ahas soithichean tìghe Dhé, agus ghearr e nam mìribh soithichean tìghe Dhé, agus dhruid e dorsan tìghe an Tighearna. Agus rinn e dha

féin altairean anns gach cearn do h-Ierusalem.

25 Agus anns gach baile fa leth do Iudah rinn e àitean arda, chum tuis a losgadh do dhéibh coimheach, agus bhrosnaich e gu fearg an Tighearna Dia 'aithriche.

26 Agus a' chuid eile d'a ghnìomharaibh agus d'a shlighibh uile, an toiseach agus mu dheireadh, feuch, *tha* iad scriobhte ann an leabhar rìghrean Iudah agus Israeil.

27 Agus choidil Ahas maille r'a aithrichibh, agus dh'adhlaic iad e anns a' bhaile, ann an Ierusalem; ach cha d'thug iad e do àitibh-adhlaic rìghrean Israeil: agus rìghaich Hececiah a mhaic na àit.

CAIB. XXIX.

**T**HOISICH Hececiah air rìoghachadh, 'nuair a bha e cùig bliadhna fichead a dh'aois, agus rìghaich e naoi bliadhna fichead ann an Ierusalem: agus *b'e* ainm a mhàthar Abiah<sup>6</sup> nighean Shechariah.

2 Agus rina e an *ni a bha* ceart ann an sùilbh an Tighearna, a réir nan uile *nithe* a rinn Daibhidh 'athair.

3 Anns a' cheud bhliadhna d'a rìoghachadh, air a' cheud mbìos, dh'fhosgail e dorsan tìghe an Tighearna, agus chàirich e iad.

4 Agus thug e stigh na sagairt agus na Lebhitich, agus chruinnich e iad do'n t-sràid an ear.

5 Agus thubhairt e riu, Eis-dìbh rium, a Lebhitheacha; a nis naomhaichibh sibh féin, agus naomhaichibh tigh an Tighearna, Dé bhur n-aithriche, agus thugaibh a mach an salchar as an *ionad* naomha:

6 Oir pheacach ar n-aithriche, agus rinn iad an *ni a bha* òc ann an sùilbh an Tighearna ar Dé, agus thréig iad e, agus thionndaidh iad an aghaidhean o phàillium an Tighearna, agus chuir iad cùl ris.

7 Mar an ceudna dhruid iad dorsan an sgàth-thìghe, agus chuir iad as na lòchrain, agus cha do loisg iad tuis, agus cha d'thug iad ìobairtean-loisgte suas anns an *ionad* naomha, do Dhia Israeil.

8 Uime sin bha fearg an Tighearna ri Iudah agus ri h-Ierusalem, agus thug e thairis iad do thuairgne<sup>7</sup>, do uamhann<sup>8</sup>, agus do sgeig, mar a chi sibh le'r sùilbh.

9 Oir feuch, thuit ar n-aithriche leis a' chlaidheamh, agus *tha* ar mic, agus ar nigheana, agus ar mnà ann am braighdeanas air son so.

10 A nis *tha* e ann am chridhe coimheangal a dheanamh ris an Tighearna Dia Israeil, a chum gu'n tionndaidh 'thearg laiste uainn.

11 Mo mhic, na bithibh a nis dearmadach; oir thagh an Tighearna sibh gu seasamh na làthair a dheanamh seirblis da,

<sup>1</sup> na daoine armaichte. <sup>2</sup> rìghrean. Faic. 11. Rìgh. Caib. XVI. r. 7. <sup>3</sup> Bhris na Philistich a stigh. <sup>4</sup> Israeil.

<sup>5</sup> theannaich, chuir e na éiginn. <sup>6</sup> Abi. 11. Rìgh. Caib. XVIII. r. 2. <sup>7</sup> theinn, amhladh. <sup>8</sup> iongantais.

agus gu bhi a' frithealadh dha agus a' lùsgadh tùise.

12 An sin dh'èirich na Lebhithich, Mahat mac Amasai, agus Ioel mac Asariah, do mhacaibh nan Cohatach: agus do mhacaibh Mherari, Cis mac Abdi, agus Asariah mac Iahaleil: agus do na Gersonaich, Ioas mac Shimah, agus Eden mac Ioah:

13 Agus do mhacaibh Elisaphain, Simri agus Iehiel; agus do mhacaibh Asaiph, Sechariah agus Mataniah:

14 Agus do mhacaibh Hemain, Iehiel agus Simei: agus do mhacaibh Iedutuin, Semaiah agus Udsiel.

15 Agus chruinnich iad am bràithrean, agus naomhaich siad iad fèin, agus thàinig iad a réir àithne an rìgh ann am briathraibh an Tighearna, a ghlanadh tighe an Tighearna.

16 Agus chaidh na sagairt do'n chuid a b'fhaidhe teachd do thigh an Tighearna g'a ghlanadh, agus thug iad a mach gach sal-char, a fhuair iad ann an teampull an Tighearna, gu cùirt tighe an Tighearna. Agus thog na Lebhithich leo e, gu 'thoirt a mach gu sruth Chidroin.

17 A nis thòisich iad air a' cheud la do'n cheud mhìos air naomhachadh<sup>1</sup>, agus air an ochedamh la do'n mhìos thàinig iad gu sgàth-thigh an Tighearna, agus naomhaich iad tigh an Tighearna ann an oched laithibh, agus air an t-seathabh la deug do'n cheud mhìos, chrìochnaich iad an obair.

18 An sin chaidh iad a steach a dh'ionnsuidh Heseciah an rìgh, agus thubhairt iad, Ghlan sinn tigh an Tighearna uile, agus altair na h-ìobairt-loisgte maille r'a soithicheibh uile, agus bord an arain thaisbeanta maille r'a shoithicheibh uile.

19 Agus na soithiche sin uile a chuir rìgh Ahas, an nair a rìghaich e, air falbh na eusaontas, dheasaich sinne agus naomhaich sinn, agus feuch, *tha* iad fa chomhair altair an Tighearna.

20 An sin dh'èirich Heseciah an rìgh gu moch, agus chruinnich e uachdarain a' bhaile, agus chaidh e suas do thigh an Tighearna.

21 Agus thug iad leo seachd tairbh òga, agus seachd reitheacha, agus seachd nain, agus seachd buic-gaibhre mar ìobairt-pheacaidh air son na rìghachd, agus air son an ionaid naomha, agus air son Iudah: agus dh'àithn e do na sagartaibh, mic Aaroin, an ìobradh air altair an Tighearna.

22 Uime sin mharbh iadsan na tairbh, agus ghabh na sagairt an fhuil, agus chrath iad i air an altair: mharbh iad mar an ceudna na reitheachan, agus chrath iad an fhuil air an altair: mharbh iad cuideachd na h-uain, agus chrath iad an fhuil air an altair.

23 Agus thug iad leo na buic-gaibhre air son na h-ìobairt-pheacaidh an làthair an

rìgh agus a' choimhthionail, agus chuir iad an làmbhan orra:

24 Agus mharbh na sagairt iad, agus chrath iad am fuil<sup>2</sup> air an altair chum réite dheanamh air son Israeil uile: oir dh'àithn an rìgh an ìobairt-loisgte agus an ìobairt-pheacaidh air son Israeil uile.

25 Agus chuir e na Lebhithich ann an tigh an Tighearna le ciombalaibh, le saltairibh, agus le clàrsaichibh, a réir àithne Dhaibhidh, agus Ghàid fhir-sheallaidh an rìgh, agus Naitan an fhàidh: oir b'i sin àithne an Tighearna le làimh fhàidhean.

26 Agus sheas na Lebhithich le h-innealaibh Dhaibhidh, agus na sagairt leis na trompaidibh.

27 Agus dh'àithn Heseciah an ìobairt-loisgte ìobradh air an altair: agus an uair a thòisich an ìobairt-loisgte, thòisich mar an ceudna laoidh an Tighearna leis na trompaidibh, agus le h-innealaibh Dhaibhidh rìgh Israeil.

28 Agus rinn an coimhthional uile aoradh, agus sheinn an luchd-seinn, agus shéid na trompadairean: mhair so uile gus an do chrìochnaiceadh an ìobairt-loisgte.

29 Agus an uair a chuir iad crìoch air ìobradh, chrom an rìgh agus iadsan uile, a bha maille ris, iad fèin<sup>3</sup>, agus rinn iad aoradh.

30 Agus dh'àithn Heseciah an rìgh agus na h-uachdarain do na Lebhithich gu moladh iad an Tighearna ann briathraibh Dhaibhidh, agus Asaiph an fhir-sheallaidh: agus mhol iad le subliachas, agus chrom iad an cinn, agus rinn iad aoradh.

31 An sin fhreagair Heseciah, agus thubhairt e, A nis choisrig sibh sibh fèin do'n Tighearna: thigibh am fagus, agus thugaibh leibh ìobairtean, agus tabhartais-buidheachais do thigh an Tighearna. Agus thug an coimhthional a steach ìobairtean, agus tabhartais-buidheachais, agus iadsan uile a bha toileach nan cridhe, tabhartais-loisgte.

32 Agus b'e àireamh nan tabhartais-loisgte, a thug an coimhthional leo, trí fichead agus deich tairbh òga, ceud reithe, dà cheud uan; iad sin uile chum ìobairt-loisgte do'n Tighearna.

33 Agus na nithe coisrigte, sè ceud bò, agus trì mìle caora.

34 Ach bha na sagairt tearc, agus cha b'urrainn iad na tabhartais-loisgte uile fhionnadh: uime sin chuidich am bràithre na Lebhithich leo, gus an do chrìochnaiceadh an obair, agus gus an do naomhaich na sagairt iad fèin; oir bha na Lebhithich ni bu deise<sup>4</sup> nan cridhe chum iad fèin a naomhachadh na na sagairt.

35 Agus mar an ceudna bha na tabhartais-loisgte am pailteas, maille ri saill nan tabhartas-sìth, agus nan tabhartas-dibhe,

<sup>1</sup> glanadh. <sup>2</sup> rinn iad réite le'm fuil. <sup>3</sup> iad

fèin air an glùinibh. <sup>4</sup> ni bu ùrliche, ionraice.



chum na h-ìobairt-loisgte. Agus dheas-  
aicheadh<sup>1</sup> seirbhis tighe an Tighearna.

36 Agus rinn Hesechia agus an sluagh  
uile gairdeachas, a chionn gu'n do dheas-  
aich Dia air son an t-sluaigh: oir rinneadh  
an ni gu grad.

## C A I B. XXX.

**A**GUS chuir Hesechia *fios* gu h-Israel  
a uile agus gu Iudah, agus mar an  
ceudna scribed e litrichean gu h-Ephraim  
agus gu Manaseh, iad a theachd gu tigh  
an Tighearna ann an Ierusalem, a chumail  
na cèisge do'n Tighearna Dia Israeil.

2 Agus ghabh an rìgh comhairle, agus  
'uachdarain, agus an coimhthional uile ann  
an Ierusalem, a' chàisg a chumail air an  
dara mìos.

3 Oir cha b'urrainn iad a cumail san àm  
sin, a chionn nach do naomhaich na sag-  
airt iad fèin gu leòr, agus nach robh an  
sluagh air cruinneachadh gu h-Ierusalem.

4 Agus thaitinn an ni ris an rìgh, agus  
ris a' choimhthional uile.

5 Agus shuidhich iad reachd, gairm a  
thabhairt air feadh Israeil uile o Bheer-  
seba eadhon gu Dan, iad a theachd a  
chumail na cèisge do'n Tighearna Dia  
Israeil ann an Ierusalem; oir cha do chum  
mòran i<sup>2</sup>, mar a bha e scriobhta.

6 Agus chaidh na gillea-ruithe le  
litricheibh o'n rìgh agus o 'uachdaranaibh  
air feadh Israeil uile agus Iudah, agus a  
réir àithne an rìgh, ag ràdh, A chlann  
Israeil, pillibh a dh'ionnsuidh an Tigh-  
earna Dé Abraham, Isaac, agus Israeil,  
agus pillidh esan a dh'ionnsuidh an fhuighill  
dibh a chaidh as o làimh rìghrean Asiria.

7 Agus na bithibh cosmhuil ri'r n-aith-  
richibh, agus cosmhuil ri'r bràithribh, a  
pheacaich an aghaidh an Tighearna Dé an  
aithriche, agus thug esan thairis iad gu  
léir-sgrìos, mar a chi sibh.

8 A nis na bithibhse cruaidh-mhuineil-  
each cosmhuil ri'r n-aithrichibh: thugaibh  
sibh fèin thairis do'n Tighearna, agus rach-  
aibh a steach d'a ionad naomha, a naomh-  
aich e gu bràth; agus deanaibh scribhis  
do'n Tighearna bhur Dia, a chum as gu  
tionndaidh lasan f'heirge air falbh uaibh.

9 Oir ma philleas sibh a dh'ionnsuidh  
an Tighearna, [gheibh] bhur bràithrean  
agus bhur clann iochd nam fianuis-san, a  
thug leo am braighdeanas iad, air chor as  
gu pill iad a dh'ionnsuidh na tìre so: oir  
gràsmhor agus tròcaireach tha'n Tighearna  
bhur Dia, agus cha tionndaidh e a ghnùis  
air falbh uaibh, ma philleas sibh d'a ionn-  
suidh.

10 Agus chaidh na gillea-ruithe thairis  
o bhaile gu baile, air feadh tìre Ephraim  
agus Mhanaseh, eadhon gu ruig Sebulun:

ach bha iad a' fanoid orra, agus a' dean-  
amh ball-magaidh dhiubh.

11 Gidheadh, dh'irioslaich daoine àraidh  
do Aser, agus do Mhanaseh, agus do She-  
bulun iad fèin, agus thàinig iad gu h-Ieru-  
salem.

12 Mar an ceudna ann an Iudah bha  
làmh Dhé a thoirt aon chridhe dhoibh, a  
dheanamh àithne an rìgh agus nan uach-  
daran, a réir focail an Tighearna.

13 Agus chruinnich ann an Ierusalem  
mòran sluagh, a chumail fèill an arain  
neo-ghoirtichte anns an dara mìos, coimh-  
chruinneachadh ro-mhòr.

14 Agus dh'éirich iad, agus thug iad air  
falbh na h-altairean, a bha ann an Ieru-  
salem, agus na h-altairean uile air son  
tùise thug iad air falbh, agus thilg siad iad  
ann an sruth Chhidroin.

15 Agus nuharbh iad a' chàisg air a'  
cheathramh la deug do'n dara mìos, agus  
bha nàir air na sagairt agus air na Lebhith-  
ich, agus naomhaich siad iad fèin, agus  
thug iad a steach ìobairtean-loisgte do  
thigh an Tighearna.

16 Agus sheas iad nan àit a réir an  
riaghailte<sup>3</sup>, a réir lagha Mhaois òglaich  
Dhé; agus chrath na sagairt an fhuil a  
ghabh iad o làimh nan Lebhitheach.

17 Oir bha mòran anns a' choimhthional,  
nach robh air an naomhachadh: uime sin  
bha cùram marbhaidh na cèisge air na  
Lebhithich, air son gach neach, nach robh  
glan, a chum an naomhachadh do'n Tigh-  
earn.

18 Oir cha do ghlan mòran do'n t-sluaigh,  
mòran do Ephraim, agus do Mhanaseh, do  
Isachar, agus do Shebulun, iad fèin; gidh-  
cadh, dh'ith iad a' chàisg, cha b'ann mar a  
ta e scriobhta.

19 Ach rinn Hesechia urnuigh air an  
son, ag ràdh, Gu d'thugadh an Tighearna  
maith maithneas do gach aon, a dheasaich  
a chridhe a dh'iarraidh an Tighearna Dé<sup>4</sup>  
'aithriche, ge nach 'eil e glan a réir glanaidh  
an ionaid naomha.

20 Agus dh'éisd an Tighearna ri Hese-  
ciah, agus leighis e an sluagh.

21 Agus chum clann Israeil, a bha làth-  
air ann an Ierusalem, fèill an arain neo-  
ghoirtichte seachd laithean le mòr ghaird-  
eachas: agus mhol na Lebhithich agus na  
sagairt an Tighearna o la gu la, a' seinn le:  
h-innealaibh fuaimneach do'n Tighearna.

22 Agus labhair Hesechia gu caoimh-  
neil<sup>5</sup> ris na Lebhithich uile, a theagaisg  
còlas maith<sup>6</sup> an Tighearna: agus dh'ith<sup>7</sup>  
iad air an fhéill rè sheachd laithean ag  
ìobradh ìobairte-sith, agus a' cliùthachadh  
an Tighearna Dé an aithriche.

23 Agus ghabh an coimhthional uile

<sup>1</sup> shuidhicheadh, chuireadh an ordugh. <sup>2</sup> cha  
do chum iad i rè ùine shada. <sup>3</sup> am modha.

<sup>4</sup> Dhé, an Tighearna Dé. <sup>5</sup> ri'n cridhe. Eabh.

<sup>6</sup> a bha tuigsinn còla's mhaith. <sup>7</sup> choimhllion,  
chum.

comhairle seachd laithean eile a chumail: agus chum iad seachd laithean eile le h-aoibhneas.

24 Oir thug Heseciah, rìgh Iudah, suas do'n choimhthional mìle tarbh òg, agus seachd mìle caora, agus thug na h-uachdarain suas do'n choimhthional mìle tarbh òg, agus deich mìle caora: agus naomhaich mòran shagart iad fèin.

25 Agus rinn coimhthional Iudah uile gairdeachas, agus na sagairt, agus na Lebhithich, agus an coimhthional uile a thàinig a h-Israel, agus na coigrich a thàinig a tìr Israeil, agus a bha chòmhnuidh ann an Iudah.

26 Mar sin bha mòr aoibhneas ann an Ierusalem; oir o laithibh Sholaimh, mhic Dhaibhidh, rìgh Israeil, cha robh a leithid ann an Ierusalem.

27 An sin dh'èirich na sagairt agus na Lebhithich, agus bheannaich iad an sluagh: agus chuala [Dia] an guth, agus thàinig an urnuigh suas d'a àite-còmhnuidh naomhasan, do nèamh.

# CAIB. XXXI.

**A** GUS an uair a chrìochnaiceadh so uile, chaidh Israel uile, a bha làthair a mach do bhailtibh Iudah, agus bhris iad na dealbhan, agus ghearr iad sìos na doireachan, agus thilg iad sìos na h-ionadan arda agus na h-aithean as Iudah uile agus a Beniamin, agus ann an Ephraim agus Manaseh, agus an do sgrios iad gu tur iad. An sin phill clann Israeil uile, gach duine a dh'ionnsuidh a sheilbhe fèin, d'am bailtibh fèin.

2 Agus shuidhich Heseciah roinnean nan sagart agus nan Lebhithich a réir an roinnean, gach duine a réir a sheirbhis fèin, na sagairt agus na Lebhithich air son nan ìobairt-loisgte, agus air son nan ìobairt-slùth, a fhrithealadh, agus a thabhairt buidheachais, agus a chliùthachadh ann an geatachaibh chaamp an Tighearna:

3 Cuibhrionn an rìgh mar an ceudna d'a mhaoin, air son nan ìobairt-loisgte, air son ìobairte-loisgte na maidne agus an fheasgair, agus ìobairte-loisgte nan sàbaid, agus nan gealach nomha, agus nam fèill suidhichte, mar a tu e scrìobta ann an lagh an Tighearna.

4 Dh'àithn e cuideachd do'n t-sluagh, a bha chòmhnuidh ann an Ierusalem, gu'n d'thugadh iad seachad cuibhrionn nan sagart agus nan Lebhithich, chum gu'm biodh iad air an daingneachadh ann an lagh an Tighearna.

5 Agus co-luath as a thàinig an àithne mach, thug clann Israeil seachad gu pailt ceud thoradh an arbhair, an fhìona, agus na h-oladh<sup>1</sup>, agus na meala, agus uile fhàis<sup>2</sup> an fhearainn; agus deachainn nan uile nithe thug iad a stigh ann am pailteas.

6 Agus a thaobh chloinn Israeil agus Iudah, a bha chòmhnuidh ann am bailtibh Iudah, thug iadsan mar an ceudna stigh deachamh a' bhuair agus nan caorach, agus deachamh nan nithe naomha a bha air an naomhachadh do'n Tighearna an Dia, agus rinn iad mòran cruach diubh.

7 Anns an treas mìos thòisich iad air bunaitean nan cruach a leagadh, agus anns an t-seachdamh mìos chrìochnaich siad iad.

8 Agus thàinig Heseciah agus na h-uachdarain, agus chunnaic iad na cruachan, agus bheannaich iad an Tighearna, agus a shluagh Israeil.

9 Agus dh'fhiosraich Heseciah do na sagairt agus na Lebhithich mu thùinnicholl nan cruach.

10 Agus fhreagair Asariah, an t-ard shagart do thigh Shadoic, e, agus thubhairt e, O'n a thòisich iad air na tabhartais a thoirt a steach do thigh an Tighearna, dh'ith sinn agus an do shàsuicheadh sinn, agus dh'fhàg sinn pailteas: oir bheannaich an Tighearna a shluagh, agus dh'fhàgadh am pailteas mòr so.

11 An sin dh'àithn Heseciah seomraichean<sup>3</sup> ulluchadh ann an tigh an Tighearna; agus dh'ulluich siad iad.

12 Agus thug iad a stigh na tabhartais, agus an deachamh, agus na nithe naomhaichte gu fìrinneach; agus os an cionn bha Cononiah, an Lebhithich, na riaghlair, agus Simeì a bhràthar air àit a b'fhàigse.

13 Agus bha Iehiel, agus Asariah, agus Nahat, agus Asahel, agus Ierimot, agus Josabad, agus Eliel, agus Ismahiah, agus Mahat, agus Benaiah, nan luchd-amhairc thairis fuidh làimh Chononiah, agus Shimeì a bhràthar, air àithne Heseciah an rìgh, agus Asariah uachdarain tìghe Dhé.

14 Agus bha Core mac Imnah an Lebhithich, an dorsair a làimh na h-aird an ear, os cionn shaor thiodhlacadh Dhé, chum gu'n d'thugadh e seachad tabhartais an Tighearna, agus na nithe ro-naomha:

15 Agus làimh ris-san Eden, agus Beniamin<sup>4</sup>, agus Iesua, agus Semaiah, agus Amariah, agus Secaniah, ann am bailtibh nan sagart nan cùram<sup>5</sup>, a thabhairt d'am bràithribh nan roinnibh<sup>6</sup>, mar do'n mhòr mar sin do'n bheag.

16 A thuilleadh air àireamh nam fìrionnach a réir an ginealach o thri bliadhna dh'aois agus os a chionn, do gach neach a théid a steach do thigh an Tighearna, a cuibhrionn lathail, air son an seirbhis nan cùram, a réir an roinnean;

17 Araon do àireamh nan sagart a réir an ginealach, a réir tìghe an aithriche, agus nan Lebhithich o fhichead bliadhna

<sup>1</sup> an olaidh.

<sup>2</sup> chinnis.

<sup>3</sup> àitean-tasg-

<sup>4</sup> Miniamin.

<sup>5</sup> nan dreuchd shuidhichte.

<sup>6</sup> nan sealaibh.



## II. EACHDRAIDH.

dh'aois agus os a chionn, nan cùram, a réir an roinnean :

18 Agus do àireamh an cloinne bige uile a réir an ginealach, am ban, agus am mac, agus an nigheana, do'n choimhthional uile; oir nan cùram naomhaich siad iad féin gu mòr:

19 Agus do mhacaibh Aaroin na sagartaibh ann am fearann comh-roinn am bailtean, anns gach baile fa leth na daoine a dh'ainmicheadh air an ainm, a thabhairt *en* cuibhrionna do gach firionnach am measg nan sagart, agus dhoibhsan uile, a bha air an àireamh a réir an ginealach am measg nan Lebhitheach.

20 Agus rinn Hesechia mar so air feadh Iudah uile: agus rinn e an *ni sin a bha* maith, agus ceart, agus firinneach ann am fianuis an Tighearna a Dhé.

21 Agus a thaobh gach oibre air an do thòisich e ann an seirbhìs tighe Dhé, agus znnas an lagh, agus anns na h-àitheantaibh, a dh'arraidh a Dhé, rinn e i le uile ehridhe, agus shoirbhich e.

### C A I B. XXXII.

**A**N déigh nan nithe so, agus, an uair a bha iad air an suidheachadh, thàinig Senacherib rìgh Asiria, agus chaidh e steach do Iudah, agus champaich e an aghaidh nam bailte daingnichite, agus shònraich 'e air an cosnadh dha féin.

2 Agus an uair a chunnaic Hesechia gu'n d'thàinig Senacherib, agus gu'n robh e cur roimhe cogadh an aghaidh Ierusalem,

3 Chuir e 'chomhairle r'a uaehdaranaibh agus r'a dhaoineibh cumhachdacha, uisgeacha nan tobar a bha'n taobh a muigh do'n bhaile a dhùnadh suas; agus chuidich iad leis.

4 Agus chruinnich sluagh mòr, agus dhùin iad suas na tobraichean uile, agus na sruthain a bha ruith ann am meadhon na tìre, ag ràdh, Car son a thigeadh rìgh-rean Asiria, agus a gheibheadh iad mòran wisge?

5 Agus dhaingnich se e féin, agus thog e am balladh uile a chaidh bhriseadh, agus chuir e suas tùir air<sup>2</sup>, agus balladh eile air an taobh a muigh, agus dhaingnich e Milo, baile Dhaibhidh, agus rinn e gathanna agus targaidean ann am pailteas.

6 Agus chuir e ceannardan cogaidh os eionn an t-sluaigh, agus chruinnich e iad d'a ionnsuidh ann an sràid geataidh a' bhaile, agus labhair e r'an eridhe, ag ràdh,

7 Bithidh laidir agus bithibh misneachail na biodh eagal agus na biodh faitheas oirbh roimh rìgh Asiria, no roimh 'n t-sluagh mhòr so uile a tha maille ris; oir is mò a ta leinne na leis-san.

8 Leis-san tha gairdean feòla, ach leinne

tha'n Tighearn ar Dia, a chuideachadh leinn, agus a chur ar catha. Agus dh'earb an sluagh a briathraibh Hesechia rìgh Iudah.

9 Na dhéigh so chuir Senacherib rìgh Asiria a sheirbhisich gu h-Ierusalem, (oir bha e féin aig Lachis, agus a neart uile maille ris,) a dh'ionnsuidh Hesechia rìgh Iudah, agus a dh'ionnsuidh Iudah uile, a bha aig Ierusalem, ag ràdh,

10 Mar so tha Senacherib rìgh Asiria ag ràdh, Cia as a tha sibh ag earbsadh, agus sibh a' fantuinn 'nar daingneach ann an Ierusalem?

11 Nach 'eil Hesechia 'gar comhairleachadh sibh féin a thoirt thairis gu bàs le gortadh agus le tart, ag ràdh, Saoraidh an Tighearn ar Dia sinn a làimh rìgh Asiria?

12 Nach do chuir Hesechia so féin air falbh 'àitean arda, agus 'altairean, agus nach d'àithn e do Iudah agus do Ierusalem, ag ràdh, Fa chomhair aon altarach sleuchdaidh sibh, agus loisgidh sibh tùis oirre?

13 Nach 'eil fhios agaibh ciod a rinn mise agus m'athriche ri uile shluagh nan dùchanna? an robh dée chinneach nan tìr sin comasach air an tìr féin a shaoradh as mo làimhsa?

14 Cò am measg uile dhée nan cinneach sin a sgrios m'athriche-sa gu tur, a b'urrainn a shluagh a shaoradh as mo làimh-sa, gu'n biodh bhur Dia-sa comasach air bhur saoradh as mo làimh:

15 A nis ma ta na mealladh Hesechia sibh, agus na comhairlicheadh<sup>3</sup> e sibh mar so, agus na creidibh e; oir cha robh dia air bith cinnich no rìghachd sam bith comasach air a shluagh a shaoradh as mo làimh-sa, agus as làimh m'athriche: nach lugha gu mòr na sin is urrainn bhur Dia-sa bhur saoradh as mo làimh?

16 Agus labhair a sheirbhisich tuilleadh as so an aghaidh an Tighearna Dé, agus an aghaidh a sheirbisich Hesechia.

17 Scriobh e mar an ceudna litrichean a chàineadh an Tighearna Dé Israeil, agus a labhairt na aghaidh, ag ràdh, Mar nach do shaor dée chinneach nan dùchanna an sluagh, as mo làimh-sa, mar sin eha saor Dia Hesechia a shluagh as mo làimh.

18 Ghlaodh iad cuideachd le guth ard sa' chàinain Iudhaich ri sluagh Ierusalem, a bha air a' bhalladh, gu eagal agus buaircas a chur orra, chum gu'n glacadh iad am baile.

19 Agus labhair iad an aghaidh Dhé Ierusalem, mar an aghaidh dhée shluaigh na talmhainn, oibre làimha dhaoine.

20 Agus rinn Hesechia an rìgh, agus am faigh Isaiah, mac Amois, urnuigh air son so, agus ghlaodh iad gu ncamh.

21 Agus chuir an Tighearn aingeal

<sup>1</sup> *shaoil; thubhairt.* Eabh. <sup>2</sup> *chuir e suas e* gu ruig na tùir.

uaith, a sgrios na daoine comasach gaisgeil uile, agus na ceannardan, agus na h-uachdarain ann an camp rìgh Asiria: uime sin phill e le nàire gnuise d'a thìr fèin. Agus an uair a chaidh e steach do thigh a dhé, mharbh iadsan a thàinig a mach as 'innibh fèin e 'n sin leis a' chladheamh.

22 Mar so shaor an Tighearna Hesechia agus luchd-àiteachaidh Ierusalem as làimh Shenacherib rìgh Asiria, agus as làimh nan uile, agus stiuir e iad air gach taobh.

23 Agus thug mòran tabhartais a dh'ionnsuidh an Tighearna gu h-Ierusalem, agus tiodhlacan a dh'ionnsuidh Hesechia rìgh Iudah: agus dh'ardaicheadh e ann an sùilb nan uile chinneach na dhéigh sin.

24 Anns na laithibh sin bha Hesechia tinn gu bàs, agus rinn e urnuigh ris an Tighearna: agus dh'éisd<sup>1</sup> e san ris, agus thug e comhara dhà.

25 Ach cha d'foc Hesechia a ris a réir mar a bhuilicheadh air, oir thogadh a chridhe suas: agus bha fearg ris, agus ri Iudah agus Ierusalem.

26 Gidheadh dh'ìrioslaich Hesechia e fèin air son uabhair a chridhe (*araon* e fèin agus luchd-àiteachaidh Ierusalem:) uime sin cha d'thàinig fearg an Tighearna orra ann an laithibh Hesechia.

27 Agus bha aig Hesechia beartas agus urram ro-mhòr: agus rinn e dha fèin ionmhasan do airgiod, agus do òr, agus do chlachaidh luachmhor, agus do spìosraidh, agus do thargaidibh, agus do gach seud<sup>2</sup> taitneach;

28 Agus tighean-tasgaidh air son toraidh<sup>3</sup> an arbhair, agus an fhìona, agus na h-oladh; agus tighean air son gach gné ainmhidh, agus mainnnean air son nan treud.

29 Agus rinn e dha fèin bailtean: agus bha sealbh chaorach agus buar aige ann am pailteas, oir thug Dia dha maoin ro-mhòr:

30 Chuir Hesechia so fèin mar an ceudna stad air sruth uisge uachdarach Ghihoìn, agus thug e sìos dìreach e a làimh na h-àirde 'n iar do bhaile Dhaibhidh. Agus shoirbhich Hesechia na oibribh uile.

31 Gidheadh, a thaobh theachdairean uachdarana Bhabiloin, a chuireadh d'a ionnsuidh a dh'fhiosrachadh mu'n iongant-<sup>4</sup>as a bha san tìr, thréig Dia e g'a dhearbhadh, chum gu'm biodh fios aige air gach *ni* a bha na chridhe.

32 Agus a' chuid eile do ghnìomharaibh Hesechia, agus a mhaithreas, feuch, *tha* iad scrìobhta ann am fàisteachd<sup>4</sup> Isaiah an fhàidh, mhic Amois, agus ann an leabhar rìghrean Iudah agus Israeil.

33 Agus choidil Hesechia maille r'a aithrichibh, agus dh'adhlaic iad e ann an ard àit-adhlacaidh mhac Dhaibhidh: agus thug

Iudah uile agus luchd-àiteachaidh Ierusalem urram dha 'nuair a fhuair e bàs. Agus rioghaich Manaseh a mhuac na àit.

## CAIB. XXXIII.

**D**A bhliadhna dheug a dh'aois bha Manaseh 'nuair a thòisich e air rioghachadh, agus rioghaich e cùig bliadhna deug agus dà fhichead ann an Ierusalem.

2 Ach rinn e olc ann an sùilb an Tighearna, a rèir ghràineileachd nan cinneach, a thilg an Tighearna a mach roimh chloinn Israeil.

3 Oir thog e suas a ris na h-àitean arda, a sgrios Hesechia 'athair, agus chuir e suas altairean do Bhaalim, agus rinn e doir-eachan, agus shleuchd e do uile shlòigh<sup>5</sup> nan nèamh, agus rinn e seirbhis doibh.

4 Agus thog e altairean ann an tigh an Tighearna, mu'n dubhairt an Tighearna, Ann an Ierusalem bithidh m'ainm-sa gu bràth.

5 Agus thog e altairean do uile shlòigh nan nèamh ann an dà chùirt tìghe an Tighearna.

6 Agus thug e air a chloinn dol troimh 'n teine ann an gleann mhic Hinoim; agus thug e fa'near amanna, agus ghnàthaich e geasachd<sup>6</sup> agus druidheachd, agus chuir e air chois leannain-shith agus luchd-fiosachd: dh'oibrich e mòr aingidheachd ann an sùilb an Tighearna, g'a bhrosnachadh gu feirg.

7 Agus chuir e dealbh snaidhte, ìodhoil<sup>7</sup> a rinn e, ann an tigh Dhé, mu'n dubhairt Dia ri Daibhidh, agus ri Solamh a mhaic, Anns an tigh so, agus ann an Ierusalem, a thagh mi as uile threubhaibh Israeil, cuiridh mi m'ainm gu bràth.

8 Agus cha charuich mi cos Israeil ni's mò as an fhearann, a dh'orduich mi do bbur n-aithrichibh; ma bheir iad a mhàin an aire gu'n dean iad gach *ni* a dh'àithn mi dhoibh, a rèir an lagha uile, agus nan reachd, agus nan riaghailt le làimh Mhaois.

9 Mar sin thug Manaseh air Iudah agus luchd-àiteachaidh Ierusalem dol air seacharan, gu tuilleadh uile a dheanamh na rinn na cinich, a sgrios an Tighearna roimh chloinn Israeil.

10 Agus labhair an Tighearna ri Manaseh, agus r'a shluagh; ach cha'n éisdeadh iad.

11 Uime sin thug an Tighearna orra ceannarda seachd rìgh Asiria; agus ghlac iad Manaseh ann an dròighnich, agus cheangail iad e le slabhraidhibh, agus thug iad leo e gu Babilon.

12 Agus an uair a bha e ann an amh-ghar dh'iarr e an Tighearna a Dhia, agus dh'ìrioslaich e e fèin gu mòr ann fhanuis Dhé 'aithriche.

13 Agus rinn e urnuigh ris, agus rinn-

<sup>1</sup> labhair. Eabh.  
<sup>2</sup> fàis, cinnis.

<sup>3</sup> uidheam, inneal.

<sup>4</sup> sealadh. Eabh. <sup>5</sup> armait. <sup>6</sup> geasadair-eachd. <sup>7</sup> cosamhlachd; semel. Eabh.



eadh esan réidh ris, agus dh'éisd e r'a ath-chuinge, agus thug e air ais e gu h-Ierusalem d'a rìoghachd. Agus dh'athnìch Manaseh gur e'n Tighearn a's Dia ann.

14 Agus na dhéigh so thog e balladh an taobh a muigh do bhaile Dhaibhidh, air an taobh an iar do Ghìhon anns a' ghleann, eadhon gu ruig dol a stigh geataidh an éisg, agus thuge mu'n cuairt air Ophel e, agus thog e suas e gu ro-ard; agus chuir e ceannardan cogaidh<sup>1</sup> ann an uile bhailtibh daingnichte Iudah.

15 Agus chuir e air falbh na dée coimheach agus an iodhol a tigh an Tighearna, agus na h-altairean uile, a thog e ann an sliabh tìghe an Tighearna, agus ann an Ierusalem, agus thig e mach as a' bhaile iad.

16 Agus chàirich e altair an Tighearna, agus dh'ìobair e oirre ìobairtean sìthe agus buidheachais, agus dh'àithn e do Iudah seirbhis a dheanamh do'n Tighearna Dia Israeil.

17 Gidheadh, dh'ìobair an sluagh fathast anns na h-àitibh arda, ach a mhàin do'n Tighearna an Dia.

18 Agus a' chuid eile do gnìomharaidh Mhanaseh, agus 'urnuigh r'a Dhia, agus briathra nam fear-seallaidh, a labhair ris ann an ainm an Tighearna Dé Israeil, feuch, tha iad sriobhta ann an leabhar zìghrean Israeil.

19 'Urnigh mar an ceudna, agus mar a dh'éisdeadh ris, agus a pheacadh uile, agus 'eusaontas, agus na h-àitean anns an do thog e ionadan arda, agus an do chuir e suas doircachan agus dealbhan snaidhte mu'n d'ìrioslaicheadh e, feuch, tha iad sriobhta ann measg bhriathar nam fear-seallaidh.

20 Agus choidil Manaseh maille r'a aithrichibh, agus dh'adhlaic iad e na thigh féin: agus rìoghaich a mhac Amon na àit.

21 Da bhliadhna fheadh a dh'aois bha Amon, an uair a thòisich e air rìoghachadh, agus rìoghaich e dà bhliadhna ann an Ierusalem.

22 Agus rinn e olc ann an sùilbh an Tighearna, mar a rinn Manaseh 'athair: oir dh'ìobair Amon do na dealbhaibh snaidhte uile, a rinn Manaseh 'athair, agus rinn e seirbhis doibh.

23 Agus cha d'ìrioslaich se e féin am fìanuis an Tighearna, mar a dh'ìrioslaich Manaseh 'athair e féin; ach mheudaich Amon eusaontas.

24 Agus rinn a sheirbhisich ceannairc na aghaidh, agus mharbh iad e na thigh féin.

25 Ach mharbh sluagh na tìre iadsan uile, a rinn ceannairc an aghaidh rìgh Amon, agus rinn sluagh na tìre Iosiah a mhac na rìgh na àit.

CAIB. XXXIV.

**O**CHD bliadhna dh'aois bha Iosiah, 'nuair a thòisich e air rìoghachadh, agus rìoghaich e ann an Ierusalem aon bhliadhna deug thar fhichead.

2 Agus rinn e an *ni a bha* ceart ann an sùilbh an Tighearna, agus dh'imich e ann an sliagh bhliadhna 'athar, agus cha do chlaon e dh'ionnsuidh na làimhe deise no na làimhe clìthe.

3 Oir anns an ochdamh bliadhna d'a rìoghachadh, 'nuair a bha e fathast òg, thòisich e air Dia Dhaibhidh 'athar iarraidh, agus anns an dara bliadhna deug thòisich e air Iudah agus Ierusalem a ghlanadh o na h-àitibh arda, agus na doireachaibh, agus na dealbhaibh snaidhte, agus na dealbhaibh leaghta.

4 Agus bhris iad sìos altairean Bhaalim na fhianuis, agus na dealbhan grianaich a bha gu h-ard os an ceann ghearr e sìos, agus na doireachan; agus na dealbhan snaidhte, agus na dealbhan leaghta bhris e nam mùrìbh, agus phronn e gu luathre, agus chrath e i air uaighibh na muinntir a dh'ìobair dhoibh.

5 Agus loisg e cnàmha nan sagart air an altairibh, agus ghlan e Iudah, agus Ierusalem.

6 Mar an ceudna ann am bailtibh Mhanaseh, agus Ephraim agus Shimeoin, eadhon gu ruig Naphtali, nan àitibh fàsaiche mu'n cuairt.

7 Agus an uair a bhris e sìos na h-altair-eagan agus na doireachan, agus a phronn e na dealbhan snaidhte gu luathre, agus a ghearr e sìos na dealbhan grianaich<sup>2</sup> uile air feadh tìre Israeil uile, phill e gu h-Ierusalem.

8 Agus anns an ochdamh bliadhna deug d'a rìoghachadh, 'nuair a ghlan e an tìr, agus an tigh, chuir e Saphan mac Asaliah, agus Maaseiah uachdaran a' bhaile, agus Ioah mac Ioahais an seanachaidh, a chàradh tìghe an Tighearna a Dhé.

9 Agus thàinig iad gu Hilciah an t-ard shagart, agus thugadh dhoibh an t-airgiod, a thugadh steach do thigh Dhé, a chruinnich na Lebhitich a ghléidh na dorsan o làimh Mhanaseh agus Ephraim, agus o uile fhuigheall Israeil, agus o Iudah uile, agus o Bheniamin, agus o luchd-àiteachaidh Ierusalem<sup>3</sup>.

10 Agus thug iad e do làimh luchd-deanamh na h-oibre, a chuireadh os cionn tìghe<sup>4</sup> an Tighearna, agus thug iadsan e do'n luchd-oibre a dh'oibrich ann an tigh an Tighearna, a chàradh agus a leasachadh an tìghe.

11 Thug iad e eadhon do na saoraibh agus do'n luchd-togail, a cheannach chlach snaidhte, agus fiodha chum nan ceangal<sup>5</sup>,

<sup>1</sup> ceannardan na h-armailte. <sup>2</sup> na h-iodholan. <sup>3</sup> agus phill iad gu h-Ierusalem. <sup>4</sup> a bha nan

luchd-amhairc thairis ann an tigh. <sup>5</sup> tadhacha.

agus gu urlar a chur sna tighibh, a mhìll rìghrean Iudah.

12 Agus rinn na daoine an obair gu fìrinneach: agus *b'iad* an luchd-amhairc thàiris orra Iahat, agus Obadiah, na Lebhithich, do mhacaibh Mherari; agus Sechariah agus Mesullam, do mhacaibh nan Cohatach, a chur na *h-oibre* air a h-aghaidh; mar an ceudna do na Lebhithich gach neach a bha eòlach<sup>1</sup> air innealaibh-ciuil.

13 *Bha iad* cuideachd os cionn an luchd-iomchair eallach, agus nan luchd-amhairc thairis orra-san uile a rinn obair ann an gné seirbhis air bith: agus do na Lebhithich *bha* sgrìobhuichean, agus riaghladairean, agus dorsairean.

14 Agus an uair a bha iad a' toirt a mach an airgid, a thugadh a steach do thigh an Tighearna, fhuair Hilciah an sagart leabhar lagha an Tighearna an làimh<sup>2</sup> Mhaois.

15 Agus fhreagair Hilciah, agus thubhairt e ri Saphan an sgrìobhuiche, Fhuair mi leabhar an lagha ann an tigh an Tighearna. Agus thug Hilciah an leabhar do Shaphan.

16 Agus thug Saphan an leabhar a dh'ionnsuidh an rìgh, agus dh'aithris e 'n gnothuch do'n rìgh, ag ràdh, Gach *ni* a dh'aithneadh do d'sheirbhisich, *tha* iad a' deanamh.

17 Chruinnich iad an t-airgid, a fhuaradh, ann an tigh an Tighearna, agus thug iad e do làimh an luchd-amhairc thairis, agus do làimh luchd-deanamh na h-oibre.

18 Agus dh'innis Saphan an sgrìobhuiche do'n rìgh, ag ràdh, Thug Hilciah an sagart leabhar dhomh. Agus leugh Saphan e an làthair an rìgh.

19 Agus an uair a chual an rìgh briathran an lagha, reub e 'eudach.

20 Agus dh'àithn an rìgh do Hilciah, agus do Ahicam mac Shaphan, agus do Abdon<sup>3</sup> mac Mhica, agus do Shaphan an sgrìobhuiche, agus do Asaiah seirbhisich an rìgh, ag ràdh,

21 Rachaidh, fiosraichibh do'n Tighearna air mo shon-sa, agus air an son-san a dh'fhàgadh ann an Israel agus ann an Iudah, thaobh bhriathar an leabhair a fhuaradh: oir is mòr fearg an Tighearna, a tha air a taomadh a mach oirnn, a chionn nach do choimhidh ar n-aithriche focal an Tighearna, a dheanamh a rèir gach *ni* a *ta* sgrìobhta anns an leabhar so.

22 Agus chaidh Hilciah agus *iadsan* a dh'òrduich an rìgh gu Huldah<sup>4</sup> a' bhan-fhàidh, bean Shaluim, mhic Thicbhah, mhic Hasrah<sup>5</sup> fhir-ghleidhidh an eudaich, (a nis bha i chomhnuidh ann an Ierusalem ann an oil-thigh<sup>6</sup>) agus labhair iad rithe mar sin.

23 Agus fhreagair i iad, Mar so tha'n Tighearna Dia Israel ag ràdh, Innsibh do'n duine a chuir sibh a m'ionnsuidh-sa,

24 Mar so tha'n Tighearna ag ràdh, Feuch, bheir mise olc air an àite so, agus air a luchd-àiteachaidh, *eadhon* gach mallachadh a *ta* sgrìobhta anns an leabhar, a leugh iad an fianuis rìgh Iudah,

25 A chionn gu'n do thréig iad mise, agus gu'n do loisg iad tùis do dhéibh eile, chum mo bhrosnuchadh gu corruich le uile oibrigh an làmh; uime sin taomar m'fhèarg a mach air an àite so, agus cha mhùchar i.

26 Ach a thaobh rìgh Iudah, a chuir sibh a dh'fhiosrachadh do'n Tighearna, mar so their sibh ris, Mar so tha'n Tighearna Dia Israel ag ràdh, *A thaobh* nam briathar a chual thu,

27 A chionn gu'n do thiomaidh do chridhe, agus gu'n d'rioslaich thu thu féin an làthair Dhé, 'nuair a chual thu a bhriathran an aghaidh an àite so, agus an aghaidh a luchd-àiteachaidh, agus gu'n d'rioslaich thu thu féin a'm' làthair-sa, agus gu'n do reub thu t'eudach, agus gu'n do ghuil thu a'm' làthair, chuala mise mar an ceudna *thusa*, ars' an Tighearna.

28 Feuch, cruinnichidh mi thu chum t'aithriche, agus cruinnichear thu do d'uaigh an sìth, agus cha'n fhaic do shùilean an t-olc sin uile, a bheir mise air an àite so, agus air a luchd-àiteachaidh. Agus thug iad fios a ris a dh'ionnsuidh an rìgh.

29 Agus chuir an rìgh *teachdairean* uaith, agus chruinnich e r'a chéile uile sheanairean Iudah agus Ierusalem.

30 Agus chaidh an rìgh suas do thigh an Tighearna, agus fir Iudah uile, agus luchd-àiteachaidh Ierusalem, agus na sagairt agus na Lebhithich, agus an sluagh uile eadar bheag agus mhòr; agus leugh e nan éisdachd uile bhriathran leabhair a' choimhcheangail, a fhuaradh ann an tigh an Tighearna.

31 Agus sheas an rìgh na àite féin, agus rinn e coimhcheangal an fianuis an Tighearna, gu'n gluaisheadh e 'n déigh an Tighearna, agus gu'n gleidheadh e 'aithreant, agus a theisteis, agus a reachda, le 'uile chridhe, agus le 'uile anam, a choimhionadh bhriathar a' choimhcheangail, a *tha* sgrìobhta anns an leabhar so.

32 Agus thug e orra-san uile, a fhuaradh ann an Ierusalem agus Benjamin, seasamh: agus rinn luchd-àiteachaidh Ierusalem a rèir coimhcheangail Dé, Dé an aithriche.

33 Agus chuir Iosiah air falbh na gràin-cileachdan uile as na tìrigh uile a *bhuineadh* do chloinn Israel, agus thug e orra-san uile, a fhuaradh ann an Israel, seirbhis a dheanamh do'n Tighearna an Dia. Rè a

<sup>1</sup> seòlta, teòma.

<sup>2</sup> làimh-sgrìobhaidh.

<sup>3</sup> Achbor. II. Rìgh. Caib. XXII. r. 12.

431

<sup>4</sup> Harbais. II. Rìgh. Caib. XXII. r. 14. <sup>5</sup> tigh-foghlum; misena. Eabh.



laithéan uile, cha do chlaon iad o leantuinn an Tighearna, Dé an aithriche.

C A I B. XXXV.

**A**GUS chum Iosiah ann an Ierusalem a' chàisg do'n Tighearna; agus mharbhadh iad a' chàisg air a' cheathramh la deug do'n cheud mhios.

2 Agus shuidhich e na sagairt nan cùran, agus thug e misneach dhoibh chum seirbhis tìghe an Tighearna.

3 Agus thubhairt e ris na Lebhithich, a theagaisg Israel uile, a bha naomha<sup>1</sup> do'n Tighearna, Cuiribh an àirc naomha anns an tìgh a thog Solanìh, mac Dhaibhidh, rìgh Israeil; cha bhi i na h-eallaich air bhur guailibh: deanaibh seirbhis a nis do'n Tighearna bhur Dia, agus d'a shluagh Israel,

4 Agus deasaichibh sibh féin a réir tìghe bhur n-aithriche, a réir bhur roinnean, mar a scribedh Daibhidh rìgh Israeil, agus mar a scribedh Solamh a mhac;

5 Agus seasaidh anns an ionad naomh a réir roinnean theaghlach aithriche bhur bràithre do'n t-sluagh<sup>2</sup>, agus a réir roinne theaghlach aithriche nan Lebhitheach;

6 Agus marbhaibh a' chàisg, agus naomhaichibh sibh féin, agus deasaichibh bhur bràithrean, chum gu'n dean iad a réir focail an Tighearna le làimh Mhaois.

7 Agus thug Iosiah do'n t-sluagh caoraich, uain, agus minn, iad uile air son iobairtean càisge dhoibhsan uile a bha làthair, gu ruig deich mìle fichead an àireamh, agus trì mìle bò: iad sin do mhaoin an rìgh.

8 Agus thug na h-uachdarain aige gu toileach do'n t-sluagh, do na sagartaibh, agus do na Lebhitheachaibh. Thug Hìlciah, agus Sechariah, agus Iehiel, uachdarain tìghe Dhé, do na sagartaibh, air son iobairtean na càisge, dà mhìle agus sè ceud [caora] agus trì ceud bò.

9 Agus thug Conaniah, agus Semaiah, agus Netaneel agus a bhràithrean, agus Hasabiah, agus Iehiel, agus Iosabad, uachdarain nan Lebhitheach, do na Lebhitheach air son iobairtean na càisge, cùig mìle [caora] agus cùig ceud bò.

10 Agus dh'ulluicheadh an t-seirbhis, agus sheas na sagairt nan àit, agus na Lebhithich nan roinnibh, a réir àithne an rìgh.

11 Agus mharbhadh iad<sup>3</sup> a' chàisg, agus chrath na sagairt [an fhuil] le'n làimh, agus dh'fhionn na Lebhithich.

12 Agus thug iad air falbh na h-iobairtean-loisgte, chum gu'n d'thugadh iad seachad a réir roinnean theaghlach an t-sluagh, a dh'ìobradh do'n Tighearna, mar a tha e scribedh ann an leabhar Mhaois: agus mar sin rinn iad ris a' bhuar<sup>4</sup>.

13 Agus ròist iad a' chàisg le teine, a réir na riaghailte; ach bhruidh<sup>5</sup> iad na tabhartais, naomha ann am poitibh, agus ann am coireachaibh, agus ann an aighnibh, agus roinn siad iad gu grad am measg an t-sluaigh uile.

14 Agus na dhéigh sin dheasaich iad dhoibh féin agus do na sagartaibh. A chionn gu'n robh na sagairt, mic Aaroin, ag ìobradh iobairtean-loisgte agus na saill gu h-oidheche, uime sin dheasaich na Lebhithich dhoibh féin agus do na sagairt, mic Aaroin.

15 Agus bha'n luchd-seinn, mic Asaiph, nan àite féin, a réir àithne Dhaibhidh, agus Asaiph, agus Hemaìn, agus Iedutuin fhear-seallaidh<sup>6</sup> an rìgh, agus na dorsairean aig gach geatadh: cha 'n fheumaidh iad an seirbhis fhàgail, oir dheasaich am bràithrean na Lebhithich air an son.

16 Agus dheasaicheadh uile sheirbhis an Tighearna air an là sin féin, chum a' chàisg a chumail, agus iobairtean-loisgte ìobradh air altair an Tighearna, a réir àithne an rìgh Iosiah.

17 Agus chum clann Israeil, a bha làthair, a' chàisg san àm sin, agus féill<sup>7</sup> an arain neo-ghoirichte, seachd laithéan.

18 Agus cha do chumadh a leithid sin do chàisg ann an Israel o laithibh Shamuel an fhàidh: nì mò a chum uile rìghrean Israeil a leithid do chàisg as a chum Iosiah, agus na sagairt, agus na Lebhithich, agus Iudah agus Israel uile a bha làthair, agus luchd-àiteachaidh Ierusalem.

19 Anns an ochdamh bliadhna deug do rìoghachadh Iosiah chumadh a' chàisg so.

20 Na dhéigh so uile 'nuair a dheasaich Iosiah an teampull, thàinig Necho rìgh na h-Eiphit a nìos a chogadh an aghaidh Charchemis, làimh ri Euphrates: agus chaidh Iosiah a mach na aghaidh.

21 Ach chuir esan teachdairéan d'a ionnsuidh, ag ràdh, Ciod e mo ghnòthuch-sa riutsa, a rìgh Iudah? Cha'n ann a' t'aghaidh-sa tha mise teachd an diugh, ach an aghaidh tìghe ris am bheil mi a cogadh; agus dh'àithn Dia dhomh mi dheanamh cabhaig: leig dhìot a bhi ri Dia, a tha maille riumsa, chum nach sgrios e thu.

22 Gidheadh cha do thionndaidh Iosiah 'aghaidh uaidh, ach dh'fhàs e nì bu déine<sup>8</sup> gu cogadh na aghaidh, agus cha d'éisd e ri briathraibh Necho o bheil Dé, agus chaidh e steach a chur catha ann an gleann Mhegido.

23 Agus thilg na fir-bhogha air rìgh Iosiah; agus thubhairt an rìgh r'a sheirbhisich, Beiribh leibh mi, oir tha mi air mo lotadh gu mòr.

24 Agus thug a sheirbhisich e as a' charbad sin, agus chuir iad e anns an dara

<sup>1</sup> iad féin a naomhachadh.

<sup>2</sup> mhac an

t-sluaigh. Eabh. <sup>3</sup> chuir iad air leth. <sup>4</sup> chroddh.

<sup>5</sup> bhruidh. Eir. <sup>6</sup> fhir-sheallaidh. <sup>7</sup> cuirm, féisd,

<sup>8</sup> chuir se e féin ann an atharrachadh crutha.

carbaid a *bha* aige, agus thug iad e gu h-Ierusalem, agus fhuair e bàs, agus dh'adhlacaidh e ann an àit-adhlac 'aithriche: agus rinn Iudah agus Ierusalem uile caoidh air son Iosiah.

25 Agus rinn Ieremiah tuireadh<sup>1</sup> air son Iosiah, agus labhair na fir-sheinn agus na mnàir-sheinn uile mu thimchioll Iosiah nan tuireannaibh gu ruig an là 'n diugh, agus rinn siad iad nan reachd ann an Israel. Agus feuch, *tha* iad scribedhta ann an *leabhar* nan tuireadh.

26 Agus a' chuid eile do ghnìomharaibh Iosiah, agus a mhaitheas, mar a *ta e* scribedhta ann an lagh an Tighearna,

27 Eadhon a ghnìomharan an toiseach agus ma dheireadh, feuch, *tha* iad scribedhta ann an leabhar righrean Israeil agus Iudah.

CAIB. XXXVI.

**A**GUS ghabh sluagh na ùire Iehoahas mac Iosiah, agus rinn iad na rìgh e 'n àit 'athair ann an Ierusalem.

2 Tri bliadhna fichead a dh'aois *bha* Iehoahas an uair a thòisich e air rìoghachadh, agus rìoghaich e trì mìosan ann an Ierusalem.

3 Agus chuir rìgh na h-Eiphit e, [o rìoghachadh] ann an Ierusalem<sup>2</sup>, agus chuir e ceud tàlann airgid, agus tàlann òir, mar ùbhla<sup>3</sup> air an tìr.

4 Agus rinn rìgh na h-Eiphit Eliacim a bhràthair na rìgh air Iudah agus Ierusalem, agus thionndaidh e 'ainm gu Iehoacim. Agus ghabh Necho Iehoahas a Lhràthair, agus thug e do'n Eiphit e.

5 Cùig bliadhna fichead a dh'aois *bha* Iehoacim an uair a thòisich e air rìoghachadh, agus rìoghaich e aon bhliadhna deug ann an Ierusalem: agus rinn e olc ann an suilibh an Tighearna a Dhé.

6 Na aghaidh-san thàinig Nebuchadnesar rìgh Bhabiloin a mìos, agus cheangail e ann an geimhlibh umha e, chum a thoirt do Bhabilon.

7 Thug Nebuchadnesar mar an ceudna leis *cuid* do shoithichibh tighe an Tighearna do Bhabilon, agus chuir e iad na theampull<sup>4</sup> ann am Babilon.

8 Agus a' chuid eile do ghnìomharaibh Iehoacim, agus a ghràineileachdan, a rinn e, agus na fhuaradh ann, feuch *tha* iad scribedhta ann an leabhar righrean Israeil agus Iudah. Agus rìoghaich Iehoachin a rìgh a' chuid.

9 Ochd bliadhna deug<sup>5</sup> a dh'aois *bha* Iehoachin an uair a thòisich e air rìoghachadh, agus rìoghaich e trì mìosan agus deich laithean ann an Ierusalem; agus rinn e olc ann an suilibh an Tighearna.

10 Agus aig ceann na bliadhna<sup>6</sup> chuir rìgh Nebuchadnesar daoine uaith, agus

thug e do Bhabilon e, maille ri soithichibh taitneach<sup>7</sup> tighe an Tighearna: agus rinn e Sedeciah a bhràthair<sup>8</sup> na rìgh air Iudah agus Ierusalem.

11 Bliadhna thar fhichead a dh'aois *bha* Sedeciah 'nuair a thòisich e air rìoghachadh, agus rìoghaich e aon bhliadhna deug ann an Ierusalem.

12 Agus rinn e olc ann an suilibh an Tighearna a Dhé; agus cha d'ìrosalach se e fèin am fianuis Ieremiah an fhàidh, a labhair o bheul an Tighearna.

13 Agus mar an ceudna rinn e ceannairc an aghaidh rìgh Nebuchadnesar, a thug air mionnachadh air Dia: ach ragaich e a mhuineal, agus chruaidhich e a chridhe o thionndadh a dh'ionnsuidh an Tighearna Dé Israeil.

14 Mar an ceudna pheacaich iadsan uile a b'airde do na sagartaibh agus do'n t-sluagh gu ro-mhòr, a réir uile ghràineileachd nan cinneach, agus thruaill iad tigh an Tighearna, a naomhaich e ann an Ierusalem.

15 Agus chuir an Tighearna Dia an aithriche *fios* d'an ionnsuidh le làimh a theachdairean, ag éirigh gu moch, agus a' cur uaith; a chionn gu'n robh truas aige d'a shluagh, agus d'a àite-còmhnuidh:

16 Ach rinn iadsan fànoid air teachdairibh Dhé, agus rinn iad dìmeas air a bhriathraibh, agus rinn iad tarcuis<sup>9</sup> air fhàidhibh, agus an d'èirich fearg an Tighearna 'n aghaidh a shluaigh air chor as nach robh leigh-eas ann.

17 Uime sin thug e orra rìgh nan Caldeanach, a mharbh an daoine òga leis a' chlaidheamh ann an tigh an ionaid naomba, agus nach do chaomhain òig-fhear no òigh, seann duine, no esan a bha air a chromadh leis an aois: thug e thairis iad uile na làimh.

18 Agus uile shoithichean tighe Dhé, mòr agus beag, agus ionmhais tighe an Tighearna, agus ionmhais an rìgh agus 'uachdarana, thug e leis uile do Bhabilon.

19 Agus loisg iad tigh Dhé, agus bhris iad sìos balladh Ierusalem, agus loisg iad a luchairtean uile le teine, agus mhill iad a shoithichean taitneach uile.

20 Agus iadsan a chaidh as o'n chlaidheamh thug e leis do Bhabilon, far an robh iad nan seirbhisich aige fèin agus aig a mhacaibh, agus an do rìoghaich rìgh<sup>10</sup> Persia:

21 Chum gu'm biodh focal an Tighearna le beul Ieremiah air a choimhlionadh, agus am mealladh an tìr a sàbaidean: rè na h-ùine a bha i fàs, chum i sàbaidean<sup>11</sup>, agus an do choimhlioneadh trì fichead agus deich bliadhna.

<sup>1</sup> cumhadh. <sup>2</sup> Faic. II. Rìgh. Caib. XXIII. r. 33. <sup>3</sup> mar chis. <sup>4</sup> luchairt. <sup>5</sup> Faic. II. Rìgh. Caib. XXIV. r. 8. <sup>6</sup> teachd mu'n cuairt na

bliadhna. <sup>7</sup> maiseach, luachmhor. <sup>8</sup> bràthair 'athar. <sup>9</sup> magadh. <sup>10</sup> rìoghachd. <sup>11</sup> rinn i tàmh. 2 F



22 A nis ann an ceud bhliadhna Chiruis rìgh Phersia, chum gu'm biodh focal an Tighearna le beul Ieremiah air a choimhlionadh, dhùisg an Tighearna suas spiorad Chiruis rìgh Phersia, agus thug e fa'near gairm a bhi air a tabhairt air feadh a rìoghachd uile, agus a chur mar an ceudna ann an scriobhadh, ag ràdh,

23 Mar so tha Cirus rìgh Phersia ag ràdh, Uile rìoghachdan an domhain thug an Tighearna Dia nan nèamh dhomhsa, agus dh'àithn e dhomh tigh a thogail dha ann an Ierusalem, a ta ann an Iudah: ge b'e neach a ta nar<sup>1</sup> measg d'a shluagh uile, gu robh an Tighearn a Dhia maille ris, agus rachadh e suas.

## E S R A.

## CAIB. I.

**A** NIS ann an ceud bhliadhna Chiruis rìgh Phersia, chum gu'm biodh focal an Tighearna le beul Ieremiah air a choimhlionadh, dhùisg an Tighearna suas spiorad Chiruis rìgh Phersia, agus thug e fa'near gairm a bhi air a tabhairt air feadh a rìoghachd uile, agus a chur mar an ceudna ann an scriobhadh, ag ràdh,

2 Mar so tha Cirus rìgh Phersia ag ràdh, Uile rìoghachdan an domhain thug an Tighearna Dia nan nèamh dhomhsa, agus dh'àithn e dhomh tigh a thogail dha ann an Ierusalem, a ta ann an Iudah.

3 Ge b'e neach a ta 'nar measgsa d'a shluagh uile, gu robh a Dhia maille ris, agus rachadh e suas gu h-Ierusalem a ta ann an Iudah, agus togadh e tigh an Tighearna Dé Israel: is esan an Dia, a ta ann an Ierusalem.

4 Agus gc b'e neach a dh'fhàgadh<sup>2</sup> ann an àite sam bith far am bheil e air chuairt, cuidicheadh daoine 'àite leis le h-airgid, agus le h-òr, agus le maoin, agus le h-ainmhidhibh, a thuilleadh air an tabhartas saor-thoile air son tighe Dhé a ta ann an Ierusalem.

5 An sin dh'éirich cinn aithriche Iudah agus Bheniamin, agus na sagairt agus na Lebhitich, gach neach aig an do dhùisg Dia a spiorad gu dol suas a thogail tighe an Tighearna, a ta ann an Ierusalem.

6 Agus neartaich iadsan uile a bha mu'n cuairt doibh an làmban le soithichibh airgid, le h-òr, le maoin, agus le h-ainmhidhibh, agus le nithibh luachmhor, a thuilleadh air gach ni a thugadh seachad le saor-thoil.

7 Thug mar an ceudna an rìgh Cirus a mach soithichean<sup>3</sup> tighe an Tighearna, a thug Nebuchadnesar a mach a h-Ierusalem, agus a chuir e ann an tigh a dhée:

8 Eadhon iad sin thug Cirus rìgh Phersia mach le làimh Mhitredait fhir-ghleidhidh an ionmhais, agus dh'àireamh e iad do Shesbadsar uachdaran Iudah.

9 Agus is e so an àireamh: Deich cuacha fìchead òir, mìle cuach airgid, naoi sgeana fìchead,

10 Deich thar fhichead soitheach-ionnlaid òir, ceithir cheud agus deich soithichean-ionnlaid airgid do'n dara seòrsa, mìle do shoitichibh eile:

11 Na soitichean òir agus airgid uile, cùig mìle agus ceithir cheud: iad sin uile thug Sesbadsar suas maille ris na braighdibh<sup>4</sup>, a thugadh suas o Bhabilon gu h-Ierusalem.

## CAIB. II.

**A** GUS is iad so clann na mòr-roinne, a chaidh suas do na braighdibh, dhiubhsan a thugadh air falbh, a thug Nebuchadnesar rìgh Bhabilon air falbh leis do Bhabilon, agus a phill gu h-Ierusalem agus Iudah, gach fear d'a bhaile féin;

2 A thàinig maille ri<sup>5</sup> Serubabel, Iesua, Nehemiah, Seraiah, Realaiah, Mordecai, Bilsan, Mispal, Bigbhai, Rehum, Baanah.

## AIREAMH DHAOINE SLUAIGH ISRAEL.

3 Mic Pharois, dà mhìle ceud trì fichead agus a dhà-dheug.

4 Mic Shephataiah, trì cheud trì fichead agus a dhà-dheug.

5 Mic Arah, seachd ceud trì fichead agus cùig-deug.

6 Mic Phahat-mhoab, do chloinn Iesua [agus] Ioab, dà mhìle ochd ceud agus a dhà-dheug:

7 Mic Elain, mìle dà cheud leth-cheud agus a ceithir.

8 Mic Shatu, naoi ceud dà fhichead agus a cùig.

9 Mic Shacai, seachd ceud agus trì fichead.

10 Mic Bhani, sè ceud dà fhichead agus a dhà.

11 Mic Bhebai, sè ceud fichead agus a trì.

12 Mic Asgaid, mìle dà cheud fichead agus a dhà.

13 Mic Adonicaim, sè ceud trì fichead agus a sè.

14 Mic Bhigbhai, dà mhìle dà fhichead agus sè-deug.

15 Mic Adin, ceithir cheud leth-cheud agus a ceithir.

16 Mic Ateir o Heseciah, ceithir fichead agus ochd-deug.

<sup>1</sup> ann bhur. <sup>2</sup> dh'fhanas. <sup>3</sup> airneis.

<sup>4</sup> a' bhraighdeanas. Eabh. <sup>5</sup> mar-ri, le.

17 Mic Bhesai, tri cheud fichead agus a tri.  
 18 Mic Iorah, ceud agus a dhà-dheug.  
 19 Mic Hasuim, dà cheud fichead agus a tri.  
 20 Mic Ghibair, ceithir fichead agus cùig-deug.  
 21 Mic Bheteleheim, ceud fichead agus a tri.  
 22 Daoine Netophah, dà fhichead agus sè-deug.  
 23 Daoine Anatoit, ceud fichead agus a h-ochd.  
 24 Mic Asmabheit, dà fhichead agus a dhà.  
 25 Mic Chiriat-iarim, Chephirah, agus Bheeroit, seachd ceud agus dà fhichead agus a tri.  
 26 Mic Ramah agus Gheba, sè ceud fichead agus a h-aon.  
 27 Daoine Mhichmais, ceud fichead agus a dhà.  
 28 Daoine Bheteil agus Ai, dà cheud fichead agus a tri.  
 29 Mic Nebo, dà fhichead agus a dhà-dheug.  
 30 Mic Mhagbis, ceud leth-cheud agus a sè.  
 31 Mic Elaim eile<sup>1</sup>, mìle dà cheud leth-cheud agus a ceithir.  
 32 Mic Harim, tri cheud agus fichead.  
 33 Mic Loid, Hadid, agus Ono, seachd ceud fichead agus a cùig.  
 34 Mic Iericho, tri cheud dà fhichead agus a cùig.  
 35 Mic Shenaah, tri mìle agus sè ceud agus deich thar fhichead.  
 36 Na sagairt: Mic Iedaia, do thigh Iesua, naoi ceud tri fichead agus tri-deug.  
 37 Mic Imeir, mìle dà fhichead agus a dhà-dheug.  
 38 Mic Phasuir, mìle dà cheud dà fhichead agus a seachd.  
 39 Mic Harim, mìle agus seachd-deug.  
 40 Na Lebhitich: Mic Iesua agus Chadmieil, do chloinn Hodabbiah, tri fichead agus ceithir-deug.  
 41 An luchd-fèinn: Mic Asaiph, ceud fichead agus a h-ochd.  
 42 Mic nan dorsair: Mic Shaluim, mic Ateir, mic Thalmoin, mic Acuib, mic Hattita, mic Shobai, iad uile ceud agus naoi-deug thar fhichead.  
 43 Na Netinich: Mic Shiha, mic Hiasupha, mic Thabaoit,  
 44 Mic Cherois, mic Shiaha, mic Phadoin,  
 45 Mic Lcbanah, mic Hagabah, mic Acuib,  
 46 Mic Hagaib, mic Shalmal, mic Hanain,

47 Mic Ghideil, mic Ghahair, mic Reaiah,  
 48 Mic Resin, mic Necoda, mic Ghadsaim,  
 49 Mic Udsa, mic Phasea, mic Bhesai,  
 50 Mic Asnah, mic Mhehunim, mic Nephusim,  
 51 Mic Bhacbuic, mic Hacupha, mic Harhuir,  
 52 Mic Bhasluit, mic Mhehida, mic Harsa,  
 53 Mic Bharcois, mic Shisera, mic Thamah,  
 54 Mic Nesia, mic Hatipha.  
 55 Mic sheirbhiseach Sholaimh: Mic Shotai, mic Shophereit, mic Pheruda,  
 56 Mic Iaalah, mic Dharcoin, mic Ghideil,  
 57 Mic Shephatiah, mic Hatil, mic Phochercit o Sheboim, mic Ami.  
 58 Na Netinich uile, agus clann sheirbhiseach Sholaimh, tri cheud ceithir fichead agus a dhà-dheug.  
 59 Agus so iadsan a chaidh suas o Thelmclah, Telharsa, Cherub, Adan agus Imer; ach cha b'urrainn iad tigh an athar a nochdadh agus an sliochd, am b'ann do Israel iad:  
 60 Mic Dhelaiah, mic Thobiah, mic Necoda, sè ceud leth-cheud agus a dhà.  
 61 Agus do mhacaibh nan sagart: Mic Habiah, mic Chois, mic Bharsillai, a ghabh bean do nigheanaibh Bharsillai a' Ghileadaich, agus a ghoircadh air an ainm.  
 62 Dh'iarr iadsan an clàr-scriobhaidh nam measg-san a bha air an àireamh le sloinnteachd, ach cha d'fhuaradh iad: uime sin ghearradh as o'n t-sagartachd iad<sup>2</sup>.  
 63 Agus thubhairt an Tirsata riu, nach feudadh iad itheadh do na nithibh ronnaimha, gus an seasadh sagart suas le Urim agus le Tumim.  
 64 An coimhthional uile cuideachd, da fhichead agus dà mhìle tri cheud agus tri fichead;  
 65 A thuilleadh air an seirbhisich agus am ban-oglaich, d'an robh ann seachd mìle tri cheud agus seachd-deug thar fhichead, agus dhiubhsan dà cheud nam fearaibh agus nam mnaibh-scinn.  
 66 An eich, seachd ceud agus sè-deug thar fhichead: am muilcidean<sup>3</sup>, dà cheud dà fhichead agus a cùig:  
 67 An càmhail, ceithir cheud agus cùig-deug thar fhichead: an asail, sè mìle seachd ceud agus fichead.  
 68 Agus thug cuid do chinn nan aithriche, nuair a thainig iad do thigh an Tigh-carna a tha ann an Ierusalem, seachad d'an saor-thoil air son tighe Dhè, chum a chur suas na àite fèin.

<sup>1</sup> mic Elam-air.      <sup>2</sup> mar dhaoine truaillidh chuireadh iad o'n t-sagartachd.



69 A réir an comais thug iad, gu h-ion-mhas na h-oibre, tri fichead agus aon mhíle darcon<sup>1</sup> òir, agus cùig mìle pund airgid, agus ceud culaidh sagairt.

70 Agus ghabh na sagairt agus na Lebhitich, agus cuid do'n t-sluagh, agus an luchd-seinn, agus na dorsairean, agus na Netinich, còmhuidh nam bailtibh, agus Israel uile nam bailtibh.

### CAIB. III.

**A**GUS an uair a thàinig an seachdamh mìos, agus clann Israeil nam bailtibh, chruinnich an sluagh an ceann a chéile mar aon duine gu h-Ierusalem.

2 Agus sheas Iesua mac Iosadaic suas, agus a bhràithrean na sagairt, agus Serubabel mac Shealtiel, agus a bhràithrean, agus thog iad altair Dhé Israeil, a dh'ìobradh ìobairtean-loisgte oirre, mar a ta e sgrìobhta ann an lagh Mhaois òglaich Dhé.

3 Agus shuidhich iad an altair air a bonn-aibh, oir<sup>2</sup> bha eagal orra roimh shluagh nan tìr sin; agus dh'ìobair iad ìobairte-loisgte do'n Tighearna, ìobairte-loisgte air maduinn agus air feasgar.

4 Agus chum iad féill nam pàillion, mar a ta e sgrìobhta, agus dh'ìobair iad an ìobairte-loisgte lathail ann an àireamh, a réir na riaghailte, a dh'ìghe fèin air gach la;

5 Agus na dlèigh sin an ìobairte-loisgte ghnàthaichte, aràon air na gealaichibh nomha, agus air uile fhéilibh naombaichte an Tighearna, agus o gach neach a thug seachad gu toileach tabhartas saor-thoile do'n Tighearna.

6 O'n cheud la do'n seachdamh mìos thòisich iad air ìobairtean-loisgte ìobradh do'n Tighearna, nuair nach do leagadh fathast bunait teampuill an Tighearna.

7 Ach thug iad airgid do na snaidhead-airibh agus do'n luchd ceirde<sup>3</sup>, agus biadh, agus deoch, agus oladh do na Sìdonaich agus do na Tìoraich<sup>4</sup>, a chum gu'n d'thugadh iad fiodh seudair o Lebanon gu muir Iopa, a réir a' chomais<sup>5</sup> a fhuair iad o Chìrus rìgh Phersia.

8 Agus anns an dara bliadhna 'n déigh dhoibh teachd gu tigh Dhé aig Ierusalem, anns an dara mìos, thòisich Serubabel mac Shealtiel, agus Iesua mac Iosadaic, agus fuigheall am bràithrean na sagairt agus na Lebhitich, agus iadsan uile a thàinig o'n bhraighdeanas<sup>6</sup> gu h-Ierusalem; agus dh'orduich iad na Lebhitich, o fhichead bliadhna dh'aois agus os a chann, a chur oibre tìghe an Tighearna air a h-aghaidh.

9 Agus sheas Iesua agus a mhic agus a bhràithrean, Cadmiel agus a mhic, agus mic Iudah<sup>7</sup> mar aon duine, a ghreasadh an luchd-oibre ann an tigh Dhé; mic Henad-

aid [agus] am mic agus am bràithrean na Lebhitich.

10 Agus an uair a leag an luchd-togail bunait teampuill an Tighearna, sheas na sagairt nan culaidhibh le trompaidibh, agus na Lebhitich mic Asaiph le ciombalaibh, a mholadh an Tighearna le làmh<sup>8</sup> Dhaibhidh rìgh Israeil.

11 Agus fhreagair iad a' chéile ann am moladh agus ann an tabhairt buidheachais do'n Tighearna, A chionn gu bheil e maith, gu mair a thròcair do Israel gu bràth. Agus rinn an sluagh uile gàir mhòr, an uair a mhol iad an Tighearna, a chionn gu'n do leagadh bunait tìghe an Tighearna.

12 Ach bha mòran do na sagairt agus do na Lebhitich, agus do chinn nan aithriche, seann daoine a chunnaic an ceud thigh, nuair a leagadh bunait an tìghe so fa chomhair an sùl, a' gul le guth ard; agus bha mòran a' deanamh gàir gu h-ard le h-aoibhneas:

13 Air chor as nach b'urrainn an sluagh fuaim gàir an aoibhneis aithneachadh, seach fuaim gul an t-sluaigh; oir rinn an sluagh gàir mhòr, agus chualas an fhuaim an cèin.

### CAIB. IV.

**A**GUS chuala naimhdean Iudah agus Bheniamin gu'n robh clann a' bhraighdeanais a' togail an teampuill do'n Tighearna Dia Israeil:

2 Agus thàinig iad gu Serubabel, agus gu cinn nan aithriche, agus thubhairt iad riu, Togaidh sinne maille ribh; oir tha sinne ag iarraidh bhuir Dé-sa mar sibh fèin, agus dha-san tha sinn ag ìobradh o laithibh Esar-hadoin rìgh Asiria, a thug a mìos an so sinn.

3 Ach thubhairt Serubabel agus Iesua agus a' chuid eile do cheannuibh aithriche Israeil riu, Cha bhuin e dhuibhse tigh a thogail maille ruinne d'ar Dia-ne; oir togaidh sinn fèin 'nar n-aonar do'n Tighearna Dia Israeil, mar a dh'àithn Cìrus<sup>9</sup> rìgh Phersia dhuinn.

4 Uime sin dh'anmhunnaich<sup>10</sup> sluagh na tìre làmhan sluaigh Iudah, agus chuir iad dragh orra anns an togail.

5 Agus thuarasdalaich iad comhairlich nan aghaidh, a bhacadh an ruìn rè uile laithean Chìrìs rìgh Phersia, eadhon gus an do rìoghaich Darius rìgh Phersia.

6 Agus an uair a rìoghaich Ahasuerus, ann an toiseach a rìoghachaidh, sgrìobh iad litir-chasaid an aghaidh luchd-àiteachaidh Iudah agus Ierusalem.

7 Agus ann an laithibh Artacsercseis sgrìobh Bìslam, Mitridat, Tabeel, agus a' chuid eile d'an cuideachd, gu Artacsercseis

<sup>1</sup> drachm. Sasg. Faic. I. Eachdr. Caib. XXIX. r. 7. <sup>2</sup> ge do. <sup>3</sup> do na clachairibh agus do na saoraibh. <sup>4</sup> dhoibhsan a Sìdon agus a Tìrus. <sup>5</sup> an orduigh. <sup>6</sup> bhruid. <sup>7</sup> Ho-

dabbia. Caib. II. r. 40. no, ann am briathraibh. <sup>10</sup> dh'anfhannaich.

<sup>8</sup> a réir riaghailte, <sup>9</sup> an rìgh Cìrus.

righ Phersia; agus *bha* sgrìobhadh na litreach ann an sgrìobhadh nan Sirianach, agus air a mhìneachadh <sup>1</sup> anns a' chàinain Shirianaich.

8 Sgrìobh Rehūm an t-ard chomhairleach, agus Simsai an sgrìobhuiche, litir an aghaidh Ierusalem gu h-Artacserces an righ anns na briathraibh so <sup>2</sup>.

9 An sin sgrìobh Rehūm an t-ard chomhairleach, agus Simsai an sgrìobhuiche, agus a' chuid eile do'n cuideachd, na Dinathaich, na h-Apharsachaich, na Tarpelaich, na h-Apharsaich, na h-Archbbhich, na Babilonaich, na Susanchaich, na Dhabhaich, na h-Elamaich,

10 Agus a' chuid eile do na cinnich a thug Asnapar mòr agus urramach a nall, agus a shuidhich e ann am bailtibh Shamarìa, agus a' chuid eile air an taobh so do'n abhuinn <sup>3</sup>, agus ann an leithid so do àm.

11 Is e so dùbhlachadh <sup>4</sup> na litreach a chuir iad d'a ionnsuidh: Gu h-Artacserces an righ, do sheirbhisich, na daoine air an taobh so do'n abhuinn, agus aig a leithid so do àm.

12 Biodh fios aig an righ gu bheil na h-Iudhaich a thàinig a nìos uait d'ar n-ionnsuidh air teachd gu h-Ierusalem, a' togail a' bhaile cheannairich agus uile sin, agus a cur suas a bhallachan, agus a' ceangal r'a chèile nam bunait.

13 Bitheadh a nis fios aig an righ, ma thogar am baile so, agus ma chuirear suas a bhallachan, nach ioc iad gearradh <sup>5</sup>, cìs no càin, agus gu'n d'hoir thu call air teachd-a-steach nan righ.

14 A nis a chionn gu bheil sinne air ar beathachadh o'n lùchairt <sup>6</sup>, agus nach 'eil e iomchuidh dhuinn eas-urram an righ fhaicinn, uime sin chuir sinn *litir* uainn, agus thug sinn fios do'n righ:

15 Chu'm gu'n rannsaichear ann an leabhar eachdraidh <sup>7</sup> t'aitrìche, agus gu'm faigh thu ann an leabhar eachdraidh, agus gu'm bi fios agad gu bheil am baile so na bhaile ceannaircheach, agus diùbhalach <sup>8</sup> do rìghribh agus do mhòr-roinnibh, agus gu'n robh iad a' deanamh duaireachais <sup>9</sup> na mheadhon san t-sean àimsir: air son so sgriosadh am baile so.

16 Tha sinn a' toirt fios do'n righ, ma thogar am baile so, agus ma chuirear suas a bhallachan, an sin nach bi dibh-rionn air bith agad air an taobh so do'n abhuinn.

17 Chuir an righ freagradh gu Rehūm an t-ard chomhairleach, agus Simsai an sgrìobhuiche, agus a' chuid eile d'an cuideachd, a *bha* chomhnuidh ann an Samaria, agus a' chuid eile an taobh thall do'n abhuinn, Sìth, agus aig a leithid so do àm.

18 An litir a chuir sibh a m'ionnsuidh, leughadh gu soilleir a'm' làthair i.

19 Agus thugadh àithne leam, agus rannsaicheadh, agus fhuaradh a mach gu'n robh am baile so o shean ag éirigh an aghaidh rìghrean, agus gu'n d'rinneadh ceann-airc agus duaircachas ann.

20 Agus bha rìghrean cumhachdach ann an Ierusalem, a riaghlach os an cionn-san uile air an taobh thall do'n abhuinn, agus dh'ìocadh gearradh, cìs, agus càin doibh.

21 Thugaibhse nis àithne, a thoirt air na daoine sin sgr, agus nach togar am baile sin gus an d'thig ordugh uamsa.

22 Thugaibh an aire ma ta nach dean sibh mearachd an so. C'ar son a dh'fhàdadh calladh ann gu cron nan righ?

23 An sin an uair a leughadh dùbhlachadh litreach Artacserces an righ an làthair Rchūm agus Shimsai an sgrìobhuiche agus an cuideachd, chaidh iad le cabhaig suas gu h-Ierusalem a dh'ionnsuidh nan Iudhach, agus thug iad orra sgr leis an làmh làidir.

24 An sin sguir obair tighe Dhé, a' ta ann an Ierusalem. Sguir i gus an dara bliadhna do rìghachadh Dhariuis righ Phersia.

#### CAIB. V.

**A**CH rinn Hagai am fàidh, agus Sechariah mac Ido an fhàidh, fàidheadaireachd do na h-Iudhachaibh a *bha* ann an Iudah agus ann an Ierusalem, fàidheadaireachd dhoibh ann an ainm an Tigh-earna Dé Isracil.

2 An sin dh'éirich Scrubabel mac Shealtiel, agus Iesua mac Iosadaic, agus thòisich iad air tigh Dhé a thogail, a *tha* ann an Ierusalem: agus maille-rius-an *bha* fàidhean Dhé a' cuideachadh leo.

3 Anns an àm sin fèin thàinig d'an ionnsuidh Tatnai, an t-uachdaran air an taobh so do'n abhuinn, agus Setar-bosnai, agus an cuideachd <sup>10</sup>, agus mar so thubhairt iad riu, Cò thug ordugh dhuibhse an tigh so a thogail, agus na ballacha so a dhcanamh suas?

4 An sin thubhairt iad <sup>11</sup> riu air an dòigh so, C'ainm a *th'* air na daoineibh a *tha* togail na h-aitreabh <sup>12</sup> so?

5 Ach bha sùil an Dé air seanaibh nan Iudhach, agus cha d'thug iad orra sgr, gus an d'thàinig a' chùis a dh'ionnsuidh Dhariuis, agus an sin thugadh freagradh le litir mu thimchioll so:

6 Dùbhlachadh na litreach a chuir Tatnai an t-uachdaran air an taobh so do'n abhuinn, agus Setar-bosnai agus a chuideachd na h-Arphasachaich, a *bha* air an taobh so do'n abhuinn, a dh'ionnsuidh Dhariuis an righ:

<sup>1</sup> r'a thuigsinn, air a dheachladh. <sup>2</sup> air a' mhodh so. <sup>3</sup> abhuinn. <sup>4</sup> amhadh, lethbhreac. <sup>5</sup> dìghe. <sup>6</sup> o thig an righ. <sup>7</sup> cuimhne.

<sup>8</sup> cronail; dioghbalach. Eir. <sup>9</sup> aithreite, buaireis. <sup>10</sup> an companaich. <sup>11</sup> sinn. <sup>12</sup> deanamh na h-oibre.



7 Chuir iad litir d'a ionnsuidh, anns an robh sriobhta mar so: Gu Darius an rìgh, gach uile shìochaint.

8 Biodh fios aig an rìgh gu'n deachaidh sinn gu mòr-roinn<sup>1</sup> Iudea, a dh'ionnsuidh tighe an Dé mhòir, a tha 'ga thogail le clach-àibh mòra, agus tha fiodh air a chur anns na ballachaibh, agus tha'n obair so a' dol gu luath air a h-aghaidh, agus a' soirbheachadh nan làmh-àibh.

9 An sin dh'fheòraich sinn do na sean-airibh sin, [agus] mar so thubhairt sinn riu, Cò thug dhuibh ordugh an tigh so a thogail, agus na ballacha so chur suas?

10 Agus mar an ceudna dh'fheòraich sinn an ainmean diubh, a thoirt fios duit, a chum gu'n sriobhamaid ainmean nan daoine a bh'air an ccann.

11 Agus mar so thug iad freagradh dhuinn, ag ràdh, Is sinn seirbbisich Dhé nan ncamh agus na talmhainn, agus tha sinn a' togail tighe a chaidh thogail iomadh bliadhna roimhe so, a thog agus a chrìochnaich<sup>2</sup> rìgh mòr a bh'air Israel.

12 Ach an uair a bhrosnaich ar n-aithriche Dia nheimh gu feirg, thug e thairis iad do làimh Nebuchadnesair rìgh Bhabiloin a' Chaldeanaich, a sgrios an tigh so, agus a thug an sluagh leis do Bhabiloin.

13 Ach ann an ceud bliadhna Chiruis rìgh Bhabiloin, thug rìgh Cyrus ordugh<sup>3</sup> tigh so Dhé a thogail.

14 Agus mar an ceudna soithichean òir agus airgid tighe Dhé, a thug Nebuchadnesar as an teampull a bha ann an Ierusalem, agus a thug e leis do theampull Bhabiloin, iad sin thug rìgh Cyrus a mach a teampull Bhabiloin, agus thugadh iad do fhear d'am b'ainm Sesbadsar, a rinn e na uachdaran.

15 Agus thubhairt e ris, Gabh na soithiche so, imich, thoir leat iad do'n teampull a ta ann an Ierusalem, agus biodh tigh Dhé air a thogail na àit.

16 An sin thàinig Sesbadsar sin, agus leag e bunait tighe Dhé a ta ann an Ierusalem: agus o'n àm sin gus a nis tha e 'ga thogail, agus cha 'n'eil e fathast crìochnaichte.

17 A nis uime sin, ma's maith leis an rìgh, deanar rannsachadh ann an tigh ionmhais an rìgh a ta ann am Babilon, a dh'fheuchainn an d'thugadh an t-ordugh so le rìgh Cyrus, tigh so Dhé a thogail ann an Ierusalem, agus cuireadh an rìgh fios d'ar n-ionnsuidh ciod i a thoil a thaobh an nì so.

# CAIB. VI.

**A**N sin thug Darius an rìgh ordugh seachad<sup>4</sup>, agus rannsaich iad ann an

tigh nan leabhar, far an robh na h-ionmhaïs airan tasgaidh ann am Babilon.

2 Agus fhuaradh ann an Achmeta, anns an luchairt, a ta ann am mòr-roinn nam Medach, clàr<sup>5</sup>, agus mar so bha sriobhta ann gu bhi air a chumail air chuimhne<sup>6</sup>.

3 Ann an ceud bliadhna Chiruis an rìgh, thug Cyrus an rìgh ordugh seachad a thaobh tighe Dhé ann an Ierusalem, Biodh an tigh air a thogail, an t-àit anns an d'ìobair iad ìobairtean, agus a bhunaitean air an suidheachadh gu làidir: 'airde, trì fichead làmh-choille; a leud, trì fichead làmh-choille:

4 Tri sreathan do chlachaibh mòra, agus sreath do fhiodh nomha: agus luasaichear an costus<sup>7</sup> a tigh an rìgh.

5 Agus mar an ceudna aisgear<sup>8</sup> soithichean òir agus airgid tighe Dhé, a thug Nebuchadnesar as an teampull a ta ann an Ierusalem, agus a thug e leis do Bhabiloin, agus thugar a ris iad do'n teampull a ta ann an Ierusalem, gach aon d'a àit fèin, agus suidhich iad ann an tigh Dhé.

6 A nis a Thatnai, uachdaran air an taobh thall do'n abhuinn, a Shetar-bosnai, maille ri'r cuideachd na h-Arphasachaich, a tha air an taobh thall do'n abhuinn, bithibh-se fada o sin.

7 Leigibh le obair tighe so Dhé: togadh uachdaran nan Iudhach, agus seanairean nan Iudhach, tighe so Dhé na àit.

8 Agus tha mise a' toirt ordugh a thaobh na nì sibh ri seanairibh nan Iudhach sin, chum tigh so Dhé a thogail; eadhon gu'n d'thugar do mhaoin an rìgh, do'n chis air an taobh thall do'n abhuinn, costus air ball do na daoineibh sin, a chum nach cuirear bacadh orra.

9 Agus na tha dh'easbhuidh orra<sup>9</sup>, araon tairbh òga, agus reitheachan, agus uain air son ìobairte-loisgte Dhé nheimh, cruithneachd, salann, fion, agus oladh, a réir orduigh nan sagart a ta ann an Ierusalem, thugar gu cinnteach dhoibh o là gu la, gu'n fhàilingeadh;

10 A chum gu'n d'thoir iad seachad tabhartais deagh-bholaidh do Dhia nheimh, agus gu'n dean iad urnuigh air son beatha an rìgh agus a nìhac.

11 Mar an ceudna thug mi seachad ordugh, ge b'e neach a dh'atharraicheas an focal so, gu'n spionar sìos fiodh as a thigh, agus an uair a chuirear suas e, gu'n crochar air e, agus gu'n deanar a thigh na òtrach<sup>10</sup> air son so.

12 Agus an Dia a thug air ainm còmh-nuidh a ghabhail an sin, gu'n sgriosadh esan na rìghrean sin uile, agus an sluagh a

<sup>1</sup> mòr-earrann. <sup>2</sup> a choimhlean, a dheasaich. <sup>3</sup> àithne. <sup>4</sup> rinn Darius an rìgh reachd. <sup>5</sup> rola; ròll. Sasg. <sup>6</sup> cuimhneachan.

<sup>7</sup> an cur a mach, an caitheamh. <sup>8</sup> thugar air an ais. <sup>9</sup> gach nì air am bheil feum acu. <sup>10</sup> na dhùnan.

shìneas a mach an làmh a dh'atharrachadh agus a sgrìos tighe Dhé, a *ta* ann an Ierusalem. Thug mise Darius ordugh seachad; deanar an nì gu luath.

13 An sin rinn Tatnai, an t-uachdaran air an taobh so do'n abhuinn, Setar-bosnai, agus an cuideachd, gun dàil a réir an *fhios* a chuir Darius an rìgh uath.

14 Agus thog seanairean nan Iudhach, agus shoirbhich leo a réir fàidheadaireachd Hagai an fhàidh, agus Shechariah mhic Ido; agus thog iad agus chrìochnaich iad, a réir àithne Dhé Israeil, agus a réir àithne Chiruis agus Dhariuis, agus Artacserces rìgh Phersia.

15 Agus chrìochnaich iad an tigh so air an treas latha do'n mhìos Adar, a *bha* anns an t-seachdhadh bliadhna do rìoghachadh Dhariuis an rìgh.

16 Agus chum clann Israeil, na sagairt agus na Lebhithich, agus a chuid eile do chloinn a' bhraighdeanais, coisreagadh <sup>1</sup> tighe so Dhé le gairdeachas.

17 Agus dh'ìobair iad aig coisreagadh tighe so Dhé, ceud tarbh òg, dà cheud reithe, ceithir cheud uan; agus mar ìobairt-phacaidh air son Israeil uile, dà bhoc dheug gaibhre, a réir àireimh threubh Israeil.

18 Agus shuidhich iad na sagairt nan roinnibh, agus na Lebhithich nan sealaibh, air son seirbhìs Dhé, a *ta* ann an Ierusalem; mar a *ta* e sgrìobhta ann an leabhar Mhaois.

19 Agus chum clann a' bhraighdeanais a' chàisg air a' cheathramh là deug do'n cheud mhìos.

20 Oir ghlanadh na sagairt agus na Lebhithich le chèile: *bha* iad uile glan, agus mharbhadh iad a' chàisg do chloinn a' bhraighdeanais uile, agus d'am bràithribh na sagartaibh, agus dhoibh féin.

21 Agus dh'ith <sup>2</sup> clann Israeil a thàinig air an ais o'n bhraighdeanas, agus iadsan uile a dhealaich <sup>3</sup> iad féin d'an ionnsuidh o shalchar chinneach na tìre, a dh'iarraidh an Tighearna Dé Israeil.

22 Agus chum iad féil an arain neo-ghoirtiche seachd laithean le h-aoibhneas: oir rinn an Tighearn aoibhinn iad, agus thionndaidh e cridhe rìgh Asiria d'an ionsuidh, a neartachadh an làmh ann an obair tighe Dhé, Dhé Israeil.

## CAIB. VII.

**A** GUS an déigh nan nithe sin, ri linn <sup>4</sup> Artacserces rìgh Phersia, chaidh Esra mac Sheraiah, mhic Asariah, mhic Hileiah,

2 Mhic Shaluim, mhic Shadoic, mhic Ahituib,

3 Mhic Amariah, mhic Asariah, [mhic Iohanain, mhic Asariah, mhic Ahimaais,

mhic Shadoic, mhic Ahituib, mhic Amariah <sup>5</sup>] mhic Mheraioit,

4 Mhic Sheraiah, mhic Udsi, mhic Bhuci,

5 Mhic Abisua, mhic Phinelais, mhic Eleasair, mhic Aaroin an ard shagairt:

6 Chaidh Esra so suas o Bhabilon, agus c na sgrìobhuiche deas ann an lagh Mhaois, a thug an Tighearna Dia Israeil seachad: agus thug an rìgh dha, chionn gu'n robh làmh an Tighearna a Dhé air, 'iarttus uile.

7 Agus chaidh *cuid* do chloinn Israeil, agus do na sagartaibh, agus do na Lebhithich, agus do'n luchd-scinn, agus do na dorsairibh, agus do na Netinich, suas gu h-Ierusalem, anns an t-seachdamh bliadhna do Artacserces an rìgh.

8 Agus thàinig e gu h-Ierusalem anns a' chùigeadh mìos, a *bha* anns an t-seachdamh bliadhna do'n rìgh.

9 Oir air a' cheud là do'n cheud mhìos thòisich e air dol suas o Bhabilon, agus air a' cheud là do'n chùigeadh mìos thàinig e gu h-Ierusalem, a chionn gu'n robh làmh mhaith a Dhé air.

10 Oir dh'ulluich Esra a chridhe a dh'iarraidh lagha an Tighearna, agus g'a dhcanamh, agus a theagasg ann an Israel reachdan agus bhreitheanasa.

11 Agus is e so dùblachadh na litreach a thug rìgh Artacserces do Esra an sagart, an sgrìobhuiche, sgrìobhuiche bhriathar àitheantan an Tighearna, agus a reachda do Israel.

12 Artacserces rìgh nan rìgh, gu Esra an sagart, sgrìobhuiche lagha Dhé nan nèamh, gach uile *shùth* <sup>6</sup>, agus na leithid so do àm.

13 Tha mi a' toirt orduigh, iadsan uile ann an rìoghachd do shluagh Israeil, agus d'a shagartaibh, agus d'a Lebhithicachaibh, leis an àill triall do h-Ierusalem, gu'n d'théid iad maille riutsa:

14 A thaobh gu'n do chuireadh thu leis an rìgh, agus le 'sheachd comhairleachaibh, a dh'fhiosrachadh mu thimchioll Iudah agus Ierusalem, a réir lagha do Dhe, a *ta* ann ad làimh;

15 Agus a thoirt leat an airgid agus an òir, a thug an rìgh agus a chomhairlich d'an toil féin do Dhia Israeil, aig *am bheil* 'àite-còmhnuidh ann an Ierusalem;

16 Agus an airgid agus an òir uile a gheibh thu ann an uile mhòr-roinn Bhabilon; maille ri tabhartas saor-thoile an t-sluaigh agus nan sagart, a' toirt seachad d'an saor-thoil air son tighe an Dé, a *ta* ann an Ierusalem:

17 A chum gu'n ceannaich thu air ball leis an airgid so tairbh òga, reitheachan,

<sup>1</sup> naomhachadh, tionnadh suas. <sup>2</sup> dh'ich. <sup>3</sup> scar. <sup>4</sup> ann an rìoghachadh.

<sup>5</sup> Faic I. Eachdr. Caib. VI. r. 7. 8. 9. <sup>6</sup> sìth iomlan.



uain, agus an tabhartais-bìdh agus an tabhartais-dibhe, agus gu'n iobair thu iad air altair tighe bhuir Dé a *ta* ann an Ierusalem.

18 Agus ge b'e ni a's maith leat féin agus le d' bhràithribh a dlicanamh leis a' chuid eile do'n airgiod agus do'n òr, a réir toile bhuir Dé, deanaibh.

19 Na soithiche mar an ceudna a tha air an tabhairt duit, air son seirbhis tighe do Dhé, na seachad am fianuis Dé Ierusalem.

20 Agus ge b'e ni tuilleadh a bhios feumail air son tighe do Dhé, a chi thu aobhar air a bhuileachadh<sup>1</sup>, builich e a tigh-ionmhais an righ.

21 Agus tha mise, mise féin Artacerces an righ, a' toirt orduigh do uile luchd-coimhead an ionmhais, a *ta* air an taobh thall do'n abhuinn, ge b'e ni a dh'iarras Esra an sagart, scriobhuiche lagha Dhé nan nèamh oirbh, gu'n deanar air ball e;

22 Gu ruig ceud tàlann airgid, agus gu ruig ceud tomhas cruithneachd, agus gu ruig ceud bat fìona, agus gu ruig ceud bat olaidh, agus salann gun àireamh<sup>2</sup>.

23 Gach ni a *ta* a réir àithne Dhé nan nèamh, deanar gu cùramach e do thigh Dhé nan nèamh, air eagal gu'm bi fèarg an aghaidh rioghachd an righ agus a mhac.

24 Mar an ceudna *tha* sinn a' toirt fios duibh a thaobh nan sagart uile agus nan Lebhitheach, an luchd-seinn, nan dorsair, nan Netineach, no sheirbhiseach tighe so Dhé, nach feudar gearradh<sup>3</sup>, cìs, no càin a chuir orra.

25 Agus suidhich thusa, Esra, a réir gliocas do Dhé, a *ta* ann ad làimh, uachdarain, agus breitheamhna, a bheir breth air an t-sluagh uile, a *ta* air an taobh thall do'n abhuinn, orrasan uile d'an aithne laghanna do Dhé; agus teagaisgibh iadsan do nach aithne iud.

26 Agus gach neach nach dean a réir lagha do Dhé agus lagha an righ, deanar breitheanas air ball air, ma's ann a chum bàis, na chum fògraidh, nò chum ùbhlaidh<sup>4</sup>, no chum prìosuinn<sup>5</sup>.

27 Beannuichte *gu robh* an Tighearna Dia ar n-aithriche, a chuir mar so ann an cridhe an righ, a dheanamh tighe an Tighearna, a *ta* ann an Ierusalem, mais-each:

28 Agus a fhuair tròcair dhomhsa am fianuis an righ agus a chomhairleacha, agus am fianuis uile uachdarana cumhachdach an righ: agus neartaicheadh mi a chionn gu'n robh làmh an Tighearna mo Dhé orm, agus chruinnich mi a

h-Israel daoine taghta<sup>6</sup> gu dol suas maille rium.

## C A I B. VIII.

**A** GUS is iad so cinn an aithriche, agus an àireamh a réir an ginealach, a chaidh suas maille rium o Bhabilon, ri linn Artacerseis an righ:

2 Do mhacaibh Phinehais; Gersom: do mhacaibh Itamair; Daniel; do mhacaibh Dhaibhidh; Hatus.

3 Do mhacaibh Shechaniah; \*\*\*\* do mhacaibh Pharois; Sechariah: agus maille ris-san *bha* air an àireamh a réir an ginealach do fhirionnachaidh ceud agus leth-cheud.

4 Do mhacaibh Phabat-mhoib; Elieonai, mac Sherahiah, agus maille ris dà cheud fìrionnach.

5 Do mhacaibh, [Shatu:] Sechaniah mac Iahasicil, agus maille ris trì cheud fìrionnach:

6 Agus do mhacaibh Adin; Ebed mac Ionatain, agus maille ris leth-cheud fìrionnach.

7 Agus do mhacaibh Elaim; Iesiah mac Ataliah, agus maille ris trì fichead agus deich fìrionnach.

8 Agus do mhacaibh Shephatiah; Sebadiah mac Mhicheil, agus maille ris ceithir fichead fìrionnach.

9 Do mhacaibh Ioab; Obadiah mac Iehiel, agus maille ris dà cheud agus ochd fìrionnach dheug.

10 Agus do mhacaibh [Bhani:] Selomit mac Iosiphiah, agus maille ris ceud agus trì fichead fìrionnach.

11 Agus do mhacaibh Bhebai: Sechariah mac Bhebai, agus maille ris fichead agus ochd fìrionnach.

12 Agus do mhacaibh Asgaid; Iohanan, mac Hacatain, agus maille ris ceud agus deich fìrionnach.

13 Agus do mhacaibh deireannach Adonichaim; agus is iad so an ainmcanna, Eliphelet, Ieiel, agus Semaiah, agus maille ri trì fichead fìrionnach.

14 Agus do mhacaibh Bhigbhai, Utair agus Sabud, agus maille ri trì fichead agus deich fìrionnach.

15 Agus chruinnich mi iad a dh'ionnsuidh na h-aibhne, a tha teachd gu Ahabha, agus an sin dh'fhan sinn ann am bùthaibh trì lathèan, agus ghabh mi beachd do'n t-sluagh, agus do na sagairt, agus claid'fhuair mi'n sin a h-aon do mhacaibh Lebhi.

16 An sin chuir mi fios air Elieser, air Ariel, air Semaiah, agus air Elnatan<sup>7</sup>, agus air Natan, agus air Sechariah, agus air Mesulam, prìomh dhaoine; agus air Ioarib, agus air Elnatan, daoine tuigseach.

<sup>1</sup> thoir seachad, a chaitheamh. <sup>2</sup> gun a bhi air a scriobhadh. Eabh. <sup>3</sup> dlighe. <sup>4</sup> call a mhaoin. <sup>5</sup> gu ginealbh.

<sup>6</sup> cinn. Eabh. <sup>7</sup> air Elnatan, agus air Iarib, agus air Elnatan.

17 Agus chuir mi iad le h-àithne gu Ido an ceann, aig àit Chasiphia, agus dh'innis mi dhoibh ciod<sup>1</sup> a theireadh iad ri Ido, [agus] r'a bhràithribh na Netinich aig àit Chasiphia, gu'n d'thugadh iad d'ar n-ionnsuidh seirbhisich air son tighe ar Dé.

18 Agus le làimh mhaith ar Dé oirnn thug iad d'ar n-ionnsuidh Issechel<sup>2</sup> do mhacaibh Mhabli, mhic Lebhi, mhich Israeil, agus Serebiah agus a mhic agus a bhràithrean, ochd *fir* dheug.

19 Agus Hasabiah, agus maille ris Iesaiah do mhacaibh Mherari, a bhràithrean, agus am mic, ficead.

20 Agus do na Netinich a dh'orduich Daibhidh agus na h-uachdarain air son seirbhis nan Lebhithich, dà chud agus ficead Netineach: ghoireadh<sup>3</sup> iad uile air an ainni.

21 An sin ghairm mi trosgadh san àite sin aig abhuinn Ahabha, chum gu'n irios-laicheamaid<sup>4</sup> sinn féin am fianuis ar Dé, a dh'iarraidh air slighe cheirt dhuinn féin, agus d'ar cloinn bhig, agus d'ar maoin uile.

22 Oir bu nàir leam buidheann shaighdearan agus marc-shluagh iarraidh air an rìgh, a chuideachadh leinn an aghaidh an nàmhaid air an t-slighe; a chionn gu'n do labhair sinn ris an rìgh, ag ràdh, Tha làmh ar Dé chum maith orra-san uile a dh'iarra e, ach a chumhachd agus 'fhearg nan aghaidh-san uile a thréigeas e.

23 Uime sin throisg sinn, agus dh'iarra sinn ar Dia air son so, agus dh'éisd e ri'r n-athchuinge.

24 An sin chuir mi air leth dà fhear dheug dhiubhsan a b'airde do na sagartaibh, Serebiah, Hasabiah, agus deichnear d'am bràithribh maille riu,

25 Agus thomhais<sup>5</sup> mi dhoibh an t-airgid, agus an t-òr, agus na soithichean, tabhartas tighe ar Dé, a thug an rìgh, agus a chomhairlich<sup>6</sup>, agus a dhaoine mòra, agus Israel uile a bha làthair, seachad.

26 Thomhais mi eadhon d'an làimh sè ceud agus leth-cheud tàlann airgid, agus do shoithichibh airgid ceud tàlann, agus ceud tàlann òir;

27 Agus ficead cuach òir do mhìle darcon, agus dà shoitheach do umha buidh maith, luachmhor mar òr.

28 Agus thubhairt mi riu, *Tha* sibhse naomha do'n Tighearna, agus na soithichean naomha, agus an t-airgid agus an t-òr, na tabhartas saor-thoile do'n Tighearna Dia bhur n-aithriche.

29 Deanaibh faire, agus coimheadaibh, agus an cothromaich sibh *iad* am fianuis uachdarana nan sagart, agus nan Lebhithich, agus uachdarana aithrichean Israeil ann an Ierusalem, ann an scomraichibh tighe an Tighearna.

30 Uime sin ghabh na sagairt agus na Lebhithich cothrom an airgid agus an òir, agus nan soitheach, chum an tabhairt gu h-Ierusalem a dh'ionnsuidh tighe ar Dé.

31 Agus dh'imich sinn o abhuinn Ahabha air an dara latha deug do'n cheud mhìos, gu dol do h-Ierusalem; agus bha làmh ar Dé oirnn, agus shaor e sinn o làimh an nàmhaid, agus o'n làimh-san, a bha deanamh feall-fholach air an t-slighe.

32 Agus thàinig sinn gu h-Ierusalem, agus dh'fhan sinn an sin trì laithean.

33 Agus air a' cheathramh là thomhais-eadh an t-airgid agus an t-òr, agus na soithichean ann an tigh ar Dé le làimh Mheremot mhic Uriah an t-sagairt, agus maille ris *bha* Eleasar mac Phinehais, agus maille riu-san Iosabad mac Iesua, agus Noadiah mac Bhinui, Lebhithich:

34 A réir àireamh agus a réir tomhais nan uile: agus scrìobhadh an tomhas uile san àin sin.

35 Thug clann na muinntir a thugadh air falbh, agus a thàinig o'n bhraighdeanas, seachad iobairtean-loisgte do Dhia Israeil, dà tharbh dheug òg air son Israeil uile, ceithir ficead agus sè reithe deug, trì ficead agus seachd uain dheug, dà bhoc dheug gaibhre, mar iobairt-pheacadh: iad uile na iobairt-loisgte do'n Tighearna.

36 Agus thug iad seachad orduighean an rìgh do ard riaghlairibh an rìgh, agus do na h-uachdaranaibh air an taobh so do'n abhuinn; agus chuir iadsan an sluagh agus tigh Dhé air an aghaidh.

## CAIB. IX.

**A**GUS an uair a rinneadh na nithe sin, thàinig na h-uachdarain a m' ionnsuidh, ag ràdh, Cha do dhealaich sluagh Israeil, agus na sagairt, agus na Lebhithich iad féin o shluagh na tìre, a' deanamh a réir an gràineileachda, eadhon nan Canaanach, nan Hiteach, nam Periseach, nan Iebusach, nan Amonach, nam Moabach, nan Eiphiteach, agus nan Amorach.

2 Oir ghabh iad d'an nigheanaibh dhoibh féin agus d'am macaibh, agus mheasg an slìochd naomha iad féin ri sluagh nan tìr: agus bha làmh nan uachdaran agus nan riaghlair air thoiseach anns a' chionta so.

3 Agus an uair a chuala mi an nì so, reub mi m'eadach, agus m'fhalluing, agus spion mi *cuid* do ghruaig mo chinn agus m'heusag, agus shuidh mi sìos fo uamhann<sup>7</sup>.

4 An sin chruinnicheadh a m'ionnsuidh iadsan uile a chriothnaich roimh bhriathraibh Dhé Israeil air son euceirt na muinntir a thugadh air falbh, agus shuidh mi fo uamhann gu ruig an iobairt-fheasgair.

5 Agus aig an iobairt-fheasgair dh'éirich mi o'm thuirse, le m'eadach agus m'fhalluing

<sup>1</sup> chuir mi nam beul na briathra. Eabh.  
<sup>2</sup> duine tuigsach. <sup>3</sup> dh'ainmicheadh.

<sup>4</sup> crùdhaimead. <sup>5</sup> chothromaich. <sup>6</sup> chomhairlichean. <sup>7</sup> ioghnadh.



reubta umam, agus leag mi mi féin air mo ghluinibh, agus sgaoil mi mach mo lámhan a dh'ionnsuidh an Tighearna mo Dhé.

6 Agus thubhairt mi, O mo Dhia, tha nàir orm agus rudhadh gruaidh m'aghaidh thogail riutsa, mo Dhia: oir tha ar n-eucearta air fàs lionmhor os ar cionn, agus tha ar cionta air éirigh suas gu n-èamh.

7 O laithibh ar n-aithriche *bha* sinn ann an cionta mòr gu ruig an la 'n diugh, agus air son ar n-eucearta thugadh thàiris sinn féin, ar righrean, ar sagairt do làimh righrean nan tìr, do'n chlàidheamh, do dhaorsa, agus do chreachadh, agus do nàire gnùise, mar air an la 'n diugh.

8 Agus a nis car tamuill bhig nochdadh gràs<sup>1</sup> o'n Tighearna ar Dia, a dh'fhàgail duinn fuighill<sup>2</sup>, agus a thabhairt tairnge dhuinn na ionad naomha, chum gu'n soillsicheadh ar Dia ar sùilcan, agus gu'n d'thugadh e dhuinn beagan beòthachaidh 'nar daorsa:

9 Oir *bha* sinne nar tràillibh, gidheadh nar daorsa cha do thréig ar Dia sinn, ach fhuair e trècair dhuinn ann an sùilbh righrean Phersia, a thoirt duinn ath-bheòthachaidh a chur suas tighe ar Dé, agus a leasachadh na mbilleadh ann<sup>3</sup>, agus a thoirt duinn ballaidh ann an Iudah agus ann an Ierusalem.

10 Agus a nis, O ar Dia, ciod a their sinn an déigh so? oir thréig sinn t'aith-eanta.

11 A dh'àithn thu le d' sheirbhisich na fàidhean, agràdh, *Tha'n* talamh d'am bheil sibh a' dol g'a shealbhadh, na thalanh neo-ghlan le neo-ghloine shluaigh nan tìr, le'n gràineileachdaibh, a lion e o cheann gu ceann, le'n salchar.

12 A nis ma ta na d'thugaibh bhur nigh-eana d'am macaibh, agus an nigheana-san na gabhaibh do bhur macaibh-sa, agus na h-iarraibh an sìth, no an saibhreas gu bràth; chum gu'm bi sibh làidir, agus gu'n ith sibh maith an fhearrainn, agus gu'm fag sibh e na oighreachd do'r cloinn gu bràth.

13 Ach an déigh gach *ni* a thàinig oirnn air son ar droch oibre, agus air son ar ciontaidh mhòir, o nach d'rinn thusa ar Dia peanas oirnn a réir ar droch thoillteanaid<sup>4</sup>, agus gu'n d'thug thu dhuinn a leithid so do shaorsa;

14 Nam briseamaid a rìs t'àitheanta, agus nan deanamaid cleamhnas ri sluagh nan gràineileachd sin, nach biodh fearg ort ruinn gus an cuireadh tu as *duinn*, air chor as nach biodh fuigheall no dol as ann?

15 A Thighearna Dhé Israeil, is ceart thusa, oir tha sinn a làthair a thàinig as<sup>5</sup>, mar air an la'n diugh. Fcuch, *tha* sinn a't

fhianuis nar peacannaibh: oir cha'n urrainn sinn seasamh a't' fhianuis air son so.

## CAIB. X.

**A**NIS an uair a rinn Esra urnuigh, agus a dh'aidich e, a' gul, agus 'ga thilgeadh féin sìos fa chomhair tighe Dhé, chruinnich d'a ionnsuidh a h-Israel coimhchrui-nneachadh ro-mhòr do fhearaibh, agus do mhnaibh, agus do chloinn; oir ghuil an sluagh gu mòr<sup>6</sup>.

2 Agus labhair<sup>7</sup> Sechaniah mac Iehieil, aon do mhacaibh Elaim, agus thubhairt e ri h-Esra, Pheacaich sinn an aghaidh ar Dé, agus ghabh sinn d'ar n-ionnsuidh mnàì choimheach<sup>8</sup> do shluagh na tìre: ach a nis tha dòchas aig Israel a thaobh an nì so.

3 A nis uime sin deanamaid coimh-cheangal ri'r Dia, na mnàì uile a chur uainn, agus iadsan a rugadh leo, a réir comhairle mo thighearna, agus na muinntir a chrìochnuicheas ri àithne ar Dé, agus deanar a réir an lagha.

4 Eirich; oir dhuitse *buinidh* an nì so, agus *bithidh* sinne maille riut: gabh misneach, agus dean.

5 Agus dh'éirich Esra, agus thug e air na h-aid shagartaibh, na Lebhithich, agus Israel uile mionnachadh, gu'n deanadh iad a réir an fhòcail so; agus mhionnaich iad.

6 An sin dh'éirich Esra o làthair tighe Dhé, agus chaidh e do sheòmar Iohanain, mhic Eliasib: agus an uair a thàinig e 'n sin, cha d'ith e aran, agus cha d'òl e uisge; oir rinn e bròn air son ciontaidh na muinntir, a thugadh air falbh.

7 Agus thug iad gairm air feadh Iudah agus Ierusalem, do uile chloinn a' bhraighdeanais, iad a chruinneachadh ri cheile gu h-Ierusalem;

8 Agus ge b'e neach nach d'thigeadh an cionn thri laithean, a réir comhairle nan uachdaran agus nan seanair, gu'n d'thugta uait<sup>9</sup> a mhaoin uile, agus gu'm biodh e féin air a dhealachadh o choimhchrui-nneachadh na muinntir, a thugadh air falbh.

9 Agus chruinnicheadh fir Iudah agus Bheniamin uile gu h-Ierusalem an cionn thri laithean: *bha* e anns an naothadh mìos, air an fhicheadadh la do'n mhìos: agus shuidh an sluagh uile ann an sràid tighe Dhé, air chrith air son an nì so, agus air son an uisge mhòir.

10 Agus dh'éirich Esra an sagart, agus thubhairt e riu, Pheacaich sibh, agus ghabh sibh dhuibh féin mnàì choimheach a mheudachadh peacaidh Israeil.

11 A nis ma ta deanaibh aidmheil<sup>10</sup> do'n Tighearna Dia bhur n-aithriche, agus coimhlionaibh a thoil; agus dealaichibh sibh féin o shluagh na tìre, agus o na mnaibh coimheach.

<sup>1</sup> bàigh. <sup>2</sup> dol as. <sup>3</sup> fhàsaichean. <sup>4</sup> gu'n do chaomhain thu sinn *thar* mar a thoill ar peacanna. <sup>5</sup> *tha* fuigheall a làthair dhinn.

<sup>6</sup> le gul mòr. Eabh. <sup>7</sup> fhreagair. <sup>8</sup> choigreach. <sup>9</sup> gu'n cailleadh e. <sup>10</sup> thugaibh glòir.

12 Agus fhreagair an coimhthional uile, agus thubhairt iad le guth ard, Mar sin, a rèir t'fhocail, *tha e ceangailte oirrne a dheanamh.*

13 Ach *tha'n* sluagh lìonmhor, agus is àm mòr uisge e, agus cha'n urrainn sinn seasamh a muigh, agus cha'n obair aon latha, no dà latha so, oir tha sinn lìonmhor a pheacaich anns an nì so.

14 Seasadh a nìs ar n-uachdarain do'n choimhthional uile, agus aig àmannaibh suidhichte thigeadh iadsan uile nar bailtibh, a ghabh dhoibh fèin mnàì choimheach, agus maille riu seanairean gach baile, agus a bhreitheamhna, gus an tionndaidhear fearg laiste ar Dé uainn, a thaobh an nì so.

15 Sheas a mhàin Ionatan mac Asaheil, agus Iahasiah mac Thicbhah air son so: agus chuidich Mesulam agus Sabetai an Lebhithach leo.

16 Agus rinn clann a' bhraighdeanas mar sin: agus dhealaicheadh Esra an sagart, agus cinn àraidh nan aithriche a rèir tighe an aithriche, agus iad uile a rèir an ainmean, agus shuidh iad sìos air a' cheud là do'n deicheamh mìos a rannsachadh na cuise.

17 Agus chrìochnaich iad a thaobh nan daoine uile a ghabh dhoibh fèin mnàì choimheach, air a' cheud là do'n cheud mhìos.

18 Agus am measg mhac nan sagart fhuaradh a ghabh dhoibh fèin mnàì choimheach: Do mhacaibh Iesua, mhic Iosadaic, agus a bhràithrean; Maaseiah, agus Elieser, agus Iarib, agus Gedaliah.

19 Agus thug iad an làmh a gu'n cuir eadh iad uatha am mnàì: agus air dhoibh bhi ciontach, *thug iad* reithe do'n treud air son an ciontaidh.

20 Agus do mhacaibh Imeir; Hanani, agus Sebadiah.

21 Agus do mhacaibh Harim; Maaseiah, agus Eliah, agus Semaiah, agus Iehiel, agus Udsiah.

22 Agus do mhacaibh Phasuir; Elioenai, Maaseiah, Ismael, Netaneel, Iosabad, agus Elasah.

23 Agus do na Lebhithich; Iosabad, agus Simeì, agus Celaiah, (*is e sin Celita*), Petahiah, Iudah, agus Elieser.

24 Agus do'n luchd-seinn; Eliasib: agus do na dorsairibh; Salum, agus Telem, agus Uri.

25 Agus do Israel: Do mhacaibh Pharois; Ramaiah, agus Iesiah, agus Malchiah, agus Miamin, agus Eliaser, agus Malchia, agus Benaiah.

26 Agus do mhacaibh Elaim; Mataniah, Sechariah, agus Iehiel, agus Abdi, agus Ierimot, agus Eliah.

27 Agus do mhacaibh Shatu; Elioenai, Eliasib, Mataniah, agus Ieremot, agus Sabad, agus Asisa.

28 Agus do mhacaibh Bhebai; Ichohanan, Hananiah, Sabai, agus Atlai.

29 Agus do mhacaibh Bhani; Mesulam, Maluch, agus Adaiah, Iasub, agus Seal, agus Ramot.

30 Agus do mhacaibh Phahat-mhaoib; Adna, agus Chelal, Benaiah, Maaseiah, Mataniah, Besaceel, agus Binui, agus Manasch.

31 Agus do mhacaibh Harim; Elieser, Isiah, Malchiah, Semaiah, Simeon,

32 Benjamin, Maluch, agus Semariah.

33 Do mhacaibh Hasuim; Matenai, Matatah, Sabad, Eliphelet, Ieremai, Manasch, agus Simeì.

34 Do mhacaibh Bhani; Maadai, Amram, agus Uel,

35 Benaiah, Bedaiah, Cheluh,

36 Bhaniah, Meremot, Eliasib,

37 Mataniah, Matenai, agus Iasau,

38 Agus Bani, agus Binui, Simeì,

39 Agus Selemiah, agus Natan, agus Adaiah,

40 Machnadebai, Sasai, Sarai,

41 Asareel, agus Selemiah, Semariah,

42 Salum, Amariah, agus Ioseph.

43 Do mhacaibh Nebo; Ieiel, Matiah, Sabad, Sebina, Iadau, agus Ioel, Benaiah.

44 Ghabh iad sin uile dhoibh fèin mnàì choimheach: agus aig *cuid* diubh bha mnàì ris an robh clann aca.

## NEHEMIAH.

CAIB. I.

**B**RIATHRA Nehemiah mhic Hachaliah<sup>1</sup>. Agus tharladh anns a' mhìos Chisleu, anns an fhicheadamh bliadhna, nuair a bha mi ann an Susan an luchairt,

2 Gu'n d'fhàinig Hanani, aon do m' bhràithribh, e fèin agus daoine do Iudah, agus dh'fhèdreach mi dhiubh a thaobh nan Iudhach a chaidh as, a dh'fhàgadh do'n bhraighdeanas, agus mu thimchioll Ierusalem.

3 Agus thubhairt iad rium, *Tha'm* fuigh-

call a dh'fhàgadh do'n bhraighdeanas an sin anns a' mhòr-roinn, ann an àmhghar mòr agus ann am mì-chliu<sup>2</sup>; agus bhriseadh balladh Ierusalem sìos, agus loisgeadh a geatacha le teine.

4 Agus an uair a chuala mi na briathra so, shuidh mi sìos, agus ghuil mi, agus rinn mi bròn laithean *àraidh*, agus throisg mi, agus rinn mi urnuigh am fianuis Dhè nan nèamh.

<sup>1</sup> Hilciah.

<sup>2</sup> fo thasart.



5 Agus thubhairt mi, Guidheam ort, a Thighearna, Dhé nan néamh; an Dia mòr agus uamhasach, a gheidheas coimh-cheangal agus tròcair dhoibh-san a ghràdh-aicheas e, agus a choimheadas àitheanta;

6 Biodh do chluas a nis furachar, agus do shùilean fosgailte, chum as gu'n cisd thu ri h-urnuigh t-òglach, a tha mi a' deanamh a't' fhianuis a nis, a là agus a dh'oidhche, air son chloinn Israeil t-òglacha: agus *tha mi* 'g aideachadh pheacanna chloinn Israeil, a pheacaich sinn a't' aghaidh: pheacaich aràon mise agus tigh m'athar.

7 Rinn sinn gu ro-thruaillidh a'd' thaobhsa, agus cha do ghlèidh sinn na h-àitheanta, na na reachda, no na breitheanais, a dh'àithn thu do t'òglach Maois.

8 Cuimhnich, guidheam ort, am focal a dh'àithn thu do t'òglach Maois, ag ràdh, *Ma* pheacaicheas sibh, sgapaidh misc sibh am measg nan cinncach.

9 Ach *ma* philleas sibh a m'ionnsuidh, agus gu'n coimhid sibh m'aitheantan, agus gu'n dean sibh iad, ge do robh iad dhiubh air an tilgeadh a mach do'n chuid as iomallaiche do nèamh, cruinnichidh mi as sin iad, agus bheir mi iad do'n àit a thagh mi, a chur m'ainm an sin.

10 A nis is iad so do sheirbhiseich agus do shluagh, a shaor thu le d' nìhòr chumhachd, agus le d' làimh thréin.

11 A Thighearna, guidheam ort, biodh do chluas a nis furachar ri h-urnuigh do sheirbhiseich, agus ri h-urnuigh t'òglacha, le'm miann eagal t'ainme bhì orra: agus soirbhich, guidheam ort, le d' sheirbhiseach an diugh, agus thoir dha tròcair ann an sealladh an duine so. A nis bha mise a'm' ghille-cupain aig an righ.

#### CAIB. II.

**A**GUS tharladh ann am mìos Nisain, anns an fhicheadamh bliadhna do Artacserces an righ, *gu'n robh* fion roimhe; agus ghabh mi am fion, agus thug mi e do'n righ. Agus cha robh mise *roimhe sin* dubhach na fhianuis<sup>1</sup>.

2 Uime sin thubhairt an righ rium, C'ar son a tha do ghnùis dubhach<sup>2</sup>, agus gun thu bhì tinn? cha nì *eile* so ach cràdh cridhe. Agus bha eagal mòr orm;

3 Agus thubhairt mi ris an righ, Gu maireadh an righ gu bràth: c'ar son nach biodh mo ghnùis dubhach, an uair a tha 'm baile, àit-adhlacaidh m'aithriche, air 'fhàsachadh, agus a gheatachan air an caitheadh le teine?

4 Agus thubhairt an righ rium, Ciod e so a tha thu ag iarraidh? Agus rinn mi urnuigh ri Dia nan néamh:

5 Agus thubhairt mi ris an righ, Ma's maith leis an righ, agus ma gheibh do

sheirbhiseach deagh-ghean a't'fhianais, gu'n cuireadh tu mi dh'ionnsuidh Iudah, gu baile àit-adhlacaidh m'aithriche, agus gu'n tog mi e.

6 Agus thubhairt an righ rium, agus a' bhan-rìghinn na suidhe làimh ris, Cia fad an ùine bhios tu air do thurus; agus c'uin a philleas tu? Agus bu toil leis an righ mo chur air falbh, agus shuidhich mi àm ris.

7 Agus thubhairt mi ris an righ, Ma's toil leis an righ, thugar litrichean dhomh a dh'ionnsuidh nan uachdaran air an taobh thall do'n abhuinn, chum gu'n cuir iad thairis mi gus an d'thig mi gu Iudah;

8 Agus litir gu Asaph fear-gleidhidh frìthe an righ, chum gu'n d'thoir e dhomh fiodh a dheanamh sailthean air son gheatachan na lùchairt a *bhuineas* do'n tigh, agus air son ballaidh a' bhaile, agus air son an tighe d'an d'théid mi. Agus thug an righ dhomh, a réir làimhe mhaith mo Dhé orm.

9 Agus thàinig mi dh'ionnsuidh nan uachdaran air an taobh eile do'n abhuinn, agus thug mi dhoibh litrichean an righ. A nis chuir an righ maille rium ceannardan do'n armailt agus marc-shluagh.

10 An uair a chuala Sanbalat an t-Horonach, agus Tobiah an seirbhiseach an t-Amonach e, chuir e doilgheas mòr orra gu'n d'thàinig duine a dh'iarraidh leas chloinn Israeil.

11 Agus thàinig mi gu h-Ierusalem, agus bha mi 'n sin trì làithean.

12 Agus dh'èirich mi san oidhche, m' fèin agus beagan dhaoine maille rium; ach cha d'innis mi do dhuine ciod a chuir mo Dhia ann am chridhe a dhcanamh ann an Ierusalem: agus cha *robh* ainmhidh maille rium, ach an t-ainmhidh air an do mharcaich mi.

13 Agus chaidh mi mach san oidhche air geatadh a' ghlinne, agus fa chonhair tobair an dragoin, agus gu geatadh an aol-aich, agus ghabh mi sealladh do bhallach-aibh Ierusalem, a *bha* air am briseadh sìos, agus d'a geatachaibh a *bha* air an caitheadh le teine.

14 Agus chaidh mi air m'aghaidh gu geatadh an tobair, agus gu lochan an righ: ach cha *robh* àit ann do'n ainmhidh a *bha* fodham gu dol thairis.

15 An sin chaidh mi suas san oidhche làimh ris an t-sruth, agus ghabh mi sealladh do'n bhalladh, agus thionndaidh mi air m'ais, agus chaidh mi steach air geatadh a' ghlinne, agus phill mi.

16 Agus cha robh fios aig na riaghlairibh c'àit an deachaidh mi, no ciod a rinn mi, agus cha d'innis mi e do na h-Iudhachaibh, no do na sagartaibh, no do na h-ard uaislibh, no do na riaghlairibh, no do'n chuid eile a rinn an obair.

<sup>1</sup> cha bu ghnàth teamsa bhì dubhach na fhianuis; cha robh mi olc na fhianuis. Eabh.

<sup>2</sup> olc. Eabh.

17 Agus thubhairt mi riu, *Tha sibh a' faicinn a' chruaidhchais anns am bheil sinn*, mar a ta Ierusalem air a fasachadh, agus a geatachan air an losgadh le teine: thigibh agus togamaid balladh Ierusalem, chum as nach bi sinn ni's mò nar masladh.

18 Agus dh'innis mi dhoibh a thaobh làimhe mo Dhé, a bha maith orm, agus mar an ceudna briathran an rìgh a labhair e rium. Agus thubhairt iad, Earamaid agus togamaid. Agus neartaich iad an làmhnan chum maith.

19 Ach an uair a chuala Sanbalat an t-Horonach, agus Tobiah an seirbhiseach an t-Amonach, agus Gesem an t-Arabach e, rinn iad gàire fanoid oirnn, agus rinn iad tòir oirnn, agus thubhairt iad, Ciod an ni so a tha sibh a' deanamh? an dean sibh ceannairc an aghaidh an rìgh?

20 An sin fhreagair mi iad, agus thubhairt mi riu, Dia nan nèamh, soirbhichidh esan leinn: a chionn gur sinne a sheirbhiseich, éiridh sinn agus togaidh sinn: ach agaibhse cha 'n'eil cuibhrienn, no còir, no cuimhneachan ann an Ierusalem.

## C A I B. III.

**A**GUS dh'éirich Eliasib an t-ard shagart maille r'a bhràithribh na sagairt, agus thog iad geatadh nan caorach: naomhaich iad e, agus chuir iad suas a chomhlachan: eadhon gu ruig tùr Mheah naomhaich iad e, agus gu ruig tùr Hananeeil.

2 Agus làimh ris-san thog fir Iericho: agus làimh riu-san<sup>1</sup> thog Sacur mac Imri.

3 Ach geatadh an éisg thog mic Hase-maah: leag iad a shailthcan, agus chuir iad suas a chomhlachan, a ghlasan, agus a chroinn.

4 Agus làimh riu-san leasaich<sup>2</sup> Meremot mac Uriah, mhic Chois: agus làimh ris-san<sup>3</sup> leasaich Mesulam mac Bherechia, mhic Mhesabail: agus làimh riu-san leasaich Sador mac Bhaanah.

5 Agus làimh riu-san leasaich na Tecoaich: ach cha do chuir an ard uaislean am muinnal ri seirbhis an Tighearna.

6 Agus an seann gheatadh leasaich Iehoiada mac Phaseah, agus Mesulam mac Bhesodeiah: leag iad a shailthean, agus chuir iad suas a chomhlachan, agus a ghlasan, agus a chroinn.

7 Agus làimh riu-san leasaich Melatiah an Gibeonach, agus Iadon am Meronotach, fir Ghibeoin agus Mhispah, gu ruig rìgh-chathair an uachdarain air an taobh so do'n abhuinn.

8 Làimh ris-san leasaich Udsiel mac Harhaiah, do na h-òr-cheardaibh: agus làimh ris-san leasaich Hananiah, mac aoin do na léighibh, agus neartaich iad Ierusalem gu ruig am balladh leathann.

9 Agus làimh riu-san leasaich Rephaiah mac Huir, riaghlair leth-roinne<sup>4</sup> Ierusalem.

10 Agus làimh ris-san<sup>5</sup> leasaich Iedaiah mac Harumaiph, eadhon fa chomhair a thighe: agus làimh ris-san leasaich Hatus mac Hasabniah.

11 An t-ath-thomhas leasaich Malchiah mac Harim, agus Hasub mac Phahat-mhoib, agus tùr nan àmhuinn.

12 Agus làimh ris-san leasaich Salum mac Haloheis, riaghlair leth-roinne Ierusalem, e fcin agus a nigheana.

13 Geatadh a' ghlinne leasaich Hanun, agus luchd-àiteachaidh Shanoah: thog iad e, agus chuir iad suas a chomhlachan, a ghlasan, agus a chroinn, agus nìle làmh-choille do'n bhalladh, gu ruig geatadh an aolaich.

14 Ach geatadh an aolaich leasaich Malchiah mac Rechaib, riaghlair roinne Bhet-bacereim: thog se e, agus chuir e suas a chomhlachan, a ghlasan, agus a chroinn.

15 Ach geatadh an tohair leasaich Salum mac Chol-hoseh, riaghlair roinne Mhispah: thog se e, agus chuir e dion air, agus chuir e suas a chomhlachan, a ghlasan, agus a chroinn, agus balladh lochain Shiloah làimh ri lios an rìgh, agus gu ruig na ceuman a' dol sìos o bhaile Dhaibhidh.

16 Na dhéigh-san leasaich Nehemiah Asbuic, riaghlair leth-roinne Bhet-suir, gu ruig fa chomhair àitean-adhlacaidh Dhaibhidh, agus gu ruig an lochan a rinn-eadh, agus gu ruig Bet-agbarim<sup>6</sup>.

17 Na dhéigh-san leasaich na Leblithich, Rehun mac Bhani: làimh ris-san leasaich Hasabiah, riaghlair leth-roinne Cheilah, na roinn fèin.

18 Na dhéigh-san leasaich am bràithrean, Babhai mac Henadaid, riaghlair leth-roinne Cheilah.

19 Agus làimh ris-san leasaich Eser mac Iesua, riaghlair Mhispah, an t-ath-thomhas fa chomhair an dol suas do'n arm-thigh aig an tionndadh.

20 Na dhéigh-san leasaich<sup>7</sup> Baruch mac Shabai an t-ath-thomhas, o'n tionndadh gu ruig dorus tighe Eliasib an ard-shagairt.

21 Na dhéigh-san leasaich Meremot mac Uriah, mhic Acois<sup>8</sup>, an t-ath-thomhas, o dhorus tighe Eliasib gu ruig ceann tighe Eliasib.

22 Agus na dhéigh-san leasaich na sagairt, daoine a' chomhnaid.

23 Nan dhéigh-san<sup>9</sup> leasaich Benjamin, agus Hasub, fa chomhair an tighe: na dhéigh-san leasaich Asariah mac Mhasaiah, mhic Ananiah, làimh r'a thigh.

24 Na dhéigh-san leasaich Binui, mac Henadaid, an t-ath-thomhas, o thigh Asa-

<sup>1</sup> ris-san. <sup>2</sup> chàirich. <sup>3</sup> riu-san. <sup>4</sup> ùre.  
<sup>5</sup> riu-san.

<sup>6</sup> ùgh nan guisgeach. <sup>7</sup> leasaich gu dìch-iollach. <sup>8</sup> Chois. <sup>9</sup> Na dhéigh-san.



riah gu ruig an tionndadh, agus gu ruig an oisinn:

25 Palal mac Udsai, fa chomhair an tionndaidh, agus an tùir, a tha dol a mach o thigh ard an rìgh, a bha làimh ri cùirt a' phrìosuin: na dhéigh-san Pedaiah mac Pharois.

26 Mar an céidna na Netinich, a bha chòmhnuidh ann an Ophel, gu ruig fa chomhair geataidh an uisge a làimh na h-airde 'n ear, agus an tùir a tha dol a mach.

27 Nan déigh-san leasaich na Tecoajich an t-ath-thomhas, fa chomhair an tùir mhòir a tha dol a mach, gu ruig balladh Opheil:

28 O thaobh shuas geataidh nan each leasaich na sagairt, gach aon fa chomhair a thighe.

29 Nan déigh-san<sup>1</sup> leasaich Sadoc mac Imeir, fa chomhair a thighe: agus na dhéigh-san leasaich Semaiah, mac Shechaniah, fear gleidhidh an doruis an ear.

30 Na dhéigh-san leasaich Hananiah, mac Shelemiah, agus Hanun, seathadh mac Shalaiph, an t-ath-thomhas: na dhéigh-san leasaich Mesulam mac Bhe-rechiah, fa chomhair a sheòmair fèin.

31 Na dhéigh-san leasaich Malchiah, mac an òr-cheird, gu àit nan Netineach, agus nan ceannaiche, fa chomhair geataidh Mhipcaid, agus gu dol suas na h-oisinne.

32 Agus o<sup>2</sup> dhol suas na h-oisinne gu geatadh nan caorach, leasaich na h-òr-cheird agus na ceannaichean.

#### CAIB. IV.

**A**GUS an uair a chuala Sanbalat gu'n robh sinn a' togail a' bhallaidh, bha fearg air, agus bha e ann an corruich romhòir, agus rinn e fanoid air na h-Iudh-achaibh.

2 Agus labhair e 'm fianuis a bhràithrean agus armailte Shamaria, agus thubhairt e, Ciod a ni na h-Iudhaich anmhuinn<sup>3</sup> so? an daingnich siad iad fèin? an òbair iad? an crìochnaich iad ann an latha? an tog iad suas a rìs<sup>4</sup> na clachan as na dùnaibh luaithe a chaidh losgadh?

3 Agus bha Tobiah an t-Amonach làimh ris, agus thubhairt e, Eadhon an ni a tha iad a' togail, ma théid sionnach suas, brisidh e sìos am balladh cloiche.

4 Eisd, O ar Dia, oir tha tàir air a dhean-amh oirn, agus tionndaidh am masladh air an ceann fèin, agus tabhair iad nan cobhartach ann an tìr a' bhraighdeanais:

5 Agus na còmhdaich an euceart, agus na dubhar a mach am peacadh<sup>5</sup> as t'fhianuis; oir bhrosnuich iad thu gu feirg an làthair an luchd-togail.

6 Agus thog sinn am balladh, agus

cheangladh am balladh uile ri chéile gu ruig a leth: oir bha toil aig an t-sluagh obair a dheanamh.

7 Ach an uair a chuala Sanbalat agus Tobiah, agus na h-Arabaich, agus na h-Amonaich, agus na h-Asdodaich, gu'n robh uile bhallacha Ierusalem 'gan cur suas, gu'n do thòisich na bearnan ri bhi air an dùnadh, an sin bha fearg mhòr orra.

8 Agus chuir iad uile an comhairle ri chéile iad a theachd a chogadh an aghaidh Ierusalem, agus g'a bhacadh.

9 Ach rinn sinne urnuigh r'ar Dia, agus shuidhich sinn freiceadan nan aghaidh a là agus a dh'oidheche fa'n comhair.

10 Agus thubhairt Iudah, Tha neart luchd-iomchair nan eallach air fàilingeadh, agus mòran luaithe ann, air chor as nach urradh sinn am balladh a thogail.

11 Agus thubhairt ar naimhdean, Cha bhi fios aca, agus cha 'n fhaic iad, agus an d'thig sinn a stigh nam meadhon, agus gu marbh sinn iad, agus gu'n cuir sinn stad air an obair.

12 Agus an uair a thàinig na h-Iudhaich a bhla chòmhnuidh làimh riu, thubhairt iad ruinn deich uairean, As gach àit o'm pill sibh d'ar n-ionnsuidh-ne, bithidh iad oirbh<sup>6</sup>.

13 Uime sin shuidhich mi anns na h-àitibh a b'isle air cùlaobh a' bhallaidh, agus air na h-àitibh a b'airde, shuidhich mi eadhon an sluagh a rèir an teaghlach-ean le'n cloidhibh, le'n sleaghannaibh, agus le'm boghannaibh.

14 Agus dh'amhairc, agus dh'éirich mi, agus thubhairt mi ris na h-ard uaislibh, agus ris na riaghlairibh, agus ris a' chuid eile do'n t-sluagh, Na biodh eagal oirbh rompa: cuimhnichibh an Tighearna mòr agus uamhasach, agus cogaibh<sup>7</sup> air son bhur bràithre, bhur mac, agus bhur nigh-eana, bhur ban, agus bhur tighean.

15 Ach an uair a chual ar naimhdean gu'n d'fhuair sinn fios air, agus a thug Dia an comhairle gu neo-ni, phill sinn uile dh'ionnsuidh a' bhallaidh, gach aon a dh'ionnsuidh 'oibre fèin.

16 Agus o'n àm sin a mach dh'oibrich leth m'òglach-sa anns an obair, agus chum an leth eile dhiubh na sleaghanna, na sgiathan, agus na boghanna, agus na lùirichean; agus bha na riaghlairan air cùlaobh uile thighe Iudah.

17 Dh'oibrich iadsan a thog air a' bhalladh, agus iadsan a ghiùlain eallacha, maille riu-san a luchdaich, gach aon le aon làimh anns an obair, agus leis an làimh eile chum e gath<sup>8</sup>.

18 Agus bha aig gach aon do'n luchd-togail a chladheamh crìosraichte air a leis,

<sup>1</sup> Na dhéigh-san. <sup>2</sup> eadar. Eabhl. <sup>3</sup> an leig iad leo? <sup>4</sup> an ath-bheothaich iad.

<sup>5</sup> peacanna.

<sup>6</sup> O gach uile àit d'an tionndaidh sibh, bithidh iad oirbh. <sup>7</sup> còmhraigibh. <sup>8</sup> balltilgidh.

an uair a thog iad: agus *bha* esan a shéid an trompaid laith riumsa.

19 Agus thubhairt mi ris na h-ard uaislibh, agus ris na riaghlairibh, agus ris a' chuid eile do'n t-sluagh, *Tha'n* obair mòr agus farsaing<sup>1</sup>, agus tha sinn air a dealachadh air a' bhalladh gach aon fada o chéile.

20 Ge b'e àit anns an cluinn sibh fuaim na trompaide, cruinnichibh an sin d'ar n-ionnsuidh-ne: cogaidh ar Dia air ar son.

21 Agus shaotlraich sinn anns an obair: agus chum leth dhiubh na sleaghanna o éirigh na maidne gus am facas<sup>2</sup> na rionnagan.

22 Mar an ceudna san àm sin thubhairt mi ris an t-sluagh, Fanadh gach aon maille r'a òglach ann an Ierusalem, chum gu'm b'i iad nam freiceadan dhuinn san oidliche, agus san là nan oibrichibh.

23 Agus cha do chuir mise no mo bhràithrean, no m'òglaich, no fir an fhreiceadain, a lean mi, dhiun ar n-eudach; *uch a mhàin* gu'n do chuir gach duine dheth e air son 'ionnlaid<sup>3</sup>.

## CAIB. V.

**A** GUS *bha* gàir mhòraig an t-sluagh, agus aig am mnaibh, an aghaidh am bràithre nan Iudhach.

2 Agus *bha* ann a thubhairt, *Le* ar mic agus ar nigheana *tha* sinne lionmhor; agus gabhaidh sinn sìol *air an son*, chum gu'n ith sinn agus gu'm bi sinn beo.

3 Agus *bha* ann a thubhairt, Ar fearann, agus ar fion-liosan, agus ar tighean bheir sinn an geall, chum gu'm faigh sinn sìol anns a' ghorta.

4 Agus *bha* ann a thubhairt, Ghabh sinn airgid an coingheall air son cise an rìgh *air* ar fearann, agus ar fion-liosaibh.

5 Agus a nis mar fheoil ar bràithre *tha* ar feoil-ne, mar am mic-san ar mic-ne; ach feuch, *tha* sinn a' toirt thairis ar mac agus ar nigheana gu bhì nan tràillibh, agus *tha* cuid d'ar nigheanaibh air an toirt thairis a *cheana*, agus gun chomas againn *am fuasgladh*, an uair a ta ar fearann agus ar fion-liosan aig daoineibh eile.

6 Agus *bha* fearg mhòr orm an uair a chuala mi an gàir, agus na briathra sin.

7 Agus chuir mi mo chomhairle ri m' chridhe féin, agus chronaich mi na h-ard uaislean, agus na riaghlairéan, agus thubhairt mi riu, *Tha* gach aon agaibh a' togail aindlighe<sup>4</sup> o a bhràithair. Agus chuir mi coimh-chruinneachadh mòr nan aghaidh.

8 Agus thubhairt mi riu, Shaor sinne a réir ar comais ar bràithre na h-Iudhaich a reiceadh ris na ciunnich, agus an reic sibhse mar an ceudna bhur bràithre, agus an reic-

ear iad ruinn féin? Agus *bha* iad nan tosd, agus cha d'fhuair iad ni air bith ri ràdh.

9 Mar an ceudna thubhairt mi, Cha mhaith an ni a *tha* sibh a' deanamh: nach buineadh dhuibh gluasad ann an eagal ar Dé, air son maslaidh nan cinneach ar naimhde?

10 Dh'fheudainn-se cuideachd, mo bhràithre, agus m'òglaich, airgid agus sìol a thogail uatha. Leigeamaid dhinn, guidheam oirbh, an t-aindlighe so<sup>5</sup>.

11 Aisigibh dhoibh, guidheam oirbh, mar air an latha 'n diugh, an fearann, am fion-liosan, an liosan-olaidh, agus an tigh-eann; mar an ceudna *cuid* do'n airgid<sup>6</sup>, agus do'n t-sìol, do'n fhìon agus do'n oladh, a *tha* sibh a' togail uatha.

12 Agus thubhairt iadsan, Aisigidh sinn, agus cha'n iarr sinn uatha: mar sin ni sinn mar a *ta* thu 'g ràdh. An sin ghairm mi na sagairt, agus ghabh mi mionnan diubh gu'n deanadh iad a réir a' gheallaidh so:

13 Mar an ceudna chrath mi m'uchd, agus thubhairt mi, Mar so crathadh Dia gach duine nach coimhlion an gealladh so, a mach as a thigh, agus as 'obair, eadhon mar so crathar a mach agus falmhaichear e. Agus thubhairt an coimhthional uile, Amen, agus mhol iad an Tighearn. Agus rinn an sluagh a réir a' gheallaidh so.

14 Os-bàrr, o'n là air an d'thugadh ordugh dhomh mi bhì m'uachdaran orra ann an tìr Iudah, o'n fhicheadamh bliadhna, eadhon gus an dara bliadhna deug thar fhichead do Artacerseas an rìgh, dà bhliadhna dheug, cha d'ith mise no mo bhràithrean aran an uachdarain.

15 Ach *bha* na ceud uachdarain, a *bha* romham, trom air an t-sluagh, agus ghabh iad uatha aran agus fion, a thuilleadh air dà fhichead secel<sup>6</sup> airgid; rinn eadhon an òglaich ain-tighearnas air an t-sluagh: ach cha d'rinn mise mar sin air eagal Dé.

16 Agus mar an ceudna ann an obair a' bhallaidh so bhunaich mi, agus cha do cheannaich sinn fearann, agus chruinnich-eadh m'òglaich uile an sin a dh'ionnsuidh na h-oibre.

17 Agus *bha* aig mo bhord ceud gu leth Iudhach agus riaghlair, a bhàrr orra-san a thàinig d'ar n-ionnsuidh o na cinnich, a *ta* mu'n cuairt oirnn.

18 Agus so na dheasaicheadh air son gach latha, aon damh, sè caoraich thaghta; mar an ceudna dheasaicheadh eoin dhomh, agus aon uair anns na deich laithibh pailteas do gach gnè<sup>7</sup> fìona: gidheadh air son so cha d'iarr mi aran an uachdarain, a chionn gu'n robh an daorsa trom air an t-sluagh so.

19 Cùmhnich ormsa, mo Dhia, chum

<sup>1</sup> sgaoilteach. <sup>2</sup> an d'èirich. <sup>3</sup> aig gach duine *bha* a ghuth agus uisge. <sup>4</sup> ocair. <sup>5</sup> an eallach so chur orra.

<sup>5</sup> mar an ceudna an ceudamh cuid do'n airgid. <sup>6</sup> ghabh iad air son arain agus fìona o gach aon dà fhichead secel. <sup>7</sup> seòrta.



maith, a thaobh gach ni a rinn mi air son an t-sluaigh so.

CAIB. VI.

**A**NIS an uair a chuala Sanbalat, agus Tobiah, agus Gesem an t-Arabach, agus a' chuid eile d'ar naimhdeibh gu'n do fhog mi am balladh, agus nach d'fhàgadh briseadh ann, (ge d' nach do chuir mi suas san àm sin comhlachan air na geataibh.)

2 Chuir Sanbalat agus Gesem teachdair-ean a'm' ionnsuidh, ag ràdh, Thig, agus coinnicheadh a chèile ann an Chephirim<sup>1</sup> ann an còmharnad Ono: ach smuainich iadsan air olc a dheanamh orm.

3 Agus chuir mi teachdairean d'an ionnsuidh, ag ràdh, Tha mi a' deanamh oibre mòire, agus cha'n urrainn mi dol sìos: c'ar son a sgùireadh an obair, an uair a dh'fhàgainnse i, agus a rachainn sìos do'r n-ionnsuidh?

4 Gidheadh chuir iad teachdairean a'm' ionnsuidh air an dòigh so ceithir uairean; agus fhreagair mi iad air an dòigh cheudna.

5 An sin chuir Sanbalat a m' ionnsuidh air an dòigh so an cuigeadh uair 'òglach fèin, agus litir fhosgailte na làimh,

6 Anns an robh sgrìobhta; Am measg nan cinneach tha e air 'aithris, agus tha Gesem<sup>2</sup> ag ràdh, gu bheil thusa agus na h-Iudhaich a' smuaineachadh air ceannaire a dhecanamh: uime sin tha thu a' togail a' bhallaigh, a chum gu'm bi thu a'd rìgh orra a réir nam briathair so.

7 Agus mar an ceudna dh'orduich thu fàidhean a ghairm mu d' thimchioll ann an Ierusalem, ag ràdh, Is rìgh e ann an Iudah: agus a nis aithrisear do'n rìgh a réir nam briathar so. A nis ma ta thig, agus cuir-eamaid ar comhairle ri chèile.

8 An sin chuir mi fios d'a ionnsuidh, ag ràdh, Cha d'rinneadh nithe sam bith mar a ta thu 'g ràdh, ach is ann as do chridhe fèin a tha thu 'gan dealbh.

9 Oir bha iad uile a cur eagail oirnn, ag ràdh, Anmhunnaichcar an làmh an o'n obair, agus cha deanar i: ach a nis neartaich mise<sup>3</sup> mo làmh an.

10 An sin chaidh mi steach do thigh Shemaiah, mhic Dhelaiah, mhic Mhehetabeil, agus e air a dhruideadh suas; agus thubhairt e, Coinnicheadh a chèile ann an tigh Dhé, ann am meadhon an teampuill, agus dùineamaid dorsan an teampuill; oir thig iad g'ad mharbhadh, eadhon anns an oidhche thig iad g'ad mharbhadh.

11 Agus thubhairt mi, An teich duine mar a ta mise? agus co mar a ta mise a rachadh a steach do'n teampull, a chum gu maireadh e beò? Cha d'fhàg mi steach.

12 Agus feuch, dh'aithnich mi nach do chuir Dia uaith e, ach gu'n do labhair e

an fhàidheadaireachd so a'm' aghaidh: oir thug Tobiah agus Sanbalat duais dha.

13 Air an aobhar so thugadh duais dha, chum gu'm biodh cagal ormsa, agus gu'n deanainn mar so, agus gu'm peacaichinn, agus gu'm biodh fàth droch sgeoil aca, chum gu maslaicheadh iad mi.

14 Cuinich thusa, mo Dhia, air Tobiah agus Sanbalat a réir an oibre sin, agus mar an ceudna air a' bhan-fhàidh Noadiah, agus a' chuid eile do na fàidhibh, leis am b'àill eagal a chur orni.

15 Ach chrìochnaich eadha am balladh air a' chùigeadh la fìched do'n mhìos Elul, ann an dà latha deug agus dà fhichead.

16 Agus an uair a chual ar naimhdean uile e, agus a chunnaic na cinneach uile a bha mu'n cuairt dùinne e, thilgeadh gu mòr sìos iad nan suilibh fèin; oir dh'aithnich iad gu'm b'ann le'r Dia-ne a rinneadh an obair so.

17 Os-bàrr, anns na laithibh sin chuir ard uaislean Iudah mòran litriche gu Tobiah, agus thàinig litriche Thobiah d'an ionnsuidh-san:

18 Oir bha mòran ann an Iudah air toirt am mionn da, a chionn gu'm bu chli-amluin e do Shechaniah mac Arah; agus gu'n do ghabh Iohanan a mhac uighean Mhesulaim, mhic Bherechiah, na mnaoi.

19 Mar an ceudna dh'aithris iad a dheagh bhuaghanna<sup>4</sup> a'm' fhianuis, agus dh'innis iad mo bhriathra-sa dha: agus chuir Tobiah litriche uaithe gu eagal a chur orm.

CAIB. VII.

**A**NIS an uair a thogadh am balladh, agus a chuir mi suas na comhlachan, agus a dh'orduicheadh na dorsaircan, agus an luchd-seinn, agus na Lebhbhair,

2 Thug mi àithne do m' bhràthair Hanani, agus Hananiah uachdaran na luchair, a thaobh Ierusalem, (oir bha e na dhuine fìrinneach, agus eagal Dé air os cionn mhòrain.)

3 Agus thubhairt mi riu, Na fosgailear geatacha Ierusalem, gus am fàs a' ghrian teth; agus ag seasain doibh fathast aig làimh, druideadh iad na comhlachan, agus crannadh iad iad: agus shuidhich mi<sup>5</sup> freiceadain do luchd-àiteachaidh Ierusalem, gach aon na fhreiceadan, agus gach aon fa chomhair a thighe fèin.

4 A nis bha'n baile farsaing agus mòr: ach bha'n sluagh tearc ann, agus cha robh na tighean air an togail.

5 Agus chuir mo Dhia ann am chridhe gu'n cruinnichinn ri clèile na h-ard uaislean, agus na riaghlaircan, agus an sluagh, gu bhi air an àireamh a réir an ginealach: agus fhuair mi leabhar ginealach<sup>6</sup> na muinntir, a thàinig a nìos an toiseach, agus fhuair mi sgrìobhta ann,

<sup>1</sup> ann an aon do na bailtibh beaga. <sup>2</sup> Gasmu. Faic. r. 1. <sup>3</sup> a nis, uime sin neartaich, a Dhé.

<sup>4</sup> gh'nomhara. <sup>5</sup> suidhich thusa. <sup>6</sup> stoinnt-eireachd.

6 Is iad so clann na mòr-roinne, a chaidh suas do na braighdibh, dhiubhsan a thugadh air falbh, a thug Nebuchadnesar rìgh Bhabiloin air falbh leis, agus a phill gu h-Ierusalem agus gu Iudah, gach fear d'a bhaile fèin ;

7 A thàinig maille ri Serubabel, Iesua, Nehemiah, Asariah, Raamiah, Nahamani, Mordecai, Bilsan<sup>1</sup>, Misperet, Bigbhai, Nehum, Baanah.

#### AIREAMH DHAOINE SLUAIGH ISRAEL.

8 Mic Pharois, dà mhìle ceud trì fichead agus a dhà-dheug.

9 Mic Shephatiah, trì cheud trì fichead agus a dhà-dheug.

10 Mic Arah, sè ceud dà fhichead agus a dhà-dheug.

11 Mic Phahat-mhoaib, do chloinn Iesua agus Ioaib, dà mhìle ochd ceud agus ochd-deug.

12 Mic Elaim, mìle dà cheud leth-cheud agus a ceithir.

13 Mic Shatu, ochd ceud dà fhichead agus a cùig.

14 Mic Shacai, seachd ceud agus trì fichead.

15 Mic Bhinui, sè ceud dà fhichead agus a h-ochd.

16 Mic Bhebai, sè ceud fichead agus a h-ochd.

17 Mic Asgaid, dà mhìle trì cheud fichead agus a dhà.

18 Mic Adonicaim, sè ceud trì fichead agus a seachd.

19 Mic Bhigbhai, dà mhìle trì fichead agus a seachd.

20 Mic Adin, sè ceud leth-cheud agus a cùig.

21 Mic Ateir o Heseciah, ceithir fichead agus ochd-deug.

22 Mic Hasuim, trì cheud fichead agus a h-ochd.

23 Mic Bhesai, trì cheud fichead agus a ceithir.

24 Mic Hariph, ceud agus a dhà-dheug.

25 Mic Ghibeoin, ceithir fichead agus a cùig-deug.

26 Fir Bhetleheim agus Netophah, ceud ceithir fichead agus a h-ochd.

27 Fir Anatoit, ceud fichead agus a h-ochd.

28 Fir Bhet-asmabheit, dà fhichead agus a dhà.

29 Fir Chiriat-iearim, Chephirah, agus Bheeroit, seachd ceud dà fhichead agus a trì.

30 Fir Ramah agus Ghaba, sè ceud fichead agus a h-aon.

31 Fir Mhichmais, ceud agus fichead agus a dhà.

32 Fir Bheteil agus Ai, ceud fichead agus a trì.

33 Fir Nebo-air<sup>2</sup>, leth-cheud agus a dhà.

34 Mic Elaim-air<sup>3</sup>, mìle dà cheud leth-cheud agus a ceithir.

35 Mic Harim, trì cheud agus fichead.

36 Mic Iericho, trì cheud dà fhichead agus a cùig.

37 Mic Loid, Hadid, agus Ono, seachd ceud fichead agus a h-aon.

38 Mic Shenaar, trì mìle naoi ceud agus deich thar fhichead.

39 Na sagairt: Mic Iedaia, do thigh Iesua, naoi ceud trì fichead agus trì-deug.

40 Mic Imeir, mìle leth-cheud agus a dhà.

41 Mic Phasuir, mìle dà cheud dà fhichead agus a seachd.

42 Mic Harim, mìle agus seachd-deug.

43 Na Lebhithich: Mic Iesua agus<sup>4</sup> Chadmieil, do chloinn Hodebhah, trì fichead agus ceithir-deug.

44 An luchd-seinn: Mic Asaiph, ceud dà fhichead agus a h-ochd.

45 Na dorsairean: Mic Shaluim, mic Ateir, mic Thalmoin, mic Acuib, mic Hatita, mic Shobai, ceud agus ochd-deug thar fhichead.

46 Na Netinich: Mic Shiha, mic Hassupha, mic Thabaoit,

47 Mic Cherois, mic Shia, mic Phadoin,

48 Mic Lebana, mic Hagaba, mic Shalmal,

49 Mic Hanain, mic Ghideil, mic Ghah-air,

50 Mic Reaiah, mic Resin, mic Necoda,

51 Mic Ghadsaim, mic Udsa, mic Phascach,

52 Mic Bhesai, mic Mheunim, mic Nephisesim,

53 Mic Bhacbuic, mic Hucupha, mic Harhuir,

54 Mic Bhasluit, mic Mhehida, mic Harsa,

55 Mic Bharcois, mic Shisera, mic Thamah,

56 Mic Nesia, mic Hatipha.

57 Mic sheirbhiseach Sholaimh: Mic Shotai, mic Shophereit, mic Pherida,

58 Mic Iaala, mic Dharcoin, mic Ghideil,

59 Mic Shephatiah, mic Hatil, mic Phochereit o Shebaim, mic Amoin:

60 Na Netinich uile, agus clann sheirbhiseach Sholaimh, trì cheud ceithir fichead agus a dhà-dheug.

61 Agus so iadsan a chaidh suas o Thelmela, Telharsa, Cherub, Adon agus Imcr; ach cha b'urrainn iad tigh an athar a nochladh agus an sliochd, am b'ann do Israel iad:

62 Mic Dhelaiah, mic Thobiah, mic Necoda, sè ceud dà fhichead agus a dhà.

63 Agus do na sagartaibh: Mic Habaiah,

<sup>1</sup> Faic Esra, Caib. II.

<sup>2</sup> Nebo-eile.

<sup>3</sup> Elaim-eile.

<sup>4</sup> Esra, Caib. II, r. 40.



mic Chois, mic Bharsillai, a ghabh bean do nigheanaibh Bharsillai a' Ghileadaich, agus a ghloiradh air an ainm.

64 Dh'iarr iadsan an clàr-scriobhaidh nam meag-san, a bha air an àireamh a rèir an ginealach, ach cha d'fhuaradh e : uime sin ghearradh as o'n t-sagartachd iad <sup>1</sup>.

65 Agus thubhairt an Tirsata riu, nach feudadh iad itheadh do na nithibh ro-naomha, gus an seasadh sagart suas le Urim agus Tumim.

66 An coimhthional uile cuideachd, dà fhichead agus dà mhìle trì cheud agus trì fichead ;

67 A thuilleadh air an òglaich agus am ban-oglaich, d'an robh ann seachd mìle trì cheud agus seachd-deug thar fhichead, agus dhiùthsan dà cheud agus dà fhichead agus a cùig nam fearabh agus nam mnaibh-seinn.

68 An eich, seachd ceud agus sè-deug thar fhichead : am muileidean, dà cheud dà fhichead agus a cùig :

69 [An] camhail, ceithir cheud agus cùig-deug thar fhichead : [an] asail, sè mìle seachd ceud agus fichead.

70 Agus thug cuid do chinn nan aithriche seachad air son na h-oibrc. Thug an Tirsata seachad do'n ionmhas, mìle darcon òir, leth-cheud cuach, cùig ceud agus deich thar fhichead culaidh sagairt.

71 Agus thug cuid do chinn nan aithriche seachad do ionmhas na h-oibre, fichead mìle darcon òir, agus dà mhìle agus dà cheud pund airgid.

72 Agus so na thug a' chuid eile do'n t-sluagh : fichead mìle darcon òir, agus dà mhìle pund airgid, agus trì fichead agus seachd culaidh sagairt.

73 Agus ghabh na sagairt, agus na Lebhithich, agus na dorsairean, agus an luchd-seinn, agus cuid do'n t-sluagh, agus na Netinich, agus Israel uile, còmhnuidh nam bailtibh : agus an uair a thàinig an seachdamh mìos, bha clann Israeil nam bailtibh.

#### C A I B. VIII.

**A**GUS chruinnich an sluagh uile an t-sràid, a tha fa chomhair geataidh an uisge ; agus dh'iarr iad air <sup>2</sup> Esra an scriobhuiche e thoirt a làthair leabhair lagha Mhaois, a dh'àithn an Tighearna do Israel.

2 Agus thug Esra an sagart an lagh an làthair a' choimhthionail, araon fhear agus bhan, agus gach uile a thuigeadh 'nuair a chluinneadh iad e, air a' cheud là do'n t-seachdamh mìos.

3 Agus leugh e ann fa chomhair na sràide, a tha fa chomhair geataidh an uisge, o mhaduinn gu meadhon-là, an lathair nam fear agus nam ban, agus na muinntir a

thuigeadh : agus bha cluasan an t-sluaigh uile ri leabhar an lagha.

4 Agus sheas Esra an scriobhuiche air crannaig fhiodha, a rinn iad air son a' ghnòthuich, agus làimh ris sheas Matitiah agus Sema, agus Anaiah, agus Uriah, agus Hilkiah, agus Maaseiah, air a làimh dheis ; agus air a làimh chli Pedaiah, agus Misael, agus Malchiah, agus Hasum, agus Hasbadana, Sechariah [agus] Mesulam.

5 Agus dh'fhosgail Esra an leabhar ann an sealladh an t-sluaigh uile, oir bha e os cionn an t-sluaigh uile ; agus an uair a dh'fhosgail se e, sheas an sluagh uile.

6 Agus bheannaich Esra an Tighearna, an Dia mòr : agus fhreagair an sluagh uile, Amen, Amen, a' togail suas an làmh. Agus chrom iad an cinn, agus rinn iad aoradh do'n Tighearna le'n aghaidhibh ris an talamh.

7 Mar an ceudna thug Iesua, agus Bani, agus Serebiah, Iamin, Acub, Sabetai, Hodiah, Maaseiah, Celita, Asariah, Iosabad, Hanan, Pelaiah, agus na Lebhithich air an t-sluagh an lagh a thuigsinn : agus sheas an sluagh nan àit.

8 Agus leugh iad ann an leabhar lagha Dhé gu soilleir, agus thug iad an seadh seachad <sup>3</sup> ; agus thuig iadsan an uair a leughadh.

9 Agus thubhairt Nehemiah, neach a's e an Tirsata, agus Esra an sagart an scriobhuiche, agus na Lebhithich a theagaisg an sluagh, ris an t-sluagh uile, Tha 'n latha so naomha do'n Tighearna bhur Dia, na deanaibh caoidh no gul ; oir ghuil an sluagh uile, 'nuair a chual iad briathran an lagha.

10 An sin thubhairt e riu, Imichibh, ithibh nithe reamhra, agus òlaibh nithe milse, agus cuiribh cuibhrionna d'an ionnsuidh-san, do nach d'uillieadh ni air bith ; oir tha 'n latha so naomha d'ar Tighearna : agus na bithibh ri bròn, oir is e gairdeachas an Tighearna bhur neart.

11 Agus chiuinich <sup>4</sup> na Lebhithich an sluagh uile, ag ràdh, Bithibh 'nar tosd, oir a ta 'n latha naomha, agus na bithibh ri bròn.

12 Agus dh'imich an sluagh uile a dh'itheadh agus a dh'òl, agus a chur cuibhrionn uatha, agus a dheanamh aoibhneis mhòir, a chionn gu'n do thuig iad na briathran, a chuir iad an céill doibh.

13 Agus air an dara là chruinnicheadh cuideachd cinn aithriche an t-sluaigh uile, na sagairt agus na Lebhithich gu h-Esra an scriobhuiche, chum gu'n tuigeadh iad briathran an lagha.

14 Agus fhuair iad scriobhta anns an lagh, a dh'àithn an Tighearna le làimh Mhaois, gu'n gabhadh clann Israeil còmh-

<sup>1</sup> Faic Esra, Caib. II. r. 62. <sup>2</sup> thubhairt iad ri Eabh. <sup>3</sup> dh'innis iad ciod bu chiall da.

<sup>4</sup> shrochaintich.

nuidh ann am pàillionaibh<sup>1</sup> air an fhéill air an t-seachdamh mìos.

15 Agus an uair a chual iad so, thug iad gairm<sup>2</sup> nam bailtibh uile, agus ann an Ierusalem, ag ràdh, Rachaidh a mach do'n t-sliabh, agus thugaibh leibh geuga<sup>3</sup> chrann-olaidh, agus geuga giuthais, agus geuga miortail, agus geuga pailme, agus geuga chraobh tiugh, a dheanamh phàillion, mar *a ta e* sgrìobhta.

16 Agus chaidh an sluagh a mach agus thug iad leo iad, agus rinn iad dhoibh féin pàilliona, gach fear air mullach a thighe, agus nan cuirribh, agus ann an cuirribh tighe Dhé, agus ann an sràid geataidh an uisge, agus ann an sràid geataidh Ephraim.

17 Agus rinn uile choimhthional na muinntir a thàinig air an ais o'n bhraighdeanas pàilliona, agus shuidh iad fuidh na pàillionaibh: oir o laithibh Iosua<sup>4</sup> mhic Nuin, gu ruig an là sin, cha d'rinn clann Israeil nìar sin; agus bha gairdeachas romhòr ann.

18 Agus leugh e ann an leabhar lagha Dhé là'n déigh là, o'n cheud là gu ruig an là mu dheireadh: agus chum iad an fhéill seachd laithean, agus air an ochdamh là ard choimhthional a réir a' ghnatha.

## CAIB. IX.

**A**GUS air a' cheathramh là fìhead do'n mhios so chruinnicheadh clann Israeil ann an trosadh, agus ann an saic-eudach, agus àir orra.

2 Agus dhealaich sìol Israeil iad féin o uile chloinn choigreach, agus sheas iad, agus dh'aicidh iad am peacanna, agus eucearta an aithriche.

3 Agus dh'éirich iad nan àit, agus leugh iad ann an leabhar lagha an Tighearna an Dé an ceathramh cuid do'n là, agus ceathramh eile dh'aicidh iad, agus rinn iad aoradh do'n Tighearna an Dia.

4 An sin dh'éirich air cheumaibh nan Lebbitheach Iesua agus Bani, Cadmiel, Sebaniah, Buni, Serebiah, Bani, agus Chenani, agus ghlaodh iad le guth ard ris an Tighearna an Dia.

5 Agus thubhairt na Lebbhithich, Iesua agus Cadmiel, Bani, Hasabniah, Serebiah, Hodiah, Sebaniah, agus Petahiah, Eiribh, beannaichibh an Tighearna bhuir Dia gu saoghal nan saoghal: agus beannaichte gu robh t'ainm glòrmhor-sa, a ta air 'ardachadh os cionn gach beannachaidh agus cliu.

6 Is tusa, is tusa a'd' aonar an Tighearna: rinn thu na nèamha, nèamha nan nèamh agus an slòigh uile, an talamh agus gach *ni a ta* air, na cuanta agus gach *ni a ta* anna, agus *tha* thu 'gan cumail suas<sup>5</sup> uile; agus *a ta* slòigh nan nèamh a' deanamh aoraidh dhuit.

7 Is tu féin an Tighearna an Dia, a thagh Abram, agus a thug a mach e a h-Ur nan Caldeanach, agus a thug Abraham mar ainm air.

8 Agus fhuair thu a chridhe fìrinneach a't' fhianais, agus rinn thu coimhcheangal ris, gu'n d'thugadh tu tìr nan Canaanach, nan Hiteach, nan Amorach, agus nam Peridseach, agus nan Iebusach, agus nan Gargasach, gu'n d'thugadh tu *so d'a* shliochd; agus choimhlic thu do bhriathra, oir *tha* thu ceart:

9 Agus chunnaic thu àmhghar ar n-aithriche anns an Eiphit, agus chuala tu an glaoth aig a' mhuir ruaidh:

10 Agus nochd thu comharan agus iongantais air Pharaoh, agus air a sheirbhiseich uile, agus air uile shluagh a thìre; oir bha fios agad gu'n d'rinn iad gu h-uabhbreach nan aghaidh: agus fhuair thu dhuit féin ainm, mar air an là 'n diugh.

11 Agus roinn thu a' mhuir rompa, agus chaidh iad troimh mheadhon na mara air talamh tioram; agus an luchd-tòrachd thilg thu anns an dòimhne, mar chloich anns na h-uisgeachaibh làidir.

12 Agus le meall<sup>6</sup> neoil thredraich thu iad san là; agus le meall teine san oidheche, a shoilleachadh dhoibh na slighe air an imicheadh iad.

13 Agus thàinig thu nuas air sliabh Shinai, agus labhair thu ri u nèamh, agus thug thu dhoibh breitheanais chearta, agus la-hanna fìrinneach, reachdan agus àitheanta maith.

14 Agus do shàbaid naomha dh'fhoillsich thu dhoibh; agus àitheantan agus reachdan, agus lagh dh'àithn thu dhoibh le làimh Mhaois t'òglaich:

15 Agus aran o nèamh thug thu dhoibh nan ocras<sup>7</sup>, agus uisge as a' charrraig thug thu mach dhoibh nan tart: agus thubhairt thu ri u<sup>8</sup> dol a steach a shealbhadh an fhearainn a mhinnaich thu<sup>9</sup> gu'n d'thugadh tu dhoibh.

16 Ach rinn iad féin agus ar n-aithriche gu h-uabhbreach, agus chruaidhich iad am muineal, agus cha d'èisd iad ri t'aitheantaibh,

17 Agus dhiùlt iad éisdeachd, agus cha do chumhnic iad t'iongantasan a rinn thu nam measg; ach chruaidhich iad am muineal, agus dh'orduich iad ceannard, chum piltinn d'an daorsa san Eiphit<sup>10</sup>; ach is Dia thusa a tha ealamh gu maith-eanas a thoirt seachad, gràsmhor agus tròc-aireach, mall a chum feirge, agus pailt ann an truacantas<sup>11</sup>, agus cha do thréig thu iad.

18 Eadhon an uair a rinn iad dhoibh féin laogh leaghta, agus a thubhairt iad, So do dhia a thug a nìos thu as an Eiphit, agus a dh'oibrich iad mòran brosnachaidh;

<sup>1</sup> bùthaibh. <sup>2</sup> agus gu'n cuireadh iad an cèill, agus gu'n d'thugadh iad gairm. <sup>3</sup> geugan le'n duilleach; duilleach. Eabh. <sup>4</sup> Iesua. <sup>5</sup> a' toirt beatha dhoibh. <sup>6</sup> tuiribh, stuidh,

stac; pillar. Sasg.

<sup>7</sup> dh'àithn thu dhoibh.

<sup>8</sup> lamh. Eabh. <sup>9</sup> an ceannaire.

<sup>10</sup> an ceannaire. <sup>11</sup> caoimhneas.



19 Gidheadh a d' thruacantas mòr cha do thréig thu iad san fhàsach : cha do dheal- aich am meall neoil riu san là, gu'n treòr- achadh air an t-slighe ; no am meall teine san oidhche, a shoillseachadh na slighe dhoibh air an imicheadh iad.

20 Agus do spiorad maith thug thu seachad gu'n teagasg, agus do mhana cha do chum thu o'm beul, agus uisge thug thu dhoibh nan tart.

21 Eadhon dà fhichead bliadhna bheath- aich thu iad san fhàsach : cha robh dìth orra : cha d'fhàs an eudach sean, agus cha d'at an casa.

22 Agus thug thu dhoibh rìoghachdan agus sloigh, agus roinn thu iad ann an cearnaibh ; agus shealbhaich iad tìr Shi- hoin, agus tìr rìgh Hesboin, agus tìr Og rìgh Bhasain.

23 Agus rinn thu an clann lìonmhor mar reulta nan nèamh, agus thug thu iad do'n tìr mu'n dubhairt thu r'an aithrichibh, gu'n reachadh iad a steach g'a sealbhachadh.

24 Agus chaidh an clann a steach, agus shealbhaich iad an tìr, agus chiosnaich thu rompa luchd-àiteachaidh na tìre, na Ca- naanaich, agus thug thu thairis nan làimh iad féin agus an rìghrean, agus sluagh na tìre, a dheanamh riu mar bu mhiann leo.

25 Agus ghlac iad bailte daingnichte<sup>1</sup>, agus talamh reamhar, agus shealbhaich iad tighean làn do gach *ni* maith, tobraiche cladhaichte, fìon-liosan agus liosan-olaidh, agus craobhan meas ann am pailteas : agus dh'ith iad, agus shàsaich iad, agus dh'fhàs iad reamhar, agus bha toil-inntinn aca ann ad mhòr mhaithreas-sa.

26 Gidheadh, bha iad eas-umhal, agus rinn iad ceannaire a'd' aghaidh, agus thig iad do lagh air an cùlaobh, agus mharbh iad t'fhàidhean, a thug fianuis nan aghaidh, chum am pilltinn a t'ionnsuidh : agus dh'oibrich iad mòran brosnachaidh.

27 Air an aobhar sin thug thu thairis iad do làimh an naimhdean, a shàraich iad : agus ann an àm an airce ghlaodh iad riut, agus o na nèamhaibh chuala tu, agus a d' mhòr thròcair thug thu dhoibh luchd- saoraidh, a shaor iad as làimh an naimhde.

28 Ach an uair a bha fois aca, rinn iad olc a ris a't' fhianuis : uime sin dh'fhàg thu iad ann an làimh an naimhde, agus bha uachdaranachd aca orra. Gidheadh, an uair a phill iad agus a ghlaodh iad riut, chuala tu o na nèamhaibh, agus shaor thu iad a d' mhòr thròcair iomadh uair :

29 Agus thug thu fianuis nan aghaidh, chum an toirt air an ais a dh'ionnsuidh do lagha : gidheadh, rinn iadsan gu h-uaihb- reach, agus cha d'èisd iad ri t'aitheantaibh, ach pheacaich iad an aghaidh do bhreith- eanasa, nìthe ma ni duine, bithidh e beo annta ; agus tharruing iad air falbh an gualainn, agus chruaidhich iad am muineal, agus cha 'n èisdeadh iad.

30 Agus ghiùlan thu leo rè iomadh bliadhna, agus rinn thu fianuis nan agh- aidh le d' spiorad le làimh t'fhàidhean : ach cha 'n èisdeadh iad, agus thug thu thairis iad do làimh shluagh nan tìr.

31 Gidheadh ann ad mhòr thròcair cha do chuir thu as doibh gu tur, agus cha do thréig thu iad ; oir is Dia gràs-mhor agus tròcaireach thusa.

32 A nis ma ta, O ar Dia-ne, a Dhé mhòir, chumhachdaich, agus uamhasaich<sup>2</sup>, a chumas coimhcheangal agus tròcair, na measar beag a t'fhianuis an sàrachadh so uile a thàinig oirnne, air ar rìghribh, air ar n-uachdaranaihbh, agus air ar sagartaibh, agus air ar fàidhibh, agus air ar n-aithrich- ibh, agus air do shluagh uile, o laithibh rìghrean Asiria gu ruig an la'n diugh.

33 Ach a ta thusa cothromach anns gach *ni* a thàinig oirn ; oir rinn thusa gu fìrinneach, ach rinn sinne gu h-aingidh.

34 Cha do ghléidh ar rìghrean, ar n-uachdaranaihbh, ar sagairt, no ar n-aithriche do lagh-sa, agus cha d'èisd iad ri t'aithean- taibh, agus ri d' theisteas, leis an d'thug thu teisteas nan aghaidh :

35 Oir cha do rinn iad seirbhis dhuit nan rìoghachd<sup>3</sup>, agus anns a' mhòr mhaith a thug thu dhoibh, agus anns an fhearann fharsaing agus reamhar a chuir thu fa'n comhair, agus cha do phill iad o'n droch oibrìbh.

36 Feuch, is seirbhisich sinn an diugh, agus am fearann a thug thu d'ar n-aith- richibh a dh'itheadh a thoraidh agus a mhaith, feuch, is seirbhisich sinn ann.

37 Agus is mòr a thoradh do na rìghribh a chuir thu os ar cionn air son ar peacanna ; agus a ta uachdaranachd aca os cionn ar corpa, agus os cionn ar spréidhe, a réir an toile, agus tha sinn ann an àmhghar mòr.

38 Agus air son so uile ni sinn coimh- cheangal cinnteach, agus scrìobhaidh sinn e ; agus cuiridh ar n-uachdaran, ar Lebhi- thich, agus ar sagairt an seula air.

C A I B. X.

A GUS so iadsan a chuir an seula air : A Nehemiah an Tirsata, mac Hachaliah, agus Sedeciah,

2 Seraiah, Asariah, Jeremiah,  
3 Pasur, Amariah, Malchiah,  
4 Hatus, Sebaniah, Maluch,  
5 Harim, Meremot, Obadiah,  
6 Daniel, Gineton, Baruch,  
7 Mesulam, Abiah, Miamin,  
8 Maasiah, Bilgai, Semaiah : b'iad sin na sagairt.

9 Agus na Lebhitich : Iesua mac Asa- niah, Binui do mhacaibh Henadaid, Cad- miel ;

10 Agus am bràithrean, Sebaniah, Ho- diah, Celita, Pelaiah, Hanan,  
11 Micha, Rehob, Hasabiah,

<sup>1</sup> làidir. <sup>2</sup> eagalaich. <sup>3</sup> a'd' rìoghachd.

- 12 Sacur, Serebiah, Sebaniah,  
 13 Hodiah, Bani, Beninu.  
 14 Cinn an t-sluaigh : Paros, Pahat-  
 moab, Elam, Satu, Bani,  
 15 Buni, Asgad, Bcbai,  
 16 Adoniah, Bigbhai, Adin,  
 17 Ater, Hisciah, Adsor,  
 18 Hodiah, Hasum, Besai,  
 19 Hariph, Anatot, Nebai,  
 20 Magpias, Mesulam, Hesir,  
 21 Mesesabeel, Sadoc, Iadua,  
 22 Pelatiah, Hanan, Anaiab,  
 23 Hosea, Hananiah, IIsab, Sub,  
 24 Halehes, Pileha, Sobec,  
 25 Rehum, Hasabnah, Maaseiah,  
 26 Agus Abiah, Hanan, Anan,  
 27 Maluch, Harim, Baanah.

28 Agus a' chuid eile do'n t-sluagh, na sagairt, na Lebhithich, na dorsairean, an luchd-seinn, na Netinich, agus iadsan uile a dhealaich iad fèin o shluagh nan tìr a chum lagha Dhé, am mnà, am mic, agus an nigheana, gach zon aig an robh eòlas agus tuigse :

29 Dhùlt-lean iad r'am bràithribh, an ard uaislean, agus chaidh iad fa mhàllachadh, agus fa mhionnaibh, gluasad ann an lagh Dhé, a thugadh seachad le laimh Mhaois òglaich Dhé, agus a choimhead agus a dheanamh uile àitheantan Iehobhah ar Tighearna, agus a bhreitheanasan, agus a reachda :

30 Agus nach d'thoir sinn ar nigheana do shluagh na tìre, agus nach gabh sinn an nigheana-san d'ar macaibh :

31 Agus ma bheir sluagh na tìre leo bathar, no biadh air bith air latha na sàbaid, g'a reiceadh, nach ceannaich sinn e uatha air an t-sàbaid, no air latha naomha : agus gu'n leig sinn leis an t-seachdamh bliadhna, agus le togail nam fiach uile.

32 Mar an ceudna rinn sinn reachda dhuinn fèin, an treas cuid do sheel a chur a dh'fhiachaibh oirnn fèin gach bliadhna, air son seirbhis tighe ar Dé,

33 Air son an arain thaisbeanta, agus air son an tabhartais-bhìdh ghnàthaichte, agus air son ìobairt-loisgte ghnàthaichte nan sàbaid, agus nan gealach nomha, air son nam fèill suidhichte, agus air son nan nithe naomha, agus air son nan ìobairt-pheacaidh, a dheanamh rèite air son Israeil, agus air son uile oibre tighe ar Dé.

34 Agus thilg sinn croinn, na sagairt, na Lebhithich, agus an sluagh mu'n tabhartas-fhiodha, chum a thabhairt gu tigh ar Dé, a réir tighe ar n-aithriche, air amann-aibh suidhichte, o bhliadhna gu bliadhna, a losgadh air altair an Tighearna ar Dé, mar a ta e scrìobhta anns an lagh :

35 Agus a thabhairt ceud-thoraidh ar fearainn, agus ceud-thoraidh uile mheas gach uile chraoibh, o bhliadhna gu bliadhna, gu tigh an Tighearna :

36 Agus a thabhairt ceud-ghin ar mac,

agus ar n-ainmhidhean, mar a ta e scrìobhta anns an lagh, agus ceud-ghin ar cruaidh agus ar caorach, gu tigh ar Dé, dh'ionnsuidh nan sagart a' fhrithheilas ann an tigh ar Dé :

37 Agus gu'n d'thugamaid ceud-thoradh ar taoise, agus ar tabhartasa, agus meas gach gnè craoibhe, fìona agus olaidh, dh'ionnsuidh nan sagart, gu seòmraichibh tighe ar Dé, agus deachamh ar fearainn do na Lebhithich, air chor as gu faigheadh na Lebhithich sin an deachamh ann an uile bhailtibh ar treal-hachais.

38 Agus bithidh an sagart mac Aaroin maille ris na Lebhithich, an uair a thogas na Lebhithich an deachamh : agus bheir na Lebhithich suas leo deachamh an deachaimh gu tigh ar Dé, a steach do na seòmraichibh, do thigh an ionmhais :

39 Oir bheir clann Israeil, agus clann Lebbi leo tabhartas an arbhair, an fhìona nuaidh, agus na h-olaidh<sup>1</sup>, steach do na seòmraichibh, far am bheil soithichean an ionaid naomha, agus na sagairt, [agus] an luchd-frithealaidh, agus na dorsairean, agus an luchd-seinn. Agus cha tréig sinne tigh ar Dé.

## CAIB. XI.

**A**GUS chòmhnuich uachdarain an t-sluaigh ann an Ierusalem ; agus thilg a' chuid eile do'n t-sluagh croinn, a thoirt aoin as an deichnear a ghabhail còmhnuidh ann an Ierusalem am baile naomha, agus gu'n biodh naoi earranna anns na bailtibh eile.

2 Agus bheannaich an sluagh na daoine uile, a thairg iad fèin gu toileach gu còmhnuidh ghabhail ann an Ierusalem.

3 Agus is iad so cinn na mòr-roinne, a chòmhnuich ann an Ierusalem, agus ann am bailtibh Iudah : ghabh gach aon còmhnuidh na sheilbh fèin, nam bailtibh, na h-Israelich, na sagairt, agus na Lebhithich, agus na Netinich, agus mic sheirbhiseach Sholaimh.

4 Agus chòmhnuich ann an Ierusalem do chloinn Iudah, agus do chloinn Bheniamin : do chloinn Iudah ; Ataiac mac Udsiah, mhic Shechariah, mhic Amariah, mhic Shephatiah, mhic Mhabalaleil, do chloinn Phereis.

5 Agus Maaseiah mac Bharuich, mhic Chohoseh, mhic Hasaiah, mhic Adaiah, mhic Ioarib, mhic Shechariah, mhic Shiloni.

6 Mic Phereis uile a chòmhnuich ann an Ierusalem, ceithir cheud trì fichead agus ochd fir threuna.

7 Agus is iad so mic Bheniamin ; Salu mac Mhesulaim, mhic Ioeid, mhic Phe-daiab, mhic Cholaiah, mhic Mhaaseiah, mhic Iteiel, mhic Iesaiah.

<sup>1</sup> an olaidh.



8 Agus na dhéigh-san Gabai, Salai, naoi ceud fichead agus a h-ochd.

9 Agus Ioel mac Shichri na fhear-amhaire thairis orra; agus Iudah mac Shenuah an dara fear os-cionn a' bhaile.

10 Do na sagartaibh: Iedaiah, Ioiarib<sup>1</sup>, Iachin,

11 Seraiah mac Hilciah, mhic Mhesulaim, mhic Shadoi, mhic Mheraiot, mhic Ahituib, riaghladair tighe Dhé.

12 Agus am bràithrean a rinn obair an tighe, ochd ceud fichead agus a dhà: agus Adaiah, mac Ierohaim, mhic Phelaliah, mhic Amsi, mhic Shechariah, mhic Phasuir, mhic Mhalchiah;

13 Agus a bhràithre cinn nan aithriche, dà cheud dà fhichead agus a dhà: agus Amasai mac Asareil, mhic Ahasai, mhic Mhesilemoit, mhic Imeir,

14 Agus am bràithrean fir chomasach ghaisgeil, ceud fichead agus a h-ochd: agus na fhear-amhaire thairis orra Sabdiel, mac aoin do na daoineibh mora<sup>2</sup>.

15 Agus do na Lebhithich: Semaiah mac Hasuib, mhic Asricaim, mhic Hasabiah, mhic Bhuni,

16 Agus Sabetai, agus Iosabad, do cheannaibh nan Lebhitheach, os cionn oibre tighe Dhé o'n leth muigh.

17 Agus Mataniah mac Mhicha, mhic Shabdi, mhic Asaiph, an ceud fhear a thòisicheadh air buidheachas a thoirt<sup>3</sup> ann an urnuigh; agus Bacbuciah, an dara fear am measg a bhràithre, agus Abda mac Shamua, mhic Ghailail, mhic Iedutuinn.

18 Na Lebhithich uile anns a' bhaile naomha, dà cheud ceithir fichead agus a ceithir.

19 Agus na dorsairean, Acub, Talmion, agus am bràithrean a bha ri faire aig na geataibh, ceud trì fichead agus a dhà-dheug.

20 Agus bha chuid eile do Israel, na sagairt, agus na Lebhithich, ann an uile bhailtibh Iudah, gach fear na sheilbh féin.

21 Ach ghabh na Netinich còmhnuidh ann an Ophel; agus bha Siha agus Gispa os cionn nan Netineach.

22 Agus b'e fear-amhaire thairis nan Lebhitheach ann an Ierusalem Udsi mac Bhani, mhic Hasabiah, mhic Mhataniah, mhic Mhicha. Do mhacaibh Asaiph, bha'n luchd-seinn fa chomhair<sup>4</sup> oibre tighe Dhé:

23 Oir b'i àithne an rìgh mu'n tìnechioll: gu'm biodh cuibhrionn àraidh air son an luchd-seinn, a dhlighe féin air gach là.

24 Agus bha Petaiah mac Mhesesabeil, do chloinn Sherah mhic Iudah, aig làimh an rìgh anns gach cùis a thaobh an t-sluaigh.

25 Agus a thaobh nan bailte beaga nam fearann<sup>5</sup>, chòmhnuich cuid do mhacaibh Iudah ann an Ciriatairba agus na bhailtibh

beaga, agus ann an Dibon agus na bhailtibh beaga, agus ann an Iecabseel agus na bhailtibh beaga,

26 Agus ann an Iesua, agus ann am Moladah, agus ann am Bet-pelet,

27 Agus ann an Hasar-sual, agus ann am Beer-seba agus na bhailtibh beaga,

28 Agus ann an Siclag, agus ann am Meconah agus na bhailtibh beaga,

29 Agus ann an En-rimon, agus ann an Sareah, agus ann an Iarmut,

30 Sanoah, Adulam, agus nam bailtibh beaga, ann an Láchis agus na fhearann, ann an Asceah agus na bhailtibh beaga.

Agus chòmhnuich iad o Bheer-seba gu ruig gleann Hinoim;

31 Agus nìc Bheniamin o Gheba, ann am Michmas, agus Aia, agus Betel agus na bhailtibh beaga,

32 Ann an Anatot, Nob, Ananiah,

33 Hasor, Ramah, Gitaim,

34 Hadid, Seboim, Nebalat,

35 Lod, agus Ono, gleann an luchd-ceirde.

36 Agus do na Lebhithich bha roinnean, ann an Iudah, agus ann am Beniamin.

## CAIB. XII.

**A** GUS is iad so na sagairt agus na Lebhithich a chaidh suas maille ri Serubabel mac Shealtieil, agus Iesua: Seraiah, Ieremiah, Esra,

2 Amariah, Maluch, Hatus,

3 Sechaniah, Rehun, Meremot,

4 Ido, Gineto, Abiah,

5 Miamin, Maadiah, Bilgah,

6 Semaiah, agus Ioiarib, Iedaiah,

7 Salu, Amoc, Hilciah, Iedaiah: b'iad sin cinn nan sagart, agus am bràithrean ann an laithibh Iesua.

8 Agus na Lebhithich: Iesua, Binui, Cadmiel, Serebiah, Iudah, agus Mataniah, a bha os cionn nan laoidh-mholaidh<sup>6</sup>, e féin agus a bhràithre:

9 Agus Bacbuciah, agus Uni, agus am bràithrean, a bha thall fa'n comhair-san anns na fairibh.

10 Agus ghin Iesua Ioiaim, agus ghin Ioiaim Eliasib, agus ghin Eliasib Ioiaim,

11 Agus ghin Ioiaim Ionatan, agus ghin Ionatan Iadua.

12 Agus ann an laithibh Ioiaim bha sagairt, cinn nan aithriche: o Sheraiah, Maraiah: o Ieremiah, Hananiah:

13 O Esra, Mesulam: o Amariah, Iehohanan:

14 O Mhelicu<sup>7</sup>, Ionatan: o Shechaniah<sup>8</sup>, Ioseph:

15 O Harim, Adna: a Mheraiot, Helcai:

16 O Ido, Sechariah: o Ghineton, Mesulam:

<sup>1</sup> Iedaiah mac Ioiarib. Faic. I. Eachdr. Caib. IX. r. 10. <sup>2</sup> mac Ghedeloin. <sup>3</sup> an ceud fear gu moladh agus buidheachas a thabhairt. <sup>4</sup> os

cionn. <sup>5</sup> le'n achaibh. <sup>6</sup> os cionn an tabhairt buidheachas. <sup>7</sup> Maluch, r. 2. <sup>8</sup> Shebaniah.

17 O Abiah, Sichri: o Mhiamin<sup>1</sup>, \*\*\*:  
o Mhoadhah, Piltai:

18 O Bhilgah, Samua: o Shemaiah, Ichnatan:

19 O Ioiarib, Matenai: o Iedaiah, Udsi:

20 O Shalai, Calai: o Amoc, Eber:

21 O Hilciah, Hasabiah: o Iedaiah, Netaneel.

22 Scriobhadh sìos na Lebhithich ann an laithibh Eliasib, Ioiada, agus Iohanain, agus Iadua, cinn nan aithriche; agus na sagairt gu ruig rìoghachadh Dhariuis a' Phersaich.

23 Scriobhadh sìos mic Lebhi, cinn nan aithriche, ann an leabhar nan eachdraidh, gu ruig laithean Iohanain mhic Eliasib.

24 Agus cinn nan Lebhithich: Hasabiah, Serebiah, agus Iesua mac Chadmieil, agus am bràithre thall fa'n comhair, a mholadh agus a thabhairt buidheachais a rèir àithne Dhaibhidh òglaich Dhé, faire fa chomhair faire.

25 Mataniah, agus Bacbuciah, Obadiah, Mesulam, Talmon, Acub, nan dorsairibh a' coimhead na faire aig stairsneachaibh<sup>2</sup> nan geata.

26 Iad sin ann an laithibh Ioiacim mhic Iesua, mhic Iosadaic, agus ann an laithibh Nehemiah an uachdarain, agus Esra an t-sagairt, an scriobhuiche.

27 Agus aig coisreagadh ballaidh Ierusalem dh'iarr iad na Lebhithich as an àitibh uile, chum an tabhairt gu h-Ierusalem, a chumail a' choisreagaidh le h-aobhneas, agus le breth-buidheachais, agus le seinn, le ciombalaibh, saltairibh, agus le clàrsaichibh.

28 Agus chruinnich mic an luchd-seinn an cionn a chéile, araon as an tìr réidh mu thimchioll Ierusalem, agus a bailtibh beaga Netophati,

29 Agus a tigh Ghilgail, agus a mach-airibh Gheba agus Asmabheit; oir thog an luchd-seinn bailte beaga dhoibh féin mu thimchioll Ierusalem.

30 Agus ghlan na sagairt agus na Lebhithich iad féin, agus ghlan iad an sluagh, agus na geatan, agus am balladh.

31 An sin thug mi suas uachdarain Iudah air a' bhalladh, agus dh'orduich mi dà chuideachd mhòr chum molaidh, agus gu'n imicheadh aona dh'ionnsuidh na làimhe deise air a' bhalladh gu geatadh an aolaich:

32 Agus nan déigh-san chaidh Hosai, agus leth uachdarana Iudah,

33 Agus Asariah, Esra, agus Mesulam,

34 Iudah, agus Benjamin, agus Semaiah, agus Jeremiah:

35 Agus cuid do mhacaibh nan sagart le trompaidibh; Sechariah, mac Ionatain, mhic Shemaiah, mhic Mhataniah, mhic Mhichaiah, mhic Shacuir, mhic Asaiph;

36 Agus a bhràithre Semaiah, agus

Asareel, Milalai, Gilalai, Maai, Netaneel, agus Iudah, agus Hanani, le innealaibh-ciuil Dhaibhidh òglaich Dhé, agus Esra an scriobhuiche rompa.

37 Agus aig geatadh an tobair a bha fa'n comhair, chaidh iad suas air ceumaibh<sup>3</sup> baile Dhaibhidh, aig dol suas a' bhallaidh, os cionn tighe Dhaibhidh, gu ruig geatadh an uisge a làimh na h-airde 'n ear.

38 Agus dh'imich a' chuideachd eile a bha chum molaidh thall fa'n comhair, agus mise nan déigh, agus leth an t-sluaigh air a' bhalladh, o thaobh shuas tùir nan àmh-uinn gu ruig am balladh leathan;

39 Agus o thaobh shuas geataidh Ephraim, agus os cionn an t-sean gheataidh, agus os cionn geataidh an eisg, agus tùir Hananeel, agus tùir Mheah, gu ruig geatadh nan caorach: agus sheas iad ann an geatadh a' phrìosuinn<sup>4</sup>.

40 An sin sheas an dà chuideachd, a bha chum molaidh ann an tigh Dhé, agus mise agus leth nan riaghlair maille riom:

41 Agus na sagairt Eliacim, Maaseiah, Miniamin, Michaiah, Elioenai, Sechariah, Hananiah le trompaidibh,

42 Agus Maaseiah, agus Semaiah, agus Eleasar, agus Udsi, agus Iehohanam, agus Malchia, agus Elam, agus Eser: agus sheinn an luchd-seinn gu h-ard, agus fèraia na fhear-amhairc thairis orra.

43 Agus dh'ìobair iad air an là sin ìobairtean mòra, agus rinn iad gairdeachas; oir thug Dia orra gairdeachas a dheanamh le h-aobhneas mòr: rinn na mnàì mar an ceudna agus a' chlan gairdeachas, agus chualas gairdeachas Ierusalem an cèin.

44 Agus shuidhich iad air an latha cheudua daoine os cionn nan seòmar air son nan ionmhas, air son nan tabhartas, air son nan ceud thoradh, agus air son nan deachamh, chum gu'n cruinnicheadh iad annta a achannaibh nan baile cuibhrionn an lagha do na sagairt agus do na Lebhithich: oir bha aobhneas air Iudah air son nan sagart, agus air son nan Lebhithich, a bha a' feitheamh<sup>5</sup>.

45 Agus choimhid iad faire an Dé, agus faire a' ghlanaidh, araon an luchd-seinn agus na dorsair, dlighe gach là air a là féin; agus naomhaich iad nithe do na Lebhithich agus Sholaimh a mhic:

46 Oir ann an laithibh Dhaibhidh agus Asaiph o shean bha cinn ann air an luchd-seinn, agus air na laoidhibh molaidh agus buidheachais do Dhia.

47 Agus thug Israel uile seachad ann an laithibh Sherubabeil, agus ann an laithibh Nehemiah, cuibhrionn an luchd-seinn agus nan dorsair, dlighe gach là air a là féin; agus naomhaich iad nithe do na Lebhithich, agus naomhaich na Lebhithich do chloinn Aaron.

<sup>1</sup> Mhiamin. <sup>2</sup> sgàth-thighibh, tighibh-tionail; *supim*. Eabh. Faic. I. Eachdr. Caib. XXVI.

r. 15. 17. <sup>3</sup> staidhrichibh. <sup>4</sup> aig geatadh na gaintire. <sup>5</sup> a' frithealadh, nan seasamh an sin.



CAIB. XIII.

**A**IR an là sin leughadh ann an leabhar Mhaois ann an éisdeachd <sup>1</sup> an t-sluaigh, agus fhuaradh scribedh ann nach d'thigeadh an t-Amonach agus am Moabach a steach do choimhthional Dhé gu bráth;

2 A chionn nach do choinnich iad clann Israeil le h-aran agus le h-uise, agus gu'n do thurasdalaich iad Balaam nan aghaidh chum am mallachadh: ach thionndaidh ar Dia am mallachadh gu bean-nachadh.

3 A nis an uair a chual iad an lagh, dhealaich iad an sluagh measgta <sup>2</sup> uile o Israel.

4 Agus roimhe so bha aig Eliasib an sagart, a chuireadh os cionn seòmair tighe ar Dé, cleamhnas ri Tobiah.

5 Agus rinn e dha seòmar mòr, far an robh iad roimhe a' cur an tabhartais-bhìdh, na tùisc, agus nan soitheach, agus deachaimh an arbhair, an fhìona nuaidh, agus na h-olaidh, (a dh'orduicheadh do na Lebhithich, agus do'n luchd-seinn, agus do na dorsairibh,) agus tabhartais nan sagart.

6 Ach an uair a thachair so uile <sup>3</sup> cha robh mise ann an Ierusalem; oir anns an dara bliadhna deug thar fhichead do Artacser-cs rìgh Bhabìloin, thàinig mi dh'ionnsuidh an rìgh, agus an dèigh laithean àraidh fhuair mi mo cheud o'n rìgh:

7 Agus thàinig mi gu h-Ierusalem, agus thug mi an t-olc a rinn Eliasib air son Thobiah, seòmar a dheanamh dha ann an cùirtibh tighe Dhé.

8 Agus ghabh mi gu ro-olc e: agus thilg mi uile airneis-tighe Thobiah mach as an t-seòmar.

9 Agus dh'àithn mi, agus ghlan iad na seòmraiche; agus thug mi air an ais an sin soitheichean tighe Dhé, an tabhartas-bìdh agus an tuis.

10 Agus dh'àithnich mi nach d'thugadh seachad cuibhrionna nan Lebhithich; oir theich na Lebhithich agus an luchd-seinn a rinn an obair, gach duine a dh'ionnsuidh 'fhearainn féin.

11 Agus thug mi achmhasan do na riaghlairibh <sup>4</sup>, agus thubhairt mi, C'ar son a thréigeadh <sup>5</sup> tigh Dhé? Agus chruinnich mi iad ri chèile, agus shuidhich mi iad nan àit.

12 Agus thug Iudah uile deachamh an arbhair, agus an fhìona nuaidh, agus na h-olaidh steach do na h-ionmhasaibh.

13 Agus chuir mi luchd-coimhid os cionn nan ionmhas, Seleniah an sagart, agus Sadoc an scriobhuiche; agus do na Lebhith-

ich, Pedaiah; agus làimh riu-san Hanan mac Shacuir, mhic Mhataniah: oir mheasadh fìrinneach iad, agus bha orra-san roinn air an bràithribh.

14 Cuimhnich orm, O mo Dhia, air son so, agus na cuir as do shealladh <sup>6</sup> mo dheagh ghniomharan, a rinn mi a thaobh tighe mo Dhé, agus a thaobh 'fhairean <sup>7</sup>.

15 Anns na laithibh sin chunnaic mi ann an Iudah daoine a' saltair fhìon-amar air an t-sàbaid, agus a' toirt a stigh sguab, agus a' cur luchd air asalaibh; agus mar an ceudna fìon, fìon-dhearc, agus figean, agus gach gnè eallaich, a thug iad a stigh do h-Ierusalem air latha na sàbaid: agus thug mi fianwis nan aghaidh air an là air an do reic iad biadh.

16 Ghabh mar an ceudna Tioraich còmhnuidh ann, a thug a stigh iasg agus gach gnè bathair; agus reic iad air an t-sàbaid ri clann Iudah, agus an Ierusalem.

17 Agus thug mi achmhasan do ard uaislibh Iudah, agus thubhairt mi riu, Ciod an ni olc so a tha sibh a' deanamh, agus sibh a' briscadh <sup>8</sup> latha na sàbaid?

18 Nach d'rinn bhur n-aithriche mar so, agus nach d'thug ar Dia an t-olc so uile oirne, agus air a' bhaile so? agus tha sibhse a' toirt tuilleadh feirge air Israel leis an t-sàbaid a bhriseadh.

19 Agus an uair a thòisich geataidh Ierusalem air a bhì dorchas roimh 'n t-sàbaid, dh'àithn mi, agus dhruideadh na comhlachan; agus dh'àithn mi nach bith-eadh iad air am fosgladh gus an dèigh na sàbaid: agus cuid do n'òglachaibh shuidhich mi aig na geataibh, chum nach d'thigeadh eallach a stigh air latha na sàbaid.

20 Agus ghabh na ceannaichean, agus luchd-reicidh gach gnè bathair, tàmh an taobh a muigh do Ierusalem uair no dhà.

21 Agus thug mi fianuis nan aghaidh, agus thubhairt mi riu, C'ar son a tha sibh a gabhail tàimh fa chomhair a' bhallaibh? ma ni sibh a ris e, leagaidh mi làmh oirbh. O'n àm sin cha d'thàinig iad tuilleadh air an t-sàbaid.

22 Agus dh'àithn mi do na Lebhithich, a bha 'gan glanadh féin, agus a thàinig a ghleidheadh nan geatadh, gu'n naomhaicheadh iad latha na sàbaid. Cuimhnich orm, O mo Dhia, thaobh so mar an ceudna, agus caomhain mi a réir meud do thròcaire.

23 Mar an ceudna anns na laithibh sin chunnaic mi Iudhaich a phòs mnàì do Asdod, do Amon, agus do Mhoab.

24 Agus labhair an clann leth ann an cainnt Asdoid, agus cha b'urrainn iad

<sup>1</sup> ann an clasaibh. Eabh. <sup>2</sup> na coigrich, iad ann do shìochd eile. <sup>3</sup> ann an so uile. Eabh. <sup>4</sup> thugair mi a' chùis ris na riaghlairibh.

<sup>5</sup> a thréig sinn. <sup>6</sup> na dubh a mach, na di-chuimhnich. <sup>7</sup> air son tighe mo Dhé, agus air son e' fhrith-eallaich. <sup>8</sup> a' truailleadh, a' mì-naomhachadh.

labhairt ann an cainnt nan Iudhach, ach a réir cainnte an dà shluaigh <sup>1</sup>.

25 Agus thug mi achmhasan doibh, agus mhallaich mi iad, agus bhuail mi cuid diubh, agus spion mi dhiubh am falt, agus thug mi orra mionnachadh air Dia, nach d'fhugadh iad an nigheana <sup>2</sup> d'am macaibh-san, agus nach gabhadh iad an nigheana-san d'am macaibh, no dhoibh féin.

26 Leis na nithibh sin nach do pheacaich Solamh rìgh Israeil? gidheadh am measg mhòrain chinneach cha robh rìgh ann cosmhuil ris, a bha air a ghràdhachadh le 'Dhia, agus a rinn Dia na rìgh air Israel uile: ach thug mnàì choimheach <sup>3</sup> air-san féin peacachadh.

27 An éisd sinn ribh ma ta gus an t-olc mòr so uile a dheanamh, gu peacachadh an

aghaidh ar Dé, le mnàì choimheach a phòsadh.

28 Agus bha aon do mhacaibh Ioiada, mhic Eliasib an ard-shagairt, na chliamhuin aig Sanbalat an t-Horonach: uime sin dh'fhogair mi uam e.

29 Cuimhnich orra, o mo Dhia, chionn gu'n do thruaill iad an t-sagartachd, agus coimhcheangal na sagartachd, agus nan Leblitheach.

30 Mar so ghlan mi iad o gach coigreach, agus dh'orduich mi fairean nan sagart agus nan Leblitheach, gach aon na ghnòthuch féin:

31 Agus air son nan tabhartas-fiodha, aig amannaibh suidhichte, agus air son nan ceud thoradh. Cuimhnich orm, O mo Dhia, chum maith.

## ESTER.

### CAIB. I.

**A**NIS ann an laithibh Ahasueruis, (is e so an t-Ahasuerus a rioghaich o India gu ruig Etiopia, os cionn ceud agus seachd thar fhichead mòr-roinn.)

2 Anns na laithibh sin, an uair a shuidh rìgh Ahasuerus air rìgh-chathair a rioghachd, a bha ann an Susan an luchairt:

3 Anns an treas bliadhna d'a rioghachadh, rinn e fheadh <sup>4</sup> d'a uachdarain uile, agus d'a sheirbhisich; agus cumhachd Phersia agus Mhedia, ard uaislean agus uachdarain nam mòr-roinn na làthair.

4 An uair a nochd e saibhreas a rioghachd ghlòrmhoir, agus urram a mhòrachd òrdheire, rè ceud <sup>5</sup> agus ceithir fichead latha.

5 Agus an uair a chrìochnaicheadh na laithe sin, rinn an rìgh do'n t-sluagh uile a bha làthair ann an Susan an luchairt, eadar mhòr agus bheag, fheadh sheachd laithean, ann an cùirt lios <sup>6</sup> tighe an rìgh,

6 Bha na cùirteine geal, uaine agus gorm air an crochadh le cordaibh do anart grinn agus do chorcur, air failbheagaibh airgid, agus postaibh marmoir: na leapaiche do òr agus do airgid, air leac-urlar do mhar-mor dearg, agus gorm, agus geal, agus dubh.

7 Agus thug iad deoch seachad ann an soithichibh òir, agus na soithiche ca-cosmhuil r'a chèile <sup>7</sup>, agus fion rioghail ann am pailteas, mar a thigeadh do'n rìgh <sup>8</sup>.

8 Agus bha 'n t-òl a réir an lagha, gun

neach ann a dh'èignicheadh; oir mar sin dh'àithn an rìgh do uile dhaoineibh mòra a thighe, gu'n deanadh iad mar a b'àill leis-gach duine.

9 Mar an ceudna rinn Bhasti a' bhan-rìghinn fheadh do na mnàibh anns an tìgh rioghail, a bhuineadh do rìgh Ahasuerus.

10 Air an t-seachdamh là, 'nuair a bha cridhe an rìgh subhach le fion, dh'àithn e do Mhelhuman, do Bhista, do Harbona, do Bhigta, agus do Abagta, do Shetar, agus do Charcas, na seachd caillteanaich a fhrithheil ann an làthair an rìgh Ahasueruis,

11 Bhasti a' bhan-rìghinn a thoirt an làthair an rìgh leis a' chrùn rioghail, a nochdadh do'n t-sluagh agus do na h-uachdaranaibh a sgeimhe; oir bha i maiseach ri amhairc oirre.

12 Ach dhiùlt a' bhan-rìghinn Bhasti teachd air àithne an rìgh, a thug e seachd le làimh nan caillteanach: agus bha corruich mhòr air an rìgh, agus las 'fhearg an taobh a stigh dheth.

13 An sin thuhhairt an rìgh ris na daoine glice, d'an b'àithne na h-aimsirean (oir b'e sin gnàth an rìgh d'an taobh-san uile a bha eòlach air lagh agus breitheanas:

14 Agus làimh ris bha Carsena, Setar, Admata, Tarsis, Meres, Marsena, [agus] Memucan, seachd uachdarain Phersia agus Mhedia, a bha faicinn gnùise an rìgh, agus a shuidh air thoiseach san rioghachd.)

15 A réir an lagha ciod a ni siun ris a

<sup>1</sup> sluaigh agus sluaigh. Eabh. <sup>2</sup> Cha d'fhoir sibh bhuir nigheana, &c. Eabh. <sup>3</sup> a bha nan coigriche, o thàiribh eile. <sup>4</sup> cuirm, fèist. <sup>5</sup> iomadh

latha, eadhon ceud. <sup>6</sup> gàraidh. <sup>7</sup> agus mhùth iad na soithiche. <sup>8</sup> mar bu chubhaidh do'n rìgh; a réir làimhe an rìgh. Eabh.



Chan-rìghinn Bhasti, a chionn nach d'rinn i iarrtas an rìgh Ahasueruis le làimh nan caillteanach?

16 Agus thubhairt Memucan an làthair an rìgh agus nan uachdaran, Cha 'n ann air an rìgh a mhàin a rinn Bhasti a bhan-rìghinn eucoir, ach mar an ceudna air na h-uachdaranuibh uile, agus air an t-sluagh uile, a tha ann an uile mhòr-roinnibh rìgh Ahasueruis:

17 Oir thèid gnìomh na ban-rìghinn a mach a dh'ionnsuidh nam ban uile, air chor as gu'n dean iad tàir air am fir nan sùilb, 'nuair a their iad, Dh'àithn an rìgh Ahasueruis a' bhan-rìghinn Bhasti a thoirt a steach na làthair, ach cha d'thàinig i.

18 Mar an ceudna air an la'n diugh their bain-tighearnan Phersia agus Mhedia, a chluinnas mu ghnìomh na ban-rìghinn, ri uile uachdaranuibh an rìgh: mar so *èiridh suas* pailteas tàire agus feirge.

19 Ma's maith leis an rìgh, thigeadh àithne rìoghail a mach uaith, agus scriobhair i am meas laghanna nam Persach agus nam Medach, chum nach atharraichear i, nach d'thig Bhasti ni's mò an làthair an rìgh Ahasueruis, agus gu'n d'thoir an rìgh a h-inbhe rìoghail do mhnaoi eile a's fear na ise.

20 Agus an uair a chluinnear àithne an rìgh a bheir e seachad air feadh a rìoghachd uile, (oir tha i mòr,) bheir na mnà uile urram d'am fearaibh, eadar mhòr agus bheag.

21 Agus thaitinn am focal ris an rìgh agus r'a uachdaranuibh, agus rinn an rìgh a réir focail Mhemucain.

22 Agus chuir e litrichean a dh'ionnsuidh uile mhòr-roinnean an rìgh, dh'ionnsuidh gach mòr-roinne a réir a scriobhaidh, agus a dh'ionnsuidh gach sluagh a réir an canain<sup>1</sup>, gu'n bitheadh gach fear na uachdaran na thigh féin; agus gu'm biodh so air fhoillseachadh<sup>2</sup> a réir canain gach sluagh.

## C A I B. II.

**A**N déigh nithe sin, an uair a throagh<sup>3</sup> a feargan rìgh Ahasueruis, chuimhnich e air Bhasti, agus na rinn i, agus na dh'àithneadh na h-aghaidh.

2 An sin thubhairt òglaich an rìgh a fhritheil da, Iarrar do'n rìgh òighean-òga, sgiamhach;

3 Agus orduicheadh an rìgh luchd-riaghlaidh<sup>4</sup> ann an uile mhòr-roinnibh a rìoghachd, agus cruinnicheadh iad na h-òighean òga sgiamhach uile gu Susan an lùchairt, gu tigh nam ban, fuidh làimh Hegai, chaillteanaich an rìgh, fhir-gleidhidh nam ban, agus thugar *dhoibh* na nithe air son an glanaidh,

4 Agus bitheadh an òigh a thaitneas ris an rìgh<sup>5</sup>, na ban-rìghinn an àite Bhasti. Agus thaitinn an nì ris an rìgh, agus rinn e mar sin.

5 Bha Iudhach àraidh ann an Susan an lùchairt, d'am b'ainn Mordecai, mac Iair, mhic Shimei, mhic Chis, duine do Bheniamin,

6 A thugadh air falbh o Ierusalem leis a' bhraighdeanas a thugadh air falbh maille ri Ieconiah rìgh Iudah, a thug Nebuchadne-sar rìgh Bhabiloin air falbh.

7 Agus dh'àraich<sup>6</sup> e Hadasah (b'i sia Ester) nighean bràthar-athar, oir cha robh athair no màthair aice, agus bha'n òigh maiseach na cruth, agus sgiamhach na gnùis: agus an uair a dh'eug a h-athair agus a màthair, ghabh Mordecai d'a ionnsuidh i mar a nighean féin.

8 Agus an uair a chualas àithne an rìgh agus 'ordugh, agus an uair a chruinnicheadh iomadh òigh gu Susan an lùchairt, gu bhi fuidh làimh<sup>7</sup> Hegai, thugadh Ester mar an ceudna gu tigh an rìgh, gu bhi fuidh làimh Hegai, fhir-gleidhidh nam ban.

9 Agus thaitinn an òigh ris, agus fhuair i caoimhneas na làthair, agus rinn e deifirgus a nithe air son glanaidh, agus na bhuineadh dh'i, a thabhairt d'a h-ionnsuidh, agus gu seachd maighdeana iomchuidh a thabhairt d'i a tigh an rìgh; agus chuir e i féin agus a maighdeana do'n àit a b'fheart do thigh nam ban.

10 Cha d'innis Ester a sluagh, no a luchd-dàimh; oir dh'àidlin Mordecai dh'i gun innseadh.

11 Agus gach là bha Mordecai ag im-eachd fa chomhair cùirte tighe nam ban, a dh'fhiosrachadh cionnus a bha Ester, agus ciod a dh'éireadh dh'i.

12 Agus an uair a thàinig àm gach òighe gu dol a steach a dh'ionnsuidh an rìgh Ahasueruis, an déigh dh'i bhi dà mhìos dheug a réir gnàtha nam ban (oir mar sin chomhlionadh laithean an glanaidh sè mìosan le h-oladh mirr, agus sè mìosan le lùibhibh cùbhraidh agus le nithibh eile chum glanaidh nam ban.)

13 An sin mar so thàinig gach òigh a dh'ionnsuidh an rìgh: gach nì<sup>8</sup> a dh'iarr i thugadh dh'i gu dol a steach leathia a tigh nam ban gu tigh an rìgh.

14 Air feasgar chaidh i steach, agus sa' mhaduinn phill i gu dara tigh nam ban, fuidh làimh Shaasgai, chaillteanaich an rìgh, fhir-gleidhidh nan coimhleabach; cha d'thàinig i steach tuilleadh a dh'ionnsuidh an rìgh, mar do ghabh an rìgh tlachd dh'i, agus gu'n do ghairmeadh i air a h-ainm.

15 Agus an uair a thàinig àm<sup>9</sup> Esteir,

<sup>1</sup> canamhain, cainnte. <sup>2</sup> oir a dheanamh aithnichte. <sup>3</sup> a dh'illsich, a sguir. <sup>4</sup> luchd-ghmhàire thuiris. <sup>5</sup> a bhios maith ann an sùilb

an rìgh. Eabh. <sup>6</sup> thog. <sup>7</sup> fuidh chùram, ann an coimhead. <sup>8</sup> gach neach. <sup>9</sup> car, seal.

nighean Abihail, bràthar-athar Mhordecai, (a ghabh d'a ionnsuidh i mar a nighean fèin) gu dol a steach a dh'ionnsuidh an rìgh, cha d'iarr i ni air bith ach na dh'orduigh Hegai, caillteanach an rìgh, fear-glèidhidh nam ban: agus fhuair Ester gcanmaith nau sùilibh-san uile a dh'amhairc oirre.

16 Agus thugadh Estera dh'ionnsuidh an rìgh Ahasuerus, a dh'ionnsuidh a thighe rioghail, anns an deicheamh mìos (*is e sin mìos Thebeit*) anns an t-seachdamh bliadhna d'a rioghachadh.

17 Agus ghràdhaich an rìgh Ester os cionn nam ban uile, agus fhuair i gcanmaith agus caoimhneas na làthair os cionn nan òighean uile; agus chuir e an crùn rioghail air a ceann, agus rinn e na ban-rìghinn i an àite Bhashti.

18 An sin rinu an rìgh fleadh mòr d'a uachdaranaihb uile agus d'a sheirbhisich, feadh Ester, agus thug e saorsa do na mòr-roinnibh, agus thug e seachad tiodhlacan, mar bu chubhaidh do'n rìgh.

19 Agus an uair a chruinnicheadh na h-òighean an-dara uair, an sin shuidh Mordecai ann an geatadh an rìgh.

20 Cha d'innis Ester *fathast* a luchd-dàimh, no a sluagh, mar a dh'àithn Mordecai dh'i; oir rinn Ester iarrtas Mhordecai, mar a rinn i 'nuair a dh'àraicheadh i maille ris.

21 Anns na laithibh sin, an uair a bha Mordecai na shuidhe ann an geatadh an rìgh, bha fearg air Bigtan agus Teres, dìthis do chaillteanachaibh an rìgh, dhiubhsan a bha coimhead an doruis, agus dh'iarr iad làmh a chur anns an rìgh Ahasuerus.

22 Agus fhuair Mordecai fios air an ni sin, agus dh'innis se e do Ester a' bhan-rìghinn; agus dh'innis Ester e do'n rìgh ann an ainm Mhordecai.

23 Agus rannsaicheadh an ni, agus fhuaradh a mach e, agus chrochadh suas iad le chèile air crann: agus sgrìobhadh e ann an leabhar nan eachdraidh am fannais an rìgh.

### CAIB. III.

**A**N déigh nan nithe sin rinn an rìgh Ahasuerus Haman, mac Hamedata an t-Agagach, na *dhùine* mòr, agus dh'ardaich se e, agus chuir e àite-suidhe os cionn nan uachdaran uile, a *bha* maille ris.

2 Agus chrom na seirbhisich uile a *bha* ann an geatadh an rìgh iad fèin, agus thug iad urram do Haman, oir dh'àithn an rìgh mar sin d'a thaobh, ach cha do chrom Mordecai e fèin, agus cha d'thug e urram *dha*.

3 Agus thubhairt seirbhisich an rìgh, a *bha* ann an geatadh an rìgh, ri Mordecai, C'ar son a tha thu a' briseadh àitline an rìgh?

4 Agus an uair a labhair iad ris là 'n déigh là, agus nach d'èisd e riu, an sin dh'innis e do Haman, a dh'fheuchainn an

seasadh briathra Mhordecai; oir dh'innis e dhoibh gu'm *b'fudhach* e.

5 Agus chunnaic Haman nach do chrom Mordecai e fèin, agus nach d'thug e urram dha, agus bha Haman làn feirge.

6 Agus cha b'fhiù leis làmh a chur ann am Mordecai na aonar, oir nochd iad d'a sluagh Mhordecai; uime sin dh'iarr Haman na h-Iudhaich uile a sgrìos, a *bha* ann an uile rioghachd Ahasuerus, sluagh Mhordecai.

7 Anns a' cheud mhìos (*is e sin mìos Nisain*) anns an dara bliadhna deug do rìgh Ahasuerus, thilgeadh<sup>1</sup> Pur, *is e sin* an crannchur, an làthair Haman, o là gu là, agus o mhìos gu mìos, *agus* an dara mìos deug, *is e sin* mìos Adair.

8 Agus thubhairt Haman ri rìgh Ahasuerus. Tha sluagh àraidh ann air an sgaoileadh agus air an roinn am meas an t-sluaigh ann an uile mhòr-roinnibh do rioghachd, agus *tha* laghanna air leth aca seach gach sluagh, agus cha 'n'eil iad a' coimhead laghanna an rìgh; uime sin cha 'n'eil e air son leas an rìgh am fulang.

9 Ma's toil leis an rìgh, sgrìobhar gu'm bi iad air an sgrìos, agus locaidh mise deich mìle talann airgid d'an làmh-san, a ni an gnothuch<sup>2</sup>, chum a thabhairt do ionmhaisibh an rìgh.

10 Agus thug an rìgh 'fhàinne bhàrr a làimhe, agus thug se e do Haman mac Hamedata an t-Agagach, nàmhaid nan Iudhach.

11 Agus thubhairt an rìgh ri Haman, *Tha'n* t-airgid air a thabhairt duit, agus an sluagh, a dheanamh riu mar *is* àill leat.

12 Agus ghairmeadh sgrìobhuichean an rìgh air an treas latha deug do'n cheud mhìos, agus sgrìobhadh, a rèir gach *ni* a dh'àithn Haman, chum ard riaghlairan an rìgh, agus a chum nan uachdaran a *bha* os cionn gach mòr-roinne, agus a chum cheann-feadhna<sup>3</sup> gach sluagh, *chum* gach mòr-roinne a réir an sgrìobhaidh, agus a *chum* gach sluagh a réir an càinain: ann an ainm an rìgh Ahasuerus sgrìobhadh e, agus sheulaicheadh e le fàinne an rìgh.

13 Agus chuireadh na litrichean le làimh ghillean-ruithe gu uile mhòr-roinnibh an rìgh, a sgrìos, a mharbhadh, agus a chur as do na h-Iudhaich uile, eadar òg agus shean, chloinn bhig agus mhnaibh, ann an aon latha, air an treas latha deug do'n dara mìos deug, (*is e sin* mìos Adair) agus am feudail<sup>4</sup> a thogail mar chreich.

14 B'e dùblachadh an sgrìobhaidh, Gu'n d'thugta àithne seachad anns gach mòr-roinn, air a foillseachadh do gach sluagh, iad a bhi deas fa chomhair an là sin.

15 Chaidh na gillcan-ruithe a mach, air an greasadh le h-àithne an rìgh; agus thug-

<sup>1</sup> thilg e.      <sup>2</sup> do làimh an luchd-ghnothuiche.

<sup>3</sup> cheannard.

<sup>4</sup> am maoin.



adh an t-ordugh seachad ann an Susan an luchairt: agus shuidh an rìgh agus Haman sìos a dh'òl; ach bha'm baille Susan fa amhladh<sup>1</sup>.

## CAIB. IV.

**A**N uair a dh'aithnich Mordecai gach *ni* a rinneadh, reub e<sup>2</sup> 'eudach, agus chuir e saic-eudach air agus luaithe, agus chaidh e mach gu meadhon a' bhaile, agus ghlaodh e le glaoth ard agus scarbh.

2 Agus thàinig e eadhon fa chomhair geataidh an rìgh: oir cha 'n fheadadh neach air bith dol a stigh do gheatadh an rìgh le saic-eudach air.

3 Agus anns gach uile mhòr-roinn d'an d'fhàinig focal an rìgh agus 'ordugh, *bha* bròn mòr am measg nan Iudhach, agus trosgadh, agus gul, agus caoidh, agus luidh mòran ann an saic-eudach agus an luaithe.

4 Agus thàinig maighdeanan Esteir agus a caillteanaich, agus dh'innis iad sin d'i. Agus bha a' bhan-rìghinn ro-dhoilgheasach, agus chuir i eudach gu bhì air a chur air Mordecai, agus gu'n d'thugta 'eudach-saice dheth: ach cha ghabhadh esan c.

5 An sin ghoir Ester air Hatach *aon* do chaillteanaich an rìgh, d'an d'orduigh e feitheamh oirre, agus thug i àithne dha gu Mordecai, gu'm faigheadh e fios ciod e so, agus c'ar son so.

6 Agus chaidh Hatach a mach a dh'ionnsuidh Mhordecai, gu sràid a' bhaile, a *bha* fa chomhair geataidh an rìgh.

7 Agus dh'innis Mordecai dha gach *ni* a thachair dha, agus an t-suim airgid a gheall Haman a thombas a stigh do ionmhasaibh an rìgh air son<sup>3</sup> nan Iudhach, chum an sgrios.

8 Agus thug e dha dùblachadh scrìobhaidh an orduigh, a thugadh ann an Susan agus an sgrios, chum 'fheuchainn do Ester, agus a chur an céill d'i, agus a dh'àithneadh dh'i gu'n rachadh i stigh a dh'ionnsuidh an rìgh, dh'aslachadh air, agus a ghuidheadh air<sup>4</sup> as leth a sluagh.

9 Agus thàinig Hatach, agus dh'innis e do Ester briathra Mhordecai.

10 Agus labhair Ester ri Hatach, agus thug i àithne dha gu Mordecai;

11 Tha fios aig seirbhisich an rìgh uile, agus aig sluagh mhòr-roinnean an rìgh, ge b'e air bith fear no bean a théid a steach a dh'ionnsuidh an rìgh do'n chùirt a's faide a stigh, air nach goirear, *gu bheil* aon lagh aige a chur gu bàs, ach a mhàin esan d'an sin an rìgh a mach a shlat-òir rìoghail, a chum gu'm bi e beo; ach cha do ghoireadh ormsa teachd a steach a dh'ionnsuidh an rìgh na deich latha fichead so.

12 Agus dh'innis iad do Mhordecai briathran Esteir.

13 Agus dh'àithn Mordecai freagradh a

thoirt do Ester, Na smuainich agad féin gu'n d'théid thu as ann an tìgh an rìgh nì's mò na na h-Iudhaich uile:

14 Oir ma bhitheas tusa gu tur a'd' thosd san àm so, thig lasachadh agus saorsa do na h-Iudhachaibh o àit eile, ach sgriosar thusa agus tìgh t'athar: agus cò aig am bheil fios nach ann air son a leithid so do àm a thàinig thu do'n rìoghachd<sup>5</sup>?

15 An sin dh'iarr Ester *um* freagradh so a thoirt do Mhordecai:

16 Falbh, cruinnich r'a chéile na h-Iudhaich uile a gheibhear ann an Susan, agus troisgibh air mo shon-sa, agus na h-ithibh agus na h-òlaibh rè thrì laithean, a la nò dh'oidheche: troisgidh misc agus mo mhaighdeanan air an dòigh cheudna, agus an sin théid mi a stigh a dh'ionnsuidh an rìgh, nì nach 'eil a réir an lagha; agus mar sin ma bhàsaicheas mi, bàsaicheam.

17 Agus dh'imich Mordecai, agus rinn e a réir gach *ni* a dh'àithn Ester dha.

## CAIB. V.

**A**NIS air an treas là chuir Ester oirre a' [culaidh] rìoghail, agus sheas i anns a' chùirt a b'fhaide steach do thigh an rìgh, fa chomhair tìghe an rìgh: agus *bha'n* rìgh na shuidhe air a rìgh-chathair anns an tìgh rìoghail, fa chomhair geataidh an tìghe.

2 Agus an uair a chunnaic an rìgh Ester a' bhan-rìghinn na seasamh anns a' chùirt, fhuair i dcagh-ghean na shealladh: agus shìn an rìgh a mach gu Ester an t-slat-òir rìoghail a *bha* na làimh; agus thàinig Ester am fagus, agus bhean i ri bàrr na slate.

3 An sin thubhairt an rìgh rihe, Ciod a's àill leat, a bhan-rìghinn Ester, agus ciod e t'iarrtus? gu ruig leth na rìoghachd bheir-ear dhuit e.

4 Agus fhreagair Ester, Ma's maith leis an rìgh, thigeadh an rìgh agus Haman an diugh a dh'ionnsuidh na fheadha a dheasaich mi dha.

5 Agus thubhairt an rìgh, Greasaibh Haman a dheanamh mar a thubhairt Ester. Agus thàinig an rìgh agus Haman a dh'ionnsuidh na fheadha, a dheasaich Ester.

6 Agus thubhairt an rìgh ri Ester aig fheadh an fhìona, Ciod i t'athchuinge, agus bheir-ear dhuit i? agus ciod e t'iarrtus? agus gu ruig leth na rìoghachd nìhear e.

7 Agus fhreagair Ester, agus thubhairt i, Is i m'athchuinge agus m'iarrtus;

8 Ma fhuair mi dcagh-ghean ann an sealladh an rìgh, agus ma's maith leis an rìgh m'athchuinge a dheònachadh, agus m'iarrtus a dheanamh, thigeadh an rìgh agus Haman a dh'ionnsuidh na fheadha a dheasaicheas mi dhoibh, agus am màir-each nì mi a réir focail an rìgh.

9 Agus chaidh Haman a mach air an là sin aobhncach agus subhach na chridhe:

<sup>1</sup> iomcheist.  
aghaidh.

<sup>2</sup> Mordecai. Eabh.

<sup>3</sup> an

<sup>4</sup> na làthair.

<sup>5</sup> inbhe rìoghail.

ach an uair a chunnaic Haman Mordecai ann an geatadh an rìgh, agus nach d'èirich e, agus nach do charuich e air a shon, bha e<sup>1</sup> làn feirge an aghaidh Mhordecai.

10 Gidheadh chum Haman air fèin, agus chaidh e dhachaidh; agus chuir e *fios* uaith, agus thug e air a chairdibh teachd d'a ionnsuidh, agus air Seres a mhnaoi.

11 Agus chuir Haman an céill doibh mòralachd a bheartais, agus lìonmhoir-eachd a mhaic, agus gach *ni* leis an d'rinn an rìgh mòr e, agus mar a dh'ardaich se e os cionn nan uachdaran agus sheirbhiseach an rìgh.

12 Thubhairt Haman mar an ccudna, Os-bàrr, cha d'thug Ester a' bhan-rìghinn duine air bith a stigh maille ris an rìgh dh'ionnsuidh na fheadha a dheasaich i, ach mi fèin; agus mar an ceudna am màireach, tha mi air mo chuireadh leatha maille ris an rìgh.

13 Gidheadh cha dean so uile a bheag do mhaith dhomh, am feadh a chi mi Mordecai an t-Iudhach na shuidhe ann an geatadh an rìgh.

14 Agus thubhairt Seres a bhean ris, agus a chairdean uile, Deanar croich leth-cheud làmh-choille air airde, agus anns a' mhaduinn labhair ris an rìgh gu'n crochar Mordecai oirre, agus gabh a steach maille ris an rìgh dh'ionnsuidh na fheadha gu subhach. Agus thaitinn an ni ri Haman, agus thug e fa'near a' chroich a bhi air a dcan-amh.

## CAIB. VI.

**A**IR an oidhe sin theich codal an rìgh uaith, agus dh'iarr e leabhar-cuimhne nan eachdraidh làthail a bhi air a thabhairt d'a ionnsuidh; agus leughadh iad am fianuis an rìgh.

2 Agus fhuaradh scrìobhta, gu'n d'innis Mordecai air Bigtana<sup>2</sup> agus air Teres, dithis do chailteanachaibh an rìgh, dhiubhsan a bha coimhead an doruis, a dh'iarr làmh a chur ann an rìgh Ahasuerus.

3 Agus thubhairt an rìgh, Ciod an t-urram agus an inbhe a thugadh do Mhordecai air son so? Agus thubhairt òglaich an rìgh, a fhritheil dha, Cha d'rinneadh ni air bith air a shon.

4 Agus thubhairt an rìgh, Cò a tha sa' chùirt? (a nis bha Haman air teachd do chùirt tighe an rìgh a b'fhaide a mach, a labhairt ris an rìgh, gu'm biodh Mordecai air a chrochadh air a' chroich a dheasaich e dha.)

5 Agus thubhairt òglaich an rìgh ris, Feuch, tha Haman na sheasamh anns a' chùirt. Agus thubhairt an rìgh, Thigeadh e stigh.

6 Agus thàinig Haman a stigh; agus thubhairt an rìgh ris, Ciod a nithear do'n duin air an toil leis an rìgh urram a chur?

(A nis thubhairt<sup>3</sup> Haman na chridhe, Cò air an toil leis an rìgh urram a chur ni's mò na orm fein?)

7 Agus fhreagair Haman an rìgh, Air son an duine air an toil leis an rìgh urram a chur,

8 Thugar a làthair a' chulaidh<sup>4</sup> rìoghail a chuireas an rìgh air, agus an t-each air am marcaich an rìgh, agus an crùn rìoghail a chuirear air a cheann:

9 Agus thugar a' chulaidh agus an t-each do làmh aoin do uachdaranaibh ro-urramach an rìgh, agus sgeadaicheadh iad an duine, air an toil leis an rìgh urram a chur, agus thugadh iad air marcachd air an each air sràid a' bhaile mhòir<sup>5</sup>, agus gairmeadh iad roimhe, Mar so nithear do'n duine air an toil leis an rìgh urram a chur.

10 Agus thubhairt an rìgh ri Haman, Greas<sup>6</sup> ort, gabh a' chulaidh agus an t-each mar a thubhairt thu, agus dean mar sin do Mhordecai an t-Iudhach, a tha na shuidhe ann an geatadh an rìgh: na dearmaid ni air bith do na thubhairt thu.

11 An sin ghabh Haman a' chulaidh agus an t-each, agus sgeadaich e Mordecai, agus thug e air marcachd air sràid a' bhaile mhòir, agus ghairm e roimhe, Mar so nithear do'n duine air an toil leis an rìgh urram a chur.

12 Agus phill Mordecai gu geatadh an rìgh: ach ghreas Haman d'a thigh fèin ri bròn, agus a chcann còmhdaichte<sup>7</sup>.

13 Agus dh'innis Haman do Sheres a bhean, agus d'a chairdibh uile gach *ni* a thachair dha. Agus thubhairt a dhaoine glìce agus Seres a bhean ris, Ma's ann do shliochd nan Iudhach Mordecai, roimh an do thòisich thu air tuiteam, cha bhuadh-aich thu na aghaidh, ach gun teagamh tuitidh tu roimhe.

14 An uair a bha iad fa'chast a' labhairt ris, thàinig cailteanaich an rìgh, agus rinn iad deifir gu Haman a thabhairt a ch'ionnsuidh na fheadha a dheasaich Ester.

## CAIB. VII.

**A**GUS thàinig an rìgh agus Haman chum na fheadha maille ri Ester a' bhan-rìghinn<sup>8</sup>.

2 Agus thubhairt an rìgh ri Ester mar an ceudna air an dara là aig fheadh an fhìona, Ciod i t'athchuinge, a bhan-rìghinn Ester? agus bheirear dhuit i: agus ciod e t'iarrtus? agus gu ruig leth na rìoghachd nithcar e.

3 Agus fhreagair Ester a' bhan-rìghinn, agus thubhairt i, Ma fhuair mi deagh-ghean a'd' shùilbh, a rìgh, agus ma's maith leis an rìgh, thugar dhomh m'anam air m'athchuinge, agus mo shluagh air m'iarrtus:

4 Oir reiceadh sinn, mise agus mo shluagh,

<sup>1</sup> Haman. <sup>2</sup> Bigtan, Caib. II. r. 21. <sup>3</sup> smu-  
ginnich. <sup>4</sup> an truscan, deise.

<sup>5</sup> tre shràid na cathrach. <sup>6</sup> Luathaich.  
<sup>7</sup> folach air a cheann. <sup>8</sup> bhan-rì'n.



gu bhi air ar dìtheachadh<sup>1</sup>, air ar marbhadh, agus air ar léir-sgrìos: ach nam b'ann mar thràillibh agus mar bhan-tràillibh a reiceadh sinn, bhithinn a'm' thosd, ge nach b'urrainn an nàmhaid call<sup>2</sup> an rìgh a dheanamh suas.

5 Agus fhreagair rìgh Ahasuerus, agus thubhairt e ri Ester a' bhan-rìghinn, Cò e so? agus c'àit am bheil esan, aig an robh a dhànadas na chridhe deanamh mar sin?

6 Agus thubhairt Ester, Is e 'n t-eascaraid agus an nàmhaid Haman an droch dhuine so. Agus bha eagal air Haman an làthair an rìgh agus na ban-rìghinn.

7 Agus dh'éirich an rìgh na fheirg o fhleadh an fhìona, agus chaidh e do lios na lùchairte:<sup>3</sup> agus sheas Haman gu 'anam a ghuidhe o Ester a' bhan-rìghinn; oir chunnaic e gu'n do shònraicheadh olc na aghaidh leis an rìgh.

8 Agus phill an rìgh o lios na lùchairte gu tigh fleadh an fhìona, agus bha Haman air tuiteam air an leabaidh air an robh Ester. Agus thubhairt an rìgh, An éignich e a' bhan-rìghinn mar an ceudna a'm' làthair ann am thigh? An uair a chaidh am focal a beul an rìgh, chòmhdaich iad aghaidh Hamain.

9 Agus thubhairt Harbonah aon do na caillteanachaibh an làthair an rìgh, Feuch, tha mar an ceudna a' chroich a rionn Haman do Mhordecai, a labhair maith air son an rìgh, na seasamh ann an tigh Hamain, leth-cheud làmh-choille air airde. Agus thubhairt an rìgh, Crochaibh e orre.

10 Agus chroch iad Haman air a' chroich, a dheasaich e do Mhordecai, Agus thraogh fearg an rìgh.

### CAIB. VIII.

**A**IR an là sin thug an rìgh Ahasuerus a tigh Hamain, eascaraid nan Iudhach, do Ester a' bhan-rìghinn; agus thàinig Mordecai an làthair an rìgh: oir dh'innis Ester ciod e dh'i<sup>4</sup>.

2 Agus thug an rìgh dheth 'fhàinne a thug e o Haman, agus thug se e do Mhordecai. Agus chuir Ester Mordecai os-cionn tighe Hamain.

3 Agus labhair Ester a rìs an làthair an rìgh, agus thuit i sìos aig a chosaibh, agus ghuil i; agus ghuidh i air gu'n cuireadh e air falbh olc Hamain an Agagaich, agus 'aisinnleachd a dhealb<sup>5</sup> e an aghaidh nan Iudhach.

4 Agus shìn an rìgh a mach an t-slat-dìr rìoghail gu h-Ester. Agus dh'éirich Ester, agus sheas i an làthair an rìgh,

5 Agus thubhairt i, Ma's maith leis an rìgh, agus ma fhuair mise deagh-ghean na làthair, agus ma ta an nì ceart am fianuis an rìgh, agus ma ta mi taitneach na shùil-

ibh, scriobhar a ghairm air an ais nan litrichean a dhealbhadh le Haman mac Hamedata an t-Agagach, a scriobh e chum na h-Iudhaich a ta ann an uile mhòr-roinnibh an rìgh a sgrìos.

6 Oir cionnas is urrainn mi amharc air an olc a thig air mo shluagh? agus cionnas is urrainn mi amharc air sgrìos mo luchd-dàimh?

7 An sin thubhairt an rìgh Ahasuerus ri Ester a' bhan-rìghinn, agus ri Mordecai an t-Iudhach, Feuch, tigh Hamain thug mi do Ester, agus esan chroch iad air a' chroich, a chionn gu'n do chuir e a làmh anns na h-Iudhachaibh.

8 Scriobhaibhse mar an ceudna air son nan Iudhach mar is maith leibh ann an ainm an rìgh, agus seulaichibh le fàinne an rìgh: oir an scriobhadh a' criobhar ann an ainm an rìgh, agus a sheulaichear le fàinne an rìgh, cha 'n fheudar a chur air ais.

9 Uime sin ghairmeadh scriobhuichean an rìgh air an àm sin anns an treas mìos (is e sin mìos Shìbhain) air an treas latha fichead dheth, agus scriobhadh, a réir gach nì a dh'àithn Mordecai, chum nan Iudhach, agus a chum nan ard-riaghlair<sup>6</sup>, agus nan ceannard agus uachdarana nam mòr-oinn<sup>7</sup> a tha o India gu h-Etiopia, ceud fichead agus seachd mòr-roinn, chum gach mòr-roinne a réir an scriobhaidh, agus a chum gach sluagh a réir an càin<sup>8</sup>, agus a chum nan Iudhach a réir an scriobhaidh, agus a réir an càinain.

10 Agus scriobh e ann an ainm an rìgh Ahasueruis, agus sheulaich e le fàinne an rìgh, agus chuir e litrichean le làmh ghillean-ruithe<sup>9</sup> air eachaibh, a' marcachd air eachaibh luatha, agus air muileidibh, mic nan caball<sup>10</sup>;

11 Anns an d'thug an rìgh cead do na h-Iudhachaibh, a bha anns gach baile, cruinneachadh an ceann a chéile, agus seasamh air son an anama, a sgrìos, a a mharbhadh, agus a chur as do uile neart sluagh agus mòr-roinne a thigeadh nan aghaidh<sup>11</sup>, àraon an clann bheag agus an mnà, agus an creach a thogail,

12 Air aon latha ann an uile mhòr-roinnibh an rìgh Ahasueruis, air an treas latha deug do'n dara mìos deug (is e sin mìos Adar).

13 B'e dùblachadh an scriobhaidh, Gu'n d'thugta àithne seachad anns gach mòr-roinn, air a foillseachadh do gach sluagh, gu'm biodh na h-Iudhaich deas air an là sin gu'n dioladh fèin<sup>12</sup> air an naimh-dibh.

14 Chaidh na gillean-ruithe<sup>13</sup> a mach, a' marcachd air eachaibh luatha, [agus] air

<sup>1</sup> milleadh, sgrìos. <sup>2</sup> calldach. <sup>3</sup> do lios an tìghe, do'n lios a b'fhàide stigh. <sup>4</sup> mar a bha e dh'i. <sup>5</sup> a dhroch smuainte a smuaimich e. <sup>6</sup> fearde an rìgh. <sup>7</sup> mòr-earrann. <sup>8</sup> cainnte.

<sup>9</sup> theachdairean, phost. <sup>10</sup> agus marcaich air muileidibh, càmhalaibh, agus dromedairibh òga. <sup>11</sup> a bheiridh ionnsuidh orra. <sup>12</sup> gu dìoghaltas a dheanamh. <sup>13</sup> teachdairean.

muileidibh<sup>1</sup>, le cabhaig, agus iad air an greasadh le àithne an rìgh; agus thugadh an t-ordugh seachad ann an Susan an lùch-airt.

15 Agus chaidh Mordecai mach as làth-air an rìgh ann an eudach rìoghail do ghorm agus do gheal, agus le crùn mòr òir, agus le trusgan do anart-grinn agus do chorcur: agus rinn baile Shusain gairdeachas, agus bha e aoibhinn.

16 Aig na h-Iudhachaibh bha solus, agus aoibhneas, agus gairdeachas, agus urram.

17 Agus anns gach mòr-roinn agus anns gach baile, ge b'e àit d'an d'fhàinig àithne an rìgh agus 'ordugh, bha aoibhneas agus gairdeachas aig na h-Iudhachaibh, còirm agus latha maith. Agus dh'fhàs mòran do shluagh na tìre nan Iudhachaibh; oir thuit eagal nan Iudhach orra.

## CAIB. IX.

**A**NIS anns an dara mìos deug (*is e sin mìos Adair*)<sup>1</sup> air an treas latha deug do'n *mhìos*, air an robh àithne an rìgh agus 'ordugh gu bhì air an coimhlionadh, air an là anns an robh dùil aig naimhidibh nan Iudhach cumhachd fhaghail os an cionn, (ge do thachair, air a' chaochladh, gu'n robh aig na h-Iudhaich cumhachd os an cionn-san a dh'fhuathaich iad.)

2 Chruinnich na h-Iudhaich iad fèin an cionn a chèile nam bailtibh, ann an uile mhòr-roinnibh an rìgh Ahasueruis, gu làmh a chur anntasan a dh'iarr an cron; agus cha b'urrainn duine air bith seasamh nan aghaidh, oir thuit an eagal air gach uile shluagh.

3 Agus thug uile uachdarana nam mòr-roinn agus na h-ard riaghlairan, agus na ceannardan, agus iadsan a rinn gnothuichean an rìgh, urram do na h-Iudhachaibh<sup>2</sup>; oir thuit eagal Mhordecai orra:

4 Oir bha Mordecai mòr ann an tìgh an rìgh, agus chaidh 'iomradh a mach air feadh nam mòr-roinn uile; oir dh'fhàs an duine so Mordecai nì bu mhò agus nì bu mhò.

5 Agus bhuail na h-Iudhaich an naimhdean uile le buille a' chlaidheimh, agus àir, agus sgrios; agus rinn iad mar bu mhiann leo orra-san a dh'fhuathaich iad.

6 Agus ann an Susan an lùchairt mharbhadh na h-Iudhaich, agus sgrios iad cùig ceud fear.

7 Agus Parsandata, agus Dalphon, agus Aspata,

8 Agus Porata, agus Adalia, agus Aridata,

9 Agus Parmasta, agus Arisai, agus Aridai, agus Bhaiesata,

10 Deich mic Hamain, mhic Hamedata, namhaid nan Iudhach, mharbhadh iad: ach air a' chreich cha do chuir iad an làmh.

11 Air an là sin thugadh àireamh na muinntir a mharbhadh ann an Susan an lùchairt an làthair an rìgh.

12 Agus thubhairt an rìgh ri Ester a' bhan-rìghinn, Mharbhadh na h-Iudhaich agus sgrios iad cùig ceud fear ann an Susan an lùchairt, agus deich mic Hamain: agus anns a' chuid eile do mhòr-roinnibh an rìgh ciod a rinn iad? ach ciod i t'ath-chuinge? agus bheirear dhuit i: agus ciod e t'iarrtus os-bàrr? agus nìthear e.

13 Agus thubhairt Ester, Ma's maith leis an rìgh, thugar comas do na h-Iudhachaibh a tha ann an Susan, deanamh mar an ceudna am màireach a réir orduigh an là'n diugh, agus crochair deich mic Hamain air a' chreich.

14 Agus dh'àithn an rìgh a dheanamh mar sin, agus thugadh an t-ordugh ann an Susan; agus chroch iad deich mic Hamain:

15 Agus chruinnich na h-Iudhaich a bha ann an Susan an cionn a chèile mar an ceudna air a' cheathranh latha deug do mhìos Adair, agus mharbhadh iad ann an Susan trì cheud fear; ach air a' chreich cha do chuir iad an làmh.

16 Agus chruinnich a' chuid eile do na h-Iudhachaibh, a bha ann am mòr-roinnibh an rìgh an cionn a chèile, agus sheas iad air son an anama, agus bha fois aca o'n naimhidibh, agus mharbhadh iad d'an eas-cairdibh cùig-deug agus trì fichead mìle; ach air a' chreich cha do chuir iad an làmh.

17 Air an treas latha deug do mhìos Adair *rinn iad mar so*; agus bha fois aca air a' cheathramh latha deug do'n *mhìos* cheudna, agus rinn iad e na latha cuirme agus aoibhneis.

18 Ach chruinnich na h-Iudhaich, a bha ann an Susan, iad fèin an cionn a chèile air an treas latha deug, agus air a' cheathramh latha deug do'n *mhìos*; agus bha fois aca air a' chùigeadh latha deug do'n *mhìos* cheudna, agus rinn iad e na latha cuirme agus aoibhneis.

19 Uime sin rinn Iudhaich nam bailte beaga, a bha nan còmhnuidh ann am bailtibh nam mòr-roinn<sup>3</sup>; an ceathramh latha deug do mhìos Adair na latha aoibhneis, agus cuirme, agus na latha maith, agus a chur chuibhrionn a chum a chèile.

20 Agus scriobh Mordecai na nithe so, agus chuir e litriche chum nan Iudhach uile a bha ann an uile mhòr-roinnibh an rìgh Ahasueruis, am fad's am fagus;

21 Chum a shuidheachadh nam measg, gu'n cumadh iad an ceathranh latha deug do mhìos Adair, agus an cùigeadh latha deug dheath gach bliadhna,

22 A réir nan laithean anns an d'fhuair na h-Iudhaich fois o'n naimhidibh, agus a'

<sup>1</sup> air muileidibh agus camhalaibh. <sup>2</sup> dh'ardaich iad, chuidich iad leis na h-Iudhachaibh.

<sup>3</sup> anns na bailtibh gun bhallaibh.



mhìos a dh'iompoicheadh dhoibh o thuirse gu h-aibhneas, agus a bhròn gu h-àm<sup>1</sup> maith; gu'n deanadh siad iad nan laithibh cuirme, agus aibhneas, agus a chur chuibh-rionn chum a chéile, agus thiodhlacadh chum nam bochd.

23 Agus ghabh na h-Iudhaich os làimh dheanamh mar a thòisich iad, agus mar a scriobh Mordecai d'an ionnsuidh.

24 A chionn gu'n do snuainich<sup>2</sup> Haman mac Hamedata an t-Agagach, namhaid nan Iudhach uile, an aghaidh nan Iudhach chum an sgrios, agus gu'n do thilg e Pur (is e sin, crannchur) chum an dìtheachadh agus an sgrios.

25 Ach an uair a thàinig [Ester] an làthair an rìgh, dh'orduich e le litir, gu'm pilleadh 'aisinnleachd donadh<sup>3</sup> a dhealbha e'n aghaidh nan Iudhach air a cheann fèin, agus gu'm biodh esan agus a mhic air an crochadh air a' chroich.

26 Uime sin dh'ainmich iad na laithean sin Purim, a réir ainme Phuir: Air an aobhar sin air son uile bhriathar na litir-each sin, agus na chunnaic iad a thaobh an nì so, agus na thachair dhoibh,

27 Shuidhich<sup>4</sup> na h-Iudhaich, agus ghabh iad orra fèin agus air an sliochd, agus orra-san uile a leanadh riu, air chor as nach rachta thairis air, gu'n cumadh iad an dà latha sin a réir an scriobhaidh, agus a réir an àm, anns gach bliadhna:

28 Agus gu'm biodh na laithean sin air an cuimhneachadh agus air an cumail air feadh gach àil, gach teachlaich, gach mòr-

roinne, agus gach baile; agus nach leigte sios<sup>5</sup> na laithean sin Phurim am measg nan Iudhach, agus nach rachadh as d'an cuimhne o'n sliochd.

29 Agus scriobh a bhan-rìghinn Ester nighcan Abihail, agus Mordecai an t-Iudhach, leis an uile ughdarras, a dhaingneachadh na dara litireach so Phurim.

30 Agus chuir e litriche chum nan Iudhach uile, chum a' cheud agus nan seachd mòr-roinn fhichead do rìghlachd Ahasueruis, le briathraibh sìth agus sìrinn,

31 A dhaingneachadh laithean sin Phurim nan amannaibh, mar a shuidhich Mordecai an t-Iudhach agus Ester a' bhan-rìghinn d'an taobh, agus mar a dh'orduich iad air an son fèin, agus air son an sliochd nithe nan trespachd agus an éighich.

32 Agus dhaingnich ordugh Esteir nithe Phurim sin, agus scriobhadh e ann an leabhar.

### C A I B. X.

**A**GUS chuir an rìgh Ahasuerus cìs air an tìr, agus air eileanaibh na mara.

2 Agus uile ghnìomharan a thréine agus a chumhachd, agus soillseachadh mòrachd Mhordecai chum an<sup>6</sup> d'ardaich an rìgh e, nach 'eil iad scriobhta ann an leabhar eachdraidh rìghrean Mhedia agus Phersia?

3 Oir b'e Mordecai an t-Iudhach a b'fhagse do rìgh Ahasuerus; agus bha e mòr am measg nan Iudhach, agus taitneach do mhòr chuideachd a bhraithrean, ag iarraidh maith<sup>7</sup> d'a shluagh, agus a' labhairt sìth r'a shliochd uile.

## I O B.

### C A I B. I.

**B**HA duine ann tìr Uis, d'am b'ainm Iob; agus bha'n duine sin coimh-ionta<sup>8</sup> agus dìreach<sup>9</sup>, agus na neach air an robh eagal Dé, agus a sheacháinn olc.

2 Agus rugadh dha seachd mic, agus trì nigheana.

3 Agus b'i a mhaoin<sup>10</sup> seachd mìle caora, agus trì mìle càmhail, agus cùig ceud cùig dhamh, agus cùig ceud asal bhoirionn<sup>11</sup>, agus teaghlach ro-mhòr: agus bha 'n duine sin mòr os cionn uile dhaoine na h-àirde 'n ear.

4 Agus chaidh a mhic agus rinn iad cuirm aig an tigh, gach fear air a latha fèin: agus chuir iad fios, agus thug iad cuire d'an trì peathraichibh a dh'itheadh agus a dh'òl maille riu.

5 Agus an uair a chaidh laithean na cuirme mu'n cuairt, chuir Iob fios orra, agus naomhaich e iad; agus dh'éirich e moch sa' mhaduinn, agus dh'ìobair e

ìobairte-loisgte a réir an àireinmh uile: oir thubhairt Iob, Theagamh gu'n do pheacach mo mhic, agus gu'n do mhallach iad Dia nan cridhe. Mar so rinn Iob gach latha.

6 A nis bha la air an d'thàinig mic Dhé gu seasamh an làthair an Tighearna: agus thàinig mar an ceudua Satan nam measg.

7 Agus thubhairt an Tighearna ri Satan, Cia as a thàinig thu? Agus fhreagair Satan an Tighearna, agus thubhairt e, O imeachd mu'n cuairt air an talamh, agus o shiubhal sìos agus suas air.

8 Agus thubhairt an Tighearna ri Satan, An d'thug thu fa'near m'òglach Iob, nach 'eil neach ann cosmhail ris air an talamh, duine coimhionta agus dìreach, air am bheil eagal Dé, agus a' seachnadh uile?

9 Agus fhreagair Satan an Tighearna, agus thubhairt e, An ann a nasgaidh a tha eagal Dhé air Iob:

10 Nach do chuir thu gàradh mu'n cuairt

<sup>1</sup> latha. Eabh. <sup>2</sup> thùr. <sup>3</sup> an t-aimhleis, a dhroch smuainte. <sup>4</sup> dh'orduich. <sup>5</sup> rachar thairis air. <sup>6</sup> leis an. <sup>7</sup> soirbheis, beartais.

<sup>8</sup> foirfe. <sup>9</sup> cothromach. <sup>10</sup> u nì, a sprèidh, <sup>11</sup> bhaionn.

air fèin, agus mu'n cuairt air a thigh, agus mu'n cuairt air gach *ni*, a *ta* aige air gach *taobh*? Obair a làmh bheannaich thu, agus dh'fhàs a mhaoin mòr san tìr.

11 Ach cuir a nis a mach do làmh, agus bean ris gach *ni* a *ta* aige, agus as an eudan mallaichidh e thu.

12 Agus thubhairt an Tighearna ri Satan, Feuch, *tha* gach *ni* a *ta* aige a'd làimh-sa: a mhaoin air fèin na cuir do làmh. Agus chaidh Satan a mach o làthair an Tighearna.

13 Agus bha là air an robh a mhic agus a nigheana ag itheadh, agus ag òl fiona ann an tigh am bràthar bu shine:

14 Agus thàinig teachdaire gu Iob, agus thubhairt e, Bha na daimh aig ar, agus na h-asail ag ionatradh làimh riu:

15 Agus leum<sup>1</sup> na Sabeanach<sup>2</sup> orra, agus thug iad leo iad, agus mharbh iad na h-òglaich le faobhar a' chlaidheimh; agus thàinig mise a'm' aonar as a dh'innseadh dhuit.

16 An uair a bha e fathast a' labhairt, thàinig mar an ceudna fear eile, agus thubhairt e, Thuit teine Dhé o na nàmh-aibh, agus loisg e na càoraich agus na h-òglaich, agus chuir e as doibh: agus thàinig mise a'm' aonar as a dh'innseadh dhuit.

17 An uair a bha e fathast a' labhairt, thàinig mar an ceudna fear eile, agus thubhairt e, Rinn na Caldeanaich suas tri buidhnean, agus thug iad ionnsuidh air na càmhalaibh, agus thug iad leo iad, agus mharbh iad na h-òglaich le faobhar a' chlaidheimh; agus thàinig mise a'm' aonar as a dh'innseadh dhuit.

18 An uair a bha e fathast a' labhairt, thàinig mar an ceudna fear eile, agus thubhairt e, Bha do mhic agus do nigheana ag itheadh, agus ag òl fiona ann an tigh am bràthar bu shine:

19 Agus feuch, thàinig gaoth mhòr o'n fhàsach, agus bhuail i air ceithir oisinnibh an tìge, agus thuit e air na h-òganaich, agus tha iad marbh; agus thàinig mise a'm' aonar as a dh'innseadh dhuit.

20 An sin dh'éirich Iob, agus reub e fhalluing, agus bhearr e a cheann, agus thuit e sìos air an talamh, agus rinn e òradh,

21 Agus thubhairt e, Lomnochd thàinig mi a broinn mo mhàthar, agus lomnochd pillidh mi an sin: thug an Tighearn uaith, agus thug an Tighearn leis: beannuichte gu robh ainm an Tighearna.

22 An so uile cha do pheacaich Iob, agus cha do labhair e gu h-amaideach an aghaidh Dhe<sup>3</sup>.

## CAIB. II.

**A**RIS bha là air an d'fhàinig mic Dhé gu seasamh an làthair an Tighearna,

agus thàinig mar an ceudna Satan nam measg gu seasamh an làthair an Tighearna.

2 Agus thubhairt an Tighearna ri Satan, Cia as a thàinig thu? Agus fhcagair Satan an Tighearn, agus thubhairt e, O imeachd mu'n cuairt air an talamh, agus o shiubhal sìos agus suas air.

3 Agus thubhairt an Tighearn ri Satan, An d'thug thu fa'ncar m'òglach Iob, nach eil neach ann cosmhuil ris air an talamh, duine coimhlionta agus dìreach, air am bheil eagal Dé, agus a' seachnadh uile? agus fathast tha e gleidheadh 'ionracais, ge do ghluais<sup>4</sup> thusa mi na aghaidh chum a sgrios gun aobhar.

4 Agus fhcagair Satan an Tighearn, agus thubhairt e, Croicionn air son croicionn, eadhon gach *ni* a *ta* aig duine bheir e air son 'anama.

5 Ach cuir a nis a mach do làmh, agus bean r'a chnàimh agus r'a fheoil, agus as an eudan mallachaidh e thu.

6 Agus thubhairt an Tighearn ri Satan, Feuch, *tha* e a'd' làmh-sa, ach caomhain 'anam.

7 Agus chaidh Satan a mach o làthair an Tighearna, agus bhuail e Iob le neasgaibh cràiteach, o bhonn a chois gu mullach a chinn.

8 Agus ghabh e slige-chreadha g'a sgrìobadh fèin leatha; agus shuidh e am measg na luathre.

9 An sin thubhairt a bhean ris, An bheil thu fathast a 'cumail t'ionracais? mallaich Dia, agus faigh bàs.

10 Ach thubhairt esan rithe, Mar a labhraiss aon do na mnaibh amaideach tha thu a' labhairt: seadh, an gabh sinn maith o làmh Dhé, agus nach gabh sinn olc? An so uile cha do pheacaich Iob le 'bhilibh.

11 A nis an uair a chuala tri chairdean Iob an t-olc so uile a thàinig air, thàinig iad gach fear o 'àite fèin, Eliphas an Temanach, agus Bildad an Suhach, agus Sophar an Naamatach; oir shuidhich iad eatorra fèin<sup>5</sup> teachd a dheanamh bròin<sup>6</sup> maille ris, agus a thabhairt comh-fhurtachd dha.

12 Agus an uair a thog iad an sùilean<sup>7</sup> fad as, agus nach d'aithnich iad e; thog iad an guth agus ghuil iad, agus reub iad gach fear fhalluing, agus chrath iad duslach air an cinn a làmh nan nàmh.

13 Agus shuidh iad sìos maille ris air an talamh seachd laithean agus seachd oidhchean, agus cha do labhair neach focal ris; oir chunnaic iad gu'n robh a dhoilgheas ro-mhòr.

## CAIB. III.

**N**A dhéigh so dh'fhosgail Iob a bheil, agus mhallach e a latha.

<sup>1</sup> thuit. <sup>2</sup> creachadairean. <sup>3</sup> cha do  
Fuir e amaideachd as leth Dhé.

<sup>4</sup> dhruisg, <sup>5</sup> rinn iad coinneamh ri chèile.  
<sup>6</sup> comh-dhoilgheis, <sup>7</sup> an uair a dh'amhaire iad.



2 Agus labhair Iob, agus thubhairt e,  
3 Rachadh as do'n là air an d'rugadh mi,  
agus do'n oidhche anns an dubhradh,  
Ghineadh leanabh mic.

4 Biodh an là sin na dhorchadas; na  
h-iarradh Dia e<sup>1</sup> o'n airde, agus na deal-  
raicheadh solus air.

5 Dubhadh an dorchadas agus sgàile a'  
bhàis e; gabhadh neul còmhnuidh air;  
deanadh iad uamhasach e mar na laithean  
a's seirbhe<sup>2</sup>.

6 An oidhche sin, glacadh dorchadas i;  
na cuirear i ri laithibh na bliadhna; ann  
an àireamh nam mìos na d'thigeadh i.

7 Feuch, biodh an oidhche sin aonaran-  
ach<sup>3</sup>; na d'thigeadh fonn aoibhinn oirre<sup>4</sup>.

8 Mallaicheadh iadsan i a mhallaicheas  
an latha, a tha deas a thogail Lebbhiathain<sup>5</sup>.

9 Dorchaichear reultan a dùthra<sup>6</sup>; amh-  
airceadh i air son soluis, ach na d'thigeadh  
e; agus na faiceadh i rosga na maidne<sup>7</sup>.

10 A chionn nach do dhruid i dorsa mo  
bhronn<sup>8</sup>, agus nach d'fholaich i bròn<sup>9</sup> om'  
shùilbhih.

11 C'ar son nach d'eug mi o'n bhroinn?  
c'ar son, an uair a thàinig mi as a' bholg,  
nach d'thug mi suas an deo?

12 C'ar son a ghabh na glùinean romham?  
agus c'ar son na ciocha, gu'n deothailinn?

13 Oir a nis luidhinn sìos, agus gheibhinn  
fois; choidlinn, an sin bhiodh tàmh  
agam;

14 Maille ri rìghribh agus conhairlichibh  
na talmhainn, a thog àitean aonaranach<sup>10</sup>  
dhoibh fèin;

15 No maille ri h-uachdaranaihb aig an  
robh òr, a lìon an tighean le h-airgiod;

16 No mar thorraicheas anabuich<sup>11</sup>  
folaichte cha bhlhinn ann, mar naoidheana  
nach faca solus.

17 An sin sguiridh na h-aingidh do  
bhuaireas<sup>12</sup>, agus an sin gheibh iadsan a ta  
sgèith le saothair fois;

18 Cuideachd bithidh tàmh aig na  
priosanaigh; cha chluinn iad guth an fhir-  
shàrachaidh.

19 Tha am beag agus am mòr an sin;  
agus an seirbhiseach saor o'mhaighstir.

20 C'ar son a thug e do'n truagh solus,  
agus beatha dhoibhsan a ta ann an searbhas  
anama?

21 A tha gabhail fadail air son a' bhàis,  
ach cha 'n eil e a' teachd; agus a chladh-  
aicheas air a shon ni's mò na air son ion-  
mhasa folaichte:

22 A ni aoibhneas ro-mhòr, a ni luath-  
ghaire 'nuair a gheibh iad an uigh:

23 Du'n duine aig am bheil a shlighe

folaichte, agus a dhruid Dia suas air gach  
taobh.

24 Oir roimh mo bhiadh thig m'osnaich,  
agus taomar a mach mar uisge mo bhùir-  
eadh.

25 Oir an ni roimh an robh eagal mòr  
orm, thachair e dhomh; agus an ni roimh  
an robh mi fa uamhann, thàinig e orm.

26 Cha robh mi an sìth, agus cha d'fhuair  
mi fois, agus cha robh tàmh agam; oir  
thàinig buaireas<sup>13</sup>.

#### CAIB. IV.

**A**N sin fhreagair Eliphas an Temanach,  
agus thubhairt e,

2 Ma dh'fheuchas sinn ri labhairt riut,  
an gabh thu gu h-olc e<sup>14</sup>? ach cò a's urrainn  
e fèin a chumail o labhairt?

3 Feuch, theagaisg thusa mòran, agus  
neartaich thu na làmhnan laga.

4 Esan a bha tuiteam chum do bhriathra  
suas, agus na glùine anmhunn<sup>15</sup> neartaich  
thu.

5 Ach a nis thàinig e ort, agus ghabh  
thu gu h-olc e<sup>16</sup>; bhean e riut, agus tha  
thu fa amhludh.

6 Nach e t'eagal diadhaidh t'earbsadh,  
agus ionracas do shlighean do dhòchas?

7 Cuimhnich, guidheam ort, cò e an  
neochiontach a sgriosadh, no c'ait an dò-  
ghearradh as na h-ionracain.

8 A réir mar a chunnaic mise, iadsan a  
threabhas<sup>17</sup> euceart, agus a chuireas ain-  
gidheachd, buainidh iad e.

9 Le séideadh<sup>18</sup> Dhé sgriosar iad, agus  
le anail a shróine cuirear as doibh.

10 Tha beucaich an leòmhain, agus guth  
an leòmhain ghaire<sup>19</sup>, agus fiacra nan  
leòmhain òg air am briseadh.

11 Tha 'n seann leòmhain a bàsachadh  
dhith cobhartaich, agus sgarar o chéile  
cuileana an leòmhain bhoirinn<sup>20</sup>.

12 Ach a m' ionnsuidh-sa thugadh focal<sup>21</sup>  
gu h-uaignidheach, agus ghabh mo chluas  
beagan deth.

13 Ann an smuaintibh o aislingibh na  
h-oidhche, 'nuair a thuiteas codal trom air  
daoinibh,

14 Thàinig eagal orm agus crith, a thug  
air mo chnàmha gu léir<sup>22</sup> criothnach-  
adh:

15 Agus ghabh spiorad seachad roimh  
mo ghnùis; sheas falt mo chuirp.

16 Sheas e, ach cha d'athnich mi a  
chruth: dealbh fa chomhair mo shùl —  
tosd, agus chuala mi guth:

17 Am bi duine ni's ceirte na Dia? am  
bi fear ni's gloine na Chruth-fhear?

18 Feuch, as a sheirbhisich cha'n earb-

<sup>1</sup> na h-amhairceadh Dia air a shon, na biodh  
seadh aig Dia dheth. <sup>2</sup> cuireadh duibhre an  
là oillt uir. <sup>3</sup> aonarach. <sup>4</sup> na d'thigeadh  
guth aoibhinn innte. <sup>5</sup> na h-uilebheiste, am  
bròin. <sup>6</sup> feasgair. <sup>7</sup> briscadh na fàire.  
<sup>8</sup> bronn mo mhàthar. <sup>9</sup> docair, doilgheas.

<sup>10</sup> fàsail. <sup>11</sup> neo-inbhiach. <sup>12</sup> aisith.  
<sup>13</sup> fearg, triobloid. <sup>14</sup> am bi thu doilich.  
<sup>15</sup> laga, fannu. <sup>16</sup> tha thu a' fannachadh.  
<sup>17</sup> dh'aireas. <sup>18</sup> anail, oisg. <sup>19</sup> sachal.  
Eabh. <sup>20</sup> bhainim. <sup>21</sup> ni. <sup>22</sup> Donnhoireachd  
mo chnàmha. Eabh.

e, agus as leth 'aingle cuiridh e amaid-eachd;

19 Nach lugha na sin asdasan<sup>1</sup>, a tha nan còmhnuidh ann an tighibh creadha, aig am bheil an bunadh anns an duslach, a bhruthar roimh an leòmann<sup>2</sup>?

20 O mhaduinn gu feasgar bruthar<sup>3</sup> iad; gun neach ann 'ga thoirt fa'near, thèid as doibh gu bràth.

21 Nach siubhail am feodhas air falbh maille ri? bàsaichidh iad, agus cha'n ann le gliocas.

## CAIB. V.

**G**AIRM a nis, ma ta e ann a fhreig-airesas thu; agus cia do na naomhaibh ris an tionndaidh thu?

2 Oir marbhaidh fearg an t-amaideach, agus bheir thu bàs an duine shuaraich.

3 Chunnaic mi an t-amaideach a' freumbhachadh; ach mhallaich mi 'àite-còmhnuidh air ball.

4 Is fhad a bhios a mhioc o thèar-uinteachd, agus bruthar iad anns a' gheat-adh, gun neach ann gu'n teasairginn.

5 Agus ithidhan t-ocrach suas 'fhoghar, agus eadhon as na droighnibh gabhaidh se e': sluigidh an creachadar suas am maoin.

6 Ge nach d'thig àmhghar a mach as an duslach, agus nach fàs carraid<sup>5</sup> as an talamh;

7 Gidheadh, rugadh an duine chum carraid, mar a dh'éireas na srada<sup>6</sup> suas.

8 Ach dh'iarrainnse dh'ionnsuidh Dhé, agus a chum Dhé chuirinn mò ghuth<sup>7</sup>:

9 A tha deanamh *nithe* mòra agus do rannsaich, *nithe* iongantach gun àireamh:

10 A tha toirt fhras uisge<sup>8</sup> air aghaidh na talmhainn, agus a' cur uisgeacha air aghaidh nam machair;

11 A chum iadsan a tha iosal a chur an aird, agus iadsan a tha dubhach a thogail suas an tèaruinteachd:

12 A tha toirt innleachda nan cuilbheartach gu neo-ni, air chor as nach coimhlion an lèibh an gnìomh:

13 A tha glacadh nan daoine glice nan cuilbheartachd<sup>9</sup> féin, air chor as gu tilgear sìos comhairle nan daoine fiara<sup>10</sup>.

14 San là coinnichidh iad dorchadas; agus mar anns an oidheche smeuraichidh iad<sup>11</sup> mu mheadhon-là.

15 Ach saoraidh e am bochd o'n chlaidheamh o'm beul<sup>12</sup>, agus o làimh a' chumhachdaich.

16 Agus aig a bhochd bithidh dòchas, agus druididh aingidheachd a beul:

17 Feuch, is nèarachd<sup>13</sup> an duine a smachdaicheas Dia: air cronachadh an Uile-chumhachdaich ma ta na dean-sa tair.

18 Oir cràdhaidh e, agus ceanglaidh e suas; lotaidh e, agus leighisidh a làmh.

19 Ann an sè<sup>14</sup> teanntachdaibh<sup>15</sup> saoraidh e thu, agus anns an t-seachdamh cha d'thig olc an gar dhuit.

20 Ann a gorta tèarnaidh e thu o'n bhàs; agus ann an cogadh, o chumhachd<sup>16</sup> a' chlaidheimh.

21 O sgiùrsadh na teanga folaichear thu; agus cha bhi eagal ort roimh sgrios an uair a thig e.

22 Ri sgrios agus ri gorta<sup>17</sup> gàiridh tu: agus roimh fhiaidh bheathaichibh na talmhainn cha bhi eagal ort.

23 Oir ri ciachaibh na macharach bithidh tu ann an coimhecheangal; agus bithidh fiadh-bheathaiche na macharach ann an sìth riut.

24 Agus aithnichidh tu gu'm bi do phàillion ann an sìth, agus amhaircidh tu air 'àite-còmhnuidh, agus cha dean thu gu h-olc<sup>18</sup>.

25 Aithnichidh tu mar an ceudna gu'm bi do shliochd lìonmhor, agus do ghineal mar fheur na talmhainn.

26 Thig thu ann an làn aois chum na h-uaghe, mar a chuirear suas cruach<sup>19</sup> arbhair na h-àm.

27 Feuch, so an ni a rannsaich sinn; mar sin a ta e: éisd ris, agus biodh fios agad air, air do shon féin.

## CAIB. VI.

**A**CH fhreagair Iob, agus thubhairt e,  
2 O nach robh mo dhòilgheas<sup>20</sup> air a làn-chothromachadh, agus mo dhòruinn<sup>21</sup> togt a' nis na meidhibh le chèile!

3 Oir a nis bhiodh e ni bu truime na gaineamh na faire: uime sin tha mo bhriathran air an slugadh suas.

4 Oir tha saighdean an Uile-chumhachdaich annam, agus tha an nimh ag òl suas mo spioraid: tha uamhasa Dhé 'gan cur féin an ordugh catha a'm' aghaidh.

5 An dean am fiadh-asal sìtirich os cionn feoir? an dean an damh geum os cionn innlinn?

6 An gabh an ni a ta neo-bhlasta itheadh gun salann? am bheil blas air gealagan an uibhe?

7 Tha m'anam a' diultadh beantuinn riut: thu iad sin mar mo bhiadh bròin<sup>22</sup>.

8 O nach d'thugta dhomh m'ath-chuinge, agus gu'n deonaicheadh Dia dhomh mo nìhian!

<sup>1</sup> Mar an ceudna nach cuir e sin as an leth-san.  
<sup>2</sup> reudan.

<sup>3</sup> sgriosar. <sup>4</sup> 5. Na ghearras iad sìos san fhoghar ithidh an t-ocrach suas; agus o bhioraibh cha saorar iad.

<sup>5</sup> teinn, triobloid. <sup>6</sup> mic an teine. Eabh. <sup>7</sup> ri Dia dh'earbainn mo chàis.

<sup>8</sup> feurthuinn. <sup>9</sup> nan imleachdaibh. Faic. 1 Cor. Caib. III. r. 19. <sup>10</sup> carach, aingidh.

<sup>11</sup> ri iarraidh fo làimh

bithidh iad. <sup>12</sup> o chlaidheamh am beoil. <sup>13</sup> is ro-shona.

<sup>14</sup> sea. <sup>15</sup> cruaidh-chasaibh, cuntartaibh. <sup>16</sup> o làmhaidh. Eabh. <sup>17</sup> Ma

fhàsachadh agus mu ghorta. <sup>18</sup> cha pheacaich thu.

<sup>19</sup> mar a chuirear a stigh adag. <sup>20</sup> m'fhearg. <sup>21</sup> m'alc, m'aingidheachd. <sup>22</sup> d'am bheil mi gabhail gràin.



9 Agus gu'm bu toil le Dia mo sgrios;  
gu'n cuireadh e mach a làmh<sup>1</sup>, agus gu'n  
gearradh e as mi!

10 An sin bhiodh furtachd agam fathast,  
ge do bhithinn air mo chruadhachadh ann  
an do-bròn, agus nach caomhnadh e; oir  
cha do cheil mi briathran an Aoin naomha.

11 Ciod e mo neart, gu'm biodh dòchas  
agus? agus ciod i mo chrìoch, gu'n sininn  
mo bheatha?

12 An e neart nan clach mo neart? am  
bheil m'fhcoil do umha?

13 Nach 'eil mo chobhair annam féin?  
agus an d'fhuadaicheadh gliocas uam?

14 Dha-san a tìrèigeas a charaid is mòr  
am nasladh e<sup>2</sup>; tréigidh e mar an ceudna  
eagal an Uile-chumbachdaich.

15 Mheall mo bhràithre mi mar shruth:  
mar neart nan fruth ghabh iad seachad:

16 A bhios duibh le h-eigh; anns am  
folaichear an sneachda:

17 An uair a leaghas iad, théid as doibh;  
an uair a dh'fhàsas e teth, caithear as an  
àit iad.

18 Tha ceuman an slighe air claonadh:  
thig iad gu neo-ni, agus sgriosar iad.

19 Dh'amhairc buidhnean Thema, dh'-  
fheith cuideachdan<sup>3</sup> Sheba orra.

20 Bha iad fa amhluidh, a chionn  
roimhe sin gu'n robh dòchas aca: thàinig  
iad an sin, agus bha nàire orra.

21 Ach a nis tha sibhse nar neo-ni; chi  
sibh mo bhriseadh-cridhe, agus tha eagal  
oirbh.

22 An dubhairt mi, Thugaibh a'm' ionn-  
suidh? no d'ar maoin thugaibh tiodhlacadh  
air mo shon?

23 No tèarnaibh mi o làimh an nàmhaid?  
no o làimh nan cumhachdach saoraibh mi?

24 Teagaisgibh mi, agus bithidh mi a'm'  
thosd; agus ma chaidh mi bheag am  
mearachd, thugaibh orni a thuigsinn.

25 Nach neartmhor briathra ceart? ach  
ciod a chronaicheas esan, a chronaicheas  
'nar measg<sup>4</sup>?

26 An smuainich sibh air briathran a  
chronachadh, agus cainnt an eu-dòchasaich,  
a tha mar ghaoith<sup>5</sup>?

27 Seadh, tha sibh a leum air an dill-  
eachdan, agus a' cladhachadh sluichd d'ar  
caraid.

28 A nis, uime sin, ma's toil leibh, amli-  
aircibh orm; agus bithidh e soilleir dhuibh,  
ma ni mi breug.

29 Pillibh, guidheam oirbh, na biodh  
euceart ann; seadh, pillibh fathast, tha  
m'fhìreantachd-sa ann.

30 Am bheil ann am theangaidh euceart?  
nach aithnich mo bhlas nithe fiara?

C A I B. VII.

NACH 'eil àm suidhichte aig an duine  
air thalamh? agus mar laithean fhir-  
tuarasdail a laithean?

2 Mar a mhiannaicheas an seibhiseach  
an sgàile, agus mar a bhios sùil aig an  
fhear-tuarasdail ri duais 'oibre;

3 Mar sin fhuair misc mar sheilbh dhomh  
féin miosan dìomhanais, agus àirmhear<sup>6</sup>  
dhomh oidhlichean cràidh<sup>7</sup>.

4 Ma luidheas mi sìos, their mi, C'uin a  
dh'èireas mi, agus a théid an oidhche  
thairis? agus tha mi làn luasgaidh a null  
agus a nall gu briseadh na faire.

5 Tha m'fheoil air a còmhdaichadh le  
cnuimhibh agus spairtibh ùire; bhris mo  
chroicinn, agus tha e breun.

6 Tha mo laithean ni's luaithe na spàl  
figheadair, agus tha iad air an caitheadh  
gun dòchas.

7 Cnuimhnich gur gaoth mo bh-catha:  
cha phill mi shùil a dh'fhaicinn maith.

8 Sùil an tì a chunnaic mi, cha'n fhaic i  
mi: bithidh do shùilean orm agus cha bhi  
mi ann.

9 Caithear an neul, is théid e as mar sin  
esan a théid sìos do'n uaigh, cha d'thig e  
nìos.

10 Cha phill e ni's mò dh'ionnsuidh a  
thighe; agus cha'n aithnich 'ait e ni's mò.

11 Uime sin cha chum mi mo bheil;  
labhraidh mi ann an teanntachd<sup>8</sup> mo spior-  
aid; gearainidh mi ann an searblas m'ana-  
ma.

12 Am muir mi, no muc-mhara<sup>9</sup>, gu'n  
cuireadh tu faire orm?

13 Ma their mi, Bheir mo leaba furt-  
achd dhomh, eutromaichidh m'uirigh mo  
ghearan;

14 An sin cuiridh tu fuathas orm le  
h-aislingibh, agus uamhas le seallannaibh.

15 Agus is fearr le m'anam tachdadh,  
agus bàs na beatha<sup>10</sup>.

16 Tha mi gabhail gràin deth; cha b'ail  
leam bhi beo gu bràth: leig leam, oir is  
diomhanas mo laithean.

17 Ciod e an duine, gu'n ardaicheadh tu  
e? agus gu'n suidhicheadh tu do chridhe air?

18 Agus gu'm fiosraicheadh tu e gach  
maduim? gach mionaid gu'n dearbhadh  
tu e?

19 Cia fhad a bhios tu gun dealachadh  
rium? agus nach leig thu leam gus an sluig  
mi sìos mo shìle?

20 Pheacaich mi; ciod a ni mi dhuit, O  
fhir-coimheadh dhaoine? c'ar son a chuir thu  
mi a t'aghaidh<sup>11</sup>, agus a ta mi a'm' eire<sup>12</sup>  
orm féin?

21 Agus c'ar son nach maith thu m'eus-

<sup>1</sup> gu'n leigeadh e a làmh sgaoille. <sup>2</sup> Dha-  
san a tha ann an amhghar dlighcar trvacantas  
o charaid. <sup>3</sup> luchd-turuis. <sup>4</sup> ciod a tha  
bhur comh-reusonachadh a' cronachadh? <sup>5</sup> oir  
e' ghaoith an tìlg sibh gu faoin bhur cainnt? Faic,

Caib. VIII. r. 2. <sup>6</sup> orduichear, suidhichear.  
<sup>7</sup> oidhlichean piantachail, fadalach. <sup>8</sup> cràdh.  
<sup>9</sup> uile-bheist. <sup>10</sup> cnaimhean slàna; mo chnàmha.  
Eabh. <sup>11</sup> c'ar son a chuir thu fa d' chomhair  
mar chuspair mi? <sup>12</sup> a'm' eallach.

aontas, agus nach cuir thu air falbh m'eu-  
ceart? oir a nis anns an duslach coidlidh  
mi, agus iarraidh tu mi anns a' mhaduinn,  
ach cha *bhi* mi ann.

## CAIB. VIII.

**A** N sin fhreagair Bildad an Suhach, agus  
thubhairt e,

2 Cia fhad a labhras tu *mar* sin, agus a  
*bhios* briathra do bheoil *mar* ghaoith làidir?

3 Am fiar Dia breitheanas, agus am fiar  
an t-Uile-chumhachdach ceartas?

4 Ma pheacaich do chlànn na aghaidh,  
agus gu'n d'thug e thairis iad do'n eusaon-  
tas<sup>1</sup>;

5 Nan iarradh tu gu moch a dh'ionn-  
suidh Dhé, agus air an Uile-chumhachdach  
nan aslaicheadh tu;

6 Nam *biodh* tu glan agus ionraic, gu  
cinn teach a nis mhosgaileadh e air do shon,  
agus dheanadh e àite-còmhnuidh t'fhìrean-  
tachd sìochail:

7 Ge do bhiodh do thoiseach beag,  
dh'fhàsadh do chrìoch gu mòr.

8 Oir fiosraich, guidheam ort, do'n linn  
roimhe, agus deasaich thu féin chum rann-  
sachaidh an aithriche.

9 (Oir o'n dé tha sinne, agus cha 'n  
aithne dhuinn, a chionn gur sgàile ar laith-  
ean air thalamh,)

10 Nach teagaisg iad thu, nach innis iad  
duit, agus o'n cridhe nach labhair iad  
briathra?

11 Am fàs an luachair gun làthach? am  
fàs am min-fheur<sup>2</sup> gun uisge?

12 'Nuair a bhios e fathast na ghlaise<sup>3</sup>,  
cha ghearrar sìos e; gidheadh, roimh gach  
luibh seargaidh e.

13 Mar sin ceuma nan uile a dhi-chuimh-  
nichas Dia: agus bàsaichidh dòchas a'  
chealgair;

14 Aig an gearrar a dhòchas as, oir is e  
lìon<sup>4</sup> an damhain-allaidh 'earbsa.

15 Leigidh e 'thaic ri 'thigh, ach cha  
seas e: cumaidh se gu dàingean e, ach cha  
mhair e.

16 Uaine *tha* e fa chomhair na gréine,  
agus na lios<sup>5</sup> fàaidh a mheanglan suas.

17 Air a' charn bithidh a fheumhan air  
am figheadh air feadh a chèile, agus fios-  
raichidh e àit nan clach<sup>6</sup>.

18 Ma ghearras e as<sup>7</sup> o 'ait e, an sin àich-  
eadhaidh se e, *ag ràdh*, Cha'n fhaca mi  
thu.

19 Feuch, *is* e so aoibhneas a shlighe-  
san; ach as an ùir fàsaidh aon eile.

20 Feuch, cha tilg Dia air falbh an *daine*  
foirfe, agus cha ghabh e greim do làimh  
nan daoime aingidh:

21 Gus an lìon e do bheul le *gàire*, agus  
do bhilean le gairdeachas.

22 Iad-san a dh'fhuathaicheas thu, còmh-  
daichear iad le nàire; agus cha *bhi* pàillium  
nan aingidh ann.

## CAIB. IX.

**A** GUS fhreagair Iob, agus thubhairt e,  
2 Gu deimhin tha fhios agam gu  
*bheil* e mar sin: oir cionnas a shaoras duine,  
e féin<sup>8</sup> aig Dia?

3 Ma's àill leis a chùis a thagraidh na  
làthair<sup>9</sup>, cha fhreagair se e aon *vain* as a'  
mhìle.

4 Glic an cridhe, agus treun an neart,  
cò a chruaidhich e féin na aghaidh, agus a  
shoirbhich?

5 A dh'atharraicheas na beannta, agus  
cha bhì fios ac' *air*; a thilgeas bun os cionn  
iad na fheirg:

6 A chrathas an talamh as 'ait, agus  
criothnaichidh a phuist:

7 A dh'àithneas do'n ghréin, agus cha'n  
éirich i; agus air na reultaibh a chuireas  
seula:

8 A sgaoileas a mach na nèamha na  
aonar, agus a shàltairas air tonnaibh na  
fairge:

9 A tha deanamh Arcturuis<sup>10</sup>, Orioin<sup>11</sup>,  
agus Phleades<sup>12</sup>, agus sheòmràiche na  
h-airdeas:

10 A tha deanamh *nithe* mòra, nach bi e  
'n comas fhaghail a mach, agus *nithe* ion-  
gantach nach gabh àireamh.

11 Feuch, thèid e seachad orm, agus cha  
'n fhaic mi e; agus gabhaidh e thairis,  
ach cha mhothaich mi e.

12 Feuch, ma bheir e air falbh, cò a bha-  
cas e<sup>13</sup>? cò a their ris, Ciod a tha thu a'  
deanamh?

13 Cha tionndaidh Dia air falbh 'fhcarg-  
fuidhe cromaidh fir-chuideachaidh an ard-  
ain.

14 Nach ro-lugha na sin a fhreagaireas  
mise e, a thaghas mi mo bhriathra ris?

15 Oir ge do bhithinn ionraic<sup>14</sup>, cha  
fhreagairinn e; air mo bhreitheamh  
dh'aslaichinn.

16 Nan gairminn, agus gu'm freagair-  
eadh e mi, cha chreidinn<sup>15</sup> gu'n d'éisd e ri  
m' ghuth:

17 Oir le doininn tha e 'gam bhruthadh,  
agus a' deanamh mo lot lìonmhòr gun  
aobhar.

18 Cha leig e leam m'anail a tharruing,  
ach lìonaidh e mi le searbhias<sup>16</sup>.

19 Ma labhrar mu neart, feuch, *tha* e  
làidir; agus ma labhrar mu bhreitheanas,  
cò a shuidhicheas àm<sup>17</sup> air mo shon?

<sup>1</sup> *chuir* e iad ann an làimh an eusaontais.  
Eabh. <sup>2</sup> an gall-sheilidheir, fear a' chladaich.  
Faic Gen. Caib. XLI. r. 2. <sup>3</sup> na ghuirne,  
uaine. <sup>4</sup> tigh. Eabh. <sup>5</sup> ghàradh. <sup>6</sup> chì e  
tigh nan clach. <sup>7</sup> Ma sgriosar. <sup>8</sup> a bhios  
duine ceart? <sup>9</sup> Ma ni e strò ris. <sup>10</sup> Has.

Eabh. <sup>11</sup> Chesil. Eabh. <sup>12</sup> nan seachd  
vionnag; Chima Eabh. <sup>13</sup> ma bheir e leis,  
cò a bheir air aiseig? <sup>14</sup> ceart, cothromach,  
neo-chiontach. <sup>15</sup> is gann a chreidinn. <sup>16</sup> le  
searbhiasaibh. <sup>17</sup> àm-tagraidh.



20 Ma dh'fhèanaicheas mi mi fèin, dìtidh mo bheul fèin mi; agus foirfe *ma ni mi* mi fèin, nochdaidh e fiar mi.

21 Foirfe ge do bhithinn, cha'n aithnichinn e; a'm' anam<sup>1</sup> dheanainn tàir air mo bheatha.

22 Is aon ni e: uime sin thubhairt mi, Am foirfe agus an t-aingidh *thu e a' sgrios*.

23 Ma mharbhas an t-slat gu h-obann, ri deuchainn nan neo-chiontach gàiridh e.

24 Thugadh an talamh an làmh an aingidh: aghaidhean a bhreitheamhna còmh-daichidh e: mar *dean e mar so*, c'ait, cò esan *a ni?*

25 Bha mo laithean ni bu luaithe na gille-ruithe: theich iad air falbh, cha'n fhaciad maith.

26 Ghabh iad seachad mar na longailh luatha, mar an iolaire a' dol air iteig<sup>2</sup> a chum cobhartaich.

27 Ma their mi, Di-chuimhnichidh mi mo ghearan, leigidh mi dhìom mo dhubh-achas<sup>3</sup>, agus bheir mi comhfhurtachd dhomh fèin;

28 Tha eagal orm roimh mo dhoilgheas-aibh uile; tha fios agam nach meas thu neo-chiontach mi.

29 Ma bhios mi aingidh<sup>4</sup>, c'ar son ma ta a shaothraichinn gu dìomhain?

30 Ma nigheas mi mi fèin ann an uisgibh sneachdaidh, agus ma ghlanas mi gu glan mo làmh a;

31 An sin tumaidh tu mi san t-slochd<sup>5</sup>, agus gabhaidh m'eudach fèin gràin dìom.

32 Oir cha duine e mar *a ta mise*, gu'm freagairinn e, gu'n d'thigeamaid cuideachd gu breitheanas.

33 Cha 'n'eil fear-rèite<sup>6</sup> eadarùinn, a chuireadh a làmh oirnn le chéile.

34 Thugadh e air falbh a shlat dhìom, agus na cuireadh eagal roimhe uamhas orm.

35 *A sin labhrainn*, agus cha bhiodh eagal orm roimhe: ach cha 'n'eil mi mar sin agam fèin<sup>7</sup>.

#### C A I B. X.

**T**HA m'anam sgèth do m'bhèatha; fàgaidh mi mo ghearan orm fèin; labhraidh mi ann an searbhas m'anama.

2 Their mi ri Dia, Na dìt mi; thoir fios dhomh c'ar son a tha thu a' cur a'm' aghaidh.

3 Am maith leat gu'n sàraicheadh tu, gu'n deanadh tu tàr air obair do làmh? agus gu'n dealraicheadh tu air comhairle nan aingidh?

4 Am bheil sùilean fèda agad? an ann mar a chi duine, a chi thusa?

5 An ann mar laithibh duine *a tha do*

laithean-sa? am bheil do bhliadhnacha mar laithibh duine,

6 Gu'n sireadh tu air son<sup>8</sup> m'euceirte, agus gu'n rannsaicheadh tu air son mo pheacadh?

7 Tha fhios agad nach d'rinn mi gu h-aingidh: agus cha 'n'eil neach ann a shaoras o d' làmh.

8 Shaothraich do làmh-sa mi, agus rinn iad mi comhcheart mu'n cuairt; agus an sgrios thu mi?

9 Cuimhnich, guidheam ort, gur ann mar chriadh a rinn thu mi, agus gu duslach an tionndaidh thu mi a ris?

10 Mar bhainne nach do thaom thu mi mach, agus mar chàise nach do dhaingnich thu mi?

11 Le croicionn agus le feoil chòmhdaich thu mi, agus le cnàmhaibh agus fèithibh-luthaidh dhion<sup>9</sup> thu mi.

12 Beatha agus caoimhneas dheònaich thu dhomh, agus choimhid do fhreasdál<sup>10</sup> mo spiorad.

13 Agus na nithe so dh'fholaich thu a'd' chridhe: tha fios agam gu bheil so agad<sup>11</sup>.

14 Ma pheacaicheas mi, bheir thu fa' near mi, agus o m'euccart cha saor<sup>12</sup> thu mi.

15 Ma bhios mi aingidh, mo thruaigh mi! agus ma bhios mi ionraic, cha tog mi mo cheann. Làn maslaidh<sup>13</sup> *a ta* mi, agus faic fèin m'amhghar;

16 Oir tha e a' meudachadh: mar leò-mhan garg tha thu a' sealg orm; agus a ris tha thu 'gad nochdadh fèin iongantach orm<sup>14</sup>.

17 Tha thu ag ath-nuadhachadh t'fhianaisean a'm' aghaidh, agus a' meudachadh do chorruich rium; *tha* caochlaidh agus cogadh a'ni' aghaidh.

18 C'ar son ma ta a thug thu mach as a' bhroinn mi? Och nach d'thug mi suas an deò, gun sùil 'gam fhaicinn!

19 Bhithinn mar nach bithinn ann; o'n bhroinn a dh'ionnsuidh na h-uaihe bhithinn air mo ghiùlan.

20 Nach tearc mo laithean? sguir ma ta, agus leig leam, agus gu faigh mi beagan comh-fhurtachd,

21 Mun siubhail mi, agus nach pill mi tuilleadh, gu tìr an dorchadais agus sgàile a' bhàis;

22 Tìr dorchadais mar dhuibhre sgàile a' bhàis, agus as eugnais gach riaghailt, agus far am bheil an solus mar dhorchadas<sup>15</sup>.

#### C A I B. XI.

**A**N sin fhreagair Sophar an Naamatach, agus thubhairt e,

<sup>1</sup> Foirfe ge do bhithinn, cha'n aithnichinn m'anam. <sup>2</sup> mar an iolaire a dh'itealaicheas. <sup>3</sup> mo thuirse; mo ghnùis. Eabh. <sup>4</sup> ciontach. <sup>5</sup> san t-sulchar, san d'g. <sup>6</sup> fear-tagraidh, fear-eadraigin, breitheamh. <sup>7</sup> ni h-ann mar sin

a ta e agamsa. <sup>8</sup> an déigh. <sup>9</sup> neartaich. <sup>10</sup> t'fhiosrachadh. <sup>11</sup> a' t'aigne. <sup>12</sup> cha ghlin. <sup>13</sup> amhlusaidh. <sup>14</sup> tha do làmh iongantach trom orm. <sup>15</sup> agus a bhios dorchas mar an dorchadas fèin.

2 Do lìonmhoireachd bhriathar nach d'fhoirear freagradh? agus an saorar fear na mòr bhruidhne?

3 An d'fhoir do bhreugan-sa air daoineibh a bhi nan tosd? agus an uair a ni thu fanoid, nach cuir duinn air bith nàir ort?

4 Oir thubhairt thu, Glan a ta mo theagasg, agus neo-chiontach<sup>1</sup> tha mi ann ad shùilbhi.

5 Ach, O nach labhradh Dia, agus nach fosgaileadh c a bhilean riut<sup>2</sup>;

6 Agus nach nochdadh e dhuit nithe dìomhair a' ghliocas, gu bheil iad dubailte na ta ann<sup>3</sup>! Biodh fios agad uime sin gu bheil Dia 'gad agairt air son t'eucairte<sup>4</sup>.

7 An urrainn thusa le rannsachadh Dia fhaghail a mach? an urrainn thu an t-Uile-chumhachdach fhaghail a mach gu h-iomlan?

8 Ard mar na nèamha; ciod a ni thu? ni's doimhne na ifrinn; ciod is aithne dhuit?

9 Ni's faide na'n talamh a thomhas, agus ni's leithne na'n fhairege.

10 Ma ghearras e as<sup>5</sup>, no ma dhùineas e suas, no ma chrùnnicheas e ri chèile, cò a bhacas e?

11 Oir is aithne dha daoine faoine<sup>6</sup>; agus an uair a chi e eucairt, nach d'fhoir e fa'near i?

12 Agus b'àill leis an duine fholamh<sup>7</sup> a bhi glic, ge d' is ann mar loth asail fhiadhaich a bheirear duine.

13 Ma dheasaicheas tu do chridhe, agus gu'n sin thu d'a ionnsuidh do làmhnan,

14 Ma bhios eucairt a'd làimh, cuir fada uait i, agus na leig le aingidheachd còmhachadh a'd phàilliuinaibh.

15 Oir an sin togaidh tu suas do ghnùis gun smal, agus bithidh tu seasmhach, agus cha bhi eagal ort.

16 Oir di-chuimhnichidh tu do dhochair<sup>8</sup>; mar na h-uigibh a chaidh seachad cuimhnichidh tu i.

17 Agus ni's soilleire na meadhon-là fàsaidh t'aois; ge d' robh thu ann an dorchadas, mar a' mhaduinn bithidh tu.

18 Agus earbaidh tu<sup>9</sup>, oir bithidh dòchas agad; agus cladhaichidh tu, [agus] gu tèarainte gabhaidh tu tàmh.

19 Agus an uair a luidheas tu sìos, cha chuir neach air bith eagal ort; agus iarraidh mòran do ghnùis.

20 Ach fàilnichidh sùilcan nan aingidh; agus dol as cha bhi aca; agus bithidh an dòchas mar thoirt suas an deò.

#### C A I B. XII.

**A** GUS fhreagar Iob, agus thubhairt e,  
2 Cha 'n'eil teagamh nach sibhse an sluagh, agus maille ribhse bàsaichidh gliocas.

3 Ach agamsa tha tuisge<sup>10</sup>, mar a ta agaibhse<sup>11</sup>; cha'n isle mise na sibhse: agus cò aig nach 'eil fios air an leithide sin?

4 Mar neach a ta na bhall-magaidh aig a charaid tha mise, a ghairmeas air Dia, agus freagraidh se c: Na bhall-fochaid tha an duine ceart ionraic.

5 Mar lòchran fuidh thàir ann an smuaintibh an ti a ta aig fois, bithidh esan a bhios ullamh<sup>12</sup> gu sleamhnachadh le 'chois.

6 Sìochail bithidh pàilliuana chreachdairean; agus tèarainte bithidh iadsan a bhrosnaicheas Dia; d'an d'fhuig Dia ni nan làimh.

7 Ach fèdraidh a nis do na h-ainmhidhibh, agus teagaisgidh iad thu, agus do eunlaith nan speur, agus innidh iad duit:

8 No labhair ris an talamh, agus teagaisgidh e thu: agus cuiridh iasg na mara an céill duit.

9 Cò aig nach 'eil fios a thaobh nan nithe so uile, gur i làmh an Tighearna a rinn so?

10 Aig an bheil na làimh anam gach nì beò, agus anail gach uile fheòla dhaoine.

11 Nach dearbh a' chluas briathra, agus nach blais am beul a bhiadh?

12 Anns na h-aosda tha gliocas, agus am fad laithean, tuisge.

13 Maille ris-san tha gliocas agus neart; aige-san tha comhairle agus tuisge.

14 Feuch, brisidh e sìos, agus cha togar suas: druididh e suas duine, agus cha'n fhosgailear.

15 Feuch, cumaidh e na h-uisgeachan air an ais, agus tiormaichidh iad suas; agus cuiridh e mach iad, agus tilgidh iad bun os cionn an talamh.

16 Aige-san tha neart agus gliocas: is leis-san esan a mheallar, agus esan a mheallas.

17 Cuiridh e air falbh comhairlich creachta, agus do bhreitheamhnaibh ni e amadain.

18 Cuibhreach rìghre sgaoilidh e, agus crioslaichidh e crios air an leasraibh.

19 Cuiridh e air falbh uachdarain<sup>13</sup> creachta, agus tilgidh e sìos na cumhachdaich.

20 Atharraichidh e cainnt nam fìrinn-each, agus bheir e air falbh tuisge nan aosmhor.

21 Taomaidh e tàir air ard-uaislibh<sup>14</sup>, agus amhunnachidh e neart nan daoine treuna.

22 Taisbeanaidh e nithe doimhne a dorchadas, agus bheir e sgàile a' bhàis gu solus.

23 Meudaichidh e na cinnich, agus sgriosaidh se iad: fairsingichidh e na cinnich, agus cumhangaichidh se iad.

<sup>1</sup> glan. <sup>2</sup> a't'aghaidh. <sup>3</sup> na ta air am foillseachadh do dhaoineibh. <sup>4</sup> gur lugha a tha Dia a' toirt uait na tha t'eucairt a' toilltinn. <sup>5</sup> Ma chaochail e. <sup>6</sup> breugach.

<sup>7</sup> fhàs, fhuain. <sup>8</sup> do thruaighe. <sup>9</sup> bithidh tu tèarainte. <sup>10</sup> cridhe. Eabh. <sup>11</sup> co-maith ribhse. <sup>12</sup> ealamh. <sup>13</sup> sagairt. <sup>14</sup> uachdaranaidh, ceannardaidh.



24 Bheir e air falbh cridhe cheannard sluaigh na talmhainn, agus cuiridh e air seacharan iad ann an fasach as eugmhais slighe.

25 Smeuraichidh iad san dorchadas, agus iad gun solus; agus bheir e orra tuisleachadh mar dhuine air mhig<sup>1</sup>.

CAIB. XIII.

**F**EUCH, chunnaic mo shùil so uile; chuala mo chluas, agus mhothaich<sup>2</sup> i e.

2 Mar is aithne dhuibhse, is aithne dhomhsa mar an ceudna: cha 'n isle mise na sibhse.

3 Ach labhrainnse ris an Uile-chumhachdach, agus b'ail leam tagradh<sup>3</sup> ri Dia:

4 Oir is luchd-cumadh<sup>4</sup> bhreug sibhse, léighean nach fhu sibh uile.

5 O nach robh sibh gu tur 'nar tosd! agus b'e sin bhur gliocas.

6 Cluinnibh a nis mo thagradh<sup>5</sup>, agus éisdibh ri deashoircachd mo bhlèan.

7 An labhair sibh gu h-aingidh air son Dhé? agus air a shon-san an labhair sibh gu cealgach?

8 An gabh sibh r'a ghnùis<sup>6</sup>? air son Dhé an dean sibh comhstri?

9 An bheil e maith gu'n rannsaicheadh e mach sibh? mar a nìthear fanoid air duine, an dean sibh fanoid air-san?

10 Gu cinnteach cronaichidh e sibh, ma ghabhas sibh an uaignidheas ri 'ghnùis.

11 Nach cuir 'òirdhearcas-san eag-al oirbh? agus nach tuit 'uamhann-san oirbh?

12 Tha bhur cuimhne cosmhuil ri luaithre, mar chuirp creadha bhur cuirp.

13 Bithibh nar tosd a'm' thaobhsa, agus labhraidh mi, agus thigeadh<sup>7</sup> orm na dh'fheudas.

14 'Car son a tha mi gabhail m'fheòla a'm' fhiacailbh, agus a' cur mo bheatha a'm' làimh<sup>8</sup>?

15 Ge do mharbh e mi, gidheadh earbaidh mi as<sup>9</sup>: ach tagraidh<sup>10</sup> mi mo shlighean na fhianais.

16 Mar an ceudna bithidh e dhomhsa chum slàinte; oir cha d'thig cealgair na làthair<sup>11</sup>?

17 Eisidibh gu furachar ri m' chainnt, agus ri m' sgeul, le'r cluasaibh.

18 Feuch, a nis chuir mi mo chùis an ordugh: tha fios agam gu'n saorar mi.

19 Cò esan a thagras rium? oir a nis ma bhitheas mi a'm' thosd, bheir mi suas an deò.

20 A mhàin dà ni na dean rium; an sin o d' ghnùis cha 'n fholaich mi mi féin.

21 Tarruing do làmh fada uam? agus ma cuireadh t'uamhann eagal orm.

22 An sin gairm thusa, agus freagraidh mise: no labhraidh mise, agus freagair thusa mi.

23 Cia lìonmhor m'eucaarta agus mo pheacanna? air m'eus-aontas agus mo pheacadh thoir fios domh.

24 'Car son a tha thu a' folachadh do ghnùise, agus 'gam mheas mar nàmhaid duit?

25 Am bris thu an duilléag a thilgear a null agus a nall? agus an ruaig thu an asbhuain thioram?

26 Oir tha thu a' scriobhadh nithe searbh a'm' agaidh, agus a' toirt orm eucaarta m'òige a shealbhachadh.

27 Agus tha thu a' cur mo chos anns a' cheap, agus a' geur-amharc air mo shligheibh gu leir, agus a' cur chomhar air bonnaibh mo chos.

28 Agus, mar ni breun, cuirear as da<sup>12</sup>, mar thrèsgan a dh'itheas an leomann<sup>13</sup>.

CAIB. XIV.

**T**HA 'n duine a rugadh o mhnai, gearr-shaoghalach<sup>14</sup>, agus làn àmhghair.

2 Mar bhlàth thig e mach, agus gearrarrsios e: agus teicidh e mar sgàile, agus cha'n fhan e.

3 Gidheadh air a leithid sin dh'fhosgail thu do shùilean; agus mise tha thu a' tabhairt gu breitheanas maille riut

4 Cò a bheir glan a neo-ghlan? cha tabhair a h-aon.

5 Gu deimhin tha<sup>15</sup> a laithean suidhichte, tha àireamh a mhìos agad; dh'orduich thu a chrìocha, agus cha d'thèid e thairis orra.

6 Tionndaidh uaith chum gu bi fois aige, agus an coimhlon e mar fhear-tuasdail a latha.

7 Oir tha dòchas a craoibh, ma ghearrarrsios i, gu'm fàs i a ris, agus nach fàilnich a faillean<sup>16</sup> òg.

8 Ge d'fhàs a freumh sean anns a talamh, agus anns an ùir ge do bhàsaich a stoc;

9 Trid fhàile an uisge ùr-fhàsaidh si, agus bheir i mach geuga mar òg-chraoibh.

10 Ach hàsaichidh fear, agus théid gu tur as da; agus bheir duine suas an deò, agus c'ait an bheil e?

11 Fàilnichidh na h-uisgeacha o'n mhuir, agus caithear an abhainn, agus tiorraichidh i suas<sup>17</sup>:

12 Mar sin luidhidh an duine sìos, agus cha'n éiriche; agus nach bi na nèamha ann, cha mhosgail iad, agus cha dùisgear as an codal iad.

<sup>1</sup> mheisg. <sup>2</sup> thuig. <sup>3</sup> reusonachadh. <sup>4</sup> luchd-dhealtbh. <sup>5</sup> m'achmhasan. <sup>6</sup> An bi sibh leth-bhrethach air a thaobh-san? <sup>7</sup> gabhadh thairis. <sup>8</sup> ana an cuntart. <sup>9</sup> cha 'n eil diùil agam ri ni eile. <sup>10</sup> dearbhaidh, seasaidh. <sup>11</sup> nu shlàinte dhomhsa,

ge nach d'thig cealgair na làthair. <sup>12</sup> domh. <sup>13</sup> an reudan, a' chnuimh. <sup>14</sup> air bheag laith-ean. <sup>15</sup> A' thaobh gu bheil. <sup>16</sup> meanglan. <sup>17</sup> Faic Isaiah Caib. XIX. r. 5.

13 Oeh nach folaicheadh tu mi anns an uaigh, nach gleidheadh tu mi an uainidheas, gus am biodh t'fhearg thairis! nach suidhicheadh tu dhomh àraidh, agus gu'n cuimhnichheadh tu mi!

14 Ma bhàsaicheas duine, an d'thig e beò? uile laithean m'aimsire suidhichte feithidh mi, gus an d'thig mo chaochladh.

15 Gairmidh<sup>1</sup> tusa, agus freagraidh mise thu: air obair do làmh bithidh déigh agad.

16 Oir a nis tha thu ag àireamh mo cheum: agus nach 'eil thu ri faire air mo pheacadh?

17 Seulaichte ann an ceanglachan tha m'eusaontas, agus fuaighidh tu suas m'eu-eart.

18 Agus gu deimhin tuitidh a' bheinn, agus theid as d'i; agus atharraichear a' charraig as a h-àit.

19 Caithidh na h-uisgeacha na clacha: bheir thu tuit air na nithibh a dh'fhàsas a h-ùir na talmhainn, agus sgriosadh tu dèchas an duine.

20 Buadhaichidh tu gu bràth na aghaidh, agus siùbhlaidh e: caochailidh tu a ghnùis, agus cuiridh tu air falbh e.

21 Urranach fàsaidh a mhic, agus cha bhì fios aig air; agus ùislichear iad, ach cha d'hoir e fa'near iad<sup>2</sup>.

22 Ach bithidh 'fheoil an taobh a stigh dheth<sup>3</sup> craiteach, agus nì 'anam an taobh a stigh dheth bròn.

## CAIB. XV.

**A**N sin fhreagair Eliphas an Temanach, agus thubhairt e,

2 An luadh duine glic air èolas na gaoithe<sup>4</sup>, agus an lion e a chliabh leis a' ghaoith an ear?

3 An tagair e le briathraibh gun tairbhe, agus le caint leis nach dean e maith?

4 Seadh, tha thu a' tilgeadh dhiot eagail<sup>5</sup>, agus a' leigeadh urnuigh dhiot an làthair Dhé.

5 Oir teagaisgidh t'aingidheachd do bheil<sup>6</sup>, agus ròghnaichidh tu teanga nan cuilbheartach.

6 Dìuidh do bheil féin thu, agus cha mhise; agus bheir do bhilean féin fianuis a't' aghaidh.

7 An tusa an ceud duine a rugadh? no roimh na cnocuibh an do rinneadh thu?

8 An cuala tu bheag ann an comhairle dhiomhair Dhé? agus a' tionnsuidh féin a mhàin an do tharruing thu gliocas<sup>7</sup>?

9 Ciod is aithne dhuitse, nach aithne dhuinne? a thuigeas tusa, nach tuig sinne<sup>8</sup>?

10 Tha araon an ceann-liath agus an t-aosmhor 'nar measgne, nì's sine gu mòd na t'athair.

11 Am beag leat sòlasa Dhé? agus am bheil nì dìomhair agad<sup>9</sup>?

12 C'ar son a tha do chridhe 'gad thoirt air falbh? agus c'ar son a tha do shùilean a' caogadh?

13 Gu bheil thu a' tionndadh do spioraid an aghaidh Dhé, agus a' leigeadh an leithidh sin do bhriathraibh a mach as do bheil?

14 Cò e an duine, gu'm biodh e glan? agus gu'n saoradh esan e féin, a rugadh o mhnai?

15 Feuch, as a naomhaibh cha'n early e; agus cha 'n'èil na nèamha glan na shùilibh.

16 Nach gràineile agus nach sailche gu mòr an duine, a dh'òlas euceart mar uisge?

17 Innsidh mi dhult, éisd rium; agus na chunnaic mi, cuiridh mi 'n céill,

18 A dh'aithris daoine glíce, agus nach do cheil an aithriche orra<sup>10</sup>.

19 D'an d'fhugadh nan aonar an talamh, agus cha d'innich coigreach nam measg.

20 Rè a laithean uile cràdhar an t-aingidh; agus folaichear àireamh a bhliadhnair air an fhear-shàrachaidh.

21 Tha fuaim eagalach na chluasaibh: na shoirbheachadh thig am fear-millidh air.

22 Cha chreid e gu'm pill e as an dorchadas: agus feithcar air leis a' chlàidheamh.

23 Tha se ag imeachd mu'n cuairt air son arain, *ag ràdh*, C'ait an bheil e? tha fios aige gu bheil latha an dorchadais deas aig a làmh.

24 Cuiridh teanntachd agus àmhghar<sup>11</sup> uamhas air: buadhaichidh iad air, mar rìgh deas a chum catha.

25 Oir sìnidh e mach a làmh an aghaidh Dhé, agus an aghaidh an Uile-chumhachdaich neartaichidh se e féin.

26 Ruithidh e air, air a mhuineal, air co-paibh tiugha a sgiath;

27 A chionn gu'n do chòmhdaich e a ghnùis le a shult<sup>12</sup>, agus gu'n d'rinn e tillean<sup>13</sup> saille air a leasraidh.

28 Agus còmhnuichidh e ann am bailtibh fàsaichte<sup>14</sup>, ann an tighibh nach 'eif air an àiteachadh, a tha ullamh gu bhì nan carnaibh.

29 Cha bhì e beartach, agus cha mhair a mhaoin; agus cha sìn e mach a' fheumh san talamh<sup>15</sup>.

*foail agad.* <sup>10</sup> dh'aithris daoine glíce o'n aithrichibh, agus nach do cheil iad. <sup>11</sup> crauidh-chas. <sup>12</sup> reamhrad. <sup>13</sup> staoigan. <sup>14</sup> fàsil. <sup>15</sup> cha sìn e an coimhliontachd air an talamh; cha chuir e mach sgàile air an talamh.

<sup>1</sup> Goiridh. <sup>2</sup> cha mhothuich e sin d'an taobh. <sup>3</sup> air a shon féin. <sup>4</sup> èolas fuain. <sup>5</sup> eagail dhiadhaidh. <sup>6</sup> nochdaidh do bheil t'aingidheachd. <sup>7</sup> a' tionnsuidh féin an d'hoir thu air fulbh gliocas; riut féin a mhàin an cum thu gliocas? <sup>8</sup> nach 'eil aggrinne. Eabh. <sup>9</sup> an d'fholaic e



30 Cha triall e a dorchadas ; tiormaichidh iasair a mheanglan <sup>1</sup> ; agus siubhlaidh e le anail a bheoil.

31 Na h-earbadh esan a mheallar a dìomhanas, oir dìomhanas bithidh aige mar luaghcachd.

32 Roimh a là coimhliomar e : agus cha bhi a gheug uaine.

33 Crathaidh e dheth mar an fhionain, fhion-dhearc anabaich, agus tilgidh e dheth, mar an crann olaidh, a bhlàth.

34 Oir bithidh coimhthional nan cealgair aonarach, agus caithidh teine pàilliuna na duais-bhratha <sup>2</sup>.

35 Ginidh iad donas, agus beiridh iad droch-bheart <sup>3</sup>, agus ulluichidh an com cealg.

# C A I B. XVI.

**A** CH fhreagair Iob, agus thubhairt e,  
2 Chuala mi mòran d'an leithidibh sin : is luchd-comhfhurtachd truagh sibh uile.

3 Am bi crìoch air briathraibh gaoithe <sup>4</sup>? no ciod a tha toirt an dānadais duit gubheil thu a' freagairt?

4 Dh'fheudainnse mar an ceudna labhairt cosmhuil ribhse : nam biodh bhur n-anam an àit m'anama-sa, dh'fheudainn briathra chur cuideachd 'nar n-aghaidh, agus mo cheann a chrathadh ribh :

5 [Ach] neartaichinn sibh le m' bheul, agus lughdaicheadh gluasad mo bhilean bhur doilgheas.

6 Ge do labhair mise, cha lughdaichear mo dhoilgheas; agus ma bhios mi a'm' thosd, ciod am fuasglach a gheibh mi?

7 Ach a nis sgithich e mi : sgap thu <sup>5</sup> mo chuideachd uile?

8 Agus rinn thu mi làn phreasag-eudain <sup>6</sup>; mar fhianais tha sin : agus dh'èirich mo chaoile a'm' aghaidh <sup>7</sup>; ri m'eudan freagraidh i.

9 Reub a chorruich mi <sup>8</sup>, agus tha fuath aige dhomh : chas e 'fhiacalan rium; tha mo nàmhaid a' geurachadh a shùil orm.

10 Chas iad am beul rium; le masladh bhuail iad mo ghiala; cuideachd chruinnich iad a'm' aghaidh.

11 Thug Dia mi thairis do'n ain-diadhaidh, agus an làimh nan aingidh thilg e mi.

12 An sìth bha mi, ach phronn e mi : agus rug e air mo mhuineal, agus chrath e as a chèile mi, agus chuir e suas mi dha féin mar chuspair.

13 Tha a luchd-shaighhead <sup>9</sup> 'gam chuartachadh air gach taobh : sgòiltidh e m'airn-

ean o chéile, agus cha chaomhain e; taomaidh e mach mo dhombas air an talamh.

14 Brisidh e mi le briseadh air bhriseadh; ruithidh e orm mar churaidh <sup>10</sup>.

15 Dh'fhuaigh mi saic-cudach air mo chroicinn, agus shalaich mi m'adharc san duslach.

16 Tha m'eudain air a h-atadh <sup>11</sup> le gal <sup>12</sup>, agus air mo rosgaibh <sup>13</sup> tha sgàile a' bhàis;

17 Cha 'n'ann air son euceirt a'm' làmhaibh : mar an ceudna tha m'urnuigh glan.

18 A thalamh, na còmhdaich thusa m'fhuil, agus na biodh àit aig mo ghlaodh.

19 Mar an ceudna nis, feuch, anns na nàmhaidibh tha m'fianuis, agus esan a bheir teistcas orm anns na h-àirdibh.

20 A' fanoid orm tha mo chairdean; chum Dhé tha mo shùil a' taomadh dheur.

21 O nach faodadh duine tagradh ri Dia, mar a thagras mac an duine r'a choimhearsnach <sup>14</sup>!

22 An uair a thig beagan do bhliadhnaibh, an sin san t-slighe air nach pill mi siubhlaidh mi.

# C A I B. XVII.

**T**HIRUAILLEADH m'anail; ghearradh as mo laithean; tha na h-uaignean air mo shon-sa.

2 Nach 'eil luchd-fanoid maille rium? agus nam brosnachadh nach 'eil mo shùil a' buanachadh?

3 Cuir sìos a nis, thoir dhomh urras maille riut : cò esan a ghlacas mo làmh?

4 Oir dh'fhuilich thu an cridhe o thuigse: uime sin cha'n ardaich thu iad.

5 Esan a ni mìodal r'a chairdibh <sup>15</sup> fàilnichidh sùilean a chloinne.

6 Agus rinn e mi a'm' ghnàth-fhocal an t-sluaigh; agus tha mi mar bhall-fochaid rompa <sup>16</sup>.

7 Agus dhorchaich mo shùil le bròn <sup>17</sup>, agus tha mo bhuill uile mar sgàile.

8 Bithidh uamhas air na h-ionracain air son so; agus dùisgidh <sup>18</sup> an neo-chiontach an aghaidh a' chealgair.

9 Agus cumaidh an duine cothromach a shlighe; agus gheibh esan a ta glan na làmhaibh tuilleadh neirt.

10 Ach air bhur son-sa uile, pillibh agus thigibh a nis; agus cha'n fhaigh mi duine glic nar measg.

11 Chaidh mo laithean thairis, bhriseadh mo smuainte <sup>19</sup> air falbh, eadhon seilbh <sup>20</sup> mo chridhe.

12 An oidhche tionndadhaidh iad gu

<sup>1</sup> 'fhuilleann. <sup>2</sup> duais na h-eucorach. <sup>3</sup> dìomhanas. <sup>4</sup> briathraibh faoin. <sup>5</sup> rinn thu aonaranach. <sup>6</sup> chasadh. <sup>7</sup> anam. <sup>8</sup> Reub e mi na fheing. <sup>9</sup> a shaighde. <sup>10</sup> mar fhamhair. <sup>11</sup> salachadh. <sup>12</sup> gul, cuineadh. <sup>13</sup> air fubhradhibh mo shùil.

<sup>14</sup> tagradh air son duine ri Dia, mar a thagras duine air son a choimhearsnach. <sup>15</sup> a gheallas creach d'a chairdibh. <sup>16</sup> roimhe bha mi mar thiompan. <sup>17</sup> doilgheas, ardan. <sup>18</sup> dùisgear. <sup>19</sup> rìua. <sup>20</sup> smuainte.

là : *tha'n* solus gaoraid a thaobh dorchadais.

13 Ma dh'fheitheas mi, is i'n uaigh mo thigh : san dorchadas rinn mi mo leaba.

14 Rì truailidheachd thubhairt mi, *Is tu m'athair*, ris a' chnuimh, *Is tu* mo mhlàth-air, agus mo phiuthar.

15 Agus c'ait anns am bheil mo dhòchas ? seadh, mo dhòchas-sà, cò chi e ?

16 *Gu* crannaibh an t-sluichd théid iad sìos : an sin *bithidh' ar* fois cuideachd anns an duslach.

## CAIB. XVIII.

**A**N SIN fhreagair Bildad an Suhach, agus thubhairt e,

2 Cia fhada gus an cuir sibh crìoch air briathraibh ? tuigibh <sup>2</sup>, agus na dhéigh sin labhramaid.

3 Car son a mheasar sinne mar ainmhidhibh, agus a tha sinn tàireil <sup>3</sup> a'd' shùil-ibh-sa ?

4 *Tha e a'* reubadh 'anama na chorruih ! air do shon-sa an tréigear an talamh ? agus an atharraichear a' charraig as a h-àit ?

5 Seadh, cuirear solus an aingidh <sup>4</sup> as : agus cha dealraich lasair <sup>5</sup> a theine.

6 Dorchachear an solus na phàillion, agus cuirear as a lòchran aige.

7 Cumhangaichear ceuman a neirt, agus tilgidh a chomhairle féin sìos e :

8 Oir cuirear ann an lìon e le a chosaibh féin <sup>6</sup>, agus air ribe <sup>7</sup> imichidh e.

9 Glacaidh an cord air shàil e ; buadh-aichidh am fear-reubainn na aghaidh.

10 Foltichte anns an talamh tha ribe air a shon, agus inneal-glacaidh air a shon air an t-slighe.

11 Air gach taobh cuiridh uamhasan eagal air, agus fuadaichidh iad air a chosaibh e.

12 Bithidh a neart air a chlaoidh le h-ocras, agus léir-sgrìos deas aig a thaobh.

13 Ithidh e suas neart <sup>8</sup> a chroicinn ; ithidh ceud-ghin a' bhàis suas a neart.

14 Spionar as a phàillion a dhòchas ; agus bheir se e gu rìgh nan uamhasan.

15 Gabhaidh e còmhnuidh na phàillion, a chionn nach leis-san e ; crathar pronnasg air 'àite-còmhnuidh.

16 Shìos tiormaichear a fhreumhan, agus shuas gearrar air falbh a bhàrr.

17 Sgrìosar a chuimhne as an talamh, agus cha bhi ainm aige air an t-sràid.

18 Fògairear e o sholus gu dorchadas, agus as an t-saoghal tilgear e.

19 Cha bhi mac aige, no mac a mhic am measg a shluaigh, no neach a mhaireas na àitibh-còmhnuidh.

20 R'a latha bithidh iongnadh orra-san a thig na dhéigh, mar a ghlac uambas <sup>9</sup> iad-san a thàinig roimhe.

21 Gu deimhin is iad sin ionada-còmhnuidh an aingidh ; agus is e so 'àite-san, da nach aithne Dia.

## CAIB. XIX.

**A**CH fhreagair Iob agus thubhairt e, 2 Cia fhada chuireas sibh doilgheas air m'anam, agus a bhriseas sibh mo chridhe le briathraibh ?

3 Na deich uaire so mhaslaich sibh mi : cha nàr leibh *gu* bheil sibh cho choimheach rium <sup>10</sup>.

4 Agus gu deimhin ma chaidh mi air seacharan, fanaidh mo sheacharan agam féin.

5 An ardaich <sup>11</sup> sibhse d'a rìreadh sibh féin a'm' aghaidh, agus an tagair sibh a'm' aghaidh mo mhasladh ?

6 Biodh fios agaibh a nis gu'n do thilg Dia thairis mi, agus gu'n do chuir e a lìon mu'n cuairt orm.

7 Feuch, glaohdhaidh mi, Eucoir, ach cha 'n eisdear rium ; éighidh mi gu h-ard, ach cha 'n'èil breitheanas ann.

8 Dhùin e suas mo shlighe air chor as nach urrainn mi dol seachad, agus chuir e dorchadas air mo cheumnaibh.

9 Bhuin e mo ghlòir dhìom, agus thug e an crùn bhàrr mo chinn.

10 Sgrìos e mi air gach taobh, agus chaidh as domb <sup>12</sup> ; agus chuir e air falbh, mar chraoibh, mo dhòchas.

11 Agus las 'fhearg a'm' aghaidh, agus mheas e mi mar *aon* d'a naimhidhibh.

12 Cuideachd thàinig a bhuidhnean, agus chuir iad suas an slighe a'm' aghaidh, agus champaich iad mu'n cuairt air mo phàillion.

13 Chuir e mo bhràithrean fad uam ; agus tha mo luchd-còlais gu deimhin air fàs coimheach rium.

14 Thréig mo dhilsean, agus dhi-chuimhnich mo luchd-eòlais <sup>14</sup> mi.

15 Mheas muinntir mo thighe, agus mo bhan-oglaich mi mar choigreach : a'm' eil-threach <sup>15</sup> bha mi nan sùilibh.

16 Air mo sheirbhiseach ghairm mi, agus cha do' fhreagair e : le m' bheul féin ghuidh mi air.

17 Bha m'anail coimheach do m' mhnaoi, ge do ghuidh mi as leth <sup>16</sup> cloinne mo chuirp féin <sup>16</sup>.

18 Rinn eadhon clann òg tàir orm : dh'éirich mi, agus labhair iad a'm' aghaidh

19 Ghabh mo luchd-rùin uile gràin dhìom ; agus tha iadsan, a ghràdhach mi, air tionndadh a'm' aghaidh.

20 Rì m' chroicinn agus rì m'fheoil dh'ùth-leau mo chnàimha ; agus chaidh mi as le croicinn m'fhiacal.

21 Gabhaidh truas dhìom, gabhaidh truas

aghaidh. <sup>11</sup> Ma dh'ardaicheas. <sup>12</sup> sìbhlam. <sup>13</sup> mo chairdean. <sup>14</sup> all-mharach. <sup>15</sup> agus tha mi ri còaidh air son. <sup>16</sup> m'innidh ; mo bhronna. Eabh.

<sup>1</sup> mo dhùil. <sup>2</sup> thugaibh fa'near. <sup>3</sup> graineil, neughlan. <sup>4</sup> nan aingidh. <sup>5</sup> sràid. <sup>6</sup> cuirear ann an lion a chos. <sup>7</sup> lion, panteir. <sup>8</sup> maise. <sup>9</sup> fuathas. <sup>10</sup> air bhuir cruadhachadh a'm'.



dìom, O mo chairde, oir bhean làmh Dhé rium.

22 C'ar son a gheur-leanas sibhse mi mar a nì Dia, agus le m'fheoil nach sà-suichear sibh?

23 O nach robh mo bhriathra nis air an scrìobhadh! O nach robh iad air an cur sìos ann an leabhar!

24 Le peann iarunn agus luaidh gu bràth ann an carraig nach robh iad air an gearradh!

25 Oir a ta fios agam gu bheil m'fhear-saoraidh beo, agus ma dheireadh gu seas e air an talamh<sup>1</sup>.

26 Agus an dèigh dhoibh so mo chroicinn a chnàmh<sup>2</sup>, gidgeadh ann am fheoil gu'm faic mi Dia:

27 Neach a chi mise air mo shon féin, agus air an amhaire mo shùileansa, agus ni h-e neach eile: so uile chuir mi suas a'm' chom féin<sup>3</sup>.

28 Ach their sibhse, C'ar son a gheur-leanamaid e, agus gu'n d'fhuaradh freumh a' ghnòthuich ann<sup>4</sup>?

29 Biodh eagail oirbh roimh'n chlaidheamh; oir fàsaidh an claidheamh teidh [an aghaidh] eucearta<sup>5</sup>, chum gu'm bi fios agaibh gu'm bi breitheanas ann.

CAIB. XX.

**A**N sin fhreagair Sophar an Naamatach, agus thubhairt e,

2 Uime sin tha mo smuainté toirt orm freagairt, agus air a shon so ni mi deifir.

3 A chnuhasan mo mhaslaidh cluinneam<sup>6</sup>, agus tha spiorad mo thuigse a' toirt orm freagairt.

4 Nach aithne dhuit so o chian, o shuidhieheadh an duine air thalamh,

5 Gur gearr caithream<sup>7</sup> nan aingidh, agus nach 'eil gairdeachas a' chealgair ach car tiota?

6 Ge d'éirich 'airde<sup>8</sup> suas gus na nèamhaibh, agus ge do ruig a cheann na neoil;

7 Mar 'aolach féin gu bràth théid as da: their iadsan a chunnaic e, C'ait am bheil e?

8 Mar aisling grad-shiùbhlaidh<sup>9</sup> e, agus cha'n fhaighear e; agus teichidh e mar shealladh na h-oidliche.

9 An t-sùil a chunnaic e, cha 'n fhaic i e tuillcadh; agus ni's mò cha'n amhaire 'aite féin air.

10 Iarraidh a mhic na bochdan a thoil-eachadh, agus aisgidh a làmhan am maoin.

11 Tha a chnàmha làn do pheacadh 'òige<sup>10</sup>, agus maille ris anns an dusladh luidhidh e.

12 Ge do robh an t-olc milis na bheul, ge d'fholaich se e fuidh a theangaidh,

13 Ge do chaomhain se e, agus nach tréig se e, ach gu'n gléidh se e ann an taobh a stigh a bheoil;

14 Tionndaidhear a bhiadh na mhion-ach, gu domblas nan nathair an taobh a stigh dheth.

15 Shluig e sìos beartas, agus sgeithidh e nìos e: tilgidh Dia mach as a bhroinn e.

16 Sùgaidh e nimh nan nathair<sup>11</sup>: marblaidh teanga na nathrach milltich e.

17 Cha 'n fhaic e na h-aibhniche nan roinnibh<sup>12</sup>, na sruthain meala agus ime.

18 Aisigidh e an nì air son an do shaothraich e, agus cha shluig e sìos e: a réir a shaibhris<sup>13</sup> bithidh 'aiseag<sup>14</sup>, agus cha deau e gairdeachas ann:

19 A chionn gu'n d'rinn e fòir-eigin, gu'n do threig e na bochdan, le h-ainneart gu'n d'thug e air falbh tigh nach do thog e.

20 Oir cha mhothaich e suaimhneas na chom<sup>15</sup>, cha tèaruinn e bheag do na mhianraich e.

21 Cha 'n fhàgar a' bheag d'a bhiadh: uime sin cha bhi sùil aig duine air bith r'a mhaoin<sup>16</sup>.

22 Ann an iomlaine a' phailteis bithidh e ann an teanntachd: thig gach aobhar dragha air<sup>17</sup>.

23 An uair a bhios e gus a bhrù a lìonadh, tilgidh Dia fraoch<sup>18</sup> fheirge air, agus frasaidd e air e 'nuair a bhios e ag itheadh.

24 Teichidh e roimh na h-armaibh iar-uinn: buailidh am bogha umha<sup>19</sup> troimhe e.

25 Tairngear, agus thig a mach as a chorp, thig an elaidheamh loinneara<sup>20</sup> mach as a dhomblas: thig namhasan air.

26 Bithidh gach uile dhorchadas folaichte na ionadaibh dìomhair: loisgidh teine gun séideadh e: éiridh gu h-olc dhasan a dh'fhàgar na phàillium.

27 Foillsichidh na nèamhan 'aingidh-eachd; agus éiridh an talamh na aghaidh.

28 Triallaidh fàs a thighe: sruthaidh nithe as ann an latha fheirge.

29 Is e so cuibhrionn an duine aingidh o Dhia, agus an oighreachd a dh'orduich-eachd dha le Dia.

CAIB. XXI.

**A**Chì fhreagair Iob, agus thubhairt e,

2 Eisdibh gu furachar ri m' chainnt, agus biodh so mar<sup>21</sup> bhur comh-fhurtachd.

3 Fuilgibh dhomh, agus labhraidh mi; agus an dèigh dhomh labhairt, cuiribh ri' fanoid.

4 A m' thaobh-sa, an ann ri duine a tha mo ghearan? agus nam b'ann, c'ar son nach biodh mo spiorad fa bhuairas<sup>22</sup>?

5 Amhaireibh orm, agus biodh iongnadh<sup>23</sup>

<sup>1</sup> gu'n éirich e air an duslach. <sup>2</sup> an dèigh mo chroicinn ge do chnàmh iad a' chreublag so. <sup>3</sup> ge do chaithear m'airnean an taobh a stigh dhomh. <sup>4</sup> annam. <sup>5</sup> oir bheir fearg peanas a' chlaidheamh. <sup>6</sup> Mo chnacadh maslach chuala mi. <sup>7</sup> luaidh fhaire. <sup>8</sup> uail. <sup>9</sup> iteileidh. <sup>10</sup> d'a pheacadaibh dìomhair. <sup>11</sup> asp. Sasg.

peran. Eabh. <sup>12</sup> meuraibh, sruth-chlaisibh. <sup>13</sup> a neirt. <sup>14</sup> ath-dhiùladh. <sup>15</sup> na bhroinn. <sup>16</sup> cha mhair a shoirbheas. <sup>17</sup> buailidh làmh gach duine dhroch-mhuinte air. <sup>18</sup> lasan. <sup>19</sup> stailinn, cruadhach. <sup>20</sup> Robhta, deubhrach. <sup>21</sup> an àit. <sup>22</sup> air a theannachadh, air a bhrosnachadh. <sup>23</sup> uamhas.

cùrbh, agus cuiribh *bhur* làmh air *bhur* beul:

6 Oir an uair a chuimhnichas mi, tha eagal<sup>1</sup> orm; agus glacadh geilt-chriùh m'fheoil.

7 C'ar son ata na h-aingidh beò, a dh'fhàsas iad sean, agus a bhios iad ard<sup>2</sup> ann an cumhachd?

8 *Tha'n* sliochd air a dhaingneachadh nam fianuis nàille riu, agus an gineal fa chomhair an sùl.

9 *Tha'n* tighean saor o eagal<sup>3</sup>; agus cha 'n'eil slat Dhè orra.

10 Ginidh an tarbh, agus cha'n fhàilnich e; beiridh an bò laogh, agus cha tilg i e.

11 Cuiridh iad a mach an clann bheag mar threud; agus dannsaidh an gineal.

12 Togaidh iad an tiompan agus a' chlàrsach; agus ni iad gairdeachas ri fuaim an orgain.

13 Caithidh iad an laithean ann an saibheas, agus ann an tiota<sup>4</sup> théid iad sìos do'n uaign.

14 Agus their iad ri Dia, Imich uainn, oir cha'n àill leinn eòlas do shlighean.

15 Cò e an t-Uile-chumhachdach, gu'n deanamaid seirbhis dha? agus ciod an tairbhe bhios ann duinn, ma ni sinn urn-uigh ris?

16 Feuch, cha 'n'eil am maith nan làimh: *tha* comhlairle nan aingidh fada uamsa.

17 Cia minic a chuirear coinneal nan aingidh as, agus a thig an sgrios orra? roinnidh *Dia* doilgheasan na fheirg.

18 Bithidh iad mar asbhuan roimh 'n ghaoith, agus mar mhoil a bheir an iomghaoth leatha.

19 Taisgidh *Dia* suas 'euceart-san<sup>5</sup> d'a chloinn: diolaidh e dha, agus bithidh fios aig air.

20 Chi a shùilean a sgrios, agus do fheirg an Uile-chumhachdach dlaidh se.

21 Oir ciod an tlachd a bhios aige na thigh na dhéigh, 'nuair a ghearrar as àir-camh a mhios 'nam meadhon?

22 Do *Dhia* an teagaisg *neach* air bith eòlas, agus gur e féin a bheir breth orrasan ata arda?

23 Bàsaichidh e so na làn neart, agus e uile aig fois agus an sìh.

24 *Tha* innidh làn saill<sup>6</sup>, agus a chnàmhan air an taiseachadh le smior.

25 Agus bàsaichidh e sin ann an searbas 'anama, agus cha 'n'ith e idir le toil-inntinn.

26 Cuideachd anns an duslach luidhidh iad, agus còmhdaichidh cnuimhean iad.

27 Feuch, is aithne dhomh *bhur* smuainte, agus na h-innleachdan a tha sibh a' dealbhaidh gu h-eucorach a'm' aghaidh:

28 Oir their sibh, C'ait am bheil tigh an

duine mhòir, agus c'ait am bheil ionada-còmhnuidh nan aingidh?

29 Nach d'fheadraich sibh dhiubh-san a ghabhas seachad air an t-slighe? agus nach aithne dhuith an comharan?

30 Gu'n gleidhear an t-aingidh chum latha an sgrios; chum latha na feirge gu'n d'fhoirear a mach iad.

31 Cò a chuireas an céill a shlighe as an eudan: agus cò a dh'focas dha na rinn e.

32 Ach a chum na h-uaigne bheirair e, agus anns an àit-adhlacaidh fanaidh se.

33 Bithidh fòidean a' ghlinne milis dha, agus tairngidh gach duine na dhéigh, mar a *ta* iad do-àireamh roimhe.

34 Cionnas ma ta a tha sibh a' tabhairt comh-fhurtachd dhomh gu dìomhain, an uair a ta cealg 'nar freagrach?

## CAIB. XXII.

**A**N sin fhreagair Eliphas an Temanach, agus thubhairt e,

2 Do *Dhia* am feud duine a bli tarbhach, mar a dh'fheadas esan a ta glie bhi tarbhach dha féin?

3 An toil-inntinn do'n Uile-chumhachdach gu'n saor thusa thu féin? agus am buannachd e *dha-san*, gu'n dean thu do shlighean iomlan?

4 Air eagal romhad an cronaich e thu? an d'théid e chum breitheanas leat?

5 Nach 'eil t'aingidheachd mòr? agus t'eucearta gun chrìoch?

6 Oir ghabh thu geall o d' bhràithribh gun aobhar, agus eudach nan lomnochd bhuin<sup>7</sup> thu dhiubh.

7 Cha d'thug thu uisge do'n sgìth r'a òl, agus o'n ocrach chum thu aran.

8 Ach aig fear a' ghairdein làidir bha an talamh, agus ghabh an duine urramach còmhnuidh ann.

9 Chuir thu bantraichean uait folamh, agus bhriseadh gairdeana nan dilleachdan.

10 Air an aobhar sin mu'n cuairt ort bha ribeacha, agus ghlac<sup>8</sup> geilt obann thu;

11 No dorchadas air chor as nach faicadh tu; agus còmhdaich pailteas uisgeachan thu.

12 Nach 'eil *Dia* ann an airde nan nèamh? agus faic mullach<sup>9</sup> nan rionnag, cia ard a ta iad.

13 Agus their thusa, Cionnas a ta fios aig *Dia*? troimh an dorchadas<sup>10</sup> am breithnich e?

14 *Tha* neoil nan còmhdaich dha, agus cha'n fhaic e; agus ann an cuairt nan nèamh sìubhlaidh e.

15 An d'thug thu fa'near an t-slighe o shean, air an d'imich daoine aingidh;

16 A ghearradh sìos roimh an àm, agus thaom tuit thar am bunait?

17 A thubhairt ri *Dia*, Imich uainn:

<sup>1</sup> uamhas. <sup>2</sup> barraichte, treun. <sup>3</sup> tèaruinte agus as eugmhaic eagail. <sup>4</sup> ann an gradaig. <sup>5</sup> euceart an duine aingidh, a thruaighe.

<sup>6</sup> a chlocha làn bainne. <sup>7</sup> ruisg. <sup>8</sup> glacadh. <sup>9</sup> airde; ceann. Eabh. <sup>10</sup> an neul dorchas.



agus ciod is urrainn an t-Uile-chumhachdach a dheanadh air ar<sup>1</sup> son?

18 Gidheadh lìon e an tighean le *nithibh* maith; ach gu ma fada *bhios* comhairle nan aingidh uamsa!

19 Chi na h-ionraic, agus bithidh aoibhneas orra; agus nì an neo-chiontach gaire-fanoidh riu.

20 An àit, nach do ghearradh ar maoinne sìos; ach loisgidh teine am fuigheall-sa.

21 Gabh-sa nis eòlas air-san, agus bi an sìth: mar sin thig maith a'd' ionnsuidh.

22 Gabh, guidheam ort, an lagh o' bheul, agus cuir suas a bhriathran ann ad chridhe.

23 Ma philleas tu dh'ionnsuidh an Uile-chumhachdach, togar suas thu; cuiridh tu euceart am fad o d' phàilliu-naibh.

24 Agus cuiridh tu suas òr mar dhuslach, agus òr Ophir mar chlachaibh nan sruth.

25 Agus bithidh an t-Uile-chumhachdach na dhìcean agad, agus bithidh neart<sup>2</sup> airgid agad.

26 Oir an sin bithidh do thlachd anns an Uile-chumhachdach, agus togaidh tu suas do ghnùis a dh'ionnsuidh Dhè.

27 Nì thu urnuigh ris, agus éisdidh e riut, agus dìolaidh tu do bhòidean.

28 Agus cuiridh tu nì romhad, agus daingnichear riut e; agus air do shligheibh dealraichidh solus.

29 An uair a dh'ìslichear daoine, an sin their thu, *Bithidh* iadrachadh ann: agus saoraidh e an t-iriosal.

30 Saoraidh se esan nach 'eil neo-chiontach<sup>3</sup>, agus saor e le gloine do<sup>4</sup> làmh-sa.

# CAIB. XXIII.

**A**CH fhreagair Iob, agus thubhairt e,  
2 An diugh fèin is searbh mo ghearan: is truine mo bhuille na m'osna.

3 Och gun fhios agam c'ait am faighinn esan, agus gu'n d'fhiginn a dh'ionnsuidh 'àite!

4 Chuirinn mo chùis an ordugh na làth-air, agus lìonainn mo bheul le h-argumaidibh.

5 Bhiodh fios agam air na briathraibh leis am freagaireadh e mi, agus thuiginn ciod a theireadh e rium.

6 Le a mhòr chumhachd an tagaireadh e a'm' aghaidh? nì h-eadh, ach chuireadh e neart annam.

7 An sin thagaireadh am firean ris, agus bhithinn air mo shaoradh gu bràth o'm' bhrèitheamh.

8 Feuch, théid mi air m'aghaidh, ach cha 'n'eil esan ann; agus air m'ais, ach cha mhothaich mi e:

9 Air an làimh chli, far am bheil e ag oibreachadh, ach cha 'n fhaic mi e; fol-

aichidh se e fèin air an làimh dheis, agus cha léir dhomh e.

10 Ach is aithne dha an t-slighe agam: an uair a dhearbhas e mi, mar òr thig mi a mach.

11 Air a cheumaibh chum mo chos; ghléidh mi a shlighe, agus cha do chlaon mi.

12 O àithne a bhilean cha deachaidh mi air m'ais; nì's mò na mo dhlighe *bìdh* mheas mi briathran a bheoil<sup>5</sup>.

13 Ach tha e san àon *bheachd*<sup>6</sup> agus cò a dh'iompoicheas<sup>7</sup> e? agus an nì is miann le 'anam, sin nì e.

14 Oir coimhlionaidh e an nì a dh'ord-uicheadh dhomhsa: agus tha mòran d'an leithidibh sin aige.

15 Uime sin tha fiamh orm na fhianais; an uair a bheir mi fa'near, tha eagal orm roimhe:

16 Oir mhaothaich Dia mo chridhe, agus chuir an t-Uile-chumhachdach fiamh orm;

17 A chionn nach do ghearradh as mi roimh an dorchadas, agus o m' ghnùis nach d'fholaich e an dorchadas.

# CAIB XXIV.

**C**'AR SON, o nach d'fholaicheadh aim-sirean o'n Uile-chumhachdach, nach faic iadsan d'an aithne e a laithean?

2 Atharraichidh iad na comharan-talmhainn; bheir iad treudan leo le fòirneart, agus biadhaidh siad iad.

3 Iomainidh iad air falbh asal nan dilleachdan; mar gheall glacaidh iad damh na bantraich.

4 Tionndadhaidh iad na feumaich as an t-slighe: le chéile folaichidh bochdan na talmhainn iad fèin.

5 Feuch, mar asalaibh fiadhaich anns an fhàsach théid iad a mach a chum an oibre, ag éirigh gu moch a chum creiche: *bheir* am fàsach biadh dhoibh d'an òigridh<sup>8</sup>.

6 Anns an fhearann buainidh iad arbhar; agus cruinnichidh iad fion-fhoghara an aingidh.

7 Bheir iad air an lomnochd luidhe gun eudach, agus gun chòmhdachadh anns an fhuachd.

8 Le frasaibh nam beann bithidh iad: fliuch, agus a dhith fàsaidh<sup>9</sup> gabhaidh iad nan glacaibh a' charraig.

9 Spìonaidh iad an dilleachdan o'n chich, agus o'n bhòchd gabhaidh iad geall.

10 Bheir iad air imeachd lomnochd, gun eudach; agus o na h-ocraich bheir iad leo an sgub.

11 An taobh a stigh d'am ballachaibh: fàisgidh<sup>10</sup> iad oladh; bruthaidh iad am fion-amair, agus fuilingidh iad tart.

12 As a' bhaile tha daoine ag osnaich, agus éighidh anam nan daoine leònta; gidheadh cha chuir Dia amaideachd as an leth.

<sup>1</sup> an. <sup>2</sup> pailteas. <sup>3</sup> an neo-chiontach, eilean an neo-chiontach. <sup>4</sup> a. <sup>5</sup> a'm' chridhe thaig mi briathran a bheoil. <sup>6</sup> tha e na aon.

<sup>7</sup> tionndadhas, philleas. <sup>8</sup> d'an cloinn. <sup>9</sup> a chion tearmuinn. <sup>10</sup> ni.

13 Tha iad dhiubhsan a dh'èireas suas an aghaidh an t-soluis; cha n' aithne dhoibh a shlighean, agus cha ghluais iad na cheumaibh.

14 Leis an t-solus éiridh am mortair<sup>1</sup>, [agus] marbhaidh e ann bochd agus am feumach; agus anns an oidhche bithidh e mar ghaduiche.

15 Mar an ceudna feithidh sùil an adhaltranaich rir an dubh-thra<sup>2</sup>, ag ràdh, Cha'n fhaic sùil mi; agus cuiridh e folach air 'aghaidh.

16 Cladhaichidh iad anns an dorchadas troimh thighibh, a chòmharaich iad dhoibh fèin san là; cha'n aithne dhoibh an solus:

17 Oir tha mhaduinn dhoibh-san mar sgàile a' bhàis: ma dh'aithnicheas *neach iad*, bithidh iad ann an uamhasaibh sgàile a' bhàis.

18 Luath tha e mar na h-uisgeacha<sup>3</sup>; mallaichear an cuibhrionn air an talamh: cha'n fhaic e slighe nam fion-lios.

19 Bheir tìormachd agus teas leo uisgeachan an t-sneachdaidh; an uaigh *iadsan* a pheacaich.

20 Di-chuimhnichidh a' bhrù e, biadhaidh a' chnuimh gu milis air; ni's mò cha chuimhnichear e; agus brisear aingidheachd mar chrann.

21 Bithidh e ole ris a' *mhnai* neo-thoraich, nach beir *clann*; agus do'n bhantraich cha dean e maith.

22 Agus tairngidh e na daoine treuna le a neart: éiridh e suas, agus cha 'n eil *neach air bith* cinnteach d'a bheatha.

23 Bheir e dha a bhi ann an tèaruin-teachd, agus *as sin* earbaidh e; ach *a ta* a shùilean air an slighibh.

24 Arduichear iad rè tamuill, ach cha *bhi* iad ann; islichear iad, agus mar na h-uile bheir car air falbh iad, agus mar cheann dèise gearr as iad.

25 Agus mur 'eil e mar sin a nis, cò a ni breugaire dhìom, agus a bheir gu neo-ni mo chaimt?

## CAIB. XXV.

**A**N sin fhreagair Bildad an Suhach, agus thubhairt e,

2 Tha tighearnas agus eagail maille ris-san: ni e sìth na ionadaibh arda.

3 Am bheil àireamh air bith air a shlòigh? agus cò air nach éirich a sholus.

4 Cionnas ma ta a shaorar duine aig Dia? agus cionnas a bhios esan glan a rugadh o mhnai?

5 Amhairc eadhair air a' ghealaich, agus cha dealraich i; agus cha 'n eil na rionnaga glan na shealladh.

6 Cia is ro-lugha na sin an duine *a ta* na chnuimh, agus mac an duine *a tu* na chnuimh?

## CAIB. XXVI.

**A**CH fhreagair Iob, agus thubhairt e,  
2 Cionnas a chuidich thu leis an *ti a ta* gun chumhachd? cionnas a shaor thu an gairdean *a ta* gun neart?

3 Cionnas a chomhairlich thu esan aig nach 'eil gliocas, agus a dh'fhoillsich thu gu pailte an ni mar a ta e?

4 Cia ris a labhair thu briathran? agus cia leis an spiorad a thàinig uait?

5 Dealbhar *nithe* marbha fuidh na h-uisgeachaibh, agus an luchd-àiteachaidh.

6 Lonnòchd tha ifrinn na làthair, agus cha 'n eil còmhachadh aig léirsgrìos.

7 Tha e a' sìneadh na h-àirde tuath os-cionn an ionaid fholaimh, a' crochadh na talmhainn air neo-ni;

8 A' ceangal suas nan uisgeacha na neulaibh, agus cha reubar an neul fòpa;

9 A' cumail a stigh<sup>4</sup> aghaidh a righ-chathrach, a' sgaoladh a neoil oirre.

10 Chuairtich e na h-uisgeacha le crìoch-aibh, gus an teirig<sup>5</sup> an là maille ris an oidhche.

11 Crìothnaichidh puist<sup>6</sup> nan nèamh, agus bithidh uamhas orra r'a achmhasan.

12 Le 'chumhachd roinnidh e an fhairege, agus le 'thuigse bualidh e an t-uabhlach.

13 Le a spiorad sgeadaich e na nèamha; dhealbha a làmh an nathair lùbach.

14 Feuch, is iad sin cuid d'a shligheibh; ach cia beag a' chuibhrionn a chuala sinn deth? agus cò a dh'fheudas tairneanach a chumhachd a thuigsinn?

## CAIB. XXVII

**A**GUS bhuaich Iob na chosamhlachd a' labhairt a mach, agus thubhairt e,

2 Mar is beo Dia a thug air falbh mo bhreitheanas, agus an t-Uile-chumhachdach a chràidh m'anam,

3 Co fhad as a bhios m'anail annam, agus spiorad Dhé ann am chuinneibh?

4 Cha labhair mo bhilean aingidheachd, agus cha chan mo theanga cealg.

5 Nar leigeadh Dia gu'n saorainn sibh: gus an bàsaich mi, cha'n atharraich mi m'ionracas uam.

6 Ann am fhìreantachd fanaidh mi, agus cha leig mi uam i; cha mhaslaich mo chridhe mi rè mo làithean.

7 Mar an t-aingidh biodh mo nàmhaid; agus esan a dh'èireas suas a'm' aghaidh mar an t-eucorach.

8 Oir ciod e dòchas a' chealgoir, ge do bhuannaich e, 'nuair a bheir Dia air falbh m'anam?

9 An éisd Dia r'a ghlaodh, 'nuair a thig àmhghar air?

10 Anns an Uile-chumhachdach an gabh e tlachd? an gairm e air Dia gach àm?

11 Teagaisgidh mi sibh le làimh Dhé;

<sup>1</sup> murtair. <sup>2</sup> fheasgar, annoch. <sup>3</sup> air aghaidh nan uisgeacha. <sup>4</sup> air a h-àite.

<sup>5</sup> d'fhig crìoch air. <sup>6</sup> tuiridhean; pillars. Sasg-choimhlionuibh.



an *ni a ta* aig an Uile-chumhachdach, cha cheil mi.

12 Feuch, chunnaic sibh fèin uile e; c'ar son ma ta a tha sibh cho ro-fhaoin?

13 Is i so cuibhrionn an duine aingidh aig Dia, agus oighreachd luchd-foirneart a gheibh iad o'n Uile-chumhachdach.

14 Ma dh'fhàsas a mhic fionmhor, is ann air son a' chlaidheimh: agus cha sàsaichear a shliochd le h-aran.

15 Adhlaicear iadsan a mhaireas na dhéigh<sup>1</sup> anns a' bhàs; agus cha ghuil a bhantraichean.

16 Ge do charn e suas airgid mar an dslach, agus ge do dheasaich e eudach mar an làthach;

17 Deasaichidh se e, ach cuiridh an t-ionracan air e; agus roinnidh an neo-chiontach an t-airgid.

18 Togaidh e mar an leomann a thigh, agus mar bhothan a ni am fear-coimhid.

19 Luidhidh an saibhir sìos, ach cha chruinnichear e: fosgailidh se a shùilean, agus cha 'n'eil e ann.

20 Glacaidh uamhasan e mar uisgeacha: san oidhe goididh doinnionn air falbh e.

21 Bheir a' ghaoth an ear leatha e, agus eubhlaidh e; agus le h-ìomghaoith grad-ghluaisidh i as àit e.

22 Oir caithidh<sup>2</sup> Dia air, agus cha chaomhain e: bu mhiann leis teicheadh as a làimh.

23 Buailidh daoine am bàsan ris, agus le eigeig fuaidaidh iad as àit e.

#### CAIB. XXVIII.

**G**U cinnteach tha dol a mach<sup>3</sup> aig an airgid, agus àit aig an òr anns an leagh iad e.

2 Bheirear iarum as an talamh, agus leaghar a' chlach na h-umha.

3 Chuir e crìoch air an dorchadas; agus rannsaichidh e mach gach iomlaine, clachan duibhre agus sgàile a' bhàis.

4 Brisidh an sruth<sup>4</sup> a mach o'n luchd-àiteachaidh; dearmadar<sup>5</sup> iad leis a' chois; tiormaichear suas iad, o dhaoineibh sìubhlaidh iad.

5 A thaobh na talmhainn, aise da thig aran; agus fuidhe<sup>6</sup> tionndadhar suas amhuil teine:

6 Is iad a clachan àit na saphir: agus tha dslach òir aice:

7 Ceum nach aithne do'n eunlaith, agus nach faca sùil na fainge<sup>7</sup>.

8 Cha do shaltair cuileana an leòmhain<sup>8</sup> air, agus cha deachaidh an leòmhann garg seachad air.

9 Air a' charraig cuiridh e mach a làmh: tilgidh e bun os cionn na beannta.

10 Anns na creagaibh bheir e air aibh-

nichibh briseadh a mach; agus chi a shùil gach ni luachmhor.

11 Ceanglaidh e na h-aibhnichean o dhol thairis, agus an *ni a ta* folaichte bheir e gu solus.

12 Ach cia as a gheibhear gliocas? agus c'ait am bheil ionad na tuigse?

13 Cha'n aithne do dhuine a luach<sup>8</sup>; agus cha'n fhaighear i ann an ùr nam beo.

14 Their an doimhne, Cha 'n'eil i annam-sa; agus their a' mhuir, Cha 'n'eil i maille riumsa.

15 Cha d'fhòirear òr air a son, agus cha tomhaisear airgid mar a luach.

16 Cha mheasar i le h-òr na h-Ophir, leis an Onics luachmhoir, no leisan t-saphir.

17 Cha choimeasar òr no leug rithe; agus cha bhi a malairt le seudaibh do'n òr fhiar-ghlan.

18 Air coireal no neamhnuidibh<sup>9</sup> cha luadhar; oir tha luach gliocais os cionn nan clach a's naisle<sup>10</sup>.

19 Cha choimeasar topas na h-Etiopia rithe: leis an òr fhiar-ghlan cha mheasar i.

20 Cia as ma ta a thig gliocas? agus c'ait am bheil ionad na tuigse?

21 Oir a ta i am folach o shùilibh nan uile bheò; agus o eunlaith an athair tha i an cleith.

22 Thubhairt léir-sgrìos agus am bàs, Le'r clusaibh chuala sinn a chlu.

23 Tuigidh Dia a slighe, agus is aithne dha a h-ait:

24 Oir gu crìochaibh na talmhainn amh-aircidh esan; fuidh na neamhaibh uile chie:

25 Chum gu dean e cudthrom do'n ghaoith, agus gu tomhais e na h-uisgeacha le tomhas.

26 An uair a rinn e reachd do'n uisge, agus slighe do dhealanach na tairneanaich;

27 An sin chunnaic se i, agus dh'fhoillsich e i; dheasaich e i, seadh, agus rannsaich e mach i.

28 Agus thubhairt e ris an duine, Feuch, eagal an Tighearna, is e sin gliocas; agus an t-olc a thréigsinn, tuigse.

#### CAIB. XXIX.

**A**GUS bhuanaich Iob na chosamhlachd a labhairt a mach, agus thubhairt e,

2 Och nach robh mi mar anns na mìosaibh a chaidh tharum, mar anns na laithibh air an do choimhid<sup>11</sup> Dia mi!

3 'Nuair a thug e air a lòchran dealrachadh air mo cheann, agus le a sholus a ghluais mi san dorchadas;

4 Mar a bha mi ann an laithibh m'òige, 'nuair a bha rùn-diomhair Dhé air mo phàillium;

5 An uair a bha'n t-Uile chumhachdach

<sup>1</sup> iarmad. <sup>2</sup> tilgidh. <sup>3</sup> cuisle. <sup>4</sup> na sruthan, an tuil. <sup>5</sup> di-chuimhnichhear. <sup>6</sup> fuidhe, o a h-òchdhar. <sup>7</sup> na seubhaige; Aiah. Eabh. <sup>8</sup> mic

an ardain. <sup>8</sup> a riaghailt, a slighe. <sup>9</sup> gabis. Eabh. <sup>10</sup> rubies. Sasg. peninim. Eabh. <sup>11</sup> ghléidh.

fathast maille rium, agus m'òganaich<sup>1</sup> mu m' thimcheioll;

6 An uair a nìgh mi mo cheuma le h-im, agus a thaom a' charraig a mach dhomh sruthan otadh;

7 'Nuair a chaidh mi mach gu geatadh a' bhaile, a dheasaich mi m' àite-suidhe anns an t-sràid

8 Chunnaic na daoine òga mi, agus dh'fhòlaich siad iad fèin, agus dh'èirich na daoine aosda, agus sheas iad.

9 Sguir na h-uachdarain do labhairt, agus chuir iad an làmh air am beul.

10 Dh'fhan na h-ard-uaislean nan tosd, agus lean an teanga r'an gial

11 An uair a chual<sup>a</sup> chluas, bheannaich i mi; agus an uair a chunnaic an t-sùil, thug i fianuis leam.

12 A chionn gu'n do shaor mi am bochd, a bha 'g èighreach, agus an dilleadhan, aig nach robh fear-cuideachaidh<sup>2</sup>.

13 Thàinig beannachadh an ti, a bha ullamh gu làrachadh, orm; agus thug mi air cridhe na bantraich seinn le h-aoibhneas.

14 Chuir mi ionracas orm, agus dh'èndach e mi: mar fhalluing agus mar choron bha' mo bhreitheanas.

15 Bu shùilean mi do'n dall, agus bu chosan mi do'n bhacach.

16 Bha mi a'm' athair do na bochdaibh; agus a' chùis nach b' aithne<sup>3</sup> dhiomh-rannsaich mi a mach.

17 Agus bhris mi gial an droch dhuine, agus as' fhiacailbh spion mi a' chreach.

18 Agus thubhairt mi, Ann am nead gheibh mi bàs, agus mar a' ghaineamh ni mi mo laithean lionmhor.

19 Bha<sup>4</sup> mo fhreumh air a sgaoileadh a mach làimh<sup>5</sup> ris na h-uisgeachlaibh, agus luidh an drùchd rè na h-oidhche air mo mheangan.

20 Bha mo ghàir ùr agam, agus dh'ath-muadhaicheadh mo bhogha ann am làimh.

21 Riumsa dh'èisd daoine, agus dh'fheith iad, agus bha iad nan tosd ri m' chomhairle

22 An dèigh mo bhriathra cha do labhair iad a ris; agus shil mo chainnt orra.

23 Agus bha sùil aca rium, mar ris an uisge; agus dh'fhosgail iad am beul gu farsuing, mar air son an uisge dheireanaich.

24 Ma ghàir mi riu, cha do chreid iad, agus solus mo ghnùise cha da thilg iad sìos.

25 Thagh mi mach an slighe, agus shuidh mi mar channard, agus chòmhnuich mi mar rìgh ann an armait, mar aon a bheir comhfhurtachd do luchd-bròin.

## CAIB. XXX.

**A** CH a nis tha iadsan a's òige na mise a' deanamh fanoid orm, muinntir nach

<sup>1</sup> mo chlann. <sup>2</sup> agus esan aig nach robh fear-cuideachaidh. <sup>3</sup> cuis an ti nach b'aithne dhiomh. <sup>4</sup> Bithidh. <sup>5</sup> luidhidh. <sup>6</sup> gropis;

b'fhiu leam an aithrichean a chur maille ri conaibh mo threuda.

2 Seadh, ciod an tairbhe a bhiodh dhomhsa ann an neart an làmh, aig an deachaidh as d'an sean aois?

3 Le diù agus le gorta bha iad uaigneach, a' teicheadh do'n fhàsach, a bha san àm a chaidh seachad na fhàsalachd agus na léir-sgrìos:

4 A' gearradh sìos maloinh<sup>6</sup> làimh ris na preasaibh, agus freumhan-aiteil mar bhiadh.

5 O mheasg dhaoine dh'fhògradh a mach iad: dh'èigh iad nan aghaidh, mar an aghaidh gaduiche.

6 Bha iad a chòmhnuidh ann an sgaradh nan gleann, ann an uamhaibh na talmhainn agus nan creag.

7 Am measg nam preas rinn iad gearan<sup>7</sup>: fuidh 'n eanntagaich chruinnicheadh iad ri chèile:

8 Clann nan amadan, seadh, clann dhaoine gun chliu: bha iad ni bu tàireile na'n talamh.

9 Agus a nis is mise a's òran doibh, agus a ta mi a'm' leth-fhocal aca.

10 Tha iad a' gabhail ràin dìom, tha iad a' teicheadh fad as uam, agus cha chaomhain iad smugaid a thilgeadh a'm' eudan.

11 A chionn gu'n d'fhuasgail e mo chòrd, agus gu'n do shàraich e mi, leig iadsan mar an ceudna an t-srian sgaoille romham.

12 Air mo dheas làimh dh'èirich an òigridh, thug iad air mo chosaibh sleamh-nachadh uam, agus thog iad suas a'm' aghaidh slighean an sgrìos.

13 Mhill iad mo cheuma, chuir iad m'aimhleas air aghaidh, gun fhear-cuideachaidh aca.

14 Mar bhriseadh a stigh leathan thàinig iad, mar ann an léir-sgrìos thaom iad a stigh.

15 Thionndaidh uamhasan a'm' aghaidh<sup>8</sup>: ruaig iad m'anam mar a' ghaoth; agus mar neulchaidh mo thèaruinteachd seachad.

16 Agus a nis tha m'anam air a dhòrtadh a mach orm: ghlac laithean àmhghair mi.

17 San oidhche tha mo chòmhnan air an tolladh annam: agus cha thi m'fhéithean aig fois.

18 Le meud a neirt mhùth e m'eudach<sup>9</sup>: mar bhile mo chòta chuairtich e mi.

19 Thilg e mi anns an làthaich, agus tha mi air fàs cosmhuil ri duslach agus ri luaith.

20 Dh'èigh mi riut, agus cha d'èisd thu rium; sheas mi suas, agus [cha] d'thug thu fa'near mi.

21 Tha thu air fàs an-ìochdmhor rium; le neart do làimhe tha thu 'gad chur fèin a'm' aghaidh.

maluch. Eabh. <sup>7</sup> ciurrulan; sìtich. Eabh. <sup>8</sup> orm. <sup>9</sup> le neart m'eucalach chaochailleadh m'eudach.



22 Tha thu 'gam thogail ris a ghaoith : tha thu toirt orm marcachd oirre, agus a' leaghadh as mo bhrìgh.

23 Oir a ta fhios agam gu'n d'thoir thu mi gu bàs, agus a chum an tighe a dh'orduicheadh do gach uile bheò.

24 Gidheadh cha sìn e mach a làmh a chum na h-uaigne, gè do ghlaodh iad na sgrios.

25 Nach do ghuil mise air a shonsan a bha ann an àmhghar ? nach robh m'anam doilich air son an duine bhochd ?

26 An uair a bha sùil agam ri maith, an sin thàinig olc ; agus an uair a bha dùil agam ri solus, thàinig dorchadas.

27 Bha m'innigh air ghoil, agus cha robh fois aca : chuir laithean àmhghair romham.

28 Rì bròn dh'imich mi as eugmhais na grèine : dh'èirich mi, anns a' chomh-chruinneachadh dh'éigh mi.

29 Is bràthair mi do na dragonaibh, agus is companach mi do na cumhachagaibh<sup>1</sup>.

30 Dhubhadh mo chroicinn orm, agus loisgeadh mo chnàmha le teas.

31 Agus tha m' chlàrsach air tionndadh gu bròn, agus m'òran gu guth na muinntir a ghuileas.

# CAIB. XXXI.

**R**INN mi coimhcheangal ri m'shùilbh : c'ar son ma ta a smuainichinn air maighdinn ?

2 Oir ciod e cuibhrionn Dhé o'n iona<sup>2</sup> shuas, agus oighreachd an Uile-chumhachdaich o'n airde ?

3 Nach 'eil sgrios ann do'n droch dhuine, agus coimhchead<sup>3</sup> do luchd-deanamh na h-euceir ?

4 Nach 'eil e a' faicinn mo shlighean, agus ag àireamh mo cheumanna gu leir ?

5 Ma ghluais mi le dìomhanas, agus ma ghreas mo chos a chum ceilge ;

6 Cudthromaichear mi ann am meidhibh a' cheartais, chum gu'm bi fios aig Dia air m'ionracas.

7 Ma thionndaidh mo cheum as an t-slighe, agus ann déigh mo shùl gu'n do ghluais mo chridhe, agus ri m' làmh aibh gu'n do lean smal air bith ;

8 Cuiream, agus itheadh neach eile, seadh, biodh mo shliochd air an spionadh as am fièimh.

9 Ma mhealladh mo chridhe le mnaoi, agus aig dorus mo choimhearsnaich na rinn mi feall-fholach ;

10 Meileadh mo bhean do neach eile, agus cromadh daoine eile oirre ;

11 Oir is cionta mòr so, agus is euceart e air son nam breitheamhna<sup>4</sup>.

12 Oir is teine e a' loisgeas chum sgrios, agus a spionadh as m'fhàs uile.

13 Ma rinn mi tàir air cuis m'òglaich,

no mo bhan-oglaich, an uair a thagair iad<sup>5</sup> rium ;

14 Ciod ma ta a ni m' nuair a dh'éireas Dia ? agus an uair a dh'fhiosraicheas e, ciod a fhreagaireas mi dha ?

15 Nach 'e'n ti a rinn mise anns a' bhroinn, a rinn esan ? agus nach aon a dhealbh sinn anns a' bhroinn ?

16 Ma chum mi na bochdan o'm miann, agus ma thug mi air sùilbh na bantraiche-fàilneachadh ;

17 No ma dh'ith mi mo ghrèin a'm' aonar, agus nach d'ith an dilleachdan dheth ;

18 (Oir o m'òige dh'fhàs e suas maille rium, mar aig 'athair : agus o bhroinn mo mhàthar threoraich mi ise.)

19 Ma chunnaic mi neach a' bàdachadh a dh'ith eudaich, agus nach robh còmhdaich aig a' bhochd ;

20 Mur do bheannaich a leasraidh mi, agus mur do bhlàthaicheadh e le lomradh mo chaorach ;

21 Ma thog mi mo làmh an aghaidh an dilleachdain, an uair a chunnaic mi mò chòmhnadh anns a' gheata ;

22 Tuiteadh mo ghairdean o'n t-slinnean, agus brisear mo righe o'n chnàimh<sup>6</sup>.

23 Oir bha sgrios o 'Dhia na uamhas dhomhsa, agus a thaobh 'airde-san cha robh e n comas domh fulang.

24 Ma chuir mi san òr mo dhòchas, agus ma thubhairt mi ris an òr fhìor-ghlan, Is tu m'earbsa ;

25 Ma rinn mi gairdeachas a chionn gu'n robh mo bheartas mòr, agus a chionn gu'n d'fhuair mo làmh mòran ;

26 Ma dh'amhairc mi air a' ghrèin an uair a dhealraich i, no air a' ghealaich a' gluasad an soille,

27 Agus gu'n do mhealladh mo chridhe os ìosal, agus gu'n do phòg mo bheul mo làmh ;

28 Is cionta so mar an ceudna air son a' bhreitheimh, air dh'àicheadhainn an Dia a ta shuas.

29 Ma rinn mi gairdeachas ri sgrios an ti a dh'fhuathaich mi, agus ma thog mi m' fèin suas a chionn gu'n d'fhàinig olc air :

30 Oir cha do leig mi le m' bheul peacachadh le mallachadh iarraidh air 'anam.

31 Mar d'thubhairt fìr mo phàilliuin, Och nach robh sinn air ar sàsachadh le 'Theoil<sup>7</sup> !

32 Am nuigh cha do luigh an coigreach : mo dhorus dh'fhòsgail mi do'n fhear-turuis.

33 Mu cheil mi, mar Adhamh, m'eus-aontais, le m'ewcart fholachadh a'm' uchd :

34 An uair a bha eagal orm<sup>8</sup> romh mhòr

<sup>1</sup> coileacharbh-òidhe. <sup>2</sup> peanas iongantach. <sup>3</sup> gu bi air a smachdachadh leis na breitheamhnaibh. <sup>4</sup> a riun iad srì rium. <sup>5</sup> o'n uilinn.

<sup>6</sup> Och nach robh againn d'a fheoil ! cha sàsach-ear sinn. <sup>7</sup> An robh eagal orm &c.

shluagh, no chuir tarcuis theaghlach uamhas orm, agus a bha mi a'm' thosd agus nach deachaidh mi mach air dorus.

35 Och nach éisdeadh aon rium! feuch, is e mo mbianñ *gu'm* freagaireadh an t-Uile-chumhachdach mi, agus *gu'n* scriobhadh m'fhear-casaid<sup>1</sup> leabhar.

36 Gu deimhin air mo ghualainn ghabhainn é; cheanglainn e mar choron orm.

37 Aireamh mo cheumanna chuirinn an céill da; mar cheannard rachainn am fagus da.

38 Ma dh'éigheas m'fhearann a'm' aghaidh, no ma ghearaineas mar an ceudna a chlaisean:

39 Ma dh'ith mi a thoradh gun airgiod, no ma thug mi air a luchd-seilbh an anam a chall:

40 An àit cruithneachd fàsadh droighneach, agus an àit eorna ionntagach<sup>2</sup>. Chriochnaiceadh briathran Iob.

## CAIB. XXXII.

**A**N sin sgair an triuir dhaoine so do thoirt freagraidh air Iob, a chionn *gu'n robh e* ionraic na shùilbh fèin.

2 Agus las fearg Elihu mhic Bharacheil a' Bhuisithich, do chinneadh Ram; an aghaidh Iob las 'fhearg, a chionn *gu'n d'fhreanaich*<sup>3</sup> se e fèin ni's mò na Dia.

3 Mar an ceudna an aghaidh a thriuir chairde las 'fhearg, a chionn nach d'fhuair iad freagraidh, agus *gu'n do dh'it iad* Iob.

4 A nis dh'fheith Elihu gus an do labhair Iob, a chionn *gu'm bu shine* iad na esan.

5 An uair a chunnaic Elihu nach *robh* freagraidh air bith ann am beul an triuir dhaoine so, an sir las 'fhearg.

6 Agus freagair Elihu nac Bharacheil a' Bhuisithich, agus thubhairt e, *Tha* mise òg, agus sibhse aosmhor; uime sin bha eagal orm, agus bha mi sgàthach mu m' bharail a nochdadh dhuibh.

7 Thubhairt mi, Labhradh laithean, agus teagaisgeadh lionnhoireachd bhliadhnacha gliocas.

8 Ach *a ta* spiorad san duine, agus bheir anail an Uile-chumhachdaich tuigse dha<sup>4</sup>.

9 Cha bhi daoine mòra a *ghnàth* glic, agus *cha* tuig na h-aosmhoir breitheanas.

10 Uime sin thubhairt mi, Eisidibh rium; nochdadh mise mar an ceudna mo bharail.

11 Feuch, dh'fheith mi ri'r briathraibh; dh'éisd mi ri'r reusanuibh, gus an do rannsaich sibh ciod a theireadh sibh.

12 Seadh, thug mi fa'near sibh: agus feuch, cha *robh* aon agaibh a dhearbhadh an aghaidh Iob, no a thug freagraidh air a bhriathraibh.

13 Air eagal *gu'n* abradh sibh, Fhuair sinn a mach ghlocas: *is e* Dia a thilgeas sìos e, cha 'n e duine.

14 A nis cha do chuir e a bhriathran an ordugh a'm' aghaidhse; agus le bhuir foclaibhse<sup>5</sup> cha fhreagair mise e.

15 Bha uamhas oira; cha do fhreagair iad ni bu mhò; sgair iad do labhairt.

16 Agus dh'fheith mi, ach cha do labhair iad: ach sheas iad, agus cha do fhreagair iad ni bu mhò.

17 Freagairidh mise mar an ceudna mo chuid fèin; nochdaidh mise mar an ceudna mo bharail.

18 Oir a ta mi làn do bhriathraibh; a ta spiorad mo chuim 'gam éigheachadh.

19 Feuch *a ta* nio chom mar fhion gun dol as aige: mar shearraga nuadha, tha e ullamh gu bhì air a reubadh.

20 Labhraidh mi, agus bithidh lasachadh<sup>6</sup> agam; fosgailidh mi mo bhilean, agus freagairidh mi.

21 Na gabham-sa, guidheam ort, ri gnùis duine air bith; agus ri duine na labhran gu miodalach.

22 Oir cha'n aithne dhomhsa cainnt mhiodalach: nam *b'aithne*, gu h-aithghearr bheireadh nio Cruithn'fhear air falbh mi.

## CAIB. XXXIII.

**U**IME sin, a Iob, cluinn, guidheam ort, mo bhriathra<sup>7</sup>, agus éisd ri m'fhoclaibh uile.

2 Feuch, a nis dh'fhosgail mi mo bheul; labhair mo theanga ann am bheul.

3 O ionracas mo chridhe *thig* mo bhriathra; agus labhraidh mo bhilean eòlas gu soilleir.

4 Rinn spiorad Dhé mi, agus thug anail an Uile-chumhachdaich beatha dhomh.

5 Ma's urrainn thu, freagair mi, cuir do bhriathran an ordugh a'm' làthair, seas suas.

6 Feuch, *a ta* mise, mar a ta thu fèin o Dhia<sup>8</sup>; as a' chréidh dhealbadh mise mar an ceudna.

7 Feuch, cha chuir m'uamhas-sa eagal ort, agus cha bhi mo làmh trom ort.

8 Gu cinnteach labhair thu a'm' éisd-eachd, agus chuala mi guth [do] bhriathar.

9 Glan *a ta* mi, gun eusaontas; neo-chiontach *a ta* mi, agus cha 'n'eil euceart annam.

10 Feuch, tha e faghail chùisean<sup>9</sup> a'm' aghaidh; tha e 'gam mheas mar a nàmhaid.

11 Tha e a' cur mo chos anns a' cheap; tha e a' geur amharc air mo cheumnaibh gu léir.

12 Feuch, an so cha 'n'eil thu ceart; freagairidh mi thu gur mò Dia na duine.

13 C'ar son a chuireas tu na aghaidh; oir an aon air bith d'a nithibh cha d'thoir e cunntas<sup>10</sup>?

14 Oir aon uair labhraidh Dia, agus an dara uair cha'n amhairc e thairis air<sup>11</sup>.

15 Ann an aisling, ann an sealladh<sup>12</sup> na

<sup>1</sup> m'eascairaid. <sup>2</sup> eanntagach, tuibh loibh-each. <sup>3</sup> gu'n do shaor. <sup>4</sup> dhoibh.

<sup>5</sup> uirghiol-sa. <sup>6</sup> anail, fois. <sup>7</sup> mo chainnt, an uirghiol. <sup>8</sup> a ta mise a réir do ghuidhe, an

ait Dhé. <sup>9</sup> chion-fath. <sup>10</sup> cha fhreagair e.

<sup>11</sup> seadh, dà uair, ge nach d'thoir duine fa'near.

<sup>12</sup> taisbeanadh.



h-oidhche, 'nuair a thuiteas codal trom air daoinibh, 'nuair a bhios iad nan suain air an leabaidh.

16 An sin fosgailidh e eluasan dhaoine, agus seulaichidh e an teagasg.

17 Chum gu tarruing e duine o a dheanadas<sup>1</sup>, agus gu'm folaich e uabhar o dhuine;

18 Gu'n cum e 'anam on t-slochd, agus a' bheatha o sgrios leis a' chlaidheamh.

19 Oir smachdaichear e le péin air a leabaidh, agus lionnuhioireachd a chnàmh le péin láidir.

20 Air chor as gu'n gabh a bheatha gràin do aran, agus 'anam do bhiadh deagh bhlasda.

21 Caithear 'fheoil air chor as nach faicear i; agus a chnàmha nach facas, seasaidh a mach.

22 Agus tairngidh 'anam am fagus do'n uaigh, agus a bheatha do na milltearaibh.

23 Ma bhios teachdaire aige, cadar-theangair, aon am measg mhìle, anochdadh 'ionracais do dhuine:

24 An sin gabhaidh e truas deth, agus their e, Saor e o dhol sìos do'n t-slochd: fhuair mi éiric<sup>2</sup>.

25 Bitidh 'fheoil ni's àire na feoil feinibh: thig e air ais gu laithibh 'òige.

26 Ni e urnuigh ri Dia, agus gabhaidh e gu caoinhàil<sup>3</sup> ris, agus chi e a ghnùis le gairdeachas; oir iocaidh e do dhuine 'ion-racas.

27 Amhaircidh e air daoinibh, agus ma their aon duine<sup>4</sup>, Pheacaich mi, agus chlaon mi an nì a bha ceart; agus cha robh e chum tairbhe dhomh:

28 Saoraidh e 'anam<sup>5</sup> o dhol sìos do'n t-slochd, agus chi a<sup>6</sup> bhacatha solus.

29 Feuch, na nìthe sin uile oibrichidh Dia gu minic<sup>7</sup> a thachb duine.

30 A thoirt 'anama air ais o'n t-slochd, gu bhàir a shoilleachadh le solus nam beo.

31 Thoir fa'near, a Iob, éisd rium, bi d'fhosd, agus labhraidh mi.

32 Ma ta bheag agad r'a ràdh, freagair mi: labhair, oir bu mhiann leam do shaoradh<sup>8</sup>.

33 Mur 'eil, éisd thusa riumsa: bi d'fhosd, agus tcagaisgidh mise dhuith gliocas.

# CAIB. XXXIV.

**A** THUILLEADH airso fhreagair Elihu, agus thubhairt e,

2 Chuinnibh mo bhriathra, a dhaoine glìce, agus éisdibh rium, sibhse aig am bheil eòlas.

3 Oir dearbhaidh a' chluas briathran, agus blaisibh am beul biadh.

4 Ròghnaicheamaid dhuinn féin breitheanas: biodh fios againn eadarunn féin ciod an nì a ta maith.

5 Oir thubhairt Iob, A ta mi ionraic, agus thug Dia air falbh mo bhreitheanas.

6 Ann am breitheanas tha mi air mo mbealladh<sup>9</sup>: tha mo lot do-leighis, as eugmhais eusaontais.

7 Cia an duine a ta cosmhuil ri Iob, a dh'òlas suas magadh mar uisge?

8 A dh'imicheas ann an cuideachd luchd-dheanamh na h-cuceirte, agus a shiubhlas le droch dhaoinibh.

9 Oir thubhairt e, Cha 'n'eil tairbhe ann do dhuine tlachd a ghabhail ann an Dia.

10 Uime sin éisdibh rium, sibhse a dhaoine tuigseach: Fada gu robh aingidh-eachd o Dhia, agus euceart o'n Uile-chumhachdach.

11 Oir gnìomh duine iocaidh e dha, agus bheir e air gach duine gu faigh e a réir a shlighe.

12 Seadh, gu cinnteach cha dean Dia gu h-aingidh, agus cha chlaon an t-Uile-chumhachdach breitheanas.

13 Cò a chuir an talamh fuidh a chùram? agus cò a shuidhich an domhan uile?

14 Ma chuireas e a chridhe air<sup>10</sup>, ma chruinnicheas e d'a ionnsuidh féin a spiorad agus 'anail;

15 Bàsaichidh gach uile fheoil le chéile, agus pillidh an duine a ris do'n duslach.

16 A nis ma ta tuigse agad, chuinn so, éisd ri guth mo bhriathar.

17 An riaghail esan féin aig am bheil fuath do cheartas? agus an dèit thu esan a's ro-chéirte?

18 An abrar ri rìgh, Tha thu aingidh? ri daoinibh urramach<sup>11</sup>, Tha sibh ain-diadhaidh?

19 Ris-nach nach gabh ri gnùis uachdaran, agus nach incas an saibhir ni's mò na'm bochd? oir is iad uile oibre a làmh.

20 Gu h-obann gheibh iad bàs, agus mu mheadhon-oidhche cuirear an sluagh fa bhuaireas<sup>12</sup>, agus siubhlaidh iad: agus bheir ear an cumhachdach air falbh gun làmh.

21 Oir a ta a shùilean air slighibh duine, agus chi e a cheumanna gu léir.

22 Cha 'n'eil dorchadas na sgàile bàis ann, far am folaich luchd-dheanamh na h-aingidheachd iad féin.

23 Oir cha leag e tuilleadh sa' chòir air duine, chum gu'n rachadh e am breitheanas ri Dia.

24 Brisidh e sìos daoine cumhachdach gun àireamh, agus cuiridh e suas daoine eile nan àit.

25 Uime sin is aithne dha an gnìomh-aran, agus tilgidh e bun os cionn iad san oidhche, agus sgriosar iad.

26 Mar dhroch dhaoinibh buailidh se iad ann an sealladh soilleir dhaoine eile:

27 A chionn gu'n do thionndaidh iad air

<sup>1</sup> a rùn.  
<sup>3</sup> buigheil.  
an'anam.

<sup>2</sup> luach-saoraidh, fuasgladh.  
<sup>4</sup> agus their e.  
<sup>6</sup> mo,  
<sup>7</sup> trì uairean. Eabh.

<sup>8</sup> do ghlanadh.  
aghaidh mo chéirt?

<sup>9</sup> An deanainn breug an  
<sup>10</sup> air duine.  
<sup>11</sup> uachd-  
aranab, ard-uaislibh.  
<sup>12</sup> fo thrioblaid.

an ais uath, agus nach d'thug iad fa'near aon air bith d'a shlighibh;

23 Air chor as gu'n d'thug iad air glaoth nam bochd tèachd d'a ionnsuidh, agus gu'n eual e glaoth nan truaghan.

29 An uair a bheir esan fois, cò a ni buaireas? agus an uair a dh'fhòlaicheas e a ghnùis, cò a chi e? ma's ann a thaobh cinnich, no a thaobh duine a mhaìu.

30 A chum nach ròghaich duine a bhios na chealgair, air eagal gu'm biodh an sluagh air an ribeadh.

31 Gu cinnteach ri Dia tha e iomchuidh r'a ràdh, Ghiùlain mi smachdachadh, cha chiontaich mi ni's mò.

32 An ni nach léir dhomh, teagaisg thusa dhomh: ma rinn mi aingidheachd, cha dean mi sin ni's mò.

33 An ann a réir do thoile-sa bu chòir an ni a bhi? dìolaidd se e, ma dhiùltas thusa, oir is tu fèin a ròghnaicheas, agus cha mhise; uime sin an ni a's aithne dhuìt labhair.

34 Imseadh daoine tuigsach dhomh, agus éisdeadh duine glic rium.

35 Labhair Iob gun eòlas, agus bha a bhriathran as eugmhais gliocais.

36 Is e mo mhiann Iob a bhi air a dhearbhadh chum na crìche, air son a fhreagraidhean le daoinibh aingidh.

37 Oir tha e a' cur ceannaire r'a pheacadh, a' bualadh a bhas 'na measg, agus a' deanamh a bhriathra lionmhor an aghaidh Dhé.

## CAIB. XXXV.

**F**HREAGAIR Elihu a rìs, agus thubhairt e,

2 An saoil thusa so a bhi ceart, gu'n dubhairt thu, *Tha* m'fhìreantachd-sa os cionn fireantachd Dhé?

3 Oir thubhairt thu, Ciod an tairbhe bhios ann dhuìte? agus, Ciod a' bhuannachd a bhios ann domhsa, *ma shaorar mi o m' pheacach?*

4 Freagairidh mise thu, agus do chompanaich maille riut.

5 Ambaire air na nèamhaibh, agus feuch; agus faic na neoil a's aìrde na thu.

6 Ma pheacaicheas tu, ciod a ni thu na aghaidh san? agus *ma* dh'fhàsas t'eusaontais lionmhor, ciod a ni thu air-san?

7 Ma bhios tu ionraic, ciod a bheir thu dha-san? no ciod a gheibh e o d' làimh?

8 Feudaidd t-aingidheachd cron a dheanamh do dhuine mar a ta thusa, agus t'fhìreantachd a bhi tarbhach do mhac an duine.

9 Glaohdhaidh iadsan a tha air an sàrachadh le mòran, éighidh iad air son gairdein na mòr chuideachd?

10 Ach cha 'n abair aon neach, C'ait am bheil Dia mo Chrùith-fhear, a tha tabhairt dhàn seachad san oidheche?

11 A tha 'gar teagasg ni's mò na ain-

mhidhean na talmhainn, agus 'gar deanamh ni's glìce na eunlaith nan speur.

12 An sin éighidh iad (ach cha 'fhreagair *neach air bith iad*) air son uabhair dhroch dhaoine.

13 Gu cinnteach cha 'n éisd Dia ri dìomh-anas, agus cha bhi measaig an Uile-chumhachdach air.

14 Ge do their thu nach faic thu e, tha breathanas na làthair; uime sin earb thusa as.

15 Ach a nis a chionn nach '*eil e mar sin*, dh'fhiosraich e na chorrùich, gidheadh ni h-aithne dha sin ann an deuchainn<sup>3</sup> mhòir.

16 Uime sin fosgaidh Iob a bheul gu dìomhain: ni e briathra lionmhor gun eòlas.

## CAIB. XXXVI.

**A**GUS chaidh Elihu air aghaidh, agus thubhairt e,

2 Leig dhomh beagan, agus nochdaidh mi dhuìt gu bheil fathast ni agam ri labhairt air son Dhé.

3 Tairngidh<sup>4</sup> mi m'eòlas o chéin, agus do m' Chruthadair bheir mi ceartas.

4 Oir gu cinnteach cha bhi mo bhriathra breugach: *tha* esan a ta iomlan ann an eòlas maille riut.

5 Feuch, *tha* Dia cumhachdach, agus cha dean e tair; cumhachdach ann an neart, *le* gliocas.

6 Cha ghléidh e beo an t-aingidh, ach bheir e ceartas do na bochdaibh.

7 Cha tarraing e a shùilean o'n ionracan; ach a *ta iad* le rìghribh air an rìgh-chathair, agus daingnichidh e iad gu bràth, agus ardaichear iad.

8 Agus ma bhios iad ceangailte an geimhlibh, *ma* ghlacar iad ann an cordaibh àmhghair;

9 An sin nochdaidh e dhoibh an obair agus an eusaontais, gu'n robh iad anabarrach.

10 Agus fosgaidh e an cluas chum fòghluim, agus àithnidh e dhoibh pilltinn o euceart.

11 Ma dh'éisdeas iad *ris* agus ma ni iad seirbhis *da*, canthidh iad an laithean ann an saibheas, agus am bliadhan ann an subhachas.

12 Ach mur éisd<sup>5</sup> iad, cuircar as doibh leis a' chlaidheamh, agus gheibh iad bàs gun eòlas.

13 Ach carnaidh na cealgairean sa' chridhe suas fearg: cha 'n éigh iad an uair a cheanglas e iad.

14 Gheibh iad bàs nan òige, agus *tha* am beatha am measg nan neo-ghlan.

15 Saoraidh e am bochd na àmhghar agus fosgaidh e an cluasan nan sàrachadh.

16 Eadhon mar sin dh'atharraicheadh e thusa a meadhan teamntachd *gu àite fàr-saing*, far nach '*eil* teamntachd air bith, agus

<sup>1</sup> a chuireas tuairgne. <sup>2</sup> nan daoine mòra.

<sup>3</sup> cionta. <sup>4</sup> Togaidh. <sup>5</sup> géill.



*bhiodh* na chuirte air do bhord làn do shaill.

17 Ach choimhlon thu breithcanas an aingidh: gabhaidh breitheanas agus ceartas greim *dhiot*.

18 A chionn *gu bheil* fearg *riut*, tabhair an aire nach d'thoir e air falbh thu le a bhuille: an sin cha saor éiric<sup>1</sup> mhòr thu.

19 Am meas e do shàibhreas? cha *meas*, no or, no uile neart cumhachd.

20 Na miannaich an oidhche 'nuair a ghearrar as sluagh nan àit.

21 Tabhair an aire nach claon thu gu euceart<sup>2</sup>; oir so ròghnaich thu thar àmhghar.

22 Feuch, ardaichidh Dia le a chumhachd: cò a theagaisgeas cosmhuil ris-san?

23 Cò a dh'fhiosraich<sup>3</sup> a sblighe? agus cò a dh'fheadas a ràdh, Rinn thu euceart?

24 Cuimhnich gu'n ardaich thu 'obair-san, a chi daoine.

25 Chi na h-uile dhaoine i: chi duine i o chéin.

26 Feuch, *tha* Dia mòr, agus cha'n aithne dhuine e, agus cha rannsaichear a mach àireamh a bhliadhuacha.

27 Oir ni e meanbh na braoin uisge; taomaidh iad a nuas uisge a réir a chèd,

28 A shileas na ncoil; frasaidd iad air an duine gu pailt.

29 A bhàrr air so an urrainn *neach air bith* sgaoileadh nan neul a thuigsinn, no fuaim a phàillitinn?

30 Feuch, sgàilidh e a sholus air, agus còmhdaichidh e iochdar na fairge.

31 Oir leo sin bheir e breth air an t-sluagh, bheir e biadh seachad am pàillteas,

32 Le a làmbaibh<sup>4</sup> còmhdaichidh e an solus, agus àithnidh e dha teachd a ris.

33 Nochdaidh an fhuaim aige a thaobh sin, an spréidh mar an ceudna a thaobh na théid suas<sup>5</sup>.

# CAIB. XXXVII.

**M**AR an ceudna uime so chrìochnaich mo chridhe, agus charaicheadh as 'ait e.

2 Eisdibh gu furachar ri fuaim a ghutha, agus an torman a théid a mach as a bheul.

3 Fuidh na nèamhaibh uile stiùbhraidh se e, agus a dhealanach gu crìochaibh na talmhainn.

4 Na dhéigh sin beucaiddh guth: ni c tairneanach<sup>6</sup> le guth a mhòralachd, agus cha chum e air an ais iad an uair a chluinn-e ar ghuth.

5 Ni Dia tairneanach le a ghuth gu h-iongantach; ni e nithe mòra do-thuigsinn.

6 Oirris an t-snacchda their e, Bì-sa air an talamh; mar an ceudna ris an uisge mheanbh, agus ri uisge mòr a neirt.

7 Air làimh gach duine cuiridh e seula; chum gu'n aithnich na h-uile dhaoine 'obair-san.

8 Agus théid na fiadh-bheathaiche steach d'an garaidh, agus nan àitibh-tàmh luidhidh iad.

9 As an airde deas thig an ioma-ghaoth<sup>7</sup>, agus fuachd as an airde tuath.

10 Le h-anail Dhé bheirear reodhadh, cumhaingichear leud nan uisgeacha.

11 Mar an ceudna le h-uisgeachadh sgithichidh e an neul tiugh: sgaoilidh e a neul soilseach.

12 Agus tioundaidhear mu'n cuairt e le a chomhairle; chum gu'n dean iad ge b'e ni a dh'àithneas e dhoibh air aghaidh a' chruinne-ché.

13 Bheir e air teachd, ma's ann a chum smachdachaidh, no air son 'fhearainn, no air son tròcaire:

14 Eisd ri so, a Iob: seas, agus tabhair fa'near oibre iongantach Dhé.

15 Am bheil fios agad c'uin a dh'orduich Dia iad, agus a thug e air solus a neoil dealrachadh?

16 Am bheil fios agad air cothromachadh nan neul, air oibribh iongantach an tì a ta iomlan ann an eòlas?

17 Cionnas a ta t'èudach blàth, 'nuair a chiuinichear<sup>8</sup> an talamh leis a' ghaoith a deas?

18 An do sgaoil thu mach maille ris-san na speura, a ta làidir, mar sgàthan leaghta?

19 Nochd dhuinn ciod a their sinn ris: cha'n urrainn sinn *ar caint* a chur an ordugh a thaobh dorchadais.

20 An innsear dha 'nuair a labhras mi? ma labhras duine, gu cinnteach sluigear suas e.

21 Agus a nis cha 'n fhaic daoine an solus dealrach a ta anns na neulaibh: ach siubhlaidh a' ghaoith, agus glanaidh si iad.

22 As an airde tuath thig soiniann<sup>9</sup>: aig Dia tha mòrachd uamhasach.

23 An t-Uile-chumhachdach, cha 'n urrainn sinn fhaghail a mach: *tha e* òir-dheire ann an cumhachd, agus am breitheanas, agus an làn cheartas: cha sàraich e.

24 Uime sin bitidh eagal air daoineibh roimhe: cha bhi meas aige air duine sam bith a *bhios* glic an cridhe.

# CAIB. XXXVIII.

**A**N sin fhreagair an Tighearn Iob as a' chuairt-ghaoith<sup>10</sup>, agus thubhairt e,

2 Cò e so a tha dorchachadh comhairle le briathraibh gun eòlas?

3 Crìosraich a nis mar fhear do leasraidh, agus fèidhaichidh mi dhìot, agus freagair thusa mi.

4 C'ait an robh thu 'nuair a leag mi se

<sup>1</sup> fuasgladh. <sup>2</sup> na tabhair spéis do euceart. <sup>3</sup> a dh'orduich. <sup>4</sup> neulaibh. <sup>5</sup> a' chèd. <sup>6</sup> tairneinichidh, no tairnichidh e.

<sup>7</sup> a' chuairt-ghaoith. <sup>8</sup> 'nuair a shìothaich-eus e. <sup>9</sup> deadh àimsir; òr. <sup>10</sup> ioma-ghaoith.

bunaite na talmhainn? innis, ma ta tuigse agad.

5 Cò a shuidhich a thoimhsean, ma's aithne dhuit? no cò a shìn an snàithne-tomhais air?

6 Cìod air am bheil a bhunaitean air an daingneachadh, no cò a leag a chlach-oisinne;

7 'Nuair a sheinn reulta na maidne cuideachd, agus a rinn uile mhic Dhe gairdeachas?

8 No cò a dhruid a stigh an fhairge le dorsaibh, 'nuair a bhris i mach mar gu'n d-thigeadh i as a' bhroinn;

9 An uair a rinn mi neul na thruscan d'i, agus tiugh dhorchadas na chrìos-spaoilidh d'i?

10 Agus a bhris mi suas d'i m'àite suidhichte, agus a rinn mi dh'i crannan agus dorsan;

11 Agus a thubhairt mi, Gu ruig so thig thu, ach clia d'thig nì's faide, agus an so coisgear do thonna naibhreacha?

12 O *thoiseach* do laithean an d'thug thu aithne do'n mhaduinn? an d'thug thu fios a h-àite do'n scarthanaich?

13 A chum greim a ghabhail<sup>9</sup> do chrìochaibh na talmhainn, agus gu'n crathta na h-aingidh as.

14 Tionndaidhear e mar chriadh ris an t-seula, agus seasaidh iadsan mar eudach

15 Agus cumar an solus o na h-aingidh, agus brisear an gairdean ard.

16 An deachaidh tu steach gu tobraichibh na fairge? no ann an rannisachadh an dubh-aigein<sup>1</sup> an d'imich thu?

17 An d'fhoghladh geatachan a' bhàis duit? no 'm faca tu dorsa sgàile a' bhàis?

18 An d'thug thu fa'near leud na talmhainn? innis, ma's aithne dhuit e uile.

19 C'ait *am bheil* an t-slighe anns an còmhnuich au solus? agus an dorchadas, c'ait *am bheil* ionad-san?

20 Gu'n gabhadh tu e g'a chrìch, agus gu'm b'aithne dhuit na ceuman a dh'ionnsuidh a thighe?

21 An aithne dhuit e, a chionn gu'n d'rugadh tu an sin, na *gu bheil* àireamh do bhliadhnaicha mòr?

22 An deachaidh tu steach gu ionmhasaibh an t-sneachdaidh? no'm faca tu ionmhasa na cloiche-meallain<sup>2</sup>?

23 A thaisg misc fa chomhair aimsire na ceanntachd, fa chomhair latha a' chatha agus a' chogaidh.

24 Cia an rathad a dhealaichear an solus, a sgaoileas a' ghaoth an car air an talamh?

25 Cò a roinn sruth-chlais air son na tuile, agus slighe air son dealanaich<sup>6</sup> na tairneanaich;

26 A thoirt air frasadh air an talamh *far* nach 'eil duine; air an fhàsach gun duine ann;

27 A shàsachadh an fhàsaich agus an dìothreachb, agus a thoirt air cinneas<sup>7</sup> an lus mhaoth fàs suas?

28 Am bheil athair aig an uisge? no cò a ghin braoin an drùchda?

29 A broinn cò an d'fhàinig an cigh<sup>8</sup>? agus liath-reodhadh nan speur, cò a ghin e?

30 Mar chloich tha na h-uisgeacha air an cruadhachadh<sup>9</sup>, agus aghaidh na doimhne air reodhadh.

31 Am feud thusa cumhachda milse Phleïades<sup>10</sup> a cheangal, no ceanglaichean Orioin<sup>11</sup> fhuasgladh?

32 An d'hoir thu mach Madsarot na àm? no an stiuir thu Arcturus maille r'a mhacaibh?

33 An aithne dhuit reachda nan nèamh? an suidhich thu an uachdaranachd air an talamh?

34 An tog thu suas a dh'ionnsuidh nan neul do ghuth, air chor as gu'n còmhdaich pailteas uisgeacha thu?

35 An cuir thu uait dealanaich, agus an d'fhéid iad, agus an abair iad riut, *Tha sinn an so?*

36 Cò a chuir gliocas san taobh a stigh<sup>12</sup>? no cò a thug tuigse do'n chridhe?

37 Cò a dh'airmheas na neoil an gliocas? no cò a choisgeas searraga nan nèamh;

38 'Nuair a dh'fhàsas an duslach na mhcall cruaidh, agus a dhlùth-leanas na fòide ri chèile?

39 An sealg thusa cobhartach do'n leòmhnan bhoirionn, agus an sàsaich thu ciocras<sup>13</sup> nan leòmhnan òga;

40 'Nuair a chrùbas iad nan garaidh, a dh'fhanas iad ann an sgàile chum feall-fheitheamh?

41 Cò a sholaras do'n fhithreach a lòn? an uair a dh'èigheas an t-àl òg aige ri Dia, théid iad air ionroll<sup>14</sup> a chion bith.

## CAIB. XXXIX.

**A**N aithne dhuitse an t-àm anns am beir gabhair fhiadhaich na carraige? an d'hoir thu fa'near c'uin a bhceiras na h-eilde laoigh?

2 An urrainn thu na mìosan àircamh a choimhlionas iad, agus an aithne dhuit an t-àm anns am beir iad?

3 Cromaidh siad iad féin, beiridh iad an àl, tilgidh iad dhuibh an do-bròn.

4 Tha an àl an culaidh mhaith, tha iad a' fàs suas anns na chuainibh<sup>15</sup>; théid iad a mach, agus cha phill iad d'an ionnsuidh.

5 Cò a chuir a mach an t-asal fhadhaich saor, agus cò a dh'fhuasgail ceanglaiche an asail fhiadhaich?

<sup>1</sup> na chrìos-pasgaidh. <sup>2</sup> chamhaoir. <sup>3</sup> gus an gabh thu greim. <sup>4</sup> na doimhne. <sup>5</sup> cluich-  
fhuasgladh. <sup>6</sup> theintich. <sup>7</sup> ùras. <sup>8</sup> deigh.

<sup>9</sup> air am folachadh. <sup>10</sup> Chimah. Eabh.  
<sup>11</sup> Chesil. Eabh. <sup>12</sup> sna h-airmibh. <sup>13</sup> miann-  
anam. Eabh. <sup>14</sup> seacharan. <sup>15</sup> le h-arbhar.



6 D'an d'rinn mi a thigh do'n fhàsach, agus àite-còmhluaidh do'n fhearann neo-thorach.

7 Nì e tarcuis a' mòr shluagh a' bhaile: ri éigheach an fhir-ghreasaidh cha 'n eisd e.

8 Rannsaichidh e na sléibhte chum ion-altraidh, agus sìridh e 'n déigh gach uaine<sup>1</sup>.

9 Am bi an t-aonadharcach<sup>2</sup> toileach air seirbhis a dheanamh dhuit? am fan e aig do phrasaich?

10 An ceangail thu an t-aonadharcach le 'chuing anns a' chlàis? no'n cliath e na gleamta a'd' dhéigh?

11 An carb thu as, a chionn gur mòr a a neart; no 'm fàg thu t'obair dha?

12 An creid thu e gu'n aisig e<sup>3</sup> do shìol, agus gu'n cruinnich se e do d' urlar-bualaidh<sup>4</sup>?

13 An tusa thug sgiathan breagha do na pèncagailh<sup>5</sup>? no sgiathan agus iteach<sup>6</sup> do'n struth<sup>7</sup>?

14 A dh'fhàgas a h-uibhean san talamh, agus a bhàthaicheas iad san duslach,

15 Agus a dhi-chuimhniceas gu'm feud cos am bruthadh, no fiadh-bheathach na macharach am briscadh?

16 Cruadhaichear i 'n aghaidh a h-àlach, mar nach bu leatha iad: dìomhain tha a saothair gun eagal;

17 A chionn gu'n dhiùlt Dia dh'i gliocas, agus nach do roinn e tuigse rithe.

18 Ge b'e uair a thogas si i féin an aird, ni i tàir air an each, agus air a mharcach.

19 An d'thug thusa neart do'n each? an d'eudaich thu a mhuineal le tairneanaich?

20 An dean thu gealtach e mar an leumnach-uaine<sup>8</sup>? is uamhasach glòir a chuinneine<sup>9</sup>.

21 Bùraichidh<sup>10</sup> e le 'chois anns a' ghleann, agus ni e gairdeachas na neart: theid e air aghaidh an coinncamh an airm?

22 Nì e magadh air eagal, agus cha bhi uamhann air, agus cha phill e air ais o fhaobhar<sup>11</sup> a' chlàidheinnh.

23 Nì 'm balg-saighid torman na aghaidh, an t-sleagh loimcach agus an gath<sup>12</sup>.

24 Le gairge agus feirg cladhaichidh<sup>13</sup> e 'n talamh; agus cha chreid e gur i fuaim na trompaide a ta ann.

25 Am meadhon fuaim na trompaide their e, Ha, ha; agus fad as gabhaidh e boladh a' chatha, tairncaich nan ceannard, agus na h-iolaiche.

26 An ann le d' ghliocas-sa a dh'iteal-aicheas an t-scabhag, a shìneas i a sgiathan a làmh na h-àirde dcas?

27 An ann air t-àithne-sa a dh'éireas an iolaire suas, agus a nì i a nead gu h-ard?

28 Gabhaidh i còmhluaidh anns a' charraig, agus fanaidh i air scor<sup>14</sup> na carraige, agus anns an daingneach.

29 As sin iarraidh i cobhartach: chi a sùilear fad as.

30 Agus sùgaidh a h-àlach<sup>15</sup> suas fuil; agus far am bi na mairbh, an sin bithidh ise.

CAIB. XL.

A THUILLEADH air so fhreagair an Tighearn Iob, agus thubhairt e,

2 An teagaisg esan a nì strì ris an Uile-chumbachdach? esan a thagras ri Dia, freagradh e air a shòn.

3 Agus fhreagair Iob an Tighearn, agus thubhairt e,

4 Feuch, tha mi gràineil; ciod a fhreagras mi dhuit? cuiridh mi mo làmh air mo bheul.

5 Aon uair labhair mi, ach cha fhreagair mi; scadh, dà uair, ach cha 'n abair mi tuilleadh.

6 An sin fhreagair an Tighearn Iob as a' chuairt-ghaoith, agus thubhairt e,

7 Crìosraich a nìs mar dhuine do, leasraidh: feòraichidh mi dhìot, agus freagair thusa mi<sup>16</sup>.

8 An d'hoir thusa mo bhreithcanas-sa gu neo-nì? an d't thu mise, chum gu saorar thu féin?

9 Am bheil gairdean agad cosmhuil ri Dia? no'n dean thu tairneanach le guth cosmhuil ris-an?

10 Sgeadaich thu féin a nìs le mòrachd agus le h-òrdheirceas, agus eudaich thu féin le glòir agus maise.

11 Taom<sup>17</sup> a mach fraoch t'fheirge, agus faic gu h-ncach a ta uabhbreach, agus irioslach e.

12 Faic gach neach a ta uabhbreach, islich e, agus saltair sìos na droch dhaoine nan àit.

13 Folaich iad san duslach le chéile, ceangail an aghaidhean an dìomhair-eachd.

14 An sin mar an ceudna aidichidh mise dhuit, gu'n saor do dheas làmh féin thu.

15 Feuch a nìs Behemot, a rinn mise-maille riut; ithidh e fear mar dhanh.

16 Feuch a nìs, tha a neart na leasraidh, agus a spionnadh ann an ionlaig a bhronn.

17 Gluaidh e 'earball mar shendar: tha féithean-luthaidh a shléisdean ceangailte r'a chéile.

18 Tha a chnàmha làidir mar umha; tha a chnàmha mar chrannaibh iaruin.

19 Is e tùs shlighean Dhé e: an ti a chruthaich e, feudaich esan a chlàidheamh a thoirt an fagus da.

20 Gu cinnteach bheir na sléibhte dha

<sup>1</sup> glas. <sup>2</sup> an sròn-adharcach, am buabhadh. <sup>3</sup> gu'n tabhair e stigh. <sup>4</sup> do d' shubhadh. <sup>5</sup> reannan Eabh. <sup>6</sup> cleiteach. <sup>7</sup> ostrich. <sup>8</sup> fionnan-froir, dreolan-teusbuidh. <sup>9</sup> a pholl-

airean. <sup>10</sup> Clad' aichidh. <sup>11</sup> aghaidh. Eabh. <sup>12</sup> an sgiath. <sup>13</sup> slaidh e suas. <sup>14</sup> fuicail. Eabh. <sup>15</sup> coin dga. <sup>16</sup> thoir thusa fios domh. <sup>17</sup> Tilg.

feur, far am bi uile bheathaiche na mach-arach ri sùgradh<sup>1</sup>.

21 Fuidh na crannaibh dubharach loidhidh e, am folach na cuilce agus na làth-aich.

22 Còmhdaichidh na cranna dubharach e le'n sgàile: cuairtichidh seileach an t-sruthain e.

23 Feuch, thig abhainn gu cruaidh air, agus cha dean e deifir: bithidh dòchas aige 'nuair a thig Iordan a mach 'ga bheul<sup>2</sup>.

24 Na shùilbh<sup>3</sup> an glac duine e? le dubhanaibh<sup>4</sup> an toll e a shròn?

## CAIB. XLI.

**A**N tarruing thu mach Lebhiatan le dubhan, no a theanga le cord a leigeas tu sìos?

2 An cuir thu cromag na shròin, agus le deilg<sup>5</sup> an toll thu a ghial?

3 An dean e mòran a-lachaidh ort? an labhair e briathra mine riut?

4 An dean e coimhcheangal riut? an gabh thu e mar sheirbhis-each gu bràth?

5 An dean thu cluicheadh ris mar ri h-eun? no'n ceangail thu e do d' ghruag-achaibh?

6 An dean na companaich cuirm dheth? an roinn iad e am measg nan ceannuiche?

7 An lion thu le gathaibh a chroicinn, no le mòr-ghathaibh éig a chcann?

8 Cuir do làmh air, cuimhuich an cath, na dean tuilleadh.

9 Feuch, is dìomhain a dhòchas-san: eadhon aig a shealladh nach tilgear duine sìos?

10 Nach borb e 'nuair a dhùisgeas neach e<sup>6</sup>? agus cò esan a sheasas na làthair?

11 Cò a ghabh romham<sup>8</sup>, agus gu'n dìolaim? gach nì a ta fuidh na n-èamhaibh uile, is leam-a e.

12 Cha cheil mi a bhuill, no a neart, no a dheallbh sg' amhach.

13 Cò a dh'fhoillsicheas aghaidh 'eud-aich? cò a thig d'a ionnsuidh le 'shrian dùbailte?

14 Cò a dh'fhosgailleas dorsan 'aghaidh? tha 'Thiaclan uamhasach mu'n cuairt.

15 Is iad a lannan 'vaill, dùinte suas le chèile mar le seula daingean;

16 Aon air a cur ri h-aon eile, air chor as nach d'fhig deò eatorra.

17 Tha iad air an tàdhdh ri chèile, agus cha ghabh iad dealachadh.

18 Le a shìtrich foillsichidh solus; agus tha a shùilean cosmhuil ri rsgaibh na maidne.

19 As a bheul théid leusa<sup>9</sup>; leumaidh srada teine a mach.

20 A cuinncaibh a shròine thig deat-ach a mach, mar a poit air ghoil, no coire.

1 mire, cluicheadh. 2 obaidh e suas abhainn agus cha bhì cabag air: is dòigh leis gu'n tarruing e suas Iordan na bheul. 3 na shealladh 4 am an ribeachaibh. 5 bior. 6 Cha 'n'èil neach am cho-borb as gu'n dùisg se e. 7 a'm'

21 Lasaidh 'anail gual, agus théid lasair a mach as a bheul.

22 Na mbuinnle còmhnuichidh neart, agus roimhe ruithidh bròn<sup>10</sup>.

23 Tha filleachan<sup>11</sup> 'fheòla a' leantuinn ri chèile: tha iad daingean ionnta féin; cha ghabh iad gluasad.

24 Tha a chridhe cruaidh mar chloich, cruaidh eadhon mar chloich-mhuilinn iochdraich.

25 An uair a thogas se e féin suas, bithidh na cumhachdaich fa gheilt: air eagal brisidh glanaidh siad iad féin.

26 Cha seas claidheamh an tì a bheanas-ris; an t-sleagh, an gath, no'n lùireach<sup>12</sup>.

27 Measaidh e mar chonlaich an t-iar-unn, mar fhiodh grod an t-unha.

28 Cha d'fhoir an t-saighead<sup>13</sup> air teich-eadh; nan conlaich tionndaidhear leis clachan a' chroinn-tabbuill.

29 Mar chonlaich measar gathan<sup>14</sup>; agus nì e gàire ri crathadh sleagha.

30 Fuidhe tha clacha geura: sgaoilidh e nìthe geura air an làthaich.

31 Bheir e air an doimhne bhi air ghoil mar choire: an fhaige nì e mar phoit ol'-ungaidh.

32 Na dhéigh bheir e air a shlighe soill-scachadh: saoilidh neach an t-aigean a bhì liath.

33 Air thalamh cha 'n'èil a shamhuil, a rinneadh as eugmhais cagail.

34 Chì e gach nì ard: tha e na rìgh os cionn uile chloinne an uabhair.

## CAIB. XLII.

**A**N sin fhreagair Iob an Tighearn, agus thubhairt e,

2 Tha fios agam gur urrainn thusa gach nì a dheanamh, agus nach ceilear smuain-eadh air bith ort.

3 Cò esan a chileas comhairle gun còlas? uime sin chuir mi 'n céill nìthe nach do thuig mi; nìthe tuilleadh 's iongantach air mo shon-sa, nach b'aithne dhomh.

4 Eisd, guidheam ort, agus labhairidh mi: feòraichidh mi dhìot, agus foillsich thusa dhomh.

5 Le éisdeachd na cluaise chuala mi thu: ach a nis chunnaic mo shùil thu.

6 Uime sin gabhaidh mi gràin dìom féin, agus nì mi aithreachas ann an duslach agus an luath.

7 Ach an déigh do'n Tighearn na briathra sin a labhairt ri Iob, thubhairt an Tighearn ri Eliphas an Temanach, Tha m'fhearg air a lasadh a't' aghaidh-sa agus an aghaidh do dhithis cairde, a chionn nach do labhair sibh a'm' thaobh-sa<sup>15</sup> an nì a bha ceart, mar a labhair m'òglach Iob.

8 Agus uime sin gabhaidh dhuibh féin

làthair. 9 a chuidich leam. 10 bròn gairdeachas, tionndaidhear bròn gu gairdeachas na làthair. 11 sleantach. 12 uchd-èididh. 13 mac a' bhogha. Eabh. 14 totach. Eabh. 15 umam-sa, a'm' làthair-sa.



seachd tairbh òga, agus seachd reitheacha, agus rachaibh a dh'ionnsuidh m'òglach Iob, agus Iobraibh Iobairt-loisgte air bhuir son fein, agus ni m'òglach Iob ùrnuigh air bhuir son, oir ris-san<sup>1</sup> gabhaidh mi; chum nach buin mi ribh a *réir bhuir* n-amaideachd, a chionn nach do labhair sibh a'm' thaobh-sa an *ni a bha* ceart, mar a labhair m'òglach Iob.

9 Agus chaidh Eliphas an Temanach, agus Bildad an Suhach, agus Sophar an Naamatach, agus rinn iad mar a dh'àithn an Tighearn dhoibh; agus ghabh an Tighearn ri Iob.

10 Agus thionndaidh an Tighearn braighdeanas Iob, an uair a rinn e ùrnuigh air son a chairde: agus thug an Tighearn do Iob a dhà uiread 'sa bha aige roimhe.

11 Agus thàinig a bhràithrean uile d'a ionnsuidh, agus a pheathraichean uile, agus iadsan uile d'am b'aithne e roimhe, agus dh'ith iad aran maille ris na thigh; agus bha truas aca dheth, agus thug iad comhfhurtachd dha thaobh an uile uile a thug

an Tighearn air: agus thug iad dha gach aon dhiubh bonn airgid, agus gach aon diubh cluas-fhàinne òir.

12 Agus bheannaich an Tighearn deir-eadh Iob ni's mò na a thoiseach; agus bha aige ceithir mìle deug caora, agus sè mìle camhal, agus mìle cuing dhamh, agus mìle asal bhoirionn.

13 Agus bha aige seachd mic, agus trìur nighean.

14 Agus thug e Iemima mar ainm air a' cheud *nighinn*, agus Cesiah mar ainm air an dara, agus Ceren-hapuch mar ainm air an treas *nighinn*.

15 Agus cha d'fhuaradh<sup>2</sup> mnà chosgiambach ri nigheanaibh Iob auns an tìr uile, agus thug an athair dhoibh oighreachd am measg am bràithre.

16 Agus bha Iob beò na dhèigh so ceud agus dà fhichead bliadhna; agus chunnaic e a mhic, agus mic a mhac, ceithir ginealach.

17 Agus fhuair Iob bàs na sheann duine, agus làn do laithibh.

## LEABHAR NAN SALM.

### SALM I.

**I**S beannuichte an duine sin nach gluais ann an comhairle nan aingidh, agus nach seas ann an slighe nam peacach, agus nach suidh ann an caithir luchd-fanoid:

2 Ach aig am bheil tlachd ann an lagh<sup>2</sup> an Tighearna, agus a smuainicas air a lagh-san a là agus a dh'oidheche.

3 Bithidh e mar chràibh suidhichte làimh ri sruthaibh uisge, a bheir a mach a toradh na h-aimsir, agus nach caill a duille: agus soirbhichidh leis gach ni a ni e.

4 Cha'n ann mar sin a bhios na h-aingidh; ach mar mhol a sgapas a' ghaoth.

5 Air an aobhar sin cha seas na h-aingidh ann am breitheanas, no peacach ann an coimhthional nam firean.

6 Oir is aithne do'n Tighearna<sup>3</sup> slighe nam firean; ach sgriosar slighe nan aingidh.

### SALM II.

**C**'ARSON a ghabh na cinnich boile, agus a smuainich na slòigh ni dìomhain.

2 C'ar son a dh'éirich rìghre na talmhainn, agus a ghabh na h-uachdarain comhairle le chèile, an aghaidh an Tighearna, agus an aghaidh 'Aoin ungta-san, *ag ràdh*,

3 Briseamaid o chèile an cuibhreach, agus tilgeamaid dhinn an cuing<sup>4</sup>?

4 An ti a ta na shuidhe air nèamh, ni e gàirc; ni an Tighearna fochaid orra.

5 An sin labhraidh e riu na fheirg; agus na chorruich cuiridh e uamhann orra.

6 Gidheadh dh'ung<sup>5</sup> mise mo Rìgh air Sion, mo shliamh naomhasa.

7 Cuiridh mi 'n céill ordugh an Tighearna: thubhairt e rium, *Is tu mo mhacsa*; an diugh ghin mi thu.

8 Iarr orn, agus bheir mi dhuit na cinnich mar oighreachd, agus crìocha na talmhainn mar sheilbh.

9 Brisidh tu iad le slait iaruin; mar shoitheach criadhaidair, pronnaidh tu iad nam bleighdibh.

10 A nis ma ta, a rìghre, bithibh glic; gabhaibh fòghlum, a bhreitheamhna na talmhainn.

11 Deanaibh seirbhis do'n Tighearna le h-eagal, agus deanaibh gairdeachas le ball-chrith.

12 Pògaibh am Mac<sup>6</sup>, air eagal gu'm bi fearg air, agus gu sgriosar sibh san t-slighe, 'nuair a lasas ach gu beag a chorruich. *Is beannuichte iadsan uile a dh'earbas as.*

### SALM III.

*Salm le Daibhidh, 'nuair a theich e roimh Absalom a mhac.*

**A** THIGHEARN, nach lìonmhor a dh'fhàs mo naimhdean? *is iomadh iad a tha 'g éirigh a'm' aghaidh.*

2 *Is iomadh iad a their ri m'anam, nach 'eil furtachd aige ann an Dia.* Selah.

3 Ach a tu thusa, a Thighearn, a'd' sgéith dhomhsa; mo ghloir, agus fear-togalach mo chinn.

4 Le m' ghuth dh'éigh mi ris an Tigh-

<sup>1</sup> *a' ghnùis-san.* Eabh. <sup>2</sup> *reachd.* <sup>3</sup> *is* <sup>4</sup> *an cuird.* <sup>5</sup> *shuidhich.* <sup>6</sup> *Thugaibh ùmhachd do'n mhac.*

earn, agus dh'éisd e rium as a shliabh naomha. Selah.

5 Luidh mi sìos, agus choidil mi: dhùisg mi, oir chum an Tighearna suas mi.

6 Cha'n eagal leam deich mìle sluagh, a chuir iad fèin a'm' aghaidh air gach taobh.

7 Eirich, a Thighearn; saor mi. O mo Dhia: oir bhuail thu mo naimhdean uile air an gial; bhris thu facla nan aingidh.

8 Is leis an Tighearn an fhurtachd: air do shluagh tha do bheannachd. Selah.

## SALM IV.

Do'n ard fhear-ciùil air Neginot. Salm le Daibhidh.

**N**UAIR a dh'éigheas mi, éisd rium, a Dhé m'ionracais; 'nuair a bha mi ann an teinn, dh'fhuasgail thu orm; dean tròcair orm, agus éisd ri m'ùrnuigh.

2 A chlann nan daoine, cia fhàd a thionndaidheas sibh mo ghloir chum nàire? a ghràdhachas sibh dìomhanas, a shireas sibh an deigh bhreug? Selah.

3 Ach biodh fios agaibh gu'n do ròghnuich an Tighearn an duine naomh dha fèin: éisdidh an Tighearn, an uair a dh'éigheas mi ris.

4 Biodh eagal oirbh, agus na peacaichibh: labhraibh r'ar cridhe air bhuir leabaidh, agus bithibh tosdach. Selah.

5 Iobraibh iobairtean ionracais, agus earbaibh as an Tighearn.

6 Tha mòran ag ràdh, Cò nochdas dhuinn nì maith? Tog oirne solus do ghnùise, a Thighearna.

7 Chuir thu aoibhneas ann am chridhe, nì's mò na 'nuair is pailte an arbhar agus am fìon-san.

8 An sìth aron luidhidh mi, agus coidlidh mi; oir is tusa mhàin, a Thighearn, a bheir orm còmhnuidh ghabhail gu tèaruinte.

## SALM V.

Do'n ard fhear-ciùil air Nechilot. Salm le Daibhidh.

**R**E M' bhriathraibh éisd, a Thighearn; beachdaich air mo smuaintibh.

2 Thoir an aire do ghuth mo ghlaoidh, mo Rìgh, agus mo Dhia; oir riutsa' ni mi ùrnuigh.

3 A Thighearn, air maduinn cluinidh tu mo ghuth; air maduinn deasaichidh mi mi fèin a'd' làthair<sup>2</sup>, agus amhaircidh mi suas.

4 Oir cha Dia thusa aig am bheil tlachd an aingidheachd, agus cha chòmhnuich an t-aingidh<sup>3</sup> maillle riut.

5 Cha seas na h-amadain a'd' làthair: is fuath leat luchd-deanamh an uile.

6 Sgriosaidd tu luchd-labhairt bhreug: is gràin leis an Tighearn an duine fuileachdach agus cealgach.

7 Ach air mo shon-sa, ann an lion-

mhoireachd do thròcaire, thig mi steach do d' thigh; sleuchdaidh mi aig do theampull naomha<sup>4</sup>, ann ad eagal.

8 A Thighearn, treòruich mi ann ad fhìreantachd: air sgàth mo naimhde, dean do shlighe dìreach roinham:

9 Oir cha 'n'eil ceart<sup>5</sup> nam beul; is fìor aingidheachd an taobh a stigh dhiubh; is uaigh fhosgailte an sgornan; nì iad mìodal le'n teangaidh.

10 Sgrìos<sup>6</sup> iad, a Dhé; tuiteadh iad le'n comhairle fèin: air son lìon-mhoireachd an eucearta tilg a mach iad; oir rinn iad ceannaire a'd' aghaidh.

11 Ach deanadh iadsan uile aoibhneas a chuireas an dòigh annad: gu bràth deanadh iad iolach, a chiom gu'n dìon thu iad: agus deanadh iadsan luathghaire annad, leis an ionnphuinn t'ainm.

12 Oir beannuichidh tusa am firean, a Thighearna: le deadh-ghean cuartichidh tu e, mar le sgéith.

## SALM VI.

Do'n ard fhear-ciùil air Neginot air Scinit. Salm le Daibhidh.

**A** THIGHEARN, ann ad chorruich na cronuich mi, agus ann ad fheirg na smachdaich mi.

2 Gabh truas dìom, a Thighearn, oir a ta mi lag: slànuich mi, a Thighearn, oir a ta mo chnàmhan air an cràdh,

3 Agus a ta m'anam air a chràdh gu mòr: ach thusa, a Thighearn, cia fhàd?

4 Pill, a Thighearna, fuasgail m'anam: saor mi, air sgàth do thròcaire.

5 Oir anns a' bhàs cha 'n'eil cuimhne ort: anns an uaigh cò bheir dhuit cliu??

6 Tha mi sgìth le m'osnaich; rè na h-oidhche tha mi cur mo leabaidh air snàmh; le m' dheuraibh uisgicheam m'uirigh.

7 Caithear le dubhachas mo shùil; fàsaidh i sean, air son m'eascairde gu léir.

8 Imichibh uam, sibhse uile a luchd-deanamh na h-euceirt, oir chual an Tighearn guth mo chaididh.

9 Chual an Tighearn m'athchuinge; gabhaidh an Tighearna ri m'ùrnuigh.

10 Cuirear gu nàire agus gu mòr amhladh mo naimhde gu léir: pillleadh iad, cuirear gu h-obann gu nàire iad.

## SALM VII.

Sigaion le Daibhidh, a sheinn e do'n Tighearna, thaobh bhriathar Chuis a' Bheniaminich.

**A** THIGHEARNA mo Dhia, annad cuiream mo dhòigh; saor mi uathas an uile, a tha'n tòir orm, agus teasaig mi:

2 Air eagal mar leòmhnan gu'n reub e m'anam, 'ga liodairt, gun neach a shaoras.

3 A Thighearna mo Dhia, ma rinn mi so; ma tha lochd a'm' làmhaidh;

<sup>1</sup> cia fhàd a bhios sibh trom an cridhe? car son. <sup>2</sup> stiùraidh mi m'ùrnuigh a'd' ionnsuidh. 491

<sup>3</sup> olc. <sup>4</sup> le m'aghaidh ri d' fàchaidh naomha. <sup>5</sup> fìrinn. <sup>6</sup> Dìt. <sup>7</sup> buidheachas.



4 Ma dh'ìoc mi olc do'n fhear, a bha an sìth rium, no ma rinn mi foirneart air-san, a bha na eascaraid domh gun aobhar<sup>1</sup>.

5 Geur-leanaidh an nàmhaid m'anam, agus glacadh se e, agus saltradh e mo bheatha gu làr, agus leagadh e mo chliu san dulsach. Selah.

6 Eirich, a Thighearn, a't' fheirg; tog suas thu fèin air son corruich mo naimhdean, agus mosgail air mo shon chum na breth, a dh'aithean thu.

7 An sin cuairtichidh coimhthional an t-sluaigh thu; air an son-san uime sin pill gu h-ionad ard.

8 Bheir an Tighearna breth air an t-sluagh: thoir breth orm, a Thighearn, a réir m'fhreantachd, agus a réir m'ionraicais a tu annam.

9 Thigeadh crìoch air aingidheachd nan aingidh, ach dàingnich thu-a am firean: oir dearbhaidh tu na cridheachan agus na h-airnean, a Dhé chothromaich<sup>2</sup>.

10 Is e Dia mo sgiath, a shaoas iadsan, a tha ceart an cridhe.

11 Is breitheanach cothromach Dia, agus bithidh Dia am feirg ris a' chiontach gach là.

12 Mur pill e, geuraidhidh e a chlaidheamh: chuir e a bhogha air lagh, agus dheasaich se e.

13 Agus dh'ulluich se air a shon innil bàis: dhealbh e a shaighdean an aghaidh luchd-geur-teannhuinn<sup>3</sup>.

14 Feuch, tha e ri saothair le h-euceart, ghin e olc, agus rug e breug.

15 Dh'fhosgail e slochd, agus chladhaich se e, agus thuit e fèin anns a' chlais, a rinn e.

16 Pillidh 'olc air a cheann fèin, agus thig 'fhoirneart a nuas air a chloigionn fèin.

17 Molaidh mise an Tighearn a réir a cheartais; agus seinnidh mi chu do ainm an Tighearna a's ro-airde.

## S A L M VIII.

Do'n ard fhear-ciùil air Gilit. Salm le Daibhidh.

**O** IEHOBAH air Tighearn, cia òirdheire t'ainm air feadh na talmhainn uile? a shocrach do ghòir os cioun nan nàmh.

2 A beul naoidhean agus chiochran dh'orduich thu neart, air son do naimhde, chum gu coisgeadh tu an nàmhaid agus an dioghaltach.

3 Nuair a dh'amhairceas mi air do nàmhaidh, obair do mheù: air a' ghealach agus na reultaibh, a shuidhich<sup>4</sup> thu;

4 Cò e an duine gu'm biodh tusa cuimhneachail air, agus mac an duine gu'm fiosraicheadh tu e?

5 Rinn thu e beagan ni b'isle nà na h-aingil, agus chrùn thu e le glòir agus le h-urain.

6 Thug thu uachdaranachd dha air oibribh do làmh: chuir thu gach ni fa chosaibh;

7 Caoraich agus buar uile, agus mar an ceudua ainmhidhean na macharach;

8 Eudaith nan speur, agus iasg na mara, a shiùbhlas air slighibh nan cuan.

9 O Iehobhah, ar Tighearn, cia òirdheire t'ainm air feadh na talmhainn uile?

## S A L M IX.

Do'n ard fhear-ciùil air Mutaben. Salm le Daibhidh.

**M**OLAIDH mi thu, a Thighearn, le m'uile chridhe; cuiridh mi'n ceill t'òibre iongantach gu léir.

2 Ni mi aobhneas agus gairdeachas annad; scinnidh mi cliu do t'ainm, O Thi a's airde.

3 Nuair a philleas mo naimhdean air an ais, tuitidh iad agus théid as doibh a t'fhiannais:

4 Oir sheas thu dhonnh mo chòir agus mo chùis: shuidh thu air do righ-chaitheir, a' toirt breth le ceartas.

5 Smachdaich thu na cinnich, sgrios thu na h-aingidh; chuir thu as d'an aum gu saoghal nan saoghal.

6 Chaidh crìoch air sgrios an nàmhaid am fear d; leag thu sìos am bailte mòra: théid as d'an cuimhne maille riu fèin.

7 Ach maraidh an Tighearna gu sìorruidh: dheasaich e a righ-chaitheir chum breitheanas.

8 Agus bheir esan breth air an t-saoghal am fireantachd, ni e breitheanas do'n t-sluagh an ceartas.

9 Agus bithidh an Tighearna na dhaingneach do'n tì a sharuichear, na dhàingneach ann an aimsribh teanntachd.

10 Agus cuiridh iadsan d'an aithne t'ainm an dòigh annad: oir cha tréig thusa, a Thighearn, iadsan a dh'iarras thu.

11 Seinnibh cliu do'n Tighearn, a chòmh-micheas ann an Sìon, aithrisibh an measg nan cinneach a ghnìomhara.

12 Nuair a ni e rannsachadh air fuil, cuimhnichidh e orra: cha di-chuimhnich e glòidh nam bochd.

13 Dean trò-air orm, a Thighearn: amhairc air m'amhghar a tha mi fulang uatha-san, le'm fuathach mi, O thusa a tha ga m' thogail suas o gheataibh a' bhàis;

14 Chum gu foillsich mi do chliu uile ann an geataibh ghlinn Shìoin: ni mi gairdeachas ann a' shlàinte.

15 Thuit na cinnich sìos anns an t-slochd a rinn iad: anns an lìon a dh'fhòlaich iad, chaidh an cos fèin an sàs.

16 Aithnichear an Tighearna sa' bhreith-

<sup>1</sup> (seadh, theasairg mi an tì, a bha na nàmhaid domh gun aobhar.) <sup>2</sup> oir dearbhaidh an Dia cothromach na cridheachan, agus na h-airnean.

<sup>3</sup> luchd-tòrach, luchd-dìobhargaidh. <sup>4</sup> dh'orduich, dheasaich.

eanas a rinn e : ann an gnìomh a làmh fèin ribear an t-aingidh. Higaion. Selah.

17 Cuirear na h-aingidh gu h-ìfrinn<sup>1</sup>, na cinnich uile nach cuimhnich Dia.

18 Oir cha dì-chuimhnichear an t-ainnis<sup>2</sup> gu bràth; cha d'fhéid as do dhòchas nam bochd gu sìorruidh.

19 Eirich, a Thighearn, na buadhaicheadh duine; thugar breth air na cinnich a't' fhuais.

20 Cuir, a Thighearn, eagal orra; chum gu'n aithnich na cinnich nach 'eil anna fèin ach daoine. Selah.

S A L M X.

**C**'AR son, a Thighearn, a sheasas tu fad o làimh? a dh'fholaicheas tu thu fèin ann an aimsiribh teannachd?

2 Na n' bhar geur-leanaidh an t-aingidh am bochd<sup>3</sup>; glacar iad sna h-innleachdaibh, a dhealbh iad.

3 Oir ni an t-aingidh ràiteachas a miann a chridhe; agus molaidd e an duine sanntach, a's beag air Dia.

4 Ann an ualhar a' ghnùise cha'n iarr an t-aingidh Dia: cha 'n'eil Dia na uile smuaintibh.

5 Tha a shlighean doilgheasach anns gach àm; tha do bhreitheanas ard as a shealladh: thaobh a naimhdean uile, ni e tarcais orra<sup>4</sup>.

6 Thubhairt e na chridhe, Cha ghluaisear mi, gu bràth cha bhi mi ann an àmhghar.

7 Tha a bheul làn do mhallachadh, agus do chéilg, agus do mhealltaireachd: fo 'theangaidh tha donas agus dìomhanas.

8 Suidhidh e ann an ionadaibh-folaich nam bailte beaga: ann an àitibh dìomhair mortaidh e an neo-chiontach: tha a shùilean ann an uaignidheas a' dearcadh air a' bhochd.

9 Ni e feall-fholach gu dìomhair, mar leòmhnan na gharaidh: ni e feall-fholach chum gu'n glac e an duine bochd: glacaidh e an duine bochd, 'ga tharruing na lìon.

10 Crùbaidh e, cromaidh e sìos, agus tuitidh am bochd le 'dhaoinibh làidir<sup>5</sup>.

11 Thubhairt e na chridhe, Dhi-chuimhnich Dia; dh'fholaich e a' ghnùis, cha léir dha sud ann fead.

12 Eirich, a Thighearna Dhé, tog suas do làmh: na di-chuimhnich na daoine bochda<sup>6</sup>.

13 C'ar son a rinn an t-aingidh tàir air Dia? a thubhairt e na chridhe, Cha'n iarr thu e?

14 Chunnac thu e; oir is léir dhuit donas agus mìorun, chum an dioladh le d' làimh: orts a fàgaidh an duine bochd e fèin; is tu fear-cuideachaidh an dilleachdain.

15 Bris thusa gairdean an aingidh, agus an droch dhuine; rannsaich a mach 'aingidheachd gus nach faigh thu i.

16 Tha'n Tighearna na Rìgh gu saoghal nan saoghal: sgriosadh<sup>7</sup> na cinnich a mach a' a' tair.

17 A Thighearna, chuala tu miann nan daoine bochd<sup>8</sup>: dea-aichidh tu an cridhe; bheir thu air do chluais éis-deachd:

3 A chumail ceirt ris an dilleachdan agus ris an truaghan, chum nach dean duine o'n ùir foirneart hi's mò.

S A L M XI.

*Do'n ard fhear-civil. Salm le Daibhidh.*  
**A**S an Tighearn earbam: c'ar son a their sibh ri m'anam, Teich as mar eun, gu d' shliabh<sup>9</sup>?

2 Oir fench, chuir na h-aingidh bogha air lagh; ghleus iad an saighead air sreing, chum tilgeadh san dorcha orra-san, a ta ceart nan cridhe.

3 Ma sgriosar na bunaitcan, ciod a ni am firean?

4 Tha'n Tighearna na theampull naomh; tha rìgh-chluithir an Tighearna anns na neamhaibh: chi a shùilean, rannsaichidh<sup>10</sup> a rosgan clann nan daoine.

5 Rannsaichidh an Tighearna am firean; ach an t-aingidh, agus ean a thug spéis do fhoirneart, is fuath le 'anam.

6 Frasaidh e air na h-aingidh ribeachan<sup>11</sup>, teine agus pronnac, agus doinionn uamhasach, mar chuibhrionn an cupain.

7 Oir is ionmhuinn leis an Tighearna cheart ceartas: amhaircidh a' ghnùis air an duine ionraic.

S A L M XII.

*Do'n ard fhear-civil air Seminit. Salm le Daibhidh.*

**C**UIDICH leam, a Thighearn, oir cha 'n'eil duine diadhuidh ann; oir theirig<sup>12</sup> na h-ionraic o mheasg cluinn nan daoine.

2 Labhraidh iad dìomhanas<sup>13</sup> gach neach r'a choimhearsnach: 'e bilibh mìodalach, le cridhe dùbailte<sup>14</sup> labhraidh iad.

3 Sgathaidh an Tighearna na bilean mìodalach uile, an teanga a labhras nithe mòra;

4 Iadsan a thubhairt, Le'r teangaidh buaidhichidh sinn; is leinn fèin ar bilean: cò a ta na thighearn os ar ciomn?

5 Air son foirneir nam bochd, air son osnach nan ainis<sup>15</sup>, a nis éiridh mi, ars' an Tighearn: cuiridh mi e ann an tèaruinteachd uithesan, a bhagras na aghaidh<sup>16</sup>.

6 Is briathra sìor-ghlan, briathran an Tighearna; mar airgid air a dhearbhadh ann an àmhuinn chreadha, air a ghlanadh seachd uairean.

<sup>1</sup> Pillcar na h-aingidh do'n uaigh. <sup>2</sup> an t-uircasblaidheach. <sup>3</sup> an truaghan. <sup>4</sup> sèididh e orra. <sup>5</sup> na ionadaibh làidir. <sup>6</sup> truagh, èriosal. <sup>7</sup> sgriosar. <sup>8</sup> truagh, èriosal. <sup>9</sup> Teich as do na beanntaibh, mar eun. <sup>10</sup> dearbhaidd.

<sup>11</sup> eibhlean. <sup>12</sup> dh'fhàilnich. <sup>13</sup> breug. <sup>14</sup> le cridhe dà-shille; cridhe agus cridhe. Eabhl. <sup>15</sup> air son glaoidh nam feumach. <sup>16</sup> le'm b' àill a ribeadh.



7 Gleidhidh tusa sinn<sup>1</sup>, a Thighearn; ònaidh tu sinn<sup>2</sup> o'n ghinealach so gu bràth.

8 Gluaisidh na h-aingidh air gach taobh, nuair a dh'arduichear iadsan a's suaraiche do chloinn nan daoine.

S A L M XIII.

*Do'n ard fhear-civil. Salm le Daibhidh.*

**C**IA fhad, a Thighearn, a dhi-chuimhnichas tu mi? an ann gu bràth? Cia fhad a dh'fholaichas tu do ghnùis uam?

2 Cia fhad a ghabhas mi comhairle ann am anam, bròn ann am chridhe gach là? Cia fhad a dh'arduichear mo nàmhaid os mo chionn?

3 Amhairc orm, éisd rium, a Thighearna mo Dhia: soillsich mo shùilean, air eagal gu'n coidil mi chum bàis<sup>3</sup>:

4 Air eagal gu'n abair mo nàmhaid, Bhuadhaich mi na aghaidh; gu'n dean m'earcairdean gairdeachas an uair a dh'aomar mi.

5 Ach dh'earb mise as do thròcair; ni mo chridhe gairdeachas ann ad shlàinte.

6 Seinnidh mi do'n Tighearn, a chionn gu'n do bhuin e rium gu fial: [agus seinnidh mi cliu do ainm an Tighearna a's ro-airde.]

S A L M XIV.

*Do'n ard fhear-civil. Salm le Daibhidh.*

**T**HUBHAIRT an t-amadan na chridhe, Cha 'n eil Dia ann. Tha iad truaidhidh; rinn iad oibre gràineil; cha 'n eil neach ann a ni maith.

2 Dh'amhairc an Tighearn a nuas o nèamh air cloinn nan daoine, a dh'fheuchainn an robh neach ann, a bha glic, a bha 'g iarraidh Dhé.

3 Chlaon iad uile, tha iad gu léir air fàs salach: cha 'n eil neach ann a ni maith, cha 'n eil eadhon aon.

4 Nach 'eil eòlas aca-san uile, a tha deanamh na h-eucorach, a tha 'g itheadh suas mo shluaigh, mar a dh'ithcadh iad aran, agus nach gairm air an Tighearn?

5 An sin ghabh iad eagal mòr, a chionn gu bheil Dia ann an ginealach nam firean.

6 Nàirich iad<sup>4</sup> comhairle an duine bhochd, a chionn gur e'n Tighearn a thearmunn.

7 O gu d'fhigeadh slàinte Israeil a mach a Sion! An uair a bheir an Tighearn air ais braighdeanas<sup>5</sup> a shluaigh, ni Iacob gairdeachas, ni Israel aoibhneas.

S A L M XV.

*Salm le Daibhidh.*

**A** THIGHEARN, cò dh'fhanas ann ad phàillion? cò chòmhnuikeas air do shliabh naomha?

2 Esan a ghluaiseas gu h-ionraic, agus a ni ceartas, agus a labhras an fhìrinn na chridhe;

3 Nach dean cùl-chàineadh le 'theangaidh, nach dean olc d'a charaid<sup>6</sup>, agus nach tog droch sgeul air a choimhearsnach;

4 Leis an suarach àn droch dhuine<sup>7</sup>, ach a bheir urram dhoibhsan air am bi eagal an Tighearna; a mhionnuicheas chum a chaldaich fèin<sup>8</sup>, agus nach caochail;

5 Nach cuir 'airgiod a mach air ocar<sup>9</sup>, agus nach gabh duais an aghaidh an ncochiontaich. Esan a ni na nithe sin, cha ghluaisear gu bràth e.

S A L M XVI.

*Michtam le Daibhidh.*

**G**LEIDH mi, a Dhé, oir chuir mi mo dhòigh annad.

2 Thubhairt mi<sup>10</sup> ri Iehobhah, Is tu mo Thighearn: cha ruig mo mhaitheas ortsa.

3 A thaobh nan naomh<sup>11</sup> a ta air talamh, agus nam flath; tha mo thlachd uile annata.

4 Meudaichear an doilgheasan dhoibhsan, a ni deifir<sup>12</sup> an déigh dhé eile: cha 'n iobair mi an iobairtean-dibhe do fhuil, agus cha luaidh mi air an ainmibh le m' bhlìbh<sup>13</sup>.

5 Is e an Tighearna cuibhrionn m'òighreachd agus mo chupain: is tusa a chumas suas mo chrannchlur.

6 Thuit mo roinn<sup>14</sup> dhomhsa ann an ionadaibh aoibhneach; seadh, tha oighreachd thaitneach agam.

7 Beannuichidh mise an Tighearn, a thug comhairle orm: tha m'airne mar an ceudna 'gam theagasg an àm na h-oidheche.

8 Chuir mi an Tighearna romham a ghnàth: a chionn gu bheil e air mo dheas làimh, cha ghluaisear mi.

9 Uime sin ni mo chridhe aoibhneas, agus ni mo ghlòir gairdeachas: gabhaidh m'fheoil mar an ceudna fois ann an dòchas.

10 Oir cha'n fhàg thu m'anam<sup>15</sup> annsan uaigh; cha leig thu le t'aon naomha truailidheachd fhacinn.

11 Feuchaidh tu dhomh slighe na beatha: tha lànachd aoibhneisa d' lathair-sa: tha mòr shubhachas aig do dheas làimh gu sìorruidh.

S A L M XVII.

*Urnuigh le Daibhidh.*

**E**ISD ri ceartas, a Thighearn, tabhair aire do m' ghlaodh; cluinn m'ur-nuigh, a thig a mach cha'n ann o bhlìbh cealgach.

2 O t'fhianuis thigeadh mo bhreth: faiceadh do shùilean nithe cothromach.

<sup>1</sup> iad. <sup>2</sup> e, iad. <sup>3</sup> gu'n coidil mi codal a' bhùis.

<sup>4</sup> sibh. <sup>5</sup> braighdean. <sup>6</sup> chompanach, choimhearsnach. <sup>7</sup> Na shùilbhe am bi an droch dhuine làireil. Eabh. <sup>8</sup> a mhionnuicheas d'a charaid.

<sup>9</sup> an-riadh. <sup>10</sup> Thubhairt thu, O m'anam.

<sup>11</sup> Ach air na naoimh. <sup>12</sup> cabhag. <sup>13</sup> cha ghabh mi an ainmean air mo bhlìbh. <sup>14</sup> na crìocha; na sreanga-tomhais. Eabh. <sup>15</sup> mo phearsa, mise.

3 Dhearbh thu mo chridhe, dh'fhiosraich thu mi san oidheche; rannsuich thu mi, cha d'fhuair thu a' bheag: is e mo rùn nach ciontaich mo bheul.

4 A thaobh ghnìomhara dhaoine, le focal do bhilean sheachainn mi ceumanna<sup>1</sup> a' mhillteir.

5 Cum suas mo cheumanna ann ad shlighibh, chum nach sleamhnuich mo chosan.

6 Ghairm mi ort, oir éisdidh tu rium, a Dhé; zom do chluas a'm' ionnsuidh, cluinn mo chainnt.

7 Tais-bein do ehaoinhneas iongantach, o thusa a shaoras le d' dheas làimh iadsan a dh'earbas asad, uatha-san a dh'èireas suas nan aghaidh.

8 Gléidh mi mar chloich na sùla, fuidh sgàile do sgiathan foluich mi.

9 O ghnùis nan droch dhaoine a tha ri foirneart orm, naimhdean m'anama a tha ga m' chuartaich air gach taobh.

10 Nan saill tha iad air an druidealh suas; le'm beul labhraidh iad gu h-uabhair.

11 'Nar ceum a nis chuairtich iad sinn: shuidhich iad an sùilean, a' cromadh sìos gu lár.

12 Cosmhuil ri leòmhann, a tha gionach chum cobhartaich, agus ri leòmhann òg a' feitheamh ann an ionadaibh dìomhair.

13 Eirich, a Thighearn, cuir roimhe, leag sìos e, saor m'anam o'n aingidh le d' chlàidheamh<sup>2</sup>.

14 O dhaoineibh le d' làimh, a Thighearn, o dhaoineibh an t-saoghail, d'am bheil an cuibhrionn sa' bheatha so, agus d'an do lìon thu am brù le t'ionnhas foluichte: sàsuichear an clann<sup>3</sup>, agus fàghaidh iad am fuigheall d'an naoidheanaibh.

15 Air mo shon-sa, ann am fireantachd chì mi do ghnùis: sàsuichear mi, 'nuair a dhùisgeas mi, le d' chosamlachd.

## S A L M XVIII.

Do'n arà fhear-ciùil [Salu] le Daibhidh, òglach an Tighearn, a labhair ris an Tighearna briathra na luoidh so, san là air an do shaor an Tighearn e as làimh a naimhdean uile, agus as làimh Shanil, agus an dubhairt e:

**G**RADHAICHIDH mi thu, a Thighearn, mo neart.

2 Is e an Tighearna mo charruig, agus mo dhaingneach, agus m'fhear-saoraidh: mo Dhia, mo chreag<sup>4</sup> anns an cuiream mo dhòchas, mo sgiath, agus adharc mo shlainnte, mo thùr-ard.

3 Gairmidh mi air an Tighearn a's

airidh air cliu, agus o m' naimhdeibh saorar mi.

4 Chuairtich piantan a' bhàis<sup>5</sup> mi, agus chuir tuilte dhroch dhaoine eagal orm.

5 Chuairtich piantan ifrinn<sup>6</sup> mi; ghabh lìontan a' bhàis romham.

6 A m' éigin ghairm mi air an Tighearn, agus ri m' Dhia ghlaodh mi: chual e as a theampull mo ghuth, agus thàinig mo ghlaodh na làthair d'a chluasaibh.

7 An sin chràthadh agus ebrìothnuich an talamh, agus ghluaiseadh bunaitean nam beann agus ehrathadh iad, a chionn gu'n robh corruidh air.

8 Claidh deatach suas as a shròin<sup>7</sup>, agus dhian-loisg<sup>8</sup> teine as a bheul, lasadh eibhlean leis.

9 Agus lùb e na nèamhan, agus thuirling e nuas: agus bha dorcladas fuidh a chosaibh.

10 Agus mharcaich e air cherub, agus chaidh e air iteig; agus dh'itealaich e air sgiathaibh na gaoith.

11 Chuir e dorcladas mar ionad dìomhair mu'n cuairt air: bu phàillion da, duibhre uisgeacha, neoil nan speur<sup>9</sup>.

12 O'n dealradha bha fa chomhair chaidh a neoil thairis: clacha-meallain agus eibhle teine<sup>10</sup>.

13 Agus rinn an Tighearna tairneanach sna speuraibh, agus chuir an Ti a's airde a mach a ghuth<sup>11</sup>.

14 Agus chuir e mach a shaighdean, agus sgap e iad; agus thilg e mòran tein'-athair, agus chlaoidh e iad.

15 Agus chunncas aigein nan uisge<sup>12</sup>, agus nochdadh bunaitean an domhain, le d' achmhasansa, a Thighearn, le séideadh anaile<sup>13</sup> t'fheirge<sup>14</sup>.

16 Chuir e nuas o'n airde, ghlae e mi, tharruing e mi a h-uisgibh lìon-mhor<sup>15</sup>.

17 Shaor e mi o m' nàmhaid làidir, agus uatha-san a dh'fhuathaich mi; oir bu treise iad na mise.

18 Ghabh iad romham ann an latha m'àmhbhair: ach bha'n Tighearna na chùl-taice dhomh.

19 Agus thug e mach mi gu ionad far-saing: shaor e mi, a chionn gu'n do ghabh e tlachd annam.

20 Thug an Tighearna luigheachd dhomh a réir m'ionracais: a réir gloine mo làmh dhìol e dhomh.

21 Oir ghléidh mi slighean an Tighearna, agus cha do chlaon mi gu h-aingidh o m' Dhia.

22 Oir bha a bhreitheanais uile a'm'

<sup>1</sup> thug mi fa'near ceumanna. <sup>2</sup> a tha na chlàidheamh dhuit. <sup>3</sup> tha iad lùn cloine.

<sup>4</sup> mo neart, mo dhèid. <sup>5</sup> tonnan a' bhàis. II. Sam. Caib. XXII. r. 5. <sup>6</sup> na h-uaigne. <sup>7</sup> na fheirge. <sup>8</sup> chlàimh, chait, sgrìos. <sup>9</sup> ann an

neulaibh tigh nan speur. <sup>10</sup> lasadh eibhlean teine. II. Sam. Caib. XXII. r. 13. <sup>11</sup> a ghuth, le clochaidh meallain agus eibhlidh teine. <sup>12</sup> na fairge. <sup>13</sup> analach. <sup>14</sup> do shròine. <sup>15</sup> mòra,



fhianuis: agus a reachdan chà do chuir mi uam.

23 Agus bha mi ionraic na fhianuis, agus ghleidh mi mi féin o m' aingidh-eachd.

24 Uime sin dhìol an Tighearna dhomh a réir m'ionracais, a réir gloine mo làmh ann an sealladh a shùl.

25 Do'n duine thròcaireach nochdaidh tu thu féin thròcaireach; do'n duine ionraic nochdaidh tu thu féin ionraic.

26 Du'n duine ghlan nochdaidh tu thu féin glan, agus do'n duine reasgach nochdaidh tu thu féin reasgach.

27 Oir saoraidh tu an sluagh, a ta fa àmhghar; ach na sùilcan arda bheir thu nuas.

28 Oir lasaidh tusa mo lòchran, a Thighearn: soillsichidh mo Dhia mò dhorchadas.

29 Oir leatsa ruith<sup>2</sup> mi troimh bhuidh-inn, agus le m' Dhia leum mi thar balladh.

30 A thaobh Dhé, tha a shlighe iomlan: tha fòcal an Tighearna air a dhearbhadh: is sgiath e dhoithsan uile, a chuireas an dòchas ann<sup>3</sup>.

31 Oir cò a's Dia ann ach an Tighearn? agus cò a's carraig ann ach ar Dia-ne?

32 Is e Dia a tha 'gam chrioslachadh le<sup>4</sup> neart, agus a' deanamh mo shlighe iomlan.

33 Tha e deanamh mo chos mar chosaibh eilde agus gam' shocrachadh air m'aitibh arda.

34 Tha e 'g ionnsachadh mo làmh gu eath, air chor as gu'm brisear bogha umha<sup>5</sup> le m'ghairdeinibh.

35 Agus thug thu dhomh sgiath do shlainge: agus chum do dheas làmh suas mi, agus rinn do chaimhneas mòr mi.

36 Rinn thu mo cheuma farsaing fodham, air chor as nach do shleamhuich mo chosa.

37 Lean mi mo naimhdean, agus rug mi orra; agus cha do phill mi air m'ais gus an do chuir mi as doibh.

38 Lot mi iad, agus cha bhi e 'n comas doibh èirigh: thuit iad fo m' chosaibh.

39 Oir chriolaich thu mi le neart chum catha; leag thu sìos fodham iadsan a dh'èirich suas a'm' aghaidh.

40 Agus thug thu dhomh mo naimbdean air mhuineal; iadsan a dh'fhuathaich mi, agus ghearr mi as iad.

41 Ghlaodh iad, ach cha robh fear-saoraidh ann; eadhon air an Tighearn, ach cha do fhreagair e iad.

42 An sin mhin-phronn mi iad mar

dhùslach<sup>6</sup> fa chomhair na gaoithe: mar chlàbar nan sraid bhrùth mi iad<sup>6</sup>.

43 Shaor thu mi o chomh-stri an t-sluaigh; rinn thu mi a'm' cheann air na cinnich: ni sluagh, nach b'aithne dhomh, seirbhìs dhomh.

44 Co luath 'sa chluinneas iad, géillidh iad dhomh: strìochdaidh coigrich dhomh<sup>7</sup>.

45 Seargaidh coigrich as, agus bithidh eagal orra mach<sup>8</sup> as an àitibh daingne.

46 Is beo an Tighearn, agus gu ma beannuichte mo charraig-se! agus air 'ardachadh gu robh Dia mo shlàinte!

47 Is e Dia a ni dioghaltas air mo shon, agus a chuireas an sluagh fodham;

48 A shaoras mi o m'naimhdeibh. Seadh, os an cionn-san a dh'èireas suas a'm' aghaidh togaidh tusa suas mi: o fhear an ainncart saoraidh tu mi.

49 Uime sin chùthaichidh mi thu, a Thighearn, am measg nan cinneach, agus seinnidh mi do t'ainm.

50 Bheir easan saorsa mòr d'a rìgh, agus nochdaidh e tròcair d'a aon ungta féin, do Dhaibhidh agus d'a shliochd gu bràth.

SALM XIX.

Do'n ard fhear-ciùil. Salm le Daibhidh.

**C**UIRIDH na nàemha an céil glòir Dhé, agus nochdaidh na speura ghuìomh a làmh.

2 Tha là a' deanamh sgéil do là, agus oidhche a' foillseachadh eòlais a dh'oidhche.

3 Cha 'n'eil cainnt, cha 'n'eil briathra, ann nach clunnear an guth.

4 Air feadh na talmhainn uile chaidh am fuaim<sup>9</sup> a mach, agus am fòcail gu h-iomall an domhain.

5 Do'n ghréin chuir e pàillion anna; agus tha i mar nuadh fhear-pòda a' teachd a mach a 'sheòmar; ni i gairdeachas, mar ghaisgeach a ruith na slighe<sup>10</sup>.

6 Tha a dol a mach o chrìch nan speur, agus a cuairt gu ruig an crìochaibh; agus cha 'n'eil ni air bith a dh'fhòlaichear o a teas.

7 Is iomlan lagh an Tighearna, ag ionpochadh an anama; tha fhianuis<sup>11</sup> an Tighearna cinnteach, a' deanamh a' bhàoghailte<sup>12</sup> glic.

8 Tha reachdan an Tighearna ceart, a' deanamh a' chridhe aoibhneach; tha aithne an Tighearna glan, a' soillseachadh nan sùl.

9 Tha eagal an Tighearna fìor-ghlan, a' maireachduinn am feasd; tha iad gu h-iomlan cothromach.

10 Ni's mò r'an iarruidh tha iad na'n t-òr, seadh, na mòran do'n òr fhìor-ghlan;

<sup>1</sup> dhoirbh, fhiata. <sup>2</sup> bhris. <sup>3</sup> dh'earbas as a stailin, cruadhach. <sup>5</sup> luathre. <sup>6</sup> thig mi mach iad. <sup>7</sup> ni coigrich breug dhomh. Eabh. <sup>8</sup> thig iad a mach le h-eagal. <sup>9</sup> an crìoch.

Fa. Rom. Caib. X. r. 18. <sup>10</sup> coimhlianga, réise. <sup>11</sup> teistear. <sup>12</sup> an duine cu-céillidh, aon-fhillte, shimplidh.

agus nì's milse nà a' mhill, seadh, nà *mhill*, a shìleas as na cìrìbh-meala.

11 Os-bàrr, iha do sheirbhiseach a' faotainn<sup>1</sup> rabhaidh uatha: nan coimhead *tha mòr dhuais*.

12 Cò thuigeas a sheacharain? o *lochd-aibh* dìomhair glan thusa mi

13 Mar an ceudna o *pheucaibh* dānadais cum air ais t'òglach; na biodh ard cheannas<sup>2</sup> aca orm: an sin bithidh mi ionraic, agus bithidh mi neo-chion:ach o eus-aontas<sup>3</sup> mòr.

14 Bi headh briathra mo bheoil, agus smuainne mo chridhe, taitneach a'd' làthair; a Thighearna, mo charraig<sup>4</sup>, agus m'fhear-saoraidh.

## SALM XX.

*Do'n ard fhear-ciùil. Salm le Daibhidh.*

**G**U'N èisdeadh an Tighearna riut ann an latha teanntachd? gu cumadh ainm Dhé Iacoib suas thu!

2 Gu cuireadh e cabhair thugad<sup>5</sup> as'ionad naomha! agus a Sion gu neartaicheadh e thu!

3 Gu cuimhnichheadh e do thabhartasan uile, agus gu'n gabhadh e gu taitneach uait t'ìobairt-loisgte! Selah.

4 Gu d'thugadh e dhuit a réir do chridhe féin, agus gu coimhlionadh e do chomhairle uile!

5 Ni sinne aoibhneas ann ad shlàinte, agus ann ainm ar Dé-ne togadh sinn suas ar bratach. Gu coimhlionadh Dia t'iarrtuais uile!

6 A nistha fios agam gu'n saor an Tighearna aon ungta féin: éisdidh e ris o nèamhaibh a naomhachd, le neart saoraidh a dheas làimh.

7 Earbaidh cuid a carbadaibh, agus cuid a h-eachaibh; ach cuimhnichidh sinne ainm an Tighearna ar Dé.

8 Dh'èislicheadh iadsan, agus thuit iad; ach dh'éirich sinne, agus sheas sinn.

9 Saor an rìgh, a Thighearna; agus éisd ruinn san là a ghairmeas sinn<sup>6</sup>.

## SALM XXI.

*Do'n ard fhear-ciùil. Salm le Daibhidh.*

**A**NN ad neart, a Thighearna, ni an rìgh aoibhneas: agus ann ad shlàinte cia mòr an gairdeachas a ni e?

2 Miann a chridhe thug thu dha; agus athcluinge a bhilean cha do dhiùlt thu dha. Selah.

3 Oir ghabh thu roimhe le beannachadh do mhaithéis; chuir thu m'a cheann coron do òr fìor-ghlan.

4 Dh'iarr e beatha ort: thug thu dhia fad laithean gu saoghal nan saoghal.

5 Is mòr a ghloir trid do shlàinte-sa: urram agus mòralachd chuir thu air.

6 Oir rinn thu e ro-bheannuicrte gu bràth; rinn thu e ro-aoibhneach le d' ghnùis.

7 Oir earbaidh an rìgh as an Tighearna; agus trid thròcair an Tì a's airde, cha ghluaisear e.

8 Gheibh do làmh a mach do naimhdean uile; gheibh do dheas làmh a mach iadsan, le'm fuathach thu.

9 Ni thu iad mar àmhuiunn<sup>7</sup> theintich ann an àm t'fheirge; sluigidh an Tighearna sìos na chorruch, agus caithidh<sup>8</sup> an teine iad.

10 An toradh sgriosairh tu o'n talamh, agus an shìochd o chloinn nan daoine.

11 Oir dhealbh iad olc a't' aghaidh; smuainich iad droch smuainte, nach b'ur-rainn iad a cnoimhlionadh.

12 Uime sin b'èir thu orra an cùl a thionndadh; air sreangaibh do bhogha gleusaidh<sup>9</sup> tu do shaighdean nan aghaidh.

13 Bi air t'ardachadh, a Thighearna, ann ad neart: seinnidh sinne agus molaidh sinn do chumhachd.

## SALM XXII.

*Do'n ard fhear-ciùil air Ailetsachar.*

*Salm le Daibhidh.*

**M**O Dhia, mo Dhia, c'ar son a thréig thu mi? fad o'm' ghlaadh<sup>10</sup>, o bhriathraibh mo bhùiridh?

2 O mo Dhia! gairmeam san là, ach cha fhreagair thu; agus san oidhche, ach cha 'n'eil tois agam.

3 Ach a tu thusa naomha, a'd' chòmh-nuidh *far am bheil* cliù Israeil<sup>11</sup>:

4 Asadsa dh'earb ar n-aithriche; dh'earb iad, agus shaor thu iad.

5 Rùntsa ghlaodh iad, agus theasairgeadh iad; asadsa dh'earb iad, agus cha robh nàire orra.

6 Ach is cnuimh mise<sup>12</sup>, agus cha duine; masladh dhaoine, agus tàir an t-sluaigh.

7 Ni iadsan uile, a chi mi, gaire-fanoid rium; casaidh iad ain beul, crathaidh iad an ceann, *ag ràdh*,

8 Chuir e a dhòigh anns an Tighearna, fuasgladh e air; saoradh se e, a chionn gu bheil tlachd aige ann.

9 Ach is tusa an ti a thug a mach as a' bhroinn mi; bu tu aobhar mo dhòchais, air cich mo mhàthar.

10 Orta thitgeadh mi o'n bhroinn; o bhroinn mo mhàthar is tusa mo Dhia.

11 Na bi-sa fada uam, oir a tu àmhghar dlùth *dhomh*, agus gun neach ann gu m' chuideachadh.

12 Chuairtich mòran tharbh mi; dh'iadh *tairbh* làidir Bhasain umam.

13 Dh'fhosgail iad orm am beul, mar leòmhlan reubach<sup>13</sup> agus beucach.

<sup>1</sup> faghail. Eir. <sup>2</sup> uachdaranachd. <sup>3</sup> pheacadh. <sup>4</sup> mo neart. <sup>5</sup> chugad, a'd' ionnsuidh. <sup>6</sup> Fòir, a Thighearna; éisdeadh an rìgh ruinn, 'nuair a ghairmeas sinn. <sup>7</sup> Cuiridh tu iad ann an

àmhuinn. <sup>8</sup> millidh. <sup>9</sup> deasaichidh. <sup>10</sup> o-m'fhuirtachd. <sup>11</sup> Ach d' thusa, a tha d' choimhnidh san ìonad naomha, cliù Israeil. <sup>12</sup> mar chnuimh a ta mise. <sup>13</sup> fuilcachdach.



14 Mar uisge dhòirteadh mach mi, agus sgàin mo chnàmhan uile o chéile: tha mo chrìdhe mar cheir, airleaghadh am meadhon mo chuim.

15 Air tiormachadh mar shoitheach creadha tha mo neart, agus tha mo theanga a' leanuinn ri m' ghial; agus gu h-ùir a' bhàis thug thu mi.

16 Oir chuairtich madraidh mi; dh'iadh còimhthionail dhroch dhaoine uman: lot iad mo làmhnan agus mo chosan.

17 Feudaidh mi mo chnàmhan uile àireamh: tha iadsan a' sealltuinn, tha iad a' geur-amharc orm.

18 Roinn iad mo thrusan eatorra, agus air mo bhrat thig iad crannchur.

19 Ach na bi-sa, a Thighearn, fad uam: O thusa mo neart, greas gu m' chabhair.

20 Teasaig m'anam o'n chlàidheamh, m'aon *guradh*<sup>1</sup> o neart<sup>2</sup> a' mhadaidh.

21 Saor mi o bheal an leòmhain, agus o adharcaibh nam buabhuil<sup>3</sup> teasaig mi<sup>4</sup>.

22 Cuiridh mi'n céill t'ainm do m' bhràithribh; ann am meadhon a' choimhthionail molaidd mi thu.

23 Sibhse air am bheil eagal Dé, molaibh e: sibhse uile, a shìol Iacoib, thugaibh glòir dha; agus biodh teagalsan oirbh, sibhse uile a shìol Israeil.

24 Oir cha do rinn e tàir air, agus cha do ghabh e gràin do àmhghar an truaghain<sup>5</sup>, agus cha d'fholuich e a ghnùis air; ach an uair a ghlaoth e ris, dh'èisd e.

25 Oir-sa *bithidh* mo mholaidh anns a' mhòr choimhthional: mo bhòidean iocaidh mi nan làthair-san d'an eagal e.

26 Ithidh na daoine macanta, agus sàsuichear iad: molaidd iadsan an Tighearna a dh'iarras e: bithidh an cridhe<sup>6</sup> beo gu bràth.

27 Cuimhnichidh air, agus pillidh a dh'ionnsuidh an Tighearna uile chrìocha na talmhainn, agus srìochdaidh uile theaghlaiche nan cinneach na làthair.

28 Oir is leis an Tighearn an rìoghachd; agus tha esan na uachdaran air na cinnich.

29 Ithidh daoine reamhar<sup>7</sup> na talmhainn uile, agus nì iad aoradh: na làthairsan sleuchdaidh iadsan uile, a théid sìos do'n duslach; oir cha chum neach 'anam beo<sup>8</sup>.

30 Nì slìochd<sup>9</sup> seirbhis dha: measar e do'n Tighearna mar ghinealach.

31 Thig iad, agus cuiridh iad an céill 'fhìreantachd do'n àl ri teachd, gu'm b'esan a rinn *sud*<sup>10</sup>.

# SALM XXIII.

*Salm le Daibhidh.*

**I**S e'n Tighearna mo bhuachaille: cha bhi mi ann an dìth.

2 Ann an cluainibh glas bheir e orm luidhe sìos; làimh ri h-uisgibh ciuin treòraichidh e mi.

<sup>1</sup> mo bheatha, mo phearsa. <sup>2</sup> o làimh. Eabh. <sup>3</sup> nan aon-adharach, nan sròin-adharach. <sup>4</sup> dh'èisd thu rium. <sup>5</sup> an duine bhochd. <sup>6</sup> bhur

3 Aisgidh<sup>11</sup> e m'anam; treòraichidh e mi air slighibh na fireantachd air sgàth 'ainme fèin.

4 Seadh, ge do shiubhail mi trid ghlinn sgàile a' bhàis, cha bhi eagal uile orm; oir a ta thusa maille rium: bheir do shlat agus do lorg còmh-fhurtachd dhomh.

5 Deasaichidh tu bord fa m' chomhair an fianuis mo naimhde: dh'ung thu le h-ola mo cheann; tha mo chupan a' cur thairis.

6 Gu cinnteach leanaidh maith agus tròcair mi uile laithean mo bheatha, agus còmhnuichidh mi ann an tigh an Tighearna fad mo laithean<sup>12</sup>.

# SALM XXIV.

*Salm le Daibhidh.*

**I**S leis an Tighearna an talmh, agus a làn; an domhan, agus iadsan a tha nan còmhnuidh ann.

2 Oir shuidhich e air na cuantaibh e, agus shocraich e air na sruthailh e.

3 Cò thèid suas gu shìabh an Tighearna? agus cò sheasas na ionad naomha-san?

4 Esan aig am bheil làmhnan neo-chiontach agus cridhe glan, nach do thog 'anam ri dìomhanas, agus nach do mhiònnaich chum ceilge.

5 Gheibh esan beannachadh o'r Tighearn, agus fireantachd o Dhia a shlàinte.

6 Is i so ginealach na droinge, a dh'iarras e, a dh'iarras do ghnùis, a Dhia Iacoib. Selah.

7 Togaibh, a gheatacha, bhur cinn, agus bithibh air bhur togail suas, a dhorsa sìorruidh; agus thig Rìgh na glòire steach.

8 Cò e so Rìgh na glòire? An Tighearna làidir agus treun, an Tighearna treun an cath.

9 Togaibh suas bhur cinn, a gheatacha, agus bithidh air bhur togail suas, a dhorsa sìorruidh, agus thig Rìgh na glòire steach.

10 Cò e so Rìgh na glòire? Tighearna nan slògh, is esan Rìgh na glòire. Selah.

# SALM XXV.

*Le Daibhidh.*

**R**IUTSA, a Thighearn, togam m'anam suas.

2 Anna<sup>1</sup>sa, mo Dhia, cuiream mo dhòchas; na nàraichear mi, agus na deanadh mo naimhdean gairdeachas os mo chionn.

3 Seadh, na nàraichear neach sam bith, a dh'fheitheas ortsa; biodh nàire orra-san, a chiontaicheas gun aobhar.

4 Nochd dhomh do shlighean, a Thighearn; teagaisg dhomh do cheumanna.

5 Treòraich mi ann ad fhìrinn, agus teagaisg mi: oir is tusa Dia mo shlàinte, agus ortsa tha mi feitheamh gach là.

6 Cuimhnich do chaomh thròcairean, a

<sup>1</sup> cridhe. <sup>2</sup> heartach. <sup>3</sup> agus bithidh n'anam beo dha-san. <sup>4</sup> mo shliochd. <sup>5</sup> oir rinn esan e. <sup>6</sup> iompoichidh. <sup>7</sup> gu bràth.

Thighearn, agus do chaoimhneas gràdhach; oir *tha* iad ann o chian nan cian.

7 Peacanna m'òige, agus m'èusaontais, na cuimhnich thusa: a réir do thròcaire bi-sa cuimhneach orm, air sgàth do mhaithais, a Thighearn.

8 Is maith agus is dìreach an Tighearn; uime sin teagaisgidh e peacaich san t-slighe.

9 Tròraichidh e na daoine ciuin<sup>1</sup> ann am breitheanas; agus teagaisgidh e do na daoineibh ciuin a shlighe.

10 Is tròcair agus fìrinn uile shlighean an Tighearna, dhoibhsan a ghleidheas a choimhcheangal agus a theisteis.

11 Air sgàth t'ainme, a Thighearn, lagh mo chionta; oir a *ta* i mòr.

12 Cò e am fear air am bheil eagal an Tighearna? seòlaidh e esan san t-slighe a ròghnuicheas<sup>2</sup> e.

13 Nì 'anam làmh ann am maith<sup>3</sup>; agus mealaidh a shliochd an tìr.

14 *Tha* rùn an Tighearna aig an dream d'an eagal e; agus foillsichidh e dhoibh a choimhcheangal.

15 *Tha* mo shùilean a ghnàth ris an Tighearn; oir bheir esan mo chosan as an lion.

16 Amhaire orm<sup>4</sup>, agus gabh truas d'iom; oir a *ta* mi a'm' aonar, agus fa àmhghar.

17 Tha teinn mo chridhe a' dol am meud: o'm' àmhgharaibh saor thusa mi<sup>5</sup>.

18 Amhaire air m' àmhghar, agus air mo phéin<sup>6</sup>, agus lagh mo pheacanna gu léir.

19 Amhaire air mo naimhdeibh, oir *tha* iad lionmhor; agus le fuath anabarrach<sup>7</sup> *tha* iad ga m' fhuathachadh.

20 Gléidh m'anam, agus saor mi; na leig fo nàire mi, oir chuir mi mo dhòigh annad.

21 Dìonaidh ionracas agus ceartas mi; oir *tha* mi feitheamh ortsa.

22 Saor Israel, a Dhé, as àmhgharaibh uile.

SALM XXVI.

*Le Daibhidh.*

**T**HOIR breth orm, a Thighearn, oir ghluais mi ann am ionracas: o chuir mi mo dhòigh anns an Tighearna, cha ghluaisear mi.

2 Fidir mi, a Thighearn, agus dearbh mi; rannsuidh<sup>8</sup> m'airnean, agus mo chridhe.

3 Oir *tha* do chaoimhneas gràdhach fa chomhair mo shùl: agus ghluais mi ann ad fhìrinn.

4 Cha do shuidh mi le daoineibh mealltach<sup>9</sup>, agus maille ri luchd-ceilge cha d'théid mi steach.

5 Is beag orm coimhthional luchd-uile, agus le daoineibh aingidh cha suidh mi.

6 Nighidh mi mo làmhann ann an neo-chionta, agus cuartichidh mi t'altair, a Thighearn;

7 Chum gu foillsich mi le guth molaidh, agus gu cuir mi an céill t'òibre iongantach gu léir.

8 A Thighearn, is ionmhuinn leam coimhnuidh do theach-sa<sup>10</sup>, agus ionad pàilluin do ghloire.

9 Na cruinnich m'anam le peacachaibh, no mo bheatha le daoineibh fuileachdach:

10 Aig am bheil lochd<sup>11</sup> nan làmhaidh, agus an làmh dheas làn do dhuais-bhratha.

11 Ach gluaisidh mise ann am ionracas: saor mi, agus dean tròcair orm.

12 Tha mi chos na seasamh ann an ionad còmhnhard: anns na coimhthionalaibh beannuichidh mi an Tighearn.

SALM XXVII.

*Le Daibhidh.*

**I**S e an Tighearna mo sholus, agus mo shlàinte; cò chuireas eagal orm? Is e an Tighearna ncart mo bheatha: cò chuireas geilt orm?

2 'Nuair a thàinig luchd-uile orm a dh'ithcadh suas m'fheòla, mo naimhdean agus m'èascairdean, thuislich iad féin, agus thuit iad.

3 Ge do champaicheadh feachd a'm' aghaidh, cha bhiodh eagal air mo chridhe: ge d' éireadh cogadh a'm' aghaidh, as so nì mi mo bhun.

4 Aon nì ghuidh mi air an Tighearna, sin iarraidh mi, a bhi m' chòmhnuidh ann an tigh an Tighearna rè uile laithean mo bheatha, chum gu faicinn maise an Tighearna, agus gu fìosraichinn na thcampull.

5 Oir folaichidh e mi na sgàth-thigh<sup>12</sup> ann an latha an uile; folaichidh e mi ann an dìomhaireachd a phàilluin<sup>13</sup>; air carraig togaidh e suas mi.

6 Agus a nis togar suas mo cheann os cionn mo naimhdean mu'n cuairt orm; agus iobraidh mi na phàilliuin iobairtean aoibhneis; scinnidh mi, agus canaidh mi cliu do'n Tighearn.

7 Eisd, a Thighearna, ri m' ghuth, 'nuair a dh'éigheas mi; dean tròcair orm, agus freagair mi.

8 'Nuair a thubhairt thusa, iarraibhse mo ghnùis, thubhairt mo chridhe riut, Do ghnùis, a Thighearn, iarraidh mi.

9 Na folaich do ghnùis uam, na cuir air falbh t'òglach am feirg; bu tusa mo chabhair; na fàg mi, agus na tréig mi, a Dhia mo shlàinte.

10 'Nuair a thréigeas m'athair agus mo mhàthair mi, an sin togaidh an Tighearna suas mi.

11 Teagaisg dhomh do shlighe, a Thigh-

<sup>1</sup> truagh, iriosal.

<sup>2</sup> thaghas e, d'an còir dha

roghuinn a dheanamh.

<sup>3</sup> socair, seasgairteachd.

<sup>4</sup> Fiondaidh riinn.

<sup>5</sup> Lasaich teanntachda

mo chridhe, agus o m' àmhgharaibh saor thusa

mi. <sup>6</sup> mo shaothair.

<sup>7</sup> eucorach. <sup>8</sup> glan.

<sup>9</sup> fuoin, dìomhain.

<sup>10</sup> àite coimhnuidh do

naomhachd-sa.

<sup>11</sup> aingidheachd, donas.

<sup>12</sup> na phubull, na phàilliuin.

<sup>13</sup> bhùtha.



earn, agus treòruich mi air slighe dhìrich, air sgàth mo naimhde.

12 Na tabhair thairis mi do thoil mo naimhde; oir dh'èirich fianui-ean bréige a'm' aghaidh, agus luchd-bazairt foirneirt.

13 Gidheadh chreid mise<sup>1</sup>: gu'm faicinn maithreas an Tighearna ann an ùr nam beo.

14 Fcùh air an Tighearna, glac misneach<sup>2</sup>, agus neartaichidh esan do chridhe: feith, tha mi 'g radh, air an Tighearna.

SALM XXVIII.

<sup>1</sup> *Le Daibhidh.*

**R**HUTSA, a Thighearna, éigheam, mo charraig: na bi-sa a'd' thosd<sup>3</sup> am' thaobh, air eagaf, ma bhios tu a'd' thosd a'm' thaobh, gu fàs mi cosmhuil riu-san a thèid sìos do'n naigh<sup>4</sup>.

2 Eì-d ri guth m'athchuingean an uair a ghlaodhas mi riut, an uair a thogas mi mo làmh an chum do ghuth-àite naomhasa<sup>5</sup>.

3 Na tarruing mi mach leis na h-aingidh, agus le luchd-dheanamh na h-cucorach, a tha labhairt sìth r'an coimhearsnaich, agus olc aca nan cridhe

4 Thoir dhoibh a reir an oibre, agus a réir aingidheachd an gnìomhara; a réir oibre an làmh thoir dhoibh; ioc an luigh-eachd<sup>6</sup> dhoibh.

5 A chionn nach d'thoir iad an aire do ghnìomharaibh an Tighearna, no do obair a làmh, sgriosaidh e iad, agus cha tog e suas iad.

6 Brannuichte gu robh an Tighearna, a chionn gu'n d'éisd e ri guth m'athchuinge.

7 Is e an Tighearna mo neart, agus mo sgiath; annsan chuir mo chridhe a dhòchas, agus chuidicheadh lean: uime sin rinn mo chridhe gairdeachas, agus le m' laoidh molaidd mi e.

8 Is e an Tighearna neart a shluagh; agus is esan neart slàinte 'aoin ungta féin.

9 Saor do shluagh, agus beannuich t'òighreachd: beathuich iad, agus ardaich iad gu bràth.

SALM XXIX.

*Salm Le Daibhidh.*

**T**HUGAIBH do'n Tighearna, a chlann nan cumhachdach, thugaibh do'n Tighearna glòir agus neart.

2 Thugaibh do'n Tighearna a' ghloir a's cubhaidh d'a ainm: sleuchdaibh do'n Tighearna ann am maise na naomhachd.

3 Tha guth an Tighearna os cionn nan uisge: rinn Dia na glòire tairneanach an Tighearna os cionn nan uisge mòra.

4 Tha guth an Tighearna cumhachdach; tha guth an Tighearna làn mòralachd.

5 Brisidh guth an Tighearna na seudair; seadh, brisidh an Tighearna scudair Lebanon.

<sup>1</sup> Rachadh mo mhìsneach air cùl mur creidinn. <sup>2</sup> bi daingean; bi làidir. Eabh. <sup>3</sup> bodhar.

<sup>4</sup> do'n t-slochd. <sup>5</sup> gu ionad-còmhnuidh do naomhachd-sa. <sup>6</sup> an dòl, an dlìge. <sup>7</sup> uor-

6 Agus bheir e orra leum mar laogh; Lebanon agus Sirion, mar bhualhull<sup>7</sup> òg.

7 Sgoiltidh guth an Tighearna lasraiche an teine<sup>8</sup>.

8 Crathaidh guth an Tighearna am fàsach; crathaidh an Tighearna fàsach Chadeis.

9 Bheir guth an Tighearna air na h-eil-dibh an laogh a thilgeadh<sup>9</sup>, agus lomaidd e na coillte: agus na theampull cuiridh gach neach an cèill a ghloir.

10 Suidhidh an Tighearna air an tuil, agus suidhidh an Tighearna na Rìgh gu sìorruidh.

11 Bheir an Tighearna neart d'a shluagh; beannuichidh an Tighearna a shluagh le sìth.

SALM XXX.

*Salm; laoidh coisreagaidh tìghe Daibhidh.*

**M**OLAIDD mi thu, a Thighearna, oir thog thu suas mi, agus cha d'fhug thu air m'casaidh bh gairdeachas a dhean-amhos mo chionn.

2 A Thighearna mo Dhia, ghlaodh mi riut, agus shlànuich thu sa mi.

3 A Thighearna, thog thu m'anam a nìs as an uigh; ghleidh thu beo mi, chun-nach rachainn sìos do'n t-slochd.

4 Seinnibh do'n Tighearna, sibhse a naomh-sa, agus thugaibh buidheachas ri cuimhneachadh air a naomhachd.

5 Oir cha n'èil ach tiota na theirg, tha beatha na dheadh-ghean: rè oidhche mairidh bròn, ach air maduinn thig gairdeachas.

6 Thubhairt mise a'm' shocair<sup>10</sup>, Cha ghluaisear mi am feasd.

7 A Thighearna, le d' dheadh-ghean thug thu air mo bheinn scasamh gu daingean<sup>11</sup>: dh'fholuich thu do ghnùis; bha mi fa amhladh.

8 Ghlaodh mi riutsa, a Thighearna; agus air an Tighearna dh'asluich mi:

9 Ciod an tairbhe a tha ann am fhuil, 'nuair a thèid mi sìos do'n t-slochd? am mol an ùir thu? an cuir i an cèill t'fhìrinn.

10 Eisd rium, a Thighearna, agus dean tròcair oru: A Thighearna, bi-sa a'd' fhearcuidich leam.

11 Thionndaidh thu dhomhsa mo blàrò-gu dannsadh: chuir thu dhìom m'eudach-saich, agus chrioslaich thu mi le h-aobhneas.

12 Chum gu seinneadh mo ghloir cliu dhuit, agus nach bitheadh i na tosd: A Thighearna mo Dhia, gu bràth molaidd misc thu<sup>12</sup>.

SALM XXXI.

*Do'n ard fhear-ciùil. Salm Le Daibhidh.*

**A**NNADSA, a Thighearna, cuiream mo dhòigh; na nàraichear mi gu bràth; trid t'fhèantachd saor mi.

adharcach. <sup>8</sup> an dealanach. <sup>9</sup> Crathaidh guth an Tighearna na daragan. <sup>10</sup> shuaimh-neas, shoirbheas. <sup>11</sup> thug thu neart do m' urram, do m' mhaire. <sup>12</sup> bheir mise buidheachas dhuit.

2 Aom a'm' ionnsuidh do chluas, gu grad fùrtaich orm: bi-sa a'd' charraig làidir dhomh, a'd' thig tearmuinn chum mò dhìonadh.

3 Oir is tusa mo charraig, agus mo dhaingneach; agus air sgàth t'ainne tredraichidh agus stiùraidh tu mi.

4 Bheir thu mi as an lìon a dh'fholuich iad fa m' chomhair; oir is tusa mo neart.

5 Ann ad làimh-sa tiomnam mo spiorad: saor mi<sup>1</sup>, a Thighearna Dhé na firinn.

6 Is fuaib leat<sup>2</sup> iad-san a bheir fa'near dìomhanas breugach: ach anns an Tighearna chuir mise mo dhòchas.

7 Nì mi aoibhneas agus gairdeachas ann do thròcair: oir chunnaic thu m'amhghar; b'athne dhuit m'anam ann an teanntachdaibh;

8 Agus cha do dhruid thu suas mi ann an làimh an nàmhaid: shocraich thu mo chosan ann an àite far-aing.

9 Gabh truas dìom, a Thighearna, oir tha mi ann an teinn; tha mo shùil, m'anam, agus mo chom, air seargadh as le doilgheas.

10 Oir chlaoidheadh mo bheatha le bròn, agus mo bhliadun le h-osnaich; air son m'euceir thuit mo neart, agus chantheadh mo chuamha.

11 An measg mo naimhde gu léir bha mi a'm' mhasladh, agus gu h-àraidh do m' choinhearsnachaidh, agus a'm' aobhar eagail do m' luchd-eòlais: iadsan a chunnaic mi a muigh, theich iad nam.

12 Dhi-chuimhneicheadh mi mar dhuine marbh air dol a cuimhne; tha mi mar shoitheach briste.

13 Oir chuala mi cùl chàineadh mòrain dhaoine: bha eagail air gach taobh, 'nuair a ghabh iad comhairle le chèile a'm' aghaidh, a dhealbhadh iad mo bheatha thoirt nam.

14 Ach dh'earb mise a-sada, a Thighearna; thubhairt mi, Is tu mo Dhia.

15 Ann ad làimh-sa tha m'amsircan: saor mi as làimh mo naimhdean, agus caith-sa a tha 'n tòir orm.

16 Thoir air do ghnùis dealrachadh air t'òglach: saor mi air sgàth do thròcaire.

17 Na nàraichear mi, a Thighearna, oir ghairm mi ort; nàire biodh air na h-aingidh, ann tosd bithheadh iad san uaigh;

18 Deanaibh balbh na bilean breugach, a fàbhras an aghaidh an thìreìn gu cruaidh, fe li-uabhar agus tarcuais.

19 Cia mòr do mhaithneas, a thaisg thu dhoibh-san do'n eagail thu; a rinn thu dhoibh-san a dh'earbas asad, am fianuis chloinn nan daoine!

20 Folaichidh tu iad ann an dìomhair-eachd do làthaireachd<sup>3</sup> o àilgheas dhaoine; folaichidh tu iad ann am pàillun o strì nan teanga.

21 Beannuichte gu robh an Tighearna; oir nochd e gu h-iongantach a chaoimhneas dhomhsa ann am bàile daingnichte<sup>4</sup>.

22 Thubhairt mise a'm' dheifr, Ghearradh as mi o fhianuis do shùil: gidheadh dh'èid thusa ri guth m'as-luchaidh, 'nuair a dh'èigh mi riut.

23 Gràdhaidh an Tighearna, sibhse uile a naoimhsan: gleidhidh an Tighearna na daoine treibhdhireach, agus dìolaidh e gu pailt dhasan, a nì gu h-uabhaireach.

24 Bithibhse misneachail, agus neart-aichidh esan bhuir cridhe, sibhse uile a chuir bhuir dòchas anns an Tighearna.

## SALM XXXII.

*Le Daibhidh, Maschil.*

**I**S beannuichte esan d'an do mhaithheadh<sup>5</sup> 'eu-aontas, d'am bheil a pheacadh air fholachadh.

2 Is beannuichte an duine, nach cuir an Tighearna eucart as a leth, agus aig nach 'eil cealg na spiorad.

3 'Nuair a bha mi a'm' thosd<sup>6</sup>, luidh aois air mo chnàmhaidh<sup>7</sup>, le m' bhuireadh fad an laitha.

4 Oir a là agus a dh'oidhche bha do làmh trom orm: tha mo bhrìgh air a h-atharrachadh gu tiormachd an t-samhraidh. Selah.

5 Dh'aidich mi mo pheacadh dhuit, agus cha do ched mi m'eucart: thubhairt mi, Aidichidh mi m'eusaontais do'n Tighearna; agus mhaith thusa cionta mo pheacaidh. Selah.

6 Air an aobhar sin nì gach duine diadhaidh<sup>8</sup> urnuigh riutsa, san àm am faighear thu: gu cinnteach ann an tuil nan uisge mòra, cha d'thig iad am fagus da.

7 Tha thusa a'd' ionad-foluich dhomh; o theinn gleidhidh tu mi; le h-òranaidh saorsa cuairtichidh tu mi. Selah.

8 Fìor-theagaisgidh mi thu, agus nochd-aith mi dhuit an t-slighe air an d'thigeadh dhuit triall; scolaidh mi dhuit le m' shùil<sup>9</sup>.

9 Na bi mar each, no mar mhuilid<sup>10</sup>, aig nach 'eil ciall: d'an cuirear sparrag agus srian nam beul, chum nach d'thig iad an gar dhuit<sup>11</sup>.

10 Is lionmhor doilgheasan do'n aingidh; ach cuairtichidh tròcair esan a dh'earbas as an Tighearna.

11 Bithibh aoibhneach anns an Tighearna, agus deanaibh gairdeachas, sibhse fhìreana; agus deanaibh luathghaire, sibhse uile a tha ceart an cridhe.

## SALM XXXIII.

**D**EANAIBH gairdeachas san Tighearna, sibhse fhìreana; do na h-ionraic tha cliu ciatach.

<sup>1</sup> shuor thu mi. <sup>2</sup> leam. <sup>3</sup> do ghnùise. Eabh. <sup>4</sup> ann an càithir làidir. <sup>5</sup> dhi-chuimhneicheadh. <sup>6</sup> a thaobh mo pheacaidh. <sup>7</sup> chaitheadh mo chnàmh. <sup>8</sup> nuomh, maith. <sup>9</sup> bheir mi

comhairle dhuit le m' shùil a bhi ort; sorraichidh mi mo shùil ort. <sup>10</sup> mhuilidh; mule. Sasg.

<sup>11</sup> no cha d'thig iad am fagus dait.



2 Molaibh an Tighearna air elàrsaich : air an t-saltair, inneal-ciùil nan deich teud, seinnibh dha.

3 Canaibh dha òran nuadh ; seinnibh fonn gu h-ealanta le fuaim ard.

4 Oir *tha* focal an Tighearna ceart, agus *tha* 'oibre uile *deanta* ann am fìrinn.

5 Is ionnmuinn leis ceartas agus breith-eanas ; do mhaitheas an Tighearna tha'n talamh làn.

6 Le focal an Tighearna rinneadh na nèamha, agus le h-anail a bheoil an slòigh uile.

7 Carnaidh e suas mar thorrr uisgeacha na fairge ; cuiridh e an doimhne suas na thighibh-tasgaidh.

8 Roinn an Tighearna biodh eagal air an talamh uile ; roimhe-san biodh fiamh air uile luchd-àiteachaidh an domhain :

9 Oir labhair e, agus bha e ann ; dh'èithn e, agus sheas e<sup>1</sup>.

10 Rinn an Tighearna comhairle nan cinneach faoin ; thug e iunleachdan an t-sluaigh gu neo-ni.

11 Seasaidh comhairle an Tighearna gu sìorruidh, smuaintean a chridhe o linn gu linn.

12 Is beannuichte an cinneach sin, 'gam bheil an Tighearna na Dhia dhoibh ; an sluagh aròghnuiche mar oighreachd dha féin.

13 O na nèamhaibh anhaicidh an Tighearn a nuas ; chi e uile chlann nan daoine.

14 O ionad seasmhach a chòmhnuidh beachdaichidh e air uile luchd-àiteachaidh na talmhainn.

15 Chum esan an cridhe air aon dòigh ; bheir e fa'near an gnìomharan uile.

16 Cha tèarnar rìgh le meud fheachd<sup>2</sup> : cha saorar laoch le meud a neirt.

17 Is dìomhain an t-each chum tèaruinteachd ; agus le meud a neirt cha saor e.

18 Feuch, *tha* sùil an Tighearna orrasan d'an eagal e ; orra-san a chuireas an dòchas na thròcair ;

19 Chum an anam a theas-airginn o'n bhàs, agus an cumail beo anns a' ghorta.

20 Feithidh ar n-anam air an Tighearn ; is esan ar cabhair, agus ar sgiaith

21 Oir annsan ni ar cridhe gairdeachas, a chionn na ainm nàomha-san gu'n do chuir sinn ar dòigh.

22 Gu robh do thròcair, a Thighearn, oirnn, a réir mar a chuir sinn ar dòchas annad.

## SALM XXXIV.

*Le Daibhidh, 'nuair a dh'atharraich e a ghuilan an làthair Abimelech, agus a chuir esan uailh e, agus a dh'imich e.*

**B**EANNUICHIDH mi an Tighearna gach àm : an còmhnuidh bithidh a mholadh ann am bheul.

2 Anns an Tighearna ni m'anam uailh ; eluinidh na daoine sèimh, agus ni iad aoibhneas.

3 Molaibh an Tighearna leamsa, agus ardaileamaid ainm le chéile.

4 Dh'iarr mi an Tighearn, agus dh'èisd e rium : agus shaor e mi o gach aobhar eagal, a bha agam.

5 Dh'anhaire iad air, agus shoillsich-eadh iad ; agus cha robh nàire air an gnùis<sup>3</sup>.

6 Ghlaodh an duine bochd so, agus dh'èisd an Tighearna ris ; agus as a theanntachdaibh gu léir shaor se e.

7 Campuichidh aingeal an Tighearna mu'n timchiollsan d'an eagal e, agus teas-airgidh e iad.

8 O blaisibh agus faicibh gur maitli an Tighearn : is beannuichte an duine sin a dhearbhas as.

9 Biodh eagal an Tighearna oirbh, a naoimh-san ; oir cha bhi dith air a luchd-eagailsan.

10 Bithidh easbhuidh air na leòmhanaibh òga<sup>4</sup>, agus bithidh ocras orra ; ach orra-san a dh'iarras an Tighearna cha bhi maith air bith a dhùth.

11 Thigibh, a clann éisdibh rium ; teagaisgidh mi dhuibhagal an Tighearna.

12 Cò e am fear a mbiannuicheas beatha, a ghradhaicheas laithean a dh'fhaicinn maitli?

13 Gléidh do theanga o olc, agus do bhilean o labhairt ceilg.

14 Seachuinn an t-olc, agus dean am maitli ; iarr sìochaint agus lean i.

15 *Tha* sùilean an Tighearna air na fircanaibh, agus a chluas r'an glaoth.

16 *Tha* gnùis an Tighearna an aghaidh luchd-deanamh uile, chum an euimhne a ghearradh as o'n talamh.

17 Ghlaodh pa [fireana] agus dh'èisd an Tighearn ; agus as an teanntachdaibh gu léir shaor e iad.

18 Is dlùth an Tighearna dhoibhsan, a tha briste nan cridhe, agus saoraidh e iad-san, a tha brùite nan spiorad.

19 Is lionmhor àmhgharan an fhèirein ; ach asda air fad saoraidh an Tighearn e.

20 Gleidhidh an Tighearn a chnàmhauile ; cha bhi h-aon diubh briste.

21 Marbhaidh olc na h-aingidh<sup>5</sup>, agus iadsan a tha toirt fuath do'n fhìrean lomsgriosar iad.

22 Saoraidh an Tighearn anam a sheirbhiseach : agus eha sgriosar aon air bith dhuibhsan a chuireas an dòigh ann.

## SALM XXXV.

*Le Daibhidh.*

**T**AGAIR, a Thighearn, riu-san, a thagras a'm' aghaidh ; cog nan aghaidh-san, a chogas a'm' aghaidh.

<sup>1</sup> bha e air bheil. <sup>2</sup> a shlòigh. <sup>3</sup> Amhaireibhse air, agus bithidh air bhuir soillseachadh ; agus

cha bhi nàire air bhuir gruaidh. <sup>4</sup> Bithidh daoine cumhachdach bochd. <sup>5</sup> an t-aingidh.

2 Glac targaid agus sgiath, agus éirich chum mo chuideachaidh.

3 Agus tarruing a mach an t-sleagh, agus druid an t-slighe nan aghaidhsan<sup>1</sup>, a tha 'n tòir orm: abair ri m'anam, Is mi do shlàinte.

4 Nàire agus masladh gu robh orra-san, a tha 'g iarraidh m'anama; gu pillear iadsan air an ais, agus gu robh amhladh orra, a tha smuaineachadh uile dhomh.

5 Bitheadh iad mar mhol fa chomhair na gaoithe, agus aingcal an Tighearna 'g an ruagadh.

6 Bitheadh an slighe dorcha agus sleamhuinn, agus aingcal an Tighearna an tòir orra.

7 Oir gun aobhar dh'fholuich iad air mo shòn an lìon; slochd gun aobhar chladh-aich iad air son m'anama.

8 Thigeadh sgrios air gun, fhios da, agus a lìon a dh'fholuich e, glacadh se e féin: san sgrios sin tuiteadh e.

9 Ach nì m'anamaisa gairdeachas anns an Tighearna; nì e aoibhneas na shlàinte.

10 Their mo chnàmhan uile, A Thighearna, cò is cosmhuil riutsa, a theasairgeas am bochd<sup>2</sup> uaith-san a's treise nà c, agus am bochd agus an t-ainnis<sup>3</sup> uaithsan a chreachadh e?

11 Dh'éirich fianuisean eucorach; chuir iad as mo leth<sup>4</sup> nithe air nach robh fios agam.

12 Dhìol iad dhomh olc an éiric maith, a' cur rompa mo bheatha a thoirt uani.

13 Ach an thaobhsa, 'nuair a bha iadsan gu tinn, b'e eudach-saic mo chulaidh, dh'irioslaich mi m'anam le trosgadh<sup>5</sup>, agus phill m'urnuigh a'm' uchd féin.

14 Mar gu'm bu charaid no bràthair dhomh a bhiodh ann, ghluais mi; mar fhear caoidh a mhàthar, gu dubhach chrom mi sìos.

15 Ach air bhì dhomhsa ann an amh-ghar, bha iadsan ait, agus chruinnich iad le chèile; chruinnich daoine suarach nach b'athne dhomh le chèile a'm' aghaidh; reub iad, agus cha do sguir iad.

16 Le luchd-dian-mhagaidh<sup>6</sup> cealgach, chas iad am fiacra rium.

17 Cia fhad, a Thighearna, a dh'amhairceas tu air so? saor m'anam o am milleadh, m'aon ghràdh<sup>7</sup> o na leòmhanaibh.

18 Cliùthaichidh mi thu<sup>8</sup> anns a' mhòr choimhthional; am measg sluagh lìon-mhòir molaidd mi thu.

19 Na deanadh iadsan, a ta nan naimh-dibh dhomh gu h-eucorach, gairdeachas os mo chionn: iadsan aig am bheil fuath dhomh gun aobhar, na caogadh iad le'n sùil:

20 Oir cha labhair iad sìth, ach an aghaidh dhaoine ciuin na tìre dealbhaidh iad nithe cealgach.

21 Dh'fhosgail iad am beul gu farsaing a'm' aghaidh; thubhairt iad, Aha, aha, chunnaic ar sùil.

22 Chunnaic thusa so, a Thighearna, na bi a'd' thosd: a Thighearna, na bi fad uam.

23 Tog ort, agus fosgail chum mo cheirt<sup>9</sup>; chum mo chùise, mo Dhia agus mo Thighearna.

24 Thoir breth orm a rèir do cheartais, a Thighearna, mo Dhia, agus na deanadh iad gairdcachas os mo chionn.

25 Na h-abradh iad nan cridhe, Aha, is e sud ar miann: idir na h-abradh iad, Shluig sinn suas e.

26 Nàire agus amhladh gu robh orra-san le chèile, a tha deanadh gairdcachais ri m'olc: còmhdaichear le nàire agus masladh iadsan, a dh'ardaicheas iad féin a'm' aghaidh!

27 Deanadh iadsan iolach, agus bitheadh iad aoibhheach, a shecas mo chòir dhomh<sup>10</sup>; agus abradh iad a ghnàth, Mòr chliù gu robh do'n Tighearna, aig am bheil tlachd ann an sìth a sheirbhisich!

28 An sin cuiridh mo theanga an céill do cheartas; air feadh an là do chliù.

## SALM XXXVI.

*Do'n ard fhear-ciuil, Le Daibhidh òglach an Tighearna.*

SE their an t-aingidh an taobh a stigh d'a chridhe<sup>11</sup>, gu'm peacaich e: cha 'n eil eagal Dé fa chomhair a shùil.

2 Oir nì e bàigh<sup>12</sup> ris féin na shùilbhe féin, gu'm faighear a mach a chionta mar aobhar fuatha<sup>13</sup>.

3 Is eucart agus cealg briathran a bheoil: leig e dheth bhì glic, maith a dheanamh.

4 Dealbhaidh e eucart air a leabaidh; suidhichidh se e féin air slighe nach 'eil maith; cha'n oilteil leis an t-olc.

5 A Thighearna, anns na nèamhaibh tha do thròcair; tha t'fhìrinn gu ruig na neoil.

6 Tha t'fhìreantachd mar na beannta arda, do bhreitheanais nan doimhne mhòir: gleidhidh tusa, a Thighearna, duine agus ainmhidh.

7 Cia luachmhor do chaoir hneas gràdhach, a Dhé! uime sin earbaidh clann nan daoine a sgàile do sgiathan.

8 Sàsuichear iad gu mòr le saill<sup>14</sup> do thighe, agus as abhainn do shòlasan bheir thu orra ol.

9 Oir agadsa tha tobar na beatha: ann ad shòlas-sa chi sinne solus.

10 Buanaich do chaoimhneas gràidh dhoibhsan a chuir còlas ort, agus t'fhìr-

<sup>1</sup> tarruing an t-sleagh, agus an claidheamh nan aghaidh-san. <sup>2</sup> an duine trugha, amhghurach.

<sup>3</sup> am f-uannach. <sup>4</sup> dh'fheòraich iad dhomh.

<sup>5</sup> trosgadh. <sup>6</sup> luchd-magaidh air cuirmibh.

<sup>7</sup> mo sheircein, mo phearsa. <sup>8</sup> Bheir mi

buidheachas duit. <sup>9</sup> mo chòir, mo bhreitheanais.

<sup>10</sup> leis an ionmhuinn mo cheartas. <sup>11</sup> do m' chridhe.

<sup>12</sup> mòdal, brìonal. <sup>13</sup> 'nuair a gheibhear a mach a chionta gràineil.

<sup>14</sup> pail-teas.



anachd dhoibhsan, a tha ionraic nan eiridhe.

11 Na d' thigcadh cos an ardain orm, agus na gluaiseadh làmh nan aingidh mi.

12 An sin thuit luchd-dheanami na h-euceirt sìos; leagadh sìos iad, agus cha'n arrainn iad éirigh.

## SALM XXXVII.

*Le Daibhidh.*

**N**A biodh campar<sup>1</sup> ort mu dhaoineibh aingidh, agus na gabh farmad ri luchd-dheanami na h-euceirt:

2 Oir mar am feur gearrar gu grad sìos iad, agus mar an luibh ghlas<sup>2</sup> seargaidh ead.

3 Earb thusa as an Tighearn, agus dean maith; *mar sin* gabhaidh tu còmhnuidh san tìr, agus beathaichear thu gu ciunteach<sup>3</sup>.

4 Mar an cendna gabh tlachd anns an Tighearn, agus bheir e dhuit iarrtuis do chridhe.

5 Tabhair suas do shlighe do'n Tighearn, agus earb as, agus ni se e.

6 Agus bheir e mach t'fhèicantachd mar an solus, agus do bhreitheanas mar am meadhan-là.

7 Bi d' thòd an làthair an Tighearna<sup>4</sup>, agus feith le foighidinn air: na biodh campar ort mu'n tì a shoirbhicheas na shlighe, mu'n fhear a bheir a dhroch inn-leachda gu buil.

8 Leig fearg dhìot, agus tréig corruich; na biodh campar ort air aon chor<sup>5</sup> chum uile.

9 Oir gearrar as droch dhaoine; ach iadsan a dh'fheitheas air an Tighearn, buan-mealaidh iad an talamh<sup>6</sup>.

10 Oir fathast tamull<sup>7</sup> beag, agus cha bhi an t-aingidh ann; seadh, bheir thu fa'near àt-san, agus cha bhi e ann.

11 Ach mealaidh daoine macanta<sup>8</sup> an talamh, agus gabhaidh iad tlachd ann am mend na sìth.

12 Tha'n t-aingidh a cumadh uile do'n ionraic, agus a' casadh 'thiacal ris.

13 Ni Dia fàoid air, oir is léir dha gu bheil a latha a' teachd.

14 Thairuing na h-aingidh an claidheamh, agus chuir iad ann bogha air ghleus, a lea adh sìos a' bhòchd agus an ainnis, a mharbhadh luchd-deagh bheus<sup>9</sup>.

15 Thèid an claidheamh a steach nan cridhe féin, agus brisear ann bogha.

16 Is fearr beagan aig an duine ionraic, na saibhir as mhòrain dhroch dhaoine.

17 Oir brisear gairdeana dhroch dhaoine; ach cumaidh Dia suas na fireana.

18 Is fìosrach Dia air laithibh nan daoine ionraic, agus bithidh an oighreachd gu sìorruidh.

19 Cha chuirear gu nàire iad ann an àm an uile, agus aon an laith bh na gorta sàsuichear iad.

20 Ach sgriosar droch dhaoine, agus bithidh naimhdean an Tighearna mar shaill uan: thèid as doibh, mar dheataich thèid as doibh.

21 Gabhaidh an t-aingidh iasachd<sup>10</sup>, agus cha dìol e rìs; ach tha'm firean tròcaireach, agus bheir e naith.

22 Oir iadsan a bheannuichear leis, mealaidh iad an talamh; agus iadsan a mhalluichear leis, gearrar as iad.

23 Leis an Tighearn tha ceumanna duine air an orduchadh, agus gabhaidh e tlachd na shlighe:

24 Ge do thuit e, cha tilgear gu tìr sìos e; oir cumaidh an Tighearna suas air làmh e.

25 Bha mi òg, agus a nis tha mi sean; gidheadh cha'n fhaca mi am firean air a thréiginn, agus a shliochd ag iarraidh arain.

26 Tha e ghnàth truaicanta agus coingheallach; agus bithidh a shliochd beannuichte.

27 Seachuinn an t-olc, agus dean am maith, agus gabh còmhnuidh gu bràth.

28 Oir is toigh leis an Tighearna breitheanas, agus cha tréig e a moinn: gu bràth còmhaidhe<sup>11</sup> iadsan; ach gearrar as shliochd nan aingidh.

29 Mealaidh na fireana an tìr, agus gabhaidh iad còmhnuidh innte gu bràth.

30 Cuiridh beul an fhèin an céill gliocas, agus labhairidh a theanga breitheanas.

31 Tha lagh a Dhé na chridhe: cha sleamnuich a cheumanna.

32 Bithidh an droch dhuine ri faire air an thìrean, agus iarraidh e a mharbhadh.

33 Cha'n fhàg an Tighearn e na làmh; agus cha dìt se e, nuair a bheirar breith air.

34 Feith air an Tighearn, agus glèidh a shlighe; agus ardaichidh e thu, chum an tìr a mhealtuinn: nuair a ghearrar as droch dhaoine, chì thu e.

35 Chumnaic mi an duine aingidh am mòr chumbachd, agus e 'ga sgaoileadh féin a mach mar ùr chraoibh<sup>12</sup> uaine.

36 Ach chaidh e seachad<sup>13</sup>, agus feuch cha robh e ann; agus dh'iarr mi e, ach cha d'fhuaras e.

37 Thoir fa'near an duine foirfe<sup>14</sup>, agus amhaire air an duine ionraic; oir is i sìth a's crìch do'n duine sin.

38 Ach sgriosar luchd-eusaontais faraon; gearrar as cuòch<sup>15</sup> dhroch dhaoine.

39 Tha slàinte nam firean o'n Tighearn; is esan an neart ann an àm teanntachd:

40 Agus cuidichidh an Tighearna leo,

<sup>1</sup> lusan, fearg. <sup>2</sup> uaine. <sup>3</sup> le a pailteas

<sup>4</sup> Fan gu sìonach ris an Tighearn. <sup>5</sup> a mhàin

<sup>6</sup> seadh bithidh iad an talamh mar oighreachd.

<sup>7</sup> fìo'a, seòlun. <sup>8</sup> ciuin, sèimh. <sup>9</sup> nan daoine

dìreach nan slighe. <sup>10</sup> an coingheall.

<sup>11</sup> gleidhear. <sup>12</sup> mar sheudar, edsre, Eabh.

<sup>13</sup> chaidh mi seach. <sup>14</sup> còmhlionta, iomlan.

<sup>15</sup> fuigh-eall, shliochd.

agus teasairgidh e iad : teasairgidh e iad o dhroch dhaoinibh, agus saoraidh e iad, a chionn gu'n d'earb iad as.

## S A L M XXXVIII.

*Salm le Daibhidh a chur an cuimhne.*

**A** THIGHEARNA, na cronuich mi ann ad chorruih, agus na smachdaich mi ann an teas t'fheirge :

2 Oir shàthadh do shaighdean annam, agus tha do làmh trom orn.

3 Cha 'n'eil fallainneachd a'm' fheoil air son t'fheirge : cha 'n'eil sìth a'm' chnàmhaibh air son mo pheacaidh ?

4 Oir chaidh m'eucearta thar mo cheann : mar eire<sup>1</sup> thruim tha iad ro-throm air mo shon.

5 Tha mo chreuchda lobhta, breun, air son m'amaideachd.

6 Tha mi cràiteach, chromadh sìos mi gu mòr ; air feadh an là uile tha mi g'ineachd gu dubhach :

7 Oir tha mo leasraidh làn do *ghalar* granda ; agus cha 'n'eil fallaineachd a'm' fheoil.

8 Tha mi lag, agus ro-bhrùite : tha mi a' bùireadh trid mi-shuaimhneis mo chridhe.

9 A Thighearn, *thu* mo mhiaun uile a'd' làthair, agus cha 'n'eil m'osnaich foluichte ort.

10 Tha mo chridhe a' ploscar<sup>2</sup> aich<sup>3</sup> ; thréig mo neart mi : a thaobh fradhaire<sup>3</sup> mo shùil, sin mar an ceudna cha 'n'eil agam.

11 Tha luchd-mo ghaoil agus mo chairdean a' seasamh fa chomhair mo leoin ; agus tha mo dhlèan a' seasamh fad uam.

12 Agus tha luchd-iarruidh m'anana a' cur ribeacha *romham*, agus luchd-iarruidh m'uile a' labhairt nìthe ainnheasach, agus a' smuaineachadh ceilge air feadh an là uile.

13 Ach mar dhuine bodhar, cha chluinn mise ; agus *tha* mi mar dhuine balbh, nach cluinn, agus fòsgail a bheil.

14 Tha mi eadhon mar fhear nach cluinn, agus aig nach 'eil achmhasain na bheil.

15 Oir annadsa, a Thighearn, chuir mi mo dhòchas : èisidh tusa, a Thighearna mo Dhia.

16 Oir thubhairt mi, Aireagal gu'n dean iad gairdeachas a'm' aghaidh ; nuair a shleanhnuaicheas mo chos, gu'n ardaich siad iad fèin a'm' aghaidh.

17 Oir *tha* mi ealamh gu tui-leachadh, agus *tha* mo dhoilgheas<sup>4</sup> a'm' fhianuis a ghnàth.

18 Oir aidichidh mi m'euccart ; bithidh mi dòilich air son mo pheacaidh.

19 Ach *a tu* mo naimhdean beothail, tha iad làidir<sup>5</sup> ; agus tha iad an aig am bheil fuath dhonh gu h-eucorach, air fàs lionmhor.

20 Agus tha iadsan a dhiolas olc air son

maith a' cur a'm' aghaidh, a chionn gu bheil mi leantuinn a' nìhaith.

21 Na tréig mi, a Thighearn, mo Dhia ; na bi-sa fad uam.

22 Greas chuinn mo chuideachaidh, a Thighearn, mo shlàinte.

## S A L M XXXIX.

*Do'n ard fhear-ciùil, do Iedutun. Salm le Daibhidh.*

**T**HUBHAIRT mi, Bheir mi 'n aire do m' shlighibh, nach peacaich mi le m' theangaidh : gleidhidh mi srian air mo bheil, an uair a bhios an duine aingidh a'm' fhianuis.

2 Bha mi balbh tosdach, dh'fhan mi o labhairt maith fèin ; ach dhùil-gèadh mo dhoilgheas.

3 Dh'thàs mo chridhe teth an taobh a stigh dhìom ; nuair a bha mi a' beachd-smuaineachadh, tas an teine ; labhair mi le m' theangaidh :

4 Thoir fios dhomh, a Thighearn, air mo chridh, agus tomhas mo làithean ciod e, chum gu bi fios agam cia gearr mo ié.

5 Feuch, mar leud boise rinn thu mo làithean, agus *tha* m'aois mar neo-ni a'd' fhianuis : gu deimhin is dìomhanas gach duine d'a fheabhas. Selah.

6 Gu deimhin tha gach duine a' siubhal ann an samhladh dìomhain<sup>6</sup> : gu deimhin cuirear mi-shuaimhneas orra gu faom : carnaidh *neach* suas *beartas*, gun fhios aig cò mhealas<sup>7</sup> e.

7 Agus a nis ciod ris an fèitheam, a Thighearn ? tha mo dhòchas annadsa.

8 Saor mi o m'eusaontasairb uile ; na dean ball-maslaidh an amadain dhìom.

9 Bha mi a'm' thosd, cha d'fhosgail mi mo bheil, a chionn gur tusa a rinn e.

10 Tog dhìom do bhuille : le beum do làimh-sa chlaoidheadh mi.

11 Le achmhasanaibh air son euceirt nuair a chruaicheas tu duine, bheir thu air a shnuidh caitheadh mar leomann : gu deimhin is dìomhanas gach duine. Selah.

12 Cluinn m'urnuigh, a Thighearn, agus èis d'ri m' ghla<sup>8</sup> dh ; ri m' dheir na bi a'd' thosd : oir is coigreach mi maille riut, agus fear-cuairt, mar m'aithriche uile.

13 O! caomhain mi<sup>9</sup>, chum gu faigh mi near<sup>9</sup>, mun siubhail mi, agus nach bi mi ann m'is mò.

## S A L M XL.

*Do'n ard fhear-ciùil. Salm le Daibhidh.*

**D**H'FHEITH mi le foighidinn ris an Tighearn, agus chrom e thugam<sup>10</sup> ; agus chual e mo gh'aodh.

2 Agus thug e nìos a slochd uamhninn mi, a clàbar làthaich, agus chuir e mo chosan air carraig ; shocraich e mo cheum-annà.

<sup>1</sup> uallnich, eallaich. <sup>2</sup> luimhneach. <sup>3</sup> radh-arc, soluis. <sup>4</sup> mo bhròn. <sup>5</sup> tha iad an, a tha nan naimhdeibh domh gun aonhar, làidir.

<sup>6</sup> mar sgàile siubhlaidh duine. <sup>7</sup> chruinnich-eas. <sup>8</sup> tionndaidh nam. <sup>9</sup> fois, comh-flurtachd. <sup>10</sup> chugam.



3 Agus chuir e òran nuadh ann am bheul, òran-molaidh d'ar Dia: chi mòran e, agus bithidh eagall orra, agus earbaidh iad as an Tighearn.

4 Is beannuichte an duine sin a chuireas a dhòchas anns an Tighearn, agus nach seall an déigh nan uaibhreach<sup>1</sup>; no nan déigh-san a chlaonas chum bréige.

5 Is lionmhor, a Thighearna mo Dhia, na nithe a rinn thu! t'òibre iongantach, agus do smuainte d'ar taobh-ne, cha 'n'eil c'òr comas a chur sìos an ordugh dhuit: nochdainn agus chuirinn an céill<sup>2</sup> iad; ach tha iad nì's lionmhoire na gu'n gabh iad àireamh.

6 Ann an ìobairt agus an tabhartas cha do ghabh thu tlachd: dh'fhosgail thu mo chluasan<sup>3</sup>: ìobairt-loisgte agus ìobairt-pheacaidh cha d'iarr thu.

7 An sin thubhairt mi, Feuch, tha mi teachd; ann an rola an leabhair tha e scriobhta ormsa.

8 Is e mo thlachd do thoil a dheanamh, a Dhé; seadh, tha do lagh an taobh a stigh do m' chridhe.

9 Rinn mi sgeul air t'fhìreantachd sa' choimhthional mhòr: feuch, cha do choisg mi mo bhilean, a Thighearn, is aithne dhuit.

10 Cha d'fholuich mi t'fhìreantachd ann am meadhon mo chridhe: chuir mi'n céill t'fhìrinn agus do shlàinte: cha do cheil mi do chaoimhneas gràdhach, agus t'fhìrinn, o'n choimhthional mhòr.

11 A Thighearn, na cum-sa do chaoimh thròcairean uam: gleidheadh do chaoimhneas gràdhach agus t'fhìrinn a ghnàth mi.

12 Oir dh'iadh uile gun àireamh mu'n cuairt orm; ghlac m'eucairt<sup>3</sup> mi, agus cha 'n'eil e 'n comas domh sealltuinn suas; nì's lionmhoire tha iad na falt mo chinn, agus thréig mo chuidhe mi.

13 Gu ma toil leat, a Thighearn, mo theasairginn; greas, a Thighearn, chum mo chuideachaidh.

14 Nàire agus amhladh gu robh<sup>4</sup> orrasan le chéile, a tha 'g iarraidh m'anama g'a sgrios: ruagar air an ais agus nàraichear iadsan, a tha guidheadh uile dhomh.

15 Aonaranach gu robh iadsan<sup>5</sup> mar thuarasdal an nàire, a their riumsa, Aha? Aha!

16 Deanadh iadsan uile a dh'iarras thusa, gairdeachas agus aoibhneas annad: abradh iadsan an còmhnuigh, a ghràdhaicheas do shlàinte, Mòr mholadh gu robh do'n Tighearn.

17 Tha nìise bochd agus uireasbhuidh-each, ach smuainichidh an Tighearn orm:

<sup>1</sup> nach tionndaidh chum nan uaibhreach, nach gabh tlachd anns na h-uaibhrich. <sup>2</sup> dheasuidh tha corp dhomh. <sup>3</sup> m'amhgharan. <sup>4</sup> bithidh. <sup>5</sup> dè-bàraichear iad, gu robh iad fo uamhann. <sup>6</sup> òsol. <sup>7</sup> ann an am teinn. <sup>8</sup> agus beannu-

is tusa m'fhear-cabhair, agus m'fhear-saoraidh; a Dhé, na dean moille.

## SALM XLI.

*Do'n ard fhear-ciùil. Salm le Daibhidh.*

1 Is beannuichte esan a bheir an aire do'n duine bhochd<sup>6</sup>: ann an latha an uile<sup>7</sup> saoraidh an Tighearn e.

2 Gleidhidh an Tighearn e, agus cumaidh e beo e, agus bithidh e beannuichte air thalamh: na tabhair thusa e do thoile a naimhde<sup>8</sup>.

3 Bheir an Tighearna neart dha air leabaidh a thinneis iarganaich: a leabadh uile nì thusa dha na euslainte:

4 Thubhairt mi, A Thighearn, dean trocair orm: leighis m'anam, oir pheacaich mi a'd' aghaidh.

5 Tha mò naimhdean a' labhairt uile orm, ag ràdh, C'uin a gheibh e bàs, agus a sgriosar a'inm?

6 Agus ma thig neach g'am shealltuinn, labhraidh e diomhanas; carnaidh<sup>9</sup> a chridhe euceart dha fèin; théid e mach, agus labhraidh se e.

7 Tha iadsan uile aig am bheil fuath dhomh a' cogarsaich le chéile a'm' aghaidh: tha iad a' dealbh uile a'm' aghaidh.

8 Tha droch nì, ars' iadsan, air teachd air<sup>10</sup>; agus esan a tha nìs na luidhe, cha 'n éirich e nì's mò.

9 Eadhon fear mo shìth<sup>11</sup>, as an d'carb mi, esan a dh'ith do m' aran, thog e a shàil a'm' aghaidh.

10 Ach deansa, a Thighearn, tròcair orm, agus tog suas mi, agus bheir mi luigh-eachd dhoibh.

11 Le so tha fios agam gu bheil tlachd agadsa annam, a chionn nach 'eil mo nàmhaid a' deanamh caithreim<sup>12</sup> os mo cheann.

12 Ach air mo shonsa, cumaidh tu suas mi ann am ionracas, agus suidhichidh tu mi a'd' fhianuis gu bràth.

13 Beannuichte gu robh an Tighearna Dia Israeil, o' shìorruidheachd gu sìorruidheachd! Amen agus Amen!

## SALM XLII.

*Do'n ard fhear-ciùil, Maschil, air son mhac Chorah.*

MAR a thogras am fiadh ehum nan sruth uisge, mar sin tha m'anam a'togairt a'd' ionnsuidhse, a Dhé.

2 Tha tart air m'anam chum Dhé, chum an Dé bheo: c'uin a thig mi, agus a nochdar mi am fianuis Dhé<sup>13</sup>?

3 Is iad mò dheoir a's biadh dhomh a là agus a dh'oidhche, 'nuair a theirear rium gach là, C'ait am bheil do Dhia?

4 Na nithe so is cuimhne leam, agus tha mi dòrtadh a mach m'anama leam fèin; oir ghabh mi thairis leis a' mhòr-cuideachd,

uaidh e air thalamh e, agus cha tabhair e do thoil a naimhdean e. <sup>9</sup> crainnichidh. <sup>10</sup> tha droch thinneas a' dlùth-leantuin ris; tha mòr chionta air a char as à leth. <sup>11</sup> mo charaid. <sup>12</sup> gairdeachais. <sup>13</sup> a chì mi guis Dhé.

chaidh mi leo gu tigh Dhé, le fuaim gairdeachais agus molaiddh, leis a' chuideachd, a bha cumail latha féille<sup>1</sup>.

5 C'ar son a tha thu air do leagadh sìos, O m'anam? agus c'ar son a tha thu fo bhuairesan<sup>2</sup> an taobh a stigh dhìom? earb thusa a Dia; oir fathast molaiddh mise e, slàinte mo ghnùise<sup>3</sup>, agus mo Dhia.

6 Leagadh sìos m'anam an taobh a stigh dhìom: uime sin cuimhnichidh mi ortsa, mo Dhia, o thìr Iordain, agus o Hermon, o shliabh Mhìtsair.

7 Tha doimhne a' gairm air doimhne le fuaim t'fheadan uisge; chaidh do stuaidhean<sup>4</sup> agus do thonnan uile tharum.

8 Anns an là àithnidh an Tighearn a thròcair<sup>5</sup>; agus san oidhche *bithidh* a laoidh maille rium, agus m'ùnuigh ri Dia mo bheatha.

9 Thoir mi ri Dia mo charraig, C'ar son a dhi-chuimhnich thu mi? c'ar son a tha mi a' triall gu dubhach air son foirneirt an eascaraid?

10 Mar chlaidheamh a'm' chnànhaibh, tha mo naimhdean a' toirt maslaidh dhomh, 'nuair a their iad rium gach là, C'ait an bheil do Dhia?

11 C'ar son a tha thu air do leagadh sìos, O m'anam? agus c'ar son a tha thu fo bhuairesan an taobh a stigh dhìom? earb thusa a Dia; oir fathast molaiddh mise e, slàinte mo ghnùise, agus mo Dhia.

## SALM XLIII.

**T**HOIR breth orm<sup>6</sup>, a Dhé, agus tagair mo chùis: o chinneach an-ìochd-mhor<sup>7</sup>; o fhear na ceilge agus na h-euceirt, saor thusa mi.

2 Oir is tusa Dia mo neirt; c'ar son a chuir thu mi fad uait? c'ar son a tha mi a' triall gu dubhach air son foirneirt an eascaraid?

3 O cuir a mach do sholus agus t'fhirinn! seòladh iadsan mi, thugadh iad mi chum do shléibh naomha-sa, agus chum do phàilliona.

4 An sin théid mi dh'ionnsuidh altaire Dhé, a dh'ionnsuidh Dhé m'aoibhneis ro-mhòir<sup>8</sup>; agus molaiddh mi thu air a' chlàrsaich, a Dhia, mo Dhia.

5 C'ar son a tha thu air do leagadh sìos, O m'anam? agus c'ar son a tha thu fo bhuairesan an taobh a stigh dhìom? earb thusa a Dia; oir fathast molaiddh mise e, slàinte mo ghnùise, agus mo Dhia.

## SALM XLIV.

*Do'n ard fhear-ciuil, air son mhac Churah, Maschil.*

**A**DHE, le'r cluasailh chuala sinn, dh'innis ar n-aithriche dhuinn an

<sup>1</sup> Na nithe so cuimhnichidh mi, agus taomaidh mi mach m'anam an taobh a stigh dhìom, nuair a ghabhas mi thairis leis a' mhòr chuideachd, a théid mi leo, &c. <sup>2</sup> mli-shuaimhneas. <sup>3</sup> air son furtachd a ghnùise. <sup>4</sup> do shuaimhneas. <sup>5</sup> a chaoimhneas. <sup>6</sup> Cum coir rium.

obair, a rinn thu nan làithibh-san, sna laithibh o shean.

2 Le d' làimh thilg thu mach na cinnich, ach shuidhich thu iadsan: chlaoidh thu na slòigh, ach thug thu orra-san soirbheachadh<sup>9</sup>.

3 Oir cha'n ann le'n claidheamh féin a fhuair iad sealbh san tìr, agus cha'n e an gairdean féin a shaor iad; ach do dheaslamh, agus do ghairdean-sa, agus solus do ghnùise, a chionn gu'n robh deadh-ghean agad doibh.

4 Is tu féin mo Rìgh, a Dhé: àithn thusa saorsa do Iacob.

5 Trid-sa buailidh sinn ar naimhde: trid t-ainme-sa saltraidh sinn orra-san, a dh'èireas 'nar n-aghaidh.

6 Oir as mo bhogha cha'n earb mi, agus cha saor mo chlaidheamh mi.

7 Ach shaor thusa sinn o ar naimhdibh, agus nàirich thu iadsan aig an robh fuath dhuinn.

8 A Dia ni sinne uail air feadh an là; agus t-ainm-sa molaiddh sinn gu sìorruidh. Selah.

9 Ach a nis thilg thu uait sinn, agus nàirich thu sinn; agus cha 'n'eil thu dol a mach le'r n-armailtibh.

10 Thug thu oirna tionndadh air ar n-ais: o'n nàmhaid, agus tha iadsan le'm fuathachd sinn 'gar creachadh<sup>10</sup>.

11 Thug thu sinn mar chaoraich air son bìdh; agus am measg nan cinneach sgap thu sinn.

12 Reic thu do shluagh gun fhiach, agus cha do mheudaich thu do mhaoin le'n luach<sup>11</sup>.

13 Rinn thu sinn 'nar masladh d'ar coimhearsnachaidh, 'nar ball-fanoid agus magaidh dhoibhsan, a tha mu'n cuairt oirnn.

14 Rinn thu gnàth-fhocal dhinn am measg nan cinneach, aobhar crathaidh cinn am measg an t-sluaigh.

15 Fad an latha<sup>12</sup> tha m'amhluidh a'm' fliànais, agus chomhdaich nàire mo ghnùise mi<sup>13</sup>.

16 Air son gutha an fhir, a bheir masladh agus toibheum, air son fianuis an nàmhaid agus an dìoghaltaich.

17 Thàinig so uile-oirnn; gidheadh, cha do dhi-chuimhnich sinn thu, agus cha d'rinn sinn cealg ann ad choimhcheangal.

18 Cha do thionndaidh ar cridhe air ais, agus cha do chlaon ar cos o d' shlighe:

19 Ge do mhin-phronn thu sinn ann an ionad dhràgon, agus ge do chomhdaich thu sinn le sgàil a' bhàis.

<sup>7</sup> mi naomha, ain-diadhaidh. <sup>8</sup> m'aoibhneis, agus mo ghairdeachais. <sup>9</sup> rinn thu dle do na slòigh, ach chuir thu iadsan an tìr theuruinte. <sup>10</sup> a' creachadh dhoibh féin. <sup>11</sup> prìs. <sup>12</sup> A ghnàth. <sup>13</sup> tha ar n-amhluidh 'nar fianuis, agus chomhdaich nàire ar gnùise sinn.



20 Ma dhi-chuimhnich sinn aium ar Dé, no nia shìn sinn ar làmh gu Dia coimh-each,

21 Nach rannsaich Dia so a mach? oir tha fios aige-san air nithibh dìomhair a' chridhe.

22 Ach air do shon-sa mharbhadh sinn rè an làtha gu léir; mheasadh sinn mar chaoraich chum casgraidh.

23 Mosgail; c'ar son a choidleas tu, a Thighearn! dùisg, na tilg sin uait gu bràth.

24 C'ar son a dh'fholaicheas tu do ghnùis? a dhi-chuimhnicheas tu ar n-àmh-ghar, agus ar foinneart?

25 Oir chromadh sìos ar n-anam do'n ùir; dhlùth-lean ar com<sup>1</sup> ris an talamh.

26 Eirich, cuidich leinn, agus saor sinn air sgàth do thròcaire.

## SALM XLV.

Do'n ard fhear-ciail air Sasanim air son mhae Chorah, Muschil. Oran gràidh.

**T**HA mo chridhe a' deachdadh<sup>2</sup> deadh ni, cuiridh mi 'n cèill na nithe a rinn mi do'n Rìgh<sup>3</sup>; bithidh mo theanga mar pheann fir-scriobhaidh dheis.

2 Is maisir he thu na clann nan daoine, dhòirteadh gràs ann ad bhlilbh: uime sin bheannuidh Dia thu gu bràth.

3 Crioslaich<sup>4</sup> do chlaidheamh air do leis, O a ghai-geich; le d' ghlòir, agus le d' mhòralachd.

4 Marcaich<sup>5</sup> air t'aghaidh gu buadhach air sgàth na firinn, agus na macantachd<sup>6</sup>, agus na fireantachd; agus teagaisgidh do dheas làmh dhuit nithe uamhasach.

5 Is geur do shaighdean, (tuitidh na slòigh fodhad) is geur iad ann an cridhe namhdean an Rìgh.

6 Tha do rìgh-chaitheir, a Dhé, gu saoghal nan saoghal: is slat cheartais slat shuaicheantais do rìoghachd-a.

7 Ghràdhaidh thusa fireantachd, agus thug thu tuath do aingidheachd; uime sin dh'uing Dia, do Dhia-sa, thu le h-oladh aoibhneis os cionn do chompanach.

8 Do mhirr, agus do alos, agus do chasia, thèid boladh o d' thrusgan uile, a mach a lùchaitibh do thiaclailh elephant<sup>7</sup>, leis an do chuireadh aoibhneas ort.

9 Tha nigheana rìghre am measg do bhan urramach; seasaidh do bhan-rìghinn air do dheas làmh, ann an òr na h-Ophir.

10 Eisd, a nighean, agus amharc, agus aom do chluas; agus di-chuimhnich do shluagh fèin agus tighean.

11 An sin gabhaidh an Rìgh mòr thlachd ann ad àille<sup>8</sup>, a ch'onn gur esan do Thighearn, thoir-sa urram<sup>9</sup> dha.

12 Thig eadhon nighean Thiruis le

tiodhlacadh; asluichidh daoine saibhir an t-sluaigh do dhèadh-ghean.

13 Uile glòrmhor tha nighean an rìgh a stigh; air oibreachadh le h-òr tha a h-eudach.

14 Ann an trusgan do obair ghréis bheir-eir i chum an Rìgh: bheir na maighdeana na déigh, a bana-chompanaich, a steach thugad<sup>10</sup>.

15 Bheir iad le h-aoibhneas agus le gairdeachas; thèid iad a steach do luchairt an Rìgh.

16 An àite t'aithriche bithidh do mhic; ni thu iad nan uachdaranaibh air an talamh uile.

17 Bheir mi air t'ainm a bhi air chuimhne anns gach linn a thig: uime sin molaidh an sluagh thu gu saoghal nan saoghal.

## SALM XLVI.

Do'n ard fhear-ciail air son mhae Chorah, Oran air Alanol.

**I**S e Dia ar tearmunn agus ar neart; ar càbhair ro-dheas ann an teanntachd-aibh.

2 Air an aobhar sin cha bhi eagal oirnn, ge do ghluai-eir<sup>11</sup> an talamh, agus ge d'atharruichear na beannta gu meadhon na fàirge:

3 Ge do bheic a h-uisgeacha, agus ge do chuirear thar a chèile iad; ge do chrìochnuich na beannta le a h-ataireachd. Selah.

4 Tha abhwin<sup>12</sup> ann, agus ni a sruth-an cathair<sup>13</sup> Dhé aig; naomb-ionad phàillion an Tì a's airde.

5 Tha Dia na meadhon; cha ghluaisear i: cuidichidh Dia leatha gu moch air mhadaunn.

6 Ghabh na cinnich boile, ghluai-eadh na rìoghachdan: chuir e mach a ghuth, leagh an talamh.

7 Tha Dia nan slògh leinn; is e Dia Iacob a's didean duinn. Selah.

8 Thighidh, faicibh oibre an Tighearna, gach léir-s rìos<sup>14</sup> a rinn e air thalamh.

9 Coi-gidh e an cogadh gu h-ìomall na talmhainn, brisidh e am bogha, agus gearraidh e an t-sleagh: na carbadan-cogaidh loisgidh e le teine.

10 Bithibh sàmhach, agus tuigibh gur mise Dia: ardaichear mi am measg nan cinneach, ardaichear mi air thalamh.

11 Tha Dia nan slògh leinn; is e Dia Iacob a's didean duinn. Selah.

## SALM XLVII.

Do'n ard fhear-ciail. Salm air son mhae Chorah.

**B**UAILIBH bhur basan, uile shlòigh; togaibh iolach do Dhia le guth gairdeachais<sup>15</sup>.

<sup>1</sup> brù. <sup>2</sup> cur amach. <sup>3</sup> mu'n Rìgh. <sup>4</sup> Criosraich, Deasaich. <sup>5</sup> Ann ad mhòralachd mureach. <sup>6</sup> ceannsaichda. <sup>7</sup> air an deanamh maiseach le faiclaibh elephant. <sup>8</sup> àille,

sgèimh. <sup>9</sup> àmhachd, aoradh. <sup>10</sup> chugad. <sup>11</sup> mhlùthar, chaochailear. <sup>12</sup> amhuinn. <sup>13</sup> mòr-bhaile. <sup>14</sup> na nithe uamhasach. <sup>15</sup> caithreine.

2 Oir *tha'n* Tighearn, an *Ti a's* airde, na aobhar eagail: *is* Rìgh mòr e os cionn na talmhainn uile.

3 Cuiridh e na slògh fa'r sinachd, agus na cinnich fa'r cosaibh.

4 Taghaidh e ar n-oighreachd dhuinn, òirdheirceas <sup>1</sup> Iacoib, a ghràdhach e. Selah.

5 Chaidh Dia suas le caithreim, an Tighearna le fuaim trompaide.

6 Seinnibh moladh do Dhia, seinnibh; seinnibh moladh d'ar Rìgh, seinnibh:

7 Oir *is* e Dia rìgh na talmhainn uile; seinnibh moladh gu h-eòlach.

8 Tha Dia na Rìgh os cionn nan cinn-each: tha Dia na shuidhe air rìgh-chaithir a naomhachd.

9 Chruinnicheadh uachdarain nan sluagh le chèile. sluagh Dhé Abrahain: oir *is* le Dia sgiatha na talmhainn; tha e air 'ardachadh gu mòr.

## SALM XLVIII.

*Oran agus Salm air son mhac Chorah.*

**I**S mòr an Tighearn, agus is ro-airidh air cliù e ann am baile <sup>2</sup> ar Dé, ann an sliabh a naomhachd.

2 Sgiambach na shuideachadh, aoibhneas na talmhainn uile *is* e sliabh Shìom: air an taobh mu thuath *tha* baile <sup>3</sup> an Rìgh mhòir.

3 Aithnichear Dia na luchairtibh mar thearmann.

4 Oir feuch, chruinnicheadh na rìghre; gabhadh iad thairis le chèile.

5 Chunnaic iad, agus b'ìoghnadh leo; bha uamhas orra, ghrèas iad orra.

6 Ghlac geilt-chrith iad an sin, pian mar phéin mnà ri saothair.

7 Le gaioth an ear nùn-bhrisidh tu longa Tharsis.

8 Mar a chuala sinn, is amhuil a chunnaic sinn ann am baile Tighearna nan slògh, ann am baile ar Dé: daingnichidh se e gu bràth. Selah.

9 Smauinich sinn air do chaoimhneas gràidh, a Dhé, ann am ineachdhan do theanpuill.

10 Mar t'ainm, a Dhé, mar sin *a tu* do chliù gu crìochaibh na talmhainn: tha do dheas làmh làn do fhìreantachd.

11 Deanadh sliabh Shìom aoibhneas, deanadh nigheana Iudah gairdeachas, air son do bhrèitheanas.

12 Cuairtichibh Sion, agus rachaibh m'a timchìoll; àirmhibh a tùir.

13 Thugaibh an aire d'a balladh làidir <sup>4</sup>, comharaichibh a luchairtean <sup>5</sup>, chum gu cuir sibh an céille do'n àl ri teachd.

14 Oir *is* e an Dia so ar Dia-ne gu

saoghal nan saoghal: stiùraidh e sinn gu ruig am bàs <sup>6</sup>.

## SALM XLIX.

*Do'n ard fhear-ciùil, Salm air son mhac Chorah.*

**C**LINNIBH so, a shlòigh uile, éis-dìbh, *sibhse* uile luchd-àiteachaidh an domhain,

2 Araon a dhaoine ìosal agus ard, beartach agus bochd le chèile.

3 Lathraidh mo bheul gliocas <sup>7</sup>, agus smuaintichidh mo chridhe air tuigse <sup>8</sup>.

4 Aomaidh mi gu cosamhlachd mo chluas; nochdaidh <sup>9</sup> mi air a' chlàsaich mo ràdh dorchach.

5 C'ar son a bhiodh eagal orm ann air laithibh an uilc, 'nuair a chuairticheas aingidheachd m'eascairdean <sup>10</sup> mi.

6 A dh'earlas as an saibhreas, agus a nì uail a pailteas am beartais?

7 Cha'n urrainn duine air chor sam bith a bhràthair a shaoradh, no éiric a thabhairt do Dhia air a shon:

8 (Oir tha saorsa an anama luachmhor, agus sguridh e am feasd:)

9 Gu maireadh e beo gu sìorruidh, agus nach faiceadh e truailidheachd <sup>11</sup>,

10 Oir chi e gu'm faigh na daoine glìce bàs, gu'n -griosar le chèile an t-amadair agus an t-àmaidh, agus gu'm fàg iad am bearta aig daoineibh eile.

11 *Is* iad smuaintean an cridhe *gu mair* an tighean gu bràth, an ionada-còmhnuidh o linn gu linn: bheir iad aium air am fearai n, a réir an ainme féin.

12 Ach *ge do robh* an duine ann air urrain, cha mhair e <sup>12</sup>: is cosmhuil e ris na h-ainmliidhibh, a ghearrar as.

13 *Is* i so an slighe, eadhon an amaidheachd: gidheadh gabhaidh an slìochd tlachd nan caumt. Selah.

14 Mar chaoraich cuirear iad san uaigh, 'hidh am bàs iad <sup>13</sup>, agus bithidh uachdaranachd aig na fireanaibh os an cionn anns a' mhàduinn: seargaidh <sup>14</sup> an dreach as san uaigh, an ionad-còmhnuidh <sup>15</sup>.

15 Ach saoraidh Dia m'anam-sa o chumhachd <sup>16</sup> na h-uaighe; oir gabhaidh e mi d'a ionnsuidh. Selah.

16 Na gabh thusa eagail an uair a dh'fhàsas duine beartach, 'nuair a mheudaichear glòir a thighe:

17 Oir 'nuair a gheibh e bàs, cha d'thoir e nì air bith leis; cha d'theid a ghlòir sìos na dhéidh:

18 Ge do bheannuich e 'anam féin, 'nuair a tha e beo; agus molar thusa, 'nuair a nì thu maith dhuit féin <sup>17</sup>.

19 Théid e gu h-àl a shinnsear: gu bràth cha'n fhaic iadsan solus.

<sup>1</sup> mòrachd. <sup>2</sup> mòr-bhaile, cathair. <sup>3</sup> cathair. <sup>4</sup> d'a daingneachd, d'a neart. <sup>5</sup> caistealan. <sup>6</sup> gu bràth. <sup>7</sup> nìthe glìce. <sup>8</sup> nìthibh tuigseach. <sup>9</sup> fosgailidh. Eabh. <sup>10</sup> aingidheachd luchd-fèall; lochd mo shùil. <sup>11</sup> Ach muiridh esan [an

t-aon naomha] beo gu sìorruidh; cha'n fhaic e truailidheachd. <sup>12</sup> tha e gun tuigse. <sup>13</sup> ion-  
altraidh am bàs orra. <sup>14</sup> agus seargaidh. <sup>15</sup> o'n  
ionud-còmhnuidh. <sup>16</sup> o làimh. Eabh. <sup>17</sup> agus  
ge do mhol e thusa, 'nuair a nì thu maith dha.



20 Tha 'n duine, *a tha* ann an urram, agus a tha gun tuigse, cosmhuil ris na h-ainmhidhibh a ghearrar as.

S A L M L.

*Salm le Asaph.*

**L**ABHAIR Dia nan Dia<sup>1</sup>, Iehobhah, agus ghairm e an talamh o éuigh gu ruig luidhe gréine.

2 A mach a Sion, ionlaine na maise, dhealruich Dia.

3 Thig ar Dia-ne, agus cha hhi e na thosd: roimh a ghnùis lasaidh teine mill-teach<sup>2</sup>, agus mu'n cuairt air bithidh doinn mhòr.

4 Gairmidh e air na nèamhaibh o'n airde, agus an talamh, chum breth a thoirt air a shluagh.

5 Cruinnichibh mo naoimh a m' ionnsuidh, iadsan a rinn coimhcheangal rium le h-ìobairt.

6 Agus cuiridh na nèamhan an céill a cheartas; oir *is e* Dia féin a's Breitheamh ann. Selah.

7 Eisdibh, O mo shluagh, agus labhairidh mi; O Israel, agus ni mi fhanuis a't' aghaidh<sup>3</sup>: *is mise* Dia, do Dhia-sa.

8 Air son t'ìobairtean cha'n agair mi thu; oir *tha* t'ìobairtean-loisgte a ghnàth a'm' fhianuis.

9 Cha ghabh mi tarbh òg as do thigh, no gabhar fhìrionn as do mhainniribh<sup>4</sup>.

10 Oir *is* leamsa uile bheathaiche na coille, an spréidh air mìle sliabh.

11 Is aithne dhomhsa uile eunlaith nam beann<sup>5</sup>; agus *is* leamsa fiadh-bheathaiche na macharach.

12 Na'm bìthinn ocrach, cha'n innsinn duitse; oir *is* leamsa an domhan, agus a làn.

13 An e gu'n ithinn feoil tharbh? agus an òlainn fuil ghabhar?

14 Iobairt iobairt bhuidheachais do Dhia, agus òc do bhòidean do'n Tì a's airde.

15 Agus gairm orm ann an latha teanntachd: saoraidh mise thu, agus bheir thusa glòir dhomhsa.

16 Ach ris an droch dhuine their Dia, Cìod e do ghnòthuchsa mo reachdan<sup>6</sup>, a chur an céill, no gu'n gabhadh tu mo choinhcheangal ann ad bheul;

17 'Nuair a ta fuath agad air fòghlum, agus a thilg thu mo bhriathran air do chùl?

18 Ma chunnaic thu gaduiche, dh'aontaich thu leis<sup>7</sup>; agus maille ri luchd-adh-altrannuis bha do chuibhrionn.

19 Chuir thu do bheul chum nìle, agus dhealbh do theanga cealg.

20 Shuidh thu, agus an aghaidh do bhràthar labhair thu; agus do mhac do mhàthar thug thu beum<sup>8</sup>.

21 Na *nithe* so rinn thu, agus bha mise a'm' thosd; shaoil thu gu'n robh mi gu tur mar thu féin: cronaichidh mi thu, agus cuiridh mi *gàch* ni an ordugh fa chomhair do shùil.

22 Smuainichibh a nis air so, sibhse nach cuimhnich Dia; air eagal gu'n reub mi as a chéile, gun neach ann a theasair-geas.

23 Esan a dh'òbras moladh, bheir e glòir dhomhsa; agus dhasan a dh'ord-uicheas a shlighe, nochdaidh mi<sup>9</sup> slàinte Dhé.

S A L M L I.

*Do'n ard fhear-ciùil, Salm le Daibhidh, nuair a thàinig Natan am fàidh d'a ionnsuidh, an dèigh dha bhì aig Batsèba.*

**D**EAN trocair orm, a Dhé, à réir do chaoimhneis gràidh; a réir lion-mhoireachd do chaomh thròcairean<sup>10</sup>, dubh as m'eusaontas.

2 Cu h-ìomlan ionnail mi o m' lochd, agus glan mi o m' pheacadh:

3 Oir tha mi ag aideachadh m'eusaontais, agus *tha* mo pheacadh a'm' làthair a ghnàth.

4 A't'aghaidh a't'aghaidh féin a m'hàin pheacaich mi, agus rinn mi olc a'd' shealladh, air chor as gu'm fireanaichear thusa 'nuair a labhras tu, gu'm bi thu glan 'nuair a bheir thu breth.

5 Feuch, ann an euceart dhealbhadh mi, agus ann am peacadh ghabh mo mhàthair mi na broinn.

6 Feuch, is ionmhuinn leat an fhìrinn san taobh a stigh<sup>11</sup>; agus san *ionad* thol-nichte bheir thu orm glòcas a thuigsinn.

7 Glan mi le hisop, agus bithidh mi glan; ionnail mi, agus bithidh mi ni's gile na sneachda.

8 Thoir orm guth subhachais agus aoibhneis a chluinntinn; agus ni na cnàmhan a bbris thu gairdeachas.

9 Fòluich do ghnùis o'm' pheacaibh, agus duh as m'eucearta gu léir.

10 Cruthaich annam cridhe glan, a Dhé; agus ath-nuadhaich spiorad ceart an taobh a stigh dhòm.

11 Na tilg mi o d' shealladh, agus na toir do spiorad naomha uam.

12 Aisig dhomh gairdeachas do shlàinte, agus *le d'* spiorad saor cum suas mi:

13 Teagaisgidh mi do luchd-eusaontais do shlighean; agus iompoichear peacaich a t' ionnsuidh.

14 Saor mi o chionta fola, a Dhé, a Dhé mo shlàinte: ard-mholaidh mo theanga t'fhreantachd.

15 A Thighearn, fosgail mo bhilean, agus cuiridh mo bheul an céill do chliu.

16 Oir cha'n iarr thu iobairt, no bheirinn

<sup>1</sup> an Dia treun. <sup>2</sup> caithidh teine, ithidh teine suis. Eabh. <sup>3</sup> mu d' thimchioll, dhuit.

<sup>4</sup> chròthaibh. <sup>5</sup> eunlaith an athair.

<sup>6</sup> stàtuin. <sup>7</sup> ruith thu leis. <sup>8</sup> masladh. <sup>9</sup> agus is i so an t-slighe air an nochd mi dha. <sup>10</sup> do thruacantais. <sup>11</sup> sna h-airnibh.

dhuit i; ann an iobairt-loisgte cha 'n eil tlachd agad.

17 Is iad iobairtean Dhé spiorad briste: air cridhe briste agus brùite, a Dhé, cha dean thusa tàir.

18 Dean maith, a'd' dheadh-ghean, do Shion; tog suas ballacha Iesusaleim.

19 An sin tainnidh iobairtean ionracais riut, iobairtean-loisgte agus làn iobairtean-loisgte: an sin iobraidh iad tairbh òga air t'altair.

## SALM LII.

*Do'n ard fhear-ciùil, Maschil le Daibhidh, 'nuair a thàinig Doeg an t-Edomach, agus a dh'innis e do Shaul, agus a thubhairt e ris, Thàinig Daibhidh gu tigh Ahimeleich.*

**C**'AR SON a nì thu uail as an òlc, O ghaisgich? Mairidh maithreas Dé a ghnàth<sup>1</sup>.

2 Dealbhaidh do theanga aimhleas, mar caltuinn ghéir, ag oibreachadh céilge.

3 Is annsa leat an t-òlc na maith, a' bhreug nà briathran a' cheartais. Selah.

4 Is ionmhuinn leat gach focal mìllteach, an teanga chealgach<sup>2</sup>.

5 Uime sin<sup>3</sup> sgriosaidh Dia thu gu bràth: bheir e air falbh thu, agus tairngidh e as [do] phàillinn thu, agus spionaidh e do fhreunhan a tìr nam beo. Selah.

6 Agus chì na fireana, agus bitheadh eagal orra, agus nì iad gàire uime, ag ràdh,

7 Fench, so am fear nach d'rinn a neart do Dhià, ach a dh'earb a pailteas a bheartais, agus a ncartaich e fèin na ainigidheadh.

8 Ach bitheadh mise mar chrann-olaidh uaine ann an tigh Dhé; earbaidh mi a tròcair Dhé gu saoghal nan saoghal.

9 Moladh mise thu gu sìorruidh, a chionn gu'n d'rinn thu e; agus feithidh mi air t'ainm-sa, oir tha e maith an làthair do naomh.

## SALM LIII.

*Do'n ard fhear-ciùil, air Mahalat, Maschil le Daibhidh.*

**T**HUBHAIRT an t-amadan na chridhe, Cha 'n eil Dia ann: tha iad truaillidh, agus rinn iad ainigidheadh ghràineil: cha 'n eil neach ann a nì maith.

2 Dh'amhairc Dia a nuas o nèamh air cloinn nan daoine, a dh'fheuchainn an robh neach ann a bha glie, a bha 'g iarraidh Dhé.

3 Chaidh gach aon diubh air ais; tha iad gu léir air fàs salach: cha 'n eil neach ann a nì maith, cha 'n eil eadhon aon.

4 Nach 'eil còlas aca-san, a tha deanamh na h-eucorach, a tha 'g itheadh suas mo shluaigh, mar a dh'itheadh iad aran, agus nach gairm air Dia?

5 An sin ghabh iad eagal mòr, 'nuair

nach robh aobhar eagal ann; sgaoil Dia a chnàmha-sun o chèile a champuich a'd' aghaidh: nàirich thu iad, a chionn gu'n d'rinn Dia tàir orra.

6 O gu d'tbigeadh slàinte Israeil a mach a Sion? An uair a bheir Dia air ais braighdeanas a shluaig, nì Iacob gairdeachas, nì Israel aoibhneas.

## SALM LIV.

*Do'n ard fhear-ciùil air Neginot, Maschil le Daibhidh, 'nuair a thàinig na Siphich, agus a thubhairt iad ri Saul, Nach 'eil Daibhidh 'ga fhòlach fèin maille ruinne?*

**A**IT sgàth t'ainm, a Dhé, saor thusa mi, agus le d' chumhachd cum cothrom rium.

2 Cluinn m'ùrnuigh, a Dhé; éisd ri briathraibh mo bheoil.

3 Oir dh'éirich coigrich<sup>4</sup> a'm' aghaidh, agus dh'iarr luchd-foirneirt mo bheatha; cha do chuir iad Dia fa'n comhair. Selah.

4 Feuch, is e Dia m'fhear-cuideachaidh: tha'n Tighearna dhiubhsan<sup>5</sup>, a chumas suas mo bheatha.

5 Diòlaidh e òlc do m' naimhdbh: a't' fhìrinn gearr as iad.

6 Le saor thoil bheir mi iobairt dhuit; molaidh mi t'ainm, a Thighearn, oir tha e maith.

7 Oir shaor thu mi as gach teinn: agus chunnaic mo shùil mo mhiann air mo naimhdbh.

## SALM LV.

*Do'n ard fhear-ciùil air Neginot, Maschil le Daibhidh.*

**E**ISD, a Dhé, ri m'ùrnuigh, agus na foluich thu fèin o m'astuchadh.

2 Thoir aire dhomh, agus éisd rium: tha mi ard ann am ghearan, agus ri bùir-eadh:

3 Air son gutha m'eascaraid, air son foirneirt an duine aingidh; oir tha iad a' tilgeadh euceirt òrm, agus am feirg tha iad a' toirt suatha dhomh.

4 Tha mo chridhe air a chràdh an taobh a stigh dhìom, agus thuit uamhasan a' bhàis orm.

5 Thàinig eagal agus crith orm, agus chòmhdaich uamhann mi.

6 Agus thubhairt mi, Och, nach robh agam sgiathan! mar choluman theichinn as air iteig, agus gheibhinn fois.

7 Feuch, shiùbhlainn fad as; chòmhnuichinn anns an fhàsach. Selah.

8 Dheanainn deifir<sup>6</sup> gu dol as o ghaoith làidir<sup>7</sup>, agus o'n doininn.

9 Sgrìos, a Thighearn, agus roinn na teanga<sup>8</sup>; oir chunnaic mi foirneart agus consachadh sa' bhaile.

10 A là agus a dh'oidhche tha iad a' dol

<sup>1</sup> gach ù. Eabh. <sup>2</sup> a theanga chealgach. <sup>3</sup> Mar an ceudna. <sup>4</sup> na h-uibhrich. <sup>5</sup> nam  
511

measg-san, leo-san. <sup>6</sup> cabhag. <sup>7</sup> anrath-  
aich, bhuaireasach. <sup>8</sup> comhairle.



mu'n cuairt air, air a bhallaibh; agus *tha* euceart agus aimhleas na mheadhon.

11 *Tha* aingidh achd na mheadhon; agus cha dealaich feall agus cealg r'a shràidibh.

12 Oir cha bu nàmhaid a thug masladh dhomh, no dh'fhuilginn e; cha b'e fear le 'm b'fhuathach mi a dh'ardaich e fèin a'm aghaidh, no dh'fholaichinn mi fèin uaith.

13 Ach thusa! fear bu choimpire dhomh fèin<sup>1</sup>, fear m'iuil, agus fear m'eòlais.

14 Le chéile ghabh sinn conhairle bhlasta; gu tigh Dhé dh'innich sinn cuid-eachd.

15 Gabhadh am bàs sealbh orra, rachadh iad sìos beo do'n uaigh<sup>2</sup>; oir a *ta* uile nan àite-còmhnuidh, nam mheadhon.

16 Glaohdhaidh mise ri Dia; agus saoraidh lehebbah mi.

17 Air fea-gair, air maduinn, agus aig meadhon-là, ni mi ùrnuigh, agus glaohdhaidh mi gu h-ard; agus éisdidh esan ri m'ghuth.

18 Saoraidh<sup>3</sup> e m'anam ann an sìth o'n chòmhrag a'm aghaidh; oir is lìonmhor iad a tha strè rium<sup>4</sup>.

19 Eisdidh Dia, agus bheir e nuas iad, eadhon esan a tha ann o chian. Selah: oir cha 'n'eil atharrachadh orra, agus cha 'n'eil eagal Dé orra.

20 Shùn e mach a làmh nan aghaidhsan, a bha an sìth ris; bhris e a choimh-cheangal.

21 Bu nàhne na im focail a bhéil, ach bha cogadh na chridhe; bu bhuige a bhriathra na cladh, ach ba chloidhean rùisgte iad.

22 Tilg air an Tighearna do chùram<sup>5</sup>, agus cumaidh esan suas thu: cha leig e am feasd do'n fhèirean a bhi air a ghluasad.

23 Ach tilgidh tusa, a Dhé, sìos iad gu slochd an sgrios: cha mhair daoine fuil-eachdach agus cealgach leth an laithean; ach cuiridh mise mo dhòigh annadsa.

## S A L M LVI.

*Do'n ard fhear-ciùil air Ionatelimrechoin, Michtam le Daibhidh, an uir a ghlac na Philistich e ann an Gat.*

**D** EAN iochd orm a Dhé; oir b'àill le duine mo shlugadh suas<sup>6</sup> tha e 'gam shàrnachadh gach là le cogadh.

2 B'àill le m'eascairidibh mo shlugadh suas gach là; oir is lìonmhor iad a tha cogadh rium o ionad ard<sup>7</sup>.

3 San là air am bi eagal orm, earbaidh mi asadsa.

4 Ann an Dia molaidh mi 'fhocal; ann an Dia chuir mi mo dhòigh; cha'n eagal leam ciod a dh'fheudas feoil a dheanamh orm.

5 Gach là<sup>8</sup> tha iad a' fìradh mo bhriathar; *tha'n* smuainte uile a'm aghaidh chum uile.

6 Tha iad a' cruinneachadh le chéile, tha iad 'gam folach fèin; tha iad a' toirt fàncar mo cheumanna, nuair a tha iad a fèitheamh air son m'anama.

7 Le h-eucoir<sup>9</sup> an d'théid iad as? ann ad fheirg tilg sìos na slòigh, a Dhé.

8 Dh'aireamh thu mo sheacharain: cuir mo dheoir ann ad shearraig<sup>10</sup> nach 'eil iad ann ad leabhar?

9 An sin pillar mo naimhdean air an ais, san là a ghairmeas mi ort: air so tha fios agam, oir *thu* Dia leam.

10 Ann an Dia molaidh mi 'fhocal: anns an Tighearna molaidh mi 'fhocal.

11 Ann an Dia chuir mi mo dhòigh: cha'n eagal leam ciod a dh'fheudas duine a dheanamh orm.

12 Ornsa, a Dhé, *tha* do bhòidean<sup>11</sup>: iocaidh mi cliù dhuit:

13 Oir shaor thu m'anam o'n bhàs, agus mar an ceudna mo chosan o thuisleadh, chum gu gluaisinn ann ad fhianuis, a Dhé, ann an solus nam beo.

## S A L M LVII.

*Do'n ard fhear-ciùil, Al-taschit, Michtam le Daibhidh, nuair a theich e o làthair Shaul do'n uaimh.*

**D** EAN tròcair orm, a Dhé, dean tròcair orm; oir annadsa tha m'anam a' cur a dhòigh, agus fuidh sgàile do sgiathan gabhaidh mi mo thearmunn, agus an d'théid na h-uile so uile thairis.

2 Eigheadh mi ris an Dia a's airde, ri Dia a choimhleanas nìthe air mo shon.

3 Cuiridh e neart o nèamh, agus saoraidh e mi; bheir e masladh do'n fhear le'm b'àill mo shlugadh suas<sup>12</sup>. Selah. Cuiridh Dia a mach a thròcair agus 'fhirinn.

4 *Tha* m'anam am measg leòmhnan; tha mi a'm luidhe am measg droinge air las-adh<sup>13</sup>, daoine aig am bheil am fiacal nan sleaghaibh agus nan saighdibh, agus an teanga na claidheamh geur.

5 Ardaich thu fèin os cionn nan nèamh, a Dhé; do ghloir os cionn na talmhainn uile.

6 Dheasaich iad lion fa chomhair mo cheum; chrom iad m'anam sìos: chladhaich iad slochd romham; thuit iad fèin na mheadhon. Selah.

7 Tha mo chridhe deas<sup>14</sup>, a Dhé, tha mo chridhe deas: seinnidh mi, agus molaidh mi.

8 Mosgail, mo ghloir; mosgail, a shaltair agus a chlarsaich: mosglaidh mi fèin moch air mhaduinn.

9 Molaidh mi thu am measg nan sluagh,

<sup>1</sup> a réir mo choslais fèin, a réir mo chridhe fèin. <sup>2</sup> gu h-ìrinn. <sup>3</sup> Shaor. <sup>4</sup> bu lìonmhor iad a bha leam. <sup>5</sup> l'eallach. <sup>6</sup> saltairt orm. <sup>7</sup> O thi a's airde! <sup>8</sup> Rè an latha. <sup>9</sup> Air son

an euceirt. <sup>10</sup> ann ad shoireadh, ann ad shealladh. <sup>11</sup> mhòidean. <sup>12</sup> saltairt orm. <sup>13</sup> ré theine. <sup>14</sup> ullamh, gleusta, suidhichte.

a Thighearn; seinnidh mi dhuit am measg nan cinneach.

10 Oir is mòr do thròcair<sup>1</sup> gu ruig na nèamha, agus t'fhìrinn gu ruig na neula.

11 Ardaich thu fèin os cionn nan nèamh, a Dhé; do ghlòir os cionn na talmhainn uile.

## SALM LVIII.

*Do'n ard fhear-ciùil, Al-taschit, Michtam le Daibhidh.*

**A**N labhair sibh, a choimhthionail<sup>2</sup>, da nìreadh an ceartas? an d'thoir sibh breth gu cothromach, a chlan nan daoine?

2 Seadh, 'nar cridhe tha sibh a' dealbhadh aingidheachd; air talamh tha sibh a' tomhas foirneirt bhur làmh.

3 Tha na h-aingidh a' claoonadh o'n bhroinn; tha iad a' dol air seacharan o'n breith, a' labhairt bhrèug.

4 Tha an nìmh mar nìmh nathrach; tha iad mar nathair bhodhar, a dhruideas a cluas.

5 Nach éisd ri guth nan druidh, a tha ro-sheòlta nan druidheachd.

6 Bris an fìaclan, a Dhé, nam beul; pronn gu tur tuisg<sup>3</sup> nan leomhan òg, a Thighearn.

7 Leaghadh iad, mar uisgeacha a ruith-eas gu saor<sup>4</sup>; cuireadh Dia a shaighdean nan aghaidh, agus gearrar as iad.

8 Mar sheilcheig a bhios a' leaghadh as, rachadh iad as, mar thorraicheas anabuich mnà, na faiceadh iad a' ghrian.

9 Mu'm mothaich bhur coireacha teas o'n droighnich, bheir e air falbh iad mar le h-ioma-ghaoith<sup>5</sup>, araon beo, agus na chorruich.

10 Bithidh aoibhneas air an fhìrean, an uair a chi e an dioghaltas: nìghidh e a chosan ann am fuil an duine aingidh.

11 An sin their duine, Gu deimhin tha duais ann do'n fhìrean; gu cinnteach tha Dia ann, a tha toirt breth air an talamh.

## SALM LIX.

*Do'n ard fhear-ciùil, Al-taschit, Michtam le Daibhidh; nuair a chuir Saul daoine uath, agus a chuir iad faire air an tigh, chum a mharbhadh.*

**T**EASAIRG mi o m' naimhaidibh, O mo Dhia; dìon mi uathasan a tha 'g éirigh a'm' aghaidh.

2 Teasairg mi o luchd-deanamh na h-euceirt, agus o dhaoineibh fuileachdach saor mi:

3 Oir feuch, tha iad a' feitheamh nam fath<sup>6</sup> an aghaidh m'anama; tha daoine cumhachdach air cruinneachadh a'm' aghaidh; cha'n ann air son mo lochd-sa, no air son mo pheacaidh, a Thighearn.

4 Gun choire agamsa, ruithidh iad, agus

ulluichidh siad iad fèin: mosgail thusa a chuideachadh leam, agus amhairc.

5 O thusa, a Thighearn, a Dhé nan sluagh, a Dhé Israeil, mosgail a dh'fhiosrachadh nan cinneach uile: na dean iochd air luchd-eusaontais ciontach sam bith. Selah.

6 Pillidh iad san fheasgar, ni iad donna-laich mar choin, agus théid iad mu'n cuairt air a' bhaile.

7 Feuch, brùchdaidh iad a mach le'm beul; tha clòidhean nam bilibh: Oir cò, ars' iadsan, a chluinneas?

8 Ach ni thusa, a Thighearn, gàire umpa; ni thu fanoid<sup>7</sup> air na cinnich uile.

9 O thusa mo neart<sup>8</sup>, feithidh mi ort: oir is e Dia mo dhaingneach<sup>9</sup>.

10 Mo Dhia, gabhaidh a thròcair romham<sup>10</sup>: bheir Dia dhomh gu faic mi mo mhiann air m'èascairidibh.

11 Na marb iad, air eagal gu'n di-chuimhnich mo shluagh; sgaoil iad le d' neart, agus leag gu h-ìosal iad, a Thighearn ar sgiath.

12 Air son peacaidh am beoil, air son bhriathar am bilean, glacar iad nan ardan; eadhon air son nam mallachd agus nam breug a labhras iad.

13 Sgrios [iad] am feirg, sgrios [iad] agus na biodh iad ann; agus biodh fios aig daoine gu bheil Dia na uachdaran ann an Iacob, gu ruig<sup>11</sup> crìocha na talmhainn. Selah.

14 Pillidh iad san fheasgar, ni iad donna-laich mar choin, agus théid iad mu'n cuairt air a' bhaile.

15 Gabhaidh iad a null agus a nall air son bith<sup>12</sup>, agus mur sàsuichear iad, ni iad gearan.

16 Ach seinnidh nìise mu d' neart, agus ard-mholaidh mi sa' mhaduinn do thròcair; oir bu tusa mo dhaingneach, agus mo dhìdean, ann an latha mo theanntachd.

17 O thusa mo neart, canaidh mi dhuit: oir is e Dia mo dhaingneach, mo Dhia-sa, mo thròcair<sup>13</sup>.

## SALM LX.

*Do'n ard fhear-ciùil air Susan-edat, Michtam le Daibhidh, chum teagaisg, an uair a chog e an aghaidh Aram-naharam, agus an aghaidh Aram-sobah, agus a phill Iob, agus a bhuail e do Edom ann an gleann an t-salainn da mhìle dheug.*

**A**DHE, thilg thu uait sinn, sgap<sup>14</sup> thu sinn, bha fearg ort; O pill thusa ruinn.

2 Chuir thu an talamh air chrith; bhris thu e; slànuaich a bhriseadh, oir tha e air a luasgadh<sup>15</sup>.

3 Nochd thu dod<sup>16</sup> shluagh nithe cruaidh; thug thu oirnn fion a' bhuaireis òl.

<sup>1</sup> mhaithas, chaoimhneas. <sup>2</sup> a bhreitheamhna. <sup>3</sup> fìacla mòra, cùl-fìacla. <sup>4</sup> leo fèin, an còmhluaidh. <sup>5</sup> cuairt-ghaoith. <sup>6</sup> ri feall-fholach, a' fuidhe am plaid. <sup>7</sup> tarceis, <sup>8</sup> air sgàth a

neirt. <sup>9</sup> dhìdean. <sup>10</sup> Gabhaidh Dia mo thròcaire romham. <sup>11</sup> agus gu ruig. <sup>12</sup> a' gearraidh bith. <sup>13</sup> Dia mo thròcaire, mo Dhia thròcaire each. <sup>14</sup> bhris. <sup>15</sup> a' crìochnachadh.



4 Thug thu bratach dhoibhsan d'an eagal thu, gu bhi air a togail suas air sgàth na firinn. Selah.

5 Chum gu teasairgear iadsan a's ionmhuinn leat, saor thusa le d' dheas làimh, agus éisd rium.

6 Labhair Dia na naomhachd: ni mi aoibhneas, roinnidh mi Sechem, agus tomhaisidh mi gleann Shucoit.

7 Is leamsa Gilead, agus is leam Manaseh; agus is e Ephraim neart mo chinn, Iudah fear-tabhairt mo lagha.

8 Is e Moab mo shoitheach-ionnlaid; os cionn Edoim tilgidh mi mo bhròg: thar Palestin ni mi caithreim<sup>1</sup>.

9 Cò bheir mi do'n bhaile dhaingnichte? cò threòraicheas mi gu h-Edom?

10 Nach tusa, a Dhé? *thusa* a thilg uait sinn, agus nach deachaidh a mach, a Dhé, maille r'ar n-armailtibh?

11 Thoir còmhnaidh dhuinn ann an teinn<sup>2</sup> oir is diomhain furtachd duine.

12 Trid Dhé ni sinn treubhantas; oir saltraidh esan sìos ar naimhdean.

SALM LXI.

*Do'n ard fhear-ciùil air Neginot. Salm le Daibhidh.*

**E**ISD, a Dhé, ri m' ghlaodh, thoir an aire do m' ùrnuigh.

2 O iomall na talmhainn éighidh mi riut, an uair a bhios mo chridhe lag<sup>3</sup>; chum na carraige a's airde na mi féin, treòraich thusa mi:

3 Oir bha thusa a'd' thearmunn domh, a'd' thùr làidir an aghaidh an nàmhaid.

4 Gabhaidh mi còmhnuidh ann ad phàillun gu bràth: cuiridh mi mo dhòigh ann an sgàil do sgiathan. Selah.

5 Oir chuala tusa, a Dhé, mo bhòidean: thug thu oighreachd dhoibhsan air am bheil egal t'ainme.

6 Cuir thusa<sup>4</sup> laithean ri laithibh an rìgh: *biodh* a bhliadhnan mar linn agus linn.

7 Maireadh e gu bràth am fianuis Dhé: gleidheadh tròcair agus firinn é<sup>5</sup>.

8 Mar sin seinnidh mi cliù do t'ainm gu bràth, chum gu dìol<sup>6</sup> mi mo bhòidean o là gu là.

SALM LXII.

*Do'n ard fhear-ciùil, do Iedutun. Salm le Daibhidh.*

**A**IR Dia a mhàin *tha* m'anam a' feith-eamh: uaith-san *thig* mo shlàinte.

2 Is esan a mhàin mo charraig agus mo shlàinte: *is e* mo dhèidean: cha ghluaisear gu mòr mi.

3 Cia fhàd a dhealbhas sibh aimbleas an aghaidh duine? marbhar sibh uile; mar bhalladh ag aomadh, mar ghàradh<sup>7</sup> air chrith, bithidh sibh.

4 A mhàin chum a thilgeadh sìos o

<sup>1</sup> air mo shonsa, a Palestin, dean caithreim.  
<sup>2</sup> an aghaidh an nàmhaid. <sup>3</sup> trom, fa thuirse.  
<sup>4</sup> Cuiridh tusa. <sup>5</sup> deasaich, no orduich gu'n gleidh tròcair agus firinn e. <sup>6</sup> coinnhlon.

'airde<sup>8</sup> tha iad a' gabhail comhairle le chéile; is miann leo breugan; le'm beul beannuichidh iad, ach nan cridhe malluichidh iad. Selah.

5 A mhàin air Dia feith, O m'anam; oir is ann uaith-san a *ta* mo dhòchas.

6 Is esan a mhàin mo charraig, agus mo shlàinte: *is e* mo dhèidean; cha ghluaisear mi.

7 An Dia *tha* mo shlàinte, agus mo ghlòir; carraig mo neirt, mo thearmunn *is e* Dia.

8 Cuiribh air gach àm bhur dòigh ann, O a shluagh; dòiribh a mach bhur cridhe na fhianuis: *tha* Dia na thearmunn duinn. Selah.

9 Gu cinnteach *tha* clann Adhaimh<sup>9</sup> nan diomhanas, clann an duine<sup>10</sup> nam bréig: air meadh ma chuirear iad, is eutruine iad gu léir na diomhanas.

10 Na l-earbaibh a' foirneart, agus a reubainn na deanaibh uail<sup>11</sup>: 'nuair a dh'fhàsas saibhreas, na cuiribh bhur cridhe air.

11 Aon uair labhair Dia, dà uair chuala mi so, gur le Dia cumbachd.

12 Mar an ceudna dhuitse, a Thighearn, buinidh tròcair; oir bheir thu<sup>12</sup> luigheachd do dhuine a réir 'oibre.

SALM LXIII.

*Salm le Daibhidh, 'nuair a bha e ann am fàsach Iudah.*

**A**DHIA, is tu mo Dhia-sa; gu moch a' iarraidh mi thu: tha tart air m'anam a d' dhéigh, tha m'fheoil a' togradh a t'ionnsuidh ann an tìr thioraim agus thart-mhoir, as eugmhais uisge:

2 Chum, mar a chunnaic mi thu ann ad' ionad naomha, gu faicinn do chumhachd agus do ghlòir.

3 Do bhrìgh gur fearr do chaoimhneas gràidh<sup>13</sup> na beatha, bheir mo bhilean cliù dhuit.

4 Mar sin beannuichidh mi thu, an cian is beo mi; ann ad ainm togaidh mi mo làmhnan.

5 Mar le smior agus le saill sàsuichear m'anam, agus le bilibh aoibhneach molaiddh mo bheul thu;

6 'Nuair a chuimhniceas mi ort air mo leabaidh, a bheachd-smuainicheas mi ort ann am fairibh na h-oidhe.

7 A chionn gu robh thu a'd' chabhair agam, uime sin fo sgàile do sgiathan ni mi gairdeachas.

8 Tha m'anam a' dlùth-leantuinn riut; cumaidh do dheas làmh suas mi.

9 Ach iadsan a dh'iarraas m'anam a chum a sgrios, théid iad do ionadaibh iochdarach na talmhainn.

10 Tuitidh iad le faobhar a' chlaidheimh; mar chuibhrionn do na sionnachaidh bithidh iad.

<sup>7</sup> dlùg, fhàl. <sup>8</sup> o' urram, o a cliù. <sup>9</sup> daoine beag. <sup>10</sup> daoine mòra. <sup>11</sup> le reubainn na meallar sibh. <sup>12</sup> ge do bheir thu, <sup>13</sup> do thòcair-sa.

11 Ach bithidh an rìgh aoibhneach ann an Dia: nì gach neach a mhionnuicheas aisan, uailh; 'nuair a dhruidear beul na droinge, a labhras breug.

## SALM LXIV.

*Do'n ard fhear-ciuil. Salm le Daibhidh.*

**E**ISD, a Dhé, ri m' ghuth ann am as-luchadh; o eagal an nàmhaid gléidh mo bheatha.

2 Folaich mi o chomhairle dhìomhair dhroch dhaoine, o choimh-chruinnceachadh<sup>1</sup> luchd-deanamh na h-euceirt;

3 A gheuraich mar chlàidheamh an teanga; a dheasaich an saighdean, eadhon briathra searbh;

4 Chum an tilgeadh ann an ionadaibh dìomhair air an duine ionraic<sup>2</sup>; gu h-obann tilgidh iad air, agus cha bhi eagal orra<sup>3</sup>.

5 Gabhaidh iad misneach dhoibh féin an droch-bheirt; labhraidh iad le chéile mu leagadh ribeacha gu dìomhair; 'se their iad, Cò a chi sinn<sup>4</sup>?

6 Rannsaichidh iad a mach eu-cearta; coimhlionaidh iad mìn-rannsachadh; agus sin an taobh a stigh do dhuine, eadhon sa' chridhe dhomhain.

7 Ach tilgidh Dia saighid orra-san; gu h-obann bithidh iad air an lotadh<sup>5</sup>.

8 Agus bheir iad air an teagaidh féin tuiteam orra féin: teichidh gach neach, a chi iad.

9 Agus bithidh eagal air gach duine<sup>6</sup>, agus cuiridh iad an céill obair Dhé; oir tuigidh iad a ghnìomh-san.

10 Nì am firean aoibhneas anns an Tigh-earn, agus cuiridh e a dhòchas ann: agus nì iadsan uile, a tha ceart nan cridhe, gairdeachas.

## SALM LXV.

*Do'n ard fhear-ciuil. Salm no laoidh le Daibhidh.*

**O**RTSA, O Dhé, tha moladh a' feith-eamh ann an Sion, agus dhuitse diolar a' bhòid<sup>7</sup>.

2 O thusa a dh'éisdeas ri h-ùrnuigh, thugadsa<sup>8</sup> thig gach feoil.

3 Thug eucearta<sup>9</sup> buaidh oirnn<sup>10</sup>: ar n-eusaontais glanaidh tusa uainn.

4 Is beannuichte esan, a thaghas tusa, agus a bheir thu am fagus duit; gheibh e còmhnuidh a'd' chùirtibh: sàsuichear sinne le maithas do thighe, do theampuill naomha.

5 Le nìtibh uamhasach an ceartas bheir thu freagradh dhuinn, a Dhé ar slàinte, dòchas uile chrìocha na talmhainn, agus na faire, fada uainn!

6 A tha socrachadh nam beann le d'<sup>11</sup> chumhachd, air do chrìoslachadh le neart<sup>12</sup>;

7 A chaisgeas fuaim fhairgean, fuaim an tonn, agus buaireas nan cinnneach.

8 Gabhaidh eadhon luchd-àiteachaidh nan crìoch fada mach<sup>13</sup> eagal roimh do chomh-araibh: bheir thusa air dol a mach na maidne agus an fheasgair gairdeachas a dheanamh.

9 Tha thu a fiosrachadh na talmhainn<sup>14</sup> agus 'ga uisgeachadh; nì thu ro-bheartach e, oir tha abhuinn Dé làn do uisge: deasaichidh tu arbhar<sup>15</sup>, 'nuair a dh'ulluich thu e mar so.

10 Tha thu gu pailte ag uisgeachadh 'iomairean, tha thu a' leagadh sìos a sgrìoban; le frasaibh nì thu tais e, beannuichidh tu 'fhàs.

11 Crùnaidh tu a' bhliadhna le d' mhaith-eas; agus silidh do cheuman<sup>16</sup> saill.

12 Silidh iad air cluainibh<sup>17</sup> an fhàsaich; agus nì na cnuic gairdeachas air gach taobh.

13 Tha na cluainean air sgèadachadh<sup>18</sup> le treudaibh, agus tha na glinn air an còmhdachadh le h-arbhar: nì iad iolach ait; seadh, seinnidh iad.

## SALM LXVI.

*Do'n ard fhear-ciuil. Salm no laoidh.*

**T**HOGAIBH iolach ait do Dhia, a threan uile.

2 Seinnibh glòir 'ainme, deanaibh a chliu glòrmhor.

3 Abraibh ri Dia, Cia h-uamhasach t'òibre? trid meud do neirt, strìochdaidh do naimhde dhuit.

4 Sleuchdaidh gach tìr dhuit, agus seinnidh iad dhuit; seinnidh iad do t'ainm. Selah.

5 Thigibh, agus faicibh oibre Dé: uamhasach tha e na ghnìomharaibh air chloinn nan daoine:

6 Thionndaidh e a' mhuir gu talamh tioram: troimh 'n t-sruth ghabh iad thairis d'an cois. An sin rinn<sup>19</sup> sinn gairdeachas ann.

7 Le 'thréin neart riaghluidh e gu bràth; amhaircidh a shùilean air na cinnich: na h-ardaicheadh luchd-ceannaire iad féin. Selah.

8 Beannuichibh, o a shlòigh, ar Dia-ne, agus thugaidh air fuaim a mholaidh bhi air a chluinntinn;

9 Neach a chumas ar n-anam beo, agus nach leig le'r cois carruchadh<sup>20</sup>.

10 Oir dhearbh thu sinn, a Dhé; ghlann thu sinn san teine, mar a ghlannar airgid.

11 Thug thu steach san lion sinn; chuir thu teinn<sup>21</sup> air ar leasraidh.

12 Thug thu air daoibh marcachd thar ar cinn, chaidh sinn troimh<sup>22</sup> theine, agus troimh uisge; ach thug thu mach sinn gu h-ionad saibhir.

<sup>1</sup> cheannaire, ionnsuidh ghairbh, bhuaireas.  
<sup>2</sup> fhoirfe, ionlan. <sup>3</sup> cha'n fhaicear iad. <sup>4</sup> iad.  
<sup>5</sup> air am buaidh. <sup>6</sup> chi na h-uile dhaoine.  
<sup>7</sup> diolar a' bhòid [ann an Ierusalem.] <sup>8</sup> chugadsa. <sup>9</sup> nìthe euceart. <sup>10</sup> orm. <sup>11</sup> le a.

<sup>12</sup> treubhantas. <sup>13</sup> luchd-àiteachaidh chrìocha na talmhainn. <sup>14</sup> an talmhainn. <sup>15</sup> arbhar dhoibh. <sup>16</sup> neoil. <sup>17</sup> Silidh cluainean. <sup>18</sup> air an còmhdachadh. <sup>19</sup> nì. <sup>20</sup> corruchadh. Eir. <sup>21</sup> teanntachd, àmhghar. <sup>22</sup> trid.



13 Thèid mi do d' thigh le h-ìobairtibh-loisgte : coimhlionaidh mi dhuit mo bhòidean.

14 Leis an d'fhosgladh mo bhilean, agus a labhair mo bheul, 'nuair a bha mi ann an èiginn.

15 Iobairtean-loisgte do *sheudail* reamhar ìobraidh mi dhuit, maille ri tùis reitheacha : bheir mi suas buar, maille ri gabhraidh. Selah.

16 Thigibh, èisdibh, sibhse 'uile, air am bheil eagal Dé, agus cuiridh mi 'n cèill na rinn e air son m'anama.

17 Ghlaodh mi ris le m' bheul, agus dh'ardaich e le m' theangaidh.

18 Ma bheir mi spéis do cuceart a'm' chridhe, cha'n èisd an Tighearna *rium*.

19 Gu dearbh dh'èisd Dia, thug e an aire do ghuth m'ùrnuigh.

20 Beannuichte gu *robh* Dia, nach do thionndaidh m'ùrnuigh uaith-san, agus a thròcair uamsa !

## SALM LXVII.

*Do'n ard fhear-ciùil air Neginot. Salm no laoidh.*

**G**U deanadh Dia tròcair oirnn, agus gu beannuicheadh e sinn ! agus gu d'thugadh e air a ghnùis dealrachadh oirnn ! Selah.

2 Chum gu'n aithnìcear do shlighe air an talamh, do shlàinte am measg nan uile chinneach.

3 Moladh na slòigh thu, a Dhé ! moladh na slòigh uile thu !

4 Biodh na cinnich aoibhneach, agus deanadh iad luath-ghaire ; oir bheir thusa breth air na slòigh an ceartas, agus riaghluidh tu na cinnich air an talamh. Selah.

5 Moladh na slòigh thu, a Dhé ! moladh na slòigh uile thu !

6 Bheir an talamh a thoradh : gu beannuicheadh Dia, ar Dia-ne, sinn !

7 Gu beannuicheadh Dia sinn ! agus gu robh 'eagal-san air uile chrìocheibh na talmhainn ?

## SALM LXVIII.

*Do'n ard fhear-ciùil. Salm no laoidh le Daibhidh.*

**E**IREADH Dia ! biodh a naimhdean air an sgapadh ! agus teicheadh iadsan aig am bheil fuath dha, o' ghnùis !

2 Mar a dh'fhuadaichear deatach, fua-daichear<sup>1</sup> iad : mar a leaghar céir fa chomhair an teine, sgriosar droch dhaoine am fianuis Dhé.

3 Ach biodh na fireana aoibhneach ; deanadh iad gairdcachas am fianuis Dé, agus biodh iad suilbhir le luath-ghaire.

4 Seinnibh do Dia, molaibh 'ainm ; ard-

aichibh esan a ta marcachd air na nèamhaibh<sup>2</sup> le 'ainm Iah, agus deanaibh gairdeachas na fhianuis.

5 Athair nan dìlleachdan, agus breitheamh nam bantrach, *is e* Dia ann an ionad-còmhnuidh a naomhachd.

6 Suidhichidh Dia na daoine aonaranach ann an teaghlach<sup>3</sup> ; bheir e mach iadsan a tha ceangailte le cuibhreachaibh ; ach gabhaidh na ceannaircich còmhnuidh ann an tìr thartmhoir<sup>4</sup>.

7 A Dhé, 'nuair a chaidh thu mach roimh do shluagh, 'nuair a dh'imich thu anns an fhàsach. Selah.

8 Chrìothuich an talamh, shìl mar an ceudna na nèamha ; [leagh na beannta<sup>5</sup>] o làthair Dhé, Sinai sin féin o làthair an Tighearna Dé Israèil.

9 Shìl thu nuas uisge gu pailt, a Dhé ; air t'òighreachd, agus i sgith, dh'fhurtaich thu.

10 Chòmhnuich do choimhthional<sup>6</sup> innte ; dheasaich thu, a Dhé, do d' mhaitheas do'n duine bhochd.

11 Chuir an Tighearna a ghuth a mach ; bu lìonmhor cuideachd na muinntir a dhl'fhoillsich<sup>7 e</sup>.

12 Theich, theich rìghrean nan armailte ; agus roinn ise, a dh'fhan aig an tigh, a' chreach.

13 Ge do luidh sibh am measg choir-eacha<sup>8</sup>, *bidhidh sibh mar* sgiathaibh columain air an còmhdachadh le h-airgiod, agus 'iteagan le h-òr buidhe.

14 'Nuair a sgaol an t-Uile-chumhlachdach rìghrean innte, *bha i* geal mar shneachda air Salmon.

15 *Tha beinn Dhé mar* bheinn Bhasan, na beinn ard *mar* bheinn Bhasain<sup>9</sup>.

16 C'ar son a leumas sibh<sup>10</sup>, a bheannta arda ? *is i* so a' bheinn anns am miann le Dia còmhnuidh a ghabhail, seadh, còmhnuichidh an Tighearna *innte* gu bràth.

17 *Tha* carbaid Dhé nam fichead mìle, *le* mìltibh do mhìltibh aingle : *tha* an Tighearna nam measg, *mar* ann an Sinai, san ionad naomha.

18 Chaidh thu suas air ionad ard, thug thu bruid<sup>11</sup> am braighdeanas : thug<sup>12</sup> thu tiodhlacan do dhaoineibh ceannairceach, chum gu gabhadh an Tighearna Dia còmhnuidh nam measg.

19 Beannuichte gu *robh* an Tighearna, *a tha* gach là 'gar cumail suas<sup>13</sup> Dia, ar slàinte ! Selah.

20 *Is e* ar Dia-ne Dia na slàinte, agus do'n Tighearna Dia *buinidh* an t-slighe o'n bhàs<sup>14</sup>.

21 Ach brisidh Dia ceann a naimhde,

<sup>1</sup> faadaich thusa. <sup>2</sup> trèd nam fàsach. <sup>3</sup> tigh. <sup>4</sup> thioraim. <sup>5</sup> Faic. Breitheamhna Caib. V. r. 5. <sup>6</sup> chreutairean beo. <sup>7</sup> a chuir an cèill. <sup>8</sup> phòta. <sup>9</sup> Is beinn mhòr beinn Bhasain, beinn nan girdes beinn Bhasain.

<sup>10</sup> dh'amhairceas sibh gu h-uabhrach. <sup>11</sup> braighdeanas, braighdean. <sup>12</sup> fhuair. <sup>13</sup> a dh'uallachaich sinn gach là le 'thiodhlacaibh. <sup>14</sup> slighe a' bhàis.

claignonn greannach an fhir, a dh'imicheas na pheacaibh.

22 Thubhairt an Tighearna, *Mar o Bhasan* bheir mi *mo shluagh* air an ais; bheir mi air an ais *iad mar o* dhoimhneachdaibh na fairge:

23 Chum gu tumar do chos ann am fuil do naimhde, teanga do mhadradh anns an *ni* cheudna.

24 Chunnaic iad do thriall, a Dhé! triall mo Dhé, mo Rìgh, san ionad naomha!

25 Dh'imich an luchd-seinn air thoiseach, an luchd-ciùil nan deigh, am meadhon mhaighdean a' bualadh thiompan<sup>1</sup>.

26 Anns na coimhthionalaibh beannuichibh Dia, an Tighearn o thobar Israeil.

27 An sin *tha* Benjamin beag<sup>2</sup> na uachdaran orra, ceannardan Iudah an luchd-comhairle, ceannardan Shebuluin, ceannardan Naphtali.

28 Dh'ithinn do Dhia dhuit do neart: neartaich, a Dhé, an *ni* so, a rinn thu air ar son.

29 Air son do theampuill ann an Ierusalem, bheir rìghre tiodhlacadh dhuit.

30 Smachduich luchd nan sleagh<sup>3</sup>, mòr chuideachd nan tarbh, le laoghaibh an t-sluaigh, *gus* an strìochd iad le mìribh airgid: sgap thusa na slòigh a ghabh tlachd do'n chegadh.

31 Thig ard uaislean as an Eiphit; sìnidh Etiopia a làmhnan a mach gu luath ri Dia.

32 A rìoghachda na talmhainn, seinnibh do Dhia; seinnibh moladh do'n Tighearna: Selah.

33 Dhasan a tha marcachd air nèamhaibh nan nèamh o chian! Feuch, tha e a' cur a mach a ghutha, gutha neirt.

34 Thugaibhse neart do Dhia: thar Israel *tha* a ghlòir, agus *tha* a neart anns na neulaibh.

35 Is uamhasach thusa, a Dhé, o d'ionadaibh naomha! Is e Dia Israeil a bheir neart agus treoir d'a shluagh. Gu ma beannuichte Dia!

## SALM LXIX.

*Do'n ard fhear-ciùil air Sosanim. Le Daibhidh.*

**T**EASAIRG mi, a Dhé, oir thàinig na h-uisgeacha steach gu ruig m'anam.

2 Tha mi a' dol fodha ann an làthaich dhomhain, gun àite gu seasanib: tha mi air teachd gu doimhneachdaibh nan uisge, agus tha'n sruth a' dol tharum.

3 Tha mi sgith le m'ghlaodhaich, tha mo scornan air tiormachadh: tha mo shùilean air fàilneachadh le feitheamh air mo Dhia.

4 Is lìonmhoire na falt mo chinn iadsan aig am bheil fuath dhomh gun aobhar: tha

iadsan air fàs làidir le'm b'àill mo mhilleadh, a tha nan naimhdibh domh gu h-eucorach; an ni sin nach d'thug mi leam, an sin is èigin domh aiseag.

5 Tha fios agadsa, a Dhé, air m'amaid-eachd; agus cha 'n'eil mo lochda folaichte ortsa.

6 Na biodh nàire orra-san air mo sgàthsa, a dh'fheitheas ortsa, a Thighearna Dhé nan slògh: na biodh amhludh orra-san air mo sgàthsa, a dh'iarraas tusa, a Dhé Israeil:

7 Oir air do sgàthsa dh'fhuiling mi masladh, chòmhdaich amhludh mo ghnùis.

8 Is coigreach mi do m' bhràithribh; agus coimheach do chloinn mo mhàthar:

9 Oir dh'ith eud do thighe suas mi; agus ormsa thuit toibheum na muinntir sin a thug toibheum dhuitse.

10 Agus an uair a dh'irioslaich mi m'anam le trosgadh<sup>4</sup>, bha e na mhasladh dhomh.

11 Agus rinn mi mo chulaidh do shaic-eudach, agus bha mi a'm leth-fhocal<sup>5</sup> aca.

12 Tha iadsan a tha nan suidhe anns a' gheatadh a' labhairt a'm' aghaidh, agus *tha mi a'm* òran acasan, a tha 'g òl dibhe làidir.

13 Ach air mo shon-sa, *tha* m'ùrnuigh riutsa, a Thighearn, ann an àm taitneach: a Dhé, ann an lìonmhoireachd do thròcaire, éisd rium, ann am firinn do shlàinte.

14 Saor mi o'n làthaich, agus na racham sìos: teasaigear mi uathasan le'm fuathach mi, agus o na h-uisgibh domhain.

15 Na rachadh tuil nan uisge tharum, agus na sluigeadh an doimhneachd mi, agus na druideadh an slochd a bheil orm!

16 Eisd rium, a Thighearn, oir is maith do chaoimheas gràdhach; a réir lìonmhoireachd do chaomh thròcairean pill rium<sup>6</sup>.

17 Agus na folaich do ghnùis o d' òg-lach, oir tha mi ann an airc<sup>7</sup>; éisd rium gu grad.

18 Druid ri m'anam, saor e; a bhrìgh m' eascairdean, teasaig mi.

19 Is aithne dhuit mo mhasladh, agus mo nàire, agus mo mhi-chliu: a'd' fhianuis *tha* mo naimhdean uile.

20 Bhris masladh mo chridhe, agus *tha* mi iargunach: agus dh'amhairc mi air son neach a ghabhadh truas, ach clia *robhe* ann: agus air son luchd-comhfhurtachd, ach cha d'fhuair mi iad.

21 Agus thug iad dhomh, mar mo bhiadh, domblas; agus ann am ìotadh<sup>8</sup>, thug iad dhomh fion-geur r'a òl.

22 Biodh<sup>9</sup> am bord fa'n comhair mar ribe, agus an soirbheas mar cheap-tuislidh dhoibh.

23 Dorchaichear an sùilean, chum nach

<sup>1</sup> thabur. <sup>2</sup> òg. <sup>3</sup> fiadh-bheathach na cuile. Eabh. <sup>4</sup> nuair a ghuil mi le trosgadh. <sup>5</sup> ghnàth-fhocal, fhocal-fochaid. <sup>6</sup> amhairc

orm. <sup>7</sup> teanntachd. <sup>8</sup> thart, phathadh, <sup>9</sup> Bithidh.



faic iad; agus thoir air an leasraidh a ghnàth bhi air chrith.

24 Dòirt t'fhear<sup>1</sup> orra, agus glacadh do chorruich gheur iad.

25 Biodh an àite-tàimh fàs; nam pàil-lùnaibh na gabhadh neach còmhnuidh!

26 Oir gheur-lean iad an ti, a bhuail thusa, agus labhair iad chum doilgheas doibhsan, a lot thu<sup>1</sup>.

27 Cuir euceart r'an euceart, agus na d'thigcadh iad a steach a'd' fhìreantachd sa.

28 Dubh a mach iad a leabhar nam beo, agus maille ris na fireanaibh na sgrìobhar iad.

29 Ach mise, a ta bochd agus brònach, togadh do shlàinte, a Dhé, an aird mi.

30 Molaidh mise ainm Dé le h-òran, agus ardaichidh mi e le breith-buidheachais.

31 Agus is fearr leis an Tighearna so na damh, na tarbh òg, a ta adharcaeh, crobh-anach<sup>2</sup>.

32 Chi na daoine sèimh so, agus bithidh aoibhneas orra; sibhsa a dh'iaras an Tighearna, bithidh binur eridhe beo.

33 Oir éisdidh an Tighearna ri bochdaibh, agus cha dean e tàir air a phrìosunaich<sup>3</sup>.

34 Moladh na nèamha agus an talamh e; na cuanta, agus gach nì a ghluaiseas annta!

35 Oir saoruidh Dia Sion, agus togaidh e bailtean Iudah; agus gabhaidh iad còmhnuidh an sin, agus mealaidh iad i.

36 Sealbhaichidh slìochd a sheirbhiseach, agus gabhaidh iadsan, a ghràdhaicheas anmsan, còmhnuidh innte.

## SALM LXX.

*Do'n ard fhear-ciùil, Salm le Daibhidh, a chuir an cuimhne.*

**A** DHE, chum mo theasairginn, a Thighearna, chum mo chuideachaidh dean deir<sup>4</sup>.

2 Biodh nàire agus amhludh orra-san a tha 'g iarraidh m'anama: pillear air an ais iad, agus mòr amhludh gu robh orra-san a tha miannachadh uile dhomh.

3 Gu pillear iadsan air an ais<sup>5</sup>, mar thuarsdal d'an nàire, a their rium, Aha, aha!

4 Deanaidh iadsan uile, a tha ga d' iarraidh, aoibhneas agus gairdeachas annad; agus abradh iadsan a ghnàth, le'n toigh do shlàinte, Mòr mholadh gu robh do Dhia!

5 Ach a ta mise bochd agus uireas-bhuidheach; a Dhé, greas a'm' ionnsuidh: is tusa mo chabhair agus m'fhear-saoraidh; a Thighearna, na dean moille.

## SALM LXXI.

**A** NNADSA, a Thighearna, cuiream mo dhòigh: nàire na biodh orm am feasd.

<sup>1</sup> chuir iad ri doilgheas nan daoine a lot thu. <sup>2</sup> adharach. <sup>3</sup> a daoine ceangailte. <sup>4</sup> cabhag. <sup>5</sup> Anaranach gu robh iadsan. Faic, Salm XL. 1. 15. <sup>6</sup> charraig còmhnuidh. <sup>7</sup> seinnidh

2 A'd' cheartas teasairg mi, agus thoir orm dol as; aom do chluas rium, agus saor mi.

3 Bi-sa a'd' charraig làidir<sup>6</sup> dhomh, chum an rachainn a ghnàth: dh'àithn thu mi bhi air mo shaoradh; oir is tu mo charraig, agus mo dhaingneach.

4 O mo Dhia, thoir fuasgladh dhomh a làimh an aingidh, a làimh an duine eucoraich agus an-ìochdmhoir.

5 Oir is tusa mo dhòchas, a Thighearna Dhé, mo dhòigh o m'òige.

6 Leatsa chumadh mise suas o'n bhroinn: a h-innibh mo mhàthar bhuin thu mi: ortsa bithidh mo mholadh an còmhnuidh.

7 Mar aobhar iongantais tha mi aig mòran; ach is tusa mo thearmunn làidir.

8 Lionar mo bheul le d' mholadh, le d' urram-sa gach là.

9 Na tilg uait mi an àm sean aoise; nuair a dh'fhàinicheas mo neart, na tréig mi.

10 Oir labhair mo nàimhdean a'm' aghaidh; agus ghabh iadsan, a tha feitheamh nam fàth air m'anam, comhairle le ehéile,

11 Ag ràdh, Thréig Dia e: lcanaidh e gu teann, agus glacaibh e; oir cha 'n'eil neach ann a shaoras e.

12 A Dhé, na bi-sa fad uam; O mo Dhia, greas gu m' chabhair.

13 Biodh nàire, biodh claidh, air eascairdibh m'anama: còmhdaichear le maslath agus le mi-chliu iadsan a tha 'g iarraidh m'uile.

14 Ach sìr-earbaidh mise, agus cuiridh mi ri d' chliu uile<sup>7</sup>.

15 Aithrisidh mo bheul t'fhìreantachd, air feadh an latha do shlàinte; ge nach aithne<sup>8</sup> dhomh an àireamh.

16 Théid mi air m'aghaidh ann an neart an Tighearna Dé: nì mi sgeul air t'fhìreantachd, t'fhìreantachd fèin a mhàin.

17 O Dhé, theagaisg thu mi o m'òige; agus gu ruige so chuir mi t'òibre iongantach an cèill.

18 Agus a nis an uair a ta mi sean, agus liath, a Dhé, na tréig mi; gus an cuir mi an eéill do neart do'n àl so, do gach àl ri teachd do chumhachd.

19 Agus a ta t'fhìreantachd sa, a Dhé, ro ard, O thusa a rinn nithe mòra: a Dhé, cò is cosmhuil riut?

20 A nochd dhomh teanntachdan mòra, agus cruaidh, a bheothaicheas mi a ris, agus o dhoimhneachdaibh na talmhainn a bheir a nìos mi a ris.

21 Meudaichidh tu mo mhòrachd, agus air gach taobh bheir thu sòlas dhomh.

22 Uime sin molaidh mise thu air an t-saltair, seadh t'fhirinn-sa,<sup>9</sup> mo Dhia; seinn-

mi do chliu nì's mò agus nì's mò. <sup>8</sup> oir cha'n aithne. <sup>9</sup> air inneal-ciùil na saltaire moladh mise t'fhirinn.

idh mi dhuit air a' chlàrsaich, O Aoin naomha Israeil.

23 Nì mo bhilean mòr ghairdeachas an uair a sheinneas mi dhuit, agus m'anam a shaor thu.

24 Labhraidh mar an ceudna mo theanga air t'fhìreantachd air feadh an latha; oir chuireadh ambluadh, oir chuireadh nàire orra-san, a tha 'g iarraidh m'aimhleis<sup>1</sup>.

S A L M LXXII.

*Air son Sholaimh.*

**A**DHE, thoir do bhreitheanais do'n rìgh, agus t'fhìreantachd do mhac an rìgh.

2 Bheir esan breth air do shluagh le fireantachd, agus air do bhochdaibh le ceartas.

3 Bheir na beannta sìth do'n t-sluagh, agus na tulaich<sup>2</sup>.

4 Le ceartas bheir e breth air bochdaibh an t-sluaigh; saoraidh e clann nan ainnis, ach mùn-bhrisidh e fear an fhoirneirt.

5 Bithidh t'eagal orra am feadh a mhair-eas a' ghrian agus a' ghealach<sup>3</sup>, o linn gu linn.

6 Thig e nuas mar uisge air an fhaiche bhuainte, mar fhraisaibh a dh'uisgicheas an talamh.

7 Na laithibhsan soirbhichidh leis an fhìrean<sup>4</sup>, agus bithidh pailteas sìth ann, gu nach bi a' ghealach ann nì's mò.

8 Agus bithidh uachdaranachd aige o fhaige gu fairge, agus o'n abhuinn gu ruig crìochaibh na talmhainn.

9 Na fhianuis sleuchdaidh sìos luchd-còmhnuidh an fhàsaich, agus imlichidh a naimhdean an ùir.

10 Bheir rìghrean Tharsis agus nan eilean tiodhlacan uatha; bheir rìghrean Sheba agus Shaba<sup>5</sup> tabhartais dha.

11 Agus sleuchdaidh na h-uile rìghre sìos dha; nì na cinnich uile seirbhis dha.

12 Oir saoraidh e an t-ainnis an uair a dh'èigheas e; agus an truaghan, aig nach 'eil fear-cuideachaidh.

13 Caomhnaidh e am bochd agus am feumach; agus tearnaidh e anama nam feumach.

14 O fheill agus o fhoirneart saoraidh e an anam; agus bithidh am fuil luachmhor na shùilibh.

15 Agus bithidh e beo, agus bhci-rear dha do òr Sheba: agus nìhear ùrnuigh air a shon a ghnàth; gach là beannuichear e.

16 Bithidh dorlach sìl san talamh air mullach nam beann; crathaidh mar Lebanon a thoradh; agus thig iadsan do'n bhaile fo bhlàth, mar luibh na talmhainn.

17 Bithidh 'ainmsan buan gu sìorruidh; comh-mhairionn ris a' ghréin bithidh 'ainm-

san; agus annsan beannuichear na slòigh uile, agus beannuichidh iadsan e<sup>6</sup>.

18 Beannuichte gu robh an Tighearna Dia, Dia Israeil, an tì a mhàin a nì nithe iongantach!

19 Agus beannuichte gu robh 'ainm glòrmhor-san gu sìorruidh, agus lìonar an talamh uile le ghloir! Amen, agus Amen!

20 Chrìochnaich eadh ùrnuighean Dhaibhidh mhic Iese.

S A L M LXXIII.

*Salm le Asaph.*

**G**U deimhin tha Dia maith do Israeil, dhoibhsan, a tha glan nan cridhe.

2 Ach air mo shonsa, is beag nach d'aom mo chosa; cha mhòr nach do shleamhuich mo cheumanna uam.

3 Oir ghabh mi tnu<sup>7</sup> ri h-amadanaibh, ri faicinn soirbheis<sup>8</sup> dhaoine aingidh.

4 Oir cha 'n'eil cuibhrichean nam bàs<sup>9</sup>; ach a ta an neart làidir.

5 Ann an docair mar dhaoineibh eile cha 'n'eil iad; agus mar dhaoineibh eile cha 'n'eil iad air an sàruchadh.

6 Uime sin mar shlabhraidh chuairtich ardan iad; mar thruscan, chòmhdaich foirneart iad.

7 Sheas an sùil a mach<sup>10</sup> le sail; fhuair iad thar miann an cridhe.

8 Tha iad truailidh, agus labhraidh iad gu h-aingidh air foirneart; gu h-ard labhraidh iad.

9 Chuir iad am beul an aghaidh nan nèamh; agus ghluais an teanga air feadh na talmhainn.

10 Air an aobhar sin pillidh a shluagh<sup>11</sup> an so; agus fàisgear uisgeacha cupain lèin a mach dhoibh.

11 Agus their iad, Cionnus is aithne do Dhia? agus am bhicil còlas aig an Tì a's airde?

12 Feuch, is iad sin na daoine aingidh, a tha soirbheachadh san t-saoghal; tha iad a' carnadh suas beartais.

13 Do rìreadh gu dìomhain ghlan mi mo chridhe, agus nìgh mi mo làmhnan an neo-chionta:

14 Oir bhuailleadh mi air feadh an latha, agus smachdaich eadh mi gach maduinn.

15 Nan abrainn, Labhraidh mi mar so, feuch, air gincalach do chloinne dheanainn eucoir.

16 'Nuair a smuainich mi air so a thuig-sinn, bu chruaidh an gnothuch e ann an shùilibh:

17 Gus an deachaidh mi steach do naomh-ionad Dhé: an sin thuig mi an crìoch-san.

18 Gu deimhin ann an àitibh slcamhna chuir thu iad: thilg thu sìos iad gu sgrios.

19 Cionnus a thugadh iad gu sgrios, mar

<sup>1</sup> m'uilc. <sup>2</sup> na tulaich fireantachd. <sup>3</sup> maille ris a' ghréin, agus am fànuis na gealaich. Eabh. <sup>4</sup> le fireantachd. <sup>5</sup> Suba. <sup>6</sup> bheir iad cliu

dha. <sup>7</sup> farnad. <sup>8</sup> soirbheachaidh. <sup>9</sup> ceanglaichean orra gu'm bàs. <sup>10</sup> Tha an suilean air dòrcadh. <sup>11</sup> mo shluagh.



ann an tiota? a chuireadh as doibh gu tur le h-uamhasaibh?

20 Mar aising 'nuair a dhùisgeas neach, a Thighearn, anns a' bhaile<sup>1</sup> ni thu tarcuais<sup>2</sup> air an dealbh.

21 Ach bha mo chridhe goirt, agus bha goimh a'm<sup>3</sup> airmibh.

22 Agus bha mi baòth, agus aineolach: mar ainmhidh bha a'd<sup>4</sup> làthair.

23 Gidheadh, *tha* mi ghnàth maille riut; chum thu suas *mi* air mo dheas làimh.

24 Le d' chomhairle stiùraidh tu mi, agus fa' dheoidh<sup>5</sup> gabhaidh tu mi *chum* glòire.

25 Cò *th'*agam anns na nèamhaibh *ach thusa?* agus an coimhneas riut cha 'n'eil neach air thalamh air am bheil ma dhéigh.

26 Tha m'fheoil agus mo chridhe air fàilneachadh: is e Dia neart mo chridhe agus mo chuibhrionn gu sìorruidh.

27 Oir feuch, sgriosar iadsan a théid fad uait: ghearr thu as gach neach a chaidh le strìopachas uait.

28 Ach is maith dhomhsa teachd dlùth do Dhia: anns an Tighearna Dia chuir mi mo dhòigh, chum gu foillsichinn t'òibre uile.

## SALM LXXIV.

*Maschil le Asaph.*

**C**'AR SON, a Dhé, a thig thu uait *sinn* gu bràth? a lasas t'fhearg ri caoraich t'ionaltraidh?

2 Cuimhnich do choimhthional, *a* cheann- uich thu o chian, *a* shaor thu; slat<sup>1</sup> t'òigh- reachd, beinn Shìoin so anns an do ghabh thu còmhnuidh.

3 Tog do chosa chum nam fàsach sìor- ruidh, *chum* nan uile olc, a rinn an nàmhaid ann ad ionad naomha.

4 Bheuc do naimhdean am measg do choimhthional; chuir iad suas am brat- aichean mar chomharaibh.

5 Bha *neach* ainmeal nar a thogadh e a thuagh gu h-ard<sup>2</sup> air coille thiugh.

6 A nis mar an ceudna bhris iad sìos 'obair ghearrta<sup>3</sup> le chéile le tuaghaibh agus le h-ordaibh.

7 Chuir iad ri theine t'ionad naomha gu ruig an làr; thruaill iad pàillion t'ainme- sa.

8 Thubhairt iad nan cridhe, Sgriosam- aid iad le chéile: loisg iad uile ionada- cruinneachaidh<sup>4</sup> Dhé san tìr.

9 Ar comharan cha'n fhaic sinn; cha 'n'eil fàidh ann ni's mò, agus cha 'n'eil neach nar measg aig am bheil fhios cia fad.

10 Cia fad, a Dhé, a bheir an t-eascairaid beum? an dean an nàmhaid tarcuais air t'ainm gu bràth?

11 C'ar son a philleas tu do làmh, do

dheas làmh féin air a h-ais? buin a mac- o d' bhròlich i?

12 Oir is e Dia mo Rìgh o chian, ag- oibreachadh slàinte am meadhon na tal- mhainn.

13 Sgaoil thusa an fhairge le d' neart; bhris thu cinn nan dràgon<sup>5</sup> air na h-uisg- eachaibh.

14 Phronn thu cinn Lebhiatain; thug- thu c mar bhiaidh do'n t-sluagh anns an fhàsach.

15 Sgoilt thu an tiobairt<sup>6</sup> agus an sruth; thiornaich thu aibhne<sup>7</sup> mòra.

16 Is leatsa an là, mar an ceudna is leatsa an oidhche: is tu dheasaich solus agus grian.

17 Shuidhich thu uile chrìocha na talmhainn; rinn thu an samhradh agus an geamhradh.

18 Cuimhnich so: thug an t-eascairaid beum, a Thighearn, agus rinn sluagh amaideach tarcuais air t'ainm.

19 Na toir suas do'n fhiadh-bheathach<sup>8</sup> anam do'cholumain<sup>9</sup>: anamanna do dhaoine truagh na di-chuimhnich gu bràth.

20 Thoir an aire do'n choimh-cheangal<sup>10</sup>; oir tha àitean dorcha na tìre làn do ionad- aibh-còmhnuidh an fhoirneirt.

21 Na pillear air ais le nàire an ti a shàruichear: moladh am bochd agus am feumannach t'ainn.

22 Eirich, a Dhé, tagair do chùis féin: cuimhnich mar a ta 'n t-amadan a' toirt toibheim dhuit gach là.

23 Na di-chuimhnich guth do naimhdean, toirm<sup>11</sup> na muinntir, a dh'éirich a't'aghaidh, a tha dol suas an còmhnuidh.

## SALM LXXV.

*Do'n ard fhear-ciùil, Al-taschit. Salm no- loidh le Asaph.*

**B**HEIR sinn moladh<sup>1</sup> dhuit, a Dhé, bheir sinn moladh: oir gu bheil t'ainm am fagus<sup>2</sup> cuiridh t'òibre iongantach an céill.

2 'Nuair a ghlacas mi an t-àm suidh- ichte<sup>3</sup>, bheir mi breth le ceartas.

3 Sgaoilcadh an tìr agus a luchd-àiteach- aidh gu léir: cunaidh inise suas a puist- Selah.

4 Thubhairt mi ris na h-amadanaibh, Na bithibh amaideach; agus ris na h-ain- gidh, Na togaibh suas *bhur n-adharc*.

5 Na togaibh suas *bhur n-adharc* gu h-ard; na labhraibh le muineal cruaidh.

6 Oir cha'n ann o'n ear, no o'n iar, no o dheas a thig ardachadh.

7 Ach is e Dia am Breitheamh: leagaidh- c sìos am fear so, agus ardaichidh e am- fear sin.

<sup>1</sup> nuair a mhosglas tu. <sup>2</sup> dmeas. <sup>3</sup> na dhéigh sin. <sup>4</sup> treubh. <sup>5</sup> obair shmaidhte an ionaid-naoimb, a gheatacha. <sup>6</sup> shionagoga, ionadan-aoraidh. <sup>7</sup> agus a clumas tu do dheas làimh air a h-ais ann ad bhrollach?

<sup>8</sup> uabheist. <sup>9</sup> tobar. <sup>10</sup> aibhne. <sup>11</sup> do mhòr chuideachd nan aingidh. <sup>12</sup> an ti a bheir aoradh dhuit. <sup>13</sup> do d' choimh-cheangal. <sup>14</sup> bruidheann. <sup>15</sup> bruidheachas. <sup>16</sup> gu bheil thu am fagus. <sup>17</sup> an coimhthional.

8 Oir *tha* cupan<sup>1</sup> an làimh an Tighearna, agus *tha* am fion dearg: làn coimeisg *tha* e, agus dòirtidh e cuid as: ach a dhéasg-aincan<sup>2</sup> fàisgidh agus òlaidh uile dhaoine aingidh na talmhainn.

9 Ach nì mise gairdeachas<sup>3</sup> gu bràth; seinnidh mi moladh do Dhia Iacoib.

10 Agus sgathaidh mi sìos uile adharca nan aingidh: ardaichear adharcan an fhèirein.

## SALM LXXVI.

*Do'n ard fhear-ciùil air Neginot. Salm no laoidh le Asaph.*

**A**ITHNICHEAR Dia ann an Iudah; ann an Israel *tha* 'ainm mòr:

2 Agus ann an Salem *tha* a phàillium, agus 'ionad-còmhnuidh ann an Sion.

3 An sin bhris e saighdean a' bhogha, an sgiath, agus an claidheamh, agus an cath<sup>4</sup>. Selah.

4 *Is* alloil<sup>5</sup> thusa, *is* glòrmhor *thu* os cionn bheann na creiche.

5 Chreachadh iadsan a bha misneachail an cridhe; choidil iad an codal, agus cha d'fhuair na daoine treuna gu léir an làmh.

6 Le d'achmhasan, a Dhé Iacoib, chuir-eadh araon am marcach agus an t-cach<sup>6</sup> nan suain.

7 *Is* cùis eagain thusa, *eadhon* thusa: agus cò sheasas a'd' làthair an uair a bhios fearg ort?

8 Thug thusa air breitheanas gu'n cualadh o nèamh e: bha eagal air an talamh, agus bha e na thàmh;

9 An uair a dh'éirich Dia chum breitheanais, a shaoradh uile dhaoine ciuine na talmhainn. Selah.

10 Gu cinnteach bheir fearg duine moladh dhuit: fuighcall na feirge coisgidh tu.

11 Bòidichibh, agus iocaibh do'n Tighearna bluir Dia: thugadh iadsan uile a ta m'a thimchioll tiodhlaca dha-san a's aobhar eagain ann!

12 Sgathaidh e sìos spiorad uachdarana: is cùis eagain e do righribh na talmhainn.

## SALM LXXVII.

*Do'n urd fhear-ciùil, do Iedutun. Salm le Asaph.*

**L**EM' ghuth dh'éigh mi ri Dia, le m' ghuth dh'éigh mi ri Dia, agus dh'éisd e rium.

2 Ann an là mo theinn dh'iarr mi an Tighearna: shìneadh mo làmh a mach<sup>7</sup> san oidhche gun sgur; dhiùlt m'anam sòlas a ghabhail.

3 Chuimhnich mi air Dia, agus bha mi fo bhuairas<sup>8</sup>; rinn mi gearan, agus chlaoidheadh mo spiorad. Selah.

4 Clum thu mo shùilean nam fàireach-

<sup>1</sup> copan. <sup>2</sup> dheusgaidh. <sup>3</sup> cuiridh mise an cèill. <sup>4</sup> agus claidheamh a' chòmhraig. <sup>5</sup> urramach. <sup>6</sup> marcaich nan each; luchd nan carbad-cogaidh agus nan each. <sup>7</sup> shìl mo shùil, ruith mo leòn. <sup>8</sup> mhi-shuaimhneas.

adh; *tha* mi iargunach, agus cha'n urrainn mi labhairt.

5 Smuainich mi air na laithibh o shean, air bliadhnaibh na h-aimsir chéin.

6 Chuimhnich mi mo chèol<sup>9</sup> san oidhche; rinn mi cainnt ri m' chridhe féin, agus rannsaich mo spiorad gu geur:

7 An tilg an Tighearna uath gu bràth? agus nach nochd e a dheagh-ghean nìs-mò?

8 An do sguir a chaoimhneas am feasd? an d'fhàilnich 'fhocal o linn gu linn?

9 An do dhearmaid Dia a bhì gràsmhor? an do dhruid e na chorruich a chaomh-thròcairean? Selah.

10 An sin thubhairt mise, *Is* e sò m'annhuinneachd: *is* e caochladh deas-làimhe<sup>10</sup> an Ti a's airde a th'ann.

11 Cuimhnichidh mi oibre an Tighearna; gu deimhin cuimhnichidh mi t'iongantais o'n aimsir chéin.

12 Agus beachd-smuainichidh mi air t'oibribh gu léir, agus air do ghniomharaibh labhraidh mi.

13 *Thu* do shlighe, a Dhé, san ionad naomha<sup>11</sup>: cò a ta na Dhia mòr mar ar-Dia-ne?

14 *Is* tusa an Dia a tha deanamh nithe-iongantach: thaisbein thu am measg nan sluagh do neart.

15 Shaor thu le d'ghairdean do shluagh, mic<sup>12</sup> Iacoib agus Ioseph. Selah.

16 Chunnaic na h-uisgeachan thu, a Dhé! chunnaic na h-uisgeachan thu; bha eagal orra, seadh, ghluaiseadh<sup>13</sup> na doimhneachda.

17 Dhòirt na neoil a nuas uisge, thug na spurca fuaim; mar an ceudna chaidh do shaighdean a inach.

18 *Bha* guth do thairneanaich san spur; shoillsich do dhealanaich an saoghal; ghluaiscadh agus chrìochnaich an talamh.

19 San fhairge *bha* do shlighe, agus do cheumanna anns na h-uisgibh mòra; agus cha d'aithnicheadh luig do chos.

20 Threòraich thu mar threud do shluagh, le làimh Mhaois agus Aaroin.

## SALM LXXVIII.

*Maschil le Asaph.*

**E**ISDIBH, O mo shluagh, ri m' reachd, aomaibh bhuir cluas chum bliariathar mo bhéil.

2 Fosgailidh mi mo bheul ann an cos-amhlachd; cuiridh mi sean-fhocail dh'orcha<sup>14</sup> an cèill:

3 A chuala sinn, agus a b'aithne dhuinn, agus a dh'innis ar n-aithriche dhuinn.

4 Cha chèil sinn air an cloinn iad, a' foillseachadh cliu an Tighearna do'n àl a ta.

<sup>9</sup> mo dhàn. <sup>10</sup> ach cuimhnichidh mi bliadhna deas làimhe. <sup>11</sup> an naomhuchd. Eabh. <sup>12</sup> clann, sliochd. <sup>13</sup> chrìochnaich. <sup>14</sup> sgeula o'n t-sean aimsir.



ri teachd, agus a neart, agus 'oibre iongantach a rinn e :

5 Oir chuir e suas teistean<sup>1</sup> ann an Iacob, agus shuidhich e lagh ann an Israel, a dh'àithn e d'ar n-aithricibh gu'n deanadh iad aithnichte d'an cloinn ;

6 Chum gu'm biodh fios aig an àl ri teachd orra, gu'n éireadh a chlann a bheirt-eadh, agus gu'n cuireadh iad an céill iad d'an cloinn féin ;

7 Agus gu'n cuireadh iad an dòchas ann an Dia, agus nach di-chuimhnichheadh iad 'oibre Dhé, ach gu'n glcidheadh iad 'aith-eanta<sup>2</sup> ;

8 Agus nach bitheadh iad mar an aithriche, nan ginealach rcasgach<sup>3</sup> agus ceannairceach, ginealach nach do shuidhich an cridhe gu ceart, agus aig nach robh an spiorad tairis do Dhia.

9 Gedo bha clann Ephraim fo'n armaibh, agus ge do thilgeadh iad le bogha, phill iad air an ais ann an latha catha.

10 Cha do ghléidh iad coimh-cheangal Dhé, agus dhiùlt iad imeachd na reachd.

11 Agus dhi-chuimhnich iad 'oibre, agus 'iongantais a nochd e dhoibh.

12 An làthair an aithriche rinn e nithe ìongantach, ann an tìr na h-Eiphit, ann am machair Shoain.

13 Sgoilt e an fhairge, agus thug e iadsan thairis; agus thug e air na h-uisgeachaibh seasamh mar thorr.

14 Agus stiur e iad le neul san latha, agus air feadh na h-oidhche le solus teine.

15 Sgoilt e na creagan san fhàsach, agus thug e deoch dhoibh, mar a d'iomhneachd-aibh mòra.

16 Agus thug e srutha a mach as a' charraig, agus thug e air uisgibh ruith sìos mar aibhnibh.

17 Gidheadh pheacaich iad fathast ni's mò na aghaidh, a' brosnachadh an Tì a's airde san fhàsach.

18 Agus bhuair iad<sup>4</sup> Dia nan cridhe, ag iarraidh bidh d'am miann.

19 Seadh, labhair iad an aghaidh Dhé; thubhairt iad, An urrainn Dia bord a dheasachadh san fhàsach?

20 Feuch, bhuail e a' chrcag, agus bhrùchd uisgeacha mach, agus dh'éirich na tuithe: an urrainn e mar an ceudna aran a thabhairt? an deasaiche feoil d'a shluagh?

21 Uime sin chual an Tighearn, agus bha corruich air; agus las teine an aghaidh Iacob, agus mar an ceudna dh'éirich fearg an aghaidh Israeil:

22 A chionn nach do chreid iad ann an Dia, agus nach d'earb iad as a shlàinte:

23 Ge d'a dh'àithn e do na neulaibh o'n airde, agus ge d'a dh'fhosgail e dorsa nan nèamh;

24 Agus ge do-fhras e nuas mana orra r'a itheadh, agus ge do thug e dhoibh coire nan nèamh.

25 Dh'ith daoine biadh nan aingeal: thug e dhoibh an sàth do lòn.

26 Thug e air gaoith an ear imeachd sna nèamhaibh, agus le a neart thug e stigh a' ghaoth a deas.

27 Agus fhras e nuas feoil orra mar dhuslach<sup>5</sup>, agus eunlaith iteachach<sup>6</sup> mar ghaineamh na fairge.

28 Agus thug e orra tuiteam am meadhon an campa, mu thimchioll an àitcan-còmh-nuidh.

29 Agus dh'ith iad, agus làn-shàsuich-cadh iad; oir thug e dhoibh am miann féin.

30 Cha robh iad air an sgarachduinn o am miann: fathast bha am biadh nam beul.

31 An sin thàinig fearg Dhé orra, agus mharbh e iadsan bu shultmhòire<sup>7</sup> dhiubh, agus leag e sìos daoine taghta Israeil.

32 An déigh so gu léir pheacaich iad fathast, agus cha do chreid iad air son 'oibre iongantach-san.

33 Uime sin chaith e an laithean ann an dìomhanas, agus am bliadhnacha ann an uamhas<sup>8</sup>.

34 'Nuair a mharbh e iad, an sin dh'iarr iad e, agus phill iad, agus bha iad gu moch ag iarraidh Dhé<sup>9</sup>;

35 Agus chuimhnich iad gu'm b'e Dia an carraig, agus an Dia a's airde am fear-saoraidh.

36 Ach rinn iad mìodal ris le'm beul, agus rinn iad breug dha le'n teangaidh:

37 Oir cha robh an cridhe ceart maille ris, agus cha robh iad dìleas<sup>10</sup> na choimh-cheangal.

38 Gidheadh gu h-ìochdmhor mhaith esan an lochd, agus cha do sgrios e iad; seadh, iomadh uair thionndaidh e 'fhearg uath, agus cha do dhùisg e a chorruich uile;

39 Oir chuimhnich e nach robh anna ach feoil; osag gaoithe a shiubhlas, agus nach pill a ris.

40 Cia tric a bhrosnuich iad e anns an fhàsach, a chuir iad campar air anns an ionad uaigneach?

41 Seadh, phill iad air an ais, agus bhuair<sup>11</sup> iad Dia, agus chuir iad tomhas air Aon naomha Israeil.

42 Cha do chuimhnich iad a làmh, no'n là, air an do shaor e iad o'n nàmhaid<sup>12</sup>;

43 Mar a nochd e a chomharan anns an Eiphit, agus 'oibre iongantach ann am machair Shoain;

44 Agus a thionndaidh e an uisgeacha gu fuil, agus an srutha, air chor as nach feudta òl diubh;

45 A chuir e nam measg iomadh gné

<sup>1</sup> fianuis. <sup>2</sup> a àitheantan. <sup>3</sup> eascaoin, fìar, eas-umhal. <sup>4</sup> dhearbhadh, dh'fheuch, chuir iad cathachadh air. <sup>5</sup> luathre: <sup>6</sup> sgiathanach. <sup>7</sup> a b'fhearr, bu làidire. <sup>8</sup> carraig, cabhaig.

<sup>9</sup> a' teachd gu moch a dh'ionnsuidh Dhé.

<sup>10</sup> Lain-gean, seasmhach.

<sup>11</sup> bhrosnuich.

<sup>12</sup> o theinn.

chuiléag<sup>1</sup>, a dh'ith suas iad, agus losgainn a sgrios iad ;

46 A thug e an toradh do'n bhuirras<sup>2</sup>, agus an saothar do'n locust ;

47 A mhìll e an crìonn-fhìona le clòich-mheallain, agus an croinn-fhìge<sup>3</sup> le reodhadh ;

48 Agus a thug e thairis am feudail<sup>4</sup> do'n chloich-mheallain, agus an treuda do'n tein-athair ;

49 A thilg e orra teas 'fheirge, boile<sup>5</sup>, agus corruich, agus teinn, le aingil olc a chur nam measg ;

50 A rinn e slighe d'a fheirg, nach do chaomhain e an anam o'u bhàs, ach a thug e thairis am beatha do'n phlàigh ;

51 Agus a bhuail e gach ceud-ghin san Eiphit, toiseach an neirt ann am pàillion-aibh Ham ;

52 Ach a thug e mach mar chaoraich a shluagh féin, agus a threòraich e iad mar threud anns an fhàsach ;

53 Agus a stiuir e iad gu tèaruainte, air chor as nach robh eagal orra, ach a chòmhdaich an fhaige an naimhdean ;

54 Agus a thug e iad gu crìch 'ionaid naomha-san, do'n t-sliabh so, a choisinn a' dheas làmh ;

55 Agus a thilg e mach na cinnich rompa, agus a roinn e oighreachd dhoibh<sup>6</sup> le crannchur, agus a thug e air treubhaibh Israeil còmhnuidh a ghabhail nam pàillion-aibh-san.

56 Gidheadh bhuair agus bhrosnuich iad an Dia a's airde, agus cha do ghléidh iad a théisteis.

57 Ach phill iad, agus ghluais iad gu fealltach, mar an aithriche ; chaidh iad a thaoibh, mar bhogha fiar<sup>7</sup> ;

58 Agus bhrosnuich iad e le'n ionadaibh arda, agus le'n dealbaibh gearra dhùisg iad e gu h-eud.

59 Chual Dia, agus bha fearg air, agus ghabh e gràin mhòr do Israel.

60 Agus thréig e pàillion Shilo, am bùth<sup>8</sup> a shuidhich e am measg dhaoine.

61 Agus thug e suas a neart gu braighdeanas, agus a ghlòir do làimh an nàmhaid.

62 Agus thug e thairis a shluagh do'n chlaidheamh, agus ghabh e fearg r'a oighreachd.

63 Loisg an tcine an òigridh, agus cha d'fhuair an òighean pòsadh<sup>9</sup>.

64 Thuit an sagairt leis a' chlaidheamh, agus cha d'rinn am bantraich bròn.

65 An sin mhosgail an Tighearna, mar neach a bha na chodal, mar churaidh a ni iolach an déigh dha fion òl.

66 Agus bhuail e a naimhdean nan

deireadh ; thug e masladh bith-bhuan dhoibh.

67 Agus dhiùlt e pàillion Ioseiph, agus cha do thagh e treubh Ephraim.

68 Ach thagh e treubh Iudah, sliabh Shioin a ghràdaich e.

69 Agus thog e 'ionad<sup>10</sup> naomha féin mar lùchairt ard, mar an talamh<sup>11</sup> a shuidhich e gu bràth.

70 Agus thagh e Daibhidh 'òglach, agus thug se e o chrò nan caorach.

71 O bhi 'n déigh nan caorach a bha trom le h-àl, thug se e a bheathachadh Iacob a shluaigh, agus Israeil 'oighreachd.

72 Agus bheathaich e iad a réir ionracais a chridhe ; agus le seòltachd a làmh stiuir e iad.

## S A L M LXXIX.

*Salm le Asaph.*

**A**DHE, thàinig na cinnich a steach do d' oighreachd ; thruaill iad do theampull naomha ; dh'fhàg iad Ierusalem na carn-aibh.

2 Thug iad cuirp do sheirbhiseach mar bhiadh do eunlaith nan speur, feoil do naomh do fhiadh-bhacathaichibh na tal-mhainn.

3 Dhòirt iad am fuil mar uisge timchioll Ierusalem, agus cha robh neach gu'n adhlacadh.

4 Tha sinn nar masladh d'ar coimhearsnachaibh, nar n-aobhar fanoide agus magaidh dhoibhsan, a tha mu'n cuairt oirnn.

5 Cia fhad, a Thighearn, a bhios fearg ort ? gu bràth an las t'eud, mar theine ?

6 Dòirt do chorruich air na cinnich aig nach 'eil còlas ort, agus air na rioghachdaibh nach gairm air t'ainm.

7 Oir chuir iad as do<sup>12</sup> Iacob, agus rinn iad 'àite-còmhnuidh na fhàsach.

8 Na cuimhnich thusa nar n-aghaidh ar n-eucearta roimhe so<sup>13</sup> : gu luath gabhadh do thròcairean romhainn ; oir thugadh gu ro-òsal sinn.

9 Cuidich leinn, a Dhé ar slàinte, air sgàth glòire t-ainme ; agus teasaig sinn, agus glan ar peacaidh uainn air son t'ainme féin.

10 C'ar son a theireadh na cinnich, C'àit am bheil an Dia ? aithnìchear am measg nan cinneach fà chomhair ar sùl dìoghaltas fola<sup>14</sup> do sheirbhiseach, a dhòirteadh !

11 Thigeadh osnaich a' phriosunaich a'd' làthair, a réir meud do neirt<sup>15</sup> : saor thusa iadsan a dh'òrduicheadh chum bàis<sup>16</sup>.

12 Agus dìol d'ar coimhearsnachaibh a sheachd uiread nam brollach, am masladh leis an do mhasluich iad thusa, a Thighearna.

<sup>1</sup> chonachuiléag. <sup>2</sup> caterpillar. Sasg. hasil. Eabh. <sup>3</sup> sicomotr. <sup>4</sup> an crodh, an ainmhidhean. <sup>5</sup> buile. <sup>6</sup> a roinn e am fearann dhoibh. <sup>7</sup> claon, mèalltach, cealgach. <sup>8</sup> am pubull, an t-ionad-còmhnuidh. <sup>9</sup> cha do mholadh an òighean. <sup>10</sup> a ionad. <sup>11</sup> ann an ionad ard,

air an talamh. <sup>12</sup> dh'ith iad suas, mhìll iad. <sup>13</sup> ar seann pheacanna. <sup>14</sup> aithnìchear eam am measg nan cinneach nar sealladh féin le dìoghaltas a ghabhail air fuil. <sup>15</sup> do ghaird-ein. Eabh. <sup>16</sup> mic a' bhàis.



13 Agus molaidh sinne do shluagh, agus caoraich t'ionaltraidh, thusa gu bràth: o linn gu linn cuiridh sinn an cèill do chliu.

## S A L M LXXX.

*Do'n ard-fhear-ciuil air Sosanim Edut. Salm le Asaph.*

**O** AODHAIRE<sup>1</sup> Israel, éisd, thusa a stiùreas Ioseph mar threud, thusa a tha d' chòmhnuidh eadar na cheruban, dealraich a mach.

2 An làthair Ephraim, agus Bheniamin, agus Mhanaseh, dèis do chumhachd, agus thig gu'r saoradh.

3 Pill sinn, a Dhé; agus thoir air do ghnùis dealrachadh, agus saorar sinn.

4 A Thighearna Dhé nan slògh, cia fhad a bhios fearg ort ri ùrnuigh do shluagh?

5 Thug thu dhoibh aran nan deur r'a itheadh, agus thug thu dhoibh deoir r'an òl am pailteas.

6 Rinn thu sinn nar n-aobhar stri d'ar coimhearsnachaibh; agus ni ar n-eascairdean gàire-fanoid umainn<sup>2</sup>.

7 A Dhé nan slògh, pill sinn; agus thoir air do ghnùis dealrachadh, agus saorar sinn.

8 Thug thu fionain<sup>3</sup> as an Eiphit; thig thu mach na cinnich, agus shuidhich thu i.

9 Rèitich thu àite fa comhair, agus thug thu oirre freumhachadh gu daingean, agus lion i an tìr.

10 Chòmhdaicheadh<sup>4</sup> beannta le a sgàile, agus le a geugaibh seudair arda<sup>5</sup>.

11 Chuir i mach a meoir gu ruig a' mhuir, agus a meanglain<sup>6</sup> gu ruig an abhuinn.

12 C'ar son a bbris thu sìos a ballachadionaidh<sup>7</sup>, air chor as gu bheil uile luchd-gabhail na slighe 'ga spionadh?

13 Tha an torc as a' choille 'ga fàsachadh, agus tha fiadh-bheathach na macharach 'gach itheadh suas.

14 A Dhé nan slògh, pill, guidheamaid ort; amhairc a nuas o nèamh, agus faic, agus fiosaich an fhìonain so;

15 Agus am fion-lios a shuidhich do dheas-làmh, agus am meanglan a neartaich thu dhuit fèin<sup>8</sup>.

16 Loisgeadh i le teine, ghearradh sìos i; le achmhasan do ghnùise sgriosar iad.

17 Biodh do làmh air fear do laimhe deise, air mac an duine a neartaich thu dhuit fèin.

18 An sin cha phill sinn air ar n-ais uait: beothaich sinn, agus gairmidh sinn air t'ainm.

19 A Thighearna Dhé nan slògh, pill sinn, thoir air do ghnùis dealrachadh, agus saorar sinn.

## S A L M LXXXI.

*Do'n ard fhear-ciuil air Gitit. Salm le Asaph.*

**S**EINNIBH gu h-ait do Dhia, ar neart; togaibh iolach do Dhia Iacob.

2 Glacaibh salm, agus thugaibh tiompan leibh; a' chlàrsach bhinn maille ris an t-saltair.

3 Anns a' ghealaich nuaidh<sup>9</sup> séidibh an trompaid, anns an àm shuidhichte, air latha ar fèille.

4 Oir bu reachd so do Israel, riaghailt le Dia Iacob.

5 Mar fhianuis shuidhich se e ann an Ioseph, an uair a thàinig e mach a tìr na h-Eiphit, far an eual e cainnt nach do thuig e<sup>10</sup>.

6 O'n callaich thug mi as a ghuala: o na potaibh<sup>11</sup> shaoradh a làmhan.

7 Ann an teinn ghairm thu, agus shaor mi thu; fhreagair mi thu ann an ionad dìomhair na tairneanaich: dhearbh mi thu làmh ri uisgibh Mheribah. Selah.

8 Eisd, O mo shluagh, agus bleir mi fianuis dhuit; O Israel, ma dh'éisdeas tu rium;

9 Cha bhi Dia coigreach annad<sup>12</sup>, agus cha chrom thu sìos do dhia coimheach.

10 Is mise an Tighearna do Dhia, a thug a nìos thu a tìr na h-Eiphit: fosgail do bheil gu farsuing, agus lìonaidh mise e.

11 Gidheadh cha d'éisd mo shluagh ri m' ghuth agus cha do ghabh Israel rium.

12 Uime sinn thug mi thairis iad do anamhiam an cridhe fèin; dh'imich iad nan comhairle fèin.

13 O nach éisdeadh mo shluagh rium! nach imicheadh Israel a'm' shlighibh!

14 Gu luath leagainn sìos an eascairdean, agus thionndaidhinn mo làmh an aghaidh an naimhdean.

15 Bheireadh luchd-fuath an Tighearna ùmhhlachd dha: ach inhaireadh an aimsir-san gu bràth.

16 Agus bheathaichidh e iad le smior a' chruineachd: agus le mil o'n charraig shàsuichinn thu<sup>13</sup>.

## S A L M LXXXII.

*Salm le Asaph.*

**T**HA Dia na sheasamh ann an coimh-thional nan cumhachdach<sup>14</sup>: am measg nan dé bheir e breth.

2 Cia fhad a bheir sibh breth gu h-eu-corach, agus a ghabhas sibh ri gnùis<sup>15</sup> dhaoine aingidh? Selah.

3 Deanaibh ceartas do'n bhochd agus do'n dilleachdan; cumaibh còir ris an truaghan<sup>16</sup> agus ris an fheumach.

4 Teasairgibh am bochd agus an

<sup>1</sup> bhuachaille. <sup>2</sup> leo fèin. <sup>3</sup> fineamhuin, crann-fionn. <sup>4</sup> Chòmhdaich. <sup>5</sup> bha a geugan mar sheudair arda. <sup>6</sup> geugan. <sup>7</sup> a callaid-ean. <sup>8</sup> Agus daingnich an nà a shuidhich do dheas làmh; [eadhon air son mic an duine, a

neartaich thu dhuit fèin.] <sup>9</sup> nomha. <sup>10</sup> chuala mi teanga nach do thuig mi. <sup>11</sup> o shoithichibh-giùlan na creudha. <sup>12</sup> agad. <sup>13</sup> shàsùicheadh e iad. <sup>14</sup> san ard choimhthional. <sup>15</sup> pearsa. <sup>16</sup> an duine chràite.

t-ainnis; as làimh nan aingidh saoraibh iad.

5 Cha 'n'eil eòlas no tuigse aca; ann an dorchadas gluaisidh iad: tha uile bhunait-ean na talmhainn air chrith<sup>1</sup>.

6 Thubhairt mi, Is dée sibh, agus is mic sibh uile do'n Tì a's airde.

7 Ach gheibh sibh bàs mar dhaoine, agus tuitidh sibh mar aen do na h-uachd-aranaibh.

8 Eirich, a Dhé, thoir breth air an talamh; oir sealbhaichidh tu na h-uile chinnich mar oighreachd.

## SALM LXXXIII.

*Laoidh no Salm le Asaph.*

**A**DHE, na bi a'd' thod; na bi sàmhach, agus na bi a'd' thàmh, a Dhé:

2 Oir feuch, tha do naimhdean ri buair-eas; agus thog iadsan le'm fuathach thu, suas an cinn.

3 An aghaidh do shluaigh gu cuilbheartach dhealbhadh iad olc<sup>2</sup>, agus ghabh iad comhairle le chèile an aghaidh do mhuinntir dhìomhair.

4 Thubhairt iad, Thigibh, agus gearra-amaid as iad o bhi nan cinneach, chum nach cuimhnichear ainm Israeil ni's mò:

5 Oir le h-aon inntinn ghabh iad comhairle le chèile, a't' aghaidh-sa rinn iad coimhcheangal.

6 Pàilluna Edoim agus na h-Ismaelich, Moab agus na Hagaraich,

7 Gebal, agus Amon, agus Amalec, na Philistich mailleri luchd-àiteachaidh Thior<sup>3</sup>.

8 Mar an ceudna dhlùth-lean Asur riu: bu chòmhndadh iad do chloinn Lot. Selah.

9 Dean orra mar air Midian, mar air Siserà, mar air Iabin, aig sruth Chisoin;

10 A sgriosadh aig Endor, a rinneadh mar aolach do'n talamh.

11 Dean an ard uaislean<sup>4</sup> mar Oreb, agus mar Sheeh, agus an uachdarain gu lèir mar Sheba, agus mar Shalmuna;

12 A thubhairt, Glacamaid dhuinn fèin mar oighreachd àiteacha-còmhnuidh Dhé.

13 O mo Dhia, dean iad mar roth<sup>5</sup>, mar asbhuaibh roimh'n ghaoith.

14 Mar a loisgeas teine a' choille, agus mar a chuireas lasair na beannta ri theine;

15 Mar sin dean thusa tòrachd orra le d' dhoinnin, agus le d' ioma-ghaoith cuir samhann orra.

16 Lion an eudan le masladh, chum gu'n fàrr iad t'ainm, a Thighearn.

17 Biodh amhludh agus buaireas orra gu bràth; seadh, glacadh nàire iad agus sgriosar iad:

18 Chu'm gu'm bi fhios aig daoineibh gur tusa mhàin, d'an ainm Iehobhah, an Tì a's airde os cionn na talmhainn uile.

## SALM LXXXIV.

*Do'n ard fhear-civil air Gitit. Salm air son mhic Chorah.*

**C**IA so-ghràdhach do phàilliona, a Thighearna nan slògh!

2 Tha m'anam a' miannachadh, seadh, eadhon a' fannachadh<sup>6</sup> le déigh air cùirtibh an Tighearna: tha mo chridhe agus m'fheoil ag éigheach gu h-ard air son an Dé bheo.

3 Fhuair eadhon an gealbhoon tigh, agus an gobhlan-gaoithe nead dh'i fèin, anns an cuireadh i a h-àlach; t'altaireansa<sup>7</sup>, a Thighearna nan slògh, mo Dhià, agus mo Rìgh.

4 Is beannuichte iadsan a tha nan còmhnuidh a'd' thigh-sa: molaidh iad thu a ghnàth. Selah.

5 Is beannuichte an duine sin aig am bheil a neart annadsa, agus iadsan aig am bheil da shlighean<sup>8</sup> nan cridhe.

6 A' dol trid ghlinn Baca<sup>9</sup>, ni iad sin tobar<sup>10</sup> ann: lionaidh mar an ceudna an t-uigse na linnte.

7 Imichidh iad o neart gu neart; nochdar gach aon diubh an làthair Dhé ann an Sion.

8 A Thighearna Dhé nan slògh, cluinn m'ùrnuigh; éisd, a Dhé Iacob. Selah.

9 A Dhé, ar sgiath, faic, agus amhairc air ghnùis t'Aoin ungta:

10 Oir is fearr là a'd' chùirtibh na mìle: b'fhearr leam a bhi ri dorsaireachd ann an tigh mo Dhé, na bhi'm còmhnuidh ann ann pàillionaibh aingidheachd:

11 Oir is grian agus is sgiath an Tighearna Dia, agus bheir an Tighearna gràs agus glòir: cha chum e maith air bith uatha-san a ghluaiseas gu h-ionraic.

12 A Thighearna nan slògh, is beannuichte an duine a chuireas a dhòigh annadsa.

## SALM LXXXV.

*Do'n ard fhear-civil. Salm air son mhac Chorah.*

**B**HA thusa baigheil, a Thighearna, ri d' thìr: thug thu air ais braighdeanas<sup>11</sup> Iacob.

2 Mhaith thu<sup>12</sup> cionta do shluaigh; dh'fholuich thu am peacadh uile. Selah.

3 Choisg thu do chorruih uile; thionndaidh thu o fhraoch t'fheirge.

4 Pill sinn, a Dhé ar slàinte, agus tog t'fhearg dhinn.

5 Gu bràth am bi corruih ort ruinn? an-sin thu t'fhearg o lion gu linn?

6 Nach ath-bheothaich thu sinn? chum gu dean do shluaigh gairdcachas annad?

7 Nochd dhuinn, a Thighearna, do thròcair, agus deònuich dhuinn do shlàinte.

*sluaigh sin, aig am bheil an neart annadsa, aig am bheil do shlighean. 9 ghlinn nan deur, ghlinn a' bhòid. 10 sluaigh iad do thobar. 11 braighdean. 12 thug thu air fultb.*

<sup>1</sup> air an corruchadh. <sup>2</sup> ghabh iad comhairle cuilbheartach. <sup>3</sup> Thiorais. <sup>4</sup> iad fèin agus an ard-uaislean. <sup>5</sup> mar mhol air iomain mu'n cuairt. <sup>6</sup> a' laguchadh, air a chlaoidh, menta.

<sup>7</sup> làimh ri t'altairibh-sa. <sup>8</sup> Is beannuichte an



8 Cluinnidh mi ciod a their Dia an Tighearna: oir labhraidh e sìth r'a shluagh, agus r'a naomhaibh; ach na pilleadh iad chum amaideachd.

9 Gu dearbh *tha* a shlàinte dlùth dhoibhsan d'an eagál e; chum gu'n còmhnuich glòir nar tìr.

10 Tha tròcair agus firinn air còmhlaich-adh<sup>1</sup> a chèile: tha ceartas agus sìth air pògadh a chèile.

11 Fàsaidh firinn a nìos as an talamh, agus seallaidh ceartas a nuas o na nàmh-aibh.

12 Seadh, bheir an Tighearna maith *dhuinn*, agus bheir ar fearann uaith a thoradh<sup>2</sup>.

13 Imichidh ceartas<sup>3</sup> roimhe, agus stiùraidh e a cheumanna san t-slighe<sup>4</sup>.

SALM LXXXVI.

*Urnuigh le Daibhidh.*

**A**OM, a Thighearna, do chluas, éisd rium; oir *tha* mi bochd agus uireasbhuidheach.

2 Gléidh m'anam, oir *a tu* mi diadhaidh<sup>5</sup>: O thusa mo Dhia, saor t'òglach, a dh'earbas asad.

3 Dean tròcair orm, a Thighearna; oir tha mi a' glaochaich riut gach là<sup>6</sup>.

4 Dean anam t'òglach féin aoibhinn; oir riutsa, a Thighearna, togaidd mi m'anam:

5 Oir *a tu* thusa, a Thighearna, maith agus iochdmhor, agus pailt ann an tròcair dhoibhsan uile a ghairmeas ort.

6 Eisd, a Thighearna, ri m'urnuigh, agus thoir fa'near guth m'athchuinge.

7 Ann an latha mo theinn gairmidh mi ort; oir freagraidh tu mi.

8 Cha 'n'eil do shamhuil-sa am measg nan dé, a Thighearna; agus cha 'n'eil oibre ann, cosmhuil ri t'oibribh-sa.

9 Thig na cinnich uile a rinn thu, agus sleuchdaidh iad a'd' làthair, a Thighearna, agus bheir iad glòir do t'ainm.

10 Oir is mòr thusa, agus *tha* thu deanamh nithe iongantach; is tusa Dia, thu féin a mhàin.

11 Teagaisg dhomh, a Thighearna, do shlighe; gluaisidh mi a't'fhirinn: coimhcheangail mo chridhe<sup>7</sup>, chum eagál t'ainme bhi orm.

12 Molaidh mi thu, a Thighearna mo Dhia, le m'uile chridhe, agus bheir mi glòir<sup>8</sup> do t'ainm gu bràth:

13 Oir is mòr do thròcair ormsa, agus shaor thu m'anam o'n t-slochd<sup>9</sup> a's iochdaraiche.

14 A Dhé, dh'érich na h-uabhrich a'm' aghaidh, agus dh'iarr coimhthional luchd-fòrneirt m'anam; agus cha do chuir iad thusa rompa.

15 Ach *a tu* thusa, a Thighearna, a'd' Dhia iochdmhor, agus gràsmhor, mall chum seirge, agus pailt ann an tròcair agus am firinn.

16 Amhairc orm<sup>10</sup>, agus dean tròcair orm; thoir neart<sup>11</sup> do t'òglach, agus saor mac da bhan-oglaich.

17 Thoir dhomh comhara air mhaith, chum gu faic iadsan e aig am bheil fuath dhomh, agus gu'n gabh iad nàire, a chionn, a Thighearna, gu'n do chuidich thusa leam, agus gu'n d'thug thu comhfhurtachd dhomh.

SALM LXXXVII.

*Salm no laoidh air son mhac Choram.*

**T**HA a bhunait anns na beanntaibh naomha.

2 Is ionmhuinn leis an Tighearna geat-acha Shioin, thar uile ionada-còmhnuidh Iacob.

3 Innsear nithe glòrmhor ortsa, a chathair<sup>12</sup> Dhé. Selah.

4 Cuimhnichidh mi Rahab agus Babel dhoibhsan d'an aithne mi: feuch, Palestin, agus Tìor, maille ri h-Etiopia; rugadh am fear so an sin.

5 Ach mu Shion theirear, Rugadh am fear so agus am fear ud innte, agus daingnichidh an Tì a's airde i.

6 Coinhairichidh an Tighearna<sup>13</sup>, 'nuair a scriobhas e sìos na fineacha, gu'n d'rugadh am fear so an sud. Selah.

7 Bithidh araon luchd-seinn agus luchd-ciuil an sin: *tha* mo thobair uile annadsa.

SALM LXXXVIII.

*Laoidh no salm air son mhac Choram, do'n ard fhear-ciuil air Mahalat Leanot, Maschil le Heman an t-Esrahach.*

**A** THIGHEARN a Dhé mo shlàinte, a là agus a dh'oidhche ghlaodh mi a't' fhianais.

2 Thigeadh m'urnuigh a'd' làthair; aom do chluas ri m' ghlaodh:

3 Oir tha m'anam làn truaighe<sup>14</sup>, agus tha mo bheatha dlùth do'n uaigh.

4 Mheasadh mi mar iadsan a théid sìos do'n t-slochd; tha mi mar dhuine gun neart;

5 Saor am measg nam marbh, mar iadsan a mharbhadh, a ta nan luidhe san uaigh, air nach 'cil cuimhne agad ni's mò; oir o d' làimh<sup>15</sup> ghearradh as iad.

6 Chuir thu mi san t-slochd a's ìsle ann an dorchadas, anns na doimhneachdaibh<sup>16</sup>.

7 Luidh t'fhearg orm gu teann, agus le d' thonnaibh uile chlaoidh thu mi. Selah.

8 Chuir thu mo luchd-eòlais fad uam; rinn thu mi a'm' ghràineileachd-dhoibh:

8 urram. 9 o ifrinn, o'n uaigh. 10 Pill rium. 11 do neart. 12 a mhor bheile. 13 Airmhidh an Tighearna. 14 do olcaibh. Eabh. 15 le d' làimh. 16 ann an sgàile a' bhàis.

<sup>1</sup> coimheachadh. <sup>2</sup> 'shùs. <sup>3</sup> am firean. <sup>4</sup> stiùraidh e sinn air slighe a cheumanna. <sup>5</sup> oir a ta mi naomha, oir a ta thusa maith. <sup>6</sup> rè an latha. <sup>7</sup> aonaich, druid mo chridhe riut.

druidte suas *tha mi*, agus cha'n urrainn mi teachd a mach.

9 Tha mo shùil a' fàilneachadh<sup>1</sup> a bhrìgh m'àmhaighair; ghairm mi ort, a Thighearna, gach là; shìn mi mo làmhann riut.

10 Do na marbhaibh an nochd thu iongantais? an éirich na mairbh, agus am mol iad thu? Selah.

11 An cuirear an céill do chaoimhneas caomh san uaigh? t-fhìrinn ann an sgrios?

12 An aithnichear t'iongantais anns an dorchadas? agus t'fhìreantachd ann an talamh na dì-chuimhne?

13 Ach riutsa, a Thighearna, ghlaodh mise; agus anns a' mhaduinn thig m'ùrnuigh a'd làthair.

14 C'ar son, a Thighearna, a thilgeas tu m'anam uait? a dh'fhòlaicheas tu do ghnùis uam?

15 Tha mise air mo chràdh, agus dlùth do'n bhàs, o m'òige; dh'fhuiling mi t'uamhasan, tha mi an imcheist.

16 Dh'imich t'fhearg gheur tharum; chlaoidh t'uamhasa mi.

17 Chaidh iad timchioll orm mar uisge gach là; chuairtich iad mi le chéile.

18 Chuir thu fear mo ghaoil agus mo charaid fad uam: *tha* luchd m'còlais ann an dorchadas.

## SALM LXXXIX.

*Maschil<sup>2</sup> le h-Etan an t-Esrahach.*

AIR tròcairibh an Tighearna gu bràth seinnidh mi; o linn gu linn foillsichidh mi t'fhìrinn le m' bheul:

2 Oir thubhairt mi<sup>3</sup>, Gu bràth togar suas tròcair; anns na nèamhaibh daingnichidh tu t'fhìrinn, *ag ràdh*,

3 Rinn mi coimhcheangal ri m' Aon taghta; m'ionnuich mi do Dhaibhidh, m'òglach.

4 Gu bràth daingnichidh mi do shliochd, agus togaidh mi suas do rìgh-chaitir o linn gu linn. Selah.

5 Molaidh na nèamha t'iongantais, a Thighearna; mar an ceudna t-fhìrinn ann an coimhthional nan naomh.

6 Oir cò ann am flaitheanas<sup>4</sup> a choimhmeasar ris an Tighearna? cò am measg mhac nan cumhachdach a shamhuichear ris an Tighearna?

7 Is aobhar eagail Dia gu mòr ann an coimhthional nan naomh; agus is còir urram a thabhairt da os an cionn-san uile, *a tha* mu'n cuairt da.

8 A Thighearna Dhé nan slògh, cò a ta cosmhuil riut? treun a ta thu, a Thighearna, agus *tha* t'fhìrinn mu'n cuairt duit.

9 Riaghlaidh tusa onfha<sup>5</sup> na fairge:

'nuair a dh'éireas a tonnan, coisgidh tu iad.

10 Mhìn-phronn thu Rahab, mar dhuine leònta<sup>6</sup>; le gairdean do neirt sgap thu do naimhdean.

11 Is leatsa na nèamha, mar an ceudna is leat an talamh; shuidhich thusa an cruinne-cé, agus a làn.

12 Chruthaich thusa an airde tuath, agus an airde deas; ni Tabor agus Hermon gairdeachas ann ad ainm.

13 Agadsa *tha* gairdean neart-mhor; is làidir do làmh, is ard do dheas làmh.

14 Is iad ceartas agus breitheanas àite-tàimh do rìgh-chaitheach; théid tròcair agus frinn roimh do ghnùis.

15 Is beannuichte an sluagh d'an aithne an fhuaim aoibhneach: imichidh iad, a Thighearna, ann an solus do ghnùise.

16 Ann ad ainm-sa ni iad gairdeachas air feadh an là; agus ann ad fhìreantachd ardaichear iad.

17 Oir is tusa glòir an neirt; agus ann ad dheadh-ghean ardaichear<sup>7</sup> ar n-adharc.

18 Oir is e'n Tighearna ar sgiath<sup>8</sup>, agus Aon naomha Israeil ar Rìgh.

19 An sin labhair thu ann an taisbeanadh<sup>9</sup> ri d' Aon naomha<sup>10</sup>, agus thubhairt thu, Chuir mise cuideachadh air aon a ta cumhachdach, dh'ardaich mi aon taghta as an t-sluagh.

20 Fhuair mi Daibhidh m'òglach; le m'oladh naomh dh'ung mi e:

21 Le'm bi mo làmh gu daingean: mar an ceudna neartaichidh mo ghairdean e.

22 Cha tog an nàmhaid cis dheth<sup>11</sup>; agus cha chlaoidh mac an uile e.

23 Agus pronnaidh<sup>12</sup> mi a naimhdean roimhe, agus buailidh mi iadsan le'm fuathach e.

24 Agus bithidh m'fhìrinn agus mo thròcair maille ris, agus ann am ainmsa arduichear adharc-san.

25 Agus cuiridh mi a làmh<sup>13</sup> anns an fhairge, agus a dheas làmh anns na haibhinnib<sup>14</sup>.

26 Glaodhaidh e rium, Is tu m'athair, mo Dhia, agus carraig mo shlàinte.

27 Mar an ceudna ni mi mo cheud-ghìndheth, ard os cionn rìghre na talmhainn.

28 Gu bràth gleidhidh mi mo thròcair dha, agus bithidh mo choimhcheangal seasmhach leis.

29 Agus shuidhichidh mi gu bràth a shliochd, agus a rìgh-chaitir mar laithibh nan nèamh.

30 Ma thréigear a chlann mo lagh, agus nach ghluais iad ann an bhreitheanasaisibh,

<sup>1</sup> ri bròn. <sup>2</sup> Teagasg. <sup>3</sup> thu. <sup>4</sup> anns na speuraibh, sna neulaibh. <sup>5</sup> anfa, uabhar. <sup>6</sup> sàtha trid, air a mharbhadh. <sup>7</sup> gràichidh tu.

<sup>8</sup> dìdean. <sup>9</sup> sealladh. <sup>10</sup> ri d' naomhaibh. <sup>11</sup> Cha dean an nàmhaid fòireigin air. <sup>12</sup> sgriosaidh, <sup>13</sup> a neart, a chumhachd, <sup>14</sup> sruthaibh.



31 Ma mhi-naomhaicheas iad mo reachdan, agus nach gléidh iad m'aitheantan ;

32 An sin fiosaichidh mi le slait an eusaontas, agus le buillibh an euceart.

33 Gidheadh, cha bhuin mi gu tur mo chaoimhneas-gràidh uaith, agus cha bhreug-aich mi mo ghealladh.

34 Cha bhris mi mo choimhcheangal ; agus an ni a thàinig a m' bhillibh cha chaochail mi.

35 Aon uair mhionnaich mi air mo naomhachd, nach dean mi breug do Dhaibhidh.

36 Mairidh a shliochd gu bràth, agus a righ-chaithir mar a' ghrian a m' làthair.

37 Mar a' ghealach, daingnichear e gu bràth ; agus mar fhianuis dhileas ann an nàmh. Selah.

38 Ach thilg thu uait, agus ghabh thu gràin<sup>1</sup> ; bha fearg ort ri t'Aon ungta.

39 Sgaoil thu coimhcheangal tòglaich ; thruaill thu a choron, g'a *thilgeadh* gu làr.

40 Bhris thu a' bhàllacha-dìonaidd uile ; rinn thu a dhaingneacha na sgrios.

41 Crcachaidh iadsan uile a ghabhas an t-slighe e : tha e na mhasladh d'a choimhchearsnachaidh.

42 Thog thu suas deas làmh a naimhdean ; rinn thu 'eascairdean uile ait.

43 Mar an ceudna phill thu faobhar a chlàidheimh, agus cha d'thug thu air seasamh anns a' chath.

44 Chuir thu as d'a ghlòir<sup>2</sup>, agus thilg thu sìos a righ chaithir gu làr.

45 Ghiorraich thu laithean 'dige<sup>3</sup> ; chòmhdaich<sup>4</sup> thu e le nàire. Selah.

46 Cia fhad, a Thighearna, a dh'fholuicheas tu thu féin gu tur<sup>5</sup> ? a loisgeas, mar theine, do chorruich ?

47 Cuimhnich cia gearr m'aimsir : c'arson a chruthaich thu gu dìomhain clann nan daoine uile ?

48 Co e an duine a ta beo, agus nach faic am bàs, no theasairgeas 'anam féin o làimh na h-uaghe ? Selah.

49 C'ait am bheil do chaoimhneas-gràidh roimhe so, a Thighearna, a mhionnuich thu do Dhaibhidh air t'fhirinn.

50 Cuimhnich, a Thighearna, masladh do sheirbhisich ; gu'n do ghiùlain mise ann am uchd uile mhasladh sluaigh mhòir,

51 Leis an do mhàslaidh do naimhdean, a Thighearna, leis an do mhaslaich iad ceumanna t'Aoin ungta.

52 Beannuichte gu robh an Tighearna gu sìorruidh ! Amen agus Amen.

SALM XC.

Urnuigh le Maois, òglach Dé.

**A** THIGHEARNA, bha thusa a'd' ionad-còmhnuidh<sup>6</sup> dhuinn o linn gu linn.

2 Mun do ghineadh na beannta, agus mun do dhealbhl thu an talamh agus an cruinne-cé, eadhon o bhithe-bhuantachd gu bith-bhuantachd is tusa Dia.

3 Tionndaidh tu an duine gu sgrios ; agus their thu, Pillibh, a chlann nan daoine.

4 Oir a ta mìlc bliadhna ann ad shealladh-sa, mar an la'n dé 'nuair a théid e' seachad, agus mar fhaire anns an oidheche.

5 Dh'fhuadaich thu iad, mar le sruth ; mar chodal tha iad ; anns a' mhaduinn tha iad mar fheur a dh'fhàsas suas<sup>7</sup>.

6 Air maduinn thig e fuidh bhlàth, agus fàsaidh e suas ; air feasgar gearrar sìos e, agus seargaidh e.

7 Oir tha sinn air ar caitheadh le d' fheirg, agus le d' chorruich tha sinn air ar claidh<sup>8</sup>.

8 Chuir thu ar n-eucearta a't' fhianuis, ar *peacanna* dìomhair ann an solus do ghnùise.

9 Oir tha ar laithean air teireachduinn<sup>9</sup> ann ad fheirg : chaith sinn ar bliadhnacha, mar sgeul a dh'inneadh.

10 Tha laithean ar bliadhnacha nan tri fichead bliadhna agus a deich ; agus le tuilleadh neirt ma bhios ceithir fichead ann, is saothair agus doilgheas an spionnadh<sup>10</sup> : oir gearrar as e gu grad, agus siubhlaidh sinn<sup>11</sup>.

11 Cò d'an aithne neart t'fheirge, agus a réir t'eagail, do chorruich ?

12 Teagaisdhuinn mar so ar laithean àireamh, chum gu socraich sinn ar cridhe air gliocas.

13 Pill, a Thighearna ; cia fhad<sup>12</sup> ? agus gabh aithreachas a thaobh do sheirbhisich.

14 Sàsuich sinn gu moch le d' thròcair, a chum gu dean sinn gairdeachas agus aoibhneas rè ar laithean uile.

15 Dean aoibhneach sinn a réir nan là air an do chràidh thu sinn, nam bliadhna anns am faca sinn olc.

16 Faicear t'obair le d' sheirbhisich, agus do ghlòir le'n cloinn.

17 Agus biodh maise an Tighearna ar Dé oirnn ; agus daingnich thusa obair ar làmh dhuinn<sup>13</sup>, seadh, daingnich obair ar làmh.

SALM XCI.

**G**ABHAIDH esan, a tha na chòmhnuidh ann an ionad dìomhair an Ti a's airde, tàmh fo sgàile an Uile-chumhachdaich.

2 Their mi<sup>14</sup> mu thimchioll an Tighearna, Is e mo thearmunn, agus mo dhaingneach ; mo Dhia, anns an cuir mi mo dhòigh.

<sup>1</sup> dhiùlt thu. <sup>2</sup> ghloine. <sup>3</sup> a dige. <sup>4</sup> dh'fholuich. <sup>5</sup> an am gu bràth ? <sup>6</sup> a'd' thearmunn. <sup>7</sup> a chaochlaidheas. <sup>8</sup> fa amhluadh. <sup>9</sup> air tionndadh, air gabhail seach.

<sup>10</sup> a' chuid a's fearr, a' chuid a's mò dhiùdh. <sup>11</sup> teichidh sinn romhainn. <sup>12</sup> Pill, a Thighearna, fa-dheoidh. <sup>13</sup> oirnn. <sup>14</sup> Their e.

3 Gu dearbh saoraidh e thu o rib an eunadair, o'n phlàigh mhilltich.

4 Le 'iteagaibh' còmhdaichidh e thu, agus fuidh a sgiathaibh bithidh t'earbsa: *bithidh* 'fhirinn na sgèith agus na targaid dhuit.

5 Cha bhi eagal ort a thaobh an uamhais anns an oidhche, *no* na saighde, a ruitheas san là,

6 *No* na plàigh, a ghluaiseas an dorchadas, *no* an sgrios, a mhillleas mu mheadh-on-la.

7 Tuitidh mìle ri d' thaobh, agus deich mìle air do làimh dheis; ach cha d'thig e am fagus duit.

8 A mhàin le d' shùilibh seallaidh tu, agus chì thu dìol<sup>2</sup> nan aingidh.

9 A chionn gu'n d'rinn thu an Tighearna na thearmunn<sup>3</sup>, an Tì a's airde na ionad-còmhnuidh dhuit;

10 Cha'n èirich olc air bith dhuit, agus cha d'thig plàigh am fagus do t'fhard-uich<sup>4</sup>:

11 Oir bheir e àithne d'a ainglibh mu d' thimchioll, chum do ghléidheadh ann ad shligibh mìle.

12 Nan làmbaibh<sup>5</sup> togaidh iad suas thu, air eagal gu'm buail thu do chos air cloich.

13 Air an leòmhann<sup>6</sup> agus an nathair-nimhe saltraidh tu; prònnaidh tu fo d' chois an leòmhann òg agus an dràgon.

14 A chionn gu bheil gràdh aige dhomh, saoraidh mi e; ardaichidh mi e, a chionn gur aithne dha m'ainm.

15 Gairmidh e orm, agus éisdidh mi ris; *bithidh* mi maille ris ann an teinn; teas-airgidh mi e, agus bheir mi urram dha.

16 Le fad làithean<sup>7</sup> sàsaichidh mi e, agus nochdaidh mi dha mo shlàinte.

## SALM XCII.

*Salm no laoidh air son latha na sàbaid.*

**I**S maith an nì buidheachas a thabhairt do'n Tighearna, agus cliù a thabhairt do t'ainmsa, O Thì a's airde;

2 Do chaoimhneas-gràidh<sup>8</sup> a chur an cèill anns a' mhaduinn, agus t'fhirinn gach oidhche,

3 Air inneal-ciùil nan deich teud, agus air an t-saltair; air a' chlàrsaich le fuaim fhoannmhoir aird<sup>9</sup>.

4 Oir rinn thu mi aoiblinn, a Thighearna, trid t'òibre-sa; ann an giùmharaidh do làmh nì mi gairdeachas.

5 Cia mòr do ghnìomhara-sa, a Thighearna! ro-dhomhainn tha do smuaint.

6 Cha'n eòl do'n amhlair<sup>10</sup>, agus cha tuig an t-amadan so.

7 An uair a chinneas na h-aingidh mar fheur, agus a thig uile luchd-dheanamh

na h-euceirt fo bhlàth, *bithidh*<sup>11</sup> iad air an sgrios ann fcasd.

8 Ach a ta thusa ro-ard gu sìorruidh, a Thighearna.

9 Oir feuch, do naimhdean, a Thighearna, oir feuch, do naimhdean, sgriosar iad: sgapar uile luchd-dheanamh na h-euceirt.

10 Ach mar adharc buabhuill<sup>12</sup> ardaichidh tu m'adharc-sa: ungar mi le h-oladh ùir.

11 Agus amhaireidh mo shùil air m'eas-cairdibh<sup>13</sup>; mu na droch dhaoineibh a dh'éireas suas a'm' aghaidh cluinidh mo chluasan.

12 Mar chrann-pailme, thig am firean fo bhlàth<sup>14</sup>; mar sheudair air Lebanon, fà-aidh e suas.

13 Iadsan a shuidhichear ann an tigh an Tighearna, ann an cùirtibh ar Dé-ne thig iad fo bhlàth:

14 Fathast nan sean aois bheir iad a mach toradh; sultmhor<sup>15</sup> agus ùr<sup>16</sup> bithidh iad.

15 A chum gu nochd iad gu bheil an Tighearna, mo charraig, cothromach, agus nach 'eil euceart ann.

## SALM XCIII.

**T**HA'N Tighearna a' rioghachadh, tha e air a sgeadachadh le mòralachd; tha'n Tighearna air a sgeadachadh le neart, agus chioslaich se e fein: tha'n saoghal mar an ceudna air a dhaingneachadh, chum nach gluaisear e.

2 Dhaingnicheadh do righ-chaitheir o chian: o shiorruidheachd tha thusa.

3 Thog na tuitte suas, a Thighearna, thog na tuitte suas an guth: togaidh na tuitte suas an tonna.

4 Os cionn toirme<sup>17</sup> uisgeacha lìonmhor, os cionn thionn neartmhor na mara, is neartmhor<sup>18</sup> anns na h-ardaibh<sup>19</sup> an Tighearna.

5 Tha do theisteis<sup>20</sup> ro-fhìor: do d' thighsa is iomchuidh naomhachd, a Thighearna, gu bràth.

## SALM XCIV.

**A**DHE, an dioghaltas<sup>21</sup>, a Thighearna Dhé an dioghaltas, dealraich a mach.

2 Ardaich thu fein, a Bhreitheimh na talmhainn; ioc luigheachd<sup>22</sup> do na h-uaidhrich.

3 Cia fhad a nì na h-aingidh, a Thighearna, cia fhad a nì na h-aingidh caitheir?

4 Cia fhad a bhrùchdas iad briathra, a labhras iad nithe cruaidhe? a bhios uile luchd-dheanamh an uile ri ràiteachas?

5 A bhruthas iad do shluagh, a Thighearna, agus a chlaoidheas iad t'òighreachd?

6 A mharbhas iad a' bhantrach agus an coigreach, agus a mhortas iad na dilleachdain?

<sup>1</sup> a iteich. <sup>2</sup> duais, tuarasdál. <sup>3</sup> neach a's e mo thearmunn. <sup>4</sup> do d' phuillinn. <sup>5</sup> Air an làmbaibh. <sup>6</sup> sachal. Eabh. <sup>7</sup> Le saoghal fada. <sup>8</sup> do thròcair. <sup>9</sup> Hìgaion. Eabh. <sup>10</sup> do'n àmuidh, do'n duine bhrùideil. <sup>11</sup> is ann a chum gu'm bi. <sup>12</sup> aon-adharcaich, gròin-adharcaich.

<sup>13</sup> air crìoch m' eascairdean. <sup>14</sup> bithidh piseach air, soirbhlichidh leis an flùran. <sup>15</sup> brìghmhor, sughmhor. <sup>16</sup> uaine. <sup>17</sup> ghuth. <sup>18</sup> mòralach, uamhasach. <sup>19</sup> anns an ionad ard. <sup>20</sup> t'fhiann-uiscean. <sup>21</sup> d'am buin dioghaltas. <sup>22</sup> luagh-eachd, duais.



7 Agus a their iad, Cha'n fhaic an Tighearn, agus cha d'thoir Dia Iacuib fa'near e.

8 Tuigibh, sibhse amhlairean<sup>1</sup> am measg an t-sluaigh; agus amadana, c'uin a bhios sibh glic?

9 An ti a shuidhich a' chluas, nach cluinn e? an ti a dhealbh an t-sùl, nach faic e?

10 An ti a smachdaicheas na fineacha<sup>2</sup>, nach cronuich e? an ti a theagaisgeas eòlas do'n duine, nach 'eil eòlas aige?

11 Is fiosrach an Tighearn air smuaintibh dhaoine, gur dìomhanas iad.

12 Is beannuichte an duine a smachdaicheas tusa, a Thighearn, agus a theagaisgeas tu as do lagh:

13 Chum fois a thabhairt da o laithibh an uilc<sup>3</sup>, gus an cladhaichear slochd do'n aingidh.

14 Oir cha tilg Dia dheth a shluagh, agus cha tréig e 'oighreachd féin;

15 Ach pillidh breitheanas ri ceartas, agus leanaidh iadsan uile a tha ionraic<sup>4</sup> nan cridhe e.

16 Cò dh'éireas leam an aghaidh luchd-deanamh an uilc? cò sheasas air mo shon an aghaidh luchd-deanamh na h-aingidheachd?

17 Mur biodh an Tighearna 'gam chuid-eachadh, is beag nach robh m'anam na thàmh gu tosdach<sup>5</sup>?

18 'Nuair a thubhairt mi, Tha mo chos air sleamhnachadh uam, chum do thròcair, a Thighearna, suas mi.

19 Ann an lìonmhoireachd mo smuaintean taobh a stigh dhìom, thug do chomhfhurtachd sa sòlas do m'anam.

20 Am bi comunn riutsa aig rìgh-chaithir na h-euceirt, a dhealbhas aimhleas le reachd?

21 Cruinnichidh iad le chéile an aghaidh anama an fhàirein, agus tididh iad fuil neo-chiontach.

22 Ach is e'n Tighearna mo dhaingneach; agus is e mo Dhia carraig mo dhòchais<sup>6</sup>.

23 Agus dìolaidh e orra féin an euceart, agus nan aingidheachd féin gearraidh e as iad; gearraidh an Tighearn ar Dia as iad.

## S A L M XCV.

**T**HIGIBH, seinneamaid do'n Tighearna; togamaid iolach do charraig ar slàinte.

2 Thigeamaid na fhianuis le buidheachas, agus le salmaibh togamaid còl dha gu suilbhreach:

3 Oir is Dia mòr an Tighearn, agus is Rìgh mòr e os cionn nan uile dhé.

4 Na làimh-san tha doimhneachda na talmbhainn; agus is leis airde<sup>7</sup> nam beann.

5 Is leis an fhaire, oir is e a rinn i;

agus dhealbh a làmhan an talamh tioram.

6 O thigibh, sleuchdamaid, agus cromamaid sìos; tuiteamaid air ar gluinibh am fianuis an Tighearna a rinn sinn:

7 Oir is esan ar Dia, agus is sinne sluagh 'ionaltraidh-san, agus caoraich a laimhe.

8 An diugh na dh'éisdeas sibh r'a ghuth, na cruaidhichibh bhuir cridhe, mar anns a' chonsachadh<sup>8</sup>, mar ann an latha a' bhuaireidh<sup>9</sup>, anns an fhàsach;

9 'Nuair a bhuair bhuir n-aithriche mi, a dhearbhadh iad mi, agus a chumnaic iad m'òibre rè dhà fhichead bliadhna<sup>10</sup>.

10 Chuireadh campar orm leis a' ghinealach ud, agus thubhairt mi, Is sluagh seacharanach nan cridhe iad, agus cha'n aithne dhoibh mo shlighean:

11 D'an d'thug mi mo mhionnan a'm' fheirg, nach rachadh iad a steach a'm' fhois.

## S A L M XCVI.

**C**ANAIBH do'n Tighearn laoidh<sup>11</sup> nuadh; canaibh do'n Tighearn, a threan uile.

2 Canaibh do'n Tighearna, beannuichibh 'ainm; foillsichibh o là gu là a shlàinte.

3 Cuiribh an céill am measg nan cinn-each a ghloir, am measg gach sluaigh 'iongantais-san.

4 Oir is mòr an Tighearn, agus is ro-airidh e air cliù: is aobhar eagail esan os cionn nan uile dhé:

5 Oir is iodhoil<sup>12</sup> uile dhée nan cinneach: ach is e'n Tighearn a rinn na nèamha.

6 Tha urram agus mòralachd na fhianuis: neart agus maise na ionad naomh.

7 Thugaibh do'n Tighearna, sibhse fhin-eacha nan sluagh; thugaibh do'n Tighearna glòir<sup>13</sup> agus neart.

8 Thugaibh do'n Tighearn a' ghloir a's cubhaidh d'a ainm: thugaibh tabhartas-leibh, agus thigibh a steach d'a chùirtibh.

9 Sleuchdaibh do'n Tighearn ann am maise na naomhachd; biodh eagal oirbh na fhianuis, gach uile thir.

10 Abraibh am measg nan cinneach, Tha'n Tighearn a' rìoghachadh: mar an ceudna daingnichear an domhan, chum nach gluaisear e: bheir e breth air na slòigh le ceartas.

11 Biodh na nèamhan aoibhneach, agus deanadh an talamh gairdeachas; beucadh an fhaire, agus a làn.

12 Biodh a' mhachair ait, agus gach nì a ta innte: an sin deanadh uile chranna na coille luath-ghaire,

13 An làthair an Tighearna; oir tha e a' teachd, oir tha e a' teachd a thoirt breth air an talamh: bheir e breth air an t-saoghal le ceartas, agus air na slòigh le fhìrinn.

<sup>1</sup> a dhaoine baoghaltu, brùideil. <sup>2</sup> cinnich. <sup>3</sup> amhghair. <sup>4</sup> dìreach. <sup>5</sup> san uagh. <sup>6</sup> mo gharraig dhionaidh. <sup>7</sup> neart. <sup>8</sup> chomh-strì.

Meribah. Eabh. <sup>9</sup> Masah. Eabh. <sup>10</sup> Faic. Eabh. Caib. III. r. 9. <sup>11</sup> òran. <sup>12</sup> dealbh. <sup>13</sup> urram.

## SALM XC VII.

**T**HA'N Tighearn a' rioghachadh; biodh aiteas air an talamh: deanadh na h-eileana lionmhoir gairdeachas.

2 Tha neoil agus dorchadas m'a thimchioll: is iad ceartas agus breitheanas aite-còmhnuidh a righ-chaitheach.

3 Thèid teine roimhe, agus loisgidh e suas a naimhdean air gach taobh<sup>1</sup>.

4 Shòillsich a dhealanaich an cruinne-cé; chunnaic, agus chrìochnaich an talamh.

5 Leagh na beannta as mar chéir o làthair an Tighearna, o làthair Thighearna na talmhainn uile.

6 Cuiridh na nàmhada an céill a cheartas, agus chì gach sluagh a ghloir.

7 Bithidh<sup>2</sup> amhluaith orrasan uile a ni seirbheis do dhealbhaibh snaidhte, a ni uail a h-ìodholaibh: sleuchdaibh dha, a dhé uile.

8 Chuala Sion, agus bha aoibhneas oirre, agus rinn nigheana Iudah gairdeachas, air son do bhreitheanas, a Thighearna.

9 Oir a ta thusa, a Thighearn, ar os cionn na talmhainn uile; tha thu air t'ardachadh gu mòr os cionn nan uile dhé.

10 Sibhs e a ghràdhachas an Tighearna, fuathaichibh oir: gleidhidh e anama a naomh; a làimh nan aingidh saoruidh e iad.

11 Dh'éirich<sup>3</sup> solus do'n fhìrean, agus aoibhneas dhoibhsan a tha ionraic nan cridhe.

12 Biodh aoibhneas<sup>4</sup> oirbh, fhìreana, anns an Tighearna; agus thugaibh buidheachas ri cuimhneachadh air a naomhachd.

## SALM XCVIII.

*Salm.*

**O** SEINNIBH do'n Tighearna laoidh<sup>5</sup> nuadh, oir rinn e nìhe iongantach: dh'oibrich a dheas làmh agus a ghairdean naomh slàinte dha<sup>6</sup>.

2 Thaisbein an Tighearn a shlàinte; an sealladh nan cinneach dh'fhòillsich e 'fhìreantachd.

3 Chuimhnich e a thròcair agus 'fhìrinn do theaghlach Israeil; chunnaic uile chrìocha na talmhainn slàinte ar Dé.

4 Togaibh iolach ait do'n Tighearn, a thìrean uile<sup>7</sup>: togaibh bhuir guth, deanaibh gairdeachas, agus seinnibh cliu.

5 Seinnibh do'n Tighearn le clàrsaich; le clàrsaich agus guth sailme.

6 Le trompaidibh agus guth na h-adhairce<sup>8</sup>, togaibh iolach ait an làthair an Rìgh Iehobhah.

7 Beucadh an fhairege agus a làn, an saoghal agus iadsan, a tha nan còmhnuidh ann.

8 Buailleadh na tuitlean am bosa; cuid-eachd deanadh na beannta luath-ghaire,

<sup>1</sup> mu'n cuairt. <sup>2</sup> Biodh. <sup>3</sup> Chuireadh, Shìol-chuireadh.

<sup>4</sup> aiteas gairdeachas. <sup>5</sup> òran. <sup>6</sup> thug a dheas-làmh agus a ghairdean naomh buaidh a mach dha. Faic Isaiah Caib. LXIII. r. 5. <sup>7</sup> uile luchd-àiteach-

9 An làthair an Tighearna; oir tha e a' teachd a thabhairt breith air an talamh; bheir e breith air an t-saoghal am fireantachd, agus air na slòigh an ceartas.

## SALM XCIX.

**T**HA'N Tighearn a' rioghachadh; crìoth-nuicheadh na slòigh: tha e na shuidhe eadar cheruban; biodh crith air an talamh.

2 Tha'n Tighearna mòr ann an Sion, agus tha e ar os cionn gach sluagh.

3 Moladh iad t'ainm mòr agus uamhasach: is naomha e.

4 Agus is toigh leis an Rìgh chumhachdach<sup>9</sup> breitheanas: is tu a shocrùicheas a chòir; ni thusa breitheanas agus ceartas ann an Iacob.

5 Ardaichibh an Tighearn ar Dia, agus sleuchdaibh aig stòl a chos: is naomha esan.

6 Bha Maois agus Aaron am measg a shagart, agus Samuel nam measg-san a ghairm air 'ainm: ghairm iadsan air an Tighearn, agus fhreagair esan iad.

7 Am badeal<sup>10</sup> neoil labhair e riu: ghléidh iad a theisteis, agus an rcachd a thug e dhoibh.

8 A Thighearn ar Dia, fhreagair thusa iad: is tu an Dia a thug maithneas dhoibh, ge do rinn thu dioghaltas air son an gnìomhara<sup>11</sup>.

9 Ardaichibh an Tighearn ar Dia, agus sleuchdaibh aig a shliabh naomha: oir is naomh an Tighearn ar Dia.

## SALM C.

*Salm molaidh.*

**T**OGAIBH iolach ait do'n Tighearn, a thìrean uile.

2 Deanaibh seirbhis do'n Tighearna le h-aoibhneas, thigibh na fhianuis le luath-ghaire<sup>12</sup>.

3 Biodh fios agaibh gur e'n Tighearn a's Dia ann: is e a rinn sinn, agus cha sinn féin; is sinn a shluagh, agus caoraich ion-altraidh-san.

4 Thigibh a steach na gheataibh le buidheachas, na chùirtibh le moladh; thugaibh buidheachas dha, beannuichibh 'ainm.

5 Oir thu'n Tighearna maith; moiridh a thròcair gu bràth, agus 'fhìrinn o linn gu linn.

## SALM CI.

*Salm le Daibhidh.*

**M**U thròcair agus breitheanas canaidh mi: dhuitse, a Thighearna, scinnidh mi.

2 Iomchairidh mi mi féin gu glic air slighe ionraic<sup>13</sup>; O c'uin a thig thu a'm' ionnsuidh<sup>14</sup>? gluaisidh mi ann an ionracas mo chridhe am meadhon mo thighe.

3 Cha chuir mi ni ole sam bith fa chomh-

aith na talmhainn. <sup>8</sup> a' bhuabhuill, na gall-truimp; cornet. Sarg. <sup>9</sup> le neart an Rìgh. Eabh. <sup>10</sup> stac, meall, uaithe. <sup>11</sup> an innleuchda. <sup>12</sup> le sonn ait. <sup>13</sup> fhoirfe, iomlaine. <sup>14</sup> 'nugair a thig thu am' ionnsuidh.



air mo shùl: is fuathach leam obair luchd-eusaontais; cha lean i rium.

4 Triallaidh cridhe iargalt<sup>1</sup> uam; air an daoi<sup>2</sup> cha chuir mi eòlas.

5 An ti gu dìomhair a bheir beum d'a choinhearsnach, esan gearraidh mi as; an ti aig am bheil sealladh ard, agus cridhe uaibhreach, esan cha'n fhuiling mi.

6 Bithidh mo shùilean air fireanaibh na tìre, chum gu gabh iad còmhnuidh leam: esan a ghluaiseas ann an slighe ionraic, ni e seirbhis dhomh.

7 Cha ghabh fear-deanamh ceilge còmhnuidh ann am thigh; cha'n fhuirich fear-labhairt bhreug fa chomhair mo shùil.

8 Gu moch gearraidh mi as uile dhroch dhacine na tìre; chum gu sgath mi as o chathair an Tighearna<sup>3</sup> uile luchd-deanamh an uile.

## SALM CII.

*Urnuigh air son duine thruaigh 'nuair a bhios e air a shàruchadh, agus a thaomas e a ghearan an làthair an Tighearn.*

**A** THIGHEARN, éisd ri n'urnuigh, agus thigeadh mo ghlaodh a d'ionnsuidh.

2 Na foluich do ghnùis uam ann an latha mo theinn: aon do chluas rium san là air an gairm mi ort; éisd rium gu grad.

3 Oir tha mo laithean air teireachdainn mar dheataich, agus tha mo chnànanan air an losgadh mar theinntin<sup>4</sup>.

4 Tha mo chridhe air a bhualadh, agus air scargadh mar fheur; air chòr as nach cuimhne leam m'aran itheadh.

5 Le guth m'osnaich, lean mo chnànanan ri m'fheoil<sup>5</sup>.

6 Tha mi cosmhuil ri pelican an fhàs-aich; tha mi mar chomhachaig<sup>6</sup> nan ionad aonaranach.

7 Tha mi ri faire, agus tha mi mar cun<sup>7</sup> na aonar air mullach tìghe.

8 Air feadh an latha tha mo naimhde gam' mhasluchadh; agus iadsan a tha air boile rium, mhionnaich iad a'm' aghaidh<sup>8</sup>.

9 Oir dh'ith mi luath mar aran, agus mheasg mi mo dheoch le m' dheuraibh<sup>9</sup>.

10 Trid do chorruich agus t'fheirge; oir thog thu mi suas, agus leag thu mi sìos.

11 Tha mo laithean, mar sgàile, ag aomadh sìos; agus tha mi féin, mar fheur, air seargadh.

12 Ach mairidh tusa, a Tighearna, gu bràth, agus do chuimhne o linn gu linn.

13 Eiridh tusa, nì thu trócair air Sion; oir tha 'n t-àm gu deadh-ghean<sup>10</sup> a nochdadh dh'i, seadh, an t-àm suidhichte air teachd.

14 Oir tha do sheirbhisich a' gabhail

tlachd na clachaibh, agus tha deadh rùn aca d'a luaithe.

15 Mar sin bithidh eagal air na cinnich roimh ainm an Tighearna, agus air uile rìghribh na talmhainn roimh a' ghlòir.

16 An uair a thogas an Tighearna suas Sion, chithear e na ghlòir.

17 Bheir e 'n aire do ùrnuigh nan dìobarach<sup>12</sup> agus cha deam e tàir air an ath-chuinge.

18 Scriobhar so do'n àl ri teachd; agus molaich an sluagh a ghinear<sup>13</sup> an Tighearna.

19 Oir dh'ambhairc e nuas o airde a naomhachd<sup>14</sup> féin; o na nèamhaibh sheall an Tighearn air an talamh.

20 A chluinntin osnaich a phriosunaich<sup>15</sup>, chum fuasgladh orra-san a dh'òrduicheadh chum bàis<sup>16</sup>;

21 Chum ainm an Tighearna chur an cèill ann an Sion, agus a chliu ann an Ierusalem;

22 An uair a cluinnichear na slòigh le chèile, agus na rìoghachda, gu seirbhis a dheanamh do'n Tighearna.

23 Chlaoidh e anns an t-slighe mo neart; ghiorraich e mo laithean.

24 Thubhairt mi, Mo Dhia, na tabhair air falbh mi ann am meadhon mo laithean: tha do bhliadhanan-sa air feadh nan uile linn.

25 O chian<sup>17</sup> leag thu bunaite na talmhainn; agus is iad na nèamha obair do lamha.

26 Théid as doibhsan<sup>18</sup>, ach nairidh tusa: fàsaich iadsan uile sean mar eudach; mar thrusgan caochlaidh tu iad, agus bithidh iad air an caochladh<sup>19</sup>.

27 Ach is tusa an Tì ceudna, agus cha chrìochnuichear do bhliadhanan.

28 Mairidh clann do sheirbhiseach, agus daingnichear an sliochd a'd' fhianuis.

## SALM CIII.

*Salm le Daibhidh.*

**B**EANNUICH an Tighearn, O m'anam; agus mola<sup>20</sup>dh gach nì, a ta'n taobh a stigh dh'om, 'ainm naomha-san.

2 Beannuich an Tighearn, O m'anam; agus na di-chuimhnich a thiodhlacan uile.

3 'Se mhaithreas dhuit do pheacanna gu léir, a shlànuicheas t'euslaintean<sup>21</sup> uile;

4 A shaoras do bheatha o sgrios<sup>22</sup>, a chrùnas tu le caoimhneas-graidh agus caomh thròcairibh;

5 A shànuicheas do bheul le nithibh maithre, air chor as gun ath-nuadhaichear t'òige, mar òige na h-ìolaire.

6 Nì an Tighearna ceartas agus breith-eanas dhoibhsan uile a tha air an sàruchadh<sup>23</sup>.

<sup>1</sup> reasgach, ara-mèineach. <sup>2</sup> an droch dhuine.

<sup>3</sup> o mhor-bhaile an Tighearna. <sup>4</sup> theallach.

<sup>5</sup> ri m' chraicinn. <sup>6</sup> chaillick-oidhche.

<sup>7</sup> gheallbhom. <sup>8</sup> orm. <sup>9</sup> le gul. <sup>10</sup> gràs.

<sup>11</sup> da. <sup>12</sup> nan daoine bochd, lom.

<sup>13</sup> a chruthaichear. <sup>14</sup> ionaid naomha.

<sup>15</sup> osnaidh a chimich.

<sup>16</sup> air clann a' bhàis.

<sup>17</sup> An toiseach, air rùs.

<sup>18</sup> Teirgidh iadsan.

<sup>19</sup> air am mùthadh, air an atharrachadh.

<sup>20</sup> eucaillean. <sup>21</sup> o'n t-sliochd, Eabh.

<sup>22</sup> fo fhòirneart.

7 Dh'fhoillsich e a shlighean do Mhaois, a ghnìomhara do chloinn Israeil.

8 Is tròcaireach agus is gràsmhor an Tighearn, mall chum feirge, agus pailt ann an caoimhneas-gràidh<sup>1</sup>.

9 Cha chruinich e gu sìorruidh, agus cha ghleidh e 'fhearg gu bràth.

10 A réir ar peacanna cha d'rinn e oirnn, agus a réir ar n-eucearta cha d'thug e luigheachd dhuinn.

11 Oir mar a ta na nèamhan ard<sup>2</sup> os cionn na talmhainn, mar sin a ta a thròcair<sup>3</sup> mòr d'an taobh-san d'an eagal e.

12 Co fhad as a ta 'n aird an car o'n aird an iar, cò fhad as sin chuir e uainn ar n-eusaontais.

13 Mar a ghabhas athair truas d'a chloinn, gabhaidh an Tighearna truas dhiuthsan d'an eagal e.

14 Oir is aithne dha ar dealbh; is cuimhne leis gur duslach sinn.

15 An duine, mar fheur *tha* a laithean; mar bhlàth na macharach, mar sin fàsaidh e fo bhlàth.

16 Oir gabhaidh a' ghaoth thairis, agus cha *bhi* e ann; agus cha'n aithnich 'ionad féin e ni's mò.

17 Ach *a ta* tròcair an Tighearna o shìorruidheachd orrasan d'an eagal e, agus 'fhìreantachd do chloinn an cloinne;

18 Dhoibhsan a chumas a choimhcheangal, agus a chuimhnichas àitheanta, chum an deanamh.

19 Shocruidh an Tighearn a rìgh-chaitheir anns na neamhaibh; agus tha a rìoghachd a' riaghladh os cionn nan uile.

20 Beannuichibh an Tighearna, sibhse 'aingle, treun an neart, a' deanamh 'iarrtuis, ag èisdeachd ri fuaim 'fhocail<sup>4</sup>.

21 Beannuichibh an Tighearn, a shlòigh uile, sibhse a luchd-frithealaidh a ni a thoil.

22 Beannuichibh an Tighearn, 'oibre uile, anns gach àit d'a thighearnas: beannuich an Tighearn, O m'anam!

## SALM CIV.

**B**EANNUICH an Tighearn, O m'anam!

A Thighearna mo Dhia, tha thusa romhòr; le h-urram agus mòralachd<sup>5</sup> tha thu air do sgeadaachadh.

2 *Tha* thu a' cur soluis umad mar thrusgan, a' sìnadh a mach nan nèamh mar chùrtein.

3 Tha e a' leagadh sailthean a sheòmar anns na h-uisgibh, a' deanamh nan neul nan carbad dha féin, a' siubhal air sgiath-airoiche; gaoithe;

4 A' deanamh 'aingle nan spioradaibh, a luchd-frithealaidh nan teine lasrach<sup>6</sup>.

5 Shuidhich e an talamh air a bhu-

naitibh, chum nach gluaisteadh e gu bràth.

6 Leis an doimhneachd, mar le trusgan, chòmhdaich<sup>7</sup> thu e: sheas na h-uisgeacha os cionn nam beann.

7 O t'achumhasan-sa theich iad, o ghuth do thairneanaich ghreas iad rompa.

8 Chaidh iad suas ri taobh nam beann; eaidh iad sìos air feadh nan gleann do'n àit a dh'orduich thusa dhoibh.

9 Shuidhich thu crìoch air nach d'théid iad thairis; chum nach pill iad a ris a chòmhhdachadh<sup>8</sup> na talmhainn.

10 *Tha* e a' cur thobar anns na gleann-taibh, a tha a' ruith air feadh nam beann.

11 Bheir iad deoch do uile bheathaichibh na machrach: coisgidh na h-asail fhiadh-aich an iotadh<sup>9</sup>.

12 Am fagus doibh còmhnuichidh eun-laith nan speur, a bhios a' seinn am measg nan geug.

13 Uisgichidh e na beannta o 'sheòmarraibh: le toradh a<sup>10</sup> ghnìomh sàsuichear an talamh.

14 Bheir e air feur fàs do'n spréidh, agus air luibh chum seirbhis<sup>11</sup> an duine, chum aran a thabhairt as an talamh,

15 Agus fion a ni cridhe an duine subhach, oladh a ni a ghnùis dealrach, agus aran a neartaicheas eridhe an duine.

16 Tha craobhan an Tighearna làn brìghe, seudair Lebanoin a shuidhich e:

17 Far an dean na h-coin an nid; aig an store<sup>12</sup> *tha* na craobhan giuthais<sup>13</sup> mar ionad-tàimh.

18 *Tha* na beanntan ard nan tearmunn do na gabhair fhiadhaich; na creagan do na coineanaibh<sup>14</sup>.

19 Rinn e a' ghealach air son aimsirean; is aithne do'n ghréin mar a huidheas i.

20 Nì thu dorchadas, agus tha'n oidhche ann: an sin snàigidh uile bheathaiche na coille mach.

21 Beucaidh na leòmhain óg air son cobhartaich, agus ag iarraidh am bìdh air Dia.

22 Eiridh a'ghrian, cruinnichidh iad le chèile, agus nan àitibh-tàimh luidhidh iad.

23 Théid an duine mach gu 'obair, agus gu 'shaothair gu fcasgar.

24 Cia lìonmhor 'oibre, a Thighearn! ann an gliocas rinn thu iad gu léir: tha'n talamh làn le d' shàibhreas;

25 Mar an ceudna an cuan so a ta mòr agus farsaing, anns am bheil creutairean snàigeach<sup>15</sup> gun àireamh, araon beathaichean beag agus mòr.

26 An sin siubhlaidh na longa; agus an

<sup>1</sup> tròcair. <sup>2</sup> a réir airde nan nèamh. <sup>3</sup> a ghràs, a chaoimhneas gradhach. <sup>4</sup> guth 'fhocail. <sup>5</sup> glòir. <sup>6</sup> A' deanamh a theach-  
daircan do na gaothaibh, a luchd-frithealaidh

do'n teine lasrach. <sup>7</sup> dh'fholuich. <sup>8</sup> a dh'fholach. <sup>9</sup> an tart, am pathadh. <sup>10</sup> do.  
<sup>11</sup> feuma. <sup>12</sup> a' chorra-bhàin. <sup>13</sup> giuthais.  
<sup>14</sup> sapan. Eabh. <sup>15</sup> snàigheach, gluasadaich.



Lebbhian sin, a dhealbh thu gu sùgradh ann.

27 Feithidh iad sin uile ortsa, chum gu'n tabhair thu dhoibh am biadh na thràth.

28 Bheir thusa dhoibh, cruinnichidh iadsan; fosgailidh tu do làmh, sàsuichear iad le maithe.

29 Foluichidh tu do ghnùis, bithidh iad fa amhladh; bheir thu uatha an deò, eugaidh iad, agus pillidh iad ri'n ùir.<sup>1</sup>

30 Cuiridh tu mach do spiorad, cruthaichear iad; agus ath-nuadhaichidh tu aghaidh na talmhainn.

31 Mairidh glòir an Tighearna gu bràth; nì an Tighearna gairdeachas na oibribh.

32 Seallaidh e air an talamh, agus criothnuichidh e; beanaidh e ris na beanntaibh, agus bithidh deatach dhiubh.

33 Seinnidh mise do'n Tighearna an cian is beo mi; canaidh mi moladh do m' Dhia fhad's a bhios bith agam.

34 Bithidh mo smuaintean air milis<sup>2</sup>; nì mi gairdeachas anns an Tighearna.

35 Sgriosar peacaich a mach as an talamh, agus cha bhi<sup>3</sup> na h-aingidh ann nì's mò. Beannaich an Tighearna, O m'anam. Molaibhse an Tighearna.

## SALM CV.

**T**HUGAIBH buidheachas<sup>4</sup> do'n Tighearna; gairnibh air 'ainm; foillsichibh<sup>5</sup> am measg nan sluagh a ghnìomhara.

2 Seinnibh dha; seinnibh sailm dha; labhraibh air 'oibribh iongantach-san gu léir.

3 Deanaibh uaill as 'ainm naomha-san; biodh gairdeachas air cridhe na droinge a dh'iarraas an Tighearna.

4 Iarraibh an Tighearna agus a neart; iarraibh a ghnùis a ghuàth.

5 Cuimhnichibh 'oibrean iongantach a rinn e, a chomharan<sup>6</sup> agus breitheanais a bhèil.

6 Osibhse a shliochd Abraham 'òglaich-san, sibhse a chlann Iacoib a dhaoine taghta-san.

7 Is esan an Tighearna ar Dia-ne; air feadh na talmhainn uile tha a bhreitheanais.

8 Chuimhnich e gu sìorruidh a choimheangal, am focal a dh'orduich e do mhìle ginealach;

9 A rinn e ri h-Abraham, agus a mhionn-an do Isaac:

10 Agus dhaingnich e sin do Iacob mar reachd<sup>7</sup>, do Israel mar choimheangal bith-bhuan,

11 Ag ràdh, Dhuitse bheir mi fearann Chanaan, crannchur bhuir n-oighreachd.

12 An uair nach robh iad ach ro-thearc an àireamh, agus nan coigrich ann,

13 Agus a chaidh iad o chinneach<sup>8</sup> gu cinneach, o rìoghachd gu sluagh eile;

14 Cha do leig e le duine sam bith eucóir a dheanamh orra, agus smachdaich e rìglirean air an son:

15 Ag ràdh, Na beanaibh ri m' dhaoineibh ungta, agus air m'fhàidhibh na dean-aibh cron.

16 Agus ghairm e gorta air an tìr; bhris e uile lorg an arain.

17 Chuir e duine rompa, Ioseph, a reiceadh mar thràill.

18 Le geimhlìbh dhochainn iad a chosan; chuireadh an iarrunn e gu teann;

19 Gu ruig an t-àm anns an d'fhàinig a bhriathar: dhearbhaigh focal an Tighearna e.

20 Chuir an rìgh teachduire uaithe, agus dh'fhuasgail e air; uachdaran an t-sluaigh, agus leig e saor as e.

21 Rinn se e na thighearna air a -thigh, agus na uachdaran os cionn a mhaoinn uile:

22 Chum gu'n ceangladh e 'ard-cheannardan a réir a thoile, agus gu'n deanadh e sheanairean glie.

23 Agus thàinig Israel do'n Eiphit, agus bha Iacob air chuairt ann an tìr Cham<sup>9</sup>.

24 Agus thug e air a shluagh fàs rìonmhor, agus rinn e nì bu treise iad na'n naimhdean.

25 Dh'iompoich e an cridhe gu fuath a thoirt d'a shluagh, agus gu buntainn gu cealgach r'a sheirbhisich.

26 Chuir e d'an ionnsuidh Maois 'òglach fèin, Aaron a thagh e.

27 Nochd iad a chomharan nam measg, agus a bheartan iongantach ann an tìr Cham.

28 Chuir e mach dorchadas, agus bha dorchadas ann<sup>9</sup>: agus cha d'rinn iad ceann-airc an aghaidh 'fhocail.

29 Thionndaidh e an uisgeacha gu fuil, agus mharbh e an iasg.

30 Thug an tìr a mach losgann<sup>10</sup> gu pailt, ann an seòmraichibh an rìghre.

31 Labhair e<sup>11</sup>, agus thàinig iomadh gnè chuileag<sup>12</sup>, agus nìalan nan crìochaibh uile.

32 Air son an uisge thug e dhoibh clach-mheallain<sup>13</sup>, agus teime lasrach<sup>14</sup> nan tìr.

33 Agus bhuail e an croinn-fhìona agus an croinn-fhìge; agus bhris e craobhan an crìoch.

34 Labhair e, agus thàinig locuist, agus burruis, agus sin gun àireamh;

35 Agus dh'ith iad gach luibh nan tìr; agus dh'ith iad meas<sup>15</sup> am fearainn.

36 Agus bhuail e gach ceud-ghnì nan tìr, toiscach an neirt uile.

37 Agus thug e mach iad le h-airgiod agus le h-òr: agus nan treubhaibh uile cha robh aon neach lag.

<sup>1</sup> duslach, luathre.

<sup>2</sup> mo smuainte tait-

neach dha.

<sup>3</sup> na biodh.

<sup>4</sup> moladh, cliu.

<sup>5</sup> deanaibh aithneichte.

<sup>6</sup> iongantasan.

<sup>7</sup> lgh.

<sup>8</sup> Ham.

<sup>9</sup> dhorchaidh e.

<sup>10</sup> bhrùchd an

talamh a mach losgann.

<sup>11</sup> Dh'athin e.

<sup>12</sup> sgaoth chuileag.

<sup>13</sup> clath-shneachd.

<sup>14</sup> teime

deulanaich.

<sup>15</sup> toradh.

38 Bha aoibhneas air an Eiphit an uair a chaidh iad a mach; oir thuit an eagal-san orra.

39 Sgaioile neul mar chòmhdach<sup>1</sup>, agus teine gu solus a thoirt san oidhche.

40 Dh'iarr iad, agus thug e *dhoibh* gearra- goirt; agus le h-aran nèimhe shàsuich e iad.

41 Dh'fhosgail e a' chreag, agus bhrùchd uisgeacha mach; ruith iad air na h-ionad- aibh tiorma mar abhuinn.

42 Oir chuimhnich e a ghealladh naomha do Abraham a sheirbhiseach.

43 Agus thug e mach a shluagh le h-aoibhneas, a dhaoine taghta le gaird- eachas.

44 Agus thug e *dhoibh* fearann nan cinneach; agus shealbhaich iad saothair nan sluagh.

45 Chum gu d'thugadh iad fa'near a reachdan, agus gu gleidheadh iad a lagh- anna. Molaibh an Tighearna.

SALM CVI.

**M**OLAIBH an Tighearn. O thugaibh buidheachas do'n Tighearn, oir *tha e* maith, oir gu bràth *mairidh* a thròcair.

2 Cò is urrainn gnìomhara treun an Tighearna a chur an cèill? cò is urrainn a chliu uile fhoillseachadh?

3 *Is* beannuichte iadsan a choimhideas<sup>2</sup> breitheanas, a ni ceartas anns gach àm.

4 Cuimhnich oirnn<sup>3</sup>, a Thighearna, leis an deadh-ghean, a *nochdas tu* do d' shluagh féin: O fiosaich sinn<sup>4</sup> le d' shlaointe:

5 Chum gu faic sinn<sup>5</sup> maith do dhaoine taghta, chum gu dean sinn aoibhneas ann an aoibhneas do chinnich; chum gu dean sinn uail le t'oghreachd-sa.

6 Pheacaich sinne le'r n-aithrichibh; rinn sinn gu h-olc, rinn sinn gu h-aingidh.

7 Cha do thuig ar n-aithriche<sup>6</sup> t'iongan- tais anns an Eiphit, cha do thuig iad lìon- mhoireachd do thròcairean, ach bhròsnuich iad *thu*<sup>7</sup> làimh ris a' mhuir, aig a' mhuir ruaidh.

8 Gidheadh theasairg e iad air sgàth 'ainme féin; chum gu nochdadh e a chumhachd.

9 Agus smachdaich e a' mhuir ruadh, agus thiormaicheadh i; agus thredraich e iad<sup>8</sup> trid nan doimhneachd, mar trid fàs- aich.

10 Agus theasairg e iad o làimh an ti a thug fuath *dhoibh*, agus shaor e iad o làimh an nàmhaid.

11 Agus dh'fholuich na h-uisgeacha an eascairde: cha d'fhàgadh aon diubh.

12 An sin chreid iad a bhriathran<sup>9</sup>, agus sheinn iad a chliu.

13 Gu luath dhi-chuimhnich iad a

ghnìomhara; cha d'fheith iad r'a chomh- airle.

14 Ach ghlac anamhiann iad<sup>10</sup> san fhàs- ach, agus bhuaireadh<sup>11</sup> iad Dia anns an ionad uaigneach.

15 Agus thug e *dhoibh* an iarttus, ach chuir e caoile<sup>12</sup> air an anam.

16 Agus ghabh iad farmad ri Maois anns a' champ, agus ri h-Aaron *sagart* naomh an Tighearna.

17 Dh'fhosgail an talamh, agus shluig e sìos Datan, agus dh'fholuicheadh cuideachd Abiram.

18 Agus las teine nan cuideachd; loisg an lasair suas na droch dhaoine.

19 Rinn iad laogh ann an Horeb, agus shleuchd iad<sup>13</sup> do'n dealbh leaghta.

20 Agus chaochail iad an g'òir gu cos- amhlachd daimh a dh'itheas fear

21 Dhi-chuimhnich iad Dia am Fear- saoraidh, a rinn nithe mòra anns an Eiphit.

22 Nithe iongantach ann an tìr Cham, nithe uamhasach aig a' mhuir ruaidh:

23 Uime sin thubhairt e gu'm milleadh<sup>14</sup> e iad, mur bhitheadh gu'n do sheas 'òglach taghta Maois fa chomhair annsa' bheirn<sup>15</sup> agus a chorruich a thionndadh uatha, chum nach sgriosadh e iad.

24 Agus rinn iad tarcuis air an tìr thait- nich: cha do chreid iad 'fhocal.

25 Agus rinn iad gearan nam bùthaibh<sup>16</sup>; agus cha d'èisd iad ri guth an Tighearna.

26 An sin thog e a làmh<sup>17</sup> nan aghaidh, a thoirt orra tuiteam anns an fhàsach,

27 Agus a thilgeadh sìos an sliochd ann measg nan cinneach, agus gu'n sgaioleadh air feadh nan tìr.

28 Mar an ceudna naisg iad iad féin ri Baal-peor, agus dh'ith iad ìobairte nam marbha.

29 Agus bhròsnuich iad e le'n gnìomh- araibh<sup>18</sup>; agus bhris a' phlàigh a steach orra.

30 An sin sheas Phinehas, agus chuir e breitheanas an gnìomh; agus choisgeadh a' phlàigh.

31 Agus mheasadh sin dhamar fhìreant- achd, o linn gu linn gu bràth.

32 Chuir iad fearg air mar an ceudna aig uisgibh Mheribah<sup>19</sup>; agus dh'èirich olc do Mhaois air an son.

33 Oir bhròsnuich iad a spiorad, air chor as gu'n do labhair e gu h-aithghearr le bhitibh.

34 Cha do sgrios iad na slòigh, mu'n d'thug an Tighearn àithne dhoibh;

35 Ach choimh-mheasg iad iad féin ann measg nan cinneach, agus dh'fhlòghluim iad an oibre.

<sup>1</sup> bhrat.

<sup>2</sup> ghlaidheas.

<sup>3</sup> orm.

<sup>4</sup> mi.

<sup>5</sup> mi

<sup>6</sup> Chu d'thug ar sinnseara fa'neur.

<sup>7</sup> bha iad ceannairceach.

<sup>8</sup> thug e orra

<sup>9</sup> imeachd.

<sup>10</sup> f'focal.

<sup>11</sup> amhiann.

<sup>12</sup> dhearbha.

<sup>13</sup> claidh, sgrios.

<sup>14</sup> rinn iad aoradh.

<sup>15</sup> sgriosadh.

<sup>16</sup> bheum.

<sup>17</sup> bhriseadh.

<sup>18</sup> pàilliuaidh, puhullaibh.

<sup>19</sup> mhionnaich e.

<sup>20</sup> innleachdaibh.

<sup>21</sup> na comh-stri.

<sup>22</sup> uisgibh



36 Agus rinn iad seirbhis d'an iòdhol-aibh<sup>1</sup>, a bha mar ribe dhoibh.

37 Agus dh'ìobair iad am mic agus an nigheana do dheamhnaibh,

38 Agus dhòirt iad fuil neo-chiontach, fuil am mac<sup>2</sup> agus an nighean, a dh'ìobair iad do iòdholail Chanaan: agus thruaill-eadh an tìr le fuil.

39 Agus rinneadh neo-ghlan iad le'n oibribh, agus chaidh iad air trìopachas le'n gnìomharaibh<sup>3</sup>.

40 Agus las fearg an Tighearna an aghaidh a shluaigh, agus ghabh e gràin d'a oighreachd.

41 Agus thug e suas iad do làimh nan cinneach; agus bha iadsan, a dh'fhuathaich iad, nan uachdarain os an cionn.

42 Agus shàruich an naimhdean iad; agus leagadh gu h-ìosal iad fo'n làimh.

43 Iomadh uair shaor e iad; ach bhros-nuich iad e le'n comhairlibh, agus thugadh sìos iad air son an ciunta.

44 Gidheadh thug e an àmhghar fa'near<sup>4</sup>, an uair a chual e an glodh.

45 Agus chuimhniche dhoibh a choimh-cheangal, agus ghabh e aithreachas a réir lìonmhoireachd a thròcaire<sup>5</sup>.

46 Agus fhuair e tras<sup>6</sup> dhoibh an sealladh na muinntir sin a thug leo nam braighdibh iad.

47 Saor sinn, a Thighearna ar Dia, agus tionail sinn o mheasg nan cinneach, chum buidheachas<sup>7</sup> a thabhairt do t'ainm naomha-sa, chum caitheamh<sup>8</sup> a dheanamh ann ad chliu.

48 Gu ma beannuichte an Tighearna Dia Israel o shìorruidheachd gu sìorruidheachd! agus abradh an sluagh uile, Amen. Molaibhse an Tighearna.

## SALM CVII.

**O** THUGAIBH buidheachas<sup>9</sup> do'n Tighearna, oir *tha e* maith, oir gu bràth *mairidh* a thròcair.

2 Mar so abradh iadsan a shaoradh leis an Tighearna, a shaor e o làimh an nàmhaid.

3 Agus a chruinnich e as na tìribh, o'n aird an ear agus o'n aird an iar, o'n airde tuath agus o'n airde deas<sup>10</sup>.

4 Chaidh iad air seacharan anns an fhàsach, ann an ionad uaigneach; slighe<sup>11</sup> gu baile tàimh<sup>12</sup> cha d'fhuair iad.

5 Ocrach agus tartmhor, dh'fhàillnich an anam anna.

6 An sin ghlaodh iad ris an Tighearna nan airc, agus as an teanntachdaibh<sup>13</sup> shaor e iad.

7 Agus thredraich e iad air slighe cheirt, chum gu rachadh iad gu baile tàimh.

8 O gu moladh *daoine* Dia air son a

mhaitheis<sup>14</sup>, agus air son a bhearta iongantach do chloinn nan daoine!

9 Oir shàruich e an t-anam cìocrach<sup>15</sup> agus lìon e an t-anam ocrach le maith.

10 Iadsan a shuidh ann an dorchadas, agus ann an sgàile a' bhàis, ceangailte ann an truaighe agus an iarrunn,

11 A chionn gu'n d'rinn iad ceannairc an aghaidh bhriathar Dhé, agus gu'n d'rinn iad fair air comhairle an Ti a's airde;

12 Aig an do leagadh<sup>16</sup> sìos an cridhe le docair<sup>17</sup>: thuit iad, agus cha robh fear-cuidcachaigh ann:

13 An sin ghlaodh iad ris an Tighearna nan airc, agus as an teanntachdaibh shaor e iad.

14 Thug e iad a dorchadas agus a sgàile a' bhàis, agus bhris e o cheile an cuilheach.

15 O gu moladh *daoine* an Tighearna air son a mhaitheis, agus air son a bhearta iongantach do chloinn nan daoine!

16 Oir bhris<sup>18</sup> e na geatan umha<sup>19</sup>, agus ghearr e sìos na croinn iarrunn.

17 Bha amadain, air son an eusaontais<sup>20</sup> agus air son an encearta, fo àmhghar<sup>21</sup>.

18 Do gach biadh ghabh an anam gràin; agus thàinig iad dlùth do gheataibh bàis.

19 An sin ghlaodh iad ris an Tighearna nan airc, agus as an teanntachdaibh shaor e iad.

20 Chuir e fhocal uaith, agus shlànuic<sup>22</sup> e iad; agus shaor e iad o sgrios<sup>23</sup>.

21 O gu moladh *daoine* an Tighearna air son a mhaitheis, agus air son a bhearta iongantach do chloinn nan daoine!

22 Agus gu'n iobradh iad iobairte buidheachais, agus gu'n cuiradh iad an céill a' ghnìomhara le luath-ghaire!

23 Iadsan a théid sìos do'n fairge air-longaibh, a ni obair air uisgibh mòra,

24 Chi iadsan gnìomhara an Tighearna, agus a bhearta iongantach<sup>25</sup> san doimhne.

25 Oir labhraidh e, agus dùisgidh e a' ghaoth dhoinionnach, agus togaidh i a tonna<sup>26</sup>.

26 Théid iad suas do na nèamhaibh, theid iad sìos do na doimhneachdaibh; le h-àmhghar leaghadh an anam.

27 Théid iad thuige<sup>27</sup> agus uaith, agus tuislichidh iad mar dhuine air mhìsg; agus théid as d'an céill uile<sup>28</sup>.

28 An sin glaothaidh iad ris an Tighearna nan airc, agus as an teanntachdaibh bheir e iad.

29 Cuiridh e an doinionn gu fèith; agus bithidh a tonna nan tàmh.

30 An sin bithidh iad ait a chionn gu'm bi iad sàmhach; agus bheir e iad do'n chialadh a's miannach leo.

<sup>1</sup> diathaibh-bréige. <sup>2</sup> clann mhac. <sup>3</sup> inn-leachdaibh. <sup>4</sup> dh'amhairc e orra nan teinn. <sup>5</sup> a réir saibhreis a ghràis. <sup>6</sup> bàigh, iochd. <sup>7</sup> moladh. <sup>8</sup> uail. <sup>9</sup> moladh. <sup>10</sup> o'n mhuir ruaidh. Eabh. <sup>11</sup> air slighe uaignich. <sup>12</sup> baile còmhnuidh. <sup>13</sup> àmhgharaibh.

<sup>14</sup> a thròcaire. <sup>15</sup> miannach. <sup>16</sup> leag e. <sup>17</sup> saothair. <sup>18</sup> bhris. <sup>19</sup> praise. <sup>20</sup> le slighe an eusaontais. Eabh. <sup>21</sup> an an cràdh. <sup>22</sup> o shlochdaibh truailleadh. <sup>23</sup> iongantais-sa. <sup>24</sup> tonna na fairge. <sup>25</sup> chuige. <sup>26</sup> sluitear suas an ciall uile, teirgidh an seòltachd uile.

31 O gu moladh daoine an Tighearn air son a mhaithéis, agus air son a bhearta iongantach do chloinn nan daoine !

32 Agus gu'n ardaicheadh iad e ann an còmhthional an t-sluagh, agus ann an àite-suidhe<sup>1</sup> nan seanair gu moladh iad e !

33 Nì e aibhniche nam fàsach, agus tobair uisge nan talamh tartmhor<sup>2</sup>.

34 Fearann beartach nì e fàs<sup>3</sup>, air son aingidheachd a luchd-àiteachaidh.

35 Nì e fàsach na linne uisge, agus fearann tioram na thobraichibh uisge.

36 Agus an sin bheir e air na h-ocraich còmhnuidh a ghabhail; agus deasaichidh iad baile tàimh<sup>4</sup>.

37 Agus sìol-chuiridh iad achanna, agus suidhicidh iad fion-liosan; agus bheir iad toradh pailt<sup>5</sup> uatha.

38 Agus beannuicidh se iad, agus fàsaidh iad ro-lionmhor; agus cha lughdaich e an spréidh.

39 Ach ma pheucaicheas iad, lughdaichear, agus leigear sìos iad le foirncart, olc<sup>6</sup>, agus doilgheas.

40 Dòirtidh e tarcuis air ard-uaislibh<sup>7</sup>, agus cuiridh e air seachdaran iad ann am fàsach as eugmhais slighe.

41 Agus togaidh e suas am bochd o thruaighe<sup>8</sup>, agus nì e teaghlachéan dha mar threud.

42 Chì na fireana so, agus bithidh iad ait; agus druididh gach euceart a beul.

43 Cò a ta glic, agus a bheir fa'near na nithe sin? tuigidh csan caoimhneas gràdhach<sup>9</sup> an Tighearna.

## SALM CVIII.

*Luaidh no Salm le Daibhidh.*

**TH**A mo chridhe deas, a Dhe, seinnidh mi, agus molaidh mi, eachdon le m' ghloir<sup>10</sup>.

2 Mosgail, a shaltair agus a chlarsach; mosglaidh mi féin moch air mhaduinn.

3 Molaidh mi thu am measg nan sluagh, a Thighearn, agus seinnidh mi dhuit am measg nan cinneach.

4 Oir is mòr do thròcair os cionn nan nèamh; agus tha t'fhìrinn gu ruig na neula.

5 Bi air t'ardachadh os cionn nan nèamh, a Dhé; agus os cionn na talmhainn uile biodh do ghloir.

6 Chum gu teasairgear iadsan a's ionmhuinn leat, saor thusa le d' dheas làimh, agus éisd rium<sup>11</sup>.

7 Labhair Dia na naomhachd: nì mi aoibhneas, roinnidh mi Sechem, agus tomhaisidh mi gleann Shucoit.

8 Is leamsa Gilcad, is leam Manaseh:

<sup>1</sup> cruinneachaidh. <sup>2</sup> tioram, cruaidh. <sup>3</sup> goirt, bochd, gun toradh. <sup>4</sup> chum còmhnuidh ann.

<sup>5</sup> toradh an cinneis. <sup>6</sup> le foirneart an uile.

<sup>7</sup> uachdaranaibh, prionnsaibh. <sup>8</sup> àmhghar.

<sup>9</sup> caonh thròcairean. <sup>10</sup> Faic Salm LVII.

r. 7, &c. <sup>11</sup> Faic Salm LX. r. 6, &c. <sup>12</sup> An

do thilg thu uait sinn? agus nach d'théid thu

agus is e Ephraim neart mo chinn, Iudah fear-tabhairt mo lagha.

9 Is e Moab mo shoitheach-ionnlaid; os cionn Edoim tilgidh mi mo bhròg: tha Palestin nì mi caithreim.

10 Cò bheir mi do'n bhaile dhaingnichte?<sup>2</sup> cò threòraicheas mi gu h-Edom?

11 Nach tusa, a Dhé? *thusa a* thilg uait sinn, agus nach deachaidh a mach<sup>12</sup>, a Dhé, le ar n-armailtibh?

12 Thoir còmhnaidh dhuinn ann an airc; oir is dìomhain furtachd duine.

13 Trìd Dhe<sup>13</sup> nì sinn treubhantas; oir saltraidh esan sìos ar naimhdean.

## SALM CIX.

*Do'n ard fhear-ciùil. Salm le Daibhidh.*

**A** DHE mo chliu, na bi a'd' thosd.

2 Oir tha beul an aingidh, agus beul na céilge fosgailte a'm' aghaidh; labhair iad a'm' aghaidh le teangaidh nam breug.

3 Agus le briathraibh fuatha chuairtich iad mi; agus chog iad a'm' aghaidh gun aobhar.

4 An éiric mo ghràidh tha iad naimhdeit dhomh, agus mi ri h-ùrnuigh.

5 Agus dhòl iad dhomh olc an éiric-maith, agus fuath an éiric mo ghràidh.

6 Cuir an t-aingidh os a chionn<sup>14</sup>, agus seasadh Satan aig a dheas làimh.

7 'Nuair a bheirar breth air, faighear ciontach e<sup>15</sup>, agus biodh 'ùrnuigh dha na peacadh.

8 Biodh a làithean tcarc, agus glacadh neach eile a dhreuchd<sup>16</sup>.

9 Biodh a chlann nan dilleachdain<sup>17</sup>, agus a bhcan na bantraich.

10 A ghnàth air seacharan biodh a chlann, agus iarradh iad déirc; agus sireadh<sup>18</sup> iad as an àitibh fàs.

11 Glacadh fear nan fiach gach nì a ta aige, agus creachadh coigrich a shàthair.

12 Na biodh neach ann a nì tròcair air<sup>19</sup>, agus na biodh aon ann a ghabhas truas d'a chloinn gun athàir.

13 Sgrìos gu robh air a shliochd: san àl a thig na dhéigh, gu cuirear as d'a ainm<sup>20</sup>.

14 Air chuimhne biodh aingidheachd 'aithriche aig an Tighearn, agus na cuirear as<sup>21</sup> peacadh a mliathar.

15 Biodh iad am fianuis an Tighearna a ghnàth; agus gearradh c as an cuimhne o'n talamh.

16 A chionn nach do chuimhnich e tròcair a nochdadh, ach gu'n do gheur-leam c an duine bochd agus uireasbhuidheach, agus aig an robh cridhe goirt, chum a mharbhadh.

17 Mar a ghràdhaich e mallachadh,

*mach?* Faic Salm LX. r. 10. <sup>13</sup> Ann an Dia. Eabl.

<sup>14</sup> "Cuir an t-aingidh," ars' iadsan, os a chionn, &c.

<sup>15</sup> thigeadh binn a mach na aghaidh. <sup>16</sup> a chùram. Faic Gnìomh. Caib. I.

r. 20. <sup>17</sup> gun athair. <sup>18</sup> tilgear a mach.

<sup>19</sup> a shìneas tròcair thuige. <sup>20</sup> d'an ainm.

<sup>21</sup> glanar as, dubhar as.



thigeadh e air: mar nach robh tlachd aige ann an bannachadh, biodh e fad uaith.

18 Mar a chuir e mallachadh uime mar 'eudach<sup>1</sup>, thigeadh e steach mar uisge na chom, agus mar oladh na chnàmhaidh.

19 Biodh e dha mar an trusgan, leis an còmhdaichear e, agus mar an crios, leis an crioslaichear e a ghnàth.

20 Is e so obair m'eascairdean an làthair an Tighearna<sup>2</sup>, agus nan daoine a labhras olc an aghaidh m'anama.

21 Ach dean thusa air mo shon, a Thighearna Dhé, air sgàth t'ainme; a chionn gu bheil do thròcair maith, saor thusa mi.

22 Oir tha mi bochd<sup>3</sup> agus uireasbhuidheach, agus tha mo chridhe air a lotadh an taobh a stigh dhìom.

23 Mar sgàile a' clonadh sìos tha mi a' siubhal; tha mi air m'fhuadachadh mar an locust.

24 Tha mo ghlùinean lag le trosgadh, agus tha m'fhcoil a' teireachduinn le dìth sultha.

25 Agus tha mi a'm' aobhar maslaidh dhoibh: 'nuair a sheall iad orm, chrath iad an cinn.

26 Cuidich leam, a Thighearna mo Dhia; saor mi a rèir do thròcaire:

27 Chum gu'm bi fios aca gur i so do làmh, gu tusa, a Thighearna, a rinn e.

28 Malluicheadh iadsan, ach beannuich thusa: 'nuair a dh'éireas iad, biodh nàire orra; ach biodh t'òglachsa aith.

29 Biodh m'eascairdean air an còmh-dachadh le nàire, agus biodh iad air am folachadh le'n amhluidh féin, mar le fal-luing.

30 Ard-mholaidh mi an Tighearna le m' bheul; agus am measg na mòr-chuideachd bheir mi cliù dha.

31 Oir seasaidh e aig deas làimh an duine bhochd, chum a shaoradh o luchd-dìtibh<sup>4</sup> 'anama.

## S A L M CX.

*Salm le Daibhidh.*

**T**HUBHAIRT an Tighearna ri m' Thighearna, Suidh aig mo dheas làimh, agus an cuir mi do naitheidean nan stòl fo d' chosaibh.

2 Slat-shuaicheantais do chumbhachd cuiridh an Tighearna a mach a Sion: bi thusa a'd' uachdaran am meadhon do naimhde.

3 Bithidh do shluagh ro-thoileach ann an latha do chumbhachd: ann am maise na naomhachd, mar an drùchd o bhoig na maidne, bithidh t'òigridh agad<sup>5</sup>.

4 Mhionnaich an Tighearna, agus cha

ghabh e aithreachas, Is sagart thu gu bràth, a rèir orduigh Melchisedeic.

5 Buailidh<sup>6</sup> an Tighearna, a ta aig do dheas làimh, rìghrean ann an latha f'heirge.

6 Bheir e breth am measg nan cinneach; lìonaidh e gach àit le corpaibh marbha; lotaidh e an t-uachdaran<sup>7</sup> os cionn iomadh tìr.

7 Do'n t-sruth air an t-slighe òlaidh e; uime sin togaidd e suas a chann.

## S A I L M CXI.

**M**OLAIBHSE an Tighearna. Bheir mise cliù do'n Tighcarna le m' uile chridhe, ann an coinneamh nam fircan, agus anns a' choimhthional.

2 Tha gnìomharan an Tighearna mòr; rannsaichear iad leo-san uile aig am bheil tlachd anna.

3 Urramach agus glòrmhor tha 'obair-san; agus mairidh f'hireantachd gu bràth.

4 Chuir e a ghnìomharan iongantach air chuimhne: gràs-mhor agus truacanta tha an Tighearna.

5 Thug e lòn<sup>8</sup> doibhsan d'an eagal e: cuimhnichidh e gu bràth a choimhcheangal.

6 Chuire neart 'oibre an cèill d'a shluagh, le oighreachd nan cinneach a thabhairt doibh.

7 Is iad firinn agus ceartas gnìomharan a làmh; is fìor<sup>9</sup> a'itheantasan uile.

8 Seasmhach tha iad gu saoghal nan saoghal, deanta ann am firinn agus an ceartas.

9 Chuir e saorsa dh'ionnsuidh a shluagh, dh'aitheanta e a choimhcheangal gu bràth: is naomh agus urramach 'ainm-san.

10 Is e eagal an Tighcarna toiseach a' ghliocais; tha deagh thuigse aca-san uile a ni 'a'itheanta-san<sup>10</sup>: mairidh a chliù gu bràth.

## S A L M CXII.

**M**OLAIBHSE an Tighearna. Is beann-uichte an duine air am bi eagal an Tighearna, a ghabhas tlachd mòr d'a àitheantaibh.

2 Làidir anns an tìr bithidh a shliochd; beannuichear gincalach nam firean.

3 Bithidh maoin agus saibheas na thigh; agus mairidh f'hireantachd gu bràth.

4 Ann an dorchadas éiridh solus do na fireanaibh: gràs-mhor agus làn truacantais, agus cothromach tha [an Tighearna<sup>11</sup>].

5 Is maith do'n duine a bhios truacanta agus coingheallach<sup>12</sup>, a riaghlas a ghnòth-uiche gu ceart<sup>13</sup>.

6 Oir gu bràth cha ghluaisear e; air chuimhne gu bràth bithidh am firean.

7 Roimh dhroch sgeul cha bhi eagal air; tha a chridhe suidhichte, ag earbsadh as an Tighearna.

an Tighearna; a ni iad. Eabh. 11 Faic Salm CXI. r. 4. 12 Bithidh an duine maith bàigheil agus coingheallach. 13 ann am breitheanas. Eabh.

<sup>1</sup> a chulaidh. <sup>2</sup> duais m'eascairdean o'n Tighearna. <sup>3</sup> truagh. <sup>4</sup> bheirtheamhnaibh. <sup>5</sup> roimh reult na muidne ghin mi thu. <sup>6</sup> Lotaidh. <sup>7</sup> an ceann. Eabh. <sup>8</sup> biadh. <sup>9</sup> cinnteach, seasmhach. <sup>10</sup> a ghnàthaicheas e, i. e. eagal

8 *Tha a chridhe air a shocrachadh, cha bhi eagal air, gus am faic e crìoch a naimhdean*<sup>1</sup>.

9 Sgaol e, thug e do na bochdaibh; mairidh fhìreantachd gu bràth; mairidh adharc le h-urram.

10 Chi an droch dhuine, agus bithidh fearg air; casaidh e fhìaclan, agus seargaidh e as: sgriosar miann nan aingidh.

## SALM CXIII.

**M**OLAIBHSE an Tighearna. Molaibh, O sibhse òglacha an Tighearna, molaibh ainm an Tighearna.

2 Gu ma beannuichte ainm an Tighearna, o'n àm so agus gu bràth.

3 Ó éirigh na grèine gu ruig a luidhe, is ionmholt a ainm an Tighearna.

4 Ard os cionn nan cinneach uile *tha* an Tighearna, os cionn nan nèamh a ghloir.

5 Cò is cosmhail ris an Tighearna ar Dia, a tha na chòmhnuidh shuas<sup>2</sup>?

6 A dh'islicheas e fèin gu amharc air na nithibh a ta sna nèamhaibh, agus air an talamh?

7 Togaidh e am bochd o'n duslach; o'n òtrach ardaichidh e an t-ainnis;

8 Chum a chur na shuidhe le ard uaislibh<sup>3</sup>, le ard-uaislibh a shluaigh.

9 Bheir e air a' mhnaoi, a ta gun sliochd, còmhnuidh a ghabhail ann an tigh, na màthair air cloinne.

## SALM CXIV.

**M**OLAIBHSE an Tighearna. 'Nuair a thàinig Israel a mach as an Eiphit, tigh Iacoib o shluagh coimheach<sup>4</sup>,

2 Bha Iudah dha mar a chòmhnuidh naomh, Israel mar a thighearnas.

3 Chunnaic an cuan, agus theich e; thionndaidh Iordan air a h-ais.

4 Lcum na beannta mar reitheacha, na enuic mar uain.

5 Ciod, a chuain, a thug ort teicheadh? a Iordain, a thug ort tionndadh air t'ais?

6 A bheannta, a thug oirbh leum mar reitheacha; a chnoca, mar uain?

7 Criothnaich, a thalainh, an làthair an Tighearna, an làthair Dhé Iacoib!

8 A thionndaidheas a' charraig gu linne uisge, an aibhinn<sup>5</sup> gu tobar uisge!

## SALM CXV.

**T**ABHAIR glòir, a Tighearna cha'n ann duinne, cha'n ann duinne, ach do t'ainm fèin, air son do thròcaire, agus air son t'fhìrinne.

2 C'ar son a theireadh na cinnich, C'àit a nis am bheil an Dia?

3 Ach a ta ar Dia-n anns na nèamhaibh, agus rinn e gach nì a b'aill leis.

<sup>1</sup> gus an amhaire e air 'eascairidh. Faic Salm XCII. r. 11. <sup>2</sup> a dh'ardaicheas e fèin gu còmhnuidh a ghabhail. Eabh. <sup>3</sup> maithibh, prionnsaibh. <sup>4</sup> o shluagh le teangaidh coimheach. <sup>5</sup> a' chlach-theine. <sup>6</sup> uile. <sup>7</sup> casan.

<sup>8</sup> O Israeil, carb thusa. <sup>9</sup> am fear-cuideachaidh.

4 *Is airgiod agus òr an iòdhoil-san, obair làmh dhaoine!*

5 *Tha béil aca, ach cha labhair iad; sùilean aca, ach cha'n fhaic iad.*

6 *Tha cluasan aca, ach cha chluinn iad; sròinean aca, ach cha ghabh iad fàile*<sup>6</sup>.

7 *Tha làmhan aca, ach cha laimhsich iad; cosan*<sup>7</sup> aca, ach cha'n imich iad; agus cha labhair iad trid an scornain.

8 Cosmhail riu fèin tha iadsan a ni iad, agus gach neach a dh'earbas asda.

9 Earbaidh tigh Israeil<sup>8</sup> as an Tighearna: is esan an còmhnuadh<sup>9</sup>, agus an sgiath.

10 Earbaidh tigh Aaroin<sup>10</sup> as an Tighearna: is esan an còmhnuadh, agus an sgiath.

11 Iadsan<sup>11</sup> air am bi eagal an Tighearna, earbaidh iad<sup>12</sup> as an Tighearna: is esan an còmhnuadh agus an sgiath.

12 Bha an Tighearna cuimhneach oirnn: beannuichidh e sinn, beannuichidh e tigh Israeil, beannuichidh e tigh Aaroin.

13 Beannuichidh e iadsan, air am bi eagal an Tighearna, na big agus na mòir.

14 Cuiridh an Tighearna sibh an lion-mhoireachd, sibh fèin agus bhur clann.

15 *Is* beannuichte sibhse o'n Tighearna, a rinn na nèamha agus an talamh

16 *Is* leis an Tighearna na nèamh, eadhon na nèamha<sup>13</sup>; ach an talamh thug e do chloinn nan daoine.

17 Cha mhol na mairbh an Tighearna, no iadsan uile a théid sìos tosdach do'n uaign.

18 Ach beannuichidh sinne an Tighearna, o'n àm so agus gu bràth. Molaibhse an Tighearna.

## SALM CXVI.

**I**S toigh leam an Tighearna, oir dh'éisd e ri guth m'athchuingean<sup>14</sup>.

2 A chionn gu'n d'aom e a chluas rium, uime sin ri m' bheo éighidh mi ris.

3 Chuairtich doilgheasan<sup>15</sup> a' bhàis mi, agus ghlac piantan ifrinn mi: fluair mi teinn agus bròn.

4 An sin ghairm mi air ainm an Tighearna: A Tighearna, guidheam ort, saor m'anam.

5 *Is* gràsnhor an Tighearna, agus cothromach; agus is tròcaireach ar Dia-ne.

6 Gleidhidh an Tighearna na daoine aon-fhillte<sup>16</sup>: dh'islicheadh mi, agus theas-airg e mi.

7 Pill, O m'anam, gu d' shuaimhneas<sup>17</sup>, oir bhuin an Tighearna riut gu fial.

8 Oir shaor thu<sup>18</sup> m'anam o'n bhàs, mo shùil o dheuraibh, agus mo chos o shleamhnachadh.

9 Gluaisidh mi am fianuis an Tighearna ann an tìr nam beo.

<sup>10</sup> A thigh Aaroin, carb. <sup>11</sup> Sibhse. <sup>12</sup> carb-aibh. <sup>13</sup> nèamha nan nèamh. <sup>14</sup> ri m' ghuth, agus ri m' athchuingibh. <sup>15</sup> ioghanna, pianta.

<sup>16</sup> simplidh, neo-chronail. <sup>17</sup> gu d' fhois. <sup>18</sup> shaor e.



10 Chreid mi, uime sin labhair mi<sup>1</sup>; chlaoidheadh mi gu mòr.

11 Thubhairt mi a'm' dheifir, *Tha gach duine breugach.*

12 Ciod a dh'ìocas mi do'n Tighearn air son 'uile thiodhlaca dhomh?

13 Glacaidh mi cupan na slàinte, agus gairmih<sup>2</sup> mi air ainm an Tighearna.

14 Iocaidh mi mo bhòidean do'n Tighearna, a nis an làthair a shluaigh uile.

15 *Is* luachmhor an sealladh an Tighearna bàs a naomb.

16 O a Thighearn, gu deimhin is mi<sup>3</sup> t'òglach, *is* mi t'òglach, mac do bhan-oglaich; sgaol thu mo chuibhreach.

17 Dhuitse iobraidh mi iobairt molaidh<sup>4</sup>, agus air ainm an Tighearna gairmih mi.

18 Iocaidh mi mo bhòidean do'n Tighearn a nis an làthair a shluaigh uile,

19 Ann an cùiribh tìge an Tighearna, ann ad mheadhon-sa, O Ierusalem. Molaibhse an Tighearna.

SALM CXVII.

**M**OLAIBH an Tighearna, sibhse a chinneacha uile; molaibh e, a shlàigh uile:

2 Oir is mòr a thròcair chaomh<sup>5</sup> d'ar taobh-ne; agus mairidh frinn an Tighearna gu bràth. Molaibhse an Tighearna.

SALM CXVIII.

**O**THUGAIBH buidheachas<sup>6</sup> do'n Tighearn, oir *tha* e maith, oir gu bràth mairidh a thròcair.

2 Abradh Israel a nis, gu mair a thròcair gu bràth.

3 Abradh tìgh Aaroin a nis, gu mair a thròcair gu bràth.

4 Abradh iadsan a nis d'an eagal an Tighearna, gu mair a thròcair gu bràth.

5 Ann an teinn ghairn mi air an Tighearn: fhreagair an Tighearna mi, *ga m' chur* ann an ionad farsaing.

6 *Tha'n* Tighearna leam<sup>7</sup>, cha'n eagal leam ciod a dh'fhendas duine a dheanamh orm.

7 *Tha'n* Tighearn am measg mo luchd-cuideachaidh, agus chì mi cròch mo luchd-fuatha<sup>8</sup>.

8 *Is* fearr earbsadh as an Tighearna, na earbsadh a duine.

9 *Is* fearr earbsadh as an Tighearna, na earbsadh a h-uachdaranaibh<sup>9</sup>.

10 Chuairtich na cinnich gu léir mi; ach ann an ainm an Tighearna gearraidh mi as<sup>10</sup> iad.

11 Chuairtich iad mi, seadh, chuairtich iad mi; ach ann an ainm an Tighearna gearraidh mi i asad.

12 Chuairtich iad mi mar bheachaibh; cuirear as iad mar theine droighnich; oir ann an ainm an Tighearna gearraidh mi as iad.

13 Thug thu<sup>11</sup> ionnsuidh dhian orm, chum mo leagadh; ach chuidich an Tighearna leam.

14 *Is* e 'n Tighearna mo neart, agus mo cheòl<sup>12</sup>; agus is e mo shlàinte.

15 *Tha* guth gairdeachais agus slàinte ann am pàillunaibh nam firean: rinn deas làmh an Tighearna treubhantas!

16 Dh'ardaichheadh deas làmh an Tighearna, rinn deas làmh an Tighearna treubhantas!

17 Cha'n fhaigh mi bàs, ach mairidh mi beo, agus cuiridh mi'n céill oibre an Tighearna.

18 Throm-smachdaich an Tighearna mi; ach gu bàs cha d'thug e thairis mi.

19 Fosglaidh dhomh geatachan an ionracais; theid mi steach orra, agus molaidh mi an Tighearna.

20 *Is* e so geatadh an Tighearna, air an d'théid na fireana steach.

21 Molaidh mi thu, oir dh'éisd thu rium, agus is tu mo shlàinte.

22 A' chlach a dhiùlt na clachairean, rinneadh i na cloich-chinn na h-òisinne.

23 O'n Tighearna tha so; is iongantach e nar sùilibh-ne!

24 *Is* e so an là a rinn<sup>13</sup> an Tighearna: deanamaid gairdeachas, agus biomaid ait air.

25 Guidheamaid<sup>14</sup> ort, a Thighearna, saor a nis; gaidheamaid ort, a Thighearna, soirbhich leam a nis.

26 Bcannuichte gu robh an Ti a thig an ainm an Tighearna; thug sinne beanbacht oirbhe o thigh an Tighearna.

27 *Is* e Dia a's Tighearn ann, agus dhealraich e oirn<sup>15</sup>: ceanglaibh an iobairt<sup>16</sup> le cordaibh, cadhon ri adharcaibh na h-altaire.

28 *Is* tusa mo Dhia, agus molaidh mi thu: mo Dhia, ardaichidh mi thu.

29 O thugaibh buidheachas do'n Tighearn, oir *tha* e maith, oir gu bràth mairidh a thròcair!

SALM CXIX.

8 Aleph.

**I**3 bcannuichte iadsan a tha neo-lochdach<sup>17</sup> san t slighe, a dh'imicheas ann an lagh an Tighearna.

2 *Is* bcannuichte iadsan a ghleidheas a theisteis<sup>18</sup>, a dh'iarras e le'n uile chridhe.

3 Mar an ceudna cha dean iad aingidheachd: na shlighibh imichidh iad.

4 Dh'aithn thu 'ordughan<sup>19</sup> a bhi air an coimhead gu dichcallach.

<sup>1</sup> 1 Faie II. Cor. Caib. IV. r. 13. <sup>2</sup> goiridh

<sup>3</sup> a chionn gur mi. <sup>4</sup> buidheachais. <sup>5</sup> a ghràs.

<sup>6</sup> moladh. <sup>7</sup> am measg mo luchd-cuideachaidh.

<sup>8</sup> Faie. Salm CXII. r. 8. <sup>9</sup> prionnsaibh.

<sup>10</sup> ghearr mi as, sgrios mi. <sup>11</sup> Thugadh.

<sup>12</sup> mo laoidh, fùth mo mholaidh. <sup>13</sup> dh'ordugh.

<sup>14</sup> Guidheam. <sup>15</sup> thug e solus dhuinn.

<sup>16</sup> an t-nan. <sup>17</sup> ionraic, iomlan. <sup>18</sup> fha-

anuisan. <sup>19</sup> reachdan.

5 O nach robh mo cheumanna air an stiùradh, chum do reachdan a choimhead!

6 An sin cha ghabh mi nàire, an uair a bheir mi spéis do t'àitheantaibh gu léir.

7 Molaidh mi thu le tréibhdhireas, cridhe, 'nuair a dh'fhòghlumas mi breitheanais do cheartais.

8 Coimhidh mi do reachda: O na tréig mi gu tur!

### β Beth.

9 Ciod leis an glan an t-òganach a shlighe? trid faicill, a réir t'fhocail!

10 Le m'uile chridhe dh'iarr mi thu: na leig dhomh dol air seacharan o t'àitheantaibh.

11 A'm' chridhe dh'fholuich mi t'fhocal, chum nach pcacaichinn a't' aghaidh.

12 Is beannuichte thusa, a Thighearna; teagaisg dhomh do reachdan.

13 Le m' bhlilibh chuir mi 'n céill uile bhreitheanais do bhéil.

14 Ann an slighe do theistear rinn mi gairdeachas, mar os cionn gach uile shaibhris.

15 Air t'àitheantaibh beachd-smuainichidh mi, agus dcaraidh<sup>2</sup> mi air do cheumannaibh.

16 Ann an reachdaibh gabhaidh mi tlachd; cha di-chuinnich mi do bhriathra.

### γ Gimel.

17 Buin gu fial ri t'òglach, chum gu bi mi beo, agus gu coimhid mi do bhriathra.

18 Fosgail mo shùilean, chum gu faic mi nithe iongantach o d' lagh.

19 Is coigreach air talamh mi; na ceil orm t'àitheanta.

20 Tha m'anam brùite, le déidh air do bhreitheanasaibh gach tráth.

21 Smachduich thu na h-uabhrich: is malluichte iadsan a théid air seacharan o t'àitheantaibh<sup>3</sup>.

22 Tionndaidh uam maslath agus tàir; oir ghléidh mi do theisteis.

23 Shuidh eadhon uachdarain, agus labhair iad a'm' aghaidh; ach bheachd-smuainich t'òglach air do reachdaibh.

24 Mar an ceudna is iad do theisteis mo thlachd, mo chomhairlichean.

### δ Daleth.

25 Tha m'anam a' leantuinn ris an ùir<sup>4</sup>: beothaich mi a réir t'fhocail.

26 Chuir mi an céill mo shlighean, agus dh'éisid thu rium: teagaisg dhomh do reachdan.

27 Thoir orm slighe t'àitheantan<sup>5</sup> a thuigsinn, agus labhraidh mi air t'oibribh iongantach.

28 Tha m'anam a' leaghadh as le tuirse<sup>6</sup>; neartaich mi a réir t'fhocail.

29 Cuir uam slighe nam breug, agus gu gràsmhor deònaich dhomh do lagh.

30 Roghnaich<sup>7</sup> mi slighe na firinn; chuir mi do bhreitheanais fa m' chomhair.

31 Dhlùth-lean mi ri d' theistearaibh: a Thighearna, na cuir gu nàire mi.

32 Ann an slighe t'àitheanta ruithidh mi, 'nuair a chuircas tu mo chridhe am farsaingeachd.

### Ϟ He.

33 Teagaisg dhomh, a Thighearna, slighe do reachda, agus gleidhidh mi i gu ruig a' chrìoch<sup>8</sup>.

34 Thoir tuisge dhomh, agus gleidhidh mi do lagh; seadh, coimhidh mi e le m'uile chridhe.

35 Thoir orm triall an ceum t'àitheanta; oir ann-san tha mo thlachd.

36 Lùb mo chridhe gu d' theistearaibh, agus ni h-ann gu sannt.

37 Tionndaidh mo shùilean o amharc air dìomhanas; ann ad shlighibh<sup>9</sup> beothaich mi.

38 Daingnich t'fhocal do t'òglach, air am bheil t'eagal-sa<sup>10</sup>.

39 Cuir uam<sup>11</sup> mo mhaslath a's cagal leam; oir tha do bhreitheanais maith.

40 Feuch, is miannach leamsa do reachdan<sup>12</sup>: a'd' cheartas beothaich mi.

### ϟ Van.

41 Agus thigeadh do thròcair a m'ionnsuidh, a Thighearna, do shlàinte a réir t'fhocail:

42 An sin bithidh freagradh agam dhasan a bheir maslath dhomh, gu bheil m'earbsadh as t'fhocal-sa.

43 Agus na buin focal na firinn gu h-ionlan as mo bheul; oir ann ad bhreitheanasaibh chuir mi mo dhòchas.

44 Agus coimhidh mi do lagh a ghnàth, gu suthain is gu sìor.

45 Agus gluaisidh mi am farsaingeachd<sup>13</sup>; a chionn gu'n iarr mi do reachda.

46 Agus labhraidh mi air do theisteis an lathair rìghre, agus cha bhi nàire orm.

47 Agus gabhaidh mi tlachd do t'àitheantaibh, d'an d'thug mi gràdh.

48 Agus togaidh mi mo lannha ri t'àitheanta, d'an d'thug mi gràdh: agus beachd-smuainichidh mi air do reachdaibh.

### Ϡ Zain.

49 Cuimhnich am focal<sup>14</sup> do t'òglach, as an d'thug thu orm earbsadh.

50 Is e so mo chomhfhurtachd ann am àmhghar; oir bhcothaich t'fhocal mi.

51 Rinn na h-uabhrich fanoid orm gu mòr; gidheadh o d' lagh cha do chlaon mi.

52 Chuimhnich mi do bhreitheanais o chian, a Thighearna, agus fhuair mi comhfhurtachd.

53 Ghlac uamhann mi a thaobh nan daoine aingidh, a thréigeas do lagh.

<sup>1</sup> Le d' bhriathran a choimhead. <sup>2</sup> geur-amhairc. <sup>3</sup> Faic. Dent. Cuib. XXVII. r. 26. <sup>4</sup> dslach. <sup>5</sup> t'orduighean. <sup>6</sup> bròn. <sup>7</sup> Thagh.

<sup>8</sup> gu crìch mo shoaghail. <sup>9</sup> shlighe. <sup>10</sup> a bhios a chum t'eagal-sa. <sup>11</sup> Tionndaidh uam. <sup>12</sup> t'orduighean. <sup>13</sup> gu suor. <sup>14</sup> t'fhocal.



54 B'iad do reachdan mo cheòl ann an tigh mo chuairt.

55 Chuimhnich mi t'ainm, a Thighearn, anns an oidhche, agus ghléidh mi do lagh.

56 Mar so tharladh <sup>1</sup> dhomhsa, a chionn gu'n do ghléidh mi do reachda.

### ¶ Cheth.

57 Is tusa mo chuibhrionn, a Thighearna: thubhairt mi gu coimhidinn t'fhocail.

58 Dh'asluich mi do dheadh-ghean <sup>2</sup> le m'uile chridhe: dean tròcair orm a réir t'fhocail.

59 ( hnuasaich mi <sup>3</sup> mo shlighean, agus phill mi mo chosa ri d' theisteachaibh.

60 Rinu mi deifir <sup>4</sup>, agus cha robh mi mairnealach <sup>5</sup>, chum t'àitheantan a choimhead.

61 Chreach buidhnean dhroch dhaoine mi; ach cha do dhi-chuimhnich mi do lagh.

62 Mu mheadhon-oidhche éiridh mi, chum buidheachas a thoirt duit air son bhreitheanas do cheartais.

63 Is fear-comuinn <sup>6</sup> mi dhoibhsan uile air am bi t'eagal, agus dhoibhsan a ghleidheas do reachda.

64 Do d' thròcair, a Thighearna, tha'n talamh làn: teagaisg dhomh do reachdan.

### ¶ Teth.

65 Rinn thu gu maith do t'òglach, a Thighearn, a réir t'fhocail.

66 Teagaisg dhomh deagh thuigse agus eòlas; oir chreid mi t'àitheanta.

67 Mun robh mi ann an àmhghar <sup>7</sup>, chaidh mi air seacharan: ach a nis tha mi a' gleidheadh t'fhocail.

68 Is maith thusa, agus ni thu maith: teagaisg dhomh do reachdan.

69 Dhealbh na h-uabhrich breug a'm' aghaidh; ach gleidhidh mise t'àitheanta <sup>8</sup> le m'uile chridhe.

70 Co reamhar <sup>9</sup> ri saill tha an cridhe-san; ach ann ad lagh tha mo thlachd-sa.

71 Is maith dhomhsa gu'n robh mi ann an àmhghar, chum gu fòghlumainn do reachda.

72 Is fearr dhomhsa lagh do bhéil, na mìltean do òr agus do airgid.

### ¶ Iod.

73 Rinn agus dhealbh do làmban mi: thoir tuigse dhomh, chum gu fòghlum mi t'àitheantan.

74 Chi iadsan air am bi t'eagal mi, agus bithidh iad ait, a chionn gu'n d'earb mi as t'fhocal.

75 Tha fhios agam, a Thighearna, gu bheil do bhreitheanais ceart, agus gur ann am firinn a chlaoidh thu mi.

76 Biodh a nis do thròcair chaomh chum comhfhurtachda dhomh, a réir t'fhocail ri t'òglach.

77 Thigeadh do chaomh thròcairean a m'ionnsuidh, chum gu'm bi mi beo; oir is e do lagh mo thlachd.

78 Biodh nàire air luchd-an ardain, oir gu aobhar <sup>10</sup> bhuin iad gu fiar rium; ach beachd-smuainichidh mise air t'àitheantaibh <sup>11</sup>.

79 Pilleadh iadsan air am bheil t'eagal rium, agus iadsan a tha eòlach air do theisteachaibh.

80 Biodh mo chridhe tréibhdhireach <sup>12</sup> ann ad reachdaibh, chum nach nàraichear mi.

### ¶ Caph.

81 Tha m'anam air a chlaoidh le déigh air do shlàinte: ann ad fhocal chuir mi mo dhòchas.

82 Tha mo shuilean air an caitheadh le feitheamh ri t'fhocal, nuair a ta mi ag ràdh, C'uin a ni thu furtachd orm?

83 Oir tha mi mar shearraig <sup>13</sup> ann an deataich; gidheadh cha do dhi-chuimhnich mi do reachda.

84 Cia lion iad làithean t'òglach? c'uin a chuireas tu breitheanas an gnìomh orrasan a tha'n tòir orm?

85 Chladhaich na h-uabhrich sluichd dhomh, nach 'eil a réir do lagha.

86 Is firinn t'àitheanta-sa gu léir: gu fealltach tha iad an tòir orm; cuidich thusa leam.

87 Is beag nach do chuir iad as domh air talamh; ach cha do thréig mise do reachda.

88 A réir do chaomh thròcaire beothaich thusa mi, agus gleidhidh mi teisteachaibh.

### ¶ Lamed.

89 Gu bràth, a Thighearn, tha t'fhocal seasmbach anns na nàmlaibh.

90 O linn gu linn tha t'fhirinn: dhaingnich thu an talamh, agus seasaidh e.

91 A réir t'orduighean tha iad buan agus an diugh; oir is iad na h-uile do sheirbhisich.

92 Mur bhiodh gu'm b'e do lagh mo thlachd, an sin gheibhinn bàs a'm' àmhghar.

93 Gu bràth cha di-chuimhnich mi do reachdan; oir leosan bheothaich thu mi.

94 Is leat mise, saor mi; oir dh'iarr mi do reachda.

95 Dh'fheith na h-aingidh orm, chum mo sgrios; ach beachd-smuainichidh mise air do theisteachaibh.

96 Chunnac mi crìoch gach iomlaine: tha t'àithne-sa ro-fharsaing.

<sup>1</sup> thachair, bha e. <sup>2</sup> do ghnùis. Eabh. <sup>3</sup> Mheas, bheachd-smuainich mi air. <sup>4</sup> cablag. <sup>5</sup> chu do chuir mi dail. <sup>6</sup> companach, caidreach. <sup>7</sup> teinn. <sup>8</sup> do reachdan, t'orduighean.

<sup>9</sup> tiugh. <sup>10</sup> gu fealltach. <sup>11</sup> t'orduighibh, do riaghailtibh. <sup>12</sup> ionraic, iomlan. <sup>13</sup> shoirte-craicinn.

## D Mem.

97 O cia h-ionmhuinn leam do lagh-sa? gach là is e mo smuainteachadh<sup>1</sup>.

98 Le t'àithne<sup>2</sup> rinn thu mi nì's glìce na m'earcàidean; oir tha i a ghnàth leam.

99 Os cionn mo luchd-teagaisg uile tha mi a' tuigsinn; oir is iad do theisteis mo smuainteachadh.

100 Os cionn nan seanair tha mi crìonna, a chionn gu bheil mi a' gleidheadh do reachda.

101 O gach droch shlighe chum mi mo chosan, chum gu coimhidinn t'fhocal.

102 O d' bhrèitheanasaihbh cha do chlaon mi: oir theagaisg thusa mi.

103 Cia milis le m' bhlas do bhriathra! nì's milse tha iad na mil do m' bheul<sup>3</sup>.

104 Trid do reachdan fhuair mi tuigse: uime sin is fuathach leam gach slighe bhreugach.

## Nun.

105 Is lòchran t'fhocal do m' chois, agus solus do m' cheum.

106 Mhionnaich mi, agus coimh-lionaidh mi e, gu'n coimhid mi breitheanas do cheartais.

107 Tha mi ann an àmhghar ro-mhòr: ath-bheothaich mi, a Thighearn, a réir t'fhocail.

108 Gabh uam gu taitneach, guidheam ort, a Thighearna, saor thabhartais mo bhéil; agus teagaisg dhomh do bhrèitheanasais.

109 Tha m'anam a ghnàth a'm' làimh; gidheadh cha do dhi-chuimhnich mi do lagh.

110 Chuir droch dhaoine ribe<sup>4</sup> romham; ach o d' reachdaibh cha deachaidh mise air seacharan.

111 Ghabh mi do theisteis mar oigh-reachd gu bràth; oir is iad aoibhneas mo chridhe.

112 Dh'aom mi mo chridhe chum do reachdan a chur an gnìomh a ghnàth, gu ruig a' chrìoch.

## Samech.

113 Is fuath leam smuainte faoin; ach is toigh leam do lagh.

114 Is tusa m'ionad-foluich, agus mo sgiath: as t'fhocal-sa tha m'earbsa.

115 Imichibh uam, a luchd-deanamh an uile; oir gleidhidh mise àitheanta mo Dhé.

116 Cum suas mi a réir t'fhocail, agus mairidh mi beo; agus ua leig fo nàire mi a thaobh mo dhòchais.

117 Daingnich<sup>5</sup> mi, agus bithidh mi tèaruinte; agus bithidh tlachd agam ann ad reachdaibh<sup>6</sup> a ghnàth.

118 Shaltair thu orra-san uile a chaidh air seacharan o d' reachdaibh; oir is breug<sup>7</sup> an cealg.

119 Mar shal tilgidh tu uait<sup>8</sup> uile dhroch dhaoine na talmhainn: uime sin is toigh leam do theisteis.

120 Chrìothnuich m'fheoil le h-uamhunn romhad; agus bha eagal orm roimh do bhrei theanasaihbh.

## Y Ain.

121 Rinn mi breitheanas agus ceartas: na fàg mi do m' luchd-foirneirt.

122 Bi-sa an urras air t'òglach chum maith: na deanadh na h-uaihbhrich foirneart orm.

123 Tha mo shùilean air an caitheadh le bhi sealltuinn air son do shlàinte, agus air son focail t'fhircantachda<sup>9</sup>.

124 Buin ri t'òglach a réir do thròcaire, agus teagaisg dhomh do reachda.

125 Is mi t'òglach; thoir tuigse dhomh, chum gu'm bi eòlas agam air do theisteachais.

126 Is mithich dhuit, a Thighearn, a bhà deanamh: bhris iad do lagh.

127 Uime sin is annsa<sup>10</sup> leamsa t'àitheanta na'n t-òr, seadh, na'u t-òr fìor-ghlan.

128 Uime sin measam do reachdan uile [a thaobh gach nì] a bhi ceart: is fuathach leam gach slighe bhreugach.

## Pe.

129 Is iongantach do theisteis: air an aobhar sin gleidhidh m'anam iad.

130 Bheir fosgladh do bhriathar solus, a' teagasg nan daoine aon-fhillte<sup>11</sup>.

131 Dh'fhosgail mi mo bheul, a' ploscartaich; oir bha mi an geall air t'àitheantaibh.

132 Anhaire orm, agus dean tròcair orm, mar is gnàth leat a dheanamh dhoibhsan le'n ionmhuinn t'ainm.

133 Stiur mo cheumanna a réir t'fhocail; agus na biodh aig euceart sam bith uachdaranachd orm.

134 Teasaig mi o fhoirneart dhaoine<sup>12</sup>; agus coimhidibh mi t'orduighean.

135 Thoir air do ghnùis dealrachadh air t'òglach, agus teagaisg dhomh do reachda.

136 Ruith srutha dheur<sup>13</sup> sìos o m' shùilibh, a chionn nach do choimhid iad do lagh.

## Tsaddi.

137 Is cothromach thusa, a Thighearn, agus is ceart do bhrèitheanas<sup>14</sup>.

138 Dh'àithn thu do theisteis mar cheartas agus mar fhìrinn mhòir<sup>15</sup>.

139 Chlaoidh m'eud mi<sup>16</sup>, a chionn gu'n do dhi-chuimhnich mo naimhdean do bhriathran.

140 Ro-ghlan tha t'fhocal-sa, agus as ionmhuinn le t'òglach e.

141 Beag agus suarach a ta mi; gidheadh cha di-chuimhnich mi do reachda.

142 Is ceartas sìorruidh do cheartas-sa, agus is fìrinn do lagh.

<sup>1</sup> aobhar mo smuainte. <sup>2</sup> t'àitheantaibh. <sup>3</sup> do m' chàirean. <sup>4</sup> Ìon. <sup>5</sup> Neartaich, cum suas. <sup>6</sup> dearcaidh mi air do reachdaibh. <sup>7</sup> Ìomhain. <sup>8</sup> cuiridh tu as do. <sup>9</sup> do cheartais.

<sup>10</sup> ionmhuinne. <sup>11</sup> simplidh. <sup>12</sup> duine. <sup>13</sup> uisgeacha. Eabh. <sup>14</sup> bhrèitheanas. <sup>15</sup> a ta ceart agus ro-fhìrinnach. <sup>16</sup> Chuir mo theas-ghràdh as domh.



143 Ghlac teinn agus àmhghar mi; ach is iad t'aitheanta mo thlachd.

144 *Mairidh* ceartas do theistear gu bràth: thoir-sa tuigse dhomh, agus bithidh mi beo.

**¶ Koph.**

145 Ghlaodh mi le m' uile chridhe; éisd rium, a Thighearna: gleidhidh mi do reachda.

146 Ghlaodh mi riut; saor mi, agus coimhididh mi do theisteis.

147 Thàinig mi roimh 'n scarthanaich<sup>1</sup>, agus dh'èigh mi: as t'fhocal dh'carb mi.

148 Ghabh nio shùilean roimh fhaireibh na h-oidhche, chum gu beachd-smuainichinn air t'fhocal.

149 Eisd ri m' ghuth a réir do chaoimheis-ghràidh: a Thighearna, a réir do bhreitheanas beothaich mi.

150 Thàinig luchd-leamhuinn droch-bheirt am fagus: ach fada bha iad o d' lagh.

151 Am fagus *tha* thusa, a Thighearna; agus is firinn t'aitheantan uile.

152 O thoiscach<sup>2</sup> b'fhiosrach mi a thaobh do theistear, gu'n do shuidhich thu iad gu bràth.

**¶ Resh.**

153 Amhaire air m' àmhghar, agus teasairg mi; oir cha do dhi-chuimhnich mi do lagh.

154 Tagair mo chùis, agus saor mi; a réir t'fhocail beothaich mi.

155 Is fada slàinte<sup>3</sup> o dhroch dhaoineibh; oir cha'n iarr iad do reachda.

156 Is òfhmhor<sup>4</sup> do chaomh thròcairean, a Thighearna; a réir do bhreitheanas<sup>5</sup> beothaich mi.

157 Is lìonmhor mo luchd-tòrachd agus meascardcan; gidheadh, o d' theistearsaibh cha do chlaon mise.

158 Chunnaic mi luchd-eusaontais<sup>6</sup>, agus bha doilgheas orm, a chionn nach do choimhid iad t'fhocal.

159 Feuch, is ionmhuinn leam do reachda: a Thighearna, a réir do chaoimheis-ghràidh beothaich thusa mi.

160 O thoiscach<sup>7</sup> is firinn t'fhocal-sa, agus gu bràth *mairidh* uile bhreitheanas do cheartais.

**¶ Schin.**

161 Bha uachdarain an tòir orm gun aobhar: ach roimh t'fhocal-sa tha cagal air mo chridhe.

162 *Tha* aiteas orm ri t'fhocal-sa, mar neach a fhuair creach mhòr.

163 Is fuath leam, agus is oilteil leam breug; ach is toigh leam do lagh-sa.

164 Seachd uairean san là bheiream moladh dhuit, air son breitheanas do cheartais.

165 Is mòr sìth na muinntir, a tha toirt

gràidh do d' lagh, agus cha'n éirich aobhar tuislidh dhoibh.

166 Dh'fheith mi ri d' shlàinte, a Thighearna; agus rinn mi t'aitheanta.

167 Choimhid m'anam do theisteis, agus is ro-ionmhuinn leam iad.

168 Choimhid mi do reachdan agus do theisteis; oir *tha* mo shlighean uile fad' chomhair.

**¶ Tau.**

169 Thigeadh mo ghlaodh am fagus a d' lathair, a Thighearna: a réir do bhriathair thoir tuigse dhomh.

170 Thigeadh mi 'n àshuchadh a d' lathair: a réir t'fhocail teasairg mi.

171 Cuiridh mo bhilean an céill do chliu, 'nuair a theagaisgeas tu dhomh do reachdan.

172 Aithrisidh mo theanga t'fhocal; oir is ceartas t'aitheantan uile.

173 Cuidicheadh do làmh leam; oir roghnaich mi do reachda.

174 Bha mi 'n geall air do shlàinte, a Thighearna; agus is e do lagh mo thlachd.

175 Biodh m'anam beo, agus molaidh e thu: agus cuidicheadh do bhreitheanas leam.

176 Chaidh mi air seacharan, mar chaorach chailte; iarr t'òglach, oir cha do dhi-chuimhnich mi t'aitheanta.

**S A L M CXX.**

*Laoidh nan ceum.*

**A** 'M' éigin ghlaodh mi ris an Tighearna, agus dh'èisd e rium.

2 A Thighearna, saor m'anam o bhillibh nam breug, o'n teangaibh chealgach.

3 Ciod a bheircar dhuit? agus ciod a nithear ort, a theanga chealgach?

4 Geur shaighde laoiach, le eibhligh do'n aital.

5 Mo thruaighe mi, gu bheil mi air chuairt ann an Mesech, gu bheil mi a'm' chòmhnuidh ann am bùthaibh Chedair!

6 Is fada ghabh m'anam còmhnuidh leo-san<sup>8</sup>, a thug fuath do shìth.

7 *Tha* mise air son sìth; ach 'nuair a labhras mi, tha iadsan air son cogaidh.

**S A L M CXXI.**

*Laoidh nan ceum.*

**T**OGAIDH mi mo shùile chum nam beann, o'n d'thig mo chabhair.

2 *Thig* mo chabhair o'n Tighearna, a rinn nàmh agus talamh.

3 Cha leig e le d' chois sleamhnachadh: cha tuit clò codail air t'fhear-coimhid<sup>9</sup>.

4 Feuch, cha tuit clò codail<sup>10</sup> no suain air fear-coimhid Isracil.

5 Is e an Tighearna t'fhear-coimhid: is e an Tighearna do sgàile air do làmh dheis.

6 San là cha bhuail<sup>11</sup> a' ghrian thu, no a' ghealach san oidche.

<sup>1</sup> bhrisendh na fàire, cha mhair. <sup>2</sup> O chedair fada. <sup>3</sup> saorsa. <sup>4</sup> p. òr. <sup>5</sup> bhreitheanas. <sup>6</sup> duaine feallach. <sup>7</sup> Gu h-ionlan. <sup>8</sup> leis-san.

<sup>9</sup> fhear-glaidhidh.

<sup>11</sup> loisg.

<sup>10</sup> dùsal, turra-chodal.

7 Coimhididh an Tighearn thu o gach olc; coimhididh<sup>1</sup> e t'anam.

8 Coimhididh an Tighearna do dhol a mach, agus do theachd a steach, o'n an so eadhon gu bràth.

## SALM CXXII.

*Laoidh nan ceum, le Daibhidh.*

**B**HA aoibhneas orm an uair a thubhairt iad rium, Do thigh an Tighearna theid sinn.

2 Seasaidh ar cosan an taobh a stigh do d' gheataibh<sup>2</sup>, O Ierusalem.

3 Tha Ierusalem air a togail mar chath-air<sup>3</sup>, a tha air a coimhcheangal ri chèile;

4 D'an d'theid na treubha suas, treubhan an Tighearna, gu teisteanas Israeil, a thoirt buidheachais do ainm an Tighearna.

5 Oir an sin tha caithriche breitheanais air an suidheachadh, caithriche tìghe Dhaibhidh.

6 Guidhibhse air son sìth Ierusalem: soirbhichidh iadsan leis an ionmhuinn thu.

7 Sìth gu robh an taobh a stigh do d' bhallaibh, suaimhneas<sup>4</sup> a'd' lùchairtibh!

8 Air sgàth mo bhràithrean agus mo chairdean their mi nis, Sìth gu robh an taobh a stigh dhìot!

9 Air sgàth tìghe an Tighearna ar Dé, iarraidh mi maith duit.

## SALM CXXIII.

*Laoidh nan ceum.*

**A**T'IONNSUIDH thog mi mo shùilean, O thusa, a tha d' chòmhnuidh anns na nèamhaibh.

2 Feuch, mar a ta sùilean òglach air làimh am maighstirean, agus mar a ta sùilean ban-oglaich air làimh a bana-mhaighstir, mar sin tha ar sùile-ne air an Tighearn ar Dia, agus an dean e tròcair oirnn.

3 Dean tròcair oirnn, a Thighearna, dean tròcair oirnn; oir tha sinn air ar lìonadh làn do tharcuis<sup>5</sup>.

4 Lìonadh ar n-anam làn le fanoid luchd-na seasgaireachd<sup>6</sup>, le tarcuis nan uaibhreach.

## SALM CXXIV.

*Laoidh nan ceum, le Daibhidh.*

**M**UR biodh an Tighearna leinn, abradh Israel a nis.

2 Mur biodh an Tighearna leinn, an uair a dh'éirich daoine nar n-aghaidh;

3 An sin shluigeadh iad beo sinn, an uair a las am fearg nar n-aghaidh;

4 An sin thigeadh tuithean uisgeacha tharuinn, rachadh an sruth thar ar n-anam;

5 An sin rachadh na h-uisgeachan uaibhreach thar ar n-anam.

6 Beannuichte gu robh an Tighearna, nach d'thug sinn mar chreich d'am fiac-laibh.

7 Chaidh ar n-anam as mar eun a ribe nan eunadair; bhriseadh an ribe, agus chaidh sinn as.

8 Tha ar cabhair ann an ainm an Tighearna, a rinn nèamh agus talamh.

## SALM CXXV.

*Laoidh nan ceum.*

**B**ITHIDH iadsan a dh'earbas as an Tighearna mar shliabh<sup>7</sup> Shìoin, nach carruichear, ach a mhaireas gu sìorruidh.

2 Mar a ta na beannta mu thimchioll Ierusalem, mar sin tha'n Tighearna mu thimchioll a shluaigh, o'n àm so agus gu bràth.

3 Oir cha ghabh slat nan daoibh<sup>8</sup> tàmh air crannchur nam firean, air eagal gu'n sìneadh na fireana an làmh chum euceirt.

4 Dean maith, a Thighearna, dhoibhsan, a ta maith, agus dhoibhsan, a ta ionraic nan cridhe.

5 Ach iadsan a theid a thaobh d'an slighibh claon, iomainidh an Tighearn a mach le luchd-deanamh an uile. Sìth gu robh air Israel!

## SALM CXXVI.

*Laoidh nan ceum.*

**N**UAIR a thug an Tighearn air ais braighdeanas Shìoin, bha sinn mar dhaoine a chunnaic aisling.

2 An sin lìonadh ar beul le gàire, agus ar teanga le luath-ghaire<sup>9</sup>: an sin thubhairt iad am measg nan cinneach, Rinn an Tighearna nithe mòra air an son.

3 Rinn an Tighearna nithe mòra air ar soin-ne: bha sinn aoibhneach.

4 Pill a rìs, a Thighearna, ar braighdeanas, mar shruthaibh san airde deas.

5 Iadsan a chuireas sìol le deuraibh, buainidh iad le gairdeachas.

6 Eson a theid a mach, agus a ghuileas, ag iomchar roghadh sìl<sup>10</sup>, gu cinnteach thig e a rìs le gairdeachas, ag iomchar a sguab.

## SALM CXXVII.

*Laoidh nan ceum, le Salann.*

**M**UR tog an Tighearn an tigh, gu dìomhain saothraichidh a luchd-togail: mur gléidh an Tighearn am baile, gu dìomhain ni am fear-coimhid faire.

2 Is dìomhain duibhse bhi 'g éirigh gu moch, a bhi suidhe gu h-anmoch, ag itheadh arain a' bhròin; 'nuair a bheir esan codal d'a sheircin<sup>11</sup>.

3 Feuch, is iad clann oighreachd an Tighearna, toradh na bronn a dhuais.

4 Mar shaighdith ann an làimh gaisgich, mar sin tha mic na h-òige.

5 Is sona am fear aig am bheil a bholg-saighead làn diubh: cha bhi nàire orra, 'nuair a labhras iad r'an naimhidh anns a' gheatadh.

<sup>1</sup> gleidhidh. <sup>2</sup> ann ad gheataibh.

<sup>4</sup> soirbheas, soirbheachadh.

<sup>6</sup> sùmhachair, suaimhneis, fois.

<sup>3</sup> ard bhailte.

<sup>5</sup> dhìmeas.

<sup>7</sup> bheinn.

<sup>8</sup> nan aingidh; na h-aingidheachd. Eabh.

<sup>9</sup> seinn, ceòl. <sup>10</sup> sìl luachmhoir. <sup>11</sup> do fhear a ghràidh.



## SALM CXXXVIII.

*Laoidh nan ceum.*

**I**S beannuichte gach neach air am bi eagal an Tighearna, a ghluaisas na shligheibh.

2 Oir ithidh tu toradh do làmh: sonadh bithidh tu, agus éiridh gu maith dhuit.

3 Bithidh do bhcan mar fhionain tharbhaich ri taobhaibh do thighe, do chlànn mar òg chròinn-olaidh mu thimchioll do bhuird.

4 Feuch, mar so beannuichear an duine, air am bi eagal an Tighearna.

5 Beannuichidh an Tighearn thu a Sion, agus chi thu maith Ierusalem rè uile laith-ean do bheatha.

6 Scadh, chi thu clann do chloinne, agus sìth air Israel.

## SALM CXXXIX.

*Laoidh nan ceum.*

**I**S minic a chràidh iad mi o m'òige, abradh Israel a nis.

2 Is minic a chràidh iad mi o m'òige; gidheadh cha d'thug iad buaidh orm.

3 Air mo dhruim threabh an luchd-treabhaidh; tharruing iad an scrioban fada.

4 Tha an Tighearna cothromach: ghearr e o chéile cuid nan aingidh.

5 Cuircar gu h-amhluidh, agus pillcar air an àis iadsan uile le'm fuathach Sion.

6 Bithidh iad mar fheur air mullach thighean, a shcargas mun fàs e suas:

7 Leis nach lion am buaniche a ghlac, no fear-ceangail nan sguab a bhrollach<sup>1</sup>.

8 Nì mòr thoir iadsan a bhios a' dol seachad riu, Beannachd an Tighearna gu robh oirbh: tha sinn 'gar beanuachadh ann an ainm an Tighearna.

## SALM CXXX.

*Laoidh nan ceum.*

**O** NA doimhneachdaibh ghlaodh mi riut, a Thighearna.

2 A Thighearn, éisd ri m' ghuth; thugadh do chluasan an aire do ghuth m'ath-chuingean.

3 Ma chomharaicheas tusa aingidheachd, a Thighearna; a Thighearna, cò a sheasas.

4 Ach agadsa tha maitheanas; agus uime sin bithidh eagal air duanibh romhad.

5 Tha mi a' feitheamh air an Tighearna, tha m'anam a' feitheamh, agus na fhocal tha mo dhòigh.

6 Tha m'anam a' feitheamh air an Tighearna nì's mò na luchd-faire na maidne, seadh, na luchd-faire na maidne.

7 Earbadh Israel as an Tighearna; oir aig an Tighearna tha tròcair, agus aige-san tha mòr shaorsa;

8 Agus saoraidh e Israel o 'euceartaibh gu léir.

## SALM CXXXI.

*Laoidh nan ceum, le Daibhidh.*

**A** THIGHEARNA, cha n'eil mo chridhe uaibhreach, no mo shùilean arda;

agus cha do ghabh mi gnothuch ri nithibh mòra, no ri nithibh arda air mo shon.

2 Gu deimhin shocraich agus chiuinich mi m'anam, mar leanabh a chuireadh o chich a mhàthar; mar leanabh a chuireadh o'n chich, tha m'anamsa.

3 Earbadh Israel as an Tighearna, o'n àm so agus gu bràth.

## SALM CXXXII.

*Laoidh nan ceum.*

**C**UIMHNICH, Thighearn, air Daibhidh, agus air 'uile àmhghar:

2 Mar a bhionnaich e do'n Tighearn, a bhòidich e do *Dhia* treun Iacoib, ag ràdh,

3 Gu deimhin cha d'fhéid mi do phàillium mo thighe, cha d'fhéid mi suas air mo leabaidh;

4 Cha d'hoir mi codal do m' shùilibh, no suain do m' rosgaibh<sup>2</sup>.

5 Gus am faigh mi àit do'n Tighearn, ionad-còmhnuidh do *Dhia* treun Iacoib.

6 Feuch, chuala sinn uime aig Ephrata; fhuair sinn e ann am machairibh na coille<sup>3</sup>.

7 Théid sinn a steach d'a phàilliumaibh; sluchdaidh sinn aig stòl a chois.

8 Eirich, a Thighearna, gu d' thàmh, thu féin agus àire do neirt.

9 Sgeadaichear do shagairt le h-ionracas, agus deanadh do naoimh luath-ghaire.

10 Air sgàth Dhaibhidh t'òiglaich, na cuir air a h-ais aghaidh t'Aoin ungta.

11 Mhionnaich an Tighearna do Dhaibhidh am firinn; cha phill e uaith: Do thoradh do chuirp suidhichidh mi air do righ-chaitlir.

12 Ma choimhideas do chlànn mo choimhcheangal agus mo theistean, a theagaisgeas mi dhoibh, suidhidh mar an ceudna an clann-san air do righ-chaitlir gu bràth.

13 Oir ròghnuich an Tighearna Sion; mhiannuich e i mar ionad-còmhnuidh dha féin, ag ràdh,

14 Is i so mo shuaimhneas gu sìorruidh: an so gabhaidh mi còmhnuidh, oir mhiannuich mi i.

15 Beannuichidh mi gu mòr a lòn<sup>4</sup>; sàsuichidh mi a bochan le h-aran.

16 Eudaichidh mi a sagairt le slàinte; agus nì a naoimh ard luath-ghaire.

17 An sin bheir mi air adharc Dhaibhidh fàs: dh'orduich mi lòchran do m' Aon ungta.

18 Eudaichidh mi a naimhdean le nàire: ach air féin thig a choron fo<sup>5</sup> bhlàth.

## SALM CXXXIII.

*Laoidh nan ceum, le Daibhidh.*

**F**EUCH, cia maith agus cia taitneach an nì, do bhràithribh còmhnuidh a ghabhail cuideachd ann an aonachd!

2 Mar dheadh cladh-ungaidh air a' cheann, a ruith sìos air an fheusaig, feus-

<sup>1</sup> uchd, 'achlais. <sup>2</sup> do shùbhraidh bh mòr shùil.

<sup>3</sup> Iar, Eabh.

<sup>4</sup> teachd-an-tìr.

<sup>5</sup> suidh.

aig Aaroin, a ruith sìos air iomall a thrusgain;

3 Mar dhealt air Hermon, a thuiteas air sléibhtibh<sup>1</sup> Shioin<sup>2</sup>: oiran sin dh'àithn an Tighearn am beannachadh, beatha gu sìorruidh.

## SALM CXXXIV.

*Laoidh nan ceum.*

**F**EUCH, beannuichibh an Tighearna, sibhse òglacha an Tighearna gu léir, a sheas ann an tigh an Tighearna gach oidhech.

2 Togaibh bbur làmbha anns an ionad naomha<sup>3</sup>, agus beannuichibh an Tighearna.

3 Beannuicheadh an Tighearn thu a Sion, a rinn nèamh agus talamh.

## SALM CXXXV.

**M**OLAIBH an Tighearna, molaibh ainm an Tighearna, molaibhse, òglacha an Tighearna;

2 Sibhse a sheas ann an tigh an Tighearna, ann an càirtibh tìghe ar Dé.

3 Molaibh an Tighearn, oir tha'n Tighearna maith: seinnibh cliu d'a ainm, oir tha e taitneach.

4 Oir ròghnaich an Tighearna Jacob dha féin, Israel mar 'ionmhas sònruichte.

5 Oir tha fios agam gur mòr an Tighearn, agus gu bheil ar Tighearn os cionn nan uile dhe.

6 Ge b'e ni bu toil leis an Tighearn rinn e air nèamh agus air talamh, anns na cuan-taibh, agus anns na doimhneachdaibh uile.

7 Is esan a bheir a' cheò dol suas o chrich na talmhainn; a ni dealanach le h-uise; a bheir a mach a' ghaoth as 'ionadaibh-tasgaidh;

8 A bhuail ceud-ghin na h-Eiphit, araon duine agus ainmhidh;

9 A ehuir comharan agus iongantasan ann ad mheadhon, O Eiphit; air Pharaoh agus air 'òglachaibh gu léir;

10 A bhuail cinnich mhòra, agus a mharbh rìghre mòra,

11 Sìhon rìgh nan Amorach, agus Og rìgh Bhasain, agus uile rioghachda Chanaain.

12 Agus a thug am fearann mar oighreachd, mar oighreachd do Israel a shluagh.

13 *Mairidh* t'ainmsa, a Thighearna, gu bràth; do chuimhne, a Thighearna, o linn gu linn.

14 Oir bheir an Tighearna breth air a shluagh, agus gabhaidh e aithreachas a thaobh a sheirbhiseach.

15 Is airgid agus òr ìodhoil<sup>4</sup> nan cinneach, obair làmbha dhaoine.

16 Tha beul aca, ach cha labhair iad; suilean aca, ach cha'n fhaic iad.

17 Tha cluasan aca, ach cha chluinn iad: ni mò a tha anail nam beul.

18 Cosmhuil riu féin tha iadsan a ni iad, gach neach a dh'earbas asda.

19 A thigh Israeil, beannuichibh an Tighearn; a thigh Aaroin, beannuichibh an Tighearn.

20 A thigh Lebhi, beannuichibh an Tighearn: sibhse air am bheil eagal an Tighearna, beannuichibh an Tighearn.

21 Beannuichte gu robh an Tighearn as Sion, aig am bheil a chòmhnuidh ann an Ierusalem. Molaibhse an Tighearn.

## SALM CXXXVI.

**O** THUGAIBH buidheachas do'n Tighearn, oir tha e maith; oir gu bràth *mairidh* a thròcair.

2 Thugaibh buidheachas do Dhia nan dia: oir gu bràth *mairidh* a thròcair.

3 Thugaibh buidheachas do Thighearna nan tighearna; oir gu bràth *mairidh* a thròcair.

4 Dha-san na aonar a ni iongantasan mòra; oir gu bràth *mairidh* a thròcair.

5 Dha-san a rinn na nèamha le gliocas; oir gu bràth *mairidh* a thròcair.

6 Dha-san a shìn an talamh os cionn nan uise; oir gu bràth *mairidh* a thròcair.

7 Dha-san a rinn soluis mhòra; oir gu bràth *mairidh* a thròcair.

8 A' ghrian a riaghladh an latha<sup>5</sup>; oir gu bràth *mairidh* a thròcair.

9 A' ghealach agus na reultan a riaghladh na h-oidhech; oir gu bràth *mairidh* a thròcair.

10 Dha-san a bhuail na h-Eiphitich<sup>6</sup> nan ceud-ghinibh; oir gu bràth *mairidh* a thròcair.

11 Agus a thug a mach Israel as am meadhon; oir gu bràth *mairidh* a thròcair.

12 Le làimh thréin, agus le gairdean sìnte mach; oir gu bràth *mairidh* a thròcair.

13 Dha-san a roinn a' mhuir ruadh na roinnibh<sup>7</sup>; oir gu bràth *mairidh* a thròcair.

14 Agus a thug air Israel dol trid a mheadhoin; oir gu bràth *mairidh* a thròcair.

15 Ach a thilg Pharaoh agus 'armailt bun os cionn anns a' mhuir ruaidh; oir gu bràth *mairidh* a thròcair.

16 Dha-san a threòraich a shluagh trid an fhàsaich: oir gu bràth *mairidh* a thròcair.

17 Dha-san a bhuail rìghre mòra; oir gu bràth *mairidh* a thròcair:

18 Agus a mharbh rìghre treuna; oir gu bràth *mairidh* a thròcair:

19 Sìhon rìgh nan Amorach; oir gu bràth *mairidh* a thròcair:

20 Agus Og rìgh Bhasain; oir gu bràth *mairidh* a thròcair:

21 Agus a thug am fearann mar oighreachd; oir gu bràth *mairidh* a thròcair:

22 Mar oighreachd do Israel 'òglach féin; oir gu bràth *mairidh* a thròcair:

23 A chuimhnich oirnn nar staid iosail; oir gu bràth *mairidh* a thròcair:

<sup>1</sup> slabh. <sup>2</sup> Shioin. Faic Deut. Caib. IV. r. 42.

<sup>3</sup> le naomhachd, <sup>4</sup> dealbha, <sup>5</sup> san atha.

<sup>6</sup> an Eiphit. <sup>7</sup> na h-earranaibh.



24 Agus a shaor sinn o ar naimhaidh ;  
oir gu bràth *mairidh* a thròcair :

25 A tha tabhairt bidh do gach feoil ; oir  
gu bràth *mairidh* a thròcair.

26 O thugaibh buidheachas do Dhia nan  
neamh ; oir gu bràth *mairidh* a thròcair.

## SALM CXXXVII.

**L**AIMH ri aibhnicibh Bhabiloìn, an  
sin shuidh, agus ghuil sinn, an uair  
a chuimhnich sinn air Sìon.

2 Air na erannaibh seilich na meadhon  
chroch sinn ar elàrsaichean.

3 Oir an sin dh'iarr iadsan, a thug am  
braighdeanas sinn, òran oirn ; agus *dh'iarr*  
iadsan, a rinn fògaraich dhìun<sup>1</sup>, aobhneas  
oirn, *ag ràdh*, Seinnibh dhuinn aon do  
laoidhibh Shìoin.

4 Cionnus a sheinneas sinne laoidh an  
Tighearna ann an tìr eòimhich ?

5 Ma dhi-chuimhnichas mise thusa, a  
Ierusalem, di-chuimhnichheadh mo làmh  
dheas a seòltachd.

6 Leanadh mo theanga ri m' ghial<sup>2</sup>,  
mur euimhnich mi ort, mur fearr leam  
Ierusalem na m' aobhneas a's airde.

7 Cuimhnich, a Thighearna, clann Edoim,  
ann an latha Ierusalem, a thubhairt,  
Leagaibh, leagaibh<sup>3</sup> sios i gu ruig a bunait.

8 A nighean Bhabiloìn, a lom-sgrìosar<sup>4</sup>,  
*is* sona *esan* a dhiolas dhuitse, a rèir mar a  
rinn thu oirnne.

9 *Is* sona *esan* a ghlaes agus a phronnas  
do ehlann bheag ris na clachaibh.

## SALM CXXXVIII.

*Salm le Daibhidh.*

**M**OLAIDH mi thu, a Thighearna, le  
m'uile ehiridhe ; an làthair nan dé  
seinnidh mi eliu dhuit.

2 Sleuehdaidh mi aig do theampull<sup>5</sup>  
naomha, agus molaidh mi t'ainn air son  
do ehaomhneis-gràidh, agus air son t'fhìr-  
inne ; oir dh'ardaich thu t'fhoel os eionn  
t'ainme uile.

3 San là air an do ghlaodh mi *riut*,  
fhreagair thu mi ; neartaich thu mi a'm  
anam le treoir.

4 Molaidh uile rìghre na talmhainn thu,  
a Thighearna, 'nuair a chluinneas iad  
briathra do bheoil :

5 Agus seinnidh iad ann an slighibh an  
Tighearna ; oir *is* mòr glòir an Tighearna.

6 Ge h-ard an Tighearna, gidheadh  
seallaibh e air an iriosal ; aeh aithnichidh  
e an t'uaibhreach fad as.

7 Ge do ghluais mi ann am meadhon  
àmhghair<sup>6</sup>, ath-bheothaichidh tu mi ; an  
aghaidh corruich mo naimhde sinidh tu do  
làmh, agus saoraidh do dheas làmh mi.

8 Coimhlonaidh an Tighearna air mo  
shon ; *mairidh* do thròcair, a Thighearna,  
gu bràth : na tréig oibre do làmh.

## SALM CXXXIX.

*Do'n ard fhear-ciail. Salm le Daibhidh.*

**A** THIGHEARNA, rannsaich<sup>7</sup> thu mi,  
agus is aithne dhuit mi.

2 Is aithne dhuit mo shuidhe agus  
m'fìrigh ; tuigidh tu mo smuainte fad as.

3 Chuairtich thu mo cheum agus mo  
luidhe sìos, agus air mo shlighibh gu léir  
is fiosrach thu.

4 Oir feuch, eha 'n'eil focal air mo  
theangaidh, a Thighearna, nach aithne-  
dhuit gu léir.

5 Am dhéigh, agus romham, ehuairtich  
thu mi<sup>8</sup>, agus chuir thu do làmh orm.

6 *Is* ro-iongantach an t-eòlas so air mo-  
shon : tha e ard ; cha ruig mi air.

7 C'ait an d'théid mi o d' spiorad ? agus  
e'ait an teich mi o d' ghnùis<sup>9</sup> ?

8 Ma théid mi suas do neamh, *tha* thu 'n  
sin ; ma ni mi mo leabadh ann an ifrinn<sup>10</sup>,  
feuch, *tha* thu 'n sin.

9 Ma ghabhas mi sgiathia na maidne,  
agus gu còmhnuich mi ann an ionadaibh  
iomallaeh na fairge ;

10 Eadhon an sin stiùraidh do làmh mi,  
agus cumaidh do dheas làmh mi.

11 Ma their mi, Gu deimhin folaichidh  
an dorehadas mi, bithidh an oidhehe féin  
mar sholus mu'n euairt orm.

12 Cha'n fholaieh eadhon an dorehadas  
uaitse, aeh dealraichidh an oidheche mar an  
latha : *is* ionann an dorehadas agus an  
solus duitse.

13 Oir ghabh thu sealbh air m'airnibh :  
dh'fholuich thu mi ann an broinn mo-  
mhàthar.

14 Molaidh mi thu, oir is uamhasaeh,  
iongantach a dhealbhadh mi ; is iongantach  
t'òibre-sa, agus *is* ro-fhiosraeh m'anam air-  
sin.

15 Cha d'fholaieheadh mo ehorp<sup>11</sup> uait  
an uair a rinneadh mi an diomhaircaehd, a  
dhealbhadh mi gu h-iongantach ann an  
ionadaibh ìochdaraeh na talmhainn.

16 Chunnaic do shùilean mo cheud-fhàs  
an-abuieh, agus ann ad leabhar sgrìobhadh  
sìos mo *bhuill* uile, a dhealbhadh ri h-ùine,  
gun aon diubh *fathast* ann.

17 O eia luachmhor leamsa do smuainte-  
sa, a Dhé ? cia mòr an ùibhir<sup>12</sup> ?

18 Nan àirinnidh iad, is lionmhoire iad  
na a' ghaineamh : 'nuair a dhùisgeas mi,  
tha mi a ghnàth maille riutsa.

19 Gu einnteach, a Dhé, marbhaidh tusa  
an t-aingidh : uime sin, a dhaoine fuil-  
eachdaeh, imiehibh uam :

20 Oir labhair iad a't' aghaidh gu  
h-aingidh ; thug do naimhde t'ainm an  
diomhanas.

21 Nach 'eil mi tabhairt fuath, a Thigh-  
earna, dhoibhsan, a tha toirt fuath dhuitse ?

<sup>1</sup> a chreach, a chluaidh sinn.

<sup>2</sup> chàirean.

<sup>3</sup> Rùisgibh, rùisgibh.

<sup>4</sup> dh'fhàsaichear.

<sup>5</sup> a

<sup>6</sup> Rùm do theampull.

<sup>7</sup> teinn, trioblaid.

<sup>8</sup> dh'fhàidh.

<sup>9</sup> dhealbhadh thu mi.

<sup>10</sup> fhiannais.

<sup>11</sup> lùthaireachd.

<sup>12</sup> anns an ionad a's òchd-

araiche, anns an uigh.

<sup>13</sup> neart.

<sup>14</sup> annas ceann, an àireamh.

agus nach 'eil mi gabhail gràin dhiubhsan, a tha 'g éirigh suas a't' aghaidh ?

22 Le fuath ionlan tha mi toirt fuath dhoibh ; mar naimhde measam iad<sup>1</sup>.

23 Rannsuich mi, a Dhé, agus aithnich mo chridhe : dearbh mi, agus tuig mo smuainte.

24 Agus amhaire am bheil slighe ole air bith annam, agus treùruich mi annus an t-slighe shiorruidh.

## SALM CXL.

*D'on ard fhear-ciùil. Salm le Daibhidh.*

**T**EASAIRG mi a Thighearn, o'n droch dhuine : o fhear na foirceigne gléidh mi ;

2 A tha smuaineachadh aimhleis nan cridhe ; cruinnichidh iad gach là<sup>2</sup> chum cogaidh.

3 Ghetraich iad an teanga, mar *theangaidh* nathrach ; tha nimh na nathrach fo'm bilibh. Selah.

4 Gléidh mi, a Thighearn, o làmhaidh nan aingidh, o fhear an fhoirneirt dìon mi, le'm b'ail mo cheumanna thilgeadh bun os cionn.

5 Dh'fholuich na h-uabhrich ribe dhomh, agus euird ; sgaoil iad lion ri taobh na slighe ; leag iad ceapa-tuislidh dhomh. Selah.

6 Thubhairt mi ris an Tighearn, *Is tu mo Dhia* : éisd, a Thighearn, ri guth m'athchuingeann.

7 A Iehobhah, a Thighearn, neart mo shlàinte ; dh'fholuich thu mo cheann ann an latha catha.

8 Na dcònuich, a Thighearn, miannan an aingidh, na soirbhich le 'ais-innleachd, air eagal gu'n ardaich siad iad féin. Selah.

9 A thaobh nan daoine a chuairtich mi, còmhdaicheadh<sup>3</sup> aimhleas am bilean féin iad.

10 Tuiteadh eibhlean teine orra, san teine tilgear iad ; ann an slochdaibh domhain, chum nach éirich iad a ris.

11 Na daingnichear fear-labhairt uile air an ta'amh : sealgaidh ole air fear an fhoirneiri, chum a sgrios.

12 Tha fhios agam gu'n cum an Tighearn ceartas ris an duine thruagh, còir ris na bochdaibh.

13 Gu dearbh bheir na fireana moladh do t'ainn : gabhaidh na h-ionracain còmhnuidh a't' fhianuis.

## SALM CXLI.

*Salm le Daibhidh.*

**A** THIGHEARNA, tha mi ag éigheach riut, geras a m' ionnsuidh : éisd ri m' ghuth, 'nuair a dh'éigheas mi riut.

2 Cuirear m'ùrnuigh a'd' làthair, mar thùis ; togail suas mo làmh, mar an iobairt fheasgair.

3 Cuir, a Thighearn, faire air mo bheul ; gléidh dorus mo bhilean.

4 Na aom mo chridhe gu ni ole air bith, gu bearta aingidh a chur an gnòmh le luchd-deanamh na h-euceirt : agus na h-itheam féin d'an nithibh mìlse.

5 Buailleadh am firean mi, is caoimhneas e ; agus cronaicheadh e mi, is oladh luachmhor e, nach bris mo cheann : oir fathast bithidh m'ùrnuigh mar an ceudna air an son nan àmhghairibh.

6 'Nuair a thilgear sìos am breitheamhna ann an ionadaibh clachach, éisidh iad ri m' bhrìathraibh, oir tha iad mìlis.

7 Mar a ghearras agus a sgoiltcas neach fiodh air an làr, sgaoileadh ar cnàmhan aig beul na h-uaghe.

8 Ach a't' ionnsuidh-sa, a Iehobhah, a Thighearn, tha mo shùilean : annadsa chuir mi mo dhòigh ; na tréig m'anam<sup>4</sup>.

9 Coimhid mi o'n ribe a leag iad dhomh, agus o cheapaibh-tuislidh luchd-deanamh na h-euceirt.

10 Tuiteadh na h-aingidh nan lìontaibh féin, am feadh a bhios mise a' gabhail thairis.

## SALM CXLII.

*Maschil le Daibhidh. Ùrnuigh 'nuair a bha e anns an uaimh.*

**E** M' ghuth ghlaodh mi ris an Tighearn ; le m' ghuth dh'ashuich mi air an Tighearn.

2 Thaum mi mo ghearan na làthair ; chuir mi 'n céill mo theinn na fhianuis.

3 'Nuair a chlaoidheadh mo spiorad annam, b'aithne dhuitse mo cheum : san t-slighe air an d'ìnich mi, dh'fholuich iad ribe dhomh.

4 Dh'amhaire mi air mo làmh dheis, agus feuch, cha robh fear ann d'au b'aithne mi ; thréig cabhair mi ; cha robh neach ann a dh'fheòraicheadh air son m'anama.

5 Ghlaodh mi riut, a Thighearn ; thubhairt mi, *Is tu mo thearmunn*<sup>5</sup>, mo chuibhrionn ann an tìr nam beo.

6 Thoir an aire do m' ghlaodh, oir dh'islicheadh mi gu mòr ; saor mi uathasan a tha'n tòir orm, oir is treise iad na mi.

7 Thoir m'anam a prìosun, chum gu mol mi t'ainm : cuartichidh na fireana mi, oir buinidh tu gu fial rium.

## SALM CXLIII.

*Salm le Daibhidh.*

**C**LUINN m'ùrnuigh, a Thighearn ; éisd ri m'athchuingeibh ann a t'fhìrinn, freagair mi ann ad cheartas.

2 Agus na d'thig ann am breitheanas le t'òglach ; oir ann a t'fhianuis cha'n fhìreanaichear duine beo air bith.

3 Oir gheur-leann an nàmhaid m'anam, bhuail e mo bheatha sìos gu làr ; thug e

<sup>1</sup> tha iad agam. Eabhl.

<sup>2</sup> a glòidh.

<sup>3</sup> còmhdaichidh.

<sup>4</sup> na dean m'anam salamh,

lòm.

<sup>5</sup> mo dhècan, mo dhèchas.



Orn còmhnuidh ghabhail ann an dorchadas, mar iadsan a bha fada marbh.

4 Uime sin chlaoidheadh mo spiorad annam; tha mo chridhe briste an taobh a stigh dhìom.

5 Is cuimhne leam na laithean o chian, tha do ghnìomhara gu léir a' teachd a'm' aire; tha mi a' beachd-smuaineachadh air obair do làmh.

6 Shìn mi mo làmhan riutsa: *tha m'anam*, mar thalamh tartmhor<sup>1</sup> an geall ort. Selah.

7 Eisd rium gu grad, a Thighearna; chaidh as do m' spiorad: na folaidh do ghnùis orm, air eagal gu'm bi mi cosmhuil riu-san a théid sìos do'n t-slochd.

8 Thoir orm do chaoimhneas-gràidh a chluinntinn anns a mhaduinn, oir annadsa chuir mi mo dhòigh: thoir orm gu'n aithnich mi an t-slighe anns an còir dhomh imeachd, oir riutsa tha mi togail suas m'anama.

9 Teasaig mi o m' naimhdibh, a Thighearna: a t'ionnsuidh-sa teichidh mi<sup>2</sup>.

10 Teagaisg dhomh do thoil a dheanamh, oir is tu mo Dhia: treòraicheadh do spiorad maith mi gu tìr an ìonraicais.

11 Air sgàth t'ainme, a Thighearna, beothaich thusa mi: trid t'fhèantachd saor m'anam o theinn.

12 Agus trid do thròcair gearr as mo naimhdean, agus sgrios iadsan uile a tha claidh m'anama; oir is nì t'òglach.

## SALM CXLIV.

*Salm le Daibhidh.*

**B**EANNUICHTE gu robh an Tighearna mo charraig<sup>3</sup>, a theagaisgeas mo làmha gu cath, mo mheoir gu comhrag:

2 Mo mhaith, agus mo dhaingneach, mo thùr ard, agus m'fhear-saoraidh-sa, mo sgiath, agus an tì as an earb mi, a cheannsaicheas mo shluagh<sup>4</sup> fodham.

3 A Thighearna, ciod e an duine, gu bheil thu a' gabhail eòlais air? mac an duine, gu bheil meas agad air?

4 Is cosmhuil an duine ri dìomhanas: *tha* a laithean mar sgàile a ghablas seachad.

5 A Thighearna, lùb do fhlaithheasa, agus thig a nuas: bean ris na beanntaibh, agus bithidh deatach dhiubh.

6 Cuir a mach dealanach, agus sgaoil iad; tilg do shaighdean, agus claidh iad.

7 Sìn uait do làmh o'n airde, saor mi, agus teasaig mi o uisgibh mòra, a làimh cloinne choigreach;

8 Aig am bheil am beul a' labhairt dìomhanais, agus is i'n deas làmh deas làmh na bréige.

9 A Dhé, seinnidh mi dhuit òran nuadh; air an t-saltair, *air inneal-ciuil* nan deich teud, seinnidh mi moladh dhuit.

10 Is esan a bheir buaidh<sup>5</sup> do righribh, a shaoras Daibhidh, t'òglach fèin, o'n chlaoidheamh mhillteach.

11 Saor mi, agus teasaig mi o làimh cloinne choigreach, aig am bheil am beul a' labhairt dìomhanais, agus is i'n deas làmh deas làmh na bréige:

12 Chum gu'm bi ar mic mar ùr chroinn a' fàs suas nan òige, ar nigheana mar chlachaibh oisinne, snàidhte a' rèir cosamhlachda lùchairte.

13 Chum gu'm bi ar saibhlean làn, a' toirt uatha do gach gnè thoraidh, ar caoraich a' breth nam mìltean, seadh deich mìltean nar machairibh<sup>6</sup>;

14 Gu'm bi ar daimh làidir gu h-obair; nach bi briseadh steach ann, no dol a mach; agus nach bi gearan nar sràidibh.

15 Is sona an sluagh, a tha san staid<sup>7</sup> so: is sona an sluagh, d'an Dia an Tighearna.

## SALM CXLV.

*Laoidh-mholaidh le Daibhidh.*

**A**RDACHIDH mi thu, mo Dhia, mo Rìgh; agus beannuichidh mi t'ainm gu saoghal nan saoghal.

2 Gach là beannuichidh mi thu, agus molaidd mi t'ainm gu saoghal nan saoghal.

3 Is mòr an Tighearna, agus is ro-airidh e air moladh, agus cha'n fheadar a mhòrachd a rannsachadh.

4 Molaidd àl do àl do ghnìomhara, agus cuiridh iad an cèill t'òibre cumhachdacha.

5 Air urram glòire do mhòrachd agus air t'òiribh iongantach labhraidh mi<sup>8</sup>.

6 Agus labhraidh daoine<sup>9</sup> air neart do bhearta uamhasach; agus aithrisidh mise<sup>10</sup> do mhòrachd.

7 Cuiridh iad an cèill gu pailt cuimhne do mhaithéis mhòir, agus ard-mholaidh iad t'fhèantachd.

8 Is grasmhor agus truacanta an Tighearna; mall chum feirge, agus pailt ann an tròcair.

9 Is maith an Tighearna do na h-uile, agus *tha* a chaomh thròcairean os cionn t'òibre uile.

10 Molaidd t'òibre gu léir thu, a Thighearna; agus beannuichidh do naoimh thu.

11 Air glòir do rioghachd labhraidh iad, agus cuiridh iad an cèill do chumhachd:

12 Chum a<sup>11</sup> bhearta iongantach a dheanamh aithnichte do chloinn nan daoine, agus glòir mòralachd a<sup>12</sup> rioghachd.

13 Is rioghachd shìorruidh do rioghachdas; agus *mairidh* t'uchdaranachd air feadh nan uile ghinealach.

14 [Tha an Tighearna firinneach na uile bhriathraibh, agus naomha na uile ghnìomharaibh.]

15 Cumaidh an Tighearna suas iadsan

<sup>1</sup> ann an tìr thartmhoir. <sup>2</sup> teichidh mi gu m'fholach. <sup>3</sup> mo neart. <sup>4</sup> na slòigh. <sup>5</sup> slàinte. <sup>6</sup> sràidibh. <sup>7</sup> inbhe, chor. <sup>8</sup> Air urram

glòire do mhòrachd labhraidh iad, agus air t'òiribh iongantach beachd-smuainichidh iad. <sup>9</sup> iad. <sup>10</sup> iad. <sup>11</sup> do. <sup>12</sup> do.

uile a tha tuiteam, agus togaidh e 'n aird iadsan uile a tha air cromadh sìos.

16 Tha sùilean nan uile a' feitheamh ort, agus bheir thu dhoibh am biadh na thràth.

17 Tha thu fosgladh do làimh, agus a' sàsachadh miann gach ni beo.

18 Tha'n Tighearna ceart na uile shlighibh, agus naomha na uile ghnìomharaibh.

19 Is dlùth an Tighearna dhoibhsan uile, a ghairmeas air, dhoibhsan uile, a ghairmeas air am firinn.

20 Coinhlianaidh e miann na droinge d'an eagal e; agus éisdidh e r'an glaoth, agus saoraidh se iad.

21 Gleidhidh an Tighearna iadsan uile a ghràdhachas e; ach sgriosaidh e na h-aingidh gu léir.

22 Air cliu an Tighearna labhraidh mo bheul: agus beannaichidh gach feoil 'ainm naomha-san gu saoghal nan saoghal.

#### SALM CXLVI.

**M**OLAIBHSE an Tighearna: mol an Tighearna, O m'anam.

2 Molaidh mi an Tighearna an cian is beo mi<sup>1</sup>; seinnidh mi cliu do n<sup>2</sup> Dhia, am feadh a bhios bith agam.

3 Na h-earbaibh a h-uachdaranuibh<sup>2</sup>, a mac duine sam bith, anns nach 'eil furtachd.

4 Théid 'anail as, pillidh e g'a ùir: san là sin féin théid as d'a smuaintibh.

5 Is sona an ti aig am bheil Dia Iacoib mar a chabhair, aig am bheil a dhòchas anns an Tighearna a Dhia,

6 A rinn nèamh agus talamh, a'mhuir agus gach ni a ta anna; a ghleidheas firinn gu bràth,

7 A chumas còir riu-san a tha fo fhoirneart, a bheir biadh do na h-oraich. Cuiridh an Tighearna na prìosunaich fa sgaoil.

8 Fosglaidh an Tighearna sùilean nan dall; togaidh an Tighearna suas iadsan a tha air an cromadh sìos: is ionnmhuinn leis an Tighearna na fireana.

9 Gleidhidh an Tighearna na coigrich; togaidh e suas an dilleachdan agus a' bhantrach: ach tilgidh e slighe nan aingidh bun os cionn.

10 Rìoghaichidh an Tighearna gu bràth, do Dhia-sa, a Shìon, o linn gu linn. Molaibhse an Tighearna.

#### SALM CXLVII.

**M**OLAIBHSE an Tighearna; oir is maith an ni a bhi tabhairt cliu d'ar Dia, oir a ta e taitmeach, agus a ta moladh ciatfach.

2 Togaidh an Tighearna suas Ierusalem; cruinnichidh e ri chèile diobaraich Israel.

3 Leighisidh e iadsan, aig am bheil cridhe briste, agus ceanglaidh e suas an leònta<sup>3</sup>.

4 Innsidh<sup>4</sup> e àircamh nan rionnag; bheir e ainmean orra uile.

5 Is mòr an Tighearna, agus is mòr a chumhachd: tha a thuisge gun tomhas.

6 Togaidh an Tighearna suas na daoine ciuin<sup>5</sup> tilgidh e sìos na h-aingidh gu làr.

7 Seinnibh do'n Tighearna le buidheachas; seinnibh moladh d'ar Dia-ne air a' chlàrsaich:

8 A dh'fholaicheas<sup>6</sup> nèamh le neulaibh, a dh'ulluicheas uisge do'n talamh, a bheir air fear fàs air na sléibhtibh.

9 Bheir esan a bhiadh do'n ainmhidh, do na fithich òg a ghoireas<sup>7</sup>.

10 Ann an neart an eich cha bhi a dhùil; ann an cosaibh fir cha ghabh e tlachd.

11 Gabhaidh an Tighearna tlachd anna-san d'an eagal e, a chuireas an dòigh na thròcair.

12 Mol an Tighearna, a Ierusalem; mol do Dhia, a Shìon:

13 Oir neartaich e croinn do gheatacha, bheannaich e do chlànn an taobh a stigh dhìot.

14 Ni e sìth a'd<sup>8</sup> chrìochaibh; sàsuichidh e thu le smior a' chrùimeachd.

15 Cuiridh e mach 'àithne air thalamh; gu luath ruithidh 'fhocal.

16 Bheir e sneachda mar olainn; sgaoilidh e an liath-reodh mar luathre.

17 Tilgidh e mach 'eigh<sup>8</sup> mar ghreamanna; cò dh'fheudas seasamh fa chomhair 'fhuachda?

18 Cuiridh e mach 'fhocal, agus leaghaidh e iad; séididh a ghaoth, sruthaidh na h-uisgeacha.

19 Foillsichidh e 'fhocal do Jacob, a reachdan agus a bhreitheanais do Israel.

20 Cha do bhuin e mar so ri cìneach sam bith, cha mhò a b'athne dhoibh a bhreitheanais. Molaibhse an Tighearna.

#### SALM CXLVIII.

**M**OLAIBHSE an Tighearna. Molaibh an Tighearna o na nèamhaibh; molaibh e anns na h-ardaibh.

2 Molaibh e, 'aingle uile; molaibh e, a shlòigh uile.

3 Molaibh e, a ghrian agus a ghealach; molaibh e, uile reulta solais.

4 Molaibh e, a nèamha nan nèamh, agus uisgeacha a tha os cionn nan nèamh.

5 Moladh iad ainm an Tighearna; oir dh'àithn e, agus chruthaicheadh iad.

6 Agus dhaingnich e iad gu saoghal nan saoghal; rinn e àithne, nach d'fhéid tharis<sup>9</sup>.

7 Molaibh an Tighearna o'n talamh, a dhràgona, agus a dhoimhneachdan uile.

8 Teine<sup>10</sup> agus clach-sneachd, sneachda

<sup>1</sup> rè mo bheatha.

<sup>2</sup> doighheasan.

<sup>3</sup> doighheasan.

<sup>4</sup> doighheasan.

<sup>5</sup> doighheasan.

<sup>6</sup> doighheasan.

<sup>7</sup> doighheasan.

<sup>8</sup> doighheasan.

<sup>9</sup> doighheasan.

<sup>10</sup> doighheasan.



agus ce), gaoth dhoinionnach a' coinh-lìonadh 'fhocail,

9 Na beannta agus na cnuic uile, craobhan-meas<sup>1</sup> agus na h-uile sheudair<sup>2</sup>,

10 *Fìadh*-bhicathaiche, agus gach uile ainmhidh, nithe snàigeach, agus eunlaith iteagach<sup>3</sup>,

11 Rìghre na talmhainn agus na h-uile shlòigh, uachdarana agus uile bhreith-eamhna na talmhainn,

12 Araon òig-fhir agus òighean, seann daoine agus clann<sup>4</sup>;

13 Moladh iad sin ainm an Tighearna: oir a ta 'ainm-san a mhàin urramach<sup>5</sup>, *tha* a ghàird os cionn na talmhainn, agus nan nèamh.

14 Agus dh'ardaich e adhar a shluaigh, moladh a naomh uile, *eadhon* chloinn Israeil, sluaigh a ta'm fagus da. Molaibhse an Tighearna.

## S A L M CXLIX.

**M**OLAIBHSE an Tighearna. Seinnibh do'n Tighearna òran nuadh, *seinnibh* a mholadh ann an coimhthional nan naomh.

2 Biodh Israel aoibhneach na Chruith-fhear: deanadh clann Shìoin gairdeachas nan Rìgh.

3 Moladh iad 'ainm anns an dannsadh: le tiompan agus le clàrsaich seinneadh iad dha.

4 Oir gabhaidh an Tighearna tlachd na

shluaigh: nì e na daoine sèimh sgiamhach le slàinte.

5 Deanadh na naoimh gairdeachas ann an glòir: deanadh iad iolach<sup>6</sup> air an leap-aichibh.

6 *Biodh* ard chliu Dhé nam beul, agus claidheamh dà fhaobhair nan làimh,

7 A chum dìoghaltas a dheanamh air na cinnich, smachdachadh goirt<sup>7</sup> air na slòigh;

8 A chum an rìghrean a cheangal le slabhraidhibh, agus an ard-uaislean le geimhlibh iarunn;

9 A chum am breitheanas a chur an gnìomh orra, a tha sgrìobhta: *tha* 'n t-urram so aig a naoimh uile. Molaibhse an Tighearna.

## S A L M CL.

**M**OLAIBHSE an Tighearna. Molaibh Dia na ionad naomha; molaibh e ann an speuraibh<sup>8</sup> a chumhachda.

2 Molaibh e air son a ghnìomhara treuna; molaibh e a réir airde a mhòrachd.

3 Molaibh e le fuaim trompaide; molaibh e le saltair, agus le clàrsaich.

4 Molaibh e le tiompan agus dannsadh; molaibh e le innealaibh-ciùil nan teud, agus le organ.

5 Molaibh e le ciombalaibh fonnmhor; molaibh e le ciombalaibh ard-fhuaimneach.

6 Moladh gach nì anns am bheil anail an Tighearna. Molaibhse an Tighearna.

## GNATH-FHOCAIL.

## C A I B. I.

**G**NATH-FHOCAIL Sholaimh, mhic Dhaibhidh, rìgh Israeil;

2 A dh'aithneachadh gliocais agus teagaisg, a thuigsinn bhriathar na tuigse;

3 A' ghabhail teagaisg a' ghliocais, a' cheartaids, agus a' bhreitheanais, agus na còrach;

4 A thoirt géire dhoibhsan a ta baoghaltas<sup>9</sup>, eòlais agus céill<sup>10</sup> do'n òganach.

5 Eisdidh duine glic, agus meudaichidh e fòghlum, agus sealbhaichidh duine tuigseach comhairlean glìce:

6 A thuigsinn gnath-fhocail, agus eadar-mhìneachaidh; fhocal nan daoine glìce, agus am briathar dorchas.

7 Is e eagal an Tighearna tùs an eòlais: air gliocas agus teagasg nì amadain tàir.

8 A mhic, éisd thusa ri teagasg t'athar, agus na tréig lagh do mhàthar:

9 Oir nan coron maise bithidh iad do d'cheann, agus nan slabhruidhibh do d'mhuineal.

10 A mhic, ma thàlaidheas<sup>11</sup> peacaich thu, na aontaich thusa leo.

11 Ma their iad, Thig cinne, deanamaid feall-fheithicamh<sup>12</sup> air fuil, luidheamaid am fòlach air son an neo-chiontaich gun aobhar:

12 Mar an uaigh sluigearaid suas beo iad, agus iomlan mar iadsan a thèid sìos do'n t-slochd.

13 Gheibh sinn gach uile mhaoin luachmhor, lìonaidh sinn ar tighean le creich<sup>13</sup>.

14 Tìl a steach do chrannchur nar measgne; bithidh acn sporan againn uile.

15 A mhic, na h-imich thusa san t-slighe maille riu; cum air a h-ais do chos o'n ceum:

16 Oir tha'n cosan a' ruith a chum uile, agus a' deanamh deifir a dhortadh fola.

17 Gu deimhin is dìomhain an lìon a sgaoileadh an sealladh coin air bith.

18 Agus tha iad ri feall-fholach<sup>14</sup> an aghaidh an fola féin, tha iad a' luidhe an uaigneas an aghaidh an anama féin.

<sup>1</sup> craobhan-toraidh. <sup>2</sup> cheudair. <sup>3</sup> sgiath-ach, sgiathanach. <sup>4</sup> òganaich. <sup>5</sup> air 'ard-dachadh. <sup>6</sup> ard-sheinneadh iad. <sup>7</sup> peanas. <sup>8</sup> athar, iormoil. <sup>9</sup> aon-fhille, neo-gheur.

<sup>10</sup> eagnuidheachd, deadh chomhairle. <sup>11</sup> bhreugas, mheallas. <sup>12</sup> plaid-luidhe. <sup>13</sup> spùinne. <sup>14</sup> plaid-luidhe.

19 Mar sin tha slighean gach neach a ta sanntach air buannachd: anam a sealbhadairean bheir i air falbh.

20 Tha gliocas ag éigheach a muigh, anns na sràidibh tha i a' cur a mach a gutha;

21 Ann an aithibh sònraichte a' chomh-chruinneachaidh tha i ag éigheach, ann am fosgladh nan geata: anns a' bhaile tha i a' cur a mach a briathra,

22 Cia fhad, a dhaoine baoghalta, a ghràdhaicheas sibh baoghaltachd? agus a ghabhas luchd-fochaid tlachd nam fo-chaid, agus a bheir amadain fuath do eòlas?

23 Pilibh ri m' achmhasan: feuch, dèirtidh mi mach mo spiorad dhuibh<sup>1</sup>; ni mi aithnichte mo bhriathra duibh.

24 A chionn gu'n do ghairm mi, agus gu'n do dhiùlt sibhse, gu'n do shìnn mi mach mo làmh, agus nach d'thug duine sam bith an aire;

25 Ach gu'n do chuir sibh an neo-brìgh m'uile chomhairle, agus nach b'àill leibh a bheag do m' achmhasan;

26 Ni mise mar an ceudna gàire ri'r sgrìosa-sa; ni mi fanoid 'nuair a thig bhuir n-cagal;

27 'Nuair a thig bhuir n-eagal mar fhàs-achadh, agus a thig bhuir léir-sgrìos oirbh mar ionn-ghaoith; 'nuair a thig teinn<sup>2</sup> agus cràdh-cridhe oirbh.

28 An sin gairmidh iad ormsa, ach cha fhreagair mi; iarraidh iad mi gu inoch, ach cha'n fhaigh iad mi;

29 A chionn gu'n d'fhuathaich iad eòlas, agus nach do ròghnuich iad eagal an Tighearna.

30 Cha b'àill leo bhacag do m' chomhairle<sup>3</sup>, rinn iad tàir air m'achmhasan uile.

31 Uime sin ithidh iad do thoradh an slighe féin, agus lìonar iad le'n innleachd-aibh féin.

32 Oir marbhaidh clonadh nan daoine baoghalta iad, agus sgrìosaidh soirbheas<sup>4</sup> nan amadan iad féin.

33 Ach ge b'e dh'éisdeas riumsa, gabhaidh e còmhnuidh an tèaruinteachd, agus bithidh e saor<sup>5</sup> o eagal uile.

## CAIB. II.

**A** MHIC, ma ghabhas tu mo bhriathra-sa, agus ma dh'fholuicheas tu m'àith-eanta maille riut;

2 Air chor as gu'n aom thu do chluas ri gliocas, gu'n leag thu do chridhe air tuigse:

3 Scadh, ri eòlas ma dh'éigheas tu, ri tuigse ma thogas tu suas do ghuth;

4 Ma dh'ìarras tu i mar airgiod, agus ma rannsaicheas tu air a son, mar air son ionmhasan folaichte;

5 An sin tuigidh tu eagal an Tighearna, agus gheibh thu eòlas Dé:

6 Oir bheir an Tighearna gliocas; as a bheul thig eòlas agus tuigse.

7 Tha e tasgaidh suas gliocais fhallain air son nam firean: is sgiath e dhoibhsan a ghluaiseas gu h-ionraic.

8 Thu e a' coimhead ceumanna a' bhreith-eanaibh, agus a dìonadh slighe a naomh.

9 An sin tuigidh tu fireantachd, agus breitheanas, agus ceartas, *seudh*, gach uile dheadh shlighe.

10 'Nuair a théid gliocas a steach ann do chridhe, agus a bhios eòlas taitneach do d' anam;

11 Ni ciall do dhìonadh, coimhididh tuigse thu:

12 Gu d' shaoradh<sup>6</sup> o shlighe an droch dhuine; o'n duine a labhras ri the fiara<sup>7</sup>,

13 A dh'fhàgas ceumanna an ionracais, a dh'imeachd ann an slighibh an dorchad-ais;

14 Leis an aoibhinn an t-olc a dhean-amh, agus a tha gabhail tlachd ann an ain-gealtachd nan aingidh.

15 'G an bheil an sligheanna cam, agus iad a' clonadh nan ceumannaibh.

16 Chum do shaoradh o'n mhnaoi choimibh, o'n bhana-choigrich a ni miodal le a briathraibh;

17 A thréigean oid-ionnsuich<sup>8</sup> a h-òige, agus a dhi-chuimhnichcas coimhcheangal a Dé:

18 Oir tha a tigh a' clonadh chum bàis, agus a ceumanna chum nam marbh.

19 Cha phill duine sam bith a théid d'a h-ionnsuidh, agus a ris cha'n fhaigh e sligheanna na beatha<sup>9</sup>.

20 Chum gu'n imich thu ann an slighe dhaoine matha<sup>10</sup>, agus gu'n gléidh thu ceumanna nam firean.

21 Oir gabhaidh na h-ionracain còmh-nuidh san tìr, agus fanaidh na daoine foirfe<sup>11</sup> innte.

22 Ach gearrar na daoine aingidh bharr na talmhainn, agus spìonar luchd-eusaon-tais as.

## CAIB. III.

**A** MHIC, na di-chuimhnich mo lagh, ach gleidheadh do chridhe m'àith-eanta:

2 Oir laithean buan, agus saoghal fada, agus sìth bheir iad dhuit.

3 Na tréigeadh tròcair agus firinn thu: ceangail iad mu d' nihuineal, scriobh iad air clàr do chridhe.

4 Agus gheibh thu deadh-ghean, agus tuigse nìbhaith an sealladh Dhé agus dhaoine.

5 Earb as an Tighearna le d' uile chridhe, agus ri d' thuigse féin na biodh do thaille.

<sup>1</sup> oirbh. <sup>2</sup> àmhghar. <sup>3</sup> cha d' uontaich iad le m' chomhairle. <sup>4</sup> soirbheachadh. <sup>5</sup> sàmh-ach. <sup>6</sup> gu d' dhìon. <sup>7</sup> tarsuinn. <sup>8</sup> trèor-

uiche, fear-stiùraidh. <sup>9</sup> ni mò a ghabhas e greim do shligheibh na beatha. <sup>10</sup> matha. <sup>11</sup> iomlan, coimhlionta.



6 Ann ad uile shlighibh aidich <sup>e</sup>, agus seòlaidh esan do cheumanna.

7 Na bi glic a'd' shùilb' fèin; biodh eagal an Tighearna ort, agus tréig olc.

8 Na shlàinte bithidh e do d' iomlaig, agus na smior do d' chnàmhaibh.

9 Thoir urram do'n Tighearna le d' inhaoin, agus le ceud thoradh t'uile chinneis <sup>1</sup>.

10 Agus lìonar do shàibhlean le pailteas, agus le fion nuadh ruithidh t-fhion-amair thairis.

11 Air cronachadh an Tighearna, a mhic, na deansa tàir, agus na sgithich d'a smachdachadh.

12 Oir esan a's toigh leis an Tighearna smachdaichidh se, mar a smachdaicheas athair am mac, anns am bheil a thlachd.

13 Is sona an duine a dh'amaiseas air gliocas, agus an fear a gheibh tuigse:

14 Oir is fear a ceannachd <sup>2</sup> na ceannachd airgid, agus a buannachd <sup>3</sup> na'n t-dr.

15 Is luachmhoire i na na seudan <sup>4</sup>, agus cha 'n eil gach ni a's urrainn thu mhiannachadh r'an coimhneas <sup>5</sup> rithe.

16 Tha saoghal fada na làimh dheis; na làimh chli saibheas agus urram.

17 Is sligheanna subhachais a sligheanna, agus is sìth a ceumanna uile.

18 Is craobh beatha i dhoibhsan, a ni greim oirre, agus is sona iadsan a ghleidheas i.

19 Le gliocas shuidhich an Tighearna an talamh; le tuigse shocrach e na nèamha.

20 Le 'eòlas-san brisear suas na doimhneachdan, agus silidh na neoil a nuas an drùchd.

21 A mhic, na dealaicheadh iad ri d' shùilb': coimhid gliocas fallain agus tuigse <sup>6</sup>.

22 Agus bithidh iad nam beatha do d' anam, agus nam maise do d' mhuineal.

23 An sin imichidh tu a'd' shlighe gu tèaruinte, agus cha tuislich do chos <sup>7</sup>.

24 Nuair a luidheas tu sìos, cha bhi eagal ort: seadh, luidhidh tu sìos, agus bithidh do chodal milis <sup>8</sup>.

25 Na biodh sgàth <sup>9</sup> ort roimh eagal obann, no roimh fhàsachadh <sup>10</sup> nan aingidh, 'nuair a thig e.

26 Oir bithidh an Tighearna na thearmunn duit, agus gleidhidh e do chos o bhi air a glacadh.

27 Na cum maith o'n droing d'an dligh-eir e, 'nuair a tha e 'n comas do làimh a dheanamh.

28 Na h-abair ri d' choimhearsnach, Imich, agus thig a ris, agus am màireach bheir mi dhuìt, 'nuair a tha e agad làimh riut.

29 Na dcalbh olc an aghaidh do choimh-

earsnaich, agus e gabhail còmhnuidh gu muinghineach làimh riut.

30 Na dean stri ri duine gun aobhar, mur do rinn e cron ort.

31 Na biodh farmad agad ri fear an fhoirneirt, agus na ròghnuich a' bheag d'a shlighibh.

32 Oir is gràinealachd do'n Tighearna an duine droch-mhuine <sup>11</sup>, ach tha a rùn aig an ionracan.

33 Tha mallachd an Tighearna ann an tigh an aingidh; ach beannuichidh e àite-còmhnuidh nam firean.

34 Gu cinnteach air luchd-fochaid ni e fochaid; ach do'n iriosal bheir e gràs <sup>12</sup>.

35 Sealbhaichidh na daoine glise urram; ach is e nàire ardachadh nan amadan.

## CAIB. IV.

CLUINNIBH, a chlann, teagasg athar, agus thugaibh an aire, chum gu faigh sibh eòlas air tuigse:

2 Oir tha mi toirt duibh deadh theagaisg; na tréigibhse mo reachd.

3 Oir bu mhise mac muirneach <sup>13</sup> m'athar, agus mar aon-ghin mic bha mi ann an sealladh mo mhiathar.

4 Theagaisg e mi mar an ceudna, agus thubhairt e rium, Cumadh do chridhe mo bhriathra; coimhid m'aitheantan agus mair beo.

5 Faigh gliocas, faigh tuigse: na di-chuimhnich, agus na claon o bhriathraibh mo bheoil.

6 Na tréig i, agus gleidhidh si thu: gràdhaich i, agus coimhididh si thu.

7 Is e gliocas an ni sònruichte <sup>14</sup>; faigh gliocas, agus maille ri d' uile fhaghail faigh tuigse.

8 Ardaich i, agus cuiridh i suas thu; bheir i gu h-urram thu, 'nuair a ghabhas tu a'd' ghlaicibh i.

9 Bheir i do d' cheann coron maise: crùn glòire bheir i seachad dhuit.

10 Eisd, a mhic, agus gabh m'fhocail: agus bithidh bliadhnacha do bheatha lìonmhor.

11 Ann an slighe a' ghliocais theagaisg mi thu: thredraich mi thu ann an ceumannaibh dìreach.

12 Nuair a dh'imicheas tu, cha teann-aichear <sup>15</sup> do cheumanna, agus an uair a ruithas tu, cha tuislich thu.

13 Dean greim daingean air teagasg, na leig as e; coimhid e, oir is e do bheatha e.

14 Na gabh a steach do rathad nan aingidh, agus na h-imich ann an slighe dhroch dhaoine.

15 Seachainn i, na gabh seachad làimh rithe, pill uaithe <sup>16</sup>, agus imich romhad.

<sup>1</sup> fhàis. <sup>2</sup> malairt. <sup>3</sup> tairbhe. <sup>4</sup> leusan, clachan luachmhor. <sup>5</sup> sìmhachadh. <sup>6</sup> léir-sinneachd, eagnuidheachd. <sup>7</sup> chas. <sup>8</sup> ciuin, suaimhneach. <sup>9</sup> fuitheas. <sup>10</sup> mhilleadh,

sgrios. <sup>11</sup> droch-mhèineach, ceannairceach. <sup>12</sup> deadh-ghean. <sup>13</sup> òg, maoth. <sup>14</sup> an ceud ni. <sup>15</sup> chumhaingichear. <sup>16</sup> uaipe.

16 Oir cha chaidil iadsan mur dean iad olc: agus tha'n cadal air a thoirt uatha mur toir iad air *cuid-eigin* tuiteam.

17 Oir tha iad ag itheadh arain na h-aingidheachd, agus ag òl fiona an ainneirt.

18 Ach *tha* slighe nam firean mar an solus dealrach, a dhcalraicheas nì's mò agus nì's mò gu ruig an latha iomlan.

19 *Tha* slighe nan aingidh mar dhorchadas: cha'n aithne dhoibh ciod air am bheil iad a' tuisleachadh.

20 A mhic, do'm' fhoclaidh thoir aire; ri m' bhriathraibh aom do chluas.

21 Na imicheadh iad o d' shùilibh: gléidh iad am meadhan do chridhe.

22 Oir is beatha iad dhoibhsan, a gheibh iad, agus ioc-shlàint<sup>1</sup> d'am feoil uile.

23 Leis gach uile dhìchioll gléidh do chridhe; oir as sin *tha* sruthanna<sup>2</sup> na beatha.

24 Cuir uait am beul fiar<sup>3</sup>, agus na bilean beumnach cuir fad uait.

25 Sealladh do shùilean gu ceart rompa, agus seòladh fàbhrainnean<sup>4</sup> do shùl gu dìreach romhad.

26 Cothromaich ceumanna do chos, agus biodh do shlighean uile air an socrachadh.

27 Na tionndaidh a chum na làimhe deise, no clìthe: carruich do chos o'n olc.

## CAIB. V.

**A** MHIC, do m' ghliocas thoir an aire; ri m' thuigse aom do chluas.

2 Chum gu'n coimhid thu<sup>5</sup> ciall<sup>6</sup>, agus gu'n gléidh do bhùlean eòlas.

3 [Na h-èisd ri mealltoireachd mu'nà:] oir mar a' chìr-mheala silidh bilean mu'n coimhich, agus is mìne<sup>7</sup> na oladh a beul.

4 Ach *tha* a crìoch scarbh mar a' bhrumaid, gcur mar chlaideamh dà fhaobhair.

5 *Tha* a cosan a' dol sìos chum a' bhàis: nì a ceumanna greim air ifrinn<sup>8</sup>.

6 Air eagal gu'n cothromaicheadh tu slighe na beatha<sup>9</sup>, luaineach<sup>10</sup> tha a ceumanna, air chor as nach urrainn thu 'n aithneachadh.

7 A nis uime sin, a chlann, éisdibh rium, agus na dcalachibh ri briathraibh mo bheoil.

8 Atharraich do shlighe fad uaithe<sup>11</sup>, agus na d'thig am fagus do dhorus a tighe:

9 Air eagal gu'n d'thoir thu do neart<sup>12</sup> do mhuinntir eile, agus do bhliadhnacha do'n an-ìochdmhor:

10 Air eagal gu'n lìonar coigrich le d' shaibhreas, agus gu'm bi do shaothair ann an tigh coigrich,

11 Agus gu'n dean thu caoidh<sup>13</sup> maddheireadh, 'nuair a chaithear t'fheoil agus do chorp<sup>14</sup>,

12 Agus gu'n abair thu, Cionnus a thug mi fuath do theagasg, agus a rinn mo chridhe tàir air achmhasan?

13 Agus nach robh mi ùmhal do ghutha mo luchd-tcagaisg, agus nach d'aom mi mo chluas riu-san, a theagaisg mi?

14 Is beag nach robh mi anns gach olc, am meadhan a' chomh-chruinneachaidh, agus a' choimhthionail.

15 Ol uisgeachan as do shoithcach fèin; agus uisgeacha ruith as do thobair<sup>15</sup> fèin.

16 Biodh<sup>16</sup> do thobraichean air an sgaoileadh a mach: do shruthan uisge anns na sràidibh.

17 Biodh iad agad fèin a mhàin, agus na b'ann aig coigrich maille riut.

18 Biodh do thobair beannaichte: agus dean gairdeachas maille ri mnaoi-phòsda t'òige.

19 Biodh i mar an eilid ghràdhach, agus mar an earb<sup>17</sup> thaitneach; sàsaicheadh a cìochan thu sgach ann: le a gràdh bi a ghnàth air do lìonadh.

20 Agus c'ar son, a mhic, a mheallar thu<sup>18</sup> le mnaoi choimhich, agus a dlùth-aicheas ri brìollach bana-choigrich?

21 Oir fa chomhair shùl an Tighearna *tha* sligheanna an duine, agus *tha* e a' cothromachadh a cheumanna uile.

22 Glacaidh 'eucearta fèin an t-aingidh, agus le cùrd a pheacaidh ceanglar e.

23 Bàsaichidh e gun teagasg, agus ann am meud 'amaideachd thèid e air seacharan.

## CAIB. VI.

**A** MHIC, ma ta thu 'n urras air do charaid, ma bhuail thu do làmh le neach eile,

2 Rìbeadh thu le briathraibh do bheoil; ghlacadh thu le foclaibh do bheoil.

3 Dean so a nis, a mhic, agus saor thu fèin, 'nuair a thig thu 'n làmh do charaid; imich, irioslaich thu fèin, agus dean cinnteach do charaid.

4 Na toir codal do d' shùilibh, no clòchodail do d' rosgaibh<sup>19</sup>.

5 Thoir as thu fèin mar earb a làimh an t-sealgair<sup>20</sup>, agus mar eun a làimh an eunadair.

6 Imich a chum an t-seangain, a leisgein<sup>21</sup>; thoir fa'near a shlighean, agus bi glic:

7 Aig nach 'eil fear-seòlaidh, fear-amhairc<sup>22</sup>, no riaghladair,

8 A dh'ulluicheas a bhiadh san t-samh-

<sup>1</sup> slàinte. <sup>2</sup> tobraiche. <sup>3</sup> cealgach. <sup>4</sup> ruigs. <sup>5</sup> gu'm bi meas agad air. <sup>6</sup> crìonachd, eagnaicheachd. <sup>7</sup> tlaithe. <sup>8</sup> bheir a ceumanna do'n uaigh. <sup>9</sup> slighe na beatha cha 'n eil i idir a' cothromachadh. <sup>10</sup> caochlaid-each. <sup>11</sup> uaipe. <sup>12</sup> t'urram, do mhaise.

<sup>13</sup> gu'm beuc thu. <sup>14</sup> feoil do chuirp. <sup>15</sup> thìobairt. <sup>16</sup> [Na] biodh. <sup>17</sup> earba. <sup>18</sup> thèid thu air seacharan, bhios tu air do mheadhradh. <sup>19</sup> slàbhraidhibh. <sup>20</sup> as an t-ion. <sup>21</sup> g. lundaire. <sup>22</sup> fear-sùilbheachd, maighstir-oibre.



radh, agus a chruinnicheas a theachd-an-tìr san fhogharadh.

9 Cia fhad a choidleas tu, a leisgein? e'uin a dh'éireas tu as do chodal?

10 *Fhast* beagan codail, beagan clò-chodail, beagan fillidh<sup>1</sup> nan làmh gu codal.

11 An sin thig do bhochdainn mar fhear-siubhail, agus t'uireasbhuidh mar dhuine fuidh armaibh.

12 Duine nach fìu, fear aingidh, siubh-laidh e le beul ana-cneasda.

13 Caogaidh e le 'shùil, bheir e sanas<sup>2</sup> le 'chois, teagaisgidh e le 'mheuraibh.

14 *Tha* aingcaltachd<sup>3</sup> na chridhe, *tha e a'* dealbhadh uile a ghnàth; togaidh e aìmhreit<sup>4</sup>.

15 Uime sin gu h-obann thig a sgrios<sup>5</sup>; gu grad brisear e gun leigheas.

16 Na sè nithe so is fuathach leis an Tighearna; seadh, *tha* seachd nithe nan grainealachd d'a anam:

17 Sealladh ard<sup>6</sup>, teanga bhreugach, agus làmh na dhòirteas fuil neo-chiontach,

18 Cridhe, a dhealbhas smuaintean aingidh, cosan, a bhios luath a ruith chum uile,

19 Fianuis bhreugach, a labhras breugan, agus esan, a thogas aìmhreit<sup>7</sup> eadar bhràithribh.

20 A mhic, coimhid àithne t'athar, agus na tréig reachd<sup>8</sup> do mhàthar.

21 Ceangail iad a ghuàth air do chridhe, daingnich iad mu d' mhuineal.

22 'Nuair a dh'imicheas tu, treòraichidh iad<sup>9</sup> thu; nuair a choidleas tu<sup>10</sup> gleidhidh iad<sup>11</sup> thu; agus an uair a dhùisgeas tu, labhraidh iad<sup>12</sup> riut.

23 Oir is lòchran an àithne, agus is solus an reachd, agus is iad slighe na beatha achmhasain teagaisg;

24 Chum do ghlaidheadh o'n droch mhnai, o mhiodal teanga na mnà coimhich.

25 Na miannaich a sgèimh ann ad chridhe; agus na glacadh i thu le a rosgaibh:

26 'Oir le<sup>13</sup> mnaoi strìopachail bheirear duine gu greim arain: agus sealgaidh a bhan-adhaltrannach air an anam luachmhor.

27 An urradh duine teine a ghabhail na bhròlach, agus gun 'eudach a bhi air a losgadh!

28 An urradh duine imeachd air eibhlibh teithe, agus gun a chosan a bhi air an losgadh?

29 Mar sin esan a théid a steach chum mnà a choinhearsnaich: cha bhi neach air bith neo-chiontach a bheanas rithe.

30 Cha deanar tàir air gaduiche, ma ghoideas e a shàsachadh 'anama 'nuair a bhios e ocrach:

31 Ach ina ghlacar e, aisgidh<sup>14</sup> e a sheachd uiread, uile mhaoin a thighe bheir e seachad.

32 Ach ge b'e ni adhaltrannas ri mnaoi, tha e gun tuigse<sup>15</sup>? sgriosaidh esan a ni e 'anam fein.

33 Lot agus mi-chliu gheibh e, agus a mhasladh cha ghlannar as.

34 Oir is e 'n t-eud cuthach an fhir: uime sin cha chaomhain e ann an là an dioghaltais.

35 Cha bhì suim aige dh'éiric air bith<sup>16</sup>; ni mò a thoilichear e, ge do bheir thu *dhu* mòran thiodhlacan.

## C A I B. VII.

**A** MHIC, gléidh mo bhriathran, agus taig m'aitheanta maille riut.

2 Gléidh m'aitheantan, agus bi beo; agus mo lagh mar dhubhagan<sup>17</sup> do shùl.

3 Ceangail iad air do mheuraibh; scrìobh iad air clàr do chridhe.

4 Abair ri gliocas, *Is* tu mo phiuthar; agus goir do bhan-charaid do thuigse:

5 Chum gu'n gléidh iad thu o'n mhnai choimhich, o'n bhana-choigrich, a ni brionnal<sup>18</sup> le a briathraibh.

6 Oir aig uinneig mo thighe dh'amhaire mi troimh<sup>19</sup> mo chléith,

7 Agus sheall mi am measg nan daoine baoghalta; thug mi fa'near am measg nan òganach, òig-fhear gu'n chéill<sup>20</sup>.

8 A' dol seachad air an t-sràid fagus d'a h-òisinn, agus ghabh e an t-slighe chum a tìghe,

9 San dù thra<sup>21</sup>, san fheasgar, san oidheche dhuibh dhoirch:

10 Agus feuch, thachair bean air ann an culaidh strìopaiche, agus cuilbheartach na cridhe.

11 (*Tha* i ard-ghuthach<sup>22</sup> agus ceann-làidir; cha'n fhan a cosan na tìgh.

12 A nis *tha* i mach, a nis anns na sràidibh, agus a' feitheamh nam fàb aig gach oisinn.)

13 Agus ruig i air, agus phog i e, agus le aghaidh gun nàire thubhairt i ris<sup>23</sup>,

14 *Tha* tabhartais-shith agam: an diugh dh'òc mi mo bhòidean.

15 Uime sin thàinig mi mach a'd' choinneamh, a dh'iarraidh t'aghaidh gu dìchiollach, agus fhuair mi thu.

16 Le còmhdaichibh grinne<sup>24</sup> sgeadaich mi mo leaba, le *oibribh* gearrta, le lion-eudaich min o'n Eiphit.

17 Rinn mi mo leaba cùbhraidh le mirr, aloe, agus canal.

<sup>1</sup> pasgaidh. <sup>2</sup> labhraidh e. <sup>3</sup> coirbteachd, ana-cneasdachd. <sup>4</sup> dòl-chuiridh e ais-sith. <sup>5</sup> àmhghar. <sup>6</sup> uairbheach. <sup>7</sup> ais-sith. <sup>8</sup> lagh. <sup>9</sup> e. <sup>10</sup> a hùdheas tu sios. <sup>11</sup> e. <sup>12</sup> e. <sup>13</sup> trid. <sup>14</sup> bheir e air ais. <sup>15</sup> dh'òc cèille. <sup>16</sup> Cha taitian éric sam bith ris. <sup>17</sup> ubhal, chloich.

<sup>18</sup> miodal. <sup>19</sup> tre, trid. <sup>20</sup> gun-chridhe. Eabh. <sup>21</sup> Mu dhorchadh nan tràth, san eadar-sholus. <sup>22</sup> bruidhneach. <sup>23</sup> chruaidhich i a h-aghaidh, agus thubhairt i ris. <sup>24</sup> còmhdaichibh do obair ghréis; tapestry. Sasg.

18 Thig, gabhamaid ar sàth do ghaol gu maduinn, deanamaid comh-ghairdeachas ann an gaol :

19 Oir cha 'n eil fear an tighe aig baile ; chaidh e air thurus fada ;

20 Sporan airgid thug e leis <sup>1</sup> ; air an là shuidhichte thig e dhachaidh.

21 Le mòran d'a cairnt mhillis thug i air aontachadh ; le mìodal a bilean chomh-éignich i e.

22 Tha e a' dol na déigh gun dàil, mar a théid an damh chum a chosgairidh <sup>2</sup>, no'n t-amadan a chum peanais a' chip :

23 Gus an d'théid saighead troimh 'àin-can, mar a ghreasas eun do'n ribe, gun fhios aige gur ann chum a' bhàis a tu e.

24 A nis uime sin éisdibh rium, a chlann, agus thugaibh aire do bhriathraibh mo bheoil.

25 Na clonadh do chridhe chum a sligheanna, na rach <sup>3</sup> air seacharan na ccuimaibh.

26 Oir lot agus leag i sìos mòran ; seadh, chaidh mòran do dhaoineibh treuna a mharbhadh leatha.

27 Is e a tigh an t-slighe gu h-ifrinn, a' dol sìos gu seòmraichibh a' bhàis.

#### CAIB. VIII.

**N**ACH 'eil gliocas ag éigheach? agus nach 'eil tuigse a' cur a mach a gutha?

2 Air mullach nan àit arda, làimh ris an t-slighe, ann am meadhon nan rathad tha i na seasamh.

3 Làimh ris na geatachaibh, aig dol a stigh a' bhaile <sup>4</sup>, far an d'thigear a steach air na dorsaibh tha i ag éigheach:

4 Ribhse, O fheara, tha mi ag éigheach; agus tha mo ghuth ri cloinn nan daoine.

5 A dhaoine baoghalta, tuigibh gliocas; agus amadana, tuigibh nar cridhe.

6 Éisdibh, oir labhraidh mi air nithibh òirdheirce; agus bithidh fosgladh mo bhilean air nithibh cearta.

7 Oir labhraidh mo bheul firinn; agus is gràineileachd aingidheachd do m' bhlilibh.

8 Ann an ceartas tha uile bhriathra mo bheoil: annta-san cha 'n eil ni air bith oic no fiar.

9 Tha iad uile soilleir dha-san, a thuig-eas, agus ceart dhoibhsan, a gheibh eòlas.

10 Gabhaibh mo theagasg, agus ni h-e airgid, agus eòlas thar an òr thaghta.

11 Oir is fearr gliocas nà na clachan luachmhor; agus cha 'n eil na h-uile nithe a dh'fheudar a mhiannachadh r'an coimh-meas rithe.

12 Tha mise gliocas a'm' chòmhnuidh maille ri céill <sup>5</sup>, agus tha mi faghail a mach eòlais air nithibh innleachdacha.

13 Is e eagal an Tighearna an t-òl fhuathachaidh: uabhar, agus ardan agus an droch shlighe, agus am beul fiar is fuathach leam.

14 Is leamsa comhairle, agus fìor ghliocas: is leamsa tuigse; is leamsa neart <sup>6</sup>.

15 Leamsa <sup>7</sup> rioghaichidh rìghrean, agus orduichidh uachdarana ceartas.

16 Leamsa riaghlaidh uachdarain, agus daoine mòra <sup>8</sup>, uile bhreitheamhna na talmhainn.

17 Iadsan aig am bheil gràdh dhomh: gràdhachidh mi, agus iadsan a dhìarras mi gu noch gheibh iad mi.

18 Tha beartas agus urram maille riumsa; saibhreas maireannach agus fìreantachd.

19 Is fearr mo thoradh nà òr, eadhon nà òr fìor-ghlan; agus mo theachd-a-stigh nà airgid taghta.

20 Air slighe a' cheartais treòrachidh mi; ann am meadhon cheumanna a' bhreith-eanais;

21 A chum as gu'n d'thoir mi orra-san, le'n ionmhuinn mi, maoin a shealbhachadh; agus lionaidh mi an ionmhasan.

22 Bha mise aig an Tighearna ann an toiseach a shlighe, roimh 'oibrean o shean.

23 O shìorruidheachd chuireadh suas <sup>9</sup> mi, o'n toiseach, mu'n robh an talamh ann.

24 Mun robh doimhneachda ann, ghineadh mise; 'nuair nach robh tobraiche ann, làn do uisgeachaibh.

25 Mun do shuidhicheadh na beannta; roimh na cnocaibh ghineadh mise.

26 Mun d'rinn e fathast an talamh, no na machraichean, no chuid a's airde do dhuslach an domhain.

27 'Nuair a dheasaich e na nèamha, bha mi'n sin; 'nuair a tharraing e cuairt air-aghaidh na doimhne;

28 'Nuair a dhaingnich e 'n t'athar <sup>10</sup> shuas; 'nuair a neartaich e tobhraiche na doimhne;

29 'Nuair a thug e a reachd do'n fhairege, nach rachadh na h-uisgeacha thar àithne; 'nuair a shuidhich e bunaite na talmhainn;

30 An sin bha mise aige mar neach a dh'altrumadh <sup>11</sup> maille ris, agus bu mhi a thlachd gach là, a' deanamh gairdeachais na fhianuis an còmhnuidh;

31 A' deanamh gairdeachais anns a' chuid a dh'àitichear d'a thalamh, agus mo thlachd maille ri cloinn nan daoine.

32 A nis uime sin, a chlann, éisdibh rium; oir is sona iadsan, a ghleidheas mo shligheanna.

33 Éisdibh ri teagasg, agus bithibh glic, agus na diùltaibh e.

<sup>1</sup> na làimh. Eabh. <sup>2</sup> mharbhadh. <sup>3</sup> gabh, imich. <sup>4</sup> beul a' bhaile. Eabh. <sup>5</sup> crionnachd. <sup>6</sup> is mise tuigse; agamsa tha neart.

<sup>7</sup> Triomsa. <sup>8</sup> ard-uaislean. <sup>9</sup> dh'ungadh. <sup>10</sup> na neòil. <sup>11</sup> dh'araicheadh.



34 *Is* beannuichte an duine a dh'èisdeas rium, a' deanamh faire aig mo gheataibh gach là, a' feitheamh aig ursainnibh mo dhorsa.

35 Oir esan a gheibh mise, gheibh e beatha, agus gheibh e deadh-ghean<sup>1</sup> o'n Tighearna.

36 Ach esan a pheacaicheas a'm' aghaidh-sa<sup>2</sup>, ni e cron d'a anam fèin: iadsan uile a dh'fhuathaicheas mi, gràdhachidh iad am bàs.

## CAIB. IX.

**T**HOG gliocas a tigh; ghearr i mach<sup>3</sup> a seachd puist.

2 Mharbh i a fcoil, mheasg i a fion; dheasaich i mar an ceudna a bord.

3 Chuir i mach a h-òighean, tha i a' gairm air na h-àitibh a's airde do'n bhaile:

4 Ge be ncach a ta baoghalta, thigeadh e a stigh an so: riu-san<sup>4</sup>, a tha dhùth tuigse, tha i ag ràdh,

5 Thigibh, ithibh do m'aran-sa, agus òlaibh do'n fhion a mheasg mi.

6 Tréigibh nithc amaideach, agus bithibh beò, agus imichibh air slighe na tuigse.

7 Esan a bheir achmhasan do fhear-fhochaid, gheibh e dha fèin maslach; agus esan a chrònaicheas an t-aingidh, gheibh e dha fèin smal.

8 Na crònaich fear-fhochaid, air cagal gu'm fuathaich e thu: crònaich an duine glic, agus gràdhachidh e thu.

9 Thoir teagasg do'n duine ghlic, agus bithidh e ni's glìce: teagaisg an duine cothromach, agus meudaichidh e ann am foghlum.

10 *Is* c eagal an Tighearna toiscach a' ghliocais; agus *is* e eòlas *ni*the naomh, tuigse.

11 Oir leamsa nithear do laithean lìonmhor, agus cuirear ri bliadhnaicheibh do bheatha.

12 Ma bhios tu glic, bithidh tu glic dhuit fèin: ach *ma* bhios tu ri fochaid, is tu fèin a mhàin a dh'iomchaires e.

13 *Tha* bean amaideach ard-ghuthach, baoghalta, agus cha 'n aithne dhi ni air bith:

14 Oir suidhidh i aig dorus a tìghe, air caithir, ann an àitibh arda a' bhaile,

15 A ghairm orra-san a bhios a' dol seachad air an t-slighe, a' ghabhail dìreach rompa<sup>5</sup>.

16 Ge b'e ncach a ta baoghalta, thigeadh e stigh an so: agus ris-san, a tha dhùth tuigse, their i,

17 *Tha* na h-uisgeachan a ghoidear milis, agus an t-aran a dh'ithear an uaigneas taitneach.

18 Ach cha 'n eil fhios aige gu bheil na maibh an sin, ann an doimhneachdaibh ifrinn gu bheil a h-aoidheanna.

## CAIB. X.

**G**NATH-FHOCAIL Sholaimh. Ni mac glic athair subhach; ach *is* e mac amaideach dubhachas a mhàthar.

2 Cha 'n eil tairbhe ann an ionmhasaibh aingidheachd; ach saoraidh ionracas o'n bhàs.

3 Cha leig an Tighearna le anam an ionraic gort<sup>6</sup> fhulang; ach sgaoilidh e maoin nan aingidh.

4 Ni làmh na leisge<sup>7</sup> bochd; ach ni làmh nan dichiollach beartach.

5 Esan a chrùinnicheas anns an t-samhradh, *is* mac glic e; ach esan a choidleas anns an fhoghar, *is* mac maslach e.

6 *Bithidh* beannachdan air ceann an fhìrean<sup>8</sup>; ach còmhdaichidh fòirneart beul<sup>9</sup> nan aingidh.

7 *Bithidh* cuimhne an fhìrean beannuichte; ach lobhaidh ainm nan aingidh.

8 Gabhaidh eusan a ta glic na chridhe àitheanta: ach tuitidh an t-amadan bith-bhriathrach.

9 Esan a ghluaiseas ann an ionracas, gluaisidh e gu tèarainte; ach esan a chlaonas a shlighean, aithnhear e.

10 Esan a chaogas le 'shùl, bheir e bròn: agus tuitidh an t-amadan bith-bhriathrach.

11 *Is* tobar beatha beul an fhìrean; ach còmhdaichidh fòirneart beul nan aingidh.

12 Dùisgidh fuath aimhreitean; ach fòlaichidh gràdh gach coire<sup>10</sup>.

13 Ann am bìlibh an duine thuigsich gheibhear gliocas; ach *tha* slat air son druim an ti a tha as eughmhais tuigse<sup>11</sup>.

14 Ceilidh daoine glic na's aithne dhoibh<sup>12</sup>; *tha* beul an amadain dlùth do sgrios.

15 *Is* e beartas an duine shaibhir a chaithir<sup>13</sup> làidir; *is* e milleadh nam bochd an uircasbhuidh.

16 *Tha* saothair an fhìrean chum beatha, teachd a stigh<sup>14</sup> an aingidh chum peacaidh.

17 *Tha* esan a choimhideas fòghlum anns an t-slighe gu beatha; ach *tha* esan a dhiùltas achmhasan air seacharan.

18 Esan a cheileas fuath le bìlibh cealgach, agus esan a labhras mi-chliu, *is* amadan e.

19 Ann an lìonmhoireachd bhriathar cha bhithear saor o pheacadh; ach *tha* esan a choisgeas a bhilean glic.

20 Mar airgiod taghta<sup>15</sup> *tha* tcanga an fhìrean; ach *tha* cridhe nan aingidh mar ni nach fìu.

<sup>1</sup> caoinhneas. <sup>2</sup> a theid air seacharan nam. <sup>3</sup> shuidh i. <sup>4</sup> ris-san, ris gach neach. <sup>5</sup> a' stiùradh an ceumanna. <sup>6</sup> gorta. <sup>7</sup> na ceilge. <sup>8</sup> an ionracain. <sup>9</sup> gnùis. <sup>10</sup> eionta, peacadh.

<sup>11</sup> cridhe. Eabh. <sup>12</sup> Taisgidh daoine glic eòlas. <sup>13</sup> a mhòr-bhaile. <sup>14</sup> toradh. <sup>15</sup> deurbh-ta, fìor-ghlan.

21 Beathaichidh bilean an fhìrein mòran; ach eugaidh na h-amadain a dhith tuigse<sup>1</sup>.

22 Nì beannachadh an Tighearna saibhir, agus cha chuir e doilgheas na chuid-eachd.

23 *Tha* e mar shùgradh do'n amadan olc a dheanamh; ach *tha* gliocas aig fear na tuigse.

24 An nì is egal leis an aingidh, thig e air; ach deònuichear miann nam firean.

25 Mar a thèid an ioma-ghaath thairis, mar sin cha *bhi* an droch dhuine ni's mò; ach *is* bunait sìorruidh am firean.

26 Mar fhìon-geur do na fìaclaibh, agus mar dneataich do na sùilb, mar sin *tha'n* leisgein dhoibhsan, a chuireas uatha e.

27 Cuiridh egal an Tighearna ri laithibh *duine*; ach giorraichear bliadhnacha nan aingidh.

28 *Bithidh* dùil nam firean na aobhar aoibhneis; ach thèid as do dhòchas nan aingidh.

29 *Is* neart do na h-ionraic slighe an Tighearna; ach *thig* sgrios air<sup>2</sup> luchd-deanamh na h-euceirt.

30 Cha ghluaisear am firean gu bràth; ach cha ghabh na h-aingidh còmhnuidh air an talamh.

31 Bheir beul an fhìrein a mach gliocas; gearrar as an teanga fhiar.

32 Tha fios aig bilibh an fhìrein air an nì a ta taitneach; ach *labhraidh* beul nan aingidh nithe fiara.

## CAIB. XI.

**T**HA meidhean mealltach nan gràineil-eachd do'n Tighearn; ach *is* taitneach leis toimhsean ceart<sup>3</sup>.

2 'Nuair a thig uabhar, thig masladh; ach aig na h-iriosail *tha* gliocas.

3 Seòlaidh ionracas nam firean iad; ach millidh fiaradh<sup>4</sup> luchd-dò-bheirt iad fèin.

4 Cha bhi tairbhe ann an saibhreas ann an làtha na fèirge; ach saoraidh fireantachd o'n bhàs.

5 Seòlaidh fireantachd an duine ionraic<sup>5</sup> a shlighe; ach trid 'aingidheachd fèin tuitidh an t-aingidh.

6 Saoraidh fireantachd nan ionraic iad; ach glacair fealltairean<sup>6</sup> nan olc fèin.

7 'Nuair a bhàsaicheas an droch dhuine, thèid as d'a dhòchas; agus teirgidh dùil luchd-euceirt.

8 Saorar am firean o theinn; ach thig an droch dhuine na àite.

9 Le 'bheul millidh cealgair a choimhearsnach; ach trid eòlais saorar na fireana.

10 'Nuair a dh'èireas gu maith do na fireanaibh, nì am baile<sup>7</sup> gairdeachas; agus

an uair a sgriosar na h-aingidh, *bithidh* luath-ghaire ann.

11 Le beannachadh nan ionraic ard-aichear baile; ach le beul nan aingidh leagar e.

12 Nì esan a tha as eugmhais gliocais<sup>8</sup> tair air a choimhearsnach; ach bithidh fear na tuigse na thosd.

13 Imichidh fear tuaileis mu'n cuairt a' foillseachadh nithe dìomhair; ach esan a ta firinneach na spiorad, ceilidh e nì.

14 Far nach 'eil comhairle, tuitidh sluagh; ach ann an lìonmhoireachd chomhairleach *tha* tèaruinteachd.

15 Ciùrrar gu goirt esan a bhios an urras air coigreach; ach esan a dh'fhuathaicheas luchd-urrais, bithidh e tèaruinte.

16 Gheibh bean ghràsail urram; agus cosnaidh daoine làidir saibhreas.

17 Nì an duine iochdmhor maith d'a anam fèin; ach esan a ta an-iochdmhor, claidhidh<sup>9</sup> e 'fheoil.

18 Oibrichidh an droch dhuine obair mhealltach; ach aige-sau a chuireas<sup>10</sup> fireantachd *bithidh* duais chinnteach.

19 Mar so *tha* fireantachd chum beatha; ach esan a leanas an t-olc, *leanaidh* e chum a bhàis fèin e.

20 *Is* gràineileachd do'n Tighearn iadsan, a tha fiar nan cridhe; ach *is* taitneach leis iadsan, a tha ionraic<sup>11</sup> nan slighe.

21 *Ge d'iadhadh* làmh mu làimh, cha bhi an droch dhuine gun pheanas; ach saorar slìochd nam firean.

22 *Mar* 'hail<sup>12</sup> òir ann an sròin muice, *tha* bean sgianhach agus ias eugmhais tuigse<sup>13</sup>.

23 *Tha* miann nam firean a mhàin maith; ach *is* e dòchas nan aingidh fearg.

24 Tha neach ann a sgaoileas, agus fàsaidh e ni's saibhre<sup>14</sup>; agus *tha* e ann a chumas tuilleadh 'sa ta ceart, ach *thig* e gu bochdainn.

25 Nithear an t-anam fial sultmhor<sup>15</sup>; agus an ti a dh'uisgicheas, uisgichear mar an ceudna e fèin.

26 Esan a chumas suas sìol<sup>16</sup>, mallauidh an sluagh e; ach *bithidh* beannachd air ceann an ti a reiceas<sup>17</sup>.

27 Esan a dh'iarras maith gu dùrachdach, gheibh e deadh-ghcan<sup>18</sup>; ach an ti a dh'iarras olc, thig e air fèin.

28 Esan a dh'earbas as a shaibhreas, tuitidh e; ach mar ghéig, thig na fireana fo bhlàth.

29 Esan a chuireas a theaghlach fèin fo bhuaireas<sup>19</sup>, *bithidh* e na oighre air a' ghaoith; agus an t-amadan na sheirbhiseach dha-san a tha glie na chridhe.

30 *Is* craobh beatha toradh an fhìrein; agus *tha* esan a chosnas anama glie.

<sup>1</sup> cridhe. Eabh. <sup>2</sup> is aohhar ucmhais i do.

<sup>3</sup> clach iomlan. Eabh. <sup>4</sup> claudh, cealg.

<sup>5</sup> iomlain. <sup>6</sup> cealgairean, luchd eusaonta.

<sup>7</sup> a' chathair, am mòr-bhaile. <sup>8</sup> cridhe. Eabh.

<sup>9</sup> buairidh. <sup>10</sup> sìol-chuireas. <sup>11</sup> iomlan,

neo-lochdach. <sup>12</sup> sheud. <sup>13</sup> mothachaidh, eagnuidheuchd. <sup>14</sup> cuirear an tuilleadh ris.

<sup>15</sup> Sealbhaichidh an t-anam fial pàiteus. <sup>16</sup> gràn.

<sup>17</sup> a bheir air abhi air a reiceadh. <sup>18</sup> deadh-rìnn.

<sup>19</sup> a thogas an-riaghailt na thigh-fèin.



31 Feuch, bheirar luigheachd<sup>1</sup> do'n fhircan air an talamh: nach mò nà sin do'n aingidh, agus do'n pheacach?

## CAIB. XII.

**E** SAN a ghràdhachas fòghlum, gràdh-aichidh e eòlas; ach esan a dh'thuathaicheas achmhasan, tha e amaideach<sup>2</sup>.

2 Gheibh duine maith deadh-ghean o'n Tighearn; ach dìtidh e fear nan droch innleachd.

3 Cha daingnichear duine le h-aingidheachd; ach cha ghluaisear freumh nam firean.

4 Tha bean mhaith<sup>3</sup> na crùn d'a fear; ach mar lobhadh na chnamhaibh tha ise a nàiricheas e.

5 Is ceartas<sup>4</sup> smuainte nam firean; ach is cealg comhairle nan aingidh.

6 Is iad briathra nan aingidh feall-fheith-eamh air son fola; ach tearnaidh beul nan ionraic iadsan.

7 Tilgear na h-aingidh bun os ceann, agus cha bhi iad ann; ach seasaidh tigh nam firean.

8 A rèir a ghliocais molar duine; ach nithear dìmeas air-san a tha fiar na chridhe.

9 Is fearr esan air an deanar tàir, agus a tha na sheirbhiseach dha fein<sup>5</sup>, nà esan a bheir urram dha fein, agus a bhios a dhìth arain.

10 Bithidh cùram aig an duine ionraic do bheatha 'ainmhidh, ach is an-ìochdmhor truacantais nan aingidh.

11 Esan a threabhas<sup>6</sup> fhearann, sàsuichear le h-aran e; ach esan a leanas daoine diomhain, tha e gun tuigse<sup>7</sup>.

12 Miannachaidh an t-aingidh lion dhroch dhaoine; ach bheir freumh nam firean toradh<sup>8</sup>.

13 Le peacadh a bhilean ribear an droch duine; ach thig am firean as o airc<sup>9</sup>.

14 Do thoradh a bhéil sàsuichear duine le maith, agus òcar luigheachd làmh duine dha fein.

15 Tha slighe an amadain ceart na shùilbhi fein: ach tha esan, a dh'èisdeas ri comhairle, glic.

16 Aithnichcar air ball<sup>10</sup> fearg an amadain; ach ceilidh duine ciallach<sup>11</sup> masladh.

17 Esan a labhras an fhìrinn, foillsichidh e ceartas<sup>12</sup>; ach foillsichidh fianuis bhreugach cealg.

18 Tha dream ann a labhras mar lotaibh claidheimh; ach is slàinte teanga nan daoine glice.

19 Bithidh bile na fìrinn seasmhach gu bràth; ach cha bhi an teanga bhreugach ach car tiota.

20 Is cealg a bhios an cridhe luchd-

deilbh an uile; ach do chomhairleachaibh na sìthe bithidh gairdeachas.

21 Cha'n éirich aimhleas<sup>13</sup> air bith do'n fhìrean; ach lìonar na h-aingidh le h-òlc.

22 Is gràineileachd do'n Tighearna bilean nam breug; ach is iad an droing, a ni gu fìrinnach, a thlachd.

23 Ceilidh duine ciallach<sup>14</sup> eòlas: ach foillsichidh cridhe nan amadan amaideachd.

24 Riaghlaidh làmh nan dìchiollach; ach bithidh làmh na leigse<sup>15</sup> fo chìs.

25 Ni iomaguin<sup>16</sup> ann an cridhe duine a chromadh sìos; ach ni focal maith sòlas-ach e.

26 Is fearr am firean nà a choimhcar-nach; ach cuiridh slighe nan aingidh air seacharan iad fein.

27 Cha ròist an leisgein a shìtheann<sup>17</sup>; ach is luachmhor saibhras an duine dhìchiollaich.

28 Ann an slighe nà fireantachd tha beatha; agus na ceum cha n'èil bàs<sup>18</sup>.

## CAIB. XIII.

**EISDIDH** mac glic ri teagasg 'athar; ach cha'n èisd fear na fochaid ri achmhasan.

2 Do thoradh a bheoil ithidh duine ni maith; ach ithidh<sup>19</sup> anam nam fealltair<sup>20</sup> ainneart.

3 Esan a choimhideas a bheul, gleidhidh e 'anam; ach esan a dh'fhosglaas a bhilean, thig sgrios air.

4 Miannaichidh anam an leisgein, agus cha bhi aige; ach nithear anam nan dìchiollach sultmhor.

5 Is beag air an fhìrean na breugan; ach fàsaidh an droch dhuine gràneil, agus nàirichear e.

6 Gleidhidh fireantachd esan a ta ionraic na shlighe: ach claidhidh aingidheachd am peacach<sup>21</sup>.

7 Tha neach ann a leigeas air a bhi beartach<sup>22</sup>, agus gun ni air bith aige; tha neach ann a leigeas air a bhi bochd, agus mòr shaibhreas aige.

8 Is e éirig<sup>23</sup> anama duine a shaibhreas; ach cha chlunn am bochd achmhasan.

9 Ni solus nam firean aoibhneach; ach cuirear as lòchran nan aingidh.

10 O ualhar a mhàin thig consachadh; ach aig na daoinibh a ghabhas deadh comhairle tha gliocas.

11 Lùghdaichear saibhreas an diomhanais; ach esan a chruinnicheas le saothair<sup>24</sup>, meudaichidh e.

12 Ni an dòchas anns an cuirear moille<sup>25</sup> an cridhe tinn; ach is craobh beatha am miann<sup>26</sup> 'nuair a thig c.

<sup>1</sup> luigheachd, duais. <sup>2</sup> mar ainmhidh.

<sup>3</sup> bean na subhaile, nan deadh-bheus. <sup>4</sup> ionracas.

<sup>5</sup> aig am bi seirbhiseach. <sup>6</sup> shaothraicheas.

<sup>7</sup> as eugmha is cridhe. Eabh. <sup>8</sup> fàsaidh, daing-

nichear freumh nam firean. <sup>9</sup> 'theantachd.

<sup>10</sup> san ùm; san tù. Eabh. <sup>11</sup> crìonna, glic.

<sup>12</sup> Labhraidh am fìrean, agus foillsichidh e an

fhìrinn. <sup>13</sup> urchoid. <sup>14</sup> crìonna, eagnaideach.

<sup>15</sup> ceilge. <sup>16</sup> dubhachas. <sup>17</sup> an nì a ghlac e le

seilg. <sup>18</sup> ach treidraichidh rathad seachuranaich

gu bàs. <sup>19</sup> fuilgidh. <sup>20</sup> nan cealgair, luchd-

eusantais. <sup>21</sup> peacadh. Eabh. <sup>22</sup> a nì e fèis

saibhir. <sup>23</sup> fuasgladh. <sup>24</sup> le làimh. Eabh.

<sup>25</sup> an dòchas a shìnear. <sup>26</sup> fonn, togradh.

13 Esan a ni tàir air focal, millear e; ach esan air am bi eagal roinnh àithne, ghceibh e luìgheachd.

14 Is tobar beatha lagh an duine ghlic, chum dol as o lìontaibh a' bhàis.

15 Bheir tuigse mhaith deadh-ghlean; ach is cruaidh slighe luchd-eusaontais.

16 Ni gach duine ciallach<sup>1</sup> a ghnòthuch le h-eòlas; ach leigidh an t-amadan ris amaideachd.

17 Tuitidh an droch theachdaire ann an olc; ach is slàinte an teachdaire dìleas.

18 Bochdainn agus nàire bithidh dhasan a dhiùltas fòghlun; ach an ti aig am bi meas air achinbasan, gheibh e urram.

19 Is mìlis do'n anam am miann a choimhlionar; ach is beag air amadanaibh dealachadh ris an olc.

20 An ti a shiùbbhas le daoineibh glic, bithidh e glic; ach sgriosar companach nan amadan.

21 Leanaidh olc peacaich; ach do na fireanaibh ìocar maith.

22 Fàgaidh duine maith oighreachd aig cloinn a chloinne; ach taigear do'n fhir-eam maoin a' pheacaich.

23 Bithidh mòran bidh ann an treabhadh nam bochd; ach bithidh neach ann a sgriosar a dhith breitheanais.

24 An ti a chaomhnas a shlat, is beag air a mhac; ach an ti leis an ionmhuinn e, smachdaichidh se e na thràth.

25 Ithidh am firean gu sàsachadh 'anama; ach bithidh dith air broinn nan aingidh.

## CAIB. XIV.

**C**UIRIDH gach bean ghlic a tigh suas; ach leagaidh a' bhean amaideach sìos le a lùmhaidh fèin.

2 Esan a ghluaiscas na ionracas, bithidh eagal an Tighearna air; ach esan a ta fìar na shligheibh, ni e tàir air.

3 Ann am beul an amadain tha slat rabhair; ach gleidhidh bilean nan daoine glic iad.

4 Far nach bi daimh, bithidh a' phrasach glan<sup>2</sup>; ach bithidh fàs mòr le neart an daimh.

5 Cha dean an fhianuis dhilcas breug; ach labhraidh an fhianuis chealgach<sup>2</sup> breugan.

6 Iarraidh fear na fochaid gliocas, agus cha'n fhaigh e; ach do'n ti a thuigeas tha eòlas fùras<sup>3</sup>.

7 Imich as làthair an duine amaidich, nuair nach mothaich thu ann bilean an eòlais.

8 Is e gliocas an duine chiallach a shlighe a thuigsinn; ach is cealg amaidich nan amadan.

9 Ni amadain magadh do'n pheacadh; ach am measg nam firean tha deadh-ghlean.

10 Is aithne do chridhe duine searblas

'anama; agus na aoibhneas cha bhà comh-roinn aig coigreach<sup>4</sup>.

11 Tilgear tigh nan aingidh bun os cionn; ach thig pàillun nan ionraic fo bhàth.

12 Tha slighe ann a chithear dìreach le duine; ach is iad a crìoch slighean a' bhàis.

13 Ann an gàire fèin bithidh an cridhe brònach; agus is e deircadh an t-subhachais sin tuirse.

14 Le 'shligheibh fèin lìonar esan a thionndaidh air ais na chridhe; agus uaith fèin sàsùichear an duine maith.

15 Creididh an duine baoghalta<sup>5</sup> gach focal; ach bheir an duine ciallach an aire d'a cheum.

16 Bithidh eagal air an duine ghlic, agus tréigidh e 'n t-olc; ach tha'n t-amadan borb<sup>6</sup> agus dàna.

17 An ti air am bi fearg gu h-obann, ni e gu h-amaideach; agus fuathaichear fear nan droch innleachd.

18 Seallbaichidh daoine baoghalta amaideachd mar oighreachd; ach crùnair na daoine ciallach le h-eòlas.

19 Cromaidh droch dhaoine an làthair dhaoine maith, agus na h-aingidh aig geat-aibh an fhèin.

20 Eadhon le 'choimhearsnach fèin fuathaichear duine bochd; ach is lìonmhor iad leis an ionmhuinn an duine saibhir.

21 An ti a ni tàir air a choimhearsnach, peacaichidh e; ach is sona an ti a ghabhas truas do na bochdaibh.

22 Nach d'théid iadsan air seacharan a dhealbhas an t-olc? ach bithidh tròcair agus fìrinn aca-san, a dhealbhas am maith.

23 Anns gach saothair bithidh tairbhe; ach thig cainnt nam bile a mlàin gu h-uir-easbhuidh.

24 Is e crùn nan daoine glic an saibhreas; ach is amaideachd amaideachd nan amadan.

25 Saoraidh fianuis fhìor anama; ach labhraidh fianuis chealgach breugan.

26 Ann an eagal an Tighearna tha aobhar earbsaidh làidir; agus aig a chloinn bithidh dìdean.

27 Is e eagal an Tighearna tobar na beatha, chum dol as o lìontaibh a' bhàis.

28 Ann an lìonmhoireachd sluaigh tha urram an rìgh; ach ann an dìth sluaigh tha milleadh an uachdarain.

29 An ti a tha mall chum feirge, tha e pailt ann an tuigse; ach esan a tha dian na spiorad, ardaichidh e amaideachd.

30 Is e beatha na feola, cridhe fallain; ach is e lobbhadh nan cnàmh, an tnuè.

31 An ti a shàruicheas<sup>7</sup> am feumach, masluichidh e a Chruith-fhear; ach bheir an ti sin urram dha, a ghabhas truas do'n bhochd.

32 Na aingidheachd fuadaichear air falbh an t-aingidh; ach bithidh dòchas aig an fhèin na bhàis.

<sup>1</sup> crìonna, glic. <sup>2</sup> bhreugach. <sup>3</sup> fùras. <sup>4</sup> neach eile. <sup>5</sup> neo-ghheur, aon-shillte, simplidh.

<sup>6</sup> feargach.<sup>7</sup> bhruthas.



33 Ann an cridhe an duine thuigsich gabhaidh gliocas tàmh; ach aithnichear an *ni a tu* 'n taobh a stigh nan amadan.

34 Ardaichidh fireantachd cinncach; ach is e am peacadh masladh sluaigh air bith <sup>1</sup>.

35 *Bithidh* deadh-ghean an rìgh aig seirbhiseach glic; ach bithidh 'fhearg na aghaidh-san, a bhios na aobhar nàire.

## CAIB. XV.

**P**ILLIDH freagradh min corruich; ach dùisgidh briathra garg fearg.

2 Cuiridh teanga nan daoine glic an céill eòlas gu ceart; ach dòirtidh beul nan amadan a mach amaideachd.

3 *Tha* sùilean an Tighearna anns gach àit, ag amharc air na droch dhaoibh, agus air na deadh dhaoibh.

4 *Is* craobh beatha teanga fhallain <sup>2</sup>; ach is briseadh spioraid fiaradh innte.

5 Nì amadan tàir air teagasg 'athar; ach is ciallach an tì a bheir an aire do achmhasan.

6 Ann an tigh an fhèin tha mòran ionmhais; ach ann an teachd-a-stigh an aingidh *tha* buaireas.

7 Sgaoidh bilean nan daoine glic eòlas; ach cha *dean* cridhe nan amadan mar sin.

8 *Is* gràincileachd do'n Tighearna ìobairt nan aingidh; ach is i ùrnuigh nan ionraic a thlachd.

9 *Is* gràineileachd do'n Tighearna slighe an aingidh; ach is ionmhuinn leis an tì, a leanas an deigh fireantachd.

10 *Is* searbh smachdachadh dhasan a thréigean an t-slighe; ach gheibh esan, le'm fuathach achmhasan, bàs.

11 *Tha* ifrinn agus sgrios fa chomhair an Tighearna: cia mòr is mò na sin cridheacha chloinn nan daoine?

12 Cha toigh le fear-fochaid esan, a chronaicheas e; agus a dh'ionnsuidh dhaoine glisce cha d'thèid e.

13 Nì cridhe subhach gnùis shuilbhir; ach le bròn a' chridhe brisear an spiorad.

14 Iarraidh cridhe an duine thuigsich eòlas; ach beathaichear beul nan amadan le amaideachd.

15 *Tha* uile laithean an duine thruaigh olc; ach is cuirm a ghnàth an cridhe ait.

16 *Is* fearr, beagan le h-eagal an Tighearna, nà ionmhas mòr, agus buaireas leis.

17 *Is* fearr lòn <sup>3</sup> do lubhibh, far am bi gràdh, na damh biadhta agus fuath leis.

18 Dùisgidh fear feargach consachadh; ach esan a tì mall chum feirge, ciuinichidh e aimbreit <sup>4</sup>.

19 *Tha* slighe an leisgein <sup>5</sup> mar ghàradh <sup>6</sup> droighinn; ach *tha* rathad nan ionraic air a dheanamh réidh.

20 Nì mac glic athair aoibhneach; ach nì mac <sup>7</sup> amaideach tàir air a mhàthair.

21 *Is* aobhar aoibhneis amaideachd dha san a tha as eugmhais gliocais <sup>8</sup>; ach imichidh fear na tuigse gu dìreach.

22 Gun chomhairle, thig rùinte <sup>9</sup> gu neo-nì; ach ann an lionmhoireachd chomhairleach daingnichear iad.

23 Bithidh aoibhneas aig duine le freagradh a bheoil; agus focal na thràth, cia maith e!

24 *Tha* slighe na beatha shuas do'n duine ghlic, chum dol as ò ifrinn shìos.

25 Sgriosaidh an Tighearna tigh nan uaibhreach; ach daingnichidh e crìoch na bantraich.

26 *Is* gràineileachd do'n Tighearna smuainte dhroch dhaoine; ach is briathra taitneach *briathra* nam fìor-ghlan.

27 Bheir esan buaireas air a thigh fèin, a tha sanntach air buannachd; ach bithidh esan, le'm fuathach duais-bhratha, beo.

28 Smuainichidh cridhe an fhèin cionnus is còr dha freagairt; ach dòirtidh beul nan aingidh a mach droch nithe.

29 *Tha* 'n Tighearna fada o na h-aingidh; ach éisidh e ri h-ùrnuigh nam firean.

30 Nì solus nan sùl an cridhe aoibhneach; agus bheir deadh chliu sùior do na cnàmhaibh.

31 Gabhaidh a' chluas, a dh'éisdeas ri achmhasan na beatha, còmhuidh am measg nan daoine glic.

32 An tì a dhiùltas fòghlum, nì e tàir air 'anam fèin; ach an tì a dh'éisdeas ri achmhasan, gheibh e tuigse <sup>10</sup>.

33 *Is* e eagal an Tighearna fòghlum a' ghliocais; agus roimh urram *tha* irioslachd.

## CAIB. XVI.

**T**HA deasachadh cridhe duine, agus freagradh na teanga o'n Tighearna <sup>11</sup>.

2 *Tha* uile shlighean duine glan na shùilbhir fèin; ach cothromaichidh <sup>12</sup> an Tighearna na spioraid.

3 Tabhair t'òibre thairis do'n Tighearna, agus daingnichear do smuainte.

4 Rinn an Tighearna gach nì air a shon fèin, agus mar an ceudna an t-aingidh air son latha <sup>13</sup> an uile.

5 *Is* gràineileachd do'n Tighearna gach neach a tì uaibhreach na chridhe: *ge d'iadhadh* làmh mu làmh, cha bhi e gun pheanas <sup>14</sup>.

6 Trid tròcair agus fìrinn glanar euceart; agus trid eagal an Tighearna tréigear air t-olc.

7 An uair a ghabhas an Tighearna tiachd ann an slighibh duine, bheir e air a naimhidh fèin a bhi ann an sìth ris.

8 *Is* fearr beagan le h-ionracas, nà teachd-a-stigh mòr gun cheartas.

9 Smuainichidh cridhe duine air a shlighe; ach is e'n Tighearna a stiùireas a cheumanna.

10 *Tha* faisneachd <sup>15</sup> air bilibh an rìgh:

<sup>1</sup> nan slògh. <sup>2</sup> chiuin, shìothachail. <sup>3</sup> d'neir, biadh-nòin. <sup>4</sup> stri. <sup>5</sup> lundaire. <sup>6</sup> challaid. <sup>7</sup> duine. <sup>8</sup> cridhe. Eabh. <sup>9</sup> smuainte. <sup>10</sup> cridhe. Eabh. <sup>11</sup> Feudaidh duine a smuain-

tean ullachadh; ach o'n Tighearna tha freagradh na teanga. <sup>12</sup> measaidh. <sup>13</sup> là, là. <sup>14</sup> cha mheasur neo-chiontach e, cha d'thèid e saor as. <sup>15</sup> faisneachd.

ann am breitheanas cha dean a bheul euceart.

11 *Is leis an Tighearna toimhsean agus meidhean ceart*<sup>1</sup>: *is iad uile chlachach-tomhais a' mhàla*<sup>2</sup> 'obair-san.

12 *Is gràineileachd do rìghribh aingidheachd a dheanamh; oir le h-ionracas daing-nichear an rìgh-chaitir.*

13 *Is taitneach do rìghribh bilean an ionracais, agus is ionmhuinn leo esan a labhras nithe cearta.*

14 *Tha fearg rìgh mar theachdairean bàis; ach ciuinichidh<sup>3</sup> duine glic i.*

15 *Ann an solus gnùise rìgh tha beatha; agus tha a dheadh-ghean mar neul an uisge dheireannaich.*

16 *Cia mòr is fearg gliocas fhaotainn<sup>4</sup> nà òr, agus is ròghnuiche tuigse fhaotainn nà airgid?*

17 *Is e rathad<sup>5</sup> mòr nan ionraic an t-olc a thrèigsinn: an ti a choimhideas a shlighe, gléidhidh e anam.*

18 *Roimh sgrìos thèid uabhar; agus roimh leagadh spiorad ardach.*

19 *Is fearr a bhi do spiorad iriosal maille riu-san a ta ciuin, nà a' chreach a roinn maille ris na h-uabhrich.*

20 *An ti a ni gnothuch gu tuigseach, gheibh e maith: agus an ti a dh'earbas as an Tighearna, is sona e.*

21 *Goirear duine crionna<sup>6</sup> do'n ti a tha glic na chridhe, agus meudaichidh milse nam bile fòghlum.*

22 *Is tobar beatha an tuigse do'n ti aig am bheil i; ach is amaideachd fòghlum nan amadan.*

23 *Ni cridhe an duine ghlic a bheul tuigseach, agus air a bhilibh cuiridh e fòghlum.*

24 *Mar chìr-mheala, tha briathra taitneach milis do'n anam, agus nan slàinte do na cnàmhaibh.*

25 *Tha slighe ann a tha ceart ann an sealladh duine; ach is iad slighean a' bhàis a crìoch.*

26 *An ti a shaothraicheas, saothraichidh e air a shon fein; oir iarraidh a bheul air e.*

27 *Cladhaichidh an duine neo-dhiadhuidh olc; agus air a bhilibh bithidh mar theine loisgeach.*

28 *Togaidh<sup>7</sup> an duine fiar<sup>8</sup> aimhreit; agus dealaichidh fear na cogarsaich cairde sonraichte.*

29 *Meallaidh fear an fhoirneirt a choimhearsnach, agus bheir e air inneachd air slighe nach 'eil maith.*

30 *Druididh e a shùilean chum smuain-eachadh air nithibh fiara; a' gluasad<sup>9</sup> a bhilean, bheir e olc gu crìch.*

31 *Is coron glòire an ceann liath, a gheibhear ann an slighe an ionracais.*

32 *Is fearr an ti a ta mall chum feirge nà gaisgeach, agus an ti a riaghlas a spiorad fein na esan a ghlacas ard-bhaile<sup>10</sup>.*

33 *Anns an uchd tilgear an crannchur; ach is ann o'n Tighearna a tha a riaghladh gu léir.*

## CAIB. XVII.

*IS* fearr greim tioram, agus suaimhneas leis, na tigh làn de iobairtibh<sup>11</sup> maille ri h-aimhreit.

2 *Riaghlaidh seirbhiseach tuigseach os-cionn a' mhic a bhios na aobhar nàire; agus am measg nam bràthar roinnidh e an oighreachd<sup>12</sup>.*

3 *Tha a' phòit-ghlanaidh air son an airgid, agus an àmbuinn<sup>13</sup> air son an òir; ach dearbhaidh an Tighearna na cridheacha.*

4 *Bheir an droch dhuine an aire do bhilibh na h-euceirt<sup>14</sup>; éisdidh am breugaire ri teanga an aimhleis.*

5 *An ti a ni fanoid air a' bhochd, bheir e masladh d'a Chroith-fhear: an ti a ni gairdeachas ri dòruinn<sup>15</sup>, cha bhi e neo-chiontach<sup>16</sup>.*

6 *Is iad clann an cloinne coron sheann daoine; agus is iad an aithriche urram<sup>17</sup> cloinne.*

7 *Cha 'n'eil cainnt na mòralachd<sup>18</sup> ciatfach do'n amadan: nach lugha na sin a tha bilean na bréige ciatfach do dhuine mòr<sup>19</sup>!*

8 *Is clach nasal tiodhlacadh ann an sùilibh an ti aig am bi e<sup>20</sup>; ge b'e taobh gus an tionndaidh e, soirbhichidh leis.*

9 *An ti a cheileas cionta, cosnaidh<sup>21</sup> e gràdh; ach esan a dh'aithriseas ni, dealaichidh e cairde.*

10 *Drùthaidh achmhasan ni's mò air duine glic, na ceud buille air amadan.*

11 *Is ceannairc a mhàin a dh'iarraas an droch dhuine: uime sin cuirear teachdaire an-ìochd-mhor na aghaidh.*

12 *Tachairadh math-ghamhuin air call a cuilean air duine, ni's luaithe na amadan na amaideachd.*

13 *Ge b'e dh'òcas olc air son maith, cha dealaich olc r'a thigh.*

14 *Mar g'n leigeadh neach a mach uisgeacha, tha toiseach aimbreite; uime sin mu'n sgaoil<sup>22</sup> a' chomh-stri, leig dh'ìot i.*

15 *Tha'n ti a shaoras an t-aingidh, agus an ti a dh'ètas an firean, araan nan grain-cileachd do'n Tighearna.*

16 *C'ar son a ta luach ann an làimh amadain a dh'fhaotainn gliocais, agus e gun rùn<sup>23</sup> aige?*

<sup>1</sup> a' cheartais. Eabh. <sup>2</sup> a' bhuilg. <sup>3</sup> ceann-saichidh. <sup>4</sup> a chosnadh. <sup>5</sup> slighe. <sup>6</sup> ciatlach, tuigseach. <sup>7</sup> Duisgidh, sìol-chuiridh. <sup>8</sup> coirbte, ana-meineach. <sup>9</sup> gluasachd. <sup>10</sup> cathair. <sup>11</sup> do nithibh matha, do dheadh ghleus. <sup>12</sup> bithidh cuibhrionn aige do'n

oighreachd. <sup>13</sup> fhuirneis. <sup>14</sup> bhilibh cealgach, breugach. <sup>15</sup> sgrìos neach eile. <sup>16</sup> gun pheanas. <sup>17</sup> uail, glòir. <sup>18</sup> cainn. <sup>19</sup> dirdheire. <sup>20</sup> uasal, ard. <sup>21</sup> a' gheibh e. <sup>22</sup> mu'm measgar. <sup>23</sup> chridhe. Eabh.



17 Anns gach àm gràdhaichidh caraid, agus rugadh bràthair fa chomhair teinn<sup>1</sup>.

18 *Is* duine gun tuigse a bhuaileas a làmh, a théid an urras am fianuis<sup>2</sup> a charaid.

19 Gràdhaichidh esan peacadh, a ghràdhaicheas ainhreith: an ti a dh'ardaicheas a dhorus, iarraidh e sgrios.

20 An ti a ta fiar na chridhe, cha'n fhaigh e maith; agus an ti a ta lùbach<sup>3</sup> na theangaidh, tuitidh e ann an olc.

21 An ti a gheanas amadan, *ginidh se e* chum a dhoilgheis féin; oir cha bhi sòlas aig athair amadain.

22 Ni cridhe subhach maith *mar* leigheas; ach tiormaichidh spiorad briste na cnàmha.

23 Bheir droch dhuine tiodhlacadh as 'uchd, a chlaonadh shlighean a' bhreith-eanais.

24 Fa chomhair<sup>4</sup> an duine thuigsich *tha* gliocas; ach *tha* sùilean amadain ann an iomall na talmhainn.

25 *Tha* am mac amaideach na dhoilgheas d'a athair, agus na shearbhas dh'ise, a rug e.

26 Mar an ceudna cha 'n'eil e maith peanas a dheanamh air an fhìrean, no arduaislean a bhualadh air son ceartais.

27 Caomhaidh an ti aig am bheil eòlas a bhriathran; agus bithidh fear na tuigse ciuin<sup>5</sup> na spiorad.

28 Measar an t-amadan féin, 'nuair a bhios e na thosd, na dhuine glic; agus an ti, a dhruideas a bhilean, na dhuine tuigseach.

#### CAIB. XVIII.

**A** REIR a thograidh iarraidh esan a sgaras e féin, agus buinidh e ris gach gliocas.

2 Cha 'n'eil tlachd aig an amadan ann an tuigse, ach gu'n foillsicheadh a chridhe e féin.

3 'Nuair a thig an t-aingidh, thig mar an ceudna tarcuis, agus maille ri mi-chliu masladh.

4 *Mar* uisgeacha domhain *tha* briathra beoil duine; *mar* shruth sgaoilteach *tha* tobar a' ghliocais.

5 Cha 'n'eil e maith gabhail ri gnùis<sup>6</sup> an droch dhuine, chum am firean a thilgeadh bun os cionn ann am breitheanas.

6 Théid bilcan an amadain ann an aìmhreit, agus gairmidha bheul air buillibh.

7 *Is* e beul amadain a sgrios, agus *is* iad a bhilcan ribe 'anama féin.

8 *Tha* briathra fir na cogarsaich<sup>7</sup> mar lotaibh<sup>8</sup>, agus théid iad sìos gu ionadaibh ìochdarach a' chuim.

9 Mar an ceudna an ti sin a ta leasg na obair, *is* bràthair e do'n mhillteir mhòr<sup>9</sup>.

10 *Is* tìr làidir ainm an Tighearna:

ruithidh am firean d'a ionnsuidh, agus bithidh e tèaruinte<sup>10</sup>.

11 *Is* e beartas an duine shaibhir a chathair<sup>11</sup> làidir, agus mar bhalladh ard na bheachd féin.

12 Roimh sgrios bithidh cridhe duine uaibhreach, agus roimh urram *bithidh* irioslachd.

13 An ti a bheir freagradh ann an cùis mu'n chuinn e *i*, *is* amaideachd agus nàire dha e.

14 Giùlainidh spiorad duine a laigse: ach cò is urrainn spiorad briste<sup>12</sup> a ghiùlan.

15 Gheibh chridhe an duine chrionna<sup>13</sup> eòlas; agus iarraidh cluas nan daoine glic eòlas.

16 Ni tiodhlacadh duine àite dha, agus bheir e 'n làthair dhaoine mòra e.

17 *Snoilear* gu bheil a' choir aige-san, a tha air thoiseach ann an agairt a chùise; ach thig a choimhearsnach, agus rannsachidh se e.

18 Bheir an crannchur air aìmhreitibh sgar, agus roinnidh e eadar na cumhachdaich.

19 *Tha* bràthair air a bhrosnachadh *nì's* cruaidh *r'a* chosnadh nà cathair<sup>14</sup> làidir; agus *tha* aìmhreitean *bhràithre* mar chrann-aibh lùchairte<sup>15</sup>.

20 Le toradh béil duine lìonar a bhrù; agus le piseach<sup>16</sup> a bhilcan sàsùichear e.

21 *Tha* bàs agus beatha ann an cumhachd<sup>17</sup> na teanga; agus ìthidh esan leis an ionmhuiunn i d'a toradh.

22 An ti a dh'amaiseas air mnaoi, amaisidh e air nì maith, agus gheibh e deadh-ghean o'n Tighearn.

22 Le h-impidhibh<sup>18</sup> labhraidh an duine bochd; ach freagraidh an duine saibhir gu garbh.

24 Feunaidh fear aig am bi cairdean, cairdeas a nochdadh; agus tha caraid ann a leanas nì's dlùithe nà bràthair.

#### CAIB. XIX.

**I**S fearr am bochd a ghluaiscas na ionracas, nà esan a tha fiar na bhilb<sup>19</sup>, agus e na amadan.

2 Mar an ceudna cha mbaith do'n anam a bhi as eugmhais eòlais; oir an ti a nì cabhag le 'chasaibh, tuislichidh e<sup>20</sup>.

3 Claonaidh amaideachd duine a shlighe, agus an aghaidh an Tighearna nì a chridhe gearan<sup>21</sup>.

4 Ni saibhreas mòran chairde; ach sgarar am bochd o a charaid<sup>22</sup>.

5 Chà bhi fianuis bhreugach gun pheanas<sup>23</sup>; agus an ti a labhras breugan, cha d'théid e as.

6 Iarraidh mòran deadh-ghean an duine

<sup>1</sup> àmhghair. <sup>2</sup> air son. <sup>3</sup> fiar, carach.

<sup>4</sup> Ann an gnùis. <sup>5</sup> iriosal, oirdheirc. <sup>6</sup> pearsa.

<sup>7</sup> cogarùich. <sup>8</sup> mar bhriathraibh tlàth. <sup>9</sup> do

fhear na h-ana-caitheadh. <sup>10</sup> ardaichear e.

<sup>11</sup> a mhòr-bhaile. <sup>12</sup> brùite, leònta.

<sup>13</sup> chiallaich, thuigsich. <sup>14</sup> mòr-bhaile.

<sup>15</sup> tìr, dùin, dàingnich. <sup>16</sup> fàs, toradh.

<sup>17</sup> làimh. Eabh. <sup>18</sup> asluchadh. <sup>19</sup> shligidh.

<sup>20</sup> théid e air seacharan, peacoichidh e. <sup>21</sup> bith-

idh fearg air a chridhe. <sup>22</sup> choimhearsnach.

<sup>23</sup> neo-chientach.

mhòir<sup>1</sup>; agus *bithidh* gach duine na charaid do fhear nan tiodhlac<sup>2</sup>.

7 Bheir uile bhràithrean an duine bhochd fuath dha: nach mòr nà sin a théid a chairdean am fad uath? leanaidh e *iad* le briathraibh, *ach tha* iad a dhìth air<sup>3</sup>.

8 An ti a gheibh gliocas<sup>4</sup>, gràdhaichidh e 'anam féin; an ti a ghlèidheas tuigse, gheibh e maith.

9 Cha bhi fianuis bhreugach gun pheanas, agus sgriosar an ti a labhras breugan.

10 Cha 'n'eil aoibhneas iomchuidh do amadan; is lugha nà sin do sheirbhiseach riaghladh os cionn uachdarana.

11 Ni tuigse duine e mall chum feirge, agus *is i* a ghlòir amharc thairis air eucoir.

12 Mar bheucaich leòmhain *tha* fear rìgh; ach mar dhrùchd air fear *tha* a dheadh-ghean.

13 *Is* aobhar doilgheas d'a athair mac amaideach; agus mar shior-shileadh uisge *tha* aimhreitean mna.

14 *Is* iad oighreachd aithriche tigh agus saibhreas; ach is ann o'n Tighearn *a tha* bean chiallach<sup>5</sup>.

15 Bheir leisge air *duine* tuiteam ann an trom chodal; agus fuilingidh an t-anam dìomhanach ocras.

16 An ti a ghlèidheas an àithne, gleidhidh e 'anam féin; ach an ti a ni tàir air<sup>6</sup> a shligheibh, gheibh e bàs.

17 An ti a ghabhas truas do'n bhochd, bheir e air iasachd<sup>7</sup> do'n Tighearn; agus an ni a bheir e maith, locaidh e dha a rìs.

18 Smachdaich do mhac am feadh a ta dòchas d'a *thaobh*, agus na caomhnadh t'anam air son a ghearain<sup>8</sup>.

19 Fuilingidh fear na feirge mòire peanas; oir ma shaoras tu e, feumaidh tu dheanamh a rìs.

20 Eisd ri comhairle, agus gabh fòghlum, chum gu'm bi thu glic ann ad *lùithibh* deircannach<sup>9</sup>.

21 *Is* lìonmhor na smuaintean ann an cridhe duine; ach is i comhairle an Tighearna a sheasas.

22 *Is* e tlachd duine a chaoimhneas; agus *is* fear duine bochd nà breugaire.

23 *Treòraichidh* eagal an Tighearna gu beatha, agus gheibh esan a bhios air a lìonadh leis fois; cha'n fhiosraichear le h-ole e.

24 Folaichidh an leisgein a làmh na bhrollach<sup>10</sup>; uiread as chum a bhéil cha tabhair e i a rìs.

25 Buail fear-fochaid, agus bithidh an duine neo-gheur air 'fhaicill; agus cronaich duine tuigseach, agus tuigidh e eòlas.

26 An ti a chrcachas<sup>11</sup> 'athair, agus a dh'fhògras *a* nìhàthair, *is* mac a bheir nàire agus masladh e.

27 Sguir, a mhic, do éisdeachd ris an teagasg, a chuireas air seacharan o bhriathraibh an eòlais.

28 Ni fianuis aingidh<sup>12</sup> tarcuais air breitheanas; agus sluigidh beul dhroch dhaoine euceart.

29 Dh'ulluicheadh breitheanais do luchd-fochaid, agus buillean do dhrum nan amadan.

## CAIB. XX.

**I**S cealgach an ni fion<sup>13</sup>, *is* buaireasach an ni deoch làidir; agus ge b'e nìcach a mheallar leo, cha 'n'eil e glic.

2 Mar bheucaich leòmhain *tha* eagal rìgh: an ti a bhrosnuicheas e gu feirge, peacaichidh e an *aghaidh* 'anama féin.

3 *Is* urramach an ni do fhear fantuinn<sup>14</sup> o aiumhreit; ach measgaidh gach amadan *inn*te.

4 Air son an fhuachda<sup>15</sup> cha treabh an leisgein; iarraidh e déire anns an fhoghlara, ach cha'n *fhaigh* e.

5 Mar uisge domhain *tha* comhairle ann an cridhe duine, ach tairngidh fear na tuigse nìos i.

6 Gairmidh mòran dhaoine gach aon diùbh a mhaithreas féin; ach cò a gheibh duine firinneach?

7 Gluaisidh am firean na ionracas: sona *bithidh* a mhic na dhéigh.

8 'Nuair a shuidheas rìgh air caithir-bhreitheanais, sgaoilidh<sup>16</sup> e gach olc le 'shùilibh.

9 Cò a dh'fheudas a ràdh, Ghlan mi mo chridhe, *tha* mi glan o 'm pheacadh?

10 *Aon* chothrom agus cothrom *eile*, *aon* soitheach-tomhais agus soitheach-tomhais<sup>17</sup>. *eile*, *is* gràineileachd iad araon do'n Tighearn.

11 Aithnichear eadhon leanabh le a bheusaibh, am *bi* a dheanadas glan, agus am *bi* e ceart.

12 A' chluas a chluinneas, agus an t-sùil a chi, rinn an Tighearn iad araon.

13 Na gràdhaich codal, air eagal gu'n g'fhig thu gu bochdainn; fosgail do shùilean, agus sàsuichear thu le h-aran.

14 *Is* olc, *is* olc e, ars' an ceannuiche; ach an uair a dh'imicheas e roimhe, an sin ni se uail.

15 Tha òr ann, agus mòran do chlach-aibh luachmhor<sup>18</sup>; ach *is* iad bilean an eòlais an seud a's luach-mhoire.

16 Gabh eudach an ti a chaidh an urras air coigreach, agus air son bana-choigrich gabh an geall uath.

<sup>1</sup> a' phrionnsaidh, an uachdarain.

<sup>2</sup> dhasan a bheir tiodhlacan seachad.

<sup>3</sup> tha iad gun éifeachd.

<sup>4</sup> cridhe. Eabh.

<sup>5</sup> thuigseach.

<sup>6</sup> a dhearmadas, nach toir an aire do.

<sup>7</sup> an coingheall.

<sup>8</sup> ach na tog t'anam chum a mhillleadh.

<sup>9</sup> Faic. Deut. Caib. VIII. r. 16.

<sup>10</sup> as'laich, asgail.

<sup>11</sup> a mhillas, a chluoidheas.

<sup>12</sup> fianuis do Bheilai. Eabh.

<sup>13</sup> fion. Eabh.

<sup>14</sup> sgur.

<sup>15</sup> a' fhuachda.

<sup>16</sup> sgapaiddh.

<sup>17</sup> clach agus clach, ephah agus ephah.

<sup>18</sup> Faic. Deut. Caib. XXV. r. 14.

<sup>19</sup> neamhuaidibh; peninuir.

Eabh.



17 *Is* milis le duine aran na ceilge; ach na dhéigh sin lionar a bheul do ghain-eamh<sup>1</sup>.

18 Daingnichear gach tionsgnath le comhairle; agus le comhairle ghlic dèan cogadh.

19 *A* foillseachadh nithe dìomhair, imichidh fear-tuailis mu'n cuairt<sup>2</sup>; uime sin ris-san a ni miodal le 'bhilibh<sup>3</sup> na biodh gnothuch agad.

20 Ge 'b'è mhalluicheas 'athair, no a mhàthair, cuirear as a lòchran ann an duibhre dorchadais.

21 Feudar oighreachd fhaotainn gu luath an toiseach; ach cha bhi a crìoch beann-uichte.

22 Na h-abair, Iocaidh mi olc air son uile: feith air an Tighearn, agus saoraidh e thu.

23 *Is* gràineileachd do'n Tighearn aon chlach-thomhais agus clach-thomhais eile, agus cha 'n'èil meidhean cealgach maith.

24 Is ann o'n Tighearn a tha ceumanna duine; oir cionnus a thuigcas duine a shlighe fein?

25 *Is* ribe e do dhuine itheadh do'n ni a ta naomha, agus an déigh bhòid fiosrachadh<sup>4</sup>.

26 Sgapaidd rìgh glic na h-aingidh, agus bheir e air an roth teachd thairis orra.

27 *Is* e spiorad<sup>5</sup> duine lòchran an Tighearna, a' sgrùdadh<sup>6</sup> gach ionaid an taobh a tigh do'n chom.

28 Gleidhidh tròcair agus firinn rìgh; seadh, le tròcair daingnichear a rìgh-schaitir.

29 *Is* e urram dhaoine òga an neart; agus *is* e maise sheann daoine, an ceann diath.

30 Glanaidh guirme<sup>7</sup> cneidhe olc; mar sin glanaidh buillean na bheil an taobh a stigh do'n chom<sup>8</sup>.

## C A I B. XXI.

**M**AR shruthaibh uisgeacha, *tha* cridhe rìgh ann an làimh an Tighearna: ge 'b'è taobh is àill leis, tionndaidhidh se e.

2 *Tha* uile shlighean duine ceart na shùilbhe fein; ach measaidh an Tighearna na cridheacha.

3 Ceartas a dheanamh agus breitheanas, is ròghnuiche leis an Tighearna na iob-airt.

4 *Is* peaeach scalladh ard, agus eridhe uaibhreach, lòchran nan aingidh<sup>9</sup>.

5 Bheir gu deimhin sinuaintean an duine dlùchdailaich gu pailteas; ach *thig* gach neach a ta gun fhoighidin<sup>10</sup> da rìreadh gu dìth.

6 Ionmhasan fhaotainn le teangaidh bhrengaich, *is* dìomhanas e air a luasgadh a null agus a nall aig an droing a dh'iarraas am bàs.

7 Sgriosaidh reubainn nan aingidh iad, a chionn gu'n dùilt iad breitheanas a dheanamh.

8 Fiar agus coimheach tha slighe duine; ach *a thuobh* an fhìor-ghloin, *tha* a dheanadas dìreach.

9 *Is* fearr còmhnuidh a ghabhail ann an oisinn mullaich tighe, na maille ri mnaoi aìmhreitich ann an tigh farsaing<sup>11</sup>.

10 Miannaichidh anam an aingidh olc: cha'n fhaigh a ehoimhearsnach deadh-ghean na shùilbhe.

11 'Nuair a nithear peanas air fear-fochaid, fàsaidh am baoghalta<sup>12</sup> glic; agus an uair a dh'fhòghlumar an duine glic, gheibh e eòlas.

12 Bheir am firean an aire gu glic do thigh an aingidh: tilgear<sup>13</sup> na h-aingidh bun os cionn air son an aingidheachd.

13 An ti a dhruideas a chluas ri glaodh an duine bhochd, glaodhaidh e fein mar an ceudna, ach cha'n èisdear ris.

14 Ciùinichidh<sup>14</sup> tiodhlacadh ann an dìomhaireachd fearg; agus duais san uchd, cotruich dhian.

15 *Is* aobhneas do'n fhìrean breitheanas<sup>15</sup> a dheanamh; ach *thig* sgrios air<sup>16</sup> luchd-deanamh na h-euceirt.

16 An duine a thèid air seacharan o shlighe na tuigse, fanaidh e ann an coimh-thional nam marbh.

17 *Bithidh* esan na dhuine bochd a ghràdhaicheas sògh<sup>17</sup>; an ti a ghràdhaicheas fion agus oladh, cha'n fhàs e saibhir.

18 Na fìric air son an fhìrein *bithidh* an t-aingidh, agus air son nan ionraic an duine fealltach<sup>18</sup>.

19 *Is* fearr còmhnuidh a ghabhail ann am fàsach<sup>19</sup>, na maille ri mnaoi aìmhreitich agus fheargaich.

20 *Tha* ionmhas taitneach agus oladh ann an àite-còmhnuidh an duine gblic; ach eathidh an t-amadan e.

21 An ti a leanas fireantachd agus tròcair, gheibh e beathia, fireantachd, agus urran<sup>20</sup>.

22 Do chathair<sup>21</sup> nan daoine treun streapaidh an duine glic, agus leagaidh e sìos neart a h-earbsaidh.

23 An ti a ghleidheas a bheul agus a theanga, gleidhidh e 'anam o theanndachd-aibh.

24 Fear magaidh uaibhreach, ardanach *is*

<sup>1</sup> ghaibhneach, gharbh-ghaineamh. <sup>2</sup> Faic. Caib. XI. r. 13. <sup>3</sup> a tha bras le 'bhilibh. <sup>4</sup> dàil a chur nan coimhnuidh. <sup>5</sup> anam. <sup>6</sup> rann-sachadh, fiosrachadh. <sup>7</sup> sàthar, brèine. <sup>8</sup> olc a' chridhe. <sup>9</sup> agus treabhachd nan aingidh. <sup>10</sup> dian, cabhagach. <sup>11</sup> comuinn, comh-

chuideachd. <sup>12</sup> neo-ghur, simplidh. <sup>13</sup> tilgidh Dia. <sup>14</sup> Traoghadh, mùchaidh. <sup>15</sup> ceartas. <sup>16</sup> is aobhar namhais e do. <sup>17</sup> aobhneas, aighear. <sup>18</sup> ciontach. <sup>19</sup> an t-àr fhasail. Eabh. <sup>20</sup> glòir. <sup>21</sup> ard-bhaile, bhaile daingnichte.

ainm dhasan, a ghiùlaineas e fèin ann an corruich an uabhair.

25 Marbhaidh miann an leisgein e; oir diùltaidh a làmhnan obair a dheanadh.

26 Air feadh an latha sanntaichidh e gu mòr; ach bheir an firean uaith, agus cha chaomhain e.

27 Is gràineileachd ìobairt nan aingidh: cia mòr is mò, 'nuair a bheirear suas i le droch rùn?

28 Sgrìosar fianuis bhreugach; ach an ti a dh'èisdeas, labhraidh e chum *deadh* chrìche<sup>1</sup>.

29 Cruaidhichidh an droch dhuine 'eud-an; ach ni esan a ta ionraic a shlighe dìreach<sup>2</sup>.

30 Cha 'n'eil gliocas, no tuigse, no comhairle ann, an aghaidh an Tighearna.

31 Deasaichear an t-each fa chomhair latha a' chatha, ach is ann o'n Tighearna a tha tèaruinteachd<sup>3</sup>.

## CAIB. XXII.

**I**S ròghnuiche ainm maith nà mòr shaibhreas, agus deadh-ghcan nà airgid agus òr.

2 Coinnichidh am beartach<sup>4</sup> agus am bochd a chèile: is e'n Tighearna a rinn iad gu léir.

3 Chi an duine crìonna<sup>5</sup> olc, agus folaichidh se e t'èin; ach gabhaidh na daoine baoghalta<sup>6</sup> air an aghaidh, agus fuilingidh iad peanas.

4 Trid irioslachd [agus] eagail an Tighearna, *thig* saibhreas, agus urram, agus beatha.

5 Tha droighionn agus ribeacha ann an slighe an duine fhiar: an ti a ghleidheas anam fèin, théid e am fad uatha.

6 Teagaisg leanabh a thaobh na slighe air an còir dha imeachd; agus an uair a bhios e sean, cha tréig e i.

7 Riaghlaidh am beartach os cionn nam bochd; agus *bithidh* an ti a ghabhas an coingheall<sup>7</sup> na sheirbhiseach dha-san a bheir an coingheall.

8 An ti a shìol-chuireas euceart, buainidh e dìomhanas; agus caithear<sup>8</sup> slat 'Theirge.

9 Beannuichear esan aig am bheil sùil fhial<sup>9</sup>; oir bheir e d'a aran do'n bhochd.

10 Tilg a mach am fear-fòchaid, agus théid còr-achadh a mach; scadh, sguridh comhstri agus maskadh.

11 An ti leis an ionmhuinn gloine cridhe, is taitneach a bhilean, *bithidh*<sup>10</sup> an rìgh na charaid aige.

12 Coinnichidh sùilean an Tighearna eòlas; ach tilgidh e bun os cionn briathran a' chiontaich.

13 Their an leisgein, *Tha* leòmhnan am muigh, anns na sràidibh marbhar mi.

14 Is slochd donhain beul bhan coimheach; an ti a's gràineil<sup>11</sup> leis an Tighearna, tuitidh e ann.

15 Tha amaideachd ceangailte ann an cridhe leinibh; ach cuiridh slat an smachdachaidh fad uaith i.

16 An ti a shàruicheas am bochd a mheudachadh a *mhaoin* fèin, agus an ti a bheir do'n t-saibhir, *thig* e gu deimhin gu h-uireasbhuidh.

17 Aom do chluas, agus èisd ri briathraibh dhaoine glìce, agus socraich do chridhe air m'èòlas-sa:

18 Oir is taitneach an *ni* e, ma ghleidheas tu iad ann ad chom<sup>12</sup>, *na* bhithreas iad araon deas air do bhillibh.

19 Chum gu'm biodh t'earbsa as an Tighearna, nochd mi dhuit an diugh, eadhon dhuitse.

20 Nach do scriobh mi dhuit nithe òir-dheirc, ann an comhairlibh, agus an eòlas?

21 Chum gu nochdainn duit cinnte bhriathar na firinn; chum gu freagradh tu briathra na firinn dhoibhsan, a chuireas fios a t'ionnsuidh?

22 Na creach am bochd a chionn gu *bheil* e bochd, agus na sàruich an truaghan anns a' gheata:

23 Oir tagraidh an Tighearna an cùis, agus millidh e anam na muinntir, a mhilleas iad.

24 Na dean suas cairdeas ris an fhear-gach, agus maille ri fear na h-ard chorruich na h-imich;

25 Air eagail gu'n ionnsuich thu a shlighean, agus gu'm faigh thu ribe do t'anam.

26 Na bi dhiubhsan, a bhuaileas an làmhnan<sup>13</sup>, no dhiubhsan, a théid an urras air son fhiach.

27 Mur 'eil *ni* agad gu dìoladh, c'ar son a bheirtcadh<sup>14</sup> uair do leaba a ta fodhad.

28 Na h-atharraich an seann chomhara-crìche, a shuidhich t'athriche.

29 Ma chi thu fear a bhios eathlamh<sup>15</sup> na ghnothuichibh, seasaidh e 'n làthair rìghre, cha seas e an làthair dhaoine òsal.

## CAIB. XXIII.

**N**UAIR a shuidheas tu a dh'itheadh maille ri h-uachdaran, thoir an ro-aire do na *bheil* fa d' chomhair;

2 Agus cuir sgian ri d' sgornan, ma's duine thu air do thabhairt do chraos.

3 Na miannaich a nithe mìlse<sup>16</sup>; oir is biadh mealltach iad.

4 Na sathraich gu fàs saibhir, leig dhìot do ghliocas fèin.

<sup>1</sup> a ghnàth, am feasd. <sup>2</sup> deasaichidh esan a ta ionraic a shlighe. <sup>3</sup> saorsa, buaidh. <sup>4</sup> saibhir. <sup>5</sup> ciailuch, gear, léirsinneach. <sup>6</sup> neo-ghur, simplidh. <sup>7</sup> air iasachd. <sup>8</sup> fàilnichidh. <sup>9</sup> mhaith, thruacanta. <sup>10</sup> air son gràis no

*deadh-ghcan a bhilean bithidh, &c.* <sup>11</sup> fuathach. <sup>12</sup> an taobh a stigh dhìot. <sup>13</sup> dh'fhoillsich. <sup>14</sup> a bheir an làmhnan seachad. <sup>15</sup> a bheireadh neach. <sup>16</sup> grad, deas. <sup>17</sup> annasach.



5 An cuir thu do shùilean air an nì nach 'eil ann; oir gu einnteach nì saibhreas sgiathan dha féin, mar iolaire a dh'iteal-  
aicheas eum nan nìeamh<sup>1</sup>.

6 Na h-ith aran an *ti*, aig am bheil droeh shùil, agus na miannaich a nìthe mìlse.

7 Oir mar a smuainicheas e na anam, mar sin *bithidh* e: Ith agus òl, their c riut, ach eha *bhi* a chridhe leat.

8 An greim a dh'ith thu, sgeithidh tu nìos, agus eailidh tu do bhriathra nùlse.

9 Na labhair ann an cluasaibh amadain; oir nì e tàir air gliocas do bhriathar.

10 Na h-atharraich an seann chomhara-  
criche, agus air achaidh nan dilleachdan na  
bris a steach:

11 Oir *tha* am fear-saoraidh eumhach-  
dach; tagraidh e an eùis a't'aghaidh<sup>2</sup>.

12 Aon do chridhe ri fòghlum, agus do  
chluasan ri briathraibh còlais.

13 Na cum smachdachadh o leanaibh;  
oir *ma* bhuailas tu e le slait, eha'n fhaigh e  
bàs.

14 Buailidh tu e le slait, agus saoraidh  
tu anam o ifrinn<sup>3</sup>.

15 A mhie, na bhios do ehridhe glic, nì  
mo chridhe-sa gairdeachas, eadhon mo  
chridhe-sa:

16 Seadh, nì m'airnean gairdeachas,  
'nuair a labhras do bhilean nìthe cearta.

17 Na gabhadh do ehridhe farmad ri  
peacachaibh: ach *bi* an eagal an Tighearna  
air feadh an là uile.

18 Oir gu deimhin *tha* crìoch ann, ach<sup>4</sup>  
cha ghearras do dhòchas.

19 Eisd thusa, a mhie, agus bi glic,  
agus trèraich do chridhe anns an t-slighe.

20 Na bi am measg phòiteirean fiona,  
an measg luchd-còmh-ithidh geòcach  
feòla.

21 Oir thig am misgeir agus an geòeaire  
gu bochdainn; agus eudaichidh tu tra-cho-  
dal<sup>5</sup> *duine* le luidheagaibh.

22 Eisd ri t'athair a ghin thu, agus na  
dean tàir air do mhàthair 'nuair a bhios i  
aosda.

23 Ceannaich an fhìrinn, agus na reic i;  
*mar* an ceudna gliocas, agus fòghlum, agus  
tuigse.

24 Nì athair an fhèin mòr ghairdeachas;  
agus nì esan a ghincas *mac* glic, aoibh-  
neas ann.

25 Nì t'athair agus do mhàthair aoibh-  
neas, agus nì ise a rug thu gairdeachas.

26 A mhie, thoir dhomhsa do ehridhe,  
agus coimhidcadh do shùilean mo shligh-  
ean.

27 Oir *is* staing<sup>6</sup> dhomhain strìopach,  
agus *is* slochd cumhang bana-choigreach.

28 Tha i mar an ceudna ri feall-fheith-

eamh mar chreachadair<sup>7</sup>, agus cuiridh i  
luehd-dòbheirt<sup>8</sup> an lionmhoireachd am  
measg dhaoine.

29 Cò d'am buin truaighe? cò a *ta* ri  
bròn<sup>9</sup>? cò aig am bheil cònsachadh<sup>10</sup>? cò a  
*ta* ri gearan! cò aig am bheil lotan gum-  
aobhar? cò aig am bheil deirge shùl?

30 Iadsan a dh'fhanas fad aig an fhìon,  
iadsan a thèid a dh'iarraidh fiona measgta.

31 Na h-ambaire thusa air an fhìon an-  
nuair a bhios e dearg, 'nuair a bheir e 'dhat-  
sa' ehupar, a thèid e sìos dìreach<sup>11</sup>.

32 Ma-dheireadh teumaidh e mar nath-  
air, agus mar an rìgh-nathair<sup>12</sup> sàthaidh e  
'ghath

33 Amhaircidh do shùilean air mnaibh-  
còmhach, agus cuiridh do chridhe an  
céill nìthe claona.

34 Agus bithidh tu mar an *ti* a luidheas-  
sìos ann am meadhan na fairge, no mar  
esan a luidheas air bàrr eroinn-suil.

35 Bhuail iad mi, *their thu*, agus cha-  
robh mi tinn; ghabh iad orm, agus cha do-  
mhothaich mi: c'uin a dhùisgeas mi? an-  
sin iarraidh mi fathast e.

# CAIB. XXIV.

**N**A gabh farmad ri droch dhaoineibh,  
agus na miannaich a bhi maille-  
riu.

2 Oir smuainichidh an cridhe air mill-  
eadh, agus labhraidh am bilean mu-  
dhonas<sup>13</sup>.

3 Le gliocas togar tigh, agus le tuigse-  
daingniehear e;

4 Agus le h-eòlas lionar a sheòmraiche-  
leis gach saibhreas luachmhor agus tait-  
neach.

5 Tha'n duine glie na *dhuine* làidir, agus  
tha fear an eòlais treun an neart.

6 Oir le comhairleghlic nì thu do chog-  
adh; agus ann an lionmhoireachd ehomh-  
airleach *tha* tèaruinteachd.

7 Tha gliocas ard air son amadain;  
anns a' gheatadh na fosgladh e a bheil.

8 Esan a smuainicheas air<sup>14</sup> olc a dhean-  
amh, goirear fear nan droch innleachd  
dheth.

9 Is peacadh smuainte na h-amaideachd;  
agus *is* e fear na fochaid gràin dhaoine.

10 Ma dh'fhannaicheas<sup>15</sup> tu ann an  
latha an àmhghair<sup>16</sup>, *is* beag do neart.

11 Ma dhearmadas tu iadsan, a thear-  
nadh a thairngear chun bàis, agus iadsan a  
tha ullamh gu bhi air am marbhadh;

12 Ma *their thu*, Feuch, cha robh fios  
againn air so; nach toir esan a chothrom-  
aicheas an eridhe fa'near? agus nach bi fios  
aige-san a choimhideas t'anam? agus nach  
ìoe e do gach duine a réir a glimòmhara?

13 A mhie, ith thusa uil, do bhrìgh gu

<sup>1</sup> nan speur, nan neul.

<sup>2</sup> riut.

<sup>3</sup> o'n

uaigh, o'n bhias.

<sup>4</sup> luidheachd ann, agus.

<sup>5</sup> codallachd, lund-airachd, lùisge.

<sup>6</sup> slochd.

<sup>7</sup> air son crìche.

<sup>8</sup> luchd eusantais, feall-

laircan.

<sup>9</sup> acain.

<sup>10</sup> airmheitean.

<sup>11</sup> a

ghluaiseas e gu ceart.

<sup>12</sup> nathair-nimhe.

<sup>13</sup> airmheas, urchoid.

<sup>14</sup> a dhealbhas, a thuras.

<sup>15</sup> loagicheas.

<sup>16</sup> na teanndachd.

bheil i maith, agus a' chìr mheala a tha milis do d' bhlas.

14 Mar sin bithidh eòlas a' ghliocais do t'anam, ma gheibh thu e; agus an uair a thig do chrìoch, cha ghearrar as' do dhò-chas.

15 Na dean feall-fholach, a dhroch dhuine, an aghaidh àite-còmhnuidh an fhàirein; na creach 'ionad-tàimh.

16 Oir seachd uairean tuitidh am firean, agus éiridh e ris; ach tuitidh na h-aingidh ann an olc.

17 'Nuair a thuiteas do nàmhaid, na bi aobhneach, agus an uair a thuislicheas e, na deanadh do chridhe gairdeachas:

18 Air eagal gu'm faic an Tighearn, agus gu'm bi e olc<sup>2</sup> na shùilb, agus gu'n tionndaidh e 'fhearg uaidh.

19 Na biodh campar ort mu dhroch dhaoineibh, agus na gabh fàrnad ris na h-aingidh<sup>3</sup>:

20 Oir cha bhì crìoch mhaith<sup>4</sup> air an droch dhuine; cuirear lòchran nan aingidh as.

21 A mhic, biodh eagal an Tighearna agus an rìgh ort: riu-san aig am bheil atharrachadh giùlain<sup>5</sup> na biodh gnothuch agad:

22 Oir gu h-obann thig<sup>6</sup> an dòruinn; agus cò d'am fios an sgrios araon?

23 Buinidh na nithe so mar an ceudna do dhaoineibh glìce. Cha mhaith an ni gnùis aithneachadh ann am breitheanas<sup>7</sup>.

24 Esan a their ris an aingidh, Tha thu cothromach<sup>8</sup>, malluichidh an sluagh e, gabhaidh na fineacha gràin deth.

25 Ach bithidh toil-inntinn aca-san a chraicheadh e, agus thig beannachadh maith orra.

26 Pògar bilean an ti a bheir freagradh ceart.

27 Ulluich t'obair am muigh, agus deas-aidh i dhuit fèin anns an achadh, agus na dhéigh sin tog do thigh.

28 Na bi t'fhiannais gun aobhar an aghaidh do choimhearsnaich, agus na meall le d' bhillibh.

29 Na h-abair, Mar a rinn e orm, mar sin ni mi air: iocaidh mi do'n duine a réir 'oibre.

30 Ghabh nai seachad air fearann an duine leisg, agus air fion-lios an duine gun tuigse:

31 Agus feuch, bha e uile air fàs suas le cluanaibh<sup>9</sup>, chòmhdaich an eanntagach<sup>10</sup> 'aghaidh, agus bhriscadh sìos a bhalladh cloiche.

32 An sin chunnaic mi, thug mi an aire

gu maith<sup>11</sup>; dh'amhairc mi, fhuair mi fòghlum.

33 Fathast beagan co-dail, beagan clò-chodail, beagan pasgaidh<sup>12</sup> nan làmh gu codal:

34 An sin thig do bhochdainn, mar fhear-siubhail, agus t'uireasbhuidh, inas dhuine fuidh armaibh.

# CAIB. XXV.

**I**S iad so mar an ceudna gnàth-fhocail Sholaimh, a dh'ath-scriobh daoine Hese-ciah rìgh Iudah.

2 Is i glòir Dhé ni a cheiltinn; ach is e urram rìghre ni a rann-sachadh.

3 Tha nèamh air airde, agus an talamh air doimhne, agus cridhe rìghre do-rann-sachaidh.

4 Buin an salchar o'n airgiod, agus thig, soitheach a mach do'n òr-cheard.

5 Buin an droch dhuine as làthair an rìgh, agus daingnichear ann am firean-tachd a rìgh-chaitir.

6 Na gabh urram dhuìt fèin ann am fianuis rìgh, agus na seas ann an àite dhaoine mòra:

7 Oir is fearr gu'n abrar riut, Thig an nìos an so, nà gu cuirear sìos thu am fianuis an nachdarain a chunnaic do shùilean.

8 Na gabh a mach gu h-obann gu strì, air eagal nach bi fios agad ciod a ni thu na dhéigh sin, an uair a bheir do choimhears-nach gu nàire thu<sup>13</sup>.

9 Tagair do chùis ri d' choimhearsnach, agus na foillsich rùn-diomhair do neach eile:

10 Air eagal gu cuir an ti a chluinneas gu nàire thu, agus nach atharraichear<sup>14</sup> do mhasladh.

11 Mar ùbhlán òir ann an dealbhaibh airgid, tha focal a labhrar gu h-iomchluidh.

12 Mar chluas-fhàinne òir, agus mar usgar do'n òr fhìor-ghlan, tha fear-cronachaidh glìc aig cluais fhurachair.

13 Mar fhuachd sneachdaidh ann an àm an fhogharaidh, tha teachdaire dileas dhoibhsan a chuireas uatha e; oir ath-bhleothaichidh e anam a mhaighstir.

14 Mar neoil agus mar ghaoith gun uisge tha am fear a ni uail a tiodhlacadh gu breugach.

15 Le fad-fhulangas cuirear inpidh air nachdaran, agus brisidh teanga mhìn cnàimh.

16 An d'fhuair thu mìl? ith ni's leòr dhuìt dith; air eagal gu làn-shàsuichear thu, agus gu sgeith thu i.

17 Tarruing do chos a tigh do choimhearsnaich, air eagal gu'm bi e sgith dhìot, agus gu fuathaich e thu.

<sup>1</sup> agus bithidh duais ann, agus cha ghearrar as. <sup>2</sup> mì-thaitneach. <sup>3</sup> Faic Salm XXXVII. r. 1. <sup>4</sup> duais, luigheadh. <sup>5</sup> a thu

caochlaideach, so-ghluaisle. <sup>6</sup> éiridh. Eabh. <sup>7</sup> Faic Lehit. Caib. XIX. r. 15. <sup>8</sup> ceart,

10 ionn-tagach. <sup>11</sup> shocrach mi no chridhe. Eabh. <sup>12</sup> fìllich. <sup>13</sup> air eagal gu'n dean thu nì-cigin na dhéigh sin, air son an cuir do choimhears-nach gu nàire thu. <sup>14</sup> pillear.



18 *Is* ord, agus claidheamh, agus saigh-ead gheur, am fear a bheir fianuis bhréige an aghaidh a choimhearsnaich.

19 *Mar* fhiacail bhriste, agus *mar* chois as an alt, *tha* earbsadh a duine neo-dhileas ann an latha airce.

20 *Mar* esan a bheir air falbh eudach ann an latha fuachda, *mar* fhìon-geur air creag-shalann<sup>1</sup>, mar sin tha esan a shinneas drain do'n chridhe thuirsach.

21 *Ma* bhios do nàmbaid<sup>2</sup> ocrach, thoir aran dha r'a itheadh; agus *ma* bhios e òtmhor<sup>3</sup>, thoir uisge dha r'a òl:

22 Oir carnaidh tu eibhle teine air a cheann<sup>4</sup>, agus bheir an Tighearna luigh-eachd<sup>5</sup> dhuit.

23 Cuiridh a' ghaoth a tuath air falbh an t-uisge<sup>6</sup>; mar sin *cuiridh* a' ghnùis fheargach air falbh teanga a' chùl-chàinidh.

24 *Is* fearr còmhnuidh a ghabhail ann an oisinn mhullaich tighe, nà maille ri mnaoi aimhreitich ann an tigh farsaing.

25 *Mar* uisgeacha fuar do'n anam thart-mhor, mar sin *tha* deadh sgeul a tìr chéin.

26 *Mar* thobar air a chuir troimh a chèile, agus *mar* fhuaran air a thruaillidh, *tha* am firean a thuaislicheas am fianuis an aingidh.

27 Cha 'n'eil e maith mòran meala ith-eadh; agus *cha* ghloir e do dhaoinibh an ghloir féin iarraidh<sup>7</sup>.

28 *Mar* chathair<sup>8</sup> briste sìos, gun bhalladh, *tha* am fear aig nach 'eil ceannsal air a spiorad féin.

## CAIB. XXVI.

**M**AR shnacadha san t-samhradh, agus mar uisge san fhogharadh, mar sin cha 'n'eil urram iomchuidh<sup>9</sup> do'n amadan.

2 *Mar* eun air faondradh, mar an gobh-lan-gaoithe aig itealaich, mar sin cha d'thig am mallachadh gun aobhar.

3 Sciùrs<sup>10</sup> do'n each, srian do'n asal, agus slat do dhrum nan amadan.

4 Na freagair amadan a réir 'amaideachd, air eagal gu'm bi thu féin cosmhail ris.

5 Freagair amadan a réir 'amaideachd, air eagal gu'm bi e glic na shùilibh féin.

6 Gearraidh esan dheth a chosan, òlaidh e dochann, a chuireas teachdaireachd le làimh amadain.

7 Cha'n ionann cosan<sup>11</sup> a' bhacaich; mar sin tha gnàth-fhocal ann am beul amadana.

8 *Mar* neach a cheanglas clach ann an crann-tàbhuill, mar sin *tha* esan a bheir urram do amadan.

9 *Mar* a théid bior suas ann an làimh misgeir, mar sin *tha* gnàth-fhocal ann am beul amadana.

10 Bheir an *Dia* mòr, a dhealbh gach nì, duais do'n amadan<sup>12</sup>, agus bheir e duais do luchd-eusaontais.

11 *Mar* a philleas madadh chum a sgeith féin, pillidh amadan chum 'amaideachd féin.

12 Am bheil thu faicinn duine a tha glic na bhair!<sup>13</sup> féin? *tha* aobhar dòchais nì's mò do'n amadan nà dheth-san.

13 Their an leisgein<sup>14</sup>, *Tha* leòmhnan san t-slighe, leòmhnan anns na sràidibh.

14 *Mar* a thionndaidheas an doras air a lùdnanaibh<sup>15</sup>, mar sin an leisgein air a leabaidh.

15 Folaichidh an leisgein a lànfh na bhrollach, is doilich leis<sup>16</sup> a toirt chum a bhéil.

16 *Is* glice an leisgein na bhairil, féin, nà seachdnar a bheir freagradh gu ceart.

17 *Mar* neach a bheireas air madadh air a chluasaibh, *tha* esan a théid seach, agus a ghabhas gnothuch ri conspoid nach bain da.

18 *Mar* fhear air bòlde, a thilgeas leusan-teine, saighdean, agus bàs,

19 *Mar* sin *tha* am fear a mheallas a choimhearsnach, agus a their, Nach ann ri fearas-chuideachd<sup>17</sup> a tha mi?

20 Far am bi dith connaidh, théid an teine as; agus far nach bi fear-cogarsaich<sup>18</sup>, sguiridh a' chomh-stri.

21 *Mar* ghual do eibhlilb, agus *mar* chonnadh do theine, mar sin *tha* fear nan aimhreit a dhùsgadh stri.

22 *Tha* briathra fir na cogarsaich mar lotaibh<sup>19</sup>, agus théid iad sìos gu ionadaibh ìochdarach a' chuim.

23 *Mar* shoitheach creadha air a chòmhdachadh le sa' airgid, *tha* bilean air lasadh agus cridhe olc.

24 Le 'bhlibh ceilidh<sup>20</sup> an ti a dh'fhuathaicheas; ach an taobh a stigh dheth taisgidh e cealg.

25 An uair a labhras e gu breagha, na creid e; oir *tha* seachd gràineileachda na chridhe.

26 An ti a chòmhdhaicheas<sup>21</sup> 'fhuath le ceilg<sup>22</sup>, foillsichear 'aingidheachd<sup>23</sup> am fianuis a' chomh-chruinnich.

27 An ti a chladhaicheas slochd, tuitidh e féin ann; agus an ti a charuicheas clach, pillidh i air féin.

28 Fuathaichidh an tanga bhreugach iadsan d'an dean i dochair, agus oibrichidh am beul mìodalach sgrios.

## CAIB. XXVII.

**N**A dean uail a thaobh an latha màir-each<sup>24</sup>; oir cha 'n'eil fhios agad ciod a bheir là uath.

<sup>1</sup> nitre. Sasg. <sup>2</sup> an ti aig am bheil fuath  
dhuit. <sup>3</sup> tart-mhor, pàiteach. <sup>4</sup> Faic Rom.  
Caib. XII. r. 20. <sup>5</sup> duais. <sup>6</sup> Bheir  
a' ghaoth a tuath a mach uisge. <sup>7</sup> ach is  
urramach an nì bhi 'g iarraidh urrainn. <sup>8</sup> mhòr-  
bhaile. <sup>9</sup> ciufach. <sup>10</sup> Sciùrsair. <sup>11</sup> Togar  
cesan. <sup>12</sup> Claidhidh duine mòr

gach neach, agus bheir e duais do'n amadan.  
<sup>13</sup> na shùilibh. Eabh. <sup>14</sup> leisgear, lundaire.  
<sup>15</sup> lùdnanaibh. <sup>16</sup> is saothair leis. <sup>17</sup> sùg-  
radh. <sup>18</sup> cogaraich. <sup>19</sup> bhriathraibh clath.  
<sup>20</sup> aithnichear. <sup>21</sup> dh'fhlathicheas. <sup>22</sup> an  
uaigneas. <sup>23</sup> 'olcas. <sup>24</sup> an lèr-nu mhàireach.

2 Moladh neach eile thu, agus na b'e do bheul fèin; coigreach, agus na b'iad do bhilean fèin.

3 *Is* tron clach, agus *is* cudthromach an gainearmh; ach *is* trume corruich amadain na iad le chéile.

4 *Is* an-ìochdmhor corruich, agus mar thuil *tha* fearg: ach cò *is* urrainn seasanib am fianuis tùtha?

5 *Is* fearrachmhasan follaiseach na gràdh folaichte.

6 *Is* dileas lotan caraid; ach *is* cealgach pògan eascaraid.

7 Gabhaidh an t-anam làn gràin do'n chìr-mheala; ach do'n anam ocrach<sup>1</sup> *is* milis gach nì searbh.

8 Mar eun air seacharan o a nead, mar sin *tha* am fear a théid air seacharan o 'aite fèin.

9 Nì oladh-ungaidh agus boltrach an cridhe ait: mar sin nì milsead caraid duine le comhairle a chridhe.

10 Na tréig do charaid fèin, no caraid t'athar, agus na rach<sup>2</sup> a steach do thigh do bhràthar ann an latha t'àmhghair<sup>3</sup>: *is* fearr coimhearsnach ann fagus na bràthair fad as.

11 Bì glic, a mhic, agus dean mo chridhe ait, agus bithidh freagradh agam dhasan a bheir masladh dhomh<sup>4</sup>.

12 Chi an duine crònna olc, agus folaichidh se c' fèin; ach gabhaidh na daoine baoghalta air an aghaidh, agus fuiligidh iad peanas<sup>5</sup>.

13 Gabh eudach an ti, a chaidh an urras air coigreach, agus air son bana-choigrich gabh an geall uaithe.

14 An ti a bheannuicheas a charaid le guth ard, ag éirigh gu moch sa' mhaduinn, measar e dha mar mhallachadh.

15 Tha sìor-shileadh uisge ann an latha frasach, agus bean aimhreiteach cosmhùil ri chéile.

16 Ge b'e dh'fholaicheas i, folaichidh e a' ghaoth, agus oladh-ungaidh a laimhe deise a bhrathas i fèin.

17 Geuraichear iarunn air iarunn, agus geuraichidh duine gnùis a charaid.

18 Ge b'e ghleidheas craobh fhìge, ithidh e d'a toradh; mar sin esan a dh'fheitheas air a mhaighstir, gheibh e ùrram.

19 Mar ann an uisge a *fhreagradh* aghaidh do aghaidh, mar sin *fhreagradh* cridhe duine do dhuine.

20 Cha sàsuichear ifrion agus léir-sgrìos<sup>6</sup>, agus cha sàsuichear sùilean dhaoine.

21 Mar a' phoit-ghlanaidh air son an airgid, agus an àmhuinn air son an òir, mar sin *tha* duine do bheul an ti a mholas e.

22 Ge do phronn thu amadan ann an soitheach pronnaidh am measg cruith-

neachd le bruthadair<sup>7</sup>, cha dealaich 'amaid-eachd ris.

23 Bithheadh aithne mhaith agad air staid<sup>8</sup> do chaorach; thoir an aire do d' theudaibh:

24 Oir cha mhair beartas gu bràth: agus am mair an crùn o linn gu linn?

25 Nochdar am fear maoth<sup>9</sup> e fèin, agus tais-beanaidh am fear maoth<sup>9</sup> e fèin, agus cruinnichear luibhean nam beann.

26 Bithidh na h-uain chum t'eudaich; agus *is* iad na gabhar luach t'fhearainn.

27 Agus bithidh nì's leòr do bhainne ghabhar agad chum bidh, chum bidh do theaghlach, agus chum beathachaidh do mhaighdeanna<sup>10</sup>.

## CAIB. XXVIII.

**T**EICHIDH an t-aingidh, gun neach air bith an tòir air; ach bithidh na h-ionraic dàna mar leòman.

2 Air son eusaontais tire bithidh mòran uachdaran oirre; ach le duine tuigseach eòlach nithear a staid buan.

3 Tha duine bochd a nì foirneart air bochdaibh, mar uisge millteach<sup>11</sup> nach fàg biadh na dhéigh.

4 Molaidh iadsan a thréigear an lagh na h-aingidh; ach nì iadsan a ghleidheas an lagh strì<sup>12</sup> riu.

5 Cha tuig droch dhaoine breitheanas; ach tuigidh iadsan a dh'iarra an Tighearna na h-uile nithe.

6 *Is* fearr am bochd a dh'innicheas na ionracas, na esan a tha fiar na shlighibh, ge do robh e saibhir.

7 An ti a ghleidheas an lagh, *is* mac glic e; ach esan a ta na chompanach do luchd-craois, nàirichidh e 'athair.

8 An ti a mheudaicheas a mhaoim le h-ocar<sup>13</sup>, agus le tairbhe eucoraich, cruinnichidh e dhasan a ghabhas truas do'n bhochd.

9 An ti a thionndaidheas a chluas o chluinntinn an lagha, bithidh 'ùrnuigh fèin na gràineileachd.

10 An ti a chuireas na fireana air seacharan air droch shlighe, tuitidh e na shlochd fèin; ach mcalaigh na h-ionraic nithe maith.

11 *Is* glic duine saibhir na bharaill<sup>14</sup> fèin; ach rannaichidh an duine bochd aig am bì tuigse mach e.

12 'Nuair a nì na fireana gairdeachas, bithidh glòir mhòr ann; ach an uair a dh'èireas na h-aingidh, folaichear<sup>15</sup> duine.

13 An ti a dh'fholaicheas a pheacanna, cha sòibhich leis; ach esan a dh'aidicheas agus a thréigear iad, gheibh e tròcair.

14 *Is* beannuichte an duine air am bì eagal a ghnàth, ach esan a chruaidhicheas a chridhe, tuitidh e ann an olc.

<sup>1</sup> acrach. <sup>2</sup> teirig, gabh. <sup>3</sup> t'urchoid.  
<sup>4</sup> Faic Salin CXIX. r. 42. <sup>5</sup> Faic Caib. XXII. r. 3. <sup>6</sup> an uigh agus am bàs. <sup>7</sup> pronnadair; pestil. Sasg. <sup>8</sup> aghaidhibh. Eabh. <sup>9</sup> mòr.

<sup>10</sup> chailin, bhan-oglach. <sup>11</sup> sgrìosach.  
<sup>12</sup> còmhrag. <sup>13</sup> an-riadh. <sup>14</sup> na shùilb.  
Eabh. <sup>15</sup> iarrar, sirear.



15 *Mar* leòmhán beucach, agus *mar* mhath-ghamhuin, a ruitheas a null agus a nall, *tha* uachdaran aingidh os cionn sluaigh bhochd.

16 Am fear-riaghlaidh aig nach 'eil tuigse, *is* mòr mar an ceudna am fear-foirneirt e; ach an ti a dh'fhuathaicheas sannt, sinidh e a laithean.

17 An duine a ni ainneart air fuil neach sam bith, teichidh e gu ruig an slochd; na cumadh aon duine e<sup>1</sup>.

18 An ti a ghluaiseas gu h-ionraic, tearnar e; ach esan a tha fiar na shlighibh, tuitidh e dh'aon bheum.

19 An ti a threabhas 'fhearann, bithidh pailteas arain aige; ach esan a leanas an déigh dhaoine diomhain, bithidh bochdainn gu leòr aige.

20 Bithidh duine firinneach pailt ann am beannachdaibh; ach esan a ni deifir<sup>2</sup> gu bhì saibhir, cha bhì e neo-chiontaeh.

21 Cha mhaith an ni guniis aithneachadh<sup>3</sup>; gidheadh air son greim arain ciontaichidh duine.

22 Ni fear na droch shùile deifir gu bhì saibhir; ach cha'n 'eil fhios aige gu'n d'thig bochdainn air.

23 An ti a chionaicheas duine, na dhéigh sin gheibh e ni's mò do dheadh-ghean na esan a ni miodal le 'theangaidh.

24 An ti a ni reubaiun air 'athair no air a mhàthair, agus a their, Cha'n 'eil cionta ann, *is* companach e do 'fhear-millidh.

25 An ti aig am bheil cridhe ardanach, dùisgidh e strì; ach esan a dh'earbas as an Tighearna, nithear sultmhor e<sup>4</sup>.

26 An ti a dh'earbas as a chridhe féin, *is* amadan e; ach esan a ghluaiseas gu glic, saorar e.

27 An ti a bheir do'n hhochd, cha bhì dith air; ach air an ti a dh'fholaicheas a shùilean bithidh iomadh mallachd.

28 'Nuair a dh'éireas na h-aingidh, folaichidh daoine iad féin; ach an uair a sgriosar iad, fasaidh na fireana lìonmhor.

## C A I B. XXIX.

**A** M fear a chionaichear gu minie, gidheadh a chruaidhicheas a mhuineal, sgriosar e gu h-obann, agus sin gun leigheas.

2 'Nuair a bhios na fireana cumhachdach<sup>5</sup>, ni an sluagh gairdeachas; ach an uair a riaghas na h-aingidh, ni an sluagh osnaich<sup>6</sup>.

3 Am fear e ghràdhaicheas gliocas, ni e 'athair ait; ach esan a chumas cuideachd ri striopaichibh, caithidh e a mhaoin.

4 Le breitheanas daingnichidh an rìgh an tìr; ach sgriosaidh am fear a ghabhas tiodhlacani.

5 Am fear a ni miodal r'a choimh-carsnach, sgaoilidh e lìon air son a chos.

6 Ann an eusaontas droch dhuine *tha* rìbe; ach seinnidh am firean, agus bithidh e aobhneach.

7 Bheir am firean an aire do chùis nam bochd; ach cha ghabh an t-aingidh suim do eòlas a bhì aige oirre.

8 Bheir luchd-foehaid baile ann an rìbe; ach pillidh daoine glìce fearg.

9 Ma ni duine glic strì<sup>7</sup> ri duine amaid-each, co dhiubh a bhios fearg air, no ni e gàire, cha bhì fois ann.

10 Fuathaidh daoine fuileachdach an duine ionraic; ach iarraidh daoine cothromach 'anam<sup>8</sup>.

11 Cuiridh amadan an céill 'inntinn uile; ach cumaidh duine glic a stigh i gus an déigh sin.

12 Ma dh'éisdeas uachdaran ri breugaibh, bithidh a sheirbhisich uile aingidh.

13 Coinnichidh am bochd agus an cealgair<sup>9</sup> a ehéile; bheir an Tighearna solus d'an sùilbì aradn.

14 Ma bheir rìgh breth àir bochdaibh ann am firinn, daingniehear a rìgh-chaitir gu bràth.

15 Bheir an t-slat agus achmhasan gliocas uatha; ach cuiridh an leanabh<sup>10</sup> a dh'fhàgar dha féin nàire air a mhàthair.

16 'Nuair a bhios na h-aingidh lìonmhor, bithidh eusaontas lìonmhor; ach chì na fireana an leagadh<sup>11</sup>.

17 Cronaich do mhac, agus bheir e suaimhneas<sup>12</sup> dhuìt; seadh, bheir e sòlas do 't'anam.

18 Far nach 'eil taisbeanadh, leigear ris an sluagh; ach an ti a choimhideas an logh, *is* sona esan.

19 Le briathraibh cha leasaichear seirbhiseach; oir ge do thuig e, cha fhreagair e.

20 Am bheil thu faicinn duine a tha dian<sup>13</sup> na bhriathraibh? *tha* aobhar dòchais ni's mò do'n amadan na dheth-san.

21 Ma thogas neach a sheirbhiseach suas gu muirneach o bhì na leanabh, ma-dheireadh bithidh e aige mar mhac.

22 Dùisgidh duine feargach aimhreir, agus bithidh fear na corruich<sup>14</sup> pailt ann an eusaontas.

23 Islichidh uabhar duine e; ach gheibh esan, a ta iriosal na spiorad, urram.

24 An ti a ni eomh-roinn ri gaduiche, fuathaidhidh e 'anam féin; clunnidh e mallachadh<sup>15</sup>, ach cha'n fhoillsich e.

25 Bheir eagal duine rìbe leis; ach ge b'e dh'earbas as an Tighearna, bithidh e tèaruinte<sup>16</sup>.

26 Iarraidh mòran deadh-ghean<sup>17</sup> an uachdarain; ach *is* ann o'n Tighearna *tha* breitheanas gach duine.

<sup>1</sup> na cuireadh duine sam bith stad air. <sup>2</sup> cabhag.

<sup>3</sup> Faic Caib. XXIV. r. 23. <sup>4</sup> mealaidh e

pailteas. <sup>5</sup> mòr, lìonmhor. <sup>6</sup> caoidh,

bròn. <sup>7</sup> Ma bhios cuis-lagha aig duine glic.

<sup>8</sup> a dheadh rìan.

<sup>9</sup> fear an fhoirneirt.

<sup>10</sup> dganach. <sup>11</sup> sgrios. <sup>12</sup> fois. <sup>13</sup> cabhagach.

<sup>14</sup> na boile. <sup>15</sup> mionnachadh. <sup>16</sup> ard-

aihear e. <sup>17</sup> guniis. Eabh.

27 *Is e fear na h-euceirt gràineileachd nam firean; agus is e'n ti a tha ceart na shlighe gràineileachd nan aingidh.*

## CAIB. XXX.

**B**RIATHRAN Aguir mhic Iaceh, *cadhon* an fhàidheadaircachd<sup>1</sup>: labhair an duine ri h-Itiel, *cadhon* ri h-Itiel agus ri h-Ucal.

2 Gu deimhin *tha* mi ni's amaidiche<sup>2</sup> nà duine air bith, agus cha 'n'eil tuigse duine agam.

3 Agus cha d'fhòghluim mi gliocas, ni mò a tha eòlas agam air nithibh naomha<sup>3</sup>.

4 Cò chaidh suas do nèamh, no thàinig a nuas? cò chruinnich a' ghaoth na dhorn-aibh? cò cheangail na h-uisgeacha ann an truscan? cò shuidhich uile chrìocha na talinbainn: ciod is ainm dha? agus ciod e ainm a mhic, ma ta fhios agad?

5 *Tha* uile fhocal Dé fìor-ghlan: is sgiath e dhoibhsan a chuireas an dòigh ann.

6 Na cuir-sa ni air bith r'a bhriathraibh, air eagal gu cronaich e thu, agus gu faighear breugach thu.

7 Dà ni dh'iarr mi ort; na diùlt iad dhomh mu'm faigh mi bàs.

8 Dìomhanas agus breugan cuir fad uam; na toir dhomh bochdainn no beartas, beathuich mi le biadh a bhios iomchuidh air mo shon,

9 Air eagal gu'm bi mi làn, agus gu'n àicheadh mi *thu*, agus gu'n abair mi, Cò e an Tighearn? no gu'm bi mi bochd, agus gu'n goid mi, agus gu'n toir mi ainm mo Dhé an dìomhanas.

10 Na dean casaid air seirbhiseach r'a mhaighstir, air eagal gu mallaich e thu, agus gu faighear ciontach thu.

11 *Tha* ginealach ann a mhaillachear an athair, agus nach beannuich am màthair.

12 *Tha* ginealach ann, a tha glan nan sùilibh fèin, gidheadh nach 'eil air an nigh-eadh o an salchar.

13 *Tha* ginealach ann, aig am bheil an sùilean arda, agus fàbhraidhean<sup>4</sup> an sùl air an togal suas.

14 *Tha* ginealach ann, aig am bheil am facla mar chloidhean, agus am facla-cùil mar sgeana, a dh'itheadh suas nan truaghan<sup>5</sup> e'n talamh, agus nam feumach o mbeasg dhaoine.

15 Aig an dealeach tha dithis nighean, ag èigeach, Tabhair, tabhair. Tha trì nithe ann nach sàsuichear, seadh, ceithir nithe nach abair, *Is leòr e*:

16 An uaigh, agus a' bhrù neo-thorrach, an talamh nach sàsuichear le h-uisge, agus an teine nach abair, *Is leòr e*:

17 An t-sùil a ni magadh air 'athair, agus a ni tarcuais air ùmhlachd do 'mhàthair,

spionaidh fithich a' ghlinne a mach i, agus ithidh na h-iolatairean òga suas i.

18 Tha trì nithe ann a's iongantach leam, seadh, ceithir nithe nach aithne dhomh:

19 Slighe iolaire anns na speuraibh, slighe nathrach air carraig, slighe luinge ann am meadhon na fairge, agus slighe fìr le h-òigh.

20 Mar so *tha* slighe ban-adhaltrann-aiche: ithidh i, agus glanaidh i a beul, agus their i, Cha d'rinn mi olc air bith.

21 Air son trì nithe ghluaisheadh<sup>6</sup> an talamh, agus air son ceithir nach urrainn e ghiùlan:

22 Air son seirbhisich an uair a riaghlas e, agus air son amadain an uair a bhios e làn do bhiadh,

23 Air son mnà fhuathaich an uair a phòsar i, agus air son ban-oglaich an uair a bhios i na h-òighre air a bana-mhaighstir.

24 Tha ceithir nithe beaga air an talamh, ach *tha* iad ro-ghlic:

25 *Tha* na seangain nan sluagh nach 'eil làidir, gidheadh ulluichidh iad am biadh san t-samhradh;

26 *Tha* na coineana nam muinntir nach 'eil neartmhor, gidheadh togaidh iad an tighean anns na creagaibh;

27 Cha 'n'eil rìgh aig na locustaibh, gidheadh imichidh iad a mach uile nam buidhnibh;

28 Gabhaidh an damhan-alluidh greim le a làmhàibh, agus bithidh e ann an lùch-airtibh nan rìgh.

29 Tha trì nithe a dh'ìmicheas gu maith, seadh, ceithir, a tha tlachd-mhor nan siubhal:

30 An leòmhann a's làidire am measg bheathaiche, agus nach pill air ais o son air bith.

31 Mìol-chù, loc-gaibhlire mar an ceudna, agus rìgh an aghaidh nach feudar éirigh<sup>7</sup>.

32 Ma rinn thu gu h-amaideach le thu fèin a thogail suas, no ma smuainich thu olc, cuir do làmh air do bheul.

33 Gu deimhin bheir crathadh<sup>8</sup> bainne im a mach, agus bheir fàs-gadh na sròna fuil a mach: mar sin bheir dùsgadh corr-uich aimbreit a mach.

## CAIB. XXXI.

**B**RIATHRA rìgh Lemueil, an fhàidh-eadaireachd a theagaisg<sup>9</sup> a mhàthair dha.

2 Ciod, a mhic? agus ciod, a mhic mo bhronn? agus ciod, a mhic mo bhòidean?

3 Na tabhair do neart<sup>10</sup> do mhnaibh, no do shlighean do mhilleadh rìghre.

4 Cha 'n'eil e air son rìghre, a Lemueil, cha 'n'eil e air son rìghre fion òl, no air son uachdarana dèidh a bhi aca air dèibh làidir.

<sup>1</sup> an dàn. <sup>2</sup> bruideile. <sup>3</sup> Ge do tha mi ni's amaidiche na duine air bith, &c. gidheadh tha eòlas agam air nithibh naomha. <sup>4</sup> fòrdhubha. <sup>5</sup> daoine bochda. <sup>6</sup> chrìochnuich, bha mi-

shuaimhneas air. <sup>7</sup> crìoslaichte na leasraidh. Eabh. <sup>8</sup> maistrèachadh. Eir. <sup>9</sup> dh'ionnsuich. <sup>10</sup> do mhaoin.



5 Air eagal gu'n òl iad, agus gu'n di-chuimhnich<sup>1</sup> iad an lagh, agus gu'n claon iad breitheanas do aon sam bith do chloinn an àmhghair.

6 Thugaibh deoch làidir dha-san, a tha ullamh gu bàsachadh, agus fion dhoibhsan, a tha ann an searbbhas anama<sup>2</sup>.

7 Oladh e, agus di-chuimhnicheadh e a bhochdain, agus na cuimhnicheadh e a thruaighe ni's mò.

8 Fosgail do bheul air son an duine bhailbh, ann an cùis nan uile a tha air an orduchadh chum sgrios<sup>3</sup>.

9 Fosgail do bheul, thoir breth le cearbas, tagair cùis an truaghain agus an fheumaich.

10 Cò gheibh bean shubhailceach<sup>4</sup>? oir tha a luach gu mòr os cionn chlach uasal<sup>5</sup>.

11 Earbaidh cridhe a fir aise, agus cha bhi feum aige air creich.

12 Iocaidh<sup>6</sup> i maith dha, agus cha'n e olc, rè uile laithean a beatha.

13 Iarraidh i olann agus lìon, agus oib-richidh i gu toileach le a làmhaidh.

14 Tha i mar longaibh nan ceannuiche, bheir i a biadh o thir chéin<sup>7</sup>.

15 Eiridh i mar an ceudna 'nuair is i an oidhche a ta fathast ann, agus bheir i lòn d'a teaghlach, agus cuibhrionn<sup>8</sup> d'a maighdeanaibh<sup>9</sup>.

16 Measaidh i achadh, agus ceannaichidh si e: le toradh a làmh suidhichidh i fion-lìos.

17 Crioslaichidh i a leasraidh le neart, agus neartaichidh si a gairdeana.

18 Mothaichidh i gu bheil a ceannachd maith: cha d'fhéid a coinneal as san oidhche.

19 Cuiridh i a làmhnan air an dealgan, agus gabhaidh glacan a làmh greim do'n chuigeil.

20 Fosglaidh i a glac<sup>10</sup> do'n truaghan<sup>11</sup>, agus sinidh i a làmhnan do'n fheumach.

21 Cha 'n'eil cagal oirre roimh 'n t-sneachda air son a teaghlaich; oir tha a teaghlach uile eudaichte le scarlaid<sup>12</sup>.

22 Ni i dhi féin truscain do obair ghréis, do shìde<sup>13</sup>, agus do chorcur tha a h-eudach.

23 Aithnìchear anns na geataibh<sup>14</sup> a fear, an uair a shuidheas e maille ri scanairibh na tìre.

24 Ni i lìon-eudach grinn, agus reicidh i e, agus bheir i criosan do'n cheannuiche.

25 Neart agus urram is eudach dhi, agus ni i gairdeachas san àm ri teachd.

26 Fosglaidh i a beul le gliocas, agus tha lagh a' chaoimhneis<sup>15</sup> air a teangaidh.

27 Bheir i an aire do shlighibh a teaghlach, agus cha'n ith i aran an diomhanais.

28 Eiridh a clann, agus beannuichidh iad i; a fear, agus molaidh e i.

29 Rinn mòran nighcan gu shubhailceach, ach thug thusa barrachd orra uile.

30 Is mealltach deadh-ghean, agus is diomhain sgèimh; ach bean air am bi eagal an Tighearna, is ise a mholar.

31 Thugaibh dhi do thoradh a làmh, agus moladh a h-oibre féin anns na geataibh i.

## ECLESIASTES, NO AN SEARMONUICHE.

### CAIB. I.

**B**RIATHRAN an t-Searmonuiche, mhic Bhaibhidh, rìgh ann an Ierusalem.

2 Diomhanas nan diomhanas! ars' an Searmonuiche; diomhanas nan diomhanas! is diomhanas na h-uile nithe.

3 Cìod an tairbhe a th'aig duine na uile shaothair, a ni e fuidh 'n ghréin?

4 Tha aon ghinealach a' siubhal, agus ginealach eile a' teachd; ach fanuidh an talamh gu bràth.

5 Eiridh mar an ceudna a' ghrian, agus théid a' ghrian fuidh<sup>16</sup>, agus luathuichidh i d'a h-àite féin as an d'éirich i.

6 Théid a' ghaoth a làimh na h-airde deas, agus théid i mu'n cuairt do'n airde tuath; théid i mu'n cuairt agus mu'n cuairt a ghuath, agus ath-phillidh a' ghaoth air a cuairtibh féin<sup>17</sup>.

7 Ruithidh na h-aibhnean<sup>18</sup> uile chum na mara, gidheadh cha 'n'eil a' mhuir làn: chum an àite as an d'fhàinig na h-aibhne, thuige<sup>19</sup> sin pillidh iad a ris.

8 Tha na h-uile nithe làn do shaothair; cha'n urradh duine a chur an céill: cha sàsuichear an t-sùil le faicinn, agus cha lìonar a' chluas le cluinntinn<sup>20</sup>.

9 An ni a bha ann, is e an ni sin féin a bhitheas ann; agus an ni sin a rinneadh, is e an ni sin féin a nithear; agus cha 'n'eil ni sam bith nuadh<sup>21</sup> fuidh 'n ghréin.

10 Am bheil ni ann mu'm feudar a ràdh, Feuch, tha e so nuadh? Bha e ann a cheana san t-sean aimsir a bh'ann romhainn.

11 Cha 'n'eil cuimhne air bith na nithe a bha ann roimhe; cha mhò a bhios cuimhne air na nithe, a ta ri teachd, aca-san, a thig nan dèigh.

<sup>1</sup> diò-chuimhnich. <sup>2</sup> aig am bheil cridhe tuisreach. <sup>3</sup> uile chloinne na truaghe; uile mhac an sgrìos. Eabh. <sup>4</sup> bean mhaith, bean nan deadh dheus. <sup>5</sup> chlach luachmhor, neamh-nuidean; peninim. Eabh. <sup>6</sup> Ni bheir. <sup>7</sup> fad as. <sup>8</sup> obair chumta. <sup>9</sup> cailinibh. <sup>10</sup> a làmhnan.

<sup>11</sup> do'n duine bhochd. <sup>12</sup> le culaidhibh dà-fhillte. <sup>13</sup> shìoda. <sup>14</sup> anns a' chomh-chruinneachadh. <sup>15</sup> na caomhalachd. <sup>16</sup> luaidh a' ghrian. <sup>17</sup> a rèir a cuairtean. <sup>18</sup> aibhnean. <sup>19</sup> chuige. <sup>20</sup> clàistinn. <sup>21</sup> nomha, ùr.

12 Bha mise an Searmonuiche a'm' rìgh air I-srael ann an Ierusalem.

13 Agus thug mi mo chridhe a shireadh agus a rannsachadh<sup>1</sup> le gliocas, mu thim-chioll gach nì a nìthear fuidh nèamh: an t-saothair ghoirt so thug Dia do chloinn nan daoine<sup>2</sup>, chum an cleachdadh féin rithe<sup>3</sup>.

14 Chunnaic mi na h-uile oibre fuidh'n ghréin; agus feuch is dìomhanas iad uile, agus buaireadh<sup>4</sup> spioraid.

15 An nì a ta cam, cha ghabh e dean-amh dìreach; agus an nì a ta dh'easbhuidh, cha ghabh e àireamh<sup>5</sup>.

16 Labhair mi ri m' chridhe féin, ag ràdh, Feuch, dh'fhàs mi mòr<sup>6</sup>, agus fhuair mi tuilleadh gliocais na iadsan uile, a bha romham ann an Ierusalem, agus chunnaic<sup>7</sup> nio chridhe mòran gliocais agus eòlais.

17 Agus thug mi mo chridhe a dh'fhaotainn eòlais air gliocas agus air cuthach<sup>8</sup> agus amaideachd: dh'aithnich mi gur buaireadh spioraid e so mar an ceudna.

18 Oir ann am mòran gliocais tha mòran doilgheis<sup>9</sup>; agus an ti a nìtheadaicheas eòlas, meudaichidh e bròn.

## CAIB. II.

**T**HUBHAIRT mi a'm' chridhe, Teann<sup>10</sup> a nis, dearbhaidh mi thu le subhachas, uime sin meal maith<sup>11</sup>: ach feuch, is dìomhanas so mar an ceudna.

2 Mu ghàire<sup>12</sup> thubhairt mi, Is cuthach e; agus mi shùgradh, Ciod a nì e?

3 Dh'iarr mi ann am chridhe mi féin<sup>13</sup> a thubhairt do fhìon, (gidheadh a' seòladh mo chridhe ann an gliocas<sup>14</sup>), agus greim a ghabhail air amaideachd, gus am faicinn ciod e am maith sin do chloinn nan daoine bu chòir dhoibh a dheanamh fuidh nèamh, air feadh uile laithean am beatha.

4 Rinn mi oibre mòra dhomh féin: thog mi dhomh féin tìghean; shuidhich<sup>15</sup> mi dhomh féin fion-lìosachan.

5 Rinn mi dhomh féin gàrachan agus lìosan chrann-meas, agus shuidhich mi anna craobhan do gach gnè thoraidh;

6 Rinn mi dhomh féin lochain<sup>16</sup> uisge, a dh'uisgeachadh leo na coille anns am fàs craobhan.

7 Fhuair mi òglaich agus ban-òglaich, agus rugadh seirbhìsich<sup>17</sup> a'm' thigh: bha mar an ceudna sealbha mòra bhuar agus threud<sup>18</sup> agam, os cionn nan uile a bha romham ann an Ierusalem.

8 Charn<sup>19</sup> mi suas mar an ceudna dhomh féin airgid agus òr, agus ionmhas sònraichte nan rìgh agus nam mòr-roinn; fhuair mi dhomh féin fir-chiuil<sup>20</sup> agus mnàir-chiuil, agus aoibhneas chloinn nan

daoine, mar a ta innil-chiuil<sup>21</sup>, agus sin do gach gnè.

9 Mar sin bha mi mòr, agus dh'fhàs mi nì's mò na gach duine, a bha romham ann an Ierusalem: os-bàr, dh'fhan mo ghliocas agam.

10 Agus gach nì a mhiannaich mo shùilean cha do chum mi uatha; cha do bhac mi<sup>22</sup> mo chridhe o shubhachas sam bith: oir rinn mo chridhe aoibhneas ann am shaothair uile; agus b'e so mo chuibhrionn do-m'uile shaothair.

11 Au sin sheall mi air m'oibribh uile, a rinn mo làmban, agus air an t-saothair anns an do shaothraich mi 'ga deanamh: agus feuch, bu dìomhanas an t-iomlan, agus buaireadh spioraid, agus cha robh tairbhe ann fuidh'n ghréin.

12 Agus sheall mi air m'ais a dh'fhaicinn gliocais, agus cuthaich<sup>23</sup>, agus amaideachd: oir ciod a dh'fheudas an duine a dheanamh a thig an deigh an rìgh? an nì sin féin a rinneadh a cheana.

13 Agus chunnaic mi gu bheil gliocas co-fhad os cionn amaideachd<sup>24</sup> 'sa tha solus os cionn dorchadais.

14 Tha sùilean an duine ghlic na cheann, ach imichidh an t-amadan ann an dorchadas: gidheadh dh'aithnich mi mar an ceudna gu'n tachradh an t-aon nì dhoibh uile.

15 An sin thubhairt mi a'm' chridhe, Mar a thachras do'n amadan, mar sin tachraidh dhomhsa féin; agus c'ar son uime sin a bha mise nì bu ghlice na esan? an sin thubhairt mi a'm' chridhe, gur dìomhanas so mar an ceudna.

16 Oir cha bhi cuimhne air an duine ghlic nì's mò nà air an amadan gu bràth; o dhi-chuimhnichear na nithe a ta nis ann, uile anns na laithibh a ta ri teachd: agus cionnus a dh'engas an duine glic? mar an t-amadadan.

17 Uime sin dh'fhuathach mi beatha, a chionn gur doilgheasach dhomh an obair a dh'oibrichear fuidh'n ghréin: oir is dìomhanas na h-uile nithe agus buaireadh<sup>25</sup> spioraid.

18 Seadh, dh'fhuathaich mi mo shaothair uile a shaothraich mi fuidh'n ghréin, a chionn gu'm fàg mi i do'n fhear a bhios a'm' dheigh.

19 Agus cò aig am bheil fios cia dhiubh a bhios e na dhuine glic no na amadan? gidheadh bithidh uachdaranachd aige os cionn mo shaoithreach uile anns an do shaothraich mi, agus anns an d'fhuara mi gu glic fuidh'n ghréin. Is dìomhanas so mar an ceudna.

<sup>1</sup> a dh'fhidireadh, a lorgachadh.  
<sup>2</sup> mhacaibh an duine. <sup>3</sup> gu'n cràdhadh, gu'm feuchainn leatha. <sup>4</sup> cràdh. <sup>5</sup> cha bhi e comosach a dheanamh suas. <sup>6</sup> thùinig mi gu h-inbhe mhòir. <sup>7</sup> dh'fhaicich, dh'fhuairich. <sup>8</sup> boile. <sup>9</sup> gearraid, diomaidh. <sup>10</sup> Thig. <sup>11</sup> sùimh.

<sup>12</sup> Rì gaire. <sup>13</sup> m'fheoil. Eabh. <sup>14</sup> a' cleachdadh mo ehridhe ri gliocas. <sup>15</sup> linntean. <sup>16</sup> muinntirich. <sup>17</sup> chaorach. <sup>18</sup> Chruinnich. <sup>19</sup> fir-sheinn. <sup>20</sup> abhaidh-chiuil. <sup>21</sup> cha do chum mi air ais. <sup>22</sup> boile. <sup>23</sup> nì's fearr na amaideachd. <sup>24</sup> smuaircan, cràdh.



20 Air an aobhar sin thionndaidh mi thoirt air mo chridhe dol an cu-dòchas mu'n uile shaothair a shaothraich mi fuidh'n ghréin.

21 Oir a ta duine ann aig am bheil a shaothair ann an gliocas, agus an eòlas, agus an ceartas; gidheadh do dhuine nach do shaothraich ann bheir se e mar a chuibhrionn. Is dìomhanas so mar an ceudna, agus olc mòr.

22 Oir ciod a th'aig duine d'a uile shaothair, agus do bhuaireadh<sup>1</sup> a chridhe, anns an do shaothraich e fuidh'n ghréin?

23 Oir is doilgheasan a laithean uile, agus is do-bròn a shaothair: eadhon san oidhche cha ghabh a chridhe fois. Is dìomhanas so mar an ceudna.

24 Cha 'n'eil ni ann a's fearr do dhuine na gu'n itheadh agus gu'n òladh e, agus gu'n d'thugadh e air 'anam maith a mhealtuinn<sup>2</sup> na shaothair.

25 Oir cò a's urrainn<sup>3</sup> itheadh, no cò eile a luathacheas thuige<sup>4</sup> uì's mo na mise?

26 Oir do'n duine a tha maith na shealladh, bheir Dia gliocas, agus eòlas, agus aoibhneas: ach do'n pheacach bheir e saothair, a chruinneachadh agus a charnadh suas, chum gu'n tabhair e do'n ti a ta maith ann an fianuis Dhé. Is dìomhanas so mar an ceudna, agus buaireadh spioraid.

### C A I B. III.

**A**IG gach ni tha tràth, agus àm aig gach rùn fuidh nèamh:

2 Am gu bhì air breith, agus àm gu bàs fhaotainn; àm gu suidheachadh, agus àm gu an ni a shuidheachadh, a spionadh suas;

3 Am gu marbhadh, agus àm gu leigheas; àm gu briseadh sìos, agus àm gu togail suas;

4 Am gu gul<sup>5</sup>, agus àm gu gaire; àm gu caoidh, agus àm gu dannsadh;

5 Am gu clachan a thilgeadh air falbh, agus àm gu clachan a chruinneachadh; àm gu gabhail an glacaibh, agus àm gu fàntainn o ghabhail an glacaibh<sup>6</sup>;

6 Am gu cosnadh<sup>7</sup>, agus àm gu call; àm gu gleidheadh, agus àm gu tilgeadh air falbh;

7 Am gu reubadh, agus àm gu fuaigheal; àm gu bhì tosdach, agus àm gu labhairt;

8 Am gu gràdhachadh, agus àm gu fuathachadh; àm gu cogadh, agus àm gu sìth;

9 Ciod an tairbhe<sup>8</sup> a ta aige-san a dh'oibricheas, san ni sin auns an saothraiche e?

10 Chunnaic mi an t-saothair a thug Dia do chloinn nan daoine<sup>9</sup>, chum au cleachdadh fèin rithe.

11 Rinn e gach ni maiseach na àm fèin:

chuir e mar an ceudna an saoghal nan cridhe, air chor nach urraion aon duine an obair fhaotainn a mach a tha Dia a' deanamh, o thoiseach gu deireadh.

12 Tha fhios agam nach 'eil maith air bith anna, ach gu'm biodh duine subhach, agus gu'n deanadh e maith rè a bheatha<sup>10</sup>.

13 Agus mar an ceudna gu'n itheadh agus gu'n òladh gach duine, agus gu mealadh e maith a shaoithreach uile, is e sin tiodhlacadh Dhé.

14 Tha fhios agam gach ni a ni Dia, gu'm bì e gu bràth; cha ghabh aon ni cur ris, no aon ni toirt uait: agus ni Dia so, chum gu'm biodh eagal air daoineibh roimhe.

15 An ni a bha, tha e ann a nis; agus an ni a bhitheas, bha e ann a cheana; agus iarraidh Dia an ni a chaidh seachad.

16 Agus os-bàrr, chunnaic mi fuidh'n ghréin àit a' bhreitheanaid, gu'n robh euceart<sup>11</sup> an sin; agus àite ua fireantachd, gu'n robh aingidheachd an sin.

17 Thubhairt mi a'm' chridhe, Bheir Dia breth air an fhìrean agus air an aingidh: oir tha àm an sin chum gach uile rùn, agus chum gach uile oibre.

18 Thubhairt mi ann am chridhe a thaobh staid<sup>12</sup> chloinn nan daoine, gu'n glanadh<sup>13</sup> Dia iad, agus gu'm faiceadh iad gur ainmhidhan iad fèin.

19 Oir an ni sin a thachras do chloinn nan daoine, tachraidh e do na h-ainmhidhibh; tachraidh dìreach an t-aon ni dhoibh: mar a dh'eugas aon diubh, is ann mar sin a dh'eugas an t-aon eile; seadh, is i an aon arail a ta aca uile, agus cha 'n'eil barrachd aig duine air ainmhidh, oir is dìomhanas iad uile.

20 Théid iad uile do aon àite; tha iad uile o'n duslach<sup>14</sup>, agus pillidh iad uile do'n duslach.

21 Cò d'an aithne spiorad chloinn nan daoine<sup>15</sup> a théid suas, agus spiorad ainmhidh a théid sìos chum na talmhainn<sup>16</sup>?

22 Uime sin tha mi ag aithneachadh nach 'eil ni a's fearr na gu'n deanadh duine gairdeachas na oibribh, a chionn gur e sin a chuibhrionn: oir cò bheir e a dh'fhaicinn an ni a bhios, na dhéigh?

### C A I B. IV.

**A**N sin thionndaidh mi, agus dh'amhaic mi air na h-uile fhoirneartaibh, a nìthear fuidh'n ghréin, agus feuch, deoir na droinge bha fuidh fhoirneart, agus gun aon fhear-comhfhurtachd aca! agus air taobh<sup>17</sup> an luchd-foirneart bha neart, ach cha robh fear-comhfhurtachd aca-san.

2 Uime sin mhol mi na mairbh, a dh'eug a cheana, ni's mò nà nà beotha, a ta beò fathast.

fèadh a bheatha, na bheatha. <sup>11</sup> aingidheachd, mi-dhiadachd. <sup>12</sup> cora, inbhe. <sup>13</sup> chum gu'n soillsichadh, gu'n deurbhadh. <sup>14</sup> luathire. <sup>15</sup> spiorad an duine. <sup>16</sup> fuidh'n talmh. <sup>17</sup> tinnh. Eabh.

<sup>1</sup> chrùdh, àmhghar, dhorran.

<sup>2</sup> gu'n noch-

dadh e maith d'a anam.

<sup>3</sup> a dh'fheudas.

<sup>4</sup> chuige. <sup>5</sup> gal.

<sup>6</sup> bhì fad o ghabhail an glac-

aibh. Eabh. <sup>7</sup> iarraidh, fuotainn, solaradh.

<sup>8</sup> a' bhuamachd. <sup>9</sup> mhacaibh an duine. <sup>10</sup> air

3 Ach is fearr na iad le chéile an ti nach robh ann fathast, mar fàca an droch obair a nìthear fuidh'n ghréin.

4 A rìs, dh'amhaire mi air gach uile shaothair agus gach uile obair cheirt, gur fàth fàrmaid do dhuine o 'choimhearsnach i. Is dìomhanas so mar an ceudna, agus buaireadh spioraid.

5 Fìllidh an t-amadan a làmh an r'a chéile, agus ithidh e 'fheoil féin.

6 Is fearr làn duirn le suaimheas, nà'n dà làmh làn le saothair agus buaireadh spioraid.

7 An sin thionndaidh mi, agus chunnaic mi dìomhanas fuidh'n ghréin.

8 Tha duine ann leis féin, agus cha 'n'eil lethbhreac aige; scadh, cha 'n'eil leanabh no bràthair aige: gideadh cha 'n'eil crìoch air a shaothair uile, agus cha sàsuichear a shùil le saibheas; cha mhò a their e, Cò air son an bheil mi a' saothrachadh, agus a' fàgail m'anama dh'easbhuidh maith? Is dìomhanas so mar an ceudna, agus is saothair ghoirt e.

9 Is fearr dithis nà aon duine, a chionn gu bheil deadh dhuais aca air son an saothrachadh.

10 Oir ma thuiteas duine dhiubh<sup>2</sup>, togaidh an duine eile suas a chompanach: ach mo thruaighe esan a ta na aonar an uair a thuiteas e; oir cha 'n'eil neach eile aige g'a thogail suas.

11 Mar an ceudna ma luidheas dìtheas cuideachd, bithidh iad blàth: ach cionnus a bhios an blàth leis féin?

12 Agus ma bhuadhaicheas aon air, seasaidh dithis na aghaidh; agus cha bhrisear cord thri dual<sup>3</sup> gu h-ebana.

13 Is fearr leanabh bochd agus glie nà righ sean agus amaideach, nach gabh comhairle<sup>4</sup> ni's mò.

14 Oir a priosun<sup>5</sup> thig e a rìoghachadh; an ti mar an ceudna a rugadh na rìoghachd, fàsaidh e bochd.

15 Thug mi an aire do<sup>6</sup> na h-uile bhcothaibh a shiubhlas fuidh'n ghréin, maille ris an dara leanabh a sheasas suas na àite.

16 Cha 'n'eil crìoch air an t-sluagh uile, orra-san uile a bha rompa: cha dean iadsan mar an ceudna a thig nan dèigh gairdeachas ann. Gu cinnteach is dìomhanas so mar an ceudna, agus buaireadh spioraid.

#### CAIB. V.

COIMHID<sup>7</sup> do chos an uair a théid thu do thigh Dhé, agus bi ni's deise gu cinntinn nà gu òbairt nan amadan a thabhairt; oir cha 'n'eil iad sin a' toirt an aire gu bheil iad a' deanamh uile.

2 Na bi bras<sup>8</sup> le d' bheul, agus na luath-aicheadh do chridhe gu nì a labhairt an làthair Dhé: oir a ta Dia air nèamh, agus thusa air talamh: uimesin biodh do bhriathra tearc.

3 Oir thig aising le iomadalachd<sup>9</sup> ghnòth-uiche, agus aithneicear guth amadain le iomadalachd bhriathar.

4 An uair a bhòidicheas tu bòid do Dhia, na cuir dàil na dioladh; oir cha 'n'eil tlachd aige ann an amadanaibh: an nì a bhòidicheas tu, diol e<sup>10</sup>.

5 Is fearr gun thu bhòideachadh, na gu'm bhòidichadh tu, agus nach dioladh tu.

6 Na leig le d' bheul a thoirt air t'fheoil peacachadh, agus na h-abair an làthair an aingil, gu'm bu mhearach e; c'uim an biodh fearg air Dia air son do ghutha-sa, agus a' sgriosadh e obair do làmh?

7 Oir mar ann an iomadalachd nan aising a bhios dìomhanas, is amhuil a bhios iad ann an iomadalachd nam briathar: ach biodh cagal Dé ortsa.

8 Ma chi thu fòirneart an duine bhoched<sup>11</sup>, agus fiaradh breitheanais agus ccartais le làmh làidir ann am mòr-roinn, na biodh iongnadh ort ris an nì so<sup>12</sup>: oir bheir an ti a's airde nà'n neach a ta ard aca-san an aire, agus tha iad ann a's airde nà iadsan.

9 A nis a ta tairbhe na talmhainn air son nan uile: riarruichear an righ féin as an fhearann.

10 An ti a ghràdh-aicheas airgid, cha sàsuichear e le h-airgid; no'n ti a ghràdh-aicheas pailteas, le toradh<sup>13</sup>: is dìomhanas so mar an ceudna.

11 An uair a mbeudaichear nithe maith<sup>14</sup>, mendaichear iad a dh'itheas iad, agus cìod an tairbhe a tha anna d'an seallbhadairibh, ach am faicinn le'n sùilibh?

12 Tha codal oilriche milis, cia dhiubh a dh'itheas e beagan no mòran: ach cha'n fhuiling sàsachd<sup>15</sup> an t-saibhir dha codal.

13 Tha olc cràiteach ann a chunnaic mi fuidh'n ghréin, saibheas air a ghlèidheadh d'a sheallbhadairibh chum an aimh-leis<sup>16</sup>.

14 Ach théid as do'n t-saibheas sin le droch shaothair<sup>17</sup>: agus ginidh e mac, agus cha bhi ni air bith na làmh.

15 Mar a thàinig e mach lomnochd a broinn a mlàthar, ath-phillidh e, a' dol mar a thàinig e; agus cha ghiùlan e ni air bith d'a shaothair a bheir e leis na làmh.

16 Is olc cràiteach so mar an ceudna, air gach uile chor air an d'thàinig e, mar

<sup>1</sup> a leithid eile, an dara neach. <sup>2</sup> na thuiteas iad. <sup>3</sup> snàithe tri-fille. <sup>4</sup> do nach aithne comhairle a ghabhail. Eabh. <sup>5</sup> gainntir, tigh nam braighde. <sup>6</sup> Dh'amhaire mi air. <sup>7</sup> Glèidh. <sup>8</sup> eban. <sup>9</sup> Ìommoireachd, mòran. <sup>10</sup> ioc e.

<sup>11</sup> fòirneart air a dheanamh air an duine boched. <sup>12</sup> an rùn so. Eabh. <sup>13</sup> cinneus. <sup>14</sup> maoin, saibheas. <sup>15</sup> lùine, pailteas. <sup>16</sup> dochair, call. <sup>17</sup> ann an droch ghnòthuchaibh.



sin gu'n d'théid e : agus ciod an tairbhe a ta aige-san a shaothraich do'n ghaoith?

17 Mar an ceudna rè a laithean uile ithidh e ann an dorchadas, agus *bithidh* mòran doilgheis <sup>1</sup> agus feirge aige na thinneas.

18 Feuch, an ni a chunnaic mise maith, gur tlachdmhor do dhuine ithcadh agus òl, agus maith a mhealtuinn na uile shaothair a ghabh e fuidh'n ghréin, air feadh uile laithean a bheatha a bheir Dia dha ; oir is e sin a chuibhrionn.

19 Gach duine mar an ceudna d'an d'thug Dia beartas agus saibhras <sup>2</sup>, agus d'an d'thug e comas ithcadh dhiubh, agus a chuibhrionn a ghlaeadh, agus gairdeachas a dheanamh na shaothair ; is e so tiodh-lacadh Dhé.

20 Oir cha mhor a chuimhnichas e laithean a bheatha ; a chionn gu'n freagair Dia e ann an aoibhneas a chridhe.

CAIB. VI.

**T**HA olc ann a ehumnaic mi fuidh'n ghréin, agus *tha* e coitehionn am measg dhaoine <sup>3</sup>.

2 Duine d'an d'thug Dia beartas, agus saibhreas, agus uram, agus gun e dh'easbhuidh ni air bith d'a anam do na h-uile a mhiannuicheas e, ach do nach 'eil Dia a' tabhairt comais ithcadh dheth, ach a ta coigreach 'ga ithcadh : is diomhanas so, agus is droch-annasocair e.

3 Ma ghineas duine eend *leanabh*, agus gu'm bi e beo iomadh bliadhna, air ehor as gu'm bi laithean a bhliadhan lionmhor, agus nach sàsuichear 'anam le maith, agus mar an ceudna nach bi adhlacadh aige, is fearr, tha mi 'g ràdh, torraicheas ana-buich <sup>4</sup> na e.

4 Oir an <sup>5</sup> diomhanas thig e, agus an dorchadas théid e, agus le dorchadas còmhdaichear <sup>6</sup> ainm.

5 Mar an ceudna cha'n fhac e a' ghrian, agus cha b'aithne dha *ni air bith* : *tha* tuille foise aige so na aig an fhear eile.

6 Seadh, ge do bhi e beo mìle bliadhna dà uair, gidheadh eha'n fhaic e maith : nach imich iad uile do aon àite?

7 *Tha* uile shaothair an duine air son a bheoil, agus gidheadh eha 'n'eil a mhiann <sup>7</sup> sàsuichte.

8 Oir ciod tuilleadh a th'aig an duine ghlic na aig an amadan ? ciod a th'aig a' bhoichd, d'an aithne siubhal an làthair nam beo ?

9 Is fearr scalladh <sup>8</sup> nan sùl na scacharan a' mhiann : is diomhanas so mar an ceudna agus buaireadh spioraid.

10 An ni <sup>9</sup> a bha ann, dh'ainmicheadh e a cheana, agus a ta fhios gu'm b'e 'n duine

e, agus nach urrainn e gleachdadh <sup>10</sup> ris-san a's treise na e féin.

11 O tha mòran do nithibh ann a mheudaicheas diomhanas, ciod is feirrd an duine sin?

12 Oir cò aig am bheil fios ciod a *tha* maith do dhuine sa' bheatha so, rè uile laithean a bhacatha dhiomhain a chaitheas e mar sgàile ? oir cò is urrainn innseadh do dhuine ciod a bhios na dhéigh fuidh'n ghréin?

CAIB. VII.

**I**S fearr deadh ainm na ol'-ungaidh luachmhor, agus latha bàis na latha breith neach.

9 Is fearr dol do thigh a' bhròin <sup>11</sup>, na dol do thigh na euirme ; oir is e sin crìoeh nan uile dhaoine, agus gabhaidh am beo g'a ehiridhe.

3 Is fearr doilgheas <sup>12</sup> na gàire ; oir le dubhachas na gnùise nithear an cridhe ni's fearr.

4 *Tha* cridhe nan daoine glìce ann an tigh a' bhròin, ach cridhe nan amadan ann an tigh an t-subhachais.

5 Is fearr éisdeachd ri achmhasan duine ghlic, na gu'n éisdeadh duine ri h-òran amadana.

6 Oir mar fhuaim droighnieh fuidh phoit, mar sin *tha* gàire an amadain : is diomhanas so mar an ceudna.

7 Gu einnteach cuiridh foirneart duine glic air boile <sup>13</sup>, agus millidh tiodhlacadh an cridhe.

8 Is fearr deireadh ni na a thoiseach : is fearr esan a tha foighidneach na spiorad na esan a tha ardanach <sup>14</sup> na spiorad.

9 Na deifrich <sup>15</sup> ann a spiorad gu fearg a ghabhail ; oir còmhhuichidh fearg ann an uchd amadana.

10 Na h-abair. Ciod a b'aobhar gu'n robh na ceud laithean ni b'fhearr na iad so ? oir eha'n ann o ghliocas a dh'theòraicheas tu mu'n ni so !

11 Is maith gliocas maille ri h-oighreachd : agus *leis sin* *tha* tairbhe acasan a chi a' gbrian.

12 Oir is dèidean <sup>16</sup> gliocas, agus is dèidean airgid : ach is e òrdheirceas an còlais, gu'n toir gliocas beatha dhoibhsan aig am bi e.

13 Smuainich air <sup>17</sup> obair Dhé : oir eò is urrainn an ni sin a dheanamh dìreach, a rinn esan eam ?

14 Ann an là an t-soirbheis <sup>18</sup> bi subhach, ach ann an là an doirbheis <sup>19</sup> smuainich : rinn Dia mar an ceudna so fa eomhair sud, a chum nach faigheadh duine *mach* aon ni na dhéigh <sup>20</sup>.

15 Chunnaic mi na h-uile nithe ann an

<sup>1</sup> do bhròin. <sup>2</sup> maoin. <sup>3</sup> bith-dheanta, ro-throm air daoineibh. <sup>4</sup> gin neo-inbhich. <sup>5</sup> le. <sup>6</sup> folaichear. <sup>7</sup> 'anam. Eabh. <sup>8</sup> beachd. <sup>9</sup> Gach ni. <sup>10</sup> strì. <sup>11</sup> na cuoidh. <sup>12</sup> fearg.

<sup>13</sup> air a' chuthach. <sup>14</sup> uaibhreach, dien. <sup>15</sup> na luthaich, na bi cabhagach. <sup>16</sup> sgàile. <sup>17</sup> Faic. Eabh. <sup>18</sup> latha maith. <sup>19</sup> latha olc, latha na h-urchoid. <sup>20</sup> aon do na nithibh, a tu guteachd air.

laithibh mo dhìomhanais; tha firean <sup>1</sup> ann d'an d'fhéid as <sup>2</sup> na fhìreantachd, agus tha duine aingidh ann a shìneas a *laithéan* na aingidheachd.

16 Na bi anbharrach fireanta, agus na gabh ort a bhì ro-ghlic: c'ar son a sgriosadh tu thu féin?

17 Na bi ro-aingidh, agus na bi am-aideach: c'ar son a dh'eugadh tu roimh t'àm?

18 Is maith dhuit greim a ghabhail deth so, agus o so mar an ceudna na tabhair air a h-ais do làmh; oir an ti air am bi eagal Dé, thig e asda sin uile.

19 Neartuichidh gliocas duine glic nì's mò na deichnear dhaoine cumhachdach a ta sa' chathair <sup>3</sup>.

20 Oir cha 'n'eil duine ceart <sup>4</sup> air an talamh, a ni maith, agus nach peacaich.

21 Mar an ceudna na tabhair aire do na h-uile bhriathraibh a labhrar, air eagal gu'n cluinn thu t'òglach 'gad mhalluch-adh.

22 Oir a ta fhios aig do chridhe, gur minic a mhalluich thu féin daoine eile mar an ceudna.

23 So uile dhearbha mi le gliocas: thubhairt mi, Bithidh mi glic, ach b'fhada sin uam.

24 An ni sin a ta fad as, agus ro-dhomhain, cò dh'fhèudas 'fhaotainn a mach <sup>5</sup>?

25 Leig mi mo chridhe air faotainn eòlais air, agus air rannsachadh <sup>6</sup> agus air sireadh gliocais, agus aobhair <sup>7</sup> mihe, agus air fios a bhì agam air aingidheachd amaideachd, agus air amaideachd na mì-chèille <sup>8</sup>.

26 Agus fhuair mi nì's seimhle na'm bàs a' bhean, aig an ribeachan agus lìontan a cridhe, agus ceanglaichean a làimhan: ge b'e neach a thaitneas ri Dia <sup>9</sup>, thèid e as uaithe <sup>10</sup>, ach glacar an peacach leatha.

27 Feuch, an ni so fhuair mi, ars' an searmonuiche, a' meas gach aoine an dèigh a chéile, a dh'fhaotainn an aobhair <sup>11</sup> a mach.

28 Ni a ta m'anam ag iarraidh fathast, ach nach d'fhuair mi: aon fhear am measg mhìle fhuair mi, ach bean nam measg sin uile cha d'fhuair mi.

29 Feuch, an ni so a mhàin fhuair mi, gu'n d'rinn Dia an duine dìreach <sup>12</sup>; ach dh'iarr iad féin iomadh innleachd <sup>13</sup> a mach.

#### CAIB. VIII.

**C**O a ta mar an duine glic? agus cò d'an aithne <sup>14</sup> eadar-mhìneachadh ni? Bheir gliocas duine air a ghnùis dealrach-

<sup>1</sup> duine ceart, ionraic. <sup>2</sup> o bhàsaicheas. <sup>3</sup> sa' bhaile. <sup>4</sup> fireanta. <sup>5</sup> a thuigsinn. <sup>6</sup> lorgachadh. <sup>7</sup> àireisibh. <sup>8</sup> eadhon amaideachd agus euthaich. <sup>9</sup> a tha maith an làthair Dhé. Eabh. <sup>10</sup> uaipe. <sup>11</sup> àireimh. <sup>12</sup> ceart, cothromach. <sup>13</sup> ais-innleachd. <sup>14</sup> mar esan d'an aithne.

adh, agus atharraichear dànachd a ghnùise.

2 Comhairlicheam dhuit àithne an rìgh a choimhead <sup>15</sup>, agus sin air son mìonnan Dé.

3 Na biodh cabhag ort gu dol as a sheal-ladh: na buanaich ann an droch ni, oir ni esan gach ni a's àill leis.

4 Far am bheil focal rìgh, tha cumhachd; agus cò dh'fhèudas a ràdh ris, Ciod e sin a ta thu a' deanamh?

5 Ge b'e ghleidheas an àithne, cha mhothaiche e droch ni sam bith, agus is aithne do chridhe duine glic àm agus breitheanas.

6 A chionn aig gach ni <sup>16</sup> gu bheil àm agus breitheanas <sup>17</sup>; uime sin tha truaighe an duine trom <sup>18</sup>.

7 Oir cha 'n'eil fhios aige air an ni a bhios ann: oir cò dh'innsas dha cionnus a bhitheas e <sup>19</sup>.

8 Cha 'n'eil duine sam bith aig am bheil cumhachd os cionn an spioraid, a chumail an spioraid, no cumhachd ann an latha a' bhàis; agus cha 'n'eil dol as anns a' chath sin, cha mhò a theasairgas aingidheachd iadsan a ghlàthuicheas i.

9 So uile chunnaic mi, agus shuidhich mi mo chridhe air gach obair a nìthear fuidh'n ghrèin: tha àm ann san riaghlach duine os cionn duin' eile, g'a ainhneas féin.

10 Agus mar sin chunnaic mi na h-aingidh adhlailte <sup>20</sup>, a thàinig agus a dh'imich o àit an naoimh, agus dhi-chuimhnichheadh iad anns a' chathair <sup>21</sup> san d'rinn iad mar sin: is dìomhanas so mar an ceudna.

11 A chionn nach 'eil binn <sup>22</sup> an aghaidh droch oibre 'ga cur an gnìomh gu luath, uime sin tha cridhe chloinn nan daoine làn-shuidhichte air olc a dhcanamh.

12 Ge do ni peacach olc ceud uair, agus gu'n sìnear a *laithéan* <sup>23</sup>, gidheadh a ta fios cinnteach agam gu'n éirich gu maith dhoibhsan air am bi eagal Dé, air am bi eagal na làthair.

13 Ach cha'n éirich gu maith do'n aingidh, cha mhò a shìneas e a *laithéan*, mar sgàile bithidh esan, air nach bi eagal an làthair Dhé <sup>24</sup>.

14 Tha dìomhanas ann a nìthear air an talamh, gu bheil fireana ann d'an tachair a réir oibre nan aingidh; agus gu bheil daoine aingidh ann, d'an tachair a réir oibre nam firean; thubhairt mi gur dìomhanas so mar an ceudna.

15 An sin mhol mi subhachas, do bhrìgh nach 'eil ni a's fearr aig duine fuidh'n ghrèin na itheadh agus ol, agus a bhì subhach; oir fanaidh sin aige d'a shaothair,

<sup>15</sup> a ghleidheadh. <sup>16</sup> rùn, tionnsgnadh. <sup>17</sup> modh, riaghailt. <sup>18</sup> mòr air. <sup>19</sup> c'uin a bhios e ann. <sup>20</sup> air an tioidhlacadh. <sup>21</sup> mhòr-bhaile. <sup>22</sup> breitheanas. <sup>23</sup> gu'n cuirear a *laithéan* am fad. <sup>24</sup> a *laithéan* a bhios mar sgàile, a chionn nach 'eil eagal air an làthair Dhé.



rè laithean a bheatha, a bheir Dia dha fuaidh'n ghréin.

16 An uair a leag mi mo chridhe air eòlas a' ghliocais fhaotainn, agus air na gnothuichean a nìthear air an talamh fhaicinn, (oir mar an ceudna *tha* neach ann nach faic codal a là no dh'oidhche le 'shùilibh.)

17 An sin chunnaic mi<sup>1</sup> uile obair Dhé, nach urradh duine an obair a nìthear fuaidh'n ghréin fhaotainn a mach; a chionn ge do nì duine a dhìchioll air<sup>2</sup> a faotainn a mach, gidheadh nach faigh e i; seadh fathast, ge do shaoil duine glic gu'm faigh e eòlas oirre, nach urrainn e a faotainn a mach.

CAIB. IX.

**O**IR chuir mi romham ann am chridhe so uile a chur an céill, Gu bheil na fircana agus na daoine glice, agus an oibre, ann an làmh Dhé: cha'n aithne do dhuine sam bith aen chuid gràdh, no fuath, leis na h-uile nithibh a *ta* fa'n comhair<sup>3</sup>.

2 *Thig* na h-uile nìthe air an seòl do na h-uile dhaoineibh: tachraidh an t-aon nì do'n fhìrean agus do'n aingidh; do'n mhaith agus do'n ghlan, agus do'n neo-ghlan; dha-san a dh'obras, agus dha-san nach iobair: mar a *ta* 'n duine maith, is ann mar sin a *ta* 'm peacach; agus esan a mhiònnaicheas, mar an ti air am bheil eagal mhienn.

3 *Is* ole so am mcasg nan uile nìthe a nìthear fuaidh'n ghréin, gu tachair an t-aon nì dhoibh uile; agus mar an ceudna gu bheil cridhe chloinn nan daoine làn uile, agus gu bheil cuthach nan cridhe am fad is beo iad, agus na dhéigh sin gu'n d'thèid iad chum nam marbh.

4 Oir aig gach neach, a tha ceangailte ris na h-uile bheothaibh, tha dòchas: oir is fearr madadh beo na leònhan marbh.

5 Oir *tha* fios aig na beothaibh gu'm faigh iad bàs: ach cha 'n'eil fios nì air bith aig na mairbh, cha mhò a *ta* luigheachd<sup>4</sup> aca nì's mò, oir thèid an cuimhne air dhi-chuimhn'.

6 Chaidh as mar an ceudna a nis d'an gràdh, agus d'am fuath, agus d'am farmad<sup>5</sup>; agus cha bhi cuibhrionn aca tuilleadh gu bràth an aon nì a nìthear fuaidh'n ghréin.

7 Inich romhad, ith t'aran le gairdeachas, agus òl t'fhion le cridhe subhach; oir tha Dia a nis toilichte le t'oibribh.

8 Bìodh t'carradh<sup>6</sup> sgach àm geal; agus na bìodh dìth olaidh-ungaidh air do cheann.

9 Càith do bh-catha gu subhach leis a' mhnaoi a's ionnhuian leat rè uile laithean beatha do dhiomhanais, a thug e dhuit

fuaidh'n ghréin<sup>7</sup>: oir *is* e so do chuibhrionn anns a' bheatha so, agus ann ad shaothair a ghabhas tu fuaidh'n ghréin.

10 Ge b'e nì a gheibh do làmh r'a dheanamh, dean e le d' dhìchioll; oir cha 'n'eil obair, no innleachd<sup>8</sup>, no eòlas, no gliocas anns an uagha, d'am bheil thu a' dol.

11 Thionndaidh mi, agus chunnaic mi fuaidh'n ghréin nach ann do na daoineibh luatha a *tha* a' chomh-rùith<sup>9</sup>, no do na daoineibh treuna an cath, no do na daoineibh glic aran, no do dhaoineibh tuigseach<sup>10</sup> saibhreas, no do dhaoineibh còlach deadh-ghean, ach gu'n tachair àm agus fuitcamas<sup>11</sup> dhoibh uile.

12 Oir gu deimhin cha 'n'eil fhios aig duine air àm féin: mar iasg a ghlacar ann an droch lìon, agus mar coin a ghlacar ann an ribe, is ann mar sin a nìthear clann nan daoine ann an droch àm, an uair a thuiteas e orra gu h-obann.

13 An gliocas so mar an ceudna chunnaic mi fuaidh'n ghréin, agus bu mhor agam e.

14 *Bha* cathair<sup>12</sup> bheag ann, agus beagan dhaoine innte; agus thàinig rìgh mòr na h-aghaidh, agus shuidh e mu'n cuairt oirre, agus chuir e daingnichean mòra suas na h-aghaidh.

15 Agus fhuaradh innte duine bochd glic, agus theasairge a' chathair le 'ghliocas; ach cha do chuimhnich neach air bith air an duine bhochd sin.

16 An sin thubhairt mise, *Is* fearr gliocas nà neart: gidheadh, nìthear tàir air gliocas an duine bhochd, agus cha'n èisdear r'a bhriathraibh.

17 Èisdear ri briathraibh dhaoine glice an cuineas, nì's mò nà ri glaoth an ti, a riaghlas am mcasg amadan.

18 *Is* fearr gliocas na innca cogaidd: ach millidh aon pheacach inntean maith.

CAIB. X.

**B**HEIR cuiteaga marbna air oladh-ungaidh an léigh<sup>13</sup> boladh breun a chur uaithe<sup>14</sup>: *is anhuil* a nì beagan amaid-eachd airsan, a tha cluicteach air son gliocais agus urrainn.

2 *Tha* cridhe duine ghlic air a làimh dheis, ach cridhe amadain air a làimh chli.

3 San t-slighe féin, an uair a shiubhlas an t-amadan, tréigidh a ghliocas e, agus thoir e ris gach duine, gur h-amadan e.

4 Ma dh'éireas spiorad an uachdarain a'd' aghaidh, na fàg t'àite; oir cuinichidh géilleadh<sup>15</sup> lochdan mòra.

5 Tha ole a chunnaic mi fuaidh'n ghréin, mar sheacharan a thig o làthair an uachdarain<sup>16</sup>.

<sup>1</sup> thug mi, thug mi fa'near. <sup>2</sup> ge do shaoth-raich duine chum. <sup>3</sup> rompa, nan luthair. <sup>4</sup> luigheachd, duais. <sup>5</sup> muth. <sup>6</sup> do thrusgan, t'eadach. <sup>7</sup> fo'n ghréin. seadh, rè uile laithean do dhiomhanais. <sup>8</sup> smuaineachadh. <sup>9</sup> an rèis,

a' choimhliong. <sup>10</sup> crìonna. <sup>11</sup> teagmhas, cimeamhuin. <sup>12</sup> baile. <sup>13</sup> an ollamh, an lusragain. <sup>14</sup> uaipe. <sup>15</sup> ceamnsachd, macantachd. <sup>16</sup> o'n uachdaran.

6 Cuirear amaideachd an inbhe<sup>1</sup> mhòir, agus suidhidh na saibhir an ionad ìosal.

7 Chunnaic mi òglaich<sup>2</sup> air eachaibh, agus uachdarain a' siubhal mar òglachaibh air an talamh.

8 An ti a chladhaicheas slochd, tuitidh e féin ann; agus an ti a bhriseas callaid<sup>3</sup>, teumaidh nathair e.

9 An ti a dh'atharraicheas clachan, goir-tichear e leo; agus an ti a sgoilteas fiodh, bithidh e an cumart uath.

10 Ma bhios an t-iarunn maol, agus nach geuraich e am faobhar, feumaidh e an tuilleadh spionnaidh a chur leis; ach a tu gliocas tarbhach a sheòladh.

11 Gu deimhin teumaidh an nathair gun srann<sup>4</sup>, agus cha'n fhearr am bith-bhriathrach<sup>5</sup>.

12 Tha briathra beoil duine ghlic gràsail; ach sluigidh bilean amadan e féin suas.

13 Is amaideachd toiseach bhriathar a bheil; agus is eutach millteach deireadh a chainnte<sup>6</sup>.

14 Agus tha amadan làn do bhriathraibh: cha 'n'èil fhios aig duine ciod a bhios ann; agus ciod a bhios ann na dhéigh cò a's urrainn innseadh dha?

15 Sgithichidh saothair nan amadan gach aon diubh, do bhrìgh nach aithne dha cionnus a théid e do'n chathair<sup>7</sup>.

16 Mo thruaigh thu, a thìr, an uair is leanabh a's rìgh dhuìt, agus a dh'itheas t'uachdarain biadh anns a' mhaduinn!

17 Is sona thu, a thìr, an uair is e do rìgh mac nan uasal, agus a dh'itheas t'uachdarain ann an àm iomchuidh, chum neirt, agus cha'n ann chum misge!

18 Le mòran leisge théid an aithreabh sìos<sup>8</sup>, agus le dìomhanas nan làmh snidhidh an tigh troinne.

19 Nìhear cuirm chum aiteis, agus nì fion duine<sup>9</sup> subhach: ach freagraidh an t-airgid na h-uile nìthe.

20 Eadhon ann ad smuaintibh na malluich an rìgh, agus an taobh a stigh do d' sheòmar na malluich an saibhir; oir giùlainidh eun an athair<sup>10</sup> an guth, agus innsidh an nì air am bheil sgiathan a' chùis.

### CAIB. XI.

**T**ILG t'aran air aghaidh nan uisge; oir an déigh mhòrain do làithibh gheibh thu e.

2 Thoir cuibhrionn do sheachdnar, agus mar an ceudna do ochdnar; oir cha 'n'èil fhios agad ciod an t-olc a bhios air an talamh.

3 Ma bhios na neoil làn do uisge, falmhaichidh siad iad féin air an talamh;

<sup>1</sup> airde. <sup>2</sup> seirbhisich, tràillrean. <sup>3</sup> fal, gàradh, balladh-dionaidh. <sup>4</sup> druidheachd. <sup>5</sup> sìor-chuimnteach. <sup>6</sup> a' bheoil. Eabh. <sup>7</sup> mhòr-bhaile. <sup>8</sup> aomaidh an aithreabh, théid an aithreabh mu làr. <sup>9</sup> daoine beo. Eabh. <sup>10</sup> coin nan speur.

agus ma thuiteas craobh mu dheas no mu thuath, anns an àite san tuit a' chraobh, an sin bithidh i.

4 An ti a bheir an aire do'n ghaoith, cha chuir e sìol; agus an ti a dh'amhairceas air na neulaibh, cha bhuaic e.

5 Mar nach 'èil fhios agad ciod i slighe an spioraid<sup>11</sup>, no cionnus a dh'fhàsas na cnàmh an broim na mnà a bhios torrach, is a'ruil sin nach 'èil fhios agad air oibribh Dhé, mar a nì e na h-uile nìthe.

6 Anns a' mhaduinn cuir do shìol, agus san fheasgar na toir air do làmh sgur; oir cha 'n'èil fhios agad cia dhiubh is fearr a shoirbhicheas so no sud, no am bi iad le chéile co-maith.

7 Gu deimhin is milis an solus, agus is taitneach do na sùilibh sealltuinn air a' ghréin.

8 Ach ma mhaireas duine iomadh bliadhna, agus gu dean e gairdeachas<sup>12</sup> anna uile; gidheadh cuimhnichidh e laithean an dorchadais, gu'm bi iad lìonmhor. Is dìomhanas gach nì a thig.

9 Dean gairdeachas, a dhuin' òig, a' t'òige<sup>13</sup>, agus deanadh do chridhe subhach<sup>14</sup> thu ann an làithibh t'òige, agus siubhail ann an slighibh do chridhe, agus ann an sealladh do shùil: ach biodh fhios agad air an son so uile gu'n toir Dia chum breitheanais thu.

10 Uime sin atharraich doilgheas<sup>15</sup> o d' cridhe, agus cuir olc air falbh o t' fheoil; oir is dìomhanas leanabachd agus òige.

### CAIB. XII.

**C**UIMHINICH a nis do Chruith-fhear<sup>16</sup> ann an làithibh t'òige, mu'n d'thig na droch laithcan, agus an druid na bliadhnach riut, anns an abair thu, Cha 'n'èil tlachd agam anna:

2 Mun dorchaidhear a' ghrian, agus an solus, agus a' ghealach, agus na reultan, agus am pill na neoil an déigh an uisge:

3 Anns an là san crìochnuich luchd-gleidhidh<sup>17</sup> an tighe, agus an crom na daoine làidir iad féin, agus an sguir an luchd-bleath<sup>18</sup>, a chionn gu bheil iad tearc, agus an dorchaidhear an dream a sheallas a mach air na h-uinneagailh<sup>19</sup>;

4 Agus an dùincar na dorsan anns na sràidibh, an uair a bhios fuaim na bleith ìosal, agus a dh'éireas e suas aig guth an eoin, agus a dh'islichear uile nigheanan a' chiuil;

5 Mar an ceudna 'nuair a bhios eagal orra roimh nì ard, agus a bhios uamhasan anns an t-slighe, agus a bhios a' chraobh-almoim fuidh bhlàth, agus a bhios an leum-nach-uaine<sup>20</sup> na eallaich, agus a theirgeas

<sup>11</sup> na gaoithe. <sup>12</sup> deanadh e gairdeachas. <sup>13</sup> na t'òige. <sup>14</sup> aig, sùilbhreach. <sup>15</sup> bròn, fearg. <sup>16</sup> Chruthadair. <sup>17</sup> coimheaduichean. <sup>18</sup> na mèilteirean. <sup>19</sup> fuinneagailh. <sup>20</sup> am fionnan-feoir.



miann<sup>1</sup>; a chionn gu bheil an duine a' triall d'a chòmhnuidh bhuan<sup>2</sup>, agus gu bheil an luchd-cumhaidh<sup>3</sup> a' dol mu'n cuairt sna sràidibh.

6 Mum fuaigear an cord<sup>4</sup> airgid, agus am fruthar<sup>5</sup> an copan<sup>6</sup> òr, agus am brisear a' chuinneag<sup>7</sup> aig an tobar, agus am brisear an rot aig an t-soitheach-cumail<sup>8</sup>.

7 An sin pillidh an duslach<sup>9</sup> chum na talmhainn mar a bha e; agus pillidh an spiorad chum Dhé, a thug uaidh e.

8 Dìomhanas nan dìomhanas! ars' an searmonuiche: is dìomhanas na h-uile nithe.

9 Agus os-barr, do bhrìgh gu'n robh an searmonuiche glic, theagaisg e'n còmhnuidh eòlas do'n t-sluagh; agus thug e deadh aire, agus shir e mach<sup>10</sup>, agus dheasaich e<sup>11</sup> mòr-an ghnàth-fhocal.

10 Dh'iarr an searmonuiche briathra taitneach fhaotainn: agus bha an ni a sgrìobhadh ceart, briathra na firinn.

11 Tha briathra nan daoine glice mar bhioraibh, agus mar thairngibh air an sparradh<sup>12</sup> le uachdaranabhi choimhthional, a thugadh le aon aodhaire.

12 Agus tuilleadh, leo so, a mhic, gabh rabhadh: air mòran leabhraichean a dhean-amh cha 'uile crìoch, agus tha mòran leughaidh na sgìos do'n fheoil.

13 Chuineamaid brìgh na chaidh ràdh uile<sup>13</sup>: Biodh eagal Dé ort, agus glèidh 'aitheantan; oir is c so dleasdanas iomlan an duine.

14 Oir bheir Dia gach obair chum breitheanais, maille ris gach ni dìomhair, ma's maith, no ma's olc e.

## DAN SHOLAIMH.

### CAIB. I.

**D**AN nan dàn, dàn Sholaimh.

2 Pògadh e mi le pògaibh a bhéil; oir is maith do ghràdh seach fion.

3 Air son fáile cùbhraidh is maith t'oladh-ungaidh-sa: is oladh-ungaidh air a dòrtadh t'ainm<sup>14</sup>; uime sin ghràdhaich na h-òighean thu.

4 Tarruing mi. A'd' dhéigh ruithidh sinn. D'a sheòmarailh thrèdaich an Rìgh mi. Ni sinn luath-ghaire agus bithidh aoibhneas oirnn annadsa: cuiridh sinn an cuimhne do ghràdh ni's mò na fion: ghràdhaich na fireana thu.

5 Dubh a ta mi, ach sgiamhach<sup>15</sup>, O a nigheana Ierusalem, mar bhùthaibh Chedair, mar chùirteinibh rìomhach<sup>16</sup> Sholaimh.

6 Na biodh umbail agaibh ge do tha mi dorcha, a chionn gu'n d'amhaire<sup>17</sup> a' ghrian orm: bha mic mo mhàthar an feirg rium; rinn iad còimheaduiche nam fion-lios dìom: am fion-lios bu leam féin cha do choimhidh mi.

7 Innis dhomh, O thusa d'am bheil gràdh aig m'anam, c'àit an inèaltair<sup>18</sup> thu do thrèuda, c'àit an toir thu orra luidheadh sìos nu mheadhon-là; oir c'ar-son a bhithinn mar aon air faondradh am measg threud do chompanach<sup>19</sup>?

8 Mur 'eil fhios agad, O thusa a's àillidh<sup>20</sup> am measg bhan, imich a mach air luirg

an treud, agus incaltair do mheannain làimh ri bùthaibh<sup>21</sup> nan aodhaire.

9 Ri h-eachaibh<sup>22</sup> ann an carbadaibh Pharaoh samhlaichcam thu, a bhean mo ghaoil.

10 Is àillidh do ghruaidhean le sreathaibh sheud<sup>23</sup>, do mhuineal le slàthraidhibh.

11 Streathan òir ni sinn dhuìt, le bal-laibh<sup>24</sup> airgid.

12 Am feadh a ta'n Rìgh aig a fhleadh<sup>25</sup>, tha mo spioncard a' sgaoileadh 'fhàile cùbhraidh.

13 Is ceanglachan mirr mo ghràdh<sup>26</sup> dhomhsa; eadar mo chlochaibh luidhidh e rè na h-oidheche.

14 Mar bhagaid do'n chrann-champair tha mo ghràdh dhomhsa, ann am fion-lios-aibh Engedi.

15 Feuch, a ta thu àillidh, a bhean mo ghaoil<sup>27</sup>; feuch, a ta thu àillidh! tha sùilean choluman agad.

16 Feuch, a ta thu àillidh, fhir mo ghràdh, agus taitneach, agus a ta ar nuirigh<sup>28</sup> uaine.

17 Is croinn sheudair<sup>29</sup> sailthean artighe, croinn-gluithais ar ceann-fhiodh<sup>30</sup>.

### CAIB. II.

**I**S ròs o Sharon mise, lili nan glann.

2 Mar lili am measg droighnich, is amhuil mo ghràdh-sa am measg nan nighean.

3 Mar chrann-uhhall am measg chrann

<sup>1</sup> a thrèigeas fonn. <sup>2</sup> d'a thigh dòrruidh.

<sup>3</sup> luchd-cuoidh. <sup>4</sup> snùithne teud. <sup>5</sup> brisear.

<sup>6</sup> a' chmach. <sup>7</sup> an soitheach-uisge. <sup>8</sup> an

t-slochd, an tiobairt. <sup>9</sup> luaithe. <sup>10</sup> ramsaich

e. <sup>11</sup> chuir e'n ordugh. <sup>12</sup> air an daing-

neachadh. <sup>13</sup> crìoch, no comh-dhùradh na cùise

uile. <sup>14</sup> Air son deadh bholaibh t'oladh-

ungaidh maille, tha t'ainm mar oladh-ungaidh

<sup>15</sup> gràdhach, ionmhuinn. <sup>16</sup> chròch-bhrataibh

do obair ghrèise. <sup>17</sup> do dhearrsaich. <sup>18</sup> an

beathaich. <sup>19</sup> làimh ri treudaibh do chaidreamh-

ach. <sup>20</sup> sgiamhaiche. <sup>21</sup> bothanaibh. <sup>22</sup> ri buidh-

eann each, rim'euchaibh. <sup>23</sup> usgraichibh. <sup>24</sup> rinn-

ibh, tairngibh, tacaibh. <sup>25</sup> na shuidhe aig a

bhord. <sup>26</sup> m'aon gràdhach, m'ennsachd, m'arùn.

<sup>27</sup> mo chaidreach, mo leth-sheise, mo cheile.

<sup>28</sup> leaba. <sup>29</sup> cheudair. <sup>30</sup> mullach.

na coille, *is* amhuil mo rùn-sa am measg nan òganach: fuidh a sgàile mhiannaich mi, agus shuidh mi sìos, agus *bha* a thoradh milis do m' bhlas<sup>1</sup>.

4 Threòraich e mi do thigh an fhìona, agus *b'i* a bhratach tharum an gràdh.

5 Cumaibh suas mi le còrnaibh, sgapaibh ùbhlam mu m' thimchioll, oir *a tu* mi tinn<sup>2</sup> le gràdh.

6 *Tha* a làmh chli fuidh m' cheann, agus a làmh dheas timchioll orm.

7 Cuircam mar fhiachaibh oirbh<sup>3</sup>, a nigheana Ierusalem, air earbaibh agus air eildibh na machrach, nach cuir sibh dragh air, agus nach dùisg sibh *mo* ghràdh, gus an àill leis fèin:

8 Guth mo ghràidh! Feuch, *tha c a'* teachd, a' leumnaich air na beanntaibh, a' toirt sìthidh air na tulaichibh.

9 *Is* cosmhail mo ghràdh ri h-earb no ri laogh féidh<sup>4</sup>: feuch, *tha e* na sheasamh air cùl ar ballaidh, a' sealltuinn a mach air na h-uinneagaibh, ga nochdadh fèin<sup>5</sup> troimh'n chléith.

10 Fhreagair mo ghràdh, agus thubhairt e rium, Eirich, a bhean mo ghaoil<sup>6</sup>, m'aon sgiamhach, thig leam:

11 Oir feuch, *tha'n* geamhradh seachad, *tha'n t uisge* thairis, dh'imich e roimhe.

12 Chithear na blàthan air an talamh, *tha àm* sciunn *nan eun* air teachd, agus cluinnear guth an turtuir<sup>7</sup> nar tìr.

13 *Tha an* crann-fìge a' cur a mach 'fhìge glasa<sup>8</sup>, agus *tha* dearca maotha a' clòinn-fhìona a' toirt fàile cùbhraidh uatha: éirich, a bhean mo ghaoil, m'aon sgiamhach, agus thig leam.

14 Mo choluman, *a tu* ann an sgoltaibh na creige, ann an ionad-dìomhair<sup>9</sup> a' bhruthaich, leig dhomh amharc ort, leig leam do ghuth a chluinntinn! oir *a tu* do ghuth binn, agus t'eugas<sup>10</sup> maiseach.

15 Glacaibh dhuinn na sionnaich, na sionnaich bheaga, a mhilleas na croinn-fhìona, agus dearc an òga ar crann-fìona<sup>11</sup>.

16 *Is* leamsa mo ghràdh, agus *is* leis-san mise: *tha e* ag ionaltradh am measg nan lili.

17 Gus am bris an là<sup>12</sup>, agus an teich<sup>13</sup> na sgàilean, pill; bi cosmhail ri h-earb, a ghràidh, no ri laogh féidh air beanntaibh Bheteir.

## CAIB. III.

**A**IR mo leabaidh anns an oidhche dh'iarr mi an ti d'am bheil gràdh aig m'anam: dh'iarr mi e, acli cha d'fhuair mi e.

2 Eiridh mi a nis, agus théid mi mu'n cuairt anns a' chathair<sup>14</sup>, anns na sràidibh, agus anns na slioghibh farsaing iarraidh mi esan, d'am bheil gràdh aig m'anam: dh'iarr mi e, ach cha d'fhuair mi e.

3 Thachair orm an luchd-faire a' dol mu'n cuairt anns a' chathair: Am fàca sibh an ti d'am bheil gràdh aig m'anam?

4 Cha dcachaidh mi ach beagan air m'aghaidh uatha<sup>15</sup>, 'nuair a fhuair mi esan d'am bheil gràdh aig m'anam: rinn mi greim air, agus cha leiginn as e, gus an d'thug mi e do thigh mo mhàthar, agus d'a seòmarsa a rug mi.

5 Cuiream mar fhiachaibh oirbh, a nigheana Ierusalem, air earbaibh agus air eildibh na machrach, nach cuir sibh dragh air, agus nach dùisg sibh *mo* ghràdh, gus an àill leis fèin.

6 Cò ise a ta 'g éirigh suas as an fhàsach mar stuadhaibh deataich, cùbhraidh le mirr agus tùis, le uile mhion-dhus<sup>16</sup> ceannuiche nan spiosraidh?

7 Feuch, uirigh<sup>17</sup> Sholaimh! Tri fichad treun fhear m'a timchioll do threun thearaidh Israeil!

8 Fir chlaidheamh uile, cleachdta<sup>18</sup> ann an cogadh, gach fear le 'chlaidheamh air a leis, an aghaidh gàbhaidh na h-oidhche:

9 Rinn Solamh an Rìgh leaba-phòsaidh<sup>19</sup> dha fèin do chrannaibh Lebanoin.

10 A puist<sup>20</sup> dhealbha e do airgiod, a h-ìochdar do òr, a còmhach do chorcur; *bha* a meadhon air 'oibreachadh<sup>21</sup> le samhlaidh gràidh le nigheanaibh<sup>22</sup> Ierusalem.

11 Rachaidh a mach, a nigheana Shìoin, agus faicibh Rìgh Solamh leis a' chrùn leis an do chrùn a mhàthair e air latha<sup>23</sup> a phòsaidh, agus air latha subhachais a chridhe.

## CAIB. IV.

**F**EUCH, *is* àillidh thu, a bhean mo ghaoil<sup>24</sup>; feuch, *is* àillidh thu! *tha* sùilean choluman agad an taobh a stigh do d' chiabhaibh: *tha t'fholt*<sup>25</sup> mar theud ghabhar a nochdar o shliabh Ghilead<sup>26</sup>.

2 *Is* cosmhail do dheud ris an treud lomarta<sup>27</sup>, a thàinig a nìos o'n àite-nighidh, a bhiceas gach aon diubh càraid, agus gun aon chaora sheasg<sup>28</sup> nam measg.

3 Mar shlàthainn dearg<sup>29</sup> air a dhath dà uair, *tha* do bhilean, agus *tha* do chainnt binn: mar mhìr<sup>30</sup> do phomgranat<sup>31</sup>, *tha* do chamoga<sup>32</sup> am meadhon do chiabh.

4 Mar thùr Dhaibhidh *tha* do mhuineal, air a chur suas gu bhli na thigh-arm: *tha*

<sup>1</sup> chùirean. Eabh. <sup>2</sup> lag. <sup>3</sup> mionnaicheam sibh, aithneam dhuibh. <sup>4</sup> mang. <sup>5</sup> a' lasadh, a' sradadh. <sup>6</sup> mo chaidreach. <sup>7</sup> fhear-ain. Eir. <sup>8</sup> uaine. <sup>9</sup> còs, ionad foluich. <sup>10</sup> aogas. <sup>11</sup> oir a ta dearc an craobh-fhìona maoth. <sup>12</sup> an éirich, an tog an là; an cuir an là 'anail a mach. Eabh. <sup>13</sup> sgapar, sgaoilear. <sup>14</sup> mhòr-bhaile. <sup>15</sup> seachad orra. <sup>16</sup> phùdaraibh. <sup>17</sup> leaba. <sup>18</sup> teoma.

<sup>19</sup> carbad. <sup>20</sup> garmuinne. <sup>21</sup> air a sgaoileadh, air a leagadh. <sup>22</sup> o' nigheanaibh, air son nigheana. <sup>23</sup> là, ìd. <sup>24</sup> a bhana-chara, a bhana charaid. <sup>25</sup> do ghruag. <sup>26</sup> a dh'ionaltras mu bheinn Ghilead. <sup>27</sup> bhear' ta. <sup>28</sup> rùisgte. <sup>29</sup> air call a h-uain. <sup>30</sup> searaid, circuir. <sup>31</sup> shliseig. <sup>32</sup> leth-cheann, ghruaidhean.



mìle targaid, crochta suas ris, uile sgiatha nan treun fhear.

5 *Tha* do dhà chàich mar dhà mheann earba, càraid na maoislich, a dh'ionaltras am measg nan lili.

6 Gus am bris<sup>1</sup> an là, agus an teich na sgailean, théid mi gu binn a' mhirr, agus gu tulach na tùise.

7 *Tha* thu uile àillidh, a bhean mo ghaoil, agus smal<sup>2</sup> cha 'n'eil annad.

8 Leamsa o Lebanon, a chéile, leamsa thig o Lebanon: seall o mhullach Amana, o mhullach Shenir, agus Hermoin, o àitibh tàimh<sup>3</sup> nan leòmhann, o bheanntaibh nan leopard.

9 Dh'éignich thu<sup>4</sup> mo chridhe, a phiuthar, a chéile; dh'éignich thu mo chridhe le aon do d' shùilibh<sup>5</sup>, le aon slabhraidh mu d' mhuineal.

10 Cia taitneach a ta do ghràdh, a phiuthar, a chéile! Cia mòr is fearr na fion do ghràdh, agus faile t'oladh-ungaidh nà na h-uile spìosraidh!

11 Mar a' chìr-mheala silidh do bhlcan, a chéile: *tha* mìl agus bainne fuidh d' theangaidh, agus *tha* faile<sup>6</sup> do thruscain mar fhàile cubhraidh Lebanoin.

12 *Is* lios<sup>7</sup> glaiste thu, a phiuthar, a chéile, fuaran dùinte, tobair air a sheulach-adh.

13 *Tha* do gheuga mar lios phomgranat, leis a' mheas a's taitniche<sup>8</sup>; *le* croinn champhir maille ri preasaibh spìocnaird,

14 Spìocnard<sup>9</sup> agus cròch<sup>10</sup>, cuile mhilis agus canal; leis na h-uile chraobhtaibh tùise; mirr agus aloë<sup>11</sup>, maille ris na spìosraidh a's taghta;

15 Fuaran<sup>12</sup> lios, tobar uisgacha beo, agus a sruthadh o Lebanon.

16 Eirich, a ghaoth a tuath, agus thig, a ghaoth a deas, séid air feadh mo lìosa, rachadh faile cubhraidh a spìosraidh a mach. Thigeadh m'annsachd<sup>13</sup> d'a lios, agus ith-eadh e a thoradh taitneach.

# CAIB. V.

**T**HA mi air teachd do m' lios, a phiuthar, a chéile; thionail mi mo mhirr maille ri m' spìosraidh; dh'ith mi mo chìr-mheala maille ri m' mhil; dh'òl mi m'fhion inaille ri m' bhainne. Ithibh, a chairde, òlaibh, seadh, òlaibh gu pailt, a luchd-mo ghràidh.

2 Tha mi m' chodal, ach a ta mo chridhe na fhaireach<sup>14</sup>. Guth fir mo ghràidh a' bualadh! Fosgail dhomh, mo phiuthar, mo bhana-charaid, mo choluman, mo bhean

choimhionta; oir tha mo cheann còmh-daichte le dhrèidh, mo chiabha le braonaibh na h-oidhe.

3 Chuir mi dhìom mo thruscan; cionnus a chuireas mi orm e? dh'ionnuil mi mo chosan; cionnus a shalacheas mi iad?

4 Chuir fear mo ghràidh a làmh troimh tholl an dorais, agus ghluaiscadh m'innigh air a shon<sup>15</sup>.

5 Dh'éirich mi a dh'fhosgladh do fhear mo ghràidh; agus shil mo làmhan mirr, agus mo mheoir mirr ruidhteach, air làmh-aibh na glaise.

6 Dh'fhosgail mi do fhear mo ghràidh; ach thionndaidh fear mo ghràidh, agus dh'imich e roimhe. Thréig m'anam mi<sup>16</sup> nuair a labhair e. Dh'iarr mi e, ach cha d'fhuair mi e; ghairm<sup>17</sup> mi air, ach cha do fhreagair e mi.

7 Fhuair an luchd-faire, a bha dol air an cuairtibh sa' chathair, mi; bhuail iad mi, lot iad mi; thug luchd-coimhid nam balladh m'fhalluing<sup>18</sup> dhìom.

8 Cuirream mar fhiachaibh oirbh, a nigh-eana Ierusalem, na gheibh sibh fear mo ghràidh, gu'n innis sibh dha, mar a ta mi tinn le gradh.

9 Ciod e fear do ghràidh-sa thar fear-gràidh eile, O thusa a's àillidh<sup>19</sup> am measg bhan? ciod e fear do ghràidh-sa thar fear-gràidh eile, gu'n do chuir thu air an dòigh so mar fhiachaibh oirnn?

10 Tha fear mo ghràidh-sa geal agus dearg, sònruichte<sup>20</sup> am measg dheich mìle.

11 *Tha* a cheann mar an t-òr a's gloine, a chiabha bachlagach<sup>21</sup>, dubh mar ain fith-each.

12 *Tha* a shùile, mar shùilibh choluman làimh ri sruthaibh uisgeacha, a nigheas iad fèin ann am bainne, air an suidheachadh gu ceart<sup>22</sup>.

13 *Tha* a ghruaidhean mar leabaidh spìosraidh, mar bhlàthaibh cubhraidh; a bhlcan mar liliidhibh, a' sìleadh mirr ruidhtich<sup>23</sup>.

14 *Tha* a làmhan mar fhàinnibh òir-suidhichte le berilibh; a chom mar fhaicail, elephaint<sup>24</sup> lìobhta, air a cur thairis<sup>25</sup> le saphiribh.

15 *Tha* a chosan mar phostaibh marmoir, suidhichte air bonnaibh do'n òr a's gloine; eugas<sup>26</sup> mar Lebanon, barraichte<sup>27</sup> mar na seudair<sup>28</sup>.

16 *Is* ro-mhìlis a bheul; seadh, *tha* e gu léir ionmhuinn. *Is* e so fear mo ghràidh-sa, agus is e so mo charaid, a nigheana Ierusalem.

<sup>1</sup> Faic Caib. II. r. 17.

<sup>2</sup> gaoil, aineamh.

<sup>3</sup> thionndaidhibh, ghàraidhibh.

<sup>4</sup> thug thu d'ain-deoin, thug thu leat, fion thu thar tomhas.

<sup>5</sup> dh'aon bheum le d' shùilibh.

<sup>6</sup> boltrach.

<sup>7</sup> garadh.

<sup>8</sup> mìse.

<sup>9</sup> nard. Eabh.

<sup>10</sup> cròchach; safron, Sasg.

<sup>11</sup> aloes, Sasg.

<sup>12</sup> tiobairt.

<sup>13</sup> mo rìon, m'aon gràdhach.

<sup>14</sup> na dhàisg.

<sup>15</sup> bha mo chridhe fo bhuairneas tris.

<sup>16</sup> chaidh m'anam ann an neul, dh'fhàilnich

m'anam, lagaich m'anam.

<sup>17</sup> ghoir, ghlaodh.

<sup>18</sup> m'fhollach, mo chòmhach.

<sup>19</sup> maisiche.

<sup>20</sup> cosmhuil ris-san a ghluaineas a' bhratach.

<sup>21</sup> cairsreagach, dualach.

<sup>22</sup> a' suidhe ann an fànachd. Eabh.

<sup>23</sup> chàbhraidh, dheadh-bholaidh.

<sup>24</sup> ivory. Sasg.

<sup>25</sup> còmhdaichte.

<sup>26</sup> aogas, a choslas, a dhreach.

<sup>27</sup> taghta, òirdheirc.

<sup>28</sup> ceudair.

## CAIB. VI.

**C**AIT an deachaidh fear do ghràidh, O thusa a's àillidh<sup>1</sup> am measg bhan? cia an taobh a thionndaidh fear do ghràidh? agus iarruidh sinn e maille riut.

<sup>2</sup> Chaidh fear mo ghràidh-sa sìos d'a lios<sup>2</sup>, gu leapaichibh nan spìosraidh, a dh'ionaltradh<sup>3</sup> anns na liosaibh, agus a thional lili.

<sup>3</sup> Is se fear mo ghràidh mise, agus is leamsa fear mo ghràidh: tha e ag ìonaltradh<sup>4</sup> am measg nan lili.

<sup>4</sup> Is àillidh thu, a bhean mo ghaoil, mar Thirsah, maiseach mar Ierusalem, uamhasach mar shluagh le'm brataichibh.

<sup>5</sup> Tionndaidh uam do shùilean, oir chlaoidh iad mi: *tha* t'fholt mar threud ghabhar a nochdar o Ghilead.

<sup>6</sup> *Tha* do dheud mar threud chaorach, a thàinig a nìos o'n àite-nighidh, a bheireas gach aon diubh càraid, agus gun aon chaora sheasg<sup>5</sup> nam measg.

<sup>7</sup> Mar mhir do phomgranat, *tha* do chamoga, am meadhon do chiabh<sup>6</sup>.

<sup>8</sup> Tha trífichead bân-rìghinn, agus ceithir fichead leannan<sup>7</sup> ann, agus òighean gun àireamh.

<sup>9</sup> Is ise na h-aonar mo choluman, mo bhean choimhlìonta; is i aon nighean a màthar i, a seircin-se a rug i<sup>8</sup>. Chunnaic na nigheana i, agus bheannaich iad i; na bân-rìghinnean agus na leannain, agus mhol iad i.

<sup>10</sup> Cò ise a chithear<sup>9</sup> mar a' mhaduinn, sgiamhach mar a' ghealach, glan mar a' ghrian, uamhasach mar *shluagh* le'm brataichibh?

<sup>11</sup> Do lios nan crò chaidh mi sìos, a ghabhail beachd<sup>10</sup> do thoradh a' ghlinne, a dh'fhaicinn an robh an fhìonain fuidh bhlàdh, an robh na pomgranait a' briseadh a mach.

<sup>12</sup> Mun d'thug mi an aire, ar leam gu'n do thairngeadh a mach dhomh<sup>11</sup> carbada Aminadaib<sup>12</sup>.

<sup>13</sup> Pill, pill, a Bhan-Sulamach, pill, pill, agus amhairceamaid ort. C'ar son a dh'amhairceadh sibh air a' Bhan-Sulamaich? mar bhuidheann dà fheachd<sup>13</sup>.

## CAIB. VII.

**C**IA àillidh do chosan ann am brògaibh, a nighean rìoghail<sup>14</sup>! *tha* uilt do shìasad mar usgrachibh<sup>15</sup>, obair làmh fìr-cierde.

<sup>2</sup> *Tha* t'imleag mar chuaich chruinn, air nach bi easbhuidh<sup>16</sup> dibhe; do bholg

*mar* dhùn cruithneachd, cuartaichte le lildhibh.

<sup>3</sup> *Tha* do dhà chùch mar dhà mheanur earba, càraid na maoislich.

<sup>4</sup> *Tha* do mhuineal mar thùr ibhori<sup>17</sup>; do shùilean mar lochaibh èisg ann an Heshbon, làimh ri gcata Bhatrabim; do shròn mar thùr Lebanoin, a sheallas a làimh Dhamascuis.

<sup>5</sup> *Tha* do cleann ort cosmhuil ri Carmel, agus folt<sup>18</sup> do chinn cosmhuil ri corcur: *tha* an rìgh ceangailte na sheòmraichibh<sup>19</sup>.

<sup>6</sup> Cia àillidh, agus cia taitneach a ta thu, a ghaoil, ann ad mhaisealachd<sup>20</sup>?

<sup>7</sup> Tha'n airde sin agad cosmhuil ri craoibh-phailme, agus *tha* do' chiocha mar bhagaidibh fhìon-dhearc.

<sup>8</sup> Thubhairt mi, Streapaidh mi suas do'n chraoibh-phailme, gabhaidh mi greim d'a geugaibh: agus a nis bithidh do chiocha mar bhagaidibh do'n fhìon-chraoibh<sup>21</sup>, agus cùbhraidheachd t'eudain<sup>22</sup> mar chùbhraidheachd nan ubhall.

<sup>9</sup> Mar an ceudna do chàirean mar am fìon a's fearr, air son mo ghràidh, a thèid sìos gu milis<sup>23</sup>, a' toirt cainnte do bhlìbh an dream, a choidleas.

<sup>10</sup> Is le fear mo ghràidh mise, agus is ann ormsa a *tha* a chion<sup>24</sup>.

<sup>11</sup> Thig, fhir mo ghràidh, rachamaid a mach do'n mhachair, faumaid<sup>25</sup> rè na h-oidheche anns na bailtibh.

<sup>12</sup> Anns a' mhoch-thrath rachamaid do na fìon-liosaibh, seallamaid am bheil an fhìon-chraobh air teachd fuidh bhlàth<sup>26</sup>, am bheil an fhìon-dhearc bheag 'ga nochdadh fèin, am bheil na pomgranait air briseadh a mach<sup>27</sup>: an sin bheir mi mo ghràdh dhuit.

<sup>13</sup> Tha na mandraga<sup>28</sup> a' tabhairt fàile cùbhraibh uatha; agus aig ar gèataibh, gach meas a's taghta, ùr agus sean, fhir mo ghràidh, thaisg mi dhuitse.

## CAIB. VIII.

**I**S truagh nach robh thu mar mo bhràthair, a dheothail cìochan mo mhàthar! Nam faighinn a muigh thu' phògaim thu, agus cha deantadh tair orm<sup>29</sup>.

<sup>2</sup> Threòraichinn thu, bheirinn leam thu do thigh mo mhàthar, a theagaisgeadh mi<sup>30</sup>; bheirinn ort òl do fhìon spìosradhach<sup>31</sup>, do shùgh mo phomgranait.

<sup>3</sup> Bhiodh a làmh chli fo m' cheann, agus bhiodh a làmh dheas timchioll orm.

<sup>4</sup> Cuiream mar fhiachaibh oirbh, a nigheana Ierusalem, [air earbaibh agus air eildibh na machrach], nach cuir sibh draght

<sup>1</sup> sgiamhaiche. <sup>2</sup> ghàradh. <sup>3</sup> a dh'itheadh. <sup>4</sup> ag itheadh. <sup>5</sup> air call a h-uain. <sup>6</sup> Faic Caib. IV. r. 1. 2. 3. <sup>7</sup> coimhleabach. <sup>8</sup> aon taoghta na té a rug i. <sup>9</sup> a sheallas a mach. <sup>10</sup> seallaidh. <sup>11</sup> shaoil mi gu'n do thairngeadh a mach air mo shon; shuidhich m'anam dhomh. Eabh. <sup>12</sup> no shluagh dhìlis. <sup>13</sup> Mahanaim. Eabh. <sup>14</sup> a

nighean an uachdarain. <sup>15</sup> sheudaihh. <sup>16</sup> dth. <sup>17</sup> do fhiacailibh elephant. <sup>18</sup> falt, gruas. <sup>19</sup> chlaisibh. <sup>20</sup> thaitneachd. <sup>21</sup> fhìonair. <sup>22</sup> boludh do shròna. <sup>23</sup> gu dreach. Eabh. <sup>24</sup> a dhèidh. <sup>25</sup> làmhach. <sup>26</sup> air briseadh a mach. <sup>27</sup> fuidh bhlàth. <sup>28</sup> dudaim. Eabh. <sup>29</sup> gidheudh chu'n fhuighinn masladh. <sup>30</sup> Tal-madni. Eabh. <sup>31</sup> measgta le spìosraidh.



air, agus nach dùisg sibh *mo* ghràdh gus an àill leis féin.

5 Cò ise a ta teachd a nìos o'n fhàsach, an taice ri fear a gràidh? Fuidh 'n chràibh-ubhall thog mi suas thu: an sin bha do mhàthair ri saothair ort; an sin bha i ri saothair, rug i thu.

6 Cuir mise mar sheula air do chridhe, mar sheula air do ghairdean; oir làidir mar am bàs a ta 'n gràdh, an-ìochdinnhor mar an raigh an t-eud: is eibhle teine 'eibhle-sa, lasair ro-gharg.

7 Cha'n urrainn uisgcacha lìonmhor an gràdh a mhùchadh<sup>1</sup>, agus cha bhàth na tuiltean e. Nan d'thugadh duine nìle mhaoin a thighe air son gràidh, dhìcanadh daoine tàir air gu tur.

8 Tha piuthar bheag againn, agus cha 'nèil cìochan aicc: cìod a nì sinn air son ar peathar, san là anns an labhrar m'a tim-chioll?

9 Ma's balladh i, togaidh sinn oirre lùch-airt airgid; agus ma's dorus i, dùinidh sinn suas<sup>2</sup> i le bordaibh seudair<sup>3</sup>.

10 Bu bhalladh mi, agus bha mo chloch-an mar thùraibh: an sin bha mi na shùil-ibh mar aon a fhuair deadh-ghean.

11 Bha fion-lios aig Solan<sup>4</sup> ann am Baal-hamon; dh'earb e am fion-lios ri<sup>4</sup> luchd-coimhid; bha gach fear gu tabhairt da, air son a thoraidh, mìle *bonn* airgid.

12 Tha'm fion-lios a's leamsa fa m' chomhair: tha am mìle *bonn* dhuitse, a Sholaimh, agus dà cheud do luchd-coimhid a thoraidh.

13 O thusa a chòmhnucias agus na liosaibh, tha do chompanaich<sup>5</sup> a' cluinn-tinn do ghutha, thoir ormsa a chluinn-tinn.

14 Luathaich ort, fhir mo ghràidh, agus bi cosmhuil ri h-earb, no ri laogh féidh air bheanntaibh ran spìosraidh.

## ISAIAH.

### CAIB. I.

**T**AISBEANADH Isaiah mhic Amois, a chunnaic e mu thimchioll Iudha agus Ierusalem, ann an làithibh Usiah, Iotaim, Ahais, agus Heseciah, rìghrean Iudha.

2 Cluinnibh O nèamha, agus tabhair éisdeachd O thalamh, oir tha an Tighearn a' labhairt: Dh'altruim mise, agus thog mi suas clann; agus rinn iadsan ceannaire a'm' aghaidh.

3 Is aithne do'n damh a shealbhadair, agus do'n asail prasach a maighstir; ach cha n-aithne do Israel; cha 'nèil mo shluagh-sa a' toirt fa'ncar.

4 Ah, cinneach peacach! sluagh luchd-aichte le h-aingidheachd! sìol nan daoibh<sup>6</sup>! clann a ta nam milltearaibh! thréig iad an Tighearn, bhrosnaich iad Ti naomha Israeil gu feirg, dh'fhalbh iad air an ais.

5 C'ar son a bhuailear sibh nì's mò? thèid sibh nì's faide agus nì's faide air seacharan. Tha an ceann uile tinn, agus an cridhe uile fann.

6 O bhonn na coise gu ruig an ceann, cha 'nèil fallaineachd ann; ach lot, agus bruthadh, agus creuchd lobhta; cha do theannaicheadh ri chéil' iad, cha do cheangladh suas iad, cha do thaisicheadh le h-oladh iad.

7 Tha bhuir tìr fàs, tha bhuir bailtean air an losgadh le teine; bhuir fearann, tha coirgich'ga itheadh suas 'n'ur làthair; agus dh'fhàsachidh e, mar gu'm biodh e air a sgrios le sluagh coimheach<sup>7</sup>.

8 Agus tha nighean Shìoin air a fàgail

mar bhothan ann am fion-lios, mar thigh-fasgaidh ann an gàradh chularan, mar bhaile air a thcannachadh le naimeidibh.

9 Mur bhiodh gu'n d'fhàg Tighearn nan sluagh iarmad ro bheag againn; 's ann a bhithcainaid mar Shodom, bhiomaid cosmhuil ri Gomorrah.

10 Cluinnibh focal an Tighearna, O uachdarana Shodoin; éisidibh ri lagh ar Dé-ne, a mhuinntir Ghomorrah:

11 Cìod e lìonmoireachd 'ur n-ìobairt-can dhomhsa? deir an Tighearn: tha mi làn do thabhartasaibh loisgte reitheachan, agus do shailh bheathaichean biadhra; ach ann am fuil tharbh, agus uan, agus bhoc gaibhre, cha 'nèil mo thlachd.

12 An uair a thig sibh gu'r taisbeanadh fèin ann am làthair-sa, cò dh'farr so air 'ur làimh, mo chùirtcan-sa a shaltairi?

13 Na tugaibh tabhartas dìomhain uaibh nì's mò: tha tùis na gràinealachd dhomh; a' ghealach ùr, agus an t-sàbaid, gairn a chomh-chruinnich, cha'n fheudar leam 'fhlulang; is eu-ceart eadhon an co-ghairm naomha.

14 Bhur gealaichean ùra, agus 'ur fèillean suidhichte, is fuath le m'anam; tha iad nan callaich orm; tha mi sgìth d'an giùlan.

15 Agus an uair a shìneas sibh mach 'ur làmhan, folaichidh mise mo shùilean uaibh; seadh an uair a nì sibh iomadh ùrnuigh, cha n-éisd mi: tha 'ur làmhan làn fola.

16 Nighibh, glanaibh; cuiribh air falbh olc 'ur deanadais as mo shealladh<sup>8</sup>; sguiribh do'n olc:

17 Fòghlumaibh maith a dheanamh;

a chur as. <sup>2</sup> còmhdachidh sinn. <sup>3</sup> ceudair.

<sup>4</sup> shuidhich e am fion-lios air.

<sup>5</sup> chaidreamhaich. <sup>6</sup> droch dhaoibh. <sup>7</sup> tuis.

<sup>8</sup> as làthair mo shùil Eabh.

iarraibh breitheanas; deanaibh fuasgladh air an fhear tha sàruichte; cumaibh còir ris an dilleachdan; tagraibh cùis na bantraich.

18 Thigibh nis, agus tagramaid le chéile, deir an Tighearn; ged' robh 'ar peacanna mar an scarlaid, bithidh iad geal mar an sneachda; ged robh iad dearg mar chorcur, bithidh iad mar olainn.

19 Ma blitheas sibh toileach agus umhal, ithidh sibh *toradh* maith an fhearainn:

20 Ach ma bhios sibh eas-umhal<sup>1</sup> agus ceannairceach, ithear suas sibh leis a' chlaidheamh; oir labhair beul an Tighearn e.

21 Cionnas a dh'fhàs a' chathair dhileas na strìopaich! bha i làn do breitheanas, bha ionracas a' gabhail còmhnuidh innte, ach nis mortairean.

22 Tha d'airgid air fàs na shalchar<sup>2</sup>; tha d'fhion air a' mbeasgadh le h-uisge.

23 Tha d'uachdarain ceannairceach, agus nan companachaibh nìheirleach; tha gach aon diubh an geall air tiodhlacadh, agus a leantuinn dhuaisean; ris an dilleachdan cha 'n'eil iad a' cumail còthrom, agus cùis na bantraich cha 'n'eil a' teachd nan làthair.

24 Uime sin deir an Tighearn, Tighearn nan sluagh, Ti cumhachdach Israeil. Aha, bheir mi fois dhomh féin a thaobh m' eascairdean; dìolaidd mi mi féin air mo naimhdith.

25 Agus pillidh mi mo làmh ort, agus glanaidh mi uait do shalchar gu ro ghlan, agus bheir mi air falbh 'd' uile staoìn.

26 Agus aisgidh mi do bhreitheamhna, mar air tùs, agus do chomhairlichean, mar a bha iad an toiseach; na dhéigh sin goirear dhìot baile na fireantachd, a' chathair dhileas.

27 Saorar Sion ann am<sup>3</sup> breitheanas, agus a muinntir iompaichte ann a' fireantachd.

28 Agus claidhear luchd-easaontais agus peacaich maraon; agus bithidh iadsan a thréigean an Tighearn air an caitheamh as.

29 Oir gablaiddh iad pàir do na daragaibh, a mliannaich sibh; agus bithidh rugha gruaidh oirbh air son nan liosan, a ròghnaich sibh:

30 Oir bithidh sibh mar dharaig aig am bheil a duilleach air seargadh, agus mar lios anns nach 'eil uisge.

31 Agus bithidh an duine làidir mar asgart, agus 'oibriche<sup>5</sup> mar shrad: agus loisgidh iad le chéile cuideachd, agus cha bhi neach ann a mhùchas iad.

## CAIB. II.

**A**M focal a chunnaic Isaiah mac Amois mu thimchioll Iudah agus Ierusalem.

2 Tarlaiddh anns na lathaibh deireannach gu'm bi sliabh tìghe an Tighearna air a

dhaingneachadh air mullach nan sleibhteann; agus àrdaichear e os ceann nam beann; agus sruthaidh na h-uile chinnich d'a ionnsuidh.

3 Agus thèid mòran shlògh, agus their iad, Thigibh, agus rachamaid suas gu sliabh an Tighearna, gu tìgh Dhé Iacoib; agus teagaisgidh e sinn mu a shlighibh, agus imichidh sinn na cheumaibh; oir o Shìon theid an lagh a mach, agus focal an Tighearna o Ierusalem.

4 Agus bheir e breth am measg nan cinneach, agus bheir e achasan do mhòran shlògh; agus buailidh iad an claidhean gu coltair, agus an sleaghan gu corranaibh-sgathaidd; cha tog cinneach claidheamh an aghaidh cinnich, agus cha n-flhòghlum iad cogadh ni's mò.

5 O thigh Iacoib, thigibh agus imich-eamaid ann an solus an Tighearna.

6 Air an aobhar sin thréig thu do shluagh, thigh Iacoib, a chionn gu bheil iad air an lìonadh o'n àird an ear, agus nan luchd-fiosachd mar na Philistich; agus tha an tlachd ann an cloinn choigreach.

7 Agus tha an tìr air a lìonadh le airgid, agus òr, agus cha 'n'eil crìoch air an ionmhasaibh; tha an tìr air a lìonadh le h-each-aibh, agus cha 'n'eil crìoch air an carbad-aibh.

8 Tha an tìr fòs air a lìonadh le h-ìodh-olaibh; tha iad a sleuchdadh do obair an làmha féin, do'n ni sin a rinn am meoir féin.

9 Agus tha an duine suarach a' cromadh sìos, agus tha an duine àrd 'ga ìsleachadh féin; agus cha tabhair thusa maitheanas dhoibh.

10 Imich a steach do'n charraig, agus folaich thu féin anns an ùir, roimh uamhas an Tighearna, agus o ghlòir a mhòrachd.

11 Ìslichear sealladh<sup>6</sup> uaibhreach an duine mhòir, agus leagar sìos àrdan nan daoine suarach; agus bithidh an Tighearn na aonar air 'àrdachadh anns an là sin.

12 Oir *thig* là Tighearna nan sluagh air gach neach a ta uaibhreach agus àrd, agus air gach neach a ta air a thogail suas, agus leagar sìos e;

13 Agus air uile sheudaraibh Lebanoin, a ta àrd agus togtà suas; agus air uile dharagaibh Bhasain:

14 Agus air na h-uile bheanntaibh àrda, agus air na h-uile chnocaibh, a tha togtà suas;

15 Agus air gach tùr àrd, agus air gach balladh daingnichte:

16 Agus air uile longaibh Tharsuis, agus air na h-uile dhealbhaibh sgiamhach.

17 Agus ìslichear uabhar an duine mhòir, agus leagar sìos àrdan nan daoine suarach; agus bithidh an Tighearn na aonar air 'àrdachadh anns an là sin."

<sup>1</sup> mi-shreagarach.    <sup>2</sup> shal, shlaoid.    <sup>3</sup> le.

<sup>4</sup> le.    <sup>5</sup> obair.    <sup>6</sup> sùilean. Eabh.



18 Agus cuiridh e na h-iodholan gu buileach air cùl.

19 Agus theid iad a steach ann an còsaibh nan creag, agus ann an tuill<sup>1</sup> na talmhainn, roimh uamhas an Tighearna, agus o ghlòir a mhòrachd, 'nuair a dh'éireas e a chrathadh na talmhainn gu h-uamhasach.

20 Anns an là sin tilgidh duine 'iodholan òir, a rinn iad, gach aon dha fèin, gu sleuchdadh dhoibh, chum nam fann agus chum nan ialtag;

21 Gu dol a steach ann an còsaibh nan creag, agus ann am mullaichibh nan sgeir, roimh umhas an Tighearna, agus o ghlòir a mhòrachd, 'nuair a dh'éireas e a chrathadh na talmhainn gu h-uamhasach.

22 Leigibh dhibh 'ur dùil ri duine, aig am bheil 'anail na chuinneanaibh; oir ciod am fàth mu'n gabhar meas<sup>2</sup> dheth?

### CAIB. III.

**O**IR feuch, bheir an Tighearn, Tighearn nan sluagh, air falbh o Ierusalem agus o Iudah, an lorg agus am bata, uile lorg an arain, agus uile lorg an uisge,

2 An treun-fhear agus am fear-cogaidh, am breithcamh agus am fàidh, an duine glic<sup>3</sup> agus an seanair;

3 An ceannard air leth-cheud agus an duine urramach, agus an conhairliche agus am fear-ceirde seòlta, agus an cainnt-fhear deas-bhriathrach.

4 Agus ni mi leanabana nan uachd-aranaibh orra, agus riaghlaidh naoidheana<sup>4</sup> os an ceann.

5 Agus bithidh an sluagh air an sàruchadh, gach fear le chèile, agus gach-fear le 'choimhearsnach; ni an t-òganach tàir air an aosda, agus an duine an-uasal air an duin' uasal.

6 An uair a ghlasas fear a bhràthair, do thigh 'athar, air a thrusgan, ag ràdh, Thig, agus bi a'd' fhear-riaghlaidh oirn, agus biodh an t-aomadh<sup>5</sup> so fuidh do làimh-sa<sup>6</sup>.

7 Bheir e briathar<sup>7</sup> air an là sin, ag ràdh, Cha bhi mis' a'm' fhear-slanuich dhuibh; oir ann am thigh-sa cha n'èil biadh no eudach; na cuiribh mise suas a'm' fhear-riaghlaidh air an t-sluagh.

8 Oir tha Ierusalem air aomadh sìos, agus Iudah air tuiteam; a chionn gu bheil an teanga agus an deanadas an aghaidh an Tighearna, a chur cathachaidh air sùilbha a ghlòire.

9 Tha sealladh an gnùise a' toirt fianuis nan aghaidh; agus tha iad a' deanamh am peacaidh follasach, mar Shodom; cha n'èil iad 'ga fholach; is truagh do an anamaibh, oir thug iad olc<sup>8</sup> orra fèin.

10 Abraibh ris an ionracan gur maith

a dh'éireas dha; oir toradh an gnìomhara ithidh iad.

11 Is an-aobhin do'n aingidh; is olc a dh'éireas dha-san; oir diolar dha obair a làmbha fèin.

12 Do thaobh mo shluaigh-sa, tha clann a' deanamh sàruchaidh orra, agus tha mnathan<sup>9</sup> a' riaghladh os an ceann. O mo shlugh, tha do chinn-ìuil 'gad chur ar seacharan, agus a' fiaradh slighe do cheum-anna.

13 Tha an Tighearn a' seasamh suas chum tagraidh; agus tha e a' seasamh a thabhairt breith air an t-sluagh.

14 Tionnsgnaidh an Tighearn ann am breitheanas ri seanairibh a shluaigh, agus ri an uachdaranab; oir dh'ith<sup>10</sup> sibh suas am fion-lios; tha creach nam bochd ann 'ur tighibh.

15 Ciod a's ciall duibh, gu bheil sibh a' pronnadh mo shluaigh, agus a' bheith eudanna nam bochd? deir Iehobhah Tigh-earn nan sluagh.

16 Os-barr, thubhairt an Tighearn, A chionn gu bheil nigheana Shìoin nallach<sup>11</sup>, agus ag imtheachd le muinealaibh<sup>12</sup> sìntemach, agus le sùilbha ineara<sup>13</sup>, ag imtheachd le ceumaibh iullagach, agus a' deanamh fuaim le'n cosaibh<sup>14</sup>:

17 Uime sin, ni an Tighearn maol<sup>15</sup> mullach cinu nigheana Shìoin, agus leigidh an Tighearn ris an nàir<sup>16</sup>.

18 Anns an là sin bheir an Tighearn air falbh àille nan cos-fhàinneacha, agus na bréidean, agus na samhlachan-gealaich,

19 Na cluigeanan, agus na làmh-fhàillean, agus na sgàilean,

20 Na cuileanan, agus na glùineana, agus na foilteana, agus na soircean-boltraich, agus na cluas-fhàinnean,

21 Na fàinneachan, agus na seuda-sròine,

22 Na trusgana lasach<sup>16</sup>, agus na tonnaga, agus na falluigean, agus na deilg,

23 Na sgàthan, agus na leintean anairt, agus na curaichean, agus na brata-sgàile.

24 Agus an àit deagh bholaidh bithidh bréine, agus an àit criosa bithidh srachd, agus an àit fuilte air a dheadh-chleachdadh bithidh maoile, agus an àit erios-uchd bithidh ceanglachan saic-eudaich, agus losgadh<sup>17</sup> an àit naise.

25 Tuitidh do dhaoine leis a' chlàidheamh, agus do threun-fhir anns a' chogadh.

26 Agus ni a geatacha caoidh agus bròn, agus suidhidh si, gu h-aonaranach<sup>18</sup>, sìos air an làr.

### CAIB. IV.

**A**GUS ni seachd mnathan greim air aom fhear san là sin, ag ràdh, Ar n-aran fèin ithidh sinn, agus ar n-eudach fèin

<sup>1</sup> uamhaibh. <sup>2</sup> suim. <sup>3</sup> geur-chùiseach, fad-sheallach. <sup>4</sup> naoidheachain. <sup>5</sup> am maiddhm. <sup>6</sup> an taice riùtsa. <sup>7</sup> togaidh e a làmh. Eabh. <sup>8</sup> dhiol iad olc, thug iad droch dhiol. <sup>9</sup> mnai. <sup>10</sup> loisg. <sup>11</sup> sgòdail.

<sup>12</sup> amhachaibh. <sup>13</sup> mireugach, beag-nàrach. <sup>14</sup> le aill-eaganabha an cos. <sup>15</sup> carrach. <sup>16</sup> so-mhùthta. <sup>17</sup> dòthadh. <sup>18</sup> gu h-uaigneach, air a fàsachadh.

caitluidh sinn; a mhàin biomaid air ar n-aimneachadh orts, a thoirt air falbh ar mi-chliu.

2 Anns an là sin bithidh meangan an Tighearna sgiamhach agus glòrmhor, agus toradh an thearainn oirdheire agus mais-each, dhoibhsan a thèid as do Israèl.

3 Agus tarlaidh, an neach a dh'fhàgar ann an Sion, agus a dh'fhanas ann an Ierusalem, goirear esan naomh, eadhon gach aon a ta scrìobhta am measg nam beo ann an Ierusalem.

4 An uair a nigheas an Tighearn air falbh salchar nigheana Shìoin, agus a ghlanas e fuil Ierusalem as a meadhon, le spiorad breitheanaïs, agus le spiorad ìosgaidh.

5 Agus cruthaichidh an Tighearn air gach àite-tàmh do shliabh Shìoin, agus air a còmh-thionalaibh, neul anns an là, agus deatach, agus dealradh teine lasraich anns an oidheche; oir thar a' ghloir uile bithidh còmh-dach.

6 Agus bithidh e na bhùth, air son sgàile o'n teas anns an là, agus air son didein, agus air son ionaid-fasgaidh o'n doininn agus o'n uisge.

## CAIB. V.

**S**EINNIDH mi nis do fhear mo ghràidh, òran le fear mo ghràidh mu thimchioll a lios-fìona. Bha aig mo ghràdh-sa fion-lios air cnoc àrd tarbhach.

2 Agus chuir e callaid m'a thimchioll, agus ghlan e na clachan as, agus shuidhich e rogha fionain ann, agus thog e tùr na mheadhon, agus cuideachd chladhaich e amar-fìona; agus dh'amhairc e dh'fheuchainn an tugadh e mach dearcana fìona, agus thug e mach dearcana fiadhain<sup>1</sup>.

3 Agus nise, O hiech-àiteachaidh Ierusalem, agus fheara Iudah, thugaibh breth, guidhean oirbh, eadar nise agus m'fhion-lios.

4 Ciod tuilleadh a ghabhadh deanamh<sup>2</sup> ri m' fhion-lios nach d'rion mi ann? C'ar son, an uair a dh'amhairc mi an tugadh e mach dearcana fìona, a thug e mach dearcana fiadhain?

5 Agus nis thigibh, nochdaidh mise dhuibh ciod a ni mi ri m' fhion-lios; bheir mi air falbh a challaid, agus ithear suas e; brisidh mi a bhalladh, agus bithidh e air a shaltairt sìos.

6 Agus cuiridh mi fàs e; cha sgathar e, agus cha ruamhairc e; ach fàsaidh an dris agus an droighinn ann; agus bheir mi àithne do na neulaibh nach fras iad uisge air.

7 Oir is e fion-lios Tighearna nan sluagh tigh Israèil, agus daoine Iudah luibh<sup>3</sup> a mhòr thlachd; agus bha sùil aige ri breitheanas, agus feuch ain-tighearnas; ri ceartas, agus feuch gaoidh ghoirt.

8 Is an-aobhlin dhuibhse<sup>4</sup>, a ta cur tigh ri tigh, agus a' cur achaidh ri achadh, gus nach bi àit ann, agus gu'n gabh sibh còmhnuidh air leth<sup>5</sup> ann am meadhon na tìre.

9 Ann mo chluasaibh thubhairt Tighearna nan sluagh, Gu deimhin bithidh iomadh tigh fàs, *tighean* mòra agus mais-each, gu neach a' gabhail còmhnuidh anna.

10 Bheir deich acaircan do fhion-lios aon bhat fìona, agus bheir Homer do shìol uaidh Ephah.

11 Is an-aobhlin dhoibhsan, a dh'èireas gu moch 'sa mhaduinn, a dhol an déigh dibhe làidir; a bhuanicheas gu fcasgar, ionnas gu'n cuir am fion teas orra.

12 Agus tha a' chlàrsach agus a' chruit-chuill, agus an tabor, agus a' phib, agus fion nan cuirmibh<sup>6</sup>; ach obair an Tighearna cha'n 'eil iad a' cur an suim, agus gnìomh a làmh cha 'n'eil iad a' toirt fa'near.

13 Uime sin, tha mo shluagh air do lann am braighdeanas, a chionn gu bheil iad gun còlas; agus tha an uaislean air bàsachadh le gort, agus an islean air tiormachadh le tart.

14 Air an aobhar sin mbèudaich an uigh<sup>7</sup> a ciocras, agus dh'fhosgail i a beul thar tonnas; agus thèid an glòir, agus am mòr shluagh, agus an greadhnachas, agus esan a ta ri aighir, sìos d'a h-ionnsuidh.

15 Agus leagar sìos an duine suarach, agus islichear an duine cumhachdach, agus islichear sùilean nan uaibhreach.

16 Ach bithidh Tighearn nan sluagh air 'ardachadh ann am breitheanas; agus bithidh an Dia naomh air a naombachadh ann an ceartas.

17 An sin ionaltraidh na h-uain mar a's àbhaist doibh<sup>8</sup>; agus ithidh coigrich machraichean fàsail na muinntir reamhair.

18 Is an-aobhlin dhoibhsan, a tha tarruing aingidheachd le cordaibh dìomhanais, agus peacaidh mar le taodaibh feuna.

19 A deir, Demadh e deifir, luathaicheadh<sup>9</sup> e 'obair, a chum gu'm faic sinn; agus dlùthaicheadh comhairle Ti naomha Israèil, agus thigeadh i gu crìch, a chum gu'm bi fios againn.

20 Is truagh dhoibhsan a deir maith ri ole, agus ole ri maith; a ta cur dorchadais an àit soluis, agus soluis an àit dorchadais; a ta cur an t-seirbh an àit a' mhilis, agus a' mhilis an àit an t-seirbh.

21 Is truagh dhoibhsan a ta glic nam barail<sup>10</sup> fein, agus nam beachd fein tuig-seach<sup>11</sup>.

22 Is truagh dhoibhsan a ta làidir a dh'òl fìona, agus nan daoineibh neartmhor a mheasgadh dibhe làidir;

23 A ta saoradh a' chiontaich air son

<sup>1</sup> dearcana groda. <sup>2</sup> a dh'fheudtadh dheanamh.

<sup>3</sup> dos, bad. <sup>4</sup> dhoibhsan. <sup>5</sup> lethibh fein.

<sup>6</sup> nam fleadhaibh. <sup>7</sup> ionad nam marbh, an

saoghal neo fhaicsineach.

an ionainear iad.

<sup>10</sup> sùilibh. Eabh.

<sup>8</sup> anns an àit gus

<sup>9</sup> greasadh.

<sup>11</sup> crònna, eagnaidh.



duaise; agus a' toirt ionracais an fhèin air falbh uaith.

24 Uime sin, mar a dh'imlicheas teanga an teine suas an asbhain, agus a chnàmhais an lasair am moll; *mar sin* bithidh am freumh-san mar fhiodh grod, agus thèid am blàth suas mar dhuslach; a chionn gu'n do dhiùlt iad le tàir lagh Tighearna nan sluagh, agus gu'n do chuir iad cùl ri focal Ti naomha Israeil.

25 Air an aobhar sin tha corruich an Tighearna air lasadh an aghaidh a shluaigh; agus shìn e mach a làmh nan aghaidh, agus bhuail e iad; agus chrìochnaich na sleibhteann, agus bha an colainnean mar aolach air meadhan nan sràidean. Air son so uile, cha 'n'eil a chorruich air pillcadh air falbh? ach tha a làmh fathast sìnte mach.

26 Agus togaidh e suas bratach do na cinneachaibh am fad as, agus nì e fead air an son o iomall na talmhainn: agus feuch, le deifir thig iad gu luath.

27 Cha bhi aon neach fann, agus cha bhi aon neach tuisleach nam measg; cha tig clò, cha tig codal *air aon duubh*; cha n-fhuasgailear crios an leasraidh, agus cha bhrisear barr-iall am bròg.

28 Aig am bheil an saighdean geuraichte, agus am boghachan uile air ghleus<sup>1</sup>, bithidh iongana an cada air am meas mar ailbhinn, agus an rothan mar chuairt-ghaoith<sup>2</sup>.

29 *Bithidh* am beucaich mar leòmhnan boireann; beucaidh iad mar leòmhanaibh òga; agus nì iad nuallan, agus glacaidh iad a' chreach, agus togaidh iad leo *i*, agus cha bhi neach ann a theasairgeas.

30 Agus anns an là sin beucaidh iad nan aghaidh, mar bheucaich na fairge; agus seallaidh iad air an talamh, agus feuch, dorchadas agus teanntachd; agus bithidh an solus air a dhorchachadh ann a<sup>3</sup> speur-ahb.

#### CAIB. VI.

**A**NNS a' bhliadhna sen d'fhuair rìgh Usiah bàs, chunnaic mi an Tighearna na shuidhe air caithir rioghail, àrd agus togtas suas; agus lìon iomall<sup>4</sup> a thruscain an teampull.

2 Os a cheann sheas seraphim: aig gach aon bha sè sgiathan; le dithis chòmhdach e 'aghaidh, agus le dithis chòmhdach e a chasan, agus le dithis rinn e itealaich.

3 Agus ghlaodh iad, gach aon r'a chéile, agus thubhairt iad, is naomh, naomh, naomh Tighearna nan sluagh; tha an talamh uile làn d'a glòir.

4 Agus ghluais ursannan an doruis le guth an ti, a ghlaodh, agus lionadh an tigh le deataich.

5 Agus thubhairt mi, Mo thruaighe mise! oir chaidh as dòmh<sup>5</sup>; oir is duine mi aig am bheil bilean neo-ghlan, agus am measg sluaigh, aig am bheil bilean neo-ghlan, tha mi am' chòmhnuidh; oir chunnaic mo shùilean an Rìgh, Tighearna nan sluagh.

6 Au sin thàinig aon do na seraphim ag itealaich a m'ionnsuidh, agus na làimh eibhleag bheo, a thug e leis a' chloibha bharr na h-altaire;

7 Agus bhean e ri mo bhcal, agus thubhairt e, Feuch, bhean so ri d' bhillibh; agus tha d'aingidheachd air a toirt air falbh, agus do lochd air a ghlanadh.

8 Agus chuala mi guth an Tighearna ag ràdh, Cò leis a chuireas mi fios? agus cò thèid air ar son? Agus thubhairt mi, Feuch, tha mis' an so; cuir fios leamsa.

9 Agus thubhairt e, Rach, agus abair ris an t-sluagh so, Chluinnibh do rìreadh<sup>6</sup>, ach na tuigibh; agus faicibh do rìreadh<sup>7</sup>, ach na tugaibh fainear.

10 Dean cridhe an t-sluaigh so reamhar; agus dean an cluasan trom, agus druid an sùilean; mu'm<sup>8</sup> faic iad le'n sùilibh, agus mu'n cluinn iad le'n clusaidh, agus mu'n tuig iad le'n cridheachaidh, agus gu'n iomp-aichear iad, agus gu'm bi iad air an slàn-uchadh.

11 An sin thubhairt mise, Cia fhad Thighearna? Agus thubhairt esan, Gus an cuirar bailtean fàs, gun neach 'gan àit-cachadh; agus tighean, gun duine a gabhail còmhnuidh anna; agus gu'm bi am fear-ann gu tur air 'fhasachadh;

12 Agus gu'm fògair an Tighearna daoine am fad as; agus gu'm bi fàsalachd mhòr ann am meadhan na tìre.

13 Ach fathast *bithidh* deachamh innte; agus pillidh e, agus caithear e; mar an cuilinnn agus an darach, aig am bheil bigh anna, ged thig iad an duilleach<sup>9</sup>; *mar sin bithidh* sìol naomha na bhrìgh innte-san.

#### CAIB. VII.

**A**NN an lathaibh Ahais, mhic Iotaim, amhic Usiah, rìgh Iudah, chaidh Resin rìgh Shiria, agus Pecah, mac Remaliah rìgh Israeil, suas do Ierusalem, a chogadh na h-aghaidh, ach cha b'urrainn iad buadhachadh cirre.

2 Agus dh'innseadh do thigh Dhaibhidh, ag ràdh, Tha Siria ann an co-bhoinn ri Ephraim; agus bha a chridhe air a ghluasad, agus cridhe a shluaigh; mar a' ghluaisear craobhan na coille roimh'n ghaoith.

3 Agus thubhairt an Tighearna ri Isaiah, Rach a mach ris an codhail Ahais, thu féin, agus Sear-iasub do mhac; aig ceann sruth-chlais na linne uachdaraich, air slighe achaidh an luadhaidair.

<sup>1</sup> air-lagh, deasaichte. <sup>2</sup> iom-ghaoith. <sup>3</sup> anns na. <sup>4</sup> carr, sgiobull. <sup>5</sup> chuireadh as dòmh, chlaoidheadh mi. <sup>6</sup> ag cluinntinn cluinnibh.

Eabh. <sup>7</sup> a' faicsinn faicibh. Eabh. <sup>8</sup> air eagal gu'm. <sup>9</sup> aig am bheil am bun a' fantuinn, ged gheurrar sìos iad.

4 Agus abair ris, Thoir an aire, agus bi a'd' thod; na gabh eagal, agus na bi lag-chridheach, air son dà earr<sup>1</sup> nan àithinn-ean<sup>2</sup> smùidreach so, air son corruich Resin agus Shiria, agus mhic Remaliah.

5 Air son gu'n do dhealbh Siria, Ephraim, agus mac Remaliah, olc a'd' aghaidh, ag ràdh,

6 Rachamaid suas an aghaidh Iudah, agus teannaicheamaid e, agus briseamaid a steach, agus cuireamaid rìgh suas gu rìoghachadh na nheadhon, *eadhon* mac Thabeail.

7 Mar so deir an Tighearn Iehobhah, Cha seas e, ni mò thig e gu crìch.

8 Ged<sup>3</sup> is e ceann Shiria Damascus, agus ceann Dhamasuis Resin; gidheadh<sup>4</sup> an taobh a stigh do chùig agus trì fichead bliadhna, bithidh Ephraim air a bhriseadh, ionnas nach bi e na chinneach;

9 Ged is e ceann Ephraim Samaria, agus ceann Shamaria mac Remaliah. Mur creid sibh, gu cinnteach cha bhi sibh seasmhach.

10 Agus labhair an Tighearn fathast ri Ahas, ag ràdh,

11 Iarr dhuit féin comharadh o'n Tighearn do Dhia; iarr anns an doimhne, no anns an àirde shuas.

12 Ach thubhairt Ahas, Cha n-iarr mi, ni mò a bhuaireas mi an Tighearn.

13 Agus thubhairt esan, Eisidibh nis, a thigh Dhaibhidh; am beag leibh daoin' a sgùitheachadh; ach an sgùithich sibh fòs mo Dhia?

14 Air an aobhar sin, bheir an Tighearn féin comharadh dhuibh; Feuch, bithidh dòigh<sup>5</sup> torrach, agus beiridh si mac; agus bheir i Immanuel mar ainm air.

15 Im agus mìl ithidh e, gu's an<sup>6</sup> tuig e an t-olc a dhiùltadh, agus am maitli a ròghnachadh.

16 Oir mu'n aithne do'n leanabh<sup>7</sup> an t-olc a dhiùltadh, agus am maitli a ròghnachadh, fàsaichear fearann an dà rìgh, leis am bheil thu air do chlaoidheadh.

17 Bheir an Tighearn orts, agus air do shluagh, agus air tigh t'athar, laithean, nach robh an leithide ann o'n là san do dhealuich Ephraim ri Iudah; *eadhon* rìgh Asiria.

18 Agus tarlaidh anns an là sin, gu'n gairm an Tighearn<sup>8</sup> a' chuilcag, a ta ann an iomall aibhnichean na h-Eiphit, agus an seilean, a th'ann an talamh Asiria.

19 Agus thig iad, agus luidhidh an t-iomlan diubh anns na gleannaibh fàsail, agus ann an còsaibh nan ereag, agus air gach uile dhroighnich, agus air gach uile phreas.

20 Anns an là sin lomaidh an Tighearn le ealtainn thuarasdoil, leis an t-shuagh air taobh thall na h-aibhne, le rìgh Asiria, an ceann agus fionna nan casan; agus bearraidh<sup>9</sup> si *eadhon* an fheusag.

21 Agus tarlaidh anns an là sin gu'n àraich duine bò òg agus dà chaora.

22 Agus o phailteas a' bhainne bheir iad uatha, ithidh se im; oir im agus mìl ithidh gach neach, a dh'fhàgar anns an tìr.

23 Agus tarlaidh anns an là sin, gach àit anns an robh mìle fionan, *air am meas* air mhìle bonn airgid, gu'm bi e na sgithich agus na dhroighnich.

24 Le saighdibh agus leis a' bhogha thig iad an sin; oir bithidh an talamh uile na sgithich agus na dhroighnich.

25 Agus *air* na h-uile chnocaibh a bhith-eas air an ruauhradh leis a' chaibe, cha d'thig eagal sgithich no droighnich; ach bithidh e na àiridh<sup>10</sup> dhamb, agus na ional-tradh<sup>11</sup> mheanbh-chruidh.

## CAIB. VIII.

**A**GUS thubhairt an Tighearn rium, Gabh clàr mòr, agus scrìobh air, le inneal-scriobhaidh duine mu Mhaheer-salal-has-bas<sup>12</sup>.

2 Agus thug mi leam, chum dearbhaidh, fianuisean firinncach, Uria an sagart, agus Sachariah mac Ieberechiah.

3 Agus dhlùthaich mi ris a' bhan-fhàidhe, agus dh'fhàs i torrach, agus rug i mac; agus thubhairt an Tighearn rium, Thoir mar ainm air Maher-salal-has-bas.

4 Oir mus an aithne do'n leanabh m'ath-air agus mo mhàthair a ràdh, togar air falbh saibhreas<sup>13</sup> Dhamasuis agus creach Shamaria, roimh rìgh Asiria.

5 Agus labhair an Tighearn fathast rium, ag ràdh:

6 A chionn gu'n do chuir an sluagh so-cùl ri uisgeachaibh Shiloah, a ruithneas gu sèimh; agus gu bheil iad a' gabhail tlachd ann an Resin, agus ann am mac Remaliah:

7 Uime sin, feuch, bheir an Tighearn a nìos orra uisgeachan na h-aibhne, làidir agus lionmhor, *eadhon* rìgh Asiria agus 'uile ghreadhnachas; agus éiridh e os ceann a chlaisean uile, agus theid e thar 'uile bhruthachaibh.

8 Agus gabhaidh e roimhe air feadlz Iudah, a' ruith thairis agus a' sgaoileadh *eadhon* gus am muincal ruigidh e; agus-lìonaidh sgaoileadh a sgiathan leud do thìre-sa<sup>14</sup>, O Immanuel.

9 Cruinnichibh r'a chéile, a chinneacha, agus brisear sibh 'n'ur bloighdibh; éisdibh, sibhse uile 'ta sna dùchaibh fad as; crìos-laichibh sibh féin, agus brisear sibh 'n'ur bloighdibh; crìoslaichibh sibh féin, agus brisear sibh 'n'ur bloighdibh.

10 Cuiribh bhrù comhairle ri chéile, agus thig i gu nec-bhrih; labhraibh ann focal, agus cha seas e; oir tha Dia lèinne.

11 Oir thubhairt an Tighearn rium, le

<sup>1</sup> earball. <sup>2</sup> leusan-teine. <sup>3</sup> Oir. <sup>4</sup> agus. <sup>5</sup> an dògh. Eabh. <sup>6</sup> a chum as gu. <sup>7</sup> do'n leanabh so. <sup>8</sup> dean an Tighearn fead air. <sup>9</sup> sguabaidh, lom-sgrìobaidh. <sup>10</sup> fhàsach,

ionaltradh. <sup>11</sup> àite-coiseachd. <sup>12</sup> Greas chum na creiche, grad-ghlac a' chobhartach. <sup>13</sup> mainn, toice. <sup>14</sup> sguoìidh a sgiathan thar leud do thìre.



**Iàimh làidir**<sup>1</sup>, agus theagaisg e mi, a chum nach siubhlainn ann an slighe an t-sluaigh so, ag ràdh,

12 Na abraibh-se co-bhoinn ris gach ni ris an abair an sluagh so co-bhoinn; agus na gabhaibh eagail roimh an uamhas-san, agus na bithidh geilt oirbh.

13 Tighearn nan sluagh, naomhaichibh esan fèin; agus *biodh* esan duibh na chùis-eagail, agus *biodh* esan duibh na aobhar ball-chrith.

14 Agus bithidh e na ionad naomh; ach na chloich-thuislidh agus na charraig-oilbheim do dhà thigh Israeil; na lìon agus na ribe do luchd-àiteachaidh Ierusalaim.

15 Agus gheibh mòran nam measg tuisleadh, agus tuitidh iad agus brisear iad, agus ribear agus glacar iad.

16 Ceangail suas an fhianuis, seulaich<sup>2</sup> an lagh am measg mo dhèisciobul-sa.

17 Ach feithidh mise ris an Tighearn, a ta foluch a ghnùise o thigh Iacob, agus bithidh sùil agam ris.

18 Feuch, *tha* mise, agus a' chlann a thug an Tighearn dhomh, nar comharaibh agus nar n-iongantasaidh ann an Israel, o Thighearn nan sluagh a tana na chòmhnuidh ann an sliabh Shìoin.

19 Agus an uair a their iad ruibh, Iar-ruibh a chum nam ban-fhiosaichean, agus chum nan druidhean, muinntir a nì bideil agus borbhanaich; nach bu chòir do shluagh iarraidh chum an Dé? an ann a dh'iarraidh ead a chum nam marbh, an àit nam beo?

20 *Iarradh* iad chum an lagha agus chum na fianuis: mar labhair iad do réir an fhocail so, 's ann a chionn nach 'eil solus ann<sup>3</sup>.

21 Agus siubhlaidh *gach* aon d'a thrìd, ann an teinn agus ann an gorta; agus tar-laidh, nuair a bhitheas e ann an gorta, gu'm bi corruich<sup>4</sup> air ris fèin, agus mallaichidh e a rìgh agus a Dhià, agus c sealltainn suas.

22 Agus seallaidh e air an talamh, agus feuch teantachd agus doillearachd; dubhar an àmhghair agus tiugh dhorchadas<sup>5</sup>.

CAIB. IX.

**GIDHEADH** cha bhi an doillearachd, mar a bha ri linn a h-àmhghair, an uair a bhual e gu h-cutrom an toiseach talamh Shabuloin agus talamh Naphtali, agus na dhèigh sin bhual e ni bu truinne<sup>6</sup>, air slighe na fairge, taobh thall Iordain, Galile nan cinneach.

2 An sluagh a bha siubhal ann an dorchadas, chunnaic iad solus mòr; iadsan a bha nan còmhnuidh ann an tìr sgàile a' bhàis, dh'èirich solus orra.

3 Rinn thu an cinneach Ìomhhor; nach do mheudaich thu an aoibhneas? rinn iad

gairdeachas a'd' làthair, mar ghairdeachas anns an fhogharadh; mar ni *daoine* gairdeachas, an uair a roinneas iad a' chreach.

4 Oir bhris thu cuing 'eallaich, agus bata a ghualine, slat an fhir a shàruich e, mar ann an là Mhidiaìn.

5 Oir *tha* gach uile chath an fhir-chogaidh le cruaidh iomairt, agus eudach air a thumadh ann am fuil; ach bithidh *so* le losgadh, agus connadh air son an teine<sup>7</sup>.

6 Oir rugadh dhuinne duine-cloinne<sup>8</sup>, thugadh dhuinne mac; agus bithidh an uachdranachd air a ghualainn; agus goirear mar ainm dheth, Iongantach, Comhairliche, an Dia cumhachdach, an t-Athair sìorruidh<sup>9</sup>, Prionnsa na sìthe.

7 Air fàs 'uachdranachd, agus air a shìth, cha d'*thig* cìoch; air caithir rìoghail Dhaibhidh, agus air a rìoghachd; chum a daingneachadh agus a socrachadh le breitheanas agus le ceartas, o so a mach agus gu sìorruidh: bheir cud Tighearna nan sluagh so gu crìch.

8 Chuir an Tighearn focal dh'ionnsuidh Iacob, agus thuit e air Israel.

9 Agus bithidh fios aig an t-sluagh uile, aig Ephraim agus fear-àiteachaidh Shamaria, a ta ag ràdh, ann an uail agus ardan cridhe,

10 Tha na clachan creadha air tuiteam, ach togaidh sinn le clachaidh snaidhte; tha na craobhan sicamoir air an gearradh sìos, ach cuiridh sinn craobhan seudair nan àit.

11 Uime sin, àrdaichidh an Tighearn luchd-mìruin Retsin na aghaidh, agus togaidh e suas a naimhdean le chéile;

12 Na Sirianaich o'n taobh bheoil, agus na Philistich o'n taobh chùil; agus ithidh iad suas Israel le beul farsuing. Air son so uile cha 'n'eil a chorruich air a pillcadh air falbh; ach tha a làmh fathast sìnte mach.

13 Ach cha 'n'eil an sluagh so air pilltinn ris an ti a bhual iad; ni mò dh'iarr iad Tighearn nan sluagh.

14 Uime sin, gearraidh an Tighearn as o Israel an ceann agus an t-carball, a' gheug agus an luachair, ann an aon laith.

15 An duine aosmhor agus urramach, is esan an ceann; agus am fàidh a ta teagasg bréige, is esan an t-carball.

16 Oir tha luchd-stiùraidh an t-sluaigh so 'gan cur air seacharan; agus bithidh iadsan a stiùradh leo air an slugadh suas.

17 Air an aobhar sin cha dean an Tighearn gairdeachas os ceann an òganacha, ni mò ni e iochd ri'n dilleachdanaibh, agus am bantrachaibh; oir tha gach aon duibh na

<sup>1</sup> agus e 'g am ghlacadh air làimh.

<sup>2</sup> dùin suas, glais. <sup>3</sup> anns nach 'eil doillearachd sam bith. <sup>4</sup> campar. <sup>5</sup> ruagear e chum dorchadas.

<sup>6</sup> Ach cha uil dorchadas innte-san a bha ann an teinn: oir ann an àimsir chaidh seachad, dh'èirich e talamh Shabuloin agus talamh Naphtali,

ach ann an àimsir dheireannaich rinn e glòrmhor e. <sup>7</sup> Oir uile choibheart an fhir-chogaidh 's a' chath, agus an èididh air a tumadh ann am fuil, bithidh iad a chum losgaidh, agus nan connadh do'n teine. <sup>8</sup> leanabh-mic. <sup>9</sup> Athair na sìorruidheachd. Eabh.

chealgoir agus na fhear dòbheirt, agus tha gach beul a' labhairt amaideachd. Air son so uile cha 'n'eil a chorruih air a pilléadh air falbh, ach tha a làmh fathast sìnte mach.

18 Oir loisgidh aingidheachd mar theine; ithidh si suas an dris agus an droighionn; agus cuiridh si ri theine badan na frìthe; agus éirigh iad an àird nan smùid<sup>1</sup> a' dol suas.

19 Trid corruich Tighearna nan sluagh dhorchaidheadh an tìr; agus bithidh an sluagh mar chonnadh air son an teine; cha dean duine iochd air a bhrathair fèin.

20 Agus bheir e teum air an làimh dheis, agus *gidheadh* bithidh e ocrach; agus ithidh e suas air an làimh chliù, agus cha bhi iad sàsuichte; ithidh gach duine feoil a ghàirdein<sup>2</sup> fèin.

21 *Ithidh* Manaseh Ephraim, agus Ephraim Manaseh; agus bithidh iad le chèile an aghaidh Iudah. Air son so uile cha 'n'eil a chorruih air a pilléadh air falbh; ach tha a làmh fathast sìnte mach.

## CAIB. X.

**I**S truagh dhoibhsan, a ta 'g orduchadh reachdan eucorach, na scriobhuichean a ta 'g àithneadh foirneirt.

2 A thionndadh an fhenmaich o bhreith-eanas, agus a thabhairt an còrach<sup>3</sup> le h-ainneart o bhochdaibh mo shluaigh; air chor as gu'm bi bantraichean nan cobhartaich dhoibh, agus *gu'n* creach iad na dilleachdain.

3 Agus ciod a ni sibh nn an là an smachdachaidh? agus anns an léir-sgrìos a thig o chéin? Cò dh'ionnsuidh a theicheas sibh chum cobhair? agus c'àit am fàg sibh 'ur glòir?

4 As m'eugmhais-se aomaidh iad sìos fo na prìosanaich, agus tuitidh iad fo na mairbh. Air son so uile cha 'n'eil a chorruih air a pilléadh air falbh, ach tha a làmh fathast sìnte mach.

5 Ho Asirianaich, slat mo chorruih; agus am bata nan làimh 's e sin m'fhearg.

6 An aghaidh cinnich chealgaich cuiridh mi e, agus an aghaidh sluaigh *ris am bheil* mo chorruih bheir mi dha àithne; a thogail creiche, agus a thoirt leo cobhartaich; agus d'an saltairt sìos mar chlàbar nan sraidean.

7 Gidheadh cha'n e sin a bhios na aire-san, agus cha'n e rùn a chridhe e; ach *is e* milleadh *tha* na chridhe, agus cinnich nach gann a ghearradh as.

8 Oir a deir e, Nach 'eil mo cheannardan<sup>4</sup> uile nan rìghribh?

9 Nach 'eil Calno mar Charchemis? Nach 'eil Hamat mar Arphad? Nach 'eil Samaria mar Dhamascus?

10 Mar a ghlac mo làmh rìoghachdan nan ìodholan, aig an robh dealbhan snaighte

ni b'fhearr nà iad sin, a ta ann an Ierusalem, agus ann an Samaria;

11 Mar a rinn mi ri Samaria agus r'a h-ìodholaibh, nach dean mi mar an ceudna ri Ierusalem agus r'a dealbhaibh-san?

12 Ach tarlaidh, 'nuair a choimhlionas an Tighearn 'obair gu h-iomlan air sliaibh Shìoin agus air Ierusalem, gu'n dean mi dìoghaltas air toradh cridhe uaibhlreich rìgh Asiria, agus air sealladh àrd a shùl.

13 Oir deir e, Le neart mo làimhe rinn mi e, agus le mo ghliocas; oir tha deadha thuigs'agam; agus dh'atharraich mi crìocha nam fineachan, agus chreach mi an ionmhasan, agus leag mi sìos an sluagh mar *dhuine* treun.

14 Agus fhuaire mo làmh, mar nead, maoin nan slògh; agus mar chruinnicheas neach uighean a thrèigeadh, mar sin chruinnich mis an talamh uile; agus cha robh aon a ghluais an sgiath, a dh'fhosgail an gob, no rinn biog.

15 An dean an tuadh uail an aghaidh an fhir a ta gearradh leatha? An àrdaich an tuireasg e fèin an aghaidh an fhir a ta 'ga iomairt? mar gu'n sìneadh an t-slat e fèin an aghaidh an neach a ta 'ga togail; no mar gu'n togadh an lorg suas e fèin mar nach b'fhiodh a bh'ann.

16 Air an aobhar sin cuiridh an Tighearn, Tighearn nan sluagh, caoile air a' mhuinntir reamhair, agus fuidh 'oir dh'circeas fadaidh e losgadh, mar losgadh teine.

17 Agus bithidh solus Israeil na theine, agus a Thi naomha na lasair; agus loisgidh agus caithidh e a dhroigheann agus a dhris ann an aon latha.

18 Agus caithidh e glòir a fhrìdhe, agus 'achaidh tharbhaich, eadar anamagus fheoil, agus bithidh iad mar fhear-iomchair brataich a' call a throir.

19 Agus bithidh fuigheall chraobhan a choille tearc, ionnas gu'n scriobh leanabha an àireamh.

20 Agus tarlaidh anns an là sin, nach leig iarmad Israeil, agus iadsan a théid as do thigh Iacoib, an taice nì's mò air an fhear a bhuail iad; ach leigidh iad an taice air an Tighearn, 'Ti naomh Israeil, ann an fìrinn.

21 Pillidh fuigheall<sup>5</sup>, eadhon fuigheall do Iacob, dh'ionnsuidh Dhé uile-chumhachdaich.

22 Oir ged bhi do shluagh, O Israeil, mar ghaineamh na fàirge, *cha* phill *ach* fuigheall diubh. An léir-sgrìos a dh'orduicheadh, ruithidh e thairis le ceartas.

23 Oir sgrìos, eadhon sgrìos sònruichte nì Iehobhah, Tighearn nan sluagh, ann an meadhan na tìre uile.

24 Air an aobhar sin mar so deir Iehobhah, Tighearn nan sluagh, Na biodh eagal ort, O mo shluagh, a ta chòmhnuidh

<sup>1</sup> deathuich.    <sup>2</sup> ruighe.    <sup>3</sup> dlighe. —

<sup>4</sup> mhuithcan.    <sup>5</sup> iarmad, fuigheach.



ann an Sion, roimh an Asirianaich; le slait buailidh c' thu, agus a bhata togaidh e suas a'd' aghaidh, a rèir gnàth na h-Eiphit.

25 Ach fathast uine ro ghearr, agus coimhlionar m'fhearg, agus mo chorruih nan lèir-sgrìos.

26 Agus togaidh Tighearn nan sluagh slat-sgiursaidh na aghaidh, cosmhail ri ar Mhidiain aig carraig Oreib: agus mar a bha a shlat air an fhaig, mar sin togaidh e suas i, do rèir gnàth na h-Eiphit.

27 Agus tarlaidh anns an là sin, gu'n atharraichear 'callach bharr do ghuaillc, agus a chuing bharr do mhuineil; agus caithear a' chuing do bhrìgh<sup>1</sup> na h-oladh-ungaidh.

28 Thàinig e gu Aiat, chaidh e thairis gu Migron; aig Michmas taisgidh e 'airneis<sup>2</sup>.

29 Chaidh iad null air an aisig<sup>3</sup>; ann an Gebah ghabh iad tàmh: tha Ramah air chrìih; tha Gibeah Shaul a' teicheadh.

30 Tog suas do ghuth. O nighean Ghallim; cluinnar e gu ruig Lais, O Anatot thrugh<sup>4</sup>.

31 Theich Madmenah; tha luchd-àit-eachaidh Ghehim air gabhail na ruaige.

32 Fanaidh e fathast an là sin ann an Nob; crathaidh e a làmh an aghaidh cnuic nighin Shioin, an aghaidh slèibh Ierusalem.

33 Feuch sgathaidh Iehobhah, Tighearn nan sluagh, a' gheug le luasgadh mòr; agus bithidh iadsan a's àirde fàs air an gearradh sìos, agus na h-uabhairich air an isleachadh.

34 Agus gearraidh e dosan na frìdhe le iarunn; agus tuitidh Lebanon le làimh chumhachdaich.

#### CAIB. XI.

**A** GUS thig geug a mach o bhonn Iese, agus fasaich faillcan suas as a fhreumhaibh.

2 Agus gabhaidh spiorad an Tighearna còmhnuidh air, spioraid gliocais agus tuigse, spiorad combhairle agus cumhachd, spiorad eòlais agus eagal an Tighearna:

3 Agus bithidh e geur-mhothachail ann an eagal an Tighearna; agus cha'n ann do rèir seallaidh a shùil a bheir e breth, no do rèir clàisteachd a chluas a bheir e achmhasan.

4 Ach le ceartas bheir e brth air a' bhochd, agus blioir e achmhasan, le cothrom, as leth dhaoine ciùine na talmhainn; agus buailidh e an talamh le slait a bheoil, agus le anail a bhile marbhaidh e an t-aingidh.

5 Agus bithidh ionracas na chrìos m'a leasraidh, agus firinn<sup>5</sup> na crìos m'a'airnibh.

6 An sin gabhaidh an madadh-alluidh còmhnuidh maille ris an uan, agus luidh-

idh an leopard sìos maille ris a' mheann; agus an laogh, agus an leòmhann òg, agus an sprèidh reamhar le chèile; agus ni leanabh beag an stiùradh.

7 Agus ionaltraidh a' bhò agus am math-ghamhuin le chèile; luidhidh an àlach sìos cuideachd; agus ithidh an leòmhann connlach<sup>6</sup> mar an làmh.

8 Agus cluichidh an leanabh cìche air toll na nathrach nimhe; agus air nead na rìgh-nathrach cuiridh an leanabh a thàinig o'n chich a làmh.

9 Cha dochainn agus cha sgrìos iad, air feadh mo shlèibh naomha-sa gu h-ionlan; oir lìonar an talamh le còlas an Tighearna, mar a chòmhduicheas na h-uisgeachan aigin na fairge.

10 Agus anns an là sin, bithidh freumh Iese na sheasamh, mar bhrataich do na slòigh; d'a ionnsuidh-san iarruidh na cinnich, agus bithidh a thàmh glòrmhor.

11 Agus tarlaidh anns an là sin gu'n cuir an Tighearn a mach a làmh a ris an dara uair, a thoirt air ais fuighill a shluaigh, a dh'fhàgar dhiubh, o Asiria, agus o'n Eiphit, agus o Phatros, agus o Chus, agus o Elam, agus o Shinar, agus o Hamat, agus o ionnsibh<sup>7</sup> na fairge.

12 Agus togaidh e naird bratach air son nan cinneach, agus tionaidh e diobarraich Israeil, agus muintir sgapta Iudah cruinnichidh e le chèile o chithir chearnaibh na talmhainn.

13 Agus sguiridh farmad Ephraim, agus bithidh luchd-sàruchaidh Iudah air an gearradh as; cha bhi farmad aig Ephraim ri Iudah, agus cha sàruich Iudah Ephraim.

14 Ach leumaidh iad air guailibh<sup>8</sup> nam Philisteach an taobh an iar; creachaidh iad le chèile muintir na h-àird' an ear; air Edom agus Moab leagaidh iad an làmh, agus bheir clann Amoin géill doibh.

15 Agus millidh an Tighearn teanga na fairge Eiphitich, agus crathaidh e a làmh os ceann na h-Aibhne le a ghaoith làidir; agus buailidh se i na seachd sruthaibh, agus bheir e orra imtheachd troimpe le casaibh tioram<sup>9</sup>.

16 Agus bithidh rathad mòr aig fuighcall a shluaigh, a dh'fhàgar o Asiria; mar a bha aig Israel, anns an là 's an d'thàinig e nìos o thìr na h-Eiphit.

#### CAIB. XII.

**A** GUS their thu anns an là sin, Molaidh mi thu, O Thighearn, ged' bha thu feargach rium, tha d'fhearg air a pilleadh air falbh, agus thug thu comhfhurtachd dhomh.

2 Feuch is e Dia mo shlàinte; earbaidh mi, agus cha bhi eagal orm; oir is e an

<sup>1</sup> dh'easbhuidh. <sup>2</sup> a chungaidh, 'aefuin. <sup>3</sup> àth, àthan. <sup>4</sup> cluinn O Lais; freagair i O Anatot. <sup>5</sup> tairisneachd. <sup>6</sup> fodar. <sup>7</sup> eileanaibh.

<sup>8</sup> buailidh iad a steach air cròchaibh. <sup>9</sup> nan brògaibh.

Tighearn Iehobhah mo neart agus *mo cheòl*, is e fòs a' slàinte dhomh.

3 An sin tairngidh sibh uisge le h-aoibhneas a tobraichibh na slàinte.

4 Agus anns là sin their sibh, Molaibh an Tighearn, gairmibh air 'a'ium; cuiribh an cèill a ghlòmhara am measg nan cinn-each; cunaibh air chuimhne<sup>1</sup> gu bheil 'a'ium air 'àrdachadh.

5 Canaibh do'n Tighearn, oir rinn e gnìomh oirdheirc; tha so aithnichte anns an talamh uile.

6 Eigh gu h-àrd, agus dean iolach, a bhean-àiteachaidh Shìoin; oir is mòr ann ad mheadhon Tì naomh Isracil.

## CAIB. XIII.

**T**ROM eallach<sup>2</sup> Bhabiloìn, a chunnaic Isaiah mac Amois.

2 Air shlabh àrd togaibh suas bratach; èighibh riu gu h-àrd; sìuibh 'ur làmh; a chum gu'n d'èid<sup>3</sup> iad a steach air geatach-aihbh nan uaislean.

3 Thug mi àithne do mo dhaoibh cois-rite; seadh, ghairm mi mo dhaoine treuna a chum mo chorruich a chur an gnìomh; muinntir a ta deanamh luath-ghaire ann am mhòrachd.

4 Fuaim mòr-chuideachd anns na sléibh-tibh, anhuil sluaigh mhòir; fuaim luas-gaidh rioghachdan, chinneach air an cruinneachadh le chèile; tha Tighearn nan sluagh ag deasachadh<sup>4</sup> feachd chum catha.

5 Tha iad a' teachd o thìrchéin, o iomall nan nèamha, an Tighearn agus buillairm a chorruich, a mhilleadh na tìre gu léir.

6 Guilil'h gu h-àrd, oir tha là an Tighearna dùl; mar léir-sgrìos o'n Uile-chumhachdach thig e.

7 Air an aobhar sin lagaich'ear na h-uile làmh, agus leaghaidh gach cridhe duine.

8 Agus bithidh iad fo uabhas; ni piantan agus guinean greim orra; mar innuaoi ri saothair craidhear iad; seallaidh iad gach aon air a chèile le h-iongantais; mar las-raichibh teine bithidh an eudana.

9 Feuch tha là an Tighearna teachd, garg le feirg agus le dian chorruich, a chur na tìre fàs, agus a sgrìos nan ciontach a mach aisde.

10 Oir cha tabhair reulta neimhe, agus a comh-shoillse, uatha an solus, bithidh a' ghrian air a dorchachadh na dol a mach, agus cha d'thoir a' ghealach air a solus dealradh.

11 Agus diolaidh mis' air an t-saoghal an droch-bheart, agus air na h-aingidh an ea-ceart; agus cuiridh mi crìoch air àrdan nan uaibhreach, agus leagaidh mi sìos uail nan uabhasach.

12 Ni mi duine ni's luachmhoire na òr grinn; seadh duine, na fìor òr na h-Ophir.

13 Uime sin, luaisgidh mi na nèamhan,

agus gluaisear an talamh as 'àit; ann am feirg Tighearna nan sluagh, agus ann an là a dhian-chorruich.

14 Agus bithidh iad mar earb air a ruag-adh, agus mar threud chaorach nach 'eil neach a' cuairteachadh; tionndaidhidh iad gach aon chum a shluaigh féin; agus teichidh iad gach aon g'a dhùthaich féin.

15 Gach fear a ghlacair, sàthar trid e; agus na h-uile a dhlù-leanas r'a chèile, tuitidh iad leis a' chlàidheamh.

16 Agus pronnar an naoidheana fa chomhair an sùl; bithidh an tighcan air an creachadh, agus an mnathan air an éigneachadh.

17 Feuch, dùisgidh mi suas nan aghaidh na Medich, aig nach bi meas air airgid; agus air son òir, cha bhì suim aca dheth.

18 Pronnaidh am boghachan na h-ògan-ach, agus cha dean iad iochd air toradh na bronn; cha ghabh an sùil truas do lean-abaibh.

19 Agus bithidh Babilon, maise nan rioghachdan, glòir uail nan Caldeach, mar an léir-sgrìos, a thug Dia air Sodom agus Gomorrah.

20 Cha'n àitichear gu bràth i, ni mò ghabhar còmhnuidh innte feadh linn nan linn; cha suidhich an t-Arabach bùth an sin, ni mò ni buachailean buaile an sin.

21 Ach gabhaidh fiadh-bheathaichean an fhàsaich còmhnuidh an sin; agus bithidh an tighcan làn do uath-bheistean<sup>4</sup>; agus gabhaidh na cailleachan-oidhche tàmh an sin, agus ni na gabhair fhìadhaich mìre an sin.

22 Agus freagraidh na h-eoin fhìadhaich a chèile na luchairtibh, agus na dragona anns na seòmruichibh aoibhin; agus ta a h-am am fagus, agus cha bhì a laithean air an sìneadh.

## CAIB. XIV.

**O**IR ni an Tighearn iochd air Jacob, agus ròghnaichidh e fathast Israel, agus suidhichidh se iad nam fearann féin; agus bithidh an coigreach air a cheangal riu, agus dlù-leanaidh iad ri tigh Iacob.

2 Agus gabhaidh na cinnich iad, agus bheir iad gu'n àit féin iad, agus scalbhaichidh tigh Isracil iad ann am fearann an Tighearna, mar òglaich agus mar bhan-òglaich; agus ni iad braighdean dhiubhsan, aig an robh iad nam braighdibh; agus riaghaidh iad os ceann na muinntir, a bha 'gan sàruchadh.

3 Agus tarlaidh anns an là, anns an tabhair an Tighearn dhuit fois o d' àmhghar, agus o d' mhi shuaibhneas, agus o'n daorsa chruaidh a leagadh ort,

4 Gu'n tog thu an fhaisneachd<sup>5</sup> so an aghaidh rìgh Bhabiloìn, agus their thu, Cionnus a sguir an fear-sàruchaidh! cionnus a sguir ise, a bha sgeadaichte le h-òr!

<sup>1</sup> aithrisibh. <sup>2</sup> Faisneachd dhubhach, Tairgreachd a' bhòin. <sup>3</sup> ag cur an ordugh.

<sup>4</sup> uile-bheistean. <sup>5</sup> tairgreachd, seanachas baird, briathar fìlidh.



5 Bhreis an Tighearn lorg nan aingidh, slat rioghail an luchd-riaghlaidh.

6 Esan a bhuail na sloigh ann am feirg, le buille gun sgar; esan a thug fo ghéill na cinnich ann an corruich; tha e air a dhian-ruagadh, gun *neach* a' bacadh.

7 Tha an talamh uile aig fois, agus ann an suaimhneas; tha iad a' togail iolaich.

8 Tha na croinn-ghiuthais féin ri gairdeachas tharad, agus croinn-sheudair Lebanon, *ag ràdh*, O'n uair a thuit thusa, cha d'fhàinig fear-gearraidh a nios nar n-aghaidh-ne.

9 Tha ionad nam marbh air gluasad shìos air do shon, gu do choinneachadh aig do theachd; tha e dùsgadh nam marbh air do shon, uile dhaoine mòra na talmhainn; tha e toirt air uile rìghre nan cinneach éirigh suas o'n caithrichibh.

10 Labhraidh gach aon diubh, agus their iad riut, Am bheil thusa fàs air fàs lag mar sinne? An d'rinneadh thu cosmhuil runne?

11 Tha d'uabhar air a thoirt a nuas chum na h-uaighe, agus fuaim d'inneala-ciùil; tha a' chnuimh air a sgaoileadh fodhad, agus is iad na cnuimheagan do chòmhdachadh.

12 Cionnus a ta thu air tuiteam o nèamh, a Reul dhealach, a mhic na maidne! Cionnus a ta thu air do ghearradh sìos gu làr, *thusa* a thug fo ghéill na cinnich!

13 'S ann a thubhairt thu ann do chridhe, Thèid mi suas a chum nan nèamha; os ceann reultan Dé àrdaichidh mi mo rìgh-chaitheir; agus suidhidh mi air sliabh a' cho-chruinneachaidh, air taobh na h-àirde tuath.

14 Thèid mi suas os ceann àirde nan neul: bithidh mi cosmhuil ris an Tì a's àirde.

15 Ach bheirear a nuas thu chum na h-uaighe, gu taobhan an t-sluichd.

16 Iadsan a chì thu, amhaircidh iad gu geur ort, gabhaidh iad beachd dhìot: An e so, *deir iad*, am fear a thug air an talamh crìochnachadh, a chuir rioghachdan air chrith?

17 A rinn an saoghal mar fhàsach, agus a leag sìos a bhailtean; nach d'fhosgail am prìosun d'a bhraighdibh?

18 Tha uile rìghre nan cinneach, an t-iomlan diubh, a' luidhe sìos ann an greadhnachas, gach aon na fhàrdach féin.

19 Ach tha thusa air do thilgeadh mach as an uaigh, mar ghéig ghràineil, mar thruscan nan daoine a mharbhadh, a throimh-lotadh leis a' chlaidheamh, a chaidh sìos do chlachaidh an t-sluichd; mar chlosaich air a saltairt fo chosaibh.

20 Cha'n adhlacair thu nan co-chuideachdan; a chionn gu'n do sgrios thu do dhùthaich, gu'n do mharbh thu do

dhaoine; cha bhi iomradh <sup>1</sup> gu bràth air slìochd dhroch dhaoine.

21 Ullaichibh àr air son a chloinne, air son aingidheachd an aithrichean; a chum as nach <sup>2</sup> éirich iad, agus nach sealbhuich iad an talamh, agus nach lion iad aghaidh an domhain le baltibh.

22 Oir éirigh mise nan aghaidh, deir Tighearn nan sluagh, agus gearraidh mi as o Bhabìlon an t-ainm agus an t-jarmad, agus am mac agus an t-ogha, deir an Tighearn.

23 Agus ni mi e na sheilbh do'n ghràineig, agus na phollaibh uisge; agus sguabaidh mi e le sguab an léir-sgrìos, deir Tighearn nan sluagh.

24 Mhionnuich Tighearn nan sluagh, *ag ràdh*, Gu cinnteach mar a dhealbh mise, mar sin tarlaidh; agus mar a chuir mi romham, bithidh sin air bhuil;

25 A chum an t-Asirianach a bhriseadh ann mo dhùthaich, agus a shaltradh fo m' chosaibh air mo shleibhtibh: an sin falbhaidh a chuing dhiubh, agus togar eallach bharr an guaille.

26 So a' chomhairle a ta air a suidheachadh mu'n talamh uile; agus so an làmh a ta sìnte mach thar na h-uile chinneachaidh.

27 Oir shònuich <sup>3</sup> Tighearn nan sluagh. a' chomhairle, agus cò a bhacas <sup>4</sup>? agus is e a làmh-san a ta sìnte mach, agus cò a philleas air a h-ais i?

28 Anns a' bhliadhna 's an d'fhuair rìgh Ahas bàs, bha an trom callach so <sup>5</sup>.

29 Na dean-sa gàirdeachas, O uile Phalèstine, a chionn gu'n do bhriseadh slat an fhir a bha 'gad bhualadh; oir o fhreumh na nathrach thig a mach rìgh-nathair, agus is toradh dh'i nathair theinteach itealach.

30 Agus beathaichear ceud-ghin nam bochd, agus luidhidh an t-ainnis sìos ann an tèaruinteachd; agus marbhaidh mi do fhreumh-sa le gorta, agus d'jarmad cuiridh e gu bàs.

31 Nuallaich, O gheata; éigh, O chathair; O Phalèstine, tha thu uile air do leaghadh as; oir o'n àirde tuath thig deatach, agus cha bhi neach aonarannach <sup>6</sup> na thràthaibh suidhichte <sup>7</sup>.

32 Agus cìod am fàgagràdh bhicirear do theachdairibh nan cinneach? Gu'n do leag an Tighearn bunait Shìoin, agus imte cuiridh bochdan a shluaigh an dòchas.

#### C A I B. XV.

**T**ROM eallach Mhoib. A chionn gu bheil Ar Mhoib air a fàsachadh, anns an oidhche, agus air a lomadh gu làr; a chionn gu bheil Cir Mhoib air a fàsachadh, agus air a lomadh gu làr:

2 Chaidh e suas gu Bait agus gu Dibon,

<sup>1</sup> bithidh.

<sup>2</sup> mu'n.

<sup>3</sup> dh'ordugh.

<sup>4</sup> bheir gu neo-bhrìgh?

<sup>5</sup> thugadh seachad an

fhaisneachd dhubhach so.

<sup>6</sup> air chall, air

ionndran. <sup>7</sup> na bhuidhneibh.

na h-ionadaibh àrda, a ghul. Ni Moab caoineadh air son Nebo agus air son Mhe-deba; air gach ceann diubh *bithidh* maoile; *bithidh* gach feusag air a gearradh dheth.

3 Ann a sràidibh crìoslaichidh siad iad fèin le eudach-saie; air mullach a tighean, agus ann a sràidibh, caoinidh gach aon diubh, a' sìleadh dhieir gu frasach.

4 Agus bithidh Hesbon ag éigheach, agus Elealeh; cluinnear an guth gu ruig Iahas; uime sin glaothaidh daoine arm-aichte Mhoib gu h-àrd; bithidh a beatha searbh dh'i.

5 Tha mo chridhe ag éigheach air son Mhoib; *teichidh* a luchd-fuadain do Shoar, mar a'gh tri bliadhna dh'aois; dìridh iad uchdach Luhit le gul; oir ann an slighe Horonaim togaidh iad iolach mlillidh.

6 Oir bithidh uisgeacha Nimrim nan léir-sgrìos; oir tha an luibh air seargadh, tha an fear air teireachdainn; cha 'n'èil ni glas<sup>1</sup> ann.

7 Air an aobhar sin, am beartas a fhuair iad, agus an ni sin a thaisg iad, bheir iad air falbh gu sruth<sup>2</sup> nan seileach.

8 Oir chaidh an éigheach timchioll crìche Mhoib; *ràinig* a caoineadh gu Eglaim, agus a caoineadh gu Beer-Elim.

9 Oir tha uisgeacha Dimoin làn fola; oir bheir mise tuille air Dimon, an leòmhnan orra-san a thèid as o Mhoab, agus air fuigheall na tìre.

## CAIB. XVI.

**C**UIRIBHSE uan dh'ionnsuidh na tìre, o Shela an fhàsaich, gu sliabh nighin Shioin.

2 Oir mar eunlaith seacharanach, air am fògradh o'n nead, *mar sin* bithidh nigheana Mhoib aig àthaibh Arnoin.

3 Tabhair comhairle, cuir an gnìomh breitheanas; dean do sgàile mar an oidhche ann an àirde mheadhon-latha; folaich na dìobaraich; na brath am fògarach.

4 Gabhadh mo dhìobaraich tamh maille riut, O Mhoib; bi a'd' ionad-foluich dhoibh o'n mhilltear; oir thàinig crìoch air an fhear-sàruchaidh, sguir am fear-millidh; tha an luchd-saltairt air an caitheadh as an tìr.

5 Agus daingnichcar an rìgh-chaithir ann an tròcair, agus suidhidh se oirre ann am fìrinn, ann am pàilliu Dhaibhidh, a' tabhairt breth, agus a' rannsachadh na còrach, agus a' deifreachadh<sup>3</sup> ceartais.

6 Chuala sinn uabhar Mhoib; *tha e* ro uaibhreach; 'àrdan, agus 'uail, agus 'fhearg; *ach* cha 'n'èil a spionnadh<sup>4</sup> d'a réir.

7 Air an aobhar sin caoinidh Moab; air son Mhoib caoinidh gach aon; air son bunait Chir-hareseit ni sibh tuireadh; gu cinnteach *tha iad* air am bualadh.

8 Oir tha machraichean Hesboin air

fàilneachadh, *agus* fionain Shibmah; bhris maithean nan cinneach sìos a fion-chroinn ghasta; *ràinig* iad gu Iaser; sgaoil iad *air fèadh* an fhàsaich; shìn a geugan iad fèin a mach, chaidh iad thar an fhaire.

9 Air an aobhar sin guthidh mi le gul fàseir air son fionain Shibmah; uisgiehidh mi thu le m' dheuraibh, O Hesboin agus Elealeh; oir dh'fhalbh a' cho-ghàir air son do mheas-samhraidh, agus air son d'fhogharaidh.

10 Agus tha aoibhneas agus gairdeachas air an toirt air falbh o'n mhachair thorraich; agus anns na fion-liosaibh cha dean iad cèol, cha tog iad iolach; anns na h-amaraibh cha bhruth am fear-bruthaidh fion; thug mis' air an iolaich sgur.

11 Uime sin ni mo chom fuaim mar ehàrsaich, air son Mhoib; agus mo thaobh a stigh, air son Chir-hareis.

12 Agus tarlaidh, 'nuair a chithear gu'n do sgithich Moab e fèin 'air an ionad àrd, gu'n d'fhèid e steach d'a ionad naomh a dheanamh urnuigh, ach cha soirbhich leis.

13 So am focal a labhair an Tighearn mu thimchioll Mhoib o'n àm sin<sup>5</sup>.

14 Ach a nis labhair an Tighearn, ag ràdh, an ceann trì bliadhna, mar bhliadhnaibh fir-thuarasdail, nithear glòir Mhoib tàireil, le a mhòr shluagh uile; agus *bithidh* am fuigheall ro bheag *agus* an-fhann.

## CAIB. XVII.

**T**ROM eallach Dhamascuis. Feuch tha Damascus air 'atharraichadh o *bhi na* bhaile, agus bithidh e na thorr léir-sgrìos.

2 Tha bailtean Aroer air an tréigsinn; bithidh iad air son threud a luidheas sìos, agus cha *bhi neach* 'g am fuadachadh.

3 Agus dealaichidh an daingneach o Ephraim, agus an rioghachd o Dhamascuis; agus fuighcall Shiria, bithidh iad mar ghloir chloinne Israeil, deir Tighearn nan sluagh.

4 Agus tarlaidh, anns an là sin, gu'm bi glòir Iacob air a caitheadh as, agus fàsaidh saill 'fheòla caol.

5 Agus bithidh e amhuil an uair a ehruinnicheas *neach* fogharadh an arbhair, agus a bhuaineas a ghairdean na diasan; agus bithidh e amhuil a thionailas *neach* diasan ann an gleann Replaim.

6 Gidheadh fàgar ann fuigheall dhearcan, mar ann an crathadh a' chroinn-ola; dhà no trì dhcaranaibh air mullach a' mheangain a's àirde; ceithir no cùig air a gheugaibh iomallach torrach, deir an Tighearn Dia Israeil.

7 Air an là sin amhaircidh duine air a Chruith-fhear, agus scallaidh a shùilean air Ti naomh Israeil.

8 Agus cha n-amhaire e air na h-altair-



ibh, a rian a làmh a fèin, agus air an nì sin, a dhealbha a mheoir, cha seall e: araon na doireachan agus na dealbhan.

9 Anns an là sin bithidh a bhailtean daingnichte cosmhail ri meangan a dh'fhàg-adh, no ri gèig a dh'fhàg iad, roimh chloinn Israeil; agus bithidh léir-sgrìos ann.

10 A chionn gu'n do dhi-chuimhnich thu Dia do shlàinte, agus nach robh thu cuimhneach air carraig do neirt: air an aobhar sin suidhichidh tu craobhan taitneach, agus suidhichidh tu failleana còmh-each.

11 Anns an là bheir thu air do chraobhan fàs, agus anns an oidhche bheir thu air do shìol ciontinn; *ach bithidh am fogharadh na dhùn ann an là a' dhoilghis*<sup>1</sup> agus a' bhròin gun dòchas.

12 Is an-aobhinn do mhòr chuideachd nan fineacha lìonmhor, a ta deanamh fuaime mar fhuaim nan euntan; agus do bheucaich nan cìneach, a ta ri beucaich cosmhail ri toirm uisgeacha làidir.

13 Beucaidh na cinnich eosmhail ri toirm mhòrain uisgeacha, ach bheir Dia dhoibh achmhasan, agus teichidh iad fad air falbh; agus fuadaichear iad mar chanach an t-sleibh roimh'n ghaoith, agus mar chuairteig roimh an iom-ghaoith.

14 Agus feuch, ri h-am an fheasgair, uabhas; *agus mu'n d'thig a' mhaduinn, cha'n 'eil e ann.* So cuibhrionn na muinntir a ta 'gar creachadh, agus crannchur na dream a ta 'gar spuinneadh<sup>2</sup>.

C A I B. XVIII.

**I**S truagh do'n tìr, a ta folaichte le sgìath-aibh, a ta air taobh thall aibhnichean Etiopia:

2 A ta cur theachdairean air an fhairge, agus ann an eathraichibh cuilce air aghaidh nan uisgeachan, *ag ràdh*, Imichibh, a theachdaircan luatha, gu cìneach air a sgaoileadh a mach agus air a lomadh<sup>3</sup>; gu sluagh uabhasach o'n toiseach gu ruige so; gu cìneach air a thomhas a mach leis an t-sreing, agus air a shaltairt sìos, aig am bheil fhearann air a chreachadh leis na h-aibhnichidh.

3 Sibhse uile a luchd-àiteachaidh an t-saoghail, agus a ta gabhail còmhnuidh air an talamh, an uair a thogar bratach suas air na sleibhtibh, faicibh; agus an uair a shéidear trompaid, éisdibh.

4 Oir mar so thubhairt an Tighearn rium, Gabhaidh mi fois, agus bithidh mo shùil air m'àite-còmhnuidh; mar theas dealrach air an fheur, mar neul dealta ann an teas an fhogharaidh.

5 Oir roimh an fhogharadh, 'nuair a bhitheas am blàth iomlan, agus a bhitheas am fion-dhearc an-abuich a' tilgeadh a bhlàtha; gearraidh e dheth na meoir le

corranaibh-sgathaidh, agus na geuga bheir e air falbh, *agus gearraidh e sìos.*

6 Fàgar iad le chèile gu eunlaith nam beann, agus gu beathaichibh na talmhainn; agus cuiridh an t-eunlaith thairis an samh-radh orra, agus cuiridh gach nìle bheathach na talmhainn thairis an gearmhradh orra.

7 Anns an àm sin bheirear tabhartas gu Tighearn nan sluagh o chinneach air a sgaoileadh a mach agus air a lomadh; agus o shluagh uabhasach o'n toiseach gu ruige so; cinneach air a thomhas a mach leis an t-sreing, agus air a shaltairt sìos, aig am bheil am fearann air a chreachadh leis na h-aibhnichibh, gu ionad ainme Tighearna nan sluagh, gu sliabh Shioin.

C A I B. XIX.

**F**ROM callach na h-Eiphit. Feuch tha an Tighearn a' marcachd air neul luath, agus a' teachd do'n Eiphit; agus bithidh iòdhola na h-Eiphit air an gluasad na fhianuis; agus leaghaidh cridhe na h-Eiphit na meadhon.

2 Agus cuiridh mis' Eiphitich an aghaidh Eiphiteach; agus cogaidh iad gach fear an aghaidh a bhràthar, agus gach fear an aghaidh a choimhearsnaich; baile an aghaidh baile, *agus* rioghachd an aghaidh rioghachd.

3 Agus fannaichidh spiorad na h-Eiphit na meadhon; agus cuiridh nì ann an neo-brìgh a eomhairle; agus iarraidh iad a chum nan iòdholan, agus a chum nan druidhean, agus a chum na muinntir aig am bheil leannan-shith, agus a chum an luchd-fiosaidh.

4 Agus bheir mi thairis na h-Eiphitich do làimh thighearna ain-ìochdmhoir; agus riaghlaidh rìgh borb os an ceann, deir an Tighearn, Tighearn nan sluagh.

5 Agus fàilnichidh na h-uisgeachan o'n fhairge, agus théid an Abhainn an deòth-adh, agus tiormaichear suas i.

6 Agus tiondaidhidh iad na h-aibhnich-ean fad a leth-taobh, agus bithidh na sruthan dìonaidd air an deanamh folamh agus tìoran; scargaidh a' chuile agus an luach-air.

7 Na luibhean ùrar ri taobh nan sruth, aig beul nan sruth, agus gach nì a chuireadh an cois nan sruth, seargaidh, sguabar air falbh, agus cha bhi e ann nì's mo.

8 Agus nì na h-iasgairean b'òn, agus nì iadsan uile ta tilgeadh dubhain anns an abhainn caoidh; agus fannaichidh iadsan a ta sgaoileadh liontan air aghaidh nan uisgeacha.

9 Agus uirear gu h-ambluadh iadsan, a ta 'g oibreachadh an lìn ghrinn, agus iadsan, a ta figheadh lion-oibre.

10 Agus sgaoilear as a chèile innleachdan<sup>4</sup> gach uile neach, a nì claisean agus linneachan air son éisg.

<sup>1</sup> na seilbhe.    <sup>2</sup> sladadh.    <sup>3</sup> 'fhionnadh.

<sup>4</sup> liontan.

11 Gu cinnteach-is amadain ceannardan Shoaìn; thug combhairlichean glice Pharaoh combhairle mhi-chéillidh; cionnus a deir sibh ri Pharaoh, Is mise mac nan daoine glice, mac nan rìghrean, a bh'ann o chian?

12 C'ait am bheil iad? Cia iad do dhaoine glice? innseadh iad dhuit a nis, agus cuir-eadh iad an céill, ciod i combhairle Tighearna nan sluagh do thaobh na h-Eiphit.

13 Dh'fhàs ceannardan Shoaìn nan amadain, tha ceannardan Noph air am mealladh; agus thug iad air an Eiphit dol air seacharan, *cudhon* luchd-taice a treubhan.

14 Mheasg an Tighearn nam meadhon spiorad seacharain; agus thug iad air an Eiphit dol air seacharan na h-uile oibribh, cosnuil ri misgear a' tuisleachadh na sgeith.

15 Nì mò bhitheas obair air bith anns an Eiphit, aig a' cheann no aig an earball, aig a' ghéig no aig an luachair, r'a deanamh.

16 Anns an là sin bithidh an Eiphit cosmhail ri mnaibh; agus bithidh crith agus geilt oirre, roimh chrathadh làimhe Tighearna nan sluagh, a chrathas e os a ceann.

17 Agus bithidh tìr Iudah na cùis-eagail do'n Eiphit; gach neach a nì luadh oirre, gabhaidh e cagal ann fèin; air son combhairle Tighearna nan sluagh, a ghabh e na h-aghaidh.

18 Anns an là sin, bithidh cùig bailtean ann an tìr na h-Eiphit a' labhairt cainnt Chanaain, agus a' miannachadh do Thighearn nan sluagh; goircear do aon diubh Baile an gries.

19 Anns an là sin bithidh altair do'n Tighearn ann an meadhon tìre na h-Eiphit; agus carradh aig a' crìch do'n Tighearn.

20 Agus bithidh e mar chomharadh agus mar fhianuis do Thighearn nan sluagh ann an tìr na h-Eiphit, oir gladhaidh iad ris an Tighearn air son an luchd-saruchaidh, agus curidh e d'an ionnsuidh fear-saoruigh, eadhon fear treun, agus fuasglaidh se iad.

21 Agus bithidh an Tighearn aithnichte do'n Eiphit, agus aithnichidh na h-Eiphitich an Tighearn anns an là sin; agus bheir iad ìobairt agus tabhartas uatha; agus geallaidh iad gealladh<sup>1</sup> do'n Tighearn, agus coimhlionaidh siad e.

22 Agus buailidh an Tighearn an Eiphit, a' bualadh agus a' leigheas; agus pillidh iad dh'ionnsuidh an Tighearna, agus cisidh e san rì'n guidhe, agus leighisidh se iad.

23 Anns an là sin bithidh rathad mòr o'n Eiphit gu Asiria; agus thig an t-Asirianach do'n Eiphit, agus an t-Eiphiteach gu Asiria; agus nì an t-Eiphiteach adhradh maille ris an Asirianach.

24 Anns an là sin measar Israeil an

treas aon, maille ris an Eiphit agus ri Asiria, na bheannachadh ann am meadhon na tìre;

25 A bheannuicheas Tighearn nan sluagh, ag ràdh, Beannuichte gu robh an Eiphit, mo shluagh-sa; agus Asiria, obair mo làmh; agus Israel, m'òighreachd.

## CAIB. XX.

**A** NNS a' bhliadhna san d'fhàinig Tartan gu Asdod; an uair a chuir Sargon rìgh Asiria a mach e, agus chog e an aghaidh Asdoid, agus ghlac se e;

2 Anns an am sin labhair an Tighearn le Isaiah mac Amois, ag ràdh, Imich, agus fuasgail an t-eudach-saic o d' leasraibh, agus cuir dhìot do bhrògan bharr do chos; agus rinn e mar sin, ag imitheachd lomnochd agus cas-ruisgte<sup>2</sup>.

3 Agus thubhairt an Tighearn, Amhuil a dh'innich m'òglach Isaiah, lomnochd agus cas-ruisgte tri bliadhna, na chomharadh agus na iongantas air an Eiphit, agus air Etiopia;

4 Mar sin bheir rìgh Asiria air falbh braighdean na h-Eiphit, agus fògaraich Etiopia, òigridh agus seann daoine, lamhnochd agus cas-ruisgte, le an taobh-cùil air a leigeadh ris, a chum nàire na h-Eiphit.

5 Agus bithidh iad fuidh amhludh, agus gabhaidh iad nàire do Etiopia bu bhundochas doibh, agus do'n Eiphit, a b'aobhar uaill doibh.

6 Agus their fear-àiteachaidh na tìre so anns an là sin; Feuch is amhuil so ar bun-dòchais, gus<sup>3</sup> an do theich sinn air son cobhair, a chum gu'm bitheamaid air ar saoradh o rìgh Asiria; cionnus ma ta théid sin as?

## CAIB. XXI.

**T**ROM eallach fàsaich na fairge. Mar dhoiniounaibh anns an àirde deas, a' dol seachad; o'n fhàsach tha e teachd, o thir uabhasaich.

2 Dh'fhoillsicheadh scalladh eagalach dhomh; tha an cealgair a' caitheadh fèill, agus tha am fear-creachaidh a' creachadh, rach suas O Elaim; teannaich O Mhedia; chuir mise crìoch air a h-uile osnaich.

3 Uime sin, lìonadh mo leasraidh le cràdh; ghlac piantan mì, mar phiantaibh mnà ri saothair-chloinne. Bha mi air mo chomhlach sìos, an uair a chuala mi; dh'fhàs mi air chrith, 'nuair a chunnaic mi.

4 Chlisg mo chridhe; chuir uabhas fiamh orm; feasgar mo shòlais thionndaidh e gu h-uamhunn domh.

5 Deasaich am bòrd; suidhich an fhaire ith; òl; éiribh, a cheanna-feadhna, ungaibh an sgiath.

6 Oir mar so thubhairt an Tighearn rium, Imich, suidhich fear-faire; an nì a chì e, innseadh e.

7 Agus chunnaic e carbad le dà mhar

<sup>1</sup> moidichidh iad moid.

<sup>2</sup> cos-lom.

<sup>3</sup> dh'ionnsuidh.



each, carbad le asalaibh, agus carbad le camhalaibh; agus thug e fa'near gu dìchiollach le geur airc.

8 Agus ghlaodh e, Leòmhann<sup>1</sup>: Mo thighearn, ta mi a'm' sheasamh an còmhluaidh ann am ionad-faire, air feadh an là; agus tha mi a' fantuinn air mo fhreiceadan rè gach oidhche.

9 Agus feuch, an so tha carbad do dhaoineibh a' teachd, le dà mharcach. Agus fhreagair e agus thubhairt e, Tha Babilon air tuiteam, air tuiteam; agus tha uile dhealbhan snaighte a diathan air am briseadh gu lùr.

10 Och mo bhualadh, agus arbhar m'ùrlair! an ni a chuala mi o Thighearn nan sluagh, Dia Israeil, chuir mi an cèill duibhse.

11 Trom eallach Dhumah. Dh'éigh e rium o Sheir, Fhir na faire, ciod o'n oidhche? Fhir na faire, ciod o'n oidhche?

12 Thubhairt am fear-faire, Tha a' mhaduinn a' teachd, agus fòs an oidhche: ma dh'fhiosruicheas sibhse, fiosruichibh: pillibh, thigibh.

13 An fhàisneachd mu thimchioll Arabia. Anns an fhrithe, ann an Arabia, gabhaidh sibh tàmh, a chuidheachdasuibhail Dhedanim.

14 Thug luchd-àitcachaidd tìre Thema uisge dh'ionnsuidh an tartmhoir; le an aran thàinig iad an còdhail an fhògar-aidh.

15 Oir o na claidhibh theich iad, o'n chlaidhe raisgte<sup>2</sup>, agus o'n bhogha lùbta, agus o bhoile a' chogaidh.

16 Oir mar so thubhairt an Tighearn rium, Fathast bliadhna, mar bhliadhnabhair-thuara-dail, agus bithidh uile ghloir Chedair air caitheadh as.

17 Agus lughdaichcar fuigheall àireimh nam fear-bogha, fir thrèuna do mhacaibh Chedair; oir labhair an Tighearn Dia Israeil e.

# CAIB XXII.

**T**ROM eallach glinn an taisbeanaidh. Ciod a thàinig ort a nis<sup>3</sup>, gu'n deachaidh thu gu léir suas gu mullach nan tigh-eann?

2 Thus' a bha làn farum<sup>4</sup>, a'd' chathair fhuaimnich, a'd' chathair aoibhin: do dhaoine a th'air am marbhabh, cha do mharbhadh leis a' chlaidheamh iad; ni mò is anns a' chathair a dh'eug iad.

3 Tha do chinn-fheadhna uile air sìubhal le chéile, cheangladh iad leis na fir-bhogha; na h-uile a fhuaradh annad, cheangladh iad le chéile, theich iad fad air falbh.

4 Air an aobhar sin thubhairt mi, Tionndaidh air falbh uam; guilidh mi gu goirt; na feuchaibh ri comhfhurtachd a thoirt

domh, air son léir-chreach nighline mo shluaigh.

5 Oir is là cruaidh iomairt e, agus saltairt sìos, agus buairidh, o Iehobhabh Tighearn nan sluagh, ann an gleann an taisbeanaidh, a' briseadh sìos bhallachan, agus a' glaothach ris na beantaibh.

6 Agus tha Elam a' giùlan a' bhuilg-shaighhead, le carbad do dhaoineibh agus le marc-shluagh; agus tha Cir a' rùsgadh na sgéithe.

7 Agus tarlaidh gu'm bi rogha do ghleann air an lìonadh le carbadaibh, agus cuiridh na marcaich iad fèin an ordugh fa chomhair a' gheataidh.

8 Agus thugadh air falbh còmhhdach Iudah; agus sheall thu san là sin ri airm<sup>5</sup> tìghe na frithe.

9 Agus chunnaic sibh bearnan baile Dhaibhidh, gu bheil iad lìonmhor; agus chruinnich sibh uisgacha na linne ìochdaraich.

10 Agus dh'àirimh sibh tighean Ierusalem, agus bhris sibh sìos na tighean a neartachadh a' bhalla.

11 Agus rinn sibh clais eadar an dà bhalla, air son uisge na seann linne; ach cha d'amhairc sibh air an a rinn e; agus esan a d'heallbh o shean e, cha d'thug sibh fainear.

12 Agus anns an là sin ghairm Iehobhabh Tighearn nan sluagh gu gul, agus gu caoidh, agus gu maile, agus gu crioslachadh le eudach saic:

13 Ach feuch, aoibhneas agus aighear, marbhadh dhamh agus casgairt chaorach, itheadh fòla agus òl fiona; itheamaid agus òlamaid, oir am màireach gheibh sinn bàs.

14 Agus dh'fhoillsicheadh le Tighearn nan sluagh ann mo chluasaibh, Gu deimhin cha ghlanar an aingidheachd so air falbh uaibh, gu am faigh sibh bàs, deir Iehobhabh Tighearn nan sluagh.

15 Mar so deir Iehobhabh Tighearn nan sluagh, Imich rach a dh'ionnsuidh an stinbhaird<sup>6</sup> so, dh'ionnsuidh Shebna, a ta os ceann an tìghe, agus abair ris,

16 Ciod a th'agad an so? agus cò a th'agad an so, gu'n do chladhaidh thu mach uaigh an so air do shon fèin? mar neach a ta cladhachadh mach naighe dha fèin gu h-àrd, a ta gearradh àite-còmhluaidh dha fèin ann an carraig.

17 Feuch tilgidh an Tighearn a mach thu, gad thilgeadh a mach gu làidir; agus ni e gu cinnteach do chòmhhdachadh.

18 Gu cinnteach cuiridh e car dhìot mu'n cuairt, agus bheir e urchair air falbh dhuit mar spitheig gu tìr fharsuing; ann an sin gheibh thu bàs, agus ann an sin bithidh do charbada sgiamhach nan nàire do thigh do thighearna.

<sup>1</sup> mar gu'm biodh Leòmhann.

<sup>2</sup> tharuingte.

<sup>3</sup> Ciod a dh'fhaireich thu nis.

<sup>4</sup> iomairt.

<sup>5</sup> tigh-airm, arm-lann.

<sup>6</sup> an

<sup>7</sup> fhir-riaghluidh.

19 Agus iomainidh mi as d'ait thu, agus o d'ìmhle tilgidh mi sìos thu.

20 Agus tarlaidh anns an là sin, gu'n gairm mise m'òglach Eliacim mac Hiliach,

21 Agus sgeadaichidh mie le d'fhalluing-sa, agus le do chrìos neartuichidh mi e; agus d'uachdaranachd bheir mi thairis ann a làimh; agus bithidh e na athair do luchd-àiteachaidh Ierusalem, agus do thigh Iudah.

22 Agus iuchair tìge Dhaibhidh cuiridh mi air a ghualainn; agus fosglaidh e, agus cha druid aon neach; agus druididh e, agus cha'n fhosgail aon neach.

23 Agus daingnichidh mi e mar thar-aing ann an àite cinnteach; agus bithidh e mar chaithir ghlòrnnhoir air son tìge 'athar.

24 Agus crochaidh iad aisans uile ghlòir tìge 'athar, an sìochd agus an gineal, gach soitheach beag, o na h-uile ghnè chuach, gus na h-uile ghnè aghann.

25 Anns an là sin, deir Tighearn nan sluagh, bithidh an tarang, a bha air a suidh-eachadh ann an àit daingean, air a h-athar-rachadh; agus gearrarr sìos i, agus tuitidh si; agus gearrarr an eallach, a bha oirre, air falbh; oir labhair an Tighearn e.

## CAIB. XXIII.

**T**ROM eallach Thiruis. Deanaibh caoineadh a longa Tharsuis; oir sgriosadh i gu tur, ionnus nach 'eil tigh no fardoch<sup>1</sup>; o thalamh Chittim dh'fhoillsich-eadh dhoibh e.

2 Bithibh tosdach, a luchd-àiteachaidh an eilein: lìonadh thu le ceannuichibh Shidoin, a ta siubhal thar cuan.

3 Agus siol Shichoir o uisgeachaibh mòra, fàs na h-Aibhne, b'e sin a teachd-a-stigh; agus bha i na margadh do na cinn-eachaibh.

4 Biodh nàir ort, O Shidoin, oir labhair an fhaire, eadhon neart na faire, ag ràdh, cha robh mi ri saothair, agus cha d'rug mi clann; cha d'araich mi òganaich, ni mò thog mi suas òighean.

5 Mar a bha<sup>1</sup> nuair a chualas sgeul mu'n Eiphit, mar sin bithidh iad fo àmhghar ri cluinninn sgèil mu Thirus.

6 Rachaibh null gu Tarsus; deanaibh caoineadh, a luchd-àiteachaidh nan eilean.

7 An i so bbur cathair aoibhin<sup>2</sup>, aig am bheil a h-aois o aimsir chéin<sup>3</sup> Giùlainidh a casan fèin i fad as gu fantuinn air chuairt.

8 Cò a ghabh a' chomhairle so an aghaidh Thiruis, a thug seachad corona rìoghail, aig am bheil a ceannaichcan nam prionnsaibh<sup>4</sup>; agus a luchd-malairt nan daoinibh urramach na tìre?

9 Is e Tighearn nan sluagh a dh'orduich

e, a chur smala air uabhar gach uile ghlòire, agus a thabhairt uile uaislean na tìre fuidh dhimeas.

10 Ruith thairis air d'fhearann, mar abhainn, O nighean Tharsuis; cha 'n'eil neart<sup>4</sup> ann ni's mò.

11 Shìn e a làmh thar an fhaire, chrath e na rìoghachdan; thug an Tighearn àithne an aghaidh na cathrach, a ta na ceannuiche, chum a daingnichean làidir a sgrios.

12 Agus thubhairt e, Cha dean thu caithream ni's mò, O òigh shàruichte, a nighean Shidoin; éirich, rach thairis gu Ciùim; an sin fòs cha'n fhaigh thu suaimhneas.

13 Feuch tìr nan Caldéach; cha robh an sluagh so ann, gus an do shuidhich an t-Asirianach i air son luchd-àiteachaidh an fhàsaich; thog iad a baidealan<sup>5</sup>, chuir iad suas a lùchairtean; agus rinn e a sgrios.

14 Guilibh gu h-àrd, a longa Tharsuis; oir sgriosadh<sup>6</sup> bhur neart.

15 Agus tarlaidh anns an là sin, gu'n leigear air dearmad Tirus deich agus trì fichead bliadhna, do réir laithean aon rìgh; an ceann deich agus trì fichead bliadhna, seinnidh Tirus mar strìopaich.

16 Glac do chlarsach, cuairtich am baile, a strìopach, a bha air do dhearmaid; dean ceòl gu binn; seinn iomadh òran; a chum gu'n cuimhnichear a ris thu.

17 Agus an ceann deich agus trì fichead bliadhna, thig an Tighearn a dh'amharc Thiruis; agus pillidh si a chum a cosnaidh; agus ni i strìopachas le uile rìoghachdaibh an domhainn, a ta air aghaidh na tal-mhaìnn.

18 Agus bithidh a malairt agus a buannachd naomha do'n Tighearn; cha taisgear suas e, agus cha ghleidhear gu tearuint e; oir bithidh a malairt air son na muinntir, a ta chòmhnuidh am fianuis an Tighearna, air son lòn a shàstuicheas, agus air son eudaich a mhaireas.

## CAIB. XXIV.

**F**EUCH tha an Tighearn a' deanamh an fhearainn falamh, agus 'ga chur fàs; tha e 'ga thionndadh bun os ceann, agus a sgapadh a luchd-àiteachaidh.

2 Agus tarlaidh, mar a bhios an sluagh, mar sin bithidh an sagart; mar a bhios an t-òglach, mar sin bithidh a mhaighstir; mar a bhios a' bhan-oglach, mar sin bithidh a ban-mhaighstir; mar a bhios an ceannuiche, mar sin bithidh am fear reic; mar a bhios esan a bheir iasachd, mar sin bithidh esan a ghabhas iasachd; mar a bhios am fear a ghabhas riadh, mar sin bithidh am fear a bheir riadh uait<sup>7</sup>.

3 Nithear an tìr gu tur falamh, agus

<sup>1</sup> arcan a stigh agus a muigh. <sup>2</sup> aighearach, shuamtach. <sup>3</sup> triathuibh, flathuibh. <sup>4</sup> crìos. Eabh. <sup>5</sup> turan. <sup>6</sup> dhàithicheadh. <sup>7</sup> mar a

thachaireas do'n t-sluagh, mar sin tachairidh do'n t-sagart, &c.



creachar i gu buileach<sup>1</sup>; oir labhair<sup>2</sup> an Tighearn am briathar so.

4 Tha an tìr ri caoidh agus a' seargadh; tha an saoghal air lagachadh agus a' seargadh; tha uailscan<sup>3</sup> na tìre air lagachadh.

5 Tha an tìr cadhon air a truailleadh fuidh a luchd-àiteachaidh; oir bhris iad an reachd, dh'atharraich iad an t-ordugh; sgaol iad an co-cheangal sìorruidh.

6 Air an aobhar sin dh'ith mallachd suas an tìr, agus tha a luchd-àiteachaidh air am fàsachadh<sup>4</sup>; uime sin tha luchd-àiteachaidh na tìre air an losgadh suas, agus is teare an dream a dh'fhàgadh.

7 Tha am fion nuadh ri caoidh, tha an fhìonan lag, tha luchd-a' chridhe aoibhin uile ag osnaich.

8 Sguir fuaim aighircach nan tiompan; theirig luadh-ghair na muinntir, a bha ri gairdeachas; sguir aighir na clàrsaich.

9 Cha'n òl iad fion le ceòl; bithidh deoch làidir searbh dhoibhsan, a dh'òlas i.

10 Tha cathair na mì-riaghailt<sup>5</sup> air a briseadh sìos; tha gach tigh air a dhruid-eadh suas, air chor as nach feud aon neach dol a steach.

11 Tha gaoir anns gach sràid air son fiona; dhorchaicheadh gach aighir; shiubhail gairdeachas an fhearainn air falbh.

12 Dh'fhàgadh leir-cheach anns a' bhaile, agus le buaireas bhuiseadh sìos an geata.

13 An uair a bhitheas mar so ann am meadhan na tìre, am measg an t-sluaigh, bithidh amhuil crathadh a' chroinn-ola, agus mar an dioghlun an uair a chrìochnaichear am fion-fhogharadh.

14 Togaidh iadsan an guth, cliùthaichidh iad gu h-àrd mòrachd an Tighearna; ni iad iolach o'n fhaireg.

15 Uime sin anns an teine<sup>6</sup> glòraichibh an Tighearn; eadhon ainm an Tighearna Dia Israeil, ann an eileanaibh a' chuain.

16 O iomall na talmhainn chuala sinn òrain, eadhon glòir do'n fhìrean; ach thubhairt mise, mo chaoile, mo chaoile; mo thruaighe mi, tha na mealltairean a' mealladh, seadh le foill tha na mealltairean a' mealladh.

17 Tha an t-uabhas, agus an slochd, agus an ribe ort, O fhir-àiteachaidh na tìre.

18 Agus tarlaidh, esan a theichas o ghuth an uabhais, gu'n tuit e san t-slochd; agus esan a thig a nìos o mheadhon an t-sluichd, gu'n glacar anns an ribe e; oir tha na tuil-dhorsan o'n àird air am fòsgadh; agus tha bunaite na talmhainn air an luasgadh.

19 Tha an tìr gu tur air a briseadh sìos; tha an tìr air a sgaoleadh gu buileach as a chéile; tha'n tìr air a luasgadh gu garbh.

20 Bithidh an tìr a' gluasad<sup>7</sup> thuig agus uaith mar nhisgear; agus atharraichear i mar bhothan-tàmh; oir luidhidh a h-aingidheachd gu trom oirre; agus tuitidh si, agus cha'n èirich i ni's mò.

21 Agus tarlaidh, anns an là sin, gu'n smachdaich an Tighearn na daoine<sup>8</sup> àrda a ta shuas, agus rìghrean na talmhainn air an talamh.

22 Agus cruinnichear iad le chéile, mar a chruinnichear prìosunaich<sup>9</sup> ann an slochd; agus druidear suas iad mar ann am prìosun<sup>9</sup>; agus an dèigh nìdrain do lathaibh fiosruichear iad.

23 An sin bithidh a' ghealach air a maslachadh, agus a' ghrian air a nàrachadh; oir rìghaichidh Tighearn nan sluagh air beinn Shìoin, agus ann an Ierusalem; agus ann am fianuis a sheanoirean bithidh a ghloir.

# CAIB. XXV.

**THIGHEARN**, is tu mo Dhia; àrdaichidh mi thu, molaidh mi d'ainm; oir rinn thu nithe iongantach; is tairisneachd agus firinn do chomhairlean o shean.

2 Oir rinn thu a' chathair na torr, am baile daingnichte na chorn sgrios; chuir thu àros nan coigreach o bhi na bhaile; gu bràth cha togar e.

3 Air an aobhar sin bheir an sluagh borb dhuit glòir; gabhaidh cathair nan cinneach uabhasach cagal romhad.

4 Oir bha ihu a'd' ncart do'n bhochd, a'd' ncart do'n fheumannach na airc; a'd' dhìdean o'n doiminn, a'd' sgàile o'n teas; an nair a bha gaoth nan uabhasach mar dhoinn a' séideadh ris a' bhalladh.

5 Mar an teas ann am fearann seargta, bheir thusa nuas farum nan uaibhreach; mar an teas le sgàil neoil, islichear geug nan uabhasach.

6 Agus anns a' bheinn so nì an Tighearn do na h-uile chinneachaibh cuiridh do nithe blasta, euirm do fhion aosda, do nithibh blasta làn do smior, do fhion aosda air a dheadh tharruing.

7 Agus sgriosaidh e air a' bheinn so an còmhach a chòmhaich aghaidh nan uile shluagh, agus an sgàile bha air a sgaoleadh thar na h-uile ehinnich.

8 Sluigidh e suas am bàs le buaidh, agus siabaidh an Tighearn Iehobhah an deir o gach aghaidh, agus masladh a shluaigh bheir e air falbh o'n talamh uile; oir labhair an Tighearn e.

9 Agus ann an là sin theirear, Feuch, is e so ar Dia-ne; dh'fheith sinn ris, agus thearuinn e sinn; is e so an Tighearn, dh'fheith sinn ris, ni sin gairdeachas agus uail na shlàinte.

10 Oir gabhaidh lànna an Tighearna

<sup>1</sup> baileach. <sup>2</sup> bhrithraich. <sup>3</sup> uailse dhaoine. <sup>4</sup> oir tha a luchd-àiteachaidh ciontach. <sup>5</sup> a'

chathair fhaondrach. <sup>6</sup> ionadaibh grianach, gleamtaibh. <sup>7</sup> airudal. <sup>8</sup> ciomach. <sup>9</sup> guintir.

fois air an t-sliabh so; agus bithidh Moab air a shaltairt fuidhe, mar a shaltairear connlach air an òdrach.

11 Agus sìnidh e mach a làmh an nà mheadhon, mar a shìneas am fear a shnàmh a mach a làmh an gu snàmi; agus bheir e nuas uabhar, maille ri creich a làmh.

12 Agus daingneach àrd do bhallachan leagaidh e sìos, islichidh e, bheir e eum an làir, *eadhon* chum an d'uslaich.

## CAIB. XXVI.

**A**NNS an là sin seinnear an dàn so ann an tìr Iudah; ta againn cathair làidir; slàinte eiridh e suas mar bhallachan agus mar dhaingneach.

2 Fosglaidh-se na geatachan, a chum gu'n d'fhéid an cinneach fìrinneach a steach, a choimhideas an fhìrin.

3 Gleidhidh tu esan ann an sìth iomlain, *aig an bheil* innntinn suidhichte ort, a chionn gu'n do chuir e a dhòchas annad.

4 Cuiribh-se bhuir dhòchas anns an Tighearn do ghnàth, oir anns an Tighearn Iehobhah tha neart sìorruidh.

5 Oir dh'islich e iadsan a bha chòmh-nuidh gu h-àrd; a' chathair àrd, thug e nuas i; thug e nuas i eum an làir; thug e i *eadhon* eum an d'uslaich.

6 Saltraidh a' chas oirre, casan an fheumannaich, ceuma nam bochdan.

7 Tha slighe an fhàirein ro dhìreach; nì thusa ceum an fhàirein fìor-chòmh-nard.

8 Seadh ann an slighe do breitheanais dh'fheith sinn ort; tha miann ar n-anama air d'ainm, agus air do ehuimhne.

9 La m'anam mhiannaich mi thu san oidhe; seadh le mo spiorad an taobh a stigh dh'iarra<sup>1</sup> mi thu sa' mhaduinn; oir an uair a bhuir do bhreitheanais air an talamh, foghlumaidh luchd-àiteachaidh an t-saoghail fireantachd.

10 Nochdar tròcair do'n aingidh, *gidheadh* cha'n fhoghlum e fireantachd; ann an tìr an ionracais buinidh e gu fealltach; agus cha toir e fainear mòralachd an Tighearna.

11 A Thighearn, tha do làmh togtas suas, *gidheadh* cha'n fhaic iad; *ach* chi iad, agus bithidh iad fuidh amhladh air son eud an t-sluaigh<sup>2</sup>; seadh loisgidh teine do namhdean suas iad.

12 A Thighearn, orduiehidh tu sìth dhuinne; oir eadhon ar n-uile bhearta cumhachdach dh'oibrich thusa annainn<sup>3</sup>.

13 O Thighearn ar Dia, bha ceannas oirnn aig tighearnaibh eile bharrachd ortsa<sup>4</sup>; *ach* annadsa a mhàin nì sinn luadh air d'ainm.

14 Tha iad marbh, cha tig iad beo; dh'cug iad, cha'n eirich iad; uime sin dh'fhiosraich agus mhill thu iad, agus sgrios thu as an cuimhne gu tur.

15 Mheudaich thu an cinneach, O Thighearn; mheudaich thu an cinneach, tha thu air do ghlorachadh; sgaoil thu e a mach *eadhon* gu uile iomallaibh na talmhainn.

16 A Thighearn, ann an àmhghar dh'iarra iad thu; dh'oirt iad a mach an achinge an uair a bha do smachdachadh orra.

17 Mar a bhitheas bean thorrach, an uair a bhios am a h-aisead am fagus, ann an teanntachd, ag éigheach gu h-àrd na saothair; mar so bha sinn ann ad fhianuis, O Thighearn.

18 Dh'fhàs sinn torrach, bha sinn ann an teanntachd, rug sinn mar gu'm b'e gaoth; cha d'oibrich sinn slàinte anns an talamh, nì mò tha luchd-àiteachaidh an t-saoghail air tuiteam.

19 Thig do mhairbh beo; *maille ri*<sup>5</sup> mo chorp marbh-sa éirigh iad. Dùisgibh agus seinnibh, sibhse tha chòmh-nuidh anns an d'uslach; oir tha do dhrùchd mar dhrùchd lùbhean; agus tilgidh an talamh a mach na mairbh.

20 Thig, O mo shluagh, imich a steach do d'sheòmarachibh, agus druid do dhorsan mu'n euaire duit; foluich thu fèin car tamuill bhig, car tiota, gus an gabh a' chorruich thairis<sup>6</sup>.

21 Oir feuch tha an Tighearn a' teachd a mach as 'àit, a smachdachadh luchd-àiteachaidh na talmhainn air son an aingidheachd; agus leigidh an talamh ris an fhuil a ta air, agus cha chòmh-nuidh e nì's mò a mhairbh.

## CAIB. XXVII.

**A**NNS an là sin smachdaichidh an Tighearn, le a chlaideamh cruaidh agus mòr agus làidir, Lebhiatan an nathair dhìreach, agus Lebhiatan an nathair lùbach; agus marbhaidh e an dràgon a ta san fhaireg.

2 Anns an là sin, canaibhse do fhionlios an fhiona dheirg:

3 Tha mise, an Tighearn, 'ga choimhead, uisgicheam e gach tiota; chum 's nach dochainn *aon neach* e, coimhdidh mi e a là agus a dh'oidheche.

4 Annamsa cha 'n'eil dian chorruich. Cò a chuireadh an droighionn agus an dreas a'm' aghaidh anns a' chath? rachainn trompa, loisginn iad le chéile.

5 No deanadh e greim air mo neart; deanadh e sìth rium; sìth nì e rium.

6 Bheir e orrasan a thig o Iacob freumhachadh; brisidh Israel a mach, agus thig e fuidh bhàth; agus lionaidh e aghaidh an t-saoghail le toradh.

7 An do bhuail se e do réir buaidh an ti, a bhuail esan? An bheil e air a mharbhadh do réir air na muinntir a mharbhadh leis?

<sup>1</sup> iarraidh. <sup>2</sup> d'eud air son do shluaigh. <sup>3</sup> dhuinn. <sup>4</sup> an leth a muigh dh'ortsa.

<sup>5</sup> amhuil mar. <sup>6</sup> d'fhéid a' chorraich seachad



8 Ann an tomhas ceart, an uair a bhriseas e mach, ni thu tagradh ris. Choisg e a ghaoth gharbh ann an là na gaoithe 'n ear.

9 Uime sin, le so glanar aingidheachd Tàcoib air falbh; agus is e so an toradh uile a thalhairt air falbh a pheacaidh; 'nuair a ni e uile chlachan na h-aithe mar chlachan aoile, a ta air am pronnadh as a chèile, cha seas na doireachan no na dealbhan suas *ni's mò*.

10 Ach bithidh a' chathair dhaingnichte fàs, agus an t-àite-còmhnuidh air a tbréig-sinn, agus air 'fhàgail mar fhàsach; an sin ionaltraidh an laogh, agus an sin luidhidh e sìos, agus ithidh e a geugan<sup>1</sup>.

11 'Nuair a sheargas a meangana, brisear iad; thig mnathan agus cuiridh iad ri theine iad; oir is sluagh gu'n tuigse iad; uime sin cha ghabh an ti a rinn iad truas diubh; agus cha nochd esan a dhealbh iad caomhneas dhoibh.

12 Agus tarlaidh, anns an là sin, gu'n dean an Tighearn bualadh o chlais na h-Aibhne gu sruth na h-Eiphit; agus tionaillear sibhse suas, aon agus aon, O chlànn Israeil.

13 Agus tarlaidh, anns an là sin, gu'n séidear a' ghall-tromp mhòir: agus thig iadsan a bha bàsachadh ann an ùir Asiria, agus iadsan a bha air an sgapadh ann an ùir na h-Eiphit; agus sleuchdaidh iad sìos do'n Tighearn, anns an t-sliabh naomha, ann an Ierusalem.

CAIB. XXVIII.

**I**S an-aoibhin do chrùn uaibbreach mhise gearan Ephraim, agus do bhlàth seargach am maise glòrmhoir; dhoibhsan a ta air ceann a' ghlinn bheartaich, a ta air an leagadh sìos le fion.

2 Feuch, tha aig an Tighearn fear cumbachdach agus làidir, mar stoirin mheallain, mar dhoiuinn mhilltich, mar thuil uisgeacha mòra a' taomadh thairis, a thilgas sìos chum an lair le a làimh.

3 Bithidh corona uaibbreach mhise gearan Ephraim air an saltairt fo' chosaibh.

4 Agus bithidh blàth seargach am maise glòrmhoir, a ta air ceann a' ghlinn bheartaich, mar am meas luath roimh an t-samliradh, a chì an ncah a dh'amhairceas air, agus cha luaithe bhitheas e na làimh na dh'itheas e suas e.

5 Anns an là sin bithidh Tighearn na sluagh na chrùn glòire, agus na choron maiseach do iarmad a shluagh;

6 Agus na spiorad breitheanais dhasan a shuidheas ann am breitheanas; agus na neart dhoibhsan a philleas air ais an cath chum a' gheataidh.

7 Ach chaidh iadsan fòs a thaobh le fion, agus le dibh làidir chaidh iad air seacharan; chaidh an sagart agus am fàidh a thaobh le dibh làidir, shluigeadh

suas iad le fion, chaidh iad air seacharan le dibh làidir; chaidh iad am mearachd ann an sealladh, thuislich iad ann am breitheanas.

8 Oir tha am buird uile làn do sgeith, agus do shalachar, air chor as nach 'eil àit sam bith saor.

9 Cò d'an teagaisg e eòlas, agus cò d'an ionnsuich e foghlum? dhoibhsan a chuireadh o'n chich, agus a sgaradh o'n bhròlach<sup>2</sup>.

10 Oir tha àithne air àithne, àithne air àithne; rann air roinn, rann air roinn; beagan au so, beagan an sud.

11 Oir le beul manntach, agus le teangaidh choimhich, labhraidh e ris an t-sluagh so.

12 Ris an dubhairt e, So au fhois, leis an tabhair sibh fois dha-san, a ta sgìth, agus so an suaimhneas; gidheadh cha'n eisdeadh iadsan.

13 Ach bithidh focal an Tighearna dhoibhsan na àithn' air àithne, àithn' air àithne; rann air roinn, rann air roinn; beagan an so, beagan an sud; a chum gu'n rachadh iad, agus gu'n tuiteadh iad air an ais, agus gu'm biodh iad air am briseadh, agus air an ribeadh, agus air an glacadh.

14 Uime sin cluinnibh focal an Tighearna, a luchd-fanoid, a luchd-riaghlaidh an t-sluaigh so, a ta ann an Ierusalem.

15 A chionn gu'n dubhairt sibh, Dhaingnich sinn coimh-cheangal ris a' bhàs, agus ris an uaigh rinn sinn cordadh; an uair a shiùbhlas a' phlàigh thairis mar thuil, cha ruig i sinne; oir ghabh sinn a' bhreug mar ar dèidean, agus fuidh cheilg dh'fhòlaich sinn sinn féin.

16 Air an aobhar sin mar so deir an Tighearn Iehobhah, Feuch suidhichidh mise mar stéidh ann an Sion clach, clach dhearbhta, clach-chinn na h-oisinn; sàr bhunait; esan a chreideas, cha chuirear gu h-amhladh e<sup>3</sup>.

17 Agus tomhaisidh mise mach breitheanas leis an riaghailt, agus ceartas leis an t-sreing-thomhais; agus sguabaidh a' chlach-mbeallain air falbh an dèidein-bhréige, agus còmhduichidh na h-uisgeachan an t-ait-fòlaich.

18 Agus brisear 'ur coimh-cheangal ris a' bhàs, agus cha seas 'ur cordadh ris an uaigh; 'nuair a shiùbhlas a' phlàigh thairis mar thuil, an sin bithidh sibhse air bhur saltairt sìos leatha.

19 O'n àm an siubbail i trid, ni i greim cirbh; oir maduinn an dèigh maidne shiubhlaidh si trid, a latha agus a dh'oidhe; agus dùisgidh eadhon an t'iomradh a mhàin uamhunn.

20 Oir tha an leaba tuille's goirid gu neach e féin a shìneadh oirre; agus tha am

<sup>1</sup> buinneaga.

<sup>2</sup> uchd.

<sup>3</sup> cha bhi e na

chabhaig, na bhrèislich.

brat tuille 's ai-leathan gu neach e fèin a phasgadh ann.

21 Oir éiridh an Tighearn suas, mar ann an sliabh Pherasim, bithidh corruich air mar ann an gleann Ghibeoin; a chum as gu'n coimhlion e 'obair fèin, 'obair neo-ghnathach; agus gu'n dean e a ghnìomh fèin, a ghnìomh coimheach.

22 Agus a nis, na bithibh ri fanoid, air eagal gu'n deanar bhur cuibhrichean làidir<sup>1</sup>; oir chuala mi o Iehobhah Tighearn nan sluagh sgrios<sup>2</sup>, eadhon air a shònruachadh air an tìr uile.

23 Thugaibh<sup>3</sup> an aire, agus cluinnibh mo ghuth; éisdibh, agus cluinnibh mo bhriathra.

24 Am bheil an treabhaiche ri h-ar, rè an là, chum cur a dheanamh? Am bheil e a' fosgladh agus a' briseadh fòidean 'fhearainn?

25 An uair a nì e 'aghaidh còmhnaidh, nach sgaoil e an sin a' mheanbh-pheasair, agus nach sgap e an cumin; agus nach cuir e an cruithneachd anns an àit a's fearr, agus an t-eorna anns an ionad shuidhichte, agus an seagal na chrìch fèin?

26 Oir bithidh a Dhia ag ionnsuchadh eòlais dha, agus 'ga theagasg.

27 Oir cha 'n eil a' mheanbh-pheasair air a bualadh le inneal-bualaidh; nì mò bheirear air roth feuna tionndadh air a' chumin; ach tha a' mheanbh-pheasair air a bualadh le slait<sup>3</sup>, agus an cumin le luig<sup>4</sup>.

28 Ach tha siol air son arain air a bhruthadh: Do blùrigh nach bi e 'ga shìr-bhualadh, no 'ga bhriseadh le roth 'fheuna, no 'ga phronnadh le 'eachaibh<sup>5</sup>.

29 Tha so fòs a' teachd o Thighearn nan sluagh; tha esan iongantach ann an comhairle, oirdheir ann an gnìomh.

## CAIB. XXIX.

**M**O thrèaighe Ariel, Ariel, am baile anns an do chòmhnuich Daibhidh; cuiribh bliadhna ri bliadhna, marbhadh iad iobairtean<sup>6</sup>.

2 Gidheadh teannaichidh mise Ariel, agus bithidh caoidh agus bròn ann; agus bithidh e dhomhsa mar Ariel<sup>7</sup>.

3 Agus campaichidh mi a'd' aghaidh mu'n euairt; agus teannaichidh mi thu le torr; agus togaidh mi daingnichean a'd' aghaidh.

4 Agus bheirear sìos thu, agus labhraidh tu as an talamh, agus bithidh do chainnt iosal as an duslach; agus thig do ghuth a mach as an talamh, mar fhiosaiche, agus nì do chainnt borbhanaich as an duslach.

5 Agus mar an dus min bithidh mòr bhuidheann do choigreach, agus bithidh

mòr bhuidheann nan uabhasach<sup>8</sup>, mar am moll luaineach; agus tarlaidh e ann an tiota gu h-obann.

6 Smachdaichear thu le Tighearn nan sluagh, le tairneanaich, agus le crith-thaluhainu, agus le treun ghuth, le stoirm agus doinnn agus lasair theine chaithtich.

7 Agus amhuil bruidar, aisling na h-oidhche, bithidh mòr shluagh nan uile chinneach, eadhon na h-uile a ta cogadh rithe fèin agus ri a daingneach, agus a ta 'ga teannachadh.

8 Agus amhuil duine ocrach a chi aisling, agus feuch ta e 'g itheadh, ach air dùsgadh dha, tha 'anam ciocrach; agus amhuil duine tartmhòr a chi aisling, agus feuch tha e 'g òl, ach air dùsgadh dha, feuch tha e fann agus 'anam a' miannachadh; mar sin tarlaidh do mhòr chuideachd nan uile chinneach, a ta a' cogadh an aghaidh sléibh Shìoin.

9 Stadaibh, agus gabhaibh iongantas; seallaibh mu'n cuairt le h-iognadh, agus amhaircibh; tha iad air mhisg, ach cha'n ann le fion; tha iad a' call nan cas, ach cha'n ann le dibh làidir.

10 Oir dhoirt an Tighearn oirbh spiorad suaine; agus dhruid e suas 'ur sùilean; air na fàidhean agus 'ur luchd-riaghlaidh, agus air an luchd-seallaidh chuir e comhdach<sup>9</sup>.

11 Agus tha an taisbean uile dhuibhse, mar bhriathra leabhair air a ghlasadh suas<sup>10</sup>, a bheir iad do neach aig am bheil fòghlum, ag ràdh, Leugh so, guidheamaid ort; agus their esan, Cha'n urradh mi, oir tha e glaiسته suas<sup>11</sup>.

12 Agus bheirear an leabhar do neach aig nach 'eil fòghlum, ag ràdh, Leugh so, guidheam ort; agus their esan, Cha 'n eil fòghlum agam.

13 Uime sin thubhairt an Tighearn, Do bhrìgh gu bheil an sluagh so a' teachd dù dhomhsa le'm beul, agus a' toirt onoir dhomh le'm bìlibh, ach nan cridhe gu'n do theich iad fada uam; agus gu'm bheil an eagal romhamsa air a theagasg le àithntibh dhaoine;

14 Air an aobhar sin, feuch, théid mis<sup>12</sup> air m'aghaidh a dheanamh iongantais am measg an t-sluaigh so, iongantas agus iongantas; ionnas gu'n d'théid gliocas an daoine glice am mugha, agus tuigse an daoine tuigseach as an t-sealladh.

15 Is truagh dhoibhsan a ta 'g iarraidh an comhairle fholachadh gu domhainn o'n Tighearn; aig am bheil an gnìomhara anns an dorchas, agus a ta 'g ràdh, Cò a ta 'gar faicinn? Cò aig am bheil fios oirnn?

16 Gu cinnteach measar bhur ais-

<sup>1</sup> gu'n teannuichear bhur ceanglaichean. <sup>2</sup> cròch iomlan. <sup>3</sup> bata. <sup>4</sup> huaitlean. <sup>5</sup> fiacalbh a rothana. <sup>6</sup> thigeadh na laithean-fèille mu'n

cuairt. mhor. achadh.

<sup>7</sup> mar leòmhann mòr, mar an altair. <sup>8</sup> athach. <sup>9</sup> cumhdach. <sup>10</sup> sheul-



innleachda<sup>1</sup> mar chriadh a' chriadhadoir : an abair an obair mu'n oibriche, Cha d'rinn e mi? agus an abair an ni a dhealbhadh mu'n neach a dhealbh e, Cha robh tuigse aige?

17 Nach tamull ro bheag fòs, gus an deanar Lebanon na fhearann torrach, agus gus am measar am fearann torrach mar fhrìdhe?<sup>2</sup>

18 Agus anns an là sin cluinnidh na bodhair briathran an leabhair; agus as an dubhar, agus as an dorchadas gheibh sùilean nan dall an léirsin

19 Meudaichidh fòs na daoine sèimhe an aobhneas anns an Tighearn; agus ni na bochdan am measg dhaoine gairdeachas ann an Ti naomh Israel.

20 Oir dh'fhàilnich an t-uabhasach, agus thàinig crìoch air an fhear-fhochaid<sup>3</sup>; agus ghearradh as iadsan uile a bha furach-air<sup>4</sup> chum aingidheachd;

21 A ni duine na pheacaich air son focail<sup>5</sup>; a ta leagadh ribe air a shonsan, a tha tagradh anns a' gheata; agus a tha tionndadh an ionracain a leth-taobh air son ni nach fìit.

22 Air an aobhar sin mar so deir an Tighearn, esan a shaor Abraham, mu thimchioll tighe Iacob, Cha nàraichear Iacob, agus cha bhi 'aghaidh nise fo amhladh<sup>6</sup>.

23 Ach an uair a chi e a chlann, obair mo làmh-sa, na mheadhon, naomhaichidh iad m'ainm, agus naomhaichidh iad Ti naomh Iacob, agus bithidh eagal orra roimh Dhia Israel.

24 Tuigidh iadsan fòs, a chaidh mearachd ann an spiorad, fìor eolas; agus fògh-lumaidh iadsan, a bha ri borbhanaich, teagasg.

### CAIB XXX.

**I**S truagh do'n chloinn cheannaircich, deir an Tighearn, a ta dealbh chomh-àirleann, ach cha'n ann uamisa; a ta còmh-dachadh le brat-folaich<sup>7</sup>, ach cha'n ann le mo spiorad-sa; a chum gu'n cuir iad peacadh ri peacadh.

2 A ta 'g imtheachd gu dol sìos do'n Eiphit, ach nach d'fhiosraich dhìomsa<sup>8</sup>; chum iad fèin a neartachadh le neart Pharaoh, agus a dheanamh buin a sgàile na h-Eiphit.

3 Ach bithidh neart Pharaoh dhuibh na nàire; agus 'ur bun a sgàile na h-Eiphit na mhasladh.

4 Oir tha a cheannardan aig Soan, agus thàinig a theachdairean gu Hanes.

5 Ghabh iad uile nàire do shluagh, o nach d'fhuair iad tairbhe<sup>9</sup>; o nach d'fhuair iad cuideachadh no tairbhe; ach a bha nan nàire agus nam masladh.

6 Eallach ainmhidhean na h-àirde deas; gu tìr àire agus èigin, as an d'thig an leomhan òg agus an seann leomhan, an nathair nimhe, agus an nathair theinteach itealach; giùlainidh iad an saibhreas air gualainn nan asal òga, agus an ionmhas air croit nan camhal; dh'ionnsuidh sluaigh nach tabhair buannachd dhoibh.

7 Oir is dìomhain agus gum tairbhe còmh-nadh nan Eiphiteach; uime sin thubhairt mi rithe so, Se an neart fantuinn nan tàmh<sup>10</sup>.

8 Imich a nis, scriobh e fa'n comhair air clàr, agus comharaich e air leabhar; chum gu'n bi e air son nan aimsirean a thig, air son fianuis gu sìorruidh;

9 Gur sluagh ceannairceach so, clann bhreugach, clann leis nach àill èisdeachd a thabhairt do lagh an Tighearna:

10 A ta 'g ràdh ris na fìr-sheallaidh, Na faicibh; agus ris na fàidhean, Na labhraibh nithe ceart ruinn ann am fàisneachd; labhraibh ruinn nithe mìne; deanaibh fàisneachd cheilge:

11 Claonaibh air falbh o'n t-slighe; rach-aibh a leth-taobh o'n rathad dhìreach; cuiribh air falbh uainn Ti naomh Israel.

12 Air an aobhar sin, mar so deir Ti naomh Israel, A chionn gu bheil sibh a' deanamh tàire air an fhocal so, agus ag earbsadh a claonadh agus a ceannairc, agus a' leigeal bhrù taice ris;

13 Uime sin bithidh an t-olc so dhuibh mar bhriseadh<sup>11</sup> ullamh gu tuiteam, mar aomadh ann am balladh àrd, a thuiteas gu làr gu h-obann, ann an tiota.

14 Agus brisidh se e, mar bhriseadh soithich a' chriadh-dair, a bhrisear na bhloighdhibh; cha chaomhain e, air chor as nach faighear, ann a bhriseadh, sgealb a thogas teine o'n teinntein<sup>12</sup>, no a bheir uisge o'n tobar.

15 Oir mar so deir an Tighearn Iehobhah, Ti naomh Israel, ann am pilladh, agus ann an samhchair, tearnar sibh; ann an suaimhneas agus ann an earbsadh bithidh 'ur neart; ach cha b'àill leibhse.

16 Ach thubhairt sibh, Ni h-eadh, ach air eachaibh teichidh sinn; air an aobhar sin teichidh sibh; agus air ainmhidhibh luatha marcaichidh sinn; uime sin bithidh iadsan luath a leanas air 'ur tòir.

17 Teichidh aon mhìle roimh achmhasan<sup>12</sup> aona; roimh achmhasan chùignear teichidh sibh; gus am fàgar sibh mar chrann lom air mullach sleibh, agus mar bhrataich air cnoc.

18 Agus air an aobhar so feithidh an Tighearn, chum gu'n nochd e deadh-ghèan dubh; agus air an aobhar so àrduichear e, chum gu'n nochd e trècair dhuibh; oir

<sup>1</sup> tilgeadh nithe bun os ceann. <sup>2</sup> fhàsach, òn. <sup>3</sup> fhear-sgeige. <sup>4</sup> a' feitheamh, ri fàire. <sup>5</sup> a tha tòirt air an duine bhòchd tuisteachadh na chainnt.

6 làn. Eabh. <sup>7</sup> dortadh tabhartais-dìbhe. <sup>8</sup> o mo bheul. Eabh. <sup>9</sup> suidhe samhach. <sup>10</sup> bheum. <sup>11</sup> teallach. <sup>12</sup> bhagrach.

is Dia ceart-bhreitheach an Tighearn; is beannuicht' iadsan uile, a ta feithean: his ris-san.

19 Oir gabhaidh sluagh còmhnuidh ann an Sion, ann an Ierusalem; cha ghuil thu ni's mò; ni e mòr thròcair ort, ri guth do ghlaoidh; co luath sa chluinneas e, bheir e freagradh dhuit.

20 Agus ged bheir an Tighearn dhuibh aran airce, agus uisge àmhghair, gidheadh cha bhi do luchd-teagaisg air am fògradh fad as; ach bithidh do shùilean a' faicinn do luchd-teagaisg.

21 Agus cluinidh do chluasan focal o d' chùlaobh, ag ràdh, So an t-slighe, gluaisibh innte, 'nuair a thionndaidheas sibh chum na làimhe deisc, no chum na làimhe clìthe.

22 Agus truailidh sibh truscan 'ur dealbhan airgid, agus sgeadachadh do dhealbhan òir; tilgidh tu uait iad mar eudach truailte; their thu ris, Teich uam.

23 An sin bheir e uisge air son do shìl, leis an cuir thu d'fhearann; agus aran do thoradh na talmhainn, agus bithidh e cambar agus pailt; anns an là sin, ionaltraidh do spréidh ann an àilean farsuing;

24 Agus ithidh na daimh, agus na h-asail òga a threabhas am fearann, innlinn air a deagh-ghlanadh, air a greadhadh leis a' ghuit agus leis an t-sluasaid.

25 Agus air gach beinn mhòir, agus air gach cnoc àrd, bithidh caochain agus sruth-an uisge; ann an là an àir mhòir, an uair a thuiteas na baidcalan<sup>1</sup>.

26 Agus bithidh solus na gcalaich mar sholus na gréine, agus bithidh solus na gréine a sheachd uiread, mar sholus sheachd laithean; san là anns an ceangail an Tighearn suas briseadh a shluaigh, agus anns an lèighis e lot a bhuille.

27 Feuch, tha ainm an Tighearna a' teachd o chéin, a' losgadh le 'fheirg, agus an eallach<sup>2</sup> trom; tha a bhile air an lìonadh le corruich, agus a theanga mar theine caithteach.

28 Agus bithidh 'anail mar shruth dian a' ruith thairis, a' ruigheachd gu meadhan a' mhuineil; a dh'fhasgnadh nan cinncach le fasgan an diomhanais; agus bithidh srian ann an giallaibh an t-sluaigh, 'gan tarruing air seacharan.

29 Bithidh ceòl agaibh, mar anns an oidhche, san coimhdear féill naomh; agus gairdeachas cridhe, amhuil an uair a dh'imicheas neach le ceòl pìoba, chum dol gu sliaibh an Tighearna, gu carraig Israeil.

30 Agus bheir an Tighearn fa'near gu'n cluinnear a ghuth glòrmhor, agus gu'n faicear leagadh a nuas a ghairdein, le corruich ghaire, agus le lasair teine chaithe-

tich; le sgapadh, agus doinn, agus clach-aibh meallain.

31 Oir le guth an Tighearna buailear sìos an t-Asirianach, a bha bualladh le slait.

32 Agus anns gach àit an siubhail an t-slat shònruichte, a leagas an Tighearn air, bithidh tiompan agus clàrsaichean; agus le cruaidh chòmhraig cogaidh e leatha.

33 Oir dh'ullaicheadh Tophet o shean; eadhon air son an rìgh tha sin air 'ullachadh; rinn e domhainn e, rinn e farsuing e; cruach theine agus mòran connaidh<sup>3</sup>; tha anail an Tighearna, mar shruth pronnais 'ga fhadadh<sup>4</sup>.

## CAIB. XXXI.

**I**S truagh dhoibhsan a tha dol sìos do'n Eiphit air son còmhnaidh; a ta 'g earbsadh a h-eachailb, agus ag cur an dòchais ann an carbadaibh, a chionn gu bheil iad lìonmhor; agus ann am marcaichibh, a chionn gu bheil iad ro làidir; ach cha seall iad air Ti naomha Israeil, agus cha'n iarr iad an Tighearn.

2 Ach tha Eisan glic, agus bheir e olc orra, agus cha chuir e 'fhocal air cùl; ach éiridh e an aghaidh tìghe nan aingidh, agus an aghaidh cobhair na muinntir, a tha deanamh euceirt.

3 Oir is daoine na h-Eiphitich, agus cha Dia iad; agus is feoil an cich, agus cha spiorad; an uair a shìnceas an Tighearn a mach a làmh, tuitidh am fear-cuideachaidh, agus leagar sìos am fear a bha air a chòmhnaidh leis; agus millear iad gu léir le chéile.

4 Oir mar so thubhairt an Tighearn rium; mar a raoiceas<sup>5</sup> an leòmhann, eadhon an leòmhann òg, os ceann a chobhartaich, 'nuair a chrùinnichear buidheann bhuachaillean na aghaidh; cha ghabh e geilt roimh an guth, agus cha chail e a mhisneach air son an co-ghàir<sup>6</sup>; is ambluidh thig Tighearna nan sluagh a nuas gu cogadh air son sléibh Shìoin, agus air son a chnuic.

5 Mar emlaith ag itealaich os ceann an àlaich, mar sin dìonaidh Tighearn nan sluagh Ierusalem; le dìonadh saoraidh se i; agus le cum thairis tearnaidh se i.

6 Pillibh d'a ionnsuidh-san o'n do chlaon clann Israeil le seacharan fada.

7 Oir anns an là sin tilgidh gach aon air falbh uath 'òdholan airgid, agus 'òdholan òir, a rinn 'ur làmban féin duibh chum peacaidh.

8 Agus tuitidh an t-Asirianach, cha'n ann le claidheamh gaisgich; seadh cha'n e claidheamh duine a shluigeas suas e; ach teichidh e o'n chlaidheamh, agus claidhecar a dhaoine òga.

9 Agus tre cagal théid e null dh'ionnsuidh a dhaingnich, agus gabhaidh a chinn-

<sup>1</sup> tair. <sup>2</sup> uallach. <sup>3</sup> fiodha. <sup>4</sup> lasadh.



fheadhna geilt<sup>1</sup> roimh'n bhrataich; deir an Tighearn, aig am bheil a theine ann an Sion, agus àmbuinn<sup>2</sup> ann an Ierusalem.

C A I B. XXXII.

**F**EUCH riòghaichidh rìgh ann am fireantachd, agus riaghlaidh uachdar-in ann am breitheanas.

2 Agus bithidh duine mar ionad-fasgaidh o'n ghaoith, agus mar dhèidein o'n doiminn; marshruthan uisge ann an àit tioram, mar sgàile craige mòire ann an tìr airs-nealaich.

3 Agus cha bhiceo air sùilibh na muinntir a chi<sup>3</sup>, agus bheir cluasa na muinntir a chluinneas éisdeachd.

4 Agus tuigidh cridhe an duine bhras eòlas; agus bithidh teanga an duine mhanntaich ealamh chum labhairt gu soilleir.

5 Cha ghoirear an t-ùmaidh fial nì's mò, agus cha'n abrar gu bheil am miodhoir daonnachdail.

6 Oir labhraidh an t-ùmaidh do ghnàth amaideachd, agus dealbhaidh a chridhe aingidheachd; a chur an gnìomh ceilge, agus a labhairt foill an aghaidh an Tighearna, a dheanamh anma an ocaich falamh, agus a thabhairt na dibhe o'n duine iotmhor.

7 Tha inneala an duine mhiodhoir olc, tha e a' dealbh innleachdan aimhleasach, a' ribeadh nam bochd le briathraibh breugach, sa cheart àm an labhair an t-ainniseach gu firinneach.

8 Ach dealbhaidh an duine fial nithe fial; agus le nithibh fiala daingnichear e.

9 Eiribh, a mhnathan a ta gu suaimhneach, cluinnibh mo ghuth; a nigheana gun umhaill, éisdibh ri mo chainnt<sup>4</sup>.

10 Iomadh latha agus bliadhna bithidh sibh gun fhois, O mhnathan gun umhaill; oir dh'fhàilnich am fion-fhogharadh, cha d'thig fìonal an toraidh.

11 Crithnichilbh, sibhse ta suaimhneach; bithibh gun fhois, sibhse fa gun umhaill; cuiribh dhibh, rùisgibh sibh fèin; agus crioslaichibh 'ur leasraidh le cudach-saic.

12 Nì iad caoidh air son nan cioch, air son nam machraichean taitneach, air son na fionain torraich.

13 Thig an droighionn agus an dreas a mìos thar fearann mo shluagh; seadh thar na h-uile thighibh aobhach anns a' bhaile lua-ghaireach.

14 Oir tha an t-àros air a thréigsinn, tha buidheann lìonmhor na cathrach air am fàgail: bithidh an daingneach agus an tùr nan uamhaibh gu bràth, nan aoibhneas do na h-asalaibh fiadhaich, nan ionaltradh air son nan treudan;

15 Gus an dòirtear a nuas oirnn an

Spiorad o'n àird, agus gu'm bi am fàsach na mhachair thorraich, agus gu'm measar a' mhachair thorrach na fìridh.

16 An sin nì breitheanas tàmh anns an fhàsach, agus anns a' mhachair thorraich gabhaidh fireantachd còmhnuidh.

17 Agus is sìth obair na fireantachd; agus is toradh do'n fhìreantachd suaimhneas, agus tèaruinteachd gu sìorruidh.

18 Agus gabhaidh mo shluagh còmhnuidh ann am fardaich fhoistinich, agus ann an ionadaibh-còmhnuidh tèaruinte, agus ann an àiteachaibh tàmh suaimhneach,

19 An uair a thig a' chlach-mheallain a nuas air an doire, agus nithear a' chathair co iosal ris a' chòmhnard.

20 Is beannuichte sibhse a ta cur sìl ri taobh gach uisge, a ta cur a mach coise an daimh agus na h-asail.

C A I B. XXXIII.

**I**S an-aobhin duitse a chreachadair, nach flùir air do chreachadh thu fèin; agus flùir na foill, ris nach do bhuin iad gu fealltach: an uair a sguireas tu do chreachadh, creachar thu; agus an uair a bheir thu thairis<sup>5</sup> a bhi ri foill, buinidh iad gu fealltach riut.

2 O Thighearn dean tràcair oirnn; ortsatha sinn a' feitheamh; bi thus' a'd' ghairdean dhoibh gach maduinn; ar slàinte fòs ri h-àm na h-airce<sup>6</sup>.

3 O ghuth a' bhuairis theich na slòigh; an uair a thog thu suas thu fèin, sgapadh na cinnich.

4 Agus cruinnichear 'ur creach mar a chruinnicheas am burrus: mar shiubhal nan locust, thig e orra.

5 Tha an Tighearn air 'ardachadh; seadh, tha a' chòmhnuidh gu h-àrd; lion e Sion le breitheanas agus ceartas.

6 Agus bithidh slàinte làidir, gliocas, agus eòlas, nan daingneachadh do d' linn; tha eagal an Tighearn na ionmhas da.

7 Feuch, togaidh na daoine cumhachdach gaoir an taobh a muigh; guilidh teachdairean na sìth gu goirt.

8 Tha na ròide mòra fasail, dh'fhalbh am fear-turuis; bhris e an coimhcheangal, chuir e cùl ris na caithrichibh, cha 'n'eil meas aig air duine.

9 Tha an talamh ri bròn, agus a' fannachadh; tha Lebanon fo nàire, agus air a' ghearradh sìos; tha Saron air fàs mar fhàsach; agus Basan agus Carmel air crathadh dhuibh an toraidh.

10 A nis éiridh mi, deir an Tighearn; a nis àrdaichear mi; a nis togaidh mi suas mi fèin.

11 Bithidh sibh torrach air moll; beiridh sibh asbhuain; nì bhur anail, mar theine, bhur caitheadh.

<sup>1</sup> an ruaig. <sup>2</sup> shuirnis. <sup>3</sup> cha bhì iad crith-shàileach. <sup>4</sup> ghfòr. <sup>5</sup> leigeas tu dh'ot, 608

sguireas tu. <sup>6</sup> ri h-uchd cruaidhchais.

12 Agus bithidh na slòigh *mar aol* air a losgadh; mar droighionn air a ghearradh sìos, loisgear iad anns an teine.

13 Cluinnibh, O sibhse, a ta fad as, an ni a rinn mi; agus sibhse, a ta dlù, aidichibh mo chumhachd.

14 Tha na peacaich ann an Sion fuidh eagal; ghlac uabhuinn na cealgairean; cò nar measg a ghabhas còmhnuidh maille ri teine millteach? cò nar measg a ghabhas còmhnuidh maille ri lasraichibh sìorruidh?

15 Esan a ghluaisear gu h-ionraic, agus a labhras gu ceart; a ghabhas gràin do bhannachd na h-ainneit, a chrathas a làmh o bhi glacadh duaise na *h-cucorach*; a dhruideas a chluas o éisdeachd ri *sgeul* fola, agus a dhùineas a shùilean o amharc air olc;

16 Bithidh a chòmhnuidh-san anns na h-ionadaibh àrda, bithidh daingnichean nan creag nan didean dha; bheirear arau dha, *mairidh* nise gu cinnteach aige.

17 Seallaidh do shùilean air an Rìgh na mhaise; chì iad an tìr cian fad as.

18 Snuainichidh do chridhe air uabhuinn. C'ait am bheil an scriobhuiche? C'ait am bheil am fear-ionmhais? C'ait am bheil esan a dh'àireamh na daingnichean?

19 Cha'n fhaic thu sluagh borb; luchd-na cainte domhainn, nach b'urrainn thu chluinntinn; luchd-na teanga manntaich, nach b'urrainn thu thuigsinn.

20 Ambaire air Sion, cathair ar n-àrd fhéillea; chì do shùilean Ierusalem na còmhnuidh fhoistinich, na pàilliun nach atharraichear; cha ghluaisear <sup>1</sup> aon d'a chuailibh gu bràth, ni mò bhriscar aon d'a chordaibh.

21 Ach ann an sin *bithidh* an Tighearn glòrmhor <sup>2</sup> dhuinne na ionad aibhnichean agus shruthan leathan; cha sìubhail soith-each rànach ann; ni mò théid long ghreadhnach troimhe.

22 Oir is e an Tighearn ar breitheamh; is e an Tighearn ar fear-tabhairt lagha; is e an Tighearn ar Rìgh; tearnaidh e sinn.

23 Tha do chuid <sup>3</sup> suasgailte; cha b'urrainn iad an cran a ro-dhaingneachadh; cha b'urrainn iad an seòl a sgaileadh; an sin tha creach phailt air a roinn; ghlac am bacach a' chobhartach.

24 Agus cha'n abair am fear-àiteachaidh, Tha mi tinn; gheibh an sluagh, a ta chòmhnuidh an sin, maithneas nan ainigheachd.

CAIB. XXXIV.

**D**LUTHAICHIBH, a chinneacha, chum éisdeachd; agus thugaibh aire, O fhineacha: éisdeadh an talamh, agus a

làn; an saoghal, agus na h-uile, a ta teachd a mach uaidh.

2 Oir tha fearg air an Tighearn an aghaidh nan cinneach uile; agus corruich an aghaidh an slògh uile; chuir e as doibh, thug e thairis iad chum casgairt.

3 Agus tilgear am mairbh a mach; agus o'n cairbheannaibh éiridh breun bholadh; agus leaghaidh na sléibh-tean sìos le'm fuil.

4 Agus crìonaidh feachd <sup>4</sup> nèimhe gu léir air falbh, agus fillear na nèamha air a chéile mar dhuille leabhair; agus tuitidh am feachd uile sìos, mar thuiteas an duilleag sheargta o'n fhionain, agus mar am meas làn-abuich o'n chrann-fhige.

5 Oir tha mo claidheamh air a chur air mhisg <sup>5</sup> anns na nèamhaibh; feuch, tuitidh e air Idumea, agus air an t-sluagh, a mhallaich mise, chum breitheanais.

6 Tha claidheamh an Tighearna sàsuichte le fuil; tha e biadhtha le saill, le fuil uan agus ghabhar, le saill uirnean reitheachan; oir tha iobairt aig an Tighearn ann am Bosra, agus àr mòr ann an tìr Idumea.

7 Agus thig na h-aon-adharcaich a nuas maille riu, agus na daing maille ris na taibh; agus cuirear an tìr air snàmh le fuil, agus nìhear an duslach reamhar le saill.

8 Oir is e là dìoghaltais an Tighearna a th'ann, agus bliadhna an ath-dhiolaidh air son conusachaidh Shìoin.

9 Agus iompaichear a sruthan gu pìc, agus a duslach gu pronnac; agus fàsaidh a fearann uile na phic luigich.

10 Cha d'théid a chor as dh'oidhe no a là; gu sìorruidh théid a deatach suas; o' àl gu h-àl bithidh si fàs; gu linn nan linn cha d'théid aon neach troimpe.

11 Ach sealbhaichidh am pelican agus a' ghràmeag <sup>6</sup> i; agus gabhaidh a' chaill-each-oidhe agus am fitheach còmhnuidh ionte; agus sinidh e thairis oirre sreang an léir-sgrìos, agus clachan na faoin-eachd <sup>7</sup>.

12 Gairmidh iad a h-uaislean do'n rìoghachd, ach cha bhi iad ann; agus thig a ceannardan uile gu neo-ni.

13 Agus fàsaidh an droigheann suas na luchairibh; an eanntagach agus an dris na daingnichibh; agus bithidh si na fàrdaich aig dragonaibh, na h-àros aig nigh-eanaibh na combhachaig.

14 Agus coinnichidh fiadh-bheathaichean <sup>8</sup> an fhàsaidh agus fiadh-bheathaichean na machrach a chéile, agus gladhaidh am fiadh-dhuine r'a chompanach; an sin fòs gabhaidh an screuchag-oidhe fois, agus gheibh i dh'fèin àite-taigh.

15 An sin ni a' chailleach-oidhe mhor

<sup>1</sup> ghlidichear. <sup>2</sup> Ach bithidh ainm glòrmhor an Tighearn. <sup>3</sup> bhuill, d'acfuinn. <sup>4</sup> sluagh.

<sup>5</sup> air a thumadh, air 'uisgeachadh. <sup>6</sup> an scarbh. <sup>7</sup> fàsalachd. <sup>8</sup> coin fhudhaich.



a nead, agus beiridh si a h-uighean; agus ni i gur, agus cruinnichidh si a h-àlach fo a sgaile; an sin fòs cruinnichear na fàing, gach aon le a chéile féin.

16 Fiosruichibh do leabhar an Tighearn, agus leughaihbh; cha bhi aon dhiubh so air chall, cha bhi aon as eugais a céile; oir is e mo bheul-sa thug an àithne, agus is e a spiorad a thionail iad.

17 Agus thig e an crannchur air an son, agus roinn a làmh dhoibh e le sreing; seallbhaichidh iad e gu sìorruidh; o àl gu h-àl gabhaidh iad còmhnuidh ann.

CAIB. XXXV.

**N**I am fàsach agus an talamh tartmhor gairdeachas air an son; agus bithidh an di-threcabhair, agus thig e fo bhlàth mar an ròs.

2 Brisidh e mach gu h-ùrar, seadh ni e gairdeachas gu subhach agus gu ceòlmhor; bheirrear glòir Lebanoin dha, maise Charmeil agus Sharoin; chi iad sin glòir an Tighearna, agus maise ar Dé-ne.

3 Neartuichibh-se na làmhnan laga, agus daingnichidh na glùinean an-fhann.

4 Abraibh riu-san, a ta lag chridheach, Bithibh làidir, na biodh eagail oirbh; feuch, thig bhuir Dia le dioghaltas, 'se Dia le ath-dhioladh; thig e féin, agus saoraidh e sibh.

5 An sin fosgailear sùilean nan dall, agus bithidh cluasan nam bodhar air am fosgladh.

6 An sin leumaidh am bacach mar fhiadh, agus seinnidh teanga a' bhalbhain; oir anns an fhàsach brisidh uisgeachan a mach, agus sruthan anns an di-threabh.

7 Agus fàsaidh am fearann tioram na linne, agus am fearann tartmhor na thob-raichibh uisge: ann an àite-còmhnuidh van dragon, agus nan leaba, bithidh fear, leis a' chuilc agus an luachair.

8 Agus bithidh rathad mòr an sin, agus slighe; agus goirreair slighe na naomhachd dheth; cha siubhail neach neo-ghlan d'a thrìd; ach bithidh e air an son-sa; cha d'théid am fear-turuis, no na daoine baogh-alta air seacharan ann.

9 Cha bhi leòmhnan an sin, ni mòr thig fiadh-bheathach millteach suas ann; cha'n fhaighear an sin e; ach siubhlaidh a' mhuinntir shaorta ann.

10 Agus pillidh saor-dhaoine an Tighearna, agus thig iad gu Sion le caithream, agus aoibhneas sìorruidh air an cinn; gheibh iad gairdeachas agus aoibhneas, agus teichidh bròn agus osnaich air falbh.

CAIB. XXXVI.

**A**GUS tharladh anns a' cheathramh bliadhna deug do rìgh Hesechia, gu'n d'thàinig Senacherib, rìgh Asiria, nìos an aghaidh uile bhailte daingnichte Iudha, agus ghlaic e iad.

2 Agus chuir rìgh Asiria Rabsaceh o Lachis do Ierusalem, dh'ionnsuidh rìgh Hesechia, le armailt mhòir; agus sheas e aig sruth-chlais na linne uachdaraich, air rathad mòr achaidh an luadhaidh.

3 An sin thàinig a mach d'a ionnsuidh Eliacim mac Hileciah, a bha os ceann an tìghe, agus Sebnah an scriobhuiche, agus Ioah mac Asaiph an seanachaidh.

4 Agus thubhairt Rabsaceh riu, Abraibh a nis ri Hesechia, Mar so deir an rìgh mòr, rìgh Asiria, Ciod e am bun-dòchais so, as am bheil thu ag earbsadh?

5 Tha thu ag ràdh, (ach is briathra faoin iad,) Tha chomhairle agus neart agam air son a' chogaidh; a nis cò as am bheil thu ag earbsadh, gu deanadh tu ceann-airc a' u' aghaidh-sa?

6 Feuch, tha thu 'g earbsadh as an luirg bhrìste chuilce sin, as an Eiphit; ni, ma leigear duin' a chudthrom air, a théid a steach na làimh, agus a thollas troimhe i: mar so tha Pharaoh rìgh na h-Eiphit dhoibhsan uile, a dh'earbas as.

7 Ach ma their thu rium, As an Tighearn ar Dia tha ar n-earbsadh; nach e sin esan a chuir Hesechia air falbh 'ionadan àrda agus 'altairean; agus thubhairt e ri Iudah agus ri Ierusalem, Fa chomhair na h-altaire so sleuchdaidh sibh?

8 A nis uime sin, guidheam ort, tabhair géill do'm thighearn rìgh Asiria; agus bheir mise dhuit dà mhìle each, ma's urrainn thu, as do thaobh-sa, marcaichean a chur orra.

9 Cionnas ma ta a philleas tu air ais aon cheann-feadhna do na seirbhiseich a's lugha, a ta aig mo thighearn? agus a dh'earbas tu as an Eiphit air son charbadan agus marc-shluaigh?

10 Agus a nis, an ann as eugmhais an Tighearna a thàinig mis' a nìos an aghaidh na tìre so, g'a sgrìos? Is e an Tighearn a thubhairt rium, Rach suas an aghaidh na tìre so, agus sgrìos i.

11 An sin thubhairt Eliacim, agus Sebnah agus Ioah ri Rabsaceh, Labhair, guidheamaid ort, ri do sheirbhiseich, anns a' chainnt Shirianaich, oir tuigidh sinn i; agus na labhair ruinn anns a' chainnt Iudhaich, ann an cluasaibh an t-sluaigh, a ta air a' bhalladh.

12 Agus thubhairt Rabsaceh, An ann a dh'ionnsuidh do thighearna-sa agus a d'ionnsuidh-sa, a chuir mo thighearn mise, a labhairt nam briathra so? nach ann a dh'ionnsuidh nan daoine, a ta nan suidhe air a' bhalladh, a chum gu'n ith iad an salchar féin, agus gu'n òl iad an uisge<sup>3</sup> féin, maille ribhse?

13 An sin sheas Rabsaceh agus ghlaodh e le guth àrd anns a' chainnt Iudhaich, agus

<sup>1</sup> ach bithidh esan leo, ag imeachd air an t-slighe; ionnas nach d'théid na daoine baogh-alta

féin air seacharan. <sup>2</sup> geall-umhlachd. <sup>3</sup> mùn.

thubhairt e, Cluinnibh briathran an rìgh mhòir, rìgh Asiria :

14 Mar so deir an rìgh, Na mealladh Hecseciah sibh, oir cha bhì e comasach air 'ur tearnadh :

15 Agus na tugadh Hecseciah oirbh bhur dòchas a chur anns an Tighearn, ag ràdh, Gu cinnteach tèarnaidh<sup>1</sup> an Tighearn sinn, cha d'hoiricar thairis am baile so ann an làimh rìgh Asiria :

16 Na h-éisdibh ri Hecseciah; oir mar so deir rìgh Asiria, Deanaibh *coimhcheangal* riumsa le tiodhlacadh, agus thigibh do m' ionnsuidh; agus itheadh gach fear d'a chrann-fìona, agus gach fear d'a chrann-fìge féin, agus òladh gach fear uisge a 'thobair féin;

17 Gus an d'thig mis agus gu'n d'hoir mi sibh gu tìr cosmhuil ri'r tìr féin; tìr arbhair agus fhìona, tìr arain agus fhìon-liosan.

18 *Thugaibh an aire* nach cuir Hecseciah impidh oirbh, ag ràdh, Tèarnaidh an Tighearn sinn. An do theasaig dée nan cinneach, gach aon a thìr féin, a làimh rìgh Asiria?

19 C'àit am bheil dée Hamait agus Arphaid? c'àit am bheil dée Shepharbhaim? an do theasaig iad Samaria as mo làimh-sa?

20 Cò am measg uile dhiahtan nan dùth-channa so, a theasaig an tìr féin as mo làimh-sa, gu'n teasairgeadh an Tighearn Ierusalem as mo làimh?

21 Ach dh'fhan iad nan tosd, agus cha d'thug iad focal freagraidh air; oir b'ì àithne an rìgh, Na tugaibh freagradh air.

22 An sin thàinig Eliacim mac Hilciah, a bha os ceann an tighe, agus Sebnah an scriobhuiche, agus Ioah mac Asaiph an seanachaidh, gu Hecseciah, le'n eudach reubta, agus dh'innis iad dha briathran Rabsaceh.

## CAIB. XXXVII.

**A**GUS an uair a chuala Hecseciah an rìgh e, reub e 'eudach, agus chòmhdaich se e féin le eudach saic, agus chaidh e a steach do thigh an Tighearna.

2 Agus chuir e Eliacim a bha os ceann an tighe, agus Sebnah an scriobhuiche, agus seanoirean nan sagart, còmhdaichte le eudach saic, gu Isaiah mac Amois, am fàidh.

3 Agus thubhairt iad ris, Mar so deir Hecseciah, Is là teinn agus achmhasain agus maslaidh an là so; oir tha clann air teachd gu inbhe breith, agus neart gu breith cha n'cìl ann.

4 Theagamh gu'n tabhair an Tighearn do Dhia fa'near briathran Rabsaceh, a chuir a thighearn rìgh Asiria a mhaslachadh an Dé bheo; agus gu'n cronuich e na briathran a chual an Tighearn do Dhia: cuir thusa ma ta suas urnuigh air son an iarmaid a dh'fhàgadh.

5 Mar sin thàinig òglaich<sup>2</sup> rìgh Hecseciah gu Isaiah.

6 Agus thubhairt Isaiah riu, Mar so their sibh ri 'ur tighearn, Mar so tha an Tighearn ag ràdh, Na biodh eagal ort air son nam briathran a chuala tu, leis an d'thug òglaich rìgh Asiria masladh dhomhsa.

7 Feuch cuiridh mi 'osag air<sup>3</sup>, agus cluinnidh e tuairisgeul<sup>4</sup>, agus pillidh e d'a thìr féin; agus bheir mi air tuiteam leis a' chhlaidheamh na thìr féin.

8 Mar sin phill Rabsaceh, agus fhuaire e rìgh Asiria a' cogadh an aghaidh Libnah; oir chual e gu'n d'fhalbh e o Lachis.

9 Agus an uair a chual e mu thimchioll Thirhacah rìgh Etiopia, ag ràdh, Thàinig e mach a chogadh riut; chuir e teachdair-ean gu Hecseciah, ag ràdh,

10 Mar so their sibh ri Hecseciah rìgh Iudah, Na mealladh do Dhia thu, as am bheil thu ag carbsabh, ag ràdh, Cha d'hoir-eare Ierusalem thairis do làimh rìgh Asiria.

11 Feuch, chuala thu ciod a rinn rìgh-rean Asiria ris na dùthchannaibh uile, 'gan sgrios gu tur; agus am bi thusa air do thearnadh?

12 An do theasaig dée nan cinneach iadsan, a sgrios m'aithriche-sa, *eadhon* Gosan, agus Haran, agus Reseph, agus mic Edein, a bha ann an Telasar?

13 C'àit am bheil rìgh Hamait, agus rìgh Arphaid, agus rìgh mòr-bhaile Shepharbhaim, Hema, agus Ibbah?

14 Agus ghabh Hecseciah an litir o làimh nan teachdairean, agus leugh se i, agus chaidh Hecseciah suas do thigh an Tighearna, agus sgaoil e i am fianuis an Tighearna.

15 Agus rinn Hecseciah urnuigh ris an Tighearn, ag ràdh,

16 O Thighearn nan sluagh, Dhia Israeil, a ta a'd' chòmhnuidh *eadar* na cherubim; is tusa féin, a'd' aonar, Dia uile rìoghachda na talmhainn; is tu a rinn na nèamhan agus an talamh.

17 Crom, O Thighearn, do chluas, agus cluinn; fosgail, O Thighearn, do shùilean, agus faic; agus cluinn uile bhriathran Shenacherib, a chuir e a mhaslachadh an Dé bheo.

18 Gu deimhin, O Thighearn, sgrios rìgh-rean Asiria na cinnich uile, agus am fearann.

19 Agus thilg iad an dée anns an teine; oir cha *bu* dée iad, ach obair làmhnan duine, fiodh agus clach, uime sin sgrios iadsan iad.

20 Ach a nis O Thighearn ar Dia, teasairg sinn o a làimh; a chum gu'm bi fios aig uile rìoghachdaibh na talmhainn gur tus', a Thighearn, an t-aon Dia.

21 An sin chuir Isaiah, mac Amois, fios

\* teasairgidh.    2 seirbhisich, searbhanta.  
611

3 spiorad ann.  
2 R 2

4 iomradh.



gu Heseclah, ag ràdh, Mar so deir an Tighearn Dia Israeil, Do thaobh na h'urnuigh, a rinn thu rium mu thimchioll Shcnacherib rìgh Asiria;

22 So am focal a labhair an Tighearn m'a thimchioll-san; Rinn òigh nighean Shioin tàir ort, rinn i gàire fanoid riut; chrath nighean Ierusalem a ceann air do chùlaobh.

23 Cò d'an d'thug thu masladh agus tobheum? agus cò a thog thu do ghuth na aghaidh, agus a thog thu suas do shùilean gu h-àrd? an ann an aghaidh Ti naomha Israeil?

24 Le do luchd-muinntir mhaslaich thu an Tighearn, agus thubhairt thu, Le lion-mhoireachd mo charbad dhir mi àirde nam beann, slios an Lebanoin; agus gearraidh mi sìos a' chuid a's àirde d'a chraobhan seudair, rogha a chraobhan giuthais; agus theid mi stigh do ionad àrd a chrìche, fìth a Charmeil.

25 Chladhaich mi agus dh'òl mi uisgeacha; agus le bonn mo chus thormaich mi uile shruthan nan ionada daingnichte.

26 Nach cuala tu o shean gu'n d'rinn mi e, agus o aimsiribh cian gu'n do dhealbha mi e? A nis thug mi gu cìch e, gu'm biodh tusa chum bailte daingnichte chur fàs nan carnaibh sgrios.

27 Uime sin bha an luchd-àiteachaidh air bheag neart; bha iad fo gheilt-chrith agus amhluaadh; bha iad mar fheur na machrach, agus mar an luibh uaine; mar fheur mullaich an tìge, agus mar an t-arbhar, a sheargas mu'm fàs e suas.

28 Ach is aithne dhomh do shuidhe sìos, agus do dhol a mach, agus do theachd a steach, agus do bhoile ann am aghaidh.

29 A chionn gu'n d'thàinig do bhoile a'm' aghaidh, agus d'ardan<sup>1</sup>, a nìos gu'm chluasaibh; air an aobhar sin cuiridh mi mo dhubhan ann ad shròin, agus mo shrian ann ad bheul; agus pillidh mi air d'ais thu air an t-slighe, air an d'thàinig thu.

30 Agus bithidh so na chomhara dhuit; Ithibh air a' bhliadhna so an nì sin a dh'fhàsas leis fèin, agus an dara bliadhna an nì a chinnneas as sin; agus an treas bliadhna cuiribh agus buainibh; agus suidhichibh fion-liosan, agus ithibh an toradh.

31 Agus gabhaidh am fuigheall a theid as do thigh Iudah, fathast freumh sìos, agus giùlainidh e toradh suas.

32 Oir o Ierusalem theid fuigheal a mach, agus iadsan a theid as o shliabh Shioin: nì cud Tighearna nan sluagh so a choimhlionadh.

33 Air an aobhar sin, mar so deir an Tighearn mu thimchioll rìgh Asiria, Cha d'thig e a steach do'n chathair so, agus cha tilg e saighead innte, agus cha tog e sgiath

fa comhair, agus cha chuir e suas torr na h-aghaidh.

34 Air an t-slighe air an d'thàinig e, mar sin pillidh e; agus do'n chathair so cha d'thig e steach, deir an Tighearn.

35 Agus dìonaidh mis<sup>2</sup> a' chathair so chum a tearnadh, air mo sgàth fèin, agus air sgàth Dhaibhidh mò'glaich.

36 Agus chaidh aingeal an Tighearna a mach, agus bhuail e, ann an campa nan Asirianach, ceud agus ceithir fichead agus cùig mìle; agus an uair a dh'èirich *duoine* sa mhaduinn, bha iad sin uile nan corpaibh marbha.

37 Agus thog Senacherib rìgh Asiria air, agus dh'fhalbh e, agus phill e, agus ghabh e còmhnuidh ann an Nìneveh.

38 Agus tharladh, an uair a bha e ri adhradh ann an tigh Nisroch a dhé, gu'n do bhuail Adramelec agus Sare-er, a mhic, e leis a' chladheamh, agus theich iad do thìr Armenia; agus rìoghaich Esarhadon, a mhac, na àit.

# C A I B. XXXVIII.

**A**NNS na laithibh sin bha Heseclah tinn gu bàs; agus thàinig Isaiah a'n fàidh, mac Amois, d'a ionnsuidh, agus thubhairt e ris, Mar so tha an Tighearn ag ràdh, Cuir do thigh an ordugh<sup>3</sup>, oir gheibh thu bàs, agus cha mhair thu beo.

2 An sin thionndaidh Heseclah 'aghaidh ris a' bhalladh, agus rinn e urnuigh ris an Tighearn;

3 Agus thubhairt e, Guidheam ort, O Thighearn, cuimhnich a nis cionnus a ghluais mi a'd' làthair ann am' fìuin, agus le cridhe ionlan, agus rinn mi an *ni a ta* maith a'd' shùilibh. Agus ghuil Heseclah gu goirt.

4 An sin thàinig focal an Tighearna dh'ionnsuidh Isaiah, ag ràdh,

5 Falbh agus abair ri Heseclah, Mar so deir an Tighearn, Dia Dhaibhidh d'athar, Chuala mise d'urnuigh, chunnaic mi do dheoir; feuch cuiridh mi ri d' laithibh cùig bliadhna deng;

6 Agus saoraidh mi thusa agus am baile so a' làimh rìgh Asiria; agus dìonaidh mi am baile so.

7 [Agus thubhairt Isaiah<sup>3</sup>], 'Se so a's comhara dhuit gu'n dean an Tighearn an nì a labhair e;

8 Feuch, bheir mi air ais dubhar nan ceum, a ta air dol sìos leis a' ghrèin air ceumaibh<sup>4</sup> Ahais, deich ceuman air ais. Agus phill a' ghrian air a h-ais deich ceuman air na ceumaibh air an deachaidh i sìos.

9 Scriobhadh Heseclah rìgh Iudah, an uair a bha c tinn, agus shlànuicheadh e o 'thinneas.

10 Thubhairt mi, ann an giorrachadh

<sup>1</sup> do dhalmachd. <sup>2</sup> Thoir àithne mu thimchioll do thighe.

<sup>3</sup> Faic II. Rìgh. XX. 8. 9. <sup>4</sup> uaireadair-gréine.

mo laithean, Théid mi a steach air dor-saibh na h-uaigne, chaill mi fuigheall mo bhliadhnachan.

11 Thubhairt mi, Cha'n fhaic mi ni's mò an Tighearn, *cadhon* an Tighearn ann an tìr nam beo; cha seall mi air duine ni's mò, maille ri luchd-àiteachaidh an t-saoghail.

12 Tha m'aois air dealachadh rium, agus dh'atharraicheadh i air falbh mar *phàilliu* buachaille; ghearradh as mo bheatha mar *gu'm b'ann* leis an fhigheadair; ta e 'gam chlaoidheadh le tinneas caithreach; o là eadhon gu h-oidhche ta thu a' cur as domh.

13 Shaoil mi, gus a' mhaduinn, gu'm briseadh e, mar leòmhán, mo chnàmhan uile; o là eadhon gu h-oidhche ta thu a' cur as domh.

14 Mar ghobhlan-gaoithe, *no mar* chorr, rinn mi cànan; rinn mi caoidh, mar choluman: tha mo shùilean air fàilneachadh *le sealltuinn* suas. O Thighearn, tha mi air mo shàrachadh; bi thus' a'd' urras dhomh.

15 Ciod a their mi? Labhair e rium, agus fòs choimhlion e. Gluaisidh mi gu fòil nìle bhliadhnachan mo *bheatha*, air son amhghair m'anma.

16 O Thighearn, trid *nan nìthe* sin bithidh 'siad beo, agus anns na *nithibh* sin ta beatha mo spioraid: mar sin shlànuich agus bheothaich thu mi.

17 Feuch, tha m'amhghar air a chaochladh gu fòis; theasairg thu gu caomh m'anam o shlochd millteach; seadh, thilg thu air do chùlaobh m'uile lochdan.

18 Gu deimhin cha dean an uaigh luadh' ort, cha d'thoir an bàs cliù dhuit; cha cheir iadsan, a theid sìos do'n t-slochd, an dòigh ann ad fhìrinn.

19 Am beo, am beo, molaidh esan thu, mar a dheanais' air an là'n diugh; foillsichidh an t-athair do'n chloinn do thairisneachd<sup>2</sup>.

20 Bha an Tighearn *leam* do m' thearn-adh; air an aobhar sin seimidh sinn mo dhàin air na h-innealaibh-ciùil, uile laithean ar beatha, ann an tigh an Tighearna.

21 Agus thubhairt Isaiah, Gabhadh iad meall fhigean, agus sgaoileadh iad air an neasgaid iad, agus slànuichear e.

22 Agus thubhairt Heseciah, Ciod e an comhara gu'n d'théid mi suas do thigh an Tighearna?

## CAIB. XXXIX.

**A** NNS an àm sin, chuir Merodach-baladan, mac Bhaladain rìgh Bhabìlòin, litir agus tiodhlac gu Heseciah; oir chual e gu'n robh e tinn, agus gu'n do shlànuicheadh e.

2 Agus rinn Heseciah gairdeachas air an son; agus dh'fheuch e dhoibh tigh-tasgaidh a nìthe luachmhor, an t-airgiod agus an t-òr, agus na spìosruidhean, agus an ola luachmhor, agus a thigh-armachd gu léir,

agus na h-uile ni, a fhuaradh na ionmhasaibh; cha robh ni na thigh agus na rìoghachd uile, nach d'fheuch e dhoibh.

3 Agus thàinig am fàidh Isaiah gu rìgh Heseciah, agus thubhairt e ris, Ciod a thubhairt na daoine so? agus cia as a thàinig iad a d'ionnsuidh? Agus thubhairt Heseciah, Thàinig iad do m'ionnsuidh o thìr chéin, o Bhabìlòn.

4 Agus thubhairt e, Ciod a chunnaic iad ann ad thigh? Agus thubhairt Heseciah, Na h-uile *nìthe* a *th'*ann mo thigh clunnaic iad; cha 'n'eil ni ann am ionmhasaibh nach d'fheuch mi dhoibh.

5 An sin thubhairt Isaiah ri Heseciah, Cluinn focal Tighearna nan sluagh.

6 Feuch, tha na laithean a' teachd, anns am bi gach ni a *th'*ann ad thigh, agus a thaig d'aithrichean suas gus an là an diugh, air a ghiùlan air falbh gu Babilòn; cha'n fhàgar ni air bith, deir an Tighearn.

7 Agus do d' mhaicibh, a thigh uait, a ghineas tu, bheir iad leo; agus bithidh iad nan cailteanaich ann an lùchairt rìgh Bhabìlòin.

8 An sin thubhairt Heseciah ri Isaiah, *Is* maith focal an Tighearna a labhair thu; oir thubhairt e gu'm bi sìth agus fìrinn ann ri mo laithibhse.

## CAIB. XL.

**T**HUGAIBH combhfurtachd, thugaibh combhfurtachd do mo shluagh-sa, deir 'ur Dia.

2 Labhraibh gu sòlasach ri Ierusalem; agus glaothaibh rithe, gu'n do choimhlionadh a cogadh, gu'n do ghlanadh a h-aingidheachd; oir fhuair i o làimh an Tighearna a dhà uiread r'a h-uile pheacaidh.

3 Guth an tì a ghlaodhas anns an fhàsach<sup>3</sup>, Ulluichibh slighe an Tighearna, réitichibh anns an di-threabh<sup>4</sup> slighe àrd do ar Dia-ne.

4 Bithidh gach gleann air 'àrdachadh, agus gach sliabh agus cnoc air 'isleadh; agus nìthear an càrn dìreach, agus na h-ionada garbha nan còmhnaidh rèidh.

5 Agus foillsichear glòir an Tighearna, agus chì gach uile fheoil i le chéile; oir is e beul an Tighearna a labhair.

6 Tha guth ag ràdh, Eigh; agus thubhairt mise, Ciod a dh'èigheas mi? Is fear gach uile fheoil, agus ta a h-òirdheirceas uile mar bhlàth na machrach.

7 Tha am fear a' seargadh, am blàth a' crìonadh, 'nuair a shéideas gaoth an Tighearna air; gu cinnteach is fear an sluagh.

8 Tha am fear a' seargadh, am blàth a' crìonadh; ach seasaidh focal ar Dé-ne gu sìorruidh.

9 O thus' a tha tabhairt deadh sgéil do Shìon, gabh suas gu sliabh àrd, O thus' a tha tabhairt deadh sgéil do Ierusalem, tog do ghuth le neart; tog e, na biodh eagal



ort; abair ri bailtibh Iudah, Feuch bhur Dia!

10 Feuch thig an Tighearn Iehobhah le làimh làidir, agus bheir a ghairdean buaidh a mach dha; feuch, tha a dhuais maille ris, agus 'obair na fhianuis.

11 Mar bhuachaille beathaichidh e a thread; le a ghairdean cuairtichidh e na h-uain, agus giùlainidh se iad na uchd; iomaidh e gu sèimh an spréidh a tha trom le h-àl<sup>1</sup>.

12 Cò a thomhais na h-uisgeachan ann an glaic a làimhe; agus a shùn a mach na nèamha le réis; agus a chruinnich duslach na talmhainn ann an soitheach-tomhais; agus a chothromaich na sléibhteann ann an sìgibh, agus na cnuic ann am meigh-choth-roim?

13 Cò a sheòl Spiorad an Tighearna; no, mar aon d'a chomhairle, a theagaisg e?

14 Cò ris a chuir e a chomhairle, agus cò a theagaisg e, agus a sheòl dha ceum a' bhreithcanais, agus a dh'ionnsuidh dha eòlas, agus a sheòl dha slighe na tuisge?

15 Feuch *tha* na cinnich mar bhoinne an t-soithich-uisge; agus measar iad mar dhus min na slige-tomhais: feuch, togaidh e suas na h-eileana mar smùirnean.

16 Agus cha leòr Lebanon, gu a losgadh, agus cha leòr a bheathaichean air son iob-airt-loisgte.

17 *Tha* na cinnich uile mar neo-ni na làthair-san; tha iad air am meas leis, mar fhior neo-ni agus dìomhanas.

18 Cò ris, ma seadh, a shamhlaicheas sibh Dia? agus ciod an coslas a, ni sibh dha?

19 Tilgidh am fear-cìrde dealbh snaidhte, agus cuiridh an t-òr-cheard thairis e le h-òr; agus ni e slabhruidhean airgid air a shon.

20 Am fear aig nach 'eil fiù tabhartas, taghaidh e mìr fiodha nach grod; iarraidh e mach dha féin fear-oibre seòlta, a chuireas an uigheam dealbh snaidhte nach d'théid a ghluasad.

21 Nach d'fhuir sibh fios? nach cuala sibh *sgeul*? nach do chuireadh an céill duibh o thùs? nach do thuig sibh o *leagadh* bunaite na talmhainn?

22 Is *esan* a ta na shuidhe air cuairt na talmhainn, agus *tha* a luchd-àiteachaidh, mar fhionnain-fheoir<sup>3</sup>; a ta sìneadh mach nan nèamha mar sgàil thana, agus 'gan sgaoileadh, mar bhùth anns an gabhar còmhuidh;

23 A tha tabhairt phrionnsuchan gu neo-ni, agus a' deanamh bhreitheachan nan dìomhanas.

24 Seadh cha suidhichear iad, ni mò a chuirear iad, ni mò a fhreunhaicheas am bun san talamh; an uair a shéideas e orra, seargaidh iad; agus bheir a' chuairt-ghaoth air falbh iad mar asbhuaibh.

25 Cò ris ma ta a shamhluicheas sibh mise, no a choimeasar mi? deir an Tì naomha.

26 Togaibh 'ur sùilean an àird, agus feuchaibh, cò a chruthaich iad so; Esan a bheir a mach an armailtean air àireamh; a ghairmeas orr' uile air an ainm; trid meud a neirt agus treise a chumhachd, cha bhi aon air chall<sup>4</sup>.

27 C'uime a deir thusa, O Iacoib, agus a labhras tu, O Israeil; tha mo shlighe foluichte o'n Tighearn, tha mo chòir air a leigeadh air dearmad le mo Dhia?

28 Nach aithne dhuit, nach cuala tu? An Dia bith-bhuan, an Tighearn, Cruith-fhear chrìocha na talmhainn, cha'n fhannaich agus cha sgithich e; cha'n fheadar a thuigse a ramnsachadh.

29 Bheir esan neart do'n an-fhann, agus dhoibhsan, a ta gun lùgh, mcudaichidh e treise.

30 Fàsaidh na h-òig-fhlir lag agus sgith, agus tuitidh an òigridh thaghta gu làr;

31 Ach iadsan a dh'fhuictheas air an Tighearn gheibh iad spionnadh nuadh; éiridh iad suas mar iolair air a sgiathaibh; ruithidh iad, agus cha bhi iad sgith, siùhlaidh iad, agus cha'n fhàs iad fann.

# CAIB. XLI.

**B**ITHIBH 'n'ur tosd a'm' làthair, O eileana, agus ath-nuadhaicheadh na slòigh an neart; thigeadh iad am fagus, an sin labhradh iad; dlùthaicheamaid r'a chèile chum tagraidh.

2 Cò a dhùisg suas an t-ionracan o'n ear, a ghairm c chum a choise, a chuir na cinnich na fhochair, agus a thug dha riaghladh thar righribh? a rinn iad mar an duslach roimh a chlaidheamh, agus mar an asbhuaibh fhuadaichte roimh a bliogha?

3 Ruaig e iad, chaidh e thairis ann an tèaruinteachd; air slighe nach d'imich e roimhe le a chosaibh.

4 Cò a dh'òibrich agus a choimhlian so, a' gairm nan ginealach o thùs? Mise an Tighearn, an ceud neach, agus maille ruisan air dheireadh, is mise e.

5 Chunnac na h-eileana, agus ghabh iad eagal; iomalla na fire, agus bha iad fo uabhas; dhlùthaich iad, thàinig iad am fagus.

6 Chuidich gach fear a choimhearsnach, agus thubhairt e r'a bhràthair, Bi misneachail.

7 Mar sin thug an saor misneach do'n òr-cheard; esan, a mhìnichas leis an òrd, do'n fhear a bhuailas air an innein; ag ràdh, *Tha* e ullamh chum a thàthadh<sup>5</sup>; agus dhaingnich e le tairngibh e, air chor as nach gluaisteadh e:

8 Ach thusa Israeil, m'òglach, a Iacoib, a roghnaich mi; sìochd Abrahaim mo charaid;

<sup>1</sup> na caoirich-ultruim. <sup>2</sup> ciod an samhla bheir sibh air? <sup>3</sup> leumnaich-uaine, dhreollain.

<sup>4</sup> air dearmad, do dhàth. <sup>5</sup> og ràdh mu'n tàthadh. Is maith e,

9 *Thusa* a stiur mi o iomallaibh na tal-mhainn, agus a ghairm mi o mheasg a maithean; agus thubhairt mi riut, Is tu m'òglach, roghnaich mi thu, agus cha do chuir mi cùl riut:

10 Na biodh eagal ort, oir *tha* mise maille riut; na biodh geilt ort, oir is mise do Dhia; neartaichidh<sup>1</sup> mi thu, seadh cuidichidh<sup>2</sup> mi thu, seadh cumaidh<sup>3</sup> mi suas thu le deas làimh m'fhìreantachd.

11 Feuch nàraichear agus maslaichear iadsan uile, a bha air bhoile riut; bithidh iad mar neo-ni; agus théid iadsan, a ni strì riut, au muigha.

12 Tarraich tu iad, agus cha'n fhaigh thu iad, *cadhón* na daoine a rinn strì riut; bithidh na daoine, a rinn cogadh riut, mar neo-ni, agus mar ni gun bhrìgh.

13 Oir *tha* mise, an Tighearn do Dhia, 'gad chumail suas air do làimh dheis; ta mi ag ràdh riut, Na biodh eagal ort, ni mise cobhair ort.

14 Na biodh eagal ort, a chnuimh a Iacob, a dhaoine basmhòr Israeil; ni mise cobhair ort, deir an Tighearn, agus is e d'fhear-saoraidh Ti naomha Israeil.

15 Feuch ni mis' thu a'd' inneal-bualaidh geur, nomha, aig am bi fiacal; buailidh tu na sléibhteann, agus pronnaidh tu gu mìà iad; agus ni thu na cnuic mar mhol.

16 Fasgainidh tu iad, agus bheir a' ghaoth air falbh iad, agus sgapaidh a' chuairt-ghaoth iad; ach ni *thusa* gairdeachas anns an Tighearn, ni thu uaill ann an Ti naomha Israeil.

17 *An uair* a bhithcas am bochd agus an t-ainnis ag iarraidh uisge, agus nach bi e ann; agus a bhithcas an teanga air tior-machadh le tart; mise Iehobhab freagram iad; Dia Israeil, is mi nach tréig iad.

18 Fosgaidh mi aibhnichean anns na h-ionadaibh àrda, agus tobraichean ann am meadhan nan gleann; ni mi am fàsach na linne uisge, agus am fearann tiorann na shruthaibh uisge.

19 Cuiridh mi anns an fhàsach an seudar, an sitta, an miortal, agus an crann-ola; suidhichidh mi anns an fhàsach an giuthias, an gall-ghiuthas, agus am bocsa le chéile.

20 A chum gu'm faic agus gu'n aithnich iad, agus gu'n toir iad fainear, agus gu'n tuig iad maraon, gur i làmh an Tighearna a rinn so, agus gur e Ti naomh Israeil a dhealbh e.

21 Thugaibh am fagus'ur cùis, deir an Tighearn; thugaibh a làthair bhur mòr chumhachdan, deir rìgh Iacob.

22 Thigeadh iad am fagus, agus innseadh iad dhuinn na nithe a thig gu crìch; innseadh iad dhuinn ciod iad na nithe a bharoimhe, chum as gu'n d'thoir sinn fainear iad; agus gu'm bi fios againn air a'

crìch; no cuireadh iad an céill nithe ri teachd.

23 Innsibh dhuinn na nithe, a thig gu crìch an déigh so, agus aithnichidh sinn gur dée sibh; seadh deanaibh maith no deanaibh olc, a chum as gu'n anbaire sinn<sup>4</sup>, agus gu'm faic sinn e maraon.

24 Feuch, is neo-ni sibh, agus is ni gun bhrìgh bhur obair: is gràinealachd *esan* a roghnaicheas sibh.

25 Thog mi suas *fear* o thuath, agus thig e; o òirigh na gréine gairmidh e air m'ainm; agus thig e nuas air prionnsaibh, mar *air* elabar, agus mar a shaltras an criadhair a' cìriadh.

26 Cò a dh'innis o thùs, ionnas gu'm biodh fios againn; agus roimh làimh, gu'n abramaid, *Tha e ceart?* Seadh, cha 'n'eil neach ag innseadh, seadh, cha 'n'eil neach ag cur an céill, seadh, cha 'n'eil neach ag cluinntinn 'ur briathra.

27 *Their mi ri Sion* an toiseach, Feuch, feuch iad sin; agus do Ierusalem bheir mi teachdair deadh sgéil.

28 Oir dh'ambaire mi, agus cha robh neach ann, agus nam measg cha robh fear-comhairle; no neach a bheireadh freagradh, an uair a dh'fheòruich mi dhiubh.

29 Feuch, is dìomhanas iad uile; is neo-ni an oibre; is gaoth agus faoincis an dealbhan leaghta.

## CAIB. XLII.

**F**EUCH m'òglach, a chumas mi suas; m'aon taghta, anns am bheil tlachd aig m'anam: chuir mi mo spiorad air; foillsichidh e breitheanas do na cinnich.

2 Cha ghlaodh e, agus cha tog e iolach; agus cha chluinnear a ghuth anns na sràidibh<sup>5</sup>.

3 A' chuile bhrùithe cha bhris e, agus an lìon d'am bheil caol smùid cha mhuch e; foillsichidh e breitheanas chum firinn.

4 Cha d'thig failing no briseadh air, gus an suidhich e breitheanas air an talamh; agus feithidh na h-cileana air a lagh.

5 Mar so deir an Tighearn Dia, *esan* a chruthaich na nèamhan, agus a shìn a mach iad; a sgaoil a mach an talamh agus na chimucas as; a tha tabhairt anail<sup>6</sup> do'r t-sluagh, a ta air, agus deo dhoibhsan, a ta 'g imeachd air.

6 Ghairm mise Iehobhab thu ann am fhìreantachd, agus gabhaidh mi greim do d' làimh, agus gleidhidh mi thu; agus bheir mi thu mar choimcheangal do'n t-sluagh, mar sholus do na cinnich.

7 A dh'fhosglaidh nan sùilean dalla; a thabhairt a phrìosunaich a mach as a' phrìosun, agus na nuinntir, a ta nan suidhe ann an dorchadas, a' tigh na daorsa.

8 Is mise Iehobhab, is e sin m'ainm; agus mo ghloir cha tabhair mi do neach eile, no mo chliù do dhealbhan snaighte.

<sup>1</sup> neartaich.    <sup>2</sup> chuidich.    <sup>3</sup> chum.

<sup>4</sup> bi sinn fo uamhas.    <sup>5</sup> am muigh.    <sup>6</sup> anailach.



9 Feuch na seann nithe, thàinig iad gu crìch, agus nithe nuadh cuiream an cèill. mu'm bris iad a mach foillsichidh mi dhuibh iad.

10 Seinnibh do'n Tighearn òran nuadh: *seinnibh* a chliu o iomall na talmhainn; sibhse a bhios dol air cuan, agus na h-uile a ta 'ga lìonadh; eileana, agus na h-uile a ta chòmhnuidh anna.

11 Togadh am fàsach *iolach*, agus na bailtean a ta ann; na bailtean beaga, luchd-àiteachaidh Chedair; deanadh luchd-àiteachaidh na creige co-ghàir; o mhullach nan sléibhtean togadh iad *iolach*.

12 Thugadh iad glòir do'n Tighearn, agus cuireadh iad an cèill a chliu am measg nan eilean.

13 Mar threum-fhear théid an Tighearn a mach; mar fhear-cogaidh dùisgidh e suas 'eud: gladhaidh e, seadh togaidh e *iolach*; ni e gaisge an aghaidh a naimhdean.

14 Dh'fhan mi fada sàmhach, bha mi a'm' thosd, chum mi orm féin<sup>1</sup>; *nis* éighidh mi mar mhaoi ri saothair; sgriosaidh mi, agus ithidh mi suas maraon.

15 Cuiridh mi fàs sléibhtean, agus tior-  
maichidh mi am fear uile; ni mi na h-aibh-  
nichean nan eileanaibh, agus tiormaichidh  
mi na linneachan uisge.

16 Agus stiùraidh mi na doill air slighe nach b'aithne dhoibh; trid cheuman air nach robh iad eòlach treoraichidh mi iad; ni mi an dorchadas na sholus rompa, agus *ni mi* slighean fiara dìreach: na nithe so ni mi air an sor, agus cha tréig mi iad.

17 Pillear air an ais, nàraichear gu tur, iadsan, a ta cur an dòchais ann an dealbh snaighte, a ta 'g ràdh ris na dealbhan leaghta, Is sibhse ar dée-ne.

18 Chuinnibh, sibhse ta bodhar; agus a dhaoine dalla, amhaircibh a chum 's gu'm faic sibh.

19 Cò a tha dall ach m'òglach-sa, no bodhar mar an teachdair a chuir mi uam? Cò a tha dall mar esan a ta ionlan, no dall mar òglach an Tighearna?

20 Tha thu faicinn iomadh ni, ach cha 'n'eil thu tabhairt fainear; tha do chluasan fosgailte, ach gun bhi cluinntinn.

21 Tha an Tighearn gràsmhor air sgàth 'fhìrinn féin; àrdaichidh e an lagh, agus cuiridh e urram air.

22 Ach is sluagh so a tha spùinntè agus creachta; tha iad uile air an glacadh ann an slochdaibh, agus air an druidealh a steach ann am prìosunaibh; rinneadh iad nan cobhartach, agus cha 'n'eil neach 'gan tearnadh; nan creich, agus cha 'n'eil neach a deir, Thoir air ais.

23 Cò 'n'ur measg a dh'éisdeas ri so; a bheir fainear, agus a ghabhas suim san àm ri teachd?

24 Cò a thug Iacob mar cobhartach, agus Israel do'n luchd-creachaidh? Nach b'e an Tighearn, esan an aghaidh an do pheacaich iad, agus nach b'ail leo gluasad na shligheibh, ni mò thug iad geill d'a reachd?

25 Air an aobhar sin dhòirt e air teas a chorruich, agus ncart a' chatha; agus dh'fhadaidh e teine mu'n cuairt da, acli cha do thuig e; agus loisg se e, gidheadh cha d'thug e fainear.

C A I B. XLIII.

**A**CH a nis mar so deir an Tighearn, a chruthaich thu, O Iacuib, agus a dhealbhaich thu, o Israeil; Na biodh eagail ort, oir shaor mise thu; ghairm mi thu air d'ainm; is leamsa thu.

2 An uair a shiùbbas tu trid nan uisgeachan, *bithidh* mise maille riut; agus trid nan aibhnichean, cha d'thig iad tharad; an uair a dh'imicheas tu tre an teine, cha loisgear thu, agus cha dean an lasair greim ort<sup>2</sup>.

3 Oir is mise an Tighearn do Dhia, Ti naomh Israeil, d'fhear-saoruidh: thug mi an Eipht ann ad eiric; Etiopia agus Seba air do shon.

4 A chionn gu'n robh thu luachmhor ann am shealladh, fhuair thu urram, agus thug mise gràdh dhuit; uime sin bheir mi daoine air do shon, agus slòigh an eiric d'anama.

5 Na biodh cagal ort, oir tha mise maille riut; o'n ear bheir mi do shliochd, agus o'n iar cruinnichidh mi thu.

6 Their mi ris an àirde tuath, Thoir scachad, agus ris an àirde deas, Na cum air ais; thoir mo nihic o chéile, agus mo nigh-eanan o chrìochaibh na talmhainn;

7 *Eadhon* gach neach a ta air a ghairm air m'ainm-sa; oir chum mo ghloire chruathaich mi e, dhealbhaich mi e, seadh rinn mi e.

8 Thugaibh a mach iadsan a tha dall, agus sùilean aca; agus a ta bodhar, agus cluasan aca.

9 Cruinnichar na cinnich uile le chéile, agus tionailar na slòigh; cò nam measg a dh'fhoillsicheas so, agus a dh'inneas duinn na nithe air thoiseach? Thugadh iad a *làthair* am fianuisean, a chum gu'm bi iad air am fireanachadh; no éisdeadh iad, agus aidicheadh<sup>3</sup> iad, *Tha sin* fìor.

10 Is sibhse m'fhianuisean, deir an Tighearn, eadhon m'òglach a roghnaich mi; a chum gu'n aithnich agus gu'n creid sibh mi; agus gu'n tuig sibh gur mi Esan; romham-sa cha robh dia sam bith air a dhealbhadh, ni mò bhitheas aon a'm' dhéidh.

11 Is mise, *eadhon* mise an Tighearn;

<sup>1</sup> Am bi mi fathast a'm' thosd? An cum mi orm féin?

<sup>2</sup> cha dearg an lasair ort.    3 abradh.

agus a mach uamsa<sup>1</sup> cha 'n'eil slanuighear ann.

12 Dh'fhoillsich mise, agus theasaig mi, agus chuir mi'n céill, an uair nach robh *dia* eile 'n'ur measg; uime sin is fianuisean sibh dhonihsa, gur mi Dia.

13 Eadhon mu'n robh latha ann, is mi E; agus cha 'n'eil neach ann a theasaigear as mo làimh; oibrichidh mise, agus cò a bhacas e?

14 Mar so deir an Tighearn, 'ur fear-saoraidh, Ti naomha Israeil, Air bhur son-sa chuir mi fios gu Babilon, agus thug mi nuas a croinn-dhruididh uile, agus na Caldéich, a ni uail<sup>2</sup> nan longaibh.

15 Is mise an Tighearn, bhur Ti naomha, cruith-fhear Israeil, bhur righ.

16 Mar so deir an Tighearn, esan a ni slighe anns an fhaighe, agus rathad anns na h-uisgeachaibh làidir;

17 A bheir a mach an carbad agus an t-each, an armailt agus am feachd; le chéile luidhidh iad sìos, agus cha'n éirich iad; chuireadh as iad, mhùchadh iad mar asgart.

18 Na cuimhnichibh na nithe a bh'ann roimhe; agus na nithe a bha o shean na tngaibh fainear.

19 Feuch ni mi ni nuadh, a nis brisidh e mach; nach d'thoir sibh aire dha? Seadh, ni mi anns an fhàsach slighe, agus aibhnichean anns an di-threabh.

20 Bheir fiadh-bheathach na machrach glòir dhomh; na dragona agus na caill-eachan-oidhche; a clionn gu'n d'thug mi uisgeachan anns an fhàsach, aibhnichean anns an di-threabh; a chum deoch a thabhairt do m'shluaigh, do mo mhuinntir thaghta.

21 An sluagh so dhealbha mi air mo shon féin, cuiridh iad an céill mo chliu.

22 Gidheadh cha do ghairm thu orm, O Iacoib, ach ghabh thu seirbhe dhìom, O Israeil.

23 Cha d'thug thu do m' ionnsuidh meanbh-chrodd do thabhartas loisgte; ni mò thug thu urram dhomh le d'ìobairtibh; cha do shàruich mi thu le tabhartas, ni mò sgithich mi thu le tùis.

24 Cha do cheannuich thu dhomhsa le h-àirgid a' chuire chùbhraidh, ni mò lìon thu mi le saill d'ìobairtean; ach shàruich thu mi le do lochdaibh; sgithich thu mi le d'ea-ceairtibh.

25 Is mise, mise féin, esan a dhubhas d'ea-ceairtean as, air mo sgàth féin; agus do lochdan cha chum mi air chuimhne.

26 Cuir a'n' chuimhne, tagramaid le chéile; cuir an céill do chùis, dh'fheuchainn an glan thu thu féin.

27 Pheacaich do cheud athair, agus chiontaich do luchd-teagaisg a'm' aghaidh.

28 Uime sin, sgar mi mach uachdarain

an ionaid naomha; agus thug mi thairis Iacob chum mallachaidh, agus Israel chum maslaidh.

## CAIB. XLIV.

**A** CH a nis éisd, O Iacoib, m'òglach, agus Israeil, a roghnaich mi.

2 Mar so deir an Tighearn a chruthaich thu, agus a dhealbha thu o'n bhroinn, agus a chuidicheadh thu; Na biodh eagal ort, o Iacoib, m'òglach, agus a Iesuruin, a roghnaich mi;

3 Oir doirtidh mi mach uisge air an tartmhor, agus sruthan<sup>3</sup> air an fhearann chruaidh; doirtidh mi mach mo Spiorad air do shliochd, agus mo bheannachd air do ghineil.

4 Agus fàsaidh iad suas mar anns an fhear; mar gheugaibh seilich ri taobh nan sruth-chlaid-ean.

5 Their an fear so, Is leis an Tighearn mise; agus ainmichear fear eile air ainm Iacoib; agus scriobhaidh fear eile le a làimh<sup>4</sup> do'n Tighearn, agus sloinnidh se e féin air ainm Israeil.

6 Mar so deir an Tighearn, righ Israeil, agus 'fhear-saoraidh, Tighearn nan sluagh, Is mi an ceud neach, agus is mi an neach deircannach; agus a mach uamsa cha 'n'eil dia ann.

7 Agus cò, mar mise, a ghairmcas, agus a chuireas an céill e, agus a chuireas an ordugh dhomh e, o'n àm an do shuidhich mi an sluagh o shean? no a chuireas an céill duinn<sup>5</sup> na nithe a ta a' teachd, agus a ta ri teachd.

8 Na biodh eagal oirbh, agus na biodh geilt oirbh; nach d'fhoillsich mise dhuit o'n àm ud, agus nach d'innis mi? seadh is fianuisean sibh dhomh. Am bheil dia ann ach mise? seadh cha 'n'eil dia<sup>6</sup> eile ann; cha'n aithne dhomh aon.

9 Iadsan a ni dealbh snaighte, is dìomh-anas iad uile; agus nan nithibh taitneach cha bhi tairbhe; agus tha iad nam fianuisibh nan aghaidh féin, nach faic iad, agus nach tuig iad, a chum as gu'm biodh iad air an nàrachadh.

10 Cò a dhealbha dia, no a thilg dealbh leaghta, anns nach 'eil tairbhe sam bith?

11 Feuch, bithidh a chompanaich uile air an nàrachadh; agus an luchd-oibre, is daoine iad<sup>7</sup>; cruinnichtear iad uile r'a chéile, seasadh iad suas; bithidh eagal ora, agus bithidh iad air an nàrachadh le chéile.

12 Gearraidh an gobha mìr iaruin, oibrichidh se e anns na h-cibhligh, agus ni e a chumadh le h-ordaibh, agus caithidh se spionnadh a ghairdein air; seadh bithidh e ocrach, agus fàilnichidh 'a neart; cha'n òl e uisge, agus bithidh e fann.

13 Sinidh an saor a mach a riaghail,

<sup>1</sup> a bharr ormsa. <sup>2</sup> iolach. <sup>3</sup> cuochana.

<sup>4</sup> cuiridh fear eile comhair air a làimh.

<sup>5</sup> doibh. <sup>6</sup> dèidein, carraig. Eabh. <sup>7</sup> air an luchd-oibre bithidh rugha gruaidhe.



comharaichidh se e le dath; cuiridh e cumadh air leis an lochdar, agus sgéithidh se e leis a' ghobhal-roinn; agus dealbhaidh se e do réir coslais fir, do réir maise duine, chum fantuinn anns an fhàrdaich.

14 Gearraidh e sìos craobhan seudair dha féin, agus gabhaidh e an giuthas agus an darach, a thaghas e dha féin an measg chraobhan na frìche<sup>1</sup>; súdlichidh e cran-uinsinn, agus altruimidh an t-uisge e.

15 An sin bithidh e aig duine chum a losgadh; agus gabhaidh e dheth, agus gearraidh se e féin; seadh cuiridh e teine ris, agus deasaichidh e aran; seadh ni e dia, agus bheir e adhradh dha; ni e dealbh snaighte dheth, agus cromaidh e sìos dha.

16 Cuid dheth loisgidh e san teine, le cuid eile dheth deasaichidh agus itbidh e feoil; ròstaidh e biadh, agus sàsuichear e; an sin gearraidh se e féin, agus their e Aha, rinn mi mo gharadh, dh'aithnich mi an teine.

17 Agus do'n chuid eile dheth: ni e dia, eadhon dealbh snaighte dha féin; cromaidh e sìos dha, agus bheir e adhradh dha; agus ni e urnuigh ris, agus their e, Teasairg mi, oir is tu mo dhia,

18 Cha 'n'eil eòlas aca, ni mò tha tuigse aca; oir dhruid e an stùlean air chòr as nach faic iad, agus an cridheachan air chor as nach tuig iad.

19 Agus cha 'n'eil aon neach a' toirt faineir na chridhe, ni mò tha eòlas no tuigse aige gu a ràdh, Loisg mi cuid dheth san teine, dheasaich mi fòs aran air eibhlibh dheth; ròist mi feoil agus dh'ith ni, agus an dean mi am fuigheall deth na ghràincalachd? an crom mi mi féin sìos do bhun craoibhe?

20 Tha e a' teachd beo air luathre; thug cridhe meallta air seacharan e, air chor as nach toir e as 'anam féin; ni mò their e, Nach 'eil breug ann am làimh dheis?

21 Cuimhnich na nithe so, O Iacoib; agus Israeil, oir is tu m'òglach; dhealbh mi thu, is òglach dhomhsa thu; O Israeil, cha leig mis' air di-chuimhn thu.

22 Dhubb mi as, mar neul, d'ea-cairt-ean; agus mar cheo, do lochdan; pill rium, oir shaor mis' thu.

23 Seinnibh, O nèamha, oir thug an Tighearn gu crìch; togaibh iolach, O dhoimhneachda na talmhainn; brisibh a mach le ceileir a shlèibhtean; O dhoire, agus gach craobh a ta ann; oir shaor an Tighearn Iacob, agus ghlòraich se e féin ann an Israel.

24 Mar so deir an Tighearn d'fhear-saoraidh, agus esan a dhealbh thu o'n bhroinn; Is mise an Tighearn, cruith-fhear nan uile nithe; a ta sìneadh nan

nèamhan a mach a'm' aonar; a ta sgaoil-eadh na talmhainn leam féin;

25 A bheir gu neo-ni comharan nam mcalltairean, agus a chuireas na fiosaichean air chuthach; a philleas daoine glise air an ais, agus a thionadhas an eòlas gu amaid-eachd;

26 A dhaingnicheas focal a sheirbhisich agus a choimhlìonas comhairle a theachdairean; a deir ri Ierusalem, Bithidh tu air d'aitheachadh; agus ri bailtibh Iudah, Bithidh sibh air bhuir togail; agus a h-ionada fasail togaidd mi suas;

27 A deir ris an doimhne, Bi air do thìormachadh; agus tìormaichidh mi d'aibhnichean;

28 A deir mu Chirus, Is e mo bhuach-aile; agus coimhlìonaidd e m'uile thoil; ag ràdh ri Ierusalem, Togar thu; agus ris an teampull, Leagar do bhunait<sup>2</sup>.

# CAIB. XLV.

**M**AR so deir an Tighearn r'a aon ungta, ri Cirus air am bheil greim agam air a làimh dheis, a cheamnsachadh chinn-cach roimhe, agus fuasgailidh mi leasraidh rìghrean; a dh'fhosglaidh nan còmhladh roimhe, agus cha bhi na geatachan air an druideadh.

2 Thèid mise romhad, agus ni mi na slighean<sup>3</sup> fiara d'èrach; na còmh-laidhean umha spealgaidh mi, agus na croinn iarunn brisidh mi nam bloighdibh.

3 Agus bheir mi dhuit ionmhasan an dorchadais, agus taisgeacha nan ionada diomhair; a chum gu'm bi fios agad gur mise an Tighearn, a ghairm thu air d'aimn, Dia Israeil.

4 Air sgàth Iacoib m'òglaich, agus Israeil a roghnaich mi, ghairm mi eadhon air d'aimn thu; thug mi sloinneadh ort, agus thu ain-eolach orm.

5 Is mi an Tighearn, agus cha 'n'eil ann ach mi; a mach uamsa cha 'n'eil Dia ann: crìoslaichidh mi thu, agus thu ain-eolach orm.

6 A chum gu'm bi fios aca o ùrigh na gréine agus o'n Iar, nach 'eil ann ach mi: is mise an Tighearn, agus cha 'n'eil athar-rach<sup>3</sup> ann.

7 Taim a' dealbhadh an t-soluis, agus a' cruthachadh an dorchadais; a' deanamh sìth, agus a' cruthachadh dòlais; tha mise an Tighearn a' deanamh nan nithe so uile.

8 Silibh, O nèamha, o'n àird, agus frasadh na neoil a nuas fireantachd; fòsgladh an talamh, agus gineadh iad slàinte, agus fàsaidh fireantachd a nìos maraon; is mise an Tighearn a chruthaich e.

9 Is an-aoibhin dhasan a ni strì ris an fhear a rinn e; an t-slige-chreadha ri fear-deilbh na creadha; an abair a' chriadh ris-san a chumas i, Ciod a tha thu dean-

<sup>1</sup> agus caithidh se a neart air crabbhan na frìthe.

<sup>2</sup> steidh.

<sup>3</sup> aon eile.

amh? no *an abair* an nì a rinn thu, Cha 'n'èil làmh an aige-san, a *rinn mi*?

10 Is an-aòibhlin dha-san a deir r'a athair, Ciod a ta thu gintinn? no r'a mhàthair, Ciod a ta thu breith?

11 Mar so deir an Tighearn, Ti naomh Israeil, agus esan a dhealb e, Feòraichibh dhìom nithe ri teachd, mu thimchioll mo chloinne; agus iarraibh orm do thaobh oibre mo làmh<sup>1</sup>.

12 Is mise a rinn an talamh, agus chruthaich mi an duine air; is iad mo làmh an shìn a mach na nèamhan; agus d'am feachd uile thug mi àithne.

13 Thog mi esan suas ann am fireantachd, agus ni mi dìreach 'uile shlighean; togaidd e mo chathair, agus fuasglaidh e mo bhraighdean; cha'n ann air son luach, no air son duaise, deir Tighearn nan sluagh.

14 Mar so deir an Tighearn, Saothair na h-Eiphit, agus ceannachd Etiopia, agus na Sabéich, daine àrd ann an cruth; thig iad thairis a d'ionnsuidh, agus bithidh iad leat<sup>2</sup>; leanaidh iad thu; ann an cuibhrichibh thig iad thairis; agus cromaidh iad sìos duit, agus cuiridh iad suas achuinge riut; ag *radh*, Gu deimhin annadsa *tha* Dia, agus cha 'n'èil Dia eile ann.

15 Gu deimhin is Dia thus' a ta 'gad fhòlachadh féin, O Dhé Israeil, an Slan-uighear.

16 Tha iad air an nàrachadh, tha iad eadhon air am maslachadh, an t-iomlan diubh; cuirear iad maraon gu h-amhladh, a *tha nan luchd-deanamh* ìodholan.

17 Ach saor Israel anns an Tighearn le saorsa shìorruidh, cha nàraichear sibh, ni mò mhaslaichear sibh, feadh linne na sìorruidheachd.

18 Oir mar so deir an Tighearn, a chruthaich na nèamha; esan, eadhon Dia, a dhealb an talamh agus a rinn e, esan a dhaingnich e; (cha do chruthaich e gu dìomhain e, dhealb sc e gu bli air 'àiteachadh;) Is mise an Tighearn, agus cha 'n'èil atharrach<sup>3</sup> ann.

19 Cha do labhair mi ann an uaigneas, ann an ionad dorcha do'n talamh; cha dubhairt mi ri sìochd Iacoib gu dìomhain<sup>4</sup>, Iarraibh mi: is mise an Tighearn a labhras ann am fireantachd, a dì'fhoillsicheas nithe ceart.

20 Cruinnichibh sibh féin, agus thigibh; dlùthaichibh le chéile, sibhs' a ta air dol as o nheasg nan cinneach: cha 'n'èil eòlas aca-san a ta cur suas fiodha an deilbh shnaighte, agus a' deanamh ùrnuigh ri dia, nach urrainn tearnachd.

21 Cuiribh an céill, agus thugaibh am fagus; seadh, gabhadh iad comhairle le

chéile; cò a dh'aithris so o chian? a dh'innis e o'n àm ud? nach mise, an Tigh-earn? agus cha 'n'èil dia tuille ann ach mi; Dia ceart agus Slan-uighear; cha 'n'èil ann ach mi.

22 Seallaibh riumsa, agus bithibh air bhur tearnachd, uile iomalla na talmhainn; oir is mise Dia, agus cha 'n'èil atharrach ann.

23 Orm féin mhionnaich mi; chaidh fìrinn a mach as mo bhèul; briathar, agus cha phill e air ais; Gu cinnteach dhomhsa lùbaidh gach glùn, mionnaichidh gach teanga.

24 Gu cinnteach, deir *neach*, anns an Tighearn ta agam fireantachd agus ncart; d'a ionnsuidh-san thig iad; bithidh iadsan uile air an nàrachadh air am bhèil corruich na aghaidh.

25 Anns an Tighearn fireanaichear uile shliochd Israeil, agus ni iad uail.

## CAIB. XLVI.

**T**HA Bcl a' cromadh sìos, Nebo a' crùbadh; bha an ìodholan air na beathaichibh agus air na h-ainmhidhean; tha bhur n-eallaichean trom, nan cudthrom do'n *ainmhidh* aircnalach.

2 Crùb iad, chrom iad sìos le chéile; cha b'urrainn iad an eallach a thearnadh; ach chaidh iad féin ann am braighdeanas.

3 Eisdibh rium a thigh Iacoib, agus uile iarmad tìge Israeil; a ghiùlaineadh *lean* o'n bhroinn, a dh'iomchaireadh o'n bholg:

4 Eadhon gu 'ur scan aois, agus gu 'r falt liath, is mise féin an tì a ghiùlaineadh sibh; is mi a rinn, agus ghiùlainidh mi, iomchaidh mi, agus tearnaidh mi.

5 Cò e ris an samhluich sibh mi, agus ris an dean sibh comhad mi? agus cò e ris an coimeas sibh mi, a chum gu'm bi sìon cosmhuil?

6 Taomaidh iad òr as a' mhàla, agus tonhaisidh<sup>5</sup> iad airgid anns a' mbeigh; tuarasdalaichidh iad òr-cheard, agus ni esan dia dheth; cromaidh iad sìos, seadh ni iad adhradh.

7 Giùlainidh iad e air an guailibh, iomchaidh iad e, agus cuiridh iad e na àit, agus seasaidh e, as 'ionad cha ghluais e; seadh gladhaidh *neach* ris, ach cha fhreagar e, agus cha teasairg se e o' theinn.

8 Cuimhnichibh so, agus bithibh fearail<sup>6</sup>; thugaibh fairear e a ris, a luchd-briseadh an lagha.

9 Cuimhnichibh na ceud nithe, a bh'ann o shean; oir is mise Dia, agus cha 'n'èil atharrach ann; is mise Dia, agus cha 'n'èil mo shamhuil<sup>7</sup> ann;

10 A' foillseachadh na crìche o'n tùs, agus o'n aimsir chéin, nan nithe nach 'èil *fathast* deanta, ag *radh*, Seasaidh mo

<sup>1</sup> Am bheil sibh a' cur ceist ormsa mu nithibh ri teachd, do thaobh mo chloinne? no am bheil sibh a' toirt àithne dhomh mu thimchioll oibre

mo làmh? <sup>2</sup> buimhidh iad dhuit. <sup>3</sup> aon eile. <sup>4</sup> gu fealltach. <sup>5</sup> cothromaichidh. <sup>6</sup> gabhaibh nàire. <sup>7</sup> leth-bhreac.



chomhairle, agus gach ni a's àill leam ni mi;

11 Ag gairm na h-iolair o'n ear, agus fir mo chomhairle o thìr chéin; seadh labhair mi, agus bheir mi gu crìch e; rùnaich mi, agus coimhleanaidh mi e.

12 Eisdibh rium, sibhse aig am bheil an cridhe rag, a tha fad as o fhìreantachd.

13 Bheir mis' am fagus m'fhìreantachd-sa, cha bhi i fad as; agus cha dean mo shlàinte mòille; agus bheir mi slàinte ann an Sion do Israel mo ghloir.

C A I B. XLVII.

**T**HIG a nuas agus dean suidhe anns an duslach, Oigh nighean Bhabiloin; suidh air an làr, cha 'n'eil rìgh-chaitheir ann, a nighean nan Caldéach; oir cha ghair iad maoth agus muirneach dhìot ni's mò.

2 Gabh na clacha-muifinn agus bleith<sup>1</sup> min; leig ris do chiabhan, rùisg do throidh, leig ris do chas<sup>2</sup>, imich trid nan aibhnnichean.

3 Leigear ris do lomnochduigh, chithear eadhon do nàir; ni mi dìoghaltas, cha choinnich mi thu mar dhuine<sup>3</sup>.

4 Ar fear-saoraidh, is e Tighearn nan sluagh a's ainm dha, Ti naomh Isracil.

5 Suidh a'd' thosd, rach a steach ann an òrchadas, O nighean nan Caldéach; oir cha'n abrar riut ni's mò Bain-tighearn nan rìoghachdan.

6 Bha corruich orm ri mo shluagh, thruaill mi m'òighreachd, agus thug mi thairis iad do d'làimh; cha do nochd thusa tròcair dhoibh, air an aoisda leag thu do chuinge gu trom.

7 Agus thubhairt thu, Bithidh mi a'm' bhain-tighearn gu sìorruidh; air chor as nach do leag thu d'aire air na nithibh so! cha do chuimhnich thu a chrìoch dheireannach.

8 Uime sin, cluinn so a nis, a bhean shòghlmhor, a ta 'nad shuidhe gun umhail; a ta 'g ràdh ann ad chridhe, *Tu mi*, agus cha 'n'eil ann ach mi; cha suidh mi a'm' bhantraich, cha'n aithnich mi call cloinne.

9 Gidheadh thig an dà ni so ort gu h-obann, ann an aon latha, call cloinne, agus bantrachas; thig iad ort nan làn tomhas, air son lìonmhoireachd do dhruidlicheachdan, agus iomadalachd<sup>4</sup> do ghisreagan<sup>5</sup>.

10 Oir dh'earb thu a'd' aingidheachd; thubhairt thu, Cha 'n'eil neach gam fhaicinn; chuir eadhon do ghliocas agus d'edolas air seacharan thu; air chor as gu'n dubhairt thu ann ad chridhe, *Tu mi*, agus cha 'n'eil ann ach mi.

11 Uime sin thig olc ort, nach bi fios agad cia as a dh'èirich e; agus tuitidh airmheas ort, nach bi thu comasach air a

thionndadh uait; agus thig léir-sgrìos ort gu h-obann, gun thu 'ga mhothachadh.

12 Seas suas a nis le do ghisreagaibh, agus le lìonmhoireachd do dhruidhchachdan, anns an do shaoithrich thu o d'òige; ma's e as gur urrainn thu buannaclhd fhaghail, ma's e as gu'm feud thu buadhachadh.

13 Tha thu air do sgithcachadh ann an lìonmhoireachd do chomhairlean. Seasadh na speiradairean suas, luchd-amharc nan reultan, iadsan a ta ri fiosachd gach mìos; agus teamadh iad thu o na nithibh, a tha gu teachd ort.

14 Feuch bithidh iad mar asbhuain, loisgidh an teine suas iad; cha tearuinn iad an anama féin o chumhachd na lasrach; cha'n fhàgar fìu eibhleag gu neach a gharadh, no teine gu suidhe làimh ris.

15 Is anhuil a bhitheas dhuit a mhuinn-tìr, leis an do shaoithrich thu, iadsan ris an robh guothach agad o d'òige; tionndaidh iad gach aon a leth-taobh gu a ghnothach féin; cha bhi d'fhear-tearnaidh ann.

C A I B. XLVIII.

**C**LUINNIBH so, O thigh Iacob, sibhse a ta air bhur n'ainmeachadh air Israel; agus a thàinig a mach o uisgeachaibh Iudah; a ta mionnachadh air ainm an Tighearna, agus a' deanamh luaidh air Dia Israel; ach cha'n ann ann am fìrinn no ann an ionracas.

2 Oir tha iad 'gan ainmeachadh féin air a' Chathair naomha, agus a' leigeil an taice ri Dia Isracil; is e Tighearn nan sluagh a's ainm dha.

3 Dh'fhoillsich mi na ceud nithe o thùs; agus o m' bhenl chaidh iad a mach, agus chuir mi an céill iad; ann an ath-ghoirid rinn mi iad, agus thàinig iad gu crìch.

4 A chionn gu'n robh fios agam gu'n robh thu reasgach, agus gu'n robh do mhuineal mar fhèithiaruinn, agus d'eudann na umha.

5 Uime sin dh'fhoillsich mi dhuit iad o'n tùs; mu'n d'fhàinig iad gu crìch, dh'innis mi dhuit iad; a chum as nach abradh tu, Is e m'iodhol a thug mu'n cuairt iad; is iad mo dhealbh snaighte, agus mo dhealbh leaghta, a dh'orduich iad.

6 Chuala tu so, faic e air a choimh-ionadh; agus nach cuir sibhse an céill e? Innseam dhuit nithe nuadh o'n àm so, a ghleidheadh dìomhair, agus air nach robh fios agad.

7 Tha iad air an tabhairt gu crìch a nis, agus cha b'ann o shean; agus roimh an là so cha chuala tu iad; a chum as nach abradh tu, Feuch, bha fios agam orra.

8 Seadh, cha chuala tu, seadh, cha b'aithne dhuit; seadh, o'n toiseach cha d'fhosgladh do chluas; oir bha fios agam gu'm buineadh tu gu ro chealgach,

<sup>1</sup> meil. <sup>2</sup> shliasad. <sup>3</sup> cha ghabh mi  
duine mar caar-mheadhonair.

<sup>4</sup> lìonmhoireachd, iomarcachd. <sup>5</sup> gheasad-oireachd.

gu'm b'e Fear-easaontais a b'ainm dhuit o'n bhroinn.

9 Air sgàth m'ainme cuiridh mi dàil ann an chorruich, agus air son mo chliù cumaidh mi air a h-ais i uaitse, air chor as nach gearr mi as thu.

10 Feuch ghlan mi thu, ach cha b'ann le h-airgiod; thagh mi thu ann an àmhuinn an àmhghair<sup>1</sup>.

11 Air mo sgàth, air mo sgàth fèin, ni mi e; oir cionnas a bhiodh m'ainm air a mha-lachadh? Agus mo ghàir cha tabhair mi do neach eile.

12 Fi-d rium, O Iacob, agus Israeil, a ghairm mi, *Is* mi Esan, *is* mi an ceud neach, *is* mi fòs an neach deireannach.

13 Is i mo làmh a leag stéidh na talmhainn, agus réis mo dheas làimhe a thomhais na neamha; bheir mi gairm dhoibh, seasaidh iad suas le chéile.

14 Cruinnichibh uile sibh fèin le chéile, agus eisdibh; cò nam measg adh'fhoillsich na nithe so? cuiridh esan a's ionmhuin leis an Tighearn an guomh a thuit air Babilon, agus bithidh a ghairdean air na Caldeich.

15 Mise, mise fèin labhair; seadh ghairm mi e, threòruich mi e, agus soirbhichidh a shlighe.

16 Dlùthaichibh rium, agus cluinnibh so; o'n taiseach cha do labhair mi ann an uaigneas; o'n àm an do thachair e, *bha* mis' an sin<sup>2</sup>; agus a nis chuir an Tighearn Iehobhah mach mise, agus a Spiorad.

17 Mar so deir an Tighearn, d'fhearsaoraidh, Ti naomh Israeil; Is mis' an Tighearn do Dhia, a tha teagasg dhuit ciod a thig gu d' bhuannachd; a tha 'gad stiùradh anns an t-slighe, air an inich thu.

18 O gu'n tugadh tu faineas m'aitheantasa! an sin bhiodh do shùth mar abhainn, agus d'fhireantachd mar thonna na faire.

19 Agus bhiodh do shìol mar a' ghaineamh, agus slìochd do chuim mar a meanbh-chlocha; cha bhiodh d'ainm air a ghearradh as, no air a sgrios as mo làthair.

20 Rachaibh a mach o Bhabilon; teichibh o thìr nan Caldeach; le guth gairdeachais innisibh, cuiribh so an cèill; sgaoilibh an sgeul gu iomall na talmhainn; abraibh, Shaor an Tighearn 'òglach fèin Iacob.

21 Agus cha robh tart orra anns na fàsaichibh trid an d'thug thu orra sìubhal; thug e air uisge sruthadh dhoibh as a' charraig; seadh sgoilt e a' chreag, agus bhrùchd an t-uisge mach.

22 Cha 'n'eil sìth, deir an Tighearn, do'n aingidh.

## CAIB. XLIX.

**E**ISDIBH, O eileana, riumsa; agus thugaibh aire, a shlàigh, o chéim;

o'n bhroinn ghairm an Tighearn mi; o chom mo mhàthar thug e luadh air m'ainm.

2 Agus rinn e mo bheil mar chlaidheamh geur, ann an sgàil a làimhe dh'fhòlaich e mi; seadh rinn e mi a'm' ghaith liomha; thaig e mi ann a dhorlach<sup>4</sup>.

3 Agus thubhairt e rium, Is tu m'òglach. O Israeil, anns am bi mi air mo ghlorachadh.

4 Agus thubhairt mise, Shaoithrich mi gu diomhain; air son neo-ni, agus air son diomhanais, chaith mi mo neart; ach gu cinnteach tha mo bhrèth maille ris an Tighearn, agus m'obair<sup>5</sup> maille ri mo Dhia.

5 Agus a nis mar so deir an Tighearn, (a dhealbh nì o'n bhroinn *gu bhi* a'm' òglach dha, a thabhairt Iacob air ais d'a ionnsuidh, agus a chum gu'm bi Israeil air a chruinneachadh thuige; uime sin<sup>6</sup> b'hi eam glòrmhor ann an sùilbhi an Tighearna, agus bithidh mo Dhia na neart dhomh;

6 Mar so deir e, Is nì suarach dhuit gu'm bitheadh tu a'd' òglach dhomhsa, a thogail suas gheugan Iacob, agus a dh'aisig nheangana<sup>7</sup> Israeil; bheir mi thu fòs mar shòlus do na cinnich, gu bhi a'd' shlàinte uanisa gu iomall na talmhainn.

7 Mar so deir an Tighearn, fear-saoraidh Israeil, a Thi naomha; ris-san a ta air a dhi-meas le daoibh, ris-san d'an do ghabh an cinneach gràin; ri seirbhi-each an luchd-riaghlaidh; a chi rìghrean, agus cìridh iad suas; uachdarain, agus nì iad adhradh; air son an Tighearna a ta dileas, agus Ti naomha Israeil a ròghnaich thu.

8 Mar so deir an Tighearn, Ann an àm taitneach chuala mi thu, agus ann an là na slàinte chuidich mi thu; agus gleidhidh mi thu, agus bheir mi thu mar choimheangal do'n t-sluagh; a dhaingneachadh na tìre, agus a thabhairt air na h-oighreachdaibh fasail bhi air an sealbhachadh;

9 A ràdh risa' mhuinntir a ta ceangailte, Rachaibh a mach; agus riu-san a ta ann an dorchadas, Thigibh am follas: Beathaichear iad air na sligheachaibh, agus anns na h-uile ionadaibh arda nì iad ionaltradh.

10 Cha bhi ocras no tart orra, nì mò bhuailas an teas, no a' ghrian, iad; oir nì esan aig am bheil iochd orra an stiùradh, agus treòruichidh se iad a chum nan sruthan uisge.

11 Agus nì mi mo shléibhtean uile na shlighe chòmhnaird; agus togar suas mòròide mòra.

12 Feuch, thig iad so o chian; agus feuch, iad so o thuath agus o'n iar; agus iad so o thìr Shinim.

13 Seinnibh gu h-àrd, O nèamha, agus dean gairdeachas, O thalamh; agus togaibh iolach, O shléibhtean; oir thug an Tighearn comhfhurtachd d'a shluagh, agus

<sup>1</sup> fàirneis na teinn.<sup>2</sup> 'n'ur.<sup>3</sup> roimh<sup>4</sup> bholg-shaighead.<sup>5</sup> duais m'òibre.<sup>6</sup> Ged nach bi Israeil air a<sup>7</sup> fhaillleana.



gabhaidh e truas d'a mhuinntir a ta fo àmhghar.

14 Ach thubhairt Sion, Thréig an Tighearn mi, agus rinn mo Thighearn mo dhi-chuimhneachadh.

15 An di-chuimhnich màthair a leanabh cìche, gun iochd a dhcanamh air mac a cuim? Fcudaidh eadhon iad-an di-chuimhneachadh, ach cha di-chuimhnich mis' thusa.

16 Feuch air dearnaibh mo làmh ghearr mi thu; tha do bhallachan a'm' fhuais an còmhnuidh.

17 Nì do chlànn deifir; siùbhlaidh iadsan a mach asad, a bha 'gad sgrios agus 'gad chur fàs.

18 Tog suas do shùilean, agus faic; tha iad so nìc air an cruinneachadh le chèile, tha iad a' teachd do d' ionnsuidh. *Mar is* beo mise, deir an Tighearn, sgèadaichidh tu thu fèin leo uile, mar le culaidh rionnhaich; agus ceanglaidh tu iad *umad*, mar a ni bean-bainnse a seudan.

19 Oir d'ionadan fàsaidh agus faondrach, agus fearann do léir-sgrios, eadhon a nis bithidh e air a dhomhlachach le luchd-àiteachaidh; agus siùbhlaidh iadsan fad air falbh, a bha 'gad shlugadh suas.

20 Their a' chlànn, a sgaradh uait, fathast ann ad chluasaibh, Tha an t-ionad so ro chumhang air mo shon; thoir àit dhomh, a chum gu'n gabh mi còmhnuidh.

21 An sin their thu ann ad chridhe, Cò a ghin dhomh iad so? oir dh'fhàgadh mi gun chloinn agus a'm' aonar, a'm' fhògarach agus air m'fhuadachadh; agus cò a dh'fàraich iad so? Feuch, dh'fhàgadh mi a'm' aonar; iad so, c'ait an robh iad?

22 Mar so deir an Tighearn Iehobhah, Feuch, togaidh mise mo làmh ris na cinnich, agus ris na slòigh cuiridh mi suas mo bhratach; agus bheir iad do mhic nan uchd, agus giùlainear do nigheana air an guailibh.

23 Agus bithidh rìghrean nan oideachan-altruim dhuit, agus am ban-rìghinnean nam màthraichean-altruim dhuit; sleuchdaidh iad sìos duit, le'n aghaidh ris an làr, agus imlichidh iad duslach do chas; agus aithnichidh tu gur mise an Tighearn, agus cha nàraichear iadsan, a chuireas an dòchas annamsa.

24 An d'thoirear a' chreach o'n fhear làidir, no an leigear a' chobhartach dhligh-each as?

25 Ach mar so deir an Tighearn, Bheirear eadhon cobhartach an fhir làidir uath, agus thèid creach an fhir uabhasaich as; oir gleacaidh mi ris-san a ghleacas riut, agus do chlànn teanaidh mi.

26 Agus bheir mi air do luchd-sàruchaidh an feoil fèin itheadh; agus cuiridh mi air mhisg iad le'm fuil fèin, mar le fion

nuadh; agus bithidh fios aig gach uile fheoil gur mise an Tighearn do Shlanuigh-car, agus gur e d'fhear-saoraidh Ti cumhachdach Iacobh.

C A I B. L.

**M**AR so deir an Tighearn, C'ait am bheil litir-dhealaich 'ur màthar, a chuir mise uam? No cò e am measg mo luchd-fàcha ris an do reic mi sibh? Feuch, air son 'ur do-bheartan tha sibh air bhur reiceadh; agus air son 'ur n-ea-ceairtcan chuireadh air falbh 'ur màthair.

2 C'ar son, an uair a thàinig mi, nach robh aon neach ann; an uair a ghairm mi, nach d'fhug aon neach freagradh? Am bheil mo làmh air fàs co ro-ghairid as nach urradh mi saoradh? agus am bheil mi gun chumhachd agam gu tearnadh? Feuch, le m'achmhasan tìormaichidh mi an fhairge, ni ni na h-aibhnnichean nam fàsach; tha 'n iasg a lobhadh dh'easbhuidh uisge, agus a' bàsachadh le tart.

3 Eideam na n'eamha le dubh-dhorchadas, agus cuiridh mi culaich-saie orra mar chòmhach.

4 Thug an Tighearn Iehobhah dhomhsa teanza nan daoine foghlumte, a chum gu'm b'athne dhomh focal a labhairt ann an deadh am ris an *neach a ta a'airnealach*: tha e dùsgadh, maduinn an déigh maidne; tha e dùsgadh mo chluaise, gu éisdeachd mar a ni foghlumne.

5 Dh'fhosgail an Tighearn Iehobhah mo chluas, agus cha robh mi ceannairceach; ni mò thionndaidh mi air n'ais.

6 Thug mi mo dhruim do'n luchd-bualaidh, agus mo ghialan dhoibhsan, a spìon am fionna; agus d'fholuich mi mo ghnùis o nàire agus o shìle.

7 Oir is e an Tighearn Iehobhah fear mo chuideachaidh, air an aobhar sin cha chuirear mi gu h-amhluadh; uime sin shuidhich mi mo ghnùis mar chloich-theine, agus tha fios agam nach nàraichear mi.

8 Tha esan am fagus a dh'fhìreanaicheas mi; cò esan a ni strì rium? Seasanaid a mach le chèile; co e m'easaraid? thigeadh e dlùth a'm' chòdhail.

9 Feuch, is e an Tighearn Iehobhah m'fhear-cuidich, cò a dhiteas mi? Feuch, fàsaidh iad uile sean mar thruscan; ithidh an leòmnan suas iad.

10 Cò e 'n'ur measg air am bheil eagail an Tighearna, a ta 'g éisdeachd ri guth a sheirbhisich, a ta siubhal ann an dorchadas, agus aig nach 'eil solus? carbadh e as ainm an Tighearna, agus leigeadh e a thaise r'a Dhia.

11 Feuch, sibhse uil' a ta fadadh teine, a ta 'g'ur cuairteachadh fèin le sraduibh; siubhlaibh ann an solus bhur teine, agus nan sradan a las sibh; so gheibh sibh o m'

\* a dh'fheithas ormsa. 2 iadsan a ta foghlum.

3 do'n luchd-fionnaidh.

4 fear m'agairt.

laimh-sa, luidhibh sibh sìos ann an doilghios.

## CAIB. LI.

**E**ISDIBH rium, sibhse ta leantuinn fìreantachd, sibhse ta 'g iarruidh an Tighearna; seallaibh ris a' charraig o'n do ghearradh a mach sibh, agus ri slochd na h-uamha o'n do chladhaicheadh sibh.

2 Seallaibh air Abraham 'ur n-athair, agus air Sarah a rug sibh; oir ghairm nìs' e na aonar, agus bheannaich mi e, agus rinn mi lìonmhor e.

3 Oir bheir an Tighearn comh-fhurtachd do Shìon, bheir e comh-fhurtachd d'a h-ionadaibh fàsail uile; agus nì e a fàsach mar Eden, agus a di-threabh mar ghàradh an Tighearna; gheibhear aobhneas agus subhachas innte, breith buidheachais agus fonn ciuil.

4 Eis-dibh rium, O mo shluagh, agus thugaibh aire dhomh, O mo ch nneach; oir thig r-achd a mach uam, agus foillsichidh mi mo bhreathanais chum soluis do na slòigh.

5 Tha m'fhìreantachd am fagus, tha mo shlàinte air dol a mach, agus nì mo ghàirdean breitheanas air na fìneachaibh; feithidh na h-eileana rium, agus ann mo ghàirdean cuiridh iad an dòchas.

6 Togaidh 'ur sùilean suas ris na nèamhaibh, agus amhaircibh air an talamh shìos; oir sgoilear o chéile na nèamha mar dheataich, agus fàsaidh an talamh sean mar thruscan; agus basaichidh a luchd-àiteachaidh air an amhladh cheudna<sup>1</sup>; ach mairidh mo shlàinte-sa gu sìorruidh, agus cha d'théid m'fhìreantachd air chùil.

7 Eisdibh rium, sibhse ta eòlach air fìreantachd, a shluagh aig am bheil mo lagh ann 'ur cridhe; na biodh eagal oirbh roimh mhasladh dhaoine, agus na gabhaibh geilt roimh an càineadh.

8 Oir ithidh an leòmann iad mar thrusgan, agus ithidh a' chnuimh iad mar oluinn; ach mairidh m'fìreantachd-sa gu sìorruidh, agus mo shlàinte gu linn nan linn-tean.

9 Dùisg, dùisg, cuir umad neart<sup>2</sup>, O ghàirdein an Tighearna; dùisg, mar anns na laithibh o shean, anns na h-aimsiribh o chian. Nach tusa a ghearr Rahab, agus a lot an dragon?

10 Nach tusa a thiormaich an fhainge, uisgeacha na doimhne mòire? a rinn doimhneachdan na fairge nan slighe do'n mhuinntir shaorta gu dol thairis?

11 Mar so pillidh muinntir shaorta an Tighearna, agus thig iad gu Sion le h-iolaich; agus bithidh aobhneas bitl-bhuan air an ceann; gheibh iad aobhneas agus subhachas, agus teichidh mulad agus caoidh air falbh.

12 Is mise, eadhon mise, an ti a bheir

dhuibh comhfhurtachd; cò thusa gu'n biodh eagal ort roimh dhuine, a gheibh bàs, agus roimh mhac an duine, a nìthear mar am fear?

13 Agus gu'n di-chuimhnichheadh tu an Tighearn do Chruith-fhear, a shìn a mach na nèamha, agus a leag stéidh na talmhainn; agus gu'm biodh fìor eagal ort gach là, air son corruich an fhir-shàruchaidh, mar gu'm biodh e ullamh gu sgrios? agus c'àit am bheil corruich an fhir-shàruchaidh?

14 Tha an ciomach a' deanamh deifir gu bhì air 'fhuasgladh, a chum nach faigh e bàs anns an t-slochd, agus nach fàilnich 'aran.

15 Oir is mise an Tighearn do Dhia, a nì ciuin an fhainge, an uair a bheucas a tonna, is e Tighearn nan sluagh a's ainm dha.

16 Agus chuir mise mo bhriathran ann ad bheul, agus le sgàile mo làimhe dh'fholuich mi thu; a shuidheachadh nan nèamha, agus a leagadh bunait na talmhainn; agus a ràdh ri Sion, Is tu mo shluagh.

17 Dùisg, dùisg, éirich suas o Ierusalem, a dh'òl<sup>3</sup>, o laimh an Tighearna, cuach a chorruich; dh'òl thu, dh'fhàisg thu as, deisgean cuache na ball-chrith.

18 Cha 'n'eil fear-siùraidh aice, am measg nan uile nìhac a rug i; cha 'n'eil ann a ghilcas air làimh i, am measg nan uile nìhac a dh'altruim i.

19 Thachair an dà nì so dhuit; cò a nì caoidh air do shon? creachadh<sup>4</sup> agus milleadh, a' ghort agus an claidheamh; cò a bheir<sup>5</sup> dhuit comh-fhurtachd?

20 Tha do mhic air fannachadh, tha iad air tuiteam sìos aig ceann gach sràide, mar tharbh fiadhaich ann an lìon; lìonadh iad làn do chorruich an Tighearna, do ach-mhasan do Dhé.

21 Air an aobhar sin, chuinn so a nis, O thus' a ta fuidh àmhghar; agus air mhìsg, ach cha 'n ann le fion.

22 Mar so deir do Thighearn Iehobhah, agus do Dhia, a thagras cùis a shluagh; Feuch, thug mi as do làimh cuach na ball-chrith; deisgean cuache mo chorruich; cha'n òl thu dh'i nì's mò.

23 Ach cuiridh mi i ann an làimh luchd-do shàruchaidh, a ta 'g ràdh ri d'anam, Crom sìos, a chum gu'n d'théid sinn thairis; agus leag thu do chorp sìos mar an làr, agus mar an t-sràid dhoibhsan, a ta gabhail seachad.

## CAIB. LII.

**D**UISG, dùisg, cuir umad do neart, O Shìon, cuir umad do chulaidh sgiamhach, O Ierusalem, a Chathair naomha; oir cha d'théid an neo-thimchioll-ghearrta agus an neo-ghlan a steach annad nì's mò.

2 Crath thu fèin o'n duslach, rach suas,

<sup>1</sup> mar chnuimhaig. <sup>2</sup> eudaich thu fèin le neart. <sup>3</sup> dh'òil. <sup>4</sup> fàsachadh.

<sup>5</sup> cò leis a bheir mi.



dean suidhe, O Ierusalem; fuaigail thu fèin o cheanglaichibh do mhuineil, O nighean Shioin a ta fo dhaorsa<sup>1</sup>.

3 Oir mar so deir an Tighearn, Air neo-ni reiceadh sibh, agus cha'n ann le h-airgid a dl'fhuaigilear sibh.

4 Oir mar so deiran Tighearn Iehobhah, Chaidh mar so shluagh sìos do'n Eiphit an toiseach, gu bhi air chuairt an sin; agus rinn an t-Asirianach, mu dheireadh<sup>2</sup>, an sàruchadh.

5 Agus a nis, ciod a th'agamsa an so, deir an Tighearn, o thugadh air falbh mo shluagh air neo-ni? tha an luchd-riaghlaidh toirt orra caoineadh, deir an Tighearn; agus tha m'ainmsa an còmhnuidh, gach aon là, a' faghail toibheim.

6 Air an aobhar sin, bithidh eòlas aig mo shluagh air m'ainm; air an aobhar sin bithidh fios aca, air an là sin, gur mis' an ti a ta labhairt; feuch, is mis' a th'ann.

7 Cia maiseach air na sléibhtibh casan an teachdair aoibhin, a ta 'g éigheach sìth; teachdair an deadh sgèil, a ta 'g éigheach slàinte; a ta 'g ràdh ri Sion, is e do Dhia a's rìgh ann!

8 Togaidh do luchd-faire an guth; le'n guth ni iad iolach le chèile; oir chi iad aghaidh ri h-aghaidh<sup>3</sup>, an uair a bheir an Tighearn Sion air a h-ais.

9 Brisibh a mach le gairdeachas, deanaibh ceòl<sup>4</sup> le chèile, O fhàsaichean Ierusalem; oir thug an Tighearn comhfhurtachd d'a shluagh, shaor e Ierusalem.

10 Leig an Tighearn ris a ghairdean naomha ann an sùilbhan uile chiuneach; agus chi uile iomalla na talmhainn slàinte ar Dé-ne.

11 Imichibh, imichibh, rachaibh a mach as sin; na beanaibh ri ni neo-ghlan; rachaibh a mach as a meadhon; bithibhse glan, a ta giùlan shoitheachan an Tighearna.

12 Oir cha'n ann le cabhaig a théid sibh a mach, agus cha'n ann le teicheadh a shiùbbhas sibh; oir ghluaisidh an Tighearn romhaidh, agus cuairtichidh Dia Israeil sibh o'n taobh chùil.

13 Feuch, ni m'òglach gu glic; bithidh e air a thogail suas, agus air 'ardachadh, agus bithidh e ro àrd.

14 Mar a ghàbh mòran iongantais riut<sup>5</sup>; (is co mòr a' mhi-mhaise a riuneadh air 'aghaidh, seach aon duine; agus air a dhreach, seach clann daoine.)

15 Mar sin crathaidh e uisge<sup>6</sup> air mòran chinneach; na fhianuis druididh rìghre am beoil; oir an ni nach do chuireadh an céill doibh, chi iad; agus an ni nach cual iad, bheir iad fainear.

CAIB. LIII.

C O a chreid ar teachdaireachd? agus cò do'n robh gairdean an Tighearn air 'fhoillseachadh?

2 Oir fàsaidh e suas mar fhaillan na làthair, agus mar fhreumh a talamh tioram; cha 'n'eil sgèimh no grinneas aige, gu'n anhaicseamaid air; ni mò tha maise<sup>7</sup> aige, gu'n iarramaid e.

3 Tha e air a dhimeas<sup>8</sup>, agus air a chur air chùil le daoineibh<sup>9</sup>; na dhuine dhoilghiosean, agus eòlach air bròn; agus mar neach a dh'fholuicheas 'aghaidh uaimh, tha e air a dhimeas, agus cha 'n'eil snim<sup>10</sup> againn dheth.

4 Gu deimhin ar n-anmhuinneachd ghiùlain e, agus ar doilghiosan dh'iomchair e; ach shaoil sinne gu'n robh e air a bhualadh, air a smachdachadh le Dia, agus air a chladheadh.

5 Ach lotadh e air son ar peacaidh-ne, bhrùthadh e air son ar n-aingidheachdan; teagadh air-san smachdachadh ar sìth, agus le a chreuchdaibh-san shlànuicheadh sinne.

6 Chaidh sinn uile, mar chaoraich, air seacharan; thionndaidh sinn, gach aon 'ga shlighe fèin; agus leag an Tighearn air-san aingidheachd gach aon dinn<sup>11</sup>.

7 Shàruicheadh e, agus rinneadh ainneart air<sup>12</sup>, gidheadh cha d'fhosgail e a bheul; thugadh e mar uan chum a' chasgraidh, agus mar chaor a bhios ballh an làthair a luchd-lomairt, mar sin cha d'fhosgail e, a bheul.

8 O fhoirneart agus o bhreitheanas thugadh air falbh e; agus a ghinealach cò a chuireas an céill? oir ghearradh as e o thìr nam beo; air son eusaontais mo shluaigh-sa bha e air a throm-bhualadh.

9 Agus dh'orduicheadh 'uaigh maille ris na h-aingidh, agus maille ri duine saibhir na bhàs; air son nach d'rinn e eucoir, agus nach robh cealg na bheul.

10 Ach b'i toil an Tighearna a bhruthadh; chuir e fo àmhghar e; an uair a ni thu 'anam na òbairt-réitich, chi e sliochd, sìnear a laithean; agus soirbhichidh rùn an Tighearna na làimh.

11 Do shaothair 'anama chi e, agus bithidh e toilichte<sup>13</sup>. Le eòlas airsan ni m'òglach fircanach mòran fhàicèanachadh<sup>14</sup>; oir giùlainidh e an ea-ceairtean.

12 Air an aobhar sin, roinnidh mi dha cuibhrionn maille ris a mhòran, agus roinnidh e a' chreach maille ris na cumhachdaich; a chionn gu'n do dhòirt e mach 'anam gu bàs; agus gu'n robh e air 'àireamh am measg nan ciontach; agus ghiùlain e peacadh mhòrain, agus rinn e eadar-ghuidhe air son nan ciontach.

<sup>1</sup> a dhaor-nighean Shioin.

<sup>2</sup> gun leisgeul.

<sup>3</sup> sùil ri sùil. Eabh. <sup>4</sup> togaibh rann. <sup>5</sup> ris.

<sup>6</sup> ni e crath-ghlànadh. Faic. Esek. XXXVI. 25.

<sup>7</sup> boidhchead. <sup>8</sup> chur suarach. <sup>9</sup> air a

sgaradh o dhaoineibh. <sup>10</sup> ciathaidh. <sup>11</sup> againn.

<sup>12</sup> Thagradh na fiachan, agus rinneadh esan

freagarach. <sup>13</sup> sàsuichte. <sup>14</sup> làn-fhàicèan-

aichidh m'òglach-sa mòran.

## CAIB. LIV.

**S** EINN, a bhean aimrid<sup>1</sup>, nach d'rug clann; seinn gu luadh-ghaircach, agus dean iolach àrd, thusa nach robh ri saothair-chloinne; oir is lionmhoire clann na mnà aonaranach, nà clann na mnà pòsda, deir an Tighearn.

2 Leudaich ionad do phàilliuin, agus sgaoileadh iad a mach brata-còmhduich do bhùthan; na caomhain, leig am fad do chùird, agus daingnich do chuaillean.

3 Oir air an làimh dheis, agus chli, brisidh tu mach; agus sealbhaichidh do shìochd na cinnich, agus àitichidh iad na caithrichean fàsail.

4 Na gabh eagal, oir cha mhaslaichear thu; na gabh nàire, oir cha chuirear thu gu h-amhladh; oir di-chuimhnichidh tu nàire d'òige, agus masladh do bhantraehais cha chuimhnich thu ni's mò.

5 Oir is e d'fhear-pòsda do Chruith-fhear, 'se Tighearn nan sluagh a's ainm dha; agus is e d'fhear-saoraidh Ti naomh Israeil, goirear Dia an domhain uile mar ainm ris.

6 Oir mar mhaoi air a tréigsinn, agus foamhghar na spiorad, ghairm an Tighearn thu, agus mar mhaoi a phòsadh na h-òige, a chionn gu'n do chuireadh air falbh thu, deir an Tighearn.

7 Rè tiota bhig, dhealaich mi riut; ach le mòr iochd cruinnichidh mi thu.

8 Ann an corruich bhig, dh'fholuich mi mo ghnùis car tiota uait; ach le caoimhneas sìorruidh ni mi tròcair ort; deir an Tighearn d'fhear-saoraidh.

9 Oir tha so mar uisgeachaibh Noah dhomh; mar a mhionnuich mi nach rachadh uisgeacha Noah tuille thar an talamh, is amhuil a mhionnuich mi nach bithinn ann an corruich riut, agus nach d'fhoirinn achmhasan duit.

10 Oir dealaichidh na sléibhtean ri 'm bunait<sup>2</sup>, agus atharraichear na beanntan as an àit; ach cha 'n dealaich mo chaoimhneas riutsa, agus cha'n atharraichear coimh-cheangal mo shìth, deir an Tighearn aig am bheil truas dhìot.

11 O thus' a ta ainmseach, air do luasgadh leis an doinnn, agus gun chomh-fhurtachd agad; feuch leagaidh mi do chlachan ann an dath sgiamhach, agus suidhichidh mi do bhunait le clachaibh saphir.

12 Agus ni mi d'uinneagan<sup>4</sup> do chlach-aibh rubi<sup>5</sup>, agus do gheatachan do char-buncalaibh, agus d'uile ionnall do chlachaibh rìomhach.

13 Agus bithidh do chlann uile air an teagasg leis an Tighearn; agus is mòr a bhios sìth do chloinne.

14 Ann am fireantachd socraichear thu; bithidh tu fada o shàrachadh, ionnas nach

gabh thu eagal; agus o uabhas, ionnas nach d'thig e dlù dhuit.

15 Feuch bithidh cruinneachadh gu deimhin ann, ach eha'n ann leamsa; cò sam bith<sup>6</sup> a chruinnicheas a'd' aghaidh, tuitidh e air do sgàth.

16 Feuch is mis' a chruthaich an gobha, ta séideadh suas nan eibhlean san teine, agus a' toirt a mach acfuinn a chum 'oibre; agus is mi a chruthaich am milltear<sup>7</sup> chum cur fàs.

17 Cha soirbhich inneal sam bith a dhealbhar a'd' aghaidh; agus gach teanga a dh'fhears riut am breitheanas, dùidh tu. Is i so oighreachd sheirbhiseach an Tighearna; agus tha am fireantachd uamsa, deir an Tighearn.

## CAIB. LV.

**H** O! gach neach air am bheil tart, thigibhse chum nan uisgeacha; agus esan aig nach 'eil airgid, thigibh, ceannuichibh agus ithibh; seadh thigibh, ceannuichibh, gun airgid agus gun luach, fion agus bainne.

2 C'ar son a ta sibh a' caitheamh airgid air ni nach aran? agus bhur saothair<sup>8</sup> air ni nach sàsuich? Eisdibh le deadh aire riutsa, agus ithibh an ni a ta maith; agus gabhadh 'ur n-anam toil-inntinn ann an cuilm shòghmhor<sup>9</sup>.

3 Aomaibh 'ur cluas, agus thigibh do m'ionnsuidh-sa; éisdibh, agus mairidh 'ur n-anam beo; agus ni mi ruibh coimh-cheangal sìorruidh, cadhòn tròcairean cinn-teach Dhaibhidh.

4 Feuch, thug mi e mar fhianuis do na cinnich, na cheann-iùil agus na uachdaran do na slòigh.

5 Feuch, gairmidh tu cinneach do nach b'aithne dhuit; agus cinnich do nach b'aithne thu, ruithidh iad a d' ionnsuidh; air sgàth an Tighearna do Dhé, agus air son Ti naomha Israeil, oir ghlòraich e thu.

6 Iarraibh an Tighearn, am feadh a ta e r'a fhaotainn; gainnibh air, am feadh a ta e am fagus.

7 Tréigeadh an t-aingidh a shlighe, agus an duine eacorach a smuainte; agus pill-eadh e ris an Tighearn, agus nochdaidh e tròcair dha; agus ri ar Dia-ne, òir bheir e maithcanas gu pailt.

8 Oir cha'n iad mo smuainte-sa bhur smuainte-sa, ni mò is iad 'ur slighean-sa mo shlighean-sa, deir an Tighearn.

9 Oir mar a ta nèamha àrd seach an talamh; mar sin tha mo shlighean-sa àrd seach bhur slighean-sa, agus mo smuainte-sa seach bhur smuainte-sa.

10 Oir mar a thig an t-uisg' a nuas, agus an sneachda o nèamh, agus nach pill e an sin, ach gu'n uisgich e an talamh,

<sup>1</sup> sheasg.<sup>2</sup> thèid na sléibhtean as an àit.<sup>3</sup> mu'n.<sup>4</sup> do dhaidealan.<sup>5</sup> agataibh.<sup>6</sup> cia b'e.<sup>7</sup> fear-millidh.<sup>8</sup> saothreach.<sup>9</sup> reamhrachd.



agus gu'n d'thoir e air fàs torrach, agus toradh thabhairt uaidh; a chum gu'n tabhair e siol dha-san a chuireas, agus aran dha-san a dh'itheas;

11 Is amhuil a bhios m'fhocal-sa a théid a mach as mo bheul; cha phill e do m'ionnsuidh gum tairbhe, aeh coimh-lionaidh e an nì a's àill leam, agus bheir e gu buil an nì mu'n do chuir mi mach e.

12 Oir le h-aoibhneas théid sibh a mach, agus le sìth stiùrar sibh air 'ur n-aghaidh; togaidh na sléibhtean agus na cnuic romhaibh àrd iolach, agus uile chraobha na machrach buailidh an basan.

13 An àit droighne fàsaidh an giuthas, agus an àit drise fàsaidh am miortal; agus bithidh e do'n Tighearn mar ainm, mar chomhara bith-bhuan, nach cuirear as 'ait.

CAIB. LVI.

**M**AR so deir an Tighearn, Coimheadaibh breitheanas, agus deanaibh eartas; oir tha mo shlàinte dlù chum teachd, agus m'fhìrcantachd chum bhi air a foillseachadh.

2 Is beannuichte an duine a ni so, agus mae an duine a ni greim air; a choimhdeas an t-sàbaid gun a mi-naomhachadh, agus a choimhdeas a làmh o aon olc a dheanamh.

3 Agus na labhradh nac a' choigrich, a ta dlù-leantuinn ris an Tighearn, ag ràdh, Sgar an Tighearn mise gu tur o 'shluagh; agus na h-abradh an cailleanach, Feuch, tha mis' a'n' chrann tioram<sup>1</sup>.

4 Oir mar so deir an Tighearn, Do na cailleanaich a choimhdeas mo shàbaidean, agus a roghnaicheas an nì, a thaitneas rium, agus a ni grém air mo choimhcheangal;

5 Dhoibh sin bheir mi ann am thigh, agus an taobh a stigh do m' bhallaehan, àit<sup>2</sup> agus ainm ni's fearr na ainm mhac agus nighean<sup>3</sup>; ainm sìorruidh bheir mi dhoibh, nach gearrar as.

6 Agus mic a' choigrich a ta dlù-leantuinn ris an Tighearn, gu frithéaladh dha, agus gràdh a' thoirt do ainm an Tighearna, agus gu bhi nan òglaich dha; gach aon a ghleidheas an t-sàbaid gun a mi-naomhachadh, agus a ni greim air mo choimhcheangal;

7 Iad sin bheir mi chum mo shléibh naomha; agus ni mi aoibhneach iad ann am thigh-urnuigh; bithidh an tabhartais-loisgte agus an òbairtean air an gabhail gu taitneach air m'altair; oir goirear ri m' thigh-sa, Tigh-urnuigh air son nan uile shlògh.

8 Mar so deir an Tighearn Iehobhah, a ta cruinneachadh r'a chéile diobaraich Israeil; Fathast cruinnichidh mi muinntir

cile d'a ionnsuidh, os barr<sup>4</sup> orra-san, a ta air an eruinneachadh.

9 O uile bheathaiche na machrach, thigibh chum itheadh, O uile bheathaiche na fridhe.

10 Tha a luchd-faire dall, gach aon diubh; tha iad aineolach, gach aon diubh; is coin bhalbh iad nach urrainn tabhan-naich; a' tuitcam nan codal<sup>5</sup>, 'gan sìneadh fèin sìos, leis an ionmhuin codal.

11 Seadh is coin chiocrach iad, nach urrainn bhi toilichte; agus is buachaillean iad, nach urrainn tuigsinn; tha iad a' sealltainn, gach aon diubh, air a shlighe fèin; gach fear air a bhuannachd o a chrìch fèin.

12 Thigibh, *deir iad*, gabhamaid fion, agus òlamaid dibhe laidir; agus mar an lán diugh bithidh am màireach, agus ni's ro phailte gu mòr<sup>6</sup>.

CAIB. LVII.

**T**HA an duine ionraic a' bàsachadh, agus gun aon neach a' toirt fainear; agus na daoine tròcaireach air an toirt air falbh, agus gun aon neach a' tuigsinn gu bheil an t-ionracan air a thoirt air falbh o'n olc a ta ri teachd.

2 Sìubhlaidh e ann an sìth; gabhaidh esan fois na leabuidh, a ta 'g iùeached na ionracas.

3 Ach thigibhs' am fagus an so, a mhaca na ban-fhiosaiche, a shliochd an adhaltran-aich agus na striopaich.

4 Cò d'am bheil sibh a' deanamh àbhachd<sup>7</sup>? Cò ris am bheil sibh a' deanamh beoil fhar-uing, agus a' sìneadh a mach na teanga? Nach clann sibh a chlaon a leth-taobh, siol na fòill<sup>8</sup>?

5 A' fàdadh *bhur annhiann* le h-ìodhol-aibh fò gach crann uaine; a' marbhadh na cloinne anns na gleannaibh, fò sgoltaibh nan creag.

6 Am measg mhìn *chlachan* a' ghlinne<sup>9</sup> tha do chuibhrionn; is iad sin, is iad sin do chrannchur; eadhon dhòirt thu mach tabhartas-dìbhe, dh'òbair thu tiodhlac. An gabhainn-sa tlachd anna sin?

7 Air sliabh cruachach àrd shuidhich thu do leabadh; eadhon do'n àit sin chaidh thu suas a thoirt seachd ìobairt.

8 Air cùl an doruis agus na h-ursainn chuir thu suas do chuimhneachan; dh'imich thu air falbh uamsa, agus chaidh thu suas; leudaich thu do leabadh, agus rinn thu coimhcheangal riu; thug thu gràdh do an leabaidh-san, cia b'e àit anns am faca tu i<sup>10</sup>.

9 Agus chaidh thu dh'amharc an rìgh le h-oladh-ungaidh, agus mheudaich thu do bholtraichean; agus chuir thu do theachdairean am fad, agus dh'islich thu thu fèin eadhon gu an uagh<sup>11</sup>.

<sup>1</sup> seargta. <sup>2</sup> cuimhneachan. <sup>3</sup> nà do mhac-aibh agus do nigheanaibh. <sup>4</sup> a thuille. <sup>5</sup> a' faicinn shealladh. <sup>6</sup> fuigheamaid.

<sup>7</sup> Cò a ta agaibh mar bhall-àbhachd? <sup>8</sup> pòr nan lùb. <sup>9</sup> an t-srutha. <sup>10</sup> dh'ullaich thu àit dh'i. <sup>11</sup> ionad nam marbh.

10 Ann am buanas do shlighe sgèitheachd thu; *ach* cha dubhairt thu, Cha 'n'eil dòchas ann; fhuair thu beatha do làimhe, air an aobhar sin cha d'fhannaich thu.

11 Agus cò as a ghabh thu eagal agus fiamh, gu'n d'rinn thu breug, agus nach do chuimhnich thu ormsa, ni mò thug thu faineair? Nach d'fhan mis' a'm' thosd, eadhon o chian, agus cha 'n'eil eagal ort romham?

12 Leigidh mise ris d'fhìreantachd, agus do ghuomhara; oir cha dean iad feum dhuit.

13 An uair a ghlaodhas tu, deanadh do chuideachdan do thearnadh; ach togaidh a' ghaoth air falbh iad uile, bheir an ceo as iad; ach an neach a chuireas a dhòchas annamsa, sealbhaichidh e am fearann, agus gheibh e mar oighreachd mo shliabh naomha.

14 An sin their mi, Tilgibh suas, tilgibh suas; ulluichibh an t-slighe; thugaibh air falbh *gach* ceap-tuislidh a rathad mo shluaigh.

15 Oir mar so deir an Tiard agus uasal, do'n àit-còmhnuidh sìorruidheachd, do'n ainm an Ti naomha; Anns an ionad àrd agus naomha gabham-sa còmhnuidh; maille ris-san fòs a ta leònta agus iosal na spiorad; a bheothachadh spioraid nan iriosal, agus a bheothachadh cridhe nan daoine leònta.

16 Oir cha bhi mi ag cronachadh gu sìor, agus cha bhi fearg orm an còmhnuidh; oir dh'fhàilnicheadh an spiorad romham, agus na h-anama a rinn mi fèin.

17 Air son cionta a shannta bha corruich orm, agus bhuail mi e, a' folachadh mo ghnuise ann am feirg; agus dh'imich e roimhe gu fiar, air slighe a chridhe fèin.

18 Dh'amhairc mis' air a shlighibh, agus leighisidh mi; seadh treòruichidh mi e agus aisgidh mi solasan<sup>1</sup> dhàsan agus d'a luchd-bròin.

19 Is mi a chruthaicheas toradh nam bile; sìth, sìth dhàsan a ta fad as, agus dhàsan a ta dlù, deir an Tighearn; agus slanuichidh mi e.

20 Ach *tha* na h-aingidh cosmhuil ris a' mhuir bhuairte, oir cha'n urrainn i bhi aig fois; ach *tha* a h-uisgeachan a' dùsgadh nìos salchair agus làthaich<sup>2</sup>.

21 Cha 'n'eil sìth, deir mo Dhia, do na h-aingidh.

## CAIB. LVIII.

**G**LAODH gu h-àrd, na caomhain; mar ghall-triump tog suas do ghuth; agus nochd do m' shluagh-sa an easaontas, agus do thigh Iacoib an lochdan.

2 Gidheadh o là gu là *tha* iad 'gam iarraidh-sa; agus is toil leo eòlas a ghabhail air mo shlighibh; mar chinneach a ta

cur an gnìomh fireantachd, agus nach do thrèig reachd an Dé; *tha* iad a' fiosrachadh dhìomsa mu thimchioll reachda na fireantachd, agus is miann leo bhi teachd dlù do Dhia.

3 C'ar son a thraisg sinn, *deir iad*, agus nach 'eil thus a' faicinn? C'arson a chràidh sinn ar n-anam, agus nach 'eil thus a' toirt faineair? Feuch, ann an là bhur traisg *tha* sibh a' mealtuinn 'ur sòlais, agus 'ur n-uile dhlighe saothreach *tha* sibh ag agairt.

4 Feuch, *tha* sibh a' trasg chum conn-sachaidh agus aimhreite, agus chum bualadh le dorn na h-eucorach; cha bhi sibh ri trasg mar air an là'n diugh, a thoirt air bhur guth gu'n cluinnear e gu h-àrd.

5 An e leithid so do thrasg a roghnaich mise, gu'n cuiridh duine 'anam fo leòn car latha? An e gu'n cromadh e a cheann mar luachair, agus gu'n sgaoileadh e sac-cudach agus luathre fuidhe? An abair thu trasg ri so, agus là taitneach do'n Tigh-carn?

6 Nach e so an trasg a ta mis a rogh-nachadh; cuibhrichean na h-aingidheachd a sgaoileadh, na h-uallaichean<sup>3</sup> tromz-lasachadh, agus a' mhuinntir shàruichte fhuasgladh; agus gach uile chuing a bhriseadh?

7 Nach e d'aran a roinn ris an ocrach, agus aoidheachd a thoirt do na bochdaibh seachranach; an uair a chi thu an lòn-nochd gu'n còmhduich thu e; agus nach foluich thu thu fèin o d'fheoil fèin?

8 An sin brisidh do sholus a mach mar a' mhaduinn, agus fàsadh do shlàinte gu grad; agus theid d'fhìreantachd air thoiseach ort, bithidh glòir an Tighearna 'gad chuireachadh o'n *tuobh chùil*.

9 An sin gairmidh tu, agus freagraidh an Tighearn; glaothaidh tu, agus their e, *Tha* mis an so. Ma chuireas tu air falbh as do mheadhon a' chuing, tomhadh a' mheoir, agus labhairt toibheim;

10 Agus ma thiomhaicheas d'anam ris an ocrach, agus gu'n sàsuich thu an t-anam leònta<sup>4</sup>; an sin éiridh do sholus ann an doillearachd, agus *bithidh* do dhorchadas mar mheadhon-latha.

11 Agus stiùraidh an Tighearn thu an còmhnuidh, agus sàsuichidh e d'anam ri àm tarta, agus ungaidh e do chnàmhan; agus bithidh tu mar lios air a dheadh-uisgeachadh; agus mar thobar fìor-uisge<sup>5</sup>, air nach d'thig fàiling uisge.

12 Agus togaidh iadsan a *ghinear* uait na seann làraichean, togaidh tu suas bun-aite nan ioma ginealach; agus goirear dhìot Fear-càramh a' bheuma, Fear-aisig nan ròidean chum bhi air an àiteachadh.

13 Ma phillcas tu air falbh do chos o'n t-Sàbaid, o do thoil fèin a dheanamh air mo

<sup>1</sup> comhshurtachdan. <sup>2</sup> clàbair. <sup>3</sup> ealluichean.



là naomh-sa; agus gu'n abair thu ris an t-Sàbaid, Toil-inntinn; ri là naomh an Tighearna, Urramach; agus gu'n tabhair thu onoir dh'i, gun bhì leantuinn do shligh-eachan fèin, no gabhail do shòlais fèin, no labhairt do bhriathra fèin;

14 An sin gabhaidh tu tlachd anns an Tighearn; agus bheir mis ort marcachd air ionadaibh àrda na talmhainn; agus beathaichidh mi thu le oighreachd fa-coib d'athar; oir labhair beul an Tighearn e.

CAIB. LIX.

**F**EUCH, cha 'n'eil làmh an Tighearna air dol an giorrad, air ehor as nach feud i tearnadh; ni mò tha a chluas air fàs mall, air chor as nach feud i cluinntinn.

2 Ach chuir bhur n-eaceairtean dealachadh eadar sibh fèin agus bhur Dia; agus dh'fholuich 'ur lochdan uaibh a ghnùis, ionnus nach éisd e.

3 Oir tha bhur làmhan air an truailleadh le fuil, agus 'ur meoir le h-eaceairt; labhair 'ur bilean cealg; bithidh bhur teanga a' teachd air aimhleas.

4 Cha 'n'eil neach a' gairm air ceartas, cha 'n'eil neach a' tagradh air son na firinn; tha iad a' cur an dòigh ann an dìomhanas, agus a' labhairt bhreug; air thorrachas le h-aimhleas, agus a' breith eaceairt.

5 Tha iad a' gur air uighean na ri-natharach, agus a' figheadh lion an damhan-alluidh; esan a dh'itheas do'n uighean, gheibh e bàs; agus an uair a bhrùthar e, brisidh nathar nimhe mach.

6 Do'n liontaibh cha deanar trusgan; ni mò chòmhdhuicheas iad iad fèin le'n oibribh; an oibre is oibre na h-eacorach iad; agus tha gnìomh an fhoirneirt nan làmhan.

7 Tha an cas a' ruith chum uile, agus tha iad a' greasadh chum fuil neo-eihontach a dhòrtadh; is innleachdan aingidheachd an innleachdan; tha léir-sgrìos agus mill-eadh nan ceumaibh.

8 Slighe na sìth cha'n aithne dhoibh, ni mò tha ceart-bhreith nan ròidibh; rinn iad dhoibh fèin ceuma cama; eò air bith a shìubhlas annta, cha'n aithne dha sìth.

9 Air an aobhar sin tha breitheanas fada uainn, agus cha 'n'eil ceartas a' breith oirn; tha sinn ag amharc ag iarraidh soluis<sup>1</sup>, ach feuch dorchadas; ag iarraidh soilleireachd, ach tha sinn a' gluasad ann an duibhre.

10 Tha sinn a' smeurachadh, mar na doill, ag iarraidh a' bhalla; agus mar mhuinntir gun fhradharc<sup>2</sup>, tha sinn a' smeurachadh; tha sinn a' tuisleachadh mu mheadhon-là, mar anns an du-thrà; tha

sinn ann an ionadaibh uaigneach<sup>3</sup> mar dhaoineibh marbha.

11 Tha sinn a' bùirich mar mhath-ghamnuihb; mar cholomain tha sinn ri sìor-chaoirean; tha ar sùil ri breitheanas, ach cha 'n'eil e ann; ri fuasgladh, ach 's ann a tha e fada uainn.

12 Oir tha ar lochdan air fàs lionmhor ann ad làthair, agus tha ar ciontar a' toirt fianuis nar n-aghaidh; oir tha ar lochdan nar cuideachd<sup>4</sup>, agus ar n-aingidheachd is léir dhuinn;

13 Le peacachadh agus le breugaibh an aghaidh an Tighearna, agus le pill-eadh air falbh o ar Dia; le ainneart a labhairt, agus le ceannairc a dhealbhadh; agus le briathran breugach aithris o'n chridhe.

14 Agus tha brcitheanas air pilleadh air ais, agus tha ceartas a' seasamh fad<sup>5</sup> as; oir thuislich an fhìrinn air an t-sràid, agus cha b'urrainn ionracas teachd a steach.

15 Agus tha fìrinn air teicheadh air falbh; agus tha esan, a sheachaineas an t-olc, 'ga dheanamh fèin na chreich; agus chunnaic an Tighearn, agus mhi-thaitin e ris, nach robh breitheanas ann.

16 Agus chunnaic e nach robh fear ann, agus b'ìoghnadh leis nach robh eadar-mheadhonair ann; an sin dh'oibrich a ghairdean fèin slàinte air a shon, agus fhreantachd fèin chum i suas e.

17 Agus chuir e uime fireantachd mar uchd-éididh; agus clogaid na slàinte air a cheann; agus chuir e uime trusgan an dioghaltais mar eudach, agus chòmhdhuich se e fèin le h-eud mar le falluing.

18 Do réir an ghliomhara, mar sin bheir e ath-dhioladh; corruich d'a naimhdeibh, dioghaltas d'a eascairdibh; do na h-cileanaibh òeaidh e dioghaltas.

19 Mar sin bheir iadsan o'n Iar urram do ainm an Tighearn; agus iadsan o éirigh na gréine d'a ghloir; an uair a thig an namhaid mar thuil, togaidh Spiorad an Tighearna suas bratach na aghaidh.

20 Agus thig am Fear-saoraidh gu Sion, agus tionndaidhidh e easaontas o Iacob<sup>5</sup>, deir an Tighearn.

21 Agus air mo shon-sa, so mo choimr-cheangal riu, deir an Tighearn; mo Spiorad a ta orts, agus mo bhriathran chuir mi ann ad bheul, cha dealuich iad ri d' bheul, no ri beul do shliochd, no ri beul sliochd do shliochd, deir an Tighearna, o'n àm so cadhon gu sìorruidh.

CAIB. LX.

**E**IRICH, dealraich; oir thàinig do sholus, agus tha glòir an Tighearna air éirigh ort.

2 Oir feuch, còmhdaichidh dorchadas an

<sup>1</sup> tha sùil againn ri solus. <sup>2</sup> sùilbh. Eabh.  
<sup>3</sup> an measg aithe soghmhor.

<sup>4</sup> maille ruinn. <sup>5</sup> Faic. Rom. XI. 26.

talamh, agus dall-chos na cinnich; ach ortsa éirigh an Tighearn, chithear a ghloir a' dealradh ort.

3 Agus thig cinnich dh'ionnsuidh do sholuis, agus rìghrean dh'ionnsuidh do ghrian-éirigh.

4 Tog suas do shùilean mu'n cuairt, agus faic; tha iad uile air an cruinneachadh le chèile; tha iad a' teachd do d'ionnsuidh; thig do mhic o chéin, agus bithidh do nigh-eana air an giùlan air an leis<sup>1</sup>.

5 An sin chi thu, agus sruthaidh tu thairis, agus ni do chridhe plogartaich, agus nithear farsuing e; a chionn gu'n tionndadh mòr shluagh na fairge chugad, agus gu'n d'thig feachd nan cinncach a d'ionnsuidh.

6 Còmhdaichear thu le lìonmhoireachd nan càmhail, le dromedairibh Mhidiain agus Ephra; thig iad uile o Sheba; òr agus tuis giùlainidh iad, agus cliù an Tighearna cuiridh iad an céill.

7 Cruinnichear a d'ionnsuidh uile threudan Chedair; ni reitheachan Nebaiot frith-ealadh dhuit; théid iad suas, agus gabhar iad gu taitneach air m'altair; agus tigh mo ghloire futhast glòraichidh mi.

8 Cò iad so a ta snàmh mar cheo, agus mar cholumain ag itealaich dh'ionnsuidh an ionaid-tàin<sup>2</sup>?

9 Gu deimhin feithidh na h-eileana rium, agus longa Tharsuis air thoiseach; a thoirt do mhac o chéin, le'n airgiod agus an òr maille riu; a chum ainme an Tighearna do Dhé, agus a chum Ti naomha Israeil, oir ghloiraich esan thu.

10 Agus togaidh mic a' choigrich suas do bhallachan, agus fritheilidh an rìghrean duit; oir ann am chorruich bhuail mi thu, ach ann am dheadh-ghean ni mi iochd ort.

11 Agus bithidh do gheatachan fosgailt an còmhnuidh; a là agus a dh'oidhche cha druideal iad; a chum as gu'n d'thoir-ea a d'ionnsuidh mòr shluagh nan cinneach, agus an rìghrean le greadhnachas.

12 Oir an cinneach agus an rìoghachd nach dean scribhis dhuit, bithidh iad caillte<sup>3</sup>; seadh sgriosar na cinnich sin gu tur<sup>4</sup>.

13 Thig glòir Lebanon a d'ionnsuidh, an giuthas, an gall-giuthas, agus an crann-boca le chèile; a chur maise air mo naomh-ionad-sa, agus a chum gu'n glòraichinn àit mo chos.

14 Agus thig mic do luchd-sàruchaidh gan cromadh féin ann ad làthair, agus ni gach neach a rinn tàir ort umhlachd gu bonnaibh do chos; agus goiridh iad dhìot Cathair an Tighearna, Sion Ti naomha Israeil<sup>5</sup>.

15 An àit thu bhi air do thréigsinn, agus air d'fhuathachadh, air chor as nach

do shiubhail aon neach tromhad<sup>6</sup>; ni mi thu a'd oirdhearcas sìorruidh, a'd aobhar-gàirdeachais feadh linn nan linn.

16 Agus doothailidh tu bainne chinneach, agus cìoch rìghrean deothailidh tu; agus bithidh fios agad gur mis' an Tighearn do Shlànuighear; agus gur e d'fhear-saoraidh Ti cumhachdach Iacoib.

17 Agus an àit umha, bheir mi òr; agus an àit iarunn, bheir mi airgiod; agus an àit fiodha, umha; agus an àit chlach, iarunn; agus ni mi do mhaoir nan sìth, agus do chis-mhaoir nan ceartas.

18 Cha chluinnear ni's mò foimeart ann ad fhearann, sgrios agus millcadh ann ad chrìochaibh; ach their thu Slàinte mar ainm ri d' bhallachan, agus Moladh ri d' gheatachan.

19 Cha bhi a' ghrian agad ni's faide mar sholus anns an là, ni mò bhitheas dealra na gcalaich 'gad shoillseachadh; ach bithidh an Tighearn na sholus sìorruidh dhuit, agus do Dhia na ghloir agad.

20 Cha d'théid do ghrian tuille sìos, ni mò dhorchaichear do ghealach; oir bithidh an Tighearn na sholus sìorruidh dhuit, agus crìochnaichear laithean do bhròin.

21 Agus bithidh do shluagh uile nam fireanaibh; sealbhaichidh iad am fearann gu sìorruidh; am meangan a shuidhich mi, obair mò làmhha, chum gu'm bi mi air mo ghloirachadh.

22 Fàsaidh an aon bheag na mìle, agus an aon shuarach na cinncach làidir; luathaichidh mise Iehobhab e na thràth.

## CAIB. LXI.

**T**HA Spiorad an Tighearna Iehobhab ornn, do bhrìgh gu'n d'ung an Tighearn mi; a thoirt deadh sgéil do'n mhacanta chuir e mi; a cheangal suas luchd-a' chridhe bhrìste, a dh'éigheach fuasglaidh do na braighdibh, agus fosglaidh a' phrìosuin dhoibhsan a ta ceangailte;

2 A dh'éigheach bliadhna thaitnich an Tighearna, agus latha dioghaltais ar Dé-ne; a thoirt comh-fhurtachd dhoibhsan uile a ta ri bròn;

3 A dh'orduchadh do luchd-caoineadh Shìoin, a thoirt doibh maise an àit luathre, ola aobhneis an àit bròin, éididh mhòlaidh an àit spioraid airsneil; a chum 's gu'n goirteadh dhiubh Craobhan fireantachd, a shuidhich<sup>7</sup> an Tighearn air sgàth a ghloire.

4 Agus togaidh iad suas na seann làraichean, càirichidh iad r'a chèile na h-ionada sgaoilte o chian; ath-nuadhaichidh iad na caithrichean brìste, ionada fàsaichte nan iomadh linn.

5 Agus seasaidh coigrich suas, agus beathaichidh iad bhur treudan; agus bithidh mic a' choigrich nan treabhaichean dhuibh, agus nan luchd-saoithreachadh na fionain.

<sup>1</sup> air an altrum ri do thaobh. <sup>2</sup> an còsa, an uinneaga. Eabh. <sup>3</sup> théid iad am mugha.

<sup>4</sup> le léir-sgrios. <sup>5</sup> Sion a's le Ti naomha Israeil. <sup>6</sup> tromhad. <sup>7</sup> suidheuchadh, plandachadh. Eabh.



6 Ach goirear dhibhse Sagartan an Tighearna; luchd-frithcalaidh ar Dé-ne theirear ribh; saidhbhreas nan cinneach ithidh sibh, agus nan glòir ni sibh uaill.

7 An àit blur nàire gheibh sibh cuibhrionn dhùbailte<sup>1</sup>; agus an àit maslaidh, ni iad gairdeachas nan cuibhrionn; uime sin nan tìr sealbhaichidh iad roinn dhùbailte, bithidh aobhncas aca<sup>2</sup> gu sìorruidh.

8 Oir is mise an Tighearn, leis an ionmhuinn breitheanas; is beag orm ainneart air son tabhartais-loisgte; agus cuiridh mi air adhart<sup>3</sup> an obair ann am fìrinn; agus coimhcheangal sìorruidh ni mi riu.

9 Agus aithnichear an sliochd am measg nan cinneach, agus an gineal am measg nan sluagh; na h-uile a chi iad, aidichidh iad gur sliochd iad a bheannuich an Tighearn.

10 Ni mi gairdeachas gu mòr anns an Tighearn; bithidh m'anam aobhneach ann am Dhia; oir chuir e orm èideadh na slàinte, chòmhduich e mi le truscan<sup>4</sup> na fireantachd; mar a sgeadaichcas<sup>5</sup> fear-bainne<sup>6</sup> e fèin le crùn<sup>7</sup> sgiamhach, agus mar a dh'ùigheamaicheas bean-bainne i fèin le a seudaibh.

11 Oir mar a chuireas an talamh a mach a chinneas<sup>8</sup>, agus mar a bheir an lios<sup>9</sup> air an t-siol fàs a nìos; mar sin bheir an Tighearn Iehobh aih fireantachd agus moladh fàs suas an làthair nan uile chinneach.

C A I B. LXII.

**A**IR sgàth Shioin cha bhì mi a'm' thosd, agus air sgàth Ierusalem cha ghabh mi fois; gus an bris a fireantachd a mach mar sholus dealrach, agus a slàinte mar leus lasrach.

2 Agus chi na cinnich d'fhìreantachd, agus na h-uile rìghrean do ghlòir; agus bheirear ainm nuadh ort, a ghairmeas beul an Tighearna.

3 Agus bithidh tu a'd' chrùn glòire ann an làimh an Tighearna, agus a'd' choron rìoghail ann an glaic do Dhé.

4 Cha n-abrar riut tuille, Té ris an do chuireadh cùl; ni mò theirear ri d' fhearann tuille, am Fasach; ach 'se theirear riut, Bean mo rùn<sup>10</sup>; agus ri d'fhearann, Bean-phòsda<sup>11</sup>; oir bithidh rùn an Tighearna ort, agus bithidh d'fhearann air a cheangal ann am pòsadh.

5 Oir mar a phòsas duin' òg òigh, mar sin pòsaidh d'fhear-togail thusa; agus mar a ni am fear 'nuadh-phòsda gairdeachas na mhnai, mar sin ni do Dhia gairdeachas annadsa.

6 Chuir mi luchd-faire air do bhallachan, O Ierusalem: rè an là, agus rè na h-oidhche, cha bhì iad nan tosd; sibhse ta deanamh

luaidh air ainm an Tighearna, na bithibhse n'ur tosd;

7 Agus na d'thugaibh fois dha, gus an daingnich e, agus gus an dean e Ierusalem na cliù air an talamh.

8 Mhionnaich an Tighearn air a làimh dheis, agus air a ghairdean cumhachdach, cha tabhair mi ni's mò d'arbhar mar lòn do d' naimhdbh; ni mò dh'òlas clann a' choigrich d'fhion nuadh, air son an do shaoithrich thu;

9 Ach ithidh iadsan e, a thionaileas e, agus molaidh iad an Tighearn; agus iadsan a chruinnicheas e, òlaidh iad e ann am chùirtibh naomhasa.

10 Siubhlaibh, siubhlaibh trid nan geat-acha; ullaicibh slighe an t-sluaigh; tilgibh suas, tilgibh suas an rathad mòr; glanaibh as na clachan; togaibh suas bratach air son nan slògh.

11 Feuch ghlaodh an Tighearn gu iomall an domhain; Abraibh ri nighin Shioin, Feuch, tha do Shlànuighear a' teachd, feuch, tha a luagheachd maille ris, agus duals<sup>12</sup> oibre na làthair.

12 Agus theirear riu, An sluagh naomha, muinntir shaorta an Tighearna; agus riutsa theirear, Miannaichte, Cathair nach tréigear.

C A I B. LXIII.

**C**O so a ta teachd o Edom, le culaidh dhaithte o Bhosra? e so a ta sgiamhach na èideadh, a' siubhal ann am mòrachd a neirt? Mise, a ta labhairt ann am fireantachd, cumhachdach gu tearnadh.

2 C'ar son a tha d'èideadh dearg, agus do chulaidh mar neach a' saltairt an amairfhiona?

3 Shaltair mi an t-amar a'm' aonar, agus do na slògh cha robh aon neach maille rium; oir shaltair mi orra ann am fheirg, agus phronn mi iad ann am chorruih; agus chràthadh am fuil air mo chulaidh, agus tharruing mi sal air m'èididh uile.

4 Oir bha là an dioghaltais ann mo chridhe, agus bha bliadhna mo mhuinntir shaorta air teachd.

5 Agus dh'amhairc mi, agus cha robh fear-cuidich ann; agus b'ìoghnadh lean uach robh fear-taice ann; uime sin dh'òibrich mo ghairdean fèin slàinte dhomh, agus chum mo chorruih fèin taice rium.

6 Agus shaltair mi sìos na slògh ann am fheirg, agus chuir mi air mhisg iad ann mo chorruih, agus thug mi sìos an neart chum an làir.

7 Tròcairean an Tighearna aithrisidh mi, agus cliù an Tighearna; do réir gach ni a bhuilich an Tighearn oirnn, agus meud a mhaithéis do thigh Israeil, a dheònuich e dhoibh do réir a chaoimhneis, agus do réir lìonmhoireachd a thròcairean.

<sup>1</sup> dhà fhille. <sup>2</sup> orra. <sup>3</sup> air a h-aghaidh. <sup>4</sup> falluing. <sup>5</sup> choisrigeas. Eabh. <sup>6</sup> fear-nuadh-phòsda. <sup>7</sup> uigheam cinn. <sup>8</sup> a phiseach,

a thoradh. <sup>9</sup> garadh. <sup>10</sup> Hephzibah. Eabh. <sup>11</sup> Beulah. Eabh.

8 Oir thubhairt e, Gu deimhin is iad mo shluagh, clann nach dean breug, agus bha e na shlànuighear dhoibh.

9 Nan uile àmhghar bha esan fo amhghar; agus rinn aingeal a làthaireachd an tearnadh; ann a ghràdh agus ann a tochd rinn e féin an saoradh; agus dh'iomhair e iad, agus ghiùlain e iad, rè nan uile laithean o shean.

10 Aeh rinn iadsan ceannaire, agus chuir iad doilgheas air a Spiorad naomha; air chor as gu'n d'fhàs e na nàmhaid doibh, agus chog e féin nan aghaidh.

11 An sin ehuimhnich e na laithean o shean, Maois agus a shluagh; ag ràdh, Cia esan a thug a nìs iad o'n fhaighe, le buachaill a threud? Cia esan a chuir a Spiorad naomh an taobh a stigh dheth?

12 A stiùr iad aig deas làimh Mhaois le a ghaidean glòrnhor; a' sgoltadh nan uisgeacha roimhe, a dheanamh ainme shìorruidh dha féin?

13 'Gan stiùradh trid na doimhne, mar each anns an fhàsach ionnas nach tuislich-eadh iad?

14 Mar a théid an spréidh sìos do'n ghleann, thug Spiorad an Tighearna orra fois a ghabhail; mar sin threòraich thu do shluagh, a dheanamh ainme ghlòrnhoir dhuit féin.

15 Seall a nuas o nèamh, agus faic o d'ionad-còmhnuidh naomha agus glòrnhor; c'ait am bheil d'eud, agus do neart; lìon-mhoireachd do thrèairean agus do thruas dhìom? Am bheil iad air an cumail air an ais?

16 Gu deimhin is tusa ar n-Athair; ged' nach aithne do Abraham sinn, agus nach 'eil Israel a' gabhail ruinn, is tusa, a Thighearn, ar n-Athair, ar Fear-saoraidh; tha d'ainm o shìorruidheachd.

17 C'ar son, a Thighearn, a thug thu oirn dol-air seacharan o d' shligheibh, agus a chruaidhich thu ar cridhe o d' eagal? Pill, air sgàth do sheirbhiseach, treubhan d'òighreachd féin.

18 Is beag an ùine a shealbhaich do shluagh naomha; shaltair ar naimhdean sìos do naomh-ionad.

19 Bu leat sinne riamh; cha robh thu a' riaghladh os an cionn-san; cha robh iad air an gairm air d'ainm.

## CAIB. LXIV.

**O** GU'N reubadh tu o chéile na nèamhan, gu'n d' thigeadh tu nuas, gu'n sruthadh na sléibhteann sìos ann ad làthair.

2 Mar a loisgeas an teine-leaghaidh, mar a chuireas an teine goil air uisge; a chum d'ainm a dheanamh aithnichte do d' naimh-dibh, gu'n crìochnuicheadh na cinnich ann ad fhianuis.

3 An uair a rinn thu nithe iongantach,

ris naeh robh sùil againn, thàinig thu nuas; ann ad làthair shruth na sléibhteann sìos.

4 Oir riamh cha chuala daoine, cha d'airieh iad le'n cluais, nì mo ehumnaic sùil, dia eile ach thusa, a nì a leithid air son an ti a dh'fheitheas air.

5 Tha thu a' teahd an eòmhdhail an ti a ta gabhail tlachd ann an ceartas a dheanamh; a' mhuinntir a ta cuimhneach ortsa ann ad shligheibh: feuch, tha corruich ort, oir pheacach sinne; eadhon rìusan o shean, ach tha sinn air ar tearnadh.

6 Agus tha sinne uile mar nì truaillidh, agus ar n-uil' fhircantachd mar luideig shalaich; agus tha sinn uile air seargadh mar dhuille; agus rion ar lochdan, mar a' ghaoth, ar giùlan air falbh.

7 Agus cha 'n'eil aon neach ann a ta gairm air d'ainm, a ta 'ga dhùsgadh féin suas a dheanamh greim ort; oir dh'fholuich thu do ghnùis uainn, agus chlaoidh thu sinn air son ar n-eaceairtean.

8 Ach a nis, O Thighearn, is tus' ar n-Athair; is sinne a' chreadh, agus is tus' ar fear-deilbh; agus is sinne uile obair do làimhe.

9 Na biodh corruich ro gheur ort, a Thighearn, agus na cuimhnich aingidheachd gu bràth; feuch, amhair, guidheamaid ort, is sinne uile do shluagh.

10 Dh'fhàs do bhailtean naomha nam fàsach; tha Sion na fàsach; tha Ierusalem faondrach.

11 Tha ar tigh naomh agus àluinn, anns an d'thug ar n-aithrichean moladh dhuit, air a losgadh le teine; agus tha ar n-uile nithe tlachdmhor air an léir-sgrìos.

12 An cum thu ort féin air son nan nithe sin, a Thighearn? Am bi thu 'nad thosd, agus an craidh thu sinn gu goirt?

## CAIB. LXV.

**D**H'FHOILLSICHEADH mì dhoibh-san nach robh 'gam fharraid', fhuaradh mi leosan nach robh 'gam iarraidh; thubhairt mi, Feuch mi, feuch mi, ri cinn-each nach robh air 'ainmeachadh ornn.

2 Shìn mi mach mo làmhan fad an là ri sluagh ceannairceach, a ta gluasad ann an droch shlighe, do réir an innleachdan féin;

3 Sluagh a ta an còmhnuidh 'gam bhròsnuchadh gu feirg ri m' aghaidh; ag iobradh anns na lìosaibh, agus a' losgadh tùis air na clachaibh-creadha;

4 A ta fantuinn am inneasg nan àiteachan-adhlaic, agus a' gabhail còmhnuidh anns na h-uamhaibh; a ta 'g itheadh feòla mhuc, agus aig am bheil sùgh nithe gràineil nan soithichibh.

5 A ta 'g ràdh, Fan agad féin, na d' thig am fagus domhsa, oir is mis' a's naomha nà thusa. Tha iad so nan deataich ann am shròin, nan teine ta losgadh rè an là uile.



6 Feuch, tha e scriobhta ann am làthair ; cha'n fhan mi a'm' thosd, ach ath-dhiolaidh mi ; seadh ath-dhiolaidh mi ri'n uchd,

7 Bhur ea-caairtean, agus ea-caairtean ur n-aithrichean le chéile, deir an Tighearn, a loisg tuis air na sléibhtibh, agus a thug toibh cum dhomh air na cnocabh ; seadh tomhaisidh mi air ais dhoibh nan uchd an obair, a *rinn iad roimhe* so.

8 Mar so deir an Tighearn, Amhuil a gheibhear am fion nuadh anns a' bhaguide, agus a their *neach*, Na mill e, oir tha beannachadh ann ; mar sin ni mise air sgàth the shairbhiseach ; cha sgrios mi an t-ionlan.

9 Agus bheir mi mach sliochd o Iacob, agus o Iudah seallbhadoir mo shléibhtean ; agus seallbhaichidh mo mhuinntir taghta ann fearann, agus gabhaidh m'òglaich tamh ann.

10 Agus bithidh Saron na chrò chaorach, agus gleann Achoir na bhuaile bhò, air son mo shluaigh-sa, a bha 'gam iarraidh.

11 Agus sibhse a thréig an Tighearn, a dhi-chuimhnich mo shliabh naomha ; a ta deasachadh buird do Ghad<sup>1</sup>, agus a' lionadh ìobairt-dhibhe do Mheni<sup>2</sup> ;

12 Airmhidh mi sibhse chum a' chlaidheimh agus cromaidh sibh uile sìos chum a' chosgraidh ; a chionn, an uair a ghlaodh mi, nach do fhicagair sibhse, an uair a labhair mi, nach d'èisd sibh, ach rinn sibh olc ann am shealladh, agus an ni, anns nach robh tlachd agam, roghnaich sibh.

13 Air an aobhar sin mar so deir an Tighearn Iehobhah, Feuch, ithidh m'òglaich-sa, ach bithidh ocras oirbhe ; feuch, òlaidh m'òglaich-sa, ach bithidh tart oirbhe ; feuch, ni m'òglaich-sa gairdeachas, ach bithidh nàir oirbhe :

14 Feuch, seinnidh m'òglaich-sa tre aoibhneas cridhe, ach glaothaidh sibhse tre dhoilghios cridhe ; agus tre chràdh spioraid ni sibh caoineadh.

15 Agus fàgaidh sibh bhur n-ainm mar mhallachadh do m' mhuinntir taghta-sa ; oir marbhaidh an Tighearn Iehobhah thu, agus bheir e ainm eile air òglaich.

16 An neach a bheannuicheas e féin air tàlamh, beannuichidh se c féin ann an Dia na fìrinn ; agus an neach a bheir mionnan air talamh, mionnaichidh e air Dia na fìrinn ; a chionn gu bheil na h-àmhgharan roimhe air an di-chuimhneachadh, agus a chionn gu bheil iad foluichte o m' shùilibh.

17 Oir feuch, cruthaicheam nèamhan nuadha agus talamh nuadh ; agus cha chuimhnichear iad sin a *bh'ann* roimhe, agus cha d' thig iad an aire *do'n duine*.

18 Ach deanaibhse gairdeachas, agus bithibh aoibhneach gu cian nan cian, *air son an ni* a cruthaicheam ; oir feuch, cruthaicheam Ierusalem na cùis-aoibhneis, agus a sluagh nan cùis-ghairdeachais.

19 Agus bithidh mi aoibhneach ann an Ierusalem, agus ni mi gairdeachas ann mo shluagh ; agus cha chluinnear guth caoith, no guth caoinidh iunte ni's mò.

20 Oir cha bhi as sin suas naoidheachan gearr-shaoghalach, no seann duine nach do choimhlion a laithean ; oir bàsaichidh an naoidhcachan, *an uair a ruigeas e ceud bliadhna dh'aois* ; ach bithidh am peacair a *ruigeas* ceud bliadhna dh'aois malluichte.

21 Agus togaidh iad tighean, agus gabhaidh iad còmhnuidh *annta* ; agus suidhichidh iad fion-liosan, agus ithidh iad d'an toradh.

22 Cha dean iadsan togail, agus neach eile àiteachadh ; cha dean iadsan suidheachadh, agus neach eile itheadh ; oir mar laithean craoibhe *bithidh* laithean mo shluaigh-sa ; agus mealaidh mo mhuinntir taghta rè ùin' fhada<sup>3</sup> obair an làmhha féin.

23 Cha saothrich iad gu diomhain, ni mò ghineas iad *sliochd* chum dragha ; oir is iad siol dhaoine beannuichte an Tighearn, a' is an sliochd maille riu.

24 Agus tarlaidh, mus an gairm iad, freagraidh mi ; agus am feadh a bhios iad fòs a' labhairt, èisdidh mi.

25 Ni am madadh-alluidh agus an t-uan ionaltradh le chéile ; agus ithidh an leòmh-an conlach mar an damh ; ach 's e an duslach a's biadh do'n nathair. Cha doch-ainn agus cha mhill iad ann mo shliabh naomhsa uile, deir an Tighearn.

# CAIB. LXVI.

**M**AR so deir an Tighearn, Is iad na nèamha mo righ-chaitheir, agus an talamh stòl mo chos ; cia e an tigh a thogas sibh dhomsa ? agus cia e ionad mo chòmhnuidh ?

2 Oir na nithe so uile rinn mo làmh, agus na nithe so uile is leamsa, deir an Tighearn ; ach air an *fhcar* so amhaircidh mi, *eadhon* airsan a ta bochd agus leònta 'n a spiorad, agus a chrìochnaicheas roimh m'fhocal.

3 Tha esan a mharbhas damh *mar gu-m* mortadh e duine ; esan a dh'ìobras uan, *mar gu-n* cuireadh e an ccann do mhadadh ; esan a bheir seachad tabhartas, *mar gu-n d' thugadh e seachad* fuil mhuc ; esan a loisgeas tuis *mar gu-m* beannuicheadh e iodhol ; seadh roghnuich iad an sligheachan féin, agus nan gràinealachdaibh féin tha an anam a' gabhail tlachd.

4 Roghnuichidh mise fòs am faoin-smuaintè-san, agus an cùis-eagail bheir mi orra ; a chionn gu-n do ghlaodh mi, agus nach d'thug aon neach freagradh ; labhair mi, agus cha d'èisd iad ; ach rinn iad olc ann am shealladh, agus an ni anns nach robh tlachd agam roghnaich iad.

5 Cluinnibhse focal an Tighearn, sibhse ta crìochnachadh roimh 'fhocal ; bhur

<sup>1</sup> *bhuidhinn*.

<sup>2</sup> *mhòr àireamh*.

<sup>3</sup> *caitidh iad as*, Eabh.

bràithrean a tha toirt fuath dhuibh, a thilg a mach sibh air sgàth m'ainme-sa, deir iad. Biodh an Tighearn air a ghèalachadh; ach foillsichear e chum aoibhneis dhuibhe, agus cuirèar iadsan gu h-amhladh.

6 Guth àrd-ghlaoidh o'n chathair: guth o'n teampull; guth an Tighearna, a' toirt ath-dhiùlaidh d'a nàimhdibh.

7 Mu'n robh i ann an saothair-chloinne, dh'aiseadadh i; mu'n d'fhàinig a h-ìogh-anna, rug i leanabh-mic.

8 Cò chual a leithid so? cò chunnaic an leithide so do nithibh? an tabhair an talamh amach a thoradh ann an aon latha? am bi cinneach air a bhreith dh'aon bheum? oir cha bu lèithe bha Sion ann an saothair nà rug i a clann.

9 An d'thoir mi gus a' bhreith, agus nach d'thoir mi fainear gu'm beirear? deir an Tighearn; an gin mi, agus am bac mi a' bhreith? deir do Dhia.

10 Deanaibh gairdeachas le Ierusalem, agus bithibh subhach air a son, sibhse uile le'n ionmhuin i; bithibh ro aoibhneach leatha, sibhse uile ta ri bròn air a son;

11 A chum gu'n deothail sibh, agus gu'm bi sibh sàsuichte le cìochaibh a solais; a chum gu'n tarruing<sup>2</sup> sibh, agus gu'm faigh sibh toil-inntinn ann am pailteas a glòire.

12 Oir mar so deir an Tighearna; Feuch, sgaoileam sìth thairis oirre mar abhainn, agus glòir nan cinneach mar shruth a' taomadh anuas<sup>3</sup>; an sin deòthlaidh sibh, gillainear sibh air an leis, agus luaisgear<sup>4</sup> sibh air na glàinibh.

13 Mar neach do'n tabhair a mhàthair comhfhurtachd, mar sin bheir mise comhfhurtachd dhuibhse; agus ann an Ierusalem gheibh sibh sòlas.

14 An uair a chi sibh so ni bhuir cridhe gairdeachas; agus bithidh 'ur cnàmhan<sup>5</sup> urar mar am feur; agus soillsichear làmh an Tighearna d'a òglaich; ach lasaidh 'rhearg an aghaidh a nàimhdean.

15 Oir feuch. thig an Tighearn le teine, agus a charbad mar chuairt-ghaoith; a dhorthadh a mach a chorruich mar aintear, agus 'achmhasain le lasraichibh teine.

16 Oir le teine agus le a chlàidheamh tagraidh an Tighearn ris gach uile fheoil; agus bithidh mòran air am marbhadh leis an Tighearn.

17 Iadsan a ta 'g an naomhachadh fèin agus 'g an glanadh fèin anns na liosaibh, air cùl aon chraoibhe 's a' mheadhon; ag itheadh feòla mhuc, agus na gràinealachd, agus nan luch; gearrar<sup>6</sup> as iad le chéile, deir an Tighearn.

18 Oir is aithne dhomhsa an gnìomhara agus an innleachdan; thigean a chruinneachadh nan uile chinneach agus thean-ganna le chéile; agus thig iad, agus chi iad mo ghloir.

19 Agus cuiridh mi combara 'n am measg; agus a' mhuinntir a thèid as dhiubh cuiridh mi dh'ionnsuidh nan cinneach, gu Tarsis, Pul, agus Lud, a thairngeas am bogha; gu Tubal agus Iabhan, na crìochan fad as; nach cuala iomradh orm, agus nach faca riamh mo ghloir; agus cuiridh iad an céill mo ghloir am measg nan cinneach.

20 Agus bheir iad 'ur bràithrean uile, as gach cinneach, mar thabhartas do'n Tighearn; air eachaibh, agus air carbadaibh, agus air uirighibh, air muilidibh, agus air ainmhidhean luath-chosach<sup>7</sup>; gu mo shliabh naomhasa Ierusalem deir an Tighearn; amhuil a bheir clann Israeil tabhartas ann an soitheach glan gu tigh an Tighearna.

21 Agus dhiubhsan mar an ceudna gabhaidh mi, air son shagart, agus air son Le-bhitheach, deir an Tighearn.

22 Oir amhuil a mhaireas na nèamha nuadha, agus an talamh nuadh, a ta mi cruthachadh, ann am fhianuis, deir an Tighearn; mar sin mairidh bhuir sìochd-sa, agus 'ur n-ainm.

23 Agus tarlaidh, o ghealaich ùir gu gealaich ùir, agus o shàbaid gu sàbaid, gu'n d'thig gach uile fheoil a dheanamh adhairidh ann am làthair-sa, deir an Tighearn.

24 Agus théid iad amach, agus seallaidh iad air cìosaichean nan daoine, a chiontaich a'm' aghaidh; oir cha bhàsaich an cnuimh, agus cha mhùchar an teine; agus bithidh iad nan gràinealachd<sup>8</sup> do na h-uile fheoil.

## IEREMIAH.

CAIB. I.

**B**RIATHRAN Jeremiah, mhic Hilciah, aon do na sagartaibh, a bha 'n Anatot ann am fearann Bheniamin:

2 A dh'ionnsuidh an d'fhàinig focal an Tighearna ann an làithibh Iosiah, mhic Amoin, rìgh Iudah, ann an treas bliadhna deug d'a rìoghachadh.

3 Thàinig e mar an ceudna ann an làith-

ibh Iehoiacim mhic Iosiah rìgh Iudah, gu ceann aon bhliadhna deug Shedeciah mhic Iosiah, rìgh Iudah, gu an d'thugadh air falbh Ierusalem ann am braighdeanas anns a' chùigeamh mìos.

4 Thàinig an sin focal an Tighearna do m'ionnsuidh-sa ag ràdh,

5 Mu'n do dhealbh mi thu 'sa bhroinn, b'aithne dhomh thu, agus mu'n d'fhàinig

<sup>1</sup> dh'aon tarruing?

<sup>2</sup> fuisg, bleedhainn.

<sup>3</sup> a' dol thar bruaich.

<sup>4</sup> fu-luaisgear.

<sup>5</sup> cnàmhean. <sup>6</sup> sguabar. <sup>7</sup> cleibh. <sup>8</sup> sille.



thu mach o'n bholg, chuir mi air leth thu<sup>1</sup>:  
mar fhàidh do na cinnich thug mi thu.

6 An sin thuir mise. Och! a Tigh-  
earna Iehobhah, feuch, cha'n aithne  
dhomhsa labhairt; oir is leanabh mi.

7 Agus thubhairt an Tighearna rium,  
Na abair, Is leanabh mi: ach a chum nan  
uile gus an cuir mise thu, théid thu; agus  
ciod sam bith a dh'àithneas mi dhuit,  
labhraidh tu.

8 Na biodh eagal ort roimh an gnùis;  
oir tha mise maille riut, a chum do thearn-  
adh, deir an Tighearn.

9 Agus chuir an Tighearn a mach a  
làmh, agus bhean e ri m' bheul. Agus  
thubhairt an Tighearna rium, Feuch chuir  
mise mo bhriathran ann ad bheul.

10 Feuch, chuir mi thu air an la'n diugh  
os cionn nan cinn each agus os cionn nan  
rìoghachd, gu spìonadh as, agus gu tar-  
ruing a nuas, agus gu sgrios, agus gu leag-  
ail; gu togail, agus gu suidheachadh.

11 Agus thàinig focal an Tighearna do  
m'ionnsuidh, ag ràdh, Ciod a tha thu  
faicinn, a Ieremiah! Agus thuir mise,  
Tha mi faicinn slaithe do chraoibh almoim.

12 Agus thubhairt an Tighearna rium,  
Is ceart a chunnaic thu: oir deifrichidh  
mise m'fhocal a chum a choimhlionadh.

13 Agus thàinig focal an Tighearna do  
m'ionnsuidh an dara uair, ag ràdh, Ciod a  
tha thu faicinn? Agus thuir mise, Tha mi  
faicinn coire air ghoil; agus air a tionn-  
dadh o'n airde tuath.

14 Agus thubhairt an Tighearn rium,  
O'n airde tuath brisidh an t'olc a mach air  
uile luchd-àiteachaidh na tìre.

15 Oir feuch, gairmidh mise air uile  
theaghlachan rìoghachdan na h-airde  
tuath, deir an Tighearn; agus thig iad,  
agus suidhichidh iad, gach aon a rìgh-  
chaithir aig dol a steach gheatachan Ieru-  
saleim, agus air a ballachan uile mu'n  
cuairt, agus os cionn uile bhailtean Iudah.

16 Agus cuiridh mise mo bhreitheanais  
an céill nan aghaidh, air son an uil' ain-  
gidheachd; a chionn gu'n do thréig iad  
mise, agus gu'n do loisg iad tùis do dhéibh  
eile, agus gu'n do shleuchd iad do oibribh  
an làmh faoin.

17 Criosluich thusa suas uime sin do  
leasraidh, agus éirich, agus labhair riu na  
h-uile nithe dh'àithneas mise dhuit; na  
biodh fiamh<sup>2</sup> ort rompa, air eagal gu'n  
cuir mise gu h-amhladh thu nam fianuis.

18 Oir feuch, rinn mise thu an diugh  
a'd' chathair dhaingnichte, agus a'd' phost  
iaruinn, agus a'd' bhalladh umha, 'n agh-  
aidh na tìre so uile; an aghaidh rìghrean  
Iudah, an aghaidh a mòr uaislean, an agh-  
aidh a sagartan, agus an aghaidh sluagh  
na tìre:

19 Agus cathaichidh iad ann ad aghaidh,

ach cha d'hoir iad buaidh ort: oir tha  
mise maille riut, deir an Tighearn, chum  
do theanadh.

## C A I B. II.

**T**HAINIG focal an Tighearna mar an  
ceudna do m'ionnsuidh, ag ràdh,

2 Imich agus glaoth ann an cluasaibh  
Ierusalem, ag ràdh, Mar so deir an Tigh-  
earn, Chuimhnich mise as do leth an  
caoinbheas a nochd mi dhuit ann ad òige,  
gràdh do cheangail-pòsaidh, 'nuair a dh'im-  
ich thu a'm' dheigh anns an fhàsach, ann  
am fearann nach do threabhadh.

3 Is naomhachd do'n Tighearn Israel,  
ceud thoradh a chinneis: iadsan uile a ta  
'ga shlugadh suas, measar iad ciontach,  
thig aithneas orra, deir an Tighearn.

4 Cluinnibh focal an Tighearna, O thigh  
Iacoib, agus uile theaghlachan tìghe  
Israel.

5 Mar so deir an Tighearn; Ciod an  
ea-ceart a fhuair 'ur n-aithrichean annam-  
sa, gu'n d'imich iad fada uam, agus gu'n do  
ghluais iad an dèigh diomhanais, agus  
gu'n d'fhàs iad diomhain?

6 Agus cha dubhairt iad, C'àit am bheil  
an Tighearn, esan a thug a nìos sinn o  
thìr na h-Elphit, a stiuir sinn trid an fhà-  
saich, trid fearainn fhàsail agus làn shlochd,  
trid fearainn tairt agus sgaile bàis, trid  
fearainn nach do shiubhail aon duine  
troimhe, agus far nach do ghabh duine  
riamh còmhnuidh?

7 Thug mi sibh mar an ceudna gu dùth-  
aich thorraich, a dh'itheadh a toraidh, agus  
a maitheis; ach an uair a thàinig sibh a  
steach, thruaill sibh m'fhearann, agus  
m'òighreachd rinn sibh na gràincalachd.

8 Cha dubhairt na sagairt, C'àit am  
bheil an Tighearn? agus iadsan a laimh-  
sich an reachd, cha b'àithne dhoibh mise:  
rinn na h-aodhairean fòs ceannairc ann  
am aghaidh; agus rinn na fàidhean fàis-  
neachd le Baal, agus lean iad nithe, nach  
d'hoir buannachd.

9 Uime sin tagraidh mise ruibh fathast,  
deir an Tighearn, agus ri cloinn bhur  
cloinne tagraidh mi.

10 Oir siubhlaidh thairis gu crìocha  
Chitim, agus faicibh; agus cuiribh fios gu  
Cedar, agus thugaibh geur aire; feuchaibh  
an do thachair riamh a'leithid so.

11 An do chaochail cinneach an dèe,  
eadhon iad sin nach robh nan dèe? Ach  
chaochail mo shluagh-sa an glòir, air son  
nì gun bhuanachd.

12 Biodh iognadh oirbh, O nèamha,  
mu'n nì so, agus biodh uamhas oirbh:  
bithibh air bhur tròm bhualadh le h-uamh-  
unn<sup>3</sup>, deir an Tighearn.

13 Oir chuir mo shluagh-sa dà olc an  
gnìomh: thréig iad mise, tobar nan uisg-  
eacha beo: agus chladhaich iad a mach

<sup>1</sup> naomhaich mi thu.

<sup>2</sup> fuitheas.

<sup>3</sup> air bhur fàsachadh gu tur.

dhoibh fèin sluichd, sluichd ea-dionach, nach cum uisge.

14 An tràill Israel? Ma's ann do chloinn an teaghlaich e, c'uim' an d'rinnadh e na chobhartaich?

15 Beucaidh na leòmhain òga na aghaidh; thog iad an guth, rinn iad 'fhearann na fhàsach; tha a bhailtean air an losgadh, gun aon 'gan àiteachadh.

16 Ni clann Noiph agus Tahpaneis mar an ceudna mùllach do chinn a bhriseadh.

17 Nach do choisinn thu so dhuit fèin, a chionn gu'n do thrèig thu an Tighearn do Dhia, an uair a bha e 'g ad stiùireadh anns an t-slighe?

18 Agus a nis ciod do ghnòthuch ri slighe na h-Eiphit, a dh'òl uisgeachan Shih-oir? No ciod do ghnòthuch ri slighe Asiria, a dh'òl uisgeachan na h-Aibhne?

19 Smachdaichidh d'aingidheachd fèin thu, agus ni do chùl-sleamhnachadh fèin do chronuchadh: aithnich uime sin agus faic, gur olc agus searbh *an nì*, gu'n do thrèig thu an Tighearn do Dhia, agus nach'eil m'eagal-sa annad, deir an Tighearn Dia nan sluagh.

20 Gu deimhin o chian fada bhris mi<sup>1</sup> do chuing, sgaol mi do chuibhrichean; agus thubhairt thu, Cha bhi mi eas-umhal<sup>2</sup>. Oir air gach cnoc ard, agus fo gach craobh uaine, tha thu dol air seachran ri strìopachas.

21 Gidheadh shuidhich mise thu a'd'fhionain uasail, gu h-iomlan a'd' shìol ceart: ach cionnas a chaochail thu orm, a' gheug chrìonaich na fionain coimhich!

22 Oir ged nigh thu thu fèin le natar, agus ged ghabh thu mòran sìopuian, tha d'aingidheachd air a comharachadh ann am lathair-sa, deir an Tighearna Iehobhah.

23 Cionnus a dh'fheudas tu ràdh, Cha 'n'eil mi salach, cha deachaidh mi an deigh Bhaalim? Feuch do shlighe anns a' ghleann; aithnich ciod a rinn thu. Tha thu mar dhromedari luath ag imeachd na slighe;

24 Mar asail fhiadhaich cleachdta ri fàsach, a thairngeas a' ghaoth suas na cuinneanaibh, ann an cìocras a h-anama: an tra thig a miann cò a philleas i? Iadsan uile bhios 'ga h-iarruidh cha sgithichear iad; an ceann a mìos gheibh iad i.

25 Cum do chas o bhì rùisgte, agus do mhuineal o thart. Ach thuirt thusa, Cha'n'eil leigheas air a' chùis a nis; cha chum; oir ghràdhaich mi coigrich, agus nan deigh theid mi.

26 Mar a bhios nàire air meirleach, an uair a ghlacar e; mar sin chuireadh gu nàire tigh Israeil, iad fèin, an rìghrean, an uachdarain, agus an sagairt, agus am fàidhean:

27 A ta 'g ràdh ri mìr fiodha, *Is tu m'athair*; agus ri cloich, *Is tu ghin mi*; oir thionndaidh iad riums' *an cùl*, is cha'n i an aghaidh; ach ann an àm an airce their iad, *Eirich*, agus teasaig sinn.

28 Ach c'ait am bheil do dhée a rinn thu dhuit fèin? Eireadh iadsan, ma's urradh iad do thearnadh ann an àm do chruaidh-chais: oir *do réir àireimh* do bhailtean bha do dhée, O Iudah.

29 C'arson a thagras sibh riumsa? chiontaich sibh uile a'm'aghaidh, deir an Tigh-carn.

30 Gu diomhain bluail mi bhur clann; cha do ghabh iad cronuchadh. Shluig 'ur claidheamh fèin 'ur fàidhean, amhuil leòmhain millteach.

31 O sibhse do'n ghincalach so, feuch-aibh focal an Tighearna: an robh mise a'm' fhàsach do Israel? a' m'fhearann dorchadais? C'uim an duhairt mo shluagh, *Is tighearnan sinn oirm fèin*; cha d'thig sinn nì's mo thugasda!

32 Am feud òg-bhean a h-usgraichean a dhearmad? *no* bean-bainne a claidh<sup>3</sup>? Gidheadh dhearmaid mo shluagh mise laithean gun àireamh.

33 C'uim an scol thu do shligh a dh'iarruidh gaoil? air an aobhar sin fòs seòladaidh mise dòrainnean air do shlighean-sa.

34 Fhuaradh ann ad sgiobul mar an ceudna fuil anama nan neo-chiontach bochda: cha 'n ann le sgrùdadh domhain a fhuar mi mach i, ach air a craobh-sgaoil-eadh.

35 Gidheadh tha thu 'g ràdh, A chionn gu bheil mi neo-chiontach, gu cinnteach pillidh a chorruich uam. Feuch tionnsgnaidh mise ann am breitheanas riut, a chionn gu bheil thu 'g ràdh, Cha do pheacaich mi.

36 C'uim am bi thu co-ro-luaineach a chaochladh do shlighe? bidh fathast nàire ort do'n Eiphit amhuil a bha nàire ort do Asiria.

37 Seadh cuideachd theid thu mach as so, le d' làmhnan air do cheann: oir dhiùlt an Tighearn cuspairean do dhòchais, agus leo cha soirbhich thu.

### CAIB III.

**T**HEIR iad, Ma chuireas duine air falbh a bhean, agus gu'n imich i uaith, agus gu'n gabh i le fear eile, an pill e da h-ionnsuidh a ris? nach bi am fearann sin gu ro-mhòr air a thruaillleadh? Ach rinn thusa strìopachas le mòran leannan; gidheadh pill riums' a ris, deir an Tighearn.

2 Tog do shùilean suas ris na h-ionad-aibh arda, agus feuch; cia an t-ait anns nach do thruaillleadh thu? Shuidh thu 'gam feitheamh anns na slighibh, mar an t-Arabach san fhàsach; agus shaluich thu am

<sup>1</sup> *thu* LXX.  
635

<sup>2</sup> *umhal*. Eabh.

<sup>3</sup> *a breaghad*.



fearann le d'striopachas agus le d'fhroch-bheairt.

3 Agus chumadh na frasan air an ais, agus an t-uisge deireannach cha robh ann; gidheadh agadsa bha cudann strìopaich, chuir thu cùl ri nàire.

4 Nach gairm thu ormsa o'n uair so, *ag ràdh*, M'athair, bu tusa fear stiùraidh m'òige?

5 An gléidhear *fearg* gu bràth? an cumar *corruich* gu sìorruidh air chuimhne? Feuch, labhair, agus rinn thu aingidheachd; agus chaidh e leat.

6 Thubhairt an Tighearn rium fòs ann an laithibh Iosiah an rìgh, Am faca tu cìod a rinn Israel chùl-sleamhnach? Chaidh i suas air gach sliabh ard, agus fògach crann gorm, agus an sin rinn i strìopachas.

7 Agus thubhairt mise, 'n déigh dh'i so uile a dheanamh, Pill do m'ionnsuidh-sa: ach cha do phill i. Agus chunnaic a piuthar fhealltach Iudah so.

8 Agus chunnaic mise, 'nuair, air son na h-uile adhaltruis anns an robh Israel chùl-sleamhnach ciontach, a chuir mi air falbh i, agus thug mi litir dhealachaidh dh'i, gidheadh nach do ghabh a piuthar fhealltach Iudah eagal, ach gu'n d'imich i, agus gu'n d'rinn i fèin strìopachas mar an ceudna.

9 Agus tharladh, le ro-mheud a tograidh gu neo-ghloine, gu'n do thruaill i am fearann, agus gu'n d'rinn i adhaltrus le clach-airbh agus le crannaibh.

10 Agus fòs an déigh so uile cha do phill a piuthar fhealltach Iudah riumsa le h-uile chridhe, ach gu cealgach, deir an Tighearn.

11 Uime sin thuirt Ichobhah rium; Is mò dh'fhireannaich Israel chùl-sleamhnach i fèin na Iudah chealgach.

12 Imich agus glaodh na briathran so fa chomhair na h-àirde tuath, agus abair; Pill, O Israeil chùl-sleamhnach, deir an Tighearn, cha leag mi mo chorruich ort; oir tha mise trèaireach, deir an Tighearn, cha ghléidh mi m'fhearg gu bràth.

13 A mhàin aidich do chionta, gu'n d'rinn thu easaontas an aghaidh an Tighearna do Dhé; agus gu'n d'rinn thu do shligheachan coitichionn do choigrich, fògach aon chraoibh uaine; agus nach d'thug sibh géill do m' ghuth-sa, deir an Tighearn.

14 Pillibh, O chlann chùl-sleamhnach, deir an Tighearn, oir tha mi pòda ruibh: agus gabhaidh mi sibh, aon a baile, agus dithis a teaghlach, agus bheir mi sibh gu Sion:

15 Agus bheir mi dhuibh aodhairean do réir mo chridhe féin, agus beathuichidh iad sibh le h-èòlas agus le tuigse.

16 Agus tarlaidh, an uair a thèid sibh an Ìomhoireachd agus am meud anns an fhearann, anns na laithibh sin, deir an Tighearn, cha'n abair iad ni's mò, Airce

coimhcheangail an Tighearna, ni mò thig i nan aire, ni mò chuimhniceas iad i, ni mò bheir iad sùil na déigh, ni mò nithear sin tuille.

17 Anns an àm sin theirear ri Ierusalem rìgh-chaitir an Tighearna; agus bidh tathaich nan uilechinneach d'a h-ionnsuidh, air sgàth ainme an Tighearna a bhitheas ann an Ierusalem; agus cha ghluais iad ni's mò do réir cruais 'an droch cridhe féin.

18 Anns na laithibh sin thèid tigh Iudah gu tigh Israeil; agus thig iad le chèile mach as an tìr mu thuath, a chum an fhearainn a thug mise mar sheilbh do 'r n-aithricibh.

19 Agus 'nuair a thubhairt mi, Cionnus a bheir mi àite dhuit am measg mhac, agus a bheir mi dhuit am fearann taitneach, oighreachd aoibhneach shluagh nan cinn-each? an sin thubhairt mi, Goiridh tu riumsa, M'athair; agus cha phill thu air d'ais o m' leantuinn.

20 Gu deimhin, mar a chlaonas bean neo-dhileas o a fear-pòda, mar sin bhuin sibhse gu neo-dhileas riumsa, O thigh Israeil, deir an Tighearn.

21 Chualas guth air na h-ionadaibh arda; caoidh agus achuinge cloinne Israeil; a chionn gu'n do chlaon iad an slighe; dhi-chuimhnich iad an Tighearn an Dia.

22 Pillibh, o chlann chùl-sleamhnach, leighisidh mise bhur cùl-sleamhnachaidh. Feuch tha sinn a teachd do d'ionnsuidh, oir is tu an Tighearn ar Dia.

23 Gu deimhin *cha 'n'eil* ach dìomhanas anns na enocaibh, ann an neart nan sléibhteann; gu deimhin anns an Tighearn ar Dia-ne tha slàinte Israeil.

24 Ach dh'ith an nàrach sin suas saothair ar n-aithrichean o 'r n-òige; an caoirich, agus am buar, am mic, agus an nigheana.

25 Luidhidh sinn sìos 'nar nàire, agus thig ar masladh tharuinn: a chionn gu'n do pheacaich sinn an aghaidh an Tighearna ar Dia, sinn féin agus ar n-aithrichean, o'r 'n-òige, eadhon gus an diugh, agus nach robh sinn ùmhal do ghuth an Tighearna ar Dia.

#### CAIB IV.

**M**A philleas tu a ris, o Israeil, deir an Tighearna, do m'ionnsuidh-sa pillidh tu; agus ma chuireas tu air falbh do ghràinealachdan o m' làthair-sa, an sin cha ghluaisear thu:

2 Ach mionnaichidh tu, Mar is beo an Tighearn, ann am frinn, ann am breitheanas, agus ann an ionracas: agus beannuichidh na cinnich iad féin annsan, agus annsan ni iad uail.

3 Uime sin, mar so deir an Tighearn ri fearaibh Iudah, agus ri Ierusalem; Brisibh

suas bhur fearann treabhaidh, agus na cuiribh am measg dhroighionn.

4 Bitheadh air 'ur tìmhchioll-ghearradh do'n Tighearn, agus thugaibh air falbh roimh-chraicinn 'ur cridheachan, O fheara Iudah, agus a luchd-àiteachaidh Ierusalem; mu'n d'théid mo chorruich-sa mach mar theine, 's mu 'n las i, air chor is nach feudar a mùchadh, air son aingidheachd 'ur gnìomhara.

5 Cuiribhse 'n céill ann an Iudah, agus ann an Ierusalem deanaibh follas, agus abraibh; Séidibh an trompaid anns an tìr; éighibh gu h-ard agus abraibh, Cruinnichibh le chéile, agus rachamaid a steach do na cathraichibh daingnichte.

6 Cuiribh suaicheantas suas ann an Sion, rachaibh air bhur n-ais, na seasaibh; oir tha mis' a' tabhairt uile o'n airde tuath, eadhon léir-sgrìos mòr.

7 Thàinig an leòmhann a nìos o a dhoire, agus tha milltear nan cinneach air a thurus: dh'imich e mach as 'àite chum t'fhearann a dheanamh na fhàsach; bidh do bhailtean air an sgrìos, air chor is nach bi aon 'gan àiteachadh.

8 Air an aobhar sin criosluichibh sibh fèin le sac-éideadh, deanaibh caoidh agus gul; oir cha 'n 'eil fraoch feirge an Tighearna air a pilleadh air falbh uainn.

9 Agus tarlaidh anns an là sin, deir an Tighearn, gu 'm bàsaich cridhe an rìgh, agus cridhe nan ard-uaislean; agus bidh amhluth air na sagartaibh, agus uamhas air na fàidhibh.

10 An sin thuir mise, Och! a Thighearna Iehobhab! gu cinnteach mheall thu gu tur an sluagh so agus Ierusalem, ag ràdh, Bidh sìth agaibh; an uair a tha 'n claidheamh a ruigheachd gu ruig an t-anam.

11 Anns an àm sin theirear ris an t-sluagh so agus ri Ierusalem; Gaoth loisgeach ann an ionadaibh sgaoilte an fhàsaich, leth ri nighin mo shluaigh-sa; cha 'n ann gu fasgnadh no gu glanadh;

12 Thig treun-ghaoth o na h-àitibh sin do m' ionnsuidh-sa; a nis fòs labhraidh mi fèin breitheanas nan aghaidh.

13 Feuch, mar neulaibh thig e nìos; mar chuairt-ghaoith bidh a charbadan; is luaithe na iolairan a chuid each; mo thruaighe sinne! oir tha sinn creachta.

14 Glan do chridhe o aingidheachd, O Ierusalem, a chum as gu tearnar, thu. Cia fhad a ghabhas do smuaintean aingidh còmhnuidh an taobh a stigh dhiot!

15 Oir tha thu ag éigheach o Dhan, agus a' cur amhghair an céill o shliabh Ephraim.

16 Glaothaibhse ris na cinnich, Feuch! Cuiribh an céill an aghaidh Ierusalem, gu bheil luchd-freiceadam a' teachd o dhùthach fad as, agus gu tog iad suas an guth an aghaidh bhailtean Iudah.

17 Mar luchd-coimhid faiche, tha iad na h-aghaidh mu'n cuairt d'i, a chionn gu'n d'rinn i ar a mach ann an aghaidh-sa, deir an Tighearn.

18 Choisinn do shlighe agus do dheanadas na nìthe so dhuib; 's i so d'aingidheachd; a chionn gu bheil i searbh, oir ta i ruigheachd gu do chridhe.

19 Mo chom, mo chom! ta mi air meachradh ann am ballachan mo chridhe; an taobh a stigh dhiom tha mo chridhe rè fuaim; cha'n urradh mi fantuinn a'm' thosd; a chionn gu cuala tu, O m'anam! guth na trompaid, gaoir a' chatha.

20 Tha léir-sgrìos air lorg léir-sgrìos air a ghairm; gu cinnteach tha 'n tìr gu h-iomlan creachta: gu h-obann chreachadh mo phàilluna, mo sgàileachan ann an tiota.

21 Cia fhad a chi mi a' bhratach? a chluinneas mi fuaim na trompaid?

22 Gu cinnteach tha mo shluagh-sa amaideach, ormsa cha do ghabh iad eòlas; is clann aig nach 'eil tuigse iad, agus tha iad air dhiobhail céille: tha iad seòlta a dheanadh uile, ach maith a dheanamh cha 'n aithne dhoibh.

23 Chunnai mi an talamh, agus, feuch! bha e gun dealbh agus falamh; na nèamha fòs, agus bha iad gun solus.

24 Chunnai mi na sléibhtean, agus, feuch! chriothnuich iad; agus bha na cnuic uil' air an luasgadh gu mòr.

25 Dh'amhairc mi, agus, feuch! cha robh aon duine ann; agus uile eoin na h-ealtuinn', theich iad.

26 Dh'amhairc mi, agus, feuch! bha a' mhachair thorrach na fàsach, agus a h-uile bhailtean air an tilgeadh sìos, roimh làthair an Tighearna, roimh dhian-theas 'fheirge.

27 Oir mar so deir Iehobhab, Bidh am fearann gu h-iomlan air 'fhàsachadh, ach cha dean' mi làn chrìoch.

28 Air son so ni an talamh bròn, agus dorchaich na nèamha shuas; a chionn gu 'n do labhair mise, agus cha ghabh mi aithreachas; chuir mi romham, agus cha d'théid mi air m' ais uath.

29 Roimh iolach nam marcach agus nam fear bogha, tha gach cathair a' teich-eachd; chaidh iad a steach do thiugh choilltibh, agus streap iad suas air na creagaibh: tha na h-uile bhailtean air an tréigsinn, agus cha 'n eil aon duine 'gan àiteachadh.

30 Agus thusa, 'nuair a chreachar thu, ciod a ni thu? Ged éid thu thu fèin le corcur, ged sgeadaich thu thu fèin le seud-aibh oir, ged ung thu do rosgan le dathaibh, gu diomhain ni thu thu fèin sgiamhach: nithear tàir ort le do leannain, air d'anam tha iad an tòir.

31 Gu cinnteach chuala mi glaoth amh-

<sup>1</sup> an athair, nan speur 'nan nèamha. Eabh.  
<sup>2</sup> d'thoir, chuir.



uil mnà ri saothair, teanndachd amhuil mnà ri breith a ceud leimibh, glaoth nighin Shìoin; a' caoidh, a' sgaoileadh a bas, agus ag ràdh, Mo thruaighe mise nis! oir tha m'anam air a chlaoidh le luchd mortaidh!

CAIB. V.

**R**UITHIBH air 'ur n-ais agus air 'ur n-aghaidh<sup>1</sup> feadh shràidean Ierusalem, agus faicibh a nis, agus biodh fios agaibh, agus iarraibh na h-ionadan far-suing, am faigh sibh aon duine, am bheil neach sam bith ann a ta cur an gnìomh breitheanas, a ta 'g iarraidh na fìrinn; agus gearr mise dh'i maithneas.

2 Ach gearr their iad, -Mar is beo an Tighearn, gu deimhin tha iad a' mìonnachadh gu breugach.

3 O Thighearn, nach 'eil do shùilean-sa a' sìsàn fhìrinn? Bhuail thu iad, ach cha d'rinn iad bròn; chaith thu iad, ach dhiùlt iad gabhail ri smachdachadh; rinn iad an aghaidh nì's cruaidhe na creag, dhiùlt iad pilladh.

4 An sin thuirt mise, Gu cinnteach is iad so na daoine 'ìosal; tha iad gun chéill, a chionn nach aithne dhoibh slighe an Tighearna, breitheanas an Dé.

5 Ruigidh mi na daoine<sup>2</sup> uasal<sup>3</sup>, agus labhairidh mi riu-san; oir is aithne dhoibh-san slighe an Tighearna, breitheanas an Dé. Ach spealg iad so gu h-ìomlan a' chuing, sgaoil iad as a' chéile na cuibhrichean.

6 Uime sin ni lèomhan as a' choille an sgrìos, ni madadh-alluidh an fhàsaich am milleadh; ni liopard faire os cionn am bailtibh: gach aon a théid a mach asda reubar e na bhloighdidh; a chionn gu bheil an lochdan lìonmhor, an cùl-sleamhnachadh minic.

7 Cionnas a mhaithas mi so dhuit? thréig do chlaun mise, agus mhionnuich iad orra sin nach 'eil idir nan dée: an uair a shàsuich mise iad le tòn, an sin rinn iad adhaltranus, agus ann an tigh na strìopaich chruinnich iad nam buidhnibh.

8 Bha iad mar òig-eich bhiadhta sa' mhaduinn; gach aon a' sìtrich an déigh mnà a choinhearsnach.

9 Air son nan nithe so nach d'thig mise d'an amharc, deir an Tighearn; agus air a' leithid so do chinneach nach dean m'anam d'ghalhtas?

10 Rachaidhse suas air a ballachan, agus sgrìosaibh, ach na deanaibh crìochnachadh; thugaibh air falbh a daingnichean, oir cha bhuin iad do 'n Tighearn<sup>4</sup>.

11 Oir bhuin tigh Israeil agus tigh Iudah gu ro-chealgach riumsa, deir an Tighearn.

12 Dh'àicheadh iad an Tighearn, agus thubhairt iad, Cha'n e a t'ann; ni mò thig

ole oirnn; agus an claidheanibh no a' ghort cha'n fhaic sinn.

13 Ach bidh na fàidhean mar ghaoith, agus cha 'n 'eil am focal anna: mar so nithear orra fèin.

14 Air an aobhar sin mar so deir Iehobhah Dia nan sluagh; a chionn gu bheil sibh ag labhairt an fhocail<sup>5</sup> so, feuch ni mise m'fhocal ann ad bheul-sa na theine, agus an sluagh so nan connadh, agus loisgidh e suas iad.

15 Feuch bheir mi 'nur n-aghaidh cinn-each o chéin, O thigh Israeil, deir an Tighearn: is cinneach cumbachdach e, is cinneach ro-shean e; cinneach nach aithne dhuit an cainnt, ni mò thuigear tu ciod a their iad.

16 Tha am balg-saighead mar uaigh fhosgailte; tha iad uile nan daoine treuna.

17 Agus caithidh iad d'fhoghara, agus d'aran; caithidh iad do mhic agus do nigh-eana; caithidh iad do chaoirich agus do chrodh; caithidh iad d'fhionaine agus do chranna-fige; ni iad bochd leis a' chlaidheamh na bailtean daingnichte, anns an robh thu a' cur do dhòchais.

18 Gheadh anns na laithibh sin, deir an Tighearn, cha dean mise ruibh crìochnachadh<sup>6</sup>.

19 Agus tarlaidh, an uair a their sibh, C'uim' an d'rinn an Tighearn ar Dia ruinn na nithe so uile? an sin freagraidh tus' iad, Amhuil a thréig sibhse mise, 's a rinn sibh seirbhis<sup>5</sup> do d'chibh coimheach ann 'ur tìr, mar sin ni sibh seirbhis do choigrich ann an dùthaich, nach leibh fèin.

20 Innsibhse so ann an tigh Iacoib, agus cuiribh an céill e ann an Iudah, ag ràdh;

21 Eisdibh so a nis, O shluagh amaid-each agus mhi-chèillidh, aig am bheil sùilean, ach nach faic; aig am bheil cluasan, ach nach cluinn.

22 Nach bi eagal oirbh romham-sa, deir an Tighearn? nach crìothnuich sibh ann am làthair-sa, a shuidhich a' ghaineamh mar chrìch do 'n fhainge, le ordugh buan, nach feud i dol thairte: ged luaisg a tuinn iad fèin, cha d'thoir iad buaidh; ged bheuc iad, cha d'théid iad nì's faide?

23 Ach aig an t-sluagh so tha cridhe eas-ùmhail<sup>6</sup> agus ceannairceach: chaidh iad air an ais, agus dh'imich iad air falbh.

24 Ni mò deir iad nan cridhe, Biodh a nis eagal an Tighearna ar Dé oirnn, a tha toirt araon an uisge thoisich agus an uisge dheireannaich, na àm fèin; seachduinean suidhichte an fhogharaidh tha e gleidheadh air ar son.

25 Phill bhuir n-aingidheachd na nithe

<sup>1</sup> sìos agus suas. <sup>2</sup> daoine uailse. <sup>3</sup> cha leis an Tighearn iad.

<sup>4</sup> chuir mise làn chrìoch oirbh. <sup>5</sup> foghnamh. <sup>6</sup> reasgach.

so air falbh; agus chum bhur lochdan an ni ta maith air ais uaibh.

26 Oir gheibhear am measg mo shluagh-sa droch dhaoine: tha iad ri feall-fholach, mar neach a suidheachadh liontan; tha iad a' leagail ribe, tha iad a' glacadh dhaoine.

27 Mar chliabh ta làn eun, mar sin tha an tighean làn do cheilg: uime sin tha iad air fàs mòr, agus air cinntin saibhir.

28 Tha iad air fàs reamhar, tha iad dealrach: seadh thug iad barr air gnìomhan na aingidh: cha 'n 'eil iad a' toirt breth air a' chuis, cùis an dilleachdain, gidheadh tha iad a' soirbheachadh; agus còir an uir-easbhuich cha 'n 'eil iad a' seasamh.

29 Air son nan nithe so nach d'thig mise d'un amharc? deir an Tighearn: air a' leithid so do chinneach nach dean m'anam dioghaltas?

30 Tha ni uamhasach agus ro-eagalach 'ga chur an gnìomh anns an tìr;

31 Tha na fàidhean ri fàisneachd bhrèige; agus na sagairt a' riaghladh air an làmh-san; agus is ait le m' shluagh-sa e bhi mar sin: ach ciod a ni sibh ann an deireadh na cùise.

#### CAIB. VI.

**T**EICHIBH gu h-ìomlan, O mhaca Bheniamin, a mach a meadhon Ierusalem, agus ann san Tecoa séidibh an trompaid; air Bet-acerem fòs cuiribh suas comhara teine: oir dh'fhoillsicheadh oir o'n airde tuath, agus dorainn mhòr.

2 Cosanhuil ri àit-ionaltraidh taitneach rinn mise nighean Shioin.

3 D'a h-ionnsuidh thig na buachaillean le'n treudaibh: suidhichidh iad am pàilluna na h-aghaidh air gach taobh; ionaltraidh iad gach aon na àite fèin.

4 Deasaichibh cogadh na h-aghaidh: Eiribh, agus rachamaid suas mu mheadhon là: Mo thruaighe sinne! oir tha 'n là air dol seachad; oir tha dubharan an ammoich air an sìneadh a mach.

5 Eiribh, agus rachamaid suas anns an oidhche, agus milleamaid a luchairtean.

6 Oir mar so labhair Tighearna nan sluagh; Gearraibh sìos craobhan, agus tilgibh torr an aghaidh Ierusalem: is i so a' chathair a ta gu bhi air a smachdachadh; is foirneart gu h-ìomlan an taobh a stigh dh'i.

7 Amhuil a chuireas tobar a mach uisgeachan, mar sin tha isc a' cur a mach a droch-bheairt: tha ainncart agus creach ri chluinntinn innte: a' m' lathair-sa do ghnàth tha bròn agus lotadh.

8 Gabh foghlum!, O Ierusalem, air eagal gu dealaich m'anam riut; air eagal gu dean mi fàsach dhìot, fearann neo-àitichte.

9 Mar so deir Tighearna nan sluagh;

Diolumaidh iad gu buileach mar fhineamh-uinn iarmad Israeil; pill air a h-ais do làmh, mar fhear-tionail nam fion-dhearcan gus na cliabha.

10 Cò ris an labhair mi, 's d'an toir mi rabhadh, air chor is gu'n cluinn iad? Feuch, tha an cluas gun tìnechioll-ghearradh, agus cha'n urradh iad éisdeachd: feuch tha focal Iehobhab dhoibh-san na mhasladh: cha 'n'eil tlachd ac' ann.

11 Air an aobhar sin tha mise làn do chorruich [an Tighearna:] tha mi sgith d'a cumail a steach: dòirtidh mi mach i air a' chloinn anns na sràidibh, agus air an òigridh a ta cruinn le chéile: seadli glacer am fear, agus fòs a' bhean, an t-aosda, maille ris an ti bhios làn do laithibh.

12 Agus bheirear thairis an tighean do dhaoineibh eile, am fearann agus na mnathan mar an ceudna; oir sìnidh mise mo làmh a mach an aghaidh luchd-àiteachaidh na tìre, deir an Tighearn.

13 Oir o'n aon a's lugha gus an aon a's mò dhiubh, tha gach neach 'ga thoirt fèin suas d'a an miannaibh; agus o'n fhàidhe fòs gus an sagart, tha gach aon a' gnàthachadh ceilge.

14 Leighis iad mar an ceudna lot nighine mo shluagh-sa gu faoin, ag ràdh, Sìth, sìth, agus gun sìth ann.

15 An robh nàir' orra chiom gu'n do chuir iad gràinealachd an gnìomh? ni h-eadh, cha do ghabh iad nàir' air aon chor; ni mò bha rugha air an gruaidh: uime sin tuitidh iad am measg na muinntir a thuiteas; anns an àm an d'thig mise 'gan amharc, tilgear sìos iad; deir an Tighearn.

16 Mar so thuirt an Tighearna; Seasaihbh anns na ròidibh agus faicibh, agus feòruichibh air son nan seana cheumanna, C'ait am bheil an t-slighe mhaidh, agus gluaisibh innte; mar sin gheibh sibh fois do 'r n-anamaibh. Ach thuirt iadsan, Cha ghluais sinn [innte.]

17 Chuir mi mar an ceudna luchd-faire os ar cionn, ag ràdh; Eisidibh ri fuaim na trompaid. Ach thuirt iadsan, Cha'n éisd sinn.

18 Uime sin cluinnibh, O fhineacha, 's biodh fios agaibh, O choimhthionail; an ni sin a ta nam measg cluinn, O thalamh!

19 Feuch, bheir mise dòrainn air an t-sluagh so, toradh an smuaintean fèin; a chionn nach d'thug iad éisdeachd do m' bhriathraibh: agus do thaobh mo reachd, chuir iad eadhon cùl ris.

20 C'uim an d'thig thugam-sa tùis o Sheba? agus a chuile chùbhraidh o dhùth-aich fad as? Cha 'n 'eil bhur tabhartais-loisgte taitneach, ni mò tha tlachd agam-sa 'n 'ur n-iobairtibh.

21 Air an aobhar sin mar so deir an Tighearn, Feuch, leagaidh mi cip-thuislidh an rathad an t-sluagh so, agus tuitidh na h-aithrichean agus na mic orra; an coimh-

<sup>1</sup> Gabh comhairle; gabh ionnsuchadh; bi air do leasachadh.



earsnach agus a charaid bàsaichidh le chéile.

22 Mar so deir an Tighearn, Feuch, tha sluagh a' tacadh o fhearann na h-airde tuath, agus dùisgear cinneach mòr o chrìochaibh na talmhainn.

23 Glacaidh iad am bogha 's an t-sleagh: tha iad ain-iòchdmhor, agus cha ghabh iad truas; beuchdaidh an guth mar an fhairge, agus maraichidh iad air cachaibh, air an tarraing an ordugh mar dhaoine gu cogadh, ann ad-aghaidh-sa, O nighean Shìoin.

24 Chuala sinn iomradh air so: dh'fhàs ar làmhnan lag: tha goith air deanamh greim oirn; pian, amhuil mnà ri saothair-chloinne.

25 Na rachaibh a mach do'n mhachair, na siùbhaibh anns an t-slighe; oir an sin tha claidheamh an nàmbaid, uamhas air gach taobh.

26 O nighean mo shluaigh, éid thu féin le eudach saic, agus aornagain ' thu féin ann an luathre: dean caoidh mar air son aon mhic, cumha ro-gheur: oir gu h-obann thig an creachadair oimn.

27 Shonraich mi thusa gu bhi a'd' bhaideal, a'd' dhaingneach am mcasg mo shluaigh; agus aithnichidh tu, agus dearbhaidh tu an slighe.

28 Tha iad uile nan daoineibh a thug barrachd ann an ceannaire, a' gluasad gu cealgach: is umha agus iarunn iad, an t-iomlan diubh nan innealaibh truailidh-eachd.

29 Loisgcadh na builg leis an teine, chaitheadh an luath; leagh an fear-leaghaidh gu diomhain; oir cha 'n 'eil iadsan a ta olc air an sgaradh air falbh:

30 Airgid nach fhu theirear rìusan, a chionn gu'n do chuir an Tighearn cùl riu.

#### C A I B. VII.

**A**M focal a thàinig gu Ieremiah o'n Tighearn, ag ràdh,

2 Seas ann an geata tìghe an Tighearna, agus gladh anns an àite sin am focal so, agus abair, Cluinnibh focal an Tighearna, uile Iudah, sibhse ta 'g imeachd a steach air na dorsaibh so gu aoradh a thoirt do Iehobhah.

3 Mar so deir Tighearn nan sluagh, Dia Israeil, Leasaichibh, 'ur sligheachan agus 'ur gnìomhara, agus bheir mise dhuibh còmhnuidh a ghabhail anns an àite so.

4 Na h-earbaibh a briathraibh breugach, ag ràdh, Is Teampull an Tighearna, teampull an Tighearna, teampull an Tighearna iad so.

5 Oir ma leasaicheas sibh gu h-iomlan 'ur sligheachan agus 'ur gnìomhara; ma bheir sibh gu ceart breitheanas eadar duine agus a choinhearsnach;

6 Mar sàruich sibh an coigreach, an dilleachdan agus a' bhantrach; agus mur

doirt sibh fuil neochiontach anns an àite so, agus mur d'fhéid sibh air lorg dhé cile, chum 'ur dòrainn féin:

7 An sin bheir mise dhuibh còmhnuidh a ghabhail anns an àite so, anns an fhearann a thug mi do'r n-aithrichibh, o linn gu linn.

8 Feuch, tha sibhse a' deanamh buin a briathraibh breugach, o nach faigh sibh buannachd.

9 Ciod? am feadh a ta sibh a' goid, a' mortadh, agus a' mionnachadh gu breugach, agus a' losgadh tùise do Bhaal, agus a' gluasad air lorg dhé coimheach, air nach robh agaibh eòlas:

10 An d'fhig sibh an sin, agus an seas sibh ann am làthair-sa, san tigh so a ta air a ghairm air m' ainm, agus an abair sibh, Tha sinn air ar toirt thairis a chum nan gràinealachdan so uile a chur an gnìomh?

11 An e gu'n d'rinneadh an tigh so, a dh'ainmicheadh ormsa, na shlochd mheirleach 'n 'ur sàilibh-sa? Feuch, chunnaic mise féin e deir an Tighearn.

12 Ach rachaibh a nis do m' àite-sa ta 'n Sìloh, far an do chuir mi m' ainm an toiseach, agus faicibh cionnas a bhuin mi ris, air son aingidheachd mo shluaigh Israeil.

13 Agus anis, a chionn gu'n d'rinne sibhse na h-oibre so uile, deir an Tighearn, 's gu'n do labhair mise ruibh ag éirigh gu moch, agus a' labhairt, ach cha d'éisd sibhse; agus gu'n do ghlaodh mi ruibh, ach cha do fhreagair sibh:

14 Uime sin, ni mi ris an tigh so a dh'ainmicheadh orm, as am bheil sibhs a' deanamh buin, agus ris an ionad a thug mi dhuibhse, agus do'r n-aithrichibh, amhuil a rinn mi ri Sìloh.

15 Agus tilgidh mi sibh a mach as m'fhianuis, mar a thilg mi mach bhuir bràithrean uile, an t-iomlan do shlochd Ephraim.

16 Air an aobhar sin, na guidh thusa air son an t-sluaigh so, ni mò chuireas tu suas glaodh no achuinge as an leth, ni mò ni thu eadar-ghuidhe riumsa; oir cha'n éisd mise riut.

17 Nach faic thu ciod a tha iad so a' deanamh ann am bailtibh Iudah, agus ann an sràidibh Ierusalem?

18 Tha a chlann a' tional conaidh, agus na h-aithrichean a' fadadh an teine, agus na mnà a' fuineadh taoise, a dheanamh bhreacag do bhan-righinn nèimhe, 's a dhòrtadh a mach thabhartasa-dilhe do dhéibh eile, gu campar a chur ormsa?

19 Am bheil iad a' cur campair ormsa? deir an Tighearn, nach ann a tha iad a' cur [dragh] orra féin, a chum maslaidh an gnùise féin?

20 Air an aobhar sin, mar so deir an Tighearn Iehobhah, Feuch, dòirtear

m'fhearg-sa, agus mo dhian-chorroich a mach air an àite so, air duine agus air ainmhidh, agus air craobhan na machrach, agus air toradh an fhearainn: agus loisgidh i, agus cha ghabh i mùchadh.

21 Mar so deir Tighearn nan sluagh, Dia Israeil, Cuiribh 'ur tabhartais loisgte ri'n n-iobairtibh, agus ithibh fcoil.

22 Oir cha do labhair mise ri'r n-aithrichibh, ni mò dh'àithn mi dhoibh, anns an là san d'thug mi iad a mach a tìr na h-Eiphit, nu thimchioll thabhartas-loisgte no iobairtean.

23 Ach an ni so dh'àithn mi dhoibh, ag ràdh, Thugaibh géill do m'ghuth, agus bidh mis' a' n' Dhia dhuibhse, agus bidh sibhsé 'n'ur sluagh dhomh-sa; agus gluaisibh anns na h-uile shlighibh a dh'àithn mi dhuibh, a chum gu'n éirich gu maith dhuibh.

24 Ach cha d'éisd iad, ni mò dh'aom iad an cluas, ach gbluais iad ann an comhairlibh aisinnleachdach an droch chridhe féin, agus chaidh iad air an ais, agus cha'n ann air an aghaidh.

25 O'n là air an d'thàinig l'bur n-aithrichean a mach a tìr na h-Eiphit, gus an là 'n diugh, chuir mi do'r h-ionnsuidh m'uile sheirbhisich na fàidhean, ag éirigh gach là gu moch agus 'gan cur a mach.

26 Gidheadh cha d'éisd iad rium, ni mò dh'aom iad an cluas, ach chruaidhich iad am muineal, rinn iad ni lu mheasa n'an aithrichean.

27 Uime sin, labhraidh tu na briathran so uile riu, ach cha'n éisd iad riut: glaothaidh tu riu mar an ceudna, ach cha fhreagair iad thu.

28 Uime sin, their thu riu, So an cinneach nach 'eil a' toirt géill do ghuth an Tighearna an Dia; ni mò ghabh iad ri cronuchadh: dh'eug an fhirinn, agus ghearradh a mach o'm beul i.

29 Gearr dhiot do ghruag, *O Ierusalem*, agus tilg uait i, agus tog suas tuireadh air na h-ionadaibh arda: oir chuir Iehobhab uait, agus thréig e ginealach a chorroich.

30 Oir rinn clann Iudah olc ann am shealladh-sa, deir an Tighearn; chuir iad an gràicealachdan anns an tigh a dh'ainmicheadh ormsa, chum a thruilleadh.

31 Agus thog iad ionadan arda Thopheit, a th'ann an gleann mbic Hinoim, a' losgadh am mac agus an nigheana san teine; ni nach d'àithn mise, 's nach d'thàinig idir ann am chridhe.

32 Air an aobhar sin feuch, tha na làithean a' teachd, deir an Tighearn, anns nach goirear ni 's mò ris Tophet, no gleann mbic Hinoim; ach gleann a' mharbhaidh: oir adhlacaidh iad ann an Tophet, gus nach bi àite *falamh* ann.

33 Agus bidh cairbheannan an t-sluaigh so nam biadh do eunlaith an athair agus do bheathaichibh na talmhainn; agus

cha'n fhuadaich aon neach air falbh iad.

34 An sin cuiridh mise eosgadh ann am bailtibh Iudah agus ann an sraidibh Ierusalem, air guth an t-subhachais, agus guth an aoibhneis, guth an fhir nuadh-phòda, agus guth na mnà nuadh-phòda: oir bidh an dùthaich na fhàsach.

## CAIB. VIII.

**A**NNS an àm sin, deir an Tighearn, A bheir iad a mach cnàmhan rìghrean Iudah, agus cnàmhan a prionnsachan, agus cnàmhan nan sagart, agus cnàmhan nam fàidhean, agus cnàmhan luchd-àiteachaidh Ierusalem as an uaignean;

2 Agus sgaoilidh siad iad fa choinne na gréine, agus na gealaiche, agus uile fheachd nèimhe, d'an d'thug iad spéis, agus d'an d'rinn iad seirbhis, agus air an robh iad a' leannhuinn, agus a bha iad ag iarraidh, agus d'an d'thug iad aoradh: cha chruinnichear iad, cha'n adhlacair iad; nan aolach bidh iad air aghaidh na talmhainn.

3 Agus bidh bàs ni's roghnaiche nà beatha leis an uile fhuigheall a mhaireas do'n teaghlach olc so, a bhios nam fuigheall anns gach uile àite gus am fògair mis' iad, deir Tighearn nan sluagh.

4 Os-barr, their thu riu, Mar so deir an Tighearn; An tuit iad agus nach éirich iad a ris? An d'théid e air falbh, agus nach pill e air ais?

5 C'ar son *ma ta* tha'n sluagh so a' sleamhnachadh air an ais? *c'ar son a ta* Ierusalem ri cùl-sleamhnachadh bith-bhuan? tha iad a' deanamh greim daingean air ceilg, tha iad a' diùltadh pilleadh.

6 Thug mise fainear, agus chuala mi; cha do labhair iad gu ceart: cha'n 'eil aithreachas air aon neach d'a aingidheachd, ag ràdh, Ciod a rinn mi? Tha gach aon a' pilleadh g'a shlighe, mar a dhian ruitheas an t-each a chum a' chòmhraig.

7 Seadh, is aithne do'n chorra-bhàin anns an athar a h-àm féin, agus is aithne do'n choluman, agus do'n chorra-mhonaidh, agus do'n gholan-ghaoithe àm an teachd: ach cha'n aithne do m'shluaigh-sa breitheanas an Tighearna.

8 Cionnus a their sibh, Tha sinn glie, agus tha reachd an Tighearna nar meas? Feuch, gu deimhin is diomhanas obair nà cleit-scriobhaidh, cha'n 'eil anns na scriobhuichibh ach diomhanas.

9 Nàraicheadh na daoine glie, tha iad fo gheilt, tha iad an sàs; feuch, ri focal an Tighearna chuir iad cùl; agus ciod an gliocas a ta aca?

10 Uime sin, am mnathan, bheir mise do dhaoineibh eile; am fearann dhoibhsan a théid an seilbh ann: oir tha iad uile, o'n neach is mò gus an neach is lugha, air an toirt suas d'an anmiannaibh; o'n fhàidhe eadhon gus an sagart, tha gach aon a' gnàthachadh ceilge.



11 Agus leighis iad lot nighinne mo shluaigh-sa gu faoin, ag ràdh, Sìth, sìth, agus gun sìth ann.

12 An robh nàir orra chionn gu'n do chuir iad gràinealachd an gnìomh? Ni h-eadh, cha robh iad nàrach air aon chor, ni mo ghabh an gruaidh rugha: uime sin tuitidh iad am measg na muinntir a thuitas: anns an àm an d'thig mise 'gan amharc tilgear sìos iad, deir an Tighearn.

13 Ni mise gu buileach an sgrios, deir an Tighearn; cha bli fion-dhearc air an fhìneamhuinn, no figean air a' chrann-fhìge; seargaidh eadhon an duilleach: agus na nithe thug mise dhoibh siubhlaidh uatha.

14 C'ar son a ta sinn a' suidhe nar tàmh? cruinnichibh sibh fèin agus rachamaid a steach do na caithrichibh daingnichite; agus bitheamaid nar tosd an sin; oir chuir an Tighearn ar Dia nar tosd sinn, agus thug e dhuinn uisge dom-blasda r'a òl, a chionn gu'n do pheacaich siun an aghaidh an Tighearna.

15 Bha sùil againn ri sìth, ach maith sam bith cha d'thàinig: ri h-aimsir slàinte, agus feuch uamhas!

16 O Dhan chualas srannail a chuid each: ro' thorman sìtrich 'eacha meamnach ebrìothnuich am fearann uile: cìr thàinig iad, agus shluig iad am fearann, agus gach nì a ta ann; t'chathair agus iadsan a tha 'ga h-àiteachadh.

17 Oir feuch, cuiridh mise 'n'ur measg, nathraichean, rìgh-nathraichean, air nach luidh geasan, agus teumaidh iad sibh, deir an Tighearn.

18 Cha'n 'eil leigheas air mo bhròn; tha mo chridhe fo leòn an taobh a stigh dhìom.

19 Feuch guth glaoidh nighinne mo shluaigh, o thìr chéin: Nach eil an Tighearn ann an Sion? nach 'eil a rìgh innte? c'ar son ma ta bhrosnuich iad mise gu feirg le'n dealbhan snaighte, agus le'n dìomha-saibh coimheach?

20 Chaidh am foghara seachad, tha'n sambra crìochnaichte, ach cha'n 'eil sinne air ar saoradh.

21 Air son leoin nighinne mo shluaigh, tha mis air mo leòn; tha mi dubh-bhrònach; rinn uamhann mo ghlacadh.

22 Nach 'eil ioc-shlaint ann an Gilead? nach 'eil léigh an sin? C'ar son, ma ta, nach 'eil slàint' air a h-aisig do nighinn mo shluaigh-sa?

# CAIB. IX.

**O**CH nach b'uisge mo cheann, agus nach bu tobar dheur mo shùilean, a chum is gu'n guillan a là 's a dh'oidhe air son muinntir mharbhta nighinne mo shluaigh!

2 Och nach robh agam anns an fhàsach pàillium fir-thuruis, a chum gu fàguinn mo shluaigh, agus gu'n imichinn uatha! oir is

luchd-adhaltruais iad uile, coimhthional do dhaoine cealgach.

3 Agus tha iad a' lùbadh an teanga mar am bogha chum ceilge; ach cha'n 'eil iad treubhach air son na firinn anns an talamh: oir tha iad a' dol air an aghaidh o òl gu òl, agus cha'n 'eil còlas ac' orm-sa, deir an Tighearn.

4 Bitibh air 'ur faicill, gach aon roimh a choimhearsnach, agus na h-carbaibh a bràthar air bith; oir le foill meallaidh gach bràthair, agus gluaisidh gach companach gu cealgach.

5 Agus meallaidh iad, gach aon a choimhearsnach, agus cha labhair iad an fhirinn: chleachd iad an teanga ri labhairt bhreug; sgèithich iad iad fèin, a' cur an gnìomh do-bheairt.

6 Tha do chòmhnuidh ann am meadhon ceilge; ann an ceilg tha iad a' diùltadh còlas a ghabhail orm-sa, deir an Tighearn.

7 Air an aobhar sin, mar so deir Tighearn nan sluagh, Feuch, leaghaidh mi iad, agus dearbhaidh mi iad; oir cìod a dh'fheudas mi dheanamh do thaobh nighinne mo shluaigh?

8 Tha an teanga mar shaighead fìr-mhillidh; is cealg as cainnt d'i: le 'bheul labhraidh neach gu sìothchail r'a choimhearsnach, ach na chridhe tha e caitheadh foill air.

9 Air son nan nithe so nach d'thig mise d'an amharc? deir an Tighearn: air a' leithid so do chinneach nach dean m'anam dioghaltas!

10 Air son nan sléibhtean togaidh mi gul agus caoidh, agus air son ionada comhnuidh an fhàsaich, tuieadh; a chionn gu bheil iad air an losgadh suas, air chor as nach d'théid aon neach d'an trid', agus cha chluinnear anna guth na spréidhe; eunlaith an athair agus an t-ainmhidh maraon theich, shiubhail air falbh.

11 Agus ni mise Ierusalem na carnaibh, na h-uamh dhàragan; agus bailtean Iudah nì minam fàsach, gun neach 'gan àiteachadh.

12 Cò e 'n duine glic, a thuigeas so? is ris an do labhair beul an Tighearna, a chum gu cuireadh e 'n céill e. C'ar son a ta 'n tìr air a milleadh; air a losgadh suas mar fhàsach, nach 'eil aon neach ag imeachd troimpe?

13 Agus thubhairt an Tighearn, Do bhri gu'n do thréig iad mo reachd a chuir mise f'an comhair, agus nach robh iad ùmhal do m' ghuth, ni mo ghluais iad d'a réir;

14 Ach gu'n do ghluais iad a réir breithneachaidh an cridhe fèin, agus an déigh nan déc<sup>2</sup>, a theagaisg an aithrichean dhoibh:

15 Uime sin, mar so deir Tighearn nan sluagh, Dia Israeil; Feuch beathaichidh mis' iad, eadhon an sluagh so, le searbh-

<sup>1</sup> trompa, thrompa. <sup>2</sup> Bhaulim. Eabh.

luibhibh, agus bheir mi uisge dom-blasda dhoibh r'a òl.

16 Sgapaidh mi iad mar an ceudnameasg nan cinneach, air nach robh aon chuid iad fèin no àn aithrichean eòlach: agus cuiridh mi an claidheamh air àn tòir, gus an cuir mi as doibh.

17 Mar so deir Tighearn nan sluagh, Thugaibh fainear, agus gairmibh mnathan tuiridh, agus thigeadh iad: agus cuiribh fios air mnathaibh seòlta, agus thigcadh iadsan:

18 Agus deifricheadh iad, agus togadh iad suas caoidh air bhur sòn; a chum gu ruith ar sùilean sìos le deuraibh, agus gu brùchd ar rosgan a mach le h-uisgeachaibh.

19 Gun amharus chualas guth caoith o Shìon: Cionnus a tha sinn air ar creachadh! tha sinn air ar maslachadh gu romhòr! a chionn gu'n do thréig sinn ann fearann, a chionn gu'n do thilg iad sìos ar n-ionada-còmhnuidh.

20 Air an aobhar sin éisdibh, O mhnathan, focal an Tighearna, agus glacadh bhur cluas focal a bheoil; agus teagaisgibh do'r nighcanaibh caoidh, agus gach aon d'a ban-choimhearsnaich tuireadh.

21 Oir tha am bàs air teachd an aird gus ar n-uinneagan, air teachd a steach gus ar lùchairtean; *thàinig e* a ghearradh sìos araon an naoidheachain anns a mhachair, agus nan òganach anns na sràidibh.

22 Abair, Mar so deir an Tighearn, tuitidh eadhon colannan dhaoine mar aolach air aghaidh na faiche, agus mar an dlaogh<sup>1</sup> an deigh a' bhuaiche, nuair nach bi aon neach ann gu 'thional.

23 Mar so deir an Tighearn, Na deanadh an duine glic uail as a ghliocas, agus na deanadh an duine neartmhor uail as a neart, agus na deanadh an duine saidhbhir uail a 'shaidhbheas:

24 Ach deanadh esan a ni uail, uail as so, gu bheil tuigse agus eòlas aige ormsa, gur mi an Tighearn a nochdas caoimheas gràdhach, breitheanas, agus ceartas air an talamh; oir anns na nithibh so tha mo thlachd-sa, deir an Tighearn,

25 Feuch, tha na laithean a' teachd, deir an Tighearn, anns an smachdaich mise na h-uile thimchioll-ghearrta, maille ris an neo thimchioll-ghearrta;

26 An Eiphit, agus Iudah, agus Edom, agus clann Amoin, agus Moab, agus na h-uile ta anns na cearnaibh iomallach, a ta còmhnuidh anns an fhàsach: oir tha na cinnich so uile neo-thimchioll-ghearrta, agus tha tigh Israel uile neo-thimchioll-ghearrta nan cridhe.

CAIB. X.

**C**LUINNIBH am focal, a ta an Tighearn a' labhairt ruibh, O thigh Israel.

2 Mar so deir an Tighearn; Na foghlumaibh slighe nan cinneach, agus na biodh eagal oirbh roimh chomharan nan nèamha, ged' tha eagal air na cinnich rompa.

3 Oir tha gnàthachadh nan slògh na fhìor-dhiòmhnanas: oir tha iad a 'gearradh craoibh as a choille, obair làmh an fhir, a dh'oibricheas le inneal genr<sup>2</sup>.

4 Le h-airgiod agus le h-òr tha iad 'ga deanamh maiseach, le tairngibh agus le h-orduibh tha iad 'ga deanamh daingean, air chor as nach gluais i.

5 Mar chrann-pailme tha iad so rag, agus cha labhair iad: is éiginn an giùlan, a chionn nach urradh iad imeachd: na biodh eagal oirbhse rompa, oir cha'n urradh iad cron a dheanamh; agus fòs maith a dheanamh cha'n 'cil nan comas.

6 Cha 'n 'eil aon neach ann cosmhuil riutsa, O Thighearn, Is mòr thu, agus is mòr t'ainm ann an cumhachd.

7 Cò air nach biodh eagal romhadsa, O Rìgh nan slògh? oir dhuitse buimidh *urram*; a chionn nach 'eil am measg uile dhaoine glice nan cinneach, agus measg an uile rioghachdan, aon neach cosmhuil riut.

8 Ach tha iad gu h-iomlan brùideil agus mi-thuigseach: tha am fiodh e fèin a' cur an cèill an diomhanais.

9 Bheirear airgiod air a bhualadh a mach o Tharsis, agus òr o Uphas; 'obair an fhìor-oibre, agus làimhe 'n òir-cheaid: is gorm agus dearg as éideadh dhoibh: is iad gu léir obair dhaoine seòlta.

10 Ach Iehobhab, is esan an Dia fìor, an Dia beo, agus an rìgh bith-bhuan: roimh a chorruih-san criothnaichidh an talamh, agus cha'n urradh na cinnich 'fhearg a ghiùlan.

11 Mar so their sibh riu, Na dée nach d'rinn na nèamha, no an talamh, sgriosar iad a mach o'n talamh, agus o bhi fuadh na nèamha so.

12 Rinn esan an talamh le 'chumhachd, shocruih e 'n saoghal le 'ghliocas, agus le 'thuigse sgaoil e mach na nèamha.

13 Nuair a chuireas e mach a ghuth, tha toirm uisgeachan anns na nèamha, bheir e air a' cheò dol suas o chrìochaibh na talmhainn: ni e dealanach le frasaibh, agus bheir e mach a' ghaoth as 'ionadaibh tasgaidh.

14 Dh'fhàs gach duine mar bhrùid na eòlas; na'raicheadh gach òr-cheard le bònhaigh leaghta; oir is ni breugach an dealbhan leaghta, agus anail air bith cha 'n 'eil anna.

15 Is ni faoin iad, obair mhearachd: ann an àm an smachdachaidh theid iad am mugha<sup>3</sup>.

16 Cha chosmhuil riu so Cuibbriom

<sup>1</sup> làn an duirn, dornan.



Iacoib; oir is esan fear-cumaidh an domhain, agus is e Israel slat 'oighreachd; Tighearna nan sluagh is ainm dha.

17 Cruinnich suas do mhaoin as an fhearann, O thus a ta 'g àiteachadh an daingnich.

18 Oir mar so deir an Tighearn; Feuch, bheir mi urchair do luchd-àiteachaidh na tire, air a' chuairt so<sup>1</sup>, agus claoidhidh mi iad, air chor as gu mothaich iad *mo dhioghaltas*.

19 Mo thruaighe mise thaobh mo dhochainn! is cràiteach mo chreuchd: ach thubhairt mi, Gu deimhin is deacair so<sup>2</sup>, ach is éigin 'fhulang.

20 Tha mo phàillun air a chur fàs, agus tha mo chuid gu léir air am briseadh; dh'imich mo chlann a mach uam, agus cha'n 'cil iad ann: cha 'n 'eil neach ann a sgaoileas mo phàillun a mach ni 's mò, no chuireas suas mo sgàile.

21 Oir tha na h-aodhairean air fàs brùdeil, agus cha 'n 'eil iad ag iarraidh an Tighearna: uime sin cha soirbhich leo féin, agus bidh an treudan uil' air an sgapadh.

22 Fuaim an iomraidh<sup>3</sup>! feuch, tha i teachd dlù, eadhon gluasad mòr o'n tìr mu thuath, a dheanamh bhailtean Iudah nam fàsach, nan àite còmhnuidh do dhràgonaidh.

23 Is aithne dhomh, a Thighearn, nach 'eil slighe duine na chomas féin: cha 'n 'eil e 'n comas duine a ta 'g imeachd a cheum a stiùradh<sup>4</sup>.

24 O Thighearn, cronuich mi, ach ann an tomhas; ni h-ann a'd' chorruih air eagal gu cuir thu as domh<sup>5</sup>.

25 Doirt a mach do dhian-chorruich air na cinnich, nach do ghabh eòlas ort, agus air na teaghlaichean nach 'eil a' gairm air d'ainm: oir dh'ith iad suas Iacob, 'ga ith-eadh agus 'ga chaitheamh, agus rinn iad 'àite-còmhnuidh fàisail.

#### CAIB. XI.

**A**M focal a thàinig gu Ieremiah o'n Tighearn, ag ràdh;

2 Cluinn briathran a' choimhcheangail so, agus labhair iad ri fearaidh Iudah, agus ri luchd-àiteachaidh Ierusalem;

3 Agus abair riu, Mar so deir an Tighearn Dia Israeil, Malluichte gu robh an duine nach bi ùmhail do bhriathraibh a' choimhcheangail so.

4 A dh'àithn mise do 'r n-aithrichibh anns an là san d'thug mi iad a mach a talamh na h-Eiphit, as an fhuirneis iaruin, ag ràdh, Thugaibh géill do m' ghuth, agus deanaimh na nithe sin uile, réir mar tha mise 'g àithneadh dhuibh: mar sin bidh sibh 'n 'ur sluagh dhomhsa, 's bidh mis' ann am Dhia dhuibhse.

5 A chum gu coi-lion mi na mionnan a mhionnaich mi d'ur n-aithrichibh, gu d'thugainn doibh fearann a' sruthadh le mil agus le bainne, mar air an là 'n diugh. An sin fhreagair mise, agus thubhairt mi, Bitheadh amhluidh<sup>6</sup>, O Thighearn!

6 Agus thubhairt an Tighearn rium, Glaoth na briathran so gu léir, ann am bailtibh Iudah, agus ann an sràidibh Ierusalem, ag ràdh, Cluinnibh-sa briathran a' choimhcheangail so, agus deanaimh iad.

7 Oir dh'earalaich mise gu dùrachdach do'r n-aithrichibh, air an là san d'thug mi iad a mach a talamh na h-Eiphit, gus an là 'n diugh, ag éirigh gu moch agus ag earalachadh, ag ràdh, Thugaibh géill do m' ghuth.

8 Gidheadh cha d'thug iadsan géill, ni mò dh'aom iad an ciuas, ach ghluais iad gach aon a réir crosdachd<sup>7</sup> a dhroch chridhe féin: uime sin bheir mise orra uile bhriathran a choimhcheangail so, a dh'àithn mi dhoibh a dheanamh, ach nach d'rinn iad.

9 Mar an ceudna thubhairt an Tighearn rium, Fhuaradh co-fheall am measg fheara Iudah, 's am measg luchd-àiteachaidh Ierusalem.

10 Tha iad air pilleadh air an ais gu aingidheachd an aithrichean o shean, a dhiùlt mo bhriathran-sa a choimhead; agus a chaidh air lorg dhée coimheach, a chum gu'n deanadh iad seirbhis dhoibh: bhris tigh Israeil agus tigh Iudah mo choimhcheangal, a rinn mi 'an aithrichibh.

11 Uime sin mar so deir an Tighearn; Feuch, bheir mis' orra dòrainn, o nach bi e comasach dhoibh dol as; agus ged' ghlaodh iad rium, cha 'n éisd mi riu.

12 An sin théid bailtean Iudah, agus luchd-àiteachaidh Ierusalem, agus glaothaidh iad ris na déibh do'n do loisg iad tùis; ach cha dean iad sin air aon chor an tearnadh ri àm an airce.

13 Oir do réir àireimh do bhailtean, bha do dhée, O Iudah; agus do réir àireimh shràidean Ierusalem chuir sibh suas altairean do'n ni nàrach sin, altairean a losgadh tùise do Bhaal.

14 Air an aoibhar sin na dean thusa urnuigh air son an t-sluaigh so, ni mò thogas tu suas glaoth no achuinge as an leth: oir cha 'n éisd mise san àm anns an glaoth iad rium an airce.

15 Ciod a tha'ig mo ghràdh ri dheanamh ann am thigh-sa? chuir i 'n gnìomh mòr ghràinealachdan; agus tha 'n fheoil naomh air teicheadh uait. An uair a ta thu aingidh, an sin tha thu aoibhneach.

16 Gorm-chrann oladh, maiseach agus mar dhuine a ghluaiseas esan, agus a stiùras e 'imeachd. <sup>5</sup> gu mìn-phronn thu mi. <sup>6</sup> Amere. Eabh. <sup>7</sup> reasgachd, coirbteachd.

<sup>1</sup> air an tarruing so. <sup>2</sup> is cruaidh so. <sup>3</sup> an tuairisgeil! <sup>4</sup> Is aithne dhomh an Tighearn, nach 'eil a shlighe mar shlighe duine; nach ann

deagh-thorrach, thug an Tighearn mar ainm ort: le fuaim toirme mòire dh'fhadaidh e teine na mhullach, agus tha a gheugan air am briseadh.

17 Oir rinn Tighearn nan sluagh, a shuidhich thu, ole a labhairt a d'aghaidh; air son aingidheachd tìghe Israeil, agus tìghe Iudah, a chuir iad an gnìomh nan aghaidh fèin, le mise bhrosnuchadh gu feirg, le tìsa a losgadh do Bhaal.

18 Thug an Tighearn, mar an ceudna fios domhsa, agus thuig mi; an sin dh'fheuch thu dhomh an innleachdan.

19 Oir bha mi mar uan, *no mar* dhamh, air a stiùrach a chum a' chasgraidh, agus cha robh fios agam gu'n do dhealbh iad innleachdan ann am aghaidh, ag ràdh, Sgriosamaid an crann maille r'a thoradh, agus gearramaid e sìos a fearann nam beo, a chum as nach bi 'ainm ni 's mò air a chuimhneachadh.

20 Ach, O Thighearna nan sluagh, a bheir breth gu cothromach, a dhearbhas na h-àirnean agus an cridhe, faiccam do dhioghaltas orra, oir dhuitse dh'fhoillsich mi mo chùis.

21 Air an aobhar sin, mar so deir an Tighearn, Do thaobh muinntir Anatoit, a tha 'g iarraidh d'anama, ag ràdh, Na dèan faisneachd ann an ainm Iehobhah, mu'm ' faigh thu bàs le'r laimhne:

22 (Uime sin, mar so deir Tighearna nan sluagh,) Feuch, smachdaichidh mis' iad; bàsaichidh na h-òganaich leis a' chlaidheamh, bàsaichidh am mic agus an nigheana le gorta.

23 Agus cha'n fhàgar fuigheall beo dhiubh; oir bheir mise ole air muinntir Anatoit, bliadhnadh an smachdachaidh.

## CAIB. XII.

**I**S ceart thusa, O Thighearn, 'nuair a thagram riut: gidheadh ceaduich dhomh labhairt riut mu thimchioll do bhreith-eanais: C'ar son a ta slighe nan droch dhaoine' a soirbheachadh? c'ar son a ta iadsan uile suaimhneach, a ta ro-aingidh?

2 Shuidhich thus' iad, seadh ghabh iad freumh; tha iad a' fàs, agus fòs a' toirt a mach toraidh: tha thusa dlù nam beul, ach fada o'n àirneibh.

3 Ach is aithne dhuitse mi, O Thighearn; chunnaic thu mi, agus dhearbhu thu mo chridhe, [gu bheil] e leat: tarraing iad a mach mar chaoirich air son a' chasgraidh, agus cuir air leth iad fa chomhair là a' mharbhadh.

4 Cia fhad a ni'm fearann bròn, agus a bhios luibhean gach machrach a' seargadh, air son aingidheachd a luchd-àiteachaidh? Bhàsaich gach ainmhidh agus eun, a chionn gu'n dubhairt iad, Cha'n fhaic esan ar crìoch dheireannach.

5 Ma ruith thu leis na coisichean, agus

gu'n do sgithich iad thu, cionnus idir a nì thu strì ri h-eachaibh? agus ann am fearann sìth ged' robh agad dòchas, gidheadh ciod a nì thu ann an onfha lordain?

6 Air son gu'n do bhuin eadhon do bhràithrean agus tigh t'athar eadhon iadsan, gu fealltach riut; ruaig eadhon iadsan thu le h-eighe chruaidh; na creid iad ged' labhair iad briathra caoine riut.

7 Thréig mise mo thigh, dh'fhàg mi m'oghreachd, thug mi thairis gràdh m'anama do làimh a nànnhdean.

8 Bha m'oghreachd dhomhsa mar leòmh-an anns a' choille; chuir i mach a guth ann am aghaidh: air an aobhar sin thug mi fuath dh'i.

9 Bha m'oghreachd dhomhsa mar an t eun fuileachdach Seboa; o euna fuileachdach, thigibhse na h-aghaidh air gach taobh; cruinnichibh, uile bheathaiche na machrach, thigibh a chum ithcadh suas.

10 Mhill mòran aodhairean mo lios-fiona, shaltair iad mo chuibhrionn fo chois, rinn iad mo chuibhrionn taitneach na fhàsach uaigneach.

11 Rinn iad e na fhàsach, riumsa tha e na fhàsach ri caoidh; rinneadh an tìr gu h-iomlan fàs, gidheadh cha'n 'eil aon neach 'ga chur an suim.

12 Air gach uile thulaich san fhàsach thàinig an luchd-creachaidh; oir sluigidh claidheamh an Tighearna suas, o aon iomall do'n tìr gus an t-iomall cile: cha bhi sìth aig aon fheoil.

13 Chuir iad cruineachd, ach buainidh iad droighionn: shaoirich iad, ach cha bhuannaich iad: mar sin masluichear sibh do thaobh 'ur cinnis, do bhrìgh lasair feirge an Tighearna.

14 Mar so deir an Tighearn; Do thaobh m'uile dhroch choinhearsnacha, ta cur dragh air an oighreachd a thug mise mar sheilbh do m' shluagh Israel; feuch, spionaidh mi iad a mach as am fearann, agus as am meadhon spionaidh mi mach tigh Iudah.

15 Agus tarlaidh, an déigh dhomh an tarraing a mach, gu pill mi, 's gu gabh mi truas duibh, agus bheir mi iad air an ais, gach aon g'a oighreachd fèin, agus gach aon g'a fhearann fèin.

16 Agus tarlaidh, ma dh'fhoghlumeas iad do rìreadh sligheanna mo shluaigh-sa, gu mionnachadh air m' ainm, Mar is beo Iehobhah, amhuil a theagaisg iadsan do m' shluagh-sa mionnachadh Baal, an sin daingnichear iad ann am meadhon mo shluaigh.

17 Ach mur toir iad géill, an sin spionaidh mi a nìos an cinneach sin, a' spionadh a nìos agus a sgrios, deir an Tighearn.

## CAIB. XIII.

**M**AR so thubhairt an Tighearn rium, Imich agus faigh dhuit fèin crìos



anairt, agus cuir air do leasraibh e, ach na cuir ann an uisge e.

2 Is amhuil a fhuair mi crios, do réir focail an Tighearna, agus chuir mi air mo leasraibh e.

3 Agus thàinig focal an Tighearna do m'ionnsuidh an dara h-uair, ag ràdh,

4 Gabh an crios a fhuair thu, a ta air do leasraibh, agus éirich, imich gu Euphrates, agus folaich an sin e, ann an toll do'n charraig.

5 Is amhuil a dh'imich mi agus dh'fhol-aich mi e aig Euphrates, mar a dh'àithn an Tighearna dhomh.

6 Agus tharladh an déigh mhòrain laithean, gu'n dubhairt an Tighearna rium, Éirich, imich gu Euphrates, agus thoir as sin an crios a dh'àithn mise dhuit fholaich anns an àite sin.

7 An sin dh'fhalbh mi gu Euphrates, agus chladhaich mi, agus thug mi an crios as an àite san d'fholuich mi e; agus feuch, bha'n crios millte, cha b'fhiù air son ni sam bith e<sup>1</sup>.

8 An sin thàinig focal an Tighearna do m'ionnsuidh, ag ràdh,

9 Mar so deir an Tighearna; Air a' mhodh so millidh mise uall Iudah, agus uall mhòr Ierusalem.

10 An sluagh olc so, tha diùltadh mo bhriathran-sa éisdeachd, a tha siubhal a réir cruais an cridhe féin, agus a' dol an déigh dhéa coimheach, gu seirbheis a dheanamh dhoibh, agus gu aoradh a thoirt doibh; bithidh iad eadhon mar an crios so, nach fiù air son ni sam bith.

11 Oir mar a dhlù-leanas an crios ri leasraibh duine, mar sin thug mis' air tigh Israeil uile, agus air tigh Iudah uile, dlù-leantuin riumsa, deir an Tighearna; a chum gu'm biodh iad dhomh mar shluagh, agus mar ainm, agus mar chliù, agus mar ghloir: ach cha'n éisdeadh iadsan.

12 Labhraidh tu riu fòs am focal so, Mar so deir Iehobhab Dia Israeil; Lìonar gach soireadh le fion. Agus their iad riut, Nach 'eil fios cinnteach againn gu lìonar gach soireadh le fion?

13 An sin their thu rin, Mar so deir an Tighearna, Feuch lìonaidh mise luchd-àit-eachaidh na tìre so air fad, eadhon na rìghrean a tha nan suidhe 'n àite Dhaibhidh air a rìgh-chaithir, agus na sagairt, agus na fàidhean, agus uile luchd-àit-eachaidh Ierusalem, le misg.

14 Agus pronnaidh mi iad an aghaidh a chèile, eadhon na h-aithrichean agus na mic le chèile, deir an Tighearna; cha ghabh mi truas, ni mò choigleas mi, ni mò a ni mi iochd, air chor as nach sgrios-ainn iad.

15 Eisdibh, agus thugaibh aire, na bithibh uaibhreach; oir labhair an Tighearna.

16 Thugaibhse glòir do'n Tighearna' bhuir Dia, mu'n d'thig an dorchadas, agus mu'n tuislich 'ur casan air sléibhte na doilleir-cachd; an sin, an uair bhios 'ur sùil ri solus, caochailcar e gu sgàile bhàis, eadhon gu dorchadas tiugh.

17 Ach mar éisd sibh ris, guilidh m'ann ann an ionadaibh uaigneach air son 'ur n-uabhair, agus guilidh mo shùil gu goirt, agus silidh mo dheoir gu pailt, a chionn gu toircar ann am bruid treud an Tighearna.

18 Abair ris an rìgh, agus ris a' bhan-rìghinn, Irislichibh sibh féin, suidhibh sìos; oir-leagar sìos bhuir culaidh-chinn, eadhon crùn bhuir glòire.

19 Tha bailtean na h-airde deas air an druidealh suas, agus cha'n 'eil neach 'gam fosgladh; tha Iudah uile air a toirt am bruid, tha i gu h-iomlan air a toirt am braigheanas.

20 Tog suas do shùilean agus faic iadsan a ta teachd o'n airde tuath: c'àit am bheil an treud a thugadh dhuit, caoirich do mhaise?

21 Ciod a their thu an uair a thig smachdachadh ort? an déigh dhuit a theag-asg dhoibh riaghladh tharad mar cheannardan? nach dean ioghanna do ghlacadh, amhuil mnaoi ri saothair?

22 Agus an uair a their thu ann ad chridhe, C'ar son a thàinig na nithe so orm? Air son meud do chionta tha do-sgiortan air an leigeadh ris, tha do shàiltean air an rùsgadh.

23 Am feud an t-Etiopach a chraicinn a mhùthadh, no an liopard a bhreice? an sin feudaibh sibhse, bha clacadhta ri olc, maith a dheanamh.

24 Air an aobhar sin sgapaibh mis' iad mar an asbhuain, a shiubhlas air falbh le gaioth an fhàisich.

25 Is e so do chrannchur, an cuibhrionn a thomhàiseadh leamsa air do shon, deir an Tighearna; a chionn gu'n do dhi-chuinnich thu mise, agus gu'n do chuir thu do-dhòchas anns a' bhréig.

26 Uime sin leigidh mise do sgiortan ris air do bheulaobh, a chum as gu faicear do nàire.

27 Chunnaic mi d'adhaltranas, agus do shitrìch, agus do striopachas mi-nàrach, do ghràinealachdan air na cnocai, anns a' mhachair. Mo thruaighe thu, O Ierusalem! nach bi thu air do ghlanadh? c'uin idir a bhitheas sin?

#### CAIB. XIV.

**F**OCAL an Tighearna, a thàinig gu Ieremiah do thaobh na goinne<sup>3</sup>.

2 Tha Iudah ri bròn, dh'fhàs a gcatachadh lag; tha iad duaichnidh<sup>4</sup> air an làr, agus tha gaor Ierusalem air dol suas.

3 Chuir na h-uaislean fòs an clann bheag

<sup>1</sup> cha robh feum bith ann; cha robh stà sam bith ann.

<sup>2</sup> sgèimhe.

<sup>3</sup> an tairt.

<sup>4</sup> dh'fhàs iad dubh.

a dh' iarruidh uisge ; thàinig iad gus na sluiehd, cha d'fhuair iad uisge sam bith ; phill iad le 'n sòithichibh talamh ; bha nàire agus masladh orra, chòmhdaich iad an cinn.

4 A chionn gu bheil am fearann na smùr, oir cha robh uisge<sup>1</sup> anns an tìr ; ghabh na treabhachan nàire, dh'fholuich iad an cinn.

5 Seadh fòs, rug an cilid a laogh anns a' mhachair, agus thrèig i e, chionn nach robh fear ann.

6 Agus sheas na h-asala fiadhaich air na h-ionadaibh arda, tharuing iad suas a' ghaoth mar dhràgonaidh ; dh'fhàilnich an slubha a chionn nach robh fear ann.

7 Ged' tha ar n-ea-ceairtean a' tabhairt fianuis nar n-aghaidh, O Thighearn, dean thusa air sgàth d'ainme fèin : oir tha ar cùl-sleamhnachaidh lionnhor, pheacaich sinn a d'aghaidh.

8 O dhòchais Israeil, a shlànuifhear ri àm airce, c'uim am bitheadh tu mar choigreach anns an tìr ? agus mar fhear-turuis a thionndaidheas a leth-taobh gu fuircach car oidhehe ?

9 C'uim am bitheadh tu mar neach ann an suain chadail<sup>2</sup> ? mar ghaisgeach 'aig nach 'eil cumhaehd gu teanraidh ? Gidheadh tha thusa, O Thighearn, nar meadhan, agus ortsa tha sinn air ar n-ainmeachadh, na dean ar tréigsinn.

10 Mar so deir an Tighearn do thaobh an t-sluaigh so, Mar so bu toil leo dol air seachran, cha do chum iad air an ais an easan ; uinne sin cha ghabh an Tighearn riu, euimhnichidh e mis an aingidheachd, agus eronuichidh e 'n cionta.

11 Uinne sin thubhairt an Tighearn rium, Na guidh a leth an t-sluaigh so air son an leas.

12 An uair a thraisgeas iad, cha'n éisd mise r'an glaoth ; agus an uair a dh'ìobras iad iobairt-loisgte agus tabhartas, cha ghabh mis' iad ; ach leis a' chlàidheamh, agus leis a' ghort, agus leis a' phlàigh, cuiridh mi as doibh.

13 An sin thuirt mise, Oeh ! a Thighearna Dhià ! feuch, tha na fàidhean ag ràdh riu, Cha 'n fhaic sibh an claidheamh, ni mo thig gort oirbh, ach sìth chinnteach bheir mise dhuibh anns an àite so.

14 An sin thuirt an Tighearn rium, Tha na fàidhean ri faisneachd bhrèige ann am ainmsa ; cha do chuir mise uam iad, ni mò thug mi àitlme dhoibh, ni mò labhair mi riu : sealladh breugach, agus fiosachd, agus neo-ni, agus mealltoirachd an cridhe fèin, tha iad a' faisneachd dhuibh.

15 Uime sin mar so deir an Tighearn ; Do thaobh nam fàidhean a tha ri faisneachd ann am ainmsa, ged' nach do chuir mise mach iad, agus ag ràdh, Cha bhi

claidheamh agus gorta san fhearann so, le claidheamh agus le gorta bidh na fàidhean sin air an caitheamh.

16 Agus bidh an sluagh do 'n d'rinn iad faisneachd air an tilgeadh a mach ann an sràidibh Ierusalem, fa chùis<sup>3</sup> na gorta, agus a' chlàidheimh, agus cha' bhi neach ann a dh'adhlaiseas iad ; iad fèin, am mnathan, agus am mic, agus an nigheanan : oir taomaidh mise orra fèin an aingidheachd.

17 Agus labhaird tu riu am focal so ; Silcadh mo shùilean le deuraibh a dh'oidhch' is do là, agus na sguircadh iad : oir tha òigh-nighean mo shluaigh air a dochann le doehann mòr, le buille ro-chràiteach.

18 Ma théid mi mach do'n mhachair, an sin feuch iadsan a mharbhadh leis a' chlàidheamh ! agus ma théid mi steach do'n eathair, an sin feuch iadsan a ta air an elaidh leis a' ghorta ! seadh, tha am fàidh, agus fòs an sagart ag imeachd air chuairt, gu talamh anns nach 'eil iad eòlach.

19 An do chuir thu gu tur cùl ri Iudah ? an d' fhuathaich t-anam Sion ? c'uim an do bhuail thu sinn, agus gun aon chobhair againn ? bha ar sùil ri sìth, ach maith eha d' thàinig ; agus ri àm leighis, agus feuch amhghar !

20 Tha sinn ag aideachadh, O Thighearn, ar n-aingidheachd fèin, agus ea-ceairt ar n-aithrichean : oir pheacaich sinn a t'aghaidh-sa.

21 Na tilg uait sinn air sgàth t-ainme fèin, na maslaich caillir do ghloire : cuimhnich, na bris do choimheachgal ruinn.

22 Am bheil aon air bith am measg dhòmhnanas nan cinneach a's urradh uisge thoirt seachad ? no'n urradh na nèamha frasan a tabhairt ? nach tu fèin an ti a nì sin, O Thighearn ar Dia-ne ? air an aobhar sin, feithidh sinne riut : oir is tu a rinn na nìthe so uile.

## CAIB. XV.

A N sin thubhairt an Tighearn rium ; Ged' shcasadh Maois agus Samuel am làthair, eha bhiodh m'anam leis an t-sluaigh so ; cuir a mach iad as m'fianuis, agus sìubhladh iad air falbh.

2 Agus tarlaidh, ma their iad riut, C'ait an sìubhail sinn air falbh ? an sin their thu riu, Mar so deir an Tighearn, iadsan a ta air son bàis, a chum bàis ; agus iadsan a ta air son a' chlàidheimh, a chum a' chlàidheimh ; agus iadsan a ta air son na gorta, chum na gorta ; agus iadsan a ta air son na bruid, a chum braighdeanais.

3 Agus orduichidh mise os an cionn ceithir seorsanna, deir an Tighearn ; an claidheamh gu marbhadh, agus na coin gu reubadh, agus eunlaith an athair, agus beathaichean na machrach, gu ithcadh agus gu milleadh.

<sup>1</sup> feurthuinn.  
647

<sup>2</sup> na bhreislich ?

<sup>3</sup> do bhrìgh.



4 Agus fuadaichidh mi iad air feadh uile rìoghachdan an domhain, air son Mhanaseh, mhic Hesecial, rìgh Iudah, air son *nan nithe sin* a rinn e ann an Ierusalem.

5 Oir cò ghabhas truas dìot, O Ierusalem? no cò ni bròn leat? no cò théid a leth-taobh, a dh'fhèdrach cionnus a tha thu?

6 Thréig thu mise, deir an Tighearn, chaidh thu air t'ais; air an aobhar sin, sinidh mise mo làmh a mach a't'aghaidh, agus sgriosaidh mi thu; tha mi sgith do ghabhail aithreachais.

7 Uime sin dh'fhuadaich mi iad le inneal fasgnaidh ann an gcatachaibh na tìre: dh'fhàg mi gun chlann, sgrios mi mo shluagh; o'n slighibh cha do phill iad.

8 Rinneadh am bantraichean ni bu lion-mhoire leamsa na gaineamh na fairge: thug mi 'n aghaidh na màthar agus nam mac fear-millidh ann am meadhon an là: thug mi air nàmhaid agus air uamhasan bualadh oirre gu h-obann.

9 Dh'fhannaich ise a rug seachdnar, thug i suas an deò; chaidh a grian sìos an feadh a ta fathasd an là ann; nàraicheadh agus mbasluicheadh i: agus na mhaireas duibh bheir mise do'n chlaidheamh ann am fianuis an nàimhdean, deir an Tighearn.

10 Mo thruaighe mise, O mo mhàthair! oir rug thu mi a'm'fhear-strì, agus a'm'fhear-connsachaidh anns an fhearann uile; cha d'thug mi seachad air ocar, ni mò thug aon neach air ocar dhomh; *gidheadh* tha iad uile 'gam mhalluchadh.

11 Thubhairt an Tighearn, Gu cinnteach éirigh gu maith do t'armad, gu cinnteach bheir mi air an nàmhaid bhi bàigheil riut ann an àm na h-airce, agus ann an àm a' chruaidhchais.

12 Am bris esan iarunn na bloighdibh, iarunn o thuath agus umha?

13 Do mhaoin agus d'ionnasan bheir mise mar chreich, cha'n ann air son luach, ach air-son d'uile lochdan; scadh ann ad uile chrìochaibh.

14 Agus bheir mi *orra* siubhal air falbh le d' nàimhaidibh gu fearann air nach robh thu eòlach; oir tha teine air 'fhadadh ann am fheirg, agus lasaidh e 'n'ur n-aghaidh.

15 Agadsa tha fios, O Thighearn; cuimhnich ormsa, agus thig do m'amharc, agus thoir dhomh aicbheil air mo luchd-tòrachd<sup>1</sup>; ann am buanas t'fheirge na toir air falbh mi; thoir faineair gu'n d'fhuiling mi masladh air do sgàth.

16 Fhuaradh do bhriathran, agus dh'ith mi suas iad; agus bha t'fhocal dhomh na aoibhneas, agus na ghàirdeachas do m'chrìdhc; oir tha mi air m'ainmeachadh ortsa, O Ichobhah, Dhia nan sluagh.

17 Cha do shuidh mi ann an cuideachd

luchd-fochaid, ni mò bha mi subhach; air son do làimhse shuidh mi ann am aonar; a chionn gu 'n do lion thusa mi le boile.

18 C'uim am bheil mo ghoith gun lasachadh? agus mo chreuchd bàsmhor, a' diùltadh a bhi air a leigheas? c'ar son a bhios thusa dhomh uile gu léir amhuil sruth-an mealltach, as nach feudar earbsadh?

19 Uime sin mar so deir an Tighearn, Ma philleas tu, an sin bheir mis' air t'ais thu, *agus*<sup>2</sup> seasaidh tu ann am làthair: agus ma sgaras tu an luachmhor o'n ni nach fìu, mar mo bheul-sa bithidh tu: pillidh iad so riutsa, ach cha phill thusa rìusan<sup>3</sup>.

20 Agus ni mise dhìot, an aghaidh an t-sluagh so, balla làidir umha; an uair a chathaicheas iad a' t'aghaidh cha toir iad buaidh ort: oir tha mise maille riut, a chum do dhìon, agus a chum do thearnadh, deir an Tighearn.

21 Agus saoraidh mi thu o làimh nan aingidh, agus fuasglaidh mi thu o ghreim nan uamhasach.

# CAIB. XVI.

**T**HA INIG focal an Tighearna fòs do m'ionnsuidh, ag ràdh,

2 Cha ghabh thu dhuìt féin bean, ni mò bhios agad mic no nighcanan anns an àite so.

3 Oir mar so deir an Tighearn; Do thaobh nam mac, agus do thaobh nan nigheanan, *a tu* air am breith anns an àite so, agus do thaobh am màithrichean a rug iad, agus do thaobh an aithrichean a ghin iad, anns an tìr so;

4 Le bàs doilgheasach bàsaichidh iad; cha chaoidhear iad, agus cha 'n adhlacair iad; mar aolach air aghaidh na talmhainn bithidh iad; le claidheamh fòs, agus le gorta, caithear iad; agus bidh an cairbheannan mar lòn do eunlaith an athair, agus do bheathaichibh na talmhainn.

5 Oir mar so deir an Tighearn, Cha d'théid thu stach do thigh a' bhròin, ni mò théid thu d'heanamh caoidh, no thoir dhoibh co-fhurtachd; oir thug mise air falbh mo shìth ò'n t-sluagh so, deir an Tighearn, caoimhneas gràdhach agus caomh-thròcaircan.

6 Agus gheibh iad bàs, eadar bheag agus mhòr, anns an tìr so; cha'n adhlacair iad, agus cha deanar caoidh air an son; cha ghearr aon neach e féin, ni mò ni aon neach e féin maol air an son.

7 Agus cha bhris daoine aran nam measg, ri àm bròin, a chum co-fhurtachd a thoirt doibh air son neach a fhuair bàs; ni mò bheirear dhoibh deoch a cupan na co-fhurtachd, air son athar neach, no air son a mhàthar.

8 Mar an ceudna cha d'théid thu gu tigh

<sup>1</sup> dìot mi air luchd mo gheur-leanmhuinn.  
<sup>2</sup> Ma philleas tu, agus gu d' thoir mis air d'ais thu.

<sup>3</sup> pilleadh iad so riutsa, ach na pill thusa rìusan.

na cuirme, gu suidhe sìos maille riu a dh'itheadh agus a dh'òl.

9 Oir mar so deir an Tighearn nan sluagh, Dia Israeil, Feuch, cuiridh mise na thosd anns an àite so, fa chomhair 'ur sùl-sa, agus ann 'ur laithibh, guth an t-subhachais, agus guth an aoibhneis, guth an fhir nuadh-phòsda, agus guth na mnà nuadh-pòsda.

10 Agus tarlaidh, an uair a dh'innseas tu do'n t-sluagh so na nithe so uile, agus a their iad riut, C'ar son a labhair an Tighearn nar n-aghaidh an t-òlc mòr so uile? agus ciod i ar n-aingidheachd, agus ciod e ar lochd, a chuir sinn an gnìomh an aghaidh an Tighearna ar Dia?

11 An sin their thusa riu, A chionn gu'n do thréig bhur n-aithrichean mise, deir an Tighearn, agus gu'n deachaidh iad air lorg dhée eile, agus gu'n d'thug iad seirbhis dhoibh, agus gu'n d'thug iad dhoibh aoradh, agus gu'n do thréig iad mise, agus nach do choimhid iad mo reachd.

12 Agus gu'n d'rinn sibhse ni's measa na bhur n-aithrichean, oir feuch tha sibh ag imeachd, gach aon a réir ais-innleachd a dhroch chridhe féin, gun ghéill a thoirt dhomhsa.

13 Uime sin tilgidh mi sibh a mach as an tìr so, gu tìr air nach d'fhuair sibh eòlas, sibh féin, no 'ur n-aithrichean; agus an sin ni sibh seirbhis do dhéibh coimheach, a latha agus a dh'oidheche, a chionn nach dean mise tròcair oirbh.

14 Uime sin, feuch tha na laithean a' teachd, deir an Tighearn, anns nach abrar ni's mo, Mar is beo an Tighearn, a thug a nìos clann Israeil a talamh na h-Eiphit;

15 Ach, Mar is beo an Tighearn, a thug air an ais clann Israeil o thalamh na h-airde tuath, agus o gach talamh gus an d'fhogair e iad; oir bheir mise air an ais iad gu'm fearann féin, a thug mi do'n aithrichibh.

16 Feuch cuiridh mi fios air mòran iasgairean, deir an Tighearn, agus ni iad an iasgach; agus na dhéigh sin, cuiridh mi fios air mòran sheallagairean, agus ni iad an sealg, o gach uile shliabh, agus o gach uile chnoc, agus o sgeiribh nan creag.

17 Oir tha mo shùilean-sa air an uile shlighibh; cha 'n 'eil iad foluichte o m'ghnùis, ni mò tha an aingidheachd air a còmhachadh o fhradharc mo shùil.

18 Agus diolaidh mi le tomhas dùbailte<sup>1</sup> an aingidheachd agus an lochd, a chionn gu 'n do thruaill iad m'fhearann le sailleadh<sup>2</sup> an gnìomhara fuathach; agus le 'n gràinealachdaibh lion iad m'òighreachd.

19 O Thighearn, mo neart, agus mo dhàingneach agus mo dhèidh ann an là

na h-airce<sup>3</sup>; do d'ionnsuidh-sa thig na cinnich o chrìochaibh na talmhainn, agus their iad, Gu deimhin sheallbhuidh ar n-aithriche ni gun blùrigh; dìomhanas, agus<sup>4</sup> nithe gun tairbhe.

20 An dean duine dha féin dée, agus nach 'cil iad nan dée<sup>5</sup>?

21 Air an aobhar sin foillsichidh, mi dhoibh, air an aon uair so, foillsichidh mi dhoibh mo làmh agus mo chumhachd, agus bidh fios aca gur c m'ainm Iehobhah.

#### CAIB. XVII.

**T**UA peacadh Iudah air scriobhadh le peann iaruin; le roinn daoimein tha e air a ghearradh, air clàr an cridhe, agus air adharcaibh an<sup>6</sup> altairean:

2 Am feadh a ta an clann a' cuimhneachadh an altairean, agus an doireachan, aig na crannaibh uaine, air na cnocaibh arda.

3 O mo shliabh anns a' mhachair, do mhaoin, agus do thaisgeacha gu h-ìomlan, bheir mi thairis do'n chreich; t'ionadan làidir, air son peacaidh, air feadh t'uile chrìochan.

4 Agus fògrar thu, cadhlon thusa féin, o d'òighreachd a thug mi dhuit, agus bheir mi ort seirbhis a dheanamh do d'naimhdbh ann an tìr anns nach 'eil thu eòlach: a chionn gu'n d'fhadaidh sibh, ann am fheirg-sa, teine a loisgeas gu sìorruidh.

5 Mar so deir an Tighearn, Is malluichte an neach a chuireas a dhòchas ann an duine, 's a ni feoil na gairdean da, 's aig am bheil cridhe ta cluonadh air falbh o'n Tighearn.

6 Oir bidh e mar phreas seargta san ionad sgaoilte, nach mothaich am maith an uair a thig e; ach a ta 'g àiteachadh ionada loisgte an fhàsach, fearainn gun toradh agus gun chòmhnuidh.

7 Is beannuichte an neach a dh'earbas as an Tighearn, agus a chuireas a dhòchas ann an Iehobhah<sup>8</sup>.

8 Oir<sup>7</sup> bidh e mar chraoibh air a suidheachadh ri taobh nan uisgeachan, a sgaoileas a nach a freumhan ri taobh an t-srutha, agus nach mothaich c'uin a thig an tart; ach aig am bi a duilleach uaine, 's air nach bi iomguin ann am bliadhna na tiormachd, ni mò sguircas i thoirt seachad toraidh.

9 Tha an cridhe cealgach thar na h-uile nithe, agus tha e do-leigheas<sup>6</sup>; cò 's urradh a thuigsinn?

10 Tha mise Iehobhah a' rannsachadh a' chridhe, agus a' sgrùdadh nan àirnean, a chum gu tabhair mi do gach neach a réir a shlighe, agus do réir toraidh a dheanadais.

11 Mar a' chearc a ni gur air uighean, agus nach toir a mach eoin, [tha] esan gheibh beartas, ach nach ann le còir; ann am meadhon a laithean dealuichidh e ris;

<sup>1</sup> dà-shillte. <sup>2</sup> closaichibh. Eabh. <sup>3</sup> na teinn; a' chruaidh-chais. <sup>4</sup> do nithe nach 'eil

nan dée? <sup>5</sup> bhur. <sup>6</sup> oir bithidh an Tighearn nan chùl-taice dha. <sup>7</sup> Agus. <sup>8</sup> lag; easlan.



agus na chrìch dheireannaich bithidh e na amadan.

12 Is rìgh-chaithir ghèidhrioh, arduichte o chian, àit ar n-ionaid naoinha-ne.

13 O Thighearn, cuspair-dòchais Israeil, bithidh amhluth air gach aon a thréigas thu; scrìobhar iad nan luchd-ceannaire san tìanah; a clionn gu'n do thréig iad an Tighearn, tobar nan uisgeacha beo.

14 Leighis mi, O Thighearn, agus bithidh mi air mo leigheas; slànùich mi, agus bithidh mi air mo shlànuchadh; oir is tu mo mholadh.

15 Feuch, tha iad so ag ràdh rium, C'ait am bheil focalan Tighearna? Thigeadh e nis.

16 Ach cha d'rinn mi deifir o bhi a'm' fhear-coimhd a' d' dhéigh-sa, agus là na h-jarguin cha d'iarr mi; agad féin tha fios air an nì a thàinig a mach as mo bheul, bha e ann ad làthair.

17 Na bi a'd'uamhas donih; is tu mo dhìdein ann an là na h-airce.

18 Biodh nàir' air a' mhuinntir a ta 'g am ruagadh, ach na dàraichear mise: biodh iadsan fo gheilt, ach na biodh geilt ormsa: thoir thus' orra là na dòrainn, agus le sgrìos ath-bhuailte sgrìos iad.

19 Mar so thubhairt an Tighearn rium; Falbh agus seas ann an geata cloinne 'n t-sluaigh, air an d'fhig rìghrean Iudah a steach, agus air an d'thèid iad a mach, agus ann an uile gheatachaidh Ierusalem;

20 Agus abair riu, Cluinnibhse focal an Tighearna, a rìghrean Iudah, agus a Iudah uile, agus uile luchd-àiteachaidh Ierusalem, a ta teachd a steach air na geatacha so.

21 Mar so deir an Tighearn, Thugaibh aire dhuibh féin, agus na giùlainibh uallach air bith air là na sàbaid, agus na tugaibh a steach i air geatachan Ierusalem;

22 Nì mò bheir sibh a mach uallach as bhur tighibh air là na sàbaid, nì mò nì sibh obair air bith; ach naomhaichibh là na sàbaid, mar a dh'aitbh mise do 'r n-aithrichibh.

23 Ach cha d' thug iadsan géill, nì mò dh' aom iad an cluas, ach rinn iad am muineal rag, air chor as nach éisdeadh iad, agus air chor as nach gabhadh iad teagasg.

24 Ach tarlaidh, ma dh' éisdeas sibh gu cùramach riumsa, deir an Tighearn, gun uallach sam bith a thoirt a steach trid gheatachan a' bhaile so air là na sàbaid, ach là na sàbaid a naomhachadh, gun obair sam bith a dheanamh air:

25 An sin théid a steach air geatachan a' bhaile so, rìghrean agus prionnsachan, nan suidhe air rìgh-chaithir Dhaibhidh, a marcachd air charbadaibh, agus air eachaibh, iad féin agus an ceannardan, fir Iudah, agus luchd-àiteachaidh Ierusalem; agus daingnichear gu bràth a' chathair so.

26 Agus thig iad o bhaithibh Iudah, agus o na h-àiteachaidh thimchioll Ierusalem,

agus o fhcarann Bheniamin, agus o n' chòmhnard, agus o na beanntaibh, agus o'n airde deas, a' toirt leo thabhartas-loisgte, agus iobairtean, agus thabhartas-bidh, agus tùise, a' toirt iobairtean molaidh gu tigh an Tighearna.

27 Ach mur éisd sibh riumsa, chun là na sàbaid a naomhachadh, agus gun uallach a ghiulan, a' dol a steach air geatachan Ierusalem air là na sàbaid: an sin fadaidh mise teine na geatachaidh, agus loisgidh e luchairtean Ierusalem, agus cha 'n fheudar a mhùchadh.

# CAIB. XVIII.

A M focal a thàinig a dh'ionnsuidh Ieremiah o'n Tighearn, ag ràdh,

2 Eirich, agus imich sìos gu tigh a' chriadhadair, agus an sin bheir mise ort mo lbriathran a chluinntinn.

3 An sin chaidh mi sìos gu tigh a' chriadhadair, agus feuch, bha e deanamh oibre air na leacaidh.

4 Agus bha 'n soithcach a bha e deanamh do chriadh, air a mhilleadh ann an làimh a' chriadhadair; an sin rinn e dheth a nis soithcach eile, mar a chunnacas ceart do'n chriadhadair a dheanamh.

5 An sin thàinig focal an Tighearna do m' ionnsuidh, ag ràdh,

6 O thigh Israeil, nach feud mis' a dheanamh ruibhse mar an criadhadair so? deir an Tighearn. Feuch, mar a' chriadh an làimh a' chriadhadair, is amhuil sin sibhse ann mo làimh-sa, O thigh Israeil.

7 C'uin air bith a labhras mise mu thimchioll cinnich, agus mo thimchioll rioghachd, gu spìonadh a nìos, gu leagail sìos, agus gu sgrìos;

8 Ma phillcas an cinneach sin an aghaidh an do labhair mi, o'n olc; gabhaidh mise aithreachas do 'n olc a bha ann am aire thoirt orra.

9 Agus c'uin air bith a labhras mi mu thimchioll cinnich, agus mu thimchioll rioghachd, gu 'bhogail, agus gu 'shuidh-eachadh;

10 Agus gu'n dean e an nì sin a ta olc ann am shealladh, agus nach bi e umhal do m' ghuth; an sin gabhaidh mi aithreachas do 'n mhaith a bha romham a dheanamh dhoibh.

11 A nis, uime sin, imich agus labhair ri fearaidh Iudah, agus ri luchd-àiteachaidh Ierusalem, ag ràdh, Mar so deir an Tighearn, Feuch, tha mise a' cumadh uile 'n 'ur n-aghaidh, agus a' dealbh innleachd 'n 'ur n-aghaidh: pillibh a nis gach aon o 'd'broch shlighe, agus leasuichibh 'ur sligh-canna agus 'ur gnìomhara.

12 Ach thuir iadsan, Cha 'n 'eil dòchas ann; oir gluaisidh sinn a réir ar smaointe féin, agus nì sinn, gach aon do réir tograidh a dh'roch chridhe féin.

13 Uime sin mar so deir an Tighearn, Feòruichibh a nis am measg nan cinneach,

cò chuala an samhail so do nithe? rinn òigh Israeil ni ro-ghràineil.

14 An tréig duine mo mhagh-sa air son carraige, *air son* shneachda Lebanon? an tréigear am fuar uisge-ruith air son uisgeachan eile?

15 Ach dhi-chuimhnich mo shluagh mise, loisg iad tùs do dhìomhanas, agus thug iad orra tuisleadhadh nan sligheach-aibh a bha nan seann ròidibh, gu gluasad air ceumaibh eile, *air* slighe nach 'eil deanta.

16 A chum am fearann a dheanamh fàs, na bhall-àbhacais bith-bhuan; gabhaidh gach neach a théid seachad air mòr iongantais, agus crathaidh e a cheann.

17 Sgapaidd mis' iad mar gu b'ann le gaoidh an ear roimh au nàmhaid; tionndaidhidh mi riu mo chùl, is cha 'n i m' aghaidh, ann an là an léir-sgrìos.

18 An sin thubhairt iad, Thigibh, agus dealbhamaid iunleachdan an aghaidh Ieremiah: oir cha bhàsaich an reachd o'n t-sagart, no comhairle o'n eagnuidh, na 'm focal o 'n fhàidh. Thigibh, agus buail-eamaid e leis an teangaidh, agus na d'thugamaid aire do aon d'a bhriathraibh.

19 Thoir thusa, O Iehobhah, aire dhomh agus cluinn guth na muinntir, a ta ri strì rium.

20 An diolar ole air son maith? Gu cinnteach chladhaich iad slochd air son m' anama. Cuimhnich cionnus a sheas mi ann ad fhianuis, a dheanamh eadar-ghuidh a chum an leas, a thionndadh do chorruidh air falbh uatha.

21 Uime sin thoir thusa thairis an clann do'n ghorta, 's thoir orra leaghadh as 'le neart a' chlaidheimh; biodh am mnathan air am fàgail gun chlam, agus iad nam bantraichean, agus faigheadh am fir bàs leis a' phlàigh, agus marbhar an òganaich anns an àraich leis a' chlaidheamh.

22 Cluinnear gaor as an tighean, an trà bheir thusa feachd orra gu h-obann; oir chladhaich iad slochd gu mis' a' ghlacadh, agus shuidhich iad liontan air son mo chas.

23 Ach agadsa, O Tighearn, tha fios air an innleachdaibh uile an aghaidh m' anama; na maith an cionta, 's na glan an lochd a mach a' t'fhianuis: ach tilgear iad thairis ann ad làthair; tionsgair nan aghaidh ann an àm do chorruidh.

## CAIB. XIX.

**M**AR so thubhairt Iehobhah riumsa, Falbh agus faigh criadh-shoithcach criadhadair, agus *thoir leat* cuid do shean-airibh an t-sluaigh, agus do sheanairibh nan sagart;

2 Agus théid thu mach gu gleann mhic Hinoim; a ta fa chomhair a' gheata Harsit, agus glaothaidd tu anns an àite sin na briathran a labhras mise riut;

3 Agus their thu, Eisdibhse focal an

Tighearn, O a rìghrean Iudah, agus a luchd-àiteachaidh Ierusalem, Mar so deir an Tighearn nan sluagh, Dia Israeil; feuch, bheir mise ole air an àite so, a bheir air neach sam bith a chluinneas e gu'm bi gaor na chluasaibh:

4 A chionn gu 'n do thréig iad mise, agus gu 'n d'rinn iad an t-àite so coimheach, agus gu 'n do loisg iad tùs ann do dhéibh eile, nach b'aithne dhoibh; iad féin, agus an aithrichean, agus rìghrean Iudah, agus gu 'n do lìon iad an t' àite so le fuil neo-chiontach:

5 Agus gu 'n do thog iad ionadan arda Bhaail, a chum am mic a losgadh anns an teine, *mar* thabhartais-loisgte do Bhaal; *ni* nach d'aithn mise, ni mò labhair mi, ni mò thàinig e ann am àire:

6 Uime sin, feuch, tha na laithean a' teachd, deir an Tighearn, anns nach abrar ris an àite so ni 's mò Tophet, no gleann mhic Hinoim, ach gleann a' mharbhaidh.

7 Agus cuiridh mise gu neo-brìgh comhairle Iudah agus Ierusalem anns an àite so; agus bheir mi orra tuiteam leis a' chlaidheamh an làthair an naimhdean, agus le làimh na muinntir a ta 'g iarruidh an anama; agus bheir mi an colannan mar bhiadh do eunlaith an athair, agus do bheathaichibh na talmhainn.

8 Agus ni mi a' chathair so na fàsach, agus na ball-sgeig: bidh mòr-ioghnadh air gach neach a théid seachad oirre, agus ni e sgeig air son a h-uile phlàighgan.

9 Agus bheir mis' orra gu 'n ith iad feoil am mac, agus feoil an nigheana; agus ithidh iad, gach aon feoil a charaid, anns a' chogadh, agus anns an teinne, leis an teannaichear iad le 'n nàimhdeibh, agus leo-san a ta 'g iarruidh an anama.

10 An sin brisidh tu an soitheach ann an sealladh nan daoine, a théid maille riut,

11 Agus their thu riu, Mar so deir an Tighearn nan sluagh, Amhuil so brisidh mise an sluagh so, agus a' chathair so, mar a bhriseas neach soitheach a' chriadhadair, nach feudar a shlànuachadh a ris; agus adhlacair daoine ann an Tophet, gus nach bi àit ann gu adhlacadh.

12 Mar so ni mise ris an àite so, deir an Tighearn, agus r'a luchd-còmhnuidh air chor as gu 'n deanar a' chathair so eadhon mar Tophet.

13 Agus bidh tighean Ierusalem, agus tighean rìghrean Iudah, amhuil ionad Tophet, neo-ghlan; maille ris na <sup>2</sup> tighean sin air fad, air an d'rinn iad tùs a losgadh air am mullach do uile fheachd nèimh, agus iobairtean-dibhe a dhòrtadh a mach do dhéibh coimheach.

14 Agus thàinig Icremiah o Tophet, gus an do chuir an Tighearn e gu faisneachd, agus sheas e ann an cuirt

<sup>1</sup> dòirt a mach iad.

<sup>2</sup> air son nan.



tìghe an Tighearna, agus thuirt e ris an t-sluagh uile,

15 Mar so deir an Tighearn nan sluagh, Dia Israeil, Feuch, bheir mise air a' chathair so, agus air a h-uile bhailtibh, an t-olc sin uile a labhair mi na h-aghaidh; a chionn gu'n d'rinn iad am muineal rag, air chor as nach éisdeadh iad ri mo bhriathraibh.

C A I B. XX.

**A**N uair a chuala Pasur, mac Imeir, an sagart, (a bha fòs na ard uachdaran ann an tigh an Tighearna) Ieremiah a' fàisneachd nan nithe so:

2 An sin bhuail Pasur Ieremiah am fàidh, agus chuir e anns an tigh-smachdachaidh<sup>1</sup> e, a bha aig geata uachdrach Bheniamin, làimh ri tigh an Tighearna.

3 Agus tharladh air an là màireach, gu'n do leig Pasur Ieremiah a mach as an tigh-smachdachaidh. An sin thuirt Ieremiah ris, Cha 'n e Pasur a thug an Tighearn mar ainm ort, ach Magor-misabib<sup>2</sup>.

4 Oir mar so deir an Tighearn, Feuch, mi mise dhìot uamhas duit fèin, agus do d' uile chairidibh; agus tuitidh iadsan le claidheamhan nàimhdean, agus do shùilean sa 'g amharc; agus Iudah uile bheir mi do làimh rìgh. Bhabiloin, agus bheir e leis iad ann am brùid gu Babilon, agus cuiridh e gu bàs iad leis a' chlaidheamh.

5 Agus bheir mi seachad uile neart na cathrach so, agus a h-uile shaothair, agus a h-uile nithe luachmhor; agus uile bheartas rìghrean Iudah bheir mi thairis do làimh an nàimhdean, a chreachas iad, agus a ghlacas iad, agus a bheir iad air falbh gu Babilon.

6 Agus thusa, a Phasuir, agus na h-uile ta chomhnuidh ann ad thigh, siùbhlaidh sibh air falbh ann am braighdeanas, agus thèid thusa gu Babilon, agus an sin gheibh thu bàs, agus an sin adhlaicear thu, thu fèin agus d' uile chairdean, do 'n d'rinn thu fàisneachd bhrèige.

7 Mheall thu mi; O Thighearn, agus bha mi air mo mhealladh; is tu a's treise nà mise, agus thug thu buaidh: tha mi ann an chùis-mhagaidh gach là, gach aon ri fànoid orm.

8 Oir co tric as a labhras mi, a ghlaodhas mi mach an aghaidh ainneart, no dh'èigheas mi léir-chreach, tha focal an Tighearna air a dheanamh dhomh na chùis mhasluidh agus fhanoid gach aon là.

9 An uair a their mi, Cha toir mi ìomradh air, ni mò labhras mi tuilleadh na ainm; an sin tha e ann am chridhe, mar gu'm b'e teine loisgeach, air a dhruideadh suas ann am chnàmhan; agus ged' sgùthich mi mi fèin 'ga chumail a steach, cha 'n urradh mi.

10 Oir chuala mi tuairisgeul mhòrain, Uamhas air gach taobh aithrisibhse, agus

aithrisidh sinne e: tha iadsan uile ris an robh mi ann an sìth furachair air son mo thuislidh, *ag ràdh*, Meallar e' agus gu faigh sinn buaidh air, agus gu'n gabh sinn dioghaltas deth.

11 Ach tha an Tighearn leam mar aon ehumlachdach uamhasach; air an aobhar sin tuislichidh mo luchd-tòir, agus cha bhuadhaich iad: tha iad air an lìonadh le nàire ro-mhòr, a chionn nach do shoirbhich leo, le masladh bith-bhuan, nach leigear gu bràth air di-chuimhn.

12 Ach O Thighearna nan sluagh, a dhearbhas am firean, *agus* a chi na h-airnean agus an cridhe, faiceam orra do dhioghaltas: oir dhuitse leig mise ris mo chùis.

13 Seinnibhse do 'n Tighearn; molaibhse an Tighearn, oir shaor e anam a' bhoichd a làimh nan aingidh.

14 Malluichte *gu robh* an là air an d' rugadh mise, an là air an d'rug mo mhàthair mi, nar robh e beannuichte.

15 Malluichte *gu robh* esan a thug sios a dh'ionnsuidh a' athar, *ag ràdh*, Tha leanabh mic air a lhreth dhuit, g'a dheanamh ro-aoibheach.

16 Agus biodh an duine sin mar na bailtean a sgrìos an Tighearn, agus mu nach do ghabh e aithreachas; cluinneadh e gaor anns a' mhaduinn, agus iolach anns a' mheadhon là;

17 A chionn nach do mharbh e mi o'n bhroinn, no gu'm biodh mo mhàthair na h-uagh dhomh, agus a brù an còmhnuidh torrach *leam*<sup>3</sup>.

18 C'uim an d' thàinig mi mach as a' bhroinn a dh' fhaicinn mi-shuaimhneis agus bróin, agus a chaitheamh mo laithean ann am masladh?

C A I B. XXI.

**A**M focal a thàinig a chum Ieremiah o'n Tighearn, an uair a chuir an rìgh Sedeciah d'a ionnsuidh Pasur mac Mhelciah, agus Sephaniah mac Mhaaseiah an sagart, *ag ràdh*,

2 Fiosruich, guidheamaid ort, do'n Tighearn air ar son-ne, oir tha Nebuchadresar rìgh Bhabiloin a' cogadh 'nar n-aghaidh; a dh' fheuchainn an dean an Tighearn ruinn do réir 'uile bhearta iongantach, a chum gu'n d'thèid e suas uainn.

3 Agus thuirt Ieremiah riu, Mar so their sibh ri Sedeciah;

4 Mar so deir an Tighearn Dia Israeil, Feuch, tionndaidhidh mise air an ais na h-airm-chogaidh a ta 'n 'ur làmhan, leis am bheil sibh a' cogadh an aghaidh rìgh Bhabiloin, agus an aghaidh nan Caldeach, a ta 'g'ur teannachadh air taobh a muigh a' bhallaidh, agus cruinnichidh mi iad ann am meadhon a' bhaile so.

5 Agus ni mise fèin cogadh 'n 'ur n-aghaidh le làimh sìnte mach, agus le gairdean

<sup>1</sup> a' cheap.  
652

<sup>2</sup> Uamhas air gach taobh.

<sup>3</sup> orm.

treun, eadhon ann am feirg, agus ann am boile, agus ann an corruich mhòir.

- 6 Agus buailidh mi luchd-àiteachaidh a' bhaile so, eadar dhuine agus ainmhidh; gheibh iad bàs do phlàigh mhòir.

7 Agus na dhéigh sin, deir an Tighearn, bheir mi thairis Sedeciah rìgh Iudah, agus 'òglaich, agus an sluagh, eadhon na dh'fhàgar anns a' bhaile so o'n phlàigh, o'n chlaidheamh, agus o'n ghorta, do làimh Nebuchadresair, rìgh Bhabiloin, agus do làimh an nàimhdean, agus do làimh na muinntir a ta 'g iarraidh an anama, agus buailidh e le faobhar a' chlaidheimh iad: cha ghabh e truas diubh, ni mò choigleas e, ni mò ni e tròcair.

8 Agus ris an t-sluagh so their thu, Mar so deir an Tighearn, Feuch, tha mise a' cur mu 'r coinneamh slighe na beatha, agus slighe a' bhàis.

9 Esan a dh'fhanas anns a' bhaile so, bàsaichidh e leis a' chlaidheamh, agus leis a' ghort, agus leis a' phlàigh: ach esan a thèid a mach, agus a thèid thairis a dh'ionnsuidh nan Caldéach a ta 'g ur teannachadh m'an cuairt, 'mairidh e beo, agus bidh anam aige mar chobhartaich.

10 Oir chuir mise mo ghnùis an aghaidh a' bhaile so air son uile, agus cha 'n ann air son maith, deir an Tighearn; do làimh rìgh Bhabiloin bheirear thairis e, agus loisgidh esan e le teine.

11 Agus mu thimchioll tighe rìgh Iudah, cluinnibhse focal an Tighearna:

12 O thig Dhaibhidh, mar so deir Iehobhah, Deanaibh gu moch breitheanas, agus saoraibh an duine sàruichte o làimh an fhir-shàruchaidh, mu'n d'thèid mo chorruich-sa mach mar theine, agus mu'n las i air chor as nach feudar a mùchadh, air son aingidheachd bhur gnìomhara.

13 Feuch, tha mis' a' d'aghaidh, O thusa, ta chòmhnuidh ann an gleann Shoir, anns a' chomhnard<sup>1</sup>, deir an Tighearn; sibhse ta 'g ràdh, Cò thig a nuas 'n 'ar n-aghaidh? no cò thig a steach d'ar n-ionada còmhnuidh?

14 Ach smachdaichidh mise sibh a réir toraidh bhur deanadais, deir an Tighearn; agus lasaidh mi teine 'na coilltibh, agus loisgidh e gach ni mu 'n cuairt da.

#### CAIB. XXII.

**M**AR so thubhairt an Tighearn: Falbh sìos gu tigh rìgh Iudah, agus an sin labhraidh tu am focal so,

2 Agus their thu, Cluinn focal an Tighearna, O a rìgh Iudah, a ta a'd' shuidhe air rìgh-chaitir Dhaibhidh, thu féin, agus d'òglaich, agus do shluagh, a ta dol a steach air na dorsaibh so;

3 Mar so deir an Tighearn; Cuiribh an gnìomh breitheanas agus ceartas, agus saoraibh an duine sàruichte o làimh an

fhir-shàruchaidh: agus na deanaibh foill: na deanaibh ain-neart air a' choigreach, air an dilleachdan, no air a' bhantraich, ni mò dhòirteas sibh fuil neo-chiontach anns an àite so.

4 Oir ma ni sibh gun amharas do réir an fhocail so, an sin thig a steach air geatach-an an tìghe so rìghrean, a shuidheas ann an àite Dhaibhidh, air a rìgh-chaitir a' marcachd air carbadaibh agus air eachaibh, gach aon, 'òglaich, agus a shluagh.

5 Ach mur d'thoir sibh éisdeachd do nà briathraibh so, orm féin thug mise mionnan, deir an Tighearn, Gu cinnteach nithear ionad fàs do'n tigh so.

6 Oir mar so thubhairt an Tighearn do thaobh tìghe rìgh Iudah; Tha thu mar Ghilead dhomhsa, O mhullaich Lebanoin; ach ni mi gu cinnteach fàsach dhìot, bailtean nach bi àitiche.

7 Agus orduichidh mi ann ad aghaidh luchd-millidh, gach aon le 'airmibh; agus gearraidh iad sìos rogha do sheudar, agus tilgidh iad anns an teine iad.

8 Agus gabhaidh mòran chinneach seachad air a' chathair so, agus their iad, gach aon r'a choimhearsnach, C'ar son a rinn an Tighearn mar so ris a' chathair mhòir so?

9 An sin freagraidh iad; A chionn gu 'n do thréig iad coimheangal an Tighearna an Dia, agus gu'n d'thug 'iad aoradh do dhéibh coimheach, agus gu'n d'rinn iad seirbhis dhoibh.

10 Na guilibh air son a' mhairbh, ni mò ni sibh caoidh air a shon: guilibh gu goirt air a shon-sa a dh'imich air falbh: oir cha phill e ni's mò, agus cha 'n fhaic e tuilleir a dhùchais.

11 Oir mar so deir Iehobhah mu thimchioll Shaluin, mhic Iosiah, rìgh Iudah, a rìghaich an àite Iosiah 'athar, a chaidh a mach as an àite so, Cha phill e chuige ni's mò:

12 Ach anns an àite gus an d'thug iad air falbh e ann am braighdeanas, gheibh e bàs; agus an ùr so cha 'n fhaic e ni's mò.

13 Is an-aobhinn dha-san a thogas a thigh le h-eucoir, agus 'ard-sheòmraichean le ana-cothrom; a ghabhas saothair a choimhearsnaich a nasgaidh, agus air son oibre nach d'thoir dha dìoladh.

14 A ta 'g ràdh, Togaidh mi dhomh féin tigh mòr, agus seòmraichean farsuing: a' gearradh a mach dha féin mar an ceudna uinneaga, 'ga chòmhdachadh<sup>2</sup> fòs le seudar, agus 'gu dhath le corcur.

15 An rìgh thu a chionn gu bheil thu 'gad dhùnadh féin ann an seudar? nach d'ith agus nach d'òl t'athair, agus nach d'rinn e cothrom agus ceartas? An sin shoirbhich leis.

<sup>1</sup> anns a'ghleann, carraig a' chòmhnaird.  
653

<sup>2</sup> chur thairis.



16 Dhìon e cùis a' bhochd agus an fheumannaich; an sin dh'èirich gu maith dha. Nach b'è so eòlas a ghabhail ormsa? deir an Tighearn.

17 Ach cha 'n 'eil do shùileansa agus do chridhe ach air d'an-mianna fèin, agus air fuil nan neo-chiontach, a chum a dordadh, agus air sàruchadh agus foirneart, a chum a dheanadh.

18 Air an aobhar sin, mar so deir an Tighearn mu thimchioll Iehoiacim, mhic Iosiah, rìgh Iudah, Cha dean iad caoidh air a shon, *ag ràdh*, Och mo bhràthair! no, Och mo phiutha! Cha dean iad caoidh air a shon, *ag ràdh*, Och a Thighearn! no, Och a ghàidh-sa!

19 Le h-adhlacadh asail adhlacair e, air a tharruing air falbh, agus air a thilgeadh an taobh a mach do gheatachan Ierusalem.

20 Imich suas gu Lebanon agus éigh, agus air Basan tog an aird do ghuth, agus glaoth o na crìochaibh mu'n cuairt, oir chlaoidheadh iadsan uile a thug gràdh dhuit.

21 Labhair mi riut ann an àm do shoirbheachaidh, thubhairt thu, Cha'n éisd mi: b'è so do chleachd o t'òige.

22 A chionn nach d'éisd thu ri m' ghuth-sa, ithidh osann suas an t-iomlan do d'aodhairibh, agus imichidh do luchd-gaoil air falbh ann am braighdeanas; gu cinn-teach an sin bidh nàir' ort, agus còmh-daichear thu le h-amhladh air son d'uile dhroch dheanadais.

23 O thusa ta 'g àiteachadh Lebanon, a ta deanamh do nid ann an seudaraibh, cia gràsmhor a bhitheas tu<sup>1</sup>, an uair a ni piantan greim ort, goith, amhuil mnà ri saothair!

24 Mar as beo mise, deir an Tighearn, ge b'è Coniah mac Iehoiacim rìgh Iudah, am fàinne air mo làimh dheis, gidheadh as sin dheanuinn do spionadh.

25 Agus bheir mi thu do làimh na muinntir a ta 'g iarraidh d'anama, agus do làimh na muinntir roimh am bheil eagal ort, eadhon do làimh Nebuchadresair rìgh Babiloin, agus do làimh nan Caldéach.

26 Agus tilgidh mi mach thu fèin, agus do mhàthair a rug thu, gu dùthaich choimhich, far nach robh sibh air 'ur breith, agus an sin gheibh sibh bàs.

27 Agus gus an talamh d'am bu mbian-nach leo pilleadh, gus sin cha phill iad.

28 An dealbh suarrach briste an duine so Coniah? no an soitheach e auns nach 'eil aig aon neach tlachd? c'uim am bheil iad air an tilgeadh a mach, e fèin agus a shliochd, agus air an iomain gu tìr, anns nach 'eil iad eòlach.

29 O thalamh! a thalamh! a thalamh! cluinn focal an Tighearna.

30 Mar so deir an Tighearn, Sgrìobh-aibhse am fear so gun chlam, duine nach soirbhich na laithibh: oir cha soirbhich duine d'a shliochd, a shuidheas air caithir Dhaibhidh, agus a riaghlas na dhéigh so ann an Iudah.

# C A I B. XXIII.

**I**S an-aoibhinn do na h-aodhairibh a ta sgrìos agus a' sgapadh treud mo chluaine-sa, deir an Tighearn.

2 Air an aobhar sin mar so deir an Tighearn, Dia Israeil, do thaobh nan aodhairan a ta 'g ionaltradh mo shluaigh-sa, Sgap sibh mo threud, agus dh'fhuadaich sibh air falbh iad, agus cha deachaidh sibh g'an amharc; feuch, thig mise g'ur n-amharc-sa air son aingidheachd 'ur deanadais, deir an Tighearn.

3 Ach tionailidh mi fuigheall mo threud as gach uile dhùthaich gus an d'fhògair mi iad, agus bheir mi iad air an ais d'am mainrichibh<sup>2</sup> fèin, agus fàsaidh iad torrach agus lionmhor.

4 Agus togaidh mi suas os an cionn aodhairan a dh'ionaltras iad air chor as nach bi eagal orra tuille, ni mò bhios geilt orra, ni mò bhios iad air an smachdachadh<sup>3</sup>, deir an Tighearn.

5 Feuch, tha na laithean a' teachd, deir an Tighearn, anns an tog mise suas do Dhaibhidh Meanglan fireanach, agus rìghaichidh rìgh, agus soirbhichidh leis, agus cuiridh e an gnìomh breitheanas agus ceartas air an talamh.

6 Na laithibh-sa tearnar Iudah, agus gabhaidh Israel còmhnuidh ann an fear-niunteachd: agus is e so 'ainm a ghoirear ris, IEHOBBAH AR FIREANTACHD-NE.

7 Air an aobhar so, feuch, tha na laithean a' teachd, deir an Tighearn, anns nach abair iad ni 's mò, Mar is beo an Tighearn a thug a nìos clann Israeil a tìr na h-Eiphit.

8 Ach, Mar is beo an Tighearn, a thug a nìos agus a stiùir sliochd tighe Israeil as an tìr mu thuath, agus as na dùchannaibh sin uile gus an d'fhuadaich mis' iad: a chum gu'n gabhadh iad còmhnuidh nam fearan fèin.

9 Do thaobh nam fàidhean. Tha mo chridhe briste 'n taobh a stigh dhìom, tha mo chnàmh an gu léir air ghluasad; is cosmhail mi ri fear air mhisg; is ionann mi 's duine air an d'fhuair fìon làmh-an-uachdar, air son an Tighearna, agus air son bhriathran a naomhachd.

10 Oir tha am fearan làn do luchd-adhaltruis: oir air son mhionnan tha 'n tìr a' caoidh: tha ionadan aoibhinn an fhàs-aidh air tiormachadh suas; tha an siubhal mar an ceudna ole, agus an neartearach.

11 Oir tha am fàidh agus an sagart araon ain-diadhaidh, eadhon ann am

<sup>1</sup> cia goirt a bhitheas do chaoidh.  
654

<sup>2</sup> crò;

<sup>3</sup> air ionndruinn.

theach<sup>i</sup> fèin fhuair mi an aingidheachd, deir an Tighearn.

12 Uime sin bidh an slighe dhoibh mar ionada sleamhain ann an dorchadas; iom-ainear iad air an aghaidh, agus tuitidh iad ann: gu cinnteach bheir mise dòrainn orra, bliadhna an smachdachaidh, deir an Tighearn.

13 Ambuil a chunnaic mi ann am fàidhean Shamaria amaideachd; rinn iad fàisneachd ann an ainm Bhaail, agus thug iad air-mo shluagh Israel dol air seachran:

14 Mar sin ann am fàidhean Ierusalaim chunnaic mi umharrachd: tha iad a' dean-amh adhaltranais, agus ag imeachd ann am breugaibh: tha iad a' neartachadh mar an ceudna làmhnan nan aingidh, air chor as nach 'eil aon neach a' pillleadh o' aingidheachd: tha iad, an t-iomlan diubh, dhomhsa mar Shodom, agus a luchd-àiteachaidh mar Ghomorah.

15 Air an aobhar sin mar so deir an Tighearn nan sluagh mu thimchioll nam fàidhean; Feuch, bheir mise dhoibh searbh-luibhean r'an itheadh, agus uisge domblas-da r'a òl: oir o fàidhean Ierusalem tha ain-diadhachd air dol a mach air feadh na tìre gu h-iomlan.

16 Mar so deir Tighearn nan sluagh, Na h-éisidibh ri briathraibh nam fàidhean, a ta ri fàisneachd dhuibh; tha iad 'g'ur mealladh le nithibh faoin; tha iad a' labhairt fiosachd an cridhe fèin, agus cha 'n ann o bheil an Tighearna;

17 Ag ràdh an còmhnuidhris a' mhuinntir a ta deanamh di-meas air focal an Tighearna, Bidh sìth agaibh; agus am feadh a ta gach aon ag imeachd a réir an-mianna a chridhe fèin, tha iad ag ràdh, Cha d'thig olc air bith oirbh.

18 Oir cò sheas ann an comhairle dhìomhair an Tighearna, agus a chunnaic, agus a chual a' chùis? no cò dh'éisid agus a chuala 'fhocal?

19 Feuch chaidh cuairt-ghaoth mach o'n Tighearn le boile, eadhon cuairt-ghaoth ro-dhuan; air ceann nan aingidh tuitidh i gu h-uamhasach.

20 Cha phill corruich an Tighearna air a h-ais, gus an cuir e 'n gnìomh, agus gus an coimhlin e rùn a chridhe: anns na laithibh deireannach bheir sibh so fainear le làn airc.

21 Chado chuir mise na fàidhean so a mach, gidheadh ruith iad: cha do labhair mi rin, gidheadh rinn iad fàisneachd.

22 Ach nam biodh iad air seasamh ann am chomhairle-sa, an sin bheireadh iad air mo shluagh mo bhriathran èisdeachd, an sin bheireadh iad orra pillleadh o'u slighe, agus o aingidheachd an deanadais.

23 An Dia dlù do làimh mise, deir an Tighearn? agus nach Dia mi am fad as?

24 Am feud neach air bith e fèin fholach ann an ionadaibh dìomhair, air chor as nach faic mis e? deir an Tighearn: nach 'eil mise a lìonadh nan nèamha agus na talmhainn? deir an Tighearn.

25 Chuala mise ciod a thuirt na fàidhean, a ta fàisneachd bhreug ann am ainm-sa, ag ràdh, Chunnaic mi aisling, chunnaic mi aisling.

26 Cia fhad a bhios so an cridhe nam fàidhean a ta ri fàisneachd bhreug? seadh fàidhean ceilg an cridhe fèin:

27 Aig am bheil rùn a thoirt air mo shluagh-sa m'ainm a leigil air di-chuimhne, le 'n aislingibh, a ta iad ag innseadh, gach aon d'a choimhearsnach, amhuil a rinn an aithrichean m'ainm a leigil air di-chuimhn, air son Bhaail.

28 Am fàidh aig am bheil aisling, innseadh e 'aisling; ach esan aig am bheil m'fhocal-sa, labhradh e m'fhocal gu dìlcas: ciod e am moll do 'n chruineachd<sup>2</sup>? deir an Tighearn.

29 Nach ionann m'fhocal-sa agus teine? deir an Tighearn: agus nach ionann e 's ord a bhriseas a' chreag na bloighdibh?

30 Uime sin, feuch, tha mise 'n aghaidh nam fàidhean, deir an Tighearn, a ta goid mo bhriathran-sa, gach aon o 'choimhearsnach.

31 Feuch, tha mise 'n aghaidh nam fàidhean, deir an Tighearn, a ta gnàthachadh an teanga fèin, agus ag ràdh, Labhair esan e.

32 Feuch, tha mise 'n aghaidh na muinntir a ta fàisneachadh aislingean brèige, deir an Tighearn, agus a ta 'gan innseadh, agus a' toirt air mo shluagh-sa dol air seachran le 'm breugaibh agus le 'm briathraibh faoine; gidheadh cha do chuir mis' a mach iad, ni mò thug mi àithne dhoibh; air an aobhar sin cha dean iad air aon chor tairbhe do 'n t-sluagh so, deir an Tighearn.

33 Agus an uair a dh'fhedruicheas an sluagh so, no fàidh, no sagart, diot, ag ràdh, Ciod e focal cudromach an Tighearna? an sin their thusa riu, Is sibhse an cudrom, agus tilgidh mise dhrioman sibh, deir an Tighearn.

34 Agus am fàidh, agus an sagart, agus an sluagh, a their, Focal cudromach an Tighearna, bheir eadhon mise peanas air an duine sin agus air a theaghlach.

35 Mar so their sibh, gach aon r'a choinhearsnach, agus gach aon r'a bhràthair, Ciod a fhreagair an Tighearn? agus, Ciod a labhair an Tighearn?

36 Agus air focal cudromach an Tighearna cha d'fhoir sibh luadh ni 's mò; oir is cudrom do gach aon a bhriathra fèin: oir chlaon sibh briathran an Dé bheo, an Tighearna nan sluagh, ar Dé-ne.



37 Mar so their thu ris an fhàidh, Ciod am freagradh a thug an Tighearn dhuit? agus, Ciod a labhair an Tighearn?

38 Ach ma their sibh, Focal cudromach an Tighearna: uime sin, mar so deir an Tighearn, A chionn gu bheil sibh ag ràdh an fhocal so, Focal cudromach an Tighearna, ge do chuir mise fios chugaibh, ag ràdh, Cha 'n abair sibh Focal cudromach an Tighearna;

39 Uime sin, feuch, togaidh mise sibhse mar chudrom, agus tilgidh mi air falbh, araon sibh fèin agus a' chathair so, a thug mi dhuibhse, agus do 'r n-aithrichibh, a mach as mo làthair.

40 Agus bheir mi oirbh masladh siorruidh, agus nàire bhith-bhuan, nach leigear gu bràth air di-chuimhn.

CAIB. XXIV.

**D**H'FHOILLSICH an Tighearn dhomh, agus feuch, dà chliabh<sup>1</sup> fhigean air an cur fa chomhair teampuill an Tighearna, 'n déigh do Nebuchadresar rìgh Bhabiloin, Ieconiah, mac Iehoiacim rìgh Iudah, agus maithean Iudah, agus an luchd-ealainn<sup>2</sup>, agus na h-airm-cheaird, a thoirt air falbh ann am braighdeanas o Ierusalem, agus an toirt leis gu Babilon:

2 Ann an aon chliabh<sup>1</sup> bha figean romhaith, mar na figean a *bhios* an toiseach abuich; agus anns a' chliabh eile figean ro-ole, nach feudta itheadh aig an olcas.

3 An sin thuirt an Tighearn rium, Ciod a tha thu faicinn, a Ieremiah? agus thubhairt mise, Figean: na figean maithe romhaith; agus na droch fhigean ro-ole, air chor as nach feudar an itheadh aig an olcas.

4 An sin thàinig focal an Tighearna do m' ionnsuidh, ag ràdh,

5 Mar so deir an Tighearn Dia Israeil, Amhuil na figean maithe so, mar sin gabhaidh mise ris na dh'fhalbh ann am bruid do Iudah, a chuir mi mach as an àite so gu tir nan Caldéach, a chum an leas.

6 Oir cuiridh mi mo shùilean orra chum maithe, agus bheir mi iad air an ais do'n tìr so, agus togaidh mi iad, agus cha tilg mi sìos; agus suidhichidh mi iad, agus cha spion mi a bun.

7 Agus bheir mi dhoibh cridhe gu m' aithneachadh, gur mi an Tighearn; agus bidh iad dhomhsa nan sluagh, agus bidh mise dhoibhsan a' m' Dhia; oir pillidh iad do m' ionnsuidh le 'n uile chridhe.

8 Agus amhuil na droch fhigean, nach feudar itheadh aig an olcas, (mar so gu deimhin deir an Tighearn) mar sin bheir mi thairis Sedeciah rìgh Iudah, agus 'uachdarain, agus am fuigheall do Ierusalem a dh' fhanas anns an tìr so, agus iadsan a ta chomhnuidh ann am fearann na h-Eiphit;

9 Bheir eadhon mise thairis iad gu bhi

air an luasgadh air feadh uile rìoghachdan an domhain, a chum an aimhleis; gu bhì nan cùis-fhanoid, agus nan gnath-fhocal, nam ball-magaidh, agus nam mallachadh, anns na h-uile àite gus am fògair mi iad.

10 Agus cuiridh mi an claidheamh, a' ghort, agus a' phlàigh nam measg, gus an caithear iad bharr an fhearainn, a thug mise dhoibh fèin agus do 'n aithrichibh.

CAIB. XXV.

**A**M focal a thàinig a dh'ionnsuidh Ieremiah mu thimchioll uile shluaigh Iudah, ann an ecathramh bliadhna Iehoiacim mhic Iosiah rìgh Iudah; b'ì sin ceud bliadhna Nebuchadresar rìgh Bhabiloin:

2 A labhair Ieremiah ann fàidh ri uile shluaigh Iudah, agus ri uile luchd-àiteachaidh Ierusalem, ag ràdh,

3 O threas bliadhna dcug Iosiah mhic Amoin rìgh Iudah, eadhon gus an là an diùgh, (is i so an treas bliadhna fichead) thàinig focal an Tighearna do m'ionnsuidhsa, agus labhair mi ruibhsa, ag éirigh gu moch agus a' labhairt, ach cha d'éisd sibh.

4 Agus chuir an Tighearn do 'r n-ionnsuidh uile sheirbhisich na fàidhean, ag éirigh gu moch agus 'gan cur a mach; ach cha d'éisd sibhse, agus ni mò dh'aom sibh 'ur cluas gu éisdeachd.

5 Thuirt iadsan, Pillibh air 'ur n-ais a nis, gach aon o 'dhròch shlighe, agus o olcas a dheanadais, agus gabhaibh comhnuidh anns an fhearann a thug an Tighearn dhuibh, agus do 'r n-aithrichibh o linn gu linn.

6 Agus na rachaibh an déigh dhée coimheach, gu seirbhis a dheanamh dhoibh, agus gu aoradh a thoirt doibh, agus na brosnuichibh mise gu corruich le obair 'ur làmh; agus cha dean mi ole oirbh.

7 Gidheadh cha d' éisd sibh riumsa, deir an Tighearn; a chum gu'm brosnuicheadh sibh mi gu corruich le obair 'ur làmh, a chum 'ur n-aimhleis fèin.

8 Uime sin mar so deir an Tighearn nan sluagh, A chionn nach d'éisd sibh ri mo bhriathraibhse.

9 Feuch, cuiridh mi fios, agus bheir mi leam uile mhuinntir na h-airde tuath, deir an Tighearn, agus Nebuchadresar rìgh Bhabiloin m'òglach, agus bheir mi iad an aghaidh na tìre so, agus an aghaidh a luchd-àiteachaidh, agus an aghaidh nan cinneach so uile mu 'n cuairt, agus sgriosaidh mi gu tur iad, agus ni mi iad nan uamhas, agus nan sgcig, agus nam fàsach gu bràth.

10 Os-barr bheir mi uatha guth a' gairdcachais agus guth an aoibhncis, guth an fhìr nuadh-phòsda, 's guth na mnà nuadh-phòsda, fuaim nan clacha-muilinn, agus solus na coinnele.

11 Agus bidh am fearann so uile na fhàsach, agus na uamhas; agus ni na cin-

<sup>1</sup> bhascuid.

<sup>2</sup> no saoir.

nich so seirbhis d'ò rìgh Bhabiloin deich agus trì fichead bliadhna.

12 Agus tarlaidh, 'nuair a choimhlionar deich agus trì fichead bliadhna, gu'n smachdaich mise rìgh Bhabiloin, agus an cinneach sin, deir an Tighearn, air son an aingidheachd, agus fearann nan Caldèach, agus nì mi e na fhàsach gu bràth.

13 Agus bheir mi air an fhearann sin m' uile bhriathran a labhair mi na aghaidh, gach nì tha sgrìobhta san leabhar so, a rion Jeremiah fhàisneachd an aghaidh nan uile chinneach.

14 Oir nì mòran chinneach, agus rìgh-rean mòra, sgrìbhis a ghabhail dhiubhsan mar an ceudna: agus dìolaidh mise riu do réir an gnìomhara, agus do réir oibre an làimha féin.

15 Oir mar so deir an Tighearn Dia Israeil rium, Gabh cuach fhìona na fraoich feirge so as mo làimh-sa, agus thoir r'a h-òl i do na h-uile chinneach gus an cuir mise thu;

16 Agus òlaidh iad, agus bith iad air bhall-chrith, agus air chuthach, leis a' chlàidheamh a chuireas mise nam measg.

17 An sin ghlac mi a' chuach a làimh an Tighearna, agus thug mi r'a h-òl i do na h-uile chinneach gus an do chuir an Tighearn mi;

18 Do Ierusalem, agus do bhailtibh Iudah, agus d' a rìghribh, agus d' a h-uachdaranaibh, a chum an deanamh nan nochdlaraich, nan uamhas, nan sgeig, agus nam mallachadh, mar air an là 'n diugh,

19 Do Pharaoh rìgh na h-Eiphit, agus d' a òglachaibh, agus d' a uachdaranaibh, agus d' a uile shluagh,

20 Agus do gach uile shluagh cile ta measg a' chéile, agus do uile rìghribh fearainn Uis, agus do uile rìghribh fearainn nam Philisteach, agus do Ascelon, agus do Ghasah, agus do Ecron, agus do fhuigheall Asdoid;

21 Do Edom, agus do Mhoab, agus do chloinn Amoin;

22 Agus do uile rìghribh Thiruis, agus do uile rìghribh Shidon, agus do rìghribh nan crìochan, a ta 'n taobh thall do 'n fhairge;

23 Do Dhedan, agus do Thema, agus do Bhus, agus do na h-uile, ta anns na cearnaibh ionallach;

24 Agus do uile rìghribh Arabia, agus do uile rìghribh an t-sluaigh mheasgta, ta còmhnuidh anns an fhàsach;

25 Agus do uile rìghribh Shimri, agus do uile rìghribh Elaim, agus do uile rìghribh Mhedia,

26 Agus do uile rìghribh na h-airde tuath, am fad 's am fagus, gach aon le chéile, agus do uile rìoghachdaibh an domhain, a ta air aghaidh na talmhainn: agus òlaidh rìgh Shesaich nan déigh so.

27 Agus their thu riu, Mar so deir an Tighearn Dia nan sluagh, Dia Israeil,

Olaidh, agus bithibh air mhisg, agus sgeithibh, agus tuitibh, agus na h-éiribh nì 's mò, roimh 'n chlàidheamh a chuireas mise 'n 'ur measg.

28 Agus tarlaidh, ma dhiùltas iad a' chuach a ghabhail as do làimh, gu òl, an sin gu 'n abair thu riu, Mar so deir an Tighearn nan sluagh, Òlaidh sibh gu dcimhin.

29 Oir feuch, air a' chathair a ta air a h-ainmceachadh air m'ainm, oirre sin tha mise tionsgnadh air olc a thabhairt, agus am feud sibhse dol as gu glan-shìaoir o pheanas? cha d'fhéid sibh as: oir gairmidh mise claidheamh air uile luchd-àitcachaidd na talmhainn, deir an Tighearn nan sluagh.

30 Air an aobhar sin labhair thusa nan aghaidh na briathran fhàisneachd so air fad, agus abair riu, Beucaidh an Tighearn o' ionad ard, agus o ionad còmhnuidh a naomhachd cuiridh e mach a ghuth; beucaidh e gu cumhachdach an aghaidh ionaid a thàimh; togaidh e iolach, mar [iolaich] luchd-bruthaidh nam fion-dearc, an aghaidh uile luchd-àitcachaidd na talmhainn.

31 Thig tòirm gu iomallaibh na talmhainn, a chionn gu bheil coi-strì aig Dia ris na cinnich; tagraidh e ris na h-uile feoil, bheir e 'n dream a ta olc do'n chlàidheamh, deir an Tighearn.

32 Mar so deir an Tighearn nan sluagh, Feuch, thèid olc a mach o chinneach gu cinneach, agus dùisgear suas iomaghaoth mhòr o chrìochaibh na talmhainn.

33 Agus bidh iadsan a mharbhar leis an Tighearn san là sin, o aon ionall na talmhainn eadhon gu ionall cile na talmhainn; cha chaoidhear iad, nì mòd chruinnichcar iad, nì mòd dh'adhlàicear iad; nan aolach air aghaidh na talmhainn bithidh iad.

34 Togaidh gaoir bhròin, a bhuachaillean, agus éighibh, agus aonagananibh sibh féin [ann an luathre] sibhs' a 's urramaiche do 'n treud, a chionn gu bheil laithean bhrù marbhaidh agus bhrù sgapaidd air an coimhlionadh; agus tuitidh sibh mar shoith-each luachmhor.

35 Agus cha bhi seòl-tèichidh aig na buachailibh, no dol as aig maithean an treud.

36 Guth caoidh nam buachaillean, agus nullan mhaithen an treud; oir mhill an Tighearn an cluain-ionaltraidh.

37 Mhilleadh fòs ionada-còmhnuidh na sìth<sup>1</sup> le dian-chorruich an Tighearna.

38 Thréig e, mar leòmhan, a gharradh; oir rinneadh an cuid fearann fàs, trid corruich a' mhillteir, agus trid dian-theas 'fheirge.

## CAIB. XXVI.

**A**NN an toiseach linn Iehoiacim, mhic Iosiah rìgh Iudah, thàinig am focal so o 'n Tighearn, ag ràdh,

2 Mar so deir an Tighearn, Seas ann

<sup>1</sup> na h-ionada-còmhnuidh suaimhneach.



an cùirt tighe an Tighearna, agus labhair ri uile bhaitibh Iudah, a ta teachd a dheanamh aoraidh ann an tigh an Tighearna, na h-uile bhriathran, a dh'àithneas mise dhuith a labhairt riu; na lughaich focal;

3 A dh'fheuchainn an éisd iad, agus am pill iad, gach aon o 'd'fhroch shlighe, chum as gu'n gabh mise aithreachas do 'n olc a th' ann am rùn a thoirt orra air son ain-gidheachd an gnòmhara.

4 Agus their thu riu, Mar so deir an Tighearna, Mur éisd sibh riumsa, gu sìubhal ann am reachd, a chuir mi fa 'r comhair,

5 Gu éisdeachd a thoirt do bhriathraibh mo sheirbhiseach na fàidhean, a chuir mi chugaibh, arson ag éirigh gu moch agus 'g an cur a mach, (ge nach d' éisd sibhse)

6 An sin ni mis' an tigh so cosmhail ri Siloh, agus ni mi a' ehathair so na mallachadh do uile chinneachaidh na talmhainn.

7 Agus chuala na sagairt, agus na fàidhean, agus an sluagh uile, Ieremiah a' labhairt nam briathra so ann an tigh an Tighearna.

8 A nis tharladh, air do Ieremiah sgar do labhairt nan uile nithe a dh'àithn an Tighearn dha a labhairt ris an t-sluagh uile, gu 'n do ghlac na sagairt, agus na fàidhean, agus an sluagh uile e, ag ràdh, Cuirear gu deimhin gu bàs thu.

9 C'ar son a rinn thu fàisneachd ann an ainm an Tighearna, ag ràdh, Bithidh an tigh so cosmhail ri Siloh, agus cuirear a' chathair so fàs gun aon 'ga h-àiteachadh? Agus chruinnicheadh an sluagh air fad an aghaidh Ieremiah, ann an tigh an Tighearna.

10 'Nuair a chuala maithèan Iudah na nithe so, an sin thàinig iad a nìos o thigh an rìgh, gu tigh an Tighearna, agus shuidh iad ann an dol a steach a' gheataidh nuaidh aig tigh an Tighearna.

11 An sin labhair na sagairt, agus na fàidhean ris na maithibh, agus ris an t-sluagh gu léir, ag ràdh, Is airidh air bàs an duine so, oir rinn e fàisneachd an aghaidh na cathrach so, mar a chuala sibh le 'r cluasaibh.

12 An sin labhair Ieremiah ris na maithibh uile, agus ris an t-sluagh gu h-iomlan, ag ràdh, Chuir an Tighearn mise gu labhairt ann am fàisneachd an aghaidh an tìghe so, agus an aghaidh na cathrach so na h-uile bhriathra sin a chuala sibh.

13 Uime sin a nis leasuidhibh 'ur slighe agus 'ur deanadas, agus thugaibh géill do ghuth an Tighearna bhuir Dé; agus gabhaidh an Tighearn aithreachas do 'n olc a labhair e 'n 'ur n-aghaidh.

14 Air mo shon-sa, feuch, tha mi 'n 'ur làimh; deanaibh rium mar a chithear maith agus ceart duibh.

15 Ach biodh gu cinnteach fios agaibh, ma chuireas sibh gu bàs mise, gu'n tarruing sibh fuil neo-chiontach oirbh féin, agus air a' chathair so, agus air a luchd-àiteachaidh: oir gu fìrinneach chuir an Tighearn mise chugaibh, gus na briathran so uile a labhairt 'n 'ur cluasaibh.

16 An sin thuir na maithèan, agus an sluagh uile ris na sagartaibh, agus ris na fàidhibh, Cha 'n airidh an duine so air bàs, oir ann an ainm an Tighearna ar Dé labhair e ruinn.

17 An sin sheas enid do shcanairibh na tìre suas, agus labhair iad ri uile choimh-thional an t-sluaigh, ag ràdh,

18 Rinn Micah ann Morastach fàisneachd, ann an laithibh Heceshiah rìgh Iudah, agus labhair e ri uile shluaigh Iudah, ag ràdh, Mar so deir Tighearn nan sluagh, Bidh Sion mar mhachair air a treabhadh, agus bidh Ierusalem na carnaibh, agus shlabh an tìghe mar ionadaibh arda na fìdhe.

19 An d'thug Heceshiah rìgh Iudah, agus Iudah uile thairis gu bàs e? nach robh eagal an Tighearna air, agus nach d' iarr e an Tighearn, agus gabh an Tighearn aithreachas do 'n olc a labhair e nan aghaidh? Ach sinne, tha sinn a' deanamh aibhleis mhòir an aghaidh ar n-anama féin.

20 Agus bha fòs duine ann a rinn fàisneachd ann an ainm an Tighearna, Uriah mac Shemariah, o Chircat-earim, a rinn fàisneachd an aghaidh na cathrach so, agus an aghaidh na tìre so, do réir uile bhriathran Ieremiah.

21 Agus an uair a ehuala Iehoiacim an rìgh, agus a dhaoine cumbachdach uile, agus na maithèan uile, a bhriathran, dh'iarr an rìgh a chur gu bàs; agus ehuala Uriah sin, agus bha eagal air, agus theich e, agus dh'imich e do'n Eiphit.

22 Agus chuir an rìgh Iehoiacim daoine Eiphiteach, Elnatan mac Achboir, agus iadsan a bha leis, do'n Eiphit;

23 Agus thug iad Uriah a mach as an Eiphit, agus thug iad e ehum an rìgh Iehoiacim, a mharbh e leis a' chlàidheamh, agus a thilg a chorp ann an uaignean nan daoine coitichionn.

24 Gidheadh bha làmh Ahicaim, mhic Shaphain, le Ieremiah, chum nach biodh e air a thoirt thairis do làimh an t-sluaigh, gu 'chur gu bàs.

#### C A I B. XXVII.

**A** NN an toiseach linn Iehoiacim, mhic Iosiah, rìgh Iudah, thàinig am focal so gu Ieremiah o'n Tighearn, ag ràdh,

2 Mar so deir an Tighearn rium, Dean dhuith féin boinn agus cuingean, agus cuir iad air do mhuineal:

3 Agus cuir iad gu rìgh Edoim, agus gu rìgh Mhoab, agus gu rìgh nan Amonach, agus gu rìgh Thiruis, agus gu rìgh

Shidoìn, le làimh nan teachdairean, a ta a' teachd gu Ierusalem, a chum Shedeciah rìgh Iudah :

4 Agus àithn doibh a ràdh ri 'n tigh-earnaibh, Mar so deir Tighearn nan sluagh, Dia Isracil, Mar so their sibh ri 'r tigh-earnaibh;

5 Rinn mise an talamh; an duine 's an t-ainmhidh a ta air aghaidh na tal-mhainn, le m' mhòr-chumhachd, agus le m' ghairdean sìnte mach; agus cò air lùth do 'm fàcas iomchuidh lean a thabhairt, dha-san thug mi e.

6 Agus a nis thug mi na dùchanna so uile do làimh Nebuchadresar rìgh Bhabiloìn, m' òglaich; agus beathaichean na machrah fòs thug mi dha, gu frithéaladh dha.

7 Agus bheir na h-uile chinnich géill dha-san, agus d' a mhac, agus do mhac a mhic, gus an d'thig àn a dhùcha féin: an sin bheir iomadh cinneach, agus rìgh-rean mòra aisan gu 'n d'thoir e géill doith.

8 Agus tarlaidh, an cinneach no an rioghachd nach d'thoir géill do Nebuchadresar so rìgh Bhabiloìn, agus nach cuir am muineal fo chuing rìgh Bhabiloìn; le claidheamh, agus le gort, agus le plàigh, smachdaichidh mis' an cinneach sin, deir an Tighearn, gus an sgrios mi iad gu tur le làimh-san.

9 Uime sin na h-èisdibhse ri 'r fàidhean, no ri 'r fiosaichean, no ri 'r brudaraichean, no ri 'r speuradairean, no ri 'r druidhean, a ta labhairt ruibh, ag ràdh, Cha d'thoir sibh géill do rìgh Bhabiloìn :

10 Oir tha iad a' fàisneachd bréige dhuibh, a chum 'ur n-atharrachadh fad o 'r fearann féin, agus a chum gu fògrainn-sa mach sibh, agus gu'n rachadh sibh am mugha.

11 Ach an cinneach sin a chuireas an amhach fo chuing rìgh Bhabiloìn, agus a bheir dha ùmhlachd, leigidh mise dhoibh sin fuireach nam fearann féin, agus treabhaidh iad e, agus gabhaidh iad còmhnuidh ann.

12 Agus labhair mise ri Sedeciah rìgh Iudah, da réir nam briathran so air fad, ag ràdh, Cuiribh 'ur n-amhacha fa chuing rìgh Bhabiloìn, agus thugaibh dha ùmh-lachd, dha féin, agus d' a shluagh, agus mairibh beo.

13 C'ar son a bhàsaicheas sibh, thu féin agus do shluagh, leis a' chlaidheamh, leis a' ghoirt, agus leis a' phlàigh, mar a labhair Dia 'n aghaidh a' chinnich nach d'thoir géill do rìgh Bhabiloìn ?

14 Uime sin na h-èisdibh ri briathraibh nam fàidhean a ta labhairt ruibh, ag ràdh, Cha d'thoir sibh ùmhachd do rìgh Bhabiloìn: oir tha iad a' fàisneachd bréige dhuibh.

15 Oir cha do chuir mis' a mach iad, deir an Tighearn, gidheadh tha iad a' fàisneachd bhréig ann am ainm, a chum gu fògrainn

sibhse mach, agus gu rachadh sibh am mugha; sibh féin agus na fàidhean a ta ri fàisneachd dhuibh.

16 Labhair mi cuideachd ris na sagartaibh, agus ris an t-sluagh so uile, ag ràdh, Mar so deir an Tighearn, Na h-èisdibh ri briathraibh 'ur fàidhean, a ta ri fàisneachd dhuibh, ag ràdh, Feuch, bheirear soithichean tìghe an Tighearna airan ais o Bhabilon a nis gu h-aithghearr; oir tha iad a' fàisneachd bhréig dhuibh.

17 Na h-èisdibh riu; géillibh do rìgh Bhabiloìn agus mairibh beo; c'ar son a bhithheadh a' chathair so air a deanamh na fàsach ?

18 Ach ma 's fàidhean iad, agus ma ta focal an Tighearna maille riu, deanadh iad a nis cadar-ghuidhe ri Tighearn nan sluagh, a chum nach rachadh na soithichean a ta air am fàgail ann an tìgh an Tighearna, agus ann an tìgh rìgh Iudah, agus ann an Ierusalem, gu Babilon.

19 Oir mar so deir Tighearn nan sluagh, mu thimchioll nam prop, agus mu thimchioll na faire, agus mu thimchioll nam bonn, agus mu thimchioll na cuid eile do na soithicheibh a dh' fhan anns a' chathair-sa;

20 Nach d' thug Nebuchadnesar rìgh Bhabiloìn leis, an uair a thug e air falbh ann am braigheanas Ieconiah mac Iehoiacim rìgh Iudah, o Ierusalem gu Babilon, agus uile uaislean Iudah agus Ierusalem;

21 Seadh, mar so deir Tighearn nan sluagh, Dia Isracil, mu thimchioll nan soithichean a dh' fhan ann an tìgh an Tighearna, agus ann an tìgh rìgh Iudah, agus ann an Ierusalem;

22 Gu Babilon bheirear air falbh iad, agus an sin bithidh iad gus an là anns an d'théid mise d' an amharc, deir an Tighearn: an sin bheir mis' a mìos iad, agus aisigidh mi iad a rìs do 'n àite so.

## CAIB. XXVIII.

**A**GUS tarlaidh anns a' bhliadhna sin féin, an toiseach linn Shedeciah rìgh Iudah, anns a' cheathramh bliadhna, anns a' chùigeadh mìos, gu 'n do labhair Hananiah, mac Asuir, am fàidh a bha o Ghi-beon, riumsa ann an tìgh an Tighearna, an làthair nan sagart, agus an t-sluagh uile, ag ràdh,

2 Mar so labhair Tighearn nan sluagh, Dia Isracil, ag ràdh, Bhris mise cuing rìgh Bhabiloìn.

3 An ceann dà bhliadhna iomlain bheir mis' air an ais a chum an àite so uile shoithichean tìghe an Tighearna, a thug Nebuchadnesar rìgh Bhabiloìn air falbh o'n àite so, agus a ghulain e gu Babilon.

4 Agus bheir mi chum an àite so a ris Ieconiah mac Iehoiacim rìgh Iudah, maille ri uile bhraighdibh Iudah, a dh' imich gu Babilon, deir an Tighearn; oir brisidh mise cuing rìgh Bhabiloìn.

5 Agus thuir am fàidh Jeremiah ris an



fhàidh Hananiah, ann an làthair nan sagart, agus ann an làthair an uile shluaigh, a bha nan seasamh ann an tigh an Tighearna,

6 Thubhairt cadhon am fàidh Jeremiah, Amen: gu'n deanadh an Tighearn mar sin; gu'n coimhlionadh an Tighearn do bhriathran a rinn thu fhàisneachd, le soithichean tìge an Tighearna, agus gach nì eile a thugadh air falbh ann am bruid, a thoirt air an ais o Bhabilon a chum an àite so.

7 Gidheadh cluinn thus' a nis am focal so ta mis' a' labhairt ann ad èisdeachd, agus ann an èisdeachd an t-sluaigh uile.

8 Na faidhean a bha romhan-sa agus romhad-sa o shean, rinn iad fàisneachd araon do thaobh mhòran dhùchannan, agus do thaobh rioghachdan mòra, air cogadh, agus air gort, agus air plàigh.

9 Am fàidh a nì fàisneachd mu shìth, 'nuair a thig focal an fhàidh gu crìch, aithnìchear gur e an Tighearn gu deimhin a chuir am fàidh sin a mach.

10 An sin thug am fàidh Hananiah a' chuing bharr ainhcha an fhàidh Jeremiah, agus bhris e i.

11 Agus labhair Hananiah ann an làthair an t-sluaigh uile, ag ràdh, Mar so deir an Tighearn, Amhuil so brisidh mise cuing Nebuchadnesair rìgh Bhabilon o mhuineal nan uile chinneach an taobh a stigh do dhà bhliadhna iomlan. Agus dh' fhalbh am fàidh Jeremiah roimhe.

12 Agus thàinig focal an Tighearna gu Jeremiah (an dèigh do 'n fhàidh Hananiah a' chuing a bhriseadh bharr muineil an fhàidh Jeremiah,) ag ràdh,

13 Imich agus labhair ri Hananiah, ag ràdh, Mar so deir an Tighearn, Na cuibhrichean fiodha bhris thu, ach nì thu nan àite cuibhrichean iarunn.

14 Oir mar so deir Tighearn nan sluagh, Dia Israeil, Cuing iarunn chuir mise air muineal nan cinneach so uile, a chum gu'n d'thugadh iad géill do Nebuchadnesair rìgh Bhabilon; agus bheir iad géill da; agus beathaichean na machrach thug mi dha mar an ceudna.

15 An sin thuir am fàidh Jeremiah ris an fhàidh Hananiah, Eisd a nis, a Hananiah; Cha do chuir an Tighearn fios leatsa, ach tha thu toirt air an t-sluagh so earbs' a dheanamh a bréig.

16 Uime sin mar so deir an Tighearn, Feuch, tilgidh mise thu bharr aghaidh na talmhainn; air a' bhliadhna so gheibh thu bàs, a chionn gu'n do labhair thu ceannairc an aghaidh an Tighearna.

17 Mar sin fhuair am fàidh Hananiah bàs air a' bhliadhna sin fèin ann an t-seachdamh mìos.

# CAIB. XXIX.

**A**NIS is iad so briathran na litreach, a chuir am fàidh Jeremiah o Ierusalem gus a' chuid eile do na seanairibh a thugadh air falbh ann am braighdeanas, agus gus

na sagartan, agus gus na fàidhean, agus gus an uile shluaigh a thug Nebuchadnesair air falbh ann am braighdeanas o Ierusalem gu Babilon;

2 (An dèigh do Ieconiah an rìgh, agus a' bhan-rìghinn, agus na caillteanaich, agus maithcan Iudah agus Ierusalem, agus an luchd-ealainn, agus na h-airm-cheaird, imeachd air falbh o Ierusalem;)

3 Le làimh Elasa mhic Shaphain, agus Ghemariah mhic Hilciah, (a chuir Sedeciah rìgh Iudah do Bhabilon, gu Nebuchadnesair rìgh Bhabilon,) ag ràdh,

4 Mar so deir Tighearn nan sluagh, Dia Israeil, ris na h-uile a ta air an toirt air falbh ann am braighdeanas, a chuir mis' air falbh ann am braighdeanas, o Ierusalem gu Babilon,

5 Togaibh tighean, agus gabhaibh còmh-nuidh; agus suidhichibh ìosan, agus ithibh an toradh.

6 Gabhaibh mnathan, agus ginibh mic agus nigheanan; agus gabhaibh mnathan d' ur macaibh, agus thugaibh 'ur nigheanan do fhearaiibh, a chum as gu'm heir iad mic agus nigheanan; a chum as gu m'cuideachair sibh anns an àite sin, agus nach lughaichear sibh.

7 Agus iarruibh sìth na dùcha gus an do chuir mis' air falbh sibh ann am braighdeanas: agus guidhibh air a son ris an Tighearn: oir na sìth-sa bithidh sìth agaibh-sa.

8 Oir mar so deir Tighearn nan sluagh, Dia Israeil, Na meallar sibh leis na fàidhean a ta 'n ur measg, agus le 'r luchd-fiosachd; nì mò dh' èisdeas sibh ri 'r brudair a ta sibh a toirt fainear a bhrudair.

9 Oir tha iad a' fàisneachd bhreug dhuibh ann am ainm-sa; cha do chuir mis' a mach iad, deir an Tighearn.

10 Oir mar so deir an Tighearn, An uair a choimhlionar ann am Babilon deich agus trì fichead bliadhna, thig mise gu 'r namhar, agus coimhlionaidh mi dhuibh m' fhocal maith, a chum 'ur toirt air 'ur n-ais do 'n àite so.

11 Oir is aithne dhomh na smuaintean a smuainich mi do 'r taobh, deir an Tighearn, smuaintean sìth, agus cha 'n c aithneas, a thoirt duibh shìochd agus dòchais.

12 An sin gairmidh sibh orm, agus théid sibh agus nì sibh urnaigh rium, agus èisidh mise ruibh.

13 Agus iarruidh sibh mi, agus gheibh sibh mi, an uair a rannsuicheas sibh air mo shon le 'r n-uile chridhe.

14 Agus bidh mise air m'fhaotuinneall, deir an Tighearn, agus pillidh mi air a h-ais 'ur bruid, agus cruinnichidh mi sibh o na h-uile chinnich, is o na h-uile àite gus an d'fhògair mi sibh, deir an Tighearn, agus bheir mi sibh a ris a chum an àite o'n do chuir mi air falbh sibh ann am braighdeanas.

15 A chionn gu'n dubhairt sibh, Thog an Tighearn suas duinn fàidhean ann am Babilon :

16 Mar so deir an Tighearn ris an rìgh a ta na shuidhe air caithir Dhaibhidh, agus ris an uile shluagh a ta chòmhnuidh anns a' bhaile so, agus ri 'r bràithribh nach deachaidh a mach leibh ann an bràigh-deanas :

17 Mar so deir Tighearn nan sluagh, Feuch, cuiridh mis orra an claidheamh, a' ghort, agus a' phlàigh, agus ni mi iad mar dhroch fhigean, nach feudar itheadh aig an olcas.

18 Agus dian-ruaigidh mi iad leis a' chladheamh, leis a' ghort, agus leis a' phlàigh; agus bheir mi thairis iad gu bhi air an luasgadh air fcaidh uile rioghachdan an domhain, gu bhi nam mallachadh, agus nan uamhas, agus nan sgeig, agus nam masladh, ann am measg nan uile chin-neach gus am fogair mi iad :

19 A chionn nach d'èisd iad ri m' bhriathraibh-sa, deir an Tighearn, 'nuair a chuir mi do 'n ionnsuidh m'òglacha na fàidhean, ag èirigh gu moch, agus 'gan cur a mach, ach cha 'n èisdeadh sibhs, deir an Tighearn :

20 Chuinnibh uime sin, focal Iehobhah, sibhs' uile ta do'n bhruid, a chuir mise o Ierusalem gu Babilon :

21 Mar so deir Tighearn nan sluagh, Dia Israeil, do thaobh Ahaib mhic Cholaiah, agus Shedeciah mhic Mhaaseiah, a ta fàisneachd bhréig dhuibh ann am ainm-sa, Feuch, bheir mise thairis iad do làimh Nebuchadnesair rìgh Bhabilon, agus marbhaidh esan iad fa chomhair 'ur sùl ;

22 Agus natha-san togar suas mallachadh le uile bhraighdibh Iudah, a th' ann am Babilon, ag ràdh, Gu 'n deanadh an Tighearn thu cosmhuil ri Sedeciah, agus cosmhuil ri Ahab, a ròst rìgh Bhabilon anns an teine.

23 Do bhrìgh gu'n do chuir iad an gnìomh aingidheachd ann an Israel, agus gu'n d' rinn iad adhaltrus le mnaibh an coimhearsnach, agus gu'n do labhair iad briathran breugach ann am ainm-sa, nach d' àithn mise dhoibh, air am bheil eadhon mise fiosrach agus a' m' fhianuis, deir an Tighearn.

24 Labhraidh tu fòs ri Semaiah, an Nehelamach, ag ràdh,

25 Mar so labhair Tighearn nan sluagh, Dia Israeil, ag ràdh, A chionn gu'n do chuir thu litrichean ann ad ainm a chum an uile shluaigh a th' ann an Ierusalem, agus a chum Shephaniah, mhic Mhaaseiah, an sagart, agus a chum nan sagart air fad, ag ràdh,

26 Rinn an Tighearn dhiot-sa sagart ann an àite Iehoiada an t-sagairt, a chum gu'm biodh luchd-riaghailt ann an tigh an Tighearna, air son gach duine ta air chuthach, agus a' deanamh dheth féin fàidh, a chur

anns an tigh-smachdachaidh, agus ann an fàs.

27 Uime sin a nis, c'uime nach do chro-nuich thu Ieremiah o Anatot, a tha 'ga dheanamh féin na fhàidh dhuibh ?

28 Oir chuir e gun amharus fios chug-ainne ta ann am Babilon, ag ràdh, Tha bhruid so buan, togaibh tighean, agus gabhaibh còmhnuidh, agus suidhichibh hìosan, agus ithibh an toradh.

29 [Agus leugh Sephaniah an sagart an litir so ann an cluasaibh Ieremiah an fhàidh.]

30 Uime sin thàinig focal an Tighearna gu Ieremiah, ag ràdh,

31 Cuir fios gu muinntir na bruid air fad, ag ràdh, Mar so labhair an Tighearn do thaobh Shemaiah an Nehelamaich; A chionn gu'n d' rinn Semaiah fàisneachd dhuibh an uair nach do chuir mise mach e, agus gu'n d' thug e oirbh earbs' a dhean-amh a bréig :

32 Air an aobhar sin, mar so deir an Tighearn, Feuch, smachdaichidh mise Semaiah, an Nehelamach agus a shliochd : cha bhi aige duine ghabhas còmhnuidh am measg an t-sluaigh so, ni mò chi e am maith a ni mise air son mo phobuill, deir an Tighearn, a chionn gu'n do labhair e ceannairc an aghaidh an Tighearna.

# CAIB. XXX.

**A** M focal a thàinig a chum Ieremiah o 'n Tighearn, ag ràdh,

2 Mar so labhair an Tighearn Dia Israeil, ag ràdh, Sgrìobh dhuit féin na h-uile bhriathran a labhair mise riut, ann an leabhar.

3 Oir feuch, tha na laithean a' teachd, deir an Tighearn, anns an d' thoir mise air a h-ais bruid mo shluaigh, Israeil agus Iudah, deir an Tighearn, agus bheir mi orra pìllinn a chum an fhearainn a thug mi do 'n aidhrichibh, agus scalbhaichidh iad e.

4 Agus so na briathran a labhair an Tighearn, mu thimchioll Israeil, agus mu thimchioll Iudah.

5 Oir mar so deir an Tighearn, Guth crìothnachaidh chuala sinn; cagal, agus cha 'n e sìth.

6 Feòruichibh a nis, agus feuchaibh am beir fìrionnachd leanabh? c'uim' am faic mi gach duine 's a làmhnan air a leasraibh, mar mhaol ri saothair, agus tha na h-uile aghaidh air fàs bàn?

7 Mo thruaighe! oir is mòr an là sin, agus cha 'n 'eil a choimeas ann : agus is aimsir teanntachd 'i do Iacob; ach tearnar aisd' e.

8 Oir tarlaidh anns an là sin, deir Tighearn nan sluagh, gu'm bris mise a chuing bharr a mhuineil, agus a chuibhrichean sgaoidh mi as a' chèile; agus cha ghabh coigrich ni 's mò seirbhis deth.

9 Ach bheir iad seirbhis do 'n Tighearn



an Dia, agus do Dhaibhidh an rìgh, a thogas mise suas doibh.

10 Uime sin na biodh eagal ort, O Iacob, m'òglaich-sa, deir an Tighearn, agus na biodh geilt ort, O Israeil: oir feuch, bheir mise tèaruint thu o chéin, agus do shliochd o thir an daorsa; agus pillidh Iacob, agus gheibh e fois agus sìth, agus cha bhi aon neach a' cur eagal air.

11 Oir tha mise maille riut, deir an Tighearn, chum do thearnadh: ged' bheir mi crìoch iomlan air na h-uile chinnich gus an d'fhògair mi thu, gidheadh cha d'fhoir mi crìoch iomlan ortsa: ach smachdaichidh mi thu ann an tomhas, agus cha leig mi as thu gu h-iomlan o pheanas.

12 Oir mar so deir an Tighearn, Is do-leigheas do bhruthadh, is cràiteach do chreuchd.

13 Cha 'n'èil neach ann a ni tagradh air da shon, a chum gu'm biodh tu air do cheangal suas: ioc-shlaint chum leigheis cha 'n'èil agad.

14 Rinn do leannana guléir do dhearmad: cha 'n'èil iad 'g a d' iarruidh, oir rinn mise do lot le lot namhaid, le smachdachadh garg; a chionn gu'n robh do chionta mòr; do lochdan lionmhor.

15 C'uim an ghaodh thu air son d' amhghair? cha ghabh do bhròn leigheas; a chionn gu'n robh do chionta mòr, do lochdan lionmhor, rinn mise na nithe so ort.

16 Uime sin bidh iadsan uile ta ga d' shlugadh, air an slugadh, agus théid do nàimhdean uile, gach aon duibh ann am braighdeanas: bithidh iadsan a ta ga d' chreachadh nan creich, agus na h-uile ta deanamh cobhartaich dhìot, bheir mise gu bhi nan cobhartach.

17 Oir aisgidh mi slàinte dhuit, agus leighisidh mi do chreuchdan, deir an Tighearn; ge do thuit iad riut Diobarach, Sior, ise do nach 'èil aig aon neach suim.

18 Mar so deir an Tighearn, Feuch, bheir mis' air a h-ais bruid phàillion Iacob, agus air 'ionada-còmhnuidh ni mi ìochd, agus togar a' chathair air a torr fèin, agus bidh an luchairt a réir a nòis<sup>1</sup> fèin air a daingneachadh.

19 Agus a mach asda thig buidheachas, agus guth na muinntir a ni gairdeachas; agus ni mise lionmhor iad, agus cha bhi iad tearc; ni mi fòs glòirmhor iad, agus cha bhi iad suarach.

20 Bidh a chlànn fòs mar roimhe so, agus bidh a choimhthional air a dhaingneachadh ann am làthairsa, agus ni mi peanas air gach neach, a shàruicheas e.

21 Agus thig 'Uachdaran-uaidh fèin, agus thig 'fhear-riaghlaidh a mach as a mheadhon; agus tairngidh mis e, agus thig e dù dhomh: oir cò e so a shocruidh a chridhe air teachd an fogus dhomhsa? deir an Tighearn.

22 Agus bidh sibhse 'n 'ur sluagh

dhomhsa, agus bidh mis' ann am Dhia dhuibhse.

23 Feuch, tha cuairt-ghaath an Tigh-earna a' dol a mach le corruich; cuairt-ghaath bhuan, a thuiteas le dòrainn air ceann nan ciontach.

24 Cha phill dian-chorruich an Tigh-earna air a h-ais, gus an dean, agus gus an coimhlion e rùn a chridhe: anns na laithibh deireannach bheir sibh so fàinear.

# CAIB. XXXI.

**A**NNS an àm ir, deir an Tighearn, bidh mis ann am Dhia do uile theaghlaichibh Israeil, agus bidh iadsan dhomhsa nan sluagh.

2 Mar so deir an Tighearn, Fhuair an sluagh, a dh'fhàgadh leis a' chlàidheamh, caomhneas anns an fhàsach; eadhon Israel, 'nuair a chaidh mis' a thoirt fois da.

3 O chéin dh'fhoillsicheadh Iehobhah dhomhsa, ag ràdh, Seadh le gràdh sìorruidh ghràdhaich mi thu; uime sin tharruing mi thu le caomhneas gràdhach.

4 A ris toigaidh mi thu, agus bithidh tu air do thogail, O ògh Israeil; a ris sgèadachair thu le d' thiompanaibh, agus théid thu mach ann an dannsa na muinntir, a ni aidhear.

5 Suidhichidh tu fathast fion-liosan air sléibhtibh Shamaria; suidhichidh an luchd-suidheachaidh, agus ithidh iad an toradh.

6 Oir thàinig an là, dh'èigh an luchd-faire air sliabh Ephraim; Eiribh, agus rachamaid suas gu Sion, a chum an Tigh-earna ar Dia.

7 Oir mar so deir an Tighearn, Deanaibh iolach ann an Iacob le h-aoibhneas, agus deanaibh luadhghair ann measg rogha nan cinneach; cuiribh an céill, molaibh, agus abraibh, O Thighearn, sacr do shluagh, iarnad Israeil.

8 Feuch, bheir mi iad o'n tìr mu thuath, agus tionailidh mi iad o chrìochaibh na talmhainn: an dall agus am bacach maille riu, a' bhean thorrach, maraon agus is' a ta ri saothair; nan cuideachd mhòir pillidh iad.

9 Thig iad le gul, agus le caomhalachd ni mis' an treòrachadh; treòruichidh mi iad ri taobh nan sruithèan uisge, air sliغه réidh, far nach faigh iad tuisleadh; oir tha mise ann am athair do Israel; agus Ephraim, is ean mo cheud-ghin.

10 Cluinnibh focal an Tighearna, O chinneacha, agus cuiribh an céill e anns na h-cileanaibh iad as, agus abraibh, Esan a sgap Israeil, ni e a chruinneachadh agus a choimhead, mar ni buachail' a threud.

11 Oir shaor an Tighearn Iacob, agus dh'fhuasgail se e o làimh an fhir bu treise na e fèin.

12 Uime sin thig iad agus seinnidh iad ann an airde Shìoin, agus cruinnichidh iad

le chéile chum maithéis an Tighcarna, air son eruineaeht, agus air son fìona, agus air son oladh, agus air son alaich an treud agus na spéidhe : agus bidh an anam mar ghàradh uisgiehte, agus cha dean iad air aon chor bròn ni 's mò.

13 An sin ni an òigh gairdeachas anns an dannsa, na daoine òga, agus na scann daoine le chéile : oir tionndaidhidh mis' am bròn gu h-aoibhneas, agus bheir mi dhoibh co-fhurtaehd, agus ni mi sòlasaeh iad an déigh an amhghair.

14 Agus sàsuichidh mi anam nan sagart le nithibh blasda, agus bidh mo shluagh air an sàsachadh le mo mhaitheas, deir an Tighearn.

15 Mar so deir an Tighearn, Chualas guth ann an Ramah, caoidh, gul ro-ghoirt ; Raehel a' gul air son a cloinne ; dhiùlt i co-fhurtaehd air son a cloinne, a chionn nach 'eil iad ann <sup>1</sup>.

16 Mar so deir an Tighearn, Cum do ghuth o chaoidh, agus do shùilean o dhcur-aibh : oir gheibh do shaothair duais, deir an Tighearn, agus thig iad a ris o thir an nàmhaid.

17 Agus tha dòchas a thaobh do chrìch dheireannaich, deir an Tighearn, gu 'n d'thig <sup>2</sup> do chlànn a ris gu 'n crìochaibh fèin.

18 Gu deimhin ehuala mi Ephraim a' caoidh gu goirt, Smachdaieh thu mi, agus bha mi air mo smachdachadh, mar dhanh naeh do chleachd a' chuing : pill thusa mi, agus bithidh mi air mo philleadh ; oir is tu an Tighearn mo Dhia.

19 Gu deimhin an déigh dhomh bhi air mo philleadh, ghabh mi aithreachas ; agus an déigh dhomh bhi air mo theagasg, bhuaill mi air mo leis ; bha nàir' orm, seadh fòs geur-amhludh, a chionn gu'n do ghiùlain mi masladh m' òige.

20 Naeh e Ephraim mo mhac còmh ? naeh leanabh ro thaitneach e ? oir, o'n uair a labhair mi na aghaidh, tha mi gu dùraehdach 'ga chuimhneachadh fathas : uime sin tha iomairt ann am ehom air a shon : ni mi gu deimhin tràdeair air, deir an Tighearn.

21 Cuir suas duit fèin comharan slighe ; dean duit fèin eruinn arda : cuir do chridhe ris an t-slighe, an t-slighe air an d' imich thu : pill a ris, O òigh Israeil, pill a ris dh' ionnsuidh do eathraichean so.

22 Cia fhad a bhios tu ag tionndadh mu 'n cuairt, O a nighcan eluù-sleamhnaeh : oir chruthaieh an Tighearn ni nuadh air an talamh, Ni bean fear a ehurtachadh.

23 Mar so deir Tighearn nan sluagh, Dia Israeil, Gnàthaiehidh iad fathast a' chainnt so ann am fearann Iudah, agus na bhailtibh, an uair a bheir mis' air a h-ais

am bruid, Gu 'm beannuieheadh an Tigh-earn thu, O àite-ehòmhnuidh a' cheartais, O shléibh na naomhaelidh.

24 Agus ann an Iudah, agus na uile bhailtibh, gabhaidh treabhaichean còmh-nuidh, agus luehd-eoimhead nan treuda.

25 Oir shàsuich mise an t-anam tart-mhor, agus gach anam aeraeh lion mi.

26 An sin mhosgail, agus ehunnaic mi, agus bha mo ehadal taitneach dhomh.

27 Feuch tha na laithean a' teachd, deir an Tighearn, anns an cuir mise tigh Israeil, agus tigh Iudah le siol duine, agus le siol ainmhidh.

28 Agus tarlaidh, amhuil a rinn mise faire os an cionn gu spionadh a nìos, gu briseadh, agus gu tilgeadh sìos, agus gu sgrios, agus gu claoidh ; mar sin ni mi faire os an cionn, gu togail, agus gu suidheachadh, deir an Tighearn.

29 Anns na laithibh sin cha 'n abair iad ni 's mo, Dh'ith na h-aithrichean meas searbh, agus tha deisinn air faclailh na cloinne.

30 Ach gheibh gach aon bàs na aingidheachd fèin, gach aon a dh'itheas an caorann searbh, air fhiacailbh-san bidh deisirr.

31 Feuch, tha na laithean a' teachd, deir an Tighearn, anns an dean mise eòimhe-eheangal nuadh ri tigh Israeil, agus ri tigh Iudah :

32 Cha'n ann a réir a choimhcheangail a rinn mi r'an aithrichibh, anns an là san do ghlae mi air làimh iad, a chum an toirt a maeh a talamh na h-Eiphit ; eadhon mo ehoimheangal a bhris iad, ged' bha mi nam' fhear-posda dhoibh, deir an Tighearn :

33 Ach so an coimhcheangal a ni mi ri tigh Israeil ; An déigh nan laithean sin, deir an Tighearn, cuiridh mi mo reachd nan taobh a stigh, agus sgrìobhaidh mi air an cridheachan e, agus bidh mise dhoibh-san na mo Dhia, agus bidh iadsan dhomh-sa nam pobull.

34 Agus eha teagaig iad ni's mò, gach aon a choimhearsnach, agus gach aon a bhràthair, ag ràdh, Gabhaibh eòlas air an Tighearn, oir bithidh eòlas aca ormsa uile o 'n neach a 's lugha, gus an neach a 's mò dhiubh, deir an Tighearn : oir maithidh mise an aingidheachd, agus cha chuimh-nieh mi ni 's mò an eionta.

35 Mar so deir an Tighearn, tha toirt na gréine air son soluis anns an là, orduighean na gcalaiche agus nan reultan air son soluis anns an oidheche, ta deanamh na fairge eiuin, 'n tra bhios a tuinn a' beucaich ; Tighearn nan sluagh is e 'ainm.

36 Ma dh'inniehas na h-orduighean so as mo shealladh-sa, deir an Tighearn, an sin, cuideachd, sguiridh sliochd Israeil o bhi nan cinneach am feasd ann am làthair.

<sup>1</sup> nach maireann iad ; nach 'eil iad beo.

<sup>2</sup> bidh dochas aig do shliochd, deir an Tighearn, agus thig.



37 Mar so deir an Tighearn, Ma dh'fhicudar na nèamha shuas a thombas, agus bunaite na talmhainn shìos a rann-sachadh a mach, an sin tilgidh mise uam mar an ceudna uile shliochd Ìsrail, air son gach nì a rinn iad, deir an Tighearn.

38 Feuch tha na laithcan a' teachd, deir an Tighearn, anns an togar a' chathair air son an Tighearna, o thorr Hananeil, gu geata na h-òisinn.

39 Agus thèid an t-sreang-thomhais fathasd a mach m' a coinneamh, thair sliabh Ghareib, agus cuartaichidh i steach Goat.

40 Agus gleann nan corpa marbha gu h-ionmhlaidh, agus na luathre, agus na mach-rìchean uile gu sruthan Chidroin, gu òisinn geata nan each an taobh an ear, bidh iad naomh do 'n Tighearn: cha spìonar a mhos, agus cha tilgear sìos e nì 's mò gu bràth.

### C A I B. XXXII.

**A**M focal a thàinig gu Ieremiah o 'n Tighearn anns an deichead bliadhna do linn Shedeciah rìgh Iudah, (b'i sin an t-òchdamh bliadhna-deug do linn Nebuchadne-sair.)

2 Anns an àm an robh feachd rìgh Bhabiloìn a' cuartachadh Ierusalem, agus Ieremiah am fàidh air a dhruidcadh suas ann an cùirt a' phrìosuin, a bha 'n tigh rìgh Iudah.

3 Oir dhruid Sedeciah rìgh Iudah suas e, ag ràdh, C' uim' an bheil thu ri fàisneachd, agus ag ràdh, Mar so deir an Tighearn, Feuch, bheir mis' a' chathair so do làimh rìgh Bhabiloìn, agus glacadh csa nì ?

4 Agus cha d'fhéid Sedeciah rìgh Iudah as o làimh nan Caldeach, ach bheirear suas e gu deimhin do làimh rìgh Bhabiloìn, agus labhraidh e ris, beul ri beul, agus chì a shùilean a shùilean-san.

5 Agus bheir e leis Sedeciah gu Babilon, agus an sin bithidh e agus an d'fhig mise 'ga amharc, deir an Tighearn: ged' ghleachd sibh ris na Caldeich, cha bhuadhaich sibh.

6 Agus thubhairt Ieremiah, Thàinig focal an Tighearna do m' ionnsuidh, ag ràdh,

7 Feuch, thig Hanameel mac Shaluum, bràthar d'athar, do d' ionnsuidh, ag ràdh, Ceannuich dhuìt fèin m' achadh-sa a ta ann an Anatot, oir is leat còir a fuasglaidh, agus a ceannach.

8 Agus thàinig Hanameel, mac bràthar m' athar do m' ionnsuidh ann an cùirt a' phrìosuin, a réir focail an Tighearna, agus thuirt e rium, Ceannuich, guidheam ort, m'achadh a ta ann an Anatot, ann an dùthaich Bheniamin: oir is leat-sa a' chòir-sheilbh, agus is leatsa a fuasgladh, ceannuich i dhuìt fèin: an sin dh' aithnich mi gu m' b'e so focal an Tighearna.

9 Agus cheannuich mi achadh Hanameel, mhic bràthar m' athar, a bha ann an Anatot, agus thòmhais mi dha an t'airgid, seachd seceile deug airgid.

10 Agus chuir mi mo làmh ris an sgrìobhadh, agus sheulaich mi e, agus ghabh mi fianaisean, agus thomhais mi an t'airgid air a' mheigh.

11 Agus ghabh mi dearbhadh a' cheannuich, e sin anns an robh an gnothuch agus na cumhnantan seulaichte, agus c sin a bha fosgailte.

12 Agus thug mi dearbhadh a' cheannuich do Bharuch mac Neriah, mhic Mhaaseiah, ann an scalladh Hanameel, mhic bràthar m' athar, agus an làthair nam fianuiscan, a chuir an làimh ri leabhar a' cheannuich, an làthair nan Iudhach uile a bha nan suidhe ann an cùirt a' phrìosuin.

13 Agus thug mi earail theann do Bharuch nan làthair, ag ràdh,

14 Mar so deir Tighearn nan sluagh, Dia Ìsrail, Gabh na sgrìobhuinncean so, sgrìobhadh so na ceannachd, araon e sin a ta seulaichte, agus an sgrìobhadh so a ta fosgailte, agus cuir iad ann an soitheach criadha, chum gu mair iad mòran laithcan.

15 Oir mar so deir Tighearn nan sluagh, Dia Ìsrail, Seallbhuichear tighean, agus machraichean, agus fion-liosan anns an tìr so fathasd.

16 A nis an uair a thug mi seachad sgrìobhadh na ceannachd do Bharuch mac Neriah, rinn mi urnuigh ris an Tighearn, ag ràdh,

17 Ah, a Thighearna Dhia! feuch, rinn thusa nèamh agus an talamh le d' mhòr chumhachd agus le d' ghairdean sìnte mach, agus cha 'n 'eil nì sam bith tuille 's cruaidh ort.

18 Taisbeanaidh tu caoinhneas gràdhach do mhiltibh, agus dìolaidh tu aingidheachd nan aithrichean ann an uchd an cloinne nan dèigh; an Dia mòr, cumhachdach, do 'n ainm Tighearn nan sluagh.

19 Mòr ann an comhairle, agus cumhachdach ann an gnìomh (oir tha do shùilean fosgailt air uile shligibh chloinn nan daoìn' a thoirt do gach aon do réir a shlighe, agus do réir toraidh a ghnìomhara.)

20 A dh' fhoillsich comharan agus mìorbhuilean ann an tìr na h-Eiphit, agus an là an diugh, agus ann an Ìsrail, agus ann am measg dhaoine, agus a rinn duit fèin ainm, mar air an là 'n diugh;

21 Agus a thug a mach do shluagh Ìsrail a tìr na h-Eiphit, le comharaibh agus le mìorbhuilbh, agus le làimh làidir, agus le gairdean sìnt' a mach, agus le h-uamhas mòr,

22 Agus a thug dhoibh am fearann so, a mhionnuich thu do 'n aithrichibh gu'n d' thugadh tu dhoibh, fearann a sruthadh le bainne agus le mil.

23 Agus thàinig iad a steach, agus

shealbhuich iad e; ach cha d' thug iad géill do d' ghuth-sa, ni mò ghluais iad ann ad reachd: cha d' rinn iad ni sam bith do na h-uile nithibh, a dh'àithn thusa dhoibh a dheanamh; uime sin thug thu an t'ole so uile orra.

24 Feuch, na h-inneil-bhrisidh, tha iad air teachd a chum na cathrach gus a glacadh, agus tha a' chathair air a toirt do làimh nan Caldéach a ta cogadh na h-aghaidh, air son a' chlaidheimh, agus na gorta, agus na plàighe; agus an ni a labhair thu, thàinig e gu crich, agus feuch, tha thusa 'g a fhaicinn.

25 Gidheadh thuirt thu riumsa, (O Thighearna Dhia,) Ceannuich dhuit féin an t'achadh air son airgid, agus gabh fianuiscan: an uair a ta chathair air a toirt thairis gu làimh nan Caldéach.

26 An sin thàinig focal an Tighearna gu Jeremiah, ag ràdh,

27 Feuch, is mise an Tighearn, Dia na h-uile fhèola: am bheil ni sam bith tuille 's cruaidh ormsa?

28 Uime sin, mar so deir an Tighearn, Feuch, bheir mi a' chathair so do làimh nan Caldéach, agus do làimh Nebuchad-nesair rìgh Bhabiloin, agus glacadh se i.

29 Agus thig na Caldéich a ta cogadh an aghaidh na cathrach so, agus cuiridh iad teine rithe, agus loisgidh iad i, maille ris na tighibh air an do loisg iad tùis air am mullach do Bhaal, agus air an do dhòirt iad tabhartasa-dibhe a mach do dhéibh eile, chum mis' a bhrosnachadh gu feirg.

30 Oir cha d' rinn clann Israeil, agus clann Iudah ach ole a mhàin ann am fhianuis-sa o'n òige: oir cha d' rinn clann Israeil ach a mhàin mo bhrosnachadh gu feirg le obair an làmh, deir an Tighearn.

31 Oir bha a' chathair so dhomhsa na h-aobhar feirge agus corruich, o'n là san do thog iad i, eadhon gus an là an diugh; a chum gu 'n atharruichinn i as mo shealladh:

32 Air son uile aingidheachd cloinne Israeil, agus cloinne Iudah, a rinn iad a chum mis' a bhrosnachadh gu corruich, iad féin, an rìghrean, an uachdarain, an sagairt, agus am fàidhean, agus muinntir Iudah, agus luchd-àiteachaidh Ierusalem.

33 Agus thionndaidh iad riumsa an cùl, agus cha 'n i an aghaidh; ged' theagaisg mi iad, ag éirigh gu moch agus a' teagasg, gidheadh cha d' éisd iadsan, a ghabhail teagasg.

34 Ach shuidhich iad an gràinealachdan anns an tigh, a ta air 'ainmeachadh ormsa, chum a thruailladh.

35 Agus thog iad ionadan arda Bhaail, a ta ann an gleann mhic Hinoim, a thoirt air am mic is air an nigheana dol trid an teine do Mholoch; ni nach d' àithn mise dhoibh, agus nach d' thàinig idir ann am aire; a' cur an gnìomh na gràinealachd so, gu cionta thoirt air Iudah.

36 Agus a nis uime sin, mar so deir an Tighearn Dia Israeil, do thaobh na cathrach so, mu 'm bheil sibhs' ag ràdh, Bidh i air a toirt thairis do làimh rìgh Bhabiloin, leis a' chlaidheamh, agus leis a' ghort, agus leis a' phlàigh:

37 Feuch, tionailidh mis' iad as na h-uile dhùchanaihbh gus an d'fhògar mi iad ann am chorruich, agus ann am bhoile, agus ann am mhòr-fheirg; agus bheir mi chum an àite so iad a ris, agus bheir mi orra còmh-nuidh ghabhail gu tèaruinte.

38 Agus bidh iad dhomhsa nan sluagh, agus bidh mise dhoibhsan a' m' Dhia.

39 Agus bheir mi dhoibh aon chridhe, agus aon slighe, a chum as gu 'm bi m' eagal-sa gu bràth orra, chum an leas féin, agus leas an cloinne nan deigh.

40 Agus ni mi riu coimheangal sìor-ruidh, nach pill mi air falbh uatha, chum maith a dheanamh dhoibh; agus cuiridh mi m' eagal nan cridhe, chum nach deal-uich iad rium.


41 Seadh ni mi gairdeachas tharta chum maith a dheanamh dhoibh, agus suidhichidh mi iad anns an fhearann so gu deimhin, le m' uile chridhe, agus le m' uile anam.

42 Oir mar so deir an Tighearn, Amhuil a thug mi an t-ole mòr so uile air an t-sluagh so, is amhluidh bheir mi orra am maith sin uile, a gheall mi dhoibh.

43 Agus ceannuichear achaidh anns an fhearann so, mu 'm bheil sibhs' ag ràdh, Tha e fàs gun duine no ainmhidh: tha e air a thoirt do làimh nan Caldéach.

44 Ceannuichidh daoine achaidh air son airgid, agus cuiridh iad an làmh ri sgrìobh-ainnibh, agus seulaichidh iad, agus gabhaidh iad fianuiscan ann am fearann Bhe-niamin, agus anns na h-àiteachaibh dlù do Ierusalem, agus ann am bailtibh Iudah, agus ann am bailtibh nam beann, agus ann am bailtibh a' chòmhnaidh, agus ann am bailtibh na h-àirde deas: oir bheir mise air a h-ais am bruid, deir an Tighearn.

## CAIB. XXXIII.

 S-barr thàinig focal an Tighearna gu Jeremiah an dara uair, (an tra bha e fathasd air a dhruideadh suas ann an cùirt a' phrìosuin) ag ràdh,

2 Mar so deir an Tighearn a rinn e, an Tighearn a dhealbh e, a ta fòs 'ga dhaingneachadh; is e 'ainm Iehobhah;

3 Glaoth riumsa, agus freagraidh mi thu, agus feuchaidh mi dhuit nithe mòra agus cumhachdach, air nach 'eil thu eòlach.

4 Oir mar so deir an Tighearn, Dia Israeil, do thaobh thighean na cathrach so, agus do thaobh thighean rìghrean Iudah, a ta air an tilgeadh sìos leis na h-inneil bhrisidh, agus leis a' chlaidheamh,

5 A ta air teachd gu cogadh air taobh nan Caldéach, agus gu 'n lionadh le corp-aibh marbha nan daoine, a bhuail mise ann am fheirg, agus ann am chorruich, agus a



thug orm, air son an uile aingidheachd, mo ghnais fhìolach o 'n chathair so :

6 Feuch, bheir mi dh' ùile slàinte agus leigheas, agus mi an slànachadh ; agus nochdaidh mi dhoibh pailteas sìth agus fìrinn.

7 Agus bheir mi air a h-ais bruid Iudah, agus bruid Israeil ; agus togaidh mi iad mar air tùs.

8 Agus glanaidh mi iad o'n uile aingidheachd, leis an do chiontaich iad a' m' aghaidh ; agus maithidh mian uile lochdan, leis an do pheacaich iad, agus leis an d' rinn iad ceannairc ann am aghaidh.

9 Agus bidh a' chathair so dhomhsa na h-ainm sòlais, na moladh, agus na maise, ann an measg uile chinneacha na talmhain, a chluinneas gach uile mhaith a nì mise dhoibh : agus bidh eagal agus crith orra, air son an uile mhaithis, agus air son an uile shoirbhachaidh, a dheònuicheas mise dhoibh.

10 Mar so deir an Tighearn, a ris cluinnear anns an àite so (mu 'm bheil sibhse ag ràdh, Tha e fàs gun duine agus gun ainmhidh, eadhon ann an cathraichean Iudah, agus ann an sràidibh Ierusalem, a ta fàs, gun duine, eadhon gun fhear-àiteachaidh, agus gun ainmhidh,)

11 Guth aoibhneis, agus guth subhachais, guth an fhir nuadh-phòsda, agus guth na mna nuadh-phòsda, guth na muinntir a their, Molaidhse Tighearn nan sluagh, oir tha an Tighearn maith, oir tha 'thròcair buan gu sìorruidh ; agus na muinntir a bheir an òbairt-mholaidh gu tigh an Tighearna ; oir bheir mise air a h-ais bruid an fhearainn, mar air tùs, deir an Tighearn.

12 Mar so deir Tighearn nan sluagh, Fathasd anns an àite so a ta fàs, gun duine agus gun ainmhidh, agus na uile bhailtibh, bidh àite-còmhnuidh nam buachaillan a' toirt air an treudan luidhe sìos.

13 Ann am bailtibh nam beann, agus ann am bailtibh a' chòmhnaird, agus ann am bailtibh na h-àirde deas, agus ann am fearann Bheniamin, agus anns na h-ionadaibh timchioll Ierusalem, agus ann am bailtibh Iudah, siùbhlaidh na treudan a ris fo làimh an tì dh' àirmheas iad, deir an Tighearn.

14 Feuch, tha na laithean a' teachd, deir an Tighearn, anns an còmhlaon mise an nì maith sin a gheall mi do thigh Israeil, agus do thigh Iudah.

15 Anns na laithibh sin, agus anns an àm sin, bheir mise air Meanglan fireantachd fàs suas do Dhaibhidh, agus cuiridh e an gnìomh breitheanas agus ceartas air an talamh.

16 Anns na laithibh sin tearnar Iudah, agus gabhaidh Ierusalem còmhnuidh ann an tèaruinteachd : agus is e so esan ris an goirear IEHOBAH AR FIREANTACHD.

17 Oir mar so deir Iehobhah, Cha bhi gu bràth a dh' uireasbhuidh air Daibhidh duin' a shuidheas air rìgh-chathair tìghe Israeil ;

18 Nì mò bhios na sagairt na Lebhithich gun duine ann am làthair-sa, a dh' iobradh thabhartas-loisgte, agus a losgadh thabhartas-bidh, agus a dheanamh òbairt an còmhnuidh.

19 Thàinig focal an Tighearna fòs gu Ieremiah, ag ràdh,

20 Mar so deir an Tighearn, Ma dh' fheadar leibh mo choimhcheangal-sa ris an là a bhriseadh, agus mo choimhcheangal ris an oidhche, agus nach bi là no oidhche ann nan àm fèin ;

21 An sin fòs fheadar mo choimhcheangal-sa ri Daibhidh m' òglach a bhriseadh, gun mhac a bhi aige gu riaghladh air a rìgh-chathair, agus ris na Lebhithich na sagairt, mo luchd-frithealaidh.

22 Mar nach feud feachd nèimh a bhi air 'àireamh, no gaincamh na fairge bhi air a tomhas ; is annluidh a nì mise lìonmhor sliochd Dhaibhidh m' òglach, agus na Lebhithich, a ta frithealadh dhomh.

23 Os-barr, thàinig focal an Tighearna gu Ieremiah, ag ràdh,

24 An bheil thu toirt fainear ciod a tha 'n sluagh so a' labhairt, ag ràdh, An dà theaghlach a roghnaich an Tighearn, rinn e an tilgeadh uath ? agus rinn iad di-meas air mo shluagh-sa, air chor as nach 'eil iad 'gam meas nì 's mò mar chinneach.

25 Mar so deir an Tighearn, Mur 'eil mo choimhcheangal-sa ris an là agus ris an oidhche ; reachdan nèimh agus talmhainn mar do shocruidh mi ;

26 An sin tilgidh mi uam sliochd Iacoib, agus Dhaibhidh m' òglach, gun aon d' a shliochd a ghabhail, gu bhi nan luchd-riaghlaidh thar sliochd Abraham, Isaac, agus Iacoib : oir bheir mi air a h-ais am bruid, agus nì mi tròcair orra.

#### CAIB. XXXIV.

**A**M focal a thàinig gu Ieremiah o 'n Tighearn, ('nuair a chog Nebuchadne-sar rìgh Bhabailon, agus 'uile fhacaidh, agus uile rioghachdan an domhain, a bha fo 'thighearnas, agus na slòigh uile, 'n aghaidh Ierusalem, agus an aghaidh a h-uile bhailtean,) ag ràdh,

2 Mar so deir an Tighearn, Dia Israeil, Imich, agus labhair ri Sedeciah rìgh Iudah, agus abair ris, Mar so deir an Tighearn, Feuch, bheir mis' a' chathair so do làimh rìgh Bhabailon, agus loisgidh se i le teine :

3 Agus thusa, cha d'fhèid thu as o 'làimh, ach bithidh tu gu cinnteach air do ghlacadh, agus air do thoirt thairis d' a làimh, agus chi do shùilean sùilean rìgh Bhabailon, agus labhraidh e riut beul ri beul, agus falbhaidh tu gu Babilon.

4 Gidheadh cluinn focal an Tighearna, O Shedeciah, a rìgh Iudah : Mar so deir

an Tighearn do d' thaobh-sa, Cha 'n fhaigh thu bàs leis a chlaidheamh ;

5 Gheibh thu bàs ann an sìth ; agus do réir losgaidh d' aithrichean, na righrean roimhe so, a bha air thoiseach orisa, is amhluidh a loisgear *tùis* dhuitse ; agus nì iad caoidh air do shon, *ag rùdh*, Òch a thighearna ! oir labhair mise am focal', deir an Tighearn.

6 Agus labhair Ieremiah am fàidh na briathran so uile ri Sedeciah rìgh Iudah, ann an Ierusalem,

7 An uair a chog feachd rìgh Bhabiloìn an aghaidh Ierusalem, agus an aghaidh uile bhailtean Iudah a bha air am fàgail, an aghaidh Lacheis, agus an aghaidh Asecab : oir nìhair iad so do bhailtibh Iudah nam bailtibh daingnichte.

8 Am focal a thàinig gu Ieremiah o 'n Tighearn, an dèigh do rìgh Sedeciah coimhcheangal a dhcanamh ris an uile shluagh, a bha ann an Ierusalem, a dh' èigheach saorsa dhoibh :

9 A chum gu'n leigeadh gach duine d' a òglach, agus gach duine d'a bhan-oglaich, Eabhrach no ban-Eabhrach, falbh saor, gun neach a ghabhail seirbhìs diubh, gach aon do Iudhach a bhràthair.

10 A nis, an uair a chual a na h-uachdaran uile, agus an sluagh uile a thionnsgain anns a' choimhcheangal, gu'n leigeadh gach duine d'a òglach, agus gach duine d'a bhan-oglaich falbh saor, nach gabhadh aon seirbhìs diubh nì bu mhò, an sin thug iad gèill, agus leig iad air falbh iad.

11 Ach thionndaidh iad a ris, agus thug iad air na h-òglaich, agus air na ban-oglaich, a leigeadh air falbh saor, pillcadh air an ais, agus thug iad fo smachd iad, a chum bhi nan òglaich, agus nam ban-oglaich.

12 Uime sin thàinig focal an Tighearna gu Ieremiah, ag ràdh,

13 Mar so deir an Tighearn, Dia Israeil, Rinn mise coimhcheangal ri 'r n-aithrichibh anns an là san d' thug mi iad a mach a talamh na h-Eiphit, a tigh nan daor, ag ràdh,

14 An ceann sheachd bliadhna, leigibh a chead, gach aon d'a bhràthair Eabhrach, a bha air a reic riut : an uair a bheir e seirbhìs duit se bliadhna, leigidh tu dha falbh uait saor. Ach cha d' èisd 'ur n-aithrichean riumsa, nì mò dh' aom iad an cluas.

15 Agus bha sibh a nis air pilleadh, agus air deanamh gu ceart ann an shealladh-sa, le saors' a ghlaodhach, gach neach d' a choimhearsnach, agus rinn sibh coimhcheangal ann am fhanuis, anns an tigh a ta air a ghairm air m' ainm.

16 Ach phill sibh, agus thruaill sibh m' ainm, agus thug sibh, gach aon air 'òglach, agus gach aon air a bhan-oglaich, a leig e saor uaith gu 'thoil fèin, pilleadh air an

ais ; agus chuir sibh fo smachd iad, gu bhi dhuibh nan ogaich agus nam ban-oglaich.

17 Air an aobhar sin, mar so deir an Tighearn, Cha d' èisd sibh riumsa ann an saors' a ghlaodhach, gach aon d' a bhràthair, agus gach aon d' a choimhearsnach : feuch do 'r taobhsa tha mis' a ghlaodhach saorsa, deir an Tighearn, do 'n chlaidheamh, do 'n phlàigh, agus do 'n ghort ; agus bheir mi oirbh bhi air 'ur luasgadh air feadh uile rìoghachdan an domhain.

18 Agus bheir mi a' mhuinntir a bhris mo choimhcheangal, nach do choimhilion briathran a' choimhcheangail a rinn iad ann am làthair sa, 'nuair a ghearr iad an laogh na dhà leth, agus a dh' imich iad eadar a bhloighdean,

19 Ceannardan Iudah, agus ceannardan Ierusalem, agus na caillteanaich, agus na sagait, agus uile shluagh an fhearainn, a dh' imich cadar bloighdean an laogh ;

20 Bheir mi eadhon iad sin do làimh an naimhdean, agus do làimh na muinntir a ta 'g iarraidh an anama ; agus bidh an cairbheannan mar bhìadh do eunlaith an athair, agus do bheathaichibh na talmhainn.

21 Agus Sedeciah rìgh Iudah, agus a phrionnsachan, bheir mise do làimh an naimhdean, agus do làimh na muinntir a ta 'g iarraidh an anama, eadhon do làimh feachda rìgh Bhabiloìn, a ta air imeachd suas uaibh.

22 Feuch, bheir mise àithne, deir an Tighearn, agus bheir mi orra pilleadh air an ais do 'n chathair so ; agus cogaidh iad na h-aghaidh, agus glacadh iad i, agus loisgidh iad i le teine ; agus bailtean Iudah nì mi nan làraich sgaoilte, gun aon neach 'g an àiteachadh.

## CAIB. XXXV.

**A** M focal a thàinig gu Ieremiah o 'n Tighearn, ann an laithibh Iehoiachim, mhic Iosiah, rìgh Iudah, ag ràdh,

2 Imich gu tigh nan Rechabach, agus labhair riu, agus thoir iad a chum tighe an Tighearna, gu aon do na seòmraichean, agus thoir dhoibh fion r'a òl.

3 An sin ghabh mi Iaaaniah mac Ieremiah, mhic Iabasiniah, agus a bhràithrean, agus 'uile mhic, agus uile theaghlach nan Rechabach ;

4 Agus thug mi iad gu tigh an Tighearna, gu seòmair mhac Hanaìn, mhic Igdaliah, òglaich Dhé, a bha ri taobh seòmair nan uachdaran, a bha os ciomh seòmair Mhaaseiah, mhic Shaluim, firgleidhidh an doruis :

5 Agus chuir mi air beulaobh mhac tighe nan Rechabach soircean làn fiona, agus copain ; agus thuir mi riu, Olaibh fion.

6 Ach thuirt iadsan, Cha 'n òl sinne fion : oir thug Ionadab mac Rechab ar n-athair, àithne dhuinn, ag ràdh, Na



h-òlaibhse fion, sibh féin no 'ur mic gu bràth.

7 Ni mò thogas sibh tigh, no chuireas sibh siol, no shuidhicheas sibh fion-lios, no bhios aon agaibh; ach fad 'ur n-uile laithean ni sibh còmhnuidh ann am bùthaibh, a chum gu mair sibh mòran laithean san fhearann, anns am bheil sibh 'nur coigrich.

8 Agus thug sinn géill do ghuth Ionadaib mhic Rechab, ar n-athar, anns gach ni a chuir e mar fhiachaibh oirn, gun fhion air bith òl fad ar n-uile laithean, sinn féin, ar mnai, ar mic, no ar nigheana;

9 No tighean a thogail duinn féin gu còmhnuidh ghabhail annta: ni mò ta againn fion-lios, no achadh, no siol.

10 Ach ghabh sinn còmhnuidh ann am bùthaibh, agus thug sinn géill, agus rinn sinn do réir gach ni a dh'àithn ar n-athair Ionadab dhuinn.

11 Ach tharladh, an uair a thàinig Nebuchadnesar, rìgh Bhabiloin, a nìos do 'n fhearann, gu'n dubhairt sinn, Thigibh, agus rachamaid gu Ierusalem, air eagail feachd nan Caldéach, agus air eagail feachd nan Siriach: air an aobhar sin tha sinn a còmhnuidh ann an Ierusalem.

12 An sin thàinig focal an Tighearna gu Jeremiah, ag ràdh,

13 Mar so deir Tighearna nan sluagh, Dia Israeil, Imich agus abair ri fearaibh Iudah, agus ri luchd-àiteachaidh Ierusalem, Nach gabh sibh ri teagasg, a thoirt éisdeachd do m' bhriathraibh-sa? deir an Tighearna.

14 Tha briathran Ionadaib, mhic Rechab, a dh' àithn e d' a mhacaibh, gun fhion òl, air an còmhluadh; oir gus an là an diugh cha 'n òl iad fion sam bith, ach tha iad ùmhail do àithne an athar: gidheadh labhair mise ruibhse, ag éirigh gu moch agus a' labhairt ach cha d' éisd sibh rium.

15 Chuir mi d' ur n-ionnsuidh mar an ceudna m' uile sheirbhisich na fàidhean, ag éirigh gu moch agus 'g an cur a mach, ag ràdh, Pillibh a nis, gach aon o 'd broch shlighe, agus leasuichibh 'ur deanadas, agus na rachaibh air lorg dhée eile gu seirbhis a thoirt doibh, agus gabhaibh còmhnuidh anns an fhearann a thug mise dhuibh, agus d'ur n-aithrichibh: ach eha d' aom sibh 'ur cluas, ni mò thug sibh éisdeachd dhomh.

16 A chionn gu'n do choimhlion mic Ionadaib, mhic Rechab, àithne an athar, a dh' àithn e dhuibh, ach nach d' éisd an sluagh so riumsa:

17 Air an aobhar sin, mar so deir Iehobhab Dia nan sluagh, Dia Israeil; Feuch, bheir mis' air Iudah, agus air uile luchd-àiteachaidh Ierusalem, an t-òc sin uile, a labhair mi nan aghaidh: a chionn gu'n do labhair mi riu, ach nach d' éisd iad; agus gu'n do ghlaodh mi riu, ach nach do fhreagair iad.

18 Agus ri teaghlach nan Rechabach thubhairt Ieremiah; Mar so deir Tighearna nan sluagh, Dia Israeil, A chionn gu'n d'thug sibhse géill do àithne Ionadaib 'ur n-athar, agus gu 'n do choimhlid sibh 'uile iarrtais, agus gu 'n d'rinn sibh a réir gach ni a dh' àithn e dhuibh:

19 Uime sin mar so deir an Tighearna nan sluagh, Dia Israeil, Cha bhi Ionadab, mae Rechab, gun duine aigé gu seasamh ann am làthair-sa gu bràth.

CAIB. XXXVI.

**A**GUS tharladh ann an ceathramh bliadhna Iehoiacim, mhic Iosiah, rìgh Iudah, gu 'n d' thàinig am focal so gu Ieremiah o'n Tighearna, ag ràdh,

2 Gabh dhuit clàr-sgrìobhaidh, agus sgrìobh ann na h-uile bhriathran a labhair mise riut an aghaidh Israeil, agus an aghaidh Iudah, agus an aghaidh nan uile chinnreach, o'n là san do labhair mi riut ann an laithibh Iosiah, eadhon gus an là an diugh.

3 Theagamh gu 'n tabhair tigh Iudah fainear an t-òc sin uile a th' ann am aire-sa dheanamh orra; air chor as gu'm pill iad, gach aon o 'd broch shlighe, agus gu maith mise an aingidheachd agus am peacadh.

4 An sin ghairm Ieremiah Baruch mac Neriah, agus sgrìobh Baruch o bheul Ieremiah uile bhriathran an Tighearna, a labhair e ris, air clàr-sgrìobhaidh.

5 Agus dh' àithn Ieremiah do Bharuch, ag ràdh, Tha mise air mo dhruideadh suas, cha 'n urradh mi dol gu tigh an Tighearna:

6 Uime sin, imich thusa agus leugh anns a' chlàr a sgrìobh thu o m' bheul-sa, briathran an Tighearna, ann an éisdeachd an t-sluaigh, ann an tigh an Tighearna, air là an traisg: agus fòs leughaidh tu iad ann an éisdeachd uile Iudah, a thig a mach as am bailtigh.

7 Theagamh gu'n taisbean iad' an achiuinge ann an làthair an Tighearna, agus gu'm pill iad, gach aon o 'd broch shlighe; oir is mòr an fhearg, agus a' chorruih a labhair an Tighearna an aghaidh an t-sluaigh so.

8 Agus rinn Baruch, mae Neriah, do réir gach ni a dh' àithn Ieremiah am fàidh dha, a' leughadh anns an leabhar briathran an Tighearna ann an tigh an Tighearna.

9 Agus tharladh ann an cùigeamh bliadhna Iehoiacim, mhic Iosiah, rìgh Iudah, anns an naothamh mìos, gu 'n d' éigh iad trasg ann an làthair an Tighearna, an sluagh uile a bha ann an Ierusalem, agus an sluagh uile, a thàinig o bhailtigh Iudah gu Ierusalem.

10 An sin leugh Baruch anns an leabhar briathran Ieremiah ann an tigh an Tighearna, ann an seòmar Ghemariah mhic Shaphain an sgrìobhuiche, anns a' chùirt

uachdraidh, aig dol a steach geataidh nuaidh zighe an Tighearna, ann an éisdeachd<sup>1</sup> an t-sluaigh uile.

11 Agus chuala Michaiah mac Ghemariah, mhic Shaphain, uile bhriathran an Tighearna as an leabhar,

12 Agus chaidh e sìos gu tigh an rìgh, gu seòmar an sgrìobhuiche: agus feuch, bha na h-uachdarain uile nan suidhe an sin, Elisama an sgrìobhuiche, agus Delaiah mac Shemaiah, agus Elnatan mac Achboir, agus Gemariah mac Shaphain, agus Sedeciah mac Iannaniah, agus na h-uaislean uile.

13 An sin chuir Michaiah an cèill doibh na h-uile bhriathran a chual' e, nuair a leugh Baruch an leabhar ann an éisdeachd an t-sluaigh.

14 Agus chuir na h-uachdarain uile Iehudi mac Nctaniah, mhic Shelemiah, mhic Chusi, gu Baruch, ag ràdh, Glac ann ad làimh an clàr san do leugh thu ann an éisdeachd an t-sluaigh, agus thig. Agus ghabh Baruch mac Neriah, an clàr na làimh, agus thàinig e do 'n ionnsuidh.

15 Agus thuirt iad ris, Suidh sìos a nis, agus leugh e 'nar n-éisdeachd. Agus leugh Baruch nan éisdeachd.

16 A nis tharladh, an uair a chuala iad na h-uile bhriathran, gu 'n d'amhairc iad le h-eagal, gach aon air a' chéile; agus thubhairt iad ri Baruch, Innsidh sinn gu deimhin do'n rìgh na briathran so air fad.

17 Agus dh' fheòruich iad do Bharuch, ag ràdh, Inns duinn a nis cionnus a sgrìobh thu na briathran so uile o 'bheul?

18 Agus fhreagair Baruch iad, Labhair e rium le 'bheul na briathran so uile, agus sgrìobh mi iad le dubh ann an leabhar.

19 An sin thuirt na h-uachdarain ri Baruch, Falbh, agus folaich thu fèin, thusa agus Ieremiah, agus na biodh fios aig aon neach c'àit am bi sibh.

20 Agus chaidh iad a steach a chum an rìgh do 'n chùirt, ach thaisg iad suas an clàr ann an seòmar Elisamah, an sgrìobhuiche; agus dh' innis iad na h-uile bhriathran ann an éisdeachd an rìgh.

21 An sin chuir an rìgh Iehudi a thoirt a' chlàr d'a ionnsuidh, agus thug e a seòmar Elisamah, an sgrìobhuich', e, agus leugh Iehudi e ann an éisdeachd an rìgh, agus ann an éisdeachd nan uile uachdaran a sheas ri taobh an rìgh.

22 Agus bha 'n rìgh na shuidhe anns an tigh gheamhràidh, anns an naothamh mìos, agus bha teintein mu 'chomhair le éibhlìbh teine.

23 Agus tharladh an uair a leugh Iehudi trì no ceithir earrannan, gu'n do ghearr e, leis an scein-phinn, e, agus thilg e anns an tein, a bha air an teintein, e, gus an robh an clàr gu h-ìomlan air a chaitheamh anns an tein a bha air an teintein.

24 Ach cha do ghabh iad eagal, nì mò shrachd iad an trusgain, aon chuid an rìgh, no aon d'a sheirbhisich a chuala na briathran so uile.

25 Agus ge do rinn Elnatan, agus Delaiah, agus Gemariah eadar-ghuidhe ris an rìgh, nach loisgeadh e an clàr, gidheadh cha n' éisdeadh e riu.

26 Agus dh' àithn an rìgh do Ierahmeel mac Hameleich, agus do Sheraiah mac Asricil, agus do Shelemiah mac Abdeail, Baruch an sgrìobhuiche agus Ieremiah am fàidh a ghlacadh; ach dh' fholaich an Tighearna iad.

27 An sin thàinig focal an Tighearna gu Ieremiah, (an déigh do 'n rìgh an clàr agus na briathran, a sgrìobh Baruch o bheul Ieremiah, a losgadh), ag ràdh,

28 Gabh chugad a ris clàr eile, agus sgrìobh ann na h-uile bhriathran ceudna bha 'sa cheud chlàr, a loisg Iehoiacim rìgh Iudah.

29 Agus their thu ri Iehoiacim rìgh Iudah, Mar so deir an Tighearna, Loisg thu 'n clàr so, ag ràdh, C'uim' an do sgrìobh thu ann ag ràdh, Thig rìgh Bhabiloin gu deimhin, agus sgrìosaidh e 'm fearann so, agus gearraidh e gach duine agus gach beathach a mach as?

30 Air an aobhar sin, mar so deir an Tighearna do thaobh Ichoiacim rìgh Iudah, Cha bhi aige neach a shuidheas air rìgh-chaitheir Dhaibhidh, agus tilgear a chair-bhean<sup>2</sup> a mach a chum an teas anns an latha, 's a chum an reothaidh anns an oidheche.

31 Agus nì mise peanas air fèin agus air a shliochd, agus air a sheirbhisich, air son an eusaontais, agus bheir mi orra-san, agus air luchd-àitcachaibh Ierusalem, agus air fearaibh Iudah, an t-olc sin uile a labhair mi nan aghaidh, ach nach d' éisd iad.

32 An sin ghabh Ieremiah clàr eile, agus thug e do Bharuch an sgrìobhuich' e, mac Neriah, a sgrìobh ann o bheul Ieremiah, uile bhriathran an leabhair a loisg Ichoiacim rìgh Iudah anns an teine; agus chuireadh os-barr riu mòran do bhriathra eile cosmhuil riu sin.

## CAIB. XXXVII.

**A**GUS rioghaich Sedeciah mac Iosiah ann an àite Choniah mhic Iehoiacim, a rinn Nebuchadnesar rìgh Bhabiloin na rìgh ann am fearann Iudah.

2 Ach cha d' éisd, aon chuid e fèin no a sheirbhisich, no sluagh na ùire, ri briathraibh an Tighearna, a labhair e leis an fhàidh Ieremiah.

3 Agus chuir an rìgh Sedeciah Iehucal mac Shelemiah, agus Sephaniah mac Mhaaseiah an sagart, a chum an fhàidh Ieremiah, ag ràdh, Dean urnuigh, a nis,

<sup>1</sup> elusaibh, Eabh.<sup>2</sup> chlosach.



guidheam ort, ris an Tighearn ar Dia air son-ne.

4 A nis bha Jeremiah teachd a steach agus a' dol a mach am measg an t-sluaigh, oir cha do chuir iad fathasd ann am prìosun e.

5 Anns an àm sin bha feachd Pharaoh air teachd a mach as an Eiphit; agus an uair a chuala na Caldéich, a bha a' teannachadh Ierusalem mu'n cuairt, iomradh orra, dh'imich iad o Ierusalem.

6 An sin thàinig focal an Tighearna chum an fhàidh Ieremiah, ag ràdh,

7 Mar so deir an Tighearn, Dia Israeil, Mar so their sibh ri rìgh Iudah a chuir chugam-sa sibh, do m'iarraidh; Feuch, pillidh feachd Pharaoh, a thàinig a mach 'gur coghnadh, do'n Eiphit, d'an tìr féin.

8 Agus thig na Caldéich a ris, agus cogaidh iad an aghaidh na cathrach so, agus glacadh iad i, agus loisgidh iad i le teine.

9 Mar so deir an Tighearn, Na meallaibh sibh féin, ag ràdh, Gu deimhin imichidh na Caldéich uainn: oir cha 'n imich iad.

10 Oir ge do bhuailcadh sibh uile fheachd nan Caldéach, a'ta cogadh 'nur n-aghaidh, agus nach maireadh nam measg ach daoine leònta, gach aon na bhùth, dh'èireadh iad sin féin suas, agus loisgeadh iad a' chathair so le teine.

11 Agus tharladh an uair a dh'imich sluagh nan Caldéach air falbh o Ierusalem, air eagall sluagh Pharaoh.

12 Gu 'n d'imich an sin Jeremiah a mach a Ierusalem, a chum dol gu fearann Bheniamin, a dh'fhaotainn cuibhriann deth am measg an t-sluaigh.

13 Agus an uair a bha e 'n geata Bheniamin, bha ceannard an fhreiceadain an sin, d'am b'ainm Iriah, mac Shelemiah, mhic Hananiah; agus ghlac e Jeremiah am fàidh, ag ràdh, Tha thu dol thairis a chum nan Caldéach.

14 An sin thuirt Jeremiah, Cha 'n fhòir sin, Cha 'n eil mi dol thairis a chum nan Caldéach: ach cha d'èisd e ris: mar sin ghlac Iriah Jeremiah, agus thug e chum nan uachdaran e.

15 Agus bha corruich air na h-uachdaran aibh ri Jeremiah, agus bhuail iad e, agus chuir iad ann am prìosun e, ann an tigh Ionatain an sgrìobhuiche; oir rinn iad prìosun deth sin.

16 An uair a chaidh Jeremiah steach do'n phrìosun ìochdrach, agus do na slochdaibh, agus a bhunaich Jeremiah an sin mòran laithean:

17 An sin chuir Sedeciah an rìgh fios, agus thug e mach e; agus dh'fheòruich an rìgh dheth gu h-uaigneach na thigh, agus thubhairt e, Am bheil focal sam bith o 'n Tighearn? Agus thuirt Ieremiah, Tha: oir thubhairt e, Do làimh rìgh Bhabiloìn bheirear thairis thu.

18 Os-barr thuirt Ieremiah ri rìgh Sedeciah, Ciod an cron a rinn mise a'n ad aghaidh-sa, no 'n aghaidh do sheirbhiseach, no 'n aghaidh an t-sluaigh so, gu 'n do chuir sibh mi ann am prìosun?

19 C'àitam bheil a nis 'ur fàidhean a rinn fàisncachd dhuibh, ag ràdh, Cha d'thig rìgh Bhabiloìn 'n 'ur n-aghaidh, no 'n aghaidh an fhearainn so?

20 Ach èisd a nis, guidheam ort, a thighearn, mo rìgh; gabhar m' achuinge, guidheam ort, ann ad làthair; agus na d'thoir oru pilleadh gu tigh Ionatain an sgrìobhuiche, air eagal gu 'm faigh mi bàs an sin.

21 Agus dh'àithn an rìgh Sedeciah gu 'n cuireadh iad Ieremiah ann an cùirt a' phrìosuin, agus gu 'n d'thugadh iad dha gach latha cuibhrionn arain a sràid nam muineadairean, gus am biodh uile aran na cathrach air teireachduinn. Agus dh'fhan Ieremiah ann an cùirt a' phrìosuin.

CAIB. XXXVIII.

**A**N sin chuala Sephatiah mac Mhatain, agus Gedaliah mac Phasuir, agus Iucal mac Shelemiah, agus Pasur mac Mhalchiah, na briathran a labhair Ieremiah ris an t-sluaigh uile, ag ràdh,

2 Mar so deir an Tighearn, Esan a dh'fhanas anns a' chathair so bàsaichidh e leis a' chlaidheamh, leis a' ghort, agus leis a' phlàigh; ach esan a theid a mach a chum nan Caldéach, nairidh e beo; oir gheibh e 'anam mar chobhartach, agus nairidh e beo.

3 Mar so deir an Tighearn, Bheirear gu deimhin a' chathair so suas do làimh feachda rìgh Bhabiloìn, a ghlacas i.

4 Air an aobhar sin, thuirt na h-uachdaran ris an rìgh, Biodh an duine so, guidheam ort, air a chur gu bàs: oir mar so tha e lagachadh làmhnan an luchd-cogaidh, a ta fathas a làthair anns a' chathair so, agus làmhnan an t-sluaigh uile, le bhi labhairt a' leithide so do bhriathran riu: oir cha 'n eil an duine so 'g iarraidh leis an t-sluaigh so, ach an ainnheis.

5 An sin thuirt an rìgh Sedeciah, Feuch, tha e 'n 'ur làmh: oir cha 'n e 'n rìgh esan a dh'fheudas aon ni a chur 'nur n-aghaidh.

6 An sin ghlac iad Ieremiah, agus thilg iad e ann an slochd Mhalchiah, mhic Hamelech, a bha ann an cùirt a' phrìosuin; agus leig iad sìes Ieremiah le cordaibh. Agus anns an t-slochd cha robh uisge sam bith, ach clàbar: agus chaidh Ieremiah fuidhe anns a' chlàbar.

7 A nis an uair a chuala Ebed-melech, an t-Etiopach, aon do na caillteanaich a bha 'n tigh an rìgh, gu 'n do chuir iad Ieremiah san t-slochd, (agus an rìgh na shuidhe san àm sin ann an geata Bheniamin.)

8 Chaidh Ebed-melech a mach a tigh an

rìgh, agus labhair e ris an rìgh, ag ràdh,

9 Mo thighearn a rìgh, rinn ua daoine so gu h-òlc anns gach nì a rinn iad ri Ieremiah am fàidh, a thilg iad anns an t-slochd; oir gheibh e bàs le h-acras anns an àite sin, a chionn nach 'eil nì 's mò aran anns a' bhaile.

10 An sin dh'àithn an rìgh do Ebed-melech, an t-Etiopach, ag ràdh, Thoir leat as so deich fir fhlichead, agus thoir a nìos Ieremiah am fàidh as an t-slochd, mu 'm faigh e bàs.

11 Agus thug Ebed-melech leis na daoine, agus chaidh e steach do thigh an rìgh fo 'n tigh-thasgaidh, agus thug e as sin seann bhroineagan, agus seann lundeagan, agus leig e sìos iad gu Ieremiah do 'n t-slochd le cordaibh.

12 Agus thuirt Ebed-melech an t-Etiopach ri Ieremiah, Cuir a nis na seann luid-eagan, agus na broineagan so, fo d'asgailtean mu na cordaibh. Agus rinn Ieremiah mar sin.

13 Agus tharruing iad a nìos Ieremiah le cordaibh, agus thug iad a mach as an t-slochd e; agus dh'fhan Ieremiah ann an cùirt a' phrìosuinn.

14 An sin chuir an rìgh Sedeciah fios, agus thug e Ieremiah am fàidh d'a ionnsuidh gus an treas dol-a-steach a ta 'n tigh an Tighearna. Agus thuirt an rìgh ri Ieremiah, Feòruichidh mi nì àraidh dhìot; na ceil a' bheag orm.

15 Agus thuirt Ieremiah ri Sedeciah, Ma dh'innseas mi dhuit, nach dean thu gu cinnteach mo chur gu bàs? agus ma bheir mi comhairle ort, an èisd thu rium?

16 An sin mhionnaich an rìgh Sedeciah do Ieremiah os ìosal, ag ràdh, Mar as beo an Tighearna a rinn dhuinn an t-anam so, cha chuir mi gu bàs thu, nì mò bheir mi thairis thu do làimh na muinntir sin, a ta 'g iarruidh d'anama.

17 Agus thuirt Ieremiah ri Sedeciah, Mar so deir Iehobhabh, Dia nan sluagh, Dia Israeil, Ma théid thu gu deimhin thairis gu cinn-fheadhna rìgh Bhabiloin, an sin mairidh t-anam beo, agus cha loisgear a' chathair so le teine; ach mairidh tu beo, thu féin agus do theaghlach.

18 Ach mur d'théid thu mach gu cinn-fheadhna rìgh Bhabiloin, an sin bheirear a' chathair so do làimh nan Caldéach, agus loisgidh iad i le teine, agus cha d'théid thusa féin as o 'n làmhan.

19 Agus thuirt an rìgh Sedeciah ri Ieremiah, Thaeagal nan Iudhach orm, a theich a chum nan Caldéach, gu'n d'thoir iad thairis mi do'n làmhan, agus gu'n dean iad fanaid orm.

20 Ach thuirt Ieremiah, Cha d'thoir iad thairis thu; thoir géill, guidheam ort, do gluath an Tighearna, san nì ta mis'a labh-

airt riut: mar sin éiridh gu maith dhuit, agus mairidh t-anam beo.

21 Ach ma dhiùltas tu dol a mach, so an nì a thaisbein an Tighearna dhomhsa:

22 Eadhon, feuch, na h-uile mhnathan a ta air am fàgail ann an tigh rìgh Iudah, bheirear a mach gu cinn-fheadhna rìgh Bhabiloin, agus their iad, Bhrosnuich do chairdean thu, agus thug iad buaidh ort: chuir iad do chasan an sàs anns an làth-aich, agus phill iad air an ais.

23 Agus bheir iad a mach d' uile mhnanathan, agus do chlann a chum nan Caldéach, agus cha d'théid thu féin as o'n làmhan, ach glacar thu le làimh rìgh Bhabiloin, agus bidh tu coireach anns a' bhaile so bhi air a losgadh le teine.

24 An sin thuirt Sedeciah ri Ieremiah, Na biodh fios aig duine sam bith air na briathraibh so, agus cha 'n fhaigh thu bàs.

25 Ach ma chluinneas na h-uachdarain gu 'n do labhair mise riut, agus gu 'n d'thig iad do d'ionnsuidh, agus gu 'n abair iad riut, Innis duinn a nis ciod a thuirt thu ris an rìgh, na ceil e oirne, agus cha chuir sinn gu bàs thu; mar an ceudna ciod a thuirt an rìgh riutsa:

26 An sin their thu riu, Thaisbein mi m'achuinge ann an làthair an rìgh, nach d'thugadh e orm pilleadh gu tigh Ionatain, a dh'fhaotuinn bàis an sin.

27 Agus thàinig na h-uachdarain uile gu Ieremiah, agus dh'fhiosruich iad dheth, agus dh'innis e dhoibh do réir nan uile bhriathran so a dh'àithn an rìgh dha: mar sin sguir iad do labhairt ris, oir cha do mhothaicheadh a' chùis.

28 Mar sin dh'fhan Ieremiah ann an cùirt a' phrìosuinn, gus an là san do ghlacadh Ierusalem; agus bha e 'n sin an uair a ghlacadh Ierusalem.

#### CAIB. XXXIX.

**A**NN an naothamh bliadhna Shedeciah rìgh Iudah, anns an deicheamh mìos, thàinig Nebuchadnesar rìgh Bhabiloin, agus 'uile fheadhnan aghaidh Ierusalem, agus champaich iad m' a timchioll.

2 Ann an aon bhliadhna deug Shedeciah, anns a' cheathramh mìos, air an naothamh là do 'n mhìos, bha a' chathair air a briseadh suas.

3 Agus thàinig uile cinn-fheadhna rìgh Bhabiloin a steach, agus shuidh iad anns a' gheata sa' mheadhon; Nergal-sareser, Samgar-nebo, Sarsechim, Rabсарis, Nergal-sareser, Rabmag, leis a' chuid eile air iad do cheann-a-fheadhna rìgh Bhabiloin.

4 Agus tharladh, an tra chunnaic Sedeciah rìgh Iudah iad, agus na fir-chogaidh uile, gu 'n do theich iad, agus gu'n deachaidh iad a mach as a' chathair anns an



oidhche, air-slighe gàraidh an rìgh, trid a' gheataidh, eadar an dà bhalla; agus chaidh iad a mach air slighe a' chòmhnaird.

5 Ach lean feachd nan Caldèach air an tòir, agus rug iad air Sedeciah ann an còmhnardaibh Iericho; agus ghlac iad e, agus thug iad e gu Nebuchadnesar rìgh Bhabìlòin, aig Riblah, ann am fearann Hamait, far an d'thug e breth air.

6 An sin mharbh rìgh Bhabìlòin mic Shedeciah, ann an Riblah, fa chomhair a shùl: uile mhaithcan Iudah mar an ceudna mharbh rìgh Bhabìlòin.

7 Agus chuir e mach sùilean Shedeciah, agus cheangail e le slabhruidhean e, a chum a thoirt gu Babilon.

8 Agus loisg na Caldèich tigh an rìgh, agus tighean an t-sluaigh le teine, agus bhris iad sìos ballachan Ierusalem.

9 An sin thug Nebusar-adan ceannard an fhreiceadain leis, nam braighean gu Babilon, am fuighleach sluaigh a dh'fhan anns a' chathair, agus iadsan a theich thairis d'a ionnsuidh, leis a' chuid eile do'n t-sluaigh, a dh'fhan beo.

10 Ach cuid do bhochdaibh an t-sluaigh, aig nach robh ni sam bith, dh'fhàg Nebusar-adan, ceannard an fhreiceadain, ann am fearann Iudah, agus thug e dhoibh fion-lìosan agus machraichean anns an àm sin.

11 Agus thug Nebuchadnesar rìgh Bhabìlòin àithne nu thimcheill Ieremiah do Nebusar-adan ceannard an fhreiceadain, ag ràdh,

12 Thoir leat e, agus thoir aire mhaith dha, agus na dean cron sam bith air, ach dean ris amhuil mar a their e riut.

13 Mar sin chuir Nebusar-adan, ceannard an fhreiceadain, fios, agus Nebusaban, Rabсарis, agus Nergal-sareser, Rabmag, agus uile chinn-fheadhna rìgh Bhabìlòin:

14 Chuir eadhon iadsan fios, agus thug iad Ieremiah mach a cùirt a' phrìosuin, agus thug iad e do Gedaliah mac Ahicaim, mhic Shaphain, gu 'thoir dhachaidh: mar sin ghabh e còmhnuidh ann am measg an t-sluaigh.

15 Agus thàinig focal an Tighearna chum Ieremiah, 'nuair a bha e *fathas* air a dhruideadh suas ann an cùirt a' phrìosuin, ag ràdh,

16 Imich agus labhair ri Ebed-melch, an t-Etiopach, ag ràdh, Mar so deir Tighearn nam sluaigh, Dia Isracil, Feuch, bheir mise mo bhriathran air a' chathair so air son uile, agus cha'n ann air son maith; agus thig iad gu crìch ann ad fhianuis-sa anns an là sin.

17 Ach tearnaidh mi thusa san là sin, deir an Tighearn, agus cha d'thoir fear thairis thu do làmh na muinntir roimh am bheil eagal ort.

18 Oir tearnaidh mi thu, agus cha tuit

thu leis a' chlàidheamh, ach bidh t'anam mar chobhartach agad, a chionn gu 'n do chuir thu do dhòchas annam-sa, deir an Tighearn.

C A I B. XL.

A M focal a thàinig a chum Ieremiah o'n Tighearn, an dèigh do Nebusar-adan ceannard an fhreiceadain a lèigeadh as o Ramah, an uair a thugadh e d'a ionnsuidh, agus e ceangailte le slabhruidhean am measg na muinntir sin uile, a thugadh air falbh nam braighean o Ierusalem, agus o Iudah, a thugadh ann am braigheanas gu Babilon.

2 Agus ghabh ceannard an fhreiceadain Ieremiah, agus thuirt e ris, Labhair an Tighearn do Dhia-sa an t-olc so an aghaidh an àite so.

3 A nis thug an Tighearn gu crìch e, agus rinn e mar a labhair e: a chionn gu 'n do pheacaich sibh an aghaidh an Tighearna, agus nach d'thug sibh géill d'a ghuth, air an aobhar sin tha 'n t-olc so air teachd oirbh.

4 Agus a nis feuch, tha'mise 'g ad fhuasgladh an diugh o na slabhruidhean, a bha air do làmhnan: ma chì thu ceart teachd leamsa gu Babilon, thig; agus bheir mi aire mhaith dhuit: ach mur faic thu ceart teachd leamsa gu Babilon, fan: feuch, tha am fearann gu h-ionmhan fa d' chomhair: far am faicear ceart agus iomchuidh dhuit dol, theirig' ann; agus ciod air bith tuille cha chumar air ais e.

5 Falbh uime sin air d'ais gu Gedaliah, mac Ahicaim, mhic Shaphain, a rinn rìgh Bhabìlòin na uachdaran os cionn bhailtean Iudah, agus gabh còmhnuidh leis, am measg an t-sluaigh: no falbh e àit air bith am faic thu iomchuidh dol. Mar sin thug ceannard an fhreiceadain biadh agus duais da, agus leig e dha imeachd.

6 An sin chaidh Ieremiah gu Gedaliah mac Ahicaim, gu Mispah, agus ghabh e còmhnuidh leis, am measg an t-sluaigh a dh'fhàgadh, anns an fhearann.

7 A nis an uair a chuala uile cheannardan an fheachd, a bha 's na machraichibh, iad féin agus an daoine, gu 'n d'rinn rìgh Bhabìlòin Gedaliah, mac Ahicaim, na uachdaran anns an fhearann, agus gu'n d'earb e ris fir, agus mnathan, agus clann, eadhon cuid do bhochdaibh an fhearainn, dhiubhsan nach d'thugadh air falbh ann am brùid gu Babilon;

8 An sin thàinig iad gu Gedaliah gu Mispah, eadhon Ismael mac Netaniah, agus Iohanan, agus Ionatan, mic Chareah, agus Seraiah mac Thanhumcith, agus mic Ephai an Netophach, agus Iesaniah mac Maachataich, iad féin agus an daoine.

9 Agus mlionnaich Gedaliah, mac Ahicaim, mhic Shaphain, dhoibhsan, agus do'n

daoine, ag ràdh, Na biodh eagal oirbh géill a thoirt do na Caldéich; gabhaibh còmh-nuidh anns an tìr, agus thugaibh géill do rìgh Bhabiloìn, agus éiridh gu maith dhuibh.

10 Air mo shon-sa, feuch, nì mi còmh-nuidh ann am Mispah, a fhrithealadh do na Caldéich a thig d'ar n-ionnsuidh; ach sibhse, tionailibh fion, agus meas samhraidh, agus oladh, agus cuiribh iad 'n ur soithichibh, agus deanaibh còmh-nuidh 'n ur bailtibh air an d'rinn sibh greim.

11 Air an dòigh cheudna 'nuair a chuala na h-uile Iudhaich a bha ann am Moab, agus am measg nan Amonach, agus ann an Edom, agus a bha anns na h-uile dhùchannaibh, gu 'n d'fhàg rìgh Bhabiloìn fuigheall do Iudah, agus gu 'n do chuir e os an cienn Gedaliah mac Ahicaim, mhic Shaphain;

12 An sin phill na h-uile Iudhaich as na h-uile àite gus an robh iad air am fògradh, agus thàinig iad gu tìr Iudah, gu Gedaliah, do Mhisphah, agus thionail iad fion, agus meas samhraidh, gu ro phàilt.

13 Agus thàinig Iohanan mac Chareah, agus uile Cheannardan an fheachd, a bha 'sna machraichibh, gu Gedaliah do Mhisphah;

14 Agus thuirt iad ris, Am bheil fios agad gu cinnteach gu'n do chuir Baalis rìgh nan Amonach Ismael mac Netaniah chum do mharbhadh? Ach, cha do chreid Gedaliah, mac Ahicaim, iad.

15 An sin labhair Iohanan mac Chareah ri Gedaliah ann am Mispah gu h-uaigneach, ag ràdh, Leig dhomhsa dol, guidheam ort, agus marbhaidh mi Ismael mac Netaniah, agus cha bhì fios aig duine sam bith air: c' uim' am marbhadh e thusa, agus gu 'm biodh na h-uile Iudhaich, a ta air an crìnnneachadh do d' ionnsuidh, air an sgapadh, agus gu 'm bàsaicheadh na tha mairionn do Iudah?

16 Ach thuirt Gedaliah, mac Ahicaim, ri Iohanan mac Chareah, Cha dean thu an nì so, oir is breug a tha thu labhairt do thaobh Ismael.

## CAIB. XLI.

**A**NIS tharladh air an t-seachdamh mìos, gu 'n d' thàinig Ismael mac Netaniah, mhic Elisama, do 'n t-sìol rioghail, agus maithéan an rìgh, eadhon deich fir, maille ris, gu Gedaliah mac Ahicaim do Mhisphah, agus an sin dh'ith iad aran le chéile ann am Mispah.

2 An sin dh'èirich Ismael mac Netaniah, agus na deich fir a bha maille ris, agus bhuail iad Gedaliah mac Ahicaim, mhic Shaphain, leis a' chlàidheamh, agus mharbh iad e, esan a chuir rìgh Bhabiloìn na uachdaran os cionn an fhearainn.

3 Mharbh Ismael mar an ceudna na h-Iudhaich uile bha maille ris, maille ri

Gedaliah ann am Mispah, agus na Caldéich a fhuairleadh an sin, na fir-chogaidh.

4 Agus tharladh air an dara là, an déigh dha Gedaliah a mharbhadh, agus gun fhios aig duine sam bith air;

5 Gu 'n d' thàinig daoine àraidh o Shechem, o Shiloh, agus o Shamaria, ceithir fichead fear, aig an robh am feusagan air am bearradh, an eudaichean air an srachdadh, agus iad fèin gearrta, le tabhartasaibh agus tuis nan làmh, gu 'n toirt gu tigh an Tighcarna.

6 Agus chaidh Ismael mac Netaniah mach o Mhisphah nan còdhail, a' gul fad na slighe: agus tharladh an uair a choinnich e iad, gu 'n d' thubhairt e riu, Thigibh gu Gedaliah mac Ahicaim.

7 Agus tharladh an uair a thàinig iad gu meadhon a' bhaile, gu 'n do mharbh Ismael mac Netaniah iad, agus thilg e iad ann an meadhon an t-sluichd, e fèin agus na daoine bha leis.

8 Ach fhuairleadh nam measg deichnear fhear a thubhairt ri Ismael, Na marbhsinne: oir tha ionmhasan againn sa' mhachair, do chruineachd, agus do eorna, agus do oladh, agus do mhill. Mar sin sguir e, agus cha do mharbh e iad am measg am bràithrean.

9 A nis b'e 'n slochd anns an do thilg Ismael uile chorp marbha nan daoine a mharbh e air son Ghedaliah, an slochd sin a rinn Asa an rìgh air eagal Bhaasa rìgh Israeil; lìon Ismael mac Netaniah e leo-san a mharbhadh.

10 An sin thug Ismael leis ann am bruid na h-uile bha làthair do 'n t-sluagh, a bh'ann am Mispah, eadhon nigheana an rìgh, agus an sluagh uile a dh'fhan ann am Mispah, a thug Nebusar-adan ceannard an fhreiceadain do Ghedaliah mac Ahicaim; thug cadhonn Ismael mac Netaniah leis ann am bruid iad, agus dh'imich e gu dol thairis a chum nan Amonach.

11 Ach an uair a chuala Iohanan mac Chareah, agus uile cheannardan an fheachd, a bha maille ris, an t-olc ud a rinn Ismael mac Netaniah,

12 An sin thug iad leo na daoine air fad, agus chaidh iad a chogadh ri Ismael mac Netaniah, agus fhuair iad e aig na h-uisgeachaibh mòra, a ta an Gibeon.

13 A nis tharladh an uair a chunnaic an sluagh sin uile bha le Ismael Iohanan mac Chareah, agus uile cheannardan an fheachd a bha maille ris, gu 'n robh iad an sin aobhncach.

14 Agus thionndaidh an sluagh uile, a thug Ismael air falbh ann am bruid o Mhisphah, mu 'n cuairt, agus phill iad, agus chaidh iad gu Iohanan mac Chareah.

15 Ach chaidh Ismael mac Netaniah as

<sup>1</sup> ag imeachd agus a' gul. Eabh.



o Iohanan le ochdnar fhear, agus chaidh e chum nan Amonach.

16 An sin ghabh Iohanan mac Chareah, agus uile cheannardan an fheachd a bha leis, uile iarmad an t-sluaigh a bhàin e o Ismael mac Netaniah, o Mhispah, (an déigh dha Gedaliah mac Ahicain a mharbhadh,) gaisgich, fir-chogaidh, agus mnathan, agus clann, agus cailteanaich, a thug e air an ais o Ghibeon:

17 Agus dh'imich iad, agus ghabh iad còmhnuidh ann an aitreabh Chimhaim, a ta làimh ri Betlehem, a chum falbh gu dol a steach do 'n Eiphit, a fianuis nan Caldeach:

18 Oir bha eagal orra roimpe, a chionn gu 'n do mharbh Ismael mac Netaniah Gedaliah mac Ahicain, a rinn rìgh Bhabiloìn na uachdaran anns an fhearann.

C A I B. XLII.

**A**N sin thàinig am 'fagus uile cheannardan an fheachd, agus Iohanan mac Chareah, agus Iesaniah mac Hosaiah, agus an sluagh gu h-ìomlan, o'n bheag gus a' mhòr;

2 Agus thubhairt iad ri Ieremiah am fàidh, Biodh ar n-achuinge, guidheamaid ort, taitneach ann ad làthair, agus dean urnuigh air ar son ris an Tighearn do Dhia, eadhon air son an iarmaid so uile, (oir cha d' fhàgadh dhinn ach beagan do mhòran, mar a tha do shùilean 'gar faicinn,)

3 Gu seòladh an Tighearn do Dhia dhuinn an t-slighe anns an gluais sinn, agus an ni a tha sinn ri dheanamh.

4 Agus thuir Ieremiah am fàidh riu, Chuala mi; feuch, ni mise urnuigh ris an Tighearn bhur Dia do réir 'ur briathran; agus tarlaidh, ge b'e freagradh a bheir an Tighearn dhuibh, gu 'n innis mise dhuibh e: cha chum mi ni sam bith air ais uaibh.

5 Agus thubhairt iad ri Ieremiah, Biodh an Tighearn na fhianuis fhìor agus dhileas eadarunn, mur dean sinne gach ni air son an cuir an Tighearn do Dhia do 'r n-ionnsuidh thu.

6 Ma 's maith no ma 's olc e, bheir sinn géill do ghuth an Tighearna ar Dia, gus am bheil sinn 'gad chur; a chum as gu 'n éirich gu maith dhuinn an uair a bhios sinn umhal do ghuth an Tighearna ar Dia.

7 Agus tharladh an ceann dheich laithean, gu 'n d'thàinig guth an Tighearna do Ieremiah.

8 An singhairm e Iohanan mac Chareah, agus uile cheannardan an fheachd a bha maille ris, agus an sluagh uile, o'n bheag gus a' mhòr,

9 Agus thuir e riu, Mar so deir an Tighearn Dia Israeil, gus an do chuir sibh mise chum 'ur n-achuinge a chur suas na làthair;

10 Ma dh'fhanas sibh an còmhnuidh

anns an tìr so, an sin togaidh mise sibh, agus cha tilg mi sìos; agus suidhichidh mi sibh, agus cha spion mi nìos: oir is aithreach leam an t-olc a rinn mi oirbh.

11 Na biodh eagal rìgh Bhabiloìn oirbh, as am bheil sibh a' gabhail eagal: na biodh eagal oirbh roimhe, deir an Tighearn; oir tha mise leibh gu 'r tearnadh, agus gu 'r saoradh as a làimh.

12 Agus nochdaidh mi tròcairean duibh, agus gabhaidh esan truas dibh, agus suidhichidh e sibh 'nur dùthaich féin.

13 Ach ma their sibh, Cha ghabh sinn còmhnuidh anns an fhearann so; air chor as nach d'thoir sibh géill do ghuth an Tighearna bhur Dia,

14 Ag ràdh, Ni h-eadh; ach théid sinn do thìr na h-Eiphit, far nach faic sinn cogadh sam bith, ni mò chluinneas sinn fuaim na trompaide, no bhios easbhuidh arain oirnn; agus an sin gabhaidh sinn còmhnuidh:

15 (Seadh a nis uime sin, éisdibh focal an Tighearna, O iarmaid Iudah, Mar so deir Tighearn nan sluagh, Dia Israeil, Ma chuireas sibh do rìradh 'ur n-aghaidh ri dol do 'n Eiphit, agus gu 'n d'théid sibh an sin air chuairt;)

16 An sin tarlaidh gu 'n dean an claidheamh, roimh am bheil eagal oirbh, 'u glacadh an sin ann an tìr na h-Eiphit; agus a' ghort, roimh am bheil eagal oirbh, dlù-leanaidh air 'ur tòir an sin anns an Eiphit; agus an sin gheibh sibh bàs.

17 Is amhluidh a thachairas do na h-uile dhaoin' a chuireas an aghaidh ri dol do'n Eiphit gu fantuinn air chuairt an sin; bàsaichidh iad leis a' chlaideamh, leis a' ghort, agus leis a' phlàigh: agus cha bhiaon a mhaireas, no théid as o'n olc, a bheir mis' orra.

18 Oir mar so deir Tighearn nan sluagh, Dia Israeil, Mar a bha m'fhearg agus mo chorruich air a dòrtadh a mach air luchd-àiteachaidh Ierusalem, is amhluidh bhios mo chorruich air a dòrtadh a mach oirbhe 'n tra théid sibh a steach do'n Eiphit: agus bithidh sibh 'n'ur mallachadh, agus 'n'ur n-uamhas, agus 'n'ur mallachd, agus 'n'ur masladh; agus cha'n fhaic sibh an t-àite so ni 's mò.

19 Is e focal an Tighearna do'r taobh-sa, O fhuigheall Iudah, Na rachaibh do'n Eiphit: biodh fios cinnteach agaibh gu 'n d'thug mise rabhadh dhuibh an diugh.

20 Gu deimhin chuir sibh an gnìomh cealg an aghaidh 'ur n-anama féin: oir chuir sibh mise chum an Tighearna bhur Dia, ag ràdh, Guidh air ar son-ne ris an Tighearn ar Dia, agus do réir gach ni a their an Tighearn ar Dia, mar sin innis duinn, agus ni sinne.

21 Agus dh'innis mise dhuibh air an là an diugh, ach cha d'thug sibhse géill do ghuth an Tighearna bhur Dia, no do aoz

ni air son an do chuir e mise do'r n-ionnsuidh.

22 Air an aobhar sin biodh dearbhbh fhios agaibh gu'm bàsaich sibh leis a' chlàidheamh, agus leis a' ghort, agus leis a' phlàigh, anns an àite gus an àill leith sibhal gu fantuinn air chuairt.

## CAIB. XLIII.

**A**GUS tharladh, tra sguir Ieremiah do labhairt ris an iomlan do'n t-sluagh uile bhriathran an Tighearna an Dia, air son an do chuir an Tighearn an Dia esan d'an ionnsuidh, eadhon nan uile bhriathra so;

2 Gu 'n do labhair Asariah mac Iosaiiah, agus Iohanan mac Chareah, agus na daoine uaibhreac uile, ag ràdh ri Ieremiah, Is breug a tha thu labhairt: cha do chuir an Tighearn ar Dia thu gu ràdh, Na rachaibh do'n Eiphit a dh'fhantuinn air chuairt an sin.

3 Ach tha Baruch mac Neriah 'gad bhrosnachadh 'nar n-aghaidh, a chum ar toirt suas do làimh nan Caldèach, a chum ar marbhadh, no ar toirt air falbh nar braighean gu Babilon.

4 Mar so cha d'fhug Iohanan mac Chareah, agus uile cheannardan an fheachd, agus an sluagh uile, géill do ghuth an Tighearna, gu còmhnuidh ghabhail ann an tìr Iudah.

5 Ach ghabh Iohanan mac Chareah, agus uile cheannardan an fheachd, a' mheud as a bha lùthair do Iudah, a phill o na h-uile chinneach gus an robh iad air an fògradh, gu còmhnuidh ghabhail ann an tìr Iudah;

6 Na fir, agus na mnathan, agus a' chlann, agus nigheanan an rìgh, agus gach neach a dh'fhàg Nebusaradan ceannard an fhreic-eadain le Gedaliah mac Ahicaim mhic Shaphain, agus Ieremiah am fàidh, agus Baruch mac Neriah;

7 Agus dh'imich iad gu tìr na h-Eiphit; oir cha d'fhug iad géill do ghuth an Tighearna; agus thàinig iad eadhon gu Tahpanes.

8 An sin thàinig focal an Tighearna gu Ieremiah ann an Tahpanes, ag ràdh,

9 Gabh ann ad làimh clachan mòra, agus folaich iad anns a' chreadh, ann an àth nan clacha-creadha, a ta aig dol a steach tighe Pharaoin, ann an Tahpanes, ann an sealladh fheara Iudah.

10 Agus abair riu, Mar so deir Tighearn nan sluagh, Dia Israeil; Fuch, euitidh mise fios, agus gabhaidh mi Nebuchadnesar, rìgh Babiloin, mo sheirbhiseach, agus suidhichidh mi a rìgh-chaitheir air na clachaibh so, a dh'fholaich mi, agus sgaoilidh e a phaillion rioghail tharta.

11 Agus thig e, agus buailidh e tìr na h-Eiphit, iadsan a ta chum bàis, le bàs; agus iadsan a ta chum daorsa, le daorsa; agus iadsan a ta chum a' chlàidheamh, leis a' chlàidheamh.

12 Agus fadaidh mise teine ann an tighibh dhèe na h-Eiphit; agus loisgidh esan iad, agus bheir e air falbh nam braighean iad, agus éididh se e fèin le tìr na h-Eiphit, mar a dh'èideas buachaill e fèin le 'thruscan; agus théid e mach as sin ann an sìth.

13 Brisidh e fòs dealbhan tighe na grèine a ta an tìr na h-Eiphit, agus tighean dèe na h-Eiphit loisgidh e le teine.

## CAIB. XLIV.

**A**M focal a thàinig gu Ieremiah mu thimchioll nan uile Iudhaich a ta còmhnuidh ann am fearann na h-Eiphit, a ta còmhnuidh aig Migdol, agus aig Tahpanes, agus aig Noph, agus ann an dùthaich Phatroids, ag ràdh,

2 Mar so deir Tighearn nan sluagh, Dia Israeil, chunnaic sibh an t-uile ole a thug mise air Ierusalem agus air uile bhailtibh Iudah; oir feuch an diugh tha iad nar fàsach, agus cha'n 'eil neach 'gam ?' a' cacadh.

3 Air son an aingidheachd a chui an gnìomh, a chum mis a' bhrosnachadh gu feirg, le iad a dhol a losgadh tìr, se, gu seirbhìs a thoirt do dhéibh eile, na' a b' aithne dhoibh: dhoibhsan, dhuibhse, do do 'ur n-aithricheibh.

4 Chuir mi mar an ceudna d' o'r n-ionnsuidh m'uile sheirbhiseich na fàidhean, ag éirigh gu moch agus 'gan cur a mach, ag ràdh, Guidheam oirbh, na 'deanaibh an nì gràineil so as fuathach leam.

5 Ach eha d'èisd iad, nì mò thionndaidh iad an cluas, gu pilleadh o'n aingidheachd, agus gun 'dèis a losgadh do dhéibh eile.

6 Uime sin bha m'f'hearg agus mo chorruich air a taomadh ? mach, agus air lasadh ann am bailtibh Iudah, agus ann an sràidibh Ierusalem, agus tha iad nam fàsach, agus nan làraich sgaoilte, mar air an là an diugh.

7 Agus a nis mar so deir Iehobhab Dia nan sluagh, Dia Israeil; C'uim' am bheil sibh a' cur an gnìomh an uile mhòir so an aghaidh 'ur n-anama fèin, a ghearradh as uaibh an fhir agus na mnà, an leinibh agus an naoidhean, a mach a Iudah; ionnus nach fàgar fuighcall beo dhibh;

8 Agus gu bheil sibh 'gam bhrosnachadh-sa gu corruich le oiribh 'ur làmh, a' losgadh tùise do dhéibh coimheach ann an tìr na h-Eiphit gus am bheil sibh air dol a ghabhail còmhnuidh; a chum gu 'm biodh sibh air 'ur gearradh as, agus gu 'm biodh sibh 'nur mallachadh, agus 'nur masladh am measg uile chinncacha na talmhainn?

9 An do dhi-chuimhnich sibh aingidheachd bbur n-aithrichean, agus aingidheachd rìghrean Iudah, agus aingidheachd am mnathan, agus 'ur n-aingidheachd fèin, agus aingidheachd 'ur ban, a chuir iad an



gràomh ann am fearann Iudah, agus ann an sràidibh Ierusalem?

10 Cha 'n 'eil iad air an irisleadhadh gus an là an diugh, ni mò ghabh iad eagal, no ghluais iad ann am laghasa, no ann am reachdaibh, a chuir mi roimhibhse, agus roimh 'ur n-aithrichibh

11 Uime sin mar so deir Tighearn nan sluagh, Dia Israeil, Feuch, cuiridh mise moghnùis 'nur n-aghaidha chum uile, eadhon a ehum Iudah uile a ghearradh air falbh.

12 Agus gabhaidh mi fuigheall Iudah, a chuir an aghaidh ridol do thìr na h-Eiphit gu fantuinn air ehuairt an sin, agus caithhear iad uile ann an tìr na h-Eiphit; tuitidh iad leis a' chlaidheamh, caithhear iad leis a' ghort; o'n bheag gus a' mhòr, bàsaichidh iad leis a' ehlaidheamh, agus leis a' ghort; agus bidh iad nam mallachadh, agus nan uamhas, agus nam mallachd, agus nam smachdadh.

13 Agus smachdaichidh mi iadsan, a ta chòmhnuidh ann an tìr na h-Eiphit, mar a smachdaich mi Ierusalem, leis a' ehlaidheamh, leis a' ghort, agus leis a' phlàigh.

14 Agus do fhuigheall Iudah, a ta air teachd air chuairt do 'n Eiphit, eha bhi neach a' theid as, no mhaireas beo, gu pilleadh do thìr Iudah, gus am bheil iad an geall air pilleadh a ghabhail còmhnuidh; seadh, cha phill ach iadsan a' theid as.

15 An sin na h-uile dhaoine aig an robh fios gu 'n do' loig am mnathan tùis do dhéibh eile, agus na h-uile mhnathan a sheas dlù, sluagh mòr, eadhon an t-uile shluagh a bha còmhnuidh ann an tìr na h-Eiphit, ann am Patros, fhreagair iad Ieremiah, ag ràdh,

16 Do thaobh an fhocail a labhair thu ruinn ann an ainm an Tighearna, cha'n éisd sinn riut.

17 Ach ni sinn gu deimhin gach uile ni a thig a mach as ar beul féin, a losgadh tùise do bhan-righinn nèimhe, agus a thaomadh a mach thabhartasa-dibhe dh'i; amhuil a rinn sinn, sinn féin agus ar n-aithrichean, ar righrean, agus ar n-uaislean, ann am bailtibh Iudah, agus ann an sràidibh Ierusalem; oir an sin bha pailteas bidh againn, agus shoirbhich leinn, agus cha'n fhaca sinn ole air bith.

18 Ach o 'n àm an do sguir sinn do losgadh tùise do bhan-righinn nèimhe, agus do thaomadh a mach thabhartasa-dibhe dh'i, bha easbhuidh nan uile nithe oirn, agus bha sinn air ar caitheamh leis a' chlaidheamh agus leis a' ghort.

19 Agus an uair a loig sinn tùis do bhan-righinn nèimhe, agus a dhòirt sinn a mach thabhartasa-dibhe dh'i, an d'rinn sinn breacagan dh'i d'a h-aoradh, agus a dhòrtadh thabhartasa-dibhe dh'i, as eagmhais ar feara?

20 An sin labhair Ieremiah ris an uile

shluagh, ris na fearaibh, agus ris na mnaibh, agus ris an uile shluagh, a thug dha freagradh, ag ràdh,

21 An tùis a loig sibh ann am bailtibh Iudah, agus ann an sràidibh Ierusalem, sibh féin, agus 'ur n-aithrichean, ur righrean, agus 'ur n-uachdarain, agus sluagh an fhearainn, nach do cheimhnich an Tighearn iad, agus nach d'fhàinig iad na aire?

22 Air chor as nach feudadh an Tighearn giùlan leibh ni b'fhaide, air son aingidheachd 'ur deanadais, air son nan gràinealachdan a chuir sibh an gnòmh: air an aobhar sin tha 'ur fearann na fhàsach, agus na uamhas, agus na mhallachd, gu aon fhear-àiteachaidh, mar air an là an diugh.

23 A chionn gu 'n do loig sibh tùis, agus a chionn gu 'n do phcacaich sibh an aghaidh an Tighearna, agus nach d'fhuig sibh géill do ghuth an Tighearna, ni mò ghluais sibh na lagh, no na reachdaibh, no na àiteantaibh: air an aobhar sin tha'n t-olc so air teachd oirbh, mar air an là an diugh.

24 Os-barr, thuirt Ieremiah ris an t-sluagh uile, agus ris na mnaibh uile, Eisdibh focal an Tighearna, uile Iudah a ta an tìr na h-Eiphit.

25 Mar so labhair Tighearn nan sluagh, Dia Israeil, ag ràdh, Labhair sibh féin agus 'ur mnathan le'r beoil, agus chuir sibh an gnòmh le'r làmhnan, ag ràdh, Coimhlionaidh sinn gu deimhin ar bòidean a thug sinn, gu tùis a losgadh do bhan-righinn nèimhe, agus tabhartasa-dibhe dhòrtadh a mach dh'i: ni sibh gu deimhin 'ur bòidean a dhaingneachadh, agus ni sibh gu deimhin 'ur bòidean a choimhlionadh.

26 Uime sin éisdibh focal an Tighearna, uile Iudah, ta còmhnuidh ann an tìr na h-Eiphit; Feuch, mhinuich mise air m'ainm mòr, deir an Tighearn, nach bi m'ainm ni 's mò air ainmeachadh ann am beul duin' air bith do Iudah, ann an uile thìr na h-Eiphit, ag ràdh, Mar as beo an Tighearn Dia.

27 Feuch, ni mise faire os an cionn air son uile, agus cha'n ann air son maith, agus sgriosar gach duine do Iudah a ta 'n tìr na h-Eiphit, leis a' chlaidheamh, agus leis a' ghort, gus am bi làn-chrìoch orra.

28 Agus a' mhuinntir a theid as o'n chlaidheamh, pillidh iad o thìr na h-Eiphit gu tìr Iudah, teare ann an àireamh: agus aithnichidh uile fhuigheall Iudah a chaidh air ehuairt do thìr na h-Eiphit, eò am focal a sheasas, m'fhocal-sa, no am focal-san.

29 Agus bidh so mar eomhara dhuibh, deir an Tighearn, gur mis a smachduich sibh anns an àite sin, a ehum gu'n aithnich sibh gu cinnteach gu seas mo

bhriathran-sa 'nur n-aghaidh a chum 'ur dochainn.

SO Mar so deir an Tighearn. Feuch, bheir mise Pharaoh-hopra rìgh na h-Eiphit do làimh a naimhdean, agus do làimh na muinntir a ta 'g iarruidh 'anama; mar a thug mi Sedeciah rìgh Iudah do làimh Nebuchadnesair, rìgh Bhabiloiu, agus fear-tòrachd 'anama.

## CAIB. XLV.

**A**M focal a labhair Ieremiah am fàidh ri Baruch mac Neriah, 'nuair a sgrìobh e na briathran so ann an leabhar o bheul Ieremiah, ann an ceathranh bliadhna Iehoiacim mhic Iosiah rìgh Iudah, ag ràdh,

2 Mar so labhair an Tighearn Dia Israèil do d' thaobh-sa, O Bharuich;

3 Thubhairt thu, Mo thruaighe mise nis! oir chuir an Tighearn bròn ri m' dhoilghios; tha mi sgìth le m' osnaibh, agus fois air bith cha d' fhuair mi!

4 Mar so their thu ris, Mar so thubhairt an Tighearn, Feuch, an ni sin a thog mi, tilgidh mi sìos; agus an ni sin a shuidhich mi spìoudh mi nìos; eadhon am fearann so gu h-ìomlan.

5 Agus am bheil thus' ag iarruidh air do shon féin nithe mòra? Na h-iarr: oir, feuch, bheir mise olc air na h-uile fheoil, deir an Tighearn: ach bheir mi dhuitse d'anam mar chobharrach, anns na h-uile àite gus an d'théid thu.

## CAIB. XLVI.

**F**OCAL an Tighearna a thàinig gu Ieremiah am fàidh, mu thimchioll nan cinneach.

2 Mu thimchioll na h-Eiphit. Do thaobh feachda Pharaoh-necho, rìgh na h-Eiphit, a bha ri taobh na h-aithne Euphrateis ann an Carchemis, a bhuail Nebuchadnesair rìgh Bhabiloin, ann an ceathramh bliadhna Iehoiacim, mhic Iosiah, rìgh Iudah.

3 Glusaibh an targaid agus an sgiath, agus dlùthaichibh a chum a' chatha.

4 Uighimichibh na h-eich, agus rach-aibh air am muin, a mharc-shluagh; agus seasaidh a mach le ceannbheartaibh; lìomhaibh na sleaghan, cuiribh oirbh na lùirichean.

5 C'uin' am faca mi iad so fo gheilt, agus a gabhail na ruai-e? tha eadhon an daoine cumhachdach air an claidh; seadh a' teicheadh gu luath, agus gun iad a' sealltuinn nan déigh. Tha eagal air gach làimh, deir an Tighearn.

6 Na teicheadh am fear luath, agus na rachadh am fear làidir as; a làimh na h-àirde tuath, ri taobh na h-aithne Euphrateis, thuislich, agus fhuair iad leagadh.

7 Cò so teachd a nìos mar abhainn,

agus a h-uisgeachan ag atadh mar thuiltean?

8 Dh'éirich an Eiphit mar abhainn, tha a h-uisgeachan ag atadh mar thuiltean, agus tha i 'g ràdh, Théid mi suas, còmhdaichidh mi am fearann, sgriosaidh mi a' chathair agus iadsan, a ta 'ga h-àiteachadh.

9 Rachaidh air 'ur n-cachaibh, agus bithibh air mhìre-chatha; air na carbad-aibh, agus rachadh na fir-chogaidh a mach: na h-Etiopaich, agus na Libianaich, a ghlacas an sgiath, agus na Lidianaich, a ghlacas agus a chuireas air lagh am bogha.

10 Oir is e so là Tighearna nan sluagh, là dioghaltais, a chum e féin a dhioladh air a naimhidh: agus sluidh an claidheamh, agus bidh e sathach, agus cuirear air mhisg e le 'm fuil: oir tha iobairt aig Tighearn nan sluagh anns an tìr mu thuath, làimh ri abhainn Euphrateis.

11 Theirig suas gu Gilead, agus gabh ioc-shlaint, O òg-bhean, a nighean na h-Eiphit; is dìomhain duit mòran chun-gaidhean leigheis a gnàthachadh: air do leigheas cha bhi thu.

12 Chuala na cinuich do mhasladh, agus lìon do ghaoir an talamh: oir thuislich iad, an laoch an aghaidh an laoch; thuit iad araon le chéile.

13 Am focal a labhair an Tighearn ri Ieremiah am fàidh, mu theachd Nebuchadnesair rìgh Bhabiloin, a bhuail iad na h-Eiphit.

14 Foillsichibh anns an Eiphit, agus cuiribh an céill ann am Migdol; innsibh fòs ann an Noph, agus ann an Tahpanes abraibh; Seas daingean, agus deasaidh thu féin; oir shluig an claidheamh a' mhuinntir a ta mu 'n cuairt duit.

15 C'uin' am bheil do chumbachdaich air an leagail? cha do sheas iad, a chionn gu 'n do thilg an Tighearn sìos iad.

16 Thug e air mòrau tuisleachadh, seadh tuiteam air muin a' chéile<sup>2</sup>: thubhairt iad uime sin, Thigibh, agus pilleamaid gu 'r sluagh féin, agus gu tìr ar dùchais, o chladheamh a' mhillteir.

17 Dà'éigh iad an sin, O Pharaoh, a rìgh na h-Eiphit, chuir ioma-luasgadh air a' choinneamh a shuidhicheadh.

18 Mar is beo mise, deir an Rìgh, d'an ainm Iehobhah Dia nan sluagh, gu deimhin mar Thahor am measg nam beann, agus mar Charnel ri taobh na làirge, thig e.

19 Cuir d' airneis an uighcam air son dol air ghluasad, O a nighean, a ta chòmhluaidh san Eiphit: oir bidh Noph na fhàsach, bidh e fòs na làraiche sgaoilte, gun aon 'ga àiteachadh.

20 Is agh aig am bheil aogus àluinn an Eiphit; tha milleadh o 'n àirde tuath a' teachd na h-aghaidh.

<sup>1</sup> a bha 'g iarruidh.

<sup>2</sup> cach a chéile.



21 Tha a fir-thuarasdaill fòs na meadhon mar dhainbh bhìadhta; gidgeadh thionndaidh eadhon iadsan an cùlaobh, theich iad le chèile, cha do sheas iad; a chionn gu 'n d' thàinig orra là an aimhleis, aim'sir an smachdachaidh.

22 Thèid a guth a mach mar *ghuth* nathrach; oir ghluaisidh iad mar armait, agus thig iad na h-aghaidh le tuaghaibh, mar luchd-gearradh chraobh.

23 Gearraibh sìos a coillteach, deir an Tighearn, air chor as nach bi i r'a foatainn le iarruidh; ge lìonmhoire iad nà locuist, agus ge nach feudar an àireamh.

24 Tha aubhladh aig nighinn na h-Eiphit; thugadh thairis i do làimh sluaigh na h-àirde tuath.

25 Thubhairt Tighearn nan sluagh, Dia Israeil, Feuch, smachdaichidh mise Amon, No, agus Pharaoh, agus an Eiphit, agus a dée, agus a rìghrean; eadhon Pharaoh agus iad-san a ta cur an dòchais ann.

26 Agus bheir mi thairis iad do làimh na muinntir a ta 'g iarruidh an anama, eadhon do làimh Nebuchadnesair, rìgh Babiloin, agus do làimh a sheirbbiseach: agus na dhèigh sin àitichear i, mar anns na laithibh o shean, deir an Tighearn.

27 Ach na biodh eagal ortsa, O Iacoib, m' òglaich, agus na biodh geilt ort, O Israeil; oir, feuch, bheir mise tèaruint thu o chéin, agus do shliochd o thir an daorsa; agus pillidh Jacob, agus gheibh e fois agus sìth; agus cha bhi aon neach ann a chur eagal air.

28 Na biodh eagal ort, O Iacoib m' òglaich, deir an Tighearn, oir tha mise maille riut; ged' bheir mi crìoch iomlan air na h-uile chinncinn gus an d'fhògair mi thu, gidheadh cha d' thoir mi crìoch iomlan ortsa: ach smachdaichidh mi thu ann an tomhas, agus cha 'n fhuing mi dhuit dol as gu h-iomlan saor.

CAIB. XLVII.

**F**OCAL an Tighearna a thàinig gu Ieremiah an fàidh do thaobh nam Philisteach, mu'n do bhuail Pharaoh Gasa. 2 Mar so deir an Tighearn, Feuch, tha uisgeachan a' teachd a nìos o n' àirde tuath, agus fàsaidh iad nan tuil a thig thairis, agus a chòmhdaicheas am fearann, agus gach ni ta ann; a' chathair, agus iad-san a ta 'g a h-àiteachadh: agus éighidh na daoine gu h-ard, agus ni uile luchd-àiteachaidh na tìre tuireadh.

3 Ri fuaim tartair ionganan cacha meannach, ri farum a' charbad, ri stairich a rothan, cha seall na h-aithrichean air an ais ri 'n cloinn, le laigse làmh.

4 Air son an là a ta teachd a chreachadh nam Philisteach uile, agus a ghearradh air falbh o Thirus agus o Shidon gach fear-euideachaidh a ta mairiunn: oir creachaidh an Tighearn na Philistich, fuigheall tìre Chapthoir.

5 Thàinig maoile air Gasa; mhilleadh Ascelon. O fhugheall an glinne; cia fhada ni thusa thu fèin a ghearradh?

6 Ho! a chlaidheimh Iehobhah! cia fharla gus an gabh thu fois? taig thu fèin ann ad thruaill, gabh fois, agus bi sàmhach.

7 Cionnus a dh' fheadas e bhì sàmhach, o thug an Tighearn àithne dha? An aghaidh Asceloin, agus an aghaidh oir-thir na fàirge, an sin dh' orduich se e.

CAIB. XLVIII.

**M**U thimchioll Mhoib. Mar so deir Tighearn nan sluagh, Dia Israeil; Is an-aobhinn do Nebo! oir tha e air a chreachadh: tha Ciriataim air a chur gu h-aubhladh, air a ghlacadh; tha e air a mhaslachadh, an daingneach ard, agus air a bhrisacadh sìos.

2 Ni 's mò cha bhi uaill aig Moab ann an Hesbon; dhealbh iad olc na aghaidh, *ag ràdh*, Thigibh, agus gearraim as e o bhì na chinncach: millear thusa mar an ceudna, O Mhadmein, bidh an claidheamh air do thòir.

3 Tha fuaim éighich o Horonaim, mill-eadh agus àr mòr.

4 Tha Moab air a mhilleadh, thug a chlànn bheag air an gaoir a bhì air a cluinntinn.

5 Gu dearbh aig uchdaich Luhit, theid gul a suas gun fhios: gu dearbh aig leathad Horonaim chuala mo naimhde éigh a' mhillidh.

6 Teichibh, tearnaibh 'ur n-anam, agus bithibh, mar phrcas seargta san ionad sgaolte.

7 Oir a chionn gu 'n d' earb thu as do mhaoin, agus as d' ionmhasaibh, air an aobhar sin bidh tu fèin fòs air do ghlacadh: agus théid Chemos air falbh am braigheanas, a shagairt agus 'uachdarain maille ris.

8 Thig creachadair fòs air gach uile chathair, agus cha d' théid cathair air bith as: agus millear an gleann, agus théid an còmhnaid a sgrios, amhuil a labhair an Tighearn.

9 Thugaibh sgiathan do Mhoab, a chum gu 'n teich e gu luath air falbh; agus biodh a bhailean nam fàsach, gun aon 'gan àiteachadh.

10 Is malluichte esan a ni obair an Tighearna gu cealgach; agus is malluichte esan a chumas a chlaidheamh air ais o fhuil.

11 Bha suaimhneas aig Moab o 'òige, agus shocruidh <sup>1</sup> e air a dheasgaimibh, agus cha do tharruingeadh a mach o shoitheach gu soitheach e, ni mò dh' imich e ann am braigheanas: air an aobhar sin mhair a bhlas ann, agus cha d' atharraicheadh a bholadh.

12 Uime sin, feuch, tha na laithean a'

<sup>1</sup> shìolaidh.

teachd, deir an Tighearn, anns an cuir mise d' a ionnsuidh luchd-glusaid, a bheir air dol air ghluasad, agus a dh' fhalamhaicheas a shoithichean, agus a bhriseas a shoir-eachan.

13 Agus bidh nàire air Moab do Chemos, mar a bha nàire air tigh Israeil do Bhetel an uinighin.

14 Cionnus a their sibh, Tha sinn 'nar daoine cumhachdach, agus treun air son a' chatha?

15 Tha Moab air a chreachadh, agus air dol suas as a bhailtibh, agus thàinig an òigridh taghta-san a nuas a chum an àir, deir an Tighearn, d' an ainm Iehobhab Dia nan sluagh.

16 Tha léir-sgrìos Mhoab dlù do làimh, agus 'amhghar gu luath a' greasad.

17 Guilbith air a shon, sibhs' uile mu 'n cuairt da; agus sibhs' uile d' an aithne 'ainm; abraibh, Cionnus a bhriseadh slat-rioghail na treise! lorg na maise!

18 Thig a nuas o d' àilleachd, agus suidh ann an òta, O a nighean a ta 'g àiteachadh Dhiboin; a chionn gu bheil creachadair Mhoab air teachd a nìos ann ad aghaidh, fear-millidh do dhaingnichean.

19 Seas aig an t-slighe, agus gabh sealladh, O bhean-àiteachaidh Aroer; feòruich dheth-san a theicheas, agus dh' ise chaidh as, abair, Ciod a rinneadh?

20 Mhasluicheadh Moab, oir bhriseadh a sìos e: deanaibh ulfhartaich agus ard-éigheach; innsibh an sgeul ann an Arnon, gu bheil Moab air a mhilleadh.

21 Agus thàinig breitheanas air an tìr chòmhnaird; air Holon, agus air Iahasah, agus air Mephaat,

22 Agus air Dibon, agus air Nebo, agus air Bet-diblataim,

23 Agus air Ciriataim, agus air Bet-gamul, agus air Bet-meon,

24 Agus air Ceriot, agus air Bosrah, agus air uile bhailtibh fearainn Mhoab, am fad 's am fagus.

25 Ghearradh adharc Mhoab naith, agus tha a ghairdean air a bhriseadh, deir an Tighearn.

26 Cuir air mhig e; a chionn gu 'n do thog e suas e fèin ann aghaidh an Tighearna: seadh, nì Moab e fèin aonair na sgeith fèin, agus bidh e mar an cendna na bhall-fanaid.

27 Oir, nach robh Israel na bhall-fanaid ùitise? an d' fhuaradh an measg mheir-leach e, gu'n d'thugadh tu ana-cainnt da deis na h-uile bhriathran a b' urradh thu?

28 Fàgaibh na bailtean, agus gabhaibh còmhnuidh anns a' charraig, O sibhs' a ta 'g àiteachadh Mhoab; agus bithibh cos-mhuil ris a' choluman a nì a nead ann am bruaich bile na h-uaimhe.

29 Chuala sinn uabhar Mhoab; tha e ro-uabhbreach; a mhòr-chuis agus uabhar, agus 'uail, agus ardan a chridhe.

30 Is aithne dhomhsa, deir an Tighearn a chorruih, ach cha 'n 'eil a neart d' arèir; a ràiteachas, ach cha 'n 'eil a dheanadas d' a rèir.

31 Air an aobhar sin guilidh mise air son Mhoab, eadhon air son Mhoab uile togaidh mi 'n aird mo ghuth; ri fearaibh Chir-hereis nì Iaser éigheach le gul.

32 Guilidh mi air do shon, O fhineamhuin Shimbah; sgaoil do mheanglain thar an fhairege, ràinig iad gu ruig fairge Iaseir; air do mheas-samhraidh, agus air d' fhion-fhoghara bhuail am fear-millidh.

33 Agus tha aoibhneas agus gairdeachas air an toirt air falbh o'n mhachair thor-raich, eadhon o thìr Mhoab; agus air fion o 'n amar-bhruthaidh chuir mise casgadh; am fear-bruthaidh cha bhrùth, an iolach cha 'n iolach i.

34 O ghaoir Hesboin gu Elealeh, gu Iahas chuir iad a mach an guth, o Shoar gu ruig Horonaim, mar thri-bliadhnach aighe; oir bidh, eadhon uisgeacha Nimrim nan léir-sgrìos.

35 Agus cuiridh mise casgadh ann am Moab, deir an Tighearn, a'rsan a dh' òbras air ionad ard, agus a'rsan a loisgeas tuis d'a dhiadhan.

36 Air an aobhar sin nì mo chridhe fuaim mar phìobaibh air son Mhoab; nì eadhon mo chridhe fuaim mar phìobaibh air son fheara Chir-hereis: a chionn gu'n deachaidh am beartas, a fhuair iad ann am mugh.

37 Seadh bithidh gach ceann maol, agus gach fensag bearrta: air na h-uile làmhhan bidh gearradhean, agus air na h-uile leas-raibh sac-éideadh.

38 Air mullach uile thighean Mhoab, agus na shràidibh, bidh tuireadh coitichionn: oir bhris mise Moab, mar shoitheach anns nach 'eil aig aon neach tlachd, deir an Tighearn.

39 Cionnus a bhriseadh sìos e! (bhàir iad); cionnus a thionndaidh Moab a chù-laobh! nàraicheadh Moab, agus bidh e na bhall-fanaid, agus na uamhan dhoibhsan uile mu 'n cuairt da.

40 Oir mar so deir an Tighearn, Feuch, itealuichidh ann mar iolair, agus sgaoilidh e a sgiathan thar Moab.

41 Ghlacadh na bailtean, agus tha na daingnichean an làimh, agus bidh cridheachan laoch Mhoab anns an là sin, mar chridhe mu'n ri saothair.

42 Agus sgrìosar Moab o bhì nì 's mò na chinneach, a chionn gu 'n d' a' duich se e fèin an aghaidh an Tighearna.

43 Bithidh an t-uamhas, an slochd, agus an rib ort, O fhir-àiteachaidh Mhoab, deir an Tighearn.

44 Èsan a theicheas o'n' uamhas, tuitidh e san t-slochd, agus esan a dh' éireas as an t-slochd, glacar e san rib; oir bheir



mise air, *eadhon* air Moab, bliadhna a smachdachaidh, deir an Tighearn.

45 Fuidh sgàile Hesboin sheas iadsan a theich o 'n ain-neart: ach thig teine mach o Hesbon, agus lasair a meadhon Shihoin, agus loisgidh e cearna Mhoab, agus mullach cinn nan daoine ceannairceach.

46 Is an-aoibhinn dhuitse, O Mhoab! tha thusa cailte, O shluaigh Chemois! oir thugadh do mhic air falbh am braigheanas, do nighcanan ann am bruid mar an ceudna.

47 Gidheadh bheir mise air a h-ais bruid Mhoabanns na laithibh deireannach, deiran Tighearn. An fhàidhe breitheanas Mhoab.

C A I B. XLIX.

**M**U thimchioll nan Amonach, Mar so deir an Tighearn, Nach 'eil mic idir aig Israel! nach 'eil oighre sam bith aige? c' uim' am bheil sealbh aig Milcom air Gad, agus a shluagh a chomhnuidh na bhailtibh?

2 Uime sin, feuch, tha na laithean a' teachd, deir an Tighearn, 'san d'hoir mise fainear gu 'n cluinnear ann an Rabah nan Amonach caismeachd cogaidh, agus bidh e na thorr léir-sgrìos, agus loisgear a nighcanan le teine: an sin bidh Israel na oighre air an dream, a bha nan oighreachan airsan, deir an Tighearn.

3 Dean ulfhartaich, O Hesboin, oir chreachadh Ai: éighibh, a nigheana Rabah, cuiribh umaibh eudach-saie: tuiribh, agus ruithibh air 'ur n-ais agus air 'ur n-aghaidh ri taobh nan callaidean; oir falbhaidh Milcom ann am braigheanas, a shagairt agus 'uachdarain maille ris.

4 C' uim' am bheil thu ri uail ann an gleannaibh? *ged'* tha do ghleann torrach, O a nighcan cheannairceach: ag earbsa as a h-ionmhasaibh, *ag ràdh*, cò thig do m' ionnsuidh-sa?

5 Feuch, bheir mise uamhas ort, deir an Tighearn Dia nan sluagh, o na h-uile taobh mu 'n cuairt duit, agus iomaineas a mach sibh, gach aon roimhe, agus cha bhi neach ann a chruinnicheas air an ais a' mhuinntir, a ghabhas an ruaig.

6 Ach na dhéigh sin bheir mise air a h-ais bruid cloinne Amoin, deir an Tighearn.

7 Mu thimchioll Edoim. Mar so deir Tighearn nan sluagh, Nach 'eil gliocas ni 's mò ann an Teman? an do bhàsaich comhairle nan daoine glìce? an deachaidh an gliocas am nuigla?

8 Teichibh, pillibh air 'ur n-ais, rachaibh domhain a ghabhail còmhnuidh, O a luchd-àiteachaidh Dhédain; oir bheir mise dòrainn Esau air, an uair a smachdaicheas mi e.

9 Ma thig luchd-tionail fhìon-dhearc do d' ionnsuidh, cha 'n fhàg iad uirrad as diolum: ma thig gaduichean anns an oidhche, creachaidh iad gus am bi aca ni 's leòr.

10 Oir rùisg mise Esau, leig mi ris 'ionada diombair, air chor as nach feud se e fèin fhòlach; chreachadh a shliochd, agus a bhràithrean, agus a choinmhears-naich, agus cha 'n 'eil e fèin ann.

11 Fàg do dhilleachdain, gleidhidh mise beo iad; agus cuireadh do bhantraichean an dòchas annamsa.

12 Seadh, mar so deir an Tighearn, Feuch, iadsan nach robh co toillteanach air òl do 'n chualaich, dh' òl iad dh' i gu deimhin, agus am feud thusa dol saor as? cha d' theid thu as, ach gu deimhin olaidh tu.

13 Oir orm fèin mhionnuich mise, deir an Tighearn, gu 'n bi Bosrah na léir-sgrìos, na mhasladh, na fhàsach, agus na mhallachadh; agus gu 'n bi 'uile bhailtean nam fàsaichean sìorruidh.

14 Chuala mi aithris o 'n Tighearn, agus chuireadh teachdair chum nan cinn-each, *ag ràdh*, Cruinnichibh le chèile, agus thigibh na h-aghaidh, agus éiribh suas a chum a' chatha.

15 Oir feuch, ni mise beag thu am measg nan cinneach, agus suarrach am measg dhaoine.

16 Rinn do mhòr-chumhachd do mhealladh, uabhar do chridhe, O thusa ta 'g àiteachadh uamha na carraige, ta gleidheadh airde a' chnuic: *ged'* dhean thu gu hard, mar an iolair, do nead, as sin bheir mise nuas thu, deir an Tighearn.

17 Agus bidh Edom na fhàsach, bidh uamhunn air gach neach a theid seachad air, agus ni iad sgìg m' a uile léir-sgrìos.

18 Ccart mar ann an sgrìos Shodoim agus Ghomorrah, agus nan ionadan a bha dlù dhoibh, deir an Tighearn, cha ghabh duine còmhnuidh an sin, ni mò theid mac duine gu fùireach air chuairt ann.

19 Feuch, mar leòmhann thig e nìos o ataireachd Iordain gu ionad-còmhnuidh nan cumhachdach. Gu deimhin bheir mise fainear gu luath gu 'n ruith e nìos as sin; agus cò e an gaisgeach taghta a chuireas nì os a chionn? Oir cò is cosmhuil riumsa, no cò a chumas còinneamh rium, no c' àit' am bheil am buachail sin, a's urradh seasamh ann am làthair?

20 Air an aobhar sin éisdibh rùn an Tighearna, a rùnaich e 'n aghaidh Edoim, agus a smaointean, a smaointich e 'n aghaidh luchd-àiteachaidh Theman: gu deimhin spìonar air falbh àlach an treud, gu deimhin nithear léir-sgrìos, os an cionn, d' an àite-còmhnuidh.

21 Le fuaim an leagaidh, tha crith air an talamh; tha 'ghaoir a' dol a mach; aig a' Mhuir-ruaidh chualas an éigheach.

22 Feuch, thig e nìos uar iolair ag itealuidh, agus sgaoilidh e a sgiathan thar Bosrah; agus bidh cridheachan luchruidh Edoim anns an là sin, mar chridhe mnà ri saothair.

23 Mu thimchioll Dhamascuis. Chuir-

eadh gu h-amhluidh Hamat agus Arphad, oir chual' iad droch sgeula; tha iad fuidh iomaguin mar mhuir bhuairte nach feud a bhi samhach.

24 Tha Damascus air fàs lag, tha e 'ga thionndadh fèin gu teicheadh, agus fhuair eagal greim air; ghlac teamntachd e, agus ioghanna, mar mhnai ri saothair.

25 Cionnus nach mairionn cathair a' mholaidh, baile mo shòlais!

26 Uime sin tuitidh a h-òganaich na sràidibh, agus gearrar as na fìr-chogaidh uile san là sin, deir Tighearn nan sluagh.

27 Agus fadaidh mise teine ann am balla Dhamauscis, agus loisgidh e luchairtean Bhen-hadaid.

28 Do thaobh Chedair, agus do thaobh rioghachdan Hasoir, a bhuail Nebuchadnesar rìgh Bhabiloin. Mar so thubhairt an Tighearn, Eiribh, rachaibh suas gu Cedar, agus creachaibh daoine an air d' an ear.

29 Am bùthan agus an treudan glacadh iad, an sgàileachan agus an airneis uile; agus an càmhalan gabhadh iad dhoibh fèin; agus abradh iad ri u', Uamhas air gach taobh.

30 Teichibh, imichibh gu luath, rachaibh domhain a ghabhail còmhnuidh, O a luchd-àiteachaidh Hasoir, deir an Tighearn; oir ghabh Nebuchadnesar, rìgh Bhabiloin, comhairle 'nur n-aghaidh, agus dhealbh e innleachd 'nur n-aghaidh.

31 Eiribh, rachaibh suas an aghaidh cinnich shuaimhniche, a ta gabhail còmhnuidh gun chùram, deir an Tighearn; aig nach 'eil aon chuid dorsan no croinn; a ta còmhnuidh air leth leo fèin.

32 Agus bidh an càmhala nan cobhart-aich, agus pailteas an spréidhe na chreich; agus sgapaidh mise gus na h-uile gaath iadsan, a th' anns na cearnaibh iomallach, agus o na h-uile taobh dheth bheir mis' an dòrainn, deir an Tighearn.

33 Agus bidh Hasor na ionad-còmhnuidh dhragon, na fhàsach bith-bhuan; cha ghabh duine còmhnuidh an sin, ni mò thèid mac duine gu fuireach air chuairt ann.

34 Focal an Tighearna a thàinig gu Ieremiah am fàidh mu thimchioll Elaim, ann an toiseach linn Shedeciah rìgh Iudah, ag ràdh,

35 Mar so deir Tighearn nan sluagh, Feuch, brisidh mise bogha Elaim, a' chuid a 's tréine d' an cumhachd.

36 Agus bheir mise air Elam ceithir ghaoithean o cheithir charnaibh nèimhe, agus sgapaidh mi iad roimh na gaoithean so uile; agus cha bhi cinneach sam bith, gus nach d' thig iadsan a dh' fhògradh o Elam.

37 Oir bheir mise air Elam a bhi fuidh

gheilt roimh an naimhdean, agus roimh 'n mhuinntir, a ta 'g iarruidh an anama; agus bheir mi aimhlcas orra, teas mo chorruih, deir an Tighearn; agus cuiridh mi nan déigh an claidheamh gus an cuir mi as doibh.

38 Agus cuiridh mi mo rìgh-chathair ann an Elam, agus sgrìosaidh mi as sin an rìgh agus na ceannardan, deir an Tighearn.

39 Ach tarlaidh anns na laithibh deir-eannach, gu 'n d' thoir mise air an ais bruid Elam, deir an Tighearn.

#### CAIB. L.

**A**M focal a labhair an Tighearn mu thimchioll Bhabiloin, agus mu thimchioll fearainn nan Caldéach, le Jeremiah am fàidh.

2 Cuiribh an céill an measg nan cinn-each, agus foillsichibh; agus cuiribh suas a' bhratach; foillsichibh, na ceibh: abraibh, Ghlacadh Babilon, mhasluicheadh Bel, bhriscadh Mecedach na bhloighdibh, chlaoidheadh a h-iodholan, bhriseadh nam bloighdibh a dealbhan.

3 Oir tha cinneach a' teachd a nìos na h-aghaidh o'n airde tuath, a ni a fearann na fhàsach, air chor as nach gabh aon neach còmhnuidh ann; eadar dhuine agus ainmhidh gluaisidh iad, siubhlaidh iad air falbh.

4 Ach anns na laithibh sin, agus air an àm sin, deir an Tighearn, thig clann Israeil, iad fèin agus clann Iudah le chéile, ag imeachd, agus a' gul nan imeachd, agus iarruidh iad an Tighearn an Dia.

5 Iarruidh iad an t-slighe gu Sion le 'n aghaidh d' a h-ionnsuidh, *ag ràdh*, Thigibh agus naisgeamaid <sup>2</sup> sinn fèin ris an Tighearn ann an coimh-chengal sìorruidh, nach leigear air di-chuimhn.

6 Bu chaoirich chailte mo shluagh-sa: thug an aodhairean orra dol air seacharan, tharruing iad a thaobh iad air na sléibh-tìbh; shiubhail iad o shliabh gu cnoc, leig iad an àite-fois air di-chuimhn.

7 Iadsan uile a fhuair iad, shluig iad suas iad; oir thuit an naimhdean, Cha n' eil sinn ri cron air bith, a chionn gu 'n do pheacaich iad an aghaidh an Tighearna, àite-tàimh a' cheartais; eadhon an Tighearna, dòchais an aithrichcan.

8 Gluaisidh a mach a meadhan Bhabiloin, agus imichibh a tìr nan Caldéach, agus bithibh mar na gabhraibh fìrionna air toiseach nan treudan.

9 Oir feuch, dùisgidh mise, agus bheir mi nìos an aghaidh Bhabiloin, coimhthional chinneach mòra o 'n tìr mu thuath; agus cuiridh siad iad fèin an ordugh na h-aghaidh, ait shèol as gu 'n glacar i: bidh an saighdean mar gu 'm b' ann o ghaisgeach seolta; cha phill aon diubh gu dìomhain.

10 Agus bidh Caldéa na creich, iadsan

<sup>1</sup> canadh iad ri u.

<sup>2</sup> ceanglamaid.



uile a chreachas i gheibh iad an sàth, deir an Tighearn.

11 A chionn gu bheil sibh ri gairdeachas, a chionn gu bheil sibh ri aidhear, O sibhs' a ehreach m' oighreachd; a chionn gu bheil sibh air fàs reamhar mar agh biadhtha, agus ri sìtrich mar eachaibh meannach.

12 Masluichear 'ur màthair gu mòr, nàraichear ise a rug sibh; feuch ise, cleireadh nan cinncach, na fàsach, na fearann tioram agus falamh.

13 Air son corruich an Tighearna cha bhi i ni 's mò air a h-àiteachadh, ach bidh i na fàsach gu h-ionnan: bidh uamhunn air gach aon a thèid seachad air Babilon, agus ni e sgeig m' a h-uile phlàighibh.

14 Cuiribh sibh fèin an ordugh an aghaidh Bhabiloìn air gach taobh: sibhse uile a lùbas ann bogha, caithibh oirre, na caomhnaibh saighdean; oir chiontaich i 'n aghaidh an Tighearna.

15 Eighibh os a cionn air gach taobh: strìochd i i fèin, thuit a daingichean, thùgeadh sìos a ballachan: oir is e so dioghaltas an Tighearna, deanaibhse dioghaltas oirre: mar a rinn i fèin, deanaibhse rithe.

16 Gearraibh o Bhabilon am fear-cuir, agus esan a ghlacas an corran an àm an fhogharaidh: air cagal claidheimh a' mhilleir, pillidh iad, gach aon g' a shluagh, teichidh iad gach aon g' a dhùthaich.

17 Istreud sgatai Israel; rinn leòmhainn a ruagadh; an toiseach, chaith rìgh Asiria suas e; agus mu dheire, dh' ith Nebuchadnesar so rìgh Bhabiloìn gu ruig an cèimh e.

18 Air an aobhar sin, mar so deir Tighearn nan sluagh, Dia Israil, Feuch, smachdaichidh mise rìgh Bhabiloìn agus fhearann, mar a smachdaich mi rìgh Asiria.

19 Ach bheir mi Israel air ais gu àite-còmhnuidh fèin, agus ionaltraidh e air Carmel agus Basan, agus air slabh Ephraim agus air Gilead sa luichear 'anam anns na laithibh sin.

20 Agus anns an àm sin, deir an Tighearn, iarrar aingidheachd Israil, agus cha bhi i ann; agus luchdan Iudah, ach cha bhi iad r' am faotainn: oir bheir mise maibheanas dhoibh-sin a chaomhaineas mi.

21 An aghaidh fearainn nan ceannaireach inich suas; air fèin, agus air a luchd-àiteachaidh dean peanas, O a chladheimh, agus cuir as gu buileach d'an gineil, deir an Tighearn, agus coimhblion gach ni mar a dh' aithn mise dhuit.

22 Tha fìrinn a' chatha san fhearann, eadbon milleadh ro-mhòr.

23 Cionnus a bhriseadh agus a spealgadh fairce an domhain uile! Cionnus a dh' fhàs Babilon na fàsach sgaoilte am measg nan cinneach!

24 Leag mise rib air do shon, agus bha

thu fòs air do ghlacadh, O Bhabiloìn, an uair nach do shaoil thu: fhuaradh, agus fòs ghlacadh thu, a chionn gu'n d'rinn thu strì an aghaidh an Tighearna.

25 Dh' fhosgail an Tighearn a thigh-arm, agus thug e maeh airm a chorruich: oir is i so obair Iehobhab, Tighearna nan sluagh, ann an tìr nan Caldéach.

26 Thigibh na h-aghaidh o 'n chearna a's ionallaiche, fosglaihb a tighean-taisg, cuiribh fò 'r casuibh i mar thor, agus sgriosaihb i gu buileach, na biodh fuighcall d' i air fhàgail.

27 Marbhaibh a daimh air fad: rachadh iad sìos a chum an àir: is truagh dhoibhsan! oir tha an là air teachd, àm an smachdachaidh.

28 Guth na muinntir a theich, agus a chaidh as o thìr Bhabiloìn, a dh' fhoill-seachadh ann an Sion dioghaltais an Tighearna ar Dia-ne, dioghaltais a theampuil.

29 Gairmibh sluagh lionmhor an aghaidh Bhabiloìn, sibhse uile ta lùbadh a' bhoghla, cuairtichibh le feachd i air gach làimh, na rachadh cuid air bith dh' i as; diolaibh rithe do réir a h-oibre, do réir gach ni a rinn i, deanaibh rithe; a chionn gu 'n d' rinn i gu h-uibhreach an aghaidh an Tighearna, an aghaidh Ti naomha Israil.

30 Air an aobhar sin tuitidh a h-òganaich na sràidibh, agus bidh a fir-chogaidh uile air an gearradh as anns an là sin, deir an Tighearn.

31 Feuch tha mise 'n ad aghaidh, O uabhbreich, deir Iehobhab, Tighearn nan sluagh: gu cinnteach tha do là air teachd, an t-àm san dean mise do smachdachadh.

32 Agus gheibh an t-uabhbreich tuisleadh agus leagadh, agus cha bhi neach ann a thogas suas e: agus fadaidh mise teine na bhaitibh, agus loisgidh e gach ni m' an cuart da.

33 Mar so deir Tighearn nan sluagh, Shàruicheadh clann Israil, agus clann Iudah le chèile, agus rinn iadsan uile thug am braigheanas iad greim daingean orra, dhiùltiad an leigeadh air falbh.

34 Is cumhachdach am fear-saoruidh, Iehobhab Dia nan sluagh is e 'ainm; tagraidh e gu daingean an cuis, a chum gu 'n d' thoir e suaimhneas do 'n talamh, agus mi-shuaimhneas do luchd-àiteachaidh Bhabiloìn.

35 Bidh claidheamh air na Caldéich, deir an Tighearn, agus air luchd-àiteachaidh Bhabiloìn, agus air a h-uachdaranaibh, agus air a daoibh glèice;

36 Claidheamh air na breugairean, agus bidh iad air mhi-chéill; claidheamh air a daoibh cumhachdach, agus bidh iad fuidh uamhunn.

37 Claidheamh air a h-eachaibh, agus air a carbadaibh, agus air a h-uile shluagh coi-measgta ta na meadhon, agus bith iad mar mhuaibh; claidheamh air a h-ion-

mhasaibh, agus bidh iad air an spùinn-eadh;

38 Tiormachd' air a h-uisgeachaidh, agus tiormaichear suas iad: a chionn gur i tìr nan dealbha s'naighte, agus as a h-iodh-olaibh gu bheil i a' deanamh uaille.

39 Air an aobhar sin gabhaidh fiadh-bheathaichean nam fàsach, agus madaidh-alluidh nan coilltean tàmh *an sin*; an sin fòs ni nigheana na caillich-oidheche còmh-nuidh: agus cha 'n àitichear i tuille gu sìorruidh, ni mò ghabhar còmhnuidh innte o linn gu linn.

40 Amhuil 'nuair a sgrios Dia Sodom agus Gomorrah, agus na bailtean a bha dlù dhoibh, deir an Tighearn, cha ghabh duine còmhnuidh an sin, ni mò thèid mac duine gu fuireach air chuairt ann.

41 Feuch sluagh a' teachd o 'n airde tuath, eadhon cinneach mòr, agus dhùsgear mòran rìghrean o chriocheaibh an domhain.

42 Am bogha 's an t-sleagh glacaidh iad: tha iad fuileachdach, agus cha nochd iad tràdeair; beucaidh an guth mar an fhairege, agus marcaichidh iad air eachaibh, ann an ordugh mar dhaoine chum a' chattha, ann ad aghaidh-sa, O nighean Bhabiloin.

43 Chuala rìgh Bhabiloin iomradh orra, agus dh' fhàs a làmhnan lag; ghlac amh-ghar e, goith, amhuil inna ri saothair.

44 Feuch mar lèomhann thig e nìos o ataircachd Iordaingu còmhnuidh nan cumh-achdach. Gu deimhin bheir mise fainear gu luath gu 'n ruith e nìos as sin; agus cò e an gaisgeach taghta a chuireas mis' os a chionn? Oir cò is cosmhuil riumsa, no cò a chumas còinneamh rium, no e' àit am bheil am buachaill sinn a's urradh seasamh ann am làthair?

45 Air an aobhar sin éisdibh rùn an Tighearna, a rùnaich e an aghaidh Bhabiloìn, agus a smaointean, a smaointich e an aghaidh tìre Chaldaéa. Gu deimhin spìonar air falbh àlach an treud, gu deimhin nithear léir-sgrios os an cionn, d' an àite-còmh-nuidh.

46 Leis an fhuaim, Ghlacadh Babilon! tha 'n talamh air a luasgadh, agus chualas a' ghaoir am measg nan cinneach.

## CAIB. LI.

**M**AR so deir an Tighearn, Feuch, dùisgidh mise suas an aghaidh Bhabiloìn, agus an aghaidh na muinntir, a ta còmhnuidh ann am meadhon na dream sin a ta 'g éirigh ann am aghaidh, gaoth sgriosach:

2 Agus cuiridh mi gu Babilon luchd-fasgnaidh, agus fasgnaidh iad i, agus falanhaichidh iad a fearann; oir cuairt-ichidh iad air gach taobh i ann an là na h-àire.

3 Lùbadh an saighdear gun tàmh a bhogha, 's na cuireadh e dheth a lùircach;

agus na caomhnaibh a h-ògan-ich, sgrios-aibh gu buileach an t-iomlan d'a feachd.

4 Agus tuitidh iadsan a mharbhar ann an tìr nan Caldaéach, agus iadsan a bhuailear trid na sràidibh.

5 Oir cha do dhìobradh Israel no Iudah le 'Dhia, le Tighearn nan sluagh, ged' bha am fearann air a lìonadh le peacadh an aghaidh Ti naomha Israeil.

6 Teichibh a mach a meadhon Bhabiloin, agus sàbbaladh gach neach 'anam, mu 'n gearr as sibh na h-aingidheachd; oir is i so aimsir dioghaltas an Tighearna; diolaidh e rithe luigheachd.

7 Bu chupan òir Babilon ann an làimh an Tighearna, a chuir air mhìsg an talamh uile: d' a fion dh' òl na cinnich, uime sin tha na cinnich air boile.

8 Thuit Babilon gu h-obann, agus mhilleadh i; guilbh os a cionn; gabhaibh ic air son a leoin, ma dh'fheudar mar sin a leigheas.

9 B' àill leinne Babilon a leigheas, ach cha 'n 'eil i air a leigheas; tréigibh i, agus rachamaid gach aon d' a dhùthaich féin; oir ràinig a breitheanas na nèamha, agus thogadh suas e gus na speuraibh.

10 Thug an Tighearn saorsa dhuinne; thigibh agus cuireamaid an céill ann an Sion obair an Tighearna Dia.

11 Geuraichibh na saighdean; cruinn-ichibh na sgiathan; dhùisg an Tighearn suas spìorad rìghrean Mhedia; oir tha a rùn an aghaidh Bhabiloin, a chum a sgrios: gu deimhin is e dioghaltas an Tighearna, dioghaltas a theampull.

12 Fa chomhair bhallacha Bhabiloìn cuiribh suas a' bhratach, deanaibh am freiceadan làidir, suidhichibh fir-fhaire, deasuichibh luchd feall-fholach; oir mar a dhealbh an Tighearn, mar an ceudna rinn e, na nithe sin a labhair e 'n aghaidh luchd-àiteachaidh Bhabiloin.

13 O thusa, ta còmhnuidh air mòran uisgeachaidh, saibhir ann an ionmhasaibh, thàinig do chrioach, tomhas do shàinnt.

14 Thug Tighearn nan sluagh miannan air féin, *ag ràdh*, Gu deimhin lìonaidh mi thu le daoineibh, mar gu 'm b' ann le locuist, agus togaidh iad suas iolach ann ad aghaidh.

15 Rinn Esan an talamh le 'chumhachd shoeruch e 'n saoghal le 'ghliocas, agus le 'thugise sgaoil e mach na nèamha.

16 'Nuair a chuiras e mach a ghuth, tha teirm uisgeachan anns na nèamhaibh, agus bheir e air a' chò dol suas o iomallaibh na talamhainn, ni e dèalanach le frasaibh, agus bheir e mach a' ghaoth as 'ionadaibh tasgaidh.

17 Dh' fhàs gach duine mar hhrùid na còlas; nàraicheadh gach òr-cheard le iomhaigh leaghta; oir is ni brengach an dealbhan leaghta, agus cha 'n 'eil anail anna.



18 Is nì faoin iad, obair mhearachd : ann an àm an smachdachaidh théid iad am mugh.

19 Cha chosmhuil riu so Cuibhrionn Iacoib, oir is esan Fear-cumaidh an domhain uile, agus is e *Israel* slat 'oighreachd; Tighearn nan sluagh is e 'ainm.

20 Is tu mo thuagh-chatha, agus m' acfuinu-chogaidh; agus leatsa brisidh mi nam bloighdibh cinnich; agus leatsa millidh mi rioghachdan;

21 Agus leatsa brisidh mi nam bloighdibh an t-each agus a mharcach; agus leatsa brisidh mi na bhloighdibh an carbad, agus esan a shiuidheas air;

22 Agus leatsa brisidh mi nam bloighdibh am fear agus a' bhean; agus leatsa brisidh mi nam bloighdibh an seann duine agus an leanabh; agus leatsa brisidh mi nam bloighdibh an t-òganach agus a' ghruagach;

23 Agus leatsa brisidh mi nam bloighdibh am buachaille agus a threud; agus leatsa brisidh mi nam bloighdibh an treabhaiche agus a' chuing; agus leatsa brisidh mi nam bloighdibh cinn-fheadhna agus luchd-riaghlaidh.

24 Agus dìolaidh mi ri Babilon, agus ri uile luchd-àiteachaidh Chaldéa, an mìle olc, a rinn iad ann an Sion, 'nur sealladh-sa, deir an Tighearn.

25 Feuch, tha mise ann ad aghaidh, O a shléibh sgrìosaich<sup>1</sup>, deir an Tighearn, a ta sgrìos na talmhainn uile; agus sinidh mi mo làmh a mach ort, agus iomainidh mi thu sìos o na creagaidh, agus nì mi beinn loisgte dhìot.

26 Agus cha ghabh iad dhìot clach air son oisinn, no clach air son bhunaitan, ach ann ad charnaibh léir-sgrìos bithidh tu gu sìorruidh, deir an Tighearn.

27 Cuiribh suas bratach anns an fhearann, séidibh an trompaid ann meag nan cinneach, deasachibh na h-aghaidh cinnich, gairnibh an ceann a' chéile na h-aghaidh rioghachdan, Ararat, Mini, agus Aschenas; sonrachibh ceanna-feadhna na h-aghaidh, thugaidh air na h-eachaidh teachd a nìs mar na lùcist fhriodhanach.

28 Deasachibh na h-aghaidh cinnich, rìgbrean Mhedha, a cinn fheadhna 's a h-uile luchd-riaghlaidh, agus uile fhearann a tighearnais.

29 Agus biodh crith air an fhearann, agus doilghios; oir seasaidh comhairl' an Tighearna an aghaidh Bhabiloin gu daingean, a' dheanamh tìre Bhabiloin na fàsach, gun neach 'g a h-àiteachadh.

30 Leig laoiCh Bhabiloin dhiubh cogadh, dh'fhan iad ann an daingnichibh, dh'fhàilnich an treise, dh'fhàs iad mar mhaibh; loisgeadh a h-ionad-a-còmhnuidh, bhriseadh a croinn-dhruididh.

31 Greasaidh fear-ruidh gu luath an

còdhail fir-ruithe, agus teachdair an còdhail teachdaire, a dh'innseadh do rìgh Bhabiloin gu 'n do ghlacadh a chathair aig *guch* ceann;

32 Agus tha na sligheachan air an glacadh, agus a' chuilceach loisg iad le teime, agus tha na fir-chogaidh air am bualadh le h-uamhunn.

33 Oir mar so deir Tighearn nan sluagh, Dia Israil, Tha nighean Bhabiloin mar urlar-bualaidh; fathasd tiota beag, agus thig àm a bualaidh, agus àm a buain.

34 Dh'ith Nebuchadnesar, rìgh Bhabiloin, suas sinn, chaith e sinn, rinn e sinn 'nar soitheach falamh; shluig e suas sinn mar dhragon; lion e a bhrù le ar nithibh blasda, thilg e mach sinn.

35 Gu robh an t-ainneart a rinneadh ormsa, agus air m' fheoil air Babilon, their fear-àiteachaidh Shìoin, agus, Gu robh m' fhuil-sa air luchd-àiteachaidh Chaldéa, their Ierusalem.

36 Air an aobhar sin, mar so deir an Tighearn, Feuch, tagraidh mise do chùis, agus nì mi dìoghaltas air do shon; agus tiormachidh mi suas a fairge, agus nì mi a màthair-uisge tioram.

37 Agus bidh Babilon na carnaibh, na h-ionad-còmhnuidh dhragon, na h-uamhas, agus na ball-sgeig, gun aon 'ga h-àiteachadh.

38 Beucaidh iad le chéile mar leòmhannaibh: screadaidh iad mar chuileanaibh leòmhann.

39 Nan teas cuiridh mise cuirm rompa, agus cuiridh mi air mhìsg iad a chum as gu 'n dean iad aighir, agus gu 'n caidil iad cadal sìorruidh, agus nach dùisg iad, deir an Tighearn.

40 Bheir mi nuas iad mar uain a chum am marbhadh, mar reitheachan leis na gabhraibh frìonn.

41 Cionnus a ghlacadh Sesac! agus cionnus a rinneadh greim air cliù an domhain uile! cionnus a dh'fhàs Babilon na h-uamhas ann meag nan cinneach!

42 Thàinig an fhairge nìs air Babilon: tha i air a còmhachadh le lionmhoireachd a tonnan.

43 Tha a bailtean nam fàsach, nam fearann tioram, agus nan làraich sgaoilte; talamh anns nach 'eil duin' a chòmhnuidh, nì mòr thèid mac duine rompa<sup>2</sup>.

44 Agus bheir mi nìs breitheanas air Bel ann am Babilon, agus bheir mi mach as a bheul an nì sin a shluig e, 's cha chruinnich na cinnich an ceann a' chéile chuinge nì 's mò; thuit fòs balla Bhabiloin.

45 Rachaidhe mach as a meadhon, O mo shluagh-sa, agus tearnaibh gach aon 'anam o chorruich ghaig an Tighearna.

46 Agus a chum 's nach bi 'ur cridhe meat, nì mò bhios egal oirbh roinn an

<sup>1</sup> *mhillick*.

<sup>2</sup> *troimpe, d' a trid*.

iomradh a chluinnear anns an fhearann : oir thig an t-ionradh air bliadhna, agus air an ath-bhliadhna na dhèigh sin thig iomradh, agus ainneart anns an fhearann, uachdaran an aghaidh uachdaran ;

47 Air an aobhar sin, feuch, tha na laithean a' teachd anns an dean mise breitheanas air dealbhan snaighte Bhabailoin, agus cuirear gu h-amhladh a fearann uile, agus tuitidh a mairbh gu léir na meadhon.

48 Agus togaidh na nèamha agus an talamh iolach os cionn Bhabailoin, agus na h-uile ta annta : an uair a thig a luchd-creachaidh na h-aghaidh o'n airde tuath, deir an Tighearn.

49 Oir mar thug Babilon air muinntir chlaoidhte Israeil tuiteam ; mar sin aig Babilon thuit muinntir chlaoidht' an domhain uile.

50 Sibhs' a chaidh as o'n chlaidheamh, imichibh roimhibh, na fanaibh 'nur seasamh : cuimhnichibh an Tighearn o chéin, agus thigeadh Ierusalem 'nur n-aire.

51 Bha sinn fuidh amhladh, a chionn gu 'n cuala sinn mi-chliu, chòmhdaich naire ar n-aghaidh ; oir thàinig coimhich a steach do ionadaibh naomha tighe an Tighearna.

52 Uime sin feuch, tha na laithean a' teachd, deir an Tighearn, anns an dean mise breitheanas air a dealbhan snaighte, 's feadh a fearainn uile bidh acaìn nan daoine leònta.

53 Ged' éireadh Babilon suas gu ruig na nèamha, agus ged' dhaingnieheadh i gu h-ard a neart, uamsa thig luchd-creachaidh do h-ionnsuidh, deir an Tighearn.

54 Fuaim éighich o Bhabailon, agus léirsgrios mòr o thùr nan Caldéach.

55 Oir mhill an Tighearn Babilon, agus bhàsaich a mòr-fharum na meadhon ; ged' bha a fuaim mar thoirm uisgeacha mòra, ge b'ard a dh'éirich a fàrum.

56 A chionn gu 'n d'thàinig fear-millidh na h-aghaidh, an aghaidh Bhabailoin ; agus ghlacadh a laoiach, agus bhriseadh gach aon d'am boghachan ; oir bheir an Tighearn, Dia na luigheachd, gu cinnteach luigheachd dh'ise.

57 Agus cuiridh mise air mhisg a prionnsachan, agus a daoine glise, a cinn-fheadhna agus a h-uachdaran, agus a daoine cumhachdach ; agus caidlidh iad cadal bith-bhuan, agus cha dùisg iad tuille, deir an Rìgh d' an ainm Iehobhah Dia nan sluagh.

58 Mar so deir Tighearn nan sluagh, Brisear gu tur ballacha leathan Bhabailoin, agus loisgear a geatachan arda le teine ; agus saoraichidh na slòigh gu diomhain, agus na cinnich anns an teine, gus an d'thoir iad thairis le sgios.

59 Am focal a dh'àithn Ieremiah am fàidh do Seraiah, mac Neriah, mhic

Mbaaseiah, 'nuair a chaidh e le Sedeciah rìgh Iudah gu Babilon, anns a' cheathramh bhliadhna d'a linn : agus b'e Seraiah an t-ard chaillteanach.

60 Agus sgrìobh Ieremiah na h-uile olc a bha ri teachd air Babilon ann an aon leabhar, na briathran so uile ta air an sgrìobhadh nu thimchioll Bhabailoin.

61 Agus thuirt Ieremiah ri Seraiah, 'Nuair a thig thu gu Babilon, agus a ehi, agus a leughas tu na briathra so uile :

62 An sin their thu ; O Thighearn, labhair thu 'n aghaidh an aite so gu 'ghearradh as, air chor as nach bi neach a chòmhnuidh ann, aon chuid duine no ainmhidh, ach gu'm bi e fàs gu sìorruidh.

63 Agus tarlaidh, 'nuair a sguireas tu do leughadh an leabhair so, gu'n ceangail thu clach ris, agus tilgidh tu e ann am meadhon Euphrateis.

64 Agus their thu, Mar so thèid Babilon fuidhe, agus cha'n éirich i ni's mò, do bhrìgh an uile a bheir mise oirre ; agus ciosnaichear iad.

An fhad so briathran Ieremiah.

#### CAIB. LII.

**B**HA Sedeciah bliadhna thar fhichead a dh'aois, an uair a thòisich e ri rìoghachadh, agus rìoghaich e aon bhliadhna deug ann an Ierusalem ; agus b'e ainm a mhàthar Hamutal, nighean Ieremiah o Libnah.

2 Agus rinn e an *ni sin a bha* olc ann an sùilbhan an Tighearna, do réir gach ni a rinn Iehoiacin.

3 Oir trid feirg an Tighearna tharladh ann an Ierusalem agus ann an Iudah, gus an do thilg e iad a mach as 'fhianuis, gu 'n d'rinn Sedeciah ar a mach an aghaidh rìgh Bhabailoin.

4 Agus tharladh anns an naothamh bliadhna d'a linn, anns an deicheamh mìos, air an deicheamh là do'n mhìos, gu'n d'thàinig Nebuchadnesar rìgh Bhabailoin, e féin agus 'uile fheachd, an aghaidh Ierusalem, agus shuidhich iad *campa* na h-aghaidh, agus thog iad daingnichean na h-aghaidh air gach taobh.

5 Mar sin bha a' chathair air a teannachadh gus an aona bhliadhna deug do linn rìgh Shedeciah.

6 Agus anns a' cheathramh mìos, air an naothamh là do'n mhìos, bha a' ghorta trom anns a' chathair, agus cha robh aran air bith aig muinntir na tìre.

7 An sin bha a' chathair air a briseadh sìos, agus theich na fir-chogaidh uile, agus chaidh iad a mach as a' chathair feadh na h-oidheche, air slighe a' gheataidh eadar an dà bhalla, a bha aig lios an rìgh, (an uair a bha na Caldéich aig a' chathair timchioll mu'n cuairt), agus dh'mìch iad air slighe a' chòmhnaidh.

8 Ach lean feachd nan Caldéach air tòir an rìgh, agus rug iad air Sedeciah ann an



còmhnardaibh Iericho, agus bha 'fhcachd uile air an sgapadh uaith.

9 Agus ghlac iad an rìgh, agus thug iad suas e gu rìgh Bhabiloin, aig Riblah, ann am fearann Hamait, far an d'thug e breitheanas air.

10 Agus mharbh rìgh Bhabiloin mic Shedeciah fa chomhair a shùl: mharbh e mar an ceudna uile eheannardan Iudah ann an Riblah.

11 Agus chuir e mach sùilean Shedeciah, agus cheangail e le slabhruidhean e; agus thug rìgh Bhabiloin leis e gu Babilon, agus chuir e ann am prìosun e gu là a bhàis.

12 Agus anns a' chùigeamh mìos, air an deicheamh là do'n mhìos, (b'i sin an naothamh bliadhna deug do linn Nebuchadne-sair, rìgh Bhabiloin,) thàinig Nebusar-adan ceannard an fhreiceadain, a fhrithheil do rìgh Bhabiloin, gu Ierusalem,

13 Agus loisg e tigh an Tighearna, agus tigh an rìgh; agus uile thighean Ierusalem, eadhon na h-uile tigh mòr loisg e le teine.

14 Agus bhris uile fheachd nan Cal-déach, a bha le ceannard an fhreiceadain, ballachan Ierusalem sìos air gach taobh.

15 Agus cuid do bhochdaibh an t-sluaigh, agus fuigheall an t-sluaigh a dh'fhan anns a' eathair, agus iadsan a chaidh thairis gu rìgh Bhabiloin, agus a' chuid eile do'n t-sluaigh, thug Nebusar-adan, ceannard an fhreiceadain, air falbh nam braighean.

16 Ach cuid do bhochdaibh an fhearainn dh'fhàg Nebusar-adan, ceannard an fhreiceadain, gu bhà nan saothrichean fhineamhna, agus nan treabhaichean.

17 Agus na puist umha', a bha an tigh an Tighearna, agus na buinn, agus an fhairge umha a bha 'n tigh an Tighearna, bhris na Caldéich, agus thug iad an umha uile gu Babilon.

18 No coireachan fòs, agus na sluasaidean, agus na smàladairean, agus na euachan, agus na liadhan, agus na h-uile shoithichean umha, leis an do fhrithheil iad, thug iad air falbh.

19 Agus na soithichean ionnlaid, agus na h-aighnean-teine, agus na cuachan, agus na coireachan, agus na coinneirean, agus na liadhan, agus na copain, a' chuid a bha do òr na òr; agus a' chuid a bha do airgiod na airgiod, thug ceannard an fhreiceadain air falbh.

20 An dà phost, an aon fhairge, agus an dà tharbh dheug umha, a bha fuidh na bonnaibh, a rinn rìgh Solamh air son tighe an Tighearna; cha robh tomhas air umha nan soithichean so uile.

21 Do thaobh nam post, b'e airde gach aon phuist ochd làmh-choille deug, agus

dheanadh sreang dà làmh-choille dheug a thomhas mu'n cuairt, agus b'e 'thiughead ceithir oirlich, fàs a stigh.

22 Agus bha coron umha air, agus b'e cùig làmh-choille airde gach aon choroin, le lion-obair agus ubhlaidh granait air na coronaibh mu'n cuairt, an t-ionmhan do umha; air a' phost eile mar an ceudna bha ubhla granait eosinhuil ri so.

23 Agus bha sè-deug agus ceithir fichead ubhla granait air aon taobh, ceud ubhla granait air an lion-obair uile mu'n cuairt.

24 Agus thug ceannard an fhreiceadain leis Seraiah, an t-ard-shagart, agus Sephaniah an dara sagart, agus na trì dorsairean.

25 Thug e fòs as a' chathair cailteanach air an robh cùram nam fear-cogaidh, agus seachd fir dhiubhsan, a bha dlù do phearsa an rìgh, a fhuaradh anns a' eathair, agus ard-sgrìobhuiche an t-sluaigh, a ghabh àircamh muinntir an fhearainn, agus trì fichead fear do mhuinntir an fhearainn, a fhuaradh ann am meadhon a' bhaile;

26 Ghabh eadhon Nebusar-adan ceannard an fhreiceadain iad, agus thug e iad a chum rìgh Bhabiloin gu Riblah.

27 Agus bhual rìgh Bhabiloin iad, agus chuir e gu bàis iad ann an Riblah, ann am fearann Hamait: mar sin thugadh Iudah air falbh ann am bruid as 'fhearann fein.

28 So an sluagh a thug Nebuchadnesar air falbh ann am bruid, anns an t-seachdamh bliadhna, trì mìle Iudhaeh agus trì thar fhichead.

29 Ann an ochdamh bliadhna deug Nebuchadnesair, thug e air falbh ann am bruid o Ierusalem, ochd ceud anam, agus a dhà dheug thar fhichead.

30 Ann an treas bliadhna fichead Nebuchadnesair, thug Nebusar-adan ceannard an fhreiceadain air falbh ann am bruid do na h-Iudhaich seachd ceud, dà fhichead, agus cùig anam: b'iad na h-anaman uile ceithir mìle agus sè ceud.

31 Agus tharladh anns an t-seachdamh bliadhna deug thar fhichead do bhraigheanas Ichoiachim, rìgh Iudah, anns an dara mìos deug, air a' chùigeamh là fichead do'n mhìos, gu'n do thog Ebhil-merodach, rìgh Bhabiloin, anns a' cheud bhliadhna d'a linn, suas ceann Ichoiachim rìgh Iudah, agus thug e mach a prìosun e,

32 Agus labhair e gu caomhail ris, agus chuir e a chaithir os eionn eathrachra nan rìghrean, a bha leis ann am Babilon.

33 Agus dh'atharruich e a chulaidh-phrìosun: agus dh'ith e aran na fhianuis do ghnàth, fad uile laithean a bheatha.

34 Agus air son a lòn lathail, thugadh dha o rìgh Bhabiloin, gach aon latha cuibh-rionn, gu là a bhàis, fad uile laithean a bheatha.

# TUIREADH IEREMIAH.

## CAIB. I.

**C**IA uaigneach a ta i na suidhe, a' chathair, a bha làn do dhaoine! cionnus a dh'fhàs i mar bhantraich! Ise bha mòr am measg nan cinneach, agus na h-uachdaran am measg nan dùchanna, cionnus a ta i air teachd fuidh chis!

2 Tha i ri gul gu geur anns an oidhche, agus a deoir air a gruaidhean; fear comh-fhurtachd air bith cha'n 'eil aice a measg a h-uile luchd-gaoil; bhuin a cairdean uile gu fealltach riùle, dh'fhàs iad nan naimhdean d'i.

3 Dh'imich Iudah air falbh ann am braighdeanas; ann an an-shocair, agus ann an daorsa mhòr tha i chòmhnuidh am measg nan cinneach, cha'n 'eil i faotuinn suaimhneis air bith; rug a luchd-ruagaidh uil' oirre' eadar na cunglaichean.

4 Tha ròidean Shìoin ri bròn, a chionn nach 'eil aon neach a' teachd a chum na h-ard-fhéille; tha a geatachan uile fàs; tha a sagairt ag acaìn; tha a h-òighean fuidh leòn, agus tha i féin ann an searbhadas.

5 Is iad a h-eascairdean a tha'n uachdar, tha a naimhdean a' soirbheachadh; oir leòn an Tighearn i, air son lionmhoireachd a lochdan; dh'fhalbh a clann am braighdeanas fa chomhair an nàmhaid.

6 Agus dhealuich a sgèimh uile ri nighinn Shìoin; tha a prionnsachan air fàs mar fhéidh nach 'eil a' faotuinn ionaltraidh; agus dh'imich iad gun neart roimh an fhear-ruaige.

7 Chuimhnich Ierusalem ann an latha a h-amhghair, agus a truaighe, air a h-uile nìthibh solasach, a bha aice anns na laithibh o shean; an tra thuit a daoine ann an làimh an nàmhaid, agus nach d'rinn neach a cuideachadh; chunnaic na naimhdean agus rinn iad fanaid a sa bàidibh.

8 Pheacaich Ierusalem gu trom; air an aobhar sin tha i air a h-atharrachadh: iad-san uile thug urram dh'i, tha iad ri tàir oirre, chionn gu fac' iad a lomnochdaiche; seadh, tha ise ri caoidh, agus a' tionndadh air a h-ais.

9 Bha a salchar na sgiortaibh, cha robh i cuimhneach air a crìch dheireannaich; uime sin thugadh i nuas gu h-iongantach; cha'n 'eil fear-comh-fhurtachd aice: amhairc, O Thighearn, air m'amhghar, oir mheudaich an nàmhaid e fèin.

10 Shìn an nàmhaid a mach a làmh air a h-uile nìthibh taitneach; gu deimhin chunnaic i cinnich a' dol a steach d'a h-ionad naomh, do'n d'àithn thusa nach rachadh iad a steach do d'chomhthional.

11 Tha a sluagh uile ag osnaich; tha iad ag iarraidh arain; thug iad an nithe luach-

mhòr air son lòn, a chumail beo an anama feuch, O Thighearn, agus thoir fàinear, mar a ta mi air fàs suarach.

12 O sibhs' uile tha gabhail an rathaid, amhaircibh agus faicibh am bheil bròn sam bith cosmhuil ri mo bhròn-sa, a thugadh orm, o'n uair an d'rinn an Tighearn mo-smachdachadh ann an là a dhian fheige.

13 Chuir e teine a nuas, agus thug e air dol a steach do m'chnàmhaidh; sgaoil e lòn air son mo chas; phill e mi air m'ais: rinn e fàs mi, fad an là ri caoidh.

14 Tha a chuing air a ceangal; tha mo lochdan air an sniomh le a làimh, tha iad air an càradh mu'm mhuincal; thug e air mo threise tuiteam, thug an Tighearn thairis mi d'an lànhan, cha'n urradh mi éirigh suas.

15 Shaltair an Tighearn fo chois m'uile dhaoine cumbachdach ann am mheadhon-ghairm e coimhthional a' m'aghaidh a bhruthadh mo dhaoine òga; mar ann an anar-bruthaidh fiona, bhruth an Tighearn òigh nighean Iudah.

16 Air son nan nithe so guileam, tha mo shùil, mo shùil a sìleadh sìos le h-uisge; chionn gu bheil am fear-comh-fhurtachd, a bheireadh fuasgladh do m'anam, fada uam: tha mo chlann uaigneach, a chionn gu'n d'thug an nàmhaid buaidh.

17 Tha Sion a' sgaoileadh a mach a làmh, cha'n 'eil neach ann a thoirt d'i comh-fhurtachd; dh'àithn an Tighearn do thaobh Iacoib, a naimhdean a bhi air gach taobh mu'n cuairt da; tha Ierusalem nam measg mar aon a chuireadh air leth air son neo-ghloine.

18 Is ceart an Tighearn, oir chathaich mis' an aghaidh a' d'heantan; éisdibh, guidheam oirbh, a shlòigh gu léir, agus faicibh mo bhròn: m'òighean agus m'òga-naich dh'fhalbh ann am braighdeanas.

19 Ghairm mi air mo leannain, ach mheall iad mi; thug mo shagairt agus mo sheanairean suas an deò anns a' chathair, am feadh a dh'iarr iad am biadh gu cobhair air an anam.

20 Feuch, O Thighearn, mar a ta mi ann an teinn; tha mo chora fuidh thrioblaid, tha mo chridhe air tionndadh an taobh a stigh dhìom; oir chiontaich mi gu trom: a muigh tha claidheamh a' sgrios, a stigh tha amhuil bàs.

21 Chual iad mar a rinn mi acaìn, ach cha'n 'eil neach a thoirt dhomh comh-fhurtachd; chuala mo naimhdean uile m'amhghar; rinn iad gairdeachas a chionn gu'n d'rinn thusa sin: bheir thus' an là a ghairm thu, agus bidh iadsan cosmhuil riumsa.

22 Thigeadh an aingidheachd uile' fa d'chomhair; agus dean riù, mar a rinn thu



riumsa air son m'ùile lochdan: oir tha m'òsnaidhean lionmhor, agus mo chridhe lag.

CAIB. II.

**C**IONNUS a tharruing an Tighearn na chorruih neul air nighinn Shioin! agus a thilg e sìos o nèamh gu talamh maise Isracil! agus cha do chuimhnich e stòl a choise ann an latha 'fheirge!

2 Shluig an Tighearn suas uil' aiteachacòmhuidh Iacob, agus cha do ghabh e truas: thilg e sìos na chorruih daingnichean làidir nighinn Iudah: thug e suas gu làr iad, thruaill e an rioghachd, agus a daoine urramach.

3 Ghearr e as na dhian fheirg adharc Isracil uile: tharruing e air a h-ais a làmh dheas o aghaidh an nàmhaid; agus loisg e 'n aghaidh Iacob mar ùcine lasrach a loisgeas air gach taobh.

4 Lùb e 'bhogha mar nàmhaid; thog e 'n aird a làmh dheas mar eascairid, agus mharbh e na h-uile ògamach, a bha taitneach do'n t-sùil; ann am pàilliumn nighinn Shioin thaom e mach a chorruih, mar theine.

5 Bha an Tighearn mar nàmhaid: shluig e suas Israel, shluig e suas 'àrois uile; sgrios e a dhaignichean làidir, agus mheudaich e, ann an nighinn Iudah, bròn agus caoidh.

6 Agus sgaoil e as a' chèile a phàilliumn mar challaid; sgrios e a choimhthional fèin: leig an Tighearn as 'aire ann an Sion an ard-fhéill agus an t-sàbaid; agus rinn e tair, ann an teas a chorruih, air an rìgh agus air an t-sagart.

7 Chuir an Tighearn air cùl 'altair, ghabh e gràin d'a naomh-ionad; thug e suas ballachan a h-àrois do làimh an eascairid; rinn iad gair ann an tigh an Tighearna, mar ann an là ard-fhéille.

8 Tha an Tighearn fa rùn ballachan nighinn Shioin a mhilleadh; shìn e mach sreang, cha do chum e a làmh o mhilleadh: ach thug e air an daingneach agus air a' bhalla caoidh; shearg iad as le chèile.

9 Tha a geatachan air dol sìos anns an talamh; mhill agus bhris e a cruinn-dhruididh; tha a rìghrean agus a h-uachdrain ann mcasg nan cinneach; an lagh cha 'n eil ann; aig a fàidhean fòs cha 'n eil sealladh air bith o'n Tighearn.

10 Tha seanairean nighinn Shioin nan suidhe air làr, tha iad nan tosd; chuir id duslach air an ceann: chriosluich siad iad fèin le sac-éideadh: tha òighean Ierusalem a' cromadh sìos an cinn gu làr.

11 Tha mo shùilean air fàilneachadh le deuraibh; tha mo chon fo thrioblaid; dhòirteadh mo sgamhan air an talamh air son lèir-sgrios nighinn mo shluaigh; a chionn gu bheil a' chlànn bheag agus na naoidheana a' fannachadh ann an sràidibh na cathrach.

12 Rì 'm màithrichibh a deir iad, C'ait am bheil arbhar agus fion? an tra tha iad a' fàilneachadh, mar dhaoine leònta ann an sràidibh a' bhaile, tra tha an anam air a dhòrtadh a mach ann an uchd am màthar.

13 Ciod a thairngeas mi mar fhianuis a'd' aghaidh? ciod an nì a' shàmbhluicheas mi riut, O nighean Ierusalem? ciod a choimeasas mi riut, a chum gu'n d'fhugainn comhfhurtachd dhuit, O òigh-nighean Shioin? oir tha do bhriseadh mòr, mar an fhaighe; cò dh'fheudas do leigheas?

14 Chunnaic d'fàidhean nithe diomhain agus amaideach air do shon, agus cha do leig iad ris d'eachart, a chum do bhruid a philleadh air a h-ais; ach chunnaic iad iad do shon fàisneachd neo-fhìrinnich, agus aobhar fògraidh.

15 Tha mhead as a ta gabhail seachad a' bualadh am bas riut: tha iad ri sgeig-fhiacla, agus a' crathadh an cinn ri nighinn Ierusalem, *ag ràdh*, An i so a' chathair ri 'n goircar, Foirfeachd maise, Aoibhneas an domhain uile?

16 Dh'fhosgail do naimhdean uile am beul a'd' aghaidh: rinn iad sgeig is giosgan fhiacla; thubhairt iad, Shluig sinn suas i; gu cinnteach is esò an là ri 'n robh ar sùil: fhuair sinn e, chunnaic sinn e.

17 Rinn an Tighearn an nì sin, a dhealbha; choimhlion e 'fhocal, a dh'aitlìn e, anns na laithibh o shean: thilg e sìos, agus cha do ghabh e truas; ach thug e air nàmhaid gairdeachas a dheanamh tharad, dh'ardaich e adharc do naimhdean.

18 Dh'èigh an cridhe, Ann an lathair an Tighearna, O a nighean Shioin, sìleadh deoir sìos mar shruth a latha agus a dh'oidhche: na d'thoir dhuit fèin suaimhneas air bith, na gabhadh cloch do shùl fois.

19 Eirich, glaoth gu h-ard anns an oidhche: ann an tùs na faire dòirt a mach do chridhe mar uisge fa chomhair gnùise Iehobah: tog suas do làmhnan d'a ionnsuidh, air son anama do chloinne òige, ta fàilneachadh le h-acras aig ceann gach aon sràide.

20 Feuch, O Thighearn, agus thoir fainear cò ris a bhuin thu mar so: an ith na mnaithan toradh na bronn, naoidheana maotha? am marbhar an sagart agus am fàidh ann an ionad naomh an Tighearna?

21 Luidh an t-òg agus an sean air an làr anns na sràidibh; tha m'òighean agus m'òganaich air tuiteam leis a' chlàidh-camh; mharbh thu iad ann an latha do chorruih; mharbh thu, agus cha do ghabh thu truas.

22 Ghairm thu, mar air là suidhichte, m'uamhasan air gach taobh, air chor as, air là feirge an Tighearna, nach robh neach ann a chaidh as, no mhair beo: a' mhuinntir a dh'oil agus a dh'airich mi, chuir mo nàmhaid as doibh.

## CAIB. III.

**I**S mise an duine, a chunnaic ambghar le slait a chorrnich.

2 Stiur e mi, agus thug e orm gluasad ann an dorchadas, agus ni h-ann an solus.

3 Gu cinnteach a'm' aghaidh-sa phill e; tha e pilleadh a làimhe air a h-ais ann am aghaidh feadh an là gu h-ìomlan.

4 M'fheoil agus mo chraicinn rinn e sean, bhris e mo chnàmhan.

5 Thog e ann am aghaidh, agus chuairtich e mi le domblas agus le saothair.

6 Chuir e mi chòmhnuidh ann an ionad-aibh dorchas, mar iadsan a ta cian marbh.

7 Chuairtich e mi le gàradh air gach taobh, air chor as nach fèid mi teachd a mach, rinn e mo shlabhraidh trom.

8 Mar an ceudna, tra ghlaodhas agus a dh'èigheas mi, tha e druideadh a mach m'urnaigh.

9 Dhruid e suas mo shlighe le clachaibh snaighte: rinn e cam mo cheuma.

10 Mar mhath-ghamhuinn a' luidhe 'm folach bha e dhomh, mar leòmhann ann an ionadaibh uaigneach.

11 Rinn e mo shlighe fiar, agus reub e mi an bloighdibh: rinn e mi a'm' aon-aran.

12 Lùb e 'bhogha, agus chuir e mise mar chomhara air son na saighde.

13 Thug e air saighdibh a dhorlaich dol a steach ann am àiribh.

14 Bha mi ann am chùis-mhagaidh do mo shluagh uile, ann am òran doibh fad an là.

15 Lìon e mi le searbhadas, chuir e air mhisg mi le searbh-luibhean.

16 Bhris e m'fhiacra fòs le clachaibh gainmhiche, chòmhdaich e mi le luathre.

17 Agus dh'atharruich thu m'anam am fad o shìth; dhi-chuimhnich mi soirbheachadh.

18 Agus thubhairt mi, Tha mo spionnadh agus mo dhòchas air bàsachadh o 'n Tighearn.

19 Tha cuimhneachadh air m'amhghair agus mo thruaighe, na shearbhadas agus na domblas.

20 Tha m'anam fathasd 'g an cuimhneachadh, agus air irisleadh an taobh a stigh dhìom.

21 Tha mi gairm so a ris gu m' aire; uime sin tha dochas agam.

22 Is ann do thròcairibh an Tighearna nach 'eil sinn air ar caitheadh, a chionn nach 'eil fàilinn air a thròcairibh.

23 Tha iad nuadh gach aon mhaduinn, is mòr do dhìlseachd!<sup>1</sup>

24 Is e an Tighearn mo chuibhrionn, deir m'anam; uime sin cuiridh mi mo dhòchas ann.

25 Is maith an Tighearn dhoibhsan, a dh'fheitheas air, do'n anam a dh'iarras e.

26 Is maith bhì ann an dòchas, agus feitheamh gu fòil ri slàinte an Tighearna.

27 Is maith do dhuine a' chuing a ghidh-an na òige;

28 Suidhidh e na aonar, agus bidh e na thosd, a chionn gu'n d'rinn e a giùlan.

29 Cuiridh e 'bheul anns an duslach, ma's teagamh gu'm bi dòchas ann.

30 Bheir e a ghial do'n tì bhuaileas e, bidh e air a lìonadh làn do mhasladh.

31 Oir cha tilg an Tighearn uaith gur bràth;

32 Ach ged bheir e aobhar bròin, gidheadh ni e iochd do réir lìonmhoireachd a thròcairean.

33 Oir cha chlaoidh e d'a dheoin, ni mò chràidheas e clann nan daoine.

34 Pìosunaich na talmhainn uile a bhruthadh f'a chasaibh,

35 Còir duine thionndadh a leth-taobh, fa chomhair gnùise an Tì a's airde,

36 Eucoir a dheanamh air duine na chùis, cha taitneach leis an Tighearn.

37 Cò esan a their, agus gu'n d'thig e gu crìch, an uair nach àithn an Tighearn?

38 Nach ann o ordugh an Tì a's ro-airde a thig oic agus maith?

39 C'uum' an dean duine beo gearan, duine air son sinachdachaidh a pheacaidh.

40 Rannsuicheamaid agus dearbhamaid ar sligheacha, agus pilleamaid a ris a dh'ionnsuidh an Tighearna.

41 Togamaid suas ar cridhe maille ri 'r làmhnan ri Dia anns na nèamhaibh.

42 Pheacaich sinne agus rinn sinn ar a mach, agus cha do mhaith thusa.

43 Chuairtich thu le fèirg, agus gheurlan thu sinn; mharbh thu, cha do ghabh thu truas.

44 Chòmhdaich thu thu féin le neul, ionnus nach rachadh urnuigh troimhe<sup>2</sup>.

45 Rinn thu sinu 'nar salchar agus 'nar diù ann am measg an t-sluaigh.

46 Dh'fhosgail ar naimhdean uile am beul 'nar n-aghaidh.

47 Thàinig eagal agus rib oirnn, fàsachadh agus mìleadh.

48 Tha mo shùil a' sìleadh sìos le sruthaibh nìsge air son léir-sgrìos nìghinne mo shluaigh.

49 Tha mo shùil a' sìleadh sìos gun chasgadh agus gun sgar:

50 Gus an seall an Tighearn a nuas, agus gu'n amhairc e o nèamh.

51 Tha mo shùil a' cur doilgheis air mo chridhe, air son uile nigheana mo chathrach.

52 Ruaig mo naimhdean mi gu geur, mar eun gun aobhar.

<sup>1</sup> thairisneachd.<sup>2</sup> roimhe, trid,



53 Ghearr iad as m'anam anns a' phrìosun, agus chuir iad clach tharam.

54 Chaidh uisgeachan thar mo cheann mar thuil; thubhairt mi, Tha mi air mo ghearradh as.

55 Ghairm mi air d'ainmse, O Thighearn as an t-slochd iochdrach.

56 Chuala tu mo ghuth, na cum do chluas o m'achuinge agus o mo ghlaodh.

57 Tharruinge thu 'm fagus anns an làsan do ghairm mi ort: thubhairt thu, Na biodh eagal ort.

58 Thagair thusa, O Thighearn, cùisean m'anama, shaor thu mo bheatha.

59 Chunnaic thusa, O Thighearn, m'amhghar; cum thusa còir rium.

60 Chunnaic thu an uile dhioghaltas, an uile innleachdan ann am aghaidh.

61 Chuala tu am masladh, O Thighearn, an uile innleachdan ann am aghaidh;

62 Bile na muinntir a dh'èirich suas a'm' aghaidh, agus am borbhanaich ann am aghaidh fad an là.

63 Feuch an suidhe sìos agus an éirigh suas; is mise an còl.

64 Bheir thusa luigheachd dhoibh, O Thighearn, do réir oibre an làmh.

65 Bheir thu doilghios cridhe dhoibh, ni thu am mallachadh.

66 Ruaigidh tu ann am feirg, agus sgriosaidh tu iad o bhi fuidh nèamha an Tighearna.

#### CAIB. IV.

**C**IONNUS a thàinig smal air an òr! a chaochail an t-òr ro-fhincalta! tha clachan an naomh-ionaid air an tilgeadh a mach air mullach gach aon sràide!

2 Mic luachmhor Shìoin, a dh'fheudta choimeas ri òr finealta, cionnas a mheasar iad mar shoithichean creadha, obair a' chreadhadair!

3 Tairngidh eadhon na dragoin a mach am bròlach, bheir iad a' chìoch d'an àlach: tha nighean mo shluaigh-sa an-ìochdmhor, mar na h-oistrichean san fhàsach.

4 Tha teanga naoidhein na cìche a' lean-tuinn r'a ghial le tart: tha chlann òg ag iarraidh arain; cha'n 'eil aon 'ga bhriseadh dhoibh.

5 Tha iadsan aig an robh biadh sòghail nan aonarain anns na sràidibh; iadsan a thogadh suas ann an scarlaid, tha iad a' filleadh an làmh mu'n òtrach.

6 Seadh tha peanas aingidheachd nighinne mo shluaigh-sa ni's mò nà peanas peacaidh Shodaim, a thilgeadh bun os cionn ri tiota, agus air nach d'thàinig laigse làmh.

7 Bha a Nasaraich ni bu ghlainne na sncachda; bu ghile iad na bainne; bu deirge iad sa' chorp na ruiteachain; bha an dreach mar shaphir.

8 Is duibhe an gnùis nà gual; cha'n aithnichear iad anns na sràidibh; tha an

cracìonn a leantuinn ri'n cnàmhan; tha e air tiormachadh; tha e air fàs mar mhaide.

9 Is fearr dhoibhsan a mharbhar leis a' chlaidheamh nà dhoibhsan a mharbhar le gort; oir tha iad sin a' scargadh as, air an lotadh dh'ulreasbhuidh toraidh na mach-rach.

10 Bhrùich làmha nan ban iochdmhor an clann fèin; b'iad am biadh, ann an léirsgrìos nighinne mo shluaigh.

11 Choimhlion an Tighearn a chorruich, thaom e mach a dhian-fhearg, agus las e teine ann an Sion, agus loisg e sin a bunaite.

12 Cha chreideadh rìghre na talmhainn, no uile luchd-àiteachaidh an domhain, gu'n rachadh an t-eas-caraid agus an nàmhaid a steach air geatachan Ierusalem.

13 Air son pheacanna a fàidhean, agus aingidheachdan a sagart, a dhòirt fuil nam firean na meadhan;

14 Chaidh iad air seachran mar dhaoine dall anns na sràidibh, shaluich iad iad fèin le fuil, air chor as nach feudadh daoine buntainn ri 'n eudach.

15 Imichibh, tha sibh neo-ghlan, thuirt daoine riu; imichibh, imichibh, na bean-aibh: seadh, theich iad, dh'fhalbh iad; thubhairt iad an measg nan cinneach, Cha ghabh iad còmhnuidh an so ni's-mò.

16 Rinn fearg an Tighearna an sgaoileadh, cha chuir e ni's mò ann an suim iad: cha robh meas ac' air pearsannaibh nan sagart; ris na seanairibh cha do chum iad bàigh.

17 Am feadh a bha sinn ann, dh'fhàilnich ar sùilean ag anihare ri cobhair dhiomhain: am feadh a rinn sinn faire, bha ar sùil ri cinneach nach b'urradh tear-nadh.

18 Lorgaich iad ar ceuma, air chor as nach feudamaid imeachd 'nar sràidibh: tha ar crìoch dlù, tha ar laithean air an coimhlionadh, seadh, thàinig ar crìoch.

19 Bu luaithe ar luchd-leanmhuinn nà iolairan nèimhe; ruaig iad sinn air na sléibhtibh, luidh iad am folach air ar son anns an fhàsach.

20 Ghlacadh nan slochdaibh anail ar cuinneana, ti ungta an Tighearna, mu'n d'thubhairt sinn, Fuidh a sgàile mairidh sinn beo am measg nan cinneach.

21 Dean gairdeachas, agus bi ait, O nighean Edoim, aig am bheil do chòmhnuidh ann am fearann Uis; thèid an cupan thairis fòs chugadsa; bithidh tu air mhisg, agus leigidh tu ris do lomnoch-duich.

22 Tha peanas d' ea-cèirt air a choimhlionadh, O nighean Shìoin, cha d'thoir e ni's mò air falbh ann am bruid thu; smachdaichidh e d'eacart-sa, O nighean Edoim, leigidh e ris do lochdan,

## CAIB. V.

**C**UIMHNICH, O Thighearn, ciod a thàinig oirnn: thoir faineir, agus faic ar masladh.

2 Thugadh thairis ar n-oighreachd gu coimhich, ar tighean gu coigrich.

3 Tha sinn 'n ar dilleachdain, agus gun athair, ar màithrichean mar bhantraichibh.

4 Dh'òl sinn ar n-uisge air son airgid, tha ar coille air a reic ruinn.

5 Le cuing ar muineil tha sinn air ar sìor-leòd; tha sinn a' saothreachadh, agus gun fhois againn.

6 Thug sinn an làmh do na h-Eiphitich, agus do na h-Asirianaich, a chum bhi air ar sàsachadh le h-aran.

7 Pheacaich ar n-aithrichean, agus cha 'n 'eil iad ann, agus ghiùlain sinne an eacartan.

8 Bha seirbhisich nan uachdarain oirnn: cha 'n 'eil duine sam bith ann a shaoras o 'n làmh.

9 Fhuair sinn ar n-aran le *cunthart* ar n-anama, do bhrìgh claidheimh an fhàsaich.

10 Bha ar craicionn dubh mar àmhluinn, do bhrìgh na gorta uamhasaich.

11 Dh'éignich iad na mnathan ann an Sion, na maighdeanan ann an caithrichibh Iudah.

12 Bha prionnsachan air an crochadh suas le 'n làmh: cha d' thug iad urram do aghaidh nan aosda.

13 Ghabh iad na h-òganaich gu meileadh, agus thuit a' chlànn fuidh 'n chonnadh.

14 Thréig na seanaircan an gcata, na h-òganaich an ceòl.

15 Sguir aoibhneas ar chridhe, chàochail ar dannsadh gu bròn.

16 Thuit an coron<sup>1</sup> bharr ar cinn: mo thruaighe sinne chionn gu 'n do pheacaich sinn.

17 Air son so tha ar cridhe lag, air son nan nithe so tha ar sùilean air an dorchachadh<sup>2</sup>.

18 Air son sléibh Shioin a ta fàs; tha na sionnaich a' coiseachd air.

19 Ach tha thusa, O Thighearn, mairceanach gu sìorruidh; do chaithir rioghail o linn gu linn.

20 C' uim' an dean thu dcarmad oirnn gu bràth, agus am bheil thu 'g ar tréigsinn uine co fhada?

21 Pill sinne chugad, O Thighearn, agus bithidh sinn air ar pilleadh: athnuadhaich ar laithean mar o shean.

22 Oir thig thu sinn cian fada uait; bha thu ro-fheargach 'nar n-aghaidh.

## ESECIEL.

## CAIB. I.

**A**GUS tharladh, anns an deicheamh bliadhna fichead, anns a' cheathramh mìos, air a' chùigeamh là do 'n mhìos, (air dhomhsa bhi measg nam braighdean aig abhainn Chebair,) gu 'n d' fhosgladh na n-èamha, agus chunnaic mi taisbeana Dhé.

2 Air a' chùigeamh là do 'n mhìos, (b'i sin an chùigeamh bliadhna do bhruid rìgh Iehoiacin.)

3 Thàinig focal an Tighearna gu Eseciel an sagart, mac Bhusi, ann an tìr nan Caldéach, aig uisge Chebair, agus bha làmh an Tighearna air anns an àite sin.

4 Agus dh'amhaire mi, agus feuch, ghiùlain ioma-ghaoth o'n airde-tuath, neul mòr a bha air a' chnairteachadh le filltean teine, agus dealradh air gach taobh dheth; agus na mheadhon bha amhuil dreach òmair, cadhon ann am meadhon an teine.

5 Agus mach as a meadhon mar an ceudna thàinig coslas cheithir ainmhidhean, agus b' e so an aogus; Bha iad ann am meudachd duine,

6 Agus bha ceithir aghaidhean aig gach aon diubh, agus ceithir sgiathan aig gach aon diubh.

7 Agus bha an casan dìreach, agus bha

bonn an cas, mar bhonn coise laoiigh, agus loinnrich iad mar dhath praise lìomhta.

8 Agus bha làmhnan duine fuidh an sgiathaibh, air an ceithir taobha, agus bha aig a' cheithir an aghaidhean agus an sgiathan.

9 Bha an sgiathan dlùthaichte, gach aon r'a chèile; cha do thionndaidh iad 'nuair a ghluais iad, chaidh iad air an aghaidh, gach aon dìreach roimhe.

10 Air son coslais an aghaidhean, bha aca nan ceathrar aghaidh duine, agus aghaidh leòmhainn air an taobh deas, agus bha aca nan ceathrar aghaidh daimh air an làmh chlì; bha fòs aca nan ceathrar aghaidh iolarach,

11 B' amhuil so an aghaidhean: agus an sgiathan sgaoilte gu h-ard; dithis aig gach aon, dlùthaichte r'a chèile, agus dithis a' folach an cuirp.

12 Agus dh' imich iad, gach aon dìreach air aghaidh: far an robh an spiorad air tì dol, dh'imich iad: cha do thionndaidh iad 'nuair a dh' imich iad.

13 Do thaobh coslais nan ainmhidh, bha an aogus mar eibhle dearga teine, cosmhuil ri lòchran, a chaidh air ais agus air aghaidh ann measg nan ainmhidhean: agus bha 'n teine dealreach; agus as an teine thàinig a mach dealanach.

<sup>1</sup> crùn.<sup>2</sup> lag-radharach.



14 Agus ruith na h-ainmhidhean, agus phill iad, mar phlath dealanaich.

15 'A nis am feadh a' bha mi sealltuinn air na h-ainmhidhean, feuch, aon roth air an talamh, làimh ris na h-ainmhidhean, aig an ceithir aghaidhean.

16 Bha dreach nan rothan agus an obair mar dhreach criostail; agus bha 'n aon choslas aig a' cheithir, agus bha an aogus agus an obair mar gu 'm biodh aon roth ann am meadhan rotha.

17 Nan imeachd dh' imich iad air an ceithir taobha: cha do thionndaidh iad 'nuair a dh' imich iad.

18 Do thaobh an cearcal, bha iad co ard as gu 'm b' uamhasach iad; agus bha an cearcal làn do shùilbh mu 'n cuairt doibh nan ceathrar.

19 Agus an uair a ghluais na h-ainmhidhean, ghluais na rothan làimh riu: agus an uair a thogadh na h-ainmhidhean suas o 'n talamh, thogadh na rothan.

20 C'ait air bith a bha 'n spiorad air ti dol, dh' imich iadsan an taobh a bha 'n spiorad air ti dol, agus thogadh suas na rothan fa 'n comhair; oir bha spiorad an ainmhidh anns na rothaibh.

21 'Nuair a ghluais iad sin, ghluais [iad so], agus 'nuair a sheas iad sin, sheas [iad so], agus 'nuair a thogadh iad sin suas o 'n talamh, thogadh na rothan suas fa 'n comhair; oir bha spiorad an ainmhidh anns na rothaibh.

22 Agus bha aogus an speur a bha thar cinn an ainmhidh mar dhreach criostail eamhasaich, air a sgaoileadh thar an cinn gu h-ard.

23 Agus fuidh an speur bha an sgiathan gu dìreach, gach aon fa chomhair a' chéile; aig gach aon bha dithis, a dh'fholuich air an taobh so, 's aig gach aon bha dithis a dh' fholuich air an taobh sin, an cuirp.

24 Agus chuala mi fuaim an sgiathan, mar thoirm mhòran uisgeacha, mar ghuth an Uile-chumhachdaich; an uair a ghluais iad, cluinnteadh fuaim, mar thorman sluagh; tra sheas iad, leig iad sìos an sgiathan.

25 Agus bha guth o 'n speur, a bha thar an cinn, tra sheas iad, agus a leig iad sìos an sgiathan.

26 Agus os cionn an speur, a bha thar an cinn, bha sàmhla rìgh-chatlach, mar choslas cloiche sapheir; agus air sàmhla na rìgh-chatlach, bha taisbean mar gu 'm biodh coslas duine na shuidhe air.

27 Agus chunnaic mi mar dhreach òmair, mar choslas teine air gach taobh a stigh ann: o thaisbeanadh a leasraidh, agus os a chionn, agus o thaisbeanadh a leasraidh agus fuidhe, chunnaic mi mar gu 'm biodh ann coslas teine, agus e dealrach mu 'n cuairt.

28 Mar choslas a' bhogha ta san neul

ann an là na froise, b' amhuil dreach an dealraidh mu 'n cuairt. B' e so foillseachadh sàmhlaidh glòire an Tighearna; agus 'nuair a chunnaic mise, thuit mi air m' aghaidh, agus chuala mi guth aon a' labhairt.

## CAIB. II.

**A**GUS thubhairt e rium, A mhic an duine, seas air do chasaibh, agus labhairidh mise riut.

2 Agus chaidh an spiorad a steach annam an uair a labhair e rium, agus chuir e air mo chasaibh mi, ionnus gu 'n cuala mi an ti a labhair rium.

3 Agus thuirt e rium, A mhic an duine, tha misc ga d' chur gu cloinn Israeil, gu cinneach ceannairceach a rinn ar a mach ann am aghaidh; chiontaich iad féin agus an aithrichean ann am aghaidh, gus an là an diugh.

4 Oir is clann nìh-nàrach agus chruaidh-chridheach iad: tha mise ga d' chur d' an ionnsuidh, agus their thu riu, Mar so deir an Tighearn Dia.

5 Agus iadsan, ma dh' éisdeas iad, no ma dhearmaideas iad, (oir is tigh ceannairceach iad,) gidheadh bidh fios aca gu robh fàidh nam mcasg.

6 Agus thusa, a mhic an duine, na biodh eagal ort rompa, agus na biodh fiamh ort roimh an briathraibh, ged' tha dreasan agus droighionn mu 'n cuairt duit, agus do chòmhnuidh ann am mcasg nathraichean nìmhe: na biodh cagal ort roimh am briathraibh, ni mò bhios geilt ort roimh an gnùis, ged' is tigh ceannairceach iad.

7 Agus labhairidh tu mo bhriathrasa riu, co ac' a dh' éisdeas iad, no dhearmaideas iad, oir tha iad ro cheannairceach.

8 Ach thusa, a mhic an duine, cluinn ciod a deir mise riut, Na bi thusa eas-umhal, cosmhail ris an tigh eas-umhal sin: fosgail do bheul, agus ith an ni bheir mise dhuit.

9 Agus nuair a dh' amhaire mi, feuch, bha làmh air a cur do m' ionnsuidh, agus feuch, bha rola leabhair innte.

10 Agus sgaoil e fa m' choinneamh e, agus bha e sgrìobhta stùgh agus a mach: agus bha sgrìobhta ann tureadh, agus bròn, agus truaighe.

## CAIB. III.

**O**S-barr thuirt e rium, A mhic an duine, ith an ni gheibh thu; ith an rola so, agus falbh, labhair ri tigh Israeil.

2 Mar sin dh' fhosgail mi mo bheul, agus thug e orm an rola sin itheadh.

3 Agus thuirt e rium, A mhic an duine, thoir air do bhroinn itheadh, agus lion do chom leis an rola so, a bheireansa dhuit. An sin dh' fth mi, agus bha e ann mo bheul mar nhl air mhillsead.

4 Agus thuirt e rium, A mhic an duine, falbh, imich gu tigh Israeil, agus labhair le m' bhriathraibh-sa riu.

5 Oir cha 'n 'eil thu air do chur gu sluagh aig am bheil teanga choimbeach, agus cainnt chruaidh, ach gu tigh Israeil.

6 Cha 'n ann gu mòran sluaigh, aig am bheil teanga choimbeach, agus cainnt chruaidh, nach urradh thu 'm briathran a thuigsin: gu cinnteach nan cuirinn do 'n ionnsuidh-san thu, dh' éisdeadh iad riut.

7 Ach cha 'n éisd tigh Israeil riut, oir cha 'n éisd iad riumsa; oir tha tigh Israeil uile mi-nàrach agus cruaidh-chridheach.

8 Feuch rinn mi do ghnùis làidir an aghaidh an ghnùis-san, agus d' eadann làidir an aghaidh an eudainn-san.

9 Mar adamant, ni 's cruaidhe nà clach theine, rinn mise d' endann; na biodh eagall ort rompa, agus na biodh sgàth ort roimh an ghnùis, ged' tha iad nan tigh ceannairceach.

10 Os-barr thuirt e rium, A mhic an duine, gabh ann ad chridhem 'nile bhriathrasa, a labhras mi riut, agus éisd le d' chluas-aibh.

11 Agus falbh, imich dh' ionnsuidh na muinntir a ta ann am bruid, gu cloinn do shluaigh, agus labhair rin, agus innis doibh, Mar so deir an Tighearn Dia, co ac' a dh' éisdeas iad, no nach éisd.

12 An sin thog an spiorad suas mi, agus chuala mi air mo dhéigh guth tormain mhòir, ag ràdh, Beannuichte gu robh glòir an Tighearna o 'àite féin.

13 Chuala mi fos fuaim sgiath nan ainmhidhean, a bhean ri chéile, agus fuaim nan roth thall mu 'n coinn camh, agus fuaim luasgaidh mhòir.

14 An sin thog an spiorad suas mi, agus thug e leis mi, agus dh' imich mi ann an searbhach, ann an teas mo spioraid, ach bha làmh an Tighearna treun orm.

15 An sin thàinig mi chum na muinntir a bha nam braigheadh aig Tel-abih, a bha chomhnuidh làmh ri abhainn Chebair, agus shuidh mi far an do shuidh iadsan, agus dh' fhan mi 'n sin seachd laithean làn uamhais nam meadhon.

16 Agus tharladh an ceann sheachd laithean, gu'n d' thàinig focal an Tighearna do m' ionnsuidh, ag ràdh,

17 A mhic an duine, rinn mise fear-faire dhìot do thigh Israeil: uime sin, éisd am focal o m' bheul, agus thoir rabhadh dhoibh uamsa.

18 'Nuair a their mise ris an aingidh, Gheibh thu gu cinnteach bàs; agus nach d' thoir thusa rabhadh dha, agus nach labhair thu thoir rabhaidh do 'n chiontach o 'dhroch shlighe, chum 'anam a thearnadh; bàsaichidh an droch dhuine sin na aingidheachd, ach iarruidh mise 'fhuil air do làmhsa.

19 Gidheadh ma bheir thu rabhadh do 'n aingidh, agus nach pille o 'aingidheachd, no o 'dhroch shlighe, bàsaichidh esan na aingidheachd; ach shaor thusa d' anam féin.

20 A ris, an uair a philleas firean o 'fhìreantachd, agus a chuireas e 'n gnìomh peacadh, agus a chuireas mise ceap-tuislaidh fa chomhair, gheibh e bàs; a chionn nach d' thug thusa dha rabhadh, na pheacadh gheibh e bàs, agus cha chuimhnichear 'fhìreantachd a rinn e; ach iarruidh mise 'fhuil air do làmh-sa.

21 Gidheadh ma bheir thu rabhadh do 'n fhìrean, air chor as nach ciontaich am firean, agus nach dean e peacadh; mairidh e gu cinnteach beo, do bhrìgh gu 'n d' fhuair e rabhadh; mar an ceudna shaor thusa d' anam féin.

22 Agus bha làmh an Tighearna orm an sin, agus thuirt e rium; Eùrich, siubhail a mach do 'n chòmhnard, agus an sin labhraidh mise riut.

23 An sin dh' éirich mi, agus chaidh mi mach a chum a' chòmhnaird, agus feuch, sheas glòir an Tighearna san àite sin, mar a' ghloir a chunnaic mi aig abhainn Chebair; agus thuit mi air m' aghaidh.

24 An sin chaidh an spiorad annam, agus chuir e air mo chasaibh mi, agus labhair e rium, agus thuirt e rium; Falbh, druid thu féin a sìgh ann ad thigh.

25 Ach thusa, O mhic an duine, feuch, cuiridh iad boinn ort, agus ceanglaidh iad thu leo, agus cha d' fhèid thu mach nam measg.

26 Agus bheir mise air do theangaidh leantuina ri d' ghial, air chor as gu 'n bi thu balbh, agus nach bi thu dhoibh a' d' fhear-cronachaidh; oir tha iad nan tigh ceannairceach.

27 Ach an uair a labhras mise riut, fosglaidh mi do bheul, agus their thu rin, Mar so deir an Tighearn Dia, Esan a dh' éisdeas, eisdadh e; agus esan a dhearmaidcas, dearmaideadh e: oir tha iad nan tigh ceannairceach.

## CAIB. IV.

**T**HUSA mar an ceudna, a mhic an duine, gabh chugad leac-shuaine, agus cuir fa d' chomhair i, agus tarruing oirre am baile, Ierusalem.

2 Agus euairtich e le feachd, agus tog na aghaidh daingneach, agus tig suas torr na aghaidh; suidhich fòs campa na aghaidh, agus cuir reitheacha-cogaidh na aghaidh air gach taobh mu 'n cuairt.

3 A thuille air so, gabh chugad aoghann iaruin, agus suidhich e mar bhalla iaruin cadar thu agus am baile, agus cuir do ghnùis na aghaidh, agus bidh e air a theannachadh, agus cuiridh tu campa na aghaidh: bidh so na chomhara do thigh Israeil.

4 Luidh thusa fòs air do thaobh clì, agus leig ea-ceart tìghe Israeil air: do réir àireimh nan laithean a luidheas tu air, giùlainidh tu an ea-ceart.

5 Oir leig mis orts a bliadhnachan an ca-ceartan, do réir àireimh nan laithean,



tri cheud deich agus ceithir fichead là ; mar sin giùlainidh tu ea-ceart tighe Israeil.

6 Agus 'nuair a choimhlionas tu iad, luidh a ris air do thaobh deas, agus giùlainidh tu ea-ceart tighe Iudah dà fhichead là : dh'orduich mise dhuit là air son bliadhna.

7 Uime sin cuiridh tu d' aghaidh ri sèisdeadh Ierusalem, agus bidh do ghairdean air a rùsgadh, agus ni thu fàisneachd na aghaidh.

8 Agus, feuch, cuiridh mise cuibhrichean ort, agus cha tionndaidh thu thu fein o 'n aon taobh gus an taobh eile, gus an crìochnaich thu laithean do shéisdidh.

9 Gabh chugad fòs cruineachd, agus eorna, agus pònaire, agus peasair, agus meanbh-pheasair, agus peasair fhìadhbain, agus cuir iad ann an aon soitheach, agus dean duit fein aran diubh, do réir àireimh nan laithean, a luidheas tu air do thaobh ; tri cheud ceithir fichead agus deich laithean ithidh tu dheth.

10 Agus bidh am biadh, a dh' itheas tu air a chothromachadh, fichead secel anns an latha : o àm gu h-àm ithidh tu e.

11 Olaidh tu mar an ceudna uisge le tomhas ; an seathamh cuid do hin : o àm gu h-àm olaidh tu.

12 Agus ithidh tu e mar arain eorna, agus le aolach a thig a mach a duine deasaichidh tu e nan sealladh.

13 Agus thuirt an Tighearn, Eadhon mar so ithidh clann Israeil an aran truailte measg nan cinneach, gus an iomain mis' iad.

14 An sin thuirt mise, Ah ! a Thighearn Dhia, feuch, cha do thruailleadh m' anam-sa : oir o m' òige nìos gus a nis cha d' ith mi dheth sin a bhàsaicheas leis fein, no bha na chonabhlach, ni mò thàinig feoil ghràineil ann am bheul.

15 An sin thuirt e rium, Feuch, thug mi dhuit buachar bhò an àite aolach duine, agus deasaichidh tu d' aran leis.

16 Os-barr, thuirt e rium, A mhic an duine, feuch, brisidh mise lorg an arain ann an Ierusalem ; agus ithidh iad aran le cothrom agus le cùram, agus olaidh iad uisge le tomhas agus le h-uamhas.

17 A chum gu 'm bi uireasbhuidh arain agus uisg' orra, agus gu 'm bi uamhas orra gach aon ri chéile, agus gu 'n leagh iad air falbh air son an ca-ceirt.

#### CAIB. V.

**A**GUS thusa, a mhic an duine, gabh chugad sgian gheur, gabh chugad càltuinn bearradair, agus thoir oirre siubhal air do cheann, agus air d' fheusaig ; an sin gabh meigh thomhais, agus roinn am folt.

2 Trian loisgidh tu le teine ann an meadhon a' bhaile, tra bhios laithean an t-séisdidh air an coimhlionadh ; agus gabhaidh tu trian, agus buailidh tu m'a thimchioll le sgein ; agus sgapaidh tu trian

leis a' ghaoith, agus tairngidh mise mach claidheamh nan deigh.

3 Gabhaidh tu mar an ceudna dhiubhl bcagan ann an àireamh, agus ceanglaidh tu iad ann ad sgiortaibh<sup>1</sup>.

4 An sin gabh dhiubhl a ris, agus tilg iad ann am meadhon an teine, agus loisg iad anns an teine ; as sin thig teime mach gu tigh Israeil uile.

5 Mar so deir an Tighearn Dia, Is i so Ierusalem ; chuir mis' i ann am meadhon nan cinneach, agus nan dùchanna mu 'n cuairt d'i.

6 Agus dh' atharruich i mobhreitheanais gu aingidheachd ni's mò na nà cinnich ; agus mò reachdan ni 's mò na na dùchanna mu 'n cuairt d'i : oir dhiùlt iad mo bhreitheanais ; agus mo reachdan, cha do ghluais iad anna.

7 Uime sin, mar so deir an Tighearn Dia, Chionn gu 'n d' fhàs sibh lionmhor seach na cinnich mu 'n cuairt diubh, agus nach do ghluais sibh ann am reachdaibhsa, ni mò choimlid sibh mò bhreitheanais, ni mò rinn sibh eadhon do réir breitheanais nan cinneach mu 'n cuairt diubh :

8 Uime sin, mar so deir an Tighearn Dia, Feuch, tha mise, cadhon mise, a' d' aghaidh, agus ni mi breitheanais ann ad mheadhon, ann an sealladh nan cinneach.

9 Agus ni mi annad an ni sin nach d' rinn mi, agus nach dean mi ni 's mò ni cosmhuil ris, air son d' uile ghràinealachdan.

10 Uime sin ithidh na h-aithrichean am mic ann ad mheadhon, agus ithidh na mic an aithrichean ; agus ni mise breitheanais annad, agus sgapaidh mi an t-iomlan do d' fhuigheall anns gach uile ghaoith.

11 Air an aobhar sin, mar is beo mise, deir an Tighearn Dia, Gu deimhin a chionn gu 'n do thruaill thu m' ionad naomh le d' uile nithibh fuathach, agus le d' uile ghràinealachdaibh, uime sin lughdaichidh mise thu mar an ceudna, agus cha choigil mo shùil, ni mò bhios truas air bith agam.

12 Bàsaichidh trian diot leis a' phlàigh, agus le gorta caithèar iad ann ad mheadhion : agus tuitidh trian leis a' chladheamh mu 'n cuairt duit ; agus sgapaidh mise trian anns na h-uile ghaothaibh, agus tairngidh mi mach claidheamh nan deigh.

13 Mar so coimhlionar mo chorruch, agus bheir mi air mo dhian fheirg luidhe orra, agus bheir mi dhomh fein fois : agus bidh fios aca gur mise an Tighearn a labhair ann am eud, an tra choimhlionas mi orra mo dhian chorruch.

14 A thuille air so, ni mi dhìot fàsach agus masladh ann measg nan cinneach mu 'n cuairt duit, ann an sealladh nan uile theid scachlad.

<sup>1</sup> sgiobul, sgiathaibh. Eabh.

15 Agus bithidh tu ann ad mhasladh, agus ann ad mhiagadh, ann ad theagasg, agus ann ad uamhas, do na cinnich mi 'n cuairt duit, an tra ni mise breitheanais annad, ann am feirg, agus ann an corruich, agus ann an garg achasanaibh: mise Iehobhah labhair.

16 An tra chuireas mi orra droch shaighde na gorta bhios air son sgrìos, a chuircas mise gu 'r sgrìos: meudaichidh mi fòs a' ghort oirbh, agus brisidh mi lorg 'ur n-arain.

17 Mar sin cuiridh mi oirbh gort, agus droch bheathaichean, agus ni iad uireas-bhuidheach thu<sup>1</sup>: agus siùbhlaidh plàigh agus fùil tromhad<sup>2</sup>, agus bheir mi ort an claidheamh; mise Iehobhah labhair.

## CAIB. VI.

**A**GUS thàinig focal an Tighearna dó m' ionnsuidh, ag ràdh,

2 A mhic an duine, cuir d' aghaidh ri sléibhtibh Israeil, agus dean fàisneachd nan aghaidh,

3 Agus abair, A shléibhtean Israeil, cluinnibh focal an Tighearna Dia, mar so deir an Tighearn Dia ris na sléibhtibh, agus ris na cnocaibh, ris na sruthaibh agus ris na gleannaibh, Feuch, bheir mise, mise féin, claidheamh oirbh, agus sgriosaidh mi 'ur n-iondholaidh.

4 Agus bidh 'ur n-altairean fàs, agus 'ur dealbhan air am briseadh: agus tilgidh mise sìos 'ur daoine marbhta fa chomhair 'ur n-iodhola.

5 Agus leagaidh mi cuirp mharbha chloinne Israeil fa chomhair an iòdhola; agus sgapaidh mi 'ur cnàmhan mu thim-chioll 'ur n-altairean.

6 Ann 'ur n-uile àiteachaibh còmhnuidh, nithear na bailtean fàs, agus bidh 'ur n-ionadan arda faondrach, air chor as gu 'm bi 'ur n-altairean fàs agus uaigneach, agus gu 'n d' thig briseadh agus co-gadh air 'ur n-iodholaibh, agus gu 'n dubhar as 'ur n-oibre.

7 Agus tuitidh iadsan a bhios lèonta 'nur meadhon, agus bidh fios agaibh gur mise an Tighearn.

8 Gidheadh fàgaidh mi fuigheall, air chor as gu 'm bi agaibh cuid a théid as o 'n chladheamh am measg nan cinneach, an tra bhios sibh air 'ur sgapadh am measg nan dùchanna.

9 Agus cuimhnichidh mbeud dhiubh<sup>3</sup> as a théid as misc, ann am measg nan cinn-each gus an d' thoir iad nam braighdibh, an tra chiosnaicheas mise an cridhe striopachail, a dhealuich rium, agus an sùilean a ta dol air striopachas an déigh an iòdholan; agus bidh gràin aca dhiubh féin air son nan olc a chuir iad an gnìomh nan uile ghràinealachdaibh.

10 Agus aithnichidh iad gur mise an Tighearn, agus nach ann gu dìomhain a

thubhairt mi gu 'n deanainn an t-olc so orra.

11 Mar so deir an Tighearn Dia, Buail le d' làimh, agus breab le d' chois, agus abair, Mo thruaighe! air son uile dhroch ghràinealachdan tìghe Israeil; oir tuitidh iad leis a' chladheamh, leis a' ghort, agus leis a' phlàigh.

12 Esan a ta fad as bàsaichidh leis a' phlàigh; agus esan a tha dlù tuitidh leis a' chladheamh; agus esan a mhaireas, agus a ta air a shéisdeadh, bàsaichidh leis a' ghort: mar so coimh-lionaidh mise mo chorruich orra.

13 An sin bidh fios agaibh gur mise an Tighearn, an tra bhios an daoine marbhta, measg an iòdhola, mu 'n cuairt air an altairibh, air gach aon chnoc ard, air uile mhullachaibh nan sliabh, agus fo gach uile chrann uaine, agus fo gach daraig gheug-aich<sup>4</sup>; an t-àite san d' thug iad boltrach cùbhraidh do 'n uile iòdholaidh.

14 Mar sin sinidh mise mach mo làmh orra, agus ni mi am fearann fàs, seadh, ni 's uaigniche na fàsach Dhiblait, nan uile ionadaibh còmhnuidh; agus bidh fios aca gur mi an Tighearn.

## CAIB. VII.

**O**S-barr thàinig focal an Tighearna do' m' ionnsuidh, ag ràdh,

2 Fòs a mhic an duine, abair, Mar so deir an Tighearn Dia ri fearann Israeil: Thàinig crìoch, thàinig crìoch air ceithir chearnaibh na tìre.

3 A nis thàinig crìoch ort, agus cuiridh mise mo chorruich ort, agus bheir mi breith ort a rèir do shlighe, agus diolaidh mi riut d' uile ghràinealachdan.

4 Agus cha choigil<sup>5</sup> mo shùil thu, ni mo bhios truas agam, ach diolaidh mi riut do shlighe, agus bidh do ghràinealachdan ann ad mheadhon; agus bidh fios agaibh gur mise an Tighearn.

5 Mar so deir an Tighearn Dia; Feuch, tha olc, aon olc eile a' teachd.

6 Tha crìoch air teachd, thàinig a' chrìoch; tha i ri faire air do shon, feuch thàinig i.

7 Dh' éirich a' mhaduinn ort, O thus' a ta 'g àiteachadh na tìre; thàinig an t-àm, tha là an àmhghair dlù, agus cha 'n e ath-fhreagradh nan sliabh.

8 A nis gu h-aithghearr dòirtidh mi mach m'fhearg, agus coimhlionaidh mi mo chorruich ort: agus bheir mi breith ort a rèir do shlighe, agus diolaidh mi riut d' uile ghràinealachdan.

9 Agus cha choigil mo shùil, ni mo bhios truas agam: diolaidh mi riut a rèir do shlighe, agus do ghràinealachdan ann ad mheadhon; agus bidh fios agaibh gur mis' an Tighearn, a ta bualadh.

10 Feuch an là, feuch, thàinig e; chaidh



a' mhaduinn a mach, thàinig blàth air an t-slaith, ùr-fhas air an uabhar.

11 Dh' fhàs ain-neart suas gu slait aingidheachd: cha mhair aon diubh, no do 'n sluagh, no aon a bhuincas doibh, ni mò bhios cumha' sam bith air an son.

12 Thàinig an t-àm, tha an là a' teachd am fagus; na deanadh am fear reice gairdeachas, no am fear-ceannuich bròn: oir thuit fearg air a mòr chuideachd uile.

13 Oir cha phill am fear-ricc ris an ni sin a reiceadh, ged' robh iad am measg nam beo; oir tha an taisbean mu thimcheall a mòr-chuideachd uile; cha phill iad, ni mò neartaicheas aon duine e fèin ann an aingidheachd a bheatha.

14 Shéid iad an trompaid, eadhon a chum na h-uile a dheanamh deas, ach cha 'n eil neach air bith a' dol a chum a' chatha: oir tha m' fhearg-sa air a mòr-chuideachd uile.

15 Tha an claidheamh a muigh, agus a' phlaigh, agus a' ghort a stigh: esan a ta sa' mhachair bàsaichidh e leis a' chlaidheamh; agus esan a ta sa' bhaile ni gort agus plàigh 'itheadh suas.

16 Ach iadsan a théid as diubh, théid as, agus bidh iad air na sléibhtibh mar cholumain nan gleann, iad uil' a' caoidh, gach aon diubh air son 'aingidheachd fèin.

17 Bidh na h-uile làmh nan lag, agus bidh na h-uile ghluinean anfhann mar uisge.

18 Criosluichidh iad fòs iad fèin le eudach saic, agus ni uamhas an còmhdachadh, agus bidh nàire air na h-uile aghaidh, agus air an cinn uile bidh maoile.

19 Tilgidh iad an airgid anns na sràidibh, agus atharruicheadh an òr: cha bhi an airgid agus an òr comasach air an saoradh ann an là fèirge an Tighearna: cha sàsuich iad an anama, ni mò lionas iad an com: a chionn gu 'n d'fhoir an aingidheachd tuisleadh orra.

20 A chionn gu 'n d' rinn iad dheth éideadh àillidh agus sgiambach, leis an do sgeudaich iad dealbhan graineil an nithe fuathach, uime sin bheir misc fainear gu 'm buinear e uatha.

21 Agus bheir mi e do làmhaidh nan coimheach mar chobhartaich, agus do dhroch dhaoineibh na talmhainn mar chreich, agus ni iadsan a thruaillleadh.

22 Pillidh mi fòs m' aghaidh uatha, agus bidh m' ionad dìomhair air a thruaillleadh; oir théid an luchd-spùinnidh a steach ann, agus truailidh iad e.

23 Dean slabhruidh; oir tha am fearann làn do chiontaibh fuilteach, agus tha a' chathair làn do ain-neart.

24 Uime sin, bheir mis' a' chuid a's measa do na cinnich, agus sealbhuidh iad an tighean: cuiridh mi fòs cosgadh air uabhar nan neartmhor, agus truaillear an ionada naomha.

25 Tha léir-sgrìos a' teachd, agus iarraidh iad sìth ach cha bhi i ann.

26 Thig urchuid air urchuid, agus tuairisgeul air thuairisgeul; an sin iarraidh iad sealladh o 'n fhàidh: ach eugaidh an lagh o 'n t-sagart, agus comhairle o na seanar-aibh.

27 Ni an rìgh caoidh, agus bidh am prionnsa air 'éideadh le léir-sgrìos, agus bidh làmhnan shuaigh na tìre fò gheilt: ni mise riu do réir an slighe, agus do réir an toillteanaibh bheir mi breith orra, agus bidh fios aca gur mi an Tighearn.

# CAIB VIII.

A GUS tharladh anns an t-sèathamh bliadhna, anns an t-sèathamh mìos, anns a' chluigeanh là do 'n mhìos, nuair a shuidh mi ann am thigh, agus scanaircan Iudah nan suidhe mu 'm chomhair, gu 'n do thuit orm an sin làmh an Tighearna Dia.

2 An sin dh' amhairc mi, agus feuch, cosalachd mar shàmhlà duine: o thaisbeanadh a leasraidh agus fuidhe mar theine: agus o 'leasraidh agus os a chionn, mar thaisbeanadh dealanaich mar dhath omair.

3 Agus chuir e mach cumachd làimhe, agus ghlac e mi air dual do m' chcan, agus thog an spiorad suas mi eadar talmha agus nàmh, agus thug e mi ann am foillseachaidh Dhé gu Ierusalem, gu dorus a' gheata 's faide steach, a ta 'g amharc ris an airde tuath, far an robh àite ìomhaigh an eud, a bhrosnuicheas gu eud.

4 Agus feuch, bha glòir Dhé Israeil an sin, do réir an t-scallaidh a chunnaic mi anns a' chòmhnard.

5 An sin thuit e rium, A mhic an duine, tog suas do shùilean a nis ri slighe na h-airde tuath: agus thog mi suas mo shùilean ri slighe na h-airde tuath, agus feuch, mu thuath, aig geata na h-altrach, ìomhaigh so an eud anns an dol a steach.

6 Agus thuit e rium, A mhic an duine, am faic thu ciod a ta iad a' deanamh? na gràinealachda mòra tha tigh Israeil a' cum an gnìomh an so, a chum gu'n rachainns' am fad o m' naomh ionad? ach pill fathasd, chi thu gràinealachdan a's mò.

7 Agus thug e mi gu dorus na cùirte; agus an uair a dh' amhairc mi, feuch toll anns a' bhalla.

8 An sin thuit e rium, A mhic an duine, cladhaich a nis anns a' bhalla: agus nuair a chladhaich mi anns a' bhalla, feuch dorus.

9 Agus thuit e rium, Imich a steach, agus feuch na gràinealachdan aingidh, a ta iad a' deanamh an so.

10 Mar sin chaidh mi steach agus chunnaic mi, agus feuch uile chosalachda gach ni shnàgas, agus gach beathaich ghraineil, agus uile iodholan tìghe Israeil air an tarraing air a' bhalla, gach taobh mu 'n cuairt.

11 Agus sheas nan làthair deich agus trì

fichead fear do sheanairibh tighe Israeil, agus nam meadhon sheas Iaasanjah mac Shaphain, gach fear le 'thùiseir na làimh, agus neul tigh tuis a' dol suas.

12 An sin thuir e rium, A mhic an duine, am faca tu ciod a tha seanairean tighe Israeil a' deanamh anns an dorch, gach fear ann an seòmraichibh 'ìomhaigh-eachd fèin? oir a deir iad, Cha 'n 'eil an Tighearna 'g ar faicinn, thréig an Tighearna an talamh.

13 Thuir e rium mar an ceudna, Pill fòs a ris, chi thu gràinealachdan a's mò, a ta iad a' deanamh.

14 An sin thug e mi gu dorus geataidh tighe an Tighearna, a bha ris an airde uath, agus feuch, an sin shuidh innai a' gul air son Thamuais.

15 An sin thuir e rium, Am faca tu so, a mhic an duine? pill fòs a ris, chi thu gràinealachda ni 's mò na iad so.

16 Agus thug e mi do'n chùirt a's faide steach do thigh an Tighearna, agus feuch, aig dorus Teampuill an Tighearna, eadar an sgàth-thigh agus an altair, tuairream cùig fir fhichead, le'n cùlaobh ri teampuill an Tighearna, 's an aghaidh ris an aird an ear, agus iad ag aoradh do 'n ghréin ris an aird an ear.

17 An sin thuir e rium, Am faca tu, O mhic an duine? An ni faoin do thigh Iudah a bhi deanamh nan gràinealachdan a ta iad a' deanamh an so? oir lion iad an tìr le ain-neart, agus phill iad do n' bhros-nucha-sa chum fèirge; agus feuch, chuir iad am meanglan ri 'n sròin.

18 Uime sin buinidh mise riu-san fòs ann am feirg: cha choigil mo shùil, ni mò bhios truas agam: agus ged' èigh iad ann am chluasaibh le guth ard, gidheadh cha 'n èisd mi riu.

## CAIB. IX.

**G**HLAODH e fòs ann am chluasaibh le guth ard, ag ràdh, Thoir air uach-darain a' bhaile teachd am fagus, eadhon gach duine le 'arm-sgrìosaidh na làimh.

2 Agus feuch, thàinig seisear fhear o shlighe a' gheataidh a's airde, ta 'g amharc ris an airde uath, agus aig gach fear 'inn-eal-sgrìos fèin na làimh: agus bha aon fhear nam measg air 'éideadh le lion-eudach, agus acfuinn-sgrìobhaidh cléirich air a lciis, agus chaidh iad a steach, agus sheas iad ri taobh na h-altrach umha.

3 Agus dh' éirich glòir Dhé Israeil suas bharr a' cherub air an robh e, 'gu stairs-neach an tìghe; agus ghlaodh e ris an duine bha air 'éideadh leis an lion-eudach, aig an robh an acfuinn-sgrìobhaidh cléirich r'a thaobh;

4 Agus thuir an Tighearna ris, Imich roi<sup>2</sup> mheadhon a' bhaile, roi' mheadhon Ierusalem, agus cuir comhara air cudan-

naibh na muinntir a ta 'g osnaich agus a glaothaich airson nan uile ghràinealachdan, a ta air an deanamh na meadhon.

5 Agus ri càch thubhairt e ann am éis-deachd, Rachaibhse na dhéigh-san roi' an bhaile, agus buailibh: na coigleadh 'ur-sùil, ni mò bhios truas agaibh.

6 Marbhaibh gu tur an sean, agus an t-òg, an òigh, agus an leanabh, agus na mnai; ach na beanaibh ri aon duine air am bheil an comhara: agus tòisichibh aig mo naomh-ionadsa. An sin thòisich iad aig-na seann daoine bha fa chomhair an tìghe.

7 Agus thuir e riu, 'Truailibh an tìgh, agus lionaibh na cùirtean leis na marbhaibh; rachaibh a mach: agus chaidh iad a mach, agus mharbh iad anns a' bhaile.

8 Agus tharladh tra bha iad 'g am marbhadh, agus a bha mise air n' fhàgail, gu n' do thuit mi air m' aghaidh, agus ghlaodh mi, ag ràdh. Ah! a Thighearna Dhia, an sgrìos thu iarnad Israeil uile, ann an dòrtadh a mach do dhian chorruih air Ierusalem?

9 An sin thuir e rium, Tha aingidheachd tighe Israeil agus Iudah an-inhor, agus tha am fearann làn do fhuil, agus am baile làn do cheannairc: oir a deir iad, Thréig an Tighearna an talamh, agus cha 'n 'eil an Tighearna a' faicinn.

10 Agus air mo shon-sa mar an ceudna, cha choigil mo shùil, ni mò bhios truas agam; diolaidh mi an slighe air an ceann.

11 Agus feuch, dh'innis am fear a bha sgeudaichte leis an lion-eudach, agus aig an robh an acfuinn-sgrìobhaidh r'a thaobh, a' chùis, ag ràdh, Rinn mi amhuil mar a dh' àithn thu dhomh.

## CAIB. X.

**A**N sin dh' amhairc mi, agus feuch, anns an speur a bha thar cinn narv cerubim, thaisbeanadh os an cionn, mar gu 'n biodh ann clach shaphir, mar thaisbeanadh colais righ-chathrach.

2 Agus labhair e ris an duine bha sgeudaichte leis an lion-eudach, agus thubhairt e, Imich a steach eadar na rothan, fuidh an cherub, agus lion do làmh le éibhligh teine eadar na cerubim, agus sgap iad thar a' bhaile. Agus chaidh e steach ann am sheallaidh.

3 A nis sheas na cerubim air taobh deas an tìghe, 'nuair a chaidh an duine steach, agus lion an neul a' chùirt a b'fhaide stigh.

4 An sin chaidh glòir an Tighearna suas bharr a' cheruib, agus sheas i os cionn stairsnich an tìghe, agus lionadh an tìgh leis an neul, agus bha a' chùirt làn do dhealradh glòire an Tighearna.

5 Agus chualas fuaim sgiath nan cerub gu a' chùirt a b'fhaide mach, mar ghuth an Dé uile-chumhachdaich an uair a labhras e.

6 Agus tharladh an tra thug e àithne do 'n duine bha sgeudaichte leis an lion-eud-



ach, ag ràdh, Glac teine o eadar na rothan, o eadar na cerubim, gu 'n deachaidh e 'n sin a steach, agus sheas e làimh ris na rothaibh.

7 Agus shìn cerub a mach a làmh o eadar na cerubim, chum an teine a bha eadar na cerubim, agus ghabh e dheih; agus chuir e 'n làmh an ti bha sgeudaichte leis an lìon-cudacl e: nacah a ghlaic e agus a chaidh a mach.

8 Agus chunnacas anns na cerubim cumachd làimhe duine fuidh an sgiathaibh.

9 Agus 'nuair a dh' amhairc mise, feuch, na ceithir rothan aig taobh nan cerubim, aon roth aig aona chcrub, agus roth eile aig cerub eile: agus bha dreach nan rothan air dhath cloiche criostal.

10 Agus air son an aoguis, bha 'n aon choslas aca nan ceathrar, mar gu m' biodh roth ann am meadhon rotha.

11 'Nuair a ghluais iad, dh' imich iad air an ceithir taobhaibh; cha do thionndaidh iad nan imcachd, ach ris an àite gus an robh an ceann ag amharc, lean iadsan e; cha do thionndaidh iad nuair a dh' imich iad.

12 Agus bha an corp gu h-ìomlan, agus an dromanna, agus an sgiathan, agus na rothan, làn do shùilbh mu 'n cuairt air gach taobh, *cadhon* na rothan a bha aca nan ceathrar.

13 Agus ris na rothaibh ghlaodhadh ann am éisdeachd-sa, Ruithibh.

14 Agus bha ceithir eudanna aig gach aon: aghaidh cheruib a' cheud eudann, agus aghaidh duine an dara eudann, agus aghaidh leomhuinn an treas, agus aghaidh ìolarach an ceathramh.

15 Agus thogadh suas na cerubim; so an t-ainmhidh a chunnaic mise aig sruth Chebair.

16 Agus an uair a ghluais na cerubim, dh' imich na rothan làimh riu: agus 'nuair a thog na cerubim suas an sgiathan, a chum éiridh suas o 'n talamh, cha do thionndaidh na rothan ceudna sin o bhi nam fochair.

17 'Nuair a sheas iad sin, sheas iad so; agus 'nuair a dh' éirich iad sin suas, dh' éirich iad so; oir bha spiorad an ainmhidh anna.

18 An sin dh' imich glòir an Tighearna o stairsnich an tighe, agus sheas i thar na cerubim.

19 Agus thog na cerubim suas an sgiathan, agus chaidh iad suas o 'n talamh ann am shealladh: an uair a chaidh iad a mach, bha na rothan mar an ceudna làimh riu, agus sheas iad aig dorus geataidh shoir tighe an Tighearna, agus bha glòir Dhé Israeil tharta os an cionn.

20 So an t-ainmhidh a chunnaic mi fuidh Dhia Israeil, làimh ri sruth Chebair; agus dh' aithnich mi gu 'm b' iad na cerubim.

21 Bha ceithir eudanna aig gach aon fa

leth, agus aig gach aon bha ceithir sgiathan, agus bha coslas làmh duine fuidh an sgiathaibh.

22 Agus b'e coslas an aghaidhean na h-aghaidhean ceudna, a chunnaic mi aig sruth Chebair, an aogus agus iad féin: dh' imich iad gach aon dìreach air aghaidh.

#### CAIB. XI.

**A**GUS thog an spiorad suas mi, agus thug e mi gu geata 'n ear tighe an Tighearna, ta 'g amharc ris an aird an ear: agus feuch, aig dorus a' gheata, cùig fir fhichead: agus chunnaic mi nam measg Iasaniah mac Asuir, agus Pelatiah mac Bhenaiiah, uachdarain an t-sluaigh.

2 An sin thuir e rium, A mhic an duine, so na daoine tha dealbh uile, agus a' toirt droch chomhairle sa' bhaile so;

3 A ta 'g ràdh, Cha 'n 'eil e dlù, togamaid tighean: is e *am baile* so an coire, agus sinne an fheoil.

4 Air an aobhar sin, dean fàisneachd nan aghaidh, dean fàisneachd a mhic an duine.

5 Agus thuit orm spiorad an Tighearna, agus thuir e rium, Abair, Mar so deir an Tighearn, Mar so thubhairt sibh, O thigh Israeil: oir is aithne dhomh-sa na nithe tha teachd 'n ur n-intinn, *gach uile* 'n dhuibh.

6 Mheudaich sibh 'ur mairbh anns a' chathair so, agus lìon sibh a sràidean leòsan a mharbhadh.

7 Air an aobhar sin mar so deir an Tighearn Dia, 'Ur mairbh a chuir sibh na meadhon, is iadsan an fheoil, agus is i a' chathair so an coire: ach bheir mise sibh a mach as a meadhon.

8 Bha eagal oirbh roimh an chlaidheamh, agus bheir mise chlaidheamh oirbh, deir an Tighearn Dia.

9 Agus bheir mi sibh a mach as a meadhon, agus bheir mi thairis sibh do làmh nan choimheach, agus nì mi breitheanasais 'n ur measg.

10 Tuitidh sibh leis a' chlaidheamh, bheir mise breitheanas oirbh ann an iomall Israeil, agus bidh fios agaibh gur mi an Tighearn.

11 Cha 'n i a' chathair so a bhios na coire dhuibh, nì mò bhios sibhse na meadhon mar fheoil: ann an iomall Israeil bheir mise breith oirbh.

12 Agus bidh fios agaibh gur mise an Tighearn; oir cha do ghluais sibh ann am reachdaibh, nì mò rinn sibh mo bhreitheanasais, ach rinn sibh do réir nòis<sup>1</sup> nan cinneach, a ta air gach taobh mu 'n cuairt duibh.

13 Agus tharladh an tra rinn mise fàisneachd, gu 'n d' eug Pelatiah mac Bhenaiiah: an sin thuit mi sìos air m' aghaidh, agus ghlaodh mi le guth ard, agus thubhairt mi, Ah! a Thighearn Dhia, an dean thu lan chrìochnachadh air iarmad Israeil?

<sup>1</sup> gnàth.

14 A rìs thàinig focal an Tighearna do m' ionnsuidh, ag ràdh,

15 A mhic an duine, Is iad do bhràithrean, *eadhon* do bhràithrean, fir do dhìlseachd, agus uile thigh Israeil gu h-ìomlan, ris an dubhairt luchd-àiteachaidh Ierusalem, Imichibh am fad o 'n Tighearn: dhuinne thugadh am fearann so mar sheilbh.

16 Air an aobhar sin abair, Mar so deir an Tighearn Dia, Ge do thig mi fada uam iad am measg nan cinneach, agus ge do sgap mi iad am measg nan dùchanna, gidheadh bidh mi dhoibh ann am naomh ionad bheag anns na dùchannaibh gus an d'thig iad.

17 Uime sin abair, Mar so deir an Tighearn Dia, Mi mi eadhon 'ur tional o na cinneil, agus 'ur cruinneachadh as na dùchannaibh, anns an robh sibh air 'ur sgapadh, agus bheir mi dhuibh fearann Israeil.

18 Agus thig iad d'a ionnsuidh, agus bheir iad 'uile nithe fuathach, agus 'uile ghràinealachdan air falbh as.

19 Agus bheir mi dhoibh aon chridhe, agus cuiridh mi spiorad nuadh an taobh a stigh dhiubh; agus bheir mi an cridhe cloiche as am feoil, agus bheir mi dhoibh cridhe fèola;

20 A chum gu'n gluais iad ann am reachdaibh, agus gu 'n coimhid iad m' ord-tighean, agus gu 'n dean siad iad: agus bidh iad nam pòbull dhomhsa, agus bidh mis' a'm' Dhia dhoibhsan.

21 Ach do 'n *taobh-san* a thionndas an cridhe do réir cridhe an nithe fuathach agus an gràinealachda, diolaidh mis' an slighe air an ceann fèin, deir an Tighearn Dia.

22 An sin thog na cerubim suas an sgiathan, agus na rothan làimh riu; agus bha glòir Dhia Israeil tharta os an cionn.

23 Agus chaidh glòir an Tighearna suas o mheadhon a' bhaile, agus sheas i air an t-slabh, a ta air an taobh an ear do 'n bhaile.

24 Na dhéigh sin ghlac an spiorad suas mi, agus thug e mi ann an taisbean le spiorad Dhé gu Caldá, chum nam bràighdean: mar sin chaidh an sealladh a chunnaic mi suas uam.

25 An sin labhair mi riu-san a bli' anns an daorsa, na h-uile nithe a thaisbein an Tighearn dhomh.

## CAIB. XII.

**T**HÀINIG focal an Tighearna fòs do m' ionnsuidh, ag ràdh,

2 A mhic an duine, tha thu chòmh-nuidh ann am meadhon tìghe cheannaircìch, aig am bheil suilcan gu faicinn, ach cha 'n 'eil iad a' faicinn; tha cluasan aca gu cluinntinn, ach cha 'n 'eil iad a' cluinntinn: oir is tìgh ceannairceach iad.

3 Uime sin, a mhic an duine, deasuich<sup>1</sup>

dhuit fèin airneis air son dol air imrich: agus atharruich anns an là nan sealladh; agus atharruichidh tu o d' àite, gu àit eile nan sealladh; theagamh gu 'n d'hoir iad faineir, ged<sup>2</sup> is tìgh ceannairceach iad.

4 An sin bheir thu mach d' airneis anns an latha nan sealladh, mar airneis air son imrich: agus théid thu mach san annmoch nan sealladh, mar iadsan a théid a mach ann am bràighdeanas.

5 Cladhaich trid a' bhalla nan sealladh, agus thoir a mach trid sin.

6 Nan sealladh giùlainidh tu air do ghuaillibh, bheir thu mach anns an dubh-anmoch: còmhdaichidh tu d' aghaidh air chor as nach faic thu an làr: oir chuir mi thu *mar* chomhara do thigh Israeil.

7 Agus rinn mi cearl mar a dh' àithneadh dhomh: thug mi mach m' airneis anns an latha, mar airneis air son bràighdeanais, agus anns an annmoch chladhaich mi trid a' bhalla le m' làimh; thug mi mach i san dubh-anmoch, agus giùlain mi air mo ghuaillibh i nan sealladh.

8 Agus air maduinn thàinig focal an Tighearna do m' ionnsuidh, ag ràdh,

9 A mhic an duine, nach dubhairt tìgh Israeil, an tìgh ceannairceach riut, Ciod a tha thu deanamh?

10 Abair thusa riu, Mar so deir an Tighearn Dia, Do 'n phrionnsadh ann an Ierusalem *buinibh* an t-uallach<sup>2</sup> so, agus do thigh Israeil a ta nam measg.

11 Abair, Tha mis' ann am chomhara dhuibh; amhuil a rinn mise, mar sin nith-car riu-san: atharruichidh iad, agus théid iad air falbh ann am bràighdeanas.

12 Agus am prionnsadh a ta nam measg giùlainidh e air a ghuaillibh anns an dubh-anmoch, agus théid e mach: cladhaichidh iad trid a' bhalla, chum giùlain a mach d' a thrìd: còmhdaichidh e aghaidh, air chor as nach faic e 'n làr le 'shuilibh.

13 Sgaoilidh mise fòs mo lìon air, agus glacar ann am rib e; agus bheir mi e gu Babilon, gu tìr nan Caldéach; gidheadh cha 'n fhaic e i, ged fhaigh e bàs an sin.

14 Agus sgapaiddh mi ris gach aon-ghaoith na h-uile ta m' a thimchioll g' a chòghnadh, agus 'uile bluidhnichean; agus tairngidh mi mach an claidheamh nan déigh.

15 Agus aithnichidh iad gur mise an Tighearn, 'nuair a sgapas mi iad am measg nan cinncach, agus a sgaoileas mi iad feadh nan dùchanuan.

16 Agus fàgaidh mi bcagan fhear dhiubh o 'n chladheamh, o 'n ghort, agus o 'n phlàigh, a chum gu'n cuir iad an céill an uile ghràinealachdan am measg nan cinncach gus an d'thig iad, agus aithnichidh iad gur mise an Tighearn.

<sup>1</sup> *ultuich.*

<sup>2</sup> *eallach.*



17 Os-barr, thàinig focal an Tighearna do m'ionnsuidh, ag ràdh,

18 A mhic an duine, ith d' aran le crith, agus òl d' uisge le ball-chrith agus le curam,

19 Agus abair ri sluagh na tìre, Mar so deir an Tighearn Dia mu thimehioll luchd-àiteachaidh Ierusalem, agus dùcha Israeil, Ithidh iad an aran le cùram, agus òlaidh iad an uisge le uamhas, air chor as gu 'm bi am fearann fàs o 'n iomlan a ta ann, air son fòirneirt na muinntir sin uile ta chòmhnuidh ann.

20 Agus nithear na bailtean a ta air an àiteachadh fàs, agus bidh am fearann falamh, agus aithnichidh sibh gur mise an Tighearn.

21 Agus thàinig focal an Tighearna do m'ionnsuidh, ag ràdh,

22 A mhic an duine, Ciod e an gnàth-fhocal sin, a th' agaibh ann am fearann Israeil, ag ràdh, Tha na laithean air an sìneadh, agus dh' fhàillnich gach uile fhoillseachadh.

23 Innis doibh uime sin, Mar so deir an Tighearn Dia, Bheir mise air a' ghnàth-fhocal so sgar, agus cha labhair iad e ni 's faide mar ghnàth-fhocal ann an Israeil: ach abair riu, Tha na laithean aig làimh, agus buil gach aon taisbein.

24 Oir cha bhi ni 's mò aon taisbean faoin, no fàisneachd mhiodalach an taobh a stigh do thigh Israeil.

25 Oir mise Ichobhah, labhraidh mi, agus am focal a labhras mi thig gu crìch: cha dean e ni 's faide moille; oir ann 'ur laithibhse, O thigh cheannairchieh, labhraidh mise am focal, agus ni mi e, deir an Tighearn Dia.

26 A ris thàinig focal an Tighearna do m'ionnsuidh, ag ràdh,

27 A mhic an duine, feuch tha tigh Israeil ag ràdh, Tha 'n taisbean a tha e faicinn airson mhòran laithean, agus tha e ri fàisneachd mu na h-aimsiribh fad as.

28 Air an aobhar sin abair riu, Mar so deir an Tighearn Dia, Cha bhi aon do m' bhriathraibh-sa air a shineadh ni 's faide; ach am focal a labhras mi, coimhlionar e, deir an Tighearn Dia.

#### C A I B. XIII.

**A**GUS thàinig focal an Tighearna do m'ionnsuidh, ag ràdh,

2 A mhic an duine, dean fàisneachd an aghaidh fhàidhean Israeil, a ta ri fàisneachd, agus abair thusa rìusan a ta ri fàisneachd as an cridhe féin, Eisdibhse focal an Tighearna.

3 Mar so deir an Tighearn Dia, Is deacair do na fàidhean amaideach, a ta leantuinn an spioraid féin, agus nach faca ni sam bith.

4 O Israeil, is cosmhuil d' fhàidhean ris na sionnachaidh anns na fàsaichibh,

5 Cha deachaidh sibh suas a chaim nam bearnan, ni mò rinn sibh suas a' challaid do thigh Israeil, gu seasamh anns a' chath ann an là an Tighearna.

6 Chunnaic iad dìomhanas, agus rinn iad fiosachd bhrèige, ag ràdh, Deir an Tighearn; 'nuair nach do chuir an Tighearn a mach iad: agus thug iad air dooinibh earbsadh gu 'n daingnicheadh iad am focal.

7 Nach faca sibh sealladh faoin, agus nach do labhair sibh fiosachd bhrèige, le bhi 'g ràdh, Thubhairt an Tighearn, ge nach do labhair mise?

8 Air an aobhar sin, mar so deir an Tighearn Dia, A chionn gu 'n do labhair sibh dìomhanas, agus gu 'm faca sibh breugan, uime sin feuch, tha mise 'n 'ur n-aghaidh, deir an Tighearn Dia.

9 Agus bidh mo làmh air na fàidhean a chi dìomhanas, agus a ta fàisneachd bhreug: cha bhi iad ann an coimhthional mò shluaigh, ni mò bhios iad air an sgrìobhadh ann an sgrìobhadh tìghe Israeil, ni mò thèid iad a steach do fhearann Israeil; agus aithnichidh sibh gur mis an Tighearn Dia.

10 A chionn, cadhon a chionn gu 'n d' thug iad air mo shlugaigh dol air seachran, ag ràdh, Sith, agus gun sith a bhi ann: agus thog aon suas balla, agus feuch, thilg each thairis e le crè gun oibreachadh.

11 Abair riu-san a ta 'ga thilgeadh thairis le crè gun oibreachadh, gu 'n tuit e: bidh fras thuilteach ann, agus tuirlingidh sibhse, O chlacha-meallain mòra, agus ni gaoth dhoionnach a bhriseadh.

12 Feuch, nuair a thuiteas am balla, nach abrar ruibh, C' àit am bheil a' chrè leis an do thilg sibh thairis e?

13 Uime sin, mar so deir an Tighearn Dia, Ni mise fòs a bhriseadh le gaoith dhoionnach ann am fheirg: agus bidh fras thuilteach ann am chorruih-sa ann, agus clachan-mcallain mòra ann an dhian-fheirg d' a mhillleadh.

14 Mar sin brisidh mi sìos am balla a thilg sibh thairis le crè gun oibreachadh, agus bheir mi nuas gu làr e, air chor as gu 'n leigear ris a bhunaic; agus tuitidh e, agus bidh sibh's air 'ur milleadh na mheadhon: agus aithnichibh sibh gur mise an Tighearn.

15 Mar so coimhlionaidh ni mo chorruih air a' bhalla, agus orra-san a thilg thairis e le crè gun oibreachadh, agus thairis mi ruibh, Cha 'n 'eil am balla ann, ni mò ta iadsan a thilg thairis e;

16 Eadhon fàidhean Israeil, a ta ri fàisneachd mu thimehioll Ierusalem, agus a ta faicinn seallaidh sìothaimh dhi, agus gun sith idir ann, deir an Tighearn Dia.

17 Mar an ceudna, thusa, a mhic an

duine, cuir d' eudann an aghaidh nigh-eana do shluaigh, a ta ri fàisneachd as an cridhe féin, agus dean-sa fàisneachd nan aghaidh.

18 Agus abair, Mar so deir an Tighearn Dia, Is truagh do na mnaibh a ta fuaigheal chluasag ris na h-uile asgailtibh, agus a' cur bhréidean air ceann gach aoise, a dheanamh seilg air anamaibh. An dean sibh sealg air anamaibh mo shluaigh-sa, agus an coimhid sibh beo anama na muinntir a ta teachd chugaibh?

19 Agus an truaill sibh mise measg mo shluaigh air son ghlaicadean eorna, agus air son mhírean arain, a mharbhadh nan anama nach bu chóir bàsachadh, agus a choimhead beo nan anama nach bu chóir a bhí beo, le 'r breugaibh do m' shluaigh-sa, ta 'g éisdeachd 'ur breug?

20 Air an aobhar sin, mar so deir an Tighearn Dia, Feuch, tha mise an aghaidh 'ur cluasag, leis am bheil sibh an sin a' sealg air na h-anamaibh, a chum an glacadh; agus spionaidh mise iad o 'r gairdeinibh, agus leigidh mi air falbh na h-anama, na h-anama sin air am bheil sibh a sealg a chum an glacadh.

21 Reubaidh mi fòs 'ur bréidean, agus saoraidh mi mo shluaigh a mach as 'ur làimh, agus cha bhí iad nì's mò 'n 'ur làimh gu bhí air am fiadhach; agus aithnichidh sibh gur mise an Tighearn.

22 A chionn le breugaibh gu 'n d' rinn sibh cridhe an ionracain dubhach, agus nach d' rinn mise dubhach e; agus gu 'n do neartuich sibh làmban an aingidh, chum nach pilleadh e o 'd' hroch shlighe, le bhí gealltuinn beatha dha.

23 Uime sin cha 'n fhaic sibh dìomh-snas nì 's mò, 's cha dean sibh fàisneachd tuille: oir saoruidh mise mo shluaigh as 'ur làimh, agus bidh fios agaibh gur mi an an Tighearn.

#### CAIB. XIV.

**A**N sin thàinig cuid do sheannairibh Israeil do m' ionnsuidh, agus shuidh iad mu m' choinneamh.

2 Agus thàinig focal an Tighearna do m' ionnsuidh, ag ràdh,

3 A mhic an duine, chuir na daoine so suas an iòdholan nan cridhe, agus chuir iad ceap-tuislidh an aingidheachd fa 'n comhair: an leig mise dhoibh air aon chor m' iarruidh?

4 Uime sin labhair riu, agus abair riu, Mar so deir an Tighearn Dia, Gach duine do thigh Israeil a chuireas suas 'iòdhol a na cridhe, agus a chuireas ceap-tuislidh 'aingidheachd fa chomhair, agus a thig chum an fhàidh bheir mise Iehobhah freagradh dhasan a thig, do réir. Ìonmhoireachd 'iòdhol.

5 A chum gu 'n glac mi tigh Israeil

nan cridhe féin, a chionn gu bheil iad uile air dol air seachran uamsa trid an iòdhol.

6 Air an aobhar sin, abair ri tigh Israeil, Mar so deir an Tighearn Dia, Gabhaibh aithreachas, agus pillidh o 'r n-ìòdholaidh, agus tionndaidh 'ur n-aghaidh air falbh o 'r n-uile ghràinealachdaibh.

7 Oir gach aon do thigh Israeil, no do na coigrich a ta air chuairt ann an Israel, a ta 'ga sgaradh féin uamsa, agus a' cur suas 'iòdhol a na cridhe, agus a' cur ceap-tuislidh 'aingidheachd fa chomhair, agus a' teachd a chum fàidh, a dh' fhiosrachadh dheth mu m' thimchioll-sa; bheir mise Iehobhah freagradh dha leam féin.

8 Agus cuiridh mi mo ghnùis an aghaidh an duine sin, agus nì mi e na chomhaira agus na ghnàth-fhocal, agus gearraidh mi as e o mheadhon mo shluaigh, agus aithnichidh sibh gur mise an Tighearn.

9 Agus ma bhios an fàidh air a mhealladh an tralabhair e nì, is mise an Tighearn a mheall am fàidh sin, agus sinidh mi mo làmh a mach air, agus sgriosaidh mi e o mheadhon mo phobull Israeil.

10 Agus giùlainidh iad peanas an ea-ceirte: bidh peanas an fhàidhe amhuil peanas an ti a dh' iarras *chuige*.

11 A chum nach d' théid tigh Israeil nì 's mò air seachran uamsa, agus nach bi iad air an truaillleadh nì 's mò le 'n uile chiontaibh: ach a chum gu 'm bi iad dhomhsa nam pobull, agus mise dhoibh-san ann am Dhia, deir an Tighearn Dia.

12 Thàinig a ris focal an Tighearna do m' ionnsuidh, ag ràdh,

13 A mhic an duine, tra pheacaicheas an tìr ann am aghaidh-sa le ciontachadh gu h-anmhor, an sin sinidh mi a mach mo làmh oirre, agus brisidh mi lorg a h-arain, agus cuiridh mi gort oirre, agus gearraidh mi uaipe duine agus ainmhidh.

14 Ge do bhiodh an triuir fhear so, Noah, Daniel, agus Job innte, cha saoradh<sup>2</sup> iad ach an anama féin le 'm fireantachd, deir an Tighearn Dia.

15 Ma bheir mise 'air beathaichibh cronail dol trid an fhearainn, agus gu mill iad e, air chor as gu 'm bi e fàs ionnus nach feud neach air bith dol troimhe air son a' bheathaich:

16 Ged<sup>1</sup> bhiodh an triuir dhaoine so ann, mar is beo mise, deir an Tighearn Dia, cha saoraidh iad aon chuid mic no nigheanan; shaoirteadh iad féin a mhàin, ach bhiodh am fearann fàs.

17 No ma bheir mise claidheamh air an fhearann so, agus gu 'n abair mi, A chlaidheamh, imich trid an fhearainn; air chor as gu 'n gearr mi duine, agus ainmhidh a mach as:

18 Ged<sup>1</sup> bhiodh an triuir dhaoine so ann,

<sup>1</sup> fa chomhair an aghaidh, Eabh.  
701

<sup>2</sup> teasairgeadh, tearnachd.



mar is beo mise, deir an Tighearn Dia, cha saoradh iad aon chuid mic no nigh-eanan, ach bhiodh a mhàin iad fèin air an saoradh.

19 No ma chuireas mi plàigh do'n fhearann sin, agus gu 'n dòirt mi mo chorruich a mach air ann am fuil, a chum duine agus ainmhidh a ghearradh a mach as :

20 Ged' bhiodh Noah, Daniel, agus Iob ann, mar is beo mise, deir an Tighearn Dia, cha saoradh iad aon chuid mac no nighcan : cha saoradh iad ach an anama fèin le 'm fireantachd.

21 Oir mar so deir an Tighearn Dia, Cia mo gu mòr tra chuireas mi mo cheithir breitheanais ghoirt air Ierusalem, an claidheamh, agus a' ghort, agus am beathach cronail<sup>1</sup>, agus a' phlàigh, a chum duine agus ainmhidh a ghearradh a mach as ?

22 Gidheadh feuch, fàgar iarmad ann, a bheirear a mach, mic agus nigheanan : feuch, thig iad a mach chugaibh, agus chi sibh an sliغه, agus an gnìomhara : agus gheibh sibh co-fhurtachd a thaobh an uile a thug mise air Ierusalem, a thaobh gach ni thug mi air.

23 Agus bheir iad co-fhurtachd dhuibh, an uair a chi sibh an sliغه, agus an gnìomhara : agus aithnichidh sibh nach ann gun aobhar a rinn mise gach ni a rinn mi ann, deir an Tighearn Dia.

#### CAIB. XV.

**A** GUS thàinig focal an Tighearna do m' ionnsuidh, ag ràdh,

2 A mhic an duine, Ciod e am fion-chrann thar crann air bith eile, *ma bhios e mar gheig a ta measg chraobha na frìdhe* ?

3 An gabhar fiodh dheth gu obair air bith a dheanamh ? no an gabhar cnag dheth a chrochadh soithich air bith air ?

4 Feuch, tilgear e san teine mar chonnadh ; loisgidh an teine a dhà cheann, agus loisgear a mheadhon : am bheil e iom-chuidh air son cungaidh ?

5 Feuch, 'nuair a bha e slàn cha robh e iomchuidh air son cungaidh sam bith : cia mò gu mòr is lugha bhios e iomchuidh air son oibre, 'nuair a chaitheas an tein' e, agus a bhios e loisgte ?

6 Air an aobhar sin, mar so deir an Tighearn Dia, Mar an fion-chrann am measg chranna na frìdhe, a thug mise do 'n teine mar chonnadh, is amluaidh a bheir mi luchd-àiteachaidh Ierusalem.

7 Agus cuiridh mi mo ghnùis nan aghaidh, theid iad a mach o theine, 's ni tein' eil' an caitheamh : agus aithnichidh sibh gur mise an Tighearn, tra chuireas mi mo ghnùis nan aghaidh.

8 Agus ni mi am fearann fàs, a chionn gu 'n do chuir iad an gnìomh ea-ceart, deir an Tighearn Dia.

#### CAIB. XVI.

**A** RIS thàinig focal an Tighearna do m' ionnsuidh, ag ràdh,

2 A mhic an duine, thoir air Ierusalem a gràinealachdan aithneachadh.

3 Agus abair, Mar so deir an Tighearn Dia ri Ierusalem, Tha do bhreth agus do dhùchas o thir Chanaain, b' Amorach d' athair, agus bu bhan-Hiteach do mhàthair.

4 Agus air son do dhùchais, anns an là san d' rugadh thu, cha do ghearradh d' imleag, ni mò bha thu air do nigheadh ann an uisge, gu d' mhaothachadh : cha do chrathadh salann ort, ni mò bha thu air do spaoileadh.

5 Cha do ghabh sùil air bith truas diot, a chum aon ni dhuibh so a dheanamh dhuit, a dheanamh iochd ort ; ach bha thu air do thilgeadh a mach anns a' mhachair sgaoilte, le gràin do d' anam, air an là san d' rugadh thu.

6 Agus an tra ghabh mise seachad dlù dhuit, agus a chunnaic mi thu salach ann ad fhuil fèin, thuit mi riut, *agus thu ann ad fhuil, Mair beo* ; seadh, thuit mi riut, *agus thu ann ad fhuil, Mair beo*.

7 Thug mi ort fas lionmhor mar chinneas na faiche, agus dh' fhàs thu lionmhor agus mòr ; agus thàinig thu gu sgeudachadh maiseach ; tha do chiochan air an cumadh, agus do ghruag air fàs, an àite dhuit a bh' ruisgte agus lòn.

8 Agus 'nuair a ghabh mise seachad dlù dhuit, agus a dh' amhairc mi ort, feuch, bha d' aimsir na h-aimsir ghràidh, agus sgaoil mise mo sgior tharad, agus dh' fhòluich mi do lònnochuiche : seadh mhionnuich mi dhuit, agus thionnsgain mi ann an coimheangal riut, deir an Tighearn Dia, agus bu leamsa thu.

9 An sin nigh mi thu le h-uisge, seadh nigh mi d' fhuil gu glan air falbh uait, agus dh' ung mi thu le h-ola.

10 Sgeudaich mi thu fòs le h-obair-ghrèise, agus chuir mi brògan do chraicinn bruic ort, agus chriosluich mi mu 'n cuairt thu le h-anart grinn, agus chòmhdaich mi thu le sìde.

11 Rinn mi sgiamhach thu mar an ceudna le h-usgraichibh, agus chuir mi làmh-flailean air do làmhnan, agus slabhruidh mu d' mhuineal.

12 Agus chuir mi seud rìomhach air d' eudann, agus cluas-fhàinneachan an ann ad chluasaibh, agus crùn maiseach air do cheann.

13 Mar so bha thu air do sgeudachadh le h-òr agus le h-airgiod, agus bha do thrusgan a dh' anart grinn, agus do shìde, agus do obair-ghrèise, dh'ith thu cruineachd fìncalt agus mìl, agus ola, agus bha thu ro-mhaiseach, agus dh'fhàs thu suas gu bhi 'n ad rioghachd.

14 Agus chaidh d' iomradh a mach am

<sup>1</sup> millteach.

meàsg nan cinneach air son do mhaise : oir bha sin ionlan trid mo sgèimh-sa<sup>1</sup> a chuir mi ort, deir an Tighearn Dia.

15 Ach chuir thu do dhòigh ann ad mhaise féin, agus rinn thu striopachas, an aghaidh do chliu, agus dhòirt thu mach do striopachas air gach neach a ghabh seachad ; bu leis-san thu.

16 Agus ghabh thu do d' chulaidhean, agus rinn thu maiseach d' ionadan arda le dathaibh eag-samhluidh, agus rinn thu striopachas orra, mar nach robh, agus mar nach bi.

17 Ghabh thu fòs do sheudan rìomhach do m' òr-sa, agus do m' airgiod, a thug mi dhuit ; agus rinn thu dhuit féin dealbhan dhaoine, agus chuir thu striopachas an gnìomh leo.

18 Agus ghabh thu do chulaidhean grèise ; agus chòmhdaich thu iad : agus chuir thu m' ola-sa, agus mo thùis mu 'n comhair.

19 Mo bhiadh fòs a thug mi dhuit, mìn-chruineachd, agus ola, agus mil, a thug mi dhuit r' an itheadh, chuir thu eadhon nan làthair iad mar bhola<sup>1</sup> cùbhraidh.

20 Seadh cuideachd, deir an Tighearn Dia, ghabh thu do mhic agus do nigheanan, a rug thu dhomhsa, agus iad so dh' òbair thu dhoibh-san, gu bhi air an slugadh suas.

21 An ni suarrach dhuit, le d' striopachas, gu 'n do mharbh thu mo chlann, agus gu 'n d' thug thu iad seachad gu dol trid an teine air an son-san ?

22 Agus ann ad uile ghràinealachdaibh agus striopachais, cha do chuimhnich thu laithean d' òige, tra bha thu lomnochd agus ruisgte, air do thruaillleadh ann ad fhuil féin.

23 Agus tharladh, an déigh d' aingidheachd uile, (Mo thruaighe, mo thruaighe thu, deir an Tighearn Dia,)

24 Gu 'n do thog thu dhuit féin fòs ionad ard, agus gu 'n d' rinn thu dhuit féin àite ard anns gach aon sràid.

25 Thog thu ionad ard air gach aon chann do 'n t-slighe, agus thug thu air do mhaise bhi air a fuathachadh, agus rinn thu coitcheionn thu féin do gach aon a ghabh seachad, agus rinn thu do striopachais lionmhor.

26 Rinn thu fòs striopachas leis na h-Eiphitich, do coimhearsnaich, a ta mòr am feòil, agus mheudaich thu do striopachais, a chum mise a bhròsnuchadh gu feirg.

27 Feuch uime sin, shìn mise mo làmh a mach tharad, agus lughaich mi do lòn, agus thug mi thairis thu do thoil na muinntir leis am fuathach thu, nigheana nam Philisteach, air am bheil nàire do d' shlighe mhi-chiataich.

28 Rinn thu mar an ceudna striopachas leis na h-Asirianaich, a chionn gu'n robh

thu do-shàthachadh<sup>2</sup> ; seadh rinn thu striopachas leo, agus gidheadh cha 'n fheudadh tu bhi air do shàthachadh.

29 Mheudaich thu os-barr do striopachas ann am fearann Chanaain gu ruig Caldéa, agus gidheadh cha robh thu sàth-aichte le sin.

30 Cionnus a ghlanas mise do chridhe, deir an Tighearn Dia, 'nuair a tha thu deanamh nan nithe so uile, obair mnà neo-gheannmuidh ladarna ?

31 'Nuair a tha thu togail d' ionaid air d' ceann gach slighe, agus a' deanamh d' àite air anns gach aon sràid, agus nach robh thu cosmhuil ri striopachais, (a chionn nach b'fhuil leat tuaradal ;)

32 Ach rimnaoi a ni adhaltrus, a ghabhas coigrich an àit' a fir féin.

33 Do na h-uile striopachaibh bheir iad duais, ach tha thusa a' toirt duaise do d' leannanaibh uile, agus 'g an tuaradalachadh, a chum gu 'n d' thigeadh iad chugad gach aon taobh air son do striopachais.

34 Agus tha thusa dìreach an aghaidh nòis<sup>3</sup> mhnathan cile ann ad striopachas, am feadh nach 'eil aon neach a' dol air do dhéigh a dheanamh striopachais : is ann a tha thu a' toirt duaise seachad, agus gun duais air bith 'ga toirt duit : uime sin tha thu nan aghaidh ann ad nòs.

35 Air an aobhar sin, O a striopach, cluinn focal an Tighearna.

36 Mar so deir an Tighearn Dia, A chionn gu 'n robh do shalchar air a dhòrtadh a mach, agus do lomnochduich' air a leigeadh ris trid do striopachais le d' leannanaibh, agus le uile iòdholaidh do ghràinealachdan, agus le fuil do chloinne, a thug thu dhoibh ;

37 Feuch uime sin, cruinnichidh mise d' uile leannain, leis an do ghabh thu sòlas, agus na h-uile do 'n d' thug thu gràdh, leis na h-uile do 'n d' thug thu fuath : ni uni cadhon an cruinneachadh mu 'n cuairt ann ad aghaidh, agus leigidh mi ris doibh do lomnochduich', a chum gu faic iad do lomnochduich' uile.

38 Agus bheir mi breith ort mar a bheirear breith air mnaibh, a bhriseas an ceangal pòsaidh, agus a dhòirteas fuil, agus bheir mi peanas<sup>4</sup> ort ann an corruich agus ann an eud.

39 Agus bheir mi thu fòs d' an làimh, agus tilgidh iad sìos d' àite cnocach, agus brisidh iad sìos d' ionadan arda ; buinidh iad dhìot mar an ceudna d' cudach, agus glacaidh iad do sheuda rìomhach, agus fàgaidh iad thu lomnochd agus ruisgte.

40 Bheir iad mar an ceudna buidheann a nòs a' d' aghaidh, agus clacaidh iad thu le clachaibh, agus sàthaidh iad romhad<sup>5</sup> an claidhmhean.

<sup>1</sup> fhuile.    <sup>2</sup> do-shùsuichte.    <sup>3</sup> cleachd,

<sup>4</sup> fuil. Eabh.    <sup>5</sup> tròmhad,



41 Agus loisgidh iad do thighean le teine, agus ni iad breitheanas ort ann an sealladh mhòran bhan: agus bheir mise ort sgur do striopachas, agus cha d'fhoir thu tuarasdall seachd nì's mò.

42 Mar sin bheir mi air mo chorruich riut fois a ghabhail, agus imichidh n'èud uait, agus gabhaibh mi fois, agus cha bhi fearg orm nì's mò.

43 A chionn nach do chuimhnich thu laithean d'òige, agus gu'n do chuir thu corruich ornsa anns na nithibh so uile; feuch uime sin, diolaidh mise fòs do shlighe air do cheann, deir an Tighearn Dia, agus cha chuir thu 'n gnìomh an neo-ghloine so thar d'uile ghràinealachdaibh.

44 Feuch gach aon a ghnàthaicheas sean-fhocla, gnàthaichidh an sean-fhocal so a'd' aghaidh, ag ràdh, Mar a' mhàthair is amhluidh an nighean.

45 Is tusa nighean do mhàthar, leis am fuathach a fear agus a clann, agus is tu piuthar do pheathraichean, leis am b'fhuathach am fir agus an clann: bu bhan-Miteach 'ur màthair, agus b'Amorach 'ur n-athair.

46 Agus is i do phiuthar a's sine Samaria, i fèin agus a nigheanan a ta chòmh-nuidh aig do làimh chlì: agus do phiuthar a's òige, ta chòmh-nuidh aig do làimh dheis, Sodom agus a nigheanan.

47 Gidheadh nan slighe-san cha do ghluais thu, ni mò rinn thu do réir an gràinealachdan: ach mar gu'm bi ni ro-bheag sin, bha thu air do thruaillleadh nì's mò na iadsan ad uile shligheibh.

48 Mar is beo mise, deir an Tighearn Dia, cha d'rinn do phiuthar Sodom, i fèin no a nigheanan, mar a rinn thusa, thu fèin agus do nigheanan.

49 Feuch b'ì so aingidhcachd do phcathar Sodom; uabhar, sìth arain, agus pailteas dìomhanais, bha innte fèin agus na nigheanaibh; ni mò a neartuich i làmh a' bhochd agus an fheumannaich.

50 Agus bha iad ardanach, agus chuir iad gràinealachd an gnìomh ann am fhianuis-sa: uime sin thug mi air falbh iad mar a chunnacas ceart domh.

51 Ni mò chuir Samaria an gnìomh leth do lochdan-sa; ach mheudaich thu do ghràinealachda nì's mò na iadsan, agus dh'fhìreanaich thu do pheathraichean ann ad uile ghràinealachdan a rinn thu.

52 Thusa fòs a thug breith air do pheathraichean, giùlain do nàire fèin, air son do lochdan a chuir thu 'n gnìomh nì's gràineile na iadsan: tha iadsan nì's ionraice na thusa: seadh, bi thusa air do mhaslachadh fòs, agus giùlain do nàire, chionn gu'n d'fhìreanaich thu do pheathraichean.

53 An uair a philleas mi air a h-ais am braighdeanas, bruid Shodoim agus a cuid nighean, agus bruid Shamaria agus a cuid

nighean, an sin bheir mi air a h-ais bruid do bhraighdean-sa nam meadhon:

54 A chum gu'n giùlain thu do nàire fèin, agus gu'm bi thu air do mhaslachadh anns gach ni a rinn thu, a chionn gu'n robh thu toirt doibh co-fhurtachd.

55 'Nuair a philleas do pheathraichean, Sodom agus a cuid nighean, gus an ceud staid, agus a philleas Samaria 's a cuid nighean gus an ceud staid, an sin pillidh tusa agus do nigheana gu'r ceud staid.

56 Oir cha robh luaidh air do phiuthar Sodom ann do bheul ann an latha d'uabhair,

57 Mu'n robh d'aingidheachd air a leigeadh ris, agus am do mhaslaidh, mar nigh-eanan Shiria, agus na h-uile bha dlù dhi, agus mar nigheanan nam Philisteach, a bha mu'n cuairt duit.

58 Giùlainidh tu do neo-ghloine agus do ghràinealachdan, deir an Tighearn.

59 Oir mar so deir an Tighearn Dia, Buinidh mise riutsa amhuil mar a rinn thu fèin, a rinn tàir air na mionnan, ann am briseadh a' choimhcheangail.

60 Gidheadh cuimhnichidh mi mo choimhcheangail riut anu an laithibh d'òige, agus daingnichidh mi riut coimhcheangail sìorruidh.

61 An sin cuimhnichidh tu do shlighe agus bidh 'nàir' ort, 'nuair a ghabhas tu do pheathraichean, do phiuthar a's sine agus a's òige: agus bheir mise dhuit iad mar nigheanan, ach cha'n ann air son do choimhcheangail-sa.

62 Agus daingnichidh mi mo choimhcheangail riutsa, agus bidh fios agad gur mi an Tighearn:

63 A chum gu'n cuimhnich thu, agus gu'm bi nàir' ort, agus nach fhosgail thu do bheul gu bràth nì's mò do bhrìgh do nàire, 'nuair a bhios mise rèidh riut air son gach uile ni a rinn thu, deir an Tighearn Iehobhah.

# CAIB. XVII.

A GUS thàinig focal an Tighearna do m'ionnsuidh, ag ràdh,

2 A mhic an duine, cuir a mach toimh-seachan, agus labhair cosamhlachd ri tigh Israeil;

3 Agus abair, Mar so deir an Tighearn Dia, Thàinig fir-cun' mòr, le sgiathaibh mòra, 's le altaibh làidir, làn do chlàmhach<sup>2</sup>, air an robh dathan eug-samhluidh, gu Lebanon, agus ghabh e am meangan a b'airde do'n t-seudair.

4 Ghearr e dheth barr a' mheangain òig, agus thug e leis e gu tìr malaire; shuidhich e ann am baile cheannuichean e.

5 Ghabh e fòs do shìol an fhearainn, agus chuir e ann am machair thorraich e; shuidhich e ri taobh uisgeacha mòra e, 'ga chur mar chrann seilich.

<sup>1</sup> iolair.

<sup>2</sup> chlàmh.

6 Agus dh'fhàs e, agus thàinig e gu bhith na fhineamhuinn leathain, air bheag airde, aig an robh a gheugan air an tionndadh ris [an fhir-eun,] agus aig an robh a freumhlan fuidhe: mar sin dh'fhàs e na fhineamhuinn, agus thug e mach geugan, agus chuir e uaithe meangain.

7 Bha fòs ann fìr-eun mòr eile, le sgiath-aibh mòra, agus mòran clùmhaich; agus feuch, chlaon an fhineamhuinn so a freumha d'a ionnsuidh, agus thilg i mach a geugan chuige, chum bhi air a h-uisgeacha le claisibha' ghàraidh.

8 Bha i air a suidheachadh ann am fearann maith, ri taobh uisgeacha mòra, chum gu'n d'thugadh i mach geugan, agus gu'n giùlaineadh i toradh, agus gu'm biodh i na deagh fhineamhuinn.

9 Abair thusa, Mar so deir an Tighearn Dia, Am bi piseach oirre? nach spion e nìos a freumha, agus nach gearr e dhi a toradh, air chlor as gu'n searg e? crìonaidh i ann an uile dhuillibh a ceud-fhàis, eadhon gun chumhachd mòr, no mòran sluagh, d'a spionadh a nìos as a freumhaibh.

10 Seadh, feuch, an dèigh a suidheachadh, am bi piseach oirre? nach searg i gu tur an tra bheanas a' ghaoth an ear rithe? crìonaidh i anns na claisibh anns an d'fhàs i.

11 Os barr thàinig focal an Tighearna do m'ionnsuidh, ag ràdh,

12 Abair a nìs ris an tigh cheannairceach, Nach 'eil fios agaibh cìod is ciall do na nithibh so? Innis doibh, Feuch, tha rìgh Bhabìlon air teachd gu Ierusalem, agus ghlac e a rìgh, agus a prìonnsachan, agus thug e leis iad gu Babilon.

13 Agus ghabh e do shliochd an rìgh, agus rinn e coimhcheangal ris, agus ghabh e mìonnan deth: ghlac e fòs daoine cumhachdach na tìre:

14 A chum gu'm biodh an dùthaich suarrach, ionnus nach togadh i suas i fèin; ach le 'choimhcheangal a' choimhead gu feudadh i seasamh.

15 Ach rinn e àr a mach na aghaidhsan le 'theachdairean a chur do'n Èiphit, a chum gu'n d'thugadh iad dha eich agus mòran sluagh: an éirich gu maith dha? an d'thèid esan a nì na nìthe so as? no am bris e 'n coimhcheangal agus an saor a e?

16 Mar is beo mise, deir an Tighearn Dia, gu deimhin anns an àit am bheil còmhnuidh an rìgh a rinn rìgh dheth-san, neach a rinn e tàir air a mhìonnan, agus a bhris e a chumhanta, eadhon leis-san, ann am mheadhon Bhabìlon, gheibh e bàs.

17 Nì mò nì Pharaoh feum dha, le 'fheachd cumhachdach, is le 'bhuidheinn mhòir, anns a' chogadh, le torr a thilgeadh suas, agus le daingnìchean a thogail, a ghearradh as mhòran anama.

18 A chionn gu'n d'rinn e tàir air na mìonnan, leis a' choimhcheangal a bhris-

eadh, (an uair a thug e, feuch, a làmh,) agus a rinn e na nìthe so uile, cha d'thèid e as.

19 Uime sin, mar so deir an Tighearn Dia, Mar is beo mise, mo mhìonnan air an d'rinn e tàir, agus mo choimhcheangal a bhris e, eadhon sin diòlaidh mise air a cheann fèin.

20 Agus sgaoilidh mi mo lìon air, agus glacar ann am rib e, agus bheir mi e gu Babilon, agus tagraidh mi ris an sin air son a chionta, leis an do chiontaich e ann am aghaidh.

21 Agus tuitidh na theich chuige, le 'uile fheachd, leis a' chlaidheamh; agus bidh iadsan a dh'fhàgar air an sgapadh ris na h-uile gaoth: agus aithnichidh sibh gur mise Iehobhab a labhair e.

22 Mar so deir an Tighearn Dia; Gabhaidh mise mi fèin do'n ghéig a's airde do'n t-seudar ard, agus fuidhichidh mi e; gearraidh mi o bharr a mheangana òga, geug mhaoth, agus suidhichidh mi air shabh uachdrach agus ard i.

23 Air slaibh ard Israeil suidhichidh mi i: agus togaidh i suas a geug, agus bheir i mach toradh, agus fàsaidh i na seudar rioghail: agus fuipe gabhaidh na h-uile eunlaith do gach aon iteig còmhnuidh: fuidh dhubhar a geug, nì iad còmhnuidh.

24 Agus aithnichidh uile chraobha na machrach gu'n d'thug mise Iehobhab nìas an crann ard, gu'n d'ardaich mi an crann òsal, gu'n d'rinn mi an crann uaine tioram, agus gu'n d'thug mi air a' chrann thioram bhi fuidh bhlàth: mise Iehobhab labhair, agus nì mi e.

## CAIB: XVIII.

**T**HA'INIG focal an Tighearna do m'ionnsuidh a ris, ag ràdh,

2 Cìod is ciall duibh, gu bheil sibh a' gnàthachadh an t-sean-fhocail so do thaobh dùcha Israeil, ag ràdh, Dh'ith na h-athrichean dearcann seartha, agus tha dèisinn air fìaclaibh na cloinne?

3 Mar is beo mise, deir an Tighearn Dia, clia bhi aobhar agaibh an sean-fhocail so a ghnàthachadh nìs mò ann an Israel.

4 Feuch is leanas na h-uile h-anama; mar is leam anam an athar, is amhluidh is leam anam a' mhic: an t-anam a chionntaicheas gheibh e sin bàs.

5 Ach na bhios duine ionraic, agus gu'n dean e an nì, a bhios dlìgheach agus ceart,

6 Mur d'ith e air na sléibhtibh, nì mò thog e suas a shùilean ri ìodholaibh tìghe Israeil, no thruaill e bean a' choimhearsnaich, no thàinig e dlù do mhnaoi a chuir eadh air leth,

7 Agus mur do shàraich e àon neach, ach gu'n d'thug e 'gheall air ais do'n fheum-anach; mur do chreach e neach air bith le fòirneart, ach gu'n d'thug e aran do'n acrach, agus gu'n do chòmhduich e lomnochd le eudach,



8 Esan nach d'thug seachad air ocar, ni mò ghabh aon riadh, a chum air a h-ais a làmh o ea-ceart, a rinn breitheanas fìor eadar duine agus duine,

9 A ghluais ann am reachdaibh, agus a choimhid mo bhreitheanas, gu fìrinn a churan gnìomh; so an duine ionraic, mairidh esan gu deimhin beo, deir an Tighearn Dia.

10 Ma ghineas e mac a bhios na shlaidear, agus na fhear-dòrtaidh-fòla, a ni sàmhail aon ni dhiubh so,

11 Agus nach dean aon dheth na *dleas-nais* sin, ach a dh'ith eadhon air na sléibh-tibh, agus a thruaill bean a choimhears-naich,

12 A shàruich am bochd agus am feum-annach, a chreach le fòirneart, nach d'thug air ais an geall, agus a thog suas a shùilean ri ìodholaibh, a chuir an gnìomh gràin-calachd,

13 A thug seachad air ocar, agus a ghabh riadh: am mair e'n sin beo? cha mhair e beo: rinn e na gràin-calachdan so uile, gheibh e gu cinnteach bàs, bidh 'fhuil air fèin.

14 Agus feuch, ma ghineas esan mac, a chi na h-uile lochdan a rinn 'athair, agus gu'n d'thoir e fainear, agus nach dean e an leithide;

15 Nach d'ith air na sléibhtibh, ni mò thog e suas a shùilean ri ìodholaibh tìghe Israeil, nach do thruaill bean a choimhears-naich,

16 Nach do shàruich aon neach, nach do ghléidh an geall, ni mò chreach le h-ainneart, *ach* a thug 'aran do'n acaich, agus a chòmhdaich an lònnechd le eudach,

17 A thog a làmh o na bochdaibh, nach do ghabh ocar na riadh, a rinn mo bhreitheanas, a ghluais ann am reachdaibh; cha'n fhaigh esan bàs air son aingidheachd 'athair, mairidh e gu cinnteach beo.

18 'Athair, a chionn gu'n do shàruich e gu h-an-ìochdowh, gu'n do chreach e 'bhràthair le fòirneart, agus gu'n d'rinn e an ni sin, nach robh ceart ann am measg a shluagh, feuch, bàsaichidh cadhonn esau na aingidheachd.

19 Gidheadh a deir sibhse, C'ar son? nach 'eil am mac a' giùlan aingidheachd an athair? An uair a rinn am mac an ni sin, a tha dlitheach agus ceart, a ghléidh se mo reachdan-sa uile, agus a rinn e iad, mairidh e gu cinnteach beo.

20 An t-anam a chiontaicheas, gheibh esan bàs; cha ghiùlain am mac aingidheachd an athair, ni mò ghiùlaineas an t-athair aingidheachd a' mhic: bidh fìreantachd an fhìrean air fèin, agus aingidheachd an aingidh air fèin.

21 Ach mo philleas an t-aingidh o 'uile aingidheachd a rinn e, agus gu'n coimhid e mo reachdan-sa, agus gu'n dean e an ni sin, a tha dlitheach agus ceart, mairidh e beo, cha'n fhaigh e bàs.

22 'Uile lochdan a chuir e 'n gnìomh, cha bhi iad air an cuimhneachadh dha: na fhìreantachd, a chuir e 'n gnìomh, mairidh e beo.

23 Am bheil tlachd air bith agam-sa ann am bàs an aingidh? deir an Tighearn Dia: nach ann a *ta mo thlachd* na philleadh o' shlighe, agus gu 'm biodh e beo?

24 Ach an uair a philleas am fìrean air falbh o 'fhìreantachd, agus a chuireas e 'n gnìomh aingidheachd, a' deanamh do réir nan uile ghràinealachdan, a ni an t-aingidh, am mair e beo? air 'uile fhìreantachd a rinn e cha bhi ìomradh: na chionta a chiontaich e, agus na pheacadh a pheacaich e, annta-san gheibh e bàs.

25 Gidheadh a deir sibhse, Cha'n 'eil shlighe an Tighearna cothromach. Eisdibh a nis, O thigh Israeil, nach 'eil mo shlighean-sa cothromach? nach 'eil 'ur shlighean-sa neo-cothromach?

26 'Nuair a chlaonas am fìrean o 'fhìreantachd, agus a chuireas e 'n gnìomh aingidheachd, agus a bhàsaicheas e innte; air son 'aingidheachd, a rinn e, gheibh e bàs.

27 A nis, an uair a philleas an t-aingidh air falbh o 'aingidheachd, a chuir e 'n gnìomh, agus a ni e an ni a ta dlitheach agus ceart, gléidhidh se 'anam beo.

28 A chionn gu bheil e toirt fainear, agus a' pilladh o 'uile lochdaibh, a chuir e 'n gnìomh, mairidh e gu cinnteach beo, cha'n fhaigh e bàs.

29 Gidheadh deir thigh Israeil, Cha 'n'eil shlighe an Tighearna cothromach. O thigh Israeil, Nach 'eil mo shlighean-sa cothromach? nach 'eil 'ur shlighean-sa neo-cothromach?

30 Uime sin bheir mise breith oirbh, O thigh Israeil, gach aon do réir a shlighe, deir an Tighearn Dia: Gabhaibh aithreachas, agus pillibh o 'r n-uile chiontaibh; mar sin cha dean aingidheachd 'ur mill-eadh.

31 Tilgibh uaibh 'ur n-uile chionta leis an do chiontaich sibh, agus deanaibh dhuibh fèin cridhe nuadh, agus spiorad nuadh; oir c'ar son a bhàsaicheas sibh, O thigh Israeil?

32 Oir cha'n 'eil tlachd agams' ann am bàs an ti a bhàsaicheas, deir an Tighearn Dia: uime sin, pillibhse, agus mairibh beo.

#### C A I B. XIX.

**O**S-barr tog thusa suas tuireadh air son uachdarana Israeil.

2 Agus abair, Ciod i do mhatthair? leòmhann boirionn: luidh i sìos am measg leòmhann, dh'altruim i a cuileanan am measg leòmhann òga.

3 Agus thog i suas aon d'a cuileanaibh: dh'fhàs e na leòmhann òg, agus dh'fhoghlaim e breth air a' chreic, shluig e daoine.

4 Chuala na cinnich fòs ìomradh air,

ghlacadh e nan slochd, agus thug iad e le slabhruidhibh gu tìr na h-Eiphit.

5 A nis, 'nuair a chunnaic i gu'n d'fhàs i lag, agus gu'n do chaill i a dòchas, an sin ghàbh i aon eile d'a cuileanaibh, agus rinn i leomhann òg dheth.

6 Agus dh'imich e sìos agus suas am measg nan leòmhann, dh'fhàs e na leòmhann òg, agus dh'fhoghlaim e breth air a' chreich, shluig e daoine.

7 Agus thug e fairear an àrois, agus chuir e fàs am bailtean; agus bha 'n dùthach fuidh uamhas, agus an làn a bha innte, le fuaim a bheucaich.

8 An sin chruinnich na cinnich na aghaidh air gach taobh, o na mòr-roinnibh, agus sgaol iad an lion thairis: ghlacadh e nan slochd.

9 Agus chuir iad e 'n sàs ann an slabhruidhean, agus thug iad e gu rìgh Bhabiloìn; thug iad e gu daingnichean, a chum nach cluinnteadh tuille a ghuth air sléibh-tìbh Israèil.

10 Tha do mhàthair cosmhuil ri fineamh-uinn, suidhichte aig taobh nan uisgeachan, bha i torrach, agus làn do gheugaibh, a thaobh mhòrain uisgeacha.

11 Agus bha slata làidir aice, air son slata-riaghlaidh nan uachdaran; agus bha a h-àirde togtà suas am measg nan tiugh-gheugan, agus chunnacas i na h-àirde fèin am measg lìonmhoireachd a meanglan.

12 Ach spionadh a mìos i ann an corruich, thilgeadh i sìos gu làr, agus thiomnaich a' ghaoth 'n ear suas a meas: bhriseadh agus sheargadh a slata làidir, loisg an teine iad.

13 Agus a nis, tha i air a suidheachadh anns an fhàsach, ann am fearann tioram tartmhor.

14 Agus tha teine air dol a mach o shlait do geugaibh, a loisg a meas, air chor as nach 'eil slat làidir air bith aice gu bhith na slait gu riaghladh. Is tuireadh so, agus bith e na thuireadh.

## CAIB. XX.

**A**GUS tharladh anns an t-seachdamh bliadhna, sa' chùigeamh mìos, air an deicheamh là do'n mhìos, gu'n d'fhàinig cuid àraid do sheanairibh Israèil a dh'fhiosrachadh o'n Tighearn, agus shuidh iad ann am làthair-sa.

2 An sin thàinig focal an Tighearna do m'ìonsuidh, ag ràdh,

3 A mhic an duine, labhair ri seanairibh Israèil, agus abair riu, Mar so deir an Tighearn Dia, An d'fhàinig sibh a dh'fhiosrachadh dhiomsa? mar is beo mise, deir an Tighearn Dia, cha bhith mi air m'fhiosrachadh leibh.

4 An tagair thusa as an leth, a mhic an duine, an tagair thu? thoir orra gu'n aithnich iad gràinealachdan an aithrichean.

5 Agus abair riu, Mar so deir an Tighearn Dia, Anns an là san do roghnaich

mise Israel, agus anns an do thog mi suas mo làmh air son slochd tìghe Iacoib, agus anns an d'rinn mi mi fèin aithnichte dhoibh ann an tìr na h-Eiphit, 'nuair a thog mi suas mo làmh air an son, ag ràdh, Is mi Iehobhah 'ur Dia:

6 Anns an là san do thog mi suas mo làmh air an son, gu'n toirt a mach a tìr na h-Eiphit, a chum fearainn a rannsaich mi mach dhoibh, a' sruthadh le bainne agus le mil, a's e glòir na h-uile fhearainn:

7 An sin thuirt mi riu, Tilgibh uaibh, gach aon neach gràinealachdan a shùl, agus na truaillibh sibh fèin le ìodholaibh na h-Eiphit: is mise Iehobhah 'ur Dia.

8 Ach chathaich iad ann am aghaidh, agus cha'n fèisdeadh iad rium: cha do thilg iad uatha, gach aon gràinealachdan an sùl, nì mò thrèig iad ìodhola na h-Eiphit: an sin thubhairt mi, Dòirtidh mi mo chorruich orra, a chum gu'n coimhlion mi m'fhearg nan aghaidh ann am meadhon tìre na h-Eiphit.

9 Ach dh'oibrich mi air sgàth m'ainme fèin, a chum nach truaillteadh e 'n làthair nan cinneach, an measg an robh iad, agus an d'rinn mi mi fèin aithnichte dhoibh nan sealladh, le 'n toirt a mach a tìr na h-Eiphit.

10 Air an aobhar sin thug mi orra dol a mach a talamh na h-Eiphit, agus thug mi iad a chum an fhàsaich.

11 Agus thug mi dhoibh mo reachdan, agus dh'fhoillsich mi dhoibh mo bhreitheanais; iad sin mo choimhlionas duine sam bith, mairidh e beo anna.

12 A thuille air so fòs, thug mi dhoibh mo shàbaidean, gu bhith nan combara eadar mise agus iadsan, a chum gu'n aithnichte iad gu'mi an Tighearn a ta 'gan naombachadh.

13 Ach rinn tìgh Israèil ceannaire am aghaidh anns an fhàsach: chadò ghluais iad ann am reachdaibh, agus rinn iad tàir air mo bhreitheanais, nithe ma nì duine, mairidh e beo anna; agus mo shàbaidean thruaill iad gu mòr: an sin thubhairt mi gu'n dòirtinn mo chorruich a mach orra san fhàsach, a chum an caitheamh.

14 Ach dh'oibrich mi air sgàth m'ainme fèin, a chum nach biodh e air a thruaillteadh an measg nan cinneach, a thug mi iad a mach nan sealladh.

15 Ach fòs thog mi suas mo làmh dhoibh anns an fhàsach, nach d'fhàinig iad do'n fhearann, a thug mi dhoibh a' sruthadh le bainne agus mil, a's e glòir nan uile fhearann:

16 A chionn gu'n d'rinn iad tàir air mo bhreitheanais, agus nach do ghluais iad ann am reachdaibh, ach gu'n do thruaill iad mo shàbaidean: oir chaidh an cridhe 'n déigh an ìodhola.

17 Gidheadh choigil mo shùil iad o'n sgrìos, nì mò rinn mi crìoch a thoirt orra san fhàsach.



18 Ach thubhairt mi r'an cloinn anns an fhàsach, Na gluaisibhse ann an reachdaibh 'ur n-aithrichean, ni mò ghléidheas sibh am breitheanais, no thruaillleas sibh sibh féin le 'n iòdholaibh.

19 Is mise an Tighearn 'ur Dia; gluaisibh ann am reachdaibh, agus coimhdibh mo bhreitheanais, agus deanaibh iad:

20 Agus naomhaichibh mo shàbaidean; agus bidh iad nan comhara cadar mise agus sibhse, a chum gu'n bi fios agaibh gur mise an Tighearn bhuir Dia.

21 Gidheadh, rinn an clann àr a mach ann am aghaidh: cha do ghluais iad ann am reachdaibh, ni mò choimhid iad mo bhreitheanais gu'n deanamh, nithe ma ni duine, mairidh e beo anna; thruaill iad mo shàbaidean: an sin thubhairt mi gu'n dòirtinn a mach mo chorruih orra, chum gu'n coilionainn m'fhearg nan aghaidh ams an fhàsach.

22 Gidheadh, phill mi air a h-ais mo làmh, agus rinn mi air sgàth m'ainne féin, a chum nach biodh e air a thruaillleadh ann am fianuis nan cinneach, a thug mi iad a mach nan sealladh.

23 Thog mi suas mo làmh dhoibh fòs anns an fhàsach, gu'n sgapainn iad am measg nan cinneach, agus gu'n sgaoilinn iad feadh nan dùchannan;

24 A chionn uach do chuir iad an gnìomh mo bhreitheanais, ach gu'n d'rinn iad tàir air mo reachdaibh, agus gu'n do thruaill iad mo shàbaidean, agus gu'n robh an sùilean an déigh iòdholan an aithrichean.

25 Uime sin thug mi dhoibh fòs reachdan nach robh maith, agus breitheanais leis nach biodh iad beo.

26 Agus thruaill mi iad nan tiolacaibh féin, le iad a bhi toirt air gach ni dh'fhoglas a' bhrù dol trid an teine, ionnus gu'n deanainnse fàs iad, a chum gu'n aithnich-eadh iad gur mi an Tighearn.

27 Uime sin, a mhic an duine, labhair ri tigh Israeil, agus abair riu, Mar so deir an Tighearn Dia, Ann an so fòs mhasluich 'ur 'n aithrichean mise, le ciontachadh gu trom ann am aghaidh.

28 'Nuair a thug mi iad do'n fhearann, mu'n do thog mi suas mo làmh gu'n d'tluga-inn doibh e, an sin chunnaic iad gach cnoc ard, agus na h-uile chranna tiugha, agus dh'ìobair iad an sin an iobairtean, agus an sin thug iad seachad an tabhartasa fuathach: an sin fòs rinn iad am boladh cùbhraidh, agus dhòirt iad a mach an iobairtean dibhe.

29 An sin thuirt mi riu, Ciod an t-ionad ard gus am bheil sibh a' dol? agus goircar Bamah mar ainm air gus an là an diugh.

30 Uime sin, abair ri tigh Israeil, Mar so deir an Tighearn Dia, Am bheil sibh air

'ur truailleadh do réir nòis bhuir n-aithrichean? agus am bheil sibh a' cur striopachais an gnìomh do réir an gràinealachda-san?

31 Oir an uair a tha sibh a' toirt seachad 'ur tiolaca, 'nuair a tha sibh a' toirt air 'ur mic dol trid an teine, tha sibh 'g 'ur truailleadh féin le 'r n-uil' iòdholaibh, eadhon gus an là an diugh: agus an d'thoir mise freagradh dhuibh, O thigh Israeil? Mar is beo mi, deir an Tighearn Dia, cha d'thoir mi dhuibh freagradh.

32 Agus an ni sin, a ta teachd 'n ur n-aire, cha tachair air chor air bith, ann am bheil sibh ag ràdh, Bidh sinn mar na cinnich, mar mhuinntir nan dùchannan, ann an seirbhis a thoirt do chrann agus do chloich.

33 Mar is beo mise, deir an Tighearn Dia, gu cinnteach le làimh chumhachdaich, agus le gairdein sìnte mach, agus le corruich air a dòrtadh a mach, riaghlaidh mise tharaibh.

34 Agus bheir mi mach sibh as na slòigh, agus tionailidh mi sibh as na dùchannaibh anns am bheil sibh air 'ur sgapadh, le làimh thréin, agus le gairdein sìnte mach, agus le corruich air a dòrtadh a mach.

35 Agus bheir mi sibh gu fàsach nam finneachan, agus an sin tagraidh mi ruibh aghaidh ri h-aghaidh.

36 Ambuil a thagair mi ri 'r n-aithrichean ann am fàsach tìre na h-Eiphit, is amhuil a thagras mi ruibhse, deir an Tighearn Dia.

37 Agus bheir mi oirbh inneachd fuidh 'n t-slaic, agus bheir mi sibh fuidh cheangal a' chùmhnaid.

38 Agus glanaidh mi mach as 'ur measg na ceannaircich, agus an dream a ta ciontachadh ann am aghaidh: bheir mi iad a mach as an dùthaich anns am bheil iad air chuairt, agus cha d'theid iad a steach do fhearann Israeil, agus aithnichidh sibh gur mise an Tighearn.

39 Air 'ur son-sa, O thigh Israeil, mar so deir an Tighearn Dia, Imichibh, deanaibh seirbhis, gach aon duine d'a iòdholaibh a nis na dhéigh so, mur éisd sibh riumsa: ach na truailibh m'ainm naomh-sa ni's mò le 'r tabhartasaibh agus le 'r n-iòdholaibh.

40 Oir ann am shliabh naomh-sa, ann an shliabh airde Israeil, deir an Tighearn Dia, ann an sin ni uile thigh Israeil, na bhios air thalamh uile dhuibh, seirbhis domhsa: an sin gabhaidh mi riu, agus an sin iarraidh mi 'ur tabhartais, agus ceud thoraidh 'ur n-iobairtean, le 'r n-uile nithibh naomba.

41 Gabhaidh mi ruibh le 'r boltrach cùbhraidh, an tra bheir mi mach sibh o na finneachaibh, agus a thionailleas mi sibh o na dùchannaibh, anns an robh sibh air 'ur sgapadh, agus bidh mi air mo naonhachadh annaibh ann am fianuis nan cinneach.

42 Agus aithnichidh sibh gur mise an Tighearn, 'nuair a bheir mi sibh gu fearann

Israèil, gus an dùthaich mu'n do thog mi suas mo làmh gun d'thugainn i do 'r n-aithrichibh.

43 Agus ann an sin cuimhnichidh sibh 'ur slighe, agus 'ur n-uile dheanadais, anns an robh sibh air 'ur truailleadh, agus bidh sibh gràineil ann 'ur sealladh féin air son 'ur n-uile lochdan a rinn sibh.

44 Agus aithnichidh sibh gur mise an Tighearn, 'nuair a dh'oibrichas mi leibh air son m'ainme féin, cha'n ann do réir 'ur droch shlighe, no do réir 'ur deanadais ainigidh, O thigh Israèil, deir an Tighearn Dia.

45 Os-barr thàinig focal an Tighearna do m'ionnsuidh, ag ràdh,

46 A mhic an duine, cuir d'aghaidh ris an airde deas, agus leig sìleadh *do d'fhocal* ri deas, agus dean fàisneachd an aghaidh frideh na machrach mu dheas;

47 Agus abair ri fridh no h-airde deas, Eisd focal an Tighearna, mar so deir an Tighearn Dia, Feuch, fadaidh mise teine annad, agus loisgidh e gach uile chrann uaine annad, agus gach uile chrann seargta; cha mhùchar an teine lasrach, is loisgear ann na h-uile aghaidh, o dheas gu ruige tuath.

48 Agus chi na h-uile fheoil gur mise an Tighearn a las e: cha bhi e air a mhùchadh.

49 An sin thuirt mise, Ah! a Thighearna Dhia, deir iad do m'thaobhsa, Nach fèil e labhairt chosamhlachda dorchda?

## C A I B. XXI.

**A**GUS thàinig focal an Tighearna do m'ionnsuidh, ag ràdh,

2 A mhic an duine, cuir d'aghaidh ri Ierusalem, agus leig sìleadh *do d'fhocal* ris a h-ionadaibh naomha, agus dean fàisneachd an aghaidh fearainn Israèil,

3 Agus abair ri fcarann Israèil, Mar so deir an Tighearn, Feuch, tha mise ann ad aghaidh, agus tairngidh mi mach mo chlaidheamh as a thruaill, agus buinidh mi mach asad am firean agus an t-aingidh.

4 A chionn gu'n gearr mi as uait am firean agus an t-aingidh, uime sin théid mo chlaidheamh a mach as a thruaill an aghaidh gach uile fheòla, o dheas gu tuath:

5 A chum gu'n aithnich gach uile fheoil gu'n do tharruing mise Iehobhah mo chlaidheamh a mach as a thruaill: cha phill e air ais ni's mò.

6 Dean acaìn uime sin, a mhic an duine, a dhochainneas do leasraidh; agus le fearbhas dean osnaich fa chomhair an sùl.

7 Agus tarlaidh, 'nuair a their iad riut, C'ar son a ta thu 'g osnaich? gu freagair thusa, Air son an sgeoil, a chionn gu bhicil e teachd: agus leaghaidh gach aon chridhe, agus bidh na h-uile làmh lag, agus gach aon spiorad fann, agus na h-uile ghluicann

an-fhann mar uisge: feuch tha e teachd, agus bheirear e gu crìch, deir an Tighearn Dia.

8 A rìs thàinig focal an Tighearna do m'ionnsuidh, ag ràdh,

9 A mhic an duine, dean fàisneachd, agus abair, Mar so deir an Tighearn, Abair, Tha claidheamh, tha claidheamh air a gheurachadh, agus fòs air a lìomhadh.

10 Tha e air a gheurachadh a dheanamh air ghoirt, tha e air a lìomhadh a chum gu'n dealradh e; a chum gu'n tilgeadh e sìos slat rioghail mo mhic, gun chrann air bith a chaomhnadh.

11 Agus thug e gu bhi air a lìomhadh e, chum gu'n biodh e air a ghlacadh: tha an claidheamh air a gheurachadh, agus tha e air a lìomhadh, gu 'thoirt do làmh a' mharbhaiche.

12 Eigh agus nuallaich, a mhic an duine, oir bidh e air mo shluagh-sa, air uile mhòr-uaislibh Israèil; bidh uamhasan, do thaobh a chlaidheimh, air mo shluagh: buail, uime sin, air do leis.

13 Oir tha e dearbhata; agus an t-slat rioghail an uair nach coigil e i, cha bhi ann ni's mò, deir an Tighearn Dia.

14 Dean thusa, uime sin, a mhic an duine, fàisneachd, agus buail do làmh an a' chéile, agus biodh an claidheamh an treas uair air a dhùblachadh, claidheamh nan daoine marbhata, claidheamh a' ghaighich a mharbhadh, a théid a steach d'an seòmraichean uaigneach.

15 Chuir mi roinn a' chlaidheimh an aghaidh an geataichean uile, a chum gu mcathadh an cridhe, agus gu meudaichear am milleadh: ah! rinneadh loinreach e, gheuraicheadh air son an àir e.

16 Imich thusa taobh no taobh eigin, air do làmh dheis, no air do làmh chli, ciod air bith taobh a ta d'aghaidh.

17 Buailidh mise fòs mo làmh an a' chéile, agus bheir mi air mo chorruch gu'n gabh i fois: mise Iehobhah thubhairt e.

18 Thàinig focal an Tighearna do m'ionnsuidh a rìs, ag ràdh,

19 Mar an ceudna, a mhic an duine, sonraich dà shlighe dhuit féin, a chum gu'n d'thigcadh claidheamh rìgh Bhabiloin: thig aràon an dithis a mach as an aon tìr, agus tagh thusa àite, tagh e aig ceann na slighe chum a' bhaile.

20 Sonraich slighe, chum gu'n d'thigeadh an claidheamh gu Rabat nan Amonach, agus gu Iudah ann an Ierusalem, a' chathair dhaingeann.

21 Oir sheas rìgh Bhabiloin aig dealachadh na slighe, aig ceann an dà shlighe, a dheanamh fiosachd: lìomh e a shaighdean; chuir e 'chomhairle ri dcabhan, sheall e anns an sgamhan.



22 Aig a làmh dheis bha'n fhàisneachd air son Ierusalem, a dh'orduchadh cheanna-feadhna, a dh'fhosgladh a' bheoil anns an àr, a thogail suas a' ghutha le h-ìolaich, a dh'orduchadh reitheachean-cogaidh an aghaidh nan geataichean, a thilgeadh suas torr, a thogail daingnich.

23 Agus bidh e dhoibhsan mar neach ri fàisneachd bhrèige nan sealladh, dhoibhsan a thug mionnan: ach gairmidh e gu cuimhne an aingidheachd, a chum gu'm bi iad air an glacadh.

24 Air an aobhar sin mar so deir an Tighearn Dia, a chionn gu'n d'thug sibh air 'ur n-aingidheachd a bhì air a chuimhneachadh, le'r n-easaontas a bhì air a leigeadh ris, air chor as gu bheil 'ur lochdan follas 'n 'ur n-uile dheanadas: a chionn gu bheil sibh air 'ur toirt gu cuimhne glacar an làmh sibh.

25 Agus thusa, a phrionnsa mhi-dhiadhaidh, aingidh Israeil, aig am bheil do là air teachd, anns am bi crìoch air aingidheachd.

26 Mar so deir an Tighearn Dia, Athar-ruich an coron rioghail, agus thoir dhìot an crùn: cha 'n e an aon ceudna *bhios ann*, ardaich an t-ìosal, agus ìslich an t-ard.

27 Tilgidh mi e bun os cionn, bun os cionn, bun os cionn, agus cha bhì e ann, gus an d'thig e an aig am bheil còir air, agus *dhasan* bheir mi e.

28 Agus thusa, a mhic an duine, dean fàisneachd, agus abair, Mar so deir an Tighearn Dia do thaobh nan Amonach, agus do thaobh am maslaidh: eadhon abair thusa, Tha an claidheamh tairngte: air son an àir tha e lìomhta; air son an àir tha e lìomhta; air son sgrios tha e mar dhealanaich.

29 (Am feadh a ta thu faicinn dhuit fèin dìomhanais, am feadh a ta thu fàisneachd dhuit fèin bréige,) a chum do thoirt air mhuinealaibh na muinntir a leònach, nan aingidh aig am bheil an là air teachd, anns am bi crìoch aig an ea-ceart.

30 An d'thoir mi air pilleadh air ais g' a thruaill? Anns an àite san do chruthaicheadh thu, ann am fearann do dhùchais, bheir mise brèith ort.

31 Agus dòirtidh mi mach ort mo dhian chorruch, sèididh mi ort ann an teine m' fheirge, 's bheir mi thairis thu do làmh dhaoine brùideil, cleachda ri milleadh.

32 Bidh tu mar chonnadh do 'n teine: bidh d' fhuil ann am meadhon an fhearainn, cha bhì thu ni 's mò air chuimhne: oir mise Iehobhab labhair e.

C A I B. XXII.

**O**S-barr thàinig focal an Tighearna do m' ionnsuidh, ag ràdh,

2 A nis, a mhic an duine, an tagair thu, an tagair thu a leth na cathrach fhuiltich? seadh feuchaidh tu dhi a h-uile ghràinealachdan.

3 An sin abair thusa, mar so deir an Tighearn Dia, Tha a' chathair a' dòrtadh fala na meadhon, a chum gu 'n d'thigeadh a h-àn, agus a' deanamh ìodhola na h-aghaidh fèin, gu i fèin a thruaillleadh.

4 Tha thu air fàs ciontach ann ad fhuil a dhòirt thu, agus thruaill thu thu fèin ann ad ìodholaibh a rinn thu, agus thug thu air do laithean teachd dlù, agus thàinig thu chum do bhliadhnachan; uime sin rinn mise dhìot masladh do na cinnich, agus ball-magaidh do na h-uile dhùchaibh.

5 Iadsan a ta dlù, agus iadsan a ta fada uait, ni iad fanoid ortsa, ta mi-chliùtach, a ta ri mòran sàruichaidh.

6 Feuch tha uachdarain Israeil annad, gach aon do réir a chumhachd a dhòrtadh fala.

7 Annadsa rinn iad dimeas air athair agus màthair: ann ad mheadhon bhuin iad le h-ainneart ris a' choigreach: annadsa shàruich iad an dilleachdan agus a' bhan-trach.

8 Rinn thu tàir air mo nithe naomh-sa, agus thruaill thu mo shàbaidean.

9 Annadsa tha luchd-aithris sgeoil a dhòrtadh fala: agus annad tha iad ag ith-eadh air na sléibhibh: ann ad mheadhon tha iad a' cur an gnìomh neo-ghloine.

10 Annadsa leig iad ris lomnochduich' an athar; dh' ìslich iad annad ise a chuir-eadh a thaoibh air son neo-ghloine.

11 Agus rinn aon gràinealachd le mnaoi a choinhearsnaich, agus thruaill aon eile gu gràineil nighean a mhnatha, agus dh' ìslich neach eile annad a phiuthar, nighean 'athar.

12 Annadsa ghabh iad duais gu fuil a dhòrtadh: ghabh thu ocar agus riadh, agus bhuannaich thu gu sanntach o d' choimhearsnaich le h-ana-cothrom, agus dhi-chuimhnich thu mise, deir an Tighearn Dia.

13 Feuch uime sin bhuail mise mo làmh air do bhuannachd neo-ionraic, a rinn thu, agus air d' fhuil, a bha ann ad mheadhon.

14 An urradh do chridhe fulang, no 'n urradh do làmhan a bhì làidir anns na laithibh anns am buin mise riut? Mise Iehobhab labhair, agus ni mi.

15 Agus sgapaidh mi thu measg nan cinneach, agus sgàrraidh mi thu measg nan dùchannan, agus caithidh mi do neo-ghloine asad.

16 Agus bidh tu air do thruaillleadh ann an sealladh nan cinneach, agus aithnichidh tu gur mise an Tighearn.

17 Agus thàinig focal an Tighearna do m' ionnsuidh, ag ràdh,

18 A mhic an duine, tha tigh Israeil air fàs dhomhsa mar shal; tha iad uile nan umha, agus nan stàn, agus nan iarunn, agus nan luath, ann am meadhon na fuirneis; cha 'n 'eil anna ach sal airgid.

19 Air an aobhar sin, mar so deir an

Tighearn Dia, A chionn gu 'n d' fhàs sibh uile 'nur sal, feuch, uime sin, cruinnichidh mise sibh gu meadhon Ierusalem.

20 Mar a chruinnicheas iad airgid, agus umha, agus iarunn, agus luaith, agus stàn gu meadhon na feirneis, a chum an teine a shéideadh air, gus a leaghadh; is amhuil a chruinnicheas mise sibhse ann am chorruich, agus ann am fheirg, agus fàgaidh mi sibh an sin, agus leaghadh mi sibh.

21 Seadh cruinnichidh mi sibh agus sécididh mi oirbh ann an teine mo chorruich, agus bidh sibh air 'ur leaghadh na mheadhon.

22 Mar a leaghar airgid ann am meadhon na feirneis, is amhluidh a leaghar sibhse na mheadhon-sin; agus aithnichidh sibh gu 'n do dhòirt mise Iehobhah mach mo chorroich oirbh.

23 Agus thàinig focal an Tighearna do m' ionnsuidh, ag ràdh,

24 A mhic an duine, abair ris an fhear-ann, Is tusa am fearann nach 'eil air d' uisgeachadh, air nach do thuit frasachd ann an là na dian fheirge.

25 Tha co-bhoian fhàidhean na mheadhon; mar leòmhann beucach, an tòir air a' chreic, shluig iad anama: ghlac iad an t-ionmhas agus na nithe luachmhor: rinn iad a bhantraichean lionmhór na mheadhon.

26 Bhriis a shagairt mo reachd, agus mhi-naomhaich iad mo nithe naomba: cha do chuir iad dealuchadh sam bith eadar an naomha 's am mi-naomha, ni mò dh' fheuch iad ciod tha neo-ghlan, agus ciod glan: agus dh' fholuich iad an sùilean o m' shàbaidcan, agus tha mi air mo mhi-naomhachadh nam measg.

27 Tha uachdarain na mheadhon mar mhadraibh-alluidh, ciocrach a chum creiche, a dhòrtadh fala, a grios anama, a dh' fhaotainn buannachd neo-ionraic<sup>1</sup>.

28 Agus chòmhdaich 'Thàidhean iad le crè gun oibreachadh, a' faicinn diomhanais, agus a' faisneachd bhreug dhoibh, ag ràdh, Mar so deir an Tighearn Dia, 'nuair nach do labhair an Tighearn.

29 Ghnàthaich sluagh an fhearainn ainneart, agus chuir iad an gnìomh reubainn, agus shàruich iad am bochd agus am feum-annach: seadh rinn iad fòirneart air a' choigreach gu h-eucorach.

30 Agus dh' iarr mise air son duine nam measg a dheanadh suas a' challaid, agus a sheasadh anns a' bhriseadh<sup>2</sup> fa m' chomhair air son an fhearainn, a chum nach sgriosainn e, ach cha d' fhuair mi aon neach.

31 Uime sin dhòirt mi mach orra mo dhian chorruich, chaith mi iad le teine m' fheirge: an slighe féin dhòil mi air an cinn, deir an Tighearn Dia.

THA INIG focal an Tighearna do m' ionnsuidh, a ris, ag ràdh,

2 A mhic an duine, bha dithis bhan ann, nigheanan na h-aona mhàthar;

3 Agus rinn iad strìopachas anns an Eiphit, rinn iad strìopachas nan òige; an sin bha an uchd air a bhruthadh, agus an sin bhruthadh cìochan am maighdeanais.

4 Agus b' iad an ainmean, Aholah ise bu shine, 's Aholibah a piuthar: agus bu leamsa iad, agus rug iad mic agus nigh-eana: mar so an ainmean; is i Aholah Samaria, agus is i Aholibah Ierusalem.

5 Agus rinn Aholah strìopachas an-uair bu leams' i, agus bha i 'n cion<sup>3</sup> air a leann-ain, air na h-Asirianaich, a coimhears-naich,

6 Sgeudaichte le gorm, nan cinn-fheadhna, agus nan luchd-riaghlaidh, iad uile nan òganaich àillidh, marc-shluagh, a' marcachd air eachaibh.

7 Mar so rinn i strìopachas leo, leis a' mheud as a bha do fhicraibh taghta 'n Asiria, agus leis na h-uile air an robh a cion<sup>4</sup>, le n' òdholaibh uile shalaich i i féin.

8 Ni mò a sguir d' a strìopachas leis an Eiphit: oir na h-òige luidh iad leathas, agus bhruth iad cìochan a maighdeanais, agus dhòirt iad oirre an strìopachas.

9 Air an aobhar sin thug mise thairis i do làimh a leannan, do làimh nan Asirianaich, air an robh a cion.

10 Leig iad so ris a lomnochduiche, ghabh iad a mic agus a nigheanan, agus mharbh iad i leis a' chlaidheamh: agus dh' fhàs i iomraiteach am measg bhan, oir thug iad oirre breitheanas.

11 Agus an uair a chunnaic a piuthar Aholibah so, bha i ni bu truailleadh na gràdh neo-mhecasarra na ise; agus na strìopachas ni bu mhò na a piuthar na strìopachas.

12 Bha a cion air na h-Asirianaich a coimhearsnaich, cinn-fheadhna, agus luchd-riaghlaidh, sgeudaichte gu ro sgiamhach, marc-shluagh, a' marcachd air catchaibh, iad uile nan òganaich àillidh.

13 An sin chunnaic mi gu 'n robh i air a truailleadh, gu 'm b' ionan slighe dhoibh arach;

14 Ach gu 'n deachaidh ise ni b' fhaide na strìopachas: oir 'nuair a chunnaic i daoine air an dealbh air a' bhalla, òmh-aighean nan Caldéach, air an tarruing le corcur,

15 Criosluichte le criosaibh air an leasraidh, sgeudaichte le ceann-éideadh daithe air an ceannaibh, iad uile mar chinn-fheadna ri 'm faicinn, cosmhuil ri macaibh Bhabailoin, a dh' àraich tìr Chaldéa.

16 Agus co luath as a chunnaic i iad le a sùilibh, ghabh i cion orra, agus chuir i teachdairean d' an ionnsuidh, gu Caldéa.

<sup>1</sup> mhi-dhlighich.<sup>2</sup> bheum.<sup>3</sup> an déigh.<sup>4</sup> déigh, ceist.



17 Agus thàinig na Babilonaich d' a h-ionnsuidh gus an leaba-ghaoil, agus thruaill iad le 'n strìopachas; ach an déigh bhi air a truailleadh leo, bha a h-inntinn air a claonadh air falbh uatha.

18 Mar sin leig i ris a strìopachas, agus leig i ris a lomnochduiche; an sin phill m' inntinn-sa uaipe, amhuil a phill m' inntinn o a piutlhair.

19 Gidheadh mheudaich i a strìopachais, le laithean a h-òige ghairm gu cuimhne, anns an d' rinn i strìopachais, ann an tìr na h-Eiphit.

20 Oir mhiannaich i a co-chéilidhean, aig am bheil am feoil mar fheoil asal, agus an sìol mar shìol each.

21 Mar so ghairm thu gu cuimhne neo-ghloine d' òige, ann am bruthadh do bhrollaich leis na h-Eiphitich, ann am bruthadh clocha d' òige.

22 Air an aobhar sin, O Aholibah, mar so deir an Tighearn Dia, Feuch, dùisgidh mise suas do leannain ann ad aghaidh, o 'm bheil d' inntinn air claonadh, agus bheir mi iad ann ad aghaidh air gach taobh;

23 Na Babilonich, agus na Caldéich uile, Pécod agus Soa, agus Coa, na h-Asirianaich uile maille riu: iad uile nan daoine àillidh, cinn-fheadhna, agus luchd-riaghlaidh, tigh-earnan mòra agus iomraitcach, iad uile a' marcachd air eachaibh.

24 Agus thig iad ann ad aghaidh le carbadaibh, le cobhanaibh<sup>1</sup>, agus le rothaibh, agus coimhthional sluaigh, a chuircas ann ad aghaidh targaid, agus sgiath, agus clogaide, air gach aon taobh: agus cuiridh mise breitheanas fa 'n comhair, agus bheir iad breith ort do réir am breitheanais.

25 Agus cuiridh mise m' eud ad aghaidh, agus buinidh iad gu ro-gharg riut: bheir iad air falbh do shroin, agus do chluasan, agus tuitidh d' fhuigheall leis a' chlaidheamh: bheir iad leo do mhic, agus do nigheanan, agus loisgear na dh'fhàgar dhìot anns an teine.

26 Bheir iad dhìot mar an ceudna d' eudach, agus bheir iad air falbh do sheuda maiseach.

27 Mar so bheir mise air do neo-ghloine sgar annad, agus air do strìopachas le tìr na h-Eiphit: air chor as nach tog thu suas do shùilean riu, agus nach cuimhnich thu an Eiphit ni 's mò.

28 Oir mar so deir an Tighearn Dia, Feuch, bheir mise thairis thu do làimh na muinntir leis am fuathach thu, do làimh na muinntir, o 'm bheil do chridhe air claonadh.

29 Agus buinidh iad riut gu fuathach, agus bheir iad air falbh d' uile shaothair, agus fàgaidh iad thu lom agus rùisgte, agus bidh lomnochduiche do strìopachais air a leigeadh ris, araon do ghràinealachd agus do strìopachas.

30 Nì mise na nithe so riut, a chionn

gu 'n deachaidh tu le strìopachas an déigh nan cinneach, a chionn gu bheil thu air do thruaillleadh le 'n iodholaibh.

31 Ghluais thu ann an slighe do pheathar, uime sin bheir mise a cupan-sa ann ad làimh.

32 Mar so deir an Tighearn Dia, Olaidh tu do chupan do pheathar, domhain agus farsaing; nìhear gàire fanoid riut, agus bithidh tu a' d' bhall-magaidh; is mòr na bheil ann.

33 Lìonar thu le misg agus le doilghios, le cupan uamhais agus leir-sgrios, le cupan do pheathar Shamaria.

34 Nì thu fòs 'òl agus a shùghadh a mach, agus brisidh tu a bhloighdean, agus spìonaidh tu do chiochan fèin asad: oir mise labhair c, deir an Tighearn Dia.

35 Uime sin mar so deir an Tighearn Dia, Chionn gu 'n do dhi-chuimhnich thu mise, agus gu 'n do thilg thu mi air do chùlaobh, air an aobhar sin, giùlain thusa fòs do ghràinealachd agus do strìopachais.

36 Thuir an Tighearn rium os-barr, A mhic an duine, an d' thoir thu breith air Aholah, agus air Aholibah? seadh, foillsich dhoibh an gràinealachdan;

37 Gu 'n do chuir iad an gnìomh adhaltrus, agus gu bheil fuil nan làmhan, agus le 'n iodholaibh gu 'n d' rinn iad adhaltrus, agus gu 'n d' thug iad fòs air am mic, a rug iad dhomhsa, siubhal air an son-san trid an teine d' an losgadh.

38 Os-barr rinn iad so riumsa: thruaill iad m' ionad naomh air an là sin fèin, agus mhi-naomhaich iad mo shàbaidean.

39 Oir an uair a mhaibh iad an òann d' an iodholaibh, an sin thàinig iad air an là sin fèin do m' ionad naomh-sa, g' a thruaill-eadh; agus feuch, mar so rinn iad ann am meadhon mo thighe.

40 Agus a thuille air so, gu 'n do chuir iad fios air daoine gu teachd o chéin, gus an do chuireadh teachdaire, agus feuch, thàinig iad, air son an d' rinn thu thu fèin a nigheadh, do shùilean a dhath, agus thu fèin a sgeudachadh le h-usgraichean.

41 Agus shuidh thu air leabaidh urram-aich, agus bord ullaichte f' a comhair, air an do chuir thu mo bholtrach-sa, agus m' oladh.

42 Agus bha guth na muinntir a bha aig suainhneas maille riu, agus mòr chuid-eachd nam fear o Shaba, o'n fhàsach, a chuir làmh-fhailean air an làmhan, agus corona maiseach air an ceannaibh.

43 An sin thuir mise rithe-sa bha sean ann an adhaltrus, An dean iad a nis strìopachas leatha, agus ise *leo-san*?

44 Gidheadh chaidh iad a steach d'a h-ionnsuidh, mar a thèid iad a steach gu strìopaich: mar sin chaidh iad a steach gu Aholah agus gu Aholibah, na mnathan neo-ghlan.

45 Agus bheir na daoine cothromach

<sup>1</sup> *feumaibh.*

breith orra, do réir breith bhan-adhaltranach, agus do réir breith bhan, a dhóirteas fuil; a chionn gur ban-adhaltranaich iad, agus gu bheil fuil nan lámhan.

46 Oir mar so deir an Tighearn Dia, Bheir mise níos cuideachd orra, agus bheir mi iad gu bhi air an atharrachadh, agus air an creachadh.

47 Agus clachaidh a' chuideachd iad le clachaidh, agus gearraidh iad sìos iad 'le 'n claidhnean; marbhaidh iad am mic agus an nigheanan, agus loisgidh iad an tighen le teine.

48 Mar so cuiridh mise cosgadh air gràinealachd anns an fhearann, a chum gu foghlaim na h-uile mhnathan gun deanamh a réir 'ur gràinealachd-sa.

49 Agus diolaidh iad ruibh 'ur gràinealachd, agus giùlainidh sibh lochdan 'ur n-iodhola, agus aithnichidh sibh gur mise an Tighearn Dia.

## CAIB. XXIV.

**A** RÌ'S, anns an naothamh bliadhna, anns an deicheamh mìos, air an deicheamh là do 'n mhìos, thàinig focal an Tigh-earna do m' ionnsuidh, ag ràdh,

2 A mhic an duine, sgrìobh dhuit ainm an là, a' cheart là so: chuir rìgh Bhabailoin e fèin an aghaidh Ierusalem air a cheart là so.

3 Agus labhair cosamhlachd ris an tigh cheannairceach, agus abair ris, Mar so deir an Tighearn Dia, Cuir air coire; cuir air e, agus fòs dòirt ann uisge.

4 Cruinnich a mhìrean ann, gach aon mhìr maith, an t-sliasaid agus an slinnean; lìon e le taghadh nan cnàmh.

5 Gabh roghadh an treud, agus loisg fòs na cnàmhan fuidhe, thoir goil bhras air, agus biodh a chnàmhan air am bruich ann.

6 Uime sin, mar so deir an Tighearn Dia, Is an-aoibhinn do 'n chathair fhuiltich, do 'n choire aig am bheil a shal ann, agus o nach deachaidh a shal a mach uaithe; thoir a mach e, m' air mhìr, na tuiteadh crannchur air bith air.

7 Oir tha a fuil na meadhon, chuir i air mullach creige i, cha do dhòirt i air an talamh i, chum a folach le duslach:

8 A chum gu 'n d'fhugadh i air feirg teachd a nìs a dheanamh dioghaltas: chuir mise a fuil air mullach creige, chum nach biodh i air a folach.

9 Air an aobhar sin, Mar so deir an Tighearn Dia, Is an-aoibhinn do 'n chathair fhuiltich; nì mise fòs a' chruach-theine mòr.

10 Carnaibh connadh, fadaibh an teine, caithibh an fheoil, cuiribh oirre spiorsaidh gu leòr, agus loisgear na cnàmhan.

11 An sin cuir falamh e air 'èibhlìbh, a chum gu 'n teasaich a' phrais, agus

gu 'n loisg i, agus gu 'm bi a salchar air a leaghadh innte, air chor as gu 'm bi a sal air a chaitheamh.

12 Lean a sal rithe gu teann, agus cha do dhealuich e rithe; tha a salchar mòr, tha a salchar breun.

13 Ann ad shalchar tha neo-ghloine, do bhrìgh gu 'n do ghlan mi thu, agus nach robh thu glan; cha bhi thu air do ghlanadh o d' thruaillidheachd nì 's mò, gus an d' thoir mise air mo chorruich gu 'n gabh i tamh ort.

14 Mise Iehobhah labhair, thig e gu crìch, agus coimhlionaidh mis' e, cha d' théid mi air m' ais, nì mò choigleas mi, no ghabhas mi aithreachas; a réir do shlighe, agus a réir do dheanadais bheir iad breith ort, deir an Tighearn Dia.

15 Mar an ceudna thàinig focal an Tigh-earna do m' ionnsuidh, ag ràdh,

16 A mhic an duine, feuch, bheiream' air falbh uait miann do shùl le buille: gidheadh cha dean thu bròn no gul, nì mò slùileas do dheòir.

17 Leig dhìot glaothaich, na dcan caoidh air son nam marbh, ceangail culaidh do chinn ort, agus cuir do bhrògan air do chasaibh, agus na foluich do ghnuis, agus na h-ith aran luchd-bròin.

18 Mar sin labhair mi ris na daoineibh anns a' mhaduinn, agus dh' eug mo bhean mo anmoch; agus rinn mi sa' mhaduinn mar dh' àithneadh dhomh.

19 Agus thubhairt an sluagh rium, Nach innis thu dhuinn ciod ar gnothach-ne ris na nìthe so a ta thu deanamh?

20 An sin fhreagair mi iad, Thàinig focal an Tigh-earna do m' ionnsuidh, ag ràdh,

21 Labhair ri tigh Israeil, Mar so deir an Tighearn Dia, Feuch, truailidh mise m' ionad naomh, òirdheirceas 'ur treise, miann 'ur sùl, agus an nì a 's caomh le 'r n-anam: agus 'ur mic agus 'ur nigheanan, a dh' fhagadh, tuitidh leis a' chlaidheamh.

22 Agus nì sibh mar a rinn mise: cha 'n fhòluich sibh 'ur n-aghaidh, agus cha 'n ith sibh aran luchd-bròin.

23 Agus bidh 'ur n-éideadh air 'ur ceannaibh, agus 'ur brògan air 'ur casaibh: cha dean sibh bròn no gul, ach seargaidh sibh as air son 'ur n-eaceartan, agus nì sibh bròn, gach aon r'a chéile.

24 Mar so tha Eseciel dhuibh na cho-mhara: do réir gach nì a rinn esan, nì sibhse: agus an uair a thig so, aithnichidh sibh gur mise an Tighearn Dia.

25 Mar an ceudna, a mhic an duine, nach tachair e anns an là sam bhuin mise uatha an neart, aoibhneas an glòire, miann air sùl, agus an nì sin air an suidhich iad an inntinn, am mic, agus an nigheanana;

26 Gu 'n d' thig esan a théid as air an là



sin do d' ionnsuidh, a thoirt ort a chluinntinn le d' chluasaibh?

27 Anns an là sin fosglar do bheul do 'n ti thèid as, agus labhraidh tu, agus cha bhì thu ni's mò balbh, agus bidh tu dhoibh mar chonhara, agus aithnichidh iad gur mise an Tighearn.

## CAIB XXV.

**T**HA'INIG focal an Tighearna a ris do m' ionnsuidh, ag ràdh,

2 A mhic an duine, cuir do ghnùis an aghaidh nan Amonach, agus dean fàisneachd nan aghaidh;

3 Agus abair ris na h-Amonaich, Chluinnibh focal an Tighearna Dia, Mar so deir an Tighearn, a chionn gu 'n d' thubhairt thu, Aha, an aghaidh ni' ionaid naomha, 'nuair a thruaileadh e, agus an aghaidh fearainn Israeil, an uair a bha e fàs, agus an aghaidh tìghe Iudah, an uair a dh' fhalbh iad ann am braigheanas;

4 Feuch, uime sin, bheir mise thairis thu do mhuinntir na h-àirde 'n ear mar sheilbh, agus suidhichidh iad annad an àrois, agus ni iad an àite-còmhnuidh annad: ithidh iad do mheas, agus òlaidh iad do bhainne.

5 Agus ni mi Rabah na crò air son chàmbhal, agus clann Amon na àite-luidhe do threudaibh: agus aithnichidh sibh gur mise an Tighearn.

6 Oir mar so deir an Tighearn Dia A chionn gu 'n do bhuail thu do làmhnan, agus gu 'n do bhreab thu le d' chasan, agus gu 'n d' rinn thu gàirdeachas ann ad chridhe, le d' uile tharcuis an aghaidh fearainn Israeil;

7 Feuch, uime sin, sinidh mise mach mo làmh ort, agus bheir mi seachad thu mar chreich do na cinnich, agus gearraidh mi as thu o na slòigh, agus caithidh mi thu a mach as na dùchannaibh: sgriosaidh mi thu, agus aithnichidh tu gur mi an Tighearn.

8 Mar so deir an Tighearn Dia, A chionn gu bheil Moab agus Seir ag ràdh, Feuch, tha tìgh Iudah cosmhuil ris na h-uile chinnich;

9 Air an aobhar sin, feuch, fosglaidh mise taobh Mhoab, a leigeadh ris nan bailtean a ta air 'iomall, naise na dùcha, Betiesniot, Baal-meon, agus Ciriataim,

10 Do fhcaraibh na h-àirde 'n ear, maille ri cloinn Amon, agus bheir mi iad mar sheilbh, a chum nach bi cuimhne air cloinn Amon am measg nan cinneach.

11 Agus bheir mi breitheanas air Moab, agus aithnichidh iad gur mi an Tighearn.

12 Mar so deir an Tighearn Dia, A chionn gu 'n do ghnàthaich Edom dioghaltas trom an aghaidh Iudah, agus gu 'n d' thug e oibheum mòr agus an dioghaltas a rinn e orra:

13 Uime sin, mar so deir an Tighearn Dia, Sinidh mise fòs a mach mo làmh air

Edom, agus gearraidh mi as duine agus ainmhidh uaithe, agus ni mi fàs e o The-man, agus tuitidh muinntir Dhèdain leis a' chlàidheamh.

14 Agus leagaidh mi mo dhioghaltas air Edom le làmh mo shluaigh Israeil, agus ni iad ann an Edom do réir mo chorruich, agus do réir mo dhian fheirge, agus bidh fios mo dhioghaltais aca, deir an Tighearn Dia.

15 Mar so deir an Tighearn Dia, A chionn gu 'n do bhuin na Philistich gu dioghaltach, agus gu 'n d' rinn iad dioghaltas le cridhe aingidh gu milleadh, air son an t-sean nàimhdeis<sup>1</sup>;

16 Uime sin, mar so deir an Tighearn Dia, Feuch, sinidh mise mach mo làmh air na Philistich, agus gearraidh mi as na Ceretich, agus millidh mi fuigheill slios na fairge.

17 Agus ni mi dioghaltas mòr orra le achasain gharga, agus aithnichidh iad gur mise an Tighearn, 'nuair a leagas mi orra mo dhioghaltas.

## CAIB XXVI.

**A**GUS tharladh anns an aon bhliadhna A deug, air a' cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

2 A mhic an duine, a chionn gu 'n d' thubhairt Tirus an aghaidh Ierusalem, Aha, tha ise bha na dorsaibh do 'n t-sluagh briste: phill i chugamsa, leasaichear mise nis, o chuireadh ise fàs;

3 Air an aobhar sin, mar so deir an Tighearn Dia, Feuch, tha mis' a' d' aghaidh, O Thirus, agus bheir mi air mòran chinneach teachd a nìos a'd' aghaidh, mar a bheir an fhainge air a tomaibh teachd a nìos.

4 Agus sgriosaidh iad ballachan Thirus, agus brisidh iad sìos a bàbhuinn: tairngidh mise fòs a duslach uaipe, agus ni mi i mar mhullach creige.

5 Bidh i na h-ionad sgaoilidh lìon ann am meadhon na fairge: oir labhair mise, deir an Tighearn Dia, agus bidh i na creich do na cinnich.

6 Agus marbhar a nigheanan, a ta sa' mhachair, leis a' chlàidheamh, agus aithnichidh iad gur mise an Tighearn.

7 Oir mar so deir an Tighearn Dia, Feuch, bheir mise air Tirus Nebuchadnesar rìgh Bhabìlon, rìgh rìgurean, o 'n àirde tuath, le cacaibh, agus le carbadaibh, agus le marcaich, agus le cuideachdaibh, agus le mòran sluaigh.

8 Marbhaidh e leis a' chlàidheamh do nigheanan anns a' mhachair, agus ni e dangneach ann ad aghaidh, agus togaidh e suas ad aghaidh an sgiath.

9 Agus cuiridh e inneala-cogaidh an aghaidh do bhallachan, agus le 'thuaghaibh brisidh e sìos do bhàbhuinn.

<sup>1</sup> fhuilachd.

10 Le lionnhoireachd a chuid each, folaichidh an duslach thu, criothnaichidh do bhalla le toirn a' mharc-shluaigh, agus nan rothan, agus nan carbadan, an tra theid e steach air do gheatacha, mar a theid daoine steach air baile san d' rinneadh briseadh.

11 Le iongannaibh a chuid each saltraidh e sìos do shràidean uile: marbhaidh e do shluaigh leis a' chlaidheamh, agus theid do dhaingnichean làidir sìos gu làr.

12 Agus ni iad creach do d' shaibhreas, agus ni iad cobhartach do d' cheannachd, agus brisidh iad sìos do bhallachan, agus millidh iad do thighean taitneach, agus leagaidh iad do chlachan, agus d' fhiudh, agus do dhuslach ann am meadhon an uisge.

13 Agus bheir mise air fuaim d' òran sùr, agus cha chluinnear fonn do chlàrsach ni's mò.

14 Agus ni mi thu mar mhullach creige: bidh tu ann ad ionad gu sgaioleadh lion air: cha bhi thu air do thogail ni's mò: oir mise Iehobhab labhair, deir an Tighearn Dia.

15 Mar so deir an Tighearn Dia ri Tirus, Nach criothnaich na h-eileanan ri fuaim do leagaidh, tra dh' éigheas a' mhuinntir leònta, tra nithear an t-àr ann ad mheadhon?

16 An sin thig uile phrionnsacha na fairege nuas o'n righ-chaithrichibh, agus cuiridh iad am falluingean a thaoibh, agus cuiridh iad dhiubh an culaidhean grèise: éididh iad iad fèin le ball-chrith, suidhidh iad air an làr, agus criothnaichidh iad gach tiota, agus bidh uamhas orra do d' thaobh-sa.

17 Agus togaidh iad tuireadh air do shon, agus their iad riut, Cionnus a sgriosadh thusa bha air d' àiteachadh le luchd-fairge, a' chathair iomraiteach a bha làidir anns an fhaerge, i fèin agus a luchd-àiteachaidh, a ta cur an cagail air na h-uile, ta ga tàthaich?

18 A nis criothnaichidh na h-eileanan ann an là do leagaidh; seadh bidh na h-eileanan a ta san fhaerge fo bhùaireadh air son do shiubhall.

19 Oir mar so deir an Tighearn Dia, An tra ni mise dhiot cathair fhàs, mar na cathraichean nach 'eil air an àiteachadh, an tra bheir mi nìos ort an doimhne, agus a thig na tuitlean mòra tharad;

20 An tra bheir mi ort dol sìos leo-san, a theid sìos do 'n t-slochd, le muinntir na h-aimsir o shean, agus a chuireas mi thu 'n ionadaibh iochdrach na talumhainn, ann an ionadaibh fàs o shean, leo-san a theid sìos do 'n t-slochd, air chor as nach bi thu air d' àiteachadh, agus nach seas thu ni's mò ann an tìr nam beo:

21 Ni mi uamhas dhiot, agus cha bhi thu ann: ged' iarrar thu, gidheadh cha 'n

fhaighear thu ni's mò gu bràth, deir an Tighearn Dia.

## CAIB. XXVII.

THA INIG focal an Tighearna do m'ionna-suidh a ris, ag ràdh,

2 A nis, a mhic an duine, tog suas tuir-eadh air son Thiruis;

3 Agus abair ri Tirus, O thusa ta air do shuidheachadh aig dol a steach na fairege, a tu d' cheannuiche do 'n t-sluaigh air son mhòrain eileanan, Mar so deir an Tighearn Dia, O Thiruis, thubhairt thu, Tha mi ro-sgiambhach.

4 Tha d' iomall ann am meadhon na fairege, rinn do luchd-togail do mhaise foirfe.

5 Rinn iad d' uile chlàra do chrannaibh giubhais Shenir: thug iad seudair o Lebanon a dheanamh chranna-siùil duit.

6 Do dharagaibh Bhasain rinn iad do ràmhnan: rinn cuideachd nan Asurach do thotachan do chnàmha-deuda o eileanaibh Chitim.

7 B'e anart grinn, le obair ghrèise o 'n Eiphit a sgaoil thu mach gu bhì na sheòl duit; b'e gorm agus purpur o eileanaibh Elisah an ni sin a sgeudaich thu.

8 B' iad luchd-àiteachaidh Shidoin agus Arbhaid do mharàichean: b' iad do dhaoine-glice bha annad, O Thiruis, luchd-stiuridh do loingeis.

9 B' iad seanairean Ghebail, agus a dhaoine glice, bha agad nan luchd-calcaidh: bha loingeis na fairege gu léir, le 'm maraichibh annad, a chum do mhalairt a mheudachadh.

10 B' iad muinntir Phersia, agus Luid, agus Phuit, d' fhir-chogaidh ann ad fheachd: chroch iad suas an sgiath agus a' cheann-bheart annad, chuir iad an cèill do mhaise.

11 Bha fir Arbhaid le d' fheachd air do bhallachaibh mu'n cuairt, agus bha na Gamadaich ann ad thùraibh: chroch iad an sgiathan air do bhallachaibh mu'n cuairt: rinn iad do mhaise foirfe.

12 B' i Tarsis do cheannuiche, do bhrìgh pailteis an uile stòrais; le airgid, iarunn, stàn, agus luaidh, rinn iad malairt ann ad mhargaidhean.

13 Iubhad, Tubal, agus Mesech, b' iad-san do cheannuichean: reic iad pearsanna dhaoine, agus soithichean umha ann ad mhargadh.

14 Rinn muinntir Thogarmah malairt ann ad mhargaidhean, le eachaibh, agus le marc-shluaigh, agus le muileidibh.

15 B' iad fir Dhedain do cheannuichean, mòran eileanan malairt do làinhe: thug iad chugad mar thiolac, adharca deud-chnàmh, agus ebony.

16 B' i Siria do cheannuiche air son lionnhoireachd nan oibre a rinn thu: rinn iad malairt ann ad mhargaidhean le emerald, purpur, agus obair ghrèise, agus anart grinn, agus coireal, agus agat.



17 B' iad Iudah agus tìr Israeil do cheannuichean; reic iad ann ad mhargadh cruineachd Mhinnit, agus Pannag, agus mil, agus oladh, agus ìce.

18 B' e Damascus do cheannuiche, ann an lionmhoireachd nan oibre a rinn thu, air son pailteis an uile shaibhreis: ann am fion Helboin, agus ann an oluinn ghil.

19 Rinn Dan fòs, agus Iabhan, a' dol air an ais agus air an aghaidh, malairt ann ad mhargaidhean; bha iarunn oibrichte, casia agus calamus ann ad mhargadh.

20 B' e Dedan do cheannuiche ann an eudaichibh luachmhor air son charbad.

21 Rinn Arabia, agus uile phrionnsachan Chedair malairt riut ann an uanaibh, agus ann an reitheachaibh, agus ann an gabhraibh: anns na nithibh so b' iad do luchd-malairt.

22 Ceannuichean Sheba agus Raamah, b' iadsan do cheannuichean; rinn iad malairt ann ad mhargadh le taghadh nan uile spiosraih, agus leis na h-uile chlachaidh luachmhor, agus le h-òr.

23 B' iad Haran agus Cannel, agus Eden, ceannuichean Sheba, Asuir, Chilanaid, do cheannuichean-sa.

24 B' iad so do luchd-malairt anns na h-uile nithibh, ann an eudaichibh gorma, agus ann an obair ghréise, agus ann an cisteachan do chulaidhean riomhach, air an ceangal le cordaibh, agus deanta do sheud-ar, am measg do mhalairt.

25 Sheinn longa Tharsis mu d' thimchioll ann ad mhargadh, agus bha thu air do lìonadh, agus air do dheanamh do ghlòrmhor ann am meadhon nan cuanta.

26 Thug do ràmhachan thu gu uisgeachan mòra: bhris a' ghaoth an ear thu ann am meadhon na fairge.

27 Do shaibhreas, agus do mhargadh, do mhalairt, do mharaichean, agus d' fhir-stiuiridh, do luchd-calcaidh, agus do luchd-malairt, agus d' uile luchd-cogaidh a ta annad, agus ann ad uile chuideachd a ta ann ad mheadhon, tuitidh ann am builsghean na fairge, ann an là do sgrios.

28 Rì fuaim gaoire luchd-stiuiridh do òingeis, crìothnaichidh na bailtean mu 'n cuairt duit.

29 Agus thig na h-uile a ghlacas an ràmh, na maraichean, uile stiùreadairean na fairge, nuas o 'n longaibh, seasaidh iad air an tìr;

30 Agus bheir iad air an guth gu 'n cluinnear e os do chionn, agus gladhaidh iad gu goirt, agus tilgidh iad suas duslach air an cinn, aornaganaidh iad iad fèin anns an luathrac.

31 Agus nì iad iad fèin uile maol air do shon, agus crìosluichidh iad iad fèin ann an eudach saic, agus guilidh iad air do shon le goirteas cridhe, le tuircadh geur.

32 Agus nan caoidh togaidh iad cumha

air do shon, agus nì iad bròn os do chionn; Cò bu chosmhuil ri Tirus, bu chosmhuil rithe-sa, ta millte ann ann meadhon na fairge!

33 Tra chaidh d' oibre a mach anns na fairgibh, shàsuich thu iomadh sluagh, rinn thu beartach rìghrean na talnhaoin le mòr-phailteas do shaibhreis agus do mhalairt.

34 San àm anns am briscar thu leis an fhairge ann an doimhneachd nan uisgeachan, tuitidh do cheannachd agus do chuideachd gu h-iomlan ann ad mheadhon.

35 Bidh uamhas, do d' thaobh air uile luchd-àiteachaidh nan cileanan, bidh eagal annihor air an rìghrean, bidh an gnùis fo ghruaimcan.

36 Nì na ceannuichean am measg nan cinneach sgeige ort; bidh tu ann ad uamhas, agus cha blii thu ann nì 's mò gu brath.

### C A I B. XXVIII.

**T**H A' INIG focal an Tighearn do m'ionnsuidh a ris, ag ràdh,

2 A mhic an duine, abair ri prionnsa Thiruis, Mar so deir an Tighearn Dia, a chionn gu bheil do chridhe air a thogail suas, agus gu 'n d'thubhairt thu, Is dia mi, tha mi 'm shuidhe ann an caithair Dhé, ann am meadhon nan cuanta; gidheadh is duine thu, agus cha Dia, ge do chuir thu do chridhe mar chridhe Dhé.

3 Feuch, is glicc thu na Daniel; cha 'n 'eil dìomhaireachd sam bith foluichte uait:

4 Le d' ghliocas, agus le d' thuigse, fhuair thu dhuit fèin maoin, agus fhuair thu òr agus airgiod ann ad thaisgcachaidh.

5 Le d' ghliocas mòr, agus le d' mhalairt, mheudaich thu do shaibhreas, agus tha do chridhe air a thogail suas le d' bheartas.

6 Air an aobhar sin, mar so deir an Tighearn Dia, A chionn gu 'n do chuir thu do chridhe mar chridhe Dhé;

7 Feuch, uime sin, bheir mise coimhich ort, fir uamhasach nan cinneach; agus tairngidh iad an claidhean an aghaidh maise do ghliocais, agus truailidh iad do dhealradh.

8 Cuiridh iad sìos do 'n t-slochd thu, agus bàsaichidh tu le bàs na muinntir a mharbhar ann am meadhon na fairge.

9 An abair thu fathas an làthair an ti mharbhas thu, Is dia mi? ach bidh tu a' d' dhuine, agus nì li-ann a' d' dhia ann an làimh an ti mharbhas thu.

10 Bàsaichidh tu le bàs nan neo-thimchioll-ghearrta, le làimh nan coimheach: oir mise labhair e, deir an Tighearn Dia.

11 Os-barr thàinig focal an Tighearna do m' ionnsuidh, ag ràdh,

12 A mhic an duine, tog suas caoidh os cionn rìgh Thiruis, agus abair ris, Mar so deir an Tighearn Dia, Tha thu cur seiladh air

do chuid stòrais, làn do ghliocas, agus foirfe ann am maise.

13 Bha thu ann an Eden, gàradh Dhé; b'è do chòmh-dachadh na h-uile clach luach-mhor, an sardius, an topas, agus an daimon, am beril, an t-onics, agus an iasper, an saphir, an t-emerald, agus an carbuncal, agus an t-òr: ghlèusadh obair do thiompan agus do phìoban annad, anns an là san do chruthaichheadh thu.

14 Is tu an cherub ungta a chòmh-daicheas: agus shuidhich mise thu; bha thu air sliabh naomh Dhé, shiubhail thu ann am meadhon nan clacha dealrach.

15 Bha thu foirfe ann ad shlighibh, o 'n là san do chruthaichheadh thu, gus an d'fhuaradh annad aingidheachd.

16 Le lìonmhoireachd do mhalairt lìon iad do mheadhon le h-ainneart, agus pheacaich thu: uime sin, tilgidh mise thu, mar ni mi-naomh, a mach o shliabh Dhé: agus sgriosaidh mi thu, O a cheruib a chòmh-daicheas! a meadhon nan clacha dealrach.

17 Bha do chridhe air a thogail suas le d' mlaise, thruaill thu do ghliocas le d' dhealradh: tilgidh mise gu lár thu, cuiridh mi thu an làthair rìghrean, gu bhì a' d' bhall-amhaire dhoibh.

18 Le lìonmhoireachd d' eaccartan thruaill thu d' ionadan naomh, le eacart do mhalairt; uime sin bheir mise mach teine as do mheadhon, caithidh e thu, agus ni mise luath dhìot air an talamh, ann an sealadh nan uile a chì thu.

19 Iadsan uile d' an aithne thu measg an t-sluaigh, bidh uamhas orra do d' thaobh: bidh tu ann ad uamhann, agus cha bhì thu ann ni 's mò gu bràth.

20 A rìs thàinig focal an Tighearna do m'ionnsuidh, ag ràdh,

21 A mhic an duine, cuir do ghnùis an aghaidh Shidoin, agus dean faisneachd na h-aghaidh.

22 Agus abair, Mar so deir an Tighearn Dia, Feuch, tha mise ann ad aghaidh, O Shidoin, agus bidh mi air mo ghlorachadh ann ad mheadhon: agus aithnichidh iad gur mi an Tighearn tra ni mi innte breitheanasais, agus a bhios mi air mo naomhachadh innte.

23 Oir cuiridh mi innte plàigh, agus fuil na sràidibh, agus bheirear breitheanas air an leònta na meadhon, leis a' chlaidheamh a bhios oirre air gach taobh; agus aithnichidh iad gur mi an Tighearn.

24 Agus cha bhì dreas dhealgach<sup>1</sup> ann ni 's mò do thigh Israeil, no dreas a bheir doighbhos, dhiubhsan uile mu'n cuairt a ta ri làir orra; agus aithnichidh iad gur mise an Tighearn Dia.

25 Mar so deir an Tighearn Dia, an tra chionnaileas mise tigh Israeil o na cinnich

am measg am bheil iad air an sgapadh, agus a bhios mi air mo naomhachadh ann-ta, ann an sealladh nan cinnach, an sin gabhaidh iad còmhnuidh nam fearann a thug mise do m'òglach Iacob.

26 Agus gabhaidh iad còmhnuidh ann gu tèaruinte, agus togaidh iad tighean, agus suidhichidh iad fion-liosan: seadh gabhaidh iad còmhnuidh le dānachd, an uair a ni mise breitheanas orra-san uile, ta deanamh-tàir orra gach taobh mu'n cuairt doibh, agus aithnichidh iad gur mise Iehobha an Dia.

## CAIB. XXIX.

**A**NNS an deicheamh bliadhna, anns an deicheamh mìos, air an dara là deug do'n mhìos, thàinig focal an Tighearna do m'ionnsuidh, ag ràdh,

2 A mhic an duine, cuir do ghnùis an aghaidh Pharaioih rìgh na h-Eiphit, agus dean faisneachd na aghaidh-san, agus an aghaidh na h-Eiphit uile.

3 Labhair agus abair, Mar so deir an Tighearn Dia, Feuch, tha mise a'd' aghaidh, O Pharaioih, a rìgh na h-Eiphit, an uabheist mhòr a ta na luidhe ann am meadhon 'aibhnichean fèin, a thubhairt, Is leam fèin m'abhainn, rinn mi air mo shòr fèin i.

4 Ach cuiridh mise dubhain ann ad ghialaibh, agus bheir mi air iasg d'aibhnichean leantuinn ri d'annaibh, agus bheir mi mìos thu a meadhon d'aibhnichean, agus leanaidh uile iasg d'aibhnichean ri d'annaibh.

5 Agus trèigidh mise thu san fhàsach, thu fèin agus uile iasg d'aibhnichean: tuitidh tu air na machraichibh sgaoilte; cha bhì thu air do thional, no air do chruinneachadh le chéile: thug mise thu mar bhìadh do bheathaichibh na machrach, agus do eunlaith an athair.

6 Agus aithnichidh uile luchd-àiteachaidh na h-Eiphit gur mise an Tighearn, a chionn gu'n robh iad nan luirg chuile do thigh Israeil.

7 'Nuair a ghlac iad thu, bhris thu nan làimh, agus reub thu an gualainn uile: agus 'nuair a leig iad an taice riut, bhris thu, agus dh'fhàg thu an leasraidh uile gun taice.

8 Air an aobhar sin, mar so deir an Tighearn Dia, Feuch, bheir mise claidheamh ort, agus gearraidh mi mach asad duine agus ainmhidh.

9 Agus bidh ùr na h-Eiphit falamh agus fàs, agus aithnichidh iad gur mise an Tighearn; a chionn gu'n d'thubhairt e, Is leam-sa an abhainn, agus is mi a rinn i.

10 Feuch, uime sin, tha mise ann ad aghaidh, agus an aghaidh d'aibhnichean, agus ni mi ùr na h-Eiphit gu tur fàs agus falamh, o thùr Shicne, cadhon gu iomall Etiopia.

11 Cha'n imich cas duine sam bith

<sup>1</sup> bhlora-gach,



roimpe<sup>1</sup>, agus cha'n imich cas ainmhidh roimpe, ni mò bhios i air a h-àiteachadh rè dà fhichead bliadhna.

12 Agus ni mi tìr na h-Eiphit fàs ann am meadhon nan dùchanna ta fàs, agus bidh a cathraichean, ann am meadhon nan cathraichean a ta falamh, air an deanamh nam fàsach re dà fhichead bliadhna: agus sgàpaidh mi na h-Eiphitich am measg nan cinneach, agus sgaoilidh mi iad feadh nan dùchannan.

13 Gidheadh mar so deir an Tighearn Dia, An ceann dà fhichead bliadhna cruinnichidh mise na h-Eiphitich o na cinnich anns an robh iad air an sgaoileadh.

14 Agus bheir mi air a h-ais bruid nan Eiphiteach, agus bheir mi orra pilleadh gu fearann Phatrois, gu dùthaich am measg nan cruinnidh, agus bidh iad an sin nan rioghachd shuarraich.

15 Bidh i suarrach seach gach rioghachd, agus cha'n ardaich si i fein ni's mò am measg nan cinneach: oir lughdaichidh mise iad, air chor as nach riaghlaich iad ni's mò os cionn nan cinneach.

16 Agus cha bhi i ni's faide na dòchas aig tigh Israeil, a bheir an easaontas gu cuimhne, tra sheallas iad nan dèigh: ach aithnichidh iad gur mise an Tighearn Dia.

17 Agus tharladh anns an t-seachdamh bliadhna fichead, anns a' cheud mhìos, air a' cheud là do'n mhìos, gu'n d'thàinig focal an Tighearna do m'ionnsuidh, ag ràdh,

18 A mhic an duine, thug Nebuchadnesar rìgh Bhabiloin air a shluagh seirbhis mhòr a dheanamh an aghaidh Thiruis: rinneadh gach ceann maol, agus gach guala Ìom; gidheadh cha robh tuarasdál air bith aige fein, no aig a shluagh, air son Thiruis, air son na seirbhis a rinn e na h-aghaidh.

19 Air an aobhar sin, mar so deir an Tighearn Dia, Feuch, bheir mise tìr na h-Eiphit do Nebuchadnesar rìgh Bhabiloin, agus glacadh e a shluagh, agus glacadh e a creach, agus glacadh e a còbhartach, agus bidh sin na thuarasdál aig a shluagh.

20 Thug mise dha tìr na h-Eiphit air son a shaoithreach leis an do shaoithrich e na h-aghaidh; a chionn gu'n d'oirbich iad air mo shon-sa, deir an Tighearn Dia.

21 Anns an là sin bheir mi air adharc tìghe Israeil briseadh a mach, agus bheir mi dhuit-sa fosgladh a' bheoil nam meadhon, agus aithnichidh iad gur mise an Tighearn.

CAIB. XXX.

**T**HA INIG focal an Tighearnado m'ionnsuidh a ris, ag ràdh,

2 A mhic an duine, dean fàisneachd

agus abair, Mar so deir an Tighearn Dia, Deanaibh ulartaich; Och, an là!

3 Oir tha an là dlù, cadhon là an Tighearna dlù, là neulach, am nan cinneach a bhios ann.

4 Agus thig an claidheamh air an Eiphit, agus bidh cràdh mòr ann an Etiopia, 'nuair a thuiteas iadsan a mbarbhar anns an Eiphit, agus bheir iad a shluagh air falbh, agus brisear sìos a bunaitean.

5 Etiopia, agus Libia, agus Lidia, agus an sluagh coimeasgta gu leir, agus Chub, agus muinntir na tìre ta 'n co-bhoimn, tuitidh leosan leis a' chladheamh.

6 Mar so deir an Tighearn, Tuitidh iadsan fòs a ta cumail suas na h-Eiphit, agus thig uabhar a cumhadh a nuas: o thùr Sheine tuitidh iad innte leis a' chladheamh, deir an Tighearn Dia.

7 Agus bidh iad fàs ann am meadhon nan dùchanna fàsail, agus bidh a cathraichean ann am meadhon nan cathraichean a ta air am fàsachadh.

8 Agus aithnichidh iad gur mise an Tighearn, 'nuair a chuireas mi teine san Eiphit, agus a sgriosar a h-uile luchd-cuideachaidh.

9 Anns an là sin théid teachdairean a mach uamsa ann an longaibh, a chur eagal air na h-Etiopaich air nach 'eil cùram, agus thig cràdh mòr orra, mar ann an là na h-Eiphit: oir feuch, tha e teachd.

10 Mar so deir an Tighearn Dia, Cuiridh mise fòs cosgadh air mòr-shluagh na h-Eiphit, le làimh Nebuchadnesair rìgh Bhabiloin.

11 Bheirear e fein agus a shluagh maille ris, a' chuid a' uamhasaiche do na cinnich, a sgrios na tìre: agus tairngidh iad an claidheamh an aghaidh na h-Eiphit, agus lìonaidh iad an talamh le mairbh.

12 Agus ni mise na h-aibhnichean tìoram, agus reicidh mi am fearann ri làimh nan aingidh, agus ni mi an tìr fàs, agus na h-uile ta innte, le làimh nan coimheach: mise Iehobhah labhair.

13 Mar so deir an Tighearn Dia, Sgriosaidh mi fòs na h-ìodholan, agus dithichidh mi Ìomhaighean a mach a Noph: agus cha bhi ni's mò prionnsa air tìr na h-Eiphit; agus cuiridh mi eagal ann am fearann na h-Eiphit.

14 Agus ni mi Patros na fhàsach, agus cuiridh mi teine ann an Soan, agus ni mi breitheanais ann an No.

15 Agus dòirtidh mi mo chorruidh air Sin, neart na h-Eiphit, agus gearraidh mi as muinntir No.

16 Agus cuiridh mi teine anns an Eiphit, bidh cràdh mòr air Sin, agus reubar No as a' chèile, agus bidh Noph gach là ann an airc.

17 Tuitidh òganaich Abhein agus Phibeseit leis a' chladheamh, agus imichidh na baillean so gu daorsa.

18 Ann an Tahapanes fòs-bidh an là dorch, 'nuair a bhriseas mise an sin cuing na h-Eiphit: agus sguiridh mòr-chuis a neart innte: seadh, folaichidh neul i, agus thèid a nigheanan air falbh am braigh-deanas.

19 Mar so ni mise breitheanais anns an Eiphit: agus aithnichidh iad gur mi an Tighearn.

20 Agus tharladh, anns an aon bhliadhna deug, anns a' cheud mhìos, air an t-seachdamh là do 'n mhìos, gu 'n d' thàinig focal an Tighearna do m' ionnsuidh, ag ràdh,

21 A mhic an duine, bliris mise gairdean Pharaoh rìgh na h-Eiphit; agus feuch, cha cheanglar e suas gu bhì air a leigheas, a chur crios air d' a cheangal, d' a dheanadh làidir, a chumail a' chlaidheimh.

22 Uime sin, mar so deir an Tighearn Dia, tha mise an aghaidh Pharaoh rìgh na h-Eiphit, agus brisidh mi a ghairdeanan, *e sin a ta làidir*, agus *e sin a bhriseadh*; agus bheir mi air a' chlaidheamh tuiteam as a làimh.

23 Agus sgapaidd mi na h-Eiphitich am measg nan cinneach, agus sgaoilidh mi iad feadh nan dùchannan.

24 Agus neartaichidh mi gairdeanan rìgh Bhabiloìn, agus cuiridh mi mo chlaidheamh na làimh: ach brisidh mi gairdeanan Pharaoh, agus ni e caoirean na fhianuis, mar dhuine a ta leònta gu bàs.

25 Ach neartaichidh mi gairdeanan rìgh Bhabiloìn, agus tuitidh gairdean Pharaoh sìos; agus aithnichidh iad gur mise an Tighearn, 'nuair a chuiras mi mo chlaidheamh ann an làimh rìgh Bhabiloìn, agus a sheineas e mach e air tìr na h-Eiphit.

26 Agus sgapaidd mi na h-Eiphitich am measg nan cinneach, agus sgaoilidh mi iad feadh nan dùchannan, agus aithnichidh iad gur mi an Tighearn.

## CAIB. XXXI.

**A**GUS tharladh, anns an aon bhliadhna deug, anns an treas mìos, air a' cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

2 A mhic an duine, labhair ri Pharaoh rìgh na h-Eiphit, agus r'a mhòr-chuideachd, Co ris as cosmhuil thu ann ad mhòrachd?

3 Feuch, bu chrann seudair ann an Lebanon an t-Asirianach, le geugaibh maiseach, agus le sgàil dhorcha, agus le airde mhòir; agus bha a bharr am measg nam meangana tìgha.

4 Thug na h-uisgeachan air fàs, dh'ar-aich an doimhne suas e, ruith a srùithean mu thimchioll a mheanglan, agus chuir i mach a sruthana beaga chum uile chraobha na machrach.

5 Uime sin dh'èirich 'airde suas os cionn uile chraobha na machrach, agus bha a mheangana lìonmhor, agus dh' fhàs a gheugan fada, le lìonmhoireachd nan uisgeachan, an uair a sgaoil e mach.

6 Rinn uile eunlaith nan speur an nìd na gheugaibh, agus fuidh a gheugaibh rug uile bheathaichean na machrach an àlach, agus fuidh a sgàile ghabh cruinneachadh mhòrain chinneach còmhnuidh.

7 Mar so bha e maiseach na mhòrachd, ann am fad a gheuga: oir bha a fhreumh ri taobh nan uisgeacha mòra.

8 Cha b' urradh na seudair ann an gàradh Dhé 'fhòlach: cha robh na craobha giuthais cosmhuil r' a mheanganaibh, no na craobha geannm-chnò cosmhuil r'a gheugaibh; cha robh crann air bith ann an gàradh Dhé cosmhuil ris na mhaise.

9 Rinn mi maiseach e le lìonmhoireachd a gheuga; ionnus gu 'n do ghabh uile chraobhan Edein, a bha ann an gàradh Dhé, farmad ris.

10 Air an aobhar sin, mar so deir an Tighearn Dia, A chionn gu 'n d'rinn e uail as 'airde, agus gu 'n do chuir e suas a bharr ann am meadhan nan neul, agus gu bheil a chridhe air a thogail suas na airde;

11 Uime sin thug mi thairis e do làimh aon chumachdaich nan cinneach; buinidh esan gu làidir ris, dh' fhuadaich mise a mach e air son a chionta.

12 Agus ghearr coimhich, a' chuid a's uamhasaiche do na cinnich, a mach e, agus dh' fhàg iad e: air na sléibhtibh, agus anns na gleannaibh uile thuit a gheugan, agus tha a mheangain air am briseadh anns gach uile chearnaidh do 'n talamh; agus dh' imich uile shluagh an domhain sìos o a sgàile, agus thréig iad e.

13 Air a bhallaibh briste gabhaidh uile eunlaith an athair còmhnuidh, agus bidh uile bheathaiche na machrach air a gheugaibh:

14 A chum nach ardaicheadh crann air bith do chrannaibh nan uisgeachan, iad féin air son an airde, agus nach cuireadh iad suas am barr am measg nan tìugh-geugan, ni mò sheasadh an crainn suas nan airde, gach aon ag òl suas nan uisgeachan: oir tha iad uile air an toirt thairis gu bàs, do ionadaibh ìochdrach na talmhainn, ann am meadhan chloinn nan daoine, maille riu-san a thèid sìos do 'n t-slochd.

15 Mar so deir an Tighearn Dia, Anns an là air an deachaidh e sìos do 'n uaigh, thug mise fainear caoidh a dheanamh, chòmhdaich mi air a shon an doimhne, agus choisg mi a tuitlean, agus bhacadh na h-uisgeacha mòra; thug mi fòs air Lebanon caoidh air a shon, agus dh' fhannaich air a shon uile chraobha na machrach.

16 Thug mi air na cinnich criothnachadh ri fuaim a leagaidh, 'nuair a thilg mi e sìos do 'n ionad ìochdrach, leòsan a thèid sìos do 'n t-slochd: agus bidh an co-fhurtachd ann an ionadaibh ìochdrach na talmhainn aig uile chraobhan Edein, rogha agus tagha Lebanon, na h-uile ta 'g òl suas an uisge.



17 Chaidh iadsan mar an ceudna sìos do 'n ionad iochdrach maille ris, a chum na dream a mharbhadh leis a' chlaidheamh; agus iadsan bu ghaireanda, a ghabh còmh-nuidh fuidh a sgàile ann am meadhon nan cinneach.

18 Cò ma ta ris an cosmhuil thusa mar so ann an glòir, agus ann am mòrachd am measg chraobhan Edein? gidheadh, bheir ear sìos thu maille ri craobhan Edein gu àiteachan iochdrach na talmhainn: luidhidh tu ann am meadhon na muinntir neo-thim-chioll-ghearrta, maille riu-san a mharbh-adh leis a' chlaidheamh: so Pharaoh agus a mhòr-chuideachd uile, deir an Tighearn Dia.

### CAIB. XXXII.

**A**GUS tharladh, anns an dara bliadhna deug, anns an dara mìos deug, air a cheud là do 'n mhìos, gu 'n d' thàinig focal an Tighearna do m' ionnsuidh, ag ràdh,

2 A mhic an duine, tog suas tuireadh air son Pharaoh, rìgh na h-Eiphit, agus abair ris, Is cosmhuil thu ri leòmhann òg do na cinnich, agus tha thu mar uabheist anns na cuantaibh: agus thàinig thu mach le d' shruthaibh, agus chuir thu troimh chèile na h-uisgeachan le d' chasaibh, agus shaluich thu an aibhnichean.

3 Mar so deir an Tighearn Dia, Sgaoilidh mise uime sin, mo lion tharad, le cuid-eachd mhòran chinneach, agus bheir iad a nìos thu ann am lion.

4 An sin fàgaidh mi air an talamh thu, tilgidh mi mach air an fhaiche luim thu, agus bheir mi air uile eunlaith an athair luidhe ort, agus bheir mi do uile bheath-aichibh na talmhainn an sàth dhìot.

5 Agus cuiridh mi d' fheoil air na sléibhteann, agus lìonaidh mi na glim le do thul-aichibh.

6 Uisgichidh mi fòs le d' fhuil am fear-ann, anns am bheil thu a' snàmh, gu ruig na sléibhteann; agus bidh na h-aibhnichean làn dìot.

7 Agus an uair a chuireas mi as thu, folaidhidh mi na nèamha, agus nì mi an reulta dorch: còmhdaichidh mi a' ghrian le neul, agus cha d' thoir a' ghealach seachad a solus.

8 Uile sholuis loinreach<sup>1</sup> nèamha nì mi dorch os do chionn, agus cuiridh mi dorchadas air d' fhearann, deir an Tighearn Dia.

9 Cuiridh mi fòs doilghios air cridh-eachan mhòran dhaoine, tra bheir mi do léir-sgrìos am measg nan cinneach, gus na dùhanna nach b' aithne dhuit.

10 Seadh, cuiridh mi air mòran dhaoine uamhas do d' thaobh, agus bidh eagal ro-mhòr air an rìghribh air do shon, tra thogas<sup>2</sup> mise mo chlaidheamh nan làthair, agus criothnaichidh iad ann an tiota; gach

acon air son a bheatha féin, ann an là do leagaidh-sa.

11 Oir mar so deir an Tighearn Dia, Thig claidheamh rìgh Bhabiloin ort.

12 Le claidhmhean nan cumhachdach bheir mise air do mhòr-chuideachd tuiteam, leo-san uile a's uamhasaiche do na cinnich; agus millidh iad mòr-chuis na h-Eiphit, agus bidh a mòr-shluagh gu léir air an sgrios.

13 Sgrìosaidh mi fòs a h-ainmhidhean uile o thaobh nan uisgeacha mòra, agus cha chuir cas duine dragh orra tuille, nì mò ghluaisear iad le ionga ainmhidh.

14 An sin nì mise an uisgeachan domh-ain<sup>3</sup>, agus bheir mi air an aibhnichean ruith mar oladh, deir an Tighearn Dia.

15 Tra nì mi tìr na h-Eiphit na fàsach, agus a bhios an dùthaich falamh do 'n nì sin do 'n robh i làn, tra bhuaileas mi na h-uile ta chòmhnuidh innte, an sin aith-nichidh iad gur mise an Tighearn.

16 So an tuireadh<sup>4</sup> leis an tuir iad os a cionn: nì nigheana nan cinneach caoidh air a son: nì iad caoidh air a son, air son na h-Eiphit, agus air son a mòr-shluagh uile, deir an Tighearn Dia.

17 Tharladh mar an ceudna, san dara bliadhna deug, air a' chùigeamh là deug do 'n mhìos, gu 'n d' thàinig focal an Tighearna do m' ionnsuidh, ag ràdh,

18 A mhic an duine, dean cumha air son mòr shluagh na h-Eiphit, agus tilg sìos i, i féin agus nigheana nan cinneach iomrait-each, gu ionadan iochdrach na talmhainn, maille riu-san a théid sìos do 'n t-slochd.

19 Cò air am bheil thu toirt barrachd ann am maise? imich sìos, agus luidh leis na neo-thimchioll-ghearrta.

20 Tuitidh iad nam meadhon-san a mharbhadh leis a' chlaidheamh: thugadh thairis do 'n chlaidheamh i; tairngibh a mach i féin agus a sluagh gu h-ìomlan.

21 Labhraidh cinn-fheadhna, nan cumhachdach ris o mheadhon an ionaid iochdrach, maille riu-san a chuidich leis: chaidh iad sìos, tha iad nan luidhe leis na neo-thimchioll-ghearrta, a mharbhadh leis a' chlaidheamh.

22 Tha Asur an sin agus a chuideachd uile: tha 'uaighean-san m' a thimchioll: tha iad uile marbh, air tuitcam leis a' chlaidheamh.

23 Tha an uaignean air an suidheachadh air gach taobh do 'n t-slochd, agus tha a chuideachd mu thimchioll 'uaighe: iad uile air am marbhadh, air tuiteam leis a' chlaidheamh, a dhùisg namhas ann an tìr nam beo.

24 An sin tha Elam agus a shluagh uile mu thimchioll 'uaighe, iad uile air am marbhadh, air tuiteam leis a' chlaidheamh; chaidh iadsan sìos neo-thimchioll-ghearrta

<sup>1</sup> dealrach, drithlineach,

<sup>2</sup> ghluaisers,

chrathas: Eabh.

<sup>3</sup> soilleir,

<sup>4</sup> cumha.

gu ionadan iochdrach na talmhainn, a dhùisg uamhas ann an tìr nam beo, gidheadh ghiùlain iad an nàire leo-san, a chaidh sìos do 'n t-slochd.

25 Ann am meadhon nam marbh shuidhich iad leabadh dha maille r'a uile shluagh: tha an uaghean m' a thimchioll, iad uile neo-thimchioll-ghearrta, air am marbhadh leis a' chlaidheamh: ge do dhùisgeadh an uamhas ann an tìr nam beo, gidheadh ghiùlain iad an nàire leo-san, a chaidh sìos do 'n t-slochd: chuireadh e ann am meadhon na muinntir a mharbhadh.

26 An sin tha Mesekh, Tubal, agus a shluagh uile; tha an uaghean m' a thimchioll: iad uile neo-thimchioll-ghearrta, air am marbhadh leis a' chlaidheamh, ge do sgaoil iad an uamhas ann an tìr nam beo.

27 Agus cha luidh iad leis na cumhachdaich, a thuit do na neo-thimchioll-ghearrta, a chaidh sìos do ifrinn le 'n armaibh<sup>1</sup> cogaidh: agus chuir iad an claidhmhean fuidh 'n cinn, ach bidh an aingidheachd air an cnàmham, ge b' iad uamhas nan cumhachdach ann an tìr nam beo.

28 Sèadh brisear thu ann am meadhon nan neo-thimchioll-ghearrta, agus luidhidh tu leo-san, a mharbhadh leis a' chlaidheamh.

29 An sin tha Edom, a rìghrean, agus a phrionnsachan uile, a ta le 'n neart nan luidhe ann am fochair na muinntir a mharbhadh leis a' chlaidheamh: luidhidh iad leis na neo-thimchioll-ghearrta, agus leo-san a thèid sìos do 'n t-slochd.

30 An sin tha prionnsachan na h-àirde tuath, an t-ionlan diubh, agus na Sidonaich uile, a chaidh sìos leis na mairbh, le 'n uamhas tha nàir orra d' an cumhachd, agus tha iad nan luidhe neo-thimchioll-ghearrta leo-san a mharbhadh leis a' chlaidheamh, agus a' giùlan an nàire leo-san, a thèid sìos do 'n t-slochd.

31 Chi Pharaoh iad, agus bidh co-fhurtachd aige os cionn a mhòr-chuideachd uile, eadhon Pharaoh agus 'fheachd gu léir air am marbhadh leis a' chlaidheamh, deir an Tighearn Dia.

32 Oir dhùisg mise m' uamhas ann an tìr nam beo: agus suidhichear esan ann am meadhon nan neo-thimchioll-ghearrta, leo-san a mharbhadh leis a' chlaidheamh, Pharaoh agus a shluagh gu léir, deir an Tighearn Dia.

## CAIB. XXXIII.

**A**RIS thàinig focal an Tighearna do m' ionnsuidh, ag ràdh,

2 A mhic an duine, labhair ri cloinn do shluagh, agus abair riu, 'Nuair a bheir mise an claidheamh air dùthaich, ma ghabhas muinntir na dùthcha duine do 'n crìochaibh fèin, agus gu 'n cuir iad e gu bhì na fhear-faire dhoibh;

3 Ma shéideas e 'n trompaid 'nuair a

chi e 'n claidheamh a' teachd air an fhear-ann, agus ma bheir e rabhadh<sup>2</sup> do 'n t-sluagh,

4 An sin, co air bith a chluinneas fuaim na trompaid, agus nach gabh rabhadh; ma thig an claidheamh, agus gu 'n d'thoir e air falbh e, bidh 'fhuil air a-cheann fèin.

5 Chuall e fuaim na trompaid, agus chad ghabh e rabhadh, bidh 'fhuil air fèin: ach esan a ghabhas rabhadh tearnaidh e 'anam.

6 Ach ma chi am fear-faire an claidheamh a' teachd, agus nach séid e 'n trompaid, agus nach faigh an sluagh rabhadh; ma thig an claidheamh, agus gu 'n d'thoir e aon neach air falbh uatha, tha e air a thoirt air falbh na aingidheachd: ach iarruidh mise 'fhuil air làimh an fhir-fhaire.

7 Mar sin thusa, a mhic an duine, chuir mi thu mar fhear-faire chum tighe Israeil: uime sin éisdidh tu am focal o m' bheulsa, agus bheir thu dhoibh rabhadh uam-sa.

8 'Nuair a their mise ris an aingidh, O dhuine aingidh, gheibh thu gu deimhin bàs; mur labhair thusa chum an t-aingidh a thoirmeasg o 'shlighe<sup>3</sup>, gheibh an duine aingidh sin bàs na aingidheachd: ach air do làimh-sa iarruidh mise 'fhuil.

9 Gidheadh, ma bheir thusa rabhadh do 'n aingidh mu thimchioll a shlighe, gu pill-eachd uaipe: mar pill e o 'shlighe, gheibh e bàs na aingidheachd, ach thèarainn thusa d' anam.

10 Uime sin, a mhic an duine, labhair thusa ri tigh Israeil, Mar so deir sibh, ag ràdh, Ma bhios ar cionta agus ar lochdan oirn, agus gu 'n searg sinn annta, cionnus a dh' fheudas sinn mar sin bhì beo?

11 Abair riu, Mar is beo mise, deir an Tighearn Dia, cha 'n 'eil tlachd air bith againsa ann am bàs an aingidh, ach gu 'm pilleadh an t-aingidh o 'shlighe, agus gu 'm biodh e beo: pillibh, pillibh, o 'r droch shlighibh, c' ar son a bhàsaicheas sibh, O thigh Israeil?

12 Uime sin, a mhic an duine, abair thusa ri cloinn do shluagh, cha dean fir-eantachd an fhèin a shaoradh ann an là a chionta: agus na aingidheachd cha tuit an t-aingidh anns an là sam pill e o 'chionta; ni mò dh'fheudas am firean a bhì beo air son fhìreantachd anns an là sam peacaich e.

13 'Nuair a their mise ris an fhìrean gu mair e gu deimhin beo: mu ni e bun as 'fhìreantachd fèin, agus gu'n dean e aingidheachd, cha chuimhnichear 'uile fhìreantachd; ach air son 'aingidheachd a rinn e, air son sin gheibh e bàs.

14 A ris, an uair a their mise ris an aingidh, Gheibh thu gu deimhin bàs: mu philleas e o 'pheacas, agus gu 'n dean e air ni sin a ta dligeach agus ceart;

15 Ma bheir an t-aingidh air ais an geall,



agus gu 'n aisig e a ris an nì a ghoid e; gu 'n gluais e ann an reachdaibh na beatha, gun aingidheachd a chur an gnìomh; mairidh e gu deimhin beo, cha 'n fhaigh e bàs.

16 Cha chuimhnichear dha lochd air bith a rinn e: rinn e an nì a ta dleasdànach agus ceart: mairidh e gu cinnteach beo.

17 Gidheadh a deir clann do shluaigh-sa, Cha 'n 'eil slighe an Tighearna cothromach. Ach air an son-san, cha 'n 'eil an slighe cothromach.

18 'Nuair a philleas am firean air ais o fhèireantachd, agus a chuireas e 'n gnìomh aingidheachd, gheibh e bàs d' a chionn.

19 Ach ma philleas an t-aingidh air falbh o 'aingidheachd, agus gu 'n dean e an nì sin a ta dleasdànach agus ceart, mairidh e beo d' a chionn.

20 Gidheadh a deir sibh, Cha 'n 'eil slighe an Tighearna cothromach: O thigh Israeil, bheir mise breith oirbh, air gach aon do réir a shlighe.

21 Agus tharladh anns an aon bhliadhna deug d' ar bruid, anns an deicheanmh mìos, air a' chùigeamh là do 'n mhìos, gu 'n d' thàinig aon a theich o Ierusalem do m' ionnsuidh-sa, ag ràdh, Bhuaileadh am baile.

22 Agus bha làn an Tighearna orm anns an an-moch, mu 'n d' thàinig esan a theich, agus dh' fhosgail i mo bheul, gus an d' thàinig e chugam agus a' mhaduinn; agus dh' fhosgladh mo bheul, agus cha robh mi ni bu mhò balbh.

23 An sin thàinig focal an Tighearna do m' ionnsuidh, ag ràdh,

24 A mhic an duine, tha iadsan a ta 'g àiteachadh nan ionada fàs sin do fhearann Israeil a' labhairt, ag ràdh, Bha Abraham na aonar, agus shealbhaich e am fearann: ach tha sinne lionmhor, thugadh am fearann dhuinn mar sheilbh.

25 Air an aobhar sin, abair riu, Mar so deir an Tighearn Dia, Tha sibh ag itheadh maille ris an fhuil, agus a' togail 'ur sùl suas ri 'r n-iodholaibh, agus a' dòrtadh fala; agus an sealbhuich sibh am fearann?

26 Tha sibh a' seasamh air 'ur claidheamh, tha sibh a' deanamh gràinealachd, agus a' truailleadh, gach aon agaibh, mnà a choimhearsnaich; agus an sealbhuich sibh am fearann?

27 Abair thusa riu mar so, Mar so deir an Tighearn Dia, Mar is beo mise, gu deimhin tuitidh iadsan a ta anns na h-iodholaibh fàsa leis a' chlaidheamh, agus csan a ta sa' mhachair sgaoilte, bheir mise do na beathaichibh r' a itheadh, agus bàsaichidh iadsan, a bhios anns na dainguichibh, agus anns na h-uamhaibh leis a' phlàigh.

28 Oir fàgaidh mise am fearann ro fhàsil, agus sguiridh mòrachd a threise: agus bidh sléibhtean Israeil fàs, air chor as nach d' thèid aon neach rompa.

29 An sin aithnichidh iad gur mise an Tighearn, 'nuair a nì mi am fearann ro fhàsil, air son an uile ghràinealachdan a chuir iad an gnìomh.

30 Agus thusa, a mhic an duine, tha clann do shluaigh an còmhnuidh a' labhairt umad ri taobh nam ballachan, agus ann an dorsaibh nan tighean, agus a' labhairt aon r' a chèile, gach aon r' a bhràthair ag ràdh, Thigibh, guidheam oirbh, agus èisdibh ciod am focal a ta teachd a mach o 'n Tighearn.

31 Agus tha iad a' teachd do d' ionnsuidh mar chruinnachadh sluaigh, agus tha iad a' suidhe ann ad làthair mar mo-phobull-sa, agus tha iad ag èisdeachd do bhriathran, ach cha 'n 'eil iad 'gan deanamh: oir tha iad a' taisbeanadh mòran gràidh le 'm beul, ach tha an cridhe a' dol an dèigh an sainnt.

32 Agus feuch, tha thusa dhoibh mar òran ro thaitneach duine, aig am bheil guth binn, agus a' chluiccas gu maith air inneal ciuil: oir tha iad ag èisdeachd do bhriathran, ach cha 'n 'eil iad 'gan deanamh.

33 Agus tra thig so gu crìch, (feuch tha e teachd) an sin aithnichidh iad gu 'n robh fàidh nam measg.

#### CAIB. XXXIV.

**A** GUS thàinig focal an Tighearna do m' ionnsuidh, ag ràdh,

2 A mhic an duine, dean faisneachd an aghaidh aodhairean Israeil, dean faisneachd, agus abair riu, O aodhairean, mar so deir an Tighearn Dia, Mo thruaighe aodhairean Israeil, a ta 'g am beathachadh fèin: nach bu chòir do na h-aodhairibh an treud a bheathachadh?

3 Tha sibh ag itheadh na saill, agus 'g ur n-èideadh fèin leis an olainn, tha sibh a' marbhadh nan ainmhidhean biadhtha: cha 'n 'eil sibh a' beathachadh an treud.

4 Cha do nearuich sibh an lag, ni mo leighis sibh an tinn, ni mò cheangail sibh suas e sin, a bha briste, ni mò thug sibh air ais a' chuid a sgapadh, ni mò dh' iarr sibh a' chuid a chailleadh; ach le h-ain-neart riaghlaich sibh iad, agus le h-an-iochd.

5 Agus sgapadh iad le dìth aodhaire: agus bha iad nam biadh do uile bheathaichibh na machrach, an uair a bha iad air an sgapadh.

6 Chaidh mo chaorich-sa air seachran air feadh nan uile bheann, agus air gach sliabh ard: seadh bha mo threud air a sgapadh air aghaidh na talmhainn uile, agus cha robh aon neach 'gan sireadh no 'gan iarruidh.

7 Uime sin, aodhairean, èisdibhse focal an Tighearna;

8 Mar is beo mise, deir an Tighearn Dia, gu deimhin a chionn gu 'n robh mo threud nan creich, agus gu 'n d' rinneadh mo threud nam biadh do uile bheathaichibh na machrach, a chionn nach robh aodhaire

sam bith ann, ni mò dh' iarr m' aodhairean mo threud, ach bheathaich na h-aodhairean iad fèin, agus cha do bhiath iad mo threudsa :

9 Uime sin, O aodhairean, éisdibh focal an Tighearna.

10 Mar so deir an Tighearn Dia, Feuch, tha mise 'n aghaidh nan aodhairean, agus iarruidh mi mo threud air an làmh, agus bheir mi orra sgar do bhiathadh an treud, ni mò bheathaicheas na h-aodhairean iad fèin tuille; oir saoraidh mise mo threud as am beul, a chum nach bi iad dhoibh nam biadh.

11 Oir mar so deir an Tighearn Dia, Feuch, lorgaidhidh mise, mise fèin, mo chaoirich, agus iarruidh mi mach iad.

12 Amhuil a lorgaicheas aodhaire mach a threud, anns an là bhios e measg a chaorach, a chaidh a sgapadh; mar sin iarruidh mise mo chaoirich fèin, agus saoraidh mi iad as na h-uile àite gus an robh iad air an sgànradh, auns an latha neulach agus dhorcha.

13 Agus bheir mi mach iad o mheasg nan cinncach, agus cruinnichidh mi iad o na dùchannaibh, agus bheir mi iad gu 'm fearann fèin, agus ionaltraidh mi iad air sléibhtibh Israeil, an cois nan aibhnichean, agus ann an uile ionadaibh àitichte na tìre.

14 Ionaltraidh mi iad ann an innis mhaith, agus bidh am buaile air sléibhtibh arda Israeil: an sin luidhidh iad ann an chuain mhaith, agus ionaltraidh iad ann an innis reamhair air sléibhtibh Israeil.

15 Beathaichidh mise mo threud, agus bheir mi orra luidhe sìos, deir an Tighearn Dia.

16 Iarruidh mi a' chuid a chailleadh, agus bheir mi air ais a' chuid a dh' fhuadachadh air falbh, agus ceanglaidh mi suas a' chuid a bhriseadh, agus neartaichidh mi a' chuid, a bha tinn: ach sgriosaidh mi an reamhar agus an làidir, beathaichidh mi iad sin le breitheanas.

17 Agus air 'ur son-sa, O mo threud; mar so deir an Tighearn Dia, Feuch, bheir mise breith eadar spréidh agus spréidh, eadar na reitheachan agus na gabhra frionn.

18 An ni suarrach leibhse an innis mhaith itheadh suas, ach gu 'n saltair sibh fòs a' chuid eile do 'n ionaltradh sìos fuidh 'ur casaibh? agus òl do na h-uisgeacha domhain, ach gur éigin duibh a' chuid eile a shalachadh le 'r casaibh.

19 Agus air son mo threud-sa, tha iad ag itheadh an ni sin, a shaltair sibh fuidh 'ur casaibh, agus ag òl an ni sin, a rinn 'ur casan a thruaillleadh.

20 Air an aobhar sin, mar so deir an Tighearn Dia riu, Feuch, bheir mise, mise fèin, breith eadar an spréidh reamhar agus an spréidh chaol.

21 A chionn gu 'n do thulg sibh le taobh agus le slinnein, agus gu 'n d' rinn sibh an

t-easlan uile a phurradh le 'r n-adharcaibh, gus an do sgainnir sìlth iad o chéile:

22 Uime sin tearnaidh mise mo threud, agus cha bhi iad ni 's mò nan creich, agus bheir mi breith eadar spréidh agus spréidh.

23 Agus cuiridh mi suas aon aodhaire os an cionn, agus beathaichidh esan iad, *cadhion* mo sheirbhiseach Daibhidh; beathaichidh esan iad, agus bidh e dhoibh na aodhaire.

24 Agus bidh mise Iehobhah ann am Dhia dhoibh, agus mo sheirbhiseach Daibhidh na phrionnsa nam measg; labhair mise Iehobhah e.

25 Agus ni mise coimhcheangal sìth riu, agus cuiridh mi cosgadh air na droch bheathaichean anns an fhearann; agus gabhaidh iad còmhnuidh gu tèaruainte san fhàsaich, agus caillidh iad anns na coilltibh.

26 Agus ni mi iadsan, agus na h-ionadan timchioll mo shléibh nam beannachadh; agus bheir mi air an fhrois teachd a nuas na h-am: bidh frasan do bheannachdaibh ann.

27 Agus bheir craobh na machrach seachad a toradh, agus bheir an talamh seachad a chinneas, agus bidh iad tèaruainte nan dùthaich, agus aithnichidh iad gur mise an Tighearn, 'nuair a bhriseas mi cuibhrichean an cuinge, agus a shaoras mi iad a làmh na muinntir a ghabh seirbhis diubh.

28 Agus cha bhi iad ni 's mò nan colbartaich do na cinnich, ni mò ni beathaichean an fhearainn an slugadh suas: ach gabhaidh iad còmhnuidh gu tèaruainte, agus cha chuir aon neach cagal orra.

29 Agus togaidh mi suas doibh meang-an<sup>1</sup> cliuiteach, agus cha bhi iad air an claoidh ni 's mò le gort anns an fhearann, ni mò ghiùlaineas iad masladh nan cinn-each ni 's faide.

30 Mar so aithnichidh iad gu bheil mise an Tighearn Dia maille riu, agus gur iadsan, tigh Israeil, mo shluagh, deir an Tighearn Dia.

31 Agus sibhse, mo threud, treud m' ionaltraidh, is daine sibh, agus is mise bhur Dia, deir an Tighearn Dia.

#### CAIB. XXXV.

**S**-barr, thàinig focal an Tighearna do m' ionnsuidh, ag ràdh,

2 A mhic an duine, cuir d' aghaidh ri sliaibh Sheir, agus dean fàisneachd na aghaidh,

3 Agus abair ris, Mar so deir an Tighearn Dia, Feuch, O shléibh Sheir, tha mise 'n ad aghaidh, agus sìnidh mi mo làmh a mach a' d' aghaidh, agus ni mi sgrios agus léir-sgrios ort.

4 Ni mi do bhailtean nam fàsach, agus bithidh tu a' d' nochd-làraich, agus bidh fios agad gur mise an Tighearn.

5 A chionn gu 'n robh fuath bith-bhuan agad, agus gu 'n do dhòirt thu *fuil* cloinne Israeil le neart a' chlaidheimh, ann an

<sup>1</sup> sgap.

<sup>2</sup> faillcan.



am an airce, anns an àm au robh deireadh aig an aingidheachd.

6 Air an aobhar sin, mar is beo mise, deir an Tighearn Dia, ulmhaichidh<sup>1</sup> mi thusa air son fala, agus ni fuil do dhian-ruagadh: a chionn nach d' fhuathaich thu fuil, ni fuil de dhian-ruagadh.

7 Mar so ni mi léir-sgrìos air sliabh Sheir, agus gearraidh mi uaithe an ti théid a mach, agus an ti philleas air ais.

8 Agus lìonaidh mi a shléibhte an le dhaoine marbhtha: air do chnocaibh, agus ann ad ghleannaibh, agus ann ad uile aibh-nichean tuitidh iadsan, a mharbhar leis a' chhlaidheamh.

9 Ni mise fàsaichean sìorruidh dhìot, agus cha togar a ris do bhailean, agus aithnichidh sibh gur mise an Tighearn;

10 A chionn gu 'n d' thubhairt thu, Bidh an dà chinneach so, agus an dà dhùthaich so agam-sa, agus seallbhaichidh sinn iad: ged bha 'n Tighearn an sin:

11 Uime sin, mar is beo mise, deir an Tighearn Dia, ni mi eadhon do réir d' fheirge, agus do réir d' fharmaid a nochd thu, le d' fhuath nan aghaidh: agus ni mi féin aithnichte nam measg, tra bheir mi breith ortsa.

12 Agus aithnichidh tusa gur mi an Tighearn, agus gu 'n cuala mi d' uile thoibheum an aghaidh shléibhte an Israel, ag ràdh, Dh' fhàgadh fàs iad, agus thugadh iad dhuinne d' an slugadh.

13 Mar so le 'r beul rinn sibh uail ann am aghaidh-sa, agus mheudaich sibh 'ur briathran ann am aghaidh; chuala mise.

14 Mar so deir an Tighearn Dia, Tra ni an talamh uile gairdeachas, ni mise fàs thusa.

15 Mar a rinn thusa gairdeachas os cionn oighreachd tighe Israeil, a chionn gu 'n robh i fàs, mar sin ni mise riutsa: bithidh tu fàs, O shléibh Sheir, agus Idumea uile, an t-ionlan deth, agus aithnichidh iad gur mise an Tighearn.

CAIB. XXXVI.

**M**AR an ecudna, a nìic an duine, dean fàisneachd do shléibhtibh Israeil, agus abair, A shléibhte Israeil, cluinnibh focal an Tighearna.

2 Mar so deir an Tighearn Dia, A chionn gu 'n d' thubhairt an nàmhaid, 'nur n-aghaidh, Aha, is leinne fòs na seann ionada arda mar sheilbh:

3 Uime sin, dean fàisneachd agus abair, Mar so deir an Tighearn Dia, A chionn gu 'n d' rinn iad fàs sibh, agus gu 'n do shluig iad suas sibh air gach taobh, gu bhi 'nur seilbh do fhuigheall nan cinneach, agus gu bheil sibh air 'ur gabhail ann am beul luchd-seanachais, agus 'nur mi-chliu am measg dhaoine:

4 Air an aobhar sin, a shléibhte Israeil,

éisdihh focal an Tighearna, Mar so deir an Tighearn Dia ris na sléibhtibh agus, ris na cnocaibh, ris na sruthaibh agus ris na gleannaibh, ris na fàsaichibh uaigneach, agus ris na bailtibh a thréigeadh, a dh'fhàs nan cobhartaich agus nam ball-fanaid do fhuigheall nan cinneach mu 'n cuairt:

5 Air an aobhar sin mar so deir an Tighearn Dia, Gu deimhin ann an teine m' eud labhair mi 'n aghaidh fuighill nan cinneach, agus an aghaidh Idumea uile, a ghabh mo dhùthaich-sa gu bhi na seilbh dhoibh, le gairdeachas an uile chridhe, leinntinn aingidh<sup>2</sup>, ga tòirt thairis mar chreich.

6 Dean fàisneachd, uime sin mu thim-chioll fearainn Israeil, agus abair ris na sléibhtibh agus ris na cnocaibh, ris na sruthaibh agus ris na gleannaibh, Mar so deir an Tighearn Dia, Feuch, labhair mise ann am eud agus ann am chorrùich, a chionn gu 'n do ghiùlain sibh tàmailte nan cinneach.

7 Air an aobhar sin, mar so deir an Tighearn Dia, Thug mise suas mo làmh; Gu deimhin na cinnich mu 'n cuairt duibh ghiùlainidh iad féin am masladh.

8 Ach sibhse, O shléibhte Israeil, cuiridh sibh a mach 'ur geuga, agus bheir sibh 'ur toradh do m' shluagh-sa Israeil, oir tha iad am fàgus a chum teachd.

9 Oir feuch, tha mise leibh, agus pillidh mi ruibh, agus bithidh sibh air 'ur treabh-adh agus air 'ur cur.

10 Agus ni mi daoine lìonmhor oirbh, uile thigh Israeil gu h-ionlan, agus bidh na bailtean air an àiteachadh, agus bidh na h-ionadan fàs air an togail.

11 Agus ni mi lìonmhor oirbh duine agus ainmhidh, agus fàsaibh iad lìonmhor, agus bheir iad toradh; agus suidhichidh mi sibh mar a bha sibh o shean, agus ni mi ruibh ni 's fearr na ann 'ur toiseach, agus aithnichidh sibh gur mise an Tighearn.

12 Seadh, bheir mi air daoine coiseachd oirbh, eadhon mo phobull Israel, agus sealbhaichidh iadsan thu, agus bidh tu dhoibh a' d' oighreachd, agus cha dean thu iad ni 's mò uireasbhuidheach.

13 Mar so deir an Tighearn Dia, A chionn gu 'n abair iad riut, Thusa a shluig suas daoine, agus a dh' fhàg gun sliochd do chinnich:

14 Uime sin cha shluig thu daoine ni 's mò, agus cha 'n fhàg thu do chinnich ni 's mò gun sliochd, deir an Tighearn Dia.

15 Ni mò dh' fhuilingcas mise gu 'n cluinnear tàmailte nan cinneach annad tuille, ni mò ghiùlainneas tu masladh an t-sluaigh ni 's faide, ni mò bheir thu air do chinnich tuiteam tuille, deir an Tighearn Dia.

<sup>1</sup> ullaichidh.

<sup>2</sup> tharcuisich.

16 Os-barr thàinig focal an Tighearna do m' ionnsuidh, ag ràdh,

17 A mhic an duine, tra bha tigh Israeil a chòmhnuidh nan dùthaich féin, thruaill iad i le 'n slighe féin agus le 'n deanadas: bha an slighe ann am lathair-sa mar neoghloine muna a chuireadh air leth.

18 Air an aobhar sin dhòirt mi orra mo chorruih, air son na fala a dhòirt iad air an fhearann, agus air son an ìdholha, leis an d' rinn iad a thruaillleadh.

19 Agus sgap mi iad am measg nan cinneach, agus bha iad air an sgaoileadh air feadh nan dùchannan. Do réir an slighe, agus do réir an deanadais thug mise breith orra.

20 Agus tra chaidh iad a steach a chum nan cinneach gus an deachaidh iad, thruaill iad sin m' ainm naomh-sa, tra thuirt iad riu, Is iad so sluagh an Tighearna, gidheadh chaidh iad a mach as 'fhearann.

21 Ach ghabh mise truas diubh air son m' ainme naomha féin, a thruaill tigh Israeil am measg nan cinneach gus an deachaidh iad.

22 Air an aobhar sin, abair ri tigh Israeil, Mar so deir an Tighearn Dia, Cha 'n 'eil mi deanamh so air 'ur son-sa, O thigh Israeil, ach air son m' ainme naomha féin, a thruaill sibhse an measg nan cinneach gus an deachaidh sibh.

23 Agus naomhaichidh mi m' ainme mòr féin, a bha air a thruaillleadh am measg nan cinneach, a thruaill sibhse nam meadhon, agus aithnichidh na cinnich, gur mise an Tighearn, deir an Tighearn Dia, tra bhios mi air mò naomhachadh annaibhsa fa chomh-air an sùl.

24 Oir bheir mi sibh o mheasg nan cinneach, agus tionailidh mi sibh as na h-uile dhùhaibh, agus bheir mi sibh gu 'r fearann féin:

25 An sin crathaidh mi uisge glan oirbh, agus bithidh sibh glan: o 'r n-uile shalchar, agus o 'r n-uile ìodholaibh glanaidh mi sibh.

26 Bheir mi fòs dhuibh cridhe nuadh, agus cuiridh mi spiorad nuadh an taobh a stigh dhiubh, agus buinidh mi air falbh an cridhe cloiche as 'ur feoil, agus bheir mi dhuibh cridhe feola.

27 Agus cuiridh mi mo spiorad an taobh a stigh dhiubh, agus bheir mi oirbh gluasad ann am reachdaibh, agus coimhidh sibh mo bhreitheanaidh, agus ni sibh iad.

28 Agus gabhaidh sibh còmhnuidh anns an fhearann a thug mise do 'r n-aithrichibh, agus bidh sibh 'nur sluagh dhomhsa, agus bidh mise ann am Dhia dhuibh-sa.

29 Saoraidh mi sibh fòs o 'r n-uile shalcharaibh; agus gairmidh mi air an arbhar, agus ineudaichidh mi e, agus cha chuir mi gort air bith oirbh.

30 Agus meudaichidh mi meas na craoibhe, agus cinneas na machrach, air

chor as nach faigh sibh ni 's mò maslach gorta measg nan einncaeh.

31 An sin cuimhnichidh sibh 'ur droch shlighe féin, agus 'ur deanadais nach robh maith, agus fuathaichidh sibh sibh féin ann 'ur sealladh féin, air son 'ur n-eaceartan, agus air son 'ur gràinealachdan.

32 Cha 'n ann air 'ur son-sa ta mise a' deanamh so, deir an Tighearn Dia, biodh fios agaibh: biodh nàire agus amhluidh oirbh air son 'ur sligheanna féin, O thigh Israeil.

33 Mar so deir an Tighearn Dia, Anns an là san glan mi sibh o 'r n-uile aingidheadh, bheir mi fòs faineir gu 'n gabh sibh còmhnuidh anns na cathraichibh, agus bidh na h-ionadan fàs air an togail.

34 Agus bidh am fearann fàs air a threabhadh, an àit 'e bhi na luidhe fàs an sealladh gach aon a ghabh seachad.

35 Agus their iad, Tha an tìr so bha uaigneach, air fàs mar ghàradh Edein, agus na cathraichean falamh, fàs, agus millte, tha iad air an daingneachadh, agus air an àiteachadh.

36 An sin aithnichidh na cinnich a dh'fhàgadh air gach taobh dhiubh gur mise an Tighearn, a thogas na h-àiteacha sgriosta, a shuidhicheas an t-ionad fàsail: mise. Ichobhah labhair, agus ni mi.

37 Mar so deir an Tighearn Dia, Bidh mise fathasd air m' iarruidh san ni so le tigh Israeil, a chum a dheanamh air an son; ni mi lìonmhor iad le daoine mar threud.

38 Mar an treud naomh, mar threud Ierusalem na feillibh arda: mar sin bidh na bailtean fàs air an lìonadh le treudaibh dhaoine, agus aithnichidh iad gur mise an Tighearn.

## CAIB. XXXVII.

**B**HA làmh an Tighearna orm, agus thug e mach mi ann an spiorad an Tighearna, agus chuir e sìos mi ann am meadhon a' ghliinne, a bha làn do chnàmhan.

2 Agus thug e orm gabhail seachad orra mu 'n cuairt, air gach taobh: agus feuch, bha iad ro lìonmhor anns a' mhachair sgaoilte; agus feuch, bha iad ro thioram.

3 Agus thuirt e rium, A mhic an duine, am feud na cnàmhan so teachd beo? agus fhreagair mise, O Thighearn Dhia, agad-sa tha fios.

4 An sin thuirt e rium, A mhic an duine, dean fàisneachd do na cnàmhan so, agus abair riu, O chnàmha tiorma, éisdibh-sa focal an Tighearna.

5 Mar so deir an Tighearn Ichobhah ris na cnàmhan so, Feuch, cuiridh mise anail annaibh, agus bithidh sibh beo.

6 Agus cuiridh mi fèithean oirbh, agus bheir mi air feoil fàs oirbh, agus còmhaichidh mi sibh le craicionn, agus cuiridh mi anail annaibh; agus bidh sibh beo, agus aithnichidh sibh gur mi an Tighearn.



7 Mar sin rinn mise fàisneachd mar a dh' àithneadh dhomh: agus am feadh a bha mi ri fàisneachd, bha toirm ann, agus feuch crith-ghluasad, agus thàinig na cnàmha chum a' chéile, cnàimh a chum a chnàmha.

8 Agus an uair a dh' amhairc mi, feuch, dh' fhàs fèithean agus feoil orra, agus chòmhdaich an craicinn iad tharta; aeh cha robh anail ann.

9 An sin thuirt e rium, Dean fàisneachd do 'n anail, dean fàisneachd, a mhic an duine, agus abair ris an anail, Mar so deir an Tighearn Iehobhab, Thig o na ceithir ghaothaibh, O anail, agus séid air na mairbh so, chum gu 'm bi iad beo.

10 Is amhuil a rinn mise fàisneachd mar a dh' àithneadh dhomh, agus thàinig an anail do 'n ionnsuidh, agus dh' fhàs iad beo, agus sheas iad air an casaibh, armailte anbharr mòr.

11 An sin thuirt e rium, A mhic an duine, is iad na cnàmhan so an t-ionlan do thigh Israeil; feuch a deir iad, tha ar cnàmhan air tiormachadh, agus ar dòchas air a chall, is ann a tha sinn air ar gearradh as.

12 Air an aobhar sin dean fàisneachd, agus abair riu, Mar so deir an Tighearn Iehobhab, Feuch, O mo shluagh, fosglaidh mise bhuir n-uaighean, agus bheir mi oirbh teachd a nìs as 'ur n-uaighibh, agus bheir mi sibh gu fearann Israeil.

13 Agus aithnichidh sibh gur mise an Tighearn 'nuair a dh' fhosglas mi 'ur n-uaighean, O mo shluagh, agus a bheir mi sibh a nìs as 'ur n-uaighibh,

14 Agus a chuireas mi mo spiorad annaibh, agus a bhitheas sibh beo, agus a shuidhicheas mi sibh 'n 'ur fearann féin: an sin aithnichidh sibh gur mise Iehobhab a labhair, agus gu 'n d' rinn mi, deir an Tighearn.

15 Thàinig fòcal an Tighearna do 'm ionnsuidh a ris, ag ràdh,

16 A bharr air so, a mhic an duine, gabh thusa chugad aon mhaide, agus sgrìobh air, Air son Iudah, agus air son cloinne Israeil a chompanaich: an sin gabh maide eile, agus sgrìobh air, Air son Ioseiph, maide Ephraim, agus uile thighe Israeil a chompanaich.

17 Agus ceangail iad aon r' a chéile nan aon mhaide, agus fàsaidh iad nan aon ann ad làimh.

18 Agus an uair a labhras clann do shluagh riut, ag ràdh, Nach feuch thu dhuinn cìod is ciall duit leis na nithibh so?

19 Abair riu, Mar so deir an Tighearn Iehobhab, Feuch, gabhaidh mise maide Ioseiph a ta 'n làimh Ephraim, agus fineach-an Israeil, a chompanaich, agus cuiridh mi iad maille ris, maille ri maide Iudah, agus ni mi aon mhaide dhiubh, agus bithidh iad nan aon ann-am làimh.

20 Agus bidh na maidcan air an sgrìobh thu ann ad làimh fa chomhair an sùl.

21 Agus abair riu, Mar so deir an Tighearn Iehobhab, Feuch, bheir mise clann Israeil o mheasg nan cinneach gus a' bheil iad air imeachd, agus cruinnichidh mi iad air gach taobh, agus bheir mi iad gu 'n dùthaich féin.

22 Agus ni mi aon chinneach dhiubh anns an fhcarann, air sléibhtibh Israeil, agus bidh aon rìgh na rìgh dhoibh uile: agus cha bhi iad ni 's mò nan dà chinneach, ni mò bhios iad air an roinn nan dà rioghachd tuille air aon chor.

23 Ni mò thruailleas iad iad féin tuille le 'n iodholaibh, no le 'n nithibh fuathach, no le aon air bith do 'n caecartaibh: ach saoraidh mise iad o 'n uile cheannaircibh anns an robh iad ciontach, agus glanaidh mi iad: mar sin bidh iadsan nan sluagh dhomhsa, agus bidh mise ann am Dhia dhoibhsan.

24 Agus bidh m' òglach Daibhidh na rìgh os an cionn: agus bidh aon bhuachaill ac' uile: ghluaisidh iad fòs ann am réachdaibh, agus bheir iad fainear m' orduighean, agus ni siad iad.

25 Agus gabhaidh iad còmhnuidh san fhcarann a thug mise do m' òglach, Iacob, anns an do ghabh 'ur n-aithrichean còmhnuidh: agus gabhaidh iadsan còmhnuidh ann, iad féin, agus an clann, agus clann an cloinne gu bràth, agus bidh m' òglach Daibhidh na rìgh dhoibh gu sìorruidh.

26 A thuille air so, ni mise còmhcheangal sìth riu, bidh e na choimhcheangal sìorruidh riu, agus suidhichidh mi iad, agus ni mi lìonmhor iad, agus cuiridh mi mo naomh-ionad nam meadhon, gu bràth.

27 Bidh mo pháillion mar an ceudna maille riu: seadh, bidh mise dhoibhsan ann am Dhia, agus bidh iadsan dhomhsa nan sluagh.

28 Agus aithnichidh na cinnich gur mise Iehobhab a naomhaicheas Israel, an uair a bhios mo naomh-ionad nam meadhon gu sìorruidh.

#### C A I B. XXXVIII.

**A** GUS thàinig fòcal an Tighearna do m' ionnsuidh-sa, ag ràdh,

2 A mhic an duine, cuir do ghnùis an aghaidh Ghog, tìr Mhagog, ard phrionnsa Mheseich agus Thubail, agus dean fàisneachd na aghaidh,

3 Agus abair ris, Mar so deir an Tighearn Dia, Feuch, tha mise a' d' aghaidh, O Ghog, ard phrionnsa Mheseich agus Thubail,

4 Agus pillidh mi air d' ais thu, agus cuiridh mi dubhain ann ad ghialaibh, agus bheir mi mach thu féin, agus d' fheachd uile, eich agus marcaich, iad uile air an éideadh leis gach uile ghnè armachd; cuideachd mhor le targaidibh agus le

sgìathaibh, an t-ìomlan diubh ag iomairt chlàidhean.

5 Persia, Etiopia, agus Libia maille ri u; an t-ìomlan diubh le sgéith agus ceann-bheart:

6 Gomer agus a chuidcachdan uile, thigh Thogarmah o na h-airdibh tuath, agus uile bhuidhnichean; mòran sluagh maille riut.

7 Bi thusa deas, agus ulmhaich air do shon féin, thu féin agus d' uile chuideachd a ta air an cruinneachadh chugad, agus bi dhoibh a' d' dhèin.

8 An déigh mhóran laithean thigear do d' amharc: anns na bliadhnaibh deireanach thig thu do 'n fhearann a thugadh air ais o 'n chlàidheamh, a chruinnicheadh a mòran chinneach, an aghaidh shléibhtean Israeil, a bha fada fàs: ach thugadh a mach as na cinnich e, agus gabhaidh iadsan uile còmhnuidh ann an tèaruin-teachd.

9 Eiridh tu suas, agus thigh thu mar dhoìninn, bidh tu còmhail ri neul a dh' fholach an fhearainn, thu féin agus d' uile bhuidhnichean, agus mòran sluagh maille riut.

10 Mar so deir an Tighearn Dia, Tarlaidh anns an là sin gu 'n d'thig nithe ann ad aire, agus gu 'n smaoinich thu droch smaoine.

11 Agus their thu, Théid mi suas gu tìr nam bailtean gun bhallachan, thig mi air a' mhuinntir a ta aig fois, a ta gabhail còmhnuidh ann an tèaruin-teachd, iad uile gabhail còmhnuidh gun bhallachan, agus gun chroinn no dorsan aca,

12 A ghlacadh creiche, agus a ghlacadh cobhartaich, a thionndadh do làimhe air na h-ionadan fàs, a ta nis air an àiteachadh, agus air an t-sluagh, a chruinnicheadh a a mach as na cinnich, a fhuair seilbh<sup>1</sup> agus maoin, a ta còmhnuidh ann am meadhon na tìre.

13 Their Seba, agus Dedan, agus ceannuichean Tharsuis, agus a chuid bailtean, riut, Am bheil thu air teachd a ghlacadh cobhartaich? an do chruinnich thu do chuideachd a ghlacadh creiche? a thoirt leat òir agus airgid; a thoirt air falbh spréidhe agus maoin; a ghlacadh creiche mòire?

14 Uime sin, a mhic an duine, dean fàisneachd, agus abair ri Gog, Mar so deir an Tighearn Iehobhah, Anns an là san gabh mo shluagh-sa Israel còmhnuidh gu tèaruin-teachd, nach bi fios agad<sup>2</sup>?

15 Agus thigh thu as d' àite, mach as na h-airdibh tuath, thu féin agus mòran sluagh maille riut, iad uile a' marcachd air eachaibh, buidheann mhòr, agus feachd cumhachdach.

16 Agus thigh thu nìs an aghaidh mo

shluagh-sa Israeil, mar neul a dh' fholach an fhearainn, tarlaidh e 'sna laithibh deireannach, agus bheir mise thu 'n aghaidh m' fhearainn, a chum gu 'n aithnich na cinnich mi, tra bhios mi air mo naomhachadh annad-sa, O Ghog, fa chomhair an sùl.

17 Mar so deir an Tighearn Dia, An tusa an ti mu 'n do labhair mi o shean le m' sheibhisich, fàidhean Israeil, a rinn fàisneachd anns na laithibh sin, rè bhliadhnaichean, gu 'n d'thugains' thu nan aghaidh?

18 Agus tarlaidh anns an àm cheudna, 'nuair a thig Gog an aghaidh fearainn Israeil, deir an Tighearn Dia, gu 'n d'thig mo chorruih-sa nìs ann am eudann.

19 Oir ann am eud, ann an teine mo chorruih-sa, labhair mi: gu cinnteach anns an là sin bidh crith mhòr air fearann Israeil:

20 Air chor as gu 'n crìochnuich ann am làthair-sa iasga na fairge, agus eunlaith an athair, agus beathaichean na machrach, agus na h-uile nithe snàgach, a shnàgas air uachdar na talmhainn, agus na h-uile dhaoine, a ta air aghaidh na talmhainn; agus tilgear na sléibhtean sìos, agus tuitidh na h-ionadan arda, agus tuitidh na h-uile balla gu talamh.

21 Agus gairmidh mise air son claidheimh na aghaidh air feadh m' uile shléibhtean, deir an Tighearn Iehobhah; bidh claidheamh gach aon duine an aghaidh a bhràthar.

22 Agus tagraidh mi na aghaidh le plaigh agus le fuil, agus frasaids mi air féin, agus air a bhuidhnichean, agus air a' mhòr-shluagh a ta maille ris, frasan tuilteach, agus clacha-meallain mòra, teine agus pronnusc.

23 Mar so nì mi mòr mi féin, agus naomhaichidh mi mi féin, agus aithnichear mi ann an sùilbh mhòran chinneach, agus bidh fios aca gur mi an Tighearn.

CAIB. XXXIX.

**U**IME sin, dean thusa, a mhic an duine, fàisneachd an aghaidh Ghog, agus abair, Mar so deir an Tighearn Dia, Feuch, tha mise ann ad aghaidh, O Ghog, ar d' phrionnsa Mheseich agus Thubail.

2 Agus pillidh mi air d' ais thu, agus cha 'n fhàg mi ach an seiseadh<sup>3</sup> cuid dhiot, agus bheir mi ort teachd a nìs o na h-airdibh tuath, agus bheir mi thu gu sléibhtean Israeil:

3 Agus buailidh mi do bhogha as do làimh chli, agus bheir mi air do shlaighdean tuiteam as do làimh dheis.

4 Tuitidh tu air sléibhtibh Israeil, thu féin agus do bhuidhnichean uile, agus an sluagh a ta maille riut: bheir mi thu do 'n eunlaith fhuileachdach do gach seorsa, agus

<sup>1</sup> toic, nì.

<sup>2</sup> eiridh tusa suas.

<sup>3</sup> seathadh.



do bheathaichibh na talmhainn, a chum bhi air do shlugadh suas.

5 Tuitidh tu air a' mhachair sgaoilte; oir labhair mise, deir an Tighearn Iehobhah.

6 Agus cuiridh mi teine air Magog, agus am measg na muinntir a ta chòmhnuidh gu neo-umhaileach anns na h-eileanaibh; agus aithnichidh iad gur mi an Tighearn.

7 Mar so ni mi m'ainm naomh aithnichte ann am meadhon mo phobuill Israeil, agus cha leig mi m'ainm naomh a thruaillleadh ni's mò; agus bidh fios aig na cinnich gur mi an Tighearn, aon naomh Israeil.

8 Feuch thàinig e gu crìch, agus rinn-eadh e, deir an Tighearn Iehobhah: is e so an là mu'n do labhair mise.

9 Agus thèid iadsan a ta chòmhnuidh ann am bailtibh Israeil a mach, agus cuiridh iad ri theine, agus loisgidh iad na h-airm, an targaid, agus fòs an sgiath, am bogha, agus na saighdean, agus an gath, agus an t-sleagh, agus loisgidh iad le teine iad seachd bliadhna:

10 Air chor as nach d'thoir iad connadh air bith as a' mbachair, ni mò ghearras iad a' bheag do na coilltibh: oir loisgidh iad na h-airm anns an teine, agus creachaidh iad an dream le'n do chreachadh iad, agus spùinnidh iad an dream, le 'n do spùinneadh iad, deir an Tighearn Iehobhah.

11 Agus tarlaidh air an là sin gu'n d'thoir mise do Ghog an sin àite air son uaghean ainm an Israel, gleann an luchd-siubhail air taobh an ear na fairge; agus bacadh e 'n luchd-siubhail: agus an sin adhlacaidh iad Gog, agus a shluagh uile; agus goiridh iad ris, Gleann sluagh Ghog.

12 Agus bidh tigh Israeil 'gan adhlacadh, a chum am fearann a ghlanadh seachd mìosan.

13 Seadh bidh uile shluagh an fhearainn 'gan adhlacadh, agus bidh là mo ghlòir-sa iomraitheach nam measg, deir an Tighearn Iehobhah.

14 Agus cuiridh iad air leth daoine deanadach, a shiulas feadh an fhearainn, a dh'adhlacadh leis an luchd-siubhail na muinntir a ta fathasd air aghaidh na talmhainn, a chum a ghlanadh: an ceann sheachd mìosan bidh iad 'g an iarruidh.

15 Agus an luchd-siubhail a ta 'g imeachd trid an fhearainn, tra chi aon neach cnàimh duine, an sin cuiridh e comhara suas làmh ris, gus an adhlac an luchd-adhlacaidh e ann an Gleann Hamon-Gog.

16 Agus fòs bidh Hamonah mar ainm air a' bhaile: mar so glanadh iad am fearann.

17 Agus thusa, a mhic an duine, mar so deir an Tighearn Iehobhah, Labhair ris gach eun iteagach, agus ri uile bheathaichibh na machrach, Cruinnichibh sibh féin, agus thigibh, cruinnichibh sibh féin o gach taobh, gu m'ìobairt-sa, ta mi deanamh air 'ur son, eadhon ar mòr air sléibhtibh Israeil,

a chum gu'n ith sibh feoil, agus gu'n òl sibh fuil.

18 Ithidh sibh feoil nan cumhachdach, agus òlaidh sibh fuil phrionnsachan na talmhainn, fuil reitheachan, uan, agus ghabhar, agus tharbh; iad uile air am biathadh ann air 'ur Basan.

19 Agus ithidh sibh saill gus am bi sibh sàthach, agus òlaidh sibh fuil gus am bi sibh air mhisg, do m'ìobairt-sa a mharbhlann air 'ur son.

20 Mar so lìonar sibh air mo bhord-sa le h-eachailh, agus le carbadaibh, le daoine cumhachdach, agus leis na h-uile fhearaidh: cogaidh, deir an Tighearn Iehobhah.

21 Agus cuiridh mi mo ghlòir am measg nan cinneach, agus chì na cinnich mo bhrèithcanas a rinn mi, agus mo làmh a leag mi orra.

22 Mar sin aithnichidh tigh Israeil gur mise an Tighearn an Dia o'n là sin, agus uaithe sin a mach.

23 Agus aithnichidh na cinnich gu'n deachaidh tigh Israeil gu bruid air son an aingidheachd; a chionn gu'n do phcacaich iad a'm' aghaidh-sa; uime sin dh'fholuich mi mo ghnùis natha, agus thug mi iad do làmh an naimhdean; mar sin thuit iad uile leis a' chlaidheamh.

24 Do réir an neo-ghloine, agus do réir an cionta rinn mise ru, agus dh'fholuich mi mo ghnùis uatha.

25 Air an aobhar sin, mar so deir an Tighearn Iehobhah, A nis bheir mi air a h-ais bruid Iacoib, agus ni mi trècair air uile thigh Israeil, agus bidh mi eudmhor air son m'ainme naomha:

26 An déigh dhoibh an nàire a ghiùlan, agus an uile chionta leis an do dhiontaich iad a'm' aghaidh-sa, tra ghabhas iad còmhnuidh gu tèarainte nan dùthaich féin, agus nach cuir aon neachagal orra.

27 An tra bheir mise air an ais iad o na cinnich, agus a chruinnicheas mi iad o dhùchaibh an naimhdean, agus a naomhaichear mi anna ann an sealladh mhòran chinneach.

28 An sin aithnichidh iad gur mise Iehobhah an Dia, a thug fainear iad a bhi air an toirt ann am bruid am measg nan cinneach: ach chruinnich mi iad chum an dùthaich féin, agus cha d'fhàg mi aon diubh ni's mò an sin.

29 Ni mò dh'fhòlaicheas mi tuille mo ghnùis uatha: oir dhòirt mi mach mo spiorad air tigh Israeil, deir an Tighearn Iehobhah.

## CAIB. XL.

**A**NNS a' chùigeamh bliadhna fichead d'ar bruid, ann an toiseach na bliadhna, air an deicheamh là do'n mìos, (b'i sin an ceathramh bliadhna deug an déigh do'n bhaile bhi air a bhualadh,) air a' cheart là sin bha làmh an Tighearna orm, agus thug e chum an àite sin mi.

2 Ann an taisbeanadh Dhé thug e mi gu tìr Israeil, agus chuir e mi air sliabh ro ard, làmh ris an robh amhuil cumadh cathrach thall fa chomhair.

3 Agus thug e 'n sin mi, agus feuch duine, agus a dhreach mar dhreach umha, le sreing lìn na làmh, agus le slait-thomhais; agus sheas e anns a' gheata.

4 Agus thuit an duine rium, A mhic an duine, faic le d'shùilibh, agus cluinn le d'chluasaibh, agus socruich do chridhe air na h-uile nì dh'fheuchas mise dhuit; oir is ann a chum gu feuchainn duit iad a thugadh an so thu, foillsich gach nì a chi thu do thigh Israeil.

5 Agus feuch, bha balla air taobh a mach an tighe mu'n cuairt, agus ann an làmh an duine bha slat-thomhais sè làmha-coille air fad, le leud boise ris gach aon làmh-choille: mar sin thomhais e leud a' bhalla, aon slat; agus 'airde, aon slat.

6 An sin thàinig e gus a' gheata ta 'g amharc ris an aird' an ear, agus chaidh e suas air a cheumaibh, agus thomhais e stairsneach a' gheata, aon slat air leud, agus an t-ard-dhorus cuideachd<sup>1</sup>, aon slat air leud.

7 Agus bha gach seòmar beag aon slat air fad, agus aon slat air leud, agus eadar na seòmraichean beaga bha cùig làmha-coille, agus bha stairsneach a' gheata, aig sgà-thigh a' gheata 'n taobh a stigh, aon slat.

8 Thomhais e mar an ceudna sgà-thigh a' gheata 'n taobh a stigh, aon slat.

9 An sin thomhais e sgà-thigh a' gheata, ochd làmh-choille, agus a phuist, dà làmh-choille, agus bha sgà-thigh a' gheata 'n taobh a stigh.

10 Agus bha trì do sheòmraichibh beaga geata na h-aird' an ear, air an taobh so, agus trì air an taobh sin, bha iad nan trì do aon tomhas agus bha na puist do aon tomhas, air an taobh so agus air an taobh sin.

11 Agus thomhais e leud dol a steach a' gheata, deich làmha-coille, agus fad a' gheata trì làmha-coille deug.

12 B' e an dealuchadh ròs fa chomhair nan seòmraichean beaga aon làmh-choille air an taobh so, agus aon làmh-choille an dealuchadh air an taobh sin; agus bha na seòmraichean beaga sè làmha-coille air an taobh so, agus sè làmha-coille air an taobh sin.

13 Thomhais e'n sin an geata o mhuilach aon seòmair bhig gu mullach aon eile: b'e an leud cùig làmha-coille fichead, dorus fa chomhair dorus.

14 Thomhais e mar an ceudna puist trì fichead làmh-choille, eadhon gu bhì nam puist do'n gheata, air gach taobh do'n chùirt.

15 Agus o aghaidh geata 'n dol a steach, gu aghaidh sgà-thighe a' gheata-stigh, bha deich agus dà fhichead làmh-choille.

16 Agus bha uinneagan cughann ris na seòmraichean beaga, agus ri 'n aghaidh an taobh a stigh do'n gheata mu'n cuairt, agus mar an ceudna ris na sgà-thighibh: agus bha uinneagan mu'n cuairt air an taobh a stigh: agus air gach post bha crainn phailme.

17 An sin thug e mi do'n chùirt a stigh, agus feuch, seòmraichean agus urlar deanta air son na cùirte timchioll air gach taobh: bha deich seòmraichean fichead anns an urlar.

18 Agus an t-urlar ri taobh nan geatachan, thall fa chomhair leud nan geatachan, b'e sin an t-urlar a b'isle.

19 An sin thomhais e 'n leud o aghaidh a' gheata a b'isle, gu aghaidh a mach na cùirte a b'fhaidhe steach, ceud làmh-choille ris an aird' an ear.

20 An sin thug e mi gus an taobh mu thuath, agus thomhais e fad geata na cùirte: mach a ta 'g amharc ris an airde tuath, agus a leud.

21 Agus b'iad a sheòmraichean beaga, trì air an taobh so, agus trì air an taobh sin; agus bha a phuist agus a sgà-thighean do rèir tomhais a' cheud gheata; b'e deich is dà fhichead làmh-choille 'fhad; agus cùig làmha-coille thar fhichead 'airde.

22 Agus bha an uinneagan, agus an sgà-thighean, agus an crainn-phailme do rèir tomhais a' gheata ta 'g amharc ris an airde: 'n ear; agus chaidh iad suas chuige le seachd ceumaibh, agus bha a sgà-thighean fa'n comhair.

23 Agus bha geata na cùirte stigh fa chomhair a' gheata ta 'g amharc ris an airde tuath, mar e sin ris an airde 'n ear, agus thomhais e o gheata gu geata ceud làmh-choille.

24 An dèigh sin thug e mi air slighe na h-airde deas, agus feuch, geata ris an airde deas, agus thomhais e a phuist, agus a sgà-thighean, do rèir nan tomhas ceudna.

25 Agus bha uinneagan ann, agus na sgà-thighibh mu'n cuairt air gach taobh, cosmhail ris na h-uinneagaibh sin; b'e 'fhad deich agus dà fhichead làmh-choille, agus a leud cùig làmha-coille thar fhichead.

26 Agus bha seachd ceuma gu dol suas chuige, agus bha a sgà-thighean fa chomhair; agus bha crainn phailme air, aon air an taobh so, agus aon eile air an taobh sin, air a phostaibh.

27 Agus bha geata sa' chùirt a stigh ri deas, agus thomhais e o gheata gu geata ri deas, ceud làmh-choille.

28 Agus thug e mi do'n chùirt a stigh trid a' gheata mu dheas, agus thomhais e 'n geata mu dheas do rèir nan tomhas ceudna.

<sup>1</sup> an stairsneach eile.



29 Agus a sheòmraichean beaga, agus a phuist, agus a sgà-thighean, do réir nan tomhas ceudna, agus bha uinneagan ann, agus 'na sgà-thighibh air gach taobh mu'n cuairt: b'e deich agus dà fhichead lām-choille 'fhad, agus cùig lāmha-coille thar fhichead a leud.

30 Agus bha na sgà-thighean air gach taobh mu'n cuairt, cùig lāmha-coille thar fhichead air fad, agus cùig lāmha-coille air leud.

31 Agus bha a sgà-thighean ris a' chùirt a mach, agus crainn-phailme air a phostaibh: agus bha ochd ceuma na dhol suas.

32 Agus thug e mi gus a' chùirt a stigh leth ris an airde 'n car, agus thomhais e 'n geata do réir an tomhais so.

33 Agus bha a sheòmraichean beaga, agus a phuist, agus a sgà-thighean do réir nan tomhas so, agus bha uinneagan ann, agus na sgà-thighibh air gach taobh mu'n cuairt; deich agus dà fhichead lām-choille 'fhad, agus cùig lāmha-coille thar fhichead a leud.

34 Agus bha a sgà-thighean ris a' chùirt a mach, agus crainn-phailme air a phostaibh air an taobh so, agus air an taobh sin; agus bha ochd ceuma na dhol suas.

35 Agus thug e mi gus a' gheata tuath, agus thomhais e do réir nan tomhas so:

36 A sheòmraichean beaga, a phuist, agus a sgà-thighean, agus 'uinneagan air gach taobh mu 'n cuairt: deich agus dà fhichead lām-choille 'fhad, agus cùig lāmha-coille thar fhichead a leud.

37 Agus bha a phuist ris a' chùirt a mach, agus crainn phailme air a phostaibh air an taobh so, agus air an taobh sin, agus na dhol suas bha ochd ceuma.

38 Agus bha na seòmraichean agus an dola steach lāmhb ri postaibh nan geatach, far a do nigh iad na tabhartais-loisgte.

39 Agus ann an sgà-thigh a' gheata bha dà chlàr air an taobh so, agus dà chlàr air an taobh sin, a chum an ìobairt-loisgte, agus an ìobairt-pheacaidh, agus an ìobairt-èasaontais a mharbhadh orra.

40 Agus air an taobh a mach, mar théid aon suas gu fosgladh a' gheata thuath, bha dà chlàr; agus air an taobh eile, aig sgà-thigh a' gheata bha dà chlàr.

41 Bha ceithir clàir air an taobh so, agus ceithir clàir air an taobh sin, ri taobh a' gheata; ochd clàir, air an do mharbh iad an ìobairt.

42 Agus bha na ceithir clàir do chloich shnaighte air son na h-ìobairt-loisgte, lāmhb-choille gu leth air fad, agus lāmhb-choille gu leth air leud, agus aon lāmhb-choille air airde; air an do leag iad mar an ceudna an acauin, leis an do mharbh iad an tabhartas-loisgte agus an ìobairt.

43 Agus bha dubhain<sup>1</sup> iaruin<sup>2</sup> do leud

boise 'n taobh a stigh, air an daingneachadh mu'n cuairt air gach taobh; agus air na clàraibh bha feoil na h-ìobairte.

44 Agus thug e mi chum a' gheata stigh; agus feuch, an sin bha dà sheòmar anns a' chùirt a stigh; aon air taobh tuath a' gheata, ag amharc ris an airde deas, agus an t-aon eile air taobh deas a' gheata, ag amharc ris an airde tuath.

45 Agus thuirt e rium, Tha an seòmar so ta 'g amharc ri deas, air son nan sagart, a tha frithealadh air coimhead an tighe.

46 Agus tha an seòmar a ta 'g amharc ri tuath air son nan sagart, a tha frithealadh air coimhead na h-altarach: is iad so nìc Shadoch an measg mac Lebbi, a ta teachd dlù do'n Tighearn chum frithealadh dha.

47 Mar sin thomhais e a' chùirt, ceud lāmhb-choille air fad, agus ceud lāmhb-choille air leud, ceithir chearnach, agus an altair ri aghaidh an teampuill.

48 Agus thug e mi gu sgà-thigh an teampuill, agus thomhais e gach post do'n sgà-thigh; cùig lāmha-coille air an taobh so, agus cùig lāmha-coille air an taobh sin, agus b'e leud a' gheata trì lāmha-coille air an taobh so, agus trì lāmha-coille air an taobh sin.

49 B'e fad an sgà-thighe fichead lāmhb-choille, agus a leud aon lāmhb-choille deug, agus anns an dol suas chuige bha deich ceuma: agus bha pruib aig na postaibh, aon air an taobh so, agus aon air an taobh sin.

### C A I B. XLI.

**N**A dhéigh sin thug e mi do'n teampull, pull, agus thomhais e na puist, sè lāmha-coille air leud, air an aon taobh, agus sè lāmha-coille air leud, air an taobh eile, b'e so leud gach puist.

2 Agus b'e leud an doruis deich lāmha-coille, agus bha ursannan an doruis cùig lāmha-coille air an aon taobh, agus cùig lāmha-coille air an taobh eile: agus thomhais e 'fhad, dà fhichead lāmhb-choille, agus a leud fichead lāmhb-choille.

3 An sin chaidh e gus an taobh a stigh, agus thomhais e post an doruis dà lāmhb-choille, agus an doruis féin sè lāmha-coille air leud, agus air gach taobh do'n doruis seachd lāmha-coille.

4 Mar sin thomhais e 'fhad fichead lāmhb-choille, agus an leud fichead lāmhb-choille, fa chomhair aghaidh an teampuill; agus thuirt e rium, Is e so an t-ionad ro naomh.

5 'Na dhéigh sin thomhais e balla 'n teampuill sè lāmha-coille; agus leud gach seòmar thaobh ceithir lāmha-coille timchioll an teampuill air gach taobh.

6 Agus bha na seòmraichean taobh aon an déigh aon, trì deug thar fhichead an àireamh, agus bhùineadh iad do'n bhalla sin a bha mu'n cuairt air an teampull air cùl nan seòmraichean taobh, bha greim

<sup>1</sup> cromagan.

aca dheth, ach cha robh greim ac' ann am balla 'n teampull.

7 Agus bha farsuingeachd agus sìor dhol mu'n cuairt an aird chum nan seòmraichean taobh, oir chaidh quartachadh an tìghe do ghnà suas mu thinnchioll an tìghe: agus mar sin bha leud an tìghe shuas, agus air an dòigh sin bha e dol am meud o'n t-seòmair ìochdrach gus an aon a b'airde aig a' mhheadhon.

8 Chunnaic mi fòs mu'n cuairt air an tìgh, o ìochdar stéidh nan seòmraichean-taobh gu'm b'e airde gach aon diubh slat ìomlan shè làmh-choille mòra.

9 B'e leud a' bhalla, a bha eadar na seòmair-thaobh a mach cùig làmh-choille; b'e sin fhad as a bha eadar na seòmraichean taobh a bha ri taobh an tìghe.

10 Agus cadar na seòmraichean eile bha fichead làmh-choille air gach taobh, mu'n cuairt do'n tìgh.

11 Agus bha dorsa nan seòmraichean taobh ris an ionad a dh'fhàgadh, aon dorus ris an airde tuath, agus dorus eile ris an airde deas, agus b'e leud an ionaid a dh'fhàgadh cùig làmh-choille air gach taobh mu'n cuairt.

12 A nis bha an aitreabh a bha fa chomhair an àite air leth, ris an airde 'n iar, deich agus trì fichead làmh-choille air leud, agus bha balla na h-aitreabh cùig làmh-choille air tiughad gach taobh mu'n cuairt; agus b'e fhad deich agus ceithir fichead làmh-choille.

13 Mar sin thomhais e an tìgh ceud làmh-choille air fad, agus an t-àit' air leth, agus an aitreabh le a ballachaibh, ceud làmh-choille air fad.

14 Mar an ceudna leud aghaidh an tìghe, agus an ionaid air leth ris an airde 'n ear, ceud làmh-choille.

15 Agus thomhais e fad na h-aitreabh fa chomhair an àit' air leth, agus a bha air a chùlaobh, agus a sheòmraichean air an taobh so agus air an taobh eile, ceud làmh-choille, maille ris an teampull a stigh, agus sgà-thigheibh na cùirte.

16 Bha puist an doruis agus na h-uinneagan cughann, agus na seòmraichean mu'n cuairt air an trì urlair, thall fa chomhair an doruis, foluichte le fiodh tinnchioll mu'n cuairt, agus o'n làr suas gu ruig na h-uinneagan; agus bha na h-uinneagan air an còmhdachadh.

17 Ach os cionn an doruis, agus anns an teampull a mach, gu e sin a b'fhaide steach, agus air a' bhalla uile mu'n cuairt do'n teampull a stigh agus a muigh,

18 Bha cherubim air an deanamh, agus crainn-phailme, air chor as gu'n robh crann-phailme eadar cherub agus cherub, agus aig gach cherub bha dà aghaidh:

19 Air chor as gu'n robh aghaidh duine ris a' chrann-phailme air an aon taobh, agus aghaidh leòmhainn òig ris a' chrann-

phailme air an taobh eile: bha so deanta feadh an tìghe uile mu'n cuairt.

20 O'n làr gus os cionn an doruis bha cherubim air an deanamh, agus crainn-phailme, agus air balla an teampull.

21 Bha puist an teampull ceithir-chearnach, agus aghaidh an ionaid naomha air a' clumachd cheudna.

22 Bha an altair do fhiodh trì làmh-choille air airde, agus dà làmh-choille air fad; air a deanamh cearnach le oisnibh agus clàraibh fiodha; agus thuirt e rium, So am boid a ta fa chomhair an Tigh-carna.


23 Agus bha dà dhorus aig an teampull, agus aig an ionad naomh.

24 Agus bha dà dhuilleig aig gach dorus, dà dhuilleig a' tionndadh; dà dhuilleig air son an aon doruis, agus dà dhuilleig air son an doruis eile.

25 Agus bha cerubim agus crainn-phailme deanta orra, air dorsaibh an teampull, mar a bha deanta air na ballachan, agus bha déileachan tiugha air aghaidh an sgà-thighe a mach.

26 Agus bha uinneagan cughann agus crainn-phailme air an aon taobh agus air an taobh eile, air taobhan an sga-thighe, agus air seòmraichean-taobh an tìghe, agus air na déileachan tiugha.

#### CAIB. XLII.

 N sin thug e mach mi gus a' chùirt a mach, air slighe na h-airde tuath, agus thug e mi do'n t-seòmair a bha os cionn an ionaid air leth, agus a bha fa chomhair na h-aitreabh ris an airde tuath.

2 Fa chomhair fad cheud làmh-choille bha an dorus tuath; agus b'e an leud leth-cheud làmh-choille.

3 Fa chomhair dhorsan na cùirt a steach, agus fa chomhair an urlair a bha air son na cùirt a mach, bha seòmair air aghaidh seòmair air trì urlair.

4 Agus fa chomhair nan seòmraichean bha àite spaisdearachd deich làmh-choille air leud a stigh, agus ceud làmh-choille air fad; agus bha na dorsa ri tuath.

5 Agus bha na seòmraichean uachdrach cughann: oir aca so chrìochnuich na seòmraiche beaga, a dh'éirich gus a' cheud agus an dara urlair do'n aitreabh.

6 Oir bha iad nan trì urlair, ach cha robh prùip aca mar phrùip nan cùirtean: uime sin bha an tìgh ni bu chuinge na chuid a b'ìochdraiche agus bu mhheadhonaiche o'n làr.

7 Agus bha am balla, bha mach fa chomhair nan seòmraichean leth ris a' chùirt a b'fhaide mach air beulaobh nan seòmraichean, leth-cheud làmh-choille air fad.

8 Oir b'e fad nan seòmraichean, a bha sa' chùirt a mach, leth-cheud làmh-choille: agus feuch, fa chomhair an teampull bha ceud làmh-choille.



9 Agus fo na seòmraichean so bha'n dol a steach air an taobh an ear, mar theid aon a steach annta o'n chùirt a muigh.

10 Bha na seòmraichean ann an tiughad balla na cùirte ris an airde 'n ear, thall fa chomhair an ionaid air leth, agus thall fa chomhair an tighe.

11 Agus bha an t-àite spaisdearachd aig an aghaidh cosmhuil ris sin a bha aig seòmraichean na h-airde tuath; ionann ann am fad, agus ionann ann am leud; agus bha an uile dhol a mach aron air an aon dreach, agus fòs an dorsan.

12 Agus do réir dorsa nan seòmraichean, a bha ris an airde deas, bha dorus ann an ceann na slighe, na slighe dìreach fa chomhair a' bhalla, ris an aird' an ear, mar a theid aon a steach orra.

13 An sin thuir e rium, Na seòmraichean mu thuath, agus na seòmraichean mu dheas, a ta fa chomhair an ionaid air leth, is seòmraichean naomh iad, far an ith na sagairt, a thig dlù do'n Tighearn, na nithe 's ro naomha; an sin cuiridh iad na nithe 's ro naomha, agus an tabhartas-bidh, agus an tabhartas-peacaidh, agus an tabhartas-easaontais; oir tha an t-ionad naomh.

14 'Nuair a theid na sagairt a steach ann, an sin cha d'theid iad a mach as an ionad naomh gus a' chùirt a mach, ach an sin cuiridh iad an eudaichean, far am bheil iad a frithealadh; oir tha iad naomh: agus cuiridh iad orra eudaichean eile, agus thig iad dlù do na nithe sin, a ta air son a' phobuill.

15 A nis 'nuair a chuir e crìoch air tomhas an tighe stigh, thug e mach mi chum a' gheata, ta 'g amharc ris an airde 'n ear, agus thomhais e mu 'n cuairt e.

16 Thomhais e 'n taobh an ear leis an t-slaith-thomhais, cùig agus ceud slat, leis an t-slaith-thomhais timchioll mu'n cuairt.

17 Thomhais e 'n taobh mu thuath, cùig agus ceud slat leis an t-slaith-thomhais timchioll mu'n cuairt.

18 Thomhais e 'n taobh deas, cùig agus ceud slat, leis an t-slaith-thomhais.

19 Thionndaidh e mu'n cuairt gus an taobh an iar, agus thomhais e cùig agus ceud slat leis an t-slaith thomhais.

20 Thomhais e air na ceithir taobhan e: bha balla aige mu'n cuairt, cùig agus ceud slat air fad, agus cùig agus ceud air leud, a dheanamh dealachaidh cadar an t-ionad naomh, agus an t-àite mi-naomh.

CAIB. XLIII.

**N**A dhéigh sin thug e mi chum a' gheata, an geata ta 'g amharc ris an airde 'n ear.

2 Agus feuch, thàinig glòir Dhé Israeil o shlighe na h-airde 'n ear: agus bha a ghuth mar thoirn mhòran uisgeachan, agus dhealruich an talamh le 'ghlòir.

3 Agus bha an sealladh so a chunnaic mi cosmhuil ris an t-sealladh sin a chun-

naic mi, tra thàinig mi chum am baile a sgrìos: agus bha a choslas mar an coslas a chunnaic mi aig sruth Chebair: agus thuit mi air m'aghaidh.

4 Agus thàinig glòir an Tighearna chum an teampuill, air slighe a' gheata ta 'g amharc ris an airde 'n ear.

5 An sin thog an spiorad suas mi, agus thug e mi gus a' chùirt a stigh, agus feuch, lòn glòir an Tighearna an teampull.

6 Agus chuala mi e labhairt rium a mach as an teampull, agus sheas an duine làmh rium.

7 Agus thuir e rium, A mhic an duine, tha thu faicinn àite mo righ-chaitheach, agus ionad bhonn mo chos, far an gabh mi còmhnuidh ann am meadhon cloinne Israeil gu sìorruidh, agus m'ainm naomhsa cha truail tigh Israeil ni's mò, iad fèin no 'n righrean, le 'n striopachas, no le conablachaidh an righrean nan ionadaibh arda.

8 Le suidheachadh an stairsneich, aig mo stairsneich-sa, agus am puist aig mo phostaibh-sa, agus am balla eadar mis' agus iadsan, rinn iad eadhon m'ainm naomh a thruailleadh le 'n gràinealachdaibh a chuir iad an gnìomh: uimic sin chaith mis iad ann am chorruich.

9 A nis cuireadh iad air falbh an striopachas, agus cairbhinnean an righrean fada uam, agus gabhaidh mi còmhnuidh nam meadhon gu sìorruidh.

10 A mhic an duine, feuch an teampull so do thigh Israeil, a chum gu'n gabh iad nàire do'n eaccartaibh; agus tomhaiseadh iad an sàmhla.

11 Agus ma bhios nàir orra do gach ni a rinn iad, feuch dhoibh dreach an tighe, agus a chumachd, agus a dhol a mach, agus a theachd a stigh, agus 'uile choslas, agus 'uile orduighean, agus 'uile dheilbh, agus 'uile reachdan: agus sgrìobh e nan sealladh, a chum gu'n coimhid iad 'uile dhreach, agus 'uile orduighean, agus gu'n dean siad iad.

12 Is e so reachd an tighe; Air mullach an t-sleibhe bidh a chrìoch uile mu'n cuairt ro naomh: feuch is e so reachd an tighe.

13 Agus is iad so toimhsean na h-altarach ann an làrha-choille, le leud boise ris gach aon làmh-choille; bidh eadhon làmh-choille na bonn, agus làmh-choille na leud, agus rìis na h-ìomall air an oir mu'n cuairt, agus bidh so na chuartaich do'n altair.

14 Agus o'n bhonn air an làr gu ruig an suidheachadh ìochdrach bidh dà làmh-choille, agus aon làmh-choille an leud; agus o'n t-suidheachadh a's lugha gus an suidheachadh a's mò bidh ceithir làmh-choille, agus an leud aon làmh-choille.

15 Mar sin bidh an altair ceithir làmh-choille, agus o'n altair an aird bidh ceithir adharca.

16 Agus bidh an altair dà *bhann-làmh* dheug air fad, a dhà-dheug air leud, ceithir-chearnach, na ceithir chearnaibh.

17 Agus bidh am bonn ceithir *làmh-choille* deug air fad, agus ceithir-deug air leud, na cheithir chearnaibh, agus bidh an oir mu'n cuairt oirre leth làmh-choille, agus bidh a bonn làmh-choille mu'n cuairt, agus amhaircidh a ceuma ris an àirde 'n ear.

18 Agus thuirt e rium, A mhic an duine, mar so deir an Tighearn Dia, Is iad so orduighean na h-altarach anns an là san dean iad i, chum tabhartas-loisgte ìobradh oirre, agus a chum fuil a chrathadh oirre.

19 Agus bheir thu do na sagartaibh na Lebhithich a ta do shliochd Shadoic, a thig dlù dhomhsa, chum frithealadh dhomh, deir an Tighearn Dia, tarbh òg mar thabhartas-peacaidh.

20 Agus gabhaidh tu d'a fhuil, agus cuiridh tu i air a ceithir adharcaibh, agus air ceithir chearnaibh a buinn, agus air an oir mu'n cuairt: mar so glanaidh agus nighidh tu i.

21 Gabhaidh tu fòs tarbh na h-ìobairt-pheacaidh, agus loisgidh esan e ann an ionad orduichte 'n tighe, an taobh a mach do'n naomh-ionad.

22 Agus air an dara là ìobraidh tu meann do na gabhaidh gun ghaoid, air son tabhartas-pheacaidh, agus glanaidh iad an altair, mar a ghlan iad leis an tarbh.

23 'Nuair a sguireas tu d'a glanadh, ìobraidh tu tarbh òg gun ghaoid, agus reithe as an treud gun ghaoid.

24 Agus ìobraidh tu iad ann an làthair an Tighearna; agus tilgidh na sagairt salann orra, agus ìobraidh iad suas iad mar ìobairt-loisgte do'n Tighearn.

25 Seachd laithean deasaichidh tu, gach aon là, gabhair air son ìobairt-pheacaidh: deasaichidh iad fòs tarbh òg agus reithe as an treud gun ghaoid.

26 Seachd laithean glanaidh iad an altair, agus nighidh iad i, agus naomhaichidh siad iad fèin.

27 Agus an uair a bhios na laithean so air an crìochnachadh, tarlaidh air an ochdamh là, agus mar sin sìos, gu'n dean na sagairt 'ur n-ìobairtean-loisgt air an altair, agus 'ur n-ìobairtean-sìth, agus gabhaidh mise riu, deir an Tighearn Iehobhab.

## CAIB. XLIV.

**A**N sin thug e mi air m'ais air slighe gheataidh an ionaid naomha a muigh, a ta 'g amharc ris an aird an ear, agus bha e druidte.

2 An sin thuirt an Tighearn rium, Bidh an geata so druidte, cha'n fhosgair e, agus cha d'théid neach air bith a stigh air, a chionn gu'n deachaidh an Tighearn Dia Israeil a steach air.

3 Uime sin bidh e druidte air a' phrionnsa; am prionnsa fèin suidhidh ann a dh'ith-

eadh arain an làthair an Tighearna; théid e steach air slighe cùirt a' gheataidh, agus thig e mach air an t-slighe cheudna.

4 An sin thug e mi air slighe a' gheataidh thuath, fa chomhair an teampuill, agus dh'amhairc mi, agus feuch, lìon glòir an Tighearna teampull an Tighearna; agus thuit mise air m'aghaidh.

5 Agus thuirt an Tighearn rium, A mhic an duine, thoir geur-aire, agus feuch le d'shùilibh, agus cluinn le d' chluasaibh, gach n'itheir mise riut mu thimchioll uile orduighean tighe an Tighearna, agus uile reachdan, agus thoir aire mhaith do dhola steach an tighe, le uile dhol a mach an ionaid naomha.

6 Agus thoir thu ris an tigh cheannairceach, ri tigh Israeil, Mar so deir an Tighearn Dia, O thigh Israeil, gu ma leòr leibh do'r n-uile ghràinealachdaibh,

7 Gu'n d'thug sibh coigrich neo-thimchioll-ghearrta nan cridhe, agus neo-thimchioll-ghearrta nam feoil, gu bhi ann am naomh ionad-sa, a thruaillleadh mo thighe, am feadh a ta sibh a' tiolacadh dhomhsa an arain, na saill, agus na fala; agus bhris sibh mo choimhcheangal le 'r n-uile ghràinealachdaibh.

8 Agus cha do ghléidh sibh cùram mo nithe naomha; ach chuir sibh luchd-coimhid mo chùraim ann am ionad naomh air 'ur son fèin.

9 Mar so deir an Tighearn Dia, Cha d'théid ann choigreach neo-thimchioll-ghearrta na chridhe, no neo-thimchioll-ghearrta na fheoil, a steach do m'ionad naomh-sa, do choigreach air bith a ta measg cloinne Israeil.

10 Agus na Lebhithich, a dh'imich am fad uamsa, 'nuair a chaidh Israel air seachran, a dh'fhalbh air seachran uamsa an dèigh an ìodhola, giùlainidh eadhon iadsan an aingidheachd.

11 Gidheadh bidh iad nan luchd-frithealaidh ann am ionad naomh, air am bi cùram gheatachan an teampuill, agus a bhios a' frithealadh do'n teampull: marbhaidh iad an tabhartas-loisgte agus an ìobairt air son an t-sluaigh, agus seasaidh iad nan làthair gu frithealadh dhoibh:

12 A chionn gu'n d'rinn iad frithealadh dhoibh ann an làthair an ìodhola, agus gu'n d'thug iad air tigh Israeil tuiteam gu aingidheachd; uime sin thog mise suas mo làmh nan aghaidh, deir an Tighearn Iehobhab, agus giùlainidh iad an aingidheachd.

13 Agus cha d'thig iad am fagus domhsa, a dheanamh dleasnais sagairt domh, no theachd dlù do bheag air bith do m' nithibh naomh, san ionad a' ro naomha: ach giùlainidh iad an nàire, agus an gràinealachdan, a chuir iad an guimh.

14 Ach ni mi iad nan luchd-coimhid cùraim an tighe, air son uile sheirbhis,



agus air son gach uile ni bhios ri dhcan-  
amh ann.

15 Ach na sagairt na Lebhitheach, mic Shadoic, a choimhid cùram m' ionaid naomha, 'nuair a chaidh clann Israeil air seachran uam, thig iadsan dlù dhomh, chum frithealadh dhomh, agus seasaidh iad ann am fhianuis a dh' iobradh dhomh na saill agus na fala, deir an Tighearn Iehobhah.

16 Théid iad a steach do m' ionad naomh, agus thig iad dlù do m' bhord, a chum frithealadh dhomh, agus coimhididh iad mo chùram.

17 Agus tarlaidh, nuair a théid iad a steach air geatacha na cùirt a stigh, gu 'm bi iad air an éideadh le eudach lìn, agus cha d'thig olainn air bith orra, am feadh a ta iad a' frithealadh ann an geatachaibh na cùirt a steach, agus an taobh a stigh.

18 Bidh cuirachdean lìn air an ceann-aibh, agus bidh triughais lìn air an leasraibh: cha chrìoslaich siad iad féin le aon ni a thogas fallus.

19 Agus 'nuair a théid iad a mach do 'n chùirt a muigh, a chum an t-sluaigh, cuiridh iad dhiubhl an eudaichean, anns an d' rinn iad frithealadh, agus cuiridh iad anns na seòmraichibh naomh iad, agus cuiridh iad orra eudaichean eile, agus cha naomhaich iad am pobull nan cudaichibh.

20 Ni mò a lomas iad an cinn, no dh' fhuilingeas iad do'n ciabhan fàs fada, cha dean iad ach a mhàin an cinn a bharradh.

21 Ni mò dh' òlas sagart air bith fion, tra théid iad a steach do 'n chùirt a stigh.

22 Ni mò ghabhas iad dhoibh féin mar mhnai banntrach, no bean a chuireadh air falbh: ach gabhaidh iad maighdeanan do shliochd tighe Israeil, no banntrach aig an robh sagart roinne.

22 Agus tcagaisgidh iad do m' shluagh-sa an dealachadh eadar naomh agus mi-naomh, agus bheir iad orra dealachadh a chur eadar an glan agus an neo-ghlan.

23 Agus ann an cois-stri seasaidh iad ann am breitheanas, bheir iad breith air do réir mo reachdan-sa; agus coimhididh iad mo lagh agus mo reachdan, ann am uile choimhthionalaibh, agus naomhaichidh iad mo shàbaidean.

25 Agus cha d'thig iad dlù do dhuine marbh gus iad féin a thruaillleadh: ach air son màthar, no air son mic, no air son nighinn, air son bràthar, no air son peathar aig nach robh fear, feudaidh iad iad féin a thruaillleadh.

26 Agus an déigh dha bhi air a ghlanadh, àireamhaidh iad dha seachd laithean.

27 Agus air an là san d'théid e steach do 'n ionad naomh, do 'n chùirt a stigh gu frithealadh anns an ionad naomh, bheir e seachad tabhartas-peacaidh, deir an Tighearn Dia.

28 Agus cha bhi oighreachd air bith aca; is mise an oighreachd-san: agus cha d'thoir

sibh dhoibh sealbh air bith ann an Israel; is mise an sealbh.

29 Ithidh iad an tabhartas-bidh, agus an tabhartas-peacaidh, agus an tabhartas-easaontais; agus aca-san bidh gach uile ni coisrigte ann an Israel.

30 Agus bidh toiseach ceud thoraidh nan uile nithe, agus gach uile thabhartas do gach seòrsa do 'r tabhartais aig na sagairt: bheir sibh mar an ceudna do 'n t-sagart toiseach 'ur taoise, chum gu 'n d'thoir e air a bheannachadh còmhnuidh a ghabhail ann ad thigh.

31 Cha 'n ith an sagart do ni air bith a dh' eugas leis féin, no bhios reubta, ma's eun no ainmhidh e.

C A I B. XLV.

**M**AR AN CEUDNA 'nuair a roinneas sibh le crannchur am fearann mar oighreachd, bheir sibh tabhartas do'n Tighearn, carrann naomh do 'n fhearann: is e 'thad cùig mìle fichead làmh choille, agus a leud deich mìle: *bith* so naomh na uile chrìochaibh mu'n cuairt.

2 Dheth so bidh air son an ionaid naomha cùig ceud *air fad*, le cùig ceud *air leud*, ceithir chearnach mu'n cuairt; agus leth-cheud làmh-choille mu 'n cuairt, air son a dhlù-bbailtean.

3 An déigh an tomhais so toimhsidh tu ann am fad cùig mìle fichead, agus ann an leud deich mìle, agus an sin sibh an t-ionad naomh, an t-àite ro-naomh.

4 Bidh a' chuid so do 'n fhearann naomh do na sagairt, luchd-frithealaidh an ionaid naomha, a thig dlù chum frithealadh do 'n Tighearn, agus bidh e na ionad air son an tighean, agus na àite naomh air son an naomh-ionaid.

5 Agus fòs cùig mìle fichead air fad, agus deich mìle air leud bidh aig na Lebhitheach, luchd-frithealaidh an tighe, air an son féin, mar sheilbh air son fichead seòmar.

6 Agus orduichidh sibh mar sheilbh na cathrach cùig mìle làmh-choille air leud, agus cùig mìle fichead air fad, thall fa chomhair àite an ionaid naomha: bidh e aig uile thigh Israeil.

7 Agus bidh aig an uachdaran air an aon taobh, agus air an taobh eile do chuibhrionn an ionaid naomha, agus do sheilbh na cathrach, fa chomhair cuibhrinn an ionaid naomha, agus fa chomhair seilbh na cathrach, o 'n taobh an iar, ris an iar; agus o 'n taobh an ear, ris an ear; agus bidh am fad thall fa chomhair aon do na li-carrannaibh, o 'n iomall shiar gus an iomall shoir.

8 Anns an fhearann bidh a shealbh ann an Israel, agus cha sàruich m' uachdarain-sa ni's mò mo shluagh; agus am fearann bheir iad do thigh Israeil do réir an fineachan.

9 Mar so deir an Tighearn Dia, Gu ma leor leibh, O uachdarana Israeil: cuiribh

uaibh ainneart agus creach, agus deanaibh breitheanas agus ceartas, togaibh leibh 'ur n-ain-tighearnas o m' shluagh-sa, deir an Tighearn Iehobhal.

10 Bidh aghaibh meighean cothromach, agus ephah chothromach, agus bat cothromach.

11 Bidh an ephah agus am bat do aon tomhas, air chor as gu'n cum am bat an deicheamh cuid do homer, agus an ephah an deicheamh cuid do homer: bidh a thomhas do réir an homer:

12 Agus bidh ann an secel fichead gerah; fichead secel, cùig sceil thar fhichead, cùig sceil deug, bidh sin na mhaneh agaibh.

13 So an tabhartas a bheir sibh uaibh; an sèathamh cuid do ephah a homer cruineachd, agus bheir sibh an sèathamh cuid do ephah o homer eorna.

14 Do thaobh reachd na h-oladh am bat oladh, bheir sibh uaibh an deicheamh cuid do bhat as a chòr, is e sin homer dheich bhat; oir is deich bait a ta ann an homer:

15 Agus aon uan as an treud, a dà cheud, a h-ionaltradh reamhar Israeil, air son tabhartais-bhidh, agus air son ìobairt-loisgte, agus air son thabhartas-sìth, chum réite dheanamh air an son, deir an Tighearn Dia.

16 Bheir uile shluagh an fhearainn an tabhartas so air son an uachdarain ann an Israel.

17 Agus buinidh e do 'n phrionnsa tabhartasa-loisgte, agus tabhartasa-bhidh, agus tabhartasa-dìbhe thoirt uaithe air na laithibh feill, agus air na gealaichibh nuadh, agus air na sàbaidibh, agus air uile ard fhéillibh tighe Israeil: deasaichidh e 'n tabhartas-peacaidh, agus an tabhartas-bidh, agus an tabhartas-loisgte, agus na tabhartasa-sìth, a dheanamh réite air son tighe Israeil.

18 Mar so deir an Tighearn Dia, Anns a' cheud mhìos, air a' cheud là do n' mhìos gabhaidh tu tarbh òg gun ghaoid, agus glanaidh tu an naomh-ionad.

19 Agus gabhaidh an sagart do fhuil na h-ìobairt-pheacaidh, agus cuiridh e i air postaibh an tighe, agus air ceithir chearn-aibh buinn na h-altarach, agus air postaibh geata na cùirt a stigh.

20 Agus mar sin ni thu air an t-seachdamh là do 'n mhìos, air son gach aon a théid air seachran, agus a ni gu h-amaid-each; mar sin ni sibh réite air son an teampaill.

21 Anns a' cheud mhìos, air a' cheathramh là deug do 'n mhìos, bidh a' chàisg agaibh, féisd sheachd laithean, ithcar aran gun ghoirteachadh.

22 Agus air an là sin deasaichidh am prionnsa air a shon féin, agus air son uile shluaigh an fhearainn, tarbh air son ìobairt-pheacaidh.

23 Agus air seachd laithean na féisde deasaichidh e ìobairt-loisgte do 'n Tighearn, seachd tairbh, agus seachd reitheachan gun ghaoid, gach là, fad nan seachd laithean, agus meann do na gabhraibh gach là air son ìobairt-pheacaidh.

24 Agus deasaichidh e tabhartas-bidh, eadhon ephah air son tairbh, agus ephah air son reithe, agus hin oladh air son ephah.

25 Anns an t-seachdamh mìos, air a' chùigeamh là deug do 'n mhìos, ni e do réir sin air féill nan seachd laithean, do réir an tabhartais-pheacaidh, do réir na h-oifail-loisgte, agus do réir an tabhartais-bhidh, agus do réir na h-oladh.

## CAIB. XLVI.

**M**AR so deir an Tighearn Dia, Bidh geata na cùirt a stigh, a ta 'g amharc ris an aird' an ear, druide na sè laithean oibre: ach air an t-sàbaid bidh e fosgailte, agus air là na ré nuaidh<sup>1</sup> bidh e fosgailte.

2 Agus théid an t-uachdaran a steach air slighe sgà-thigh a' gheataidh an taobh a mach, agus seasaidh e aig ursann a' gheataidh, agus deasaichidh an sagart a thabhartas-loisgte, agus a thabhartas-sìth, agus ni e aoradh aig stairsneich a' gheataidh: an sin théid e mach, ach cha druidear an geata gu an-moch.

3 Mar an ceudna ni sluagh an fhearainn aoradh aig doras a' gheataidh so an làthair an Tighearna, air na sàbaidean, agus air na gealaichibh nuadha.

4 Agus is i an ìobairt-loisgte, a bheir an t-uachdaran do 'n Tighearn air là na sàbaide, sè uain gun ghaoid, agus reithe gun ghaoid.

5 Agus is e an tabhartas-bidh ephah air son reithe, agus an tabhartas-bidh air son nan uan mar a bhios na chomas a thoirt uaithe, agus hin oladh air son ephah.

6 Agus air là na ré nuaidh bheir e tarbh òg gun ghaoid, agus sè uain, agus reithe: bithidh iad gun ghaoid.

7 Agus deasaichidh e tabhartas-bidh, ephah air son tairbh, agus ephah air son reithe: agus air son nan uan do réir mar a bhios na chomas, agus hin oladh air son ephah.

8 Agus 'nuair a théid an t-uachdaran a steach, théid e stigh air slighe sgà-thighe a' gheataidh, agus théid e mach air a shlighe sin.

9 Ach 'nuair a thig muinntiran fhearainn an làthair an Tighearna, anns na h-ard fhéillibh, esan a théid a steach air slighe a' gheataidh thuath gu aoradh, théid e mach air slighe a' gheataidh dheas; agus esan a théid a steach air slighe a' gheataidh dheas, théid e mach air slighe a' gheataidh thuath: cha phill e air slighe a' gheataidh air an deachaidh e steach, ach théid e mach thall fa chomhair.

10 Agus théid an t-uachdaran a steach

<sup>1</sup> na gealaich ùir.



nam meadhon, tra théid iad a steach; agus tra théid iad a mach, théid e mach.

11 Agus air na féillibh, agus air na h-ard-fhéillibh, is e an tabhartas-bidh ephah air son tairbh, agus ephah air son reithe, agus air son nan uan do réir a chomais, agus hin oladh air son ephah.

12 A nis tra dheasaicheas an t-uachdaran o 'thoil féin íobairt-loisgte, na tabhartais-shith, gu toileach do 'n Tighearn, fosglar dha an sin an geata ta 'g amharc ris an aird an ear, agus ulmhaichidh e íobairt-loisgte, agus a thabhartas-sith mar a rinn e air là na sabaide: an sin théid e mach, agus an déigh dol a mach, druidear an dorus.

13 Ulmhaichidh tu gach là tabhartas-loisgte do 'n Tighearn, uan do 'n cheud bhliadhna gun ghaoid; ulmhaichidh tu e gach aon mhaduinn.

14 Agus ulmhaichidh tu tabhartas bidh air a shon, gach aon mhaduinn, an sèathamh cuid do ephah, agus an treas cuid do hin oladh, chum a mheasgadh leis a' mhìn-chruineachd; tabhartas-bidh do ghnàth, le ordugh sìorruidh do 'n Tighearn.

15 Mar so ulmhaichidh iad an t-uan, agus an tabhartas-bidh, agus an ola gach aon mhaduinn mar íobairt-loisgte ghnàth-uichte.

16 Mar so deir an Tighearn Dia, Ma bheir an t-uachdaran tiolaca do aon air bith d'a mhacaibh, bidh a shealbh sin aig a mhacaibh, bidh a shealbh aca mar oighreachd.

17 Ach ma bheir e tiolaca d' a oighreachd do aon d' a sheirbhisich, an sin bidh e aig-san gu bliadhna na saorsa: na dhéigh sin pillidh e chum an uachdarain; ach bidh oighreachd aig a mhacaibh (dhoibh féin).

18 A thuille air so cha ghabh an t-uachdaran do oighreachd an t-sluaigh le h-ainneart, a chum an tilgeadh a mach as an seilbh: ach bheir e d' a mhacaibh oighreachd as a sheilbh féin: a chum nach bi mo shluagh-sa air an sgapadh gach aon o sheilbh.

19 Na dhéigh sin thug e mi tríd an fhosglaidh, a bha aig taobh a' gheataidh gu seòmraichean naomh nan sagart, a bha 'g amharc ri tuath; agus feuch, bha àit' an sin aig oisinn an h-aid an iar.

20 An sin thuirt e rium, So an t-àite sam bruich na sagairt an íobairt-easaontais, agus an íobairt-pheacaidh, far am fuin iad an tabhartas-bidh: a chum nach d'hoir iad a mach iad gus a' chùirt a mach, gus an sluagh a naomhachadh.

21 An sin thug e mach mi gus a' chùirt a mach, agus thug e orm gabhail seachad air ceithir oisinnibh na cùirte, agus feuch, bha cùirt anns gach aon oisinn do 'n chùirt.

22 Ann an ceithir oisinnibh na cùirte bha cùirtean ceangailte rithe, dà fhichead làmh-choille air iad, agus deich thar fhichead

air leud: bha na ceithir oisinnnean so do aon toinhas.

23 Agus bha aca balla mu 'n cuairt doibh nan ceithir, agus ionada bruich deanta fo 'n bhalla, mu 'n cuairt.

24 An sin thuirt e rium, Is iad so àiteachan na muinntir a bhrùicheas, far am bruich luchd-frithcalaidh an teampuill íobairtean an t-sluaigh.

# CAIB. XLVII.

**N**A dhéigh sin thug e mi ris gu dorus an teampuill, agus feuch, bhrùchd uisgeachan a mach o ìochdar stairsneich an tighe ris an aird an ear: oir bha aghaidh an tighe ris an aird an ear, agus thàinig na h-uisgeachan a nuas fuidhe, o thaobh deas an tighe, air taobh mu dheas na h-altarach.

2 An sin thug e mach mi air slighe a' gheataidh mu thuath, agus thug e orm stubhal mu 'n cuairt air an t-slighe muigh gus an geata mach, air an t-slighe ta 'g amharc ris an aird an ear, agus, feuch, ruith uisgeachan a mach air an taobh deas.

3 Agus 'nuair a chaidh an duine aig an robh an t-sreang na làmh, a mach air slighe na h-aid an ear, thomhais e mìle làmh-choille, agus thug e mi roimh' na h-uisgeacha: bha na h-uisgeachan gu ruig na h-aobrana.

4 A ris thomhais e mìle, agus thug e mi roimh na h-uisgeacha; bha na h-uisgeachan gu ruig na gluinean; a ris thomhais e mìle, agus thug e mi roimh na h-uisgeacha; bha na h-uisgeachan gu ruig na leasraidh.

5 'Na dhéigh sin thomhais e mìle; agus bha e na shruth nach b' urra mi dol thairis: oir bha na h-uisgeachan air éirigh, uisgeachan air son snàmh anna, abhann nach fenda dol thairte.

6 Agus thuirt e rium, Nach faca tú, a mhic an duine? an sin thug e leis mi, agus thug e orm pillleadh gu bruaich na h-aibhne<sup>2</sup>.

7 A nis tra phill mi, feuch, air bruaich na h-aibhne bha ro-mhórán chraobh, air an taobh so, agus air an taobh eile.

8 An sin thuirt e rium, Tha na h-uisgeachan so ag imeachd a mach rathad na ùire soir, agus a dol sìos do 'n fhasach, agus a' dol a steach do 'n fhairge; tra bheir iad a mach a chum na fairge, leighisear na h-uisgeachan.

9 Agus tarlaidh, gach aon bheathach beo, a ta gluasad, taobh air bith gus an d'thig na h-aibhnichean, mairidh e beo: agus bidh ro mhórán éis ann, a chionn gu 'n d'thig na h-uisgeachan so chuige: oir leighisear iad, agus mairidh gach ni beo far an d'thig an abhann.

10 Agus tarlaidh gu 'n seas na h-iasgair-ean oirre, o Engedi gu ruig Eneglaim; bidh iad nan ionad a sgaoileadh a mach lìon, bidh an iasg do réir an seorsa, mar iasg na fairge mòire, ro lìonmhor.

11 Aeh a làthach, agus àiteachan fìrucha

<sup>1</sup> tre.

<sup>2</sup> abhna.

cha bhi air an leigheas, bheirear iad thairis gu salann.

12 Agus air taobh na h-aibhne, air a bruaich, air an taobh so, agus air an taobh sin, fàsaidh na h-uile chraobhan air son bidh, aig nach bi an duilleach air seargadh, no an toradh air a chaitheamh: bheir e mach toradh nuadh do réir a mhiosan, do bhrìgh gu 'n do shruth 'uisgeachan a mach o 'n ionad naomh, agus bidh a thoradh air son bidh, agus a dhuilleach air son leighis.

13 Mar so 'deir an Tighearn Dia, So a' chrìoch, leis an seallbhuich sibh am fearann do réir dà theubh dheug Israeil: bidh dà roinn aig Ioseph.

14 Agus scalbhaichidh sibh e, aon co maith r' a chèile: oir am fearann so mu 'n do thog mise suas mo làmh, gu 'n d'thugainn e do 'r n-aithrichibh, tuitidh oirbhse mar oighreachd.

15 Agus so crìoch an fhearainn air an taobh mu thuath, o 'n fhaire mhòir, slighe Hetloin, mar a théid daoine gu Sedad.

16 Hamat, Berotah, Sibrain, a ta eadar crìoch Dhamascuis agus crìoch Hamait; Hasarhaticon, a ta làmh ri iomall Haurain.

17 Agus o 'n fhaire bidh a' chrìoch aig Hasar-enan, crìoch Dhamascuis, agus an airde tuath air an taobh mu thuath, agus crìoch Hamait: agus so an taobh mu thuath.

18 Agus an taobh an ear toimhsidh sibh o Hauran agus o Dhamascus, agus o Ghilead, agus o fhearann Israeil làmh ri Iordan, o 'n chrìch gu ruig an fhaire 'n ear: agus so an taobh an ear.

19 Agus an taobh deas mu dheas o Thamar, gu uisgeacha na strì ann an Cades, an sruth gus an fhaire mhòr: agus so an taobh deas mu dheas.

20 An taobh an iar mar an ceudna bidh aig an fhaire mhòir o 'n iomall, gus an so an duine nall fa chomhair Hamait: d'thig taobh an iar.

21 Mar so roinnidh sibh am fearann so dhuibh, do réir fhineachan Israeil.

22 Agus tarlaidh gu 'n roinn sibh e le crannchur air son oighreachd dhuibh féin, agus do na coigreach a bhios air chuairt 'n ur measg, a ghincas clann 'nur measg; agus bidh iad dhuibh mar gu 'm biodh iad air am breth san dùthaich am measg cloinne Israeil; bidh oighreachd aca maille ruibh, am measg fhineachan Israeil.

23 Agus tarlaidh, anns an treubh anns am bi an coigreach air chuairt, an sin 'gu 'n d'thoir sibh dha 'oighreachd, deir an Tighearn Dia.

## CAIB. XLVIII.

**A**NIS is iad so ainmean nan treubh, o 'n cheann mu thuath gu iomall slighe Hetloin, mar a théid neach gu Hamat, Hasarenan, crìoch Dhamascuis mu thuath, gu iomall Hamait, (oir is iad so a thaobhan

an 'ear agus an iar) bidh aon roinn aig Dan.

2 Agus làmh ri crìch Dhain, o 'n taobh an ear gus an taobh an iar, aon aig Aser.

3 Agus làmh ri crìch Aseir, o 'n taobh an ear gus an taobh an iar, aon aig Naphtali.

4 Agus làmh ri crìch Naphtali, o 'n taobh an ear gus an taobh an iar, aon aig Manaseh.

5 Agus làmh ri crìch Mhanaseh, o 'n taobh an ear gus an taobh an iar, aon aig Ephraim.

6 Agus làmh ri crìch Ephraim, o 'n taobh an ear gus an taobh an iar, aon aig Reuben.

7 Agus làmh ri crìch Reuben, o 'n taobh an ear gus an taobh an iar, aon aig Iudah.

8 Agus làmh ri crìch Iudah, o 'n taobh an ear gus an taobh an iar, bidh tabhartas a bheir sibh seachad, cùig mìle fichead làmh-choille air leud, agus air fad mar aon do na h-earrannaibh eile, o 'n taobh an ear gus an taobh an iar, agus bidh an t-ionad naomh na mheadhon.

9 An tabhartas a bheir sibh seachad do 'n Tighearn, bidh e cùig mìle fichead làmh-choille air fad, agus deich mìle làmh-choille air leud.

10 Agus air an son-san, air son nan sagart, bidh an tabhartas naomh so, ris an airde tuath, cùig mìle fichead làmh-choille air fad, agus ris an aird an iar, deich mìle làmh-choille air leud, agus ris an aird an ear, deich mìle làmh-choille air leud, agus ris an airde deas, cùig mìle fichead làmh-choille air fad, agus bidh iomad naomh an Tighearna na mheadhon.

11 Bidh e air son nan sagart a ta naomh-aichte, do mhacaibh Shadoic, a choimhid au ni a dh' 'earb mise riu, nach deachaidh air seachran an uair a chaidh clann Israeil air seachran, mar a chaidh na Lebhitich air seachran.

12 Agus is ro-naomh dhoibh-san tabhartas so an fhearainn, làmh ri crìch nan Lebhitheach.

13 Agus thall fa chomhair crìche nan sagart, bidh aig na Lebhitich cùig mìle fichead làmh-choille air fad, agus deich mìle làmh-choille air leud; is e am fad uile cùig mìle fichead làmh-choille, agus an leud deich mìle.

14 Agus cha rèic iad deth, ni mò ni iad a mhalairt, no bheir iad uatha ceud thoradh an fhearainn: oir tha e naomh do 'n Tighearn.

15 Agus bidh na cùig mìle làmh-choille, ta air am fàgail anns an leud, thall fa chomhair nan cùig mìle fichead, na ionad nach bi naomh, air son a' bhaile; air son còmhnuidh, agus air son dlù-bhailtean, agus bidh am baile na mheadhon.

16 Agus so a thoimhsean, an taobh mu thuath, ceithir mìle agus cùig ceud, agus an



taobh mo dheas ceithir mìle agus cùig ceud, agus air an taobh an ear ceithir mìle agus cùig ceud, agus an taobh an iar ceithir mìle agus cùig ceud.

17 Agus bidh dlù-bhailtean na cathrach ris an airde tuath dà cheud agus leth-cheud, agus ris an airde deas dà cheud agus leth-cheud, agus ris an aird an ear dà cheud agus leth-cheud, agus ris an aird an iar dà cheud agus leth-cheud.

18 Agus bidh a' chuid eile air leud, thall fa chomhair tabhartais a' chuibhrinn naomha, deich mìle ris an taobh an ear, agus deich mìle ris an taobh an iar: agus bidh e thall fa chomhair tabhartais a' chuibhrinn naomha, agus bidh a chinneas mar lòn do luchd-frithealaidh na cathrach.

19 Agus ni a' mhuinntir, a fhrithealas do'n bhaile, frithealadh dha as uile threubhaibh Israeil.

20 Is e an tabhartas uile cùig mìle fichead, le cùig mìle fichead: bheir sibh seachad an tabhartas naomh ceithir chearnach, maille ri seilbh na cathrach.

21 Agus bidh a' chuid eile air son an uachdarain, air an taobh so, agus air an taobh eile, do'n tabhartas naomh, agus do sheilbh na cathrach thall fa chomhair nan cùig mìle fichead do'n tabhartas leth ris a' chrìch an ear, agus an taobh an iar thall fa chomhair nan cùig mìle fichead leth ris a' chrìch an iar, thall fa chomhair nan cuibhrionn air son an uachdarain, agus bidh e so na thabhartas naomh, agus bidh naomh-ionad an teampuill na mheadhon.

22 An dèigh seilbh nan Lebhitheach, agus seilbh na cathrach, bidh sin anns a' mheadhon aig an uachdaran, eadar crìoch Iudah agus crìoch Bheniamin, bidh so aig an uachdaran.

23 Do thaobh na codaich eile do na treubhan o'n taobh an ear gus an taobh an iar, bidh aon roinn aig Beniamin.

24 Agus làimh ri crìch Bheniamin, o'n taobh an ear gus an taobh an iar, aon aig Simeon.

25 Agus làimh ri crìch Shimeoin, o'n taobh an ear gus an taobh an iar, aon aig Isachar.

26 Agus làimh ri crìch Isachair, o'n taobh an ear gus an taobh an iar, aon aig Sebulun.

27 Agus làimh ri crìch Shebuluin, o'n taobh an ear gus an taobh an iar, aon aig Gad.

28 Agus làimh ri crìch Ghaid, aig an taobh deas mu dheas, bidh a' chrìoch o Thamar, eadhon gu uisgeachan na strì an aghaidh an Cades, gus an abhainn leth ris an fhaire mhoir.

29 So am fearann a roinneas sibh le crannchur do threubhan Israeil air son oighreachd, agus so na cuibhrinn aca, deir an Tighearn Dia.

30 Agus so dol a mach na cathrach air an taobh mu thuath, ceithir mìle agus cùig ceud tomhas.

31 Agus bidh geatachan na cathrach do réir ainmean threubhan Israeil, trì geatacha ris an airde tuath; aon gheata do Reuben, aon gheata do Iudah, aon gheata do Lehi.

32 Agus air an taobh an ear ceithir mìle agus cùig ceud: agus trì geatacha; aon gheata do Ioseph, aon gheata do Bheniamin, aon gheata do Dhan.

33 Agus air an taobh mu dheas ceithir mìle agus cùig ceud tomhas: agus trì geatachan; aon gheata do Shimeon, aon gheata do Isachar, aon gheata do Shebulun.

34 Air an taobh an iar ceithir mìle agus cùig ceud, le'n trì gheatachaibh; aon gheata do Ghad, aon gheata do Aser, aon gheata do Naphtali.

35 Bha e mu'n cuairt ochd mìle deug tomhas: agus bidh mar ainm air a' chathair o'n là sin, A ta an Tighearn an sin.

## DANIEL.

### C A I B. I.

**A**NNS an treas bliadhna do linn Iehoiacim rìgh Iudah, thàinig Nebuchadnesar rìgh Bhabilon gu Ierusalem, agus chuairtich e le feachd e.

2 Agus thug an Tighearn Iehoiacim rìgh Iudah d'a làimh, le cuid do shoiticheibh tìghe Dhé, a thug e gu tìr Shinair, gu tìgh a dhé; seadh thug e na soitichean gu tìgh-taisg a dhé.

3 Agus labhair an rìgh ri Aspenas uachdaran a chailteanach, gu'n d'thugadh e leis cuid do chloinn Israeil, agus do shliochd an rìgh, agus do na prionnsachaibh,

4 Clann air nach robh ciuram air bith,

ach a bha maiseach, agus foghlumte anns na h-uile ghliocas, agus fiosrach ann an eòlas, agus seòlta air ealuidh, agus a bha comasach air seasamh ann an luchairt an rìgh, agus d'an feudadh iad foghlum agus teanga nan Caldeach a theagasg.

5 Agus dh'orduich an rìgh dhoibh lòn lathail do bhiadh an rìgh, agus do'n fhìon, a bha e 'g òl: mar sin 'g an àrachadh trì bliadhna, a chum gu seasadh iad an ceann na h-aimsire sin an làthair an rìgh.

6 A nis am measg na muinntir so bha, do chloinn Iudah, Daniel, Hananiah, Misael, agus Asariah:

7 D'an d'thug uachdaran nan cailtean-

ach ainmean : oir thug e air Daniel *mar ainm* Beltesasar, agus air Hananiah Sadrach ; agus air Misaël Mesach ; agus air Asariah Abednego.

8 Ach ghabh Daniel rùn na chridhe nach truailleadh se e fèin leis a' chuibhrionn do bhiadh an rìgh, no leis an fhìon d'an d' òl e : uime sin ghuidh e air uachdaran nan caillteanach, nach biodh e air a shalachadh.

9 A nis thug Dia do Dhaniel deagh-ghèan agus caoimhneas gràdhach o uachdaran nan caillteanach.

10 Agus thuirt uachdaran nan caillteanach ri Daniel, Tha eagal orm roimh mo thighearn an rìgh, a dh' orduich 'ur biadh agus 'ur deoch : oir ciod uime am faiccadh e 'ur n-aghaidhean nì 's measa coslas na chlànn eile d'ur scòrsa ? an sin cuiridh sibh mise ann an cunthart mo chinn o'n rìgh.

11 An sin thuirt Daniel ri Melsar, a chuir uachdaran nan caillteanach os cionn Dhaniel, Hananiah, Mhisael agus Asariah.

12 Dearbh do sheirbhisich, guidheam ort, deich laithean, agus thugar dhuinn peasair ri h-ithiadh, agus uisge r'a òl.

13 An sin amhaircear air an n-aghaidhean ann ad làthair-sa, agus air aghaidh na cloinne ta 'g itheadh do chuibhrionn bidh an rìgh : agus mar a chithear ceart duit, buin ri d' sheirbhisich.

14 Is amhuil a dh' aontaich e leo anns a' chùis so, agus dhcarbh e iad deich laithean.

15 Agus an ceann dheich laithean bha dreach an aghaidhean nì bu mhaisiche agus nì bu shultmhoire na an uile chlànn, a dh'ith an cuibhrionn do bhiadh an rìgh.

16 Mar so thug Melsar air falbh cuibhrionn ann bidh, agus am fion bu chòir dhoibh òl ; agus thug e dhoibh peasair.

17 Do thaobh nan ceathrar chloinne so, thug Dia dhoibh eòlas agus tuigse anns na h-uile fhoghlum agus ghliocas ; agus bha tuigs' aig Daniel anns na h-uile shcallanaibh agus bhruadaraibh.

18 A nis aig ceann nan laithean, anns an d' thubhairt an rìgh gu 'n d'thugadh e steach iad, an sin thug uachdaran nan caillteanach a steach iad an làthair Nebuchadnesair.

19 Agus rinn an rìgh còmhradh riu : agus nam measg uile cha d' fhuaradh aon cosmhuil ri Daniel, Hananiah, Misaël, agus Asariah : air an aobhar sin sheàs iad fa chomhair an rìgh.

20 Agus anns na h-uile ghnòthaichibh gliocais agus tuigse a dh' fhiosraich an rìgh dhiubh, fhuair e iad deich uairean nì b'fhearr nà na h-uile dhruidhean agus speuradairean, a bha na riogbachd uile.

21 Agus mliar Daniel gu ceud bhliadhna rìgh Chiruis.

## CAIB. II.

**A**GUS anns an dara bliadhna do linn AN ebuchadnesair, bhruadair Nebuchad-

nesair bruadar, leis an robh 'inntinn air a buaireadh, agus dhealuich a chadal ris.

2 An sin dh' àithn an rìgh na druidhean, agus na speuradairean, agus an luchd-fiosachd, agus na Caldèich a ghairm, a dh'fheuchainn do 'n rìgh a bhruadair : mar sin thàinig iad, agus sheas iad an làthair an rìgh.

3 Agus thuirt an rìgh riu, Bhruadair mi bruadar, agus bha m' inntinn air a buaireadh a dh' fhaotuinns fios a' bhruadair.

4 An sin labhair na Caldèich ris an rìgh anns a' chànuin Shiriaich, O a rìgh, mair beo gu bràth : innis do d' sheirbhisich am bruadar, agus feuchaidh sinne a bhrìgh.

5 Fhreagair an rìgh agus thuirt e ris na Caldèich, Tha an nì air dol as m' aire ; mur d'thoir sibhse fios dhomh air a' bhruadar le bhrìgh, gearrar sibh 'nur bloighdibh, agus nìthear 'ur tighean nan dùn aolaich.

6 Ach ma dh' fheuchas sibh am bruadar agus a bhrìgh, gheibh sibh uamsa tiolacan agus duais, agus onoir mhòr : uime sin feuchaibh dhomh am bruadar agus a bhrìgh.

7 Fhreagair iadsan a ris, agus thubhairt iad, Inneadh an rìgh d'a sheirbhisich am bruadar, agus feuchaidh sinne a bhrìgh.

8 Fhreagair an rìgh agus thubhairt e, Tha fios agam gu deimhin gu 'm b' àill leibh uime fhaotainn, a chionn gu bheil sibh a' faicinn gu bheil an nì air dol as m' aire.

9 Ach mur d'thoir sibh fios domh air a' bhruadar, cha 'n 'eil ach an aon bhreith dhuibh : oir dh' ulmhaich sibh briathran breugach agus truailidh gu labhairt am làthair-sa, gu atharrachadh na h-aimsire : uime sin innisibh dhomh am bruadar, agus aithnichidh mi gur urradh sibh a bhrìgh fheuchainn dhomh.

10 Fhreagair na Caldèich ann am fianuis an rìgh, agus thubhairt iad, Cha 'n 'eil duine air an talamh a's urradh gnothach an rìgh fhoillseachadh : air an aobhar sin cha 'n 'eil rìgh, no tighearn, no fear-riaghlaidh a dh'iarr an leithide so do nithibh air aon druidh, no speuradair, no Caldèach.

11 Agus is nì deacair a ta an rìgh ag iarraidh, agus cha 'n 'eil aon air bith eile a's urradh 'fheuchainn fa chomhair an rìgh, ach na dèe, aig nach 'eil an còmhnuidh maille ri feoil.

12 Air an aobhar so bha 'n rìgh ann am feirg, agus ann an teas-chorruich, agus dh' àithn e uile dhaoine glìce Bhabiloin a mhilliadh.

13 Agus chaidh an t-ordugh a mach gu 'm biodh na daoine glìce air am marbhadh, agus dh'iarr iad Daniel agus a chompanaich gu bhi air am marbhadh.

14 An sin fhreagair Daniel, le comhairle agus le gliocas, Arioch, ceann-feadhna freiccadain an rìgh, a chaidh a mach a mharbhadh dhaoine glìce Bhabiloin.

15 Fhreagair e agus thubhairt e ri Arioch



ceann-feadhna an rìgh, C'ar son a tha 'n t-ordugh co dian o'n rìgh? An sin dh'innis Arioch a' chùis do Dhanìel.

16 An sin chaidh Daniel a steach, agus ghuidh e air an rìgh gu 'n d'thugadh e dha ùine, agus gu feuchadh e do 'n rìgh a' bhrìgh.

17 An sin chaidh Daniel g'a thigh, agus dh'innis e a' chùis do Hananiah, Mhisael, agus Asariah, a chompanaich;

18 A chum gu 'n iarradh iad trècair air Dia nèimhe nu thimchioll na dìomhair-eachd so; a chum nach bàsaicheadh Daniel agus a chompanaich leis a' chuid eile do dhaoine glìce Bhabiloin.

19 An sin bha an dìomhaireachd air a soillseachadh do Dhanìel ann an sealladh san oidhche: an sin bheannaich Daniel Dia nèimhe.

20 Fhreagair Daniel agus thubhairt e, Beannaichte gu robh ainm Dhia gu saoghal nan saoghal: oir is leis-san gliocas agus cumhachd.

21 Agus atharraichidh e na h-amanna, agus na h-aimsirean: atharraichidh e rìghrean, agus cuiridh e suas rìghrean: bheir e gliocas do'n ghlic, agus còlas dhoibhsan d'an aithne tuigse.

22 Foillsiehidh e na nithe domhain agus dìomhair: is aithne dha ciod a ta san dorchadas, agus tha an solus a chòmhnuidh maille ris.

23 Bheirim buidheachas agus cliù dhuit, O thusa, a Dhia m' aithrichean, a thug dhomh gliocas agus cumhachd, agus a thug fios duinn a nis air an nì, a dh'iarr sinn ort: oir thug thu fios duinn a nis air gnothach an rìgh.

24 Uime sin chaidh Daniel a steach gu Arioch, a shonaich an rìgh gu daoine glìce Bhabiloin a mhillleadh: chaidh e agus labhair e mar so ris, Na sgrìos daoine glìce Bhabiloin: thoir mise steach ann am fianuis an rìgh, agus feuchaidh mi do 'n rìgh an seadh.

25 An sin thug Arioch a stigh Daniel ann am fianuis an rìgh gu luath, agus thubhairt e mar so ris, Fhuair mi duine do bhràighdibh Iudah, a bheir fios do 'n rìgh air an t-seadh.

26 Fhreagair an rìgh, agus thubhairt e ri Daniel, d' am b' ainm Beltesasar, An urradh thusa fios a thoirt domh air a' bhruadar a chunnaic mi, agus air a bhrìgh?

27 Fhreagair Daniel ann am fianuis an rìgh, agus thubhairt e, An dìomhaireachd a dh'iarr an rìgh cha 'n urradh na daoine glìce, na spcuradairean, na druidhean, no an luchd-fiosachd fheuchainn do'n rìgh;

28 Ach tha Dia ann an nèamh a dh'fhoillsicheas nithe dìomhair, agus a ta toirt fios do Nebuchadnesar ciod a thachras anns na làithibh deircannach. Do bhruadar, agus aisinge do chinn air do leabaidh, is iad so iad:

29 (Do d' thaobhsa, O a rìgh, thainig do smaointe ann ad dhéigh air do leabaidh, na nithe bha ri tachair na dhéigh so, agus tha esan a dh'fhoillsicheas nithe dìomhair a' toirt fios duit ciod a thig gu crìch.

30 Ach do m' thaobhsa, cha 'n 'cil an dìomhaireachd so air a leigeadh ris domh air son gliocais air bith a ta agam thar aor duine beo, ach air an son-san a ni a' bhrìgh aithnichte do 'n rìgh; agus a chum gu 'm biodh fios agad-sa air smaointe do chridhe:)

31 Chunnaic thusa, O a rìgh, agus feuch iomhaigh mhòr: sheas an iomhaigh mhòr so, aig an robh dealradh oirdheirc, fa d' chomhair, agus bha a dreach umhasach.

32 Bha ceann na h-iomhaigh so do òr finealta, a h-uchd agus a làmhha do airgiod, a brù agus a sléise do umha,

33 A lurganna do iarunn, a casan<sup>1</sup>, cuid do iarunn, agus cuid do chré.

34 Chunnaic thu gus an robh clach air a gearradh a mach gun làmhnan, a bhuail an iomhaigh air a casan, a bha do iarunn agus do chré, agus a bhris nam bloighdibh iad.

35 An sin bha an t-iarunn, a' chré, an umha, an t-airgiod agus an t-òr, air am briseadh nam bloighdibh le chéile, agus dh'fhàs iad cosmhuil ri moll nan urlar-bualaidh anns an t-samhra, agus thug a' ghaoth air falbh iad, air chor as nach d'fhuaradh àite sam bith dhoibh: agus dh'fhàs a' chlach a bhuail an iomhaigh na sliabh mòr, agus lìon i an talamh uile.

36 So am bruadar; agus innsidh sinn a bhrìgh ann an làthair an rìgh.

37 O a rìgh, is iugh os cionn rìghrean thusa: oir thug Dia nèimhe dhuit rioghachd, cumhachd, agus neart, agus glòir.

38 Agus c' àit air bith ann bheil clann nan daoine a' gabhail còmhnuidh, beathaichean na machrach, agus eunlaith an athair, thug e do d' làimh-sa, agus rinn e uachdaran diot os an cionn uile: is tusa an ceann so do òr.

39 Agus ann ad dhéigh-sa éiridh rioghachd eile, ni 's lugha na thusa, agus treas rioghachd eile do umha, aig am bi uachdaranachd os cionn an domhain uile.

40 Agus bidh an ceathramh rioghachd làidir mar iarunn: anhuil a bhriseas iarunn ann am bloighdibh, agus a chlaoidheas e na h-uile nithe: agus anhuil iarunn a bhriscas iad so uile, brisidh i ann am bloighdibh, agus bruthaidh.

41 Agus mar a chunnaic thu na casan agus na meoir, cuid do chré a' chriadhair, agus cuid do iarunn, bidh an rioghachd air a roinn, ach bidh innte do neart an iarunn, ann a' mheud as a chunnaic thu an t-iarunn air a mheasgadh le cré làthaiche.

42 Agus mar a bha meoir nan cas, cuid

do iarunn, agus cuid do chré; bidh cuid d' an rioghachd làidir, agus cuid briste.

43 Agus mar a chunnaic thu iarunn air a mheasgadh le cré làthaiche, mcasgaidh iadsan iad féin le siol dhaoine: ach cha ghreimich iad r'a chéile, amhuil mar nach gabh iarunn tathadh ri cré.

44 Agus ann an laithibh nan rìghrean so, cuiridh Dia nèimh suas rioghachd nach d'théid gu sìorruidh a sgrios: agus cha bhi an rioghachd air a fàgail aig sluagh eile, ach brisidh i nam bloighdibh, agus caithidh i na rioghachdan so uile, agus seasaidh i gu sìorruidh.

45 Ann a' mheud as gu facadh tu gu 'n robh a' chlach air a gearradh a mach as an t-sliabh as eugmhais fàman, agus gu'n do bhris i nam bloighdibh an t-iarunn, an umha, a' chré, an t-airgiod agus an t-òr; thug an Dia mòr fios do'n rìgh ciod a thig gu crìch na dhéigh so: agus tha am brudair cinnteach, agus a bhrìgh dearbhta.

46 An sin thuit an rìgh Nebuchadnesar air 'aghaidh, agus thug e urram do Dhanìel, agus dh'athn e gu 'n d'thugadh iad dha tabhartas agus boltrach cùbhraidh.

47 Fhreagair an rìgh Daniel, agus thubhairt e, Gu fìrinn each is e bhuir Dia-sa Dia nan dée, agus Tighearn nan rìghrean, agus fear-soillseachaidh nìthe dìomhair, air dhuìthe bhi comasach an dìomhaireachd so fhoillseachadh.

48 An sin rinn an rìgh duine mòr do Dhanìel, agus thug e dha mòran thiolaca luachmhor, agus rinn e fear-riaghlaidh dheth os cionn mhòr-roinn Bhabiloin uile, agus ceannard air na h-uachdarain os cionn uile dhaoine glìce Bhabiloin.

49 An sin dh'iarr Daniel air an rìgh, agus chuir e Sadrach, Mesach, agus Abednego os cionn ghnòthaichean mhòr-roinn Bhabiloin: ach shuidh Danìel ann an gcata an rìgh.

### CAIB. III.

**R**INN Nebuchadnesar an rìgh ìomhaigh òir, a bha trì fichead làmh-choille air airde, agus sè làmh-choille air leud: chuir e suas i ann am machair Dhura, ann am mòr-roinn Bhabiloin.

2 An sin chuir Nebuchadnesar an rìgh fios a chum gu'n crùinnichte le chéile na prionnsachan, na fir-riaghlaidh, agus na cinn-fheadhna, na breitheachan, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn, gu teachd a chum coisreagaidh na h-ìomhaigh, a chuir Nebuchadnesar an rìgh suas.

3 An sin bha na prionnsachan, na fir-riaghlaidh, na cinn-fheadhna, na breitheachan, luchd-coimhid an ionmhais, na comhairlich, na fir-lagha, agus uile luchd-riaghlaidh nam mòr-roinn air an cruinneachadh le chéile, chum coisreagaidh na h-ìomhaigh, a chuir Nebuchadnesar an rìgh

suas, agus sheas iad fa chomhair na h-ìomhaigh, a chuir Nebuchadnesar suas.

4 An sin ghlaodh fear-èighich gu h-ard, Dhuibhse ta e air 'aithneadh, O shluagh, fhineacha, agus a theanganna,

5 Ciod air bith ann an cluinn sibh fuaim na trompaid, an fheadain, na clàrsaich, sacbuit, saltair, dulsimeir, agus na h-uile seòrsa ciuil, gu'n tuit sibh sìos, agus gu'n d'thoir sibh aoradh do 'n ìomhaigh òir, a chuir an rìgh Nebuchadnesar suas.

6 Agus co air bith nach strìochd sìos, agus nach dean aoradh, tilgear e san uair sin féin ann am builsgan amhuinn theintich dhian-loisgich.

7 Uime sin anns an àm sin, an uair a chuala an sluagh nìle fuaim na trompaid, an fheadain, na clàrsaich, sacbuit, saltair, agus na h-uile seòrsa ciuil, thuit an sluagh uile, na fìncacha, agus na teanganna, sìos, agus thug iad aoradh do'n ìomhaigh òir, a chuir an rìgh Nebuchadnesar suas.

8 Air an aobhar sin, anns an àm sin thàinig Caldèich àraid am fagus, agus rinn iad casaid air na h-Ìudhaich.

9 Labhair iad, agus thubhairt iad ris an rìgh Nebuchadnesar, O a rìgh mair beo gu brath.

10 Thug thusa, O a rìgh, ordugh gu'n deanadh gach aon, a chluinneadh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciuil, strìochdadh agus aoradh do'n ìomhaigh òir:

11 Agus cò air bith nach strìochd sìos, agus nach dean aoradh, gu'm biodh e air a thilgeadh ann am builsgan amhuinn theintich dhian-loisgich.

12 Tha Iudhaich àraid, a chuir thu os cionn ghnòthaichean mhòr-roinn Bhabiloin, Sadrach, Mesach, agus Abednego: cha d'thug na daoine so, O a rìgh, meas ortsa, cha 'n 'eil iad a' deanamh seirbhis do d' dhéibh, no toirt aoraidh do'n ìomhaigh òir, a chuir thu suas.

13 An sin dh'athn Nebuchadnesar, na fheir, agus na chornnich, Sadrach, Mesach, agus Abednego a thoirt chuige: an sin thug iad na daoine so ann an làthair an rìgh.

14 Labhair Nebuchadnesar, agus thuir e riu, Am bheil so fìor, O Shadrach, a Mhesach, agus Abednego? nach 'eil sibhse toirt seirbhis do m' dhéibhsa, no toirt aoraidh do'n ìomhaigh òir, a chuir mi suas?

15 A nis ma bhios sibh deas ge b'e air bith àm anns an cluinn sibh fuaim na trompaid, an fheadain, na clàrsaich, sacbuit, saltair, agus dulsimeir, agus na h-uile seòrsa ciuil, gu strìochdadh sìos, agus aoradh a dheanamh do'n ìomhaigh a rinn mise, is maith: ach mur dean sibh aoradh, tilgear sibh anns a' cheart uair sin ann am builsgan amhuinn theintich dhian-loisg-



ieh; agus cò an Dia sin a's urradh 'ur tearnadh as mo làmh-an-sa?

16 Fhreagair Sadrach, Mesach, agus Abednego, agus thubhairt iad ris an rìgh, O Nebuchadnesair, cha'n'eil suim againne freagradh a thoirt duit anns a' chùis so.

17 Ma 's ann mar sin a bhitheas, tha ar Dia-ne, d'am bheil sinn a' toirt seirbhis, comasach air ar saoradh o'n àmhuinn theintich dhian-loisgich, agus ni e ar saoradh as do làmh-sa, O a rìgh.

18 Ach mur dean, biodh fios agad, O a rìgh, nach d'thoir sinn seirbhis do d' dhéibh, no aoradh do 'n ìomhaigh òir, a chuir thu suas.

19 An sin bha Nebuchadnesar làn do chorruich, agus bha drcach a ghnùise air caochladh an aghaidh Shadraich, Mhesaich agus Abednego; labhair agus dh'àithn e gu'n teasaicheadh iad an àmhuinn seachd uaire ni bu mhò na bu ghnàth leo a teasachadh.

20 Agus dh'àithn e do na daoine bu treise na fheachd Sadrach, Mesach agus Abednego a cheangal, agus a thilgeadh do'n àmhuinn theintich dhian-loisgich.

21 An sin cheangladh na daoine so nan còtaichibh, nan triusaibh, agus nan ceann-eudaichibh, agus nan eudaichibh *cile*, agus thilgeadh iad ann am meadhon na h-àmhuinn theintich dhian-loisgich.

22 Air an aobhar sin, a chionn gu'n robh àithne an rìgh ro theann, agus an àmhuinn ro theith, mharbh lasair an teine na daoine sin a thog suas Sadrach, Mesach agus Abednego.

23 Agus thuit an triuir dhaoine so, Sadrach, Mesach agus Abednego sìos ceangailte ann am builsghean na h-àmhuinn theintich dhian-loisgich.

24 An sin bha an rìgh Nebuchadnesar làn uamhainn, agus dh'éirich e suas ann an deifir, agus labhair e, agus thubhairt e r'a chomhairlich, Nach do thilg sinn triuir dhaoine ceangailte do mheadhon an teine? Fhreagair iadsan agus thuirt iad ris an rìgh, Is fìor, O a rìgh.

25 Fhreagair esan agus thubhairt e, Feuch, chi mi ceathrar dhaoine fuasgailte, a' coiseachd ann am meadhon an teine, agus cha 'n'eil dochann sam bith orra, agus tha coslas a' cheatlamh mar mhac Dé.

26 An sin thàinig Nebuchadnesar dlù do bheul na h-àmhuinn theintich dhian-loisgich, agus labhair e, ag ràdh, A Shadraich, Mhesaich agus Abednego, òglacha an Dé a's airde, thigibh a mach, agus thigibh an so. An sin thàinig Sadrach, Mesach agus Abednego a mach a meadhon an teine.

27 Agus chunnaic na prionnsachan, na h-uachdarain, agus na cinn-fheadhna, agus comhairlich an rìgh, a bha cruinn an ceann a' chéile, na daoine so, nach robh cumhachd air bith aig an teine air an corpaibh, ni mò

bha fuiltean d' an ccann dàithte, no an còtaichean air an caochladh, no boladh an teine dhiubh.

28 An sin labhair Nebuchadnesar, agus thubhairt e, Gu ma beannuichte gu robh Dia Shadraich, Mhesaich agus Abednego, a chuir a nuas 'aingéal, agus a shaor ogleach a chuir an dòchas ann, agus a chuir an aghaidh fòcail an rìgh, agus a thug seachad an cuirp a chum nach tugadh iad seirbhis no aoradh do dhia air bith, ach an Dia féin.

29 Uime sin tha mise a' toirt teann-orduigh, gu'm bi gach sluagh, cinneach, agus teanga, a labhras ni sam bith air dhochair an aghaidh Dhé Shadraich, Mhesaich agus Abednego, a'r an gearradh nam bloighdibh, agus an tighean air an dcan-amh nan dùn aolaich, a chionn nach 'eil Dia air bith cile ann a's urradh tearnadh air an dòigh so.

30 An sin dh'arduich an rìgh Sadrach, Mesach agus Abednego ann am mòr-roinn Bhabiloin.

#### CAIB. IV.

**N**EBUCHADNESAR an rìgh chum nan uile shluagh, fhineacha agus theanganna ta chomhnuidh air an talamh uile: Gu meudaichear sìth dhiubh.

2 Chunnacas ccart dhomhsa gu'n cuirinn an céill na comharan agus na mìorbhuilean, a dh'òibrich an t-ard Dhia do m' thaobh.

3 Cia mòr a chomharan! agus cia cumhachdach a mìorbhuilean! a rioghachd-san is rioghachd shìorruidh i, agus tha 'uachdranachd o linn gu linn.

4 Bha mise Nebuchadnesar gu suaimhneach ann am thigh, agus gu h-àluinn ann am lùchairt:

5 Chunnaic mi brudair a chuir eagall orm, agus rinn mo smaointe air mo leabaidh, agus aislinge mo chinn mo bhuair-eadh.

6 Uime sin thug mi teann-orduigh uile dhaoine glìce Bhabiloin a thoirt a steach a' m' fhianuis, a chum gu'n d'thugadh iad fios domh air brìgh a' bhrudair.

7 An sin thàinig a steach na druidhean, na speuradair, na Caldéich, agus na fiosaichean: agus dh'innis mi am brudair nan làthair; ach cha d'thug iad fios domh air a bhrìgh.

8 Ach mu dheire thàinig Daniel a steach a' m' làthair, (d' am b' ainm Beltesasar, do réir ainme mo dhé-sa, agus anns am bhicil spiorad nan dée naomh) agus na làthair-san dh'innis mi am brudair, *ag ràdh*,

9 O Bheltesasar, thusa a's airde do na druidhibh, a chionn gu bheil fios agam gu bheil spiorad nan dée naomh annad-sa, agus nach cuir dìomhaireachd air bith dragh ort, innis domh sealladh mo bhrudair a chunnaic mi, eadhon a bhrìgh.

10 Mar so bha aislinge mo chinn air mo leabaidh, Chunnaic mi, agus feuch, craobh ann am meadhon na talmhainn, agus bha a h-airde mòr.

11 Dh'fhàs a' chraobh, agus bha i làidir, agus ràinig a h-airde gu nèamh, agus a sealladh gu crìch na talmhainn uile.

12 Bha a duilleach maiseach, agus a toradh pailt, agus iunte bha biadh air son na h-uile: bha aig beathaiche na machrach sgàile fuipe, agus ghabh eunlaith an athair còmhnuidh na geugaibh, agus bheathaicheadha na h-uile feoil uaipe.

13 Chunnaic mi ann an aislingibh mo chinn, air mo leabaidh, agus feuch, thàinig fear-faire, eadhon aon naomh a nuas o nèamh:

14 Ghlaodh e gu h-ard, agus thubhairt e mar so, Gearr sìos an crann, agus sgath dheth a gheugan, crath dheth a dhuilleach, agus sgap a thoradh; imicheadh na beathaichean o bhi fuidhe, agus na h-eunlaith o gheugaibh.

15 Gidheadh fàg bun a fhreumh anns an talamh, eadhon le boinn iaruin agus umha, ann am fear maoth na faiche; agus biodh e fliuch le dealt nèimh, agus a chuibhrionn leis na beathaichibh ann am fear na talmhainn.

16 Atharruichear a chridhe o bhi na chridhe duine, agus thugar dha cridhe ainmhidh, agus gabhadh seachd aimsirean thairis air.

17 Tha chùis so le teann-ordugh nam fear-faire, agus an t-iartras air fòcal nan naomh: a chum gu'm biodh fios aig na bheil beo gu bheil an Ti a's airde a' riaghladh ann an rioghachd dhaoine, agus 'ga tabhairt do neach air bith as àill leis, agus a' cur suas os a cionn an ti a's suarraiche do dhaoine.

18 An brùadar so chunnaic mise Nebuchadnesar an rìgh: a nis, O Bhetesasar, fàillsich thusa a bhrìgh, a chionn nach 'eil uile dhaoine glìce mò rioghachd comasach air fios a thoirt domh air a bhrìgh: ach tha thusa comasach, oir tha spiorad nan deè naomh annad.

19 An sin bha Daniel, (d' am b' ainm Beltesasar) air a lìonadh le li-uamhunn car aon uaire, agus rinn a smointean a bhuair-eadh: labhair an rìgh, agus thubhairt e, A Bhetesasar, na deanada am brùadar no a bhrìgh do bhuair-eadh. Fhreagair Beltesasar, agus thubhairt e, Mo thighearn, biodh am brùadar dhoibh-san le 'm fuathach thu, agus a bhrìgh do d' naimhidibh.

20 An crann a chunnaic thu, a dh'fhàs, agus a bha làidir, a ràinig 'airde gu nèamh, agus a shealladh gus an talamh uile;

21 Aig an robh a dhuilleach maiseach, agus a thoradh pailt, agus anns an robh biadh do na h-uile; fuidh an do ghabh beathaichean na machrach còmhnuidh,

agus aig an robh air a gheugaibh àite-tàmh do eunlaith an athair:

22 Is tusa sin, O a rìgh, a ta air fàs agus air cinntinn làidir: oir tha do mheadh air fàs agus a' ruigheadh gu nèamh, agus d' uachdranachd gu crìch na talmhainn.

23 Agus mar a chunnaic an rìgh fear-faire, agus aon naomh a' teachd a nuas o nèamh, agus ag ràdh, Gearr an crann sìos, agus sgrios e, gidheadh fàg bonn a fhreumh anns an talamh, eadhon le boinn iaruin agus umha ann am fear maoth na faiche; agus biodh e fliuch le dealt nèimh, agus a chuibhrionn le beathaichibh na machrach, gus an gabh seachd aimsirean thairis air:

24 So a bhrìgh, O a rìgh, agus so ordugh an Ti a's airde, a ta air teachd air mo thighearn an rìgh:

25 Gu fògair iad thu o dhaoineibh, agus gu 'm bi do còmhnuidh le beathaichibh na machrach, agus bheir iad ort fear itheadh mar dhaimh, agus fliuchaidh iad thu le dealt nèimh, agus théid seachd aimsirean tharad, gus am bi fios agad gu bheil an Ti a's airde a' riaghladh ann an rioghachd dhaoine, agus 'ga tabhairt do neach air bith as àill leis.

26 Agus mar a dh'àithn iad bun freumh a' chruinn fhàgail, bidh do rioghachd cinnteach dhuit, an déigh dhuit fios a bhi agad gu bheil na nèamhan a' riaghladh.

27 Uime sin, O a rìgh, biodh mo chomhairle-sa taitneach leat, agus bris air falbh do pheacanna le fireantachd, agus d' eacartan le trècrair a nochdadh do na bochdaibh, a dh'fheuchainn am buanaichear do shìochaint.

28 Thàinig so uile air rìgh Nebuchadnesar.

29 An ceann dà mhìos deng bha e spaisdearachd ann an lùchairt rioghachd Babiloin.

30 Labhair an rìgh agus thubhairt e, Nach i so Babilon mhòr, a thog mise mar thigh na rioghachd, le neart mo chumhachd, agus air son onoir mo mhòrachd?

31 Am feadh a bha am fòcal ann am beul an rìgh, thuit guth o nèamh, ag ràdh, O a rìgh Nebuchadnesar, riutsa ta e air a labhairt, Tha an rioghachd air dealachadh riut.

32 Agus fògraidh iad thu o dhaoine, agus bidh do còmhnuidh le beathaichibh na machrach: bheir iad ort fear itheadh mar dhaimh, agus théid seachd aimsirean tharad, gus am bi fios agad gu bheil an Ti a's airde riaghladh ann an rioghachd dhaoine, agus 'ga tabhairt do neach air bith as àill leis.

33 Air an uair sin féin choimhlionadh an nì sin air Nebuchadnesar, agus bha e air 'fhògradh o dhaoine, agus dh'ith e fear mar dhaimh, agus bha a cholann fliuch le dealt nèimhe, gus an d'fhàs 'fhionna mar



chlàmh na h-ìolaire, agus 'iongannan mar spuirean eum.

34 Agus an ccann nan laithean thog mise Nebuchadnesar suas mo shùilcan ri nèamh, agus phill mo thuigse chugam, agus bheannaich mi an Tì a's airde, agus chliùthaich mi, agus thug mi onoir dhasan, a ta beo gu sìorruidh, aig am bheil 'uachdranachd na h-uachdranachd shìorruidh, agus a rioghachd o linn gu linn.

35 Agus tha uile luchd-àiteachaidh na talmhainn air am meas mar neo-ni: agus ni ean mar as aill leis ann am feachd nèimh, agus am measg luchd-àiteachaidh na talmhainn: agus cha 'n urradh aon neach a làmh a bhacadh, no ràdh ris, Ciod a tha thu deanamh?

36 Anns an àm sin fèin phill mo thuigse chugam, agus do thaobh glòir mo rioghachd, phill m' onoir agus mo mhòrachd chugam; agus dh'iarr mo chomhairlichean agus mo thighearnan do m' ionnsuidh; agus bha mi air mo dhaingneachadh ann am rioghachd, agus thugadh tuille dhomh do mhòrachd òirdheire.

37 A nis tha mise Nebuchadnesar a' cliùthachadh agus ag ardachadh, agus a' toirt onoir do Rìgh nèimhe, aig am bheil 'uile oibre 'nam fìrinn, agus a shligheanna 'nam breitheanas, agus a' mhuinntir a shiùbhlas ann an uabhar, tha ean comasach air an ìsleachadh.

#### C A I B. V.

**R**INN Belsasar an rìgh cuirm mhòr do mhìle d'a thighearnaibh, agus dh'òl e fìon ann an làthair a' mhìle.

2 Dh'aithe Belsasar, nuair a bhlais e am fìon, na soithichean òir agus airgid, a thug 'athair Nebuchadnesar as an teampull a bha ann an Ierusalem, a thoirt chuige, a chum gu'n òladh an rìgh agus a mhòr-uaislean, a mhnathan agus a choi-leapaich asda.

3 An sin thug iad chuige na soithichean òir, a thugadh a teampull uighe Dhé, a bha ann an Ierusalem; agus dh'òl an rìgh agus a mhòr-uaislean, a mhnathan agus a choi-leapaich asda.

4 Dh'òl iad fìon, agus chliùthaich iad na dée òir agus airgid, umha, iarunn, fhiodha, agus chloiche.

5 Anns an uair sin fèin thàinig a mach meòir làmhche duine, agus sgrìobh iad thall fa chomhair a' choinnleir, air aghaidh balla lùchairte an rìgh; agus chunnaic an rìgh a' chuid d'an làmh a sgrìobh.

6 An sin chaochail gnùis an rìgh, agus rinn a smaointean a bhuaireadh, air chor as gu'n robh uilt a leasraidh air am fuasgladh, agus bhvail a ghlùinean an aghaidh a' chèile.

7 Ghlaodh an rìgh gu h-ard na speuradairan, na Caldéich, agus na fiosaichean a thoirt a stigh: agus labhair an rìgh, agus thubhairt e ri daoine glìce Babiloin, Cò

air bitli a leughas an sgrìobhadh so, agus a dh'fhoillsicheas domhsa a bhrìgh; sgeudaichear e le sgarlaid, agus cuircar slabhraidh òir m'a mhuineal, agus is e an treas fear riaghlaidh a bhios anns an rioghachd.

8 An sin thàinig uile dhaoinc glìce an rìgh a steach, ach cha b'urradh iad an sgrìobhadh a leughadh, no fios a thoirt do' 'n rìgh air a bhrìgh.

9 An sin bha an rìgh Belsasar gu mòr air a bhuaireadh, agus bha a ghnùis air a h-atharrachadh, agus bha uamhas air a thighearnaibh.

10 A nis thàinig a' bhan-rìghinn air son briathran an rìgh agus a thighearnan, a stigh gu tigh na cuirm; agus labhair a' bhan-rìghinn, ag ràdh, O a rìgh mair beo gu bràth: na deanadh do smaointe do bhuaireadh, agus na biodh do ghnùis air a caochladh.

11 Tha duine ann ad rioghachd anns am bheil spiorad nan dée naomh, agus ann an làithibh d'athar, bha solus, agus tuigse, agus gliocas, mar ghliocas nan dée, air am faotainn ann; neach a rinn an rìgh Nebuchadnesar d'athair, d'athair-sa, O a rìgh, na uachdaran air na druaidhibh, speuradairibh, Caldéich, agus fiosaichibh;

12 Do bhrìgh gu 'n d'fhuair eadh spiorad òirdheire, agus eòlas, agus tuigse, mineachadh bhruadar, agus taisbeanadh cheistcan cruaidhe, agus fuasgladh imcheistcan, anns an Daniel so fèin, air an d'thug an rìgh mar ainm Beltesasar: a nis gairmear Daniel, agus foillsichidh ean a bhrìgh.

13 An sin thugadh Daniel a steach an làthair an rìgh; agus labhair an rìgh, agus thubhairt e ri Daniel, An tusa an Daniel sin a ta do chloinn bhràighdeanais Iudah, a thug an rìgh, m' athair a tìr nan Iudhach?

14 Chuala mise iomradh ort, gu bheil spiorad nan dée annad, agus gu bheil solus agus tuigse, agus gliocas òirdheire air 'fhaotainn annad.

15 Agus a nis thugadh na daoine glìce, na speuradairan a steach a'm' fhianuis, a chum gu'n leughadh iad an sgrìobhadh so, agus gu'n d'thugadh iad dhomhsa fios air a bhrìgh: ach cha b'urradh iad brìgh na cùise fhoillseachadh.

16 Agus chuala mi do d' thaobhsa, gur urradh thu brìgh a thoirt a ni, agus ceistean fuasgladh; a nis ma's urradh thu an sgrìobhadh a leughadh, agus a bhrìgh fhoillseachadh dhomhsa, éidear thu le sgarlaid, agus cuirear slabhruidh òir mu d' mhuineal, agus is tu an treas fear-riaghlaidh, a bhios anns an rioghachd.

17 An sin fhreagair Daniel, agus thubhairt e an làthair an rìgh, Biodh do thiolacan agad fèin, agus thoir do dhuaislean do neach eile, gidheadh leughaidh mise an sgrìobhadh do'n rìgh, agus leigidh mi ris a bhrìgh dha.

18 O thusa a rìgh, thug an Dia a's airde do Nebuchadnesar d' athair, rioghachd, agus mòrachd, agus glòir agus onoir.

19 Agus air son na mòrachd a thug e dha, bha crith agus eagail air na h-uile shluagh, fhineacha, agus theangannaibh roimhe: mharbhadh e an tì a b'àill leis, agus an neach a b'àill leis chumadh e beo, agus an neach a b'àill leis chuireadh e suas, agus an neach a b'àill leis chuireadh e sìos.

20 Ach 'nuair a bha 'chridhe air a thogail suas, agus 'inntinn air a cruadhachadh ann an uabhar, chuireadh sìos o 'chaithir rioghail e, agus thug iad a ghlòir uath.

21 Agus dh'fhògradh e o chloinn nan daoine, agus bha a chridhe mar na h-ainmhidhean, agus a chòmhnuidh leis na h-asalaibh fiadhaich: bhiadh iad e le fear mar dhaimh, agus bha a chorp fìuch le drùchd nèimh, gus an d'aithnich e gu'm b'e an Dia a's airde bha riaghladh ann an rioghachd dhaoine, agus gu bhèil e 'g orduchadh os a cionn an tì as àill leis,

22 Agus thusa a mhae, O Bhelsasair, cha d'ìslich thu do chridhe, ged' bha fios agad air so uile:

23 Ach thog thu suas thu fèin an aghaidh Tighearna nèimhe, agus thug iad soithichean a thighe ann ad làthair, agus dh'òl thu fèin, agus do thighearnan, do mhnathan, agus do leannain, fion asda, agus chliùthaich thu na dèe airgid, agus òir, umha, iarunn, fhiodha, agus chloiche, aig nach 'eil léirsinn no clàsteachd, do aithne: agus an Dia aig am bheil d'anail na làimh, agus do'm buin d'uile shlighe, cha do ghlòraich thu.

24 An sin chuireadh a' chuid do'n làimh uath, agus bha an sgrìobhadh so air a sgrìobhadh.

25 Agus so an sgrìobhadh, a bha air a sgrìobhadh, MENE, MENE, TECEL, UPH-ARSIN.

26 So brìgh na cùise; MENE, rinn Dia do rioghachd àireamh, agus chrìochnaich e i.

27 TECEL, tha thu air do thomhas air a' mheigh, agus fhuair ead eadhuidheach thu.

28 PERES, roinneadh do rioghachd, agus thugadh i do na Medich agus do na Ierich.

29 An sin dh'àithn Belsasar gu 'n cìd-eadh iad Daniel le sgarlaid, agus gu'n cuir-eadh iad slabhruidh òir m'a mhuineal, agus gu'n gladhadh iad m'a thimchioll gu'm b'e an treas fear-riaghlaidh a bhiodh anns an rioghachd.

30 Anns an oidhche sin chaidh Belsasar riugh nan Caldéach a mharbhadh.

31 Agus ghlae Darius am Medach an rioghachd, agus e mu thimchioll trì fichead agus dà bhliadhna dh'aois.

## CAIB. VI.

**B**'I toil Dharius ceud agus fichead uachdaran a chur os cionn na rioghachd, muinntir a bhiodh os cionn na rioghachd uile;

2 Agus os an cionn so trì ard-uachdaran, (do'm b'e Daniel an ceud aon,) a chum gu'n d'thugadh na h-uachdaran an cunntais doibh, agus nach biodh calltach air bith aig an rìgh.

3 An sin bha Daniel so air 'ardachadh os cionn nan uachdaran, agus nam prionnsachan, a chionn gu'n robh spiorad òir-dheire ann; agus bha e 'n aire an rìgh a chur os cionn na rioghachd uile.

4 An sin dh'farr na h-uachdaran agus na prionnsachan cùis fhaotainn an aghaidh Dhanail do thaobh na rioghachd, ach cha b' urradh iad cùis air bith fhaotainn no coire: do bhrìgh gu 'n robh e dileas, ni mò fhuair ead mearachd no coire sam bith ann.

5 An sin thuirt a' mhuinntir so, Cha'n fhaigh sinn cùis air bith an aghaidh an Daniel so, mur faigh sinn i na aghaidh do thaobh reachd a Dhé.

6 An sin chruinnich na h-uachdaran, agus na prionnsachan so le chéile chum an rìgh, agus thuirt iad ris mar so, A rìgh Dharius mair beo gu bràth.

7 Ghabh uile uachdaran na rioghachd, an luchd-riaghlaidh, agus na prionnsachan, na comhairlich agus na cinn-fheadhna, comhairle le chéile gu reachd rioghail a dhaingneachadh, agus ordugh làidir a dheanamb, ge b'e dh'farras achuinge air bith air aon dia no duine rè deich laithean fichead, ach orts, O a rìgh, gu'n tilgear e ann an gàraidh nan leòmhann.

8 A nis, O a rìgh, daingnich an t-ordugh, agus seulaich an sgrìobhadh, a chum nach eaochlar e, do réir reachd nam Medach agus nam Persach, nach fheadar atharrachadh.

9 Uime sin sheulaich rìgh Darius an sgrìobhadh agus an t-ordugh.

10 A nis 'nuair a thug Daniel gu'n deachaidh an sgrìobhadh a sheulachadh, chaidh e chum a thighe, agus air d'a tinn-eagan a bhi fosgailte na sheòmar ri Ierusalem, thuit e sìos air a ghluinibh trì uairean anns an latha, agus rinn e urnuigh, agus thug e buidheachas an làthair a Dhia, mar a rinn e san aimsir roimhe.

11 An sin chruinnich na daoine so, agus fhuair iad Daniel ag urnuigh, agus a' deanamb achuinge ann an làthair a Dhia.

12 An sin thainig iad am fagus, agus labhair iad ann am fianuis an rìgh mu thimchioll ordugh an rìgh, Nach do sheulaich thusa reachd, gach duine sam bith a ni achuinge ri aon dia no duine, an taobh a stigh do dheich laithean fichead, ach riuts, O a rìgh, gu'n tilgear ann an gàraidh nan leòmhann e? Fhreagair an rìgh, agus thubhairt e, Tha an ni fìor do réir



reachd nam Medach agus nam Persach, nach atharruichear.

13 An sin fhreagair iadsan, agus thubhairt iad ann an làthair an rìgh, Daniel sin a ta do chloinn bhruid Iudah, cha 'n'eil suim aige dhìotsa, O a rìgh, no do'n reachd a sheulaich thu, ach tha e ri achuinge tri uairean anns an latha.

14 An sin bha'n rìgh, 'nuair a chual e na briathran, ro dhiombach dheth fèin, agus shuidhich e a chridhe air Daniel d'a shaoradh: agus shaothairich e gu dol fuidhe na grèine chum a thearnadh.

15 An sin chruinnich na daoine so chum an rìgh, agus thubhairt iad ris an rìgh, Biodh fios agad, O a rìgh, gur e lagh nam Medach agus nam Persach, nach feudar ordugh no reachd air bith a dhaingnich an rìgh a chaochladh.

16 An sin dh'àithn an rìgh, agus thug iad leo Daniel, agus thilg iad e do ghàraidh nan leòmhann: agus labhair an rìgh ri Daniel, ag ràdh, Do Dhia, d'am bheil thu a' deanamh seirbhis do ghnàth, nì e san do thearnadh.

17 Agus thugadh clach, agus leagadh air beul a' ghàraidh i, agus sheulaich an rìgh le 'sheula fèin i, agus le seula a thighearnan; a chum nach biodh a chomhairle air a h-atharrachadh mu thinichill Dhanicil.

18 An sin chaidh an rìgh d'a lùchairt, agus chaith e 'n oidhche ri trasg: nì mò thugadh inneala ciuil na làthair, agus dh'imich a chadal uaithe.

19 An sin dh'èirich an rìgh gu ro mhoch anns a' mhaduinn, agus chaidh e gu luath gu gàraidh nan leòmhann.

20 Agus air uair a thàinig e chum na gàraidh, ghlaodh e le guth muldach ri Daniel; seadh labhair an rìgh, ag ràdh ri Daniel, O Dhanicil, dèlaich an Dé bheo, am bheil do Dhia, d'am bheil thu a deanamh seirbhis an còmhnuidh, comasach air do thearnadh o na leòmhannaibh.

21 An sin thuirte Daniel, O a rìgh mair leò gu bràth.

22 Chuir mo Dhia-sa nuas 'aingeal, agus dhruid e beoil nan leòmhann, air chor as nach d'rinn iad mò dhochann: do bhrìgh na fhianuis gu'n d'fhuairleadh neo-chiont annam, agus fòs a'd' fhianuis-sa, O a rìgh, cha d'rinn mi cron sam bith.

23 An sin bha an rìgh, ro aoibhneach air a shon, agus dh'àithn e gu'n d'fhuairleadh iad Daniel a nìos as a' ghàraidh: mar sin thugadh Daniel a nìos as a' ghàraidh, agus cha d'fhuairleadh gnè air bith dochainn air, a chionn gu'n do chreid e na Dhia.

24 Agus dh'àithn an rìgh, agus thug iad leo na daoine sin a rinn casaid air Daniel, agus thilg siad iad do ghàraidh nan leòmhann, iad fèin, an clann, agus am mnathan; agus thug na leòmhainn buaidh orra,

agus bhris iad an cuàmhan uile nam bloighdibh, mu'n d'ràinig iad iochdar na gàraidh.

25 An sin sgrìobh Darius a chum nan uile shluagh, chinneach agus chànuinean a ta còmhnuidh air an talamh uile, Gu robh sìth air a meudachadh dhuibh.

26 Tha mise a' toirt orduigh, anns gach uile thighearnas do m' rioghachd gu'm bì crith agus eagal air daoine roimh Dhia Dhanicil: oir is esan an Dia beo, agus bunaiteach gu bràth, agus a rioghachd-san cha sgrìosar a chaidh, agus 'uachdranachd tha gu s' chrìoch.

27 Saoruidh esan, agus tearnadh e, agus oibrichidh e comharan agus mìorbhuilean air nìamh agus air talamh, neach a shaor Daniel o chumhachd nan leòmhann.

28 Mar so shoirbhich Daniel so ann an linn Dhariuis, agus ann an linn Chiruis am Persach.

## CAIB. VII.

**A** NN an ceud bhliadhna Bhelsasair rìgh Bhabiloìn, chunnaic Daniel brudair, agus aisling a chinn air a leabaidh: an sin sgrìobh e am brudair, agus dh'innis e suim nan nithe.

2 Labhair Daniel agus thubhairt e, Chuunaic mi ann an aisling anns an oidhche, agus feuch, ghlacaidh ceithir ghaotha nìamhe air an fhaireg mhòr.

3 Agus thàinig ceithir beathaichean mòra nìos as an fhaireg, eagsanhuil aon o chèile.

4 Bha a' cheud aon cosmbuil ri leòmhann, agus bha sgiathan iolair aige: agus dh'amhairc mi gus an do spionadh a sgiathan, agus thogadh suas o'n talamh e, agus thugadh air seasamh air a chasaibh mar dhuine, agus thugadh dha cridhe duine.

5 Agus feuch, beathach eile, an dara aon, cosnhuil ri math-ghamhainn, agus thog e suas e fèin air aon taobh, agus bha aige trì giala na bheul, an taobh a stigh d'a fhuacian: agus a dubhra ris mar so, Èirich, slug mòran feòla.

6 Na dhéigh so dh'amhairc mi, agus feuch, aon eile amhuil liopard, aig an robh air a dhruim ceithir sgiathan coin; bha aig a' bheathach mar an ceudna ceithir chinn; agus thugadh dha uachdranachd.

7 Na dhéigh so chunnaic mi ann an aislingibh na h-oidhche, agus feuch, ceathranh beathach; eagalach agus uamhasach, agus ro làidir; agus bha fiacian mòra iar-uinn aige: shluig e suas agus bhris e ann an bloighdibh, agus shaltair e 'm fuigh-leach le chasaibh; agus bha e ea-cosmhuil ris na h-uile beathaichean a bha roimhe; agus bha deich adhaircean air.

8 Thug mi fainear na h-adhaircean, agus feuch, thàinig a nìos nam measg adharc bhac eile, roimh an robh trì do na ceud adhaircibh air an spionadh a nìos as am freumhaibh; agus feuch, anns an adharc so

bha sùilean mar shùilean duine, agus beul a' labhairt nithe mòra.

9 Dh'amhaire mi gus an robh na rìgh-chaitrichean air an suidheachadh, agus shuidh Aosda nan laithean, aig an robh a thrusgan geal mar shneachda, agus folt a chinn mar olainn ghlain; a chaithir-rioghail mar lasair theine, a rothan mar theine-loisgeach.

10 Bhrùchd sruth teinteach, agus thàinig e mach o' làthair: bha mìle do mhìltibh a' frithéaladh dha, agus sheas deich mìle uair deich mìle na fhianuis: shuidhicheadh am breitheanas, agus dh'fhosgladh na leabhraichean.

11 Dh'amhaire mi 'n sin, do bhrìgh guth nam briathran mòr' a labhair an adharc: dh'amhaire mi gus an do mharbhadh am beathaich, agus gus an robh a chorp air a sgrìos, agus air a thoirt do'n lasair loisgieh.

12 A thaobh na cuid eile do na beathaichibh, thugadh an uachdranaehd air falbh: gidheadh shìneadh am beatha, rè tamuill agus aimsire.

13 Chunnaim mi ann an aislingibh na h-oidhche, agus feuch, thàinig neach cosmhail ri mac an duine le neulaibh nèimh, agus thàinig e chum Aosda nan laithean, agus thug iad e dhù na làthair.

14 Agus thugadh dha uachdranaehd, agus glòir, agus rioghachd, a chum gu'n d'thugadh na h-uile shluagh, chinneacha, agus theanganna dha seirbhis: 'uachdranaehd is uachdranaehd shìorruidh, nach siubhail thairis i, agus a rioghachd eha sgrìosar i.

15 Bha mise Daniel muladaeh ann am spiorad, ann am meadhon mo chuirp, agus rinn aislinge mo chinn mo bhuaireadh.

16 Thàinig mi am fagus do aon dhiubhsan a sheas dhù, agus dh'fheòruich mi d'heith brìgh an iomlain deth so: an sin dh'innis e dhomh, agus thug e fios dhomh air brìgh nan nithe.

17 Na ceithir beathaiche mòra so, is ceithir rìghrean iad, a dh'èircas a mach as an talamh.

18 Ach glacadh naoimh an Ti a's airde an rioghachd, agus sealthaichidh iad an rioghachd gu sìorruidh, eadhon gu saoghal nan saoghal.

19 An sin b'ail leam fios fhaotainn air seadh a' cheathramh beathaich, a bha eag-samhuil ri càch uile, an-bharr uamhasach, aig an robh 'fhiacra do iarann, agus 'ion-gannan do phrais, a shluig suas, a bhris ann am bloighdibh, agus a shaltair am fuigh-leach le 'chasaibh.

20 Seadh fòs nan deich adharca bha na cheann, agus na h-aon eile a thàinig a nìos, agus roimh an do thuit tri, eadhon na h-adhairce sin aig an robh sùilean, agus beul a labhair nithe ro mhòr, aig an robh sealla ni bu chruadalaiche na'càch.

21 Dh'amhaire mi, agus rinn an adharc

eheudna cogadh ris na naoimh, agus bhuaidhaich i nan aghaidh;

22 Gus an d'thàinig Aosda nan laithean, agus an d'thugadh breitheanas do naoimh an Ti a's airde; oir thàinig an t-am anns an do shealbhuich na naoimh an rioghachd.

23 Mar so thubhairt c, Is e an ceathramh beathaich an ceathramh rioghachd a bhios air an talamh, a bhios eag-samhuil o na h-uile rioghachd, agus a shluigeas suas an talamh uile, agus a shaltas sìos e, agus a bhriseas e na bhloighdibh.

24 Agus na deich adhaircean as an rioghachd so, is deich rìghrean iad a dh'èircas suas: agus éiridh aon eile nan déigh, agus bidh e eag-samhuil o 'n cheud aon, agus ceannsuichidh e trì rìghrean.

25 Agus labhraidh e briathran an aghaidh an Ti a's airde; agus claidhidh e naoimh an Ti a's airde, agus bidh dùil aige aimsircan agus reachdan a chaochladh: agus bheirear iad d'a làimh gu aimsir, agus aimsirean, agus roinn aimsire.

26 Ach suidhidh am breitheanas, agus bheir iad air falbh a thighearnas, gu 'ehaith-eamh, agus gu a sgrìos gu ruig a' chrìoch.

27 Agus bheirear an rioghachd agus an uachdranaehd, agus mòraehd na rioghachd fuidh nèimh uile, do mhuinntir naoimh an Ti a's ro-airde, aig am bheil a rioghachd na rioghachd shìorruidh, agus bheir na h-uile thighearnais umhlaehd agus géill da.

28 An so bha crìoch na eùise. Air mo shon-sa Daniel, rinn mo smaointe gu ro mhòr mo bhuaireadh, agus dh'atharruich mo ghnùis annam; ach ghléidh mi a' chùis ann am chrìdhe.

## CAIB. VIII.

**A**NNS an treas bliadhna do linn rìgh A Bhelsasar, chunnacas aisling leamsa, leamsa Daniel, an déigh na h-aisling sin a ehunnacas leam an toiseach.

2 Agus ehunnaic mi ann an aisling, (agus tharladh tra ehunnaic mi, gu'n robh mi ann an Susan, anns an àros, a ta ann am mòr-roinn Elaim,) agus ehunnaic mi ann an aisling, agus bha mi aig abhainn Ulai.

3 An sin thog mi suas mo shùilean, agus ehunnaic mi, agus feuch, sheas fa chomhair na h-aibhne reithe, aig an robh dà adhairce, agus bha an dà adhairce ard; ach aon ni b'airde na 'n aon eile; agus thàinig an aon a b'airde nìos mu dheire.

4 Chunnaim mi an reithe a' purradh le 'adhaircibh an iar, agus mu thuath, agus mu dheas; air chor as nach feudadh beathaich air bith seasamh fa chomhair, ni mò bha neach ann a b'urradh saoradh as a làimh, ach rinn e do réir a thoile, agus dh'fhàs e mòr.

5 Agus am feadh a bha mi a' beachdachadh, feuch, thàinig boc-gaibhre o'n aird an iar, air aghaidh na talmhainn uile, agus cha do bhean e do'n làr: agus bha



adharc shònraicht aig a' bha eadar a shùilean.

6 Agus thàinig e chum an rcithe aig an robh dà adhairc, a chunnaic mi na sheasamh fa chomhair na h-aibhne, agus ruith e d'a ionnsuidh ann an cuthach a threise.

7 Agus chunnaic mi e teachd teann air an reithe, agus dhùisg 'fhearg na aghaidh, agus bhuail e 'n reithe, agus bhris e a dhà adhairc; agus cha robh cumhachd air bith aig an rcithe gu seasamh roimhe, ach thilg e sìos a chum an làir e, agus shaltair e air: agus cha robh neach air bith a b'urradh an reithe a thearnadh as a làimh.

8 Air an aobhar sin dh'fhàs am bocgaibhre ro mhòr, agus 'nuair a bha e làidir, chaidh an adharc mhòr a bhriseadh; agus na h-àite thàinig a nìos ceithir adharca sònraichte, ri ceithir ghaothaibh nèimhe.

9 Agus a mach as aon diubh thàinig adharc bheag, a dh'fhàs anbharr mòr, ris an airde deas, agus ris an aird an ear, agus ris an tìr thàimich.

10 Agus dh'fhàs i mòr gu ruig feachd nèimh, agus thilg i sìos cuid do'n fheachd, agus do na reultaibh a chum an làir, agus shaltair i orra.

11 Seadh rinn i uail as fèin an aghaidh prionnsa an fheachd, agus leatha thugadh air falbh an iobairt lathail, agus bha àite a naomh-ionaid air a thilgeadh sìos.

12 Agus thugadh feachd dh'i 'n aghaidh na h-iobairt lathail, do bhrìgh ea-ceirt, agus thilg i sìos an fhirinn a chum an làir, agus dhealbh i inuleachdan, agus shoirbhich i.

13 An sin chuala mi aon naomh a' labhairt, agus thuirt naomh eile ris an naomh àraid sin a labhair, Cia fhad a bhios an aising mu thimcheall na h-iobairt lathail, agus a bheirear thairis ea-ceart gu milleadh, agus a bhios an naomh-ionad agus am feachd air an saltair fa chois?

14 Agus thuirt e rium, Gu dà mhìle agus trì cheud latha: an sin glanar an naomh-ionad.

15 Agus tharladh an uair a chunnaic mise, mise Daniel, an sealladh, agus a dh'iarr mi air son na brìgh, an sin feuch, sheas fa mi chomhair amhuil coslas duine.

16 Agus chuala mi guth duine eadar bhruachan Ulai, a ghlaodh, agus a thubhairt, A Ghabriel, thoir air an fhear soan sealladh a thugsinn.

17 Agus thàinig e dlù do'n àite san do shcas mi: agus 'nuair a thàinig e, bha eagal orm, agus thuit mi air m'aghaidh: ach thuirt e rium, Tuig, O mhic an duine, oir anns an aimsir dheireannaich bithidh an sealladh.

18 A nis, am feadh a bha e labhairt rium, bha mi ann an cadal trom, air m'aghaidh ris an talamh: ach bhean e dhomh, agus chuir e suas gu dìreach mi.

19 Agus thubhairt e, Feuch, bheir mise

fios duit ciod a thachras ann an crìch dheireannaich na dian-fheirge: oir anns an àm a shonraicheadh thig a' chrìoch.

20 An reithe a chunnaic thu, aig an robh dà adhairc, is iad sin rìghrean Mhedia agus Phersia.

21 Agus a' ghabhar ribeach is e sin rìgh na Greige, agus an adharc mhòr a ta cadar a shùilean, is e sin an ceud rìgh.

22 A nis, air dha sin briseadh, mar a sheas ceithir suas na àite, seasaidh ceithir rìoghachdan suas as a' chinneach, ach cha 'n ann na neart-san.

23 Agus ann an aimsir dheireannaich an rìoghachd, 'nuair a bhios luchd an easaontais air an coi-lionadh, seasaidh suas rìgh aig am bi aghaidh bhorb, agus a thuig-eas briathran dorcha.

24 Agus bidh a neart cumhachdach, ach cha 'n ann le 'threise fèin: agus sgriosaidh e gu h-iongantach, agus soirbhichidh leis, agus bheir e gu crìch, agus millidh e na cumhachdaich agus an sluagh naomh.

25 Agus trid a sheòltachd fòs bheir e air ceilg soirbheachadh na làimh, agus ni e uail as fèin na chrìdhe, agus le foill sgriosaidh e mòran: seasaidh e fòs suas an aghaidh prionnsa nam prionnsachan, ach brisear e as eugmhais làimhe.

26 Agus tha aising nan laithean<sup>1</sup>, a chaidh innseadh, fìor: air an aobhar sin druid thusa suas an sealladh, oir bithidh e 'n ceann mhòran laithean.

27 Agus ormsa Daniel thàinig fàilinn, agus bha mi tinn car laithean àraid; na dhéigh sin, dh'éirich mi suas, agus rinn mi gnothaichean an rìgh, agus bha uamhas orm mu'n aising, ge nach d'thug aon neach sin fainear.

# CAIB. IX.

**A**NN an ceud bhliadhna Dhariuis, mhic Ahasueruis, do shìol nam Medach, a rinneadh na rìgh os cionn rìoghachd nan Caldéach;

2 Anns a' cheud bhliadhna d'a linn-san thuig mise Daniel, le leabhraichean, àireamh nam bliadhnachan, mu'n d' thàinig focal an Tighearna gu Jeremiah an fàidh, gu'n coilìonadh e deich agus trì fichead bhliadhna sam biodh Ierusalem na làraich-ibh.

3 Agus chuir mi m' aghaidh ris an Tighearn Dia, d'a iarraidh le urnuigh agus le achuinge, le trasg, agus le eudach saic, agus le luathrc.

4 Agus rinn mi urnuigh ris an Tighearn mo Dhia, agus rinn mi m' aidmheil, agus thubhairt mi, O Tighearn, an Dia mòr agus uamhasach a ta cumail coimh-cheangail agus trocair rìusan a ghràdh-aicheas e, agus do 'n dream a choimhdeas 'aithcantan:

5 Pheacaich sinne, agus chuir sinn an

<sup>1</sup> an fheasgair agus na maidne. Eabh,

gnìomh ea ceart, agus rinn sinn gu h-àingidh, agus bha sinn ceannairceach, eadhon le dealachadh ri d' àitheantaibh agus ri d' bhreitheanais.

6 Nì mò dh'éisd sinn ri d' sheirbhisich na fàidhean, a labhair annad ainm-sa ri'r righribh, ri'r n-uachdaranaihbh, agus ri'r n-aithrichibh, agus ri uile shluagh an fhearainn.

7 O Thighearn, *buinidh* fireantachd dhuit-sa, ach dhuinne nàire gnùise, mar air an là an diugh: do mhuinntir Iudah, agus do ùchd-àiteachaidh Ierusalem, agus do uile Israel, am fagus agus fad as, feàdh nan uile dhùchannan gus an d'fhògair thus 'iad, air son am peacannan a pheacaich iad ann ad aghaidh-sa.

8 O Thighearn, dhuinne *buinidh* nàire gnùise, do'r righribh, do'r prionnsachan, agus do'r n-aithrichibh, a chionn gu'n do pheacaich sinn ad aghaidh.

9 Do 'n Tighearn ar Dia *buinidh* tròcairean agus maithheanais, ge do rinn sinne ar a mach na aghaidh.

10 Nì mò thug sin géill do ghuth an Tighearna ar Dia, a chum gluasad na reachdaibh a chur e romhainn le 'sheirbhisich na fàidhean.

11 Seadh bhris Israel uile do reachd, eadhon le dol a thaoibh, a chum nach d'thugadh iad géill do d' ghuth; air an aobhar sin tha am mallachd air a dhòrtadh oirnn, agus ar truaighe a ta sgrìobhta ann an lagh Mhaois òglaich Dhè, a chionn gu'n do pheacaich sinn na aghaidh.

12 Agus dhaingnich e a bhriathran a labhair e 'n ar n-aghaidh, agus an aghaidh ar breitheachan a thug breith oirnn, le dòrainn mhòr a thoirt oirnn; oir fuidh nàmh uile cha d'rinneadh mar a rinneadh air Ierusalem.

13 Mar a ta e sgrìobhta ann an lagh Mhaois, tha an t-olc so uile air teachd oirnn; gidheadh cha d'rinn sinn ur n-urnuigh an làthair an Tighearna ar Dia, a chum gu'm bitheamaid air ar pilleadh o'r n-eaceartaibh, agus gu'n tuigamaid d'fhirinn.

14 Uime sin rinn Dia faire air an olc, agus thug e oirnn e: oir tha an Tighearn ar Dia ceart na uile oibribh ata e deanamh: oir cha d'thug sinne géill d'a ghuth.

15 Agus a nis, O Thighearn ar Dia, a thug do shluagh a mach a talamh na h-Eiphit le làimh chumhachdaich, agus a fhuair dhuit féin cliù, mar air an là an diugh, pheacaich sinne, rinn sinn gu h-àingidh.

16 O Thighearn, do réir d' uile fhìreantachd, guidheam ort, leig le d' chiorruich agus le d'fheirg pilleadh air falbh o d' chathair Ierusalem, do shliabh naomh: a chionn, air son ar locadan, agus air son aingidheachdan ar n-aithrichean, gu bheil Ierusalem agus do shluagh nam masladh do na h-uile mu'n cuairt duinn.

17 A nis, uime sin, O ar Dia, éisd urnuigh d'òglaich, agus 'achuinge, agus thoir air do ghnùis dealradh air d'ionad naomh, a ta na làthraich air sgà an Tigh-earna.

18 O mo Thighearn, crom do ehluas agus chuinn; fosgail do shùilean, agus faic ar sgaoileadh, agus a' chathair a ta air a gairm air d'ainm: oir cha 'n 'eil sinn a' taisbeanadh ar n-achuingeann a'd làthair air son ar n-ionracais, ach air son do mhoir thròcair féin.

19 O Thighearn, éisd, O Thighearn, maith, O Thighearn, chuinn agus dean, na dean maille, air do shon féin, O mo Dhia: oir tha do chathair agus do shluagh air an gairm air d' ainm.

20 Agus am feadh a bha mi a' labhairt, agus ag urnuigh, agus ag aideachadh mo lochd, agus lochd mo shluaigh Israeil, agus a' taisbeanadh m' achiuinge an làthair an Tighearna mo Dhia, air son sléibh naomha mo Dhé:

21 Seadh, am feadh a bha mi a' labhairt ann an urnuigh, an neach ceudna, a chunn-aic mi anns an aising air tùs, Gabriel air an d'thugadh itealuch gu luath, bhean rium mo àm na h-iobairt iheasgair.

22 Agus thug e fios dhomh, agus labhair e rium, agus thubhairt e, O Dhanieil, tha mise nis air teachd a mach a thoirt duit gliocais agus tuigse.

23 Aig toiseach d'achuinge thàinig an àithn' a mach, agus thàinig mise a dh'-fheuchainn duit: oir tha thu air do ghràdhachadh gu ro mhòr: uime sin, tuig a' ehùis, agus thoir fainear an aising.

24 Tha deich agus trì fichead seachduin air an orduehadh air do shluagh, agus air a' chathair naomh, a chrìochnachadh eac-cirt, agus a chur crìch air lochdan, agus a dheanamh rèite air son aingidheachd, agus a thoirt a steach fireantachd shìorruidh, agus a sheulachadh suas na h-aislinge agus na fàisneachd, agus a dh' ungradh an Ti a's ro naomha.

25 Aithnich uime sin, agus tuig, o dhol a mach na h-àithne, gu Ierusalem aiseag agus a thogail suas, gu Mesiah am Prionnsa, gu 'm bi seachd seachduinean, agus trì fichead agus dà sheachduin: togar an t-sràid a ris agus am balla, eadhon ann an ainsiribh carraideach.

26 Agus an canann nan trì fichead agus dà sheachduin, gearrar Mesiah as, ach cha'n ann air a shìon féin: agus sgriosaidh sluagh a' phrionnsa a thig a' chathair, agus an naomh-ionad, agus bidh a chrìoch sin le tuil, agus gu deireadh a' ehogaidh tha léir sgrios air a h-orduehadh.

27 Agus daingnichidh esan an coimh-cheangal ri mòran car aon seachduin, agus ann am meadhan na seachduin bheil e air an iobairt agus air an tabhartas sgur; agus anns an teampull bidh gràinealachd an



è r-sgrìos, gus an coilìonar an sgrìos, a dh' o. duicheadh, air a làraich fhàsail.

## CAIB. X.

**A** NN an treas bliadhna Chiruis rìgh Phersia, dh'fhoillsicheadh nì do Dhanìel, (do 'm b' ainm Beltesasar,) agus bha an nì fìor, agus mu thimchioll feachd mhòir: agus thuig e a' chùis, oir bha e eòlach ann an sealladh.

2 Anns na laithibh sin bha mise Daniel ri bròn tri seachduinean iomlan.

3 Cha d'ith mi aran taitneach air bith, nì mò thàinig feoil no fìon ann am bheul, nì mò dh' ung mi mi fèin idir, gus an robh tri seachduinean iomlan air an coimhlionadh.

4 Agus air a' cheathramh là fichead do 'n cheud mhìos, an uair a bha mi ri taobh na h-aibhne mòire, Hìdecel;

5 An sin thog mi suas mo shùilean, agus dh'amhairc mi, agus feuch, duine àraid ann an eudach lìn, aig an robh a leasruidh crioslaichte le òr grinn Uphais:

6 Bha a chorp fòs cosmhuil ri beril, agus a ghnùis mar dhreach dealanaich, agus a shùilean mar lòchrana teine, agus a ghairdeanan agus a chasan cosmhuil ann an dath ri umha lìomhta, agus fuaim a bhriathran cosmhuil ri guth sluagh mhòir.

7 Agus chunnaic mise Daniel a mhàin an sealladh: oir cha 'n fhaca na daoine bha maille rium an sealladh: ach thuit crith mhòr orra, ionnus gu 'n do theich iad, gu iad fèin fholach.

8 Air an aobhar sin dh'fhàgadh mise ann am aonar, agus chunnaic mi an sealladh mòr so, agus cha d'fhan cumhachd air bith annam: oir dh' atharraicheadh annam mo mhaise gu duaichneachd, agus cha do mhair neart annam.

9 Gidheadh chuala mi fuaim a bhriathran: agus an uair a chuala mi fuaim a bhriathran, an sin bha mi ann an cadal trom air m' aghaidh, agus m' aghaidh ris an làr.

10 Agus feuch, bhean làmh rium, a chuir mi air mo ghluinibh, agus air basaibh mo làmh.

11 Agus thuirt e rium, O Dhanìel, a dhuine ro ionmhuinn, tuig na briathran a ti mis' a' labhairt riut, agus éirich ann ad sheasamh: oir do d' ionnsuidh-sa tha mi nis air mo chur. Agus an uair a labhair e am focal so rium, sheas uì air chrith.

12 An sin thuirt e rium, Na biodh eagal ort, a Dhanìel; oir o'n cheud là san do shuidhich thu do chridhe chum tuigsinn, agus chum thu fèin irisleadh ann an làthair do Dhia, bha do bhriathran air an cluinntinn, agus tha mise air teachd air son do bhriathran.

13 Ach sheas prionnsa rioghachd Phersia ann am aghaidh là thar fhichead: ach feuch, thàinig Michael, aon do na h-ard

phrionnsachan gu m' chòghnadh, agus dh'fhan mi an sin le rìghrìbh Phersia.

14 A nis tha mi air teachd a thoirt ort a thuigsinn ciod a thachras do d' shluagh anns na laithibh deireannach: oir tha an sealladh fathasd rè mhòran laithean.

15 Agus an uair a labhair e 'n leithide so do bhriathraibh rium, chuir mi m' aghaidh ris an làr, agus bha mi ann am thosd.

16 Agus feuch, bhean neach cosmhuil ri samhladh mhaca dhaoine ri m' bhilibh; an sin dh'fhosgail mi mo bheul, agus labhair mi, agus thubhairt mi ris-san, a sheas fa 'm chomhair, O mo thighearn, leis an t-sealladh, tha m' amhghar air pilltinn orm, agus thrèig mo neart mi.

17 Oir cionnus a dh'fheudas òglach an ti so mo thighearna labhairt ris an ti so mo thighearn? oir air mo shonsa, air ball cha d' fhan neart air bith annam, nì mò a dh'fhàgadh anail annam.

18 An sin thàinig a rìs agus bhean rium, neach cosmhuil ri samhladh duine, agus neartuich e mi,

19 Agus thubhairt e, O dhuine ro-ionmhuinn, na biodh eagal ort, sìth dhuit, bi làidir, seadh bi làidir. Agus an uair a labhair e rium, neartuicheadh mi, agus thubhairt mi, Labhradh mo thighearn; oir rinn thu mo neartachadh.

20 An sin thubhairt e, Am bheil fios agad c' ar son a thàinig mi do d' ionnsuidh? agus a nis pillidh mi gu cogadh ri prionnsa Phersia: agus an uair a thèid mis' a mach, feuch, thig prionnsa na Grèige.

21 Ach nochdaidh mi dhuit an nì sin a ta comharaicht' ann an sgrìoptur na fìrinn: agus cha 'n 'eil aon a chuireas leamsa anns na nithe so ach Michael ur prionnsa-sa.

## CAIB. XI.

**A** GUS ann an ceud bhliadhna Dhariuis a' Mhedich, sheas mise gu 'dhaingneachadh agus gu 'neartachadh.

2 Agus a nis foillsichidh mi dhuit an fhirinn, Feuch, seasaidh suas fathasd trì rìghrean ann am Persia, agus bidh an ceathramh nì 's beartaiche gu mòr na iad uile: agus le 'chumhachd, trid a bheartais, dùisgidh e suas na h-uile 'n aghaidh rioghachd na Grèige.

3 Agus seasaidh rìgh cumhachdach suas; a riaghlas le tighearnas mòr, agus a nì do réir a thoile fèin.

4 Agus an uair a sheasas e suas, brisear a rioghachd, agus roinnear i ri ceithir ghaothaibh nèimhe; agus cha 'n ann d' a shliochd, no do réir a thighearnais, leis an do riaghlach e: oir bidh a rioghachd air a spionadh a nìos, eadhon air son muinntir eile a bharrachd orra so.

5 Agus bidh rìgh na h-airde deas làidir, ach bidh aon do na prionnsachaibh eadhon nì 's làidire nà esan; agus bidh aige tign-carnas nì 's mò nà 'thighearnas-san.

6 Agus an ceann bhliadhnachan cean-  
glaidh siad iad féin r'a chéile; oir thig  
nighean righ na h-airde deas a chum righ  
na h-airde tuath a dheanamh réite eatorra;  
ach cha ghléidh i cumhachd a ghairdein,  
ní mò-sheasas i féin no a shiochd: ach  
bheirear ise seachad, agus iadsan a thug  
leo i, agus esan a ghlin i, agus esan a neart-  
uich i anns na h-aimsiribh so.

7 Ach a mach a meangan d'a freumh  
seasaidh aon suas na inbhe, a thig le  
feachd, agus a théid a steach gu daingneach  
righ na h-airde tuath, agus cuiridh e nan  
aghaidh, agus bheir e buaidh:

8 Agus bheir e fòs nam braidhean do  
'n Eiphit, an dée, maille ri'm prionnsaibh,  
agus ri 'n soithichibh luachmhor airgid  
agus òir, agus buanaichidh e tuille bhliadh-  
nachan na righ na h-airde tuath.

9 Mar sin thig righ na h-airde deas d'a  
rioghachd-san, agus pillidh a g'a dhùthaich  
féin.

10 Ach bidh a mhic air an dùsgadh suas,  
agus cruinnichidh iad sluagh do fheachdaibh  
mòra: agus thig aon gu deimhin, agus  
sgaoilidh e thairis, agus imichidh e trid:  
an sin pillidh e, agus dùisgear suas e, gu  
ruig a' dhaingnich.

11 Agus lionar righ na h-airde deas le  
féirg, agus thig e mach, agus cògaidh e ris,  
eadhon ri righ na h-airde tuath: agus  
cuiridh e mach sluagh mòr, ach bheirear  
am mòr-shluagh thairis d'a làimh-san.

12 Agus 'nuair a bheir e air falbh am  
mòr-shluagh, bidh a chridh' air a thogail  
suas, agus tilgidh e sìos deich miltean;  
gidheadh cha neartuichear e.

13 Oir pillidh righ na h-airde tuath,  
agus cuiridh e sluagh mòr a mach, a's mò  
na cheud sluagh, agus thig e gu cinnteach  
(an deigh bhliadhnachan àraid) le feachd  
mòr, agus le pailteas saibhreis.

14 Agus anns na h-aimsiribh sin seas-  
aidh mòran suasan aghaidh righ na h-airde  
deas: mar an ceudna ní luchd-creachaidh  
mo shluaigh-sa iad féin ardachadh a chum  
an sealladh a dhaingneachadh, ach tuitidh  
iad.

15 Mar sin thig righ na h-airde tuath,  
agus tilgidh e suas torr, agus glacadh e na  
bailtean a's làidire, agus cha seas gairdeana  
na h-airde deas na aghaidh, no a shlugaigh  
zaghta, ní mò bhios neart air bith a chuir-  
eas na aghaidh.

16 Ach ní esan a thig na aghaidh do  
réir a thoile féin, agus cha seas neach air  
bith roimhe: agus seasaidh e san t'ri ghòr-  
mhoir, a bhios air a sgrios le 'laimh.

17 Suidhichidh e fòs 'aghaidh gu dol a  
steach le neart a rioghachd uile, agus  
daoine ionraic maille ris: mar so ní e;  
agus bheir e dha nighean nam ban d'a tru-  
aillleadh: ach cha seas i air a thaobh-san,  
ní mò bhios i air a shon.

18 Na dhéigh so tionndaidhidh e agh-

aidh ris na h-eileanaibh, agus glacadh e  
mòran: ach bheir prionnsa air a shon féin  
fainear gu'n sguir am masladh a thug e  
uath: gun mhasladh dha féin bheir e air  
pilleadh airsan.

19 An sin tionndaidhidh e 'aghaidh ri  
daingneach a thìre féin: ach gheibh e  
tuiseadh agus leagadh, agus cha bhi e ri  
fhaotainn.

20 An sin seasaidh suas na àite aon a  
chuireas fear-togail chisean thar an riogh-  
achd ghlòrmhoir; ach an ceann bheagan  
laithean sgriosar e, cha'n ann an corruich  
no an cath.

21 Agus na àite-san seasaidh suas  
neach suarrach, do nach d'thoir iad onoir  
na rioghachd: ach thig e steach gu sìoth-  
chail, agus gheibh e'n rioghachd le  
mìodal.

22 Agus gairdeana na tuile bàthar as a  
làthair, agus brisear iad; seadh, fòs prionn-  
sa a' choimhcheangail.

23 Agus an déigh na réite ris, buinidh e  
gu cealgach; agus thig e nìos, agus fàs-  
aidh e làidir le sluagh beag.

24 Théid e steach gu sìothchail eadhon  
air na h-ionadan a's fearr do'n mhòr-roinn,  
agus ní e an ní nach d'rinn 'aithrichean, no  
aithrichean 'aithrichean; sgapaidh e nam  
measg a' chrcach, agus a' chobhartach,  
agus an saibhreas: agus dealbhaidh e 'inn-  
leachdan an aghaidh nan daingnichean  
làidir, eadhon ré seal.

25 Agus dùisgidh e suas a chumhachd  
agus a chruadal, an aghaidh righ na h-airde  
deas le feachd mòr; agus bidh righ na  
h-airde deas air a dhùsgadh suas gu cath,  
le feachd ro mhòr agus cumhachdach; ach  
cha seas e: oir dealbhaidh iad innleachdan  
na aghaidh.

26 Seadh marbhaidh iadsan, a dh'itheas  
cuibhrionn d'a bhiadh, e, agus sgaoilidh  
'fheachd a mach mar thuil: agus tuitidh  
mòran sìos marbh.

27 Agus bidh cridheachan nan righrean  
so araon air aimhleas a dheanamh, agus  
labhraidh iad breugan air aon bhord; ach  
cha soirbhich sin: oir fathasd bidh a'  
chrioch anns an àm a shonraicheadh.

28 An sin pillidh esan gu 'dhùthaich le  
saibhreas mòr, agus bidh a chridhe 'n agh-  
aidh a' choimhcheangail naomha: agus an  
déigh so a dheanamh, pillidh e gu 'thìr  
féin.

29 Anns an àm a shonraicheadh pillidh  
e, agus thig e ris an airde deas; ach cha  
bhi na nithe ma-dheire mar na ceud nithe.

30 Oir thig longa Chitim na aghaidh:  
air an aobhar sin bidh doilghios air, agus  
pillidh e, agus bidh fearg air an aghaidh a'  
choimhcheangail naomha; mar sin ní e,  
eadhon pillidh e, agus cumaidh e bàigh ri u-  
san a thréigean an coimhcheangail naomh.

31 Agus seasaidh làmhnan air a thaobh,  
agus truaillidh iad naomh-ionad an neirt,



agus bheir iad air falbh an iobairt lathail, agus suidhichidh iad a' ghràinealachd a chuireas fàs.

32 Agus a' mhuinntir a ni gu h-olc an aghaidh a' choimhcheangail truailidh e le sodal<sup>1</sup>: ach an sluagh aig am bheil eòlas air an Dia, bidh iadsan làidir, agus ni iad gu treun.

33 Agus iadsan aig am bheil tuigse am measg an t-sluaigh, teagaisgidh iad inòran; gidheadh tuitidh iad leis a' chlàidheamh, agus leis an lasair, le bruid, agus le creich, rè mòrain laithean.

34 A nis 'nuair a thuiteas iad, cuidichear iad le beagan cuideachaidh: ach leanaidh mòran ri le miodal.

35 Agus tuitidh cuid dhiubhsan aig am bheil tuigse, chum an dearbhadh, agus an glanadh, agus an deanamh geal, cadhonn gu am na criche; a chionn gu bheil e fathas air son àm a shionraicheadh.

36 Agus ni an rìgh do réir a thoile féin, agus ardaichidh se e féin, agus togar e na mhòr-chuis os cionn gach dè, agus labhraidh e nithe iongantach an aghaidh Dhé nan dèe, agus soirbhichidh leis gus an coimhlionar a' chorruich: oir nithear an ni sin a dh'orduicheadh.

37 Ni mò bhios suim aige do dhia 'aithrichean, no do thoil bhan, no suim do dhia air bith: oir meudaichidh se e féin os cionn nan uile.

38 Ach na àite bheir e onoir do'n dia Mahusim: agus do dhia nach b'aithne d'a aithrichean bheir e onoir le h-òr agus airgiod, agus clachaibh rìomhach, agus nithibh taitneach.

39 Mar so ni e; do luchd-coimhid Mhausim, dhé choimhich, a ta esan ag aideachadh, bheir e onoir mhòr, agus bheir e orra riaghladh thar mòran; agus roinnidh e 'm fearann air son duaise.

40 Agus an àm na criche ni rìgh na h-airde deas a phurradh, agus thig rìgh na h-airde-tuath na aghaidh mar chuairt-ghaoith, le carbadaibh, agus le marcachaibh, agus le mòran longa; agus théid e steach do na dùchannaibh, agus sgaoilidh e mar thuil, agus siùbhlaidh e thairis.

41 Théid e fòs a steach do'n tìr ghlòrmhor, agus bidh mòran dhùchannan air an tilgeadh bun os cionn; ach théid iad so as o' làimh, Edom, agus Moab, agus rogha cloinne Amoin.

42 Sinidh e fòs a mach a làmh air na dùchannaibh, agus cha d'théid tìr na h-Eiphit as.

43 Ach bidh cumhachd aige os cionn nan ionmhasan òir agus airgid, agus os cionn uile nithe rìomhach na h-Eiphit: agus bidh na Libaich agus na h-Etiopaich air a lorg.

44 Ach ni sgeul o'n aird an ear, agus o'n airde tuath a bhuairleadh: air an aobhar

sin théid e mach le corruich mhòir gu sgrìos, agus gu mòran a mhillleadh gu tur.

45 Agus suidhichidh e pailliuhan a lùchairte eadar na cuantan, anns an t-slabh ghlòrmhor naomh; gidheadh thig e gu 'chrich, agus cha chuidich neach air bith leis.

## C A I B. XII.

**A** GUS anns an àm sin seasaidh Michael suas, am prionnsa mòr a ta seasamh air son cloinne do shluaigh-sa, agus bidh aimsir carraid ann, mar nach robh riamh o bha cinneach ann, gus an uair sin féin: agus anns an àm sin saorar do shluaigh-sa, gach aon a gheibhear sgrìobhta san leabhar.

2 Agus dùisgidh mòran dhiubhsan a ta nan cadal ann an duslach na talmhainn, cuid gu beatha shìorruidh, agus cuid gu nàire agus masladh bith-bhuan.

3 Agus dealraidh iadsan a ta glic mar shoilleireachd nan peur; agus iadsan a thionndas mòran gu fireantachd mar na reultan fad saoghail nan saoghal.

4 Ach thusa, O Dhaniel, druid suas na briathran, agus seulaich an leabhar, gu àm na criche: ruithidh mòran sìos agus suas, agus bidh eòlas air a mheudachadh.

5 An sin dh'amhaire mise Daniel, agus feuch, sheas dithis eile, aon air an taobh so do bhruaich na h-aibhne, agus aon air an taobh eile do bhruaich na h-aibhne.

6 Agus thuirt neach ris an duine bha sgeudaichte le lion-eudach, a bha air uisgeachaidh na h-aibhne, Cia fhada a bhitheas gu crìch nan iongantas so?

7 Agus chuala mi an duine bha sgeudaichte le lion-eudach, a bha air uisgeachaidh na h-aibhne, 'nuair a thog e suas a làmh dheas agus a làmh chli gu nèamh, agus a mhionnaich e airsan, a ta beò gu sìorruidh, gu 'm bi e gu aimsir, agus aimsirean, agus leth aimsire: agus 'nuair a sguireas e do sgapadh feachd an t-sluaigh naomha, crìochnaichear na nithe so uile.

8 Agus chuala mi, ach cha do thuig mi: an sin thubhairt mi, O mo Thigh-earn, ciod a' chrìoch a bhios aig na nithe so?

9 Agus thubhairt e, Imich romhad, a Dhaniel: oir tha na briathran air an druicheadh suas, agus air an seulachadh gu àm na criche.

10 Bidh mòran air an glanadh, agus air an deanamh geal, agus air an dearbhadh: ach ni na h-aingidh gu h-olc; agus cha tuig aon neach do na h-aingidh, ach tuigidh na daoine glice.

11 Agus o'n àm an d'thoir ear air falbh an iobairt lathail, agus an cuirear suas a' ghràinealachd a ni léir-sgrìos, bidh mìle, dà cheud, ceithir fichead agus deich laithean.

<sup>1</sup> miodol, brosgal.

12 Is beannuicht' esan a dh'fheitheas, agus a thig gus am mìle trì cheud agus cuig deug thar fhichead latha.

13 Ach imich thusa romhad gus an

d'thig a' chrìoch: oir gabhaidh tu fois, agus seasaidh tu ann ad chraunchur aig crìch nan laithean.

## H O S E A.

### CAIB. I.

**F**OCAL an Tighearna a thàinig gu Hosea, mac Bhecri, ann an laithibh Usiah, Iotaim, Ahais, agus Hesechiah, rìgh-rean Iudah; agus ann an laithibh Ieroboaim, mhic Iohais, rìgh Isracil.

2 Toiseach focail an Tighearna le Hosea. Agus thuirt an Tighearn ri Hosea, Imich, gabh chugad bean strìopachais: agus clann strìopachais: oir rinn am fearainn strìopachas mòr ann an dealachadh ris an Tighearn.

3 Agus dh'imich e, agus ghabh e Gomer nighean Dhiblaim; agus dh'fhàs i torrach, agus rug i mac dha.

4 Agus thuirt an Tighearn ris, Goir Iesreel mar ainm air: oir fòs tamull beag, agus dìolaiddh mise fuil Iesreel air tigh Iehu, agus cuiridh mi cosgadh air rioghachd tìghe Israeil.

5 Agus tarlaiddh air an là sin, gu'm bris mise bogha Israeil ann an gleann Iesreil.

6 Agus dh'fhàs i torrach a ris, agus rug i nighean; agus thuirt Dia ris, Goir Loruhamah, *Cha d'fhuairesas tròcair*, mar ainm oirre; oir cha dean mise tròcair ni's mò air tigh Israeil, ach bheir mi gu tur air falbh iad.

7 Ach air tigh Iudah ni mi tròcair, agus teanaidh mi iad leis an Tighearn an Dia, agus cha'n ann le bogha no le claidheamh a thearnas mi iad, no le cath, no le h-each-aibh, no le marcaich.

8 Agus chuir i o'n chich Loruhamah, agus dh'fhàs i torrach, agus rug i mac.

9 An sin thuirt Dia, Goir Lo-ammi, *Sluagh nach leanas*, mar ainm air: oir cha sibhse mo shluagh-sa, agus cha bhi mise ann am *Dhia* dhuibhsa.

10 Gidheadh bidh àireamh cloinne Israeil mar ghaineamh na fairge, nach feudar a thomhas, no àireamh; agus tarlaiddh, anns an àite san dùbhradh riu, Cha sibh mo shluagh-sa, gu'n abrar riu, Is sibh mic an Dé bheo.

11 Agus bidh clann Iudah agus clann Israeil air an cruinneachadh le chèile, agus gabhaidh iad dhoibh fèin aon cheann, agus thig iad a nìos as an tìr: oir is mòr a bhitheas là Iesreil.

### CAIB. II.

**A**BRAIBHSE ri 'r bràithribh, Ammi, *Mo shluagh-sa*, agus ri 'r peathraichibh, Ruhamah, *Fhuairesas tròcair*.

2 Tagraibh ri 'r màthair, tagraibh: oir cha'n i no bhean-sa, ni mò is mis' a fear-

sa: cuireadh i air falbh uime sin a strìopachas as a sealladh, agus a h-adhaltrais o h uchd:

3 Air eagal gu'n rùisg mis' i lomnochd, agus gu'n cuir mi i mar anns an là san d'rugadh i, agus gu'n dean mi i mar fhàsach, agus gu'm fàg mi i mar fhearann tiorain, agus gu marbh mi i le tart:

4 Agus nach gabh mi truas d'a c'loinn, oir is clann strìopachais iad.

5 Oir rinn am màthair strìopachas: rinn ise a ghabh na broinn iad gu beagnarach: oir thubhairt i, thèid mi an déigh mo luchd-gaoil, a ta toirt dh'omh m'arain agus m'uisge, m'olainn agus mo lin, m'oladh agus mo dhibhc.

6 Uime sin feuch, druididh mise suas a slighe le droighionn, agus dùinidh mi a callaid, air chor as nach àmais<sup>1</sup> i air a ceuma.

7 Agus leanaidh i 'n déigh a luchd-gaoil, ach cha bheir i orra; agus iarruidh i iad, ach cha'n àmais i orra: an sin their i, Siùbhlaiddh mi agus pillidh mi gu m' cheud fhear, oir bha mi ni b'fhearr dheth an sin na 'n trà-sa.

8 Agus cha robh fios aice gu'n d'thug mise dhi arbhar, agus fion, agus oladh, agus an t-airgiod a rinn mi pailt dhi, agus an t-òr a thug iad mar thiabhartas do Bhaal.

9 Uime sin pillidh mise, agus bheir mi m'arbhar leam na àm, agus m'fhionn na àm, agus bheir mi leam m'olann agus mo lion, a thugadh a chòmhdachadh a lomnoch-duiche.

10 Agus a nis leigidh mi ris a neo-ghloine ann an sealladh a luchd-gaoil, agus cha saor duine sam bith as mo làimh i.

11 Bheir mi fòs air a h-aighir uile sgur; a ré nuadh, agus a sàbaid, agus a h-ard-fhéillean uile.

12 Agus millidh mi a fionain agus a crann-fige, mu'n d'thubhairt i, Is iad so mo dhuais a fhuair mi o m' luchd-gaoil: agus ni mi frìdh dhiubh, agus ithidh beathaichean na machrach iad.

13 Agus agraiddh mi oirre laithean Ehaalim, anns an do loisg i tuis doibh, agus anns an do sgeudaich si i fèin le a cluas-fhàinnibh agus le a seudaibh, agus anns an deachaidh i an déigh a leannan, agus anns an do dhi-chuimhnich i mise, deir an Tighearn.

14 Gidheadh feuch, bheir mise oirre mo

<sup>1</sup> *airmis*.



leantuinn, agus bheir mi i do n' fhàsach, agus labhraidh mi rithe gu cairdeil.

15 Agus as sin bheir mi dhi a fion-liosan, agus gleann Achoir mar dhorus dòchais, agus seinnidh i 'n sin, mar ann laithibh a h-òige, agus mar anns an là san d'fhàinig i nìs a tìr na h-Eìphit.

16 Agus tarlaidh air an là sin, deir an Tighearn, gu'n goir thu dhìom-sa, M'fhear, agus nach goir thu rium nì's mò, Mo Bhaal.

17 Oir bheir mi ainmean Bhaalim a mach as a beul, agus cha'n ainmichear nì's mò iad air an ainm.

18 Agus anns an là sin nì mise coimh-cheangal air an son, ri beathaichibh na machrach, agus ri cunlaith nèimhe, agus ri nithibh snàgach na talmhainn: agus am bogha, agus an claidheamh, agus an cath, brisidh mi a mach as an fhearann, agus bheir mi orra gu'n luidh iad sìos an tear-uinteachd.

19 Agus pòsaidh mi thu rium féin gu bràth; seadh, posaidh mi rium féin thu ann am fircantachd, agus ann an ceartas, agus ann an caoinhneas, agus ann an caoinh-ghràdh;

20 Seadh, nì mi ceangal pòsaidh riut ann am fuinn, agus gabhaidh tu eòlas air an Tighearn.

21 Agus tarlaidh air an là sin, cluinidh mise, deir an Tighearn, cluinidh mise na nèamha; agus cluinidh iadsan an talamh;

22 Agus cluinidh an talamh an t-arbhar, agus am fion, agus an oladh; agus cluinidh iadsan Iesreel.

23 Agus súidhichidh mi dhomh féin i anns an fhearann, agus nì mi tròcair oirre-sa nach d'fhuair tròcair; agus their mi riu-sa nach robh nan sluagh dhomh, Is tu mo shluagh; agus their iadsan, *Is tu mo Dhia.*

### C A I B. III.

**O**S-barr thubhairt an Tighearn rium, Inich a rìs, gràdhach bean, (ion-mhuinn le a caraid, ged' tha i na ban-adh-altranaich,) do réir gràidh an Tighearna do chloir'n Israeil, ged' tha iadsan ag amharc ri déibh eile, agus a' gràdhachadh chopana fìona.

2 Mar sin cheannuich mi dhomh féin i air chùig *buinn* deug airgid, agus homer corna, agus leth homeir corna.

3 Agus thuir mi rithe, Fanaidh tu leamsa mòran laithean; cha dean thu strìopachas, nì mò bhios tu aig fear *eile*, mar sin bidh mise mar an ceudna agadsa.

4 Oir fanaidh clann Israeil mòran laithean gun rìgh, agus gun phrionnsa, agus gun iubairt, agus gun Ìomhaigh, agus gun ephod, agus gun toraphim.

5 Na dhèigh sin pillidh clann Israeil, agus iarruidh iad an Tighearn an Dia, agus Daibhidh an rìgh, agus bidh eagal an

Tighearna, agus a mhaithis orra, anns na laithibh deireannach.

### C A I B. IV.

**L**UISDIBHSE focal an Tighearna, O chlan'n Israeil: oir tha coir-striaig an Tighearn ri luchd-àiteachaidh na tìre; a chionn nach 'eil frinn, no tròcair, no eòlas Dé anns an fhearann.

2 Le mìonnaibh, agus breugaibh, agus marbhadh, agus goid, agus deanamh adhaltruis, bhris iad a mach; agus tha fuil a' ruightheadh gu fuil.

3 Uime sin nì am fearann caoidh, agus seargaidh gach aon a ta chòmhnuidh ann, maille ri beathaichibh na machrach, agus ri cunlaith an athair; seadh, bheircar iasga na fairge fòs air falbh.

4 Gidheadh cha 'n'eil duine sam bith a' tagradh, agus cha 'n'eil duine sam bith a' cronuchadh: oir tha mo shluagh mar dhream a nì strì ris an t-sagart.

5 Uime sin tuitidh tu san là, agus tuitidh am fàidh fòs leat anns an eòlche; agus sgriosaidh mise do mhàthair.

6 Tha mo shluagh-sa air an sgrios le dìth eòlais. A chionn gu'n do chuir thu cùl ri eòlas, cuiridh mise fòs cùl riutsa, air chor as nach bi thu agam a'd' shagart: a chionn gearmaid thu lagh do Dhia, dearmaididh mise fòs do chlan-sa.

7 Amhluidh mar chaidh iad am meud, mar sin chiontaich iad a'm' aghaidh-sa: caochlaidh mi-e an glòir gu nàire.

8 Tha iad ag ìbheadh suas peacaidh ' mo shluaigh-sa, agus a' socruchadh an cridhe air an ea-ceart.

9 Agus amhail a bhios an sluagh, mar sin bidh an sagart, agus smachdaichidh mise iad air son an sligheanna, agus diolaidh mi orra an deanadas.

10 Agus ithidh iad, ach cha bhi iad sàs-uichte; nì iad strìopachas, agus cha'n fhàs iad lionmhor: oir leig iad dhiubh bli toirt aire do'n Tighearn.

11 Bheir strìopachas, agus fion, agus fion nuadh air falbh an cridhe.

12 Tha mo shluagh-sa ag iarruidh comhairle air an crannaibh, agus tha an lorg a' deanamh foillseachaidh dhoibh: oir thug spiorad an strìopachais orra dol air seachran, agus chaidh iad le strìopachas air falbh o'n Dia.

13 Air mullaichibh nan sliabh tha iad ag ìobradh, agus air na sléibhùibh tha iad a' losgadh taise; fo chrannaibh daraich, agus crithich, agus cuilinn, a chionn gu bheil an sgàile taitneach: air an aobhar sin tha 'ur nigheana ri strìopachas, agus 'ur mnathan ri adhaltrus.

14 Nach smachduich mise bhuir nìgheanan, a chionn gu bheil iad ri strìopachas? agus 'ur mnathan, a chionn gu bheil

iad ri adhaltrus? a chionn gu bheil iad 'gan cur fè n air leth le strìopaichibh, agus ag òbhradh le luchd-neo-ghloine: nìme sin, an sluaigh aig nach 'eil tuigse, tuitidh iad.

15 Ged' dhcan thusa strìopachas, O Israeil, *gidheadh* na ciontaicheadh Iudah; agus na d'thigibhse gu Gilgal, nì mò théid sibh suas gu liet-abhen; nì mò mhion-naicheas sibh, Mar is beo an Tighearn.

16 Oir tha Israel a' claochadh air ais, mar agh cùl-sleamhnach: a nis biadhaidh an Tighearn iad mar uan ann an àite farsuing.

17 Tha Ephraim air a dhlù-cheangal ri Iodholaibh, leig leis:

18 Tha an deoch searbh: rinn a h-uachdarain strìopachas gun chlos; ghràdhach iad nì nàrach:

19 Cheangail a' ghaoth suas i na sgiath-aibh; agus bidh nàir' orra do thaobh an òbairtean.

## CAIB. V.

**C**LINNIBHSE so, a shagartan; agus thugaibhse aire, O thigh Israeil; agus thugaibhse faineir, O thigh an rìgh; oir tha breitheanas dlù dhuibh; a chionn gu'n robh sibh mar rib air Mispah, agus mar lìon sgaoilte air Tabor.

2 Agus rinn na ceannaireich àr domhainn; nìme sin bheir mise smachdachadh air an iomlan diubbh.

3 Is aithne dhomhsa Ephraim, agus Israeil cha 'nèil am folach orm: oir a nis rinn Ephraim strìopachas, tha Israel air a thruaillleadh.

4 Cha dealbh iad an deanadas gu pill-eadh a chum an Dé: oir tha spiorad strìopachais nam meadhan, agus air an Tighearn cha do ghabh iad eòlas.

5 Air an aobhar sin ìslichear uabhar Israeil fa chomhair a shùl; agus Israel, agus Ephraim tuislichidh nan aingidheachd: tuislichidh fòs Iudah maille riu.

6 Le 'n treudaibh agus le 'm buaraibh, théid iad a dh'iarraidh an Tighearna: ach cha'n fhaigh iad e; tharruing se e fèin uatha.

7 Bhuin iad gu fealltach an aghaidh an Tighearna; oir ghin iad clann choimheach: a nis sluidh mios iad maille r' an cuibhrionnaibh.

8 Séidibhse an trompaid ann an Gibeath, am buabhull ann an Ramah; éighibh caismeachd chatha ann am Bet-abhen: an nàmhaid air do thòir, O Bheniamin.

9 Bidh Ephraim na fhàsach ann an là an achasain: am measg threubhan Israeil rinn mise aithnichte an nì sin a thig gu crìch gu deimhin.

10 Bha prionnsachan Iudah cosmhuil riu-san a dh'atharruicheas an comhara-fearainn: dòirtidh mise mo chorruich a mach orra mar uisge.

11 Tha Ephraim sàruichte, briste ann

am breitheanas; a chionn gu'n do ghluais e gu toileach an deigh na h-àithne.

12 Uime sin bidh mise mar leòmann do Ephraim: agus mar lobhadh do thigh Iudah.

13 Tra chunnaic Ephraim a thinneas, agus Iudah a chreuchd, an sin chaidh Ephraim a chum an Asirianaich, agus chuir e fìos gu rìgh Iareb: gidheadh cha b'urradh e 'ur leigheas, nì mò shlànnaich e 'ur creuchd.

14 Gu deimhin bidh mise mar leòmhann do Ephraim, agus mar leòmhann òg do thigh Iudah: reubaidh mise, eadhon mise fèin, agus imichidh mi romham; bheir mi leanu, agus cha bhì aon neach ann a thearnas:

15 Imichidh mi, agus pillidh mi gu m'àite, gus an aidich iad an cionta, agus an iarr iad m' aghaidh: nan amhgar iarraidh iad mi gu moch.

## CAIB. VI.

**T**HIGIDH, agus pillamaid ris an Tigh-earn: oir is ean a reub, agus is e nàr leigheas; is e bhuail, agus ceanglaidh e suas sinn.

2 An ceann dà latha nì e ar n-ath-bheothachadh, air an treas là dùigidh e suas sinn, agus bidh sinn beo na shealladh.

3 Agus bidh eòlas againn, théid sinn air ar n-aghaidh a ghabhail eòlais air an Tigh-earn: tha a dhol a mach air 'ullachadh mar a' mhaduinn; agus thig e chugainn mar an t-uisge; mar an t-uisge deireannach, agus an t-uisge toisich air an talamh.

4 Ciod a nì mi riut, O Ephraim? Ciod a nì mi riutsa, O Iudah? oir tha 'ur maith-eas mar neul maidne, agus mar an drùchd moch, a shiùbhlas air falbh.

5 Uime sin sgath mi sìos iad leis na fàidhean: mharbh mi iad le briathraibh mo bheoil; agus bha do bhreitheanais mar an solus na dhol a mach.

6 Oir dh'iarra mise tròcair, agus nì h-e òbairt; agus eòlas Dé nì's mò na òbairtean loisgte.

7 Ach bhris iadsan an coimhcheangal mar Adhamh: an sin bhuin iad gu fealltach a'm' aghaidh-sa.

8 Is cathair luchd-deanamh ea-corach Gilcad; air a truailleadh le fuil.

9 Agus amhuil a dh'fheibheas buidheann' air son duine, tha cuideachd nan sagart a' marbhadh anns an t-slighe gu Sechem a dh'aon-fheachd; oir rinn iad gu dàna aingidheachd.

10 Ann an tigh Israeil chunnaic mi nì ro-ghràineil: an sin tha Ephraim ri strìopachas, tha Israel air a thruaillleadh.

11 Air do shon-sa, mar an ceudna, O Iudah, tha foghara air a shònrachadh, an uair a philleas mise air a h-ais bruid mo shluaigh.



## C A I B. VII.

**A**N uair a b' àill leamsa Israel a leigheas, an sin leigeadh ris aingidheachd Ephraim, agus ea-ceart Shamaria: oir tha iad a' cur an gnìomh ceilge: seadh, tha an gaduiche a' dol a steach; tha a' cheathairne ri creach a muigh.

2 Agus cha 'n' eil iad a' toirt fainear nan cridhe gur cuimhne leams' an uile aingidheachd: a nis chuairtich an gnìomhara féin iad air gach taobh; tha iad fa chomhair m' aghaidh-sa.

3 Le'n aingidheachd tha iad a' deanamh an rìgh ait; agus nan uachdaran le'm breugaibh.

4 Is adhaltranuich iad uile; mar àmh-uinn air a teasachadh leis an fhuineadair, an tra sguireas fear-oibreachaidh na taoise d'a fuineadh gus am bi sì air a gortachadh.

5 Air là-*féil* ar rìgh, tra bha na prionnsachan air an tasachadh le fìon, shin esan a mach a làmh le luchd-fànoid.

6 Oir dh'ullaich iad an cridhe mar àmh-uinn, am feadh a ta iad ri feall-fholach: fad na h-oidhe tha 'm fuineadair a' cadal; anns a' mhaduinn tha i losgadh mar theine lasrach.

7 Theasaich iad uile iad féin mar àmh-uinn, agus shluig iad am breitheamhna; tha an rìghrean uile air tuiteam, cha 'n' eil aon nam measg a ta gairm orm-sa.

8 Ephraim, mheasg esan e féin leis na cinnich; is aran nach deachaidh a thionndadh Ephraim.

9 Shluig coigrich suas a neart, agus cha 'n' eil fios aig air: seadh tha fuitteanan liath air an sud agus an so, gidheadh cha 'n' eil fios aig air.

10 Agus tha uabhar Israeil a' tabhairt fianuis fa chomhair a shùl: gidheadh cha 'n' eil iad a' pillleadh ris an Tighearn an Dia, no 'ga iarraidh air son so uile.

11 Tha Ephraim fòs mar choluman amaideach, gun eòlas: tha iad a' glaothach ris an Eiphit, tha iad a' triall gu Asiria.

12 An uair a thrialas iad, sgaoilidh mise mo lìon tharta; mar eunlaith an athair bheir mi nuas iad: smachdaichidh mi iad an uair a dh'èisdeas iad ri 'n coimh-thional.

13 Mo thruaige iad, oir theich iad uamsa: léir sgrios dhoibh, oir chiontaich iad a'm' aghaidh-sa: ge do shaor mi iad, gidheadh labhair iad breugan ann am aghaidh.

14 Agus cha do ghlaodh iad riumsa le'n cridhe; ged rinn iad donnalaich air an leap-aichibh air son arbhair agus fìona: tha iad a' cruinneachadh an ceann a' chéile, tha iad ag éirigh suas a'm' aghaidh-sa.

15 Seadh smachutich mi iad; neartuich mi fòs an gairdeanan; gidheadh tha iad a' dealbh ainnheis ann am aghaidh.

16 Tha iad a tionndadh an déigh ni gun bhuannachd: tha iad mar bhogha ceal-

gach: tuitidh an uachdaran leis a' chlaidheamh, air son nimh an teanga: so cùis am maslaidh ann an tìr na h-Eiphit.

## C A I B. VIII.

**A**N trompaid ri d' bheul! mar iolair an aghaidh tighe an Tighearna *thig e*: a chionn gu'n do bhris iad mo choinnheaganal-sa, agus gu'n do chiontaich iad an aghaidh mo reachd.

2 Riumsa glaothaidh iad, O Dhià Israeil, is aithne dhuinne thu.

3 Chuir Israel uath am fad an ni ta-maith: ni nàmhaid a ruaghadh.

4 Chuir iad suas rìghrean, ach cha'n ann uamsa: rinn iad uachdaran, agus cha robh agamsa fìos air: d' an airgid agus d' an òr rinn iad dhoibh féin iodholan, a chum gu'n gearrar as iad.

5 Cuir am fada uait do laogh, O Shamaria; tha mo chorruih-sa air lasadh nan aghaidh: cia fhad a bhios iad gun ruigh-eachd air neo-chionta?

6 Oir bha so fòs o Israel: dhealbh am fear-oibre e; agus cha Dia ta ann: oir brisear na bhloighdibh laogh Shamaria.

7 Oir chuir iad a' ghaoth, agus buainidh iad a' chuairt-ghaoth: cha 'n' eil toradh air an deis; cha d' thoir i uaipe min; no mo bheir, sluidigh coigrich suas i.

8 Tha Israel air a shlugadh suas: a nis tha iad am measg nan cinnich, mar shoitheach anns nach 'eil tlachd air bith.

9 Oir chaidh iad suas gu Asiria: is asail fhiadhaich san aonach Ephraim; thuaras-dalaich iad leannain.

10 Seadh, ge do thuarasdalaich iad am measg nan cinnich, a nis tionailidh mise iad le chéile, agus bidh iad gu gairid air an cradh le uallach an rìgh agus uachdaran.

11 A chionn gu'n d' rinn Ephraim mòran altairean gu peacachadh, altairean gu peacachadh tha aige.

12 Sgrìobh mise chuige nithe mòra mo reachd; *ach* mheasadh iad mar ni nach buineadh dhoibh.

13 Tha iad ag iobradh feòla mar thabhartas dhounhsa, agus 'ga h-itheadh: *ach* cha ghabh an Tighearn riu: a nis cuimh-nichidh e an aingidheachd, agus smachdaichidh e an lochdan: pillidh iad air an aise do'n Eiphit.

14 Oir dhi-chuimhnich Israel a Chrùith-fhear, agus thog e teanpuill: agus chuir Iudah an lìonnuhoireachd cathraichear daingean: ach cuiridh mise teine air a chathraichean, agus loisgidh e a lùchair-tean.

## C A I B. IX.

**N**A dean aoibhneas, O Israeil, na dean gairdeachas mar na cinnich: oir chaidh thu air strìopachas o' Dlià; ghràdhaich thu duais air gach uile urlar arbhair.

2 An t-urlar arbhair agus an dabhach-

fhìona cha dean am beathachadh, agus meallaidh am fion nuadh an dòchas.

3 Cha ghabh iad còmhnuidh ann am fearanu an Tighearna: ach pillidh Ephraim do 'n Eiphit; agus ann an Asiria ithidh iad nìthe neo-ghlan.

4 Cha 'n ìobair iad *tabhartais*-fhìona do 'n Tighearn nì mò bhios iad taitneach tìha: bidh an ìobairtean doibh mar aran luchd-bròin; bidh iadsan uil' a dh' itheas vleth air an salachadh; gu dcarbhadh cha d' thig an aran air son an anama gu tigh an Tighearna.

5 Ciod a nì sibh ann an latha na h-ard-fhéille, agus ann an latha féille an Tighearna?

6 Oir feuch dh' imich iad air falbh o lathair an fhir-mhillidh: tionaidh an Eiphiit iad, adhlaidh Memphis iad: na *h-ionada* taitneach a cheannuich iad le 'n aingiod, seallhaichidh an ionntagach iad: nam pàillunaibh *fàsaidh* an droighionn.

7 Thàinig laithean an smachdaichidh, thàinig laithean na luigheachd: aithnichidh Israel gu 'm b' anadan am fàidh, gu 'n robh fear an spioraid air boile; air son romheud d' aingidheachd, agus air son d' fhuath mhòir.

8 Tha fear-faire Ephraim le m' Dhia-sa: tha am fàidh mar lion an eunadair na uile shligheibh-san: *neartaich iad* am fuath an aghaidh tighe mò Dhé.

9 Thruaill iad iad féin, mar ann an laithibh Ghibeah: cuimhnichidh esan an aingidheachd, smachdaichidh e an lochdan.

10 Mar dhearca-fìona san fhàsach, fhuair mise Israel; mar an meas luath air a' chrann fhige na cheud àm, chunnaic mi 'ur n-aithrichean. *Ach* chaidh iad gu Baal-peor, agus dhealuidh siad iad féin a chum an nì nàraich sin; agus dh' fhàs iad gràin-eil, mar *chuspair* an gràidh.

11 Air son Ephraim, itealaichidh an glòir air falbh mar eun; o'n bhreith, agus o'n bhroinn, agus o'n glùineamhuinn.

12 Seadh, ged' àraich iad an clànn, sgriosaidh mise iad o mheasg dhaoine; seadh is an-aoibhinn doibh, an uair a dh' imicheas mise uatha.

13 Tha Ephraim, mar a chunnaic mi Tirus, air a shuidheachadh ann an ionad taitneach: ach bheir Ephraim a mach a chlànn do'n fhear-mhillidh.

14 Thoir, O Thighearn. Ciod a bheir thu? thoir dhoibh brù chailteach, agus cìochan seasga.

15 Tha an cionta gu léir ann an Gilgal *fu' m chomhair*: oir an sin thug mise fuath dhoibh: air son aingidheachd an deanadais-ìomainidh mi as mo thig iad; cha d' thoir mi nì's faide gràdh dhoibh, tha am maith-ean uile cùl-sleamhnach.

16 Tha Ephraim buailte; thiormaich-eadh suas am freumh; cha ghiùlain iad a'

bheag do thoradh: seadh, ge do bheireadh iad, gidheadh marbhaidh mise *toradh* gràdh-ach am bronn.

17 Tilgidh mo Dhia air falbh iad, a chionn nach d' èisd iad ris: agus bithidh iad nam fògaraich am measg nan cinneach.

## CAIB. X.

**B'** FIIRONAN thorrach Israel: thug e mach toradh dha féin: do réir pailteis a thoraidh, chuir e altairean an ìon-mhoireachd; do réir maithéis 'fhearainn rinn e dealbhan àluin.

2 Tha an cridhe air a roinn; a nìs gheibhear ciontach iad: brisidh esan sìos an altairean: sgriosaidh e an dealbhan.

3 Oir a nìs a deir iad, Cha 'n 'eil rìgh air bith againn, a chionn nach robh eagal an Tighearna oirnn: ciod uime sin, a dheanadh rìgh dhuinn?

4 Labhair iad briathra *fuoine*, 'nuair a mhionnaich iad; brucan an uair a rinn iad còmhcheangal: mar so tha breitheanas a' fàs a nìs, mar an iteotha ann an claisibh na machrach.

5 Air son laigh Bhet-abhein bidh eagal air luchd-àiteachaidh Shamaria; oir nì a shluagh caoidh os a chionn, agus a shagairt acain air a shon; air son a ghlòire, oir dhealuidh i ris.

6 Os-bair bheirear e féin gu Asiria, mar thabhartas do rìgh Iareb: nì na-ladh greim air Ephraim, agus gabhaidh Israel nàire d'a chomhairle.

7 Air son Shamaria, ghearradh a rìgh as mar an còbhar air uachdar an uisge.

8 Sgriosar fòs ionada aida Abhein, cionta Israel: thig an droighionn agus am foghannan a nìs air an altairean; agus their iad ris na sléibhibh, Folaichibh sinn, agus ris na beanntaibh, Tuinibh oirnn.

9 O Israel, chiontaich thu nì 's mò nà ann an laithibh Ghibeah: an sin sheas iad: nach d' rug an cath orra an Ghibeah:

10 An aghaidh cloinne na h-aingidheachd thàinig mi-e, agus smachdaich mi iad. Agus cruinnichear na slòigh nan aghaidh-san tra smachduichear iad air son an dà chionta.

11 Agus bidh Ephraim na agh foghlumte, le 'm miann a bhì saltairt a mach an arbhair; ach chaidh mi-e thairis air a muineal sgiamhach. Bheir mi air Ephraim marcachd; treabhaidh Iudah, brisidh Iacob flòidean.

12 Cuiribh dhuibh féin ann am fireantachd, buainibh ann an toradh na tròcair: brisibh suas 'ur fearann neo-threabhata: oir is mithich leobhadh iarruidh, gus an d' thig e; agus am fras e oirbh fireantachd.

13 Threabh silh aingidheachd, bhuain sibh ea-ceart; dh' ith sibh toradh bhreugan: a chionn gu'n d' earb thu a: do shlighe, a mòr-chuideachd do dhaoine treuna;

14 Uime sin éiridh buaireas am measg do shluaigh, agus bidh d' uile dhaingnich-



ean air am milleadh, amhuil a mhill Sal-  
mon Bct-arbel ann an là à chatha; ghear-  
radh nam bloighdibh a' mhàthair agus a'  
chlann le chèile.

15 Is amhuil a nithear ruibhse, O Bhe-  
tel, air son ro-mheud 'ur n-aingidheachd:  
ann am maduinn gearrar as gu cinnteach  
righ Israeil.

## CAIB. XI.

**N**UAIR a bha Israel na leanabh, an  
sin thug mise gràdh dha; agus a  
mach as an Eiphit ghairm mi mo mhac.

2 'Nuair a ghairm iad orra, an sin  
dh'imich iadsan uatha: dh'ìobair iad do  
Bhaalim, agus loisg iad tùis do dhealbhan  
snaighte.

3 Thearaisg mise fos do Ephraim cois-  
eachd, 'gan togail ann am ghairdeanaibh;  
ach cha robh fios aca gu 'n do leighis mi  
iad.

4 Tharruing mi iad le cordaibh duine,  
le ceanglaichibh gràidh; agus bha mi dhoibh  
mar neach a thogas dhiubh a' chuing air an  
gialaibh, agus chuir mi sìos biadh dhoibh.

5 Cha phill e gu tìr na h-Eiphit, ach  
bithidh an t-Asirianach na righ air, a chionn  
gu 'n do dhiùlt iad pileadh *riumsa*.

6 Agus tuitidh an claidheamh gu trom  
air a bhailtibh, agus caithidh e a gheugan;  
agus sluingidh e, air son an comhairlean.

7 Agus tha mo shluagh-sa an tì air cùl-  
sleamhnachadh uam; ge do ghlaodh iad  
ris an Tì a's airde, cha 'n ardaicheadh aon  
neach e.

8 Cionnus a bheir mi thairis thu, O  
Ephraim! cionnus a bheir mi seachad thu,  
O Israeil! cionnus a ni mi thu mar Ad-  
mah! a chuireas mi thu mar Sheboim!  
tha mo chuidhe 'n taobh a stigh dhiom air  
tionndadh; tha m' aithreachais air lasadh  
le chèile.

9 Cha chuir mi 'n giùmh mo dhian-  
chorruich, cha phill mi a mhillleadh Eph-  
raim; oir is Dia mise, agus cha duine; an  
Tì naomh ann ad mheadhon; gidheadh  
nach 'eil a' tathach bhailean.

10 Siùbhlaidh iad an déigh an Tighearna:  
beucaidh e mar leòmhann: an uair a  
bheucas e, an sin crithnichidh ' na mic o  
'n aird an iar.

11 Itéaluchidh iad mar eunas an Eiphit,  
agus mar choluman a tìr Asiria: agus  
suidhichidh mise nan tighibh iad, deir an  
Tighearn.

12 Tha Ephraim 'g am chuartaichd le  
breugailbh, agus tigh Israeil, agus Iudah le  
ceilg: ach fathast tha Iudah a' riaghladh  
maille ri Dia; agus tha e dìleas maille ris  
na naomhaibh.

## CAIB. XII.

**T**HA Ephraim ag ionaltradh air gaoith,  
agus ag imeachd an déigh na gaoith  
an ear: gach aon la tha e cur bhreug agus

reubainn an lìonmhoireachd; rinn iad fòs  
coimhcheangal ri Asiria, agus tha oladh 'ga  
giùlain do 'n E'phit.

2 Tha consachadh fòs aig an Tighearn  
ri Iudah, agus ni e peanas air Iacob do  
réir a shligheana; do réir a dheanadais  
bheir e dha luigheachd.

3 Auns a' bhroinn ghlaic e a bhràthair  
air shàil; agus le a neart bha cumhachd  
aige maille ri Dia.

4 Seadh bha cumhachd aige maille ris  
an aingeal; agus thug e buaidh: ghuil e,  
agus rinn e guidhe ris: fhuair e ann am  
Betel e, agus an sin labhair e ris.

5 Fadhon Iehobhah Dia nan sluagh, is  
e Icholbah a chiuinheachan.

6 Uime sin pill thusa ri d' Dhia: coimhid  
tròcair agus breitheanas; agus feith air do  
Dhia a ghnàth.

7 Is fear-malairt e: na làimh tha meigh  
na mealltoireachd; is toigh leis a bhi ri ain-  
neart.

8 Agus thubhairt Ephraim, Gu deimhin  
tha mi air fàs saibhir, fhuair mi dhomh  
féin stòras: ann am shaothairibh uile cha  
'n fhaigh iad ca-ceart air bith annam;  
bhiodh sin na chionta.

9 Agus mise Ichobhah do Dhia, a thug  
a nòs thu o tìr na h-Eiphit, bheir mi ort  
fòs còmhnuidh ghabhail ann am pàilliu-  
aibh, mar ann an laithibh na h-ard fhéille.

10 Labhair mi fòs leis na fàidhean, agus  
rinn mi lìonmhor scallana; agus le frith-  
ealadh nam fàidhean ghnàthuich mi cosal-  
achdan.

11 Gu dearbh ann an Gilead tha 'ea-  
ceart; gu cinnteach is dìomhanas iad; tha  
iad ag ìobradh tharbh aon an Gilgal; seadh  
tha an altairean mar charna ann an claisibh  
na machrach.

12 Ach theich Iacob gu dùthaich Shiria;  
agus rinn Iacob-seirbhis air son mnà; agus  
air son mnà ghléid e *caorich*:

13 Agus le fàidh thug an Tighearn Israel  
a mach as an Eiphit; agus le fàidh thearn-  
adh e.

14 Bhrosnuich Ephraim e chum feirge  
gu ro-shearbh: uime sin fàgaidh a Thigh-  
earn 'thuil air féin; agus pillidh e chuige-  
féin a mhasladh.

## CAIB. XIII.

**A**N uair a labhair Ephraim le crith,  
dh' arduich se e féin ann an Israel;  
ach an uair a chiontaich e ann an Baal,  
bhàsaich e.

2 Agus a nis tha iad a' ciontachadh ni  
's mò agus ni 's mò, agus rinn iad dhoibh  
féin dealbh leaghta d' an airgiod: ìodholan  
do réir an seòltachd féin; an t-ionlan deth  
obair nam fear-ceirde: deir iad do 'n taobh,  
Deanadh a' mhuinntir a ta 'g ìobradh na  
laoigh a phògadh.

3 Air an aobhar sin bidh iad mar neul  
na maidne: agus mar an drùchd moch a  
shiùbhlas air falbh: mar am moll air

<sup>1</sup> *thig iad le cabhaig.*

'Thuadachadh le cuairt-ghaoith o 'n urlar-bhualaidh; agus mar thoit a mach as an luidheir.

4 Gidheadh is mise an Tighearn do Dhia, a thug a mios thu o thù na h-Eiphit, agus cha bhi aithne agad air dia air bith ach mise; oir cha 'n 'eil slànuighear ann ach mi.

5 B' aithne dhomhsa thu san fhàsach, ann am fearann an tarta mhòir:

6 Nan ionaltradh bha iad air an lìonadh: bha iad air an lìonadh, agus dh' arduich-eadh an cridhe: air an aobhar sin dhi-chuimhnich iad mise.

7 Uime sin bidh mise dhoibh mar leòmhann: mar liopard anns an t-slighe bheir mi fainear iad.

8 Coinnichidh mi iad mar mhath-ghamhuinn o 'n do bhuineadh a cuileanan, agus reubaidh mi sgairt an cridhe; agus an sin sluigidh mi iad mar leòmhann boirionn: ni fiadh-bheathach na machrach an reubadh.

9 O Israeil, sgrios thu thu féin, ach annam-sa tha do chobhair.

10 Bidh mise ann am rìgh dhuìt: c' àit am bheil aon-neach eile thearnas thu ann ad chathraichibh uile! agus do bhreith-eachan uile ris an d' thubhairt thu, Thoir dhomh rìgh agus prionnsachan.

11 Thug mise rìgh dhuìt ann am fheirg, agus thug mi air falbh e ann am chorruih.

12 Tha aingidheachd Ephraim air a carnadh suas: tha a chionta air a thasgaidh.

13 Thig ioghanna muà ri saothair air: is mac nach 'eil glic e so; no cha 'n fhanadh e fada ann an àite briseadh a mach na cloinne.

14 Fuasglaidh mis' iad o chumhachd na h-uaighe: saoraidh mi iad o 'n bhàs: O bhàis, bidh mis' a'm' phlàigh dhuìt; O uaigh, bidh mis' a' m' sgrios duit; bidh aithreachas air 'fhòlach o m' shùilibh.

15 Ge do bha e torrach ann measg a bhràithrean, thig gaoth an ear, thig gaoth an Tighearna mios o 'n fhàsach, agus fàs-

aith 'Thuaran tioram, agus tiormaichear suas a thobar: bidh ionnhas uile shoithichean taitneach air a chreachadh.

16 Bidh Samaria na fàsach, oir rinn i ceannaire an aghaidh a Dé: tuitidh iad leis a' chladheamh, brisear an naoidheana nam bloighdibh; agus reubar suas am mnathan torrach.

## CAIB. XIV.

**P**ILL, O Israeil, ris an Tighearn do Dhia, oir thuit thu le d' aingidheachd.

2 Thugaibh leibh briathran, agus pillibh ris an Tighearn; abraibh ris, Thoir air falbh ar n-uile chionta, agus gabh ruinn gu gràsmhor: mar sin bheir sinn seachad laigh ar bìlidh.

3 Cha dean Asur ar tearnadh, air each-aibh cha dean sinn marcachd; ni mò their sinn tuille ri obair ar làmhha féin, Is sibhshe ar dèe: oir annad-sa gheibh an dilleachdan trècàir.

4 Leighisidh mise an cùl-sleamhnachadh, gràdhaidhidh mi iad gu saor: oir phill mo chorruih air falbh uath.

5 Bidh mi mar an drùchd do Israeil: fàsaidh e mar an lìligh, agus cuiridh e mach a fìreumha mar Lebanon.

6 Sgaolidh a gheugan, agus bidh a mhaise near an crann-oladh, agus Thàile mar Lebanon.

7 Pillidh iadsan a ta chòmhnuidh fo a sgàile: mar an t-arbhar bidh iad air an ath-bheothachadh; agus fàsaidh iad mar an fhionain: bidh a bholadh mar fhion Lebanon.

8 *Their* Ephraim, Ciod mo ghnòthuchsa tuille ri iodholaibh? (Thuala mise e; agus thug mi fainear e; is comhuil mi ri crann uaine giuthais; uamsa tha do thoradh ra fhaotainn.

9 Cò ta glic, agus tuigidh esan na nithe so? crionna, agus aithnichidh se iad? oir tha sligheanna an Tighearna ceart, agus ghluaisidh na fìreana anna: ach gheibh na ciontaich tuisleadh anna.

## I O E L.

## CAIB. I.

**F**OCAL an Tighearna a thàinig a chum Ioel, mhic Phetueil.

2 Cluinnibhshe so, a shean daoine; agus thugaibhshe fainear, uile luchd-àiteachaidh na fire: an robh so 'nur làithibhshe; no 'n làithibh 'ur n-aithrichean?

3 Innsibhshe do 'r cloinn e, agus imseadh 'ur clann do 'n cloinn-san, agus an clannsa do ghinealach eile.

4 An ni sin a dh' fhàg a' phailm-chnuimh, dh' ith an locust; agus an ni a dh'fhàg an locust, dh' ith a' chnàmhbheist; agus an ni sin a dh' fhàg a' chnàmhbheist, dh' ith an caterpileir.

5 Dùisgibh, a mhisgearan, agus guilbh e agus deanubhshe caoidh, uile phòitearan fìona, air son an fhìon-nuadha, oir tha e air a ghearradh air falbh o 'r beul.

6 Oir tha cinneach air teachd a mios air m' fhearann-sa, treun, agus thar àireamh; is fiacalan leòmhainn am fiacalan; agus tha fiacalan carbaid leòmhainn bhoirionn aca.

7 Dh' fhàg iad m' fhìonan-sa na fàsach, agus rùisg iad mo chrann-fìge: rùisg iad e gu buileach, agus 'thilg iad air falbh e, tha a gheugan-air an deanamh geal.

8 Dean caoidh mar òighe criosluichte le cudach-saic air son cèile a h-òighe.

<sup>1</sup> *fur-pòsda.*



9 Tha an tabhartas-bidh air a ghearradh air falbh, agus an tabhartas-dibhe o thigh an Tighearna: deanaibhse bròn, O shagarta, òglacha an Tighearna.

10 Tha a' mhachair na fàsach, tha an talamh ri caoidh; oir tha an t-arbhar air a mhillleadh; tha am fion nuadh air seargadh, dh' fhàilnich an ola.

11 Gabhaibh nàire, O threabhaichean: deanaibhse caoidh, O luchd-dea-aichidh na fionain, air son a' chruineachd, agus air son an eorna: a chionn gu 'n do mheath foghara na machrach.

12 Tha an fhìonan air tìormachadh suas, agus an crann-fìge air seargadh; tha 'm pomgranat, an crann-pailme fòs, agus an crann-abhail, *eadhon* uile chraobha na machrach, air seargadh: gu deimhin shearg aobhneas air falbh o chloinn nan daoine.

13 Criosluichibh sibh fèin le *eudach-saic*, agus tuiribh, O shagarta: deanaibh ulartaich, a luchd-frithealaidh na h-altarach: thigibh, luidhibh fad na h-oidhche ann an eudach-saic, òglacha mo Dhé: oir tha an tabhartas-bidh agus an tabhartas-dibhe air a chumail air ais o thigh ar Dé.

14 Naomhaichibhse trasg, gairmibh latha toirmisg, cruinnichibh na seanoirean, uile luchd-àiteachaidh na tìre, *gu tigh* an Tighearna ar Dé, agus glaothaibh ris an Tighearna.

15 Och air son an là! oir tha là an Tighearna dlù, agus mar leir-sgrìos o 'n Uile-chumbachdach thig e.

16 Nach 'eil ar lòn air a ghearradh as fa chomhair ar sùl? aobhneas agus luaghair o thigh ar Dé?

17 Loh an sìol f'a fhòidibh; dh' fhàgadh fàs na h-ionada taig; bhriseadh sìos na saibhlean: a chionn gu'n do shearg an t-arbhar.

18 Cionnus a tha na beathaichean ag osnaich? tha na buailtean spréidhe ann an airc, a chionn nach 'eil ionatrachd aca; tha na treudan chaorach fòs air an milleadh.

19 Riutsa, O Thighearna, glaothaibh mise: oir chaith an teine cluaintean an fhàsaich, agus loisg an lasair uile chraobha na machrach.

20 Tha beathaichean na machrach fòs a' glaothach riutsa: oir thiormaicheadh suas na h-aibhnichean uisge, agus chaith an teine cluaintean an fhàsaich.

## CAIB. II.

**S**EIDIBHSE an trompaid ann an Sion, agus éigibh caismeachd catha ann am shliabh naomh-sa: criothnaicheadh uile luchd-àiteachaidh na tìre: oir tha là an Tighearna a' teachd; oir tha e am fagus.

2 La dorchadais agus ogluigheachd: là neul agus tiugh-dhorchadais; mar an doilleireachd<sup>1</sup> air a sgaoileadh air na sléibhtibh, *thig* sluagh lionmhor agus làidir; an leith-

ide cha robh ann o shean, agus cha bhi ni 's mò na dèigh, eadhon gu bliadhnacha mhòran ghinealach.

3 Rompa tha teine ri sgrìos, agus nan dèigh tha lasair a' losgadh: tha am fearann mar ghàradh Edein rompa, agus nan dèigh na fhàsach uaigneach; seadh cha bhi dol as aig aon ni uatha.

4 Bidh an coslas mar choslas each; agus mar mharcaichean is amhluidh a ruitheas iad.

5 Mar fharum charbad air mhullach nam beann leumaidh iad; mar thoirm lasrach theine a loisgeas an asbhuan: mar shluagh làidir air an cur an ordugh catha.

6 Roimh an giùis bidh geur-zhoith air an t-sluagh: tionailidh na h-uile aghaidh dubhachas.

7 Ruithidh iad air an aghaidh mar dhaoine cunhachdach; streapaidh iad am balla mar luchd-cogaidh; agus siùbhlaidh iad gach aon air a shlighe, agus cha bhris iad an ordugh.

8 Ni mò theannaicheas aon air aon eile; coisichidh iad gach aon na cheum fèin: agus ma thuiteas iad air a' chlaidheamh, cha bhi iad air an leònadh.

9 Ruithidh iad air an ais agus air an aghaidh anns a' bhaile: ruithidh iad air a' bhalla: streapaidh iad suas do na tighean: théid iad a steach air na h-unneagaibh mar mheirleach.

10 B dh ball-chrith air an talamh rompa, criothnuichidh na nèamha: bidh a' ghrian agus a' ghealach dorch, agus cumaidh na reultan air ais an dealradh.

11 Agus cuiridh an Tighearna a mach a ghuth fa chomhair 'fheachd; oir tha a champ ro mhòr; oir is treun esan a thoirt gu buil 'fhocail; oir tha là an Tighearna mòr agus ro uamhasach, agus cò dh'fheudas 'fhulang?

12 Uime sin a nis mar an ceudna, deir an Tighearna, pillibh do m' ionnsuidh-sa le 'r n-uile chridhe, agus le trasg, agus le gul, agus le caoidh.

13 Agus reubaibh 'ur cridhe, agus nì h-e 'ur n-eudach; agus pillibh ris an Tighearna bhur Dia: oir tha e trèaireach agus iochdmhor, mall a cheum fèirge, agus làn do chaomhalachd, agus gabhaidh e aithreachas mu 'n oile.

14 Cò aig am bheil fios nach pill, agus nach gabh gabh e aithreachas, agus nach fàg e beannachd na dhéigh, tabhartas-bidh agus tabhartas-dibhe do 'n Tighearna bhur Dia.

15 Séidibh an trompaid ann an Sion, naomhaichibh trasg, gairmibh là toirmisg.

16 Cruinnichibh an sluagh, naomhaichibh an coimhthional; gairnibh na seanoirean; tionailidh a' chlaon, agus iadsan a ta deòbhal na cìche: rachadh am fear nuadh pòda mach as a sheòmar, agus a' bheannuadh-phòda mach as a seòmar uaigneach.

<sup>1</sup> a chamh.

17 Deanadh na sagairt, seirbhiseich an Tighearna, gul eadar an sgàth-thigh agus an altair, agus abradh iad, Coigil, O Thighearn, do shluagh, agus na d'hoir d'oighreachd thairis gu masladh: a chum gu 'n riaghladh na cinneach os an cinneach: c' uinn' an abradh iad am measg nan cinneach, C' àit am bheil an Dia?

18 An sin bidh an Tighearn eudmhor m'a fhearann, agus gabhaidh e truas d'a shluagh.

19 Seadh frcagraidh an Tighearn, agus their e r'a shluagh; Feuch, cuiridh mi d' ur n-ionnsuidh arbhar, agus fion, agus oladh, agus bidh sibh air 'ur sàsachadh leo; agus cha dean mi sibh ni 's mò 'nur masladh am measg nan cinneach.

20 Ach atharraichidh mi am fad uaibh *feuchd* na h-àirde tuath, agus fògraidh mi e gu fearann falamh fàsaidh, a thoiseach gus an fhaighe 'n ear, agus a dheireadh gus an fhaighe 'n iar; agus thig a bhréine nìos, agus éiridh a dhroch bholadh, a chionn gu 'n do mhaoidh e nithe mòra.

21 Na biodh eagal ort, O fhearainn, bi luaghaireach agus ait: oir ni an Tighearn nithe mòra.

22 Na biodh eagal oirbh a bheathaiche na machrach: oir tha cluaintean an fhàsaidh a' briseadh a nìos; oir tha a' chraobh a' giùlan a toraidh; tha an crann-fìge agus an fhionan a' toirt seachd a neirt.

23 Bithibh ait ma ta, O chlann Shioin, agus deanaibh gairdeachas anns an Tighearn bhur Dia; oir thug e dhuibh an t-uisge a's toisiche ann an ceart-thomhas; agus bheir e air frasaibh teachd a nuas chugaibh, an ceud uisge, agus an t-uisge deireannach amhuil roimhe so.

24 Agus bidh na h-ur-lair bhualaidh làn do chruineachd, agus cuiridh na dabhacha thairis le fion agus le h-oladh.

25 Agus aigsidh mise dhuibh na bliadh-nachan a dh'ith an locust, a' chnàmh-bheist, an cater-pileir, a phailm-chnuimh, m' fheachd mòr, a chuir mi 'nur measg.

26 Agus ithidh sibh ann am pailteas, agus bithidh sibh sàthach, agus cliùthaichidh sibh ainm an Tighearna bhur Dia, a bhun ruibh gu h-iongantach: agus cha nàraichear am feasd mo shluagh-sa.

27 Agus aithnichidh sibh gu bheil mise ann am meadhon Israeil, agus gur mi an Tighearn 'ur Dia, agus nach aon air bith eile: agus cha nàraichear am feasd mo shluagh.

28 Agus tarlaidh na dhéigh sin gu 'n dòirt mise mach mo spiorad air gach uile fheoil, agus ni 'ur mic agus 'ur nigheana faisneachd, brudairidh 'ur seann daoine brudair, agus chi 'ur n-òganaich seallaidh-ean:

29 Agus fòs air na h-òglachaibh agus air na ban-òglachaibh, anns na laithibh sin, dòirtidh mi mach mo spiorad.

30 Agus nochdaidh mi iongantais ann na nèamhaibh, agus air an talamh; fuil, agus teine, agus smùidrich dheathaich.

31 Iompaichear a' ghrian gu dorchadas, agus a' ghealach gu fuil, mu 'n d'thig là mòr agus uamhasach an Tighearna.

32 Agus tarlaidh, ge b'è air bith a ghairmeas air ainm an Tighearna, tearnar e: oir ann an sliabh Shioin agus ann an Ierusalem bidh tearnadh, mar a thubhairt an Tighearn; eadhon am measg an iarmaid a ghairmeas an Tighearn.

### CAIB. III.

**F**IR feuch, anns na laithibh sin, agus anns an àm sin, trà bheir mise air a h-ais bruid Iudah, agus Ierusalem, *tarlaidh*,

2 Gu 'n cruinnich mi na h-uile chinneach, agus bheir mi sìos iad gu gleann Iehosaphait, agus tagraidh mi ru an sin air son mo shluagh, agus air son m' oighreachd Israeil, a sgap iad am measg nan cinneach; agus roinn iad mo dhùthaich.

3 Agus thig iad croinn air son mo shluagh; agus thug iad macan air son striopaich, agus reic iad nìonag air son fiona, chum gu 'n oladh iad.

4 Seadh, agus ciod 'ur gnòthach-sa rium-sa, O Thiuais, agus a Shidoim, agus uile chrìocha Phaleistin? an diòl sibh rium luigheachd? a nis ma bheir sibh dhomh luigheachd, gu luath, gu grad diolaidh mi 'ur luigheachd air 'ur ceann fèin;

5 A chionn gu 'n do ghabh sibh m' airgid agus m' or, agus gu 'n do gliùlain sibh gu 'r teampull mo nithe luachmhor taitneach.

6 Clann Iudah fòs, agus clann Ierusalem reic sibh ris na Greugaich, a chum gu 'n atharraicheadh sibh iad am fad o'n crìch fèin.

7 Feuch togaidh mis' iad as an àite gus an do reic sibh iad; agus pillidh mi 'ur luigheachd air 'ur ceann fèin.

8 Agus reicidh mi 'ur mic agus 'ur nigheana gu làimh cloinne Iudah; agus reicidh iadsan iad ris na Sabéich, ri sluagh fad as; oir labhair an Tighearn e.

9 Eighibh-e so am measg nan cinneach; ullachidh cogadh, dùisgibh suas na cumhachdaich, thigeadh na fir-chogaidh uile am fagus, thigeadh iad a nìos.

10 Deanaibh claidhean do 'r coltraibh, agus sleaghan do 'r corianaibh sgathaidh; abradh an lag, Tha mi làidir.

11 Cruinnichibh sibh fèin, agus thigibh, a chinneacha gu léir, agus tionailibh o gach taobh mu 'n cuairt: an sin bheir thusa air na cumhachdaich teachd a nuas, O Thighearn.

12 Dùisgadh na cinneach, agus thigeadh iad a nìos gu gleann Iehosaphait: oir an sin suidhidh mise gu brìth a thoirt air na cinneach uile mu 'n cuairt.

13 Sàthaibh an corran, oir tha 'm foghara abuich; thigibh, gabhaibh sìos, oir



tha an t-amar-fiona làn, tha na dabhacha a' cur thairis : oir tha an aingidheachd inòr.

14 Mòr-chuideachda, mòr-chuideachda, ann an gleann a' ghearraidh ; oir tha là an Tighearna dlù ann an gleann a' ghearraidh.

15 Dorchaichear a' ghrian agus a' ghealach, agus cumaidh na reultan air ais an dealraidh.

16 Agus beucaidh an Tighearna a mach a Sion, agus o Ierusalem cuiridh e mach a ghuth, agus bidh crìth air na nàmhaidh, agus air an talamh : ach bidh an Tighearna na ionad-didcìn d'a shluagh ; agus na dhaingneach làidir do chloinn Israeil.

17 Mar sin aithnichidh sibh gur mise an Tighearna ur Dia, a ta chomhnuidh ann an Sion, mo shlabh naomh : an sin bidh

Ierusalem naomh, agus cha d' théid coigrich d'a thrìd nì 's n ò.

18 Agus tarlaidh anns an là sin, gu 'n sil na sléibhteana a nuas fion nuadh, agus sruthaidh na beannta le bainne ; agus sruthaidh uile aibhnichean Iudah le h-misgeachaidh ; agus thig tobar a mach o thigh an Tighearna, agus uisgichidh e gleann Shirim.

19 Bidh an Eiphit na nochd-làraich, agus bidh Edom na fhàsach uaigneach ; air son an ainneirt an aghaidh cloinne Iudah ; a chionn gu'n do dhòirt iad fuil nan neò-chiontach nam fearann.

20 Ach gabhaidh Iudah còmhnuidh gu sìorruidh, agus Ierusalem o linn gu linn.

21 Agus glanaidh mise am fuil-san, nach do ghlan mi ; agus gabhaidh an Tighearna còmhnuidh ann an Sion.

## A M O S.

### CAIB. I.

**B**RIATHRAN Amois, a bna am measg bhuachaillean Thecoa, a' fhuair e mu thimchioll I-raeil, ann an laithibh Usiah rìgh Iudah, agus ann an laithibh Ieroboaim, mhic Iohais, rìgh I-raeil, dà bhliadhna roimh an chrith-thalmbhainn.

2 Agus thubhairt e ; Beucaidh Iehobhah o Shion, agus o Ierusalem cuiridh e mach a ghuth ; agus ni ionada-còmhnuidh nam buachaille bròn, agus seargaidh mullach Charmoil.

3 Mar so deir an Tighearna ; Air son thrì lochdan Dhamascuis, agus air son cheithir, cha phill mi air falbh a pheanas ; a chionn gu 'n do bhuail iad Gilead le innealuibh-bualaidh iarunn.

4 Ach cuiridh mise teine air tigh Haseail, a loisgeas luchairtean Bhenhadaid

5 Brisidh mi tòs crann-druididh Dhamascuis, agus gearraidh mi as am fear-àiteachaidh o chòmhnard Abheìn, agus esan a ghlacas an t-slat-rioghail o thigh Edein : agus sìùblaidh sluagh Shiria an am bruid gu Cir, deir an Tighearna.

6 Mar so deir an Tighearna ; Air son thrì lochdan Ghasa, agus air son cheithir, cha phill mi air falbh a pheanas ; a chionn gu 'n d' thug iad a' bhuaid uile air falbh am braigheanas, a chum an toirt seachad do Edom.

7 Ach cuiridh mi teine air balla Ghasa, a sgriosas a luchairtean.

8 Agus gearraidh mi am fear-àiteachaidh air falbh o Asdod, agus esan a ghlacas an t-slat-rioghail o Ascelon, agus tionndaidhidh mi mo làmh an aghaidh Ecreoin : agus bàsaichidh fuigheall nam Philisteach, deir an Tighearna Iehobhah.

9 Mar so deir an Tighearna ; Air son

thrì lochdan Thiruis, agus air son cheithir, cha phill mi air falbh a pheanas : a chionn gu 'n d' thug iad suas a' bhruid uile do Edom, agus nach do chuimhnich iad an coimheangal bràthaireil.

10 Ach cuiridh mi teine air balla Thiruis, a loisgeas 'àreis rioghail.

11 Mar so deir an Tighearna ; Air son thrì lochdan Edoim, agus air son cheithir, cha phill mi air falbh a pheanas ; a chionn gu 'n do ruaig e a bhràthair leis a' chlaidheamh, agus gu 'n do thilg e uaith na h-uile h-ìochd, agus gu 'n do reub 'fhearg do ghuath, agus gu 'n do ghléidh se a chorruich an còmhnuidh.

12 Ach cuiridh mi teine air Teman, a loisgeas àreis Bhosrah.

13 Mar so deir an Tighearna ; Air son thrì lochdan chloinne Amoin, agus air son cheithir, cha phill mi air falbh a pheanas ; a chionn gu 'n do reub iad suas mnathan torracha Ghileaid, a chum an crìocha féin a chur am farsuingeachd.

14 Ach fadaidh mise teine air balla Rabah, agus loisgidh e sìos 'àreis, le òlaich ann an là a' chatha, le cuairt-ghaoith ann an là na doinne.

15 Agus imichidh an rìgh ann am braigheanas, e féin agus a mhòr-uaislean le chèile, deir an Tighearna.

### CAIB. II.

**M**AR so deir an Tighearna ; Air son thrì lochdan Mhoab, agus air son cheithir, cha phill mi air falbh a pheanas : a chionn gu 'n do loisg e cnàmhan<sup>1</sup> rìgh Edoim gu h-aol.

2 Ach cuiridh mi teine air Moab, agus loisgidh e àreis Chirioit, agus bàsaichidh

<sup>1</sup> cnàmhean.

Moab le co-ghaoir, le iolaich, le fuaim na trompaid.

3 Agus gearraidh mi as am breith-eamh as a mheadhon, agus marthaidh mi 'uile phrionnsachan maille ris, deir an Tighearn.

4 Mar so deir an Tighearn; Air son thri lòchdan Iudah, air son cheithir, cha phill mi air falbh a *pheanas*; a chionn gu 'n d' rinn iad di-meas air reachd an Tighearna, agus nach do choimhid iad àitheantan; agus thug an *diadhan* bréige orra dol air seachran, iad sin a chaidh an aithrichean air an deigh.

5 Ach cuiridh mi teine air Iudah, agus loisgidh e àrois Ierusalem

6 Mar so deir an Tighearn; Air son thri lochdan Israeil, agus air son cheithir, cha phill mi air falbh a *pheanas*; a chionn gu 'n do reic iad an firean air son airgid, agus am bochd air son bhròg.

7 Tha iad a' saltairt sìos ceann nam bochd ann an duslach na talmhainn, agus a' fiaradh slighe nan daoine ciuine: agus tha duine agus 'athair a' dol a stach a chum na h-aon ghruagaiche, a thruaileadh m'ainm naomhasa.

8 Agus tha iad 'gan sìneadh fèin air eudaichibh a ghabhadh an geall, aig taobh gach altaire; agus tha iad ag òl fiona na muinntir a dhiteadh ann an tigh an dèe.

9 Gidheadh sgrios mise an t-Amorach rompa, a bha ard mar airde nan seudar; agus làidir mar na daragaibh: gidheadh sgrios mis' a thoradh os a chionn, agus a fhreumha fuidhe.

10 Fòs thug mi sibhs a nìos o thalamh na h-Eiphit, agus stiur mi sibh tre 'n fhàsach dà fhichead bliadhna; a chum gu 'n sealbhaicheadh sibh fearann nan Amorach.

11 Agus thog mi suas *cuid* do 'r macaibh air son fhàidhean, agus do 'r n-òganachaibh air son Nasarach. Nach ann mar so a ta e, O chlann Israeil? deir an Tighearn.

12 Ach thug sibh do na Nasaraich fion r'a òl, agus dh'aithn sibh do na fàidhean, ag ràdh, na deanaibh faisneachd.

13 Feuch bruthaidh mise bhur n-àite, mar a bhruthas carbad luchd-aichte le arbhar a sguaban.

14 Agus tréigidh a luathas an duine luath, agus cha bhi 'n duine làidir treun na neart, ni mò ni 'n duine cumhachdach e fèin a shaoradh.

15 Cha seas esan fòs a làimhsicheas am bogha, agus cha saor an luath-chasach e fèin; ni mò thearnas an tì mharcaicheas an t-each e fèin.

16 Agus esan a ta daingneachadh a ebridhe am measg nan cumhachdach, teichidh e air falbh ruisgte san là sin deir an Tighearn.

CLUINNIBH am focal so a labhair an Tighearn 'nur n-agaidh, O chlann Israeil, an aghaidh an uile theaghlach a thug mi nìos o thir na h-Eiphit, ag-ràdh,

2 Is sibh-e mhàin air an do ghabh mi eòlas do uile theaghlachibh na talmhainn: uime sin smachdaichidh mi sibh air son 'ur n-uile lochdan.

3 Am feud dithis imeachd le chéile, mur bi iad réidh?

4 Am beuc an leòmhann anns a' choille, an uair nach 'eil creach air bith aige? an éigh an leòmhann òg as a' ghàraidh, mur do ghlac e aon ni?

5 Am feud eun tuiteam ann an lion air an talamh, far nach 'eil aon rib air a shon? an tog *neach* eangach suas o'n talamh, agus gun ni air bith a ghlacadh?

6 An séidear an trompaid ann am baile, agus gun eagal a bhi air an t-sluagh? am bi dòrainn ann am baile, 's nach e 'n Tighearn a chuir ann e?

7 Gu deimhin cha dean an Tighearn Iehobhah aon ni gun a rùn-diomhair fhoill-seachadh d'a sheirbhisich na fàidhean.

8 Bheuc an leòmhann; cò air nach bi eagal? labhair an Tighearn Iehobhah, cò nach deanadh faisneachd?

9 Cuiribh an céill anns na lùchairtibh an Asdod, agus anns na tallachaibh an tìr na h-Eiphit, agus abraibh, Cruinnichibh sibh fèin air sléibhtibh Shamaria: agus feuchaibh an t-ioma-luasgadh mòr a ta na meadhan, agus iadsan a ta air an sàruchadh innte.

10 Oir cha 'n aithne dhoibh a' chòir a dheanamh, deir an Tighearn; tha iad a' tasgaidh suas fòirneirt agus creich nan lùchairtibh.

11 Ann an aobhar sin, mar so deir an Tighearn Iehobhah, *Bidh* eascaraid fòs mu'n cuairt air an fhearann; agus bheir e nuas do ncart uait, agus creachar do lùchairtean.

12 Mar so deir an Tighearn, Amhuil a spionas am buachaille a mach a beul an leòmhainn dà chois, no mùr do chluais; mar sin bheirar a mach clann Israeil, a ta chòmhnuidh ann an Samaria, ann an cùil leapach; agus ann an Damascus, air uirigh.

13 Eisdibhse agus togaibh fianuis do thigh Iacoib, deir an Tighearn Iehobhah, Dia nan sluagh.

14 Ann an là san agair mise lochdan Israeil air, gun agair mi fòs air altaircan Bheteil; agus gearrar adharca na h-altrach dhi, agus tuitidh iad chum an làir.

15 Agus buailidh mi 'n tigh-geamhraidh maille ris an tigh-shamhraidh: agus sgriosar na tighean deud-chnàmh, agus thig



crìoch air na tighean mòra, deir an Tighearn.

## CAIB. IV.

**C**LUINNIBHSE am focal so, O a spréidh Bhasain, a ta air sliabh Shamaria; a ta sàruchadh nam bochd, a ta bruthadh nam feumannach; a ta 'g ràdh ri 'm maighstiribh, Thugaibh do 'r n-ionnsuidh agus òlanaid.

2 Mhionnaich an Tighearn Iehobhah air a naomhachd, Feuch, gu 'n d'thig oirbh na laithean anns an d'thoir e sibh air falbh le dubhannaibh, agus 'ur sliochd le dubh-anaibh-iasgaich.

3 Agus théid sibh a mach air na bealaich, gach bàir a' bhealach m'a coinneamh; agus tilgear sibh anns an tigh-chasgairt, deir an Tighearn.

4 Rachaibh gu Betel agus ciontaichibh; aig Gilgal deanaibh 'ur lochdan lionmhor; agus thugaibh leibh 'ur n-iobairtean gach maduinn, 'ur deachamh gach trì bliadhna.

5 Agus iobraibh iobairt-bhuidheachais le taois ghoirt, agus éighibh, cuiribh an céill na saor-thabhartais; oir tha so taitneach dhuibh. O chlann Israeil, deir an Tighearn Iehobhah.

6 Agus thug mi fòs dhuibh glaine fhiacal 'nur n-uile bhaitibh, agus gainne arain ann 'ur n-uile lùchairtibh: gidheadh cha do phill sibh riumsa, deir an Tighearn.

7 Agus chum mi naibh mar an ceudna an t-uirge, 'nuair a bha fathasd trì mìosa gu foghara; agus thug mi air frasadh air aon bhaile, agus gun fhàsadh air baile eile; air aon chuid thàinig an t-uisge; agus a' chuid eile air nach d' thàinig an t-uisge, shearg.

8 Agus 'hiubhail dà no trì do bhailtean gu aon bhaile, a dh'òl uisge; ach cha robh iad air an sàsachadh: gidheadh cha do phill sibh riumsa, deir an Tighearn.

9 Bhuaill mi sibh le seargadh agus le crith-reodh; 'nuair a dh'fhàs 'ur gàraidhean agus 'ur fion-lìosan, 'ur crainn-fhige, agus 'ur crainn-oladh, dh'ith a' phailm-chnurnaid: gidheadh cha do phill sibh riumsa, deir an Tighearn.

10 Chuir mi 'n'ur measg a' phlàigh, do réir nòis na h-Eiphit; mharbh mi 'ur h-òganaich leis a' chibidheamh, agus thug mi air falbh 'ur n-eacha, agus thug mi air droch fhàile bhur campa teachd a nìs gu 'r pol-lairibh: gidheadh cha do phill sibh riumsa, deir an Tighearn.

11 Sgrìos mi cuid dibh, mar a sgrìos Dia Sodom agus Gomorrah, agus bha sibh mar aithinne air a spionadh as an losgadh: gidheadh cha do phill sibh riumsa, deir an Tighearn.

12 Air an aobhar sin mar so nì mi riut, O Israeil; agus a chionn gu'n dean mi so riut, ulmhaich thu fèin gu codhail a chumail ri d' Bhaia, O Israeil.

13 Oir feuch, esan a dhealbhas na slòibhtean, agus a chruthaicheas a' ghaoth, agus a dh'fhoillsicheas do dhuine cìod is smàoin-e dha; esan a nì a' mhaduinn na dorchadas, agus a shaltras air ionadaibh arda na talmhainn, Ichobhah, Dianan sluagh, is e ainm.

## CAIB. V.

**L**ISDIBHSE am focal so a ta mise cur air an céill 'n'ur n-aghaidh, *cuthon* tuir-eadh, O thigh Israeil.

2 Thuit, agus cha 'n éirich nì 's mò, òigh Israeil: tha i sìnte mach air a fearann fèin; cha'n 'eil neach ann d'a togail suas.

3 Oir mar so deir an Tighearn Iehobhah; A' chathair a chaidh a mach na mìle, fàgaidh i ceud; agus i sin a chaidh a mach na ceud, fàgaidh i deichnear aig thigh Israeil.

4 Uime sin, mar so deir an Tighearn ri thigh Israeil; Iarruibhse mise, agus mairidh sibh beo.

5 Ach na h-iarruibh Betel, agus na rachaibh a steach gu Gilgal, agus na sìubhlaibh thairis gu Beer-seba: oir théid Gilgal gu deimhin an braighdeanas, agus thigh Betel gu neo-nì.

6 Iarruibh an Tighearn agus mairidh sibh beo; air eagal gu 'mbris e mar theine air thigh Ioseph, agus gu 'n loisg e thigh Israeil, agus nach bi aon neach ann gu 'mhuchadh.

7 Sibhse ta tionndadh breitheanais gu searbhadas, agus a' leigeadh dhìbh fireantachd air an talmh,

8 Iarruibh esan a ta deanamh nan seachd reultan agus Orion; agus a' tionndadh sgàil a' bhais gu maduinn, agus a nì an la dorchas mar an oidheche: a ta gairm air uisgeachaidh na fairge, agus 'gan dòrtadh a mach air aghaidh na talmhainn; is e Iehobhah ainm.

9 A neartuicheas an creachta an aghaidh an trein; air chor as gu 'n d'thig an duine creachta an aghaidh an daingnich.

10 Is fuath leo esan a bheir achasan anns a' gheata; agus is gràin leo esan a labhras gu h-ionraic.

11 Air an aobhar sin, a chionn gu bheil sibh a saltairt air a' bhòchd, agus a' gabhail uaith duaise do chruineachd; ge do thog sibh tighean do chlachaibh snaighte, gidheadh cha 'n àitich sibh iad; ge do shuidhich sibh fion-lìosan taitneach, gidheadh cha 'n òl sibh fion diubh.

12 Oir is aithne dhomhsa bhur lochdan lionmhor, agus 'ur peacanna mòra; sibhse ta claidh an fhìrein, a ta gabhail cumha, agus a' cur a' bhòchd a leth-taobh anns a' gheata.

13 Air an aobhar sin fanaidh an duine glie na thosd anns an àm sin; oir is aim-sir olc i.

14 Iarruibhse maith, agus nì h-e olc, a chum gu mair sibh beo: agus mar sin bidh an Tighearn Dia nan sluagh leibh, mar a labhair sibh fèin.

15 Fuathaibh an t-olc, agus gràdh-  
aibh am maith, agus daingneibh breith-  
eanas anns a' gheata; theagamh gu 'm bi  
an Tighearn Dia nan sluagh gràmhòr do  
iarmad Ioseph.

16 Oir mar so deir Iehobhah Dia nan  
sluagh, an Tighearn; *Bidh* caoidh anns na  
h-uile shràidibh, agus their iad anns na  
h-uile ròidibh-mòra, Mo thruaighe, mo  
thruaighe! agus gairmuidh iad an treabh-  
aiche gu bròn, agus iadsan a ta eòlach air  
caoidh gu tuireadh.

17 Agus anns na h-uile fion-lios bidh  
caoineadh: oir gabhaidh mise tre do  
mheadhòn, deir an Tighearn.

18 Is truagh dhuibhse ta 'g iarraidh là  
an Tighearna. Ciod e sin duibhse là an  
Tighearna? dorchadas agus eha 'n e solus.

19 Ceart mar gu 'n teicheadh duine o  
leòmhann, agus gu 'n coinnicheadh math-  
ghamhuinn e; no gu 'n rachadh e steach  
d'a thigh, agus a lann a leigeadh air a'  
bhalla, agus gu 'n deanadh nathair a  
theumadh.

20 Nach bi là an Tighearna na dhoreh-  
adas, agus ni h-ann na sholus? eadhon ro-  
dhorcha, agus gun soilleircachd air bith  
ann?

21 Is fuath leam, is beag orm 'ur làithean  
fèille, agus eha ghabh mi tlachd ann am  
boladh 'ur n-ard-fhèillean.

22 Ged' iobair sibh dhomh iobairtean-  
loisgte, agus tabhartais-bhìdh, cha ghabh  
mi iad: ni mo bheir mi fainear tabhartais-  
shìth 'ur beathaeha reamhra.

23 Beir uam fuaim d' òran; agus eòl  
do ehlàrsach eha 'n èisd mi.

24 Ach ruitheadh breitheanas sìos mar  
uisgeaeha, agus fireantachd mar shruth  
làidir.

25 An do thairg sibh dhomhsa iobairtean  
agus tabhartais anns an fhàsach rè dà  
fhiehead bhliadhna, O thigh Israeil?

26 *Ni h-cadh*, ach ghiùlain sibh pàillion  
'ur Moloich, reul 'ur de Chiùin, 'ur deal-  
bhan, a rinn sibh dhuibh fèin.

27 Uime sin bheir mis' oirbh imeachd  
am bruid taobh thall Damascuis, deir an  
Tighearn, do 'n ainm Dia nan sluagh.

## CAIB. VI.

**I**S truagh dhoibhsan a ta gu suaimhneach  
ann an Sion, agus ag earbsa a sliabh  
Shamaria; a ta 'gan ainmcachadh fèin air  
tùs nan einneach, agus am bheil imcaehd  
tigh Israeil.

2 Siùbhlaibh thairis gu Calneh, agus  
faicibh; agus rachaibh as sin gu Hamat  
mòr: an sin rachaibh sìos gu Gat nam  
Philisteach: am fearr iadsan nà na riogh-  
achdan so? no 'm bheil an eriocha ni 's mò  
nà 'ur eriochsa?

3 Is truagh dhoibh-san a ta cur an droeh  
latha fada uatha, agus a' toirt am fagus  
àite-suidhe an fhoirneirt;

4 A ta luidhe air leapuichibh deud-  
765

ehnamh, agus 'gan sineadh fèin air an  
uirighibh; a ta 'g itheadh uan an treud,  
agus nan laogh a meadhon an tigh-bhiadh-  
aidh;

5 A ta seinn do fhuaim na clàrsaich;  
a ta cosmhuil ri Daibhidh, a' dealbh dhoibh  
fèin inneala-ciuil:

6 A ta 'g òl fiona ann an euachaibh,  
agus 'g an ungadh fèin le tagha gach-  
oladh: aeh nach 'eil doilich air son amh-  
ghair Ioseph.

7 Air an aobhar sin a nis théid iad am-  
bruid leis a' cheud chuid a dh' fhalbhas ann  
am braigheanas; agus bheirear air falbh  
euirn na nuinntir, a bha 'g an sineadh  
fèin.

8 Mhionnaich an Tighearn Iehobhah air-  
fèin, deir Iehobhah Dia nan sluagh; Is  
gràin leam òrdheirceas Iacòb, agus is  
fuath leam a lùchairtean: uime sin bheir-  
mi seachad am baile, agus gach ni ta  
ann.

9 Agus tarlaidh ma dh'fhanas deich-  
near fhear ann an aon tigh, gu faigh iad  
bas.

10 Agus togaidh caraid duine suas e,  
agus esan a loisgeas e, chum na cnàmhan  
a thoirt a mach as an tigh; agus their e  
ris-san a ta steach san tigh, *am bheil aon  
neach* fathasd leat? Agus their esan, Cha 'n  
'eil: An sin their e, Bi ad tlòsd. A chionn  
nach 'eil iad a' toirt luaidh air ainm Iehob-  
hah.

11 Oir feuch, àithnidh an Tighearn,  
agus buailidh e 'n tigh mòr le bearnaibh,  
agus an tigh beag le seoltaibh.

12 An ruith eich air carraig? an treabhar  
i le daimeh? oir thionndaidh sibh breith-  
eanas gu domblas, agus toradh an ionraeais  
gu iteodha.

13 Sibhse, a ta ri gairdeachas ann an  
ni a's neo-ni; a ta ag ràdh, Nach do ghabh  
sinn ehugainn uachdranachd le 'r neart  
fèin?

14 Agus feuch, dùisgidh mise suas cin-  
neach 'n ur n-aghaidh, O thigh Israeil, deir  
Iehobhah Dia nan sluagh; agus sàruichidh  
iad sibh o dhol a steach Hamait, gu ruig  
abhainn an fhàsach.

## CAIB. VII.

**M**AR so thaisbein an Tighearn Iehobhah  
dhomhsa, agus feuch, dhealbha e locuist ann an toiseach teachd a sìos  
an fhàis mu dheire; agus feuch, b'e sin  
am fàs deireannach, an dcigh buain an  
righ.

2 Agus tharladh tra ehuir iad erioch air  
itheadh luibhean na tìre, gu 'n d' thubhairt  
mise, O Thighearna Iehobhah, maith,  
guidheam ort; co thogas suas Iacob? oir  
tha e ro-bheag.

3 Ghabh an Tighearn aithreachas dheth  
so: Cha tachair so, deir an Tighearn.

4 Mar so thaisbein an Tighearn Iehobhah  
dhomhsa; agus feuch, ghairm an Tighearn



Iehobhah gu breitheanas le teine, agus loisg e 'n doimhne mhòr: agus shluig e suas earrann.

5 An sin thuirt mise, O Thighearn Iehobhah, sguir, guidheam ort: cò thogas suas Iacob? oir tha e ro-bheag

6 Ghabh an Tighearn aithreachas dheth so: Cha tachair so fòs, deir an Tighearn Iehobhah.

7 Mar so thaisbein e dhomh; agus feuch sheas an Tighearn air balla *deanta* le sreing-riaghailt, agus sreang-riaghailt na làimh.

8 Agus thuirt an Tighearn rium; Ciod a tha thu faicinn, Amois? Agus thuirt mise, Sreang-riaghailt. An sin thuirt an Tighearn, feuch, cuiridh mise sreang-riaghailt ann am meadhon mo shluaigh Israeil, cha ghabh mi ni 's mò seachad orra tuille.

9 Agus cuirear ionadan arda Israeil fàs; agus nìthear naomh-ionaid Israeil nan làrach sgaoilte, agus éiridh mise an aghaidh tighe Ieroboam leis a' chlaidheamh.

10 An sin chuir Amasiah sagart Bheteil, fios gu Ieroboam rìgh Israeil, ag ràdh, Dheallh Amos feall a'd' aghaidh ann am meadhon tighe Israeil: cha 'n urradh am fearann a bhriathran uile a ghiùl m.

11 Oir mar so deir Amos, Gheibh Ieroboam bàs leis a' chlaidheamh; agus bheir ear Israel gu deimhin, air falbh ann am bruid as an tìr fèin.

12 Thuirt Amasiah mar an ceudna ri Amos; O fhiosaiche, falbh, teich thusa gu tìr Iudah, agus ith aran an sin, agus an sin dean fàisneachd.

13 Ach na dean fàisneachd ni 's mò ann am Betel: oir is e sin naomh-ionad an rìgh, agus is e sin teach na rioghachd.

14 An sin fhreagair Amos, agus thubhairt e ri Amasiah, Cha b'fhàidh mise, ni mò bu mhac fàidhe mi; ach bu bhuachaille sprèidhe mi, agus fear-tionail meas sicamoir.

15 Agus thug an Tighearna mi o bhi leantuinn an treud; agus thuirt an Tighearn rium, Falbh, dean fàisneachd do 'm phobull Israel.

16 A nis uime sin, eluinn thusa focal an Tighearna: tha thu 'g ràdh, Na dean fàisneachd an aghaidh Israeil, agus na sìleadh d'fhocal an aghaidh tighe Isaiaic.

17 Air an aobhar sin, mar so deir an Tighearn, Bidh do bhean na strìopaich anns a' bhaile, agus tuitidh do mhic agus do nigheana leis a' chlaidheamh; agus bidh d'fhearann air a roinn leis an t-sreing; agus gheibh thu bàs ann am fearann truailte, agus thèid Israel gu deimhin air falbh ann am bruid, a mach as an dùthaich fèin.

#### CAIB. VIII.

**M**AR so thaisbein, an Tighearn Iehobhah dhomhsa; agus feuch, cliabh do mheas samhraidh.

2 Agus thubhairt e, Ciod a tha thu

faicinn, Amois? Agus thuirt mi-e, Cliabh do mheas samhraidh. An sin thuirt an Tighearn rium; Tha a' chrìoch air teachd air mo shluagh-sa Israel, cha ghabh mise seachad orra ni 's mò.

3 Agus bidh òrain an teampuill nan ulartaich anns an là sin, deir an Tighearn Iehobhah: *bidh* mòran do chorp marbha anns gach ionad: tilgidh iad gu to-dach a mach *iad*.

4 Cluinnibh so, O sibhse, ta slugadh suas an ainnis, eadhon a thoirt air bochdan an fhearainn fàilneachadh.

5 Ag ràdh. C' uin' a thèid a' ghealach ùr seachad, a chum gu 'n reiceamaid sìol? agus an t-sabaid, a chum gu 'n d'hugamaid a mach cruineachd? A' deanamh an ephah beag, agus an t-seceil mòr; agus a' deanamh na meighe mearachdach le eeilg:

6 A' ceannach nam bochd air son airgid, agus an fhenmannaich air son bhròg; a' reic fos deireadh a' chruineachd.

7 Mhionnuich an Tighearn air oirdheirceas Iacob, Gu deimhin cha di-chuimhnich mi gu bràth an uile oibre.

8 Nach eriothnuich am fearann air son so? agus nach dean gach duine ta chòmh-nuidh ann eadidh? agus nach éirich amhuil tuil thar an iomlan deth? nach tilgear a mach, agus nach bàthar e, mar gu 'n b' ann le abhainn na h-Eiphit.

9 Agus tarlaidh air an là sin, deir an Tighearn Iehobhah, gu 'n d'hoir mise air a' ghrèin dol fuidh air mheadhon là, agus ni mi an talamh dorch san là shoilleir.

10 Agus tionndaidhidh mi 'ur fèisdean gu bròn, agus 'ur n-òrain uile gu tuitreadh; agus bheir mi air na h-uile leasraibh eudach-saic, agus air gach aon cheann maoile: agus ni mi e mar chumha air son aon mhic, agus a chrìoch mar latha searbh.

11 Feuch tha na laithean a' teachd, deir an Tighearn Iehobhah, san euir mise gort anns an fhearann; cha 'n i gort *dhith* arain, no tart *dhith* uisge, ach *dhith* éisdeachd fhocal an Tighearna.

12 Agus sìubhlaidh iad o fhairge gu fairge, agus o 'n airde tuath, eadhon gus an airde 'n ear, ruithidh iad air an ais agus air an aghaidh, a dh'iarruidh focail an Tighearna, agus eha 'n fhaigh iad e.

13 Anns an là sin fannaichidh na h-òigh-eann maiseach, agus na h-òganaich le tart.

14 Iadsan a ta mionnachadh air peaca Shamaria, agus ag ràdh, Tha do dhia-sa beo, O Dhain, agus tha cùis-aoraidh Bheersaba beo; tuitidh eadhon iadsan, agus cha 'n éirich iad suas gu bràth tuille.

#### CAIB. IX.

**C**HUNNAIC mi 'n Tighearn na sheasamh air an altair, agus thubhairt e; Buail an t-ard dhorus, air chor as gu 'n crìothnaich na h-ursannan: oir gearraidh mise sa' cheann iad, an t-iomlan diubh; agus an sliochd marbhaidh mi leis a'

chlaidheamh : an ti theicheas dhiubh cha d'théid e as ; agus an ti ghabhas an ruaig dhiubh cha teannar e.

2 Ged' chladhaich iad gu ruigan t-ionad iochdrach, as sin bheir mo lamhsa nìos iad ; ged' streap iad suas gu nèamh, as sin bheir mise nuas iad :

3 Agus ged' fholuich siad iad féin ann am mullach Charneil, rannsuichidh mise, agus bheir mi mach as sin iad ; agus ged' bhiodh iad air am folach o m' shealladh ann an iochdar na fairge, an sin bheir mi àithne do 'n nathair, agus ni i 'n teum-adh.

4 Agus ged' rach iad gu daorsa roimh an naimhdean, an sin bheir mise àithne do 'n chlaidheamh, agus marbhaidh e iad : agus leagaidh mi mo shùilean orra chum uile, ag's ni h-ann a chum naith.

5 Oir is e 'n Tighearn Iehobhah Dia nan sluagh, a theannas ris an fhearann, agus leaghaidh e ; agus ni na h-uile ta chòmh-nuidh ann caoidh ; agus éiridh e suas gu h-ionnlan mar thuil, agus bàthar e, mar gu 'm b' ann le abhainn na h-Eiphit.

6 Is esan a thogas 'ard-sheòmrachian anns na nèamhaibh, agus a shuidhicheas a thigh-taisg air an talamh ; an ti ghairmeas air uigeacha na fairge, agus a dhòrteas iad a mach air aghaidh na talmhainn : is e Iehobhah 'ainm.

7 Nach 'eil sibh mar chloinn nan Etiopach dhomhsa, O chlann Israeil ? deir an Tighearn. Nach d'thug mise Israel a tìr na h-Eiphit ; agus na Philistich a Caphtor, agus na Siriaich a Cir ?

8 Feuch, tha sùilean an Tighearna Iehobhah air an riochdachd chiontaich, agus

sgriosaidh mise bharr aghaidh na talmhainn i : a mhàin cha mhill mi gu tur tigh Iacoib, deir an Tighearn.

9 Oir feuch, bheir mise àithne, agus criathraidh mi tigh Israeil ann am measg nan uile chinnceach, mar a chriathrar sìol ann an criathar, gidheadh cha tuit an sìleinn a's lugha dbeth air an talamh.

10 Bàsaichidh uile pheacaich mo shluaigh-sa leis a' chlaidheamh, a ta 'g ràdh, Cha bheir an t-olc oirnn, agus cha ghlac e sinn gu h-obann.

11 Anns an là sin togaidh mise suas pàillinn Dhaibhidh a ta air tuitean, agus dùinidh mi suas a bhearnan ; agus togaidh mi suas a làraichean, agus cuiridh mi suas e mar anns na laithibh o shean :

12 A chum gu 'u sealbhaich iad na mhaireas do Edom, agus na h-uile chinnich a dh'ainmichear air m' ainmsa, deir an Tighearn a ni so.

13 Feuch tha na laithean a' teachd, deir an Tighearn, anns am beir an treabhaiche air a bhunaiche, agus fear-bruthaidh nam fion-dhearc air fear cur an t-sìl ; agus silidh na sléibhtean fion milis, agus leaghaidh na h-uile chnuic.

14 Agus bheir mise air a h-ais a rìs bruid mo shluaigh Israeil, agus togaidh iad na bailtean fàs, agus ni iad an àiteachadh ; agus suidhichidh iad fion-liosan, agus òlaidh iad am fion ; ni iad fòs liosan, agus ithidh iad an toradh.

15 Agus suidhichidh mise iad nam fearann, agus cha bhì iad ni 's mò air an spionadh a nìos as an fhearann a thug mise dhoibh, deir an Tighearn do Dhia-sa.

## O B A D I A H.

### CAIB. I.

**S**EALLADH Obadiah. Mar so deir an Tighearn Iehobhah do thaobh Edoim : Chuala sinn aithris o'n Tighearn, agus chuireadh teachdaire ann measg nan cinneach, *ag ràdh*, Eiribhse, agus éiream-aidne suas na h-aghaidh ann an cath.

2 Feuch rinn mise beag thu measg nan cinneach : tha thu gu mòr air do chuir fo dhi-meas.

3 Mheall uabhar do chridhe thu, O thusa ta chòmhnuidh ann an sgeiribh nan creag, ann ad chòmhnuidh ard ; a ta 'g ràdh ann ad chridhe, Cò bheir a nuas mi chum an làir ?

4 Ged' ardaich thu thu féin mar an òlaid, agus ged' shuidhich thu do nead am measg nan reultan, as sin bheir mise nuas thu, deir an Tighearn.

5 Ma thig meirlich chugad, ma thig

gaduichean anns an oidhche, (cionnus a ghearradh as thu !) nach goideadh iad gus am biodh gu leòr aca ? nan d'thigeadh luchd-tional nam fion-dhearc chugad, nach fàgadh iad diolam do na dearcaibh ?

6 Cionnus a ta Esau air iarraidh a mach ! a nithe foluichte air an rannsachadh !

7 Thug uile dhaoine do chomuin a chum na crìche thu ; na daoine bha 'n sìth riut, a dh' iù aran leat, mheall iad thu, agus bhuadhaich iad ann ad aghaidh : leag iad rib fodhad : cha 'n 'eil tuigse sam bith annad.

8 Nach sgrios mise san là sin, deir an Tighearn, araon na daoine glìce mach a h-Edom, agus tuigse a sliabh Esau !

9 Agus claidhear do dhaoine treun-sa, O Themain ; a chum gu 'n gearrar as gach duine do shliabh Esau le h-àr.

10 Air son d' ainneirt an aghaidh do bhràthar Iacoib, nì nàire do chòmh-dach-



adh, agus bidh tu air do ghearradh as gu brath.

11 Anns an là san do sheas thu air an taobh eile, anns an là san d'thug na coimhich a shluagh am bruid, anns an deachaidh coigrich a steach air a gheatachan, agus anns an do thilg iad crannchur air Ierusalem, *bhu* eadhon thusa mar aon diubh.

12 Ach cha bu chòir dhuit amharc *le sòlas* air là do bhràthar, anns an là san d'rinneadh coigreach dheth: ni mò bu chòir dhuit gairdeachas a dheanamh os cionn cloinne Iudah ann an là an léirsgrios: ni mò bu chòir dhuit labhairt gu h-uibhreath ann an là an amhghair.

13 Cha bu chòir dhuit dol a steach air geata mo shluaigh-sa ann an là an amhghair; seadh cha bu chòir dhuit amharc *le sòlas* air an teinn ann an là an airce; no làmh a chur air am maoin ann an là an amhghair.

14 Ni mò bu chòir dhuit seasamh anns an t-slighe tharsuing, a ghearradh as an dream a chaidh as d'a mhuinntir; ni mò bu chòir dhuit iadsan a mhair d'a chuid-eachd a thoirt suas ann an là na dòrinn.

15 Oir tha là an Tighearna dlù air na h-uile chinnich: mar a rinn thusa, nithear

riut: pillidh do luigheachd air do cheann fein.

16 Oir amhuil a dh'òl sibhse air mo shliabh naomh-sa, òlaidh na h-uile chiu-nich mu'n cuairt; seadh òlaidh, agus sluig-idh iad sìos; agus bitlidh iad mar nach biodh iad idir ann.

17 Ach air sliabh Shioin bidh saorsa, agus bidh naomhachd; agus sealbhaichidh tigh Iacoib an sealbh fein.

18 Agus bidh tigh Iacoib na theine, agus tigh Ioseiph na lasair; agus tigh Esau na asbhuaig; agus lasaidh, agus loisgidh iadsan iad; agus cha bhì aon mairionn do thigh Esau; oir labhair an Tighearna.

19 Agus ghabhaidh iadsan o dheas sealbh air sliabh Esau; agus iadsan o'n chòmhuard air na Philistich; agus sealbh-aichidh iad machair Ephraim, agus machair Shamaria; agus sealbhaichidh Benjamin Gilead.

20 Agus sealbhaichidh braighdean an t-sluaigh so chloinne Israeil, fearann nan Canaanach, eadhon gu Sarephat; agus sealbhaichidh braighdean Ierusalem, a ta 'n Sepharad, bailtean na h-airde deas.

21 Agus thig fir-shaoraidh nìos air sliabh Shioin, a thoirt breith air sliabh Esau; agus bidh an rioghachd leis an Tighearna.

## I O N A H.

### CAIB. I.

**A**NIS thàinig focal an Tighearna gu Ionah mac Amitai, ag ràdh,

2 Eirich, imich gu Ninebbheh, am baile mòr sin, agus tog do ghuth na aghaidh; oir tha an aingidheachd air teachd a nìos a'm làthair-sa.

3 Ach dh'éirich Ionah suas gu teich-cadh do Tharsis o fhianuis an Tighearna; agus chaidh e sìos gu Jopa; agus fhuair e long a' dol gu Tarsis, agus phàigh e 'n luach-aisig, agus chaidh e sìos innte, gu dol leo gu Tarsis, o làthair an Tighearna.

4 Ach chuir an Tighearna a mach gaoth mhòr air an fhaighe, agus bha onfha ro mhòr air an fhaighe; ionnus gu 'n do shaoil iad gu 'm biodh an long air a bris-eadh.

5 An sin bha eagal air na maraichean, agus ghlaodh iad gach duine r'a dhia; agus thilg iad mach am bathar, a bha san luing do 'n fhaighe, chum a h-eatromachadh: ach chaidh Ionah sìos gu taobhan na luinge; agus luidh e, agus bha e *na* chuain chadail.

6 An sin thàinig maighstir na luinge d'a ionnsuidh, agus thuirt e ris, Ciod is ciall duit, O thus a tha 'n ad chadal? eirich, gairm airt do Dhia; theagamh gu

smaointich Dia oirnn, a chum nach bàs-aich sinn.

7 Agus thubhairt iad, gach aon r'a chompanach, Thigibh, agus tilgeamaid crainn, a chum gu 'n aithnicheamaid cò air son a ta 'n t-olc so air teachd oirnn. Mar sin thilg iad crainn, agus thuit an crannchur air Ionah.

8 An sin thuirt iad ris, Innis duinn, guidheamaid ort, ciod a b' aobhar do 'n olc so teachd oirnn; ciod is dreuchd ' dhuit? agus cia as a thàinig thu? ciod is dùthaich dhuit? agus cò na daoine do 'm bheil thu?

9 Agus thuirt e riu, Is Eabhruidheach mi, agus tha eagal an Tighearna Dia nèimh orm, an Ti a rinn an cuan agus an talamh tioram.

10 An sin bha na daoine fo anbharr eagail, agus thuirt iad ris, C'ar son a rinn thu so? (oir thug na daoine gu 'n do thòich e o làthair an Tighearna; oir dh'innis e dhoibh.)

11 An sin thuirt iad ris, Ciod a ni sinn riut, a chum gu 'm bi an fhaighe ciuir dhuin? (oir bha onfha na fairge a' fàs nì bu mhò 's nì bu mhò.)

12 Agus thuirt e riu, Togaibh suas mi,

agus tilgidh amach mi anns an fhairge; mar sin bidh an fhairge ciuin dhuibhse: oir tha fios agam gur ann air mo shon-sa tha 'n doininn mhòr so oirbh.

13 Gidheadh dh'iomraim na daoine gu cruaidh, a chum pilleadh gu tìr, ach cha b'urradh iad; oir dh'fhàs onfha na fairge ni bu mhòr 's ni bu mhòr nan aghaidh.

14 Air an aobhar sin, ghlaodh iad ris an Tighearn, agus thubhairt iad, Guidheam-aid ort, O Thighearn, na leig dhuinne bàsachadh air son anama an duine so, agus na leig oirnn fuil neo-chiontach: oir rinu thusa, O Thighearn, mar a b'aill leat fèin.

15 An sin ghlac iad Ionah, agus thilg iad a mach e anns an fhairge, agus sguir an fhairge d'a boile.

16 An sin bha eagal an Tighearna gu ro mhòr air na daoine, agus dh'ìobair iad ìobairt do 'n Tighearn, agus thug iad bòid-ean.

17 A nis dh'ullaich an Tighearn iasg mòr chum Ionah a shlugadh suas; agus bha Ionah ann am broinn an éisg tri lath-ean agus tri oidhchean.

#### CAIB. II.

**A**N sin rinn Ionah urnaigh ris an Tighearn a Dhia, a broinn an éisg,

2 Agus thubhairt e; Ghlaodh mi do thaobh m' amhghair ris an Tighearn, agus dh'éisd e rium; a broinn na h-uaigne ghlaodh mi; chuala tusa mo ghuth.

3 Oir thilg thu mi san doimhne, ann am meadhon na fairge; agus dh' iadh na tuiltean mu 'm thimchioll; chaidh do shum-ainnean agus do thonnan-sa uile tharum.

4 An sin thubhairt mi, Tha mi air mo thilgeadh a mach a fradharc do shùl; gidheadh seallaidh mi a rìs ri do theampull naomh.

5 Dh' iadh na h-uisgeachan mu 'm thimchioll, eadhon gu ruig an t-anam: chòmhdaich an doimhne mi mu 'n cuairt; bha mo cheann air a ribeadh anns an fheam-ainn.

6 Chaidh mi sìos gu h-ìochdar nan sléibh-tean; dhruid an talamh a crainn gu bràth orm: gidheadh thug thus' a nìos as an t-slochd mo bheatha, O Thighearn mo Dhia.

7 Tra lag air m'anam an taobh a stigh dhìom, chuimhnich mi air an Tighearn; agus thàinig mi urnaigh chugad, gu d' theampull naomh.

8 Iadsana ta leanmhuinn air dìomhanasa breugach, tha iad a' tréigsinn an tròcair fèin.

9 Ach ìobraidh mise dhuitse le guth buidheachais; ìocaidh mi an nì sin a bhòidich mi; is ann do 'n Tighearn a bhuineas slàinte.

10 Agus labhair an Tighearn ris an iasg, agus thilg e mach Ionah air an talamh thioram.

#### CAIB. III.

**A**GUS thàinig focal an Tighearna gu Ionah an dara uair, ag ràdh;

2 Eirich, inich gu Ninebheh, am baile mòr sin, agus labhair ris anns na briathraibh 'a dh' àithneas mise dhuit.

3 Agus dh'èirich Ionah, agus chaidh e gu Ninebheh, do réir focail an Tighearna. (A nis bu bhaile ro mhòr Ninebheh, astar trì laithean.)

4 Agus thòisich Ionah air dol tre<sup>2</sup> am bhaile, astar aon latha; agus ghlaodh e, agus thubhairt e, Fathasd dà fhichead là, agus sgriosar Ninebheh.

5 Agus chreid inuinnir Ninebheh Dia, agus dh'èigh iad trasg, agus chuir iad umpa eudach-saic, o'n aon bu mhòr dhiubh gus an aon bu lugha.

6 Oir thàinig an sgeul gu rìgh Ninebheh, agus dh'èirich e o a rìgh-chaithir, agus chuir e 'fhalluing vaith, agus chòmhdaich se e fèin le eudach-saic, agus shuidh e ann an luathre.

7 Agus thug e faineair a ghlaodhach agus a chur an céill feadh Ninebheh, (le ordugh an rìgh agus 'uaislean,) ag ràdh; Na blaiseadh duine no beathach, buair no treud, aon nì; na h-ionaltradh iad, agus na h-òladh iad uisge.

8 Ach biodh duine agus ainmhidh air an còmhdachadh le eudach-saic, agus glaothadh iad gu treun ri Dia: seadh, pill-eadh iad gach aon o 'dhroch shlighe, agus o'n fhòirneart a ta nan làmhnan.

9 Cò aig am bheil fios nach pill Dia, agus nach gabh e aithreachas, agus nach pill e o 'dhan-chorruich; air chor as nach bàsaich sinn?

10 Agus chunnaic Dia an oibre, gu 'n do phill iad o'n droch shlighe; agus ghabh Dia aithreachas mu'n olc a thubhairt e gu 'n deanadh e orra, agus cha d'rinn se e.

#### CAIB. IV.

**A**GUS mhi-thaitinn sin ri Ionah gu ro mhòr, agus bha fearg mhòr air.

2 Agus ghuidh e ris an Tighearn, agus thubhairt e, Guidheam ort, O Thighearn, nach dubhairt mise so, 'nuair a bha mi fathasd ann am dhùthaich fèin? Uime sin theich mi roimhe so gu Tarsis: oir bha fios agam gur Dia gràsnihor thusa, agus tròcaireach, mall a chum feirge, agus pàist ann an ìochd, agus gu'n gabh thu aithreachas mu olc.

3 Uime sin a nis, O Thighearn, buir, guidheam ort, m'anam uam; oir is fearr dhomh bhì marbh na beo.

4 An sin thuir an Tighearn, Am màith a thig dhuit fearg a bhì ort?

5 A nis bha Ionah air dol a mach as a' bhaile, agus shuidh e air an taobh an ear do 'n bhaile, agus an sin rinn e dha fèin bothan, agus shuidh e fuidhe san dubhar,

<sup>1</sup> Èigh ris an èigh, Eabh, <sup>2</sup> throimh.



agus am faicheadh e ciod a thachradh do 'n bhaile.

6 Agus dh'ullaich an Tighearn Dia luibh-sgàile, agus dh'fhàs i nìos os cionn Ionah, a chun gu 'm biodh i mar sgàile thar a cheann, d'a shaoradh o 'dhoilghios. Agus bhà Ionah ro ait air son na luibh-sgàile.

7 Ach dh'ullaich Dia enuimh an uair a dh'èirich a' mhaduinn air an ath là, agus bhuail i an luibh-sgàile, agus shearg i.

8 Agus tharladh tra dh'èirich a' ghrian, gu 'n do dheasuih Dia gaoth theath o 'n ear, agus bhuail a' ghrian air ceann Ionah, ionnus gu 'n d'fhanuich e, agus ghuidh e ann fein bàs fhaotainn, agus

thubhairt e, Is fearr dhomh bhì marbh na beo.

9 Agus thuirt Dia ri Ionah, An ceart dhuit do chorruih a bhì air lasadh air son na luibh-sgàile? Agus thuirt esan, Is ceart domh a bhì ann an corruich gu bàs.

10 An sin thuirt an Tighearn, Choigleadh tusa an luibh-sgàile, air son nach do shaothairich thu, nì mò thug thu air fàs; a thàinig a nìos ann an oidhehe, agus a chaidh seachad ann an oidhche.

11 Agus nach coiglinn-sa Nìebheh, am baile mòr sin, anns am bheil tuille as sè fichead mìle pearsa, do nach aithne an làmh dhcas seach an làmh chli; agus mòran spréidhe?

## M I C A H.

### CAIB. I.

**F**OCAL an Tighearna, a thàinig gu Micah am Morastach, ann an laithibh Iotaim, Ahais, Hescchia, rìghrean Iudah; a chunnaic e do thaobh Shamaria agus Ierusalem.

2 Eisdibh, O shlòigh, an t-iomlan dibh: thoir fainear, O thalamh, agus na h-uile ta ann; agus biodh an Tighearn Iehobhah na fhianuis 'nur n-aghaidh, an Tighearn a' theampull naomh.

3 Oir feuch thig an Tighearn a mach as àite; agus thig e nuas, agus saltraidh e air ionadaibh arda na talmhainn.

4 Agus leaghar na sléibhtean fuidhe, agus sgoiltear na gleann, mar chéir fa chomhair an teine, mar uisgeachan a dhòir-tear thar bruaich chorraich.

5 Air son easontais Iacoib tha so uile, agus air son lochdan tìghe Israeil. Ciod e easontas Iacoib? Nach e Samaria? agus ciod iad ionadan arda Iudah? nach iad sin a ta 'n Ierusalem?

6 Uime sin nì mise Samaria na carn sa' mhachair, na h-ait air son stoidheachaidh fhìon-lios; agus taomaidh mi sìos a clachan do 'n ghleann, agus leigidh mi ris a bun-àite.

7 Agus brisear a dealbhan snaighte gu léir nam bloighdibh, agus loisgear a tuaradal gu léir le teine, agus an t-iomlan d'a h-iodholaibh leigidh mise sìos nan làraich: oir do thuaradal strìopaiche ehiruinnich i a h-ionnais; agus do thuaradal strìopaiche pillidh iad.

8 Air an aobhar sin nì mise caoidh agus ard-ghul; siubhlaidh mi ruisgte agus lom-nochd: nì mi caoidh mar na dragoin, agus cumha mar nìghcana na caillich-oidhche.

9 Oir tha a crèuchd do-leigheas, oir thàinig i gu Iudah; thàinig i gu geata mo shluagh-sa, gu Ierusalem.

10 Na cuiribh an céill e ann an Gat; na

guillibh air aon chor; ann an tigh Aphrah aornagain thu fèin san luathre.

11 Imich air falbh, a bhean-àiteachaidh Shaphir, le d' naire air a leigeadh ris: cha dcaehaidh luchd-àiteachaidh Shanain a mach gu tuireadh: O Bheteseil, gheibh e uaibhsè àite seasainh.

12 Gu dearbh tha bean-àiteachaidh Mharoit a' feitheanmh air son maith; gu dearbh thàinig olc a nuas o 'n Tighearn gu geata Ierusalem.

13 Ceangail an carbad ris an each luath, O thusa ta 'g àiteachadh Lachcis. B' ise bu toiseach peacaidh do nighean Shioin: oir annadsa fhuaireadh esaontais Israeil.

14 Uime sin bheir thu tiolacan do Mhoret-Gat: bidh tighean Achsib nam meall-adh do rìghribh Israeil.

15 Agus bheir mise oighre chugadsa, O bhean-àiteachaidh Mharesah; thig e gu Adulam, glòir Israeil.

16 Dean maol thu fèin, agus dean do bhearradh air-son do chloinne àillidh; sgaoil, mar an iolair, do mhaoile; oir dh'fhalbh iad uait am braighdeanas.

### CAIB. II.

**I**S truagh dhoibhsan a ta dealbh aingidh-eachd, agus a' cur an gnìomh uile air an leapuichibh; an uair a shoillsicheas a' mhaduinn tha iad 'g a dheanamh, a chionn gu bheil e 'n comas an làimhe.

2 Agus tha iad a' sanntachadh mhach-raichean, agus 'gan glacadh le fòirneart; agus thighean, agus tha iad 'gan toirt air falbh: mar sin tha iad a' sàruchadh duine agus a thighe; duine mhòir agus 'oigh-reachd.

3 Air an aobhar sin, mar so deir an Tighearn; Feuch, an aghaidh an Teaghlach so tha mise a' dealbh uile, o nach buin sibh air falbh 'ur muineil, nì mò dh'imicheas sibh gu h-uaibhreach: oir is aimsir olc so.

4 Anns an là sin togar cosalachd 'nur n-aghaidh, agus nìthear tuireadh le cumha brònach, ag ràdh, Tha sinn gu tur air ar creachadh; dh'atharruich e cuibhrionn mo shluaigh: cionn a dh'atharruich e uam e? roinn e ar-machraichean, a shaoil sinn a bhiodh air an aisèag dhuinn féin.

5 Gu dearbh cha' bhì aon neach agad a shìneas a mach sreang le crannchur ann an coimhèibh an Tighearna.

6 Na deanuibhse faisneachd, O sibhse ta ri faisneachd: cha dean iad faisneachd dhoibh: cha d'thoir esan air falbh am masladh.

7 Am bheil tigh Iacoib ag ràdh, Am bheil Spiorad an Tighearna air a chughannachadh? an iad so a ghnìomhara? nach 'eil mò bhriathransa a' deanamh maith do 'n neach a ghluaiseas gu h-ionraic?

8 Ach o chian fada dh'èirich mo shluagh suas mar nàmhaid: tha sibh a' spionadh na falluinge, maille ris an trusgan, o'n mhuinntir a ta 'g imeachd seachad gu tèarainte, mar dhaoine gun spéis do chogadh.

9 Mnathan mo phobuill thilg sibh a mach o'n tighibh taitneach; o'n cloinn thug sibh air falbh mo ghloir gu bràth.

10 Eiribh, agus imichibh, oir cha 'n i so 'ur còmhnuidh: a chionn gu bheil e air a shalachadh, sgriosar e: agus bidh an sgrios mòr.

11 Ma nì duine sam bith, ag imeachd ann an spiorad brèige agus ceilg, faisneachd dhuir air son fìona, 's air son dìbhe làidire, bidh eadhon esan na fhàidh do 'n t-sluagh so.

12 Cruinnichidh mi gu cinnteach, O Iacoib, an t-ionlan diotsa: cruinnichidh mi gu cinnteach iarmad Israeil; cuiridh mi iad le chèile mar chaoirich Bhosrah, mar threud ann am meadhon am mànrach<sup>1</sup>: nì iad farum mòr le lìonmhoireachd dhaoine.

13 Thàinig am fear-brisidh a nìos rompa: bhris iad an geata, agus chaidh iad troimhe; agus chaidh iad a mach d'a thrìd; agus suibhlaidh an rìgh air an toiseach, eadhon an Tighearn air an ceann.

### CAIB. III.

**A**GUS thubhairt mi, Eisibh, guidheam oirbh, O cheannarda Iacoib, agus a phrionnsacha tighe Israeil; nach buin duibhse fìos a bhì agaih cìod a tha ceart?

2 Sibhse ta fuathachadh a' mhaith, agus a' gràdhachadh an uile; a ta spionadh dhuibh an craicinn, agus am feòla bharr an cnàmh:

3 A ta fòs agitheadh feòla mo shluaighsa, agus a' fionnadh dhuibh an craicinn, agus a' briscadh an cnàmh, agus 'gan gearradh nam bloighdibh, mar fheoil air son na poite, agus mar bhiadh ann am meadhon a' choire.

4 An sin glaohdhaidh iad ris an Tighearn,

<sup>1</sup> an crò,

ach cha chluinn e iad: folaichidh e fòs a ghnùis uatha san àm sin, mar a ghiùlair siad iad féin gu h-olc nan gnìomharaibh.

5 Mar so deir an Tighearn mu thimchioll nam fàidhean, a ta toirt air mo shluagh-sa dol air seachran, a ta teumadh le 'm fiac-laibh, agus a' glaochach, Sìth: ach air son an tì nach cuir nam beul, tha iad ag ullachadh cogaidh na aghaidh.

6 Air an aobhar sin thig oidhche oirbh, air chor as nach faic sibh sealladh; agus thig dorchadas oirbh, air chor as nach dean sibh faisneachd, agus theid a' ghrian sìos air na fàidhean, agus bidh an là os an cionn dorcha.

7 An sin bidh nàire air na fiosaichean, agus amhluidh air na fàidhean; seadh, còmhdaichidh iad uile am beul, oir cha 'n eil freagradh air bith o Dhia.

8 Ach gu deinthin tha mise làn do chumhachd, do spiorad an Tighearna, agus do bhreitheanas, agus do nèart; a leigeidh ris 'casaontais do Iacob, agus a pheacaidh do Israel.

9 Cluinnibh so, guidheam oirbh, a cheannarda tighe Iacoib, agus a luchd-stiuraidh tighe Israeil; sibhse aig am bheil fuath do bhreitheanas, agus a ta fiardh gach uile cheartais:

10 A ta a' togail Shìoin suas le fuil, agus Ierusalem le do-bheart.

11 Tha an ceannardan a' toirt breith air son duaise, agus an sagairt a' teagasg air son tuarasdail, agus am fàidhean a' faisneachd air son airgid; gidheadh leigidh iad an taice ris an Tighearn, ag ràdh, Nach 'eil an Tighearn 'nar meadhon? cha d'thig aon olc oirnn.

12 Uime sin, air 'ur son-sa bidh Sion air a treabhadh mar mhachair, agus bidh Ierusalem na carnaibh; agus sliabh an tighe mar ionada arda na sìthe.

### CAIB. IV.

**A**CH tarlaidh anns na làithibh deireann-ach gu'm bi sliabh tighe an Tighearna: air a dhaingneachadh air mullach nan sliabh, agus arduichear e os cionn nam beann, agus sruthaidh na slòigh d'a ionnsuidh.

2 Agus theid mòran chinneach, agus their iad, Thigibh, agus rachamaid suas gu sliabh an Tighearna, agus gu tigh Dhè Iacoib; agus teagaisgidh e dhuinn m'a shligheibh, agus gluaisidh sinne na cheum-aibh: oir a Sion theid an lagh a mach, agus focal an Tighearna a Ierusalem.

3 Agus bheir e breith am measg mhòran shluagh, agus bheir e achasan do chum-cachaibh làidir fad as; agus buailidh iad an claidhean gu coltair, agus an sleaghan gu corran-aibh-sgathaidh: cha tog cinneach claidhean an aghaidh cinnich, agus cha 'n fhoghlum iad cogadh nì 's mò.

4 Ach suidhidh iad, gach duine fuidh 'hineamhuin, agus fuidh 'chrann-fige féin,

3 D 2



agus cha chuir aon neach eagal orra : oir beul Iehobhah Dhia nan sluagh labhair e.

5 Oir gluaisidh na h-uile shluagh, gach aon ann an ainm a dhé fèin ; ach gluaisidh sinne ann an ainm Iehobhah ar Dé-ne, gu saoghal nan saoghal.

6 Anns an là sin, deir an Tighearn, cruinnichidh mi ise ta bacach, agus tionaidh mi ise ta air a fogradh a mach, agus ise a chuir mi fuidh amhghar.

7 Agus nì mi ise bha bacach na h-iarmaid, agus ise, lha air a tilgeadh air falbh, na cinneach làidir ; agus riaghlaidh an Tighearn os an cionn ann an sliabh Shioin, o so a mach, eadhon gu sìorruidh.

8 Agus thusa, O thùir an treud, a dhaingnich làidir nighinne Shioin, thig d' àm-sa ; agus pillidh an t-sean uachdranachd, an rìoghachd, gu nighinn Ierusalem.

9 A nis c'ar son a ta thu gladhach gu h-ard ? am bheil rìgh air bith annad ? an do bhàsaich d'fhear comhairle ? oir ghlac ioghanna thu, mar mhnai ri saothair.

10 Bi ann an saothair, agus beir, O nighean Shioin, mar mhnai ri saothair : oir a nis théid thu mach as a' chathair, agus gabhaidh tu comhnuidh anns a' mhachair, agus théid thu eadhon gu Babilon ; an sin saorair thu ; an sin fuasglaidh an Tighearn thu a làimh do naimhdean.

11 A nis fòs tha mòran chinneach air cruinneachadh a' d' aghaidh, a ta 'g ràdh, Biodh i air a truailleadh, agus faiceadh ar sùil ar miann air Sion.

12 Ach cha 'n aithne dhoibh so smaointe an Tighearna, nì mòd thuigeas iad a chomhairle : oir nì e an cruinneachadh mar na sguabam a chum an urlair.

13 Eirich agus buail an t-arbhar, O nighean Shioin, oir nì mise d' adharc na h-iarunn, agus d'ionganna nan umba ; agus buailidh tu nam bloighdibh mòran chinneach ; agus coisrigidh tu an ionmhas do 'n Tighearn ; agus am maoin do Thriath na talmhainn uile.

#### C A I B. V.

**A** NIS cruinnich thu fèin ann am buidh-nichibh, O nighean bhuidhnichean : chuairtich iad le feachd sinn ; bhuaill iad le slait air a' ghial breitheamh Israeil.

2 Agus thusa, a Bhetlehem-Ephratah, ged' tha thu beag am measg nìhltean Iudah ; gidheadh asad thig a mach chugamsa neach a bhios na uachdran air Israel ; aig an robh a dhol a mach o shean, o làithibh na sìorruidheachd.

3 Air an aobhar sin bheir e thairis iad, agus an t-ànn anns an d'hoir ise, ta gu leanabh a bhreth, dhachaidh clann ; agus agus an iompaichear fuigheall am bràithrean, maille ri macaibh Israeil.

4 Agus seasaidh e, agus ionaltraidh e a theud ann an neart an Tighearna ; ann

am mòrachd ainme an Tighearna a Dhia ; agus bidh iadsan air an iompachadh : oir a nis bidh esan mòr gu ruig crìocha na talmhainn.

5 Agus bidh esan na shìth. 'Nuair a thig an t-Asirianach d'ar tìr, agus a shaltras e 'nar lùchairtibh, an sin togaidh sinn na aghaidh seachd buachaillean, agus ochd cinn-fheadhna sluaigh.

6 Agus cuiridh iad fearann Asiria fasleis a' chlàidheamh, eadhon fearann Nimroid na dhol a steach : mar so saoraidh iad sinn o 'n Asirianach 'nuair a thig e chum ar fearainn, agus 'nuair a shaltras e 'n taobh a stigh d'ar crìochan.

7 Agus bidh fuigheall Iacoib am measg mhòran shluagh, mar an drùchd o'n Tighearn, mar na frasain air an fheur nach feith ri duine, 's nach fan ri macaibh dhaoine.

8 Agus bidh fuigheall Iacoib am measg nan cinneach, am meadhon mhòran shluagh, mar leòmhann am measg bheathaichean na frìthe, mar cluilean leòmhainn am measg nan treuda caorach : e sin, ma théid e roimhe, arson saltraidh sìos, agus reubaidh, agus cha tèaruinn aon neach.

9 Togar do làmh suas os cionn do naimhdean, agus bidh d' eascairdean gu léir air an gearradh as.

10 Agus tarlaidh anns an là sin, deir an Tighearn, gu'n gearr mise do chuid each a mach as do mheadhon, agus sgriosaidh mi do charbaid.

11 Agus gearraidh mi as bailtean d'fhearainn, agus tilgidh mi sìos d' uile dhaingnichean.

12 Agus gearraidh mi na druidhean a mach as do mheadhon, agus cha bhi fios-aichean air bith agad.

13 Do dhealbhan snaighte maran ceudna gearraidh mi as, agus do dhealbhan seas-mhach a mach as do mheadhon : agus cha d'hoir thu nì 's mò aoradh do obair do làmh.

14 Agus spionaidh mi nìos do dhoir-eachan as do mheadhon : sgriosaidh mi fòs do naimhdean :

15 Agus nì mi dioghaltas, ann am feirg, agus ann an corruich, air na cinnich, ionnus nach cual iad *d' leithid*.

#### C A I B. VI.

**E** ISDIBHSE nis ciod a deir an Tighearn : Eirich, tagair fa chomhair nam beann, agus cluinneadh na cnuic do ghuth.

2 Eisdibhse, O shléibhte coi'-stri an Tighearna ; agus sibhse, a bhunaite làidir na talmhainn. Oir tha coi'-stri aig an Tighearn r'a shluagh, agus tagraidh e ri Israel.

3 O mo shluagh, ciod a rinn mise ort ? agus ciod anns an do sgithich mi thu ? tog fianuis am aghaidh.

4 Oir thug mi nìos thu a tìr na h-Eiphit ;

agus a tigh nan tràillean shaoir mi thu;  
agus chuir mi romhad Maois, Aaron, agus  
Miriam.

5 O mo shluagh, cuimhnich a nis ciod  
a' chomhairle ghabh Balac rìgh Mhoib;  
agus ciod am freagradh a thug Balaam mac  
Bheoir dha, o Shitim gu Gilgal; a chum  
gu 'n aithnich sibh fireantachd an Tigh-  
earna.

6 Ciod leis an d'thig mi ann am fianuis  
an Tighearna; leis an strìochd mi mi fein  
an làthair an Dia a's airde? an d'thig mi  
na fhianuis le ìobairtibh-loisgte; le laoigh  
a bhios bliadhna dh' aois?

7 Am bi an Tighearn toilichte le mìltibh  
do reitheachaibh, le deich mìltibh do  
shruthaibh ola? an d'thoir mi mo cheud-  
ghin air son mo chionta; toradh mo chuirp  
air son cionta m' anama?

8 Dh'theuch e dhuit, O dhuine, ciod a  
tha maith; agus ciod a tha an Tighearn ag  
iarruidh ort, ach ceartas a dheanamh,  
tròcair a ghràdhachadh, agus gluasad gu  
h-iriosal maille ri d' Dhia.

9 Tha guth an Tighearna glaothaich ris  
a' bhaile, agus bheir an duine glic fainear  
d'ainm: éisdibhse an t-slat, agus an Ti a  
dh'orduich i.

10 Am bheil fathasd ionnhasa na  
h-aingidheachd ann an tigh an droch  
dhuine: agus an tomhas gann a ta gràineil?

11 Am meas mise glan leis na meighibh  
eucorach, agus le màla nan cothroma  
cealgach?

12 Aig am bheil a daoine beartach làn  
ainneirt: agus labhair a luchd-àiteachaidh  
breugan; agus tha an teanga cealgach  
nam beul.

13 Uime sin tionsgnaidh mise air do  
bhualadh, air do dheanamh fàs air son do  
lochdan.

14 Ithidh tu, ach cha sàsuichear thu;  
agus bidh do leagadh ann ad mheadhon;  
agus gabhaidh tu greim, ach cha ghléidh  
thu: agus an ni sin a ghléidheas tu, bheir  
mise do 'n chlaidheamh.

15 Cuiridh tu, ach cha bhuain thu:  
bruthaidh tu meas a' chrainn-ola, ach cha  
'n ung thu thu fein le h-ola; agus dearc an  
fhion-nuadh, ach cha 'n òl thu fion.

16 Oir choimhid thu reachdan Omri,  
agus uile oibre tighe Ahaib; agus tha sibh  
ag imeachd nan comhairlibh; a chum gu  
'n deanuinne na h-ionad fàs i, agus a  
luchd-àiteachaidh nan sgeig; agus gu 'n  
giùlain sibhse masladh mo shluaighse.

## CAIB. VII.

**M**O thruaighe mise! oir dh'fhàs mi  
mar luchd-tionail a' mheas shamh-  
raidh; mar luchd-dìoluim an fhion-  
fhogharaidh: cha 'n 'eil aon bhaguide r'a  
itheadh: tha m'anam ag iarruidh a' cheud  
thoraidh.

2 Bhàsaich an t-ionracan as an fhearann,  
agus cha 'n 'eil neach treibh-dhireach am

measg dhaoine: tha iad uile a' gabhail fàthr  
air son fala: tha iad, gach aon, a' sealg a  
bhràthar le lion.

3 A chum gu 'n dean iad olc le uile  
dhìcheall an làmh; tha am prionnsa agus  
am breitheamh ag iarruidh duaise: agus  
tha an duine mòr a' foillseachadh a dhroch  
thograidh: mar sin tha iad 'ga phasgadh suas.

4 Tha 'n ti 's fearr dhuibh mar dhris;  
tha 'n ti 's ionraice nam measg mar phris  
dhròighnach; is e so là do luchd-faire; tha  
do smachdachadh air teachd: a nis bithidh  
iad ann an imcheist.

5 Na h-earbaibh a caraid; na cuiribh  
muinighion ann am fear-iuil: o'n té a  
luidheas ann ad uchd gléidh dorsa do theoil.

6 Oir tha am mac a' toirt eas-onoir do  
'n athair; tha an nighean ag éirigh suas an  
aghaidh a màthar, bean a' mhic an aghaidh  
màthar-chéile: is iad naimhdean duine  
muinntir a thighe fein.

7 Ach seallaidh mise ris an Tighearn:  
bidh mo dhòchas ann an Dia mo shlàinte:  
éisdidh mo Dhia rium.

8 Na dean gairdeachas a' m' aghaidh,  
O mo nàmhaid: ged' thuit mi, éiridh mi;  
ged' shuidheam ann an dorchadas, bidh an  
Tighearn na sholus dhomh.

9 Giùlainidh mi corruich an Tighearna,  
a chionn gu 'n do pheacaich mi na  
aghaidh; gus an tagair e mo chùis, agus  
an d'thoir e breith air mo shon: bheir e  
mach mi chum an t-soluis; chi mi  
'fhireantachd.

10 Agus chi mo nàmhaid sin, agus  
còmhdaichidh nàire ise thuit rium, C' àit'  
am bheil an Tighearn do Dhia? chi do  
shùilean am miann oirre: a nis saltrar sìos  
i mar chlàbar nan sràidean.

11 Anns an là sam bi do bhallachan air  
an togail; anns an là sin cuirear am fad  
uait an t-ordugh.

12 Anns an là sin fòs thig iad do d'ionn-  
suidh o Asiria, agus o na bailtibh daing-  
nichte; agus o'n daingneach eadhon gus  
an abhainn; agus o fhairge gu fairge, agus  
o shliabh gu shliabh.

13 Gidheadh bidh an talamh na fhàsach,  
air son a luchd-àiteachaidh, air son toraidh  
an deanadais.

14 Beathaich do shluagh le d' luirg,  
treud d' oighreachd, a ta gabhail còmhnuidh  
gu h-uaigneach san fhrith; ann an  
meadhon Charnail ionaltradh iad, ann am  
Basan agus Gilead, mar anns na laithibh o  
shean.

15 Mar anns na laithibh san d' thàinig  
iad a mach a tìr na h-Eiphit, nochdaidh  
mise dhoibh nithe mìorbhuileach.

16 Chi na cinnich, agus bidh iad fo  
amhladh air son an uile chumhachd:  
curidh iad an làmh air am beul, bidh an  
cluasan bodhar.

17 Imlichidh iad an duslach mar nathair;  
gluaisidh iad a mach as an tuill mar



chnuimhean na talmhainn: bidh eagallorra roimh an Tighearn ar Dia-ne, agus bidh iad fo gheilt air do shon-sa.

18 Cò a's Dia ann cosmhuil riutsa, a mhaithreas aingidheachd, agus a ghabhas seachad air easaontas iarmaid 'oighreachd? cha gléidh se a chorruich gu sìorruidh, a' chionn gur toigh leis tròcair.

19 Pillidh e a rìs, gabhaidh e truas dinn: còmhdaichidh e ar n-easaontais: seadh tilgidh tu an uile lochdan ann an doimhneachdan na fairge.

20 Coimhleanaidh tu an fhàirinn do Iacob, agus an tròcair do Abraham, a mhionnuich thu do 'r-n-aithrichean o na laithibh o shean.

## NAHUM.

### CAIB. I.

**A**N fhàisneachd mu thimchioll Nìnebheh. Leabhar seallaidh Nahum an Elcosich.

2 Tha Dia cudmhor, agus ni an Tighearn dioghaltas, ni an Tighearn dioghaltas, agus tha e ann am feirg; ni an Tighearn dioghaltas air 'eascairdibh; agus taisgidh e *corruich* air son a naimhdean.

3 Tha 'n Tighearn mall a chum feirge, agus mòr ann an cumhachd, agus cha saor an Tighearn air chor air bith *an t-aingidh*. Anns a' chuairt-ghaoith agus anns an doimhinn tha a shlighe, agus is iad na neoil luathreadh a chas.

4 Bheir e achasan do n' fhairge, agus ni e tioram i; agus tiormaichidh e suas na h-aibhnichean uile: shearg Basan agus Carmel; agus tha blàth Lebanoin air crìonadh.

5 Crìothnaichidh na sléibhtean roimhean, agus leaghaidh na cnuic; agus tha an talamh air a losgadh suas na làthair; an saoghal, agus 'uile luchd-àiteachaidh.

6 Cò a's urradh seasamh roimh 'fhearg-san? agus cò dh'fheadas fuireach ann an dian-theas a chorruich? tha a chorruich air a dòrtadh a mach mar theine, agus tha na creagan air an tilgeadh sìos leis.

7 Is maith an Tighearn, is daingneach làidir e ann an là na h-airce, agus is aithne dha iadsan a ta cur ann an dòchais.

8 Ach le tuil a' ruith thairis bheir e crìoch iomlan air an dream a dh' éireas na aghaidh; agus ruaigidh dorchadas a naimhdean.

9 Cìod a tha sibh a' smaointeachadh an aghaidh an Tighearna? ni e crìoch iomlan; cha 'n éirich amhgar suas an dara nair.

10 Oir am feadh a ta iad air an fillleadh anns a' chéile mar sgitheach; agus mar gu 'm b' ann air mhisg le 'm fion, caithear iad mar asbhuain làn thioram.

11 Asadsa chaidh aon a mach a dhealbh olc an aghaidh an Tighearna; droch fhearc-chomhairle.

12 Mar so deir an Tighearn, Ged' tha iad sàmbach, agus fòs lìonmhor, gidheadh gearrar as iad, agus siubhlaidh iad air falbh.

Ge do rinn mi thusa chlaoidh, cha chlaoidh mi thu ni 's mò.

13 Oir a nis brisidh mi a chuingsan dhìot, agus sgaoilidh mi as a' chéile do chuibhrichean.

14 Agus thug an Tighearn àithne mu d' thimchioll, nach froisear a mach d' ainm ni 's mò. A mach a tigh do dhée gearraidh mise an iomhaigh shnaighte, agus an iomhaigh leaghta; orduichidh mi d' uaigh, oir dh'fhàs thu gràineil.

15 Feuch air na sléibhtibh casan an tì a ta toirt deagh sgeoil leis, a ta craobh-sgaoileadh sìth: O Iudah, gléidh d' ard fhéillean; coimhlean do bhòidean: oir cha siubhail an t-aingidh ni 's mò tromhad; tha e gu tur air a ghearradh as.

### CAIB. II.

**T**HA esan a phronnas ann ain bloigh-dìbh air teachd a nìs fa d' chomhair; gléidh an daingneach, cuir faire air an t-slighe, dean do leasraidh làidir, neartuich gu treun do chumhachd.

2 Oir aisgidh an Tighearn a rìs òirdheirceas Iacob, mar òirdheirceas Israeil: oir mhill an luchd-millidh<sup>2</sup> iad, agus sgrios iad an geugan.

3 Rinneadh sgiath a dhaoine cumhachdach dearg, tha na gaisgich ann an sgarlaid: bidh na carbaid mar leusa lasrach ann an là ulmhaichidh; agus crathar gu h-uamhasach na *sleaghan* gumhais.

4 Bidh na carbaid air boile anns na sràidibh, buailidh iad an aghaidh a' chéile anns na h-ionadaibh farsuing: bidh an dreach mar leis, ruithidh iad mar dhealanaich.

5 Airmhidh e 'dhaoine treun a rìs: leagaidh iad sìos nan imeachd: ni iad deifir a chum a bhallaigh, agus ulmhaichear an didein.

6 Fosgailear geatacha na h-aibhne, agus bidh an luchairt air a sgaoileadh.

7 Agus bheirear Husab air falbh am bruid, bheirear suas i; agus a gruagaichean na co imeachd mar le guth choluman, a' bualadh air an uchd.

8 Ach tha sruthan Nìnebheh mar linne uisge; agus tha iadsan a' teicheadh.

<sup>1</sup> *prabadh.*

<sup>2</sup> *dh'fholmhuich an luchd-folmhachaidh. Eabh,*

Seasuibh, scasuibh; ach cha seall aon neach na dhèigh.

9 Glacuibhse a' chreach airgid, glacaibh a' chreach òir: oir cha 'n 'eil crìoch air an ionnhas ghloimhor, leis gach uile sheòrsa do shòithichibh rionnach.

10 Tha i falamh, agus faoin, agus fàs, agus tha an cridhe a leaghadh, agus na glùinean a' bualadh air a' chéile; agus tha mòran cràidh anns na h-uile leasraibh; agus tha an aghaidhean gu léir a' tional dorchadais.

11 C' àit am bheil còmhnuidh nan leòmhann, agus àite beathachaidh nan leòmhann òga? far an do ghluais an leòmhann, an seann leòmhann, agus cuilean leòmhainn, gun aon air bith a chur geilt orra.

12 Reub an leòmhann gu leòr air son a chuideanan, agus mharbh e air son a leòmhanna-boirionn, agus lìon e 'thuill le cobhartach, agus 'uaimh le creich.

13 Feuch tha mise ann ad aghaidh, deir Tighearn nan sluagh, agus loisgidh mi do charbadan san teine; agus ithidh an claidheamh do leòmhainn òga; agus gearraidh mise do chreach o 'n talamh, agus cha chluinnear ni 's mò guth do theachdairean.

### CAIB. III.

**I**S truagh do 'n chathair fhuiltich! tha i uile na ceilg, làn do reubainn; cha 'n 'eil sgur air a' chreich.

2 Fuain slait-sgiùrsaidh, agus torman farum nan rothan, agus nan each meamnach, agus nan carbad leumnach!

3 Togaidh am marcach suas araon an claidheamh loinreach, agus an t-sleagh lìomhaidh; agus tha mòran do mhairbh ann, agus àireamh mòr do chorpaidh: cha 'n 'eil crìoch air an cairbhinnibh; tha iad a' tuisleachadh air an corpaibh:

4 Air son lìonnuhoireachd strìopachais na strìopaiche maisich, ban-mhaighstir nan druidheachdan; a ta reic chinneach le a strìopachas, agus theaghlachan le a druidheachdan.

5 Feuch, tha mis' a' d' aghaidh, deir Tighearn nan sluagh, agus leigidh mi ris do sgiortan air d' aghaidh, agus foillsichidh mi do na cinnich do lomochothuiche, agus do na rioghachdaibh do mhasladh.

6 Agus tilgidh mi salchar gràineil ort, agus ni mi suarrach thu, agus cuiridh mi thu mar bhall-ambaire.

7 Agus tarlaidh, iadsan uile dh' amhairceas ort, gu 'n teich iad uait, agus their iad, Rinneadh Ninebheh na fàsach, cò chaidheas i? cia as a dh' iarras mi luchd-cofhurtachd air do shon?

8 Am fearr thusa nà No sluagh-mhor, a bha air a suidheachadh am measg nan aibhnichean; aig an robh na h-uisgeachan mu 'n cuairt di, aig an robh an fhairge mar dhèidein, agus a' mhuir mar bhalla?

9 B'e Etiopia a neart agus an Eiphit, agus bha sin an-bharr: b' iad Put agus Lubin a luchd-cuideachaidh.

10 Gidheadh thugadh air falbh i, dh'imich i ann am bairghdeanas: bha a clann òg fòs air am pronnadh nam bhoighdibh aig ceann nan uile shràidean: agus thilg iad crainn air son a daoine ùramach, agus bha a daoine mòra gu léir air an ceangal ann an slabhruidhean.

11 Bidh tusa fòs air mhìsg; folaichidh tu thu féin, iarruidh tu dèidein o 'n nàmhaid.

12 Bidh d'uile dhaingnichean làidir mar chrainn-fhige leis na ceud fhigibh abuich: ma chrathar iad, tuitidh iad ann am beul an ti a dh' itheas iad.

13 Feuch, tha do dhaoine mar mhnathan ann ad mheadhon; sgaoilear gu farsuing do d' naimhdibh geatacha do thìre; caithidh an teine do chrainn-dhruididh.

14 Tarruing uisge dhuit féin air son an fheachda, neartuich do dhaingnichean làidir: rach a steach do 'n chriadh agus post an làthach; daingnich an àth-chriadha.

15 An sin ni an teine do chaitheamh, gearraidh an claidheamh as thu: ithidh e suas thu mar a' chnàmh-chnuimh: dean thu féin lìonmhor mar a' chnàmh-chnuimh, dean thu féin lìonmhor mar an locust:

16 Rinn thu do luchd-malairt lìonmhor thar reulta nèimhe: millidh a' chnàmh-chnuimh, agus siùbhlaidh i air falbh.

17 Tha iadsan a chrùnadh annad mar na locust, agus do chinn fheadhna mar na lìonnain-fheòir, a chòmhnuicheas anns na barrauaibh<sup>1</sup> san latha fhuar; ach 'nuair a dh'èireas a' ghrian teichidh iad air falbh, agus cha 'n 'eil fios cia au t-àite 'm bheil iad.

18 Tha do bhuachaillean ri clò-chadal, O rìgh Asiria: tha d' uaislean nan tàmh: tha do shluagh air an sgapadh air ua sléibhteann, agus cha 'n 'eil aon neach ann d' an cruinneachadh.

19 Cha 'n 'eil leigheas air do bhruthadh: tha do lot nimbneach: na h-uile chluinneas ìomradh ort, buailidh iad am basan os do chionn; oir cò air nach do shiubhail d' olc an còmhnuidh?

<sup>1</sup> callaidibh.



# H A B A C U C.

## CAIB. I.

**A**N fhàisneachd a chunnaic Habacuc am fàidh.

2 Cia fhad, O Thighearn, a ghlaodhas mi, agus nach éisd thu? a ghlaodhas mi riut air son fòirncirt, agus nach saor thu?

3 C' ar son a ta thu nochdadh dhomh aingidheachd, agus a' toirt orm sealltuinn air doilghios? oir tha creach agus fòirneart fa'm chomhair; agus luchd-dùsgaidh sti' agus ainm-réite.

4 Air an aobhar sin, tha an reachd air fàilneachadh, agus cha 'n 'eil brcitheanas air air bith a' dol a mach: oir tha an ciontach ag iadhadh mu thimchioll an fhìre: uime sin tha breitheanas eucorach a' dol air aghaidh.

5 Faicibh am measg nan cinneach, agus amhaircibh, agus gabhaibh iongantas gu mòr: oir ni mise obair 'nur laithibh, nach creid sibh ged' innsear i duibh.

6 Oir feuch, dùisgidh mi suas na Cal-déich, an cinneach searbh agus casgaidh sin, a dh'imicheas trid leud an fhearainn, a ghabhail seilbh air na h-àiteacha-còmh-muidh nach leo fèin.

7 Tha iad uamhasach agus cagalach: thig am breitheanas agus an òirdheirceas a mach uatha fèin.

8 Tha 'n eich fòs ni 's luaithe na liop-aird, agus tha iad ni 's buirbe na madaidh-ailaidh an anmoich: agus sgaoilidh am marcaichean iad fèin, agus thig am marcshluagh o ioma-chèin: itealaichidh iad mar an iolair a dheifricheas gu ithcadh.

9 Thig iad uile air son ainneirt: sgriosaidh iad rompa mar a' ghaath an ear; agus cruinnichidh iad braighdean mar a' ghaim-eamh.

10 Agus ni iad sgeig air righribh, agus bidh prionnsachan nan cuis-mhagaidh dhoibh: ni iad fanoid air gach daingneach bidir; agus cruachaidh iad suas talamh, agus glacadh iad e.

11 An sin caochlaidh an inntinn, agus sìubhlaidh iad air falbh, agus measar iad ciontach. Tha an neart so aca o an dia.

12 Nach 'eil thusa o shiorruidheachd, O Thighearn, mo Dhia-sa, m' Aon naomh? cha bhàsaich sinn. O Thighearn, dh'orduich thu iadsan air son breitheanais; agus O Dhé chumhachdaich, dhaingnich thu iad air son smachdachaidh.

13 Tha do shùile ni 's glaine nà gu 'n seall thu air olc, agus cha 'n fheud thu amharc air aingidheachd: c' uim' am bheil thu 'g amharc air luchd-ceannaire, agus a' fantuinn a'd' thosd an uair tha 'n t-aingidh a' slugadh suas an duine 's ionraice nà e fèin?

14 Agus c'uim' am bheil thu deanamh dhaoine mar iasga na fàirge, mar na nithe

snàgach aig nach 'eil aon fhear-riaghlaidh os an cionn?

15 Tha iad 'gan togail suas uile leis an dubhan; tha iad 'gan glacadh nan lion, agus 'gan cruinneachadh nan eangaich; uime sin tha iad aoibhneach agus ait.

16 Air an aobhar sin tha iad ag ìobradh d'an lion, agus a' losgadh tuise d' an eangaich: a chionn leo sin gu bheil an cuibh-rionn reamhar, agus an lòn pailte.

17 An dean iad air an aobhar sin an lion falamh, agus nach coigil iad a bhi sìor-mharbhadh nan cinneach?

## CAIB. II.

**S**EASAIIDH mi air m'fhaire, agus cuiridh mi mi fèin air an tùr, agus feuchaidh mi ciod a their e rium, agus ciod a fheagrais mi 'nuair a chronichear mi.

2 Agus fheagair an Tighearn mi, ag ràdh, Sgrìobh an fhàisneachd, agus dean soilleir i air clàraibh, air chor as gu feud csan ruith a leughas i.

3 Oir tha 'n fhàisneachd fathas air son aimsir shònraichte, ach air a' cheann mu dheire labhraidh i, agus cha dean i breug: ged' dhean i maille, feith rithc; oir gu deimhin thig i, cha bhi i air dhèire.

4 Feuch, cha 'n 'eil 'anam-san a ta air a thogail suas, ccart an taobh a stigh dheth: ach mairidh am fìrean beo le a chreid-eamh.

5 Seadh fòs, mar dhuine théid as an rathad le fion, tha e uaibhreach, agus cha 'n 'eil e gabhail fois; a' meudachadh a chiochrais mar an uaigh; agus mar an bàs cha 'n fheudar a shàsachadh; agus tha e cruinneachadh chuige nan uile chinneach, agus a' tional dha fèin nan uile shluagh.

6 Nach tog iad so uile suas cosalachd na aghaidh, agus gnàth-fhocal tàmaitheach ni'a thimchioll, ag ràdh, Is truagh dha-san a mheudaicheas an ni nach leis fèin! cia fhad? agus dhasan a luchdaichcas e fèin le crè thugh.

7 Nach éirich iadsan gu grad suas a theumas thu; agus nach dùisg iadsan a chuireas dragh ort? agus nach bi thusa dhoibh mar chobhartach?

8 A chionn gu 'n do chbreach thu mòran chinneach, creachaidh uile iarmad nan cinneach thusa: air son fala dhaoine, agus sàruchaidh an fhearainn, na cathrach, agus a h-uile luchd-àiteachaidh.

9 Mo thruaighe esan a ta sanntachadh droch shainnt d'a thigh; a chum a nead a shuidheachadh gu h-ard; gu e fèin a shaoradh o chumhachd àmhghair.

10 Dhealbh thu nàire do d' thigh, le mòran shluagh a ghearradh as; agus pheacaich thu 'n aghaidh d' anama fèin.

<sup>1</sup> esan a tha teachd, thig e, cha bhi e ro-anmoch.

11 Oir gladhaidh a' chlach a mach as a' bhalla; agus freagraidh an t-sail as an fhiodh i.

12 Is an-aoibhinn dha-san a thogas baile le fuil, agus a dhaingnicheas cathair le ain-gidheachd.

13 Feuch, nach ann o Thighearn nan sluagh a ta so, gu 'n saothairicheadh daoine anns an t-cine, agus gu'n sgithicheadh slòigh iad fèin air son ni faoin?

14 Gu cinnteach lionar an talamh le eòlas glòire an Tighearna, mar a ta na h-uisgeachan a còmhachadh na fairge.

15 Is an-aoibhinn dha-san a tha toirt air a choimhearsnach òl, a ta cur ris a' chop-ain, agus 'ga chur air nuisg mar an ceud-na, chum gu 'n amhairceadh e air a lom-nochduiche.

16 Tha thu air do lìonadh le nàire 'n àite glòire: òl thusa fòs, agus biodh do roimh-chraicinn air a leigeadh ris: riutsa pillar cupan lainhe deise an Tighearna; agus bidh sgeith nàrach air do ghloir.

17 Oir ni ainneart Lebanoin do chòmhdachadh, agus cuiridh sgrios ainmhidhean eagal ort; air son fala dhaoine, agus air son sàruchaidh an fhearainn, na cathrach, agus a h-uile luchd-àiteachaidh.

18 Ciod an tairbhe tha san ìomhaigh shnaighte, gu 'n d' rinn am fear a dhealbha i a snaigheadh: anns an ìomhaigh leaghta, agus ann am fear teagasg nam breug; gu 'n earbadh fear-deanaidh na h-oibre so aisde, a dheanamh ìodhola balbha?

19 Is truagh dha-san a deir ris an fhiodh, Dùisg: ris a' chloich bhailbh, Eirich. An teagaisg i? Feuch, tha i air a cur thairis le h-òr agus airgiod; agus cha 'n 'eil anail air bith an taobh a stigh dh'i.

20 Ach tha an Tighearn na theampull naomh: bi d' thosd na fhianuis, O thalamh uile.

## CAIB. III.

**U**RNUIGH Habacuc an fhàidh air Sigionot.

2 O Thighearn, chuala mi do chainnt; bha eagal orm: O Thighearn, ath-bheothaich d' obair ann am meadhon nam bliadh-nachan, ann am meadhon nam bliadh-nachan dean aithnichte; ann an corruich cuimhnich tròcair.

3 Thàinig Dia o Theman, agus an Ti naomh o shliabh Pharain. Selah. Chòmhdach a ghlòir na nèamha, agus bha an talamh làn d'a chliù.

4 Agus bha a shoilleireachd mar a' ghrian; o a làimh *shruth* dèarsanna soluis; agus an sin bha àite foluich a mhòrachd.

5 Roimh a ghnùis chaidh a' phlàigh; agus chaidh eibhle teine mach o' chasaibh.

6 Sheas e, agus thomhais e 'n talamh: dh'amhairc e, agus sgap e na cinnich as a'

chéile; agus bha na sléibhte sìorruidh air am briseadh; chroin na cnuc bhi-bhuan; tha a shlighe mairtheannach.

7 Chunnaic mi pàilliuna Chusain ann an amhghar: chrìothnuich brat-sgàile fear-ainn Mhidiain.

8 An robh corruich air an Tighearn ris na tuilbìh? an robh d'fhearg an aghaidh nan aibhnichean? an robh do chorruich an-aghaidh na fairge, gu n' do mharcaich thu air d' eachaibh, agus air do charbadaibh slàinte?

9 Rinneadh do bhogha glan-rùisgte, do réir nam mionn do na treublaibh, *cadhon* d'fhocail. Selah. Sgoilt thu an talamh le sruthaibh.

10 Chunnaic na sléibhteannan thu agus chrìothnuich iad: ghabh tuil nan uisgeach-an seachad: chuir an t-aigein a mach a ghuth, thog an doimhne suas a làmhan.

11 Sheas a' ghrian agus a' ghealach nan àite: *nan* solus shiubhail do shaighdean; *nan* dealradh do shìcaghan lìomhaidh.

12 Dh'imich thu trid an fhearainn ann am fearg, bhuail thu na cinnich ann an corruich.

13 Chaidh thu mach air son tearnaidh do shluaigh, air son tearnaidh do mhuinntir ungta: bhuail thu 'n ceann o thigh an aingidh; leig thu ris na bunaite gu ruig a' mhuineil. Selah.

14 Bhuail thu le d' shlàit ceann a bhail-tean. Ruith iad a mach mar chuairt-ghaoith gu ar sgapadh; bha an gairdeachas mar gu'n sluigeadh iad am bochd gu h-uaigneach.

15 Choisich thusa trid na fairge le d' eachaibh: trid cruinneachaidh nan uisgeacha mòra.

16 Tra chuala mi, chrìothnaich mo chom: bha mo bhile air chrith ro d' ghuth: chaidh lobhadh a steach ann am chnàmhaibh, agus chrìothnaich mi ann am àite; a chum gu 'm biodh fois agam ann an là an amhghair: tra théid e suas an aghaidh an t-sluaigh, agus a chlaoidheas e iad le 'bhuidhnichibh.

17 Ge nach d'thoir an crann-fige uaith blàth, agus ge nach fas air an fhìonan cinneas; ged' fhàilnich meas a' chrainn-ola, agus ge nach d'thoir na machraichean uatha lòn; ged' ghearrar an treud as o 'n mhaunnir, agus ge nach bi buar air bith air na buailtibh;

18 Gidheadh ni mise gairdeachas anns an t-slàinte, ni mi aoibhneas ann an Dia mo shlàinte.

19 Is e 'n Tighearn Ichobhab mo neart, agus ni e mo chasan mar *chasaibh* Éilde, agus bheir e orn coiseachd air m' ionad-aibh arda. Do 'n ard-fhear-chiùil air m' inncaibh teudach.



# SEPHANIAH.

## CAIB. I.

**F**OCAL an Tighearna a thàinig gu Sephaniah mac Chusi, mhic Ghedaliah, mhic Amariah, mhic Hisciah, ann an laithibh Iosiah, mhic Amoin, rìgh Iudah.

2 Sgrìosaidd mise gu tur na h-uile nithe bharr aghaidh an fhearainn, deir an Tighearn.

3 Sgrìosaidd mi duine agus ainmhidh, sgrìosaidd mi eunlaith an athair, agus iasga na fairge, agus na cip-thuislidh maille ris na h-aingidh: agus gearraidd mi as an duine bharr aghaidh an fhearainn, deir an Tighearn.

4 Sinidh mi fòs a mach mo làmh air Iudah, agus air uile luchd-àiteachaidh Ierusalem, agus gearraidd mi as fuigheall Bhaail o'n àite so; ainm an luchd-iobraidh maille ris na sagairt;

5 Agus iadsan a ta 'g aoradh do fheachd nèimh air mhullach nan tigh-ean; agus iadsan a ta 'g aoradh, agus a' mìonnachadh air an Tighearn, agus fòs a' mìonnachadh air Malcham;

6 Agus iadsan a phill air an ais o'n Tighearn, agus iadsan nach d'iarr an Tighearn, agus nach d'fhiosraich dheth.

7 Bithibh tosdach an làthair an Tighearna Iehobhah, oir tha là an Tighearna dlù; oir dh'ullaich an Tighearn iobairt, ghairm e 'aoidhean.

8 Agus tarlaidh ann an là iobairt an Tighearna gu 'n smachdaich mise na prionnsachan, agus clann nan rìghrean, agus na h-uile ta air an éideadh le culaidh choimhich.

9 Agus air an là cheudna smachdaichidh mi iadsan uile ta leum air a' stàisnich, a ta lìonadh tighean am maighstirean le ainneart agus le ceilg.

10 Agus tarlaidh air an là sin, deir an Tighearn, gu 'm bi fuaim éighich o gheata 'n eìsg, agus ulartaich o 'n dara baile, agus bruanadh mòr o na cnocaibh.

11 Ard-ghuilibh, a luchd-àiteachaidh Mhacteis, oir tha 'n luchd-malairt gu h-ionnalan air an gearradh as; tha uile luchd-guìlain an airgid air am milleadh.

12 Agus tarlaidh anns an àin sin, gu 'n rannsuich mise Ierusalem le còinnlibh, agus smachdaichidh mi na daoine ta socair air an deasgainibh; a ta 'g ràdh nan cridhe, Cha dcan an Tighearn maith, nì mòr nì e olc.

13 Air an aobhar sin bidh am nàimh na chobhartach, agus an tìghean nam fàsach: agus togaidh iad tighean, ach cha 'n àitich iad; agus suidhichidh iad fion-lìosan, ach cha 'n òl iad an fion.

14 Tha latha mòr an Tighearna dlù, tha e dlù, agus a' deifreachadh gu mòr: tha guth là an Tighearna searbh: guilidh an sin an cumhachdach.

15 Is là feirge an là sin, là trioblaid agus teanntachd; là fàsalachd agus léir-sgrìos; là dorchadais agus ogluigheachd; là neul agus tiugh-dhorchadais;

16 Là trompaid agus iolaich an aghaidh nam bailtean daingnichte, agus an aghaidh nan tùr arda.

17 Agus bheir mise airc air daoine, ionnus gu 'n siubhail iad mar dhaill, a chionn gu 'n do phcacaich iad an aghaidh an Tighearna: agus dòirtear a mach am fuil mar dhùslach, agus am feoil nìar aolach.

18 Nì mòr dh'fheudas an airgid, no 'n òr an saoradh ann an là feirge an Tighearna; ach le teine 'eud-san loisgear am fearann uile: oir bheir e gu deimhin léir-sgrìos obann air uile luchd-àiteachaidh na tìre.

## CAIB. II.

**C**RUINNICHIBH sibh féin le chèile, seadh cruinnichibh le chèile, O fhuineadh gun iarraidh:

2 Mu 'n d'thig an t-ordugh gu buil, mu 'n siubhail 'ur là seachad nìar nìholt; mu 'n d'thig corruich gharg an Tighearna oirbh, mu 'n d'thig là feirge an Tighearna oirbh.

3 Iarruibhse an Tighearn, uile dhaoine ciuine na talmhainn, a dh' oibrich a bhreitheanas; iarruibh fireantachd, iarruibh macantachd: feudaidd e bhith gu 'n tearnar sibhse ann an là feirge an Tighearna.

4 Gu dearbh tréigear Gasa, agus cuirear fàs Ascelon; fògraidh iad a mach Asdod air mheadhon là; agus bidh Ecron air a spionadh a freunh.

5 Mo thruaighe luchd-àiteachaidh sìosa na fairge, cinneach nan Cereteach: tha focal an Tighearna 'n 'ur n-aghaidh. O Chanaain, a thìr nam Philisteach, sgrìosaidd mise thu, ionnus nach bi aon 'g ad àiteachadh.

6 Agus bidh taobh na fairge na bhòthan-aibh aig buachaillibh, agus na mhanraichibh aig treudan.

7 Agus bidh an sìos aig iarmaid tìghe Iudah, ionaltraidh iad air: ann an tìghibh Asceloin luidhidh iad sìos anns an anmoch: oir thig an Tighearn an Dia d' an amharc, agus bheir e air an ais am braighdean.

8 Chuala mise masladh Mhoab, agus ana-cainnt cloinne Amoin, leis an d'rinn iad mo shluagh-sa mhaslachadh, agus iad féin a mheadachadh an aghaidh an crìochan.

9 Air an aobhar sin mar is beo mise, deir Tighearn nan sluagh, Dia Israeil; gu deimhin bidh Moab mar Shodom, agus clann Amoin mar Ghomorrah, na fhàsach ionntagach, agus na phuill shaluinn, agus na léir-sgrìos sìorruidh; nì fuigheall mo

shluaigh-sa an creachadh, agus iarmad mo chinnich an sealbhadh.

10 So gheibh iad air son an uabhair, a chionn gu'n do mheudaich siad iad féin an aghaidh cinnich Tighearna nan sluagh.

11 Bidh an Tighearna uamhasach nan aghaidh: oir bheir e gort air uile dhéibh na talmhainn; agus bheir iad aoradh dha-san, gach aon o' àite féin, eadhon uile eileana nan cinneach.

12 Sibhse, Etiopacha, mar an ceudna, marbhar sibh féin leis a' chlaidheamh.

13 Agus sinidh e mach a làmh an aghaidh na h-airde tuath, agus sgriosaidh e Asiria, agus ni e Ninebheh na làraich luim, tioram mar àn fhàsach.

14 Agus luidhidh treudan sìos na meadhon, uile bheathaiche na talmhainn: gabhaidh am pelican agus a' ghràineag làmh na h-ard-dhoruis: bidh am fuaim na h-uinneagaibh; bidh fàsalachd anns an sgàthigh: oir leigidh e ris a h-obair sheudair.

15 So a' chathair luaghaireach, a ghabh còmhnuidh gu tèaruinte; a thubhairt na cridhe, Tha mi, agus cha 'n 'eil ann ach mi. Cionnus a dh'fhàs i na fàsach, na h-àite air son bheathaichean gu luidhe sìos ann! sgeigidh gach aon a théid seachad oirre, crathaidh e a làmh.

## CAIB. III.

**I**S an-aoibhinn dh'ise ta ceannairceach agus truailte, do 'n chathair a ta ri sàruchadh.

2 Cha d'thug i géill do 'n ghuth: cha do ghabh i crouachadh: cha d' earb i as an Tighearn: cha do tharruing i dlù d'a Dia.

3 Tha a prionnsachan an taobh a stigh dhi nan leomhainn bheucach; is maduidh-alluidh an annoich am breitheachan, cha 'n fheith iad gus a' mhaduinn gun na cnàimhean itheadh.

4 Is daoine eatrom fealltach a fàidhean: thruaill a sagairt an t-ionad naomh: bhris iad an reachd.

5 Tha an Tighearn cothromach na meadhon: cha dean esan ea-ceart: gach maduinn bheir e breitheanas gu solus, cha 'n fhàilnich e; ach cha 'n 'eil eòlas aig an ea-corach air nàire.

6 Ghearr mi as na cinnich: tha an tùir uaigneach; rinn mi fàs an sràidean, air chor as nach 'eil aon 'gan imeachd: tha am bailtean air an sgrios, gun duine sam bith anna, gun aon neach 'gan aiteachadh.

7 Thubhairt mi, Gu deimhin bidh m' eagall ort, gabhaidh tu teagasg: mar sin cha bhiodh an àite-còmhnuidh air a ghearradh as, cionnus air bith a smachdaichinn iad; ach dh'éirich iad gu moch, agus thruaill iad an uile dhanadas.

8 Uime sin feithibhse riumsa, deir an Tighearn, gus an là san éirich mi suas a chum na creiche: oir is e mo rùn na cinnich a chruinneachadh, na rioghachdan a tharruing le chéile; a dhòrtadh orra mo chorruih, uile theas m' fheirge: oir loisgear an talamh gu h-iomlan le teine m'eud-sa.

9 Gu deimhin pillidh mi 'n sin air na slòigh teanga ghlan, gu gairm gu léir air ainm an Tighearna, gu seirbhis a dheanamh dha le aon rùn.

10 O thaobh thall aibhnichean Etiopia, bheir mo luchd-achuinge, am measg m' mhuinntir sgapta, tabhartas do m'iomnsuidh.

11 Anns an là sin cha nàraichear thu air son d' uile dheanadais, leis an do chiontaich thu ann am aghaidh-sa: oir an sin bheir mi air falbh as do mheadhon iadsan a ta ri gairdeachas ann ad uabhar; agus cha 'n arduich thu ni 's mò thu féin ann am shliabh naomh-sa.

12 Fàgaidh mi fòs ann ad mheadhon sluagh an-shocrach agus diblidh; agus cuiridh iad an dòchas ann an ainm an Tighearna.

13 Cha dean iarmad Israeil aingidheachd, ni mò labhras iad breugan: ni mò gheibh-car teanga chealgach nam beul. Oir ionaltraidh agus luidhidh iad sìos, agus cha chuir aon neach eagall orra.

14 Seinn, O nighean Shìoin; tog iolach, O Israeil; bi ait, agus dean gairdeachas le d' uile chridhe, O nighean Ierusalem.

15 Thug an Tighearn air falbh do bhreitheanais; phill Rìgh Israeil air falbh do naimhdean: tha 'n Tighearn ann ad mheadhon; cha 'n fhaic thu ole ni 's mò.

16 Anns an là sin theirear ri Ierusalem, Na biodh eagall ort; agus ri Sion, Na biodh do làmh an lag.

17 Tha 'n Tighearn Dia ann ad mheadhon cumhachdach; ni e do thearnadh; ni e gairdeachas os do chionn le luaghair; gabhaidh e fòis na ghràdh; ni e gairdeachas os do chionn le seinn.

18 Cruinnichidh mi iadsan 'nad mheasg a ta ri caoidh air son an ard-choimhthionail, do 'n robh a mhasladh na callaich.

19 Feuch millidh mise d' uile luchd-sàruchaidh, anns an àm sin, agus leighisidh mi ise ta bacach, agus cruinnichidh mi ise bha sgaoilte; agus gheibh mi dhoibh cliù agus deagh iomradh anns gach aon tìr anns an d' fhuair iad nàire.

20 Anns an àm sin bheir mi air 'ur n-ais sibh; agus anns an àm san cruinnich mi sibh bheir mi gun amharus dhuibh ainm agus cliù ann am measg uile chinneacha na talmhainn, an uair a philleas mi air a h-ais 'ur bruid fa chombair an sùl-san, deir an Tighearn.



# H A G A I.

## CAIB. I.

**A** NN an dara bliadhna Dharius an rìgh, anns an t-seathamh mìos, air a' cheud là do 'n mhìos, thàinig focal an Tighearna le Hagai am fàidh gu Serubabel mac Shealtiel, uachdaran Iudah, agus gu Iosuah mac Iosedeach, an t-ard-shagart, ag ràdh;

2 Mar so labhair Tighearn nan sluagh, ag ràdh, Thuit an sluagh so, Cha d' thàinig an t-àm gu tigh an Tighearna a thogail.

3 An sin thàinig focal an Tighearn le Hagai am fàidh, ag ràdh.

4 An àm dhuibhse, O sibhse, còmh-nuidh ghabhail 'nur tighibh maiseach, agus an tigh so na fhàsach?

5 A nis ma ta mar so deir Tighearn nan sluagh, Thugaibh fainear 'ur sligheachan.

6 Chuir sibh mòran, agus is beag a thug sibh a steach; tha sibh ag itheadh, ach cha 'n 'eil gu leòr agaibh: tha sibh ag òl, ach cha 'n 'eil sibh sathach: tha sibh 'gur m-éideadh, ach cha 'n 'eil aon neach blàth: agus esan a tha cosnadh tuarasdail, tha e 'ga chosnadh gu 'chur ann an sporan tolltach.

7 Mar so deir Tighearn nan sluagh, Thugaibh fainear 'ur sligheachan.

8 Rachaibh suas a chum an t-sléibhe, agus thugaibh leibh fiodh, agus togaibh an tigh; agus gabhaidh mise tlachd ann, agus bidh mi air mo ghlòrachadh, deir an Tighearn.

9 Bha suil agaibh ri mòran, agus feuch, thàinig e gu beagan; agus 'nuair a thug sibh dhachaidh e, shéid mise air. C' ar son? deir Tighearn nan sluagh. Air son mo thighe ta fàs, agus sibhse a' ruith gach duine g'a thigh féin.

10 Air an aobhar sin chum na nèamha os 'ur cionn air ais an drùchd, agus ghléidh an talamh a thoradh.

11 Agus ghairm mise tart air an fhear-ann, agus air na sléibhtean, agus air an arbhar, agus air an fhìon nuadh, agus air an ola; agus air gach nì bheir an talamh a mach; agus air duine, agus air ainmhidh; agus air uile shaothair nan làmh.

12 An sin thug Serubabel mac Shealtiel, agus Iosuah mac Iosedeach, an t-ard-shagart, leis a' chuid cile do 'n t-sluagh uile, géill do ghuth an Tighearna an Dia, agus do bhriathraibh Hagai an fhàidh, (mar a chuir an Tighearn an Dia fios leis) agus bha eagal airant-sluaghbroimh an Tighearna.

13 An sin labhair Hagai teachdaire an Tighearna, ann an teachdaireachd an Tighearna, ris an t-sluagh, ag ràdh, Tha mise leibh, deir an Tighearn.

14 Agus dhùisg an Tighearn spiorad Sherubabel mhic Shealtiel, uachdaran Iudah, agus spiorad Iosua mhic Iosedeach, an ard-shagart, agus spiorad na cuid eile do 'n t-sluagh uile, agus thàinig iad, agus rinn iad obair ann an tigh Tighearna nan sluagh, an Dia:

15 Air a' cheathramh là fichead do 'n t-seathamh mìos, ann an dara bliadhna Dharius an rìgh.

## CAIB. II.

**A** NNS an t-seachdamh mìos, air an aon là fichead do 'n mhìos, thàinig focal an Tighearna leis an fhàidh Hagai, ag ràdh;

2 Labhair a nis ri Serubabel, mac Shealtiel, uachdaran Iudah, agus ri Iosuah mac Iosedeach an t-ard-shagart; agus ris a' chuid eile do 'n t-sluagh, ag ràdh,

3 Cò a ta air 'fhàgail 'nur measg a chunnaic an tigh so na cheud ghlòir? agus cionnus a tha sibh 'ga fhaicinn a nis? nach 'eil e 'n ur sùilb, làimh ri sin mar neo-nì?

4 Gidheadh a nis bi làidir, O Sherubabel, deir an Tighearn, agus bi làidir, O Iosuah, mhic Iosedeach, an t-ard-shagart; agus bithibhse làidir, uile shluagh an fhear-ainn, deir an Tighearn; agus deanaibh obair: oir tha mise leibh, deir Tighearn nan sluagh.

5 Do rèir an fhocail a dhaingnich mi ruibh tra thàinig sibh a mach as an Eiphit, mar sin tha mo spiorad a' fantuinn 'nur measg: na biodh cagal oirbh.

6 Oir mar so deir Tighearn nan sluagh; Fathasd aon uair, ann an ùine bhig, crathaidh mise na nèamha, agus an talamh, agus an fhainge, agus am fearann tioram:

7 Agus crathaidh mi na h-uile chin-nich, agus thig miann nan uile chinneach, agus lìonaidh mi an tigh so le glòir, deir Tighearn nan sluagh.

8 Is leamsa an t-airgid, agus is leamsa an t-òr, deir Tighearn nan sluagh.

9 Bidh gloir an tìghe dheireannaich so nì 's mò na glòir a' cheud thighe, deir Tighearn nan sluagh: agus anns an àite so bheir mise sìth, deir Tighearna nan sluagh.

10 Air a' cheathramh là fichead do 'n naothamh mìos, ann an dara bliadhna Dharius, thàinig focal an Tighearna, le Hagai am fàidh, ag ràdh;

11 Mar so deir Tighearn nan sluagh, Feòruich a nis do na sagartaibh, mu 'n reachd, ag ràdh,

12 Ma ghiùlainneas aon feoil naomh ann an sgiobul a thrusgain, agus gu 'm bean a thrusgan ri aran, no brochan, no fion, no

ola, no biadh sam bith, am bi sin naomh? Agus fhreagair na sagairt, agus thubhairt iad, Cha bhi.

13 An sin thuirte Hagai, Ma bheanas aon a ta neo-ghlan le corp marbh ri aon air bith do na nithe so, an bi sin neo-ghlan? Agus fhreagair na sagairt, agus thubhairt iad, Bithidh e neo-ghlan.

14 An sin fhreagair Hagai agus thubhairt e, Is amhuil a bha an sluagh so, agus is amhuil a bha an cinneach so ann am lathair-sa, deir an Tighearn; agus is amhuil a bha uile obair an làmh; agus an tabhartas a thug iad seachad an sin bha e neo-ghlan.

15 Agus a nis, guidheam oirbh, thugaibh fairear; o'n là an diugh, agus o sin suas, mu'n do leagadh clach air cloich ann an teampull an Tighearna.

16 Tra thàinig aon gu cruaidh ' fhichead tomhas, cha robh ann ach deich: tra thàinig aon gu amar-bruthaidh an fhìona, gu leth-cheud soitheach a tharruing a mach as an amar, cha robh ann ach fichead.

17 Bhuail mi sibh le seargadh agus le fuar-dhealt, agus le cloich-mheallainn, ann an uile shaothair 'ur làmh; gidheadh cha do phill sibh riumsa, deir an Tighearn.

18 Thugaibh fairear a nis o'n là an diugh,

agus o sin suas, o'n cheathramh là fichead do'n naothamh mìos, agus o'n là san do leagadh bunaite teampull an Tighearna: thugaibh fairear.

19 Am bheil sìol fathasd anns an t-sabhal? seadh gu ruige so, cha d' thug an fhineamhuin, no a' chraobh-fhìge, no a' phomgranat, no an crann-ola, seachad toradh. Ach o'n là so mach beannuichidh mise.

20 Agus thàinig focal an Tighearna a rìs gu Hagai, air a cheathramh là fichead do'n mhìos, ag ràdh;

21 Labhair ri Serubabel, uachdaran Iudah, ag ràdh, Crathaidh mise na nèamha, agus an talamh;

22 Agus tilgidh mi caithir rioghachdan bun os cionn, agus sgriosaidh mi neart rioghachdan nan cinneach, agus tilgidh mi bun os cionn na carbaid, agus iadsan a tamarcachd orra, agus tuitidh na h-eich agus am marcaichean sìos, gach aon le claidheamh a bhràthar.

23 Anns an là sin, deir Tighearn nan sluagh, gabhaibh mi thusa, O Sherubabeil, a mhic Shealtiel, m' òglaich, deir an Tighearn, agus ni mi thu mar sheula; oir roghnaich mise thu, deir Tighearn nan sluagh.

## SECHARIAH.

### CAIB. I.

**A**NNS an ochdamh mìos, ann an dara bliadhna Dhariuis, thàinig focal an Tighearna gu Sechariah mac Bharachiah, mhic Ido, am fàidh, ag ràdh,

2 Bha corruich ro mhòr air an Tighearn ri 'r n-aithricibh:

3 Agus abair thusa rin, Mar so deir Tighearn nan sluagh, Pillibhse riumsa, deir Tighearn nan sluagh; agus pillidh mise ruibhse, deir Tighearn nan sluagh.

4 Na bithibh mar 'ur n-aithrichean, ris an do ghlaodh na fàidhean a bh' ann roimhe so, ag ràdh; Mar so deir Tighearn nan sluagh; Pillibhse nis o'r droch shlighibh, agus o'r droch dheanadais. Ach cha d' èisd iad, ni mò thug iad aire dhomhsa, deir an Tighearn.

5 Ur n-aithrichean, c' àit am bheil iad? agus na fàidhean, am mair iad beo am feasd?

6 Ach mo bhrithran-sa, agus mo reachdan, a dh'àithn mi do'm òglaich na fàidhean, nach d' rinn iad greim air 'ur n-aithrichean? agus nach d' thubhairt iad, Amhuil mar a shaoil Tighearn nan sluagh a dheanamh ruinne, do réir ar sligheachan, agus do réir ar deanadais, mar sin rinn e ruinn.

7 Air a' cheathramh là fichead do'n

aon mhìos deug, (sin am mìos Sebat) ann an dara bliadhna Dhariuis, thàinig focal an Tighearna gu Sechariah, mac Bharachiah, mhic Ido, am fàidh, ag ràdh;

3 Chunnaic mi san oidhche, agus feuch duine a' marcachd air each ruadh, agus sheas e measg nan craobha-miortail a bha sa' ghleann, agus air a chùlaobh bha eich ruadha, bhreaca, agus bhàna.

9 An sin thubhairt mi, Ciod iad so, O mo thighearna? agus thuirt an t-aingeal a labhair rium, Feuchaidh mise dhuit ciod iad so.

10 Agus fhreagair am fear, a bha na sheasamh am measg nan craobha-miortail, agus thubhairt e, So iadsan a chuir an Tighearn gu siubhal sìos agus suas air feadh na talmhainn.

11 Agus fhreagair iad aingeal an Tighearna, a shcas am measg nan craobha-miortail, agus thubhairt iad, Shiubhail sinne mìos agus sìos air feadh na talmhainn; agus feuch tha an talamh uile na thàn, agus a' gabhail fois.

12 An sin flureagair aingeal an Tighearna, agus thubhairt e; O Thighearn nan sluagh cia fhad a bhios tu gun tròcair a dheanamh air Ierusalem, agus air bailtibh Iudah, ris am bheil thu ann an corruich a nis deich agus trì fichead bliadhna?



13 Agus fhreagair an Tighearn an t-aingeal a labhair riumsa, le briathraibh maith, le briathraibh sòlasach.

14 Mar sin thuirt an t-aingeal a bha labhairt rium, Glaoth thusa, ag ràdh, Mar so deir Tighearn nan sluagh, Tha mise eudmhor air son Ierusalem, agus air son Shioin le eud mòr:

15 Agus tha mi ann an corruich ro mhòir ris na cinnich a ta suaimhneach: oir cha robh ormsa ach corruich bheag, agus chuidich iadsan air a h-aghaidh an dòrainn.

16 Air an aobhar sin mar so deir an Tighearn; Phill mi ri Ierusalem le trò-caribh: bithidh mo thigh air a thogail ann, deir Tighearn nan sluagh, agus bidh sreang-thomhais air a sgaoileadh a mach air Ierusalem.

17 Glaoth fathasd, ag ràdh, Mar so deir Tighearn nan sluagh, Bidh mo bhailtean-sa fathasd air an sgaoileadh a mach le soirbheachadh, agus bheir an Tighearn fathasd co-fhurtachd do Shion, agus roghnaichidh e fathasd Ierusalem.

18 An sin thog mi suas mo shùilean, agus chunnaic mi; agus feuch ceithir adhaircean.

19 Agus thuirt mi ris an aingeal, a bha labhairt rium, Ciod iad so? Agus fhreagair esan mi, Is iad so na h-adhaircean a sgap Iudah, Israel, agus Ierusalem.

20 Agus dh'fheuch an Tighearn dhomh ceithir fir-cheirde.

21 An sin thubhairt mi, Ciod a thàinig iad so gu dheanamh? Agus labhair esan, ag ràdh; Is iad so na h-adhaircean a sgap Iudah, ionnus nach do thog aon duine suas a cheann: ach thàinig iad so chum eagal a chur orra, a thilgeadh a mach adharca nan cinneach, a thog suas an adharc an aghaidh fearainn Iudah, chum a sgapadh.

#### CAIB. II.

**T**HOG mi suas mo shùilean a ris, agus dh'amhairc mi; agus feuch, fear le sreing-thomhais na làimh.

2 An sin thuirt mise, C' àit am bheil thu dol? Agus thubhairt e rium, A thomhas Ierusalem, a dh'fheuchainn ciod e a leud, agus ciod e fad.

3 Agus feuch chaidh an t-aingeal a labhairt rium a mach, agus chaidh aingeal eile mach na chòdhail.

4 Agus thuirt e ris, Ruith, labhair ris an òganach sin, ag ràdh; Bidh Ierusalem air a h-àiteachadh mar bhailtean gun bhallachan, le lìonmhoireachd nan daoine agus na sprèidhe bhios innte.

5 Oir bidh mise, deir an Tighearn, mu am bhalla teine dhi mu 'n cuairt, agus bidh mi ann am ghloir na meadhan.

6 Ho! ho! *thigibh* agus teichibh o 'n tìr mu thuath, deir an Tighearn; oir ri ceithir ghaothaibh an athair sgaoil mise sibh a mach, deir an Tighearn.

7 Ho! a Shioin, tàr as, O thusa ta chòmh-nuidh maille ri nighinn Bhabiloìn.

8 Oir mar so deir Tighearn nan sluagh; An déigh na glòire so chuir e mise chum nan cinneach a chreach sibhse; oir an ti bheanas ruibhse, beanaidh e ri cloich a shùla-san.

9 Oir feuch, crathaidh mise mo làmh orra, agus bidh iad nan cobhartaich d' an tràillibh: agus aithnichidh sibhse gu 'n do chuir an Tighearn nan sluagh fios leamsa.

10 Seinn, agus dean gairdeachas, O nighean Shioin; oir feuch tha mise a' teachd, agus gabhaidh mi còmhnuidh ann ad mheadhon, deir an Tighearn.

11 Agus bidh mòran chinneach air an cur ris an Tighearn san là sin, agus bidh iad nan sluagh dhomhsa: agus gabhaidh mise còmhnuidh ann ad mheadhon, agus bidh fios agad gu 'n do chuir Tighearn nan sluagh mise chugad.

12 Agus sealbhaichidh an Tighearn Iudah, a chuibhrionn, anns an fhearann naomh; agus roghnaichidh e a ris Ierusalem.

13 Bi tosdach, O uile fheoil, an làthair an Tighearna: oir tha e air a thogail suas o 'ionad-còmhnuidh naomh.

#### CAIB. III.

**A**GUS thaisbein e dhomh Iosuah, an t-ard-shagart, na sheasamh an làthair aingeil an Tighearna; agus Satan na sheasamh aig a làimh dheis, gu cur na aghaidh.

2 Agus thuirt an Tighearn ri Satan, Gu 'n deanadh an Tighearn do' chronachadh, O Shatain; gu 'n deanadh eadhon an Tighearn a roghnaich Ierusalem, do' chronachadh: nach aithinne e so, air a spionadh as an tcinne?

3 A nis bha Iosuah air 'èideadh le h-eudach salach, agus sheas e an làthair an aingeil.

4 Agus fhreagair esan, agus labhair e rin-san a sheas na làthair, ag ràdh, Thug-aibh dheth an t-cudach salach. Agus ris-san thubhairt e, Feuch, thug mi air d'aingidheachd imeachd uait, agus éididh mi thu le culaidh mhaisich.

5 Agus thubhairt e, Cuireadh iad ceann-eudach maiseach air a cheann: agus chuir iad ceann-eudach maiseach air a cheann, agus dh'èid iad e le falluingibh; agus sheas aingeal an Tighearna leo.

6 Agus dhearbh aingeal an Tighearna do Iosuah, ag ràdh,

7 Mar so deir Tighearn nan sluagh, Ma ghluaiseas tu ann am shlighibh-sa, agus ma choimhideas tu mo reachd; an sin bheir thu mar an ceudna breith air mo thigh, agus gléidhidh tu fòs mo chùirt-eagan; agus bheir mi dhuit àiteacha cois-eachd am measg na muinntir so nan seasamh leat.

8 Eisd a nis O Iosuah, ard-shagart, thu

fèin agus do-chompanaich a ta nan suidhe a'd làthair: oir is daoine tha nan samhla iad: oir feuch, bheir mise mach m' òglach, AM MEANGAN.

9 Oir feuch, a' chlach a leag mise fa chomhair Iosuah: air aon chloich tha seachd sùilean. Feuch gearraidh mise a gearradh, deir Tighearn nan sluagh, agus atharruidh mi aingidheachd an fhearainn so ann an aon latha.

10 Anns an là sin, deir Tighearn nan sluagh, gairmidh sibh gach fear a choimhearsnach fo 'n chrann-fhige.

## CAIB. IV.

**A**GUS thàinig an t-aingeal a labhair rium a ris, agus dhuise e mi, mar dhuine air a dhùsgadh as a chadal.

2 Agus thuirt e rium, Ciod a tha thu faicinn? Agus thuirt mise, Dh' amhaire mi, agus feuch, coinnleir uile do òr, le 'chopan air a mhullach, agus a sheachd lòchrainn air, agus seachd feadain gus na seachd lòchrair a ta air a mhullach.

3 Agus dà chrann-ola làimh ris, aon air taobh deas a' chopain, agus aon air a thaobh clì.

4 An sin fhreagair mi, agus labhair mi ris an aingear a bha ri còmhradh rium, ag ràdh, Ciod iad so, mo thighearn?

5 Agus fhreagair an t-aingeal a bha labhairt rium, agus thubhairt e rium, Nach 'eil fios agad ciod iad so? Agus thuirt mise, Cha 'n 'eil, mo thighearn.

6 An sin fhreagair e agus labhair e rium, ag ràdh, Is e so focal an Tighearna ri Serubabel, ag ràdh, Cha 'n ann le neart, no le cumhachd, ach le m' spiorad-sa; deir Tighearn nan sluagh.

7 Cò thusa, O shléibh mhòir? Roimh Sherubabel *fàsuidh tu a' d' chòmhnard*, agus bheir e mach a' chlach-chinn le h-iolaich, a' glaothuich, Gràs, gràs gu robh dhi.

8 Os-barr thàinig focal an Tighearna do m' ionnsuidh-sa, ag ràdh;

9 Leag làmhnan Sherubabeil stéidh an tighe so, ni a làmhnan fòs a chrìochnachadh; agus bidh fios agaibh gu 'n do chuir Tighearn nan sluagh mise do 'n ionnsuidh.

10 Oir cò rinn di-mcas air là nan nithe beaga? ni eadhon iadsan gairdeachas, agus chi iad an t-sreang-thomhais an làimh Sherubabeil. Is iad an t-seachdnar so sùilean an Tighearna: tha iad a' ruith sìos agus suas air feadh na talmhainn uile.

11 An sin fhreagair mise, agus thuirt mi ris; Ciod iad an dà chrann-ola so air taobh deas a' choinnleir, agus air a thaobh clì?

12 Agus fhreagair mi a ris, agus thuirt mi ris, Ciod iad dà ghéig nan crann-ola, a ta làimh ris an dà fheadan òir a' taomadh na h-ola asda fèin?

13 Agus fhreagair e mi, agus thubhairt e, Nach 'eil fios agad ciod iad so?

Agus thuirt mise, Cha 'n 'eil, mo thighearn.

14 An sin thuirt esan, Is iad so an dithis ungta ta nan seasamh làimh ri Tighearn na talmhainn uile.

## CAIB. V.

**A**GUS thog mi suas mo shùilean a ris agus dh' amhaire mi, agus feuch, rola ag itealuich.

2 Agus thuirt esan rium, Ciod a tha thu faicinn? Agus fhreagair mise, tha mi faicinn rola ag itealaich, ficead làmh-choille air fad, agus deich làmbha-coille air leud.

3 An sin thuirt e rium, Is e so am malachd, a ta dol a mach air aghaidh an fhearainn uile: agus gearrar as gach aon a ghoideas, mar air an taobh so dheth: agus gearrar as gach aon a mhionnaicheas, mar air an taobh sin deth.

4 Thug mise mach e, deir Tighearn nan sluagh, agus théid e steach do thigh a' mheirlich, agus do thigh an ti a ta mionnachadh gu breugach air m' ainm-sa; agus fànaidh e ann am meadhon a thighe, agus sgriosaidh e, eadar fhiodh agus chloich e.

5 An sin chaidh an t-aingeal a labhair rium a mach, agus thuirt e rium, Tog suas a nis do shùilean, agus faic ciod so tha dol a mach.

6 Agus thuirt mise, Ciod e? Agus thuirt esan, So Ephah a ta dol a mach. Agus thubhairt e, Is i so an samhluadh anns an fhearann uile.

7 Agus feuch, bha tàlanta luaidhe air a thogail suas: agus feuch, bean na suidhe ann am meadhon na h-ephah.

8 Agus thubhairt e, Is i so Aingidheachd: agus thilg e i ann am meadhon na h-ephah; agus chuir e 'n cothrom luaidhe, air a beul.

9 An sin thog mi suas mo shùilean, agus dh' amhaire mi; agus feuch, thàinig a mach dà mhnaoi, agus a' ghaoth nan sgiathaibh; (oir bha sgiathanaca mar sgiathan corra-glaise,) agus thog iad an ephah suas eadar an talamh agus na nèamha.

10 An sin thuirt mise ris an aingear a labhair rium, C' àit am bheil iad so a' giùlan na h-ephah?

11 Agus thuirt e rium, A thogail tighe dhi ann an tìr Shìnair; agus bidh i air a daingneachadh, agus air a suidheachadh an sin air a bonn.

## CAIB. VI.

**A**GUS a ris thog mi suas mo shùilean, agus dh' amhaire mi; agus feuch, thàinig ceithir carbaid a mach o eadar dhà shliabh, agus bu shléibhtean umha na sléibhtean.

2 Ris a' cheud charbad bha eich ruadhna, agus ris an dara carbad eich dhubha,

3 Agus ris an treas carbad eich gheala,



agus ris a' cheathramh carbad eich bhalla-dhearg.

4 An sin fhreagair mi, agus thuirt mi ris an aingeal a bha labhairt rium, Ciod iad so, mo thighearn?

5 Agus fhreagair an t-aingeal, agus thuirt e rium, Is iad so ceithir spiorada nan nèamha, a ta dol a mach o bhi nan seasamh an làthair Tighearna na talmhainn uile.

6 Théid na h-eich dhubha ta ann a mach do 'n tìr mu thuath, agus théid na h-eich gheala mach nan déigh; agus théid na h-eich bhalla-dhearg a mach ris an tìr mu dheas.

7 Agus chaidh na h-eich bhalla-dhearg a mach, agus thairg iad imeachd a chum gu 'n siubhladh iad sìos agus suas air feadh na talmhainn: Agus thubhairt e, Falbh-aibh, imichibh sìos agus suas air feadh na talmhainn. Is amhuil a dh' imich iad sìos agus suas air feadh na talmhainn.

8 An sin ghairm e orm, agus labhair e rium, ag ràdh; Feuch iad so a ta 'g imeachd agus an tìr mu thuath, chiuinich iad mo spiorad anns an tìr mu thuath.

9 Agus thàinig focal an Tighearna do m' ionnsuidh, ag ràdh,

10 Gabh dhiubhsan a ta do 'n bhruid, do *theaghlach* Heldai, agus Thobiah, agus Iedaiah; agus falbhaidh tu air an là cheudna, agus théid thu steach do thigh Iosiah mhic Shephaniah, a phill o Bhabilon.

11 Agus gabhaidh tu airgid agus òr, agus na thu crùn, agus cuiridh tu e air ceann Iosuah, mhic Iosedeich, an t-ard-shagairt.

12 Agus labhraidh tu ris, ag ràdh; Mar so labhair Tighearn nan sluagh, ag ràdh; Feuch, an duine do 'n ainm Am MEANGAN; agus fàsaidh e nìos as àite, agus togaidh e teampull an Tighearna.

13 Togaidh eadhon esan teampull an Tighearna, agus gheibh e glòir, agus suidhidh e, agus riaghlaidh e air a righ-chaitir; agus bidh e na shagart air a righ-chaitir; agus bidh comhairle na sith eatorra araon.

14 Agus bidh crùn aig Helem, agus aig Tobiah, agus aig Iedaiah, agus aig Hen mac Shephaniah, mar chuimhneachan ann an teampull an Tighearna.

15 Agus thig iadsan a ta fad as, agus togaidh iad ann an teampull an Tighearna; agus bidh fios agaibh gu 'n do chuir Tighearn nan sluagh mise do 'r n-ionnsuidh. Agus thig so gu crìch, ma bheir sibh géill gu cùramach do ghuth an Tighearna 'ur Dia.

#### CAIB. VII.

**A**GUS tharladh ann an ceathramh bliadhna Dhariuis, gu 'n d' thàinig focal an Tighearna gu Sechariah, air a' cheathramh là do 'n naothamh mìos, eadhon Chisleu.

2 ('Nuair a chuir iad gu tigh Dhé, Seresar

agus Regemelech, agus an daoine, a dh'fhiosrachadh an làthair an Tighearna;

3 A labhairt ris na sagairt a bha 'n tigh Tighearna nan sluagh, agus ris na fàidhean, ag ràdh; An dean mi gul anns a' chùig-eamh mìos, 'gam dhealuchadh féin, mar a rinn mi 'n iomadh bliadhna so?)

4 An sin thàinig focal Tighearna nan sluagh do m' ionnsuidh-sa, ag ràdh;

5 Labhair ri uile shluagh an fhearainn, agus ris na sagairt, ag ràdh; 'Nuair a thraisg agus a ghuil sibh anns a' chùig-eamh agus anns an t-seachdamh mìos, eadhon na deich agus trì fichead bliadhna so, an do thraisg sibh idir air mo shon-sa, eadhon air mo shon-sa?

6 Agus an uair a dh' ith sibh, agus 'nuair a dh' òl sibh, nach d' ith sibh air 'ur son féin, agus nach d' òl sibh air 'ur son féin?

7 Nach iad so na briathran a dh' éigh an Tighearn leis na ceud fhàidhibh, tra bha Ierusalem air a h-àiteachadh, agus a' soirbheachadh, agus a bailtean mu 'n cuairt d'i; agus an taobh deas agus an còmhnard air an àiteachadh?

8 An sin thàinig focal an Tighearna gu Sechariah, ag ràdh;

9 Mar so labhair Tighearn nan sluagh, ag ràdh; Cuiribh an gnìomh ceart bhreitheanas, agus nochdaibh tròcair agus iochd gach duine d'a bhràthair:

10 Agus na sàruichibh a' bhantrach, no an dilleachdan, an coigreach, no am bochd: agus na smaoinicheadh neach air bith agaibh 'nur cridhe, olc an aghaidh a bhràthar.

11 Ach dhiùlt iadsan éisdeachd, agus tharruing iad a' ghualadh o'n chuing agus dhruid iad an cluasan, a chum nach cluinneadh iad.

12 Seadh rinn iad an cridheachan mar chloich adamaint, mu 'n cluinneadh iad an lagh, agus na briathran a chuir Tighearn nan sluagh le a Spiorad, leis na fàidhean roimhe so: air an aobhar sin, thàinig corruich mhòr o Thighearn nan sluagh.

13 Agus thachair, amhuil a ghlaodh mise, agus nach d' éisd iadsan; mar sin ghlaodh iadsan, agus cha d' éisd mise; deir Tighearn nan sluagh.

14 Ach sgap mi iad le cuairt-ghaoith, am measg nan uile chinneach nach b' àithne dhoibh: agus bha am fearann fàs nan déigh, air chor as nach do shiubhail neach air bidh d'a thrìd, air ais no air aghaidh: agus rinn iad an tìr thaitneach na fàsach.

#### CAIB. VIII.

**A**GUS thàinig focal Tighearna nan sluagh do m' ionnsuidh, ag ràdh;

2 Mar so deir Tighearn nan sluagh: Bha mise cudmhor air son Shioin le eud mòr, agus bha mi eudmhor air a son le mòr chorruch.

3 Mar so deir Tighearn nan sluagh;

Phill mise gu Sion, agus gabhaidh mi còmhnuidh ann an Ierusalem; agus goirear ri Ierusalem, baile firinn, agus ri sliabh Tighearna nan sluagh, sliabh naomh.

4 Mar so deir Tighearna nan sluagh, Gabhaidh seann daoine, agus seana mhnathan còmhnuidh fathasd ann an sràidibh Ierusalem, agus gach duine le a luirg na làimh le ro-aois.

5 Agus bidh sràidean a' bhaile làn do mhacanaibh agus do nionagaibh, a' cluich-eadh na sràidibh.

6 Mar so deir Tighearna nan sluagh, Ma bhios e iongantach ann an sùilibh iarmaid an t-sluaigh so anns na làithibh sin, an bi e iongantach ann am shùilibh-sa fòs deir Tighearna nan sluagh?

7 Mar so deir Tighearna nan sluagh, Feuch saoruidh mise mo shluagh o'n tìr an ear, agus o'n tìr an iar.

8 Agus bheir mi air an àis iad, agus gabhaidh iad còmhnuidh ann an Ierusalem, agus bidh iad nan sluagh dhoimhsa, agus bidh mise ann am Dhia dhoimh-sa, ann am firinn, agus ann an ceartas.

9 Mar so deir Tighearna nan sluagh; Biodh 'ur làmhnan làidir, sibhse tacluinninn, anns na làithibh so, nam briathran so a beul nam fàidhean, a ta san là sam bheil stéidh' tìghe Tighearna nan sluagh 'ga shuidheachadh; eadhon an teampuill, a chum gu 'm biodh e air a thogail.

10 Oir roimh na làithean so, cha robh luach-saothaireach air bith aig duine, no luach-saothaireach air bith aig ainmhidh; ni mò bha sìth aig an tì a rachadh a mach, no thigeadh a steach, leis an teimne; oir chuir mise na h-uile dhaoine, gach aon an aghaidh a choimhearsnaich.

11 Ach a nis cha bhi mi do iarmad an t-sluaigh so mar anns na làithibh roimhe so, deir Tighearna nan sluagh.

12 Oir soirbheilidh an sìol, bheir an fhineamhuin seachad a meas, agus bheir an talamh seachad a thoradh, agus bheir na nèamha seachad an drùchd; agus bheir mise air iarmad an t-sluaigh so na nithe so gu léir a shealbhachadh.

13 Agus tarlaidh, mar a bha sibh 'nur mallachadh am measg nan cinncach, O thigh Iudah, agus a thigh Israeil, is amhuil a shaoras mise sibh, agus bithidh sibh 'nur beannachadh. Na biodh eagal oirbh, biodh 'ur làmhnan làidir.

14 Oir mar so deir Tighearna nan sluagh, Mar a chuir mi romham olc a dheanamh oirbh, an uair a bhrosnuich 'ur n-aithrichean mi gu feirg, deir Tighearna nan sluagh, agus nach do ghabh mi aithreachas;

15 Mar sin smaoinich mi a nis, anns na làithibh so, maith a dheanamh do Ierusalem, agus do thigh Iudah. Na biodh eagal oirbhse.

16 So na nithe a ni sibh; Labhraibh, gach neach an fhìrinn r'a choimhearsnach:

deanaibh breitheanas na firinn agus na sìth 'nur geatachaibh:

17 Agus na dealbhaibh 'nur cridhe, gach aon neach olc an aghaidh a choimhearsnaich, agus na gràdhachibh mionnan bréige sam bith: oir na nithe so uile is fuathach leamsa, deir an Tighearna.

18 Agus thàinig focal Tighearna nan sluagh do m' ionnsuidh, ag ràdh;

19 Mar so deir Tighearna nan sluagh; Trasg a' cheathramh mìos, agus trasg a' chùigeamh, agus trasg an t-seachdainh, agus trasg an deiceamh, bidh do thigh Iudah, nan aobhneas agus nan gairdeachas, agus nam féille subhach; a mhàin gràdh-aichibhse firinn agus sìochannt.

20 Mar so deir Tighearna nan sluagh Fathasd tarlaidh gu 'n d'thig mòran dhaoine, agus luchd-àiteachaidh mhòrain bhailtean:

21 Agus théid luchd-àiteachaidh aon bhaile gu aon eile, ag ràdh, Rachamaid do rìreadh a dheanamh urnuigh an làthair an Tighearna, agus a dh' iarruidh Tighearna nan sluagh: théid mise mar an ceudna.

22 Seadh thigh mòran shluagh, agus cinnich chùmhachdach a dh' iarruidh Tighearna nan sluagh ann an Ierusalem, agus a ghuidhe an làthair an Tighearna.

23 Mar so deir Tighearna nan sluagh, Anns na làithibh sin tarlaidh gu 'n dean deichnear greim, as uile chànuinibh nan cinneach, eadhon gu 'n dean iad greim air sgìort an tì bhios na Iudhach, ag ràdh, Théid sinne leat, oir chuala sinn gu bheil Dia leibh.

## CAIB. IX.

**F**ÀISNEACHD focal an Tighearna. Air fearann Iadraich, agus air Damascus gabhaidh i tàmh: (oir tha sùil gach duine, agus uile thruathan Israeil, air an Tighearna.)

2 Agus fòs air Hamat a ta làimh ris; air Tirus agus air Sidon, ged tha i ro ghlic.

3 Ge do thog Tirus dhi féin daingneach làidir, agus ge do charn i suas airgid mar an duslach, agus òr fìor-ghlan mar pholl nan sràidean;

4 Feuch tilgidh an Tighearna mach i, agus buailidh e san fhairge a ncart, agus sgriosar i le teine.

5 Chi Ascelon, agus bidh eagal oirre; Casa fòs, agus bidh i ro bhronach; is amhuil a bhitheas Ecron, oir nàraicheadh a dòchas; agus bàsaichidh an rìgh o Ghasa, agus cha 'n àitichear Ascelon.

6 Agus gabhaidh clann diolain còmhnuidh ann an Asdod; agus gearraidh mise as uabhar nam Philisteach.

7 Agus bheir mi air falbh 'fhuil as a bheul, agus a ghràinealachdan o eadar 'thiacleau: ach an tì mhaireas, bidh esan air son ar Dé-ne, agus bidh e mar uachdaran ann an Iudah, agus Ecron mar an Iebusach.

8 Agusampaichidh mise timchìoll mo



thighe, 'g a dhìonadh o 'n fheachd a bhios dol cachad, no a bhios a' pilltinn; ni mò thèid am fear-sàruchaidh d'an trid ni 's mò: oir a nis chunnaic mi le m' shùilibh.

9 Dean gairdeachas gu mòr, O nighean Shioin; tog iolach, O nighean Ierusalem: feuch, tha do rìgh a' teachd do d' ionnsuidh: is firean, agus is Slànuighear e; iriosal, agus a' marcachd air asail, agus air searrach, mac na h-asail.

10 Agus gearraidh mi as an carbad o Ephraim, agus an t-each o Ierusalem: agus gearr as am bogha-cogaidh; agus labhraidh esan sìth ris na cinnich: agus bidh 'uachdranachd o mhuir gu muir, agus o 'n Abhuinn gu iomallaibh na tìre.

11 Air do shòn-sa fòs, le fuil do choimh-cheangail, chuir mi mach do phrìosanaich as an t-slochd anns nach robh uisge sam bith.

12 Pillibh a chum an daingnich, O phrìosanaich an dòchais, eadhon air an là an diugh tha mi 'g innseadh gu 'n dìol mi dhuit *beannachda* dubait.

13 Oir lùb mi dhomh fèin Iudah, lìon mi am bogha le Ephraim; agus togaidh mi suas do mhic-sa, O Shioin, an aghaidh do mhac-sa, O Ghrìg, agus ni mi thu mar chlàidheamh duine chumhachdaich.

14 Agus chithear an Tighearn os an cionn, agus thèid a shaghead a mach mar an dealanach: agus sèididh an Tighearn Iehobhah an trompaid, agus thèid e mach le ioma-ghaothaibh na h-airde deas.

15 Ni Tighearn nan sluagh an dìon: agus ithidh iad, agus ceann-suidhidh iad le clachaibh-tabhuill; agus òlaidh iad, agus ni iad iolach mar le fion; agus lìonar iad mar chopain, mar oisinnibh ua h-altarach.

16 Agus tearnaidh an Tighearn an Dia iad anns an là sin, mar threud a shluaigh; oir togar suas clacha-buaidh an cruin air feadh an fearainn.

17 Oir cia mòr an soirbheachadh, agus cia mòr am maise! ni an t-arbhar na h-òganaich, agus am fion-nuadh na h-òighean, subhach.

## CAIB. X.

**T**ARRUIBHSE air an Tighearn uisge ann an àm an uisge dhèireannaich; ni an Tighearn dealanach, agus bheir e dhuibh pailteas uisge; do gach aon fear anns an fhaiche.

2 Oir labhair na h-ìodhola dìomhanas, agus chunnaic na fiosaichean breug, agus dh'innis iad aislinge faoine; is dìomhain an co-fhurtachd: uime sin dh' imich iad air falbh mar threud: bha iad air an claidh, a chionn nach robh buachaill air bith ann.

3 An aghaidh nam buachaillean las mo chorruich-sa, agus na gabhair smachdaichidh mi. Ach dh' amhairc Tighearn nan sluagh air a threud, tigh Iudah; agus ni e iad mar each maiseach anns a' chath.

4 Uaith-san thig a mach a' chlach-oisinne, uaith-san an tarann, uaith-san am bogha-catha, uaith-san gach uile uachdaran le chèile.

5 Agus bidh iad ann an cath cosmhuil ri gaisgich a shaltras air clàbar nan sràidean: agus cogaidh iad, a chionn gu bheil an Tighearn maille riù; agus cuir car marc-aichean nan each gu nàire.

6 Agus neartaichidh mise tigh Iudah, agus tearnaidh mi tigh Ioseph; agus suidhichidh mi iad a ris; oir tha truas agam dhiubh: agus bithidh iad mar nach tilginn fada uam iad: oir is mise Iehobhah an Dia, agus èisidh mi riù.

7 Agus bidh Ephraim mar ghaisgeach; agus ni an cridhe gairdeachas, mar le fion: seadh, chi an clann, agus bidh iad ait; ni an cridhe gairdeachas anns an Tighearn.

8 Gairmidh mise iad, agus cruinnichidh mi iad, oir shaor mi iad: agus meudaichidh iad, *eadhon* mar a mheudaich iad.

9 Agus cuiridh mi iad mar shìol am measg nan cinneach; agus cuimhnichidh iad ormsa ann an dùchannaibh fad as; agus mairidh iad beo le 'n cloinn, agus pillidh iad a ris.

10 Agus bheir mi air an ais iad o thìr na h-Eiphit, agus cruinnichidh mi iad a mach a h-Asiria; agus bheir mi iad air an ais gu tìr Ghileaid agus Lebanoin; agus cha bhi àite ni 's leòr r'a fhaotuinn doibh.

11 Agus thèid e trid na fairge, le dòrainn: agus buailidh e na tonnan anns an fhairge; agus tiormaichidh uile dhoimhneachdan na h-aibhne suas: agus bheirear a nuas uabhar Asiria, agus imichidh slat-rioghail na h-Eiphit seachad.

12 Agus neartaichidh mi iad anns an Tighearn, agus na ainm-san gluaisidh iad, deir an Tighearn.

## CAIB. XI.

**F**OSGAIL do dhorsan, O Lebanoin, a chum gu 'n loisg an teine do sheudair.

2 Guil gu h-ard, O chraobh ghiumhais, oir thuit an seudar; oir tha iadsan a b' airde air am milleadh: deanaibh gul, O dharaga Bhasain, oir ghearradh frith na callaide.

3 Guth ulartaich nam buachaillean! a chionn gu bheil an glòir air a milleadh: guth beucaich nan leomhann òga! oir tha uabhar Iordan air a chreachadh.

4 Mar so thuirt an Tighearn mo Dhia; Beathaich thusa treud a' chasgraidh;

5 A ta an sealbhadoirean a' marbhadh, agus 'gam meas fèin neo-chiontach: agus tha iadsan a ta 'gan reic ag ràdh, Bean-nuichte gu 'n robh an Tighearn, oir tha mi saibhir: agus cha 'n 'eil truas aig an aodhairibh fèin diubh.

6 Oir cha ghabh mise ni 's mò truas do luchd-àiteachaidh na tìre, deir an Tighearn: ach feuch, bheir mi thairis daoine, gach aon do làimh a choimhearsnaich, agus

do làimh a rìgh ; agus buailidh iad am fear-ann, agus cha saor ni as an làimh.

7 Agus bheathaichidh mi treud a' chas-graidh, *eadhon* sibhse, bhochdan an treud : agus ghabh mi do m' ionnsuidh dà luirg ; air aon diubh thug mi mar ainm Maise, agus air an aon eile thug mi mar ainm Cuibhricean ; agus bheathaich mi an treud.

8 Tri aodhairean fòs ghearr mi as ann an aon mhìos, agus bha gràin aig m' ananisa dhiu-san, agus bha fuath aig an ananisa dhomh-sa.

9 An sin thubhairt mi, Cha bheathaich mi sibh : an ni sin a bhàsaicheas, bàsaich-eadh e ; agus an ni sin a ta gu bhì air a ghearradh e, gearrar as e : agus itheadh a' chuid eile, gach aon feoil a' chèile.

10 Agus ghabh mi mo lorg, *eadhon* Maise, agus ghearr mi na bloighdibh i, chum gu 'm brisinn mo choimhcheangal a rinn mi ris na slòigh uile.

11 Agus bhriseadh e san là sin : agus mar sin dh'aithnich bochdan an treud a thug an aire dhomh, gu 'm b'e sin focal an Tighearna.

12 Agus thuirt mi riu, Ma chithear ceart duibh, thugaibh *dhomh* mo luach ; agus mar faicear, leigibh leis : mar sin thomhaïs iad air son mo luach, deich *buinn* fhichead airgid.

13 Agus thuirt an Tighearna rium, Tilg a chum a' Chriadhadair e : luach ciatach leis an robh mise air mo mheas leo-san. Agus ghabh mi na deich *buinn* fhichead airgid, agus thilg mi iad ann an tigh an Tighearna, a chum a' chriadhadair.

14 Agus ghearr mi as a' chèile mo lorg eile, *eadhon* Cuibhricean ; a chum gu 'm brisinn am bràithreachas eadar Iudah agus Israel.

15 Agus thuirt an Tighearna rium a rìs ; Gabh chugad fathasd inneala buachaille amaidich :

16 Oir feuch, togaidh mise suas buachaille san fhearann, nach seall an dèigh an ni sin a ghearrar as ; nach iarr a' chuid a ta òg ; agus nach leighis a' chuid a fhuaire dochann ; ni mo bheathaicheas e a' chuid a sheas : ach ithidh e feoil na cuid a ta reamhar, agus reubaidh e an crobhain nam bloighdibh.

17 Is truagh do 'n droch bhuachaille a dh' fhàgas an treud : *thig* sgrìos air a ghairdean, agus air a shùil deas : seargaidh a ghairdean gu tur, agus dorchaidhear a shùil deas gu h-iomlan.

## CAIB. XII.

**F**AISNEACHD focail an Tighearna. Do thaobh Israeil, deir an Tighearna, ta sgaoidleadh a mach nan nēamha, agus a' suidheachadh stéidh na talmhainn, agus a' cruthachadh spioraid dhuine 'n taobh a stigh dheth.

2 Feuch ni mise Ierusalem na copan ball-chrith do na slòigh uile mu 'n cuairt :

air son Iudah mar an ceudna bithidh e, san flichead an aghaidh Ierusalem.

3 Agus anns an là sin ni mi Ierusalem na cloich chudthromaich do na slòigh uile ; na h-uile ghabhas i mar uallach orra féin, gearrar iad nam bloighdibh : agus na h-aghaidh bidh uile chinnich an domhain air an cruinneachadh le chèile.

4 Anns an là sin, deir an Tighearna, buailidh mise gach each le uamhas, agus a mharcach le cuthach ; agus fosglaidh mi mo shùilean air tigh Iudah, agus gach aon each aig na slòigh buailidh mi le doille.

5 Agus thoir uachdarain Iudah nan eridhe ; Is iad luchd-àiteachaidh Ierusalem mo neart ann an Tighearna nan sluagh an Dia.

6 Anns an là sin ni mise uachdarain Iudah mar theallach teine ann am measg connaidh, agus mar leus teine ann an sguab ; agus loisgidh iad air an làimh dheis, agus air an làimh chlì, na slòigh uile mu 'n cuairt : agus àitichear Ierusalem a rìs, na h-ionad féin, ann an Ierusalem.

7 Saoruidh an Tighearna fòs pàillunnan Iudah, mar o shean ; mu 'n dean glòir tìghe Dhaibhidh, no glòir luchd-àiteachaidh Ierusalem, iad féin ardachadh an aghaidh Iudah.

8 Anns an là sin dìonaidh an Tighearna luchd-àiteachaidh Ierusalem, agus bidh esan a ta lag nam measg anns an là sin mar Dhaibhidh ; agus tigh Dhaibhidh mar Dhia, mar aingeal an Tighearna nan làth-air.

9 Agus tarlaidh anns an là sin, gu 'n iarr mise na h-uile chinnich a thig an aghaidh Ierusalem a mhillleadh.

10 Agus dòirtidh mi air tigh Dhaibhidh, agus air luchd-àiteachaidh Ierusalem, spiorad nan gràs agus nan achuingean ; agus amhaireidh iad airsan a lot iad, agus ni iad eòidh air a shon, mar a chaoidhas duine air son aon mhic : agus bidh an doilghios air a shon mar dhoilghios air son ceud-ghin.

11 Anns an là sin bidh cumha mhòr ann an Ierusalem, cosmhuil ri cumha Hadadrimoin, ann an gleann Mhegidoin.

12 Agus ni 'm fearann caoidh, gach aon teaghlach air leth : teaghlach tìghe Dhaibhidh air leth, agus am mnathan air leth : teaghlach tìghe Natain air leth, agus am mnathan air leth.

13 Teaghlach tìghe Lebhi air leth, agus am mnathan air leth : teaghlach Shimeì air leth, agus am mnathan air leth.

14 Na h-uile theaghlach eile, gach teaghlach air leth, agus am mnathan air leth.

## CAIB. XIII.

**A**NNS an là sin bidh tobar air 'fhosgladh do thigh Dhaibhidh, agus do luchd-àiteachaidh Ierusalem, air son peacaidh agus air son neo-ghloine.



2 Agus tarlaidh air an là sin, deir Tighearn nan sluagh, gu 'n gearr mise mach ainmeanna nan iodbhola as an fhearann, agus cha chuimhnichear iad ni 's mò : agus fòs bheir mi air na fiosaichean, agus air na spioradaibh neo-ghlan siubhal a mach as an fhearann.

3 Agus tarlaidh, 'nuair a ni duine sam bith faisneachd, an sin gu 'n abair 'athair agus a mhàthair, a ghlin e, ris, Cha mhair thu beo; oir labhair thu breugan ann an ainm an Tighearn: agus ni 'athair agus a mhàthair, a ghlin e, a bhualadh trid tra ni e faisneachd.

4 Agus tarlaidh anns an là sin, gu 'm bi nàire air na fàidhean, gach aon d'a shealladh, tra ni e faisneachd: ni mò chuir-eas iad umpa falluinge molach gu mealladh.

5 Ach their *gach aon*, Cha 'n fhàidh mise, is treabhaiche mi; oir tha còir aig duine *eile* orm o m' òige.

6 Agus their *aon* ris, Ciod iad na lota sin ann ad làmhaidh? An sin freagraidh *es*an, Iad sin leis an do lotadh mi ann an tigh mo chairdean.

7 Dùisg, O chladheimh, an aghaidh mo bhuachaille, agus an aghaidh an duine ta na dhlù-chompanach dhomhsa, deir Tighearn nan sluagh. Buailidh mise am buachaille, agus bidh an treud air a sgapadh; agus tionndaidhidh mi mo làmh air a' mhuinntir bhig.

8 Agus tarlaidh anns an fhearann uile, deir an Tighearn, gu 'n gearr as dà thrian ann, agus gu 'm bàsaich iad; ach bidh an treas trian air 'fhàgail ann.

9 Agus bheir mise 'n treas trian trid an teine, agus glanaidh mi iad mar a ghlanar an t-airgid, agus dearbhaidh mi iad mar a dhearbhar an t-òr: gairmidh iad air m' ainmse, agus cìsidh mise ri; their mi, Is iad mo shluagh: agus their iadsan, Is e an Tighearn mo Dhia.

## CAIB. XIV.

**F**EUCH tha là an Tighearna a' teachd, agus roinnear do chreach ann ad mheadhon.

2 Oir cruinnichidh mise na h-uile cluinnich an aghaidh Ierusalem gu cogadh, agus glacar am bàile, agus creachar na tighean, agus éignichear na mnathan; agus théid leth a' bhaile air falbh am bruid; agus cha ghearrar a' chuid eile do 'n t-sluagh as 'o 'n bhaile.

3 Agus théid an Tighearn a mach, agus cogaidh e 'n aghaidh nan cinneach sin, mar a chog e ann an là a' chatha.

4 Agus seasaidh a chasan air an là sin air sliabh nan Oluidh, a ta fa chomhair Ierusalem air an taobh an car: agus sgoiltidh sliabh nan Oluidh na mheadhon, ris an aird an ear, agus ris an aird an iar, *air chor as gu 'm bi gleann ro mhòr ann*: agus gluasidh leth an t-sléibhe ri tuath, agus an leth eile ri deas.

5 Agus teichidh sibhse *rathad* glinn nan sliabh: oir ruigidh gleann nan sliabh gu h-Asal: seadh teichidh sibh mar a theich sibh roimh an chrith-thalmhainn, ann an laithibh Usiah righ Iudah: agus thig an Tighearn mo Dhia-sa, agus a naoimh uile maille ris.

6 Agus tarlaidh anns an là sin, nach bi solus soilleir agus dorchadas ann;

7 Ach bidh e na aon là, a bhios aithnichte do 'n Tighearn: cha là, agus cha 'n oidliche bhios ann; ach tarlaidh air trà feasgair gu 'm bi solus ann.

8 Agus tarlaidh air an là sin, gu 'n d' théid uisgeachadh beo a mach a Ierusalem: leth dhiubh ris an fhainge 'n car, agus leth dhiubh ris an fhainge 'n iar: anns an t-samhradh agus anns a' gheamhradh bithidh e.

9 Agus bidh an Tighearn na righ os cionn na talmhainn uile: anns an là sin bidh aon Tighearn ann, agus 'ainm na aon.

10 Agus cuairtichidh e am fearann uile mar chòmbnard, o Gheba gu Rimon, mu dheas do Ierusalem: agus togar suas i, agus àitichear i na h-ionad, o gheata Bhe-niamin gu àit a' cheud gheata, agus gu geata na h-oisinn, agus o thùr Hananeeil gu fion-amair an righ.

11 Agus ni daoine còmhnuidh innte, agus cha bhi léir-sgrìos ann ni 's mò, ach bidh Ierusalem air a h-àiteachadh ann an tèaruinteachd.

12 Agus so a' phlàigh leis am buail an Tighearn na slòigh uile a chog an aghaidh Ierusalem: leaghaidh am feoil air falbh am feadh a ta iad nan seasamh air an casaibh, agus leaghaidh an sùilean air falbh nan sluichd, agus leaghaidh an teanga air falbh nam beul.

13 (Agus tarlaidh anns an là sin gu m' bi buaireas mòir o 'n Tighearn nam measg; agus glacadh iad greim, gach aon do làimh a choimhearsnaich; agus éiridh a làmh suas an aghaidh làimh a choimhearsnaich.

14 Agus cogaidh Iudah fòs aig Ierusalem; agus cruinnichear le chéile maoin nan uile chinneach mu 'n cuairt, òr, agus airgid, agus earradh ann am pailteas mòr.)

15 Agus bidh plàigh an eich, na muileid, a' chàmhail, agus na h-asail, agus nan uile bheathaichean a bhios anns na campaibh so, mar a' phlàigh so.

16 Agus tarlaidh gu 'n d' théid gach aon a dh'fhàgar, do na h-uile chinnich a thàinig an aghaidh Ierusalem, suas o bhliadhna gu bliadhna gu aoradh a dheanamh do 'n Rìgh, Tighearn nan sluagh, agus a choimhead fèisd nam pàillunnan.

17 Agus tarlaidh, cò sam bith do uile theaghlaichibh na talmhainn nach d' théid suas gu Ierusalem, a dheanamh aoraidh do 'n Rìgh, Tighearn nan sluagh, eadhon orra sin cha d' thig uisge sam bith.

18 Agus mur d' théid teachlach na h-Eiphit suas, agus mur d' thig iad; orrasan bidh a' phlàigh sin leis am buail an Tighearn na cinnich nach d' théid suas a chòimhead féisd nam pàillunnan.

19 So peanas na h-Eiphit agus peanas nan uile chinncach nach d' théid suas a chòimhead féisd nam pàillunnan.

20 Anns an là sin, bidh air cluig nan each, NAOMHACHD DO N' TIGHEARN: agus

bidh an coireachan ann an tigh an Tighearna mar na cuachaibh fa chomhair na h-altarach.

21 Seadh bidh gach poit ann an Ierusalem, agus ann an Iudah, nan naomhachd do Thighearn nan sluagh: agus thig iadsan uile dh' iobras, agus gabhaidh iad dhiubh agus bruichidh iad annta: agus cha bhi ni 's mò an Canaanach' ann an tigh Iehobhab Dhia nan sluagh, san là sin.

## M A L A C H I.

### CAIB. I.

**F**A'ISNEACHD focail an Tighearna chum Israeil, le Malachi.

2 Ghràdhaich mise sibh, deir an Tighearn: Gidheadh tha sibhse ag ràdh, Ciod san do ghràdhaich thu sinn? Nach b'e Esau bràthair Iacoib, deir an Tighearn? gidheadh ghràdhaich mise Iacob,

3 Agus dh'fhuathaich mi Esau; agus chuir mi a shlèibhteas fàs, agus tha 'òigh-reachd aig nathraichibh an fhàsaich.

4 Mar a ta Edom ag ràdh, Rinneadh bochd sinn, ach pillidh sinn agus togaidh sinn na h-ionada sgaoilte; mar so deir Tighearn nan sluagh, Togaidh iadsan, ach tilgidh mise sìos; agus goirear riu, Crìoch na h-aingidheachd, agus an sluagh ris am bheil corruich aig an Tighearn gu sìorruidh.

5 Agus chi 'ur sùilean-sa, agus thoir sibh, Bidh an Tighearn air 'ardachadh thar crìochan Israeil.

6 Bheir mac onoir d'a athair, agus seirbhiseach d'a mhaighstir; ma 's athair mise ma ta, c'ait am bheil m' onoir? agus ma 's maighstir mi, c'ait am bheil m' eagal? deir Tighearn nan sluagh ruibhse, O shagartan a ta deanamh tàir air m' ainm-sa; agus a deir sibh, Ciod anns an d' rinn sinne tàir air d' ainm?

7 Tha sibh a' toirt seachad arain thruaillte air m' altair; agus tha sibh ag ràdh, Ciod anns an d' rinn sinne do thruaillteadh? Le sibh a bhi 'g ràdh, Tha bord an Tighearna suarrach.

8 A nis ma thairgeas sibh an ni ta dall mar iobairt, nach olc sin? agus ma thairgeas sibh an ni ta bacach agus tinn, nach olc sin? tairg e nis do d' uachdaran, am bi e toilichte leat, no 'n gabh e riut, deir Tighearn nan sluagh?

9 Agus a nis, guidham oirbh, iarruibh aghaidh an Tighearna gu 'm bi e tròcaireach dhuinn. Is ann o 'r làimh-sa thàinig so; an gabh mise ri aon agaibh gu taitneach? deir Tighearn nan sluagh.

10 Gu cinnteach druidear na dorsan 'n'ur n-aghaidh; agus cha 'n fhadaidh sibh teine air m' altair-sa gu dìombain. Cha

'n'eil tlachd air bith agam annaibh, deir Tighearn nan sluagh, ni mò ghabhas mi tabhartas air bith o 'r làimh.

11 Oir, o éirigh na gréine gu ruig a dol sìos, bidh m' ainm-sa mòr an measg nan cinneach; agus anns gach àite tairgear tuis do m' ainm-sa, agus tabhartas fìorghlan: oir bidh m' ainm mòr an measg nan cinncach, deir Tighearn nan sluagh.

12 Ach thruaill sibh' e, le sibh a bhi 'g ràdh, Tha bord an Tighearna truailte; agus an tabhartas air, *eadhon* a bhiadh, tha e suarrach.

13 Thubhairt sibh fòs, Cia mòr an sgìos e? agus shéid sibh uaihb' e, deir Tighearn nan sluagh! agus thug sibh do m' ionnsuidh an ni bha reubta, agus bacach, agus tinn: mar so thug sibh tabhartas: an gabh mise sin o 'r làimh, deir Tighearn nan sluagh?

14 Ach malluichte gu robh am meall-tair, aig am bheil fìrionn na thread, agus a bhòidheas agus a dh' iobras ni truailldh do 'n Tighearn: oir is Rìgh mòr mise, deir Tighearn nan sluagh, agus tha m' ainm uamhasach am measg nan cinneach.

### CAIB. II.

**A**GUS a nis dhuibhse tha 'n àithne so, O shagartan.

2 Mur éisd sibh, agus mur cuir sibh an suim i, chum glòir a thoirt do m' ainm-sa, deir Tighearn nan sluagh, cuiridh mise eadhon mallachd oirbh; agus mallaichidh mi 'ur beannachdan: seadh mhallaich mi iad cheana, a chionn nach 'eil sibh 'g a chur an suim.

3 Feuch bheir mi air an t-sìol nach fàs e, agus tilgidh mi aolach 'n 'ur n-aghaidh, aolach 'ur n-ard-fhéillean; agus giùlainear sibh fein maille ris.

4 Agus aithnichidh sibh gu 'n do chuir mise chugaibh an àithne so, a chum gu maireadh mo choinhcheangal le Lebhi, deir Tighearn nan sluagh.

5 Bha mo choinhcheangal ris-san, mu thimchioll beatha agus sìth, agus thug mi dha iad, air son an eagail leis an robh



eagal air romham, agus leis an robh geilt air roimh m' ainm.

6 Bha lagh na fìrinn na bheul, agus cha d'fhuair eadh aingidheachd na bhilb; ghluais e leamsa ann an sìth agus ann an ionracas, agus phill e mòran air falbh o caceart.

7 Oir bu chòir do bhilb an t-sagairt eòlas a choimhead, agus bu chòir an reachd iarruidh as a bheul: oir is esan teachdaire Lebh, deir Tighearn nan sluagh.

8 Ach chaidh sibh air seacharan o 'n t-slighe; thug sibh air mòran tuisleachadh air an reachd: thruaill sibh coimhcheangal Lebh, deir Tighearn nan sluagh.

9 Uime sin, rinn mise fòs sibhse suarrach agus tàireil ann an sealladh an uile shluaigh, do réir mar nach do choimhid sibh mo shligheanna, ach gu 'n robh sibh leth-bhreitheach anns an lagh.

10 Nach 'eil aon athair againn uile? nach aon Dia a chruthaich sinn? c' uim' an bhèil sinn a' buntainn gu fealltach, gach duine an aghaidh a bhràthar, le bhi briseadh coimhcheangail 'ur n-aithrichean?

11 Bhuin Iudah gu fealltach, agus chuir eadh gràinealachd an gnìomh ann an Israel agus ann an Ierusalem: oir thruaill Iudah naomhachd Dhia a's ionnuihinn leis, agus phòs e nighean dé choimhich.

12 Gearraidh an Tighearn as an duine ni so: am fear-faire, agus am fear-freagraidh, a mach a pàillunnaibh Iacoib; agus esan a bheir tabhartas do Thighearn nan sluagh.

13 Agus so fòs rinn sibh; chòmhdaich sibh le deuraibh altair an Tighearna, le gul, agus le h-éigheach; ionnus nach 'eil suim aige do thabhartas ni 's mò, agus cha ghabh e le deagh-ghean o 'r làimh e.

14 Gidheadh tha sibh ag ràdh, C' ar son? A chionn gu 'n robh an Tighearn na fhianuis eadar thu agus bean d' òige, ris an do bhuin thu gu fealltach: gidheadh b' i do bhana-chompanach i, agus bean do choimhcheangail.

15 Agus nach d' rinn e aon fheoil diubh? agus tha fuigheall an spioraid aige. Agus ciod a tha esan ag iarruidh? sìochd diadhaidh. Uime sin biodh faicill agaibh air 'ur spiorad, agus na buineadh neach air bith gu fealltach an aghaidh mnà 'òige.

16 Oir is fuath leam-sa esan a chuireas air falbh, deir an Tighearn Dia Israeil: agus esan a dh'fholaicheas ainneart le 'thruscan, deir Tighearn nan sluagh. Uime sin biodh faicill agaibh air 'ur spiorad, nach buin sibh gu feallach.

17 Sgithich sibh an Tighearn le 'r briathraibh: gidheadh a deir sibh, Ciod anns an do sgithich sinn e? Le sibh a bhi 'g ràdh, Tha gach aon a ta deanamh uile taitneach ann an sealladh an Tighearna; agus tha tlachd aig annta: no, C' àit am bheil Dia a' bhreitheanas?

## CAIB. III.

**F**EUCH cuiridh mise mach mo theachdaire, agus ulmhaichidh e 'n t-slighe romham; agus thig an Tighearn, a ta sibh ag iarruidh, g'a theampull gu grad: cadhon teachdaire a' choimhcheangail, anns am bheil 'ur tlachd; feuch thig esan, deir Tighearn nan sluagh.

2 Ach cò dh'fheudas là a theachd a ghiùlan? agus cò sheasas an uair a dh'fhoillsichear e? oir is cosmhuil e ri teine 'n fhir-leaghaidh, agus ri acuinnghlanaidh an fhir, a nigheas eudach.

3 Agus suidhidh e mar fhear-leaghaidh agus glanaidh airgid: agus glanaidh e mic Lebh, agus saoraidh e o shàl iad, mar òr agus mar airgiod, a chum gu'm bi iad nan òglaich do 'n Tighearn, a' tairgseadh dha tabhartais ann am fireantachd.

4 An sin bidh tabhartas Iudah agus Ierusalem taitneach do 'n Tighearn, mar anns na làithibh o shean, agus anns na bliadhnaibh roimhe so.

5 Agus thig mise dlù dhuibh gu breitheanas, agus bidh mi a' m'fhianuis luath an aghaidh fhiosaichean, agus an aghaidh adhartanach, agus an aghaidh na muinntir a bheir mionnan-eithich, agus an aghaidh na muinntir a ta cumail air ais a thuarasdail o 'n t-seirbhiseach, a' sàruchadh na bantraich agus an dilleachdain, agus a' cur a' choigrich a thaoibh, agus air nach 'eil eagail romham-sa, deir Tighearn nan sluagh.

6 Oir is mise Iehobhah, cha chaochail mi: air an aobhar sin cha 'n 'eil sibhse, O chlann Iacoib, air 'ur sgrios.

7 Eadhon o làithibh 'ur n-aithrichean chlaon sibh o m' reachdaibh-sa, agus cha do choimhid sibh iad: pillibh riumsa, agus pillidh mise ruibhse, deir Tighearn nan sluagh: Ach thuirt sibhse; Ciod anns am pill sinn?

8 An spùinn duine Dia!? gidheadh spùinn sibhse mise: ach tha sibh ag ràdh, Ciod anns an do spùinn sinn thu? Ann an deachamh agus ann an tabhartasaibh.

9 Tha sibh malluichte le mallachd: oir spùinn sibh mise; eadhon an cinneach so uile.

10 Thugaibh an deachamh uile chum an tigh-thaisg, air chor as gu 'm bi biadh ann am thigh-sa; agus dearbhaibh mi nis leis an ni so, deir Tighearn nan sluagh, mur fosgail mi dhuibh uinnagan nan nèamh, a dhòrtadh a mach beannachd oirbh, gus nach bi àit ann 'ga chumail.

11 Agus cronaichidh mi am milltear air 'ur sgàth-sa, agus cha mhill 'e toradh 'ur fearainn, ni mò thilgcas 'ur fineamhuin a meas anabuich san fhaiche, deir Tighearn nan sluagh.

<sup>1</sup> An dean duine stadadh air Dia?

12 Agus goiridh na h-uile chinnich beannuichte sibh<sup>1</sup>: oir bidh sibh 'n 'ur dùthaich thaitnich, deir Tighearn nan sluagh.

13 Bha 'ur briathran dalm<sup>2</sup> ann am aghaidh-sa, deir an Tighearn; gidheadh tha sibh ag ràdh, Ciod a labhair sinn a'd' aghaidh.

14 Thubhairt sibh, Is dìomhain seirbhis a thoirt do 'n Tighearn; agus ciod a' bhuannachd dhuinn gu 'n do choimhid sinn 'ordugh, agus gu 'n do ghluais sinn gu brònach an làthair Tighearna nan sluagh?

15 Agus a nis tha sinn a' meas nan uaibhreanach sona; seadh tha iadsan a ta cur an gnìomh aingidheachd air an arduchadh: seadh tha iadsan a ta buaireadh Dhia, eadhon air an saoradh.

16 An sin labhair iadsan air an robh eagal an Tighearna, gach aon gu tric ri chèile, agus dh' éisd an Tighearn, agus chual e, agus bha leabhair-cuimhne air a sgrìobhadh na làthair air son na muinntir air an robh eagal an Tighearna, agus a smaointich air 'ainm.

17 Bidh iad leamsa<sup>3</sup>, deir Tighearn nan sluagh anns an là sin anns an dean mi suas mo sheudan; agus coiglidh mi iad, nìar a choigleas duine a mhac féin a ta deanamh seirbhis da.

18 An sin pillidh sibhse, agus chi sibh an dealachadh eadar am firean agus an t-aingidh: eadar an ti ta deanamh seirbhis do Dhia, agus an ti nach 'eil ri seirbhis da idir.

## CAIB. IV.

**O**IR feuch tha 'n là a' teachd, a loisgeas mar àmhuinn; agus bidh na h-uaibhreanachd, seadh gach neach a ta ri aingidheachd, mar asbhuain; agus loisgidh an là ta teachd suas iad, deir Tighearn nan sluagh; oir cha 'n fhàg e bun no barr dhiubh.

2 Ach dhuibhsa air am bheil eagal m' ainm-sa, éiridh Grian na fireantachd le slàinte na sgiathaibh; agus théid sibh a mach, agus fàsaidh sibh suas mar laoigh bhiadhta.

3 Agus saltraidh sibh sìos na h-aingidh: oir bidh iad mar luathre fo bhonnaibh 'ur cos, anns an là san dean mise so, deir Tighearn nan sluagh.

4 Cuimhnichibh-sa lagh Mhaois m' òg-laich, a dh' àithn mise dha ann an Horeb, air son Israeil uile, eadhon na reachdan agus na breitheanais.

5 Feuch cuiridh mise do 'r n-ionnsuidh Eliah am fàidh, roimh theachd là mhòir agus uamhasaich an Tighearna.

6 Agus tionndaidhidh esan cridhe nan aithrichean a chum na cloinne, agus cridhe na cloinne chum an aithrichean, eagal gu 'n d'thig mise, agus gu 'm buail mi am fearann le léir-sgrìos.

<sup>1</sup> beannuichidh na h-uile chinnich dhuibh.  
<sup>2</sup> d'ana, treun.    <sup>3</sup> buinidh iad dhomhsa.





# T I O M N A D H N U A D H

AR

TIGHEARNA AGUS AR SLANUIGHIR,

I O S A C R I O S D ;

EADAR-THEANGAICHTE

O'N GHREUGAIS CHUM GAELIC ALBANNAICH.

---

LONDON:

PRINTED FOR THE BRITISH AND FOREIGN BIBLE SOCIETY,

*Instituted in the Year 1804 ;*

FROM THE LAST CORRECTED EDITION OF THE SOCIETY IN SCOTLAND FOR

PROPAGATING CHRISTIAN KNOWLEDGE ;

And sold to Subscribers only, at the Society's House,  
Earl Street, Blackfriars, London.

1821.






*Leabhraichean an Tiomnaidh Nuaidh.*

	CAIB.
<b>S</b> OISGEUL Mhata, anns am bheil	28
Soisgeul Mbarcuis .....	16
Soisgeul Lucais .....	24
Soisgeul Eoin .....	21
Gnìomhara nan Abstol .....	28
Litir Phoil chum nan Romhanach....	16
1 Corintianach .....	16
2 Corintianach .....	13
Galatianach .....	6
Ephesianach .....	6
Philipianach .....	4
Colosianach .....	4
1 Litir Phoil chum nan Tesalonianach	5
2 Tesalonianach .....	3

	CAIB.
1 Timoteuis .....	6
2 Timoteuis .....	4
Tituis .....	3
Philemoin .....	1
Eabhruidheach .....	13
Litir Sheumais .....	5
1 Litir Pheadair .....	5
2 Litir Pheadair .....	3
1 Litir Eoin .....	5
2 Litir Eoin .....	1
3 Litir Eoin .....	1
Litir Indais .....	1
Taisbeanadh Eoin .....	22





# M H A T A.

## CAIB. I.

1 *Sinnsearachd, 18 Gineamhuin, 21 breith, 23 agus mineachadh ainm Chriosd.*

**L**EABHAR ginealaich Iosa Criosd, mhic Dhaibhi, mhic Abraham.

2 Ghin Abraham Isaac, agus ghin Isaac Iacob, agus ghin Iacob Iudas agus a bhràithrean.

3 Agus ghin Iudas Phares agus Sara o Thamar, agus ghin Phares Esrom, agus ghin Esrom Aram.

4 Agus ghin Aram Aminadab, agus ghin Aminadab Naason, agus ghin Naason Salmon.

5 Agus ghin Salmon Boos o Rachab, agus ghin Boos Obed o Rut, agus ghin Obed Iese.

6 Agus ghin Iese Daibhi an rìgh, agus ghin Daibhi an rìgh Solomon o'n mhnaoi a bha aig Urias.

7 Agus ghin Solomon Roboam, agus ghin Roboam Abia, agus ghin Abia Asa.

8 Agus ghin Asa Iosaphat, agus ghin Iosaphat Ioram, agus ghin Ioram Osias.

9 Agus ghin Osias Ioatam, agus ghin Ioatam Achas, agus ghin Achas Esencias.

10 Agus ghin Esencias Manases, agus ghin Manases Amon, agus ghin Amon Iosias.

11 Agus ghin Iosias Iechonias agus a bhràithre, mu àm an giùlain do Bhabylon.

12 Agus an déigh an toirt do Bhabylon, ghin Iechonias Salatiel agus ghin Salatiel Serobabel.

13 Agus ghin Serobabel Abiud, agus ghin Abiud Eliacim, agus ghin Eliacim Asor.

14 Agus ghin Asor Sadoc, agus ghin Sadoc Achim, agus ghin Achim Eliud.

15 Agus ghin Eliud Eleasar, agus ghin Eleasar Matan; agus ghin Matan Iacob.

16 Agus ghin Iacob Ioseph fear Mhuire, o'n d'rugadh Iosa, d'an goirear Criosd.

17 Uime sin na h-uile ghinealaich o Abraham gu Daibhi, is ceithir ginealaich deug iad; agus o Dhaibhi gu bruid Bhabylon, ceithir ginealaich deug; agus o bhruid Bhabylon gu Criosd, ceithir ginealaich deug.

18 Agus mar so bha breith Iosa Criosd: oir an déigh do cheangal pòsaidh bhi air a dheanamh eadar a mhàthair Muire agus

Ioseph, roimh dhoibh teachd cuideachd, fhuaradh torrach i o'n Spiorad Naomh.

19 Ach air bhi do Ioseph a fear 'na dhuine cothromach, agus gun toil aige ball-samhuill a dheanamh dh'i, bu mhiann leis a cur uaith os iosal.

20 Ach ag smuaineachadh nan nithese dha, feuch, dh'fhoillsich aingeal an Tigh-earna e fein da am brúadar, ag radh, A Ioseph, à mhic Dhaibhi, na biodh eagail ort do bhean Muire a ghabhail ad'ionnsuidh: oir an ni a ta air a ghineamhuin innte, is ann o'n Spiorad Naomh e.

21 Agus beiridh i mac, agus bheir thu Iosa dh'ainm air; oir saoraidh se a phobull fein o'm peacaidh.

22 (Agus rinneadh so uile, chum gu coimhionntadh an ni a thubhairt an Tigh-earna leis an fhàidh, ag radh,

23 Feuch, bithidh maighdean torrach, agus beiridh i mac, agus bheir iad Emanuel a dh'ainm air, 's ionann sin r'a radh, air eadar theangachadh, Dia maille ruinn.)

24 Agus air mosgladh do Ioseph as a chodal, rinn e mar a dh'iarr aingeal an Tighearn air, agus ghabh e d'a ionnsuidh a bhean:

25 Agus cha d'aithnich e i gus an d'rug i a ceud-ghin mic; agus thug e Iosa dh'ainm air.

## CAIB. II.

1 *Thug na Druidhean urram do Chriosd;*

14 *Theich Ioseph leis do'n Eiphit, 16 agus mharbh Herod na leanabana.*

**A**GUS an uair a rugadh Iosa am Bet-lehem Iudea, an laithibh Heroid an rìgh, feuch, thainig druidhean<sup>2</sup> o'n aird an ear gu Hierusalem,

2 Ag radh, C'àit am bheil rìgh sin nan Iudhach a ta air a bhrèith? oir chunnaic sinne a reult san aird an ear, agus a ta sinn air teachd a thabhairt aoraidh<sup>3</sup> dha.

3 An uair a chual Herod an rìgh sin, bha e fuidh thrioblaid<sup>4</sup> agus Hierusalem uile maille ris.

4 Agus air cruinneachadh nan ard shagart uile dha, agus scriobhuichean a phobuill, dh'fheodraich e dhiubh c'àit an robh Criosd gu bhi air a bhrèith.

5 Agus thubhairt iad ris, Am Betlehem Iudea: oir mar so scriobhadh leis an fhàidh;

<sup>1</sup> slànuidhidh.

<sup>2</sup> daoine glè.

<sup>3</sup> onoir.

<sup>4</sup> air a bhuaireadh.



6 Agus thusa Bhetlehem an tìr Iuda, cha tu idir is lugha am measg phrionnsadh<sup>1</sup> Iuda: asadasa thig Uachdaran a stiùras mo phobull Israel.

7 An sin air do Herod na druidhean a ghairm os ìosal d'a ionnsuidh, gheur-fhiosruich e dhiubh cia an t-àm an d'fhoillsicheadh an reult.

8 Agus chuir e iad gu Betlehem, agus thubhairt e, Imichibh, agus iarruibh gu dìchiollach an naoidhean, agus an deigh fhaotainn<sup>2</sup> dhuibh, innsibh dhomhsa e, chum gu rachamsa fein, agus gu deanam aoradh dha.

9 Agus an uair a chual iad an rìgh, dh'imich iad; agus feuch, chaidh an reult a chunnaic iad san aird an ear rompa, agus an d'thainig i agus gu'n do stad i os cionn an ionaid an robh an naoidhean.

10 Agus an uair a chunnaic iad an reult, rinn iad gairdeachas le h-aobhneas ro mhòr.

11 Agus air dol a steach dhoibh do'n tigh, fhuair iad an naoidhean am fochair<sup>3</sup> a mhàthar Muire, agus thuit iad sìos, agus rinn iad aoradh dha: agus air fosgladh an ionmhas dhoibh, thug iad dha tiodhlacan; òr, agus tùis, agus mirr.

12 Agus air faotainn rabhaidh o Dhia am brúadar, gun iad a philltinn a dh'ionnsuidh Heroid, chaidh iad d'an dùthaich fein air slighe eile.

13 Agus an uair a dh'imich iad air an ais, feuch, nochdadh aingeal an Tighearna do Ioseph ann am brúadar, ag radh, Eirich, agus gabh an naoidhean agus a mhàthair, agus feich do'n Eiphit, agus bi an sin agus an labhair mise riut: oir iarruidh Herod an naoidhean g'a mhilleadh.

14 Agus dh'éirich e, agus ghabh e d'a ionnsuidh an naoidhean agus a mhàthair san oidheche, agus dh'imich e do'n Eiphit.

15 Agus bha e an sin gu bàs Heroid: a chum gu coimhlionadh an nì a labhair an Tighearna leis an fhàidh, ag radh. A mach as an Eiphit ghoir mi mo Mhac.

16 An sin an uair a chunnaic Herod gu'n d'rinn na druidhean fanoid air,<sup>4</sup> las e le feigr ro mhòr, agus chuir e luchd-millidh uaith, agus mharbh e na bha do leanabaibh mac am Betlehem, agus 'na crìochaibh uile, o aois dhà bhliadhna agus fuidh, a réir na h-aimsire a dh'fhòghluim e gu dìchiollach o na druidhibh.

17 An sin choimhlionadh an nì a labhradh le Ieremias am fàidh, ag radh,

18 Chualas guth an Rama, caoi, agus gul, agus bròn ro mhòr, Rachel a' caoineadh a cloinne, agus cha b'àill leatha sòlas a ghabhail, a chionn nach 'eil iad beo.

19 Ach an uair a dh'eug Herod, feuch, nochdadh aingeal an Tighearna am brúadar do Ioseph san Eiphit,

20 Ag radh, Eirich, agus gabh an naoidhean agus a mhàthair, agus imichgu talamh Israel: oir fhuair an dream a bha 'g iarraidh anama an leinibh bàs.

21 Agus dh'éirich esan, agus ghabh e an leanabh agus a mhàthair d'a ionnsuidh, agus thainig e gu talamh Israel.

22 Ach an uair a chual e Archelaus a bhi 'na rìgh an tìr Iudea an ionad Heroid 'athar, bha eagal air dol an sin: ach, air faotainn da rabhaidh o Dhia am brúadar, thionndaidh e gu crìochaibh Ghàile:

23 Agus thainig e agus ghabh e coimhnuidh am baile d'an goirear Nasaret, a chum gu coimhlionadh an nì a thubhradh leis na fàidhibh, Gu goirear Nasardha dheth.

### CAIB. III.

1 Teagasg agus caitheamh-beatha Eoin Bhaiste; 13 leis an do bhaisteadh Iosa Crìosd.

**A** GUS anns na laithibh sin thainig Eoin Baiste, a' searmonach am fàsach Iudea,

2 Agus ag radh, Gabhaibh aithreachas: oir a ta rioghachd nèimhe am fogus.

3 Oir is e so an tì ud mu'n do labhair Esais am fàidh, ag radh, Guth an tì a ghlaodhas anns an fhàsach, Ulluichibh slighe an Tighearna, deanuibh a cheuman-na dìreach.

4 Agus bha a chulaidh aig Eoin do fhionna chàmhail, agus crìos leathair aige timchioll a leasraidh; agus is e bu bhiadh dha locuist agus mil fhiahaich.

5 Chaidh Hierusalem a mach d'a ionnsuidh an sin agus Iudea uile, agus luchd àiteachaidh na dùcha timchioll Iordain uile,

6 Agus bhaisteadh iad leis an ann an Iordan, ag aidmheil am peacanna.

7 Ach an uair a chunnaic e mòran do na Phairisich, agus do na Sadusaich a' teachd a chum a bhaistidhsan, thubhairt e ri u, A shìol nan nathraiche nimhe, cò a thug rabhadh dhuibhse teicheadh o'n fheing a ta ri' teachd?

8 Air an aobhar sin thugaibh a mach toradh iomchuidh do'n aithreachas.

9 Agus na smuainichibh a radh annaibh fein, A ta Abraham 'na athair againn: oir a ta mi 'g radh ribh, gur comasach Dia air clann a thogail suas a dh' Abraham do na clochaibh sin.

10 Agus a nis a ta an tuadh air a cur ri freumh nan crann air an aobhar sin, ge b'e crann nach toir a mach toradh maith, gearrar e, agus tilgear san teine e.

11 Gu deimhin aitamse 'gar baisteadh le h-uisge chum aithreachais; ach an tì a thig a'm dhéigh, is cumhachdaich e na mi, agus cha'n fhiu mise a bhrògan iomchar: baistidh e an sibh leis an Spiorad Naomh, agus le teine:

12 Aig am bheil a ghuit 'na laimh,

<sup>1</sup> eacannard. <sup>2</sup> fhaighil. <sup>3</sup> meile ri.

<sup>4</sup> gu'n do mhaicil na druidhean

agus glanaidh e gu ro bhaileach 'ùrlar bualaigh, agus cruinnichidh e a chruinneachd d'a thaisg-thigh; ach loisgidh e am moll le teine nach feudar a mhùchadh.

13 An sin thainig Iosa o Ghalile gu Iordan a dh'ionnsuidh Eoin, chum gu'm biodh e air a bhaisteadh leis.

14 Ach bhac Eoin e, ag radh, A ta feum agamsa bhi air mo bhaisteadh leatsa, agus am bheil thusa a' teachd do m'ionnsuidhse?

15 Agus fhreagair Iosa agus thubhairt e ris, Leig do'n chùis a bhi mar so a nis: oir mar so is iomchuidh dhuinn gach uile fhìreantachd a choimhlionadh. An sin dh'fhulaing e dha.

16 Agus an uair a bhaisteadh Iosa, chaidh e air ball suas as an uisge; agus feuch, dh'fhosgadh nèamh dha, agus chunnaic e Spiorad Dé a' tuirling<sup>2</sup> mar cholumna, agus a' teachd airsan:

17 Agus feuch, guth o nèamh, ag radh, Is e so mo Mhac gràdhach, am bheil mo mhòr thlachd.

## CAIB IV.

1 *Bhuair an diabhol Chrìosd an dèis fad throsgaidh.* 17 *An dèigh do Iosa buadhachadh air, thòisich e air searmonachadh.*

**A**N sin thredruicheadh Iosa leis an Spiorad do'n fhàsach, chum gu'm biodh e air a bhuairtheadh leis an diabhol.

2 Agus an uair a throisg e dà fhichead là agus dà fhichead oidhche, an dèigh sin bha ocraas air.

3 Agus air teachd do'n bhuairtheadair d'a ionnsuidh thubhairt e, Ma's tu Mac Dhé, thoir àithne do na clochaibh so a bhi 'nan aran.

4 Ach fhreagair esan agus thubhairt e, Ata e sriobhta, Cha'n ann le h-aran amhàin a bheathuichhear duine, ach leis gach uile fhocal a thig o bheul Dé.

5 An sin thug an diabhol e do'n bhaile naomha, agus chuir e air binnean an teampuill e,

6 Agus thubhairt e ris, Ma's tu Mac Dhé, tilg thu fein sìos: oir a ta e sriobhta, gu toir e àithne d'a ainglibh ad' thimchioll, agus togaidh iad suas thu 'nan lamhaibh, chum as nach buail thu uair air bith do chos air cloich.

7 Thubhairt Iosa ris a ris, Ata e sriobhta, Cha bhair<sup>3</sup> thu an Tighearna do Dhia.

8 Thug an diabhol e a ris chum beinne ro aird, agus nochd e dha uile rioghachdan an domhain, agus an glòir:

9 Agus thubhairt e ris, Iad so uile bheir mise dhuit, ma's e air tuidam dhuit sìos gu'n dean thu aoradh dhomhsa.

10 An sin thubhairt Iosa ris, Imich uam, a Shatain: oir ata e sriobhta, Bheir thu aoradh do'n Tighearna do Dhia, agus dhasan 'na aonar ni thu seirbhis.

11 An sin dh'fhàg an diabhol e; agus

feuch, thainig aingil agus fhritheil iad da.

12 Ach an uair a chual Iosa gu'n do chuireadh Eoin an laimh, dh'imich e do Ghalile.

13 Agus air fàgail Nasaret da, thainig e agus rinn e còmhnuidh ann an Capernaum, a ta chois na fàirge, ann an leth-iomall Shabuloin agus Nephtalim:

14 A chum gu'n coimhliontadh an ni a thubhaird le Esaia ann fàidh, ag radh,

15 Talamh Shabuloin, agus talamh Nephtalim, slighe 'na fàirge air an taobh thall do Iordan,<sup>4</sup> Galile nan Cinneach:

16 Am pobull a bha 'nan suidhe an dorchadas, chunnaic iad solus mòr; agus a ta solus air éirigh do na daoineibh a bha 'nan suidhe an tìr agus an sgàil a' bhàis.

17 O sin a mach thòisich Iosa air searmoin a dheanamh, agus a radh, Gabhaibh aithreachas, oir a ta rioghachd nèimhe am fogus.

18 Agus ag imeachd do Iosa ri taobh fàirge Ghalile, chunnaic e dithis bhràithre, Simon d'an goirear Peadar, agus Andreas a bhràthair, a' tilgeadh lìn san fàirge: (oir b'iasgairean iad.)

19 Agus thubhairt e riu, Leanaibh mise, agus ni mi iasgairean air daoineibh dhibh.

20 Agus air ball dh'fhàg iad na lìonta, agus lean iad esan.

21 Agus air triall da as sin, chunnaic e dithis eile bhràithre, Seumas<sup>mac</sup> Shebede, agus Eoin a bhràthair, ann an luing maille r'an athair Sebede, a' càradh an lìon: agus ghairm e iad.

22 Agus air ball dh'fhàg iad an long agus an athair, agus lean iad e.

23 Agus dh'imich Iosa timchioll Ghalile uile, a'teagasg 'nan sionagogaibh, agus a' searmonachadh soisgeil na rioghachd, agus a' slànuchadh gach gnè thinnis, agus gach gnè eucail am measg an t-sluaigh.

24 Agus chaidh a chliu feadh Shiria uile: agus thug iad d'a ionnsuidh iadsan uile a bha euslan, agus a bha air an cuibhreachadh le galaruibh, agus iomadh gnè phiantuibh, agus iadsan aig an robh deamhain annta, agus air an robh an tui-teamach,<sup>4</sup> agus luchd pairilise;<sup>5</sup> agus shlànuich ciad.

25 Agus lean cuideachd mhòr e o Ghalile, agus o Dhecapolis, agus o Hierusalem, agus o Iudea, agus o na crìochaibh a ta do'n taobh thall do Iordan.

## CAIB. V.

*Searmoin Chrìosd air a' bheinn, anns am bheil na h-ochd beannachdan, agus mìneachadh an Lagha.*

**A**GUS an uair a chunnaic Iosa an t-sluagh, chaidh e suas air beinn: agus air suidhe dha, thainig a dheisciobuil d'a ionnsuidh.

<sup>1</sup> teachd a nuas. <sup>2</sup> dearbh <sup>3</sup> i taobh da.

<sup>4</sup> tinneas na gealach.

<sup>5</sup> crith-ghalair.



2 Agus dh'fhosgail e a bheul, agus theagaisg e iad, ag radh,

3 Is beannuicht' iadsan a ta bochd 'nan spiorad: oir is leo rioghachd nèimhe.

4 Is beannuicht' iadsan a ta ri bròn: oir gheibh iad sòlas.

5 Is beannuichte na daoine macanta,<sup>1</sup> oir sealbhuichidh iad an talamh mar oigreachd.

6 Is beannuicht' an dream air am bheil ocras agus tart na còrach:<sup>2</sup> oir, sàsuichear iad.

7 Is beannuichte na daoine tròcaireach: oir gheibh iad tròcair.

8 Is beannuichte na daoine a ta glan 'nan cridhe: oir chi iad Dia.

9 Is beannuichte luchd dheanamh na sìth: oir goirear clann Dé dhiubh.

10 Is beannuicht' an dream a ta fulang geur-leanmhuinn air son na còrach: oir is leo-san rioghachd nèimhe.

11 Is beannuichte bhitheas sibh an uair a bheir daoine anacainnt dhuibh, agus a ni iad geur-leanmhuinn oirbh, agus a labhras iad gach uile dhroch fhocal ribh gu breugach air mo sgàthsa.

12 Deanuibh gaideachas, agus bithibh ro shubhach: oir is mòr bhur duais air nèamh: oir mar sin rinn iad geur-leanmhuinn air na fàidhibh a bha roimhibh.

13 Is sibhse salann na talmhainn: gidheadh ma chailleas an salann a bhlas, ciod leis an sailear e? cha 'n 'eil feum ann o sin suas, ach a thilgeadh mach, agus a shaltairt fa chosaibh dhaoine.

14 Is sibhse solus an t-saoghail. Cha'n fheudar baile a ta air a shuidheachadh air sliabh fholach.

15 Agus cha las daoine coinneal, chum as gu'n cuir iad i fuidh shoitheach, ach ann an coinneir, agus ni i solus do na'm bheil a stigh.

16 Gu ma h-ann mar sin a dhealruicheas bhur solus an làthair dhaoine, chum as gu faic iad bhur deadh oibre, agus gu toir iad glòir do bhur n-Athair a ta air nèamh.

17 Na measaibh gu'n d'thainig mise a sgaoileadh an lagha no nam fàidh; ni h-ann<sup>3</sup> a sgaoileadh a thainig mi, ach a choimhlionadh.

18 Oir a deirim<sup>4</sup> ribh gu firinneach, Gus an d'theid<sup>5</sup> nèamh agus talamh thairis, cha d'theid aon lide<sup>6</sup> no aon phunc do'n lagh thairis, gus an coimhlionar gach aon ni.

19 Air an aobhar sin ge b'e neach a sgaoileas aon do na h-àitheantaibh so a's lugha, agus a theagaisgeas daoine mar sin, goirear an duine is lugha dheth ann an rioghachd nèimhe: ach ge air bith neach a ni, agus a theagaisgeas iad, goirear duine mòr dheth ann an rioghachd nèimhe.

20 Oir a deirim ribh, Mur toir bhur

fireantachdsa barrachd air fireantachd nan scriobhuiche agus nam Phairiseach, nach d'theid sibh air chor air bith a steach do roighachd nèimhe.

21 Chuala sibh, gu'n dubhradh ris na sinnsiribh, Na dean miontadh; agus ge b'e neach a ni mortadh, bithidh se an cunnart a' bhreitheanaid.

22 Ach a deirimse ribh, Ge b'e ncach aig am bi fearg r'a bhràthair gun aobhar, gu'm bi e an cunnart a' bhreitheanaid: agus ge b'e neach a their r'a bhràthair, Raca, gu'm bi e an cunnart na comhairle: ach ge b'e neach a their, Amadain, gu'm bi e an cunnart teine ifrinn.

23 Uime sin ma bheir thu do thabhartas<sup>7</sup> chum na h-altaire, agus gu'n cuimhnich thu an sin gu bheil ni air bith aig do bhràthair a d' aghaidh;

24 Fag do thabhartas an sin an làthair na h-altaire, agus imich, agus dean rèite air tùs ri d' bhràthair, agus an dèigh sin thig agus tabhair uait do thiodhlacadh.

25 Bi réidh ri d' eascaraid gu luath, am feadh a bhios tu maille ris san t-slighe; air eagal gu'n toir an t-eascaraid thairis thu do'n bhreitheamh, agus gu 'n toir am breitheamh thu do'n mhaor, agus gu tilgear am prìosun thu.

26 A deirim riut gu firinneach nach téid thu mach as sin, gus an ioc thu an fheoirling dheireannach.

27 Chuala sibh gu'n dubhradh ris<sup>8</sup> na sinnsiribh, Na dean adhaltrannas.

28 Ach a deirimse ribh, Ge b'e neach a dh'amhairceas air mnaoi chum a miannachadh, gu'n d'rinn e adhaltrannas lcatha chcana 'na chridhe.

29 Agus ma bheir do shùil dheas aobhar tuisidh dhuist, spion a mach i, agus tilg uait i: oir is fearr dhuit gu sgriosar aon do d' bhallaibh, na do chorp uile bhi air a thilgeadh do ifrinn.

30 Agus ma bheir do lamh dheas oilbheum dhuist, gearr dhuit i, agus tilg uait i: oir is fearr dhuit gu sgriosar aon do d' bhallaibh, na do chorp uile bhi air a thilgeadh do ifrinn.

31 Agus thubhradh, Ge b'e chuireas a bhean phòsda air falbh, thugadh e litir dhealaich dh'i.

32 Ach a deirimse ribh, Ge b'e neach a chuireas air falbh a bhean phòsda fein, ach a mhàin air son striopachais, gu bheil e toirt oirre adhaltrannas a dheanamh: agus an ti a phòsas a' bhean sin a chuireadh air falbh, a ta e a' deanamh adhaltrannais.

33 Mar an ceudna, chuala sibh gu'n dubhradh ris na sinnsiribh, Na tabhair mionnan eitheich, ach coimhlion do mhionna do'n Tighearna.

34 Ach a deirimse ribh, Na tugaibh

<sup>1</sup> ciuin, ceannsaich. <sup>2</sup> a' cheartais, na fireantachd. <sup>3</sup> cha'n ann, <sup>4</sup> ta mi 'g radh,

theiream. <sup>5</sup> an téid. <sup>6</sup> aon iota. <sup>7</sup> thiodhlacadh. <sup>8</sup> leis.

mionnan idir : na *tugaibh* air nèamh, oir is e rìgh-chaithir Dhé e.

35 Na *tugaibh* air an talamh, oir is e stòl a chos e : na *tugaibh* air Hierusalem, oir is e baile an rìgh mhòir e.

36 Na tabhair mionnan air do cheann, oir cha'n urrainn thu aon fhoiltean a dheanamh geal no dubh.

37 Ach gu ma h-e a's comhradh dhuibh, Seadh, 'seadh. Ni h-eadh, ni h-eadh; oir ge b'e ni a bhios os cionn so is ann o'n olc a ta e.

38 Chuala sibh gu'n dubhradh, Sùil air son sùla, agus fiacail air son fiacail.

39 Ach a deirimse ribh, Na cuiribh an aghaidh an uile: ach ge b'e neach a bhuaileas tu air do ghial deas, tionndaidh chuige an gial eile mhar an ceudna.

40 Agus an ti le'm b'àill thusa a thagradh san lagh, agus do chòta a bhuin diot, leig leis t'-fhalluing mar an ceudna.

41 Agus ge b'e bheir leis air feadh mìle a dhaindeoin thu, imich leis air feadh dhà mhìle.

42 Tabhair do'n ti a dh'iarraas ort, agus uaithsan le'm bu mhiann iasachd fhaotainn uait, na pill air falbh.

43 Chuala sibh gu'n dubhradh, Gràdh-aichidh tu do choimhearsnach, agus bithidh fuath agad do d' namhaid.

44 Ach a deirimse ribh, Biodh gràdh agaibh do bhur naimhdeibh, beannaichibh an droing a mhallachas sibh, deanaibh maith do na daoineibh air am beag sibh, agus deanaibh ùrnuigh air son na muinntir a ta buntuinn ribh gu naimhdeil, agus a ta 'gar geur leanmhuinn :

45 A chum gu'm bi sibh 'n ar cloinn aig bhur n-Athair a ta air nèamh, oir a ta esan a' tabhairt air a ghrèin fein éirigh air na droch dhaoineibh, agus air na deadh dhaoineibh, agus a' cur uisge air na fireanaibh agus air na neo-fhìreanaibh.

46 Oir ma bhios gràdh agaibh do'n mhuinntir aig am bheil gràdh dhuibh, ciod an duais a gheibh sibh ? nach 'eil eadhon na cìs-mhaoir a' deanamh an ni ceudna ?

47 Agus ma chuireas sibh fàilte air bhur bràithribh fein a mhàin, ciod a tha sibh a' deanamh thar chàch ? nach 'eil na cìs-mhacir fein a' deanamh an ni ceudna ?

48 Air an aobhar sin bithibhse coimhlionta<sup>1</sup> mar a ta bhur n-Athair a ta air nèamh coimhlionta.

#### CAIB. VI.

*Leantuinn na searmoin air a' bheinn, anns am bheil Crìosd a' labhairt mu dhéirc, 3 mu ùrnuigh, 14 mu mhaithneas d'ar bràithribh. &c.*

**T**HUGAIBH an aire nach toir<sup>2</sup> sibh bhur déirc am fianuis dhaoine, chum gu 'm faicear leo sibh : no cha 'n fhaigh

sibh tuarasdál o bhur n-Athair a ta air nèamh.

2 Uime sin, an uair a bheir thu do dhéirc, na toir fa'near galltomp a shéideadh romhad, mar a ni na cealgairean, anns na sionagogaibh, agus anns na sràidibh, chum as gu faigh iad glòir o dhaoineibh. Gu fìrinneach a deirimse ribh, gu bheil an tuarasdál aca.

3 Ach an uair a bheir thusa déirc, na biodh fios aig do laimh chli ciod a ta do lamh dheas a' deanamh :

4 Chum gu'm bi do dhéirc am folach : agus bheir t' Athair a chi am folach, duais dhuise os aird.

5 Agus an uair a ni thu ùrnuigh, na bi mar luchd an fhuar-chràbhaidh : oir is ionmhuinn leo ùrnuigh a dheanamh sna sionagogaibh, agus ann an coinneachadh nan sràid 'nan seasamh. chum gu faicear le daoineibh iad. Gu deimhin a deirimse ribh, gu bheil an tuarasdál aca.

6 Ach thusa, an uair a ni thu ùrnuigh, imich a steach do d' sheomar, agus air dùnadh do dhoruis duit, dean ùrnuigh ri t' Athair a ta an uaignidheas, agus bheir t' Athair a chi an uaignidheas, duais dhuith gu follaiseach.

7 Ach ag deanamh ùrnuigh dhuibh, na gnàthaichibh ath-iarrais dhìomhain, mar na Cinnich : oir saoilidh iadsan gu'n éisdear riu air son lìonmhoireachd am fòcla.

8 Uime sin na bithibhse cosmhuil riu : oir a ta fios aig bhur n-Athair cia iad na nithe a ta dh'uireasbhuidh oirbh, mun iarr sibh air iad.

9 Air an aobhar sin deanaibhse ùrnuigh air a' mhodh so : Ar n-Athair a ta air nèamh, Gu naomhaichear t'ainm.

10 Thigeadh do rioghachd. Deanar do thoil air an talamh, mar a nithear air nèamh.

11 Tabhair dhuinn an diugh ar n-aran laitheil.

12 Agus maith dhuinn ar fiacha, amhuil mar a mhaithas sinne d'ar luchd-fiach.<sup>3</sup>

13 Agus na leig am buaireadh sinn, ach saor sinn o olc : Oir is leatsa an rioghachd, agus an cumhachd, agus a' ghlòir, gu sìorruidh. Amen.

14 Oir ma mhaithas sibh an cionta do dhaoineibh, maithidh bhur n-Athair nèamhaidh dhuibhse mar an ceudna.

15 Ach mur maith sibh an cionta do dhaoineibh, cha mhò a mhaithas bhur n-Athair dhuibhse bhur cionta.

16 Agus an uair a ni sibh trosgadh, na bitheadh gruaim air bhur gnùis, mar luchd an fhuar-chràbhaidh : oir cuiridh iadsan midhreach air an aghaidh chum gu faicear le daoineibh iad a bhi trosgadh. Deirim ribh gu fìrinneach gu bheil an tuarasdál aca.

<sup>1</sup> soirse, dìogmhàlta.

<sup>2</sup> dean.

<sup>3</sup> feichneibh.



17 Ach thusa, an uair a ni thu trosgadh, cuir ola air do cheann, agus ionnail t' aghaidh: <sup>1</sup>

18 Chum nach faicear le daoineibh gu bheil thu a' deanamh trosgaidh, ach le t' Athair a ta an uaignidheas: agus bheir t' Athair a ehi an uaignidheas, duais dhuit gu follaiseach.

19 Na taisgibh dhuibh fein ionmhais air an talamh, far an truail<sup>2</sup> an leomann<sup>3</sup> agus a' mheirg e, agus far an cladhaich na meirlich a stigh agus an goid iad.

20 Ach taisgibh ionmhais dhuibh fein air nèamh, far nach truail an leomann no a' mheirg, agus nach cladhaich agus nach goid na meirlich.

21 Oir ge b'e ball am bheil bhuir n-ionmhas, is ann an sin a bhios bhuir cridhe mar an ceudna.

22 Is i an t-sùil solus a' chuirp: uime sin ma bhios do shùil glan, bithidh do chorp uile làn soluis.

23 Ach ma bhios do shùil gu h-olc, bithidh do chorp uile dorch. Air an aobhar sin ma ta an solus a ta annad 'n a dhorchadas, cia mòr an dorchadas sin?

24 Cha'n urrainn neach air bith seirbhis a dheanamh do dhà Thighearna: oir an dara cuid bithidh fuath aige do neach aca, agus gràdh do neach eile; no gabhuidh e le neach aca, agus ni e tàir air neach eile. Cha 'n urrainn sibh seirbhis a dheanamh do Dhia agus do Mhamon.

25 Uime sin a' deirimse ribh, Na biodh ro-chùram oirbh mu thimchioll bhuir beatha, ciod a dh'itheas no dh'òlas sibh; no mu thimchioll bhuir cuirp, ciod a chuireas sibh umaibh: a c nach mò a' bheatha na 'm biadh, agus an corp na'n t-eudach?

26 Amhaircibh air eunlaith an athair: oir cha chuir iad sìol, agus cha bhuain iad, agus cha chruinnich iad an saibhlìb: gidheadh a ta bhuir n-Athair nèamhaidhe 'g am beathachadh; an e nach fearr sibhse gu mòr na iadsan?

27 Agus cia agaibh le mòr chùram a dh'fheudas aon lamhchoille<sup>4</sup> a chur r'a airde fein?

28 Agus c'ar son a ta sibh ro chùramach mu thimchioll bhuir culaidh? fòghumaibh cionnus a ta na lilighean a' fàs sa' mhach-air; cha saothraich iad agus cha snìomh iad.

29 Gidheadh a deirimse ribh, Nach robh Solamh fein 'n a uile ghloir, air eudachadh mar aon diubh so.

30 Air an aobhar sin, ma ta Dia mar sin a' sgeadachadh feoir na machaire, a ta an diugh ann, agus am màireach air a thilgeadh san àmhuinn, an e nach mò na sin a sgeadachas e sibhse, a dhaoine air bheag creidimh?

31 Uime sin na bithibh làn do chùram,

ag radh, Ciod a dh'itheas sinn? no ciod a dh'òlas sinn? no ciod a chuireas sinn umainn?

32 (Oir iad so uile iarraidh na Cinnich) oir a ta fios aig bhuir n-Athair nèamhaidh gu bheil feum agaibhse air na nithibh so uile.

33 Ach iarraibh air tùs rioghachd Dhé, agus fhìreantachdsan, agus cuirear na nithc so uile ribh.

34 Uime sin na bitheadh ro chùram oirbh mu thimchioll an la màireach: oir bithidh a làn do chùram air an la màireach mu thimchioll a nithe fein: is leòr do'n là 'olc fein.

## CAIB. VII.

*Ann an bheil ar Slànuighear a' crìochnachadh na searmoin air a' bheinn, 1 a' cronuchadh breth ghrad, a toirmeasg nithe naomha chur an neosheim, &c.*

**N**A tugaibh breth, chum nach toirear breth oirbh:

2 Oir a reir na breth a bheir sibh, bheir-ear breth oirbh: agus leis an tomhas le'n tomhais sibh, tomhaisear dhuibh a ris.

3 Agus c'ar son a ta thu a' faicinn an smùirnein<sup>5</sup> a ta an sùil do bhràthar, ach nach 'eil thu tabhairt fa'near an t-sail a ta ann do shùil fein?

4 No cionnus a their thu ri d'-bhràthair, Fulaing dhomh an smùirnein a spionadh as do shùil; agus feuch, an t-sail ann do shùil fein?

5 A chealgair, buin air tùs an t-sail as do shùil fein; agus an sin is léir dhuit gu maith an smùirnein a bhuntuinn a sùil do bhràthar.

6 Na tabhraidh an ni naomha do na madraibh, agus na tilgibh bhuir neamhnuide am fianuis nam muc, air eagal gu saltair iad orra le'n cosaibh, agus<sup>6</sup> air pilltinn doibh gu reub iad sibh fein as a chéile.

7 Iarraibh, agus bheir-ear dhuibh: si-ribh<sup>7</sup> agus gheibh sibh: buailibh an dorus, agus fosgailear dhuibh.

8 Oir gach uile neach a dh'iarras, glacuidh e: agus ge b'e a shireas, gheibh e: agus do 'n ti a bhuailas an dorus, fosgailear.

9 Oir cò an duine agaibhse, ma's e 's gu'n iarr a mhac aran, a bheir cloch dha?

10 Agus ma's iasg a dh'iarras e, an tabhair e nathair dha?

11 Air an aobhar sin ma's aithne dhuibhse a ta olc, tiodhlacan maith a thabhairt do bhuir cloinn, nach mò na sin a bheir bhuir n-Athair a ta air nèamh nithe maith dhoibhsan a dh'iarras air iad?

12 Uime sin gach uile ni bu mhiann leibh daoine a dheanamh dhuibhse, dean-aibhse a leithid dhoibhsan mar an ceudna: oir is e so an lagh agus na fàidhean.

13 Imichibh a steach air an dorus chumh-

<sup>1</sup> t'eudàn.  
mhiol chrìon.

<sup>2</sup> mill.

<sup>3</sup> an reudan, a'  
<sup>4</sup> bhannlamh,

<sup>5</sup> carmein.

<sup>6</sup> no. <sup>7</sup> lorgaichibh,

ann; oir is farsaing an dorus, agus is leathan an t-slighe a ta treòrachadh chum sgrios, agus is lìomhor iad a ta dol a steach oirre:

14 Ach is<sup>1</sup> cumhann an dorus, agus is aimhleathan an t-slighe a ta treòrachadh chum na beatha, agus is tearc, iad a ta 'g amas oirre.

15 Coimhidibh sibh fein o na fàidhibh bréige, a thig d'ar n-ionnsuidh ann an cu-laidhibh chaorach, ach a ta o 'n leth a stigh 'nam madraibh allta.

16 Air an toraibh aithnichidh sibh iad: an tionail daoine dearcan-fiona do dhri-sibh, no figean do na foghannanaibh?<sup>2</sup>

17 Agus mar sin bheir gach uile chrann maith toradh maith: ach bheir an droch chrann droch thoradh.

18 Cha'n fheud a' chraobh mhaith droch thoradh iomchar, no an droch chraobh toradh maith a thabhairt.

19 Gach uile chrann nach iomchair toradh maith, gearrar sìos e, agus tilgear san teine e.

20 Air an aobhar sin is ann air an toraibh a dh'aithnicheas sibh iad.

21 Nì h-e gach uile neach a their riumsa, A Thighearna, A Thighearna, a theid a steach do rioghachd nèimhe; ach an ti a nì toil m' Atharsa a ta air nèamh.

22 Is iomadh iad a their riumsa san là ud, A Thighearna, a Thighearna, nach d'rinn sinn a' t'ainmse fàidheadaireachd? agus a' t'ainmse nach do thilg sinn a mach deamhain? agus a' t'ainmse nach d'rinn sin iomadh miorbhuile?

23 Agus an sin aidichidh mise os aird dhoibh, Cha b'aithne dhomh riamh sibh: imichibh uam, a luchd deanamh na h-eu-corach.

24 Air an aobhar sin, gach uile neach a chluinneas na briathrasa agamsa, agus a nì iad, samhluichidh mi e ri duine glic, a thog a thigh air carraig:

25 Agus thuirling<sup>3</sup> an t-uisge, agus thainig na tuitte, agus shéid na gaotha, agus bhuail iad air an tigh sin: agus cha do thuit e, oir bha a bhunadh suidhichte air carraig.

26 Agus gach uile neach a chluinneas na briathra so agamsa, agus nach coimhlion iad, samhluichear e ri duine amaideach, a thog a thigh air a' ghaineamh:

27 Agus thuirling an t-uisge, agus thainig na tuitte, agus shéid na gaotha, agus bhuail iad air an tigh sin: agus thuit e, agus bu mhor a thuiteam.

28 Agus tharladh<sup>4</sup> an uair a chrìochnaich Iosa na briathrasa gu'n do ghabh an pobull iongantas r'a theagasgsan:

29 Oir theagaisg e iad mar neach aig an robh cumhachd,<sup>5</sup> agus nì h-ann mar na scriobhuichean.

## CAIB VIII.

1 Ghlan Criosd an lobhar, 5 shlànuich e seir-bhiseach a' Chaipitin ceud, 14 màthuir-chéile Pheadair, &c.

**A**GUS air teachd a nuas o'n bheinn dha, lean cuideachd mhòr e.

2 Agus feuch, thainig lobhar agus thug e urram dha, ag radh, A Thighearna, ma's àill leat, is comasach thu air mise a ghlanadh;

3 Agus shìn Iosa mach a lamh, agus bhean e ris, ag radh. Is àill leam; b'ì thusa glan. Agus air ball bha a loibhre air a glanadh.

4 Agus thubhairt Iosa ris, Feuch nach innis thu do dhuine sam bith, ach imich, taisbein thu fein do'n t-sagart, agus beir chuige<sup>6</sup> an tiodhlacadh a dh'aithn Maois, mar fhianuis dhoibh.

5 Agus air dol do Iosa steach do Chapernaum, thainig d'a ionnsuidh Caipitin-ceud a' guidhe air,

6 Agus ag radh, A Thighearna, tha m'òglach' na luidhe a stigh am pairilis, agus air a phianadh gu h-anabarrach.

7 Agus thubhairt Iosa ris, Théid mise, agus slànuichibh mi e.

8 Agus air freagairt do'n Chaipitin-ceud, thubhairt e, A Thighearna, cha'n fhiu mise thusa a theachd a steach fa m' chleith: ach a mhàin abair am focal, agus slànuichear m'òglach.

9 Oir is duine mise fein a ta fuidh ùgh-darras, aig am bheil saighdeara fùm: agus a deirim ris an fhear so, Imich, agus imichidh e: agus ris an fhear so eile, Thig, agus thig e: agus ri m' shearbhannt, Dean so, agus nì se e.

10 'Nuair a chual Iosa so, ghabh e iongantas, agus thubhairt e ris a' mluinntir a lean e, Gu firinneach a deirim ribh, ann an Israel fein nach d'fhuair mi creidimh co mòr as so.

11 Agus a deirim ribh, gu'n dthig mòran o'n àird an ear, agus o'n àird an iar, agus gu'n suidh iad maille ri Abraham, agus Isaac, agus Iacob, ann an rioghachd nèimhe;

12 Ach gu'n tilgear clann na rioghachd ann an dorchadas a ta'n leth a muigh: bithidh an sin gul agus giosgan<sup>7</sup> fhìacal.

13 Agus thubhairt Iosa ris a' chaipitin-ceud, Imich romhad, gu b'iodh dhuit a réir mar a chreid thu. Agus shlànuicheadh òglach air an uair sin fein.

14 Agus an uair a thainig Iosa gu tigh Pheadair, chunnaic e màthair a mhnà 'na luidhe, agus i ann am fiabhrus.<sup>8</sup>

15 Agus bhean e r'a laimh, agus dh'fhàg am fiabhrus i: agus dh'éirich i, agus rinn i frithealadh dha.<sup>9</sup>

16 Agus an uair a bha am feasgar air teachd, thug iad d'a ionnsuidh mòran anns an robh deamhain; agus thilg e na spioraid

<sup>1</sup> do brìgh gur. <sup>2</sup> cluàranuibh. <sup>3</sup> thainig  
<sup>4</sup> thachair. <sup>5</sup> ùghdarras.

<sup>6</sup> thuige, d'a ionnsuidh. <sup>7</sup> snàgardeich  
<sup>8</sup> an teasaich. <sup>9</sup> doibh.



amach le fhocal, agus shlànuich e iad uile a bha euslan:

17 A chum gu'n coimhliontadh<sup>1</sup> an nì a labhradh le Eesaius am fàidh, ag radh, Ghabh esan ar n-anmhuinneachdan air fein, agus dh'iomchair e ar n-euslaintean.

18 Agus an uair a chunnaic Iosa sluagh mòr m'a thimchioll, dh'àithn e dol a sin do'n taobh eile.

19 Agus thainig scrìobhuiche àraidh, agus thubhairt e ris, A mhaighstir, leanuidh mise thu, ge b'e taobh a théid thu.

20 Agus thubhairt Iosa ris, Ata tuill aig na sionnaich, agus nid aig eunlaith an athair;<sup>2</sup> ach cha'n'eil aig Mac an duine ionad anns an cuir e a cheann fuidh.

21 Agus thubhairt fear eile d'a dheisciobluibh ris, A Tighearn, leig dhomhsa imeachd air tús agus m'athair adhlacadh.

22 Ach thubhairt Iosa ris, Lean mise, agus leig leis na mairbh am mairbh fein adhlacadh.

23 Agus air dol dhasan a steach do luing, lean a dheisciobuil e.

24 Agus feuch, dh'èirich stòirm mhòr air an fhaige, ionnus gu'n d'fholaich na tuinn an long: ach bha esan 'na chodal.

25 Agus thainig a dheisciobuil d'a ionnsuidh, agus dhùisg iad e, ag radh, A Thighearn, teasairg sinn: a ta sinn cailte.

26 Agus thubhairt e riu, C'ar son a ta sibh eagalach, sibhse air bheag creidimh? An sin dh'èirich e, agus chronuich e na gaothan agus an fhaige: agus bha ciuine mhòr ann.

27 Ach ghabh na daoine iongantais, ag radh, Creud<sup>3</sup> e ghnè dhuine so, gu bheil na gaotha fein agus an fhaige ùmhal dha?

28 Agus air teachd dha do'n taobh eile, gu tìr na Gergeseneach,<sup>4</sup> thachair dithis do dhaoibh air, anns an robh deamhain, a' teachd a mach as na tuamaibh, agus iad ro ghar, ionnus nach feudadh duine sam bith an t-slighe sin a ghabhail.

29 Agus feuch, ghlaodh iad, ag radh, Ciod e ar gnothuchne riut, Iosa a Mhic Dhé? An d'thainig thu an so g'ar pianadh roimh an àm?

30 Agus bha treud mòr mhuc am fad uatha, ag ionaltradh.

31 Agus dh'iarr na deamhain a dh'ath-chuinge aisan, ag radh, Ma thigear tu mach sinn, leig dhuinn dol san treud mhuc ud.

32 Agus thubhairt e riu, Imichibh. Agus air dol a mach dhoibh, chaidh iad anns an treud mhuc: agus feuch, ruith an treud mhuc uile gu dian sìos air ionad corrach,<sup>5</sup> do 'n chuan; agus chailleadh sna h-uisgibh iad.

33 Agus theich na buachaillean, agus chaidh iad do'n bhaile, agus dh'innis iad na

nithese uile, agus na thachair dhoibhsan anns an robh na deamhain.

34 Agus feuch, chaidh am bail' uile a mach a choinneachadh Iosa, agus an uair a chunnaic iad e, ghuidh iad air imeachd as an crìochaibhsan.

# CAIB. IX.

An dèigh do Chrìosd neach air an robh am pairilis a leigheas, 9 A ta se a' gairm Mhata o bhòrd na cìse, 10 ag itheadh maille ri cìs mhaoir agus peacaich, &c,

A GUS air dol an luing dha, chaidh e thar an uisge, agus thainig e d'a bhaile fein.

2 Agus feuch, thug iad d'a ionnsuidh duine air an robh am pairilis, na luidhe air leabaidh: agus an uair a chunnaic Iosa an creidimh, thubhairt e ri fear na pairilis, Biodh deadh mhisneach agad, a mhic, a ta do pheacaidh air am maitheadh dhuit.

3 Agus feuch, thubhairt dream àraidh do na scrìobhuichibh, annta fein. A ta am fear so a' labhairt toibhcin.<sup>6</sup>

4 Agus air do Iosa an smuaintean fhaicinn, thubhairt e, C'ar son a' ta sibh a' smuaineachadh uile ann bhur cridhibh?

5 Oir cia is usadh a radh, A ta do pheacaidh air am maitheadh dhuit? no a radh, Eirich agus imich?

6 Ach a chum gu'm bi fios agaibh gu bheil cumbachd aig Mac an duine peacaidh a mhaithheadh air an talamh, (thubhairt e an sin ri fear na pairilis) Eirich, tog do leabaidh, agus imich do d'thìgh.

7 Agus air éirigh dhasan, chaidh e d'a thìgh fein.

8 Ach an uair a chunnaic am pobull so, ghabh iad iongantais, agus thug iad glòir do Dhia, a thug a leithid so a chumhachd do dhaoibh.

9 Agus ag dol do Iosa as an àite sin, chunnaic e duine 'na shuidhe aig bòrd na cìse, d'am b'ainm Mata; agus thubhairt e ris, Lean mise. Agus air éirigh dhasan, lean se e.

10 Agus tharladh, air suidhe do Iosa aig biadh san tìgh, feuch, thainig mòran chis-mhaor agus pheacach, agus shuidh iad sìos maille ris-san agus r'a dheisciobluibh.

11 Agus an uair a chunnaic na Phairisich so, thubhairt iad r'a dheisciobluibh, C'ar son a dh'itheas bhur maighstirse maille ri cìs-mhaoraibh agus peacachaibh?

12 Ach an uair a chual Iosa so, thubhairt e riu, Cha'n ann aig a' mhuinntir a ta slàn a ta feum air an léigh, ach aig a' mhuinntir a ta euslan.

13 Ach imichibh agus foghlumaibh ciod is ciall da so, Tròcair is àill leam, agus cha'n iobairt: oir cha d'thainig mise a ghairm nam fireanach, ach nam peacach chum aithreachais.

<sup>1</sup> Air choir as gu'n do choimhlionadh.

<sup>2</sup> aidheir.

<sup>3</sup> Ciod.

<sup>4</sup> Gadareneach.

<sup>5</sup> cus.

<sup>6</sup> dia-mhaslachaidh.

14 An sin thainig deisciobuil Eoin d'a ionnsuidh, ag radh, C'ar son a ta sinne agus na Phairisich a' trosgadh gu minic, ach ni 'm bheil do dheisciobuils' a' trosgadh?

15 Agus thubhairt Iosa riu, Am feud clann scomair an fhir-nuadh-phòsda<sup>1</sup> bhi brònach, am feadh a bhitheas am fear-nuadh-pòsda 'n am fochair? Ach thig na laithean anns an tiubhrar am fear-nuadh-pòsda uatha, agus an sin ni iad trosgadh.

16 Cha chuir duine sam bith mir do eudach nuadh air sean eudach: oir buinidh an ni a chuireadh g'a lionadh suas as an cudach, agus nithear an reubadh ni's measa.

17 Cha mhò a chuireas daoine fion nuadh ann an seann searragaibh:<sup>2</sup> no brisear na searragan, agus dòrtear am fion, agus caill-ear na searragan: ach cuiridh iad fion nuadh ann an searragaibh nuadha, agus bithidh iad araon slàn.

18 'Nuair a bha e a' labhairt nan nithese riu, feuch, thainig uachdaran àraidh, agus thug e onoir dha, ag radh, Fhuair mo nigh-ean bàs air ball:<sup>3</sup> ach thigsa agus cuir do lamh oirre, agus bithidh i beo.

19 Agus dh'èirich Iosa, agus lean e fein agus a dheisciobuil e.

20 (Agus feuch, thainig bean, air an robh dòrtadh fola rè dhà bhliadhna dheug, air a chùlaobh, agus bhean i ri iomall 'eudaich.

21 Oir thubhairt i innte fein, Ma bheanas mi ach ri 'eudach, bithidh mi slàn.

22 Ach air tionndadh do Iosa m'an cu-airt, chunnaic se i, agus thubhairt e, A nighean, biodh deadh mhisneach agad; shlànuich do chreidimh thu. Agus bha a' bhean slàn o'n uair sin.)

23 Agus an uair a thainig Iosa gu tigh an uachdarain, agus a chunnaic e an luchd ciuil, agus a' chuideachd a' deanamh toirm bhròin.

24 Thubhairt e riu, Imichibh roimhibh, oir cha'n 'eil an nìonag<sup>4</sup> marbh, ach 'na codal. Agus rinn iad gàire fochaid ris.

25 Ach an uair a chuireadh a' chuideachd a mach, chaidh e a steach, agus rug e air laimh oirre, agus dh'èirich an nìonag.

26 Agus chaidh iomradh sin a mach air feadh na tìre sin uile.

27 Agus an uair a dh'imich Iosa as sin, lean dithis dhall e, ag éigheach, agus ag radh, A Mhic Dhaibhi, dean tròcair oirne.

28 Agus an uair a thainig e steach do'n tigh, thainig na doill d'a ionnsuidh: agus thubhairt Iosa riu, Am bheil sibh a' creidsinn gur comasach mise so a dheanamh? Thubhairt iad ris, Ata, a Thighcarn.

29 An sin bhean e r'an sùilibh, ag radh, Biodh e dhuibh a rèir bhuir creidimh.

30 Agus dh'fhosgladh an sùilean, agus

bhagair Iosa gu geur iad,<sup>5</sup> ag radh, Faicibh nach faigh neach air bith fios air so:

31 Ach an uair a dh'imich iad a mach, sgaoil iad a chliù air feadh na dùcha sin uile.

32 Agus ag dol dhoibhsan a mach, feuch, thug iad d'a ionnsuidh duine balbh anns an robh deamhan.

33 Agus an déigh do'n deamhan a bhi air a thilgeadh a mach, labhair am balbhan: agus ghabh an sluagh iongantas, ag radh, Cha'n fhacas a leithid so ann an Israel riamh.

34 Ach thubhairt na Phairisich, Trid phrionnsaidh nan deamhan a ta se a' tilgeadh a mach dheamhan.

35 Agus ghabh Iosa mu chuairt nan uile chathraiche agus bhailte,<sup>6</sup> a' teagasg 'nan sionagogaibh, agus a' searmonachadh sois-geil na rioghachd, agus a' slànuchadh gach uile euslaint agus eucail am measg a' pho-buill.

36 Ach an uair a chunnaic e an sluagh, ghabh e truas diubh, air son gu'n robh iad air fannuchadh, agus air an sgapadh o chéile, mar chaoraich aig nach 'eil buachaille.<sup>7</sup>

37 An sin thubhairt e r'a dheisciobluibh, Gu deimhin is mòr am foghara, ach is tearc an luchd oibre.

38 Uime sin guidhibhse air Tighearn an fhogharaidh, luchd oibre chur a mach chum fhogharaidh fein.

#### CAIB. X.

1 *Ta Criosd a' cur a mach a dhà Abstol deug, - a' toirt cumhachd dhoibh mìorbhuilean a dheanamh, 5 a' toirt orduigh dhoibh, agus 'g an teagasg, &c.*

**A**GUS air gairm a dhà dheisciobul deug an d'a ionnsuidh, thug c cumhachd dhoibh an aghaidh nan spiorad neòghan, gu'n tilgeadh a mach, agus a shlànuchadh gach gnè euslaint, agus gach gnè eucail.

2 Agus is iad so ainmean an dà Abstol deug; an ceud *fhear*, Simon d'an goirear Peadar, agus Aindreas a bhràthair, Seumas mac Shebede, agus Eoin a bhràthair,

3 Philip agus Bartolomeu, Tomas agus Mata an cis-mhaor, Seumas mac Alpheuis, agus Lebeus d'an comhainm Tadeus,

4 Simon an Canaanach, agus Iudas Iscariot, an ti fòs a bhrath esan.<sup>8</sup>

5 Chuir Iosa an dà fhear dheug so a mach, a' tabhairt àithne dhoibh, ag radh, Na gabhaibh gu slighe nan Cinneach, agus na rachaibh a steach a dh 'aon bhaile a bhuineas do nà Samaraich:<sup>9</sup>

6 Ach gu ma fearr leibh dol a dh'ionnsuidh chaorach chailte tighe Israeil.

7 Agus air imeachd dhuibh, searmonuichibh, ag radh, A ta rioghachd nèimhe am fagus.

<sup>1</sup> f'fhir-na-bainnse. <sup>2</sup> bhuideilb. <sup>3</sup> a nis. <sup>4</sup> cailin. <sup>5</sup> thug Iosa sparradh geur doibh.

<sup>6</sup> bhailte mòr agus beag. <sup>7</sup> aodhaire. <sup>8</sup> an ti a thug esan thairis. <sup>9</sup> Sama-ritans. Sasg.



8 Leighisibh an droing a ta tinn, glanuibh na lobhair, [duisgibh na mairbh,] tilgibh amach na deamhain: a nasgaidh fhuair sibh, a nasgaidh thugaibh uaibh.

9 Na solairibh òr, no airgiod, no umba ann bhur sporanaibh;<sup>1</sup>

10 No màla chum bhur turuis, no dà chòta, no brògan, no bataichean: (oir is fiu am fear oibre a lòn.<sup>2</sup>)

11 Agus ge b'e air bith cathair no baile d'an dtheid sibh a steach, feòraichibh cia a ta 'na dheadh airidh innte; agus fanaibh an sin gus am fàg sibh an t-àite sin.

12 Agus air dol a steach do thigh dhuibh, beannuichibh dha.

13 Agus ma's fiu an tigh sin e, thigeadh bhur sìothchaint air; ach mur fiu e, pilleadh bhur sìothchaint chugaibh féin a ris.

14 Agus ge b'e neach nach gabh ribh, agus nach éisd ri'r briathraibh; air dol a mach as an tigh, no as a' bhaile sin dhuibh, crathaibh dhibh duslach bhur cos.

15 Gu deimhin a deirim ribh, gur so-ìomchair<sup>1</sup> a bhitheas staid fearainn Shodoim agus Ghomorra an là a' bhreitheanais, na staid a' bhaile sin.

16 Feuch, cuireamsa sibhse mach mar chaoraich am measg mhadradh allta: air an aobhar sin bithibhse glic mar na nathraiche, agus neo-chronail mar na columain.

17 Ach bithibh air bhur faicill o dhaoineibh, oir bheir iad an laimh sibh do chomhairlibh, agus sgiùrsaidh iad sibh 'nan sionagogaibh.

18 Agus bheirear sibh an làthair uachdaran agus rìgh air mo sgàthsa, mar fhianuis doibhsan agus do na Cinnich.<sup>3</sup>

19 Ach an uair a bheir iad an laimh sibh, na biodh e 'na ro-chàs oirbh ciomus no ciod a labhras sibh; oir bheirear dhuibh san uair sin fein an ni a labhras sibh.

20 Oir cha sibhse a labhras, ach Spiorad bhur n-Athar fein a labhras annaibh.

21 Agus bheir am bràthair a bhràthair fein suas chum bàis, agus an t-athair am mac: agus éiridh a' chlànn an aghaidh am pàrantan, agus bheir iad fa' near gu cuirear gu bàs iad.

22 Agus bithidh fuath aig nà h-uile dhaoineibh dhuibh air son m'ainmese: ach ge b'e bhuanacheas gus a' chrìoch, is e so a shlànuichear.

23 Agus an uair a ni iad geur-leanmhuinn oirbh sa' bhaile so, teichibh gu baile eile; oir gu deimhin a deirim ribh, Nach imich sibh air feadh bhailtean Israeil mun dthig Mac an duine.

24 Cha 'n'eil an deisciobul os cionn a mhaighstir, no an seirbhiseach os cionn a thighearna.

25 Is leòr do'n deisciobul a bhi mar a mhaighstir, agus do'n t-seirbhiseach a bhi mar a thighearn: ma ghoir iad Beelsebub

do fhear an tighe, nach mò na sin a ghoireas iad e d'a mhuinntir?

26 Uime sin na biodh eagal oirbh rompa: oir cha 'n'eil ni sam bith folaichte, nach foillsichear; agus an ceilt, nach aithnichear.

27 An ni a dh'innseas mise dhuibh san dorchadas, labhruibh e san t-solus: agus an ni a chluinneas sibh sa chluais, searmon-uichibh e air mullach nan tighean.

28 Agus na biodh eagal na muinntir sin oirbh a mharbhas an corp, ach aig nach 'eil comas an t-anam a mharbhadh: ach gu ma mò bhitheas eagal an Ti sin oirbh, a's urrainn an corp agus an t-anam a mhilleadh araon an ifrinn.

29 Nach 'eil dà ghealbhoon air an reiceadh air fheoirling? agus cha tuit a h-aon diubh air an talamh as eugmhais *freasdail* bhur n-Atharsa.

30 Ach a ta eadhon fuilteine bhur cinn uile air an àireamh.

31 Air an aobhar sin na biodh eagal oirbh, is fear sibhse na mòran ghealbhoon.

32 Uime sin ge b'e dh'aidiceas mise am fianuis dhaoine, aidichidh mise esan mar an ceudna am fianuis m'Athar a ta air nèamh.

33 Ach ge b'e dh'àicheadhas mise am fianuis dhaoine, àicheadhaidh mise esan am fianuis m'Athar a ta air nèamh.

34 Na measuibh gu'n d'thainig mise a chur sìothchaint air an talamh: cha 'n ann a chur sìotlaint a thainig mi, ach a chur claidheimh.

35 Oir thainig mi a chur duine an aghaidh athar, agus na h-inghin an aghaidh a màthar, agus bean a' mhic an aghaidh a màthar-chéile.

36 Agus is iad muinntir a theaghlach fein a bhitheas 'nan naimhdibh do dhuine.

37 An ti a ghràdhuicheas athair no màthair ni's mò na mise, cha'n airidh orm e:<sup>4</sup> agus an ti a ghràdhuicheas mac no nighean os mo chionnsa, cha'n airidh orm e:

38 Agus an ti nach glac a chrann-ceusaidh, agus nach lean mise, cha'n fhiu e mise.

39 An ti a gheibh anam, caillidh se e: ach an ti a chailleas anam air mo shonsa, gheibh se e.

40 An ti a ghabhas ribhse, gabhaidh e riumsa; agus an ti a ghabhas riumsa, gabhaidh e ris an ti a chuir uaith mi.

41 An ti a ghabhas ri fàidh, an ainm fàidh, gheibh e duais fàidh; agus an ti a ghabhas ri firean an ainm firein, gheibh e duais firein.

42 Agus ge b'e bheir cupan a dh'uisge fuar a mhàin r'a òl dh'aon neach do na daoineibh beaga so, an ainm deisciobuil, gu deimhin a deirim ribh, nach caill e air chor sam bith a dhuais.

#### CAIB. XI.

1 *Ta Eoin a' cur a dheisciobul a dh'ionn-*

<sup>1</sup> *eriosaidh.*    <sup>2</sup> *a bhiadh.*    <sup>3</sup> *'nan aghaidhsan*

*agus nan Geintileach.*

<sup>4</sup> *cha'n fhiu e mise.*

*suidh Chriosd. 7 Fianuis mu' thimchioll Eoin, &c.*

**A**GUS tharladh, an uair a chrìochnuich Iosa àitheantan a thabhairt d'a dhà dheisciobul deug, gu'n d'imich e as sin a theagasg agus a shearmonuchadh 'nam bailtibh.

2 A nis an uair a chual Eoin sa' phrìosun gnìomhara Chriosd, chuir e dithis d'a dheisciobluibh d'a ionnsuidh,

3 Agus thubhairt e ris, An tusa an ti ud a bha ri teachd, no am bi sùil aguinn ri neach eile.

4 Fhreagair Iosa agus thubhairt e riu, Imichibh agus innsibh do Eoin na nithean a ta sibh a' cluinntinn agus a' faicinn:

5 A ta na doill a' faghail<sup>1</sup> an radhairc, agus na bacaich ag imeachd, a ta lobhair air an glanadh, agus na bothair a' cluinntinn, a ta na mairbh air an dùsgadh, agus an soisgeul air a shearmonachadh do na bochdaibh.

6 Agus is beannuichte an ti nach faigh oibhmean annamsa.

7 Agus air imeachd dhoibhsan air falbh, thòisich Iosa air labhairt ris an t-sluagh mu thimchioll Eoin, *ag radh*, Ciod e an ni a chaidh sibh a mach do'n fhàsach a dh'fhaicinn? an i cuile air a crathadh le gaoith?

8 Ach ciod e an ni a chaidh sibh a mach a dh'fhaicinn? an e duine air a sgeaduchadh ann an eudach min? feuch, a' mhuinntir a chaitheas eudach min, is ann an tighibh nan rìgh a ta iad.

9 Ach ciod e an ni a chaidh sibh a mach a dh'fhaicinn? An e fàidh? seadh, a deirim ribh, agus ni's mò na fàidh.

10 Oir is e so an ti mu'm bheil e scrìobhta, Feuch, cuireamsa mo theachdaire roimh do ghnùis, a dh'ulluiccas do shlighe romhad.

11 Gu deimhin a deirim ribh, 'nam measgsan a rugadh le mnaibh, nach d'èirich neach a's mò na Eoin Baiste: gidheadh, an ti sin a's lugha 'an rioghachd nèimhe, is mò e na esan.

12 Agus o laithibh Eoin Baiste gus a nis, a ta rioghachd nèimhe a' fulang ainneart, agus luchd na h-ainneart 'ga glacadh le lamhachas-làidir.

13 Oir rinn na fàidhean uile, agus an lagh fàidheadaireachd gu àm Eoin.

14 Agus ma's toil leibh a ghabhail, is e so Elias a bha ri teachd.

15 Ge b'e aig am bheil cluasan chum éisdeachd, éisdeadh e.

16 Ach cia ris a shamhuiccas mise an ginealach so? Is cosmhuil e ri cloinn a shuidheas anna a' mhargadh,<sup>2</sup> agus ag èigh-each ra'n companachaibh,

17 Agus ag radh, Rinn sinne pìobair-eachd dhuibhse, ach cha d'rinn sibhse

dannsa: rinn sinne tuireadh<sup>3</sup> dhuibhse, ach cha d'rinn sibhse gul.

18 Oir thainig Eoin ni h-ann ag itheadh no 'g òl, agus tha iad ag radh, A ta deamhan aige.

19 Thainig Mac an duine ag itheadh agus ag òl, agus tha iad ag radh, Feuch, duine geòcach agus pòiteir fiona, caraid chis-mhaor agus pheacach: ach a ta gliocas air a fireanachadh leis a cloinn.

20 An sin thòisich e air achmhasan a thabhairt do na bailtibh anns am mò a rinneadh d'a oibribh cumhachdach, air son nach d'rinn iad aithreachas.

21 Is anaobhinn duit, a Chorasin; is anaobhinn duit, a Bhetsaida: oir nam biodh na h-oibre cumhachdach a rinneadh annuibhse, air an deanamh ann an Tirus agus ann an Sidon, is fada o'n a dheanadh iad aithreachas ann an saic-eudach agus an luath.

22 Ach a deirim ribh, Gu'm bi staid Thirus agus Shidoin ni's so-iomchair' ann an là a' bhreitheanais, na bhitheas bhur staidse.

23 Agus thusa, a Chapernaum, a ta air do thogail suas gu nèamh, tilgear sìos gu h-ifrinn thu: oir nam biodh na h-oibre cumhachdach a rinneadh annadsa, air an deanamh ann an Sodom, dh'fhanadh e *gun a sgrios* gus an diugh.

24 Ach a deirim ribh, gur so iomchair' a bhitheas e do fhearann Shodoim ann an là a' bhreitheanais, na dhuitse.

25 Anns an àm sin fhreagair Iosa agus thubhairt e, Bheiream buidheachas dhuìt, o Athair, a Thighearna nèimhe agus na talmhainn, air son gu d'fhoilic thu na nithe so o dhaoibh eagnuidh agus tuigseach, agus gu d'fhoillsich thu iad do leanabaibh.

26 A seadh, Athair do bhrìgh gu'm b'ann mar sin a bha do dheadh thoilsa.

27 A ta na h-uile nithe air an tabhairt thairis dhomhsa o m' Athair: agus cha'n aithne do neach air bith am Mac, ach do'n Athair: ni mò is aithne do neach air bith an t-Athair, ach do'n Mhac, agus do gach aon d'an àill leis a' Mhac fhoillseachadh.

28 Thigibh a m'ionnsuidhse, sibhse uile a ta ri saothair, agus fuaidh throm uallaich, agus bheir mise suaimhneas<sup>4</sup> dhuibh.

29 Gabhuibh mo chuing oirbh, agus fòghlumaibh uam, oir a ta mise macant' agus iriosal<sup>5</sup> an cridhe: agus gheibh sibh fois d'ar n-anamaibh.

30 Oir a ta mo chuingse so-iomchair, agus a ta m'uallach eutrom.

# CAIB. XII.

1 *A ta Crìosd a' cronuchadh doille 'nam Phairiseach mu thimchioll brisidh na sàbaid, 3 le scriobtuiribh, 11 le reuson, 13 le mior-bhuil, &c.*

<sup>1</sup> faotainn, <sup>2</sup> na margatbh, <sup>3</sup> caoine.

<sup>4</sup> fois, <sup>5</sup> umhal,



**C**HAIDH Iosa san àm sin air là na sabaid troimh' na h-achaibh arbhair, agus bha ocras air a dheisciobuil, agus thòisich iad air diasan arbhair a bhuain, agus itheadh.

2 Ach an uair a chunnaic na Phairisich so, thubhairt iad ris, Feuch, a ta do dheisciobuil a' deanamh an nì nach còir a dheanamh air là na sàbaid.

3 Agus thubhairt esan riu, Nach do leugh sibh ciod a rinn Daibhi an uair a bha ocras àir fein, agus air a mhuinntir a bha maille ris,

4 Cionnus a chaidh e steach do thigh Dhé, agus a dh'ith e aran na fianuis<sup>2</sup> nach robh ceaduichte dha fein itheadh, no dhoibhsan a bha maille ris, ach do na sagartaibh a mhàin?

5 No nach do leugh sibh san lagh, gu bheil na sagairt anns an teampull air laithibh na sàbaid a' briseadh na sàbaid, agus iad neo-chiontach?

6 Ach a deirimse ribh, gu bheil san ionad so neach a's mò na'n teampull.

7 Agus nam biodh fhios agaibh ciod is ciall da so, Trocàir is àill leam agus cha 'n iobairt, cha dteadh sibh an dream a ta neo-chiontach.

8 Oir is e Mac an duine Tighearna na sàbaide.

9 Agus air dha imeachd as sin, chaidh e steach d'an sionagag.

10 Agus feuch, bha duine ann, aig an robh lamh shcargta: agus dh'fheòruich iad dheth, ag radh, Am bheil e ceaduichte leigheas a dheanamh air laithibh na sàbaid? chum gu'm biodh cùis dhithidh aca dha.

11 Agus thubhairt esan riu, Cia agaibhs' an duine, aig am bi aon chaora, agus ma thuiteas i ann an slochd air la na sàbaid, nach beir e oirre, agus nach tog e nios i?

12 Nach mòr ma ta is fearr duine na caora? Uime sin a ta e ceaduichte maith a dhcanamh air laithibh na sàbaid.

13 An sin thubhairt e ris an duine, Sin amach do lamh: agus shìn e mach i; agus bha i air a h-aiseag slàn, mar an lamh eile.

14 Ach chaidh na Phairisich amach, agus chum iad comhairle 'na aghaidh, cionnus a dh'fheudadh iad a mhilleadh.

15 Ach an uair a thuig Iosa so, dh'imich e as sin: agus lean sloigh mhòr e, agus leighis e iad uile.

16 Agus thug e sparradh dhoibh chum nach dcanadh iad follus e:

17 A chum gu coimhliontadh an nì a labhradh Ic Esaias am fàidh, ag radh,

18 Feuch, mo sheirbhiseach fein a thagh mi, m'aon gràdhach anns am bheil tlachd aig m'anam: cuiridh mi mo Spiorad fein air, agus nochdaidh e breitheanas do na Cinneachaibh.

19 Cha dcan c stri, agus cha ghlaodh

e, ni mò a chluinneas neach air bith a ghuth air na sràidibh.

20 Cha bhris e a' chuile bhrùite, agus cha mhùch e an lìon as am bi deatach, gus an tabhair a mach breitheanas chum buaidh.

21 Agus is ann a ainmsan a bhitheas muinighin aig na Cinneachaibh.

22 An sin thugadh d'a ionnsuidh duine anns an robh deamhan, dall agus balbh: agus shlànuich se e, ionnus gu'n do labhair am balbhan agus gu'n robh an dall a' faicinn.

23 Agus ghabh am pobull uile iongant-  
tas, agus thubhairt iad. An e<sup>3</sup> so Mac Dhaibhi?

24 Ach an uair a chuala na Phairisich so, thubhairt iad, Cha 'n eil am fear so a' tilgeadh a mach dheamhan, ach trid Bheel-sebub prionnsadh nan deamhan.

25 Agus thuig Iosa am smuaintean, agus thubhairt e riu, Gach rioghachd a ta roinnt e 'na h-aghaidh fein, iithear 'na fàsach i: agus gach uile bhaile no tigh a ta roinnt e 'na aghaidh fein, cha seas e.

26 Agus ma thilgeas Satan a mach Satan, a ta e roinnt e 'na aghaidh fein; air an aobhar sin cionnus a sheasas a rioghachd?

27 Agus ma taimse trid Bheel-sebub a' tilgeadh a mach dheamhan, trid cò am bheil bhur clannsa 'gan tilgeadh a mach? Uime sin bithidh iad 'nam breithcanaibh oirbh:

28 Ach ma's ann le Spiorad Dhé a ta misc a' tilgeadh a mach dheamhan, thainig rioghachd Dhé chugaibhs<sup>4</sup>.

29 No cionnus is urrainn neach dol do thigh duine làidir, agus airneis a thigh e chreachadh, mur ceangal e air tùs an duine làidir? agus an sin creachaidh e a thigh.

30 An ti nach 'eil leam, a ta se a'm aghaidh: agus an ti nach cruinnich leam, sgapuidh e.

31 Air an aobhar sin a deirim ribh, Gu maithear gach peacadh agus gach toibheum do dhaoineibh: gidheadh cha mhaithear toibheum an aghaidh an Spioraid Naoimh do dhaoineibh.

32 Agus ge b'e neach a labhras focal an aghaidh Mhic-an duine, maithear dha e: ach ge b'e neach a labhras an aghaidh an Spioraid Naoimh, cha mhaithear dha e, anns an t-saoghal so, no anns an t-saoghal a ta ri teachd.

33 An dara cuid deanuibh a' chraobh maith, agus a toradh maith; no deanuibh a' chraobh truailidh, agus a toradh truailidh: oir is ann air a toradh a dh'aith-nichear a' chraobh.

34 A shliochd nan nathraiche nimhe, cionnus a dh'fheudas sibh nithe maith e a labhairt, o ata sibh fein olc? oir is ann a pailteas a' chridhe a labhras am beul.

<sup>1</sup> tre, trid.

<sup>2</sup> an t-aran taisbeanta.

<sup>3</sup> Nach e.

<sup>4</sup> thugaibhs.

35 Bheir duine maith a mach nithe maithes as a dheadh ionmhas:<sup>1</sup> agus bheir an droch dhuine mach droch nithe as a dhroch ionmhas.

36 Ach a deirim ribh, Gu'n tabhair daoine cunntas ann an là a' bhreitheanais air son gach focail dhìomhain a labhras iad.

37 Oir is ann as t'fhoclaibh a shaoarar thu, agus is ann as t'fhòclaibh a dh'èar thu.

38 An sin fhreagair dream àraidh do na scriobhuichean agus do na Phairisich, ag radh, A mhaighstir, bu mhiann leinn comhara fhaicinn uait.

39 Ach fhreagair esan agus thubhairt e riu, A ta ginealach olc agus adhairtrannach ag iarraidh comharaidh, agus cha tiubhrar comhara dhoibh, ach comhar' an fhàidh Ionais.

40 Oir mar a bha Ionas am broinn na muice-mara tri laithean agus tri oidhchean; is ann mar sin a bhitheas Mac an duine ann an cridhe na talmhainn tri laithean agus tri oidhchean.

41 Eiridh muinntir Nìnebhe sa' bhreitheanas maille ris a' gheinealach so, agus dithidh iad e; oir rinu iad aithreachas aig searminn Ionais, agus feuch, a ta ni's mò na Ionas an so.

42 Eiridh ban righinn na h-àirde deas sa' bhreitheanas maille ris a' gheinealach so, agus dithidh si e: oir thainig i o na h-àitibh a's iomallaich do'n talamh a dh'èisdeachd gliocais Sholaimh, agus feuch, a ta ni's mò na Solamh an so.

43 An déigh do'n spiorad neoghlan dol a mach a duine, imichidh se troimh ionad-aibh tiorma, ag iarraidh fois, agus cha 'n fhaigh e.

44 An sin their e, Pillidh mi do m' thigh as an d'thainig mi; agus air teachd dha, gheibhe falamh, sguabta, agus deadh-mhaiseach e.

45 Imichidh e an sin, agus bheir e leis seachd spioraid eile a's measa na e fein, agus theid iad a steach agus gabhuidh iad còmhuidh an sin: agus bithidh staid dheireannach an duine sin ni's measa na a thoiseach. Is ann eadhon mar sin a thach-airas do'n glinéalach aingidh so.

46 Agus air dha blii fathast a' labhairt ris a' phobull, feuch, sheas a mhàthair agus a bhràithrean a muigh, ag iarraidh labhairt ris.

47 An sin thubhairt neach eigin ris, Feuch, a ta do mhàthair, agus do bhràithrean 'nan seasamh a muigh, ag iarraidh labhairt riut.

48 Ach fhreagair esan agus thubhairt e ris an ti a dh'innis so dha, Cò i mo mhàthair? agus cò iad mo bhràithrean?

49 Agus air sìneadh a lainhe chum a dheisciobul, thubhairt e, Feuch mo mhàthair, agus mo bhràithrean.

50 Oir ge b'e neach a ni toil m' Athars' a ta air nèamh, is e sin fein mo bhràthair, agus mo phiuthar, agus mo mhàthair.

## CAIB. XIII.

3 Cosamhlachd an t-sioladair agus an t-sil, 18 air cadar-mhìneachadh, 24 Cosamhlachd a' chogail, 31 an t-sil-mhustaidh, &c.

AIR an là sin fein chaidh Iosa mach as an tigh, agus shuidh e ri taobh na fàirge.

2 Agus chruinnich sluagh mòr d'a ionnsuidh, air chor as air dol a steach do luing dha, gu'n do shuidh e, agus sheas an sluagh uile air an tràigh.

3 Agus labhair e mòran do nithibh riu ann an cosamhlachdaibh,<sup>2</sup> ag radh, Feuch, chaidh sioladair a mach a chur sìl.

4 Agus ag cur an t-sil da, thuit cuid dheth ri taobh an ròid, agus thainig na heunlaith agus dh'ith iad e.

5 Thuit cuid air ionad-aibh creagach, far nach robh mòran talmhainn aige: agus air ball dh'fhàs e suas, do bhrìgh nach robh doimhneachd talmhainn aige.

6 Ach air èirigh do'n ghrèin dhothadh e, agus do bhrìgh nach robh freumh aige, shearg e as.

7 Agus thuit cuid am measg droighinn: agus dh'fhàs an droighinn suas, agus mhùch se e.

8 Ach thuit cuid eile am fearann maith, agus thug e toradh a mach, cuid a cheud uiread, cuid a trì fichead, cuid a dheich thar fhichead uiread 's a chuireadh.

9 Ge b'e neach aig am bheil cluasa chum èisdeachd, èisdeadh e.

10 Agus thainig na deisciobuil, agus thubhairt iad ris, C'ar son a ta thu a' labhairt riu ann an cosamhlachdaibh?

11 Fhreagair esan agus thubhairt e riu, Do bhrìgh gu'n d'thugadh dhuibhse eòlas a bhi agaibh air rùn dìomhair rioghachd nèimhe, ach dhoibhsan ni'm bheil so air a thabhairt.

12 Oir ge b'e neach aig am bheil, dhasan bheirear, agus bithidh aige an tuilleadh pailteis: ach ge b'e neach aig nach 'eil, uaithsan bheirear eadhon an ni a ta aige.

13 Uime sin ataims' a' labhairt riu ann an cosamhlachdaibh, do bhrìgh air dhoibh faicinn nach faic iad, agus a' chluinntinn nach cluinn iad, agus nach tuig iad.

14 Agus anntasan a ta fàidheadoireachd Esaia air a còimhlionadh, a ta 'g radh, Le h-èisdeachd chluinnidh sibh, agus cha tuig sibh; agus le h-amharc chi sibh, agus cha 'n aithnich sibh.

15 Oir a ta cridhe a phobull so air fàs rcamhar, agus an cluasan mall chum èisdeachd, agus dhruid iad an sùilean: air eagal uair air bith gu'm faiceadh iad le'n sùilibh, agus gu'n cluinneadh iad le'n

<sup>1</sup> a deadh ionmhas a' chridhe.

<sup>2</sup> parablaibh, comhadaibh.



cluasaibh, agus gu'n tuigeadh iad le 'n cridhe agus gu'm biodh iad air an iom-pochadh, agus gu'n slànuichinn<sup>s</sup> iad.

16 Ach is beannuichte bhuir sùilese, oir a ta iad a' faicinn; agus bhuir cluasa, oir a ta iad a' cluinntinn.

17 Oir a deirim ribh gu firinneach, Gu'm b'iomadh fàidh, agus firean leis am bu mhiann na nithese fhaicinn a ta sibhse a' faic inn, agus nach fac siad iad: agus na nithese chluinntinn a tàsibhse a' cluinntinn, agus nach cual iad.

18 Eisdibh air an aobhar sin ri cosamhlachd an t-sìoladair.

19 An uair a chluinneas neach air bith focal na rioghachda, agus nach toir e fa'near e,<sup>1</sup> thig an droch spiorad, agus bheir e air falbh an ni a chuireadh 'na chridhe: is e so esan anns an do chuireadh an sìol ri taobh an ròid.

20 Ach esan a fhuair sìol ann an àitibh creagach,<sup>2</sup> is e so an ti a chluinneas am focal, agus a ghabhas e air ball le gairdeachas;

21 Gidheadh cha 'n'eil freumh aige ann fein, ach fanuidh se rè tamuill: agus an uair a thig trioblaid no geur-leanmhuinn air son an fhocail, air ball gheibh e oilbheum.

22 Esan mar an ceudna a ghabh sìol am measg an droighinn, is e so an ti a ta cluinntinn an fhocail: agus a ta 'ro-chùram an t-saoghailse, agus mealltaireachd beartais a' mùchadh an fhocail, agus bithidh e gun toradh.

23 Ach an ti ud a ghabh sìol ann an deadh fhearann, is e sin an neach a ta cluinntinn an fhocail, agus 'ga thoirt fa'near, neach mar an ceudna ta giùlan toraidh, agus a ta tabhairt a mach cuid a cheud uiread, cuid a thri fichead, agus cuid eile a dheich thar fhichead uiread 's a chuireadh.

24 Chuirc cosamhlachd cile mach dhoibh, ag radh, Is cosmhuil rioghachd nèimhe ri duine a chuir sìol maith 'na fhearann:

25 Agus an uair a bha daoine 'nan codal, fthainig a nàmhaid agus chuir e cogal am measg a' chruineachd, agus dh'imich e roimhe.

26 Ach an uair a thainig an t-arbhar fuidh dhéis, agus a thug e mach a thoradh, dh'fhoillsich an cogal e fein mar an ceudna.

27 Agus air teachd do sheirbhisich fhir-an-tighe, thubhairt iad ris, A Thighearna, nach do chuir thusa sìol maith ann a t'fhearann? 'àite ma seadh as an d'fhuair e an cogal?

28 Thubhairt esan riu, Rinn nàmhaid éigin so. Agus thubhairt na seirbhisich ris, An àill leat uime sin gu'n teid sinne agus gu'n cruinnich sinn r'a chéile iad?

29 Ach thubhairt esan, Cha'n àill; air eagal ag cruinneachadh a' chogail duibh,

gu spion sibh an cruineachd maille ris.

30 Leigibh leo fàs araon gus an dthig am foghara: agus an àm an fhogharaidh their mise ris an luchd-buanaidh, Cruinnichibh air tùs an cogal, agus ceangluibh e 'na chean-glachanaibh<sup>3</sup> chum a losgaidh: ach cruinnichibh an cruineachd do m' shabhal.

31 Chuir e mach cosamhlachd eile dhoibh, ag radh, A ta rioghachd nèimhe cosmhuil ri gràinne do shìol mustaird, a ghabh neach agus a chuir e 'na fhearann.

32 Ni gun amharus a's lugha do gach uile phòr:<sup>4</sup> gidheadh air fàs da, 's e a's mò do na luibheanaibh, agus fàsuidh e 'na chrann: ionnus gu'n dthig eunlaith an athair, agus gu'n dean iad nid 'na gheughaibh.

33 Cosamhlachd eile labhair e riu: Is cosmhuil rioghachd nèimhe ri taois ghoirt,<sup>5</sup> a ghabh bean agus a dh'fholaich i an tri tomhasaibh mine, gus an do ghoirticheadh an t-ìomlan.

34 Na nithe sin uile labhair Iosa ris a' phohull an cosamhlachdaibh, agus gun chosamhlachd cha do labhair e riu:

35 A chum gu coimhliontadh an ni a thubhradh leis an fhàidh, ag radh, Fosglaidh mi mo bheul an cosamhlachdaibh, cuirridhmi 'n cèill nithe a bha folaichte o thoiseach an t-saoghail.<sup>6</sup>

36 An sin chuir Iosa am pobull air falbh, agus chaidh e steach do'n tigh: agus thainig a dheisciobuil d'a ionnsuidh, ag radh, Mìnich dhuinne cosamhlachd cogail an fhearainn.

37 Agus fhreagair esan agus thubhairt e riu. An ti a chuireas an sìol miath is e Mac an duine e:

38 'S e 'm fearann an domhan: agus is e an sìol maith clann na rioghachd: ach 's e an cogal clann an droch spioraid:

39 'S e an nàmhaid a chuir iad an dia. bhol: 's e am foghara deireadh an t-saoghail: agus is iad na buanaichean na h-aingil.

40 Agus amhuil mar a chruinnichear an cogal, agus a loisgear le teine e, is ann mar sin a bhitheas ann an deireadh an t-saoghail so.

41 Cuiridh Mac an duine 'aingil uaith, agus tionailidh iad as a rioghachd na h-uile nithe a bheir oilbheum, agus iadsan a ta deanamh aingidheachd;

42 Agus tigidh siad iad ann an amhuinn air dearg-lasadh: an sin bithidh gul agus giosgan fhiacal.

43 An sin dealruichidh na fireana mar a' ghrian, an ann a rioghachd an Athar fein. Ge b'e aig am bheil cluasa chum éisdeachd, éisdeadh e.

44 A ris, a ta rioghachd nèimhe cosmhuil

<sup>1</sup> nach tuig se e. <sup>2</sup> clochach. <sup>3</sup> thrusaichibh.

<sup>4</sup> ros. <sup>5</sup> laibhlin. <sup>6</sup> a leagadh bunaithe an domhain.

ri ionmhas air fholach am fearann: ni an deigh fhaotainn, a dh'fholaich duine, agus air sgàth a ghairdeachais air a shon, dh'imich e agus reic e na bha aige uile, agus cheannuich e am fearann sin.

45 A ris, is cosmhuil rioghachd nheimhe ri ceannuiche àraidh ag iarraidh neamh-nuide maiseach:

46 Agus air amas<sup>1</sup> da air aon neamh-nuid ro luachnhoir, dh'imich e agus reic e na bha aige, agus cheannuich e i.

47 A ris, a ta rioghachd nheimhe cosmhuil ri lion air a thilgeadh san fhaige, agus a chruinnich do gach uile sheòrta *éisg*:

48 Agus air dha bhi làn, tharruing na *h-iasgairéan* e chum na tràighe, agus air suidh dhoibh, chruinnich iad na *h-éisg* mhaith ann an soithichibh, ach thilg iad na droch *éisg* amach.

49 Is ann mar sin a bhitheas ann an deireadh an t-saoghail: theid na h-aingil a mach, agus dealuichidh iad na droch dhaoine a measg nam fireanach;

50 Agus tilgidh siad iad san àmhuinn theintich: an sin bithidh gul agus gòsgan fhialac.

51 Thubhairt Iosa riu, An do thuig sibh na nithe so uile? thubhairt iad ris, Thuig, a Thighearna.

52 Agus thubhairt esan riu, Air an aobhar sin gach uile scribehuiche a ta fòghlumta chum rioghachd nheimhe, is cosmhuil e ri fear-tighe, a bheir a mach as ionmhas nithe nuadh agus sean.

53 Agus thachair an uair a chrìochnuich Iosa na cosamhlachda so, gu'n d'imich e as sin.

54 Agus an uair a thainig e d'a dhùthaich fein, theagaisg e iad 'nan sionagod, ionnus gu'n do ghabh iad iongantais, agus gu'n dubhairt iad, C'ait an d'fhuair am fear so an gliocas so, agus na feartan ud?

55 Nach e so mac an t-saoir? nach e ainm a mhàthar Muire? nach iad a bhràithre, Seumas, agus Ioses, agus Simon, agus Iudas?

56 Agus a pheathraiche, nach 'eil iad uile maille ruinn? c'ait uime sin an d'fhuair an duine so na nithe ud uile?

57 Agus fhuair iad oilbheum ann. Ach thubhairt Iosa riu, Cha'n 'eil fàidh gun urram, ach 'na dhùthaich fein, agus 'na thigh fein.

58 Agus cha d'rinn e mòran do oibribh cumhachdach an sin, air son am mi-chreidimh.

#### CAIB. XIV.

1 Barail Heroid mu thimchioll Chrìosd,  
3 C'ar son a chaidh an ceann a bhuntainn a dh'Eoin Baiste. 13 Chaidh Iosa gu ionad fàsail, 15 far an do bheathuich e cùig mìle fear le cùig aranaibh, agus dà iasg, &c.

**F**A'N àm sin chual Herod an Tetrach cliu Iosa,

2 Agus thubhairt e r'a sheirbhisich, Is e so Eoin Baiste, dh'éirich e o na marbhuibh, is uime sin a ta feartan air an oibreachadh leis.

3 Oir air glacadh Eoin do Herod, cheangail se e, agus thilg e am prìosun e air son Herodias, mnà Philip a bhràthar fein.

4 Oir thubhairt Eoin ris, Cha 'n-eil e dligeach dhuìt a bi agad.

5 Agus an uair bu mhiann leis a chur gu bàs, bha eagal a'phobuill air, oir bha meas fàidh aca air.

6 Ach an uair a bha comhainn la-breithe Heroid air a chumail, rinn nighean Herodias dannsa 'nan làthair, agus thaitinn i ri Herod:

7 Ionnus gu'n do gheall e le mionnaibh, gu tiubhradh e dh'i ge b'e air bith ni a dh'iarraidh i.

8 Agus air dh'ise bhi air a teagasg leis a màthair roimh laimh, thubhairt i, Tabhair dhomh an so ceann Eoin Baiste air mèis.

9 Agus bha 'n rìgh doilich: ach air son a mhionnan, agus na muinntir a bha 'nan suidhe a' biadh maille ris, dh'àithn e a thabhairt d'i.

10 Agus air cur *fir-marbhaidh* uaith, bhuin e a cheann a dh'Eoin anns a' phrìosun.

11 Agus thogadh a cheann air mèis, agus thugadh do'n chailin e: agus thug ise d'a màthair e.

12 Agus thainig a dheisciobuill, agus thug iad an corp leo, agus dh'adhlac iad e, agus thainig iad agus dh'innis iad sin do Iosa.

13 An uair a chual Iosa so, chaidh e as sin air luing gu ionad fàsail air leth: agus an uair a chual am pobull sin, lean iad d'an cois e as na bailtibh.

14 Agus air dola mach do Iosa, chunnaic e coimhthional mòr, agus ghabh e truas mòr dhiubh, agus shlànuich e an droing aca bha euslan.

15 Agus an uair a b'fheasgar e, thainig a dheisciobuill d'a ionnsuidh, ag radh, Is àite fàsail so, agus a ta an t-àm a nis air dol seachad; cuir an sluagh air falbh, chum as gu'n teid iad do na bailtibh, agus gu'n ceannuich iad biadh dhoibh fein.

16 Ach thubhairt Iosa riu, Cha ruig iad a leas falbh; thugaibhse dhoibh r'a itheadh.

17 Agus thubhairt iad ris, Cha 'n-eil againn an so ach cùig arain,<sup>2</sup> agus dà iasg.

18 Thubhairt esan riu, Thugaibh an so iad do m' ionnsuidhs'.

19 Agus dh'àithn e do'n t-sluagh suidhe sìos air an fheur, agus ghlac e na cùig arain, agus an dà iasg, agus air amharc dha suas gu nàmh, bheannuich agus bhris

<sup>1</sup> airmseachd.

<sup>2</sup> buillonna.



e, agus thug e na h-arain d'a dheisciobluibh, agus thug na deisciobuil do'n t-sluagh iad.

20 Agus dh'ith iad uile, agus shàsuich-eadh iad: agus thog iad làn dà chliabh dheug do'n bhiadh bhriste, a bha dh' fhuighleach aca.

21 Agus bha iadsan ad'hith mu thimchioll cuig mìle fear, thuilleadh air mnaibh agus air cloinn.

22 Agus air ball choimhéignich Iosa a dheisciobuil gu do lan luing, agus dol roimhe do'n taobh eile, gus an cuireadh esan an sluagh air falbh.

23 Agus an uair a leig e an sluagh uaith, chaidh e suas air beinn 'na aonar a dheanamh ùrnuigh: agus an uair a bha amfeasgar air teachd, bha e an sin 'na aonar.

24 Ach bha an long fa 'n àm sin am meadhon na fairge, air a tilgeadh a null agus a nall leis na tonnaibh: oir bha a' ghaoth 'nan aghaidh.

25 Agus anns a' cheathramh faire do'n oidhche, chaidh Iosa d'an ionnsuidh, ag imeachd air an fhairge.

26 Agus an uair a chunnaic na deisciobuil e 'g imeachd air an fhairge, bha iad fa bhuaireas, agradh, Is spiorad a ta ann: agus ghlaodh' iad a mach le h-eagal.

27 Ach labhair Iosa ri uair ball, ag radh, Biodh misneach mhaith agaibh, is mise a ta ann, na biodh eagal oirbh.

28 Agus fhreagair Peadar e agus thubhairt e, A Thighearna, ma's tu a ta ann, iarr ormsa teachd a d'ionnsuidh air na h-uisgeachaibh.

29 Agus thubhairt esan, Thig. Agus an uair a bha Peadar air teachd a nuas as an luing, dh'imich e air na h-uisgeachaibh, chum teachd gu h-Iosa.

30 Ach an uair a chunnaic e a' ghaoth làidir, ghabh e eagal: agus an uair a thòisich e air dol fuidh, ghlaodh e, ag radh, A Thighearna, fòir orm.

31 Agus air ball shin Iosa mach a làmh, agus rug e air, agus thubhairt e ris, O thusa air bheag creidimh, c'ar son a bha thu fuidh amharus?

32 Agus an uair a chaidh iad a steach do'n luing, choisg a ghaoth.

33 An sin thainig iadsan a bha san luing, agus rinn iad aoradh dha, ag radh, Gu firinneach is tu Mac Dhé.

34 Agus an uair a chaidh iad do'n taobh eile, thainig iad gu talamh Ghenesaret.

35 Agus an uair a fhuair luchd an àite sin fiosrachadh uime, chuir iad fios air feadh na tìre sin uile air gach taobh dhiubh, agus thug iad d'a ionnsuidh an droing sin uile a bha eusan.

36 Agus ghuidh iad air, gu feudadh iad beantuinn ri h-ìomall 'eudaich a mhàin: agus a mhéud dhiubh's a bhean, shlàn- uicheadh gu h-ìomlan iad.

## CAIB. XV.

3 A ta Criosd a' cronuchadh nan scrìobh- uiche agus nam Phairiseach air son àitheanta Dhé a' bhriseadh le 'n gnàthuchadsan; 11 a' teagasg nach e an ni a theid a steach d'n bheul a thruaillcas an duine, &c.

**A**N sin thainig scrìobhuichean agus Phairisich o Hierusalem gu h-Iosa, ag radh,

2 C'ar son a ta do dheisciobuil a dol an aghaidh gnàthuchaidh nan sinnsear? oir cha'n ionnlaid iad an lamhan an uair a dh'itheas iad aran.

3 Ach fhreagair esan agus thubhairt e riu, C'ar son a ta sibhse a' briscadh àithne Dhé le bhuir gnàthuchadh fein?

4 Oir thug Dia àithne, ag radh, Tabhair onoir do t'athair agus do d' mhàthair: agus ge b'e mhalluicheas<sup>2</sup> 'athair no mhàthair, cuir car gu bàs e.

5 Ach their sibhse, Ge b'e neach a their r'a athair no r'a mhàthair, Biodh e 'na thiodhlacadh do'n teampull gach ni leis am feudadh tu buannachd fhaotainn uamsa,

6 Nach feum e 'athair no mhàthair onoruchadh. Mar sin chuir sibhse an neo-brìgh àithne Dhé le bhuir gnàthuchadh fein.

7 A chealgairean, is maith a rinn Esaia<sup>3</sup> fàidheadaireachd mu'r timchioll, ag radh,

8 Ata am pobull so a' dlùthachadh riumsa le'm beul, agus a' tabhairt onoir dhomh le'm bìlibh: ach a ta an cridhe fada uam.

9 Ach is ann an dìomhanas a ta iad a' deanamh aoraidh dhomhsa, a' teagasg àitheanta dhaoine mar theagasg.

10 Agus air gairm an t-slòigh dha, thubhairt e riu, Eisdibh agus tuigibh.

11 Cha'n e an ni a theid a steach sa' bheul a shaluicheas an duine: ach an ni a thig a mach as a' bheul, is e so a shaluicheas an duine.

12 An sin thainig a dheisciobuil, agus thubhairt iad ris, Am bheil fhios agad gu'n do ghabh na Phairisich oilbheum, an déigh dhoibh na briathran ud a chluinntinn?

13 Ach fhreagair esan agus thubhairt e, Gach uile luibh nach do shuidhich m' Athair nèamhaidhse, spionar a bhun e.

14 Leigibh leo: is cinn-ìuil dhall nan dall iad. Agus ma thredruicheas dall dall eile, tuitidh iad araon anns a' chlais.

15 Agus fhreagair Peadar agus thubhairt e ris, Mìnich dhuinn an cosamhlachd sin.

16 Agus thubhairt Iosa, Am bheil sibhse fathast mar an ceudna gun tuigse?

17 Nach 'eil sibh a' tuigsinn fathast, ge b'e ni a theid a steach sa' bheul, gu'n dtheid e sa' bhroinn, agus gu'n tilgear a mach do'n t-slochd shalchair e?

18 Ach na nithe sin a thig a mach as a' bheul, a ta iad a' teachd o'n chridhe, agus is iad sin a shaluicheas an duine.

19 Oir is ann as a' chridhe thig droch smuainte, mortadh, adhaltrannas, strìopachas, gadaigheachd, fianuis bhrèige, toibheum.

20 Is iad so na nithe a shaluicheas an duine : ach itheadh le lamhaibh gun ionnlad, cha saluich sin an duine.

21 Agus air dol do Iosa as sin, chaidh e gu crìochuibh Thuiris agus Shidoin.

22 Agus feuch, thainig bean do mhuinntir Chanaain o na crìochuibh sin, agus ghlaodh i ris, ag radh, Dean tròcair form, a Thighearn, a Mhic Dhaibhi; a ta mo nighean air a buaireadh gu truagh le deamhan.

23 Ach cha d'thug esan freagradh sam bith dh'i. Agus thainig a dheisciobuil d'a ionnsuidh, agus dh'iarr iad air, ag radh, Cuir air falbh i, oir tha i glaothaich 'nar dèigh.

24 Ach fhreagair esan agus thubhairt e, Cha do chuireadh mise, ach a chum chaorach chaillte thighe Israeil.

25 An sin thainig ise agus rinn i aoradh dha, ag radh, A Thighearna, cuidich leam<sup>1</sup>.

26 Ach fhreagair esan agus thubhairt e, Cha chòir aran na cloinne a ghlacadh, agus a thilgeadh chum nan con.

27 Agus thubhairt ise, Is fìor, a Thighearna: ach ithidh na coin do'n sbruileach a thuiteas o bhord am maighstirean.

28 An sin fhreagair Iosa agus thubhairt e rithe, O bhean, is mòr do chreidimh: biodh dhuit mar is toil leat. Agus rinneadh a h-inghean slàn o'n uair sin amach.

29 Agus air imeachd do Iosa as sin thainig e laimh ri fairge Ghalile, agus an uair a chaidh e suas air beinn, shuidh e sìos an sin.

30 Agus thainig mòr shluagh d'a ionnsuidh, agus aca maille riu bacaich, doil, balbhain *daoine* ciurrnach, agus mòran eile, agus thilg iad sìos aig cosaibh Iosa iad, agus shlànuich e iad:

31 Ionnsuigh gu'n do ghabh an sluagh iongantas 'nuair a chunnaic iad na balbhain a' labhairt, na *daoine* ciurrnach slàn, na bacaich ag imeachd, agus na doill a' faicinn: agus thug iad glòir do Dhia Israeil.

32 An sin ghairm Iosa a dheisciobuil d'a ionnsuidh, agus thubhairt e, A taim a' gabhail truaids do 'n t-sluagh, oir dh'fhan iad maille rium a nis rè trì laithean, agus cha 'n'eil ni air bith aca r' a itheadh: agus cha chuir mi ùam 'nan tross iad, air eagal gu fannuich iad air an t-slighe.

33 Agus thubhairt a dheisciobuil ris, Cia as a gheibheamaid na h-ùiread a dh'aran san fhàsach, as bu leoir a shàsachadh slòigh co mhòr?

34 Agus thubhairt Iosa riu, Cia lìon aran a ta agaibh? agus thubhairt iadsan, Seachd, agus beagan a dh'iasgaibh beaga.

35 Agus dh'athn e do'n t-sluagh suidhe sìos air an làr.

36 Agus air glacadh nan seachd aran agus nan iasg dha, agus air breith buidheachais, bhris e iad, agus thug e d'a dheisciobluibh, agus thug na deisciobuil do'n t-sluagh iad.

37 Agus dh'ith iad uile, agus shàsuih-eadh iad: agus thog iad do'n bhiadh bhriste a dh'fhàgadh lan sheachd bascaid.

38 Agus bha a' mhuinntir a dh'ith, ceithir mìle fear, thuilleadh air mnaibh agus air cloinn.

39 Agus air dha an sluagh a leigeadh uaith, chaidh e air luing, agus thainig e gu crìochaibh Mhagdala.

## CAIB XVI.

1 *A ta na Phairisich ag iarraidh comharaidh. 6 A ta Iosa a' tabhairt rabhaidh d'a dheisciobluibh mu thimchioll droch theagaisg nam Phairiseach agus nan Sadusach. 13 Barailan t-sluaigh mu thimchioll Chrìosd, &c.*

**A**GUS air teachd do na Phairisich agus do na Sadusaich g a dhearbhadh<sup>2</sup>, dh'iarr iad air comhar a nochdadh dhoibh o nèamh.

2 Ach fhreagair esan agus thubhairt e riu, An uair is feasgar e, their sibh, *Bithidh* deadh aimsir ann; oir a ta an t-athar dearg.

3 Agus air maduinn, *Bithidh* droch aimsir ann an diugh; oir a ta an t-athar dearg agus dorch. Is aithne dhuibh breth a thoirt air gnùis an athair, agus nach 'eil e'n comas dhuibh comharan nan aimsir a *thuigsinn*?

4 A ta ginealach aingidh agus adhaltran-nach ag iarraidh comharaidh, agus cha toirear comhara dhoibh, ach comhar an fhàidh Ionais. Agus air dha am fàgail, dh'imich e *as sin*.

5 Agus an uair a thainig a dheisciobuil a dh'ionnsuidh na taoibh eile, dhichuimhnich iad aran a thabhairt *leo*.

6 Agus thubhairt Iosa riu, Thugaibh an aire, agus gleidhibh sibh fein o thaois ghoirt nam Phairiseach, agus nan Sadusach.

7 Agus bha iad a' reusonachadh eatorra fein, ag radh, *Is ann* air son nach d'thug sinn aran *leinn*.

8 Agus air tuigsinn *sin* do Iosa, thubhairt e riu, O sibhse air bhacag creidimh, c'ar son a ta sibh a' reusonachadh eadruibh fein, *gur ann* a chionn nach d'thug sibh aran *leibh*?

9 Nach 'eil sibh fathast a' tuigsinn, no-cuimhneachadh nan cùig aran nan cùig mìle, agus cia lìon cliabh a thog sibh?

10 No nan seachd aran nan ceithir mìle, agus cia lìon bascaid a thog sibh?

11 Cionnus nach 'cil sibh a' tuigsinn, nach ann mu aran a thubhairt mi ribh, sibh a bhi air bhuir faicill o thaois ghoirt nam Phairiseach, agus nan Sadusach?

12 An sin thuig iad cionnus nach d'iarr



e orra bhi air am faicill o thaois ghoirt an arain, ach o theagasg nam Phairiseach, agus nan Sadusach.

13 Agus air teachd do Iosa gu crìochaibh Chesarea Philipi dh'fheòraich e d'a dheisciobluibh, ag radh, Cò a tha daoine ag radh is e Mac an duine?

14 Agus thubhairt iadsan, *Tha cuid ag radh Eoin Baiste, cuid Elias, agus cuid eile Ieremias, no aon do na fàidhibh.*

15 Thubhairt esan riu, Ach cò tha sibhse ag radh is mi?

16 Agus fhreagair Simon Peadar agus thubhairt e, Is tusa Crìosd, Mac an Dé bheo.

17 Agus fhreagair Iosa agus thubhairt e ris, Is beannuicht' thusa, a Shimoìn Bhar-Iona; oir cha d'fhoillsich fuil is feoil sin duitse, ach m' Athairs' a *tu* air nèamh.

18 Agus a deirimse riu, Gur tusa Peadar, agus air a' charraig<sup>1</sup> so togaidh mise m'eaglais: agus cha tabhair geatan ifrinn buaidh oirre.

19 Agus bheir mi dhuit iuchraiche rioghachd nèimhe: agus ge b'é ni a cheanglas tusa air talamh, bithidh e ceangailte air nèamh; agus ge b'é ni a dh'fhuasglas tusa air talamh, bithidh e fuasgailte air nèamh.

20 An sin dh'àithn e d'a dheisciobluibh gun iad a dh'innseadh do neach air bith, gu'm b'esan Iosa an Crìosd.

21 O'n àm sin a mach thòisich Iosa air nochdadh d'a dheisciobluibh, gu'm b' éigin dasan dol suas gu Hierusalem, agus mòran do nithibh fhulang o na seanairibh, agus na h-ard shagartaibh, agus na scriobhuichibh, agus a bhi air a chur gu bàs, agus a bhi air a thogail suas air an treas là.

22 Agus ghabh Peadar e, agus thòisich e air achmhasan a thabhairt dha, ag radh, Gu ma fada sin uaitse, a Thighearna; cha tachair sin duitse.

23 Ach air tionndadh dhasan, thubhairt e ri Peadar, Imich air mo chùl, a Shatain, is oilbheum dhomh thu: oir cha 'n'eil spéis agad do nithibh Dhé, ach do nithibh dhaoine.

24 An sin thubhairt Iosa r'a dheisciobluibh, Ma's àill le neach air bith teachd a'm' dhèighse, àicheadhadh se e fein, agus togadh e air a chrann-ceusaidh, agus leanadh e mise.

25 Oir ge b'e neach le'm b'àill 'anam a ghleidheadh, caillidh se e; agus ge b'e neach a chailleas 'anam air mo sgàthsa, gheibh se e.

26 Oir ciod an tairbhe a ta ann do dhuine, ge do chosnadh e an saoghal uile, agus anam fein a chall? no ciod i a' mhalairt<sup>2</sup> a bheir duine air son anama?

27 Oir thig Mac an duine ann an glòir

Athar, maille r'a ainglibh; agus an sin bheir e do gach neach a réir a ghnìomh-ara.

28 Gu deimhin a deirim ribh, Gu bheil cuid do'n droing a ta 'nan seasamh an so, nach blais bàs, gus am faic iad Mac an duine a' teachd 'na rioghachd fein.

#### C A I B. XVII.

1 *Atharrachadh agus dealrachadh crutha Iosa.* 14 *A tu se a' slànuchadh an leinibh air an robh an tuiteamach,* 22 *ag innseadh fhulangais roimh-luimh,* 24 *agus ag òcadh na cìse.*

**A** GUS an déigh shea laithean, ghabh Iosa Peadar, agus Seumas, agus Eoin a bhràthair, agus threòruich e iad air leth gu beinn ard,

2 Agus [dh'atharraicheadh a chruth 'nan làthair, agus dhealraich aghaidh mar a' ghrian, agus rinneadh eudach geal mar an solus.

3 Agus feuch, chunncas leo<sup>3</sup> Maois agus Elias a' comhradh ris.

4 An sin fhreagair Peadar, agus thubhairt e ri h-Iosa, A Thighearna, is maith dhuinne bhi 'n so: ma's àill leatsa, deanamaid tri bothain<sup>4</sup> an so; aon duitse, aon do Mhaois, agus aon do Elias.

5 Air dha bhi fathast a' labhairt, feuch, thilg neul soilleadh sgàile orra: agus feuch, guth 'as an neul, ag radh, Is e so mo Mhac gràdhachsa, anns am bheil mo mhòr thlachd, éisdibh ris.

6 Agus an uair a chuala na deisciobuil so, thuit iad air an aghaidh, agus ghabh iad eagal ro mhòr.

7 Agus thainig Iosa agus bhean e riu, agus thubhairt e, Eiribh, agus na biodh eagal oirbh.

8 Agus an uair fa thog iad suas an sùilean, cha 'n fhac iad neach air bith, ach Iosa 'na aonar.

9 Agus an àm dhoibh teachd a nuas o'n bheinn, thug Iosa aithne dhoibh, ag radh, Na-innsibh do neach air bith an ni a chunnaic sibh, gus an éirich Mac an duine o na marbhaibh.

10 Agus dh'fheòraich a dheisciobuil dheth, ag radh, C'ar son ma seadh a théir na scriobhuichean, gur éigin Elias a theachd air tùs?

11 Agus fhreagair Iosa agus thubhairt e riu, Thig Elias gu firinneach air tùs, agus aisigidh e na h-uile nithe:

12 Ach a deirimse ribh, Gu'n d'thainig Elias a cheana agus cha d'aithnich iad e, ach 'rinn iad gach ni bu toil leo ris: is ann mar sin mar an ceudna a dh'fhuilaingear Mac an duine uatha.

13 An sin thuig na deisciobuil gu'm b'ann mu Eoin Baiste a labhair e riu.

14 Agus an uair a thainig iad chum an t-sluaigh, thainig duine àraidh d'a ionn-

<sup>1</sup> *petra, Gr.*

<sup>2</sup> *iomlaid.*

<sup>3</sup> *dh'fhoillsicheadh doibh.*

<sup>4</sup> *pailliona.*

suidh, a' tuiteam air a ghlùinibh dha, agus ag radh,

15 A Thighearna, dean tròcair air mo mhac, oir a ta e gu tinn leis an tuiteamach<sup>1</sup>, agus is mòr an cràdh a ta e a' fulang: oir a ta e gu minic a' tuiteam san teime, agus gu tric san uisge.

16 Agus thug mi e dh'ionnsuidh do dheisciobul, agus cha b'urrainn iad a leigheas.

17 Agus fhreagair Iosa agus thubhairt e, Aghinealaich neo-chreidich, agus choirbte, cia fhad a bhitheas mi maille ribh? cia fhad a dh'fhuilaingear mi sibh? thugaibh am' ionnsuidhs' an so e.

18 Agus chrònuich Iosa an deamhan, agus dh'imich e as: agus shlànuicheadh an leanabh o'n uair sin a mach.

19 An sin an uair a thainig na deiscio-buil chum Iosa fa leth, thubhairt iad, C'ar son nach b'urradh sinne a thilgeadh a mach?

20 Agus thubhairt Iosa riu, Air son bhur mi-chreidimh: oir gu firinneach a deirim ribh, Nam biodh aguibh creidimh mar ghràinne mustaird, theireadh sibh ris a' bheinn so, Atharruich as so an sud, agus dh'atharruicheadh i; agus cha bhiodh n'air bith eucomasach dhuibh.

21 Gidheadh, cha dtheid a' ghnè so mach, ach le h-ùrnuigh agus le trosgadh.

22 Agus am feadh a bha iad a' fantuinn ann an Galile, thubhairt Iosa riu, Bithidh Mac an duine air a bhrath thairis do lamh-aibh dhaoine:

23 Agus marbhaidh siad e, ach an treas là éiridh e: Agus bha iadsan ro bhrònach.

24 Agus air teachd dhoibh do Chaper-naum, thainig luchd togail na cise gu Peadar, agus thubhairt iad ris, Nach 'eil bhur maighstirse 'g iocadh na cise?

25 Thubhairt esan, A ta. Agus an uair a chaidh e steach do'n tigh, labhair Iosa ris air tùs, ag radh, Ciod i do bharails', a Shimoin? cia uaith a ta rìghre na talmhainn a' togail càine no cise<sup>2</sup>? 'N ann o'n cloinn fein, no o choigreachaibh?

26 Thubhairt Peadar ris, O choigreachaibh. Thubhairt Iosa ris-san, Air an aobhar sin a ta a' chlann saor.

27 Gidheadh chum nach tugamaid oilbheum dhoibh, imichsa chum na fairge, agus tilg dubhan *innse*, agus tog an ceud iasg a thig a nìos: agus air fosgladh a bheoil duit, gheibh thu bonn airgid; sin gabh, agus tabhair dhoibh air mo shonsa, agus air do shon fein.

## CAIB. XVIII.

1 A ta Crìosd o' toirt àithne d'a dheiscio-bluibh bhi ùmhal agus neo-chronail, 7 oilbheum a sheachnadh, agus gun iad a dheanadh tàir air cloinn bhig, &c.

A NNS an àm sin fein thainig na deiscio-buil chum Iosa, ag radh, Cò a's mò ann an rioghachd nèimhe?

2 Agus air do Iosa leanabh beag a ghairm chuige, chuir e 'nam meadhon e,

3 Agus thubhairt e, Gu firinneach a deirim ribh, Mur iompoichear sibh, agus mur bi sibh mar leanabana, nach dtheid sibh a steach do rioghachd nèimhe.

4 Air an aobhar sin ge b'e dh'islicheas e fein mar an leanabh so, 'se sin fein a's mò ann an rioghachd nèimhe.

5 Agus ge b'e ghabhas aon leanaban d'a leithid so ann am ainmse, gabhuidh e mise.

6 Ach ge b'e neach a bheir oilbheum dh'aon neach do'n mhuinntir bhig so a ta creidsinn annamsa, b'fhearr dha gu'm biodh cloch-mhuilinn air a crochadh r'a mhuineal, agus gu'm biodh e air a bhàthadh ann an doimhne na fairge.

7 Is anaobhinn do'n t-saoghal air son oilbheuman: oir is eigin do oilbheumaibh teachd; ach is anaobhinn do'n duine sin trid an dthig an t-oilbheum.

8 Uime sin ma bheir do lamh no do chos aobhar oilbheim<sup>3</sup> dhuit, gearr dhìot iad, agus tilg uait iad: is fearr dhuit dol a steach do'n bheatha air leth chois no air leth laimh, na dà laimh no dà chois a bhi agad, is tu bhi air do thilgeadh anns an teime shiorruidh.

9 Agus ma bheir do shùil aobhar oilbheim dhuit, spion asad i, agus tilg uait i: is fearr dhuit dol a steach chum na beatha air leth shùil, na dà shùil a bhi agad agus thu bhi air do thilgeadh ann an teime ifrinn.

10 Thugaibh an aire nach dean sibh tar-cuis air aon neach do'n mhuinntir bhig so; oir a deirimse ribh, gu bheil an aingilsan air nèamh a' faicinn a ghnàth gnais m'-Atharsa, a ta air nèamh.

11 Oir thainig Mac an duine a shaoradh an ni sin a bha cailte.

12 Ciod is barail dhuibhse? ma bhitheas aig duine ceud caora, agus gu'n dtheid aon diubh air seacharan, nach fàg e na naoi caoraich dheug agus ceithir fichead air na beanntaibh, agus nach dtheid e dh'iarraidh na caorach a chaidh air seacharan?

13 Agus ma tharlas da gu'm faigh e i, gu deimhin a deirim ribh, Gu'n dean e tuilleadh gairdeachais air son na caorach sin, na air son nan naoi caorach dheug agus ceithir fichead, nach deachaidh air seacharan.

14 Mar so cha'n e toil bhur n-Athars' a ta air nèamh, gu'n rachadh aon neach do'n mhuinntir bhig so a chall.

15 Uime sin ma pheacuicheas do bhràth-air a'd' aghaidh, imich agus innis a lochd dha<sup>4</sup> eadar thu fein agus esan a mhàin: ma

<sup>1</sup> tuiteamas, <sup>2</sup> guin na re, tinneas na gealaich.

<sup>2</sup> gearraidh no duilinn, <sup>3</sup> twisidh, <sup>4</sup> spreig, tagair ris.



dh'éisdeas e riut, choisinn thu do bhràthair.

16 Ach mur éisd e riut, tabhair leat aon no dithis eile, chum gu'm bi gach ni air a dheanamh<sup>1</sup> seasmhach am beul dithis no triuir a dh'fhianuisibh.

17 Agus ma dhiultas e iadsan éisdeachd, innis dò'n eaglais e: ach ma dhiultas e'n eaglais éisdeachd, biodh e dhuit mar Gheintileach, agus mar chis-mhaor.

18 Gu deimhin a deirim ribh, Ge b'e air bith nithe a cheanglas sibhse air talamh, bithidh iad ceangailte air nèamh: agus ge b'e air bith nithe a dh'fhuasglas sibhse air talamh, bithidh iad fuasgailte air nèamh.

19 A ris a deirim ribh, Ma choirdeas dithis aguibh air talamh mu thimchioll aon ni a dh'iarraas iad, nithear<sup>2</sup> so dhoibh le m'-Athairs' a ta air nèamh.

20 Oir ge b'e àit am bheil dithis no triuir air an cruinneachadh an ceann a chéile a'm' ainmse, a ta mise an sin nam meadhon.

21 Air dol do Pheadar d'a ionnsuidh san àm sin, thubhairt e, A Thighearna, cia minic a pheacuicheas mo bhràthair a'm' aghaidh, agus a mhaitheas mi dha? An am gu ruig an seachdamh uair?

22 Thubhairt Iosa ris, Ni abram riut, gus an seachdamh uair, ach gu deich agus trì fichead seachd uaire.

23 Air an aobhar sin is cosmhuil rioghachd nèimhe ri rìgh àraidh le 'm b'àill cunntas a dheanamh r'a sheirbhisich.

24 Agus an uair a thòisich e air cunntas a dheanamh, thugadh aon d'a ionnsuidh air an robh aige deich mìle talann.

25 Ach do bhrìgh nach robh aige ni leis an dioladh e, dh'àithn a thighearn e fein, agus a bhean, agus a chlann, agus na h-uile nithe a bha aige a reiceadh, agus dioladh a dheanamh.

26 Air an aobhar sin thuit an seirbhiseach sin sìos, agus rinn e umhlachd dha, ag radh, A Thighearna dean foighidin rium, agus ìocaidh mi dhuit an t-iomlan.

27 An sin air do thighearn an òglaich sin truas mòr a ghabhail dheth, leig e a chead da, agus mhaith e na fiacha dha.

28 Ach an uair a chaidh an seirbhiseach sin fein a mach, fhuair e aon d'a choimh-sheirbhisich air an robh aige ceud peghinn: agus chuir e lamh ann, agus rug e air sgorman air, ag radh, Ioc dhomh na bheil again ort.

29 Agus thuit a choimh-sheirbhiseach sìos aig a cìosaibh, agus ghuidh e air, ag radh, Dean foighidin rium, agus ìocaidh mi dhuit an t-iomlan.

30 Agus cha b'àill leis-san sin: ach dh'imich e agus thilg e am prìosun e, gus an ìocadh e na fiacha.

31 Agus an uair a chunnaic a choimh-

sheirbhisich na nithe a rinneadh, bha iad ro dhoilich, agus thainig iad, agus dh'fhoillsich iad d'an tighearn gach ni a rinneadh.

32 An sin air d'a thighearn a ghairm, thubhairt e ris, A dhroch sheirbhisich, mhaith mi dhuit na fiachan ud uile, do bhrìgh gu'n do chuir thu impidh orm.

33 Nach bu chòir dhuitse mar an ceudna tròcair a dheanamh air do choimh-sheirbhiseach fein, amhuil mar a rinn mise tròcair ortsa?

34 Agus air gabhail feirge d'a thighearn, thug e do na ceusadairibh e, gus an ìocadh e fhiachan uile dha.

35 Agus mar sin ni m' Athair nèamhuidh ribhse, mur maith gach aon agaibh o bhur cridhibh d'a bhràthair an cionta.

### C A I B. XIX.

2 A ta Criosd a' slànuchadh na muinntir a bha tim, 3 a' freagairt nam Phairiseach mu thimchioll dealachaidh, 10 a' nochdadh c'uin a ta am pòsadh feumail, 13 a' gabhail ri cloim bhig, &c.

**A**GUS tharladh, <sup>2</sup> an uair a chrìochnuich A Iosa na briathrasa, gu'n d'imich e o Ghalile, agus thainig e gu crìochaibh Iudea, air an taobh thall do Iordan:

2 Agus lean sluagh mòr e, agus shlànuich e iad an sin.

3 Thainig na Phairisich mar an ceudna d'a ionnsuidh<sup>3</sup> ga dhearbhadh, agus ag radh ris, Ambheil e ceaduichte do dhuine a bhean a chur uaith air gach uile aobhar?

4 Agus fhreagair esan agus thubhairt e riu, Nach do leugh sibh, An ti a rinn air tùs iad, gu'n d'rinn e iad fear agus bean?

5 Agus thubhairt e, Air an aobhar so fàgaidh duine 'athair agus a mhàthair, agus dlùth-leanuidh er'a mhnai: agus bithidh iad araon 'nan aon fheoil.

6 Air an aobhar sin cha dithis iad ni's mò, ach aon fheoil. Uime sin an ni a cheangail Dia, na sgaoilcadh duine.

7 Thubhairt iad ris, C'ar son ma seadh a dh'àithn Maois litir-dhealaich a thabhairt dh'i, agus a cur air falbh?

8 Thubhairt esan riu, Dh'fhulaing Maois dhuibhse air son cruais bhur cridhe, bhur mnai a chur uaibh: ach cha robh e mar sin o thùs.

9 Agus a deirimse ribh, Ge b'e chuireas uaith a bhean, ach air son strìopachais, agus a phòsas bean eile, a ta e a' deanamh adhaltrannais: agus ge b'e neach a phòsas ise a chuireadh air falbh, a ta e a' deanamh adhaltrannais.

10 Thubhairt a dheisciobuil ris, Ma's e sin cor an fhir r'a mhnai, cha 'n'eil am pòsadh maith r'a dheanamh.

11 Ach thubhairt esan riu, Cha 'n'eil na h-uile dhaoine comasach air a' chainnt so a ghabhail, ach iadsan d'an d'thugadh e.

<sup>1</sup> a' chùis uile air a deanamh. <sup>2</sup> thachair.

<sup>3</sup> ga fheuchainn, 'ga bhuairleadh.

12 Oir a ta cuid 'nan caillteanaich, a rugadh mar sin o bhroinn *am* màthar: agus a ta cuid do chaillteanaich ann, a rinneadh 'nan caillteanaich le daoibh: agus a ta caillteanaich ann, a rinn iad fein 'nan caillteanaich air son rioghachd nèimhe. Ge b'e neach a ta comasach air a ghabhail chuige, gabhadh se e.

13 An sin thugadh clann bheag d'a ionnsuidh, chum gu cuireadh e a lamhan orra, agus gu'n deanadh e ùrnuigh: agus chronuich na deisciobuil iad.

14 Ach thubhairt Iosa, Fulaingibh do na leanabailh, agus na bacadh dhoibh teachd a m' ionnsuidh: oir is ann d'an leithidibh sin a ta rioghachd nèimhe.

15 Agus an déigh dha a lamhan a chur orra, dh'imich e as sin.

16 Agus feuch, thainig neach agus thubhairt e ris, A mhaighstir mhaith, ciod am maith a dheanam chum gu faigh mi a' bheatha mhaireannach?

17 Agus thubhairt esan ris, C'ar son a ghoireadh tu maith dhiomsa? cha 'n'eil aon neach maith ach a h-aon, cadhonn Dia: ach ma's àill leat dol a steach chum na beatha, coimhid' na h-àitheanta.

18 Thubhairt esan ris, Cia iad? agus thubhairt Iosa, Na dean mortadh. Na dean adhaltrannas. Na goid. Na toir fianuis bhréige.

19 Tabhair onoir do t'athair, agus do d' mhàthair: agus, Gràdhaich do choimhearsnach mar thu fein.

20 Thubhairt an t-òganach ris, Choimhid mi iad sin uile o m'òige: ciod a ta dh'uireasbhuidh orm fathast?

21 Thubhairt Iosa ris, Ma's àill leat bhi coimhlionta, imich, reic na bheil agad, agus tabhair do na bochdaibh, agus gheibh thu ionmhas air nèamh: agus thig, agus lean mise.

22 Ach an uair a chual an t-òganach na briathra sin, dh'fhalbh e gu brònach: oir bha mòr shaibhreas aige.

23 An sin thubhairt Iosa r'a dheisciobuibh, Gu firinneach a deirim ribh, gu bheil e cruaidh air duine saibhir dol a steach do rioghachd nèimhe.

24 Agus a ris a deirim ribh, Gur usadh do chàmhail do tre<sup>2</sup> chrò snàthuide, na do dhuine saibhir dol a steach do rioghachd Dhé.

25 Agus àir cluinntinn so d'a dheisciobuibh, ghabh iad iongantas mòr, ag radh, Cia ma seadh an neach a dh'fheudas a bhi air a shaoradh?

26 Ach air amharc do Iosa orra, thubhairt e riu, Do dhaoibh a ta so cucomasach, ach do Dhia a ta na h-uile nithe comasach.

27 An sin fhreagair Peadar, agus thubhairt e ris, Feuch, thréig sinne na h-uile nithe,

agus lean sinn thusa; air an aobhar sin ciod a gheibh sinn?

28 Agus thubhairt Iosa riu, Gu deimhin a deirim ribh, sibhse a lean mise, anns an ath-ghineamhuin,<sup>3</sup> an trà shuidheas Mac an duine air caithir a' ghloire fein, gu'n suidh sibhse mar an ceudna air dà chaithir dheug, a tabhairt breth air dà threibh dheug Israeil.

29 Agus ge b'e neach a thréig tighean, no bràithrean, no peathraichean, no athair, no màthair, no bean-phòsda, no clann, no fearann air sgàth m'ainmese, gheibh e a' cheud uiread, agus a' bheatha mhaireannach mar oighreachd.

30 Ach a ta mòran air thoiseach e bhitheas air dheireadh; agus air dheireadh a bhitheas air thoiseach.

# CATB. XX.

1 *A ta Crìosd, le cosamhlachd air a ghabhail o luchd saothreach ann an gàradh fìona, a' dearbhadh nach 'eil Dia fuigh fhiachaibh do dhuine air bith; 17 a' roimh-innseadh a bhàis, &c.*

**O**IR is cosmhuil rioghachd nèimhe ri fear-tighe, a chaidh a mach moch air mhaduinn a thuarasdalachadh luchd oibre d'a ghàradh fìona.<sup>4</sup>

2 Agus an déigh dha cordadh ris an luchd oibre air pheghinn *Romhanaich* san là, chuir e g'a ghàradh fìona iad.

3 Agus an uair a chaidh e mach timchioll na treas uaire, chunnaic e droing eile 'nan seasamh dìomhanach air a' mhargadh.

4 Agus thubhairt e riu, Imichibhse mar an ceudna do'n ghàradh fìona, agus ge b'e ni a bhitheas ceart, bhear mi dhuibh e. Agus dh'imich iad.

5 An uair a chaidh e mach a ris timchioll na seathadh agus na naothadh uair, rin e mar an ceudna.

6 Agus an uair a chaidh e mach mu thimchioll na h-aon uair deug, fhuair e dream eile 'nan seasamh dìomhanach, agus thubhairt e riu, C'ar son a ta sibh 'nar seasamh an so feadh an là dìomhanach?

7 Thubhairt iad ris, A chionn nach do thuarasdaluidh duine air bith sinn. Thubhairt esan riu, Imichibhse mar an ceudna do'n ghàradh fìona, agus ge b'e ni a ta ceart, gheibh sibh e.

8 Agus air teachd do'n fheasgar, thubhairt tighean a' ghàraidh fìona sin r'a stiùbhard,<sup>5</sup> Gairm an luchd oibre, agus tabhair dhoibh an tuarasad, a' tòiseachadh o'n droing a thainig fa dheireadh gu ruig na ceud duoine.

9 Agus an uair a thainig iadsan a thuarasdaluidheadh mu thimchioll na h-aon uair deug, fhuair gach duine dhiubh peghinn.

10 Ach an uair a thainig an ceud dream, shaoil iadsan gu'm faigheadh iad

<sup>1</sup> gleidh. <sup>2</sup> trid, troimh. <sup>3</sup> ath-ùrachadh,

ath-chruthachadh.

<sup>4</sup> fhion-lios.

<sup>5</sup> fhear-riaghlaidh.



ni bu mhò; ach fhuair gach aon duibh mar an ceudna pèghinn.

11 Agus air dhoibh fhaotainn, rinn iad gearan an aghaidh fl. ir-an-tighe.

12 Ag radh, An dream sin a thainig fa dheireadh, cha d'rinn iad obair ach aon uair, agus rinn thu iad ionann agus sinne, a dh'iomchair uallach ' agus teas an là.

13 Ach fhreagair esan agus thubhairt e ri fear dhuibh, A charaid, cha 'n'eil mi a deanamh eucoir ort: nach do choird thu rium air pèghinn?

14 Tog leat do chuid fein agus imich romhad: 's i mo thoils' a thabhairt do'n ti so a thainig fa dheireadh, mar a thug mi dhuitse.

15 Nach 'eil e ceaduichte dhomhsa an ni a's toil leam a dheanamh ri m' chuid fein? am bheil do shùils' olc, air son gu bheil mise maith?

16 Mar sin bithidh an' droing dheireanach air toiseach, agus an droing a tu air toiseach air dheireadh: oir a ta mòran air an gairm, ach beagan air an taghadh.

17 Agus ag dol do Iosa suas gu Hierusalem, thug e an dà dheisciobul deug leis fa leth anns an t-slighe, agus thubhairt e riu,

18 Feuch, a ta sinn a' dol suas gu Hierusalem, agus bithidh Mac an duine air a bhrath thairis do na h-ard shagartaibh, agus do na scriobhuichibh, agus dithidh iad chum bàis e.

19 Agus bheir iad thairis e do na Cinnich chum fanoid a dheanamh air, agus chum a sgiursadh, agus a cheusadh: ach an treas là éiridh e a ris.

20 An sin thainig d'a ionnsuidh màthair cloinne Shebede, maille r'a mic, a' tabhairt onoir dha, agus ag iarraidh ni àraidh air.

21 Agus thubhairt esan rithe, Ciod a b'ail leat? Thubhairt i ris, Abair<sup>2</sup> gu'n suidh iad so mo dhithis mhac, fear aca air do laimh dheis, agus fear eile air do laimh chli, a'd' rioghachd.

22 Ach fhreagair Iosa agus thubhairt e, Cha 'n'eil fhios agaibh ciod a ta sibh ag iarraidh. Am bheil sibh comasach air a' chupan sin d' a dh'òlas mise, agus a bhi air bhuir baisteadh leis a' bhaisteadh leis am baistear mise? Thubhairt iad ris, A ta sinn comasach.

23 Agus thubhairt esan riu, Oluidh sibh gu deimhin do m' chupansa, agus baistear sibh leis a' bhaisteadh leis am baistear mise: ach suidhe air mo laimh dheis agus chli, cha leamsa sin a thabhairt, ach dhoibhsan d' am bheil e air ullachadh le m' Athairse.

24 Agus air cluinntinn so do'n deichbear, bha iad diombach air an dithis bhràithre.

25 Ach ghairm Iosa iad d'a ionnsuidh

agus thubhairt e, A ta fhios agaibh gu bheil aig prionnsaibh nan Cinneach tigh-earnas orra, agus gu bheil aig an daoinibh mòra smachd orra.

26 Ach mar sin cha bhi e 'nar measgsa: ach ge b'e neach le'm b'ail a bhi mòr 'nar measg, biodh e dhuibh 'na fhear-frithealaidh.

27 Agus ge air bith le'm b'ail toiseach a bhi aige ann bhuir measg, biodh esan 'na sheirbhiseach dhuibh:

28 Amhuil mar nach d'thainig Mac an duine chum gu'n deantadh frithealadh dha, ach a dheanamh frithealaidh, agus a thabhairt anama fein mar éiric air son mhòrain.

29 Agus ag dol a mach dhoibh a Iericho, lean sluagh mòre.

30 Agus feuch, dithis do dhaoibh dalla, a bha 'nan suidhe ri taobh na slighe, 'nuair a chual iad gu'n robh Iosa a' dol seachad, ghlaodh iad, ag radh, Dean tròcair oirne, a Thighearn, a Mhic Dhaibhi.

31 Agus chronuich an sluagh iad, chum gu'n biodh iad 'nan tosd: ach is mòid a ghlaodh iadsan, ag radh, Dean tròcair oirne, a Thighearn, a Mhic Dhaibhi.

32 Agus sheas Iosa, agus ghairm e iad, agus thubhairt e, Ciod is àill leibh mise a dheanamh dhuibh?

33 Thubhairt iadsan ris, A Thighearn, ar sùilean a bhi air am fosgladh.

34 Agus ghabh Iosa truas dhuibh, agus bhean e r'an sùilb: agus air ball<sup>3</sup> thainig radharc d'an sùilb, agus lean iad e.

# CAIB. XXI.

1 A ta Iosa a' marcachd gu Hierusalem air asail, 12 a' tilgeadh a mach an luchd reic' agus ceannachd as an teampull, 17 a' mallachadh a' chroim-fhìge, &c.

**A**GUS an uair a dhruid iad ri Hierusalem, agus a thainig iad gu Betphage, gu sliabh nan crann-ola, an sin chuir Iosa dithis d'a dheisciobuibh uaidh,

2 Ag radh riu, Rachaidh do'n bhaile a ta thall fa'r comhair, agus air ball gheibh sibh asal ceangailte ann, agus loth maille rithe:<sup>4</sup> fuasglaidh, agus thugaibh a m' ionnsuidhs' iad.

3 Agus ma labhras aon duine ni air bith ribh, abraidh, Gu bheil feum aig an Tigh-earn orra; agus cuiridh e uaidh air ball iad.

4 Rinneadh na nithe so uile, chum gu 'n coimhliontadh an ni a thubhradh leis an fhàidh, ag radh,

5 Innsibh do nighean Shioin, Feuch, a ta do Rìgh a' teachd a d' ionnsuidh gu ciuin, is e 'n a shuidhe air asail, agus air loth<sup>5</sup> mac na h-asail.

6 Agus dh'imich na deisciobuil, agus rinn iad mar a dh'àithn Iosa dhoibh,

7 Agus thug iad an asal agus an loth leo, agus chuir iad am falluingean<sup>3</sup> orra, agus chuir iad esan 'na shuidhe air am muin.

<sup>1</sup> eallach. <sup>2</sup> Deònuich. <sup>3</sup> gun dàil, san uair.

<sup>4</sup> na fockair. <sup>5</sup> biorraiche. <sup>6</sup> eudach nachdai

8 Agus sgaol mòr shluagh am falluingean air an t-slighe; agus ghearr droing eile geuga do na crannaibh, agus leag iad air an t-slighe iad.

9 Agus thog an sluagh a bha roimhe agus 'na dhéigh iolach, ag radh, Hosanna do Mhac Dhaibhi: beanuichte gu robh an Ti a thig ann an ainm an Tighearna; hosanna anns na h-ardaibh.

10 Agus air dol dhasan a steach do Hierusalem, ghluaisheadh am baile<sup>1</sup> uile, ag radh, Cò e so?

11 Agus thubhairt an sluagh, Is e so Iosa am fàidh o Nasaret Ghalile.

12 Agus chaidh Iosa a steach do theampull Dé, agus thilg e mach iadsan uile a bha reic agus a' ceannach anns an teampull, agus thilg e buird luchd malairt<sup>2</sup> an airgid thairis, agus caithriche luchd reicidh nan columan.

13 Agus thubhairt e riu, A ta e scrìobhta, Goirear tigh ùrnuigh do m' thig-sa, ach rinn sibhse na gharaidh luchd-reubainn<sup>3</sup> e.

14 Agus thainig na doill agus na bacaich d'a ionnsuidh anns an teampull, agus shlànuich e iad.

15 Agus an uair a chunnaic na h-ard shagairt agus na scrìobhuichean na gnìomharan iongantach a rinn e, agus a' chlann a' glaothaich san teampull, agus ag radh, Hosanna do Mhac Dhaibhi, bha corruich mhòr orra.

16 Agus thubhairt iad ris, An cluinn thu ciod a ta a' mhuinntir sin ag radh? Agus thubhairt Iosa riu, A ta mi cluinn-tinn; nach do leugh sibhse riamh,<sup>4</sup> As beul nan naoidh agus nan cìochran choimhlon thu moladh?

17 Agus an uair a dh'fhàg e iad, chaidh e mach as a' bhaile gu Betani, agus dh'fhan e an sin.

18 Agus ag pilleadh dha chum a' bhaile air mhaduinn, bha ocras air.

19 Agus air dha crann-fige fhaicinn air an t-slighe, thainig e d'a ionnsuidh, agus cha d'fhuair e ni air bith air, ach duilleach a mhàin; agus thubhairt e ris, Nar fhàsadh toradh o so suas gu bràth ort. Agus chrìon an crann-fige air ball.

20 Agus an uair a chunnaic na deisciobuil e, ghabh iad iongantas, ag radh, Cia luath a shearg an crann-fige as?

21 Agus fhreagair Iosa agus thubhairt e riu, Gu-dèimhin a deirim ribh, ma bitheas creidimh agaibh, agus nach bi sibh fuidh amharus, cha 'n e mhàin gu'n dean sibh an ni a rinneadh do'n chrann-fhìge, ach mar an ceudna ma their sibh ris a' bheinn so, Togar thu, agus tilgear san fhaighe thu, bithidh e deanta:

22 Agus ge b'e air bith nithe a dh'iarras sibh ann bhur n-ùrnuigh, ma chreideas sibh, gheibh sibh iad.

23 Agus an uair a thainig e do'n teampull, thainig na h-ard shagairt agus sean-airean a' phobuil d'a ionnsuidh, agus e a' teagasg, ag radh ris, Ciod e an t-ùghdarras trid an bheil thusa a' deanamh nan nithe-se? agus cò thug an cumhachd so dhuit?

24 Agus fhreagair Iosa agus thubhairt e riu, Feòdrichidh mise mar an ceudna aon ni dhibhse, agus ma dh'innseas sibh dhomh e, innsidh mise dhuibhse air mhodh cheudna cia an t-ùghdarras trid an deanam na nithe-se.

25 Baisteadh Eoin, cia as a thainig e? O nèamh, no o dhaoineibh? Ach reusun-uich iadsan 'nam measg fein, ag radh, Ma their sinn, O nèamh, their esan ruinn, C'ar son na seadh nach do chreid sibh e?

26 Ach ma their sinn, O dhaoineibh, a ta eagal a' phobuill oirnn; oir a ta meas fàidh aig gach uile dhuine air Eoin.

27 Agus fhreagair iad Iosa, agus thubhairt iad, Cha 'n eil fhios againn. Agus thubhairt esan riu, Ni mò dh'innseas mise dhuibhse cia an t-ùghdarras trid an deanam na nithe so.

28 Ach ciod i bhur barailse? Bha aig duine àraidh dithis mhac, agus thainig e dh'ionnsuidh a' cheud mhic, agus thubhairt e, A mhic, imich, dean obair an diugh a'm' ghàradh fiona.

29 Agus fhreagair esan agus thubhairt e, Cha dean: ach 'na dhéigh sin, ghabh e aithreachas agus dh'imich e.

30 Agus thainig e gus an dara<sup>5</sup> mac, agus thubhairt e mar an ceudna. Agus fhreagair esan agus thubhairt e, Thèid, a Thighlearn; gidheadh cha deachaidh e.

31 Cia do'n dithis a rinn toil athar? Thubhairt iadsan ris, An ceud fhear. Thubhairt Iosa riu, Gu frinneach a deirimse ribh, gu'n dthèid na cis-mhaoir agus na strìopaichean do rioghachd Dhé roimhibhse.

32 Oir thainig Eoin d'ar ionnsuidh an slighe na fircantachd, agus cha do chreid sibh e: ach chreid na cis-mhaoir agus na strìopaichean e. Agus ged a chunnaic sibhse so, cha do ghabh sibh aithreachas 'na dhéigh sin, a chum gu'n crèideadh sibh e.

33 Eisdibh ri cosamhlachd eile: Bha fear-tighe àraidh ann, a phlannduich fion-lios, agus chuir e gèradh<sup>6</sup> m'a thimchioll, agus chladhaich e ionad bruthaidh an fhìona ann, agus thog e tùr, agus shuidhich e air tuath e; agus chaidh e fein air choigrich.

34 Agus an trà dhruid riu, am an toraidh, chur e a sheirbhisich a dh'ionnsuidh na tuatha, a dh'fhaotainn a thoraidh.

35 Agus rug an tuath air a sheirbhisich, agus ghabh iad air fear dhiubh, agus mharbh iad fear eile, agus chlach iad fear eile.

<sup>1</sup> a' chathair. <sup>2</sup> tomlart. <sup>3</sup> 'na uaimh chreach-

adairean, 'na shlochd mheirleach, <sup>4</sup> d'ige, callaid,



36 A ris, chuir e seirbhisich eile uaith, tuilleadh na sa' cheud *chuideachd*: agus rinn iad orrasan mar an ceudna.

37 Ach fa dheireadh, chuir e a mhac fein d'an ionnsuidh, ag radh, Bheir iad urram do m' mhac.

38 Ach an uair a chunnaic an tuath am mac, thubhairt iad eatorra fein, 'S e so an t-Oighre, thigibh, marbhamaid e, agus glacamaid oghreachd-san *dhuinn fein*.

39 Agus rug iad air, agus thilg iad a mach as an fhion-lios e, agus mharbh iad e.

40 Air an aobhar sin an uair a thig Tighearn an fhion-lios sin, ciod a ni e ris an tuath sin?

41 Thubhairt iad ris, Sgriosaidh c gu truagh na droch dhaoine sin, agus suidhichidh e am fion-lios air tuath eile, a bheir a thoraidh dha 'nan aimsiribh fein.

42 Thubhairt Iosa riu, Nach do leugh sibh riamh anns na scriobtuiribh, A'chlach a dhiult na clachairean, rinncadh i 'na cloich-chinn na h-oisinn: 's e an Tighearn a rinn so, agus a ta e iongantach 'nar suilbh-ne?

43 Uime sin a deirim ribh, Gu'n toirear rioghachd Dhé uaibhse, agus gu'n toirear do chinneach eile i, a bheir a torraidh uatha.

44 Agus ge b'e neach a thuiteas air a' chloich so, brisear e; ach ge b'e air an tuit i, ni i min luaithre dheth.

45 Agus an uair a chuala na h-ard shagairt agus na Phairisich a chosamhlachda-san, thuig iad gu'm b'ann umpa fein a labhair e.

46 Ach an uair bu mhiann leo breith air, ' bha eagal a' phobuill orra, oir bha meas fàidh ac' aisans.

# CAIB. XXII.

1 *Cosamhlachd bainnse mhic an Rìgh. 9 Gairm nan Cinneach: 12 peanas an fhir a bha dh'uireasbhuidh truscan na bainnse.*

15 *Is còir cìs iocadh do Cheasar, &c.*

**A** GUS fhreagair Iosa, agus labhair e riu a ris an cosamhlachdaibh, ag radh,

2 Is cosmhuil rioghachd nèimhe ri rìgh àraidh a rinn banais phòsaidh d'a mhac fein,

3 Agus chuir e a sheirbhisich a ghairm na muinntir a fhuair cuireadh chum na bainnse: ach cha b'àill leosan teachd.

4 A ris chuir e d'an ionnsuidh seirbhisich eile, ag radh, Abruibh-se ris a' mhuinntir d'an d'thugadh cuireadh, Feuch, dhcasuich mi mo dhinneir: a ta mo dhaimh agus mo sprèidh bhiahdta air am marbhadh, agus a ta na h-uile nithe ullamh: thigibh chum na bainnse.

5 Ach chuir iadsan an suarachas e, agus dh'imich iad rompa, fear dhuibh d'a fhear-ann, agus fear eile chum a channachd:

6 Agus ruga' chuid eile dhiubh air a

sheirbhisich, agus thug iad masladh *dh'oibh* agus mharbh siad iad.

7 Ach an uair a chual an rìgh so' ghabh e fearg; agus chuir e ar mailtean uaithc, agus sgrios e an luchd mortaidh sin, agus loisg e am baile-san.

8 An sin thubhairt e r'a shcìrbhisich, Gu firinneach a ta a' bhanais ullamh, gidh-eadh an dream a fhuair cuireadh cha b'fhuil iad e.

9 Air an aobhar sin imichibh-se gus na rathaidibh mòra, agus a lìon daoine 's a ghcìbh sibh, cuiribh iad chum na bainnse.

10 Agus chaidh na seirbhisich sin a mach air na rathaidibh, agus chruinnich iad gach uile neach a fhuair iad, eadar olc agus mhaith: agus lìonadh tìgh na bainnse le muinntir a shuidh chum bidh.

11 Agus air dol a steach do'n rìgh a dh'fhaicinn nan aoidhean, chunnaic e an sin duine aig nach robh truscan na bainnse uime:

12 Agus thubhairt e ris, A charaid, cionnusa a thainig thusa steach an so, gun truscan na bainnse umad? Ach dh'fhan esan 'na thosd.

13 An sin thubhairt an rìgh ris na seirbhisich, Air a cheangal duibh eadar chosan agus lamhan, togaibh libh c, agus tilgibh e anns an dorchadas iomallach; an sin bithidh gul agus giosgan fhiacal.

14 Oir a ta mòran air an gairm, ach bcagan air an taghadh.

15 An sin dh'imich na Phairisich, agus ghabh iad comhairle cionnus a dh'fheudadh iad csan a ribcadh 'na chainnt.

16 Agus chuir iad d'a ionnsuidh an deisciobuil fein, maille ri luchd-leanmhuinn Heroid, ag radh, A mhaighstir, a ta fhios aguinn gu bheil thusa fìor, agus gu bhil thu teagasg slighe Dhé ann am fìrinn, agus nach 'eil suim agad do dhuine sam bith: oir cha 'neil thu ag anharc air pearsaibh<sup>3</sup> dhaoine.

17 Uime sin innis dhuinne do bharail, Am bheil e ceaduichte cìs a thabhairt do Cheasar, no nach 'eil?

18 Ach air tuigsinn am mìoruin a dh' Iosa, thubhairt e, Car son a ta sibh ga m' bhuairleadh, a chealgaircan?

19 Nochduibh dhomhsa airgid na cìse. Agus thug iad d'a ionnsuidh peghinn.<sup>4</sup>

20 Agus thubhairt e riu, Cìa dha a bhuincas an dealbh so, agus an scriobhadh a ta m'a thimchioll?

21 Thubhairt iadsan ris, Do Cheasar. An sin thubhairt esan riu, Thugaibh uime sin do Chcasar na nithe a's le Ceasar; agus do Dhia, na nithe a's le Dia.

22 Agus an uair a chual iad so, ghabh iad iongantas, agus dh'fhàg iad e, agus dh'imich iad rompa.

<sup>1</sup> B'àill leo lamh a cheir ann. <sup>2</sup> ghlacadh.  
<sup>4</sup> b'ionann a' p'eghinn

Romhanach agus 73d.

<sup>3</sup> gnùis Gr.

23 Air an là sin fein thainig d'a ionn-suidh na Sadusaich, a their nach 'eil aiseirigh ann, agus chuir iad ceisd air,

24 Ag radh, A mhaighstir, thubhairt Maois, Ma gheibh<sup>1</sup> duine bàs gun chlann aige, gur còir d'a bhràthair a bheansan a phòsadh a dhlìge dàimhe, agus sliochd a thogail d'a bhràthair.

25 A nis bha seachdnar bhràithre 'nar measg-ne, agus air do'n cheud fhear dhiubh bean a phòsadh, fhuair e bàs, agus do bhrìgh nach robh sliochd aige, dh'fhàg e a bhean d'a bhràthair.

26 Agus thachair mar an ceudna do'n dara, agus do'n treas bràthair, gu ruig an seachdamh.

27 Agus 'nan déigh uile fhuair a' bhean bàs mar an ceudna.

28 Air an aobhar sin anns an aiseirigh, cia do'n t-seachdnar d'am bean i? Oir bha i ac' uile.

29 Agus fhreagair Iosa agus thubhairt e riu, A ta sibh air seacharan,<sup>1</sup> gun eòlas agaibh air na scriobtuiribh, no air cumh-achd Dhé:

30 Oir anns an aiseirigh ni 'n dean iad pòsadh ni mò a bheirear am posadh iad; ach a ta iad mar aingil Dhé air nèamh.

31 Ach mu thimchioll aiseirigh nam marbh, nach do leugh sibh an ni sin a labhradh ribh le Dia, ag radh,

32 Is mise Dia Abraham, agus Dia Isaac, agus Dia Iacob? cha'n e Dia, Dia nam marbh, ach nam beo.

33 Agus an uair a chual am pobull so, ghabh iad iongantas r'a theagasg-san.

34 Ach an uair a chuala na Phairisich gu'n do chuir e na Sadusaich 'nan tosd, chruinnicheadh iad an ceann a chèile.

35 An sin chuir neach àraidh dhiubh, a b'fhear teagaisg an lagha, ceisd air, 'ga dhearbhadh, agus ag radh,

36 A mhaighstir, cia i an àithne a's mò san lagh?

37 Thubhairt Iosa ris, Gràdhuichidh tu an Tighearn do Dhia le d'uile chridhe, agus le d'uile anam, agus le d'uil' inntinn.

38 'Si so a' chud àithne agus an àithne mhòr.

39 Agus is cosmhuil an dara rithe so, Gràdhuichidh tu do choimhearsnach mar thu fein.

40 Air an dà àithne so tha'n lagh uile, agus na fàidhean an crochadh.

41 Ach air do na Phairisich bhi cruinn an ceann a chèile, dh'fhcòraich Iosa dhiubh,

42 Ag radh, Ciod i bhur barailse mu thimchioll Chrìosd? cò d'am mac e? thubhairt iadsan ris, Do Dhaibhi.

43 Thubhairt esan riu, Cionnus ma seadh a ghoireas Daibhi san spiorad a Thighearna dheth, ag radh,

44 Thubhairt an Tighearn ri m'Thighearn, Suidh air mo laimh dheis, gus an cuir mi do naimhde 'nan stòl fuidh d' chosaibh?

45 Air an aobhar sin ma ghoireas Daibhi a Thighearn dheth, cionnus is mac dha e?

46 Agus cha b'urrainn aon neach freagradh sam bith a thabhairt air; ni mò a bha clridh aig aon neach o'n là sin suas ni air bith fheòraich dheth.

## CAIB. XXIII.

1 *A ta Crìosd a' comhairleach' a' phobuill fèisdeachd ri deadh theagasg nan scriobhuichean, agus nam Phairiseach; ach gun an droch eisimplair a leantuinm: 5 Is còir d'a dheisciobluibh bhi air am fàicill an aghaidh an uabhair, &c.*

**A**N sin labhair Iosa ris an t-sluagh, agus r'a dheisciobluibh fein,

2 Ag radh, Ata na scriobhuichean agus na Phairisich 'nan suidhe ann an cailhir Mhaois.

3 Air an aobhar sin na h-uile nithe dh'iarras iad oirbhs' a choimhead,<sup>2</sup> coimhidibh agus deanuibh iad; ach na deanuibh a rèir an oibre: oir their iad, agus cha dean iad.

4 Oir ceanglaidh iad uallaiche<sup>3</sup> troma, agus do-iomchar, agus cuiridh siad iad air guailuibh dhaoine, gideadh cha charuich iad fein iad le h-aon d'am meuraibh.

5 Ach an oibre uile a ta iad a' deanamh chum am bi air am faicinn le daoineibh: ni iad am philacteridh leathan, agus iomall an eudaich mòr;

6 Agus is ionmhuinn leo na ceud ionada-suidhe anns na fèisidibh, agus na ceud chaithriche anns na coimhthionaluibh,

7 Agus fàilte fhaghail air na margaibh, agus daoine a ghairm Rabbi, Rabbi dhiubh.

8 Ach na goirear Rabbi dhiubhse: oir is aon ard mhaighstir a ta aguibh, Crìosd; agus is bràithre sibh fein uile.

9 Agus na goiribh bhur n-athair do dhuine sam bith air talamh: oir is aon Athair a ta aguibh, a ta air nèamh.

10 Cha mhò ghoirear ard mhaighstirean dhiubh: oir is aon ard mhaighstir a ta aguibh, Crìosd.

11 Ach an ti a's mò 'nar measg, bithidh e 'na dglach aguibh.

12 Agus ge h'e neach a dh'arduicheas e fein, islichear e; agus ge b'e neach a dh'islicheas e fein, arduichear e.

13 Ach is anaobhinn dhiubhse, a scriobhuichean agus Phairiseacha, a chealgairean, do bhrìgh gu bheil sibh a druidealh rioghachd nèimhe an aghaidh dhaoine: oir cha dtheid sibh fein a steach, agus cha'n fhulaing sibh do'n dream a ta dol a stigh dol ann.

14 Is anaobhinn dhiubh, a scriobhuichean agus Phairiseacha, a chealgairean; oir a ta sibh ag itheadh suas tighean bhantrach,

<sup>1</sup> iomroll.<sup>2</sup> ghlaidheadh.<sup>3</sup> eallacha.



agus air sgàth deadh choslais a' deanamh ùrnighean fada; uime sin gheibh sibh an damnadh a's mò.

15 Is anaoibhinn dhuibh, a sgrìobhuichean agus Phairiseacha, a chealgairean; oir cuairtichidh sibh muir agus tìr chum aon duine a dheanamh d'ar creidimh fein, agus an uair a bhitheas e deanta, nì sibh mac ifrinn dheth dà uair nì 's mò na sibh fein.

16 Is anaoibhinn dhuibh, a chinnuiul' dhalla, a their, Ge b'e duine a bheir mionnan air an teampull, cha nì air bith sin: ach ge b'e bheir mionnan air òr an teampull, a ta e ceangailte.<sup>2</sup>

17 Amadana, agus a dhaoine dalla! oir cò ac' is mò an t-òr, no an teampull a ta naomhachadh an òir?

18 Agus, Ge b'e bheir mionnan air an altair, cha'n 'eil suim ann: ach ge b'e bheir mionnan air an tiodhlac a ta oirre, a ta e ceangailte.

19 Amadana, agus a dhaoine dalla! oir cò ac' is mò an tiodhlac, no'n altair a ta naomhachadh an tiodhlaic?

20 Air an aobhar sin ge b'e mhionnuicheas air an altair, a ta e a' mionnachadh oirre fein, agus air gach nì a ta oirre.

21 Agus ge b'e mhionnuicheas air an teampull, a ta e a' mionnachadh a'rsan, agus air an Tì a ta 'na chòmhnuidh ann.

22 Agus ge b'e neach a mhionnuicheas air nèamh, a ta e a' mionnachadh air righ-chaitir Dhé, agus a'rsan a ta 'na shuidhe oirre.

23 Is anaoibhinn dhuibh, a sgrìobhuichean agus Phairiseacha, a chealgairean: oir a ta sibh a' tabhairt an deachaimh as a' mhi-onnt, agus an anise, agus a' chuimin, agus dhiobair sibh nithe cudthromach an lagha, cothrom, tràcair, agus firinn: bu chòir dhuibh iad so a dheanamh, agus gun iad sud fhàgail gun deanamh.

24 A chinn-iuil dhalla, a shìolaidheas<sup>3</sup> a' mhion-chuileag, agus a shluigeas an càmhail.

25 Is anaoibhinn dhuibh, a sgrìobhuichean agus Phairiseacha, a chealgairean; oir glanuidh sibh an taobh a muigh do'n chupan, agus do'n mhèis, ach a ta iad an taobh a stigh làn do reubainn, agus do eucoir.<sup>4</sup>

26 Phairisich dhoill, glan air tùs an taobh a stigh do'n chupan agus do'n mhèis, chum as gu 'm bi an taobh a muigh dhiubh glan mar an ceudna.

27 Is anaoibhinn dhuibh, a sgrìobhuichean agus Phairiseacha, a chealgairean; oir is cosmhuil sibh righ uaighibh gealuichte, a ta deadh-mhaiseach air an taobh a muigh, ach air an taobh a stigh a ta làn do chnàmhaibh dhaoine marbha, agus do'n uile shalachar.

28 Mar an ceudna a ta sibhse an leth a

muigh am fianuis dhaoine an coslas fhìreana, ach san taobh a stigh làn ceilg, agus eusaontais.

29 Is anaoibhinn dhuibh, a sgrìobhuichean agus Phairiseacha, a chealgairean; oir a ta sibh a' togail àitean-adhlacaidh nam fàidh, agus a' deanamh leac-lithidh nam firean deadh-mhaiseach,

30 Agus ag radh, Nam bitheamaid ann an laithibh ar n-aithriche, cha bhitheamaid compàirteach riu am fuil nam fàidh.

31 Mar sin a ta sibh 'nar fianuisibh 'nar n-aghaidh fein, gur sibh clann na muinntir a mharbh na fàidhean.

32 Mar sin lionuibhse suas tomhas bhur n-aithriche.

33 A nathraiche, a shìol nan nathraiche nimhe, cionnus a dh'fheudar leibh dol as o dhamnadh ifrinn?

34 Air an aobhar sin feuch, cuireamsa d'ar ionnsuidh fàidhean, agus daoine glìce, agus sgrìobhuichean; agus cuid dhiubh marbhaidh agus ceusuidh sibh, agus cuid dhiubh sgiursaidh sibh ann bhur sionago gaibh, agus nì sibh geur-leanmhuinn orra o-bhaile gu baile:

35 Chum as gu 'n dthig oirbh gach uile fhuil fhìreanta a dhòirteadh air an talamh, o fhuil Abeil fhìreanta, gu fuil Shachariais, mhic Bharachias, a mharbh sibh eadar an teampull agus an altair.

36 Gu fìrinneach a deirim ribh, Gu'n dthig na nithese uile air a' ghinealach so.

37 A Ierusalem, a Ierusalem, a mharbhas na fàidhean, agus a ghabhas do chlachaibh air an droing a chuirear a t'ionnsuidh, cia minic a b'àill leam do chlann a chruinneachadh r'a chèile mar a chruinnicheas cearc a h-eoin fuidh a sgiathaibh, agus cha b'àill leibh!

38 Feuch, fàgar bhur tigh aguibh 'na fhàsach.

39 Oir a deirimse ribh, nach faic sibh mise o so suas, gus an abair sibh, Is bean-nuichte an Tì a thig ann an ainm a Tigh-earna.

#### C A I B. XXIV.

1 *A ta Criosd ag innseadh roimhlainh sgrìos Ierusalem: 3 creud iad agus cia mòr na trioblaidean a bhitheas roimhe sin: 29 comharan a theachd gu breitheanas, &c.*

**A** GUS chaidh Iosa mach, agus dh'imich a c'o'n teampull; agus thainig a dheisciobuil d'a ionnsuidh, a nochdadh dha aitreabh an teampull.

2 Agus thubhairt Iosa riu, Nach faic sibh iad so uile? gu fìrinneach a deirim ribh, Nach fàgar clach air muin cloiche an so, nach tilgear sìos.

3 Agus air suidhe dha air sliabh nan crann-ola, thainig a dheisciobuil d'a ionnsuidh os ìosal,<sup>5</sup> ag radh, Innis dhuinne, c'uin a thig na nithese gu crìch? agus ciod e

<sup>1</sup> a luchd-sèiduidh, a thrèoraichean,

<sup>2</sup> fuidhshìachaibh. <sup>3</sup> sgagus. <sup>4</sup> dh'anabharra, <sup>5</sup> an uaignidheas.

comhara do theachdsa, agus deiridh an t-saoghail?

4 Agus fhreagair Iosa agus thubhairt, e riu, Thugaibh an aire nach meall aon neach sibh:

5 Oir thig mòran a'm' ainmse, ag radh, Is mise Crìosd; agus meallaidh iad mòran.

6 Agus cluinnidh sibh coganna, agus tu-airisgeul<sup>1</sup> choganna: thugaibh an aire nach bi sibh fa amhladh:<sup>2</sup> oir is éigin do na nithibhse uile teachd gu crìch,<sup>3</sup> ach cha 'n'eil an deireadh ann fathast.

7 Oir éiridh cinneach an aghaidh cinnich, agus rioghachd an aghaidh rioghachd: agus bithidh gorta agus plaighean agus criothana talmhainn ann mòran a dh'aitibh.

8 Agus cha 'n'eil annta so uile ach toiseach thruaighean.

9 An sin bheir iad thairis sibh chum àmhghair, agus marblaidh iad sibh: agus bithidh fuath aig gach uile chinneach dhuibh air sgàth m'ainmese.

10 Agus an sin gabhaidh mòran oilbheum, agus brathaidh iad a chéile, agus bithidh fuath aca d'a chéile.

11 Agus éiridh mòran a dh'fhàidhibh bréige, agus mealluidh iad mòran.

12 Agus do bhrìgh gu'm bi an eucoir air a meudachadh, buairichidh gràdh mhòrain.

13 Ach ge b'e bhitheas seasmhach chum na crìche, s'e so a shlànuichear.

14 Agus bithidh soisgeul so na rioghachd air a shearmonachadh air feadh an domhain uile, mar fhianuis do na h-uile chinneach-aibh: agus an sin thig an deireadh.

15 Air an aobhar so an uair a chi sibhse gràinealachd an léir-sgrìos, air an do labhair Daniel ann fàidh, 'na seasamh ann an ionad naomha, (tuigeadh an ti a leughas)

16 An sin teicheadh iadsan a tu ann an Iudea, chum nam beann.

17 An ti a ta air mullach an tighe, na dthigeadh e nuas a thabhairt ni sam bith leis as a thigh:

18 Agus an ti a ta air a' mhachair, na pilleadh e air ais a thogail fhalluinge leis.

19 Agus is anaobhinn do na mnaibh torrach, agus dhoibhsan a bheir cìoch uatha 'sna laithibh sin.

20 Ach guidhibhse gun bhur teicheadh a bhi sa' gheamhradh, no air an t-sàbaid:

21 Oir anns an àm sin bithidh àmhghar mòr ann, amhuil nach robh ann o thùs an domhain gus a nis, agus nach mò a bhitheas a choidhch.

22 Agus mur biodh na laithean sin air an giorrachadh, cha bhiodh feoil sam bith air a tearnadh: ach air son nan daoine taghta bithidh na laithean sin air an giorrachadh.

23 An sin ma their aon duine ribh, Feuch, a tu Crìosd an so, no an sud; na creidibh e:

24 Oir éiridh Crìosdan bréige, agus

fàidhean bréige, agus ni iad comharan agus miorbhuilean mòra, ionnus gu mealladh iad, nam feudadh e bi, na daoine taghta fein.

25 Feuch, dh'innis mi dhuibh e roimh-laimh.

26 Uime sin ma their iad ribh, Feuch, a ta e san fhàsach, na rachaibh a mach: feuch, a ta e 'sna seomraichibh uaigneach, na creidibh sin.

27 Oir a réir mar a thig an dealanach o'n aird an ear, agus a dhealruicheas i gus an aird an iar; mar sin mar an ceudna bhitheas teachd Mhic an duine.

28 Oir ge b'e ball am bi a' chairbh,<sup>4</sup> is ann an sin a chruinnichear na h-iolairéan.

29 Air ball an déigh trioblaid nan là ud, dorchuichear a' ghrian, agus cha tabhair a' ghealach a solus, agus tuitidh na reultan o nèamh, agus bithidh cumhachda nan nèamh air an crathadh.

30 Agus an sin foillsichear comhara Mhic an duine an nèamh: agus an sin ni uile threubha na talmhainn bròn, agus chi iad Mac an duine a' teachd air neulaibh nèimhe, le cumhachd agus glòir ro mhòir.

31 Agus cuiridh e mach 'aingil le fuaim mhòir na galltruimp, agus cruinnichidh iad a shluagh taghta o na ceithir gaothaibh, o leth-iomall nèimhe gus an leth-iomall eile.

32 Ach fòghlumuibh cosamhlachd o'n chrann-fhìge: an uair a bhitheas a gheug a nis maoth, agus a dh'fhàsas an duilleach, aithnichidh sibh gur fagus an samhradh:

33 Agus mar an ceudna, an uair a chi sibhse na nithese uile, biodh fios agaibh gu bheil e am fagus, eadhon aig na dorsaibh.

34 Gu deimhin a deirim ribh, Nach dtheid an ginealach so fein thairis, gus an tachair na nithese uile.

35 Theid neamh agus talamh thairis, ach cha dtheid mo bhriathrasa thairis a choidhch.

36 Ach cha 'n'eil fios an là no na h-uaire sin aig duine air bith, no fòs aig ainglibh nèimhe, ach aig m'Àthairs' a mhain.

37 Ach amhuil a bha laithean Noe, mar sin mar an ceudna bithidh teachd Mhic an duine.

38 Oir mar a bha iad anns na laithibh roimh 'n tuil ag itheadh agus ag òl, a' pòsadh agus a' tabhairt am pòsadh, gus an là an deachaidh Noe a steach 'san àirc,

39 Agus nach robh fhios aca gus an d'thainig an tuil, agus an do thog i leatha iad uile; mar sin mar an ceudna bithidh teachd Mhic an duine.

40 An sin bithidh dithis air a' mhachair; gabhar fear aca, agus fàgar am fear eile.

41 Bithidh dithis bhan a meileadh<sup>5</sup> anns a' mhuileann; gabhar a h-aon aca, agus fàgar an aon eile.<sup>6</sup>

42 Uime sin deanuibh-se faire, oir cha

<sup>1</sup> fòmrachd.

<sup>2</sup> bhuairicas.

<sup>3</sup> tachairt.

<sup>4</sup> chlosach.

<sup>5</sup> bleath.

<sup>6</sup> an t'eile.



n'eil fhios agaibh cia an uair an dthig bhur Tighearna.

43 Ach a ta fhios so agaibh, nam b'fhi-osrach fear an tighe cia an uair an d'thig-cadh an gaduiche, gu'n deanadh e faire, agus nach fulaingcadh e gu 'm bristeadh a thigh trid.

44 Uime sin bithibh-se ullamh mar an ceudna: oir is ann uair nach saoil sibh, a thig Mac an duine.

45 Cò e ma seadh a ta 'na òglach firin-neach agus glic, a chuir a Thighearna os cionn a mhuinntire, a thabhairt bidh dhoibh 'na àm fein?

46 Is beannuichte an t-òglach sin, a gheibh a Thighearna ri àm dha teachd, a' deanamh mar sin.

47 Gu deimhin a deirim ribh, gu'n cuir se e os cionn a mhaoin gu h-ìomlan.

48 Ach ma their an droch sheirbhiseach ud 'na chridhe, A ta mo Thighearna a' cur dàil 'na theachd,

49 Agus ma thòisicheas e air a choimh-sheirbhisich a bhualadh, agus air itheadh agus òl maille ri luchd misge;

50 Thig Tighearna an òglaich sin ann an là nach 'eil suil aige ris, agus ann an uair nach fhios da,

51 Agus gearraidh e 'na bhloighdibh e, agus bheir e a chuibhrionn da maille ris na cealgairibh: an sin bithidh gul agus giosgan fhiacal.

#### C A I B. XXV.

*Far am bheil againn, 1 cosamhlachd nan deich òigh, 14 Agus nan talann: 31 mar an ceudna min-innseadh ma'n bhreitheanas dheireannach.*

**A**N sin samhluichear rioghachd nèimhe ri deich òighibh, a thug leo an lòch-rain, agus a chaidh a mach an còdhail an fhir-nuadh-phòda.<sup>1</sup>

2 Agus bha cùigear dhiubh glic, agus cùigear amaideach.

3 Thug iadsan a bha amaideach an lòch-rain leo, ach cha d'thug iad ola leo.

4 Ach iadsan a bha glic, thug iad ola leo 'nan soithichibh maille r'an lòchranuibh.

5 Agus air deanamh moille do'n fhear-nuadh-phòda, thuit clò codail orra uile, agus suain.<sup>2</sup>

6 Ach anns a' mheadhon-oidhche rinn-eadh glaoth, Fcuch, a ta 'm fear nuadh-phòda a' teachd, rachaibh a mach g'a choin-neachadh.

7 An sin dh'èirich na h-òighean ud uile, agus dheasuich iad an lòchrain.

8 Agus thubhairt na h-òighean amaid-each rìusan a bha glic, Tabhruibh dhuinne caid do bhur n-ola; oir a ta ar lòchrain a' dol as.

9 Ach fhreagair iadsan a bha glic, ag radh, Air eagal nach bi na 's leoir ann dhuinn

fein agus dhuibhse, gu ma fearr leibh dol a chum an luchd-reicidh, agus ceannuichibh dhuibh fein.

10 Agus am feadh a bha iad a' dol a cheannach, thainig am fear nuadh-posda, agus chaidh iadsan a bha ullainh a steach leis chum a' phòsaidh, agus dhruidcadh an dorus.

11 'Na dhéigh sin thainig mar an ceudna na h-òighean eile, ag radh, A Thighearna, a Thighearna, fosgail dhuinne.

12 Ach fhreagair esan agus thubhairt e, Gu deimhin a deirim ribh, nach aithne dhomh sibh.

13 Deanaibh faire air an aobhar sin, do bhrìgh nach aithne dhuibh an la no an uair, air an dthig Mac an duine.

14 Oir is cosmhuil e<sup>3</sup> ri duine a' dol air choigrich, a ghoir a sheirbhisich, agus a thug dhoibh a mhaoin:

15 Agus do h-aon diubh thug e cùig talanna, agus do neach eile a dhà, agus do neach eile a h-aon; do gach aon fa leth a réir a chomais; agus air ball ghabh e a thurus.

16 Agus dh'imich esan a fhuair na cùig talanna, agus rinn e ceannachd leo, agus bhuannuich e cùig talanna eile.

17 Agus mar an ceudna esan a fhuair a dhà, bhuannuich e dithis eile.

18 Ach an ti a fhuair a h-aon, dh'imich e agus chladhaich e 'san talamh, agus dh'fhol-laich e airgid a mhaighstir.

19 An déigh aimsir fhada thainig Tigh-earna nan seirbhiseach sin, agus rinn e cunntas riu.

20 Agus thainig esan a fhuair na cùig talanna, agus thug e leis cùig talanna eile, ag radh, A Thighearna, thug thu dhomhsa cùig talanna: feuch, bhuannuich mi cùig talanna eile thuilleadh orra.

21 Agus thubhairt a Thighearna ris, Is maith, a dheadh sheirbhisich fhirinnich; bha thusa firinneach ann am beagan, cuiridh mise os cionn mhórain thu: imich a steach do aoibhneas do Thighearna.

22 Agus air teachd dhasan a fhuair an dà thalann, thubhairt e, A Thighearna, thug thu dhomhsa dà thalann: feuch, bhuannuich mi dà thalann eile thuilleadh orra.

23 Thubhairt a Thighearna ris, Is maith, a dheadh sheirbhisich fhirinnich; bha thusa firinneach ann am beagan, do nithibh, cuiridh mise os cionn mòrain do nithibh thu: imich a steach do aoibhneas do Thighearna.

24 Ach an uair a thainig esan a fhuair an t-aon talann, thubhairt e, A Thighearna, bha fhios agam gur duine cruaidh thu, a bhuaineas 'san aite nach do chuir thu, agus a thionalas 'san ionad anns nach do sgaoil thu:

25 Agus air dhomh bhi fuidh eagal,

<sup>1</sup> fhir-na-bainnse.  
agus choidil iad.

<sup>2</sup> rinn iad dìosal uile,

<sup>3</sup> is cosmhuil rioghlachd nèimhe.

chaidh mi agus dh'fholaich mi do thalann san talamh: feuch, sin agad do chuid fein.

26 Fhreagair a Thighearn agus thubhairt e ris, A sheirbhisich uile agus leisg, bha fhios agad gu buainimse-'san àit anns nach do chuir mi, agus gu tionalam as an ionad anns nach do sgaol mi;

27 Bu chòir dhuit uime sin m'airgiod a thubhairt do'n luchd malairt, agus air dhomh teachd gheibhinn mo chuid fein maille r'a riadh.

28 Buinibh uaith uime sin an talann, agus thugaibh dhasan e, aig am bheil na deich talanna.

29 (Oir do gach neach aig am bheil bheirair, agus bithidh aige gu pàilt: ach uaithsan aig nach 'eil, bheirair eadhon an nì sin a ta aige)

30 Agus tilgibh na seirbhiseach mi-tharbhach so do dhorchadas iomallach: an sin bithidh gul agus giosgan fhiacal.

31 An uair a thig Mac an duine 'na ghloir, agus na h-aingil naomha uile maille ris, an sin suidhidh e air caithir rioghail a ghloire.

32 Agus cruinnichear 'na làthair na h-uile chinnich; agus sgaraidh e iad o chèile, amhuil a sgaras<sup>1</sup> buachaille na caoraich o na gabhraibh:

33 Agus cuiridh e na caoraich air a laimh dheis, ach na gabhair air a laimh chli.

34 An sin their an Rìgh rìusan air a dheis, Thigibh, a dhaoine beannuichte m' Atharsa, sealbhuichibh mar oighreachd an rioghachd a ta air a deasachadh dhuibh o leagadh bunaitean an domhain:

35 Oir bha mi ocrach, agus thug sibh dhomh biadh: bha mi tartmhor,<sup>2</sup> agus thug sibh dhomh deoch: bha mi a'm' choigreach, agus thug sibh aoidheachd dhomh:

36 Lomnochd, agus dh'eudaich sibh mi: bha mi euslan, agus thainig sibh g'am amharc: bha mi am prìosun, agus thainig sibh a m' ionnsuidh.

37 An sin freagraidh na fireana e, ag radh, A Thighearna, c'uin a chunnaic sinn ocrach thu, agus a bheathaich sinn thu? no tartmhor, agus a thug sinn deoch dhuit?

38 No c'uin a chunnaic sinn a'd' choigreach thu, agus a thug sinn aoidheachd dhuit? no lomnochd, agus a dh'eudaich sinn thu?

39 No c'uin a chunnaic sinn euslan thu, no am prìosun, agus a thainig sinn a t' ionnsuidh?

40 Agus freagraidh an Rìgh, agus their e riu, Gu deimhin a deirim ribh, a mheud 's gu'n do rinn sibh e do h-aon do na bràithiribh a's lugha agamsa, rinn sibh dhomhsa e.

41 An sin their e mar an ceudna rìusan air an laimh chli, Imichibh uam, a shluagh malluichte, dh'ionnsuidh an teine shior-

ruidh, a dh'ulluicheadh do'n diabhol agus d'a ainglibh:

42 Oir bha mi ocrach, agus cha d'thug sibh dhomh biadh: bha mi tartmhor, agus cha d'thug sibh dhomh deoch: -

43 Bha mi a'm' choigreach, agus cha d'thug sibh aoidheachd dhomh: lomnochd, agus cha d'eudaich sibh mi: euslan, agus am prìosun, agus cha d'thainig sibh g'am amharc.

44 An sin freagraidh iadsan mar an ceudna e, ag radh, A Thighearna, c'uin a chunnaic sinn thu ocrach, no tartmhor, no d' choigreach, no lomnochd, no euslan, no am prìosun, agus nach do fhrithheil sinn dhuit?

45 An sin freagraidh esan iad, ag radh, Gu deimhin a deirim ribh, a mheud 's nach d'rinn sibh e do'n neach a's lugha dhiubh so, cha d'rinn sibh dhomhsa e.

46 Agus imichidh iadsan chum peanaid shiorruidh; ach na fireana chum na beatha maireannaich.

## CAIB. XXVI.

*Far am bheil air an cur sìos, 1 comhairle agus ceannairc nan uachdaran an aghaidh Chrìosd.*

6 *A ta bean ag ungadh a chinn: 14 Iudas 'ga reiceadh. 17 A ta Crìosd ag itheadh na càise: 26 ag orduchadh a shuipèir naomha, &c.*

**A**GUS tharladh, 'nuair a chrìochnaich A Iosa na briathra so uile, gu'n dubhairt e r'a dheisciobluibh,

2 A ta fhios agaibh gu'm bheil a' chàisg an dèigh dà latha, agus a ta Mac an duine air a bhrath chum a cheusadh,<sup>1</sup>

3 An sin chruinnich uachdaran nan sagairt, agus na scrìobhuichean, agus sean-àirean a' phobuill, gu talla an ard shagairt, d'an goirear Caiaphas,

4 Agus ghabh iad comhairle le chèile chum Iosa a ghlacadh le feall, agus a chur gu bàs.

5 Ach thubhairt iad, Na deanamaid e san fhéist, air eagal gu'm bi buaireas am measg a' phobuill.

6 Agus air do Iosa a bhi ann am Betani, ann an tigh Shimoìn an lobhair,

7 Thainig bean d'a ionnsuidh aig an robh bocsa alabastair làn a dh'ola ro luachmhoir, agus dhòirt i air a cheann e, agus e 'na shuidhe aig biadh.

8 Ach an uair a chunnaic a dheisciobuil sin, bha fearg orra, ag radh, Ciod is ciall do'n ana-caitheadh so?

9 Oir dh'fheadadh an ola so bhi air a reiceadh air mhòran, agus a bhi air a tabhairt do na bochdaibh.

10 Ach air aithneachadh so do Iosa, thubhairt e riu, C'ar son a ta sibh a' cur dragha air a' mhnaoi? oir rinn i deadh obair dhomhsa.

<sup>1</sup> thearbaidheas.

<sup>2</sup> tartmhor, pàiteach.

<sup>3</sup> bheirair thairis Mac an duine, gu bhi air a cheusadh.



11 Oir a ta na bochdan agaibh a ghnàth maille ribh, ach cha 'n'eil mise agaibh a ghnàth.

12 Oir air dòrtadh na h-olasa dh'i air mo chorp-sa, is ann fa chomhair m'adhlaic a rinn i e.

13 Gu deimhin a deirim ribh, Ge b'e àit am bi an soisgeuls' air a shearmonachadh air feadh an t-saoghail gu h-ìomlan, aithrisear an nì a rinn a' bhean so, mar chumhne oirre.

14 An sin dh'imich aon do'n dà fhear dheug, d'am b'ainm Iudas Iscariot, chum nan ard shagart.

15 Agus thubhairt e, Ciod a bheir sibh dhomhsa, agus brathaidh mi dhuibh e? Agus choird iad ris air dheich buinn fhichead airgid.

16 Agus o'n àm sin a mach dh'iarr e fàth' air esan a bhrath.

17 Agus air a' cheud là dh'fhéist an arain neo-ghoirtichte, thainig na deisciobuil chum Iosa, ag radh ris, C'ait an àill leat sinne a dh'ulluchadh dhuit, chum as gu'n ith thu a' chaisg?

18 Agus thubhairt esan, Rachaidh do'n bhaile gu leithid so do dhuine, agus a-braibh ris, Tha am maighstir ag radh, A ta m'am am fagus, cumaidh mi a' chàisg aig do thighsa maille ri m' dheisciobluibh.

19 Agus rinn na deisciobuil mar a dh'orduich Iosa dhoibh, agus dheasuich iad a' chàisg.

20 Agus an uair a thainig am feasgar, shuidh e maille ris an dà fhear dheug.

21 Agus ag itheadh dhoibh, thubhairt e, Gu deimhin a deirim ribh, gu' m brath fear dhibh mise.

22 Agus air dhoibh bhì ro bhrònach, thòisich gach aon aca fa leth air a radh ris, Am mise e, a Thighearna?

23 Agus fhreagair esan agus thubhairt e, An ti a thumas a lamh sa' mhèis maille riumsa, brathaidh esan mi.

24 Gu deimhin a ta Mac an duine ag imeachd, a réir mar a ta e scribedha m'a thimchioll: ach is anaoibhinn do'n duine sin, le 'm brathar Mac an duine: bu mhaith do'n duine sin, mur beirte riamh e.

25 An sin fhreagair Iudas a bhrath e, agus thubhairt e, A mhaighstir, am mise e? Thubhairt esan ris, Thubhairt thu.

26 Agus ag itheadh dhoibh, ghlac Iosa aran, agus air tabhairt buidheachais, bhris se e,<sup>2</sup> agus thug e do na deisciobluibh e, agus thubhairt e, Gabhaidh, ithibh; 's e so mo chorp-sa.

27 Agus air glacadh a' chupain, agus air tabhairt buidheachais, thug e dhoibh e, ag radh, Oluibh uile dheth:

28 Oir is i so m'fhuilse na tiomna<sup>3</sup>

nauidh, a dhòirtear airson mhòrain chum maithheanais pheacanna.

29 Ach a deirim ribh, Nach òl mi a so suas do thoradh so na fionain,<sup>4</sup> gus an la sin an òl mi e nuadh maille ribh ann<sup>5</sup> an rioghachd m'Àthar.

30 Agus air dhoibh laoidh a sheinn, chaidh iad a mach gu sliabh nan crann-ola.

31 An sin thubhairt Iosa riu, Gheibh sibh uile oilbheum annams' an nochd; oir a ta e scribedha, Buailidh mi am buachaille, agus sgapar caoraich an treuda.

32 Ach an déigh dhomhsa éirigh a ris, theid mi roimhibh do Ghalile.

33 Agus fhreagair Peadar agus thubhairt e ris, Ged gheibh gach uile dhaoine oilbheum annad, cha'n fhaigh mise oilbheum gu bràth,

34 Thubhairt Iosa ris, Gu deimhin a deirim riut, air an oidhche so fein mu'n goir an coileach, gu' n àicheadh thu mi tri uairean.

35 Thubhairt Peadar ris, Ged a b'éigin dhomh bàsachadh maille riut, cha'n àicheadh mi thu. Agus thubhairt na deisciobuil uile mar an ceudna.

36 An sin thainig Iosa maille riu gu ionad d'an goirear Getsemane, agus thubhairt e ris na deisciobluibh, Suidhibh<sup>6</sup> an so, gus an dtheid mise a dheanamh ùrnuigh an sud.

37 Agus thug e Peadar leis, agus dithis mhac Shebede, agus thòisich e air a bhi brònach, agus ro dhoilgheasach.

38 An sin thubhairt e riu, A ta m'anam ro bhrònach, eadhon gu bàs: fanuibh<sup>7</sup> an so, agus deanaibh faire maille riumsa.

39 Agus dh'imich e beagan air adhart,<sup>5</sup> agus thuit e air 'aghaidh, a' deanamh ùrnuigh, agus ag radh, O m' Athair, ma dh'fheudas e bhi, rachadh an cupansa seachad orm: gidheadh, na biodh e mar is aill leamsa, ach mar is toil leatsa.

40 Agus thainig e chum nan deisciobul, agus fhuair e 'nan codal iad, agus thubhairt e ri Peadar, An ann mar sin, nach b' urradh sibh faire a dheanamh aon uair a mhàin maille riumsa?

41 Deanaibh faire agus ùrnuigh, chum as nach tuit sibh am buaireadh: a ta gun amharas an spiorad togarach; ach a ta 'n fheoil anmhunn.<sup>6</sup>

42 A ris an dara uair, dh'imich e agus rinn e ùrnuigh, ag radh, O m' Athair, mur feudar gu'n dtheid an cupan so seachad orm, gun mi 'ga òl, do thoilsa gu robh deanta.

43 Agus thainig e agus fhuair e iad a ris 'nan codal: oir bha an sùilean trom.

44 Agus dh'fhàg e iad, agus dh'imich e a ris, agus rinn e ùrnuigh an treas uair, ag radh nam briathra ceudna.

<sup>1</sup> cothrom. <sup>2</sup> agus bheannuich, agus bhris se e. <sup>3</sup> a' choimh-cheangail. <sup>4</sup> fioncain, Eir. 30

<sup>5</sup> air aghaidh.

<sup>6</sup> lag.

45 An sin thainig e chum a dheisciobuil, agus thubhairt e riu, Coidlibh roimhioh a nis, agus gabhaibh fois; feuch, a ta 'n uair air druideadh, agus a ta Mac an duine air a bhrath thairis do lamhaibh phcacach.

46 Eiribh, imicheamaid: feuch, a ta 'n ti a bhrathas mise 'm fagus.

47 Agus air dha bhi fathast a' labhairt, feuch, thainig Iudas, aon do'n dà fhear dheug, agus maille ris cuideachd mhòr, le cloidhibh agus bataibh o na h-ard shagart-aibh agus o sheanairibh a' phobuill.

48 A nis bha an ti a bhrath esan air tabhairt còmharaidh dhoibh, ag radh, Ge b'e neach a phògas mise, 's e sin e; deanaibh greim air.

49 Agus air ball thainig e chum Iosa, agus thubhairt e, Fàilte dhuìt, a mhaighstùr; agus phòg se e.

50 Ach thubhairt Iosa ris, A charaid, c'ar son a thainig thu? An sin thainig iad, agus chuir iad lamh ann an Iosa, agus ghlac iad e.

51 Agus feuch, shìn a h-aon diubhsan a bha maille ri Iosa a lamh, agus tharuing e a chlaidheamh, agus air dha seirbhiseach an ard shagairt a bhualadh, ghearr e a chluas dheth.

52 An sin thubhairt Iosa ris, Cuir a ris do chlaidheamh air ais 'na ionad fein: oir iadsan uile a ghlacas an claidheamh tuitidh iad leis a' chlaidheamh.

53 An saoil thusa nach feud mise a nis m'A thair a ghuidheadh, agus bheir e dhomh tuilleadh is dà legion deug a dh'ainglibh?

54 Ach cionnus an sin bhiodh na scribeutirean air an coimh-lionadh, *a tha 'g radh gur ann mar so is éigin tachair?*

55 Anns an uair sin fein thubhairt Iosa ris an t-sluagh, An d'thainig sibh a mach mar gu b'ann an aghaidh gaduiche le cloidhibh agus bataibh chum mise a ghlacadh? Bha mi gach la a'm' shuidhe maille ribh 'san teampull a' teagasg, agus cha do chuir sibh lamh annam.

56 Ach thachair so uile, chum gu'm biodh scribeutire nam fàidh air an coimh-lionadh. An sin thréig na deisciobuil uil' e, agus theich iad.

57 Agus air dhoibhsan Iosa a ghlacadh, thug iad leo e gu Caiaphas an t-ard shagart, far an robh na srìobhuichean agus na sean-airean air cruinneachadh.

58 Ach lean Peadar e fad uatha, eadhon gu talla an ard shagairt, agus chaidh e steach, agus shuidh e maille ris na seirbhiseach a dh'fhaicinn na criche.

59 Agus dh'iarr na h-ard shagartan agus na seanairean, agus a' chomhairle uile, fianuis bhréige an aghaidh Iosa, chum a chur gu bàs.

60 Ach cha d' fhuair iad: seadh, ged a thainig mòran a dh'fhanuisibh bréige, cha d'fhuair iad. Fa dheoidh thainig dà fhianuis bhréige,

61 Agus thubhairt iad, Thubhairt am fear so, Is urradh mise teampull Dé a leagadh, agus a thogail a ris an trì laithibh.

62 Agus air do'n ard shagairt éirigh, thubhairt e ris, Nach freagair thu bheag? Ciod e a ta iad sin a fianuiseadh a d' aghaidh?

63 Ach dh'fhan Iosa 'na thosd. Agus fhreagair an t-ard shagart agus thubhairt e ris, A ta mi ga d' mhiannachadh air an Dia bheo, gu 'n innseadh tu dhuinn, an tu Crìosd Mac Dhé.

64 Thubhairt Iosa ris, Thubhairt thu: gidheadh a deirim ribh 'Na dhéigh so chi sibh Mac an duine 'na shuidhe air deas laimh cumhachd Dhé, agus a' teachd air neulaibh nèimhe.

65 An sin reub an t-ard shagart eudach, ag radh, Gu 'n do labhair e toibheum; ciod am feum tuilleadh a ta agann air fianuisibh? feuch, a nis chuala sibh a thoibheum.

66 Ciod i bhur barails? Fhreagair iadsan agus thubhairt iad, A ta e toillteanach air a' bhàs.

67 An sin thilg iad smugaid 'na eudan, agus bhuail iad le 'm basaibh e; agus ghabh cuid eile air le slataibh,

68 Ag radh, Dean fàidheadoireachd 'dhuinn, a Chrìosd, cò e a bhuail thu?

69 Agus shuidh Peadar a mach anns an talla: agus thainig cailin àraidh d'a ionnsuidh, ag radh, Bha thusa mar an ceudna maille ri h-Iosa o Ghalile.

70 Ach dh'àicheadh esan 'nan làthair uile, ag radh, Cha 'n'eil fhios agam ciod a ta thu 'g radh.

71 Agus air dol a mach dha do'n fhor-dhorus, chunnaic cailin eile e, agus thubhairt i rìusan a bha 'n sin, Bha 'm fear so mar an ceudna maille ri h-Iosa o Nasaret.

72 Agus dh'àicheadh e a ris le mionnaibh, *ag radh*, Cha'n aithne dhomh an duine.

73 Agus tamull beag 'na dhéigh sin thainig an dream a bha 'nan seasamh a làthair, agus thubhairt iad ri Peadar, Gu frinneach is ann diubh sud fein thusa: oir a ta do chainnt ga d' bhrath.

74 An sin thòisich e ri mallachadh agus mionnachadh, *ag radh*, Cha'n aithne dhomh an duine. Agus air ball ghoir an coileach.

75 Agus chuimhnich Peadar briathran Iosa, a thubhairt ris, Mu'n goir an coileach, àicheadhaidh tu mi trì uairean. Agus air dol a mach dha, ghuil e gu geur.<sup>2</sup>

## CAIB. XXVII.

1 A ta Crìosd air a thoirt thairis ceangailte do Philat. 3 Chroch Iudas e fein. 19 A ta Pilat a' faotainn rabhaidh o mhuoi, 24 ag ionnlad a lamh, 26 a' leigeadh Bharaibais fa sguail: 29 Ta Crìosd air a chrùnadh le droighionn, 34 air a cheusadh, &c.

<sup>1</sup> fàisneachd.<sup>2</sup> goirt.



**A**IR teachd do'n mhaduinn, ghabh uachdaran nan sagart uile, agus seanairean a' phobuill, comhairle le chèile an aghaidh Iosa, chum a chur gu bàs.

2 Agus air dhoibh esan a cheangal, thug iad leo e, agus thug iad thairis e do Phontius Pilat an t-uachdaran.

3 An sin an uair a chunnaic Iudas a bhrath e, gu'n do dhìtheadh e, ghabh e aithreachas, agus thug e air an ais na deich buinn fhichead airgid do na h-ard shagartaibh, agus do na seanairibh,

4 Ag radh, Pheacuich nì, ann am brath na fola neo-chiontaich. Ach thubhairt iadsan, Ciod e sin duinne? amhaire thusa air sin.

5 Agus air tilgeadh uaith nam bonn airgid anns an teampull, dh'imich e roimhe, agus chaidh e agus chroch' se e fein.

6 Agus ghlac na h-ard shagairt na buinn airgid, agus thubhairt iad, Cha chòir an cur san ionmhas, oir is luach fola iad.

7 Agus air gabhail comhairle dhoibh, cheannuich iad leo fearann a' chriadhadair,<sup>2</sup> chum a bhì 'na àit-adhlaic do choigreachaibh.

8 Air an aobhar sin goirear do'n fhearann sin, Fearann na fola, gus an la'n diugh.

9 (An sin choimh-lionadh an nì a thubhradh le Icremias am fàidh, ag radh, Agus ghabh iad na deich buinn fhichead airgid, luach an tì a mheasadh, neach a mheas iadsan a bha do chloinn Isracil:

10 Agus thug siad iad air son fearainn a' chriadhadair, mar a dh'orduich an Tigh-earna dhomhsa)

11 Agus sheas Iosa an làthair an uachdaran: agus dh'fhiosruich an t-uachdaran dheth, ag radh, An tusa Rìgh nan Iudhach? Agus thubhairt Iosa ris, Thubhairt thu.

12 Agus an uair a chuir na h-ard shagairt agus na seanairean cionta as a leth, cha do fhreagair e ni sam bith.

13 An sin thubhairt Pilat ris, Nach cluinn thu cia lion nithe air am bheil iad a' toirt fianuis a'd' aghaidh?

14 Agus cha d'thug e freagradh dha air aon fhocal, ionnus gu'n do ghabh an t-uachdaran iongantas ro mhòr.

15 A nis ri àm na fèisde chleachd ant-uachdaran aon phriosunach a b' àill leo chur fa sgaoil do'n phobull.

16 Agus bha aca san àm sin prìosunach ro chomharaichte, d'am b'ainm Barabas.

17 Air an aobhar sin an uair a bha iad cruinn an ceann a chèile, thubhairt Pilat riu, Cò is àill leibh mise a chur fa sgaoil duibh? Barabas, no Iosa, d'an goirear Crìosd?

18 Oir bha fhios aige gu'm b'ann o fharmaid, a thug iad thairis e.

19 Agus an uair a bha e 'na shuidhe air caithir a' bhreitheanaise, chuir a bhean teachdaireachd d'a ionnsuidh, ag radh, Na

biodh agadsa gnothuch sam bith ris an fhìrean<sup>3</sup> sin: oir is mòr a dh'fhulaing mise an diugh ann am brudair, agus a shonsan.

20 Ach chuir na h-ard shagairt agus na seanairean impidh air a' phobull gu'n iarr-adh iad Barabas, agus gu milleadh iad Iosa.

21 Agus fhreagair an t-uachdaran agus thubhairt e riu, Cò do'n dithis is àill leibh mise a chur fa sgaoil duibh? Thubhairt iadsan, Barabas.

22 Thubhairt Pilat riu, Ciod ma seadh a nì mi ri h-Iosa, d'an goirear Crìosd? Thubhairt iad ris uile, Ceusar e.

23 Agus thubhairt an t-uachdaran, C'ar son? ciod an t-olc a rinn e? ach is mòr gu mòr a ghlaodh iadsan, ag radh, Ceusar e.

24 Agus an uair a chunnaic Pilat nach do bhuadhuic e bheag sam bith, ach gu'n d'èirich an tuilleadh buaireis, air dha uisge a ghabhail, dh'ionnlaid e a lamhan am fianuis an t-sluaigh, ag radh, A tamise neo-chiontach a dh'fhuil an fhìrean so: faicibhse sin.

25 Agus fhreagair am pobull uile, agus thubhairt iad, Biodh fhuil oirne, agus air ar cloinn.

26 An sin leig e fa sgaoil Barabas dhoibh; ach air dha Iosa a sgiursadh, thug e thairis e chum a cheusadh.

27 An sin thug saighdearan an uachdaran leo Iosa do thalla a' bhreitheanaise, agus chruinnich iad a' bhuidheanan uile m'a thimchioll.

28 Agus air dhoibh a rùsgadh,<sup>4</sup> chuir iad uime falluing scarlaid.

29 Agus air dhoibh crùn dhroighinn fhigheadh, chuir iad m'a cheann e, agus slat chuilce 'na laimh dheis: agus 'a lùbadh an glùn 'na làthair, rinn iad fanoid air, ag radh, Gu'm beannuichear thu, a Rìgh nan Iudhach.

30 Agus thilg iad smugaid air, agus ghlac iad an t-slat chuilce, agus bhuail iad sa' cheann e.

31 Agus an déigh dhoibh fanoid a dheanamh air, thug iad an fhalluing dheth, agus chuir iad, 'eudach fein uime, agus thug iad leo e chum a cheusadh.

32 Agus an uair a chaidh iad a mach, fhuair iad duine o Chirene, d'am b'ainm Simon: esan dh'èignich iad chum a chrann-ceusaidh-san a ghiulan.

33 Agus an uair a thainig iad gu ionad d'an ainm Golgota, sin r'a radh, àite cloiginn,

34 Thug iad dha r'a òl fion geur, measgta le domblas: agus air dha a bhlasadh, cha'n òladh se e.

35 Agus an uair a chus iad e, roinn iad a thruscan eatorra, a' tilgeadh crannchuir: chum gu'n coimh-liontadh an nì a thubhradh leis an fhàidh, Roinn iad m' eudach

<sup>1</sup> thachd.<sup>2</sup> fhir deanamh shoithichecreadha. <sup>3</sup> ionracan. <sup>4</sup> eudach a thoir dheth.

eatorra, agus chuir iad crannchur air mo bhrat.

36 Agus air suidhe dhoibh, rinn iad faire air an sin:

37 Agus chuir iad a chùis-dhìdih sriobhta os a chionn, IS E SO IOSA RIGH NAN IUDHACH.

38 An sin cheusadh maille ris dà ghad-uiche;<sup>1</sup> fear air a laimh dheis, agus fear eile air a laimh chli.

39 Agus thug iadsan a bha dol seachad toibheum dha, a' crathadh an ceann,

40 Agus ag radh, Thusa a leagas an teampull, agus a chuireas suas an trì laithibh e, fòir ort fein: ma 's tu Mac Dhé, thig a nuas o 'n chrann-cheusaidh.

41 Mar an ceudna thubhairt na h-ard shagairt, maille ris na sriobhuichibh, agus na seanairibh, a' fanoid air,

42 Shaor e daoine eile, e fein a shaoradh ni 'n comasach e: ma 's e Rìgh Israeil, thigeadh e nis a nuas o 'n chrann-cheusaidh, agus creididh sinn e.

43 Chuir e dhòigh an Dia; saoradh e a nis e, ma ta toil aige dha: oir thubhairt e, Is mise Mac Dhé.

44 Agus thug na gaduichean a cheusadh maille ris, am beum ceudna dha.

45 A nis o'n t-seathadh uair bha dor-chadas air an tìr uile gus an naothadh uair.

46 Agus mu thimchioll na naothadh uaire dh'èigh Iosa le guth ard, ag radh, Eli, eli, lama sabachtani; 's e sin r'a radh, Mo Dhia, mo Dhia, c'ar son a thrèig thu mi?

47 Agus air cluinntinn sin do chuid diubhsan a bha 'nan seasamh an sin, thubhairt iad, A ta 'm fear so gladhaich air Elias.

48 Agus air ball ruith a h-aon diubh, agus ghabh e spong, agus lion e do fhion geur i, agus air dha a cur air slait chuilce, thug e dha r'a òl.

49 Ach thubhairt càch, Leig dha, faiceamaid an dthig Elias g'a thearnadh.

50 Agus an uair a dh'èigh Iosa a ris le glaoth mòr, thug e suas à spiorad.

51 Agus feuch, reubadh, brat-roinn an teampull 'na dhà chuid, o mhullach gu ìochdar; agus chrìochnuich an talamh, agus sgoilteadh na creagan,

52 Agus dh'fhosgadh na h-uaignean, agus dh'èirich mòran do chorpaidh nan naomh, a bha 'nan codal,

53 Agus chaidh iad a mach as na h-uaignibh an dèigh aiseirigh-san, agus chaidh iad a steach do'n bhaile naomha, agus nochdadh iad do mhòran.

54 A nis an uair a chunnaic an ceannard-ceud, agus iadsan a bha maille ris a' coimhead<sup>2</sup> Iosa, a' chrith-thalmhainn, agus na nithe eile a rinneadh, ghabh iad eagal mòr, ag radh, Gu firinneach b'e so Mac Dhe.

55 Agus bha an sin mòran bhan (ag amh-

arc am fad) a lean Iosa o Ghalile, a' frith-ealadh dha:

56 Am measg an robh Muire Magdalen, agus Muire màthair Sheumais agus Ioses, agus mathair cloinne Shebede.

57 Agus air teachd do'n fheasgar, thainig duine saibhir o Arimatea, d'am b'ainm Ioseph, a bha e fein 'na dheisciobul aig Iosa mar an ceudna:

58 Chaidh esan gu Pilat, agus dh'iarr e corp Iosa: an sin dh'àithn Pilat an corp a thabhairt da.

59 Agus ghlac Ioseph an corp, agus phaisg e ann an lìon-eudach fìorghlan e,

60 Agus chuir se e 'na uaigh nuadh fein, a chladhaich e ann an carruig: Agus charuich e clach mhor gu dorus na h-uaigne, agus dh'imich e roimhe.

61 Agus bha Muire Magdalen, agus a' Mhuire eile 'nan suidhe fa chomhair na h-uaigne.

62 A nis air an la màireach, an la'n dèigh an ullchaidh, chruinnicheadh na h-ard shagairt agus na Phairisich gu Pilat,

63 Ag radh, A thighearn, is cuimhne leinn an uair a bha am mealltair ud fathast beo, gu'n dubhairt e, Eiridh mi'n dèigh trì laithean.

64 Orduich uime sin an uaigh a bhi air a coimhead gu cinnteach gus an treas la, air eagal gu'n d'thig a dheisciobuil san oidhche, agus gu 'n goid iad leo e, agus gu 'n abair iad ris an t-sluagh, Dh'èirich e o na marbhaibh: agus mar sin bithidh am mearachd deireannach ni 's miosa na'n ceud mhearachd.

65 Thubhairt Pilat riu, Tha faire agaibh; imichibh, deanaibh an uaigh co tearuinte 's is aithne dhuibh.

66 Agus dh'imich iad agus rinn iad an uaigh cinnteach, a' cur seula air a' chloich, maille ri faire.

### CAIB. XXVIII.

1 *Ta aiseirikh Chrìosd air a cur an céill do na mnaibh: 9 nochd Crìosd e fein doibh; 11 thug na h-ard shagairt airgid do na saighdearaibh chum gu'n abradh iad gu'n do ghoidadh as 'uaigh e, &c.*

**A**N dèigh na sàbaid, aig briseadh na faire air a cheud là do'n t-seachduin, thainig Muire Magdalen, agus a' Mhuire eile, a dh'fhaicinn na h-uaigne.

2 Agus feuch, bha crith-thalmhainn mhòr ann; oir thainig aingeal an Tigh-earna nuas o nèamh, agus air teachd dha charuich e a' chlach o'n dorus, agus shuidh e oirre.

3 Agus bha a ghnùis mar dhealanach, agus eudach geal mar shneachda.

4 Agus air eagal roimhe chrìochnuich an luchd coimhid,<sup>3</sup> agus chaidh iad an riochd mairbh.

<sup>1</sup> dà fhear-reubainn, dà chreachadaire.  
<sup>2</sup> gleidheadh.



5 Ach fhreagair an t-aingeal agus thubhairt e ris na mnaibh, Na biodh eagail oirbhse: oir a ta fhios agam gu bheil sibh ag iarraidh Iosa, a chaidh cheusadh.

6 Cha 'n eil e 'n so; oir dh'èirich e, mar a thubhairt e: thigibh, faicibh an t-ait an robh an Tighearna 'na luidhe.

7 Agus imichibh gu luath, agus innsibh d'a dheisciobluibh gu'n d'èirich e o na marbhaidh: agus feuch, tha e dol roimhibh do Ghalile, an sin chì sibh e, feuch, thubhairt mise ribh e.

8 Agus dh'imich iad gu luath o'n uaigh, le h-eagal agus mòr ghairdeachas, agus ruith iad a dh'innseadh d'a dheisciobluibh.

9 Agus ag imeachd dhoibh-san a dh'innseadh d'a dheisciobluibh, feuch, thachair Iosa fein orra, ag radh, Fàilte dhuibh. Agus thainig iad ann fagus da, agus rug iad air a chosaidh, agus thug iad urram dha.<sup>1</sup>

10 An sin thubhairt Iosa riu, Na biodh eagail oirbh: imichibh, abraidh ri m' bràithribh iadsan a dhol do Ghalile, agus an sin chì iad mi.

11 Agus an uair a bha iadsan ag imeachd, feuch, thainig cuid do'n luchd faire do'n bhaile, agus nochd iad do na h-ard shagartaibh gach ni a thachair.

12 Agus air cruinneachadh dhoibhsan an ceann a chèile maille ris na seanairibh,

agus air gabhail comhairle dhoibh, thug iad mòran airgid do na saighdearaibh,

13 Ag radh, Abraibhse gu'n d'thainig a dheisciobuil anns an oidhche, agus gu'n do ghoid iad e, an uair a bha sinne 'nar codal.

14 Agus ma chluinneas an t-uachdaran so, cuiridh sinne impidh air, agus ni sinn sibhse tearuinte.

15 Agus ghabh iad an t-airgid, agus rinn iad mar a theagaisgeadh dhoibh: agus a ta a' chainnt so air a h-aithris am measg nan Iudhach gus an lā'n diugh.

16 An sin chaidh an t-aon deisciobul deug do Ghalile, do'n bheinn far an d'orduich Iosa dhoibh.

17 Agus an uair a chunnaic iad e, thug iad urram dha: 'ach bha cuid aca fa amharus.

18 Thainig Iosa, agus labhair e riu, ag radh, Thugadh dhomhsa gach uile chumhachd air nèamh agus air talamh.

19 Uime sin imichibhse, agus deanaibh deisciobuil do<sup>2</sup> gach uile chinneach, 'gam baisteadh ann an ainm an Athar, agus a' Mhic, agus an Spioraid naoimh:

20 A teagasg dhoibh gach uile nithe a dh'àithn mise dhuibh a choimhead: Agus feuch, a ta mise maille ribh a ghnàth, gu deireadh an t-saoghail. Amen.

## AN SOISGEUL A REIR MHARCUIS.

### CAIB. I.

1 Dreuchd<sup>3</sup> Eoin Bhaide. 9 A ta Iosa air a bhaisteadh: 14 A ta e searmonachadh; 16 A' gairm Pheadair, Aindreas, Sheumais agus Eoin, &c.

**T**OISEACH Soisgeil Iosa Criosd Mhic Dhé:

2 A rèir mar a ta e sgrìobhta anns na fàidhibh, Feuch, cuiream mo theachdair e roimh do ghnùis, a dh'ulluicheas do shlighe romhad.

3 Guth an ti a' dh'èigheas anns an fhàsach, Ulluichibh slighe an Tighearna, deanaibh a cheumanna dìreach.

4 Bha Eoin a' baisteadh anns an fhàsach, agus a' searmonachadh baistidh an aithreachais, chum maithheanais pheacanna.

5 Agus chaidh a mach d'a ionnsuidh tìr Iudea uile, agus luchd-àiteachaidh<sup>4</sup> Ierusalem agus bhaisteadh leis iad uile ann an amhuinn Iordain, ag aideachadh am peacanna.

6 Agus bha Eoin air eudachadh<sup>5</sup> le

fionna chàmhail, agus crios leathair m'a leasruidh: agus bu bhiadh dha locuist agus mil fhiadhhuich.

7 Agus shearmonaich e, ag radh, A ta neach a' teachd a'm' dhéigh a's cumhachdaiche na mise, neach nach airidh mise air cromadh sìos agus barr-iall a bhròg fhuasgladh.

8 Bhaist mise gu dearbh sibh le h-uisge: ach baistidh esan sibh leis an Spiorad Naomha.

9 Agus tharladh anns na laithibh sin, gu'n d'thainig Iosa o Nasaret Ghalile, agus bhaisteadh e le h-Eoin ann Iordan.

10 Agus air ball an uair a chaidh e suas as an uisge, chunnaic e na nèamhan air am fosgladh, agus an Spiorad mar choluman a teachd a suas air.

11 Agus thainig guth o nèamh, ag radh, Is tusa mo Mhac gràdhach, am bheil mo mhòr thlachd.

12 Agus air ball tharruing an Spiorad e do'n fhàsach.

13 Agus bha e 'n sin san fhàsach dà fhichead latha air a bhuaireadh le Satan, agus bha e maille ris na fiadh bheathaichibh, agus fhrithheil na h-aingil dha.

14 Agus an déigh Eoin a chur am

<sup>1</sup> rinn iad aoradh dha. <sup>2</sup> ionpoichibh, teagaisgibh.

<sup>3</sup> Oifig. <sup>4</sup> luchd-àitich. <sup>5</sup> air a chomhdach.

priosun, thainig Iosa do Ghalile, a' searmonachadh soisgeil rioghachd Dhé.

15 Agus ag radh, Choimhlionadh an aimsir, agus a ta rioghachd Dhé am fagus; deanaibhse aithreachas, agus creidibh an soisgeul.

16 Agus air dha bhi 'g imeachd ri taobh fairge Ghalile, chunnaic e Simon, agus Andreas a bhràthair, a' tilgeadh lìn san fhainge: (oir b'iasgairean iad.)

17 Agus thubhairt Iosa riu, Thigibh a'm' dhèighse, agus ni mi 'nar iasgairibh air daoinibh sibh.

18 Agus air ball dh'fhàg iad an lìonta, agus lean iad esan.

19 Agus an uair a chaidh e beagan air aghaidh as sin, chunnaic e Seumas mac Shebede, agus Eoin a bhràthair, agus iad san luing a' càradh an lìonta.

20 Agus air ball ghoir e iad, agus dh'fhàg iad Sebede an athair san luing maille ris an luchd-tuarasdail, agus lean iad esan.

21 Agus chaidh iad a steach do Chaper-naum, agus air ball air dha dol a stigh do'n t-sionagog<sup>1</sup> air an t-sàbaid, theagaisg e.

22 Agus ghabh iad iongantas r'a theag-asg: oir bha e 'gan teagasg mar neach aig an robh ùghdarras, agus cha b'ann mar na scriòhhuichean.

23 Agus bha 'nan sionagog-san neach anns an robh spiorad neo-ghlan, agus ghlaodh e,

24 Ag radh, Leig leinn: ciod ar gnothuch-ne riut, Iosa o<sup>2</sup> Nasaret? an d'thainig thu g'ar sgriosne? Is aithne dhomh cò thu, aon naomha Dhé.

25 Agus chronuich Iosa e, ag radh, Bi d' thosd, agus thig a mach as.

26 Agus an uair a reub an spiorad neo-ghlan e, agus a ghlaodh e le guth ard, thainig e mach as.

27 Agus ghabh iad mòr iongantas uile, ionnus gu 'n robh iad a' cur na ceiste so air a chèile, ag radh, Ciod e so? Ciod e an teag-asg nuadh so? oir le h-ùghdarras a ta e toirt orduigh eadhon do na spioradaibh neo-ghlana, agus tha iad ùmhal dha.

28 Agus chaidh a chliu air ball a mach air feadh na tìre uile timchioll Ghalile.

29 Agus gun dàil, air dhoibh dol a mach as an t-sionagog, chaidh iad a steach do thigh Shimoin agus Aindrais, maille ri Seumas agus Eoin.

30 Ach bha màthair-chèile Shimoin 'na luidhe ann am fiabhrus; agus ghrad labhair iad ris uimpe.

31 Agus thainig esan agus thog e i, a breith air laimh oirre; agus air ball dh'fhàg am fiabhrus i, agus fhrithheil i dhoibh.

32 Agus an uair a bha 'm feasgar ann, air

do'n ghréin dol fuidhe, thug iad d'a ionnsuidh iadsan uile a bha euslan, agus iadsan anns an robh deamhain.

33 Agus bha 'm baile uile air a chruinneachadh chum an doruis.

34 Agus leighis e mòran air an robh iomadh gnè eucaile, agus thilg e mach mòran dheamhan, agus cha d'fhulaing e do na deamhnaibh labhairt, airson gu'm b'aithne dhoibh<sup>3</sup> e.

35 Agus air dha éirigh sa' mhaduinn, fada roimh là, chaidh e mach, agus dh'imich e gu àite fàsail,<sup>4</sup> agus rinn e ùr-nuigh an sin.

36 Agus lean Simon, agus an dream a bha maille ris e.

37 Agus air fhaotainn dhoibh thubhairt iad ris, A ta gach uile neach ga d'iarraidh.

38 Agus thubhairt esan riu, Rachamaid<sup>5</sup> a dh'ionnsuidh nam bailte eile laimh ruinn, chum as gu'n searmonaich mi an sin mar an ceudna: oir is ann a chum na criche so thainig mise mach.

39 Agus shearmonaich e 'nan sionagogaibh air feadh Ghalile uile, agus thilg e mach na deamhain.

40 Agus thainig lobhar d'a ionnsuidh, a' guidhe air, agus a' lùbadh a gh'lùn da, agus ag radh ris, Ma's àill leat, tha thu comasach air mise a dheanamh glan.

41 Agus ghabh Iosa, truas mòr dheth,<sup>6</sup> agus air sineadh a mach a laimhe, bhean e ris, agus thubhairt e ris, Is àill leam, bi-sa glan.

42 Agus co luath's a labhair e, air ball dh'fhalbh an loibhre<sup>7</sup> uath, agus rinneadh glan e.

43 Agus thug e geur ordugh dha, agus air ball chuir e air falbh e;

44 Agus thubhairt e ris, Feuch nach innis thu bheag do neach air bith: ach imich, nochd thu fein do'n t-sagart, agus tabhair mar iobairt air son do ghlanaidh na nithe a dh'aithn Maois, mar fhianuis dhoibh.

45 Agus air dhasan dol a mach, thòisich e air innseadh gu ro fhollaiseach, agus air a' chùis a sgaoileadh m'an cuairt, air chor as nach feudadh Iosa dol tuilleadh gu follaiseach a steach do'n bhaile; ach bha e mach ann an àitibh uaigneach: agus thainig iad d'a ionnsuidh as gach aird.

## CAIB. II.

1 Leighis Criosd neach air an robh am pairilis: 14 Tha e gairm Mhata o àite togail na cìse, 16 ag itheadh maille ri cìs-mhaoraibh agus ri peacachaibh, &c.

A GUS an dèigh laithean àraidh, chaidh e a ris a steach do Chaper-naum; agus chualas esan a bhi san tigh.

2 Agus air ball chruinnicheadh mòran an ceann a chèile, air chor as nach robh àit

<sup>1</sup> tigh-aoraidh. <sup>2</sup> bho, a. <sup>3</sup> dhaibh. <sup>4</sup> domhan, uaigneach. <sup>5</sup> imicheamaid,

theirigeamaid.

<sup>6</sup> ris,

<sup>7</sup> muire.



a chumadh iad, eadhon timchioll an doruis: agus labhair e am focal riu.

3 Agus thainig iad, a' tabhairt d'a ionnsuidh neach air an robh am pairilis, air a ghiùlan le ceathrar.

4 Agus a chionn nach b'urrainn iad teachd am fagus da leis an t-sluagh, rùisg iad mullach an tighe, anns an robh e: agus air dhoibh a tholladh, leig iad sìos an leabhadh air an robh an neach a bha tinn leis a' phairilis 'na luidhe.

5 Air do Iosa an creidimh-san fhaicinn, thubhairt e ris an neach air an robh am pairilis, A mhic, tha do pheacaidh air am maitheadh dhuit.

6 Ach bha droing àraidh<sup>1</sup> do na sriobhuichibh 'nan suidhe an sin, agus iad a' reusonachadh 'nan cridhibh fein:

7 C'arson a ta am fear so a' labhairt toibheim mar so? Cò dh'f heudas peacaidh a mhaithheadh ach Dia a mhàin?

8 Agus air ball air aithneachadh do Iosa na spiorad fein gu'n robh iadsan a' reusonachadh mar sin ionnta fein, thubhairt e riu, C'ar son a ta sibh a' reusonachadh nan nithe sin ann bhur cridhibh?

9 Co aca is usadh a radh ris an neach air am bheil am pairilis, Tha do pheacaidh air am maitheadh dhuit, no a radh, Eirich, agus tog do leabadh, agus imich?

10 Ach a chum as gu'm bi fios agaibh gu bheil ùghdarras aig Mac an duine peacaidh a mhaithheadh air talamh, (thubhairt e ris an fhear air an robh am pairilis).

11 A deirim riut, Eirich, agus tog do leabadh, agus imich do d' thigh.

12 Agus dh'éirich esan air ball, agus thog e an leabadh, agus chaidh e mach 'nam fianuis uile, ionnus gu'n robh mòr iongantas orra uile, agus gu'n do ghldrùich iad Dia, ag radh, Cha'n fhaca sinne riamh a leithid so.

13 Agus chaidh e mach a ris ri taobh na mara, agus thainig an sluagh uile d'a ionnsuidh, agus theagaisg e iad.

14 Agus ag dol seachad da, chunnaic e Lebhi<sup>1</sup> mac Alpheus 'na shuidhe aig àite togail na cise, agus thubhairt e ris, Lean mise. Agus dh'éirich e, agus lean se e.

15 Agus tharladh, 'nuair a shuidh Iosa chum bidh 'na thigh-san gu'n do shuidh moran chis-mhaor agus pheacach maille ri Iosa, agus r'a dheisciobluibh: oir bha mòran ann, agus lean iad e.

16 Agus an uair a chunnaic na sriobhuichean agus na Phairisich esan ag itheadh maille ri cis-mhaoraibh agus ri peacachaibh, thubhairt iad r'a dheisciobluibh, C'ar son a ta e ag itheadh agus ag òl maille ri cis-mhaoraibh agus ri peacachaibh?

17 Agus an uair a chuala Iosa so, thubhairt e riu, Cha 'n'eil feum aca-san a ta slàn

air an léigh, acf' aca-san a ta tinn: cha d'thainig mise a ghairm nam firean, ach nam peacach cum aithreachais.

18 Agus b'ùghnàth le deisciobluibh Eoin, agus nam P'nairiseach a bhi trosgadh:<sup>2</sup> agus thainig iad, agus thubhairt iad ris. C'ar son a ta deisciobuil Eoin, agus nam Phairiseach ri trosgadh, agus nach 'eil do dheisciobuils' a' trosgadh?

19 Agus thubhairt Iosa riu, Am bheil clann seomair an fhir nuadh-phòsda comasach air trosgadh a dheanamh, am feadh a bhitheas am fear nuadh-pòsda 'nam foch-air?<sup>3</sup> am feadh a ta am fear nuadh-pòsda aca maille riu, cha'n fheud iad trosgadh a dheanamh:

20 Ach thig na laithean anns an d'thoir-e ar am fear nuadh-pòsda uatha; agus an sin nì iad trosgadh sna laithibh sin.

21 Agus cha 'n'eil duine sam bith a dh'fhuairgheas mir do eudach nuadh air sean eudach: no, ma dh'fhuairgheas, buinidh am mir nuadh, a chuireadh g'a lìonadh suas, as an t-sean eudach, agus nithear an reubadh nì's miosa.

22 Agus cha chuir duine air bith fion ùr ann an seann searragaibh;<sup>4</sup> no brisidh am fion nuadh na searragan, agus dòrtear am fion, agus caillear na searragan: ach is còir fion nuadh a chur ann an searragaibh nuadha.

23 Agus tharladh gu'n deachaidh e troimh<sup>5</sup> na h-achaibh arbhair air latha na sàbaid, agus thòisich a dheisciobuil, ag imeachd dhoibh, ris na diasan arbhair a spìonadh.

24 Agus thubhairt na Phairisich ris, Feuch c'ar son a ta iad a' deanamh an nì nach 'eil ceaduichte air latha na sàbaid?

25 Agus thubhairt esan riu, Nach do leugh sibhse riaghaidh ciod a rinn Daibhidh, 'n uair a bha uireasbhuidh air, agus ocras air fein agus orrasan a bha maille ris?

26 Cionnus a chaidh e steach do thigh Dhé ann an laithibh Abiatair an ard shagairt, agus a dh'ith e aran na fianuis,<sup>6</sup> nach 'eil ceaduichte do neach air bith itheadh, ach do na sagartaibh, agus a thug e mar an ceudna do'n dream a bha maille ris?

27 Agus thubhairt e riu, Dh'orduicheadh an t-sàbaid air son an duine, cha 'n e an duine air son na sàbaid:

28 Air an aobhar sin is Tighearna<sup>7</sup> Mac an duine air an t-sàbaid fein.

# CAIB. III.

1 Tha Criosd a' leigheas an duine aig an robh an làmh sheargta, agus mòran a dh'eucailibh eile: 11 a' cronuchadh nan spiorad neo-ghlan, 13 agus a' taghadh a dhà abstol deug, &c.

A GUS chaidh e ris a steach do'n t-sionagag, agus bha an sin duine aig an robh làmh sheargta.

<sup>1</sup> àraid.  
<sup>2</sup> trasgadh.

<sup>3</sup> maille riu.  
<sup>5</sup> trid, air feadh.

<sup>6</sup> an t-aran fuisbeanta. <sup>7</sup> Maighstir.

2 Agus rinn iad faire air, a dh'fheuchainn an leighiseadh se e air latha na sabaid, chum's gu'm biodh cùis dhìthidh aca dha.

3 Agus thubhairt e ris an duine aig an robh an làmh sheargta, Eirich sa' mheadhon.

4 Agus thubhairt e riu, Am bheil e ceaduichte maith a dheanamh air làithibh na sàbaid, no olc? anam a theamadh, no a sgrios? ach dh'fhan iadsan 'nan tosd.

5 Agus an uair a dh'amhairc e m'an cuairt orra le feirg,<sup>1</sup> air dha bhi doilich air son cruais an cridhe, thubhairt e ris an duine, Sin a mach do làmh. Agus shìn e mach i: agus rinneadh slàn i mar an làmh eile.

6 Agus chaidh na Pharisich a mach, agus ghabh iad comhairle air ball maile ri luchd-leanmhuinn Heroid 'na aghaidh-san, cionnus a dh'fheudadh iad a sgrios.<sup>2</sup>

7 Ach chaidh Iosa maille r'a dheisciobluibh a lèth chum na mara: agus lean sluagh mòr e o Ghalile, agus o<sup>3</sup> Iudea,

8 Agus o Ierusalem, agus o Idumea, agus o thaobh thall Iordain, agus iadsan a bha timchioll Thuiris agus Shidoìn, thainig cuideachd mhòr dhiubh d'a ionnsuidh, 'nuair a chual iad cia mòr na nithe a rinn e.

9 Agus thubhairt e r'a dheisciobluibh, long bheag a bhi feitheamh air, air son an t-sluaigh, chum nach dòmhluicheadh iad e.

10 Oir leighis e mòran, ionnus gu 'n do dhlu-theann iad ris, a mheud 's air an robh plàighean, chum as gu'm beanadh iad ris.

11 Agus na spiorada neo-ghlan, an uair a chunnaic iad e; shleuchd iad da, agus ghlaodh iad, ag radh, Is tusa Mac Dhé.

12 Agus thug e sparradh teann<sup>4</sup> dhoibh, nach deanadh iad aithnichte<sup>5</sup> e.

13 Agus chaidh e suas gu bcinn, agus ghairm e iadsan a b'ail leis: agus thainig iad d'a ionnsuidh.

14 Agus dh'orduich e dà fhear dheug, chum 's gu'm biodh iad maille ris, agus gu 'n cuireadh e mach iad a shearnnachadh:

15 Agus gu'm biodh aca cumhachd a leigheas euslainte, agus a thilgeadh a mach dheamhan.

16 Agus air Simon thug e Peadar mar chomh-ainm:

17 Agus Seumas *mac* Shebede, agus Eoin bràthair Sheumais, (agus orra-san thug e Boanerges mar chomh-ainm, 's e sin re radh, Clann na tairneanaich.)

18 Agus Aindreas, agus Philip, agus Bartolomeus, agus Mata, agus Tomas, agus Seumas *mac* Alpheuis, agus Tadeus, agus Simon an Canaanach,

19 Agus Iudas Iscariot, an neach sin a bhrath e: Agus chaidh iad do thigh.

20 Agus chruinnicheadh an sluagh a ris, ionnus nach robh e 'n comus doibh uiread agus aran itheadh.

21 Agus an uair a chual a chairdean so, thainig iad a mach a bhreith air: oir thubhairt iad, Tha e air mhi chéill.

22 Agus thubhairt na scriobhuichean a thainig a nuas o Ierusalem, A ta Beelsebub aige, agus is ann trid phrionnsaidh nan deamhan a ta e tilgeadh a mach dheamhan.

23 Agus air dha 'n gairm d'a ionnsuidh, thubhairt e riu ann an cosamhlachdaibh, Cionnus a dh'fheudas Satan Satan a thilgeadh a mach?

24 Agus ma bhitheas rioghachd roinnte 'na h-aghaidh fein, cha'n urrainn an rioghachd sin seasamh.

25 Agus ma bhitheas tigh air a roinn 'na aghaidh fein, cha'n urrainn an tigh sin seasamh.

26 Agus ma dh'éireas Satan 'na aghaidh fein, agus gu'm bi e roinnte, cha 'n urrainn e seasamh, ach a ta crìoch aige.

27 Cha'n urradh neach air bith dol a steach do thigh duine làidir, agus 'airneis a thogail leis, mur ccangail e 'n duine làidir an toiseach; agus an sin creachaidh e a thigh.

28 Gu deimhin a deirim ribh, Gu maith-eaer na h-uile pheacanna do chloinn nan daoine, agus gach toibheum a labhras iad.

29 Ach ge b'e labhras toibheum an aghaidh an Spioraid Naomh, cha'n fhaigh e maithneas a choidhch, ach a ta e an cunnart peanaish<sup>5</sup> shiorruidh.

30 Air son gu'n dubhairt iad, Tha spiorad neo-ghlan aige.

31 An sin thainig a bhràithrean agus a mhàthair, agus air dhoibh seasamh a muigh, chuir iad fios d'a ionnsuidh, a' gairm air.

32 Agus bha 'n sluagh 'nan suidhe m'a thimchioll, agus thubhairt iad ris, Feuch, ata do mhàthair agus do bhràithrean a muigh ga d' iarraidh.

33 Agus fhreagair e iad, ag radh, Co i mo mhàthair, no mo bhràithrean?

34 Agus sheall e m'an cuairt orra-san a bha 'nan suidhe m'a thimchioll, agus thubhairt e, Feuch mo mhàthair agus mo bhràithrean.

35 Oir ge b'e neach a nì toil Dé, is esan mo bhràthair, agus mo phiuthar, agus mo mhàthair.

## CAIB. IV.

1 Cosamhlachd an t-sòlaidair, agus a bhrìgh.  
21 Is coir dhuinn solus ar n-eolais a phàr-teachadh re muinntir eile. 26 Cosamhlachd an t-sìl a ta fàs ann an uaigneas, &c.

A GUS thòisich e air teagasg a ris làimh a ris a' mhuir, agus chruinnicheadh sluagh mòr d'a ionnsuidh, ionnus gu'n deachaidh e steach do luìng, agus gu'n do shuidh e air a' mhuir; agus bha 'n sluagh uile ri taobh na mara air tìr.

2 Agus theagaisg e dhoibh mòran do



nithibh ann an cosamhlachdaibh, agus thubhairt e riu 'na theagasg,

3 Eisdibh, Feuch, chaidh fearcuir<sup>1</sup> a mach à chur sìl:

4 Agus tharladh ag cur an t-sìl da, gu'n do thuit cuid deth ri taobh an rathaid, agus thainig eunlaith an athair, agus dh'ith iad suas e.

5 Agus thuit cuid eile dheth air fearann creagach, far nach robh mòr thalamh aige, agus air ball dh'fhas e suas, do bhrìgh nach robh doimhne talmhainn aige.

6 Ach air do'n ghrèin éirigh, loisgeadh e; agus à chionn nach robh freumh<sup>2</sup> aige, shearg e as.

7 Agus thuit cuid eile am measg droighinn, agus dh'fhàs an droighionn suas, agus thachd se e, agus cha d'thug e toradh uaith.

8 Agus thuit cuid eile air talamh maith,<sup>3</sup> agus thug e toradh uaith a' fàs suas agus a' meudachadh; agus thug e mach, cuid a dheich uiread fhichead, agus cuid a thri fichead uiread, agus cuid a cheud uiread 's a chuireadh.

9 Agus thubhairt e riu, An ti aig am bheil cluasa chum éisdeachd, éisdeadh e.

10 Agus an uair a bha e 'na aonar, dh'fhiosrach iadsan, a bha 'na fhochair maille ris an dà fhear dheug, an cosamhlachd deth.

11 Agus thubhairt e riu, Dhuibhse thugadh eòlas a ghabhail air nithibh dìomh-air rioghachd Dhé: ach dhoibh-san a ta 'n leth muigh nithear gach ni an cosamhlachdaibh:

12 Chum as ag faicinn doibh gu'm faic iad, agus nach aithnich iad, agus ag cluinntinn dhoibh gu'n cluinn iad, agus nach tuig iad; air éagal àm air bith gu'm pilleadh iad, agus gu'm biodh am peasaidd air am maitheadh dhoibh.

13 Agus thubhairt e riu, Nach aithne dhuibh an cosamhlachd so? agus cionnus ma ta a thuigeas sibh gach uile chosamhlachd?

14 Tha 'm fear-cuir a' cur an fhocail.

15 Agus is iad so iadsan ri taobh an rathaid, anns an cuirear am focal, an déigh dhoibh a chluinntinn, air ball a ta Satan a' teachd, agus a' togail leis an fhocail, a shìol-chuireadh 'nan cridhibh.

16 Agus is iad so iadsan mar an ceudna a chuireadh air fearann creagach; muinntir an uair a chluinneas iad am focal, a ghabhas e air ball le gairdeachas:

17 Agus cha 'n'èil freumh aca ionnta fein, ach maridh iad rè sealain; 'na dhéigh sin 'nuair a dh'éireas amhghar<sup>4</sup> no geur-leanmhuinn air son an fhocail, air ball a ta iad a' gabhail oibheim.

18 Agus is iad so iadsan a chuireadh am measg an droighinn, an dream a dh'éisd-eas ris an fhocal;

19 Agus a ta ro chùram an t-saoghail so, agus mealltaireachd saibhreis, agus anamhi-anna nithe eile teachd a steach, agus à' tachdadh an fhocail, agus nithear neo-thorach e.

20 Agus is iad so iadsan a chuireadh ann an talamh maith, an dream a chluinneas am focal, agus a ghabhas e, agus a bheir a mach toradh, cuid a dheich uiread fhichead, cuid a thri fichead uiread, agus cuid a cheud uiread 's a chuireadh.

21 Agus thubhairt e riu, An d'hoirear coinneal chum gu'n cuirear i fuidh bheil soithich, no fuidh leabaidh? nach ann a chum a cur an coinneir?

22 Oir cha 'n'èil ni air bith foluichte, nach foillsichear; agus cha robh ni air bith an cleith, nach d'thig os àird.

23 Ma ta cluasa chum éisdeachd aig neach air bith, éisdeadh e.

24 Agus thubhairt e riu, Thugaibh fa'near ciod a chluinneas sibh: leis an tomhas a thomhaiseas sibh, tomhaisear dhuibh fein; agus bheirear tuilleadh dhuibhse ta 'g éisdeachd.

25 Oir gc b'è neach aig am bheil, bheirear dha: agus ge b'è neach aig nach 'èil, bheirear uaith an ni sin fein a ta aige.

26 Agus thubhairt e, Is amhuil rioghachd Dhé, mar gu'n cuireadh duine sìol anns an talamh,

27 Agus gu'n coidleadh e, agus gu'n éir-eadh e a dh'oidhch, agus a là, agus gu'n gineadh an sìol, agus gu'm fàsadh e suas, air dòigh nach fhios da.

28 Oir bheir an talamh a mach toradh uaith fein, air tùs am fochann, a ris an dias, an déigh sin an làn arbhar anns an déis.

29 Ach an uair a ta 'n toradh abaich, air ball cuiridh e àn corran ann, a chionn gu bheil am fogharadh air teachd.

30 Agus thubhairt e, Ciod an ni ri 'n samhluich sinn rioghachd Dhé? no ciod e an cosamhlachd leis an coimhmeas sinn i<sup>5</sup>

31 Is cosmhui i ri gràinne mustaird, ni, 'nuair a chuirear san talamh e, is lugha do na h-uile phòraibh a ta air talamh.

32 Ach an déigh a chur, fàsaidh e suas, agus cinnidh e ni 's nìd na luibh sam bith eile, agus fàsaidh geugan mòra air, ionnus gu'm feud cinlaith an athair nìd a dheanamh fuidh a sgàile.

33 Agus le iomadh d'a leithidibh sin do chosamhlachdaibh labhair e 'm focal riu, a réir mar a b'urrainn iad a chluinntinn.

34 Ach gun chosamhlachd cha do labhair e riu: Agus mhinich e na h-uile nithe d'a dheisciobluibh air leth.

35 Agus thubhairt e riu air an là sin fein, air teachd do'n fheasgar, Rachamaid thairis do'n taobh eile.

36 Agus an uair a sgaoil iad an coimh-thional, thug iad leo esan anns an luing

<sup>1</sup> sioladair. <sup>2</sup> freumhach. <sup>3</sup> maith. <sup>4</sup> trioblaid.

<sup>5</sup> an coibhearta ris; an coibheartaich sinn i?

mar a bha e, agus bha longa beaga eile 'na fhochair mar an ceudna.

37 Agus dh'éirich stoirn mhòr ghaoith ann, agus leum na tonna a steach do'n luing, air chor as gu'n robh i nis làn.

38 Agus bha esan ann an deireadh na luinge, 'na chodal air cluasaig: ' agus dhùisg iad e, agus thubhairt iad ris, A mhaighstir, nach 'eil suim agad gu'n caillear sinn?

39 Agus dh'éirich e, agus chronuich e ghaoth, agus thubhairt e ris an fhairge, Tòsd, bi sàmlach. An sin luidh a' ghaoth, agus bha fèath<sup>2</sup> mòr ann.

40 Agus thubhairt e riu, C'ar son a ta sibh co eagalach? cionnus nach 'eil creidimh agaibh?

41 Agus ghabh iad eagal ro mhòr, agus thubhairt iad r'a chèile, Ciod e an duine so, gu bheil a' ghaoth, agus an fhairge féin umhal da?

## CAIB. V.

1 *Air do Chriosd na deamhan a chur a mach as an duine anns an robh legion diubh, 13 chaidh iad a stigh anns na mucaibh. 25 Leighis e bhean uir an robh dortadh-fola, 35 agus thog e o na marbhaibh nighean Iairus.*

**A**GUS thainig iad gu taobh eile na amara, gu dùthaich nan Gadarenach.

2 Agus an uair a chaidh e mach as an luing, air ball thachair air as na h-àitibh-adhlaic, duine anns an robh spiorad neoghlana.

3 Aig an robh a chòmhnuidh sna h-àitibh-adhlaic, agus cha b'urrainn neach air bith a cheangal, eadon le slabhraidhibh:

4 Oir chaidh a cheangal gu tric le geimhlibh agus le slabhraidhibh, agus tharruing e na slabhraidhean as a chèile, agus mhùnbhris e na geimhlean: Agus cha b'urrain duine sam bith a cheannsachadh.

5 Agus bha e ghnàth, a là agus a dh'oidheche, sna beanntaibh, agus sna h-ionadaibh-adhlaic, a' glaothaich, agus 'ga ghearradh fein le clachaibh.

6 Ach an uair a chunnaic e Iosa fada uaithe, ruith e agus shleuchd e dha.

7 Agus ghlaodh e le guth mòr, agus thubhairt e, Ciod mo ghnothuchsa riut, Iosa, a Mhic an Dé is ro airde? cuiream ort a h-uchd Dé, gun mo phianadh.

8 (Oir thubhairt e ris, Thig a mach as an duine, a spioraid neoghloin)

9 Agus dh'f hiosruich e dheth, Ciod is ainm dhuit? Agus fhreagair esan, ag radh, Legion is ainm dhomh: oir a ta sinn mòran ann.

10 Agus ghuidh e gu ro gheur air, gun e g'an cur a mach as an dùthaich sin.

11 Agus bha treud mòr mhuc an sin, ag ionaltradh am fagus do'n bheinn.<sup>3</sup>

12 Agus ghuidh na deamhain uile air, ag

radh, Cuir sinne dh'ionnsuidh nam muc, chum as gu'n rachamaid a steach ionnta.

13 Agus air ball thug Iosa cead doibh; agus air dol a mach do na spioradaibh neoghlana, chaidh iad a stigh anns na mucaibh, agus ruith an treud sìos gu dian le àite cas do'n fhairge, (bha iad mu thimchioll dà mhìle) agus thachdadh iad san fhairge.

14 Agus theich iadsan a bha 'g ionaltradh nam muc, agus dh'innis iad sin, araon anns a' bhaile, agus anns an tìr. Agus chaidh iad a mach a dh'fhaicinn ciod e an ni ud a thachair.

15 Agus thainig iad chum Iosa, agus chunnaic iad an ti anns an robh an deamhan, agus aig an robh an legion, 'na shuidhe, agus eudach uime, agus a chiall aige; agus ghabh iad eagal.

16 Agus dh'innis iadsan a chunnaic e dhoibh, cionnus a thachair do'n ti anns an robh an deamhan, agus mu thimchioll nam muc.

17 Agus thòisich iad ri guidhe air imeachd a mach as an crìochaibh.

18 Agus air dha dol a stigh san luing, ghuidh an ti anns an robh an deamhan air, gu'm feudadh e bhi maille ris.

19 Gidheadh cha do leig Iosa leis, ach thubhairt e ris, Imich dhachaidh dh'ionnsuidh do mhuinntir, agus innis dhoibh meud nan nithe a rinn an Tighearna dhuit, agus gu'n d'rinn e tròcair ort.

20 Agus dh'imich esan, agus thòisich e ri chur an cèill ann an Decapolis meud nan nithe a rinn Iosa dha: agus ghabh iad iongantas uile.

21 Agus air dol do Iosa a ris thairis anns an luing do'n taobh eile, chruinnicheadh sluagh mòr d'a ionnsuidh; agus bha e làimh ris a' mhuir.

22 Agus feuch, thainig aon do uachdaranaibh nan sionagog, d'am b'ainm Iairus, agus an uair a chunnaic e esan, leig se e fein sìos aig a chosaibh.

23 Agus ghuidh e gu dùrachdach air, ag radh, A ta mo nighean bheag ann an cunnart grad bhàis; thig, guidheam ort, agus leag do lamhan oirre chum as gu'n slànuichear i, agus mairidh i beo.

24 Agus dh'imich Iosa maille ris, agus lean sluagh mòr c, agus dhòmhluidh iad e.

25 (Agus bha bean àraidh an sin, air an robh dortadh fola rè dhà bhliadhna dheug.

26 Agus dh'fhulaing i mòran o iomadh leigh, agus chaith i na bha aice, agus cha b'fhcairid i bhacag c, ach gu'm bu mheisd;

27 'Nuair a chual i-iomradh air Iosa, thainig i am meas an t-sluaigh o chùlaobh, agus bhean i r'a eudach:

28 Oir thubhairt i, Ma dh'fheudas mi beantuinn ach r'a eudach, slànuichear mi.

29 Agus air ball thiormaicheadh tobar a fola: agus dh'aithnich i air a corp fein, gu'n do leighiseadh i o'n phlàigh sin.

30 Agus dh'aithnich Iosa air ball ann

<sup>1</sup> adhartan. <sup>2</sup> ciuine. <sup>3</sup> do na sleibhtibh.



fein gu'n deachaidh cumhachd a mach as, agus air dha tionndadh san t-sluagh, thubhairt e, Cò a bhean ri m' eudach?

31 Agus thubhairt a dheisciobuil ris, A ta thu faicinn gu 'm bheil an sluagh ga d' dhòmhlaichadh, agus an abair thu, Cò a bhean rium?

32 Agus dh'amhairc e m'an cuairt g'a faicinn<sup>1</sup> a rinn so.

33 Ach air do'n mhnaoi bhi fa eagal agus air chrith, air aithneachadh an nì a rinneadh innte, thainig i, agus leig si i fein sìos 'na làthair, agus dh'innis i 'n fhirinn uile dha.

34 Agus thubhairt e rithe, A nighean, shlànuich do chreidimh thu; imich an sìth, agus bi slàn o d' phlàigh.)

35 Am feadh a bha e fathast a' labhairt, thainig *droing* o *thigh* uachdarain na sionagoige, ag radh, Fhuair do nighean bàs, c'ar son a chuireadh tu tuilleadh dragha air a' mhaighstir?

36 Co luath 's a chual Iosa an comhradh so a labhradh, thubhairt e ri uachdaran na sionagoige, Na biodh eagal ort, a mhàin creid.

37 Agus cha d'fhulaing e do neach air bith a leantuinn, ach Peadar, agus Seumas, agus Eoin bràthair Sheumais.

38 Agus thainig e gu tigh uachdarain na sionagoige, agus chunnaic e 'n iomairt<sup>1</sup> agus iadsan a bha gul, agus a' caoineadh gu mòr.

39 Agus air teachd a steach dha, thubhairt e riu, C'ar son a ta sibh ris an iomairt so, agus ri bròn? cha 'n'eil an nìonag marbh, ach 'na codal.

40 Agus rinn iadsan gàire fochaid ris: ach air dhasan an cur uile mach, thug e leis athair agus màthair na h-inghin, agus iadsan a bha maille ris, agus chaidh e steach far an robh an nìonag 'na luidhe.

41 Agus air dha breith air an nìonaig air laimh, thubhairt e rithe, Talitha cumi, 's e sin, air eadar-mhineachadh, A chailin, (a deirim riut) éirich.

42 Agus air ball dh'éirich an nìonag, agus dh'imich i; oir bha i dà bhliadhna dheug a dh'aois: agus ghabh iad iongantas anabarrach.

43 Agus thug e ordugh teann doibh, nach faigheadh duin' air bith fios air so; agus dh'àithn e *cùileigin* a thoirt di r'a itheadh.

# CAIB. VI.

1. Rinneadh tàir air *Chrisd le muinntir a dhùcha*. 7 *Tha e tabhairt do'n da fhear dheug cumhachd os cionn spiorada neo-ghlana*. 14 *Iomadh barail mu Chrisd*. 18 *Chuireadh an ceann do Eoin Baiste, &c.*

**A** GUS chaidh e mach as sin, agus a thainig e d'a dhùthaich fein, agus lean a dheisciobuil e.

2 Agus an uair a thainig an t-sàbaid thòisich e air teagasg anns an t-sionagag: agus air do mhòran a chluinntinn, ghabh iad iongantas, ag radh, Cia uaith a ta na nìthese aig an fhear so? Agus ciod e an gliocas so thugadh dha, gu bheil a leithid so do fheartaibh air an deanamh le lamh-aibh-san?

3 Nach e so an saor, mac Mhuire, bràthair Sheumais agus Ioseis, agus Iudais, agus Shimoin? Agus nach 'eil a pheathraiche an so 'nar fochair? Agus fhuair iad oilbheum ann.<sup>2</sup>

4 Ach thubhairt Iosa riu, Cha 'n'eil fàidh gun urram, ach 'na dhùthaich fein, agus am measg a chairdean, agus 'na thigh fein.

5 Agus cha robh e 'n comas da mìorbhuil air bith à dheanamh an sin, saor o gu 'n do chuir e a làmhnan air beagan do mhuinntir a bha tinn, agus gu'n do leighis e iad.

6 Agus bha iongantas air, air son am mi-chreidimh. Agus chaidh e timchioll nam bailte, a' teagasg.

7 Agus ghairm e chuige an dà fhear dheug, agus thòisich e air an cur a mach dithis agus dithis, agus thug e dhoibh cumhachd air spioradaibh neo-ghlana;

8 Agus dh'àithn e dhoibh gun nì air bith thoirt leo air son na slighe, ach lorg a mhàin; gun mhàla, gun aran, gun airgid 'nan sporan:

9 Ach bonn-bhròga<sup>3</sup> bhi air an cosaibh, agus gun dà chòta bhi umpa.

10 Agus thubhairt e riu, Ge b'e ionad air bith anns an d'theid sibh a steach do thigh, an sin fanaibh gus am falbh sibh as an àite sin.<sup>4</sup>

11 Agus cò air bith iad nach gabh ribh, agus nach éisd ribh, air dhuibh imcachd as an àite sin, crathaibh an duslach a bhitheas f'ar cosaibh, mar fhianuis 'nan aghaidh. Gu deimhin a deirim ribh, Gur so-iomchair<sup>4</sup> a bhitheas e do Shodom agus do Ghomorra ann an là a' bhreitheanais, na do'n bhaile sin.

12 Agus chaidh iad a mach, agus shearmonaich iad gu'n deanadh *daoine* aithreachas.

13 Agus thilg iad amach mòran dheamhan, agus dh'ung iad le h-ola mòran a bha tinn, agus leighis siad iad.

14 Agus chual Herod an rìgh *uime*, (oir chaidh ainm am follus) agus thubhairt e, A ta Eoin Baiste air éirigh o na marbhaibh, agus uime sin a ta feartan air an oibreachadh leis.

15 Thubhairt cuid eile, Gur e Elias a t'ann. Agus thubhairt cuid eile, Gur fàidh a t'ann, no mar aon do na fàidhibh.

16 Ach an uair a chual Herod so, thubhairt e, 'S e Eoin d'an do chuir mise an

<sup>1</sup> am buaireas. <sup>2</sup> ghabh iad oilbheum ris.

<sup>3</sup> cuarain.

<sup>4</sup> so-fhulaing.

ceann, a th'ann; dh'éirich e o na marbh-aibh.

17 Oir chuir Herod fein a mach agus ghilac e Eoin, agus cheangail e ann am prìosun e, air son Herodiais bean phòsda Philip, a bhràthar fein, do bhrìgh gu'n do phòs e i.

18 Oir thubhairt Eoin ri Herod, Cha 'n'eil e ceaduichte dhuit bean do bhràthar a bhì agad.

19 Uime sin bha diom' mòr aig Herodias ris, agus bu mhiann leatha a chur gu bàs, ach cha b'urrainn i.

20 Oir bha eagal Eoin air Herod, air dha fios a bhì aige gu'm bu duine ceart agus naomh e, agus thug e fa'near<sup>2</sup> e, agus air dha a chluinntinn, rinn e mòran do nithibh *air a chumhaire*, agus dh'éisd e ris gu toileach.

21 Agus air teachd do là iomchuidh, rinn Herod, air comh-ainm an là an d'rugadh e, suiper d'a uaislibh, agus d'a ard cheannard-aibh, agus do mhaithibh Ghalile:

22 Agus an uair a chaidh nighean Herodiais so steach, agus a rinn i dannsa, thaitinn i ri Herod agus rìusan a shuidh maille ris, agus thùbhairt an rìgh ris a' chailin, Iarr ormsa ge b'e ni is àill leat, agus bheir mi dhuit e.

23 Agus thug e mionnan di, Ge b'e ni dh'iarras tu orm, bheir mi dhuit e, gu leth mo rìoghachd.

24 Agus an uair a chaidh i mach thubhairt i r'a màthair, Ciod a dh'iarras mi? Agus thubhairt ise, Ceann Eoin Bhaiste.

25 Agus chaidh i air ball le cabhaig a steach a dh'ionnsuidh an rìgh, agus dh'iarr i, ag radh, Is àill leam gu'n d'thugadh tu dhomh gun dàil cean Eoin Bhaiste air mèis.

26 Agus bha 'n rìgh ro dhoilich; *gidheadh* air son a mhionnan, agus an dream a bha 'nan suidhe maille ris, cha robh toil aige a diultadh.

27 Agus air ball chuir an rìgh a mach fear-millidh, agus dh'àithn e a cheann a thoirt a steach: agus dh'imich esan agus thug e 'n ceann deth anns a' phrìosun.

28 Agus thug e cheann leis air mèis, agus thug e do'n chailin<sup>3</sup> e: agus thug an cailin d'a màthair e.

29 Agus an uair a chual a dheisciobuil sin, thainig iad agus thog iad a chorp, agus chuir iad ann an uaigh e.

30 Agus chruinnicheadh na h-Abstoil chum Iosa, agus dh'innis iad da na-uile nithe, araon gach ni a rinn iad, agus gach ni a theagasg iad.

31 Agus thubhairt e riu, Thigibhs' air leth do àit uaigneach, agus gabhaibh fois car tamuill bhig: Oir bha mòran a' teachd agus a' dol, agus cha robh ùine aca uiread as biadh itheadh.

32 Agus chaidh iad gu àite fàsail ann an luing air leth.

33 Agus chunnaic an sluagh iadsan a' falbh, agus dh'aithnich mòran e, agus ruith iad d'an cois as na bailtibh uile an sin, agus bha iad rompa, agus chruinnicheadh iad d'a ionnsuidh.

34 Agus an uair a chaidh Iosa mach, chunnaic e sluagh mòr, agus ghabh e truas mòr dhiubh, a chionn gu'n robh iad mar chaoraich gun bhuachaille aca: agus thòisich e air mòran do nithibh a theagasg dhoibh.

35 Agus an uair a bha nis mòran do'n là air dol seachad,<sup>4</sup> thainig a dheisciobuil d'a ionnsuidh, ag radh, Ata 'n t-àite so fàs, agus a ta nis mòran do'n là *air dol thairis*:

36 Leig air falbh iad, chum gu d'theid iad do'n tìr m' an cuairt, agus do na bailtibh, agus gu ceannaich iad biadh dhoibh fein: oir cha 'n'eil ni air bith aca r'a itheadh.

37 Ach fhreagair esan, agus thubhairt e riu, Thugaibhs dhoibh r'a itheadh, Agus thubhairt iadsan ris, An d'theid sinn agus an ceannaich sinn luach dhà cheud pèghinn a dh'aran, chum gu d'thugamaid dhoibh ni r'a itheadh?

38 Ach thubhairt esan riu, Cia lion buil-inn<sup>5</sup> a ta agaibh? rachaibh agus faicibh. Agus air faotainn fios doibh, thubhairt iad, Cùig, agus dà iasg.

39 Agus dh'àithn e dhoibh a thoirt orra uile suidhe sìos 'nan cuideachdaibh air an fheur uaine.

40 Agus shuidh iad sìos 'nam buidhnibh fa leth, 'nan ceudaibh, agus 'nan leth-cheudaibh.

41 Agus air dha na cùig builinnean agus an dà iasg a ghabhail, agus amharc suas gu nèamh, bheannuich, agus bhris e na builinnean, agus thug e d'a dheisciobuibh *iad*, chum gu'n cuireadh iad rompa iad; agus roinn e 'n dà iasg orra uile.

42 Agus dh'ith iad uile, agus shàsuich-eadh iad.

43 Agus thog iad dà chliabh dheug làn do'n bhiadh bhrìste, agus do na h-iasgaibh.

44 Agus b'iad an dream a dh'ith do na builinnibh cùig mìle fear.

45 Agus air ball choimh-éignich e a dheisciobuil gu dol anns an luing, agus dol roimhe dh'ionnsuidh na taoibh thall gu Betsaida, gus an cuireadh e an sluagh air falbh.

46 Agus an uair a chuir e air falbh iad, chaidh e gu beinn a dheanamh ùrnuigh.

47 Agus an uair a bha 'n t-anmoch ann, bha 'n long am meadhon na mara, agus esan 'na aonar air tìr.

48 Agus chunnaic e iadsan air am piannadh ag iomramh; oir bha ghaoth 'nan aghaidh: agus thainig e d'an ionnsuidh mu

<sup>1</sup> diomb. <sup>2</sup> choimhid se. <sup>3</sup> ghruagaich,

monaig.

<sup>4</sup> air a chaitheadh.

<sup>5</sup> aran.



thimchioll na ceathramh faire do'n oidhche, ag imeachd air a' mhuir, agus b'àill leis dol seachad orra.

49 Ach an uair a chunnaic iadsan e 'g imeachd air a' mhuir, shaoil iad gu'm bu tannasg a bh'ann; agus ghlaodh iad.

50 (Oir chunnaic iad uile e, agus bha iad fa bhuaireas) Agus air ball labhair e riu, agus thubhairt e riu, Biodh misneach mhaith agaibh, is mise ta ann, na biodh eagal oirbh.

51 Agus chaidh e suas d'an ionnsuidh do'n luing, agus luidh a' ghaoth: agus bha uamhas mòr thar tomhas orra, agus ghabh iad iongantais:

52 Oir cha d'thug iad fa'near *mìorbhuil* nam buillinn; oir bha 'n cridhe air a chruadhachadh.

53 Agus an uair a chaidh iad thairis, thainig iad gu talamh Ghenesaret, agus tharruing iad gu tìr.

54 Agus an uair a thainig iad a mach as an luing, air ball dh'aithnich iad e,

55 Agus ruith iad air feadh na tìre sin uile m'an cuairt, agus thòisich iad air an droing a bha tinn a ghiùlan m'an cuairt air leapaichibh, ge b'e àit an cual iad esan a bhi.

56 Agus ge b'e air bith bailte, no cathraiche, no dùthaich an deachaidh e steach, chuir iad na daoine tinn air na sràidibh, agus ghuidh iad air gu'm feudadh iad beantuinn a mhàin ri iomall eudaich: agus a mheud 's a bhcan ris, leighisheadh iad.

#### C A I B. VII.

1 *A ta na Phairisich a' faghail croin do na deisciobluibh, air son gu'n robh iad ag itheadh le làmhaidh neo-ionnlaidte: 6 A ta Criosd air an làmh eile a' faghail croin doibhsan air son gu'n robh iad a' brisicadh àitheanta Dhé le teagasg, agus gnàthuchadh dhaoine, &c.*

**A** GUS chruinnicheadh na Phairisich d'a ionnsuidh, agus dream àraidh do na scribedhuichibh a thainig o Ierusalem.

2 Agus an uair a chunnaic iad cuid d'a dheisciobluibh ag itheadh arain le làmhaidh salacha (sin r'a radh neo-ionnlaidte) fhuair iad cron doibh.

3 Oir cha 'n ith na Phairisich, agus na h-Iudhaich uile biadh, mur ionnlaid iad an làmh gu minic, a' coimhead beul-aithris nan seanair.

4 Agus air dhoibh teuchd o'n mhargadh, mur tum<sup>1</sup> siad iad, chà 'n ith iad. Agus ata mòran do nithibh eile a ghabh iad orra a choinhead, *mar at a nigheadh chupan*, agus phota, agus shoithiche umha,<sup>2</sup> agus leapaichean.<sup>3</sup>

5 An sin dh'fheòraich na Phairisich agus na scribedhuichean dheth, C'ar son nach 'eil do dheisciobuil ag imeachd a réir beul-aithris nan seanair, ach a ta iad ag itheadh arain le làmhaidh neo-ionnlaidte?

6 Ach fhreagair esan agus thubhairt e riu, Is maith a rinn Esaias fàidheadair-eachd mu'r tìmhchioll<sup>1</sup>, a chealgairean, a réir mar a ta e scribedhta, A ta am pobull so toirt onoir dhomhsa le 'ru bilibh, ach a ta an cridhe fada uam.

7 Ach is ann gu dìomhanach a ta iad a' toirt aoraidh dhomhsa, a' teagasg àitheanta dhaoine mar theagasg.

8 Oir air dhuibh àithne Dhé a thréig-sinn, a ta sibh a' cumail orduchaidh dhaoine, *mar a ta nigheadh phota agus chupan*: agus mòran eile d'an leithidibh sin a ta sibh a' deanamh.

9 Agus thubhairt e riu, Is maith a ta sibh a' cur air cùl àithne Dhé, chum gu'n coimhid sibh bhuir orduchadh fein.

10 Oir thubhairt Maois, Thoir onoir do t'athair, agus do d' mhàthair: agus, Ge b'e neach a mhalluicheas athair no màthair, cuirear gu cinnteach gu bàs é.

11 Ach their sibhse, Ma their neach r'a athair, no r'a màthair, Biodh e 'na Chorban, sin r'a radh, 'na thiodhlacadh do'n *teampull*, ge b'e ni leis am faigheadh tu tairbhe uamsa;

12 Nach leig sibh dha as sin suas ni sam bith a dheanamh air son 'athar, no a mhàthar;

13 A' cur focail Dé an neo-brìgh le bhuir beul-aithris fein, a dh'aithris sibh: agus mòran d'an leithidibh sin do nithibh a ta sibh a' deanamh.

14 Agus air gairm an t-sluaigh uile d'a ionnsuidh, thubhairt e riu, Eisdibh rium<sup>1</sup> uile, agus tuigibh.

15 Cha 'n'eil ni sam bith o'n taobh a muigh do'n duine, a theid a steach ann, d'am bheil e 'n comas a shalachadh; ach na nithe ta teachd a mach as, is iad sin a ta salachadh an duine.

16 Ge b'e aig am bheil cluasa chum éisdeadh, éisdeadh e.

17 Agus an uair a chaidh e steach do'n tigh o'n t-sluaigh, chuir a dheisciobuil ceisd air mu thimchioll a' chosamhlachd.

18 Agus thubhairt e riu, Am bheil sibhse mar so fathast gun tuigse? Nach 'eil fhios agaibh, ge b'e ni air bith a theid a steach san duine o'n leth a muigh, nach 'eil e n comas da esan a shalachadh?

19 Do bhrìgh nach d'theid e steach d'a chridhe, ach do'n bhroinn, is theid e mach do'n t-slochd shalchair, a' glanadh gach uile bhìdh.

20 Agus thubhairt e, Is e an ni a thig a mach as an duine, a shaluicheas an duine.

21 Oir is ann o'n taobh a stigh, a cridhe dhaoine, a thig à mach droch smuaintean, adhaltrannas, striopachas, mortadh,

22 Goid, sannt, aingidheadh, mealltair-eachd, macnus,<sup>4</sup> droch shùil, toibheum, uabhar, amaideachd:

<sup>1</sup> ionnlaid.    <sup>2</sup> prais.    <sup>3</sup> àiteacha-suidhe.

<sup>4</sup> amaisceachd.

23 A ta na h-uile a' teachd a mach o'n taobh a stigh, agus a' salachadh an duine.

24 Agus air dha éirigh as sin, chaidh e gu crìochaibh Thiruis agus Shidoin: agus an uair a chaidh e steach do thigh, cha b' àill leis fios a bhi aig neach sam bith air; gidheadh cha'n fheadadh e bhi'm folach.

25 Oir chuala bean uime, aig an robh nighean bheag, anns an robh spiorad neo-ghlan, agus thainig i agus thuit i aig a cho-saibh:

26 (Agus bu Ghreugach a' bhean, Ban-shiropheiseach a thaobh cinnich) agus ghuidh i air gu 'n tilgeadh e an deamhan a mach as a h-inghin.

27 Ach thubhairt Iosa rithe, Fulaing do'n chloinn air tùs a bhi air an sasuchadh: oir cha 'n eil e iomchuidh aran na cloinne a ghabhail, agus a thilgeadh chum nan con.

28 Agus fhreagair ise agus thubhairt i ris, Is fìor sin, a Thighearn: gidheadh ithidh na coin fuidh 'n bhord do sbruileach na cloinne.

29 Agus thubhairt esan rithe, Air son na cainnte so fein, imich romhad, a ta an deamhan air dol a mach a d' nighinn.

30 Agus an uair a bha ise air teachd a dh'ionnsuidh a tìge, fhuaig i an deamhan air dol a mach, agus a h-inghean air a cur 'na luidhe air an leabaidh.

31 Agus a ris air dha imeachd o chrìochaibh Thiruis agus Shidoin, thainig e gu muir Ghalile, troimh mheadhon chrìoch Dhecapolis.

32 Agus thug iad d'a ionnsuidh duine bothar, aig an robh stadiuch 'na chainnt: agus ghuidh iad air gu'n cuireadh e a làmh air.

33 Agus thug e a leth o'n t-sluagh e, agus chuir e a mheoir 'na chluasaibh, agus shìl e,<sup>1</sup> agus bhean e r'a theangaidh.

34 Agus air dha amharc suas gu nèamh, rinn e osna; agus thubhairt e ris, Ephphatà, 'se sin r'a radh, Bi fosgailte.

35 Agus air ball dh'fhosgladh a chluasan, agus dh'fhuasgladh ceangal a theanga, agus labhair e gu ceart.

36 Agus dh'athn e dhoibh gun iad a dh'innseadh sin do neach air bith: ach mar is mo a thoirmisg esan doibh, bu mhòid gu ro mhòr a chuir iadsan an gnìomh os aird;

37 Agus bha iad gu ro mhòr air an lìonadh le h-iongantas, ag radh, Rinn e na h-uile nithe gu maith: tha e faraon a' tabhairt air na bothair gu'n cluinn iad, agus air na bailbh gu'n labhair iad.

## CAIB. VIII.

1 A ta Criosd a' biadhadh a' phobuill gu mhorbhuileach; 11 a' diultadh comhar' thabhairt do n'a Phairisich; 14 ag iarraidh air a dheisciobluibh bhi air am faicill an

aghaidh taois ghoirt nam Phairiseach, agus Heroid; 22 a' tabhairt a' radhairc do dhuine dall, &c.

**A**NNS na laithibh sin air do shluagh ro mhòr a bhi ann, agus gun nì air bith aca r'a itheadh, ghairm Iosa a dheiscobuil d'a ionnsuidh, agus thubhairt e riu,

2 A ta truas mòr agam do'n t-sluagh, do bhrìgh gu'n d'fhan iad a nìs trì laith-ean maille rium, agus nach 'eil nì air bith aca r'a itheadh;

3 Agus ma leigeas mi d'an tighibh fein 'nan trosg<sup>2</sup> iad, fannuichidh iad air an t-slighe: oir thainig cuid aca am fad.

4 Agus fhreagair a dheisciobuil e, Cia às a dh'fheadas neach iad so a shàsachadh le h-aran an so san fhàsach?

5 Agus dh'fhiosraich e dhiubh, Cia lìon buillinn a ta agaibh? Agus thubhairt iadsan, Seachd.

6 Agus thug e ordugh do'n t-sluagh suidhe sìos air an làr: agus ghlac e na seachd buillinnean, agus air tabhairt buidheachais, bhris e, agus thug e iad d'a dheisciobluibh, chum gu'n cuireadh iad 'nan làth-air iad: agus chuir iad sìos an làthair an t-sluaigh iad.

7 Agus bha aca beagan a dh'iasgaibh beaga: agus bheannuich e iad, agus dh'athn e 'n cur sìos 'nan làthair mar an ceudna.

8 Agus dh'ith iad, agus shàsuicheadh iad: agus thog iad làn sheachd bascaid do'n bhìadh bhrìste, a bha dh'fhuighleach aca.

9 Agus bha iadsan a dh'ith mu thimchioll cheithir mìle; agus leig e air falbh iad.

10 Agus air ball chaidh e steach an luing maille r'a dheisciobluibh, agus thainig e gu crìochaibh Dhalmanuta.

11 Agus thainig na Phairisich a mach; agus thòisich iad ri ceisdean a chur air, ag iarraidh comharaidh uaithe o nèanith, 'ga dhearbhadh.

12 Agus air deanamh osna dhasan 'na spioraid, thubhairt e, C'ar son a ta an ginealach so ag iarraidh comharaidh? gu demhin a deirim ribh nach d'fhoirear comhara do'n ghinealach so.

13 Agus dh'fhag e iad, agus air dha dol a steach do'n luing a ris, chaidh e do'n taobh eile.

14 Agus dhi-chuimhnich na deisciobuil aran a thoirt leo; agus cha robh aca ach aon bhuillinn<sup>3</sup> maille riu san luing.

15 Agus dh'athn e dhoibh, ag radh, Thugaibh an aire, bithibh air bhur faicill an aghaidh taois ghoirt nam Phairiseach agus taois ghoirt Heroid.

16 Agus bha iadsan a' reusonachadh 'niam measg féin, ag radh, Is ann air son nach 'eil aran againn a ta e.

<sup>1</sup> shell.<sup>2</sup> traig.<sup>3</sup> aran.



17 Agus air aithneachadh sin do Iosa, thubhairt e riu, C'ar son a ta sibh a reusonachadh do bhrìgh nach 'eil aran agaibh? Nach 'eil fhios agaibh fathast, agus nach 'eil sibh a' tuigsinn? am bheil bhuir eridhe fathast air a chruadhachadh?

18 Air dhuibh sùilean a bhi agaibh, nach faic sibh? agus air dhuibh cluasan a bhi agaibh, nach chuin sibh? agus nach 'eil sibh a' cuimhneachadh?

19 An uair a bhris mi na euig buillean am measg nan cùig mìle, cia lìon cliabh làn do bhiadh briste a thog sibh? Thubhairt iadsan ris, A dhà dheug.

20 Agus an uair a bhris mi na seachd am measg nan ceithir mìle, cia lìon bascaid làn do bhiadh briste a thog sibh? Agus thubhairt iadsan, Seachd.

21 Agus thubhairt e riu, Cionnus nach 'eil sibh a' tuigsinn?

22 Agus thainig e gu Betsaida, agus thug iad d'a ionnsuidh duine dall, agus ghuidh iad air gu'm beanadh e ris.

23 Agus rug e air laimh an doill agus threòruich e mach as a' bhaile e; agus air dha a shìleadh a chur air a shùilb, agus a làmhnan a chur air, dh'fhèòruich e dhieth an robh e faicinn ni air bith?

24 Agus dh'amhairc esan suas, agus thubhairt e, A ta mi faicinn dhaoine mar ehraobhan ag imeachd?

25 'Na dheigh sin, ehur e a làmhnan a ris air a shùilb, agus thug e air amhare suas: agus dh'aisigeadh a radharc dha, agus chunnaic e gach uile dhuine gu soilleir.

26 Agus ehur e dh'ionnsuidh a thighe fèin e, ag radh, Na rach a steach d'on bhaile, agus na h-innis do neach air bith anns a' bhaile e.

27 Agus chaidh Iosa agus a dheisciobuil a mach gu bailtibh Chesarea Philipi: agus air an t-slighe ehur e ceisd air a dheiseiobluibh, ag radh riu, Cò a tha daoine ag radh is mise?

28 Agus fhreagair iadsan, Eoin Baiste; agus euid eile, Eìlas; agus euid eile, Aon do na fàidhibh.

29 Agus thubhairt esan riu, Ach cò a tha sibhse ag radh is mi? Fhreagair Peadar agus thubhairt e ris, Is tu Crìosd.

30 Agus thug e sparradh dhoibh gun iad a dh'innseadh so uime do neach sam bith.

31 Agus thòisich e r'an teagasg, gur éigin do Mhac an duine mòran do nithibh fhulang, agus a bhi air a dhiultadh leis na seanairibh, agus na h-ard-shagartaibh agus na scriobhuichibh, agus a bhi air a chur gu bàs, agus éirigh a ris an déigh thri làithean.

32 Agus labhair e a' chainnt so os àird. Agus rug Peadar air, agus thòisich e r'a chruachadh.

33 Ach air dhasan tionndadh m'an cuairt, agus amharc air a dheisciobluibh, chronuich e Peadar, ag radh, Imich air mo chùlaobh, a Shatain: oir cha 'n'eil spéis

agad do nithibh Dhé', ach do nithibh dhaoine.

34 Agus air gairm an t-sluaigh, agus a dheisciobuil d'a ionnsuidh, thubhairt e riu, Ge b'e'nach leis an àill teachd a'm' dhéighse, àicheadh se e fein, agus togadh e a chrann-cèusaigh, agus leanadh e mise.

35 Oir ge b'e neach leis an àill anam fein a choimhead, caillidh se e; ach ge b'e neach a chailleas anam air nio shonsa, agus air son an t-soisgeil, coimhididh esan e.

36 Oir ciod e an tairbhe do dhuine, ge do chosnadh e an saoghal gu h-iomlan, agus anam a chall?

37 No eiod a bheir duine an éiríe anama?

38 Oir ge b'e neach a ghabhas nàire dhiomsa, agus do m' fhoclaidh, anns a' ghinealach adhaltrannach agus ole-sa, dheth-san gabhuidh Mae an duine nàire, 'nuair a thig e an glòir Athar, maille ris na h-ainglibh naomha.

# CAIB. IX.

2 A ta cruth Iosa air atharrachadh: 11 A ta e a' teagasg a dheisciobuil mu thimchioll teachd Eìlais; 14 a' tilgeadh a mach an spioraid bhaibh agus bhothair; 30 a' roimh-innseadh a bhaìs, agus aiseirigh; &c.

**A**GUS thubhairt e riu, Gu deimhin a deirim ribh, gu'm bheil cuid dhiubhsan a ta 'nan seasamh an so, nach blais bàs, gus am faic iad rioghaehd Dhé a' teachd le cumhaehd.

2 Agus an ceann shea làithean, thug Iosa Peadar, agus Seumas, agus Eoin leis, agus threòruich e iad leo fèin air leth gu beinn air: agus dh'atharruicheadh a chruth 'nam fianuis.

3 Agus rinneadh eudach dealrach, ro gheal mar an sneachda; air mhodh nach robh e 'n comas do ghlanadair-eudaich sam bith air talamh a ghealachadh.

4 Agus dh'fhoillsicheadh dhoibh Eìlas maille re Maois: agus bha iad a' còmhradh ri h- Iosa.

5 Agus fhreagair Peadar, agus thubhairt e re h-Iosa, A mhaighstir, is maith dhuinne bhi 'n so: air an aobhar sin deanamaid tri bothain; aon duitse, agus aon do Mhaois, agus aon do Eìlas.

6 Oir cha robh fhios aige ciod a their-eadh e: oir bha iad fuirdh eagal ro mhòr.

7 Agus thainig neul a chuir sgàile orra, agus thainig guth as an neul, ag radh, Is e so mo Mhae gràdliach-sa, éisdibh ris.

8 Agus air ball an uair a dh'amhairc iad mu'n timchioll, cha 'n fhac iad neach air bith as sin suas, aeh Iosa 'na aonar maille riu.

9 Agus ag teachd dhoibh a nuas o'n bheinn, dh'aitn e dhoibh gun na nithe a chunnaic iad innseadh do neach sam bith,

agus an éireadh Mac an duine a ris o na marbhaibh.

10 Agus ghleidh iad a' chainnt so aca fein, a' fiosrachadh d'a chéile ciod bu chiall do'n aiseirigh o na marbhaibh.

11 Agus dh'fheadraich iad deth, ag radh, C'ar son a deir na scriobhuichean gur éigin Elias a theachd air tús?

12 Agus fhreagair esan agus thubhairt e riu, Thig Elias gu deimhin air tús, agus aisigidh e na h-uile nìthe, agus mar a ta e scriobhta mu Mhac an duine, gu 'm bheil e gu mòran do nithibh fhulang, agus a bhi air a chur an dimeas.

13 Ach a deirim ribh, gu bheil Elias d'a rìreadh air teachd, agus rinn iad ris gach ni a thogair iad, a réir mar a ta e scriobhta uime.

14 Agus air dha teachd chum a dheisciobuil, chunnaic e sluagh mòr m'an timchioll, agus na scriobhuichean a' deasboireachd riu.

15 Agus air ball bha 'n sluagh uile, 'nuair a chunnaic iad e, fa uamhas mòr, agus air dhoibh ruith d'a ionnsuidh, chur iad fàilt' air.

16 Agus dh'fhiosruich e do na scriobhuichibh, Ciod e mu 'm bheil sibh a' deasboireachd riu?

17 Agus air freagairt do neach do'n t-sluagh, thubhairt e, A mhaighstir, thug mi mo mhac a t' ionnsuidh, anns am bheil spiorad balbh:

18 Agus ge b'e ionad sam bith an glac se e, a ta e 'ga tharruing as a chéile; agus a ta e cur cobhair as a' bheul, agus a' giosgar-nuich le fhiacraibh, agus a ta e a' seargadh as: agus thubhairt mi re d' dheisciobluibh, iad g'a chur a mach, agus cha b' urradh iad.

19 Ach fhreagair esan, agus thubhairt e ris, O chinneigh gun chreidimh, cia fhad a dh'fhuilgeas mi sibh? thugaibh e m' ionnsuidh.

20 Agus thug iad d'a ionnsuidh e: agus an uair a chunnaic se e, reub an spiorad air ball e, agus thuit e air an talamh, agus bha e 'ga aoirneagan<sup>1</sup> fein, agus a' cur cobhair as a' bheul.

21 Agus dh'fhiosruich e d'a athair, Cia fhad an aimsir o thainig so air? agus thubhairt e, O bha e 'na leanabh.

22 Agus gu minic thilg e san tcine e, agus anns an uisge, chum gu milleadh se e: ach ma ta thusa comasach air ni sam bith a dheanamh, gabh tras dinn, agus cuidich leinn.

23 Ach thubhairt Iosa ris, Ma 's urrainn thusa creidsinn, a ta gach aon ni comasach do'n neach a chreideas.

24 Agus ghlaodh athair an leinibh a mach air ball, agus thubhairt e le deuraibh, A ta mi creidsinn, a Thighearn; cuidich thusa le m' mhi-chreidimh.

25 Agus an uair a chunnaic Iosa an sluagh a' ruith cuideachd, chronuich e an spiorad neo-ghlan, ag radh ris, A spioraid bhaibh agus bhothair, a ta mi 'g orduchadh dhuit, Thig a mach as, agus na rach<sup>2</sup> a steach ann ni s' mò.

26 Agus ghlaodh an spiorad, agus reub e gu ro chraiteach e, agus chaidh e mach as: agus bha e 'n riochd mairbh, ionnus gu'n dubhairt mòran, Tha e marbh.

27 Ach air do Iosa a ghlacadh air làimh, thog e suas e, agus dh'éirich e.

28 Agus an uair a chaidh e steach do'n tigh, dh'fhiosruich a dheisciobuil deth os losal, C'ar son nach b' urradh sinne a thilgadh mach?

29 Agus thubhairt esan riu. Cha'n 'eil e comasach gu'n d'theid a' ghnè so mach le ai air bith, ach le h-ùrnuigh agus trosgadh.

30 Agus dh'imich iad as sin, agus chaidh iad tre Ghalile; agus cha b'àill leis fhios so bhi aig aon neach.

31 Oir theagaisg e a dheisciobuil fein, agus thubhairt e riu, A ta Mac an duine air a thabhairt thairis do làmhaibh dhaoine, agus cuiridh iad gu bàs e, agus an déigh a chur gu bàs, éiridh e ris an treas là.

32 Ach cha do thuig iad a' chainnt so, agus bha eagal orra fheadraich dheth.

33 Agus thainig e gu Capernaum, agus air bhi san tigh dha, dh'fhiosruich e dhiubh, Ciod e mu 'n robh sibh a' deasboireachd eadruibh fein, air an t-slighe?

34 Ach dh'fhan iadsan 'nan tosd: oir air an t-slighe bha iad a' reusonachadh eatorra fein, co aca bu mhòd a bhiodh.

35 Agus air suidhe dha, ghairm e 'n dà fhear dheug d'a ionnsuidh, agus thubhairt e riu, Ge b'e neach leis am miann a bhi air thoiseach, bithidh esan air dheireadh air chàch uile, agus 'na sheirbhiseach do na h-uile.

36 Agus ghabh e leanabh, agus chuir e 'nam meadhon e: agus an uair a thog e suas 'na uchd e, thubhairt e riu,

37 Ge b'e neach a ghabhas ri h-aon d'an leithidibh so do leanabaibh a' m' ainmse, a ta se a' gabhail riumsa: agus ge b'e neach a ghabhas riumsa, cha mhise ris am bheil e a' gabhail, ach an Ti a chuir uaith mi.

38 Agus fhreagair Eoin e, ag radh, A mhaighstir, chunnaic sinne neach nach 'eil 'gar leanmhuinn, a' tilgeadh a mach dheamhan a'd'ainmse; agus bhac<sup>3</sup> sinn e, chionn nach 'eil e 'gar leantuinn fein.

39 Ach thubhairt Iosa, Na bacadh e: oir cha 'n'eil neach sam bith a ni mìorbhuil a'm' ainmse, d'am bheil e'n comas olc a labhairt gu h-ealamh umam.

40 Oir ge b'e neach nach 'eil nar<sup>4</sup> n-aghaidh, a ta e leibh.

41 Oir ge b'e ucach a bheir cupan uisge

<sup>1</sup> aoineagan, aonairt.    <sup>2</sup> teirig, gabh.

<sup>3</sup> thoirmisg.

<sup>4</sup> ann bhar.



dhuibhse r'a òl a'm'ainmse, chionn gur le Criosd sibh, gu deimhin a deirim ribh, nach cail e a dhuais.

42 Agus ge b'e bheir aobhar oilbheim dh'aon neach do na h-aonaibh beaga so, a ta creidsinn annamsa, b'fhearr dha gu'm biodh clach-mhuilinn air a crochadh m'a mhuineal, agus gu 'm biodh e air a thilgeadh san fhaighe.

43 Agus ma bheir do làmh aobhar oilbheim dhuit, gearr dhìot i: is fearr dhuit dol do'n bheatha air leth làimh, na dà làimh a bhì agad, agus dol gu h-ìfrinn, do'n teine nach mùchar a chòidhch:

44 Far nach bàsaich an cnuimh, agus nach d'théid an teine as.

45 Agus ma bheir da chos aobhar oilbheim dhuit, gearr dhìot i: is fearr dhuit dol a steach do'n bheatha air leth chois, na dà chois a bhì agad, agus a bhì air do thilgeadh ann an ìfrinn, do'n teine nach mùchar a chòidhch;

46 Far nach bàsaich an cnuimh, agus nach d'théid an teine as.

47 Agus ma bheir do shùil aobhar oilbheim dhuit, spòn asad i: is fearr dhuit dol a steach do rioghachd Dhé air aon sùil, na dà shùil a bhì agad, agus a bhì air do thilgeadh ann an teine ìfrinn:

48 Far nach bàsaich an cnuimh, agus nach d'théid an teine as.

49 Oir sailleair gach aon neach le teine, agus sailleair gach aon ìobairt le salann.

50 Is maith an salann: ach ma chailleas an salan a shailleachd, ciod e leis an dean sibh deadh-bhlada e? Biodh agaibh salann annaibh fein, agus bithibh sìochail r'a chèile.

### CAIB. X.

2 *A ta Criosd a' deasboireachd ris na Phairisich nu thimchioll dealachaidh fir agus mnà pòda: 13 a' beannachadh cloinne a thugadh d'a ionnsuidh: 17 ag innseadh do dhuine saibhir cionnus a dh'fheudas e a' bheatha shuthain a shealbhadh, &c.*

**A**GUS air éirigh dha as sin, thainig e a ta air an taobh thall do Iordan: agus thainig slòigh d'a ionnsuidh a ris; agus mar bu ghnàth leis, theagaisg e iad a ris.

2 Agus air teachd do na Phairisich d'a ionnsuidh, dh'fhiosruich iad deth, Am bheil e ceaduichte do dhuine a bhean a chur air falbh? 'ga dhearbhadh.

3 Ach fhreagair esan agus thubhairt e riu, Ciod a dh'arinn Maois dhuibh?

4 Agus thubhairt iadsan, Thug Maois cead duinn litir-dhealaich a scriobhadh, agus a cur air falbh.

5 Agus fhreagair Iosa agus thubhairt e riu, Air son cruais bhur cridhe, scriobh e 'n àithne so dhuibh.

6 Gidheadh o thoiseach na cruitheachd, rinn Dia iad fear agus bean.

7 Air an aobhar so faguidh duine athair

agus a mhàthair, agus dlù-leanaidh e r'a mhnai phòda:

8 Agus bithidh iad araon 'nan aon fheoil: ionnus nach dithis iad o sin suas, ach aon fheoil.

9 Air an aobhar sin an nì a chuir Dia cuideachd, na cuireadh duine o chèile.

10 Agus anns an tigh dh'fheòraich a dheisciobuil deth a ris mu thimchioll an nì cheudna.

11 Agus thubhairt e riu, Ge b'e neach a chuireas air falbh a bhean fein, agus a phòsas bean eile, a ta e a' deanamh adhaltrannais 'na h-aghaidh:

12 Agus ma chuireas bean air falbh a fear fein, agus ma bhitheas i air a pòsadh ri fear eile, a ta i a' deanamh adhaltrannais.

13 Agus thug iad leanabana d'a ionnsuidh, chum as gu'm beanadh e riu; agus chruineach a dheisciobuil a' mhuinntir a thug leo iad.

14 Ach an uair a chunnaic Iosa sin, bha e ro dhiombach, agus thubhairt e riu, Leigibh do na leanabanaibh teachd a m' ionnsuidh, agus na bacuibh iad: oir is ann d'an leithidibh a ta rioghachd Dhé.

15 Gu deimhin a deirim ribh, Ge b'e neach nach gabh rioghachd Dhé mar leanabh beag, nach d'théid e gu bràth a steach innte.

16 Agus ghlac e 'na uchd iad, agus chuir e a lamhan orra, agus bheannuich e iad.

17 Agus an uair a chaidh e mach air an t-slighe, thainig neach 'na ruith, agus leig se e fein air a ghlùinibh dha, agus dh'fheòraich e dheth, A mhaighstir mhaith, ciod a nì mi chum gu sealbhaich mi a' bheatha mhaireannach?

18 Agus thubhairt Iosa ris, C'ar son a ghoireas tu maith dhìomsa? cha 'n'eil neach sam bith maith, ach a h-aon, is e sin Dia.

19 Is aithne dhuit na h-àitheanta, Na dean adhaltrannas, Na dean mortadh, Na goid, Na toir fianuis bhreige, Na dean eucoir,<sup>2</sup> Thoir onoir do t'athair, agus do d' mhàthair.

20 Ach fhreagair esan agus thubhairt e ris, A mhaighstir, choimhid mi iad so uile o m'òige.

21 Agus air amharc do Iosa air, ghràdhach se e, agus thubhairt e ris, A ta aon nì dh'uireasbhuidh ort: imich, reic na bheil agad, agus tabhair do na bochdaibh, agus bithidh agad ionnmas air néamh; agus thig, tog an crann-cèusaidh, agus lean mise.

22 Agus bha doilghios air-san air son nam briathra sin, agus dh'fhalbh e gu tuirseach; oir bha mòran saibhris aige.

23 Agus air amharc do Iosa m'an cuairt, thubhairt e r'a dheisciobluibh, Cia deacair<sup>3</sup> do'n mhuinntir sin aig am bheil mòr shuibheas dol a steach do rioghachd Dhé!

<sup>1</sup> ghairmeas. <sup>2</sup> mealluireachd. <sup>3</sup> doilich.

24 Agus bha mòr uamhas air na deiscioblubh air son a bhriathra. Ach fhreagair Iosa a ris, agus thubhairt e riu, A chlann, cia deacair dhoibh-san a chuireas an dòigh ann an saibhreas, dol a steach do rioghachd Dhé!

25 Is usadh do chàmhail dol tre chrò na snàthaide, na do dhuine saibhir dol a steach do rioghachd Dhé.

26 Ach bha uamhas orrasan thar tomhas, ag radh eatorra fein, Cò ma seadh a dh'fhudas a bhi air a shaoradh?

27 Agus air do Iosa amharc orra, thubhairt e, Do dhaoineibh a ta so eu-comasach, ach cha 'nèil e do Dhia: oir do Dhia a ta na h-uile nithe comasach.

28 Agus thòisich Peadar air a radh ris, Feuch, thréig sinne na h-uile nithe, agus lean sinn thusa.

29 Ach fhreagair Iosa, agus thubhairt e, Gu deimhin a deirim ribh, nach 'eil neach sam bith a dh'fhàg tigh, no bràithre, no peathraiche, no athair, no màthair, no bean-phòsda, no clann, no fearann, air mo shonsa agus air son an t-soisgeil,

30 Nach faigh a cheud uiread san aimsir so fein, tighean, agus bràithrean, agus peathraichean, agus màthraichean, agus clann, agus fearann, maille ri geur-leanmhuinn; agus anns an t-saoghal a ta ri teachd, a' bheatha mhaireannach.

31 Ach a ta mòran air thùs, a bhitheas air dheireadh; agus air dheireadh, a bhitheas air thùs.

32 Agus bha iad air an t-slighe a' dol suas gu Hierusalem: agus bha Iosa ag imeachd rompa; agus ghabh uamhas iad, agus ag dhoibh *esan* a leantuinn bha eagal orra. Agus thug e an dà fhear dheug air leth a ris, agus thòisich e air na nithe a bha gu tachairt dà innseadh dhoibh.

33 Ag radh, Feuch, a ta sinn a' dol suas gu Hierusalem, agus bithidh Mac an duine air a thoirt thairis do na h-ard shagartaibh,<sup>1</sup> agus do na scriobhuichibh: agus dèidh iad chum bàis e, agus bheir iad thairis e do na Cinnich;

34 Agus nì iad fanoid air, agus sgiùrsaidh iad e, agus tilgidh iad smugaid air, agus cuiridh iad gu bàs e: agus air an treas la éiridh e ris.

35 Agus thainig d'a ionnsuidh Seumas agus Eoin, mic Shebede, ag ràdh, A mhaighstir, is àill leinn gu'n dean thu dhuinne ge b'e nì a dh'iarraas sinn.

36 Agus thubhairt *esan* riu, Ciod is àill libh mise a dheanamh dhuibh?

37 Agus thubhairt iadsan ris, Deònuich dhuinne gu'n suidheamaid, a h-aon air do laimh dheis, agus am fear eile air do laimh chli ann do ghloir.

38 Ach thubhairt Iosa riu, Ch'an aithne dhuibh ciod a ta sibh ag iarraidh: am bheil

sibh comasach air a' chupan òl a dh'òlas mise? agus a bhi air bhuir baisteadh leis a bhaisteadh leis am baistear mise?

39 Thubhairt iadsan ris, A ta sinn comasach. Ach thubhairt Iosa riu, Oluidh sibhse gu deimhin an cupan a dh'òlas mise; agus baistear sibh leis a' bhaisteadh leis am baistear mise:

40 Ach suidhe air mo laimh dheis, agus air mo laimh chli, cha leanais sin r'a thabhairt, ach dhoibhsan d'an d'ulluicheadh e.

41 Agus air cluinntinn so dò'n deichnear, thòisich iad air mòr chorruih a ghabhail re Seumas agus Eoin.

42 Ach air do Iosa an gairm d'a ionnsuidh, thubhairt e riu, A ta fhios agaibh gu bheil aca-san a ta air am meas mar uachdarain air na Cinnich, àrd thighearnas orra; agus gu bheil aig na daoineibh mòra làn ùghdarras orra.

43 Ach cha bhi e mar sin 'nar measg-sa: ach ge b'e neach le'n àill a bhi mòr 'nar measg, bithidh e 'na òglach aguibh:

44 Agus ge b'e neach agaibh le'n àill toiseach a bhi aige, bithidh e 'na sheirbhis-seach do na h-uile.

45 Oir cha d'thainig eadhon Mac an duine chum gu'n deantadh frithealadh dha, ach a dheanamh deithealaidh, agus a thoirt anama fein mar éiric air son mhòrain.

46 Agus thainig iad gu Iericho: agus air imeachd dhasan agus d'a dheiscioblubh, agus do shluagh mòr, a mach a Iericho, bha Bartimeus an dall, mac Thimeuis, 'na shuidhe ri taobh na slighe, ag iarraidh déirce.

47 Agus air cluinntinn da gu'm b'e Iosa o Nasaret a bh'ann, thòisich e ri fglaoth-aich, agus a ràdh, Iosa, Mhic Dhaibhidh, dean tròcair orm.

48 Agus chronuich mòran e, chum's gu'm biodh e 'na thosd: ach bu ro mhòid a ghlaodh *esan*, A Mhic Dhaibhidh, dean tròcair orm.

49 Agus sheas Iosa, agus dh'àithn e *esan* a ghairm d'a ionnsuidh: agus ghairm iad an dall, ag ràdh ris, Biodh misneach agad, éirich, tha e ga d'ghairm.

50 Agus air dhasan f'halluing<sup>2</sup> a thilgeadh uaidh, dh'éirich e, agus thainig e gu h-Iosa.

51 Agus fhreagair Iosa, agus thubhairt e ris, Ciod is àill leat mise a dheanamh dhuit? Thubhairt an dall ris, A Thighearn, mi dh'fhaotainn mo radhaire.

52 Agus thubhairt Iosa ris, Imich; shlànuich do chreidimh thu. Agus air ball fhuair e a radharc, agus lean e Iosa san t-slighe.

## CAIB. XI.

1. Ata Iosa marcachd gu buadhach do Hierusalem; 12 a' mallachadh na craoibh air an robh duilleach gun mheas; 15 a' glanadh

<sup>1</sup> prìomh shagartaibh.

<sup>2</sup> eudach-uachdair.



an teampull; 20 ag earalachadh a dheisciobul chum iad a bhi seasmhach sa' chreidimh, &c.

**A** GUS an uair a thainig iad am fagus do Hierusalem, gu Bethpäge, agus Betani, aig sliabh nan crann-ola, chuir e uaith dithis d'a dheisciobluibh.

2 Agus thubhairt e riu, Rachaidh do'n bhaile ud thall fa'r comhair; agus air ball an uair a theid sibh a steach ann, gheibh sibh searrach ceangailte, air nach do shuidh aon duine riamh; fuasglaibh e, agus thugaidh leibh e.

3 Agus ma their neach air bith ribh, C'ar son a ta sibh a' deanamh so? abraidh, Gu'm bheil feum aig an Tighearn air; agus air ball cuiridh e'n so e.

4 Agus dh'imich iad, agus fhuvair iad an searrach ceangailt' a muigh aig an doras, aig coinneachadh dà shlighe; agus dh'fhuasgail iad e.

5 Agus thubhairt cuid dhiubhsan, a bha 'nan seasamh an sin, riu, C'ar son a ta sibh a' fuasgladh an t-searraich?

6 Agus thubhairt iadsan riu mar a dh'aithn Iosa dhoibh: agus leig iad uatha iad.

7 Agus thug iad an searrach chum Iosa, agus chuir iad am falluingean air; agus shuidh esan air.

8 Agus sgaoil mòran am falluingean fèin air an t-slighe: agus ghearr cuid eile geugan do na craobhaibh, agus sgaoil iad air an t-slighe iad.

9 Agus ghlaodh iadsan a bha 'g imeachd roimhe, agus iadsan a bha 'ga leantuinn, ag radh, Hosana, is beannuichte an ti a ta teachd ann an ainm an Tighearna.

10 Is beannuichte rioghachd ar n-Athar Daibhidh, a ta teachd [ann an ainm an Tighearna]; Hosana anns na h-àrdaibh.

11 Agus chaidh Iosa a steach do Hierusalem, agus do'n teampull; agus an uair a dh'amhairc e air gach nì m'an cuairt, agus a bha'm feasgar a nis air teachd, chaidh e mach gu Betani maille ris an dà fhear dheug.

12 Agus air an là màireach, 'nuair a chaidh iad a mach a Betani, dh'fhàs e ocrach.

13 Agus 'air faicinn craoibh-fhùge fada uaith, air an robh duilleach, thainig e, dh'fheuch sinn am faigheadh e nì sam bith oirre: agus air dha teachd d'a h-ionnsuidh, cha d'fhuair e nì sam bith ach duilleach; oir cha robh am tionail nam fìge fathàst ann.

14 Agus fhreagair Iosa agus thubhairt e rithe, Nar itheadh neach sam bith toradh dhìotsa o so suas a choidhch. Agus chual a dheisciobuil e.

15 Agus thainig iad gu Hierusalem: agus air do Iosa dol a steach do'n teampull, thòisich e air an dream a bha reiceadh agus a' ceannach san teampull a chur a mach, agus thig e thairis buird luchd-malairt an airgid,

agus caithriche na muinntir a bha reiceadh choluman:

16 Agus cha'n fhuilgeadh e gu 'n iomchaireadh neach sam bith soitheach troimh' an teampull.

17 Agus theagaisg e, ag radh riu, Nach 'eil e scriobhta, Goirear tigh ùrnuigh do m' thighsa do' na h-uile chinneachaibh? Ach rinn sibhse 'na gharaidh luchd-reubainn e.

18 Agus chuala na scrìobhuichean agus na h-àrd shagairt<sup>3</sup> so, agus dh' iarr iad cionnus a dh'fheadadh iad esan a mhill-eadh: oir bha eagal-san orra, do bhrìgh gu'n robh an sluagh uile fa iongantas mòr r'a theagasg.

19 Agus an uair a bha 'm feasgar air teachd, chaidh e mach as a' chathair<sup>4</sup>.

20 Agus air mhaduinn, ag gabhail seachad dhoibh, chunnaic iad an crann-fìge air crìonadh o fhreumhaibh.

21 Agus air cuimhneachadh do Pheadar, thubhairt e ris, A mhaighstir, feuch, a ta chraobh-fhìge, a mhalluich thu, air crìonadh.

22 Agus fhreagair Iosa, agus thubhairt e riu, Biodh creidimh Dhé agaibh.

23 Oir gu deimhin a deirim ribh, ge b'e neach a their ris a' bheinn so, Togar thu, agus tilgear san fhairege thu, agus nach bi fa amharus 'na chridhe, ach a chreideas gu'n tachair na nithe a their e, thig gach nì a their e gu crìch dha.

24 Air an aobhar sin a deirim ribh, Ge b'e nithe air bith a dh'iarras sibh ann an ùrnuigh, creidibh gu'm faigh sibh, agus gheibh sibh.

25 Agus an uair a shcasas sibh a' dheanamh ùrnuigh, maithibh, ma ta nì air bith agaibh an aghaidh aon duine, chum gu maith bhur n-Athair a ta air nèamh bhur peacaidh fèin duibhse.

26 Ach mur maith sibhse, cha mhò a mhaithreas bhur n-Athair a ta air nèamh bhur peacaidh fèin duibhse.

27 Agus thainig iad a ris gu Hierusalem: agus air bhi dhasan a' spaisdeireachd<sup>5</sup> anns an teampull, thainig d'a ionnsuidh na h-àrd shagairt<sup>6</sup> agus na scrìobhuichean, agus na seanairean.

28 Agus a deir iad ris, Ciod e an t-ùghdarras le'm bheil thu a' deanamh nan nithe so? Agus cò thug dhuit an t-ùghdarras so chum na nithe se dheanamh?

29 Agus fhreagair Iosa agus thubhairt e riu, Feòraichidh mise mar an ceudna aon nì dhiubhse, agus freagraibh mi, agus innsidh mise dhuibhse ciod e an t-ùghdarras le'n deanam na nithe se.

30 An ann o neamh, no o dhaoibh a thainig baisteadh Eoin? freagraibh mi.

31 Agus bha iad a' reusonachadh eatorra fèin, ag radh, Ma their sin, O nèamh, their

<sup>1</sup> tre. trid. <sup>2</sup> leis. <sup>3</sup> prìomh shagairt. <sup>4</sup> a' bhaile. <sup>5</sup> sràideis. <sup>6</sup> prìomh shagairt.

esan ruinn, C'ar son ma seadh nach do chreid sibh e?

32 Ach ma their sinn, O dhaoibh; bha eagal an t-sluaigh orra, oir b'e meas gach uile air Eoin gu'm b'fhaidh e gu firinneach.

33 Agus air freagairt dhoibh, thubhairt iad re h-Iosa, Cha'n eil fhios aguinn. Agus fhreagair Iosa agus thubhairt e riu, Cha mhò a dh'inneas mise dhuibhse ciod e an t-ùgdarras le'n deanam na nitheise.

## CAIB. XII.

1 *Ann an cosamhlachd an fhion-lios a shuidh-icheadh air tuath mhi-thaingeil, a ta Criod ag innseadh roimh-laimh diultadh nan Iudhach, agus gairm nan Cinneach. 13 Tha e seachnadh an ribe a chuir na Phairisich, agus na Herodianaich roimhe, mu thimchioll iocadh cise do Cheasar: 18 a' nochdadh mearachd nan Sadusaich mu thimchioll aiseirigh nam marbh, &c.*

**A** GUS thòisich e air labhairt riu ann an cosamhlachdaibh. Shuidhich duine àraidh fion-lios, agus chuir e gàradh m'an cuairt air, agus chladhaich e ionad bruthaidh nam fion-dhearca, agus thog e tùr, agus shuidhich e air tuath e, agus ghabh e thurus as a dhùthaich.

2 Agus san àm dhligheach chuir e seirbhiseach chum na tuatha, chum's gu'm faigheadh e do thoradh an fhion-lios o 'n tuath.

3 Ach air dhoibh-san esan a ghlacadh, bhuail iad e, agus chuir iad uatha falamh e.

4 Agus a ris chuir e seirbhiseach eile d'an ionnsuidh; agus chlach iad e, agus reub iad a cheann, agus chuir iad uatha e le h-eas-urram.

5 Agus a ris chuir e neach eile d'an ionnsuidh; agus esan mharbh iad: agus mòran eile, a' bualadh cuid duibh, agus a' marbhadh cuid eile.

6 Cathast uime sin air dha aon Mhac a bhi aige, a b' ionmhuinn leis, chuir e esan mar an ceudna fa dheoidh d'an ionnsuidh, ag radh, Bheir iad urram do m'Mhac.

7 Ach thubhairt an tuath sin 'nam measg fein, Is e so an t-oighre; thigibh, marbhamaid e, agus bithidh an oighreachd aguinn fein.

8 Agus rug iad air, agus mharbh iad e, agus thig iad a mach as an fhion-lios e.

9 Ciod e uime sin a ni Tighearn an fhion-lios? Thig e agus sgriosuidh e 'n tuath sin, agus bheir e 'm fion-lios do dhaoibh eile.

10 Nach do leugh sibh an scriobtuir so? A' chlach a dhiult na clachaircan, rinneadh ceann na h-oisinn dith.

11 Rinneadh so leis an Tighearn, agus is iongantach e 'nar sùilbhe-ne.

12 Agus dh'iarr iad breith air, ach bha eagal an t-sluaigh orra; oir thuig iad gu'm b'ann 'nan aghaidh fein a labhair e an ccosamhlachd: agus air fhàgail doibh, dh'imich iad rompa.

13 Agus chuir iad d'a ionnsuidh dream àraidh do na Phairisich, agus do luchd-leannmhuinn Heroid, chum's gu'n glacadh iad e 'na chainnt.

14 Agus air dhoibh-san teachd, thubhairt iad ris, A mhaighstir, a ta fhios aguinn gu bheil thusa firinneach, agus nach 'eil suim agad do neach air bith: oir cha 'n eil thu ag amharc air gnùis dhaoine, ach a' teag-asg slighe Dhé ann am firinn. Am bheil e ceaduichte cis a thoirt do Cheasar, no nach 'eil? an tabhair, no nach tabhair sinn i?

15 Ach air dhasan an cealg a thuigsinn, thubhairt e riu, C'ar son a ta sibh ga 'm bhuaireadh? thugaibh peghinn a m' ionnsuidh, chum's gu'm faicain i.

16 Agus thug iad d'a ionnsuidh i, agus thubhairt e riu, Cò d'an iomhaigh so, agus cò d' am buin an scriobhadh so? Agus thubhairt iadsan ris, Do Cheasar.

17 Agus fhreagair Iosa, agus thubhairt e riu, Thugaibh do Cheasar na nithe a's le Dia. Agus ghabh iad iongantais ris.

18 An sin thainig na Sadusaich d'a ionnsuidh, a deir 'nach eil aiseirigh ann; agus dh'fheòraich iad deth, ag radh,

19 A mhaighstir, scriòbh Maois dhuinne, Nam faigheadh bràthair duine air bith bàs, agus gu 'm fàgadh e bean, agus nach fàgadh e clann, gu'n gabhadh a bhrathair a bhean *du ionnsuidh*, agus gu 'n togadh e sliochd d'a bhrathair.

20 A nis bha seachdnar bhràithrean ann: agus ghabh an ceud fhear dhiubh bean, agus an uair a dh'eug e, cha d'fhàg e sliochd.

21 Agus ghabh an dara fear i, agus fhuair esan bàs, agus cha mhò a dh'fhàg esan sliochd: agus an treas fear mar an ceudna.

22 Agus ghabh an t-seachdnar i, agus cha d'fhàg iad sliochd: 'nan deigh uile, chaochail a' bhean mar an ceudna.

23 Anns an aiseirigh uime sin, an uair a dh'éireas iad, cò dhiubh d'am bean i? oir bha i aig an t-seachdnar 'na mnaoi.

24 Agus fhreagair Iosa agus thubhairt e riu, Nach 'eil sibh uime sin ann am mearachd, do bhrìgh nach 'eil eòlas agaibh air na scriobtuiribh, no air cumhachd Dhé?

25 Oir an uair a dh'éireas iad o na marbh-aibh, ni 'm pòs iad, ni mò a bheirear am pòsadh iad: ach a ta iad mar na h-aingil a ta air ncamh.

26 Ach mu thimchioll nam marbh, gu'n éirich iad, nach do leugh sibh ann an leabhar Mhaois, cionnus a labhair Dia ris anns a' phreas, ag radh, Is mise Dia Abraham, agus Dia Isaac, agus Dia Iacoib?

27 Cha 'n e Dia nam marbh e, ach Dia nam beo: tha sibhse uime sin ann am mearrachd mòr.

28 Agus thainig neach do na scriobh-uichibh. agus an uair a chual e iadsan a'



deasboireachd r'a chéile, agus a thuig e gu'n do fhreagair e gu maith iad, chuir e ceist air, C'í a' cheud àithne do na h-àith-eantaibh uile?

29 Agus fhreagair Iosa e, 'S i so a' cheud àithne do na h-aitheantaibh uile, Eisd, O Israel, an Tighearna ar Dia-ne, is aon Tigh-earn e;

30 Agus gràdhaichidh tu an Tighearn do Dhia lc d'uile chridhe, agus le d'uile anam, agus le d'uil' inntinn, agus le d'uile neart: 's i so a' cheud àithne,

31 Agus is cosmhuil an dara àithne rithe so, Gràdhaichidh tu do choimhearsnach mar thu féin: cha 'n'eil àithne eile ann a's mò na iad so.

32 Agus thubhairt an scrìobhuiche ris, Is maith, gu firinneach, a Mhaighstir, a thubhairt thu: oir a ta aon Dia ann, agus cha 'n'eil atharrach ann ach e féin.

33 Agus esan a ghràdhachadh leis an uile chridhe, agus leis an uile thuigse, agus leis an uile anam, agus leis an uile neart, agus neach a ghràdhachadh a choimhears-naich mar e féin, is mò sin na na h-uile làn ìobairte-loisgte, agus thabharta-sa.

34 Agus air faicinn do Iosa gu 'n do fhreagair e gu tuisgeach, thubhairt e ris, Cha 'n'eil thu fada o rioghachd Dhé. Agus cha robh a mhisnich aig neach air bith o sin suas ceist a chur air.

35 Agus fhreagair Iosa agus thubhairt e, a' teagasg anns an teampull, Cionnus a tha na scrìobhuichean ag radh, gur e Crìosd Mac Dhaibhidh?

36 Oir thubhairt Daibhidh féin tre 'n Spiorad naomh, Thubhairt an Tighearn ri m' Thighearn-sa, Suidh air molàim dhéis, agus an cuir mi do naimhde 'nan stòl fa d' chosaibh.

37 Air an aobhar sin a ta Daibhidh féin a' gairm a Thighearna dheth; cionnus na seadh is e mhac e? Agus dh'éisd am mòr shluagh ris gu tàitneach.

38 Agus thubhairt e riu 'na theagasg, Bithibh air bhur faicill o na scrìobhuichibh, leis an ionmhuinn imeachd ann an culaidh-ibh fada, agus fàilte fhaotainn air na marg-aibh.

39 Agus na ceud chaithriche anns na sionagogaibh, agus na ceud àiteacha-suidhe aig na feisdibh:

40 A dh'itheas suas tighean bhantrach, agus air sgàth deadh choslais a ni ùrnuigh-ean fada: gheibh iad sin an dìteadh<sup>1</sup> a's mò.

41 Agus air do Iosa suidhe fa chomhair aite-coimhid an ionmhais, thug e fa'ncar cionnus a bha 'm pobull a' cur an airgid anns an ionmhas: agus chluir mòran do dhaoineibh saibhre mòran ann.

42 Agus air teachd do bhantraich bho chd, thilg i dà bhonn bheaga ann, a ni feoirlin.

43 Agus air dha a dheisciobuil a ghairm d'a ionnsuidh, thubhairt e riu, Gu deimbin deirim ribh, gu'n do chuir a' bhantrach bho chd so tuilleadh san ionmhas, na iadsan uile a thilg ann.

44 Oir thilg iadsan uile ann d'am mòr phailteas; ach thilg ise as a gainne na bha aice uile, eadhon a beathachadh gu h-iom-lan.

### C A I B. XIII.

1 *A ta Crìosd ag innseadh roimh-laimh sgrìos an teampull: 9 Geur-leanmhuinn air son an t-soisgeil, 10 agus gur eigin an soisgeul a bhi air a shearmonachadh do gach uile chinneach: 14 Gu'n d'thig àmhghara mòra air na h-Iudhachaibh: 24 Dòigh a theachd-san chum breitheanais, &c.*

**A** GUS an uair a bha e dol a mach as an teampull, thubhairt neach d'a dheisciobuil ris, A Mhaighstir, feuch ciod e a' ghnè chlach so, agus ciod e a' ghnè aireibh so?

2 Agus fhreagair Iosa agus thubhairt e ris, Am faic thu 'n aireach mhòr so? cha'n fhàgar clach air muin cloiche, nach sgarar o chéile.

3 Agus air suidhe dha air sliabh nan crann-ola, fa chomhair an teampull, dh'fheòraich Peadar, agus Seumas, agus Eoin, agus Aindreas os ìosal deth,

4 Innis duinne c'uin a bhitheas na nithe sin, agus ciod e 'n comhara 'nuair a bhitheas na nithe sin gu léir air an coimhlionadh.

5 Agus fhreagair Iosa iad, agus thòisich e air a radh, Thugaibh an aire nach meall aon neach sibh.

6 Oir thig mòran ann am ainmse, ag radh, Is mis e: agus meallaidh iad mòran.

7 Agus an uair a chluinneas sibh coganna, agus tuairisgeul<sup>2</sup> choganna, na biodh buaireas oirbh: oir is eigin iad so a theachd; ach cha 'n'eil an deireadh ann fathast.

8 Oir éiridh cinneach an aghaidh cinnich, agus rioghachd an aghaidh rioghachd: agus bithidh critheanna talmhainn ann an iomadh àit, agus bithidh gorta agus trioblaidean ann: 's iad sin toiseach dhòruinnean.<sup>3</sup>

9 Ach thugaibh an aire dhuibh féin: oir bheir iad thairis sibh do chomhairleibh: agus anns na sionagogaibh sgiursar sibh, agus cuirear sibh an làthair uachdarana agus rìghrean air mo shonsa, mar fhianuis dhoibhsan.<sup>4</sup>

10 Agus is éigin air tùs an soisgeul a bhi air a shearmonachadh do na h-uile chinneachaibh.

11 Ach an uair a bheir iad leo sibh, 'gar tabhairt thairis, na biodh e na ro-chùram oirbh ciod e a labhras sibh, agus na smuainichibh roimh-laimh air: ach ge b'e ni a bheirear dhuibh san uair sin féin,

<sup>1</sup> peanas, damnadh.

<sup>2</sup> ìomraidhean.

<sup>3</sup> àmhghara.

<sup>4</sup> 'nan aghaidhsan.

abrainh e: oir cha sibhse ta labhairt, ach an Spiorad naomh.

12 Agus bheir am bràthair a bhrathair thairis chum bàis, agus an t-athair a mhac: agus éiridh a' chlann suas an aghaidh am pàranta, agus bheir iad fa'near an cur gu bàs.

13 Agus bithidh sibh air bhur fuathachadh leis na h-uile dhaoibh air sgàth m'ainmese: ach an ti a bhunaicheas chum na crìche, 's e so a shaorar.

14 Ach an uair a chì sibh gràinealachd an léir-sgrios, air an do labhair Daniel am fàidh, 'n a seasamh anns an ionad nach bu chòir dh'i, (tuigeadh an ti a leughas) an sin teicheadh iadsan, a ta ann an tìr Iudea, chum nam beann:

15 Agus na d'thigeadh esan a ta air mullach an tighe, a nuas do'n tigh, agus na rachadh e steach, a thoirt nì air bith as a thigh.

16 Agus an ti 'ta sa' mhachair, na pill-eadh e air ais a thogail fhalluinge leis.

17 Ach mo thruaigh iad na mnàì sin a ta torrach, agus iadsan a ta toirt cìche sna làithibh sin!

18 Agus guidhibhse gun bhur teicheadh a bhì sa' gheamhradh.

19 Oir bithidh àmhghar anns na làithibh sin, amhuil nach robh a leithid ann o thoiseach na cruithachd a chruthaich Dia, gus a nis, agus nach mò a bhitheas.

20 Agus mur giorraicheadh an Tighearn na làithean ud, cha rachadh feoil air bith as: ach air son an t-sluaigh thaghta, a thagh e féin, ghiorraich e na làithean ud.

21 Agus an sin ma their neach air bith ribh, Feuch, a ta Crìosd an so, no, Feuch, a ta e 'n sin, na creidibh e.

22 Oir éiridh Crìosdan bréige, agus fàidhean bréige, agus nì iad comharan, agus mìorbhuilean, chum, nam bu chomach e, na daoine taghta fein a mhealladh.

23 Ach thugaibhs' an aire: feuch, roimh-innis m' dhuibh na h-uile nithe.

24 Ach anns na làithibh sin, an déigh an àmhghar ud, bithidh a' ghrian air a dorachachadh, agus cha toir a' ghealach a solus uaipe:¹

25 Agus tuitidh reulta nèimhe, agus bithidh na cumhachdan a ta sna nèimhaibh air an crathadh.

26 Agus an sin chì iad Mac an duine a' teachd anns na neulaibh, maille ri mòr chumhachd, agus glòir.

27 Agus an sin cuiridh e aingil a mach, agus cruinnichidh e r'a chèile a dhaoine taghta féin o na ceithir gaothaibh, o leth-iomall na talmhainn gu leth iomall nèimhe.

28 A nis fòghlumaibh cosamhlachd o'n chraoibh-fhìge: an uair a bhitheas a geug a nis maoth, agus a chuireas i mach a duil-

leach, a ta fhios agaibh gu bheil an samh-radh am fagus:

29 Agus mar an ceudna sibhse, an uair a chì sibh na nithese tachairt, biodh fhios agaibh gu bheil e 'm fagus, eudhon aig na dorsaibh.

30 Gu deimhin a deirim ribh, nach dtheid an linn² so thairis, gus an coimh-lìonar na nithese uile.

31 Theid nèamh agus talamh seach: ach cha dtheid m' fhocailse seach a choidhch.

32 Ach cha 'n'eil fios an là no na h-uair sin aig neach air bith, cha 'n'eil aig na h-ainglibh a ta air nèamh, no aig a' Mhac, ach aig an Athair.

33 Thugaibh fa'near, deanaibh faire agus ùrnuigh: oir cha 'n'eil fhios agaibh c'uin a thig an t'àm.

34 Oir a ta Mac an duine mar dhuine a chaidh air thurus, agus a dh'fhàg a thigh fein, agus a thug d'a sheirbhìsh cumachd, agus obair féin do gach neach, agus a thug aithne do'n dorsair faire a dheanamh.

35 Uime sin deanaibhse faire, (oir cha 'n'eil fhios agaibh c'uin a thig maighstir an tighe; an ann air feasgar, no air mheadhon-oidhche, no aig gairm-choileach, no anns a' mhaduinn)

36 An t-eagal air teachd dha gu h-obann, gu 'm faigh e sibh 'nar codal.

37 Agus na nithe a deirim ribhse, a deirim ris na h-uile dhaoibh, Deanaibh faire.

#### CAIB. XIV.

1 Comhairle an aghaidh Chrìosd. 3 Dhòir-teadh ola phrìseil air a cheann. 10 Reic Iudas a Mhaighstir air son airgid. 12 Tha Crìosd fein ag innseadh roimh-laimh cionnus a bha e gu bhì air a bhrath le h-aon d'a dheisciobluibh. 22 Dh'òrduich e a Shuipèir, &c.

**A**GUS bha a' chàisg, agus féisd an arain neo-ghoirtichte an déigh dà latha: agus dh'iarr na h-àrd shagairt agus na scrìobhuichean, cionnus a ghlacadh iad esan le feill, agus a chuireadh iad gu bàs e.

2 Ach thubhairt iad, Cha 'n ann air an fhéisd, air eagal gu'n éirich buaireas am meas an t-sluaigh.

3 Agus air bhì dha ann am Betani, ann an tigh Shimoìn an lobhair, an uair a bha e 'na shuidhe aig bòrd,³ thainig bean, aig an robh bocsa alabastair do ola spicnaird, ro luachmhoir; agus bhris i 'm bocsa, agus dhòirt i air a cheann e.

4 Agus bha cuid diubh diombach anna fein, agus ag radh, C'ar son a rinneadh an t-ana-caitheadh so air an ola?

5 Oir dh'fheadhadh i bhì air a reiceadh air son tuilleadh 's tri cheud peghinn, agus air a toirt do na bochdaibh. Agus rinn iad gearan 'na h-aghaidh.

6 Ach thubhairt Iosa, Lcigibh leatha;

¹ uaithe.

² ginealach.

³ aig bladh.



c'ar son a ta sibh cur dragha oirre? rinn i obair mhaith ormsa.

7 Oir a ta na bochdan a ghnàth maille ribh, agus ge b'e uair is àill libh, feudaidd sibh maith a dheanamh dhoibh: ach cha 'n'eil mise a ghnàth agaibh.

8 Rinn i na dh'fheudadh i: thainig i roimh-laimh a dh'ùngadh mo chuirp chum adhlaic.

9 Gu deimhin a deirim ribh, Ge b'e ball air bith air feadh an domhain uile am bi an soisgeul so air a shearmonachadh, bithidh mar an cendna an nì so a rinn i air innseadh, mar chumhne oirre.

10 Agus dh'imich Iudas Iscariot, aon do'n dà fhear dheug, chum nan àrd shagart, gu esan a bhrath dhoibh.

11 Agus air dhoibhsan so a chluinntinn, bha iad aoibhneach, agus gheall iad airgid a thoirt da. Agus dh'iarr e cionnus a dh'fheudadh e gu h-ìomchuidh esan a bhrath.

12 Agus air a' cheud là do fhéisd an arain neo-ghoirtichte, an uair bu ghnàth leo an t-uain càise a mharbhadh, a deir a dheisciobuil ris, C'ait an toil leat sinne dhol a dh'ulluchadh, chum's gu'n itheadh tu chàisg?

13 Agus chuir e dithis d'a dheisciobluibh, agus a deir e riu, Rachaidh a steach do'n bhaile, agus coinnichidh duine sibh a giulan soithich uisge: leanaidh e.

14 Agus ge b'e àit an dtheid e stigh, abraibh-se ri fear-an-tighe, A deir am Mhaighstir, C'ait am bheil an seomar aoidheachd, anns an ith mi a' chàisg maille re m' dheisciobluibh?

15 Agus nochdaidh esan dhuibh seomar àrd, farsaing, 'na làn uidheam agus deas-lichte: an sin ulluichibh dhuinn.

16 Agus chaidh a dheisciobuil a mach, agus thainig iad do'n bhailc, agus fhuair iad mar thubhairt e riu: agus dh'ulluich iad a' chàisg.

17 Agus air teachd do'n fheasgar, thainig esan maille ris an dà fhear dheug.

18 Agus an uair a bha iad 'nan suidhe, agus ag itheadh, thubhairt Iosa, Gu deimhin a deirim ribh, gu'm brath aon agaibhse, a ta 'g itheadh maille rium, mise.

19 Agus thòisich iad air a bhi dubhach, agus a radh ris an déigh a chèile, Am mise c? agus fear eile, Am mise e?

20 Agus air freagairt dhasan thubhairt e riu, Is fear do'n dà fhear dheug e, a ta tumadh maraon riumsa sa' mhèis.

21 A ta Mac an duine gu deimhin ag imeachd, mar a ta e scribedha uime, ach is an-aoibhinn do'n fhear sin le m' brathar Mac an duine: bu mhaith do'n duine sin mur beirte riamh e.

22 Agus ag itheadh dhoibh, ghlac Iosa aran, agus an déigh a bhcanachadh, bhris e, agus thug e dhoibhsan e, agus thubhairt e, Gabhaidh, ithibh: is e so mo chorp-sa.

23 Agus air glacadh a' chupain, agus air breith buidheachais, thug e dhoibhsan e agus dh'òl iad uile as.

24 Agus thubhairt e riu, Is i so m'fhuilse na Tiomna'-nuaidh, a dhòirtear air son mhòrain.

25 Gu deimhin a deirim ribh, Nach òl mi nì's mò do thoradh na fionain<sup>1</sup> gus an là sin an òl mi nuadh e ann an rioghachd Dhé.

26 Agus air dhoibh laoidh a sheinn, chaidh iad a mach gu sliabh nan crann-ola.

27 Agus thubhairt Iosa riu, Gheibh sibh uile oibheum annams' an nochd: oir a ta e scribedha, Bualidh mi am buachaille, agus sgapar na caoraich.

28 Ach an déigh dhomh éirigh, théid mi roimhibh do Ghalile.

29 Ach thubhairt Peadar ris, Ge do gheibh iadsan uile oibheum annad, gidheadh cha 'n fhuigh mise e.

30 Agus thubhairt Iosa ris, Gu deimhin a deirim riut, an diugh, air an oidhche so féin, mu'n goir an coileach dà uair, gu'n àicheadh thusa mi tri uairean.

31 Ach is ro mhòid a thubhairt esan, Ge do 's éigin domh am bàs fhuilang maille riut, cha'n àicheadh mi choidhch thu. Agus mar sin thubhairt càch uile mar an ceudna.

32 Agus thainig iad gu ionad d'am b'ainm Getsemane; agus thubhairt e r'a dheisciobluibh, Suidhibh' an so, gus an dean mise ùrnuigh.

33 Agus thug e leis Peadar, agus Seumas, agus Eoin, agus thòisich e air a bhi fuidh uamh-chrith, agus fuidh anabarra bròin.

34 Agus thubhairt e riu, Tha m'anam ro bhrònach eadhon gu bàs: fainibh' an so, agus deanaibh faire.

35 Agus air dol beagan air aghaidh dha, thuit e air an talamh, agus rinn e ùrnuigh, nam bu chomasach e, gu'n rachadh an uair thairis air.

36 Agus thubhairt e, Abba, Athair, a ta gach nì so-dheanta dhuitse, cuir an cupan so seachad orm: gidheadh, nìor b'e an nì a b'àill leamsa, ach an nì a's toil leatsa.

37 Agus thainig e, agus fhuair e iadsan 'nan codal, agus thubhairt e ri Peadar, A Shimóin, am bheil thu a'd' chodal? nach b'urrainn thu faire a dheanamh aon uair?

38 Deanaibh faire agus ùrnuigh, chum nach tuit sibh am buaireadh: a ta 'n spiorad gu deimhin togarrach, ach a ta 'n fheoil anmhuinn.<sup>2</sup>

39 Agus air dha imeachd a ris, rinn e ùrnuigh, ag radh nam briathar ceudna.

40 Agus air pilltinn dha, fhuair e iad a ris 'nan codal, (oir bha 'n sùilean trom) agus cha robh fhios aca cionnus a bheireadh iad freagradh air.

<sup>1</sup> fìneamhain.

<sup>2</sup> lag.

41 Agus thainig e 'n treas uair, agus thubhairt e riu, Coidlibh roimhibh a nis, agus gabhaibh fois: is leoir e, thainig an uair; feuch, a ta Mac an duine air a bhrath thairis do làmhaidh nam peacach.

42 Èiribh, imicheamaid; feuch, a ta 'n ti a bhrathas mise am fàgus.

43 Agus air ball, air dha bhi fathast a' labhairt, thainig Iudas, aon do'n dà fhear dheug, agus sluagh mòr maille ris le cloidhibh agus bataibh, o na h-ard shagartaibh, agus na scriobhuichibh, agus na seanairibh.

44 Agus bha 'n ti a bhrath esan air toirt comharaidh dhoibh, ag radh, Ge b'e neach d'an d' thoir mise pòg is e sin e; glacaibh e, agus thugaibh libh e gu tèarainte.

45 Agus air teachd dha, chaidh e air ball d'a ionnsuidhs', agus thubhairt e, Fàilte dhuit, a mhaighstir; agus phòg se e.

46 Agus chuir iadsan làmh ann, agus ghlac iad e.

47 Agus air tarraing claidheimh a dh'fhear do na bha làthair, bhuail e òglach an àrd shagairt, agus ghearr e chluas deth.

48 Agus fhreagair Iosa agus thubhairt e riu, An d'thainig sibh a mach gu m' ghlacadh-sa, mar gu b'ann an aghaidh fir-reubainn le cloidhibh agus le bataibh?

49 Bha mi gach là maille ribh san teampull, a' teagasg, agus cha do ghlac sibh mi: ach a ta so chum gu biodh na scriobtuirean air an coimhlonadh.

50 Agus air do na h-uile a thrèigsinn, theich iad.

51 Agus lean òganach àraidh e, aig an robh lion-eudach air a chur m'a chorp lomnochd; agus rug na h-òganaich air.

52 Ach air dha-san an lion-eudach fhàgail, theich e lomnochd uatha.

53 Agus thug iad leo Iosa chum an ard shagairt: agus chruinnicheadh maraon ris na h-àrd shagairt uile, agus na seanairean, agus na scriobhuichean.

54 Agus lean Peadar e fada uatha, gus an deachaidh e teachd do thalla an àrd shagairt: agus bha e 'na shuidhe maille ris na seirbhisich, agus 'ga gharadh ris an teine.

55 Agus dh'iarr na h-àrd shagairt, agus a' chomhairle uile fianuis an aghaidh Iosa, chum a chur gu bàs; agus cha d'fhuair iad.

56 Oir rinn mòran dhaoine fianuis bhrèige 'na aghaidh, ach cha do chòrd am fianuis r'a chèile.

57 Agus air do dhracm àraidh éirigh, thug iad fianuis bhrèige 'na aghaidh, ag radh,

58 Chuala sinne e 'g radh, Leagaidh mi sìos an teampull so, a rinneadh le làmhaidh, agus an trì làithibh, togaidh mi teampull eile, neo-dheanta le làmhaidh.

59 Agus mar sin féin cha robh am fianuis a' teachd r'a chèile.

60 Agus air éirigh suas do'n ard shagairt sa' mheadhon, chuir e ceisd air Iosa, ag radh, Nach d'thoir thu freagradh air bith uait? ciod sin mu bheil iad so a' toirt fianuis a'd' aghaidh?

61 Ach d'fhan esan 'na thosd, agus cha do fhreagair e ni sam bith. A ris dh'fheòraich an t-ard shagart deth agus thubhairt e ris, An tu Criosd, Mac an Tì bheannaichte?

62 Agus thubhairt Iosa, Is mi: agus chi sibh Mac an duine 'na shuidhe air deas làimh cumhachd *Dhè*, agus a' teachd le neulaibh nèimhe.

63 An sin reub an t-àrd shagart eudach, agus thubhairt e, Ciod am feum a ta againn tuilleadh air fianuisibh?

64 Chuala sibh an toibheum: ciod i bhur barails'? Agus thug iad uile breth 'na aghaidh gu'n do thoill e 'm bàs.

65 Agus thòisich cuid diubh air smugaid a thilgeadh air, agus aghaidh fholach, agus a bhualadh le 'n dornaibh, agus a radh ris, Dean fàidheadaireachd: agus ghabh na seirbhisich le 'm basaibh air.

66 Agus air do Pheadar a bhi shìos anns an talla, thainig aon do bhan-oglaichibh an àrd shagairt:

67 Agus air faicinn Pheadair 'ga gharadh, agus air dh'i beachdachadh air, thubhairt i ris, Bha thusa cuideachd maille ri h-Iosa o Nasaret.

68 Ach dh'àicheadh esan, ag radh, Cha'n àithne dhomh, agus cha 'n'eil mi tuigsinn, ciod a ta thu 'g radh. Agus chaidh esan a mach do'n fhor-dhorus; agus ghoir an coileach.

69 Agus air do bhan-oglaich fhaicinn a ris, thòisich i air a radh riu-san a bha 'nan seasamh a làthair, Is ann diubh a ta 'm fear so.

70 Agus dh'àicheadh e ris. Agus an ceann beagain 'na dhéigh sin, thubhairt iadsan a bha 'nan seasamh a làthair a ris ri Peadar, Gu firinneach 's ann diubh sud 'thu: oir is Galiléach thu, agus is cosmhuil do chainnt riu.

71 Ach thòisich esan air mallachadh agus mionnachadh, ag radh, Cha 'n aithne dhomh an duine so, mu 'm bheil sibh a' labhairt.

72 Agus ghoir an coileach an dara uair. Agus chuimhnich Peadar am focal a thubhairt Iosa ris, Mu 'n goir an coileach dà uair, àicheadhaidh tu mi trì uairean. Agus an uair a smuainich e air, ghul e.

#### CAIB. XV.

1 A ta Iosa air a thubhairt ceangailte an làthair Philait. 15 Air son glodhaich an t-sluaigh tha mortair, cadhon Barabas, air

<sup>1</sup> cha robh am fianuis ionann, cha d'fhogha ann am fianuis.

<sup>2</sup> ugh-dorus, sgàth-thigh.



a leigeil as, agus Iosa air a thoirt thairis gu bhà air a cheusadh: 17 Tha coron sgithich air a chur air, 19 chaidh smugaid a thilgeadh air, 20 agus fanoid a dheanamh air. 21 Tha e fannachadh le giulan a' chroinn-cheusaidh; 27 air a chrochadh eadar dà ghaduiche; &c.

**A**GUS air ball sa' mhaduinn chum na h-àrd shagairt maille ris na seanairibh, agus na sriobhuichibh, agus a' chomhairle gu h-iomlan, comhairle, agus air dhoibh Iosa a cheangal, thug iad leo e, agus thug iad thairis e do Philat.

2 Agus dh'fheadraich Pilat deth, An tusa rìgh nan Iudhach? Agus air freagairt dha, thubhairt e ris, Thubhairt thu e.

3 Agus chuir na h-àrd shagairt mòran do nithibh as a leth: ach cha do fhreagair esan aon ni.

4 Agus chuir Pilat a ris ceist air, ag radh, Nach freagair thu nì sam bith? feuch cia lion nithe air am bheil iad sin a' toirt fianuis a'd' aghaidh.

5 Ach cha do fhreagair Iosa nì sam bith tuilleadh; air chor as gu'n do ghabh Pilat iongantais.

6 A nis air an fhéisd bu ghnàth leis aon phriosunach, ge b'e air bith a dh'iarradh iad, a leigcadh as doibh.

7 Agus bha *neuch àraidh* d'am b'ainm Barabas, ceangailte maille r'a chompanachaidh ceannairce, muinntir a bha air dcanamh mortaidh anns a' cheannairce.

8 Agus air glaothaich gu h-àrd do 'n t-sluagh, thòisich iad air iarraidh air, a dheanamh dhoibh mar a rinn e 'n còmh-nuidh.

9 Ach fhreagair Pilat iad, ag radh, An àill libh gu 'n cuir mi rìgh nan Iudhach fa sgaoil duibh?

10 (Oir bha fhios aige gu'm b'ann tre fharmaid a thug na h-àrd shagairt thairis e)

11 Ach bhrosnaich na h-àrd shagairt an sluagh, chum as gu'm b'fhearr leis Barabas a chur fa sgaoil doibh.

12 Agus fhreagair Pilat, agus thubhairt e riu a ris, Ciod ma seadh is àill libh mi a dheanamh ris *an duine sin*, d' an goir sibh Rìgh nan Iudhach?

13 Agus ghlaodh iad a ris, Ceus e.

14 An sin thubhairt Pilat riu, C'ar son, ciod e 'n t-olc a rinn e? Ach bu ro mhòid a ghlaodh iadsan, Ceus e.

15 Agus air do Philat bhi toileach gnìomh taitneach a dheanamh do'n t-sluagh, dh'fhuasgail e Barabas dhoibh, agus thug e thairis Iosa, an déigh dha a sgiùrsadh, chum a cheusaidh.

16 Agus thug na saighdearan leo e steach do'n talla, eadhon cùirt an uachdairain:¹ agus ghairm iad a' chuicheadh uile an ceann a chèile.

17 Agus chuir iad uime eudach purpur,²

agus air dhoibh coron droighinn fhigheadh, chur iad air e,

18 Agus thòisich iad air beannachadh dha, *ag radh*, Fàilte dhuit, a Rìgh nan Iudhach.

19 Agus bhuail iad sa' cheann e le slait chuilce, agus thilg iad smugaid air, agus a' lùbadh an glùn, thug iad urram dha.

20 Agus an déigh dhoibh fanoid a dheanamh air, thug iad deth an *t-eulach* purpur, agus chuir iad eudach féin uime, agus thug iad a mach e chum's gu'n ceusadh iad e.

21 Agus dh'éignich iad duine àraidh bha dol seachad, Simon o Chirene, (athair Alec-sandeir agus Rufuis, a bha teachd as a' mhachair,) chum a chrann-ceusaidh a ghiùlan.

22 Agus thug iad e gu ionad *d'am b'ainm* Golgota, 's e sin air eadar-theangachadh, àite cloginn.

23 Agus thug iad da r'a òl, fion air a mheasgadh le mirr: ach cha do ghabh esan e.

24 Agus an uair a cheus iad e, roinn iad a thrusan, a' tilgeadh croinn air, ciod a' chuid a bhiodh aig gach duine dheth.

25 Agus bha 'n treas uair ann, agus cheus iad e.

26 Agus bha sriobhadh a chùis-dhèidh air a sriobhadh os a cheann, RÌGH NAN IUDHACH.

27 Agus cheus iad maille ris dà ghaduiche;³ fear air a làimh dheis, agus fear air a làimh chlì.

28 An sin choimhlionadh an sriobtuir, a thubhairt, Agus bha e air àireamh am measg nan ciontach.

29 Agus thug iadsan a bha dol seachad ana-cainnt dà a' crathadh an ceann, agus ag radh, O thusa a leagas an teampull, agus a thogas e ann an trì làitheibh,

30 Fòir ort féin, agus tàr⁴ a nuas o'n chrann-cheusaidh.

31 Agus mar an ceudna thubhairt na h-àrd shagairt agus na sriobhuichean r'a chèile, a' fanoid air, Shaor e daoine eile, cha 'n eil e comasach air e féin a shaoradh.

32 Thigeadh a nis Crìosd Rìgh Israeil a nuas o'n chrann-cheusaidh, chum's gu'm faic agus gu'n creid sinn. Agus thug iadsan a chaidh cheusadh maille ris, anacainnt da.

33 Agus an uair a thainig an seathadh uair, bha dorchadas air an talamh uile, gu ruig an naothadh uair.

34 Agus air an naothadh uair dh'éigh Iosa le Guth àrd, ag ràdh Eloi, Eloi, lama sabachtani; is e sin, air eadar-theangachadh, Mo Dhia, Mo Dhia, c'ar son a thréig thu mi?

35 Agus air cluinntinn *sin* do chuid diubhsan a bha 'nan seasamh a làthair, thubhairt iad, Feuch, a ta e gairm Eliais.

36 Agus ruith fear diubh, agus air dha

¹ pretorium.

² corcuir.

3 dù chreachadair, dù fhear-reubainn. 4 thig.

spòg a lionadh do fhìon geur agus a' cur air slait chuilce, thug e deoch dha, ag ràdh, *Leigibh leis*; faiceamaid an dthig Eilias g'a thoirt a nuas.

37 Agus air do Iosa éigheach le guth àrd, thug e suas an deo.

38 Agus bha brat-roinn an teampuill air a reubadh 'na dhà chuid o mhullach gu ìochdar.

39 Agus an uair a chunnaic an ceannard-ceud, a' bha 'na sheasamh fa chomhair, gu'n d'thug e suas an deo, a' glaothaich mar sin, thubhairt e, Gu fìrinneach b'e 'n duine so Mac Dhé.

40 Agus bha mar an ceudna mnàì am fad uatha ag amharc: 'nam measg sin bha Muire Magdalen, agus Muire màthair Sheumais bu lugha, agus Ioseis, agus Salome;

41 Muinntir a lean e mar an ceudna, an uair a bha e an Galile, agus a bha frithealadh dha; agus mòran eile do mhnaibh a chaidh suas maille ris gu Hierusalem.

42 Agus a nis air teachd do'n fheasgar, (do bhrìgh gu'm b'e là an ullachaidh e, eadhon an là roimh 'n t-sàbaid)

43 Thainig Ioseph o Arimatea, comhairleach urramach, aig an robh near an ceudna suil ri rìoghachd Dhé, agus chaidh e steach gu dàna dh'ionnsuidh Philait, agus dh'iarr e corp Iosa.

44 Agus b'ìoghnadh le Pilat ma bha e cheana marbh: Agus air dha an ceannard-ceud a ghairm, dh'fheòraich e dheth, An robh fad o fhuair e bàs.

45 Agus air dha fios fhaotainn o'n cheannard-ceud, thug e 'n corp do Ioseph.

46 Agus cheannaich esan lìon-eudach grinn, agus thug e nuas e, agus phaisg e san lìon-eudach e, agus chuir se e ann an uaigne<sup>1</sup> a chladbaicheadh a carraig agus charuich e clach gu doras na h-uaigne.

47 Agus dh'amhairc Muire Magdalen, agus Muire màthair Ioseis, air an àit an do chuireadh e.

#### CAIB. XVI.

1 *Chuir aingeal an cèill aiseirigh Chrìosd do thri mnaibh. 9 Dh'fhoillsicheadh Chrìosd do Mhuire Magdalen: 12 Chunnacas e le dithis, a bha dol do'n dùthaich; 14 an déigh sin leis na h-Abstoil, 15 a chuir e mach a shearmonachadh an t-soisgeil: 19 Agus chaidh e fein suas gu nèamh.*

**A** GUS air dol do'n t-sàbaid seachad, a' cheannaich Muire Magdalen, agus Muire màthair Sheumais, agus Salome, spìosraidh deadh bhòluidh,<sup>2</sup> chum's air dhoibh teachd gu'n ùngadh iad e.

2 Agus thainig iad gu ro mhoch air maduinn a' cheud là do'n t-seachdain chum na h-uaigne, aig éirigh na gréine.

3 Agus thubhairt iad eatorra féin, Cò a charuicheas duinn a' chlach o dhoras na h-uaigne?

4 (Agus air dhoibh amharc, chunnaic iad gu'n robh a' chlach air a h-atharrachadh air falbh) oir bha i ro mhòr.

5 Agus air dhoibh dol a stigh do 'n àit-adhlacaidh, chunnaic iad òganach 'na shuidhe air an làimh dheis, uim' an robh truscan fada geal; agus bha eagal orra.

6 Agus thubhairt esan riu, Na biodh eagal oirbh: a ta sibh ag iarraidh Iosa o Nasaret, a chéusadh: dh'éirich e, cha 'n'eil e 'n so: faicibh an t-àit anns an do chuir iad e.

7 Ach imichibh, innsibh, d'a dheisciobluibh agus do Pheadar, gu 'm bheil e dol roimhibh do Ghalile: chì sibh an sin e, mar thubhairt e ribh.

8 Agus air dol a mach dhoibh, theich iad o'n uaigne; oir bha ball-chrith agus uamhunn orra: agus cha dubhairt iad ni sam bith ri neach air bith; oir bha eagal orra.

9 Agus air éirigh do Iosa sa' mhaduinn air a' cheud là do'n t-seachdain, nochdadh e air tùs do Mhuire Magdalen, as an do thilg e seachd deamhain.

10 Agus air imeachd dh'ise, dh'innis i sin dhoibhsan a bha maille ris, agus iad ri bròn agus gul.

11 Agus iadsan, an uair a chual iad gu'n robh e beo, agus gu 'm facadh leatha-san e, cha do chreid iad.

12 'Na dhéigh sin, nochdadh e do dhithis diubh ann an cruth eile, ag imeachd dhoibh, agus iad a' dol do'n dùthaich.

13 Agus dh'imich iadsan agus dh'innis iad e do chàch: agus cha mhò a chreid iad iadsan.

14 An déigh sin nochdadh e do 'n aon fhear deug, agus iad 'nan suidhe aig biadh, agus thilg e orra am mi-chreidimh, agus an cruas-cridhe, chionn nach do chreid iad iadsan a chunnaic e an déigh dha éirigh.

15 Agus thubhairt e riu, Imichibh air feadh an t-saoghail uile, agus searmonaichibh an soisgeul do gach duil.<sup>3</sup>

16 Ge b'e chreideas agus a bhaistear, saorar é, ach ge b'e nach creid, dìtear e.

17 Agus leanaidh na comharan so 'n dream a chreideas: Ann am ainmse tilgidh iad a mach deamhain, labhraidh iad le<sup>4</sup> teangaibh nuadha.

18 Togaidh siad nathraiche nimhe, agus ma dh'òlas iad ni air bith marbhtach, cha chiùrr e iad; cuiridh iad an làmhan air daoinibh tinne, agus bithidh iad gu maith.

19 Mar sin an déigh do 'n Tighearna labhairt riu, ghabhadh suas gu nèamh e, agus shuidh e air deas làimh Dhé.

20 Agus air dhoibhsan dol a mach, shearmonaich iad anns gach àit, air bhì do 'n Tighearna a' comh-oibreachadh leo, agus a' daingneachadh an fhocail leis na comh-araibh a lean e. Amen.

<sup>1</sup> àit-adhlacaidh. <sup>2</sup> luibhean eùbhraidh.

<sup>3</sup> ercùtair. <sup>4</sup> ann an.



CAIB. I.

1 Roimh-radh *Lucais d'a shoisgeul gu h-ìomlan. 5 Tha Eoin Baiste air a ghabhail am broinn a mhàthar, 26 agus Criosd air a ghabhail am broinn Mhuire. 39 Fàidheadaireachd Elisabet, agus Mhuire mu thimchioll Chriosd, &c.*

**D**O bhrìgh gu'n do ghabh mòran os laimh eachdraidh sgrìobhadh ann an ordugh air na nithibh sin a ta air an coimh-lionadh <sup>1</sup> 'nar measg-ne.

2 A réir mar a dh'aithris na daoine sin dhuinne iad, a chunnaic iad o thùs le 'n sùilibh, agus a bha nan luchd frithealadh an fhocal:

3 Chunnacas domhsa mar an ceudna, a Theophiluis ro òirdheir, air faotainn dearbh fhios nan uile nithe dhomh o'n fhìor thoiseach, sgrìobhadh a'd' ionnsuidhs' an ordugh.

4 Chum's gu'm biodh fios agad air cinnteachd nan nithe anns an deachaidh do theagasg.

5 **B**HA ann an làithibh Heroid rìgh Iudea, sagart àraidh d'am b'ainm Zacharias, do sheal<sup>2</sup> Abia: agus bha a bhean do nigheanaibh Aaroin, agus b'ainm dh'i Elisabet.

6 Agus bha iad faraon ionraic am fianuis Dé, ag imeachd ann an uile àitheantaibh agus orduighibh an Tighearna, gu neo-lochdach.

7 Agus cha robh duine cloinne aca, do bhrìgh gu'n robh Elisabet neo-thorach,<sup>3</sup> agus bha iad araon aosmhor.

8 Agus tharladh am feadh a bha esan a' frithealadh mar shagart an làthair Dhé ann an ordugh a sheala.

9 A réir gnàtha na sagartachd, b'e a chrannchur tuis a losgadh, air dha dol a steach do theampull an Tighearna.

10 Agus bha coimh-thìonal an t-sluaigh uile a' deanamh ùrnuigh a muigh, ré am na tuisè.

11 Agus chunnacas leis-san aingeal an Tighearna 'na shcasamh air taobh deas altaire na tuisè.

12 Agus an uair a chunnaic Zacharias e, bha e fuidh thrioblaid, agus thuit cagal air.

13 Ach thubhairt an t-aingeal ris, Na gabh eagal, a Shachariais; oir fhuair t-ùrnuigh èisdeachd, agus beiridh do bhean Elisabet mac dhuith, agus bheir thu Eoin mar ainm air.

14 Agus bithidh aoibhneas agus subhachas ort, agus nì mòran gairdeachas r'a bhrèith.

15 Oir bithidh e mòr an làthair an Tighearna, agus cha'n òl e fion no deoch làidir;

agus bithidh e air a lìonadh leis an Spiorad naomha, eadhon o bhroinn a mhàthar.

16 Agus pillidh e mòran do chloinn Israeil chum an Tighearna an Dé.

17 Agus théid e roimhe-san ann an spiorad agus ann an cumhachd Eliais, a thionndadh cridhe nan aithriche chum na cloinne, agus nan easumhal gu gliocas nam firean, a dh'ulluchadh pobuill dcas do 'n Tighearn.

18 Agus thubhairt Zacharias ris an aingeal, Cionnus a bhios fhios so agam? oir is seann duine mise, agus a ta mo bhean aosmhor.

19 Agus fhreagair an t-aingeal agus thubhairt e ris, Is mise Gabriel a sheasas an làthair Dhé: agus chuireadh mi a labhairt riutsa, agus a dh'innseadh an naidheachd<sup>4</sup> mhaith so dhuith.

20 Agus feuch, bithidh tu balbh agus gun chomas labhairt, gus an là anns an d'thig na nithe gu crìch, chionn nach do chreid thu mo bhriathrasa, a bhitheas air an coimh-lionadh 'nan àm féin.

21 Agus bha 'm phobull a' feitheamh ri Zacharias, agus b'iongantach leo a' mhoille a rinn e san teampull.

22 Agus air teachd a mach dha, cha b'urrainn e labhairt ri u: agus thuig iad gu 'm fac e sealladh<sup>5</sup> ncamluaidh san teampull: oir bha e smèideadh orra, agus dh'fhan e 'na thosd.

23 Agus tharladh, an uair a choimh-lionadh làithean a fhrithealaidh, gu 'n deachaidh e d'a thigh féin.

24 Agus an déigh nan là sin dh'fhàs a bhean Elisabet torrach agus dh'fholaich si i féin rè chùig mìos, ag ràdh,

25 Is ann mar so a rinn an Tighearna dhomh anns na làithibh an d'amhairc e orm, a thogail diom mo mhaslaidh am measg dhaoine.

26 Agus anns an t-seathadh mìos, chuireadh an t-aingeal Gabriel o Dhia, gu cathair do Ghalile, d'am b'ainm Nasaret,

27 Dh'ionnsuidh òigh a bha fa cheangal pòsaidh aig fear d'am b'ainm Ioseph, do thigh Dhaibhibh; agus b'e ainm na h-òigh Muire.

28 Agus air dol a steach do 'n aingeal d'a h-ionnsuidh, thubhairt e, Fàilte dhuith, o thusa d'an do nochdadh mòr dheadh-ghean, a ta 'n Tighearna maille riut: is beannuichte thu am measg bhan.

29 Agus an uair a chunnaic i e, bha i fa thrioblaid inntinn air son a chainnte, agus a' reusonachadh ciod a' ghnè altach-beatha dh'fheadadh bhì 'n so.

<sup>1</sup> le làn dearbhadh air an creidsinn. <sup>2</sup> chùrsa<sup>3</sup> rigin. <sup>3</sup> gun sliochd.

<sup>4</sup> nuaidheachd, noimheachd. <sup>5</sup> taisbean.

30 Agus thubhairt an t-aingeal rithe, Na biodh eagal ort, a Mhuire: oir fhuair thu deadh-ghean o Dhia.

31 Agus feuch, gabhaidh tu a'd' bhroinn, agus beiridh tu mac, agus bheir thu Iosa mar ainm air.

32 Bithidh e mòr, agus goirear Mac an Ti a's ro àirde dheth; agus bheir an Tighearna Dia dha rìgh chaithir athar féin Dhaibhidh.

33 Agus bithidh e 'na Rìgh air tigh Iacòib gu bràth, agus cha bhì crìoch air a rìoghachd.

34 Agus thubhairt Muire ris an aingal, Cionnus a bhitheas so, do bhrìgh nach 'eil aithne agamsa air duine?

35 Agus fhreagair an t-aingeal agus thubhairt e rithe, Thig an Spiorad naomh ort, agus cuiridh cumhachd an Ti a's àirde sgàil ort: uime sin an nì naomha sin a bheirear leat, goirear Mac Dé dheth.

36 Agus feuch, do bhan-charaid Elisabet, a ta ise fein torrach air mac 'na sean aois; agus se e so an seathadh mìos dh'ise d'an goirteadh bean neo-thorach;

37 Oir cha 'n'eil nì sam bith do-dheanta do Dhia.

38 Agus thubhairt Muire, Feuch ban-oglach an Tighearna, biodh e dhomhsa réir t-fhocail. Agus dh'fhalbh an t-aingeal uaipe.<sup>1</sup>

39 Agus air éirigh d'o Mhuire sna làithibh sin, chaidh i le cabhaig do dhùthaich nam beann, gu baile do Iuda.

40 Agus chaidh i steach do thigh Shachariais, agus chuir i fàilte air Elisabet.

41 Agus tharladh an uair a chual Elisabet beannachadh Mhuire, gu'n do leum an naoidhean 'na broinn: agus lionadh Elisabet leis an Spiorad naomha.

42 Agus ghlaodh i mach le guth àrd, agus thubhairt i. *Is beannuicht' thu am measg bhan, agus is beannuichte toradh do bhroun.*

43 Agus cionnus a dh'èirich so dhomhsa, gu'n d'fhigeadh màthair mo Thighearna a'm' ionnsuidh?

44 Oir feuch, co luath 's a thainig fuaim do bheannachaidh a'm' chluasaibh, bhrios an naoidhean le h-aibhneas ann mo bhroun.

45 Agus is beannuicht' ise a chreid: oir coimhlonar<sup>2</sup> na nithe a labhradh rithe leis an Tighearna.

46 Agus thubhairt Muire, A ta m'anam ag àrd-mholadh an Tighearna,

47 Agus a ta mo spiorad a' deanamh gairdeachais ann an Dia mo Shlanuighear:

48 Do bhrìgh gu'n d'amhairc e air staid ìosal a bhan-oglaich: oir feuch, o so suas goiridh gach linn beannuichte dhiom.

49 Do bhrìgh gu'n d'rinn an Ti a ta cumhachdach nithe mòra dhomh, agus is naomha ainm.

50 Agus a ta a thròcair-san o linn gu linn, do'n droing d'an eagal e.

51 Nochd e neart le ghairdean, sgap e na h-uabhrich ann an snuaintibh an cridhe fein.

52 Thug e nuas na daoine cumhachdach o'n caithrichibh rìoghail, agus dh'àrduich e iadsan a bha ìosal.

53 Lion e 'n droing a bha ocrach le nithibh maithe, agus chuir e uaith na daoine saibhre falamh.

54 Rinn e còmhnaidh<sup>3</sup> ri Israel òglach fein, ann an cuimhneachadh a thròcair.

55 Mar a labhair e r'ar n-aithrichibh, do Abrahàam agus d'a shliochd gu bràth.

56 Agus dh'fhan Muire maille rithe mu thimchioll trì mìos, agus phill i d'a tigh féin.

57 A nis thainig làn inbhe Elisabet, gu'm biodh i air a h-aisead; agus rug i mac.

58 Agus chual a coimhearsnaich agus a càirde mar a nochd an Tighearna mòr thròcair dh'i: agus rinn iad gairdeachas maille rithe.

59 Agus tharladh air an ochdamh là gu'n d'thainig iad a thimchioll-ghearradh an naoidhean; agus ghoir iad Sacharias deth, a réir ainme athar.

60 Agus fhreagair a mhàthair, agus thubhairt i, Nì h-cadh; ach goirear Eoin deth.

61 Agus thubhairt iad rithe, Cha 'n'eil aon neach do d' chàirdibh d' au goirear an t-ainm so.

62 Agus smèid iad air athair, ciod an t-ainm a b'àill leis thoirt air.

63 Agus air iarraidh clàir-scriobhaidh dhasan, sgrìobh e, ag ràdh, 'Se Eoin is ainm dha. Agus ghabh iad iongantas uile.

64 Agus air ball dh'fhosgladh a bheul, agus dh'fhuasgladh a theanga, agus labhair e, a' moladh Dhe.

65 Agus thainig eagal air an coimhearsnaich uile: agus dh'aithriseadh na nithe sin gu léir feadh dhùthaich àrd Iudca uile.

66 Agus iadsan uile a chuala na nithe sin, thaisg iad 'nan cridhe iad, ag ràdh, Ciod a' ghnè leinibh a bhitheas an so? Agus bha lām an Tighearna maille ris.

67 Agus bha Sacharias athair air a lìonadh leis an Spiorad naomh, agus rinn e fàidheadaireachd, ag ràdh,

68 Gu ma beannuicht' an Tighearna Dia Israeil, air son gu'n d'fhiosraich e, agus gun d'thug e saorsa d'a phobull,

69 Agus gu'n do theg e suas dhuinne adbare slàinte, ann an tigh Dhaibhidh òglaich féin;

70 A réir mar a labhair e le beul fhàidhean naomha féin, a bha ann o thoiseach an t-saoghail;

71 A thabhairt saorsa dhuinn o ar

<sup>1</sup> uaithe. <sup>2</sup> a chreid gu'n coimhlonar.



naimhdbh, agus o làimh na muinntir sin uile le'm fuathach sinn:

72 A choimh-lionadh na tròcair a gheall e d'ar n-aithrichibh, agus a chuimhneachadh a choimh-cheangail naomha féin:

73 Na mionnan a mhionnaich e d'ar n-athair Abraham,

74 Gu'n d'thugadh e dhuinn, air bhi dhuinn air ar saoradh o làimh ar naimhde, gu'n deanamaid seirbhis dha as eugmhais eagail.

75 Ann an naomhachd agus an am fireantachd 'na làthair féin, uile làithean ar beatha.

76 Agus thusa, a leinibh, goirear dhiot Faidh an Ti a's àirde: oir theid thu roimh aghaidh an Tighearna, a dh'ulluchadh a shlighe;

77 A thabhairt eòlais na slàinte d'a phobull, ann am maithneas an peacanna.

78 Tre thròcair ro mhoir ar Dé-ne, leis an d'fhiosraich an ùr-mhaduinn o'n ionad a's àirde sinn,

79 A thoirt soluis dhoibh-san a ta 'nan suidhe ann an sgàil a' bhàis, a threòrachadh ar cos air slighe na sìth.

80 Agus dh'fhàs an leanabh, agus neartaicheadh an spiorad e, agus bhla e san fhàsach gu là fhoillseachaidh do Israel.

# CAIB II.

1 Tha Agustus a' meas Impireachd nan Ròmanach uile. 6 Breith Chrìosd: 8 Tha aingeal a' cur so an cèill do na buachaillibh: 13 Tha mòran diubh a' cantuinn cliù do Dhia air a shon. 21 Tha Crìosd air a thimchioll-ghearradh. 28 Tha Simcon agus Anna a' deanamh fàidheadaireachd mu thimchioll Chrìosd; &c.

**A** GUS tharladh sna làitheibh sin, gu'n deachuidh ordugh a mach o Cheasar Augustus, an domhan uile a mheas.<sup>1</sup>

2 (Agus rinneadh an ceud mheas so 'nuair a bha Cirenus 'na uachdaran air Siria)

3 Agus chaidh iad uile chum a bhi air am meas, gach aon fa leth d'a bhaile féin.

4 Agus chaidh Ioseph mar an ceudna suas o Ghalile, a baile Nasaret, do Iudea, gu baile Dhaibhidh, d'an goirear Betlehem, (do bhrìgh gu'n robh e do thigh agus do shliochd Dhaibhidh)

5 Chum gu biodh e air a mheas maille re Muire a bha fa cheangal pòsaidh dha, agus i mòr-thorrach.

6 Agus tharladh, am feadh a bha iad an sin, gu'n do choimhlionadh làithean a h-inbhe, chum i bhi air a h-aisead.

7 Agus rug i a ceud ghin mic, agus phaisg i e ain brat-speilidh, agus chuir i na luidhe am prasaich e, do bhrìgh nach robh àit aca 'san tigh òsda.

8 Agus bha anns an dùthaich sin buach-

aillean a' fantuinn a muigh, agus a deanamh faire-oidheche air an treud.

9 Agus feuch, thainig aingeal an Tighearn' orra, agus dhealraich glòir an Tighearna m'an timchioll; agus ghabh iad eagail mòr.

10 Agus thubhairt an t-aingeal riu, Na biodh eagail oirbh: oir feuch, a ta mi 'g innseadh dhuibh deadh-sgèil mhòir aoibhneis, a bhitheas do'n uile shluagh:

11 Oir rugadh dhuibh an diugh Slàn-uirghear, ann an cathair Dhaibhidh,<sup>2</sup> neach is e Crìosd an Tighearna.

12 Agus bithidh so 'na chomhara dhuibh: Gheibh sibh an naoidhean paisgte ann am brat-speilidh, 'na luidhe am prasaich.

13 Agus air ball bha maille ris an aingeal cuideachd mhòr do armaitibh nèimhe, a' moladh Dhé, agus ag ràdh,

14 Glòir do Dhia anns na h-àrdaibh, agus air talamh sìth, deadh ghean do dhaoibh.

15 Agus tharladh, 'nuair a dh'fhalbh na h-aingil uatha do nèamh, gu'n dubhairt na buachaillan r'a chèile, Rachamaid a nis eadhon do Bhetlehem, agus faiceamaid an ni so a rinneadh, a dh'fhoillsich an Tighearna dhuinne.

16 Agus thainig iad gu grad, agus fhuair iad Muire agus Ioseph, agus an leanabh 'na luidhe sa' phrasaich.

17 Agus an uair a chunnaic iad sin, dh'aithris iad an ni a dh'innseadh dhoibh mu thimchioll an leinibh so.

18 Agus ghabh gach neach a chuala so, iongantais ris na nithibh sin a dh'innseadh dhoibh leis na buachaillibh.

19 Ach ghlèidh Muire na nithe sin uile a beachd-smuaineachadh orra<sup>3</sup> 'na cridhe.

20 Agus phill na buachaillan, a' tabhairt glòir' agus molaidh do Dhia air son nan nithe sin uile a chual agus a chunnaic iad, a réir mar a dubhradh riu.

21 Agus an uair a choimhlionadh ochd làithean chum an leanabh a thimchioll-ghearradh, thugadh IOSA mar ainm air, eadhon an t-ainm a ghoir an t-aingeal deth mun do ghabhadh sa' bhroinn e.

22 Agus an uair a choimhlionadh làithean a' glanaidh, a réir lagha Mhaois, thug iad esan gu Hierusalem, chum a thaisbeanadh do'n Tighearna,

23 (Mar a ta e scribedh ann an lagh an Tighearna, Gach ceud-ghin mic a dh'fòsglas a' bhrù, gairmear naomha do'n Tighearn e)

24 Agus a thabhairt iobairt a réir mar a deirear ann an lagh an Tighearna, Faidhir<sup>5</sup> thurtur, no dà choluman òga.

25 Agus feuch, bha duine ann an Hierusalem d'am b'ainm Simeon; agus bha'n duine so ionraic agus diadhaidh, agus bha

<sup>1</sup> an impireachd uile a scribedh an cìs-chluar.

<sup>2</sup> am baile Dhaibhidh.

<sup>3</sup> gan tomhas. Gr.

<sup>4</sup> an.

<sup>5</sup> Càraid.

Dùil aige re sòlas Israeil: agus bha 'n Spiorad naomh air.

26 Agus dh'fhoillsicheadh dha leis an Spiorad naomh, nach faicheadh e bàs, gus am faicheadh e Crìosd an Tighearna.

27 Agus thainig e le tredrachadh an Spioraid do'n teampull: Agus an uair a thug an pàrantan an leanabh Iosa a stigh, chum's gu'n deanadh iad air a shon a réir gnàthuchaidh an lagha,

28 An sin ghlac esan 'na uchd<sup>1</sup> e, agus bheannuich e Dia, agus thubhairt e.

29 A nis, a Thighearna, a ta thu leigeadh do d' sheirbhiseach siubhal an sìth, a réir t'fhocail;

30 Oir chunnaic mo shùile do shlàinte, 31 A dh'ulluich thu roimh ghnùis nan uile shluagh:

32 Solus a shoillseachadh nan Cinneach, agus glòir do phobuill Israeil.

33 Agus ghabh Ioseph agus a mhàthair iongantas mu na nithibh a labhradh uime.

34 Agus bheannuich Simeon iad, agus thubhairt e ri Muire a mhàthair, Feuch, chuireadh an leanabh so chum tuiteam agus aiseirigh mhòrain ann an Israel, agus 'na chomhar an aghaidh an labhrar:

35 (Agus théid claidheamh tre d'anam-sa fein) chum's gu'm foillsichear smuaintean cridheacha mhòrain.

36 Agus bha Anna ban-fhàidh, nighean Phanueil, do thréibh Aseir; bha i ro aos-mhor, agus chaith i seachd bliadhna maille ri fear o àm dh'i bhi 'na h-òigh.

37 Agus bu bhantrach i mu thimchioll ceithir bliadhna agus ceithir fichead a dh'aois, nach deachaidh o'n teampull, a deanamh seirbhis d'ò Dhia a là agus a dh'oidheche le trosgadh agus le h-ùrnuigh.

38 Agus air teachd dh'ise a stigh san uair sin féin, thug i moladh do'n Tighearna, agus labhair i m'a thimchioll riusan uile aig an robh sùil ri saorsa ann an Ierusalem.

39 Agus an uair a choimhlion iad na h-uile nithe a réir lagha an Tighearna, phill iad do Ghalile, d'am baile féin Nasaret.

40 Agus dh'fhàs an leanabh, agus near-tuicheadh an spiorad e, air a lionadh le gliocas; agus bha gràsa Dhé air.

41 Agus chaidh a phàranta gach bliadhna gu Hierusalem, aig féisd na cásge.

42 Agus air bhi dha dà bhliadhna dheug a dh' aois, chaidh iad suas gu Hierusalem, a réir gnàtha na coimhe.

43 Agus air foimhlionadh nan là sin doibh, 'nuair a phill iadsan, d'fhan an leanabh Iosa 'nan déigh ann an Hierusalem; agus cha robh fios aig Ioseph no aig a mhàthair air sin.

44 Ach air dhoibh a shaoilsinn gu'n robh e sa' chuideachd, dh'imich iad astar

là; agus dh'iarr iad e measg an càirdean, agus an luchd èòlais.

45 Agus an uair nach d'fhuair iad e, phill iad gu Hierusalem, 'ga iarraidh.

46 Agus tharladh 'n déigh thrì là, gu'n d'fhuair iad e san teampull, 'na shuidhe am meadhon an luchd teagais, araon 'gan éisdeachd, agus a' cur cheist orra.

47 Agus ghabh a' mhuinntir a chual e uile iongantas r'a thuigse agus r'a fhreag-raibh.

48 Agus air dhoibh fhaicinn, ghlac uamhas iad: agus thubhairt a mhàthair ris, A mhic, c'ar son a rinn thu mar so oirnn? feuch, bha t'athair agus mise gu brònach ga d'iarraidh.

49 Agus thubhairt esan riu, C'ar son a bha sibh ga m' iarraidh? nach robh fhios agaibh gu'm bu chòir dhomhsa bhi ann an tigh m' Athar?<sup>2</sup>

50 Agus cha do thuig iadsan an ni a labhair e riu.

51 Agus chaidh e sìos maille riu, agus thainig e gu Nasaret, agus bha e ùmhal doibh: ach ghleidh a mhàthair na nithe sin uile 'na cridhe.

52 Agus thainig Iosa air aghaidh ann an gliocas agus am meudachd, agus ann an deadh-ghean aig, Dia, agus aig daoineibh.

### CAIB. III.

1 Searmonachadh Eoin Bhaiste. 15 Fhianuis mu thimchioll Chrìosd. 20 Chuir Herod Eoin an prìosun, 21 Tha Crìosd air a bhaisteadh, agus a' faghail fianuis o nèamh. 23 Aois agus sinnsireachd Chrìosd.

**A**NIS anns a' chùigeadh bliadhna deug do impireachd Thiberiuis Cheasair, air bhi do Phontius Pilat 'na uachdaran air Iudea, agus Herod 'na Thetrarch air Galile, agus Philip a bhràthair 'na Thetrarch air Iturea agus dùthaich Thracconitis, agus Lisanias 'na Thetrarch air Abilene.

2 An uair a bha Annas agus Caiaphas 'nan àrd shagartaibh, thainig focal Dé chum Eoin mhic Shachariais anns an fhàsach.

3 Agus thainig e do'n dùthaich uile timchioll Iordain, a' searmonachadh baistidh an aithreachais, chum maitheanais pheacanna;

4 Mar a ta e scrìobhta ann an leabhar bhriathar an fhàidh Esaiais, ag ràdh, Guth an ti a dh'èigheas anns an fhàsach, Ulluichibh slighe an Tighearna, deanaibh a cheumanna dìreach.

5 Bithidh gach gleann air a lionadh, agus gach beinn agus cnoc air an ìsleachadh; agus bithidh na nithe cama air an deanamh dìreach, agus na slighean garbha air an deanamh rèidh;

6 Agus chi gach uile fheoil slàinte Dhé.

7 Uime sin thubhairt e ris an t-sluagh a thainig a mach chum bhi air am baisteadh leis, A shìol nan nathraiche nimhe, cò thug

<sup>1</sup> air a ghairdeinibh.

<sup>2</sup> mu ghnothuichibh m' Athar.



rabhadh dhuibhse teicheadh o'n fheirg a ta ri teachd?

8 Air an aobhar sin thugaibh a mach toradh iomchuidh an àithreachais, agus na tòisichibh air a ràdh annaibh fein, A ta Abraham 'na Athair againn: oir a deirim ribh, gur comasach Dia do na clachaibh so air clann a thogail suas do Abraham.

9 Agus a nis féin a ta 'n tuagh air a cur ri bun nan craobh: air an aobhar sin gach craobh nach toir a mach toradh maith, gearrar sìos i, agus tilgear san teine i.

10 Agus dh'fheadruich an sluagh dheth, ag ràdh, Ciod uime sin a ni sinne?

11 Agus fhreagair esan agus thubhairt e riu, An ti aig am bheil dà chòta, roinneadh e ris an ti aig nach 'eil; agus an ti aig am bheil biadh, deanadh e mar an ceudna.

12 Agus thainig mar an ceudna cìsmhaoir gu bhi air am baisteadh, agus thubhairt iad ris, A mhaighstir, ciod a ni sinne?

13 Agus thubhairt esan riu, Na deanaibh<sup>1</sup> ni air bith os cionn na dh'orduicheadh dhuibh.

14 Agus dh'fheadruich na saighdearan mar an ceudna dheth, ag ràdh, Agus ciod a ni sinne? Agus thubhairt e riu, Na deanaibh foirneart air neach sam bith, no casaid-bhréige, agus bithibh toilichte le'r tuarasdál.

15 Agus air bhi do'n phobull a' feitheamh, agus na h-uile dhaoine a' reusnachadh nan cridheachaibh féin mu thimchioll Eoin, am b'e Criosd a bh'ann;

16 Fhreagair Eoin, ag ràdh riu uile, Tha mise gu dearbh 'gar baisteadh le h-uisge; ach a ta neach a' teachd is cumhachdaiche na mise, agus cha'n airidh mise air barr-iail a bhròg fhuasgladh: baistidh esan sibh leis an Spiorad naomh, agus le teine.

17 Aig am bheil a ghuit<sup>2</sup> 'na làimh, agus ro-ghlanaidh e ùrlar, agus cruinnichidh e 'n cruineachd d'a thaisg-thigh; ach loisgidh e am moll le teine nach fheadar a mhùchadh.

18 Agus ag earalachadh mòrain do nihibh eile, shearmonaich e do'n t-sluagh.

19 Ach air do Herod an Tetrarch bhi air a chronachadh leis air son Herodiais bean a bhràthar (Philip), agus air son gach olc a rinn Herod,

20 Chuir e so ris gach olc eile, gu'n do dhruid e Eoin am prìosun.

21 Agus tharladh, 'nuair a bha 'n sluagh uile air am baisteadh, air do Iosa mar an ceudna bhi air a bhaisteadh, agus e ri ùrnuigh, gu'n d'fhosgladh nèamh:

22 Agus gu'n d'thainig an Spiorad naomh a nuas air an coslas corporra, mar choluman, agus gu'n d'thainig guth o nèamh, ag ràdh, Is tusa mo Mhac gràdhach, am bheil mo mhòr thlachd.<sup>3</sup>

23 Agus thòisich Iosa féin air a bhi mu

thimchioll deich bliadhna fichead a dh'aois, air dha bhi (réir barail *dhaoine*) 'na mhac do Ioseph, *mac Heli*,

24 *Mhic Mhatait, mhic Lebhi, mhic Mhelchi, mhic Ianna, mhic Ioseph,*

25 *Mhic Mhatatais, mhic Amois, mhic Nauim, mhic Esli, mhic Nage,*

26 *Mhic Mhaait, mhic Mhattatais, mhic Shemei, mhic Ioseph, mhic Iudah,*

27 *Mhic Ioanna, mhic Rhesa, mhic Shorobabel, mhic Shalatieil, mhic Neri,*

28 *Mhic Mhelchi, mhic Adi, mhic Choo-saim, mhic Elmodaim, mhic Er,*

29 *Mhic Iose, mhic Elieseir, mhic Ioreim, mhic Mhatait, mhic Lebhi,*

30 *Mhic Shìneoin, mhic Iudaih, mhic Ioseph, mhic Ionain, mhic Eliacim,*

31 *Mhic Mhelea, mhic Mhainain, mhic Mhatata, mhic Natain, mhic Dhaibhidh,*

32 *Mhic Iese, mhic Obeid, mhic Bhoois, mhic Shalmoin, mhic Naasoin.*

33 *Mhic Aminadaib, mhic Araim, mhic Esroin, mhic Phareis, mhic Iudaih,*

34 *Mhic Iacoib, mhic Isaaic, mhic Abraham, mhic Thara, mhic Nachoir,*

35 *Mhic Sharuich, mhic Ragau, mhic Phaleic, mhic Ebeir, mhic Shala,*

36 *Mhic Chainain, mhic Arphacsaid, mhic Shem, mhic Noe, mhic Lameich,*

37 *Mhic Mhatusala, mhic Enoich, mhic Iareid, mhic Mhaleleil, mhic Chainain,*

38 *Mhic Enois, mhic Shet, mhic Adhaimh, mhic Dhé.*

#### CAIB. IV.

1 *Buairheadh agus trosgadh Chriosd: 13 Tha e toirt buaidh air an diabhol; 14 a' tòiseachadh ri searmonachadh, 16 Tha pobull Nasaret, a' gabhail iongantais r'a' fhoclaibh gràsmhor. 33 Tha e leigheas an daine san robh deamhan, 38 agus màthar-chéile Pheudair, &c.*

**A** GUS air do Iosa bhi làn do'n Spiorad naomh, phill e air ais o Iordan, agus threòraicheadh e leis an Spiorad do'n fhàsach,

2 Agus bha e air a bhuaireadh rè dhà fhichead là leis an diabhol; agus cha d'ith e ni sam bith anns na làithibh sin: agus air dhoihh bhi air an crìochnachadh, an sin dh'fhàs e oerach.

3 Agus thubhairt an diabhol ris, Ma's tu Mac Dhé, abair ris a' chloich so bhi 'na h-aran.

4 Agus fhreagair Iosa e, ag ràdh, A ta e scriobhta, nach ann le h-aran a mhàin a thig dùine beo, ach le gach uile fhocal Dé.

5 Agus air do'n diabhol a thabhairt gu beinn àrd, nochd e dha uile rioghachdan an domhain ann am mionaid aimsire.

6 Agus thubhairt an diabhol ris, Bheir mise an cunhachd so uile dhaoine, agus an glòir; oir thugadh dhomhsa sin, agus bheir mi e do neach air bith is toil leam.

7 Uime sin ma ni thu aoradh dhomhsa, is leat iad uile.

<sup>1</sup> *togaibh.*    <sup>2</sup> *inneal-faschnaidh.*    <sup>3</sup> *annadsu tha mi làn-toilichte.*

8 Agus fhreagair Iosa agus thubhairt e ris, Tàr air mo chùlaobh, a Shatain: oir a ta e scriobhta, Ni thu aoradh do'n Tighearn do Dhia, agus dhasan 'na aonar ni thu seirbhis.

9 Agus thug se e gu Hierusalem, agus chuir e air binnein an teampuill e, agus thubhairt e ris, Ma's tu Mac Dhé, tilg thu féin sìos as so.

10 Oir a ta e scriobhta, Bheir e àithne d'a inglibh mu d' thimchioll, thusa a choimhead.

11 Agus togaidh iad suas thu 'nan làmhaidh, air eagal gu'm buail thu uair air bith do chos air cloich.

12 Agus air freagairt do Iosa, thubhairt e ris, A dubhradh, Na buair<sup>1</sup> thusa an Tighsarna do Dhia.

13 Agus an uair a chrìochnuich an diabol am buaireadh uile, dh'imich e uaith rè taniuil.

14 Agus phill Iosa ann an cumhachd an Spioraid chum Ghalile; agus chaidh ionradhsan air feadh na dùcha m'an cuairt gu h-ìomlan.

15 Agus theagaisg e 'nan sionagogaibh, a' faghail glòir o na h-uile dhaoimibh.

16 Agus thainig e gu Nasaret, far an d'àraicheadh e: agus chaidh e steach, mar bu ghnàth leis, air latha na sàbaid do'n t-sionagag, agus dh'éirich e 'na sheasamh chum leughaidh.

17 Agus thugadh dha leabhar an fhàidh Esaiais; agus air fosgladh an leabhair dha, fhuair e 'n t-àit anns an robh e scriobhta,

18 Tha Spiorad an Tighearna orm, do bhrìgh gu'n d'ùng e mi a shearmonachadh an t-soisgeil do na bochdaibh; chuir e mi a shlànuchadh na muinntir aig am bheil an cridhe briste, a ghairm<sup>2</sup> fuasglaidh do na bhraighdibh, agus aiseag an radhairc do na dallaidh, a thoirt saorsa do'n mhuinntir a ta brùite,

19 A shearmonachadh bliadhna thaitnich an Tighearna.

20 Agus air dùnadh an leabhair dha, thug e do'n fhear-frithealaidh e, agus shuidh e: agus bha sùile na bha san t-sionagag uile a' geur-amharc airsan.

21 Agus thòisich e air a ràdh riu, An diugh a ta 'n scriobtur so air a choimhlioadh ann bhuir cluasaidh-se.

22 Agus thug iad uile fianuis da, agus ghabh iad iongantas ris na briathraibh gràs-mhòr a thainig a mach as a bheul. Agus thubhairt iad, Nach e so mac Ioseiph?

23 Agus thubhairt e riu, Gun amharus thubhairt sibh rium an gnàth-fhocal so, A léigh, leighis thu féin: ge b'e air bith iad na nithe a chuala sinn a rinneadh leat an Capernaum, dean mar an ceudna iad an so a'd' dhùthaich féin.

24 Agus thubhairt e, Gu deimhin a deirim

ribh, nach 'eil fàidh air bith taitneach 'na dhùthaich féin.

25 Ach gu firinneach a deirimse ribh, gu'n robh mòran bhantrach ann an Israel an làthibh Eliais, an uair a dhruideadh ncamh rè thrì bliadhna agus slea mìos, agus a bha gorta mhòr air feadh na tìre uile:

26 Ach cha do chuireadh Elias dh'ionnsuidh aon diubh, ach gu Sarepta Shidoin, chum nìna a bha 'na bantraich,

27 Agus bha mòran lobhar ann an Israel ri linn Eliseuis an fhàidh; agus cha do ghlanadh a h-aon aca, ach Naaman an Siri-anach.

28 Agus lìonadh iadsan uile a bha san t-sionagag le feirg, an uair a chual iad na nithe sin,

29 Agus air éirigh suas doibh, thilg iad a mach as a bhaile e, agus thug iad leo e gu maluidh a' chnoic<sup>3</sup> (air an robh am baile togt) chum a thilgeadh sìos an coimcamh a chinn.

30 Ach air gabhail dhasan trid am meadhon, dh'fhalbh e:

31 Agus chaidh e sìos gu Capernaum, baile do Ghalile, agus bha e 'gan teagasg air laithibh na sàbaid:

32 Agus ghabh iad iongantas r'a theagasg; do bhrìgh gu'n robh fhocal le cumhachd.

33 Agus bha anns an t-sionagag duine anns an robh spiorad deamhain neo-ghloin, agus ghlaodh e le guth mòr.

34 Ag ràdh, Leig leinn; ciod e ar gnothuchne riut, Iosa o Nasaret? an d'thainig thu g'ar sgrìos? a ta fhios agam cò thu, Aon naomha Dhé,

35 Agus chronaich Iosa e, ag ràdh, Bi d' thosd, agus thig a mach as. Agus air do'n deamhan esan a thilgeadh sìos 'nam meadhon, thainig e mach as, gun chiurradh sam bith a dheanamh air.

36 Agus thainig uamhas orra uile, agus labhair iad r'a chéile, ag ràdh, Ciod a' ghnè cainnte so? oir le h-ùghdarras agus cumhachd a ta e toirt orduigh do na spioradaibh neo-ghlana, agus tha iad a' teachd a mach.

37 Agus chaidh iomradh airsan a mach feadh gach àite do'n dùthaich m'an cuairt.

38 Agus dh'éirich e as an t-sionagag, agus chaidh e steach do thigh Shimoin: agus bha fiabhrus mòr air màthair-chéile Shimoin: agus ghuidh iad air as a leth.

39 Agus air dha seasamh os a ceann,<sup>4</sup> chronaich e 'm fiabhrus, agus dh'fhàg e i. Agus air éirigh dh'ise air ball, rinn i frithealadh dhoibh.

40 Agus ag dol fuidhe na gréine, iadsan uile aig an robh daoine cuslan le iomadh gnè tinnis, thug iad d'a ionnsuidh iad: agus air dhasan a lamhan a chur air gach aon diubh, leighis e iad.

41 Agus chaidh mar an ceudna deamhain

<sup>1</sup> Na dearbh.

<sup>2</sup> a shearmonachadh.

<sup>3</sup> beul-bhruach a' chnoic.

<sup>4</sup> àimh rithe.



a mach a mòran, a' glaothaich agus ag ràdh, Is tu Crìosd Mac Dhé. Agus chrònuich e iad, agus cha d'fhulaing e dhoibh labhairt: oir bha fhios aca gu'm b'esan Crìosd.

42 Agus air teachd do'n là, chaidh e mach, agus dh'imich e gu àite fàsal: agus bha'n sluagh 'ga iarraidh, agus thainig iad d'a ionnsuidh, agus b'àill leo a chumail, chum's nach rachadh e uatha.

43 Ach thubhairt esan riu, Is éigin domhsa rioghachd Dhé a shearmonachadh do bhailtibh eile mar an ceudna: oir is ann chum so a chuireadh mi.

44 Agus shearmonaich e ann an sionagogaibh Ghalile.

## CAIB. V.

1 *Tha Crìosd a' teagasg an t-sluaigh a luing Pheadair; 4 le tarruing mhórbhuileach éisg tha e a' nochdadh cionnus a bha e gu Peadar agus a chompanaich a dheanamh 'nan iasgairibh air doimhnbh: 12 a' glanadh neach a bha 'na lobhar, 16 a' deanadh ùrnugh anns an fhàsach, 18 a' slànuchadh neach a bha tinn leis a' phairilis, &c.*

**A**GUS tharladh, 'nuair a bha 'm pobull a dlù-theannadh air, chum focal Dé éisdeachd, gu'n do sheas e làmh ri loch Ghenesaret,

2 Agus chunnaic e dà luing<sup>1</sup> 'nan seasamh ri taobh an locha: ach bha na h-iasgairean air dol a mach asda, agus a' nigheadh an lìonta.

3 Agus air dha dol a steach do aon do na longaibh bu le Simon, dh'iarr e air dol a mach beagan o thìr: agus air suidhe dha, theagaisg e 'n sluagh as an luing.

4 A nis an uair a sguir e do labhairt, thubhairt e ri Simon, Cuir a mach chum na doimhne, agus leigibh sìos bhuir lìonta chum tarruing.

5 Agus fhreagair Simon, agus thubhairt e ris, A mhaighstir, shaothraich sinn feadh na h-oidhche uile, agus cha do ghlac sinn ni sam bith: ach air t'fhocalsa leigidh mi sìos an lìon.

6 Agus an uair a rinn iad so, chuairtich iad tachdar<sup>2</sup> mòr éisg; ionnus gu'n do lhriseadh an lìon.

7 Agus smèid iad air an companachaibh, a bha san luing eile, teachd agus còmhnaidh a dheanamh leo. Agus thainig iad, agus lìon iad an dà luing, ionnus gu'n robh iad an inbhe dol fuidhe.

8 'Nuair a chunnaic Simon Peadar so, thuit e sìos aig glùinibh Iosa, ag ràdh, Imich uamsa, a Thighearn, oir is duine peacach mi.

9 Oir ghlac uamhas e fèin agus iadsan uile bha maille ris, air son an tarruing éisg a ghlac iad:

10 Agus mar an ceudna Seumas agus Eoin, mic Shebede, a bha 'nan companach-

aibh aig Simon. Agus thubhairt Iosa ri Simon, Na biodh eagal ort; as so suas glacaidh tu daoine.

11 Agus an uair a thug iad an longa gu tìr, air fàgail nan uile nithe dhoibh, lean iad esan.

12 Agus an uair a bha esan ann am baile àraidh, feuch, duine làn do loibhre: agus air dha Iosa fhaicinn, thuit e sìos air aghaidh, agus ghuidh e air, ag ràdh, A Thighearn, ma's toil leat, tha thu comasach air mise a ghlanadh.

13 Agus shìn e a làmh, agus bhean e ris, ag ràdh, Is toil leam; bi glan. Agus air ball dh'fhàg an loibhre e.

14 Agus dh'àithn e dha, gun innseadh do neach air bith: Ach imich, agus nochd thu fèin do'n t-sagart, agus tabhair seachad air son do ghlanaidh, mar a dh'àithn Maois, mar fhianuis doibh.

15 Ach bu mhòid a sgaioleadh iomradhsan: agus thainig sluagh mòr an ceann a chèile chum éisdeachd, agus a bhi air an slànuchadh leis o'n eucaillibh.

16 Agus chaidh e air leth chum an fhàsaich, agus rinn e ùrnugh.

17 Agus tharladh air latha àraidh, 'nuair a bha e a' teagasg, gu'n robh 'nan suidhe an sin Phàirisich agus luchd teagaisg an lagha, a thainig as gach uile bhaile do Ghalile, agus do Iudea, agus o Ierusalem: agus bha cumhachd an Tighearn a làthair chum an slànuchadh.

18 Agus feuch, dh'iomchair daoine air leabaidh duine air an robh am pairilis: agus dh'iarr iad a thabhairt a steach, agus a chur 'na làthair-san.

19 Agus an uair nach d'fhuair iad seòl air am feudadh iad a thoirt a steach, le meud na cuideachd, chaidh iad suas air an tigh, agus leig iad sìos tre mhullach an tìghe e fèin agus a leaba, anns a' mhacadhon an làthair Iosa.

20 Agus an uair a chunnaic e an creidimh, thubhairt e ris, A dhuine, tha do pheacaidh air am maitheadh dhuit.

21 Agus thòisich na scriobhuichean agus na Phàirisich air reusonachadh, ag ràdh, Cò e so a ta labhairt toibheim? cò dh'fheudas peacaidh a mhaitheadh ach Dia a mhàin?

22 Ach air aithneachadh an smuainte do Iosa, fhreagair e agus thubhairt e riu, Ciod a ta sibh a' reusonachadh 'nar cridheach-aibh?

23 Cò aca 's usadh a ràdh, Tha do pheacaidh air am maitheadh dhuit, no ràdh, Eirich agus imich?

24 Ach a chum's gu'm bi fios agaibh gu bheil cumhachd aig Mac an duine peacaidh a mhaitheadh air talamh, (thubhairt e ri fear na pairilis) A deirim riut, éirich, agus tog do leaba, agus imich do d' thigh.

25 Agus dh'éirich e air ball 'nan làthair, agus thòg e an leaba air an robh e 'na luidhe,

<sup>1</sup> bhàrc.<sup>2</sup> àireamh.

agus chaidh e d'a thigh fein, a' tabhairt glòir do Dhia.

26 Agus ghlac uamhas iad uile, agus thug iad glòir do Dhia, agus lionadh le h-eagal iad, ag ràdh, Chunnaic sinn nithe do-chreidsinn<sup>1</sup> an diugh.

27 Agus an dèigh nan nithe sin, chaidh e mach, agus chunnaic e cis-mhaor d'am b'ainm Lebhi, 'na shuidhe aig àite togail na cise; agus thubhairt e ris, Lean mise.

28 Agus air fàgail nan uile nithe dha, dh'éirich e, agus lean se e.

29 Agus rinn Lebhi fèisd mhòr dha 'na thigh fein: agus bha cuideachd mhòr do chis-mhaoraibh, agus do mhuinntir eile a shuidh maille riu.

30 Agus rinn an scriobhuichean agus am Phairisich gearan an aghaidh a dheisciobul-san, ag ràdh, C'ar son a ta sibh ag ithcadh, agus ag òl maille ri cis-mhaoraibh agus ri peacachaibh?

31 Agus fhreagair Iosa agus thubhairt e riu, Cha'n 'eil feum aca-san a ta slàn air an léigh ach aca-san a ta tinn.

32 Cha d'thainig mise a ghairm nam firean, ach nam peacach chum aithreachais.

33 Agus thubhairt iadsan ris, C'ar son a ta deisciobuil Eoin gu tric ri trosgadh<sup>2</sup> agus a' deanamh ùrnuigh, agus mar an ceudna deisciobuil nam Phairiseach; ach a ta do dheisciobuil-se 'g ithcadh agus ag òl?

34 Agus thubhairt esan riu, Am feud sibh a thoirt air cloinn seomair an fhir nuadh-phòsda trosgadh a dheanamh, am feadh a ta 'm fear nuadh-phòsda maille riu?

35 Ach thig na laithean an uair a bheir ear am fear nuadh-phòsda uatha: an sin ni iad trosgadh anns na làithibh sin.

36 Agus labhair e mar an ceudna cosamhlachd riu, Cha chuir neach air bith mìr a dh'eudach nuadh air sean eudach: no, reubaidh an t-eudach nuadh e, agus cha d'thig am mìr do'n eudach nuadh ris an t-sean eudach.

37 Agus cha chuir duine sam bith fion nuadh ann an seann scarragaibh: no, brisidh am fion nuadh na searragan, agus dòirtar e fein, agus caillear na searragan.

38 Ach is còir fion nuadh a chur ann an searragaibh nuadh; agus bithidh iad araon tèarainte.

39 Agus cha 'n'eil duine sam bith air dha sean f'hion òl, a dh'iarras air ball fion nuadh: oir a deir e, 'Se 'n sean f'hion is fearr.

CAIB. VI.

1 *Tha Criosd a' cronuchadh doille nam Phairiseach mu thimchioll coimhead na sàbaid, le scriobtur, reuson, agus miorbhuil, 13 a' taghadh dà abstol deug, 17 a' slànuchadh muinntir a bha tinn, 20 a' searmonachadh d'a dheisciobluibh mu bheannachdaibh agus mallachdaibh, &c.*

**A** GUS tharladh air a' cheud latha sàbaid an dèigh an dara là do fhèisd na càisge,<sup>3</sup> gu'n deachaidh e trid na h-achaibh arbhair: agus spion a dheisciobuil na diasan arbhair, agus dh'ith iad, an dèigh an bruathadh le'n làmhaidh.

2 Agus thubhairt cuid do na Phairisich riu, C'ar son a ta sibh a' deanamh an nì nach 'eil ceaduichte r'a dheanamh air laithibh na sàbaid?

3 Agus freagair Iosa iad, agus thubhairt e, Nach do leugh sibhse an nì so rinn Daibhbh, 'nuair a bha ocras air fèin, agus orrasan a bha maille ris:

4 Cionnus a chaidh e steach do thigh Dhé, agus a ghabh e aran na fianuis,<sup>4</sup> agus a dh'ith e fein, agus a thug e mar an ceudna dhoibhsan a bha maille ris, nì nach 'eil ceaduichte ithcadh ach do na sagartaibh a mbàin?

5 Agus thubhairt e riu, Is Tighearna Mac an duine air an t-sàbaid fein.

6 Tharladh mar an ceudna air sàbaid eile, gu'n deachaidh e steach do'n t-sion-agog, agus gu'n do thecagaisg e; agus bha an sin duine, aig an robh a làmh dheis air seargadh.

7 Agus rinn an scriobhuichean agus na Phairisich faire, a dh'fheuchainn an leighis-eadh e air an t-sàbaid, chum's gu'm faigh-eadh iad cùis-dhithidh<sup>5</sup> 'na aghaidh.

8 Ach thuig esan an smuaintean, agus thubhairt e ris an duine aig an robh an làmh sheargta, Eirich, agus seas a mach sa' mheadhon. Agus dh'éirich esan, agus sheas e.

9 An sin thubhairt Iosa riu, Feòruichidh mise aon nì dhìbh, Am bheil e ceaduichte air laithibh na sàbaid maith a dheanamh, no olc? anam a shaoradh, no a sgrios?

10 Agus air dha amharc m'an cuairt orra uile, thubhairt e ris an duine, Siu a mach do làmh. Agus rinn e sin: agus dh'aisigeadh a làmh slàn da mar an làmh eile.

11 Agus lionadh iadsan do chuthach agus labhair iad r'a chéile, ciod a dheanadh iad ri h-Iosa.

12 Agus anns na laithibh sin chaidh esan gu beinn a dheanamh ùrnuigh, agus bhuan-aich e rè na h-oidhche ann an ùrnuigh ri Dia.<sup>6</sup>

13 Agus air tcachd do'n là, ghairm e d'a ionnsuidh a dheisciobuil: agus thagh e dà fhear dheug asda, d'an do ghoir e Abstoil:

14 Simon (a dh'ainmich e mar an ceudna Peadar) agus Aindreas a bhràthair, Seumas agus Eoin, Philip agus Bartolomeus,

15 Mata agus Tomas, Seumas mac Alpheuis, agus Simon d'an goirear Selot:

16 Iudas bràthair Sheumais, agus Iudas Iscariot, esan a bha 'na fhear-brathaidh.

<sup>1</sup> iongantach. <sup>2</sup> trasgadh. <sup>3</sup> air an dara latha sàbaid an dèigh na ceud sàbaid. <sup>4</sup> an

t-aran taisbeanta. <sup>5</sup> cùis-chasaid. <sup>6</sup> tigh ùrnuigh Dhé.



17 Agus thainig e nuas leo, agus sheas e air ionad còmhnaidh, agus coimhlithional a dheisciobul, agus buidheann mhòr shluaigh o Iudèa uile agus o Hierusalem, agus o chois fàirge Thiruis agus Shidoin, muinntir a thainig g'a éisdeachd, agus gu bhì air an leigheas o'n euslaintibh;

18 Agus iadsan a bhà air am pianadh le spioradaibh neo-ghlana: agus leighiseadh iad.

19 Agus dh'iarr an sluagh uile beantuinn ris: oir chaidh cumhachd a mach as, agus shlànugh e iad uile.

20 Agus thog e suas a shùilean air a dheisciobluibh, agus thubhairt e, *Is beannuichte sibhse ta bochd: oir is libh rioghachd Dhé.*

21 *Is beannuichte sibhse ta ocrach a nis: oir sàsuichear sibh. Is beannuichte sibhse ta caoidh a nis; oir gairidh sibh.*

22 *Is beannuichte sibh 'nuair a bheir daoine fuath dhuibh, agus a chuireas iad as an cuideachd sibh, agus a bheir iad cainnt mhaslach dhuibh, agus a thilgeas iad a mach bhur n-ainm mar olc, air son Mhìch an duine.*

23 Deanaibh-se gairdeachas san là sin, agus leumaibh le h-aobhneas: oir feuch, is mòr bhur duais air nèamh: oir is ann mar sin a rinn an aithriche air na fàidhibh.

24 Ach is an-aobhinn duibhse ta saibhir: oir fhuair sibh bhur sòlas.

25 Is an-aobhinn duibhse ta sàitheach: oir bithidh ocras oirbh. Is an-aobhinn duibhse ta gàireachdaich a nis: oir nì sibh bròn agus gul.

26 Is an-aobhinn duibhse 'nuair a lahras daoine maith unaibh: oir is ann mar sin a rinn an aithriche ris na fàidhibh brèige.

27 Ach a derim ribhse ta 'g éisdeachd, Gràdhaichibh bhur naimhde, deanaibh maith orrasan le'm fuathach sibh:

28 Beannuichibh iadsan a ta 'gar mallachadh, agus deanaibh ùrnuigh air son na muinntir a ta buntuinn gu naimhdeil ribh.

29 Rìs an ti a bhuaileas tu air aon ghial, cum an gial eile; agus do'n ti a bheir t'-fhalluing dhìot, na bac do chòta mar an ceudna.

30 Tabhair do gach neach a dh'iarras ort; agus o'n neach a bheir uait do mhaoin, na iarr air ais i.

31 Agus mar a b'ail libh daoine dhean-amh dhuibh, deanaibh-sc mar an ceudna dhoibhsan.

32 Oir ma ghràdhaicheas sibh iadsan aig am bheil gràdh dhuibh, ciod am buidheachas a ta agaibh? oir gràdhaichidh peacach fèin an droing aig am bheil gràdh dhoibh.

33 Agus ma nì sibh maith do'n mhuinntir a nì maith dhuibh, ciod am buidheachas

a ta agaibh? oir nì peacach an nì so fèin mar an ceudna.

34 Agus ma bheir sibh iasachd<sup>2</sup> dhoibhsan o'm bheil dùil agaibh ri fhaotainn a ris, ciod am buidheachas a ta agaibh? oir bheir peacach fèin iasachd do pheacachaibh, chum's gu'm faigh iad uiread a ris.

35 Ach gràdhaichibh-se bhur naimhde, agus deanaibh maith, agus thugaibh iasachd, gun dùil a bhi agaibh ri nì san bith 'na éiric:<sup>3</sup> agus bithidh bhur duais mòr, agus bithidh sibh 'nar cloinn do'n Tì a's airde: oir a ta esan tabhartach dhoibhsan a ta mi-thaingeal agus olc.

36 Bithibhse uime sin trèaireach, mar a ta bhur n-Athair trèaireach.

37 Agus na tugaibh breth, agus cha toirair breth oirbh: na dìtibh, agus cha dìtear sibh: thugaibh maitheanas, agus bheirair maitheanas dhuibh.

38 Thugaibh uaibh, agus bheirair dhuibh; deadh thomhas, air a gheinneadh, agus air a chrathadh ri chéile, agus a' cur thairis, bheir daoine ann bhur n-uchd; oir leis an tomhas le'n tomhais sibh, tomhais-car dhuibh a ris.

39 Agus labhair e cosamhlachd riu, Am feud an dall dall a threòrachadh? nach tuit iad araon ann an slochd?

40 Cha 'n'eil an deisbiobul os ceann a mhaighstir: ach ge b'e neach a ta coimhlionta, bithidh e mar a mhaighstir.

41 Agus c'ar son a ta thu faicinn an smùirnein a ta an sùil do bhràthar, agus nach 'eil thu toirt fainear an t-sail a ta ann do shùil fèin?

42 No cionnus a dh'fhudas tu ràdh ri d' bhràthair, A bhràthair, leig dhomh an smùirnein a thoirt a d' shùil, agus nach 'eil thu toirt fainear an t-sail a ta ann do shùil fèin? A chealgair, tilg a mach air tùs an t-sail as do shùil fèin, agus an sin is léir dhuit gu soillear an smùirnein a ta ann an sùil do bhràthar a thoirt aise.

43 Oir cha deadh chraobh a bheir a mach droch thoradh: agus cha droch chraobh a bheir a mach deadh thoradh.

44 Oir aithnichear gach craobh air a toradh: oir cha tionail daoine fìgean do dhroighionn, no caoran fìona do'n fhearr-dhris.

45 Bheir duine maith nì maith a mach a deadh ionmhas a chridhe: agus bheir droch dhuine nì olc a mach a droch ionmhas a chridhe: oir is ann a pailteas a' chridhe a labhras a bheul.

46 Agus c'ar son a ghoireas sibh, a Thighearn, a Thighean, dhiomsa, agus nach dean sibh na nithe a deirim?

47 Gach neach a' thig a m' ionnsuidhse, agus a chluinneas mo bhriathra, agus a nì iad, feuchaidh mi dhuibh cia ris is cos-mhuil e.

<sup>1</sup> nu h-uile dhaoine.

<sup>2</sup> coingheall. <sup>3</sup> gun bhur dòchas a chall.

48 Is cosmhuil e ri duine a thog tigh, agus a chladhaich domhain, agus a chuir a bhunait air carraig: agus an uair a thainig an tuil, bhuail an sruth gu dian air an tigh sin, agus cha b'urrainn e charachadh; oir bha e air a shuidheachadh<sup>1</sup> air carraig.

49 Ach an ti a chluinneas, agus nach dean, is cosmhuil e ri duine a thog tigh air an talamh gun bhunait, air an do bhuail an sruth gu dian, agus air ball thuit e; agus bu mhòr tuiteam an tìghe sin.

## CAIB. VII.

1 *Air do Chrìosd creidimh bu mhò fhaotainn ann an ceannard-ceud a bha 'na Gheintil-each, na ann an aon neach do na h-Iudhach-aibh, 10 leighis e sheirbhiseach gun teachd d'a ionnsuidh. 11 Tha e togail mic na bantraich ann an Nain o'n bhàs, 19 a' dearbhadh do theuchdairibh Eoin, le oibrìbh miorbhuileach a rinn e 'nan làthair, gu'm b'e fèin an Crìosd a bha ri teachd, 24 a' nochdadh do'n t-sluagh cìod i a bharail mu Eoin, &c.*

**A**NIS an uair a chrìochnaich e a bhriath-rasan uile ann an èisdeachd an t-sluaigh, chaidh e steach do Chapernaum.

2 Agus bha seirbhiseach ceannard-ceud àraidh, a b'ionnmhuinn leis, gu tinn, agus ri h-uchd bàis:

3 Agus air cluinntinn mu Iosa dha chuir e seanairean nan Iudhach d'a ionnsuidh, a' cur impidh air gu'n d'thigeadh e, agus gu'n leighiseadh e a sheirbhiseach.

4 Agus an uair a thainig iad gu h-Iosa, ghuidh iad air gu dùrachdach, ag ràdh, Gu'm b'airidh e gu'n deanadh esau so dha:

5 Oir is toigh leis ar cinneach-ne, agus thog esan dhuinn sionagog.<sup>2</sup>

6 Agus chaidh Iosa maille riu. Ach air dha bhì nis fagus do'n tigh, chuir an ceannard-ceud càirde d'a ionnsuidh, ag ràdh ris, A Thighearn, na cuir dragh ort fèin, oir cha'n airidh mise gu'n rachadh tu steach fa m' chleith.

7 Uime sin cha mhò a mheas mi gu'm b'airidh mi fèin air teachd a t-ionnsuidh: ach a mhàin abair am focal, agus slànuich-eam m' òglach.

8 Oir is duine mise fèin air mo chur fa ùghdarras; aig am bheil saighdeara fùn, agus a deirim ris an fhear so, Imich, agus inichidh e: agus ri fear eile, Thig, agus thig e: agus ri m' sheirbhiseach, Dean so, agus nì se e.

9 Agus air cluinntinn nan nithe so do Iosa, ghabh e iongantas ris, agus air tionndadh dha, thubhairt e ris an t-sluagh a lean e, A deirim ribh, nach d'fhuair mi creidimh eo mòr as so, ann an Israèil fèin.

10 Agus air pilltinn air an ais do'n tigh do na teachdairibh a chuireadh d'a ionn-

suidh, fhuair iad an seirbhiseach a bha tinn, slàn.

11 Agus tharladh an 'là 'na dhéigh sin, gu'n deachaidh e chum baile d'an goirear Nain; agus chaidh a dheisciobuil<sup>3</sup> maille ris, agus sluagh mòr.

12 A nis an uair a thainig e 'm fagus do gheatadh a' bhaile, feuch, ghiulaincadh a mach duine marbh, aon mhac a mhàthar, agus bu bhantrach i: agus bha sluagh mòr do mhuinntir a' bhaile maille rithe.

13 Agus an uair a chunnaic an Tighearn i, ghabh e truas dith, agus thubhairt e rithe, Na guil.

14 Agus thainig e agus bhean e ris a ghiulan,<sup>4</sup> (agus sheas iadsan a bha 'ga iom-char) agus thubhairt e, O ganaich, a deirim riut, éirich.

15 Agus dh'éirich an duine bha marbh 'na shuidhe, agus thòisich e air labhairt: agus thug e d'a mhàthair e.

16 Agus ghlac eagal iad uile: agus thug iad glòir do Dhia, ag ràdh, Dh'éirich fàidh mòr 'nar measg-ne; agus, Dh'amhairc Dia air a shluagh fèin.

17 Agus chaidh an t-ionmradh so mach aisans air feadh Iudea uile, agus na dùcha m'an cuairt uile.

18 Agus dh'innis a dheisciobuil do Eoin mu thimchioll nan nithe sin uile.

19 Agus ghairm Eoin d'a ionnsuidh dithis àraidh d'a dheisciobluibh, agus chuir e iad gu h-Iosa, ag ràdh, An tusa esan a bha ri teachd, no'm bì suil againn ri neach eile?

20 Agus air teachd do na daoineibh d'a ionnsuidh, thubhairt iad, Chuir Eoin Baiste sinne a'd' ionnsuidh, ag ràdh, An tusa 'n ti a bha ri teachd, no 'm bì suil againn ri neach eile?

21 Agus anns an uair sin fèin leighis e mòran o'n euslaintibh agus o'm plàighibh, agus o dhroch spioradaibh, agus thug e 'n radharc do mhòran a bha dall.

22 Agus fhreagair Iosa, agus thubhairt e riu, Imichibhse agus innisibh do Eoin na nithe a chunnaic agus a chuala sibh, gu'm bheil na doill a' faicinn, na bacaich ag imeachd, na lobhair air an glanadh, na bodhair a' cluinntinn, na marbh air an dùsgadh, an soisgeul air a shearmonachadh do na bochdaibh.

23 Agus is beannuicht' esan nach faigh oibheum annamsa.<sup>5</sup>

24 Agus an uair a dh'fhalbh teachdairean Eoin, thòisich e air labhairt ris an t-sluagh mu thimchioll Eoin, Cìod an nì a chaidh sibh a mach do'n fhàsach na dh'fhaicinn? an i cuile air a crathadh le gaoith?

25 Ach cìod e an nì chaidh sibh a mach a dh'fhaicinn? an e duine air a sgeadachadh ann an eudach mìn? feuch, iadsan a ta

<sup>1</sup> stéidheachadh.<sup>2</sup> thog esan ar sionagog.<sup>3</sup> mòran d'a dheisciobluibh.<sup>4</sup> eistie mhairbh.<sup>5</sup> nach gabh oibheum riumsa.



sgeadaichte le eudach riomhach, agus a' caitheadh am beatha gu sòghail, is ann an cùirtibh nan rìgh a ta iad.

26 Ach ciod e an nì chaidh sibh a mach a dh'fhaicinn? an e fàidh? seadh, a deirim ribh, agus nì's mò na fàidh.

27 Is e so an tì mu'm bheil e scrìobhta, Feuch, cuiream mo theachdaire roimh do ghnùis, a dh'ulluicheas do shlighe romhad.

28 Oir a deirim ribh, 'Nam measgsan a rugadh le mnaibh, cha 'n'eil fàidh a's mò na Eoin Baiste: gidheadh an tì a's lugha ann an rioghachd Dhé, is mò e na esan.

29 Agus dh'fhireanaich am pobull uile a chual e, agus na cìs-inhaoir Dia, air dhoibh bhì air am baisteadh le baisteadh Eoin.

30 Ach chuir na Phairisich agus an luchd-lagha cùl ri comhairle Dhed'an taobh féin, am feadh nach do bhaisteadh iad leis.

31 (Agus thubhairt an Tighearna,) Cò ris uime sin a shamhlaicheas mì daoine a' ghinealaich so? agus cò ris a tà iad cosmhuil?

32 A ta iad cosmhuil ri cloinn a ta 'nan suidhe sa' mhargadh, agus a dh'èigheas r'a chéile, ag ràdh, Rinn sinne pìobaireachd dhuibhse, agus cha d'rinn sibhse dannsa: rinn sinne tuireadh dhuibhse, agus cha d'rinn sibhse gul.

33 Oir thainig Eoin Baiste, cha'n ann ag itheadh arain, no 'g òl fìona; agus their sibh, A ta deamhan aige.

34 Thainig Mac an duine ag itheadh 's ag òl; agus their sibh, Feuch duine geòcach agus pòitear-fìona, caraid chis-mhaor agus pheacach.

35 Ach a ta gliocas air a fireanachadh leis a cloinn uile.

36 Agus dh'iarr duine àraidh do na Phairisich air, gu'n itheadh e biadh maille ris. Agus chaidh e steach do thigh an Phairisich, agus shuidh' e sìos chum bìdh.

37 Agus feuch, an uair a fhuair bean anns a bhaile, a bha 'na peacach, fios gu 'n robh e 'na shuidhe aig biadh ann an tigh an Phairisich, thug i leatha bocsa alabastair làn do ola chùbhraidh.

38 Agus sheas i aig a chosaibh air a chùlaobh a' gul, agus thòisich i air a chosan a fhliuchadh leis a deuraibh, agus thiormaich i iad le gruaig a cinn, agus phòg i a chosa, agus dh'ùng i leis an ola iad.

39 Agus an uair a chunnaic am Phairiseach, a thug cuireadh dha, so, labhair e ann féin, ag ràdh, Nam b'fhaidh an duine so, bhiodh fhios àige cò i a' bhean so ta beantuinn ris, agus ciod is gnè dh'i; oir is peacach i.

40 Agus fhreagair Iosa, agus thubhairt e ris, A Shimoin, a ta nì agam ri ràdh riut. Agus thubhairt esan, A mhaighstir abair e.

41 Bha aig fear-fiacha àraidh dithis do fhéichneinibh: bha aige air aon fhear cùig

ceud peghinn, agus air an fhear eile leth-cheud.

42 Agus do bhrìgh nach robh aca nì leis an dioladh iad, mhaith e gu saor dhoibh araon. Innis domhsa uime sin, cò aca 's mò a ghràdhaicheas e?

43 Agus fhreagair Simon agus thubhairt e, 'S i mo bharail gur e an neach is mò d'an do mhaith e. Agus thubhairt e ris, Is ceart a thug thu breth.

44 Agus air tionndadh ris a' mhnaoi, thubhairt e ri Simon, Am faic thu bhean so? thainig mi steach do d' thigh, cha d'thug thu dhomh uisge chum mo chos; ach dh'ionnlaid ise mo chosa le deuraibh, agus thiormaich i iad le folt a cinn.

45 Cha d'thug thusa dhomh pòg: ach o thainig ise<sup>2</sup> stigh, cha do sguir i a phògadh mo chos.

46 Cha d'ùng thusa mo cheann le h-ola: ach dh'ùng ise mo chosa le h-ola chubhraidh.

47 Uime sin a deirim riut, Gu'm bheil a' peacaidh a ta lionmhor, air am maith-eadh; air an aobhar sin<sup>3</sup> ghràdhaich i gu mòr: àch ge b'e neach d'am maithear beagan, bithidh a ghràdh beag.

48 Agus thubhairt e rithe, Tha do pheacaidh air am maitheadh.

49 Agus thòisich iadsan a bha 'nan suidhe aig biadh maille ris, air a ràdh annta féin, Cò e so a ta eadhon a' maitheadh pheacanna?

50 Agus thubhairt e ris a' mhnaoi, Shlànuich do chreidimh thu; imich an sìth.

#### CAIB. VIII.

2 *Tha mnàì a' frithealadh do Chrìosd le am maoin.* 4 *Tha Crìosd, an déigh dha searmoin a dheanamh o àit gu h-àit, agus e air a leantuinn le abstolaibh, a' labhairt cosamhlachd an t-sìoladoir,* 16 *agus na coinneal;* 21 *a' cur an cèill cò iad a mhàthair, agus a bhràithrean,* 22 *a' cronuchadh na gaoithe, &c.*

**A**GUS tharladh an déigh sin, gu'n d'imich esan trid gach cathair agus baile, a' searmonachadh, agus a' cur an cèill soisgeil roghachd Dhé, agus an dà fhear dheug 'na fhochair.

2 Agus mnàì àraidh a leighiseadh o dhroch spioradaibh agus o euslaintibh, Muire d'an goireair Magdalen, as an deachaidh seachd deamhain.

3 Agus Ioanna bean Chusa stiùbhaird Heroid, agus Susanna, agus moran eile, a bha frithealadh dha le am maoin.

4 Agus an uair a chruinnich sluagh mòr, agus a thainig iad as gach baile d'a ionnsuidh, labhair e ann an cosamhlachd:

5 Chaidh fear-cuir amach a chur a shìl: agus ag cur da, thuit cuid ri taobh an rathaid, agus shaltradh sìos e, agus dh'ith eunlaith an athair suas e.

6 Agus thuit cuid eile air carraig, agus air fàs da, shearg e, do bhrìgh nach robh sùgh aige.

7 Agus thuit cuid eile am measg droighinn, agus air fàs do 'n droighion maille ris, thachd se e.

8 Agus thuit cuid eile air talamh maith, agus dh'fhàs e suas, agus thug e toradh uaith a cheud uiread <sup>1</sup> *s a chuireadh*. Agus air dha na nithe sin a ràdh, ghlaodh e, Ge b'e aig am bheil cluasa chum éisdeachd, éisdeadh e.

9 Agus dh'fhiosraich a dheisciobuil deth, ag ràdh, Ciod e an cosamhlachd so?

10 Agus thubhairt esan, Thugadh dhuibhse eòlas fhaotainn air rùn diomhair rioghachd Dhé; ach do chàch an cosamhlachdaibh, ionnus ag faicinn doibh nach faicheadh iad, agus ag cluintinn doibh nach tuigeadh iad.

11 Ach is e so an cosamhlachd: Is e 'n sìol focal Dé.

12 Iadsan ri taobh an rathaid, is iad sin a dh'éisdeas; 'na dhéigh sin a ta 'n diabhol a' teachd, agus a' togail air falbh an fhocail as an cridheachaibh, air eagal g'un creideadh iad agus gu'm biodh iad air an saoradh.

13 An dream air a' charraig, is iad sin iadsan, an uair a dh'éisdeas iad, a ghabhas am focal d'an ionnsuidh le gairdeachas; ach cha 'n'eil aca so freumh, *muinntir* a chreideas re tamuill, agus an àm buairidh a ta tuiteam air falbh.

14 Agus an ni a thuit am measg droighinn, is iad sin an dream a dh'éisdeas, agus air dhoibh dol a mach, a ta iad air an tachdadh le cùram, agus le saibhreas, agus le sàimhe na beatha so, agus cha 'n'eil iad a' toirt toraidh uatha chum foirfeachd.

15 Ach an ni a thuit san talamh mhaith, is iad sin iadsan, air dhoibh am focal éisdeachd, a ta 'ga choimhead ann an cridhe treibh-dhireach agus maith, agus a' toirt toraidh uatha le foighidinn<sup>1</sup>.

16 Cha 'n'eil neach air bith, air dha coinneal a lasadh, a dh'fholuicheas fa shoitheach i, no chuireas fa leabaidh i: ach cuiridh e ann an coinneir i, chum's gu'm faic iadsan a thig a stigh an solus.

17 Oir cha 'n'eil ni sam bith folaichte, nach deanar follaiseach; no uaigneach, nach aithnichear, agus nach d'thig os àird.

18 Air an aobhar sin thugaibh fa'near cionnus a dh'éisdeas sibh: oir ge b'e neach aig am bheil, bheirear dha; agus ge b'e neach aig nach 'eil, bheirear uaith eadhon an ni sin a shaoilear a bhi aige.

19 An sin thainig d'a ionnsuidh a mhàthair agus a bhràithre, agus cha b'urrainn iad teachd am fagus da leis an dòmhlas.

20 Agus dh'innseadh dha le dream àraidh, a thubhairt, Tha do mhàthair agus do

bhràithre 'nan seasamh a muigh, ag iarraidh t'fhaicinn.

21 Agus fhreagair esan agus thubhairt e riu. Is iad mo mhàthair agus mo bhràithrean iadsan a dh'éisdeas ri focal Dé, agus a ni e.

22 Agus tharladh air là àraidh, gu'n deachaidh e féin agus a dheisciobuil a stigh do luing: agus thubhairt e riu, Rachamaid 'hairs gu taobh thall an locha. Agus chuir iad a mach o thir.

23 Ach ag seòladh dhoibh, thuit codal ailsa: agus thainig ànradh<sup>2</sup> gaoith a nuas air an 'nch, agus lìonadh iad le h-uisge, agus bha 'ad ann an gàbhadh,

24 Agus thainig iad d'a ionnsuidh, agus dhùisg iad e, ag ràdh, A mhaighstir, a mhaighstir, tha sinn cailte, An sin dh'éirich esan, agus chronuch e ghaoth, agus onfa an uisge: agus sgùir iad, agus thainig féath<sup>3</sup> ann,

25 Agus thubhairt e riu, C'ait am bheil bhr creidimh? agus air dhoibh bhi fa eagal, ghabh iad iongantas, ag ràdh, r'a chèile, Ciod a' ghnè dhuine so? oir a ta e toirt àithne do na gaothaibh, agus d'on uisge féin, agus a ta iad ùmhal dha.

26 Agus thainig iad air tìr aig dùthaich nan Gadareneach, a ta thall fa chomhair Ghalile.

27 Agus an uair a chaidh e mach air tìr, choinnich duine àraidh às a' bhaile e, anns an robh deamhain rè aimsir fhada, agus aig nach biodh eudach uime, agus nach fanadh ann an tigh, ach anns na h-àitibh-adhlac.

28 An uair a chunnaic e Iosa, ghlaodh e mach, agus thuit e sìos 'na làthair, agus thubhairt e le guth àrd, Ciod e mo ghnòth-uchsa riut, Iosa, a Mhic an Dé a's ro àirde? guidheam ort, na pian mi.

29 (Oir bha e air toirt àithne do'n spiorad neo-ghlan dol a mach as an duine. Oir bu tric a rug e gu naimhdeil air: agus cheangladh e le slabhruidhibh, agus choimhleadh an geimhlibh e; agus air briseadh a chuibhreacha dha, dh'iomaineadh e leis an deamhan do'n fhàsach.)

30 Agus dh' fheadraich Iosa dheth, ag ràdh, Ciod is ainm dhuit? agus thubhairt esan, Legion: do bhrìgh gu'n deachaidh moran dheamhan a steach ann.

31 Agus ghuidh iad air, gun àithne thoirt doibh dol sìos do'n doimhneachd<sup>4</sup>.

32 Agus bha treud lìon-mhor mhuc an sin, ag ionaltradh air an t-slabh: agus ghuidh iad air cead a thoirt doibh dol a steach anna. Agus thug e cead doibh.

33 An sin air dol do na deamhnaibh a mach as an duine, chaidh iad anns na mucaibh: agus ruith an treud mhuc gu dian sìos le bruthach<sup>5</sup> do'n loch, agus thachdadh<sup>6</sup> iad.

<sup>1</sup> seasmhachd. <sup>2</sup> doinionn, stoirm. <sup>3</sup> ciuine.

<sup>4</sup> dubh-aigean. <sup>5</sup> leathad, àite corrach. <sup>6</sup> bhàthadh.



34 Agus an uair a chunnaic an dream a bha 'gam biadhachd an nì a rinneadh, theich iad, agus dh'innis iad e anns a' bhaile agus anns an dùthaich.

35 Agus chaidh iadsan a mach a dh'fhaicinn an nì a rinneadh; agus thainig iad gu h-Iosa, agus fhuair iad an duine as an deachaidh na deamhain, 'na shuidhe aig cosaibh Iosa, air eudachadh, agus e 'na chèill: agus ghabh iad eagla.

36 Agus dh'innis an dream a chunnaic e dhoibh, cionnus a shlànauicheadh an duine 'san robh na deamhain.

37 An sin dh'farr muinntir dùcha nan Gadareneach uile airsan, imeachd uatha; oir ghlacadh le h-eagal mòr iad: agus chaidh e san luing; agus phill e air ais a ris.

38 A nis ghuidh an duine as an deachaidh na deamhain air, e fèin a bhi maille ris: ach chuir Iosa uaith e, ag ràdh,

39 Pill do d' thigh fèin, agus cuir an céill meud nan nithe a rinn Dia dhuit. Agus dh'imich e roimhe, ag innseadh gu follaiseach air feadh a' bhaile uile, meud nan nithe a rinn Iosa dha.

40 Agus tharladh, an uair a phill Iosa air ais, gu'n do ghabh an sluagh gu toileach ris: oir bha iad uile 'ga fheithcamh.

41 Agus feuch, thainig duine da'm b'ainm Iairus, a bha 'na uachdaran air an t-sionagag: agus thuit e aig cosaibh Iosa, agus ghuidh e air gu'n d'thigeadh e d'a thigh:

42 Do bhrìgh gu'n robh aon-ghin nighinn aige, mu thimchioll dà bhliadhna dheug, agus i faotainn a' bhàis. (Ach air dha bhi 'g imeachd, bha'n sluagh 'ga theannadh.

43 Agus thainig bean air an robh dòrtadh fola dà bhliadhna dheug, agus a chaith a beathachadh uile ri leighibh, agus nach b'urradh bhi air a leigheas le neach air bith.

44 Thainig ise air a chùlaobh, agus bhean i ri h-ìomall eudaich: agus sguir a dòrtadh fola air ball.

45 Agus thubhairt Iosa, Cò bhean rium? Air àicheadh do na h-uile, thubhairt Peadar, agus iadsan a bha 'na fhochair, ris, A mhaighstir, tha 'n sluagh ga d'fhòmlachadh, agus ga d'cheannadh, agus an abair thu, Cò bhean rium?

46 Agus thubhairt Iosa, Bhean neach éigin rium: oir mhothaich mi cumhachd a' dol asam.

47 Agus an uair a chunnaic a' bhean nach robh i'n ain-fhios,<sup>2</sup> thainig i air chrith, agus a' sieuchdadh dha, chuir i'n céill da c'ar son a bhean i ris, an làthair an t-sluaigh uile, agus mar a shlànauicheadh i gu grad.

48 Agus thubhairt esan rithe, A nighean, biodh misneach agad: shlànauich do chreidimh thu; imich an sìth.)

49 Am feadh 's a bha e fathast a' labhairt, thainig neach o thigh Uachdarain na sionagoige, ag radh ris, Tha do nighean marbh; nì cuir dragh air a' mhaighstir.

50 Ach air chluinntinn so do Iosa, fhreagair se e, ag ràdh, Na biodh cagal ort: a mhaighstir creid, agus bithidh i air a shlànuchadh.

51 Agus an uair a chaidh e do 'n tigh, cha do leig e le neach air bith dol a stigh, ach Peadar, agus Eoin, agus Seumas, agus athair agus màthair na h-inghin.

52 Agus bha iad uile a' gul, agus a' deanamh caoidh air a son: ach thubhairt esan, Na guilbh: cha 'n-cil i marbh, ach 'na codal.

53 Agus rinn iad gàire fanoid ris, do bhrìgh gu'n robh fhios aca gu'n robh i marbh.

54 Agus air dha an cur a mach uile, ghlac e air làmh i, agus ghlaodh c, ag ràdh, A nighean, éirich.

55 Agus thainig a spiorad air ais, agus dh'éirich i air ball: agus dh'àithn e biadh a thoirt d'i.

56 Agus ghabh uamhas mòr a pàrantan<sup>3</sup>: ach thug esan àithne dhoibh gun an nì a rinneadh innseadh do neach air bith.

# CAIB. IX.

1 Tha Crìosd a' cur a mach abstol a dh'oibreachadh mhòrbhuile, agus a shearmonachadh.

7 Tha togradh aig Herod Crìosd fhaicinn.

17 Tha Crìosd an dèigh searmonachadh do'n t-sluagh, a' toirt lòn do chùig mìle uca gu mhòrbhuileach, 22 ag innseadh fhulangais roimh-làimh, 23 ag innseadh do na h-uile le 'm bàill a bhi 'nan deisciobul da, gur éigin doibh eisiomplairs' a leanuinn. 28 Atharrachadh a chrutha, &c.

A GUS ghairm e an dà fhear dheug<sup>4</sup> an ceann a chèile, agus thug e cumhachd agus ùghdarras doibh air na h-uile dheamhnaibh, agus a chum euslaintean a leigheas.

2 Agus chuir e mach iad a shearmonachadh rioghachd Dhé, agus a shlànuchadh nan euslan.

3 Agus thubhairt e riu, Na tugaibh ni air bith leibh chum na slighe, bataiche no màla, no aran, no airgiod; ni mò bhios dà chòta aig gach fear agaibh.

4 Agus ge b'e air bith tigh d'an d'théid sibh a steach, fanaibh an sin, agus as sin rachaibh a mach<sup>5</sup>.

5 Agus cò air bith iad nach gabh ribh, air dhuibh dol a mach as a' bhaile sin, crathaibh dhìbh eadhon duslach o bhur cosaibh mar fhianuis 'nan aghaidh.

6 Agus chaidh iadsan a mach, agus ghabh iad tre na bailtibh, a' searmonachadh an t-soisgeil, agus a' leigheas anns gach àit.

7 Agus chual Herod an Tetrarch na

<sup>1</sup> theich iad, (agus chaidh iad,) agus dh'innis.  
<sup>2</sup> am solach. <sup>3</sup> a ginteirean. <sup>4</sup> a dhà

dheisciobul deug,  
fàg sibh an t-àit.

<sup>5</sup> fanaibh an sin gus am

h-uile nithe a rinneadh leis: agus bha e an imcheist, do bhrìgh gu'n dubhradh le cuid, gu'n robh Eoin air éirigh o na marbhaibh:

8 Agus le cuid, gu'n d'fhoillsicheadh Elias: agus le cuid eile, gu'n robh aon do na sean fhàidhibh air éirigh a ris.

9 Agus thubhairt Herod, Thug mis' an ceann a dh'Eoin: ach cò e 'm fear so mu'n cluinneam a leithid so do nithibh? Agus dh'ìarr e fhaicinn.

10 Agus air pilltinn do na h-abstolaibh, dh'innis iad dha gach ni a rinn iad. Agus thug e leis iad, agus chaidh e fa leth gu àite fàsail, a bhuineadh do'n bhaile d'an goirear Betsaida.

11 Agus an uair a fhuair an sluagh fios air, lean iad e: agus ghabh e d'a ionnsuidh iad, agus labhair e riu mu thimchioll rioghachd Dhè, agus léighis e iadsan aig an robh feum air leigheas.

12 Agus an uair a thòisich an là air teir-eachdainn thainig an dà fhear dheug, agus thubhairt iad ris, Cuir air falbh an sluagh, chum 's gu'n d'théid iad do na bailtibh agus do'n ùr m'an cuairt, agus gu'n gabh iad tàmh agus gu'm faigh iad biadh: oir tha sinn an so an àite fàsail.

13 Ach thubhairt esan riu, Thugaibhse dhoibh ni r'a itheadh. Agus thubhairt iadsan, Cha 'n'eil againn tuilleadh na cùig builinnean agus dà iasg: mur d'théid sinn agus biadh a cheannach do'n t-sluagh so uile.

14 Oir bha iad mu thimchioll cùig mìle fear. Agus thubhairt e r'a dheisciobluibh, Cuiribh nan suidhe iad, leth-cheud anns gach cuideachd.

15 Agus rinn iad mar sin, agus chuir iad nan suidhe iad uile.

16 Agus ghabh e na cùig builinnean agus an dà iasg, agus air amharc suas gu neamh, bheannuich e iad, agus bhris e, agus thug e d'a dheisciobluibh iad gu'n cur an làthair an t-sluagh.

17 Agus dh'ith iad, agus shàsuicheadh iad uile: agus thogadh dà chliabh dheug do bhiadh briste, a bha dh'fhuighleach aca.

18 Agus tharladh, air dha bhi ri ùrnuigh fa leth, gu'n robh a dheisciobuil maille ris: agus dh'fheòraich e dhiubh, ag ràdh, Cò their an sluagh is mise?

19 Fhreagair iadsan agus thubhairt iad, Eoin Baiste: ach their cuid, Elias: agus cuid eile, gu bheil aon do na sean fhàidhibh air éirigh a ris.

20 Thubhairt e riu, Ach cò their sibhse is mi? Agus fhreagair Peadar, agus thubhairt e, Criosd Dhé.

21 Agus air dha sparradh teann a thoirt doibh, dh'àithn e gun iad a dh'innseadh so do neach sam bith,

22 Ag ràdh, Gur éigin do Mhac an duine mòran fhulang, agus a bhi air a dhiultadh leis na seanaribh, agus na h-àrd shagartaibh,

agus na scriobhuichibh, agus a bhi air a chur gu bàs, agus air a thogail suas air an treas là.

23 Agus thubhairt e riu uile, Ma's àill le neach air bith teachd a'm' dhéighse, àich-eadhadh se e féin, agus togadh e chrann-ceusaidh gach là, agus leanadh e mise.

24 Oir ge b'e neach le'm b'àill anam a thearnadh, caillidh se e: ach ge b'e neach a chailleas anam air mo sgàthsa, saoraidh esan e.

25 Oir ciod e an tairbhe do dhuine, ge do chosnadh e 'n saoghal gu h-ìomlan, agus e féin a chall, no bhi air a sgrios?

26 Oir ge b'e neach a ghabhas nàire dhiomsa agus do m' bhriathraibh, gabhaidh Mac an duine nàire dheth-san, an uair a thig e 'na ghlòir féin, agus an glòir Athar, agus nan aingeal naomha.

27 Ach a deirimse ribh gu fìrinneach, gu bheil cuid 'nan seasamh an so, nach blais bàs, gus am faic iad rioghachd Dhé.

28 Agus tharladh mu thimchioll ochd làithean an déigh nam briathar so,<sup>1</sup> gu'n d'thug e leis Peadar, agus Eoin, agus Seumas, agus gu'n deachaidh e suas gu beinn a dheanamh ùrnuigh.

29 Agus an uair a bha e ri ùrnuigh, bha dreach a ghnùise air atharrachadh, agus rinneadh eudach geal agus dealrach.

30 Agus feuch, bha dithis fear a' còmh-radh ris, eadhon Macis agus Elias,

31 A nochdadh ann an glòir, agus a bha labhairt m'a bhàs,<sup>2</sup> a bha esan gu choimh-lionadh ann an Ierusalem.

32 Ach bha Peadar, agus iadsan a bha maille ris, trom 'nan codal: agus an uair a dhùisg iad, chunnaic iad a ghlòir, agus an dithis fear a bha 'nan seasamh maille ris.

33 Agus an uair a bha iadsan a' dealachadh ris, thubhairt Peadar ri h-Iosa, A mhaighstir, is maith dhuinne bhi 'n so, agus dean-amaid tri bothain, aon duitse, agus aon do Mhaois, agus aon do Elias; gun fhios aige ciod a bha e 'g ràdh.

34 Am feadh a bha e ag ràdh so, thainig neul, agus chuir e sgàile orra: agus ghabh iad eagal an uair a bha iad a' dol a stigh san neul.

35 Agus thainig guth as an neul, ag ràdh, Is e so mo Mhac gràdhachsa, éisdibh ris.

36 Agus an uair a rinneadh an guth so, fhuaradh Iosa 'na aonar: agus dh'fhan iadsan 'nan tosd, agus cha d'innis iad do neach air bith anns na làithibh sin aon ni do na chunnaic iad.

37 Agus tharladh, an là 'na dhéigh sin, an uair a thainig iad a nuas o'n bheinn, gu'n do thachair sluagh mòr air.

38 Agus feuch, ghlaodh duine àraidh do'n t-sluagh, ag ràdh, A mhaighstir, guidh-

<sup>1</sup> nan nithe so.    <sup>2</sup> m'a shiubhal.



eam ort, amhaire air mo mhac, oir is e m'aon duine cloinne e.<sup>1</sup>

39 Agus feuch, a ta spiorad a' breith air, agus a ta e gu h-obann ag éigheach, agus a ta e 'ga tharruing as a chéile air chor 's gu bheil e cur cobhair a mach, agus an deigh a chomh-bhruthadh is gann a dh'fhagas se e.

40 Agus ghuidh mi air do dheisciobluibh gu'n cuireadh iad a mach e, agus cha b'urraim iad.

41 Agus fhreagair Iosa agus thubhairt e, O ghealaich mhi-chreidich agus fhaire,<sup>2</sup> cia fhad a bhios mi maille ribh, agus a dh'fhuilgeas mi sibh? Thoir an so do mhac.

42 Agus am feadh a bha e fathast a' teachd, thilg an deamhan sìos e, agus reub se e: agus chronuich Iosa an spiorad neo-ghlan, agus shlànuich e 'n leanabh, agus thug e d'a athair e.

43 Agus ghabh iad uamhas uile ri mòr chumhachd Dhé. Ach air dhoibh uile bhi gabhail iongantais ris na h-uile nitibh a rinn Iosa, thubhairt e r'a dheisciobluibh,

44 Taisgibh na briathrasa ann bhur cluasaibh: oir tha Mac an duine gu bhi air a thoirt thairis do làmlaibh dhaoine.

45 Ach cha do thuig iadsan an còmhradh so, agus bha e folaichte uatha, air chor as nach b'aithne dhoibh e:<sup>3</sup> agus b'éagalach leo ceisd a chur air mu thimchioll a' chòmhairidh so.

46 An sin dh'éirich deasboireachd eatorra, cò aca bu mhò a bhitheadh.

47 Agus air do Iosa smuaintean an cridhe fhaicinn, ghabh e leanabh, agus chuir e làmh ris féin e,

48 Agus thubhairt e riu, Ge b'e ghabhas ris an leanabh so ann am ainmse, tha e a' gabhail riumsa: agus ge b'e neach a ghabhas riumsa, tha e gabhail ris an ti a chuir uath mi: oir an neach a's lugha 'nar mcasgea uile, bithidh esan mòr.

49 Agus fhreagair Eoin, agus thubhairt e, A mhaighstir, chunnaic sinne duine àraidh a' tilgeadh mach dheamlan a' t'ainmse; agus bhac sinn e, chionn nach 'eil e 'gar leantuinn-ne.

50 Agus thubhairt Iosa ris, Na bacadh e: oir ge b'e nach 'eil 'nar n-aghaidh, tha e leinn.

51 A nis an uair a choimhlionadh làithean a gabhail suas, shuidhich e a ghnùis chum dol gu Hierusalem,

52 Agus chuir e teachdairean roimh a ghnùis: agus dh'imich iad, agus chaidh iad a steach do bhaile leis na Samaritanaich, a dh'ulluchadh air a shonsan.

53 Agus cha do ghabh iadsan ris, a chionn gu'n robh aghaidh mar gu'm biodh e dol gu Hierusalem.

54 Agus an uair a chunnaic a dheiscio-

buil Seumas agus Eoin so, thubhairt iad, A Thighearn, an àill leat gu 'n abramaid<sup>4</sup> teine a theachd a nuas o neamh, agus an losgadh, eadhon mar a rinn Elias?

55 Ach thionndaidh esan agus chronuich e iad, agus thubhairt e, Cha 'n'eil fhios agaibh ciod a' ghnè spioraid d'am bheil sibh:

56 Oir cha d'thainig Mac an duine a sgrios anama dhaoine, ach g'an saoradh. Agus chaidh iad gu baile eile.

57 Agus tharladh, an uair a bha iad ag imeachd air an t-slighe, gu'n dubhairt duine àraidh ris, A Thighearn, leanaidh mise thu ge b'e àit an d'théid thu.

58 Agus thubhairt Iosa ris, Tha tuill<sup>5</sup> aig na sionnaich, agus nid aig eunlaith an athair, ach cha 'n'eil àit aig Mac an duine anns an cuir e cheann fuidhe.

59 Agus thubhairt e ri duine eile, Lean mise: ach thubhairt esan, A Thighearn, leig dhomh dol air tús agus m'athair adhlac.

60 Ach thubhairt Iosa ris, Leig leis na mairbh am mairbh féin adhlac; ach imich thusa agus scarmonaich rioghachd Dhé.

61 Agus thubhairt neach eile mar an ceudna, A Thighearn, leanaidh mise thu: ach leig dhomh air tús mo chead a gabhail diubhsan a ta aig mo thigh.

62 Ach thubhairt Iosa ris, Cha 'n'eil neach air bith, a chuireas a làmh ris a' chrann-araidh, agus a sheallas 'na dhéigh, iomchuidh air son rioghachd Dhé.

# CAIB. X.

1 Tha Crìosd a' cur a' mach a dh'uon uair, 70 deisciobul a shearmonachadh; 17 ag iarraidh orra bhi iriosal, agus ag innseadh dhoibh ciod e an nì anns am buineadh dhoibh geardeachas a dheanamh, 21 a' toirt buidheachais d'a Athair air son a ghràis, 23 a' cur an cèill staid shona, da dheisciobul, &c.

**A**N deigh nan nithe sin, dh'orduich an Tighearna mar an ceudna deichnear agus trì fichead eile, agus chuir e lion dithis is dithis roimh a ghnùis iad, do gach baile, agus àit, anns an robh e féin gu teachd.

2 Air an aobhar sin thubhairt e riu, Tha 'm foghara gu fàrrinneach mòr, ach a ta an luchd-oibre tearc: guidhibh uime sin air Tighearn an fhogharaidh, luchd-oibre chur a mach chum fhogharaidh féin.

3 Imichibh: feuch, a ta mise 'gar cur a mach mar uain am measg mhadradh alluidh.

4 Na iomchairibh sporan, no màla, no brògan; agus na beannuichibh do neach air bith san t-slighe.

5 Agus ge b'e tigh d'an d'théid sibh a steach, abraibh air tús, Sìth do'n tigh so.

6 Agus ma bhios mac na sìth an sin, gabhaidh bhur sìth còmhnuidh air: ach mur bi, pillidh bhur sìth chugaibh<sup>6</sup> féin a ris.

7 Agus fanaibh anns an tigh sin, ag

<sup>1</sup> is e m'aon ghin e. <sup>2</sup> choirbte. <sup>3</sup> chum nach mothaicheadh iad e. <sup>4</sup> orduicheamaid.

<sup>5</sup> garaidh, brocluidh. <sup>6</sup> thugaibh.

i theadh agus ag òl nan nithe a bheir dhuibh: oir is fìu an t-oibriche a thuarasdal. Na rachaibh o thigh gu tigh.

8 Agus ge b'e baile d'an d'fhéid sibh a steach, agus san gabh iad ribh, ithibh na nithe sin a chuireas iad 'nar làthair.

9 Agus leighisibh a' mhuinntir a ta euslan ann, agus abraibh riu, Tha rioghachd Dhé air teachd am fagus duibh.

10 Ach ge b'e baile d'an d'fhéid sibh a steach, agus nach gabh iad ribh, air dhuibh dol a mach air a shràidibh, abraibh,

11 Eadhon duslach bhur baile a lean ruinn, tha sinne a' glanadh dhinn 'nar n-aghaidhse: gidheadh, biodh fhios so agaibh gu'n do dhruid rioghachd Dhé ribh.

12 Ach a deirimse ribh, gur so-ìomchair' a bhitheas e do Shodom san là ud, na do'n bhaile sin.

13 Is an-aoibhinn duit, a Chorasin, is an-aoibhinn duit, a Bhetsaida; oir nam bitheadh na h-oibre cumhachdach a rinneadh annaibhse air an deanamh ann an Tirus agus ann an Sidon, is fad o'n a dheanadh iad aithreachas, 'nan suidhe ann an saic-eudach agus ann an luathre.

14 Ach bithidh e ni's so-ìomchaire<sup>1</sup> do Thirus agus do Shidon anns a' bhreitheanas, na dhuibhse.

15 Agus thusa, a Chapernaum, a ta air t'àrdachadh gu nèamh, tilgear sìos gu h-ìf-rinn thu.

16 Esan a dh'èisdeas ribhse, éisdidh e riumsa: agus esan a dhiultas sibhse, tha e ga m' dhiultadh-sa: agus an neach a dhiultas mise, tha e a' diultadh an ti a chuir uaith mi.

17 Agus phill an deichnear agus an tri fichead le gairdeachas, ag ràdh, a Thighearn, a ta na deamhain féin fa smachd againne trid t'ainmsa.

18 Agus thubhairt e riu, Chunnach mi Satan, mar dhealanach, a' tuiteam o nèamh.

19 Feuch, a ta mi tabhairt dhuibh cumhachd saltairt air nathraichibh agus air scorpionaibh agus air uile neart an nàmhaid; agus cha ghoirtich ni air bith air aon dòigh sibh.

20 Gidheadh na deanaibh gairdeachas air son gu bheil na spioraid fa'r smachd; ach deanaibh gairdeachas air son gu bheil bhur n-ainmeanna scrìobhta anns na neamhaibh.

21 Anns an uair sin féin rinn Iosa gairdeachas na spiorad, agus thubhairt e, Tha mi toirt buidheachais duit, O Athair, a Thighearna nèimhe agus talmhainn, air son gu'n d'fholaich thu na nithe o dhuoinibh glìce agus tuigseach, agus gu'n d'fhoillsich thu iad do naoidheanaibh: seadh, Athair, oir is ann mar sin bu toil leatsa.

22 Tha na h-uile nithe air an tabhairt domhsa le m' Athair: agus cha'n aithne do

neach air bith cò e am Mac, ach do'n Athair: no cò e an t-Athair, ach do'n Mhac, agus an neach d'an àill leis a' Mhac fhoillseachadh.

23 Agus air tionndadh r'a dheisciobluibh, thubhairt e riu os ìosal, Is beannuichte na sùilean, a chi na nithe ta sibhse a' faicinn.

24 Oir a deirim ribh, Gu'm b'ìomadh fàidh agus rìgh, le'm bu mhiann na nithe fhaicinn a ta sibhse a' faicinn, agus nach fac iad; agus na nithe a' chluinntinn, ta sibhse a' cluinntinn, agus nach cual iad.

25 Agus feuch, sheas fear-lagha àraidh suas, 'ga dhearbhadh,<sup>2</sup> agus ag ràdh, A mhaighstir, ciod a ni mi chum gu sealbhaich mi a' bheatha mhaireannach?

26 Agus thubhairt e ris, Ciod a tha scrìobhta san làgh? cionnus a leughas tu?

27 Agus ag freagairt dasan, thubhairt e, Gràdhaichidh tu an Tighearna do Dhia le d' uile chridhe, agus le d' uile anam, agus le d' uile neart, agus le d' uil' inntinn, agus do choimhearsnach mar thu féin.

28 Agus thubhairt esan ris, Is ceart a fhreagair thu: deansa so, agus bithidh tu beo.

29 Ach air dhasan toil a bhi aige e féin fhìreanachadh, thubhairt e ri h-Iosa, Agus cò e mo choimhearsnach?

30 Agus fhreagair Iosa, agus thubhairt e, Chaidh duine àraidh sìos o Hierusalem gu Iericho, agus thuit e am measg luchd-reubainn,<sup>3</sup> agus air dhoibh a rùsgadh, agus a lotadh, dh'imich iad rompa, air fhàgail-san doibh leth-mharbh.

31 Agus tharladh gu'n d'imich sagart àraidh sìos air an t-slighe sin: agus an uair a chunnaic se e, ghabh e seachad air an taobh eile.

32 Agus mar an ceudna air do Lebhitheach bhi dlùth do'n ionad sin, thainig e agus dh'amhairc e air, agus ghabh e seachad air an taobh eile.

33 Ach air do Shamaitanach àraidh bhi gabhail an rathaid, thainig e far an robh esan: agus an uair a chunnaic se e, ghabh e truas mòr deth,

34 Agus thainig e d'a ionnsuidh, agus cheangail e suas a chreuchdan, a' dortadh ola agus fìona annta, agus chuir e air ainmhidh féin e, agus thug e gu tigh-òsda e, agus ghabh e curam dheth.

35 Agus air an là màireach, 'nuair a dh'fhalbh e, thug e mach dà pheighinn *Romhanach*, agus thug e do fhear an tigh-òsda iad, agus thubhairt e ris, Gabh cùram dheth; agus ge b'e ni tuilleadh a chaitheas tu, an tràth philleas mise air m'ais, diolaidh mi dhuit e.

36 Cò a nis do'n triuir so, a shaoileas tu, bu choimhearsnach dhasan a thuit am measg an luchd-reubainn?

37 Agus thubhairt esan, An ti a rinn

<sup>1</sup> so-fhulainge.

<sup>2</sup> ga bhuairleadh.

<sup>3</sup> ghaduichean.



trocair air. An sin thubhairt Iosa ris, Imich thusa, agus dean mar an ceudna.

38 Agus ag imeachd dhoibh, chaidh e steach do bhaile àraidh; agus ghabh bean àraidh, d'am b'ainm Marta, d'a tigh féin e.

39 Agus bha piuthar aice d'an goirte Muire, a suidh aig cosaibh Iosa, agus a bha 'g éideachd fhocail.

40 Ach bha Marta air a ro chùradh le mòran frithealaidh, agus air seasamh dhi 'na làthair, thubhairt i, A Thighearn, nach 'eil suim agad gu'n d'fhàg mo phiuthar mise a'm' aonar ri frithealadh? uime sin abair rithe cuideachadh leam.

41 Agus fhreagair Iosa, agus thubhairt e rithe, a Mharta, a Mharta, 'tha thusa lan cùraim, agus dragha mu thimchioll mòrain do nithibh:

42 Ach a ta aon nì feumail. Agus rinn Muire roghainn do'n chuid mhaith sin, nach d'fhoirear uaipe.

# CAIB. XI.

1 Tha Criosd a' teagasg d'a dheisciobluibh ùrnuigh dheanamh gu bith-chionta le ùrachd, 11 'gan deanamh cinnteach gu'n d'fhoir Dia mar sin nithe maithe dhuinn: 14 Tha e tilgeadh mach deamhain a bha balbh, agus a' cronachadh nam Phairiseach air son an toibheim, &c.

**A**GUS tharladh air dha bhi ann an ionad àraidh ri h-ùrnuigh, 'nuair a sguir e, gu'n dubhairt neach àraidh d'a dheisciobluibh ris, A Thighearna, teagaisg dhuinn ùrnuigh dheanamh, mar a theagaisg Eoin d'a dheisciobluibh féin.

2 Agus thubhairt e riu, 'Nuair a nì sibh ùrnuigh, abraibh, Ar n-Athair a ta air nèamh, Gu naomhaichear t'ainm. Thigeadh do rioghachd. Deanar do thoil, mar air nèamh, gu ma h-amhluidh sin air thalamh.

3 Tabhair dhuinn o là gu là ar n-aran lathail.

4 Agus maith dhuinn ar peacaidh: oir a ta sinne féin a' maitheadh do gach aon air am bheil fiachan againn. Agus na leig ann am buaireadh sinn, ach saor sinn o'n olc.

5 Agus thubhairt e riu, Cò agaihse aig am bi caraid, agus a théid d'a ionnsuidh air mheadhon-oidhche, agus a their ris, A charaid, thoir dhomh trì builinnean air iasachd;

6 Oir thainig caraid dhomh a' m' ionnsuidh as a shlighe, agus cha 'n'eil nì agam a chuireas mi 'na làthair.

7 Agus gu'm freagair esan o'n taobh a stigh agus gu'n abair e, Na cuir dragh orm: tha 'n dorus a nis air a dhùnadh, agus tha mo chlann maille rium san leabaidh; cha'n fhaigh mi éirigh agus an toirt duit.

8 A deirim ribh, Ge nach éirich e agus nach toir e dha, air son gur e charaid e; gidheadh air son a liosdachd,<sup>1</sup> éiridh e agus

bheir e dha mheud 's a ta dh'uireasbhuidh air.

9 Agus a deirimse ribh, Iarraibh, agus bhicirear dhuibh: siribh, agus gheibh sibh: buailibh an dorus, agus fosgailear dhuibh.

10 Oir gach neach a dh'iarra, glacadh e: agus an ti a shireas, gheibh e: agus do'n ti a bhuailas, fosgailear.

11 Ma dh'iarra mac aran air aon neach agaihse ta 'na athair, an toir e dha clach? no ma dh'iarra e iasg, an toir e nathair dha an àit éisg?

12 No ma dh'iarra e ubh, an toir e scorpion dha?

13 Air an aobhar sin ma 's aithne dhuibhse a ta olc, tiodhlacan maithe a thoirt d'ar cloinn, nach mòr is mòd na sin a bheir bhuir n-Athair nèamhaidh an Spiorad naomh dhoibhsan a dh'iarra air e?

14 Agus bha e tilgeadh a mach deamhain, agus bha e balbh. Agus air dol do'n deamhan a mach, labhair am balbhan; agus ghabh an sluagh iongantas.

15 Ach thubhairt cuid diubh, Is ann trid Bheelsebub prionnsadh<sup>2</sup> nan deamhan a ta e tilgeadh mach dheamhan.

16 Agus dh'iarra dream eile dhiubh, 'ga dhearbhadh, comhar air o nèamh.

17 Ach air dhasan an smuaintean a thuigsinn, thubhairt e riu, Gach rioghachd a ta roimte 'na h-aghaidh féin, fàsaichear i; agus gach tigh a ta roimte 'na aghaidh féin, tuitidh e.

18 Agus ma ta Satan mar an ceudna air a roinn 'na aghaidh féin, cionnus a sheasas a rioghachd? oir tha sibhse ag ràdh gu bheil mise trid Bheelsebub a' tilgeadh mach dheamhan.

19 Agus ma 's ann tre Bheelsebub ataimse tilgeadh mach dheamhan, cò e trid am bheil bhuir clann-sa 'gan tilgeadh mach? uime sin bithidh iadsan nam breitheanaibh oirbh.

20 Ach ma 's ann le mèur Dhé ataimse a' tilgeadh mach dheamhan, tha rioghachd Dhé, gun teagamh, air teachd oirbhse.

21 'Nuair a ghleidheas duine làidir fa armaibh a thalla<sup>3</sup> féin, tha na bhuineas da ann an sìth.

22 Ach an uair a thig duine a's treise na e, agus a bheir e buaidh air, bheir e uaith armachd uile anns an robh a dhòigh, agus roinnibh e a chreach.

23 An neach nach 'eil leamsa, tha e a'm' aghaidh, agus an neach nach 'eil a' cruinneachadh leamsa, sgapaidh e.

24 'Nuair a théid an spiorad neo-ghlan a mach a duine, imichidh e tre ionadaibh tiorma, 'g iarraidh fois: agus an uair nach faigh e sin, their e, Pillidh mi dh'ionnsuidh mo thighe as an d'thainig mi.

25 Agus air dha teachd, gheibh se e air a sguabadh agus air a dheanamh maiseach.

<sup>1</sup> dhian iarrtachd.

<sup>2</sup> ceunnard, ceann-feadhna. <sup>3</sup> a chùirt.

26 An sin imichidh, agus bheir e leis seachd spioraid eile a's measa na e féin, agus air dhoibh dol a steach, gabhaidh iad còmhnuidh an sin: agus bithidh deireadh an duine sin nì 's measa na a thoiseach.

27 Agus an uair a bha e labhairt nan nithe so, thog bean àraidh do'n t-sluagh a guth, agus thubhairt i ris, Is beannuicht' a' bhrù a ghiùlain thu, agus na cìochan a dh'coghaill thu.

28 Ach thubhairt esan, Is mò gur beannuicht' iadsan a dh'éisdeas ri focal Dé, agus a choimhideas e.

29 Agus an uair a chruinnich an sluagh gu tiugh *d'a ionnsuidh*, thòisich e air a ràdh, Is droch ghinealach so: tha iad ag iarraidh comharaidh, agus cha toirear comhara dhoibh, ach comhara Ionais an fhàidh.

30 Oir mar a bha Ionas 'na chomhara do mhuinntir Ninebheh, is ann mar sin mar an ceudna bhios Mac an duine do'n ghinealach so.

31 Eiridh ban-righinn na h-àirde deas suas anns a' bhreitheanas maille ri daoineibh a' ghinealaich so, agus dithidh si iad: oir thainig ise o iomallaibh na talmhainn, a dh'éisdeachd ri gliocas Sholaimh; agus feuch, *a ta* nì's mò na Solamh an so.

32 Eiridh muinntir Ninebheh suas anns a' bhreitheanas maille ris a' ghinealach so, agus dithidh iad e: oir rinn iadsan aithreachas le searmoin Ionais: agus feuch, *a ta* nì's mò na Ionas an so.

33 Cha 'n'eil neach sam bith, air dha coinneal a lasadh, a chuireas am folach i, no fuidh shoitheach; ach ann an coinnleir, chum 's gu 'm faic an dream a thig a stigh an solus.

34 'S i an t-sùil solus a' chuirp: uime sin an uair a bhios do shùil glan, bithidh do chorp uile làn soluis: ach an uair a bhios do shùil gu h-ole, bithidh do chorp mar an ceudna dorcha.

35 Uime sin thoir an aire, nach bi 'n solus a ta annad 'na dhorchadas.

36 Air an aobhar sin ma bhitheas do chorp uile soillseach, gun chuid sam bith dheth dorcha, bithidh e soillseach gu h-iomlan, mar an uair a shoillsicheas coinneal thu le dealradh.

37 Agus ag labhairt dhasan, dh'iarr Phairiseach àraidh air a dhinneir a ghabhail maille ris: agus chaidh e stigh, agus shuidh e chum bith.

38 Agus an uair a chunnaic am Phairiseach sin, b'iohnadh leis nach d'ionnlaid se e féin roimh a dhinneir.

39 Agus thubhairt an Tighearna ris, A nis, Phairiseacha, glanaidh sibhse an taobh a muigh do'n chupan agus do'n mhèis: ach a ta 'n taobh a stigh duibh làn do reubainn agus a dh'ajngidheachd.

40 Amadana, an tì a rinn an nì a ta 'n taobh a muigh, nach do rinn e an nì a ta 'n taobh a stigh mar an ceudna?

41 Ach thugaibh uaibh déirc do na nithibh a ta agaibh: agus feuch, a ta na h-uile nithe glan duibh.

42 Ach is an-aoibhinn duibh, Phairiseacha: oir a ta sibh a' toirt deachaimh a mionnt, agus a rù, agus as gach uile ghnè luibh-canna, agus a' gabhail thairis air breitheanas agus air gràdh Dhé: bu chòir dhuibh iad gu a dheanamh, agus gun iad sud fhàgail gun deanamh.

43 Is an-aoibhinn duibh, Phairiseacha: oir is ionmhuinn libh na ceud àiteachasuidhe anns na sionagogaibh, agus fàilte *fhaotainn* air na margaidh.

44 Is an-aoibhinn duibh, a scriobhuichean agus Phairiseacha, a chealgairean: oir a ta sibh mar uaighean nach faicear, agus do nach toir na daoine, a ta 'g imeachd thairis orra, an airc.

45 Agus fhreagair duine àraidh do'n luchd-lagha, agus thubhairt e ris, A mhaighstir, le so a labhairt, tha thu toirt maslaidh dhuinne mar an ceudna.

46 Agus thubhairt esan, Is an-aoibhinn duibhse mar an ceudna, a luchd-lagha: oir a ta sibh a' cur uallacha troma do ghiùlan air daoineibh, agus cha bhean sibh féin ris na h-uallaichibh le h-aon d'ar mèuraibh.

47 Is an-aoibhinn duibh: oir a ta sibh a' togail àitean-adhlaic nam fàidh, agus is iad bhuir n-aithriche a mharbh iad.

48 Gu deimhin a ta sibh a' toirt fianuis gu bheil sibh ag aontachadh le gnìomhar-aibh bhuir n-aithriche: oir mharbh iadsan gu deimhin iad, agus a ta sibhse a' togail an àitean-adhlaic.

49 Air an aobhar sin thubhairt gliocas Dé, Cuiridh mise fàidhean, agus abstoil d'an ionnsuidh, agus *cuid* duibh marbhaidh iad, agus *cuid eile* geur-leanaidh iad:

50 Chum gu'n agrar air a ghinealach so fuil nam fàidh uile a dhòirteadh o thoiseach an domhain;

51 O fhuil Abeil gu fuil Shachariais, a mhillleadh eadar an altair agus an teanpull; gu deimhin a deirim ribh gu'n agrar i air a' ghinealach so.

52 Is an-aoibhinn duibh, a luchd-lagha: oir thug sibh air falbh iuchair an colais: cha dcachaidh sibh féin a steach, agus an dream a bha dol a steach, bhac sibh iad.

53 Agus an uair a bha e labhairt nan nithe so riu, thòisich na scriobhuichean agus na Phairisich air a chur chuige gu dian, agus a tharruing gu labhairt air mòran do nithibh:

54 A deanamh feall-aire air, agus ag iarraidh nì eigin a ghlacadh as a bheul, chum gu'm biodh cùis-dhìtidh aca 'na aghaidh.

## CAIB. XII.

- 1 *Tha Criosd a' searmonuchadh d'a dheis-ciobluibh iad a sheachnadh ceitg, agus geit ann an cur a theagaisg an cèill, 13 a' toirt rabhaidh do 'n t-sluagh a bh' air am faicill*



*an aghaidh sàinnti, le cosamhlachd an duine shaibhir, a' chuir roimhe, air d'a thalamh bàrr mòr a thoirt a mach, saibhlean bu mhò athogail, 22 Cha 'n fhead sinn bhì ro-chùramach mu nithibh talmhaidh; 31 ach is còir dhuinn rioghachd Dhé iarraidh, 33 dèire a thoirt uainn, &c.*

**A**NNS an àm sin, an uair a bha sluagh gun àireamh air cruinneachadh, ionnus gu 'n robh iad a' saltairt air a chèile, thòisich e air a ràdh r'a dheisciobluibh féin, Roimh gach nì bithibh air bhur faicill o thaois ghoirt nam Phairisèach, eadhon cealgair-eachd.

2 Oir cha 'n'eil nì air bith foluichte, nach foillsichear; no uaigneach, air nach faighear fios.

3 Air an aobhar sin ge b'e nì a labhair sibh san dorchadas, chuinnear e san t-solus: agus an nì a labhair sibh 'sa chluais an seomraichibh uaigneach, gairmear e air mullach nan tighean.

4 Agus a deirim ribhse, mo chàirde, Na biodh eagal oirbh roimh 'n mhuinntir sin a mharbhas an corp, agus 'na dhéigh sin aig nach 'eil nì tuilleadh dh'fheadas iad a dheanamh.

5 Ach nochdaidh mi dhuibh cò e roimh an còir dhuibh eagal a bhì oirbh: Biodh eagal an Ti ud oirbh, aig am bheil cumhachd, an déigh neach a mharbhadh, a thilgeadh do ìrrinn; seadh, a deirim ribh, Biodh eagal an ti so oirbh.

6 Nach 'eil cùig gealbhoinn air an reic-eadh air dhà fheoirling, agus cha 'n'eil aon diubh air dhearmad am fianuis Dé?

7 Ach a ta eadhon fuilteine bhur cinn uile air an àireamh. Uime sin na biodh eagal oirbh: is fearr sibhse na mòran ghealbhoinn.

8 Agus a deirimse ribh, Ge b'e neach a dh'aidicheas mise am fianuis dhaoine, aidichidh Mac an duine esan mar an ceudna an làthair aingle Dhé.

9 Ach ge b'e neach a dh'àicheadhas mise am fianuis dhaoine, àicheadhar esan am fianuis aingle Dhé.

10 Agus ge b'e neach a labhras focal an aghaidh Mhic an duine, maithear dha e: ach do'n ti a labhras toibheum an aghaidh an Spioraid naoimh, cha toircar maitheanas.

11 Agus an uair a bheir iad sibh chum nan sionagog, agus nan uachdaran, agus nan daoine cumhachdach, na biodh e 'na ro-chùram oirbh cionnus no ciod a fhreagras sibh, no ciod a their sibh:

12 Oir teagaisgidh an Spiorad naomha dhuibh anns an uair sin féin na nithe 's còir dhuibh a ràdh.

13 Agus Thubhairt neach àraidh do'n t-sluagh ris, A mhaighstir, abair re m' bhràthair an oighreachd a roinn rium.

14 Agus thubhairt e ris, A dhuine, cò a chuir mise a'm' bhreitheamh, no a'm' fhear-roinn os bhur cionn?

15 Agus thubhairt e riu, Thugaibh an aire, agus gleidhibh sibh féin o shannt: oir cha 'n ann am mòr phailteas nan nithe ta e sealbhachadh tha beatha an duine.

16 Agus labhair e cosamhlachd riu, ag ràdh, Thug fearann duine shaibhir àraidh bàrr pailte uath.

17 Agus smuainich e ann féin, ag ràdh, Ciod a nì mi, chionn nach 'eil agam àit anns an cruinnich mi mo thoraidh?

18 Agus thubhairt e, Nì mi so: leagaidh mi mo shaibhlean, agus togaidh mi saibhlean a's mò; agus cruinnichidh mi annta sin mo thoraidh uile, agus mo mhaoin.

19 Agus their mi ri m' anam, Anam, a ta agad mòran do nithibh maithe air an tasgaidh fa chomhair mòrain bhliadhna; gabh fois, ith, òl, is bi subhach.

20 Ach thubhairt Dia ris, Amadain, air an oidhche so féin iarrar t'anam uait: an sin cò dha a bhuineas na nithe sin a dh'ulluich thu?

21 Is ann mar sin a ta 'n ti a thaisgeas ionmhas dha féin, agus nach 'eil saibhir a thaobh Dhé.

22 Agus thubhairt e r'a dheisciobluibh, Uime sin a deirimse ribh, na biodh ro-chùram oirbh mu thimchioll bhur beatha, ciod a dh'itheas sibh; no mu thimchioll bhur cuirp, ciod a chuireas sibh umaibh.

23 Is mò a' bheatha na 'm biadh, agus an corp na 'n t-eudach.

24 Thugaibh fa'near na fithich: oir cha 'n'eil iadsan a' cur no buain; cha 'n'eil aca taisg-thigh no sabhail; agus a ta Dia 'gam beathachadh: Cia mòr is fearr sibhse na 'n eunlaith?

25 Agus cò agaibhse le ro-chùram is urrainn aon làmh-choille<sup>1</sup> a chur r'a àirde féin?

26 Mur 'eil sibh uime sin comasach air an nì a's lugha a dheanamh, c'ar son a ta sibh ro-chùramach mu nithibh eile?

27 Thugaibh fa'near na lilighean, cionnus a ta iad a' fàs: cha 'n'eil iad a' saothreachadh, no a' sniomh: gidheadh a deirim ribh, nach robh Solamh féin 'na ghlòir uile, air a sgeadachadh mar aon diubh so.

28 Agus ma ta Dia mar sin a sgeadachadh an fheoir, a ta 'n diugh sa' mhachair, agus am màireach air a thilgeadh san àm-uinn; nach mòr is mò a sgeadaicheas e sibhse, O dhaoine air bheag creidimh?

29 Uime sin na iarraibhse ciod a dh'itheas sibh, na ciod a dh'òlas sibh, agus na bithibh amharusach.

30 Oir 'na nithe so uile ta Cinnich an t-saoghail ag iarraidh: ach a ta fhios aig bhur n-Athairse gu bheil feum agaibh air na nithibh sin.

31 Ach iarraibhse rioghachd Dhé, agus cuirear na nithe so uile ribh.

32 Na biodh eagal ort, a threud bhig;

oir is e deadh thoil bhuir n-Athar an riogh-achd a thoirt duibh.

33 Reicibh na bheil agaibh, agus thug-aibh déire uaibh: deanaibh dhuibh féin sporain nach fàs sean, ionmhas nach teirig anns na nèamhaibh, far nach d'thig gaduiche am fagus, agus nach truail an reudan.<sup>1</sup>

34 Oir ge b'e àit am bheil bhuir n-ionmhas, an sin bithidh bhuir cridhe mar an ceudna.

35 Biodh bhuir leasruidh criosraichte m'an cuairt, agus *bhuir* lòchrain air an lasadh;

36 Agus sibh féin cosmhuil ri daoineibh a ta feitheamh an Tighearna, 'nuair a philleas e o'n phòsadh, chum air dha teachd agus bualadh, gu'n grad-fhosgail iad dha.

37 Is beannuichte na seirbhisich sin, a gheibh an Tighearna, 'nuair a thig e, ri faire: gu deimhin a deirim ribh gu 'n criosraich se e féin m'an cuairt, agus gu'n cuir e 'nan suidhe iad chum bidh, agus gu'n dean e frithealadh dhoibh.

38 Agus ma thig e san dara faire, no ma thig e san treas faire, agus gu'm faigh e *iad* mar sin, is beannuichte na seirbhisich sin.

39 Agus biodh cinnt agaibh air so, nam biodh fhios aig fear an tighe cia an uair anns an d'thigeadh an gaduiche, gu'n deanadh e faire, agus nach fuilgeadh e a thigh a bhi air a tholladh trid.

40 Bithibhse uime sin deas mar an ceudna: oir thig Mac an duine 'nuair nach saoil sibh.

41 Agus thubhairt Peadar ris, A Thighearn, an ann ruinne ta thu labhairt a' chosamhlachda so, no ris gach uile?

42 Agus thubhairt an Tighearn, Cò e uime sin an stiùbhard firinneach agus glic sin, a chuireas a Thighearn os cionn a theaghlach, a thoirt *doibh an* cuibhrinn bith 'na àm féin?

43 Is beannuichte an seirbhiseach sin, a gheibh a Thighearn an uair a thig e, a' deanamh mar sin.

44 Gu firinneach a deirim ribh, gu 'n cuir se e os cionn na bheil aige.

45 Ach ma their an seirbhiseach sin 'na chridhe, Tha mo Thighearn a' cur dàil 'na theachd; agus ma thòisicheas e air na h-òglach agus na ban-òglach a bhualadh, agus itheadh, agus òl, agus a bhi air mhisg:

46 Thig Tighearn an t-seirbhisich sin ann an là nach 'eil suil aige ris, agus ann an uair nach fios da, agus gearraidh e 'na bhloighdibh e,<sup>2</sup> agus bheir e a chuibhrinn da maille ris na mi-chreidich.

47 Agus an seirbhiseach sin d'am b'aithne toil a mhaighstir, agus nach d'ulluich e *féin*, agus nach d'rinn a réir a thoile, buailear e le mòran bhuillean.

48 Ach an ti da nach b'aithne, agus a

rinn nithe a b'airidh air buillibh, buailear esan le beagan *do bhuillibh*. Oir gach nèach d'an d'thugadh mòran, iarrar mòran uaith: agus ge b'e ri 'n d'earbadh mòran, iarrar an tuilleadh air.

49 Thainig mise a chur teine air an talamh, agus ciod is àill leam, ma ta e cheana air fhadadh.

50 Ach a ta baisteadh agam ri bhi air mo bhaisteadh leis, agus cionnus a ta mi air mo theannadh gus an coimhlionar e!

51 Am bheil sibh a' saolsinn gu'n d'thainig mise a thoirt sìth air an talamh? ni h-eadh, a deirim ribh, ach ailmh-reit.

52 Oir bithidh a so suas clùgear an aon tigh air an roinn, triuir an aghaidh dithis, agus dithis an aghaidh triuir.

53 Bithidh an t-athair air a roinn an aghaidh a' mhic, agus ami mac an aghaidh an athar; a mhàthair an aghaidh na h-inghin, agus an nighean an aghaidh na màthar: a' mhàthair-chéile an aghaidh mnà a mic, agus bean a' mhic an aghaidh a màthar-chéile.

54 Agus thubhairt e mar an ceudna ris an t-sluagh, 'Nuair a chi sibh neul ag éirigh san àirde 'n iar, air ball their sibh, A ta fras a' teachd; agus a ta e mar sin.

55 Agus an uair a *chi sibh a'* ghaoth a deas a' séideadh, their sibh, Bithidh teas ann; agus a ta e tachairt.

56 A chealgairean, is aithne dhuibh breth a thoirt air aghaidh nan speur, agus na talmhainn: ach cionnus nach 'eil sibh a' toirt breth air an aimsir so?

57 Agus c'ar son nach 'eil sibh eadhon uaibh féin a' breithneachadh an ni sin a ta ceart?

58 'Nuair a théid thu maille ri d' eascaraid chum an uachdarain, dean dìchioll san t-slighe air bhi air do shaoradh uaith;<sup>3</sup> air eagal gu'n tarraing e chum a' bhreitheimh thu, agus gu'n tabhair am breitheamh thairis do'n mhaor thu, agus gu'n tilg am maor am prìosun thu.

59 A deirim riut, nach d'théid thu mach as sin, gus àn òc thu eadhon a' pheghinn dheireannach.

### CAIB. XIII.

1 *Tha Crìosd a' searmonachadh aithreachais o'n sgrios a thainig air na Galilèach, agus muinntir eile.* 6 Cosamhlachd na craobh-fhìge gun toradh. 11 *Tha Crìosd a' slàn-uchadh na mnà a bha air a cromadh le h-eucail phiantaich rè ochd bliudhna deug; &c.*

**A**GUS bha làthair san àm sin daoine àraidh ag innseadh dha mu thimchioll nan Galilèach, muinntir a mheasg Pilat am fuil maille r'an ìobartibh.

2 Agus fhreagair Iosa agus thubhairt e riu, Am bheil sibh a' saolsinn gu'n robh na Galilèach sin 'nam peacachaibh ni's mò na na

<sup>1</sup> leomann.  
75

<sup>2</sup> sgaraidh e uaith e.

<sup>3</sup> air a bhi rèidh ris.



Galiléaich uile, air son gu'n d' fhulaing iad a leitlidh so?

3 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

4 No na h-ochd fir dheug sin air an do thuit an tùr ann an Siloam, agus a mharbh iad, an saoil sibh gu'n robh iadsan 'na nàin peacachaibh<sup>1</sup> os cionn nan uile dhaoine a bha 'nan còmhnuidh an Ierusalem?

5 Ni h-eadh, a deirim ribh: ach mur dean sibh aithreachas, sgriosar sibh uile mar an ceudna.

6 Labhair e mar an ceudna an cosamhlachd so: Bha aig duine àraidh crann-fìge suidhichte 'na gharadh fiona:<sup>2</sup> agus thainig e 'g iarraidh toraidh air, agus cha d'fhuair e.

7 An sin thubhairt e ris a' ghàradair,<sup>3</sup> Feuch, a ta mi rè thri bliadhna a' teachd a' dh'iarraidh toraidh air a' chrann-fhige so, agus cha 'n'cil mi faotainn a bheag: gearr sìos e, c'ar son a ta e fàsachadh an talmhainn?

8 Agus fhreagair esan agus thubhairt e ris, A Thighearna, leig leis air a' bhliadhna so mar an ceudna, gus an cladhaich mi 'na thimchioll, agus gu'n cuir mi aolach<sup>4</sup> m'a bhun:

9 Agus ma ghiùlaineas e toradh, is maithe sin: ach mur giùlain, 'na dhéigh sin gearraidh tu sìos e.

10 Agus bha e a' teagasg an aon do na sionagogaibh air an t-sàbaid.

11 Agus feuch, bha bean àraidh a làthair aig an robh spiorad anmhuinneachd rè ochd bliadhna deug, agus bha i air a cromadh ri chéile, agus gun chomas aice air chor sam bith i féin a dhìreachadh.

12 Agus an uair a chunnaic Iosa i, ghairm e d'a ionnsuidh i, agus thubhairt e rithe, A bhcan, tha thu air d' fhuasgladh<sup>5</sup> o d' anmhuinneachd.

13 Agus chuir e a làmhan oirre: agus air ball<sup>6</sup> rinneadh dìreach i, agus thug i glòir do Dhia.

14 Agus fhreagair uachdaran na sionagoige, agus e làn do fheirg air son gu'n d'rinn Iosa leigheas air latha na sàbaid, agus thubhairt e ris an t-sluagh, Tha sea làithean anns an còir obair a dheanamh: orra so air an aobhar sin thigibh, agus bithibh air bhur leigheas, agus na b'ann air latha na sàbaid.

15 An sin fhreagair an Tighearn e, agus thubhairt e, A chealgair,<sup>7</sup> nach fuasgail gach aon agaibh a dhamh no asal o'n phrasaich, agus nach toir e gu uisge e air latha na sàbaid?

16 Agus nach bu chòir a' bhean so, a ta 'na h-inghin do Abraham, a cheangail Satan a nis rè ochd bliadhna deug, a bhì air a fuasgladh o'n chuibhreach so air latha na sàbaid?

17 Agus an uair thubhairt e na nithe sin, chuireadh a naimhdean uile gu nàire: ach rinn an sluagh uile gairdeachas, air son nan uile nithe glòrmhor a rinneadh leis.

18 An sin thubhairt e, Cia ris a ta rioghachd Dhé cosmhuil? agus cia ris a shamhlaicheas mi i?

19 Tha i cosmhuil ri gràinne do shìol mustaird, a ghabh duine, agus a chuir e 'na ghàradh, agus dh'fhàs e, agus rinneadh craobh mhòr dheth: agus rinn eunlaith an athair nid 'na geugaibh.

20 Agus thubhairt e a ris, Cò ris a shamhlaicheas mi rioghachd Dhé?

21 Tha i cosmhuil ri taois ghoirt,<sup>8</sup> a ghabh bean agus a dh'fholaich i an tri tomhasaibh mine, gus an do ghoirticheadh an t-ìomlan.

22 Agus chaidh e tre<sup>9</sup> gach cathair agus bailc beag, a' teagasg, agus a' gabhail na slighe gu Hierusalem.

23 An sin thubhairt neach àraidh<sup>10</sup> ris, A Thighearn, an tearc iad a shaorar? Agus thubhairt esan riu,

24 Deanaibh spairn chruaidh gu dol a stigh air a' gheata chumhann: oir a deirim ribh, gu'n iarr mòran dol a stigh, agus nach urrainn iad.

25 O'n uair a dh'éireas fear an tighe, agus a dhùineas e 'n dorus, agus a thòisich-eas sibhse air seasamh a muigh, agus an dorus a bhualadh, ag radh, A Thighearn, a Thighearn, fosgail duinn; agus air dhasan freagairt their e ribh, Cha'n aithne dhomh sibh, cò as a ta sibh?

26 An sin tòisichidh sibh air a ràdh, Dh'ith sinn agus dh'òl sinn a'd làthair, agus theagaisg thu 'nar sràidibh.

27 Ach their esan, A deirim ribh, cha 'n aithne dhomh sibh, cò as a ta sibh; imichibh uam uile, a luchd-deanamh na h-eucorach.

28 An sin bithidh gul agus giosgan fhiacal, an uair a chi sibh Abraham, agus Isaac, agus Jacob, agus na fàidhean uile ann an rioghachd Dhé, agus sibh féin air bhur tilgeadh a mach.

29 Agus thig iad o'n àird an ear, agus o'n àirde 'n iar, agus o 'n àirde tuath agus deas, agus suidhidh iad ann an rioghachd Dhé.

30 Agus feuch, a ta daoine air dheireadh a bhitheas air thoiseach, agus air thoiseach a bhitheas air dheireadh:

31 Air an là sin féin thainig Phairisich àraidh d'a ionnsuidh, ag ràdh ris, Gabh<sup>11</sup> a mach, agus imich as so: oir tha toil aig Herod do mharbhadh.

32 Agus thubhairt e riu, Imichibh agus innsibh do'n t-sionnach sin, Feuch, a ta mi tilgeadh mach dheamhan, agus a ta mi deanamh leigheas an diugh, agus am màir-

<sup>1</sup> féichneibh. <sup>2</sup> fhròn-lios. <sup>3</sup> ghairdear. <sup>4</sup> inneir. <sup>5</sup> air de shaoradh. <sup>6</sup> san uair sin féin.

<sup>7</sup> A chealgair. <sup>8</sup> laibhin. <sup>9</sup> troimh, trid. <sup>10</sup> àraid. <sup>11</sup> Theirig, Rach.

each, agus an treas là bithidh mi air mo dheanamh foirfe.

33 Gidheadh, is éigin domh imeachd an diugh agus am maireach, agus an là 'na dhéigh sin: oir cha'n fheud e bhí gu'n cuirear fàidh gu bàs a mach a Ierusalem.

34 A Ierusalem, a Ierusalem, a mharbhas na fàidhean, agus a chlachas an dream a chuirear a d'ionnsuidh: cia minic a b'àill leam do chlann a chruinneachadh, mar a chruinnicheas cearc a h-àlach fuidh a sgiathaidh, agus cha b'àill libh?

35 Feuch, dh'fhàgadh bhuir tigh fàs agaibh: agus gu deimhin a deirim ribh, nach faic sibh mise, gus an d'thig an t-àm, anns an abair sibh, 'Is beannuicht' an ti a thig an ainm an Tighearna.

## CAIB. XIV.

2 *Tha Crìosd a' slànachadh neach air an robh a' mheud-bhronn. 7 a' teagasg irioslachd.*

16 *Le cosamhlachd na suipeire mòire, tha e a' nochdadh cionnus a bhios daoine saoghailta, a ni tàir air focal Dé, air an druid-eadh a mach a rioghachd nèimhe, &c.*

**A**GUS tharladh, an tràth chaidh e gu tigh uachdarain àraidh do na Phairisich a dh'itheadh bìdh air latha na sàbaid, gu'u robh iad a' deanamh geur fhaire air.

2 Agus feuch, bha duine àraidh 'na làth-air air an robh a' mheud-bhronn<sup>1</sup>.

3 Agus fhreagair Iosa, agus labhair e ris an luchd-lagha, agus ris na Phairisich, ag ràdh, Am bheil e ceaduichte leigheas a dheanamh air latha na sàbaid?

4 Ach dh'fhan iadsan 'nan tosd. Agus air dha breith air, leighis se e, agus leig e uaith e:

5 Agus fhreagair e iadsan<sup>2</sup>, ag ràdh, Cò agaibhe, na thuiteas asal no a dhamh ann an slochd, nach tarraing a mach gu grad e air latha na sàbaid?

6 Agus cha b'urrain iad a fhreagairt a ris anns na nithibh sin.

7 Agus labhair e cosamhlachd<sup>3</sup> rìusan a fhuair cuireadh, 'nuair a thug e fa'near mar a thagh iad na ceud àiteacha-suidhe, ag ràdh riu,

8 'Nuair a gheibh thu cuireadh o neach air bith chum bainnse, na suidh anns a' cheud àit: air eagal gu'n d'fhuair duine a's urramaiche na thusa cuireadh uaith;

9 Agus gu'n d'thig an ti a thug cuireadh dhuitse agus dhasan, agus gu'n abair e riut, Thoir àit do'n duine so; agus gu'n tòisich thusa an siu le nàire air suidhe anns an àit a's isle.

10 Ach an uair a gheibh thu cuireadh, imich agus suidh anns an àit a's isle; chum, 'nuair a thig esan a thug cuireadh dhuit, gu'n abair e riut, A charaid, suidh suas ni's àirde: an sin gheibh thu urram an

làthair na muinntir a ta 'nan suidhe air bord maille riut.

11 Oir ge b'e neach a dh'ardaicheas e fèin, islichear e; agus ge b'e neach a dh'islicheas e fèin, àrdachear e.

12 An sin thubhairt e ris an ti mar an ceudna a thug cuireadh dha, 'N uair a ni thu dinneir no suipeir, na gairm do chàird, no do bhràithre, no do luchd-dàimh, no do choimhearsnaich shaibhre; air eagal gu'n toir iadsan mar an ceudna cuireadh dhuitse a ris, agus gu'm faigh thu chomhain cheudna.

13 Ach an uair a ni thu cuirm<sup>4</sup>, gairm na bochdan, na daoine ciurramach, na bacaich, na doill:

14 Agus bithidh tu beannuichte, chionn nach urrainn iad a' chomain cheudna thoirt duit: oir gheibh thu comain ann an aiseirigh nam firean.

15 Agus an uair a chual aon do na shuidh maille ris air bord na nithe sin, thubhairt e ris, Is beannuicht' an ti sin a dh'itheas aran ann an rioghachd Dhé.

16 Ach thubhairt esan ris, Rùn duine àraidh suipeir mhòr; agus thug e cuireadh do mhòran:

17 Agus chuir e sheirbhiseach uaith an àm na suipeire a ràdh ris a' mhuinntir a fhuair cuireadh, Thigibh, oir a ta na h-uile nithe a nis ullamh.

18 Agus thòisich iad uile a dh'aon ghuth air an leith-sgeul a ghabhail. Thubhairt an ceud fhear ris, Cheannaich mi fearann, agus is éigin domh dol a mach agus fhaicinn: guidheam ort, gabh mo leith-sgeul.

19 Agus thubhairt fear eile, Cheannaich mi cùig cuing<sup>5</sup> dhamh, agus a ta mi dol g'an dearbhadh: guidheam ort, gabh mo leith-sgeul.

20 Agus thubhairt fear eile, Phòs mi bean, agus air an aobhar sin cha 'n'eil e 'n comas domh teachd.

21 Agus thainig an seirbhiseach sin, agus dh'innis e na nithe sin d'a thighearn. An sin air gabhail feirge do fhear an tighe, thubhairt e r'a sheirbhiseach, Gabh a mach gu grad gu sràidibh agus gu caol-sràidibh a' bhaile, agus thoir a stigh an so na bochdan, agus na daoine ciurramach, agus na bacaich, agus na doill.

22 Agus thubhairt an seirbhiseach, A Thighearn, rinneadh mar a dh'òrduich thu, gidheadh tha àite *falamh* ann fathast.

23 Agus thubhairt an Tighearna ris an t-seirbhiseach, Gabh a mach gus na rathaidibh mòra agus na gàrachaibh, agus coimh-éignich iad gu teachd a steach, chum's gu 'm bi mo thigh air a lìonadh.

24 Oir a deirim ribh, nach blais aon do na daoineibh ud a fhuair cuireadh, do m' shuiper-se.

<sup>1</sup> dropsy. Sasg. <sup>2</sup> labhair e riu a ris,

<sup>3</sup> comhad, parabol. <sup>4</sup> feisd.



25 Agus bha sluagh mòr ag imeachd maille ris: agus air dha tionndadh, thubhairt e riu,

26 Ma thig neach air bith do m' ionnsuidhse, agus nach fuathaich e athair, agus a mhàthair, agus a bhean-phòsda, agus a chlann, agus a bhràithrean, agus a pheathraichean, seadh, agus a bheatha mar an ceudna, cha 'n'eil e 'n comas da bhi 'na dheisciobul domhsha.

27 Agus ge b'e neach nach giùlain a chrannc-eusaidh, agus nach lean mise, cha 'n'eil e 'n comas da bhi 'na dheisciobul domhsha.

28 Oir cò am fear aguibhse leis am miann tìr a thogail, nach suidh sìos air tùs, agus nach meas an costus, a dh'fheuchainn am bheil aige na chuireas crìoch air?

29 Air eagal an dèigh dha a bhunadh a leagadh, agus gun bhi comasach air crìoch a chur air, gu 'n tòisich na h-uile a chi e ri fanoid air,

30 Ag ràdh, Thòisich an duine so air tigh a thogail, agus cha b'urrainn e a chrìochmachadh.

31 No cò an rìgh, ag dha dol a mach gu cogadh an aghaidh rìgh eile, nach suidh sìos air tùs, agus nach gabh comhairle, a dh'fheuchainn an urrainn e, le deich mìle, coinneamh a thoirt dasan a ta teachd le fichead mìle 'n a aghaidh?

32 No air bhi dhasan fathast fad uaith, cuiridh e teachdaireachd a dh'iarraidh cumhachan sìth.

33 Mar sin mar an ceudna, gach neach aguibhse, nach trèig na h-uile nithe a ta aige, cha 'n'eil e 'n comas da bhi 'na dheisciobul domhsha.

34 Tha 'n salann maith: ach ma chailleas an salann a bhlas, ciod e leis an deanar deadh-bhlasda e?

35 Cha 'n'eil e iomchuidh chum an talmhainn, no chum an dùnain;<sup>1</sup> ach tilgidh daoine mach e. An ti aig am bheil chuasa chum èisdeachd, èisdeadh e.

CAIB. XV.

1 Cosamhlachd na caorach cailte, 8 a' mhir airgid, 11 a' mhic struidheil.

**A**N sin thainig na cis-mhaoir uile agus na peacaich am fagus da, chum èisdeachd ris.

2 Agus rinn na Phàirisich agus na scrìobhuichean gearan, ag ràdh, Tha 'm fear so gabhail pheacach d'a ionnsuidh, agus ag itheadh maille riu.

3 Agus labhair esan an cosamhlachd so riu, ag ràdh,

4 Cò an duine dhibhse aig am bheil ceud caora, ma chailleas e aon diubh, nach fàg an naoi deug agus an ceithir fichead anns an fhàsach, agus nach d'theid an dèigh na caorach a chailleadh, gus am faigh e i?

5 Agus air dha a faotainn, cuiridh e air a ghuailibh i le gairdeachas.

6 Agus an uair a thig e dhachaidh, gairmidh e a chàirdean agus a choimhearsnaich an ceann a chèile, ag ràdh riu, Deanaibh gairdeachas maille riumsa, chionn gu'n d'fhuair mi mo chaora bha cailte.

7 Mar sin, a deirim ribh, gu'm bi aoibhneas air nàmh air son aon pheacaich a ni aithreachas, ni's mò na air son naoi deug agus ceithir fichead firean, aig nach 'eil feum air aithreachas.

8 No cò a' bhean aig am bheil deich buinn airgid, ma chailleas i aon bhonn diubh, nach las coinneal, agus nach sguab an tigh, agus nach iarr gu dìchiollach gus am faigh i e?

9 Agus air dh'i fhaotainn, gairmidh i a ban-chairdean, agus a ban-choimhearsnaich an ceann a chèile, ag ràdh, Deanaibh gairdeachas leamsa, oir fhuair mi 'm bonn a chail mi.

10 Mar an ceudna a deirim ribh, A ta gairdeachas an làthair aingle Dhé, air son aon pheacaich a ni aithreachas.

11 Agus thubhairt e, Bha aig duine àraidh dithis mhac:

12 Agus thubhairt am mac a b'òige dhiubh r'a athair, Athair, thoir dhomhsa a' chuid roinn a thig orm do d' mhaoin. Agus roinn e eatorra a bheathachadh.

13 Agus an dèigh beagain do làithibh, chruinnich am mac a b'òige a chuid uile, agus ghabh e a thurus do dhùthaich fad air astar, agus an sin chaith e a mhaoin le beatha struidheasach.<sup>2</sup>

14 Agus an uair a chaith e a chuid uile, dh'èirich gorta ro mhòr san tìr sin; agus thòisich e ri bhi ann an uireasbhuidh.

15 Agus chaidh e agus cheangail se e féin ri aon do shaor-dhaoineibh na dùcha sin: agus chuir e d'a fhearann e, a bhiadh-adh<sup>3</sup> mhuc.

16 Agus bu mhiann leis a bhrù a lìonadh do na plaosgaibh<sup>4</sup> a bha na mucan ag itheadh; oir cha d'thug neach air bith dha.

17 Agus an uair a thainig e chuige<sup>5</sup> féin, thubhairt e, Cia lìon do luchd tuarasdail m'atharsa aig am bheil aran gu leoir<sup>6</sup> agus r'a sheachnadh, 'nuair a ta mise a' bàsachadh le gorta?

18 Eiridh mi, agus théid mi dh'ionnsuidh m'athar, agus their mi ris, Athair, pheacaich mi 'n aghaidh fhlaithenais, agus a'd' làthairsa.

19 Agus cha 'n fhiu mi tuilleadh gu'n goirde do mhac-sa dhìom: dean mi mar aon do d' luchd tuarasdail.

20 Agus dh' èirich e, agus chaidh e dh'ionnsuidh athar. Ach air dha bhi fathast fad uaith, chunnaic athair e, agus ghabh e

<sup>1</sup> òtraich. <sup>2</sup> ana-caithtich. <sup>3</sup> bhuachaill-eachd.

<sup>4</sup> cochallaibh.

<sup>5</sup> thaige, d'a ionnsuidh.

<sup>6</sup> leòr.

truas mòr *dheth*,<sup>1</sup> agus ruith e, agus thuit e air a mhuineal, agus phòg se e.

21 Agus thubhairt an mac ris, Athair, pheacaich mi an aghaidh fhlaithneais, agus a'd' làthairsa, agus cha'n fhiu mi tuilleadh gu'n goirte do mhac dhìom.

22 Ach thubhairt an t-athair r'a sheirbheisich, Thugaibh a mach a' chulaidh a's fearr, agus cuiribh uime i, agus cuiribh fàinne air a làimh, agus brògan air a cho-saibh.

23 Agus thugaibh an so an laogh biadhtha, agus marbhaibh e; agus itheamaid agus biomaid subhach:

24 Oir bha mo mhac so marbh, agus tha e beo a ris; bha e caillte, agus fhuaradh e. Agus thòisich iad air bhi subhach.

25 A nis bha a mhac bu shine mach san fhearann: agus an uair a thainig e, agus a thàr<sup>2</sup> e 'm fagus do'n tigh, chual e 'n ceòl agus an dannsa.

26 Agus ghairm e chuige aon do na h-òglachaibh, agus dh'fheòraich e ciod bu chiall do na nithibh sin.

27 Agus thubhairt esan ris, Thainig do bhràthair; agus mharbh t'athair an laogh biadhtha, chionn gu'n d'fhuair e a ris e slàn fallain.

28 Agus ghabh esan fearg, agus cha b'àill leis dol a stigh: air an aobhar sin thainig athair a mach, agus chuir e impidh air.

29 Ach fhreagair esan agus thubhairt e r'a athair, Feuch, a taims' a' deanamh seirbhis duit an uiread so bhliadnaibh, agus uair air bith cha do bhris mi t'àithne, gidheadh cha d'thug thu meann riamh dhomh, chum gu'm bithinn subhach maille ri m' chàirdibh.

30 Ach an uair a thainig do mhac so, a dh'ith suas do bheathachadh maille ri strìopaichibh, mharbh thu'n laogh biadhtha dha.

31 Agus thubhairt e ris, A mhic, tha thusa a ghnàth maille rium, agus na h-uile nithe a's leamsa is leatsa iad.

32 Bu chòir dhuinn a bhi subhach, agus aoibhneach: oir bha do bhràthair so marbh, agus tha e beo a ris; agus bha e caillte, agus fhuaradh e.

## CAIB. XVI.

1 *Cosamlachd an stiùbhaird eucoraich.* 14 *Tha Criosd a' cronachadh ceilg nam Phairiseuch sanntach.* 19 *Cosamlachd a' gheò-caire shuibhir, agus an daine bhoched Lasarus.*

**A**GUS thubhairt e mar an ceudna r'a dheiscioblubh, Bha duine saibhir àraidh ann aig an robh stiùbhard: agus chasaideadh ris e, mar nìach a bha deanamh ana-caithidh air a mhaoin.

2 Agus ghairm se e, agus thubhairt e ris, Ciod so a ta mi cluinntinn a d' thimchioll, thoir cumntas air do stiùbhardachd: oir

cha'n fhead thu bhi ni 's faide a'd' stiùbhard.

3 An sin thubhairt an stiùbhard ann fèin, Ciod a ni mi? oir a ta mo mhaighstir a' toirt na stiùbhardachd uam: cha'n urradh mi ruamhar a dheanamh, is nàr leam déirc iarraidh.

4 A ta fhios agam ciod a ni mi, chum 'nuair a chuirear as an stiùbhardachd mi, gu'n gabh iad a steach d'an tighibh mi.

5 Agus air dha gach aon diubhsan, air an robh fiachan aig a Thighearn, a ghairm d'a ionnsuidh, thubhairt e ris a' cheud fhear, Cia meud a ta aig mo Thighearn ortsa?

6 Agus thubhairt esan; Ceud tomhas<sup>3</sup> ola. Agus thubhairt e ris, Gabh do scriobhadh, agus suidh sios gu h-ealamh, agus scriobh leth-cheud.

7 An sin thubhairt e ri fear eile, Agus cia meud a ta aig ortsa? Agus thubhairt esan, Ceud tomhas<sup>4</sup> cruinneachd. Agus thubhairt e ris, Gabh do scriobhadh, agus scriobh ceithir fichead.

8 Agus mhol an Tighearn an stiùbhard eucorach, do bhrìgh gu'n d'rinn e gu glic: a ta clann an t-saoghail so 'nan ginealach fèin ni's glice na clann an t-soluis.

9 Agus a deirimse ribh, Deanaibh dhuibh fèin càrdean le Mamon na h-eucorach; chum 'nuair a shiubhlas sibh,<sup>5</sup> gu'n gabhar sibh do àitibh-còmhnuidh sìorruidh.

10 An ti a ta fìrinneach anns an ni a's lugha, tha e fìrinneach mar an ceudna ann am mòran: agus an ti a ta eucorach anns an ni a's lugha, tha e eucorach ann am mòran mar an ceudna.

11 Air an aobhar sin mur robh sibh fìrinneach anns an t-saibhreas eucorach, cò a dh'earbas ribh an saibhreas fìor?

12 Agus mur robh sibh fìrinneach ann an cuid duine eile, cò a bheir dhuibh an ni a's libh fèin?

13 Cha 'n'eil seirbhiseach sam bith comasach air seirbhis a dheanamh do dhà thighearn; oir an dara cuid fuathaichidh e aon diubh, agus bheir e gràdh do'n fhear eile; no gabhaidh e le aon diubh agus ni e tàir air an fhear eile. Cha 'n'eil sibh comasach air seirbhis a dheanamh do Dhia agus do Mhamon.

14 Agus chuala na Phairisich, a bha sanntach, na nithe sin uile: agus rinn iad fanoid air.

15 Agus thubhairt e riu, Is sibhse an dream a ta 'gar fireanachadh fèin ann fianuis dhaoine; ach is aithne do Dhia bhuir cridheacha: oir an ni sin a ta ro mheasail aig daoineibh, is gràineileachd e 'm fianuis Dé.

16 Bha 'n lagh agus na fàidhean ann gu teachd Eoin: o sin tha rioghachd Dhé air a scarmonachadh,<sup>6</sup> agus a ta gach duine a' dol le dian strì a steach innte.

17 Agus is usadh do nèamh agus do 'n



talamh dol thairis, na do aon lide do'n lagh tuiteam.

18 Gach neach a chuireas uaith a bhean, agus a phòsas bean eile, tha e deanamh adhaltrannais: agus ge b'e neach a phosas a' bhean a chuireadh air falbh o a fear, tha e deanamh adhaltrannais.

19 Bha duine saibhir, àraidh ann, a bha air a sgeadachadh le purpur<sup>1</sup> agus lion-eudach grunn, agus bha e caitheadh a bheatha gach là gu sòghail le mòr ghreadhnachas.

20 Agus bha duine bochd àraidh ann, d'am b'ainm Lasarus, a chuireadh 'na luidhe aig a dhorus, làn do chreuchdaibh,

21 Agus bu mhiann leis bhì air a shàsachadh leis an sbruileach a bha tuiteam o bhord an duine shaibhir: seadh, agus thainig na madraidh agus dh'imlich iad a chreuchda.

22 Agus tharladh gu'n d'fhuair an duine bochd bàs, agus gu'n do ghiùlaineadh leis na h-ainglibh e gu uchd Abraham: fhuair an duine saibhir bàs mar an ceudna, agus dh'adhlacaidh e.

23 Agus ann an ifrinn thog e suas a shùilean, air dha bhì ann am piantaibh, agus chunnaic e Abraham fad uaith, agus Lasarus 'na uchd.

24 Agus ghlaodh e, agus thubhairt e, Athair Abraham, dean tròcair orm, agus cuir Lasarus, chum's gu'n tum e bàrr a mheoir ann an uisge, agus gu'm fuaraich e mo theanga; oir a ta mi air mo ro-phianadh san lasair so.

25 Ach thubhairt Abraham, A mhic, cuimhnich gu'n d'fhuair thusa do nithe maithe re àm dhuit bhì beo, agus Lasarus mar an ceudna droch nithe; ach a nis a ta esan a' faotainn sòlais, agus a ta thusa air do phianadh.

26 Agus a bhàrr air so uile, tha dòimhne mhòr air a cur eadar sinne agus sibhse, air chor agus iadsan leis am b'àill dol as do d'ar ionnsuidhse, nach 'eil e 'n comas doibh, agus nach mòr tha e 'n comas do aon neach teachd as sin d'ar n-ionnsuidh-ne.

27 An sin thubhairt e, Uime sin guidheam ort, athair, gu'n cuireadh tu e gu tigh m'athar:

28 Oir a ta cùigear bhràithrean agam; chum's gu'n d'thoir e fianuis doibh, air eagal gu'n d'thig iadsan mar an ceudna do'n ionad ro phiantach so.

29 A deir Abraham ris, Tha Maois agus na fàidhean aca, éisdeadh iad riu-san.

30 Agus thubhairt esan, Nì h-eadh, A thair Abraham: ach ma théid neach d'an ionnsuidh o na marbhaibh, nì iad aithreachas.

31 Agus thubhairt e ris, Mur éisd iad ri Maois agus ris na fàidhibh, cha mhò a chreideas iad, ge d'éireadh neach o na marbhaidh.

## CAIB. XVII.

1 Tha Crìosd a' teagasg gur còir dhuinn aobhar oibheim a sheachnadh, 3 agus maith-eanas a thoirt d'a chèile; 6 a' nochdadh mòr chumhachd beo-chreidimh; 7 gu'm bheil sinne fa cheangal do Dhia, agus nach 'eil esan mar sin dhuinne, &c.

**A**N sin thubhairt e r'a dheisciobluibh, Cha 'n fheudar nach d'thig oibheuman: ach is an-aobhinn *dasan* tre 'n d'thig iad.

2 B'fharr dha gu'm biodh clach-mhuilinn air a crochadh m'a mhuineal, agus gu 'm biodh e air a thilgeadh san fhainge, na gu'n d'thugadh e oibheum<sup>2</sup> dh'aon neach do'n mhuinntir bhig so.

3 Thugaibh an aire dhuibh féin: ma pheacaicheas do bhràthair a't' aghaidh, cro-naich e; agus ma ghabhas e aithreachas, thoir maitheanas da.

4 Agus ma pheacaicheas c a't' aghaidh seachd uairean san là, agus gu'm pill e riut stachd uairean san là, ag ràdh, Tha aithreachas orm; thoir maitheanas da.

5 Agus thubhairt na h-abstoil ris an Tighearn, Meudaich ar creidimh.

6 Agus thubhairt an Tighearn, Nam biodh agaibh creidimh mar ghràinne do shìol mustaird, theireadh sibh ris a' chraoibh Shicamin so, Bì air do spionadh as do fhreumhaibh, agus bì air do shuidheachadh sa' chuan; agus bhithheadh i ùmhhal dhuibh.

7 Ach cia agaibhse aig am bheil seirbhisach, a' treabhadh, no ri buachailleachd, a deir ris, an déigh dha teachd a steach o'n fhearann, Thig air ball, agus suidh sìos chum bidh?

8 Agus nach dòchadh e ràdh ris, Ulluich nì a ghabhas mise gu m' shuipèir, agus crìs-raich thu féin, agus fritheil domh, gus an ith agus an òl mi; agus 'na dhéigh sin ithidh agus òlaidh tusa?

9 An tabhair e buidheachas do'n t-seirbhiseach sin do bhrìgh gu'n d'rinn e na nithe a dh'orduicheadh dha? nì'n saoilèam gu 'n tabhair.

10 Mar sin sibhse, 'nuair a nì sibh na h-uile nithe a dh'àithneadh dhuibh, abraibh, Is seirbhisich neo-tharbbach sinn: oir rinn sinn a *mhàin* an nì bu dligheach dhuinn a dheanamh.

11 A nis, ag dol suas da gu Hierusalem, chaidh e tre mheadhon Samaria agus Galile.<sup>3</sup>

12 Agus an uair a bha e dol a stigh do bhaile àraidh, thachair deichnear dhaoine air a bha 'nan lobhair, a sheas fad uaith:

13 Agus thog iad suas an guth, ag ràdh, Iosa, a mhaighstir, dean tròcair oirnn.

14 Agus an uair a chunnaic e iad, thubhairt e riu, Imichibh, nochdaibh sibh féin do na sagartaibh. Agus ag imeachd dhoibh, ghlanadh iad.

<sup>1</sup> gorm-dhearg, corcur.

<sup>2</sup> aobhar tuislidh. <sup>3</sup> eadar Samaria agus Galile.

15 Agus an uair a chunnaic aon diubh gu'n do leighiseadh e, phill e air ais, a' toirt glòire do Dhia le guth àrd,

16 Agus thuit e air aghaidh aig a cho-saibh-san, a' toirt buidheachais da: agus bu Shamaritanach e.

17 Agus fhreagair Iosa agus thubhairt e, Nach do ghlanadh deichnear? ach an naoinear, c'ait am bheil iad?

18 Cha d'fhuaradh a phill a thoirt glòire do Dhia, ach an coigreach so.

19 Agus thubhairt e ris, Eirich, imich; shlànuich do chreidimh thu.

20 Agus an uair a dh'fheòraich na Phairisich dheth, c'uin a thigeadh rioghachd Dhé, fhreagair e iad agus thubhairt e, Cha d'thig rioghachd Dhé air chor gu mothaichear dh'i.

21 Cha mhò a their iad, Feuch an so, no, Feuch an sin: oir feuch, a ta rioghachd Dhé an taobh a stigh dhibh.<sup>1</sup>

22 Agus thubhairt e ris na deiscioblubh, Thig na làithean anns am miannach libh aon do làithibh Mhic an duine fhaicinn, agus cha'n fhaic sibh e.

23 Agus their iad ribh, Feuch an so, no, Feuch an sud: na rachaibh, agus na leanaibh iad.

24 Oir mar a ta 'n dealanach a dhealraicheas o aon ionad fa nèamh, a' soillseachadh gus an ionad eile fa nèamh, mar sin a bhitheas Mac an duine mar an ceudna 'na là féin.

25 Ach is éigin da air tùs mòran do nithibh fhulang, agus a bhi air a dhiultadh leis a' ghinealach so.

26 Agus mar a bha e ann an làithibh Noe, mar sin mar an ceudna bithidh e ann an làithibh Mhic an duine.

27 Bha iad ag itheadh agus ag òl, a' pòsadh agus air an tabhairt am pòsadh, gus an là an deachaidh Noe a steach do'n àire: agus thainig an dile,<sup>2</sup> agus sgrios i iad uile.

28 Amhuil fòs mar a thachair ann an làithibh Lot: bha iad ag itheadh agus ag òl, a' ceannach agus a' reiceadh, a' plann-dachadh agus a' togail aitreabh:

29 Ach air an là sin féin anns an deachaidh Lot a mach a Sodom, fhrasadh teine agus pronnasc o nèamh, agus sgrios e iad uile:

30 Is ann mar sin a bhitheas anns an là am foillsichear Mac an duine.

31 Anns an là sin, an ti bhios air mullach an tighe, agus airneis anns an tigh, na d'thigeadh e nuas gus a toirt leis: agus an ti a ta sa' mhachair, na pilleadh esan air ais mar an ceudna.

32 Cuimhnichibh bean Lot.

33 Ge b'e neach a dh'iarras a bheatha féin a thearnadh, caillidh e i; agus ge b'e neach a chailleas a bheatha, gleidhidh esan i.

34 A deirim ribh, anns an oidhche sin bithidh dithis dhaoine san aon leabaidh; gabhar aon diubh, agus fàgar am fear eile.

35 Bithidh dithis bhan a' bleath<sup>3</sup> cuid-deachd; gabhar aon diubh agus fàgar a' bhean eile.

36 Bithidh dithis dhaoine anns a' mhachair; gabhar aon diubh agus fàgar am fear eile.

37 Agus fhreagair iadsan agus thubhairt iad ris, C'ait, a Thighearn? agus thubhairt esan riu, Ge b'e ball am bi 'n corp, an sin cruinnichear na h-iolairéan.

## CAIB. XVIII.

3 *Mu thimchioll na bantrach liosda.* 9 *Mu'n Phairiseach agus mu'n chis-mhaor.* 15 *Tha clann air an tabhairt gu Crìosd.* 18 *B'àill le uachdaran àraidh Crìosd a leantuinn, ach a ta e air a bhacadh leis a shuibhreas.*

**A**NGUS labhair e cosamhlachd riu, a' nochdadh gur còir ùrnuigh a dheanamh a ghnàth, agus gun fhannachadh,<sup>4</sup>

2 Ag ràdh, Bha breitheamh ann am baile àraidh, air nach robh eagal Dé, agus aig nach robh urram do dhuine.

3 Agus bha bantrach àraidh sa' bhaile sin, agus thainig i d'a ionnsuidh, ag ràdh, Cum còir rium an aghaidh mo nàmhaid.

4 Agus cha b'àill leis rè tamuill: ach 'na dheigh sin thubhairt e ann féin, Ge nach 'eil eagal Dé orm, no urram agam do dhuine;

5 Gidheadh air son gu bheil a' bhantrach so cur dragha orm, cumaidh mi còir rithe, air eagal leis a sìr-theachd gu'n sgithich i mi.

6 Agus thubhairt an Tighearn, Eisdibh ciod a deir am breitheamh eucorach.

7 Agus nach dean Dia dioghaltas air son a dhaoine taghta féin, a ta 'g éigheach ris a là agus a dh' oidhche, ge ta e fad-fhulangach mu'n timchioll?

8 A deirim ribh gu'n dean e dioghaltas air an son gu luath. Gidheadh, an uair a thig Mac an duine, am faigh e creidimh air an talamh?

9 Agus labhair e 'n cosamhlachd so ri dream àraidh bha 'g earbsadh asda féin gu'n robh iad 'nam hreanaibh, agus a bha deanamh tàir air dream eile:

10 Chaidh dithis dhaoine suas do'n teampull a dheanamh ùrnuigh; fear diubh 'na Phairiseach, agus am fear eile 'na chis-mhaor.

11 Sheas am Phairiseach leis féin, agus rinn e ùrnuigh mar so, A Dhé, tha mi toirt buidheachais duit nach 'eil mi mar a ta daoine eile, 'nan luchd foireigin, eucorach, adhaltrannach, no eadhon mar an cis-mhaor so.

12 Tha mi a' trosgadh<sup>5</sup> dà uair san t-seachdain, tha mi toirt deachaimh as na h-uile nithibh a ta mi sealbhachadh.

<sup>1</sup> cheana 'nar measg. <sup>2</sup> tuit. <sup>3</sup> meilcadh.

+ sgùitheachadh. <sup>5</sup> trasgadh.  
G



13 Agus air seasamh do'n chis-mhaor fad air ais, cha b'ail leis fuil a shùl a thogail suas gu nèamh, ach bhuail e uchd, ag ràdh, A Dhia, dean tròcair ormsa ta'm pheacach.

14 A deirim ribh gu'n deachaidh an fear so sìos d'a thigh air fhìreanachadh *ni 's mò* na'm fear ud eile; oir ge b'e neach a dh'àrdaicheas e féin, islichear e; agus ge b'e a dh'islicheas e féin, àrdaichear e.

15 Agus thug iad d'a ionnsuidh mar an ceudna naoidheana, chum's gu'm beanadh e riu: agus an uair a chunnaic na deiscio-buil so, chronaich siad iad.

16 Ach air do Iosa an gairm d'a ionnsuidh, thubhairt e, Fuilgibh do na leanabaihb teachd a'm' ionnsuidh-se, agus na bacaihb iad; oir is ann d'an leithidibh so ta rioghachd Dhé:

17 Gu deimhin a deirim ribh, ge b'e nach gabh rioghachd Dhé mar leanabh beag, nach d'théid e air chor sam bith a steach innte.

18 Agus dh'fheòraich uachdaran àraidh dheth, ag ràdh, A mhaighstir mhaith, ciod a ni mi chum gu sealbhaich mi a' bheatha mhaireannach?

19 Agus thubhairt Iosa ris, C'ar son a ghoireas tu maith dhiomsa? cha 'n'èil neach sam bith maith ach a h-aon, *eadhon* Dia.

20 Is aithne dhuil na h-àitheanta, Na dean adhaltrannas, Na dean mortadh, Na goid, Na toir fianuis bhréige, Thoir onoir<sup>1</sup> do t'athair agus do d' mhàthair.

21 Agus thubhairt esan, Choimhid mi iad sin uile o m' òige.

22 Agus air cluinntinn so do Iosa, thubhairt e ris, Tha aon ni fathast a dh'uireasbhuidh ort: reic na h-uile nithe ta agad, agus roinn air na bochdaibh, agus bithidh agad ionmhas air nèamh; agus thig, *agus* lean mise.

23 Agus an uair a chual e so, bha e ro dhoilich: oir bha mòr bheartas aige.

24 Agus an uair a chunnaic Iosa gu 'n robh e lan tuirse, thubhairt e, Cia deacair dhoibh-san<sup>2</sup> aig am bheil saibhbreas, dol a steach do rioghachd Dhé!

25 Oir is usadh do chàmhail dol tre chrò snàthaidhe, na do dhuine saibhir dol a steach do rioghachd Dhé.

26 Agus thubhairt iadsan a chuala so, Cò ma seadh a dh'fheudas bhi air a shaoradh?

27 Ach thubhairt esan, Na nithe a ta eu-comasach do dhaoineibh, tha iad comasach do Dhia.

28 An sin thubhairt Peadar, Feuch, thréig sinne na li-uile nithe, agus lean sinn thusa.

29 Agus thubhairt esan riu, Gu deimhin a deirim ribh, nach 'èil aon neach a thréig tigh, no pàrantan, no braithrean, no bean phòsda, no clann air son rioghachd Dhé,

30 Nach faigh mòran ni 's mò anns an aimsir so ta làthair, agus anns an t-saoghal a ta ri teachd a' bheatha mhaireannach.

31 Agus ghabh e 'n dà fhear dheug d'a ionnsuidh, agus thubhairt e riu, Feuch, a ta sinn a' dol suas gu Hierusalem, agus bithidh na h-uile nithe a ta scriobhta leis na fàidhibh mu Mhac an duine, air an coimhlionadh.

32 Oir bheirear thairis e do na Cinnich, agus théid fanoid a dheanamh air, agus masluichear e, agus tilgear smugaid air;

33 Agus sgiùrsaidh agus marbhadh iad e: agus air an treas la éiridh e ris.

34 Agus cha do thuig iadsan aon ni dhiubh so: agus bha na briathra so folaichte orra, agus cha b'aithne dhoibh na nithe a dubhradh.

35 Agus tharladh, 'nuair a dhruid e ri Iericho, gu'n robh dall àraidh 'na shuidhe ri taobh na slighe, ag iarraidh déirce.

36 Agus air cluinntinn an t-sluaigh a' dol seachad, dh'fheòraich e ciod e so?

37 Agus dh'innis iad da, gu'm b'e Iosa o Nasaret a bha gabhail seachad.

38 Agus ghlaodh e, ag ràdh, Iosa, Mhic Dhaibhidh, dean tròcair orm.

39 Agus chronaich iadsan a bha air thoi-seach c, chum's gu'm biodh e 'na thosd: ach bu mhòid gu mòr a ghlaodh esan, A Mhic Dhaibhidh, dean tròcair orm.

40 Agus air seasamh do Iosa, dh'aitm e a thoirt d'a ionnsuidh: agus an uair a thainig e 'm fagus da, dh'fheòraich e dheth,

41 Ag ràdh, Ciod is àill leat mise a dheanamh dhuil? agus thubhairt esan, A Thighearn, mi dh'fhaotainn mo radhairc.

42 Agus thubhairt Iosa ris, Gabh do radharc: shlànuich do chreidimh thu.

43 Agus air ball fhuair e a radharc, agus lean se e, a' toirt glòire do Dhia: agus thug an sluagh uile cliù do Dhia, 'nuair a chunnaic iad so.

#### C A I B. XIX.

1 *Mu thimchioll Shacheuis a' chis-mhaoir.*

11 *Na deich puind airgid.* 28 *Tha Criosd a' marcachd do Hierusalem le greadhnachas,* 41 *a' càoidh air a son,* 45 *a' tilgeadh mach an luchd ceannachd agus reicidh as an team-pull; &c.*

**A**GUS air do Iosa dol a steach, chaidh e tre Iericho.

2 Agus feuch, bha duine ann d'am b'ainm Sacheus, agus b'àrd chis-mhaor esan, agus bha e saibhir:

3 Agus bha déidh aige air Iosa fhaicinn, cò e, agus cha b'urrainn e air son an t-sluaigh, chionn gu'n robh e iosal 'na phearsa.

4 Agus ruith e roimhe, agus streap e suas ann an craoibh Shicamoir, chum gu faicadh se e; oir bha e gus an t-slighe sin a ghabhail.

<sup>1</sup> *urram.*

<sup>2</sup> *cruaidh orra-san.*

5 Agus an uair a thainig Iosa chum an àite sin, air dha amharc suas, chunnaic se e, agus thubhairt e ris, A Shacheuis, thig a nuas gu grad; oir is éigin domh-sa stad an diugh aig do thigh.

6 Agus thainig e nuas le cabhaig, agus ghabh e ris gu subhach.

7 Agus an uair a chunnaic iad so, rinn iad uile gearan, ag ràdh, Gu'n deachaidh e steach air aoidheachd gu duine a ta 'na pheacach.

8 Agus sheas Sacheus agus thubhairt e ris an Tighearn, Feuch, a Thighearn, a ta mi toirt leth mo mhaoin do na bochdaibh: agus ma thug mi aon ni o neach air bith le casaid bhréige,<sup>1</sup> bheiream dha a cheithir uiread.

9 Agus thubhairt Iosa ris,<sup>2</sup> Thainig slàint' an diugh a dh'ionnsuidh an tìge so, do bhrìgh gur mac do Abraham esan mar an ceudna.

10 Oir thainig mac an duine dh'iarraidh agus a thearnadh an ni sin a bha cailte.

11 Agus ag cluinntinn nan nithe sin dhoibh, chuir e ris, agus labhair e cosamhlachd, do bhrìgh gu'n robh e 'm fagus do Hierusalem, agus gu'n do shaoil iadsan gu'm biodh rioghachd Dhé air a grad fhoill-seachadh.

12 Air an aobhar sin thubhairt e, Chaidh duin' usal àraidh do dhùthaich fad as, a dh'fhaotainn rioghachd dha féin, agus a philltinn air ais.

13 Agus ghairm e a dheich seirbhisich,<sup>3</sup> agus thug e dhoibh deich puind, agus thubhairt e ri, Cuiribh gu buil iad, gus an d'thig mise.

14 Ach bha fuath aig muinntir a dhùcha dha, agus chuir iad teachdaireachd 'na dhéigh, ag ràdh, Gha'n àill leinn an duine so bhi 'na rìgh oimn.

15 A nis an uair a phill e air ais, an déigh dha an rioghachd fhaotainn, an sin dh'orduich e na seirbhisich ud bhi air an gairm d'a ionnsuidh, d'an d'thug e 'n t-airgiod, chum's gu'm biodh fhios aige cìod a bhuannaich gach aon diubh leis a bhuileachadh.

16 An sin thainig an ceud fhear, ag ràdh, A Thighearn, bhuidhinn do phund deich puind.

17 Agus thubhairt e ris, Is maith, a dheadh sheirbhisich: do bhrìgh gu'n robh thusa fìrinneach ann an ro-bheagan, biodh agad-sa uachdaranachd air deich bailtibh.

18 Agus thainig an dara fear, ag ràdh, A Thighearn, rinn do phund cùig puind.

19 Agus thubhairt e ris, Bi-sa mar an ceudna os cionn chùig bailte:

20 Agus thainig fear eile, ag ràdh, a Thighearn, feuch, do phund, a bha agamsa taisgte ann an neapaicin:<sup>4</sup>

21 Oir bha eagal orm romhad, do bhrìgh gur duine geur-theann thu: tha thu a' togail an ni nach do leag thu, agus a' buain an ni nach do chuir thu.

22 Agus thubhairt e ris, As do bheul féin bheiream breth ort, a dhroch sheirbhisich. Bha fhios agad gu'm bu duine geur-theann mi, a' togail an ni nach do leag mi, agus a' buain an ni nach do chuir mi:

23 Air an aobhar sin c'ar son nach do chuir thu m' airgiod do'n bhanc,<sup>5</sup> agus air teachd dhomhsa thogainn e le riadh?

24 Agus thubhairt e rìusan a bha 'nan seasamh a làthair, Thugaibh uaith am pund, agus thoiribh dhasan e aig am bheil na deich puind.

25 (Agus thubhairt iad ris, A Thighearn, tha deich puind aige)

26 Oir a deirim sibh, Gu'n d'thoirear do gach neach aig am bheil: ach uaithsan, aig nach 'eil, bheirear eadhon an ni sin a ta aige.

27 Ach thugaibh an so na naimhdean ud agamsa, leis nach b'àill mise bhi 'm rìgh os an ceann, agus marbhaibh a'm' fhianuis iad.

28 Agus air dha so a ràdh, dh'imich e rompa, a' dol suas gu Hierusalem.

29 A nis an uair a dhruid e ri Betphage agus Betani, làimh ris an t-sliabh d'an goirrear<sup>6</sup> sliabh nan crann-ola, chuir e dithis d'a dheisciobluibh uaith,

30 Ag ràdh, Imichibh do'n bhaile ta fa'r comhair; anns am faigh sibh, air dol dhuibh a steach, searrach ceangailte, air nach do shuidh aon duine rianh: fuasglaidh, agus thugaibh an so e.

31 Agus ma dh'fheadraicheas neach air bith dhibh, C'ar son a ta sibh 'g a fhuasgladh? mar so a their sibh ris, A ta feum aig an Tighearn air.

32 Agus air imeachd dhoibhsan a chuir eadh air falbh, fhuair iad mar thubhairt e riu.

33 Agus an uair a bha iad a' fuasgladh an t-searraich, thubhairt a shealbhadairan riu, C'ar son a' ta sibh a' fuasgladh an t-searraich?

34 Agus thubhairt iadsan, Tha feum aig an Tighearn air.

35 Agus thug iad gu h-Iosa e: agus thilg iad am falluingean air an t-searrach, agus chuir iad Iosa air.

36 Agus ag imeachd dhasan, sgaol iad am falluingean fuidhe air an t-slighe.

37 Agus an uair a thainig e 'm fagus, eadhon gu dol sìos sléibh nan crann-ola, thòisich mòr chuideachd nan deisciobuil uile ri gairdeachas a dheanamh, agus moladh a thoirt do Dhia le guth àrd, air son nan uile oibre cumhachdach a chunnaic iad,

38 Ag ràdh, Gu ma beannuicht' an rìgh a ta teachd an ainm an Tighearna: sìth air nèamh, agus glòir anns na h-àrdaibh.

<sup>1</sup> gu h-eucorach. <sup>2</sup> m'a thimchioll. <sup>3</sup> deich-near d'a sheirbhisich. <sup>4</sup> bréid, lamh-anart.

<sup>5</sup> nach d'thug thu m'airgiod do'n luchd-malairt. <sup>6</sup> d'an gairmear, ris an abrar.



39 Agus thubhairt cuid do na Phairisich o mheasg an t-sluaigh ris, A mhaighstir, cronaich do dheisciobuil.

40 Agus fhreagair esan, agus thubhairt e riu, A deirim ribh, nam fanadh iad sin 'nan tosd, gu'n glaothadh na clacha féin.

41 Agus an uair a thainig e 'm fagus, chunnaic e 'm baile, agus ghuil e air a shon,

42 Ag ràdh, O gu'm b'aithne dhuit, eadhon dhuitse, air bheag sam bith ann ad latha so féin, na nithe a bhuineas do d' shìth! ach a nìs a ta iad folaichte o d' shùilibh.

43 Oir thig na làithean ort, anns an tilg do naimhde d'ig mu d' thimchioll, agus an iadh iad umad m'an cuairt, agus an druid iad a stigh air gach taobh thu,

44 Agus an leag iad co ìosal ris an làr thu, agus do chlann annad, agus nach fàg iad annad clach air muin cloiche; do bhrìgh nach b'aithne dhuit aimsir t'fhiosrachaidh.

45 Agus chaidh e steach do'n teampull, agus thòisich e air an dream a bha reiceadh, agus a' ceannach ann a thilgeadh mach,

46 Ag ràdh rin, Tha e scriobhta, Is tigh ùrnuigh mo thigh-sa; ach rinn sibhse 'na gharaidh luchd reubainn e.

47 Agus bha e gach là a' teagasg san teampull. Ach dh'iarr na h-àrd shagairt agus na scriobhuichean, agus ceannardan a' phobuill esan a mhilleadh;

48 Gidheadh cha robh fhios aca ciod a dheanadh iad: oir bha 'm pobull uile ag éisdeachd ris le ro-aire.

# CAIB. XX.

1 *Tha Crìosd a' dearbhadh gu'n robh ùghdarras aige, le ceist mu bhaisteadh Eoin.* 9 *Cosamhlachd an fhìon-lios.* 19 *Mu thimchioll cìs a thoirt do Cheasar.* 27 *Tha e dearbhadh mearachd nan Sadusach, a bha 'g àicheadh aiseirigh nam marbh, &c.*

**A** GUS tharladh air aon do na làithibh sin, an uair a bha e teagasg a' phobuill san teampull, agus a' searmonachadh an t-soisgeil, gu'n d'thainig na h-àrd shagairt agus na scriobhuichean air, maille ris na seanairibh.

2 Agus labhair iad ris, ag ràdh, Innis duinn ciod e an t-ùghdarras leis am bheil thu a' deanamh nan nithe so? no cò esan a thug an t-ùghdarras so dhuit?

3 Agus fhreagair esan agus thubhairt e riu, Feòraichidh mise mar an ceudna aon nì dhìbhse; agus freagraibh mi:

4 Baisteadh Eoin, an ann o nèainh a bha e, no o dhaoinibh?

5 Agus reusonaich iad eatorra féin, ag ràdh, Ma their sinn, O nèamh, their esan, C'ar son ma ta nach do chreid sibh e?

6 Ach ma their sinn, O dhaoinibh, clachuidh an sluagh uile sinn; oir is deimhin leo gu'm b'fhàidh Eoin.

7 Agus fhreagair iadsan, Nach robh fhios aca cia uath a bha e.

8 Agus thubhairt Iosa riu, Nì mò a dh'iunseas mise dhuibhse ciod e an t-ùghdarras tre 'n deanam na nithe so.

9 An sin thòisich e air a' chosamhlachd so a labhairt ris an t-sluagh: Phlannduich duine àraidh fìon-lios, agus shuidhich e air tuath e; agus chaidh e air choigrich rè aimsir fhada.

10 Agus anns an àm dhligheach chuir e seirbhiseach dh'ionnsuidh na tuatha, chum gu'n d'thugadh iad da do thoradh an fhìon-lios: ach ghabh an tuath air, agus chuir iad uatha falamh e.

11 Agus a rìs chuir e seirbhiseach eile uath; agus ghabh iad airtan mar an ceudna, agus mhaslach iad e, agus chuir iad uatha falamh e.

12 Agus a thuilleadh air sin chuir e 'n treas seirbhiseach uath; agus lot iad esan mar an ceudna, agus thig iad a mach e.

13 An sin thubhairt Tighearn an fhìon-lios, Ciod a nì mi? cuiridh mi mho Mhac gràdhach d'an ionnsuidh: feudaich e bi, air fhaicinn doibh, gu'n d'thoir iad urram dha.

14 Ach an uair a chunnaic an tuath e, reusonaich iad eatorra féin, ag ràdh, Is e so an t-oighre: thigibh, marbhamaid e, chum's gu'm bi 'n oighreachd againn féin.

15 Agus thig iad a mach as an fhìon-lios e, agus mharbh iad e. Ciod uime sin a nì Tighearn an fhìon-lios riu?

16 Thig e agus sgriosaidh e an tuath ud, agus bheir e 'm fìon-lios do dhaoinibh eile. Agus an uair a chual iad so, thubhairt iad, Nar leigeadh Dia.

17 Agus air dhasan amharc orra, thubhairt e, Ciod e so ma seadh a ta scriobhta, A chlach a dhiult na clachairean, rinneadh ceann na h-oisinn dith?

18 Ge b'e neach a thuiteas air a' chloich sin, brisear e: ach ge b'e neach air an tuit i, pronnaidh i gu luaithreadh e.

19 Agus anns an uair sin féin dh'iarr na h-àrd shagairt agus na scriobhuichean làmh a chur ann; ach bha eagal an t-sluaigh orra; oir thuig iad gu'm b'ann 'nan aghaidh féin a labhair e'n cosamhlachd so.

20 Agus rinn iad geur fhaire air, agus chuir iad a mach luchd-feill, a leigeadh orra féin a bhì 'nam fireanaibh, chun's gu'n deanadh iad greim air fhoclaibh, air chor's gu'n d'thugadh iad thairis e do chumhachd agus do ùghdarras an uachdarain.

21 Agus dh'fheòraich iad deth, ag ràdh, A mhaighstir, tha fhios againn gu bheil thu a' labhairt agus a' teagasg gu ceart, agus nach 'eil suim agad do phearsa duine sam bith, ach gu bheil thu teagasg slighe Dhé a réir na fìrinn.

22 Am bheil e ceaduichte dhuinn cìs a thoirt do Cheasar, no nach 'eil?

23 Ach thuig esan an cuilbheartachd,

\* Nam b'aithne dhuit.

agus thubhairt e riu, C'ar son a ta sibh ga m' bhuaireadh?

24 Nochdaibh dhomh peghinn: cia leis an dealbh agus an scriobhadh a ta oirre? Fhreagair iadsan agus thubhairt iad, Le Ceasar.

25 Agus thubhairt esan riu, Thugaibh-se air an aobhar sin do Cheasar na nithe 's le Ceasar, agus do Dhia na nithe 's le Dia.

26 Agus cha b'urrainn iad greim a dheanamh air fhoclaibh an fianuis an t-sluaigh: agus ghabh iad iongantais r'a fhreagradh, agus dh'fhan iad 'nan tosd.

27 An sin thainig d'a ionnsuidh dream àraidh do na Sadusaich (a ta 'g àicheadh gu bheil aiseirigh ann) agus dh'fhcòraich iad deth,

28 Ag ràdh, A mhaighstir, scriobh Maois dhuinn, Nam faigheadh bràthair duin' air bith bàs, agus bean-phòsda aige, agus gu'm faigheadh e bàs gun chlann, gu'n gabhadh a bhràthair a bhean, agus gu'n togadh e suas sliochd d'a bhràthair.

29 Air an aobhar sin, bha seachdnar bhràithrean ann: agus ghabh, an ceud fhear bean, agus fhuair e bàs gun chlann.

30 Agus ghabh an dara fear i mar mhnai, agus fhuair esan bàs gun chlann.

31 Agus ghabh an treas fear i; agus mar an ceudna an t-seachdnar. Agus cha d'fhàg iad clann, agus fhuair iad bàs.

32 Fa-dheireadh uile fhuair a' bhean bàs mar an ceudna.

33 Anns an aiseirigh uime sin, co dhiubh d'am bean i? oir bha i aig an t-seachdnar 'na mnaoi.

34 Agus fhreagair Iosa, agus thubhairt e riu, Tha clann an t-saoghail so a' pòsadh, agus air an tabhairt am pòsadh:

35 Ach an droing sin a mheas gur airidh iad air an t-saoghal ud fhaghail, agus an aiseirigh o na marbhaibh, cha 'n'eil iad a pòsadh, no air an tabhairt am pòsadh.

36 Agus cha'n urrainn iad bàs fhaghail ni's mò: oir tha iad an coimh-inbhe ris na h-anglibh, agus is iad clann Dé iad, air bhi dhoibh 'nan cloinn do'n aiseirigh.

37 Ach gu'n éirich na marbh, nochd Maois fein aig a' phears, an uair a ta e gairm do'n Tighearn, Dia Abraham, agus Dia Isaac, agus Dia Iacob.

38 A nis cha'n e Dia nam marbh e, ach nam beo: oir a ta iad uile beo dha-san.

39 An sin fhreagair dream àraidh do na scriobhuichibh, agus thubhairt iad, A mhaighstir, is maith a labhair thu.

40 Agus cha robh chridh' aca tuilleadh ni sam bith fhèoraich dheth.

41 Agus thubhairt e riu, Cionnus a deir iad gur e Crìosd mac Dhaithidh?

42 Agus a deir Daibhidh fein ann an leabhar nan Salm, Thubhairt an Tighearn re m' Thighearn, Suidh air mo làimh dheis,

43 Gus an cuir mi do naimhde 'nan stòl fuidh d' chosaibh.

44 Tha Daibhidh air an aobhar sin a' gairm a Thighearna dheth, cionnus ma seadh is e a mhaic e?

45 An sin thubhairt e r'a dheisciobluibh, ann an éisdeachd an t-sluaigh uile,

46 Thugaibh an aire dhuibh fein o na scriobhuichibh, leis am miann imeachd ann an culaidhibh fada, agus leis an ionmhuinn fàilte *phaolaim* air na margaibh, agus na caithrichean a's àirde anns na sionagogaibh, agus na ceud àiteacha-suidhe aig fèisdibh;

47 A shluigear suas tighean bhantrach, agus air sgàth deadh choslais a ni ùrnuigh-ean fada: gheibh iad sin an dìteadh a's mò.

# CAIB. XXI.

1. *The Crìosd a' moladh na bantraich bhochd: 4 a' roimh-innseadh sgrios an teampull, agus bhaile Ierusalem; 25 mar an ceudna nan comhara bhios ann roimh an là dheireannach, &c.*

**A** GUS air dha amharc suas, chunnaic e na daoine saibhre a' tilgeadh an tiodhlacan ann an àite coimhead an ionmhaiss.

2 Agus chunnaic e mar an ceudna bant-rach bhochd àraidh a' tilgeadh dà leth-fheoiring an sin.

3 Agus thubhairt e, Gu fìrinneach a deirim ribh gu'n do chuir a' bhantrach bhochd so ni's mò ann na iad uile.

4 Oir thig iad so uile d'am pailteas a steach do thiodhlacaibh Dhé: ach thig ise d'a h-uireasbhuidh fein am beathachadh uile, a bha aice.

5 Agus air do chuid diubh bhi labhairt mu'n teampull, mar a bha e air a dheanamh maiseach le clachaibh sgiamhach, agus le tiodhlacaibh, thubhairt e,

6 *A thaobh* nan nithe so a chi sibh, thig na làithean, anns nach fàgar clach air muin cloiche *dhuibh*. nach tilgear sios.

7 Agus dh'fhèdraich iadsan deth, ag ràdh, A mhaighstir, c'uin ma ta bhitheas na nithe so? agus ciod e an comhara 'nuair a bhios na nithe so gu teachd gu crìch?

8 Agus thubhairt esan, Feuchaibh nach meallar sibh; oir thig mòran ann am ainmse, ag ràdh, Is mise *Crìosd*; agus a ta 'n t-am an fagus: uime sin na leanaibh iad.

9 Ach an uair a chluinneas sibh mu chogannaibh, agus mu cheannaircibh<sup>1</sup>, na biodh mòr gheilt oirbh: oir is éigin do na nithibh so tachairt air tùs, ach cha 'n'eil a' chrìoch air ball.

10 An sin thubhairt e riu, Eiridh cinn-each an aghaidh cinnich, agus rioghachd an aghaidh rioghachd.

11 Agus bithidh crìothanna mòra talmh-ainn ann an iomadh àit, agus gortaidh, agus plaighean, agus nithe uamhasach, agus comharan mòra o nèamh.

12 Ach rompa so uile cuiridh iad làmh annaibh-se, agus gcur-leanaidh iad sibh, 'gar

<sup>1</sup> *bhuaireas, éirigh-mach.*



tabhairt thairis do choimh-thionalaibh<sup>1</sup>, agus do phriosunaibh, 'gar tabhairt chum rìghrean agus uachdarana air sgàth m'ainmse.

13 Agus tachraidh so dhuibhse mar fhianuis.

14 Air an aobhar sin daingnichibh ann bhur cridhibh, gun smuaineachadh roimh làimh, ciod a fhreagras sibh air bhur son féin :

15 Oir bheir mise dhuibh beul agus gliocas, nach bi bhur naimhdean uile comasach air labhairt no cur 'na aghaidh.

16 Agus brathar sibh le'r pàrantaibh agus le'r bràithribh, agus le'r luchd dàimhe, agus le'r cairdibh; agus bheir iad faineair cuid dhibh a chur gu bàs.

17 Agus bithidh fuath aig na h-uile dhaoineibh dhuibh air son m'ainmese.

18 Ach cha chaillear fuiltein<sup>2</sup> do ghruaig bhur cinn.

19 Ann bhur foighidin sealbhaichibh bhur n-anama féin.

20 Agus an uair a chi sibh Ierusalem air a cuairtcachadh le armailtibh, an sin biodh fhios agaibh gu bheil a fàsachadh am fagus.

21 (An sin teicheadh iadsan a ta ann Iudea chum nam beann) agus imicheadh iadsan a ta 'na meadhon-sa mach aisde; agus na rachadh iadsan, a ta sa' mhachair, a steach innte.

22 Oir is iad sin làithean an dioghaltais, chum gu'n coimhlionar na h-uile nithe a ta scribedh.

23 Ach mo thruaigh na mnà a bhios torrach, agus iadsan a bhios a' toirt ciche anns na làithibh sin: oir bithidh teanntachd<sup>3</sup> mhòr san dùthaich, agus fearg air a' phobull so.

24 Agus tuitidh iad le faobhar a' chlàidheimh, agus bheirear iad am braighdeanas chum nan uile chinneach: agus bithidh Ierusalem air a saltairt sìos fuidh na Cinnich, agus an coimhlionar aimsire nan Cinnich.

25 Agus bithidh comharan anns a' ghréin, agus anns a' ghealaich, agus anns na reultaibh; agus air an talamh airc nan einneach, ann an iomachomhairle, an cuan agus na tonnan a' beuchdaich;

26 Cridhe dhaoine 'gan tréigsinn trid eagal, agus feitheamh nan nithe sin a ta teachd air an domhan; oir bithidh cumhachda nan nèamh air an crathadh.

27 Agus an sin chi iad Mac an duine a teachd ann an neul, le cumhachd agus mòr ghloir.

28 Agus an uair a thòisicheas na nithe so air tachairt, an sin amhaircibh suas, agus togaibh bhur cinn; oir a ta bhur saorsa am fagus.

29 Agus labhair e cosamhlachd riu, Amh-

aircibh air a' chraoibh-fhìge, agus na craobhan uile;

30 'Nuair a bhios iad a cheana a' cur a mach an duillich, air fhaicinn duibh, aithnichidh sibh uaibh féin, gu bheil an samhradh a nis am fagus.

31 Agus mar an ceudna sibhse, 'nuair a chi sibh na nithe so a' tachairt, biodh fhios agaibh gu bheil rioghachd Dhé fagus do làimh.

32 Gu deimhin a deirim ribh, nach d'théid an linn<sup>4</sup> so thairis, gus an coimhlionar na nithe so uile.

33 Thèid nèamh agus talamh thairis: ach cha d'théid mo bhriathra-sa thairis a choidhech.

34 Agus thugaibh an aire dhuibh féin, air eagal uair air bith gu'm bi bhur cridhe fuidh uallaich le geòcaireachd<sup>5</sup> agus le misg,<sup>6</sup> agus le ro-chùram mu nithibh na beatha so, agus gu'n d'thig an là sin oirbh gu h-obann.

35 Oir mar ribe thig e air na h-uile dhaoineibh, a ta 'g àiteachadh agbaidh na talmhainn uile.

36 Deanaibhse air an aobhar sin faire, a' deanamh ùrnuigh gach am, chum's gu measar gur airidh sibh air dol as o na nithibh sin uile a ta gu teachd, agus seasamh an làthair Mhic an duine.

37 Agus bha e san là a' teagasg san teampull, agus san oidhche chaidh e mach, agus dh'fhan e air an t-sliabh, d'an goirear sliabh nan crann-ola.

38 Agus thainig an sluagh uile gu moch d'a ionnsuidh san teampull, a dh'èisdeachd ris.

## C A I B. XXII.

1 Tha na h-Iudhaich a' gabhail comhairle n'aghaidh Iosa. 3 Tha Satan ag aomadh Iudais gu esan a bhrath. 7 Tha na h-abstoil ag ulluchadh na càisge. 19 Tha Crìosd ag orduchadh a shuiper naomha, 32 a' dearbhimseadh do Pheadar nach diobradh a chreidimh e; 34 ach gu'n àicheadh e esan trì uairean; 39 a' deanamh ùrnuigh, agus fuidh fhallas fola; 47 air a bhrath le poig, &c.

**A**NIS dhruid riu féisd<sup>7</sup> an arain neo-ghoirtichte, d'an goirear<sup>8</sup> a' chaisg.

2 Agus bha na h-àrd shagairt<sup>9</sup> agus na scriobhuichean ag iarraidh cionnus a dh'fheadhadh iad esan a chur gu bàs; oir bha eagal an t-sluaigh orra.

3 An sin chaidh Satan ann an Iudas d'an comh-ainm Iscariot, a bha do àireamh an dà fhir dheug.

4 Agus dh'imich e, agus labhair e ris na h-àrd shagartaibh agus ri ccannardaibh an teampull, cionnus a bhrathadh se esan doibh.

<sup>1</sup> shionagogaibh.

<sup>2</sup> rìinneag.

<sup>3</sup> cruaidh-chàs, <sup>4</sup> ginealach, <sup>5</sup> craos,

<sup>6</sup> misg.

<sup>7</sup> feill.

<sup>8</sup> gairmear,

<sup>9</sup> prìomh shagairt,

5 Agus bha iad subhach, agus rinn iad coimhcheangal airgid a thabhairt da.

6 Agus gheall esan, agus dh'iarr e àm iomchuidh air a bhrath dhoibh gun an sluagh a bhi làthair.

7 An sin thainig là an arain neo-ghoirtichte, anns am b'èigin an t-uan-càise a mharbhadh.

8 Agus chuir e uaith Peadar agus Eoin, ag ràdh, Imichibh, agus ulluichibh dhuinn a chàisg, chum gu'n ith sinn i.

9 Agus thubhairt iadsan ris, C'ait an àill leat sinn a dh'ulluchadh?

10 Agus thubhairt e riu, Feuch, air dhuibh dol a steach do'n bhaile, tachraidh oirbh duine, a' giùlan soithich uisge; lean-aibh e do'n tigh anns an d'théid e steach.

11 Agus abruibh ri fear an tighe, A deir am maighstir riut, C'ait am bheil an seòmar aoidheachd, anns an ith mi a' chàisg maille ri m' dheisciobluibh?

12 Agus feuchaidh e dhuibh àrd sheomar farsaing uidhimichte: ulluichibh an sin.

13 Agus dh'imich iad agus fhuairead mar thubhairt e riu: agus dh'ulluich iad a' chàisg.

14 Agus an tràth thainig an uair, shuidh e sìos, agus an dà abstol deug maille ris.

15 Agus thubhairt e riu, Le mòr thogradh mbiannaich mi a chàisg so itheadh maille ribh roimh dhomh fulang:

16 Oir a deirim ribh, nach ith mi dhith tuilleadh, gus an coimhlionar i an rioghachd Dhé.

17 Agus ghlac e cupan, agus air dha buidheachas a thabhairt, thubhairt e, Gabhaibh so, agus roinnibh eadruibh féin e.

18 Oir a deirim ribh, nach òl mi do thoradh na fionain, gus an d'thig rioghachd Dhé.

19 Agus ghlac e aran, agus an déigh buidheachas a thabhairt, bhris e, agus thug e dhoibhsan e, ag ràdh, 'Se so mo chorpsa a ta air a thoirt air bhur sonsa: deanuibh so mar chuimhneachan ormsa.

20 Agus mar an ceudna an cupan, an déigh na suipeir, ag ràdh, Is e 'n cupan so an tiomnadh nuadh ann am fhuiltse, a dhòirteadh air bhur sonsa.

21 Ach feuch, làmh an ti a bhrathas mise maille rium air a' bhòrd.

22 Agus gu firinneach a ta Mac an duine ag imeachd a réir mar a dh'orduicheadh: ach is an-aoibhinn do'n duine sin leis am brathar e.

23 Agus thòisich iadsan air fiosrachadh eatorra féin, co aca bha gus an ni so a dheanamh.

24 Agus bha mar an ceudna comb-strì eatorra, co aca bu mhò a bhiodh.

25 Ach thubhairt esan riu, A ta aig righ-ribh nan Cinneach tighearnas orra; agus

goirear daoine fial dhiubh-san, aig am bheil ughdarras<sup>1</sup> orra.

26 Ach na bithibhse mar sin: ach an neach a's mò 'nar measg, biodh e mar an neach a's òige<sup>2</sup>: agus an ti a's àirde, mar esan a ta ri frithealadh.

27 Oir co aca 's mò, an ti a shuidheas air bòrd, no esan a fhritheileas? nach 'e 'n ti a shuidheas; ach a ta mise 'nar measg mar fhear-frithealaidh.

28 Is sibhse iadsan a dh'fhan maille riumsa ann am dheuchainnibh<sup>3</sup>,

29 Agus a ta mise 'g orduchadh<sup>4</sup> dhuibh rioghachd, mar a' dh'orduich m' Athair dhomhsa:

30 Chum's gu'n ith agus gu'n òl sibh air mo bhordsa ann am rioghachd, agus gu'n suidh sibh air caithrichibh rioghail, a' toirt breth air dà threibh dheug Israeil.

31 Agus thubhairt an Tighearn, A Shimoin, a Shimoin, feuch, dh'iarr Satan sibhse, chum *bhur* criaradh mar chruineachd:

32 Ach ghuidh mise air do shonsa, nach diobradh do chreidimh thu: agus an uair a dh'iompoichear thu<sup>4</sup>, neartuich do bhràithre.

33 Agus thubhairt esan ris, A Thighearn, tha mise ullamh gu dol maille riut araon chum prìosuinn, agus chum bàis.

34 Agus thubhairt esan, A deirim riut, a Pheadair, nach goir an coileach an diugh, gus an àicheadh thu trì uairean gur aithne dhuit mi.

35 Agus thubhairt e riu, 'Nuair a chuir mi uam sibh gun sporan, agus gun mhàla, agus gun bhrogan, an robh uireasbhuidh ni sam bith oirbh? Agus thubhairt iad, Cha robh.

36 An sin thubhairt e riu, Ach a nis ge b'e aig am bheil sporan, togadh se e, agus mar an ceudna a mhàla: agus an ti aig nach 'eil claidheamh, reiceadh e fhalluing, agus ceannachadh e aon.

37 Oir a deirim ribh, gur éigin fathast an ni so ta scriobhta a choimhlionadh ann-amsa, Agus bha e air àireamh am measg nan ciontach: oir a ta crìoch aig na nithibh ud, a ta mu m' thimchioll-sa.

38 Agus thubhairt iadsan, A Thighearn, feuch, a ta dà chladheamh an so. Agus thubhairt esan riu, Is leoir e.

39 Agus air dha dol a mach, chaidh e, mar bu ghnàth leis, gu sliabh nan crann-ola; agus lean a dheisciobuil e.

40 Agus an uair a thainig<sup>5</sup> e do'n àit, thubhairt e riu, Deanaibh ùrnuigh, chum's nach tuit sibh ann am buaireadh.

41 Agus thairngeadh esan uatha mu thimchioll urchuir chloiche, agus leig se e féin air a ghlùimibh, agus rinn e ùrnuigh,

42 Ag ràdh, Athair, ma's toil leat cuir an cupan so tharum: gidheadh, na b'i mo thoilse, ach do thoilse gu robh deanta.

<sup>1</sup> smachd, cumhachd.

<sup>2</sup> a's lugha.

<sup>3</sup> bhuairibh.

<sup>4</sup> bhios tu air tiomnadh.



43 Agus dh'fhoillsicheadh dha aingeal o neamh, ga neartachadh.

44 Agus air bhi dha ann an cruaidh ghleachd anama, rinn e ùrnuigh ni bu dùrachdaiche : agus bha fhallas mar bhraon mòra fola a' tuiteam sìos air an talamh.

45 Agus air dha éirigh o ùrnuigh, thainig echum a dheisciobuil, agus fhuair e 'nan codal iad tre thuirse.

46 Agus thubhairt e riu, C'ar son a ta sibh 'nar codal? éiribh, agus deanaibh ùrnuigh, chum's nach tuit sibh ann am buair-eadh.

47 Agus an uair a bha e fathast a' labhairt, feuch sluagh, agus dh'imich esan d'am b'ainm Iudas, aon do'n dà fhear dheug, rompa, agus dhruid e ri h-Iosa, chum a phògadh.

48 Ach thubhairt Iosa ris, A Iudais, am bheil thu le pòig a' brath Mhic an duine?

49 Agus an uair a chunnaic iadsan a bha mu thimchioll-san an ni a bha gu tachairt, thubhairt iad ris, A Tighearn, am buail sinn leis a' chlaidheamh?

50 Agus bhuail aon diubh seirbhiseach an àrd shagairt, agus ghearr e dheth a chluas dheas.

51 Agus fhreagair Iosa agus thubhairt e, Fulaingibh gu so. Agus bhean e r'a chluais, agus shlànuich e i.

52 An sin thubhairt Iosa ris na h-àrd shagartaibh agus ceannardaibh an teampuill, agus na seanairibh, a thainig d'a ionnsuidh, An d' thainig sibh a mach le cloidhibh agus le bataibh, mar gu b'ann an aghaidh fir-reubainn?<sup>1</sup>

53 'N uair a bha mi gach là maille ribh san teampuill, cha do shin sibh a mach bhur lamhan a'm' aghaidh: ach 's i so bhuir n-uairse, agus cumhachd an dorchadais.

54 An sin rug iad air, agus thug iad leo e<sup>2</sup> do thigh an àrd shagairt. Agus lean Peadar am fad uaidh e.

55 Agus air dhoibh teine fhadadh ann am meadhon an talla, agus suidhe sìos am fochair a chéile, shuidh Peadar 'nam meadhon.

56 Ach chunnaic cailin àraidh e 'na shuidhe aig an teine, agus air dh'i amharc gu geur air, thubhairt i, Bha'm fear so mar an ceudna maille ris.

57 Agus dh'àicheadh esan e, ag ràdh, A bhean, cha'n aithne dhomh e.

58 Agus beagan 'na dhéigh sin chunnaic neach eile e, agus thubhairt e, 'S ann diubh thusa mar an ceudna. Agus thubhairt Peadar, A dhuine, cha 'n ann.

59 Agus mu thimchioll ùine aon uaire 'na dhéigh sin, chathaich<sup>3</sup> neach eile air, ag ràdh, Gu firinneach bha'm fear so mar an ceudna maille ris; oir is Galiléach e.

60 Agus thubhairt Peadar, A dhuine, cha 'n aithne dhomh. ciod a ta thu 'g ràdh.

Agus air ball am feadh a bha e fathast a' labhairt, ghoir an coileach.

61 Agus air tionndadh do'n Tighearn, dh'amhairc e air Peadar; agus chuimhnich Peadar focal an Tighearna, mar thubhairt e ris, Mun goir an coileach, àicheadh tu mi tri uairean.

62 Agus chaidh Peadar a mach, agus ghul e gu goirt.

63 Agus rinn na daoine, a chum Iosa, fanoid air, 'ga bhualadh.

64 Agus an uair a dh'fholuich iad a shùilean, bhuail iad e san aghaidh, agus dh'fheoraich iad deth, ag radh, Dean fàidheadaireachd cò e a bhuail thu?

65 Agus labhair iad mòran do nithibh eile gu toibheumach 'na aghaidh.

66 Agus an uair a bha 'n là air teachd, chruinnich seanadh an t-sluaigh, agus na h-àrd shagairt agus na scriobhuichean an ceann a chéile, agus thug iad esan chum an comhairle,

67 Ag ràdh, An tusa Criosd? innis dhuinn. Agus thubhairt e riu, Ma dh'innseas mi dhuibh, cha chreid sibh.

68 Agus ma dh'fheòraicheas mi *ni air bith*, cha toir sibh freagradh dhomh, agus cha leig sibh as *mi*.

69 O'n àm so bithidh Mac an duine 'na shuidhe air deas làimh cumhachd Dhé.

70 An sin thubhairt iad uile, An tusa ma seadh Mac Dhé? Agus thubhairt e riu, A deir sibhse gur mi.

71 Agus thubhairt iad, Ciod tuilleadh am feum a ta againn air fianuis? oir chuala sinn féin i as a bheul féin.

### CAIB. XXIII.

1 *Tha Criosd air a chasaid an làthair Philait.*

8 *Tha Herod a' deanamh fanoid air.* 12 *Rinnadh Herod agus Pilat 'nan cairdibh.*

18 *Tha Barabas air iarraidh leis an t-sluaigh, agus air fhuasgladh le Pilat, agus tha Iosa air a thoirt thairis gu bhi air a cheusadh: &c.*

**A**GUS air éirigh d'an cuideachd uile, a thug iad e gu Pilat.

2 Agus thòisich iad air a chasaid, ag ràdh, Fhuair sinn am fear so a' claadadh a' chinnich, agus a' bacadh cìs a thoirt do Chesar, ag radh, Gur e féin Criosd an rìgh.

3 Agus dh'fheòraich Pilat deth, ag ràdh, An tusa rìgh nan Iudhach? agus fhreagair esan agus thubhairt e, A deir tu e.

4 An sin thubhairt Pilat ris na h-àrd shagartaibh agus ris an t-sluaigh, Cha 'n eil mi faotainn coire air bith san duine so.

5 Agus bha iadsan ni bu ro dhéine, ag ràdh, Tha e buaireadh an t-sluaigh, a' teag-asg tre Iudea uile, a' tòiseachadh o Ghalile agus an àit so.

6 'N uair a chuala Pilat mu Ghalile, dh'fheòraich e 'm bu Ghaliléach an duine.

7 Agus an uair a chual e gu'm b'ann fo uachdaranachd<sup>1</sup> Heroid a bha e, chuir se e gu Herod, a bha e féin an Ierusalem sna làithibh sin.

8 Agus an uair a chunnaic Herod Iosa, bha aoibhneas mòr air: oir bha déidh aige rè ùine fhada air esan fhaicinn, do bhrìgh gu'n cual e mòran uime; agus bha dùil<sup>2</sup> aige gu 'm faicheadh e mìorbhuil éigin air a dheanadh leis.

9 An sin dh'fheadraich e mòran do cheisibh dheth; ach cha d'thug e freagradh sam bith air.

10 Agus sheas na h-àrd shagairt agus na scriobhuichean 'ga chasaid gu dian.

11 Ach chuir Herod agus a luchd-cogaidh an neo-mheas e, agus rinn iad fanoid air, agus an deigh a sgeadachadh an eudach dealrach<sup>3</sup> chuir e air ais gu Pilat e.

12 Agus rinneadh Pilat agus Herod 'nan cairdibh d'a chéile san là sin; oir bha iad roinhe sin an naimhdeas r'a chéile.

13 Agus an uair a ghairm Pilat an ceann a chéile na h-àrd shagairt, agus na h-uachdarain, agus an sluagh,

14 Thubhairt e riu, Thug sibh a'm' ionnsuidhs' an duine so, mar neach a ta tionndadh an t-sluaigh a thaobh: agus feuch, air dhomh a cheasnachadh ann bhur làthair, cha d'fhuair mi coire air bith san duine so, thaobh nan nithe sin mu'm bheil sibh a' deanamh casaid air;

15 No mar an ceudna Herod: oir chuir mi d'a ionnsuidh sibh, agus feuch, cha d'rinneadh ni air bith leis<sup>4</sup> toilltinneach air bàs.

16 Uime sin, air dhomh-sa a smachdachadh, leigidh mi as e.

17 Oir b' éigin da aon a leigeadh as doibh air an fhéid.

18 Agus ghlaodh iad a mach dh' aon ghuth, ag ràdh, Beir uainn am fear so, agus leig air a chomas duinne Barabas:

19 (Neach air son ceannairce àraidh a rinneadh anns a' bhaile, agus air son mortaidh, a thilgeadh am prìosun.)

20 Air an aobhar sin labhair Pilat riu a ris, air dha bhi toileach Iosa a chur fa sgaoil.

21 Ach ghlaodh iadsan, ag ràdh, Ceus e, ceus e.

22 Agus thubhairt e riu an treas uair, C'ar son, ciod an cron a rinn e? cha d'fhuair mise cuis bhàis air bith ann: uime sin, an deigh dhomh a smachdachadh, leigidh mi as e.

23 Agus luidh iadsan air le guthaibh mòra, ag iarraidh esan a cheusadh: agus bhuaidhaich an guthanna-san, agus guthanna nan àrd shagart.

24 Agus thug Pilat breth gu'n deanta na dh'iarr iad.

25 Agus leig e mach dhoibh esan a thilg-

eadh am prìosun air son ceannairce agus mortaidh, an neach a dh'iarr iad; ach thug e thairis Iosa d'an toil.

26 Agus an tràth thug iad leo e, rug iad air Simon, duine àraidh o Chirene, a bha teachd o'n dùthaich, agus chuir iad an crann-ceusaidh air, g'a iomchar an deigh Iosa.

27 Agus lean cuideachd mhòr e do'n t-sluagh, agus do mhnaibh, a bha mar an ceudna ri bròn<sup>5</sup> agus 'ga chaoineadh-san.

28 Ach air tionndadh do Iosa riu, thubhairt e, A nigheana Ierusalem, na guilibh air nio shonsa, ach guilibh air bhur son féin, agus air son bhur cloinne:

29 Oir feuch, a ta na làithcan a' teachd, anns an abair iad, Is beannuichte na mnà sheasg<sup>6</sup>, agus na bronna nach do ghiùlain clann, agus na cìocha nach d'thug bainne.

30 An sin tòisichidh iad air a ràdh ris na beanntaibh, Tuitibh oirne; agus ris na cnocaibh, Folaichibh sinn.

31 Oir ma ni iad na nithe so ris a' chrann ùr, ciod a ni iad ris a' chrionaich?

32 Agus thugadh mar an ceudna dithis eile a bha 'nan luchd droch-bheirt, chum bhi air an ceusadh maille ris.

33 Agus an uair a thainig iad do'n àit d'an goirear Calbhari<sup>7</sup>, an sin cheus iad e féin, agus na droch dhaoine; fear dhiubh air a làimh dheis, agus am fear eile air a làimh chli.

34 An sin thubhairt Iosa, Athair, maith dhoibh; oir cha 'n'eil fhios aca ciod a ta iad a' dcanamh. Agus ag roinn eudaich dhoibh, thilg iad crannchur air.

35 Agus sheas an sluagh ag amharc: agus rinu na h-uachdarain fanoid air maille rusan, ag ràdh, Shaor e daoine eile; saoradh se e féin, ma 's e so Crìosd, aon taghta Dhé.

36 Agus rinn na saighdearan mar an ceudna fanoid air, a' teachd d'a ionnsuidh, agus a' tairgseadh fion geur dha,

37 Agus ag ràdh, Ma's tu rìgh nan Iudhach, teasairg thu féin.

38 Agus bha scriobhadh mar an ceudna air a scriobhadh os a cheann, ann an litrichibh Gréigis, agus Laidin, agus Eabhra, IS E SO RÌGH NAN IUDHACH.

39 Agus thug aon do na droch dhaoineibh, a chrochadh, toibheum dha, ag ràdh, Ma's tu Crìosd, saor thu féin agus sinne.

40 Ach fhreagair am fear eile, agus chronaich se e, ag ràdh, Nach 'eil eagal Dé ort, agus gu bheil thu fuidh 'n aon dìteadh ris?

41 Agus sinne da rìreadh an ceartas; oir a ta sinn a' faotainn nan nithe sin a thoill ar gnìomharan: ach cha d'rinn an duine so cron air bith.

42 Agus thubhairt e ri h-Iosa, A Thigh-

<sup>1</sup> fo chumhachd, fo riaghladh. <sup>2</sup> dòchas.

<sup>3</sup> ro gheal. <sup>4</sup> dha. <sup>5</sup> bas-dhualadh.

<sup>6</sup> neo-thorach, gun slòchd.

<sup>7</sup> àit a' chlaiginn.



earn, cuimhnich ormsa 'nuair a thig thu do d' rioghachd.

43 Agus thubhairt Iosa ris, Gu deimhin a deirim riut, gu' m bi thu maille riumsa 'n diugh ann am pàrras.

44 Agus bha e mu thimchioll na seathadh uaire, agus bha dorchadas air an talamh uile gus an naothadh uair.

45 Agus dhorchaidheadh a ghrian, agus reubadh brat-roinn an teampuill 'na mheadhon.

46 Agus an uair a ghlaodh Iosa le guth mòr, thubhairt e, Athair, a ta mi tionnadh mo spioraid a'd lamhaibh-sa : agus an uair thubhairt e so, thug e suas an deo.

47 A nis an uair a chunnaic an ceannard-ceud an nì a rinneadh, thug e glòir do Dhia, ag ràdh, Gu fìrinneach b'ionracan an duine so.

48 Agus an sluagh uile a chruinnich dh'ionnsuidh an t seallaidh sin, an uair a chunnaic iad na nithe a rinneadh, phill iad air an ais, a' bualadh an uchd.

49 Agus sheas a luchd eòlais uile, agus na mnà a lean c o Ghalile, am fad uaith, ag amharc air na nithibh sin.

50 Agus feuch, duine *araidh* d'am b'ainm Ioseph, comhairleach, a bha 'na dhuine maith, agus 'na fhìrean,

51 (Cha d'aontaich an duine so d'an comhairle no d'an gnìomh) O Arimatea, baile leis na h-Iudhachaibh, (neach mar an ceudna aig an robh suil ri rioghachd Dhé.)

52 Chaidh csan gu Pilat, agus dh'iarr e corp Iosa.

53 Agus air dha a thoirt a nuas, phaisg e ann an lìon-eudach c, agus chuir e ann an uaigh e a chladhaicheadh a carraig, anns nach do chuireadh aon duine riamh roimhe.

54 Agus b'e sin là an ullachaidh, agus bha 'n t-sàbaid am fagus.

55 Agus lean na mnà a thainig maille ris o Ghalile, agus chunnaic iad an uaigh, agus cionnus a chuireadh a chorp.

56 Agus phill iad, agus dh'ulluich iad spìosraidh, agus ola deadh bholaidd; agus ghabh iad tàmh air là na sàbaid, a réir na h-àithne.

#### CAIB. XXIV.

2 *Tha aiseirigh Chrìosd air a cur an cèill le dà aingeal do na mnaibh a thainig a dh'amharc na h-uaighe : 9 tha iadsan 'ga innseadh do mhuinntir cùle. 13 Dh'fhoillsicheadh Chrìosd fèin do'n dithis dheisciobuil a chaidh gu h-Emaus : 36 'na dhéigh sin dh'fhoillsicheadh e do na h-abstolaibh, agus tha e 'gan cronachadh air son an mì-chreidimh, 47 agus a' toirt àithne dhoibh ; 49 tha e gealtuinn an Spìoraid nuòimh, 51 agus a' dol suas do nèamh.*

**A** NIS air a' cheud là do'n t-seachduin, gu ro mhoch air mhaduinn, thainig iad chum na h-uaighe, a' toirt leo nan

spìosraidh a dh'ulluich iad, agus mnà araidh eile maille riu.

2 Agus fhuair iad a chlach air a caruch-adh o'n uaigh.

3 Agus air dhoibh dol a steach, cha d'fhuair iad corp an Tighearna Iosa.

4 Agus am feadh a bha iad an iomacheist fa'n nì so, feuch, sheas dithis dhaoine làimh riu ann an eudaichibh dealrach.

5 Agus air bhì dhoibh fuidh eagal, agus a' cromadh an aghaidh chum na talmhainn, thubhairt iad riu, C'ar son a ta sibh ag iarraidh an tì a ta beo am measg nam marbha?

6 Cha 'n'eil e 'n so, ach dh'éirich e; cuimhnichibh mar a labhair e ribh, air dhà bhì fathast ann an Galile,

7 Ag ràdh, Is éigin do Mhac an duine bhì air a thabhairt thairis do lamhaibh dhaoine peacach, agus a bhì air a cheusadh, agus éirigh a ris an treas là.

8 Agus chuimhnich iad a bhriathran.

9 Agus air dhoibh pilltinn o'n uaigh, dh'innis iad na nithe so uile do'n aon fhear deug, agus dò chàch uile.

10 Agus b'i Muire Magdalen, agus Ioanna, agus Muire *màthair* Sheumais, agus mnà eile maille riu, a dh'innis na nithe so do na h-abstolaibh.

11 Agus mheasadh am briathra leo-san mar sgeula faoin, agus cha do chreid siad iad.

12 An sin air éirigh do Pheadar, ruith e chum na h-uaighe, agus air dha cromadh sìos, chunnaic e'n lìon-eudach 'na luidhe leis fèin, agus dh'fhalbh e, a' gabhail iongantais leis fèin mu'n nì so a rinneadh.

13 Agus feuch, bha dithis diubh a' dol air an là sin fèin gu baile d'am b'ainm Emaus, a bha trì fichead stàid o Hierusalem.

14 Agus bha iad a labhairt eatorra fèin mu thimchioll nan nithe ud uile a thachair.

15 Agus an uair a bha iad a còmhradh, agus a' coimh-reusonachadh, thainig Iosa e fèin am fagus, agus dh'imich e maille riu.

16 Ach bha'n sùilean air an cumail, air chor as nach d'aithnich iad e.

17 Agus thubhairt e riu, Ciod e an còmhradh so air am bheil sibh a' teachd eadruibh fèin, ag imeachd dhuibh, agus sibh dubhach?

18 Agus fhreagair fear diubh d'amb'ainm Cleopas, agus thubhairt e ris, Am bheil thus' a mha'n a' d'choigreach an Ierusalem, agus gun fhios agad air na nithibh a rinneadh innte anns na làithibh so?

19 Agus thubhairt e riu, Ciod na nithe? Agus thubhairt iadsan ris, Na nithe a thaobh Iosa o Nasaret, a bha 'na fhaidh cumhachdach ann an gnìomh agus ann am focal an fianuis Dé, agus an t-sluaigh uile;

20 Agus cionnus a thug na h-àrd shag-airt agus ar n-uachdaran thairis chum dithidh bàis e, agus a cheus iad e,

21 Ach bha dùil againne gu'm b'esan an ti a bha gu Israel a shaoradh : agus a thuilleadh air so uile, 's e'n diugh an treas là o rinneadh na nithe so.

22 Agus mar an ceudna, chuir mnàì àraidh dhinn féinn, a chaidh gu moch a dh'ionnsuidh na h-uaigne, mòr ioghnadh<sup>1</sup> oirnn:

23 Agus an uair nach d'fhuair iad a chorp, thainig iad, ag ràdh, gu'm fac iad sealladh do ainglibh, a thubhairt gu bheil e beo.

24 Agus chaidh dream àraidh dhiubhsan, a bha maille ruinn féin, chum na h-uaigne, agus fhuair iad eadhon mar thubhairt na mnàì; ach cha'n fhac iad esan.

25 An sin thubhairt e riu, O dhaoine arnaideach<sup>2</sup>, agus mall-chridheach a chreidsinn nan nithe sin uile a labhair na faidhean!

26 Nach b'èigin do Chrìosd na nithe so fhulang, agus dol a steach d'a ghlòir?

27 Agus air dha tòiseachadh o Mhaois, agus o na fàidhibh uile, dh'eadar-mhìnich e dhoibh anns na scriobtuiribh uile na nithe m'a thimchioll féin.

28 Agus dhruid iad ris a' bhaile, d'an robh iad a' dol: agus leig esan air gu'n rachadh e ni b'fhaide.

29 Ach choimh-èignich iadsan e, ag ràdh, Fan maille ruinne, oir a ta e dlùth do'n fheasgar, agus tha deireadh an là ann. Agus chaidh e steach a dh'fhuireach maille riu.

30 Agus an uair a shuidh e gu biadh maille riu, air dha aran a ghlacadh, bheannuich se e, agus bhris se e, agus thug e dhoibh e.

31 Agus dh'fhosglaidh an sùilean, agus dh'aithnich iad e; agus chaidh e as an t-sealladh.

32 Agus thubhairt iad r'a chéile, Nach robh ar cridhe a' lasadh annainn, am feadh a bha e a' labhairt ruinn air an t-slighe, agus an uair a dh'fhosgail e dhuinn na scriobtuirean?

33 Agus dh'éirich iad air an uair sin féin, agus phill iad gu Hierusalem, agus fhuair iad an t-aon fhear deug cruinn an ceann a chéile, agus an dream a bha maille riu,

34 Ag ràdh, Dh'éirich an Tighearn da rìreadh, agus chunnas le Simon e.

35 Agus dh'innis iad na nithe a rinneadh air an t-slighe, agus mar a dh'aithnicheadh leo e ann am briseadh an arain.

36 Agus ag labhairt nan nithe so dhoibh,

sheas Iosa féin nam meadhon, agus a deir e riu, Sìth maille ribh.

37 Ach bha iadsan fuidh gheilt-chrith agus fuidh eagal, agus shaoil iad gur spiorad a chunnaic iad.

38 Agus thubhairt e riu, C'ar son a ta sibh fuidh bhuaireas<sup>3</sup>, agus c'ar son a ta smuaintean ag éirigh suas ann bhur cridhibh?

39 Feuchaibh mo làmhnan agus mo chosan, gur mi féin a th'ann: laimhsichibh mi, agus faicibh, oir cha n'eil aig spiorad feoil agus cnàmha, mar a chi sibh agamsa.

40 Agus an uair a thubhairt e so, nochd e dhoibh a làmhnan agus a chosan.

41 Agus air bhi dhoibh fathast mi-chreid-each tre aoibhneas, agus iad fuidh iongantas, thubhairt e riu, Am bheil biadh sam bith agaibh an so?

42 Agus thug iad da mìr do iasg ròiste, agus do chìr-mheala.

43 Agus ghlac se e, agus dh'ith e 'nam fianuis.

44 Agus thubhairt e riu, 'S iad so na briathran a labhair mi ribh, 'nuair a bha mi fathast maille ribh, gur éigin do na h-uile nithibh a ta scriobhta ann an lagh Mhaois, agus anns na fàidhibh, agus anns na salmaibh am thimchioll-sa, bhi air an coimhlionadh.

45 An sin dh'fhosgail e an tuisge, chum gu'n tuigeadh iad na scriobtuirean.

46 Agus thubhairt e riu, Mar so a ta e scriobhta, agus mar so b'èigin do Chrìosd fulang, agus éirigh o na marbhaibh an treas là:

47 Agus aithreachas agus maitheanas peacaidh bhi air an searmonachadh 'na ainm-san, do na h-uile chinneachaibh, a tòiseachadh aig Ierusalem.

48 Agus is fianuisean sibhse air na nithibh so.

49 Agus feuch, cuiream-sa gealladh m'Àthar oirbh<sup>4</sup>: ach fanaibhse ann am baile Ierusalem, gus an sgeadaichear le cumhachd o na h-ardaibh sibh.

50 Agus thug e mach iad co fhad as Betani: agus thog e suas a làmhnan, agus bheannuich e iad.

51 Agus am feadh a bha e 'gam beannuchadh, dhealaicheadh riu e, agus thogadh suas gu nèamh e.

52 Agus rinn iad aoradh dha, agus phill iad gu Hierusalem le gairdeachas mòr:

53 Agus bha iad a ghnàth anns an teampull, a' moladh agus a' beannuchadh Dhé. Amen.

<sup>1</sup> uamhas. <sup>2</sup> neo-mhothachail. <sup>3</sup> thrioblòid.

<sup>4</sup> cuiridh mise na gheall m'Àthair chugaibh.



# AN SOISGEUL A REIR EOIN.

## CAIB. I.

1 *Dia-achd, daonnachd, agus dreuchd Iosa Criosd. 15 Fianuis Eoin. 39 Gairm Andreais, Pheadair, &c.*

**A**NNS an toiseach bha am Focal, agus bha 'm Focal maille ri Dia, agus b'e 'm Focal Dia.

2 Bha e so air tùs maille ri Dia.

3 Rinneadh na h-uile nithe leis; agus as eugmhais cha d'rinneadh aon ni a riun-eadh.

4 Annsan bha beatha, agus b'i a bheatha solus dhaoine.

5 Agus tha 'n solus a' soillseachadh anns an dorchadas, agus cha do ghabh an dorchadas e.

6 Chuireadh duine o Dhia, d'am b'ainm Eoin.

7 Thainig esan mar fhianuis, chum fianuis a thoirt mu'n t-solus, chum gu'n creideadh na h-uile dhaoine trìdsan.

8 Cha b'esan an solus sin, ach *chuireadh* e chum gu'd'fhugadh e fianuis mu'n t-solus.

9 B'e so an solus fìor a ta soillseachadh gach uile dhuine, tha teachd chum an t-saoghail.

10 Bha e anns an t-saoghal, agus rinneadh an saoghal leis, agus cha d'aithnich an saoghal e.

11 Thainig e dh'ionnsuidh a dhùcha fein, agus cha do ghabh a *mhuintir* fein ris.

12 Ach a mheud 's a ghabh ris, thug e dhoibh cumhachd a bhi 'nan cloinn do Dhia, *eadhon* dhoibh-san a ta creidsinn 'na ainm:

13 A bha air an giùeamhuin, cha'n ann o fhuil, no o thoil na feòla, no o thoil duine, ach o Dhia.

14 Agus rinncadh<sup>1</sup> am Focal 'na fheoil, agus ghabh e còmhnuidh 'nar measg-ne, (agus chunnaic sinn a ghloir, mar ghloir aoin-ghin Mhic an Athar) lan gràis agus fìrinn.

15 (Thug Eoin fianuis uime, agus ghlaodh e, ag radh, 'S e so an ti mu'n do labhair mi, An ti a ta teachd a'm' dhéigh, tha toiseach aig orm; oir bha e romham.)

16 Agus as a làn-san fhuair sinne uile, agus gràs air son gràis.

17 Oir thugadh an lagh le Maois, ach thainig an gràs agus an fhirinn le Iosa Criosd.

18 Cha'n fhaca neach air bith Dia riamh; an t-aon-ghin Mic, a ta ann an uchd an Athar, is esan a dh'fhoillsich e.

19 Agus is i so fianuis Eoin: An uair a chuir na h-Iudhaich sagairt agus Lebhit-

hich o Hierusalem, chum gu'm feòraicheadh iad deth, Cò thusa?

20 Dh'aidich esan, agus cha d'àicheadh e; ach dh'aidich e, Cha mhi Criosd.

21 Agus dh'fheòraich iad deth, Ciod ma seadh? An tu Elias? Agus a deir e, Cha mhi. An tu am fàidh? Agus fhreagair e, Cha mhi.

22 An sin thubhairt iad ris, Cò thu? chum gu'n tabhair sinn freagradh dhoibh-san a chuir *uatha* sinn: ciod a tha thu 'g ràdh ad thimchioll fein?

23 Thubhairt e, *Is* mise guth an ti a ghlaodhas<sup>2</sup> anns an fhàsach, Deanaibh dìreach slighe an Tighearna, mar thubhairt am fàidh Esaias.

24 Agus an dream a chuireadh *leis an teachdaireachd*, b'ann do na Phairisich iad.

25 Agus dh'fheòraich iad deth, agus thubhairt iad ris, C'ar son ma seadh a ta thu a' baisteadh, mur tu Criosd, no Elias, no 'm fàidh?

26 Fhreagair Eoin iad, ag ràdh, Ataims' a' baisteadh le h-uisge; ach a ta neach 'na sheasamh 'nar measg, nach aithne dhuibh.

27 'S e so an ti, a ta teachd a'm' dhéighse, aig am bheil toiseach orm, neach nach airidh mise air barr-iall a bhròige fhuasgladh.

28 Rinneadh na nithe so ann am Betani<sup>3</sup> air an taobh thall do Iordan, far an robh Eoin a' baisteadh.

29 Air an là màireach chunnaic Eoin Iosa a' teachd d'a ionnsuidh, agus a deir e, Feuch Uan Dé, a ta toirt air falbh peacaidh an t-saoghail!

30 Is e so an ti mu'n dubhairt mi, Tha fear a' teachd a'm' dhéigh, aig am bheil barrachd orm; oir bha e romham.

31 Agus cha robh aithne agam-sa air: ach a chum gu'm bitheadh e air fhoillseachadh do Israel, uime sin thainig mi a' baisteadh le h-uisge.

32 Agus thug Eoin fianuis, ag ràdh, Chunnaic mi 'n Spiorad a' teachd a nuas mar choluman o nèamh, agus ghabh e còmhnuidh air.

33 Agus cha b'aithne dhomh-sa e: ach an ti a chuir mi a bhaisteadh le h-uisgé, thubhairt esan rium, Ge b'e air am faic thu an Spiorad a' teachd a nuas agus a' gabhail còmhnuidh air, 's e sin an ti a bhaisteadh leis an Spiorad naomh.

34 Agus chunnaic mi, agus rinn mi fianuis, gur e so Mac Dhé.

35 Air an là màireach a ris sheas Eoin, agus dithis d'a dheisciobluibh:

<sup>1</sup> dh'fhàs. <sup>2</sup> Is mise esan aig am bheil a ghuth ag éigheach.

36 Agus air dha amharc air Iosa agus e ag imeachd,<sup>1</sup> a deir e, Feuch Uan Dhé!

37 Agus chual an dithis dheisciobuil e a labhairt, agus lean iad Iosa.

38 Agus air tionndadh do Iosa, chunnaic e iad 'ga leantuin, agus a deir e riu, Ciod a tha sibh ag iarraidh? Thubhairt iadsan ris, Rabbi, (se sin r'a ràdh, air eadar-theangachadh, A mhaighstir) c'ait am bheil thu gabhail còmhnuidh?

39 A deir e riu, Thigibh agus faicibh. Thainig iad agus chunnaic iad c'ait an robh e gabhail còmhnuidh, agus dh'fhan iad maille ris an là sin: oir bha e mu thimchioll na deicheamh uaire.

40 B'e Aindreas, bràthair Shimoin Pheadair, aon do 'n dithis a chual Eoin a labhairt, agus a lean esan.

41 Fhuair esan air tùs a bhràthair fein Simon, agus thubhairt e ris, Fhuair sinne am Mesias, is e sin, air eadar-theangachadh, Criosd.<sup>2</sup>

42 Agus thug e chum Iosa e, Agus an uair a dh'amhairc Iosa air, thubhairt e, Is tusa Simon mac Iona: goirear Cephas dhìot, is e sin air eadar-theangachadh, Peadar.<sup>3</sup>

43 Air an là 'na dhèigh sin, bu toil le Iosa dol a mach do Ghalile, agus fhuair e Philip, agus a deir e ris, Lean mise.

44 A nis bha Philip o Bhetsaida, baile Aindreais agus Pheadair.

45 Fhuair Philip Natanael, agus a deir e ris, Fhuair sinne an tì mu'n do scriobh Maois anns an lagh, agus na fàidhean, Iosa o Nasaret, mac Ioseiph.

46 Agus thubhairt Natanael ris, Am feud ni maith air bith teachd a Nasaret? Thubhairt Philip ris, Thig agus faic.

47 Chunnaic Iosa Natanael a' teachd d'a ionnsuidh, agus a deir e uime, Feuch Israel-each da rìreadh, anns nach 'eil cealg.

48 A deir Natanael ris, Cionnus is aithne dhuit mi? Fhreagair Iosa agus thubhairt e ris, Mun do ghairm Philip thu, 'nuair a bha thu fuidh 'n chrann-fhige, chunnaic mise thu.

49 Fhreagair Natanael agus thubhairt e ris, Rabbi, is tusa Mac Dhé, is tu Rìgh Israel.

50 Fhreagair Iosa agus thubhairt e ris, A chionn gu'n dubhairt mi riut, Chunnaic mi thu fuidh 'n chrann-fhige, am bheil thu creidsinn? chi thu nithe a's mò na iad so.

51 Agus thubhairt e ris, Gu deimhin deimhin a deirim ribh, 'Na dhèigh so chi sibh nèamh fosgailte, agus aingil Dhé a' dol suas agus a' teachd a nuas air Mac an duine.

## CAIB. II.

1 Tha Criosd a' deanamh fìon do'n uisge, 12 a' dol do Chapernaum, agus do Hierusalem,

14 fur am bheil e a' glanadh an teampull o

luchd reicidh agus ceannachd: 19 a' roimh-innsadh a bhàis agus aiseirigh, &c.

**A**GUS air an treas là bha pòsadh ann an Cana Ghalile; agus bha màthair Iosa an sin.

2 Agus fhuair Iosa mar an ceudna agus a dheisciobuil cuireadh chum a phòsaidh.

3 Agus air teireachdainn do'n fhìon, thubhairt màthair Iosa ris, Cha 'n'eil fìon aca.

4 Thubhairt Iosa rithe, Ciod e mo ghnòth-uchsa riut, a bhean? cha d'thainig m'uairese fathast.

5 Thubhairt a màthair ris an luchd frithealaidh, Ge b'e ni a their e ribh, dean-aibh e.

6 Agus bha sea soithichean uisge do chloich air an cur an sin, a réir gnàtha glanaidh nan Iudhach, a ghabhadh dà l'heircin no trì gach aon diubh.

7 Thubhairt Iosa riu, Lìonaibh na soithiche le uisge. Agus lion siad iad gus am beul.

8 Agus thubhairt e riu, Tàirngibh a nis, agus thugaibh chum uachdarain na cuir-me.<sup>4</sup> Agus thug iad ann e.

9 'Nuair a bhlais uachdaran na cuirme an t-uisge a rinneadh 'na fhìon, (agus cha robh fhios aige cia as a thainig; ach bha fhios aig an luchd frithealaidh a tharruing an t-uisge) ghoir uachdaran na cuirme am fear nuadh-pòsa.<sup>5</sup>

10 Agus thubhairt e ris, Cuiridh gach duine fìon maith a làthair air tùs; agus an uair a dh'òlas daoine gu leoir, an sin am fìon a's measa: ach ghleidh thus' am fìon maith gus a nis.

11 An toiseach so do mhòrbhuilbhin rinn Iosa ann an Cana Ghalile, agus dh'fhoill-sich e a ghlòir; agus chreid a dheisciobuil ann.

12 An dèigh so chaidh e sìos do Chapernaum, e fein, agus a màthair, agus a bhràithrean, agus a dheisciobuil, agus cha d'fhan iad ann mòran do làithibh.

13 Agus bha càisg nan Iudhach am fagus, agus chaidh Iosa suas gu Hierusalem.

14 Agus fhuair e 'nan suidhe anns an teampull luchd reicidh cruaidh,<sup>6</sup> agus chaorach, agus choluman, agus luchd malairt an airgid:

15 Agus air deanamh sgiùrsair<sup>7</sup> dha do chordaibh caola, dh'fhuadaich e mach as an teampull iad uile, agus na caoraich agus an crobh; agus dhòirt e mach airgid an luchd malairt, agus thilg e na buird thairis;

16 Agus thubhairt e rìusan a bha reic-eadh choluman, Togaibh iad sin as so; na deanaibh tigh m' Atharsa 'na thigh mar-sandachd.

17 Agus chuimhnich a dheisciobuil gu'n

<sup>1</sup> a' sràid-imeachd. <sup>2</sup> Christos Gr. i. e. Aon ungta. <sup>3</sup> Petros Gr. i. e. carraig.

<sup>4</sup> fèisde. <sup>5</sup> fear na bainnse. <sup>6</sup> dhamh. <sup>7</sup> cuipe.



robh e scriobhta, Dh'ith eud<sup>1</sup> do thighe suas mi.

18 An sin fhreàgair na h-Iudhaich, agus thubhairt iad ris, Ciod an comhara nochdas tu dhuinne, do bhrìgh gu bheil thu deanamh nan nithe sin?

19 Fhreagair Iosa agus thubhairt e riu, Leagaibh sìos an teampull so, agus an trì làithibh cuiridh mise suas e.

20 An sin thubhairt na h-Iudhaich, Sea bliadhna agus dà fhichead bha 'n teampull so 'ga thogail, agus an cuir thusa suas an trì làithibh e?

21 Ach labhair esan mu theampull a chuirp.

22 Uime sin an uair bha e air éirigh o na marbhaibh, chuimhnich a dheisciobuil gu'n dubhairt e so: agus chreid iad an scriobtuir, agus am focal a thubhairt Iosa.

23 A nis an uair a bha e an Ierusalem aig a' chàisg, air an fhéisd,<sup>2</sup> chreid mòran 'na ainm, an uair a chunnaic iad na mìorbhuilean a rinn e.

24 Ach cha d'earb Iosa e féin riu, do bhrìgh gu'm b'aithne dha na h-uile dhaoine. 25 Agus nach robh feum aige neach air bith a dheanamh fianuis air duine: oir bha fhios aige ciod a bha anns an duine.

### C A I B. III.

1 *Tha Crìosd a teagasg do Nicodemus feum na h-ath-ghineamhuin.* 14 *Mu chreidinn 'na bhàs.* 16 *Mòr ghràdh Dhé do'n domhan, &c.*

**A**GUS bha duine do na Phairisich, d'am b'ainm Nicodemus, a bha 'na uachdaran air na h-Iudhachaibh:

2 Thainig esan chum Iosa san oidhche, agus thubhairt e ris, A mhaighstir, tha fhios againn gur fear-teagaisg thu, a thainig o Dhia: oir cha'n urradh duin' air bith na mìorbhuile so dheanamh a ta thusa a deanamh, mur bi Dia maille ris.

3 Fhreagair Iosa agus thubhairt e ris, Gu deimhin deimhin a deirim riut, mur beirear duine a ris,<sup>3</sup> nach feud e rioghachd Dhé fhaicinn.

4 Thubhairt Nicodemus ris, Cionnus a dh'fhendas duine bhi air a bhreith 'nuair a ta e aosda? am bheil e comasach air dol a stigh an dara uair do bhroinn a mhàthar, agus a bhi air a bhreith?

5 Fhreagair Iosa, Gu deimhin deimhin a deirim riut, mur bi duine air a bhreith o uisge, agus o'n Spiorad, cha 'n urrainn e dol a steach do rioghachd Dhé.

6 An ni sin a ta air a bhreith o'n fheoil, is feoil e; agus an ni sin a ta air a bhreith o'n Spiorad, is spiorad e.

7 Na gabh iongantas gu 'n dubhairt mi riut, Is éigin duibh bhi air bhuir breith a ris.

8 Tha ghaoth a séideadh far an àill leatha, agus tha thu a' cluinntinn a fuaim, ach cha 'n'eil fhios agad cia as a tha i

teachd, no c' àit a tha i dol: is ann mar sinn a tha gach neach a tha air a bhreith o'n Spiorad.

9 Fhreagair Nicodemus agus thubhairt e ris, Cionnus a dh'fheudas na nithe so bhi?

10 Fhreagair Iosa agus thubhairt e ris, Am bheil thusa a'd' fhear-teagaisg Israeil, agus nach aithne dhuit na nithe so?

11 Gu deimhin deimhin a deirim riut, gu bheil sinne a' labhairt an ni a's fios duinn, agus a' toirt fianuis air an ni sin a chunnaic sinn; agus cha ghabh sibhse ar fianuis.

12 Ma dh'innis mi dhuibh nithe talmhaidh, agus nach creid sibh, cionnus a chreideas sibh ma dh'innseas mi dhuibh nithe nèamhaidh?

13 Agus cha deachaidh aon neach suas do nèamh, ach an ti a thainig a nuas o nèamh, Màc an duine a ta air nèamh.

14 Agus mar a thog Maois suas an nathair san fhàsach, is ann mar sin is éigin do Mhac an duine bhi air a thogail suas:

15 Chum's ge b'e neach a chreideas ann, nach sgriosar e,<sup>4</sup> ach gu'm bi a' bheatha mhaireannach aige.

16 Oir is ann mar sin a ghràdhaidh Dia an saoghal, gu'n d'thug e aon-ghin Mhic féin, chum's ge b'e neach a chreideas ann, nach sgriosar e, ach gu'm bi a' bheatha shìorruidh aige.

17 Oir cha do chuir Dia a Mhac do'n t-saoghal, chum gu'n diteadh e 'n saoghal, ach a chum gu'm biodh an saoghal air a shaoradh tridsan.

18 An ti a chreideas ann, cha ditear e: ach an ti nach creid, tha e air a dhìteadh cheana, chionn nach do chreid e an ainm aoin-ghin Mhic Dhé.

19 Agus is e so an diteadh, gu'n d'thainig an solus do'n t-saoghal, agus gu'n do ghràdhaidh daoine an dorchadas ni's mò na'n solus, a chionn gu'n robh an gnìomharan olc.

20 Oir gach neach a ta deanamh uile, tha e toirt fuath do'n t-solus, agus cha 'n'eil e teachd chum an t-soluis, air eagal gu'm biodh oibre air an cronachadh.

21 Ach an ti a ni 'n fhìrinn, thig e chum an t-soluis, chum's gu'm bi oibre follaiseach, gur ann àn Dia a rinneadh iad.

22 An déigh sin thainig Iosa agus a dheisciobuil do thàir Iudea, agus dh'fhan e 'n sin maille riu agus bhaist e.

23 Agus bha Eoin mar an ceudna a' baisteadh ann an Enon, làimh ri Salim, do bhrìgh gu'n robh mòran uisgeachan an sin: agus thainig iad, agus bhaisteadh iad.

24 Oir cha robh Eoin fathast air a thilgeadh am prìosun.

25 An sin dh'éirich ceist eadar deisciobuil Eoin agus na h-Iudhaich, mu thimchioll glanaibh.

26 Agus thainig iad chum Eoin, agus

<sup>1</sup> ro-chùram. <sup>2</sup> an àm na féisde. <sup>3</sup> o'n àird.

thubhairt iad ris, A mhaighstir, an ti a bha maille riut an taobh thall do Iordan, d'an d'thug thu fianuis, feuch, tha esan a' baisteadh, agus tha na h-uile dhaoine a' teachd d'a ionnsuidh.

27 Fhreagair Eoin agus thubhairt e, Cha 'n'eil duine comasach air ni sam bith a ghabhail, mur bi e air a thoirt da o n'eamh.

28 Tha sibhse fèin a' toirt fianuis domh-sa, gu'n dubhairt mi, Cha mhi Crìosd, ach gu'n do chuireadh roimhe mi.

29 An ti aig am bheil a bhean nuadh-phòsda, 'se 'im fear nuadh-phòsda e: ach caraid an fhir nuadh-phòsda, a ta 'na sheasamh agus ag èisdeachd ris, tha e a' deanamh gairdeachais mhòir air son guth an fhir nuadh-phòsda: uime sin tha mo ghairdeachas so air a choimhlionadh.

30 Is éigin dasan fàs, ach dhomh-sa bhi air mo lughdachadh.

31 An ti a thig a nuas, tha e os ceann nan uile: an ti a tha o'n talamh, tha e talmhaidh, agus labhraidh e air mhodh talmhaidh: an ti a thig o n'eamh, tha e os ceann nan uile.

32 Agus an ni a chunnaic agus a chual e, air sin tha e toirt fianuis; agus cha 'n'eil aon duine a' gabhail r'a fhianuis.

33 An ti a ghabh r'a fhianuis-san, chuir e a sheula ris, gu bheil Dia fìor.

34 Oir an ti a chuir Dia uaidh, tha e a' labhairt bhriathar Dhé: oir cha'n ann a-réir tomhais a tha Dia a toirt an Spioraid da.

35 Is toigh leis an Athair am Mac, agus thug e na h-uile nithe 'na làimh.

36 An ti a chreideas anns a Mhac, tha bheatha mhaireannach aige: ach an ti nach 'eil a' creidsinn anns a' Mhac, cha'n fhaic e beatha; ach a ta fearg Dhé a' gabhail còmhnuidh air.

#### CAIB. IV.

1 Tha Crìosd a' còmhradh ris a Bhan-samaritanaich, agus ga fhoillseachadh fèin d'i.  
27 Tha dheisciobuil a' gabhail iongantais. 31 Tha e cur an céill doibh eud fèin air son glòire Dhé. 39 Tha mòran do na Samaritanaich a' creidsinn ann. 43 Tha e dol do Ghalile, &c.

**A**IR an aobhar sin an uair a thuig Iosa gu'n cuala na Phairisich gu'n robh e a' deanamh agus a' baisteadh tuilleadh dheisciobuil an Eoin,

2 (Ge nach do bhaist Iosa fèin iad, ach a dheisciobuil)

3 Dh'fhàg e Iudea, agus chaidh e ris do Ghalile.

4 Agus b'èigin da dol tre Shamaria.

5 An sin thainig e gu baile a bhuineadh do Shamaria, d'an goirear Sichar, fagus do'n fhearann a thug Iacob d'a mhac Ioseph.

6 A nis bha tobar Iacoib an sin. Uime sin air do Iosa bhi sgith leis a thurus, shuidh e mar sin làimh ris an tobar: agus bha e mu thimchioll na seathadh uaire.

7 Thainig bean o Shamaria a tharruing uisge: a dcir Iosa rithe, Thoir dhomhsa deoch.

8 (Oir bha a dheisciobuil air dol do'n bhaile a cheannach bidh.)

9 An sin thubhairt a' bhean o Shamaria ris, Cionnus a ta thusa agus gur Iudhach thu, ag iarraidh deoch uamsa, a ta a'm' Bhan-samaritanaich? oir cha 'n'eil comunh aig na h-Iudhaich ris na Samaritanaich.

10 Fhreagair Iosa agus thubhairt e rithe, Nam b'aithne dhuit tiodhlacadh<sup>1</sup> Dhé, agus cò e a ta 'g ràdh riut, Thoir dhomh deoch, dh'iarraidh tu airsan, agus bheireadh e uisge beo dhuit.

11 A deir a bhean ris, A Thighearn, cha 'n'eil inneal tarruing agad, agus tha 'n tobar domhain: uime sin cia as a ta 'n t-uisge beo sin agad?

12 Am mò thusa na ar n-athair Iacob, a thug dhuinne an tobar so, agus a dh'òl as e fèin, agus a chlann, agus a sprèidh?

13 Fhreagair Iosa agus thubhairt e rithe, Ge b'e neach a dh'òlas do'n uisge so, bithidh tart<sup>2</sup> air a ris:

14 Ach ge b'e neach a dh'òlas do'n uisge a bheir mise dha, cha bhi tart gu bràth air: ach an t-uisge a bheir mise dha, bithidh e 'na thobar uisge ann, a' sruthadh suas chum na beatha maireannaich.

15 A deir a' bhean ris, A Thighearn, thoir dhomhsa an t-uisge so, chum's nach bi tart orm, agus nach d'thig mi an so a tharruing.

16 A deir Iosa rithe, Imich, gairm t'fhear-phòsda, agus thig an so.

17 Fhreagair a bhean agus thubhairt i, Cha 'n'eil fear agam. Thubhairt Iosa rithe, Is maith a thubhairt thu, Cha 'n'eil fear agam:

18 Oir bha cùigear fhear agad, agus esan a ta agad a nis, cha'n e t'fhear fèin e: thubhairt thu so gu fìor.

19 A deir a' bhean ris, A Thighearn, tha mi faicinn gur fàidh thu.

20 Rinn ar n-aithriche aoradh san t-sliabh so; agus a deir sibhse, gur ann an Ierusalem a ta 'n t-ionad, anns an còir aoradh a dheanamh.

21 A deir Iosa rithe, A bhean, creid mise, gu bheil an uair a teachd, anns nach dean sibh aoradh do'n Athair aon chuid san t-sliabh so, no ann an Ierusalem.

22 Tha sibh a' deanamh aoraidh do'n ni nach aithne dhuibh: tha sinne a deanamh aoraidh do'n ni a's aithne dhuinn: oir is ann o na h-Iudhachaibh a ta slàinte.

23 Ach a ta 'n uair a' teachd, agus a ta i nis ann, anns an' dean am fìor luchd-aoraidh aoradh do'n Athair ann an spiorad agus ann am fìrinn: oir a ta an t-Athair ag iarraidh an leithide so do luchd-aoraidh.

24 Is Spiorad Dia, agus is éigin d'a

<sup>1</sup> toirbheartas.

<sup>2</sup> toig.



luchd-aoraidh, aoradh a dheanamh *dha* sin siorradh agus am fìrinn.

25 A deir a' bhean ris, Tha fhios agam gu bheil am Mesias a teachd, d'an goirear Crìosd: 'nuair a thig esan, innsidh e na h-uile nithe dhuinn.

26 A deir Iosa rithe, Is mise e, a ta labhairt riut.

27 Agus air a so thainig a dheisciobuil, agus b'iongantach leo gu'n robh e labhairt ri mnaoi: ach cha dubhairt aon neach, Ciod a tha thu 'g iarraidh? no c'ar so a tha thu labhairt rithe?

28 An sin dh'fhàg a' bhean a soitheach uisge, agus dh'fhalbh i do'n bhaile, agus a deir i ris na daoineibh,

29 Thigibh, faicibh duine a dh'innis dhomhsa na h-uile nithe a rinn mi riamh: an e so Crìosd?

30 An sin chaidh iad a mach as a bhaile, agus thainig iad d'a ionnsuidh-san.

31 San àm sin fèin ghuidh a dheisciobuil air, ag ràdh, A mhaighstir, ith.

32 Ach thubhairt esan riu, Tha agam-sa biadh r'a itheadh, air nach 'eil fhios agaibhse.

33 Uime sin thubhairt na deisciobuil r'a chèile, An d'thug neach air bith *ni* d'a ionnsuidh r'a itheadh?

34 Thubhairt Iosa riu, Is e mo bhiadh-sa toil an ti a chuir uaith mi a dheanamh, agus obair a chrìochnachadh.

35 Nach abair sibhse, A ta *vine* cheithir mìos ann fathast, agus *an sin* thig am fogharadh? feuch, a deirim ribh, Togaibh suas bhur sùilean, agus seallaibh air na h-achaidh; oir a ta iad a cheana geal chum an fhogharaidh.

36 Agus an ti a bhuaineas tha e faotainn tuarasdail, agus a cruinneachadh toraidh chum na beatha maircannaich; chum's gu'n dean an ti a chuireas, agus an ti a bhuaineas, gairdeachas maraon.

37 Agus an so tha 'n ràdh<sup>2</sup> ud fìor, Gu bheil neach a cur, agus neach eile a buain.

38 Chuir mise sibhse a bhuain an *ni* sin nach do shaothraich sibh: shaothraich daoine eile, agus chaidh sibhse steach 'nan saothair.

39 Agus chreid mòran do Samaritanach a bhaile sin ann, air son cannta na mnà, a thug fianuis *ag ràdh*, Dh'innis e dhomh na h-uile nithe a rinn mi riamh.

40 Uime sin an uair a thainig na Samaritanach d'a ionnsuidh, ghuidh iad air fannuinn maille riu; agus dh'fhuirich e 'n sin dà latha.

41 Agus chreid mòran tuilleadh air son fhocail fèin:

42 Agus thubhairt iad ris a mhnaoi, Tha sinn a creidsinn, cha 'n ann a so suas air son do chòmhradh-sa: oir chuala

sinn fèin e, agus a ta fhios againn gur e so da rìreadh Crìosd, Slànùighear an t-saoghail.

43 Agus an déigh dà latha dh'fhalbh e as sin, agus chaidh e do Ghalile:

44 Oir thug Iosa fèin fianuis, nach 'eil urram aig fàidh 'na thìr fèin.

45 Uime sin an uair a thainig e do Ghalile, ghabh na Galiléaich ris, air dhoibh na nithe sin uile fhaicinn a rinn e ann an Ierusalem air an fhéisd: oir chaidh iadsan mar an ceudna chum na féisde.

46 An sin thainig Iosa a ris do Chana Ghalile, far an d'rinn e fion do'n uisge. Agus bha duine cumhachdach<sup>3</sup> àraidh, aig an robh a mhac gu tinn ann an Capernaum.

47 'Nuair a chual esan gu'n robh Iosa air teachd a Iudea do Ghalile, chaidh e d'a ionnsuidh, agus ghuidh e air gu'n rachadh e sìos, agus gu'n slànucheadh e a mhac: oir bha e ri h-uchd bàis.

48 An sin thubhairt Iosa ris, Mur faic sibh comharan agus mìorbhuilean, cha chreid sibh.

49 Thubhairt an duine cumhachdach ris, A Thighcarn, rach<sup>4</sup> sìos mum faigh mo leanaban bàs.

50 Thubhairt Iosa ris, Imich; tha do mhac beo. Agus chreid an duine am focal a labhair Iosa ris, agus dh'imich e.

51 Agus am feadh a bha e fathast a dol sìos, choinnich a sheirbhisich e, agus dh'innis iad *da*, ag ràdh, Tha do mhac beo.<sup>5</sup>

52 An sin dh'fheòraich e dhiubh an uair ann an deachaidh e 'm feabhas: agus thubhairt iad ris, An dé air an t-seachdamh uair dh'fhàg am fiabhrus e.

53 An sin dh'arithnich an t-thair gu'n *b'i* an uair sin fèin, anns an dubhairt Iosa ris, Tha do mhac beo; agus chreid e fèin, agus a theaghlach uile.

54 'Se so a ris an dara mìorbhuil a rinn Iosa, 'nuair a thainig e a Iudea do Ghalile.

#### C A I B. V.

1 Tha Iosa air lath *ana sàbaid* a leigheas an duine, a bha fuidh leòn rè ochd bliadhna *deug thar fhichead*: 10 Tha na h-Iudhaich uime sin *a' consachadh ris*, agus 'ga gheurlanmhuinn air a shon, &c.

**N**A dhéigh so bha féisd nan Iudhach ann, agus chaidh Iosa suas gu Hierusalem.

2 A nis a ta ann an Ierusalem làmh ri *geatadh*<sup>6</sup> nan caorach lochan, d'an goirear sa' chainnt Eabhruidhich, Betesda, aig am bheil cùig tighean-fasgaidh.<sup>7</sup>

3 Annta sin bha 'nan luidhe mòr bhuidhcan do dhaoineibh euslan, dall, bacach, seargta, a feitheamh ri caruchadh an uisge.

4 Oir chaidh aingeal sìos an àm àraidh san lochan, agus' chuir e 'n t-uisge tre chèile: uime sin an ceud neach a rachadh

<sup>1</sup> cuideachd, le chèile.

<sup>2</sup> an gnàth-fhocal.

<sup>3</sup> mòr, rìoghail.

<sup>4</sup> theirig, fàbh, gabh.

<sup>5</sup> gu mailh.

<sup>6</sup> margadh.

<sup>7</sup> sgùth-thighean.

sìos ann an déigh cur tre chéile an uisge, rinneadh slàn e a dh'aon tinneas a bhiodh air.

5 Agus bha duine àraidh an sin, a bha ochd bliadhna deug thar fhichead ann an euslaint.

6 'N uair a chunnaic Iosa esan 'na luidhe, agus fios aige gu'n robh e nis ùine fhada mar sin, a deir e ris, Am miann leat bhi air do dheanamh slàn?

7 Fhreagair an duine euslan e, A Thigh-earn, cha'n 'eil duin' agam, an uair a chuir-e ar an t-uisge tre a chéile, a chuireas anns an lochan mi: ach am feadh a tha mise teachd, tha neach eile a' dol sìos romham.

8 A deir Iosa ris, Eirich, tog do leaba, agus imich.

9 Agus air ball rinneadh an duine slàn, agus thug e a leaba, agus dh'imich e: agus bha 'n t-sàbaid ann air an là sin.

10 Uime sin thubhairt na h-Iudhaich ris an ti a shlànuicheadh, Is i 'n t-sàbaid a ta ann; cha 'n'eil e dlìgheach dhuit do leaba iomchar.

11 Fhreagair e iad, An ti a rinn slàn mi, thubhairt esan rium, Tog do leaba agus imich.

12 An sin dh'fheòraich iad deth, Cò an duine a thubhairt riut, Tog do leaba agus imich?

13 Agus cha robh fhios aig an ti a shlànuicheadh, cò e: oir chaidh Iosa as a shealladh, air do mhòr shluagh bhi anns an àit.

14 'Na dhéigh so fhuair Iosa e anns an teampull, agus thubhairt e ris, Feuch, rinneadh slàn thu: na peacuich ni's mò, air eagal gu'n tachair ni's measa dhuit.

15 Dh'imich an duine, agus dh'innis e do na h-Iudhachaibh gu'm b'e Iosa a rinn slàn e.

16 Agus air a shon so rinn na h-Iudhaich geur-leanmhuinn air Iosa, agus dh'iarr iad a mharbhadh, do bhrìgh gu'n d'rinn e na nithe so air an t-sàbaid.

17 Ach fhreagair Iosa iad, Tha m'Athair ag oibreachadh gus a nis, agus tha mise ag oibreachadh:

18 Uime sin bu mhòid a dh'iarr na h-Iudhaich a mharbhadh, a chionn nach e mhàin gu'n do bhris e 'n t-sàbaid, ach gu'n dubhairt e mar an ceudna gu'm b'e Dia Athairsan, 'ga dheanamh féin coimh-ionann ri Dia.

19 Air an aobhar sin fhreagair Iosa agus thubhairt e riu, Gu deimhin a deirim ribh, nach 'eil am Mac comasach air ni sam bith a dheanamh uaith féin, ach an ni a chi e 'n t-Athair a' deanamh: oir ge b'e nithe a ni esan, na nithe sin féin ni am Mac mar an ceudna.

20 Oir is ionmhuinn leis an Athair am Mac, agus a ta e a' foillseachadh dha nan uile nithe a tha e féin a' deanamh: agus foillsichidh e dha oibre a's mò na iad so, air chor as gu'm bi iongantas oirbh-se.

21 Oir mar a ta 'n t-Athair a' dùsgadh, agus a' beothachadh nam marbh, is amhuil sin a ta an Mac a' beothachadh an dream a's àill leis.

22 Oir cha 'n'eil an t-Athair a' toirt breth air duine sam bith; ach thug e gach uile bhreitheanas do'n Mhac:

23 Chum's gu'n d'thugadh na h-uile dhaoine urram do'n Mhac, amhuil mar a ta iad a' toirt urraim do'n Athair. An ti nach 'eil a' toirt urraim do'n Mhac, cha'n 'eil e toirt urraim do'n Athair, a chuir uaith e.

24 Gu deimhin deimhin a deirim ribh, An ti a dh'éisdeas ri m' fhocalsa, agus a ta creidsinn anns an ti a chuir uaith mi, tha a' bheatha inhaireannach aige, agus cha d'thig e chum d'tìdh; ach chaidh e thairis o bhàs gu beatha.

25 Gu deimhin deimhin a deirim ribh, Gu bheil an uair a' teachd, agus gu bheil i nis ann, anns an cluinn na marbh guth Mhic Dhé: agus an dream a chluinneas, bithidh iad beo.

26 Oir mar a ta aig an Athair beatha ann féin, is amhuil sin a thug e do'n Mhac beatha a bhi aig ann féin;

27 Agus thug e mar an ceudna dha ùgh-darra's chum breth a thabhairt, do bhrìgh gur e Mac an duine.<sup>1</sup>

28 Na gabhaibh iongantas deth so: oir a ta 'n uair a' teachd, anns an cluinn iadsan uile a ta 'sna h-uaighibh a ghuth-san:

29 Agus théid iad a mach, iadsan a rinn maith, chum aiseirigh na beatha; agus iadsan a rinn olc, chum aiseirigh an damnaidh.

30 Cha 'n'eil mise comasach air ni sam bith a dheanamh uam féin: mar a chluinneam, bheiream breth: agus a ta mo bhreitheanas ceart; do bhrìgh nach 'eil mi 'g iarraidh mo thoile féin, ach toil an Athar a chuir uaith mi.

31 Ma bheir mise fianuis a m' thimchioll féin, cha 'n'eil m' fhianuis fìor.<sup>2</sup>

32 Tha neach eile a' toirt fianuis a m' thimchioll, agus a ta fhios agam gur fìor an fhianuis, a tha e deanamh mu m' thimchioll.

33 Chuir sibhse chum Eoin, agus thug e fianuis do'n fhìrinn.

34 Ach cha 'n'eil mise a gabhail fianuis o dhuine: ach a deirim na nithe so, chum gu 'm bi sibhse air bhur tearmadh.

35 B'esan an lòchran lasta<sup>3</sup> agus dealrach: agus bha sibhse toilcach car tanuill gairdeachas a dheanamh 'na sholus.

36 Ach a ta agam-sa fianuis a's mò na fianuis Eoin: oir na h-oibre a thug an t-Athair domhsa chum gu'n crìochnaichinn iad, tha na h-oibre sin féin a tha mise a deanamh, a toirt fianuis a m' thimchioll, gu'n do chuir an t-Athair uaith mi.

37 Agus an t-Athair féin a chuir uaith mi, thug e fianuis a m' thimchioll. Cha

<sup>1</sup> gur mac duine e.

<sup>2</sup> ionmhuiddh.

<sup>3</sup> lasrach.



chuala sibh riamh a ghuth, ni mò a chun-naic sibh a choslas.

38 Agus cha 'n'eil fhocal-san agaibh a' gabhail còmhnuidh annaibh: oir an ti sin a chuir esan uaith, cha 'n'eil sibh 'ga chreid-sinn.

39 Rannsaichibh' na scriobtuirean, oir a ta sibh a saòilsinn gu bheil a' bheatha mhaireannach agaibh anna-san, agus is iad sin a ta toirt fianuis a m' thimchioll-sa.

40 Gidheadh cha 'n àill libh teachd a m' ionnsuidh-se, chum gu'm faigheadh sibh beatha.

41 Cha 'n'eil mise a' gabhail urraim<sup>2</sup> o dhaoibh.

42 Ach is aithne dhòmh sibhse, nach 'eil gràdh Dhé agaibh annaibh.

43 Thainig misc an ainm m'Athar, agus cha 'n'eil sibh a gabhail rium: ma thig neach eile 'na ainm féin, gabhaidh sibh risean.

44 Cionnus a dh'fheudas sibh creidsinn, a ta gabhail urraim o chéile, agus nach 'eil ag iarraidh an urraim a thig o Dhia a mhàin?

45 Na saoilibh gu'n dean mise bhur casaid ris an Athair: tha aon a tha deanamh casaid oirbh, Maòis, anns am bheil sibh a' cur bhur dòchais.<sup>3</sup>

46 Oir nan creideadh sibh Maòis, chreideadh sibh mise: oir scriobh esan a m' thimchioll.

47 Ach mur creid sibh a scriobhadh-san, cionnus a chreideas sibh mo bhriathra-sa?

# C A I B. VI.

1 *Tha Crìosd a' biadhadh cùig mìle fear le cùig builinnibh arain agus dà iasg: 15 Air an aobhar sin b'àill leis an t-sluagh esan a dheanamh 'na rìgh: 16 Ach air dhasan a sgaradh féin uatha, chaidh e suas gu beinn, agus dh'imich e air a' chuan dh'ionnsuidh a dheisciobul, &c.*

'N A dhéigh sin chaidh Iosa thar muir<sup>4</sup> Ghàile, no Thiberias.

2 Agus lean sluagh mòr e, do bhrìgh gu'm fac iad a mhiorbhuilean, a rinn e air an dream a bha euslan.

3 Agus chaidh Iosa suas air beinn, agus shuidh e an sin maille r'a dheisciobluibh.

4 Agus bha chàisg, féisd nan Iudhach, am fàgus.

5 An sin an uair a thog Iosa suas a shùilean, agus a chunnaic e gu'n d'thainig buidheann mhòr shluaigh d'a ionnsuidh, a deir e ri Philip, Cia 'n t-àit as an ceannaich sinn aran chum's gu'n ith iad so?

6 (Ach thubhairt e so 'ga dhearbhadhsan; oir bha fhios aige féin ciod a dheanadh e.)

7 Fhreagair Philip e, Cha leoir dhoibh luach dhà cheud peghinn a dh'aran, chum's gu'n gabhadh gach aon diubh beagan.

8 Thubhairt aon d'a dheisciobluibh, Ain-dreas, bràthair Shimoìn Pheadair, ris,

9 Tha òganach an so, aig am bheil cùig builinnean eòrna, agus dà iasg bheaga: ach ciod iad so am measg na h-uiread?

10 Agus thubhairt Iosa, Thugaibh air na daoibh suidhe sìos. A nis bha mòran feoir anns an àit. Air an aobhar sin shuidh na daoine sìos, an àireamh timchioll chùig mìle.

11 Agus ghlac Iosa na builinnean, agus air breith buidheachais da, roinn e air na deisciobluibh iad, agus na deisciobuil orrasan a shuidh: agus mar an ceudna do na h-iasgaibh beaga, mhead 's a b'àill leo.

12 'N uair a shàsuicheadh iad, thubhairt e r'a dheisciobluibh, Cruinnichibh am biadh briste ta thuilleadh ann, chum's nach caillear a bheag.

13 Air an aobhar sin chruinnich iad e r'a chéile, agus lìon iad dà chliabh dheug do sbruileach nan cùig builinn eòrna, a bha dh'fhigheall aig a' mhuinntir a dh'ith.

14 An sin an uair a chunnaic na daoine sin am miorbhuil a rinn Iosa, thubhairt iad, Gu fìrinneach is e so am fàidh, a bha gu teachd chum an t-saoghail.

15 Uime sin an uair a thuig Iosa gu'n robh iad air ti<sup>5</sup> teachd agus breith air le làimh làidir, chum's gu'n deanadh iad rìgh dheth, dh'imich e ris do'n bheinn 'na aonar.

16 Agus an uair a thainig am feasgar, chaidh a dheisciobuil sìos chum na mara.

17 Agus air dol an luing dhoibh, chaidh iad thar a' mhuir gu Capernaum: agus bha 'n dorchadas a nis ann, agus cha robh Iosa air teachd d'an ionnsuidh.

18 Agus ag séideadh do ghaoith mhòir, dh'éirich a' mhuir.

19 Uime sin an uair a rinn iad iomramh timchioll cùig no deich thar fhichead do stàidibh, chunnaic iad Iosa ag imeachd air a' mhuir, agus a druideadh ris an luing, agus ghabh iad eagal.

20 Ach thubhairt esan riu, Is mise ta ann, na biodh eagal oirbh.

21 Uime sin ghabh iad gu toileach a steach do'n luing e: agus air ball ràinig an long an tìr gus an robh iad a' dol.

22 Air an là 'na dhéigh sin, an uair a chunnaic an sluagh, a sheas air taobh eile na mara, nach robh long<sup>6</sup> eile an sin, ach an long sin anns an deachaidh a dheisciobuil a steach, agus nach deachaidh Iosa 'san luing maille r'a dheisciobluibh, ach gu'n d'fhalbh a dheisciobuil 'nan aonar;

23 (Gidheadh thainig longa beaga eile o Thiberias, làimh ris an àit 'san d'ith iad an t-aran, an déigh do'n Tighearn buidheachas a thoirt.)

24 Uime sin an uair a chunnaic an sluagh nach robh Iosa an sin, no a dheisciobuil,

<sup>1</sup> Tha sibh a rannsachadh.  
<sup>3</sup> as am bheil sibh ag earbsadh.

<sup>2</sup> glòire.  
<sup>4</sup> fairge.

<sup>5</sup> rìon orra.

<sup>6</sup> bàrc, bàt.

chaidh iad féin mar an ceudna ann an longaibh, agus thainig iad gu Capernaum, ag iarraidh Iosa.

25 Agus air dhoibh fhaotainn air an taobh thall do'n mhuir, thubhairt iad ris, A mhaighstir, c'uin a thainig thu 'n so?

26 Fhreagair Iosa iad agus thubhairt e, Gu deimhin a deirim ribh, A ta sibh ga m' iarraidh, cha 'n ann a chionn gu'm faca sibh na mìorbhuilean, ach a chionn gu'n d'ith sibh do na builinnibh, agus gu'n do shà-suicheadh sibh.

27 Deanaibh saothair cha 'n ann air son a' bhìdh a theirgeas, ach air son a' bhìdh a mhaireas chum na beatha sìorruidh, a bheir Mac an duine dhuibh: oir esan sheulaich<sup>1</sup> Dia an t-Athair.

28 An sin thubhairt iad ris, Ciod a ni sinn, chum as gu'n oibrich sinn oibre Dhé?

29 Fhreagair Iosa agus thubhairt e riu, Is i so obair Dhé, gu'n creid sibh anns an ti a chuir e uaith.

30 Uime sin thubhairt iad ris, Ciod an comhar a ni thusa ma ta, chum gu'm faic sinn, agus gu'n creid sinn thu? ciod an obair a ni thu?

31 Dh'ith ar n-aithriche mana 'san fhàsach; a réir mar a ta e scrìobhta, Thug e dhoibh aran o nèamh r'a itheadh.

32 An sin thubhairt Iosa riu, Gu deimhin deimhin a deirim ribh, nach d'thug Maois dhuibh an t-aran o nèamh; ach a ta m'Athairse toirt dhuibh an arain fhìor o nèamh.

33 Oir is e sin aran Dhé a ta teachd a nuas o nèamh, agus a ta tabhairt beatha do'n t-saoghal.

34 An sin thubhairt iad ris, A Thighearn, tabhair dhuinne an t-aran so 'n còmhnuidh.

35 Agus thubhairt Iosa riu, Is mise aran na beatha: an ti a thig a m' ionnsuidh-se, cha bhi ocras gu bràth air; agus an ti a chreideas annam-sa, cha bhi tart gu bràth air.

36 Ach mar a thubhairt mi ribh, ge do chunnaic sibh mi, cha 'n eil sibh a' creidsinn.

37 Gach ni a bheir an t-Athair dhomhsa, thig e a m' ionnsuidh: agus an ti a thig a m' ionnsuidh, cha tilg mi air chor sam bith a mach e.

38 Oir thainig mi nuas o nèamh, cha 'n ann chum gu'n deanainn mo thoil féin, ach toil an ti a chuir uaith mi.

39 Agus is i so toil an Athar a chuir uaith mi, nach caillinn a bheag sam bith do'n uile a thug e dhomh, ach gu'n togainn suas e ris air an là dheireannach.

40 Agus is i so toil an ti a chuir uaith mi, gu'm biodh a' bheatha mhaireannach aig gach neach a chi am Mac, agus a chreideas ann: agus togaidh mise suas e air an là dheireannach.

41 An sin rinn na h-Iudhaich gearan

uime, a chionn gu 'n dubhairt e, Is mise an t-aran a thainig a nuas o nèamh.

42 Agus thubhairt iad, Nach e so Iosa mac Ioseph, neach aig an aithne dhuinn athair agus a mhàthair? cionnus ma seadh a deir e, Thainig mi nuas o nèamh?

43 Air an aobhar sin fhreagair Iosa agus thubhairt e riu, Na deanaibh gearan 'nar measg féin.

44 Cha'n urradh neach air bith teachd a m' ionnsuidh-se, mur tarrauing an t-Athair, a chuir uaith mise, e: agus togaidh mise suas e air an là dheireannach.

45 Tha e scrìobhta 'sna fàidhibh, Agus bithidh iad uile air an teagasg o Dhia. Gach<sup>2</sup> neach a chuala, agus a dh'fhòghluim o'n Athair, thig e m' ionnsuidh-se.

46 Cha 'n e gu'm faca neach sam bith an t-Athair, ach an ti a ta o Dhia; chunnaic esan an t-Athair.

47 Gu deimhin deimhin a deirim ribh, An ti a ta creidsinn annam-sa, tha bheatha mhaireannach aige.

48 Is mise aran na beatha.

49 Dh'ith bhur n-aithriche mana 'san fhàsach, agus fhuair iad bàs.

50 Is e so an t-aran a tha teachd a nuas o nèamh, chum as gun ith neach dheth, agus nach faigh e bàs.

51 Is mise an t-aran beo, a thainig a nuas o nèamh: ma dh'itheas neach air bith do'n aran so, bithidh e beo gu sìorruidh: agus an t-aran a bheir mise uam, is e m'fheoil e, a bheir mi air son beatha an t-saoghail.

52 Air an aobhar sin bha connsachadh<sup>3</sup> aig na h-Iudhaich r'a chèile, ag ràdh, Cionnus a dh'fheudas an duine so fheoil a thoirt duinn r'a itheadh?

53 An sin thubhairt Iosa riu, Gu deimhin deimhin a deirim ribh, mur ith sibh feoil Mhic an duine, agus mur òl sibh fhuil, cha 'n eil beatha agaih annaibh.

54 Esan a dh'itheas m' fheoilse, agus a dh'òlas m' fhuilse, a ta a' bheatha shìorruidh aige, agus togaidh mise suas e air an là dheireannach.

55 Oir is biadh gu fìrinneach m' fheoil, agus is deoch gu fìrinneach m' fhuil.

56 Esan a dh'itheas m' fheoilse, agus a dh'òlas m' fhuilse, tha e gabhail còmhnuidh annamsa, agus mise annsan.

57 Mar a ta'n t-Athair beo a chuir uaith mise,<sup>4</sup> agus aatamsé beo tre<sup>5</sup> 'n Athair; is amhuil sin esan a dh'itheas mise, bithidh e mar an ceudna beo triomsa.<sup>6</sup>

58 Is e so an t-aran sin a thainig a nuas o nèamh; cha 'n e mar a dh'ith bhur n-aithriche mana, agus fhuair iad bàs: esan a dh'itheas an t-aran so, bithidh e beo am feasd.

59 Thubhairt e na nithe so anns an

<sup>1</sup> chomharaich, shonraich. <sup>2</sup> [Uime sin] gach.

<sup>3</sup> deasboireachd, tagradh.

<sup>4</sup> Mar a chuir an t-Athair beo uaith mise. <sup>5</sup> troimh. <sup>6</sup> tromham.



t-sionagog, an uair a bha e a teagasg an Capernaum.

60 Uime sin air cluinntinn so do mhòran d'a dheisciobluibh, thubhairt iad, Is cruaidh a' chainnt so, cò a dh'fheudes éisdeachd rithé?

61 'N uair a thuig Iosa ann féin gu'n robh a dheisciobuil ri gearan uime so, thubhairt e riu, Am bheil so a toirt oibheim dhuibh?

62 Agus *ciod* nam faiceadh sibh Mac an an duine a' dol suas do'n àit anns an robh e roimhe?

63 'S e 'n Spiorad a bheothaicheas; cha 'n' eil tairbhe air bith san fheoil; na briathran a tha mise a' labhairt ribh, is spiorad agus is beatha *iad*.

64 Ach a ta cuid dìbhse nach 'eil a' creidsinn. (Oir b'aithne do Iosa o thùs, cò iad nach robh a' creidsinn, agus cò an ti a bhrathadh e.)

65 Agus thubhairt e, Air an aobhar sin thubhairt mi ribh, nach urradh neach air bith teachd a m' ionnsuidh, mur bi e air a thoirt da o m' Athair.

66 O'n àm sin chaidh mòran d'a dheisciobluibh air an ais, agus cha d'imich iad ni's mò maille ris.

67 An sin thubhairt Iosa ris an dà fhear dheug, An àil libhse falbh cuideachd?

68 An sin fhreagair Simon Peadar e, A Thighearn, cia dh'ionnsuidh an d'théid sinn? agadsa tha briathra na beatha mair-eannach.

69 Agus a ta sinne a' creidsinn, agus a ta fhios againn gur tusa Criosd<sup>1</sup> Mac an Dé bheo.

70 Fhreagair Iosa iad, Nach do thagh mise sibhse dà fhear dheug, agus a ta fear agaibh 'na dhiabhol?

71 Ach labhair e mu Iudas Iscariot, *mac Shimoin*: oir is e so an ti a bha gu esan a bhrath, air dha bhi 'na aon do'n dà fhear dheug.

#### CAIB. VII.

1 *Tha Iosa a cronachadh àrd inntinn agus dà-nadais a chairdean*, 10 *a dol suas o Ghalile gu féisd nam pàillium*, 14 *a teagasg anns an teampull*. 40 *Iomadh gnè bharail m'a thimchioll am measg an t-sluaigh, &c.*

**A**GUS an déigh nan nithe sin, bha Iosa ag imeachd mu'n cuairt ann an Galile: oir cha b'àill leis a bhi 'g imeachd<sup>2</sup> ann an Iudea, a chionn gu'n robh na h-Iudhaich ag iarraidh a mharbhadh.

2 Agus bha féisd nan Iudhach, *eadhon féisd nam pàillium*, am fagus.

3 Uime sin thubhairt a bhràithre ris, Imich as so agus rach<sup>3</sup> do Iudea, chum as gu faic do dheisciobuil mar an ceudna t' oibre a tha thu a' deanamh.

4 Oir cha dean neach air bith aon ni am

folach, a dh'iarrais e féin a bhi am follus:<sup>4</sup> ma ta thu a' deanamh nan nithe so, nochd thu féin do'n t-saoghal.

5 Oir cha do chreid a bhràithre féin ann.

6 An sin thubhairt Iosa riu, Cha d'thainig m' àmsa fathast; ach a ta bhuir n-àmsa ghnàth deas.

7 Cha 'n' eil e 'n comas do'n t-saoghal sibhse fhuathachadh; ach fuathaichidh e mise, do bhrìgh gu bheil mi toirt fianuis m'a thimchioll gu bheil oibre olc.

8 Rachaidhse suas chum na féisde so: cha d'théid mise suas fathast chum na féisde so, do bhrìgh nach 'eil m'am fathast air a choimhlionadh.

9 'Nuair thubhairt e na nithe so riu, dh'fhan c an Galile.

10 Ach an uair a chaidh a bhràithre suas, an sin chaidh esan suas mar an ceudna chum na féisde, cha 'n ann os àird, ach mar gu b'am os ìosal.

11 An sin dh'iarra na h-Iudhaich e air an fhéisd, agus thubhairt iad, C'àit am bheil e?

12 Agus bha borbhan<sup>5</sup> mòr am measg an t-sluaigh m'a thimchioll: oir thubhairt cuid, Is duine maith e: ach thubhairt cuid eile, Ni h-eadh; ach a ta e mealladh an t-sluaigh.

13 Gidheadh cha do labhair neach sam bith gu follaiseach uime, air eagal nan Iudhach.

14 A nis mu mheadhon na féisde, chaidh Iosa suas do'n teampull, agus theagaisg e.

15 Agus ghabh na h-Iudhaich iongantas, ag ràdh, Cionnus is aithne do'n duine so litrichean, agus nach d'fhòghluim e?

16 Fhreagair Iosa iad, agus thubhairt e, Cha leam fein mo theagasg, ach leisean a chuir uaidh mi.

17 Ma's àill le neach sam bith a thoilsan a dheanamh, bithidh fios aige mu'n teagasg, an ann o Dhia a ta e, no 'm bheil mise a labhairt uam féin.

18 An ti a labhras uaidh féin, tha e 'g iarraidh a ghloire féin: ach ge b'e dh'iarrais glòir an ti a chuir uaidh e, tha esan firinn-each, agus cha 'n' eil eucoir<sup>6</sup> air bith ann.

19 Nach d'thug Maois an lagh dhuibh, agus gidheadh cha 'n' eil aon neach agaibh a' coimhlionadh an lagha? C'ar son a ta sibh ag iarraidh mise a mharbhadh?

20 Fhreagair an sluagh agus thubhairt iad, Tha deamhan agad: cò tha 'g iarraidh do mharbhadh?

21 Fhreagair Iosa agus thubhairt e riu, Rinn mise aon obair, agus a ta iongantas oirbh uile air an aobhar sin.

22 Thug Maois dhuibh an timchioll-ghearradh (cha'n e gur ann o Mhaois a ta e, ach o na h-aithrichibh,) agus timchioll-ghearraidh sibhse duine air an t-sàbaid.

23 Ma tha duine air air an t-sàbaid a'

<sup>1</sup> an Criosd, am Mesias.

<sup>2</sup> comhnuidh a

ghabhail. <sup>3</sup> theirig.

<sup>4</sup> bhi iomraideach.

<sup>5</sup> cogarsuich.

<sup>6</sup> cealg.

gabhair timchioll-ghearraidh, chum's nach bi lagh Mhaois air a bhriseadh; am bheil fearg agaibh riumsa, a chionn gu'n d'rinn mi duine uile slàn air an t-sàbaid?

24 Na tugaibh breth a réir coslais, ach thugaibh breth cheart.

25 An sin thubhairt cuid do mhuinntir Ierusalem, Nach e so esan, a tha iad ag iarraidh a mharbhadh?

26 Agus feuch, tha e labhairt os àird, agus cha 'n'eil iad ag ràdh ni sam bith ris: am bheil dearbh fhios aig na h-uachdarain gur e so da rìreadh Crìosd?

27 Gidheadh is aithne dhuinn an duine so cia as da: ach an uair a thig Crìosd, cha 'n aithne do neach air bith cia as da.

28 An sin ghlaodh Iosa nan teampull, agus e a' teagasg, ag ràdh, Is aithne 'dhuibh araon mise, agus cia as domh: agus cha d'thainig mi uam féin, ach a ta esan fìor a chuir uaith mi, air nach 'eil eòlas agaibhse.

29 Ach a ta eòlas agams'air, oir is ann uaith a ta mi, agus chuir esan uaith mi.

30 An sin dh'tarr iad a ghlacadh: ach cha do chuir neach air bith làmh ann, a chionn nach robh uairsan fathast air teachd.

31 Agus chreid mòran do'n t-sluagh air, agus thubhairt iad, 'Nuair a thig Crìosd, an dean e ni's mò do mhòrbhuilbhi na iad sin, a rinn an duine so?

32 Chuala na Phairisich gu'n robh an sluagh a borbhanaich nan nithe so m'a thimchioll: agus chuir na Phairisich agus na h-àrd shagairt maoir g'a ghlacadh.

33 An sin thubhairt Iosa<sup>2</sup>, Fathast tamull beag tha mise maille ribh, agus an sin a ta mi dol chum an ti a chuir uaith mi.

34 Iarraidh sibh mi, agus cha'n fhaigh sibh mi: agus do'n àit am bi mi, cha'n urradh sibhse teachd.

35 An sin thubhairt na h-Iudhaich eatorra féin, C'ait an d'théid am fear so, nach faigh sinn e? an d'théid e chum na muinntir a ta air an sgapadh am measg nan Greugach, agus an teagaisg e na Greugaich?

36 Ciod i a' chainnt so a thubhairt e, Iarraidh sibh mi, agus cha'n fhaigh sibh mi: agus do'n àit am bheil mise, cha'n urradh sibhse teachd?

37 Air an là dheireannach, là mòr sin na fèisde, sheas Iosa agus ghlaodh e, ag ràdh, Ma tha tart air neach sam bith, thigeadh e m'ionnsuidh-se, agus òladh e.

38 An ti a chreideas annam-sa, mar a deir an scriobtuir, sruthaidh as a bhroinn<sup>3</sup> aimh-nichean do uisge beo.

39 (Ach labhair e so mu 'n Spiorad, a bha iadsan a chreideadh annsan gu fhaghail: oir cha robh an Spiorad<sup>4</sup> fathast air a thubhairt, do bhrìgh nach robh Iosa fathast air a ghlòrachadh.)

40 Uime sin an uair a chuala mòran do'n t-sluagh a' chiannt so, thubhairt iad, Gu fìrinneach is e so am fàidh.

41 Thubhairt cuid eile, 'S e so Crìosd. Ach thubhairt dream eile, An ann o Ghalile a thig Crìosd?

42 Nach dubhairt an scriobtuir, Gu'n d'thig Crìosd do shìol Dhaibhidh, agus a Betlehem, am baile an robh Daibhidh?

43 Air an aobhar sin dh'éirich eas-aon-achd<sup>5</sup> am measg an t-sluaigh air a shonsan.

44 Agus b'àill le cuid diubh a ghlacadh; ach cha do chuir duin' air bith làmh ann.

45 An sin thainig na maoir chum nan àrd shagart agus nam Phairiseach; agus thubhairt iadsan riu, C'ar son nach d'thug sibh libh e?

46 Fhreagair na maoir, Cha do labhair duine riamh mar an duine so.

47 An sin fhreagair na Phairisich iad, Am bheil sibhse mar an ceudna air bhuir mealladh?

48 An do chreid aon air bith do na h-uachdarain ann, no do na Phairisich?

49 Ach an sluagh so aig nach 'eil eòlas an lagha, tha iad malluichte.

50 A deir Nicodemus riu, (esan a thainig d'a ionnsuidh 'san oidhche, air dha bhi 'na aon diubh,)

51 Am bheil ar lagh-ne toirt breth air duine sam bith gus an cluinn e uaith féin an toiseach, agus gus am bi fhios aige ciod a tha e a deanamh?

52 Fhreagair iadsan agus thubhairt iad ris, Am bheil thusa mar an ceudna o Ghalile? Rannsaich, agus faic: oir a Galile cha d'éirich fàidh.<sup>6</sup>

53 Agus dh'imich gach aon d'a thigh féin.

#### CAIB. VIII.

1 *Tha Crìosd a' toirt na mnà, a ghlacadh an adhaltrannas, as saor: 12 a' searmonachadh gur e féin solus an t-saoghail, agus a' dearbhadh gu bheil a theagasg ceart; &c.*

**A**CH chaidh Iosa chum sléibh nan crann-ola:

2 Agus gu moch air mhaduinn thainig e ris do'n teampull, agus thainig an sluagh uile d'a ionnsuidh: agus air suidhe dha, theagaisg e iad.

3 Agus thug na scriobhuichean agus na Phairisich bean d'a ionnsuidh a ghlacadh an adhaltrannas; agus air dhoibh a cur anns a' mheadhon,

4 A deir iad ris, A inhaighstir, ghlacadh a' bhean so anns a' ghnìomh féin, a deanamh adhaltrannais.

5 A nis dh'àithn Maois dhuinn 'san lagh, an leithide so a chlachadh: ciod ma seadh a deir thusa?

6 Thubhairt iad so 'ga dhearbhadh,<sup>7</sup> chum gu'm biodh aca cùis-chasaid 'na agh-

nach éirich fàidh a Galile. 7 'ga fheuchainn, 'ga bhuairleadh.

<sup>1</sup> An aithne?

<sup>2</sup> thubhairt Iosa riu.

<sup>3</sup> a chom, a chliabh.

<sup>4</sup> Spiorad naomh.

<sup>5</sup> roinn, connsachadh. <sup>6</sup> Rannsaich agus faic



aídh. Ach chrom Iosa sìos, agus scriobh e le mheur air an làr, mar nach biodh e 'gan cluinntinn.

7 Mar sin air dhoibh buanachadh a' feòraich dheth, thog se e fèin suas agus thubhairt e riu, An neach a ta gun pheacadh agaibh-se, tilgeadh e cheud chlach oirre.

8 Agus chrom e sìos a rìs, agus scriobh e air an làr.

9 Agus an uair a chual iadsan so, (air dhoibh bhi air an agairt le'n coguis' fèin) chaidh iad a mach an déigh a chéile, a' tòiseachadh aig an dream bu shine, gus an dream nu dheireadh: agus dh'fhàgadh 'na aonar Iosa, agus a' bhean 'a seasamh sa' mheadhon.

10 Agus air éirigh suas do Iosa, nuair nach fac e aon air bith ach a' bhean, thubhairt e rithe. A bhean, c'ait am bheil iad sud do uchd-casaid? an do dhìt duin' air bith thu?

11 Thubhairt ise, Cha do dhìt aon duine, a Thighearn. Agus thubhairt Iosa rithe, Cha mhò a tha mise ga d' dhiteadh: imich romhad, agus na peacuich ni's mòd.

12 An sin labhair Iosa riu a rìs, ag ràdh, Is mise solus an t-saoghail: an ti a leanas mise, cha siubhail e an dorchadas, ach bithidh solus na beatha aige.

13 Uime sin thubhairt na Phairisich ris, Tha thu tòirt fianuis a d' thimchioll fèin; cha 'n'eil t-fhianuis fìor.

14 Fhreagair Iosa, agus thubhairt e riu, Ge do tha mi toirt fianuis a m' thimchioll fèin, gidheadh a tà m' fhianuis fìor: oir a ta fhios agam cia as a thainig mi, agus c'ait am bheil mi dol; ach cha 'n'eil fhios agaibh-se cia as a thainig mi, no c'ait am bheil mi dol.

15 Tha sibhs' a' toirt breth a réir na feòla, cha 'n'eil mise a' toirt breth air aon duine.

16 Agus ma bheir mise breth, tha mo bhreth fìrinneach: oir cha 'n'eil mi m'aonar, ach mise agus an t-Athair a chuir uaith mi.

17 Agus a ta e scriobhta ann bhur lagh fèin, gu bheil fianuis dithis dhaoine fìor.

18 Is aon mise a ta deanamh fianuis a m' thimchioll fèin, agus a ta 'n t-Athair a chuir uaith mi, a' deanamh fianuis a m' thimchioll.

19 An sin thubhairt iad ris, C'ait am bheil t-Athair? Fhreagair Iosa, Cha 'n aithne dhuibhs' aon chuid mise no m' Athair: nam biodh eòlas agaibh orm-sa, bhiodh eòlas agaibh air m' Athair mar an ceudna.

20 Labhair Iosa na briathra so an tigh-coimhead an ionmhais, ag teagasg dha 'san teampull: agus cha do chuir duin' air bith làn ann, oir cha robh uair fathast air teachd.

21 An sin thubhairt Iosa riu a rìs, Tha

mise a' falbh, agus iarraidh sibh mi, agus bàsaichidh sibh ann bhur peacadh: cha 'n urradh sibhse teachd do'n àit am bheil mise a' dol.

22 An sin thubhairt na h-Iudhaich, Am marbh se e fèin? do bhrìgh gu bheil e 'g ràdh, Far am bheil mis' a' dol, cha 'n urradh sibhse teachd.

23 Agus thubhairt e riu, Tha sibhse o shìos, tha mise o shuas: tha sibhse do'n t-saoghal so, cha 'n'eil mise do'n t-saoghal so.

24 Uime sin thubhairt mi ribh, Gu'm bàsaich sibh a n blur peacaibh: oir mur creid sibh gur mise e, gheibh sibh bàs ann bhur peacaibh.

25 An sin thubhairt iad ris, Cò thusa? Agus thubhairt Iosa riu, An neach sin fèin a thubhairt mi ribh o thùs.

26 Tha mòran agam ri ràdh, agus r'a bhreithneachadh m' a' thimchioll-sa: ach a ta 'n ti a chuir uaith mi fìrinneach; agus a ta mise a' labhairt ris an t-saoghal nan nithe a chuala mi uathsan.

27 Cha do thuig iad gu'm b'ann mu thimchioll an Athar a labhair e riu.

28 An sin thubhairt Iosa riu, 'Nuair a thogas sibh suas Mac an duine, an sin bithidh fios agaibh gur mise e<sup>2</sup>, agus nach 'eil mi deanamh ni sam bith uam fèin; ach mar a theagaisg m' Athair mi, gu bheil mi labhairt nan nithe so.

29 Agus tha 'n ti a chuir uaith mi maille rium: cha d'fhàg an t-Athair a'm' aonar mi, do bhrìgh gu bheil mi deanamh a ghnàth nan nithe sin, a's taitneach leis.

30 An uair a bha e labhairt nan nithe so, chreid mòran ann.

31 An sin thubhairt Iosa ris na h-Iudhaich, a chreid ann, Ma bhunaicheas sibh ann am fhocal-sa, bithidh sibh da rìreadh 'nar deisciobuil agam;

32 Agus bithidh eòlas agaibh air an fhìrinn, agus ni 'n fhìrinn saor sibh.

33 Fhreagair iad e, Is sinne sliochd Abraham, agus cha robh sinn riamh fuidh dhaorsa aig duine sam bith: cionnus a deir thusa, Bithidh sibh saor?

34 Fhreagair Iosa iad, Gu deimhin a deirim ribh, ge b'e ni peacadh, is seirbhis-each do'n pheacadh e.

35 Agus cha'n fhan an seirbhiseach san tigh gu bràth: ach fanaidh am mac gu bràth.

36 Uime sin ma ni am Mac saor sibh, bithidh sibh saor da rìreadh.

37 Tha fhios agam gur sibh sliochd Abraham; ach a ta sibh ag iarraidh mis' a mharbhadh, do bhrìgh nach 'eil àit aig m' fhocal annaibh.

38 Tha mise a' labhairt an ni sin a chunnaic mi aig m' Athair: agus tha sibhse a' deanamh an ni, a chunnaic sibh aig bhur n-athair fèin.

39 Fhreagair iadsan agus thubhairt iad

<sup>1</sup> coimh-fhios, coinsiens.

<sup>2</sup> bithidh fios agaibh cò mise.

ris, 'Se Abraham ar n-athair-ne. A deir Iosa riu, Nam bu chlann do Abraham sibh, dheanadh sibh oibre Abraham.

40 Ach a nis tha sibh ag iarraidh mise a mharbhadh, duine a dh'innis duibh an fhirinn, a chuala mi o Dhia: cha d'rinn Abraham so.

41 Tha sibhse a' deanamh oibre bhur n-athar féin. An sin thubhairt iad ris, Cha d'rugadh an striopachas sinne; tha aon Athair againn, eadhon Dia.

42 An sin thubhairt Iosa riu, Nam b'e Dia bhur n-Athair ghràdhaicheadh sibh mise: oir chaidh mise mach, agus thainig mi o Dhia; agus cha d'thainig mi uam féin ach chuir esan uaith mi.

43 C'ar son nach 'eil sibh a' tuigsinn mo chòmhradh? do bhrìgh nach urradh sibh éisdeachd ri m' fhocal.

44 Tha sibhse o bhur n-athair an diabhol, agus is iad anamhianna bhur n-athar is toil libh a dheanamh: bha esan 'na mhort-air<sup>1</sup> o thùs, agus cha d'fhan e san fhirinn, a chionn nach 'eil fìrinn ann. 'Nuair a labhras e breug, is ann uaith féin a ta e labhairt: oir is breugoire e, agus is e athair na bréige.

45 Agus do-bhrìgh gu bheil mise 'g inn-seadh na fìrinn, cha 'n'eil sibh ga m' chreidsinn.

46 Cò agaibhse chuireas peacadh as mo lethse? agus ma ta mi 'g innseadh na fìrinn, c'ar son nach 'eil sibh ga m' chreidsinn?

47 An ti a ta o Dhia, éisdidh e ri briath-raibh Dhé: uime sin cha 'n'eil sibhse 'g éisdeachd, a chionn nach ann o Dhia a ta sibh.

48 An sin fhreagair na h-Iudhaich, agus thubhairt iad ris, Nach maith a deir sinn gur Samaritanach thu, agus gu bheil deamhan agad?

49 Fhreagair Iosa, Cha 'n'eil deamhan agam; ach a ta mi toirt urraim do m'Athair, agus a ta sibhse toirt eas-urraim dhomh-sa.

50 Agus cha 'n'eil mi 'g iarraidh mo ghloire féin: tha neach a ta 'g iarraidh agus a toirt breth.

51 Gu deimhin deimhin a deirim ribh, Ma choimhideas neach m' fhocal-sa, cha'n fhaic e bàs am feasd.

52 An sin thubhairt na h-Iudhaich ris, A nis tha fhios againn gu bheil deamhan agad. Fhuair Abraham bàs, agus na fàidhean; gidheadh a deir thusa, Ma choimhideas duine m'fhocal-sa, cha bhlais e bàs am feasd.

53 Am mò thusa na ar n-athair Abraham, a fhuair bàs? agus fhuair na fàidhean bàs: cò a tha thu deanamh dhìot féin?

54 Fhreagair Iosa, Ma ta mi toirt glòire dhomh féin, cha 'n'eil ach neo-ni a'm'

ghlòir: 's e m'Athair a ta toirt glòire dhomh, neach a deir sibhse gur e bhur Dia e:

55 Gidheadh cha do ghabh sibh eòlas air; ach a ta eòlas agams' air: agus nan abrainn, Nach aithne dhomh e, bhithinn cosmhuil ribhse a'm' bhreugoire: ach is aithne dhomh e, agus a ta mi coimhead<sup>2</sup> fhocail.

56 Bha déidh<sup>3</sup> mhòr aig Abraham bhur n-athair-se air mo là-sa fhaicinn: agus chunnaic se e, agus rinn e gairdeachas.

57 An sin thubhairt na h-Iudhaich ris, Cha 'n'eil thu fathast leth-cheud bliadhna dh'aois, agus am faca' tu Abraham?

58 Thubhairt Iosa riu, Gu deimhin deimhin a deirim ribh, Mun robh Abraham ann, ATAIMSE.

59 An sin thog iadsan clachan chum an tilgeadh air: ach dh'fholaich Iosa e féin, agus chaidh e mach as an teampull, a' dol tre am meadhon; agus mar sin chaidh e seachad.

## CAIB. IX.

1 Tha a radharc air aiscag do'n duine a rugadh dall: 13 Tha e air a thoirt chum nam Phairiseach: 15 Tha iad a' gabhail corraich ris, agus 'ga thilgeadh mach as an t-sionagag; 35 ach a ta Crìosd a' gabhail ris, &c.

**A**GUS ag gabhail seachad do Iosa, chunnaic e duine a bha dall o rugadh e.

2 Agus dh'fheòraich a dheisciobuil deth, ag ràdh, A mhaighstir, cò a pheacaich, an duine so, no a phàrantan, gu'n d'rugadh dall e?

3 Fhreagair Iosa, Cha do pheacaich aon chuid an duine so, no a phàrantan: ach a chum gu'm foillsichte oibre Dhé ann.

4 Is éigin domh-sa oibre an ti a chuir uaith mi a dheanamh, am feadh is là e: tha 'n oidhche a teachd, 'nuair nach urrainn aon duine obair a dheanamh.

5 Am feadh a ta mise san t-saoghal, is mi solus an t-saoghail.

6 'Nuair a thubhairt e na nithe so, chuir e sìle air an talamh, agus riun e criadh<sup>4</sup> do'n t-sìle, agus sgaol e a' chriadh air sùilb an doill,

7 Agus thubhairt e ris, Imich, ionnlaid ann an lochan Shiloaim, ('se sin ar eadar-theangachadh, Air a chur.) Uime sin dh'imich e, agus dh'ionnlaid e, agus thainig e a' faicinn.

8 Uime sin thubhairt na coimhearsnaich, agus iadsan a chunnaic dall e roimhe sin, Nach e so esan a bha 'na shuidhe 'g iarraidh na déirce?

9 Thubhairt cuid, Is e so e; cuid eile, Tha e cosmhuil ris: thubhairt e féin, Is mise e.

10 Air an aobhar sin thubhairt iad ris, Cionnus a dh'fhosgladh do shùilean?

<sup>1</sup> 'na fhear-millidh dhaoine.<sup>2</sup> glòidheadh.<sup>3</sup> togradh, gairdeachas.<sup>4</sup> crìosadh.



11 Fhreagair esan agus thubhairt e, Rinn duine d'an ainm Iosa criadh, agus sgaoil e air mo shùilbh i, agus thubhairt e rium, Imich gu lochan Shiloaim, agus ionnlaid : agus dh'imich mi agus dh'ionnlaid mi, agus fhuair mi mo radharc.

12 An sin thubhairt iad ris, C'ait am bheil e? Thubhairt esan, Cha'n aithne dhomh.

13 Thug iad chum nam Phairiseach esan, a bha roimhe dall.

14 Agus b'i an t-sàbaid a bha ann, an uair a rinn Iosa a' chriadh, agus a dh'fhosgail e shùilean.

15 An sin a ris dh'fheòraich na Phairisich dheth mar an ceudna cionnus a fhuair e a radharc. Agus thubhairt esan riu, Chuir e criadh air mo shùilbh, agus dh'ionnlaid mi, agus tha mi a' faicinn.

16 Uime sin thubhairt cuid do na Phairisich, Cha 'nèil an duine so o Dhia, do bhrìgh nach 'eil e gleidheadh na sàbaid. Thubhairt cuid eile, Cionnus a dh'fheudas duine, a ta 'na pheacach, an leithide so do mhìorbhuilbh a dheanamh? Agus bha eas-aonachd 'nam measg.

17 A deir iad a ris ris an duine dhall, Ciod a deir tu uime, thaobh gu'n dh'fhosgail e do shùilean? Agus thubhairt esan, Is fàidh e.

18 Ach cha do chreid na h-Iudhaich m'a thimchioll, gu'n robh e dall, agus gu'n d'fhuair e a radharc, gus an do ghairm iad pàrantan an ti, a fhuair a radharc.

19 Agus dh'fheòraich iad dhiubh, ag ràdh, An e so bhur mac-sa, a deir sibh a rugadh dall? cionnus ma seadh a ta e nis a' faicinn?

20 Fhreagair a phàrantan iad agus thubhairt iad, Tha fhios againn gur e so ar mac, agus gu'n do rugadh dall e :

21 Ach cionnus a ta e nis a' faicinn, cha 'nèil fhios againn; no cò a dh'fhosgail a shùilean, cha'n aithne dhuinn : tha e fèin air teachd gu aois, feòraichibh dheth, labhraidh e air a shon fèin.

22 Thubhairt a phàrantan na briathra so, a chionn gu robh eagal nan Iudhach orra : oir shuidhich na h-Iudhaich a cheana eatorra fèin, Nan aidicheadh duine sam bith gu'm b'esan Criosd, gu'n rachadh a chur as an t-sionagag.

23 Air an aobhar sin thubhairt a phàrantan, Tha e air teachd gu aois, feòraichibh dheth fèin.

24 Air an aobhar sin ghairm iad an dara uair an duine a bha dall, agus thubhairt iad ris, Thoir glòir do Dhia : tha fhios againne gur peacach an duine so.

25 An sin fhreagair esan agus thubhairt e, Am peacach e ni h-aithne dhomh : air aon ni tha fhios agam, air dhomh bhi dall, gu bheil mi nis a' faicinn.

26 Ach thubhairt iad ris a ris, Ciod a rinn e dhuit? cionnus a dh'fhosgail e do shùilean?

27 Fhreagair e iad, Dh'innis mi dhuibh a cheana, agus cha d'èisd sibh; c'ar son a a b'ail libh a chluinntinn a ris? a bheil a' mhiann oirbhe bhi 'nar deisciobuil aige mar an ceudna?

28 An sin chàin iad e, agus thubhairt iad, Is tusa a dheisciobul; ach is sinne deisciobuil Mhaois.

29 Tha fhios againn gu'n do labhair Dia ri Maois : ach mu thimchioll an fhir so, cha 'nèil fhios againn cia as da.

30 Fhreagair an duine agus thubhairt e riu, An so tha ni iongantach, nach 'eil fhios agaibh cia as da, agus gu'n d'fhosgail e mo shùilean;

31 Ach a ta fhios againn nach èisd Dia ri peacachaibh : ach ma ta neach air bith 'na fhear-aoraidh do Dhia, agus a' deanamh a thoile, ris-san eisidh e.

32 O thoiseach an t-saoghail cha chualas gu'n d'fhosgail aon neach suilean duine, a rugadh dall.

33 Mur biodh an duine so o Dhia, cha b'urrainn e ni sam bith a dheanamh.

34 Fhreagair iadsan agus thubhairt iad ris, Rugadh thusa uile ann am peacabha, agus am bheil thu 'gar teagasg-ne? agus thilg iad a mach e.

35 Chual Iosa gu'n do thilg iad a mach e; agus air dha fhaotainn, thubhairt e ris, Am bheil thu creidsinn ann am Mac Dhé?

36 Fhreagair esan agus thubhairt e, Cò e, a Thighearn, chum gu'n creid mi ann?

37 Agus thubhairt Iosa ris, Chunnaic thu araon e, agus an ti a ta labhairt riut, is esan e.

38 Agus thubhairt esan, Tha mi creidsinn, a Thighearn. Agus rinn e aoradh dha.

39 Agus thubhairt Iosa, Is ann chum breitheanais a thainig mise chum an t-saoghail so, chum iadsan nach 'eil a' faicinn, gu'm faicheadh iad; agus gu'm biodh iadsan a ta faicinn, air an deanamh dall.

40 Agus chuala cuid do na Phairisich, a bha maille ris, na nithe so, agus thubhairt iad ris, Am bheil sinne dall mar an ceudna?

41 Thubhairt Iosa riu, Nam bitheadh sibh dall, cha bhiodh peacadh agaibh : ach a nis a deir sibh, Is léir dhuinn; uime sin tha bhur peacadh a' fantuinn.

#### C A I B X.

1 'S e Criosd an dorus agus an deadh bhuachaille. 19 Iomadh gnè bharaile m'a thimchioll. 24 Tha e dearbhadh le oibribh gur e fèin Criosd Mac Dhé, 39 a' dol as o na h-Iudhachaibh. 40 agus a' dol do'n taobh thall do Iordan, far an do chreid mòran ann.

G U deimhin deimhin a deirim ribh, An ti nach d'théid a stigh tre'n dorus do chrò nan caorach, ach a théid suas air

sheòl eile, is gaduiche agus fear-reubainn esan.

2 Ach an ti a théid a steach air an dorus, is esan buachaille nan caorach.

3 Dha-san fosglaidh an dorsair; agus éisdidh na caoraich r'a ghuth: agus gairmidh e a chaoraich féin air an ainm, agus treòraichidh e mach iad.

4 Agus an uair a chuireas e mach a chaoraich féin, imichidh e rompa, agus leanaidh na caoraich e: oir is aithne dhoibh a ghuth.

5 Agus cha lean iad coigreach, ach teichidh iad uaidh, do bhrìgh nach aithne dhoibh guth choigreach.

6 An cosamhlachd so labhair Iosa riu: ach cha do thuig iadsan ciod iad na nithean a labhair e riu.

7 An sin thubhairt Iosa riu a ris, Gu deimhin deimhin a deirim ribh, gur mise dorus nan caorach.

8 Iadsan uile a thainig romham-sa, is gaduichean agus luchd-reubainn iad: ach cha d'éisd na caoraich riu.

9 Is mise an dorus: ma théid neach air bith steach triom-sa, tearnar e, agus théid e steach agus a mach, agus gheibh e ional-tradh.

10 Cha d'thig an gaduiche ach a ghoid, agus a mharbhadh, agus a mhilleadh: thainig mise chum's gu'm biodh beatha aca, agus gu'm biodh i aca nì's pailte.

11 Is mise am buachaille maith: leigidh' am buachaille<sup>2</sup> maith anam sìos air son nan caorach.

12 Ach am fear-tuasdail, agus an ti nach e am buachaille, agus nach leis féin na caoraich, chì e am madadh-alluidh a teachd, agus fàgaidh e na caoraich, agus teichidh e: agus glacadh am madadh-alluidh iad, agus sgapaidh e na caoraich.

13 Ach teichidh am fear-tuasdail, a chionn gur fear-tuasdail e, agus nach 'eil suim aige do na caoraich.

14 Is mise am buachaille maith, agus is aithne dhomh mo *chuoraich* féin, agus aithnehear le m' *chuoraich* féin mi.

15 Mar is aithne do'n Athair mise, agus is aithne dhomhsa an t-Athair: agus a ta mi leigeadh m'anama sìos air son nan caorach.

16 Agus a ta caoraich eile agam, nach 'eil do'n chrò so: is éigin domh iad sin mar an ceudna thoirt a *stigh*, agus éisdidh iad ri m' ghuth; agus bithidh aon treud ann, agus aon bhuachaille.

17 Air an aobhar so is ionmhuinn<sup>3</sup> leis an Athair mise, air son gu'n leig mi sìos m'anam, chum's gu'n glac mi e ris.

18 Cha 'n'eil neach air bith 'ga thoirt nam, ach a ta mi 'ga leigeadh sìos uam féin: tha cumhachd agam a leigeadh sìos,

agus tha cumhachd agam a ghlacadh a ris. An àithne so fhuair mi o m' Athair.

19 Air an aobhar sin dh'éirich eas-aonachd a ris am measg nan Iudhach air son nam briathara so.

20 Agus thubhairt mòran diubh, Tha deamhan aige, agus tha e air boile;<sup>4</sup> c'ar son a tha sibh ag éisdeachd ris?

21 Thubhairt cuid eile, Cha'n iad so briathra duine 's am bheil deamhan; am bheil deamhan comasach air sùile nan dall fhosgladh?

22 Agus bha féisd-chuimhne an ath-choisreagaidh<sup>5</sup> ann an Ierusalem, agus b'e 'n geamhradh a bha ann.

23 Agus bha Iosa a sràid-imeachd san teanpull ann an sgàth-thigh<sup>6</sup> Sholaimh.

24 An sin chrùinnich na h-Iudhaich mu thimchioll, agus thubhairt iad ris, Cia fhad a chumas tu ar n-anama an amharus? ma's tu Criosd, innis dhuinn gu follaiseach.

25 Fhreagair Iosa iad, Dh'innis mi dhuibh, agus cha do chreid sibh: na h-oibre a ta mi deanamh an ainm m'Athar, tha iad sin a' toirt fianuis mu m' thimchioll.

26 Ach cha 'n'eil sibhse a' creidsinn; oir cha'n ann do m' chaoraich sibh, mar thubhairt mi ribh.

27 Tha mo chaoraich-se ag éisdeachd ri m' ghuth, agus is aithne dhomh iad, agus leanaidh iad mi:

28 Agus bheiream a' bheatha mhaireanach dhoibh, agus cha sgriosar<sup>7</sup> iad am feasd, ni mò a spionas neach air bith as mo làimh iad.

29 M' Athair a thug dhomhsa iad, is mò e na na h-uile: agus cha'n urradh neach air bith an spionadh a làimh m'Athar.

30 Mise agus an t-Athair, is aon sinn.

31 Uime sin thog na h-Iudhaich clachan a ris chum a chlachadh.

32 Fhreagair Iosa iad, Nochd mi dhuibh mòran a dh'oibribh maithe o m'Athair; cia do na h-oibribh sin air son am bheil sibh ga m' chlachadh?

33 Fhreagair na h-Iudhaich e, ag ràdh, Air son oibre maith cha 'n'eil sinn ga d' chlachadh; ach air son toibheim, agus air son, air bhì dhuit-se a'd' dhuine, gu bheil thu deanamh Dé dhìot féin.

34 Fhreagair Iosa iad, Nach 'eil e scriobhta ann bhur lagh-sa, Thubhairt mi, Is dée sibh?

35 Ma thubhairt e dée riu-san, dh'ionnsuidh an robh focal Dé, agus nach feudar an scriobtuir a bhriseadh<sup>8</sup>;

36 An abair sibh risean, a naomhaich an t-Athair, agus a chuir e chum an t-saoghail, Tha thu a' labhairt toibheim; air son gu'n dubhairt mi, Is mi Mac Dhé?

37 Mur dean mi oibre m'Athar, na creidibh mi.

<sup>1</sup> cuiridh.

<sup>4</sup> mhi-cheill.

<sup>2</sup> an t-aodhaire.

<sup>3</sup> toigh.

<sup>5</sup> féill an ath-nuaghachaidh.

<sup>6</sup> àileir.

<sup>7</sup> chaillear.

<sup>8</sup> sgaoileadh.



38 Ach ma nì, ge nach creid sibh mise, creidibh na h-oibre, chum gu'm bi fios agaibh agus gu'n creid sibh gu bheil an t-Athair annam-sa, agus mise ann-san.

39 Uime sin dh'iarr iad a rìs a ghleadh: ach chaidh e as an làimh.

40 Agus chaidh e ris do'n taobh thall do Iordan, do'n ionad anns an robh Eoin air tùs ri baisteadh: agus rinn e còmhnuidh an sin.

41 Agus thainig mòran d'a ionnsuidh, agus thubhairt iad, Cha do rinn Eoin aon mhòrbhuil: ach bha na h-uile nithe thubhairt Eoin mu'n duine so fìor.

42 Agus chreid mòran 'san àit sin air.

### C A I B. XI.

1 *Tha Crìosd a togail suas Lasarus an dèigh dha bhi ceithir làithean 'san uaigh.* 45 *Tha mòran do na h-Iudhaich a' creidsinn.* 47 *Tha na h-àrd shagairt agus na Phairisich a cumail comhairle 'n aghaidh Crìosd.* 49 *Tha Caiaphas a deanamh fàidheadair-eachd, &c.*

**A** NIS bha duine àraidh gu tinn, d'am b'ainm Lasarus o Bhetani, baile Mhuire agus Mharta a peathar.

2 (B'i Mhuire sin a dh'ùng an Tighearn le ola luachmhoir, agus a thiormuich a choèla le a folt, aig an robh a bràthair Lasarus gu tinn.)

3 Uime sin chuir a pheathraiche fios d'a ionnsuidh, ag ràdh, A Thighearn, fuch, tha 'n ti a's ionnmhuinn leat tinn.

4 'Nuair a chual Iosa so, thubhairt e, Cha 'n'cil an tinncas so chum bàis, ach a chum glòire Dhé, chum gu'm bi Mac Dhé air a ghlorachadh d'a thaobh.

5 A nis b'ionnmhuil le Iosa Marta, agus a piuthar, agus Lasarus.

6 Uime sin an uair a chual e gu'n robh esan tinn, dh'fhan e fathast dà latha anns an ionad an robh e.

7 'Na dhéigh sin thubhairt e r'a dheisciobluibh, Rachamaid a ris do Iudea.

8 Thubhairt a dheisciobuil ris, A Mhaighstir, a nis dh'iarr na h-Iudhaich do chlachadh; agus am bheil thu dol a ris an sin?

9 Fhreagair Iosa, Nach 'eil dà uair dheug san là? Ma dh'imichas duine anns an là? cha tuislich e, oir tha e faicinn soluis an t-saoghail so.

10 Ach ma dh'imicheas duine anns an oidhche, tuislichidh e, do bhrìgh nach 'eil an solus ann.

11 Na nithe so thubhairt e: agus 'na dhéigh sin a deir c riu, Tha ar caraid Lasarus na chodal; ach a ta mise a dol chum's gu'n dèis mi as a chodal e.

12 An sin thubhairt a dheisciobuil, A Thighearn, ma tha e 'na chodal, bithidh e slàn.

13 Gidheadh labhair Iosa m'a bhàs: ach shaoil iadsan gu'n do labhair e mu thimchioll fois codail.

14 An sin thubhairt Iosa riu gu soilleir, Fhuair Lasarus bàs:

15 Agus a ta mi subhach air bhur sonsa nach robh mi an sin, (chum's gu'n creid sibh;) ach rachamaid d'a ionnsuidh.

16 An sin thubhairt Tomas, d'an goirear Didimus, r'a choimh-dheisciobluibh, Rachamaid-ne mar an ceudna, chum's gu'm faigh sinn bàs maille ris.

17 Au sin an uair a thainig Iosa, fhuair se e an dèigh dha bhi chana ceithir làithean 'san uaigh.

18 (A nis bha Betani fagus do Hierusalem, mu thimchioll cùig stàide deug uaith.)

19 Agus thainig mòran do na h-Iudhaich chum Mharta agus Mhuire, gu comh-fhurtachd a thoirt doibh a thaobh am bràthar.

20 An sin an uair a chual Marta gu'n robh Iosa a' teachd, chaidh i 'na chòdhail: ach shuidh Muire san tigh.

21 An sin thubhairt Marta ri h-Iosa, A Thighearn, nam biodh tusa an so, cha 'n fhaigheadh mo bhràthair bàs.

22 Ach a ta fhios agam a nis féin, ge b'e air bith nithe a dh'iarras tu air Dia, gu'n d'thoir Dia dhuit iad.

23 Thubhairt Iosa rithe, Eiridh do bhràthair a ris.

24 Thubhairt Marta ris, Tha fhios agam gu'n éirich e ris 'san aiseirigh air an là dheireannach.

25 Thubhairt Iosa rithe, Is mise an aiseirigh, agus a' bheatha: an ti a chreideas annam-sa, ge do gheibheadh e bàs, bithidh e beo;

26 Agus ge b'e neach a ta beo, agus a' creidsinn annam-sa, cha'n fhaigh e bàs am feasd. Am bheil thu creidsinn so?

27 Thubhairt i ris, Thà, a Thighearn: creidcam gur tusa Crìosd, Mac Dhé, a bha gu teachd chum an t-saoghail.

28 Agus air dh'i na nithe so ràdh, dh'fhalbh i, agus ghairm i a piuthar Muire os ìosal, ag ràdh, Thainig am Maighstir, agus tha e ga d' ghairm.

29 'Nuair a chual ise sin, dh'éirich i gu grad, agus thainig i d'a ionnsuidh.

30 A nis cha robh Iosa fathast air teachd do'n bhaile, ach bha e anns ann àit, an do choinnich Marta e.

31 An sin na h-Iudhaich a bha maille rithe san tigh, agus a toirt comh-fhurtachd dh'i, 'nuair a chunnaic iad Muire gu'n d'éirich i gu grad, agus gu'n deachaidh i mach, lean iad i, ag ràdh, Tha i dol chum na h-uaighe, a chaoineadh an sin.

32 An sin an uair a thainig Muire do'n àit an robh Iosa, agus a chunnaic i e, thuit i aig a chosaibh, ag ràdh ris, A Thighearn' nam biodh tusa an so, cha 'n fhaigheadh mo bhràthair bàs.

33 Uime sin an uair a chunnaic Iosa i a gul, agus na h-Iudhaich a thainig maille rithe a' gul mar an ceudna, rinn e osna

'na spiorad, agus chuir se e fèin fuidh àmhghar.<sup>1</sup>

34 Agus thubhairt e, C'ait an do chuir sibh e? Thubhairt iad ris, A Thighearn, thig agus faic.

35 Ghuil Iosa.

36 An sin thubhairt na h-Iudhaich, Feuch cionnus a ghràdhaich se e?

37 Agus thubhairt cuid diubh, Nach feudadh an duine so, a dh'fhosgail sùilean an doill, a thoirt faineir nach faigheadh eadhon am fear so bàs?

38 Uime sin thainig Iosa ag osnaich a ris ann fèin, chum na h-uaghe, Agus b'uaimh<sup>2</sup> i, agus bha clach air a cur oirre.

39 Thubhairt Iosa, Togaibh a' chlach. Thubhairt Marta, piuthar an duine mhairbh, ris, A Thighearn, tha nis dròch bholadh dheth; oir is e so an ceathramh latha<sup>3</sup>.

40 A deir Iosa rithe, Nach dubhairt mi riut, Ma chreideas tu, gu'm faic thu glòir Dhè?

41 An sin thog iad a' chlach o'n àit anns an robh an duine marbh air a chur. Agus thog Iosa suas a shùilean, agus thubhairt e, Athair, tha mi toirt buidheachais duit gu'n d'èisd thu rium.

42 Agus bha fhios agam gu bheil thu 'g èisdeachd rium a ghnàth: ach thubhairt mi e air son an t-sluaigh a tha 'nan seasamh a m' thimchioll, chum gu'n creid iad gu'n do chuir thusa uait mi.

43 Agus an uair a labhair e na nithe so, ghlaodh e le guth mòr, A Lasarus, thig a mach.

44 Agus thainig esan a bha marbh a mach, agus a chosan agus a làmhnan ceangailte leis an eudach-mhairbh: agus bha aghaidh ceangailte m'an cuairt le neapaicin. A deir Iosa riu, Fuasglaibh e, agus leigibh leis imeachd.

45 An sin chreid mòran do na h-Iudhach-aibh ann, a thainig chum Mhuire, agus a chunnaic na nithe a rinn Iosa.

46 Ach dh'fhalbh cuid diubh chum nam Phairiseach, agus dh'innis iad dhoibh na nithe a rinn Iosa.

47 An sin chruinnich na h-àrd shagairt agus na Phairisich comhairle, agus thubhairt iad, Ciod a tha sinn a' deanamh? oir a ta 'n duine so deanamh mòrain mhiorbhuile.

48 Ma leigeas sinn leis air an dòigh so, creididh na h-uile dhaoine ann; agus thig na Romhanaich<sup>4</sup>, agus sgriosaidh iad<sup>5</sup> ar n-àit, agus ar cinneach.

49 An sin thubhairt fear àraidh dhiubh d' am b'ainm Caiaphas, air dha bhi 'na àrd shagart air a' bhliadhna sin, riu, Cha'n aithne dhuibh nì sam bith,

50 Nì mò tha sibh a' toirt faineir gur iomchuidh dhuinne gu'm faigheadh aon

duine bàs air son an t-sluaigh, agus nach biodh an cinneach uile air a sgrios.

51 Ach cha b'ann uaith fèin a labhair e so: ach air dha bhi 'na àrd shagart air a' bhliadhna sin, rinn e fàidheadaireachd gu'm faigheadh Iosa bàs air son a' chinnich sin:

52 Agus nì h-ann air son a' chinnich sin a mhàin, ach a chum mar an ceudna gu'n cruinnicheadh e, an ceann a chèile 'nan aon clann Dhè a bha air an sgapadh.

53 Uime sin o'n là sin a mach, chuir iad an comhairle r'a chèile chum esan a chur gu bàs.

54 Air an aobhar sin cha d'imich Iosa nì's mò os àird am measg nan Iudhach; ach chaidh e as sin do dhùthaich làimh ris an fhàsach, gu baile d'an goirear Ephraim, agus an sin ghabh e còmhnuidh maille r'a dheisciobluibh.

55 Agus bha càisg nan Iudhach am fagus: agus chaidh mòran suas as an dùthaich do Hierusalem roimh 'n chàisg, chum iad fèin a ghlanadh.

56 An sin dh'iarr iad Iosa, agus labhair iad r'a chèile 'nan seasamh 'san teampull, Ciod bhur barailse? an e nach d'thig e chum na fèisde?

57 A nis bha araon na h-àrd shagairt agus na Phairisich air toirt àithne, nam biodh fhios aig neach air bith c'ait an robh e, gu'n innseadh se e, chum's gu'n glacadh iad e.

## CAIB. XII.

1 Tha Iosa a' gabhail leith-sgeil Mhuire air son gu'n d'ùng i a chosan. 9 Tha 'n sluagh a' teachd 'nam buidhnibh a dh'fhaicinn Lasarus. 10 Tha na h-àrd shagairt a' gabhail comhairle Lasarus a mharbhadh. 12 Tha Crìosd a' marcachd gu Hierusalem. 23 Tha e a' roimh-innseadh a bhàis, &c.

**A**n sin thainig Iosa, sèa làithean roimh an chàisg, gu Betani, far an robh Lasarus a bha mharbh, neach a thog esan o na marbhaibh.

2 Uime sin rinn iad suipeir dha an sin, agus bha Marta a' frithealadh: ach bha Lasarus 'na aon diubhsan a shuidh air bord maille ris.

3 An sin ghabh Muire pund do ola spicnaird ro luachmhoir, agus dh'ùng i cosan Iosa, agus thiomuich i a chosan le a folt: agus lìonadh an tigh le fàile<sup>6</sup> cùbhruidh na h-ola.

4 An sin a deir aon d'a dheisciobluibh, Iudas Iscariot, mac Shimoin, a bha gu esan a bhrath,

5 C'ar son nach do reiceadh an ola so air son tri cheud peghinn, agus nach d'thugadh do na bochdaibh e?

6 Thubhairt e so, cha b'ann a chionn gu'n robh suim aige do na bochdaibh; ach a chionn gu'm bu ghaduiche e, agus gu'n

<sup>1</sup> thrioblaid. <sup>2</sup> chuas. <sup>3</sup> tha e ceithir làithean san uagh. <sup>4</sup> Romanaich.

<sup>5</sup> dithichidh iad, bheir iad air falbh. <sup>6</sup> boltrach.



robh an sporan aige, agus gu'n do ghiùlain e na nithe a chuireadh ann.

7 An sin thubhairt Iosa, Leig leatha : fa chomhair latha m' adhlaidh ghleidh i so.

8 Oir tha na bochdan a ghnàth agaibh maille ribh, ach cha 'n'eil mise agaibh a ghnàth.

9 Agus bha fhios aig sluagh mòr do na h-Iudhachaibh gu'n robh e 'n sin : agus thainig iad, cha 'n ann a mhàin air son Iosa, ach a chum gu'n faiceadh iad mar an ceudna Lasarus, a thog esan o na marbhaibh.

10 Ach ghabh na h-àrd shagairt comhairle, chum Lasarus mar an ceudna a mharbhadh ;

11 Do bhrìgh air a shon-san gu'n d'imich mòran do na h-Iudhachaibh, agus gu'n do chreid iad ann an Iosa.

12 Air an là maireach, air cluinntinn do mhòr shluagh, a thainig chum na fèisde, gu'n robh Iosa a' teachd gu Hierusalem.

13 Ghlac iad geuga pailme, agus chaidh iad a mach 'na chòdhail, agus ghlaodh iad, Hosana, beannuichte gu robh Rìgh Israeil, a tha teachd an ainm an Tighearna !

14 Agus, air do Iosa asal òg fhaotainn, shuidh e air ; a rèir mar a ta e scribedha.

15 Na biodh eagal ort, a nighean Shioin : feuch, a ta do Rìgh a' teachd, 'na shuidhe air loth asail.

16 Cha do thuig a dheisciobuil na nithe so air tùs : ach an uair a ghlòraicheadh Iosa, an sin chuimhnich iad gu'n robh na nithe so scribedha uime, agus gu'n d'rinn iad na nithe so dha.

17 Uime sin rinn an sluagh, a bha maille ris, fianuis, gu'n do ghairm e Lasarus as an uaigh, agus gu'n do thog e o na marbhaibh e.

18 Air an aobhar sin mar an ceudna choimnich an sluagh e, do bhrìgh gu'n cual iad gu'n d'rinn e an mìorbhuil so.

19 Thubhairt na Phairisich uime sin eatorra fèin, Am faic sibh nach 'eil sibh a' buadhachadh bheag sam bith ? feuch, tha 'n saoghal air dol 'na dhéigh.

20 Agus bha Greugaich àraidh am measg na muinntir, a chaidh suas chum aoradh dheanamh aig an fhéisd :

21 Air an aobhar sin thainig iadsan gu Philip, a bha o Bhetsaida Ghalile, agus dh'iarr iad air, ag ràdh, A Thighearn, bu mhiann leinn Iosa fhaicinn.

22 Thainig Philip agus dh'innis e do Aindreas : agus a rìs dh'innis Aindreas agus Philip do Iosa.

23 Agus fhreagair Iosa iad, ag ràdh, Thainig an uair, chum gu'm biodh Mac an duine air a ghlòrachadh.

24 Gu deimhin deimhin a deirim ribh, Mur faigh an gràinne cruineachd a thuiteas anns an talamh bàs, fanaidh e 'na aonar : ach ma gheibh e bàs, bheir e toradh mòr uaithe.

25 Esan a ghràdhaicheas anam, caillidh se e ; agus esan a dh'fhuathaicheas anam anns an t-saoghal so, gleidhidh se e chum na beatha maireannaich.

26 Ma ni neach air bith seirbhis dhomhsa, leanadh e mi ; agus ge b'e àit am bi mise, an sin bithidh mo sheirbhis each mar an ceudna : ma ni neach seirbhis dhomhsa, bheir m' Athair onoir dha.

27 A nis tha m'anam fuidh àmhghar<sup>1</sup> ; agus ciod a their mi ? Athair, saor mi o'n uair so : ach is an air a shon so a thainig mi chum na h-uair e.

28 Athair, glòraich t-ainm. An sin thainig guth o nàmh, Ghlòraich mi araon e, agus glòraichidh mi ris e.

29 Uime sin thubhairt an sluagh, a sheas a làthair, agus a chuala so, Gu'n robh tairneach ann : thubhairt cuid eile, Labhair aingeal ris.

30 Fhreagair Iosa agus thubhairt e, Cha'n ann air mo shon-sa thainig an guth so, ach air bhur son-sa.

31 A nis tha breitheanas an t-saoghail so ann : a nis tilgear uachdaran an t-saoghail so mach.

32 Agus mise, ma thogar suas o'n talamh mi, tairngidh mi na h-uile dhaoine a' m' ionnsuidh.

33 (Ach thubhairt e so, a' ciallachadh ciod a' ghnè bàis a gheibheadh e.)

34 Fhreagair an sluagh e, Chuala sinne as an lagh, gu'm fan Criosd gu sìorruidh : agus cionnus a deir thusa, Gur éigin do Mhac an duine bhi air a thogail suas ? cò e Mac an duine so ?

35 An sin thubhairt Iosa riu, Fathast re tamuill bhig tha n' solus maille ribh ; gluaisibh am feadh 's a ta 'n solus agaibh, chum nach beir an dorchadas oirbh : oir an ti a ta 'g imeachd an dorchadas, cha'n aithne dha c'àit am bheil e dol.

36 Am feadh 's a ta 'n solus agaibh, creidibh 'san t-solus, chum gu'm bi sibh 'nar cloinn do'n t-solus. Labhair Iosa na nithe so agus dh'fhalbh e, agus dh'fholaidh se e fèin uatha.

37 Ach ge do rinn e choimhlion so do mhìorbhuilibh 'nan làthair, cha do chreid iad ann :

38 Chum gu'm biodh briathran an fhàidh Esais air an coimhlionadh, a thubhairt e, A Thighearn, cò a chreid ar n-aithris-ne<sup>2</sup> ? agus cia dha a dh'fhoillsicheadh gairdean an Tighearna ?

39 Air an aobhar so cha robh e'n comas doibh creidsinn, do bhrìgh gu'n dubhairt Esais a rìs,

40 Dhall e an sùilean, agus 'chruaidhich e an cridhe, chum nach faiceadh iad le'n sùilibh, agus nach tuigeadh iad le'n cridhe, agus nach pilleadh iad, agus gu'n slànuch-inn iad.

<sup>1</sup> bhuaireas, thrioblaid,

<sup>2</sup> ionradh-ne.

41 Thubhairt Esaias na nithe so, 'nuair a chunnaic e a ghloir-san, agus labhair e uime.

42 Gidheadh chreid mòran do na h-Uachd-aranaihb fèin ann; ach air son nam Phariseach cha d'aicid iad e, air eagal gu'n cuirte mach as an t-sionagog iad.

43 Oir b'annsa leo glòir dhaoine na glòir Dhé.

44 Agus ghlaodh Iosa, agus thubhairt e, An ti a ta creidsinn annam-sa, cha'n ann annam-sa tha e creidsinn, ach anns an ti a chuir uaith mi.

45 Agus an ti a tha ga m' fhaicinn-se, tha e faicinn an ti a chuir uaith mi.

46 Thainig mi a'm<sup>1</sup> sholus chum an t-saoghail, chum ge b'e chreideas annam, nach fanadh e an dorchadas.

47 Agus ma chluinneas neach air bith mo bhriathran-sa, agus nach creid e, cha 'n'eil mise 'ga dhètheadh: oir cha d'thainig mi a dhètheadh an t-saoghail, ach a shaoradh an t-saoghail.

48 An ti a tha cur cùil riumsa, agus nach 'eil a' gabhail ri m' bhriathraibh, tha aige neach a bheir breth air: am focal a labhair mi, bheir e sin breth air 'san là dheireannach.

49 Oir cha do labhair mi uam fèin; ach an t-Athair a chuir uaith mi, thug e àithne dhomh, ciod a theirinn, agus ciod a labhairinn.

50 Agus a ta fhios agam gur beatha mhaireannach àithne-san: air an aobhar sin na nithe tha mi a' labhairt, mar thubhairt an t-Athair rium, mar sin a ta mi a' labhairt.

### CAIB. XIII.

1 *Tha Crìosd a' nigheadh chos nan deisciobul, 13 ag earail orra bhì iriosal agus seirceil: 18 ag innseadh roimh-laimh, agus a' foill-seachadh do Eoin le comhara, gu'm b'e Iudas a bhrathadh e; 31 a' toirt àithne dhoibh iad a ghràdhachadh a chèile; 36 agus a' roimh-innseadh do Pheadar gu'n robh e gu esan àicheadh.*

**A**NIS roimh fhéisd na càisge, air do Iosa fios a bhì aige gu'n robh uair air teachd, anns an rachadh e as an t-saoghal so chum an Athair, air da a mhuinntir fèin, a bha anns an t-saoghal a ghràdhachadh, ghràdhaich e gu crìch iad.

2 Agus an uair a bha 'n t-suipeir thairis<sup>1</sup>, (air do'n diabol a nis a chur an cridhe Iudais Iscariot, mhic Shimoìn, esan a bhrath:)

3 Air aithneachadh do Iosa gu'n d'thug an t-Athair na h-uile nithe 'na làmhaibh, agus gur ann o Dhia a thainig e, agus gur ann a dh'ionnsuidh Dhé a bha e dol,

4 Dh'éirich e o shuipeir, agus chuir e dheth fhalluing<sup>2</sup>, agus ghlac e làmh-anart, agus cheangail e uime e.

5 'Na dhéigh sin, thaom e uisge ann an soitheach-ionnlaid, agus thòisich e air cosan nan deisciobul ionnlaid, agus an tiormachadh leis an làmh-anart a bha ceangailte uime.

6 An sin thainig e gu Simon Peadar: agus thubhairt esan ris, A Thighearn, am bheil thusa 'g ionnlaid mo chosan-sa?

7 Fhreagair Iosa agus thubhairt e ris, An ni so ta mi deanamh cha 'n aithne dhuits' a nis; ach bithidh fios agad air an déigh so.

8 Thubhairt Peadar ris, Cha nigh thu mo chosan-sa gu bràth. Fhreagair Iosa e, Mur nigh mi thu, cha 'n'eil cuid agad maille rium.

9 A deir Simon Peadar ris, A Thighearn, ni h-iad mo chosan a mhàin, ach mar an ceudna mo làmhan agus mo cheann.

10 A deir Iosa ris, An ti a ta air ionnlaid, cha 'n'eil feum aige ach a chosan ionnlaid, ach tha e gu h-iomlan glan: agus a ta sibh-se glan, ach cha 'n'eil sibh uile glan.

11 Oir bha fhios aige cò a bhrathadh e; uime sin thubhairt e, Cha 'n'eil sibh uile glan.

12 An sin, an déigh dha an cosan ionnlaid, agus fhalluing a ghabhail d'a ionnsuidh, shuidh e a ris, agus thubhairt e riu, Am bheil fhios agaibh ciod a rinn mi dhuibh?

13 Tha sibh a' gairm Maighstir, agus Tighearn dhiom-sa: agus tha sibh ag ràdh gu maith; oir is mi sin.

14 Uime sin ma dh'ionnlaid mise, bhur Tighearn agus bhur Maighstir, bhur cosan-sa, is còir dhuibhse mar an ceudna cosan a chèile ionnlaid.

15 Oir thug mi eisiomplair dhuibh, chum's mar a rinn mise dhuibh, gu'n deanadh sibhse mar an ceudna.

16 Gu deimhin deimhin a deirim ribh, Cha mhò an t-òglach na mhaighstir, agus cha mhò an teachdaire na 'n ti a chuir uaith e.

17 Ma's aithne dhuibh na nithe so, is beannuichte sibh na ni sibh iad.

18 Cha 'n'eil mi labhairt oirbh uile; is aithne dhomh cò a thagh mi: ach is éigin an scriobtur a choimhlionadh, An ti a ta 'g itheadh arain maille rium, thog e a shàil a'm' aghaidh.

19 A nis a deirim so ribh mun d'thig e gu crìch, chum 'nuair a tharlas e, gu'n creid sibh gur mise e.

20 Gu deimhin deimhin a deirim ribh, An ti a ghabhas ri neach sam bith a chuir-eas mise uam, gabhaidh e rium-sa: agus an ti a ghabhas rium-sa, gabhaidh e ris an ti a chuir uaith mi.

21 Air do Iosa na nithe so ràdh, bha e fuidh thrioblaid 'na spiorad, agus rinn e fianuis, agus thubhairt e, Gu deimhin deimhin a deirim ribh, gu'm brath a h-aon agaibh mise.

<sup>1</sup> an uair a bha iad r'an suipeir.  
109

<sup>2</sup> eudach-uachdair.



22 An sin dh'amhairc na deisciobuil air a chéile, fuidh amharus cia uime a labhair e.

23 A nis bha aon d'a dheisciobluibh 'na luidhe an uchd<sup>1</sup> Iosa, neach a b'ionmhuinn le Iosa.

24 Air an aobhar sin smèid Simon Peadar air-san, gu'm feòraicheadh e cia uime a labhair e.

25 An sin air dhasan aomadh ri uchd Iosa, a deir e ris, A Thighearn, cò e?

26 Fhreagair Iosa, Is e 'n ti sin e, d'an toir mise an greim, an déigh dhomh a thumadh. Agus an uair a thum e 'n greim, thug se e do Iudas Iscariot, *mac Shimoìn*.

27 Agus an sin an déigh a' ghreama, chaidh Satan a steach ann-san. An sin thubhairt Iosa ris, An ni a ta thu a' deanamh, dean gu grad e.

28 A nis cha do thuig a h-aon diubhsan, a bha 'nan suidhe air a' bhord, c'ar son a thubhairt e so ris.

29 Oir shaoil cuid diubh, do bhrìgh gu'n robh an sporan aig Iudas gu'n dubhairt Iosa ris, Ceannaich na nithe a ta dh'uir-easbhuidh oirnn chum na féise: no, gu'n d'thugadh e ni-éigin do na bochdaibh.

30 An sin an déigh dha-san an greim a ghabhail, chaidh e mach air ball; agus bha'n oidhche ann.

31 Uime sin, nuair a chaidh esan a mach, thubhairt Iosa, A nis a ta Mac an duine air a ghlòrachadh, agus tha Dia air a ghlòrachadh ann.

32 Ma ta Dia air a ghlòrachadh ann, glòraichidh Dia esan mar an ceudna ann féin, agus air ball glòraichidh se e.

33 A chlann bheag, fathast ùine bheag tha mise maille ribh. Iarraidh sibh mi: agus mar thubhairt mi ris na h-Iudhach-aibh, Do'n àit an d'théid mise, cha 'n'eil e 'n comas duihb-se teachd; mar sin a deirim ribh-se nis.

34 Aithne nuadh bheiream dhuibh, Gu'n gràdhaich sibh a chéile; mar a ghràdhaich mise sibhse, gu'n gràdhaich sibh féin a chéile mar an ceudna.

35 Le so aithnichidh na h-uile dhaoine gur sibh mo dheisciobuil-se, ma bhios gràdh agaibh féin d'a chéile.

36 A deir Simon Peadar ris, A Thighearn, c'ait a théid thu? Fhreagair Iosa e, Do'n àit an d'théid mi, cha'n urradh thusa nis mo leantuinn; gidheadh leanaidh tu mi 'na dhéigh so.

37 A deir Peadar ris, A Thighearn, c'ar son nach urradh mi do leantuinn a nis? Leigidh mi sìos m'anam air do shon.

38 Fhreagair Iosa e, An leig thu t'anam sìos air mo shon-sa? Gu deimhin deimhin a deirim riut, Nach goir an coileach, gus an àicheadh thu mi trì uairean.

1 *Tha Criosd a' toirt comh-fhurtachd d'a dheisciobluibh le dòchas fhlaithceanais: 6 ag innseadh gur e féin an t-slighe, an fhùirinn, agus a' bheatha, agus gur aon e féin agus an t-Athair: 13 a' toirt cinnte gu'm b'èin ùrnuighean 'na ainm-san eifeachdach: &c.*

**N**A biodh bhur cridhe fuidh thrioblaid<sup>2</sup>: tha sibh a' creidsinn ann an Dia, creidibh annam-sa mar an ceudna<sup>3</sup>.

2 Ann an tigh m'Athar-sa tha iomadh àite-còmhnuidh: mur biodh e mar sin, dh'innseinn-se dhuibh: tha mi dol a dh'ull-uchadh àite dhuibh.

3 Agus ma théid mi agus gu'n ulluich mi àit dhuibh, thig mi ris, agus gabhaidh mi sibh a m' ionnsuidh féin, chum far am bheil mise, gu'm bi sibhse mar an ceudna.

4 Agus is aithne dhuibh c'ait am bheil mi dol, agus is aithne dhuibh an t-slighe.

5 A deir Tomas ris, A Thighearn, cha 'n'eil fhios againn c'ait am bheil thu dol, agus cionnus a dh'fheudas eòlas na slighe bhi againn?

6 A deir Iosa ris, Is mise an t-slighe, agus an fhùirinn, agus a' bheatha: cha d'thig aon neach chum an Athar ach triom-sa.

7 **N**am b'aithne dhuibh mise, b'aithne dhuibh m'Athair mar an ceudna: agus a so suas is aithne dhuibh e, agus chunnaic sibh e.

8 A deir Philip ris, A Thighearn foillsich an t-Athair dhuinne, agus is leoir leinn e.

9 A deir Iosa ris, Am bheil mise ùine co fhada maille ribh, agus nach aithne dhuit fathast mi, Philip? an ti a chunnaic mise, chunnaic e 'n t-Athair; agus cionnus a deir thu, Foillsich an t-Athair dhuinn?

10 Nach 'eil thu creidsinn gu bheil mise anns an Athair, agus an t-Athair annamsa? na briathran a ta mi labhairt ribh, cha'n ann uam féin a ta mi 'gan labhairt: ach an t-Athair, a ta gabhail còmhnuidh annamsa, tha esan a' deanamh nan oibre.

11 Creidibh mise gu bheil mi anns an Athair, agus an t-Athair annam-sa: no, creidibh mi air son nan oibre féin.

12 Gu deimhin deimhin a deirim ribh, An ti a chreideas annam-sa, na h-oibre a ta mise a' deanamh, ni esan mar an ceudna, agus ni e oibre a's mò na iad so, do bhrìgh gu bheil mise dol chum m'Athar;

13 Agus ge b'e ni a dh'iarras sibh a'm' ainmse, ni mise sin: chum's gu'm bi an t-Athair air a ghlòrachadh anns a' Mhac.

14 Ma dh'iarras sibh ni air bith a'm' ainm-se, ni mise e.

15 Ma's toigh libh mise, coimhidibh m'itheanta.

16 Agus guidhidh mise an t-Athair, agus bheir e dhuibh Comhfhurtair<sup>4</sup> eile, chum's gu fan e maille ribh gu bràth;

<sup>1</sup> ag aomadh ri uchd.

<sup>2</sup> bhuaireas.

<sup>3</sup> creidibh ann an Dia, agus creidibh annamsa.

<sup>4</sup> Fear-comh-fhurtachd, Fear-comhairle, Fear-iuil.

17 Spiorad na fìrinn, neach nach urrainn an saoghal a ghabhail, do bhrìgh nach 'eil e 'ga fhaicinn, agus nach aithne dha e: ach is aithne dhuibh-se e, oir tha e fantuinn maille ribh, agus bithidh e annaibh.

18 Cha'n fhàg mi sibh 'nar dilleachd-aibh; thig mi d'ar ionnsuidh.

19 Tamull beag fathast, agus cha'n fhaic an saoghal mi tuilleadh; ach chì sibh-se mi: do bhrìgh gu bheil mise beo, bithidh sibh-se beo mar an ceudna.

20 Anns an là sinn bithidh fios agaibh gu bheil mise ann am Athair, agus sibh-se annam-sa, agus mise annaibh-se.

21 An ti aig am bheil m'aitheanta-sa, agus a ta 'gan coimhead, is esan aig am bheil gràdh dhomh-sa: agus an ti aig am bheil gràdh dhomh-sa, gràdhachear le m'Athair c, agus gràdhachidh mise c, agus foillsichidh mi mi fèin da.

22 A deir Iudas (cha'n e Iscariot,) ris, A Thighearn, c'ar son a dh'fhoillsicheas tu thu fèin dhuinne, agus nach dean thu sin do'n t-saoghal?

23 Fhreagair Iosa agus thubhairt e ris, Ma ghràdhachas neach mise, coimhididh e m'fhocal: agus gràdhachidh m'Athair esan, agus thig sinn d'a ionnsuidh, agus ni sinn còmhnuidh maille ris.

24 An ti nach gràdhach mise, cha choimhid e mo bhriathra: agus am focal a ta sibh a' cluinntinn, cha leam-sa e, ach leis an Athair a chuir uaith mi.

25 Na nithe so labhair mi ribh, air dhomh bhi m' còmhnuidh maille ribh:

26 Ach an Comhfhurtair, an Spiorad naomh, a chuireas an t-Athair uaith a'm' ainmse, teagaisgidh esan dhuibh na h-uile nithe, agus cuiridh e 'n cuimhne dhuibh na h-uile nithe a labhair mise ribh.

27 Tha mi fàgail sìth agaibh, mo shìths' a ta mi tabhairt duibh: cha'n ann mar a bheir an saoghal, a tha mise tabhairt duibh. Na biodh bhuir cridhe fuidh thrioblaid, agus na biodh eagail air.

28 Chuala sibh mar thubhairt mi ribh, Tha mi falbh, agus thig mi ris d'ar ionnsuidh. Nam biodh gràdh agaibh dhomhsa, bhiodh aoibhneas oirbh, a chionn gu'n dubhairt mi, Tha mi dol' chum an Athair; oir is mò m'Athair na mise.

29 Agus a nis dh'innis mi dhuibh so roimh dha teachd gu crìch, chum 'nuair a thig e gu crìch, gu creidcadh sibh.

30 A so suas cha labhair mi mòran ribh: oir a ta uachdaran an t-saoghail so a' teachd, agus cha 'n'eil ni air bith aige annamsa.

31 Ach a chum's gu'm bi fios aig an t-saoghal gur ionnmhuinn leam an t-Athair; agus mar a thug an t-Athair àithne dhomh, mar sin a ta mi a' deanamh. Eiribh, rachamaid as so.

## CAIB. XV.

1 An sòlas a ta aig deisciobluibh Chrìosd, an gaol agus an coimh-cheangal a ta tadar iad agus esan, fa chosamlachd fìonain agus a geuga. 18 Comh-fhurtachd fuidh fhuath agus gheur-leannmhuinn an t-saoghail. 26 Dreuchd an Spiorad naoinh, agus nan abstol.

IS mise an fhìonain fhìor, agus is e m' Athair an treabhaiche<sup>2</sup>.

2 Gach uile gheug annamsa nach 'eil 'a giùlan toraidh, bheir e air falbh: agus gach uile gheug a ta tabhairt toraidh, glanaidh e i, chum as gu'n giùlain i tuilleadh toraidh.

3 A nis a ta sibhse glan tre an fhocal a labhair mi ribh.

4 Fanaibh annam-sa, agus mise annaibh-se. Mar nach urrainn a' gheug toradh a thoirt uaip<sup>3</sup> fèin, mur fan i san fhìonain, cha mhò is urrainn sibhse, mur fan sibh annam-sa.

5 Is mise an fhìonain, sibhse na geuga: an ti a dh'fhanas annam-sa, agus mise annsan, bheir esan mòr thoradh uaith: oir as m'eugmhaise-se cha'n urradh sibh aon ni a dheanamh.

6 Mur fan neach annam-sa, tha e air a thilgeadh a mach mar ghéig, agus air crìonadh<sup>4</sup>; agus tionailidh daoine iad, agus tilgidh iad 'san teine iad, agus loisgear iad.

7 Ma dh'fhanas sibh annam-sa, agus ma dh'fhanas m'fhocail-se annaibh-se, iarraidh sibh gach ni a's àill libh, agus nithear dhuibh e.

8 An so tha m' Athair-se air a ghlòrachadh, gu'n d'thoir sibhse mòr thoradh uaibh; agus bithidh sibh 'nar deisciobuil dhomh-sa.

9 Mar a ghràdhach an t-Athair mise, mar sin ghràdhach mise sibh-se: fanaibh ann am ghràdh-sa.

10 Ma choimhideas sibh m'aitheanta, fanaidh sibh ann am ghràdh: mar a choimhid mise àitheanta m' Athar, agus a tha mi a' fantuinn 'na ghràdh.

11 Na nithe so labhair mi ribh, chum's gu fanadh mo ghairdeachas annaibh, agus gu'n biodh bhuir ghairdeachas-sa làn.

12 Is i so m'aithe-ne-se, gu'n gràdhach sibh-se a chèile, mar a ghràdhach mise sibhse.

13 Gràdh a's mò na so cha 'n'eil aig neach air bith, gu'n leigeadh duine anam sìos air son a chairde.

14 Is sibhse mo chairde-se, ma ni sibh gach ni a ta mi 'g àithneadh dhuibh.

15 A so suas cha ghoir mi seirbhisich dhibh; oir cha'n aithne do'n t-seirbhiseach ciod a ta a Thighearn a' deanamh: ach ghoir mi cairde dhibh; oir na h-uile nithe a chuala mi o m' Athair, thug mi fios duibh-se orra.

16 Cha sibh-se a thagh mise, ach is

<sup>1</sup> a chionn gu bheil mi dol. <sup>2</sup> tuathanach.

<sup>3</sup> uaithe. <sup>4</sup> mar ghéig a tu e air crìonadh.



mise a thagh sibhse, agus dh'orduich<sup>1</sup> mi sibh, chum gu'n rachadh sibh, agus gu'n d'thugadh sibh a mach toradh, agus gu maireadh bhur toradh: chum's ge b'e ni a dh'iarras sibh air an Athair ann am ainm-se, gu'n tabhair e dhuibh e.

17 Tha mi 'g àithneadh nan nithe so dhuibh, chum's gu'n gràdhaich sibh a chéile.

18 Ma ta 'n saoghal 'gar fuathachadh, tha fhios agaibh gu'n d'fhuathaich e mise roimhibh.

19 Nam b'ann do'n t-saoghal sibh, ghràdhaicheadh an saoghal a chuid féin: ach do bhrigh nach ann do'n t-saoghal sibh, ach gu'n do thagh mise sibh as an t-saoghal, uime sin tha fuath aig an t-saoghal duibh.

20 Cuimhnichibh am focal a thubhairt mi ribh, Cha 'n'eil an seirbhiseach ni's mò na a Thighearn. Ma rinn iad geur-leanmhuinn ormsa, ni iad geur-leanmhuinn oirbh-se mar an ceudna: ma choimhid iad m'fhocal-sa, coimhididh iad bhur focal-sa mar an ceudna.

21 Ach na nithe so uile ni iad oirbh air son m'ainm-se, do bhrigh nach aithne dhoibh esan, a chuir uaith mi.

22 Mur bithinn-se air teachd, agus air labhairt riu, cha bhiodh peacadh aca: ach a nis cha 'n'eil lcith-sgeul am peacaidh aca.

23 An ti aig am bheil fuath dhomhsa, tha fuath aige do m'Athair mar an ceudna.

24 Mur bithinn-se air deanamh nan oibre 'nam measg nach d'rinn aon neach eile, cha bhiodh peacadh aca: ach a nis chunn-aic siad iad, agus dh'fhuathaich iad araon mise agus m'Athair.

25 Ach rinneadh so chum gu'n coimhliontadh am focal a ta scribedha 'nan lagh féin, Dh'fhuathaich iad mi gun aobhar.

26 Ach an uair a thig an Comh-fhurtair, a chuireas mise d'ar ionnsuidh o'n Athair, Spiorad na firinn, a tha teachd a mach o'n Athair, ni esan fianuis mu m' thimchioll-sa.

27 Agus ni sibhse fianuis mar an ceudna, do bhrigh gu bheil sibh maille rium o thùs.

#### CAIB. XVI.

1 *Tha Criosd a' toirt comh-fhurtachd d'a dheisciobluibh an aghaidh trioblaid le gealladh an Spioraid naoimh, agus aiseirigh agus a dhol suas air nèamh; 23 a' toirt cinnte dhoibh gu'm bi na h-ùrnuighean a nithear 'na ainm-san taitneach d'a Athair, &c.*

**N**A nithe so labhair mi ribh, chum nach faigheadh<sup>2</sup> sibh oilbheum.

2 Cuiridh iad as an t-sionagag sibh; seadh, thig an uair, ge b'e neach a mharbhas sibh, gu'n saoil e gu bheil e deanamh seirbhis do Dhia.

3 Agus ni iad na nithe so<sup>3</sup>, do bhrigh nach aithne dhoibh an t-Athair, no mise.

4 Ach dh'innis mi na nithe so dhuibh, chum 'nuair a thig an t-àm, gu'n cuimhnich sibh gu'n d'innis mi dhuibh iad. Ach cha dubhairt mi na nithe so ribh o thùs, do bhrigh gu'n robh mi maille ribh.

5 Ach a nis a ta mi dol chum an ti a chuir uaith mi, agus cha 'n'eil a h-aon agaibhs' a' feòraich dhiom, C'ait tha thu dol?

6 Ach a chionn gu'n dubhairt mi na nithe so ribh, lion do-bròn bhur cridhe.

7 Gidheadh a ta mi 'g innseadh dhuibh na firinn, Is buannachd dhuibh mise a dh'fhalbh: oir mur falbh mi, cha d'thig an Comh-fhurtair d'ar ionnsuidh-se; ach na dh'fhalbhas mi, cuiridh mi esan d'ar ionnsuidh.

8 Agus an uair a thig esan, bheir e dearbh-shoilleireachd do'n t-saoghal mu pheacadh, agus mu fhìreantachd, agus mu bhreitheanas:

9 Mu pheacadh, do bhrigh nach 'eil iad a' creidsinn annam-sa;

10 Mu fhìreantachd, do bhrigh gu bheil mi dol a dh'ionnsuidh m'Athar, agus nach faic sibh ni's mò mi;

11 Mu bhreitheanas, a chionn gu bheil uachdaran an t-saoghal so air a dhiteadh.

12 Tha mòran nithe agam fathast ri ràdh ribh, ach cha'n urradh sibh an giùlan an tràth-sa.

13 Ach an uair a thig esan, Spiorad na firinn, treòraichidh e sibh chum gach uile fhirinn: oir cha labhair e uaith féin; ach labhraidh e na h-uile nithe a chluinneas e: agus foillsichidh e dhuibh-se nithe a ta ri teachd.

14 Bheir esan glòir dhomh-sa; oir gheibh e do m' chuid-se, agus nochdaidh e dhuibh-se e.

15 Na h-uile nithe a ta aig an Athair, is leamsa iad: air an aobhar so thubhairt mi, gu'm faigh e do m' chuid-se, agus nochdaidh e dhuibhse e.

16 Tamull beag agus cha'n fhaic sibh mi; agus a ris, tamull beag agus chi sibh mi, do bhrigh gu bheil mi dol chum an Athar.

17 An sin thubhairt cuid d'a dheisciobluibh eatorra féin, Ciod e so a deir e ruinn, Tamull beag agus cha'n fhaic sibh mi: agus a ris, tamull beag agus chi sibh mi: agus, Do bhrigh gu bheil mi dol chum an Athar?

18 Air an aobhar sin thubhairt iad, Ciod e so a deir e, Tamull beag? Cha 'n'eil sinne a' tuigsinn ciod a deir e.

19 A nis dh'aithnich Iosa gu'n robh toil aca fheòraich dheth, agus thubhairt e riu, Am bheil sibh a' feòraich 'nar measg féin mar a thubhairt mi, Tamull beag agus

<sup>1</sup> shuidhich, shonraich.

<sup>2</sup> gabhadh.

<sup>3</sup> na nithe so [dhuibh].

cha'n fhaic sibh mi: agus a ris, tamull beag agus chi sibh mi?

20 Gu deimhin deimhin a deirim ribh, gu'n dean sibhse gul agus caoidh, ach ni'n saoghal gairdeachas: agus bithidh sibhse do-brònach, ach pillear bhur bròn gu gairdeachas.

21 'Nuair a bhios bean ri saothair-chloinne, bithidh i fa dhoilgheas, chionn gu bheil a h-uair air teachd: ach an uair a bheireas i'n leanabh, cha chuimhnich i a h-àmhghar ni 's mò, tre aoibhneas gu'n d'rugadh duine chum an t-saoghail.

22 Agus a ta nis uime sin doilgheas oirbhe: ach chi mise a ris sibh, agus ni bhur cridhe gairdeachas, agus bhur gairdeachas cha bhui'n neach air bith uaihb.

23 Agus air an là sin cha'n fhòraich sibh ni air bith dhìomsa<sup>1</sup>: Gu deimhin deimhin a deirim ribh, Ge b'e nithe dh'i-arras sibh air an Athair ann am ainmse, gu'n tabhair e dhuibh iad.

24 Gus a so cha d'iarr sibh ni air bith a'm' ainmse: iarraidh, agus gheibh sibh, chum as gu'm bi bhur n-aoibhneas làn<sup>2</sup>.

25 Na nithe so labhair mi ribh am briathraibh dorch<sup>3</sup>: ach thig an uair anns nach labhair mi ni's mò ribh am briathraibh dorch<sup>3</sup>, ach innsidh mi gu soilleir mu'n Athair dhuibh.

26 Anns an là sin iarraidh sibh a'm' ainmse: agus cha 'n'eil mi 'g ràdh ribh, gu'n guidh mi an t-Athair air bhur son:

27 Oir is toigh leis an Athair fèin sibh, air son gu'n d'thug sibh gràdh dhomhsa, agus gu'n do clireid sibh gur ann o Dhia a thainig mi.

28 Thainig mi mach o'n Athair, agus tha mi air teachd chum an t-saoghail: a ris, tha mi fàgail an t-saoghail: agus a' dol chum an Athar.

29 A deir a dheisciobuil ris, Feuch, a nis tha thu labhairt gu soilleir, agus cha 'n'eil thu labhairt cosanhlachd air bith.

30 A nis tha fhios againn gur aithne dhuit na h-uile nithe, agus nach feum thu duine air bith a dh'fheòraich dhìot: air a shon so tha sinn a' creidsinn gur ann o Dhia a thainig thu.

31 Fhreagair Iosa iad, Am bheil sibh a nis a' creidsinn?

32 Feuch, thig an t-àm<sup>4</sup>, seadh, tha e cheana air teachd, anns an sgapar o chéile sibh, gach aon g'a ionad fèin, agus am fàg sibh mise a'm' aonar: gidheadh cha'n'eil mise a'm' aonar, oir tha an t-Athair maille riun.

33 Na nithe so labhair mi ribh, chum gu'm biodh sìth agaibh annamsa. Anns an t-saoghal b'ithidh àmhghar agaibh: ach biodh deadh mhisneach agaibh, thug mise buaidh air an t-saoghal.

## CAIB. XVII.

1 *Tha Crìosd a' deanamh ùrnuigh r'a Athair esan a ghlòrachadh, 6 gu'n coimhheadh e abstoil, 11 ann an aonachd, 17 agus anns an fhìrinn; &c.*

**L**ABHAIR Iosa na briathra' so; agus thog e suas a shùilean gu ncamh, agus thubhairt e, Athair, thainig an uair; glòraich do Mhac, chum's gu'n glòraich do Mhac thusa mar an ceudna;

2 Chum mar a thug thu cumhachd dha air gach feoil, na h-uile a thug thu dha, gu'n d'thugadh esan dhoibh a' bheatha mhaireannach.

3 Agus is i so a' bheatha mhaireannach, eòlas a bhi aca ortsa an t-aon Dia fìor, agus air Iosa Crìosd a chuir thu uait.

4 Ghlòraich mise thusa air talamh: chrìochnaich mi 'n obair a thug thu dhomh r'a dheanamh.

5 Agus a nis, Athair, glòraich thusa mise maille riut fèin<sup>5</sup>, leis a' ghlòir a bha agam maille riut mun robh an saoghal ann.

6 Dh'fhoillsich mise t'ainm do na daoineibh a thug thu dhomh as an t-saoghal: bu leatsa iad, agus thug thu dhomhsa iad; agus choimhid iad t'fhocal.

7 A nis thuig iad gur ann uait a tha na h-uile nithe, a thug thu dhomhsa.

8 Oir thug mi dhoibh na briathran a thug thusa dhomh; agus ghabh siad iad, agus thuig iad gu fìrinneach gur ann uaitse thainig mi, agus chreid iad gu'n do chuir thu uait mi.

9 Air an sonsan tha mi guidheadh: cha 'n'eil mi guidheadh air son an t-saoghail, ach air son na muinntir sin a thug thu dhomh, oir is leatsa iad.

10 Agus is leatsa na h-uile nithe a's leamsa, agus is leamsa na nithe a's leatsa, agus a ta mi air mo ghlòrachadh anna.

11 Agus a nis cha 'n'eil mise ni 's mò anns an t-saoghal, ach a ta iadsan 'san t-saoghal, agus a ta mise a' teachd a't'ionn-suidh-sa. Athair naomha, coimhid iadsan tre t'ainm<sup>6</sup> a thug thu dhomhsa, chum's gu'm bi iad 'nan aon, mar a ta sinne.

12 Am feadh 's a bha mise maille riun anns an t-saoghal, choimhid mi iad tre t'ainmsa: gheidh mi a' mhuinntir a thug thu dhomh, agus cha do chailleadh a h-aon diubh, ach mac an sgrìos; chum gu biodh an scriobtuir air a choimhlionadh.

13 Agus a nis tha mi teachd a'd'ionn-suidhsa, agus tha mi labhairt nan nithe so anns an t-saoghal, chum gu'm biodh nìo ghairdeachas aca air a choimhlionadh anna.

14 Thug mi t'fhocal dhoibh; agus thug an saoghal fuath dhoibh, air son nach ann do'n t-saoghal iad, mar nach 'eil mise do'n t-saoghal.

15 Cha 'n'eil mi guidheadh gu'n d'thug-

<sup>1</sup> cha'n iarr sibh ni air bith ormsa.

<sup>2</sup> coimhlionta. <sup>3</sup> an comhadaibh. <sup>4</sup> an uair.

<sup>5</sup> a't' f'ianuis.

<sup>6</sup> ann ad ainm.



adh tu as ant-saoghal iad, ach gu'n coimhid-eadh tu o'n olc iad.

16 Cha 'n'eil iadsan do'n t-saoghal, mar nach 'eil mise do'n t-saoghal.

17 Naomhaich iad tre'n fhìrinn': is e t'fhocalsa an fhìrinn.

18 Mar a chuir thusa mise chum an t-saoghail, mar sin chuir mise iadsan chum an t-saoghail.

19 Agus air an son-san tha mise gam' naomhachadh fèin, chum's gu'm bi iadsan mar an ceudna air an naomhachadh tre'n fhìrinn.

20 Agus cha 'n'eil mi guidheadh air an son-san a mhàin, ach mar an ceudna air son na muinntir sin a chreideas annamsa tre am focalsan:

21 Ch'um's gu'm bi iad uile 'nan aon; chum mar a ta thusa, Athair, annamsa, agus mise annadsa, gu'm bi iadsan mar an ceudna 'nan aon annainne; chum's gu'n creid an saoghal gu'n do chuir thusa uait mi.

22 Agus thug mise dhoibhsan a' ghloir a thug thusa dhomhsa, chum's gu'm bi iad 'nan aon, mar a ta sinne 'nar aon;

23 Mise anntasan, agus thusa annamsa, chum's gu'n deanar coimhlionta iad ann an aon, agus a chum gu'm bi fios aig an t-saoghal gu'n do chuir thusa uait mi, agus gu'n do ghràdhaich thu iadsan, mar a ghràdhaich thu mise.

24 Athair, is àill leam an drcana a thug thu dhomh, gu'm bi iad maille rium, far am bheil mi; chum's gu faic iad mo ghloir a thug thu dhomh: oir ghràdhaich thusa mi mun do leagadh bunait an domhain.

25 Athair chothromaich, cha b'aithne do'n t-saoghal thusa; ach b'aithne dhomhsa thu, agus thuig iad so gu'n do chuir thusa uait mi.

26 Agus dh'fhoillsich mise t'ainm dhoibh, agus foillsichidh mi e, chum's gu'm bi an gràdh, leis an do ghràdhaich thu mise, anntasan, agus mise anna.

# C A I B. XVIII.

1 Tha Iudas a' brath Iosa. 6 Tha na maoir a' tuiteam air an talamh. 10 Tha Peadar a' gearradh cluais Mhalchuis dheth. 12 Tha Iosa air a ghlacadh, agus air a thoirt gu Annas agus Caiaphas. 15 Aicheadh Pheadair; &c.

**N**UAIR a labhair Iosa na briathra so, chaidh e maille r'a dheisciobluibh thairis air sruth Chedroin, far an robh lios, anns an deachaidh e fèin agus a dheisciobuil.

2 Agus b'aithne do Iudas, a bhrath esan, an t-àit: oir thainig Iosa gu tric an sin maille r'a dheisciobluibh.

3 An sin air do Iudas buidheann agus maoir fhaotainn o na h-àrd shagairt agus na Phairisich, thainig e do'n àit sin le leusaibh, agus lòchranaibh, agus armaibh.

4 Uime sin air do Iosa fios a bhi aige air na h-uile nithibh, a bha gu teachd air, chaidh e mach, agus thubhairt e riu, Cò tha sibh ag iarraidh?

5 Fhreagair iadsan e, Iosa o Nasaret. A deir Iosa riu, Is mise e. Agus sheas mar an ceudna Iudas, a bhrath esan, maille riu.

6 An sin co luath 's a thubhairt e riu, Is mise e, chaidh iad air an ais, agus thuit iad air an làr.

7 An sin dh'fheòraich e dhiubh a ris, Cò tha sibh ag iarraidh? Thubhairt iadsan, Iosa o Nasaret.

8 Fhreagair Iosa, Thubhairt mi ribh gur mise e. Uime sin ma's mise tha sibh ag iarraidh, leigibh leo sin falbh:

9 Chum gu'n coimhliontadh am focal a labhair e, An dream a thug thu dhomh, cha do chail mi aon diubh.

10 An sin air do Shimon Peadar claidheamh a bhi aige, tharruing se e, agus bhuail e òglach an àrd shagairt, agus ghearr e a' chluas dheas deth. Agus b'e ainm an òg-laich Malchus.

11 An sin thubhairt Iosa ri Peadar, Cuir do chlaidheamh 'san truail: an cupan a thug m' Athair dhomhsa, nach òl mi e?

12 An sin rug a' bhuidheann, agus an ceannard, agus maoir nan Iudhach air Iosa, agus cheangail iad e.

13 Agus thug iad leo e air tùs gu Annas (oir b'esan athair-céile Chaiaphais, a bha 'na àrd shagart air a' bhliadhna sin.)

14 A nis b'e Caiaphas a thug comhairle do na h-Iudhachaibh, gu'm b'iomchuidh gu'm faigheadh aon duine bàs air son an t-sluaigh.

15 Agus lean Simon Peadar agus deisciobul eile Iosa. B'aithne do'n àrd shagart an deisciobul sin, agus chaidh e steach maille ri h-Iosa do chùirt an àrd shagairt.

16 Ach sheas Peadar aig an doras an leth muigh. Uime sin chaidh an deisciobul sin eile a b'aithne do'n àrd shagart a mach, agus labhair e ris a' bhan-dorsair, agus thug e Peadar a steach.

17 An sin thubhairt a' bhan-oglach a bha gleidheadh an doruis ri Peadar, Nach ann do dheisciobluibh an duine so thusa mar an ceudna? thubhairt esan, Cha'n ann.

18 Agus bha na seirbhisich agus na maoir 'nan seasamh, air dhoibh teine guail a chur suas, oir bha'm fuachd ann, agus bha iad 'gan garadh fèin: agus bha Peadar 'na sheasamh maille riu, agus 'ga gharadh fèin.

19 An sin dh'fhiosraich an t-àrd shagart do Iosa mu thimchioll a theagaisg.

20 Fhreagair Iosa e, Labhair mise os àird ris an t-saoghal; theagaisg mi a ghnàth anns an t-sionagog, agus anns an teampull, far am bheil na h-Iudhaich a' cruinneachadh as gach àit, agus am folach cha do labhair mi ni air bith.

21 C'ar son a ta thu fiosrachadh dhiomsa? Fiosraich dhiubh-san a chuala, ciod a

thubhairt mi riu: feuch, a ta fhios acasan ciod a thubhairt mi.

22 Agus an uair a thubhairt e na nithe so, bhuail aon do na maoraibh, a bha 'na sheasamh a làthair, a bhas air Iosa, ag ràdh, An ann mar so a fhreagras tu an t-àrd shagart?

23 Fhreagair Iosa e, Ma labhair mi gu h-olc, dean fianuis air an olc: ach ma's ann gu maith, c'ar son a ta thu ga m' bhualadh?

24 (A nis chuir Annas e ceangailte gu Caiaphas an t-àrd shagart.)

25 Agus bha Simon Peadar 'na sheasamh agus 'ga gharadh: Uime sin thubhairt iad ris, Nach aon d'a dheiscioblubh thusa mar an ceudna? Dh'àicheadh esan, agus thubhairt e, Cha mhi.

26 Thubhairt aon do sheirbhisich an àrd shagairt, (caraid do'n fhear do'n ghearr Peadar a chluas,) Nach faca mise thu san lios maille ris?

27 An sin dh'àicheadh Peadar a ris, agus air ball ghoir an coileach.

28 An sin thug iad Iosa o Chaiaphas gu àit a' bhreitheanais: agus b'i mhaduinn a bh'ann, agus cha deachaidh iad féin do àit a' bhreitheanais, chum's nach biodh iad air an salachadh; ach gu'n itheadh iad a' chàisg.

29 An sin chaidh Pilat a mach d'an ionnsuidh-san, agus thubhairt e, Ciod a' chasaid a tha sibh a' toirt an aghaidh an duine so?

30 Fhreagair iadsan agus thubhairt iad ris, Mur b'fhear droch-bheirt e, cha d'thugamaid thairis dhuitse e.

31 An sin thubhairt Pilat riu, Gabhaibhse e, agus thugaibh breth air a réir bhur lagha féin. An sin thubhairt na h-Iudhaich ris, Cha 'n'eil e ceaduichte dhuinne neach air bith a chur gu bàs:

32 Chum gu'm biodh focal Iosa air a choimhionadh, a labhair e, a' ciallachadh ciod a ghne bàis a bha e gu faotainn.

33 An sin chaidh Pilat a steach a ris do àit a' bhreitheanais, agus ghairm e Iosa, agus thubhairt e ris, An tusa Rìgh nan Iudhach?

34 Fhreagair Iosa e, Am bheil thu 'g ràdh so uait féin, no an d'innis daoine eile dhuit e a m' thiunchioll-sa?

35 Fhreagair Pilat, An Iudhach mise? Thug do chinneach féin, agus na h-àrd shagairt thairis dhomhsa thu: ciod a rinn thu?

36 Fhreagair Iosa, Cha'n ann do'n t-saoghal-sa tha mo rioghachd-sa: nam b'ann do'n t-saoghal-sa bhiodh mo rioghachd, dheanadh mo sheirbhisich cogadh, chum nach d'thugta thairis do na h-Iudhachaibh mi: ach a nis cha 'n ann o so a ta mo rioghachd.

37 Air an aobhar sin thubhairt Pilat ris, An rìgh thu ma seadh? Fhreagair Iosa, A deir thusa gur rìgh mi. 'S ann chum na crìche so a rugadh mi, agus chum na crìche so thainig mi do'n t-saoghal, chum's gu'n

deanainn fianuis do'n fhìrinn. Gach neach a ta air taobh na fìrinn, éisdidh e ri m' ghuth-sa.

38 Thubhairt Pilat ris, Ciod i an fhìrinn? Agus air dha so a ràdh, chaidh e mach a ris chum nan Iudhach, agus a deir e riu, Cha 'n'eil mise a' faotainn coire air bith ann.

39 Ach a ta gnàth agaibhse, gu'n leiginn as duine dhuibh air a' chàisg: uime sin an àill libh mi a leigeadh rìgh nan Iudhach fa sgaol duibh?

40 An sin ghlaodh iadsan uile<sup>1</sup>, ag ràdh, Cha'n e an duine so, ach Barabas. A nis, b'fhear-renbainn Barabas.

## CAIB. XIX.

1 Tha Crìosd air a sgiùrsadh, air a chrùnadh le droighinn, agus air a bhualadh. 4 Tha Pilat togarrach a leigeadh fa sgaol, ach air dha bhi air aomadh le gàraich nan Iudhach, thug e thairis e gu bhi air a cheusadh. 23 Tha iad a' tilgeadh chràna air eudach: 26 Tha e ag earbsadh a mhàthar ri Eoin: 28 A' fughail a' bhàis: &c.

**A**N sin air an aobhar sin ghlac Pilat Iosa, agus sgiùrs se e.

2 Agus dh'fhìgh na saighdearan crùn droighinn, agus chuir iad air a cheann e, agus chuir iad falluing phurpuir<sup>2</sup> uime,

3 Agus thubhairt iad, Fàilt' ort, a rìgh nan Iudhach: agus bhuail iad le'm basaidh e.

4 An sin chaidh Pilat a mach a ris, agus a deir e riu, Feuch, a ta mise 'ga thoirt a mach d'ar ionnsuidh, chum's gu'm bi fios agaibh nach 'eil mise faotainn coire sam bith ann.

5 An sin thainig Iosa mach, agus an crùn droighinn air, agus an fhalluing phurpuir uime. Agus a deir Pilat riu, Feuch an duine.

6 Uime sin an uair a chunnaic na h-àrd shagairt agus na maoir e, ghlaodh iad, ag ràdh, Ceus e, ceus e. A deir Pilat riu, Gabhaibhse e, agus ceusaidh e: oir cha 'n'eil mise a' faotainn coire sam bith ann.

7 Fhreagair na h-Iudhaich e, Tha lagh againne, agus a réir ar laghane is còir a chur gu bàs, air son gu'n d'rinn e Mac Dhé dheth féin.

8 Uime sin an uair a chuala Pilat a' chainnt sin, bu mhòid a bha dh'eagal air;

9 Agus chaidh e steach a ris a dh'àit a' bhreitheanais, agus a deir e ri h-Iosa, Cia as duit? ach cha d'thug Iosa freagradh air.

10 An sin a deir Pilat ris, Nach labhair thu rium-sa? nach 'eil fhios agad gu bheil cumhachd agamsa do cheusadh, agus cumhachd agam do chur fa sgaol?

11 Fhreagair Iosa, Cha bhiodh cumhachd air bith agad a'm' aghaidhse, inur d'thugta dhuit o'n àird e: air an aobhar sin an ti a thug mise thairis dhuit, tha aige-san am peacadh a's mò.

<sup>1</sup> uile [a ris.]<sup>2</sup> chorcuir.



12 Agus o sin suas dh'iar Pilat a chur fa sgaoil: ach ghlaodh na h-Iudhaich, ag ràdh, Ma leigeas tu 'm fear so fa sgaoil, cha charaid do Cheasar thu: ge b'e neach a ta 'ga dheanamh fèin 'na rìgh, tha e labhairt an aghaidh Cheasair.

13 Uime sin an uair a chuala Pilat a' chainnt sin, thug e mach Iosa, agus shuidh e air a' chaithir-bhreitheanais, anns an ionad d'an goirear an Leac-ùrlar, ach anns an Eabhra<sup>1</sup>, Gabata.

14 Agus b'e là-ulluchaidh na càisge e, agus mu thimchioll na seathadh uaire: agus a deir e ris na h-Iudhachaibh, Feuch bhur rìgh.

15 Ach ghlaodh iadsan a mach, Beir uainn, beir uainn, ceus e. A deir Pilat riu, An ceus mi bhur rìghse? Fhreagair na h-àrd shagairt, Cha 'n'eil rìgh againne ach Ceasar.

16 An sin air an aobhar sin thug e thairis dhoibh e, gu bhì air a cheusadh. Agus ghlac iad Iosa, agus thug iad leo e.

17 Agus chaidh e mach, a' giùlan a chrann-ceusaidh, do'n ionad d'an goirear ait a' chloiginn, d'an ainm 'san Eabhra, Golgota.

18 An sin cheus iad e, agus dithis eile maille ris, fear air gach taobh, agus Iosa sa' mheadhon.

19 Agus sgrìobh Pilat mar an ceudna tìodal, agus chuir e air a' chrann-cheusaidh e. Agus b'e an sgrìobhadh, IOSA O NASARET RIGH NAN IUDHACH.

20 Uime sin leugh mòran do na h-Iudhachaibh an tìodal so: oir bha'n t'àit anns an do cheusadh Iosa fagus do'n bhaile: agus bha an sgrìobhadh an Eabhra, an Greugais, agus an Laidin.

21 An sin thubhairt àrd shagairt nan Iudhach ri Pilat, Na sgrìobh, Rìgh nan Iudhach; ach gu'n dubhairt e fèin, Is mi rìgh nan Iudhach.

22 Fhreagair Pilat, An ni a sgrìobh mi, sgrìobh mi e.

23 An sin an uair a cheus na saighdearan Iosa, ghlac iad a thruscan (agus rinn iad ceithir earrannan, earrann do gach saighdear) agus a chòta mar an ceudna: agus bha'n còta gun fhuigaigh, air fhigheadh o bhràigh sìos gu h-ìomlan.

24 Thubhairt iad uime sin eatorra fèin, Na reubamaid e, ach tilgeamaid croinn air, cò aig a bhitheas e: chum gu'n coimhliontadh an sgrìobtur, a deir, Roinn iad mo thruscan eatorra, agus thilg iad croinn air mo bhrat. Air an aobhar sin rinn na saighdearan na nithe so.

25 A nis sheas làimh ri crann-ceusaidh Iosa, a mhàthair agus piuthar a mhàthar, Muire bean Chleophais, agus Muire Magdalen,

26 Uime sin an uair a chunnaic Iosa a

mhàthair, agus an deisciobul a b'ionmhuinn leis 'na sheasamh a làthair, thubhairt e r'a mhàthair, A bhean, feuch do mhac.

27 An sin a deir e ris an deisciobul, Feuch do mhàthair. Agus o'n àm sin a mach thug an deisciobul sin leis i d'a thigh fèin.

28 An déigh so air do Iosa fìos a bhì aige gu'n robh na h-uile nithe a nis air an crìochnachadh, chum gu'n coimhliontadh an sgrìobtur, a deir e, Tha tart orm.

29 A nis bha an sin soitheach làn do fhìon-geur: agus air dhoibhsan spong a fhionadh do'n fhìon-gheur, agus a chur air hisop, shìn iad chum a bhcoil e.

30 An sin an uair a ghabh Iosa am fìon-geur, thubhairt e, Tha e crìochnaichte: agus air cromadh a chinn da, thug e suas a spiorad.

31 An sin chum nach fanadh an cuirp air a' chrann-cheusaidh air an t-sàbaid, a chionn gu'm b'e là an ulluchaidh a bha ann (oir bu latha mòr an latha sàbaid sin) dh'iar na h-Iudhaich air Pilat gu'n rachadh an luirgne a bhriseadh, agus gu'n d'fhugadh air falbh iad.

32 An sin thainig na saighdearan, agus bhris iad luirgne a' cheud fhir, agus luirgne an fhir eile, a cheusadh maille ris.

33 Ach air dhoibh teachd chum Iosa, an uair a chunnaic iad gu'n robh e cheana marbh, cha do bhris iad a luirgne-san.

34 Ach lot fear do na saighdearaibh a thaobh le sleagh, agus air ball thainig a mach fuil agus uisge.

35 Agus thug an ti a chunnaic sin fianuis, agus a ta fhianuis fìrinneach: agus a ta fhios aige gu bheil e labhairt na fìrinn, chum gu'n creideadh sibhse.

36 Oir rinneadh na nithe so chum gu'n coimhliontadh an sgrìobtur, Cha bhrisear cràimh dheth.

37 Agus a ris a deir sgrìobtur eile, Amhairc iad airsan a lot iad<sup>2</sup>.

38 'Na dhéigh so, dh'iar Ioseph o Arimatea (a bha 'na dheisciobul aig Iosa, ach am folach air eagal nan Iudhach) air Pilat comas corp Iosa a thoirt leis: agus leig Pilat sin leis: Thainig e air an aobhar sin, agus thug e leis corp Iosa.

39 Thainig mar an ceudna Nicodemus (a thainig air tùs gu Iosa san oidhche) agus thug e leis mu thimchioll ceud pund do mhir agus do aloes air am measgadh feadh a chéile.

40 An sin ghabh iad corp Iosa, agus cheangail<sup>3</sup> iad e ann an lìon-eudaichibh, maille ris an spìosraidh<sup>4</sup>, mar is gnàth leis na h-Iudhachaibh adhlac a dheanamh<sup>5</sup>.

41 A nis bha lios anns an àit an do cheusadh e; agus anns an lios uaigh nuadh, anns nach do chuireadh aon duine riamh.

<sup>1</sup> Eabhrais. <sup>2</sup> shàth iad trid. <sup>3</sup> phaisg. <sup>4</sup> maille ris na luibhich càbhraidh.

<sup>5</sup> spìosraidh chur air corp; embuln. Sasg.

42 Air an aobhar sin air son ullachaidh càise nan Iudhach, do bhrìgh gu'n robh an uaigh am fagus, chuir iad Iosa an sin.

## CAIB. XX.

1 Tha Muire teachd a chum na h-uaighe; 3 agus Peadar agus Eoin, agus iad gun fhios acu air aiseirigh-san. 11 Dh'fhoillsichadh Crìosd do Mhuire Magdalen, 19 agus d'a dheisciobluibh. 24 Mi-chreidimh agus aidmheil Thomais, &c.

AIR a' cheud là do'n t-seachdain thainig Muire Magdalen gu moch, an dorchadas fathast ann, chum na h-uaighe, agus chunnaic i a' chlach air a togail o'n uaigh.

2 Ruith i an sin, agus thainig i gu Simon Peadar, agus gus an deisciobul eile a b'ionnmhuinn le h-Iosa, agus a deir i riu, Thug iad leo an Tighearn as an uaigh, agus cha'n eil fhios againn c'ait an do chuir iad e.

3 Uime sin chaidh Peadar a mach, agus an deisciobul sin eile, agus thainig iad chum na h-uaighe.

4 Agus ruith iad 'nan dithis maraon: agus ruith an deisciobul eile ni bu luaithe na Peadar, agus thainig e air tùs chum na h-uaighe.

5 Agus air cromadh sìos da chunnaic e 'n lìon-eudach 'na luidhe; gidheadh cha deachaidh e steach.

6 An sin thainig Simon Peadar 'ga lean-tuinn, agus chaidh e steach do'n uaigh, agus chunnaic e 'n lìon-eudach 'na luidhe;

7 Agus an neapaic an bha m'a cheann, cha'n ann 'na luidhe maille ris an lìon-eudach, ach air leth air fhilleadh ann an aon àit.

8 An sin chaidh a steach mar an ceudna an deisciobul sin eile a thainig air tùs chum na h-uaighe, agus chunnaic, agus chreid e.

9 Oir cha do thuig iad fathast an scriob-tuir, gu'm b'èigin gu'n èireadh esan a rìs o na marbhaibh.

10 An sin dh'imich na deisciobuil a rìs chum an cuideachd fèin.

11 Ach sheas Muire a'g an uaigh a muigh, a' gul: agus ag gul dìth, chroim i sìos, ag amharc a steach do'n uaigh,

12 Agus chunnaic i dà aingeal ann an culaidhibh geala, 'nan suidhe, fear a'g a' cheann, agus fear a'g na cosaibh, 'san àit an robh corp Iosa 'na luidhe;

13 Agus a deir iadsan rithe, A bhean, c'ar son a ta thu gul? A deir i riu, Air son gu'n d'thug iad mo Thighearn leo, agus nach 'eil fhios agam c'ait an do chuir iad e.

14 Agus an uair a thubhairt i so, phill i air a h-ais, agus chunnaic i Iosa 'na sheasamh, agus cha d'aithnich i gu'm b'e Iosa bha ann.

15 A deir Iosa rithe, A bhean, c'ar son a ta thu gul? cò ta thu 'g iarraidh? air saòilsinn d'ise gu'm b'e an garadair a bh'ann, a deir i ris, A thighearn, ma thug thusa leat

e, innis dhomhsa c'ait an do chuir thu e, agus bheir mise leam e.

16 A deir Iosa rithe, A Mhuire. Air tionndadh dh'ise, thubhairt i ris, Rabboni, 'se sin r'a ràdh, A Mhaighstir.

17 A deir Iosa rithe, Na bean rium: oir cha deachaidh mi fathast suas chum m' Athar: ach imich chum mo bhràithre, agus abair riu, Tha mise dol suas chum n' Athar fèin agus bhur n-Atharsa, agus chum mo Dhé fèin agus bhur Dé-se.

18 Thainig Muire Magdalen agus dh'in-nis i do na deisciobluibh, gu'm fac i 'n Tighearn, agus gu'n dubhairt e na nithe so rithe.

19 Agus air teachd do'n fheasgar an là sin fèin, air a' chend là do'n t-seachdain, agus na dorsa dùinte far an robh na deisciobuil cruinn air eagal nan Iudhach, thainig Iosa agus sheas e sa' mheadhon, agus a deir e riu, Sith dhuibh.

20 Agus air dha so a ràdh, nochd e dhoibh a làmhnan agus a thaobh. An sin bha aobhneas air na deisciobluibh an uair a chunnaic iad an Tighearn.

21 An sin Thubhairt Iosa riu a ris, Sith dhuibh: mar a chuir an t-Athair uaith mise, mar sin a ta mise 'gar cursa uam.

22 Agus air dha so a ràdh, shéid e orra, agus a deir e riu, Gabhaibhse an Spiorad naomh.

23 Cò air bith iad d'am maith sibh am peacaidh, tha iad maithte dhoibh; agus cò air bith iad d'an cum sibh am peacaidh gun am maithemh, tha iad air an cumail.

24 Ach cha robh Tomas, aon do'n dà fhear dheug, d'an goirear Didimus, maille riu 'nuair a thainig Iosa.

25 Uime sin thubhairt na deisciobuil eile ris, Chunnaic sinne an Tighearn. Ach thubhairt esan riu, Mur faic mise aileadh<sup>2</sup> nan tairngean 'na làmhaidh, agus nur cuir mi mo mheur ann an aileadh nan tairngean, agus mur cuir mi mo làmh 'na thaobh, cha chreid mi.

26 Agus an ceann ochd làithean 'na dhéigh sin, bha a dheisciobuil a ris a stigh, agus Tomas maille riu: thainig Iosa, agus na dorsa dùinte, agus sheas e sa' mheadhion, agus thubhairt e, Sith dhuibh.

27 'Na dhéigh sin a deir e ri Tomas, Cuir an so do mheur, agus feuch mo làmh-an; agus sin an so do làmh, agus cuir a'm' thaobh i: agus na bi mi-chreideach, ach creideach.

28 Agus fhreagair Tomas, agus thubhairt e ris, Mo Thighearn agus mo Dhia.

29 A deir Iosa ris, Air son gu faca tu mi, a Thomais, chreid thu: is beannuichte iadsan nach faca, agus a chreid.

30 Agus rinn Iosa gu fìrinneach mòran do mhiorbhuilbh eile am fianuis a dheisciobuil, nach 'eil scrìobhta 'san leabhar so.



31 Ach tha iad so scribedha chum gu'n creideadh sibh gur e Iosa an Crìosd Mac Dhé, agus ag creidsinn duibh, gu'm biodh agaibh beatha trid ainm-san.

CAIB. XXI.

1 Tha Crìosd 'ga f'hoillseachadh fèin a ris d'a dheisciobluibh, agus air aithneachadh leo leis an tarruing mhòr éisg: 12 Tha 'e gabhail a dhèineir maille riu; 15 a' toirt sparraidh do Pheadar uain agus a chaoraich a bhiadh; 18 a' roimh-innseadh a bhàis dha, 22 'ga chronachadh air son a thograidh air fios fhuotainn mu bhàs Eoin. 25 Comh-dhùndh an leabhair.

**A**N déigh nan nithe sin dh'fhoillsich Iosa e fèin a ris d'a dheisciobluibh aig muir Thiberias; agus air an dòigh so nochd se e fèin;

2 Bha maille r'a chéile Simon Peadar, agus Tomas d'an goirear Didimus, agus Natanael o Chana Ghalile, agus mic Shebede, agus dithis eile d'a dheisciobluibh.

3 A deir Simon Peadar riu, Tha mi dol a dh'iasgach. A deir iadsan ris, Tha sinne a' dol maille riu. Dh'imich iad a mach, agus chaidh iad a steach do luing air ball; agus cha do ghlac iad ni air bith an oidhche sin.

4 Ach an uair a bha a'mhaduinn a nis air teachd, sheas Iosa air an tràigh<sup>1</sup>: gidheadh cha robh fhios aig na deisciobluibh gu'm b'e Iosa bha ann.

5 An sin a deir Iosa riu, A chlann, am bheil biadh air bith agaibh? Fhreagair iadsan e, Cha n'eil.

6 Agus thubhairt esan riu, Tilgibh an lìon air an taobh deas do'n luing, agus gheibh sibh. Thilg iad uime sin, agus a nis cha b'urrainn iad a tharruing air son lìonmhoireachd an éisg.

7 Uime sin a deir an deisciobul sin, a b'ionmhuinn le Iosa, ri Peadar, 'Se n' Tighearn a ta anh. A nis an uair a chuala Simon Peadar gur e n' Tighearn a bh'ann, cheangail e a chòt uachdair uime, (oir bha e lomnochd) agus thilg se e fèin sa' mhuir.

8 Thainig na deisciobuil eile ann an luing bhig (oir cha robh iad fada o thìr, ach mu thimchioll dà cheud lamh-choille<sup>2</sup>) a' tarruing an lìn éisg.

9 Uime sin an uair a thainig iad air thìr, chunnaic iad grìosach an sin, agus iasg air a chur oirre, agus aran.

10 A deir Iosa riu, Thugaibh an so do'n iasg a ghlac sibh a nis.

11 Chaidh Simon Peadar suas, agus tharruing e 'n lìon gu thìr, làn do iasgaibh mòra, ceud agus leth-cheud agus tri: agus ge do bha 'n uiread sin ann, cha do bhris-eadh an lìon.

12 A deir Iosa riu, Thigibh, gabhaibh bhuir dinneir. Agus cha robh a chridh<sup>3</sup> aig a h-aon do na deisciobluibh fheadraich

dheth, Cò thusa? oir dh'aithnich iad gur e'n Tighearn a bha ann.

13 An sin thainig Iosa, agus ghlac e aran, agus thug e dhoibh e, agus iasg mar an ceudna.

14 'Si so a nis an treas uair a nochd Iosa e fèin d'a dheisciobluibh, an déigh dha éirigh o na marbhaibh.

15 An sin an déigh dhoibh an dinneir a ghabhail, a deir Iosa ri Simon Peadar, A Shimoin *mhic* Ionais, am bheil barrachd gràidh agad dhomhsa orra sin? A deir e ris, Tha, a Thighearn; tha fios agad gur toigh leam thu. A deir esan ris, Beathaich m'uam.

16 A deir e ris a ris an dara uair, A Shimoin *mhic* Ionais, an toigh leat mise? A deir e ris, Seadh, a Thighearn; tha fios agad gur toigh leam thu. A deir e ris, Beathaich mo chaoraich<sup>4</sup>.

17 A deir e ris an treas uair, A Shimoin *mhic* Ionais, an toigh leat mise? Bha Peadar doilich a chionn gu'n dubhairt e ris an treas uair, An toigh leat mise? Agus thubhairt e ris, A Thighearn, is aithne dhiut na h-uile nithe; tha fhios agad gur toigh leam thu. A deir Iosa ris, Beathaich mo chaoraich.

18 Gu deimhin deimhin a deirim riut, an uair a bha thu òg, chrìosraich thu thu fèin, agus dh'imich thu'n taobh bu mhiann leat; ach an uair a bhios tu aosmhor, sinidh tu mach do làmbhan, agus crìosraichidh neach eile thu, agus bheir e thu 'n taobh nach àill leat.

19 So thubhairt e, a' ciallachadh ciod a' ghnè bàis leis an d'thugadh e glòir do Dhia. Agus air dha so a ràdh, a deir e ris, Lean mise.

20 An sin air do Pheadar tionndadh, chunnaic e an deisciobul, a b'ionmhuinn le Iosa, a' leantuinn; an ti mar an ceudna a luidh air uchd Iosa air a shuipeir, agus a thubhairt ris, A Thighearn, cò e a bhrathas thu?

21 Air do Pheadar esan fhaicinn, thubhairt e ri h-Iosa, A Thighearn, ciod a ni 'm fear so?

22 A deir Iosa ris, Ma's àill leamsa e dh'fhanuinn gus an d'thig mi, ciod e sin duitse? Leansa mise.

23 Uime sin chaidh an ràdh so mach am measg nam bràithre, nach faigheadh an deisciobul sin bàs: gidheadh cha dubhairt Iosa ris, nach faigheadh e bàs: ach, Ma's i mo thoise e dh'fhanuinn gus an d'thig mi, ciod e sin duitse?

24 'Se so an deisciobul a ta deanamh fianuis air na nithibh so, agus a' scribedha na nithe so: agus a ta fhios againne gu bheil fhianuis fìor.

25 Agus a ta mar an ceudna mòran do nithibh eile a rinn Iosa, agus nam biodh iad uile scribedha, 's i mo bharail nach cumadh an saoghal fèin na rachadh a scribedhadh do leabhruibh. Amen.

<sup>1</sup> a' chladach. <sup>2</sup> bann-lamh. <sup>3</sup> mhiannich.

<sup>4</sup> bi d'aodhaire air mo chaoraich.

# GNIOMHARA NAN ABSTOL.

## CAIB. I.

1 *Dol suas Iosa gu nèamh, 10 An dèigh a dhol suas tha dà aingeal a' toirt rabhaidh do na h-abstolaibh iad a dh'imeachd rompa, agus a shocrachadh an inntinn air ath-theuchd-san: 12 a rèir sin tha iad a' pilltim, agus a' deanamh ùrnuigh, agus a' tughadh Mhatais 'na Abstol an àit Iudais.*

**R**INN mi an ceud leabhar, a Theophil-uis, mu thimchioll nan uile nithe a thionnsgain<sup>1</sup> Iosa a dheanamh agus a theagasg.

2 Gus an là an do thogadh suas e, an dèigh dha, trid an Spioraid Naoimh, àith-eantant a thabhairt do na h-abstolaibh a thagh e:

3 D'an d'rinn e mar an ceudna e fèin a nochdadh beo an dèigh fhulangais, le mòran do chomharaidh firinneach, air dha bhi air fhaicinn leo feadh dhà fhichead latha, agus e labhairt mu na nithibh sin a bhuincadh do rioghachd Dhé:

4 Agus air dha bhi maille riu, dh'àithn e dhoibh gun iad a dhol o Hierusalem, ach feitheamh ri gealladh an Athar, *ars' esan*, a chuala sibh uamsa.

5 Oir bhaist Eoin gu deimhin le uisge: ach baistear sibhse leis an Spiorad naomh, air bheag do làithibh an dèigh so.

6 Uime sin air cruinneachadh dhoibh an ceann a chèile, dh'fheòraich iad deth, ag ràdh, A Thighearn, an aiseig thu 'san àm so an rioghachd do Israel?

7 Ach thubhairt esan riu, Cha bhuin e dhuibhse fios nan aimsir no nan àm fhaot-ainn, a chuir an t-A thair 'na chumhachd fèin.

8 Ach gheibh sibhse cumhachd an uair a thig an Spiorad naomh oirbh: agus bith-idh sibh 'nar fianuisibh dhomh-sa, araon ann an Ierusalem agus ann an Iudea uile, agus ann an Samaria, agus gu iomall na talmhainn.

9 Agus an uair a thubhairt e na nithe so, thogadh suas e, agus iadsan 'ga fhaicinn, agus thug neul as an sealladh e.

10 Agus am feadh a bha iadsan a' geur-amharc gu nèamh, agus esan a' dol suas, feuch, sheas dithis fhear làimh riu ann an eudach geal;

11 Agus thubhairt iad, Fheara Ghalile, c'ar son a ta sibh 'nar seasamh ag amharc gu nèamh? An t-Iosa so a thogadh suas uaibh gu nèamh? is amhuil sin a thig e, mar a chunnaic sibh e a' dol gu nèamh.

12 An sin phill iad gu Hierusalem, o'n t-sliabh d'an goirear *sliabh* nan crann-ola, a tha'm fagus do Hierusalem, astar latha sàbaid as.

13 Agus an uair a thainig iad a stigh, chaidh iad suas do sheomar uachdarach,

far an robh a' fantuinn Peadar, agus Seumas, agus Eoin, agus Aindreas, Philip, agus Tomas, Bartolomeus, agus Mata, Seumas mac Alpheuis, agus Simon Selotes, agus Iudas bràthair Sheumais.

14 Bhuaanaich iad so uile a dh'aon inntinn ann an ùrnuigh agus an guidhe, maille ris na mnaibh, agus Muirc màthair Iosa, agus maille r'a bhraithribh.

15 Agus anns na làithibh sin dh'èirich Peadar ann am meadhon nan deisciobul, agus thubhairt e, (b'e àireamh nan ainm a bha làthair, mu thimchioll ceud agus fich-ead.)

16 Fheara agus a bhràithre, b'èigin an scriobtuir so bhi air a choimhlionadh, a roimh-labhair an Spiorad naomh le beul Dhaibhidh timchioll Iudais, a bha 'na cheann-juil<sup>2</sup> acean a ghlac Iosa.

17 Oir bha e air àireamh maille ruinne, agus fhuair e cuibhrionn do'n fhrithealadh so.

18 A nis cheannaich am fear so fearann le duais na h-eucorach; agus air dha tuit-eam sìos air aghaidh<sup>3</sup>, sgàin e sa' mheadh-on, agus bhrùchd a mhionach uile mach.

19 Agus rinneadh so aithnichte do luchd-àiteachaidh Ierusalem uile; air chor as gu'n goirear do'n fhearann sinn 'nan cainnt fèin, Aceldama, sin ri ràdh, Fearann fola.

20 Oir a ta e scriobhta ann an leabhar nan Salm, Biodh àite-còmhnuidh 'na fhà-sach, agus na gabhadh neach sam bith tàmh ann: agus, Glacadh neach eile a dhreuchd<sup>4</sup>.

21 Air an aobhar sin is còir aon do na daoineibh sin a bha maille ruinne, rè na h-aimsire sin uile anns an deachaidh an Tighearn Iosa steach agus a mach 'nar measgne,

22 A' tòiseachadh o bhaisteadh Eoin, gus an là an do thogadh suas uainn e, bhi air a dheanamh 'na fhianuis air aiseirigh-san maille ruinne.

23 Agus shonraich iad dithis, Ioseph d'an goirear Barsabas, d'am bu chomh-ainm Iustus, agus Matias.

24 Agus air deanamh ùrnuigh dhoibh, thubhairt iad, Thusa a Thighearn, d'an aithne cridheacha nan uile dhaoine, foill-sich cò do'n dithis so a thagh thu,

25 A ghabhail cuibhriunn do'n fhritheal-adh agus do'n abstolachd so, o'n do thuit Iudas le seachran<sup>5</sup>, gu dol g'a àit fèin.

26 Agus thig iad an crannchur; agus thuit an crannchur air Matias, agus bha e air àireamh maille ris an aon abstol deug.

## CAIB. II.

1 *Tha na h-abstoil air an lìonadh leis an Spi-*

<sup>1</sup> thòiseich. <sup>2</sup> shreòruiche. <sup>3</sup> an comhair a chinn.

<sup>4</sup> oifig.

<sup>5</sup> a dh'fhùg Iudas.



orad naomh, agus a' labhairt iomadh gnè cainnte; tha cuid a' gabhail iongantais riu, agus cuid eile a' fanoid orra: 14 Tha Peadar, chum a' bhreug a dheanamh d'am barailsan, a' nochdadh gu'n do labhair na h-abstoil le cumhachd an Spioraid naomh, gu'n d'èirich Criosd o na marbhaibh, gu'n deachaidh e suas air nèamh; &c.

**A** GUS an uair a thainig là na cuingis<sup>1</sup>, bha iad gu léir a dh'aon inntinn ann an aon àit.

2 Agus thainig gu h-obann toirm o nèamh, mar sheideadh gaoithe ro thréin, agus lion i an tigh uile far an robh iad 'nan suidhe.

3 Agus dh'fhoillsichadh dhoibh tean-ganna sgoilte, mar do theine, agus shuidh e air gach aon diubh fa leth:

4 Agus lionadh iad uile leis an Spiorad naomh, agus thòisich iad air labhairt le teangaibh eile a réir mar a thug an Spiorad comas labhairt dhoibh.

5 Agus bha a' gabhail còmhnuidh ann an Ierusalem, Iudhaich, dàoinne cràbhach, do gach uile chinneach fuidh nèamh.

6 A nis an uair a sgaoileadh an t-ìomradh so, thainig an sluagh an ceann a chèile, agus bha iad fuidh amhladh, do bhrìgh gu'n cuala gach aon iad a labhairt 'nan cànan<sup>2</sup> féin.

7 Agus bha iad uile fuidh uamhas agus ghabh iad iongantas, ag ràdh r'a chèile, Feuch, nach Galiléich iad sin uile a ta labhairt?

8 Agus cionnus a ta sinne 'gan cluinntinn gach aon 'nar cànan féin, anns an d'rugadh sinn?

9 Partuich, agus Medich, agus Elamuich, agus luchd-àiteachaidh Mhesopotamia, Iudea, agus Chapadocia, Phontuis, agus Asia,

10 Phrigia, agus Phamphilia, na h-Eiphit, agus chrìoch na Libia timchioll Chirene, agus coigrich o'n Ròimh, Iudhaich agus Proselitich<sup>3</sup>,

11 Muinntir Chrete, agus Arabia, tha sinn 'gan cluinntinn a' labhairt 'nar teangaibh féin gnìomhara mòralacha Dhé.

12 Agus bha iad uile fuidh uamhas, agus ann an an ioma-chomhairle, ag ràdh gach aon r'a chèile, Ciod is ciall da so?

13 Ach thubhairt droing eile a' fanoid, Tha na daoine so làn do fhion ùr.

14 Ach air seasamh do Pheadar maille ris an aon fhear deug, thog e a ghuth, agus thubhairt e riu, Fheara Iudea, agus sibse uile a luchd-àiteachaidh Ierusalem, biodh fios so agaibh, agus éisdibh ri m' bhriathraibh-se:

15 Oir cha 'n eil iad so air mhisg, mar

a ta sibhs' a' meas, oir is i an treas uair do'n là<sup>4</sup> a ta ann.

16 Ach is e so an ni a dubhradh leis an fhàidh Ioeil:

17 Agus tarlaidh<sup>5</sup> anns na làithibh deir-eannach (arsa Dia) dòirtidh mise do m' Spiorad air gach uile fheoil; agus ni bhur mic agus bhur nigheana fàidheadaireachd, agus chi bhur n-òganaich seallanna, agus brudaraidh bhur seann daoine brudaran<sup>6</sup>:

18 Agus dòirtidh mise air m'òglachaibh, agus air mo bhan-òglachaibh do m' Spiorad anns na làithibh sin, agus ni iad fàidheadaireachd:

19 Agus nochdaidh mise iongantais anns na neamhaibh shuas, agus comharan air an talamh shìos; fuil, agus teine, agus duibh-neul deataich.

20 Iompoichear a' ghrian gu dorchadas, agus a' ghealach gu fuil, mun d'thig latha mòr agus comharichte sin an Tighearna.

21 Agus tarlaidh, ge b'e neach a ghairmeas air ainm an Tighearna, gu'n tearnar e.

22 Fheara Israeil, éisdibh ris na briathraibh so: Iosa o Nasaret, duine a dhearbhadh le Dia 'nar measgsa, le cumhachdaibh agus le mìorbhuilibh agus le comharaibh, a rinn Dia leis-san 'nar meadhon-sa, mar a ta fhios agaibh féin;

23 An duine so, a thugadh thairis le comhairle chinntich agus roimh-eòlas Dé, ghlac sibhs, agus le làmhaidh dhroch dhaoine<sup>7</sup> cheus agus mharbh sibh e<sup>8</sup>:

24 Neach a thog Dia suas, air dha piantan<sup>9</sup> a' bhàis fhuasgladh; do bhrìgh nach robh e'n comas gu'n cumtadh esan leis:

25 Oir a deir Daibhidh m'a thimchioll, Chunnaic mi an Tighearna romham a ghnàth, oir a ta e aig mo dheas làimh, chum nach gluaisteadh mi.

26 Air an aobhar so rinn mo chridhe gairdeachas, agus rinn mo theanga aoibhneas: tuilleadh fòs, gabhaidh m'fheoil còmhnuidh fhoisneach ann an dòchas<sup>10</sup>:

27 Do bhrìgh nach fàg thu m'anam shìos ann an ifrinn<sup>11</sup>, ni mò a dh'fhuilingeas tu do d' naomh Aon féin gu faic e truaillidheachd.

28 Dh'fhoillsich thu dhomhsa slighean na beatha; lionuidh tu mi do shubhachas le d' ghnùis.

29 Fheara agus a bhràithre, leigibh leamsa labhairt gu dàna ribh m'un phrìomh-athair Daibhidh, araon gu'n d'fhuair e bàs, agus gu'n d'adhlaicheadh e, agus gu bheil uaigh maille ruinne gus an là 'n diugh:

30 Air an aobhar sin air dha bhi 'na fhàidh, agus fiosrach gu'n do mhionnaich Dia le mionnaibh dha, do thoradh a leas-

<sup>1</sup> an uair a choimhlionadh latha na cuingis.  
<sup>2</sup> cainnt. <sup>3</sup> i. e. Geintilich a dh'iompoicheadh gu creidimh nan Iudhaich. <sup>4</sup> i. e. an naothaidh uair roimh mheadhon-là. <sup>5</sup> tachairidh. <sup>6</sup> chi

bhur seann daoine aisingean. <sup>7</sup> le làmh an-ghidh. <sup>8</sup> nuair a rinn sibh fanoid air, mharbh sibh e. <sup>9</sup> cuibhreach, boinn. <sup>10</sup> earbsa. <sup>11</sup> san uaigh.

raidh, a réir na feòla, gu togadh e suas Criosd gu suidhe<sup>1</sup> air a righ-chaithir-san.

31 Air dhasan so a roimh-fhaicinn, labhair e mu aiseirigh Chriosd, nach d'fhàgadh anam ann an ìrinn<sup>2</sup>, agus nach fac fheoil truaillidheachd.

32 An t-Iosa so thog Dia suas, air am bheil sinne uile 'nar fianuisibh.

33 Uime sin air dha bhi air àrdachadh le<sup>3</sup> deas làimh Dhé, agus gealladh an Spioraid naoimh fhaotainn o'n Athair, dbòirt e mach an nì so, a tha sibhse nis a' faicinn agus a' cluinntinn.

34 Oir cha deachaidh Daibhidh suas chum nan néamh : ach a deir e féin, Thubhairt an Tighearn ri m' Thighearn, Suidh air mo làimh dheis,

35 Gus an cuir mi do naimhde 'nan stòl fuidh d' chosaibh.

36 Uime sin biodh fios gu cinnteach aig tigh Israeil uile gu'n d'rinn Dia 'na 'highearn agus 'na Chriosd, an t-Iosa so féin, a cheus sibhse.

37 A nis an uair a chual iad so, bha iad air am bioradh 'nan cridhe, agus thubhairt iad ri Peadar, agus ris a' chuid cile do na h-abstolaibh, Fheara agus a bhràithre, ciod a nì sinn?

38 An sin thubhairt Peadar riu, Dean-aibh aithreachas, agus bithibh air bhur baisteadh gach aon agaibh ann an ainm Iosa Criosd, chum maithenais peacaidh, agus gheibh sibh tiodhlacadh an Spioraid naoimh.

39 Oir a ta 'n gealladh dhuibhse, agus d'ar cloinn, agus do na h-uile a ta fad o làimh, eadhon a mheud 'sa ghairmeas an Tighearn ar Dia.

40 Agus le mòran do bhriathraibh eile rinn e fianuis agus dh'caralach e iad<sup>4</sup>, ag ràdh, Sauraidh sibh féin o'n ghinealach fhiar<sup>5</sup> so.

41 An sin bhaisteadh iadsan a ghabh r'a fhocal gu toileach : agus an là sin féin chuireadh riu timchioll tri mìle anam.

42 Agus bhuanach iad gu seasmhach ann an teagasg nan abstol, agus ann an comh-chomunn, agus ann am briseadh arain, agus ann an ùrnuighibh.

43 Agus thainig eagal air gach anam : agus rinneadh mòran do mbiorbhuilbh agus do chomharaibh leis na h-abstolaibh.

44 Agus bha iadsan uile, a chreid, ann an aon àit, agus bha na h-uile nithe aca coit-chionn<sup>6</sup>,

45 Agus roic iad an seilbh agus am maoin, agus roinn iad air na h-uile iad, a réir mar a bha feum gach neach.

46 Agus ag buanachadh dhoibh gach là a dh'aon intinn anns an teampull, agus a' briseadh arain o thigh gu tigh, chaith iad am biadh le gairdeachas agus le aon-fhillteachd cridhe,

47 A' moladh Dhé, agus deadh-ghean aca o'n t-sluagh uile. Agus chuir an Tighearn gach là ris an eaglais an dream a shlàn-uichear.

## CAIB. III.

1 Tha Peadar agus Eoin a' leigheas duine bhacach<sup>7</sup>; 12 ag innseadh do'n t-sluagh a bha air cruinneachadh nach do rinneadh am mìorbhuil so le naomhachd nan Abstol, ach le cumhachd diadhaidh Chriosd; 13 'gan cronachadh air son esan a chur gu bàs; 19 'gan earlachadh gu aithreachas, &c.

**A**GUS chaidh Peadar agus Eoin le chèile suas d'on teampull, aig uair na h-ùrnuigh, eadhon an naothadh uair<sup>7</sup>.

2 Agus bha duine àraidh a bha na bhacach<sup>8</sup> o bhroinn a mhàthar air a ghiùlan, neach a chuireadh gach là aig doras sin an teampull d'an goirear Sgiamhach, a dh'iarraidh déirce orrasan a bha dol a steach do'n teampull :

3 Neach an uair a chunnaic c Peadar agus Eoin air tì dol a steach do'n teampull, dh'iarr e déirce.

4 Agus air do Pheadar scalltuinn gu geur air, maille ri h-Eoin, thubhairt e, Amhairc oirne.

5 Agus thug esan aire dhoibh an dòchas gu'm faigheadh e nì-éigin uatha.

6 An sin thubhairt Peadar, Airgiod no òr cha 'n'eil agam; ach an nì a ta agam, so bheiream dhuit : An ainm Iosa Criosd o Nasaret, éirich agus imich.

7 Agus air dha breith air a làimh dheis, thog e suas e; agus air ball nertaicheadh aobrunnan agus a throidhean.

8 Agus leum e suas, agus sheas, agus dh'imich e, agus chaidh e steach maille riu do'n teampull, ag imeachd, agus a' leumnaich, agus a' toirt cliu do Dhia.

9 Agus chunnaic an sluagh uile e ag imeachd, agus a' toirt cliu do Dhia.

10 Agus dh'aithnich iad esan gu'm b'e a bha 'na shuidhe aig geata Sgiamhach an teampull ag iarraidh déirce : agus lìonadh iad le h-iongantas agus le h-uamhas air son an nì sin a thachair dha.

11 Agus ag cumail Pheadair agus Eoin do'n bhacach, a chaidh leigheas, ruith an sluagh uile d'an ionnsuidh anns an sgàth-thigh<sup>9</sup> d'an goirear sgàth-thigh Sholaimh, làn iongantais.

12 Agus air faicinn so do Pheadar fhreagair e 'n sluagh, Fheara Israeil, c'ar son a ta iongantas oirbh mu'n nì so? no c'ar son a ta sibh a' geur-amharc oirne, mar gu b'ann le'r cumhachd no ar naomhachd féin a thug sinn air an duine so imeachd?

13 Ghlòraich Dia Abrahaim, agus Isaac, agus Iacob, Dia ar n-aithriche a Mhac Iosa; a thug sibhse thairis, agus a dh'àich-

<sup>1</sup> gu'n suidhicheadh e. <sup>2</sup> 'san uaigh. <sup>3</sup> aig.  
<sup>4</sup> chomhairlich e iad, ghuidh e orra. <sup>5</sup> ulc.

<sup>6</sup> ann an comh-pàirt. <sup>7</sup> i. e. an treas uair an déigh mheadhon-là. <sup>8</sup> chrioptach. <sup>9</sup> àiteir, phòrsa.



eadh sibh an làthair Philait, an uair a b' i a bhreth a chur fa sgaol.

14 Ach dh'àicheadh sibhse an t-Aon naomha, agus am Firean, agus dh'iarr sibh mortair a thiodhlacadh<sup>1</sup> dhuibh,

15 Agus mharbh sibh Prìonnasadh<sup>2</sup> na beatha, a thog Dia o na marbhaibh; air am bheil sinne 'nar fianuisibh.

16 Agus tre chreidimh 'na ainm neartaich e an ti so, a tha sibhse a' faicinn, agus a's aithne dhuibh: seadh, thug ainmsan agus an creidimh a ta tridsan, dhasan an t-slàinte ionlan so 'nar làthair-se uile.

17 Agus a nis, a bhràithre, tha fhios agam gur ann tre aineolas a rinn sibh e, mar a rinn mar an ceudna bhur n-uachdar-ain.

18 Ach choimhlion Dia air an dòigh so na nithe sin a roimh-fhoillsich e le beul fhàidhean uile, gu'm fuilingeadh Crìosd.

19 Air an aobhar sin deanaibh-se aithreachas agus bithibh air bhur n-iompochadh, chum gu'm bi bhur peacaidh air an glanadh as, 'nuair a thig amanna fionnuair-eachd o làthair an Tighearna.

20 Agus a chuireas e Iosa<sup>3</sup> Crìosd d'ar ionnsuidh, a chaidh roimh-orduchadh<sup>4</sup>:

21 Neach is éigin do nèamh a ghabhail, gu aimsiribh aig nan uile nithe, air an do labhair Dia le beul fhàidhean naomha uile, o thoiseach an t-saoghail.

22 Oir gu firinneach thubhairt Maois ris na h-aithrichibh, Togaidh an Tighearna bhur Dia suas fàidh dhuibh, d'ar bràithribh, mar mise; ris-san éisdidh sibh anns na h-uile nithibh a labhras e ribh.

23 Agus tarlaidh, gach anam nach éisd ris an fhàidh sin, gu'n sgriosar a mach as an t-sluagh e.

24 Seadh, dh'fhoillsich na fàidhean uile o Shamuel, agus iadsan a lean o sin, a mheud duibh 's a labhair, roimh-làimh mu na làithibh so.

25 Is sibhse clann nam fàidh, agus a' choimh-cheangail a rinn Dia r'ar n-aithrichibh, ag ràdh ri Abraham, Agus ann ad shliochd-sa bithidh uile theaghlaiche na talmhainn air am beannachadh.

26 Air do Dhia Mhac Iosa thogail suas, chuir e d'ar n-ionnsuidhs<sup>5</sup> e air tùs, chum as gu'm beannuicheadh e sibh, leis gach aon agaibh iompochadh o bhur lochdaibh.

#### C A I B. IV.

1 Tha uachdarain nan Iudhach a' cur Pheadair agus Eoin am prìosun, air son iad a bhì searmonachadh Iosa do'n t-sluagh: 5 an dèigh an ceasnachadh tha Peadar ag aideachadh gu'n do leighiseadh am buach le cumhachd diadhuidh Iosa a mhàin, agus gur ann tridsan 'na aonar a ta slàinte shiorruidh r'a faghail, &c.

**A** GUS am feadh 'sa bha iad a' labhairt ris an t-sluagh, thainig orra na sagairt, agus ccannard an teampuill, agus na Sadusaich.

2 Agus bha iad fuidh dhoilghcas gu'n robh iadsan a' teagasg an t-sluaigh, agus a' searmonachadh tre Iosa aiseirigh nam marbh.

3 Agus chuir iad làmh annta, agus chuir iad am prìosun iad gus an là maireach<sup>6</sup>: oir b'e nis am feasgar a bh'ann.

4 Gidheadh, chreid mòran duibh-san a chual am focal; agus b'e àireamh nan daoine timchioll chùg mìle.

5 Agus tharladh air an là maireach, gu'n chruinnicheadh an ceann a chèile an uachdarain, agus an seanairean, agus an scriobhichean, ann an Ierusalem.

6 Agus Annas an t-àrd shagart, agus Caiaphas, agus Eoin, agus Alastair<sup>6</sup>, agus a mheud 's a bha do chinneach an ard shagairt.

7 Agus air dhoibh iadsan a chur anns a' meadhon, dh'fhiosraich iad, Ciod e an cumhachd, no ciod e an t-ainm anns an d'rinn sibh so?

8 An sin air do Pheadar bhi air a lìonadh leis an Spiorad naomh, thubhairt e riu, Uachdarana a' phobuill, agus a sheanairean Israeil.

9 Ma tha sinne an diugh air ar ceasnachadh mu'n deadh ghnìomh a rinneadh do'n duine eusan, cionnus a shlànuicheadh e;

10 Biodh e aithnichte dhuibhse uile, agus do phobull Israeil uile, gur ann tre ainm Iosa Crìosd o Nasaret, a cheus sibhse, a thog Dia o na marbhaibh, eadhon tridsan a ta 'n duine so 'na sheasamh an so 'nar làthair-se slàn.

11 'Si so a' chlach sin a dhiultadh libhse, a luchd-togail, a rinneadh 'ua ccann na h-oisinn.

12 Agus cha 'n'eil slàinte ann an neach air bith eile: oir cha 'n'eil ainm air bith eile fuidh nèamh air a thoirt am measg dhaoine, tre'm feud sinn bhi air ar slànuchadh<sup>7</sup>.

13 A nis an uair a chunnaic iad dànachd Pheadair agus Eoin, agus a thuig iad gu'm bu daoine gun fhòghlum agus cumanta iad, ghabh iad iongantas, agus dh'aithnich siad iad<sup>8</sup> gu'n robh iadsan maille ri h-Iosa.

14 Agus air faicinn an duine a leighiseadh 'na sheasamh maille riu, cha robh ni air bith aca ri ràdh 'na aghaidh.

15 Agus an dèigh dhoibh orduchadh dhoibhsan dol a mach as a' chomhairle, chuir iad an cinn cuideachd<sup>9</sup>.

16 Ag ràdh, Ciod a ni sinn ris na daoine-

<sup>1</sup> thubhairt.

<sup>2</sup> Ceann-iuil, Ceannard.

<sup>3</sup> chum gu d'thig amanna fois o làthair an Tighearna, agus gu cuir e Iosa.

<sup>4</sup> roimhe so a

shearmonachadh dhuibh.

<sup>5</sup> gus an la air na màireach.

<sup>6</sup> Alexander. <sup>7</sup> sanradh, sàbhaladh.

<sup>8</sup> thug iad aire dhoibh. <sup>9</sup> an comhairle r'a chèile.

ibh so? Oir gu'n deachaidh mìorbhuil aith-  
nichte<sup>1</sup> dheanamh leo, a ta e follaiseach do  
luchd àiteachaidh Ierusalem uile, agus  
cha'n urradh sinne aicheadh.

17 Ach a chum nach sgaoilear e ni's mò  
air feadh an t-sluaigh, bagramaid orra gu  
geur, gun iad a labhairt ni's mò ri neach  
air bith anns an ainm so.

18 Agus air dhoibh an gairm, dh'àithn  
iad dhoibh gun iad a labhairt air chor sam  
bith, no a theagasg ann an ainm Iosa.

19 Ach fhreagair Peadar agus Eoin agus  
thubhairt iad riu, Am bheil e ceart am  
fianuis Dé, éisdeachd ribhse roimh Dhia,  
thugaibh féin breth.

20 Oir cha 'n'eil e'n comas duinne gun  
na nithe a chunnaic agus a chuala sinn a  
labhairt.

21 Ach air dhoibhsan tuilleadh bagraidh  
a dheanamh orra, leig iad às iad, gun dòigh  
air bith fhaotainn air am feudadh iad  
peanas a dheanamh orra, airson an t-sluaigh:  
oir bha na h-uile a' toirt glòire do Dhia air  
son an ni a rinneadh.

22 Oir bha an duine, air an d'rinneadh  
am mìorbhuil leighis so, tuilleadh as dà  
fhichead bliadhna dh'aois.

23 Agus an uair a leigeadh as iad, thainig  
iad dh'ionnsuidh am muinntir féin, agus  
dh'innis iad na h-uile nithe a thubhairt na  
h-àrd shagairt, agus na seanairean riu.

24 Agus an uair a chual iadsan so, thog  
iad suas a dh'aon inntinn an guth ri Dia,  
agus thubhairt iad, A Thighearn, is tusa an  
Dia a rinn nèamh agus talamh, agus an  
fhairge, agus na h-uile nithe ta anna:

25 A thubhairt le beul Dhaibhidh do  
sheirbhisich, C'ar son a ghabh na Cinnich  
boil, agus a smuainich an sluaigh nithe  
dìomhanach?

26 Sheas rìghre na talmhainn suas, agus  
chruinnicheadh na h-uachdarain an ceann  
a chèile, an aghaidh an Tighearna, agus an  
aghaidh a Chrìosd<sup>2</sup>.

27 Oir gu fìrinneach chruinnicheadh an  
ceann a chèile 'n aghaidh do Leinibh nao-  
imh Iosa, a dh'ùng thu, aaron Herod agus  
Pontius Pilat, maille ris na Cinneachaibh,  
agus sluagh Israeil.

28 A dheanamh gach ni a roimh-orduich  
do làmh agus do chomhairle a bhi deanta,

29 Agus a nis, a Thighearn, ambaire air  
am bagraibh: agus deònaich do d' sheirbhi-  
sich féin, t'fhocal a labhairt leis gach uile  
dhànachd,

30 Le d' làimh a shìneadh a mach chum  
leighis: agus gu'm bi comharan agus  
mìorbhuilean air an deanamh tre ainm do  
Leinibh naoimh Iosa.

31 Agus air dhoibh ùrnuigh a dheanamh,  
chrathadh an t-àit anns an robh iad cruinn;  
agus lìonadh iad uile do'n Spiorad naomh,  
agus labhair iad focal Dé le dànachd.

32 Agus bha aig a' chuideachd a chreid  
aon chridhe, agus aon anam: agus ni mò a  
thubhairt neach air bith dhiubh, gu'm bu  
leis féin aon ni a shealbhach e, ach bha na  
h-uile nithe coitichionn<sup>3</sup> aca.

33 Agus le mòr chumhachd thug na  
h-abstoil fianuis air aiseirigh an Tighearna  
Iosa: agus bha mòr ghràs orra uile.

34 Agus ni mò a bha aon neach uireas-  
bhuidheach nam measg: oir a mbeud 's bha  
'nan sealbhadaireibh fearainn, no thighean,  
air dhoibh an reiceadh, thug iad luach nan  
nithe a chaidh reiceadh leo,

35 Agus chuir iad aig cosaibh nan abstol  
e: agus roinneadh e air gach neach a réir  
fheuma.

36 Agus air do fhearann a bhi aig Ioses,  
d'an ghoireadh leis na h-abstolaibh Barna-  
bas (is e sin, air eadar-theangachadh, Mac  
na comhfhurtachd) Lebhitheach, d'am bu  
dùthaich Ciprus.

37 Reic se e, agus thug e 'n t-airgiod,  
agus chuir e aig cosaibh nan abstol e.

## CAIB. V.

1 *The Ananias agus Saphira air son an ceilge  
a' tuiteam sìos marbh le cronachadh Phead-  
air. 12 Mòran mhìorbhuilean air an oib-  
reachadh; 17 Chuireadh na h-abstol a ris  
am prìosun, 19 ach a ta iad air an leigeadh  
as le aingeal, a thug ordugh dhoibh searmon-  
achadh gu follaiseach: &c.*

**A** CH reic fear àraidh d'am b'ainm Anan-  
ias, maille r'a mhnaoi Saphira, sealbh  
fearainn,

2 Agus cheil e cuid do'n luach, le fios a  
mhna, agus air dha cuid-eigin a thoirt leis,  
chuir e aig cosaibh nan abstol e.

3 Ach thubhairt Peadar, Ananiais, c'ar  
son a lìon Satan do chridhe a dheanamh  
bréige do'n Spiorad naomh, agus a cheiltinn  
cuid do luach an fhearainn?

4 Am feadh 's a dh'fhuirich e gun reic-  
eadh, nach bu leat féin e? agus an déigh a  
reiceadh nach robh e a'd' chomas féin?  
c'ar son a smuainich thu ann do chridhe an  
gnìomh so? cha d'rinn thu breug do dhaoin-  
ibh, ach do Dhia.

5 Agus an uair a chuala Ananias na  
briathra' so, thuit e sìos, agus chaidh an  
deo as: agus thainig eagal mòr air na  
h-uile, a chuala na nithe so.

6 Agus air éirigh do na h-òganachaibh,  
phaisg iad an eudach-mairbh e, agus air  
dhoibh a ghiùlan a mach, dh'adhlac iad e.

7 Agus tharladh timchioll trì uaire 'na  
dhéigh sin, gu'n d'thainig a bhean a steach,  
gun fhios aice air an ni a rinneadh.

8 Agus fhreagair Peadar i, Innis  
dhomhsa an ann air an uiread so reic sibh  
am fearann? Agus thubhairt ise, Is ann,  
air son an uiread sin.

9 An sin thubhairt Peadar rithe, C'ar  
son a chomh-aontaich sibh Spiorad an

<sup>1</sup> soilleir. <sup>2</sup> an aghaidh Aoin uingta-san.

<sup>3</sup> ann an comhairt.



Tighearna a dhearbhadh<sup>1</sup>. feuch, *tha* cosa na muinntir a dh'adhlaic t'fhear aig an dorus, agus giùlainidh iad thusa mach.

10 An sin thuit i air ball aig a chosaibh, agus chaidh an deo aisde: agus air do na h-òganachaibh teachd a steach, fhuair iad i marbh, agus air dhoibh a giùlan a mach, dh'adhluidh iad làmh r'a fear i.

11 Agus thainig eagal mòr air an eaglais uile, agus air na h-uile a chuala na nithe so.

12 Agus rinneadh mòran chomharan agus mhiotbhuilean am measg a' phobuill le làmhaidh nan abstol; (agus bha iad uile dh'aon inntinn ann sgàth-thigh<sup>2</sup> Sholaimh;

13 Agus cha robh chrìdh' aig a h-aon do chàch e fèin a cheangal riu:) ach bha mòr mheas aig a' phobull orra.

14 Agus is mòd a chuireadh creidmheich ris an Tighearn, buidheann mhòr<sup>3</sup> araon do fhearaibh agus do mhnaibh:

15 Air chor as gu'n d'thug iad a mach a' mhuinntir euslain air na sràidibh, agus gu'n do chuir iad air leapaibh agus air uirgibh<sup>4</sup> iad, chum ag teachd do Pheadar gu'n cuireadh fhailleus, mar bu lugha, sgaile<sup>5</sup> air neach eigin aca.

16 Agus thainig mar an ceudna mòr shluagh as na bailtibh m'an cuairt air Hierusalem, a' toirt leo muinntir euslain, agus dream a bha air am buaireadh le spioradaibh neo-ghlan: agus leighiseadh iad uile.

17 An sin dh'éirich an t-àrd shagart, agus iadsan uile a bha maille ris, (eadhon luchd-bharail nan Sadasach) agus lìonadh iad le tnuith<sup>6</sup>,

18 Agus chuir iad làmh anns na h-abstolaibh, agus chuir iad sa' phriosun chumanta iad.

19 Ach dh'fhosgail aingeal an Tighearna dorsan a' phriosuin 'san oidliche, agus thug e iadsan a mach, agus thubhairt e,

20 Imichibh, agus ag seasamh dhuibh labhraibh 'san teampull ris an t-sluagh, uile bhriathra na beatha so.

21 Agus an uair a chual iad so, chaidh iad gu moch a steach do'n teampull, agus theagaisg iad. Ach thainig an t-àrd shagart agus iadsan a bha maille ris, agus ghairm iad a' chomhairle, agus seanadh chloinn Isracil uile an ceann a chèile, agus chuir iad do'n phriosun chum gu'n d'thugtadh iadsan d'an ionnsuidh.

22 Ach an uair a thainig na maoir, cha d'fhuair iad sa' phriosun iad, agus air pilltinn dhoibh, dh'innis iad,

23 Ag ràdh, Fhuair sinne gu fìrinneach am prìoson dùinte gu ro thearuainte, agus an luchd-coimhead 'nan seasamh a mach fa chomhair nan dorus: ach an uair a dh'fhosgail sinn, cha d'fhuair sinn aon duine a stigh.

24 A nis an uair a chual an t-àrd shagart, agus ceannard an teampull, agus uachdair nan sagart na briathra' so, bha iad fuidh amharus m'an timchioll cìod gus an d'thigeadh so.

25 An sin thainig neach àraidh agus dh'innis e dhoibh, ag ràdh, Feuch, a ta na daoine a chuir sibh sa' phriosun, 'nan seasamh 'san teampull, agus a' teagasg a' phobuill.

26 An sin dh'imich an ceannard maille ris na maoraibh, agus thug e leis iad gun ainneart: (oir bha eagal orra roimh an t-sluagh, gu'n biodh iad air an clachadh leo.)

27 Agus an uair a thug iad leo iad, chuir iad ann am fianuis na comhairle iad: agus dh'fheòraich an t-àrd shagart dhuibh,

28 Ag ràdh, Nach d'thug sinne geur-ordugh dhuibh, gun teagasg a dheanamh san ainm so? agus feuch, lìon sibh Ierusalem le'r teagasg, agus is àill libh fuil an duine so a tharruing<sup>7</sup> oirne.

29 An sin fheargair Peadar agus na h-abstol eile, agus thubhairt iad, Is còir géill a thoirt do Dhia ni's mò na do dhaoineibh.

30 Thog Dia ar n-aithriche Iosa, a mharbh sibhse, agus a chroch sibh air crann.

31 Esan dh'ardaich Dia le a dheas làmh 'na Cheannard<sup>8</sup> agus 'na Shlànuighear, a thoirt aithreachais agus maithheanas peacaidh do Israel.

32 Agus tha sinne 'nar fianuisibh dha air na nitheibh so: agus mar an ceudna an Spiorad naomh, a thug Dia dhoibhsan a ta ùmhal dha.

33 Agus an uair a chual iadsan so, bha iad air an gonadh<sup>9</sup>, agus ghabh iad comhairle an cur gu bàs.

34 An sin dh'éirich Phairiseach àraidh anns a' chomhairle, d'am b'ainm Gamaliel, fear-teagaisg an lagha, air an robh meas aig an t-sluagh uile, agus dh'orduich e na h-abstol a chur a mach rè tamuill,

35 Agus thubhairt e riu, Fheara Isracil, thugaibh aire dhuibh fèin, cìod a ta roimhibh a dheanamh mu thimchioll nan daoine sin?

36 Oir roimh na làithibh so dh'éirich Teudas suas, ag ràdh, gu'm bu neach éigin mòr e fèin, agus cheangail àireamh dhaoine, timchioll ceithir cheud, iad fèin ris: mharbhadh esan, agus a mheud 'sa dh'aontaich leis, sgaòileadh iad uile as a chèile, agus chaidh iad gu neo-ni.

37 An deigh an fhir so dh'éirich Iudas an Galiléach suas, ann an làithibh na cismheasaidh, agus tharruing e mòran sluagh 'na dhéigh: sgriosadh esan mar an ceudna, agus a mheud 'sa ghéill da<sup>10</sup>, sgapadh iad uile.

<sup>1</sup> a bhuaireadh. <sup>2</sup> àileir, pòrsa. <sup>3</sup> sluagh mòr. <sup>4</sup> couches, Sasg. <sup>5</sup> dubhar. <sup>6</sup> eud.

<sup>7</sup> thoirt. <sup>8</sup> Phrionnsadh. <sup>9</sup> chas iad am fiacra. <sup>10</sup> dh'earb as.

38 Agus a nis a deirim ribh, Fanaibh o na daoineibh so, agus leigibh leo : oir ma's ann o dhaoineibh a ta a' chomhairle so, no'n obair so, thig i gu neo-brigh<sup>1</sup>:

39 Ach ma's ann o Dhia a ta i, cha'n urradh sibhs' a cur gu neo-brigh: air eagal gu'n tarladh gu'm faighear sibh eadhon a' cogadh an aghaidh Dhé.

40 Agus dh'aontaich iad leis-san: agus an uair a ghairm iad na h-abstoil, agus a ghabh iad orra, dh'orduich iad dhoibh gun labhairt ann an ainm Iosa, agus leig iad as iad.

41 Agus dh'imich iadsan o làthair na comhairle, le gairdeachas a chionn gu'n do mheasadh gu'm b'fhiu iad eas-urram fhulang air son ainme-san.

42 Agus gach là anns an teampull, agus o thigh gu tigh, cha do sguir iad a bhi teagasg, agus a' searmonachadh Iosa Crìosd.

## CAIB. VI.

1 *Thagh na h-abstoil seachdnar gu frithealadh do uireasbhuidh nam bochd: 5 B'aon diubh so Stephan, neach a bha làn do chreidimh, agus do'n Spiorad naomh: 12 Tha esan air a ghluacadh, agus air aguirte gu h-eucorach an làthair na comhairle, leis an aitim a chuir e 'nan tosd le deasboireachd.*

**A**GUS anns na làithibh sin, an uair a bha àireamh nan deisciobul a' meudachadh, dh'éirich gearan am measg nan Greugach an aghaidh nan Eabhrach, a chionn gu'n do dhearmaideadh am bantairchean san fhrithealadh làitheal.

2 An sin ghairm an dà fhear dheug mòr chuideachd nan deisciobul d'an ionnsuidh, agus thubhairt iad, Cha 'n'eil e iomchuidh sinne dh'fhàgail focail Dé, agus a fhrithealadh do bhordaibh.

3 Uime sin, a bhràithre, iarraibh a mach 'nar measg seachdnar dhaoine fuidh dheadh iomradh, làn do'n Spiorad naomh agus do ghliocas, a chuireas sinne os cionn an dreuchd so<sup>2</sup>.

4 Ach buanaichidh sinne a ghnàth ann an ùrnuigh, agus am ministreileachd an fhocail.

5 Agus bha chainnt so taitneach an làthair na mòr chuideachd uile: agus thagh iad Stephan, duine làn do chreidimh agus do'n Spiorad naomh, agus Philip, agus Prochorus, agus Nicanor, agus Timon, agus Parmenas, agus Nicolas proseliteach do mhuinntir Antioch.

6 Chuir iad iadsan an làthair nan abstol: agus air deanamh ùrnuigh dhoibh, chuir iad an làmh an orra.

7 Agus dh'fhàs focal Dé; agus mhéudaicheadh àireamh nan deisciobul gu ro mhòr ann an Ierusalem; agus bha cuid-

eachd mhòr do na sagartaibh ùmhal do'n chreidimh.

8 Agus rinn Stephan, làn do chreidimh agus do chumbachd, mìorbhuilean agus comharan mòra am measg an t-sluaigh.

9 An sin dh'éirich dream àraidh do'n t-sionagag, d'an goirear *sionagag* nan Libertineach<sup>3</sup>, agus nan Cirenianach, agus mhuinntir Alecsandria, agus 'na droinge o Chilicia, agus o'n Asia, a' deasboireachd ri Stephan.

10 Agus cha b'urrainn iad cur an aghaidh a' ghliocais agus an spioraid leis an do labhair e.

11 An sin thug iad a steach os ìosal daoine a thubhairt, Chuala sinne e labhairt bhriathar toibheumach, an aghaidh Mhaois, agus Dhé.

12 Agus dhùisg iad suas an sluagh, agus na seanaireau, agus na scriobhuichean, agus thainig iad air agus ghlac iad e, agus thug iad an làthair na comhairle e.

13 Agus chuir iad suas fianuisean bréige, a thubhairt, Cha 'n'eil an duine so a' sgar do labhairt bhriathar toibheumach<sup>4</sup> an aghaidh an ionaid naomha so, agus an lagha.

14 Oir chuala sinn e ag ràdh, gu'n sgrios an t-Iosa so o Nasaret an t-àit so, agus gu'n caochail e na<sup>5</sup> gnàthanna, a thug Maois dhuinne.

15 Agus air dhoibh-san uile a bha 'nan suidhe sa' chomhairle amharc gu geur air, chunnaic iad aghaidh mar aghaidh ainigil.

## CAIB. VII.

1 *Air do Stephan comas fhaghail freagairt air a shon féin, 2 tha e nochdadh gu'n d'rinn Abraham aoradh do Dhia gu taitneach; 37 gu'n d'thug Maois féin fianuis mu Chrìosd; 51 'gan cronachadh air son an ceannairce, agus morta Chrìosd: 54 Air a so tha iad 'ga chlachadh gu bàs, tha esan a' tiomnadh anama do Iosa, agus a' guidheadh Dhé air an son-san.*

**A**N sin thubhairt an t-àrd shagart, Am bheil ma ta na nithe so mar so?

2 Agus thubhairt esan, Fheara, a bhràithre, agus aithriche, éisidibh, Dh'fhoillsicheadh Dia na glòire d'ar n-athair Abraham, 'nuair a bha e ann am Mesopotamia, mun do ghabh e còmhnuidh ann an Char-ran,

3 Agus thubhairt e ris, Rach a mach a d' thìr féin, agus o d' chinneach, agus thig chum na tìre a nochdas mise dhuit.

4 An sin chaidh esan a mach a talamh nan Caldéach, agus ghabh e còmhnuidh ann an Charran: agus as sin, an déigh bàis athar, dh'atharraich se e do'n fhearann so, anns am bheil sibhsé nis 'nar còmhnuidh.

5 Agus cha d'thug e dha oighreachd sam bith ann, cha d'thug *fiu* leud troidhe: gidh-eadh gheall e gu'n d'thugadh e mar sheilibh

<sup>1</sup> *théid as dith.*      <sup>2</sup> *na h-oibre so.*

<sup>3</sup> *Saoirsineach.*      <sup>4</sup> *maslach.*      <sup>5</sup> *cleachdan,*  
*orduighean.*



e dha féin agus d'a shliocht 'na dhéigh, ge-  
nach robh fathast duine cloinne aige.

6 Agus labhair Dia air an dòigh so,  
Gu'm biodh a shliocht air chuairt ann an  
dùthaich choigrich, agus gu'n deanadh iad  
tràillean diubh, agus gu'm buineadh iad gu  
h-olc *riu* rè ceithir cheud bliadhna.

7 Agus air a' chinneach sin d'am bi iad-  
san fuidh dhaorsa, bheir mise breth, arsa  
Dia: agus an déigh nan nithe sin thig iad  
a mach, agus ni iad seirbhais dhomhsa anns  
an àit so.

8 Agus thug e dha coimh-cheangal<sup>1</sup> an  
timchioll-ghearraidh: agus mar sin ghin  
*Abraham* Isaac, agus thimchioll-ghearr se e  
air an ochdamh là: agus *ghin* Isaac Jacob,  
agus Jacob an dà phrìomh-athair dhug.

9 Agus a' gabhail farmaid reic<sup>2</sup> na  
prìomh-aithriche Ioseph do'n Eiphit: ach  
bha Dia maille ris,

10 Agus shaor se e as a thrioblaidibh  
uile, agus thug e deadh-ghean<sup>3</sup> agus gliocas  
da an làthair Pharaoh rìgh 'na h-Eiphit;  
agus chuir se e' na uachdaran air an Eiphit,  
agus air a theaghlach féin uile.

11 Nis thainig gorta agus àmhghar mòr  
air an Eiphit uile, agus air talamh Cha-  
naain; agus cha d'fhuair ar n-aithriche  
teachd-an-tùr<sup>4</sup>.

12 Ach an uair a chuala Jacob gu'n robh  
arbharr 'san Eiphit, chuir e mach ar n-aith-  
riche air tús.

13 Agus air an dara uair rinneadh Ioseph  
aithnichte d'a bhràithribh; agus rinneadh  
cinneach Ioseph follaiseach do Pharaoh.

14 An sin chuir Ioseph *fios* uath, agus  
ghairm e d'a ionnsuidh Jacob athair, agus  
a luchd-dàimhe uile; cùig anama deug agus  
tri fichead.

15 Agus chaidh Jacob sìos do'n Eiphit,  
agus fhuair e bàs, e féin agus ar n-aith-  
riche.

16 Agus ghiùlaineadh thairis iad gu Si-  
chem, agus chuireadh iad anns an àit-adh-  
laidh, a cheannaich Abraham air suim  
airgid o mhic Eموir athar Shicheim.

17 Ach an uair a dhruid àm a' gheal-  
laidh, a mhionnaich Dia do Abraham,  
dh'fhàs an sluagh agus rinneadh iad lion-  
mhor 'san Eiphit,

18 Gus an d'éirich rìgh eile, do nach  
b'aithne Ioseph.

19 Bhuin esan<sup>5</sup> gu cuilbheirteach r'ar  
cinneach, agus rinn e olc air ar n-aith-  
richibh, air chòr as gu'n d'thug e orra an  
naoidheana a thilgeadh mach, chum nach  
sìolaicheadh iad<sup>6</sup>.

20 Anns an àm sin rugadh Maois, agus  
bha e ro sgiamhach, agus dh'altrumadh e  
tri mìosan ann an tigh athar:

21 Agus an uair a thilgeadh a mach e,

thog nighean Pharaoh leatha e, agus dh'al-  
trum<sup>7</sup> i e mar mhac dh'i féin.

22 Agus dh'fhòghlumadh<sup>8</sup> Maois ann  
an uile ghliocas nan Eiphiteach, agus bha  
e cumhachdach am briathraibh agus an  
gnìomharaibh.

23 Agus an uair a bha e dà fhichead  
bliadhna iomlan a dh'aois, thainig e 'na  
chridhe a bhràithre clannn Israeil fhios-  
rachadh<sup>9</sup>.

24 Agus air dha duine àraidh *dhiubh*  
fhaicim a' fulang eucoir, theasairg se e,  
agus air bualadh an Eiphitich dha, rinn e  
dioghaltas do'n fhear air an d'rinneadh an  
eucoir:

25 Oir shaoil e gu'n tuigeadh a bhràithre,  
gu'n d'thugadh Dia le a làimh-san saorsa  
dhoibh; ach cha do thuig iadsan.

26 Agus air an là 'na dhéigh sin nochd  
se e féin doibh agus iad a' comh-stribh, agus  
b'aill leis sìth a dheanamh eatorra<sup>10</sup>, ag ràdh,  
A dhaoine, is bràithre sibh féin, c'ar son a  
ta sibh a' deanamh eucoir air a chéile?

27 Ach chuir am fear a rinn an eucoir  
air a choimhearsnach uath e, ag ràdh, Cò  
a rinn thusa a' d'uachdaran agus a' d'  
bhreitheamh oirne?

28 Am miann leat mise a mharbhadh,  
mar a mharbh thu an t-Eiphiteach an dé?

29 An sin theich Maois air son an fho-  
cail so, agus bha e 'na choigreach ann an  
dùthaich Mhadiain, far an do ghin e dithis  
mhac.

30 Agus an uair a choimhlionadh dà-  
fhichead bliadhna, dh'fhoillsicheadh dha ann  
am fàsach beinne Shina, aingeal an Tighe-  
arna ann an lèsair theine ann am preas.

31 Agus an uair a chunnaic Maois so,  
ghabh e iongantas mu'n t-sealladh: agus  
air dha teachd am fagus gu beachdachadh  
air, thainig guth an Tighearna d'a ionn-  
suidh.

32 Is mise Dia t'aithriche, Dia Abra-  
haim, agus Dia Isaac, agus Dia Iacob.  
An sin chrìochnuich Maois, agus cha robh  
chridh' aige amharc<sup>11</sup>.

33 An sin thubhairt an Tighearn ris,  
Fuasgail do bhrògan o d' chosaibh: oir is  
talamh naomh an t-àit ann bheil thu d'  
sheasamh.

34 Chunnaic mi gu cinnteach àmhghar  
mo phobuill a ta 'san Eiphit, agus chuala mi  
an osnadh, agus thainig mi nuas g'an saor-  
radh. Agus a nis thig, cuiridh mi do'n  
Eiphit thu.

35 Am Maois so féin a dhiùlt iadsan, ag  
ràdh, Cò rinn uachdaran agus breitheamh  
dhiotsa? esan chuir Dia *gu bhi* 'na uachda-  
ran agus 'na fhear-saoraidh le làimh an  
aingil, a dh'fhoillsicheadh dha sa phreas.

36 Thug esan a mach iad an déigh dha

<sup>1</sup> cùnradh, cùmhnant. <sup>2</sup> chreic. <sup>3</sup> bùigh, fàbhor. <sup>4</sup> biatachd. <sup>5</sup> Ghiùlain se e fein. <sup>6</sup> nach fàsadh sliocht orra, nach maireadh iad

beo. <sup>7</sup> dh'oil. <sup>8</sup> dh'ionnsuicheadh. <sup>9</sup> dol a shealltainn a bhràithre cloinn Israeil. <sup>10</sup> an cur rèidh. <sup>11</sup> aire a thabhairt.

mìorbhuilean, agus comharan a dheanamh ann an talamh na h-Eiphit, agus anns a' mhuir ruaidh, agus anns an fhàsach rè dhà fhichead bliadhna.

37 'S e so am Maois ud a thubhairt ri cloinn Israeil, Togaidh an Tighearn bhur Dia suas fàidh dhuibh d'ar bràithribh, cosmhuil riumsa; ris-san éisdidh sibh.

38 So esan a bha 'san eaglais anns an fhàsach, maille ris an aingeal a labhair ris ann am beinn Shina, agus maille r'ar n-aithrichibh-ne: neach a fhuair briathra na beatha<sup>1</sup> chum an tabhairt dhuinne:

39 Da nach b'àill le'r n-aithrichibh bhi ùmhal, ach chuir iad uatha e, agus 'nan cridhe phill iad air an ais do'n Eiphit.

40 Ag ràdh ri Aaron, Dean dhuinne dée a thèid romhainn: oir mu thimchioll a' Mhaois so, a thug a mach sinn a tìr na h-Eiphit, cha 'nèil fhios againn ciod a dh'éirich dha.

41 Agus rinn iad laogh 'sna làithibh sin, agus thug iad ìobairt do'n dealbh, agus rinn iad gairdeachas ann an oibribh an làmhha féin.

42 An sin phill Dia, agus thug e thairis iad chum aoradh a dheanamh do armait nèimhe, a réir mar a ta e scrìobhta ann an leabhar nam fàidh, An d'thug sibh dhomhsa beathaichean marbhta, agus ìobairte ré dhà fhichead bliadhna anns an fhàsach, O a thig Israeil?

43 Seadh, thog sibh suas pàillion Mho-loich, agus reult bhur dé Remphain, dealbhan a rinn sibh chum aoraidh dhoibh: uime sin atharraichidh mi sibh an taobh thall do Bhabylon.

44 Bha pàillion na fianuis aig ar n-aithrichibh 'san fhàsach, a réir mar a dh'àithn an tì a labhair ri Maois, gu'n deanadh se e a reir an t-samhlachais<sup>2</sup> a chunnaic e.

45 An nì a thug mar an ceudna ar n-aithriche a bha 'nan déigh, a steach maille ri h-Iosa do sheilbh nan Cinneach, a thilg Dia a mach roimh ghnùis ar n-aithriche, gu làithibh Dhaibhidh;

46 Neach a fhuair deadh-ghean am fianuis Dhé, agus a dh'iarr pàillion fhaotainn do Dhia Iacob.

47 Ach thog Solamh tigh dha.

48 Gidheadh cha 'nèil an tì a's àirde a' gabhail còmhnuidh ann an teampuibh làmh-dheanta; mar a deir am fàidh,

49 'Se nèamh mo rìgh-chaitheir, agus an talamh stòl mo chos: ciod an tigh a thogas sibh dhomh? a deir an Tighearn: no ciod e ionad mo thàimh?

50 Nach do rinn mo làmh na nithe so uile?

51 A dhaoine cruaidh-mhuinealacha, agus neo-thimchioll-ghearrta ann an cridhe agus ann an cluasaibh, tha sibh a' ghnàth a' cur an aghaidh an Spioraid naoimh: mar

a rinn bhur n-aithriche, mar sin a ta sibhse a deanamh.

52 Cò do na fàidhibh air nach d'rinn bhur n-aithriche geur-leanmhuinn? agus mharbh siad iadsan a roimh-fhoillsich teachd an Fhìrein ud; air an robh sibhse a nis 'nar luchd-brathaidh, agus 'nar mortairibh:

53 Sibhse a fhuair an lagh le frithealadh nan aingeal, agus nach do choimhid e.

54 'Nuair a chual iad na nithe sin, bha iad air an gonadh 'nan cridhe, agus chas iad am facla ris.

55 Ach air dhasan bhi làn do'n Spiorad naomh, dh'amhairc e gu geur suas gu nèamh, agus chunnaic e glòir Dhé, agus Iosa 'na sheasamh air deas làimh Dhé,

56 Agus thubhairt e, Feuch, tha mi faicinn nan nèamh fosgailte, agus Mac an duine 'na sheasamh air deas làimh Dhe.

57 An sin ghlaodh iadsan le guth mòr, agus dhruid<sup>3</sup> iad an cluasan, agus leum iad air a dh'aon inntinn,

58 Agus air dhoibh a thilgeadh a mach as a' chathair<sup>4</sup>, chlach iad e: agus thilg na fianuisean an eudach sìos aig cosaibh òganaich, d'am b'ainm Saul.

59 Agus chlach iad Stephan, agus e a' gairm air Criosd, agus ag ràdh, A Thighearn Iosa, glac mo spiorad.

60 Agus air dha a leigeadh féin air a ghluinibh, ghlaodh e le guth mòr, A Thighearn, na cuir am peacadh so as an leth. Agus air dha so a ràdh, choidil e.

## CAIB. VIII.

1 Tha an soisgeul air a shearmonachadh ann an Samaria le Philip, a rinn mòran mhìorbhuilean, agus a bhaist mòran, agus am meas chàich Simon an Druidh. 14 Thuinig Peadar agus Eoin a dhaingneachadh na h-eaglais: le cur an làmh air droing a chreid, tha 'n Spiorad naomh air a thiodhlacadh: 18 'nuair a b'àill le Simon an tiodhlac ceudna cheannach uatha le h-airgid, 20 tha e air a chronachadh gu geur le Peadar, &c.

**A** GUS bha Saul ag aontachadh leis a bhàsan. Agus dh'éirich anns an àm sin geur-leanmhuinn mhòr an aghaidh na h-eaglais a bha ann an Ierusalem; agus bha iad uile air an sgapadh air feadh tìre Iudea agus Shamaria, ach na h-abstoil a mhàin.

2 Agus ghiùlain daoine diadhaidh<sup>5</sup> Stephan chum adhlac, agus rinn iad caoidh mhòr air a shon.

3 Ach bha Saul a' fàsachadh na h-eaglais, a' dol a bheach do gach tigh; agus ag tarraing a mach fhear agus bhan, chuir e am prìosun iad.

4 Uime sin dh'imich an droing asgapadh, feadh gach àite, a' searmonachadh an fhocail.

<sup>1</sup> na beo bhriathra.<sup>2</sup> an t-samplair.<sup>3</sup> dhùin, stop.<sup>4</sup> a' bhaile,<sup>5</sup> crùbhach.



5 An sin chaidh Philip sìos do bhaile Shamaria, agus shearmonaich e Crìosd doibh.

6 Agus thug an sluagh a dh'aon toil aire do na nithibh a labhradh le Philip, ag èis-deachd ris<sup>1</sup>, agus a' faicinn nam mìorbhuile a rinn e.

7 Oir chaidh spiorada neo-ghlan a mach a mòran anns an robh iad, a' glaochaich le guth mòr: agus chaidh mòran air an robh am pairilis<sup>2</sup>, agus a bha 'nam bacaich, a shlànuachadh.

8 Agus bha gairdeachas mòr sa' bhaile sin.

9 Ach bha roimhe sin duine àraidh sa' bhaile sin d'am b'ainm Simon, a ghnàthaich druidheachd, agus a mheall<sup>3</sup> muinntir Shamaria, ag ràdh gu'm bu neach mòr éigin e fèin.

10 Dhasan thug iad uile aire o'n bheag agus a' mhòr, ag ràdh, 'Se'n duine so cumhachd mòr Dhé.

11 Agus thug iad an aire dha, a chionn gu'n do mheall e iad rè ùine fhada leis a dhruidheachd.

12 Ach an uair a chreid iad Philip, a' searmonachadh nan nithe a bhuineas do rìoghachd Dhé, agus do ainm Iosa Crìosd, bhaisteadh iad eadar fheara agus mhnàin.

13 An sin chreid Simon fèin mar an ceudna: agus an uair a bhaisteadh e, dh'fhan e maille ri Philip, agus a' faicinn nan comhara agus nam feart a rinneadh, ghabh e iongantas ro mhòr.

14 Agus an uair a chuala na h-abstoil a bha ann an Ierusalem, gu'n do ghabh Samaria focal Dhé, chuir iad d'an ionnsuidh Pèadar agus Eoin:

15 Agus air dol sìos dhoibh, ghuidh iad air an son gu'm faigheadh iad an Spiorad naomh.

16 (Oir cha d'thainig e fathast a nuas air a h-aon aca: ach a mhàin bhaisteadh iad ann an ainm an Tighearna Iosa.)

17 An sin chuir iad an làmh an orra, agus fhuair iad an Spiorad naomh.

18 Agus an uair a chunnaic Simon gu'n robh an Spiorad naomh air a thabhairt tre làmh an nàbholstair, thairg e airgid dhoibh,

19 Ag ràdh, Thugaibh dhomhsa mar an ceudna an cumhachd so, gè b'e neach air an cuir mi mo làmh, gu'm faigh e an Spiorad naomh.

20 Ach thubhairt Pèadar ris, Gu rachadh t'airgid am mugha maille riut fèin, a chionn gu'n do mheas thu gu'm feudadh tìodhlac Dhé a cheannach le h-airgid.

21 Cha 'n'eil agad cuid no crannchur sa' chùis so: oir cha 'n'eil do chridhe dìreach<sup>4</sup> am fianuis Dhé.

22 Gabh aithreachas uime sin do t'olc so,

agus guidh air Dia, ma dh'fheudar gu maithear dhuit smuaineadh do chridhe.

23 Oir a ta mi 'gad fhaicinn ann an domhlas na seirbhe, agus fuidh chuibhreach na h-eucorach.

24 An sin fhreagair Simon, agus thubhairt e, Guidhibhse an Tighearna air mo shon, nach d'thig aon do na nithibh sin a thubhairt sibh orm.

25 An sin air dhoibh-san fianuis a dheanamh agus focal an Tighearna a labhairt, phill iad gu Hierusalem, agus shearmonaich iad an soisgeul ann am mòran do bhàiltibh nan Samaritanach.

26 Agus labhair aingeal an Tighearna ri Philip, ag ràdh, Eirich agus imich chum na h-àirde deas, chum na slighe a ta dol sìos o Hierusalem gu Gasa, a ta 'na fhàsach<sup>5</sup>.

27 Agus dh'èirich e, agus dh'imich e: agus feuch duine àraidh, caillteanach o Etiopia, aig an robh mòr ùghdarras fuidh Chandace ban-rìghinn na h-Etiopia, agus a bha os cionn a h-ionmhais uile, agus a bhà air teachd gu Hierusalem chum aoradh a dheanamh:

28 Bha e a' piltinn air ais, agus 'na shuidhe 'na charbad, agus bha e a' leughadh an fhàidh Eisaia.

29 An sin thubhairt an Spiorad ri Philip, Imich am fagus, agus druid ris a' charbad so.

30 Agus ruith Philip d'a ionnsuidh, agus chuala se e a' leughadh an fhàidh Eisaia, agus thubhairt e, Am bheil thu a' tuigsinn nan nithe a tha thu a' leughadh?

31 Agus thubhairt esan, Cionnus is urradh mi, mur seòl neach éigin mi? Agus dh'iarr e air Philip teachd a nìos, agus suidhe maille ris.

32 A' chuibliirionn do'n scriobtuir a bha e leughadh, b'i so i, Thugadh e mar chaora chum mharbhadh, agus mar uan a ta 'na thosd am fianuis an fhir-lomairt, mar sin cha d'fhosgail e a bheul:

33 'Na isleachadh thugadh a bhreith-eanas air falbh: agus cò a nochdas a ghinealach? oir thogadh a bheatha o'n talamh.

34 Agus fhreagair an caillteanach, agus thubhairt e ri Philip, Guidheam thu, cia uime deir am fàidh so? uime fèin, no mu neach éigin eile?

35 An sin dh'fhosgail Philip a bheul, agus a' tòiseachadh o'n scriobtuir sin, shearmonaich e Iosa dha.

36 Agus an uair a dh'imich iad air an t-slighe, thainig iad gu h-uisce àraidh: agus thubhairt an caillteanach, Feuch, uisge; cìod a ta bacadh mise bhì air mo bhaisteadh?

37 Agus thubhairt Philip, Ma ta thu a' creidsinn le d' uile chridhe, feudaidd tu. Agus fhuicagair e agus thubhairt e, Tha mi a' creidsinn gur e Iosa Crìosd Mac Dhé.

<sup>1</sup> riu. <sup>2</sup> crith-ghalar; palsy. Sasg.

<sup>3</sup> a chuir uamhas air, a chuir 'nam breathal.

<sup>4</sup> ceart, treibhdhreach.

<sup>5</sup> truinn 'n fhàsach.

33 Agus dh'fàithn e n' carbad a sheasamh : agus chaidh iad sìos le chèile do'n uisge, araon Philip agus an caillteanach ; agus bhaist se e.

39 Agus an uair a thainig iad a nìos as an uisge, thug Spiorad an Tighearna Philip leis, agus cha'n fhac an caillteanach tuilleadh e : agus dh'imich e air aghaidh le gairdeachas.

40 Ach fhuaradh Philip ann an Asotos : agus shearmonaich e anns na bailtibh uile, a' dol tre 'n dùthaich, gus an d'thainig e gu Cesarea.

## CAIB. IX.

1 *Tha Saul, air dha bhì 'g imeachd gu Damascus, air a leagadh sìos gu talamh le solus, agus guth o ncamh : 10 Tha e air a ghairm chum na h-abstolachd, 13 agus air a bhaisteadh le Ananias : 20 Tha e scarmonachadh Chrìosd gu dàna. 23 Tha na h-Iudhaich, agus mar an ceudna na Greug-aich a' cur comhairle ri chèile chum a mharbhadh : &c.*

**A**GUS air do Shaul bhì fathast a' sèidcadhlr a bagraidh, agus air<sup>1</sup> an aghaidh dheisciobul an Tighearna, chaidh e chum an àrd shagairt.

2 Agus dh'iarr e litrichean uaith gu Damascus chum nan sionagag, chor nam faigheadh e aon neach do'n t-slighe so, co aca b'fhir no mnà iad, gu'n d'thugadh e leis ceangailte gu Hierusalem iad.

3 Agus ag imeachd dha, tharladh<sup>2</sup> gu'n do dhruid e ri Damascus : agus dhealraich gu h-obann mu'n cuairt air solus o ncamh.

4 Agus air tuiteam dha air an talamh, chual e guth ag ràdh, ris, A Shaul, A Shaul, c'ar son a ta thu 'gam gheur-leannmhuinne?

5 Agus thubhairt esan, Cò thu, a Thighearn ? Agus thubhairt an Tighearn, Is mise Iosa a tha thusa a' geur-leannmhuinn : is cruaidh dhuitse breabadh an aghaidh nan dealg.

6 Agus air dhasan bhì air chrith agus làn uamhainn, thubhairt e, A Thighearn, ciod is àill leat mise a dheanamh ? Agus thubhairt an Tighearn ris, Eirich, agus rach<sup>3</sup> a steach do'n bhaile, agus innsear dhuit ciod is còir dhuit a dheanamh.

7 Agus sheas na daoine bha 'g imeachd maille ris 'nan tosd, a' chuinntinn a' ghutha, ach gun neach air bith fhaicinn.

8 Agus dh'èirich Saul o'n talamh, agus air fosgladh a shùil dha, cha'n fhac e neach<sup>4</sup> air bith : ach air dhoibh breith air a làimh, threoraich iad e gu Damascus.

9 Agus bha e trì làithean gun radhare, agus cha d'ith agus cha d'òl e ni air bith.

10 Agus bha deisciobul araidh ann an Damascus, d'am b'ainm Ananias, agus thubhairt an Tighearn ris ann am foillsicheadh<sup>5</sup>,

Ananias. Agus thubhairt esan, Feuch a ta mi 'n so, a Thighearn.

11 Agus thubhairt an Tighearn ris, Eirich, agus imich do'n t-sràid, d'an goirear Dircaich, agus iarr ann an tigh Iudais, duine o Tharsus d'an goirear Saul : oir feuch, a ta e ri ùrnuigh.

12 Agus chunnaic e ann am foillseachadh duine d'an ainm Ananias, a' teachd a steach, agus a' cur a làimhe air, chum gu'n faigheadh e a radhare.

13 An sin fhreagair Ananias, A Thighearn, chuala mi o mhòran mu'n duine so, eia lion olc a rinn e do d' naomhaibh ann an Ierusalem :

14 Agus a ta an so ùghdarras aige o uachdaranaihb nan sagart, iadsan uile a cheangal a ta gairm air t'ainmsa<sup>6</sup>.

15 Ach thubhairt an Tighearn ris, Imich ; oir is soitheach taghta dhomhsa e, chum m'ainn a ghiùlan ann fianuis nan Cinnceach, agus rìghrean, agus chloinn Israeil.

16 Oir nochdadh mise dha cia mòr na nithe a's èigin da fhulang air sgàth m'ainmese.

17 Agus dh'imich Ananias, agus chaidh e steach do'n tigh ; agus ag cur a làmh air, thubhairt e, A Shaul, a bhràthair, chuir an Tighearn (eadhon Iosa a dh'fhoillsicheadh dhuitse anns an t-slighe air an d'thainig thu,) nise chum gu'm faigheadh tu do radhar<sup>7</sup>, agus gu'm biodh tu air do lionadh leis an Spiorad naomh.

18 Agus air ball thuit o shùilibh mar gu'm biodh lannan ; agus dh'aisigeadh a radhare dha gun dàil, agus air dha éirigh, bhaisteadh e.

19 Agus air gabhail bìdh dha, neartaich ead e. An sin bha Saul làithean araidh maille ris na deisciobluibh, a bha ann an Damascus.

20 Agus air ball shearmonaich e Iosa<sup>7</sup> anns na sionagogaibh, gur esan Mac Dhé.

21 Ach bha na h-uile a chual e fa uamhas, agus thubhairt iad, Nach e so esan a bha sgrios ann an Ierusalem iadsan a bha gairm air an ainm so, agus a thainig an so chum na criche so, gu'n d'thugadh e ceangailte iad dh'ionnsuidh uachdarana nan sagart ?

22 Ach bu mhòid a neartaichadhlr Saul, agus chuir e gu h-amhladh na h-Iudhaich a bha chòmhnuidh ann an Damascus, a' dcarbhadh gur e so an Crìosd.

23 Agus air dol do mhòran làithean seachad, rinn na h-Iudhaich comhairle r'a chèile esan a mharbhadh.

24 Ach thugadh fios do Shaul air am feill<sup>8</sup> : agus bha faire aca air na geataibh a là agus a dh'oidhche chum a mharbhadh.

25 An sin ghabh na deisciobul e san

<sup>1</sup> marbhaidh. <sup>2</sup> thachair. <sup>3</sup> theirig, gabh. <sup>4</sup> ni. <sup>5</sup> sealladh.

<sup>6</sup> a tha air an gairm air t'ainm.

<sup>7</sup> Crìosd.

<sup>8</sup> ceilg



oidhche, agus chuir iad a mach thara' bhall-adh e, agus leig iad sìos ann an cliabh e.

26 Agus an uair a thainig Saul gu Hierusalem, dh'fheuch e ri e féin a eheangal ris na deisciobluibh: ach bha eagal orra uile roimhe, agus cha chreid iad gu'm bu deisciobul e.

27 Ach ghabh Barnabas d'a ionnsuidh e, agus thug e ehum nan abstol e, agus ehuir e'n céill doibh eionnus a ehunnaic e'n Tighearn anns an t-slighe, agus gu'n do labhair e ris, agus cionnus a shearmonaich e gu dàna ann an Damascus an ainm Iosa.

28 Agus bha e maille ri u' teachd a steach, agus a' dol a mach ann an Ierusalem.

29 Agus labhair e gu dàna an ainm an Tighearna Iosa, agus rinn e deasboireachd an aghaidh nan Grengach: ach chuir iadsan rompa esan a mharbhadh.

30 Ach an uair a thuig na bràithre so, thug iad sìos e gu Cesarea, agus chuir iad air fàlbi gu Tarsus e.

31 An sin bha fois aig na h-eaglaisibh tre Iudea uile, agus Ghalile, agus Shamaria, agus air dhoibh bhli air an togail suas, agus a' siubhal ann an eagal an Tighearna, agus ann an eomhfhurtachd an Spioraid naoimh, mheudaicheadh gu mòr iad.

32 Agus tharladh, air do Pheadar imeachd tre gach àite, gu'n deachaidh e sìos mar an ceudna chum nan naomh, a bha gabhail còmhnuidh ann an Lida.

33 Agus fhuair e an sin duine àraidh d'am b'ainm Eneas, a bha rè ochd bliadhna air a leabaidh, agus e gu tinn leis a' phairilis<sup>2</sup>.

34 Agus thubhairt Peadar ris, Eneais, tha Iosa Criosd ga d' leigheas: éirich agus dean do leaba. Agus air ball dh'éirich e.

35 Agus chunnaic iadsan uile e, a bha ehòmhnuidh ann an Lida, agus ann an Saron, agus phill iad chum an Tighearna.

36 A nis bha ban-deisciobul àraidh ann an Iopa d'am b'ainm Tabita, 'se sin, air eadar-theangachadh, Doreas: bha a' bhean so làn do dheadh oibribh, agus do dhéircibh a rinn i.

37 Agus tharladh anns na làithibh sin, air dh'i bhli gu tinn gu'n d'fhuair i bàs: Agus air dhoibh a h-ionnlad, chuir iad ann an seòmar uachdaraeh i.

38 Agus air do Lida bhli fagus do Iopa, agus air eluimntinn do na deisciobluibh gu'n robh Peadar an sin, chuir iad dithis dhaoine d'a ionnsuidh, a' guidheadh air e theachd d'ann ionnsuidh gun dàil.

39 An sin dh'éirich Peadar, agus chaidh e maille ri u. Agus an uair a bha e air teachd, threòraich iad suas e do'n t-seòmar uachdarach: agus sheas na bantraichean uile làmh ris a' caoineadh, agus a' nochdadh nan eòta agus nan truscan, a rinn Dorcas am feadh a bha i maille ri u.

40 Ach air do Pheadar an cur a mach uile, leig se c féin air a ghluinibh agus rinn e ùrnuigh, agus air dha tionndadh ris a' ehorp, thubhairt e, A Thabita, éirich. Agus dh'fhosgail ise a sùilean: Agus air dh'i Peadar fhaicinn, dh'éirich i na suidhe.

41 Agus thug e a làmh dh'i, agus thog e 'na seasamh i; agus an uair a ghairm e na naoimh agus na bantraichean, chuir e 'nan làthair beo i.

42 Agus fhuairadh fios àir so tre Iopa uile; agus chreid mòran anns an Tighearna.

43 Agus tharladh gu'n d'fhan e mòran do làithibh ann an Iopa maille ri Simon àraidh fear-deasachaidh leathair.

# CAIB. X.

1 Air do Chornelius, duine cràbhach, àithne f'fhagail o aingeal, chuir e fios air Peadar, 11 a tha air a theagasg am an taisbean gun e dheanamh tàir air na Cinneachaibh: 34 Am feadh a ta e scarmonachadh Chriosd do Chornelius agus d'a chuideachd, tha'n Spiorad naomh a' teachd a nuas orra, agus tha iad air an baisteadh.

A GUS bha duine àraidh ann an Cesarea, d'am b'ainm Cornelius, eannard-ceud do'n chuideachd d'an goirear a' chuideachd Eadailteach,

2 Duine cràbhaeh, agus air an robh eagal Dé maille r'a thigh uile, a bha toirt mòrain déirce do'n t-sluagh, agus a' deanamh ùrnuigh ri Dia a ghnàth.

3 Chunnaic e ann an sealladh<sup>3</sup> gu soilleir, mu thimchioll na naothadh uaire do'n là, aingeal Dé a' teachd a stigh d'a ionnsuidh, agus ag ràdh, A Chornelius.

4 Agus air dhasan amhlare gu geur air, ghabh e eagal, agus thubhairt e, Ciod e; a Tighearn? Agus thubhairt e ris, Chaidh t'ùrnuighean agus do dhéircean suas mar chuimhneachan ann am fianuis Dé.

5 Agus a nis cuir daoine gu Iopa, agus cuir fios air Simon, d'an comh-ainm Peadar:

6 Tha e air aoidheachd maille ri Simon àraidh fear-deasachaidh leathair, aig an bheil a thigh làmh ris an fhaighe: innsidh esan duit ciod is còir dhuit a dheanamh.

7 Agus an uair a dh'fhalbh an t-aingeal a labhair ri Cornelius, ghairm e d'a ionnsuidh dithis do mhuinntir a thighe, agus saighdear cràbhach do'n dream, a bha ghnàth a' feitheamh air:

8 Agus an uair a chuir e an t-ionlan an céill doibh, chuir e iad gu Iopa.

9 Agus air an là maireach, nuair a bha iadsan air an turus, agus a' teachd am fagus do'n bhaile, ehaidh Peadar suas air mullach an tighe a dheanamh ùrnuigh, mu thimchioll na seathadh uaire<sup>4</sup>.

10 Agus dh'fhàs e ro oerach, agus bu mhiann leis biadh itheadh: ach am feadh a' bha iadsan ag ulluchadh, thuit e ann an neul.

<sup>1</sup> còmhmadh, cuideachadh. <sup>2</sup> chrith-ghalar.

<sup>3</sup> foillseachadh, taisbeanadh. <sup>4</sup> t. e. meadhon-là.

11 Agus chunnaic e nèamh fosgailte, agus soitheach àraidh a' teachd a nuas d'a ionnsuidh, mar bhraith-lìn<sup>1</sup> mhòir, ceangailte air a ceithir beannaibh<sup>2</sup>, agus air a lèigeadh sìos air an talamh:

12 Anns an robh gach uile ghnè bheathaiche ceithir-chosach na talmhainn, agus bheathaiche allta, agus bhiadsa snàigeach, agus eunlaith an athair.

13 Agus thainig guth d'a ionnsuidh, Eirich, a Pheadair; marbh agus ioh.

14 Ach thubhairt Peadar, Ni h-cadh, a Tlighearn; oir cha d'ith mi riamh aon ni coitchionn<sup>3</sup> no neo-ghlan.

15 Agus thubhairt an guth ris a rìs an daradh uair, Na nithe sin a ghlan Dia, na gairm thusa coitchionn.

16 Agus rinneadh so trì uairean: agus thogadh an soitheach a rìs suas gu neamh.

17 A nis an uair a bha Peadar fuidh amharus ann fèin ciod bu ehiail do'n t-sealladh a chunnaic e, feuch, bha na daoine a chuireadh o Cornelius, an deigh dhoibh tigh Shimoir iarraidh, 'nan seasamh aig an dorus.

18 Agus air gairm dhoibh, dh'fheòraich iad an robh Simon d'an conh-ainm Peadar, air aoidheachd an sin.

19 Am feadh a bha Peadar a' smuaineachadh air an t-sealladh, thubhairt an Spiorad ris, Feuch, tha triuir dhaoine ga d' iarraidh.

20 Uime sin éirich, agus gabh sìos, agus imich maille riu, gun amharus air bith a bhi ort: oir is mise a chuir uam iad.

21 Agus ehaidh Peadar sìos ehum nan daoine a chuireadh d'a ionnsuidh o Cornelius; agus thubhairt e, Feuch, is mise an ti a tha sibh ag iarraidh: ciod e an t-aobhar mu'n d'thainig sibh?

22 Agus thubhairt iadsan, Fhuair Cornelius an ceannard-ceud, duine cothromach, air am bheil eagal Dé, agus fuidh dheadh ainm<sup>4</sup> aig cinneach nan Iudhaich uile, rabhadh o Dhia le aingeal naomha, fios a chur ortsa d'a thigh, agus briathran a chluinntinn uait.

23 An sin ghairm e steach iad, agus thug e aoidheachd dhoibh. Agus air an latha màireach dh'imich Peadar maille riu, agus chaidh dream àraidh do na bràithribh o Iopa maraon ris:

24 Agus air an là màireach chaidh iad a steach do Chesarea: agus bha Cornelius a' feitheamh riu, agus air gairm a luchd-dàimh agus a chàirde dìsle an ceann a chèile.

25 Agus an uair a bha Peadar a' dol a steach, choinnich Cornelius e, agus thuit e sìos aig a chosaibh, agus rinn e aoradh dha.

26 Ach thog Peadar suas e, ag ràdh, Seas suas; is duine mise mar an ceudna.

27 Agus ag còmhradh ris, chaidh e steach, agus fhuair e mòran cruinn.

28 Agus thubhairt e riu, Tha fios agaibh gu bheil e mi-dhligheach do dhuine a tha na Iudhach, eonhludair a chumail ri neach a tha do ehinneach eile, no teachd am fagus da: ach nochd Dia dhomhsa, gun duine air bith a ghairm coitchionn no neo-ghlan.

29 Uime sin thainig mise 'nuair a chuireadh fios orm, gun aon ni a ràdh 'na aghaidh: air an aobhar sin tha mi fèoraich c'ar son a chuir sibh fios orm.

30 Agus thubhairt Cornelius, O'n cheathramh là gus an uair so bha mi a' deanamh trosgaidh, agus air an naothadh uair bha mi deanamh ùrnuigh ann mo thigh, agus feuch, sheas duine a'm' làthair ann an eudach dealrach<sup>5</sup>.

31 Agus thubhairt e, A Chornelius, dh'èisdeadh t'ùrnuigh, agus tha do dhéircean air an cumhneachadh am fianuis Dé.

32 Uime sin cuir gu Iopa, agus cuir fios air Simon, d'an conh-ainm Peadar; tha e air aoidheachd ann an tigh Shimoir fear-deasachaidh leathair, làimh ris a' mhuir; neach, 'nuair a thig e, a labhras riut.

33 Uime sin chuir mi air ball fios ort; agus is maith a rinn thu teachd. Air an aobhar sin tha sinne uile an so a làthair am fianuis Dé, a dh'èisdeadh nan uile nithe a tha air an àithneadh dhuitse le Dia.

34 An sin dh'fhosgail Peadar a bheul, agus thubhairt e, Gu fìrinneach tha mi 'g aithneachadh nach 'eil Dia ag amharc air pearsaibh seach a chèile:

35 Ach anns gach uile chinneach a ta an neach air am bheil eagalsan, agus a ta 'g oibreachadh fìreantachd, taitneach aige.

36 Am focal a chuir Dia gu clann Israeil, a' searmonachadh sìth tre Iosa Crìosd (neach is e Tighearna nan uile.)

37 Am focal sin is aithne dhuibh, a sgaoileadh air feadh tìre Iudea uile, agus a thòisich o Ghalile, an deigh a' bhaistidh a shearmonaich Eoin:

38 Cionnus a dh'ùng Dia Iosa o Nasaret leis an Spiorad naomh, agus le cumhachd; neach a chaidh m'an cuairt a' deanamh maith, agus a' slànachadh nan uile a bha air am foireigneachadh<sup>6</sup> leis an diabhol: oir bha Dia maille ris.

39 Agus tha sinne 'nar fianuisibh air na h-uile nitheibh a rinn e, araon ann an tìr nan Iudhach, agus ann an Ierusalem; neach a mharbh iad, 'ga chrochadh air crann:

40 Esan thog Dia suas air an treas là, agus nochd se e gu follaiseach.

41 Cha'n ann do'n t-sluagh uile, ach do fhianuisibh, a thaghadh le Dia roimh-lùmh cadhòn dhuinne, a dh'ith agus a dh'òl maille ris an deigh dha éirigh o na marbhaibh.

<sup>1</sup> Non-eudach.

<sup>2</sup> oisnibh.

<sup>3</sup> cumanta.

<sup>4</sup> air am bheil deadh theistsas.

<sup>5</sup> ro-ghael.

<sup>6</sup> thugadh fuaidh cheansal.



42 Agus dh'aithn e dhuinne searmonach-  
adh do'n t-sluagh, agus fianuis a dheanamh  
gur e san a dh'orduicheadh le Dia 'na  
bhreitheamh air bheothaibh agus air  
mharbhaibh.

43 Dhasan tha na fàidhean uile a' toirt  
fianuis, gu'm faigh gach neach a chrideas  
ann maithneas 'nam peacadh trid ainmsan.

44 Am feadh a bha Peadar fathast a'  
labhairt nam briathar' sin, thuirling<sup>1</sup> an  
Spiorad naomh orrasan uile a chual am focal.

45 Agus ghabh na creidmhidh do'n tim-  
chioll-ghearradh, a mheud diubh 'sa thainig  
maille ri Peadar, iongantas mòr, do bhrìgh  
gu'n do dhòirteadh air na Cinncahaibh mar  
an ceudna tiodhlac an Spioraid naomh.

46 Oir chuala siad iad a' labhairt le teang-  
aibh, agus ag àrd-mholadh Dhé. An sin  
fhreagair Peadar,

47 Am feud neach sam bith uisge a  
thoirneas, chum nach rachadh iad so a  
bhaisteadh, a fhuair an Spiorad naomh, co  
maith ruinne?

48 Agus dh'orduich e iad a bhi air am  
baisteadh ann an ainm an Tighearna. An  
sin ghuidh iad air fantuinn maille riù làith-  
ean àraidh.

# CAIB. XI.

1 *Fhuaradh cron do Pheadar air son comh-  
luadar a ghleidheadh ris na Cinncahaibh:*  
4 *tha e 'g innsadh a reusoin, agus tha sin*  
*a' taitneadh r'a luchd-ditidh:* 19 *Tha'n*  
*oisgeul air a sgaoileadh fad Phénice,*  
*agus Chipruis, agus Antioch.* 26 *Tha na*  
*deisciobail air an ainmeachadh 'nan Cris-*  
*duidhean air tùs ann an Antioch, &c.*

**A** GUS chuala na h-abstoil agus na  
bràithrean a bha ann an Iudea, gu'n  
do ghabh na Cinnich mar an ceudna ri focal  
Dé.

2 Agus an uair a chaidh Peadar suas gu  
Hierusalem, rinn iadsan a bha do'n  
timchioll-ghearradh conspoid ris,

3 Ag ràdh, Chaidh thu steach a dh'ionn-  
suidh dhaoine nach robh air an timchioll-  
gearradh, agus dh'ith thu maille riù.

4 Agus thòisich Peadar, agus chuir e'n  
*t-ionmlar* an céill doibh an ordugh, ag ràdh,

5 Bha mi ann an cathair<sup>2</sup> Iopa ri ùr-  
nuigh; agus ann an neul chunnaic mi seall-  
adh, soitheach àraidh a' teachd a nuas, mar  
bhraith-lìn mhoir, air a leigeadh a nuas o  
nèamh air a ceithir beannaibh<sup>3</sup>; agus thainig  
i a'm' ionnsuidhse.

6 Agus air dhomh beachdachadh gu geur  
oirre, thug mi faincar, agus chunnaic mi  
beathaiche ceithir-chosach na talmhainn,  
agus na fiadh-bheathaiche, agus na biasda  
snaigeach, agus eunlaith an athair.

7 Agus chuala mi guth ag ràdh rium,  
Eirich, a Pheadair; marb agus ith.

8 Ach thubhairt mise, Ni h-eadh, a  
Thighearna; oir cha deachaidh rianh aon

ni coitcheionn no neo-ghlan a steach do m'  
bheul.

9 Ach fhreagair an guth mi an daradh  
uair o nèamh, Na nithe a ghlan Dia na  
meas thusa neo-ghlan<sup>4</sup>.

10 Agus rinneadh so tri uairean: agus  
thogadh an t-ionlan a ris suas gu nèamh.

11 Agus feuch, air ball bha triuir dhaoi-  
ne air teachd chum an tighe anns an robh  
mi, a chuireadh o Chesarea do m' ionnsuidh.

12 Agus thubhairt an Spiorad rium dol  
maille riù, gun amharus air bith a bhi orm.  
Agus chaidh mar an ceudna an t-seathnar  
bhàithre so maille rium, agus chaidh sinn  
a steach do thigh an duine:

13 Agus nochd e dhuinn cionnus a  
chunnaic e aingeal 'na sheasamh 'na thigh,  
a thubhairt ris, Cuir daoine gu Iopa, agus  
cuir fios air Simon, d'an comh-ainm Peadar:

14 Neach a labhras briathra riut, leis an  
saorar thu féin agus do thigh uile.

15 Agus an uair a thòisich mi air labh-  
airt, thuirling<sup>5</sup> an Spiorad naomh orrasan,  
mar oirne air tùs.

16 An sin chuinnich mise focal an  
Tighearna, mar a thubhairt e, Bhaist Eoin  
gun amharus le h-uisge; ach baistear sibhse  
leis an Spiorad naomh.

17 Uime sin ma thug Dia dhoibh-san a  
choimh-ionann tiodhlaca ruinne, a chreid  
anns an Tighearna Iosa Crìosd, cò mise gu'm  
bithinn comasach bacadh a chur air Dia.

18 Agus an uair a chual iad na nithe so,  
thosd iad, agus thug iad glòir do Dhia, ag  
ràdh, Thug Dia ma seadh mar an ceudna  
do na Cinncahaibh aithreachas chum na  
beatha.

19 A nis chaidh iadsan a sgapadh a mach  
leis an àmhghar<sup>6</sup> a dh'èirich air son Steph-  
ain, gu ruig Phénice, agus Ciprus, agus  
Antioch, gun am focal a labhairt ri aon  
neach ach ris na h-Iudhachaibh a nhàin.

20 Agus bha cuid diubh o Chiprus, agus  
o Chirene, dream air dhoibh dol a steach  
do Antioch, a labhair ris na Greugachaibh,  
a' searmonachadh an Tighearna Iosa.

21 Agus bha làmh an Tighearna maille  
riù: agus chreid àireamh mhòr, agus phill  
iad chum an Tighearna.

22 Agus thainig sgeula air na nithibh  
sin gu cluasaibh na h-eaglais a bha ann an  
Ierusalem: agus chuir iad Barnabas uatha,  
chum gu'n rachadh e gu h-Antioch.

23 Neach an uair a thainig e, agus a  
chunnaic e grasa Dhé, a rinn gairdeachas,  
agus a dh'earail orra uile, gu'n dlùth-lea-  
adh iad ris an Tighearna le run cridhe.

24 Oir bha e 'na dhuine maith, agus làn  
do'n Spiorad naomh, agus do chreidimh.  
Agus chuireadh sluagh mòr ris an Tighearna.

25 An sin chaidh Barnabas gu Tarsus, a  
dh'iarraidh Shaul.

26 Agus air dha fhaotainn, thug e leis e

<sup>1</sup> *thuit.*

<sup>2</sup> *baile.*

<sup>3</sup> *oisnibh.*

<sup>4</sup> *coitcheionn.*

<sup>5</sup> *thuit.*

<sup>6</sup> *trioblaid.*

gu h-Antioch. Agus tharladh, gu'n robh iad rè bliadhna ionlain air an cruinneachadh maille ris an eaglais, agus gu'n do theagais iad sluagh mòr; agus gu'n do ghoireadh Crisdaidhean do na deisciobluibh air tùs ann an Antioch.

27 Agus anns na làitheibh sin thainig fàidhean o Hierusalem gu h-Antioch.

28 Agus air seasamh suas do aon diubh d'am b'ainm Agabus, dh'fhoillsich e tre an Spiorad, gu'm biodh gorta mhòr air feadh an domhain uile<sup>1</sup>: nì mar an ceudna a thachair ri linn Chlaudiuis Cheasair.

29 An sin chuir gach aon do na deisciobluibh roimhe, a réir a chomais, còmhnaidh a chur chum nam bràithrean a bha chòmh-nuidh ann an Iudea.

30 Nì mar an ceudna rinn iad, agus chuir iad e chum 'nan seanair le làimh Bharnabais agus Shaul.

## CAIB. XII.

1 *Tha Rìgh Herod a' deanamh geur-leanmhuinn air na Crisdaidheibh, a' marbhadh Sheumais, agus a' cur Pheadair am prìosun, neach a ta air a thoirt a mach le aingeal tre ùrnuighibh na h-eaglais: 23 Tha Herod air a bhuaidh le h-aingeal, agus a' bàsachadh gu truagh: 24 Tha focal Dé an dèigh a bhàis-san a' soirbheachadh.*

**A**NIS mu'n àm sin, shìn Herod an rìgh a làmhnan, a dheanamh uile air dream araidh do'n eaglais.

2 Agus mharbh e Scumas bràthair Eoin leis a' chlàidheamh.

3 Agus an uair a chunnaic e gu'n do thaitinn sin ris na h-Iudhachaibh, chaidh e air aghaidh a ghhlacadh Pheadair mar an ceudna. (Agus b'iad làithean an arain neo-ghoirtichte a bh'ann.)

4 Agus ghlac e agus chuir e'm prìosun e, agus thug se e r'a ghleidheadh do cheithir cheathrar shaighdear, fa rùn a thoirt a mach do'n t-sluagh an dèigh na càisge.

5 Air an aobhar sin ghleidheadh Peadar anns a' phrìosun: ach bha bith-ùrnuigh<sup>2</sup> air a deanamh leis an eaglais ri Dia air a shon.

6 Agus an uair a b'ail le Herod a thoirt a mach, 'san oidhech sin fèin bha Peadar 'na chodal cadar dithis shaighdear, ceangailte le dà shlabhruidh: agus bha'n luchd-faire fa chomhair an doruis a' coimhead a' phrìosuin.

7 Agus feuch, thainig aingeal an Tighearna air, agus dhealraich solus anns a' phrìosun: agus air bualadh-taoibh Pheadair dha, dhùisg se e, ag ràdh, Eirich gu grad. Agus thuit a cheanglaiche d'a làmhaidh.

8 Agus thubhairt an t-aingeal ris, Cris-raich thu fèin, agus ceangail ort do bhonn-bhrègan<sup>3</sup>: agus rinn e mar sin. Agus a deir e ris, Tilg t'fhalluing<sup>4</sup> umad, agus lean mise.

9 Agus chaidh e mach, agus lean se e, agus ch' robh fhios aige gu'n robh e fìor an nì a rinneadh leis an aingeal: ach shaoil e gu'm bu taisbean<sup>5</sup> a chunnaic e.

10 Agus air dh'ibh dol tre 'n cheud agus an dara faire, thainig iad chum a' gheataidh iarunn a ta treòrachadh do'n bhaile, a dh'fhosgail doibh leis fèin: agus air dol a mach dhoibh, chaidh iad air an aghaidh tre aon sràid, agus air ball dh'fhalbh an t aingeal uaidh.

11 Agus an uair a thainig Peadar chuige fèin, thubhairt e, A nìs tha fhios agam gu fìrinnach gu'n do chuir an Tighearna aingeal uaidh, agus gu'n do shaor e mi o làimh Heroid, agus o uile dhùil pobuil nan Iudhach.

12 Agus an uair a smuainich e air a' chùis, thainig e gu tigh Mhuire màthar Eoin; d'an comh-ainm Marcus, far an robh mòran cruinn, agus iad ri ùrnuigh.

13 Agus an uair a bha Peadar a' bualadh doruis a' gheataidh, thainig gruagach d'am b'ainm Rhoda a dh'èisdeachd.

14 Agus an uair a dh'aithnich i guth Pheadair, tre aobhneas cha d'fhosgail i'n geata, ach ruith i stigh, agus dh'innis i gu'n robh Peadar 'na sheasamh aig a' gheata.

15 Ach thubhairt iad rithe, Tha thu air mhi-chèill. Ach bha ise toirt dearbhinnte<sup>6</sup> gu'n robh e mar sin. An sin thubhairt iad, 'Se aingeal a ta ann.

16 Ach bhuanaich Peadar a' bualadh an doruis: agus an uair a dh'fhosgail iad, agus a chunnaic iad e, bha iad làn uamhais.

17 Ach air dhasan smèideadh orra le a làimh iad a bhi 'nan tosd, ehuir c'n cèill doibh cionnus a thug an Tighearna as a' phrìosun e. Agus thubhairt e, Innsibh na nithe so do na bràithribh. Agus an dol a mach dha, chaidh e gu àit eile.

18 Agus air teachd do'n là bha iomairt<sup>7</sup> nach bu bheag am measg nan saighdear, ciod a thachair do Pheadar.

19 Agus air do Herod iarraidh, agus gun fhaotainn, rannsaich e an luchd-coimhead, agus dh'orduich e an toirt air falbh chum pèanais. Agus chaidh e sìos o Iudea gu Cesarea, agus rinn e còmhnuidh an sin.

20 Agus bha fearg mhòr aig Herod ri muinntir Thiruis agus Shidoìn: ach thainig iadsan a dh'aon iinntinn d'a ionnsuidh, agus air dhoibh Blastus seomradair an rìgh a thoirt air an erann, dh'iarr iad sìth; do bhrìgh gu'n robh an tìr air a beathachadh le tìr an rìgh.

21 Agus air là orduichte, air do Herod bhi air a sgeudachadh le eudach rìoghail, agus na shuidhe air a rìgh-chaithir, labhair e gu deas-bhriathrach ri u<sup>8</sup>.

22 Agus rinn an sluagh gair<sup>9</sup> ag ràdh, Is guth Dé so, agus cha ghuth duine.

<sup>1</sup> na tìre uile. <sup>2</sup> gnàth-ùrnuigh. <sup>3</sup> chuarain. <sup>4</sup> do bhrat, t' euduch-yachdair. <sup>5</sup> shealladh.

<sup>6</sup> a' cathachadh. <sup>7</sup> buaircas. <sup>8</sup> rinn e draid doibh. <sup>9</sup> iolach.



23 Agus air ball bhuail aingeal an Tigh-earn' e, do bhrìgh nach d'thug e a' ghloir do Dhia : agus dh'itheadh le cnuimhibh e, agus chaidh an deo as.

24 Ach dh'fhàs focal an Tighearna agus mheudaicheadh e.

25 Agus phill Barnabas agus Saul o Hierusalem, air dhoibh am ministreileachd a eòimhlionadh, a' toirt leo mar an ceudna Eoin, d'an comh-ainm Marcus.

CAIB. XIII.

1 *Tha Pòl agus Barnabas air an taghadh gu dol chum nan Cinneach. 7 Mu thimchioll Shergius Paulus, agus Elimais an druidh. 14 A ta Pòl a' searmonachadh aig Antioch, gur e Iosa an Crìosd. 42 Tha na Cinnich a' creidsinn; &c.*

**A**NIS bha anns an eaglais, a bha aig Antioch, fàidhean, agus luchd-teagaisg àraidh; mar a ta Barnabas, agus Simeon d'an goirear Niger, agus Lucius o Chirene, agus Manaen, comh-alta Heroid an Tetrarch, agus Saul.

2 Agus air bhi dhoibh ri ministreileachd do'n Tighearn, agus a' trosgadh, thubhairt an Spiorad naomh, Cuiribh a leth dhomhsa Barnabas agus Saul, chum na h-oibre gus an do ghairm mi iad.

3 An sin air dhoibh trosgadh agus ùrnuigh a dheanamh, agus an làmh an a chur orra, leig iad uatha iad.

4 Mar sin air dhoibhsan a bhi air an eur a mach leis an Spiorad naomh, chaidh iad sìos gu Seleucia; agus o sin sheòl iad gu Ciprus.

5 Agus air bhi dhoibh ann an Salamis, shearmonaich iad focal Dé ann an sionagogaibh nan Iudhach: agus bha mar an ceudna Eoin aca mar fhear-frithelaidh.

6 Agus an uair a chaidh iad tre'n eilean gu Paphos, fhuair iad druidh àraidh, fàidh bréige, Iudhach, d'am b'ainm Bariesus:

7 Neach a bha maille ri Sergius Paulus an t-uachdaran, duine tuigseach; air dhasan Barnabas agus Saul a ghairm d'a ionnsuidh, dh'iarr e focal Dé a chluinntinn.

8 Ach chuir Elimas an druidh (oir is ann mar so a dh'eadar-theangaichear ainm) 'nan aghaidh, ag iarraidh an t-uachdaran a thionndadh o'n chreidimh.

9 An sin air bhi do Shaùl (da'n goirear Pòl) làn do'n Spiorad naomh, agus ag amharc gu geur air,

10 Thubhairt e, O thusa a ta làn do'n uile cheilg, agus do'n uile dhroch-bheirt, a mhic an diabhoil, a nàmhaid na h-uile fhìr-eantachd, nach sgur thu do fhìradh shlighean dìreach an Tighearna?

11 Agus feuch a nis, tha làmh an Tigh-earna ort, agus bithidh tu dall, gun a' ghrian fhaicinn rè tamuill. Agus air ball thuit ceò agus dorchadas air; agus a' tionndadh m'an cuairt, dh'iarr e dream a thròd-raicheadh air làmh e.

12 An sin an uair a chunnaic an t-uachdaran an ni a rinneadh, chreid è, air dha bhi làn iongantais mu theagasg an Tigh-earna.

13 Agus air gabhail luinge do Phòl agus d'a chuideachd o Phaphos, thainig iad gu Perga na Pamphilia: agus air do Eoin am fàgail, phill e gu Hierusalem.

14 Ach air dhoibhsan imcachd o Pherga, thainig iad gu Antioch na Pisidia, agus chaidh iad a steach do'n t-sionagog air latha na sàbaid, agus shuidh iad.

15 Agus an dèigh leughadh an lagha agus nam fàidh, chuir uachdarain na sionagoige d'an ionnsuidh, ag ràdh, Fheara agus a bhràithre, ma tha focal earail agaibh do'n t-sluagh, abraibh e.

16 An sin an uair a shcas Pòl suas agus a smèid e orra le làimh, thubhairt e, Fheara Israeil, agus sibhse air am bheil eagal Dé, éisdibh.

17 Thagh Dia a' phobuill so Israeil ar n-aithriehe, agus dh'ardaich e'm pobull 'nuair a bha iad air choigrich ann an talamh na h-Eiphit, agus le làimh àrd thug e iad a mach aisde.

18 Agus mu thimchioll ùine dhà fhichead bliadhna ghiùlain e le'm beusaibh' anns an fhàsach.

19 Agus an uair a sgrios e seachd cinich ann an tìr Chanaan, roinn e am fearann orrasan le crannchur.

20 Agus 'na dhéigh sin mu thimchioll ceithir cheud agus leth-cheud bliadhna, thug e dhoibh breithcamhna, gu Samucl an fàidh.

21 Agus 'na dhéigh sin dh'iarr iad rìgh: agus thug Dia dhoibh Saul mac Chis, duine do thrèibh Bheniamin, rè dha fhichead bliadhna.

22 Agus air dha esan atharrachadh, thog e suas Daibhidh gu bhi 'na rìgh dhoibh; d'an d'thug e mar an ceudna fianuis, ag ràdh, Fhuair mi Daibhidh mac Iese, duine a réir mo chridhe féin, a ni m'uile thoil.

23 Do shliochd an duine so thog Dia suas do Israel a réir a gheallaidh, Slànuigh-ear, eadhon Iosa:

24 Air do Eoin roimh a theachd-san, baisteadh an aithreachais air tùs a shearmonachadh do phobull Israeil uile.

25 Agus mar a choimhlion Eoin a thrìall<sup>2</sup>, thubhairt e, An ti a ta sibh a' saòilsinn is mise, cha mhi e. Ach feuch, a ta neach a' teichead a'm' dhéigh, nach fiu mi brògan a chos fhuasgladh.

26 Fheara agus a bhràithre, a chlann fine Abraham, agus an inheud agaibh air am bheil eagal Dé, 's ann chugaibhs' a chuir-eachd focal na slàinte so:

27 Oir iadsan a ta chòmhnuidh ann an Ierusalem, agus an uachdarain, air dhoibh bhi ain-eolach airsan, agus air fòclaibh nam

<sup>1</sup> dh'altrum e iad.

<sup>2</sup> a thurus, a chèrsa.

Fàidh a ta air an leughadh gach sàbaid, le *esan* a dhèidh choimhlean siad iad.

28 Agus ge nach d'fhuair iad coire bàis air bith *ann*, dh'iarr iad air Pilat gu'n cuirteadh *esan* gu bàs.

29 Agus an uair a choimhlean iad na h-uile nithc bha sgrìobhta nu thimchioll, thug iad a nuas o'n chrann *e*, agus chuir iad ann an uaigh *e*.

30 Ach thog Dia suas o na marbhaibh *e*:

31 Agus chunnacas *e* rè mòrain làithean leo-san a chaidh suas maille ris o Ghalilé gu Hierusalem, dream a ta 'nam fianuisibh dhasan do'n t-sluagh.

32 Agus a ta sinne a' soisgeulachadh dhuibhse a' gheallaidh<sup>1</sup>, a rinneadh do na h-aithrichibh,

33 Gu'n do choimhlean Dia so dhuinne an clann, air dha Iosa thogail suas; mar a ta e sgrìobhta mar an ceudna 'san dara Salm, Is tu mo Mhac-sa, an diugh ghin mi thu.

34 Agus mar dhearbhadh gu'n do thog e suas *e* o na marbhaibh, gun *e* a philltinn air ais tuilleadh chum truaillidheachd, thubhairt e mar so, Bheir mise dhuibh tròcaire cinnteach Dhaibhidh.

35 Uime sin a deir e mar an ceudna ann an *Salm* eile, Cha'n fhuiling thu do d'Aon naomha gu'm faic e truaillidheachd.

36 Oir an dèigh do Dhaibhidh a ghinealach fèin a riarachadh a réir toil Dhé, choidil e, agus chuireadh e chum aithriche, agus chuinnac e truaillidheachd:

37 Ach an ti a thog Dia suas, cha'n fhac *e* truaillidheachd.

38 Uime sin biodh fhios agaibhse, fheara agus a bhràithre, gur ann tre'n duine so a ta maithneas peacaidh air a shearmonachadh dhuibh:

39 Agus tridsan a ta gach neach a chreideas air a shaoradh o na h-uile nithibh, o nach robh e'n comas duibh bhi air bhuir saoradh le lagh Mhaois.

40 Thugaibh aire uime sin, nach d'thig oirbh an ni a ta air a ràdh anns na Fàidhibh,

41 Feuchaidh, a luchd-tarcuis, agus gabhaidh iongantas, agus rachadh as duibh<sup>2</sup>: oir oibricheam-sa obair ann bhuir làithibhse, obair nach creid sibh idir, ge do chuireadh duine an céil duibh *e*.

42 Agus an uair a chaidh na h-Iudhaich a mach as an t-sionagog, ghuidh na Cinnich gu'n rachadh na briathra so a labhairt riu fèin an t-sàbaid 'na dhèigh sin.

43 A uis an uair a sgaol an coimhthional, lean mòran do na h-Iudhachaidh agus do na preselutich chràbhach Pòl agus Barnabas: agus labhair iadsan riu, agus chuir iad impidh orra fuireach ann an gràs Dhé.

44 Agus air an latha sàbaid a b'fhagisc,

is beag nach do chruinnich am baile gu h-iomlan a dh'èisdeachd ri focal Dé.

45 Ach an uair a chuinnac na h-Iudhaich na slòigh, lionadh iad le h-eud<sup>3</sup>, agus labhair iad an aghaidh nan nithe sin a labhradh le Pòl, a' labhairt 'nan aghaidh agus a' tabhairt toibheim.

46 An sin dh' fhàs Pòl agus Barnabas dàna, agus thubhairt iad. B'èigin focal Dé bhi air a labhairt ribhse air tuis: ach do bhrìgh gu'n do chuir sibh cùl ris, agus gur i bhuir breth oirbh fèin nach fhu sibh a' bhacathair mhaireannach, feuch, a ta sinne a' pilltinn chum nan Cinneach.

47 Oir is ann mar sin a dh'àithn an Tighearna dhuinn, *ag ràdh*, Chuir mi thu mar sholus do na Cinnich chum gu'm bith-eadh tu mar shlàinte *ga* iomall na tal-mhainn.

48 Agus an uair a chuala na Cinnich so, rinn iad gairdeachas, agus ghlòraich iad focal an Tighearna: agus chreid a mhead 'sa bha orduichte<sup>4</sup> chum na beatha maireannach.

49 Agus sgaioleadh focal an Tighearna feadh na tìre uile.

50 Ach bhrosnaich na h-Iudhaich na mnàì chràbhach agus urramach, agus daoìn' uaisle<sup>5</sup> na cathrach, agus thog iad geur-leanmhuinn air Pòl agus Barnabas, agus thilg iad a mach as an crìochaibh iad.

51 Ach chrath iadsan duslach<sup>6</sup> an cos dhiubh 'nan aghaidh, agus thainig iad gu Iconium.

52 Agus bha na deisciobuil air an lionadh le h-aoibhneas, agus leis an Spiorad naomh.

#### C A I B. XIV.

1 Tha Pòl agus Barnabas air an dian-ruagadh o Iconium. 8 Tha Pòl aig Lистра a' leigheas a' chrìopaich: uime sin mheasadh iad 'nan dèibh. 19 Chlachadh Pòl: 21 chaidh iad trid iomadh eaglais, a' daingneachadh nan deisciobul ann an creidinn agus ann am faighidinn: 26 agus air pilltinn gu h-Antioch dhoibh, dh'aithris iad na nithe a rinn Dia leo.

**A**GUS tharladh ann an Iconium, gu'n deachaidh iad araon a steach do shionagog nan Iudhach, agus gu'n do labhair iad air chor as gu'n do chreid cuideachd mhòr do na h-Iudhachaidh, agus mar an ceudna do na Greugachaidh.

2 Ach bhrosnaich na h-Iudhaich mhi-chreideach, agus lìon iad do dhroch rùn inntinn nan Cinneach an aghaidh nam bràithre.

3 Uime sin dh'fhan iad aimsir fhada a' labhairt gu dàna mu thimchioll an Tighearna, a rinn fianuis, do fhocal a ghràis, agus a thug fainear comharan agus mìorbhuilcan a bhi air an deanamh le'n làmh-aibh-san.

<sup>1</sup> ag innseadh deudh sgèil duibhse cadhonn a' gheallaidh.

<sup>2</sup> rachaidh as an t-sealladh.

<sup>3</sup> tìr.

<sup>4</sup> air an cur an ordugh.

<sup>5</sup> prìomh dhaoin.



4 Ach bha sluagh a' bhaile air an roinn: agus bha cuid diubh leis na h-Iudhachaidh, agus cuid eile leis na h-abstolaidh.

5 Agus an uair a thugadh ionnsuidh araon leis na Cinneachaidh, agus mar an eudna leis na h-Iudhachaidh, maille r'an uachdaranaidh, chum iadsan a mhaslachadh agus a chlachadh,

6 'Nuair a thuig iadsan so, theich iad gu Lистра agus Derbe, bailte do Licaonia, agus chum na dùcha m' an euairt.

7 Agus bha iad a' scarmonachadh an t-soisgeil an sin.

8 Agus bha ann an Lистра duine àraidh gun lùth 'na chosaibh 'na shuidhe, a bha bacach o bhroinn a mhàthar, neach nach dh'imich rianbh.

9 Chual esan Pòl a' labhairt: neach air dha amhare gu geur air, agus a thuigsinn gu robh creidimh aige chum a leigheas,

10 Thubhairt e le guth àrd, Seas suas gu dìreach air do chosaibh. Agus leum esan agus dh'imich e.

11 Agus an uair a chunnaic an sluagh an nì a rinn Pòl, thog iad an guth, ag ràdh ann an eàin Licaonia, Tha na Dèc air teachd a nuas an eoslas dhaoine d'ar n-ionnsuidhme.

12 Agus ghoir iad do Bharnabas, Iupiter; agus do Phòl, Mercurius, do bhrìgh gu'm b'e am prìomh fhear-labhairt e.

13 An sin thug sagart Iupiteir, a bha fa chomhair an eathraich-san, tairbh agus blàth-fhleasgaidh<sup>1</sup> chum nan geata, agus b'aill leis iobairt a dheanamh maille ris an t-sluagh.

14 Ach an uair a chuala na h-abstol Barnabas agus Pòl so, reub iad an eudaich, agus ruith iad a steach am measg an t-sluagh, ag èigheach,

15 'Agus ag ràdh, A dhaoine, e'ar son a ta sibh a' deanamh nan nithe so? oir is daoine sinne cosmhail ribh fèin thaobh fulangais<sup>2</sup>, a' searmonachadh dhuibhse, pilltinn o na nithibh diomhaibh sin chum an Dè bheo, a rinn nèamh, agus an talamh, agus an euan, agus na h-uile nithe a ta ann-ta:

16 Neach anns na linnibh a chaidh seachad, a dh'fhuiling do na h-uile Chinneachaidh imcachd 'nan sliabh fèin.

17 Gheadh, cha d'fhàg se e fèin gun fhianuis, a' deanamh maith, agus a' toirt dhuinn uisge o nèamh, agus aimsire tarbhach, a' lìonadh ar eridheacha le biadh agus le subhachas.

18 Agus ag ràdh nan nithe so dhoibh, is gann a chum iad an sluagh gum iobairt a dheanamh dhoibh.

19 Agus thainig Iudhaich o Antioch agus o Iconium, agus chomhairlich iad an sluagh, agus air dhoibh Pòl a chlachadh, tharruing iad a mach as a' bhaile e, a' saòilsinn gu robh e marbh.

20 Ach air seasamh do na deiseiobluidh

m'a thiméhioll, dh'éirich e, agus chaidh e steach do'n bhaile: agus air an là maireach dh'imich e maille ri Barnabas gu Derbe.

21 Agus an uair a shearmonaich iad an soisgeul do'n bhaile sin, agus a rinn iad mòran dheiseiobul, phill iad gu Lистра, agus Iconium, agus Antioch,

22 A' neartachadh anama nan deiseiobul, agus ag earail<sup>3</sup> orra buanachadh sa' chreidimh, agus a' teagasg gur ann tre iomadh àmhghar is éigin duinn dol a steach do rioghachd Dhé.

23 Agus an uair a dh'orduich iad seanairean dhoibh anns gach eaglais, agus a rinn iad ùrnuigh maille ri trosgadh, dh'earb siad iad ris an Tighearn, anns an do chreid iad.

24 Agus an déigh dhoibh dol tre Phisidia, thainig iad gu Pamphilia.

25 Agus air dhoibh am focal a labhairt ann am Perga, chaidh iad sìos gu Atalia:

26 Agus sheòl iad as sin gu Antioch, an t'àit o'n d'earbadh iad ri gràs Dhé, chum na h-oibre a choimhilion iad.

27 Agus an uair a thainig iad, agus a chruinnich iad an eaglais an ceann a chèile, dh'aithris iad meud nan nithe a rinn Dia leo, agus gu'n d'fhosgail e dorus creidimh do na Cinneachaidh.

28 Agus dh'fhan iad an sin aimsir nacl bu bheag maille ris na deiseiobluidh.

# CAIB. XV.

1 Tha connsachadh mòr ag éirigh mu thimchioll an timchioll-ghearraidh: 6 Tha na h-abstol a' cumail comhairle m' an chùis sin, 22 agus a' cur orduigh na comhairle ann an litricheibh chum nan eaglais. 36 Air do Phòl agus do Bharnabas bhì a' smuaineachadh air dol araon a dh'amharc am bràithre, chuir iad a mach air a chèile, agus dhealaich iad.

**A**GUS theagaisg dream àraidh, a thainig a nuas o Iudea, na bràithre, ag ràdh, Mur timchioll-ghearrar sibh a réir gnàtha Mhaois, cha 'n'eil e'n comas duibh bhì air bbur slànuchadh.

2 Uime sin air do Phòl, agus do Bharnabas connsachadh agus deasboireachd nach bu bheag a lhi aca riu, dh'orduich iad Pòl agus Barnabas, agus dream àraidh eile dhiubh fèin, a dhol suas chum nan abstol agus nan seanair gu Hierusalem mu thimchioll na ceisde so.

3 Agus air dhoibh bhì air an toirt air an aghaidh leis an eaglais, chaidh iad tre Phenice, agus Shamaria, a' cur an ecill iompo-chaidh nan Cinneach: agus thug iad aoibhneas mòr do na bràithribh uile.

4 Agus an uair a thainig iad gu Hierusalem, ghabhadh riu leis an eaglais, agus na h-abstolaidh, agus na seanairibh, agus dh'inis iad meud nan nithe a rinn Dia leo-san.

5 Ach dh'éirich dream àraidh do bharail nam Phairiseach a bha 'nan creidmheach, ag

<sup>1</sup> lus-chrìna. <sup>2</sup> aig am bheil comh-aighe ribh fèin.

<sup>3</sup> guidheadh.

ràdh, Gur còir an tìmhchioll-ghearradh, agus àithneadh dhoibh lagh Mhaois a choimhead.

6 Agus thainig na h-abstoil agus na seanairan an ceann a chèile a dh'fheuch-ainn mu'n chùis so.

7 Agus an dèigh mòrain deasboireachd, dh'èirich Peadar agus thubhairt e riu, Fheara agus a bhràithre, tha fhios agaibh o chionn fhada gu'n do ròghnuich Dia 'nar measg, o m' bheulsa gu'n cluinneadh na Cinnich focal an t-soisgeil, agus gu'n creid-eadh iad,

8 Agus rinn an Dia d'an aithneadh an cridhe, fianuis dhoibh, a' tabhairt an Spioraid naoinh dhoibh, mar a thug e dhuinne;

9 Agus cha d'rinn e cadar-dhealachadh eadar sinne agus iadsan, a' glanadh an cridhe le creidimh.

10 C'ar son uime sin a nis a ta sibh a' cur cathachaidh air Dia<sup>1</sup>, le cuing a chur air muineal nan deisciobul, nach robh aon chluid ar n-aithriche no sinne comasach air a giùlan?

11 Gidheadh a ta sinn a' creidsinn, tre ghràs an Tighearna Iosa Crìosd, gu saorar sinn amhuil mar iadsan.

12 An sin dh'fhan a' chuideachd uile 'nan tosd, agus thug iad éisdeachd do Bharnabas agus do Phòl, ag innseadh meud nan comhar agus nam mìorbhuile a rinn Dia leo-san am measg nan Cinneach.

13 Agus an dèigh dhoibh bhi nan tosd, fhrèagair Seumas, ag ràdh, Fheara agus a bhràithre, éisidibh riumsa.

14 Chuir Sìneon an céill cionnus a dh'fhiosraich Dia na Cinnich air tùs, le pobul a ghabhail as an measg d'a ainm fèin.

15 Agus da so tha briathra nam fàidh a' coimh-fhreagairt; a réir mar a ta e scribedha,

16 An dèigh so pillidh mi, agus togaidh mi suas a ris pàillinn Dhaibhidh, a ta air tuiteam: agus togaidh mi a ris an ni a thuit deth, agus cuiridh mi suas e:

17 Chum gu'n iarr fuigheall nan daoine an Tighearn, agus na h-uile Chinnich, air an goirear m'ainmse, a deir an Tighearn, a ta deanamh nan nithe sin uile.

18 Tha fios oibre fèin uile aig Dia o thoi-seach an t-saoghail.

19 Uime sin is i mo bhrethse, nach cuir sinn mì-shuaimhnecas<sup>2</sup> orra-san do na Cinnich, a ta air pilltinn chum Dhé:

20 Ach gu'n scriobh sinn d'an ionnsuidh, iad a sheachnadh truailleadhachd ìodhola, agus strìopachais, agus ni tachdta, agus fola.

21 Oir a ta aig Maois o na linnibh cian anns gach baile daoine a ta 'ga shearmonachadh, air dha bhi air a leughadh gach latha sàbaid anns na sionagogaibh.

22 An sin chunnacas do na h-abstolailbh, agus do na seanairibh, maille ris an eaglais

uile, daoine taghta dhiubh fèin a chur gu Antioch, maille ri Pòl agus Barnabas; eadhon, Iudas d'an comh-ainm Barsabas, agus Silas, daoine inbheach am measg nam bràithre:

23 Agus scriobh iad litriche leo air an dòigh so, Tha na h-abstoil, agus na seanair-ean, agus na bràithrean a' cur beannachd chum nam bràithre do na Cinnich, a ta ann an Antioch, agus ann an Siria, agus ann an Cilicia.

24 Do bhrìgh gu'n cuala sinne, gu'n do chuir dream àraidh a chaidh uainne mì-shuaimhnecas oirbh le briathraibh, ag athar-rachadh bhuir inntinn<sup>3</sup>, ag ràdh, Gur còir dhuibh bhi air bhuir tìmhchioll-ghearradh, agus an lagh a choimhead; do nach d'thug sinne a leithid sin a dh'àithne:

25 Chunnacas duinne, air dhuinn bhi cruinn a dh'aon toil, daoine taghta a chur d'ar ionnsuidhse, maille r'ar bràithribh gràdhach Barnabas agus Pòl;

26 Daoine a thug an anama fèin air son ainme ar Tighearna Iosa Crìosd.

27 Chuir sinne uime sin Iudas agus Silas uainn, a dh'innscas duibh na nithe ceudna le cainnt bheoil.

28 Oir chunnacas do'n Spiorad naomh, agus dhuinn, gum ni air bith tuilleadh a chur oirbh a dh'uallaich, aèh na nithe feumail so;

29 Sibh a sheachnadh nithe a chaidh ìobradh do ìodholaibh, agus fola, agus ni tachdta, agus strìopachais: uatha so ma choimhidcas sibh sibh fèin, ni sibh gu maith. Slàn libh.

30 Uime sin an uair a leigeadh uatha iad, thainig iad gu h-Antioch: agus air crìinneachadh an t-sluaigh dhoibh, thug iad seachd an litir.

31 Agus an uair a leugh iad sin, rinn iad gairdeachas air son na comh-fhurtachd.

32 Agus air bhi do Iudas agus do Shilas 'nam fàidhibh iad fèin, le mòran bhriathraibh dh'earailich, agus neartaich iad na bràithre.

33 Agus air fuireach rè ùine dhoibh, leigeadh air falbh an sìth iad o na bràithribh chum nan abstol.

34 Gidheadh chunnacas do Shilas còmh-nuidh a dheanamh an sin.

35 Dh'fhan Pòl mar an ceudna agus Barnabas ann an Antioch, a' teagasg agus a' searmonachadh, maille re mòran eile mar an ceudna, focail an Tighearna.

36 Agus an dèigh làithean àraidh, thubhairt Pòl ri Barnabas, Pilleamaid agus faiceamaid ar bràithre, anns gach baile anns an do shearmonaich sinn focal an Tighearna, cionnus a ta iad.

37 Agus b'aill le Barnabas iad a thoirt Eoin, d'an comh-ainm Marcus Ico.

38 Ach cha do mheas Pòl gu'm bu chòir

<sup>1</sup> a' brosnachadh, a' dearbhadh Dhé. <sup>2</sup> dragh.

<sup>3</sup> a' cur bhuir inntinn bun os cion.



dhoibh esan, a dh'fhalbh uatha o Phainphilia, agus nach deachaidh maille riu chum na h-oibre, a thoirt leo.

39 Dh'èirich uime sin conspoid eatorra co dian, as gu'n do sgaradh o chéile iad: agus mar sin thug Barnabas leis Marcus, agus chaidh e air luing gu Ciprus;

40 Ach thagh Pòl Silas, agus dh'imich e, air dha bhi air earbsadh ri gràs Dé leis na bràithribh.

41 Agus shiubhail e tre Shiria agus Chilia, a' neartachadh nan eaglais.

CAIB. XVI.

1 Tha Pòl a' timchioll-ghearradh Thimoteuis:

7 air a ghairm leis an Spiorad o dhùthaich gu dùthaich; 14 ag iompachadh Lidia:

16 a tilgeadh a mach spioraid fiosachd:

19 uime sin tha e fèin agus Silas air an sgiùrsadh, agus air an car am prìosun.

26 Tha dorsan a' phrìosuin air am fosgladh, agus an dorsair air iompachadh. 35 Tha iadsan air an cur fu sgaoil.

**A**N sin thainig e gu Derbe agus Listra: agus feuch, bha deisciobul àraidh an sin, d'am b'ainm Timoteus, mac mnà àraidh do'n chinneach Iudhach, a bha 'na creidmheach; ach bu Ghreugach a b'athair dha:

2 A bha fa dheadh ainm aig na bràithribh a bha ann an Listra agus ann an Iconium.

3 Bha toil aig Pòl am fear so a dhol a mach maille ris; agus ghabh e agus thimchioll-ghearr se e, air son nan Iudhach a bha anns na h-àitibh sin: oir bha fios ac' uile gu'm bu Ghreugach athair.

4 Agus mar a shiubhail iad tre na bailtibh, thug iad doibh na h-orduighean r'an coimhead, a dh'orduicheadh leis na h-abstolaibh agus na seanaibh a bha ann an Ierusalem.

5 Agus mar sin bha na h-eaglaisean air an daingneachadh anns a' chreidimh, agus mheudaicheadh iad gach là an àireamh.

6 A nis an uair a chaidh iad tre Phrigia, agus tìr Ghalatia, agus a bhacadh dhoibh leis an Spiorad naomh am focal a labhairt 'san Asia,

7 An déigh dhoibh teachd gu Misia, dh'fheuch iad ri dol gu Bitinia: nach cha do leig an Spiorad<sup>2</sup> leo.

8 Agus air dhoibh gabhail scachad air Misia, chaidh iad sìos gu Troas.

9 Agus chunncas sealladh<sup>3</sup> le Pòl 'san oidhche: Sheas duine àraidh o Mhacedonia, agus ghuidh e air, ag ràdh, Thig thairis gu Macedonia, agus cuidich leinne.

10 Agus an uair a chunnaic e an seal-ladh, air ball dh'iarr sinn dol thairis gu Macedonia, a' dearbhuigsinn gu'n do ghairm an Tighearna sinn chum an soisgeul a shearmonachadh dhoibh.

11 Uime sin air dhuinn long a ghabhail

o Throas, thainig sinn gu dìreach gu Samotracia, agus air an là 'na dhéigh sin gu Neapolis;

12 Agus o sin gu Philipi, ceud<sup>4</sup> bhaile na cuid sin do Mhacedonia, agus b'ùr-threabhachas<sup>5</sup> e: agus bha sinn a chòmh-nuidh anns a' bhaile sin làithean àraidh.

13 Agus air là na sàbaid chaidh sinn a mach as a' bhaile ri taobh airmhe, far am b'abhaist ùrnuigh a dheanamh<sup>6</sup>; agus air dhuinn suidhe, labhair sinn ris na innaibh a chruinnicheadh an sin.

14 Agus dh'èisd bean àraidh ruinn d'am b'ainm Lidia, bean-reicidh purpur<sup>7</sup>, o chathair Thiatira, a bha deanamh aoraidh do Dhia; aig an d'fhosgail an Tighearna a cridhe, ionnas gu'n d'fhug i aire do na nithibh a labhradh le Pòl.

15 Agus an uair a bhaisteadh i, agus a teaghlach, ghuidh i oirnn, ag ràdh, Ma mheas sibh mise bhi dilleas do'n Tighearna, thigibh a steach do m' thigh, agus deanaibh còmhnuidh ann. Agus choimh-éignich i sinn.

16 Agus tharladh, ag dol dhuinne chum ùrnuigh, gu'n do thachair oirnn ban-tràill àraidh, aig an robh spiorad fiosachd, a thug mòr bhuannachd d'a maighstiribh le fiosachd a dheanamh:

17 Lean ise Pòl agus sinne, agus ghlaodh i, ag ràdh, 'S iad na daoine so seirbhiseich an Dé a's ro-àirde, a ta a' nochdadh dhuinne slighe na slàinte.

18 Agus rinn i so rè mòrain do làithibh. Ach air do Phòl a bhi doilich, thionndaidh e agus thubhairt e ris an Spiorad, A ta mi toirt orduigh dhuit ann an ainm Iosa Crìosd dol a mach aise. Agus chaidh e mach air an uair sin fèin.

19 Agus an uair a chunnaic a maighstirean gu'n d'fhalbh dòchas<sup>8</sup> am buannachd, rug iad air Pòl agus air Silas, agus tharuing iad do'n mhargadh iad, chum nan uachdaran.

20 Agus air dhoibh an toirt chum luchd-riaghlaidh a' bhaile, thubhairt iad, Tha na daoine so a' buaireadh ar baile gu ro mhòr, air dhoibh bhi 'nan Iudhachaibh,

21 Agus a ta iad a' teagasg ghàthanna nach 'eil ceaduichte dhuinne a ghabhail no leantuinn, do bhrìgh gur Romhanaich sinn.

22 Agus dh'èirich an sluagh dh'aon-fheachd 'nan aghaidh: agus reub na h-uachdaran an eudach diubh, agus dh'àithn iad an sgiùrsadh le slataibh.

23 Agus an déigh dhoibh iomadh buille a leagadh orra, thug iad am prìosun iad, a' toirt sparraidh do fhear-coimhead a' phrìosuin an gleidheadh gu tèarainte.

24 Neach, air dha an àit<sup>9</sup>ne sin fhaotainn, a thilg iad do'n phrìosun a b'fhaide a stigh, agus a dhaingnich an cosa sa' cheap.

<sup>1</sup> a' daingneachadh. <sup>2</sup> Spiorad Iosa. <sup>3</sup> taisbean. <sup>4</sup> prìomh. <sup>5</sup> cholanhuin; colony. <sup>6</sup> Sasg.

<sup>6</sup> do thigh ùrnuigh a bhi. <sup>8</sup> earbsa.

<sup>7</sup> corcuir.

25 Agus mu mheadhon-oidhche air do Phòl agus do Shìlas ùrnuigh a dheanamh, sheinn iad laoidh-mholaidh do Dhia; agus chuala na prìosunaich iad.

26 Agus gu h-obann bha crith-thalmhainn mhòr ann, air chor as gu'n do chrathadh bunaitean a' phrìosuin: agus air ball dh'fhosgladh na dorsan uile, agus dh'fhuasgladh cuibhreacha gach neach *aca*.

27 Agus air do fhear-coimhead a phrìosuin dùsgadh a codal, agus air faicinn dorsa a' phrìosuin fosgailte, tharruing e a chlaidheamh, air tì' e fèin a mharbhadh, a' saoil-sinn gu robh na prìosunaich air teicheadh.

28 Ach ghlaodh Pòl le guth àrd, ag ràdh, Na dean cron sam bith ort fèin; oir tha sinn uile an so.

29 Agus air gairm soluis dasan, leum e steach, agus thainig e air chrith, agus thuit e sìos an làthair Phòil agus Shìlais;

30 Agus air dha an tabhairt a mach, thubhairt e, A mhaighstirean, ciod is còir domh dheanamh chum gu saorar<sup>2</sup> mi?

31 Agus thubhairt iadsan, Creid anns an Tighearn Iosa Crìosd, agus saorar thu fèin, agus do thigh.

32 Agus labhair iad focal an Tighearna ris, agus rìusan uile a bha 'na thigh.

33 Agus air dha an toirt leis air an uair sin fèin do'n oidhche, nìg e an creuchdan; agus bhaisteadh e fèin, agus a mhuinntir uile, gun dàil.

34 Agus an uair a thug e d'a thigh iad, chuir e bord rompa, agus rinn e gairdeachas maille r'a thecaghlach uile, a' creidsinn an Dia.

35 Agus air teachd do'n là, chuir an luchd-riaghluidh na maoir uatha, ag ràdh, Leig air an comas na daoine sin.

36 Agus dh'innis fear-coimhead a' phrìosuin na briathra so do Phòl, Gu'n do chuir an luchd-riaghluidh fios uatha sibhse a leigeadh as: uime sin rachaibh a mach, agus imichibh an sìth.

37 Ach thubhairt Pòl riu, an déigh dhoibh ar sgiùrsadh gu follaiseach gun ar dìteadh, agus gur Ròmanach sinn, thig iad am prìosun sinn; agus a nis am b'ail leo ar cur a mach os ìosal? ni h-eadh gu deimhin; ach thigeadh iad fèin agus thugadh iad a mach sinn.

38 Agus dh'innis na maoir na briathra sin do na h-uachdaranaibh: agus ghabh iad eagal an uair a chual iad gu'm bu Ròmanach iad.

39 Agus thainig iad agus chuir iad impidh orra, agus air dhoibh an toirt a mach, ghuidh iad orra imeachd a mach as a' bhaile.

40 Agus air dol a mach as a' phrìosun doibh, chaidh iad a steach do thigh Lidia: agus an uair a chunnaic iad na bràithre,

thug iad comh-fhurtachd dhoibh, agus dh'imich iad rompa.

## CAIB. XVII.

1 Tha Pòl a' scarmonachadh aig Tesalonica, 4 fìr am bheil cuid a' creidsinn, agus cuid eile a' deanamh gear-leannmuinn air. 10 Tha e air a chur gu Berca, agus a' scarmonachadh an sith. 13 Tha gear-leannmuinn, air a dheanamh air; 15 tha e teachd gu baile na h-Aithue, agus a' deasboir-cach: agus a' scarmonachadh dhoibh an Dé bheadh 34 tha cuid air an iompachadh gu Crìosd.

**A**NIS air dhoibh imeachd tre Amphipolis, agus Apolonia, thainig iad gu Tesalonica, far an robh sionagog aig na h-Iudhachaibh.

2 Agus mar bu ghnàth Ic Pòl, chaidh e steach d'an ionnsuidh, agus air tri làithibh sàbaid reusonaich<sup>3</sup> e riu as na scriobtuiribh,

3 'Gam fosgladh agus a' dearbhadh gu'm b'èigin do Chrìosd fulang, agus èirigh a ris o na marbhaibh: agus gur e an t-Iosa so, a ta mise a' searmonachadh dhuibh, Crìosd.

4 Agus chreid cuid diubh, agus lean iad ri Pòl agus ri Silas: agus do na Greugaich chràbhach buidheann mhòr, agus do na mnaibh inbheach àircamh nach bu bheag.

5 Ach air do na h-Iudhachaibh mì-chreideach bhì air am brosnachadh le tìrith<sup>4</sup>, ghabh iad d'an ionnsuidh droch-dhaoine àraid do na corraibh-margaidh<sup>5</sup>, agus air tionall cuideachd mòire dhiubh, chuir iad am baile uile thar a chèile, agus chuairtich iad tigh Iason, agus dh'iarr iad an toirt a mach chum an t-sluaigh.

6 Agus an uair nach d'fhuair siad iad, tharruing iad Iason, agus bràithrean àraidh chum uachdaran a' bhaile, ag eigheach, Tha na daoine so, a chuir an saoghal bun os cionn, air teachd an so mar an ceudna;

7 D'an d'thug Iason aoidheachd: agus a ta iad-so uile a' cur an aghaidh orduigh Cheasair, ag ràdh, Gu bheil rìgh eile ann, cadhonn Iosa.

8 Agus chuir iad buaireas<sup>6</sup> fo'n t-sluaigh, agus fo uachdarain a' bhaile, 'nuair a chual iad na nithe so.

9 Agus air gabhail urrais<sup>7</sup> dhoibh o Iason, agus o chàch, leig iad uatha iad.

10 Agus air ball chuir na bràithre Pòl agus Silas 'san oidhche gu Berca: agus air teachd dhoibhsan an sin, chaidh iad a steach do shionagog nan Iudhach.

11 Bha iad sin ni b'uaisle na muinntir Thesalonica, oir ghabh iad am focal d'an ionnsuidh leis an uile thogradh, a' rannsachadh nan scriobtuir gach aon là, a dh'fheuchaim an robh na nithe sin mar so.

12 Uime sin ehreid mòran diubh: agus mar an ceudna do rìghnaibh uaisle do na Greugaich, agus do fhearaibh, àircamh nach bu bheag.

<sup>1</sup> fa rùn.<sup>2</sup> learnar, slànuchear.<sup>3</sup> thagair.<sup>4</sup> farnad, eud.<sup>5</sup> do'n ghràisg.<sup>6</sup> tuairgne, gluasachd.<sup>7</sup> daingnucachaidh.



13 Ach an uair a thuig na Iudhaidh o Thesalonica gu'n do shearmonaicheadh focal Dé le Pòl am Berea, thainig iad an sin mar an ceudna, a' brosnachadh an t-sluaigh.

14 An sin air ball chuir na bràithrean uatha Pòl, chum gu'n rachadh e mar gu b'ann clum na mara: ach dl'fhan Silas agus Timoteus an sin fathast.

15 Agus threòraich luchd-coinheadachd Phòil e gu baile na h-Aithne<sup>1</sup>; agus air faghail àithne dhoibh gu Silas agus Timoteus, iad a theachd d'a ionnsuidhsan mar bu luaithe, dh'imich iad rompa.

16 A nis am feadh a bha Pòl a' feitheamh riu 'san Aithne, bha a spiorad air a bhrosnachadh<sup>2</sup> ann, do bhrìgh gu'm fac e am baile làn iodhol-aoraidh.

17 Air an aobhar sin rinn e deasboireachd ris na h-Iudhachaidh, agus ris na daoineibh cràbhach anns an t-sionagag, agus air a' mhargadh gach là riu-san a thachair air.

18 An sin thug feallsanaich<sup>3</sup> àraidh do na h-Epicuraich, agus do na Stoich, aghaidh air; agus thubhairt cuid, Ciod a b'ail leis an fhear bhith-bhriathrach so a ràdh? thubhairt cuid eile, Is cosmhuil gu bheil e a' searmonachadh dhèe coimhead; do bhrìgh gu'n do shearmonaich e dhoibh Iosa, agus an aiseirigh.

19 Agus rug iad air, agus thug iad lco e gu Areopagus, ag ràdh, Am feud sinn fios fhaotainn ciod e an teagasg nuadh<sup>4</sup> so, a labhrar leat?

20 Oir a ta thu toirt nithe àraidh neo-ghnàthach chum ar cluas: b'ail leinn uime sin fios fhaotainn ciod is ciall doibh sin.

21 (Oir cha do chaith muinntir na h-Aithne uile agus a' choigrich a bha air chuairt nam measg, an uime ri ni air bith eile, ach ri innseadh, no ri chinntinn noimhcadh éigin.

22 An sin air seasamh do Phòl am meadhon Areopagus, thubhairt e, A mhuinntir na h-Aithne, tha mi faicinn gu bheil sibh anns na h-uile nithibh cràbhach thar tomhas:

23 Oir air dhomh bhi dol seachad, agus ag amharc air bhuir nithibh naomha, fhuair mi altair air an robh an scriobhadh so, DO'N DIA NEO-AITHNICHTE. Uime sin esan d'am bheil sibh a' deanamh aoraidh gun eòlas agaibh air, is e a ta mise a' searmonachadh dhuibh.

24 An Dia a' rinn an saoghal, agus na h-uile nithe a ta ann, do bhrìgh gur e fèin Tighearna nèimhc agus na talmhainn, cha 'n eil e gabhail còmhnuidh ann an teamp-luibh làmh-dheanta:

25 Ni mò a bheirear aoradh dha le làmh-aibh dhaoine, mar gu'm biodh uireasbhuidh ni sam bith air; oir is e fèin a ta tabhairt

do na h-uile beatha, agus anail, agus nan uile nithe:

26 Agus rinn e dh'aon fhuil uile chin-nich-dhaoine, chum iad a ghabhail còmh-nuidh air aghaidh na talmhainn uile, agus shonraich<sup>5</sup> e na h-amanna roimh-orduichte, agus crìochanna an àite-còmhnuidh;

27 Chum gu'n iarraidh iad an Tighearna, dh'fheuchainn an tarladh dhoibh, le min-rannsachadh, gu'm faigheadh iad e, ge nach 'eil e fada o gach aon againn:

28 Oir annsan tha sinn bco, agus a' gluasad, agus tha ar bith againn; mar a thubhairt mar an ceudna dream àraidh d'ar bàrdaibh fèin, Oir is sinne fòs a ghincalsan.

29 Uime sin do bhrìgh gur sinn gineal Dé, cha chòir dhuinn a shaoilsinn gu bheil an Diadhachd cosmhuil ri h-òr, no ri h-airgid, no ri cloich, nithe a ghearradh<sup>6</sup> le h-ealadhain agus innleachd dhaoine.

30 A nis air do Dhia amharc thairis air aimsiribh an ain-eolais so, tha e nis ag àithneadh do na h-uile anns gach àit aithreachas a dheanamh:

31 Do bhrìgh gu'n do shuidhich e là anns an toir e breith air an t-saoghal am fìreantachd, tre'n duine sin a dh'orduich e; agus air so thug e dearbhadh do na h-uile dhaoineibh, le esan a thogail suas o na marbhaibh.

32 Agus, an uair a chual iad mu aiseirigh nam marbh, rinn cuid duibh fànoid: ach thubhairt cuid eile, Eisdidh sinn riut a ris mu'n ni so.

33 Agus mar sin chaidh Pòl a mach as am meadhon.

34 Gidheadh, lean cuid do dhaoineibh ris, agus chreid iad. 'Nam measg so bha Dionisius an t-Areopagach, agus bean d'am b'ainm Damaris, agus dream eile maille riu.

# CAIB. XVIII.

1 Tha Pòl ri obair le a làmh-aibh fèin, agus a' searmonachadh do na Cinneachaidh ann an Corintus: 9 Tha'n Tighearna a' toirt misnich dha ann an taisbean: 12 tha e air a chasaid an làthair an uachdarain Ghallio, ach air a leig'as: 18 'na dhéigh sin, a' dol o bhaile gu baile, tha e' a' neartachadh nan deicseibh, &c.

A N déigh nan nithe so, dh'fhàg Pòl baile na h-Aithne, agus thainig e gu Corintus;

2 Agus fhuair e Iudhach àraidh d'am b'ainm Acuala, a rugadh am Pontus air ùr-theachd as an Eadailt, maille r'a mhnaoi Priscilla, (a chionn gu'n d'orduich Claudius do na h-Iudhachaidh uile an Ròimh fhàgail) agus thainig e d'an ionnsuidh.

3 Agus a chionn gu'n robh e a dh'aon cheird riu, dh'fhan e maille riu, agus bha e ag obair (oir bu cheird doibh bhi deanamh pàilliuna.)

<sup>1</sup> Athens. Sasg. <sup>2</sup> bhuairleadh. <sup>3</sup> daoine foghlamta, eagnuidhean. <sup>4</sup> nomha. 140

<sup>5</sup> shuidhich. <sup>6</sup> a dhualadh, a ghràbhadh.

4 Agus thagair<sup>1</sup> e anns an t-sionagog gach aon là sàbaid, agus chuir e impidh air Iudhaich agus Greugaich.

5 Agus an uair a thainig Silas agus Timoteus o Mhacedonia, bha Pòl air a theannadh 'na spiorad, agus rinn e fianuis do na h-Iudhaich, gu'm b'è Iosa an Crìosd.

6 Agus an uair a chuir iad 'na aghaidh, agus a labhair iad toibheum, chrath e eudach, agus thubhairt e riu, *Biodh* bhuir fuil air bhuir ceann fèin; *tha* mise glan: a so suas thèid mi chum nan Cinneach.

7 Agus chaidh e as sin, agus thainig e gu tigh duine àraidh, d'am b'ainm Iustus, a bha dèanamh aoraidh do Dhia, agus aig an robh a thigh làimh ris an t-sionagog.

8 Agus chreid Crispus, prìomh<sup>2</sup> uachdaran na sionagoige anns an Tighearna, maille r'a theaghlach uile; agus chreid mòran do na Corintianaich, air dhoibh èis-deachd ris, agus bhaisteadh iad.

9 An sin thubhairt an Tighearna ri Pòl ann an sealladh<sup>3</sup> 'san oidheche, Na biodh eagal ort, ach labhair, agus na bi d' thosd:

10 Oir a ta mise maille riut, agus cha toir duine sam bith ionnsuidh ort, chum do chron a dheanamh: oir a ta mòr shluagh agamsa anns a' bhaile so.

11 Agus dh'fhan e bliadhna agus sea mìosan, a' teagasg focail Dé 'nam measg.

12 Agus an uair a bha Gallio 'na uachdaran air Achaia, dh'éirich na h-Iudhaich a dh'aon inntinn an aghaidh Phòil, agus thug iad e gu caithir a' bhreitheanais,

13 Ag ràdh, Tha'n duine so a' comhairleachadh dhaoine aoradh a dheanamh do Dhia an aghaidh an lagha.

14 Agus an uair a bha Pòl dol a dh'fhosgladh a bhèil, thubhairt Gallio ris na h-Iudhaich, Nam b'eucoir no droch ghnìomh a bhiodh ann, O Iudhacha, bu reusonta gu'n giùlaiminn leibh:

15 Ach ma's ceisd a ta ann timcheall fhocla agus ainmeanna, agus bhuir lagha fèin, amhaireibh fèin air sin; oir cha'n àill leamsa bhi m' bhreitheamh air an leithidibh sin do nithibh.

16 Agus dh'fhuadaich e iad o chaithir a' bhreitheanais.

17 An sin rug na Greugaich uile air Sostenes, uachdaran na sionagoige, agus ghabh iad air an làhair caithir a' bhreitheanais: agus cha do ghabh Gallio suim do ni sam bith dhiubh sin.

18 Agus dh'fhan Pòl fathast ùine mhaith sa' bhaile sin, agus an sin an dèigh a chead a ghabhail do na bràithribh, chaidh e air luing o sin gu Siria, agus maille ris-san Priscilla agus Acaila; an dèigh a cheann a bharradh<sup>4</sup> ann an Cenchea: oir bha mòid air.

19 Agus thainig e gu h-Ephesus agus

dh'fhàg e iadsan an sin: ach chaidh e fèin a steach do'n t-sionagog, agus reusonaich e ris na h-Iudhachaibh.

20 Agus an uair a dh'iarr iad air fuireach maille riu ni b'fhàide, cha d'aontaich e.

21 Ach ghabh e a chead diubh, ag ràdh, Is éigin domh air gach aon chor an fhéisd<sup>5</sup> so, a ta teachd, a choimhead ann an Ierusalem: ach pillidh mi a ris d'ar ionnsuidhse, ma's toil le Dia. Agus sheòl e o Ephesus.

22 Agus thainig e tìr aig Cesarea, agus air dha dol suas agus fàilt a chur air an eaglais, chaidh e sìos gu h-Antioch.

23 Agus an uair a dh'fhan e rè tamaill an sin, dh'imich e, agus chaidh e an ordugh<sup>6</sup> tre thir Ghalatia uile agus Phrìgia, a' neartachadh nan deisciobul uile.

24 Agus thainig gu h-Ephesus Iudhach àraidh d'am b'ainm Apollos, a rugadh an Alecsandria, duine deas-bhriathrach, agus cumhachdach anns na scriobtuiribh.

25 Bha'n duine so air a theagasg ann an slighe an Tighearna; agus air dha bhi dian<sup>7</sup> 'na spiorad, labhair agus theagaisg e gu dìchiollach na nithe a bhuinadh do'n Tighearna, agus gun còlas aige ach air baisteadh Eoin.

26 Agus thòisich e air labhairt gu dàna 'san t-sionagog. Agus air do Acaila agus do Phrisilla a chluinntinn, ghabh iad d'an ionnsuidh e, agus nìhich iad dha slighe Dhé ni bu choimhlionta.

27 Agus an uair bu mhiann leis dol gu Achaia, an dèigh a chomhairleachadh, seòrbh na bràithre chum nan deisciobul iad a ghabhail ris: neach, air dha teachd, a rinn combnadh<sup>8</sup> mòr riu-san a chreid tre ghràs.

28 Oir le mòr dhìchioll rinn e deasboir-eachd<sup>9</sup> ris na h-Iudhaich gu follaiseach, a' dearbhadh leis na scriobtuiribh, gur e Iosa an Crìosd.

## CAIB. XIX.

6 *Tha an Spiorad naomh air a thubhairt le làmhaidh Phòil.* 9 *Tha na h-Iudhaich a' toirt toibheim d'a theagasg, a ta air a dhaigneachadh le mìorbhuilidh.* 13 *Tha na h-Iudhaich a bha cur spiorada fa gheas-aibh air an bualadh leis an Diabol.* 19 *Tha leabhraiche druidheachd air an losgadh, &c.*

**A** GUS tharladh, 'nuair a bha Apollos ann an Corintus, air do Phòl dol tre na crìochaibh uachdarach, gu'n d'thainig e gu h-Ephesus. Agus air faotainn dheisciobul àraidh,

2 Thubhairt e riu, An d'fhuair sibh an Spiorad naomh o chreid sibh? Agus thubhairt iadsan ris, Cha chuala sinn uircad as gu'm bheil Spiorad naomh ann.

3 Agus thubhairt e riu, Ciod ma seadh anns an do bhaisteadh sibh? Agus thubhairt iadsan, Am baisteadh Eoin.

<sup>1</sup> reusonaich.  
<sup>4</sup> a lomadh.

<sup>2</sup> àrd.  
<sup>5</sup> ap fhéill.

<sup>3</sup> taisbean.  
<sup>6</sup> an eagar.

<sup>7</sup> teth.  
<sup>8</sup> còghnath, congruamh.  
<sup>9</sup> le mòr sbàirn thagair e.



4 An sin thubhairt Pòl, Bhaist Eoin gu deimhin le baisteadh an aithreachais, ag ràdh ris an t-sluagh, iadsan a chreidsinn anns an neach a bha gu teachd 'na dhéighsan, sin r'a ràdh, ann an Iosa Crìosd.

5 Agus an uair a chual iad so, bhaisteadh iad ann an ainm an Tighearna Iosa.

6 Agus air do Phòl a làmhnan a chur orra, thainig an Spiorad naomh orra; agus labhair iad le teangaibh, agus rinn iad fàidheadaireachd.

7 Agus bha ann uile timchoill dà fhear dheug.

8 Agus chaidh esan a steach do'n t-sionagag, agus labhair e gu dàna re thri mìosa, a' deasboireachd agus a' comhairleachadh nan nithe a bhuineas do rìoghachd Dhé.

9 Ach an uair a chruadaicheadh cuid, agus nach do chreid iad, ach a labhair iad olc mu'n t-slighe sin an làthair an t-sluaigh, dh'fhàg e iad, agus sgar e na deisciobuil uatha, agus bha e gach là a' deasboireachd ann an scoil neach araidh d'am b'ainm Tiranannus.

10 Agus rinneadh so rè dhà bhliadhna; air chor as gu'n cuala luchd-àiteachaidh na h-Asia uile, eadar Iudhaich agus Greugaich, focal an Tighearna Iosa.

11 Agus rinn Dia mìorbhuilean nach bu bheag le làmhnaibh Phòil:

12 Air chor as gu'n d'fhugadh o chorp-san chum nan daoine tinne, neapaicinne no aprain, agus gu'n d'fhalbh an euslaintean uatha, agus gu deachaidh na droch spioraid a mach asda.

13 Agus ghabh dream àraidh do na h-Iudhaich, a bha 'g imeachd o àit gu h-àit, a' cur spiorada fa gheasaibh<sup>1</sup>, os làmh ainm an Tighearna Iosa ainmeachadh os ceann na muinntir sin anns an robh droch spioraid, ag ràdh, Cuireamaid fa gheasaibh sibh tre Iosa a ta Pòl a' searmonachadh.

14 Agus bha aig Scebha Iudhach àraidh, aon do na h-àrd shagartaibh, seachdnar mhac a bha deanamh so.

15 Agus fhreagair an droch spiorad, agus thubhairt e, Tha eòlas agam air Iosa, agus is aithne dhomh Pòl; ach cò sibhse?

16 Agus leum an duine anns an robh an droch spiorad orra, agus air dha làmh an uachdar fhaotainn orra, thug e buaidh orra, air chor as gu'n do theich iad a mach as an tigh sin lonnòchd agus reubta.

17 Agus fhuair na h-Iudhaich uile agus mar an ceudna na Greugaich, a bha thàmh ann an Ephesus, fios air so; agus thuit eagal orra uile, agus bha ainm an Tighearna Iosa air àrdachadh.

18 Agus thainig mòran diubhsan a chreid, ag aideachadh, agus ag innseadh an gnìomhara.

19 Agus thug mòran diubhsan a bha

gnàthachadh dhroch innleachda, an leabhraiche Ico, agus loisg siad iad am fianuis nan uile: agus dh'aircamh iad an luach, agus fhuair iad e 'na leth-cheud mìle bonn airgid.

20 Mar sin le cumhachd dh'fhàs agus bhuaidhaich focal an Tighearna.

21 Agus an uair a choimhlionadh na nithe so, chuir Pòl roimhe 'na spiorad, an déigh dha imeachd tre Mhacedonia, agus Achaia, dol gu Hierusalem, ag ràdh, An déigh dhomh bhi an sin, is éigin domh an Ròimh fhaicinn mar an ceudna.

22 Agus air dha dithis dhiubhsan a bha frithealadh dha, Timoteus, agus Erastus, a chur do Mhacedonia, dh'fhan e fèin rè tamuill 'san Asia.

23 Agus dh'éirich mu'n àm sin iomart<sup>2</sup> nach bu bheag mu thimchioll na slighe sin.

24 Oir bha ceard-airgid àraidh d'am b'ainm Demetrius ann, a bha deanamh theampull airgid<sup>3</sup> do Dhiana, agus a thug buannachd nach bu bheag do'n luchd-ceirde.

25 Agus air dha iadsan a chruinneachadh an ceann a chéile, agus a' mhuinntir cile a bha dh'aon chchird riu, thubhairt e, Fheara, tha fhios agaibh gur ann o'n chchird so a ta ar beartas<sup>4</sup> againne:

26 Os barr, tha sibh a' faicinn agus a' cluinntinn gu bheil am Pòl so le chomhairle air tionndadh air falbh sluaigh mhòir, cha'n e mhàin ann an Ephesus, ach cha mhòr<sup>5</sup> 'san Asia uile, ag ràdh, Nach dée iad a nith-e ar le làmhnaibh:

27 Air chor as nach e mhàin gu bheil e'n cunnart gu'n deanar tàir air ar ceird; ach mar an ceudna gu cuirear teampull na bain-dé mòire Diana an neo-pris, agus gu claidhear a mòrachdsa, d'am bheil an Asia uile, agus an domhan a' deanamh aoraidh.

28 Agus an uair a chual iadsan so, lìonadh le feirg iad agus ghlaodh iad, ag ràdh, Is mòr Diana nan Ephesianach.

29 Agus bha am baile uile air a lìonadh le mi-riaghailt: Agus ruith iad a dh'aon toil chum àite-crùnnich an t-sluaigh, a' tarruing leo Ghaisis agus Aristarchus Macedonaich, luchd comh-thuruis Phòil.

30 Agus an uair a b'àill le Pòl dol a steach chum an t-sluaigh, cha do leig na deisciobuil leis:

31 Agus mar an ceudna chuir cuid do uachdaranailh na h-Asia a bha 'nan càirdibh dha, fios chuige, a' guidhadh air nach rachadh e gu àite-crùnnich an t-sluaigh.

32 Ghlaodh uime sin cuid diubh aon ni, agus cuid ni eile: oir bha an coimhthional tre a chéile, agus cha robh fios aig a' chuid bu mhò, c'ar son a thainig iad cuideachd.

33 Agus tharruing iad a mach Alecsander as an t-sluagh, air bhi do na h-Iudhachailh 'ga iomain rompa. Agus smèid Alec-

<sup>1</sup> a' cur spiorada fo mhionnaibh, a' tilgeadh a mach spiorada, <sup>2</sup> buaireas, <sup>3</sup> dealbh-theampull.

sander le làimh, agus b' àill leis a leith-sgeul a ghabhail ris an t-sluagh.

34 Ach an uair a thuig iad gu'm b' Iudhaich e, rinneadh àrd iolach leo uile mu thimchioll ùine dhà uair, a' glodhaich, *Is mòr Diana nan Ephesianach.*

35 Agus an uair a chiùnaich an cléir-each<sup>1</sup> an sluagh, thubhairt e, Theara Ephesuis, cò an duine aig nach 'eil fios gu bheil cathair<sup>2</sup> nan Ephesianach a' deanamh aoraidh do'n bham-dia mhòir Diana, agus do'n dealbh a thuit a nuas o Iupiter?

36 Air an aobhar sin do bhrìgh nach fheudar cur an aghaidh nan nithe so, is còir dhuibhse bhì ciùin, agus gun nì sam bith a dheanamh gu h-obann.

37 Oir thug sibh an so na daoine so, ge nach 'eil iad a' creachadh theampull, no a' toirt toibheim d'ar bain-dia.

38 Uime sin ma ta aig Demetrius agus aig an luchd-ceird a ta maille ris, cùis an aghaidh neach air bith, tha'n lagh rèidh dhoibh, agus tha uachdarain ann; agradh iad a chèile.

39 Ach ma ta ceisd sam bith agaibh mu nithibh eile, réitichear sin ann an coimh-thional dligheach.

40 Oir tha sinn an cunnart bhì air ar n-agaire air son ceannaire air an là'n diugh, do bhrìgh nach 'eil cùis sam bith againn a dh'fheudas sinn a thoirt seachad mar aobhar a' chruinneachaidh so.

41 Agus air dha so a ràdh, sgaoil e an coimhthional.

## CAIB. XX.

1 Tha Pòl a' dol do Mhacedonia: 7 Tha e frithealadh suipèir an Tighearna. agus a' searmonachadh: 9 air do Eutichus tuiteam sìos an cruth mairbh, thogadh suas beo e.

17 Tha Pòl aig Miletus a' gairm seanairean na h-eaglais an ceann a chèile, ag innseadh dhoibh, ciod a bha gu tachairt dha fèin, &c.

**A**GUS an deigh do'n chomhghair<sup>2</sup> sgur, ghairm Pòl na deisciobuil d'a ionnsuidh, agus air dha a chead a ghabhail diubh<sup>3</sup>, thriall e gu dol do Mhacedonia.

2 Agus air dha dol tre na crìochaibh sin, agus mòr earail a dheanamh orra, thainig e do'n Ghréig.

3 Agus dh'fhan e an sin trì mìosan: agus an uair a bha na h-Iudhaich ri feall-fholach<sup>4</sup> air a shon, agus e air tì<sup>6</sup> dol air luing do Shiria, chuir e roimhe pilltinn tre Mhacedonia.

4 Agus chaidh 'na chuideachd gu h-Asia, Sopater o Bheres; agus do mhuinntir Thesalonica, Aristarchus agus Secundus; agus Gaius o Dherbe, agus Timoteus; agus do mhuinntir na h-Asia, Tichicus agus Trophimus.

5 Air dhoibh so imeachd romhainne, dh'fheith iad ruinn ann an Troas.

6 Agus sheòl sinn o Philipi, an déigh làithean an arain neo-ghoirtichte, agus thainig sinn d'an ionnsuidh-san gu Troas ann an cùig làithibh, far an d'fhan sinn seachduin.

7 Agus an ceud là do'n t-seachduin, air do na deisciobluibh cruinneachadh an ceann a chèile a bhriseadh arain, shearmonaich Pòl doibh, air bhì fuidhe<sup>7</sup> imeachd uatha air an là màireach, agus lean e air labhairt gu meadhon oidhche.

8 Agus bha mòran lòchran anns an t-seomar uachdarach, far an robh iad cruinn.

9 Agus bha òganach àraidh d'am b'ainm Eutichus 'na shuidhe ann an uinneig, air tuiteam gu trom na chodal: agus air do Phòl bhì rè fad a' searmonachadh, shàruich-eadh leis a' chodal e, agus thuit e sìos o'n treas lobhta, agus thogadh marbh e.

10 Agus chaidh Pòl sìos, agus thuit e air, agus air dha a glacadh 'na uchd, thubhairt e, Na biodh trioblaid<sup>8</sup> cirbh; oir a ta anam ann.

11 Agus air dol suas da a rìs, bhris e aran agus dh'ith e, agus labhair e riu rè ùine fhada, eadhon gu teachd na maidne, agus mar sin dh'fhalbh e.

12 Agus thug iad leo an t-oganach agus e beo, agus rinn iad gairdeachas nach bu bheag.

13 Agus air dhuinne imeachd air thoiseach chum na luinge, sheòl sinn gu Asos, fa rùn Pòl a ghabhail a steach an sin: oir is ann mar sin a dh'orduich e, a' cur roimhe gu'n imicheadh e fèin d'a chois.

14 Agus an uair a choinnich e sinn aig Asos, ghabh sinn a steach e, agus thainig sinn gu Mitilene.

15 Agus air seòladh dhuinn as sin, thainig sinn air an là màireach fa chomhair Chiois; agus air an latha 'na dhéigh sin thainig sinn gu Samos, agus dh'fhan sinn aig Trogillum; agus air an latha b'fhaisge thainig sinn gu Miletus.

16 Oir chuir Pòl roimhe seòladh seach Ephesus, chum nach tarladh dha moille a dheanamh anns an Asia: oir bha deifir air<sup>9</sup>, chum, nam feudadh e, bhì ann an Ierusalem air latha na Cuingeis.

17 Agus air cur fios o Miletus gu h-Ephesus, ghairm e d'a ionnsuidh seanairean na h-eaglais.

18 Agus an uair a thainig iad d'a ionnsuidh, thubhairt e riu, Tha fhios agaibh, cionnus a bha mi 'nar measg anns an uile aimsir, o'n cheud là a thainig mi do'n Asia,

19 A' deanamh seirbhis do'n Tighearn leis gach uile irioslachd inntinn, agus maille ri mòran dheur, agus dheuchainnean, a thachair dhomh le ceilg nan Iudhach:

20 Agus cionnus nach do ghleidh mi nì sam bith am folach, a bha feumail dhuibhse,

<sup>1</sup> Cléireach-scriobhaidh 'a' bhaile. <sup>2</sup> baile.

<sup>3</sup> lhuaires, <sup>4</sup> an glacadh 'na uchd.

<sup>5</sup> a' luidhe am folach, am plaid. <sup>6</sup> a rùn air.

<sup>7</sup> agus a rùn air. <sup>8</sup> buaires. <sup>9</sup> rinn e cabhag.



gun a nochdadh dhuibh, agus gun sibhse a theagas am follas, agus o thigh gu tigh,

21 A' deanamh fianuis araon do na h-Iudhaich, agus do na Greugaich, mu aithreachas a thaobh Dhé, agus mu chreidimh a thaobh ar Tighearna Iosa Criosd.

22 Agus a nis feuch, a ta mi dol gu Hierusalem ceangailte 'san Spiorad, gun fhios agam ciod iad na nithe a tharlas dhomh an sin:

23 Ach a mhàin gu bheil an Spiorad naomh a' deanamh fianuis anns gach baile, ag ràdh, Gu bheil geimhlichean agus trioblaiden<sup>1</sup> a' feitheamh orm.

24 Ach cha 'n-eil suim agam do ni air bith, ni mò mheasam m'anam féin luachmhor dhomh, ehum gu crìochnaich mi mo thurus<sup>2</sup> le h-aoibhneas, agus gu còmhlan mi a' mhinistricleachd a fhuair mi o'n Tighearna Iosa, a dheanamh fianuis do shoisgeul gràis Dhé.

25 Agus a nis feuch, a ta fhios agam nach faic sibhse uile, measg an d'ìmhich mise a' searmonachadh rioghachd Dhe, mo ghnùis nì's mò.

26 Uime sin a ta mi a' deanamh fianuis duibh<sup>3</sup> air an là'n diugh, gu blicil mise glan o fhuil nan uile.

27 Oir cha do sheachainn mi uile chomhairle Dhé fhoillseachadh dhuibh.

28 Air an aobhar sin thugaibh aire dhuibh féin, agus do'n treud uile, air an d'rinn an Spiorad naomh luchd-coimhead<sup>4</sup> dhuibh, a bheathachadh eaglais Dhé<sup>5</sup>, a cheannaich e le fhuil féin.

29 Oir a ta fhios agamsa air so, an dèigh m' imeachds a gu'n d'thig madruidh-allaidh gharga 'nar measg, nach caomhain an treud.

30 Agus éiridh daoine dhuibh féin, a labhras nithe fiara, ehum deisciobuil a tharruing 'nan dèigh féin.

31 Uime sin deanaibh faire, a' cuimhneachadh nach do sgair mise rè thri bliadhna, a chomhairleachadh gach aon agaibh a là agus a dh'oidhche le deuraibh.

32 Agus a nis, a bhràithre, earbam sibh ri Dia, agus ri focal a ghràis, a ta comasach air bhuir togail suas, agus oighreachd a thoirt duibh am measg na muinntir sin uile a ta air an naomhachadh.

33 Cha do shanntaich mi airgid, no òr, no eudach duine sam bith.

34 Seadh, is aithne dhuibh féin, gu'n do fhrithheil na làmhnan so do m'uireasbhuidh féin, agus do'n mhuinntir sin a bha maille riom.

35 Nochd mi na h-uile nithe dhuibh, gur ann le saothrachadh mar so is còir dhuibh còmhndadh a dheanamh riu-san a ta an-mhuinn<sup>6</sup>; agus focail an Tighearna Iosa a chuimhneachadh, mar a thubhairt e, *Tha*

e nì's beannuichte nì a thabhairt na a ghabhail.

36 Agus air dha na briathra so a ràdh, leig se e féin air a ghluinibh, agus rinn e ùrnuigh maille riu uile.

37 Agus ghuil iad uile gu goirt, agus thuit iad air muineal Phòil, agus phòg iad e,

38 Air dhoibh bhi gu h-àraidh brònach air son nam briathar so a thubhairt e, Nach faiceadh iad a ghnùis-san nì's mò. Agus thug iad coimheadachd dha chum na luinge.

## C A I B. XXI.

1 *Cha ghabh Pòl comhairleachadh o dhol gu Hierusalem.* 3 *Mu Philip an soisgeulaiche, agus a cheathrar nighean a bha nam ban-fhàidh.* 17 *Tha Pòl a' teachd gu Hierusalem,* 27 *far am bheil e air a ghlacadh agus an cunnart mòr; &c.*

**A** GUS air dhuinn dealachadh riu-san, a sheòl sinn romhainn, agus thainig sinn gu dìreach gu Coos, agus air an là màireach gu Rhodos, agus as sin gu Patara.

2 Agus air dhuinn long fhaotainn a bha a' gabhail thairis gu Phenicia, chaidh sinn air bord, agus sheòl sinn romhainn.

3 Agus air dhuinn teachd an sealladh Chipruis, agus fhagail air an làimh chli, sheòl sinn gu Siria, agus thainig sinn tir aig Tirus; oir is ann an sin a bha an long agus a luchd a chur a mach.

4 Agus air dhuinn deisciobuil fhaotainn, dh'fhan sinn an sin seachd làithean: muinntir a thubhairt ri Pòl tre'n Spiorad, gun e dhol suas gu Hierusalem.

5 Agus an uair a chrìochnaich eadh na làithean sin, chaidh sinn a mach, agus thriall sinn romhainn, agus thainig iadsan uile, maille ri mnaibh agus ri cloinn 'nar cuideachd, a mach as a' bhaile: agus leig sinn air ar gluinibh sinn air an tràigh, agus rinn sinn ùrnuigh.

6 Agus an dèigh dhuinn ar cead a ghabhail d'a chéile, chaidh sinn do'n luing; agus phill iadsan d'an tighibh féin.

7 Agus an uair a chrìochnuich sinn ar turus<sup>7</sup> o Thirus, thainig sinn gu Ptolemais, agus chuir sinn fàilte air na bràithribh, agus dh'fhan sinn aon latha maille riu.

8 Agus air an là màireach, air dhuinne, a bha do chuideachd Phòil, imeachd, thainig sinn gu Cesarea; agus chaidh sinn a steach do thigh Philip an t-soisgeulaiche, (a bha do'n t-seachdnar) agus dh'fhan sinn aige.

9 Agus bha ceathrar nighean aigesan, òighean, a bha ri fàidheadaireachd.

10 Agus ag fantuinn duinn mòran do làithibh an sin, thainig a nuas o Iudea fàidh àraidh, d'am b'ainm Agabus.

11 Agus air teachd dha d'ar ionnsuidhne, ghabh e crios Phòil, agus cheangail e a

<sup>1</sup> àmhghair. <sup>2</sup> thriall, chùrsa. <sup>3</sup> gabham sibhse mar f'hanuisibh. <sup>4</sup> easbuigean. <sup>5</sup> eag-

lais an Tighearna. <sup>6</sup> lag. <sup>7</sup> triall, taisdeal, cùrsa.

làmhann agus a chosann fèin, agus thubhairt e, Mar so a deir an Spiorad naomh, Is ann mar so a cheanglas na h-Iudhaich ann an Ierusalem an duine d'am buin an crios so, agus bheir iad thairis e do làmhaimh nan Cinneach.

12 Agus an uair a chuala sinne na nithe so, ghuidh sinn fèin agus muinntir an àite air, gun e dhol suas gu Hierusalem.

13 An sin fhreagair Pòl, Ciod is ciall duibh a' gul, agus a' briseadh mo chridhe? oir a ta mise ullamh cha'n e mhàin gu bhì air mo cheangal, ach eadhon gu bàsachadh ann an Ierusalem air son ainme an Tighearna Iosa.

14 Agus an uair nach gabhadh e comhairle, sguir sinne, ag ràdh, Deanar toil an Tighearna.

15 Agus an dèigh nan làithean so air dhuinn bhì ullamh<sup>1</sup>, chaidh sinn suas gu Hierusalem.

16 Agus chaidh mar an ceudna maille ruinn *cuid* do na deisciobluih o Chesarea, a' toirt leo Mhnasoin o Chiprus, seann deisciobul àraidh, aig an robh sinna gu bhì air aoidheachd.

17 Agus an uair a thainig sinn gu Hierusalem, ghabh na bràithre ruinn gu subhach.

18 Agus air an ath là, chaidh Pòl maille ruinne dh'ionnsuidh Sheumais; agus bha na seanairean uile a làthair.

19 Agus air dhasan fàilte chur orra, chuir e'n cèill doibh fa leth na nithe a rinn Dia le mhinistireilachd-san am measg nan Cinneach.

20 Agus an uair a chual iadsan so, thug iad glòir do'n Tighearn<sup>2</sup>, agus thubhairt iad ris-san, Tha thu faicinn, a bhràthair, cia lìon mìle do na h-Iudhachaibh a ta creidsinn, agus tha iad uile ro eudmhor mu'n lagh.

21 Agus chual iad umadsa, gu bheil thu teagasg do na h-Iudhachaibh uile, a ta measg nan Cinneach, Maois a thréigsinn, ag ràdh riu, Nach còir dhoibh an clann a thimchioll-gherradh, no gluasad a rèir nan gnàth<sup>3</sup>.

22 Ciod uime sin a nithear? Gun teagamh, 's èigin do'n t-sluagh cruinneachadh: oir chuinnidh iad gu'n d'thainig thu.

23 Uime sin dean so a deir sinne riut: Tha ceathrar fhear maille ruinne, air am bheil mòid;

24 Beir iadsan leat, agus bi air do ghlanadh maille riu, agus dean costus<sup>4</sup> leo, chum gu bearr<sup>5</sup> iad an cinn: agus gu'm bi fhios aig na h-uile nach 'eil ach neo-ni anns na chual iad mu d' thimchioll sa, ach gu bheil thu fèin mar an ceudna ag imeachd gu riaghailteach, agus a coimhead an lagha.

25 Ach mu thimchioll nan Cinneach a

chreid, scriobh sinne agùs b'i ar breth, gun iad a ghleidheadh a h-aon do na nithibh sin, ach a mhàin iad fèin a chomhead o nithibh a chaidh iobradh do iòdholuibh, agus o fhuil, agus o ni tachdta, agus o striopachas.

26 An sin ghabh Pòl na daoine; agus air an là màireach air dha bhì air a ghlanadh maille riu, chaidh e steach do'n teampull, a' foillseachadh coimhlionaidh làithean a ghlanaidh, gus an d' thugtadh tabhartas air son gach aon aca.

27 Agus an uair a bha na seachd làithean air bheag nith<sup>6</sup> air an coimhlionadh, air do na h-Iudhachaibh o'n Asia esan fhaicinn san teampull, bhrosnaich iad am pobull uile, agus chuir iad làmh ann,

28 Ag èigheach, Fheara Israeil, cuidichibh: is e so an duine a ta teagasg nan uile dhaoine anns gach àit an aghaidh a' phobull, agus an lagha, agus an àite so: agus os barr, thug e steach Greugaich do'n teampull, agus shalaich e'n t-ionad naomha so.

29 (Oir chunnaic iad Trophimus an t-Ephesianach roimhe sin anns a' bhaile maille ris, agus shaoil iad gu'n d'thug Pòl a steach do'n teampull e.)

30 Agus ghluaiseadh am baile gu h-iomlan, agus ruith an sluagh cuideachd: agus air dhoibh breith air Pòl, tharruing iad a mach as an teampull e: agus air ball dhùineadh na dorsa.

31 Agus an uair a b'àill leo a mharbhadh, chaidh sgeula dh'ionnsuidh àrd cheannaird na cuideachd, gu'n robh Ierusalem uile thar a chèile<sup>7</sup>.

32 Neach air ball a thug leis saighdearan, agus ceannardan-cheud, agus a ruith sìos d'an ionnsuidh: Agus an uair a chunnaic iadsan an t-àrd cheannard agus na saighdearan, sguir iad do bhualadh Phòil.

33 An sin thainig an t-àrd cheannard am fagus agus rug e air, agus dh'àithn e a cheangal le dà shlabhraidh: agus dh'fhiosraich e, Cò e, agus ciod a rinn e.

34 Agus ghlaodh aon chuid am measg an t-sluaigh aon ni, agus cuid cile ni èile: agus an uair nach robh e an comas da cinn-teachd na cùise a thuigsinn air son na h-àrd bhruidhne, dh'orduich e esan a thoirt do'n chaisteal.

35 Agus an uair a thainig e chum na staidhreath, tharladh gu'n do ghiùlaineadh e leis na saighdearaibh, air son foireigin an t-sluaigh.

36 Oir lean am mòr shluaigh e, a' glaodh-aich, Beir uainn e.

37 Agus an uair a bha Pòl gu bhì air a thoirt a steach do'n chaisteal, thubhairt e ris an àrd cheannard, An cead domhsa ni a labhairt riut? agus thubhairt esan, An labhair thu Greigis?

<sup>2</sup> thog sinn ar n-airneis, agus &c. <sup>2</sup> do Dhia.

<sup>3</sup> a réir gnàthunna [an lagha.] <sup>4</sup> caitheamh, cosgus. <sup>5</sup> lom. <sup>6</sup> cha mhòr. <sup>7</sup> fa bhuairreas.



38 Nach tusa an t-Eiphiteach sin, a thog ceannairc roimh na làithibh so, agus a thug leat do'n fhásach ceithir míle fear, a bha 'nan luchd-mortaigh?

39 Ach thubhairt Pòl, Is duine mise a tha 'm Iudhach gun amharus o Tharsus, saor-dhuine do bhaile,<sup>1</sup> ro inbheach ann an Cilicia: agus goidheam ort, thoir cead domh labhair ris an t-sluagh.

40 Agus an uair a thug e cead da, Air do Phòl seasamh air an staidhir, sméid e le làimh air an t-sluagh, ag iarraidh éis-deachd: agus air fantuinn ro thosdach dhoibhsan, labhair e riu sa' chànain Eabh-ruidhich, ag ràdh,

CAIB. XXII.

1 *Tha Pòl gu pailt a' cur an cèill cionnus a dh'iompoicheadh chum a' chreidimh e, 17 agus a ghairmcadh e chum na h-abstolachd. 22 Ag dhasan na Cinnich ainmeachadh, thog am pobull aon ghàir ris: 24 Bha e gu bhì air a sgiùrsadh; 25 ach air dha a chòir-shaorsa mar Romhanach agairt, leig-eadh as e.*

**F**HEARA, a bhràithre, agus aithriche, éisidibhse ri m'dhion-chainnt' ribh a nis:

2 (Agus an uair a chual iadsan gu'n do labhair e riu sa' chànain Eabh-ruidhich, bu mhòid a thosd iad: agus thubhairt esan,)

3 Is Iudhach mise do rìreadh, a rugadh ann an Tarsus na Cilicia, ach a dh'oileadh<sup>2</sup> sa' bhaile so, aig cosaibh Ghamaliel, agus a theagaisgeadh gu coimhionta a rèir gnàtha lagha nan aithriche, agus bha mi eudmhor a thaobh Dhé, inar a ta sibhse uile an diugh.

4 Agus rinn mi geur-leanmhuinn gu bàs air an t-slighe so, a' ceangal fhear agus bhan, agus 'gan tarruing gu prìosun:

5 Mar a ni an t-àrd shagart mar an ceudna fianuis domh, agus coimhairle nan seanair uile; o'n d'fhuair mise mar an ceudna litriche chum nam bràithre, agus chaidh mi gu Damascus, chum an dream a bha'n sin a thoirt ceangailte gu Hierusalem, chum gu deantadh peanas orra.

6 Agus tharladh, air dhomh bhì 'g imeachd, agus a' druideadh ri Damascus mu mheadhon-là, gu'n do dhealraich gu gu h-obann o nàèin solus mòr mu'n cuairt orm.

7 Agus thuit mi air an talamh, agus chuala mi guth ag ràdh, A Shauil, a Shauil, c'ar son a ta thu 'gam gheur-leanmhuinnse?

8 Agus fhreagair mise, Cò thu, a Thighearn? Agus thubhairt e rium, is mise Iosa o Nasaret, air am bhèil thus a' deanamh geur-leanmhuinn.

9 Agus chunnaic na daoine a bha maille rium an solus gu deimhin, agus ghabh iad eagal; ach cha chual iad guth an tì a labhair riumsa.

10 Agus thubhairt mise, Ciod a ni mi, a Thighearn? Agus thubhairt an Tighearn, rium, Eirich, agus imich gu Damascus, agus an sin labhair riu mu thimchioll nan nithe sin uile a dh'orduicheadh dhuits' a' dheanamh.

11 Agus an uair nach bu léir dhomh tre ghloir an t-soluis sin, air dhomh bhì air mo threorachadh air làimh leosan a bha maille rium, thainig mi gu Damascus.

12 Agus air do dhuine àraidh d'am b'ainm Ananias, a bha cràbhach a rèir an lagha, agus air an robh deadh theistean aig na h-Iudhachaibh uile, a bha chòmhnuidh an sin,

13 Teachd am' ionnsuidh, agus seasamh làimh rium, thubhairt e rium, A Shauil a bhràthair, gabh do radharc. Agus air an uair sin fèin dh'amhairc mi suas air.

14 Agus thubhairt esan, Thagh Dia ar n-aithriche roimh-làimh thusa, chum gu'n gabhadh tu còlas air a thoil, agus gu'm faicheadh tu an t-Aon cothromach sin, agus gu'n cluinheadh tu guth as a bheul.

15 Oir bithidh tu a' fhianuis aige chum nan uile dhaoine, air na nithibh a chunnaic agus a chuala tu.

16 Agus a nis c'ar son a ta thu a' deanamh moille? Eirich, agus bi air do bhaisteadh, agus ionnlaid uait do pheacanna, a' gairm air ainm an Tighearna.

17 Agus tharladh, 'nuair a phill mise gu Hierusalem, agus a bha mi a' deanamh ùrnuigh 'san teampull, gu'n deachaidh mi ann an neul,

18 Agus gu'm faca mi esan ag ràdh rium, Dean deifir, agus imich gu grad a Hierusalem; oir cha ghabh iad ri d' theistean mu m' thimchiollsa.

19 Agus thubhairt mise, A Thighearn, tha fhios aca gu robh mise a' tilgeadh am prìosun, agus a' sgiùrsadh anns gach sionagoga iadsan a chreid annadsa.

20 Agus an uair a dhòirteadh fuil do mhairtich<sup>3</sup> Stephain, bha mise mar an ceudna a'm' sheasamh a làthair, agus ag aontachadh leis a mharbhadh, agus a' coimhead eudaich na muinntir a mharbh e.

21 Agus thubhairt e rium, Imich: oir cuiridh mise thu am fad chum nan Cinn-each.

22 Agus dh'éisd iad ris gus an fhocal so, agus thog iad an sin an guth gu h-àrd, ag ràdh, Beir o'n talamh a leithid so do dhuine; oir cha chòir e bhì beo.

23 Agus an uair a bha iadsan ag éigh-each, agus a' tilgeadh dhiubh an eudaich, agus a' tilgeadh luaithe 'san athar<sup>4</sup>,

24 Dh'àithn an t-àrd cheannard esan a thoirt do'n chaisteal, ag orduchadh a cheasnachadh le a sgiùrsadh; chum gu faigheadh e fios ciod i a' chuire na robh iad a' glaochaidh mar sin 'na aghaidh.

<sup>1</sup> mo leith-sgeul.

<sup>2</sup> thogadh suas.

<sup>3</sup> t'fhiannas-so.

<sup>4</sup> aidhear.

25 Agus an uair a bha iad 'ga cheangal le iallaibh, thubhairt Pòl ris a' cheannard-ceud a sheas a làthair, Am bheil e cead-uichte dhuibhse duine a ta 'na Romhanach a sgiùrsadh, agus gun e air a dhiteadh?

26 Agus an uair a chual an ceannard-ceud so, dh'imich e agus dh'innis e do'n àrd cheannard, ag ràdh, Thoir fainear ciod a ni thu; oir is Romhanach an duine so.

27 An sin air teachd do'n àrd cheannard d'a ionnsuidh, thubhairt e ris, Innis domhsa, an Romhanach thu? Agus thubhairt esan, Is mi.

28 Agus fhreagair an t-àrd cheannard, Is mòr an t-suim air an do cheannaich mise an t-saorsa so. Agus thubhairt Pòl, Ach rugadh mise saor.

29 An sin dh'imich iadsan uaith air ball a bha gus a cheasnachadh: agus ghabh an t-àrd cheannard mar an ceudna eagail 'nuair a thuig e gu'm bu Romhanach e, agus a chionn gu'n do cheangail se e.

30 Agus air an là màireach, air dha bhi togarrach air fios cinnteach fhaotainn ciod i a' choire a bha na h-Iudhaich a 'cur as a leth, dh'fhuasgail se e o a chuibhreachaibh, agus dh'àithn e do na h-àrd shagairtaibh agus d'an comhairle uile teachd a làthair, agus air dha Pòl a thoirt sìos, chuir e 'nam fianuis e.

## CAIB. XXIII.

1 Tha Pòl a' tagradh a chùis. 2 Tha Ananias ag orduchadh a bhualadh. 7 Connasachadh an measg a tuchd-casaid. 11 Tha Dia a' toirt misnich dha. 14 Tha feall nan Iudhaich an aghaidh Phòil air a nochdadh do'n àrd cheannard. 23 Tha e 'ga chur gu Fèilic an t-uachdaran.

**A**GUS air dearcadh do Phòl air a' chomhairle, thubhairt e, Fheara agus a bhràithre, anns an uile dheadh choguis chaith mise mo bheatha a thaobh Dhé gus an là'n diugh.

2 Agus dh'àithn an t-àrd shagart Ananias dhoibhsan a bha 'nan seasamh làimh ris, a bhualadh air a bheul.

3 An sin thubhairt Pòl ris, Buailidh Dia thusa, a bhalla ghealaichte: oir am bheil thusa a'd' shuidhe a thoirt breth ormsa a réir an lagha, agus an aghaidh an lagha ag orduchadh mo bhualadh?

4 Agus thubhairt iadsan a sheas làimh ris, Am bheil thusa a' toirt ana-cainnt<sup>1</sup> do àrd shagart Dhé?

5 An sin thubhairt Pòl, Cha robh fhios agam<sup>2</sup>, a bhràithre, gu'm b'e an t-àrd shagart e: oir a ta e scriobhta, Na labhair olc mu uachdaran do phobuill.

6 Ach an nair a thuig Pòl, gu robh cuid diubh 'nan Sadusaich, agus a' chuid eile 'nam Phairisich, ghlaodh e anns a' chomhairle, Fheara agus a bhràithre, is Phairis-

each mise, mac Phairisich: is ann a leth dòchais agus aiseirigh nam marbh, a tha mi air mo thoirt am breitheanas.

7 Agus air dhasan so a labhairt, dh'éirich comhstriobh eadar na Phairisich agus na Sadusaich: agus roinneadh an coimhthional an aghaidh a chèile.

8 Oir a deir na Sadusaich nach 'eil aiseirigh, no aingeal, no spiorad ann; ach a ta na Phairisich ag aideachadh gach aon diubh<sup>3</sup>.

9 Agus dh'éirich gair<sup>4</sup> mhòr: agus air seasamh suas do na scriobhuichibh 'a bha air taobh nam Phairiseach, chathaich iad 'nan aghaidh, ag ràdh, Cha 'n'eil sinne faotainn<sup>5</sup> cron air bith san duine so: ach ma labhair spiorad no aingeal ris, na cogamaid an aghaidh Dhé.

10 Agus an uair a dh'éirich connasachadh mor eatorra, air do'n àrd cheannard bli fa eagail gu'n rachadh Pòl a tharruing as a chèile leo, dh'àithn e do na saighdearaibh dol sìos, agus esan a thogail leis an làimh làidir as am meadhon, agus a thoirt do'n chaisteal.

11 Agus air an oidhche 'na dhéigh sin, sheas an Tighearn làimh ris, agus thubhairt e, Biodh misneach mhaith agad, a Phòil; oir mar a rinn thu fianuis a'm<sup>6</sup> thimchiollsa ann an Ierusalem, is amhuil sin is éigin duit fianuis dheanamh anns an Ròimh.

12 Agus air teachd do'n là, chruinnich dream àraidh do na h-Iudhachaibh an ceann a chèile<sup>6</sup>, agus chuir siad iad féin fa mhallachadh, ag ràdh, nach itheadh agus nach òladh iad gus am marbhadh iad Pòl.

13 Agus bha iad os cionn dà fhichead fear, a rinn an coimh-mhionnachadh so.

14 Agus thainig iad chum nan àrd shagart, agus nan seanair, agus thubhairt iad, Chuir sinne sinn féin fa àrd mhallachadh, nach blaiseamaid ni sam bith gus am marbhamaid Pòl.

15 A nis uime sin iarraibhse maille ris a' chomhairle air an àrd cheannard, gu'n d'thugadh e d'ar ionnsuidhs<sup>7</sup> e am màireach, mar gu biodh a rùn oirbh fios fhaotainn ni bu choimhlionta air ni éigin m'a thimchioll: agus tha sinne dcas chum esan a mharbhadh, mu'n d'thig e'm fagus duibh.

16 Agus an uair a chuala mac peathar Phòil am feall-fholach<sup>7</sup> so, thainig e, agus air dha dol a steach do'n chaisteal, dh'innis e sin do Phòl.

17 An sin ghairm Pòl d'a ionnsuidh aon do na ceannardaibh-cheud, agus thubhairt e, Thoir an t-òganach so chum an àrd cheannard; oir a ta ni àraidh aige r'a innseadh dha.

18 An sin thug e leis e, agus thredaich se e chum an àrd cheannard, agus thubhairt e, Ghairm Pòl am prìosunach mise d'a ionnsuidh, agus ghuidh e orm an t-òganach

<sup>1</sup> càineadh. <sup>2</sup> Cha d'thug mi fainear. <sup>3</sup> 'gan aideachadh le chèile. <sup>4</sup> iolach. <sup>5</sup> faghail, faghainn.

<sup>6</sup> rinn dream àraidh do na h-Iudhaich comhbhann r'a chèile. <sup>7</sup> plaid-tuidhe.



so thoirt a' t'ionnsuidhse, aig am bheil ni-eigin r'a innseadh dhuit.

19 An sin rug an t-àrd cheannard air a làimh, agus chaidh e a leth-taobh an uaig-neas *maille ris*, agus dh'fhiosraich e *dheth*, Ciod a tha agad r'a innseadh dhomhsa?

20 Agus thubhairt esan, Rinn na h-Iudhaich comhairle iarraidh ortsa, gu'n d'thugadh tu Pòl am màireach do'n chomhairle, mar gu'm biodh iad gu rannsachadh nì's géire a dheanamh air ni-cigin m'a thim-chioll.

21 Ach na aontaich thusa leo: oir a ta os cionn dà fhichead fear dhiubh ri feall-fholach 'na aghaidh, a chuir iad féin fa mhallachadh, nach ith agus nach òl iad gus am marbh iad e: agus a nis tha iad ullamh, a feitheamh re gealladh uaitse.

22 An sin leig an t-àrd cheannard uaith an t-òganach, agus dh'àithn e *dha*, ag ràdh, *Feuch*, nach innis thu do neach sam bith, gu'n d'fhoillsich thu na nithe so dhomhsa.

23 Agus ghairm e d'a ionnsuidh dà cheannard-ceud, agus thubhairt e, Ulluichibh dà cheud saighdear a théid gu Cesarea, agus deich agus trì fichead marcach, agus dà cheud fear-sleadha, air an treas uair do'n oidhche.

24 Agus ulluichibh eich, chum air dhoibh Pòl a chur orra, gu'n toir iad c gu tèaruinte chum an uachdarain Felics.

25 Agus scriobh e litir air a' mhodh so:

26 Beatha agus slàinte o Chlaudius Lisis, chum an uachdarain ro oirdheirc Felics.

27 Ghlacadh an duine so leis na h-Iudhaich, agus an uair a bha iad air tì a mharbhadh, thainig mise orra le saighdearaibh, agus thug mi dhiubh e, a' tuigsinn gu'm bu Romhanach e.

28 Agus air dhomh bhi toileach air fios an aobhair fhaotainn, air son an d'agair iad e, thug mi sìos e chum an comhairle-san:

29 Agus thuig mi gu'n robh e air agairt mu cheisdibh d'an lagh féin, gun nì sam bith air a chur as a leth a b'airidh air bàs no air ceanglaichibh.

30 Ach an uair a dh'innseadh dhomh gu'n robh na h-Iudhaich gu fcall a chaith-eadh air an duine, air ball chuir mi a' t'ionnsuidhs' e, agus thug mi àithne mar an ceudna d'a luchd-casaid, gach cuid a bha aca 'na aghaidh a chur an cèill a' d' làthairse. Slàn leat.

31 An sin air do na saighdearaibh Pòl a ghabhail, a réir mar a dh'àithneadh dhoibh, thug iad san oidhche e gu Antipatris.

32 Agus air an là maireach leig iad do'n mharc-shluagh dol leis, agus phill iad féin do'n chaisteal.

33 Agus an uair a chaidh iad a stigh do Chesarea, agus a thug iad an litir do'n uachdaran, chuir iad mar an ceudna Pòl 'na fhianuis:

34 Agus an uair a leugh an t-uachdaran

an litir, dh'fhiosraich e cò an dùthaich o'n robh e. Agus an uair a thuig e gur ann o Chìlicia bha e,

35 Thubhairt e, Eisdidh mi riut, 'nuair a thig do luchd-casaid mar an ceudna. Agus dh'àithn e esan a choimhead ann an talla-breitheanais Heroid.

# CAIB. XXIV.

1 Air do Phòl a bhi air a chasaid le Tertullus an cainnt-fhear, 10 tha e freagairt air a shon féin thaobh a chaitheamh-beatha agus a theagaisg: 24 Tha e searmonachadh Chrìosd do'n uachdaran agus d'a mhnaoi.

26 Tha sùil aigesan ri ceannach uaith, ach an dìomhanas: 27 fu dheireadh, 'nuair a chuireadh as a dhreuchd e, tha e fàgail Phòil am prìosun.

AGUS an ceann chùig làithean 'na dhéigh sin, chaidh Ananias an t-àrd-shagart sìos maille ris na seanairibh, agus ri Tertullus fear-tagraidh' àraidh, muinntir a nochd iad féin an làthair an uachdarain an aghaidh Phòil.

2 Agus an uair a ghairmeadh a mach e, thòisich Tertullus air a chasaid, ag ràdh, Do bhrìgh gu bheil sinn tridsa a' mealtuinn mòr shìochaint, agus gu'n d'rinneadh iomadh deadh ghniomh do'n chinneach so tre do ghliocas-a.

3 Tha sinne gabhail ri so, anns gach àm agus gach àit, Fhelics ro oirdheire, maille ris gach uile bhuidheachas.

4 Ach, chum nach cuirinn mòr mhoille ort, guidheam ort, do d' shuairceas gu'n éisd thu rinn gu h-ath-ghaoraid.

5 Oir fhuair sinn am fear so 'na phlàigh, agus a' d'isgadh<sup>2</sup> nan Iudhach uile gu ceannairc air feadh an domhain, agus 'na cheann-feadhna do luchd saobh-chreidimh nan Nasarenach.

6 Neach mar an ceudna a thogair an teampull a shalachadh; agus a ghlac sinne, agus b'àill leinn breth a thoirt air a réir ar lagha féin.

7 Ach air teachd do Lisis an t-àrd cheannard oirn, thug é e mòr ainneart as ar làmhaidh e.

8 Ag àithneadh d'a luchd-casaid teachd a'd' ionnsuidhse; neach o'm feud thu le a cheasnachadh, fios fhaotinn air na h-uile nithibh a tha sinne a' cur as a leth.

9 Agus dh'aontaich na h-Iudhaich mar an ceudna, ag ràdh, Gu'n robh na nithe sin mar sin.

10 An sin air do'n uachdaran sméideadh air Pol e a labhairt, fhreagair esan, Is mòid mo mhìsneach gu freagairt air mo shon féin, gu bheil fhios agam gu robh thusa rè mòraim bhliadhna a'd' bhreitheamh air a chinneach so:

11 Oir feudaidh tu fios fhaotainn, nach mò na dà latha dheug o chaidh mi suas gu Hierusalem a dhcanamh aoraidh.

<sup>1</sup> cainnt-fhear.

<sup>2</sup> brosnaghadh.

12 Agus cha d'fhuair iad mi a' deas-  
bheirachd ri aon neach san teampull, no a'  
brosnachadh an t sluaigh gu ceannairc, aon  
chuid 'sna sionagogaibh, no anns a' bhaile.

13 Nì mò is urrainn iad na nithe sin a  
dhearbhadh a tha iad a' cur as mo leth.

14 Ach aidicheam so dhuitse, gur ann a  
réir na slighe sin ris an abair iadsan saobh-  
chreidimh, a dheanamsa aoradh do Dhia  
m'aithriche, a' creidsinn nan uile nithe a ta  
scriobhta san lagh agus anns na fàidhibh:

15 Agus a ta dòchas agam an Dia, ris  
am bheil suil mar an ceudna aca féin, gu'n  
d'thig aiseirigh nam marbh, nam firean  
araon agus nan neo-fhìrean.

16 Agus an so saothraicheam a ghnàth  
coguis<sup>1</sup> neo-lochdach a bhi agam thaobh  
Dhé, agus a thaobh dhaoine.

17 A nis an déigh mòrain bhliadhna,  
thainig mi a thoirt déirce chum mo chin-  
nich, agus thabhartas.

18 Air a so fhuair Iudhaich àraidh o'n  
Asia mi air mo ghlanadh 'san teampull,  
gun sluagh, gun bhuaireas.

19 Nuinntir d'am bu chòir bhi'n so a'd'  
làthairse, agus m'agairt, nam biodh ni sam  
bith aca a'm' aghaidh.

20 No abradh iad so féin, ma fhuair iad  
eucoir<sup>2</sup> sam bith annamsa, 'nuair a sheas  
mi an làthair na comhairle.

21 Mur h-ann a mhàin air son an aon  
fhocail so, a ghlaodh mi a'm' sheasamh  
'nam measg, Gur ann air son aiseirigh nam  
marbh, a ta mi air mo thoirt gu breith-  
eanas leibhse an diugh.

22 Agus an uair a chuala Felics na nithe  
so, air dha eòlas ni bu dìongmhalta bhi  
aige air an t-slighe sin, chuir e air dàil  
iad, ag ràdh, 'Nuair a thig Lisias an t-àrd  
cheannard a nuas, làn-rannsaichidh mi<sup>3</sup>  
bhur cùis.

23 Agus dh'àithn e do cheannard-ceud  
Pòl a ghleidheadh, agus e bhi fuasgailt'  
aige, agus gun neach d'a mhuinntir féin a  
bhacadh o fhrithealadh dha, no teachd d'a  
ionnsuidh.

24 Agus an déigh làithean àraidh, 'nuair  
a thainig Felics maille r'a mhnaoi Drusilla,  
a bha' na Ban-Iudhach, chuir e fios air  
Pòl, agus dh'éisd e ris mu thimchioll a'  
chreidimh<sup>4</sup> ann an Crìosd.

25 Agus air dhasan bhi a' reusonachadh  
mu fhìreantachd, stuaim<sup>5</sup> agus breitheanas  
ri teachd, ghabh Felics eagal mòr, agus  
fhreagair e, Imich romhad an tràth-sa;  
'nuair a bhios ùine agam, cuiridh mi fios  
ort.

26 Bha dùil aige mar an ceudna gu  
rachadh airgid a thoirt da le Pòl, chum  
gu'm fuasgladh se e: uime sin chuir e fios  
air ni bu tricè, agus labhair e ris.

27 Ach air do dhà bhliadhna bhi air an  
coimhlionadh, thainig Porcius Festus an  
àit Fhelics: agus air do Fhelics bhi toilèach  
comain a chur air na h-Iudhachaibh<sup>6</sup>  
dh'fhàg e Pòl ceangailte.

## CAIB. XXV.

2 Tha na h-Iudhaich a' casaid Phòil an làth-  
air Fhestuis: 3 Tha e freagairt air a shon  
féin, 11 agus a' togail a chùis gu Ceasar,  
&c.

**A**NIS 'nuair a thainig Festus do'n mhòr-  
roinn<sup>7</sup>, an ceann trì làithean chaidh e  
suas o Chesarea gu Hierusalem.

2 Agus nochd an t-àrd shagart agus  
maithen nan Iudhach iad féin 'na làthair  
an aghaidh Phòil, agus chuir iad impidh air.

3 Ag iarraidh fàbhoir 'na aghaidh, gu'n  
cuireadh e fios air gu Hierusalem, agus iad  
a' dheanamh feall-fholach<sup>8</sup> chum esan a  
mharbhadh air an t-slighe.

4 Ach fhreagair Festus, Gu'm bu chòir  
Pòl a ghleidheadh ann an Cesarea, agus  
gu'n rachadh e féin an sin gu h-aithghearr.

5 Uime sin, ars' esan, rachadh iadsan  
'nar measg a dh'fheadas, sìos maille rium-  
sa, agus ma ta coire air bith 'san duine so,  
cuireadh iad sin as a leth.

6 Agus air dha fantuinn 'nam measg os  
cionn deich làithean, chaidh e sìos do Che-  
sarea, agus air an là màireach shuidh e air  
a' chaithir-bhreitheanais, agus dh'àithn e  
Pòl a thoirt a làthair.

7 Agus an uair a thainig esan, sheas na  
h-Iudhaich a thainig a nuas o Hierusalem  
m'a thimchioll, a' cur choireanna lìomhhora  
agus mòra a leth Phòil, nach b'urrainn iad  
a dhearbhadh:

8 Nuair a fhreagair esan 'ga shaoradh  
féin, Cha d'rinn mi cionta sam bith an agh-  
aidh lagha nan Iudhach, no'n aghaidh an  
teampull, no'n aghaidh Cheasair.

9 Ach air bhi do Fhestus togarrach air  
toileachas-inntinn a thoirt do na h-Iudh-  
achaibh, fhreagair e Pòl, agus thubhairt e,  
An àill leatsa dol suas gu Hierusalem, agus  
an sin dol fa bhreitheanas thaobh nan nithe  
sin ann mo làthairse?

10 An sin thubhairt Pòl, Tha mi m'  
sheasamh aig caithir-breitheanais Cheasair,  
far an còir breth a thoirt orm: air na  
h-Iudhachaibh cha d'rinn mi eucoir sam  
bith, mar is maith a ta fios agadsa.

11 Oir ma tha mi deanamh eucoir, agus  
ma rinn mi ni sam bith a thoill bàs, cha  
n'eil mi diultadh bàs fhulang; ach mur  
'eil ni sam bith dhiubh sin fìor a tha iad  
so a' cur as mo leth, cha'n fhead duine  
sam bith mo thoirt thairis doibh<sup>9</sup>. Tha mi  
togail mo chùis gu Ceasar.

12 An sin an déigh do Fhestus labhairt  
ris a' chomhairle, fhreagair e, An do thog

<sup>1</sup> coimh-fhios, coinsiens.

<sup>2</sup> mi-ghnòmh.

<sup>3</sup> bithidh làn fhios agam air.

<sup>4</sup> na creidimh.

<sup>5</sup> measarrachd, <sup>6</sup> gnòmh taitneach a dhean-

amh do na h-Iudhachaibh. <sup>7</sup> earrainn; province.  
Sasg. <sup>8</sup> plaid-luidhe. <sup>9</sup> cha'n fhead duine sam  
bith an toileachadh le mise a thoirt thairis doibh.



thu do chùis gu Cèasar? Gu Cèasar théid thu.

13 Air dol do làithibh àraidh seachad, thainig Agripa an rìgh agus Bernice gu Cèasara a chur fàilte air Festus.

14 Agus air dhoibh mòran làithean a chaithcadh an sin, chuir Festus cùis Phòil an céill do'n rìgh, ag ràdh, Dh'fhàgadh duine àraidh le Felics<sup>1</sup> na phriosunach.

15 Air-san, an uair a bha mise ann an Ierusalem, rinn na h-àrd shagairt agus seanairean nan Iudhach casaid rium, ag iarraidh binne<sup>1</sup> na aghaidh.

16 D'an d'thug mise am freagradh so, Cha'n e gnàth nan Romhanach duine sam bith a thoirt thairis chum millidh<sup>2</sup>, gus am bi aig an neach a tha air agairt, a luchd-casaid aghaidh ri-h-aghaidh, agus gu'm bi cothrom aige air e féin a shaoradh o'n choire a chuireadh as a leth.

17 Uime sin an uair a thainig iad araon an so, gun mhoille sam bith shuidh mi air an là màireach sa' chaithir-bhreitheanas, agus dh'àithn mi'n duine a thoirt a làthair.

18 Agus an uair a sheas a luchd-tagraidh m'a thimchioll, cha do chuir iad coire air bith as a leth do na nithibh a shaoil mise:

19 Ach thug iad ceisdean àraidh<sup>3</sup> na aghaidh mu thimchioll an creidimh<sup>4</sup> féin, agus mu thimchioll Iosa àraidh, a fhuair bas, neach a thubhairt Pòl a bhi beo.

20 Agus a chionn gu robh mise amharusach mu thimchioll an leithid sin do cheidsibh, dh'fhèdrach mi dheth<sup>4</sup> am b'àill leis dol suas gu Hierusalem, agus an sin dol fa bhreitheanas mu na nithibh so.

21 Ach an uair a dh'iarr Pòl a choimhead gus am fiosraictheadh a chùis-san le Augustus, dh'àithn mi e bhi air a ghleidheadh gus an cuirinn gu Cèasar e.

22 An sin thubhairt Agripa ri Festus, B'àill leamsa féin an duine so chluinntinn. Am màireach, a deir esan, cluinnidh tu e.

23 Uime sin air an là màireach, nuair a thainig Agripa, agus Bernice, le mòr ghreadhnachas, agus a chaidh iad a steach maille ris na h-àrd cheannardaibh agus prìomh-dhaoineibh na cathrach do'n ionad éisdeachd, air do Fhestus àithne a thoirt, thugadh Pòl a làthair.

24 Agus thubhairt Festus, A rìgh Agripa, agus sibhse a dhaoine uile a ta làthair an so maille ruinn, tha sibh a' faicinn an duine so, mu'n do chuir sluagh nan Iudhach uile impidh ormsa, araon ann an Ierusalem, agus an so, a' glaothaich nach bu chòir e bhi ni b'fhaide beo.

25 Ach an uair a thuig mise nach d'rinn e ni sam bith a thoill bas, agus a chionn gu'n do thog e féin a chùis gu Augustus, shonraich mi a chur d'a ionnsuidh.

26 Mu nach 'eil ni sam bith cinnteach agam r'a scriobhadh chum mo Tighearna. Uime sin thug mi mach e d'ar ionnsuidhse, agus gu h-àraidh a'd' ionnsuidhse, a rìgh Agripa, chum an déigh rannsachadh a dheanamh, gu'm biodh agam ni eigin r'a scriobhadh.

27 Oir is mi-reusonta a 'm' bheachdse prìosunach a chur uam, agus gun na chùisean a ta 'na aghaidh ainmeachadh.

# CAIB. XXVI.

2 Tha Pòl an làthair Agripa, a' cur an céill a chaithe<sup>5</sup>-beatha o òige 12 agus cionnus a dh'iompoicheadh e gu mìorbhuileach, agus a ghairmeadh e gu bli<sup>6</sup> na abstol. 24 Tha Festus a' cur as a leth gu robh e air a' chuthach, agus esan a' freagairt gu sèimh, &c.

**A**N sin thubhairt Agripa ri Pòl, Tha cead agad labhairt air do shon féin. An sin shìn Pòl a mach a làmh, agus fhreagair e air a shon féin.

2 Ataim gam mheas féin sona, a rìgh Agripa, do bhrìgh gu bheil mi gu freagairt air mo shon féin an diugh a'd' làthairsa, thaobh nan nithe sin uile a ta air an cur as mo leth leis na h-Iudhachaibh:

3 Gu h-àraidh, a chionn gu bheil thusa còlach<sup>5</sup> air gach gnàth agus ceisd a tha am measg nan Iudhach: uime sin guidheam ort, éisd rium gu foighidneach.

4 Tha mo bheathasa o m' òige, a chaith-eadh air tùs am measg mo chinnich féin ann an Ierusalem, aithnichte do na h-Iudhachaibh uile,

5 D'am b'aithne mi o thùs, (nam b'àill leo fianuis a dheanamh) gu'n do chaith mi mo bheatha a'm' Phairiseach, a réir an luchd comh-bharail a's teinne d'ar creidimhne.

6 Agus a nis tha mi m' sheasamh fa bhreitheanas air son dòchais a' gheallaidh a rinneadh le Dia d'ar n-aithrichibh:

7 Chum am bheil dùil aig ar dà thréibh dheugne teachd, a' deanamh seirbhis do Dhia a là agus a dh'oidhe do ghnàth; agus air son an dòchais so tha mise, a rìgh Agripa, air m'agairt leis na h-Iudhachaibh.

8 Car son a mheasar<sup>6</sup> leibhse mar ni dochreidsinn, gu'n dùisgeadh Dia na mairbh?

9 Gu deimhin mheas mise annam féin, gu'm bu chòir dhomh mòran nithe a dheanamh an aghaidh ainme Iosa o Nasaret.

10 Ni mar an ceudna a rinn mi ann an Ierusalem: agus air faotainn ùghdarras o na h-àrd shagartaibh, dhruid mi mòran do na naoimh am prìosunaibh; agus an uair a chuircadh gu bàs iad, thug mi mo ghuth 'nan aghaidh.

11 Agus a' deanamh peanais orra gu minic anns gach sionagag, choimhéignich

<sup>1</sup> ditidh. <sup>2</sup> bàis. <sup>3</sup> an suobh-chreidimh.

<sup>4</sup> thubhairt mi ris.

<sup>5</sup> [gur aithne dhomh] gu bheil thusa còlach.

<sup>6</sup> Car son? am measar.

mi iad gu toibheum<sup>1</sup> a labhairt; agus air dhomh bhi gu ro mhòr air boile 'nan aghaidh rinn mi geur-leanmhuinn orra, eadhon gu bailtibh coigreach.

12 Air a so 'nuair a bha mi dol gu Damascus, le cumhachd agus barantas<sup>2</sup> o na h-àrd shagartaibh;

13 Mu mheadhon-là, O a rìgh, chunnaic mi air an t-slighe solus o nèamh, bu shoilleire na solus na grèine, a' dealrachadh mu'n cuairt orm, agus orrasan, a bha 'g imeachd maille rium.

14 Agus air tuiteam dhuinn uile air an talamh, chuala mi guth a' labhairt rium, agus ag ràdh anns a' chainnt Eabhruidhich, a Shaul, a Shaul, c'ar son a ta thu ga m' gheur-leanmhuinn? Is cruaidh dhuitse bhi breabadh an aghaidh nan dealg.

15 Agus thubhairt mise, Cò thu, a Thigh-eam? Agus thubhairt esan, Is mise Iosa a tha thusa a' geur-leanmhuinn.

16 Ach éirich, agus seas air do chosaibh; oir dh'fhoillsich mi mi féin duit chum na crìche so, gu'n orduichinn thu a d' mhinisteir agus a d' fhianuis araon air na nithibh sin a chunnaic thu, agus na nithibh anns am foillsich mi mi féin duit;

17 Ga d' shaoradh o'n t-sluagh, agus o na Cinneachaibh, chum am bheil mi nis ga d' chur,

18 A dh'fhosglaidh an sùl, chum gu tionndaidh iad<sup>3</sup> o dhorchadas gu solus, agus o chumhachd Shatain gu Dia, chum gu faigh iad maitheanas peacaidh, agus oighreachd maille ris a' mhuinntir sin, a ta air an naombachadh tre'n chreidimh a ta annamsa.

19 Uime sin, a rìgh Agripa, cha robh mi eas-ùmhail do'n taisbean nèamhaidh:

20 Ach shearmonaich mi air tùs dhoibh-san ann an Damascus, agus ann an Ierusalem, agus air feadh tìre Iudea uile, agus an sin do na Cinneachaibh, iad a dheanamh aithreachais, agus pilltinn ri Dia, a' deanamh oibre iomchuidh an aithreachais<sup>4</sup>.

21 Air son nan nithe so ghlac na h-Iudhaich mi san teampull, agus b' àill leo mo mharbhadh<sup>5</sup>.

22 Uime sin air dhomh còmhnaidh fhaotainn o Dhia, bhunaich mi gus an là'n diugh, a' deanamh fianuis do'n bheag agus do'n mhòr, gun ni air bith a labhairt ach na nithe sin a thubhairt na fàidhean agus Maois a bha gu teachd:

23 Gu robh Criosd gu fulang, agus gu robh e gu éirigh an ceud neach o na marbhaibh, agus gu'm foillsicheadh e solus do'n phobull, agus do na Cinneachaibh.

24 Agus air dha bhi labhairt nan nithe so air a shon féin, thubhairt Festus le guth àrd, Tha thu air mhi-chéill<sup>6</sup> a Phòil: tha mòr fhòghlum ga d' chur air boile.

25 Ach thubhairt esan, Cha 'n'eil mi air boile, Fhestuis ro oirdheire; ach labhran briathra na fìrinn agus na céille.

26 Oir a ta fhios aig an rìgh, romh am bheil mise labhairt gu saor, air na nithibh so: oir tha cinnt agam nach 'eil a h-aon do na nithibh so an ain-fhios da; oir cha'n ann an cuil a rinneadh so.

27 Am bheil thu creidsinn nam fàidh, a rìgh Agripa? tha fhios agam gu bheil thu 'g an creidsinn.

28 An sin thubhairt Agripa ri Pòl, Is beag nach 'eil thu 'gam aomadh gu bhi'm Chriosduidh.

29 Agus thubhairt Pòl, B'e mo ghuidhe air Dia, gu'm biodh cha'n e mha'n thusa, ach mar an ceudna iadsan uile a tha 'g éisdeachd rium an diugh, ann am beag agus am mòr, mar a ta mise, saor o na geimhlibh so.

30 Agus air dha na briathra so a labhairt, dh'éirich an rìgh, agus an t-uachdaran, agus Bernice, agus an dream a shuidh maille riu.

31 Agus air dol a leth-taobh dhoibh, labhair iad r'a chéile, ag ràdh, Cha 'n'eil an duine so a' deanamh ni air bith toillteann-ach air bàs, no air geimhlibh.

32 An sin thubhairt Agripa ri Festus, Dh'fheudta an duine so a leigeadh as, mur bhiodh gu'n do thog e a chuis gu Ceasar.

## CAIB. XXVII.

1 Tha Pòl a' gabhail luinge do'n Ròimh, 19 ag innscadh roimh-làimh cunnairt an turais, ach cha 'n'eilear a' toirt creideis da. 14 Tha iad air an séideadh chuige agus uaith le stoirm, agus a' fulang long-bhrisidh; 44 gidheadh tha iad a' teachd air tìr gu tèaruinte.

**A**GUS an uair a thugadh breth sinne a sheòladh do'n Eadailt, thug iad Pòl thairis maille ri prìosunaich àraidh eile, do cheannard-ceud d'am b'ainm Iulius, do chuideachd Augustuis.

2 Agus air dhuinn dol air luing le Adramitium, thog sinn ar seòil, a' cur romhainn seòladh seachad air crìochaibh na h-Asia, air do Aristarchus Macedonach o Thesalonica bhi maille ruinn.

3 Agus air an là màireach, thainig sinn gu Sidon. Agus air do Iulius buntainn gu suaicre<sup>7</sup> ri Pòl, leig e dha dol a dh'ionnsuidh a chàirde chum comhfhurtachd fhaotainn.

4 Agus air dhuinn stiùradh as sin, sheòl sinn fuidh Chiprus, a chionn gu robh na gaotha<sup>8</sup> 'nar aghaidh.

5 Agus air seòladh dhuinn tre'n fhairge ta làimh ri Cilicia agus Pamphilia, thainig sinn gu Mira cathair<sup>9</sup> do Licia.

6 Agus fhuair an ceannard-ceud long an sin o Alesandria, a bha seòladh do'n Eadailt, agus chuir e sinn a steach innte.

<sup>1</sup> gu beum a thabhairt do ainm Iosa.

<sup>2</sup> ughdarras, comas. <sup>3</sup> agus gu'n tionndadh.

<sup>4</sup> cubhaidh do aithreachas, gairidh air aithreachas.

<sup>5</sup> lùmh a chur annam. <sup>6</sup> air a' chuthach,

<sup>7</sup> cavihneil, <sup>8</sup> an soirbheas, <sup>9</sup> baile.



7 Agus an uair a sheòl sinn gu mall rè mòrain do làithibh, agus a thàinig sinn air éigin fa chomhair Chnìduis, a chionn nach do leig a' ghaoth leinn, sheòl sinn fuidh Chrete, fa chomhair Shalmone:

8 Agus air dhuinn seòladh air éigin seachad air, thàinig sinn gu ionad àraidh d'an goirear, Na Calaidh sgiamhach, am fagus d'an robh baile Lasea.

9 Agus air do mhòran ùine dol seachad, 'nuair a bha seòladaireachd a nis cunnartach, a chionn gu'n deachaidh an trosgadh<sup>1</sup> cheana seachad, chomhairlich Pòl iad.

10 Ag ràdh riu, Fheara, tha mi faicinn gu'm bi an t-seòladaireachd so le dochann agus call mòr, cha'n e mhàin do'n luchd agus do'n luing, ach d'ar n-anamaibh fein.

11 Gidheadh, is mò chreid an ceannard-ceud an seòladair agus maighstir na luinge, na na nithe a labhradh le Pòl.

12 Agus a chionn gu'n robh an cala neo-ionchuidh gus an geamhradh a chaitheadh ann, b'i comhairle na cuid bu mhò seòladh as sin mar an ceudna, agus nam feudadh iad air chor sam bith teachd gu Phenice, cala do Chrete a ta 'g amharc chum an iardheas, agus an iar-thuath, agus fantuinn rè a' gheamhradh an sin.

13 Agus an uair a shéid a' ghaoth a deas gu ciuin, shaoil iad gu d'fhuair iad an rùn, agus ag togail an seòl dhoibh, stiuir iad ri taobh Chrete.

14 Ach an ccann beagain 'na dhéigh sin, shéid gaoth stoirmeil<sup>2</sup> 'na h-aghaidh<sup>3</sup>, d'an goirear Euroclidon.

15 Agus air bhi do'n luing air a fuadachadh, agus gun chomas di dol an aghaidh na gaoithe, leig sinn ruith dh'i.

16 Agus air dhuinn ruith a stigh fuidh eilean beag àraidh d'am b'ainm Clauda, is ann le éigin a ràinig sinn air a' bhàta:

17 Agus air dhoibh a thogail suas, ghnàthaich iad gach gleus còmhnaidh, a' criosadh na luinge fuipe; agus air dhoibh bhi fa eagal gu'n tuiteadh iad sa' bheoghaineamh, leig iad an seòil sìos, agus mar sin dh'iomaineadh iad.

18 Agus air dhuinne bhi gu ro mhòr air ar luasgadh<sup>4</sup> leis an stoirm, air an là 'na dhéigh sin thilg iad a mach an luchd;

19 Agus air an treas la thilg sinn le'r làmhaibh féin a mach acfuinn na luinge.

20 Agus an uair nach robh a' ghrian no na reulta r'am faicinn rè mòrain do làithibh, agus a luidh stoirm nach bu bheag oirnn, thugadh an sin uainn gach uile dhòchas gu teasairteadh sinn.

21 Ach air dhuinn bhi fada 'nar tross, an sin air seasamh do Phol 'nam meadhon, thubhairt e, Fheara, bu chòir dhuibh mo chomhairlese ghabhail, agus gun fhuas-

gladh o Chrete, agus an dochann agus an call so a sheachnadh.

22 Agus a nis guidheam oirbh, biodh misneach mhaith agaibh: oir cha bhi call anama sam bith 'nar measg, ach a mhàin na luinge.

23 Oir air an oidhche nochd sheas làimh riumsa aingeal an Dé sin, d'am buin mi, agus d'an deanam seirbhis,

24 Ag ràdh, A Phòil, na biodh eagal ort; is éigin duit bhi air do thoirt an làthair Cheasair: agus feuch, thiodhlaic<sup>5</sup> Dia dhuit iadsan uile a ta seòladh maille riut.

25 Uime sin, fheara, biodh agaibh deadh mhisneach: oir a ta mi creidsinn Dhé, gu'n tachair ceart nìar a labhradh rium.

26 Ach is éigin duinn bhi air ar tilgeadh air eilean àraidh.

27 Agus an uair a bha an ceathramh oidhche deug air teachd, air dhuinne bhi air ar séideadh chuige agus uaith ann an cum Adria, mu mhcadhon-oidhche b'i barail nam maraichean gu robh iad am fagus do thìr éigin:

28 Agus air leigeadh na luaidhe sìos doibh,<sup>6</sup> fhuair iad an doimhne fichead aith-eamh: agus an uair a chaidh iad beagan air an aghaidh, leig iad sìos an luaidh a ris, agus fhuair iad i 'na cùig aitheamh deug.

29 An sin air bhi dhoibh fa eagal gu'm buaileadh iad air ionadaibh garbha, thilg iad ceithir acraichean a deireadh na luinge, agus ghuidh iad an là a theachd.

30 Agus an uair a bha na maraichean air tì' teicheadh a mach as an luing, agus a leig iad sìos am bàta do'n fhairge, a gabhail orra bhi tilgeadh a mach acraichean a toiseach na luinge,

31 Thubhairt Pòl ris a' cheannard-ceud, agus ris na saighdearaibh, Mur fàn iad sin san luing, cha 'nèil e'n comas duibh bhi air bhur teasairginn.

32 An sinn ghearr na saighdcaran cuird a' bhàtaidh, agus leig iad leis tuiteam sìos.

33 Agus am feadh a bha an là a' teachd, thug Pòl a chomhairl' orra uile biadh a ghabhail, ag ràdh, Is e so an ceathramh là deug dhuibh a' feitheamh, agus a' fantuinn 'nar tross, gun bhiadh sam bith a ghabhail.

34 Uime sin guidheam oirbh biadh a ghabhail: oir a ta so chum bhur slàinte: oir cha chaillear<sup>7</sup> foiltean a ceann a h-aon agaibh.

35 Agus air dha na nithe so labhairt, agus aran a ghlacadh, thug e buidheachas do Dhia 'nan làthair uile, agus air dha a bhriseadh, thòisich e ri itheadh.

36 An sin ghlac iad uile misneach chuca, agus ghabh iadsan biadh mar an ceudna.

37 Agus bha sinn a dh'anamaibh uile anns an luing, dà cheud agus sea deug agus tri fichead.

<sup>1</sup> trasgadh. <sup>2</sup> anrathach. <sup>3</sup> 'nar n-aghaidh.  
<sup>4</sup> séideadh o thonn gu tonn. <sup>5</sup> dheanadh.

<sup>6</sup> grunnachadh dhoibh, <sup>7</sup> fonn. <sup>8</sup> tuit.

38 Agus an uair a shàsuicheadh iad le biadh, dh'èutromaich iad an long, agus thilg iad a mach an cruineachd san fhairge.

39 Agus an uair a bha'n là air teachd, cha d'aithnich iad am fearann: ach thug iad an aire do chamus<sup>1</sup> àraidh aig an robh tràigh, anns an robh mhianm orra, nam b'urraim iad, an long a chur gu tìr.

40 Agus air togail nan acraichean doibh, leig iad ris an fhairge i, agus an uair a dh'fhuasgail iad ceanglaichean na stiùire, agus a thog iad am prìomh sheòl<sup>2</sup> ris a' ghaoith, sheòl iad chum na tràighe.

41 Agus air tuiteam dhoibh ann an ionad àraidh far an do choinnich dà fhairge a chèile, bhuail iad an long air grund; agus air sàthadh d'a toiseach sa' ghrund, dh'fhan e gun charachadh, ach bhriseadh a deireadh le ainneart nan tonn.

42 Agus b'i comhairle nan saighdear gu marbhadh iad na prìosunaich, air eagal gu'n snàmhadh neach sam bith dhiubh a mach, agus gu rachadh iad as.

43 Ach air bhì do'n cheannard-ceud toil-each Pòl a theasairginn, chum e air ais o'n comhairle iad, agus dh'àithn e dhoibhsan d'am b'aithne snàmh iad fèin a thilgeadh sa' chuan air tùs, agus dol a mach air tìr:

44 Agus do chàch dh'àithn e, cuid diubh dhol air clàraibh, agus cuid-eile air miribh briste do'n luig: agus mar sin tharladh gu'n dcachaidh iad uile tearuinte gu tìr.

## CAIB. XXVIII.

1 An déigh an long-bhrisidh thug an sluagh borb aoidheachd gu suairce do Phòl. 5 Cha do chiùrradh a làmh le nathair nimhe a lean rithe. 8 Tha e a' slànuchadh mòraim eucaile san eilean. 11 Tha iad a' gabhail an turuis chum na Ròimhe, &c.

**A**GUS an uair a thearnadh iad, thuig iad an sin gu'm b'e Melita ainm an eilein.

2 Agus nochd an sluagh borb caomhneas nach bu bheag dhuinn: oir air fadadh teine dhoibh, ghabh iad ruinn uile, air son an uisge a bha ann, agus air son an fhuachd.

3 Agus air do Phòl dorlach bhioran a thional, agus an cur air teine, thainig nathair nimhe mach as an teas, agus shàs i 'na làimh.

4 Agus an uair a chunnaic an sluagh borb a' bhéisd an crochadh r'a làimh, thubhairt iad r'a chèile, Gu cinnteach is mortair an duine so, da nach fuiling dioghaltas bhì beo, ge do theasairgeadh o'n fhairge e.

5 Agus air dhasan a' bhéisd a chrathadh dheth anns an teine, cha d'fhulaing e dochann sam bith.

6 Ach bha iadsan a' feitheamh c'uin a dh'atadh e, no a thuiteadh e sìos marbh gu h-obann: ach an uair a dh'fheith iad ùine fhada, agus nach fac iad dochann sam bith a' teachd air, air caochladh an inntinn dhoibh, thubhairt iad gur Dia e.

7 Agus bha mu thimchioll an àite sin fearann aig prìomh dhuine an eilein, d'am b'ainm Publius, a ghabh ruinne agus a thug rè thri làithean aoidheachd dhuinn gu càir-deil.

8 Agus tharladh gu robh athair Phubliuis 'na luidhe gu tinn le fiabhras<sup>3</sup>, agus gearr-thach fola: air do Phòl dol a steach d'a ionnsuidh, rinn e ùrnuigh, agus air dha a làmhan a chur air, leighis se e.

9 Agus an uair a rinneadh so, thainig mar an ceudna muinntir eile a bha euslan san eilean d'a ionnsuidh, agus leighiseadh iad:

10 Muinntir mar an ceudna a thug mòr urram dhuinn; agus ag falbh dhuinn, chuir iad na nithe sin leinn a bha feumail dhuinn.

11 Agus an déigh thri mìosa sheòl sinn ann an luing o Alecsandria, a chaith an geamhradh san eilean, d'am bu shuaitheantas Castor agus Pollus.

12 Agus air teachd tìr dhuinn aig Siracusc, dh'fhan sinn an sin tri làithean.

13 Agus air seòladh dhuinn timchioll as sin, thainig sinn gu Rhegium: agus an ceann latha 'na dheigh sin shéid a' ghaoth a deas, agus thainig sinn an t-ath là gu Puteoli:

14 Air dhuinn bràithrean fhaotainn an sin, chuireadh impidh oirnn leo fantuinn seachd làithean maille riu: agus mar sin thriall sinn chum na Ròimhe.

15 Agus as sin, air faotainn ar sgéil do na bràithribh, thainig iad 'nar coinneamh gu Appii-forum, agus na Tri tighibh-òsda; agus an uair a chunnaic Pòl iad, thug e buidheachas do Dhia, agus ghabh e misneach.

16 Agus an uair a thainig sinn do'n Ròimh, thug an ceannard-ceud thairis na prìosunaich do cheannard an fhreiceadain: ach thugadh comas do Phòl a bhì leis fèin<sup>4</sup> maille ri aon saighdear a bha 'ga ghleidheadh.

17 Agus tharladh, an déigh thri làithean, gu'n do ghairm Pòl maithean<sup>5</sup> nan Iudhach an ceann a chèile. Agus an uair a chruinnichadh iad, thubhairt e riu, Fheara agus a bhràithre, ge nach d'rinn mise ni sam bith an aghaidh a' phobuill no ghnàthanna nan aithriche, thugadh thairis mi a'm' phrìosunach o Hierusalem do làmhaibh nan Romhanach.

18 Muinntir an déigh dhoibh mo cheasnachadh, leis am bu mhiann mo leigeadh as, a chionn nach robh coire bàis sam bith annam.

19 Ach an uair a bha na h-Iudhaich a' labhairt an aghaidh so, b'éigin domh mo chùis a thogail gu Ceasar; cha'n e gu bheil coire sam bith agam r'a chur a leth mo chinnich.

20 Air an aobhar so uime sin chuir mi

<sup>1</sup> ùibh, gheodha. <sup>2</sup> an seòl mòr. <sup>3</sup> teagach.

<sup>4</sup> far am bu toil leis. <sup>5</sup> uigilean, prìomh dhaoine.



fios oirbhse, chum gu faicinn sibh, agus gu'n labhrainn *ribh*: oir is ann air son dòchais Israeil a ta mi ceangailte leis an t-slabh-raidh so.

21 Agus thubhairt iadsan ris, Cha d'fhuair sinne litriche sam bith a Iudea nu d' thimchioll, cha mhò a dh'fhoillsich no dh'innis a h-aon do na bràithribh a thainig, ole sam bith umad.

22 Ach bu mhaith leinn a chluinntinn uaitse ciod i do bharail: oir mu thimchioll na gnè-chreidimh so, tha fhios againn gu'n labhrar sgach àit 'na h-aghaidh.

23 Agus air suidheachadh là ris, thainig mòran d'a ionnsuidh chum a cheithreanna; d'an do mhinic e rioghachd Dhé, a' deanamh fianuis uimpe, agus a' cur impidh orra thaobh nan nithe a bhuineas do Iosa, araon a lagh Mhaois, agus as na fàidhibh, o mhoch-thrath gu feasgar.

24 Agus chreid cuid na nithe a labhradh, agus cha do chreid cuid eile dhiubh.

25 Agus air dhoibh bhì an aghaidh a chèile, sgaoil iad, air do Phòl aon fhocal a ràdh, Is maith a labhair an Spiorad naomh tre'n fhàidh Esaias, ra'r n-aithrichibh,

26 Ag ràdh, Imich chum a' phobuill so, agus abair, Le cluinntinn cluinidh sibh, agus cha tuig sibh; agus le faicinn chi sibh, agus cha'n aithnich sibh<sup>1</sup>.

27 Oir a ta cridhe a' phobuill so air fàs reamhar, agus tha iad a' cluinntinn gu trom<sup>2</sup> le'n cluasaibh, agus chaog<sup>3</sup> iad an sùilean; air eagal gu faiceadh iad le'n cluasaibh, agus gu'n tuigeadh iad le'n cridhe, agus gu'm pilleadh iad, agus gu'n slànuich-inns' iad.

28 Uime sin biodh fhios agaibhse, gu'n do chuireadh slàinte Dhé chum nan Cinn-each, agus éisdidh iadsan.

29 Agus an uair thubhairt e na briathra so, dh'innich na h-Iudhaich rompa, agus bha mòr reusonachadh<sup>4</sup> aca eatorra féin.

30 Agus dh'fhan Pòl dà bhliadhna iomlan 'na thigh-màil<sup>5</sup> féin, agus ghabh e ris na h-uile dhaoinibh a thainig, d'a ionnsuidh,

31 A' searmonachadh rioghachd Dhé, agus a' teagasg nan nithe a bhuineas do'n Tighearn Iosa Crìosd, leis an uile dhànachd, gun toirmeasg.

## LITIR AN ABSTOIL PHOIL CHUM NAN ROMHANACH.

### CAIB. I.

1 Tha Pòl a' moladh a dhreuchd do na Romh-anachaibh, agus ag innseadh a thograidh gu teachd d'an ionnsuidh. 16 Ciod e soisgeul Chrìosd, agus an fhìreantachd a ta e a' foillseachadh. 18 Tha fearg aig Dia ris gach uile ghnè peacaidh. 21 Ciod iad peacanna nan Cinneach.

**P**OL seirbhiseach Iosa Crìosd, a ghairmeadh 'na abstol a chuireadh air leth<sup>6</sup> chum Soisgeil Dè,

2 (A roimh-gheall e le fhàidhibh féin anns na scriobtuiribh naomha.)

3 Mu thimchioll a Mhìe Iosa Crìosd ar Tighearna, a rinneadh do shìol Dhaibhidh, a réir na feòla.

4 A dhearbhadh<sup>7</sup> bhi 'na Mhac do Dhia le cumhachd, a réir Spioraid na naomhachd, trid aiseirigh o na marbhaibh:

5 Tre an d'fhuair sinne gràs agus abstolachd chum umhlachd a' chreidimh am measg nan uile chinneach air sgàth ainme-san:

6 Am measg am bhéil sibhse mar an ceudna air bhuir gairm le Iosa Crìosd.

7 Chum nan uile a ta san Ròimh, air an gràdhachadh le Dia, air an gairm 'nan naomh: Gràs gu robh dhuibhse, agus sìoth-

chaint o Dhia ar n-Athair, agus o'n Tighearn Iosa Crìosd.

8 Air tùs, tha mi toirt buidheachais do m' Dhia trid Iosa Crìosd, air bhuir sonsa uile, do bhrìgh gu bheil bhuir creidimh iomraideach air feadh an domhain uile.

9 Oir is e Dia m'fhianuis, d'am bheil mi a' deanamh seirbhis le m' spiorad ann an soisgeul a Mhìe, gu bheil mi gun sgur a' deanamh iomraidh oirbh,

10 A ghnàth a' guidhe ann am ùrnuighibh (nam feudainn a nis fa-dheoidh air aon chor le toil Dé turus soirbheasach fhaotainn) ri teachd d'ar ionnsuidhse.

11 Oir a ta deidh<sup>8</sup> agam air sibhse fhaicinn, ionnas gu pàirtich mi tiodhlacadh àraidh spioradail ribh, chum bhur neartachadh;

12 Sin ri ràdh, chum gu faigh mi comh-fhurtachd annaibhse<sup>9</sup>, trid chreidimh a chèile, bhuir creidimhse, agus mo chreidimhse.

13 Agus cha'n àill leam, a bhràithre, e bhì'n ain-fhios duibhse gu'n do chuir mi romham gu minic teachd d'ar n-ionnsuidh; (ach bhacadh mi gus a so) chum gu faighinn toradh éigin 'nar measgsa fòs, mar am measg nan Cinneach eile.

14 Oir a ta mi fuidh fhiachaibh faraon

<sup>1</sup> cha léir dhuibh.

<sup>2</sup> mall.

<sup>3</sup> dhruid.

<sup>4</sup> dheasboireuchd.

<sup>5</sup> reidh.

<sup>6</sup> sgaradh.

<sup>7</sup> dh'orduicheadh.

<sup>8</sup> togradh.

<sup>9</sup> maraon ribhse.

do na Greugachaibh, agus do na daoineibh borba, araon dhoibhsan a ta glic, agus dhoibhsan a ta neo-ghlic.

15 Uime sin, mheud 's a ta 'n comas domh, tha mi ullamh chum an soisgeul a shearmonachadh dhuibhse mar an ceudna a ta san Ròimh.

16 Oir cha nàr leamsa soisgeul Chrìosd: oir is e cumhachd Dhé e chum slàinte, do gach neach a chreideas, do'n Iudhach air tús, agus mar an ceudna do'n Ghreugach.

17 Oir a ta fireantachd Dhé air a' foillseachadh ann tre chreidimh gu creidimh: mar a ta e sgrìobhta, Bithidh am firean beo tre chreidinibh.

18 Oir a ta fearg Dhe air a foillseachadh o nèamh an aghaidh gach uile mhi-dhiadhuidheachd, agus eucoir dhaoine, a tha bacadh<sup>1</sup> na fìrinn ann an neo-fhìreantachd.

19 Do bhrìgh gu bheil an nì air am feudar fios fhaotainn a thaobh Dhé follaiseach anna-san<sup>2</sup>; oir rinn Dia follaiseach dhoibh e.

20 Oir *riamh* o chruthachadh an t-saoghail a ta a nithe-san nach feudar fhaicinn, *eadhon* a chumhachd sìorruidh agus a Dhiadhachd, air am faicinn gu soilleir, air dhoibh bhì so-thuigsinn o na nithibh a rinn-eachd; chum gu biodh<sup>3</sup> iad gun leith-sgeul aca:

21 Do bhrìgh 'nuair a b'aithe dhoibh Dia, nach d'thug iad glòir dha mar Dhia, agus nach robh iad taingeil, ach gu'n d'fhàs iad dìomhain 'nan reusnachadh fèin, agus gu'n do dhorchaidheadh an cridhe amaid-each.

22 Ag ràdh gur daoine glice iad fèin, rinneadh amadain diubh:

23 Agus chaochail<sup>4</sup> iad glòir an Dé neo-thruaillidh gu dealbh a rinneadh cosmhuil ri duine truaillidh, agus eumlaith, agus ainmhidhibh ceithir-chosach, agus bhéisdibh snàigeach.

24 Uime sin thug Dia thairis iad mar an ceudna, tre anamhiannaibh an cridhe fèin, chum neo-ghloine, a thoirt easurraim d'an corpaibh fèin eatorra fèin:

25 Muinntir a chaochail fìrinn Dé gu bréig, agus a thug aoradh agus a rinn seirbhìs do'n chreutair nì's mò na do'n Chruith-ea, a ta beannuichte gu sìorruidh. Amen.

26 Air a shon so thug Dia thairis iad do ana-mhiannaibh gràineile: oir chaochail eadhon am mnàin an gnàthachadh nàdurra chum a' ghnàtha, a ta'n aghaidh nàdurra.

27 Agus mar an ceudna na fir, air tréigsinn doibh gnàthachadh nàdurra na mnà, loisgeadh iad le'n togradh d'a chèile, fìrionnach ri fìrionnach ag oibreachadh gràineileachd<sup>5</sup> agus iad a' faotainn dìol-thuarasdail an seacharain anna fèin, mar bu chòir.

28 Agus amhuil mar nach bu taitneach leo eòlas Dé a chumail, thug Dia thairis iad do inntinn mhi-chéillidh, a dheanamh nithe nach robh iomchuidh:

29 Air dhoibh bhì air an lìonadh do'n uile eucoir, striopachas, olc, shannt, mhirun: làn do fharmaid, do mhortadh, do chonnachadh<sup>6</sup>, do cheilg, do dhroch-bheusaibh<sup>7</sup>; nan luchd-cogarsaich,

30 'Nan luchd-anacainnt<sup>8</sup>, 'nan luchd fuath air Dia, 'nan luchd tarcuais, uaibhreach, 'nan luchd ràiteachais<sup>9</sup>, 'nan luchd cumadh uile, eas-ùmhail do phàrantaibh,

31 Ea-céillidh, 'nan luchd-brisidh coimh-cheangail, gun ghràdh nàdurra, do-rèiteachaidh, neo-thruacanta:

32 Muinntir d'an aithne ceartas Dé, (gu bheil iadsan a nì an leithide sin do nithibh toillteannach air bàs) *gidheadh* nì h-e mhàin gu bheil iad fèin 'gan deanamh, ach a ta mar an ceudna tlachd aca do'n mhuinntir a nì iad.

## CAIB. II.

1 *Iadsan a ta peacachadh, ge do tha iad a' cronachadh so an daoineibh eile, cha'n urrainn iad an leith-sgeul fèin a ghabhail, 6 agus is mòr is lugha na sin a dh'fheadas iad dol as o cheart bhreitheanas Dé, ma's Iudhaich no Cinnich iad. 14 Cha 'nèil na Cinnich comasach air dol as, 17 no idir na h-Iudhaich, 25 do nach 'eil feum san timchioll-ghearradh, mur coimhid iad an lagh.*

**U**IME sin a ta thu gun leith-sgeul, O a dhuine, cia air bith thu a tha toirt breth: oir an uair a tha thu toirt breth air neach eile, tha thu ga d' dhèitadh fèin; oir thusa a ta toirt breth, tha thu deanamh nan nithe sin fèin.

2 Ach a ta fios againne gu bheil breitheanas Dé a réir fìrinn, an aghaidh na muinntir a tha deanamh an leithide sin.

3 Agus an saoil thusa so, O a dhuine, a tha toirt breth orra-san a nì an leithide sin, agus a ta 'gan deanamh thu fèin, gu'n d'fhéid thu as o bhreitheanas Dé?

4 No'n dean thu tarcuais air saibhreas a mhaithais, agus fhoighidin agus fhad-fhulangais, gun fhios bhì agad gu bheil maith-eas Dé ga d' threòrachadh chum aithreachais?

5 Ach a réir do chruais agus do chridhe neo-aithreachail, a ta thu càrnadh<sup>10</sup> suas feirge dhuit fèin fa chomhair là na feirge, agus foillseachaidh ceart bhreitheanas Dé;

6 A bheir do gach aon a réir a ghnìomhara;

7 Dhoibhsan a ta le buanachadh gu foighidneach ann an deadh obair, ag iarraidh glòire, agus onoir, agus neo-bhàsmhorachd, a' bheatha mhaireannach:

8 Ach dhoibhsan a ta conspoideach, agus

<sup>1</sup> cumail. <sup>2</sup> nam measg. <sup>3</sup> ionnas gu bheil.  
<sup>4</sup> dh'atharraich. <sup>5</sup> an nì sin a ta mi-chiatach.  
<sup>6</sup> chomhstri. <sup>7</sup> anamèineachd, eascaineachd.

<sup>8</sup> 'Nan luchd cùl-chàineadh. <sup>9</sup> bdstail.  
<sup>10</sup> tasgaidh.



nach 'eil ùmhail do'n fhìrinn, ach a ta ùmhail do'n eucoir, diom agus fearg;

9 Amhghar agus teanntachd air gach anam duine a ta deanamh uile, do'n Iudhach air tùs, agus mar an ceudna do'n Ghreugach.

10 Ach glòir, agus onoir, agus sìth, do gach duine a ni maith, do'n Iudhach air tùs, agus do'n Ghreugach mar an ceudna:

11 Oir cha 'n'eil spéis aig Dia do phearsa seach a chéile.

12 Oir a mheud 'sa pheacaich gun an lagh, sgriosar iad gun an lagh: agus a mheud 's a pheacaich fuidh 'n lagh, dìtear iad leis an lagh:

13 (Oir cha'n iad luchd-éisdeachd an lagha a ta 'nam fireanaibh am fianuis Dé, ach bithidh luchd-deanamh an lagha air am fireanachadh<sup>1</sup>.)

14 Oir an uair a ta na Cinnich aig nach 'eil lagh, a thaobh nàduir a' deanamh nan nithe a ta san lagh, air dhoibhsan a bhi gun lagh tha iad 'nan lagh dhoibh féin:

15 Muinntir a ta nochdadh obair an lagha scribedh 'nan cridheachaibh, air bhi d'an coguis a' deanamh fianuis leo, agus an smuaintean eatorra féin 'gan agairt, no a' gabhail an leithsgeil.)

16 San là anns an tabhair Dia breth air nithibh uaigneach dhaoine, a réir mo shoisgeilse, tríd Iosa Criosd.

17 Feuch, goirear Iudhach dhiotsa, agus tha thu cur dòigh san lagh, agus a' deanamh uail a Dia;

18 Agus is aithne dhuit a thoil, agus a ta thu a' dearbhadh nan nithe<sup>2</sup> a's fearr, air dhuit bhi air do theagasg as an lagh,

19 Agus a ta thu dòchasach gur ceannuil<sup>3</sup> thu féin do na dallailbh, solus dhoibhsan a ta an dorchadas,

20 Fear-fòghluim do dhaoineibh, neo-eagnaidh, fear-teagaisg do leanabaibh, aig am bheil samhladh an eolais agus na fìrinn a ta san lagh.

21 Thusa uime sin a ta teagasg neach eile, nach 'eil thu ga d' theagasg féin? thusa a ta searmonachadh gun ghoid a dheanamh, am bheil thu ri goid?

22 Thusa a deir gun adhaltrannas a dheanamh, am bheil thu deanamh adhaltrannais? thusa le'n gràin iòdhola<sup>4</sup>, am bheil thu ri naomh-ghoid?

23 Thusa a ta deanamh uail as an lagh, an tabhair thu, le briseadh an lagha, easurram do Dhia?

24 Oir a ta ainm Dhé a' faotainn toibheim d'ar taobhsa am measg nan Cinneach, mar a ta e scribedh.

25 Oir a ta tairbhe gu fìrinneach anns an timchioll-ghearradh, ma ghlèidheas tu an lagh: ach ma's fear-brisidh an lagha

thu, tha do thimchioll-ghearradh na neo-thimchioll-ghearradh dhuit.

26 Uime sin, ma ghlèidheas an neo-thimchioll-ghearradh<sup>5</sup> fireantachd an lagha, nach measar a neo-thimchioll-ghearradhsan mar thimchioll-ghearradh?

27 Agus nach dìt an neo-thimchioll-ghearradh thaobh nàduir, a ta a' coimhlionadh an lagha, thusa a tha tre'n litir agus tre'n timchioll-ghearradh a'd' fhear-brisidh an lagha?

28 Oir cha'n Iudhach esan, a tha mar sin o'n leth muigh; agus cha 'n e sin an timchioll-ghearradh, a tha gu follaiseach san fheoil.

29 Ach is Iudhach esan, a tha mar sin san taobh a stigh<sup>6</sup>; agus is e sin an timchioll-ghearradh a tha sa' chridhe, agus san spiorad, cha'n ann san litir, aig am bheil a chliu, cha'n ann o dhaoineibh, ach o Dhia.

### CAIB. III.

1 Sochair nan Iudhach; 3 nach do chaill iad:

9 gidheadh a ta an lagh 'gam fàgail shios mar an ceudna thaobh peacaidh. 20 Uime sin cha 'n'eil seoil air bith air an saoradh tre'n lagh. 28 ach a ta na h-uile air an saoradh tríd creidimh a mhàin, 31 gidheadh cha 'n'eil an lagh air a chur gu neo-brigh.

**C**IOD e uime sin barrachd an Iudhaich? no ciod e tairbhe an timchioll-ghearraidh?

2 Is mòr sin air gach dòigh: air tùs, do bhrìgh gur ann riu-san a dh'earbadh briathra<sup>7</sup> Dhé.

3 Oir ciod e sin ge nach do chreid cuid? an dean am mi-chreidimhsan fìrinn Dhé gun éifeachd?

4 Nar leigeadh Dia: ach biodh Dia fìor, agus gach duine 'na bhreugoire; a réir mar a ta e scribedh, Chum gu bi thu ceart ann do bhriathraibh, agus gu'n tabhair thu buaidh 'nuair a bheirear breth ort.

5 Ach ma mholas ar n-eucoirne fireantachd Dhé, ciod a deir sinn? am bheil Dia eucorach a tha deanamh dìoghaltais? (labhran mar dhuine.)

6 Nar leigeadh Dia: no cionnus a bheir Dia breth air an t-saoghal?

7 Oir ma ta fìrinn Dhé tre mo bhréigse air a meudachadh chum a ghlòiresan; c'ar son a ta mise air mo dhiteadh mar pheacach?

8 Agus c'ar son nach dean sinn olc, chum gu'n d'thig maith as? (mar a labhrar gu toibheumach umainne, agus mar a deir cuid gu bheil sinn ag ràdh) muinntir a tha an dìteadh a réir ceartais.

9 Ciod uime sin? am bheil barrachd againne? cha 'n'eil air aon chor: oir dhearbha sinn roimhe gu bheil ar aon na h-Iudhaich agus na Cinnich uile fuidh pheacadh;

<sup>1</sup> air an saoradh, air an glanadh o chionta.

<sup>2</sup> a' gabhail tlachd do na nithibh.

<sup>3</sup> fear-seòlaidh.

<sup>4</sup> dealbhan.

<sup>5</sup> esan a tha neo-thimchioll-ghearrta.

<sup>6</sup> san ionad shòlaichte.

<sup>7</sup> oracula.

10 Mar a ta e scriobhta, Cha 'n'eil ion-racan ann, cha 'n'eil fiu a h-aon:

11 Cha 'n'eil neach ann a thuigeas, cha 'n'eil neach ann a tha 'g iarraidh Dhé.

12 Chlaon iad uile as an t-slighe, tha iad uile mi-tharbhach, cha 'n'eil neach a tha deanamh maith, cha 'n'eil fiu a h-aon.

13 Is uaigh fhosgailte an scòrnach; labhair iad cealg le'n teangaibh; tha nimh nan nathracha nimhe fuidh 'm bilibh:

14 Aig am bheil am beul làn do mhallachadh agus do sheirbhe.

15 Tha an cosa luath a dhòrtadh fola.

16 Tha léir-sgrios agus truaighe 'nan slighibh:

17 Agus slighe na sìth cha b'aithne dhoibh.

18 Cha 'n'eil eagal Dé fa chòmhair an sùl.

19 A nis tha fhios againn ge b'e nithe 'ta'n lagh a' labhairt, gur ann riu-san a ta fuidh 'n lagh a tha e 'gan labhairt: chum gu druidear gach uile bheul, agus gu'm bi an saoghal uile buailteach do dhìtheadh Dhé.

20 Uime sin cha bli feòil air bith air a fireanachadh<sup>1</sup>, 'na fhianuis-san, tre oibribh an lagha: oir is ann tre an lagh a ta eòlas peacaidh.

21 Ach a nis tha fireantachd Dhé air a foillseachadh as eugmhais an lagha, a' faotainn fianuis o'n lagh agus o na fàidhibh;

22 Eadhon fireantachd Dhé tre chreidimh Iosa Crìosd, do na h-uile, agus air na h-uile a chreideas; oir cha 'n'eil eadar-dhealachadh ann:

23 Oir pheacaich na h-uile, agus tha iad air teachd gearr<sup>2</sup> air glòir Dhé;

24 Air dhoibh bhì air am fireanachadh gu saor le a ghràs, tre an t-saorsa a ta ann an Iosa Crìosd:

25 Neach a shònraich Dia 'na iobairt-réitich, trid creidimh 'na fhuil, chum fireantachd fhoillseachadh le maithneas nam peacadh a chaidh seachad, tre fhad-fhuilangas Dé;

26 A dh'fhoillseachadh, deiream, fhìreantachdsan san àm a ta làthair; chum gu'm biodh e cothromach, agus gu'm fireanachaidh e an tì a chreideas ann an Iosa.

27 C'àit uime sin am bheil uail? Dhruideadh a mach i. Ciod e an lagh leis an do dhruideadh a mach i? an e lagh nan oibre? Nì h-c; ach tre lagh a' chreidimh.

28 Tha sinn uime sin a' meas gu bheil duine air fhìreanachadh tre chreidimh as eugmhais oibre an lagha.

29 An e Dia nan Iudhach a mhàin e? Nach e mar an ceudna Dia nan Cinneach? Gu deimhin nan Cinneach mar an ceudna:

30 Do bhrìgh gur aon Dia, a dh'fhìreanaicheas<sup>4</sup> an timchioll-ghearradh o chreid-

imh, agus an neo-thimchioll-ghearradh tre chreidimh.

31 Am bheil sinn uime sin a' cur an lagha an neo-brìgh tre'n chreidimh? Nar leigeadh Dia: ach a ta sinne a' ncartachadh<sup>5</sup> an lagha.

CAIB. IV.

1 Mheasadh creidimh Abraham dha mar fhìreantachd, 10 mun do thimchioll-ghearradh e. 13 Tre chreidimh a mhàin shealbhaich e fèin agus a shliochd an gealladh. 16 Is e Abraham athair nan uile dhaoine a ta creidsinn. 24 Bithidh ar creidimhne mar an ceudna air a mheas duinn mar fhìreantachd.

CIOD ma ta a deir sinn a fluair ar n-athair Abraham a réir na feòla?

2 Oir ma dh'fhìreanaicheadh Abraham le oibribh, tha aobhar uail aige, ach cha'n ann a thaobh Dhé.

3 Oir ciod a deir an scriobtuir? Chreid Abraham Dia, agus mheasadh sin da mar fhìreantachd.

4 A nis do'n tì a ni obair cha'n ann mar ghean-maith<sup>6</sup> a mheasar an tuarasdal, ach mar fhiachaibh.

5 Ach do'n tì nach dean obair, ach a ta creidsinn anns an tì a dh'fhìreanaicheas an duine mi-dhiadhaidh, measar a chreidimh mar fhìreantachd.

6 Ambuil mar a ta Daibhidh a' cur an céill beannachadh an duine sin, d'am meas Dia fireantachd as eugmhais oibre, ag ràdh;

7 Is beannuichte iadsan a fhuair maithneas 'nan euceirtibh, agus aig am bheil am peacaidh air am folach.

8 Is beannuichte an tì nach cuir an Tigh-earn peacadh as a leth.

9 Am bheil ma ta am beannachadh so teachd air an timchioll-ghearradh a mhàin, no mar an ceudna air an neo-thimchioll-ghearradh? Oir deireamaid gu'n do mheasadh creidimh do Abraham mar fhìreantachd.

10 Cionnas ma ta a mheasadh dha e? An ann an uair a bha e san timchioll-ghearradh, no san neo-thimchioll-ghearradh? Cha'n ann san timchioll-ghearradh, ach san neo-thimchioll-ghearradh.

11 Agus fhuair e comhar an timchioll-ghearradh, seula fireantachd a' chreidimh a bha aige san neo-thimchioll-ghearradh, chum gu'm biodh e 'na athair acasan uile a ta creidsinn san neo-thimchioll-ghearradh, chum gu measfadh fireantachd dhoibhsan mar an ceudna:

12 Agus 'na athair an timchioll-ghearradh dhoibhsan a ta nì a mhàin do'n timchioll-ghearradh, ach mar an ceudna a ta 'g imeachd ann an ceumaibh a' chreidimh sin ar n-Athar Abraham, a bha aige san neo thimchioll-ghearradh.

<sup>1</sup> ciontach am fianuis Dé.

<sup>2</sup> saoradh,

glanadh. <sup>3</sup> fa dheireadh, a dheidh-laimh,

<sup>4</sup> a shaoras, a ghairmeas glan.

<sup>5</sup> a' daingneuchadh.

<sup>6</sup> mar f'habhor.



13 Oir cha b'ann tre'n lagh a thugadh an gealladh do Abraham no d'a shìol, Gu'm biodh e 'na oighre air an t-saoghal, ach tre fhìreantachd a' chreidimh.

14 Oir ma ta iadsan a bhuineas do'n lagh 'nan oighreachaibh, tha creidimh air a dheanamh diomhain, agus an gealladh gun bhrìgh :

15 A chionn gu bheil an lagh ag oibreachadh feirge : oir far nach 'eil lagh, cha'n 'eil an sin briseadh lagha.

16 Uime sin is ann o chreidimh a ta 'n oighreachd, ionnas gu'm biodh i tre ghràs : chum gu'm biodh an gealladh daingean do'n t-sìol uile, ni h-ann a mhàin dhoibhsan a bhuineas do'n lagh, ach mar an ceudna dhoibhsan a bhuineas do chreidimh Abraham, neach is e ar n-athairne uile,

17 (A réir mar a ta e sriobhta, Dh'orduich mi thu a'd' athair mhòrain chinn-each) 'na làthairse anns an do chreid e, eadhon Dia, a ta beothachadh nam marbh, agus a ta gairm nan nithe sin nach 'eil idir ann mar gu'm biodh iad ann :

18 Ncach an aghaidh dòchais a chreid an dòchas, cluinn gu'm biodh e na athair mhòrain chinneach; a réir mar a dubhradh, Mar so bithidh do shliochd.

19 Agus air dha gun bhi anmhunn an creidimh, cha do chuir e an suim gu robh a chorp féin a nis marbh, air dha bhi timchioll ceud bliadhna dh'aois, no mairbhe bronn Shara.

20 Agus cha do chuir e an amharus gealladh Dhé le mi-chreidimh; ach bha e làidir an creidimh, a' tabhairt glòire do Dhia :

21 Agus bha làn-deimhin aige, an ti a thug an gealladh, gur comasach esan air a choimhlionadh.

22 Agus uime sin mheasadh so dhasan mar fhìreantachd.

23 A nis cha b'ann air a shonsan a mhàin a sriobhadh, gu'n do mheasadh so dha;

24 Ach air ar soinne mar an ceudna, d'am measar e, ma chreideas sinn annsan a thog suas Iosa ar Tighearn o na marbhaibh,

25 A thugadh thairis air son ar ciontaidh, agus a thogadh suas a ris air son ar fireanachaidh.

# CAIB V.

1 Air dhuinn bhi air ar saoradh o chionta peacaidh tre chreidimh, tha sìth againn maille ri Dia, agus gairdeachas an dòchas : 8 ann feadh gu'n d'fhuair sinn réite tre fhuil Chrìosd, 'nuair bu naimhde sinn, is mòr is mò na sin a shaorar sinn a nis air dhuinn an réite fhaotainn. 12 Mar a thainig peacadh agus bàs tre Adhamh, is mòr is mò na sin a tha fireantachd agus

beatha tre Iosa Chrìosd. 20 Far an robh peacadh mòr thug gràsa barrachd.

UIME sin air dhuinne bhi air ar fireanachadh<sup>1</sup> tre chreidimh, tha sìth againn ri Dia, trid ar Tighearn Iosa Chrìosd.

2 Tre'm bheil againn mar an ceudna slighe tre chreidimh chum a' ghràis so anns am bheil sinn 'nar seasamh, agus a ta sinn a' deanamh gairdeachais an dòchas<sup>2</sup> gloire Dhé.

3 Agus cha'n e so a mhàin, ach a ta sinn mar an ceudna a' deanamh uail ann an trioblaidibh, do bhrìgh gu bheil fios againn gu'n oibrich trioblaid<sup>3</sup> foighidin;

4 Agus foighidin, dearbhadh<sup>4</sup>; agus dearbhadh, dòchas :

5 Agus cha nàraich an dòchas, do bhrìgh gu bheil gràdh Dhé air a dhòrtadh a mach ann ar cridheachaibh, tre'n Spiorad naomh a thugadh dhuinne.

6 Oir air dhuinne bhi fathast gun neart, an àm iomchuidh bhàsaich Chrìosd air son nan daoine neo-dhiadhaidh.

7 Oir<sup>5</sup> is gann a dh'fhuilingeas duine bàs air son duine chothromaich; ach theagamh gu'm biodh aig neach eigin do mhisnich eadhon bàs fhuilang air son duine mhaith.

8 Ach a ta Dia a' moladh a ghràidh féin duinne, do bhrìgh an uair a bha sinn fathast 'nar peacachaibh gu'n d'fhuiling Chrìosd bàs air son.

9 Is mòr is mò uime sin, air dhuinn a nis bhi air ar fireanachadh tre fhuil, a shaorar<sup>6</sup> tridsan o fheirg sinn.

10 Oir ma 'se air bhi dhuinn 'nar naimhde, gu'n d'rinneadh réidh ri Dia sinn tre bhàs a Mhic; is mòr is mò air dhuinn bhi air ar deanamh réidh, a shaorar tre a bheatha sinn.

11 Agus ni h-e mhàin sin, ach a ta sinn a' deanamh gairdeachais an Dia, trid ar Tighearn Iosa Chrìosd, trid an d'fhuair sinn a nis an réite.

12 Uime sin mar a thainig peacadh a steach do'n t-saoghal tre aon duine, agus bàs tre'n pheacadh; mar sin mar an ceudna thainig bàs air na h-uile dhaoinibh, do bhrìgh gu'n do pheacaich iad uile.

13 Oir gus an lagh, bha peacadh anns an t-saoghal: ach cha chuirear peacadh a leth dhuine far nach 'eil lagh.

14 Gidheadh, rioghaich am peacadh o Adhamh gu Maois, eadhon air an dream nach do pheacaich a réir coslais easumhlachd Adhaimh, neach is e samhladh<sup>7</sup> an tiud a bha ri teachd :

15 Ach cha'n ann mar a' choire, a tha'n saor thiodhlac. Oir ma fhuair mòran bàs tre choire aoin, is mòr is mò na sin a tha gràs Dhé, agus an tiodhlac tre ghràs a ta

<sup>1</sup> saoradh, glanadh o chionta.

<sup>2</sup> eurbasa, dùil.

<sup>3</sup> àmhgar.

<sup>4</sup> fàdreachadh, fèin-fhiosrachadh.

<sup>5</sup> A nis.

<sup>6</sup> thearnar, shabhalair.

<sup>7</sup> samhhlachas, comh-choslas, dealbh.

trid aon duine, Iosa Criosd, pailte do mhòran.

16 Agus ni h-ann mar tre aon duine a pheacaich<sup>1</sup> mar sin a tha'n tabhartas: oir bha am breitheanas tre aon *choire*, chum dìtidh: ach a ta'n saor tabhartas o mhòran chiontaibh chum fireanachaidh.

17 Oir ma's e is tre choire aon duine, gu'n do rioghaich am bàs tre h-aon, is mòr is mò na sin a rioghaicheas iadsan, a gheibh pailteas gràis, agus tabhartais na fireantachd, ann am beatha tre aon, *eadhon* Iosa Criosd.

18 Uime sin mar trid aon chionta<sup>2</sup> a *thainig breitheanas* air na h-uile dhaoineibh chum dìtidh, is amhuil sin mar an ceudna trid aon fhìreantachd<sup>3</sup> *thainig an saor thiodhlac* air na h-uile dhaoineibh chum fìreanachaidh na beatha.

19 Oir mar trid eas-ùmhachd aon duine a rinneadh mòran 'nam peacachaibh, is amhuil sin trid ùmhachd aon duine a nith-ear moran 'nam fireanaibh.

20 Ach thainig an lagh a steach, chum gu meudaichte a' choire: ach far an do mheudaicheadh am peacadh, bu ro-mhò a a mheudaicheadh gràs.

21 Chum as mar a rioghaich am peacadh chum bàis, mar sin gu'n rioghaicheadh gràs tre fhìreantachd chum na beatha maireanaich, trid Iosa Criosd ar Tighearn.

## CAIB. VI.

1 *Cha'n fheud sinn ar beatha a chaitheadh am peacadh; oir a ta sinn marbh dha mar tha'm buisteadh a' dearbhadh.* 12 *Na biodh rioghaich aig a' pheacadh ni's mò,* 18 *do bhrìgh gu'n d'thug sinn fein thairis do sheirbhis na fireantachd,* 23 *agus a chionn gur e am bàs tuarasdail a' pheacaidh.*

**C**IOD ma ta a deir sinn? Am buanaich sinn am peacadh, chum gu meudaichear gràs?

2 Nar leigeadh Dia: cionnas a dh'fheudas sinne a ta marbh do'n pheacadh, ar beatha a chaitheadh ni's faide ann?

3 Nach 'eil fhios agaibh, a mheud againn is a bhaisteadh ann an Iosa Criosd, gu'n do bhaisteadh chum a bhàis sinn?

4 Air an aobhar sin dh'adhlaicheadh sinn maraon ris tre'n bhaisteadh chum bàis: ionnas mar a thogadh Criosd suas o na marbhaibh le glòir<sup>4</sup> an Athar, mar sin gu gluaiseamaidne mar an ceudna ann an nuadhachd beatha.

5 Oir ma chaidh ar suidheachadh maraon ann an coslas a bhàis, bithidh sinn mar an ceudna air ar suidheachadh ann an coslas aiseirigh.

6 Air fhios so a bhi againn, gu bheil ar seann duine air a cheusadh maraon ris, ionnas gu'm biodh corp a pheacaidh air a

sgrios, chum a so suas nach deanamaid seirbhis do'n pheacadh.

7 Oir an ti a fhuair bàs, rinneadh saor e o'n pheacadh.

8 A nis ma fhuair sinn bàs maraon ri Criosd, tha sinn a' creidsinn gu'm bi sinn beò maille ris mar an ceudna:

9 Air dhuinn fios a bhi againn air do Chriosd éirigh o na marbhaibh, nach bàsaich e ni's mò; cha 'n'eil tighearnas aig a' bhàs ni's mò air.

10 Oir a mheud gu'n d'fhuair e bàs, is ann do'n pheacadh a fhuair e bàs aon uair a mha'n: ach a mheud gu bheil e beo, is ann do Dhia a ta e beo.

11 Mar sin mar an ceudna measaibhse gu bheil sibh fein gu deimhin marbh do'n pheacadh, ach beo do Dhia trid Iosa Criosd ar Tighearna.

12 Air an aobhar sin na rioghaicheadh am peacadh ann bhur corp bàsmhor, air chor as gu'n d'thugadh sibh ùmhachd dha 'na anamhiannaibh.

13 Agus na tugaibh bhur buill 'nan armaibh eucorach do'n pheacadh; ach thugaibh sibh fein do Dhia, mar dhroing a ta beo o na marbhaibh, agus bhur buill 'nan armaibh fireantachd do Dhia.

14 Oir cha bhi aig a' pheacadh tighearnas oirbh: oir cha 'n'eil sibh fuidh 'n lagh, ach fuidh ghràs.

15 Cìod uime sin? am peacaich sinn, do bhrìgh nach 'eil sinn fuidh 'n lagh, ach fuidh ghràs? Nar leigeadh Dia.

16 Nach 'eil fhios agaibh, an ti d'an toir sibh sibh fein mar sheirbhisich chum ùmhachd, gur seirbhisich sibh do'n ti d'an dean sibh ùmhachd; ma's ann do'n pheacadh chum bàis, no do ùmhachd chum fireantachd.

17 Ach buidheachas do Dhia, an déigh dhuibh a bhi 'nar seirbhisich do'n pheacadh, gu'n d'thug sibh o bhur cridhe ùmhachd do'n chumadh teagaisg sin d'an d'thugadh sibh thairis<sup>5</sup>.

18 Air dhuibh ma ta bhi air bhur deanamh saor o'n pheacadh, rinn sibh seirbhis do'n fhìreantachd.

19 Tha mi labhairt mar dhuine, air son amhuinneachd bhur feòla-sa: oir mar a thug sibh bhur buill mar sheirbhisich do neo-ghloine, agus do euceart chum euceirt, amhuil sin a' nis thugaibh bhur buill mar sheirbhisich do'n fhìreantachd, chum naomhachd.

20 Oir an uair a bha sibh 'nar seirbhisich do'n pheacadh, bha sibh saor o'n fhìreantachd.

21 Air an aobhar sin cìod an toradh a bha agaibh an sin anns na nithibh sin, a ta nis a' cur nàire oirbh? oir is e crìoch nan nithe sin am bàs.

22 Ach a nis air dhuibh bhi saor o'n

<sup>1</sup> tre aon pheacadh. <sup>2</sup> trid chionta aon duine.

<sup>3</sup> trid fhìreantachd aoin. <sup>4</sup> cumhachd. <sup>5</sup> ris an do chomh-chumadh sibh, a thugadh dhuibh.



pheacadh, agus 'nar seirbhisich do Dhia, tha bhuir toradh agaibh chum naomhachd, agus a' chrìoch a' b'leatha mhaireannach.

23 Oir is e tuarasdal a' pheacaidh am bàs: ach is e saor thiodhlacadh<sup>1</sup> Dhé a' bhacatha mhaireannach, trid Iosa Crìosd ar Tighearna.

CAIB. VII.

1 *Cha 'n'eil aig an lagh cumhachd os ceann duine ni's faide na's beo e.* 4 *Ach tha sinne marbh do'n lagh.* 7 *Gidheadh cha 'n'eil an lagh 'na pheacadh,* 12 *Ach naomha, ceart, agus maith, &c.*

**N**AACH 'eil fhios agaibh, a bhràithre, (oir is ann rìusan d'an àithne an lagh a ta mi labhairt) gu bheil tighearnas aig an lagh air duine, am fad is beo e?

2 Oir a' bhean a ta pòsda ri fear, tha i ceangailte leis an lagh r'a fear am fad is beo e: ach ma gheibh a fear bàs, tha i fuasgailte o lagh a fir.

3. Uime sin am feadh is beo a fear, ma phòsar i ri fear eile, goircar ban-adhaltranach dhith: ach ma gheibh a fear bàs, tha i saor o'n lagh sin, air chor as nach ban-adhaltranach i, ge do robh i aig fear eile.

4 Air an aobhar sin, mo bhràithre, tha sibhse mar an ceudna marbh do'n lagh tre chorp Chrìosd; ionnas gu'm biodh sibh pòsda ri fear eile, eadhon ris-san a thogadh o na marbhaibh, chum gu'n tugamaid toradh a mach do Dhia.

5 Oir an uair a bha sinn san fheòil, bha miannan nam peacadh, tre'n lagh, ag oibreachadh ann ar ballaibh, chum toradh a thoirt a mach gu bàs.

6 Ach a nis tha sinn air ar deanamh saor o'n lagh, air dha sin a bhi marbh<sup>2</sup> leis 'na chumadh sinn; chum gu'n deanaid seirbhis ann an nuadhachd spioraid, agus *h-ann* an seanachd na litreach.

7 Ciod uime sin a deir sinn? am bheil an lagh 'na pheacadh? Nar leigeadh Dia. Ni h-eadh, cha b'aithe dhomh peacadh, ach tre'n lagh: oir cha bhiodh eòlas agam air sannt, mur abradh an lagh, Na sannt-uich<sup>3</sup>.

8 Ach air do'n pheacadh fàth<sup>4</sup> a ghlacadh, tre'n àithne dh'oibrich e annam gach uile ghné an-toigraidh: oir as eugmhais an lagha bha 'm peacadh marbh.

9 Oir bha mise beo as eugmhais an lagha uair-eigin: ach air teachd do'n àithne, dh'ath-bheothaich am peacadh, agus fhuair mise bàs.

10 Agus an àithne a dh'orduicheadh chum beatha, fhuaradh dhomhsa chum bàis i.

11 Oir air do'n pheacadh fàth a ghlacadh, tre'n àithne mheall e mi, agus le sin mharbh e mi.

12 Air an aobhar sin tha'n lagh naomha;

agus a ta' n àithne naomha, agus cothromach, agus maith.

13 Uime sin an d'rinneadh an ni sin a bha maith, 'na bhàs domhsa? Nar leigeadh Dia. Ach am peacadh, chum gu faicte<sup>5</sup> gur peacadh e, ag oibreachadh bàs annamsa, leis an ni sin a ta maith; chum tre'n àithne gu'm fasadh am peacadh ro pheacadh.

14 Oir a ta fhios againne gu bheil an lagh spioradail: ach a ta mise feòlmhor, air mo reiceadh fuaidh'n pheacadh.

15 Oir an ni a ta mi deanamh, cha taitneach leam e: oir an ni a b'àill leam, cha'n e a dheanam; ach an ni a's fuathach leam, is e sin a ta mise a' deanamh.

16 Uime sin ma ta mi deanamh an ni nach b'àill leam, tha mi 'g aontachadh leis an lagh, gu bheil e maith.

17 A nis ma ta cha mhise ni's mò a tha deanamh so, ach am peacadh a tha gabhail còmhnuidh annam.

18 Oir a ta fhios agam, annamsa (sin ri ràdh, ann am fheòil) nach 'eil maith sam bith a' gabhail còmhnuidh: oir tha'n toil a làthair maille rium, ach *doigh sam bith* chum maith a dheanamh ui faigheam.

19 Oir ni'n deanam am maith bu mhiann leam: ach an t-olc nach b'àill leam, is e sin a ta mi a' deanamh.

20 A nis ma ta mi a' deanamh an ni nach b'àill leam, cha mhise ni's mò a ta deanamh so, ach am peacadh a tha gabhail còmhnuidh annam.

21 Uime sin tha mi faotainn lagha, 'n uair a b'àill leam am maith a dheanamh, gu bheil an t-olc a làthair agam.

22 Oir a ta tlachd agam an lagh Dhé, a réir an duine an taobh a stigh.

23 Ach tha mi faicinn lagha eile a'm' bhallaibh a' cogadh an aghaidh lagha m'inntinn, agus ga m' thabhairt am bruid do lagh a' pheacaidh, a ta ann am bhallaibh.

24 Och is duine truagh mi! cò a shaoras mi o chorp a' bhàis so?

25 Tha mi toirt buidheachais do Dhia<sup>6</sup>, trid Iosa Crìosd ar Tighearna. Uime sin, tha mise féin leis an mntinn a' deanamh seirbhis do lagh Dhé, ach leis an fheòil do lagh a' pheacaidh.

CAIB. VIII.

1 *Tha iadsan a ta ann an Crìosd, agus a' caitheadh am beatha réir an Spioraid, saor o dhiteadh.* 5 *Ciod an cron a thig o'n fheòil,* 14 *agus ciod am maith a thig o'n Spiorad;* 17 *agus ciod e a bhi 'nar cloinn do Dhia;* 19 *droing aig am bheil, roimh na h-uile nithe, dèidh air an saorsa, &c.*

**A**IR an aobhar sin cha 'n'eil a nis dìteadh sam bith do'n dream sin a tha ann an Iosa Crìosd, a tha gluasad<sup>7</sup> ni h-ann a réir na feòla, ach a réir an Spioraid.

<sup>1</sup> ghibht. <sup>2</sup> air dhuinn bàsachadh san ni. <sup>3</sup> miannuich. <sup>4</sup> cothrom. <sup>5</sup> leigte ris.

<sup>6</sup> Ghràs Dhé. <sup>7</sup> a' siubhal, ag imeachd.

2 Oir shaor lagh Spioraid na beatha, ann an Iosa Crìosd, mise o lagh a' pheacaidh agus a' bhàis.

3 Oir an nì nach robh an comas d'onn lagh a dheanamh, do bhrìgh gu robh e annhunn tre'n fheòil, ag cur a' Mhic fèin do h'ia an coslas feòla peacaich, agus 'na sobairt air son peacaidh, dhìt e am peacadh san fheòil :

4 Chum gu'm biodh fìreantachd an lagha air a coimhlionadh annainne, a tha gluasad cha'n ann a rèir na feòla, ach a rèir an Spioraid.

5 Oir an dream a ta a rèir na feòla, tha an aire air na nithibh sin a bhuineas do'n fheòil; ach an dream a ta a rèir an Spioraid, air na nithibh sin a bhuineas do'n Spiorad.

6 Oir an inntinn fheòlmhor is bàs i; ach an inntinn spioradail is beatha agus sìoth-chaint i :

7 Do bhrìgh gur naimhdeas an inntinn fheòlmhor an aghaidh Dhé; oir cha 'nèil i ùmhail do lagh Dhé, is cha mhò a tha'n comas d'i bhì.

8 Uime sin cha'n urrainn iadsan a tha san fheòil Dia a thoileachadh.

9 Ach cha 'nèil sibhsen san fheòil, ach san Spiorad, ma tha Spiorad Dhé a' gabhail còmhnuidh annaibh. A nis mar 'èil Spiorad Crìosd aig neach, cha bhuin e dha.

10 Agus ma tha Crìosd annaibh, tha'n corp marbh gu deimhin a thaobh peacaidh; ach is beatha an spiorad a thaobh<sup>1</sup> fìreantachd.

11 Ach ma tha Spiorad an tì a thog Iosa o na marbhaibh, a' gabhail còmhnuidh annaibh, an tì a thog Crìosd o na marbhaibh, beathaichidh e mar an ceudna bhuir cuirp bhàsmhorsa, tre a Spioradsan a ta chòmhnuidh annaibh.

12 Uime sin, a bhràithre, tha sinn fa fhiachaibh, cha'n ann do'n fheòil, chum ar beatha a chaitheadh a rèir na feòla.

13 Oir ma chaitheas sibh bhuir beatha a rèir na feòla, gheibh sibh bàs: ach ma mharbhas sibh tre'n Spiorad gnìomhara na colla, bithidh sibh beo.

14 Oir a nìheadh 's a ta air an treòrachadh le Spiorad Dhé, is iad mic Dhé.

15 Oir cha d'fhuair sibh Spiorad na daorsa a ris chum eagail; ach fhuair sibh Spiorad na h-uchd-mhacachd, tre an glaoth<sup>2</sup> sinn, Abba, Athair.

16 Tha an Spiorad fèin a' deanamh fianuis maraon r'ar spioradne, gur sinn clann Dhé.

17 Agus ma's clann, is oighreachan; oighreachan air Dia, agus comh-oighreachan maille ri Crìosd: ma 'se 's gu'm fuiling sinn maille ris, chum gu glòraichear maraon ris sinn mar an ceudna.

18 Oir measam, nach fiu fulangais na

h-aimsir a ta làthair an coimhmeas ris a' ghloir a dh'fhoillsichear annainn.

19 Oir a ta dùil dhùrachdach a' chruthachaidh<sup>3</sup> a' feitheamh ri foillseachadh cloinne Dhé.

20 Oir chuireadh an cruthachadh fuidh dhìomhanas, cha'n ann le thoil, ach tridsan a chuir fuidh dhìomhanas e;

21 An dòchas gu'n saor an cruthachadh fèin fòs o dhaorsa na truailidheachd, gu saorsa glòrmhor cloinne Dhé.

22 Oir a ta fhios againne gu bheil an cruthachadh uile<sup>4</sup> 'g osnaich, agus am péin gu léir, mar mhnaoi ri saothair, gus an àm so:

23 Agus cha'n e so a mhàin, ach sinn fèin mar an ceudna, aig am bheil ceud thoradh an Spioraid, tha eadhon sinne ag osnaich annainn fèin, a' feitheamh ris an uchd-mhacachd, eadhon saorsa ar cuirp.

24 Oir is ann le dòchas a shaorair sinn: ach dòchas a chithear, cha dòchas e: oir c'ar son a bhios dòchas aig duine ris an nì a ta e faicinn?

25 Ach ma ta dòchas<sup>5</sup> againn ris an nì nach 'èil sinn a' faicinn, feithidh sinn gu foighidneach ris.

26 Tha an Spiorad fèin mar an ceudna a' deanamh còmhnaidh le'r n-annmhuinneachd: oir cha 'n aithne dhuinn cìod a ghuidheamaid mar bu chòir dhuinn: ach a ta an Spiorad fèin a' deanamh eadar-ghuidhe<sup>6</sup> air ar son le osnaibh do-labhairt.

27 Agus is aithne dhasan a ta raùnsachadh nan cridheachan cìod i inntinn an Spioraid, do bhrìgh gu bheil e a' deanamh eadar-ghuidhe air son nan naomh a rèir toil Dé.

28 Agus a ta fhios againn gu'n comh-oibrich na h-uile nithe chum maith, do'n dream aig am bheil gràdh do Dhia, eadhon dhoibhsan a ghairmeadh a rèir a rùin.

29 Oir an dream a roimh-aithnich e, roimh-orduich e iad mar an ceudna chum bhì comh-chosmuil ri dealbh a Mhic, chum gu'm biodh esan 'na cheud-ghin am measg mòrain bhràithre.

30 Agus an dream a roimh-orduich e, ghairm e iad mar an ceudna: agus an dream a ghairm e, dh'fhìreanaich e mar an ceudna: agus an dream a dh'fhìreanaich e, ghlòraich e mar an ceudna.

31 Cìod uime sin a deir sinn ris na nithibh sin? Ma ta Dia leinn, cò dh'fheudas bhì 'nar n-aghaidh?

32 An tì nach do chaomhain a Mhac fèin, ach a thug thairis e air ar soin-ne uile, cionnus maille ris-san nach tabhair e mar an ceudna dhuinn gu saor na h-uile nithe?

33 Cò chuireas coire sam bith a leth daoine taghta Dhé? 'Se Dia a dh'fhìreanaicheas<sup>7</sup>.

<sup>7</sup> a shaoras, a ghairmeas glan o chionta.

<sup>1</sup> trid, air sgàth. <sup>2</sup> èigh, gairm. <sup>3</sup> a' chreutair. <sup>4</sup> gach uile chreutair. <sup>5</sup> suil. <sup>6</sup> guidhe.



34 Cò a dhìteas? 'Se Crìosd a fhuair bàs, seadh tuilleadh fòs, a dh'èirich a ris, agus a ta air deas làimh Dhé, neach a ta mar an ceudna a' deanamh eadar-ghuidhe air ar soinne.

35 Cò sgaras' sinn o ghràdh Chrìosd? an dean trioblaid, no àmhghar, no geur-leannuinn, no gorta, no lònnochduigh, no cunnart, no claidheamh?

36 (A réir mar a ta e sgrìobhta, Air do shonsa mharbhadh sinn rè an là; mheasadh sinn mar chaoraich chum marbhadh.)

37 Nì h-eadh, ach anns na nithibh sin uile tha sin a' toirt tuilleadh agus buaidh, tridsan a ghràdhach sinn.

38 Oir a ta dearbh-theachd agam, nach bi bàs, no beatha, no àingil, no uachdaran-achda, no cumhachda, no nithe a ta làth-air, no nithe a ta ri teachd,

39 No àirde, no doimhne, no creutair sam bith eile, conasach air sinne a sgaradh o ghràdh Dhé a ta ann an Iosa Crìosd ar Tighearn.

# C A I B. IX.

1 Tha Pòl doilich air son nan Iudhach. 7 Cha b'iad sliochd Abraham uile clann a' gheallaidh. 18 Tha Dia a' deanamh tròc-  
air air an droing a's toil leis. 21 Feudaidh an cumadair an nì a's toil leis a dheanamh ris a' chriadh. 25 Tha gairm nan Cinneach, agus cur-air-cùl nan Iudhach air an roimh-innseadh, &c.

**A** DEIREAM an fhìrinn ann an Crìosd, A nìor dheanam breug, (air bhì do m' choguis a' deanamh fianuis domh san Spiorad naomh.)

2 Gu bheil doilgheas mòr orm, agus cràdh air mo chridhe an còmluaidh.

3 Oir ghuidhinn mi fèin a bhì dealaichte<sup>2</sup> o Chrìosd, air son mo bhràithre, mo luchd-dàimh a thaobh na feòla:

4 A ta 'nan Israelich; d'am buin an uchd-mhacachd agus a' ghlòir, agus na coimh-cheangail, agus tabhairt an lagha, agus seirbhis Dhé, agus na geallanna;

5 D'am buin na h-aithriche, agus o'm bheil Crìosd a thaobh na feòla, a ta 'na Dhia os ceann nan uile, beannuichte gu sìorruidh. Amen.

6 Cha'n e gu bheil focal Dé gun éifeachd. Oir cha'n Israelich iadsan uile a ta o Israel:

7 Agus nì mò do bhrìgh gur sliochd do Abraham iad, a ta iad uile 'nan cloinn: ach ann an Isaac ainnichear do shìol.

8 Is e sin ri ràdh, Cha'n iad clann na feòla clann Dhé: is iad clann a gheallaidh a mheasar mar shìol.

9 Oir is e so focal a' gheallaidh, A réir an àm so<sup>3</sup> thig mi, agus bithidh mac aig Sara.

10 Agus cha'n e mhàin so, ach Rebecca mar an ceudna 'nuair a thoircheadh i o aon, eadhon Isaac ar n-athairne.

11 (Oir mun do rugadh na naoidheana, agus mun d'rinn iad maith no olc, chum gu'm biodh rùn Dé a réir an taghaidh seasmhach, cha'n ann o oibribh, ach o'n ti a ghairmeas.)

12 A dubhradh rithe, Nì an neach a's seine seirbhis do'n neach a's òige.

13 A réir mar a ta e sgrìobhta, Ghràdh-  
aich mi Iacob, ach dh'fhuathaich mi Esau.

14 Ciod a deir sinn ma ta? am bheil eucoir nàille ri Dia? Nar leigeadh Dia.

15 Oir a deir e ri Maois, Nì mi tròc-  
air, air an neach air an dean mi tròc-  
air, agus gabhaidh mi truas do'n neach d'an gabh mi truas.

16 Uime sin cha'n ann o'n ti leis an àill, no o'n ti a ruitheas, ach o Dhia a nì tròc-  
air.

17 Oir a deir an sgrìobtuir ri Pharaoh, Is ann chum na crìche so fèin a thog mi suas thu, chum gu'm foillsichinn mo chumhachd annad, agus chum gu'm biodh m'ainm iomraideach air feadh na talmhainn uile.

18 Uime sin nì e tròc-  
air air an ti a's àill leis, agus an ti a's àill leis cruaidhich-  
idh se.

19 A deir tu ma ta rium, C'ar son a ta e ma seadh a' faghail croin? oir cò a chuir an aghaidh a thoile?

20 Nì h-eadh ach, O a dhuine, cò thusa a ta tagradh an aghaidh Dhé? An abair an nì a chumadh ris an ti a chum e, C'ar son a rinn thu mi mar so?

21 Nach 'eil cumhachd aig a' chriadh-  
fhear' air a' chriadh, ionnas gu'n deanadh e do'n aon mheall aon soitheach chum onoir, agus soitheach eile chum eas-onoir.

22 Ciod ma's e, air bhì do Dhia toieach fhearg a nochdadh, agus a chumhachd a dheanamh aithnichte, gu'n d'fhuiling<sup>5</sup> e le mòr fhad-fhulangas soitheiche na feirge air an ulluchadh chum sgrios:

23 Agus chum gu'n deanadh e aithnichte-  
saibhreas a ghlòire air soitlichibh na tròc-  
air, a dh'ulluich e roimh-làimh chum glòire?

24 Eadhon sinne a ghairm e, cha'n e mhàin do na h-Iudhachaibh, ach mar an ceudna do na Cinneachaibh.

25 Mar a deir e mar an ceudna ann an Osee, Goiridh mi mo phobull diubhsan nach robh 'nam pobull domh; agus bean ghràdh-  
ach dh'ise, nach robh gràdhach.

26 Agus tarlaidh, anns an ionad san dubhradh riu, Cha sibh mo phobulla, an sin gu'n goirear Clann an Dé bheo dhiubh.

27 Tha Esaias mar an ceudna ag èigh-  
each mu thinnchioll Israeil, Ge do tha àireamh chloinn Israeil mar ghaineamh na fairge, is fuigheall a thearnar.

28 Oir crìochnaichidh e an obair, agus gearraidh e goirid i an ceartas<sup>6</sup>; do bhrìgh

<sup>1</sup> dhealticheas. <sup>2</sup> molluichte. <sup>3</sup> Air an àm so.  
\* fear deamam shoithiche creadh.

<sup>5</sup> gu'n do ghiulain.

<sup>6</sup> fireantachd.

gu'n dean an Tighearn obair ghoirid air an talamh.

29 Agus mar a thubhairt Esaias roimhe, Mur fàgadh Tighearn nan sluagh sìol againne, dheantadh sinn mar Shodom, agus bhithreamaid cosmhail ri Gomorraha.

30 Ciod a deir sinn ma seadh? Gu'n d'ràinig na Cinnich, nach robh a' leantuin fireantachd, air fireantachd, eadhon an fhìreantachd a ta o chreidimh:

31 Ach cha do ràinig Israel, a bha leantuin lagha na fireantachd, air lagh na fireantachd.

32 Car son? A chionn nach ann o chreidimh, ach mar gu'm b'ann o oibribh an lagha a dh'iarr iad: oir thuislich iad air a' chloich-thuislidh sin;

33 Mar a ta e scriobhta, Feuch, cuiream ann an Sion clach-thuislidh, agus carruig oibheim: agus gach neach a chreideas annsan, cha chuirear gu nàire e.

## CAIB. X.

5 *Tha an scribeuir a' nochdadh an eadar-dhealachaidh a ta eadar fireantachd an lagha, agus a' chreidimh; 11 agus nach cuirear a h-aon do na h-Iudhaich, no do na Cinnich sin uile a chreideas, fuidh amhladh; 18 agus gu'n gabh na Cinnich ris an fhocal, agus gu'n creid iad. 19 Cha robh Israel aineolach air na nithibh sin.*

**A** BHRAITHRE, is e dùrachd<sup>1</sup> mo chridhe, agus m'ùrnuigh ri Dia air son Israeil, gu'm biodh iad air an tearnadh.

2 Oir a ta mi deanamh fianuis doibh, gu bheil eud<sup>2</sup> aca thaobh Dhé, ach cha'n ann a réir eolais.

3 Oir air dhoibh bhi aineolach air fireantachd Dhé, agus ag iarraidh am fireantachd féin a chur air chois, cha do strìochd<sup>3</sup> iad do fhìreantachd Dhé.

4 Oir is e Crìosd crìoch an lagha, chum fireantachd do gach neach a chreideas.

5 Oir a ta Maois a' cur an cèill na fireantachd a ta o'n lagh, eadhon an duine a ni na nithe sin, gu'm bi e beo leo.

6 Ach mar so deir an fhìreantachd a ta o chreidimh. Na abair ann do chridhe, Cò thèid suas air nèamh? (sin r'a ràdh, a thoirt Chrìosd anuas:)

7 No, Cò a thèid sìos do'n doimhne? (sin r'a ràdh, a thoirt Chrìosd a ris air ais o na marbhaibh.)

8 Ach ciod a deir i? Tha 'm focal am fagus duit, ann do bheul, agus ann do chridhe: 'se sin focal a' chreidimh, a tha sinne a' searmonachadh.

9 Ma dh'aidicheas tu le d'bheul an Tighearn Iosa, agus ma chreideas tu ann do chridhe, gu'n do thog Dia o na marbhaibh e, gu'n saorar thu.

10 Oir is ann leis a' chridhe a chreidcar

chum fìreantachd, agus leis a' bheul a dh'aidichear chum slàinte.

11 Oir a deir an scribeuir, Ge b'e neach a chreideas annsan, cha hàraichear e.

12 Oir cha 'n'eil eadar-dhealachadh eadar an t-Iudhach agus an Greugach: oir an t-aon Tighearn a ta os cionn nan uile, tha e saibhir do na h-uile a ghairmeas air.

13 Oir ge b'e neach a ghairmeas air ainm an Tighearna, tearnar e.

14 Ach cionnus a ghairmeas iad airsan anns nach do chreid iad? agus cionnus a chreideas iad anns an ti air nach cual iad *iomradh*? agus cionnus a chluinneas iad gun searmonuiche?

15 Agus cionnus a ni iad searmoin, mur cuirear iad? mar a ta e scriobhta, Cia sgianhach cosa na muinntir sin a ta searmonachadh soisgeil<sup>4</sup> na sìth, a ta toirt sgéil aobhneach air nithibh maith!

16 Ach cha robh iad uile ùmhal do'n t-soisgeul. Oir a deir Esaias, A Thighearn, cò a chreid ar n-aithris-ne<sup>5</sup>?

17 Uime sin, is ann o éisdeachd a thig creidimh, agus éisdeachd tre fhocal Dé.

18 Ach a deiream, Nach cual iad? Chuala gu deimhin, chaidh fuaim air feadh gach tìre a mach, agus am briathra gu iomallaibh an domhain.

19 Ach a deiream, Nach robh fios aig Israel? Air tùs, a deir Maois, Cuiridh mi eud oirbh le *Cinneach*, nach 'eil 'nan Cinneach, agus le Cinneach neo-thuigseach cuiridh mi fearg oirbh.

20 Ach a ta Esaias ro dhàna, agus a deir e, Fhuaradh mi leo-san nach d'iarr mi; dh'fhoillsichadh mi dhoibhsan nach d'fhiosraich air mo shon.

21 Ach ri Israel a deir e, Shìn mi mach mo làmhnan rè an là gu h-iomlan ri pobull eas-ùmhail agus a labhras a'm' aghaidh.

## CAIB. XI.

1 *Cha do thilg Dia Israel uile uaith. 7 Thaghadh cuid, ge do chruaidhicheadh a' chuid eile. 16 Tha dòchas mu'n ath-phill-eadh. 18 Cha'n fheud na Cinnich uaill-thàir a dheanamh orra; 26 oir tha gealladh gu'n slànuchear iad. 33 Tha breith-eanais Dé do-rannsachaidh.*

**A** DEIREAM ma seadh, An do thilg Dia a phobull uaith? Nar leigeadh Dia. Oir is Israelcach mise féin mar an ceudna, do shliochd Abraham, do thréibh Bheniamin.

2 Cha do thilg Dia uaith a phobull a roimh-aithnich e. Nach 'eil fhios agaibh ciod e a deir an scribeuir mu Elias? cionnus a ta e a' deanamh eadar-ghuidhe<sup>6</sup> ri Dia an aghaidh Israeil, ag ràdh,

3 A Thighearn, mharbh iad t'fhàidhean, agus leag iad sìos t'altaircan; agus dh'fhàg-

<sup>1</sup> làn toil. <sup>2</sup> teus-ghràdh. <sup>3</sup> gheill. soisgeulachadh. <sup>5</sup> na chual e uainne.



adh mise a'm' aonar, agus tha iad ag iarraidh m'anama.

4 Ach ciod a deir freagrach Dé ris, Dh'fhàg mi dhomh féin seachd mìle fear, nach do lùb an glùn do *dhcabbh* Bhaail.

5 Agus mar sin mar an ceudna tha san àm so a làthair fuigheall a réir taghaidh a' ghràis.

6 Agus ma's ann tre ghràs, cha'n ann o oibribh ni's mò: Ach ma's ann o oibribh, cha'n ann o ghràs a sin suas: no cha'n obair a sin suas obair.

7 Ciod ma seadh? An uì sin a ta Israel ag iarraidh, cha do ràinig e air; ach ràinig an taghadh air, agus chaidh a' chuid eile a dhalladh:

8 Mar a ta e scrìobhta, Thug Dia dhoibh spiorad na suaine, sùile chum nach faiceadh iad, agus cluasa chum nach cluinneadh iad, gus an là an diugh.

9 Agus a deir Daibhidh, Bìodh am bord mar ribe, agus mar inneal-glacaidh, agus mar cheap-tuislidh, agus mar dhìol-thuarasdhal dhoibh.

10 Bìodh an sùilean air an dorchachadh, chum nach faic iad; agus crom-sa an druim an còmhnuidh.

11 A deiream uime sin, An do thuislich iad ionnas gu'n tuiteadh iad? Nar leigeadh Dia: ach tre an tuiteamsan tha slàinte air teachd chum nan Cinneach, chum iadsan a bhrosnachadh gu h-eud.

12 Ma's e an tuiteamsan saibhreas an domhain, agus an lughdachadh saibhreas nan Cinneach; cia's mò na sin a bhitheas an lànachd?

13 Oir is ann ribhe a labhram, a Chinn-eacha; do bhrìgh gur mi abstol nan Cinneach, tha mi toirt urrainn do m' dhreuchd<sup>1</sup>:

14 Ma dh'fheadas mi air chor sam bith mo choimh-fhèidil a bhrosnachadh gu h-eud, agus gu'n tearuinn mi dream àraidh dhiubh.

15 Oir ma's e'n tilgadhnan air falbh réiteachadh an domhain; ciod e an ath-ghabhail, ach beatha o na marbhaibh?

16 Oir ma ta an ceud-thoradh naomha, tha an mcall *naomha* mar an ceudna: agus ma ta an fhreumh naomha, *tha* na geuga mar sin mar an ceudna.

17 Agus ma ta cuid do na geugaibh air am brisicadh dheth, agus gu bheil thusa, a bha a'd' chrann-ola fiadhaich, air do shuidh-eachadh' nam measg, agus maille riu a' faotainn comh-pàirt do fhrèimh agus do reamhrachd a' chroinn-ola;

18 Na dean uail an aghaidh nan geug; ach ma ni thu uail 'nan aghaidh, cha tusa a dh'iomchaireas an fhreumh, ach an fhreumh thusa.

19 A deir tu uime sin, Bhreiseadh dheth na geuga, chum gu suidhichte mise 'nan àit.

20 Ro mhaith; air son àin mi chreidimh Bhreiseadh iadsan dheth, agus a ta thusa a'

seasamh tre chreidimh. Na bi àrd-inntinn-each, ach fa eagal.

21 Oir mur do chaomhain Dia na geuga nàdurra, *bìodh eagal ort* nach caomhain e thusa mar an ceudna.

22 Fench uime sin maitheas agus cheartas Dé: geur cheartas d'an taobhsan a thuit; ach do d' thaobhsa, maitheas, ma bhuanachas tu 'na mhaithcas; agus mur buanaich, gearrar dheth thusa mar an ceudna.

23 Agus suidhichear iadsan mar an ceudna, mur buanaich iad 'nam mi-chreidimh: oir a ta Dia comasach air an suidh-eachadh a ris.

24 Oir ma ghearradh thusa as a' chrann-ola a bha fiadhaich a thaobh nàdur, agus gu'n do shuidhicheadh ann an deadh chrann-ola thu an aghaidh nàdur; cia mòr is mò na sin a shuidhichear na *geuga* nàdurra 'nan crann ola féin?

25 Oir cha b'àill leam, a bhràithre, sibhse bli ain-eolach air an rùn-diomhair so, (chum nach bìodh sibh glic 'nar barail féin) gu'n do tharladh doille ann an cuid do Israel, gus an d'thig ionlanachd nan Cinneach a steach.

26 Agus mar sin bithidh Israel uile air an slànuchadh: mar a ta e scrìobhta, Thig am Fear-saoraidh o Shìon, agus tionndadhaidh e mi-dhiadhachd o Iacob.

27 Oir is e so mo chomh-cheangal riu, 'nuair a bheir mi air falbh am peacanna.

28 Thaobh an t-soisgeil, is naimhdean iad air blhur sonsa: ach a thaobh an taghaidh, *tha iad* gràdhaichte air son nan aithriche.

29 Oir a ta tidhhlacan agus gairm Dhé gun aithreachas.

30 Oir mar a bha sibhse roimhe so eas-ùmhail do Dhia ach a nis a fhuair sibh tròcair trid am mi-chreidimh-shuair:

31 Anhuil sin a ta iadsan san àm so eas-ùmhail<sup>2</sup>, chum trid bhur tròcairse gu'm faigh iad tròcair mar an ceudna.

32 Oir dhruid Dia iad uile ann am mi-chreidimh<sup>3</sup>, chum tròcair a dheanamh air na h-uile.

33 O doimhne saibhris araon gliocais agus eòlais Dé! Cia do-rannsaichadh a bhreitheanais, agus do-lorgachaidh a shlighean!

34 Oir cò aig an robh fios inntinn an Tighearna, no cò bu chomhairleach dha?

35 No cò thug dha air tuis, agus a làn-diolar a ris dha e?

36 Oir is ann uathesnan agus tridsan, agus air a shonsan a ta na h-uile nìthe: dhasan gu robh glòir gu sìorruidh. Amen.

CAIB. XII.

1 Is còir do thròcair Dhé sinne aomadh gu Dia a thoileachadh. 3 Cha chòir do dhuine sam bith meas tuilleadh 's maith bhì aige

*dheth féin*: 6 *ach is còir do gach aon feith-camh air an dreachd sin, a dh'earbadh ris.* 9 *Tha gràdh, agus mòran do dhleasdanaid eile air an iarraidh uaim.* 19 *Tha diogh-altas gu sonraichte air a thoirmcasg dhuinn.*

**A** IR an aobhar sin guidheam oirbh, a bhràithre, tre thròcairibh Dhé, bhur cuirp a thabhairt 'nam beo-iobairt, naomha, thaitnich do Dhia, *ni a's e bhur-seirbhis*<sup>1</sup> reusonta.

2 Agus na bithibh air bhur cumadh ris an t-saoghal so: ach bithibh air bhur cruth-atharrachadh tre ath-nuadhachadh bhur n-inntinn, chum gu'n dearbh sibh ciod i toil mhaith, thaitneach, agus dhiongmhalta sin Dhé.

3 Oir a deiream, trid a' ghràis a thugadh dhomhsa, ris gach neach 'nar measg, gum smuaineachadh *uime féin* ni's àirde na 's còir dha smuaineachadh; ach smuaineachadh ann measarrachd<sup>2</sup>, a réir mar a roim Dia ris gach neach tomhas a' chreidimh.

4 Oir mar a ta mòran bhall againn ann an aon chorp, agus nach e'n t-aon ghnìomh<sup>3</sup> a th'aig gach ball:

5 Amhuil sin ge do tha sinne 'nar mòran, is aon chorp ann an Crìosd sinn, agus is buill sinn gach aon fa leth d'a chéile.

6 Uime sin air bhì do thiodhlacaibh againn, eadar-dhealaichte<sup>4</sup> a réir a' ghràis a thugadh dhuinn, ma's fàidheadaireachd, *deanamaid fàidheadaireachd* a réir tomhas a' chreidimh:

7 No ma 's frithealadh, *thugamaid aire* d'ar frithealadh; no an ti a thecagaisgeas, *thugadh e aire* d'a thecagaisg;

8 No an ti a bheir earail<sup>5</sup>, *thugadh e aire* d'a carail: an ti a roinneas an òir, *roinneadh e i* an treibh dhìreachd<sup>6</sup>; an ti a riaghlas, *deanadh se e* maille ri dùrachd; an ti a ni trècair, *deanadh se e* gu suilbhir.

9 Biodh bhar gràdh gun cheilg. Biodh gràin agaibh do'n olc, leanaibh gu dlùth ris an nì tha maith.

10 *Bithibh* teo-chridheach d'a chéile le gràdh bràthaireil, ann an urram a toirt toisich gach aon d'a chéile:

11 Gun bhì leasg ann an gnothuichibh: dùrachd<sup>7</sup> 'nar spiorad; a' deanamh seirbhis do'n Tighearn:

12 A' deanamh gairdeachais an dòchas: foighidneach an trioblaid; maireannach ann an urnuigh:

13 A' comh-roinn ri uireasbhuidh nan naomh; a' gnàthachadh aoidheachd.

14 Beannuichibh an dream a ta deanamh geur-leanmhuinn oirbh: beannuichibh, agus na mallachibh.

15 Deanaibh gairdeachas maille ruisan a ta ri gairdeachas, agus caoidh maille ruisan a ta ri caoidh.

16 Bithibh a dh'aon rùn<sup>8</sup> d'a chéile. **N** biodh bhur cion air nithibh àrd<sup>9</sup>, ach cuiribh sibh féin an comh-inbhe riun-san a ta iosal. Na bithibh glic 'nar barail féin.

17 Na iocaibh olc air son uile do dhuine sam bith. Ulluichibh nithe ciatfach ann fianuis nan uile dhaoine.

18 Ma dh'fheudas e bhì, mhèud 's a ta e'n comas duibh, bithibh an sìth ris na h-uile dhaoineibh.

19 *A chàirde* gràdhach, na deanaibh dioghaltas air bhur son féin, ach thugaibh àit do'n fheirg: oir a ta e scriobhta, Is leamsa an dioghaltas; iocaidh mi, deir an Tighearn.

20 Uime sin ma bhios do nàmhaid ocrach, thoir biadh dha; ma bhios e tart-mhor<sup>10</sup>, thoir deoch dha: oir le so a dhean-amh càraidh tu eibhle teine air a cheann.

21 Na d'thugadh an t-olc buaidh ort, ach beir-sa buaidh air an olc leis a' mhaith.

## CAIB. XIII.

1 *Umhlachd, agus dleasdanaid eile a's còir dhuinn* chur an gnìomh do nachdaranaiibh.

8 *'Se gràdh comhlionadh an lagha.* 11 *Tha geòcaireachd, agus misg, agus oibre an dorcheadais ro neo-chubhaidh do àm an t-soisgeil.*

**B** IODH gach anam<sup>11</sup> ùmhal do na h-àrd chumhachdaibh. Oir cha 'n'eil cumhachd ann ach o Dhia: agus na cumhachdan a ta ànn, is ann le Dia<sup>12</sup> a dh'orduicheadh iad.

2 Air an aobhar sin ge b'e air bith a chuircas an aghaidh a' chumhachd, tha e cur an aghaidh orduigh Dhé: agus iadsan a chuireas 'na aghaidh, gheibh iad breithcan-as<sup>13</sup> dhoibh féin.

3 Oir cha 'n'eil uachdarain 'nan aobhar cagal do dheadh oiribh, ach do dhroch oiribh. Uime sin an miann leat bhì gun eagal an uachdarain ort? dean ann maith, agus gheibh thu cliu uait.

4 Oir is esan seirbhiseach Dhé chum maith dhuit. Ach ma nì thu an t-olc, biodh eagal ort; oir cha'n ann gu dìomhain a tha e giùlan a' chlaidheimh: oir is e seirbhiseach Dhé e, 'na dhioghaltair feirge air an ti a ni olc.

5 Uime sin is éigin bhì ùmhal, nì h-ann a nàim air son feirge, ach mar an ceudna air son coguis.

6 Oir air an aobhar so tha sibh mar an ceudna a' toirt cìs dhoibh: oir is iad seirbhiseach Dhé iad, a sìor-fheithcamh air an nì so féin.

7 Air an aobhar sin thugaibh do gach neach an dlìghe féin: càin dhasan d'an dlìghear càin, cìs dhasan d'an dlìghear cìs, eagal dhasan d'an dlìghear cagal, agus urram dhasan d'an dlìghear urram.

8 Na biodh fiacha sam bith aig aon

<sup>1</sup> aoradh. <sup>2</sup> stuaim. <sup>3</sup> obair, oifig.  
<sup>4</sup> eagsamhuil. <sup>5</sup> comhairle. <sup>6</sup> aon-fhillteachd.  
<sup>7</sup> beothail, faobharach.

<sup>8</sup> inntinn. toil. <sup>9</sup> Na bithibh àrd-inntianeach.  
<sup>10</sup> iotmhor. <sup>11</sup> gach neach. <sup>12</sup> fàidh.  
<sup>13</sup> d'iteadh.



neach oirbh, ach a mbain a chéile a ghràdh-achadh: oir an ti aig am bheil gràdh do neach eile, choimhlion e an lagh.

9 Oir an ni so, Na dean adhaltrannas, Na dean mortadh, Na goid, Na dean fianuis bhréige, Na sanntaich, agus ma ta àithne sam bith eile ann, tha i air a cur sìos gu h-aith-ghearr fuidh 'n fhocal so, Gràdhaidh do choimhearsnach mar thu féin.

10 Cha dean gràdh lochd do choimhearsnach: air an aobhar sin is e an gràdh coimhlionadh an lagha.

11 Agus so, air dhuibh fios na h-aimsir a bhi agaibh, gur mithich dhuinn a nis mosgladh o chodail: oir a ta ar slàinte nis ni's faisge na 'nuair a chreid sinn.

12 Tha cuid mhòr do'n oidhche air dol tharuiunn, tha an là am fagus: uime sin cuireamaid dhinn oibre an dorchadais, agus cuireamaid umainn armachd<sup>1</sup> an t-soluis.

13 Gluaiseamaid gu cubhaidh mar anns an là; cha'n ann an ruidhteireachd<sup>2</sup> agus am misg, no an seomradairachd agus am macnus, no an aisth agus am farmad.

14 Ach cuiribh umaibh an Tighearn Iosa Criosd, agus na deanaibh ulluchadh air son na feòla, chum a h-anamhianna a choimhlionadh.

#### CAIB. XIV.

1 *Cha'n fhead daoine tàir a dheanamh, no chéile a dhìcadh air son nithe coimhdheis: 13 ach bhi faicilleach gun oilbheum a thoirt leò; 15 oir a ta an t-abstol a' dearbhadh gu bheil sin mi-cheadaichte, le iomadh reuson.*

**G**ABHAIBH ris an neach a ta anmhuinn<sup>3</sup> sa' chreidimh, ach ni h-ann chum deasboireachd amharusach.

2 Oir a ta h-aon a' creidsinn gu'm feud e na h-uile nithe itheadh: ach a ta csan a ta anmhuinn ag itheadh luibheanna.

3 Na deanadh csan a ta 'g itheadh, tàir airsan nach 'eil ag itheadh; agus na tugadh esan nach 'eil ag itheadh, breth air an ti a dh'itheas: oir ghabh Dia ris.

4 Cò thusa a ta toirt breth air seirbhis-each duin' eile? d'a mhaighstir féin seasaidh, no tuitidh e: seadh, cumar suas e; oir is comasach Dia air a chumail 'na sheasamh.

5 Tha meas aig neach air là<sup>4</sup> thar là: agus tha meas aig neach eile air gach là mar a chéile. Biodh làn-dearbhadh aig gach duine 'na inntinn féin.

6 An ti aig am bheil suim do'n là, is ann do'n Tighearn a ta suim aige *dha*; agus an ti aig nach 'eil suim do'n là, is ann do'n Tighearn nach 'eil suim aige *dha*. An ti a ta 'g itheadh, is ann do'n Tighearn a tha e 'g itheadh, oir tha e toirt buidheachais do Dhia; agus an ti nach 'eil ag itheadh, is ann do'n Tighearn nach ith e, agus bheir e buidheachas do Dhia.

7 Oir cha 'n'eil a h-aon againn beo dha féin, agus cha 'n'eil a h-aon againn a' bàsachadh dha féin.

8 Oir ma's beo dhuinn, is ann do'n Tighearn a tha sinn beo: agus ma's bàs duinn, is ann do'n Tighearn a tha sinn a' bàsachadh: uime sin ma's beatha no bàs dhuinn, is leis an Tighearn sinn.

9 Oir is ann chum so a fhuair Criosd bàs, agus a dh'éirich e, agus a tha e bco a ris, chum gu'm biodh e 'na Tighearn air na beothaibh agus air na marbhaibh.

10 Ach c'ar son a ta thusa a' toirt breth air do bhràthair? no c'ar son a ta thusa a' deanamh tarcais air do bhràthair? oir seasaidh sinn gu léir am fianuis caithir-breitheanais Chriosd.

11 Oir a ta e scrìobhta, *Mar is beo mise*, a deir an Tighearn, lùbaidh gach glùn domhsa, agus aidichidh gach teanga do Dhia.

12 Air an aobhar sin bheir gach aon againn cunntas uime féin do Dhia.

13 Uime sin na tugamaid breth air a chéile ni's mò: ach gu ma fearr libh a' bhreth so thoirt, gun aobhar-tuiteam no oilbheim a thoirt do bhràthair.

14 Oir a ta fhios agam, agus is dearbh leam anns an Tighearn Iosa, nach 'eil ni sam bith neo-ghlan dheth féin: ach do'n ti a mheasas ni sam bith neo-ghlan, dhasan a ta e neo-ghlan.

15 Ach ma bhios doilgheas air do bhràthair air son bidh, a nis cha 'n'eil thu a' gluasad a réir a' ghraidh. Na sgrios<sup>5</sup> le d' bhiadh esan, air son an d'fhuiling Criosd bàs.

16 Air an aobhar sin na labhrar olc mu bhuir<sup>6</sup> maith.

17 Oir cha bhiadh agus deoch rioghachd Dhé, ach fireantachd, agus sìth, agus aoibhneas san Spiorad naomh.

18 Oir ge b'e ni seirbhis do Chriosd anns na nithibh so, tha e taitneach do Dhia, agus tha e dearbhtha do dhaoineibh.

19 Uime sin leanamaid na nithe a bhios chum sìth<sup>7</sup>, agus na nithe a bhios chum togail suas a chéile.

20 Na sgrios obair Dhé air son bidh. Gu deimhin tha na h-uile nithe glan; ach is olc do'n duine sin a dh'itheas le h-oilbheum.

21 Is maith an ni gun fheadh itheadh, no fion òl, no ni air bith a dheanamh leis am faigh do bhràthair tuisleadh no oilbheum, no leis an deanar lag e.

22 Am bheil creidimh agad? Biodh e agad dhuit féin am fianuis Dé: Is beannuichte an duine sin nach dit e féin anns an ni sin, a mheasas e ceaduichte.

23 Ach esan a ni eadar-dhealachadh<sup>8</sup>, tha e air a dhìtheadh ma dh'itheas e, a chionn

<sup>1</sup> Éididh. <sup>2</sup> anabharr. <sup>3</sup> lag.  
<sup>4</sup> suim aig neach do là. <sup>5</sup> cuir am mugha.

<sup>6</sup> ar. <sup>7</sup> a stiùras chum sìochaint.  
<sup>8</sup> a ta fuidh amharus.

nach ann o chreidimh a tha e 'g iùchadh: oir gach ni nach 'eil o chreidimh, is peacadh e.

## CAIB. XV.

1 Is còir dhoibhsan a tha laidir giùlan leosan a ta anmhunn. 2 Cha'n fheud sinn sinn fèin a thoileachadh, 3 oir cha d'rinn Crìosd sin, 7 ach gabhail r'a chéile, mar a rinn Crìosd ruinn uile, 9 araon ris na h-Iudhach-aibh agus ris na Cinneachaibh, &c.

UIME sin is còir dhuinne a ta làidir, giùlan le anmhuinneachd na muinntir sin a ta lag, agus gun sinn fèin a thoileachadh.

2 Toilicheadh gach aon againn a choimhearsnach g'a mhaith ehum a thogail suas.

3 Oir cha do thoilich eadhon Crìosd e fèin; ach a réir mar a ta e scrìobhta, Thuit toibheum<sup>1</sup> na muinntir sin a thug toibheum dhuith ormsa.

4 Oir ge b'iad nithe air bith a scrìobhadh roimhe so, is ann chum ar teagaisgne a scrìobhadh iad; chum trid foighidin agus comh-fhurtachd nan scrìobtuir gu'm biodh dòchas<sup>2</sup> againne.

5 A nis gu tugadh Dia na foighidin agus na comh-fhurtachd dhuibhse bhi dh'aon inntinn a thaobh a chéile, a réir Iosa Crìosd:

6 Chum gu'm feud sibh a dh'aon inntin agus le aon bheul glòir a thoirt do Dhia, eadhon Athair ar Tighearna Iosa Crìosd.

7 Uime sin gabhaibhse r'a chéile, eadhon mar a ghabh Crìosd ruinne, chum glòire Dhé.

8 A nis a deirim, Gu robh Iosa Crìosd 'na mhinisteir an timchioll-ghearraidh air son firinn Dé, chum geallanna nan aithriche a dbaingneachadh:

9 Agus chum gu'n tugadh na Cinnich glòir do Dhia air son a thòrcair; a réir mar a ta e scrìobhta, Air an aobhar so aidicheam thu<sup>3</sup> am measg nan Cinneach, agus seinnidh mi còl do d' ainm.

10 Agus a ris a deir e, Deanaibh gairdeachas, a Chinneacha, maille r'a phobull-san.

11 Agus a ris, Molaibh an Tighearn, a Chinneacha uile, agus thugaibh cliù dha, a shlàigh uile.

12 Agus a ris deir Esaias, Bithidh freumh Iese ann, agus an ti a dh'éireas suas chum nachdaranachd bhi aige air na Cinneach-aibh, annsan cuiridh na Cinnich an dòchas.

13 A nis gu'n lìonadh Dia an dòchais sibhse do'n uile aoibhneas agus shìothchaint ann an creidsinn, chum gu'm bi sibh pailt ann an dòchas, tre chumhachd an Spioraid naomh.

14 Agus a ta cinnt agamsa fèin d'ar taobhsa, mo bhràithre, gu bheil sibhse làn do mhaithreas, air bhuir lìonadh leis an uile eòlas, agus comasach mar an ceudna air a chéile a chomhairleachadh<sup>4</sup>.

15 Gidheadh, a bhràithre, scrìobh mi d'ar ionnsuidh leis an tuilleadh dānadais, an càil-eigin, mar gu cuirinn an cuimhne sibh, air son a' ghràis a thugadh dhomhsa o Dhia,

16 Ionnas gu'm bithinn a'm mhinisteir aig Iosa Crìosd do na Cinneachaibh, a' frith-ealadh sois-geil Dé, chum gu'm biodh tabhartas<sup>5</sup> nan Cinneach taitneach, air a naomhachadh leis an Spiorad naomh.

17 Uime sin tha aobhar uail agam trid Iosa Crìosd, anns na nithibh sin a bhuineas do Dhia.

18 Oir cha bhi dānachd agam labhairt air a' bheag do na nithibh sin, nach d'oibrich Crìosd leam, chum na Cinnich a dheanamh ùmhal am focal agus an gnìomh.

19 Le cumhachd chomharan agus mhìorbhuilean<sup>6</sup>, le cumhachd Spioraid Dé; ionnas o Hierusalem agus mu'n cuairt gu Illiricum, gu'n do làn-shearmonaich mi soisgeul Chriosd.

20 Seadh, mar sin bha rò-dhéidh agam air an t-soisgeul a shearmonachadh, cha'n ann san ionad san robh Crìosd air ainmeachadh, chum nach togainn m'obair air bunait neach eile:

21 Ach a réir mar a ta e scrìobhta, Chì iadsan ris nach do labhradh uime: agus tuigidh iadsan, nach cuala.

22 Uime sin mar an ceudna chuireadh gu minic bacadh orm o theachd d'ar ionnsuidhse.

23 Ach a nis do bhrìgh nach 'eil agam ionad nì's mò anns na crìochaibh so, agus gu bheil mòr thogradh agam o cheann mòrain bhliadhnaibh teachd d'ar ionnsuidhse;

24 Ge b'e uair a thrialas mi do'n Spàinn, thig mi d'ar ionnsuidhse: oir tha dùil agam sibhse fhaicinn san dol seachad, agus bhi air mo thoirt air m'aghaidh libhse chum an ionaid sin, ma bhios mi air tùs an càil-eigin air mo lìonadh le'r comhludarsa.

25 Ach a nis tha mi dol gu Hierusalem, a' frith-ealadh do na naomhaibh.

26 Oir bu toil leo-san ann am Macedonia, agus ann an Achaia, comh-roinn àraidh a dheanamh ris na naomhaibh bochda ta ann an Ierusalem.

27 Bu toil leo gu deimhin, agus tha iad fa fhiachaibh dhoith. Oir ma rinneadh na Cinnich 'nan luchd comhpairt d'an nithibh spioradailsan, is còir dhoibh ministeileachd a dheanamh dhoibhsan sna nithibh a bhuineas do'n choluinn<sup>7</sup>.

28 Uime sin air dhomh so a chrìoch-nachadh, agus an uair a sheulaicheas mi an toradh so dhoibh, gabhaidh mi d'ar taobhsa<sup>8</sup> do'n Spàinn.

29 Agus a ta fhios agam, air dhomh teachd d'ar ionnsuidhse, gu'n d'thig mi ann an lànachd beannachaidh soisgeil Chriosd.

<sup>1</sup> masladh. <sup>2</sup> dùil, earbsa. <sup>3</sup> aidicheam dhuith, bheiream cliù dhuith. <sup>4</sup> theagasg.

<sup>5</sup> ofraill, labairt.

<sup>6</sup> Le comharaibh agus mìorbhuilich treun. <sup>7</sup> feòlmhor. <sup>8</sup> bhuir ròd-sa.



30 A nis guidheam oirbh, a bhràithre, air sgàth an Tighearna Iosa Crìosd, agus air son gràidh an Spioraid gu'n dean sibh gleachda<sup>1</sup> maraon riumsa ann an ùrnuighibh air mo shon ri Dia;

31 Chum gu saorar mi uatha-san, nach 'eil a' creidsinn ann an Iudea; agus chum gu'm bi mo sheirbhis air son<sup>2</sup> Ierusalem, taitneach do na naomhaibh:

32 Chum's gu'n d'thig mi d'ar ionn-suidhse le h-aobhneas tre thoil Dé, agus gu faigh mi suaimhneas maille ribh.

33 A nis gu robh Dia na sìth maille ribh uile. Amen.

CAIB. XVI.

3 Tha Pòl a' toirt ordaigh do na bràithribh fàilte chur air mòran; 17 agus a' comhair-leachadh dhoibh aire a thoirt do'n mhainntir a ta togail connsaich agus a' toirt oibbheim: 21 agus an dèigh ionnadh beannachd a' crìochnachadh le breith buidheachais do Dhia.

**E**ARBAM ribh<sup>3</sup> Phebe ar piuthar, a ta 'na scarbhanta do'n eaglais, a tha ann an Cenchrea:

2 Chum's gu'n gabh sibh rithe anns an Tighearn, mar is cubhaidh do naomhaibh, agus gu'n dean sibh còmhnaidh rithe anns gach gnothuch anns am bi feum aice oirbh: oir rinn i fèin còmhnaidh ri mòran, agus riumsa, mar an ceudna.

3 Cuiribh fàilte air Priscilla agus Acuala mo chomh-oibrichean ann an Iosa Crìosd:

4 (Muintir a leag sìos am muineal fèin air son n'amamasa: d'am bheil a' toirt buidheachais cha'n e mhàin naise, ach mar an ceudna eaglaisean nan Cinneach uile.)

5 Mar an ceudna cuiribh fàilte air an eaglais a tha 'nan tighsan. Cuiribh fàilte air Epenetus a's ionmhuinn leamsa, neach is e cend thoradh Achaia<sup>4</sup> do Chrìosd.

6 Cuiribh fàilte air Muire, a rinn saothair mhòr air ar soinne<sup>5</sup>.

7 Cuiribh fàilte air Andronicus agus Iunias mo luchd-dàimh agus mo chomh-phriosunaich, a tha cliuiteach ann measg nan abstol, agus a bha ann an Crìosd romhamsa.

8 Cuiribh fàilte air Amplias a's ionmhuinn leamsa san Tighearn.

9 Cuiribh fàilte air Urbanus ar comh-oibriche ann an Crìosd, agus air Stachis tear mo ghràidhse.

10 Cuiribh fàilte air Apelles a tha dearbhta ann an Crìosd. Cuiribh fàilte orrasan a tha do theaghlach Aristobulus.

11 Cuiribh fàilte air Herodion mo charaid. Cuiribh fàilte orrasan do theaghlach Narcisuis, a tha san Tighearn.

12 Cuiribh fàilte air Triphena agus Triphosa, mair a tha saothreachadh san Tighearn. Cuiribh fàilte air Persis a's ionmhuinn leam, bean a shaothraich gu mòr anns an Tighearn.

13 Cuiribh fàilte air Rufus a tha taghta san Tighearn, agus air a mhàthair agus mo mhàthairse.

14 Cuiribh fàilte air Asincritus, Phlegon, Hermas, Patrobas, Hermes, agus na bràithribh a tha maille riu.

15 Cuiribh fàilte air Philologus, agus Iulia, Nereus, agus a phiuthar, agus Olimpas, agus na naoimh uile a tha maille riu.

16 Cuiribh fàilte air a chèile le pòig naomha. Tha eaglaisean Chrìod<sup>6</sup> a' cur fàilte oirbh.

17 A nis guidheam oirbh, a bhràithre, comharaichibh iadsan a tha togail roinnean<sup>7</sup> agus a' toirt oibbheim, an aghaidh an teagaisg a dh'fhòghluim sibh; agus seachnaibh iad.

18 Oir cha 'n eil an leithide so a' deanamh seirbhis d'ar Tighearn Iosa Crìosd, ach d'am broinn fèin; agus a ta iad le briathraibh mìse agus le miodal a' mealladh cridheacha na muintir sin nach 'eil olc<sup>8</sup>.

19 Oir a ta bhur n-ùmhachd<sup>9</sup> air teachd chum nan uile dhaoine. Uime sin a ta mìse a' deanamh gairdeachais d'ar taobhsa: gidheadh b'àill leam sibhs bhi glic chum a' mhaith, ach aon-fhillte thaobh an uile.

20 Agus bruthaidh Dia na sìoth-chaint Satan f'ar cosaibh gu h-aithghearr. Gràsa<sup>10</sup> air Tighearna Iosa Crìosd gu robh maille ribh. Amen.

21 Tha Timoteus mo chomh-oibriche cur fàilte oirbh, agus Lucius agus Iason agus Sosipater, mo luchd-dàimhe.

22 Tha mise Tertius, a sgrìobh an litir so, a' cur fàilte oirbh san Tighearn.

23 Tha Gaius, a tha toirt aoidheachd dhomhsa agus do'n eaglais uile, a' cur fàilte oirbh. Tha Erastus stiubhard a' bhaile a' cur fàilte oirbh, agus Cuartas bràthair.

24 Gràsa ar Tighearna Iosa Crìosd gu robh maille ribh uile. Amen.

25 A nis dhasan a tha comasach air sibhs a dhaigheachadh a réir mo shoisgeilse, agus searmonachaidh Iosa Crìosd, a réir foillseachaidh an ruin-diomhair, a bha'm folach o thoiseach an domhain,

26 Ach a dh'fhoillsicheadh a nis, agus tre scriobtuiribh nam fàidh a réir àithne an Dé bhith-bhuain, a tha air a dheanamh aithnichte do na h-uile chinneachaibh chum ùmhachd<sup>9</sup> a' chreidimh.)

27 Do Dhia a tha mhàin glic, gu robh glòir trid Iosa Crìosd gu sìorruidh. Amen.

<sup>1</sup> spairn.

<sup>2</sup> thaobh.

<sup>3</sup> Molam dhuibh.

<sup>4</sup> Asia.

<sup>5</sup> air bhur sonsa.

<sup>6</sup> eaglaisean

Chrìosd (uile.)

<sup>7</sup> sgaradh, aimhréite, chonnsaichean.

<sup>8</sup> a ta neo-lochdach. <sup>9</sup> cliu bhur n-ùmhachd.

<sup>10</sup> Deudh ghean.

# CEUD LITIR AN ABSTOIL PHOIL CHUM NAN CORINTIANACH.

## CAIB. I.

1 *An dèigh fàille agus breith buidheachais,*  
 12 *tha e 'gan earalachadh bhì dh'aon iuntinn,*  
*agus 'gan crouachadh air son an ainhréite.*  
 13 *Sgrìosaidd Dia gliocas nan daoine eagnuidh le amaideachd searmonachaidh; &c.*

**P**O a ghairmeadh gu bhì 'na abstol do Iosa Crìosd, tre thoil Dé, agus Sos-tenes ar bràthair,

2 Chum eaglais Dé, a ta ann an Corin-tus, chum na droinge a tha air an naomh-achadh ann an Iosa Crìosd, air an gairm *gu bhì* 'nan naoimh, maille rìusan uile a tha gairm air ainm ar Tighearna Iosa Crìosd anns gach àit, an *Tighearna-sau*, agus ar *Tighearna-ne*.

3 Gràsa dhuibhse, agus sìth o Dhia ar n-Athair, agus o'n Tighearn Iosa Crìosd.

4 Tha mi toirt buidheachais do Dhia a ghnàth d'ar taobhsa, air son gràsa Dhé a thugadh dhuibhse ann an Iosa Crìosd;

5 Air son gu'n d'rinneadh saibhir leis-san sibh anns gach uile nì, anns gach ùr-labhradh, agus *auns* gach eòlas:

6 A réir mar a dhaingnicheadh fianuis Chrìosd annaibh:

7 Ionnas nach 'eil sibh an déidh-làimh ann an tiodhlac sam bith; a' feitheamh ri foillseachadh ar Tighearna Iosa Crìosd,

8 Neach mar an ceudna a dhaingnicheas sibh gus a' chrìch, *chum's gu'm bi sibh* neo-lochdach ann an là ar Tighearna Iosa Crìosd.

9 Tha Dia fìrinneach, leis an do ghairm-eadh sibh chum comh-chomuinn a mhic Iosa Crìosd ar Tighearna.

10 A nis guidheam oirbh, a bhràithre, trid ainme ar Tighearna Iosa Crìosd, gu'n labhair sibh uile an t-aon nì, agus nach bi roinnean<sup>1</sup> 'nar measg; ach gu'm bi sibh ceangailte r'a chèile gu dìongalta ann an aon inntinn, agus ann an aon bharail<sup>2</sup>.

11 Oir nochdadh dhomhsa, a bhràithre, mu'r timchiollsa, leo-san *a tha do theaghlach* Chloe, gu' bheil comhstri<sup>3</sup> 'nar measg.

12 A nis a deiream so, gu'n abair gach aon agaibh, Is le Pòl mise<sup>4</sup>, agus is le Àpollos mise, agus is le Cephas mise, agus is le Crìosd mise.

13 Am bheil Crìosd air a roinn? an e Pòl a cheusadh air bhuir son? no an ann an ainm Phòil a bhaisteadh sibh?

14 Tha mi toirt buidheachais do Dhia, nach do bhaist mi h-aon agaibh, ach Cris-pus agus Gaius:

15 Air eagal gu'n abradh neach, gu'n do bhaist mi a'm' ainm féin.

16 Agus bhaist mi mar an ceudna teagh-lach Stephanais: a thuilleadh air so, nì'm fios domh an do bhaist mi aon neach eile.

17 Oir cha do chuir Crìosd mi a bhaist-eadh, ach a shearmonachadh an t-soisgeil; cha'n ann an gliocas focail, chum nach cuirte crann-ceusaidh Chrìosd an neo-brìgh.

18 Oir a ta searmonachadh a' chroinn-cheusaidh 'na amaideachd dhoibhsan a chaillear; ach dhuinne a shlànuichear, is e cumhachd Dhé e.

19 Oir a ta e scrìobhta, Sgrìosaidd mi gliocas nan *daoine glìce*, agus cuiridh mi air cùl tuigse nan *daoine* tuigseach.

20 C'ait am bheil an *duine* glìc? c'ait am bheil an scrìobhuiche? c'ait am bheil deas-boir an t-saoghail so? Nach do rinn Dia gliocas an t-saoghail so amaideach?

21 Oir an uair, ann an gliocas Dé, nach b'aithe do'n t-saoghal so Dia tre ghliocas, bu toil le Dia le amaideachd an t-searmon-achaidh iadsan a shlànuchadh<sup>4</sup> a ta creid-sinn.

22 Oir a ta na h-Iudhaich ag iarraidh comharaidh, agus a ta na Greugaich a' sireadh gliocais:

23 Ach a ta sinne a' searmonachadh Chrìosd air a cheusadh, 'na cheap-tuislidh do na h-Iudhaich, agus do na Greug-achaidh 'na amaideachd;

24 Ach dhoibhsan a ta air an gairm, araon Iudhaich agus Greugaich, Crìosd cumhachd Dhé, agus gliocas Dhé:

25 Do bhrìgh gur glìce amaideachd Dhé na daoine, agus gur treise anmhuinneachd Dhé na daoine.

26 Oir chi sibh féin bhuir gairm, a bhràithre, nach iomadh iad *dhuibh* a ta glìc a thaobh na feòla, nach iomadh cumhachd-ach, nach iomadh uasal.

27 Ach roghnaich Dia nithe amaideach an t-saoghail so, chum gu'n cuireadh e nàire air ua daoinibh glìce; agus roghnaich Dia nithe anmhunna an t-saoghail, chum gu'n cuireadh e gu nàire na nithe cumh-achdach;

28 Agus nithe an-uasal an t-saoghail, agus nithe tarcuiseach roghnaich Dia, agus na nithe nach 'eil ann, chum gu'n cuireadh e na nithe a ta ann, an neo brìgh:

29 Ionnas uach deanadh feòil sam bith uaill 'na fhianuis.

30 Ach uaitheas a ta sibhse ann an Iosa Crìosd, neach a rinneadh dhuinne le Dia 'na ghliocas, 'na fhìreantachd, 'na naomh-achd, agus 'na shaorsa:

31 Ionnas, a réir mar a ta e scrìobhta,

<sup>1</sup> eas-aonachda, sgaraidh. <sup>2</sup> bhreth.  
<sup>3</sup> connsachadh. <sup>4</sup> Is deisciobul do Phòl mise.



An ti a ni uaille, deanadh e uaille anns an Tighearn.

CAIB. II.

1 Tha e cur an cèill ge nach 'eil a shearmonachadh ann an oirdheirceas cainnte, 4 no ann an gliocas dhaoine; 5 gidheadh gu bheil e a' coimh-sheasamh ann an cumhachd Dhé; &c.

**A**GUS an uair a thainig mise d'ar ionn-suidhse, a bhràithre, cha b'ann le oirdheirceas cainnte, no gliocais a thainig mi, a' cur an cèill duibh teisteis Dhé.

2 Oir chuir mi romham gun eòlas a ghabhail<sup>1</sup> air ni sam bith 'nar measg, ach air Iosa Crìosd, agus esan air a cheusadh.

3 Agus bha mi 'nar measg ann an amhuinneachd, agus ann an eagal, agus am mòr chrith.

4 Agus cha robh m'fhocal agus mo shearmonachadh ann am briathraibh mìlse<sup>2</sup> gliocais daonna, ach ann an làn dearbhadh an Spioraid, agus a' chumhachd:

5 Chum gu'm biodh bhur creidimhse ni h-ann an gliocas dhaoine, ach an cumhachd Dhé.

6 Ach gidheadh tha sinn a' labhairt gliocais am measg nan daoine iomlan: ach cha'n e gliocas an t-saoghail so, no uachdarana an t-saoghail so, a thèid an neo-brìgh.

7 Ach tha sinn a' labhairt gliocais Dé an nan rùn-dionhair; a' ghliocais sin a bha folaichte, a dh'orduich Dia roimh an t-saoghail<sup>3</sup> chum ar glòir-ne.

8 An gliocas nach b'aithne do aon neach do uachdaranaibh an t-saoghail so: oir nam b'aithne dhoibh e, cha cheusadh iad Tighearn na glòire.

9 Ach a réir mar a ta e sgrìobhta, Cha'n fhaca sùil, agus cha chuala cluas, agus cha d'thainig ann an cridhe duine, na nithe a dh'ulluich Dia dhoibhsan aig an bheil gràdh dha.

10 Ach dh'fhoillsich Dia dhuinne iad le a Spiorad fèin: oir tha an Spiorad a' rannsachadh nan uile nithe, eadhon, nithe doimhne Dhé.

11 Oir cò an duine d'an aithne nithe duine, ach do spiorad an duine a ta ann? mar sin cha 'nèil fios aig neach sam bith air nithibh Dhé, ach aig Spiorad Dhé.

12 A nis fhuair sinne, cha'n e spiorad an t-saoghail, ach an Spiorad a ta o Dhia; chum gu'm biodh fios nan nithe sin againn a thugadh dhuinn gu saor o Dhia.

13 Nithe mar an ceudna a ta sinn a' labhairt, cha'n ann am briathraibh a theagaisgeas gliocas dhaoine, ach am briathraibh a theagaisgeas an Spiorad naomh; a' coimh-meas nithe spioradail ri nithibh spioradail<sup>4</sup>.

14 Ach cha ghabh an duine nàdurra ri

nithibh Spioraid Dé: oir is amaideachd leis iad; agus cha 'nèil e'n comas da eòlas a ghabhail orra, do bhrìgh gur ann air mhodh spioradail a thuigear<sup>5</sup> iad.

15 Ach bheir an duine spioradail breth air na h-uile nithibh, gidheadh cha 'nèil e fèin fuidh bhreth duine sam bith.

16 Oir cò d'am b'aithne inntinn an Tighearn, agus a theagaisgeas e? ach tha inntinn Chrìosd againne.

CAIB. III.

2 Tha bainne iomchuidh air son cloinne.

3 Tha stri agus aimhréite 'nan comhara cinnteach air inntinn fheòlmhoir. 7 Cha 'nèil anns an ti a shuidhicheas, agus anns an ti a dh'uisgicheas, ach uco-ni. 9 Is comh-oibrichean ministèir an t-soisgeil do Dhia. 11 'Se Crìosd an t-aon bhunadh.

16 Is iad daoine teampull Dhé, 17 a' s còir a choinneadh naomha. 19 Is amaid-eachd aig Dia gliocas an t-saoghail so.

**A**GUS, a bhràithre, cha'n fheadainnse labhairt ribhse mar ri daoineibh spioradail, ach mar ri daoineibh feòlmhor, amhuil ri naoidheanaibh ann an Crìosd,

2 Bheathaich nì le bainne sibh, agus cha'n ann le biadh: oir fathast cha b'urradh sibh a ghabhail, agus a nis fèin cha'n urradh sibh.

3 Oir a ta sibh fathast feòlmhor: oir a thaobh gu bheil farmad 'nar measg, agus stri, agus aimhréite, nach 'eil sibh feòlmhor, agus ag imeachd mar dhaoine?

4 Oir an uair a deir neach, Is le Pól mise, agus neach eile, Is le Apollos mise, nach 'eil sibh feòlmhor?

5 Cò c ma seadh Pól, agus cò e Apollos, ach ministèir an t-re'n do chreid sibh, eadhon mar a thug an Tighearn do gach aon?

6 Shuidhich mise, dh'uisgich Apollos: ach 'se Dia a thug an fàs.

7 Uime sin ma seadh, cha'nèil anns an ti a shuidhicheas no anns an ti a dh'uisgicheas, brìgh sam bith; ach anu an Dia a ta toirt an fhàis.

8 An ti a shuidhicheas, agus an ti a dh'uisgicheas, is aon iad: agus gheibh gach aon a dhuais fèin, a réir a shaothair fèin.

9 Oir is comh-luchd-oibre do Dhia sinne: is sibhse treabhachas<sup>6</sup> Dhé, is sibh aitreabh Dhé.

10 A réir grais Dé a thugadh dhomhsa, mar fhear-togail-aitreabh glic leag mi am bunadh, agus a ta neach eile a'togail air, ach thugadh gach neach an aire cionnus a thogas e air.

11 Oir bunait<sup>7</sup> eile cha'n urradh duine sam bith a chur, ach am bunait a chuireadh a cheana, eadhon Iosa Crìosd.

12 A nis ma thogas neach air a' bhunadh

<sup>1</sup> aithne a bhi agam. <sup>2</sup> tairngeach, drùit-each. <sup>3</sup> roimh na linnibh. <sup>4</sup> a' mìneachadh nithe spioradail am briathraibh spioradail.

<sup>5</sup> bhreithnichear, mhothaichear. <sup>6</sup> tuathanachd. <sup>7</sup> bunachar, bonn.

so, òr, airgiod, clacha luachmhor, fiodh, feur, connlach;

13 Nithear obair gach aon duine follais-each: oir nochdaidh an là i, do bhrìgh gu'm foillsichear i le teine; agus dearbhaidh an teine obair gach aon, ciod is gné dh'i.

14 Ma dh'fhanas obair neach sam bith a thog e air, gheibh e duais.

15 Ma loisgear obair neach sam bith, fuilgidh e call: ach saorar e féin; gidheadh mar tre theine.

16 Agus 'eil fhios agaibh gur sibh team-pull Dé, agus gu bheil Spiorad Dé 'na chomhnuidh annaibh?

17 Ma thruaillias neach air bith team-pull Dhé, sgriosaidh Dia an ti sin: oir a ta teampull Dhé naomha, agus is sibhse e.

18 Na mealladh neach air bith e féin: ma shaoileas neach air bith 'nar measg e, féin bhi glic san t-saoghal so, biodh e 'na amadan, chum's gu'm bi e glic.

19 Oir is amaidheadh aig Dia gliocas an t-saoghail so: oir a ta e sriobhta, Glacaidh e na daoine glice 'nan innleachdaibh féin.

20 Agus a ris, Is aithne do'n Tighearn smuainte nan daoine glice, gur diomhain iad.

21 Uime sin na deanadh neach air bith uail a daoinibh: oir is leibhse na h-uile nithe:

22 Ma 'se Pòl, no Apollos, no Cephas, no an saoghal, no beatha, no bàs, no nithe a ta làthair, no nithe a ta ri teachd; is leibhse iad uile;

23 Agus is le Crìosd sibhse; agus is le Dia Crìosd.

## CAIB. IV.

1 Ciod e an meas a bhuineadh do dhaoineibh bhi aca air ministearibh. 7 Cha 'n'eil ag-ainn ni air bith ach na fhuair sinn. 9 Na h-abstòil 'nam ball-amhairc do'n t-saoghal, do ainglibh, agus do dhaoineibh, 13 mar shal agus anabas an t-saoghail; 15 gidheadh is iad ar n-aithriche ann an Crìosd, 16 agus bu chòir dhuinn an leanmhuinn.

**B**IODH a shamhuil so do mheas aig duine dhinne, mar mhinistearibh Crìosd, agus mar stiùbhardaibh<sup>1</sup> rùna-diomhair Dhé.

2 Os bàrr iarrar ann an stiùbhardaibh, gu faighear neach dileas.

3 Ach agamsa is ro-bheag an ni gu'n d'thugadh breth orm leibhse, no le breith-eanas duine: seadh, cha 'n'eil mi toirt breth orm féin.

4 Oir cha 'n fhios domh ni sam bith do m' thaobh féin, gidheadh cha 'n'eil mi le so air m'fhìreanachadh: Ach is e an Tighearn an ti a bheir breth orm.

5 Uime sin na tugaibh breth air ni sam bith roimh an àm, gus an d'thig an Tighearn, neach faraon a bheir gu soilleir-eachd nithe folaichte an dorchadais, agus a

dh'fhoillsicheas comhairlean nan cridh-eacha: agus an-sin gheibh gach neach cliu o Dhia.

6 Agus, a bhràithre, ghabh mi na nithe so a'm ionnsuidh féin, agus a dh'ionnsuidh Apollois ann an samhladh<sup>2</sup>, air bhur sonsa: chum gu fòghlumadh sibh uainne, gun bharail a bhi agaibh air daoinibh os ceann na bheil sriobhta, chum nach biodh a h-aon agaibh air a shéideadh suas air son aon duine an aghaidh duin' eile.

7 Oir cò tha deanamh eadar-dhealachaidh ortsa o neach eile? Agus ciod e a ta agad nach d'fhuair thu? a nis ma fhuair thu e, c'ar son a ta thu deanamh uail mar nach faigheadh tu e?

8 A nis tha sibh sàitheach, a nis rinneadh saibhir sibh, rioghaich sibh as ar n-eug-mhaisne: Agus b'fhearr leam gu'm bu rìghre sibh, chum gu'm biodh maidne 'nar rìghribh maille ribh.

9 Oir is i mo bharail gu'n do chuir Dia sinne na h-abstòil a mach fa dheireadh, mar dhroing a tà air an orduchadh chum bàis. Oir rinneadh sinn 'nar ball-amhairc<sup>3</sup> do'n t-saoghal, agus do ainglibh, agus do dhaoineibh.

10 Is amadan sinne air son Chrìosd, ach a ta sibhse glic ann an Crìosd: tha sinne lag, ach a ta sibhse làidir: a ta sibhse ann an urram, ach sinne ann an eas-urram.

11 Gus an uair so féin, tha sinn araon ocrach, agus iotmhor, agus lomnochd, agus air ar bualadh do dhormaibh, agus gun aon àite-còmhnuidh seasmhach againn;

12 Agus ri saothair, ag oibreachadh le'r làmbaibh féin: Air fulang anacainnt dhuinn, tha sinn a' beannachadh: 'nuair a gheur-leannar sinn, tha sinn 'ga fhlung:

13 Air faghail tolbheim dhuinn, tha sinn a' guidheadh: rinneadh sinn mar shalachar an t-saoghail, mar anabas nan uile nithe gus an là'n diugh:

14 Ni'n sriobham na nithe so a chur nàire oirbh, ach mar mo chloinn ghràdhach a ta mi 'gar comhairleachadh.

15 Oir ma ta deich mìle luchd-teagaisg agaibh ann an Crìosd, gidheadh cha 'n'eil agaibh mòran aithriche: oir ann an Iosa Crìosd ghin mise sibh trid an t-soisgeil.

16 Uime sin guidheam oirbh, bithibh 'nar luchd-leanmhuinn ormsa<sup>4</sup>.

17 Chum na crìche so chuir mi Timoteus d'ar ionnsuidh, neach a ta 'na mhac gràdh-ach dhomh, agus dileas san Tighearna, neach a chuireas an cuimhne dhuibh mo shligheansa a ta ann an Crìosd, a réir mar a ta mi teagasg anns gach àit, anns gach eaglais.

18 A nis a ta cuid air an séideadh suas mar nach d'thiginn d'ar ionnsuidh.

19 Gidheadh thig mi d'ar ionnsuidh gu h-aithghearr, ma's toil leis an Tighearn,

<sup>1</sup> luchd-frìthealaidh air.<sup>2</sup> coslas.<sup>3</sup> sealladh, speuclair.<sup>4</sup> air m'cisiomplairse.



## I. CORINTIANACH.

agus bithidh fios agam, cha'n ann air eainnt na muinntir a ta air an séideadh suas, ach air an cumhachd.

20 Oir cha'n ann am focal a ta rioghachd Dhé, ach ann an cumhachd.

21 Ciod is àill leibh? An d'thig mi d'ar ionnsuidh le slait, no ann an gràdh, agus ann an spiorad na macantachd<sup>1</sup>?

### CAIB. V.

1 A ta an duine feòlmhor nì's mò 'na chàis-nàire dhoibh, na 'na aobhar gairdeachais.

7 Is còir an t-seann gheur-thaois a ghlanadh a mach. 10 Is còir peacaich ghràineil a sheachnadh.

**T**HA e air aithris gu coitchionn<sup>2</sup> gu bheil neo-ghloine<sup>3</sup> nar measg, agus a leithid sin do neo-ghloine, nach 'eil uiread as air ainmeachadh am measg nan Cinneach, gu'm biodh aig neach bean athar.

2 Agus a ta sibh air bhur séideadh suas, agus cha d'rinn sibh bròn mar bu chòir, chum gu tugtadh air falbh uaibh am fear a rinn an gnìomh so.

3 Oir gu deimhin air dhomhsa bhi uaibh an corp, ach a làthair agaibh an spiorad, thug mi breth cheana, mar gu bithinn a làthair, air an neach a rinn so mar so;

4 An ainm ar Tighearna Iosa Crìosd, air dhuibhse, agus do m' spioradsa bhi cruinn an ceann a chèile, maille ri cumhachd ar Tighearna Iosa Crìosd,

5 A shamhuil so do dhuine a thoirt thairis do Shatan chum sgrios na feòla, chum gu'm bi an spiorad air a shaoradh<sup>4</sup> ann an là an Tighearna Iosa.

6 Cha 'n'eil bhur n-uail maith: nach 'eil fhios agaibh gu'n goirtich<sup>5</sup> beagan do thaois ghoirt<sup>6</sup> am meall uile?

7 Glanaibh a mach uime sin an t-seann thaois ghoirt, chum gu'm bi sibh 'nar meall nuadh, mar a ta sibh neo-ghoirtichte. Oir a ta eadhon Crìosd ar n-uan càisge air ìobradh air ar son.

8 Uime sin cumamaid an fhéill<sup>7</sup>, na b'ann le seann thaois ghoirt, no le tacs ghoirt a' mhioruin agus an uile; ach le aran neo-ghoirtichte an treibhdhireis agus na firian.

9 Scriòbh mi d'ar ionnsuidh ann an litir, gu chomhludair a bhi agaibh ri luchd neo-ghloine<sup>8</sup>.

10 Gidheadh ni h-ann gu h-uile ri luchd neo-ghloine an t-saoghail so, no ri luchd sàinnt, no luchd foireigne<sup>9</sup>, no luchd ìodhol-aoraidh; oir an sin b'èigin duibh dol a mach as an t-saoghal.

11 Ach a nis scriòbh mi d'ar ionnsuidh, gun chomhludair a ghleidheadh, ma ta neach air bith d'an goirear bràthair 'na fhear-neo-ghloine, no sanntach, no 'na fhear-ìodhol-aoraidh, no 'na fhear-anacainnt,

no 'na mhisgeir, no 'na fhear-foireigne, maille r'a leithid so do dhuine gun uiread as biadh itheadh.

12 Oir ciod e mo ghnòthuchsa breth a thoirt orrasan a ta am muigh? nach 'eil sibhse a' toirt breth air an droing a ta stigh?

13 Ach a ta Dia a' toirt breth orrasan a ta 'n leth muigh. Uime sin cuiribh air falbh an droch dhuine sin as bhur meadhon féin<sup>10</sup>.

### CAIB. VI.

1 Cha'n fheadh na Corintianach dragh a chur air am bràithribh le'n agairt chum lagha,

6 gu h-àraidh an làthair nan anacreideach.

9 Cha sealbhaich na neo-fhìreanaich rioghachd Dhé. 15 'S iad ar cuirp buill Chrìosd,

19 agus teampull an Spioraid-naoimh:

16 Uime sin cha'n fheadar an trùgilleadh.

**A**M bheil a chridh' aig aon neach agaibh, aig am bheil cùis an aghaidh duin' eile, dol fuidh bhreitheanas nan daoine eucorach, agus ni h-ann fuidh bhreitheanas nan naoimh?

2 Nach 'eil fhios agaibh gu'n toir na naoimh breth air an t-saoghal? agus ma bheirear breth air an t-saoghal leibhse, an e nach fìu sibh bhi 'nar breithibh air na cùisibh a's lugha?

3 Nach 'eil fhios agaibh gu'n toir sinne breth air inglibh? cia mò na sin air nithibh a bhuineas do'n bheatha so?

4 Uime sin ma ta breitheanas<sup>11</sup> agaibh mu thimchioll nan nithe sin a bhuineas do'n bheatha so, cuiribh 'nan suidhe chum breitheanas an dream a's lugha meas anns an eaglais.

5 Chum bhur nàire labhran. An ann mar sin nach 'eil aon duine glic 'nar measg? nach eil fìu a h-aon a's urradh breth a thoirt eadar a bhràithre?

6 Ach a ta bràthair a' dol gu lagh le bràthair, agus so an làthair nan anacreideach.

7 A nis uime sin a ta gu cinnteach lochd 'nar measg, do bhrìgh gu bheil sibh a' dol gu lagh r'a chèile: ca'r son nach fèarr leibh eucoir fhulang? ca'r son nach fèarr leibh ciallach a ghabhail?

8 Gidheadh a ta sibh a' deanamh eucoir agus dìobhail<sup>12</sup>, agus sin air bhur bràithribh.

9 Nach 'eil fhios agaibh nach sealbhaich luchd deanamh na h-eucorach rioghachd Dhé? Na meallar sibh: cha sealbhaich luchd-strìopachais, no luchd-ìodhol-aoraidh, no luchd-adhaltrannais, no luchd-inacnuis, no na daoine a ta ciontach do neo-ghloine mhi-nàdurra.

10 No gaduichean, no daoine sanntach, no misgeircan, no luchd-anacainnt, no luchd-foreigne, rioghachd Dhé.

<sup>1</sup> ceannasachd.

<sup>2</sup> cumanta.

<sup>3</sup> strìopachas.

<sup>9</sup> reubainn, anacothrom.

<sup>10</sup> as bhur cuidcachd.

<sup>4</sup> shùbhaladh, thearnadh.

<sup>5</sup> geuraich.

<sup>11</sup> caithriche-breitheanas.

<sup>12</sup> dìubhail.

<sup>6</sup> gheur-thaois. <sup>7</sup> an fhéisd. <sup>8</sup> strìopachais.

11 Agus mar so bha cuid dibhse: ach a ta sibh air bhur n-ionnlad, aeh a ta sibh air bhur naomhaebadh; ach a ta sibh air bhur fireanaebadh ann aium an Tighearna Iosa, agus tre Spiorad ar Dé-ne.

12 Tha am biadh air son na bronn, agus a' bhrù air son a bhìdh: aeh sgriosaidh Dia faraon so agus sud. A nis eha 'n ann do neo-ghloine a tha an corp, aeh do'n Tighearn: agus an Tighearn do'n ehorp.

13 Tha am biadh air son na bronn, agus a' bhrù air son a bhìdh: aeh sgriosaidh Dia faraon so agus sud. A nis eha 'n ann do neo-ghloine a tha an corp, aeh do'n Tighearn: agus an Tighearn do'n ehorp.

14 Agus thog Dia faraon an Tighearn suas, agus togaidh e sinne suas trid a chumhachd fèin mar an eudna.

15 Naeh 'eil fhios agaibh, gur iad bhur cuirp buill Chriosd? uime sin an gabh mise buill Chriosd, agus an dean mi buill strìop-aiche dhuibh? Nar leigeadh Dia.

16 An e naeh 'eil fios agaibh, an ti sin a tha ceangailte ri strìopaich, gur aon chorp rithe e? Oir (a deir e) bithidh dithis 'nan aon fheadil.

17 Aeh an ti a tha ceangailte ris an Tighearn, is aon Spiorad ris e.

18 Teieibh o strìopaich. Tha gaeh aon pheaeadh a ni duine an leth muigh do'n chorp: ach an ti a ni strìopaehas, tha e peaeaeabadh an aghaidh a ehuirp fèin,

19 An e naeh 'eil fhios agaibh gur e bhur eorp teampull an Spioraid naomh a ta annaibh, a ta agaibh o Dhia, agus eha leibh fèin sibh?

20 Oir cheannaebadh le luach sibh: uime sin thugaibh glòir do Dhia le bhur corp, agus le bhur spiorad, a's le Dia.

## CAIB. VII.

1 *Mu phòsadh, 4 leigheas an strìopachais; 10 agus nach bu chòir do bhannaibh-pòsadh bhì air am fuisgladh air bheag aobhair. 18 Is còir do gach duine bhì toilichte leis a ghairm. 25 C'ar son is còir roghuinn a dheanamh do òigheachd: 35 na reusoin air son am bu chòir pòsadh, no gun pòsadh.*

A NIS a thaobh nan nithe mu'n do scriobh sibh a m' ionnsuidh: Is maith do fhear gun bheantuinn ri mnaoi.

2 Gidheadh, chum strìopaehas a sheachnadh, biodh a bhean fèin aig gaeh fear, agus aig gach mnaoi a fear fèin.

3 Thugadh am fear an deadh-ghèan dlìgheach do'n mnaoi; agus a' bhean mar an ceudna do'n fhear.

4 Cha 'nèil comas a cuirp fèin aig a' mnaoi, aeh aig an fhear: agus mar an ceudna eha 'nèil eomas a ehuirp fèin aig an fhear, aeh aig a' mnaoi.

5 Na cumaidh bhur dlìghe o chèile, aeh

le toil a ehéile rè tamuill, chum sibh fèin a thoirt do throsghadh agus do ùrnuigh; agus thigibh euideaeht a ris, ehum nach buair Satan sibh air son bhur neo-ghèamnuidh-eaeht.

6 Aeh labhram so mar ni eadaiehte<sup>2</sup>, agus cha'n ann mar àithne.

7 Oir bu mhiann leam gu'm biodh na h-uile dhaoine mar mi fèin: gidheadh a ta a thiodhlac fèin aig gaeh duine o Dhia, aig aon neach mar so, agus aig neach eile mar sud.

8 Uime sin a deiream ris an droing naeh 'eil pòsda agus ris na bantraehaibh, Is maith dhoibh ma dh'fhanas iad eadhon mar a ta mise.

9 Gidheadh mur fheudar leo iad fèin a ghleidheadh *geamnuidh*, pòsadh iad: oir is fearr pòsadh na losgadh.

10 Agus dhoibhsan a ta pòsda àithneam, *gidheadh* cha inhise, aeh an Tighearn, gun a bhean a dhealachadh r'a fear:

11 Aeh ma dhealaicheas i, fanadh i gun phòsadh, no biodh i réidh r'a fear: agus na cuireadh am fear uaidh a bhean.

12 Aeh ris a' ehuid eile a deireamsa, cha'n e an Tighearn, Ma bhios aig bràthair sam bith bean ana-ereideach<sup>3</sup>, agus gu bheil i toileach eòmhnuidh a 'ghabhail maille ris, na euireadh e uaidh i.

13 Agus a' bhean aig am bheil fear ana-ereideach, agus gu bheil esan toileach eòmhnuidh a ghabhail maille rithe, na euir-eadh i uaipe e<sup>4</sup>.

14 Oir a ta am fear ana-ereideach air a naomhaebadh leis a' mnaoi<sup>5</sup>, agus a ta a' bhean ana-creideach air a naomhachadh leis an fhear<sup>6</sup>: no bhiodh bhur clann neo-ghlan; ach a nis a ta iad naomba.

15 Aeh ma dh'fha'bbas am fear ana-ereideach, falbha'll e. Cha 'nèil bràthair no piuthar fa dhaorsa 'an leithidibh sin do chàsaibh: ach ghairm Dia sinne chum sìth.

16 Oir ciod am fios a ta agadsa, O bhean, naeh slànuieh<sup>7</sup> thu t'fhear? no eiod am fios a ta agadsa, O fhir, naeh slànuieh thu do bhean?

17 Aeh a réir mar a roinn Dia ris gach duine, mar a ghairm an Tighearn gaeh aon, mar sin gluaiseadh e: agus mar sin a ta mise 'g orduehadh anns na h-eaglaisibh uile.

18 An do ghairmeadh neach sam bith agus e timhioll-ghearrta? na deanar e neo-timhioll-ghearrta: an do ghairmeadh neach sam bith gun e bhì timhioll-ghearrta? na timhioll-ghearrta e.

19 Cha 'nèil éifeaeht san timhioll-ghearradh, agus eha 'nèil éifeachd san neo-timhioll-ghearradh, aeh *ann'an* eoinhead àithcanta Dhé,

<sup>1</sup> tarbhach. <sup>2</sup> mar chomhairle. <sup>3</sup> mhi-chreidmheach, gun chreidimh. <sup>4</sup> na sagadh i e.

<sup>5</sup> sa' mnaoi. <sup>6</sup> san fhear. <sup>7</sup> suor, sàbhail.



20 Fanadh gach aon anns a' ghairm anns an do ghairmeadh e.

21 An do ghairmeadh thu a'd' thràill <sup>1</sup>? na biodh suim agad dheth; ach ma dh'fheudas tu bhi saor, gu ma h-e sin do roghainn.

22 Oir an ti a ghairmeadh san Tighearn 'na thràill, is duine saor an Tighearna e: mar an ceudna an ti a ghairmeadh agus e saor, is e seirbhiseach <sup>2</sup> Chriosd e.

23 Cheannachadh air luach sibh; na bithibh 'nar tràillibh do dhaoineibh.

24 A bhràithre, san staid anns an do ghairmeadh gach neach, an sin fanadh e maille ri Dia.

25 A nis a thaobh òighean, cha 'n'eil àithne agam o'n Tighearn: gidhcadh bheir-eam mo bhreth, mar neach a fhuair tràicair o'n Tighearn gu bli dileas.

26 Measam uime sin gu bheil so maith air son na teanntachd <sup>3</sup> a ta làthair, a deir-eam, gu bheil e maith do dhuine bhi mar sin.

27 Am bheil thu ceangailte ri mnai? na iarr fuasgladh. Am bheil thu fuasgailte o mnai? na iarr bean,

28 Ach ma phòsas tu, cha do pheacaich thu; agus ma phòsas òigh, cha do pheacaich i: gidheadh, bithidh aig an leithidibh so trioblaid san fhèid; ach caomhnar sibh.

29 Ach a deiream so, a bhràithre, gu bheil an aimsir goirid sna bheil ri teachd: ionnas faraoon gu'm bi iadsan aig am bheil innai, mar nach biodh muai aca.

30 Agus iadsan a ta ri caoidh, mar nach biodh iad ri caoidh; agus iadsan a ta ri gairdeachas, mar mhuinntir nach 'eil ri gairdeachas; agus iadsan a ta ri ccannachd, mar dhaoine nach 'eil a' sealbhachadh:

31 Agus iadsan a ta gnàthachadh an t-saoghail so, mar dhroing nach 'eil 'ga mhi-ghnàthachadh <sup>4</sup> oir theid sgiamh <sup>5</sup> an t-saoghail so seachad.

32 Ach b'àill leam sibhse bhi gun ro-chùram. An ti nach 'eil pòsda, bithidh cùram nan nithe sin a bhuineas do'n Tighearn air, cionnus a thoilicheas e an Tighearn:

33 Ach an ti a ta pòsda, bithidh cùram nithe an t-saoghail air, cionnus a dh'fheudas e a bhean a thoileachadh.

34 Tha mar an ceudna eadar-dhealachadh eadar bean agus òigh: tha cùram oirre-se nach 'eil pòsda mu nithibh an Tighearna, chum's gu'm bi i naomha, faraoon 'na corp agus 'na spiorad; ach bithidh cùram air a' mhnaoi a ta pòsda mu nithibh an t-saoghail, cionnus a dh'fheudas i toil a fir a dheanamh.

35 Agus so labhram chum bhur tairbhe fèin, cha'n ann chum gu'n cuirinn ribe <sup>6</sup>

oirbh, ach a chum an ni sin a ta ciatfach <sup>7</sup>, agus gu'm feitheadh sibh air an Tighearn gun bhuairleadh.

36 Ach ma shaoileas duine sam bith gu bheil e 'ga ghiùlan fèin gu mi-chiatfach thaobh a mhaighdin, ma chaidh blàth a h-aimsir thairis, agus gur còir a dheanamh mar sin, deanadh e na's àill leis, cha 'n'eil e a' peacachadh: pòsadh iad.

37 Gidheadh, an ti sin a tha suidhichte gu daingean 'na chridhe, agus gun éigin sam bith air, ach aig am bheil cumhachd air a thoil fèin, agus a chuir roimhe 'na chridhe a mhaighdean a choimhead, tha e a' deanamh gu maith.

38 Uime sin ma seadh, a ta an ti a bheir seachad am pòsadh i, a' deanamh gu maith; ach a ta an ti nach tabhair ann am pòsadh i, a' deanamh ni's fearr.

39 Tha bhean ceangailte leis an lagh rè na h-uine a's beo d'a fear: ach ma gheibh a fear bàs, tha i saor gu pòsadh ri aon neach a's toil leatha; a mhàin anns an Tighearn.

40 Ach tha i ni's sona, ma dh'fhanas i mar sin, a rèir mo bhrethe: agus is i mo bharailse <sup>8</sup> gu bheil Spiorad Dhé agam.

#### CAIB. VIII.

1 *Fantuinn o bhidheannaibh a dh'ìobradh do ìodholaibh.* 8 *Cha'n fheud sinn ar saorsa Chriosduidh a mhi-ghnàthachadh, chum oilbheim d'ar bràithribh;* 11 *ach is còir dhuinn ar n-eòlas a chosachadh le gràdh.*

**A**NIS a thaobh nithe a dh'ìobradh do ìodholaibh, tha fhios againn gu bheil eòlas againn uile. Atuidh an t-eòlas suas, ach bheir gràdh fòghlum.

2 Agus ma ta aon duine a' saoilinn gu bheil eòlas ni sam bith aige, cha'n aithne dha aon ni fathast mar bu chòir dha aithneachadh.

3 Ach ma ta gràdh aig duine sam bith do Dhia, tha esan <sup>9</sup> air aithneachadh leis.

4 Uime sin, mu thimchioll itheadh nan nithe sin a dh'ìobradh do ìodholaibh, tha fhios againne nach ni air domhan ìodhol, agus nach 'eil Dia sam bith eile ann ach a h-aon.

5 Oir ge do tha iad ann d'an goirear Dé, ma's ann air nèamh no air talamh, amhuil mar ta iomadh Dia, agus iomadh Tighearn ann.

6 Gidheadh dhuinne cha 'n'eil ach aon Dia, an t-Athair, o'm bheil na h-uile nithe, agus sinne air a shonsan <sup>10</sup>; agus aon Tighearn Iosa Criosd, trid am bheil na h-uile nithe, agus sinne tridsan.

7 Gidheadh cha 'n'eil an t-eòlas so anns na h-uile dhaoineibh: oir tha cuid le coguis thaobh an ìodhoil gus an àm so, ag itheadh a bhith mar ni a dh'ìobradh do ìodhol

<sup>1</sup> a'd' dhaor-òglach, a'd' sheirbhiseach. <sup>2</sup> daor-òglach. <sup>3</sup> na h-éigin, a' chruidh-chais. <sup>4</sup> 'ga chaitheadh. <sup>5</sup> d'each, cumadh, <sup>6</sup> riabh.

<sup>7</sup> cuhaidh, tlachdmhor. <sup>8</sup> tha mi cinnteach. <sup>9</sup> an duine so. <sup>10</sup> annsan.

agus air d'an coguis a bhli anmhunn, tha i air a salachadh.

8 Ach cha mhol biadh sinn do Dhia: oir ma dh'itheas sinn, ni'm feirrd sinn e; ni mo mur ith sinn, is misd sinn e.

9 Ach thugaibh an aire nach bi an comas<sup>1</sup> so a ta agaibh air aon dòigh 'na aobhar oibhheim do'n dream a ta lag.

10 Oir ma chi neach thusa aig am bheil eòlas a' suidhe chum bidh ann an teampull iòdhoil, nach neartuichear coguis an ti sin a ta lag chum na nithe sin, a dh'ìobradh do iòdholuibh, itheadh:

11 Agus tre t'eòlas-sa an d'thèid do bràithair lag am mugha<sup>2</sup>, air son an d'fhuair Criosd bàs!

12 Ach le peacachadh dhuibh mi sin an aghaidh nam bràithre, agus leis an coguis anmhunn a lotadh, tha sibh a' peacachadh an aghaidh Chriosd.

13 Uime sin ma bheil biadh aobhar oibhheim do m' bhràithair, cha'n ith mi feòil a choidhch<sup>3</sup>, chum nach tabhair mi aobhar oibhheim do m' bhràithair.

#### CAIB. IX.

1 Tha e nochadh a shaorsa, 7 agus gu'm buineadh do'n mhinistear bhi air a bheathachadh leis an t-soisgeul: 15 gidheadh d'a dheadh-ghean maith fèin gu'n d'fhan e san o bhi costail dhoibh, 22 agus o oibhheim a thoirt do neach sam bith an cùisibh coimh-dheis. 24 Tha ar beatha cosmhuil ri réis.

**N**ACH abstol mise? nach 'eil mi saor? Nach fhaca mi Iosa Criosd ar Tighearn? nach sibhse m'obair san Tighearn?

2 Mur 'eil mi a'm' abstol do dhaoineibh eile, gidheadh gu cinnteach tha mi dhuibhse; oir is sibhse seula m' abstolachd anns an Tighearn.

3 Is e so mo fhreagradh do'n droing a chuireas ceisd orm,

4 Nach 'eil againne comas<sup>3</sup> itheadh agus òl?

5 Nach 'eil againne comas piuthar, bean-phòsda a thoirt leinn mu'n cuairt, amhuil mar na h-abstoil eile, agus bràithrean an Tighearna, agus Cephas?

6 No am bheil mise agus Barnabas a mhàin, gun chomas againn bhi saor o obair?

7 Cò a thèid chum cogaidh uair air bith air a chostus fèin? cò a shuidhicheas<sup>4</sup> fionlios, agus nach ith d'a thoradh? no cò a bheathaicheas treud, agus nach blais do bhainne an treud?

8 An ann mar dhuine a labhram na nithe so? no nach abair an lagh na nithe so mar an ceudna?

9 Oir a ta e scriobhta ann an lagh Mhaois, Na cuir ceangal air beul an dainh a tha saltairt<sup>5</sup> an arbhair. Am bheil cùram nan damh air Dia?

10 No nach ann gu h-àraid<sup>6</sup> air ar soinne a dcir e so? gu deimhin is ann air ar soinne tha e scriobhta: chum gur ann an dòchas is còir do'n treabhaiche treabhadh; agus a chum an neach a bhuailcas ann an dòchas, gu'm bi e 'na fhear comh-pairt d'a dhòchas.

11 Ma chuir sinne nithe spioradail dhuibhse<sup>7</sup>, an ni mòr e ma bhuaineas sinn bhur nithe feòlmhorsa?

12 Ma tha muinntir eile 'nan luchd-comh-pairt do'n chumhachd<sup>8</sup> so tharuibh, nach mò is còir dhuinne bhi? Gidheadh<sup>9</sup> cha do chuir sinn an cumhachd so an cleachda; ach a ta sinn a' fulang nan uile nithe, chum nach cuireamaid bacadh air soisgeul Chriosd.

13 Nach 'eil fhios agaibh gu bheil iadsan a ta saothreachadh mu thimchioll nithe-naomha, air am beathachadh o'n teampull? agus iadsan a ta frithealadh do'n altair, gu bheil comh-roinn<sup>9</sup> aca ris an altair?

14 Agus mar sin dh'orduich an Tighearn mar an ceudna dhoibhsan a ta searmonachadh an t-soisgeil, an teachd-an-tìr fhaotainn o'n t-soisgeul.

15 Ach cha do ghnàthaich mise a h-aon-diubh so, agus cha do scriobh mi na nithe-so, chum gu'n deantadh mar sin dhomh: oir b'fhearr dhomh am bàs fhaghail, na gu'n cuiradh neach air bith m'uail an neo-brigh.

16 Oir ge do shearmonaich mi an soisgeul, cha 'n'eil aobhar uail agam: oir a ta éigin air a cur orm; seadh, is anaobhinn domh, mur searmonaich mi an soisgeul.

17 Oir ma's ann gu toileach a ta mi deanamh so, tha duais agam: ach ma's ann an aghaidh mo thoile a tha ministreil-eachd<sup>10</sup> air a h-earbsadh rium,

18 Ciod i mo dhuais ma seadh? eadhon so, chum ag searmonachadh an t-soisgeil domh, gu'n suidhichinn<sup>11</sup> soisgeul Chriosd gun chostus, chum nach mi-ghnàthaichinn mo chumhachd san t-soisgeul.

19 Oir ge do tha mi saor o na h-uile-dhaoineibh, gidheadh rinn mi mi fèin a'm' sheirbhiseach<sup>12</sup> do na h-uile, chum gu'n cosnainn an tuilleadh.

20 Agus rinneadh mi do na h-Iudhach-aibh mar Iudhach, chum gu'n cosnainn na h-Iudhaich; dhoibhsan a ta fuidl<sup>13</sup> 'n lagh, mar dhuine fuidl<sup>13</sup> 'n lagh, chum gu'n cosnainn iadsan a ta fuidl<sup>13</sup> 'n lagh;

21 Dhoibhsan a ta gun lagh, mar dhuine gun lagh, (ge nach 'eil mi gun lagh do Dhia, ach fuidl lagh do Chriosd) chum gu'n cosnainn iadsan a ta gun lagh.

22 Rinneadh mi dhoibhsan a ta anmhunn<sup>13</sup> mar dhuine anmhunn, chum gu'n cosnainn an droing a ta anmhunn: Bha mi san uile chruth do na h-uile, chum air

<sup>1</sup> a' chòir, an cumhachd.

<sup>2</sup> an sgriosar, an caillleas do bhràithair lag.

<sup>3</sup> cumhachd, còir.

<sup>4</sup> phlannuicheas.

<sup>5</sup> a' buailadh, briseadh.

<sup>6</sup> gu h-uile.

<sup>7</sup> annaibhse.

<sup>8</sup> chomas.

<sup>9</sup> comh-pairt.

<sup>10</sup> frithealadh, cùram.

<sup>11</sup> deannainn.

<sup>12</sup> a'm' thràill.

<sup>13</sup> lag.



gach uile dhòigh gu'n slànuichinn<sup>1</sup> cuid eigin.

23 Agus so deanam air son an t-soisgeil, chum gu'm bi mi a'm' fhear comh-roinne dheth<sup>2</sup>.

24 Nach 'eil fhios agaibh iadsan a ta ruith anns a' bhlàr-réise, gu'n ruith iad uile, ach is aon duine a gheibh an duais<sup>3</sup>? gu ma h-amhuil e ruitheas sibhse, ionnas gu'n glac sibh an duais.

25 Agus a ta gach uile ghleachdair measarra anns na h-uile nithibh: a nis a ta iadsan a' *deanamh sin* chum's gu'n faigh iad crùn truailidh, ach sinne *air son crùn neo-thruailidh*.

26 Uime sin is amhuil a ruitheamsa, ni h-ann mar gu neo-chinnteach<sup>4</sup>: is amhuil a chuiream cath, ni h-ann mar neach a bhuaileas an t-athar:

27 Ach trom-bhuaileam mo chorp, agus cuiream fuidh smachd e: an t-eagal air chor sam bith an déigh dhomh searmonachadh<sup>5</sup> do dhroing eile, gu'n cuirear mi féin air cùl<sup>6</sup>.

# C A I B. X.

1 *The sacramainte nan Iudhach 'nan samhldh air ar sacramaintibhne*, 14 *agus am peanas mar rabhadh dhuinn iodhol-aoradh a sheachnadh*. 21 *Cha'n fheud sinn bhi 'nar luchd-comhair do bhord an Tighearna, agus dhiabhol faraon: &c.*

**O**S barr, a bhràithre, cha b'àill leam sibhse a bhi aineolach, gu robh ar n-aithriche uile fuidh 'n neul, agus gu'n deachaidh iad uile tre'n mhuir;

2 Agus gu'n do bhaisteadh iad uile do Mhaois san neul, agus anns a' mhuir;

3 Agus gu'n d'ith iad uile an t-aon bhiadh spioradail;

4 Agus gu'n d'òl iad uile an t-aon deoch spioradail: (oir dh'òl iad do'n charruig spioradail sin a lean iad: agus b'i a' charruig sin Criosd.)

5 Ach le mòran duibh cha robh Dia toilichte<sup>7</sup>: oir sgriosadh san fhàsach iad.

6 A nis bha na nithe sin 'nan sàimpeiribh<sup>8</sup> dhuinne, chum nach miannaicheamaid droch nithe, eadhon mar a mhiannaich iadsan.

7 Agus na bithibhse 'nar luchd-iodhol-aoraidh, mar a bha cuid duibhsan; a réir mar a ta e scriobhta, Shuidh am pobull sìos a dh'itheadh, gu dh'òl, agus dh'éirich iad a chluicheadh.

8 Agus na deanamaid strìopachas, mar a rinn cuid duibhsan, agus a thuit duibh an aon là trì mìle fichead.

9 Agus na dearbhamaid<sup>9</sup> Criosd<sup>10</sup>, mar a dhearbhadh cuid duibhsan, agus a sgriosadh iad le nathraichibh nimhe.

10 Agus na deanaibhse gearan, mar a rinn cuid duibhsan gearan, agus a sgriosadh iad leis an sgriosadair<sup>11</sup>.

11 A nis thachair na nithe so uile dhoibhsan mar eiseimpleiribh: agus scriobhadh iad chum teagaisg<sup>12</sup> duinne, air am bheil deireadh an domhan<sup>13</sup> air teachd.

12 Uime sin an ti a shaoileas a bhi 'na sheasamh, thugadh e aire nach tuit e.

13 Cha do thachair deuchainn<sup>14</sup> air bith ribh, ach ni a ta coitichionn<sup>15</sup> do dhaoibh: ach tha Dia dileas, nach leig dhuibh bhi air bhuir feuchainn thar bhuir comas; ach a ni maille ris an deuchainn slighe dol as mar an an ceudna, chum gu'm bi sibh comasach air a giùlan.

14 Air an aobhar sin, a mhuinntir mo ghràidh, teichibh o iodhol-aoradh.

15 Labhran mar ri daoibh tuigseach: thugaibhse breth air an ni a deiream.

16 Cupan a' bheannachaidh a ta sinne a' beannachadh, nach e commonn fola Chriosd e? An t-aran a ta sinn a' briseadh, nach e commonn cuirp Chriosd e?

17 Oir ge do tha sinne 'nar mòran, is aon aran<sup>16</sup>, agus aon chorp sinn: oir a ta againn uile comhair do'n aon aran.

18 Thugaibh faineir Israel a réir na feòla: nach 'eil aca-san a ta 'g itheadh nan iobairt comh-roinn ris an altair?

19 Ciod a deiream uime sin? gu bheil brìgh air bith anns an iodhol, no gu bheil brìgh air bith san ni a dh'ìobradh do iodhol-aibh?

20 Ach a deiream, na nithe a ta na Cinnich ag ìobradh, gur ann do dheamhn-aibh a tha iad 'gan ìobradh, agus nach ann do Dhia: agus cha b'àill leam commonn a bhi agaibhse ri deamhn-aibh.

21 Cha 'n'eil e an comas duibh cupan an Tighearna òl, agus cupan dheamhan. Cha 'n'eil e an comas duibh comh-roinn a bhi agaibh do bhord an Tighearna, agus do bhord dheamhan.

22 Am broснаich sinn an Tighearn gu feirg? an treise sinn na esan?

23 Tha na h-uile nithe cèadaichte dhomh, ach cha 'n'eil na h-uile nithe iomchuidh<sup>17</sup>: tha na h-uile nithe cèadaichte dhomh, agus cha tabhair na h-uile nithe fòghlum.

24 Na iarradh neach air bith an ni sin a bhùineas dha féin: ach iarradh gach aon an ni sin a thig ri maith neach eile.

25 Ithibh gach ni a reicear am margadh na feòla, gun cheisd air bith fheadraich<sup>18</sup> air son coguis.

26 Oir is leis an Tighearn an talamh, agus a làn.

27 Ma bheir aon neach dhiubhsan nach

<sup>1</sup> saorainn, tearnuin, sàbhalaonn. <sup>2</sup> gu'm bi comhair agam dheth maille ribhse. <sup>3</sup> geall. <sup>4</sup> mar neachnach 'eil am follas. <sup>5</sup> gairm a thoirt. <sup>6</sup> gu diùltar, gu tilgear mi féin. <sup>7</sup> cha do thaitinn mòran duibh ri Dia. <sup>8</sup> sgàilibh, samhla-

saibh. <sup>9</sup> buaireamaid. <sup>10</sup> Dia. <sup>11</sup> mhilltear. <sup>12</sup> rabhaidh. <sup>13</sup> nan linn. <sup>14</sup> buaireadh, cruaidh-fheuchainn, dearbhadh. <sup>15</sup> cumanta. <sup>16</sup> bhuilinn. <sup>17</sup> tarbhach. <sup>18</sup> fharraid.

'eil 'nan creidmhich cuireadh dhuibh, agus gur toil leibh dol maille ris; ithibh gach ni a chuirear roimhibh, gun ni sam bith fheadruich air son coguis.

28 Ach ma deir duine sam bith ribh, Dh'òbradh an ni so do iodholaibh, na ithibh, air a shonsan a nochd dhuibh e, agus air son coguis<sup>1</sup>. Oir is leis an Tighearn an talamh, agus a làn.

29 Air son coguis deiream, cha'n i do choguis féin, ach coguis an neach ud eile: oir c'ar son a bheirear breth air<sup>2</sup> mo shaor-sasa le coguis duin eile?

30 Oir, ma tha comhpairt bidh agamsa tre ghràs, c'ar son a labhrar olc umam a thaobh an ni sin air son am bheil mi a' toirt buidheachais?

31 Uime sin cò aca dh'itheas no dh'òlas sibh, no ge b'e ni a ni sibh, deanaibh na h-uile nithe chum glòire Dhé.

32 Na tugaibh aobhar oilbheim do na h-Iudhachaibh, no do na Greugachaibh, no do eaglais Dé:

33 A réir mar a ta mise a' deanamh toile nan uile dhaoine anns na h-uile nithibh, gun bhi 'g iarraidh mo bhuannachd féin, ach buannachd mhòrain, chum gu slànuichear iad.

## CAIB. XI.

1 Tha e faotainn cron doibh, gu robh 'nan coimhthionail am fir a' deanamh ùrnuigh, agus an cinn air an còmhdachadh, agus am mnàl gun còmhdachadh air an cinn: 17 agus do bhrìgh gu robh gu coitcheinn an cruinneachadh ni h-ann chum maith, ach chum uile; gu sonraichte, air son gu robh iad le'm fèisdibh féin a' mì-naomhachadh suipeir an Tighearna, &c.

**B**ITHIBHSE 'nar luchd-leanmhuinn ormsa<sup>3</sup>, amhuil mar a ta mise air Criosd.

2 A nis molam sibh, a bhràithre, do bhrìgh gu bheil cuimhne agaibh ormsa anns na h-uile nithibh, agus gu bheil sibh a' coimhead nan orduighean, mar a thug mise dhuibh iad.

3 Ach bu mhiann leam fios a bhi agaibh, gur e Criosd ceann gach fir, agus gur e am fear ceann na mnà, agus gur e Dia ceann Chriosd.

4 Gach fear a ta deanamh ùrnuigh no fàidheadaireachd, agus folach air a cheann, tha e toirt eas-urraim d'a cheann.

5 Ach gach bean a ta deanamh ùrnuigh no fàidheadaireachd gun fholach air a ceann, tha i toirt easurraim d'a ceann: oir is ionann sin agus ge do bhiodh i air a bearradh.

6 Oir mur bi folach air ceann na mnà, bearrar i mar an ceudna: ach ma's

grannda<sup>4</sup> do mhnaoi i bhi air a bearradh no air a lomadh, cuireadh i folach oirre.

7 Oir gun amharus cha chòir do fhear a cheann a còmhdachadh<sup>5</sup>, do bhrìgh gur h-e ìomhaigh agus glòir Dhé: ach is i a bhean glòir an fhìr.

8 Oir cha 'n'eil am fear o'n mhnaoi, ach a' bhean o'n fhear.

9 Agus nior chruthaicheadh am fear air son na mnà, ach a' bhean air son an fhìr.

10 Uime sin is còir do'n mhnaoi cumhachd<sup>6</sup> a bhi aice air a ceann, air son nan aingeal.

11 Gidheadh, cha 'n'eil am fear as eugmhais na mnà, no a' bhean as eugmhais an fhìr anns an Tighearn.

12 Oir mar a ta a' bhean o'n fhear, is amhuil sin a ta 'm fear tre'n mhnaoi mar an ceudna: ach is ann o Dhia ta na h-uile nithe.

13 Measaibh annaibh féin: am bheil e ciatfach do mhnaoi ùrnuigh a dheanamh ri Dia gun fholach air a ceann.

14 Nach 'eil nàdur féin a' teagasg dhuibh, ma bhios gruag fhada air fear, gur nàr dha e?

15 Ach ma bhios gruag fhada air mnà, is glòir dh'i e: oir thugadh a gruag dh'i air son còmhdaich<sup>7</sup>.

16 Ach ma bhios neach air bith conn-spoideach, cha 'n'eil a leithid sin do ghnàthachadh againne, no aig eaglaisibh Dhé.

17 A nis anns an ni so a chuiream an cèill dhuibh, cha mhol mi sibh, do bhrìgh gu bheil sibh a' teachd an ceann a chéile, cha'n ann chum an ni a's fearr, ach an ni a's measa.

18 Oir air tùs, air cruinneachadh dhuibh an ceann a chéile san eaglais, tha mi cluinn-tinn gu bheil roinnean<sup>8</sup> 'nar measg; agus tha mi an cuid 'ga chreidsinn.

19 Oir is éigin saobh-chreidimh<sup>9</sup> a bhì eadaruibh, chum gu'n deanar follaiseach an dream a ta dearbhta 'nar measg.

20 Uime sin an uair a thig sibh an ceann a chéile do aon àit, cha'n e sin suipeir an Tighearna itheadh.

21 Oir ithidh gach aon air tùs a shuipeir féin, agus a ta neach ocrach, agus neach eile air mhisg.

22 An e nach 'eil tighean agaibh chum itheadh agus òl annta? no am bheil sibh a' deanamh tàir air eaglais Dé, agus a' nàrachadh na muinntir aig nach 'eil? Ciod a deiream ribh? Am mol mi sibh anns a' chùis so? cha mhol.

23 Oir fhuair mise o'n Tighearn an nì mar an ceudna a thug mi dhuibhse, Gu'n do ghlaic an Tighearn Iosa aran, anns an oidhche an do bhrathadh e:

24 Agus air breith buidheachais, bhris

<sup>1</sup> coimh-fhios, coinsiens. <sup>2</sup> a' dhùtear. <sup>3</sup> air m'èisimplairse. <sup>4</sup> grànna. <sup>5</sup> fholach. <sup>6</sup> se sin r'a ràdh folach, a leigeil fhaicinn gu bheil i

fa chumhachd a fir. <sup>7</sup> folach. <sup>8</sup> eas-aonachda, sgaraidh. <sup>9</sup> saobh-bharailean, éiriceachd.



se e, agus thubhairt e, Gabhaibh, ithibh; is e so mo chorpas, a ta air a bhriseadh<sup>1</sup> air bhur sonsa: deanaibh so chum cuimhne ormsa<sup>2</sup>.

25 Agus air a' mhodh cheudna an cupan, a dèigh na suipeir, ag ràdh, Is e an cupan so an coimhcheangal<sup>3</sup> nuadh ann an fhuilse: deanaibhsc so, cia minic as a dh'òlas sibh e, chum cuimhne ormsa.

26 Oir cia minic as a dh'itheas sibh an t-aran so, agus a dh'òlas sibh an cupan so, tha sibh a' foillseachadh bàis an Tighearna agus an d'thig e.

27 Uime sin, ge b'e neach a dh'itheas an t-aran so, agus<sup>4</sup> a dh'òlas cupan so an Tighearna gu neo-iomchuidh, bithidh e ciontach do chorp agus do fhuil an Tighearna.

28 Ach ceasnuicheadh<sup>5</sup> duine e fèin, agus mar sin itheadh e do'n aran so, agus òladh e do'n chupan so:

29 Oir ge b'e dh'itheas agus a dh'òlas gu neo-iomchuidh, tha e 'g itheadh agus ag òl breitheanas dha fèin, do bhrìgh nach 'eil e a' dcanamh aithneadh air corp an Tighearna<sup>6</sup>.

30 Air a shon so tha mòran 'nar measg lag agus tinn, agus tha mòran 'nan codal.

31 Oir nan d'thugamaid breth oirnn fèin, cha d'thugtadh breth oirnn.

32 Ach an uair a bheirear breth oirnn, tha sinn air ar smachdachadh leis an Tighearna, chum nach bitheamaid air ar dteachd maille ris an t-saoghal.

33 Uime sin, mo bhràithre, 'nuair a thig sibh an ceann a chèile, chum itheadh, fanaibh r'a chèile.

34 Agus ma bhios ocras air aon neach itheadh e ag an tigh; chum nach d'thig sibh an ceann a chèile gu breitheanas<sup>7</sup>. Agus cuiridh mise gach ni eile an ordugh 'nuair a thig mi.

## CAIB. XII.

1 Tha tiòdhlach spioradail iomadach thaobh gnè, 7 gidhcadh a ta iad uile gu tairbhe. 8 agus chum na crìche so air an tabhairt air caochladh dòigh: 12 chum a rèir mar a ta buill a' chuirp nàdurra uile chum 16 maise, 22 agus seirbhis an aon chuirp; 27 mar sin gu bitheamaidne d'a chèile, a dheanamh suas cuirp dhiomhair Chrisod.

**A**NIS a thaobh nithe<sup>8</sup> spioradail, a bhràithre, clu'n àill leam sibh bhiaineolach.

2 Tha fios agaibh gu robh sibh 'nar Cinnich, air bhur tarruing gu iodholaibh balbha, a rèir mar a threòraicheadh sibh.

3 Uime sin tha mi toirt fios duibh, nach abair duine sam bith a tha labhairt o Spiorad Dé, gu bhicil Iosa mallachte: agus nach

urradh duine sam bith a ràdh gur e Iosa an Tighearna, ach trid an Spioraid naoimh.

4 A nis tha eadar-dhealachadh thiodhlaca ann, ach cha 'n'eil ach aon Spiorad ann.

5 Agus tha eadar-dhealachadh frithealaidh<sup>9</sup> ann, gidheadh cha 'n'eil ach aon Tighearna ann.

6 Agus tha cadar-dhealachadh oibreachaidh ann, ach is e an t-aon Dia, a tha 'g oibreachadh nan uile nithe anns na h-uile.

7 Ach a ta foillseachadh an Spioraid air a thoirt do gach neach, chum tairbhe.

8 Oir do aon duine tha focal a' ghliocais air a thoirt leis an Spiorad; agus do dhuin' eile focal an eòlais leis an Spiorad cheudna;

9 Do neach cile creidimh leis an Spiorad sin fèin; do dhuin' eile tabhartas leighis trid an Spioraid cheudna;

10 Do neach eile oibreachadh mhiòr-bhuile; do neach eile fàidheadaireachd; do neach eile aithneachadh spiorad; do neach eile iomadh gnè theanga: agus do neach eile eadar-mhìneachadh theanga.

11 Ach na nithe sin uile tha an t-aon Spiorad ceudna ag oibreachadh, a' roinn ris gach aon fa leth a rèir mar is àill leis.

12 Oir mar is aon an corp, agus mòran do bhallaibh aige, agus a ta uile bhuill an aon chuirp sin, ge li-iomadh iad, 'nan aon chorp; mar sin a ta Crìosd.

13 Oir trid aon Spioraid bhaisteadh sinn uile do aon chorp, ma's Iudhaich sinn no Greugaich, ma's daor no saor sinn; agus thugadh deoch r'a h-òl duinn uile chum aon Spioraid.

14 Oir cha'n aon bhall an corp, ach mòran.

15 Ma deir a' chos, Do bhrìgh nach mi an làmh, cha'n ann do'n chorp mi; nach 'eil i do'n chorp air a shon sin?

16 Agus ma deir a' chluas, Do bhrìgh nach mi an t-sùil, cha'n ann do'n chorp mi; nach ann do'n chorp i air a shon sin?

17 Nam biodh an corp uile 'na shùil, c'ait am biodh a' chlaisteachd? Nam biodh e uile 'na chlaisteachd, C'ait am biodh am boladh?

18 Ach a nis shuidhich Dia na buill gach aon diubh sa' chorp, mar bu toil leis.

19 Agus nam biodh iad uile 'nan aon bhall, c'ait am biodh an corp.

20 Ach a nis tha iad 'nam mòran bhall, ge nach 'eil ann ach aon chorp.

21 Agus cha'n urradh an t-sùil a ràdh ris an làmh, Cha 'n'eil feum agam ort: no a ris, an ceann ris na cosaibh, Cha 'n'eil feum agam oirbhe.

22 Ach gu ro mhòr ni's mò tha na buill sin do'n chorp, a's anmhuinne<sup>10</sup> thaobh coslaìs, feumail.

23 Agus air na buill sin do'n chorp a's lugha urram 'nar meas-ne, tha sinn a' cur

<sup>1</sup> air a thabhairt. <sup>2</sup> mar chuimhneachan ormsa. <sup>3</sup> tiomnadh. <sup>4</sup> no. <sup>5</sup> dearbhadh. <sup>6</sup> dcanamh eadar-dhealachaidh eadar corp an

Tighearna agus biadh eile. <sup>7</sup> chum dìtiach. <sup>8</sup> thiodhlaca. <sup>9</sup> mhinistireilachd, dhreuchd. <sup>10</sup> luige.

an tuilleadh urrainn, agus na *buill* sinn dhinn a's lugha maise, tha aca sin gu ro mhòr an tuilleadh maise.

24 Oir air na *buill* mhaiseach againn cha 'n'eil uireasbhuidh: ach rinn Dia an corp a chomh-chumadh r'a chéile, air dha an tuilleadh urrainn gu mòr a thoirt do'n *chaid* air an robh uireasbhuidh:

25 Chum nach biodh easaonachd air bith sa' chorp; ach gu'm biodh an t-aon chùram aig na buill d'a chéile.

26 Agus ma dh'fhuilgeas aon bhall, comh-fhuilgidh na buill uile: no ma gheibh aon bhall urram, ni na buill uile gairdeachas maraon ris.

27 A nis is sibhse corp Chriosd, agus is buill sibh fa leth.

28 Agus chuir Dia dream àraidh san eaglais, air tìs abstola, san dara àit fàidhean, san treas àit luchd-teagaisg, a ris mìorbhuilean, 'na dhéigh sin tabhartais leighis, luchd-cuideachaidh, uachdaranachda, iomadh gnè theanga.

29 Am bheil 'na h-uile 'nan abstolaibh? *Am bheil* na h-uile 'nam fàidhibh? *Am bheil* na h-uile 'nan luchd-teagaisg? *Am bheil* na h-uile 'nan luchd-deanamh mhiorbhuile?

30 Am bheil aig na h-uile tabhartais leighis? An labhair na h-uile le teangaibh? An dean na h-uile eadar-theangachadh?

31 Ach biodh miann dùrachdach nan tiodhlac a's fearr oirbh: agus gidheadh nochdamsa dhuibh slighe a's ro-fhearr.

## CAIB. XIII.

1 *Cha 'n'eil brìgh sam bith anns na tiodhlac-aibh uile, d'am feabhas, as eaghlais a ghràidh: 4 A chliusan, 13 agus a bharrachd air dòchas agus creidimh.*

**G**E do labhrainn le teangaibh dhaoine, agus aingeal, agus gun ghràdh<sup>1</sup> agam, tha mi a'm<sup>2</sup> umha<sup>3</sup> a ni fuaim, no a'm<sup>4</sup> chiombal a ni gleangarsaich.

2 Agus ge do robh agam fàidheadaireachd, agus ge do thuiginn na h-uile rùna-diomhair, agus gach uile eòlas; agus ge do bhiodh agam gach uile ghné creidimh, ionnas gu'n atharraichinn sléibhte, agus mi gun ghràdh agam, cha 'n'eil annam ach neo-ni.

3 Agus ge do chaithinn mo mhaoine uile chum na bochdan a bheathachadh, agus ge do bheirinn mo chorp chum a losgaidh, agus gun ghràdh agam, cha 'n'eil tairbhe sam bith dhomh ann.

4 Tha an gràdh fad-fhulangach, agus caoimhneil; cha ghabh an gràdh farmad; cha dean an gràdh ràiteachas, cha 'n'eil e air a shéideadh suas,

5 Cha ghiùlain se e féin gu mi-chiatfach, cha'n iarr e na nithe sin a bhuineas da féin,

cha 'n'eil e so-bhrosnachaidh *chum feirge*, cha smuainich e olc sam bith.

6 Cha dean e gairdeachas san eucoir, ach ni e gairdeachas san fhìrinn:

7 Fuilgidh<sup>5</sup> e na h-uile nithe, creididh e na h-uile nithe, bithidh sùil<sup>6</sup> aige ris na h-uile nithibh, giùlainidh e na h-uile nithe.

8 Cha d'théid an gràdh air cùl a choidhch: ach ma's fàidheadaireachda ta ann, théid iad air cùl; ma's teangaidh, sguiridh iad; ma's eòlas, cuirear air cùl e.

9 Oir a ta eòlas againn ann an cuid, agus tha sinn ri fàidheadaireachd ann an cuid.

10 Ach an uair a thig an ni a ta iomlan, cuirear air cùl an ni sin nach 'eil ach ann an cuid.

11 'Nuair a bha mi a'm<sup>7</sup> leanaban, labhair mi mar leanaban, thuig mi mar leanaban, reusonaich<sup>8</sup> mi mar leanaban: ach air fàs domh a'm<sup>9</sup> dhuine, chuir mi na nithe leanabaidh air cùl.

12 Oir tha sinn a'faicinn san àm so gu dorchra tre ghloin<sup>6</sup>; ach an sin *chi sinn* aghaidh ri h-aghaidh: san àm so is aithne dhomh ann an cuid; ach an sin aithnichidh mi eadhon mar a ta aithneadh orm.

13 Agus a nis fanaidh creidimh, dòchas<sup>7</sup>, gràdh, na trì nithe so; ach is e'n gràdh a's mò dhuibh so.

## CAIB. XIV.

1 *Tha e moladh fàidheadaireachd, 2 agus a' toirt urrainn dh'i roimh labhairt le teangaibh, 6 le cosamhlachd air a thoirt o inneal-aibh-ciùil: 12 is còir na gnàthachadh faraon, chum togail suas na h-eaglais, 22 mar a' chrìoch sin gus an d'ordaicheadh iad. 26 Tha fìor-fheam gach aon diubh air a theag-asg, &c.*

**L**EANAIBH gràdh, agus biodh mòr mhiann<sup>8</sup> thiodhlaca spioradail oirbh, ach gu ma mò bhur togradh gu'n deanadh sibh fàidheadaireachd.

2 Oir an ti a labhras an an teangaidh choimhich<sup>9</sup>, ni h-ann ri daoineibh a labhras e, ach ri Dia: oir cha 'n'eil ncach sam bith 'ga thuigsinn; ge do tha e anns an Spiorad a labhairt rùna-diomhair.

3 Ach an ti a tha deanamh fàidheadaireachd, tha e a' labhairt ri daoineibh chum togail suas<sup>10</sup>, agus *cham* earail, agus *chum* comhfhurtachd.

4 An ti a ta labhairt an teangaidh choimhich, tha e 'ga thogail féin suas: ach an ti a ni fàidheadaireachd, tha e togail suas na h-eaglais.

5 Bu mhaith leam gu labhradh sibh uile le teangaibh, ach b'fhearr leam sibh a dheanamh fàidheadaireachd, oir is mò an ti a ni fàidheadaireachd, na an ti a labhras le teangaibh, mur eadar-theangaich e<sup>11</sup>, chum gu faigeadh an eaglais fòghlum.

<sup>1</sup> seirc. <sup>2</sup> phrais. <sup>3</sup> còmhdaichidh, folaichidh. <sup>4</sup> dòchas, carbsa. <sup>5</sup> smuainich. <sup>6</sup> ann an sgàthan. <sup>7</sup> earbsa. <sup>8</sup> dhéidh, iarrtus.

<sup>9</sup> choigrich. <sup>10</sup> fòghluim teagaisg. <sup>11</sup> mur eadar-theangaich neach.



## I. CORINTIANACH.

6 A nis a' bhràithre, ma thig mi d'ar ionnsuidh a' labhairt le teangaibh, ciod an tairbhe a ni mi dhuibh, mur labhair mi ribh am foillseachadh, no an eòlas, no am fàidheadaireachd, no an teagasg?

7 Air an doigh cheudna na nithe gun anam a ni fuaim, ma's pìob no clàrsach, mur dean iad eadar-dhealachadh 'nam fuaimibh, cionnus a thuigear an ni a sheinnear air a' phìob no air a' chlàrsaich?

8 Oir ma bhèir a' ghall-tromp fuaim neo-chinnteach uaipe <sup>1</sup>, cò a dh'ulluicheas e fèin chum a' cliatha?

9 Is amhuil sin sibhse, mur labhair sibh leis an teagaidh briathra so-thuigsinn, cionnus a dh'aithnìchear an ni a labhrar? oir is ann ris an athar a labhras sibh.

10 Tha, feudaidd e bi, an uircad do ghuthannaibh <sup>2</sup> san t-saoghal, agus cha 'n'eil a h-aon diubh gun bhlagh <sup>3</sup>.

11 Uime sin mur tuig mi brìgh a' ghutha, bithidh mi do'n ti a labhras borb <sup>4</sup>; agus bithidh an ti a labhras, borb dhomhsa.

12 Mar sin mar an ceudna sibhse, do bhrìgh gu bheil dèigh agaibh air tiodhlacaibh spioradail, iarraidh sibh fèin a thoirt barrachd chum togail suas <sup>5</sup> na h-eaglais.

13 Uime sin an ti a labhras ann an teagaidh choimhich, guidheadh e gu'n deanadh e eadar-theangachadh.

14 Oir ma ni mise ùrnuigh ann an teagaidh choimhich, tha mo spiorad a' deanamh ùrnuigh, ach tha mo thuigse neo-tharbhach.

15 Ciod ma seadh? ni mi ùrnuigh leis an spiorad, agus ni mi ùrnuigh leis an tuigse mar an ceudna: seinnidh mi leis an Spiorad, agus seinnidh mi leis an tuigse mar an ceudna.

16 No 'nuair a bheannuicheas tu leis an spiorad, cionnus a deir an ti a tha ann an àit an duine gun fhòghlum, Amei ri d' bhrèith-buidheachais, o nach aithne dha an ni a deir tu?

17 Oir gu deimhin a ta thusa toirt buidheachais gu maith, gidheadh eha 'n'eil an neach eile air a thogail suas <sup>6</sup>.

18 Bheiream buidheachas do m' Dhia, gu'n labhram le teangaibh tuilleadh na sibh uile:

19 Aeh b'fhearr leam cùig focail a labhairt san eaglais le m' thuigse, chum gu teagaisginn daoine cile mar an ceudna, na deich mìle focal ann an teagaidh choimhich.

20 A bhràithre, na bithibhse 'nar leanabailh an tuigse: gidheadh, ann am mìorun <sup>7</sup> bithibh 'nar leanabailh, ach ann an tuigse bithibh 'nar daoine foirfe.

21 Tha e scriobhta san lagh, Labhraidh mi ris a' phobull so ann an teangaibh eile, agus am bithibh eile: gidheadh an dèigh sin uile eha'n èisd iad rium, a deir an Tighearn.

22 Uime sin a ta teanganna coimheach

'nan eomhara, ni h-ann do'n droing a ta ereidsinn, ach dhoibhsan a ta mi-chreideach: ach a ta fàidheadaireachd ni h-ann air an sonsan nach 'eil a' creidsinn, ach air an sonsan a tha ereidsinn.

23 Uime sin ma chruinnicheas an eaglais uile san aon àit, agus ma labhras iad uile le teangaibh coimheach, agus gu'n d'thig-droing a ta gun fhòghlum a steach, no daoine mi-chreideach, nach abair iad gu bheil sibh air a' chuthach <sup>8</sup>?

24 Ach ma ni iad uile fàidheadaireachd, agus gu'n d'thig duine gun chreidimh a steach, no neach a ta gun fhòghlum, cronuichear <sup>9</sup> e leis na h-uile, agus bheirear-breth air leis na h-uile:

25 Agus mar sin a ta nithe folaichte a chridhe air am foillseachadh; agus mar sin, air dha tuiteam, air aghaidh, ni e aoradh do Dhia, ag aithris <sup>10</sup> gu bheil Dia gu fìrinnach annaibhse.

26 Ciod e sin ma ta, a bhràithre? air-teachd an ceann a chèile dhuibh, tha salm, tha teagasg, tha teanga, tha foillseachadh, tha eadar-theangachadh, aig gach aon-agaibh. Deanar na h-uile nithe chum fòghlum <sup>11</sup>.

27 Ma labhras aon neach ann an teagaidh choimhich, labhradh dithis, no air a' chuid a's mò triuir, agus sin an dèigh a chèile; agus deanadh a h-aon eadar-theangachadh.

28 Aeh mur bi eadar-theangair ann, fanadh e' na thòsd san eaglais; no labhradh e ris fèin, agus ri Dia.

29 Labhradh dithis no triuir do na fàidhibh, agus thugadh a' chuid eile breth.

30 Ach ma dh'fhoillsichear ni do neach eile a tha 'na shuidhe, biodh an ceud dhuine 'na thòsd.

31 Oir feudaidd sibh uile fàidheadaireachd a dheanamh gach aon an dèigh a chèile, eum's gu faigh na h-uile fòghlum, agus na h-uile comhfhurtachd.

32 Agus a ta spiorada <sup>12</sup> nam fàidh ùmha' do na fàidhibh.

33 Oir cha'n e Dia ùghdair na mi-riaghailt <sup>13</sup> ach na sith, mar ann an eaglaisibh nan naomh uile.

34 Biodh bhrìgh m'nai 'nan tosd sna h-eaglaisibh; oir cha 'n'eil e ceadaidhte dhoibh labhairt: ach is còir dhoibh bhith ùmhal, mar a deir an lagh mar an ceudna.

35 Agus ma's miann leo ni sam bith fhòghlum, feòraicheadh iad d'am fearaibh fèin aig an tigh e: oir is mi-chiatfach domhnàibh labhairt san eaglais.

36 An ann uaibhse thainig focal Dé a mach? no, an ann d'ar n-ionnsuidhse a mhàin a thainig e.

37 Ma shaoileas duine sam bith <sup>14</sup> gur

<sup>1</sup> uaithe. <sup>2</sup> chainntibh, chàinnibh. <sup>3</sup> bhrìgh, seadh. <sup>4</sup> fadhaich, barbarra. <sup>5</sup> fòghlum, air fhòghlum. <sup>7</sup> droch mhein, etc. <sup>8</sup> air mhì-chèill, air boile. <sup>9</sup> spreagar, còmhairlich-

ear. <sup>10</sup> ag innseadh, a' foillseachadh. <sup>11</sup> togail suas. <sup>12</sup> tiodhlaca spioradail. <sup>13</sup> eas-orduigh, twaregne. <sup>14</sup> Ma tha duine sam bith cinn-teach-

fàidh, no gur duine spioradail e féin, aidich-eadh e na nithe a sriobhamsa d'ar n-ionnsuidh, gur h-iaid àitheantan an Tighearna.

38 Ach ma ta neach sam bith aineolach, biodh e aineolach.

39 Uime sin, a bhràithre, biodh ro-thogradh agaibh air fàidheadaireachd a dheanamh, agus na bacaibh labhairt le teangaibh.

40 Deanar na h-uile nithe gu deadhmhaiseach, agus a réir orduigh.

## CAIB. XV.

1 O aiseirigh Crìosd, 12 tha e dearbhadh gu'n éirich sinne, an aghaidh na muinntir sin a tha 'g àicheadh aiseirigh na colla : 21 Toradh, 35 agus dòigh na h-aiseirigh, 51 agus caochladh na muinntir sin a gheibhear beo, air an là dheireannach.

**O**S barr, a bhràithre, euiream an eéill duibh an soisgeul a shearmonaich mi dhuibh, ris an do ghabh sibhse mar an ceudna, agus anns am bheil sibh 'nar seasamh;

2 Trid mar an ceudna am bheil sibh air bhur teamadh, ma chumas sibh gu daingean<sup>1</sup> an ni a shearmonaich mi dhuibh, mur do chreid sibhse gu dìomhain.

3 Oir thug mi dhuibh air tùs an ni a fhuair mi mar an ceudna, Gu'n d'fhuair Crìosd bàs air son ar peacaidh a réir nan scriobtuir:

4 Agus gu'n d'adhlacaidh e, agus gu'n d'éirich e a ris air an trecas là, a réir nan scriobtuir.

5 Agus gu facas e le Cephas, 'na dhéigh sin leis an dà fhear dheug.

6 'Na dhéigh sin, chunnacas e le tuilleadh as cuig ceud bràthair air aon àm; d'am bheil a' ehuid a's mò beo gus a nis, ach a ta cuid dhuibh 'nan eodal.

7 'Na dhéigh sin, chunnacas e le Seumas; agus a ris leis na h-abstolaibh uile.

8 'Nan déigh uile ehunnacas leamsa e mar an ceudna, mar neach a rugadh an an-àm.

9 Oir is mi a's lugha do na h-abstolaibh, nach fu abstol a ghairm dhìom, do bhrìgh gu'n robh mi a' geur-icannhuinn eaglais Dé.

10 Ach tre ghràs Dé is mi an ni a's mi: agus cha robh a ghràs, a bhuilicheadh orm, gun bhrìgh; ach shaothraich mi nì's pailte na iad uile: gidheadh cha mhise, ach gràs Dé, a bha maille rium.

11 Uime sin cò air bith iad dhinn, mise no iadsan, is ann mar so a tha sinne a' searmonachadh, agus is ann mar so a chreid sibhse.

12 A nis ma shearmonaichcar Crìosd gu'n d'éirich e o na marbhaibh, cionnus a deir cuid 'nar measgsa, Nach 'eil aiseirigh nam marbh ann?

13 Ach mur 'eil aiseirigh nam marbh ann, ni mò a dh'éirich Crìosd.

14 Agus mur d'éirich Crìosd, gu deimhin is dìomhain ar searmoin-ne, agus is dìomhain bhur ereidimhse mar an ceudna.

15 Seadh fhuaradh sinne 'nar fianuisibh bréige air Dia; do bhrìgh gu'n d'rinn sinn fianuis a thaobh Dhé, gu'n do thog e suas Crìosd: neach nach do thog e suas, mur éirich na mairbh.

16 Oir mur éirich na mairbh, ni mò a dh'éirich Crìosd:

17 Agus mur d'éirich Crìosd, tha bhur creidimhse dìomhain; tha sibh fathast am bhur peacaibh.

18 Mar sin mar an ceudna tha an droing, a choidil ann an Crìosd, caillte.

19 Ma's anns a' bheatha so a mhàin a tha dòchas againn ann an Crìosd, is sinn a's truaighe do na h-uile dhaoibh.

20 Ach a nis tha Crìosd air éirigh o na marbhaibh, agus rinneadh an ceud thoradh dhuibhsan a choidil deth.

21 Oir mar is ann tre dhuine thàinig am bàs, is ann tre dhuine thig aiseirigh nam marbh mar an ceudna.

22 Oir mar ann an Adhamh, a ta na h-uile a' faghail a' bhàis, is amhuil sin mar an ceudna a nithear na h-uile beo ann an Crìosd.

23 Ach gach uile dhuine 'na òrdugh féin: Crìosd an ceud thoradh; 'na dhéigh sin iadsan a's le Crìosd aig a thèachd.

24 An sin bithidh a' chrìoch dheireannach, 'nuair a bheir e suas an rìoghachd do Dhia, cadhdon an t-Athar; 'nuair a chuireas e as do 2 gach uile uachdaranachd, agus gach uile ùghdarras, agus chumbachd.

25 Oir is éigin gu'n rìoghaich e, gus an cuir e a nàimhdean uile fa ehosaibh.

26 Sgriosar an nàmhaid dcireannach, am bàs.

27 Oir chuir e na h-uile nithe fa ehosaibh. Ach an uair a deir e gun do chuir e na h-uile nithe fuidh, is ni follaiseach gu bheil esan a chuir na h-uile nithe fuidh, an leth muigh d'eth so.

28 Agus an uair a chuirear na h-uile nithe fuidh, an sin bithidh am Mac féin fuidh 'n ti, a ehuir na h-uile nithe fuidh-sa, ehun gu'm bi Dia na' uile anns na h-uile.

29 No ciod a ni iadsan, a bhaistear air son nam marbh, mur éirich na mairbh air aon dòigh? c'ar son ma seadh a bhaistear iad air son nam marbh?

30 Agus c'ar son a ta sinne an gàbhadh sgach uair?

31 Air bhur gàirdeachas-a<sup>3</sup> a tha agam ann an Iosa Crìosd ar Tighearn, tha mi faghail a' bhàis gach là.

32 Ma chòmhraig<sup>4</sup> mi mar dhuine<sup>5</sup> ri fiadh-bheathaicheibh ann an Ephesus, ciod i mo thairbhe, mur éirich na mairbh? ith-

<sup>1</sup> ma ghleidheas sibh air chuimhne. <sup>2</sup> a chuireas e sìos. <sup>3</sup> a' ghairdeachas air bhur sonsu.

<sup>4</sup> chog mi, chuir mi cuth, <sup>5</sup> a réir gnàtha dhuoinne.



eamaid agus òlamaid, oir am màireach gheibh sinn bàs.

33 Na meallar sibh: truailidh droch chomhludar<sup>1</sup> deadh bheusa.

34 Dùisibh chum fireantachd<sup>2</sup>, agus na deanaibh peacadh; oir cha 'n'eil eòlas Dé aig cuid: chum bhur nàire labhram so.

35 Ach a deir neach éigin, Cionnus a dh'éireas na mairbh? agus ciod a' ghnè cuirp leis an d'thig iad?

36 Amadain, an nì sin a chuireas tu, cha bheothaichear e, mur bàsaich e air tùs.

37 Agus an nì a chuireas tu, cha'n e an corp a bhitheas a ta thu cur, ach gràinne lom, feudaidd e bi do chruineachd, no do sheòrta éigin eile,

38 Ach a ta Dia a' toirt cuirp dha mar bu toil leis, agus do gach uile shìol a chorp fèin.

39 Cha'n aon fheòil gach uile fheòil: ach a ta feòil air leth aig daoineibh, agus feòil eile aig ainmhidhibh, fèidil eile aig iasgaibh, agus fèidil eile aig eunlaithibh.

40 Agus a ta cuirp nèmhaidh ann, agus cuirp thalmhaidh: gidheadh a ta glòir air leth aig na corpaibh nèmhaidh, agus glòir eile aig na corpaibh talmhaidh.

41 Tha aon ghlòir aig a' ghréin, agus glòir eile aig a' ghealaich, agus glòir eile aig na reultaibh; oir a ta eadar-dhealachadh eadar reult agus reult thaobh glòire.

42 Agus is ann mar sin a bhios aiseirigh nam marbh. Cuirear ann an truailidheachd e, togar ann an neo-thruailidheachd e.

43 Cuirear e ann an eas-urram, togar ann an glòir e: cuirear ann an anmhuinneachd e, éiridh e ann an cumhachd:

44 Cuirear e 'na chorp nàdurra, éiridh e 'na chorp spioradail. Tha corp nàdurra ann, agus corp spioradail.

45 Agus mar so tha e sgrìobhta, Rinn-eadh an ceud dhuine Adhamh 'na anam beo, an t-Adhamh deireannach, 'na Spiorad a bheothaicheas.

46 Gidheadh cha'n e an nì spioradail a bha ann air tùs, ach an nì nàdurra; agus 'na dhéigh sin an nì spioradail.

47 An ceud duine o'n talamh, talmhaidh: an dara duine, an Tighearn o nèamh.

48 Mar an duine talmhaidh, is amhuil sin iadsan a tha talmhaidh: agus mar a ta an duine nèmhaidh, is ann mar sin iadsan a ta nèmhaidh.

49 Agus mar a ghiùlain sinn dealbh<sup>3</sup> an duine talmhaidh, giùlainidh sinn mar an ceudna dealbh an duine nèmhaidh.

50 A nis so a deiream, a bhràithre, nach feudar le feòil agus fuil rioghachd Dhé a shealbhadh mar oighreachd; nì mò a shealbhaicheas truailidheachd neo-thruailidheachd.

51 Feuch, labhram nì dìomhair ribh; Cha choidil sinn uile, ach caochlaidhear sinn uile,

52 Ann an tiota<sup>4</sup>, am priobadh na sùl, ri guth na trompaide deireannaich, (oir séididh an trompaid) agus éiridh na mairbh neo-thruailidh, agus caochlaidhear sinne.

53 Oir is eigin do'n chorp thruailidh so neo-thruailidheachd a chur uime, agus do'n chorp bhàsmhor so neo-bhàsmhorachd a chur uime.

54 Agus an uair a chuireas an corp truailidh so neo-thruailidheachd uime, agus a chuireas an corp bàsmhor so neo-bhàsmhorachd uime, an sin coimhlionar am focal a ta sgrìobhta, Shluigeadh suas am bàs le buaidh.

55 O bhàis, c'àit am bheil do ghath? O uagh, c'àit am bheil do bhuaidh?

56 Is e am peacadh gath a' bhàis; agus is e neart a' pheacaidh an lagh.

57 Ach buidheachas do Dhia, a tha toirt dhuinne na buadha, trid ar Tighearna Iosa Criosd.

58 Uime sin, mo bhràithre gràdhach, bithibhse daingean, neo-ghluasadach, a' sìrmheudachadh ann an obair an Tighearna, air dhuibh fios a bhi agaibh nach 'eil bhur saothair dìomhain anns an Tighearna.

# C A I B. XVI.

1 Tha e guidheadh orra fuaigladh air nì-easbhuidh nam bràithre bochda ann an Ierusalem; 10 a' moladh Thimoteus; agus an déigh conhairlean càrdeil, 16 a' crìoch-nachadh na litreach le iomadh fàille.

**A** NIS a thaobh an tionail air son nan naomh, mar a dh'orduich mi do eaglaisibh Ghalatia, mar sin deanaibhse mar an ceudna.

2 Air ceud là gach seachdain, cuireadh gach aon agaibh nì leis fèin anns an ionmhas<sup>5</sup>, a réir mar a shoirbhich leis, chum nach bi tionail r'an deanamh 'nuair a thig mise.

3 Agus an uair a thig mi, cò air bith iad a mholas sibh le'r litrichibh, cuiridh mi iadsan a ghiùlan bhur tabhartais gu Hierusalem.

4 Agus ma's iomchuidh mise a dol mar an ceudna, théid iadsan a'm' chuideachd.

5 Agus thig mi d'ar n-ionnsuidhse, 'nuair a théid mi tre Mhacedonia: (oir tha mi dol tre Mhacedonia.)

6 Agus feudaidd e bi gu'm fan mi, no eadhon gu'n caith mi an gamhradh maille ribh, chum's gu'n d'thoir sibh air m'aghaidh mi, ge b'e àit d'an d'théid mi.

7 Oir cha'n àill leam bhur faicinn a nis san dol seachad, ach tha dùil agam fantuinn ré tamuill maille ribh, ma leigeas an Tighearn dhomh.

<sup>1</sup> droch chòmhradh. <sup>2</sup> gu ceart, gu cubhaidh. <sup>3</sup> òmhaigh, dreach, coslas. <sup>4</sup> platha, mionaid.

<sup>5</sup> taisgeadh gach aon agaibh tùmh ris ann an stòr.

8 Ach fanaidh mi ann an Ephesus gu Cuingeis.

9 Oir dh'fhosgladh dorus mòr agus eifeachdach dhomhsa, agus tha mòran eas-cairdean<sup>1</sup> ann.

10 A nis ma thig Timoteus, feuchaibh gu'm bi e gun eagal maille ribh: oir tha e a' saothreachadh ann an obair an Tighearna, mar a ta mise.

11 Uime sin na deanadh neach sam bith tàir air: ach thugaibh air aghaidh e an sìth, chum's gu'n d'thig e a'm' ionnsuidhse: oir tha sùil agam ris maille ris na bràithribh.

12 Mu thimchioll ar bràthar Apollois, ghuidh mi gu dùrachdach air teachd d'ar n-ionnsuidhse maille ris na bràithribh: ach cha b'i a thoil air chor sam bith teachd san àm so; ach thig e 'nuair a gheibh e àm iomchuidh.

13 Deanaibh faire, seasaibh gu daingean sa' chreidimh, bithibh fearail<sup>2</sup>, bithibh làidir<sup>3</sup>.

14 Biodh bhur n-uile nithe air an deanamh le gradh.

15 Agus guidheam oirbh, a bhràithre, (o's aithne dhuibh teaghlach Stephanais, gur h-iad ceud thoradh Achaia, agus gu'n

d'thug siad iad féin chum frithealaidh do na naomhaibh.)

16 Gu'm bi sibh ùmhal d'an leithidibh sin, agus do gach aon a ni obair agus saothair maille ruinne.

17 Tha mi subhach ri teachd Stephanais, agus Fhortunatus agus Achaicuis: oir rinn iad suas an ni sin a bha dh'uireasbhuidh d'ar taobhsa.

18 Oir thug iad suaimhneas<sup>4</sup> do m' spioradsa, agus d'ar spioradsa: uime sin biodh meas agaibh air an leithidibh sin<sup>5</sup>.

19 Tha eagainsean na h-Asia a' cur fàilte oirbh. Tha Acuala agus Priscilla, maille ris an eaglais a tha 'nan tigh a' cur mòr fhàilte oirbh anns an Tighearn.

20 Tha na bràithrean uile a' cur fàilte oirbh. Cuiribhse fàilte air a chéile le pòig naomha.

21 Fàilte uamsa Pòl le m' làimh féin.

22 Ma tha neach sam bith nach gràdh-ach an Tighearn Iosa Crìosd, biodh e 'na Anatema, Maranata<sup>6</sup>.

23 Gu robh gràs an Tighearna Iosa Crìosd maille ribh.

24 Mo ghràdhsa maille ribh uile ann an Iosa Crìosd. Amen.

## DARA LITIR AN ABSTOIL PHOIL CHUM NAN CORINTIANACH.

### CAIB. I.

3 Tha an t-abstol a' toirt misnich dhoibh an aghaidh thrioblaid thaobh na comhfhartachd agus an fhuasglaidh a thug Dia dhasan 'na uile thrioblaidibh féin, 8 gu sonraichte 'na chunnart san Asia. 12 agus a' gairm an coguis-san, agus a choguis féin chum fanuis gu'n do shearmonaich e an soisgeul gu tréibhdhircach, &c.

**P**OL abstol Iosa Crìosd tre thoil Dé, agus Timoteus ar bràthair, chum eaglais Dé a ta an Corintus, maille ris na h-uile naomh a ta ann an Achaia uile:

2 Gràs dhuibhse, agus sìothchaint o Dhia ar n-Athair, agus o'n Tighearn Iosa Crìosd.

3 Beannuichte gu robh Dia, eadhon Athair ar Tighearna Iosa Crìosd, Athair nan tròcair, agus Dia na h-uile chomh-fhurtachd;

4 A tha toirt comhfhurtachd dhuinne 'na n-uile àmhghar<sup>7</sup>, chum sinne bhi comasach air comhfhurtachd a thoirt dhoibhsan a ta ann an àmhghar sam bith, trid na comhfhurtachd leis am bheil sinn féin a' faotainn comhfhurtachd o Dhia.

5 Oir mar a ta fulangais Chrìosd<sup>8</sup> pailt

annainne, is amhuil sin a ta ar comhfhurtachdne mar an ceudna pailte tre Chrìosd.

6 Agus ma tha sinn fuidh àmhghar, is ann air son bhur comhfhurtachd agus bhur slàintese, a tha air a h-oibreachadh le sibh a dh'fhulang nam fulangas ceudna, a tha sinne a' fulang: no ma's comhfhurtachd dhuinn, is ann chum bhur comhfhurtachd agus bhur slàintese.

7 Agus a ta ar dòchas daingean d'ar taobhsa, do bhrìgh gu bheil fios againn, mar a ta sibh 'nar luchd-comhpairt do na fulangasaibh, gu'm bi sibh mar an ceudna do'n chomhfhurtachd.

8 Oir cha b'àill leinn, a bhràithre, sibhse bhi ain-fhiosrach mu thimchioll ar n-àmghair a thachair dhuinne san Asia, gu'n do bhruthadh sinn gu ro mhòr thar ar neart, ionnas gu robh sinn fuidh amharus eadhon mu'r beatha:

9 Ach bha againn binn<sup>9</sup> ar bàis annainn féin, chum nach biodh againn dòigh annainn féin, ach ann an Dia, a dhùisgeas na nairbh:

10 Neach a shaor sinne o bhàs co mòr, agus a ta 'gar saoradh; anns an bheil ar dòchas gu'n saor e sinn fathast.

<sup>1</sup> luchd cur an aghaidh an t-soisgeil. <sup>2</sup> duineil. <sup>3</sup> neartaichibh sibh féin. <sup>4</sup> fois. <sup>5</sup> aithneibh an leithide sin. <sup>6</sup> biodh e malluichte gu bràth.

<sup>7</sup> thrioblaid. <sup>8</sup> fulangais air son Chrìosd. <sup>9</sup> breth.



11 Air dhuibhse bhi a' comh-oibreachadh le chèile ann an ùrnuigh air ar soinne, chum gu tugar buidheachas le mòran air ar soinne, a leth an tiodhlaic a thugadh dhuinne, tre mhòran.

12 Oir is e so ar gairdeachasne, fianuis ar coquis, gur ann an aon-fhillteachd<sup>1</sup> agus an treibhdhìreas diadhaidh<sup>2</sup>, agus cha'n ann an gliocas feòlmhor, ach ann an gràs Dé, a chaith sinn ar beatha san t-saoghal, agus gu h-àraidh d'ar taobhsa.

13 Oir cha 'n'eil siun a' scriobhadh nithe sam bith eile d'ar n-ionnsuidhse, ach nan nithe a ta sibh a' leughadh<sup>3</sup>, no a ta sibh ag aideachadh, agus a ta dùil agam a dh'aideich-eas sibh gus a' chrìoch;

14 Amhuil mar a dh'aideich sibh an càil, gur sinne bhur gairdeachas, mar is sibhse mar an ceudna ar gairdeachasne ann an là an Tighearn Iosa.

15 Agus anns a' mhuinighin so b'ail leamsa teachd d'ar n-ionnsuidh air tùs, ionnus gu faigheadh sibhse ath-ghràs<sup>4</sup>:

16 Agus gabhail uaibhse<sup>5</sup> gu Macedonia, agus teachd o Mhacedonia a ris d'ar n-ionnsuidhse, agus a bhi air mo thoirt air m'aghaidh leibhse san t-slighe gu Indeas.

17 Uime sin an uair a chuir mi so romham, an do ghnàthaich mi eutruimeachd<sup>6</sup>? no an ann a rèir na feòla a ta mi cur romham, na nithe a chuiream romham, ionnus gu biodh agam seadh, seadh, agus ni h-eadh, ni h-eadh?

18 Ach mar a ta Dia fìrinneach, cha b'e ar còmhraidh ribhse seadh, agus ni h-eadh?

19 Oir Mac Dhé Iosa Crìosd, a shearmonuicheadh 'nar measgsa leinne, cadhon leamsa, agus le Sìluanus, agus le Timoteus, cha robh e 'na sheadh agus 'na ni h-eadh, ach annsan bha seadh.

20 Oir geallanna Dhé uile annsan is seadh iad, agus annsan is amen iad, chum glòire Dhé d'ar taobhne.

21 A nis an ti a dhaignicheas sinne maille ribhse ann an Crìosd, agus a dh'ùng sinn, is e Dia:

22 Neach mar an ceudna a chuir seula oirnne, agus a thug dhuinn geall-daingnich<sup>7</sup> an Spioraid ann ar cridhibh.

23 Ach goiream Dia mar fhianuis air m'anam<sup>8</sup>, gur ann chum sibhse a chaomh-nadh nach d'thainig mi fathast gu Corinth.

24 Cha'n e gu bheil againne tighearnas air bhur creidimhse, ach is luchd-cuideachaidh sinn d'ar n-aobhneas: oir is ann tre chreidimh a sheasas sibh.

## C A I B. II.

1 Air dha an reuson a char an céill air son nach d'thainig e d'an ionnsaidh, 6 tha e 'g iarraidh orra maitheanas agus comh'har-tachd a thoirt do'n duine a dhraideadh a

mach leo as an eaglais, 10 eadhon mar a thug e fèin mar an ceudna maitheanas da, air son fhuir aithreachais: &c.

A CH chuir mi so romham annam fèin, a gun teachd a ris fuidh dhoilgheas d'ar n-ionnsuidh.

2 Oir ma ni mise doilich sibhse, cò e ma ta ni subhach mise, ach an ti air an do chuireadh doilgheas leam?

3 Agus scriobh mi an ni so fèin d'ar n-ionnsuidh, chum air dhomh teachd, nach cuirte doilgheas orm leis a' mhuinntir sin o'm bu chòir dhomh aobhneas fhaotainn, air dhomh bhi muinghinneach asailh uile, gur e m'aobhneas bhur n-aobhneas uile.

4 Oir a trioblaid mhòir agus cràdh cridhe, scriobh mi d'ar n-ionnsuidh le iomadh deur; cha'n ann chum gu'm biodh doilgheas oirbh, ach chum gu'm biodh fios agaibh air a' ghràdh a ta agam gu ro phailte dhuibh.

5 Ach ma thug neach sam bith aobhar doilgheis, clia do chuir e doilgheas ormsa, ach an càil: chum nach cuirinn ro-uallach oirbh uile.

6 Is leoir d'a leithid sin do dhuine am peanas so, a leagadh air le mòran.

7 Ionnus air an làmh eile, gur mò is còir dhuibh maitheanas agus comh'fhurtachd a thoirt da, air eagal gu'm biodh a leithid so do dhuine air a shlugadh suas le anabarra doilgheis.

8 Uime sin guidheam oirbh, gu'n daing-nicheadh sibh bhur gràdh dha.

9 Oir is ann chum na crìche so a scriobh mi d'ar n-ionnsaidh, chum gu'm biodh fios bhur dearbhaidh agam, am bheil sibh ùmhhal anns na h-uile nitheibh.

10 Ge b'e neach d'an toir sibh maitheanas ann an ni sam bith, bheireamsa mar an ceudna: oir ma thug mise maitheanas ann an ni sam bith, ge b'e d'an d'thug mi am maitheanas, is ann air bhur sonsa thug mi e, am fianuis Chrìosd<sup>9</sup>;

11 Air eagal gu faigheadh Satap an co-throm oirnn le chuillbheartachd: oir cha 'n'eil sinn aineolach air innleachdaibh.

12 Os bàrr, 'nuair a thainig mi gu Troas chum soisgeul Chrìosd a shearmonachadh, agus a dh'fhosgladh dorus dhomh leis an Tighearn,

13 Cha robh fois agam ann mo spiorad, do bhrìgh nach d'fhuair mi Titus mo bhràthair: ach air gabhail mo chead diubh, dh'i-mich mi o sin do Mhacdonia.

14 A nis buidheachas do Dhia, a ta ghnàth a' toirt oirne buadhachadh ann an Crìosd, agus a ta foillseachadh deadh àile eòlais fèin leinne anns gach àit.

15 Oir tha sinne do Dhia 'nar n-àile cùbhruidh Chrìosd, anns an droing a shlàn-uichear, agus anns an droing a sgriosar<sup>10</sup>.

<sup>1</sup> sìmpluidheachd. <sup>2</sup> an treibhdhìreas a's mò; treibhdhìreas Dhé. Gr. <sup>3</sup> a's aithne dhuibh. <sup>4</sup> ath-thiodhlacadh. <sup>5</sup> dol bhur

rathadsa. <sup>6</sup> iomhuas. <sup>7</sup> earlas. <sup>8</sup> an aghaidh m'anama. <sup>9</sup> am pearsa. <sup>10</sup> a chaillear.

16 Do'n aon droing *tha sinn* 'nar boltrach bàis chum bàis; agus do'n droing eile, 'nar boltrach beatha ehum beatha: agus cò a ta foghainteach chum nan nithe so?

17 Oir cha 'n'eil sinne mar mhòran, a thruailleas focal Dé: aeh mar o thréibh-dhìreas, ach mar o Dhia, tha sinn a' labhairt am fianuis Dé ann an Crìosd<sup>1</sup>.

## CAIB. III.

1 *Air eagal gu'n cuireadh luchd-teagaisg brìge as a leth gu robh e deanamh uaill gu dìomhain, tha e a' nochdadh gu robh gràsa nan Corintianach 'nan aobhar molaidd d' a mhinistireilachd.* 6 *Air so tha e a' coimh-skineadh ministircan an lagha, agus an t-soisgeil r'a cheile, &c.*

**A**N tòisich sinn a rìs air sinn féin a mholadh? no 'am bheil feum againn, mar aig dream àraidh, air litricibh molaidd d'ar n-ionnsuidhse, no air litricibh molaidd uaibh?

2 Is sibhse ar litir-ne a ta scriobhta 'nar<sup>2</sup> cridibh, air a h-aithneachadh agus air a leughadh leis na h-uile dhaoibh:

3 *Air dha bhi follaiseach gur sibh litir Chrìosd, a fhrithealadh leinne, a tha air a scriobhadh cha'n ann le dubh, ach le Spiorad an Dé bheo; cha'n ann air clàraibh cloiche, ach air clàraibh feòlmhor a' chridhe.*

4 Agus tha a leithid so dh'earbsa<sup>3</sup> againne tre Chrìosd thaobh Dhé.

5 Cha'n e gu bheil sinn foghainteach uainn féin chum ni sam bith a smuainteachadh<sup>4</sup> mar uainn féin: ach is ann o Dhia a ta ar foghainteachd;

6 A rinn sinne mar an ceudna 'nar ministeiribh foghainteach na tiomna-uaidd<sup>5</sup>, cha'n ann do'n litir, ach do'n Spiorad: oir marbhaidh an litir, ach bheir an Spiorad beatha.

7 Ach ma bha ministireilachd<sup>6</sup> a bhàis, ann an scriobhadh air a ghearradh<sup>7</sup> air clachaibh glòrmhor, ionnus nach b'urradh clann Israeil amharc gu geur air gnùis Mhaois, air son glòire a ghnùise, a chuireadh air cùl;

8 Cionnus nach mò na sin a bhios ministireilachd an Spioraid glòrmhor?

9 Oir ma bha ministireilachd an dithidh glòrmhor, is ro mhò na sin a bheir ministireilachd na fireantachd barrachd ann an glòir.

10 Oir eadhon an ni a rinneadh glòrmhor, cha robh glòir sam bith aige sa' chlàs so, thaobh na glòire a tha toirt barrachd.

11 Oir ma bha an ni a chuireadh air cùl glòrmhor, is ro mhò na sin a ta an ni a bhuanachas glòrmhor.

12 Uime sin do bhrìgh gu bheil againn a

shamhail so do dhòchas<sup>8</sup>, tha sinn a' cleachdadh mòr dhànachd<sup>9</sup> cainnte.

13 Agus cha'n 'eil sinn mar Mhaois, a chuir folach air aghaidh, chum nach amhairceadh clann Israeil gu geur gu crìch an ni a chuireadh air cùl.

14 Ach dhalladh an inntinn: oir gus an là an diugh ann an leughadh na seann-tiomnaidh<sup>10</sup>, tha'm folach ceudna a' fantuinn gun atharraehadh, ni a chuireadh air cùl ann an Crìosd.

15 Ach eadhon gus an là'n diugh 'nuair a leughar Maois, tha am folach air an cridhe.

16 Gidheadh 'nuair a philleas e chum an Tighearna, togar am folach dheth.

17 A nis 'se an Tighearna an Spiorad sin: agus far am bheil Spiorad an Tighearna, tha saorsa an sin.

18 Ach air bhi dhuinne uile le aghaidh gun fhòlach, ag amharc mar ann an sgàthan air glòir an Tighearna, tha sinn air ar n-atharrachadh ehum na h-ìomhàigh<sup>11</sup> ceudna, o ghloir gu glòir, mar le Spiorad an Tighearna.

## CAIB. IV.

1 *Tha e cur an cèill gu'n do shearmonaich e an soisgeul le d'chioll agus ann an tréibh-dhìreas; 7 agus cionnus a dh'oibrich na trioblaidcan agus an geur-leanmhuinn a dh'fhuiling e air a shon, chum cliu cumhachd Dhé, &c.*

**U**IME sin air do'n mhinistireilachd so bhi againn, a réir mar a fhuair sinn trèdair, cha 'n'eil sinn a' fannachadh<sup>12</sup>:

2 Ach chuir sinn cùl ri nithibh folaichte na nàire<sup>13</sup>, gun sinn bhi a' siubhal ann an ceil, no a' truailleadh focail Dé, ach le foillseachadh na firinn, 'gar molaidd féin do choguis nan uile dhaoine ann an sealladh Dhé.

3 Ach ma ta ar soisgeulne folaichte<sup>14</sup>, is ann doibhsan a ta cailte<sup>15</sup> tha e folaichte:

4 Anns an do dhall dia an t-saoghail so inntinn na droinge nach 'eil 'nan creidmich, air eagal gu'n dealraicheadh orra solus soisgeil ghlòrmhor Chrìosd, neach a's e ìomhàigh Dhé,

5 Oir cha 'n'eil sinne 'gar searmonachadh féin, ach Iosa Crìosd an Tighearna; agus sinn féin 'nar seirbhisich dhuibhse air son Iosa.

6 Oir is e Dia a thubhairt ris an t-solus soillseachadh a dorchadas, a dhealraich ann ar cridhibhne, a thoirt soluis eòlais glòire Dhé, ann an gnùis Iosa Crìosd.

7 Ach a ta an t-ionmhas so againn ann an soithichibh creadha, chum gu'm bi oir-dheirceas a' chumhachd o Dhia, agus cha'n ann uainne.

8 Tha sinn fuidh trioblaid air gach taobh,

<sup>1</sup> mu Chrìosd. <sup>2</sup> ann bhuir. <sup>3</sup> do dhòchas. <sup>4</sup> a mheas, a reusonachadh. <sup>5</sup> a' choimh-cheangail uaidd. <sup>6</sup> frithealadh. <sup>7</sup> ghrùbhaladh. <sup>8</sup> carbsa. <sup>9</sup> shoilleireachd.

<sup>10</sup> an t-seann-tiomnaidh. <sup>11</sup> an dealbha, an riochda. <sup>12</sup> a' lagachadh. <sup>13</sup> a' mhaslaidh, na h-easonoir. <sup>14</sup> fa fholach. <sup>15</sup> a tha 'ga' sgrios féin.



gidheadh cha 'n'eil sinn ann an teanntachd<sup>1</sup>; *tha sinn ann an iom-chombairle, gidheadh gun sinn ann an ea-dòchas;*

9 Air ar geur-leanmhuinn, gidheadh gan *sinn* air ar tréiginn; air ar tilgeadh sìos, gidheadh gun *sinn* air ar sgrios;

10 A' giùlan a ghnàth bàsachaidh an Tighearna Iosa mu'n cuairt, anns a' chorp, chum gu biodh beatha Iosa mar an ceudna air a deanamh follaiseach ann ar corpne.

11 Oir tha sinne a tha beo, a ghnàth air ar toirt chum bàis air son Iosa, chum gu biodh mar an ceudna beatha Iosa air a deanamh follaiseach 'nar feoil bhàsmhoirne.

12 Uime sin tha bàs ag oibreachadh ann-ainne, ach beatha annaibhse.

13 Air dhuinn an spiorad creidimh sin fèin a bhì againn, a réir mar a ta e scriobhta, chreid mi, agus uime sin labhair mi: tha sinne a' creidsinn mar an ceudna, agus uime sin tha sinn a' labhairt;

14 Air dhuinn fios a bhì againn, an tì a thog suas an Tighearn Iosa, gu'n tog e sinne suas mar an ceudna trid Iosa, agus gu'n cuir e 'na làthair *sinn* maille ribhse.

15 Oir tha na h-uile *nithe* air bhur sonsa, chum gu biodh an gràs a tha saibhir, tre bhuidheachas mhòrain, ro phailte chum glòire Dhé.

16 Uime sin cha 'n'eil sinn a' fannachadh, ach ge do thruailllear ar duine o'n leth muigh, gidheadh tha an duine o'n leth stigh air ath-nuadhachadh o là gu là.

17 Oir a ta ar n-àmlighar eutrom, nach 'eil ach rè sealain<sup>2</sup>, ag oibreachadh dhuinne trom chudthrom glòire *ata* ni's ro anabhar-raidh agus sìor-mhaireannach;

18 Air dhuinn bhì ag amharc cha'n ann air na nithibh a tha r'am faicinn, ach air na nithibh nach 'eil r'am faicinn: oir tha na nithe a chìtear, aimsireil; ach tha na nithe, nach faicear, sìorruidh.

CAIB. V.

1 Gu bheil *esan* an dòchas glòire shìorruidh, agus le suil *rithe*, agus ris a' bhreth dheir-eannaich, a' deanamh dìchioll air deadh choguis a choimhead; 12 cha'n ann chum gu deanadh e bòsd as fèin thaobh so, 14 ach mar neach a fhuair beatha o Chrìosd, a ta e dìchiollach chum a bheatha a chaitheadh do Chrìosd a mhàin, &c.

**O**IR a ta fios againn, nan sgaoilteadh o chéile ar tigh talmhaidh a' phàilliuin so, gu bheil againn aitreabh o Dhia, tigh nach do thogadh le làmhaidh, sìorruidh anns na nèamhaibh.

2 Oir a ta sinn ri osnaich an so, a' mian-nachadh bhì air ar n-eudachadh<sup>3</sup> le ar tigh o nèamh:

3 O air dhuinn bhì air ar n-eudachadh, nach faighear lomnochd sinn.

4 Oir tha sinne a tha anns a' phàilliuin so

ri osnaich, air dhuinn bhì fuidh uallaich? ni h-e air son gu'm bu mhiann leinn bhì air ar rùsgadh, ach air ar n-eudachadh, chum gu bi bàsmhorachd air a slugadh suas le beatha.

5 A nis an tì a dh'oibrich sinne chum so fèin, is e Dia e, a thug dhuinne mar an ceudna geall-daingnich<sup>4</sup> an Spioraid.

6 Uime sin *tha sinn* a' ghnàth deadh-mhisneachail, air dhuinn fios a bhì againn am feadh a ta sinn aig an tigh sa' choluinn, gu bheil sinn air choigrich o'n Tighearn:

7 (Oir a ta sinn a' gluasad<sup>5</sup> a réir creidimh, agus cha'n ann a réir seallaidh.)

8 Tha deadh mhisneach againn, agus bu ròghnuiche leinn gu mòr bhì air choigrich as a' choluinn, agus a bhì làthair maille ris an Tighearn.

9 Uime sin a ta sinn a' deanamh ar dìchioll, chum cò aca bhios sinn a làthair no air choigrich, gu'm bi sinn taitneach dhasan.

10 Oir is éigin duinn uile bhì air ar nochdadh an làthair caithir-breitheanais Chrìosd; chum gu faigh gach neach na nithe a rinn e sa' choluinn, a réir an nì a rinn e, ma's maith no olc e.

11 Uime sin air dhuinn fios a bhì againn air uamhas an Tighearna, tha sinn a' cur impidh air daoineibh; ach a ta sinn follaiseach do Dhia, agus tha dòchas agam mar an ceudna gu bheil sinn air a deanamh follaiseach ann bhur coguisibhse.

12 Oir cha 'n'eil sinn 'gar moladh fèin a ris dhuibhse, 'ach a ta sinn a' toirt fàth<sup>6</sup> uail dhuibh d'ar taobh, chum gu bi *freagradh* agaibh dhoibhsan, a tha deanamh uail ann an gnùis, agus ni h-ann an cridhe.

13 Oir ma tha sinn a dh'easbhuidh céille, is ann do Dhia: agus ma ta ar ciall againn, is ann duibhse.

14 Oir a ta gràdh Chrìosd 'gar coimh-éigneachadh, air dhuinn breithneachadh mar so, ma fhuair a h-aon bàs air son nan uile, gu'n robh na h-uile marbh:

15 Agus gu'n d'fhuair e bàs air son nan uile, chum iadsan a ta beo, nach biodh iad a so suas beo dhoibh fèin, ach dhasan a dh'fhuiling am bàs air an son, agus a dh'éirich a ris.

16 Uime sin, cha'n aithne dhuinne a so suas aon duine a réir na feòla: seadh, ge b'aithne dhuinn Crìosd a réir na feòla, gidheadh a nis cha'n aithne dhuinn e ni's mò.

17 Uime sin ma ta neach sam bith ann an Crìosd, is creutair nuadh e: chaidh na seann nithe seach, feuch, rinneadh na h-uile nithe nuadh.

18 Agus is ann o Dhia a ta na h-uile nithe, neach a rinn sinne réidh ris fèin tre Iosa Crìosd, agus a thug dhuinn ministreil-eachd na réite;

<sup>1</sup> cumhaingeachd. <sup>2</sup> tiota, mionaid.  
<sup>3</sup> cluth-eudachadh, còmhdaichadh. <sup>4</sup> carlas.

<sup>5</sup> a' gluasad, ag imeachd, a' siubhal.  
<sup>6</sup> cothrom.

19 Eadhon, gu robh Dia ann an Crìosd a' deanamh an t-saoghail réidh ris féin, gun bhi a' meas an cionta dhoibh; agus dh'earb e ruinne' focal na réite.

20 Uime sin is teachdairean sinn air son Chrìosd, mar gu cuireadh Dia impidh leinne: tha sinne a' guidheadh oirbh as uchd' Chrìosd, bithibh réidh ri Dia.

21 Oir rinn se csan da nach b'aithne peacadh, na iobairt pheacaidh air ar soinne; chum gu bitheamaid air ar deanamh 'nar fireantachd Dhé annsan.

## CAIB. VI.

1 Gu'n do dhearbhadh se e féin 'na mhinisteir fìrinnach do Chrìosd, araon le earailibh, 3 agus le ionracas a bheatha, 4 agus leis gach gnè trioblaid agus maslaidh fhalang gu foighidnèach air son an t-soisgeil: 10 umpa so tha e labhairt gu dàna riu, chionn gu bheil a chridhe fosgailte dhoibh; 13 agus tha dùil aige ris an aigne cheadna uatha; &c.

UIME sin tha sinn mar chomh-oibrich-ean leis-sin, a' guidheadh oirbh, gun sibh a' ghabhail gràis. Dé an diomhanas:

2 (Oir a deir e. Ann an àm taitneach dh'éisd mi riut, agus ann an là slàinte rinn mi còmhnaidh leat: feuch, a nis an t-àm taitneach; feuch, a nis là slàinte.)

3 Gun bhi tabhairt aobhair oibbheim air bith ann an aon ni, chum nach faigheadh a' mhinistireileachd<sup>3</sup> mi-chliu:

4 Ach anns gach ni 'gar dearbhadh féin mar mhinisteiribh Dhé, ann am mòr fhoighididh, ann an àmhgharaibh, ann an uireasbhuidh, ann an teanntachdaibh,

5 Ann am buillibh, ann am prìosun-aibh, ann an luasgadh o àit gu h-ait, ann an saothair, ann am faire, ann an trosgaibh,

6 Ann am fìor-ghloine, ann an eòlas, ann am fad-fhulangas, ann an caoimhneas, anns an spiorad naomh<sup>4</sup>, ann an gràdh gun cheilg,

7 Ann am focal na fìrinn, ann an cumhachd Dhé, le airm na fireantachd air an làimh dheis agus chli,

8 Tre urram agus eas-urram, tre mhi-chliu agus dheadh-chliu: mar mhealltairibh, gidheadh fìrinnach;

9 Mar dhroing nach aithnìchear, gidheadh air am bheil deadh aithne; mar dhroing a ta faghail a' bhais, gidheadh feuch, tha sinn beo; mar dhroing a smachdaichear, agus gun am marbhadh;

10 Mar dhroing a ta brònach, gidheadh a ghnàth a 'deanamh gairdeachais; mar dhaoine bochda, gidheadh a ta deanamh mòrain saibhir; mar dhaoine aig nach 'eil ni sam bith, gidheadh a' sealbhachadh nan uile nithe.

11 Tha ar beul-ne fosgailte dhuibhse, O a Chorintianacha, tha ar cridhe air a dheanamh farsuing.

12 Cha 'n'eil sibh ann an cumhangachd annainne, ach tha sibh ann an cumhangachd ann bhur n-innibh féin.

13 A nis mar ath-dhioladh san ni sin féin, (labhram mar ri m' chloinn) bithibhse farsuing mar an ceudna.

14 Na cuing-cheanglar gu neo-chothromach sibh maille ri mì-chreidmich: oir ciod e caidreabh na fireantachd ri neo-fhìreantachd? agus ciod e commun an t-soluis ris an dorchadas?

15 Agus ciod an réite a ta aig Crìosd ri Belial? no' ciod i cuid a' chreidmich, maille ri ana-creideach?

16 Agus ciod a' choimh-réite a ta aig teampull Dé ri h-iodholaibh<sup>5</sup>? oir is sibhse teampull an Dé bheo; a réir mar a thubhairt Dia, Gabhaidh mise còmhnuidh annta, agus gluaisidh mi 'nam measg; agus bithidh mise a'm' Dhia acasan, agus bithidh iadsan 'nan sluagh agamsa.

17 Uime sin thigibh a mach as am meadhon, agus dealaichibh riu, deir an Tighearn, agus na beanaibh ris an ni neoghlan; agus gabhaidh mise a m' ionnsuidh sibh,

18 Agus bithidh mi a'm' Athair dhuibh, agus bithidh sibhse 'nar mic agus 'nar nigh-eanaibh dhomhsa, deir an Tighearn uile-chumbachdach.

## CAIB. VII.

1 Tha e 'gan earalachadh chum gloine beatha,

2 agus cham an inntinn bhi aca dhasan a ta aige dhoibh; 3 air eagal gu saoilte gu'n robh e car so an unharus, tha e cur an cèill doibh mead a' chomhfhurtachd a fhuair e 'na thrioblaidibh, o'n sgeul a thug Titus dha air a bhròn diadhaidh, a rinn an litir, a chuir e d'an ionnsuidh roimhe, oibreachadh annta, &c.

UIME sin, a mhuinntir mo ghràidh, air dhuinn na geallanna so bhi againn, glanamaid sinn féin o gach uile shalachar fèola agus spioraid, a' coimhlionadh naomhachd ann an eagal Dé.

2 Gabhaibh ruinne: cha d'rinn sinn eu-coir air aon duine, cha do thruaill sinn aon duine, cha do mheall sinn aon duine.

3 Cha'n ann chum bhur dìtidh a labhram so: oir thubhairt mi roimhe, gu bheil sibh ann ar cridhibhne chum bàsachadh maille ribh, agus a bhi beo maille ribh.

4 Is mòr mo dhànachd cainnte d'ar taobhsa, is mòr m'uail as bhur leth: lionadh le comhfhurtachd mi, tha mi thar tomhas aoibhneach ann ar n-uile àmhghar-ne.

5 Oir an uair a thainig sinn gu Macedonia, cha d'fhuair ar feòil fois sam bith, ach bha sinn fuidh àmhghar air gach taobh; an leth am muigh bha còmhraig, an leth a stigh bha eagla<sup>6</sup>:

<sup>1</sup> chuir e annainne. Gr. <sup>2</sup> air son, an àit.

<sup>3</sup> [ar] ministireileachd, [ar] frithealadh.

<sup>4</sup> leis an Spiorad naomh.

<sup>5</sup> dealbhuidh.

<sup>6</sup> uamhunn.



6 Ach, an Dia a bheir comhfhurtachd doibhsan a tha air an leagadh sìos, thug e comhfhurtachd dhuinne le teachd Thituis:

7 Agus ni h-e le a theachdsan a mhàin, ach mar an ceudna leis a' chomhfhurtachd a fhuair esan uaibhse, 'nuair a chuir e an cèill duinn bhur dian-thogradh, bhur caoidh<sup>1</sup>, bhur teas-ghràdh dhomhsa; air chor as gur mòid a rinn mi gairdeachas.

8 Oir ge do chuir mi doilgheas oirbh leis an litir, cha 'n'eil aithreachas orm, ge do bha aithreachas orm: oir tha mi faicinn gu'n do chuir an litir sin doilgheas oirbh, ge nach do rinn i so ach rè tamuill.

9 A nis tha gairdeachas orm, cha'n ann air son sibh a bhi doilich, ach gu robh sibh doilich chum aithreachais<sup>2</sup>: oir bha doilgheas oirbh air mhodh diadhuidh, chum nach d'thigeadh call oirbh ann an aon ni d'ar taobhne.

10 Oir oibrichidh am bròn diadhaidh aithreachas chum slàinte do nach gabhar aithreachas: ach oibrichidh doilgheas an t-saoghail bàs.

11 Oir feuch, an ni so fèin doilgheas diadhuidh bhi oirbh, ciod e meud an dùrachd a' dh'oibrich e annaibh, seadh, *ciod* an glanadh oirbh fèin<sup>3</sup>, seadh, *ciod* an ro-dhiom, seadh, *ciod* an t-cagal, seadh *ciod* an dian-thogradh, seadh, *ciod* an t-eud, seadh, *ciod* an togradh dioghaltais? anns gach ni dhearbhaibh sibh sibh fèin bhi glan sa' chùis so.

12 Uime sin ge do sgrìobh mi d'ar n-ionnsuidh, cha b'ann air a shonsan a rinn an eucoir, no air a shonsan air an d'rinneadh an eucoir, ach a chum gu foillsichte dhuibh ar cùramne mu'r timchioll's am fianuis Dé.

13 Uime sin fhuair sinn comhfhurtachd air son bhur comhfhurtachd'sa: seadh, bu ro mhò a rinn sinn gairdeachas, air son gairdeachais Thituis, do bhrìgh gu'n d'fhuair a spiorad suaimhneas uaibhse uile.

14 Oir ma rinn mi bòsd<sup>4</sup> sam bith riscan asaihbse, cha 'n'eil nàire orm; ach mar a labhair sinn na h-uile nithe am fìrinn ribhse, is amhuil sin a fhuaradh fìrinneach ar bòsd asaihbse ri Titus.

15 Agus a ta dùrachd a chridhesan nì's pailte d'ar taobhsa, air dha bhi a' cuimhneachadh bhur n-ùmhachd uile, mar a ghabh sibh ris le h-eagal agus ball-chrith.

16 Uime sin tha gairdeachas orm gu bhèil dànachd agam asaihb anns gach ni.

## C A I B. VIII.

1 Tha e 'gam bròsnachadh gu tional seirceil a dheanamh air son nan naomh bochda ann an Ierusalem, le eisempleir nam Macedonach,  
7 le moladh an dian thograidh a bha aca fèin roimhe, 9 le eisempleir Chrìosd, 14

agus leis an tairbhe spioradail a thigeadh dhoibh fèin o'n tabhartas sin: &c.

A NIS, a bhràithre, tha sinn a' toirt fios duibh air gràs Dé, a thugadh do eaglaisibh Mhacedonia:

2 Eadhon gu'n robh, ann am mòr dhearbhadh àmhghair, pailteas an aoibhneis, agus doimhne am bochduinn, ro phailte chum saibhris am fialuidheachd<sup>5</sup>.

3 Oir bheiream fianuis gu robh iad natha fèin toileach a réir an comais, seadh, thar an comas:

4 A' guidheadh oirne gu dùrachdach, gu'n gabhamaid an tiodhlac, agus comhroinn an fhrith-ealaidh do naomhaibh.

5 Agus ni h-ann mar a shaoil sinne<sup>6</sup>, ach thug siad iad fèin air tùs do'n Tighearn, agus na dhéigh sin dhuinne a réir toil Dé:

6 Air chor as gu'n do chuir sinn impidh air Titus, a réir mar a thòisich e roimhe, mar sin gu'n crìochnaicheadh e annaibhse an gràs<sup>7</sup> sin fèin mar an ceudna.

7 Uime sin mar a ta sibh pailte anns gach uile ni, ann an crèidimh, ann an ùr-labhradh, agus ann an eòlas, agus ann an uile dhèichioll, agus ann bhur gràdh dhuinne, bithibh pailte anns a' ghràs so mar an ceudna.

8 Nì'n labhram so mar àithne, ach a thaobh dùrachd dhaoin' eile, agus a dhearbhadh tréibhdhireis bhur gràidh-se.

9 Oir is aithne dhuibh gràs ar Tighearna Iosa Crìosd, ge do bha e saibhir, gidheadh gu'n d'rinneadh bochd e air bhur sonsa, chum gu biodh sibhse saibhir trid a bhochduinnsan.

10 Agus anns an ni so bheircam mo chomhairle: oir a ta so tarbhach<sup>8</sup> dhuibhse, a thòisich roimhe, cha'n e mhàin air deanamh, ach air a bhi togarrach o cheann bliadhna.

11 A nis air an aobhar sin coimhlionaibh an gnìomh<sup>9</sup>: ionnus mar a bha sibh ullamh chum na toile, mar sin gu'm bi sibh ullamh chum coimhlionaidh as na bheil agaibh.

12 Oir ma bhios air tùs inntinn thoileach ann, gabhar ris a réir mar a ta aig neach, agus ni h-ann a réir nan nithe nach 'eil aige.

13 Cha'n ann chum gu'm biodh socair aig daoin' eile, agus àmhghar agaibhse.

14 Ach a' thaobh coimh-cheartais, chum san àm so nis gu'm bi bhur pailteas-sa 'na choimh-leasachadh air an uireasbhuidhsan, agus mar an ceudna chum gu'm bi am pailteas-sa 'na choimh-leasachadh air bhur n-uireasbhuidhse, air chor as gu'm bi coimh-cheartas cadruibh,

15 A réir mar a ta e sgrìobhta, An ti a thionail mòran, cha robh anabarr aige; agus an ti a thionail beagan, cha robh easbhuidh air.

<sup>1</sup> bròn. <sup>2</sup> atharrachadh inntinn.

<sup>3</sup> an saoradh, an leithseuil.

<sup>4</sup> uail, mordhail.

<sup>5</sup> an daonnachda.

<sup>7</sup> tiodhlacadh.

<sup>6</sup> a bha dòchas againne.

<sup>8</sup> ionchubhaidh.

<sup>9</sup> an deanamh.

16 Ach buidheachas do Dhia, a chuir an cùram dùrachdach sin fèin d'ar taobhsa ann an cridhe Thituis.

17 Oir gu deimhin ghabh e ris an impidh, ach air dha bli ni bu togarraiche, chaidh e d'a thoil fèin d'ar n-ionnsuidh.

18 Agus chuir sinne maille ris am bràthair, aig am bheil a chliu san t-soisgeul, fcaidh nan eaglais uile:

19 (Agus cha'n e so a mhàin, ach thaghadh e leis na h-eaglaisibh mar an ceudna mar chompanach turuis dhuinne, leis an tiòdhlaic so a fhrithealadh leinne chum glòire an Tighcarna sin fèin, agus chum foillseachaidh bhur n-inntinn ullamhsa.)

20 A' seachnadh so, nach tugadh neach air bith mi-chliu dhuinne thaobh a' phailteis so a fhrithealadh leinne:

21 Air dhuinn bhi solarachadh nithe ciatfach, cha'n e mhàin am fianuis an Tighcarna, ach mar an ceudna am fianuis dhaoine.

22 Agus chuir sinn maille riu ar bràthair, a dhearbhadh sinn gu minic dùrachdach am mòran do nithibh, ach a nis ni's ro dhùrachdaiche, thaobh an ro-carbsa ta aige<sup>1</sup> asabhse.

23 Ma dh'fhiosraichear ni sam bith mu Thitus, is e mo chompanachsa e, agus mo chomh-oibriche d'ar taobhsa: no mu thim-chioll nan bràithre, is iad teachdairean nan eaglais, agus glòir Chrìosd.

24 Uime sin nochdaibh dhoibhsan, agus am fianuis nan eaglais, dearbhadh bhur gràidhsa agus ar n-ualline d'ar taobh.

## CAIB. IX.

1 Tha e 'g innscadh an reusoin air son, ge do b'athne dha an mòr thogradh fèin, an do chuir e Titus agus na bràithre roimh-làimh d'an ionnsuidh g'am brosnachadh gu deire a thabhairt gu pailte, do bhrìgh gur gnè shìol-chuir iad, 10 a bheir barr pailte dhoibh fèin, 13 agus aobhar iobairt mòr mhòlaidh do Dhia.

**O**IR a thaobh frithealaidh do na naomhaibh, is neo-fheumail dhomhsa, sgrìobhadh d'ar n-ionnsuidh,

2 Oir is aithne dhomh togarrachd bhur n-inntinn, as leth an deanam uail asabhse ris na Macedonaich, ag ràdh, Gu robh Achaia ullamh o cheann bliadhna; agus bhrosnaich bhur n-eudsa ro-mhòran.

3 Gidheadh chuir mi na bràithre d'ar n-ionnsuidh, air eagal gu'm biodh ar ualline asabh dìomhain sa' chuìs so; chum, mar a thubhairt mi, gu'm biodh sibh ullamh:

4 Air eagal ma thig na Macedonaich maille rium, agus gu'm faigh iad sibhsa neo-ullamh, gu'm bi nàire oirne (gun a ràdh oirbhsè) a dānadas na h-uail so.

5 Uime sin bhreithnich mi gu'm b'fheumail impidh chur air na bràithribh, iad a dhol air tùs d'ar n-ionnsuidhsè, agus bhur tabl-

artas, air an do labhradh ribh roimhe, a dheanamh deas, chum gu'm biodh sin ullamh, mar thiodhlaic<sup>2</sup>, agus cha'n ann mar ni a dh'aindeoin.

6 Ach so deircam, An ti a chuireas gur gann, buainidh e gu gann mar an ceudna; agus an ti a chuireas gu pailte, buainidh e gu pailte mar an ceudna.

7 Thugadh gach duine seachad a réir-rùn a chridhe; na b'ann an doilgheas, no le h-éigin: oir is toigh le Dia an neach a bheir seachad suilbhir.

8 Agus is comasach Dia air gach gràs a dheanamh ro phailte dhuibhsè, chum air dhuibh anns gach uile ni làn leoir a bh' agaih a ghnàth, gu'm biodh sibh pailte chum gach deadh oibre.

9 (A réir mar a ta e sgrìobhta, Sgaoil e a chuid; thug e do na bochdaidh: mairidh fhèiantachd a choidhch.)

10 A nis an ti a bheir sìol do'n fhearcuir<sup>3</sup>, agus aran chum bìdh, gu tugadh e agus gu meudaicheadh e bhur curachdsas, agus gu tugadh e do thoradh bhur fèiantachd fàs.)

11 Air dhuibh bhi air bhur deanamh saibhir anns gach uile ni chum gach uile thabhartais, ni a dh'oibricheas leinne breith-buidheachais do Dhia.

12 Oir a ta frithealadh na seirbhis so, cha'n e mhàin a' leasachadh uireasbhuidh nan naomh, ach a ta e mar an ceudna pailte tre mhòran breith-buidheachais do Dhia;

13 (Air dhoibh bhi tre dhearbhadh a fhrithealaidh-sa a' toirt glòire do Dhia air son bhur n-ùmhlaich do shoisgeul Chrìosd a réir bhur n-aidmheil, agus air son bhur tabhartais dhaonnachdaich<sup>4</sup> dhoibhsan, agus do na h-uile dhaoinibh.)

14 Agus trid an ùrnigh air bhur sonsa, aig am bheil mòr dhéidh oirbh air son gràis. De a ta ro phailte annaibh.

15 Buidheachas do Dhia air son a' thiodhlaic do-labhairt<sup>5</sup>.

## CAIB. X.

1 An aghaidh nan abstol bréige, a bha deanamh tàir air annhuinneachd a phearsa agus air a làthair chorporra, tha e cur an cèill an neart agus an t-ùghdarras spioradail sin, leis an d'armaicheadh e an aghaidh cumhachd a naimhdean uile; 7 a' toirt cinnte dhoibh, air dha teachd, gu'm faighcadh iad e co-chumhachdach ann am focal agus a ta e nis ann an sgrìobhadh, agus e as an làthair: &c.

**A**NIS tha mise fèin Pòl a' guidheadh a oirbh, tre mhacantas agus shèimh-eachd Chrìosd, neach air dhomh a bhi làthair a ta ìosal 'nar measg, ach air dhomh a bhi uaibh a ta dàna oirbh.

2 Ach iarram oirbh dh'athcheuinge, gun sibh a thoirt orm an uair a bhios mi làthair, bhi dàna, leis a' mhuinghin<sup>6</sup> leis an saoilcar

<sup>1</sup> agam.<sup>2</sup> ghean-mhaith.<sup>3</sup> do'n t-sioladair.<sup>4</sup> fhiatuidh.<sup>5</sup> do-chur-an-cèill.<sup>6</sup> mhisnich, urrasachd.



## II. CORINTIANACH.

mi bhi dana 'n aghaidh droinge àraidh a tha toirt meas oirne, mar gu bitheamaid ag imeachd a réir na feòla.

3 Oir ge do tha sinn ag imeachd<sup>1</sup> anns an fheòil, cha'n ann a réir na feòla ta sinn a' cogadh:

4 (Oir ar n-airm chogaidh ni'n feòlmhor iad, ach cumhachdach o Dhia chum daingnichean a leagadh.)

5 A' tilgeadh sìos reusonachaidh, agus gach ni àrd a dh'ardaicheas c'fèin an aghaidh eòlais Dé, agus a' toirt am braigheanas gach smuainteach chum ùmhlachd Chrìosd:

6 Agus dioghaltas ullamh againn r'a dheanamh air gach uile easumhlachd, 'nuair a choimhlionar bhur n-ùmhlachdasa.

7 An amhaire sibh air nithibh a réir an coslais? ma tha dochas<sup>2</sup> aig aon neach as fèin, gur le Crìosd e, smuainicheadh e so a ris uath fèin, mar is le Crìosd esan, gur le Crìosd sinne mar an ceudna.

8 Oir ge do dheanainn càileigin ni's mò dh'uaill as ar cumhachdne, (a thug an Tighearna dhuinn chum fòghluim<sup>3</sup>, agus cha'n ann chum bhur sgrios-sa) cha bhiodh nàire orm:

9 Chum nach measar mi mar gu'm bith-inn a' cur eagal oirbh le litricibh.

10 Oir a ta a litrichean (a deir iadsan) cudthromach agus làidir, ach a ta a làthaireachd chorpóra anniuinn<sup>4</sup>, agus a chainnt tàireil.

11 Smuainicheadh a leithid sin do dhuine so, mar a ta sinne ann am focal tre litricibh, agus sinn as làthair, mar sin gu'm bi sinn ann an gnìomh air dhuinn a bhi làthair.

12 Oir cha 'n'eil a dhànadas<sup>5</sup> againne sinn fèin a chur an àireamh, no a choimeas ri dream àraidh a mholas iad fèin: ach air dhoibhsan bhi 'gan tomhas fèin eatorra fèin, agus 'gan coimeas fèin riu fèin, cha 'n'eil iad glie.

13 Ach cha dean sinne uaill a nithibh a tha thar ar tomhas, ach a réir tomhais na riaghail<sup>6</sup> a roinn Dia dhuinne, eadhon tomhas a ruigeas oirbhse.

14 Cha 'n'eil sinne 'gar sìneadh fèin thar ar tomhas, mar nach ruigeamaid sibhse; oir thainig sinn eadhon chugaibhse<sup>7</sup>, le soisgeul Chrìosd:

15 Gun sinn a bhi deanamh uaill a nithibh a ta thar ar tomhas, eadhon a saothairibh dhaoin' eile; ach a ta dòchas againn, 'nuair a mheudaichear bhur creidimhse, gu'm faigh sinn farsaingeachd gu pailte annaibh a réir ar riaghailne,

16 Chum an soisgeul a shearmonachadh anns na h-ionadaibh an taobh thall duibhse, agus cha'n ann chum uaill a dheanamh ann an riaghail duin' eile, a nithibh a ta ullamh a cheana.

17 Ach an ti a ni uaill, deanadh e uaill anns an Tighearn.

18 Oir cha'n e an ti a mholas e fèin a tha ionmholta<sup>8</sup>, ach an ti a mholas an Tighearn.

### C A I B. XI.

1 Tre ro-mhead a chàraim do na Corintian-aich, d'an robh e'n coslas tailleadh spèis thoirt do na h-abstolaibh brèige na dhasan, tha e a' tòiseachadh dh'aindeoin ri e fèin a mholadh, 5 ag innseadh nach robh e a bheag goirid air na h-abstoil bu mhò, 7 gu'n do shearmonaich e an soisgeul dhoibh gu saor, 13 a' nochdadh nach robh e a bheag a dheidhlèimh air an luchd-oibre chealgach sin, thaobh aon sochair a bhuineadh do'n lagh, &c.

**B**'FHEARR leam gu'n giùlaineadh sibh beagan le m'amaideachd; agus da rìreadh giùlainibh leam.

2 Oir a ta mi eudmhor umaibh le h-eud diadhuidh: oir rinn mi ceangal pòsaidh eadar sibh agus aon fhear, chum bhur cur mar òigh fhìor-ghloin an làthair Chrìosd.

3 Ach a ta eagal orm, air dòigh sam bith, mar a mheall an nathair Eubha leis a cuilbheartachd, mar sin gu'n truailllear bhur n-inntinnse o'n aon-fhillteachd a ta ann an Crìosd.

4 Oir nan deanadh an neach a thig Iosa eile a shcarmonachadh, nach do shcarmonaich sinne, no nam faigheadh sibhse spiorad eile, nach d'fhuair sibh, no soisgeul eile ris nach do ghabh sibh, dh'fheudadh sibh gu maith giùlan leis.

5 Oir is i mo bharailse nach robh mi a bheag goirid air na h-abstolaibh a b'àirde.

6 Ach ge do tha mi neo-fhòghluimte ann an cainnt, gidheadh cha 'n'eil mi mar sin ann an eòlas; ach rinneadh sinn làn-fholaiseach anns na h-uile nithibh 'nar measga.

7 An d'rinn mi cionta le mi fèin isleachadh chum gu'm biodh sibhse air bhur n-àrdachadh, no a chionn gu'n do 'shearmonaich mi soisgeul Dé a nasgaidh dhuibh?

8 Chreach mi eglaisean eile, a' gabhail tuarasdail uatha, chum seirbhis a dheanamh dhuibhse.

9 Agus an uair bha mi làthair maille ribhse agus uireasbhuidh orm, cha do leig mi mo throm air duine sam bith: oir leasaich na bràithrean, a thainig o Mhacedonia m'uireasbhuidh: Agus anns na h-uile nithibh choimhid mi mi fèin o m' throm a leigeadh oirbhse, agus coimhididh.

10 Mar a ta firinn Chrìosd annam, cha chumar an uaill so uam ann an crìochaibh na h-Achaia.

11 C'ar son? An ann a chionn nach 'eil gràdh agam dhuibh? Tha fios aig Dia.

12 Ach an ni a ta mi deanamh, ni mi fathast e, chum gu toir<sup>9</sup> mi air falbh

<sup>1</sup> gluasad, sùbhal. <sup>2</sup> earbsa. <sup>3</sup> togail suàs. <sup>4</sup> lag. <sup>5</sup> a mhisnich. <sup>6</sup> riaghail.

<sup>7</sup> thugaibhse. <sup>8</sup> dearbhtha. <sup>9</sup> gearr.

cionfàth<sup>1</sup> uathasan le'm bu mhiann cionfàth fhaotainn, chum anns an nì as am bheil iad a' deanamh uail, gu faighear iad eadhon mar sinne.

13 Oir is ann d'an leithidibh sin a ta abstola breige, luchd-oibre cealgach, 'gan cur fèin ann an cosamhlachd abstola Chrìosd.

14 Agus cha'n iongantach sin: oir cuir-e ar Satan fèin an cruth<sup>2</sup> aingil soillse.

15 Uime sin cha nì mòr e ge do chuirear a mhinisteirean mar an ceudna ann an cruth mhinisteirean na fireantachd; aig am bi an crìoch dheireannach a réir an oibre.

16 A deiream a rìs, Na measadh aon neach gur amadan mi; no fòs, gabhaibh rium mar amadan fèin, chum gu'n dean mi beagan uaill asam fèin.

17 An nì a labhram, nì h-ann a réir an Tighearna a labhram e, ach mar gu b'ann gu h-amaideach anns an dànas uaille so.

18 Do bhrìgh gu bheil mòran a' deanamh uail a réir na fèola, nì mise uail mar an ceudna.

19 Oir giùlainidh sibh gu toileach le amadanaibh, do bhrìgh gu bheil sibh fèin glic.

20 Oir fuilgidh sibh ma bheir neach an daorsa sibh, ma dh'itheas<sup>3</sup> neach sibh, ma bheir neach bhruidhneach d'ibh, ma dh'ardaicheas neach e fèin, ma bhuailleas neach air an aghaidh sibh.

21 Labhram thaobh eas-urraim, mar gu'm bitheamaid annhunn: ach, ge b'e nì anns a' bheil neach air bith dàna, (labhram gu h-amaideach) a ta mise dàna ann mar an ceudna:

22 An Eabhruich iad? mar sin tha mise mar an ceudna: An Israelich iad? mar sin tha mise mar an ceudna: An sliochd do Abraham iad? mar sin tha mise mar an ceudna:

23 Am ministeirean da Chrìosd iad? (labhram mar dhuine mi-chéillidh) ataimse os an ceann san nì so: ann an saothairibh nì's pailte, ann am buillibh nì's ro mhò<sup>4</sup>, am prìosunaibh nì's trice, am bàsaibh gu minic.

24 Fhuair mi o na h-Iudhachaibh cùig uairean dà fhichead buille ach a h-aon.

25 Ghabhadh le slataibh orm trì uairean, chlachadh mi aon uair, dh'fhuiling mi long-bhriseadh trì uairean; là agus oidhche bha mi san doimhne:

26 Ann an turusaibh gu minic, ann an gabha aimhnichean, ann an cunnartaibh fhear-reubainn, ann an cunnartaibh o m' chinneach fèin, ann an cunnartaibh o na Cinneachaibh, ann an cunnartaibh sa bhaile, ann an cunnartaibh san fhàsach, ann an cunnartaibh san fhaire, ann an cunnartaibh am measg bhràithre breugach<sup>5</sup>;

27 Ann an saothair agus sgios<sup>6</sup>, am

fairibh gu minic, ann an ocras agus tart, an trosgaibh gu minic, am fuachd agus an lom-nochdaidh.

28 A bhàrr air na nithibh a ta an leth muigh, an nì a ta teachd orm gu lathail, ro-chùram nan eaglais uile.

29 Cò a ta lag, agus nach 'eil mise lag? cò a ta faotainn oibheim, agus nach 'eil mise a' losgadh?

30 Ma's éigin domh uail a dheanamh, is ann as na nithibh a bhuineas do m' amhuinneachd a nì mi uail.

31 Tha fios aig Dia, eadhon Athair ar Tighearna Iosa Chrìosd, a tha beannuichte gu sìorruidh, nach 'eil mi deanamh brèige.

32 Ann an Damascus chuir uachdaran a phobuill fuidh Aretas an rìgh, freiceadan air baile nan Damasceneach, ann an rùn mise a ghlacadh:

33 Ach tre uinneig leigeadh sìos ris a' bhalla mi ann an cliabh, agus chaidh mi as a làmhaidh.

## CAIB. XII.

1 Chum abstolachd a mholadh, ge d'fheudadh e uail a dheanamh as a thaisbeinibh iongantach, 9 gidheadh is fearr leis uail a dheanamh as amhuinneachd; tha e faotainn croin doibh, a chionn gu'n d'èignich iad e chum na h-uaille domhain so: 14 a' gealltuinn teachd a rìs d'an ionnsuidh: &c.

**G**U deimhin cha 'n'eil e iomchuidh dhomhsa uail a dheanamh: ach thig mi chum seallanna agus taisbcana an Tighearna.

2 B'aithne dhomh duine ann an Crìosd ceithir-bliadhna-deug roimhe so; (ma's anns a' choluinn, nì'm fios domh; no as a' choluinn, nì 'm fios domh; aig Dia a ta fios) a leithid sin do dhuine thogadh chum an treas nèamh.

3 Agus b'aithne domh a leithid sin do dhuine, (ma's anns a' choluinn, no as a' choluinn, nì'm fios domh: aig Dia a ta fios:)

4 Gu'n do thogadh suas e gu pàrras, agus gu'n cual e briathra do-labhairt nach feud duine a' labhairt?

5 Ma' leithid sin do dhuine nì mi uail: ach asam fèin cha dean mi uail, mur dean mi a m' amhuinneachdaibh<sup>8</sup>.

6 Oir ge do b'ail leam uail a dheanamh, cha bhì mi a'm amadan; oir labhraidh mi an fhèin: gidheadh a ta mi a' cumail orm fèin, air eagal gu'm bi meas aig duine dhìomh thar mar a ta e 'gam fhaicinn, no a' cluinntinn umam.

7 Agus air eagal gu'm bithinn air m'ardachadh thar tomhas, tre ro-mheud nan taisbean, thugadh dhomh sgolb san fheoil, teachdaire Shatain chum gu'm buailleadh e mi<sup>9</sup>, air eagal gu'm bithinn air m'ardachadh thar tomhas.

<sup>1</sup> cothrom. <sup>2</sup> riochd. <sup>3</sup> chlaoidheas.

<sup>4</sup> thar tomhas. <sup>5</sup> fullsa, mealltach.

<sup>6</sup> sgios agus briseadh-cridhe.

<sup>7</sup> nach urradh duine a labhairt. <sup>8</sup> laigsibh.

<sup>9</sup> chum gabhail le dornaibh orm.



8 Air a shon so ghuidh mi an Tighearn tri uairean, gu'n imicheadh so uam.

9 Agus thubhairt e rium, Is leoir mo ghràs-sa dhuìt: oir a ta mo chumhachd air a dheanamh foirfe ann an anmhuinneachd. Uime sin is ro thoiliche a ni mi uail a' m' anmhuinneachdaibh, chum gu'n gabh cumhachd Chrìosd còmhnuidh orm.

10 Uime sin tha mi gabhail tlachd ann an anmhuinneachdaibh, ann maslaibh, ann an uireasbhuidh, ann an geur-leannmhuinnibh, ann an teanntachdaibh<sup>1</sup> air son Chrìosd: oir an uair a ta mi lag, an sin a ta mi làidir.

11 Rinneadh a'n' amadan mi le uail a dheanamh; dh'éignich sibhse mi: oir bu chòir dhomh bhì air mo mholadh leibhse: oir cha robh mi bheag sam bith fuidh na h-abstolaibh a's àirde, ge nach 'eil annam ach neo-ni.

12 Gu deimhin dh'oibricheadh comhlaran abstoil ann bhur measgsa anns gach uile fhoighidin, ann an comharaibh agus an iongantasaibh, agus an cumhachdaibh<sup>2</sup>.

13 Oir ciod an ni anns an robh sibh ni bu lugha na eaglaisean eile, mur e nach do leig mi féin mo throm oirbh? thugaibh maithneas domh san eucoir so.

14 Feuch, a ta mi ullamh anis an treas uair gu'teachd d'ar n-ionnsuidh; agus cha chuir mi mo throm oirbh; oir cha'n e bhur cuid a tha mi 'g iarraidh, ach sibh féin: oir cha 'n'eil e dh'fhiachaidh air a' chloinn ionmhas a chruinneachadh fa chomhair nam pàranta, ach air na pàrantaibh fa chomhair na cloinne.

15 Agus is ro thogarrach a ni mise caitheadh agus a chaithear mi air son bhur n-anamasa, ge mar is ro phailte a ta gràdh agam dhuibh, gur lugha bhur gràdhsa dhomh.

16 Ach biodh e mar sin, nach do chuir mi trom oirbh: gidheadh air dhomh bhì innleachdach, ghlac mi le seòltachd sibh.

17 An d'rinn mise trid aon neach dhiubhsan a chuir mi d'ar n-ionnsuidh buannachd dhihbh?

18 Ghuidh mi air Titus dol d'ar n-ionnsuidh, agus chuir mi bràthair maille ris: an d'rinn Titus buannachd dhihbh? nach do ghluais sinn san aon spiorad? agus anns na h-aon cheumaibh?

19 A rìs, am bheil sibh a' saòilsinn gu bheil sinne gabhail ar leithsgeil ribh? tha sinn a' labhairt am fianuis. Dé ann an Crìosd: ach a ta an t-iomlan, a chàirde, chum bhur fòghluimse<sup>3</sup>.

20 Oir is eagal leam air dhomh teachd nach faigh mi sibh mar is miann leam, agus gu faighear mise dhuibhse mar nach bu mhiann leibh: air eagal gu'm bi conn-

sachadh, farmad, fearg, comhstri, cùl-chàineadh, cogarsaich, ardain<sup>4</sup>, ceannairce 'nar measg:

21 An t-eagal air teachd dhomh a rìs, gu'n islich mo Dhia mi 'nar measg, agus gu dean mi caoidh air son mòrain do'n droing a pheacaich a cheana, agus nach do ghabh aithreachas do'n neo-ghloine, agus strìopachas, agus mhacnus a rinn iad.

## C A I B. XIII.

1 *Tha e bagairt gairge agus cumhachd abstolachd an aghaidh pheacach cruaidh-mhuinealach: 5 agus a' comhairleachadh dhoibh an creidimh a dhearbhadh, 7 agus am beatha a leasachadh mun d'thig e: 11 tha e a' comh-dhèanadh na litreach le earail choit-ionn agus le h-ùrnuigh.*

**I**S i so an treas uair a ta mi a' teachd d'ar n-ionnsuidh: am beul dithis no triuir do fhianuisibh bithidh gach focal seasmhach.

2 Dh'innis mi cheana, agus tha mi roimh-làimh ag innseadh dhuibh mar gu'm bithinn a làthair an daradh uair, agus a nis air dhomh bhì as bhur làthair, sgrìobham chum na droinge a pheacaich roimhe so, agus chum ehaich uile, ma thig mi a rìs, nach caomhain mi:

3 O tha sibh ag iarraidh dearbhaidh air Crìosd a' labhairt annamsa, neach d'ar taobhsa nach 'eil annhunn, ach a ta cumhachdach annaibh.

4 Oir ge do cheusadh e trid anmhuinneachd, gidheadh a ta e beo tre chumhachd Dhé: oir a ta sinne mar an ceudna annhunn annsan, gidheadh bithidh sinn beo maille ris tre chumhachd Dhé d'ar taobhsa.

5 Ceasnuichibh sibh féin, am bheil sibh sa' chreidimh; dearbhaibh sibh féin: nach aithne dhuibh sibh féin, gu bheil Iosa Crìosd annaibh, mur daoine a chuireadh air cùl<sup>5</sup> sibh?

6 Ach tha dòchas agam gu'm bi fhios agaibh nach daoine a chuireadh air cùl sinne.

7 A nis tha mi guidheadh air Dia gun sibhse a dheanamh uile air bith; cha'n ann chum gu'n faicear sinne bhì dearbhta, ach chum gu'n deanadh sibhse an ni sin a ta maith<sup>6</sup>, ge do robh sinne mar dhaoine a chuireadh air cùl.

8 Oir cha'n urradh sinn ni air bith a dheanamh an aghaidh na firinn, ach air son na firinn.

9 Oir tha sin subhach an uair a tha sinn féin annhunn, agus sibhse làidir: agus tha sinn a' guidheadh so mar an ceudna, sibhse bhì dìomhaltha.

10 Is ann uime so a sgrìobh mi na nithe so d'ar n-ionnsuidh air dhomh bhì as bhur làthair, chum air dhomh bhì làthair nach bithinn garg, a réir a' chumhachd a thug

<sup>1</sup> trioblaidibh, aindeisibh. <sup>2</sup> gnìomharaibh cumhachdach. <sup>3</sup> bhur togail suas.

<sup>4</sup> àrd-inntinneachd, atmhoireachd. <sup>5</sup> daoine neo-dhearbhtha. <sup>6</sup> ciutfach.

an Tighearna dhomh chum fòghluim<sup>1</sup>, agus  
 an h-ann chum sgrios.

11 Fa dheoidh, a bhràithre, slàn leibh :  
bithibh dìongmhalta<sup>2</sup>, bithibh subhach, bith-  
ibh a dh'aon inntinn, bithibh sìothchail ;  
agus bithidh Dia a' ghràidh agus na sìoth-  
chaint maille ribh.

12 Cuiribh fàilte air a chéile<sup>3</sup> le pòig  
naomha.

13 Tha na naoimh uile a' cur beannachd  
d'ar n-ionnsuidh.

14 Gràs an Tighearna Iosa Crìosd, agus gràdh Dhé, agus comh-chomunn an Spiorraid naoinh, *gu robh* maille ribh uile. Amen.

LITIR AN ABSTOIL PHOIL CHUM NAN GALATIANACH.

C A I B. I.

Tha iongantas air gu'n do thréig iad csan agus an soisgeal co luath : 8 agus tha e a' mallachadh na droinge sin a shearmonaicheas aon soisgeul eile ach na shearmonaich e fain : 11 dh'fhùghluim e'n soisgeul cha b'ann o dhaoineibh, ach o Dhia, &c.

**P**OL abstol (cha'n ann o dhaoinibh, no tre dhuine, ach tre Iosa Crìosd, agus tre Dhia an t-Athair, a thog suas e o na marbhaibh.)

2 Agus na bràithrean uile a tha maille  
rium, chum eaglaisean Ghalatia :

3 Gràs duibh, agus sìth o Dhia an t-Athair,  
agus o ar Tighearn Iosa Crìosd,

4 Á thug e féin air son ar peacaidhne,  
chum gu'n saoradh e sinn o'n droch shaogh-  
al a ta lâthair, a réir toile Dé agus ar  
n-Atharne :

5 Dhasan *gu robh* glòir gu saoghal nan  
saoghal. Amen.

6 Is iongnadh leam gu'n d'thugadh thairis<sup>4</sup> sibh co luath uaithsan a ghairm sibh trid<sup>5</sup> gràis Chrìosd, gu soisgeul eile:

7 Ni nach *soisgeul* eile; ach a ta dream àraidh g'ar buaireadh, le'n àill *soisgeul* Chrìosd a thilgeadh bun os cionn<sup>6</sup>.

8 Ach nan deanamaidne, no aingear o n'eamh, soisgeul cile a shearmonachadh dhuibh, ach *an soisgeul a* shearmonaich sinne dhuibh, biodh e mallachte.

9 Amhuil mar a thubhairt sinn roimhe, deireams' a nis a rìs mar an ceudna, Ma shearmonaicheas neach sam bith soisgeul eile dhuibh, ach *an soisgeul* a ghabh sibh, biodh e mallachte.

10 Oir am bheil mi nis a' cur impidh air' daoineibh, no air Dia? no am bheil mi 'g iarraidh daoine a thoileachadh? oir nam bithinn fathast a' toileachadh dhaoine, cha bhithinn a'm' sheirrhiseach aig Criosd.

11 Ach a ta mi toirt fios duibh, a  
bhràithre, an soisgeul a shearmonaicheadh  
leamsa, nach ann a réir duine a ta e.

12 Oir cha b'ann o dhuine a fhuair mi  
e, ni mò a theagaisgeadh dhomh e, ach  
trìd fhoillseachaidh Iosa Crìosd.

13 Oir chuala sibh mo chaitheadh-

beatha-sa<sup>8</sup> san aimsir a chaidh seachad,  
ann an creidimh nan Iudhach, gu'n d'rinn  
mi thar tomhas geur-leanmhuinn air eag-  
lais Dé, agus gu'n d'fhàsaich mi i :

14 Agus gu'n d' thainig mi air m'aghaidh ann an creidimh nan Iudhach thar mòran do m' chomh-aoisibh an measg mo chinn-ich féin, air dhomh bhi ni bu ro eudmhoire mu ghnàthannaibh mo shinnsireachd.

15 Ach an uair a b'i deadh thoil Dé, a  
sgar o bhroinn mo mhàthar mi, agus a  
ghairm mi trèd a ghràis,

16 A Mhac féin fhoillseachadh annam<sup>g</sup>,  
chum gu searmonaichinn e am measg nan  
Cinneach; air ball cha do chuir mi comh-  
airle ri feòil agus fuil :

17 Ni mo chaidh mi suas gu Hierusalem,  
chum na muinntir sin a bha 'nan abstol-  
aibh romham ; ach chaidh mi gu h-Arabia,  
agus a rìs thainig mi air m'ais gu Damascus.

18 An dèigh sin an ceann thri bliadhna chaidh mi suas gu Hierusalem, a dh'fhaicinn Pheadair, agus dh'fhan mi maille ris cùig làithean deug.

19 Ach neach air hith eile do na h-ab-  
stolaibh cha'n fhaca mi, ach Seumas bràth-  
air an Tighearna.

20 A nis *anns* na nithibh a scrìobham  
dhuibh, feuch, an làthair Dhé, cha 'n'eil mi  
deanamh bréige.

21 'Na dhéigh sin thainig mi gu crìoch-  
aibh Shiria agus Chìlicia;

22 Agus cha robh eòlas orm a thaobh m' fhaicinn aig eaglaisibh Iudea, a bha ann an Criosd:

23 Ach a mhàin chual iad, An ti anns  
an àm a chaidh seachad a bha 'gar geur-  
leannanhuinn, gu bheil e nis a' searmonach-  
adh a' chreidimh a bha e a' sgrios roimhe  
so <sup>10</sup>.

24 Agus thug iad glòir do Dhia air mo shonsa.

## CAIB. II.

1 *Tha e cur an céill c'ain a chaidh e suas gu  
Hierasalem, agus c'ar son, agus nach do  
thimchioll-ghearradh Titus, 11 agus gu'n  
do chuir e'n aghaidh Pheadair, agus gu'n  
d'innis e dha a reason, 14 c'ar son a ta e*

<sup>1</sup> togail suas. <sup>2</sup> foirfe, iomlan. <sup>3</sup> Altaiehibh  
beatha a chéile. <sup>4</sup> gu'n d'atharraicheadh.  
<sup>5</sup> chum. <sup>6</sup> fhiaradh, chlaon-thruaillleadh.

7 a' cur m'earbsa a. 8 mo ghiùlan. 9 leam.  
10 uair-eigin.



*fèin, agus muinntir eile, a tha 'nan Iudhaich, a' creidsinn gu'm bi iad air am fireanachadh tre chreidimh ann an Crìosd, agus cha'n ann trid oibre; &c.*

**A**N sin an ceann cheithir bliadhna deug chaidh mi a rìs suas gu Hierusalem, maille ri Barnabas, a toirt Thutuis leam mar an ceudna.

2 Agus chaidh mi suas a réir foillseachaidh, agus chuir mi an céill dhoibh an soisgeul a ta mi a' searmonachadh am measg nan Cinneach, ach ann an uaigneas dhoibhsan d'an robh meas, an t-eagal air chor sam bith gu'n ruithinn, no gu'n do ruith mi an dòimhanas.

3 Ach cha b'èigin do Thitus fèin a bha a'm' chuideachd, bhi air a thimchioll-ghearradh, ge bu Ghreugach e:

4 Agus sin air son bhràithre bréige, a ghoid a steach<sup>1</sup> 'nar measg, a thainig a steach os iosal a dh'fhaicinn ar saorsa, a ta againn ann an Iosa Crìosd, chum ar toirt fa dhaorsa.

5 Do nach do ghéill sinn eadhon rè uaire; chum gu'm buanaicheadh<sup>2</sup> fìrinn an t-soisgeil maille ribhse.

6 Ach o'n droing sin, a mheasadh gu'm bu ni éigin iad, (cìod air bith a bha iad roimhe, cha 'n'eil suim ann domhsa: cha 'n'eil meas aig Dia do phearsa duine) oir iadsan a mheasadh gu'm bu ni éigin iad, cha do phàirtich iad le'n còmhraidh bheag sam bith riumsa.

7 Ach air an làimh eile, 'nuair a chunnaic iad gu'n d'earbadh soisgeulan neo-thimchioll-ghearraidh riumsa, mar a dh'earbadh soisgeul an timchioll-ghearraidh ri Peadar;

8 (Oir an ti a dh'oibribh gu h-éifeachdach<sup>3</sup> ann am Peadar chum àbstolachd an timchioll-ghearraidh, dh'oibrich e gu cumhachdach annamsa mar an ceudna chum nan Cinneach.

9 Agus an uair a thuig Seumas, agus Cephas, agus Eoin, a tha air am meas 'nam postaibh, an gràs a thugadh dhomh, thug iad dhomhsa agus do Bharnabas deas làmh a' chomuinn; ionnas gu rachamaid chum nan Cinneach, agus iad fèin chum an timchioll-ghearraidh.

10 A mhàin b'aill leo gu'm bitheamaid cuimhneach air na bochdaibh; ni mar an ceudna a bha ro-thoil<sup>4</sup> agam fèin a dheanamh.

11 Ach an uair a thainig Peadar gu h-Antioch, sheas mi 'na aghaidh as an eudan, a chionn gu'n robh e r'a choireachadh.

12 Oir roimh do dhream àraidh teachd o Sheumas, dh'ith e biadh maille ris na Cinneach: ach an uair a thainig iadsan, chaidh e a thaobh agus thearbaidh se e fèin, air eagal na muinntir a bha do'n timchioll-ghearradh.

13 Agus rinn na h-Iudhaich eile gnùis-mhealladh maille ris mar an ceudna; ionnas gu'n d'thugadh Barnabas mar an ceudna a thaobh le'n cluain<sup>5</sup>.

14 Ach an uair a chunnaic mise nach do ghluais iad san t-slighe dhìrich<sup>6</sup>, a réir fìrinn an t-soisgeil, thubhairt mi ri Peadar 'nam fianuis uile, Ma tha thusa, a tha a'd' Iudhach, a' caitheadh do bheatha a réir nan Cinneach, agus cha'n ann a réir nan Iudhaich, c'ar son a ta thu 'g éigneachadh nan Cinneach am beatha chaitheadh mar na h-Iudhaich?

15 Air dhuinne a tha 'nar n-Iudhaich a thaobh nàduir, agus cha'n ann 'nar peacach: do na Cinneachaibh,

16 Fios a bhi againn nach 'eil duine air fhìreanachadh o oibribh an lagha, ach tre chreidimh Iosa Crìosd, chreid sinne fèin ann an Iosa Crìosd; chum gu'm bith-eamaid air ar fireanachadh o chreidimh Chrìosd, agus cha'n ann o oibribh an lagha: oir o oibribh an lagha cha bhi feòil sam bith air a fireanachadh.

17 Ach air dhuinne bhi 'g iarraidh bhi air ar fireanachadh tre Chrìosd, ma gheibhear 'nar peacach sinn fèin, am bheil uime sin Crìosd 'na mhinistear peacaidh? Nar leig-eachd Dia.

18 Oir ma thogas mi a rìs suas na nithe a leag mi, tha mi deanamh ciontach dhiom fèin.

19 Oir a ta mise tre'n lagh marbh do'n lagh, chum gu'm bithinn beo do Dhia.

20 Tha mi air mo cheusadh maille ri Crìosd: gidheadh a ta mi beo; ach cha mhise, ach Crìosd a ta beo annam: agus a' bheatha a ta mi nis a' caitheadh san fhèoil, caithem i tre chreidimh Mhic Dhé, a ghràdhaich mi, agus a thug e fèin air mo shon.

21 Cha 'n'eil mi a' cur gràis Dé an neobrig<sup>7</sup>: oir ma tha fireantachd tre'n lagh, is ann gun aobhar a fhuair Crìosd bàs.

#### C A I B. III.

1-Tha e fèdraidh cìod a dh'aom iad *gus an creidimh a thrèigsinn, agus dòigh a chur san lagh.* 6 Tha'n droing a tha creidsinn air am fireanachadh, 9 agus air am bean-nachadh maille ri Abraham: 10 agus a ta e dearbhadh so le iomadh reuson.

**○** A Ghalatianacha amaidheach, cò a chuir druidheachd oirbh, ionnas nach biodh sibh ùmhal do'n fhìrinn, d'an robh Crìosd air a nochdadh gu soilleir<sup>8</sup> fa chomhair bhuir sùl, air a cheusadh 'nar measg?

2 So a mhàin b'aill leam fhòghlum uaibh, An ann o oibribh an lagha a fhuair sibh an Spiorad, no o éisdeachd a' chreidimh?

3 Am bheil sibh co amaidheach as sin?

<sup>1</sup> a thugadh steach os iosal. <sup>2</sup> sanadh. <sup>3</sup> gu dhoghmhor. <sup>4</sup> ro-thoigh. <sup>5</sup> gnùis-mhealladh.

ceilg. <sup>6</sup> gu tréibhdhireach. <sup>7</sup> air eil. <sup>8</sup> gu dealbhach.

air dhuibh tòiseachadh san Spiorad, am bheil sibh a nis air bhuir deanamh foirfe leis an fheadhail?

4 An d'fhuiling sibh na h-uiread sin do nithibh gu dìomhain? na's ann da rìreadh gu dìomhain.

5 An ti uime sin a tha frithealadh dhuibh an Spioraid, agus ag oibreachadh mhiorbhuile 'nar measg, an ann trid oibre an lagha, no trid éisdeachd a' chreidimh a ni e so?

6 Amhuil mar a chreid Abraham Dia, agus a mhcasadh sin dha mar fhìreantachd.

7 Uime sin biodh fhios agaibh, an droing a tha do'n chreidimh, gur iad sin clann Abraham.

8 Oir air fhaicinn roimhe do'n sriobtuir gu'm fìreanaicheadh Dia na Cinnich tre chreidimh, shearmonaich e an soisgeul roimh-làimh do Abraham, *ag ràdh*, Beannuichear na h-uile Chinnich annadsa.

9 Uime sin tha an droing a tha do'n chreidimh, air am beannachadh maille ri Abraham, fìor chreidimheach.

10 Oir a mheud 's a ta do oibribh an lagha, tha iad fuidh'n mhallachadh: oir a ta e sriobhta, *Is* malluichte gach neach nach buanaich 'anns na h-uile nithibh a ta sriobhta ann an leabhar an lagha chum an deanamh.

11 Ach is ni follaiseach, nach fìreanaichear neach sam bith tre'n lagh am fianuis Dé: oir, Bithidh am fìrean beo tre chreidimh.

12 Agus cha 'n'eil an lagh o chreidimh: ach, An duine a ni iad gheibh e beatha anna?

13 Shaor Criosd sinne o mhallachadh an lagha, air dha bhì air a dheanamh 'na mhallachadh air ar son: oir a ta e sriobhta, *Is* malluichte gach aon a chrochar ar crann.

14 Chum gu'n d'thigeadh beannachadh Abraham air na Cinnich trid Iosa Criosd: ionnas gu fàigheamaid gealladh an Spioraid tre chreidimh.

15 A bhràithre, labhram mar dhuine: ge nach bi ann ach coimhcheangal<sup>3</sup> duine, ma tha e air a dhaingneachadh, cha chuir neach air bith air cùl e, agus cha chuirear ni sam bith ris.

16 A nis is ann do Abraham a thugadh<sup>4</sup> na geallanna agus d'a shìol. Ni'n abair e, Agus do shìoltaibh, mar gu'm biodh e *labhairt* mu mhòran; ach mar mu aon, Agus do d' shìolsa, neach a's e Criosd.

17 Agus a deiream so, nach fheudar gu'n cuir an lagh, a thugadh an ceann cheithir cheud agus dheich bliadhna fichead 'na dhéigh an coimh-cheangal an neo-brìgh, a dhaingnicheadh roimhe le Dia ann an Criosd, ionnas gu'n cuireadh e an gealladh air cùl.

18 Oir ma's ann o'n lagh a ta an oighreachd, cha 'n'eil i ni's mò o'n ghealladh: ach thug Dia gu saor i do Abraham tre ghealladh.

19 C'ar son uime sin a thugadh an lagh? thugadh e air son eusaontais, gus an d'thigeadh an sìol, d'an d'rinneadh an gealladh; air orduchadh le ainglibh an làimh eadar-mheadhonair.

20 A nis an t-eadar-mheadhonair, cha'n ann air son aoin a ta e 'na eadar-mheadhonair; ach is aon Dia.

21 Uime sin am bheil an lagh an aghaidh gheallanna Dé? Nar leigeadh Dia: oir nam biodh lagh air a thabhairt a bhiodh comasach air beatha thoirt naith, gu deimhin is ann o'n lagh a bhiodh fìreantachd.

22 Ach dh'fhàg an sriobtuir na h-uile dhaoinne dùinte sa' pheacadh, chum gu'm biodh an gealladh tre chreidimh Iosa Criosd air a thoirt dhoibhsan a ta creidsinn.

23 Ach mu'n d'thainig an creidimh, choimhèideadh sinn fuidh'n lagh, air ar druideadh a steach chum a' chreidimh, a bhia gu bhì air fhoillsachadh.

24 Uime sin b'e an lagh ar n-oid-fhòghluim<sup>5</sup> *g'ar treòrachadh* gu Criosd, chum gu bitheamaid air ar fìreanachadh tre chreidimh.

25 Ach air teachd do'n chreidimh, cha 'n'eil sinn ni's mò fuidh oid-fhòghluim.

26 Oir is sibhse uile mic Dhé tre chreidimh ann an Iosa Criosd.

27 Oir a mheud agaibh 'sa bhaisteadh do Chriosd, chuir sibh umaibh Criosd.

28 Cha 'n'eil Iudhach no Greugach, cha 'n'eil saor no daor, cha 'n'eil fìrionn no bainionn<sup>6</sup> ann: oir is aon sibh uile ann an Iosa Criosd.

29 Agus ma's le Criosd sibh, is sibh sìol Abraham gun amharas, agus is oighreacha sibh a rèir a' gheallaidh.

#### CAIB. B. IV.

1 Bha sinn fuidh'n lagh, gus an d'thainig Criosd, mar a ta an t-oighre fuidh a thuiteir gus an d'thig<sup>7</sup> e gu h-aois. 5 Ach shaor Criosd sinn o'n lagh: 7 uime sin cha 'n'eil sinn 'nar seirbhisich ni's faide dha. 14 Tha e car an cuimhne dhoibh an deadh-ghean dusan, agus a dheadh-rùn fèin doibhsan; 22 agus tha e nochdadh gur sinne clann Abraham thaobh na mùa saoire.

A NIS a deiream, am feadh a bhios an t-oighre 'na leanabh, nach 'cil càdar-dhealachadh sam bith eadar e agus seirbhisach, ge d' is e Tighearn nan uile;

2 Ach a ta e fuidh luchd-coimhid<sup>7</sup> agus fuidh luchd-riaghluidh gu teachd na h-aimsire a dh'orduich an t-atàir.

3 Agus mar an ceudna sinne, 'nuair a bha sinn 'nar leanabaibh, bha sinn ann an daorsa fuidh cheud fhòghlum an t-saoghail:

<sup>1</sup> san. <sup>2</sup> lea. <sup>3</sup> cunradh, cùmhnant. <sup>4</sup> labh-  
rair, rinneadh.

<sup>5</sup> ar maighstir-scoile. <sup>6</sup> boirionn. <sup>7</sup> thuiteiribh.



4 Ach an uair a thainig coimhlionadh na h-aimsire, chuir Dia a Mhac féin uaith, a ghineadh o mhnaoi, a rinneadh fuidh'n lagh,

5 Chum gu'n saoradh e iadsan a bha fuidh'n lagh, ionnas gu faigheamaidne uchd-mbacachd na cloinne.

6 Agus do bhrìgh gur mic sibh, chuir Dia Spiorad a Mhic féin ann bhur cridhibh, ag éigheach, Abba, Athair.

7 Uime sin cha seirbhiseach thu ni's mò, ach mac; agus ma's mac, is oighre mar an ceudna air Dia tre Chrìosd.

8 Gidheadh, an uair nach b'aithne dhuibh Dia, rinn sibh seirbhis dhoibhsan nach 'eil 'nan dée thaobh nàduir.

9 Ach a nis air dhuibh Dia aithneachadh, no 'mar is fearr a dh'fheudar a ràdh, bhì air bhur n-aithneachadh le Dia, cionnas a ta sibh ag ath-philleadh chum nan ceudthoiseach anmhunn uireasbuidheach<sup>1</sup>, d'am miann leibh bhì a rìs fuidh dhaorsa?

10 Tha sibh a' coimhead làithean, agus mhiosan, agus amisirean, agus bhliadhan.

11 Tha eagal orm d'ar taobh, gu'n do chaith mi gu dìomhain mo shaothair oirbh.

12 Guidheam oirbh, a bhràithre, bithibh mar a ta misc, oir a ta mise mar sibhse; cha d'rinn sibh eucoir sam bith orm.

13 Tha fhios agaibh gu'm b'ann trid anmhuinneachd na feòla, a shearmonaich mi dhuibh an soisgeul air tùs.

14 Agus air mo bhuaireadh a bha ann am fheòil, cha d'rinn sibh tarcuis, agus cha do ghabh sibh gràin diom<sup>2</sup>; ach ghabh sibh rium mar aingeal<sup>3</sup> Dé, mar Iosa Crìosd.

15 Cìod e ma seadh<sup>4</sup> an sonas sin a bha agaibh? oir a ta mi deanamh fianuis duibh, nam bu chomasach e, gu'n spionadh sibh a mach bhur sùile féin, agus gu'n d'thugadh sibh dhomhsa iad.

16 Uime sin an d'rinneadh nàmhaid duibh dhìom, air son mi dh'iunseadh na firinn duibh?

17 Tha iadsan eudnìhor umaibh, ach cha'n ann gu maith; ach b'aill leo sinne dhruideadh a mach, chum gu'm biodh sibhse eudnìhor umpa féin.

18 Ach is maith a bhì eudmhor ann an nì maith a ghnàth, agus cha'n e mhàin an uair a ta mise a làthair maille ribh.

19 Mo chlann bheag, air am bheil mi a rìs ri saothair, gus an dealbhar Crìosd annaibh.

20 B'aill leam bhì nis a làthair maille ribh, agus mo ghuth a chaocladh, oir a ta mi fuidh amharus umaibh<sup>5</sup>.

21 Innsibh dhomh, sibhse le'm miann bhì fuidh'n lagh, nach cluinn sibh an lagh?

22 Oir a ta e sgrìobhta, gu robh aig Abraham dithis mhac; aon ri ban-oglaich<sup>6</sup>, agus am mac cile ri mnaoi shaoir.

23 Agus esan a bh'aige ris a' bhan-oglaich, ghineadh a rèir na feòla e: ach esan a bh'aige ris a' mhnaoi shaoir, tre ghealladh.

24 Na nithe so is samhladh iad<sup>6</sup>; oir is iad so an dà choimh-cheangal<sup>7</sup>; aon diubh o bheinn Shinai, a ta a' breith chum daorsa, a's i Agar.

25 Oir is i Agar beinn Shinai ann an Arabia, agus tha i a' coimh-fhreagradh do Ierusalem a tha nis ann, agus tha i fuidh dhaorsa maille r'a cloinn.

26 Ach a ta an Ierusalem a ta shuas saor, agus is màthair dhuinn uile i.

27 Oir a ta e sgrìobhta, Dean gairdeachas, a bhean neo thorach<sup>8</sup> nach 'eil a' breith cloinne; bris a mach agus glaoth, thusa nach 'eil ri saothair: oir is lìon-mhoire clann na mnà aonaranaiche<sup>9</sup>, na na mnà aig am bheil fear.

28 A nis, a bhràithre, is sinne, mar a bha Isaac, clann a' gheallaidh.

29 Ach mar a rinn esan a rugadh réir na feòla, san àm sin geur-leanmhuinn air-san a rugadh a réir an Spioraid, is amhuil sin a ta nis mar an ceudna.

30 Ach cìod a deir an sgrìobhtair? Tilg a mach a' bhan-oglach agus a mac: oir cha bhì mac na ban-oglaich 'na oighre maille ri mac na mnà saoire.

31 Uime sin a bhràithre, cha sinne clann na ban-oglaich, ach na mnà saoire.

## CAIB. V.

1 Tha e 'gam brosnachadh gu seasamh 'nan saorsa. 3 agus gun an timchioll-ghearradh a ghnàthachadh: 13 ach roghuinn a dhean-amh do ghràdh, nì a's e coimhlionadh an lagha: 19 tha e a' cur sìos oibre na feòla, 22 agus ag ainmeachadh toraidh an Spioraid; 25 agus 'g an earlachadh<sup>10</sup> chum gluasachd san Spiorad.

UIME sin seasaidh gu daingean anns an t-saorsa leis an d'rinn Crìosd saor sinn, agus na bithibh a rìs air bhur cuibhreachadh le cuing na daorsa.

2 Feuch, a deireamsa Pòl ribh, ma thimchioll-ghearrar sibh, nach bhì tairbhe air bith dhuibh ann an Crìosd.

3 Oir a ta mi a rìs a' deanamh fianuis do gach uile dhuine a thimchioll-ghearrar, gu bheil a dh'fhiachaibh air an lagh gu h-iomlam a choimhlionadh.

4 Cha 'n'eil tairbhe sam bith ann an Crìosd dhuibhse<sup>11</sup> a ta air bhur fireanachadh tre'n lagh; thuit sibh o ghràs.

5 Oir a ta sinne tre'n Spiorad a' feith-eamh ri dòchas fireantachd o chreidimh.

6 Oir ann an Iosa Crìosd, cha 'n'eil

<sup>1</sup> anmhunn agus hochd. <sup>2</sup> cha do chuir sibh cùl ris. <sup>3</sup> theachdaire. <sup>4</sup> C'ait am bheil. <sup>5</sup> mnaoi dhaoir, bun-trùill. <sup>6</sup> asda so tha nì cile

r'a thuigsinn. <sup>7</sup> chumhnant. <sup>8</sup> sheasg, gun stiochd. <sup>9</sup> trèigte. <sup>10</sup> a' cur-impidh orra. <sup>11</sup> rinneadh Crìosd gun tairbhe dhuibh.

éifeachd<sup>1</sup> sam bith ann an timchioll-ghearradh, no ann an neo-thimchioll-ghearradh, ach ann an creidimh, a dh'oibricheas tre ghràdh.

7 Is maith a ruith sibh; cò a bhac sibh, o bhi ùmhal do'n fhìrinn?

8 Cha d'thainig an impidh so o'n ti a ghairm sibh.

9 Goirtichidh<sup>2</sup> beagan do thaois ghoirt am meall uile.

10 Tha muinghin agam asailh san Tigh-earn, nach bi sibh dh'aon dòigh air atharrachadh inntinn: ach an ti a ta cur dragha oirbh, giùlainidh e a bhreitheanas, cò air bith e.

11 Agus mise, a bhràithre, ma shearmonaicheas mi fathast an timchioll-ghearradh, c'ar son a nìhear fathast geurleannhuinn orm? an sin bhiodh oilbheum a' chroinn-cheusaidh air a chur air cùl?

12 B'fhèarr leam gu'm biodh iadsan a ta cur mi-shuaimhneas<sup>3</sup> oirbh eadhon air an gearradh uailh<sup>4</sup>.

13 Oir, a bhràithre, ghairmcadh chum saorsa sibh; a mhàin na deanaibh an t-saorsa 'na cion-fàth do'n fheòil, ach le gràdh deanaibh seirbhis d'a chèile.

14 Oir tha an lagh uile air a choimhlionadh ann an aon fhocal, eadhon an so; Gràdhaichidh tu do choimhearsnach mar thu fèin.

15 Ach ma bhios sibh a' teumadh agus ag itheadh a chèile, thugaibh aire nach claidhear leis a chèile sibh.

16 A deiream na seadh, Gluaisibh<sup>5</sup> san Spiorad, agus cha choimhlion sibh anamhian na feòla.

17 Oir a ta an fheòil a' miannachadh an aghaidh an Spioraid, agus an Spioraid an aghaidh na feòla: agus a ta iad sin an aghaidh a chèile; ionnas nach faigh sibh na nithe bu mhiann leibh a dheanamh.

18 Ach ma thredaichear leis an Spiorad sibh, cha 'nèil sibh fuaidh<sup>6</sup> lagh.

19 A nis tha oibre na feòla follaiseach, a's iad so, adhaltrannas, striopachas, neoghloine, macnus<sup>6</sup>.

20 Iodhlo-aoradh, druidheachd<sup>7</sup>, naimhdeas, connsachadh, co-fharpuis<sup>8</sup>, fearg, comh-stri, aimhreite, saobh-chreidimh<sup>9</sup>.

21 Farmad, mortadh, misg, ruidhteir-eachd<sup>10</sup>, agus an leithide sin: mu bheillean ag innseadh dhuibh roimh-làimh, mar a dh'innis mi dhuibh a cheana mar an ceudna, nach sealbhaich iadsan a ni an leithide sin rioghachd Dhé mar oighreachd.

22 Ach is e toradh an Spioraid gràdh, aoibhneas, sìth, fad-fhulangas, caomhalachd, maitheas, creidimh<sup>11</sup>,

23 Macantas<sup>12</sup>, stuaim: an aghaidh an samhail sin cha 'nèil lagh.

24 Agus iadsan a's le Criosd, cheus iad an fhcòil, maille r'a h-an-tograibh agus a h-ana-mhiannaibh.

25 Ma's beo dhuinn san Spioraid, gluais-eamaid san Spiorad mar an ceudna.

26 Na bitheamaid déidheil air glòir dhiomhain<sup>13</sup>, a' brosnachadh a' chèile, a' gabhail farmaid r'a chèile.

## CAIB. VI.

1 *Tha e'g iarraidh orra buntainn gu sèimh ri bràthair a thuislich, 2 agus uallach a chèile a ghiùlan, 6 bhi tabhartach d'an luchd-teagaisg, 9 agus gun sgìtheachadh do mhaith a dheanamh: 12 tha e nochdadh ciod gus am bheil iadsan a ta scarmonachadh an timchioll-ghearradh: 14 chadean e fèin uail a ni sam bith ach a crann-ceusaidh Chriosd.*

**A** BHRÀITHRE, ma ghlacar neach ann an coire air bith gu h-obann, sibhse a ta spioradail, togaibh suas a shamhuil sin do dhuine, ann an spiorad na macantachd<sup>14</sup>; a' toirt aire dhuit fèin, nach buairear thu mar an ceudna.

2 Giùlainibh ullacha<sup>15</sup> a chèile, agus mar sin coimhlionaibh lagh Chriosd.

3 Oir ma shaoileas duine gur ni éigin e fèin, gun bhi ann ach uco-ni, tha e 'ga mhealladh fèin.

4 Ach dearbhadh gach neach obair fèin, agus an sin bithidh aobhar gairdeachais<sup>16</sup> aige d'a thaobh fèin<sup>17</sup> a mhàin, agus ni h-ann a thaobh neach eile.

5 Oir giùlainidh gach neach uallach fèin.

6 Comh-roinneadh an neach a ta air a theagasg san fhocal, ris an neach a ta 'ga theagasg, ann na h-uile nithibh maithe.

7 Na meallar sibh; cha deanar fanoid air Dia: oir ge b'e ni a shìol-chuireas duine, an ni ceudna buainidh e.

8 Oir an ti a chuireas d'a fheòil fèin, buainidh e o'n fheòil truailidheachd: ach an ti a chuireas do'n Spiorad, buainidh e o'n Spiorad a bheatha shuthainn.

9 Agus na sgìtheamaid do mhaith a dheanaibh: oir ann an àm iomchuidh buainidh sinn, mur fannaich<sup>18</sup> sinn.

10 Uime sin a réir mar a ta fàth<sup>19</sup>, againn, deanamaid maith do na h-uile dhaoineibh, ach gu h-àraid dhoibhsan a ta do theaglach a' chreidimh.

11 Tha sibh a' faicinn meud na litreach a sriobh mi dhuibh le m' làimh fèin.

12 A mhead le'm miann iad fèin a thaisbeanadh gu sgiamhach san fheòil, tha iad 'gar n-éigneachadh chum bhi air bhuir timchioll-ghearradh; a mhàin chum nach

<sup>1</sup> brigh, neart. <sup>2</sup> Geuraichidh. <sup>3</sup> dragha. <sup>4</sup> air an gearradh as bhuir comunn. <sup>5</sup> siabhlaibh, imichibh. <sup>6</sup> mi-nàire. <sup>7</sup> buitseachas. <sup>8</sup> comortus. <sup>9</sup> éiriceachd. <sup>10</sup> anabharr, geoc-

aireachd, craos. <sup>11</sup> firinn. <sup>12</sup> ciaineas. <sup>13</sup> earraghoir. <sup>14</sup> a' chiùineis. <sup>15</sup> eallacha. <sup>16</sup> uail. <sup>17</sup> ann fèin. <sup>18</sup> laguich. <sup>19</sup> cothrom.



deantadh geur-leanmhuinn orra air son crann-ceusaidh Chrìosd.

13 Oir eha 'n'eil iadsan fèin a tha air an timchioll-ghearradh a' coimhead an lagha: ach is àill leo sibhsè bhi air bhuir timchioll-ghearradh, chum as gu dean iad uaill ann bhuir feòil.

14 Ach nar leigeadh Dia gu deanainnse uaill ach ann an crann-ceusaidh ar Tighearna Iosa Crìosd, tre'm bheil an saoghal air a cheusadh dhomhsa, agus mise do'n t-saoghal.

15 Oir ann an Iosa Crìosd cha 'n'eil eif-

eachd air bith ann an timchioll-ghearradh, no ann an neo-timchioll-ghearradh, ach ann an cruthachadh <sup>1</sup> nuadh.

16 Agus a mheud 's a shiubhlas a réir na riaghail so, sìth orra, agus tròcair, agus air Israel Dé.

17 O so a mach na cuireadh neach sam bith dragh orm; oir a ta mi giùlan chomh-aran an Tighearna Iosa ann mo chorp.

18 A bhràithre, *ga robh* gràs ar Tighearna Iosa Crìosd maille r'ar spiorad. Amen.

## LITIR AN ABSTOIL PHOIL CHUM NAN EPHESIANACH.

### C A I B. 1.

1 *An déigh fàille*, 3 agus breith-buidheachais air son nan Ephesianach, 4 *tha e labhairt mu thaghadh*, 6 agus uchd-mhacachd thaobh gràis, 11 *ni u's e an fìor thobar*, o'm bheil slàinte a' chinneadh-daonna a' sruthadh, &c.

**P**OL abstol Iosa Crìosd tre thoil Dé, chum nan naomh a ta ann an Ephesus, agus nan creidmheach ann an Iosa Crìosd:

2 Gràs dhuibh, agus sìth o Dhia ar n-Athair, agus o'n Tighearn Iosa Crìosd.

3 Beannuichte *gu robh* Dia eadhon Athair ar Tighearna Iosa Crìosd, a bheannuich sinne leis gach uile bheannachadh spioradail, ann an *ionadaibh* nèamhaidh<sup>2</sup> ann an Crìosd:

4 A réir mar a thagh e sinne annsan, mun do leagadh bunaite an domhain, chum gu'm bitheamaid naomha, agus neo-choir-each 'na làthair-san ann an gràdh:

5 A roimh-orduich sinne chum uchd-mhacachd na cloinne tre Iosa Crìosd dha fèin, a réir deadh-ghean a thoile.

6 Chum cliu glòire a ghràis, tre an d'rinn e sinne taitneach<sup>3</sup> ann a *Mhac* gràdhach:

7 Anns am bheil againne saorsa<sup>4</sup> tre fhuilsan, maitheanas nam peacadh, réir saibhreis a ghràis;

8 Anns an robh e ro phailte dhuinne san uile ghliocas, agus thuigse:

9 A dh'fhoillsich dhuinn rùn-diomhair a thoile, réir a dheadh-ghean fèin, a rùnaich e ann fèin:

10 Chum ann am frithealadh coimhlionaidh nan aimsir, gu'n cruinnicheadh e ann an aon na h-uile nithe ann an Crìosd, araon *na nithe* a ta air nèamh, agus *na nithe* a ta air talamh, eadhon annsan:

11 Anns an d'fhuair sinne mar an ceudna oighreachd, air dhuinn bhi air ar roimh-orduichadh a réir rùn an tì a ta 'g oibreach-

adh nan uile nithe réir comhairle a thoile fèin;

12 Ionnas gu'm bitheamaidne a chuir air tùs dòchas ann an Crìosd, chum cliu a ghlòire-san.

13 Anns an do chuir sibhsè mar an ceudna *dòchas*, air dhuibh focal na fìrinn a chluinntinn, eadhon soisgeul bhuir slàinte: neach an déigh dhuibh creidsinn ann, chuireadh seula oirbh le Spiorad naomha sin a' gheallaidh,

14 Neach is e geall-dainnich<sup>5</sup> ar n-oighreachdne, gu teachd saorsa na seilbhe a cheannachadh<sup>6</sup>, chum cliu a ghlòire.

15 Uime sin air cluinntinn domhsa mar an ceudna bhuir creidimhse anns an Tighearn Iosa, agus bhuir gràidh do na naomh uile,

16 Ni'n sguiream do bhi toirt buidheachais air bhuir son, a' luadh oirbh ann an ùrnuighibh;

17 Gu'n d'thugadh Dia ar Tighearna Iosa Crìosd, Athair na glòire, spiorad gliocais agus foillseachaidh<sup>7</sup> dhuibh, ann an eòlas airsan<sup>8</sup>:

18 Sìile bhuir n-inntinn bhi air an soillseachadh, chum fios a bhi agaibh ciod e dòchas a ghairmesan, agus ciod e saibhreas glòire oighreachdsan anns na naomhaibh,

19 Agus ciod e ro-mheud a chumhachd d'ar taobhne a ta creidsinn, a réir oibreachaidh a thréin neirt;

20 A dh'oibrich e ann an Crìosd, 'nuair a thog e o na marbhaibh e, agus a chuir e 'na shuidhe air a dheas-làimh fèin e anns na *h-ionadaibh* nèamhaidh,

21 Gu ro àrd os ceann gach uile uach-daranachd, agus cumbachd, agus neirt, agus tighearnais, agus gach ainne a dh'ainmichear, cha'n e mhàin san t-saoghal so, ach san t-saoghal ri teachd mar an ceudna.

22 Agus chuir e na h-uile nithe fuidh a chosailbh, agus thug se e gu bhi 'na cheann os ceann nan uile nithe do'n eaglais,

<sup>1</sup> creutair. <sup>2</sup> nithibh nèamhaidh. <sup>3</sup> trid an dò nochd e dhuinne mòr dheadh-ghean.

<sup>4</sup> fuasgladh. <sup>5</sup> earlas. <sup>6</sup> dh'fhuasgladh. <sup>7</sup> tuisbeanaidh. <sup>8</sup> chum esan aideachadh.

23 A ta 'na corp aige, lànachd an ti a ta lionadh nan uile *nithe* anns na h-uile.

## CAIB. II.

1 *Leis a choimeas r'a chèile ciod a bha sinn thaobh nàduir, 5 agus ciod a tha sinn thaobh gràis, 10 tha e cur an cèill gu'n d'rimicadh sinn air son dheadh oibre; agus air dhuinn bhi air ar toirt am fagus tre Chrìosd, 11 nach còir dhuinn ar beatha a chaitheadh mar Chinnich, 12 agus mar choigrich amhuil anns an àm a chaidh seachad, 19 ach mar luchd aon bhaile ris na naomh, agus mar theaghlach Dhé.*

**A**GUS bheothaich e sibhse, a bha marbh ann an euccartaibh agus ann am peacaibh,

2 Anns an do ghluais<sup>1</sup> sibh sna h-amannaibh a chaidh seachad, a réir gnatha<sup>2</sup> an t-saoghail so, a réir uachd-arain<sup>3</sup> cumhachd an athair, an spioraid a tha nis ag oibreachadh ann an cloinn na h-easumhlachd.

3 Am measg an robh againn uile mar an ceudna ar caitheadh-beatha roimhe so, ann an ana-mhiannaibh ar feòla, a' deanamh toil na feòla, agus nan smuainte<sup>4</sup>; agus bha sinn a thaobh nàduir 'nar cloinn na feirge, eadhon mar chàch.

4 Ach Dia, a ta saibhir ann an tròcair, air son a mhòr ghràidh leis an do ghràdh-aich e sinn,

5 Eadhon air dhuinn a bhi marbh ann am peacaibh, chomh-bheothaich e sinn maille ri Chrìosd, (le gràs a ta sibh air bhur slànuchadh<sup>5</sup>.)

6 Agus chomh-thog, agus chomh-shudh-ich e sinn ann an *ionadoibh* nèamhaidh ann an Iosa Chrìosd:

7 Chum gu'm foillsicheadh e anns na linnibh ri teachd saibhreas ro phailt a ghràis, ann an caoinhneas d'ar taobhne trid Iosa Chrìosd.

8 Oir is ann le gràs a ta sibh air bhur slànuchadh, tre chreidimh; agus cha'n ann uaibh féin: *is e thiodhlacadh<sup>6</sup> Dhé e:*

9 Cha'n ann o oibribh, chum nach deanadh neach air bith uaill:

10 Oir is sinne obairsan, air ar cruthachadh ann an Iosa Chrìosd chum dheadh oibre, air son an d'ulluich Dia roimh-làimh sinn, chum gu'n gluaiseamaid anna.

11 Uime sin cuimhnichibh, air dhuibh a bhi san aimsir a chaidh thairis 'nar Cinnich san fheòil, d'an goirear an neo-thim-chioll-ghearradh leosan d'an goirear an timchioll-ghearradh làmh-dheanta san fheoil;

12 Gu robh sinn san àm sin as eugmhais Chrìosd, 'nar coimhich do chomh-fhlaitheachd<sup>7</sup> Israeil, agus 'nar coigrich do choimh-cheanglaibh a' gheallaidh, as

eugmhais dòchais, agus gun Dhia anns an t-saoghal:

13 Ach a nis ann an Iosa Chrìosd, tha sibhse a bha roinhe so fad o làimh, air bhur toirt am fagus trid fola Chrìosd.

14 Oir is esan ar sìothchaintne, a rinn aon dhinn araon, agus a bhris sìos balla meadhonach an eadar-dhealachaidh;

15 Air dha an naimhdeas a chur air cùl tre fheòil féin, eadhon lagh nan aitheanta, a chuireadh sìos ann an orduighibh, chum gu'n deanadh e ann féin do dhithis aon-duine nuadh, a' deanamh sìth.

16 Agus gu'n deanadh e réidh faraon iad ri Dia ann an aon chorp trid a' chroinn-chusaibh, air dha an naimhdeas a mharbhadh le sin:

17 Agus thainig e agus shearmonaich e sìothchaint dhuibhse a bha am fad, agus dhoibhsan a bha am fagus.

18 Oir tridsan tha araon slighe againn gu dol a steach trid aon Spioraid chum an Athar.

19 A nis uime sin cha 'n'eil sibh nì's mò 'nar coigrich agus 'nar coimhich, ach 'nar luchd aon bhaile ris na naomhaibh, agus 'nar muinntir-teaghlach Dhé;

20 Agus tha sibh air bhur togail suas air bunait nan abstol agus nam fàidh, air bhi do Iosa Chrìosd féin 'na *chloich*-chinn na h-oisinn;

21 Anns am bheil an aitreabh uile, ceangailte gu ceart r'a chèile, a' fàs suas chum bhi 'nateampull naomhasan Tighearn:

22 Anns am bheil sibhse mar an ceudna air bhur comh-thogail suas chum bhi 'nar tigh-còmhnuidh do Dhia trid an Spioraid.

## CAIB. III.

5 *Rinneadh an rùn-dìomhair, 6 gu'm biodh na Cinnich air an saoradh, fhoillseachadh do Phòl; 8 agus thugadh an gràs dhasan, sin a shearmonachadh; 13 tha e 'g iarraidh orra gun iad a dh'fhamnachadh air son a thrioblaidan, 14 agus tha e guidheadh, 19 iadsan a thuigsinn mòr ghràidh Chrìosd d'an taobh.*

**A**IR an aobhar so, tha mise Pòl a'm' phriosunach Iosa Chrìosd, air bhur sonsa, a Chinneacha;

2 O chuala<sup>8</sup> sibh mu fhrithealadh gràis Dé, a thugadh dhomhsa air bhur sonsa<sup>9</sup>:

3 Gu'n d'rinn e aithnichte dhomh tre fhoillseachadh<sup>10</sup>, an rùn-dìomhair, (mar a sòibh mi roimhe gu h-aithghearr,

4 Leis am feud sibh air dhuibh a leughadh, m'eòlas ann an rùn-dìomhair Chrìosd a thuigsinn.)

5 Nì ann an linnibh eile air nach d'thugadh fios do chloinn nan daoine, mar a ta e nis air fhoillseachadh d'a abstolaibh naomha agus d'a fhàidhibh trid an Spioraid;

<sup>1</sup> Anns an robh sibh ag imicheadh. <sup>2</sup> gràthachaidh. <sup>3</sup> prionnsaidh. <sup>4</sup> na h-inntin, a' chridhe. <sup>5</sup> teurnadh, saoradh, sàbhailadh.

<sup>6</sup> saor thabhartas. <sup>7</sup> chomh-chomunn. <sup>8</sup> Ma chuala. <sup>9</sup> d'ar taobhsa. <sup>10</sup> thaisbean.



6 Gu'm biodh na Cinnich 'nan comh-  
oighreachaibh, agus 'nan comh-chorp, agus  
'nan luchd-comhpairt d'a ghealladhsan ann  
an Crìosd, trid an t-soisgeil :

7 Air an d'riuneadh mise a'm' mhinis-  
teir, a réir tiodhlaic gràis Dé a thugadh  
dhomh, a réir oibreachaidh éifeachdaich a  
chumhachdsan.

8 Dhomhsa, a's lugha na'n ti a's lugha  
do na naomhaibh uile, thugadh an gràs so,  
saibhreas Chrìosd, nach feudar a rannsach-  
adh, a shearmonachadh am measg nan  
Cinneach;

9 Agus gu'n deanainn soilleir do na  
h-uile *dhaoinibh*, ciod e comunn an rùn-  
diomhair sin, a bha folaichte ann an Dia o  
thoiseach an t-saoghail, a chruthaich na  
h-uile nithe trid Iosa Crìosd;

10 Chum gu'n deantadh aithnichte nis  
do na h-uachdaranaich aibh agus do na  
cumhachdaibh ann an *ionadaibh* nèamhaidh,  
leis an eaglais, gliocas eagsamhuil<sup>1</sup> Dhé,

11 A réir an rùn shiorruidh<sup>2</sup> a rùnaich  
e ann an Iosa Crìosd ar Tighearn :

12 Anns am bheil againn dànachd agus  
slighe gu dol a steach ann am muinghin  
trid a chreidimhsan.

13 Uime sin iarram nach lagaich sibh a  
leth mo thrioblaidheansa air bhur son, ni a's  
e blur glòire.

14 Air an aobhar so lùbam mo ghlùine  
do Athair ar Tighearna Iosa Crìosd,

15 Air an ainmichear an teaghlach uile  
air nèamh agus air talamh,

16 Gu'n deònaicheadh e dhuibh a réir  
saibhreis a ghlòire, bhi air bhur neartach-  
adh gu treun<sup>3</sup>, trid a Spioraidsan anns an  
duine an leth stigh;

17 Ionnas gu'n gabh Crìosd còmhnuidh  
ann bhur cridhe tre chreidimh; chum air  
dhuibh bhi air bhur freumhachadh, agus  
air bhur stéidheachadh<sup>4</sup> ann an gràdh,

18 Gu'm bi sibh comasach maille ris na  
naomhaibh uile, air a thuigsinn ciod e  
leud, agus fad, agus doimhne, agus àirde,

19 Agus air gràdh Chrìosd àithneachadh,  
a' chaidh thar gach uile eòlas, chum as  
gu'm bi sibh air bhur lìonadh le uile làn-  
achd Dhé.

20 A nis dhasan, d'an comas na h-uile  
nithe a dheanamh gu h-anabarrach ro phailt,  
thar gach ni a's urradh sinne iarruidh no  
smuaineachadh, a réir a' chumhachd a ta  
'g oihreachadh gu h-éifeachdach annainn,

21 Dhasan *gu robh* glòir anns an eaglais  
trid Iosa Crìosd, air fèadh gach uile linn,  
gu saoghal nan saoghal. Amen.

## CAIB. IV.

1 Tha e 'gan caralachadh chum aonachd; 7  
agus a' cur an cèill gu'n d'thug Dia chum  
na crìche so tiodhlacan eagsamhuil do

*dhaoinibh*, 13 ionnas gu'm biodh eaglais-  
air a togail, 16 agus gu'm fàsadh i suas  
ann an Crìosd: 18 Tha e 'gan gairm o-  
neo-ghloine nan Cinneach, &c.

UIME sin tha mise prìosunach an Tigh-  
earna a' guidheadh oirbh gu'n gluais<sup>5</sup>  
sibh gu cubhaidh do'n ghairm leis an do  
ghairneadh sibh;

2 Leis gach uile irioslachd inntinn agus  
mhacantas, le fad-fhulangas, a' giùlan le  
chéile ann an gràdh;

3 A' deanamh dìchioll air aonachd an  
Spioraid a choinhead ann an ceangal<sup>6</sup> na  
sith.

4 Is aon chorp agus aon Spiorad a ta  
ann, amhuil mar an ceudna a ghairneadh  
sibh ann an aon mhuighin bhur gairme;

5 Aon Tighearn, aon chreidimh, aon  
bhaisteadh,

6 Aon Dia agus Athair nan uile, a tha  
os ceann nan uile, agus tre na h-uile, agus  
annaibhse uile.

7 Ach thugadh gràs do gach aon againn,  
a réir tomhais tiodhlaic Chrìosd.

8 Uime sin a deir e, Air dol suas da an-  
àird, thug e bruid am braighdeanas, agus  
thug e tiodhlacan do dhaoibh.

9 (A nis gu'n deachaidh e suas, ciod e  
ach gu'n deachaidh e air tùs suas gu ion-  
adaidh iochdrach na taluainn?)

10 An ti a chaidh sìos, is e sin féin e, a  
chaidh suas mar an ceudna gu ro àrd os  
ceann nan uile nèamh, chum gu'n lìonadh  
e na h-uile nithe.)

11 Agus thug e droing àraidh gu bhì  
nan abstolaibh; droing eile, gu bhì 'nam  
fàidhibh; agus droing eile, gu bhì 'nan  
soisgeulaichibh; agus droing eile, gu bhì  
'nan aodhairibh<sup>7</sup>, agus 'nan luchd-teagaisg;

12 Chum na naoimh a dheasachadh<sup>8</sup>  
chum oibre na ministreileachd, chum togail  
suas cuirp Chrìosd:

13 Gus an d'thig sinn uile ann an aon-  
achd a' chreidimh, agus eòlais Mhic Dhé,  
chum duine iomlan, chum tomhais àirde-  
lànachd Chrìosd:

14 Chum as nach bi sinn a so suas 'nan  
leanabaibh, air ar tom-luasgadh, agus air  
ar giùlan mu'n cuairt leis gach uile ghaoith  
teagaisg, le cleasachd dhaoine, agus seòlt-  
achd cealgach, leis am bheil iad gu h-inn-  
leachdach ri feall-fholach chum meall-  
aidh:

15 Ach a' labhairt na firinn ann an  
gràdh, gu'm fàs sinn suas anns na h-uile  
nithibh chluigesan<sup>9</sup>, a's e an ceann, eadhon  
Crìosd:

16 O'm bheil an corp uile, air a cheangal  
gu ceart, agus air a dhlùthachadh trid an-  
ni sin a tha gach alt a' toirt uaith, a réir  
oibreachaidh éifeachdaich ann an tomhas-

<sup>1</sup> iomadh-gnètheach. <sup>2</sup> A réir roimh-shuidh-  
eachaidh nan linn. <sup>3</sup> le cumhachd. <sup>4</sup> bonn-shuidh-  
eachadh. <sup>5</sup> mieh, siubhail. <sup>6</sup> comh-bhann.

<sup>7</sup> buachaillibh. <sup>8</sup> a dheanamh iomlan, a cheangal  
gu dìongalta r'a chéile. <sup>9</sup> annsan.

gach buill, a faghail fàs cuirp, ehum a thogail fèin suas ann an gràdh.

17 So uime sin a deiream, agus guidheam am fianuis an Tighearna, gun sibh a dh'imeachd a so suas mar a ta na Cinnich eile ag imeachd, ann an diomhanas an inntinn fèin;

18 Aig am bheil an tuigse air a dorchachadh, air dhoibh bhi 'nan coimhich do bheatha Dhé, thaobh an aineolais a ta anna, tre chruas an cridhe:

19 Muinntir, air dhoibh am mothachadh a chall, a thug iad fèin thairis do mhinnaire<sup>1</sup>, chum gach uile neo-ghloine chur an gnìomh le ciocras.

20 Ach cha d'fhòghluim sibhse Criosd mar so;

21 O chuala<sup>2</sup> sibh e, agus o theagaisgeadh leis sibh, mar a ta an fhìrinn ann an Iosa:

22 Gu'n cuir sibh dhibh, thaobh a' cheud chaitheadh-beatha, an seann duine, a tha truailidh a réir nan anamhiann cealgach:

23 Agus gu'n bi sibh air bhur n-athnuadhachadh ann an spiorad bhur n-inntinn:

24 Agus gu'n cuir sibh umaibh an nuadh dhuine, a tha air a chruthachadh a réir Dhé am fìreantachd agus am fìor naomhachd.

25 Uime sin air dhuibh a' bhreug a chur uaibh, labhraibh an fhìrinn gach neach r'a choimhearsnach: oir is buill sinn d'a chéile.

26 Biodh fearg oirbh, agus na peacaichibh: na luidheadh a ghrian air bhur corruich:

27 Agus na tugaibh àit do'n diabol.

28 An ti a ghoid, na goideadh e ni's mò: ach gu ma fearr leis saothair a dheanamh, ag oibreachadh an ni a ta maith le a làmh-aibh, chum's gu'n bi aige ni r'a phàirteachadh ris an neach air am bheil uireasbhuidh.

29 Na d'fhigeadh cainnt thruaillidh air bith a mach as bhur beul, ach an ni sin a ta maith chum deadh-fhòghluim, ionnas gu'n toir e gràs do'n luchd-éisdeachd.

30 Agus na cuiribh doilgheas air Spiorad naomha Dhé, leis an do chuireadh seula oirbh gu là na saorsa.

31 Biodh gach uile sheirbhe, agus corruich, agus fearg, agus garrthaich<sup>3</sup>, agus toibheum<sup>4</sup> air an togail uaibh, maille ris gach uile mhioran.

32 Agus bithibh caoimhneil teo-chridh-each d'a chéile; a' tabhairt maithanas d'a chéile, eadhon mar a thug Dia maithanas dhuibhse ann an Criosd.

#### CAIB. V.

2 An dèigh curailean coitichionn chum gràidh,

3 chum strìopachas a sheachnadh, 4 agus na h-uile neo-ghloine, 7 gun chomhludair a chumail ri daoibh oingidh, 15 imeachd

gu faicilleach, 18 agus bhi air an lionadh leis an Spiorad, 22 tha e labhairt mu dhealsdanasaibh fa leth, cionnus is còir do mhnaibh bhi ùmhal d'am fearaibh-pòsda, &c.

UIME sin bithibhse 'nar luchd-leanmhuinn air Dia, mar chloinn ghràdh-aich;

2 Agus gluaisibh ann an gràdh, eadhon mar a ghràdhaich Criosd sinne, agus a thug se e fèin air ar son, 'ua thabhartas agus 'na iobairt deadh-bhòlaidh do Dhia.

3 Ach na biodh strìopachas, agus gach uile neo-ghloine, no sannt, uiread as air an ainmeachadh 'nar measg, mar is cubhaidh do naomhaibh.

4 No draosdachd<sup>5</sup> no còmhradh amaid-each, no bao-shùgradh, nithe nach 'eil iomchuidh: ach gu nia fearr leibh breith-buidheachais.

5 Oir a ta fios agaibh air so, nach 'eil aig fear-strìopachais air bith, no aig neach neo-ghlan, no aig duine sanntach, (a tha 'na fhear-iodhol-aoraidh) oighreachd ann an rioghachd Chriosd agus Dhé.

6 Na mealladh neach air bith sibh le briathraibh diomhain: oir air son nan nithe sin tha fearg Dhé a' teachd air cloinn na h-casumhlachd.

7 Na bithibhse uime sin 'nar luchd-comhlairt riu.

8 Oir bha sibh uair-eigin 'nar dorchadas, ach a nis tha sibh 'nar solus san Tighearna: gluaisibh mar chloinn an t-soluis.

9 (Oir a ta toradh an Spioraid<sup>6</sup> anns an uile mhaithas, agus ionracas, agus fhìrinn.)

10 A' dhearbhadh ciod an ni a tha taitneach do'n Tighearna.

11 Agus na biodh comh-chomunn agaibh ri oiribh neo-tharbhach an dorchadais, ach gu ma fearr leibh an cronachadh.

12 Oir is gràineil eadhon r'an innseadh na nithe a ta air an deanamh leo os ìosal.

13 Ach a ta na h-uile nithe a tha air an cronachadh, air an deanamh follaiseach leis an t-solus: oir gach uile ni a ni soilleir, is solus e.

14 Uime sin a deir e, Mosgail, thusa a tha d' chodal, agus éirich o na marbhaibh, agus bheir Criosd solus duit.

15 Feuchaibh uime sin gu'n gluais sibh gu faicilleach, cha'n ann mar amadain, ach mar dhaoine glie,

16 Ag ath-chènnach<sup>7</sup> na h-aimsire, do bhrìgh gu bheil na làithean olc.

17 Air an aobhar sin na bithibhse neo-ghlic, ach a' tuigsinn ciod i toil an Tighearna.

18 Agus na bithibh air mhisg le fion, anns am bheil anabarr; ach bithibh air bhur lionadh do'n Spiorad:

19 A' labhairt ribh fèin<sup>8</sup> ann an salm-aibh, ann an laoidhibh, agus ann an dàn

<sup>1</sup> mhacnús. <sup>2</sup> Ma chuala. <sup>3</sup> àrd ghlaodhaich. <sup>4</sup> anacaint. <sup>5</sup> gruasdachd, cainnt shaluch.

<sup>6</sup> an t-soluis. <sup>7</sup> a' fuasgladh. <sup>8</sup> 'nar measg fèin, r'a chéile.



aibh spioradail, a' seinn agus a' deanamh ciuill 'nar cridhe do'n Tighearn.

20 A' toirt buidheachais a ghnàth air son nan uile nithe do Dhia eadhon an t-Athair, ann an ainm ar Tighearna Iosa Crìosd;

21 Air dhuibh bhi ùmhal d'a chéile ann an eagal Dé.

22 A mhnà, bithibh ùmhal d'ar fear-aibh féin, mar do'n Tighearn.

23 Oir is e am fear ceann na mnà, eadhon mar is e Crìosd ceann na h-eaglais: agus is esan Slàn-uighear a' chuirp.

24 Uime sin mar a ta'n eaglais ùmhal do Chrìosd, mar sin *biodh* na mnà d'am fearaibh féin mar an ceudna anns gach ni:

25 Fheara, gràdhachibh bhur mnà féin, eadhon mar a ghràdhach Crìosd an eaglais, agus a thug se e féin air a son;

26 Chum gu naomhaicheadh, agus gu'n glanadh e i le ionnlad an uisge trid an fhocail,

27 Chum gu'n cuireadh c 'na làthair féin i 'na h-eaglais ghlòr-mhoir, gun smal, gun phreasadh<sup>1</sup>, no ni air bith d'an leithidibh sin; ach chum gu'm biodh i naomha, agus neo-lochdach<sup>2</sup>.

28 Is amhluidh sin is còir do na fearaibh am mnà féin a ghràdhachadh, mar an cuirp féin, an ti a ghràdhachcas a bhean, tha e 'ga ghràdhachadh féin.

29 Oir cha d'thug duine air bith riamh fuath d'a fheòil féin; ach altrumaidh agus eiridnìdh<sup>3</sup> e i, eadhon mar a ta an Tighearn a' deanamh do'n eaglais:

30 Oir is buill sinn d'a chorp, d'a fheòil, agus d'a chnàmhaibh san.

31 Air an aobhar so fàgaidh duine ath-air agus a mhàthair, agus dlùth-leanaidh e r'a mhnaoi, agus bithidh an dithis 'nan aon fheòil.

32 Is dìomhaireachd mhòr so: ach labhram mu Chrìosd agus an eaglais.

33 Gidheadh, thugadh gach aon agaibh-se fa leth gràdh d'a mhnaoi anhuil mar tha féin; agus *feuchadh* a' bhean gu'n d'thoir i urram d'a fear.

#### CAIB. VI.

1 *Dleasdanas cloinne d'am pàrantaibh, 5 sheirbhiseach d'am maighstiribh. 10 Is cogadh ar beatha, 12 cha'n ann a mhàin an aghaidh fola agus feòla, ach mar an ceudna an aghaidh nàinhe spioradail. 13 Airm 'a chrìosdaidh, 18 agus cionnus is còir an gnàthachadh. 21 Tha Tichus air a mholadh.*

**A** CHLANN, bithibh ùmhal d'ar pàrantaibh féin san Tighearn: oir a ta so ceart.

2 Thoir onoir<sup>4</sup> do t' athair agus do d' mhàthair, (is i so a' chud àithne le gealladh.)

3 Chum gu'n éirich gu maith dhuit, agus gu'm bi thu fad-shaoghalach air an talamh.

4 Agus aithriche, na broснаichibh bhur clann chum feirge: ach togaibh<sup>5</sup> iad ann an oilean agus ann an teagasg an Tighearna.

5 A sheirbhiseacha, bithibh ùmhal d'ar maighstiribh a réir na feòla, le h-eagal<sup>6</sup> agus crith, ann an tréibhdhireas bhur cridhe, mar do Chrìosd:

6 Cha'n ann le suil-sheirbhis, mar dhroing a ni toil dhaoine, ach mar sheirbhisich Chrìosd, a' deanamh toil Dé o'n chridhe;

7 Le deadh thoil a' deanamh seirbhis, mar do'n Tighearn, agus cha'n ann do dhaoineibh:

8 Air dhuibh fios a bhi agaibh, ge b'e maith air bith a ni aon neach, gu'm faigh e an ni so féin o'n Tighearn, ma's saor no daor e.

9 Agus a mhaighstirean, deanaibhse na nithe ceudna dhoibhsan, a' leigeadh dhibh bagraidh: air dhuibh fios a bhi agaibh gu bheil bhur maighstir féin air nèamh mar an ceudna, agus nach 'eil gnùis-bhreth maille ris.

10 Fa dheoidh, mo bhràitire, bithibh làidir san Tighearn, agus ann an neart a chumhachdsan.

11 Cuiribh umaibh uil' armachd Dhé, chum's gu'm bi sibh comasach air seasamh an aghaidh cuilbheirtean an diabhoil.

12 Oir cha' n'eil sinn a' gleachdadh a mhàin ri fuil agus feòil, ach ri uachdaran-achdaibh, ri cumhachdail so, ri riaghlairibh dorchadais an t-saoghail so, ri aingidheachd spioradail<sup>7</sup> ann an ionadaibh àrda<sup>8</sup>.

13 Uime sin glacaibh d'ar n-ionnsuidh uile armachd Dhé, chum's gum bi sibh comasach air seasamh an aghaidh a' bhuairidh san droch là, agus air dhuibh na h-uile nithe a dheanamh, chum seasamh.

14 Seasaidh uime sin, air bhi d'ar leasraidh air an crìslachadh<sup>9</sup> le fìrinn, agus uchd-éididh na fireantachd<sup>10</sup> umaibh;

15 Agus ulluchadh soisgeil na sìth mar bhrògan agaibh air bhur cosaibh;

16 Thar gach uile ni, a' glacadh chugaibh sgéith a' chreidimh, leis an bi sibh comasach air uile shaighde<sup>11</sup> teinteach an droch Spioraid a nìhùchadh.

17 Agus glacaibh clogaid na slàinte, agus claidheamh an Spioraid, ni a's e briathar Dhé:

18 A' deanamh ùrnuigh a ghnàth leis gach uile ghnè ùrnuigh agus asluchaidh san Spiorad, agus a' deanamh faire chum an ni so féin maille ris gach uile bhuanachadh, agus ghuidheadh air son nan naomh uile;

19 Agus air mo shonsa, chum gu tiubhrar dhomh comas labhairt, le fosgladh mo

<sup>1</sup> chasadh. <sup>2</sup> gun ghò. <sup>3</sup> giullaichdidh. <sup>4</sup> urram. <sup>5</sup> altrumaibh. <sup>6</sup> fàitcheas.

<sup>7</sup> droch spioradaibh. <sup>8</sup> nèamhaidh. <sup>9</sup> crìosrachadh. <sup>10</sup> an ionracais. <sup>11</sup> ghaithan.

bheoil ann an dònachd, chum gu foillsich mi rùn-dìomhair an t-soisgeil.

20 Air son am bheil mi a'm' theachdaire ann an geimhlibh: chum gu labhair mi gu dàna uime, mar is còir dhomh labhairt.

21 Ach a chum gu'm bi fhios agaibhse mar an ceudna air na nithibh a bhuineas domhsa, agus ciod a tha mi a' deanamh, foillsichidh Tichicus, bràthair gràdhach agus ministear firinneach san Tighearn, na h-uile nithe dhuibh.

22 Neach a chuir mi d'ar n-ionnsuidh air son an aobhair so féin, chum gu'm biodh fios nan nithe a bhuineas duinne agaibh, agus gu'n d'thugadh e comh-fhurtachd d'ar cridhe.

23 Sìth gu robh do na bràithribh, agus gràdh maille ri creidimh o Dhia an t-Ath-air, agus an Tighearn Iosa Crìosd.

24 Gu robh gràs maille rìusan uile a ta gràdhachadh ar Tighearna Iosa Crìosd ann an treibhdhireas. Amen.

## LITIR AN ABSTOIL PHOIL CHUM NAM PHILIPIANACH.

### CAIB. I.

6 Tha e cur an cèill a bhuidheachais do Dhia, agus a ghràdh dhoibhsan, air son toraidh an creidimh, agus an comhairt 'na fhulangas, 9 a' deanamh ùrnuigh a ghnàth ri Dia gu'm fàsadh iad ann an gràs: 12 Tha e nochdadh na tairbhe a fhuair creidimh Chrìosd o fhulangas-san anns an Ròimh, 21 agus co toileach 's a ta e air Crìosd a ghlorachadh, le a bheatha no le bhàs: &c.

**P**OIL agus Timoteus seirbhisich Iosa Crìosd, chum nan naomh uile ann an Iosa Crìosd, a tha ann am Philipi, maille ris na h-easbuigibh<sup>1</sup> agus na deaconaibh<sup>2</sup>:

2 Gràs duibh agus sìothchaint o Dhia ar n-Athair, agus o'n Tighearn Iosa Crìosd.

3 Tha mi teirt buidheachais do m' Dhia gach uair a chuimhnichas mi oirbh,

4 (A ghnàth ann am uile ùrnuighibh air bhur sonsa uile, le gairdeachas a' deanamh guidheadh.)

5 Air son bhur comh-roinn do'n t-soisgeul, o'n cheud là gus a nis;

6 Air dhomh bhi dearbhta as an ni so féin, eadhon an ti a thòisich deadh obair annaibh, gu'n coimhlion e i gu là Iosa Crìosd:

7 Eadhon mar is còir dhomh so a smuainteachadh umailh uile, do bhrìgh gu bheil sibh agam ann mo chridhe, agus gu bheil sibh uile 'nar luchd comh-roinn do m' ghràs-sa, faraon ann mo gheimhlibh, agus ann an seasamh air son, agus ann an daingneachadh an t-soisgeil.

8 Oir is e Dia m'fhianuis, cia mòr mo dhéidh oirbh uile, ann an innibh Iosa Crìosd.

9 Agus ma ta mi a' guidheadh so, gu'm biodh bhur gràdh-sa air a mheudachadh ni's mò agus ni's mò ann an eòlas, agus ann an uile thuigse:

10 Chum's gu'n dearbh sibh na nithe a's fearr<sup>3</sup>; chum's gu'm bi sibh treibhdhireach, agus gun tuisleadh<sup>4</sup> gu là Chrìosd;

11 Air bhur lìonadh le toraibh na firean-

tachd, a tha trid Iosa Crìosd chum glòire agus cliu Dhè.

12 Ach is àill leam, a bhràithre, fios a bhi agaibh, na nithe a tharladh domhsa, gur mò a dh'éirich leo an soisgeul a chur air aghaidh:

13 Ionnas gu bheil mo gheimhleansa ann an Crìosd iomraideach anns an luchairt uile, agus anns gach àit eile;

14 Agus gu bheil mòran do na bràithribh san Tighearn a' gabhail nìisnich o m' gheimhlibh, leis an tuilleadh mòr dònachd a' labhairt an fhocail<sup>5</sup> gun eagal.

15 Tha cuid gu dearbh a' searmonachadh Chrìosd tre fharmaid agus stri, agus cuid eile tre dheadh thoil.

16 Tha aon dream a' searmonachadh Chrìosd tre chonspoid, cha'n ann gu treibhdhireach, a' sàoilinn àmhghar a chur ri m' gheimhlibhse:

17 Ach an dream eile o ghràdh, air dhoibh fios a bhi aca gu'n do chuireadh mise gu seasamh air son an t-soisgeil.

18 Ciod ma ta? gidheadh air gach aon chor, co aca is ann an coslas a mhaìnn, no da rìreadh, a ta Crìosd air a shearmonachadh; agus air a shon so tha mise a' deanamh gairdeachais, seadh, agus ni mi gairdeachas.

19 Oir a ta fhios agam gu'n d'thig so chum slàinte<sup>6</sup> domhsa tre bhur n-ùrnuighse, agus tre fhrithealadh Spioraid Iosa Crìosd.

20 A réir mo ro-dhùil<sup>7</sup>, agus mo dhòchais, nach cuirear nàire orm ann an ni air bith, ach leis an uile dhànachd labhairt, mar a ghnàth gu'm bi Crìosd a nis mar an ceudna air àrdachadh a'm' chorp-sa, ma's ann tre bheatha no tre bhàs.

21 Oir dhomhsa bhi beo is e sin Crìosd, agus bàs fhaghail<sup>8</sup> is buannachd dhomh so.

22 Ach ma's beo dhomh san fhèidil, 's e so toradh m' oibre: ach ciod d'an deanainn roghuinn, ni'm fios domhl.

<sup>1</sup> luchd-coimhid. <sup>2</sup> luchd-frithealaidh, foir-seachaidh, <sup>3</sup> a tha eadar-dhealaichte. <sup>4</sup> gun

bhi 'nar n-aobhar oibheim. <sup>5</sup> focail [Dè.] <sup>6</sup> saorsa. <sup>7</sup> m'earbsaidh. <sup>8</sup> fhaotuinn.



- 23 Oir tha mi air mo theannachadh eadar dhà ni, air dhomh bhi togarrach air siubhal, agus bhi maille ri Crìosd; oir is e so a's ro fhearr:
- 24 Gidheadh, 's e mi dh'fhantuinn san fheadh, a's feumail dhuibhse.
- 25 Agus air dhomh bhi cinnteach dheth so, tha fhios agam gu'm fuirich mi agus gu'n còmhnuich mi maille ribh uile, chum bhur cursa air bhur n-aghaidh, agus chum gairdeachais a' chreidimh<sup>1</sup>:
- 26 Chum gu'm bi bhur gairdeachas ni's pailte ann an Iosa Crìosd do m' thaobhsa, air son mi bhi a ris a làthair maille ribh.
- 27 A mhàin caithibh bhur beatha gu cubhaidh do shoisgeul Chrìosd: chum cò aca a thig mi agus a chì mi sibh, no a bhios mi as làthair, gu'n chuinn mi mu'r tim-chioll, gu bheil sibh a' seasamh gu daingean ann an aon spiorad, le aon inntinn, a' gleacadh le chèile air son creidimh an t-soisgeil;
- 28 Gun gheilt<sup>2</sup> ann an ni sam bith oirbh o bhur naimhdeibh: ni a tra dhoibhsan 'na chomhara cinnteach air sgrios, ach dhuibhse air slàinte, agus sin o Dhia.
- 29 Oir thiodhlaiseadh<sup>3</sup> dhuibhse air son Chrìosd, cha'n e mhàin creidsinn ann, ach mar an ceudna fulang air a shon;
- 30 Air dhuibh an còmhrag ceudna bhi agaibh a chunnaic sibh annamsa, agus a tha sibh a nis a' cluinntinn a bhi annam.

C A I B. II.

1 *'Tha e 'gan caralachadh chum aonachd, agus irioslachd inntinn, le eisempleir 'sleachaidh agus àrdachaidh Chrìosd;* 12 *chum iad a dhol air an aghaidh gu cùramach ann an slioghe na slàinte, ionnas gu'm biodh iad 'nan solus do'n t-saoghal aingidh,* 16 *agus 'nan comhfhurtachd dhasan an abstolsan, neach a ta ullamh eadhon chum bhi air ìobradh suas do Dhia, &c.*

**U**IME sin ma tha comhfhurtachd air bith ann an Crìosd, ma tha sòlas air bith gràidh, ma tha comh-chomunn air bith an Spioraid; ma tha truas<sup>4</sup> air bith agus trècaire;

2 Coimhlionaibh mo ghairdeachas, gu'm bi sibh a dh'aon inntinn, a dh'aon ghradh, a dh'aon toil, a dh'aon bhreithneachadh<sup>5</sup>.

3 Na deanar aon ni tre chonspoid, no tre ghloir dhiomhain, ach ann an irioslachd inntinn measadh gach aon gur fearr neach eile na e fèin.

4 Na seallaibh gach aon air na nithibh sin a bhuineas da fèin, ach gach aon air na nithibh a bhuineas do dhaoibh eile mar an ceudna.

5 Uime sin biodh an inntinn cheudna annaibhse, a bha ann an Iosa Crìosd:

6 Neach air bhi dha ann an cruth Dhé, nach do mheas e 'na reubainn e fèin bhi cosmhuil<sup>6</sup> ri Dia:

7 Ach chuir se e fèin ann an dìmeas<sup>7</sup>, a' gabhail air fèin dreach seirbhisich, air a dheanamh ann an coslas dhaoine:

8 Agus air dha bhi air fhaghail ann an cruth mar dhuine, dh'irioslaich se e fèin, agus bha e ùmhla gu bàs, eadhon bàs a' chroinn-cheusaidh.

9 Air an aobhar sin dh'àrdaich Dia e gu ro àrd mar an ceudna, agus thug e dha ainm os ceann gach uile ainme:

10 Chum do ainm<sup>8</sup> Iosa gu'n lùbadh gach glùn, do nithibh a ta air nèamh, agus do nithibh a ta air talamh, agus do nithibh a ta fo'n talamh;

11 Agus gu'n aidicheadh gach teanga gur e Iosa Crìosd an Tighearn, chum glòire Dhé an Athar.

12 Uime sin, a mhuinntir mo ghraidh, mar a bha sibh ùmhla a ghnàth, ni a mhàin a'm làthairse, ach a nis ni's ro mhò as mo làthair, làn-oibrichibh bhur slàinte fèin le h-cagal agus ball-chrith.

13 Oir is e Dia a dh'oibriceas annaibh, faraon an toil agus an gnìomh<sup>9</sup> a réir a dheadh-ghean fèin.

14 Deanaibh na h-uile nithe gun ghear-an<sup>10</sup>, agus gun deasbhoireachd:

15 Chum as gu'm bi sibh neo-choireach, agus neo-chronail<sup>11</sup>, 'nar cloinn do Dhia, neo-lochdach, ann meadhon ginealaich fhìar agus chrosda<sup>12</sup>, measg am bheil sibhse a' dealrachadh mar lòchrain sholuis san t-saoghal:

16 A' cumail a mach<sup>13</sup> focail na beatha; chum gu'n deanamsa uail ann an là Chrìosd, do bhrìgh nach do ruith mi gu dìomhain, agus nach do shaothraich mi gu dìomhain.

17 Seadh agus ma dh'ìobrar mi air ìobairt agus seirbhis fhollaiseach bhur creidimhse, tha aoibhneas orm, agus deanam gairdeachas maraon ribhse uile.

18 Air an dòigh cheudna biodh aoibhneas oirbhse, agus deanaimh gairdeachas maraon riumsa.

19 Ach a ta dòchas agam anns an Tighearn Iosa, Timoteus a chur gu goirid d'ar n-ionnsuidh, chum as gu'm bi mise mar an ceudna ann an deadh mhìsnich, air dhomh fios fhaghail cìod is cor dhuibhse.

20 Oir cha 'n'eil duine air bith agam coimh-ionann inntinn ris-san, air am b' cùram nan nithe a bhuineas dhuibhse gu dùrachdach.

21 Oir tha na h-uile ag iarraidh nan nithe a bhuineas doibh fèin, cha'n iad na nithe a bhuineas do Iosa Crìosd.

<sup>1</sup> chum car air aghaidh bhur creidimh agus bhur gairdeachais. <sup>2</sup> uamhas, eagal, ghiorag.

<sup>3</sup> thugadh gu saor. <sup>4</sup> tiom-chridheachd.

<sup>5</sup> toirt aire do'n aon ni.

<sup>6</sup> coimeas, coimh-ionann. <sup>7</sup> dh'fholamhuich se e fèin. <sup>8</sup> ann an ainm. <sup>9</sup> an deanamh.

<sup>10</sup> mhonmhor.

<sup>11</sup> glan, neo-thruaillidh.

<sup>12</sup> tharsuing.

<sup>13</sup> os àird.

22 Ach is aithne dhuibh a dhearbhadh-san, mar mhac d'a athair, gu'n d'rinn e seirbhis maille riumsa anns an t-soisgeul.

23 Uime sin tha dùil agam esan a chur d'ar n-ionnsuidh air ball, co luath as a chi mi ciod is cor dhomh féin.

24 Ach tha earbsadh agam anns an Tighearn, gu'n d'thig mi féin d'ar n-ionnsuidh gu h-aithghearr mar an ceudna.

25 Gidheadh mheas mi gu'm b'fheumail Epaphroditus mo bhràthair, agus mo chomh-oibriche, agus mo chomh-shaighdear, ach bhur teachdoirese, agus an tì a fhritheil do m'uireasbhuidh, a chur d'ar n-ionnsuidh.

26 Oir bha déidh mhòr aige oirbh uile, agus bha e làn tuirse, do bhrìgh gu'n cuala sibhse gu'n robh e tinn.

27 Agus gu deimhin bha e tinn fagus do'n bhàs: gidheadh rinn Dia tròcair air; agus cha b'ann airsan a mhàin, ach ormsa mar an ceudna, chum nach biodh doilgheas air muin doilgheis orm.

28 Uime sin bu togarraiche a chuir mi d'ar n-ionnsuidh e, chum air dhuibh fhaicinn a ris, gu'm biodh aoibhneas oirbh, agus gu'm bu lughaide mo dhoilgheas-sa.

29 Air an aobhar sin gabhaibh ris san Tighearn leis an uile aoibhneas, agus biodh meas mòr agaibh air an leithidibh sin:

30 Do bhrìgh air son oibre Chrìosd gu robh e dlùth do'n bhàs, agus nach robh suim aige d'a bheatha<sup>1</sup> féin, chum gu'n deanadh e suas uireasbhuidh bhur seirbhis-se do m' thaobhsa.

## CAIB. III.

1 Tha e toirt rabhaidh dhoibh bhi air am faicill o luchd-teagaisg brìge an timchioll-ghearraidh, 4 a' nochdadh gu bheil aige féin tuilleadh aobhair na ucasan, earbsadh a fireantachd an lugha; 7 ni gidheadh a ta e meas mar aolach agus chall chum Iosa Chrìosd agus fhìreantachdan a chosnadh: 12 tha e 'g aideachadh a neo-fhoirfeachd féin anns an nì so: &c.

**O**S bàrr, mo bhràithre, deanaibh gairdeachas san Tighearn. Gu deimhin cha leas<sup>2</sup> leamsa na nithe ceudna a sriobhadh d'ar n-ionnsuidh, ach dhuibhse tha so tèaruinte<sup>3</sup>.

2 Bithibh air bhur faicill o mhadraibh, bithibh air bhur faicill o dhroch luchd-oibre, coimhidibh sibh féin o'n chomh-ghearradh.

3 Oir is sinne an timchioll-ghearradh, a ta deanamh aoraidh do Dhia san Spiorad, agus a' deanamh gairdeachais ann an Iosa Chrìosd, agus nach 'eil a' cur muinghin san fheadhail:

4 Ge do dh'fheadainnse mar an ceudna muinghin bhi agam san fheadhail. Ma shaoileas aon neach eile gu'm feud e muinghin a

chur san fheadhail, is mò na sin a dh'fheadas mise:

5 Air mo thimchioll-ghearradh air an ochdamh là, do chinneach Israeil, do thréibh Bheniamin, a'm' Eabhruidheach do na h-Eabhruidheachaibh; a réir an lagha, a'm' Phairiseach;

6 A thaobh eud, a' deanamh geur-leanmhuinn air an eaglais; a réir na fireantachd a ta san lagh, neo-choireach.

7 Ach na nithe a bha 'nam buannachd dhomh, mheas mi iad sin 'nan call air son Chrìosd.

8 Seadh gun amharus, agus measam na h-uile nithe 'nan calldach, air son ro-oirdheirceis<sup>4</sup> eòlais Iosa Chrìosd mo Tighearna: air son an d'fhuiling mi call nan uile nithe, agus measam gur aolach iad chum gur e mo bhuannachd<sup>5</sup> Chrìosd,

9 Agus gu faighear annsan mi, gun m'fhìreantachd féin agam, a ta o'n lagh, ach an fhìreantachd sin a ta tre chreidimh Chrìosd, an fhìreantachd a ta o Dhia tre chreidimh:

10 Chum eòlas a bhi agam airsan, agus air cumhachd aiseirighsan, agus air comh-chomunn f'huilangais, air bhi dhomh air mo chur ann an coslas crutha r'a bhàs<sup>6</sup>;

11 Dh'fheuchainn am feudainn air aon chor teachd chum na h-aiseirigh o na marbhaibh.

12 Cha'n e gu'n d'ràinig mi cheana, no gu bheil mi cheana foirfe: ach tha mi a' leanmhuinn, dh'fheuchainn am faigh mi greim do'n nì sin féin air son an do ghabhadh greim dhìomh le h-Iosa Chrìosd.

13 A bhràithre, ni measam gu'n do ghlac mi greim: ach aon nì a dheanam, air dhomh na nithe a ta air mo chùl a dhi-chuimhneachadh, agus bhi 'g am shineadh fein chum nan nithe a ta romham,

14 Tha mi a' dian-ruith dh'ionnsuidh a' chomharaidh, chum duaise<sup>7</sup> àrd ghairmè Dhé ann an Iosa Chrìosd.

15 Uime sin mheud dhinne 's a ta dìongalta, biodh an inntinn so againn: agus ma tha sibh ann an nì sam bith air atharrachadh inntinn, foillsichidh Dia an nì so féin duibh.

16 Gidheadh, an nì air an d'ràinig sinn a cheana, gluaisearaid a réir aon riaghail, bithearaid a dh'aon inntinn.

17 A bhràithre, bithibhse le chéile 'nar luchd-leanmhuinn ormsa, agus thugaibh an aire dhoibhsan a tha gluasad air an dòigh sin, mar a ta sinne 'nar eisempler agaibh.

18 (Oir a ta mòran a gluasad, mu'n dubhairt mi gu minic ribh, agus mu'm bheil mi nis, eadhon a' gul, ag ràdh ribh, gur naimhdean iad do chrann-ceusaidh Chrìosd:

19 D'an deireadh bhi air an sgrios, d'an

<sup>1</sup> anam. <sup>2</sup> chruaidh, doilich. <sup>3</sup> sàbhailta.

<sup>4</sup> ro-phrèisealachd. <sup>5</sup> gu cosnainn. <sup>6</sup> air mo dheanamh a réir a bhàis. <sup>7</sup> gill.



dia am brù : agus aig am bheil an glòir 'nan nàire, aig am bheil an aire air nithibh talmhaidh.)

20 Oir a ta ar caithcadh-beathane<sup>1</sup> air nèamh, an t-ionad as am bheil dùil againn fòs ris an t-Slànuighcar, an Tighearn Iosa Crìosd :

21 A chruth-atharraicheas ar corp dì-bhidh, chum gu'n deanar e comh-chosmhail r'a chorp glòimhor féin, a réir an oibreachaidh leis am bheil e comasach air na h-uile nithe a chur fa cheannsal féin.

## CAIB. IV.

1 O chomhairlibh mionaidheach, 4 tha e dol air aghaidh chum earrailean coitcheonna, 10 a' nochdadh cionnus a rinn e gairdeachas air son an tabhartuis dha, agus e na' laidhe am prìosun ; 19 agus tha e a' crìochnachadh le h-ùrnuigh agus beannachdaibh.

**U**IME sin, mo bhràithre gràdhach agus air am bheil mo dhéidh, m'aoibhneas agus mo chrùn, seasaibh mar so gu daingean san Tighearn, a mhuinntir mo ghràidh.

2 Guidheam air Euodias, agus guidheam air Sintiche, iad a bhi dh'aon inntinn san Tighearn.

3 Agus iarram ortsa mar an ceudna, a chompanaich dhileis, dean còmhnaidh ris na mnàibh sin a rinn saothair maille riumsa san t-soisgeul, maille ri Clemens, agus a' chuid eile do m' chomh-oibrichibh, aig am bheil an ainmean ann an leabhar na beatha.

4 Deanaibh gairdeachas san Tighearn a ghnàth : a ris deiream, Deanaibh gairdeachas.

5 Biodh bhuir measarrachd<sup>2</sup> follaiseach do na h-uile dhaoibh. Tha'n Tighearn am fagus.

6 Na biodh ro-chùram ni sam bith oirbh : ach san uile ni le h-ùrnuigh agus asluchadh maille ri breith-buidheachais, biodh bhuir n-iartuis air an deanamh aithnichte do Dhia.

7 Agus coimhididh sìth Dhé, a ta thar gach uile thuigse, bhuir cridhe agus bhuir n-inntinn ann an Iosa Crìosd.

8 Fa dheoidh, a bhràithre, ge b'e nithe ta fìor, ge b'e nithe ta urramach<sup>3</sup>, ge b'e nithe ta ceart, ge b'e nithe ta fìor-ghlan, ge b'e nithe ta ion-ghràidh<sup>4</sup>, ge b'e nithe ta ionmholta ; ma tha deadh-bheus<sup>5</sup> air bith ann, ma tha moladh air bith ann, smuainichibh air na nithibh sin.

9 Na nithe sin araon a dh'fhòghluim, agus a ghabh sibh, agus a chual agus a chunnaic sibh annamsa, deanaibh : agus bithidh Dia na sìothchaint maille ribh.

10 Ach rinn mi gairdeachas gu mòr san Tighearn, do bhrìgh gu'n d'ath-urraicheadh nis fa dheireadh bhuir cùram umamsa ; ni mar an ceudna anns an robh sibh cùramach, ach cha robh cothrom agaibh.

11 Ni h-e gu'n labhram a thaobh uireasbhuidh : oir dh'fhòghluim mi, ge b'e staid am bheil mi, bhi toilichte.

12 Is aithne dhomh bhi ìosal, agus is aithne dhomh mar an ceudna pailteas a mhealtuinn : anns gach àit, agus anns na h-uile nithibh theagaisgeadh mi, araon a bhi sàthach agus ocrach, araon pailteas a shealbhachadh agus uireasbhuidh fhuilang.

13 Is urradh mi na h-uile nithe a dheanamh tre Crìosd, a néartaicheas mi.

14 Gidheadh, is maith a rinn sibh gu'n do chomh-phàirtich sibh ri m' thrioblaid.

15 Agus a nis biodh fhios agaibhse, a Philipianacha, ann an toiseach an t-soisgeul, 'nuair a dh'fhàg mi Macedonia, nach do roinn eaglais air bith riumsa, thaobh tabhairt agus gabhail, ach sibhse a mhàin.

16 Oir eadhon ann an Tesalonica chuir sibh aon uair agus a ris a m' ionnsuidh leasachadh do m' uireasbhuidh.

17 Ni h-e gu bheil mi ag iarraidh tabhartais : ach a ta mi 'g iarraidh toraidh a bhios pailte chum bhuir cunntais-se.

18 Ach a ta mi sealbhachadh nan uile nithe, agus tha pailteas agam : lionadh mi, air dhoimh na nithe fhaotainn o Epaphroditus a chuireadh uaibhse, àileadh deadhbholuidh, iobairt thaitneach, anns am bheil tlachd aig Dia.

19 Ach leasaichidh mo Dhia-sa bhuir n-uireasbhuidh uile, a réir a shàibhreais ann an glòir, trid Iosa Crìosd.

20 A nis do Dhia agus ar n-Athairne gu robh glòir gu saoghal nan saoghal. Amen.

21 Cuiribh fàilte air gach uile naomh ann an Iosa Crìosd. Tha na bràithrean a tha maille rium, a' cur fàilte oirbh.

22 Tha na naoimh uile a' cur fàilte oirbh, gu h-àraid iadsan a tha do theaghlach Cheasair.

23 Gràs ar Tighearna Iosa Crìosd gu robh maille ribh uile. Amen.

<sup>1</sup> giùlan, conbhersaid. <sup>2</sup> cothrom, ciuineas.

<sup>3</sup> ciatfach.

<sup>4</sup> a ta gràdhach, cairdeil. <sup>5</sup> subhailc.

# LITIR AN ABSTOIL PHOIL CHUM NAN COLOSIANACH.

## CAIB. I.

1 An dèigh fàille chur orra, tha e toirt buidheachais do Dhia air son an creidimh, 7 a' daingneachadh teagaisg Epaphrais, 9 a' guidheadh gu'm biodh an gràs air a mheudachadh, 14 a' cur an cèill cò e am fìor Chrìosd, 21 a' toirt misnich dhoibh gu gabhail ri Crìosd; agus a' moladh a mhinistireil eachd fèin.

**P**OL abstol Iosa Crìosd tre thoil Dé, agus Timoteus ar bràthair,

2 Chum nan naomh agus nam bràthar dileas ann an Crìosd, a tha ann an Colose: Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha sinn a' toirt buidheachais do Dhia, agus Athair ar Tighearna Iosa Crìosd, a' sìr-dheanamh ùrnuigh air bhur sonsa:

4 O chuala sinn iomradh bhur creidimh ann an Iosa Crìosd, agus bhur gràidh do na naomhaibh uile;

5 Air son an dòchais a ta air a thasgaidh fa'r comhair air nèamh, air an cuala sibh iomradh roimhe ann an focal firinn an t-soisgeil:

6 A thainig d'ar n-ionnsuidhse, mar anns an t-saoghal uile, agus a tha tabhairt toraidh uaidh, mar a ta e deanamh mar an ceudna 'nar measg<sup>1</sup>, o'n là anns an cuala sibh e, agus san d'fhuair sibh eòlas air gràs Dhé ann am firinn.

7 A réir fòs mar a dh'fhòghluim sibh o Epaphras ar coimh-sheirbhiseach gràdhach-ne, a tha air bhur sonsa 'na mhinisteir dileas do Chrìosd;

8 A chuir an cèill dhuinne mar an ceudna bhur gràdh<sup>2</sup> anns an Spiorad.

9 Air an aobhar so, cha 'n'eil sinne mar an ceudna a' sgar, o'n là a chuala sinn e, do dheanamh ùrnuigh air bhur sonsa, agus a ghuidheadh gu'm biodh sibh air bhur lìonadh le eòlas a thoile, san uile ghliocas agus thuigse spioradail;

10 Chum gu'n gluaiseadh sibh gu cubhaidh do'n Tighearn chum gach uile thoileachaidh<sup>2</sup>, a' toirt toraidh uaidh san uile dheadh obair, agus a' fàs ann an eòlas Dhé;

11 Air bhur neartachadh leis an uile neart a réir a chumhachd ghlòrmhoirsan, chum an uile fhoighidin agus fhad-fhulangais maille ri gairdeachas;

12 A' tabhairt buidheachais do'n Athair, a rinn sinne iomchuidh chum bhi 'nar luchd comh-pairt do oighreachd nan naomh san t-solus:

13 A shaor sinn o chumhachd an dor-

chadais, agus a dh'atharraich sinn chum rioghachd Mic a' Chràidhsan:

14 Anns am bheil againn saorsa trid fhola-san, eadhon maithneas nam peacadh.

15 Neach a's e iomhaigh<sup>3</sup> an Dé neo-fhaicsinnich, ceud-ghin a' chruthachaidh uile<sup>4</sup>:

16 Oir is ann leis-san a chruthaicheadh na h-uile nithe a ta air nèamh, agus a ta air talamh, faicsinneach agus neo-fhaicsinneach, ma's àrd-chathrichean iad, no tigh-earnais, no uachdaranachda, no cumhachda; is ann leis-san agus air a shon a chruthaicheadh na h-uile nithe:

17 Agus tha esan roimh na h-uile uithibh, agus tridsan tha na h-uile nithe a' comh-sheasamh.

18 Agus is e ceann a' chuirp, eadhon na h-eaglaise: neach a's e an toiseach, an ceud-ghin o na marbhaibh; chum gu'm biodh aige àrd-cheannas anns na h-uile.

19 Oir b'e deadh thoil an Athar, gu'n còmhnuicheadh gach uile iomlanachd annsan;

20 Agus gu'm biodh na h-uile air an deanamh réidh ris fèin tridsan, air dha sìth a dheanamh trid fola a chroinn-cheusaidhsan; tridsan deiream, ma's nithe iad a ta air talamh, no nithe a ta air nèamh.

21 Agus sibhse a bha uair-eigin 'nar coimheachaidh, agus 'nar naimhdeibh ann bhur n-inntinn thaobh dhroch oibre, nis rinn e réidh ris fèin.

22 Ann an corp fheòla fèin tre'n bhàs, chum sibhse a chur naomha, agus neo-lochdach, agus neo-choireach, 'na làthair-san:

23 Ma dh'fhanas sibh anns a' chreidimh bunaiteach<sup>5</sup> agus daingean, gun bhi air bhur n-atharrachadh o dhòchas an t-soisgeil, a chuala sibh, agus a shearmonaicheadh do gach uile chreutair a ta fuaidh nèamh; air an d'rinneadh mise Pòl a'm' mhinisteir.

24 Tha mi nis a' deanamh gairdeachais ann am fhulangsaibh air bhur sonsa, agus a' coimhlionadh mheud 's a ta dhéidh-làimh do àmhgharaibh Chrìosd ann am fheòil, air son a chuirpsan, eadhon na h-eaglaise:

25 D'an d'rinneadh mise a'm' mhinisteir a réir stiubhardachd Dhé, a tìugadh dhomh air bhur sonsa, a choimhlionadh focail Dhé;

26 Eadhon an rùn-diomhair a bha fol-aichte o na linnibh, agus o na ginealachaidh a chaidh seachad, ach a nis a tha air fhoill-seachadh d'a naomhaibhsan:

27 D'am bu toil le Dia fhoill-seachadh ciod e saibheas glòire an rùn-diomhair so

<sup>1</sup> annaibse.  
h-uile nitheibh.

<sup>2</sup> chum a thoileachadh sna

<sup>3</sup> eòlas, riochd.

<sup>4</sup> nan uile chreutair.

<sup>5</sup> aitheideilte.



am measg nan Cinneach; neach a's e Crìosd annaibhse, muinghin na glòire;

28 Neach a ta sinne a' searmonachadh, a' toirt rabhaidh do gach duine, agus a' teagasg gach uile dhuine anns an uile ghliocas; chum gu nochd sinn gach uile dhuine 'na làthairsan iomlan ann an Iosa Crìosd:

29 An ni chum a bheileamsa mar an ceudna a' saothreachadh, a' deanamh sbairn a réir oibreachaidhsan, a tha 'g oibreachadh annam gu cumhachdach.

### C A I B. II.

1 *Tha e 'gan earalachadh a bhi bmaiteach ann an Crìosd, 8 agus a bhi air am faicill o bheul-aithrisibh dìomhain, 18 o aoradh do ainglibh, 20 agus o dheus-ghnàthachaidh an lagha, nithe a chrìochnaicheadh ann an Crìosd.*

**O**IR b'àill leam fios a bhi agaibh ciod e meud mo chòmhraig air bhur sonsa, agus *air son na droinge a ta ann an Laodicea, agus air son a mhucud nach fhaca m'aghaidh anns an fhcòil:*

2 Ionnas gu'm faigheadh an cridhe sòlas, air dhoibh bhi air an dlùth-cheangal r'a chèile ann an gràdh, agus chum uile shaibhris an làn-dearb-bheachd tuigse, chum eòlais<sup>1</sup> rùin-dìomhair Dhé, eadhon an Athar, agus Crìosd;

3 Anns am bheil uile ionmhais a' ghliocas agus an eòlais folaichte.

4 Agus so deiream, air eagal gu mcalladh neach air bith sibh le briathraibh tairngeach<sup>2</sup>.

5 Oir ge do tha mi uaibh san fhcòil, gidheadh a ta mi maille ribh san Spiorad, a' deanamh gairdeachais<sup>3</sup> agus a' faicinn bhur n-orduigh, agus seasmhachd<sup>4</sup> bhur creidimh ann an Crìosd.

6 Uime sin mar a ghabh sibh chugaibh an Tighearn Iosa Crìosd, gluaisibh ann:

7 Air dhuibh bhi air bhur freumhachadh agus air bhur togail suas annsan, agus air bhur daingneachadh sa' chreidimh, a réir mar a theagaisgeadh sibh, a' niudachadh ann le breith-buidheachais.

8 Thugaibh an aire nach dean neach air bith foirneart oirbh<sup>5</sup> trid fheallsanachd<sup>6</sup> agus mealltoireachd dhìomhain, a réir beul-aithris<sup>7</sup> dhaoine, a réir ceud-thoiseacha an t-saoghail, agus cha'n ann a réir Crìosd:

9 Oir annsan tha uile iomlaine<sup>8</sup> na di-adhachd a' gabhail còmhnuidh gu corp-orra.

10 Agus tha sibhse coimhionta annsan, neach a's e ceann gach uile uachdranachd agus clumhachd;

11 Anns am bheil sibh mar an ceudna air bhur timchioll-ghearradh leis an timchioll-ghearradh nach d'rinneadh le làmh-

aibh, ann an cur dhibh cuirp pheacanna na feòla, le timchioll-ghcarradh Crìosd:

12 Air dhuibh bhi adblaichte maraon ris ann am baisteadh, anns am bheil sibh mar an ceudna air bhur togail suas maraon ris tre chreidimh oibreachaidh Dhé, a thog suas esan o na marbhaibh.

13 Agus sibhse a bha marbh 'nar n-euceartaibh agus ann an neo-timchioll-ghcarradh bhur feòla, bheothaich e maraon ris, a' maitheadh dhuibh nan uile euceart;

14 A' dubhadh a mach làmh-scriobhaidh nan orduighean d'ar taobhne<sup>9</sup>, a bha 'nar n-aghaidh, agus thug e as an t-slighe i, air dha a sparradh ris a chrann-ceusaidhsan:

15 Air dha uachdranachdan agus cumhachdan a chreachadh<sup>10</sup>, rinn e ball-sampuill diubh gu follaiseach, a' deanamh buaidh-chaitheirm os an ceann tre'n chrann ud féin.

16 Uime sin na d'thugadh aon neach breth oirbh air son bìdh, no dìbhe, no thaobh là féille, no gealaich nuaidh, no shàbaide:

17 A ta 'nan sgàile air na nithibh a ta ri teachd; ach is le Crìosd an corp.

18 Na mealladh aon neach bhur duais uaibh le irioslachd thoileil<sup>11</sup>, agus aoradh do ainglibh, a' foirneadh a steach gu dàna chum nan nithe<sup>12</sup> nach fac e, gu dìomhain air a shéideadh suas le inntinn fheadhainnhoir féin;

19 Agus gun an ceann a chumail, o'm bheil an corp uile, air dha bhi air a bheathachadh trid altan agus bhannan, agus air a dhlùth-cheangal r'a chèile, a' fàs le fàs Dé.

20 Uime sin ma fhuair sibh bàs maille ri Crìosd o cheud thoiseachaibh an t-saoghail, c'ar son, mar dhaoine a ta beo san t-saoghal, a tha sibh fuidh orduighibh,

21 (Na bean ri, na blais, na laimhsich:

22 Nithe a théid uile a neo-ni le'n guathachadh,) a réir àitheantan agus teagasga dhaoine?

23 Nithe gun amharus aig am bheil samhladh gliocais ann an aoradh féin-thoile agus irioslachd, agus mi-chaomhnadh a' chuirp, ni h-ann an onoir sam bith chum sàsachaidh na feòla<sup>13</sup>.

### C A I B. III.

1 *Tha e nochdadh c'ait an còir dhuinn Crìosd iarraidh: 5 Tha e 'g iarraidh orra an namhianna fèdmhor a chlaoidh, 10 an ceann duine chur dhuibh, agus Crìosd a chur umpa; 12 'gan earalachadh chum seirce, irioslachd, agus iomadh dhleasdanas eile.*

**U**IME sin ma dh'éirich sibh maille ri Crìosd, iarraidh na nithe a ta shuas, far am bheil Crìosd 'na shuidhe aig deas làimh Dhé.

<sup>1</sup> aidmheil. <sup>2</sup> seòlta, drùiteach. <sup>3</sup> aoibhneis. <sup>4</sup> daingneachd. <sup>5</sup> cobhartach dhibh. <sup>6</sup> fhògh-lum saoghailta. <sup>7</sup> teagasg dhaoine o làimh gu làimh, seachadais. <sup>8</sup> lùnachd.

<sup>9</sup> a bhu gabhail romhainn. <sup>10</sup> fhaobhachadh, chur as an armaibh. <sup>11</sup> dhèonach. <sup>12</sup> 'ga shàthadh fein na nithibh. <sup>13</sup> ach gun fheum sam bith chum sàsachaidh na feòla.

2 Suidhichibh bhur n-aigne air na nithibh a ta shuas, agus ni h-ann air na nithibh, a ta air an talamh.

3 Oir a ta sibh marbh, agus a ta bhur beatha folaichte maille ri Crìosd, ann an Dia.

4 Nuair a dh'fhoillsichear Crìosd, neach a's e ar beathane, an sin bithidh sibhse mar an ceudna air bhur foillseachadh maraon ris ann an glòir.

5 Uime sin claoidhibh<sup>1</sup> bhur buill, a ta air an talamh, strìopachas, neo-ghloine, fonncollaidh, anamhianna, agus sannt, ni a's iodhol-aoradh:

6 Nithe air son am bheil fearg Dhe a' teachd air cloinn na h-easumhlachd.

7 Anns an robh sibhse mar an ceudna a' gluasad uair-eigin<sup>2</sup>, nuair a bha sibh a' caitheadh bhur beatha 'nam measg<sup>3</sup>.

8 Ach a nis cuiribhse uaibh na nithe so uile; fearg, corruich, mìorun, toibheum, cainnt shalach as bhur beul.

9 Na deanaibh breug d'a chèile, do bhrìgh gu'n do chuir sibh dhibh an seann duine maille r'a ghnìomharaibh,

10 Agus gu'n do chuir sibh umaibh an duine nuadh, a tha air ath-nuadhachadh ann an eòlas, a réir iomhaigh an ti a chruthaich e.

11 Far nach 'eil Greugach no Iudhach, timchioll-ghearradh, no neo-thimchioll-gearradh, *daìne* borb<sup>4</sup>, Scitìanach daor no saor; ach is e Crìosd na h-uile, agus anns na h-uile.

12 Uime sin cuiribhse umaibh (mar dhaoine taghta Dhé naomha agus ionmhuinn) inni g hhròcaire, caomhalachd, irioslachd-inntinn, macantas<sup>5</sup>, fad-fhuilangas;

13 A' giùlan le chèile, agus a' maitheadh d'a chèile, ma tha cùis ghearrain aig neach an aghaidh neach: mar a thug Crìosd maitheanas dhuibhse, mar sin deanaibhse mar an ceudna.

14 Agus thar na nithibh so uile, cuiribh umaibh gràdh<sup>7</sup>, ni a's e coimh-cheangal na foirfeachd.

15 Agus biodh sìth Dhé a' riaghladh ann bhur cridhe, chum am bheil sibh mar an ceudna air bhur gairm ann an aon chorp; agus bithibh taingeil.<sup>8</sup>

16 Gabhadh focal Chrìosd còmhnuidh annaibh gu saibhir san uile ghliocas; a' teagasg agus a' comhairleachadh a chèile le salmaibh, agus laoidhibh, agus dànaibh spioradail, a deanamh ciuil do'n Tighearn le gràs ann bhur cridhe.

17 Agus gach ni air bith a ni sibh ann am focal no ann an gnìomh, deanaibh iad uile ann an ainm an Tighearna Iosa, a' toirt huidheachais do Dhia eadhon an t-Athair trìdsan.

18 A mhnàì, bithibh ùmhal d'ar fear-

aibh féin, mar is cubhaidh, anns an Tighearn.

19 Fheara-pòsda, gràdhaichibh bhur mnàì, agus na bithibh searbh<sup>9</sup> 'nan aghaidh.

20 A chlann, bithibh ùmhal d'ar pàrantaibh anns na h-uile nithibh: oir a ta so taitneach do'n Tighearn.

21 Aithriche, na brosnachibh bhur clann chum fèirge, air eagal gu'n caill iad am misneach.

22 A sheirbhiseacha, bithibh ùmhal d'ar maighstiribh a réir na feòla, anns na h-uile nithibh; cha'n ann le seirbhis-sùl, mar dhroing a ta toileachadh dhaoine, ach ann an tréibhdhireas<sup>10</sup> cridhe, ann an eagal Dé:

23 Agus ge b'e air bith ni a ni sibh, deanaibh o bhur cridhe e, mar do'n Tighearn, agus ni h-ann do dhaoineibh;

24 Air dhuibh fios a bhi agaibh, gu'm faigh sibh o'n Tighearn duais na h-òigh-reachd: oir is ann do'n Tighearn Crìosd a tha sibh a' deanamh seirbhis.

25 Ach an ti a ni eucoir, gheibh e toillteanas na h-eucorach, a rinn e: agus cha 'n eil leth-bhreth ann.

#### C A I B. IV.

1 *Tha e cur impidh orra bhi dùrachdach ann an ùrnuigh*, 5 *gluasad gu glic thaobh na muinntir sin, nach 'eil fathast air teachd chum fìor eòlais Chrìosd*. 10 *Tha e cur fàille orra, agus a' guidheadh gach uile ghnè soirbheis doibh*.

**A** MHAIGHSTIREAN, thugaibh d'ar seirbhiseachaibh an ni sin a tha ceart agus cothromach, air dhuibh fios a bhi agaibh gu bheil agaibh féin maighstir mar an ceudna air nèamh.

2 Buanaichibh ann an ùrnuigh, a' deanamh faire innte le breith-buidheachais;

3 Ag ùrnuigh mar an ceudna air ar soinne, chum gu fosgladh Dia dhuinn dorus na h-ùr-labhaird, a labhairt rùin-diomhair Chrìosd, air son am bheileamsa ann an cuibhearchaibh:

4 Chum gu foillsich mi e, mar is còir dhomh labhairt.

5 Gluaisibh ann an gliocas thaobh na droinge sin a ta 'n leth muigh, ag ath-cheannach<sup>10</sup> na h-aimsire.

6 Biodh bhur còmhradh a ghnàth ann an gràs<sup>11</sup>, air a dheanamh blasda le salann, chum gu'n bi fhios agaibh cionnus is còir dhuibh gach neach a fhreagairt.

7 Foillsichidh Tichicus, bràthair gràdhach, agus ministear dileas, agus coimh-sheirbhiseach san Tighearn, gach ni dhuibh a'm<sup>12</sup> thimchiollsa:

8 A chuir mi d'ar n-ionnsuidh chum na crìche so féin, gu'm biodh fios bhur staidese aige, agus gu'n d'thugadh e comhfhurtachd d'ar cridhibh.

9 Maille ri Onesimus bràthair dileas agus

<sup>1</sup> marbhaibh. <sup>2</sup> roimhe. <sup>3</sup> anna.  
<sup>4</sup> fadhaich, barbarra. <sup>5</sup> tiom-chridhe.  
<sup>6</sup> ciutneas. <sup>7</sup> seirce, carthannachd.

<sup>8</sup> garg. <sup>9</sup> aon-fhillteachd.  
<sup>10</sup> a' fuasgladh. <sup>11</sup> le gràs, gràsail.



gràdhach, a tha dhihbh<sup>1</sup> féin. Ni iad aith-  
nichte dhuibh na h-uile nithe *a tha* an so.

10 Tha Aristarchus mo choimh-phriosun-  
ach a' cur fàilte oirbh, agus Marcus mac  
peathar do Bharnabas, (mu'n d'fhuair sibh  
àitheanta; ma thig e d'ar n-ionnsuidh,  
gabhaibh ris.)

11 Agus Iosa, d'on goirear Iustus,  
muinntir a tha do'n timchioll-ghearradh.  
'S iad sin a mhàin *mo* chomh-oibrichean  
chum rioghachd Dhé, a bha 'nan comh-  
fhurtachd dhomh.

12 Tha Epaphras, a tha dhihbh féin,  
seirbhiseach Chrìosd, a' cur fàilte oirbh, a  
ghnàth a' deanamh sbàirn dhùrachdaich air  
bhur son ann an ùrnuighibh, chum gu seas  
sibh fàirfe, agus coimhlionta ann an uile  
thoil Dhé.

13 Oir tha mi deanamh fianuis dha, gu

bheil aige mòr theas-ghradh dhuibhse, agus  
dhoibhsan, a tha ann an Laodicea, agus do'n  
mhuinntir a tha ann an Hierapolis.

14 Tha Lucas, an léigh gràdhach, agus  
Demas a' cur fàilte oirbh.

15 Cuiribh fàilte air na bràithribh a tha  
ann an Laodicea, agus air Nimphas, agus  
air an eaglais, *a tha* 'na thigh.

16 Agus an uair a leughar an litir so  
'nar measgsa, thugaibh faineas gu'n leughar  
i ann an eaglais nan Laodiceanach mar an  
ceudna; agus gu'n leugh sibhse cuideachd  
an litir o Laodicea.

17 Agus abraibh ri Archipus, Thoir an  
aire do'n mhinistirealachd, a fhuair thu san  
Tighearn, gu'n coimhlion thu i.

18 Fàilte uamsa Pòl le m' laimh féin.  
Cuimhnichibh mo ehuibhreacha. Gràs *gu*  
*robh* maille ribh. Amen.

## CEUD LITIR AN ABSTOIL PHOIL CHUM NAN TESALONIANACH.

### CAIB I.

2 *Tha Pòl a' toirt fios do na Tesalonianach*  
*co chuimhneachail agus a bha e orra anns*  
*gach àin, ann an breith-buidheachais agus*  
*ùrnuigh air an son; 5 agus mar an ceudna*  
*co dhearbhta's a bha e do fhèirinn, agus do*  
*thrèibhdhircas an creidimh, agus an impoch-*  
*aith ri Dia.*

**P**OL, agus Silvanus, agus Timotus  
chum eaglais nan Tesalonianach *a tha*  
ann an Diaant-Athair, agus anns an Tighearn  
Iosa Crìosd: gràs duibh, agus sìth o Dhia  
ar n-Athair, agus o'n Tighearn Iosa Crìosd.

2 Tha sinn a' toirt buidheachais do Dhia  
a ghnàth air bhur sonsa uile, a toirt  
iomraidh oirbh ann ar n-ùrnuighibhne.

3 A' cuimhneachadh gun sgar obair bhur  
creidimh, agus saothair bhur gràidh agus  
foighidin bhur dòchais 'nar Tighearn Iosa  
Crìosd, am fianuis Dé, agus ar n-Atharne:

4 Air dhuinn fios a bhi againn, a bhràithre  
gràdhach le Dia, air bhur taghadhsa<sup>2</sup>.

5 Oir eha d'fhainig ar soisgeulne d'ar  
n-ionnsuidhe ann am focal a mhàin, ach  
mar an ceudna ann an cumhachd, agus anns  
an Spiorad naomh, agus ann am mòr lan  
dearbhadh; mar is aithne dhuibh ciod a'  
ghnè dhaoine bha annainn 'nar measg air  
bhur sonsa.

6 Agus rinneadh sibh 'nar luchd-lean-  
mhuinn oirne, agus air an Tighearn, 'nuair  
a ghabh sibh ris an fhocal ann am mòr  
àmghar, le h-aoibhneas an Spioraid  
naomh:

7 Ionnnas gu robh sibh 'nar n-eis-  
empliribh<sup>3</sup> dhoibhsan uile, a tha creidsinn  
ann am Macedonia, agus ann an Achaia.

8 Oir uaibhse chaidh fuaim focail an  
Tighearn mach, cha'n ann a mhàin ann  
am Macedonia agus ann an Achaia, aeh  
mar an ceudna anns gach ait, tha bhur  
creidimh ann an Dia air a sgaoileadh a  
mach, ionnas nach 'eil feum air sinne a  
labhairt ni air bith.

9 Oir a ta iad féin a' foillseachadh mu'r  
timchiollne, ciod a' ghnè dol a steach a bha  
againn d'ar n-ionnsuidhse, agus eionnus a  
phill sibh chum Dhé o iodholaibh, a  
dheanamh seirbhis do'n Dia bheo agus  
fhìor.

10 Agus gu feitheamh r'a Mhac o nèamh,  
a thog e suas o na marbhaibh, *eadhon* Iosa  
a shaor<sup>4</sup> sinne o'n fheirg a ta ri teachd.

### CAIB II.

1 *Tha e cur an cèill cionnus a chaidh an*  
*soisgeul a shearmonachadh do na Tesalo-*  
*nianachaibh, agus ciod an dòigh air an do*  
*ghabh iad ris.* 18 *Tha reuson air a thabh-*  
*airt c'ar son a bha Pòl co fhada uatha,*  
*agus mar an ceudna c'ar son a ta nis a thog-*  
*radh co mòr r'am faicinn.*

**O**IR is aithne dhuibh féin, a bhràithre,  
ar dolne a steach d'ar n-ionnsuidh,  
nach robh e ann an diomhanas.

2 Ach fòs air dhuinn fulang roimhe,  
agus an dèigh ar maslachaidh ann am  
Philipi, mar is aithne dhuibh, bha dànachd  
againn ann ar Dia-ne soisgeul Dé a labhairt  
ri bheas maille ri gleachda mòr.

3 Oir cha robh ar n-earainne o mheall-  
toireachd, no o neo-ghloine, no ann an  
ceilg:

4 Ach mar a mheasadh sinne le Dia mar  
dhroing a b'iomchuidh an soisgeul earbsadh

<sup>1</sup> uaibh. <sup>2</sup> air bhur taghadhsa le Dia.  
<sup>3</sup> samhlachasaibh.  
210

<sup>4</sup> a shaoras.

ruinn, is amhuil sin a labhramaid, ni h-ann mar dhroing a tha toileachadh dhaoine, ach Dhé, a tha dearbhadh ar cridheacha.

5 Oir cha do ghnàthaich sinn uair air bith briathra miodalach, mar is aithne dhuibh, no leithsgeul saintt; <sup>3</sup> s e Dia ar fianuis.

6 Ni mò dh'iarr sinn urram <sup>1</sup> o dhaoineibh, no uaibhse, no o dhaoineibh eile, ge d'fheudamaid ar trom a leagadh oirbhse, mar abtola Criosd.

7 Ach bha sinn caomh 'nar measgsa, amhuil a dh'altrumas <sup>2</sup> banaltrum a clann féin :

8 Mar sin, air bhi dhuinne ro dhéidheil oirbhse <sup>3</sup>, bu toileach leinn cha'n e mhàin soisgeul Dhé a phàirteachadh <sup>4</sup> ribh, ach mar an ceudna ar n-anama féin, do bhrìgh gu robh sibh ro ionmhuinn leinn.

9 Oir is cuimhne leibh, a bhràithre, ar saothair agus ar sgios-ne: oir air dhuinn bhi ri h-obair a dh'oidhch' agus a là, chum nach cuireamaid tron air neach sam bith agaibh, shearmonaich sinn duibh soisgeul Dé.

10 Is fianuisean sibhse, agus Dia, cia naomha, agus cia cothromach <sup>5</sup>, agus neo-lochdach a ghiùlain sinne sinn féin 'nar measgsa, a ta creidsinn :

11 Mar is aithne dhuibh, cionnus a dh'earailich sinn, agus a thug sinn comh-fhurtachd, agus a chuir sinn impidh air gach aon agaibh fa leth, (mar a ni Athair d'a chloinn.)

12 Gu'n gluaiseadh sibh gu cubhaidh do Dhia, a ghairm sibh chum a rioghachdagus a ghloire féin.

13 Uime sin, a ta sinne mar an ceudna a' toirt buidheachais do Dhia gun sgar, do bhrìgh 'nuair a ghabh sibh ri focal Dé, a chuala sibh uainne, gu'n do ghabh sibh ris cha'n ann mar fhocal dhaoine, ach (mar is e gu fìrinneach) focal Dé, a tha 'g oibreachadh gu h-èifeachdach annaibhse, a ta creidsinn.

14 Oir rinneadh sibhse, a bhràithre, 'nar luchd-leanmhuinn air eaglaisibh Dhé ann an Iudea, a tha ann Iosa Criosd: oir dh'fhuiling sibhse na nithe ceudna o bhur luchd-dhìthcha féin, mar a dh'fhuiling iadsan o na Iudhachaibh,

15 A chuir araon an Tighearn Iosa, agus am fàidhean féin gu bàs, agus a rinn geur-leanmhuinn oirne; agus nach 'eil a' toileachadh Dhé, agus a tha'n aghaidh nan uile dhaoine:

16 A tha bacadh dhinne labhairt ris na Cinneachaibh, chum gu'm biodh iad air an slànachadh, chum sir-lionaidh suas am peacaidh: oir thainig an fhearg orra fa dheireadh <sup>6</sup>.

17 Ach air dhuinne, a bhràithre, bhi air ar dealachadh uaibhse rè tamuil bhig, am pearsa, ach cha'n ann an cridhe, is ro mhòid

a rinn sinn dìchioll air bhur n-aghaidh fhaicinn le mòr thogradh.

18 Uime sin bu mhiann leinn teachd d'ar n-ionnsuidh, (eadhon leamsa Pòl) uair no dhà: ach bhac Satan sinn.

19 Oir ciod e ar dòchasne, no ar n-aoibhneas, no ar crùn-uaille? nach sibhse féin e am fianuis ar Tighearna Iosa Criosd aig a theachd?

20 Oir is sibhse ar glòirne agus ar n-aoibhneas.

## CAIB. III.

1 Tha Pòl a' dearbhadh a mhòr ghràidh do na Tesalonianaich, le Timoteus a chur d'ar ionnsuidh, chum an neartachadh agus comh-fhurtachd a thoirt doibh, agus le a ghairdeachas 'nan deadh ghiùlan, 18 agus le a ùrnuigh a dheanamh air an son, agus le a mhòr thogradh air teachd gu tèaruinte d'ar ionnsuidh.

AIR an aobhar sin an uair nach b'urradh sinn cumail oirun féin ni b'fhaide, bu taitneach leinn bhi air ar fàgail 'nar n-aonar am baile na h-Aithne:

2 Agus chuir sinn Timoteus ar bràthair agus ministear Dhé agus ar comh-oibriche ann an soisgeul Chrìosd, chum sibhse a dhaingneachadh, agus comhfhurtachd a thoirt duibh, mu thimchioll bhur creidimh;

3 Chum nach gluaiseadh <sup>7</sup> neach air bith agaibh leis na trioblaidibh so, oir a ta fhios agaibh féin gu'n d'orduicheadh sinn chuige so.

4 Oir gu deimhin an uair a bha sinn maille ribh, dh'innis sinn duibh roimhlàimh gu robh sinn gu àmhghar <sup>8</sup> fhulang; eadhon mar a thachair, agus is aithne dhuibh.

5 Air an aobhar so, 'nuair nach robh mise comasach air cumail orm féin ni b'fhaide, chuir mi a dh'fhaghail fios mu'r creidimh, an t-eagal air chor sam bith gu'n do bhuair am buaireadair sibh, agus gu'n biodh ar saothairne dìomhain.

6 Ach a nis an uair a thainig Timoteus uaibhse d'ar n-ionnsuidhne, agus a thug e deadh sgeul duinn mu'r creidimh agus bhur gràdh, agus gu bheil cuimhne mhaith agaibh oirne a ghnàth, a' miannachadh gu mòr sinne fhaicinn, amhuil a ta sinne mar an ceudna sibhse fhaicinn.

7 Uime so, a bhràithre, fhuair sinne comhfhurtachd d'ar taobh ann ar n-uile àmhghar agus theinn, tre bhur creidimhse:

8 Oir a ta sinne beo a nis, ma sheasas sibhse gu bunaiteach san Tighearn.

9 Oir ciod am buidheachas a dh'fheudas sinn iocadh do Dhia as bhur lethse, air son an aoibhneis sin uile, leis am bheil sinn ri gairdeachas d'ar taobh am fianuis ar Dé-ne,

10 A dh'oidhche agus a là a' guidheadh gu ro dhùrachdach gu faiceamaid bhur

<sup>1</sup> glòir. <sup>2</sup> dh'eiridneas. <sup>3</sup> ro dheothasach  
<sup>4</sup> a comh-roinn. <sup>5</sup> h-ionraic.

<sup>6</sup> agus a' chuid a's faide.  
<sup>7</sup> trioblaid.

<sup>7</sup> gluaisfeadh.



n-aghaidhse, agus gu leasaicheamaid uireasbhuidh bhur creidimh?

11 A nis gu deanadh Dia féin, eadhon ar n-Athair, agus ar Tighearn Iosa Críost ar slighene a threòrachadh d'ar n-ionnsuidhse.

12 Agus gu d'thugadh an Tighearn oirbh fás, agus bhi ro pháil ann an grádh d'a chéile, agus do na h-uile dhaoineibh, mar a ta sinne dhuibhse:

13 Chum gu daingnich e bhur chridheacha neo-choircach ann an naomhachd an fianuis Dé, eadhon ar n-Athair, aig teachd ar Tighearna Iosa Críost maille ra naomhaibh<sup>1</sup> uile.

C A I B. IV.

1 *Tha e cur impidh orra dol air an aghaidh anns gach uile ghné dhiadhachd, 6 am beatha a chaitheadh gu naomha agus gu cothromach, 9 a chéile a ghrádhachadh, 11 agus an gnóthuichean féin a leantuinn gu sámhach &c.*

**O**S barr ma ta, a bhràithre, cuireamaid a dh'impidh agus a dh'athchuinge oirbh tre'n Tighearn Iosa, mar a fhuair sibh uainne cionnus is cóir dhuibh imeachd, agus Dia a thoileachadh, gu meudaicheadh sibh mar sin ni's mò agus ni's mó.

2 Oir a ta fhios agaibh ciod iad na h-aitheantan, a thug sinne dhuibh tre'n Tighearn Iosa.

3 Oir is i so toil Dhé eadhon bhur naomhachadhsa, sibh a sheachnadh stríopachais:

4 Gu'm b'aithne do gach aon agaibh a shoithcach féin a shealbhachadh ann an naomhachd, agus ann an onoir;

5 Cha'n ann ann am fonn anamhiannach, mar a ni na Cinnich aignach eileolas air Dia:

6 Gun neach air bith a dheanamh eucóir no mealltaireachd sa' chúis air a bhràthair: do bhrìgh gur e'n Tighearn a ni dìoghaltas air an uile leithidibh sin, a réir mar a dh'innis sinne mar an ceudna duibh roimhe, agus a rinn sinn fianuis.

7 Oir cha do ghairm Dia sinne gu neoghloine, ach gu naomhachd.

8 Uime sin an noach a ni tàir, cha'n ann air duine tha e deanamh tàir, ach air Dia, a thug dhuinne a Spiorad naomha féin.

9 Ach a thaobh gràidh bràthaireil, cha n'eil feum agaibh mise a scriobhadh d'ar n-ionnsuidh: oir a ta sibh féin air bhur teagasg o Dhia grádh a thoirt d'a chéile.

10 Agus gu deimhin tha sibh a' deanamh so thaobh nam bràthair uile, a tha ann am Macedonia gu h-ìomlan: ach guidheamaid oirbh, a bhràithre, sibh a mheudachadh ni's mò agus ni's mó;

11 Agus gu'n dean sibh bhur dìchioll a bhí ciuin, agus bhur gnóthuiche féin a dheanamh, agus aoi-threachadh le'r lámhaibh féin, (anbhuil a dh'aithn sinne dhuibh.)

12 Chum gu'n gluais sibh gu cubhaidh

thaobh na muinntir 'sin a ta'n leth muigh, agus nach bi uireasbhuidh ni sam bith oirbh.

13 Ach cha b'aill leam, a bhràithre, sibh a bhi aineolach thaobh na muinntir sin, a tha 'nan codal, chum nach dean sibh bròn, eadhon mar dhaoine eile aig nach 'eil dòchas.

14 Oir ma chreideas sinn gu'n d'fhuair Iosa bàs, agus gu'n d'éirich e ris, amhuil sin mar an ceudna an droing, a choidil ann an Iosa, bheir Dia maille ris.

15 Oir so a deireamaid ribh ann am focal an Tighearna, nach bi againne, a tha beo agus a dh'fhàgar gu teachd an Tighearna, toiseach orrasan a tha 'nan codal.

16 Oir thig an Tighearn féin a nuas o nèamh le'àrd iolaich<sup>2</sup>, le guth an àrd-aingeil, agus le trompaid Dhé: agus éiridh na mairbh ann an Críost air tús:

17 An déigh sin, sinne a bhios beo agus a dh'fhàgar, togar suas sinn maille rianamh na neulaibh, an còdhail an Tighearna san athar; agus mar sin bithidh sinn gu sìorruidh maille ris an Tighearn.

18 Uime sin, thugaibh comhfhurtachd d'a chéile leis na briathraibh so.

C A I B. V.

1 *Tha e dol air aghaidh ann an labhairt ma theachd Chríost gu breitheanas, 16 a' toirt ìomadh comhairle, 23 agus a' comh-dhùnadh na litreach.*

**A**CH mu thimchioll nan aimsir agus na h-àm cha n'eil feum agaibhse, a bhràithre, mise a scriobhadh d'ar n-ionnsuidh.

2 Oir a ta sàr fhios agaibh féin gu'n d'thig là an Tighearna, mar ghaduiche san oidhche.

3 Oir an uair a deir iad, Sìothchaint agus tèaruinteachd, an sin thig sgrios obann orra, mar shaothair air mnaoi thorraich; agus cha d'théid iad as.

4 Ach cha n'eil sibhse, a bhràithre, san dorchadas, ionnas gu'm beireadh an là sin oirbh mar ghaduiche.

5 Is sibhse uile clann an t-soluis, agus clann an là: cha'n ann do'n oidhche, no do'n dorchadas sinn.

6 Uime sin, na coidleamaid mar dhaoine eile; ach deanamaid faire agus bitheamaid stuama<sup>3</sup>.

7 Oir an dream a choidleas, is anns an oidhche choidleas iad: agus an dream a tha air mhisg, is anns an oidhche tha iad air mhisg.

8 Ach bitheamaidne, a tha do'n là, stuama, a' cur oian uchd-éididh a' chreidimh agus a ghráidh, agus mar chlogoide, dòchas<sup>4</sup> na sláinte.

9 Oir cha d'orduich<sup>5</sup> Dia sinn chum feirge; ach chum sláinte fhaotainn tríd ar Tighearna Iosa Críost,

<sup>1</sup> maille r'a ainglibh naomha.    <sup>2</sup> gair.

<sup>3</sup> neasurra.    <sup>4</sup> earbsa.    <sup>5</sup> cha do shonraich.

10 A fhuair bàs air ar son, chum co aca is codal no faireach dhuinn, gu'm bitheamaid beo maraon ris.

11 Uime sin thugaibh comhfhurtachd d'a chéile, agus togaibh suas gach aon a chéile, eadhon mar a ta sibh a' deanamh.

12 Agus guidheamaid oirbh, a bhràithre, aithne bhi agaibh air an dream, a tha saothreachadh 'nar measg, agus a tha os bhur ceann san Tighearn, agus a tha 'gar comhairleachadh;

13 Agus meas mòr a bhi agaibh dhiubh ann an gràdh air son an oibre. Bithibh sìothchail 'nar measg fèin.

14 A nis guidheamaid oirbh, a bhràithre, thugaibh rabhadh dhoibhsan, a tha miriaghailteach, thugaibh comhfhurtachd dhoibhsan, a tha lag-chridheach, cumaidh suas iadsan, a ta amhunn', bithibh foighidneach a thaobh nan uile dhaoine.

15 Feuchaibh nach ioc neach olc air son uile do dhuine sam bith: ach leanaidh' a ghnàth an ni a ta maith, araon d'ar taobh fèin, agus a thaobh nan uile dhaoine.

16 Deanaibh gairdeachas a ghnàth.

17 Deanaibh ùrnuigh gun sgur.

18 Anns gach uile ni thugaibh buidheachas; oir is i so toil Dé ann an Iosa Crìosd d'ar taobh.

19 Na mùchaibh<sup>2</sup> an Spiorad.

20 Na deanaibh tàir air fàidheadaireachd.

21 Dearbhaibh na h-uile nithe: cumaidh gu daingean an ni sin a ta maith.

22 Seachnaibh gach uile choslas uile.

23 Agus gu deanadh Dia na sìothchaint fèin naomha sibh gu h-iomlan; agus gu deònaicheadh Dia gu'n bi bhur n-uile spiorad agus anam agus chorp air an gleidheadh gu neo-choireach gu teachd ar Tighearna Iosa Crìosd.

24 Is fìrinneach an ti a ta 'gar gairm, neach mar an ceudna a ni e.

25 A bhràithre, deanaibh ùrnuigh air ar soin-ne.

26 Cuiribh fàilte air na bràithribh uile le pòig naomha.

27 Sparram oirbh a h-uchd an Tighearna, gu'n leughar an litir so do na bràithribh naomha uile.

28 Gu robh gràs ar Tighearna Iosa Crìosd maille ribh. Amen.

## DARA LITIR AN ABSTOIL PHOIL CHUM NAN TESALONIANACH.

### CAIB. I.

1 Tha Pòl a' toirt fios doibh air an deadh bharail, a ta aige mu'n creidinnh, an gràdh, agus an foighidin; 5 agus a' gnàthachadh reusona chum comhfhurtachd a thoirt doibh fa'n geur-leanmhuinn, gu h-àraidh o cheart bhreitheanas Dé.

**P**OL agus Siluanus, agus Timoteus, chum eaglaise nan Tesalonianach, ann an Dia ar n-Athair, agus anns an Tighearn Iosa Crìosd:

2 Gràs gu robh dhuibh, agus sìth o Dhia ar n-Athair, agus o'n Tighearn Iosa Crìosd.

3 Tha dh'fhiachaibh oirme buidheachas a thoirt do Dhia a ghnàth air bhur sonsa, a bhràithre, mar is cubhaidh, do bhrìgh gu bheil bhur creidimh a' fàs gu ro mhòr, agus gu bheil gràdh gach aon agaibh uile a' meudachadh d'a chéile:

4 Ionnas gu bheil sinne fèin a' deanamh uaille asaihbse ann an eaglaisibh Dhé, air son bhur foighidin agus bhur creidimh ann bhur n-uile gheur-leanmhuinnibh agus àmhgharaibh, a tha sibh a' fulang:

5 Ni a ta 'na chomhara follaiseach air ceart bhreitheanas Dé, chum gu measar gur airidh sibhse air rioghachd Dhé, air son am bheil sibh a' fulang:

6 Do bhrìgh gur ceart an ni do Dhia, àmhghar iocadh dhoibhsan, a ta cur àmhghair oirbh;

7 Agus dhuibhse a ta fa àmhghar, fois maraon ruine, 'nuair a dh'fhoillsichear an Tighearn Iosa o nèamh, maille r'a ainglibh cumhachdach,

8 Ann an teine lasara, a' deanamh dìoghaltas air an droing, aig nach 'eil eòlas air Dia, agus nach 'eil umhal do shoisgeul ar Tighearna Iosa Crìosd:

9 Muinntir air an deanar peanas le sgrios sìorraidh o làthair an Tighearna, agus o ghlóir a chumhachd;

10 'Nuair a thig e gu bhi air a ghlòrachadh 'na naomhaibh, agus chum gu'n deanar iongantach e anna-san uile, a ta creidsinn san là sin; (do bhrìgh gu'n do chreideadh ar fianuisne 'nar measga.)

11 Air an aobhar so tha sinne mar an ceudna a' deanamh sìr-ùrnuigh air bhur sonsa, chum gu meas ar Dia-ne gur fiu sibhse an gairm so, agus gu'n coimhion e uile dheadh-ghean a mhaithes, agus obair a' chreidinnh le cumhachd:

12 Chum gu'm bi ainm ar Tighearna Iosa Crìosd air a ghlòrachadh annaibhse, agus sibhse annsan, a rèir gràis ar Dé-ne, agus an Tighearna Iosa Crìosd.

<sup>1</sup> deanaibh cùl-taic dhoibhsan a ta lag.

<sup>2</sup> coisgibh.



## CAIB. II.

1 *Is àill leis iad a bhuanachadh san fhìrinn ris an do ghabh iad: 3 tha e a' nochdadh gu'm bi clonadh o'n chreidimh ann, 9 agus gu'm foillsichear an t-anacriosd rounh theachd là an Tighearna; 15 agus an lorg so tha e 'g aithris a ris a cheud earail, agus a' deanamh ùrnuigh air an son.*

**A**NIS guidheamaid oirbh, a bhràithre, thaobh<sup>1</sup> teachd ar Tighearna Iosa Crìosd, agus ar comh-chruinneachaidhne d'a ionnsuidh,

2 Gun sibh bhi h-ealamh air bhur crathadh<sup>2</sup> 'nar n-inntinn, no fa bhuaireas<sup>3</sup>, le spiorad, no le focal, no le litir, mar uainne, mar gu'm biodh là Chrìosd ann fagus.

3 Na mealladh neach sam bith sibh air aon chor: oir cha d'thig an là sin mur d'thig air tùs tréigeadh-creidimh, agus mur foillsichear duine sin a' pheacaidh, mac an sgrios;

4 A tha cur an aghaidh agus 'ga àrdachadh féin os cionn gach ni d'an goirear Dia, no d'an deantar aoradh<sup>4</sup>; ionnas mar Dhia gu bheil e 'na shuidhe ann an teampull Dhé, 'ga nochdadh féin gur Dia e.

5 Nach cuimhne leibh, air dhomh bhi fathast maille ribh, gu'n d'innis mi na nithe so dhuibh?

6 Agus is aithne dhuibh ciod a tha bacadh nis e bhi air fhoillseachadh 'na àm féin.

7 Oir a ta rùn-dìomhair na h-aindiadhachd ag oibreachadh cheana, a mhàin gus an toirear air falbh an ti a ta nis a' bacadh<sup>5</sup>.

8 Agus an sin foillsichear an t-aingidh sin, a chlaoidheas an Tighearn le h-anail<sup>6</sup> a bheoil féin, agus d'an cuir e as le dealradh a theachd:

9 Eadhon esan aig am bheil a theachd a réir oibreachaidh Shatain, maille ris an uile chumhachd, agus chomharaibh, agus iongantasaibh breugach,

10 Agus maille ri uile mhealltaireachd na h-eucorach anntasan, a chaillear; a chionn nach do ghabh iad gràdh na fìrinn, chum gu slànuichteadh iad.

11 Agus air a shon so cuiridh Dia treun oibreachadh meallaidh d'an ionnsuidh, ionnas gu'n creid iad a' bhreug.

12 Chum gu'm bi iad uile air an dìteadh, nach do chreid an fhìrinn, ach aig an robh tlachd anns an eucoir.

13 Ach a ta dh'fhiachaibh oirnne buidheachas a thoirt do Dhia a ghnàth air bhur sonsa, a bhràithre, ionmhuinn do'n Tighearn, do bhrìgh gu'n do thagh Dia sibh o thùs chum slàinte, tre naomhachadh an Spioraid, agus creidsinn na fìrinn:

14 Chum an do ghairm e sibh trid ar

soisgeilne, chum sibh a dh'fhaotainn gloire ar Tighearna Iosa Crìosd.

15 Uime sin, a bhràithre, seasaihb gu daingean, agus cumaibh na teagasgan a thugadh dhuibh, co dhiubh is ann le focal, no le'r litirne.

16 A nis gu'n tugadh ar Tighearn Iosa Crìosd e féin, agus Dia, eadhon ar n-Athairne, a ghràdhaich sinn, agus a thug dhuinn sòlas sìorruidh, agus dòchas maith tre ghràs.

17 Comhfhurtachd d'ar cridhese, agus gu daingnicheadh e sibh anns gach uile dheadh fhocal agus ghnìomh.

## CAIB. III.

1 *Tha e 'g iarraidh an ùrnuigh air a shon féin;*

3 *a' cur an cèill meud an earbsaidh a tha aige asda,*

5 *a' guidheadh Dhé as an leth,*

6 *a' toirt iomadh comhairle orra, 'ga h-àraid iad a sheachnadh dìomhanais, agus droch-cuideachd; &c.*

**F**A dheoidh, a bhràithre, deanaibh ùrnuigh air ar soinne, chum gu'n ruith focal an Tighearna, agus gu'm bi e air a ghlòrachadh mar ann bhur measga;

2 Agus chum gu saorar siune o dhaoineibh mi-reusonta agus olc: oir cha'n ann aig na h-uile a ta creidimh.

3 Ach a ta an Tighearn dileas, a dhaingnicheas agus a choimhideas o'n olc<sup>7</sup> sibh.

4 Agus a ta earbsa againn san Tighearn d'ar taobhsa, gu bheil sibh araon a' deanamh agus gu'n dean sibh na nithe, a tha sinn ag àithneadh dhuibh.

5 Agus gu seòladh an Tighearn bhur cridheacha chum gràidh Dhé, agus chum foighidin Chrìosd<sup>8</sup>,

6 A nis àithneamaid dhuibh, a bhràithre, ann an ainn ar Tighearna Iosa Crìosd, sibh féin a dhealachadh ris gach uile bhràthair, a tha 'g imeachd gu mi-riaghailteach, agus ni h-ann a réir an teagaisg, a fhuair e uainne.

7 Oir a ta fhios agaibh féin cionnus is còir dhuibh ar lorgne leantuinn: oir cha do ghiùlain sinne sinn féin gu mi-riaghailteach<sup>9</sup> nar measg;

8 Ni mò a dh'ith sinn aran duine sam bith a nasgaidh; ach le saothair agus an-shocair, a dh'oidhche agus a là ri h-obair, chum nach cuiréamaid ar trom air a h-aon agaibh:

9 Cha'n e nach 'eil comas<sup>9</sup> againn, ach a chum gu'n deanamaid sinn féin 'nar n-eisempler dhuibhse, gu ar leantuinn.

10 Oir an uair a bha sinn maille ribh, thug sinn an àithne so dhuibh, mur àill le neach obair a dheanamh, gun e dh'itheadh bidh.

11 Oir tha sinn a' cluinntinn gu bheil daoine àraidh ag imeachd gu mi-riaghailteach<sup>6</sup> 'nar measg, nach 'eil a' deanamh oibre

<sup>1</sup> trid. <sup>2</sup> fa uideal. <sup>3</sup> mhaoin, gioraig.

<sup>4</sup> a ta urramach. <sup>5</sup> a mhàin an nì a ta cur bacaidh a nis, bacaidh agus an toirear air falbh e.

<sup>6</sup> spiorad. <sup>7</sup> o'n droch spiorad.

<sup>8</sup> feitheamh gu foighidneach ri Crìosd.

<sup>9</sup> ughlarras, còir.

sam bith, ach a' gabhail gnothuich ri nithibh nach buin doibh.

12 A nis tha sinn a' toirt àithne d'an leithidibh sin, agus ag earail orra trid ar Tighearna Iosa Criosd, le saothreachadh gu ciuin, gu'n ith iad an aran féin.

13 Agus sibhse, a bhràithre, na sgèithichibh do dheanamh maith.

14 Agus ma ta neach sam bith nach toir ùmhlaichd d'ar focalne trid an litir so, comharaichibh esan, agus na biodh comhladar agaibh ris, chum gu'm bi nàire air.

15 Gidheadh na measaibh e mar nàmhaid, ach thugaibh comhairle air mar bhràthair.

16 A nis gu'n d'thugadh Tighearna na sìth e féin sìth dhuibhse a ghnàth, air gach aon chor. *Gu robh an Tighearna maille ribh uile.*

17 Fàilte uamsa Pòl le m' làimh féin, nì a's e an comhara anns gach uile litir: mar so scrìobham.

18 Gràs ar Tighearna Iosa Criosd *gu robh maille ribh uile.* Amen.

## CEUD LITIR AN ABSTOIL PHOIL CHUM THIMOTEUIS.

### CAIB. I.

1 *Tha an t-ordugh a thugadh do Thimoteus, nuair a chaidh Pòl do Mhacedonia, air a chur an cuimhne dha, 5 Mu thinnchioll feum dligheach an lagha, 11 agus gairm Phòil gu bhì na abstol; 20 agus mu Himeneus agus Alecsander.*

**P**OL abstol Iosa Criosd, a réir àithne Dhé ar Slànuighir, agus an Tighearna Iosa Criosd, *neach a's e ar dòchas;*

2 Chum Thimoteuis m'fhìor mhac anns a' chreidimh: gràs, tròcair, agus sìth o Dhia ar n-Athair, agus o Iosa Criosd ar Tighearna.

3 Mar a dh'iarr mi ort fantuinn ann an Ephesus, nuair a chaidh mi do Mhacedonia, chum gu'n d'thugadh tu ordugh do dhream àraidh gun atharrachadh teagaisg a thoirt uatha;

4 Agus gun aire a thoirt do sgeulachdaibh, agus do shloinnteachd neo-chrìochnaich, a bheir aobhar do cheisibh, nì's mò na do fhòghlum diadhaidh, a tha tre chreidimh: *dean mar sin.*

5 A nis 's e's crìoch do'n àithne gràdh a cridhe glan, agus a coguis mhaith, agus a creidimh neo-chealgach:

6 Nìthe air do dhream àraidh claoonadh uatha, chaidh iad a thaobh chum dìomh-anais cainnte.

7 A' miannachadh bhì 'nan luchd-teagaisg an lagha, agus gun iad a' tuigsinn cìod a deir iad, no cìod iad mu'm bheil iad a' toirt ciunte.

8 Ach tha fhios againn gu bheil an lagh maith, ma ghnàthaicheas neach gu dligheach e:

9 Air do fhios so a bhì aige, nach ann do dhuine fireanach a dh'orduicheadh an lagh, ach do dhaoineibh neo-dhligheach agus eas-ùmhla, dhoibhsan a ta mi-dhiadhaidh, agus do pheacachaibh, do dhaoineibh mì-naomba agus neo-chràbhach, do luchd-marbhaidh aithriche, agus do luchd-marbhaidh mhàithriche, do luchd-mortaich,

10 Do luchd-strìopachais, do luchd-ana-

nìhianna mì-nàdurra, do luchd-goid dhaoine, do bhreugairibh, do luchd-eithich, agus ma tha nì sam bith eile a tha'n aghaidh teagaisg fhallain,

11 A réir soisgeil ghlòrmhoir an Dé bheannuichte, a dh'earbadh riumsa.

12 Agus bheiream buidheachas do Iosa Criosd ar Tighearna, a neartaich mi, do bhrìgh gu'n do mheas e mì dìleas, 'gam chur sa' mhinistreachd;

13 A bha roimhe a'm' fhear-labhairt toibheim, agus a'm' fhear-geur-leannmhuinn, agus a'm' dhuine eucorach. Ach fhuair mi tròcair, do bhrìgh gu'n d'rinn mi so tre ain-eolas, ann am mì-chreidimh:

14 Agus bha gràs ar Tighearna thar tomhas ro-phailte *dhomh*, maille ri creidimh, agus ri gràdh a ta ann an Iosa Criosd.

15 Is fìor an ràdh so, agus is fìu e air gach aon chor gabhail ris, gu'n d'thainig Iosa Criosd do'n t-saoghal a thearnadh pheacach; d'am mise an ceud-fhear.

16 Gidheadh, air a shon so fhuair mi tròcair, chum gu'm foillsicheadh Criosd annamsa air tùs an uile fhad-fhulangas, mar shaimpleir<sup>1</sup> dhoibhsan a chreideadh ann an déigh so, chum na beatha maireann-aich.

17 A nis do'n Rìgh shiorruidh, neo-thruaillidh, neo-fhaicsinnach, do'n Dia a ta mhàin glie, *gu robh* onoir agus glòir, gu saoghal nan saoghal. Amen.

18 An àithne so earbam riut Thimoteuis a mhic, a réir nam fàidheadaireachd, a rinneadh umad roimhe so, chum tridsan gu'n cogadh tu deadh chogadh,

19 A' coinhead creidimh agus deadh choguis; nì air do chuid do dhaoineibh a chur uatha, rinn iad long-bhriseadh thaobh a' chreidimh.

20 D'am bheil Himeneus agus Alecsander; muinntir a thug mise thairis do Shatan, chum, le'n smachdachadh, gu'm fòghlumadh iad gun toibheum a labhairt.

<sup>1</sup> shamhlachas.



## CAIB. II.

1 Gur còir ùrnuigh agus breith-buidheachais a ghnàthachadh air son nan uile dhaoine.

9 Cionnus is còir do mhnàibh bhì air an sgeadachadh: 12 cha 'nèil e ceadaidhte dhoibh teagasg a thoirt uatha: &c.

**I**ARRAM, uime sin, roimh na h-uile nithibh, gu'n deanar athchuinge, ùrn-uighean, eadar-ghuidheadh, agus breith-buidheachais air son nan uile dhaoine:

2 Air son rìghrean, agus air son nan uile a tha ann an ìghdarras: chum gu'n caith sinn ar beatha gu foisneach agus gu sìoth-chail, anns an uile dhiadhachd agus chiat-fachd.

3 Oir tha so maith agus taitneach am fianuis Dé ar Slànuighir:

4 Neach leis an àill na h-uile dhaoine bhì air an slànuchadh<sup>1</sup>, agus iad a theachd chum eòlais na fìrinn.

5 Oir is aon Dia a ta ann, agus aon eadar-mheadhonair eadar Dia agus daoine, an duine Iosa Crìosd:

6 A thug e fèin 'na éiric<sup>2</sup> air son nan uile, mar fhianuis ann an àm iomchuidh;

7 Chum an d'orduicheadh mise a'm' shearmonaiche, agus a'm' abstol, (labhran an fhìrinn ann an Crìosd, ni'n deanam breug) a'm' fhear-teagaisg nan Cinneach ann an creidimh agus ann am fìrinn.

8 Uime sin, is àill leam na fir a dheanamh ùrnuigh sgach àit, a' togail suas làmh naomha, gun fheirg, gun amharus;

9 Air an dòigh cheudna, na mnà a chur eudaich iomchuidh umpa, 'gan sgeadachadh fèin le nàisneachd agus stuaim: cha'n ann le casadh an gruaige, no le h-òr, no le neamhnuidibh, no le culaidhibh luachmhor;

10 Ach (mar is cubhaidh do mhnàibh a tha 'g aideachadh diadhachd) le deadh oibribh.

11 Fòghlumadh a' bhean ann an ciuineas leis an uile ùmhlachd.

12 Ach ni'n ceadaidheam do mhnàoi teagasg a thoirt uaipe<sup>3</sup>, no ceannas a ghlacadh air an fhear, ach i bhì 'na tosd.

13 Oir is e Adhamh a chruthaicheadh air tùs, agus 'na dhéigh sin Eubha.

14 Agus cha b'e Adhamh a mhealladh, ach air do'n mhnàoi bhì air a mealladh bha i sa' chionta.

15 Gidheadh tearnar i tre bhreith cloinne, ma bhuanaicheas iad ann an creidimh, agus ann an gràdh, agus ann an naomhachd, maille ri stuaim.

## CAIB. III.

1 Cìod iad na buaidhean a's còir bhì air na h-easbuigibh, agus air na deaconaibh, agus air am mnàibh; 14 agus c'ar son a scriobh Pòl na nithe so gu Tìmoteus. 15 Mu

thimchioll na h-eaglais, agus na fìrinn beannuichte, a ta air a teagasg agus air a h-aideachadh innte.

**I**S ràdh fìor so, Ma tha togradh aig aon duine chum dreuchd easbuig<sup>4</sup>, tha e miannachadh deadh oibre.

2 Uime sin is còir do easbuig bhì neo-lochdach, 'na fhear aon mhnà, faircil, crìonna<sup>5</sup>, dcadh-bheusach, daonnachdach, ealamk gu teagasg;

3 Gun bhì 'na phòitear<sup>6</sup>, gun bhì buailteach, gun bhì déidheil air buannachd shal-ach: ach macanta, neo-thuasaideach<sup>7</sup>, neo-shanntach;

4 'Na dhuine a riaghlas a thigh fèin gu maith, aig am bheil a chlann fuidh smachd maille ris an uile shuidheachadh-inntinn<sup>8</sup>;

5 (Oir mur aithne do dhuine a thigh fèin a riaghlachadh, cionnus a ghabhas e cùram do eaglais Dhé?)

6 Gun bhì 'na nuadh-chreideach, an t-eagal, air dha bhì air atadh le h-uabhar, gu'n tuit e ann an dìteadh an diabhoil.

7 Is còir dha mar an ceudna deadh theist-eas bhì aige uathas an ta'n leth muigh; air eagal gu'n tuit e ann an aithis<sup>9</sup>, agus ann an ribe an diabhoil.

8 Mar an ceudna is còir do na deaconaibh<sup>10</sup> bhì suidhichte, gun an teangadh bhì leam leat, gun bhì cionail<sup>11</sup> air mòran fìona, gun bhì déidheil air buannachd shal-ach,

9 A' cumail rùn-diomhair a' chreidimh ann an coguis ghloin.

10 Agus biodh iadsan mar an ceudna air an dearbhadh an toiseach; agus an sin gnàthaicheadh iad dreuchd deacoin<sup>12</sup> air dhoibh bhì air am faghail neo-choireach.

11 Is amhuil sin is còir do na mnàibh<sup>13</sup> bhì suidhichte, gun bhì 'nan luchd-tuailis<sup>14</sup>, ach bhì measarra, ionraic sua h-uile nithibh.

12 Biodh na deacoin 'nam fir aon mhnà, a' riaghlachadh an cloinne, agus an tìghe fèin gu maith.

13 Oir an droing a ghnàthaich dreuchd deacoin gu maith, tha iad a' cosnadh deadh cheum dhoibh fèin, agus dànachd mhòr sa' chreidimh, a tha ann an Iosa Crìosd.

14 Scriobham na nithe so chugad, an dòchas teachd gu grad a' t'ionnsuidh:

15 Ach ma nì mi moille, chum gu'm bi fhios agad cionnus is còir dhuit thu fèin a ghiùlain ann an tìgh Dhé, nì a's e eaglais an Dé bheo, post agus stéidh-dhaingnich<sup>15</sup> na fìrinn.

16 Agus gun amharus is mòr rùn-diomhair na diadhachd: dh'fhoillsicheadh Dia san fheòil, dh'fhìreanaicheadh e san spiorad, chunncas le ainglibh e, shearmonaicheadh e do na Cinneachaibh, chreideadh ann air an t-saoghal, ghabhadh suas e chum glòire.

<sup>1</sup> tearnadh, saoradh. <sup>2</sup> luach-saoraidh.  
<sup>3</sup> uaithe. <sup>4</sup> oifig fir-coimhid. <sup>5</sup> ciallach, stuama. <sup>6</sup> trom air fìon. <sup>7</sup> neo-charroideach.  
<sup>8</sup> chudthromachd, fhonnmhoireachd.

<sup>9</sup> scainnil. <sup>10</sup> do'n luchd-frithealaidh.  
<sup>11</sup> ceisteil, déidheil. <sup>12</sup> frithealadh iad.  
<sup>13</sup> d'am mnàibh. <sup>14</sup> luchd-cùineadh.  
<sup>15</sup> bunast.

## CAIB. IV.

1 *Tha e a' roimh-innseadh gu'n d'fhéid daoine anns na h-aimsiribh deireannach air seacharan o'n chreidimh: 6 agus, chum nach biodh Timoteus a dhéidh-laimh 'na dhleasdanas, tha e toirt comhairlean eagsamhail air.*

**A** NIS a deir an Spiorad gu soilleir, anns na h-aimsiribh deireannach<sup>1</sup> gu'n tréig dream àraidh an creidimh, a' toirt aire do spioraidibh mealltach, agus do theagasgaibh dheamhan;

2 Trid ceilge bhreugairean<sup>2</sup>, air bhi d'an coguisibh air an losgadh le iarunn dearg;

3 A' toirmeasg pòsaidh, agus ag iarraidh bidheanna a sheachnadh, a chruthaich Dia chum an gabhail maille ri breith-buidheachais leosan a ta creidsinn, agus aig am bheil eòlas na firinn.

4 Oir is maith gach nì a chruthaich Dia, agus cha'n ion nì sam bith a dhiùltadh, a ghabhar le breith-buidheachais:

5 Oir a ta e air a naomhachadh le focal Dé agus le h-ùrnuigh.

6 Ma chuireas tu na nithe so an cuimhne do na bràithribh, bithidh tu a'd' dheadh mhinisteir do Iosa Crìosd, air t'altrum suas ann am briathraibh a' chreidimh, agus an deadh theagaisg air an do ghabh thu eòlas<sup>3</sup>.

7 Ach diùlt sgeulachda mì-dhiadhuidh shean bhan, agus cleachd thu féin chum diadhachd.

8 Oir a ta an cleachda corporra tarbhach chum beag nithe; ach a ta'n diadhachd tarbhach chum nan uile nithe, aig am bheil gealladh na beatha a ta làthair, agus a chum teachd.

9 Is ràdh firinneach so, agus is fiu e air gach aon chor gabhail ris.

10 Oir is ann uime so a ta sinn maraon ri saothair, agus a' fulang maslaidh, do bhrìgh gu bheil dòchas<sup>4</sup> againn san Dia bheo, neach a's e Slànuighear nan uile dhaoine, gu h-àraid nan creideach.

11 Aithn agus teagaisg na nithe so.

12 Na deanadh duine sam bith tarcais air t'òige; ach bi thusa a'd' eisempleir<sup>5</sup> do na creidich, ann am focal, ann an caithheadh-beatha, ann an gràdh, ann an spiorad, ann an creidimh, ann am fìor-ghloine.

13 Gus an d'thig mi, thoir an aire do leughoir eachd, do earail, do theagasg.

14 Na dearmad an tiodhlac a ta annad, a thugadh dhuit tre fhàidheadaireachd, maille ri leagadh làmh na seanaireachd ort.

15 Smuaintich air<sup>6</sup> na nithibh sin, thoir thu féin gu tur dhoibh, chum gu'm bi do theachd air t'aghaidh follaiseach do na h-uile.

16 Thoir aire dhuit féin, agus do d' theagasg; buanaich anuta: oir le so a dheanamh, saoraidh tu araon thu féin, agus iadsan, a tha 'g éisdeachd riut.

## CAIB. V.

1 *Riaghailtean a's còir a leantuinn ann<sup>7</sup> an cromachadh. 3 Mu bhantrachaibh. 17 Mu sheanairibh. 23 Comhairle do Thimoteus mu thinnchioll a shlàinte, &c.*

**N**A garg-chronaich seanair, ach cuir impidh air mar athair, agus air na h-òig-fhìr mar bhràithribh;

2 Na mnàì aosda mar mhaithrichibh, na mnàì òga mar pheathraichibh, maille ris an uile fhìor-ghloine.

3 Thoir urram do bhantrachaibh, a tha 'nam bantrachaibh da rìreadh.

4 Ach ma tha bantrach air bith aig am bheil clann no oghachan, fòghlumadh iad air tùs bhi dleasdànach 'nan tighibh féin, agus ath-dhiol a thoirt d'am pàrantaibh: oir a ta so maith agus taitneach am fianuis Dé.

5 A nis cuiridh ise, a ta 'na bantraich da rìreadh, agus air a fàgail 'na h-aonar, a dòchas ann an Dia, agus buanaichidh si a là agus a dh'òidhe ann an athchuingibh, agus ann an ùrnuighibh.

6 Ach ise a tha caithheadh a beatha am macnus<sup>7</sup>, air dh'i bhi beo, tha i marbh.

7 Uime sin aithn na nithe so dhoibh, chum gu'm bi iad neo-lochdach.

8 Ach mur dean duine solar air son a chuideachd féin, agus gu h-àraid air son muinntir a theaglaich, dh'aicheadh e'n creidimh, agus is miosa e na anacrideach.

9 Na gabhar bantrach san àireamh a bhios fuidh thri fichead bliadhna dh'aois, a bha 'na mnaoi aon fhìr,

10 Air am bheil teistean<sup>8</sup> a thaobh dheadh oibre; ma dh'oil i<sup>9</sup> clann, ma thug i aoidheachd uaipe, ma dh'ionnlaid i cosa nan naomh, ma dh'fhòir i air luchd-àmhghair, ma lean i gu dìchiollach gach deadh obair.

11 Ach diùlt na bantraich òga: oir an uair a dh'fhàsas iad mear an aghaidh Chrìosd, is miann leo pòsadh;

12 Muinntir a ta fuidh dhiteadh, a chionn gu'n do thréig iad an eud chreidimh.

13 Agus os bàrr, fòghlumaidh iad bhi dìomhanach, a' dol mu'n cuairt o thigh gu tigh; agus cha'n e mhàin dìomhanach, ach mar an ceudna gabhannach, agus a' gabhail gnothuich ris na nithibh, nach buin doibh, a' labhairt nithe nach bu chòir dhoibh.

14 Is àill leam uime sin na mnàì òga a phòsadh, iad a bhreith cloinne, a stiùradh an tìghe, agus gun chionfath air bith a thoirt do'n eascaraid labhairt gu toibheumach.

15 Oir a ta cuid a cheana air dol a thaobh an dèigh Shàtain.

16 Ma tha aig creideach, no aig ban-chreideach bantracha, fòireadh iad orra, agus na biodh an trom air an eaglais;

<sup>1</sup> na h-aimsiribh ri teachd.

<sup>2</sup> A' labhairt

fhreug ann am ceilg.

<sup>3</sup> air an d'ràinig thu.

<sup>4</sup> carbsa.

<sup>5</sup> shamhlachas.

<sup>6</sup> Gabh cùram do.

<sup>7</sup> gu sòghail.

<sup>8</sup> fianuis.

<sup>9</sup> thog i suas.



chum's gu'n dean i cabhair orrasan, a tha 'nam bantrachaibh da rìreadh.

17 Measar gur fiu na seanairean, a riaghlachas gu maith, urram dùbailte, gu h-àraid iadsan a tha saothreachadh san fhocal agus ann an teagasg.

18 Oir a deir an sriobtuir, Na ceangail beul an daimh a tha saltairt<sup>1</sup> an arbhair: agus, Is fiu an t-oibriche a thuarasdal.

19 Na gabh casaid an aghaidh seanair, ach le dithis no trìoir a dh'fhianuisibh.

20 Iadsan a tha peacachadh cronaich an làthair nan uile, chum gu'n gabh càch eagal mar an ceudna.

21 Sparram ort am fianuis Dé, agus an Tighearna Iosa Crìosd, agus nan aingeal taghta, gu'n coimhid<sup>2</sup> thu na nithe so gun aon a chur roimh neach eile, gun ni air bith a dheanamh le elaoon bhreth.

22 Na leag do làmba gu h-obann air duine sam bith, agus na biodh comhpairt agad do pheacaibh dhaoin<sup>3</sup> eile: coimhid thu fèin glan.

23 Na h-òl uisge ni's mò, ach cleachd beagan fìona air son do ghoile, agus t' amhuinneachd mhinic.

24 Tha peacanna cuid do dhaoineibh follaiseach roimh-làimh, a' dol rompa chum breitheanais; agus tha peacanna dhream àraidh<sup>4</sup> mar leantuinn.

25 Mar an ceudna tha deadh oibre cuid follaiseach roimh-làimh; agus na h-oibre a ta air ghleus eile, cha'n fheudar am folach.

## CAIB. VI.

1 *Mu dhleasdanas sheirbhiseach: 3 Gun chomunn bhì againn ri droch luchd-teagaisg.*

6 *Is buannachd mhòr an diadhachd: 10 'Sc gaol an airgid freumh gach uile. 11 Ciod is còir do Thimòteus a sheachnadh, agus a leantuinn; &c.*

**M**EASADH a' mheud 's a ta fuaidh 'n chuing 'nan seirbhiseach, gur fiu am maighstirean fèin an uile urram; chum's nach faigh ainm Dhé, agus a theagasg toibheum.

2 Agus iadsan aig am bheil maighstirean creideach, na deanadh iad tarcuis orra, air son gur bràithrean iad: ach gu ma fèarr leo seirbhis a dheanamh dhoibh, do bhrìgh gu bheil iad creideach agus ionmhuinn, 'nan luchd comhairt do thiodhlac a' ghràis. Na nithe so teagaisg agus earailich.

3 Ma bheir aon neach atharrachadh teagaisg uaidh, agus nach aontaich e do bhriathraibh fallain, eadhon do bhriathraibh ar Tighearna Iosa Crìosd, agus do'n teagaisg a ta réir na diadhachd:

4 Tha e uaibhreach, gun eòlas aige air ni sam bith, ach e as a chèill mu thimchioll

cheisdean, agus bhriathar-chonnsachadh<sup>5</sup>, o'n d'thig farmad, comh-stri, anacainnt, droch amharusan,

5 Fiar-dheasboireachd dhaoine 'gam bheil inntinn thruaillidh, agus as eugmhais na fìrinn, a' meas gur buannachd<sup>6</sup> an diadhachd: dealaich ris an leithidibh sin.

6 Ach is buannachd mhòr an diadhachd maille ri toileachas-inntinn.

7 Oir cha d'thug sinn ni air bith leinn do'n t-saoghal, agus is soilleir nach urradh sinn ni sam bith thoirt as.

8 Uime sin air dhuinn biadh agus eudach a bhì againn, bitheamaid toilichte leo sin.

9 Ach an dream le'n àill bhì beartach, tuitidh iad ann am buaireadh, agus ann an ribe, agus ann an iomad anamhiann amaid-each agus ciurraill<sup>7</sup>, a bhàthas daoine ann am milleadh agus ann an sgrios.

10 Oir is e gaol an airgid freumh gach uile: ni am feadh a mhiannaich dream àraidh, chaidh iad air seacharan o'n chreidimh, agus throimh-lot siad iad fèin le iomadh cràdh.

11 Ach thusa, O òglaich Dhé, teich o na nithibh sin: agus lean fìreantachd, diadhachd, creidimh, gràdh, foighidin, ceann-sachd.

12 Còmhraig deadh chòmhrag<sup>8</sup> a' chreidimh, gabh greim do'n bheatha mhaireannaich, chum mar an ceudna an do ghairm-cadh thu, agus dh'aidich thu deadh aidmheil an làthair mòrain fhianuisean.

13 Sparram ort ann am fianuis Dé, a bheothaicheas na h-uile nithe, agus am fianuis Iosa Crìosd, a rinn fianuis air deadh aidmheil an làthair Phontius Pilat;

14 Thu choimhead na h-àithne so gnu smal, gun lochd, gu teachd ar Tighearna Iosa Crìosd:

15 Ni ann a àmaibh fèin a dh'fhoillsicheas an ti a ta beannuichte, agus a mhàin cumhachdach, Rìgh nan rìgh agus Tighearna nan tighearna;

16 Neach 'na aonar aig am bheil neo-bhàsmhorachd, a ta 'na chòmhnuidh san t-solus dh'ionnsuidh nach feudar teachd, neach nach faca duine sam bith, agus nach mò dh'fheudas e fhaicinn: dhasan gu robh onoir agus cumhachd sìorruidh. Amen.

17 Thoir àithne do na daoineibh, a ta saibhir san t-saoghal so, gun iad a bhì àrd-inntinneach, agus gun dochas a chur ann an saibheas neo-chinnteach, ach anns an Dia bheo, a tha toirt duinn nan uile nithe gu saibhir r'am mealtuinn:

18 Iad a dheanamh maith, iad a bhì saibhir ann an deadh oibribh, ealamh gu roinn<sup>9</sup>, comh-pàirteach;

19 A' tasgaidh suas doibh fèin deadh

<sup>1</sup> bualadh. <sup>2</sup> gleidh. <sup>3</sup> stri mu fhoclaidh.

<sup>4</sup> tairbhe.

<sup>5</sup> diubhalach, dosguineach, dochannach.

<sup>6</sup> Cuir deadh chath.

<sup>7</sup> easguidh a thoirt an cuid uatha.

bhunait fa chomhair an àm ri teachd, chum's gu'n dean iad greim air a' bheatha mhaireannaich.

20 O A Thimoteuis, coimhid an ni sin a dh'earbadh riut, a seachnadh faoin-chòmhraidh mhi-naomha, agus comh-

chogadh eolais d'an tiubhrar gu breugach an t-ainm sin<sup>1</sup>.

21 Ni air bhi do dhream àraidh ag aid-mheil, chaidh iad air seacharan thaobh a' chreidimh. Gràs gu robh maille riut. Amen.

## DARA LITIR AN ABSTOIL PHOIL CHUM THIMOTEUIS.

### CAIB. I.

1 Gràdh Phòil do Thimoteus, agus an creidimh treibhdhircach, a bha ann an Timoteus fèin, agus na mhàthair agus 'na shean-mhàthair. 6 Tha e cur impidh air tiodhlac Dhé a bha ann a dhùsgadh suas, 8 e bhi seasmhach agus foighidneach fuidh gheur-leannhuinn, 13 agus e a bhuanachadh ann am fòirceadal agus ann am fìrinn an teaguisg a dh'fhoghlaim e uath-sin, &c.

**P**OL abstol Iosa Crìosd tre thoil Dé, a réir geallaidh na beatha, a tha ann an Iosa Crìosd;

2 Gu Timoteus mo mhac gràdhach: gràs, tròcair, agus sìothchaint o Dhia an t-Athair, agus o Iosa Crìosd ar Tighearn.

3 Bheiream buidheachas do Dhia, d'an deanam seirbhis o m' shìnnisribh le coguis ghloin, gu bheil agam cuimhne ortsa, a ghnàth a là agus a dh'oidhche ann am urnuighibh:

4 Air dhomh bhi ro-thogarrach air thusa fhaicinn, a' cuimhneachadh do dheura, chum gu'm bi mi air mo lìonadh le gairdeachas:

5 'Nuair a chuimhnichas mi an creidimh neo-chealgach a tha annadsa, a chòmhnuich air tùsa d' shean-mhàthair Lois, agus a d' mhàthair Eunice; agus is deimhin leam a tha annadsa mar an ceudna.

6 Air an aobhar so cuiream an cuimhne dhuit, thu dh'ath-bheothachadh tiodhlaic Dhé, a tha annad tre chur mo làmhsa ort.

7 Oir cha d'thug Dia dhuinne spiorad na geilt; ach spiorad a' chumhachd, agus a' ghràidh, agus na h-inntinn fhallain.

8 Uime sin na gabhsa nàire do fhianuis ar Tighearna, no dhìomsa a phrìosunach: ach biodh do chuid agad do àmhghar an t-soisgeil, a réir cumhachd Dhé;

9 A shaor sinne, agus a ghairm sinn le gairm naomha, cha'n ann a réir ar n-oibre, ach a réir a ruin fèin agus a ghràis, a thugadh dhuinn ann an Iosa Crìosd, roimh thoiseach an t-saoghail,

10 Ach a dh'fhoillsicheadh anis tré theachd ar Slànuighir Iosa Crìosd, a chuir as do'n bhàs, agus a thug beatha agus neo-bhàsmhorachd chum soluis, trid an t-soisgeil:

11 Chum an d'orduicheadh mise a'm'

shearmonuiche, agus a'm' abstol, agus a'm' fhear-teagaisg nan Cinneach,

12 An t-aobhar fa'm bhicil mi mar an ceudna a' fulang nan nithe so; gidheadh cha 'n'eil nàire orm: oir a ta fhios agam co ann a chreid mi, agus is dearbh leam gu bheil esan comasach air an ni sin a dh'earb mi ris a choimhead fa chomhair an là sin.

13 Cum gu daingean samhladh fìrinn-each nam briathar fallain, a chuala tu uamsa, ann an creidimh agus ann an gràdh, a ta ann an Iosa Crìosd.

14 Coimhid an taisgeach maith sin a dh'earbadh riut, trid an Spioraid naomh a tha chòmhnuidh annainn.

15 Tha fhios so agad, gu'n do phill iadsan uile a tha san Asia uamsa; d'am bheil Phigellus agus Hermogenes.

16 Gu'n d'thugadh an Tighearn tròcair do theaghlach Onesiphorus; oir is minic a thug e sòlas dhomhsa, agus cha do ghabh e nàire do m' shlabhraidh.

17 Ach an uair a bha e san Ròimh dh'iarr e mach inni gu dìchiollach, agus fhuair e mi.

18 Gu deònaicheadh an Tighearn dhasan gu'm faigh e tròcair o'n Tighearn san là sin: agus a ta sàr-fhios agad, cia lìon nithe anns an d'rinn e frithealadh dhomhsa ann an Ephesus.

### CAIB. II.

1 Tha e cur impidh air a ris a bhi seasmhach agus buan-mhaireannach, agus dleasdanas fìor òglaich an Tighearna chur 'n gnìomh, leis an fhocal a roinn gu ceart, agus faoin-chaint mhi-dhiadhaidh a sheachnadh. 17 Mu Himeneus agus Philetus. 19 Tha bunait an Tighearna cinnteach, &c.

**U**IME sin bi-sa, a mhic, làidir anns a' ghràs a ta ann an Iosa Crìosd.

2 Agus na nithe a chuala tu uamsa am measg mhòrain fhianuisean, earb thusa na nithe sin fèin ri daoineibh fìrinneach, a bhios iomchluidh gu daoine eile a theagasg mar an ceudna.

3 Fuiling thusa uime sin cruaidhchas, mar dheadh shaighdear Iosa Crìosd.

4 Cha dean neach sam bith, a leanas an cogadh, e fèin a ribeadh<sup>2</sup> ann an gnothuich-

<sup>1</sup> i. e. ainm eòlais.

<sup>2</sup> a chur an sàs.



ibh na beatha so: chum's gu'n toilich e an ti a thagh e gu bhi 'na shaighdear.

5 Agus mar an ceudna ge do ni fear air bith sbairn<sup>1</sup>, cha chrùnar e, mur dean e sbairn gu dilgheach.

6 Is còir do'n treabhaiche a shaoithrich-eas air tùs, comhroinn fhaotainn do'n tor-adh.

7 Smuaintich air na nithibh a deiream; agus gu d'thugadh an Tighearna dhuit tui gse anns na h-uile nithibh.

8 Cuimhnich gu'n do thogadh o na marbhaibh Iosa Criosd, do shìol Dhaibhidh, a rèir mo shoisgeilse;

9 Air son am bheil mise a' fulang ma fhear droch-bheirt, *eudhon* gu geimhlìbh; ach cha 'n'eil focal Dé ceangailte.

10 Uime sin iomchaiream na h-uile nithe air son nan daoine taghta, chum gu'm faigh iadsan mar an ceudna an t-slàinte, a tha ann an Iosa Criosd, nàille ri glòir shiorruidh.

11 Is ràdh fìor so, Ma bhàsaicheas sinn nàille ris, gu'm bi sinn beo mar an ceudna nàille ris:

12 Ma dh'fhuilgeas sinn, rioghaichidh sinn mar an ceudna maraon ris: ma dh'àicheadhas sinn e, àicheadhaidh esan sinne mar an ceudna:

13 Ge nach creid sinne<sup>2</sup>, gidheadh tha esan a' fantuinn fìrinneach; eha 'n'eil e'n comas d'a e fèin àicheadh.

14 Cuir na nithe sin an cuimhne dhoibh, a' cur sparraidh orra am fianuis an Tighearna, gun iad a bhi consnachadh mu fhoclaibh, anns nach 'eil tairbhe sam bith, ach a thilgeas bun os ceann an luchd-fisdeachd.

15 Dean dìchioll air thu fèin a nochdadh dearbhta do Dhia, a'd' shaothraiche, nach ruig a leas nàire a ghabhail, a roinn focail na fìrinn gu ceart.

16 Ach seachain faoin-chainnt mhi-naomha; oir thèid iad air aghaidh chum an tuilleadh mi-dhiadhachd.

17 Agus ithidh am focal mar chnàmhuinn; d'am bheil Iimeneus agus Philetus;

18 Muinntir thaobh na fìrinn a chaidh air seacharan, ag ràdh gu'n deachaidh an aiseirigh eheana seach; agus a ta tilgeadh creidimh dream àraidh bun os ceann.

19 Gidheadh, a ta bunait Dhé a' seasamh daingean, aig am bheil an seula<sup>3</sup> so, Is zithne do'n Tighearn an droing sin a's leis. Agus, Gach neach a tha 'g ainmeachadh ainm Chriosd, tréigeadh e eucoir.

20 Ach ann an tigh mòr cha'n e mhàin gu bheil soithichean oir, agus airgid, ach mar an ceudna *soithiche* fiodha, agus creadha<sup>4</sup>; agus euid diubh chum onoir, agus euid eile chum casonoir.

21 Uime sin ma ghlanas neach e fèin uatha so, bithidh e 'na shoitheach chum onoir, air a naomhachadh, agus iomchuidh chum fèim a' mhaighstir, deas chum gach uile dheadh oibre.

22 Teich uime sin o anamhianuaibh na h-òige: ach lean fìreantachd, creidimh, gràdh, sìothchaint maille rìusan a ta gairm air an Tighearn o chridhe glan.

23 Ach seachain ceisdean amaideach agus neo-fhoghlumte, air dhuit fios a bhi agad gu'n tog iad consnaichean<sup>5</sup>.

24 Agus cha'n fheud òglach an Tighearna bhi conspoideach; ach ciuin ris na h-uile dhaoineibh, ealamh chum teagaisg, foighidneach,

25 Ann an ceannsachd a' teagasg na droinge, a shecas 'na aghaidh; dh'fheuchainn an d'thoir Dia uair air bith aithreachas dhoibh, chum aidmheil na fìrinn;

26 Agus air mosgladh dhoibh gun d'théid iad as o ribe an diabhoil, aig am bheil iad air am beo-ghlacadh chum a thoile.

### CAIB. III.

1 *Thu e toirt rabhaidh dha mu thimchioll nan umanna ri teachd, 6 ag innseadh cò iad naimhde na fìrinn, 10 a' cur eisempeir fèin roinne, 16 agus a' moladh nan scriob-tuir naomha.*

**A**CH biodh fhios so agad, gu'n d'thig anns na làithibh deireannach<sup>6</sup> aimsire cunnartach.

2 Oir bithibh daoine fèin-spèiseil, sann-tach, ràiteachail, uaibhreach, toibheumach, easumhal do phàrantaibh, mi-thaingeil, mi-naomha,

3 Gun ghràdh nàdurra, 'nan luchd brisidh coinne-cheangail, tuailcasach, neogheamnuidh, borb, gun ghaol do'n mhaith,

4 Fealltach, ceann-laidir, àrdanach, aig am bheil barr gràidh do shaimh na ta aca do Dhia.

5 Aig am bheil coslas diadhachd, ach a ta 'g àicheadh a cumhachd: o'n leithidibh sin tionndas<sup>7</sup> air falbh.

6 Oir is ann diubh so a ta'n droing sin a dh'ealaidhas<sup>8</sup> a stach do thighibh, agus a bheil leall am braigheanas mnai shuarach air an uallachadh le peacailh, air an iomain le iomadh gnè anamhianna.

7 A' sir-fhòghlum, agus gun chomas doibh gu bràth teachd chum eòlais na fìrinn.

8 Agus mar a chuir Iannes agus Iambres an aghaidh Mhaois, mar sin tha iadsan a' cur an aghaidh na fìrinn: daoine aig am bheil inntinn thruaillidh, gun tui gse thaobh a' chreidimh.

9 Ach cha d'théid iad ni's faide air an aghaidh: oir bithidh am mi-chiall follais-each do na h-uile *dhaoineibh*, mar a bha am mi-chiallsan mar an ceudna.

<sup>1</sup> gleachda, stri.

<sup>2</sup> Ge nach 'eil sinne

<sup>5</sup> tuasaidean.

<sup>6</sup> làithibh ri teachd.

<sup>7</sup> pill-sg.

<sup>3</sup> scriobhadh.

<sup>4</sup> criadha.

<sup>8</sup> ghoideas.

10 Ach a ta làn-fhios agad air mo theag-  
asga, *mo* ghnè beatha, *mo* rùn, *mo* chreid-  
imh, *m*'fhad-fhulangas, *mo* sheirc',  
*m*'fhoighidin,

11 *M*o gheur-leanmhuinnibh, *m*' fhulan-  
gais, a thainig orm ann an Antioch, ann an  
Iconium, ann an Lистра; ciod e meud nan  
geur-leanmhuinn a ghiùlain mi: ach asda  
uile shaor an Tighearn mi.

12 Seadh, fuilgidh iadsan uile, leis an  
àill an beatha a chaitheadh gu diadhaidh  
ann an Iosa Crìosd, geur-leanmhuinn.

13 Ach fàsaidh droch dhaoine agus  
mealltairean nì's miosa agus nì's miosa, a'  
mealladh, agus air am mealladh.

14 Ach buanaich thusa anns na nithibh  
a dh'fhoghlaim thu, agus air an d'rinneadh  
thu dearbh-fhiosraich<sup>2</sup>, air dhuith fios a bhi  
agad eia uaith a dh'fhoghlaim thu iad;

15 Agus o bha thu a'd' leanabh gu'm  
b'aithne dhuin na scriobtuire naomha, a tha  
comasach air do dheanadh glan chum  
slàinte, tre'n chreidimh a ta ann an Iosa  
Crìosd.

16 Tha an scriobtuir uile air a dheach-  
dadh le Spiorad Dé, agus tha e tarbhach  
chum teagaisg, chum spreige, chum leas-  
achaidh, chum oilein ann am fireantachd:

17 Chum gu'm bi òglach Dhé coimh-  
lionta, làn deas chum gach uile dhcadh  
oibre.

## CAIB. IV.

1 Tha e cur impidh air a dhleasdanas a dhean-  
amh leis an uile chùran agus dhìchioll; 6  
a' toirt cinnte dha gu bheil a bhàs fèin an  
fagus; 9 is àill leis e theachd gu grad d'a  
ionnsuidh, agus Marcus a thoirt leis, agus  
nithe àraidh eile mu'n do scriobh e chuige;  
14 tha e toirt rabhaidh dha bhi air fhaicill  
o Alesander an ceard-umha; &c.

**S**PARRAM ort uime sin am fianuis Dé,  
agus an Tighearna Iosa Crìosd, a bheir  
breth air na beothaibh agus air na marbh-  
aibh, aig a theachd dealrach agus ann a  
rioghachd:

2 Searmonaich am focal, bi dùrachdach  
ann an àm, is ann an an-àm: spreig<sup>3</sup>, cron-  
aich, earaillich leis an uile fhad-fhulangas  
agus teagasg.

3 Oir thig an t-àm anns nach bi fulang  
aca air teagasg fallain; ach air do chluas-  
aibh tachasach bhi aca, càrnaidh iad suas  
dhoibh fèin luchd-teagaisg a réir an ana-  
mhiana.

4 Agus tionndaidh iad an cluasan o'n  
fhirinn, agus iompoichear iad chum sgeul-  
achda faoine.

5 Ach dean thusa faire anns na h-uile  
nithibh; fuiling cruaidh-chas; dean obair

soisgeulaiche; còlmhion<sup>4</sup> do mhinistreibh-  
eachd.

6 Oir tha mi nis gu bhi air m'ìobradh,  
agus tha àm mo shiubhail am fagus.

7 Chòmhraig mi an deachd chòmhrag,  
chriochnaich mi *mo* thurus<sup>5</sup>, ghléidh mi an  
creidimh.

8 O so a mach taisgear fa m' chomhair-  
crùn fireantachd, a bheir an Tighearn, am  
breitheamh cothromach, dhomh san là ud:  
agus cha'n ann dhomhsa a mhàin, ach  
dhoibhsan uile mar an ceudna, leis an ion-  
mhuinn a theachdsan<sup>6</sup>.

9 Dean do dhìchioll air teachd a m'  
ionnsuidh gu luath.

10 Oir thréig Demas mi, air dha an  
saoghal so ta làthair a ghràdhachadh, agus  
chaid e do Thesalonica; Crescens do Gha-  
latia, Titus do Dhalmatia.

11 Tha Lucas 'na aonar maille rium.  
Gabh Marcus agus thoir leat e: oir tha e  
feumail dhomhsa chum na ministreibh-  
eachd.

12 Ach chuir mi Tichicus gu h-Ephesus.

13 An fhalluing a dh'fhàg mi ann an  
Troas aig Carpus, nuair a thig thu, thoir  
leat, agus na leabhraichean, ach gu h-àraid  
na meambrana<sup>7</sup>.

14 Rinn Alesander an ccard-umha  
iomad olc orm: gu tugadh<sup>8</sup> an Tighearn  
dha a réir a ghnìomha.

15 Bi thusa mar an ceudna air t'fhaicill  
uaith, oir chuir e gu mòr an aghaidh ar  
briatharne.

16 Aig mo cheud fhreagradh cha robh  
aon neach leam, ach thréig na h-uile mi:  
mar agrar orra e.

17 Gidheadh, sheas an Tighearn làimh  
rium, agus neartaich e mi; chum triomsa  
gu'm biodh an searmonachadh air a làn-  
fhoillseachadh<sup>9</sup>, agus gu'n chluinneadh na  
Cinnich uile e: agus shaoradh mi a beul an  
leomhain.

18 Agus saoraidh an Tighearn mi o gach  
uile dhroch obair, agus gieidhidh e mi chum  
a rioghachd nèamhaidh fèin: dhasan gu  
robh glòir gu saoghal nan saoghal. Amen.

19 Cuir fàilte air Prisca, agus Acula,  
agus air teaghlach Onesiphorus.

20 Dh'fhan Erastus ann an Corintus:  
ach dh'fhàg mi Trophimus gu tinn ann am  
Miletum.

21 Dean dìchioll air teachd roimh  
'n gheamhradh Tha Eubulus, agus Pudens,  
agus Linus, agus Claudia, agus na bràith-  
rean uile a' cur fàilte ort.

22 Gu robh an Tighearn Iosa Crìosd  
maille ri d' spiorad. Gràs maille ribh.  
Amen.

<sup>1</sup> ghràdh. <sup>2</sup> a dh'earbadh riut. <sup>3</sup> tagair,  
'dearbh. <sup>4</sup> thoir lan dearbhadh air. <sup>5</sup> mo  
choimhliang, mo réis. <sup>6</sup> fhoillseachadh-san.

<sup>7</sup> parements. Sasg. <sup>8</sup> bheir. <sup>9</sup> air a dhean-  
amh aithnichte, air a choimhlioadh.



## LITIR AN ABSTOIL PHOIL CHUM THITUIS.

### C A I B. I.

1 *Car son a dh'fhàgadh Titus ann an Crete.*

6 *Ciod na buadhanna is còir bhi orrasan, a thaghar 'nam ministearibh.* 11 *Is éigin beoil droch luchd-teagaisg a dhraideadh:* 12 *ciod a' ghnè dhaoine a tha ann.*

**P**OL seirbhiseach Dhé, agus abstol Iosa Crìosd, a réir creidimh<sup>1</sup> dhaoine taghta Dhé, agus aidmheil na fìrinn a ta réir diadhachd:

2 Ann an dòchas na beatha maireann-aich, a gheall Dia do nach comasach<sup>2</sup> breug a dheanamh, roimh chruthachadh an t-saoghail<sup>3</sup>;

3 Ach dh'fhoillsich e fhocal féin, ann an àm iomchuidh tre shearmonachadh, a dh'earbadh riumsa, a réir àithne Dhé ar Slànuighir:

4 Chum Thituis mo dhcarbh mhac féin a réir a' chreidimh choitchionn<sup>4</sup>: Gràs, tròc- air, agus sìth o Dhia an t-Athair, agus o'n Tighearn Iosa Crìosd ar Slànuighear.

5 Air a shon so dh'fhàg mi thu ann an Crete, chum gu'n cuireadh tu'n ordugh na nithe a dh'fhàgadh gun deanamh, agus gu'n suidhicheadh tu seanaircan anns gach baile, a réir mar a dh'àithn mise dhuit.

6 Ma tha neach sam bith neo-lochdach, 'na fhear aon mhnà, aig am bheil a chlann creideach, nach 'eil fuidh mhi-chliu thaobh ana-caitheimh, no easumhal.

7 Oir is còir do easbuig a bhi neo-choir-each, mar stiùbhard Dhé; gun bhi féin-thoilcil, no feargach, no òlmhar, no buail-teach, no cionail air buannachd neo-ghloin;

8 Ach aoidheil, déidheil air daoineibh maith, ciallach, cothromach, naomha, measarra;

9 A' cumail an fhocail fhìor gu daingean, a réir teagaisg, chum gu'm bi e comasach le teagasg fallain, àraon earail a thabhairt, agus an dream a sheasas 'na aghaidh chur as am barail.

10 Oir a ta mòran ann a tha mi-riaghail-teach, a labhras gu dìomhain agus a tha 'nam mealltairibh, gu h-àraidh iadsan a tha do'n timchioll-ghearradh:

11 Muinntir a's còir am beul a dhruid-eadh, droing a tha tionndadh thighean iomlan bun os ceann, a' teagasg nan nithe nach còir, air ghaol buannachd shalaich.

12 A thubhairt neach àraidh dhiubh féin, eadhon fàidh dhiubh féin, *Is breugoirean a ghnàth na Cretech, droch fhiadh-bheath-aichean, builg mhall.*

13 Tha an fhianuis so fìor: air an aobhar

sin spreig<sup>5</sup> gu geur iad, chum gu'm bi iad fallain sa' chreidimh;

14 Gun bhi tabhairt aire do fhaoin-sgeulachdaibh Iudhach, agus do àitheant-aibh dhaoine, a thionndaidheas o'n fhìrinn.

15 Oir gu deimhin tha na h-uile nithe glan do'n droing a ta glan: ach dhoibhsan a ta salach, agus mi-chreideach, *cha 'n'eil aon ni glan*; ach tha an inntinn agus an coguis<sup>6</sup> féin air an salachadh.

16 Tha iad a' gabhail orra eòlas a bhi aca air Dia; ach ann an oibribh tha iad 'ga àicheadh, air dhoibh bhi gràineil, agus easumhal, agus a thaobh gach deadh oibre as eugmhais tuigse<sup>7</sup>.

### C A I B. II.

1 *Comhairlean air an tabhairt do Thitus araon mu thimchioll a theagaisg agus a chaitheadh-beatha.* 9 *Mu dhleasdanas sheirbhiseach, agus mar an ceudna nan uile Chriosdaidh.*

**A**CH labhair thusa na nithe a thig ri teagasg fallain:

2 *Eadhon na daoine aosda<sup>8</sup> bhi aireach, suidhichte<sup>9</sup>, measarra, fallain sa' chreidimh,* ann am foighidin:

3 Mar an ceudna na mnà aosda bhi 'nan giùlan mar is cùbhaidh do naomhachd, gun bhi 'nan luchd tuailleis, gun bhi trom air fìon, bhi 'nan luchd teagaisg air nithibh maith;

4 Chum's gu'n teagaisg iad na mnà òga bhi ciallach, gràdhach air am fearaibh, gràdhach air an cloinn,

5 Bhi eagnuidh, geamnuidh, fantuinn aig an tigh, bhi maith, ùmhal d'am fearaibh, chum nach faigh focal Dé mi-chliu.

6 Cuir impidh air na daoineibh òga mar an ceudna, iad bhi ciallach.

7 Anns na h-uile nithibh 'gad nochdadh féin ann ad eisimpleir dheadh oibre: ann an teagasg a' nochdadh neo-thruaillidheachd, suidheachadh inntinn, trèibhdhireis,

8 Càinnt fhallain nach fheudar a dhìt-eachd; chun's gu'm bi nàire air an neach a ta 'nar n-aghaidh, a chionn nach 'eil droch ní sam bith aige r'a labhairt umaibh.

9 *Earraileich* seirbhisich bhi ùmhal d'am maighstiribh féin, agus an deadh-thoileachadh anns na h-uile nithibh: gun bhi a' labhairt 'nan aghaidh,

10 Gun bhi a' ceileachadh aon ni d'an cuid, ach a' nochdadh gach uile dheadh thairisneachd; chum gu'n dean iad teagasg Dhé ar Slànuighir maiseach anns na h-uile nithibh.

<sup>1</sup> air son creidimh. <sup>2</sup> aithne. <sup>3</sup> roimh amanna nan tinn. <sup>4</sup> chumanta. <sup>5</sup> cronach. <sup>6</sup> coimh-fhios, coimsiens. <sup>7</sup> mi-ghleusda, neo-

iomchuidh cham gach deadh oibre. <sup>8</sup> na seunair-can. <sup>9</sup> fonnmhor.

11 Oir dh'fhoillsicheadh gràs slàinteil Dhé do na h-uile dhaoibh,

12 A' teagasg dhuinn gach mì-dhiadhachd agus anamhianna saoghalta àicheadh, agus ar beatha a chaitheadh gu stuama, gu co-thromach, agus gu diadhaidh anns an t-saoghal so làthair;

13 Air dhuinn suil a bhi againn ris an dòchas bheannuichte sin, eadhon<sup>1</sup> foillsicheadh glòire an Dé mhòir, agus ar Slànuighir Iosa Crìosd,

14 A thug e féin air ar son, chum gu'n saoradh e sinn o gach aingidheachd, agus gu'n glanadh e dha féin sluagh sonraichte, eudmhor mu dheadh oibribh.

15 Na nithe so labhair agus earailich, agus cronaich leis an uile ùghdarras. Na deanadh duine sam bith tàir ort.

## CAIB. III.

1 *Tha Titus air a sheòladh le Pòl, araon mu thimchioll nan nithe, a bhuineadh dha theagasg, agus nach buineadh; 10 is àill leis e chur cùl ri luchd saobh-chreidimh: 12 an dèigh so, tha e 'g ainmeachadh dha an t-àm, agus an t-àit anns am b'àill leis e theachd d'a ionnsuidh; agus mar sin a ta e a' crìochnachadh.*

**C**UIR an cuimhne dhoibh bhi ùmhal do uachdaranachdaibh agus do chumhachdaibh, freagarrach do luchd-riaghlaidh, ullamh chum gach uile dheadh oibre,

2 Gun olc a labhairt mu neach air bith, bhi neo-thuasaideach, mìn, a' taisbeanadh an uile cheannsachd do na h-uile dhaoibh.

3 Oir bha sinne féin uair-eigin ea-céillidh, easumhal, air seacharan, a' deanamh seirbhis do iomadh gnè do anamhiannaibh agus do an-toilibh, a' caitheadh ar beatha ann am mìorun agus am farmad, fuath-thoillteannach, agus a' toirt fuath d'a chèile.

4 Ach an uair a dh'fhoillsicheadh caoimhneas agus gràdh Dhé ar Slànuighir do dhaoibh,

5 Cha'n ann o oibribh fireantachd, ⁊ rinn sinne, ach a réir a thròcair féin shaor<sup>2</sup> e sinn tre ionnlad na h-ath-ghineamhuinn, agus ath-nyadhachadh an Spioraid naoimh,

6 A dhòirt e oirne gu saibhir, trid Iosa Crìosd ar Slànuighir;

7 Chum air dhuinn bhi air ar fireanachadh trid a ghràis-san, gu'm bitheamaid air ar deanamh 'nar n-oighreachaibh a réir dòchais na beatha maireannaich.

8 Is fìor an ràdh so, agus is àill leam thu thoirt dearbh-chinntè air na nithibh sin, chum gu'm biodh iadsan a chreid ann an Dia, cùramach air toiseach a bhi aca ann an deadh oibribh: oir tha na nithe so maith agus tarbhach do dhaoibh.

9 Ach seachain ceisdean amaideach, agus sloinntaireachd, agus conspoidean, agus consnachadh mu'n lagh: oir tha iad gun tairbhe agus dìomhain.

10 Duine a ta 'na shìobh-chreideach<sup>3</sup>, an dèigh na ceud agus an dara comhairle, diùlt:

11 Air do fhios bhi agad gu bheil a leithid sin do dhuine air a chur bun os ceann, agus gu bheil e a' peacachadh, air dha bhi air fhéin-dhìteadh.

12 'Nuair a chuireas mi Artemas a d' ionnsuidh, no Tichicus, dean dichìoll air teachd a m' ionnsuidh gu Nicopolis: oir is ann an sin a chuir mi romham an geamhradh a chaitheadh.

13 Thoir Senas am fear-lagha, agus Apollos air an aghaidh san t-slighe gu dùrachdach, chum nach bi ni air bith dh'uireasbhuidh orra.

14 Agus fòghlumadh ar muinntirne mar an ceudna deadh oibre a dheanamh gu dùrachdach fa chomhair ghnàthachadh feumail, chum nach bi iad neo-tharbhach.

15 Tha'n droing a ta maille rium uile a' cur fàilte ort. Cuir fàilte orrasann le'n ionmhuinn sinne sa' chreidimh. Gràs maille ribh uile. Amen.

## LITIR AN ABSTOIL PHOIL CHUM PHILEMOIN.

## CAIB. I.

1 *Is subhach leis bhi cluinntinn mu chreidimh agus ghràdh Philemoin: 9 air am bheil e 'g iarraidh maitheanas a thabhairt do Onesimus a sheirbhiseach, agus gabhail ris a rìs gu càireil.*

**P**OL prìosunach Iosa Crìosd, agus Timoteus ar bràthair, chum Philemoin a's ionmhuinn leinn, agus ar comh-shaothraiche.

2 Agus chum Apphia ionmhuinn, agus Archipuis ar comh-shaighdear, agus chum na h-eaglais, a ta ann do thigh:

3 Gràs gu robh dhuibh, agus sìth o

Dhia arn-Athair, agus o'n Tighearn Iosa Crìosd.

4 Bheiream buidheachas do m' Dhia, a' sìr-thoirt luadh' ortsa ann am ùrnuighibh,

5 Air dhomh bhi cluinntinn mu d' ghràdh, agus chreidimh, a tha agad a thaobh an Tighearna Iosa, agus a thaobh nan uile naomh;

6 Chum gu'm bi comh-chomunn do chreidimh èifeachdach ann an aidmheil an uile nìhaith, a tha annaibh ann an Iosa Crìosd.

<sup>1</sup> agus.<sup>2</sup> slànuich.<sup>3</sup> eiriceach.



7 Oir tha subhlachas ro mhòr agus comh-fhurtachd againne ann do ghràdh, do bhrìgh gu bheil innigh<sup>1</sup> nan naomh air faotainn suaimhneis<sup>2</sup> trid-sa, a bhràthair.

8 Uime sin ge d'fheadainn bhi ro dhàna ann an Crìosd, chum an nì a ta iomchuidh àithneadh dhuitse;

9 Gidheadh is fearr leam air son gràidh impidh chur ort<sup>3</sup>, air bhi dhomh mar Phòl aosda, agus a uis mar an ceudna a'm phriosunach air son Iosa Crìosd.

10 Guidheam ort air son mo mhic Onesimuis, a ghin mi ann am gheimhlibh:

11 Neach a bha uair-eigin neo-tharbhach dhuitse; ach a nis a tha tarbhach dhuitse agus dhomhsa:

12 Neach o chuir mi air ais: uime sin gabhsa ris mar ri m' innigh fèin.

13 Neach bu mhiann leam a chumail maille riom fèin, chum gu'n dcanadh e fhrèaladh dhomh ann ad ionadsa, ann an geimhlibh an t-soisgeil.

14 Ach as eugmhais t'inntinnse, cha bu toil leam nì sam bith a dheanamh; chum nach biodh do mhaithse mar gu b'ann a dh'aindeoin, ach o d' thoil fèin.

15 Oir theagamh gur ann air a shon so a dh'fhàg e thu<sup>4</sup> re tamuill, chum gu'n faigheadh tu e gu sìorruidh;

16 Cha'n ann a so suas mar sheir-

bhiseach, ach os cean seirbhisich, 'na bhràth-air gràdhach, gu h-àraid dhomhsa, agus nach mò na sin dhuitse, arann anns an fheadh, agus anns an Tighearn?

17 Uime sin ma mheasas tu mise mar fhear comh-roinne, gabh ris-san mar rium fèin.

18 Agus ma rinn e eucoir ort, no ma dhlighas e<sup>5</sup> ni sam bith dhuit, cuir sin as mo lethse.

19 Scriobh mise Pòl le m' làimh fein e, agus diolaidh mi e: ge nach abram riut, gu'n dlighear leat thu fèin os bàrr dhomh.

20 Seadh, a bhràthair, faigheam gairdeachas uait san Tighearn: dcan suaimhneach mo chridhe san Tighearn.

21 Air dhomh bhi eabsach a d'umhlachd scriobh mi a t'ionnsuidh, oir tha fhios agam gu'n dcan thusa mar an ceudna nì's mò na a deiream.

22 Ach maille ri so ulluich mar an ceudna fardoch fa m' chomhair: oir tha dòchas agam, trid bhr n-ùrnuigheansa, gu'n tiubhrar<sup>6</sup> mi dluibh.

23 Tha Epaphras mo chomh-phriosunach ann an Iosa Crìosd,

24 Marcus, Aristarchus, Demas, Lucas, mo chomh-luchd-oibre, a' cur fàilte ort.

25 Gràs ar Tighearna Iosa Crìosd gu robh maille ri'r spioradsa. Amen.

## LITIR AN ABSTOIL PHOIL CHUM NAN EABHRUIDHEACH.

### CAIB. I.

1 Tha Crìosd a thainig o'n Athair anns na h-àmaibh deireannach so, a nì's mò na na h-aingil, fàraon thaobh a phearsaidh agus a dhreuchd.

**D**IA, a labhair o shean<sup>7</sup> gu minic, agus air iomadh dòigh ris na h-aithrichibh leis na fàidhibh,

2 Labhair e anns na làithibh deireannach so ruinne trid a Mhac, a dh'orduich e 'na oighre air na h-uile nithibh, tre'n do chruthaich e fòs na saoghail.

3 Neach air bhi dha 'na dhcalradh a ghlòire-san, agus 'na fhìor ionmhaigh<sup>8</sup> a phearsaidh, agus a' cumail suas nan uile nithe le focal a chumhachd, 'nuair a ghlan e ar peacaidhne do thrìd fèin, shuidh e air deas làimh na mòrachd anns na h-àrd-aibh:

4 Air dha bhi air a dheanamh nì's ro òirdheirce na h-aingil, mheud gu'n d'fhuair e<sup>9</sup> mar oighreachd ainm bu ro fhearr na iadsan.

5 Oir cò do na h-aingil ris an dubhairt e uair air bith, Is tu mo Mhacsa, an diugh

ghin mi thu; agus a ris, Bithidh mise a'm' Athair dhasan, agus bithidh esan 'na Mhac dhomhsa?

6 Agus a ris, 'nuair a tha e a tabhairt a' cheud-ghin a steach do'n t-saoghal, a deir e, Agus deanadh uile aingil Dé aoradh dha.

7 Agus a thaobh nan aingeal a deir e, Neach a ta deanamh aingle 'nan spiorad-aibh<sup>10</sup> agus a mhinistirean nan lasair theine.

8 Ach ris a Mhac a deir e, Tha do rìgh-chaitir, a Dhé, gu saoghal nan saoghal; is slat-rioghail ro chothromach slat do rìghachdsa:

9 Ghràdhaich thu fìreantachd, agus thug thu fuath do aingidheachd; uime sin, dh'ùng Dia, do Dhia-sa, thu le h-oladh aoibhneis os ceann do chompanacha.

10 Agus, Leag thusa, a Thighearn, bunait na talmhainn air tùs, agus is iad na nèamha oibre do lamh.

11 Teirgidh iadsan, ach mairidh tusa: agus fàsaidh iad uile sean mar eudach;

12 Agus fillidh tu iad mar bhrat, agus

<sup>1</sup> cridhe. <sup>2</sup> fois. <sup>3</sup> guidheadh ort. <sup>4</sup> a dheal-  
aicheadh e uait. <sup>5</sup> ma tha e am fuaichibh.

<sup>6</sup> deònuichear, tiòdhlaicear. <sup>7</sup> anns na h-àmaibh

a dhaidh seachad. <sup>8</sup> dhealb, riochd. <sup>9</sup> uiread  
nì's fearr na na h-aingil us a fhuair e. <sup>10</sup> g  
theachdoirean 'nan gaotlaibh.

caochlaidhear iad: ach is tusa an ti ceudna, agus cha'n fhàilnich do bhliadhnan.

13 Ach cò do na ainglibh ris an dubhairt e uair air bith, Suidh air mo dheas-làimh, agus an cuir mi do naimhde 'nan stòl-chos fuidh d'chosaidh?

14 Nach spiorada frithealaidh iad uile, air an cur a mach chum frithealaidh dhoibhsan, a bhios 'nan oighreachaibh air slàinte?

## CAIB. II.

4 *Is còir dhuinn bhì ùmhail do Chrìosd, 5 agus sin do bhrìgh gu'n d'aontaich e ar nàdur-ne a ghabhail air fèin, 14 mar a bha sin feumail.*

**U**IME sin, is còir dhuinn an ro thuilleadh aire a thoirt do na nithibh a chuala sinn, air eagal uair sam bith gu'n leigeamaid ruith leo.

2 Oir ma bha am focal, a labhradh le h-ainglibh, seasmhach, agus gu'n d'fhuair gach uile bhriseadh agus easumhlachd diol-thuarasdal dlìgeach;

3 Cionnus a théid sinne as, ma ni sinn dimeas air slàinte co mòr, a thòisich an tùs air bhì air a labhairt leis an Tighearn, agus a rinneadh dearbhta dhuinne leosan a chual e;

4 Air bhì do Dhia a' deanamh comh-fhianuis leo, araon le comharaibh agus le h-iongantasaidh, agus le feartaibh eag-samhlà<sup>1</sup>, agus le tiodhlacaibh an Spioraid naomh, a rèir a thoile fèin?

5 Oir cha do chuir e fuidh cheannsal nan aingeal an saoghail ri teachd, mu'm bheil sinn a labhairt.

6 Ach rinn neach fianuis ann an ionad àraidh, ag ràdh, Ciod e an duine gu'n cuimhniceadh tu air? no mac an duine gu'm fiosraicheadh tu e?

7 Rinn thu e ré tamuill blig ni's ìsle nà na h-aingil; chrùn thu e le glòir agus le h-onoir, agus chuir thu e os cean oibre do làmh.

8 Chuir thu na h-uile nithe sìos fuidh a chosaidh. Oir ann an cur nan uile nithe fuidhe dha, cha d'fhàg e ni air bith gun chur fuidhe. Ach a nis cha 'n'eil sinn a' faicinn nan uile nithe fathast air an cur fuidh a cheannsal.

9 Ach chì sinn Iosa, a rinneadh rè ùine bhig ni b'isle nà na h-aingil, chum tre ghràs Dè gu'm blaiseadh e bàs air son gach uile dhuine, tre fhuilang a bhàis air a chrùnadh le glòir agus le h-onoir.

10 Oir b'iomchuidh dhasan, air son am bheil na h-uile nithe, agus tre'm bheil na h-uile nithe, ann an tabhairt mhòrain mhac chum glòire, ceannard an slàinte a dheanamh foirfe tre fhuilangasaidh.

11 Oir a ta araon an ti a naomhaicheas, agus iadsan a naomhaichear, uile o aon: air an eobhar sin cha nàr leis bràithrean a ghairm diubh,

12 Ag ràdh, Cuiridh mi t-ainm an céill do m' bhràithribh, ann am meadhon na h-eaglais seinnidh mi cliu dhuit.

13 Agus a ris, Cuiridh mi mo dhòchas ann. Agus a ris, Feuch mise, agus a chlann a thug Dia dhomh.

14 Uime sin, mheud gu bheil aig a' chloinn comh-roinn do fheòil agus do fhuil, ghabh esan mar an ceudna roinn diubh sin: chum tre'n bhàs gu'n claidheadh e esan, aig am bheil cumhachd a' bhàis, 'se sin, an diabhol;

15 Agus gu'n saoradh e iadsan, a bha trid eagail a' bhàis rè am beatha uile fuidh dhaorsa.

16 Oir gu deimhin cha do ghabh e nàdur nan aingeal air<sup>2</sup>; ach ghabh e sìol Abraham air.

17 Uime sin, b'fheumail da anns na h-uile nithibh bhì air a dheanamh cosmhuil r'a bhràithribh; chum gu'm biodh e 'na àrd shagart tròcaireach agus dileas ann an nithibh a thaobh Dhè, chum réite dheanamh air son pheacanna an t-sluaigh:

18 Oir a mheud gu'n d'fhuiling e fèin, air dha bhì air a bhuaireadh, is comasach e air cabhair a dheanamh forrasan, a ta air am buaireadh.

## CAIB. III.

1 *Is mò Crìosd nà Maois: 7 uime sin, mur creid sinn annsan, bithidh sinn ni's toillteanaich air dioghaltas nà Israel cruaidh-chridheach.*

**U**IME sin, a bhràithre naomha, a ta 'nar luchd-comhpairt do'n ghairm nèamhaidh, thugaibh fainear Iosa Crìosd, abstol agus àrd shagart ar n-aidmheil;

2 A bha dileas dhasan a dh'orduich e, amhuil a bha Maois mar an ceudna 'na thighsan uile.

3 Oir mheasadh gu'm b'fhiu an Ti so glòir bu mhò na Maois, mheud gu bheil tuilleadh urrainn aig an neach, a thog an tigh, nà aig an tigh fèin.

4 Oir tha gach uile thigh air a thogail le aon eigin; ach an ti a thog na h-uile nithe, is e Dia.

5 Agus gu deimhin bha Maois dileas 'na thighsan uile mar sheirbhiseach, chum fianuis air na nithibh sin, a bha gu bhì air an labhairt an déigh sin;

6 Ach Crìosd mar Mhac os ceann a thighe fèin: agus is sinne a thighsan, ma chumas sinn dànachd, agus gairdeachas an dòchais, gu daingean gus a' chrìoch.

7 Uime sin, mar a deir an Spiorad naomha, An diugh, ma chluinneas sibh a ghuth,

8 Na cruaidhichibh bhur cridhe, mar anns a' bhrosnachadh, ann an latia a' bhuaireadh san fhàsach;

9 Far an do bhuaireadh bhur n-aithriche mi, agus a dhearbhaidh iad mi, agus a chunnaic iad m'òibre rè dha f'hichead bliadhna.

<sup>1</sup> iomadh-ghòrtheach.

<sup>2</sup> cha do ghabh e greim do nà h-ainglibh.



10 Uime sin bha diom orm ris a' ghineal-  
ach sin, agus thubhairt mi, Tha iad a ghnàth  
air seacharan 'nan cridhe; agus cha do  
ghabh iad eòlas air mo shligheibhe.

11 Ionnas gu'n d'thug mi mo mhionnàn  
a'm fheirg, Nach d'thèid iad a steach do  
m' shuaimhneas.

12 Thugaibh an aire, a bhràithre, air  
eagal gu'm bi ann an aon neach agaibh  
droch cridhe mi-chreidimh, anns an Dia  
bheo a thrèigsinn.

13 Ach earaillichibh a cheile gach aon là,  
am feadh a ghoirear An latha 'n diugh  
dheth; air eagal gu'n cruaidhichear neach  
air bith agaibh tre mhealltoireachd a'  
pheacaidh.

14 Oir rinneadh sinne 'nar luchd-comh-  
pairt do Chrìosd, ma chumas sinn toiseach  
ar muinghin gu daingean gus a' chrìoch;

15 Am feadh a deirear, An diugh, ma  
chluinneas sibh a ghuth, na cruaidhaichibh  
bhur cridhe, mar anns a' bhrosnachadh.

16 Oir air do dhream àraidh cluinntinn,  
bhrosnaich iad: ach nì'm b'iadsan uile, a  
thainig a mach as an Eiphit le Maois.

17 Ach cò ris a bha diom air rè dhà  
fhichead bliadhna, nach ann rìusan a  
pheacaich, muinntir a thuit an coluinnean  
anns an fhàsach?

18 Agus cò iad d'an d'thug e a mhionnan  
nach rachadh iad a steach d'a shuaimhneas,  
ach dhoibhsan nach do chreid?

19 Mar so chi sinn nach b'urrainn iad  
dol a steach air son mi-chreidimh.

#### C A I B. IV.

1 Tha fois nan Crìosduidh air a faghail tre  
chreidimh. 12 Cumhachd fòcaill Dé. 14 Trid  
ar n-àrd shagairt Iosa Mic Dhé, a bha  
fuaidh thrioblaidibh, ach saor o pheacadh,  
16 is còir dhuinn, agus feudaidh sinn, dal gu  
dàna chum caithir nan gràs.

**U**IME sin, biòth faitheas<sup>3</sup> oirnn, air  
eagal air bhi do ghealladh dol a steach  
d'a shuaimhneas air fhàgail againn, gu'n  
d'thigeadh aon neach agaibh<sup>4</sup> a dheidh-  
làimh air.

2 Oir shearmonaicheadh an soisgeul  
duinne, amhuil a rinneadh dhoibhsan: ach  
cha robh tairbhe dhoibh anns an fhocal,  
a chaidh shearmonachadh, do bhrìgh nach  
robh e air a mheasgadh le creidimh anns  
an droing a chual-e.

3 Oir tha sinne a' chreid a' dol a steach  
do shuaimhneas, amhuil a thubhairt e, Mar  
a thug mi mo mhionnàn a'm fheirg, Nach  
d'thèid iad a steach do m' shuaimhneas:  
ge do bha na h-oibre crìochnaichte o  
thoiseach an t-saoghail.

4 Oir labhair e ann an ionad àraidh mu'n  
t-seachdamh là air an dòigh so, Agus ghabh  
Dia fois air an t-seachdamh là o oibribh  
uile.

5 Agus anns an ionad so a rìs, Nì'n  
d'thèid iad a steach do m' shuaimhneas.

6 Do bhrìgh, uime sin, gu'n tuigear uaith  
so gu'n d'thèid dream àraidh a steach ann,  
agus nach deachaidh an dream, d'an do  
shearmonaicheadh e air tùs, a steach air  
son am mi-chreidimh;

7 A rìs, tha e suidheachadh là àraidh,  
ag ràdh ann an Daibhidh, An diugh, an  
dèigh aimsir co fhada; mar a deirear, An  
diugh, ma chluinneas sibh a ghuth, na  
cruaidhichibh bhur cridhe.

8 Oir nam biodh Iosua<sup>6</sup> air toirt  
suaimhneis dhoibh, cha labhradh e an  
dèigh sin mu là eile.

9 Uime sin dh'fhàgadh fois fa chomhair  
sluaigh Dé.

10 Oir an ti a chaidh steach d'a  
shuaimhneas-san, ghabh esan tàmh o  
oibribhsan, amhuil a ghabh Dia o oibribh  
fèin.

11 Deanamaid dìchioll, uime sin, air dol a  
steach do'n t-suaimhneas sin, air eagal gu'n  
tuit aon neach a réir eisempleir chudna  
a'mhi-chreidimh<sup>6</sup>.

12 Oir tha focal Dé beo agus cumhachd-  
ach, agus nì's géire na claidheamh dà-  
fhaobhair air bith, a' ruigheachd eadhon  
chum eadar-sgaraidh an anama agus an  
spioraid, agus nan alt agus nan smear, agus  
a' toirt breth air smuaintibh agus rùnaibh<sup>7</sup>  
a' chridhe.

13 Agus cha 'n'eil creutair sam bith nach  
'eil follaiseach 'na làthairsan: ach a ta na  
h-uile nithe lomnochd, agus fosgailte do  
shùilbha an ti, d'am feum sinn cuinntas a  
thabhairt<sup>8</sup>.

14 Do bhrìgh, uime sin, gu bheil againn  
àrd shagart mòr, a chaidh a steach do na  
nèamhaibh, Iosa Mac Dhé, cumamaid gu  
daingean ar n-aidmhcil.

15 Oir cha 'n'eil àrd shagart againn nach  
'eil comasach air comhfhuilangas a bhi aige  
r'ar n-annhuinneachdaibh; ach a bhuaireadh  
sna h-uile nithibh air an dòigh cheudna  
ruinne, ach as eugmhais peacaidh.

16 Thigamaid, uime sin, le dànachd gu  
righ-chaitir nan gràs, chum gu faigh sinn  
tròcair, agus gu'n amais sinn air gràs chum  
cabhair ann an àm feuma.

#### C A I B. V.

1 Ughdarras agus onoir sagartachd ar  
Slanaighir: 11 mairneulachd 'nar eòlas air  
a chionnachadh.

**O**IR tha gach uile àrd shagart, air a  
thoirt o mheasg dhaoine, air orduchadh  
air son dhaoine ann an nithibh a thaobh  
Dhé, chum gu'n toir e suas araon tiodhlacan  
agus iobairtean air son pheacanna:

2 Neach a ta comasach air truas a ghabh-  
ail ris an droing, a ta aineolach, agus air  
seacharan: do bhrìgh gu bhil e fèin mar

<sup>1</sup> fois. <sup>2</sup> a' bha easumhal. <sup>3</sup> eagal.  
<sup>4</sup> dhinn. <sup>5</sup> Iosa. <sup>6</sup> easumhlachda.

<sup>7</sup> breithneuchaibh. <sup>8</sup> ris am bheil ar gnotkuchne.  
9 gu'm faigh sinn.

an ceudna air a chuartachadh le h-anmhuinneachd :

3 Agus air a shon so, is còir dha ìobradh air son peacaidh, mar as leth an t-sluaigh, is amhuil sin as a leth fèin mar an ceudna.

4 Agus cha ghabh aon duine an onoir so dha fèin, ach an ti a ta air a ghairm o Dhia, mar bha Aaron :

5 Is amhuil sin, cha do ghlòraich Crìosd e fèin, gu bhi air a dheanamh 'na àrd shagart ; ach an ti a thubhairt ris, Is tu mo Mhac, an diugh ghin mi thu.

6 A réir mar a dcir e mar an ceudna ann an ìonad eile, Is sagart thu gu sìorruidh a réir orduigh <sup>1</sup> Mhelchisedeic.

7 Neach ann an làithibh fhèda, an déigh dha ùrnuighean agus athchuingean, maille ri h-àrd éighich agus deuraibh, dh'ìobradh suas do'n ti a bha comasach air a shaoradh o'n bhàs, agus dh'éisdeadh ris thaobh an ni romh an robh eagal air<sup>2</sup>.

8 Ge bu Mhac e, dh'fhoghlaim e ùmhlachd o na nithibh a dh'fhuiling e :

9 Agus air dha bhi air a dheanamh foirfe, rinneadh e 'na ùghdar slàinte shìorruidh dhoibhsan uile, a bhios ùmhal dha ;

10 Air a ghairm le Dia 'na àrd shagart, a réir orduigh Mhelchisedeic,

11 Mu'm bheil mòran againn r'a labhairt, agus cruaidh r'am mìneachadh ; do bhrìgh gu bheil sibh mall 'nar n-éiseachd.

12 Oir ge d'bu chòir dhuibh a réir na h-aimsir bhi 'nar luchd-teagaisg, tha feum agaibh gu'n teagaisgeadh neach dhuibh a ris cìod iad ceud-thoiseacha bhriathar<sup>3</sup> Dhé ; agus tha sibh air teachd chum na h-inbhe sin, gur mòd a ta bainne dh'uireas-bhuidh oirbh na biadh làidir.

13 Oir gach neach a ta gnàthachadh bannae, tha e neo-theòmadh<sup>4</sup> air focal na fireantachd : oir is naoidhean e.

14 Ach is ann do dhaoineibh foirfe a bhuineas biadh làidir, aig am bheil an ceudfaidh, tre gnàthachadh fada, air an cleachdadh ri eadar-dhealachadh chur eadar maith agus olc.

## CAIB. VI.

1 Tha e cur inpidh orru, gun iad a thuiteam air an ais o'n chreidimh ; 11 ach bhi seas-mhach, 12 dìchiollach, agus feitheamh gu fòighidneach ri Dia, 13 do bhrìgh gu bheil esan ro-fhìor agus cinnteach 'na ghealladh.

**U**IME sin air fàgail duinn ceud-thoiseacha teagaisg Crìosd, rachamaid air ar n-aghaidh chum foirfeachd ; gun bhi ris a' suidheachadh bunaite aithreachais o oibribh marbha, agus creidimh thaobh Dhé,

2 Bunaite teagaisg nam baisde, agus leagaidh nan làmh, agus aiseirigh nam marbh, agus breitheanais shìorruidh.

3 Agus ni sinn so, ma cheadaicheas Dia.

4 Oir is eucomasach an droing sin, a chaidh aon uair a shoillseachadh, agus a bhlais an tiodhlac nèamhaidh, agus a rinneadh 'nan luchd-comhpairt do'n Spìorad naomh,

5 Agus a bhlais deadh fhècal Dé, agus cumhachdan an t-saoghail ri teachd<sup>5</sup> :

6 Agus a thuit air falbh, ath-nuadhachadh chum aithreachais : do bhrìgh gu bheil iad a' ceusadh Mhic Dhé a ris dhoibh fèin, agus 'ga chur gu nàire fhollaisich<sup>6</sup>.

7 Oir an talamh a dh'òlas a steach an t-uisge a tha teachd gu mìnic air, agus a bheir uaidh luibheanna iomchuidh do'n droing leis an saothraichear e, gheibh e beannachadh o Dhia :

8 Ach an talamh sin a bheir uaidh droighionn agus driscan, tha e air a chur air cùl, agus fagus do mballachadh ; d'an deireadh bhi air a losgadh.

9 Ach is dearbh leinn nithe a's fearr mu'r timchiollas, a mluinntir ionmhuinn, agus nithe a tha dlùth do shlàinte, ge do tha sinn a' labhairt mar so.

10 Oir cha 'n'eil Dia mi-chothromach, gu'n dì-chuimhnichheadh e obair agus saothair bhuirgraidh, a nochd sibh a thaobh ainmesan, am feadh gu'n d'rinn sibh frithealadh do na naomhaibh, agus gu' bheil sibh a' frithealadh.

11 Agus is miann leinne gu'n dean gach aon agaibh an dùrachd ceudna a nochdadh, chum làn-dearbhadh an dòchais gus a' chrìoch :

12 Chum nach bi sibh leasg, ach 'nar luchd-leanmhuinn 'orrasan, a tha tre chreidimh agus fhoighidin a' seallbhadh nan geallanna.

13 Oir an uair a thug Dia gealladh do Abraham, do bhrìgh nach feudadh e mìonnan a thoirt air neach bu mhò, thug e mìonnan air fèin,

14 Ag ràdh, Gu fìrinneach, beannuichidh mi gu mòr thu<sup>7</sup>, agus ni mi ro lionmhor thu.

15 Agus mar sin an déigh dhasan feitheamh gu fòighidneach, fhuair e sealbh air a' ghealladh.

16 Oir gu deimhin bheir daoine mìonnan air an neach a's mò : agus dhoibhsan is crìoch air gach uile chonnachadh mìonnan chum daingneachaidh.

17 Uime sin, air bliu do Dhia toileach air neo-chaochluidheadh a chomhairle fheuchainn ni's pailte do oighreachaibh a' ghealladh, dhearb e le mìonnaibh é :

18 Chum tre dhà ni neo-chaochluidheadh, anns an robh e eucomasach gu'n deanadh Dia breug, gu'm biodh againne comhfhurtachd làidir, a thèich chum didein

<sup>1</sup> coslais.

<sup>2</sup> thugadh suasgladh dha o eagal.

<sup>3</sup> oracla.

<sup>4</sup> neo-iùlmhar.

<sup>5</sup> na linn ri teachd.

<sup>6</sup> a' deanamh ball-

magaidh dheth.

<sup>7</sup> a' beannachadh

beannuichidh mi thu. Gr.



gu greim a dheanamh air an dòchas a chuireadh romhainn :

19 Nì a tha againn mar acair an anama, araon cinnteach agus daingean, agus a theid a steach do'n ionad sin, a ta'n taobh stigh do'n bhrat-roinn,

20 Far an deachaidh an roimh-ruith-fhear a steach air ar soinne, *eudhon* Iosa, a rinneadh 'na àrd shagart gu siorruidh a réir orduigh Mhelchisedec.

### C A I B. VII.

1 *Is sagart Iosa Criosd a réir orduigh Mhelchisedec; 11 agus mar sin nì's ro òirdheirce na na sagairt, a tha do orduigh Araoin.*

**O**IR b'e am Melchisedec so rìgh Shaleim, sagart an Dé a's ro àirde, neach a choinnich Abraham a' pilltinn o àr' nan rìgh, agus a bheannuich e;

2 D'an d'thug Abraham eadhon deachamh do'n uile: neach a's e air tùs, air na eadar-theangachadh, rìgh na fìreantachd, agus 'na dhèigh sin mar an ceudna, rìgh Shaleim, 'se sin, rìgh na sìth;

3 Gun athair, gun mhàthair, gun sinn-sireachd, gun toiseach làithean, gun deireadh beatha aige; ach air a dheanamh cosmhuil ri Mac Dhé, tha e fantuinn 'na shagart gu siorruidh<sup>2</sup>.

4 A nis thugaibh an aire cia mòr an duine so, d'an d'thug eadhon am prìomh-athair<sup>3</sup> Abraham an deachamh do'n chreich.

5 Agus gu deimhin iadsan do chloinn Lebhi, a tha faotainn na sagartachd, tha àithne aca deachamh a thogail o'n t-sluagh a réir an lagha, sin r'a ràdh, o'm bràithribh fèin, ge do thainig iad a mach a leasraidh Abraham :

6 Ach an ti nach 'eil air a shloinneadh uatha-san, fhuair e deachamh o Abraham, agus bheannuich se esan, aig an robh na geallanna.

7 Agus gun agadh sam bith, beannuichear an ti a's lugha leis an ti a's fearr.

8 Agus an so tha daoine a gheibh bàs a faotainn deachaimh : ach an sin, an ti aig am bheil fianuis gu bheil e beo.

9 Agus mar a dh'fheudas mi ràdh, fhuaradh ann an Abraham deachamh o Lebhi fèin, a thogas an deachamh :

10 Oir bha e fathast ann an leasraidh athair, an uair a choinnich Melchisedec e.

11 A nis nan d'thigeadh foirfeachd tre shagartachd nan Lebhitheach (oir is ann r'a linn a thugadh an lagh do'n t-sluagh) ciod am feum a bha air sagart eile éirigh a réir orduigh Mhelchisedec, agus nach biodh e air a ghairm a réir orduigh Araoin ?

12 Oir air do'n t-sagartachd bhi air a h-atharrachadh is éigin an lagh bhi air atharrachadh mar an ceudna.

13 Oir an ti air an labhrar na nithe sin,

buinidh e do thréibh eile, do nach d'rinn aon neach fìrthealadh aig an altair.

14 Oir is soilleir gur ann o Iuda dh'éirich ar Tighearn, treubh air nach do labhair Maois nì air bith thaobh sagartachd.

15 Agus tha e fathast nì's ro-shoilleire, am feadh gu'n d'éirich sagart eile a réin coslais Mhelchisedec,

16 A' rinneadh 'na shagart, cha'n ann a réir lagha àithne fhèidmhoir, ach a réir cumhachd beatha gun chrìoch.

17 Oir tha e deanamh fianuis, Gur sagart thu gach linn a réir orduigh Mhelchisedec.

18 Oir gu deimhin tha an àithne roimhe air a cur air cùl, air son i bhi anmhuinn agus neo-tharbhadh.

19 Oir cha d'rinn an lagh nì sam bith foirfe, ach rinn toirt a steach dòchais a's fearr e; tre'm bheil sinn a' teachd am fagus do Dhia.

20 Agus a mheud nach d'rinneadh sagart deth gun mhionnaibh,

21 (Oir rinneadh sagarta dhiubhsan as as eughmais mhionnan; ach dhethsan le mionnaibh, tre'n ti a thubhairt ris, Mhionnaich an Tighearn, agus cha ghabh e aithreachas, *Is sagart thu gu siorruidh, a réir orduigh Mhelchisedec.*)

22 Is co mòr as sin a rinneadh Iosa 'na urras air coimh-cheangal<sup>4</sup> a's fearr.

23 Agus bha gu deimhin mòran diubhsan 'nan sagartaibh, Jo bhrìgh gu'n do bhacadh dhoibh leis a' bhàs bhi mairtheann.

24 Ach an duine so, do bhrìgh gu mair e gu siorruidh, tha sagartachd neo-chaoch-luidheach aige.

25 Air an aobhar sin tha e mar an ceudna comasach air an droing, a thig a dh'ionnsuidh Dhé tridsan, a shlanuchadh gu h-iomlan<sup>5</sup>, do bhrìgh gu bheil e beo gu siorruidh gu eadar-ghuidhe dheanamh air an son.

26 Oir bha shamhuil sin do àrd shagart iomchuidh dhuinne, a bha naomha, neo-lochdach, neo-thruaillidh, air a dhealachadh<sup>6</sup> o pheacachaibh, agus a rinneadh nì's àirde na na nèamha :

27 Nach feum gach là mar na h-àrd shagairt ud iobairtean thoirt suas, air tùs air son a pheacanna fèin, agus an déigh sin air son *peacanna* an t-sluaigh : oir rinn e so aon uair, san àm a thug se e fèin mar iobairt.

28 Oir tha an lagh a' deanamh àrd shagarta do dhaoineibh aig am bheil anmhuinneachd; ach focal nam mionnan, a bha an déigh an lagha, a' deanamh àrd shagairt do'n Mhac, a tha air a dheanamh iomlan<sup>7</sup> gu siorruidh.

### C A I B. VIII.

1 *Le sagartachd shiorruidh Chriosd tha sagartachd Lebhitheach Araoin air a cur air*

<sup>1</sup> mharbhadh.

<sup>2</sup> a ghnèth, rè a bheatha.

<sup>3</sup> àrd-athair. <sup>4</sup> tiomnadh. <sup>5</sup> gus a' chuid a's

faide, gu siorruidh. <sup>6</sup> air a sgaradh. <sup>7</sup> air a choisrigeadh.

eùl: 7 agus an coimh-cheangal aimsireil a rinneadh ris na sinnsiribh, le coimh-cheangal siorruidh an t-soisgeil.

**A**NIS is e so suim nan nithe a labhair sinn: Tha shamhuil sin do àrd shagart againn, a tha air suidhe air deis righ-chaitheach na mòrachd anns na nèamhaibh; 2 Ministear nan ionad naomh, agus an fhìor phàilluin, a shuidhich an Tighearn, agus cha bu duine.

3 Oir tha gach uile àrd shagart air ordughadh chum tiodhlacan agus iobairtean a thabhairt suas: uime sin b'èigin gu'n biodh aig an duine so mar an ceudna ni-eigin r'a thabhairt suas.

4 Oir nam biodh e air thalamh, cha bhiodh e 'na shagart, do bhrìgh gu bheil sagairt ann a tha tabhairt suas thiodhlac a rèir an lagha:

5 Muinntir a tha deanamh seirbhis le samhhlachas agus sgàile nan nithe nèamhaidh, a rèir mar a dh'orduicheadh do Mhaois le Dia, 'nuair a bha e air ti, am pàilluin a chur suas. Oir feuch (a deir e) gu'n dean thu na h-uile nithe rèir an t-saimpleir, a nochdadh dhuit san t-sliabh.

6 Ach a nis fhuair e ministreileachd a's ro-fhearr, a mhead gu bheil e mar an ceudna 'na eadar-mheadhonair air coimh-cheangal a's fearr, a chaidh dhaingneachadh air geallaibh a's fearr.

7 Oir nam biodh an ceud choimh-cheangal sin gun uireasbhuidh<sup>1</sup>; cha'n iarrtadh àit do'n dara coimh-cheangal.

8 Oir a' faotainn croin-dòibh, a deir e, Feuch thig na làithean (a deir an Tighearn,) anns an dean mi coimh-cheangal nuadh ri tigh Israel, agus ri tigh Iuda:

9 Cha'n ann a rèir a' choimh-cheangail a rinn mi r'an aithrichibh anns an là a rug mi air làimh orra, chum an teòrachadh a mach a thalamh na h-Eiphit; do bhrìgh nach d'fhan iad ann am choimh-cheangal, agus chuir mise suarach iadsan, a deir an Tighearn.

10 Oir is e so an coimh-cheangal a ni mi ri tigh Israel an déigh nan là ud, a deir an Tighearn: Cuiridh mi mo reachda 'nan inntinn, agus scriobhaidh mi iad air an cridhibh: agus bithidh mi a'm' Dhia dhoibh, agus bithidh iadsan 'nan sluagh dhomhsa.

11 Agus cha teagaisg iad gach aon a choimhearsnach, agus gach aon a bhràthair, ag ràdh, Gabh eòlas air an Tighearn: oir bithidh eòlas aca uile orm, o'n neach a's lugha gur an neach a's mò dhiubh.

12 Oir bithidh mise tròcaireach d'an euceartaibh, agus am peacanna agus an aingidheachd cha chuimhnich mi ni's mò.

13 Am feadh a deir e, *Coimhcheangal* nuadh, rinn e'n ceud *coimhcheangal* sean. A nis an ni a ta aosda agus air fàs sean, tha e fagus do dhol as an t-sealladh.

## CAIB. IX.

1 Tha e mìneachadh nan iobairt fuidh'n lagh, agus gach gnathachaidh, a bha nan cuideachd; 11 tha iad gu mòr thaobh feobhais goirid air fuil agus iobairt Chriosd.

**B**HA ma seadh gu dearbh aig a' cheud Dè, agus naomh-ionad saoghalta.

2 Oir dheasaicheadh an ceud phàilluin, anns an robh an coinnleir, agus am bord, agus aran na fianuis ris' an abrar an t-ionad naomha.

3 Agus an taobh a stigh do'n dara roinn-bhrat, am pàilluin d'an goirear an t-ionad a's ro naomha:

4 Anns an robh an tùiseir òir, agus àirc a' choimh-cheangail air a còmhachadh<sup>2</sup> mu'n cuairt le h-òr, anns an robh a' phuirt òir anns an robh am mana, agus slat Aaroin a bha fuidh bhàth, agus clàir a' choimh-cheangail;

5 Agus os a ceann, cheruban na glòire, a' cur sgàile air caithir na tròcair; mu nach urradh sinn a nis labhairt fa leth.

6 A nis an uair a bha na nithe so air an cur an ordugh mar so, chaidh na sagairt a ghnàth a steach do'n chèud phàilluin, a' coimhlionadh seirbhis Dè:

7 Ach do'n dara phàilluin chaidh an t-àrd shagart 'na aonar a steach aon uair sa' bhliadhna, cha b'ann as eugmhais fola, a thug e suas air a shon fèin, agus air son seacharain an t-sluaigh.

8 Air bhì do'n Spiorad naomh a' nochdadh so, nach robh fathast an t-slighe chum an ionaid bu ro-naomha air a foillseachadh, am feadh a bha an ceud phàilluin fathast 'na seasamh:

9 Nì a bha 'na shamhladh do'n aimsir a ta làthair, anns an robh araon tiodhlacan agus iobairtean air an toirt suas, nach robh comasach air an ti, a bha deanamh na seirbhis sin, a dheanamh coimhlionta, thaobh a choguis,

10 An t-seirbhis a bha mhàin ann am biadhaibh agus ann an deochaibh, agus an iomadh gnè ionnlaid, agus deas-ghnàthach-aibh a thaobh na feòla, a chuireadh mar uallaich orra gu àm an leasachaidh.

11 Ach air teachd do Chriosd 'na àrd shagart nan nithe maithe a bha ri teachd, tre phàilluin bu mhò agus bu dìongmhalta, nach d'rinneadh le làmhhaibh, sin r'a ràdh, nach robh do'n togail so;

12 Agus cha b'ann tre fhuil ghabhar agus laogh, ach tre fhuil fèin, a chaidh e steach aon uair do'n ionad naomha, air dha saorsa shiorruidh fhaotainn dhuinne.

13 Oir ma nì fuil tharbh, agus ghabhar, agus luathre aighe air a crathadh air an droing, a bha neo-ghlan, an naomhachadh chum glanaidh na feòla;

14 Cia mòr is mò nì fuil Chriosd, a



thug e fèin suas tre'n Spioraid shiorruidh<sup>1</sup> gun lochd do Dhia, bhuir coguis-se ghlanadh o oibribh marbha chum seirbhis a dheanamh do'n Dia bheo?

15 Agus air a shon so is esan eadar-mheadhonair an tiomnaidh nuaidh<sup>2</sup>, ionnas tre fhulangas a' bhàis, chum saorsa<sup>3</sup> nan euceart, a bha fuidh'n cheud tiomnadh a chosnadh, gu'm faigheadh iadsan a ta air an gairm gealladh na h-oighreachd shiorruidh.

16 Oir far am bheil tiomnadh, is éigin bàs an tiomnaidh-fhìr a bhi ann mar an ceudna.

17 Oir a ta tiomnadh daingean an déigh bàis dhaoine: ach cha 'n'eil brìgh sam bith ann am feadh 's a ta'n tiomnaidh-fhear beo.

18 A réir sin, ni mò bha'n ceud *thiomnadh* air a choisreagadh<sup>4</sup> as eugmhais fola.

19 Oir an uair a labhradh gach uile àithne réir an lagha ris an t-sluagh uile le Maosis, air da fuil laogh agus ghabhar a ghabhail, maille ri h-uisge, agus oluinn scarlaid<sup>5</sup>, agus hisop, chrath e iad araon air an leabhar agus air an t-sluagh uile,

20 Ag ràdh, 'Si so fuil an tiomnaidh<sup>6</sup>, a dh'àithn Dia dhuibh.

21 Os bàrr, chrath e mar an ceudna an fhuil air a' phàillium, agus air soithichibh na naomh-sheirbhis uile.

22 Agus is beag nach 'eil na h-uile nithe air an glanadh le fuil a réir an lagha; agus as eugmhais dòrtaidh fola cha 'n'eil maitheanas r'a fhaotainn.

23 B'fheumail, uime sin, gu'm biodh samhlaidh nan nithe, a ta sna nèamhaibh, air an glanadh leo so; ach na nithe nèamhaidh fèin le ìobairtibh a b'fhearr na iad so:

24 Oir cha deachaidh Crìosd a steach do na h-ionadaibh naomha làmh-dheanta, nithe a's iad samhlauchais nam fìor ionad; ach do nèamh fèin, chum a nis e fèin a nochdadh ann am fianuis Dé air ar soinne:

25 No fìos chum e fèin ìobradh gu minic, mar a théid an t-àrd shagart gach bliadhna steach do'n ionad naomha, le fuil nach leis fèin.

26 (Oir mar sin b'fheumail e dh'fhulang gu minic o thoiseach an t-saoghail;) ach a nis dh'fhoillsicheadh e aon uair ann an deireadh an t-saoghail<sup>7</sup>, chum peacadh a chur air cùl trid e fèin ìobradh.

27 Agus amhùil a ta e air ordachadh do dhaoineibh bàs fhaotainn aon uair, ach 'na dhéigh so breitheanas.

28 Mar sin thugadh Crìosd suas aon uair a thoirt air falbh peacaidh mhòrain, ach an dara uair as eugmhais peacaidh foillsichear e dhoibhsan aig am bheil sùil ris, chum slàinte.

### CAIB. X.

1 Anmhuinneachd ìobairtean an lagha. 10

Thug ìobairt cuirp Chrìosd a thugadh suas aon uair peacadh gu shiorruidh air falbh.

19 Earail chum an creidimh a ghleidheadh gu daingean, le foighidin agus buidheachas.

**U**IME sin air bhi aig an lagh sgàile nithe maithe ri teachd, agus cha'n e fìor-dhealbh nan nithe fèin, ni'n comasach dha an droing a thig d'a ionnsuidh a choidhch a dheanamh coimhlionta, leis na h-ìobairtibh sin, a bha iad a' toirt suas o bhliadhna gu bliadhna a ghnàth.

2 Oir an sin nach sguireadh iad do bhi 'gan toirt suas? do bhrìgh nach biodh aig luchd-deanamh na naomh-sheirbhis tuilleadh coguis air bith peacaidh, air dhoibh bhi aon uair air an glanadh.

3 Ach anns na h-ìobairtibh sin nithear ath-chuimhneachadh air na peacaibh gach bliadhna.

4 Oir cha 'n'eil e'n comas gu tugadh fuil tharbh agus ghabhar peacanna air falbh.

5 Uime sin ag teachd dha do'n t-saoghal, a deir e, Ìobairt agus tabhartas ni'm b'àill leat, ach dh'ulluich thu corp dhomhsa:

6 Ann an ìobairtibh loisgte, agus ann an ìobairtibh air son peacaidh cha robh tlachd agad:

7 An sin thubhairt mise, Feuch, tha mi a' teachd (ann an rola an leabhair tha sud scriobhta orm) chum do thoilse a dheanamh, O Dhé.

8 Air dha a ràdh roimhe sin, Ìobairt, agus tabhartas, agus ìobairte-loisgte, agus ìobairt air son peacaidh ni'm b'àill leat, agus ni robh do thlachd anna (a tha air an toirt suas a réir an lagha.)

9 An sin thubhairt e, Feuch, ataim a' teachd a dheanamh do thoilse, O Dhé. Tha e cur air cùl a' cheud ni, chum gu'n daingnich e an dara ni.

10 Leis an toil so tha sinne air ar naomhachadh, trid toirt suas cuirp Iosa Crìosd aon uair.

11 Agus tha gach uile shagart a'seasamh gach là, a' frithealadh agus a' toirt suas nan ìobairt cheudna gu minic, nithe do nach 'eil e'n comas a choidhch peacanna thoirt air falbh:

12 Ach an duine so, an déigh dha aon ìobairt a thoirt suas air son peacaidh, shuidh e a choidhch tuilleadh air deas làimh Dhé;

13 A' feitheamh o sin suas gus an cuirear a naimhde 'nan stòl-chos fuidh chosaibh.

14 Oir le aon ìobairt rinn e choidhch foirfe iadsan, a ta air an naomhachadh.

15 Agus tha an Spiorad naomh mar an ceudna a deanamh fianuis duinne air na nithibh so: oir an déigh dha ràdh roimhe,

16 Is e so an coimh-cheangal a ni mi riu 'n déigh nan là ud, deir an Tighearn,

<sup>1</sup> tre'n spiorad naomh. <sup>2</sup> a' choimh-cheangail nuaidh. <sup>3</sup> suasglaidh. <sup>4</sup> air a dhaingneachadh.

<sup>5</sup> corcùir. <sup>6</sup> a' choimh-cheangail. <sup>7</sup> nam linn.

Cuiridh mi mo reachdan 'nan cridhe, agus scriobhaidh mi iad air an inntinn:

17 [A deir e] agus am peacanna agus an eucearta cha chuimhnich mi ni's mò.

18 A nis, far am bheil maithneas nan nithe so, cha 'nèil tabhartas<sup>1</sup> air son peacaidh ann ni's mò.

19 Uime sin, a bhràithre, do bhrìgh gu bheil dànachd againn chum dol a steach do'n ionad a's naomha tre fhuil Iosa,

20 Air slighe nuaidh agus bheo a choisrig e dhuinne, tre'n roinn-bhrat, sin r'a ràdh, tre fheòil fèin.

21 Agus do bhrìgh gu bheil againn àrd shagart os ceann tighe Dhé,

22 Thigeamaid am fagus le cridhe fìor, ann an làn dearbh-bheachd a' chreidimh, le'r cridheachaibh air an crath-ghlanadh o dhroch coguis, agus le'r cuirp air an nigh-eadh le h-uisge glan.

23 Cumamaid gu daingean aidmheil ar dòchais gun chlaonadh, (oir is fìrinneach an ti a gheall.)

24 Agus thugamaid an aire d'a chèile chum ar brosnachadh gu gràdh, agus deagh oibribh:

25 Gun bhi leigeadh dhinn sinn fèin a chruinneachadh an ceann a chèile, mar is gnàth le dream àraidh; ach a' comhairleachadh *chêile*: agus gu ma mòid a *ni sinn* so, gu bheil sibh a' faicinn an là a' tarruing am fagus.

26 Oir ma pheacaicheas sinn d'ar toil fèin an déigh dhuinn eòlas na fìrinn fhaotainn, cha'n fhàgar tuilleadh dhuinn ìobairt air son peacaidh,

27 Ach dùil eagalach ri breitheanas, agus fearg theinnteach, a sgriosas na h-eascairdean.

28 An ti a rinn tàir air lagh Mhaois, bhàsaich e gun tròcair, fuidh dhithis no thriuir a dh'fhianuisibh.

29 Cia mòr is measa na sin am peanas a shaoileas sibh air am measar esan toillteanach, a shaltair fuidh chosaibh Mac Dhé, agus a mheas mar ni mi-naomha fuil a' choimh-cheangail, leis an do naomhaicheadh e, agus a rinn tarcuais air Spiorad nan gràs?

30 Oir is aithne dhuinn an ti a thubhairt, *Is leamsa an dìoghaltas*, agus bheir mi dìoladh uam, deir an Tighearn: agus a ris, Bheir an Tighearn breth air a shluagh.

31 *Is ni eagalach tuiteam ann an làmh-aibh an Dé bheo.*

32 Ach biodh ath-chuimhne agaibh air na làithibh a chaidh seachad, anns an d'fhuiling sibh, an déigh dhuibh bhi air bhrù soillsachadh, gleachda mòr fulangais<sup>2</sup>;

33 Ann an cuid am feadh a rinneadh sibh 'nar ball-amhàire<sup>3</sup>, araon tre mhaslaibh agus thrioblaidibh; agus ann an cuid, am

feadh a rinneadh sibh 'nar companaich dhoibhsan, ris an do bhuineadh mar sin.

34 Oir bha comh-fhulangas agaibh riunsa ann am gheimhlibh, agus ghabh sibh le luathghair ri creachadh bhrù maoin, air dhuibh fios a bhi agaibh annaibh fèin gu bheil agaibh air neamh maoin a's fearr agus a ta maireanuach.

35 Uime sin na tilgibh uaibh bhrù muinghin, aig am bheil mòr dhiol-thuarasdal.

36 Oir a ta feum agaibh air foighidinn; chum, an déigh dhuibh toil Dé a dheanamh, gu'm faigh sibh an gealladh.

37 Oir fathast sealan beag, agus an ti a ta ri teachd thig e, agus cha dean e moille.

38 A nis bithidh am fìrean beo tre chreidimh: ach ma philleas e air ais, cha bhi aig m'anamsa tlachd ann.

39 Ach cha 'nèil sinne do'n dream sin a philleas air an ais chum sgrios; ach do'n dream a chreideas, chum slànuchaidh an anama.

### CAIB. XI.

1 *Cìod is creidimh ann. 6 As eugmhaìs creidimh cha 'nèil e'n comas duinn toil Dé a dheanamh: 7 deadh thròadh a' ghràis sin anns na h-aithricibh o shean.*

**A** NIS is e creidimh brìgh nan nithe ri'm bheil dòchas, dearbhadh nan nithe nach faicear.

2 Oir is ann trid so a fhuair na sinnsir deadh theisteachas.

3 Tre chreidimh tha sinn a' tuigsinn gu'n do chruthaicheadh na saoghail tre fhocal Dé, air chor as nach d'rinneadh na nithe a chithear do nithibh a bha r'am faicinn.

4 Tre chreidimh thug Abel suas do Dhia ìobairt ni b'fhearr na Cain, trid an d'thugadh teisteachas dha gu'n robh e 'na fhìrean, air bli do Dhia a' deanamh fianuis d'a thìodhlacaibh: agus tre sin, air dha bhi marbh, tha e fathast a' labhairt.

5 Tre chreidimh dh'atharraicheadh Enoch chum, nach faiceadh e bàs; agus cha d'fhuaradh e, do bhrìgh gu'n d'atharraich Dia e: oir roimh atharrachadh thugadh fianuis da, Gu'n do thaitinn e ri Dia.

6 Ach as eugmhaìs creidimh cha 'nèil e'n comas a thoileachadh: oir is éigin do'n ti, a thig a dh'ionnsuidh Dhé, a chreidsinn gu bheil e ann, agus gur neach e a bheir duais do'n droing, a dh'iarras e gu dìchiollach.

7 Tre chreidimh air do Noe rabhadh fhaotainn o Dhia mu thimchioll nithe nach robh idir r'am faicinn, agus eagal a ghabhail, dh'ulluich e àirc chum tearnaidh a theaghlach; tre'n do dhìt e an saoghal, agus rinneadh e 'na oighre air an fhìrean-tachd, a ta thaobh creidimh.

8 Tre chreidimh, 'nuair a ghairmeadh



Abraham gu dol a mach do ionad, a bha e agus fhaotainn an déigh sin mar oighreachd, fhreagair e; agus dh'imich e mach gun fhios a bhi aige c'ait an robh e dol.

9 Tre chreidimh bha e air chuairt ann an tìr a' gheallaidh, mar ann an tìr choimhich, a' gabhail còmhnuidh ann am pàillunaibh maille ri h-Isaac agus Jacob, còmh-oighreachan a' gheallaidh cheudna.

10 Oir bha sùil aige ri baile le bunaitibh, air am *bheil* Dia 'na fhear-dealbhaidh agus 'na fhear-togail.

11 Tre chreidimh mar an ceudna fhuair Sara féin neart gu sliochd a ghabhail 'na broinn, agus rug i leanabh an déigh dh'i dol thar aois *cloinne*, do bhrìgh gu'n do mheas i gu'n robh esan firinneach, a thug an gealladh.

12 Uime sin, ghineadh o aon a mhàin, agus esan ionann agus marbh, sliochd mar reulta nèimhe thaobh lionmhoireachd, agus mar a' ghaineamh air tràigh na fairge do-àireamh.

13 Fhuair iad so uile bàs ann an creidimh, gun na geallanna' fhaotainn, ach air dhoibh am faicinn fad o làimh, (agus an creidsinn,) ghabh iad riu, agus dh'aidich iad gu'm bu choigrich agus luchd-cuairt air an talamh iad féin.

14 Oir an droing a deir na nithe sin, tha iad a' nochdadh gu soilleir gu bheil iad ag iarraidh dùthcha.

15 Agus gu firinneach nam biodh iad cuimhneachail, air an *dùthaich* sin, as an d'thainig iad a mach, dh'fheadadh iad àm iomchuidh fhaghail air pilleadh:

16 Ach a nis tha déidh aca air *dùthaich* a's fearr, eadhon *dùthaich* nèamhaidh: uime sin cha nàr le Dia, gu'n goirear an Dia-san dheth: oir dh'ulluich e dhoibh baile.

17 Tre chreidimh dh'ìobair Abraham, air dha bhi air a dhearbhadh, a *mhac* Isaac; agus thug an ti a fhuair na geallanna suas aon-ghin *mhic*:

18 Ris an dubhradh<sup>2</sup>, Ann an Isaac goirear do shliochd:

19 A' breithneachadh<sup>3</sup> gu'm bu chom-asach Dia air a thogail eadhon o na mar-bhaibh; o'n d'fhuair se e eadhon ann an cosamhlachd.

20 Tre chreidimh bheannuich Isaac Jacob agus Esau mu thimchioll nithe a bha ri teachd.

21 Tre chreidimh bheannuich Jacob, ag faghail bàis da, dithis mhac Ioseph; agus rinn e aoradh, a' *leigeadh* a chudthrom air bàr a bhataidh.

22 Tre chreidimh rinn Ioseph, ri àm faghail a' bhais da, iomradh air dol a mach chloinn Israeil; agus thug e àithne mu thimchioll a chnàmh.

23 Tre chreidimh an uair a rugadh Maois, dh'fholaicheadh etri mìosan le phàrantaibh,

do bhrìgh gu'm fac iad gu'm bu leanabh tlachdmhor e; agus cha robh eagal orra roimh àithne an rìgh.

24 Tre chreidimh air teachd gu h-aois do Mhaois, dhiùlt e bhi air a ghairm 'na mhac do nighinn Pharaoh;

25 A' roghnachadh àmhghar fhulang maraon ri sluagh Dhé, roimh shòlas a' pheacaidh a mhealtuinn rè seal;

26 A' meas gu'm bu mhò an saibhreas masladh Chrìosd nà ionmhuis na h-Eiphit: oir bha sùil aige ris an luach-saoithreach<sup>4</sup>.

27 Tre chreidimh thrèig e'n Eiphit, gun eagal a bhi air roimh chorruih an rìgh: oir bha e làidir 'na iuntinn, mar neach a bha faicinn an ti, a ta neo-fhaicsinneach.

28 Tre chreidimh ghèidh c chàisg, agus an dòrtadh fola, chum nach beanadh an ti a sgrios na ceud-ghin rìusan.

29 Tre chreidimh chaidh iad trid na mara ruaidh nìar tre thalamh tioram: nì 'nuair a thug na h-Eiphitich ionnsuidh air a dheanamh, bhàthadh iad.

30 Tre chreidimh thuit ballacha Iericho, an déigh bhi air an cuartachadh rè sheachd làithean.

31 Is ann tre chreidimh nach do sgriosadh Rahab an striopach maraon rìusan nach do chreid, 'nuair a ghabh i ris an luchd-brathaidh an sìothchaint.

32 Agus ciod tuilleadh a deiream? oir theirgeadh an ùine dhomh ann an labhairt mu Ghedeon, Bharac agus Shampson, agus Iephtae, Dhaibhidh mar an ceudna agus Shamuel, agus na fàidhibh:

33 Muinntir tre chreidimh a cheannsaich rioghachdan, a dh'oibrich fircantachd, a fhuair geallanna, a dhruid beoil leòmhnan,

34 A mhùch neart teine, a chaidh as o fhaobhar a' chlàidheimh, o anmhuinneachd a rinneadh neartmhor, a dh'fhàs treun ann an cath, a chuir air theicheadh armaile nan coimheach.

35 Fhuair mnàin am mairbh air an togail a ris gu beatha: agus chràidh-phianadh dream eile, gun iad a ghabhail ri saorsa; chum gu faigheadh iad aiseirigh, a b'fhearr.

36 Fhuair dream eile feuchainn do fhanoidibh, agus do sgiùrsaibh, seadh fòs, do gheimhlibh agus do phriosun.

37 Chlachadh iad, shàbhadh as a chéile iad, bhuaireadh iad, chuireadh gu bàs leis a' chlàidheamh iad: chaidh iad nam *fogaraich* mu'n cuairt ann an croicnibh chaorach agus ghabhar, ann an uircasbhuidh, ann an trioblaidibh, ann an cràdh:

38 (Dream air nach b'airidh an saoghal) a' dol air seacharan ann am fàsaichibh, agus air sleibhtibh, agus ann an uamhaibh agus ann an slochdaibh na talmhainn.

39 Agus air dhoibh so uile deadh theistias fhaotainn tre chreidimh, cha d'fhuair iad an gealladh:

<sup>1</sup> na nithe a' ghealladh. <sup>2</sup> Mu'n dubhradh.

<sup>3</sup> a' reusanachadh, a' meas. <sup>4</sup> dzuais.

40 Air do Dhia ni éigin a's fearr a sholar dhuinne, ionnas nach biodh iadsan air an deanamh foirfe as ar n-eugmhaisne.

## CAIB. XII.

1 *Earail chum bli bunaitheach ann an creidimh, foighidin, agus diadhachd.* 32 *Moladh an Tiomnaidh-nuaidh os ceann an t-seann-tiomnaidh.*

**U**IME sin, air dhùinne bli air ar cuartachadh le neul co mòr a dh'fhianuisibh, cuireamaid dhinn gach lethtrom, agus am peacadh a ta gu furas ag iadhadh umainn, agus ruitheamaid le foigidin a' choimhliong<sup>1</sup> a chuireadh romhainn,

2 Ag amharc air Iosa ceannard<sup>2</sup> agus fear-crochnaich ar creidimh, reic air son an aoihbneis a chuireadh roimhe, a dh'fhuiling an crann-ceusaidh, a' cur na nàire an neo-shuim, agus a shuidh air deis righ-chaitheach Dé.

3 Uime sin, thugaibh fainear esan a dh'fhuiling a shamhuil sin do anacaint o pheacachaidh 'na aghaidh fèin, air eagal gum bi sibh sgèth agus lag ann bhur n-intinnibh.

4 Cha do sheas sibh fathast gu fuil, a' cathachadh an aghaidh peacaidh.

5 Agus dhi-chuimhnich<sup>3</sup> sibh an carail a ta labhairt ribh mar ri cloinn, A mhic, na cuir suarach<sup>4</sup> smachdachadh an Tighearna, agus na fannaich<sup>5</sup> 'nuair a chronaichear leis thu :

6 Oir an ti a's ionmhuinn leis an Tighearna, smachduichidh se e, agus sgiùrsaidh e gach mac ris an gabh e.

7 Ma ghiùlaineas sibh smachdachadh, tha Dia a' buntuin ribh mar ri cloinn : oir cò am mac nach smachdaich an t-Athair ?

8 Ach ma tha sibh as eugmhais smachdachaidh, d'am bheil na h-uile 'nan luchd-comhpairt, an sin is clann diolain sibh, agus cha chlann *dligheach*.

9 Os bàrr, bha againn aithriche thaobh na feòla, a smachdaich sinn, agus thug sinn urram dhoibh : nach mòr is mòr *is còir dhuinn* bhi ùmhail do' Athair nan spiorad, agus a bhi beo ?

10 Oir gu deimhin smachduich iadsan sinn rè beagain do làithibh a réir an toile fèin<sup>6</sup>; ach esan chum ar leasa, ionnas gu'm bitheamaid 'nar luchd-comhpairt d'a naomhachd.

11 Ach cha mheasar smachdachadh air bith am feadh 's a ta e làthair sòlasach, ach doilgheasach : gidheadh, 'na dhéigh sin bheir e uaidh toradh sìothchail na fìreantachd, do'n droing a ta *gu dligheach* air an cleachdadh ris.

12 Uime sin, togaibh suas na làmhan a ta air tuiteam sìos, agus *neartaichibh* na glùine laga.

13 Agus deanaibh cos-chicuma dìreach d'ar cosuibh, air eagal gu'm bi an ni sin a ta bacach air a thionndadh as an t-slighe, ach gu ma mò bhiodh e air a shlànuchadh.

14 Leanaibh sìth maille ris na h-uile dhaoineibh, agus naomhachd, ni as eugmhais nach faic neach air bith an Tighearn :

15 A' toirt an ro aire, air eagal gu'n d'thig neach sam bith a dhéidh-làimh air gràs Dé<sup>7</sup>; air eagal air fàs suas do fhrèimh seirbhe sam bith, gu'n cuir e dragh oirbh, agus le so g'um bi mòran air an salachadh :

16 Air eagal gu'm bi fear striopachais ann, no neach mi-naomha sam bith, mar Esau, a reic air son aon ghreim bidh<sup>8</sup> còir a cheud-bhreithe.

17 Oir a ta fhios agaibh 'nuair a b'àill leis an déigh sin am beannachadh a shealbhachadh, gu'n do dhiùltadh e : oir cha d'fhuair e àit aithreachais, ge do dh'iarr se e gu d'ràrachadh le deuraibh.

18 Oir cha d'thainig sibh chum an t-sleibh ris am fudta beantuinn, agus a bha losgadh le teine, no chum duibhre, agus dorchadais, agus doinn,

19 Agus fuaime na trompaide, agus guth nam briathar, ionnas gu'n do ghuidh an droing a chual e nach labhairteadh am focal riu tuilleadh :

20 (Oir cha b'urrainn iad an ni sin a chaidh àithneadh dhoibh iomchar. Agus ma bheanas fiu ainmhidh ris an t-sliabh, clachar e, no cuirear sleagh a mach trid.

21 Agus bu co uamhasach an sealladh, as gu'n dubhairt Maois, Tha eagal ro mhòr agus crith orm :)

22 Ach tha sibh air teachd gu sliabh Shìoin, agus gu cathair an Dé bheo, an Ierusalem nèamhaidh, agus cuideachd do-àireamh do ainglibh,

23 Gu làn choimhthional agus eaglais nan ceud-ghin, a tha scrìobhta sna nèamhaibh, agus gu Dia breitheamh nan uile, agus gu spioradaibh nan fìrean air an deanamh foirfe,

24 Agus gu h-Iosa eadar-mheadhonair a' choimh-cheangail nuaidh, agus chum fola a' chrathaidh, a ta labhairt nithe a's fearr na *fuil* Abeil.

25 Thugaibh an aire nach diùlt sibh esan a ta labhairt : oir mur deachaidh iadsan as a dhiùlt an ti, a labhair o *Dhia riu* air talamh, is mòr is lugha na sin a *théid* sinne as, ma thionndaidheas sinn air falbh uaithe-san, a ta *labhairt* o nèamh.

26 Neach aig an do chrath a ghuth an talamh an sin : ach a nis gheall e, ag ràdh, Aon uair eile fathast cratham cha'n e an talamh a mhàin, ach nèamh mar an ceudna.

27 Agus a ta *am focal* so, Aon uair eile, a' ciallachadh atharrachaidh nan nithe sin

<sup>1</sup> an rèis. <sup>2</sup> ùghdair. <sup>3</sup> an do dhi-chuimhnich.

<sup>4</sup> an neo-shuim, an neo-pris.

<sup>5</sup> lagaich. <sup>6</sup> mar bu taitneach leo. <sup>7</sup> gu'n cleon neach sam bith o ghràs Dé. <sup>8</sup> lèin.



a chrathar, mar nithe a rinncadh, chum gu fanadh na nithe nach gabh crathadh<sup>1</sup>.

28 Uime sin, air dhuinne riogbachd fhaotainn nach fendar a ghluasad, biodh againn gràs<sup>2</sup>, leis an dean sinn seirbhis gu taitneach do Dhia, le h-urram agus eagall diadhaidh.

29 Oir is teine dian-loisgcach ar Dia-ne.  
CAIB. XIII.

1 Comhairlean eagsamhla chum seirc, 4 chum caitheadh-beatha chiatfaich, 5 chum sannt a sheachnadh, 7 chum bhì dleasdhanach do luchd-searmonachaidh an t-soisgeil, 9 bhì air ar faicill o theagaisgaibh coimheach, 16 déirce thoirt uatha, 17 bhì ùmhal do uachd-aranaibh, 18 ùrnuigh a dheanumh air son an abstoil, 19 An comh-dhìuadh.

**F**ANADH gràdh bràthaireil agaibh.

2 Na dearmadaibh aoidheachd a thabhairt do choigrich; oir leis so thug dream àraidh aoidheachd do ainglibh gun fhios doibh.

3 Bithibh cuimhneachail orrasan a tha ceangailte, mar gu'm biodh sibh ceangailte maraon riu; agus air an droing a tha fulang anshocair, mar mhuinntir a tha sibh féin mar an ceudna anns a' choluinn.

4 Tha'm pòsadh urramach anns na h-uile<sup>3</sup>, agus an leabadh neo-shalach: ach air luchd-striopachais agus adhaltrannais bheir Dia breth.

5 Biodh bhuir caitheadh-beatha gun sannt, agus bithibh toillichte leis na nithibh a tha làthair agaibh: oir thubhairt e, Cha'n fhàg, agus cha tréig mi am feasd thu.

6 Ionnas gu'm feud sinn a ràdh gu dàna, 'S e'n Tighearn m'fhear-cuidich, agus cha'n eagall leam aon ni a dh'fheudas duine dheanamh orm.

7 Bithibh cuimhneachail air bhuir cinn-iuil, a labhair riach focal Dé: leanaibh an creidimhsan, a' beachdachadh air crìch an caitheadh-beatha.

8 Iosa Criosd an dé, agus an diugh, agus gu siorruidh an ti ceudna.

9 Na bithibh air bhuir giùlan mu'n cuairt le teagasgaibh eagsamhla coimheacha: oir is maith an ni an cridhe bhì air a dhaingneachadh le gràs, cha'n ann le biadhaibh, nithe nach d'thug tairbhe do'n droing, a ghnàthaich iad.

10 Tha altair againne, dheth nach 'eil còir acasan a bheag itheadh, a tha deanamh seirbhis do'n phàillium.

11 Oir a ta cuirp nan ainmhidh sin, aig am bheil am fuil air a toirt a steach air son peacaidh do'n ionad naomha leis an àrd

shagart, air an losgadh an leth muigh do'n champ.

12 Uime sin, chum gu'n deanadh Iosa an sluagh a naomhachadh le fhuil féin, dh'fhuiling e mar an ceudna an taobh a muigh do'n gheata.

13 Air an aobhar sin rachamaid a mach d'a ionnsuidhsan an taobh a muigh do'n champ, a' giùlan, a' mhaslaidhsan.

14 Oir an so cha 'n'eil againn baile a mhaireas, ach a ta sinn ag iarraidh aoin, a ta ri teachd.

15 Uime sin, tridsan thugamaid suas iobairt buidheachais do Dhia a ghnàth, 'se sin, toradh gr bilean, a' toirt molaidh d'a ainm.

16 Ach na dì-chuimhnichibh maith a dheananih, agus comh-roinn a thoirt uaibh: oir a ta an leithide sin do iobairtibh taitneach do Dhia.

17 Bithibh ùmhal d'ar cinn-iuil, agus thugaibh géill doibh: oir tha iad ri faire air bhuir n-anamaibh, mar mhuinntir d'an éigin cunntas thoirt uatha: chum gu'n dean iad e le gairdeachas, agus ni h-e le doilgheas; oir tha so neo-tharbhach dhuibhse.

18 Deanaibh ùrnuigh air ar soinne: oir is dòigh leinn gu bheil deadh choguis againn, air dhuinn bhì toileach ar beatha a chaitheadh gu cubhaidh anns na h-uile nithibh.

19 Ach is mòid a ghuidheam oirbh so a dheananih, chum gur luathaid' a dh'aisgear mise dhuibh.

20 A nis gu deanadh Dia na sìothchaint, a thug air ais o na marbhaibh ar Tighearn Iosa, àrd bhuachaille nan caorach, tre fhuil a' choimh-cheangail shiorruidh,

21 Sibhse coimhlionta anns gach uile dheadh obair, chum sibh a dheanamh a thoileas, ag oibreachadh annaibh an ni a ta taitneach 'na làthairsan, tre Iosa Criosd; dhasan gu robh glòir gu saoghal nan saoghal. Amen.

22 Agus guidheam oirbh, a bhràithre, sibh a ghiùlan focal na h-eoralach; oir seirbhis mi gu h-aithghearra d'ar n-ionnsuidh.

23 Biodh fhios agaibh, gu'n do chuiredh ar bràthair Timoteus air a chomas; maille ris-san, ma thig e gu goirid, chi mi sibh.

24 Cuiribh fàilte orrasan uile, a tha 'nan cinn-iuil duibh, agus air na naoimh uile. Tha muinntir na h-Eadailt a' cur fàilte oirbh.

25 Gràs gu robh maille ribh uile. Amen.

<sup>1</sup> nach feudar a chrathadh.

<sup>2</sup> deunamuid

<sup>3</sup> am measg nan uile.

# LITIR CHOITCHIONN AN ABSTOIL SHEU MAIS.

## C A I B. I.

1 *Is còir dhuinn gairdeachas a dheanamh fuidh thrioblaid, 5 gliocas iarraidh o Dhia, 13 agus ann ar deuchainnibh gun sinn a chur ar n-anmhuinneachd no ar peacaidh as a lethsan; &c.*

**T**HA Seumas seirbhiseach Dhé, agus an Tighearna Iosa Crìosd, a' cur beannachd chum an dà thréibh dheug, a tha air an sgapadh o chéile.

2 Mo phràithre, measaibh mar an uile ghairdeachas 'nuair a thuiteas sibh ann an iomadh gnè dheuchainnibh<sup>1</sup>;

3 Air dhuibh fios so bhi agaibh, gu'n oibrich dearbhadh bhur creidimh foighidin.

4 Ach biodh aig an fhoighidinn a h-obair dhiongmhalta féin, chum gu'm bi sibh dìongmhalta agus iomlan, gun uireasbhuidh ni sam bith.

5 Ma tha aon neach agaibh a dh'uireasbhuidh gliocais, iarradh e o Dhia, a bheir do gach neach gu pailt, agus nach dcan maoideamh<sup>2</sup>; agus bheirear dha e.

6 Ach iarradh e le creidimh, gun bhi fuidh amharus sam bith: oir an ti a tha fuidh amharus, is cosmhuil e ri tonn na fairge, a shéidear le gaoith, agus a tha air a luasgadh<sup>3</sup> chuige agus uaith.

7 Oir na saoleadh an duine sin gu'm faigh e ni air bith o'n Tighearn.

8 Tha fear na h-inntinn dubailte<sup>4</sup> neo-sheasmhach 'na uile shlighibh.

9 Deanadh am bràthair, a tha ìosal, gairdeachas 'na àrdachadh:

10 Ach an duine saibhir, 'na ìsleachadh: do bhrìgh mar bhlàth an fheoir gu'n d'fhéid e seachad:

11 Oir air éirigh do'n ghréin le dian theas, crìonaidh i am fear, agus tuitidh a bhlàth, agus théid maise a dhreach am mugha<sup>5</sup>: is anhuil sin mar an ceudna a sheargas an duine saibhir 'na shlighibh.

12 Is beannuichte an duine a ghiùlaineas buaireadh: oir 'nuair a dhcarbhar e, gheibh e crùn na beatha, a gheall an Tighearn do'n droing a ghràdhachas e.

13 Na abradh neach sam bith 'nuair a bhuairear e, Tha mi air mo bhuaireadh le Dia: oir ni'n comasach Dia a bhuaireadh le h-olc, ni mò bhuaireas e neach sam bith.

14 Ach tha gach duine air a bhuaireadh, 'nuair a thairgear, agus a thàlaidhear<sup>6</sup> e le anamhianu féin.

15 An sin air bhi do'n anamhiann torr-ach, beiridh e peacadh: agus air do'n pheacadh bhi air a chrìochnachadh, beiridh e bàs.

16 Na bithibh air bhur mealladh, mo bhràithre gràdhach.

17 Tha gach uile dheadh thabhartas, agus gach uile thiodhlac iomlan o'n àirde, a' teachd a nuas o Athair na soill-e, maille ris nach 'eil atharrachadh, no sgàile tionndaidh.

18 O thoil féin ghin e sinn le focal na fìrinn chum gu'm bitheamaid 'nar gnè cheud-toraidh d'a chreutairibh.

19 Uime sin, mo bhràithre gràdhach, biodh gach duine ealamh chum èisdeachd, mall chum labhairt, mall chum feirge:

20 Oir cha'n oibrich fearg duine fìrean-tachd Dhé.

21 Uime sin, cuiribh uaibh gach uile shalachar, agus anabhar mioruin, agus gabhaibh d'ar n-ionnsuidh le macantas<sup>7</sup> am focal, a tha air a shuidheachadh ann-aibh, a tha comasach air bhur n-anaman a shlànuchadh.

22 Ach bithibhse 'nar luchd-chur an gnìomh an fhocail, agus ni b'ann 'nar luchd-èisdeachd a mhain, 'gar mealladh féin.

23 Oir ma tha neach air bith 'na fhear-èisdeachd an fhocail, agus ni h-ann 'na fhear-deanamh d'a réir, is cosmhuil e ri duine a tha 'g amharc air aghaidh nadurra féin ann an sgathan:

24 Oir bheachdaich e air féin, agus dh'imich e roinhe, agus dhì-chuimhnich e air bail cìod an coslas duine a bh'ann féin.

25 Ach ge b'e bheachdaicheas gu dùrachdach air lagh dìongmhalta na saorsa, agus a bhuaiaicheas ann, gun e bhi 'na fhear-èisdeachd dearmadach, ach 'na fhear-deanamh na h-oibre, bithidh an duine so beannuichte 'na dheanadas.

26 Ma shaoileas neach air bith 'nar measg gu bheil e diadhuidh, gun bhi car sréin r'a theangaidh, ach a' mealladh a chridhe féin, is dìomhain diadhachd an duine so.

27 'Si so an diadhachd fhìor-ghlan agus neo-shalach am fianuis Dé, agus an Athar, dileachdan agus bantracha fhiosrachadh 'nan trioblaid, agus neach 'ga choimhead féin gun smal o'n t-saoghal.

## C A I B. II.

1 Cha 'n'eil e comh-fhreagradh d'ar n-aidmheil chrìosdaidh suim a bhi againn do dhaoibh saibhre, agus tàir a dheanamh air ar bràithribh bochda; 13 is mò bu chòir dhuinn bhi seirceil agus tràcaireach: 14 agus gun uaill a dheanamh a creidimh, far nach 'eil oibre: &c.

<sup>1</sup> bhuaireibh. <sup>2</sup> nach cuir nàire. <sup>3</sup> shuadachadh. <sup>4</sup> fear an dà inntinn. <sup>5</sup> théid as do mhaise a

dhreach, <sup>6</sup> bhreugar, ribeur. <sup>7</sup> ceannasachd.



**M**O bhràithre, na biodh agaibh creidimh ar Tighearna Iosa Crìosd, *Tighearna* na glòire<sup>1</sup>, maille ri gnùis-bhreth<sup>2</sup>.

2 Oir ma thig a steach d'ar coimhthional duine air am bheil fàinne òir, ann an eudach dealrach, agus gu'n d'thig a steach mar an ceudna duine bochd ann an eudach suarach<sup>3</sup>;

3 Agus gu'n amhairc sibh le meas air an duine sin, air am bheil an deadh thrusgan, agus gu'n abair sibh ris, Suidh thus' an so ann an àit inbheach<sup>4</sup>; agus gu'n abair sibh ris an *duine* bhochd, Seas thus' an sin, no suidh an so fuidh stòl mo chos;

4 Nach 'eil sibh mar sin leth-bhretheach annaibh fèin, agus nach d'rinneadh sibh 'nar breitheannaibh dhroch smuainte?

5 Eisdibh, mo bhràithre gràdhach, nach do thagh Dia bochdan an t-saoghail so, saibhir ann an creidimh, agus 'nan oighreachaibh air an rioghachd, a gheall e dhoibhsan a ghràdhaicheas e?

6 Ach thug sibhse masladh do'n bhochd. Nach 'eil na daoine saibhir ri ain-tighearnas oirbh<sup>5</sup>, agus gar tarruing gu caithrichibh-breitheanais?

7 Nach 'eil iad a' toirt toibheim<sup>6</sup> do'n ainm òirdheire<sup>7</sup>, a dh'ainmichear oirbh?

8 Ma chiomhlionas sibh an lagh rioghail a réir an scriobtuir, Gràdhachd do choimhearsnach mar thu fèin, is maith a ni sibh.

9 Ach ma ni sibh leth-bhreth air daoineibh, tha sibh a' deanamh peacaidh, agus tha sibh air bhuir fàgail shìos leis an lagh mar a luchd-brisidh.

10 Oir ge b'e neach a choimhideas an lagh uile, agus a thuislicheas ann an aon àithne<sup>8</sup>, tha e ciontach do'n iomlan.

11 Oir an ti a thubhairt, Na dean adhaltrannas, thubhairt e mar an ceudna, Na dean mortadh. A nis ge nach dean thu adhaltrannas, gidheadh na ni thu mortadh, rinneadh fear-bhisidh an lagha dhìot.

12 Gu ma h-amhluidh sin a labhras sibhse, agus gu ma h-amhluidh a ni sibh, mar iadsan air an d'théid breth a thoirt le lagh na saorsa.

13 Oir gheibh esan breitheanas gun tròc air nach d'rinnt tròcair; agus ni tròcair gairdeachas an aghaidh breitheanaise.

14 Ciod an tairbhe, mo bhràithre, gedo their aon neach gu bheil creidimh aige, agus gun oibre bhi aige? an urradh creidimh a shlànuchadh?

15 Ma bhios bràthair no piuthar lomnochd, agus a dh'uireasbhuidh teachd-an-tìr lathail;

16 Agus gu'n abair neach agaibhse riu, Imichibh an sìothchaint, bithibh air bhuir garadh, agus bithibh air bhuir sàsachadh: gidheadh nach tabhair sibh dhoibh na nithe

sin a tha feumail do'n chorp; ciod an tairbhe ta ann?

17 Is amluill sin creidimh mar an ceudna, mur bi oibre aige, tha e marbh, air dha bhi leis fèin.

18 Ach a deir neach àraidh, Tha creidimh agadsa, agus tha oibre agamsa: nochd dhomhsa do chreidimh as eugmhais t'oibre<sup>9</sup>, agus nochdaidh mise dhuitse mo chreidimh le m' oibribh.

19 Tha thu creidsinn gu bheil aon Dia ann; is maith a ni thu: tha na deanhain a' creidsinn mar an ceudna, agus tha iad a' criothnachadh.

20 Ach, O dhuine dhìomhain, an àill leat fios fhaotainn, gu bheil creidimh as eugmhais oibre marbh?

21 Nach deachaidh air n-athair Abraham fhìreanachadh le oibribh, 'nuair a thug e suas a mhac Isaac air an altair?

22 Nach léir dhuit gu'n do chomhoibrich creidimh le gnìomharaibh, agus gu'n d'rinneadh creidimh iomlan le oibribh?

23 Agus choimhlionadh an scriobtuir, a deir, Chreid Abraham Dia, agus mheasadh sin da mar fhìreantachd: agus ghoireadh caraid Dé dheth.

24 Chi sibh uime sin gu'm fireanaichear duine le oibribh, agus cha'n ann le creidimh a mhàin.

25 Amhuil sin mar an ceudna, nach robh Rahab an strìopach air a fireanachadh le oibribh, 'nuair a ghabh i ris na teachdoiribh, agus a chuir i mach air slighe eile iad?

26 Oir mar a ta 'n corp marbh as eugmhais an spioraid, mar sin mar an ceudna tha creidimh marbh as eugmhais oibre.

### C A I B. III.

1 *Cha chòir grad bhreth a thoirt air daoine eile, no an cronachadh gu ladarna; 5 ach is mòr is còir dhuinn srian a chur r'ar teagaidh, ball beag, ach a ta 'na h-inneal cumhachdach chum mòr mhaith, agus olc a dheanadh; 13 tha'n droing sin, a tha fìor-ghlic ciuin agus sìothchail, gun tna, gun strì.*

**M**O bhràithre, na bithibh 'nar mòran mhaighstirean<sup>10</sup>, air dhuibh fios a bhi agaibh gu'm faigh sinn an tuilleadh breitheanaise.

2 Oir ann am mòran nithe tha sinn uile ciontach. Mur 'eil duine ciontach ann am focal, is duine iomlan an ti sin, comasach mar an ceudna air srian a chur ris a' chorp uile.

3 Feuch, tha sinn a' cur shrian am beul nan each, chum's gu'm bi iad ùmhail dhuinn; agus tionndaidh sinn an corp uile mu'n cuairt.

4 Feuch mar an ceudna na longa, ge do tha iad co mòr, agus ge do shéidear iad le garbh ghaothaibh, gidheadh iompoichear

<sup>1</sup> creidimh glòire ar Tighearna Iosa Crìosd.

<sup>2</sup> meas air pearsa seach a chèile; <sup>3</sup> salach.

<sup>4</sup> urramach. <sup>5</sup> a' deanamh fòirneart oirbh, gar

sùrachadh.

<sup>6</sup> maslaidh.

<sup>7</sup> urramach.

<sup>8</sup> bhriseas aon phonc. <sup>9</sup> le t'oibribhse. <sup>10</sup> fheear teagaisg.

mu'n cuairt iad le stiùir ro bhig, ge b'e àird gus am miann leis an stiùradair.

5 Is amhuil sin is ball beag an teanga, agus ni i mòr uailh<sup>1</sup>. Feuch, cia meud an connadh a lasas teine beag!

6 Agus is teine an teanga, saoghal do aingidheachd; mar sin tha an teanga air a suidheachadh am measg ar ball, ionnas gu'n salaich i'n corp gu h-ionmhan, agus gu'n las i cùrsa an nàduir<sup>2</sup>; agus i fèin air a lasadh o ifrinn.

7 Oir a ta gach uile ghné fhiadh-bheathaiche, agus eunlaith, agus nithe snàigeach<sup>3</sup>, agus nithe san fhaireg, air an ceannachadh; agus cheannsaicheadh iad leis a' chinneadh-daonna:

8 Ach ni'n comasach do dhuine air bith an teanga cheannsaichadh; is olc do-chasgaidh i, làn do nimh marbhtach.

9 Leatha-sa tha sinn a beannachadh Dhé, eadhon an Athar; agus leatha-sa tha sinn a' mallachadh dhaoine, a rinneadh a réir cosamhlachd Dhé.

10 As an aon bheil tha beannachadh agus mallachadh a' teachd a mach. Mo bhràithre, cha chòir do na nithibh so bhi mar so.

11 An cuir tohar a mach as an aon sùil uisge milis agus searbh?

12 An feud craobh-fhìge, mo bhràithre, dearcan ola a thoirt uaipe? no a' chraobh-fhìona, fìgean? mar sin cha'n fheud tobar sam bith sàile agus uisge milis a thoirt uaithe aron.

13 Cò a ta 'na dhuine glic, agus aig am bheil eòlas 'nar measg? nochdadh e a deadh chaitheadh-beatha oibre fèin le ceannsaichd gliocais.

14 Ach ma tha eud searbh agus comhstri agaibh 'nar cridhe, na deanaibh uailh, agus na deanaibh breug an aghaidh na fìrinn.

15 Cha'n ann o'n àirde tha 'n gliocas so a' teachd a nuas, ach tha e talmhaidh, collaidh, diabhlaidh.

16 Oir far am bheil farmad agus comhstri, an sin tha buaireas<sup>4</sup>, agus gach uile dhroch ghnìomh.

17 Ach a ta an gliocas, a tha o'n àirde, air tùs glan, an déigh sin sìothchail, ciuin, agus so-chomhairlich, làn do thròcair agus do dheadh thoraidh, gun leth-bhreth agus gun cheilg.

18 Agus tha toradh na fìreantachd air a chur ann an sìth do luchd-deanamh na sìth.

## CAIB. IV.

1 Is còir dhuinn cathachadh an aghaidh sàinnt, 4 neo-mheasarrachd, 5 uabhair, 11 cùl-chàineadh, agus breth ghrad mu dhaoineibh eile; 13 agus gun bhi ro earbsach a soirbheas ann ar gnothhuichibh saoghalta: &c.

<sup>1</sup> rùiteachais. <sup>2</sup> triall na beatha, cuirt an domhain. <sup>3</sup> nathraiche. <sup>4</sup> an-riaghailt.

CIA as a ta coganna agus còmhlagas a' teachd 'nar measg? nach ann as a so, eadhon o bhur n-anamhiannaibh, a tha cogadh ann bhur ballaibh?

2 Tha sibh a' miannachadh, agus cha 'n'eil agaibh: tha sibh a' marbhadh, agus a' dian-shanntachadh, agus ni'n comas duibh ni fhaotainn: tha sibh a' cathachadh agus a' cogadh, g'ilheadh cha 'n'eil agaibh, do bhrìgh nach 'eil sibh ag iarraidh.

3 Tha sibh ag iarraidh, agus cha 'n'eil sibh a' faotainn, do bhrìgh gu bheil sibh ag iarraidh gu h-olc, chum's gu'n caith sibh e air bhur n-anamhiannaibh.

4 Adhaltrannaichean, agus a bhan-adhaltrannaichean, nach 'eil fhios agaibh gur naimhdeas an aghaidh Dhé càirdeas an t-saoghail? ge b'e air bith neach, uime sin, leisan àillbhi 'na charaid do'n t-saoghal, tha e 'na nàmhaid do Dhia.

5 Am bheil sibh a' smuaineachadh gu bheil an scribeuir gu diomhanach a' labhairt? Am bheil an spiorad<sup>5</sup> a tha chòmh-nuidh annainn, a' togairt<sup>6</sup> gu farmad?

6 Ach bheir e gràs a's mò uaithe: uime sin a deir e, Tha Dia a' cur an aghaidh nan uabhair, ach a' toirt gràis dhoibhsan, a ta iriosal.

7 Uime sin ùmhlaichibh sibh fèin do Dhia; cuiribh an aghaidh an diabhoil, agus teichidh e uaithe:

8 Dlùthaichibh ri Dia, agus dlùthaichidh e ribh: glanaibh bhur làmhnan, a pheacacha, agus glanaibh bhur cridhe, sibhse aig am bheil an inntinn dhùbailte<sup>7</sup>.

9 Bithibh ann an àmhghar, agus dean-aibh caoi, agus gul: biodh bhur gàire air a thionndadh gu bròn, agus bhur n-aobh-neas gu tuirse.

10 Irioslaichibh sibh fèin am fianuis an Tighearna, agus àrdaichidh e sibh.

11 Na labhraibh olc mu chéile, a bhràithre. An ti a tha labhairt uile m'a bhràithair, agus a' tabhairt breth air a bhràithair, tha e labhairt uile mu'n lagh, agus a' toirt breth air an lagh: ach ma tha thu toirt breth air an lagh, cha'n fhear-coimhlionaidh an lagha thu, ach breitheamh.

12 Tha aon fhear-tabhairt lagha ann, a's urrainn saoradh agus sgrios: co thus' a tha toirt breth air neach-eile?

13 Imichibh a nis, sibhse a deir, Théid sinn an diugh no màireach gus a' leithid so do bhaile, agus fanuidh sinn an sin re bliadhna, agus ni sinn ceannachd<sup>8</sup>, agus gheibh sinn buannachd:

14 'Nuair nach 'eil fhios agaibh ciod a thuras air a' mhàireach: oir ciod i bhur beatha? is deatach i, a chithear rè ùine bhig, agus an déigh sin a thèid as an t-sealladh.

15 An àit gu'm bu chòir dhuibh a ràdh,

<sup>5</sup> Tha an spiorad. <sup>6</sup> mìannachadh. <sup>7</sup> dhà-fhillte. <sup>8</sup> mairsaidh.



Ma's toil leis an Tighearn, bithidh sinn beo, agus nì sinn so, no sud.

16 'Ach a nis tha sibh a' deanamh uail as bhur ràiteachas fèin : is olc gach uile shamhuil sin do uail.

17 Uime sin dhasan d'an aithne maith a dheanamh, agus nach dean e, is peacadh e dha.

C A I B. V.

1 Tha aobhar aig daoineibh aingidh saibhir eagal a bhi orra roimh dhioghaltas Dé  
7 Bu chòir dhuinn bhi foighidneach a rèir eisempleir nam fàidh, agus Iob ; 12 mionnan a sheachnadh ; 13 ùrnuigh a ghnàthachadh ann an anshocair, agus sailm a sheinn ann an socair ; &c.

**I** MICHIBH a nis a dhaoine saibhre, deanaibh gul agus caoidh air son bhur n-amhghar, a tha teachd oirbh.

2 Tha bhur saibhras air truailleadh, agus bhur n-eudach air itheadh leis an leomann<sup>1</sup>.

3 Tha bhur n-òr agus bhur n-airgiod air meirgeadh ; agus bithidh am meirg-san na fhianuis 'nar n-aghaidh, agus ithidh i bhur feòil mar theine : thaisg sibh ionmhas fa chomhair nan là deireannach.

4 Feuch, tha tuarasad air luchd-oibre<sup>2</sup>, a bhuain sìos bhur n-achaidh, nì a chumadh uatha leibhse le feill, ag éigheach : agus tha glaochnach na muinntir a bhuain, air dol a stigh chum cluasa Tighearna nan sluagh.

5 Chaith sibh bhur beatha ann an sògh air talamh, agus bha sibh mear ; dh'altrum sibh bhur cridheacha, mar ann an là a' mharbhadh<sup>3</sup>.

6 Dhìt agus mharbh sibh am firean<sup>4</sup>, agus cha 'n'eil e cur 'nar n-aghaidh.

7 Uime sin, a bhràithre, bithibh foighidneach gu teachd an Tighearna. Feuch, feithidh an treabhaiche<sup>5</sup> ri toradh luachmhor an talmhainn, agus fanaidh e gu foighidneach ris, gus am faigh e an ceud uisge agus an t-uisge deireannach.

8 Bithibhse foighidneach mar an ceudna ; socraichibh bhur cridheacha : oir tha teachd an Tighearna am fagus.

9 Na deanabh gearan an aghaidh a chèile, a bhràithre, chum nach dìtear sibh :

feuch, tha am breitheamh 'na sheasamh aig an doras.

10 Gabhaibh, mo bhràithre, na faidhean a labhair ann an ainm an Tighearna, 'nan eisempleir air an-shocair fhulang, agus air foighidh.

11 Feuch, measar sona leinn iadsan a dh'fhuilingeas. Chuala sibh iomradh air foighidin Iob, agus chunnaic sibh crìoch an Tighearna ; gu bheil an Tighearna ro thiom-chridheach<sup>6</sup> agus tròcaireach.

12 Ach roimh na h-uile nithe, mo bhràithre, na tugaibh mionnan, aon chuid air nèamh, no air an talamh, no air aon mhiannan eile : ach gu'm bu h-e bhur comhradh seadh, seadh, agus nì h-eadh, nì h-eadh ; air eagal gu'n tuit sibh ann an dìteadh.

13 Am bheil neach sam bith a' fulang uilc 'nar measg ? deanadh e ùrnuigh. Am bheil neach sam bith subhach ? canadh e sailm.

14 Am bheil neach sam bith tinn 'nar measg ? cuireadh e fios air seanairibh na h-eaglais ; agus deanadh iad ùrnuigh os a cheann ; 'ga ùngadh le h-ola an ainm an Tighearna :

15 Agus slànuchidh ùrnuigh a' chreidimh an t-euslan, agus togaidh an Tighearn suas e ; agus ma rinn e peacanna, maithear dha iad.

16 Aidichibh bhur lochda d'a chèile, agus dcanaidh ùrnuigh air son a chèile, chum gu'n slànuchear sibh : tha mòr éifeachd ann an ùrnuigh dhurachdaich an fhìrean.

17 Bu duine Elias aig an robh comhaighe ruinne, agus ghuidh e gu dùrachdach gun uisge bhi ann : agus cha d'fhainig uisge air an talamh rè thrì bliadhna agus shea mìos.

18 Agus rinn e ùrnuigh a rìs, agus thug néamh uisge uath, agus thug an talamh a mach a thoradh.

19 A bhràithre, ma théid aon neach agaibhse fàir seacharan o'n fhùirinn, agus gu'n iompoich neach e ;

20 Biodh fhios aige an duine a dh'iompoicheas peacach o sheacharan a shlighe gu'n saor<sup>7</sup> e anam o bhàs, agus gu'm folaich e mòran pheacanna.

CEUD LITIE CHOITCHIONN AN ABSTOIL PHEADAIR.

C A I B. I.

1 Tha e a' beannachadh Dhé air son a ghràsa iomarcach spioradail, 10 a' nochdadh nach naidheuchd ar slàinte tre Chrìosd, ach nì mu'n robh fàidheadaireachd o shean : 13 agus a rèir sin tha e a' cur impidh orra am beatha a chailleadh gu diadhaidh, do bhrìgh

gu bheil iad a nis air an nuadh-bhreth le focal Dé.

**P** EADAR abstol Iosa Crìosd, chum nan coigreach, a tha air an sgapadh tre Phontus, Ghalatia, Chapadocia, Asia, agus Bhitinia,

2 A thaghadh a rèir roimh-eòlais Dhé

<sup>1</sup> an reudan, mhiad-chrìon, <sup>2</sup> nam buanaiche. <sup>3</sup> an àir. <sup>4</sup> an t-ionracan. <sup>5</sup> an tuathanach.

<sup>6</sup> ro iochdmhor. <sup>7</sup> tèaruinn.

an Athar, tre naomhachadh an Spioraid, chum ùmhlaichd, agus crathadh fola Iosa Crìosd: Gràs agus sìothchaint gu robh air am meudachadh dhuibhse.

3 Gu ma beannuichte gu robh Dia agus Athair ar Tighearna Iosa Crìosd, neach a rèir a mhòr thròcair, a dh'ath-ghin sinne gu beo dhòchas, tre aiseirigh Iosa Crìosd o na marbhaibh,

4 Chum oighreachd neo-thruaillidh, agus neo-shalaich, agus nach searg as, a tha air a coimhead sna nèamhaibh dhuibhse,

5 A tha air bhur coimhead le cumhachd Dhé tre chreidimh chum slàinte, a tha ullamh r'a foillseachadh san aimsir dheireannaich.

6 Nì anns am bheil sibh a' deanamh mòr ghairdeachais, ge do tha sibh a nis rè ùine bhig (ua's feumail e) fuidh thuirse tre iomadh buaireadh.

7 Chum 'gu faighhear dearbhadh bhur creidimh, nì's luachmhoire gu mòr na òr a thèid am mugha', ge do dhearbhar le teine e, chum cliù, agus urrainn, agus glòir aig foillseachadh Iosa Crìosd;

8 D'am bheil sibh a' toirt gràidh, ge nach faca sibh e; agus air dhuibh bhì creidsinn ann, ge nach 'eil sibh a nis 'ga fhaicinn, tha sibh a' deanamh mòr ghairdeachais le h-aoibhneas air dol thar labhairt, agus làn do ghlòir:

9 A' faotainn crìche bhur creidimh, slàinte bhur n-anaman:

10 Slàinte mu'n d'fhiosraich na fàidhean, agus mu'n d'rinn iad geur-rannsachadh, muinntir a rinn fàidheadaireachd mu'n ghràs, a bha gu teachd d'ar n-ionnsuidhse;

11 A' rannsachadh cìod i, no cìod a' ghné aimsir a bha Spiorad Chrìosd annasan a' foillseachadh<sup>2</sup>, nuair a rinn e fianuis roimh-laimh air fulangasaibh Chrìosd, agus a' ghlòir, a bha gu'n leantuinn.

12 Muinntir d'an d'fhoillsicheadh, nach b'ann doibh féin, ach dhuinne a fhrithail iad na nithe, a tha nis air an cur an cèill duibh leo-san, a shcarmonaich an soisgeul duibh, leis an Spiorad naomh a chuireadh a nuas o nèamh; nithe air am miann leis na h-ainglibh beachdachadh.

13 Uine sin, crìosraichibh leasraidh bhur n-inntinn, bithibh measarra, agus biodh dòchas dìongmhalta agaibh as a' ghràs<sup>3</sup> a bheirear dhuibh aig foillseachadh Iosa Crìosd;

14 Mar chloinn ùmhal, gun bhì 'gar comh-chumadh féin ris na h-anamhiannaibh, a bha agaibh roimhe ann an àm bhur n-aineolaìs:

15 Ach a rèir mar a ta esan a ghairm sibh naomha, bithibhse naomha mar an ceudna 'nar n-uile chaitheadh-beatha:

16 Do bhrìgh gu bheil e scrìobhta,

Bithibhse naomha, oir ataimse naomha,

17 Agus maghoireas sibh air an Athair, a bheir breth a rèir oibre gach neach gun chlaon-bhàigh ri neach seach a chèile<sup>4</sup>, caithibh aimsir bhur cuairt an so le h-eagal<sup>5</sup>:

18 Air dhuibh fios a bhì agaibh nach do shaoaradh sibh le nithibh truailidh, mar a ta airgid agus òr, o bhur caitheadh-beatha dìomhain, a thugadh dhuibh o bhur sinn-sireachd;

19 Ach le fuil luachmhoir Chrìosd, mar fhuil Uain gun chron, gun smal:

20 Neach gu deimhin a roimh-orduicheadh roimh chruthachadh an t-saoghail, ach a dh'fhoillsicheadh anns na h-aimsiribh deireannach air bhur sonsa;

21 Muinntir tridsan a ta creidsinn ann an Dia, a thog esan o na marbhaibh, agus a thug glòir dha, chum gu'n biodh bhur creidimh agus bhur muinghin ann an Dia.

22 Do bhrìgh gu'n do ghlan sibh bhur n-anama le ùmhlaichd a thoirt do'n fhirinn tre 'n Spiorad, chum gràidh neo-chealgaich do na bràithribh; feuchaibh gu'n toir sibh gràdh d'a chèile a cridhe glan gu dùrachdach:

23 Air dhuibh bhì air bhur n-ath-ghincamhuin, cha'n ann o shìol truailidh, ach neo-thruaillidh, le focal an Dé bheo agus a mhaireas gu sìorruidh.

24 Oir tha gach uile fheòil mar fheur, agus uile ghlòir dhaonna mar bhlàth an fheòir. Seargaidh am feur, agus tuitidh a bhlàth dheth:

25 Ach fanaidh focal an Tighearna gu sìorruidh. Agus is e so am focal a shearmonaicheadh dhuibhse anns an t-soisgeul.

## CAIB. II.

1 Tha e 'gan comhairleachadh an aghaidh mì-sheirceachd; 4 a' nochdadh gur e Crìosd am bunadh, air am bheil iad air an togail: 11 a' guidheadh orra fànuinn o anamhiannaibh feolmhor, 13 bhì ùmhal do uachdaranaibh; 18 cionnus is còir do sheirbhisich bhì ùmhal d'am maighstiribh, 20 iad a dh'fhuilang gu foighidneach air son maith a dheanamh a rèir eisempleir Chrìosd.

UINE sin, a' cur uaibh gach uile mhìo-ruin, agus gach uile mhealltoireachd, agus chealg, agus fharmada, agus gach uile anacaint,

2 Mar naoidheana air an ùr-bhreith, iarraibh bainne fìor-ghlan an fhocail, chum as gu fàs sibh leis;

3 Ma 's c 's gu'n do bhlais sibh<sup>6</sup> gu bheil an Tighearn gràmhor.

4 A' teachd d'a ionnsuidhsan, mar gu cloich bheo, a dhiùltadh gu deimhin le daoibh, ach air a taghadh o Dhia agus luachmhor:

neach seach a chèile. <sup>5</sup> faitheas. <sup>6</sup> Do bhrìgh gu'n do bhlais sibh.

<sup>1</sup> a neo-nì. <sup>2</sup> ciallachadh. <sup>3</sup> sìul gus a' chrìch agaibh ris a' ghràs. <sup>4</sup> gun urram do



5 Tha sibhse mar an ceudna mar chloch-  
aibh beotha, air bhuir togail suas 'nar tigh  
spioradail, 'nar sagartachd naomha chum  
iobairte spioradail a thoirt suas, taitneach  
do Dhia trid Iosa Criosd.

6 Uime sin tha so mar an ceudna air  
a chur sìos anns an scriobtuir, Feuch,  
cuiream annan Sion prìomh chlach-oisinne<sup>1</sup>,  
thaghta, luachmhor : agus an ti a chreidcas  
ann<sup>2</sup>, cha chuirear gu nàire e.

7 Dhuibhse, uime sin, a chreideas, *tha e*<sup>3</sup>  
luachmhor : ach dhoibhsan, a tha easumhal,  
a' chlach a dhùilt na clachairean, rinneadh  
ceann na h-oisinne dith,

8 Agus clach-thuislidh, agus carruig  
oilbheim, *dhoibhsan* a thuislicheas air an  
fhocal, air dhoibh bhì easumhal, chum mar  
an ceudna an d'orduicheadh iad.

9 Ach is ginealach taghta sibhse, sagart-  
achd rioghail, cinneach naomha, sluagh  
sonraichte<sup>4</sup> ; chum gu'n cuireadh sibh an  
cèill feartan<sup>5</sup> an ti a ghairm a dorchadas  
sibh chum a sholuis iongantach fèin.

10 Nach robh uair-eigin<sup>6</sup> 'nar sluagh,  
ach a nis is sibh sluagh Dhé : dream nach  
d'fhuair tròcair, ach a nis a tha air faot-  
ainn tròcair.

11 A mhuinntir mo ghràidh, guidheam  
oirbh, mar choigrich agus luchd-cuairt,  
sibh a sheachnadh anamhianna feòlmhor,  
a tha cogadh an aghaidh an anama ;

12 Air dhuibh deadh chaitheadh-beatha  
bhi agaibh am measg nan Cinneach ; chum  
an àit olc a labhairt umaibh mar luchd mi-  
ghnìomh, gu'n dean iad o bhuir deadh  
oibribh, a chi iad, Dia a ghlòrachadh ann  
an là an fhiosrachaidh.

13 Uime sin, bithibhse ùmhail do gach  
uile riaghuilt<sup>7</sup> dhaoine air son an Tigh-  
earna : ma's ann do'n rìgh, mar an ti a's  
àirde inbhe ;

14 No do uachdaranaibh, mar do'n  
mhuinntir a chuireadh uaith chum dioghal-  
tais air luchd-dheanamh an uile, ach chum  
cliu dhoibhsan a ni maith.

15 Oir is i toil Dé gu'n cuireadh sibhse  
le deadh dheanadas tòsd air aineolas  
dhaoine amaideach :

16 Mar dhaoine saor, agus gun bhuir  
saorsa a ghnàthachadh mar bhrat-folaich  
do'n olc<sup>8</sup>, ach mar sheirbhisich Dhé.

17 Thugaibh urram do na h-uile dhaoine.  
Gràdhachibh na bràithre. Biodh eagal Dé  
oirbh. Thugaibh urram do'n rìgh.

18 A sheirbhiseacha, *bithibh* ùmhail d'ar  
maighstiribh maille ris an uile eagal, ni h-e  
mhàin dhoibhsan, a tha maith agus ciuin,  
ach mar an ceudna dhoibhsan, a tha ana-  
mèineach<sup>9</sup>.

19 Oir a tu so cliu-thoilteannach, ma  
dh'ionchaires neach sam bith doilgheas

air son coguis a thaobh Dhé, a' fulang gu  
h-eucorach.

20 Oir ciod an t-aobhar molaidh a ta  
ann, ma's e an uair a ghabhar oirbh air  
son bhuir ciontaidh, gu'n giùlain sibh gu  
foighidneach e ? ach ma's e 'nuair a ta sibh  
a' deanamh maith, agus a' fulang air a  
shon, gu'n giùlain sibh e gu foighidneach,  
tha so taitneach do Dhia.

21 Oir is ann chuide so a ghairmeadh  
sibh : do bhrìgh gu'n d'fhuiling Criosd mar  
an ceudna air bhuir son<sup>10</sup>, a' fàgail eisempleir  
agaibh<sup>11</sup>, chum gu leanadh sibh a cheum-  
anna :

22 Neach nach d'rinn peacadh, ni mò a  
fhuaradh cealg 'na bheul :

23 Neach 'nuair a chaineadh e, nach do  
chàin a ris ; 'nuair a dh'fhuiling e, nach  
do bhagair ; ach a dh'earb e fèin ris-san a  
bheir breth cheart :

24 Neach a ghiùlain ar peacanna e fèin  
'na chorp fèin air a' chrann, chum air  
dhuinn bhì marbh do'n pheacadh<sup>12</sup>, gu'm  
bitheamaid beo do fhireantachd : neach a  
tha sibh air bhuir slànuchadh le a bhuillibh.

25 Oir bha sibh mar chaoraich a' dol air  
seacharan ; ach philleadh sibh a nis chum  
Buachaille agus Easbuig<sup>13</sup> bhuir n-anaman.

### C A I B. III.

1 *Tha e teagasg dleasdanaibh bhar agus fhear-  
pòda d'a chùile, 8 ag earlalachadh nan uile  
dhaoine chum aonachd agus gràidh, 14  
agus geur-leanarhuinn fhuilang :* 19 *Tha e  
mar an ceudna a' cur an cèill sochairean  
Chriosd do'n t-seann saoghal.*

**M**AR an ceudna, a mhnà, *bithibh*  
ùmhail d'ar fearaibh fèin, chum ma  
tha droing air bith easumhal do'n fhocal,  
gu'm bi iadsan mar an ceudna, as eug-  
mhais an fhocal, air an cosnadh le deadh  
chaitheadh-beatha nam ban.

2 'Nuair a bheachdaicheas iad air bhuir  
caitheadh-beatha gheanmnaidh maille ri  
h-eagal.

3 Na b'ì bhuir breaghachd, figheadh an  
fhuilt agus a' cur òir oirbh, agus dheadh  
thrusgan umaibh, a' bhreaghachd sin o'n leth  
muigh :

4 Ach duine folaicht<sup>14</sup> a' chridhe, ann an  
neo-thruaillidheachd spioraid mhacanta  
agus chiuin, ni a tha ro luach-mhor ann  
an sealladh Dhé.

5 Oir b'ann mar so a rinn na mnà  
naomha o shean, aig an robh am muinghin  
ann an Dia, iad fèin breagha, air dhoibh  
bhi ùmhail d'am fearaibh fèin ;

6 Amhuil a thug Sara ùmhachd do  
Abraham, 'a gairm tighearna dheth : d'an  
nigheana sibhse am feadh a ni sibh gu  
maith, agus gun gheilt oirbh le h-uabhas  
sam bith.

<sup>1</sup> clach-oisinne àraidh. <sup>2</sup> a dh'earbas aisde.  
<sup>3</sup> i. <sup>4</sup> dleas, àraid. <sup>5</sup> subhailcean, buaidhean,  
cliu. <sup>6</sup> roimhe. <sup>7</sup> oidugh, shuidheachadh.

<sup>8</sup> do mhiorun. <sup>9</sup> reasgach, crosda. <sup>10</sup> air ar  
soin-ne. <sup>11</sup> againn. <sup>12</sup> air ar saoradh o pheac-  
aibh. <sup>13</sup> fir-coimhid, fir-amhaire thairis.

7 Mar an ceudna, fheara, gabhaibhse còmhnuidh maille riu a réir eòlais, a' tabhairt urrainn do'n mhnaoi mar an soitheach a's anmhuinne, agus mar mhuinntir a tha 'nan comb-oighreachaibh air gràs na beatha; chum nach cuirear bacadh air bhur n-ùrnuighibh.

8 Fa dheòidh, *bithibh* uile a dh'aon inntinn, biodh comb-fhulangas agaibh r'a chèile<sup>1</sup>, gràdhaichibh a chèile mar bhràithre, *bithibh* truacanta, càirdeil:

9 Na òcaibh olc air son uile, no càineadh air son càinidh: ach 'na aghaidh sin beannuichibh; air dhuibh fios bhi agaibh gur ann chuige so a ghairmeadh sibh, chum gu'n sealbhaicheadh sibh beannachadh mar oighreachd:

10 Oir ge b'e le'm b'àill beatha a ghràdhachadh, agus làithean maithhe fhaicinn, cumadh e theanga o olc, agus a bhilean o labhairt ceilg.

11 Seachnadh e olc, agus deanadh e maith; iarradh e sìth, agus leanadh e i.

12 Oir *tha* sùilean an Tighearn air na fireanaibh, agus a chluasa fosgailte r'an ùrnuigh: ach *tha* gnùis an Tighearn an aghaidh na muinntir, a ni olc.

13 Agus cò e a ni olc oirbh, ma bhios sibh 'nar luchd-leanmhuinn air an ni<sup>2</sup> sin a ta maith?

14 Ach eadhon ma dh'fhuilingeas sibh air sgàth fireantachd, is sona sibh: agus na biodh fiamh an eagailsan oirbh, agus na bithibh mi-shuaimhneach;

15 Ach naomhaichibh an Tighearn Dia ann bhur cridhibh: agus *bithibh* ullamh a ghnàth chum freagrachd a thoirt maille ri ceannsaich agus eagal, do gach uile dhuine a dh'iarras oirbh reuson an dòchais, a tha annaibh:

16 Air dhuibh deadh choguis a bhi agaibh; chum 'nuair a tha iad a' labhairt uile 'nar n-aghaidh mar luchd mi-ghnìomh, gu'n gabh iadsan nàire, a tha toirt toibheim d'ar deadh chaitheadh-beatha ann an Criosd.

17 Oir is fearr, ma's e sin toil Dé, sibh a dh'fhuilang air son maith a dheanamh, na air son olc a dheanamh.

18 Oir dh'fhuiling Criosd fèin aon uair air son peacaidh, am firean air son nan neo-fhèirean, (chum gu'n d'thugadh e sinne gu Dia) air dha bhi air a chur gu bàs san fheòil, ach air a bheothachadh trid an Spioraid:

19 Leis an deachaidh e mar an ceudna, agus an do shearmonaich e do na spioradaibh ann am prìosun;

20 A bha o shean easumhal, 'nuair a dh'fheith fad-fhulangas Dé aon uair ann an làithibh Noe, am feadh a bha àire 'ga h-ulluchadh, anns an robh beagan, sin r'a

ràdh, ochd anaman, air an tearnadh trid uisge.

21 Tha'm baisteadh, mar shamhlachas, a tha coimh-fhreagradh dha so, (cha'n e cur dhinn sal na feòla, ach frèagradh deadh choguis thaobh Dhé) nis 'gar tearnadhne, trid aiseirigh Iosa Criosd:

22 Neach air dha dol gu nèamh, a tha air deas làimh Dhé, air do aingibh, agus do uachdranachdaibh, agus do chumhachdaibh bhi air an cur fuidh cheannsalan<sup>3</sup>.

## CAIB. IV.

1 *Tha e 'gan earlachadh gu sgar do pheacadh o eisempheir Chrìosd, agus do bhrìgh gu bheil a' chrìoch dheireannach a' dlùth-theannadh oirnn: 12 agus a' toirt comhfhurtachd dhoibh an aghaidh gear-leanmhainn.*

**U**IME sin o dh'fhuiling Criosd air ar soinne san fheòil, armaichibhse mar an ceudna sibh fèin leis an inntinn ceudna: oir an ti a dh'fhuiling anns an fheòil, sguir e do pheacadh;

2 Chum nach caitheadh e fuigheall aimsire anns an fheòil, a réir anamhianna dhaoine, ach a réir toil Dé.

3 Oir is leoir dhuinn a' chuid a chaidh seachad do aimsir ar beatha gu toil nan Cinneach a dheanamh, 'nuair a shiubhail sinn ann am macnus<sup>4</sup>, ann an anamhiannaibh, ann an anabharra fiona, ann an geòcaireachd<sup>5</sup>, ann am pòiteireachd, agus ann an ìodhol-aoradh an-dligheach<sup>6</sup>:

4 Ni annus am bheil iad a' gabhail iongantais, do bhrìgh nach 'eil sibhse a' ruith maraon riu anns an nco-mheasarrachd ceudna, gun tomhas, a' labhairt uile amaiùh:

5 Muinntir a bheir cunntas dhasan, a tha ullamh gu breth a thoirt air na beothaibh agus air na marbhaibh.

6 Oir is ann chum na crìche so a shearmonaicheadh an soisgeul dhoibhsan, a tha marbh mar an ceudna, chum gu'n d'thug-tadh breth orra a réir dhaoine san fheòil, ach gu'm biodh iad beo a réir Dhé san Spiorad.

7 Ach a ta crìoch nan uile nithe am fagus: uinne sin bithibh measarra<sup>7</sup>, agus deanaibh faire chum ùrnuigh.

8 Agus roimh na h-uile nithibh biodh agaibh teas-ghràdh d'a chèile; oir cuiridh gràdh folach air mòran pheacanna.

9 Thugaibh aoidheachd d'a chèile gun gharan.

10 A réir mar a fhuair gach aon an tiòdlach, mar sin deanaibh frith-ealadh d'a chèile, mar dheadh stiùbhardaibh air gràs eagsamhuil Dé.

11 Ma labhras neach sam bith, *labradh e mar bhriathraibh*<sup>8</sup> Dhé; ma tha neach sam bith ri frithcaladh, *deanadh se e* mar o'n chomas a bheir Dia *dha*; chum gu'm bi

<sup>1</sup> *bithibh* iochdmhor r'a chèile.

<sup>2</sup> an Tì.

<sup>3</sup> a mharasglachd, a smuchd. <sup>4</sup> trisealachd.

<sup>5</sup> craos. <sup>6</sup> gràineil. <sup>7</sup> stuama. <sup>8</sup> oracla.



Dia air a ghlòrachadh anns na h-uile nithibh trid Iosa Crìosd: dhasan gu robh glòir agus cumhachd gu saoghal nan saoghal. Amen.

12 A mhuinntir mo ghràidh, na biodh iongantais oirbh thaobh na deuchainn thein-tich, a thig oirbh chum bhur dearbhadh, mar gu'n tarladh ni-eigin neo-ghnàthach dhuibh:

13 Ach do bhrìgh gu bheil sibh 'nar luchd comh-pairt do fhulangasaibh Chrìosd, deanaibh gairdeachas; chum mar an ceud-na, ann an àm foillseachaidh a ghlòire, gu'n dean sibh gairdeachas le h-aobhneas ro mhòr.

14 Ma mhaslaichear sibh air son ainme Chrìosd, *is sona sibh*; oir a ta Spiorad na glòire, agus Dhé a' gabhail còmhnuidh oirbh; d'an taobhsan gu deimhin tha e faotainn toibheim, ach d'ar taobhsa tha e air a ghlòrachadh.

15 Ach na fuilingeadh aon agaibh mar mhortair, no mar ghaduiche, no mar fhear droch-bheirt, no mar neach a ghabhas gnothuch re nithibh nach buin da.

16 Gidheadh ma dh'fhuilingeas duine mar Chrìosduidh, na biodh nàire air; ach thug-adh e glòir do Dhia as a leth so.

17 Oir thainig an t-àm anns an tòisich breitheanas aig tigh Dhé: agus ma thòisicheas e againn, ciod *is* crìoch dhoibhsan, a tha easumhal do shoisgeul Dé?

18 Agus ma's ann air éigin a thearnar am firean, c'àit an taisbein an duine mi-dhiadhaidh agus am peacach e fèin?

19 Uime sin, an dream a dh'fhuilingeas a réir toile Dé, earbadh iad an anama ris-san ann an deanamh maith, mar ri Cruith-eàr dileas.

CAIB. V.

1 Tha e cur impidh air na seanairibh treud Dhé a bheathachadh; 5 air an òigridh bhi ùmhal; 8 agus orra uile bhi stuama, fuireil, agus daingean sa' chreidimh; 9 cur an aghaidh ar nàmhaid an-ìochdamhoir an diabhol.

**N**A scanairean a tha 'nar measg earla- aicheam, air bhi dhomh fèin a'm' sheanair mar an ceudna, agus a'm' fhianuis air fulangasaibh Chrìosd, agus mar an ceudna a'm' fhear comhpairt do'n ghlòir sin, a tha gu bhi air a foillseachadh:

2 Beathaichibh treud Dhé a tha 'nar measg, a' gabhail cùram dheth, ni h-ann a dh'aindeoin, ach gu deònach; ni h-ann air son buannachd shalaich, ach le h-inntinn ealaimeh;

3 Ni mò mar thighearnaibh os ceann oighreachd Dhé, ach mar dhroing, a tha 'nan eisempleiribh do'n treud.

4 Agus an uair a dh'fhoillsichear an t-àrd bhuachaille', gheibh sibh crùn na glòire nach searg as.

5 Mar an ceudna, dhaoine òga, bithibh ùmhal do na seanairibh: seadh, bithibh uile ùmhal d'a chèile, agus bithibh air bhur sgeadachadh le h-irioslachd: oir tha Dia a' cur an aghaidh nan uaiùthreach, ach a' toirt gràis dhoibhsan, a tha iriosal.

6 Uime sin islichibh sibh fèin fuidh làimh chumhachdaich Dhé, chum as gu'n àrduich e sibh ann an àm iomchuidh:

7 A' tilgeadh bhur n-uile chùraim<sup>2</sup> aisan, oir a ta cùram aige dhibh.

8 Bithibh stuama, deanaibh faire; do bhrìgh gu bheil bhur nàmhaid an diabhol, mar leòman beuchdach, ag imcadh mu'n cuairt; a' sireadh cò a dh'fheudas e shlugadh suas.

9 Cuiribhse 'na' aghaidh, air dhuibh bhì daingean sa' chreidimh, agus fhios a bhì agaibh gu bheil na fulangais cheudna air an coimhlionadh ann bhur bràithribh, a tha san t-saoghal.

10 Ach gu deanadh Dia fèin nan uile ghràs, a ghairm sinne clum a ghlòire shiorruidh trid Iosa Crìosd, an déigh dhuibh fulang rè uine bhig, iomlan sibh; gu daingnicheadh, gu neartaicheadh, gu socraicheadh e sibh.

11 Dhasan gu robh glòir agus cumhachd, gu saoghal nan saoghal. Amen.

12 Le Silvanus bràthair dileas (a réir mo bharaile) scriobh mi chugaibh<sup>3</sup> gu h-aith- ghearr, a' teagasg, agus a' deanamh fianuis, gur e so fìor ghràs Dé, anns am bheil sibh 'nar seasamh.

13 Tha'n eaglais ann am Babilon a thaghadh maraon ribhse, a' cur fàilte oirbh, agus Marcus mò mhac.

14 Cuiribh fàilte air a chèile le pòig ghràidh. Sith gu robh maille ribh uile, a tha ann an Iosa Crìosd. Amen.

DARA LITIR CHOITCHIONN AN ABSTOIL PHEADAIR.

CAIB. I.

1 Chum an daingneachadh an dòchas meudach- aidh gràis Dé, 5 tha e cur impidh orra, le creidimh agus deadh òibribh, an gairm a dheanamh cunteach: 12 tha e curamach mu so clur an cuimhne dhoibh, do bhrìgh

gu bheil fios aige a bhàs bhi 'm fagus: 16 agus tha e toirt rabhaidh dhoibh bhì bunaiteach ann an creidimh Chrìosd, &c.

**S**IMON Peadar, seirbhiseach, agus abstòl Iosa Crìosd, dhoibhsan, a fhuair creidimh co luachmhor rinne, trid fireant-

<sup>1</sup> an t-àrd aodhaire. <sup>2</sup> ro-chùraim.

<sup>3</sup> thugaibh, do'r n-ionnsuidh.

achd ar Dé agus ar Slanuighir<sup>1</sup> Iosa Criosd:

2 Gu robh gràs agus sìothchaint air am meudachadh dhuibh, trid eòlais Dé, agus Iosa ar Tighearna,

3 A réir mar a dheònuich a chumhachd diadhuidhsan dhuinne na nìthe sin uile *a bhuin*as do bheatha agus do dhiadhachd, trid eòlais an tì sin, a ghairm sinn chum glòire, agus cruadail<sup>2</sup>:

4 Trid an d'thugadh dhuinn geallanna ro mhòr agus luachmhor, chum tridsan gu'm biodh sibhse air bhur deanamh 'nar luchd comh-pairt do nàdur na diadhachd, air dhuibh dol as o'n truaillidheachd, a ta anns an t-saoghal trid anamhain.

5 Agus a thuilleadh air so<sup>3</sup>, air deanamh an uile dhìchill duibhse, cuiribh r'ar creidimh cruadal; agus ri cruadal, eòlas;

6 Agus ri h-eòlas, stuaim<sup>4</sup>; agus ri stuaim, foighidin; agus ri foighidin, diadhachd;

7 Agus ri diadhachd, gràdh bràthaireil; agus ri gràdh bràthaireil, scirc<sup>5</sup>.

8 Oir ma bhios na nìthe so annaibh, agus pailte, bheir iad oirbh gun bhi leasg, no mì-thorrach ann an eòlas ar Tighearna Iosa Criosd.

9 Ach an tì aig nach 'eil na nìthe sin, tha e dall, agus gearr-sheallach<sup>6</sup>, a' dì-chuimhneachadh gu'n do ghlanadh e o a sheam pheacaibh.

10 Uime sin, a bhràithre, deanaibh tuilleadh dìchill chum bhur gairm agus bhur taghadh a dheanamh cinnteach: oir ma nì sibh na nìthe so, cha tuit sibh a choidhch:

11 Oir mar sin frithealar gu pailt dhuibh slighe a steach do rioghachd shiorruidh ar Tighearna agus ar Slanuighir Iosa Criosd.

12 Uime sin, cha dearmad nì na nìthe so ghnàth-chur an cuimhne dhuibh, ge d'is aithne dhuibh iad, agus ge do tha sibh air bhur dàingneachadh san fhìrinn a làthair.

13 Ach measam gur eòir, am feadh's a ta mi sa' phàillìun<sup>7</sup> so, sibhse a bhrosnachadh le'r cur an cuimhne:

14 Air dhomh fios a bhi agam gur fagus dhomh am cur dhiom mo phàillìun so, amhuil a dh'fhoillsich ar Tighearna Iosa Criosd dhomh.

15 Ach nì mise dìchioll, chum an dèigh dhomh siubhal, gu'm bi agaibhse gnàth-chuimhne air na nithibh so.

16 Oir cha do lean sinne faoin-sgeulachda, a dhealbhadh gu h-innleachdach, 'nuair a chuir sinn an ceill duibh cumlachd agus teachd ar Tighearna Iosa Criosd, ach rinneadh sinn 'nar sùil-fhianuisibh air a mhòrachdsan.

17 Oir fhuair e o Dhia an t-Athair onoir agus glòir, 'nuair a thainig a' shamhuil so do ghuth d'a ionnsuidh o'nglòir oirdheir<sup>8</sup>, Is e so mo Mhac gràdhachsa, le'm bheil mi làn-toilichte.

18 Agus chuala sinne an guth so a thainig o nèamh, 'nuair a bha sinn nàille ris air an t-slabh naomha.

19 Tha againn mar an ceudna focal fàidheadaireachd a 's cinntiche; d'am maith a nì sibh aire a thoirt, mar do lòchran a tha toirt soluis uath ann an ionad doreha, gus an soillsich an là, agus an éirich an reult-mhaidne 'nar eridhcahaibh:

20 Air dhuibh fhios so a bhi agaibh air tús, nael 'eil fàidheadaireachd air bith do'n seriobtuir o thogradh dhaoine féin.

21 Oir cha d'bhainigan fhaidheadaireachd a réir toil duine o shean: aeh labhair daoine naomha Dhé, mar a sheòladh iad leis an Spiorad namh.

## CAIB. II.

1 *Tha e roimh-innseadh mu thimchioll luchd-teagaisg bréige, a' nochdadh am mi-dhiadhachd, agus an sgrios a thig furaon orra féin agus air an luchd-leanmhainn; 7 o'n saorair daoine diadhaidh, mar a shaoradh Lot a Sodom; &c.*

A CH bha fàidhean bréige mar an ceudna am measg an t-sluaigh, amhuil a bhios luchd-teagaisg bréige 'nar measgsa, droing a bheir a steach os ìosal saobhchreidimh<sup>9</sup> millteach, eadhon ag àieheadh an Tighearna, a cheannaich iad, agus a bheir sgrios obunn orra féin.

2 Agus leanaidh mòran an sligheacha millteach, trid am faigh slighe na fìrinn mi-chliu.

3 Agus tre shannt nì iad ccannachd oirbh le briathraibh mealltach: dream nach 'eil am breitheanas a nis o chian a' deanamh moille, agus cha 'n'eil an sgrios a' turrachodal<sup>10</sup>.

4 Oir mur do chaomhain Dia na h-aingil a pheacaich, ach air dha an tilgeadh sìos do ifrinn, gu'n d'thug e thairis iad gu bhi air an coimhead ann an slabhradhibh dorchadais, fa chomhair breitheanais;

5 Agus nach do chaomhain e an scann saoghal, ach gu'n do shaor e Noe an t-ochdamh pearsa, scarmonaiche fìreantachd, air dha an dilim<sup>11</sup> a thoirt air saoghal nan daoine mi-dhiadhaidh;

6 Agus a' tionndadh eathraiche Shodoim agus Ghomorra gu luathre<sup>12</sup>, gu'n do dhìt e le lèir-sgrios iad, 'gan deanamh 'nam bail, sampuill<sup>13</sup> dhoibhsan, a bhiodh mi-dhiadhaidh an dèigh sin;

7 Agus gu'n do shaor e Lot am fìrean, a bha fa champar<sup>14</sup> le caitheadh-beatha neo-ghloin nan aingidh:

<sup>1</sup> fìreantachd Dhé agus ar Slanuighir.  
<sup>2</sup> subhile, deadh-bheas. <sup>3</sup> chum na crìche so.  
<sup>4</sup> measarrachd. <sup>5</sup> gràdh, carthanachd. <sup>6</sup> fa dhoill'-èan.  
<sup>7</sup> blothan. <sup>8</sup> arà-urramaich.

<sup>9</sup> dò-bharailean. <sup>10</sup> clò-chodal. <sup>11</sup> dile, tuit.  
<sup>12</sup> laait. <sup>13</sup> nan samhlachas. <sup>14</sup> air a slàrachadh.



3 (Oir chràidh an t-ionracan sin, agus e gabhail còmhnuidh nam measg, anam fireanta o là gu là, le bhì faicinn agus a' cuinntinn an gnìomharan an-dligheach;) 9 Is aithne do'n Tighearn na daoine diadhaidh a shaoradh o bhuaireadh, agus na daoine<sup>1</sup> eucorach a choimhead gu là a bhreitheanais chum peanas a dheanamh orra:

10 Ach gu h-àraid iadsan a leanas an fheòil ann an anamhiannan a neo-ghloine, agus a nì tair air uachdaranachd: Air dhoibh bhì an-dàna, fèin-thoileil, cha'n eagal leo anacaint a thoirt dhoibhsan<sup>1</sup>, a tha ann an àrd inbhe:

11 An uair nach toir aingil a's mò ann an neart agus ann an cumhachd, easaid thoibheumach 'nan aghaidh<sup>2</sup> am fianuis an Tighearna.

12 Ach iadsan, mar ainmhidhean nadurra ea-cèillidh, a rinneadh gu bhì air an glacadh agus an sgrios, air dhoibh bhì labhairt gu toibheumach mu na nithibh nach tuig iad, sgriosar iad 'nan truaillidheachd fèin;

13 Agus gheibh iad tuarasdalan h-euceirt, mar dhream a mheasas mar shubhachas sògh<sup>3</sup> san là: is smala iad agus aobharmaslaidh<sup>4</sup>, a' gabhail toilaehas-inntinn 'nam mealltoiraeachd fèin, am feadh 's a ta iad air cuirmibh<sup>5</sup> maille ribh;

14 Aig am bheil an stùlean làn do adhaltrannas, agus do nach 'cìl e'n comas sgur do pheacadh; a' mcalladh anaman neo-shuidhichte; aig am bheil an eridhe air a chleachdadh ri gnìomharaibh sanntach; clann nam mallachd:

15 A thréig an t-slighe dhìreach, agus a chaidh air seacharan, a' leantuinn slighe Bhalaaim<sup>6</sup> Bhosoir<sup>6</sup>, a ghràdhaich duais na h-eucorach;

16 Ach a fhuair aehmhasan air son aingidheachd: oir labhair an asal bhalbh le cainnt duine, agus thoirmiss i mi-chiall an fhàidh.

17 Is tobair gun uisge iad so, neoil air an iomain le h-ionghaoith, fa chomhair am bheil duibhre<sup>7</sup> an dorehadais air a thasgaidh gu siorruidh.

18 Oir an uair a labhras iad briathran atmhor<sup>8</sup> dìomhanais, meallaidh iad trid anamhianna na feòla, trid mhacnais<sup>9</sup>, iadsan a chaidh gu glan<sup>10</sup> as uathasan, a tha caith-eadh am beatha ann an seacharan:

19 A' gealltuinn saorsa dhoibh, agus gun anna fèin ach tràillean na truaillidheachd: oir ge b'e nì le'm buadhaichear air duine, do'n nì sin fèin tha e air a chur fuidh dhaorsa.

20 Oir an déigh dhoibh dol as o shalecharaibh an t-saoghail trid còlais an Tighearna

agus an t-Slànuighir Iosa Crìosd, ma bhios iad a ris air an ribeachd anna, agus air an cur fuidh gheill, tha an deireadh aca nì's measa na an toiseach.

21 Oir b'fhearr dhoibh gun eòlas a bhì aca air slighe na fireantachd, na an déigh a h-eòlas fhaotainn, pillleadh o'n àithne naomh a thugadh dhoibh.

22 Ach thachair dhoibh a réir an t-sean-fhòcail fhìrinnich, Phill am madadh air ais chum a sgeith fèin; agus, A' mhue, a chaidh nigheadh, chum a h-aoirneagan<sup>11</sup> san làthaich<sup>12</sup>.

### C A I B. III.

1 Tha e toirt cinnte dhoibh mu theachd Chrìosd chum breitheanais, an aghaidh luchd-fanoid; 3 a' toirt rabhaidh do dhaoine mi-dhiadhaidh o fhad-fhoighidin Dé, iad a ghreasadh an aithreachais: 10 tha e mar an ceadna cur an cèill am modh, air an sgriosar an saoghal so: 14 gan caralachadh o sin chum an uile naomhachd beatha; &c.

A N dara litir so, a mhuinntir, mo ghràidh, scriobham ehugaibh a nis; anna le chèile tha mi a' brosnachadh bhur n-inntinn fhìor-ghloin le'r cur an cuimhne:

2 Chum gu'm bì sibh cuimhneach air na briathraibh, a labhradh roimhe leis na fàidhibh naomha, agus air a' n-àithne-ne, abstola an Tighearna agus an t-Slànuighir:

3 Air dhuibh fhios so bhì agaibh air thùs, gu'n d'thig anns na làithibh deireannaach luchd-foehaid<sup>13</sup> ag imeachd a réir an anamhiann fèin,

4 Agus ag ràdh, C'ait am bheil gealladh a theachd? oir o chòidil na h-aithriehe, tha na h-uile nithe a' fantuinn mar a bha iad o thoiseach a' chruthachaidh.

5 Oir tha iad aineolach air so d'an deoin, gu'n robh na nèamha ann o ehian, agus an talamh 'na sheasamh as an uisge, trid fhòcail Dé:

6 Tre'n deachaidh an saoghal, a bha'n sin ann, a sgrios, air teachd do'n dilinn air.

7 Aeh tha na nèamha agus an talamh, a tha nis ann, leis an fhòcail sin fèin air an tasgaidh suas, agus air an gleidheadh fa chomhair teine air chionn là a' bhreitheanais, agus sgrios dhaoine ain-diadhaidh.

8 Aeh, a mhuinntir mo ghràidh, na bithibhse aineolach air an aon nì so, Gu bheil aon là aig an Tighearn mar nìhile bliadhna, agus mìle bliadhna mar aon là.

9 Cha 'n'eil an Tighearn mall a thaobh a' gheallaidh, (mar a mhcasas dream àraidh moille,) aeh tha e fad-fhulangach d'ar taobhne, gun toil aige dream sam bith a bhì air an call, aeh na h-uile dhaoine theachd gu h-aithreachas.

10 Aeh thig là an Tighearna mar ghad-

<sup>1</sup> ale a labhairt umpasan. <sup>2</sup> breth mhaslach an aghaidh a chèile. <sup>3</sup> deudh-ghleus, deudh sheachd-an-tìr. <sup>4</sup> aineamha, sal. <sup>5</sup> fèisdibh. <sup>6</sup> Bhosoir. <sup>7</sup> eeo. <sup>8</sup> uaibhreach.

<sup>9</sup> thruisealachd. <sup>10</sup> car tamuil bhig. <sup>11</sup> a h-aonair, a h-eabradh. <sup>12</sup> sa'. <sup>13</sup> fanoid, sgeige.

uiche san oidhche; anns an d'fhéid na n-éamha thairis le toirm mhóir, agus anns an leagh na dúile le dian theas; agus bithidh an talamh mar an ceudna agus na h-oibre, a ta air, air an losgadh suas.

11 Uime sin, do bhrigh gu'm bi na nithe [so uile air an sgaoileadh as a chéile, ciod a' ghné dhaoine bu chóir a bhi annaibh, ann an caitheadh-beatha naomha, agus diadhachd,

12 Le suil a bhi agaibh ri, agus luathachadh<sup>1</sup> chum teachd lá Dhé, anns am bi na n-éamha, air dhoibh bhi ri theine, air an sgaoileadh o chéile, agus anns an leaghar na dúile le dian theas?

13 Gidheadh tha dúil againne ri n-éamhaibh nuadh agus talamh nuadh, a réir a gheallaidh, anns an còmhnuich fireantachd.

14 Uime sin, a mhuinntir ionmhuinn, o tha dúil agaibh ris na nithibh sin, deanaibh bhuir dìchioll chum gu faighear leis-san ann

an sìothchaint sibh, gun smaí agus neo-lochdach:

15 Agus measaibh gur slàinte fad-fha-angas ar Tighearna; amhuil a scriobh mar an ceudna ar bràthair gràdhach Pòl, a réir a' ghliocais, a thugadh dha, d'ar n-ionnsuidh:

16 Amhuil mar 'na litrichibh uile, a' labhairt anna mu na nithibh so: anns am bheil cuid do nithibh do-thuigsinn, a tha an droing, a tha neo-fhòghlumta agus neo-sheasmhach, a' fiaradh, amhuil mar na scriobtuirean eile, chum an sgrios féin.

17 Ach sibhse, a mhuinntir mo ghraidh, o's aithne dhuibh na nithe so roimh-làimh, thugaibh aire an t-cagal air dhuibhse mar an ceudna bhi air bhuir tarruing air falbh le seacharan nan daoine ain-diadhaidh, gu'n tuit sibh o bhuir seasmhachd féin.

18 Ach fàsaibh ann an gràs, agus ann an eòlas ar Tighearna agus ar Slànuighir Iosa Crìosd. Dhasan gu robh glòir a nis, agus gu sìorruidh<sup>2</sup>. Amen.

## CEUD LITIR CHOITCHIONN AN ABSTOIL EOIN.

### CAIB. I.

1 Tha e labhairt mu phearsa Chrìosd, anns an bheil againn beatha mhaireannach, thaobh comh-chomhair ri Dia; 5 ris an éigin dainn naomhachd beatha a char, &c.

**A** N ni, a bha ann o thùs, an ni, a chuala sinne, a chunnaic sinn le'r suilibh, air an d'amhairc sinn, agus a làimhsich ar làmh thaobh focail na beatha;

2 (Oir dh'fhoillsicheadh a' bheatha, agus chunnaic sinne i, agus tha sinn a' deanamh fianuis, agus a' cur an cèill dhuibhse na beatha maireannaich ud, a bha maille ris an Athair, agus a dh'fhoillsicheadh dhuinne.)

3 An ni, a chunnaic agus a chuala sinn, tha sinn a' cur an cèill dhuibhse, chum gu'm bi agaibhse mar an ceudna comunn ruinne: agus gu firinneach tha ar comunn-ne ris an Athair, agus r'a Mhac Iosa Crìosd.

4 Agus tha sinn a' scriobhadh nan nithe so d'ar n-ionnsuidh, chum gu'm bi bhuir geardeachas coimhlionta.

5 Agus is i so an teachdoireachd, a chuala sinn uathsan, agus a tha sinn a' cur an cèill dhuibhse, Gur solus Dia, agus nach 'eil dorchadas air bith annsan.

6 Ma their sinn gu bheil comunn againn ris<sup>3</sup>, agus sinn a' gluasad ann an dorchadas, tha sinn a' deanamh breige, agus cha 'n'eil sinn a' deanamh na firinn:

7 Ach ma ghluaiseas sinn anns an t-solus, mar a tha esan san t-solus, tha comunn againn r'a chéile, agus glanaidh

fuil Iosa Crìosd a Mhic sinn o gach uile pheacadh.

8 Ma their sinn nach 'eil peacadh againn, tha sinn 'gar mealladh féin, agus cha 'n'eil an fhìrinn annainn.

9 Ma dh'aidichas sinn ar peacanna, tha esan firinneach agus ceart, chum ar peacanna a bhaitheadh dhuinn, agus ar glanadh o gach uile neo-fhireantachd.

10 Ma their sinn nach do pheacaich sinn, tha sinn a' deanamh breugaire dhethsan, agus cha 'n'eil fhocal annainn.

### CAIB. II.

1 Tha e toirt comhfhartachd dhoibh an aghaidh peacaidh annhainneachd. 3 'Se fìor eòlas Dè àitheantan a choimhead, 9 ar bràithrean a ghràdhachadh, 15 agus gun ghaol a thoirt do'n t-saoghal. 18 Is éigin dainn bhi air ar faicill an aghaidh luchd-meallaidh: &c.

**M**O chlann bheag, na nithe so scriobham d'ar n-ionnsuidh, chum nach peacaich sibh. Agus ma pheacaicheas neach air bith, tha fear-tagraidh againn maille ris an Athair, Iosa Crìosd am firean:

2 Agus is esan an iobairt-réitich air son ar peacaidhne; agus cha'n e air son ar peacaidhne mhàin, ach mar an ceudna air son peacaidh an t-saoghail uile.

3 Agus le so tha fhios againn gur aithne dhuinn e, ma choimhideas sinn àitheanta.

4 An ti a their, Is aithne dhomh e, agus nach 'eil a' coimhead àitheanta, is breugaire e, agus cha 'n'eil an fhìrinn ann.

<sup>1</sup> greasadh, cabhag a dheanamh.

<sup>2</sup> gu là na sìorruidheachd.  
<sup>3</sup> caidreach againn ris.



5 Ach ge b'e choimhideas fhocal, annsan gu deimhin tha gràdh Dhé air a choimh-ionadh: le so is aithne dhuinn gu bheil sinn annsan.

6 An ti a their gu bheil e fantuinn annsan, is còir dhasan mar an ceudna gluasad, eadhon mar a ghluais esan.

7 A bhràithre, ni'n scriobham àithne nuadh chugaibh, ach seann àithne, a bha agaibh o'n toiseach: 's i 'n t-seann àithne am focal a chuala sibh o thùs.

8 A ris, scriobham àithne nuadh chugaibh, ni a ta fìor annsan agus annaibhse: do bhrìgh gu'n d'imich an dorchadas thairis, agus gu bheil a nis an solus fìor a dealachadh.

9 An ti a their gu bheil e san t-solus, agus a tha fuathachadh a bhràthar, tha e san dorchadas gus a nis.

10 An ti aig am bheil gràdh d'a bhràthair, tha e 'na chòmhnuidh san t-solus, agus cha 'n eil aobhar oilbheim air bith ann.

11 Ach an ti a ta fuathachadh a bhràthar, tha e anns an dorchadas, agus ag imeachd anns an dorchadas, agus cha'n aithne dha c'ait am bheil e dol, do bhrìgh gu'n do dhall an dorchadas a shùilean.

12 Scriobham d'ar n-ionnsuidh, a chlann bheag, do bhrìgh gu bheil bhuir peacanna air am maitheadh dhuibhair sgàth ainmesan.

13 Scriobham d'ar n-ionnsuidh, aithriche, do bhrìgh gu'm b'aithne dhuibh esan a ta o thùs. Scriobham d'ar n-ionnsuidh, ògan-acha, do bhrìgh gu'n d'thug sibh buaidh air an droch aon. Scriobham d'ar n-ionnsuidh, a chlann bheag, do bhrìgh gu'm b'aithne dhuibh an t-Athair.

14 Scriobh mi d'ar n-ionnsuidh, aithriche, do bhrìgh gu'm b'aithne dhuibh an ti a ta ann o thùs. Scriobh mi d'ar n-ionnsuidh, òganacha, do bhrìgh gu bheil sibh làidir, agus gu bheil focal Dhé 'na chòmhnuidh annaibh, agus gu'n d'thug sibh buaidh air an droch aon.

15 Na gràdhaichibh an saoghal, no na nithe a ta san t-saoghal. Ma ghràdhaicheas neach air bith an saoghal, cha 'n eil gràdh an Athar ann.

16 Oir na h-uile a ta anns an t-saoghal, anamhiann na feola, agus anamhiann nan sùil, agus uabhar na beatha, cha 'n ann o'n Athair a tha iad, ach o'n t-saoghal.

17 Agus siubhlaidh an saoghal seachad, agus anamhiann: ach an ti a ni toil Dé, mairidh e choidhech.

18 A chlann bheag, 's i 'n aimsir dheircannach a tha ann: agus mar a chuala sibh gu'n d'thig an t-anacriosd, is ann mar sin a ta nis iomad anacriosd ann; o'm bheil sinn a' tuigsinn gur i'n aimsir dheireannach a ta ann.

19 Chaidh iad a mach uinne, ach cha robh iad dhinn: oir nam biodh iad dhinn, gu deimhin dh'fhanadh iad maille ruinn:

ach chaidh iad a mach, chum gu deantadh follaiseach iad, nach robh iad uile dhinn.

20 Ach tha agaibhse ùngadh o'n ti naomha, agus is aithne dhuibh na h-uile nithe.

21 Cha do scriobh mi d'ar n-ionnsuidh, do bhrìgh nach aithne dhuibh an fhìrinn; ach do bhrìgh gur aithne dhuibh i, agus nach 'eil brèug air bith o'n fhìrinn.

22 Cò a tha 'na bhreugaire, ach esan a dh'àicheadhas gur e Iosa an Crìosd? 's e so an t-anacriosd, a tha 'g àicheadh an Athar agus a' Mhic.

23 Ge b'e neach a dh'àicheadhas am Mac, cha 'n eil an t-Athair aige: ach an ti a dh'àidicheas am Mac, tha an t-Athair aige mar an ceudna.

24 Uime sin, fanadh an ni sin annaibhse a chuala sibh o thùs. Ma dh'fhanas an ni, a chuala sibh o thùs annaibh, fanaidh sibhse mar an ceudna anns a' Mhac, agus anns an Athair.

25 Agus is e so an gealladh, a gheall e dhuinn, eadhon a' bheatha mbàireannach.

26 Scriobh mi na nithe so d'ar n-ionnsuidh, mu thimchioll na droinge, a tha 'gar mealladh.

27 Ach tha an t-ùngadh, a fhuair sibh uathsan, a' fantuinn annaibh: agus cha 'n eil feum agaibh gu'n teagaisgeadh aon neach sibh: Ach, mar a' ta an t-ùngadh so féin 'gar teagasg mu thimchioll nan uile nithe, agus a ta e fìor, agus nach breug e, eadhon mar a theagaisg e sibh, fanaibh ann.

28 Agus a nis, a chlann bheag, fanaibh annsan; chum 'nuair a dh'fhoillsichear e, gu'm bidànachd againn, agus nach bi nàire oirnn 'na làthair aig a theachd.

29 Ma tha fhios agaibh gu bheil esan fireanta, tha fhios agaibh gu bheil gach neach, a ni fireantachd, air a ghineamhuinn uathsan.

### CAIB. III.

1 Tha e cur an cèll gràdh iongantach Dhé dhuinne, ann sinn a dheanamh 'nar cloinn dha féin: 3 gur còir dhuinn, uime sin, àithcantan a choimhead le h-urram, 11 agus mar an ceudna gràdh bràthaireil a bhà againn d'a chèile.

**F**UEUCHAIBH, ciod a ghnè ghràdh a thug an t-Athair dhuinne, gu'n goirt-cadh clann Dé dhinn! uime sin, cha'n aithne do'n t-saoghal sinn, do bhrìgh nach b'aithne dha esan.

2 A nhuinntir mo ghràdh, a nis is sinne mic Dhé, agus cha 'n eil e soilleir fathast ciod a bhitheas sinn: ach a ta fhios againn, 'nuair a dh'fhoillsichear esan, gu'm bi sinn cosmhuil ris; oir chì sinn e mar a ta e.

3 Agus gach neach aig am bheil an dòchas so ann, glanaidh se e féin, mar a ta esan glan.

4 Ge b'e neach a ni peacadh, tha e mar an ceudna a' briseadh an lagha: oir is e am peacadh briseadh an lagha.

5 Agus tha fhios agaibh gu'n d'fhoillsicheadh esan chum ar peacanna thoirt air falbh; agus cha 'n'eil peacadh sam bith annsan.

6 Gach neach a dh'fhanas annsan, cha dean e peacadh: ge b'e air bith a pheac-aicheas, cha 'n fhac e esan, agus cha robh eòlas aige air.

7 A chlann bheag, na mealladh neach air bith sibh: an ti a ni fireantachd, is firean e, mar is firean esan:

8 An ti a ni peacadh, is ann o'n diabhol a ta e: oir tha an diabhol a' peacachadh o thùs. Is ann chum na criche so a dh'fhoillsicheadh Mac Dhé, chum gu'n sgriosadh e oibre an diabhoil.

9 Ge b'e neach a ghineadh o Dhia, cha dean e peacadh: oir a ta a shìolsan a' fantuinn ann: agus cha 'n'eil e 'n comas da peacadh a dheanamh, do bhrìgh gu'n do ghineadh o Dhia e.

10 An so tha clann Dé, agus clann an diabhoil follaiseach: Ge b'e neach nach dean fireantachd, cha'n ann o Dhia a tha e, no an ti nach gràdhaich a bhràthair.

11 Oir is i so an teachdoireachd, a chuala sibh o thùs, sinn a thoirt gràidh d'a chèile:

12 Cha'n ann mar Chain, a bha o'n droch aon, agus a mharbh a bhràthair: Agus c'ar son a mharbh se e? A chionn gu'n robh oibre féin olc, agus oibre a bhràthar sìcanta.

13 Na biodh ioghnadh oirbh, mo bhràithre, ge do dh'fhuathaicheas an saoghal sibh.

14 Tha fhios againn gu'n deachaidh sinn thairis o bhàs gu beatha, do bhrìgh gu bheil gràdh againn do na bràithribh: an ti nach gràdhaich a bhràthair, fanuidh e ann am bàs.

15 Gach neach a dh'fhuathaicheas a bhràthair, is mortair<sup>1</sup> e; agus tha fhios agaibh nach 'cil aig mortair sam bith a' bheatha mhaireannach a' fantuinn ann.

16 Le so is aithne dhuinn gràdh Dhé, do bhrìgh gu'n do chuir esan sìos anam féin air ar sonne: agus is còir dhuinne ar n-anama féin a chur sìos air son nam bràithre.

17 Agus ge b'e neach aig am bheil maoin an t-saoghail so, agus a chi a bhràthair ann an uireasbhuidh, agus a dhruideas a chridhe 'na aghaidh, cionnus a tha gràdh Dhé a gabhail còmhuidh ann?

18 Mo chlann bheag, na gràdhaicheamaid ann am focal, no ann an teagaidh, ach ann an gnìomh agus ann am fìrinn.

19 Agus le so is aithne dhuinn gu bheil sinn do'n fhìrinn, agus bheir sinn dcarbhbheachd<sup>2</sup> d'ar cridhibh 'na làthair.

20 Oir ma dhìteas ar cridhe sinn, is mò

Dia na ar cridhe, agus is aithne dha na h-uile nithe.

21 A mhuinntir mo ghràidh, mur dìt ar cridhe sinn, tha dànachd againn a thaobh Dhé.

22 Agus ge b'e ni a dh'iarras sinn, gheibh sinn uaidh e, do bhrìgh gu bheil sinn a' coimhead àitheantan, agus a' deanamh nan nithe, a tha taitneach 'na fhuais-san.

23 Agus is i so àithne-san, gu'n creideamaid ann an ainm a Mhic Iosa Crìosd, agus gu'n gràdhaichemaid a chèile, mar a thug esan aithne dhuinn.

24 Agus an ti a choimhideas àitheantan-san, tha e gabhail còmhuidh ann, agus esan annsan: agus le so is aithne dhuinn gu bheil esan a' fuireach annainn, o'n Spiorad a thug e dhuinn.

#### CAIB. IV.

1 *Tha e toirt rabhaidh dhoibh gun iad a chreidsinn gach uile luchd-teagaisg, a nì bàsd as an Spiorad, ach an dearbhadh le riaghailtibh a' chreidimh choitichinn: 7 agus tha e le h-iomadh reuson 'gam brosnachadh gu gràdh bràithreil.*

**A** MHUINNTIR ionmhuinn, na creidibh gach uile spiorad, ach dcarbhadh na spioradan, an ann o Dhia a tha iad: do bhrìgh gu bheil mòran do fhàidhibh brèige air dol a mach do'n t-saoghal.

2 Le so aithnichibh Spiorad Dhé: gach uile spiorad a dh'aidicheas gu'n d'thainig Iosa Crìosd san fheadhail, is ann o Dhia a tha e.

3 Agus gach uile spiorad nach aidich gu bheil Iosa Crìosd air teachd san fheadhail, cha'n ann o Dhia a tha e: agus is e so spiorad sin an anacriosd, neach a chuala sibh e bhi teachd, agus a nis tha e cheana anns an t-saoghal.

4 A chlann bheag, tha sibhse o Dhia, agus thug sibh buaidh orrasan; do bhrìgh gur mò esan a ta annaibhse, na'n ti a ta anns an t-saoghal.

5 Tha iadsan o'n t-saoghal: uime sin tha iad a' labhairt mu'n t-saoghal, agus tha'n saoghal ag cìseachd ri u.

6 Tha sinne o Dhia: an ti aig am bheil eòlas air Dia, cìsidh e ruinne; an ti nach 'eil o Dhia, cha'n èisd e ruian. O so aithnichidh sinn spiorad na fìrinn, agus spiorad an t-seacharain.

7 A mhuinntir ionmhuinn, gràdhaicheamaid a chèile: oir is ann o Dhia tha'n gràdh; agus gach neach a ghràdhaicheas, ghineadh o Dhia e, agus is aithne dha Dia.

8 An ti nach gràdhaich, cha'n aithne dha Dia; oir is gràdh Dia

9 An so dh'fhoillsicheadh gràdh Dhé dhuinn, do bhrìgh gu'n do chuir Dia aon-ghin Mhic do'n t-saoghal, chum gu'm bitheamaid beo tridsan.

10 An so a ta gràdh, cha'n e gu'n do ghràdhaich sinne Dia, ach gu'n do ghràdh-

<sup>1</sup> duin'-mharbhaiche.

<sup>2</sup> cinnteachd.



aich esan sinne, agus gu'n do chuir e a Mhac féin gu bhí 'na iobairt-réitich air son ar peacaidh.

11 A mhuinntir ionmhuinn, ma ghrádh-aich Dia sinne mar sin, tha dh'fhiachaibh oirne chéile a ghrádhachadh mar an ceudna.

12 Cha'n fhaca neach air bith Dia riabh. Ma ghrádhachas sinn a chéile, tha Dia 'na chomhnuidh annainn, agus tha a ghrádh air a choimhlionadh annainn.

13 O so is aithne dhuinn gu bheil sinne 'nar comhnuidh annsan, agus esan annainne, do bhrìgh gu'n d'thug e dhuinn d'a Spiorad.

14 Agus chunnaic sinn agus tha sinn a' deanamh fianuis, gu'n do chuir an t-Athair am Mac uaith gu bhí 'na Shlan- uighear an domhain.

15 Ge b'e neach a dh'aicheadas gur e Iosa Mac Dhé, tha Dia 'na chomhnuidh annsan, agus esan ann an Dia.

16 Agus dh'aithnich sinne agus chreid sinn an grádh, a tha aig Dia dhuinn. Is grádh Dia; agus an ti a tha fantuinn ann an grádh, tha e 'na chomhnuidh ann an Dia, agus Dia annsan.

17 An so tha ar grádh-ne air a dheanamh coimhlionta, chum gu'm bi againn dànachd ann an là a' bhreitheanais: do bhrìgh mar a tha esan, gur amhuil sin a tha sinne anns an t-saoghal so.

18 Cha 'n'eil eagal ann an grádh; ach tilgidh grádh dìomhaltha' an t-eagal a' mach; do bhrìgh gu bheil pian san cagal: an ti a tha eagalach, cha d'rinneadh coimhlionta ann an grádh e.

19 Tha ghrádh againne dhasan, do bhrìgh gu'n do ghrádhach esan sinne an toiseach.

20 Ma their neach, Tha grádh agam do Dhia, agus fuath aige d'a bhràthair, is breugaire e: oir an ti nach grádhach a bhràthair, a chunnaic e, cionnus a dh'fhead- as e Dia, nach fac e, a ghrádhachadh?

21 Agus an àithne so tha againn naith- san, An ti a ghrádhachas Dia, gu'n grádhach e a bhràthair mar an ceudna.

# C A I B. V.

1 An ti leis an ionmhuinn Dia, is ionmhuinn leis a chlann, agus coimhididh e àitheantan, a ta eutrom, so-choimhead do na creidmich. 9 'Se Iosa Mac Dhé, agus tha e comasach air sinne a shlànachadh, 14 agus air ar n-ùrnuighean a fhreagairt, a nì sinn air ar son féin, agus air son muinntir eile.

**G**E b'e neach a chreideas gur e Iosa an Criosd, ghineadh o Dhia e; agus ge b'e ghrádhachas an ti a ghin, grádhachidh e mar an ceudna an ti a ghineadh leis.

2 O so is aithne dhuinn gu bheil grádh againn do chloinn Dé, 'nuair a ghrádh-

aicheas sinn Dia, agus a choimhideas sinn àitheanta.

3 Oir is e so grádh Dhé, sinn a choimh- ead àitheanta: agus cha 'n'eil àitheanta-san trom?

4 Oir gach uile nì a ghinear o Dhia, bheir e buaidh air an t-saoghal: agus is i so a' bhuaidh, a bhuaidhachas air an t-saoghal, eadhon ar creidimh-ne.

5 Cò an ti a bhuaidhachas air an t-saoghal, ach esan a tha creidsinn gur e Iosa Mac Dhé?

6 Is e so esan a thainig trid uisge agus trid fhuil, Iosa Criosd; nì h-e trid uisge- mhàin, ach trid uisge agus fuil: agus is e'n Spiorad a nì fianuis, do bhrìgh gur firinn an Spiorad.

7 Oir tha triuir a tha deanamh fianuis air nèamh, an t-Athair, am Focal, agus an Spiorad naomh: agus an triuir sin is aoniad.

8 Agus tha triuir a tha deanamh fianuis air an talamh, an Spiorad, agus an t-uisge, agus an fhuil: agus thig an triuir sin r'a chéile ann an aon.

9 Ma ghabhas sinn rì fianuis dhaoine, 'sì fianuis Dé a's mò: oir is i so fianuis Dé, a thug e mu thimchioll a Mhic.

10 An ti a chreideas ann am Mac Dhé, tha 'n fhianuis aige ann féin: an ti nach creid Dia, rinn e breugaire dheth, do bhrìgh nach do chreid e an fhianuis, a rinn Dia mu thimchioll a Mhic.

11 Agus is i so an fhianuis, gu'n d'thug Dia dhuinn beatha mhaireannach: agus tha a' bheatha so 'na Mhac.

12 An ti aig am bheil am Mac, tha beatha aige: an ti aig nach 'eil Mac Dhé, cha 'n'eil beatha aige.

13 Na nithe so sgrìobh mi d'ar n-ionn- suidh, a tha creidsinn ann an ainm Mic Dhé; chum gu'm bi fios agaibh gu bheil a' bheatha mhaireannach agaibh, agus chum as gu'n creid sibh ann an ainm Mic Dhé.

14 Agus is e so an dòchas a ta againn annsan, ma dh'iarras sinn nì sam bith a réir a thoile, gu'n éisd e ruinn.

15 Agus ma ta fhios againn gu'n éisd e ruinn, ge b'e nì a dh'iarras sinn, tha fhios againn gu bheil ar n-iarrtais, a dh'iarr- sinn air, againn.

16 Ma chi neach sam bith a bhràthair a' peacadhadh peacaidh nach 'eil a chum bàis, iarraidh e, agus bheir e beatha dha, dhoibhsan nach 'eil a' peacadhadh chum bàis. Tha peacadh chum bàis ann: a thaobh sin, nì'n abram gur còir dha guidh- cadh.

17 Is peacadh gach uile eucoir: agus tha peacadh ann nach 'eil a chum bàis.

18 Tha fhios againn ge b'e neach a ghineadh le Dia, nach peacach e; ach an ti a ghineadh o Dhia, coimhididh se e féin, agus cha bhean an droch aon ris.

19 Tha fhios againn gur ann o Dhia a

tha sinne, agus tha'n saoghal uile na luidhe san olc.

20 Agus tha fhios againn gu'n d'thainig Mac Dhé, agus gu'n d'thug e tuisge dhuinn, chum gu'm b'aithne dhuinn esan a ta fìor:

agus tha sinne annsan a ta fìor, ann a Mhac Iosa Crìosd. Is e so an Dia fìor, agus a' bheatha mhaireannach.

21 A chlann bheag, coimhidibh sibh fein o ìodholaibh. Amen.

## DARA LITIR AN ABSTOIL EOIN.

## CAIB. I.

1 Tha e comhairleachadh do mhnai òirdheirc àraidh agus d'a cloinn buanachadh anns a' chreilinn agus ann an gràdh Crìosd-aith, 8 an t-eagal gu'n cailleadh iad duais na h-aidmheil, a rinn iad roimhe; &c.

**A**N seanair chum na bain-tighearna taghta, agus chum a cloinne, a's ionmhuinn leamsa anns an fhìrinn; agus cha'n ann leamsa mhàin, ach leo-san uile mar an ceudna, a ghabh eòlas air an fhìrinn;

2 Air son na fìrinn a tha 'na còmhnuidh annainne, agus a bhios maille ruinn gu bràth:

3 Gràs, tròcair, agus sìth gu robh maille ribh o Dhia an t-Athair, agus o'n Tighearn Iosa Crìosd Mac an Athar, ann am fìrinn agus ann an gràdh.

4 Bha gairdeachas mòr orm, do bhrìgh gu'n d'fhuair mi cuid do d' chloinnsa ag imeachd anns an fhìrinn, a réir mar a fhuair sinne àithne o'n Athair.

5 Agus a nis guidheam ort, a bhain-tighearn, cha'n e mar gu'n scriobhainn àithne nuadh chugad, ach an àithne a bha againn o thùs, gu'n gràdhaicheamaid a chéile.

6 Agus is e so an gràdh, gu'n imich-

eamaid a réir àitheanta-san. 'S i so an àithne, mar a chuala sibh o thùs, gu'n imicheadh sibh innte.

7 Oir tha mòran mhealltaircan air teachd a steach do'n t-saoghal, nach 'eil ag aiceachadh gu bheil Crìosd air teachd san fheoil. Is mealltair so agus anacriòsd.

8 Thugaibh aire dhuibh fein, nach cail sinn<sup>1</sup> na nithe sin, a shaothraich sinn<sup>2</sup>, ach gu faigh sinn làn duais.

9 Ge b'e neach a bhriseas an lagh, agus nach fan ann an teagasg Chrìosd, cha 'n eil Dia aige: an ti a dh'fhanas ann an teagasg Chrìosd, tha araon an t-Athair agus am Mac aige.

10 Ma thig neach air bith d'ar n-ionnsuidh, agus nach toir e an teagasg so leis, na gabhaibh e steach d'ar tigh, agus na abraibh ris, Gu ma subhach dhut<sup>3</sup>.

11 Oir ge b'e neach a their ris, Gu ma subhach dhuit, tha comhpairt aige d'a dhroch oibribh.

12 Air dhomh mòran a bhi agam r'a scriobhadh chugaibh, cha b'àill leam scriobhadh le paipeir agus dubh; ach tha dòchas agam teachd d'ar n-ionnsuidh, agus labhairt beul ri beul, chum gu'm bi ar gairdeachas coimhlionta.

13 Tha clann do pheathar taghta a' cur fàilte ort. Amen.

## TREAS LITIR AN ABSTOIL EOIN.

## CAIB. I.

1 Tha e a' moladh Ghaiuis air son a dhiudhachd, 5 agus aoidheachd do'n fhìor luchd-teaguis; 9 agus air an làimh eile a' deanamh gearain air gnàthachadh mì-chàirdil Dhiotrefheis uaibhrich; &c.

**A**N seanair chum Ghaiuis ghràdhaich, a's ionmhuinn leam san fhìrinn.

2 A bhràthair ghràdhaich, 'se mo ghuidheadh thaobh<sup>4</sup> gach uile ni gu'n soirbhicheadh leat agus gu'm biodh tu slàn, mar a ta soirbheachadh le t' anam.

3 Oir rinn mi gairdeachas gu mòr 'nuair

a thainig na bràithrean, agus a rinn iad fianuis do'n fhìrin a tha annadsa, <sup>5</sup> mar a ta thusa 'g imeachd san fhìrinn.

4 Cha 'n eil gairdeachas agam a's mò na bhi cluinntinn gu bheil mo chlann ag imeachd san fhìrinn.

5 A bhràthair ghràdhaich, is dileas a nì thu gach ni a ta thu deanamh do na bràithribh agus do choigrich:

6 Muinntir a rinn fianuis air do ghràdh an làthair na h-eaglaise: ma bheir thu air an agaidh iad 'nan slighe mar is cubhaidh do Dhia, is maith a nì thu:

7 Oir chaidh iad a mach air sgàth

<sup>1</sup> sibh. <sup>2</sup> bhuannaich sibh.

<sup>3</sup> Gu'n

<sup>4</sup> roimh.

<sup>5</sup> do t'fhìrinn-sa.



ainme-san, gun ni air bith a ghabhail o na Ciunnich.

8 Uime sin tha dh'fhiachaibh oirne gabhail r'an leithidibh sin, chum gu'm bithcamaid 'nar comh-shaothraichibh do'n fhirinn.

9 Scriobh mi' chum na h-eaglaise: ach cha ghabh Diotrefhes, leis am miann àrd-cheannas a bhi aige 'nam measg, ruinne.

10 Uime sin, ma thig mi, cuiridh mi an cuimhne<sup>2</sup> oibre a ta c deanamh, a' bith-labhairt 'nar n-agaibh le briathraibh aingidh<sup>3</sup>: agus cha leir leis sin, ach ni mò a tha e fèin a' gabhail ris na bràithribh, agus tha e a' bacadh na droinge leis am b'ail, agus 'gun tilgeadh mach as an eaglais.

11 A bhràthair ghràdhaich, na lean an ni a ta olc, ach an ni a ta maith. An ti a ni maith, is ann o Dhia a ta e: ach an ti a ri olc, cha'n fhac e Dia.

12 Tha deadh theistean air Demetrius o na h-uile, agus o'n fhirinn fèin: agus tha sinne mar an ceudna a' deanamh fianuis, agus tha fios agaibh gu bheil ar fianuisne fìor.

13 Bha mòran agam r'a scriobhadh, ach cha 'n àill leam scriobhadh le dubh agus peannu a' t'ionnsuidh:

14 Ach tha dòchas agam t'fhaicinn gun dàil, agus labhairidh sinn beul ri beul. Siothchaint maille riut. Tha na càirdean a' cur fàilte ort. Cuir fàilte air na càirdibh air an ainm.

## LITIR CHOITCHIONN AN ABSTOIL IUDAIS.

### CAIB. I.

1 Tha e 'gam brosnachadh gu bhi bunaiteach ann an aidmheil a chreidimh, 4 Tha luchd-teagaisg brèige air teachd a steach 'nam measg chum am mealladh; agus tha peanas ro eagalach air ulluchadh fa chomhair na muinntir sin, air son an droch theagaisg agus an cailleadh-beatha mhi-naomha: &c.

IUDAS seirbhis each Iosa Criosd agus a' bràthair Sheumais, chum na droinge a tha air an naombachadh le Dia an t-Athair, agus air an coimhead le Iosa Criosd, air an gairm:

2 Gu robh trècair, agus sìth agus gràdh air am meudachadh dhuibhse.

3 A mhuinntir ionnhuinn, air dhomh an uile chabhaig<sup>4</sup> a dheanamh chum scriobhadh d'ar n-ionnsuidh mu thimchioll na slàinte choitchionn<sup>5</sup>, b'fheumail domh scriobhadh d'ar n-ionnsuidh, 'gar n-eagalachadh<sup>6</sup> sibh a chathachadh gu dìchiollach air son a' chreidimh, a thugadh aon uair do na naomh.

4 Oir dh'eulaigh<sup>7</sup> daoine àraidh a steach, a dh'orduicheadh roimhe<sup>8</sup> o shean ehum an diùdh so, daoine mi-dhiadhaidh, a' tionndadh gràis ar Dé-ne gu macnus, agus ag àicheadh Dhé, a's aon Uachdaran ann, agus ar Tighearna Iosa Criosd.

5 Uime sin is àill leam bhuir cur an cuimhne, ge do bha fhios agaibh aon uair<sup>9</sup> air so; cionnus, an dèigh do'n Tighearn am pobull a shaoradh a tìr na h-Eiphit, a sgrios e an dèigh sin an droing nach do chreid.

6 Agus na h-aingil nach do ghleidh an ceud iùbh, ach a dh'fhàg an àite-còmhnaidh fèin, choimhid e ann an geimhlibh

siorruidh fuidh dhorchadas, fa chomhair breitheanaidh an là mhòir.

7 Amhuil a ta Sodom agus Gomorrha, agus na bailte mu'n cuairt orra, a thug iad fèin thairis do striopachas air a' mhodh cheudna, agus a bha leantuinn feòla coimhich, air an cur suas 'nam ball-sampuill<sup>10</sup> a' fulang dioghaltais taine shiorruidh.

8 Mar an ceudna fòs tha an luchd-bruadair<sup>11</sup> sin a' salachadh na feòla, a' deanamh tàir air uachdaranachd, agus a' labhairt gu toibheumach<sup>12</sup> air àrd-inbhibh.

9 Gidheadh cha do ghabh Michael an t-àrd-ingeal, 'nuair a chathaidh e'n aghaidh an diabhail, agus a rinn e deasboireachd mu chorp Mhaois, dānadas air casaid thoibheumach a thoirt 'na aghaidh, ach thubhairt e, Gu cronuicheadh an Tighearn thu!

10 Ach tha'n droing sin a' labhairt gu toibheumach, air na nìibh<sup>13</sup> naeh aithne dhoibh: ach na nìthe sin a's aithne dhoibh air mhodh nàdurra, mar ainmhidhibh gun reuson, tha iad 'gan truailleadh fèin annta.

11 Is anaobhinn dhoibh! oir dh'imich iad ann an slighe Chain, agus ruith iad gu togarrach ann an seacharan Bhalaaim air ghaol tuarsdail, agus sgriosadh iad ann an anacainnt cheannarcaich Chore.

12 Is smala iad sin ann bhuir cuirmibh gràidh, 'nuair a tha iad air euirmibh maille ribh, 'gam beathachadh fèin gun eagal: is neoil iad gun uisge, air an giùlan m'un cuairt le gaothaibh: craobhan searg-mheasach, gun toradh; da uair marbh, air an spionadh as am freumhaibh;

13 Garbh thonna<sup>14</sup> na fàirge, a sgeitheas

<sup>1</sup> Scriobhainn.

<sup>2</sup> cuimhnichidh mi.

<sup>3</sup> naimhdeil, mìorunach

<sup>4</sup> dhìchioll.

<sup>5</sup> chumanta. <sup>6</sup> a' eur impidh oirbh. <sup>7</sup> ghoid.

<sup>8</sup> a'scriobhadh roimhe.

<sup>9</sup> roimhe.

<sup>10</sup> nan samhkluchas.

<sup>11</sup> luchd-bruadair neo-

ghlan. <sup>12</sup> gu tàir-chaimteach, maslach.

<sup>13</sup> labhairt uile mu na nìibh.

<sup>14</sup> Fiadh

thonna.

an naire fein mar chobhar ; reulta seachranach, d'am bheil duibhre an dorchadais gu sìorruidh air a thasgaidh.

14 Agus linn Enoch mar an ceudna, an seachdamh pearsa o Adhamh, fàidheadair-eachd orra sin, ag ràdh, Feuch, tha'n Tighearn a' teachd le dheich mìlthbha naomha<sup>1</sup>.

15 A dheanamh breithenais air na h-uile, agus chum iadsan uile a tha mi-dhiadhaidh nam measg f'hàgail ris, a thaobh an uile ghnìomhara mi-dhiadhaidh a rinn iad gu mi-dhiadhaidh agus a thaobh an uile bhriathar cruaidh, a labhair peacaich mi-dhiadhaidh 'na aghaidh.

16 Is luchd cànrain agus gearain an droing so, a tha 'g imeachd a réir an anamhiann fein ; agus tha'm beul a' labhairt bhriathar atmhor<sup>2</sup>, agus iad a' gabhail iongantais<sup>3</sup> do phearsaibh dhaoine air sgàth buannachd.

17 Ach cuimhnichibhse, a mhuinntir mo ghràidh, na focail a labhradh roimhe le abstolaibh ar Tighearna Iosa Crìosd :

18 Mar a thubhairt iad ribh, gu'm biodh anns an aimsir dheireannaich luchd-fànoid,

a ghluaisheadh a réir an anamhianna mì-dhiadhaidh fein.

19 'S iad sin an dream a sgaras iad fein o chàch, collaidh<sup>4</sup>, gun an Spiorad aca.

20 Ach air bhì dhuibhse, a mhuinntir ionmhuinn, 'gar togail fein suas ann bhur creidimh ro naomha, a' deanamh ùrnuigh san Spiorad naomh.

21 Coimhidibh sibh fein, ann an gràdh Dhé, le sùil ri tròcair ar Tighearna Iosa Crìosd chum na beatha maireannaich.

22 Agus gabhaibh truas do dhream àraidh, a' deanamh eadar-dhealachaidh :

23 Agus tearnaibh dream cile le h-eagal, 'gan spionadh as an teine ; a' fuathachadh eadhon an eudaich air am bheil smal na feòla<sup>5</sup>.

24 A nis dhasan a tha comasach air bhur gleidheadh o thuisleadh, agus *blur* cur gu neo-lochdach an làthair a ghlàire le h-aobhneas ro mhòr,

25 Do'n Dia a ta mhàin glic, ar Slànui-ghcar, gu robh glòir agus mòralachd, ncart<sup>6</sup> agus cumhachd, a nis agus air feadh nan uile linn. Amen.

## TAISBEANADH EOIN AN DIADHAIR.

### CAIB. I.

4 Tha Eoin a' sgrìobhadh a thaisbeanaidh chum seachd eaglaisean na h-Asia, a tha air an ciallachadh leis na seachd coimheiribh òir.

7 Teachd Chrìosd : 14 A chumhachd glòrmhor, agus a mhòralachd.

**T**AISBEANADH Iosa Crìosd, a thug Dia dha, a dh'fhoillsachadh d'a sheirbhisich nithe a's éigin teachd gu crìch ann an aithghearr ; agus chuir e teachdoir-eachd uaithe, agus le aingeal fein dh'fhoillsich e iad d'a sheirbhiseach Eoin :

2 A rinn fianuis air focal Dé, agus air teistcas Iosa Crìosd, agus air gach nì a chunnaic e.

3 Is beannuichte an ti a leughas, agus iadsan a dh'èisdeas ri briathraibh na fàidheadaireachd so, agus a choimhideas na nithe a tha sgrìobhta innte : oir tha'n t-àm an fagus.

4. **E**GIN chum nan seachd eaglais a ta san Asia : Gràs dhuibh, agus sìth o'n ti a ta, agus a bha, agus a ta ri teachd ; agus o na seachd spioradaibh a tha'm fianuis a rìgh-chaithearsan ;

5 Agus o Iosa Crìosd, an fhianuis fhìor, an ceud-ghin o na marbhaibh, agus uachdaran rìghre na talmhainn : Dhasan a ghràdhach sinn, agus a dh'ionnlaid sinn o ar peacaibh 'na fhuil fein,

6 Agus a rinn rìghre dhinn agus sàgarta do Dhia agus d'a Athairsan ; dhasan gu robh glòir agus cumhachd gu saoghal nan saoghal. Amen.

7 Feuch, tha e teachd le neulaibh ; agus chi gach sùil e, agus iadsan mar an ceudna a lot e<sup>7</sup> : agus nì uile threubha na talmhainn caoidh air a shonsan : gu ma h-amluaidh a bhitheas, Amen.

8 Is mise Alpha agus Omega, an toiseach agus an deireadh, a deir an Tighearn, a ta, agus a bha, agus a ta ri teachd, an t-Uile-chumhachdach.

9 Bha mise Eoin, blur dearbh-bhràthair, agus blur companach ann an àmhghar, agus ann an rìoghachd agus am foighidinn Iosa Crìosd, anns an eilean<sup>8</sup> d'an goirear Patmos, air son focail Dé, agus air son fianuis Iosa Crìosd.

10 Bha mi san Spiorad air la an Tighearna, agus chuala mi air mo chulaobh guth mòr, mar ghuth troimpeide,

11 Ag ràdh, Is mise Alpha agus Omega, an ceud neach agus an neach deircannach : agus, Sgrìobhsa ann an leabhar an nì a chì thu, agus cuir e chum nan seachd eaglais, a tha san Asia ; chum Ephesus, agus chum Smirna, agus chum Pergamos, agus chum Thiatira, agus chum Sardis, agus chum Philadelphia agus chum Laodicea.

<sup>1</sup> le deich mìlthbha d'a naomhaibh. <sup>2</sup> uaibhreacht <sup>3</sup> a toirt mòr mheas. <sup>4</sup> nàdurra. <sup>5</sup> a ta air a shalachadh leis an fheòil.

<sup>6</sup> Tighearnas, uachdaranachd. <sup>7</sup> a throimh-  
lot, a shàth e trèid. <sup>8</sup> oilean, innis.



12 Agus thionndaidh mi a dh'fhaicinn a ghutha, a labhair rium. Agus air tionndadh dhomh, chunnaic mi seachd coin-leirean òir;

13 Agus am meadhon nan seachd coin-leir, *neach* cosmhuil ri Mac an duine, air an robh eudach a rainig sìos gu shàilbh, agus crioslaichte<sup>1</sup> le crios òir inu chioch-aibh.

14 Bha a cheann agus fholt geal mar oluinn ghil, mar shneachda; agus a shùilean mar lasar theine;

15 Agus a chosa cosmhuil ri umha<sup>2</sup> fìor-ghlan, mar gu'm bitheadh iad a' dearg-losgadh ann an àmhuinn; agus a ghuth mar thoirm mhòrain uisgeacha.

16 Agus bha aige 'na làimh dheis seachd reulta: agus claidheamh geur dà fhaobhair a' teachd a mach as a bheul: agus *bhu* ghnùis mar a' ghrian a' dealrachadh 'na làn neart.

17 Agus an uair a chunnaic mi c, thuit mi sìos aig a chosaibh an riochd mairbh: agus chuir e a làmh dheas orm, ag ràgh rium, Na biodh cagal ort: is mise an ceud neach agus an neach deireannach.

18 Is mi an ti a ta beo, agus a bha marbh; agus feuch, tha mi beo gu saoghal nan saoghal, Amen; agus tha iuchraiche ifrinn<sup>3</sup> agus a' bhàis agam.

19 Scriobh na nithe a chunnaic thu, agus na nithe a ta ann, agus na nithe a bhitheas an dèigh so:

20 Rùn-diomhair nan seachd reult a chunnaic thu ann am làimh dheis, agus nan seachd coinleir òir. Is iad na seachd reulta, aingil nan seachd eaglais: agus is iad na seachd coinleirean, a chunnaic thu, na seachd eaglaisean.

### C A I B. II.

*Ciod a dh'athneadh do Eoin a sgrìobhadh chum ainge (is iad sin, ministèirean) nan eaglais 1 Ephesus, 3 Smirna, 12 Pergamoi, 13 Thiatira: agus ciod a ta air a mholadh, no a fhuaradh uireasbhuidheach annasan.*

**C**HUM aingil<sup>4</sup> eaglaise Ephesus, Scriobh, is iad so na nithe a deir an ti, a tha cumail nan seachd reult 'na làimh dheis, a tha 'g imeachd ann am meadhon nan seachd coinleir òir;

2 Is aithne dhomh 't'òibre, agus do shaothair, agus t'fhoighidin, agus nach urrainn thu giùlan leo-san a tha òc; agus gu'n do dhearbh thu iadsan a their gur abstoil iad fèin, agus nach eadh, agus gu'n d'fhuair thu iad breugach;

3 Agus gu'n do ghiùlain thu, agus gu bheil foighidin agad, agus, air sgath m'ainme-sc, gu'n d'rinn thu saothair, agus nach d'fhug thu thairis.

4 Gidheadh, tha agam a' t'aghaidh, gu'n do thréig thu do cheud ghràdh.

5 Cumhnich uime sin cia uaithe a thuit thu, agus gabh aithreachas, agus dean na ceud òibre; no thig mi ort gu grad, agus atharraichidh mi do choinleir as àit, mur gabh thu aithreachas.

6 Ach a ta sò agad, gur fuathach leat òibre nan Nicolaiteach, nithe mar an ceudna a's fuathach leamsa.

7 An ti aig am bheil cluas, éisdeadh e ciod a their an Spiorad ris na h-eaglaisibh; Do'n ti a bhuaidhaicheas bheir mise r'a ith-eadh do chraoibh na beatha, a tha ann am meadhon phàrrais Dé.

8 Agus chum aingil eaglaise Smirna, sgrìobh, Na nithe so a their esan, a's e'n ceud neach agus an neach deireannach, a bha marbh, agus a tha beo;

9 Is aithne dhomh 't'òibre, agus t'àmghar, agus do bhochlainn, (gidheadh a ta thu beartach<sup>5</sup>) agus is aithne dhomh toibheum na muinntir, a their gur Iudhaich iad fèin, agus nach eadh, ach sionagag Shatain.

10 Na biodh eagal ort roimh aon do na nithibh sin a dh'fhuilingeas tu: feuch, tilgidh an diabol cuid dhiubh ann am prìosun, chum gu'n dearbhar sibh; agus bithidh àmhghar<sup>6</sup> agaibh rè dlìchich làithean: bi-sa fìrinneach gu bàs, agus bheir mise dhuit crùn na beatha.

11 An ti aig am bheil cluas, éisdeadh e ciod a their an Spiorad ris na h-eaglaisibh: An ti a bheir buaidh, cha chiurrar leis an dara bàs e.

12 Agus chum aingil na h-eaglaise a ta ann am Pergamos, sgrìobh, Na nithe so deir esan, aig am bheil an claidheamh geur dà fhaobhair:

13 Is aithne dhomh 't'òibre, agus c'ait am bheil thu a'd' chòmhnuidh, eadhon far am bheil caithir Shatain: agus a ta thu a' cumail m'ainme-se gu daingean, agus cha d'athneadh thu mo chreidimh, eadhon anns na làithibh sin anns an robh Antipas 'na f'hanuis<sup>7</sup> f'fìrinneach dhomh, a mharbhadh 'nar measg, far am bheil Sàtan 'na chòmhnuidh.

14 Gidheadh, tha beagan agam a' t'aghaidh, do bhrìgh gu bheil agad an sin an droing, a tha cumail teagaisg Bhalaam, a theagaisg do Bhalaac ceap-tuislidh a chur roimh chloinn Israeil, chum nithe, a dh'òbradh do ìdholoibh, itheadh, agus strìopachas a dheanamh.

15 Is anithuil sin a ta agad mar an ceudna an dream a tha cumail teagaisg nan Nicolaiteach, ni a's fuathach leamsa.

16 Dean aithreachas, no thig mi a' t'ionnsuidh gu grad, agus cogaidh mi 'nan aghaidh le claidheamh mo bheoil.

17 An ti aig am bheil cluas, éisdeadh

<sup>1</sup> criosraichte. <sup>2</sup> prais. <sup>3</sup> na h-uaghe, an t-saoghail ri teachd. <sup>4</sup> theachdoire. <sup>5</sup> saibhir.

<sup>6</sup> trioblaid. <sup>7</sup> na mhairtireach.

ciod a thair an Spiorad ris na h-eaglais-  
 oh: Do'n ti a bhuadhaicheas bheir mi  
 'a itheadh do'n mhana fholuichte, agus  
 their mi dha clach gheal, agus air a' chloich  
 inn nuadh scriobhta, nach aithne do  
 teach air bith, ach do'n ti a gheibh i.

18 Agus chum aingil na h-eaglaise a ta  
 ann an Tiatira, scriobh, Na nithe so deir  
 Mac Dhé, aig am bheil a shùilean mar  
 asair theine, agus a chosan mar umha  
 'ior-ghlan;

19 Is aithne dhomh t'òibre, agus do  
 ghràdh, agus do fhrithealadh<sup>1</sup>, agus do  
 zheidimh, agus t'fhoighidin, agus t'òibre  
 leireannach; gu bheil iad nì's mò na do  
 zheid oibre.

20 Gidheadh, tha agam beagan do nithibh  
 a' t'aghaidh, gu bheil thu a' fulang do'n  
 mhnai sin Iesebel, a their gur ban-fhàidh  
 i fèin, mo sheirbhisich a theagasg agus a  
 mhealladh chum striopachas a dheanamh,  
 agus nithe a dh'òbradh do ìodholaibh ith-  
 eadh.

21 Agus thug mi dhi ùine gu aithreachas  
 a ghabhail d'a striopachas, agus cha do  
 ghabh i aithreachas.

22 Feuch, tilgidh mi i ann an leabaidh,  
 agus iadsan a tha deanamh adhaltrannais  
 rithe ann an àmhghar mòr, mur gabh iad  
 aithreachas d'an gnìomharaibh.

23 Agus marbhaidh mi a clann leis a'  
 bhàs; agus bithidh fhios aig na h-eaglais-  
 ibh uile gur mise an ti sin a sgrùdas na  
 h-àirnean agus na cridheachan: agus bheir  
 mi do gach aon agaibhse a rèir bhur  
 n-oibre.

24 Ach ribhse a deiream, agus ris a'  
 chuid eile ann an Tiatira, Mhead aig nach  
 'eil an teagasg so, agus do nach b'aithne  
 doimhne Shàtain, mar a their iad, cha  
 chuir mi uallach eile oirbh,

25 Ach cumaibh gu daingean an ni a ta  
 agaibh, gus an d'thig mi.

26 Agus an ti a bhuadhaicheas, agus a  
 ghleidheas m'òibre gus a' chrìoch, dhasan  
 bheir mi cumhachd os ceann nan Cinn-  
 each,

27 (Agus riaghlaidh e iad le slait iarunn:  
 mar shoithichibh creadha brisear 'nam  
 bloighdibh iad) amhuil a fhuair mise o m'  
 Athair.

28 Agus bheir mi dha reult na maidne.

29 Ann ti aig am bheil cluas, éisdeadh  
 e ciod a their an Spiorad ris na h-eaglais-  
 abh.

## CAIB. III.

1 Tha aingeal eaglaise Shardis air a chron-  
 achadh, 3 air earalachadh gu h-aithreachas,  
 agus air a bhagairt mur dean e aithreachas.

3 Tha aingeal eaglaise Philadelphia air a  
 mholadh air son a dhìchill agus fhoighidin.

15 Tha aingeal eaglaise Laodicca air a

chronachadh a chionn nach robh e faar no  
 teth, &c.

A GUS chum aingil na h-eaglaise a tha  
 ann an Sardis, scriobh, Na nithe so deir  
 an ti aig am bheil seachd spiorada  
 Dhé, agus na seachd reulta; Is aithne  
 dhomh t'òibre, gu bheil ainm agad, gu  
 bheil thu beo, gidheadh a ta thu marbh.

2 Bi faireil, agus neartaich a' chuid eile a  
 ta ullamh gu bàsachadh: oir cha d'fhuair  
 mi t'òibre coimhlionta am fianuis Dé.

3 Cuimhnich, uime sin, cionnus a fhuair  
 agus a chuala tu, agus gleidh<sup>2</sup>, agus gabh  
 aithreachas. Uime sin mur dean thu faire,  
 thig mi ort mar ghaduiche, agus cha bhí  
 fios agad ciod i an uair anns an d'thig mi  
 ort.

4 Tha beagan ainmeanna agad cadhon  
 ann an Sardis, nach do shalaich an eudach;  
 agus imichidh iad maraon riumsa ann an  
 calaidibh geala: oir is airdh<sup>3</sup> iad.

5 An ti a bheir buaidh, sgeadaichear e  
 ann an eudach geal; agus cha dubh mi  
 mach ainm a leabhar na beatha, ach aid-  
 ichidh mi ainmsan am fianuis m' Athar,  
 agus am fianuis ainglesan.

6 An ti aig am bheil cluas, éisdeadh  
 e ris an ni a deir an Spiorad ris na  
 h-eaglaisibh.

7 Agus chum aingil na h-eaglaise ann  
 am Philadelphia, scriobh, Na nithe so deir  
 an ti naomha, an ti fìor, an ti aig am bheil  
 iuchair Dhaibhidh, an ti a dh'fhosgla,  
 agus cha dùin neach air bith; agus a dhùin-  
 eas, agus cha'n fhosgail neach air bith:

8 Is aithne dhomh t'òibre: feuch, chuir  
 mi dorus fosgailte romhad, agus cha'n urr-  
 adh neach air bith a dhùnadh: oir a ta neart  
 beag agad, agus ghleidh thu m'fhocal, agus  
 cha d'aicheadh thu m'ainm.

9 Feuch, bheir mise orrasan do shionagag  
 Shàtain (a their gur Iudhaich iad fèin, agus  
 nach eadh, ach a ta deanamh bréige) feuch,  
 bheir mise orra gu'n d'thig iad agus gu'n  
 dean iad aoradh aig do chosaibh, agus  
 gu'm bi fios aca gu'n do ghràdhaich mise  
 thu.

10 A chionn gu'n do ghleidh thu focal  
 m'fhoighidinse, gleidhidh mise thusa mar  
 an ceudna o uair a' bhuaireadh, a thig air  
 an t-saoghal uile, a dhearbhadh na muinntir  
 sin, a tha 'nan còmhnuidh air an talamh.

11 Feuch, tha mi a' teachd gu gràd: dean  
 greim daingean air na bheil agad, chum  
 nach glac neach air bith do chrùn.

12 An ti a bheir buaidh, nì mi e 'na  
 phost<sup>4</sup> ann an teampull mo Dhé, agus cha  
 d'théid e nì's mò a mach as: agus scriobh-  
 aidh mi ainm mo Dhé air, agus ainm  
 cathrach<sup>5</sup> mo Dhé, a's i Ierusalem nuadh,  
 a thig a nuas o nèamh o m' Dhia; agus  
 scriobhaidh mi m'ainm nuadh fèin air.

<sup>1</sup> sheirbhis, mhinistireileachd. <sup>2</sup> coimhid, cum  
 gu teann.

<sup>3</sup> fiu.

<sup>4</sup> 'na charragh.

<sup>5</sup> baile.



13 An ti aig am bheil cluas, éiscadh e ciod a deir an Spiorad ris na h-eaglaisibh.

14 Agus chum aingil na h-eaglaise ann an Laodicea, scriobh, Na nithe so deir an Amen, an fhianuis dhileas agus fhìrinn-each, toiseach cruthachaidh Dhé;

15 Is aithne dhomh t'òibre, nach 'eil thu aon chuid fuar no teth: b'fhearr leam gu'm bitheadh tu fuar no teth.

16 Uime sin do bhrìgh gu bheil thu meagh-bhlàth, agus nach 'eil thu aon chuid fuar no teth, sgeithidh mi thu mach as mo bheil.

17 Do bhrìgh gu bheil thu ag ràdh, Tha mi beartach, agus air fàs saibhir, agus gun fheum agam air ni sam bith; agus gun fhios agad gu bheil thu dòrnuineach<sup>1</sup>, agus truagh, agus bochd, agus dall, agus lom-nochd

18 Comhairlicheam dhuit òr a cheannach uamsa, air a dhearbhadh san teine, chum as gu'm bi thu saibhir; agus cudach gèal, chum gu'n còmhdaichear thu, agus nach bi nàire<sup>2</sup> do lomnochduidh follaiseach; agus ùng do shùile le sàbh-shùil<sup>3</sup>, chum gur fèir dhuit.

19 Mheud as is ionmhuinn leam, cron-aicheam agus smachdaicheam; uime sin biodh agadsa teas-ghràdh, agus dean aithreachas.

20 Feuch, tha mi a'm' sheasamh aig an dorus, agus a' bualadh: ma dh'éiscas neach sam bith ri m' ghuth, agus gu'm fosgail e'n dorus, thig mi a steach d'a ionnsuidh, agus gabhaidh mi mo shuipeir maille ris, agus esan maille riumsa.

21 Do'n ti a bhuadaicheas bheir mi comas suidhe maille riumsa air mo righ-chaitir, amhuil fòs a bhuadaich mise, agus a shuidh mi maille ri m' Athair air a righ-chaitir-san.

22 An ti aig am bheil cluas, éiscdeadh e ris an ni a deir an Spiorad ris na h-eaglaisibh.

#### CAIB. IV.

2 Tha Eoin a' faicinn righ-chaitreach Dhé ann am flaitheamhnas. 4 Na ceithir scan-aire fichead. 6 Na ceithir bheathaiche làn do shùilibh air am beulaobh agus air an cùlaobh. 10 Tha na seanairean a' tilgeadh sìos an crùn, agus a' deanamh aoraidh do'n ti, a bha 'na shuidhe air an righ-chaitir.

**A** N dèigh so dh'amhairc mi, agus feuch, bha an ceud ghuth a chuala mi, mar fhuaim trompaid a' labhairt rium, ag ràdh, Thig a nìos an so, agus nochdaidh mise dhuit nithe a's éigin tachairt an dèigh so.

2 Agus air ball bha mi san Spiorad: agus feuch, bha righ-chaitir air a suidheachadh air nèamh, agus bha neach 'na shuidhe air an righ-chaitir.

3 Agus bha an ti a shuidh, r'a amharc air, cosmhuil ri cloich Iaspair, agus Shardis: agus bha bogha-frois<sup>4</sup> timchioll na righ-chaitreach mu'n cuairt, cosmhuil, r'a fhaicinn, ri Emerald.

4 Agus timchioll na righ-chaitreach mu'n cuairt bha ceithir chaitiriche fichead; agus air na caitirichibh chunnaic mi ceithir scanaire fichead 'nan suidhe, air an sgèadachadh ann an cùlaidhibh gcala; agus bha aca air an cinn corona<sup>5</sup> òir.

5 Agus chaidh a mach as an righ-chaitir dealanaich, agus tairneanaich, agus guth-anna: agus 'bha seachd lòchrain<sup>6</sup> theine a dearg-lasadh am fianuis na righ-chaitreach, a's iad seachd spiorada Dhé.

6 Agus roimh an righ-chaitir bha fairge ghloine cosmhuil ri criostal: agus ann am meadhon na righ-chaitreach, agus mu'n cuairt do'n righ-chaitir, bha ceithir bheathaiche làn do shùilibh air am beulaobh agus air an cùlaobh.

7 Agus bha an ceud bheathach cosmhuil ri leòhan, agus an dara beathach cosmhuil ri laogh, agus bha aig an treas beathach aghaidh mar dhuine, agus bha an ceathramh beathach cosmhuil ri iolair ag iteal-aich.

8 Agus aig na ceithir bheathaichibh, aig gach aon diubh fa leth, bha sea sgiathan mu'n cuairt da, agus bha iad làn do shùilibh an taobh a stigh; agus cha sguir iad a là no dh'òidhe, ag ràdh, Naomha, naomha, naomha, an Tighearn Dia uile-chumhachdach, a bha, agus a ta, agus a bhithcas.

9 Agus an uair a thug na beathaiche sin glòir, agus urram, agus luidheachas do'n ti a bha 'na shuidhe air an righ-chaitir, a ta beo gu saoghal nan saoghal,

10 Thuit na ceithir seanaire fichead sìos an làthair an ti a bha 'na shuidhe air an righ-chaitir, agus rinn iad aoradh dhasan, a ta beo gu saoghal nan saoghal, agus thilg iad sìos an corona an làthair na righ-chaitreach, ag ràdh,

11 Is airidh<sup>7</sup> thusa, a Thighearn, air glòir, agus urram, agus cumhachd fhaotainn; oir chruthaich thu na h-uile nithe, agus air son do thoile-sa tha iad, agus chruthaicheadh iad.

#### CAIB. V.

1 An leabhar air a sheulachadh le seachd seulaibh, 9 a b'airidh a mhàin aa t-Van a mharbhadh air fhosgladh: 12 uime sin tha na seanairean a' toirt cliù dha, agus ag aicheadh gu'n do shaor e iad le fhuil fèin.

**A** GUS chunnaic mi air làimh dheis<sup>8</sup> an ti a shuidh air an righ chaitir, leabhar scrìobhta san taobh a stigh dheth agus air a chùlaobh, air a sheulachadh le seachd seulaibh.

<sup>1</sup> iargumach, ùmhgherach.  
<sup>2</sup> fobhai - shùil, suil-leigheas.

<sup>3</sup> gràineileachd.  
<sup>4</sup> bogha-uisge.

<sup>5</sup> crùn.

<sup>6</sup> lamps. Sasg.

<sup>7</sup> fìu.

<sup>8</sup> anr.

2 Agus chunnaic mi aingeal treun a' gearm le guth àrd, Cò a's airidh air an leabhar fhosgladh; agus air a sheulachan fhuasgladh?

3 Agus cha robh aon neach air nèamh, no air talamh, no fuidh'n talamh comasach air an leabhar fhosgladh, no sealltuinn air.

4 Agus ghuil mi gu mòr, do bhrìgh nach d'fhuaradh aon neach a b'airidh air an leabhar fhosgladh, agus a leughadh, no sealltuinn air.

5 Agus thubhairt aon do na seanairibh rium, Na guil: fench, bhuadhaich an Leòmhann, a tha do thréibh Iuda, Freumh Dhaibhidh, air an leabhar fhosgladh, agus a sheachd seulachan fhuasgladh.

6 Agus dh'amhairc mi, agus feuch, ann am meadhan na rìgh chaithreach, agus nan ceithir bheathaich, agus ann am meadhan nan seanair, Uan 'na sheasamh mar gu'm biodh e air a mharbhadh, aig an robh seachd adhaircean, agus seachd sùilean, a's iad seachd spiorada Dhé, a chuireadh a mach chum na talmhainn uile.

7 Agus thainig e, agus ghlac e an leabhar a deas làimh an tì a bha 'na shuidhe air an rìgh-chaithir.

8 Agus an uair a ghlac e'n leabhar, thuit na ceithir bheathaichean, agus na ceithir seanaire fichead sìos an lathair an Uain, agus aig gach aon diubh clàrsaichean, agus tùis-shoithichean òir làn do nithibh deadh-bholaidh, nithe a's iad ùrnuighean nan naomh.

9 Agus chan iad òran nuadh, ag ràdh, Is airidh thusa air an leabhar a ghlacadh, agus a sheulachan fhosgladh, do bhrìgh gu'n do mharbhadh thu, agus gu'n do shaor thu sinne do Dhia le t'fhuil fèin, as gach uile thréibh, agus theangaidh, agus shluagh, agus chinneach;

10 Agus gu'n d'rinn thu rìghre dhinn agus sagarta d'ar Dia: agus rioghaichidh sinn air an talamh.

11 Agus dh'amhairc mi, agus chuala mi guth mhòran aingeal timchioll na rìgh-chaithreach, agus nam beathach, agus nan seanair; agus b'e an àireamh deich nùle uair deich mìle, agus mìlte do mhìltibh;

12 Ag ràdh le guth àrd, Is airidh an t-Uan, a chaidh mharbhadh, air cumhachd, agus saibheas, agus gliocas, agus neart, agus urram, agus glòir, agus moladh fhaotainn.

13 Agus chuala mi gach uile chreutair a ta air nèamh, agus air an talamh, agus fuidh'n talamh, agus a ta air a chuan, agus na h-uile nithe a ta anna, ag ràdh, Moladh agus urram, agus glòir, agus cumhachd, *gu robh* dhasan, a ta 'na shuidhe air an rìgh-chaithir, agus do'n Uan gu saoghal nan saoghal.

14 Agus thubhairt na ceithir bhcaith-

aiche, Amen. Agus thuit na ceithir sean-aire fichead sìos, agus rinn iad aoradh dhasan, a ta beo gu saoghal nan saoghal.

## CAIB. VI.

*Fosgladh nan seula an ordugh, agus ciod a lean air sin; &c.*

**A** GUS chunnaic mi, 'nuair a dh'fhosgail an t-Uan aon do na seulaibh, agus chuala mi aon do na ceithir bheathaichibh ag ràdh, mar le fuaim tairneanaich, Thig agus faic.

2 Agus chunnaic mi, agus feuch, each geal; agus bha aig an tì a shuidh air, bogha: agus thugadh dha crùn, agus chaidh e mach a' bhuadhachadh, agus chum gu buadhaicheadh e.

3 Agus an uair a dh'fhosgail e'n dara seula, chuala mi an dara beathach ag ràdh, Thig, agus faic.

4 Agus chaidh each eile mach, a bha dearg; agus thugadh cumhachd dhasan a shuidh air, chum sìth a thoirt o'n talamh, ionnas gu inarbhadh iad a chèile: agus thugadh claidheamh mòr dha.

5 Agus an uair a dh'fhosgail e an treas seula, chuala mi an treas beathach ag ràdh, Thig, agus faic. Agus dh'amhairc mi, agus feuch, each dubh, agus bha aig an tì a shuidh air, meidh<sup>1</sup> 'na làimh.

6 Agus chuala mi guth ann am meadhan nan ceithir bheathach ag ràdh, Tomhas cruineachd air son peghinn, agus trì tomhasan eòrna air pheghinn; agus na dean cron air an ola, no air an fhion.

7 Agus an uair a dh'fhosgail e'n ceathramh seula, chuala mi guth a' cheathramh beathaich ag ràdh, Thig, agus faic.

8 Agus dh'amhairc mi, agus feuch, each glas<sup>2</sup>; agus b'e ainm an tì a shuidh air, an Bas, agus lean ifrinn<sup>3</sup> 'na chuideachd: agus thugadh dhoibhsan cumhachd chum mairbhaidh air a cheathramh cuid do'n talamh, le claidheamh, agus le gorta, agus le bàs<sup>4</sup>, agus le fiadh bheathaichibh na talmhainn.

9 Agus an uair a dh'fhosgail e an cùig-eadh seula, chunnaic mi fuidh 'n altair, anama na muinntir sin, a mharbhadh air son focail Dé, agus air son na fianuis a chum iad.

10 Agus ghlaodh iad le guth mòr, ag ràdh, Cia fhad a bhitheas, o Thighearna naomha agus flùrionach, gus an dean thu breitheanas, agus an diol thu ar fuilne orrasan, a ta 'nan còinhuidh air an talamh?

11 Agus thugadh do gach aon diubh truscan fada geala, agus a dubhradh riu, iad a ghabhail fois fathast rè ùine bhiig, gus am biodh an comh-sheirbhisich mar an ceudna, agus am bràithrean, a rachadh a mharbhadh mar a chaidh iadsan, air an coimblionadh.

12 Agus dh'amhairc mi 'nuair a dh'fhos-

<sup>1</sup> toimhsean.    <sup>2</sup> uaine.    <sup>3</sup> an uigh.

<sup>4</sup> plàigh bhàsmhoir.



gàil e an seathadh seula, agus feuch, bha crith mhòr thalmhainn ann, agus dh'fhàs a' ghrian dubh mar shaic-eudach ròin, agus dh'fhàs a' ghealach mar fhuil.

13 Agus thuit reulta nèimhe air an talamh, mar a thilgeas craobh-fhlige a fìgean anabaich, 'nuair a chrathar i le gaoith mhòir :

14 Agus chaidh nèamh thairis mar rola leabhar air fhilleadh air a chèile; agus dh'atharraicheadh gach beinn agus cilean as an ionadaibh féin :

15 Agus dh'fholaich rìghre na talmhainn, agus na daoine mòra, agus na daoine saibhir, agus na h-àrd cheannardan, agus na daoine cumhachdach, agus gach tràil<sup>1</sup>, agus gach duine saor, iad féin ann an uamhaibh agus ann an creagaibh nam beann;

16 Agus thubhairt iad ris na sléibhtibh agus ris na creagaibh, Tuitibh oirne, agus folaichibh sinn o ghnùis a ti, a tha 'na shuidhe air an rìgh-chaitir, agus o fheirg an Uain :

17 Oir thainig latha mòr fheirge-san, agus cò a dh'fheudas seasamh?

#### CAIB. VII.

3 *Tha aingeal a' cur seula air seirbhisich Dhé 'nan eudanaibh.* 4 *Aireamh na muinntir a sheulaicheadh: do thrubhaibh Israeil fu leth àireamh shonraichte,* 9 *do gach cinneach eile cuideachd mhòr gun àireamh,* a tha 'nan seasamh an làthair na rìgh-chaitheach, air an sgeadachadh ann an truscanaibh geala, &c.

**A**GUS an deigh nan nithe sin chuanaic mi ceithir aingil 'nan seasamh air ceithir oisinnibh na talmhainn, a' cumail ceithir gaothanna na talmhainn, chum nach séidcadh a' ghaoth air an talamh, no air an fhaighe, no air aon chraoibh.

2 Agus chunnaic mi aingeal eile ag éirigh o'n àird an ear, aig an robh seula an Dé bheo: agus ghlaodh e le guth mòr ris na ceithir aingil, d'an d'fhugadh cumhachd cron a dheanamh air an talamh agus air an fhaighe,

3 Ag ràdh, na deanaibh dochann do'n talamh, no do'n fhaighe, no do na craobhaibh, gus an cuir sinn seula air seirbhisich ar Dé air claraibh an cudain.

4 Agus cluala mi àireamh na droinge a sheulaicheadh: ceud agus dà fhichead agus ceithir mìle, a sheulaicheadh do uile thrubhaibh chloinn Israeil.

5 Sheulaicheadh dà mhìle dheug do thréibh Iuda. Sheulaicheadh dà mhìle dheug do thréibh Reubein. Sheulaicheadh dà mhìle dheug do thréibh Ghad.

6 Sheulaicheadh dà mhìle dheug do thréibh Aseir. Sheulaicheadh dà mhìle dheug do thréibh Nephtalim. Sheulaicheadh dà mhìle dheug do thréibh Mhanaséis.

7 Sheulaicheadh dà mhìle dheug do

thréibh Shimeoin. Sheulaicheadh dà mhìle dheug do thréibh Lebhi. Sheulaicheadh dà mhìle dheug do thréibh Isachair.

8 Sheulaicheadh dà mhìle dheug do thréibh Shabuloin. Sheulaicheadh dà mhìle dheug do thréibh Ioseiph. Sheulaicheadh dà mhìle dheug do thréibh Bheniamin.

9 An deigh so dh'amhairc mi, agus feuch, sluagh mòr, nach robh neach sam bith comasach air àircamh, do na h-uile chinn-eachaibh, agus threubhaibh, agus shluaghaibh, agus thcangaibh, 'nan seasamh an làthair na rìgh-chaitheach, agus an làthair an Uain, air an sgeadachadh le truscanaibh fada geala, agus pailm aca 'nan làmh-aibh;

10 Agus ghlaodh iad le guth àrd, ag ràdh, Slàinte d'ar Dia-ne<sup>2</sup> a ta 'na shuidhe air an rìgh-chaitir, agus do'n Uan<sup>3</sup>.

11 Agus sheas na h-aingil uile timchioll na rìgh-chaitheach, agus nan scanair, agus nan ceithir bheathach, agus thuit iad air an aghaidh an làthair na rìgh-chaitheach, agus rinn iad aoradh do Dhia,

12 Ag ràdh, Amen: Moladh, agus glòir, agus gliocas, agus buidheachas, agus urram, agus cumhachd, agus neart gu robh d'ar Dia-ne gu saoghal nan saoghal. Amen.

13 Agus fhreagair aon do na scanairibh, ag ràdh rium, Cò iad sin a ta air an sgeadachadh le truscanaibh fada geala? agus cia as a thainig iad?

14 Agus thubhairt mi ris, A Thighearn, tha fhios agadsa. Agus thubhairt e rium, iad iad so iadsan a thainig a h-àmghar<sup>4</sup> mòr; agus nigh iad an truscain, agus rinn iad geal iad ann am fuil an Uain.

15 Uime sin, tha iad an làthair rìgh-chaitheach Dhé, agus a deanamh aoraidh dha a là agus a dh'oidheche 'na theampull: agus gabhaidh an ti, a tha 'na shuidhe air an rìgh-chaitir, còmhnuidh 'nam measg.

16 Cha bhi ocras orra tuilcadh, no tart ni's mò; cha mhò a thuiteas a' ghrian orra<sup>5</sup>, no teas air bith.

17 Oir beathaichidh an t-Uan, a tha am meadhon na rìgh-chaitheach, iad, agus treidraichidh e iad gu tobraichibh do uisge na beatha: agus tiormaichidh Dia gach deur o'n sùilb.

#### CAIB. VIII.

1 *Nuair a dh'fhosgladh an seachdamh seula,* 2 *tha seachd trompaidean air an tabhairt do sheachd aingilb:* 3 *Tha aingeal eile a' cur tùs maille ri àrnuighibh nan naomh air an altair òir.* 6 *Tha ceithir dhiubh a' séideadh an trompaidean, agus plàigheanna mòra a' leantainn an lorg sin.*

**A**GUS an uair a dh'fhosgail e an seachdamh seula, bha tosd air nèamh mu thimchioll leth-uaire.

2 Agus chunnaic mi na seachd aingil, a

<sup>1</sup> *daor-dglach.* <sup>2</sup> *o ar Dia-ne.* <sup>3</sup> *o'n Uan.*

<sup>4</sup> *trioblaid.* <sup>5</sup> *a bhuileas, a loisgeas a ghrian iad.*

sheas am fianuis Dè; agus thugadh dhoibh-san seachd trompaidean.

3 Agus thainig aingeal eile, agus sheas e aig an altair, agus tùiseir òir àige; agus thugadh dha mòran tùise, chum gu'n d'thugadh se e<sup>1</sup> maille ri ùrnuighibh nan uile naomh air an altair òir, a bha'n làthair na righ-chaitheach.

4 Agus chaidh deatach na tùise suas maille ri ùrnuighibh nan naomh, o làimh an aingil, an làthair Dhé.

5 Agus ghlac an t-aingeal an tùiseir, agus lion se e le teine na h-altaire, agus thilg e air an talamh e: agus bha guthanna, agus tairneanaich, agus dcalanaich, agus criùh-thalmhainn ann.

6 Agus dh'ulluich na seachd aingil, aig an robh na seachd trompaidean, iad féin, chum an séideadh.

7 Agus shéid an ceud aingeal, agus bha clocha-meallain<sup>2</sup> ann, agus teine air am measgadh le fuil, agus thilgeadh air an talamh iad; agus loisgeadh an treas cuid do na craobhaibh, agus am feur glas uile.

8 Agus shéid an dara aingeal, agus thilgeadh mar gu'm bu bheinn mhòr a' losgadh le teine anns an fhaire: agus dh'fhàs an treas cuid do'n fhaire na fuil:

9 Agus fhuair an treas cuid do na creut-airibh, a bha anns an fhaire, aig an robh anam, bàs; agus mhilleadh<sup>3</sup> an treas cuid do na longaibh.

10 Agus shéid an treas aingeal, agus thuit reult mhòr o nèamh, a' dearg-lasadh mar lòchran<sup>4</sup>, agus thuit i air an treas cuid do na h-aimeibh, agus air na tobraichibh uisge:

11 Agus is e an t-ainm a ghoirear do'n reult Burnaid: agus rinneadh an treas cuid do na h-uisgibh 'nam burmaid; agus fhuair mòran dhaoine bàs leis na h-uisgibh, do bhrìgh gu'n d'rinneadh searbh iad.

12 Agus shéid an ceathramh aingeal, agus bhuaileadh an treas cuid do'n ghrein, agus an treas cuid do'n ghealaich, agus an treas cuid do na reultaibh; ionnas gu'n d'rinneadh an treas cuid diubh dorchas, agus nach do dhealraich an la rè an treas cuid dheth, no an oidheche air a' mhodh cheudna.

13 Agus dh'amairec mi, agus chuala mi aingeal<sup>5</sup> ag itealaich ann am meadhon nèimhe, ag ràdh le guth àrd, Is truagh, truagh, truagh, do luchd-àitheachaidh na talmhainn, air son guthanna eile trompaid nan tri aingeal, a tha fathast gu séideadh!

## CAIB. IX.

1 Air séideadh do'n chùigeadh aingeal, tha reult a' tuiteam o nèamh, d'am bheil iuch-air sluichd an dubh-aigein air a tabhairt: 2 tha e fosgladh an t-sluichd, agus tha locuist cosmhuil ri scorpionaibh a' teachd a mach.

12 Tha a' cheud truaighe air dol thairis.

13 Tha an seathadh trompaid air a séideadh.

14 Tha ceithir aingil, a bha ceangailte, air am fuasgladh.

A GUS shéid an cùigeadh aingeal a' trompaid, agus chunnaic mi reult a' tuiteam o nèamh chum na talmhainn: agus thugadh dha iuchair sluichd an dubh-aigein<sup>6</sup>.

2 Agus dh'fhosgail e slochd an dubh-aigein, agus dh'éirich deatach as an t-slochd, mar dheataich àmhuinn mhòir theintich; agus rinneadh a' ghrian agus an t-athar dorchas, le deataich an t-sluichd.

3 Agus thainig a mach as an deataich air an talamh locuist; agus thugadh cumhachd dhoibh, a réir mar a tha cumhachd aig scorpionaibh na talmhainn.

4 Agus a dubhradh riu gun iad a dheanamh dochann<sup>7</sup> air feur na talmhainn, no air ni sam bith glas, no air craoibh sam bith, ach air na daoineibh sin a mhàin aig nach 'eil seula Dhé air clar an eudain.

5 Agus thugadh dhoibh, cha'n e gu marbhadh siad iad, ach gu'm biodh iad air am pianadh rè chùig mìosa: agus bha am pian cosmhuil ri pein scorpion, 'nuair a bhuaileas e duine.

6 Agus anns na làithibh sin iarraidh daoine am bàs, agus cha'n fhaigh iad e; agus bithidh déidh aca air bàsachadh, agus teichidh am bàs uatha.

7 Agus bha cruth nan locust cosmhuil ri h-eachaidh air an ulluchadh chum catha; agus bha air an cinn mar gu'm biodh crùn cosmhuil ri h-or, agus bha an aghaidhean cosmhuil ri h-aghaidhibh dhaoine.

8 Agus bha folt orra cosmhuil ri folt bhan, agus bha am fìacla mar fhiacla leòmhann.

9 Agus bha aca uchd-éididhean, mar uchd-éididhean iarunn; agus bha fuaimean an sgiathan mar fhuaim charbada mhòrain each a' ruith chum catha.

10 Agus bha earbuill aca cosmhuil ri scorpionaibh, agus bha gathanna 'nan earbailibh: agus b'e an cumhachd daoine a chiurradh<sup>8</sup> rè chùig mìosa.

11 Agus bha rìgh aca os an cionn, eadhon aingeal an dubh-aigein, agus se' s ainm dha san Eabhra Abaddon, ach anns a' Ghréigis 'se's ainm dha Apolon.

12 Chaidh aon truaighe thairis; feuch, tha dà truaighe ri teachd fathast an dèigh so.

13 Agus shéid an seathadh aingeal a thrompaid, agus chuala mi guth o cheithir adharcaibh na h-altair oir, a tha'm fianais Dé.

14 Ag ràdh ris an t-seathadh aingeal aig an robh an trompaid, Fuasgail na ceithir aingil, a tha ceangailte aig an àmhuinn mhòir Euphrates.

<sup>1</sup> gu'n ofraileadh se e.

<sup>2</sup> cloich-sheachd.

<sup>3</sup> sgriosadh.

<sup>4</sup> leus.

<sup>5</sup> an aingeal.

<sup>6</sup> an t-sluic gun aigeal.

<sup>7</sup> dochoir, cron.

<sup>8</sup> a ghortachadh.



15 Agus dh'fhuasgladh na ceithir aingil, a bha ulluichte fa chomhair uaire, agus là agus mìos, agus bliadhna, chum gu'm marbhadh iad an treas cuid do dhaoimibh.

16 Agus b'e àireamh armailtean a' mharcshluaigh fichead mìle do dheich mìltibh: agus chuala mi an àireamh.

17 Agus mar so chunnaic mi na h-eich anns an taisbeanadh, agus iadsan a shuidh orra, aig an robh uehd-èididhean do theine, agus do hiacint, agus do phronnusc<sup>1</sup>: agus bha cinn nan each mar chinn leòmhann; agus as an beoil thainig a mach teine, agus deatach, agus pronnusc.

18 Leis na trì plàighibh so mharbhadh an treas cuid do dhaoimibh, leis an teine, agus leis an deataich, agus leis a' phronnusc, a chaidh a mach as am beoil.

19 Oir tha an cumhachda 'nam beul, agus 'nan earblaibh: oir bha an earbuill cosmhuil ri nathraichibh nimhe, agus bha cinn aca, agus leo sin ni iad dochann<sup>2</sup>.

20 Agus cha do ghabh a' chuid eile do na daoimibh, nach do mharbhadh leis na plàighibh sin, aithreachas do oibribh an làmh, ionnas nach deanadh iad aoradh do dheamlhaibh, agus do dhcalbhaibh òir, agus airgid, agus umha, agus cloiche, agus fiodha; nach urradh faicinn, no cluinntinn, no imeachd:

21 Agus cha mhò a ghabh iad aithreachas d'am mortaibh, no d'an strìopachas, no d'an gadachdaibh.

#### CAIB. X.

1 Tha e faicinn aingil thein aig an robh leabhar fosgailte 'na làmh: 6 neach a tha toirt mionnan airsan, a tha beo gu sìorruidh, nach bi aimsir nì's mò ann: 9 tha àithne air a toirt do Ecin an leabhar a ghabhail agus itheadh.

**A**GUS chunnaic mi aingeal cumhachdach eile a' teachd a nuas o nèamh, air a sgeadachadh le neul, agus bogha ffois<sup>3</sup> air a cheann, agus aghaidh mar a' ghrian, agus a chosa mar phostaibh teine.

2 Agus bha aige 'na làmh leabhran fosgailte: agus chuir e a chos dheas air an fhaireg, agus a chos chli air an talamh,

3 Agus ghlaodh<sup>4</sup> e le guth àrd, mar a bheuchdas leòmhann: agus an uair a ghlaodh e, labhair seachd tairneanaich an guhanna fèin.

4 Agus an uair a labhair na tairneanaich an guhanna fèin, bha ni dol a scriobhadh: agus chuala mi guth o nèamh, ag ràdh rium, Seulaich na nithe a labhair na seachd tairneanaich, agus na scriobh iad.

5 Agus thog an t-aingeal, a chunnaic mi 'na sheasamh air a' mhuir, agus air an talamh, a làmh gu nèamh,

6 Agus mhionnaich e airsan, a tha beo gu saoghal nan saoghal, a chruthaich

nèamh agus na nithe a ta ann, agus an talamh agus na nithe a ta ann, agus an fhaireg agus na nithe a ta innnte, Nach bi aimsir ann nì's mò<sup>5</sup>;

7 Ach ann an làithibh gutha an t-seachdamh aingil, 'nuair a thòisicheas e air séideadh, an sin gu'm biodh rion-dìomhair Dhé air a chrìochmachadh, mar a dh'innis e d'a sheirbhìich na fàidhean.

8 Agus labhar an guth, a chua'a mi o nèamh, rium a ris, agus thubhairt e, Imich, glac an leabhran a tha 'na sheasamh air an fhaireg, agus air an talamh.

9 Agus chaidh mi dh'ionnsuidh an aingil, agus thubhairt mi ris, Thoir dhomhsa an leabhran: agus a deir esan rium, Glac, agus ith suas e: agus ni e do bhroinn searbh, ach bithidh e ann do bheul mìlis mar mhil.

10 Agus ghlac mi an leabhran a làmh an aingil, agus dh'ith mi suas e; agus bha e ann mo bheul mìlis mar mhil: agus an uair a dh'ith mi e, rinneadh mo bhrù scarbh.

11 Agus thubhairt e rium, Is éigin duit a ris fàidheadaireachd a dheanamh am fianuis shìlògh, agus chinneach, agus theanga, agus rìghre lìon-mhor.

#### CAIB. XI.

3 Tha an dà fhianuis a' deanamh fàidheadaireachd: 6 tha cumhachd aca nèamh a dhruideadh, ionnas nach bi uisge ann: 7 ni am bèist cogadh 'nan aghaidh, agus marbhaidh e iad: 8 luidhidh iad gun an adhlac, 11 agus an deigh thri làithean agus leth là, tha iad ag éirigh a ris. 14 Tha'n dara truaighe air dol thairis. 16 Tha an seachdamh trompaid air a séideadh.

**A**GUS thugadh dhomh cuile cosmhuil a ri slait: agus sheas an t-aingeal, ag ràdh, Eirich, agus tomhais teampull Dhé, agus an altair, agus iadsan a tha deanamh aoraidh ann.

2 Ach fàg a mach a' chùirt a tha'n taobh a muigh do'n teampull, agus 'na tomhais i; oir thugadh i do na Cinnich: agus saltraidh iad fuidh'n còsaibh a' chathair naomha rè dhà mhìos agus dhà fhichead.

3 Agus bheir mise cumhachd do m' dhithis fhianuisean, agus ni iad fàidheadaireachd rè mìle agus dà cheud agus trì fichead là, eudaichte ann an saic-eudach.

4 Is iad so an dà chrann ola, agus an dà choinnleir, a tha 'nan seasamh an làthair Dhé na talmhainn.

5 Agus ma chiurras neach air bith iad, thèid teine a mach as am beul, agus claidhidh e an naimhdean: agus ma chiurras neach air bith iad, is éigin da bhi air a mharbhadh mar so.

6 Tha cumhachd aca so nèamh a dhùnadh ionnas nach bi uisge ann, ann an

<sup>1</sup> ghronnustal. <sup>2</sup> eron. <sup>3</sup> bogha-uisge. <sup>4</sup> dh'èigh.

<sup>5</sup> Nach bi'n aimsir ann fathast. <sup>6</sup> am baile.

Bàithibh am fàidheadaireachd-san: agus tha cumhachd aca air uisgibh chum an tionndadh gu fuil, agus an talamh a bhualadh leis an uile phlàigh, cò minic 's is toil leo.

7 Agus an uair a chrìochnaicheas iad am fiannis, ni am fiadh-bheathach<sup>1</sup> a dh'èireas as an t-slochd gun aigal<sup>2</sup> cogadh 'nan aghaidh, agus bhicir e buaidh orra, agus marbhaidh e iad.

8 Agus bithidh an cuirp mharbha 'nan luidhe ann an sràid na cathracha mòire, d'an goirear gu spioradail Sodom agus an Eiphit, far mar an ceudna an do cheusadh ar Tighearn.

9 Agus chi cuid do na sluaghailbh, agus do theubhaibh, agus do theangaibh, agus do chinneachailbh, an cuirp mharbha rè thri làithean gu leth, agus cha leig iad an cuirp mharbha a chur ann an uaighibh.

10 Agus ni luchd-àiteachaidh na talmhainn gairleachas os an ceann, agus bithidh iad subhach, agus cuiridh iad tiodhlacan<sup>3</sup> dh'ionnsuidh a chèile; do bhrìgh gu'n do phian an dà flùaidh so iadsan, a bha chòmhruidh air an talamh.

11 Agus an déigh thri làithean gu leth, chaidh Spiorad na beatha o Dhia a steach anna, agus sheas iad air an cosaibh, agus thuit eagal mòr orrasan a chumnaic iad.

12 Agus chual iad guth mòr o nèamh, ag ràdh riu, Thigibh nìos an so. Agus chaidh iad suas do nèamh air neul, agus chumnaic an naimhdean iad.

13 Agus anns an uair sin fèin bha crith mhòr thalmhainn ann, agus thuit an deicheamh cuid do'n chathair<sup>4</sup>, agus mharbhadh seachd mìle pearsa sa' chrith-thalmhainn<sup>5</sup>: agus ghabh a' chuid eile eagal, agus thug iad glòir do Dhia nèimhe.

14 Chaidh an dara truaighe thairis; feuch, thig an treas truaighe gu h-aithghearr.

15 Agus shéid an seachdamh aingeal a thrompaid, agus bha guthanna mòra air nèamh, ag ràdh, Rinneadh rioghachdan an t-saoghail 'nan rioghachdaibh d'ar Tighearn, agus d'a Chrìosdsan, agus bithidh e 'na Rìgh gu saoghal nan saoghal.

16 Agus thuit na ceithir seanaire fich-ead, a bha 'nan suidhe air an caithrichibh an fianuis De, sìos air an aghaidh, agus rinn iad aoradh do Dhia.

17 Ag ràdh, Bheireamaid buidheachas duitse, O Thighearna Dhé uile-chumhachdaich, a ta, agus a bha, agus a bhitheas; air sou gu'n do ghabh thu do chumhachd mòr a t'ionnsuidh, agus gu'n do rioghaich thu.

18 Agus bha fearg air na cinnich, agus thainig t'fheargsa, agus àn nam marbh gu'n d'thugadh breth orra, agus gu'n d'thugadh tusa duais do d' sheirbhisich na

fàidhean, agus do na naoimh, agus dhoibh-san air am bheil eagal t'ainme, do na big agus do na mòir, agus gu sgriosadh tu iad-san a sgriosas<sup>6</sup> an talamh.

19 Agus dh'fhosgladh teampull Dé air nèamh, agus chumcas ann a theampull àire a' choimh-cheangail: agus bha dealanaich, agus guthanna, agus tairneanaich, agus crith-thalmhainn, agus clocha-meallam mòra ann.

CAIB. XII.

1 Tha bean, a bha sgeadaichte leis a' ghrèin, ri saothair-chloinne: 4 Tha'n dragon mòr dearg 'na sheasamh fu comhair, uilamh gus a leanabh a shlugadh suas. 6 'Nuair a dh'àiseadadh i, theich i do'n fhàsach. 7 Tha Michael agus aingil a' cogadh an aghaidh an dragon. 13 Tha an dragon, an déigh a thilgeadh sìos air an talamh, a' dian-ruagadh na mnà.

A GUS chumcas iongantas mòr air nèamh, bean air a sgeadachadh leis a' ghrèin, agus a' ghealach fuidh a cosaibh, agus air a ceann crùn do dhà reult dheug.

2 Agus air dhi bhi torrach, ghlaodh i, ri saothair-chloinne, agus bha i air a pianadh chum a h-aisead.

3 Agus chumcas iongantas eile air nèamh, agus feuch, dragon<sup>7</sup> mòr dearg, aig an robh seachd cinn, agus deich adhaircean, agus air a chinn seachd crùn.

4 Agus tharruing earball an treas cuid do reultaibh nèimhe, agus thilg e iad chum na talmhainn: agus sheas an dragon fa chomhair na mnà, a bha uilamh gu bhi air a h-aisead, chum a leanabh a shlugadh suas 'nuair a bheircadh i e.

5 Agus rug i leanabh mic, a bha gus na cinnich uile a riaghladh le slait iarunn: agus thogadh a leanabh suas chum Dhé, agus chum a rìgh-chaitheachsan.

6 Agus theich a' bhean do'n fhàsach, far am bheil aice ionad air ulluchadh le Dia, chum gu'n biodh i air a beathachadh an sin rè mìle agus dà cheud agus trì fich-ead là.

7 Agus bha cogadh air nèamh; rinn Michael agus aingil cogadh an aghaidh an dragon, agus chog an dragon agus aingil fèin;

8 Agus cha d'thug iad buaidh, cha mhò a fhuaradh an àite nìs mò air nèamh.

9 Agus thilgeadh a mach an dragon mòr, an t-sean nàthair sin, d'an goirear an diabhol agus Satan, a tha mealladh an t-saoghail uile: thilgeadh a mach e chum na talmhainn, agus thilgeadh a mach aingil maille ris.

10 Agus chuala mi guth mòr ag ràdh air nèamh, A nis tha slàinte agus neart, agus rioghachd ar Dé-ne, agus cumhachd a

<sup>1</sup> am béisd. <sup>2</sup> gun ghrund. <sup>3</sup> gibhtean. <sup>4</sup> bhaile. <sup>5</sup> leis a' ekrith-thalmhainn.

<sup>6</sup> thruailleas. <sup>7</sup> uabheist.



Chriosd air teachd; oir thilgeadh sìos fear-casaid ar bràithre, a bha 'gan casaid an làthair ar Dé-ne a là agus a dh'oidhche.

11 Agus thug iad buaidh air tre fhuil an Uain, agus tre fhocal am fianuis-san; agus cha do ghràdhach iad an anama fein gu bàs.

12 Uime sin biodh gairdeachas oirbh, o a nèamha, agus oirbhe, a tha 'nar còmhnuidh anna. Anaoibhinn do luchd-àiteachaidh na talmhainn, agus na fàirge! oir thainig an diabol a nuas d'ar n-ionnsuidh, agus fearg ro mhòr air, do bhrigh gur fiosrach e nach 'eil aige ach ùine ghearr.

13 Agus an uair a chunnaic an dragon gu'n do thilgeadh e chum na talmhainn, rinn e geur-leanmhuinn air a' mhnaoi, a rug an leanabh mic.

14 Agus do'ir mhnaoi thugadh dà sgéith ìolaire mòire, chum gu'n rachadh i air ìtealaich leo do'n fhàsach, chum a h-ionaid fein; far am bheil i air a h-àlrum rè ainsir, agus aimsirean, agus leth-aimsir<sup>1</sup> o aghaidh na nathrach.

15 Agus thilg an nathair as a beul uisge mar thuil, an déigh na mna, chum gu'n d'thugadh i oirre bhi air a giùlan air falbh leis an t-sruth.

16 Agus rinn an talamh còmhnaidh ris a' mhnaoi, agus dh'fhosgail an talamh a bheil, agus shluig e suas an tuil, a thilg a dragon as a bhcul.

17 Agus bha fearg air an dragon ris a' mhnaoi, agus chaidh e dheanamh cogaidh ris a' chuid eile d'a sliochd, a tha còmh-ead<sup>2</sup> àitheanta Dhé, agus aig am bheil fianuis Iosa Crìosd.

### CAT B. XIII.

1 *Tha fiadh-bheathach ag èirigh as an fhainge le seachd cinn agus deich adhaircean: dha-san tha an dragon a' toirt a chumhachd.* 11 *Tha fiadh-bheathach eile a' teachd a nìs as an talamh,* 14 *agus a' toirt fàinear dealbh bhi air a dheanamh do'n cheud fhiadh-bheathach,* 15 *agus gu'n deanadh daoine aoradh dha,* 16 *agus gu'n gabhadh iad a chomhara.*

**A**GUS sheas mi air gaineamh na fairge, agus chunnaic mi fiadh-bheathach<sup>3</sup> ag èirigh suas as an fhainge, aig an robh seachd cinn, agus deich adhaircean, agus air adharcaibh deich crùin, agus air a chinn ainm toibheim<sup>4</sup>.

2 Agus bu chosmhail am fiadh-bheathach, a chunnaic mi, ri leopard, agus bha a chosan mar chosaibh math-ghamhna, agus a bheul mar bheul leomhain: agus thug an dragon a neart, agus a chaithir<sup>5</sup>, agus cumhachd mòr dha.

3 Agus chunnaic mi aon d'a cheannaibh mar gu'm biodh e air a lotadh gu bàs; agus leighiseadh a chneadh bhàsmhor: agus

ghabh an talamh nìle iongantas an déigh an fhiadh-bheathaich.

4 Agus rinn iad aoradh do'n 'dragon, a thug a chumhachd do'n fhiadh-bheathach: agus rinn iad aoradh do'n fhiadh-bheathach, ag ràdh, Co a ta cosmhail ris an fhiadh-bheathach? Cò a ta comasach air cogadh a dheanamh 'na aghaidh?

5 Agus thugadh dha beul a' labhairt nithe mòra, agus thoibheum, agus thugadh cumhachd dha cogadh a dheanamh rè dhà mhìos agus dà fhichead.

6 Agus dh'fhosgail e bheul ann an toibheum an aghaidh Dhé, chum toibheum a thoirt d'a ainm, agus d'a phàilluin<sup>6</sup>, agus do'n dream a ta 'nan còmhnuidh air nèamh.

7 Agus thugadh dha cogadh dheanamh an aghaidh nan naomh, agus buaidh a thoirt orra: agus thugadh dha cumhachd os ceann gach nìle thrèibh, agus theangaidh, agus chinnich.

8 Agus nì iad an uile, a tha 'nan còmhnuidh air an talamh, aoradh dha, aig nach 'eil an ainmeanna scriobhta ann an leabhar beatha an Uain, a mharbhadh o thoiseach an t-saoghail.

9 Ma ta cluas aig neach air bith, èis-deadh e.

10 Ma bheir neach air bith am braighdeanas, théid e am braighdeanas: ma mharbhas neach air bith leis a' chlaidh-camh, is éigin e fein bhi air a mharbhadh leis a' chlaidheamh. Is ann an so a ta foighidin agus creidimh nan naomh.

11 Agus chunnaic mi fiadh-bheathach eile ag èirigh as an talamh; agus bha aig dà adhairc cosmhail ri uan, agus labhair e mar dhragon.

12 Agus tha e a' cur an gnìomh cumhachd a' cheud fhiadh-bheathaich uile 'na fhianuis, agus tha e toirt air an talamh, agus orrasan a tha 'nan còmhnuidh ann, aoradh dheanamh do'n cheud fhiadh-bheathach, aig an robh a lot bàsmhor air a leigheas.

13 Agus tha e a' deanamh chomhara mòra, ionnas gu bheil e toirt air tcine teach a nuas o nèamh air an talamh, ann am fianuis dhaoine.

14 Agus tha e a' mealladh na droinge, a tha nan còmhnuidh air an talamh, leis na comharaibh sin a thugadh dha a dhcanamh ann làthair an fhiadh-bheathaich, ag ràdh ri luchd-àiteachaidh na talmhainn, dealbh a dheanamh do'n bheathach, aig an robh an lot-claidheimh, agus a bha beo.

15 Agus thugadh cumhachd dha beatha<sup>7</sup> a thoirt do dhealbh an fhiadh-bheathaich, ionnas gu'n labhradh dealbh<sup>8</sup> an fhiadh-bheathaich, agus gu'n d'thugadh e fàinear gu'm biodh a mheud as nach deanadh aoradh do dhealbh an fhiadh-bheathaich, air am marbhadh.

<sup>1</sup> ùm, agus amanna, agus leth-ùm. <sup>2</sup> gleidh eadh. <sup>3</sup> béist. <sup>4</sup> ainmean Dia-mhaslachaidh

<sup>5</sup> a righ-chaithir. <sup>6</sup> thabernacul. <sup>7</sup> spiorad.

16 Agus tha e toirt air na h-uile *dhaoine*, aaron beag agus mòr, saibhir agus daibhir<sup>1</sup>, saor agus daor, comhar a ghabhail air an làimh dheis, no air clàr an eudain;

17 Agus nach feudadh neach sam bith ceannach no reic, ach esan aig am biodh an comhara, no ainm an fhiadh-bheathaich, no àireamh ainme.

18 An so tha gliocas. An ti aig am bheil tuisge, àirmheadh<sup>2</sup> e àireamh an fhiadh-bheathaich: oir is àireamh duine e; agus is e àireamh sea ceud agus trì fichead agus sea.

## CAIB. XIV.

1 *An t-Uan 'na sheasamh air sliabh Shìoin maille r'a chuideachd.* 6 *Tha aingeal a' searmonachadh an t-soisgeil.* 8 *Tuiteam Bhabiloin.* 15 *Foghara an t-saoghail,* agus cur a' chorrain ann. 20 *Foghara agus preas-fiona feirge Dhé.*

**A**GUS dh'amhairc mi, agus feuch, Uan 'na sheasamh air sliabh Shìoin, agus maille ris ceud agus dà fhichead agus ceithir mìle, aig an robh ainm Atharsan scriobhta air clàr an eudain.

2 Agus chuala mi guth o fhlaithneas, mar fhuain mhòran uisgeacha, agus mar fhuain tairneanaich mhòir; agus chuala mi fuain chlàrsairean, a' deanamh cuil le'n clàrsaichibh fèin.

3 Agus chian iad mar gu'n b'òran nuadh e ann làthair na rìgh-chaitheach, agus an làthair nan ceithir bheathach, agus nan seanair: agus cha b'urradh neach sam bith an t-òran sin fhòghlum, ach an ceud agus dà fhichead agus na ceithir mìle, a shaoradh<sup>3</sup> o'n talamh.

4 Is iad so an dream nach do shalaich-eadh le mnàibh; oir is òighean iad: is iad so an dream, a tha leantuinne an Uain ge b'e àit an d'fhéid e: shaoradh iad so o mheasg dhaoine, 'nan ceud thoradh do Dhia, agus do'n Uan.

5 Agus 'nam beul cha d'fhuaradh cealg: oir tha iad gun lochd<sup>4</sup> an làthair rìgh-chaitheach Dhé.

6 Agus chunnaic mi aingeal eile ag itealaich ann am meadhan nèimhe, aig an robh an soisgeul sìorruidh r'a shearmonachadh dhoibhsan, a tha 'nan còmhnuidh air an talamh, agus do gach uile chinneach, agus thréibh, agus theangaidh agus shluagh,

7 Ag ràdh le guth àrd, Biodh eagal Dé oirbh, agus thugaibh glòir dha; oir thainig uair a bhreitheanais: agus deanaibh aoradh dhasan, a rinn nèamh, agus talamh, agus an fhairge, agus na tobair uisge.

8 Agus lean aingeal eile, ag ràdh, Thuit, thuit Babilon, a' chathair mhòr<sup>5</sup> sin, do bhrìgh gu'n d'thug i air gach uile chinneach òl do fhìon feirge a strìopachais.

9 Agus lean an treas aingeal iad, ag

ràdh le guth àrd, Ma nì neach air bith aoradh do'n fhiadh-bheathach, agus d'a dhealbha, agus ma ghabhas e a chomhara air clàr eudain, no air a làimh,

10 Olaidh esan do fhìon feirge Dhé, a tha air a dhòrtadh gun mheasgadh, ann an cupan fheirgesan; agus bithidh e air a phianadh le teine agus pronnusc, an fìannis nan aingeal naomha, agus am fianuis an Uain.

11 Agus bithidh deatach am péinesan ag éirigh suas gu saoghal nan saoghal: agus cha n'èil fois sam bith a là no dh'oidhche acasan a nì aoradh do'n fhiadh-bheathach agus d'a dhealbha, no aig neach air bith a ghabhas comhara ainmesan.

12 An so tha foighidin nan naomh: an so tha'n dream a choimhideas àitheanta Dhé, agus creidimh Iosa.

13 Agus chuala mi guth o nèamh, ag ràdh rium, Scriobh, Is beannuichte na manbh a gheibh bàs san Tighearn, a so a mach: seadh, a deir an Spiorad, chum gu faigh iad fois o'n saothair; agus leanaidh an oibre iad.

14 Agus dh'amhairc mi, agus feuch, neul gear, agus air an neul *neach* 'na shuidhe còmhail ri Mac an duine, aig an robh crùn òir air a cheann, agus corran gear 'na làimh.

15 Agus thainig aingeal eile mach as an teampull, a' glaothaich 'le guth àrd ris an ti a bha 'na shuidhe air an neul, Sàth a steach do chorrann, agus buain: oir thainig am dhuit buain; oir tha foghara na talmhainn abuich.

16 Agus shàth an ti, a bha 'na shuidhe air an neul, a chorrann san talamh; agus bhuaineadh an talamh.

17 Agus thainig aingeal eile mach as an teampull a ta air nèamh, agus corran gear aige-san mar an cèudna.

18 Agus thainig aingeal eile mach o'n altair, aig an robh cumhachd os cionn teine, agus ghlaodh e le glaoth àrd ris an ti aig an robh an corran gear, ag ràdh, Sàth a steach do chorrann gear, agus cnuas-aich baguidean<sup>6</sup> fionain na talmhainn: oir a ta a fion-dhearcann làn abuich.

19 Agus shàth an t-aingeal a chorrann san talamh, agus chnuas-aich e fionain na talmhainn, agus thilg e i ann am fion-amar mòr feirge Dhé.

20 Agus shaltradh am fion-amar an taobh a muigh do'n chathair, agus thainig fuil a mach as an fhion-amar, gu sréin nan each, feadh mhìle agus shea ceud staid<sup>7</sup>.

## CAIB. XV.

1 *Na seachd aingil leis na seachd plàighibh dìreannach.* 3 *Oran na muinntir, a bhuadh-aicheas air an fhiadh-bheathach.* 7 *Na seachd soithiche làn do fheirge Dhé.*

<sup>1</sup> bochd. <sup>2</sup> eunntadh. <sup>3</sup> cheannuicheadh. <sup>4</sup> gun smal. <sup>5</sup> am baile mòr. <sup>6</sup> triopuill.

7 i. e. an t-ochdamh cuid do mhìle-searainn.



**A**GUS chunnaic mi comhara eile air nèamh, mòr agus iongantach, seachd aingil aig an robh na seachd plàighcan deireannach; oir anna so tha fearg Dhé air a coimhlionadh.

2 Agus chunnaic mi mar gu'm b'fhairge ghloine, air a measgadh le teime; agus iad-san a thug buaidh air an fhiadh-bheathach, agus air a dhealbhadh, agus air a chomhara, agus air àireamh ainme, 'nan seasamh air an fhairge ghloine, agus clàrsaiche Dhé aca.

3 Agus tha iad a' cantuinn òrain Mhaois<sup>1</sup> òglaich Dhé, agus òrain an Uain, ag ràdh, *Is mòr, agus is iongantach t'òibre, a Thighearna Dhé uile-chumhachdaich; is ceart agus is fìor do shligheansa, a Rìgh nan naoinh.*

4 Cò air nach biodh cagal romhad, O Thighearna, agus nach d'thugadh glòir do t'ainm? oir *is tusa mhàin a ta naomha*: oir thig na h-nìle chinnich, agus nì iad aoradh ann do làthair; do bhrìgh gu bheil do bhrèitheanaidh air an deanamh follaiseach.

5 Agus an dèigh so dh'amhaire mi, agus feuch, dh'fhosgaidh teampull pàilluin na fianuis air nèamh.

6 Agus thainig a mach as an teampull na seachd aingil, aig an robh na seachd plàighcan, air an sgèdachadh le lion-eudach glan agus dealrach<sup>2</sup>, agus air an crioslachadh<sup>3</sup> mu'n uchd le criosaibh òir.

7 Agus thug aon do na ceithir bheathaichibh do na seachd aingil seachd soithichean òir, làn do fheirg an Dé, a ta beo gu saoghal nan saoghal.

8 Agus lionadh an teampull le deataich o ghlòir Dhé, agus o chumhachdsan; agus cha b'urradh neach sam bith dol a stigh do'n teampull, gus am biodh seachd plàighcan nan seachd aingel air an coimhlionadh.

# CAIB. XVI.

1 *Tha na h-aingil a' dòrtadh mach an soithiche làn do fheirg: 6 Na plàighcan a tha lean-tuim air sin. 15 Thig Crìosd mar ghaduiche. Is beannaichte iadsan a nì faire.*

**A**GUS chuala mi guth mòr as an teampull, ag ràdh ris na seachd aingil, Imichibh, agus taomaibh soithiche feirge Dhé air an talamh.

2 Agus dh'imich an ceud aingel, agus thaom e a shoitheach air an talamh; agus dh'éirich droch neasgaid nìmhneach air na daoineibh sin aig an robh comhara an fhiadh-bheathaich, agus orrasan, a rium aoradh d'a dhealbhadh.

3 Agus thaom an dara aingel a shoitheach san fhaerge; agus rinneadh i mar fhuil duine mhaibh: agus fhuair gach anam beo às anns an fhaerge.

4 Agus thaom an treas aingel a shoitheach anns na h-aimhnichibh agus anns na

tobraichibh uisge; agus rinneadh iad 'nam fuil.

5 Agus chuala mi aingel nan uisgeacha ag ràdh, *Is cothromach thu, O Thighearna, a ta, agus a bha, agus a bhitheas, do bhrìgh gu'n d'thug thu breith air an dòigh so*:

6 Oir dhòirt iadsan fuil naomh agus fhàidhean, agus thug thusa dhoibh fuil r'a h-òl; oir is toillteanach iad.

7 Agus chuala mi neach eile o'n altair ag ràdh, Seadh, a Thighearna Dhé uile-chumhachdaich, is fìor agus cothromach do bhrèitheanaidh.

8 Agus thaom an ceathramh aingel a shoitheach air a' ghrèin; agus thugadh cumhachd dha daoine a phianadh le h-aintean teine.

9 Agus bha daoine air an losgadh le teas mòr, agus thug iad toibheum do ainm Dhé, aig am bheil cumhachd air na plàighibh sin: agus cha d'inn iad aithreachas, chum glòir a thoirt dhasan.

10 Agus thaom an cùigeadh aingel a shoitheach air rìgh-chaitheir an fhiadh-bheathaich; agus rinneadh a rioghachd dorch, agus chagaim daoine an teanga tre phéin,

11 Agus thug iad toibheum<sup>4</sup> do Dhia nèimhe air son ain pianta agus an creuchda, agus cha do ghabh iad aithreachas d'an gnìomharaibh.

12 Agus thaom an seathadh aingel a shoitheach air an amhuinn mhòir Euphrates; agus thiomhaicheadh a h-uisge, chum gu'n ulluichteadh slighe rìghrean na h-àirde 'n ear.

13 Agus chunnaic mi teachd a mach a beul an dragoin, agus a beul an fhiadh-bheathaich, agus a beul an fhàidh-bhréige, trì spiorada neo-ghlana, cosmhuil ri losguinn.

14 Oir is iad sin spiorada dheamhan, a' deanamh chomhara, a tha dol a mach chum rìghre na talbhainn, agus an domhain uile, gu'n cruinneachadh chum catha là mhòir sin an Dé uile-chumhachdaich.

15 Feuch, ataim a' teachd mar ghaduiche. *Is beannaichte esan a nì faire, agus a ghleidheas eudach, chum nach imich e lomnochd, agus nach faic daoine a nàire.*

16 Agus chruinnich e iad r'a chéile chum ionaid d'an goirear san Eabhra, Armagedon.

17 Agus thaom an seachdamh aingel a shoitheach san athar<sup>5</sup>; agus thainig guth mòr a mach a teampull nèimhe, o'n rìgh-chaitheir, ag ràdh, Tha e deanta.

18 Agus bha guthanna, agus tairncan-aich, agus dealanaich ann; agus bha crith mhor thalmhainn ann, nach robh a leithid ann o bha daoine air an talamh, a samhuil do chrith-thalmhainn co mòr.

<sup>1</sup> chan iad luoidh Mhaois.

<sup>2</sup> geal.

<sup>3</sup> air an criosrachadh.

<sup>4</sup> mastadh.

<sup>5</sup> aidhear.

19 Agus bha a' chathair mhòr<sup>1</sup> air a roinn 'na trì earrannaibh, agus thuit cathraiche nan cinneach: agus thainig Babilon mhòr an cuimhne an làthair Dhé, a thoirt di copan sìona fraoich fheirge<sup>2</sup>.

20 Agus theich gach uile eilean as, agus cha d'fhuaradh na beannta.

21 Agus thainig clacha-meallain mòra<sup>3</sup> a nuas o nèamh air daoineibh, gach clach co throm ri talann: agus thug daoine tobheum do Dhia, air son plàigh nan clachameallain; oir bha am plàighsan ro mhòr.

## CAIB. XVII.

1 Tha bean, air a sgeadachadh le purpur agus scarlaid, agus copan òir 'na làimh, 'na suidh air an fhiadh-bheathach, 5 neach a's i Babilon mhòr, màthair nan gràineulachd. 9 Eadar-mhìneachadh nan seachd ceann, 12 agus nan deich adharc. 14 Buaidh an Uain; 16 agus peanas na strìopache.

**A**IGUS thainig aon do na seachd aingil aig an robh na seachd soithichean, agus labhair e rium, ag ràdh rium, Thig an so; nochdaidh mi dhuit breitheanas na strìopaiche mòire, a tha 'na suidhe air mòran uisgeacha:

2 Ris an d'rinn rìghre na talmhiann strìopachas, agus aig an do chuireadh luchd-àiteachaidh na talmhainn air mhìsg le fion a strìopachais.

3 Agus thug e leis mi anns an spiorad do'n fhàsach: agus chunnaic mi bean 'na suidhe air fiadh-bheathach air dhath scarlaid, làn do ainmibh toibheim<sup>4</sup>, air an robh seachd cinn agus deich adhaircean.

4 Agus bha bhean air a sgeadachadh ann am purpur, agus ann an scarlaid, agus air a deanamh breagha le h-òr agus clachaibh luachnibh agus neamhnuidibh, agus copan òir aice 'na làimh, làn do ghràineileachd agus do neo-ghloine a strìopachais.

5 Agus air clàr a h-eudain bha ainm scrìobhta, RUN-DIOMHAIR, BABILON MHOR, MATHAIR NAN STRIOPACH AGUS GHRINEILEACHDA NA TALMHAINN.

6 Agus chunnaic mi a' bhean air mhìsg e fuil nan naomh, agus le fuil fhianuisean<sup>5</sup> fosa: agus an uair a chunnaic mi i, ghabh mi iongantàs le h-iongantas mòr.

7 Agus thubhairt an t-aingeal rium, C'ar son a ghabh thu iongantas? Innsidh mise dhuit rùn-diomhair na mnà, agus an fiadh-bheathaich a tha 'ga giùlan, air amheil na seachd cinn agus na deich adhaircean.

8 Am fiadh-bheathach a chunnaic thu, tha e, agus cha n'èil e ann; agus èiridh e uas a slochd an dubh-aigein<sup>6</sup>, agus théid e m mugh<sup>7</sup>: agus gabhaibh luchd-àiteach-

aigh na talmhainn (aig nach 'èil an ainmeanna scrìobhta ann an leabhar na beatha o thoiseach an t-saoghail) iongantas, 'nuair a chi iad am fiadh-bheathach<sup>8</sup> a bha, agus nach 'eil, agus a bhitheas ann<sup>9</sup>.

9 An so ta an inntinn aig am bheil gliocas: Na seachd cinn is seachd sléibhteann iad, air am bheil a' bhean 'na suidhe.

10 Is seachd rìghrean iad mar an ceudna: tha cùig dhiubh air tuiteam, agus a ta h-aon ann: cha d'thainig am fear eile fathast, agus an uair a thig e, is éigin da fantuinn rè ùine bhig.

11 Agus am fiadh-bheathach a bha, agus nach 'èil ann, is esan an t-ochdamh, agus tha e' o'n t-scachdnar, agus théid e am mugh<sup>10</sup>.

12 Agus na deich adhaircean, a chunnaic thu, is deich rìghrean iad, nach d'fhuair rìoghachd fathast, ach a ta faotainn cumhachd mar rìghrean rè aon uaire maille ris<sup>11</sup> an fhiadh-bheathach.

13 Tha aca sin aon inntinn, agus bheir iad an neart agus an cumhachd do'n fhiadh-bheathach.

14 Nì iad sin cogadh an aghaidh an Uain, agus bheir an t-Uan buaidh orra: oir is esan Tighearna nan Tighearna, agus Rìgh nan Rìgh; agus tha an dream, a tha maille ris, air an gairm, agus air an taghadh, agus dileas.

15 Agus a deir e rium, Na h-uisgeachan a chunnaic thu, far am bheil an strìopach 'na suidhe, is slòigh, agus coimhthionail, agus cùimich, agus teanganna iad.

16 Agus na deich adhaircean a chunnaic thu air an fhiadh-bheathach, bheir iad sin fuath do'n strìopaich, agus nì iad fàs i, agus lomnochd, agus ithidh iad a fèil, agus loisgidh iad i le teine.

17 Oir chuir Dia 'nan cridhe a thoil a choimhlionadh, agus a bhi dh'aon chomhairle, agus an rìoghachd a thoirt do'n fhiadh-bheathach, agus an coimhlionar briathraan Dhé.

18 Agus is i a' bhean a chunnaic thusa, a' chathair mhòr<sup>12</sup> sin, a tha rìoghachadh<sup>13</sup> os cionn rìghre na talmhainn.

## CAIB. XVIII.

2 Tha Babilon air tuiteam: 4 tha àithne air a toirt do phobull Dé imeachd aise: 9 tha rìghre na talmhainn, 11 maille ris na ceannaichibh agus na maraichibh, a' deanamh bròin air a son: 20 tha na naomh a' deanamh gairdeachais air son breitheanas De òirre.

**A**GUS an dèigh nan nithe so chunnaic mi aingeal eile teachd a nuas o nèamh, aig an robh cumhachd mòr; agus dhealraich an talamh le ghloir.

2 Agus ghlaodh<sup>4</sup> e gu làidir le guth mòr,

<sup>1</sup> am baile mòr.

<sup>2</sup> fheirge ro gharg.

<sup>3</sup> cloich-sheachd mhòr.

<sup>4</sup> Dia-mhàstachaidh.

<sup>5</sup> mhairtiteach.

<sup>6</sup> as an t-slochd gun ghrund.

<sup>7</sup> sgriosar e.

<sup>8</sup> am béist.

<sup>9</sup> gidheadh a tu ann.

<sup>10</sup> san aon uair ris.

<sup>11</sup> am baile mòr.

<sup>12</sup> aig

am bheil uachdaranachd.

<sup>13</sup> dh'èigh.



ag ràdh, Thuit, thuit Babilon mhòr, agus rinneadh i 'na h-àite-còmhnuidh dheanhan, 'na prìosun<sup>1</sup> do gach spiorad neoghlan, na h-ionaid cumail do<sup>2</sup> gach eun neo-ghlan agus fuathmhor.

3 Oir dh'òl na h-uile chinnich do fhìon feirge a strìopachais, agus rinn rìghre na talmhainn strìopachas rithe, agus rinneadh saibhir ceannaichean na talmhainn le pailteas a sògha<sup>3</sup>.

4 Agus chuala mi guth cìle o nèamh, ag ràdh, Thigibh a mach aise, mo phìobull, chum nach bi sibh comh-pairteach d'a peacaibh, agus nach faigh sibh cuid d'a plàighibh;

5 Oir tha a peacanna air ruigheachd<sup>4</sup> suas gu nèamh, agus chuimhnich Dia a h-eucearta.

6 Thugaibh ath-dhiòl di mar a dhìol ise ribh, agus thugaibh dhi a dhà uiread, a rìib a h-oibre: anns a' chupan a lion i, lèonaibh a dhà uiread di.

7 A mheud as a ghlòraich si i fèin, agus a chaith i a beatha gu sòghail, co mòr as sin thugaibh dhi do pheanas agus do bhròn: oir a deir i 'ua cridhe fèin, Tha mi a'm' shuidhe a'm' bhan-rìghinn, agus cha bhantrach mi, agus cha'n fhaie mi bròn.

8 Uime sin, ann an aon là thig a plàighean, bàs, agus bròn, agus gorta; agus loisgear i gu tur le teine: oir is neartmhor an Tigh-earna Dia, a bheir breth oirre.

9 Agus ni rìghre na talmhainn, a rinn strìopachas, agus a chaith am beatha gu sòghail maille rithe, gul, agus caoidh air a son, 'nuair a chi iad deatach a losgaidh,

10 A' seasamh fad as, tre eagal a peanais, ag ràdh, Mo thruaighe, mo thruaighe, a' chathair mhòr<sup>5</sup> sin Babilon, a chathair threun sin! oir ann an aon uair thainig do bhreitheanas.

11 Agus ni ceannaichean na talmhainn gul agus caoidh air a son; oir cha cheannaich neach sam bith am bathar<sup>6</sup> ni's mò.

12 Bathar òir, agus airgid, agus chlach luachmhor, agus neamhnuidean, agus lìon eudaich ghrinn, agus phurpuir, agus shìde, agus scarlaid, agus gach uile ghnè fhiodha thiine, agus gach uile ghnè shoithiche do fhiacraibh elephant, agus gach uile ghnè shoithiche do fhiodh rò luach-mhor, agus do umha, agus do iarunn, agus do mharmor.

13 Agus canal, agus nithe deadh-bholaidh, agus ol-ungaidh, agus tùis, agus fìon, agus ola, agus min mhin<sup>7</sup>, agus cruineachd, agus ainmhidhean, agus caoraich, agus eieh, agus carbada, agus tràillea, agus anama dhaoine.

14 Agus dh'imich na toraidh, air an robh mòr dhéidh t'anama, uait, agus dh'im-

ich na h-uile nithe annasach agus mais-each uait, agus cha'n fhaigh thu iad ni's mò.

15 Seasaidh ceannaichean nan nithe so a rinneadh saibhir leatha, am fad, air eagal a peanais, a' gul agus a caoidh,

16 Agus ag ràdh, Is truagh, is truagh, a' clathair mhòr sin, a bha air a sgeadachadh le lion-eudach grinn, agus purpur, agus scarlaid, agus a bha air a deanamh breagha<sup>8</sup> le h-òr, agus le clachaibh luach-mhor, agus le neamhnuidibh?

17 Oir ann an aon uair thugadh saibhbreas cò mor gu neo-ni. Agus sheas gach uile long-mhaighstir<sup>9</sup>, agus gach uile chuid-eachd a théid air longaibh, agus na seòl-adaircan, agus a' mheud 's a ni gnothuichean air fairge, am fad,

18 Agus ghlaodh iad, an uair a chunnaic iad deatach a losgaidh, ag ràdh, C'ì a' chathair a's cosmhuil ris a' chathair mhòir so?

19 Agus thilg iad duslach air an cinn, agus ghlaodh iad, a' gul agus a' caoidh, ag ràdh, Is truagh, is truagh, a' chathair mhòr sin, auns an d'rinneadh saibhir iadsan uile aig an robh longa air an fhairge, trid a greadhnachais-san! oir ann an aon uair dh'fhàsaicheadh i.

20 Dean gairdeachas os a eionn, o a nèamh, agus sibhse abstola naomha agus fhàidhean; oir dhìol Dia sibhse oirre.

21 Agus thog aingeal treun clach mar chloich-mhuillinn mhòir, agus thilg e san fhairge i, ag ràdh, Is aùn mar so le neart a thilgear sìos a' chathair mhòr sin Babilon, agus cha'n fhaighear i ni's mò.

22 Agus cha chluinnear annad ni's mò fuaim chlàrsairean, agus luchd-ciuil, agus phìobairean, agus thrompadairean; agus cha'n fhaighear annad ni's mò fear-ceird, do ghnè ceirde sam bith; agus cha chluinnear fuaim cloiche-muillinn annad ni's mò;

23 Agus cha soillsich solus coinnle<sup>10</sup> annad ni's mò; agus cha chluinnear annad ni's mò guth fir-bainnse no mnà-bainnse: oir b'iad do cheannaichean daoine mòra na talmhainn; agus le d' dhruidheachd bha na h-uile chinnich air am mealladh:

24 Agus fhuaradh innte fuil fhàidhean, agus naomh, agus nan uile dhaoine, a mharbhadh air an talamh.

# CAIB. XIX.

1 Tha Dia air-a chliùthachadh, air son gu're d'fhug e breith air an strìopach mhòir, agus gu'n do dhìole fuil a naomh. 7 Banais an Uain, &c.

**A**GUS an déigh nan nithe so, chuala mi guth àrd mhòir shluaigh air nèamh, ag ràdh, Aleluia; slàinte, agus glòir, agus onoir, agus cumhachd do'n Tighearn ar Dia-ne:

<sup>1</sup> gnintir. <sup>2</sup> na h-eunadan. <sup>3</sup> a sàimhe. <sup>4</sup> air leantuinne. <sup>5</sup> am baile mòr. <sup>6</sup> am

marsandachd, an earrach. <sup>7</sup> plur min. <sup>8</sup> air a h-òradh. <sup>9</sup> fhear-stiùraidh. <sup>10</sup> òchraim.

2 Oir is fìor agus is cothromach a bhreitheanais; oir thug e breth air an strìopaich mhòir, a thruaill an talamh le a strìopachas, agus dhòil e fuil a sheirbhisich fèin air a làimh.

3 Agus a ris thubhairt iad, Aleluia. Agus chaidh a deatach suas gu saoghal nan saoghal.

4 Agus thuit na ceithir seanaire fichead, agus na ceithir bheathaiche sìos, agus rinn iad aoradh do Dhia, a bha 'na shuidhe air an rìgh-chaitheir, ag ràdh, Amen; Aleluia.

5 Agus thainig guth a mach o'n rìgh-chaitheir, ag ràdh, Molaibh ar Dia-ne, sibhse uile a's seirbhisich dha, agus air am bheil eagal-san, cadar bheag agus mhòr.

6 Agus chuala mi mar ghuth mòr shluaigh, agus mar fhuaim mhòrain uisgeacha, agus mar thoirm tairnanaich chumhachdaich, ag ràdh, Aleluia: oir a ta an Tighearna Dia uile-chumhachdach a' riogbhadh.

7 Bitheamaid aoibhiun agus deanamaid gairdeachas, agus thugamaid glòir dhasan: oir thainig pòsadh an Uain, agus dh'ulluich a bhean i fèin.

8 Agus thugadh dhi gu'm biodh i air a sgeadachadh le lìon-eudach grinn, glan agus dealrach: oir is e an lìon-eudach grinn fireantachd nan naomh.

9 Agus a deir e rium, Sgrìobh, Is beannuichte iadsan a tha air an cuireadh gu suipeir-bhainnse an Uain. Agus a deir e rium, Is iad so briathra fìrinneach Dhé.

10 Agus thuit mi sìos aig a chosaibh chum aoradh dheanamh dha: agus thubhairt e rium, Feuch nach dean thu e: is comh-sheirbhisich dhuit fèin mise, agus do d' bhràithribh, aig am bheil fianuis Iosa: dean aoradh do Dhia; oir is i fianuis Iosa spiorad na fuidheadaireachd.

11 Agus chunnaic mi nèamh air fhosgladh, agus feuch, each geal; agus ghoireadh do'n ti, a shuidh air, Dileas agus Fìor; agus ann am fireantachd tha e deanamh breitheanais agus cogaidh.

12 Agus bha a shùilean mar lasair theine, agus air a cheann bha mòran chrùn; agus bha ainm aige sgrìobhta, nach b'aithne do neach sam bith ach e fèin;

13 Agus bha e air a sgeadachadh le truscan<sup>1</sup> tumta am fuil: agus is e'n t-ainm a ghoirear dheth, FOCAL DE,

14 Agus lean na h-armailtean, a bha air nèamh, e air eachaibh geala, air an sgeadachadh le lìon-eudach grinn, geal agus glan.

15 Agus as a bheul tha claidheamh geur a' dol a mach, chum gu'm buaileadh e na cinnich leis: agus riaghlaidh se iad le slait iarinn: agus tha e a' saltradh fion-amair fraoich feirge<sup>2</sup> an Dé uile-chumhachdaich.

16 Agus tha aige air a thruscan agus air

a leis ainm sgrìobhta, RIGH NAN RIGH, AGUS TIGHEARNA NAN TIGH-EARNA.

17 Agus chunnaic mi aingeal àraidh 'na sheasamh sa' ghrèin; agus ghlaodh e le guth àrd, ag ràdh ris an eunlaith uile, a bha 'g itealaich ann am meadhon nèimhe, Thigibh, agus cruinnichibh sibh fèin chum suipeir an Dé mhòir;

18 Chum gu'n ìth sibh feòil rìghre, agus feòil àrd-cheannard, agus feòil dhaoine cumhachdach, agus feòil each agus na muintir, a shuidheas orra, agus feòil nan uile dhaoine, araon shaor agus dhaor, araon bheag agus mhòr.

19 Agus chunnaic mi am fiadh-bheathach, agus rìghrean na talmhainn, agus an armailtean air an cruinneachadh, a dheanamh cogaidh an aghaidh an ti, a bha 'na shuidhe air an each, agus an aghaidh armaites an.

20 Agus ghlacadh am fiadh-bheathach, agus maille ris-san am faidh-bréige, a rinn mìorbhuilean 'na làthair, leis an do mheall e an droing, a ghabh orra comhara an fhiadh-bheathaich, agus iadsan a rinn aoradh d'a dhealbh. Thilgeadh iad sin 'nan dithis beo ann an loch teine a' dcarg-lasadh le pronnusc.

21 Agus mharbhadh a' chuid eile le claidheamh an ti, a bha 'na shuidhe air an each, a thainig a mach as a bheul: agus bha an eunlaith uile air an lìonadh le'm feòil.

## CAIB. XX.

2 Satan ceangailte rè mhìle bliadhna, 5 A' cheud aiseirigh: 6 Tha iad beannuichte<sup>1</sup> aig am bheil cuid dhìth. 7 Satan a ris air fhuasgladh. 8 Gog agus Magog. 10 Tha'n Diabhol air a thilgeadh san loch theine agus phronnaisc. 12 An aiseirigh dheireannach agus choitchionn.

**A**GUS chunnaic mi aingeal a' teachd a' nuas o nèamh, agus uchair sluicid an dubh-aigein<sup>3</sup> aige; agus slabhraidh mhòr 'na làimh.

2 Agus rug e air an dragon, an t-seann nathair nìimhe sin, a's e an diabhol agus Sàtan, agus cheangail se e rè mhìle bliadhna.

3 Agus thilg se e do shlochd an dubh-aigein, agus dhuin e stigh c, agus chuir e seula air, chum nach mealladh e na cinnich tuilleadh, gus an crìochnaicheadh<sup>4</sup> an mìle bliadhna: agus an dèigh sin, 's éigin gu fuasgailear e rè ùine bhig.

4 Agus chunnaic mi rìgh-chaitheirichean, agus shuidh iad orra, agus thugadh breitheanas doibh: agus chunnaic mi anamanna na muintir, d'an do chuireadh an cinn air son fianuis Iosa, agus focail Dé, agus nach d'rinn aoradh do'n fhiadh-bheathach, no d'a dhealbh, agus nach do

<sup>1</sup> calluing, eudach-uachdair. <sup>2</sup> feirge ro gharg.

<sup>3</sup> an t-sluicid gun aigeal. <sup>4</sup> an coimhlionadh.



ghabh a chomhara air clàr an eudam, no air an làmhaidh; agus bha iad beo, agus rioghaich iad maille ri Crìosd rè mhìle bliadhna.

5 Ach cha d'ath-bheothaicheadh a' chuid eile do na mairbh gus an robh am mìle bliadhna air an crìochnachadh. Is i so a' cheud aiseirigh.

6 Is beannuidh agus is naomha an ti aig am bheil cuid anns a' cheud aiseirigh: orra so cha 'n' eil cumhachd aig an dara bàs; ach bithidh iad 'nan sagartaibh do Dhia, agus do Chrìosd, agus rioghaichidh iad maille ris mìle bliadhna.

7 Agus an uair a chrìochnaichear am mìle bliadhna, fuasgailear Satan as a phriosun.

8 Agus theid e mach a mhealladh nan cinneach, a tha ann an ceithir chearnaibh na talmhainn, Gog agus Magog, chum an cruinnachadh gu cath; muinntir a tha ann an àireamh mar ghaineamh na fairge.

9 Agus chaidh iad suas air leud na talmhainn, agus chuairtich iad camp nan naomh, agus a' chathair ionmluinn: agus thainig teine suas o Dhia a nèamh, agus chuir e as doibh.

10 Agus thilgeadh an diabol, a mheall iad, san loch theine agus phionnuisc, far am bheil am fiadh-bheathach, agus am fàidh-bréige, agus bithidh iad air am pianadh a là agus a dh'oidheche, gu saoghal nan saoghal.

11 Agus chunnaic mi rìgh-chaithir mhòr gheal, agus an ti a shuidh oirre, neach a theich nèamh agus talamh o a ghnùis, agus cha d'fhuaradh àite dhoibh.

12 Agus chunnaic mi na mairbh, beag agus mòr, 'nan seasamh am fianuis De; agus dh'fhosgladh na leabhraichean: agus dh'fhosgladh leabhar eile, eadhon leabhar na beatha: agus thugadh breth air na mairbh as na nitibh sin, a bha sgrìobhta sna leabhraicheibh, a réir an gnìomhara.

13 Agus thug an fhaire uaip<sup>1</sup> na mairbh a tha innte; agus thug am bàs agus an uaigh<sup>2</sup> uatha na mairbh a bha anna; agus thugadh breth orra gach aon a réir an gnìomhara,

14 Agus thilgeadh am bàs agus ifrinn do'n loch theine; Is e so an dara bàs.

15 Agus ge b'e air bith nach d'fhuaradh sgrìobhta ann an leabhar na beatha, thilgeadh e san loch theine.

CAIB. XXI.

1 Nèamh nuadh agus talamh nuadh. 10 An Ierusalem nèamhaidh, maille ri lán-mhìneachadh oirre: 23 cha 'n' eil feum aice air grèin; is i glòir Dhé a solus. 24 Tha rìghrean na talmhainn a' toirt an saibhris d'a h-ionnsuidh.

**A** GUS chunnaic mi nèamh nuadh, agus talamh nuadh: oir chaidh an ceud

nèamh agus an ceud talamh thairis: agus cha robh fairge ann ni's mò.

2 Agus chunnaic mise Eoin a' chaithir naomha, Ierusalem nuadh, a' teachd a nuas o' Dhia a nèamh, air a h-ullachadh mar bhean-bainnse air a sgeadachadh fa chomhair a fir.

3 Agus chuala mi guth mòr a nèamh, ag ràdh, Feuch, tha pailiun Dhé maille ri daoineibh, agus ni esan còmhnuidh maille riu, agus bithidh iadsan, 'nan sluagh aige, agus bithidh Dia féin maille riu, agus 'na Dhia dhoibh.

4 Agus tiormaichidh Dia gach deur o'n sùilbh: agus cha bhi bàs ann ni's mò, no bròn, no éighich<sup>3</sup>, agus cha bhi pian ann ni's mò; oir chaidh na ceud nithe thairis.

5 Agus thubhairt an ti, a bha 'na shuidhe air an rìgh-chaithir, Feuch, deanam na h-uile nithe nuadh. Agus thubhairt e rium, Scriobh, oir tha na briathra so-firinnach agus dileas.

6 Agus thubhairt e rium, Tha e deanta. Is mise Alpha agus Omega, an toiseach agus an deireadh: bheir mi dhasan, air am bheil tart, do thobar uisge na beatha gu saor.

7 Sealbhaichidh an ti, a bheir buaidh, na h-uile nithe mar oighre, agus bithidh mise a' m' Dhia dhasan agus bithidh esan 'na mhac dhomhsa.

8 Ach aig an dream sin a ta gèaltach, agus mi-chreidmheach, agus gràin-eil, agus aig luchd-mòrtaidh, agus strìpachais, agus druidheachd, agus iodhol-aoraidh, agus aig na h-uile bhrengairibh, bithidh an cuibh-rionn anns an loch a ta dearg-lasadh le teine agus pronnusc: ni a's c'n dara bàs.

9 Agus thainig a'm ionnsuidh aon do na seachd aingil, aig an robh na seachd soithichean làn do na seachd plaighibh deircannach, agus labhair e rium, ag ràdh, Thig an so, nochdaidh mise dhuit a' bhean-nuadh-hosda, bean an Uain.

10 Agus thug e leis mi anns an spiorad gu beinn mhòir agus àrd, agus dh'fheuch e dhomh a' chathair mhòr<sup>4</sup> sin, Ierusalem naomha, a' teachd a nuas a nèamh o Dhia.

11 Aig an robh glòir Dhé; agus bha a solaise<sup>5</sup> còmhail ri cloich ro luachmhoir, mar chloich Iaspis, soilleir mar chrìostal;

12 Agus bha balla mòr agus àrd aice, air an robh dà gheata dheug, agus aig na geataibh da aingal dheug, agus ainmeanna sgrìobhta orra, eadhon ainmeanna dà thrèibh dheug chloinn Israeil.

13 Air an taobh an ear, tri gheatacha; air an taobh thuath, tri gheatacha; air an taobh deas, tri gheatacha; agus air an taobh an iar, tri gheatacha.

14 Agus bha aig balla na cathrach dà

<sup>1</sup> uaithe.

<sup>2</sup> ifrinn.

<sup>3</sup> glaothaich.

<sup>4</sup> am baile mòr.

<sup>5</sup> solus, deulradh.

bhunaìt dheug, agus anntasan ainmeanna dà abstol deug an Uain.

15 Agus bha aig an ti a labhair rium, cuile-shlat òir, chum gu'n tomhaiseadh e a' chathair, agus a geatacha, agus a balla.

16 Agus tha a' chathair na luidheccithir-chearnach, agus tha a fad co mòr r'a leud: agus thomhais e a' chathair leis a' chaille-shlat dà mhìle dheug stàide: is ionunn fad, agus leud, agus àirde dhi.

17 Agus thomhais e a balla, ceud agus dà fhichead agus ceithir làmbha-coille<sup>1</sup>, a' reir thomhais duine, eadhon, an aingil.

18 Agus bha a balla air a thogail do chloich iaspis; agus b'or fìor-ghlan a' chathair<sup>2</sup>, cosmhuil ri gloin shoilleir<sup>3</sup>.

19 Agus bha bunaitcan<sup>4</sup> balla na cathrach air an dèanamh sgìamhach leis gach uile ghnè chlocha luachmhor. Bu iaspis an ceud bhunait; bu shaphir, an dara; bu chalcodon, an treas; b'emerald, an ceathramh bunait;

20 Bu shardonics, an cùigeadh; bu shardius, an seathadh; bu chrisolit, an scachdamh; bu bheril, an t-ochdamh; bu topas, an naothadh; bu chrìsoprasmus, an deicheamh; bu hiacint an t-aon deug; b'àmèstist, an dara bunait deug.

21 Agus bu dà neamhruid deug an dà gheata-dheug; bha gach aon fa leth do na geataibh air a dheanamh do aon neamhruid: agus b'or fìor-ghlan sràid na cathrach, mar ghloin shoilleir.

22 Agus cha'n fhaca mi teampull innte: oir is e'n Tighearna Dia uile-chumhachdach, agus an t-Uan a's teampull di.

23 Agus cha 'n'eil feum aig a' chathair air a' ghrèin, no air a' ghealaich a dhealachadh innte: oir shoillsich glòir Dhé i, agus is e an t-Uan a's solus di.

24 Agus ghuaisidh cinnich na muinntir sin a shaorair 'na solus: agus bheir rìghre na talmhain an glòir agus an urram d'a h-ionnsuidh.

25 Agus cha dùinear a geatacha san là: oir cha bhi oidhche an sin.

26 Agus bhicirear glòir agus urram nan cinnich d'a h-ionnsuidh.

27 Agus cha d'fhéid air chor sam bith a steach innte ni air bith a sha'laicheas, no a dh'oibricheas gràineilachd, no a ni breug: ach iadsan a mhaìn, a tha scrìobhta ann an leabhar beatha an Uain.

## CAIB. XXII.

1 Amhuinn uisge na beatha, 2 craobh na beatha.

5 'Se Dia fèin solus na cathrach. 9 Cha'n fhuilg an t-aingeal aoradh a dheanamh dha. 18 Cha'n fheudar ni sam bith chur ri focal Dé, no thoirt uath.

A GUS dh'fheuch e dhomh amhuinn fìor-ghlan do uisge na beatha, soilleir

mar chriostal, a' teachd a mach a rìgh-chathair Dhé, agus an Uain.

2 Ann an meadhan sràide na cathrach, agus air gach taobh do'n amhuinn bha craobh na beatha, a' giùlan dà ghnè dheug thoraidh, agus a toirt a toraidh uaipe gach uile mhìos; agus bha duilleadh na craoibhe chum leighis nan cinnich.

3 Agus cha bhi mallachd air bith ann ni's mò: ach bithidh rìgh-chathair Dhé agus an Uain innte: agus ni a sheirbhisich seirbhis da.

4 Agus chi iad aghaidh; agus bithidh ainmsan air clàran eudain.

5 Agus cha bhi oidhche an sin, agus cha 'n'eil feum aca air coinnill, no air solus na grèine; oir bheir an Tighearna Dia solus doibh: agus rioghaichidh iad gu saoghal nan saoghal.

6 Agus thubhairt e rium, Tha na briathra so dileas agus fìrinneach. Agus chuir an Tighearna, Dia nam fàidh naomha, aingeal fèin a nochdadh d'a sheirbhisich na nithe sin a's éigin tachairt gu h-aithghearr.

7 Feuch, thigean gu luth: is beannuicht' an ti a choinhideas briathra fàidheadaireachd an leabhair so.

8 Agus chunnaic mise Eoin na nithe so, agus chuala mi iad: agus an uair a chuala agus a chunnaic mi iad, thuit mi sìos a' dèanamh aoraidh roimh chosaibh an aingil, a nochd na nithe so dhomh.

9 An sin a deir e rium, Feuch, nach dean thu e: oir is comh-sheirbhiseach dhuit mise, agus do d' bhràithribh na fàidhean, agus dhoibhsan, a choinhideas briathran an leabhair so: dean aoradh do Dhia.

10 Agus a deir e rium, Na seulaich focail fàidheadaireachd an leabhair so: oir tha an t-am an fagus.

11 An ti a ni eucoir, deanadh e eucoir a ghnàth: agus an ti a tha salach, biodh e salach a ghnàth: agus an ti a tha 'na fhìrean, biodh e 'na fhìrean a ghnàth: agus an ti a tha naomha, biodh e naomha a ghnàth.

12 Agus feuch, thigean gu h-aithghearr: agus a ta mo luach saothreach maille rium, a thabhairt do gach aon fa leth, a réir mar a bhitheas a ghnòmhara.

13 Is misc Alpha agus Omega, an toiseach agus a' chrìoch, an ceud neach agus an neach deireannach.

14 Is beannuichte iadsan a ni àitheantas, chum gu'm bi còir aca air craoibh na beatha, agus gu'n d'fhéid iad a stigh tre na geataibh do'n chathair.

15 Oir an taobh a muigh tha madraidh, agus luchd-druidheachd, agus luchd-striopachais, agus luchd-mortaigh, agus luchd-iodhol aoraidh, agus gach neach a ghràdhaicheas agus a ni breug.

<sup>1</sup> bann-lamha.

<sup>2</sup> am baile.

<sup>3</sup> trid-shoillseach, tre'n dealraich an solus, a' buinn, bunachuir.



16 Chuir mise Iosa m'aingeal a dheanamh fianuis duibhse air na nithibh so anns na h-eaglaisibh. Is mise freumh agus gineal Dhaibhidh, an reult dhealrach agus mhaidne.

17 Agus a deir an Spiorad agus a bhean nuadh-phòsda, Thig. Agus abradh an ti a chluinneas, Thig. Agus thigeadh an neach air am bheil tart. Agus ge b'e neach leis an àill, gabhadh e uisge na beatha gu saor.

18 Oir tha mi deanamh fianuis do gach uile neach a chluinneas briathra fàidheadaireachd an leabhair so, Ma chuireas neach air bith ris na nithibh so, cuiridh Dia

airsan na plàighean, a tha scrìobhta anns an leabhar so:

19 Agus ma bheir neach air bith o bhriathraibh leabhair na fàidheadaireachd so, bheir Dia a chuibhrionn-san a leabhar na beatha, agus às a' chathair naomha, agus as na nithibh, a tha scrìobhta anns an leabhar so.

20 A deir an ti a tha toirt fianuis air na nithibh so, Gu deimhin ataim a' teachd an aithghearr. Amen. Seadh, thig, a Thighearna Iosa.

21 Gràs ar Tighearna Iosa Criosd gu robh maille ribh uile. Amen.

CRIOCH.





Alexander Goss.

No 2 St Vincent Street

May 17<sup>th</sup> - 1836





Alexander Gower

No 2 St Vincent St

Edinburgh

Alex Gower

No 2 St Vincent St

Edinburgh

January 18<sup>th</sup> 1840

Alexander Gower

Alexander Gow



